



# परमप्रभु यावे आ लोव

Sunwar Bible

## Contents

उत्पत्ती	1
पुरस्थान	58
लेवी	110
गन्ती	146
ब्यवस्था	195
यहोसु	238
न्यायाधीस	267
रूथ	297
१ सामुएल	301
२ सामुएल	340
१ राजा	372
२ राजा	410
१ इतिहास	448
२ इतिहास	485
एज़रा	528
नेहम्याह	540
एस्तर	558
अय्युब	567
भजन संग्रह	598
हितोपदेश	680
उपदेशक	706
ठयब कुम्सो	715
यसैया	720
येरमीया	779
बिलाप	846
इज़ीकीएल	852
दानीएल	911
होस	930
योएल	940
आमास	944
ओबदिया	952
योना	954
मीका	957
नहुम	963
हबकुक	966
सफन्याह	969
हागगे	973
जकरिया	975
मलाकी	986
मत्ती	990
मर्कूस	1032
लूका	1058
यूहन्ना	1104

पररित	1137
रोमी	1184
१ कोरिन्थी	1203
२ कोरिन्थी	1222
गलाती	1234
एफिर्सी	1241
फिलिर्पी	1248
कलस्सी	1253
१ थिस्सलोनिकी	1258
२ थिस्सलोनिकी	1262
१ तिमोथी	1265
२ तिमोथी	1271
तीतस	1275
फिलेमोन	1278
हिब्रू	1280
याकूब	1294
१ पत्रुस	1300
२ पत्रुस	1306
१ यूहन्ना	1310
२ यूहन्ना	1316
३ यूहन्ना	1317
यहूदा	1318
परकाश	1320



परमपूरभु यावे आ लोत्र

Bible in Sunwar (NP:suz:Sunwar)

Language: Sunwar

Provided by: Wycliffe Bible Translators, Inc.

This print-on-demand edition of Scripture is produced and provided at cost by the Digital Bible Society in partnership with the Bible League of Canada, Open Doors International, and other missions and translation agencies. To order additional copies of this or other Bibles, please visit [www.dbs.org](http://www.dbs.org) (USA), [www.bibleleague.ca](http://www.bibleleague.ca) (Canada), and [www.opendoors.org](http://www.opendoors.org) (Europe).

Copyright and Permission to Copy

Copyright © 2011 Wycliffe Bible Translators, Inc.

Copyright © 2011 Wycliffe Bible Translators, Inc. Scripture text used by permission.

PDF, ePub, and MOBI Bible covers and design are copyrighted 2017 by the Digital Bible Society ([www.dbs.org](http://www.dbs.org)).

---

PDF generated on 2017-08-24 from source files dated 2017-08-24.

2d4d0c1f-1ae1-5147-b282-eea7d7311123

ISBN: 978-1-5313-0611-3

## उत्पत्ती

बरेकब मुर: यहूदी आन बरेकब मुर नु थमा सुइकब आन गरुम्तीकमी मेको किताब बरेकब मासा बाकब, दंनीम। यसु खरीस्तमी या मासा आ बरेकशो आ पर्वम लोत्र पशो बाकत। यूहन्ना ५ : ४६ ; लूका २४ : २७

गेना दुम्शो : एको किताब परमपरभु यावेम नेल्ल सेला रे योसफ आ बेकची ना सम्म डा लोत्र बाकब।

मार बरेकशो : उत्पत्ती किताब आ शंशो

१. परमपरभु यावे रागी सेल्व बाकब उत्पत्ती १:१-२:३

परमपरभु यावे मुर कली सेल्व बाकब उत्पत्ती २:४-१५

२. डांडती सेल्लशो मुर आस पशो बरेकशो बाकब उत्पत्ती ३ : ११ :-

मुसम परमपरभु यावे आ देशो मटितीके उत्पत्ती ३ :-

काइन नु हाबील उत्पत्ती ४ : १-२४

हाबील र नोआह सम्म उत्पत्ती ४ : २५-५ : ३२

रागी नेल्ल कली ब्याककुम सुम्शो उत्पत्ती १० :-

बेबीलोन सहरम लाइशो खिं सेल्लशो उत्पत्ती ११ : १-९

किकी पिपी आन नं उत्पत्ती ११ : १०-३२

३. यहूदा आ किकी पिपी उत्पत्ती १२ : ५० :-

अब्राहाम उत्पत्ती १२ : २३ :-

इसहाक उत्पत्ती २४ : २६ :-

याकूब उत्पत्ती २७ : ३६ :-

योसफ उत्पत्ती ३७ : ५० :-

डांडती डा लोत्र

उत्पत्ती २ : ४-२५ ; भजन संग्रह १०४

१ नेल्ल वयेडा डांडती परमपरभुमी सरीड नु रागी दुम्पदा बाकत। २मिनु खप, फश, ब्याककु नेल्ल खाल्सीशा, मारइ मवाशो बाकमाकत। मिनु मेको तारी छिडछिड बाकमाकत। परमपरभु आ सोक्त ब्याककु तारी फिल फिल पा हिम्सीशा बाकबाकमाकत।

परमपरभुमी मारइ मारइ सेल्लशो

उत्पत्ती ४-२५ ; भजन संग्रह १०४

३मिनु परमपरभुमी “छिडछिड दुमो” दंमेनु, छिडछिड दुम्माकत। भजन संग्रह ३३ : ९ ; हिबरू

११ : ३ ; यसैया ४५ : ७ ४मेको तशा “रिम्शो दुम्त” दंमाकत। मिनु छिडछिड नु छिडछिड फरादीम्मी बाकत। ५मिनु परमपरभुमी छिडछिड कली नाकती नु छिडछिड कली नाकतो, द नं वोदा बाकत। मिनु नां रिक्शा, नां सोत्रशा, मेको डांडती डा नाकती दुम्माकत।

६मिनु परमपरभुमी “ब्याककु आ दातेमी फरातीक दुमो। ब्याककु ब्राशा बाकमल” दंमाकत। ७मोपा परमपरभुमी सरीड आगा डा ब्याककु नु सरीड तारी डा ब्याककु फरादीम्मी बाकत। मिनु ब्याककु बुकशा बाकमा बाकत। भजन संग्रह १९ : २ ; भजन संग्रह १३६ : ६ ; भजन संग्रह १४८ : ४ ८परमपरभुमी मेको फरातीके कली सरीड, द नं वोदा बाकत। मिनु नां रिक्शा, नां सोत्रशा, मेको निक्शी नाकत दुम्माकत।

९मिनु परमपरभुमी “सरीड आगा डा ब्याककु काथा दुमीन। सोत्रशो रू गुरूडा” दंमाकत। मेको यो दुम्माकत। अग्युब ३८ : ८-११ ; भजन संग्रह २४ : २ ; २पतरुस ३ : ५ १०मिनु परमपरभुमी सोत्रशा रू कली रागी नु ब्याककु देम्शा तीशो कली समुन्दर, द नं वोदा बाकत। मिनु मेको आ सेल्लशो तशा “रिम्शो दुम्त” दंमाकत।

११मिनु परमपरभुमी रागी डा खप कली “घांस, फू नु र्वापुकी दुम्मल। घांस नु फूपुकीम वांचेर बाकमल। फल फुल सिख र्वापुकी वाशा, आंम आंम फल सिम्मल। मेको आन वांचेर चहिं आन फलपुकीम बाकमल” दंमाकत। मिनु मोदंशो दुम्माकत। १२ रागीम घांस नु फूपुकी वाशा, आन वांचेर यो वामा बाकत। फल फुल र्वापुकी वाशा, आन वांचेर यो वामा बाकत। मिनु परमपरभुमी आ सेल्लशो तशा “रिम्शो दुम्त” दंमाकत। १३मिनु नां रिक्शा, नां सोत्रशा, मेको सां नाकती दुम्माकत।

१४मिनु परमपरभुमी “नाकती नु नाकतो फराचा कली सरीडमी छिडछिड पा ब्राइबपुकी दुमीन। मेको ब्राइबपुकीम हिउद नु बर्सा, नाकती नु बर्सा कली फरातीक गय पामेकल। व्यवस्था ४ : १९ ; भजन संग्रह ७४ : १६ ; यसैया ४७ : १३ १५मिनु मेको सरीड डा ब्राइबपुकीम रागी कली छिडछिड गेचा माल्नीम” दंमाकत। मिनु मेको दुम्माकत। १६मोपा परमपरभुमी ठयब बती निक्शी सेला बाकत। शुश छिडछिड पा ब्राइब नाकत कली नु इक्का छिडछिड पा ब्राइब बती नाकतो कली वोदा बाकत। सोरुल यो सेल्लमी बाकत। भजन संग्रह १३६ : ७-९ १७परमपरभुमी रागी छिडछिड बाकत, द मेको नेल्ल आन कली

सरीङ्गमी वोङ्गमी बाक्त। १८ नाक्त नु नाक्दो कली फराचा नु छेङ्गछेङ्ग छिङ्गछिङ्ग र फराचा कली सरीङ्गमी वोदा बाक्त। परमपरभुमी मेको तशा “रिम्शो दुम्त” दैमाक्त। १९ मिनु नां रिक्शा, नां सोत्रशा, मेको ४ नाक्ती दुम्माक्त।

२० मिनु परमपरभुमी “व्वाक्कुमी मारै मारै ब्रांइशा बाक्वपुकीम ब्रीमल। रागी तारी मारै मारै चिक्व सरीङ्गमी बरमल” दैमाक्त। २१ मोपा परमपरभुमी व्वाक्कुम बाक्व ठेयब हिंचा डा जन्तु नु मारै मारै ब्रांइशा बाक्व सल्मी बाक्त। मेको शुश दुम्शा, समुन्दर ब्रीशा बाक्मा बाक्त। चिक्व यो शुश दुम्मा बाक्त। मिनु परमपरभुमी मेको तशा “रिम्शो दुम्त” दैमाक्त। भजन संगरह ७४ : ३३-३४ ; १४८ : ७ २२ परमपरभुमी मेको नेल्ल आन कली आसीक गेशा “सोशा बोशा, शुश दुमीन, समुन्दर डा व्वाक्कु ब्रीडीने” दैमाक्त। चिक्व आन कली यो “साशा बोशा, रागीमी शुश दुमीन” दैमाक्त। २३ मिनु नां रिक्शा, नां सोत्रशा, मेको ५ नाक्ती दुम्माक्त।

२४ मिनु परमपरभुमी “रागीम मारै मारै ब्रांइशा बाक्व गरूचा माल्लीम। मार गरूचा माल्लीम देशा हना बी व्यफ, खपीम गरेशा गाक्व आइक्च जन्तु नु मार मार व्वाकी डा जन्तु दुमीन” दैमाक्त। मिनु मेको दुम्माक्त। २५ मोपा परमपरभुमी मारै मारै व्वाकी डा जन्तु, मारै मारै बी व्यफ, खपीम गरेशा गाक्व नु मारै मारै आइक्च जन्तु सल्मी बाक्त। मिनु परमपरभुमी आ सल्शो तशा “रिम्शो दुम्त” दैमाक्त।

२६ मिनु नोले परमपरभुमी “इं खोदंशो पा मुर का सल्य। मिनु समुन्दर डा डांइ, सरीङ्गमी बरब चिक्व, बी व्यफ, व्वाकी डा जन्तु नु खपीम गरेशा गाक्व आइक्च जन्तु नेल्ल आन कली हुकुम पाइब दुम्त” दैमाक्त। भजन संगरह ८ : ६-९ ; एफिसी ४ : २४ ; कलस्सी १ : १५ ; याकूब ३ : ९ २७ मिनु परमपरभुमी आ खोदंशो तांइसीशो का सेला बाक्त। मेकोमी वोङ्गमी मुर का नु मीश मुर का सेला बाक्त। उत्पत्ती १ : ६ ; मत्ती १९ : ४ २८ मिनु परमपरभुमी मुर आस कली आसीक गेशा “सोशा बोशा, तमी तौ थिशा, रागी पिरंशा, रिम्शो पा हुकुम पस। समुन्दर डा डांइ, सरीङ्गमी बरब चिक्व, रागीम बाक्व जन्तु नेल्ल नु खपीम गरेशा गाक्व आइक्च जन्तु नेल्ल आन कली रिम्शो पा हुकुम पस” दैमाक्त।

२९ मिनु परमपरभुमी “नेनीस, गो इस कली वांचेर सिप्च, गिग खाइ, फल सिप्च नु वांचेर सल्ब रवा गेतन्सी। मेको इस कली जचा ब्बचा दुम्ब। मत्ती ६ : २५-३४ ३० मिनु गो रागीम बाक्व जन्तु, बी व्यफ, रागी डा चिक्व, खपीम गरेशा गाक्व आइक्च जन्तु नु मारै मारै ब्रांइशा बाक्व आन कली घांस, सुवा ब्बचा गेतामी” दैमाक्त। मिनु मोदंशा दुम्माक्त। भजन संगरह १४५ : १६ ३१ मिनु परमपरभुमी आ सल्शो नेल्ल तशा “शुश रिम्शो दुम्त” दैमाक्त। मिनु नां रिक्शा, नां सोत्रशा, मेको ६ नाक्त दुम्माक्त। मत्ती १९ : ३७ ; १तिमोथी ४ : ४

### डांइती डा नाइक्तीक नाक्त

१ मिनु मोपा परमपरभुमी सरीङ्ग, रागी नु मार २ मार बाक्मा, मेको नेल्ल सेल्ले थुमा बाक्त। २ मिनु ६ नाक्तीम आ गेय नेल्ल थुम्शा डा मिन ७ नाक्तीम नांइस बाक्त। हिब्रू ४ : ४ ३ मिनु परमपरभुमी नाइक्तीक नाक्त कली आसीक गेवा बाक्त। मिनु मेको नाक्त आंम कली नाइक्चा, दे वोदा बाक्त। मारदे हना मेको नेल्ल सेल्लेकी गेय थुम्शा नांइस बाक्त। परस्थान २० : ११ ; भजन संगरह १५ : ११ ; इजीकीएल २० : १२ ; हिब्रू ४ : ९-११

### परमपरभुमी मुर सेल्लो

४ एको परमपरभुमी सरीङ्ग नु रागी सेल्लो ना डा लोत्र बाक्व। परमपरभु यावमी रागी नु सरीङ्ग सेलानु, ५ मारै मारै घांस खपीम मवाशो बाक्मा बाक्त। कोत्रकली यो मदाप्शो बाक्मा बाक्त। मारदे हना परमपरभु यावमी रागीम रेड मयिपाइश्शो बाक्माक्त। मिनु रूम गेय पाइब मुर यो मबाक्मा बाक्त। ६ मना रागी रे खोला गरूशा, रागी नेल्ल डा खप जिप्पाइक्बाक्माक्त। ७ मिनु नोले परमपरभु यावमी रू डा खप के मुर का सेला बाक्त। मिनु मुर आ नेमी ब्रांइतीक सोक्त मुइक्ता बाक्त। मिनु मुर सोक्त पाइश्शो दुम्माक्त। उत्पत्ती ३ : १९ ; अय्युब १० : ९ ; अय्युब ३३ : ४ ; भजन संगरह १०४ : २९-३० ; १कोरिन्थी १५ : ४५, ४७

### परमपरभुमी आ रू सेल्लो

८ मिनु नोले परमपरभु यावमी पूर्वम एदेन माइश्शो रू का सेला बाक्त। मेकर आ सेल्लो मुर कली वोदा बाक्त। ९ मिनु परमपरभु यावमी मेकर मार मार दारशो तांइसीब रवा नु जचा ब्बचा

फल सिप्त्र रवा वापदा बाक्त। बरोइपाइक्व का नु रिम्शो नु मरिम्शो तुइक्पाइक्व रवा का यो रू आ दातेमी वापदा बाक्त। उत्पत्ती ३:२२; परकाश २:१७; परकाश २२:२

१० मिनु रू कली जिप्पाइक्वा, दे एदन र खोला का गरुमाक्त। मेको खोला नोले बराशा, ४ आटा खोला दुम्शो बाक्मा बाक्त। इजीकीएल ४७:१-१२ ११ डांइती डा खोला आ नें पीशान बाक्व। मेको खोला हवीलाह रागी आ एर ओंथ र लशो बाक्व। मेको रागीमी सुन बाक्वाक्माक्त। १२ मेको रागी डा सुन रिम्शा बाक्वाक्माक्त। मेकर गोकुल धूप नु ओनीक्स माइश्शो हीरा यो बाक्वाक्माक्त। १३ मेको आ नोले डा खोला आ नें गिहोन बाक्व। मेको कूश माइश्शो रागी आ एर ओंथ हिरशो बाक्व। १४ मिनु मेको आ नोले डा खोला आ नें टाइगरीस बाक्व। मेको खोला अस्सुर रागी आ पूर्व गे लशो बाक्व। मिनु नेल्ल क्येडा नोले डा खोला आ नें युफरेटीस बाक्व।

१५ मिनु परमपरभु यावेमी मुर कली लाइश्शा, एदन रू दोचा नु कोत्रचा कली वोदा बाक्त। १६ मिनु परमपरभु यावेमी मेको मुर कली “नेल्ल रवा डा फल जन ब्वने चानेवे। १७ तन्न रिम्शो नु मरिम्शो तुइक्पाइक्व रवा र ब्वचा मदुम्ब। तेको नाक्त ब्वाइनेवे, मेको नाक्तीन बेक्नेवे” दे अरवा बाक्त। रोमी ६:२३

### मुर आ गेय

१८ मिनु परमपरभु यावेमी “मुर का ला बाक्चा मरिम्शो दुम्ब। गो मेको नु बाक्चा कली वारच पाइब का सत्नुड” देमाक्त। उपदेसक ४:३०

१९ मिनु परमपरभु यावेमी आ खप के सत्त्शो मार मार जन्तु नु सरीडम बेरब चिक्व आन कली मुरुम मार मार नें वोइक्वाक्मे, दे मुर आ बाक्तीक चाक्मी बाक्त। मिनु मुरुमी बरोइशा बाक्व नेल्ल आन कली नें वोदा बाक्त। मार नें वोदा, मेको नें लीमा बाक्त। २० मुरुमी बी ब्यफ, सरीडम बेरब चिक्व नु ब्वाकी डा जन्तु नेल्ल आन कली नें वोदा बाक्त। तन्न मुर कली मेको नु बाक्चा कली वारच पाइब मबाक्शो बाक्माक्त।

### परमपरभुमी मुर आ वारच सत्त्शो

२१ मिनु परमपरभु यावेमी आदम कली मारेइ मतुइक्वा डा पा निन्दरा पपदा बाक्त। मिनु मेको के जेरी का शोला बाक्त। मिनु मेको पोत्रला कली श्येमी सुवा बाक्त। २२ मिनु परमपरभु यावेमी मेको शोल्शो जेरी के मीश मुर का

सेल्शा, मुर आ बाक्तीकमी चाक्गा बाक्त। २३ मिनु आदममी “ओहो, एको रुश, आं रां डा रुश बाक्त। एको श्ये आं रां डा श्ये बाक्त” दे तुइक्ता बाक्त। मिनु मेकोमी “मेको आ नें मीश मुर वोइक्वा माल्व। मारदे हना वांइश मुर आ रां र शोल्शो बाक्व” देमाक्त।

२४ मोपतीक वांइश मुरुमी आ आम आफ आस कली परोइशा, आ मीश नु काथा बाक्व। मेको निक्शी रां का दुम्नीस। मत्ती १९:५-६; १कोरिन्थी ६:३६; एफिसी ५:३१ २५ मेना आदम नु आ मीश निम्फा शिश्रा बाक्सा बाक्त। मुने चहिं मतुइक्वाक्सा बाक्त।

### मुरुम परमपरभु आ देशो मटिशो

३ १ मिनु परमपरभु यावे आ सेल्शो जन्तु आन दातेमी नेल्ल क्येडा निप्स पाइश्शो बुस्स दुम्माक्त। मिनु बुस्सुमी मीश मुर कली “परमपरभुमी इस कली ‘एको रू डा रवा आन फल मारइ मब्वसे’ देमे ?” दे हिल्लो पवा बाक्त। परकाश १२:९; परकाश २०:२ २ मिनु मीश मुरुमी बुस्स कली “गो एको रू डा रवा आन फल ब्वचा दुम्नस्कु। उत्पत्ती २:१६ ३ तन्न रू आ दातेमी बाक्शो रवा आ फल आ पर्वम परमपरभुमी ‘मब्वचा, मथिचा यो। ब्वाइतीसी हना, गे बेक्नीसी’ देत” देमाक्त। उत्पत्ती २:१७ ४ तन्न बुस्सुमी “गे बेक्सीन मब्वेक्नीसी। ग्रहन्ना ८:४४ ५ ब्वाइतीसी हना, इस कली रिम्शो नु मरिम्शो मार बाक्वा तुइक्पाइक्व। मिनु गे परमपरभु सोदेशो दुम्नीसी। मेकोन परमपरभुमी तुइक्ताक्व” देमाक्त। ६ मिनु मीश मुरुम मेको रवा तशा ब्वशोनु, बरोत्रचा डा कोत्रशोनु, दारशो, रुप्तीक थुं गेचा डा तवा बाक्त। मोपतीक फल सेक्शा, ब्ववा बाक्त। मेको आ नेक्था बाक्व आ वांइश कली यो गेवा बाक्त। मेकोमी यो ब्ववा बाक्त। याकूब १:१४-१५; १तिमोथी २:१४ ७ मिनु नोले निम्फा शिश्रा बाक्शो तुइक्तेसे बाक्त। मिनु फोत्रशी रवा आ सफा सेक्शा फेक्तीक सेल्स बाक्त। उत्पत्ती २:२५

८ मिनु नाक्नाक्दो मेको निक्शीमी परमपरभु यावे रूमी हिरशो नेन्स बाक्त। मिनु “परमपरभु यावेम मतचा डा पा खरुइक्वा” दे रवा आन दातेमी लशा, खरुइक्सेसा बाक्त। भजन संगरह १३९:१७-१०; येरमीया २३:२४ ९ मिनु परमपरभु यावेमी आदम कली “ते बाक्डे?” दे बेरत्ता बाक्त। १० मेकोमी “गो इन गाक्शो नेंता। मिनु

गो शिशरा बाक्तीक, हिंशा खरुइक्साक्यी” देमाक्त। ११मिनु “गे शिशरा बाक्नेवे, दे दोपा तुइक्नेवे? मब्बचा देशो रवा आ फल ब्ववी?” दे हिल्लो पवा बाक्त। १२मिनु मुरुमी “इन गेशो मीश मुरुमी आं कली मको रवा आ फल गती। मिनु गो ब्याता” देमाक्त। २कोरिन्थी ११ :३

१३मिनु परमपरभु यावेमी मको मीश मुर कली “मार पवी?” दे हिल्लो पवा बाक्त। मीश मुरुमी “बुस्सुमी आं कली जोल पा ब्यपाइक्ती। मिनु गो ब्याता” देमाक्त। २कोरिन्थी ११ :३

१४मिनु परमपरभु यावेमी बुस्स कली “बी ब्यफ नु ब्याकी डा जन्तु नेल्ल आन दातेम गे सराप राइनेवे। मारदे हना मोदेशो मरिम्शो पाप्तीवी। इ रांमी गेशा गाक्चा माल्नेवे। इ बरांडतीक नाक्त सम्म सप जशा, बाक्चा माल्नेवे। १५गे नु मेको मीश मुर जिशा, बाक्चा मलीस। मेको आ युइ नु इ युइ जिशा बाक्नीमी। मीश मुर आ युइ कामी इ पिया दिम्शा परोल्ब। गे चहिं मेको आ गंगेरम कोक्नेवे” दे सराप पदा बाक्त। परकाश १२ :४-५, १५-१७

१६मिनु मेकोमी मको मीश मुर कली “कोत्रज कुरशा, आल थिवेनु, इ कली ठेयब श्येत गेनुड। आल थिचा रोइ पाइनेवे। मो हना यो इ वोंइश कली माल्नेवे। मिनु मेकोमी इ कली हुकुम पाइब” देमाक्त। एफिसी ५ :२२-२३ ; १तिमाथो २ :१२

१७मिनु आदम कली “मारदे हना गे इ मीश आ लोत्र नंशा, मब्बचा देशो रवा आ फल ब्याप्तीवी, इ पतीक आ पर्वम इ रू नेल्लेमी सराप ताइनीम। इ जचा थोत्रक श्येत पा खरुम्चा माल्नेवे। उत्पत्ती ८ :२१-२२ ; अय्युब ३१ :३८-३९ १८इ रूमी चू नु चोंक वानीम। मिनु गे गिगी खाइ ब्यचा माल्नेवे। १९इ कुप्की रे गाल यिपाइशशा शोब्ले जचा माल्नेवे। गे सप मदुमे सम्म मोदेशो पचा माल्नेवे। मारदे हना गो इ कली सप रे सल्लो नड” दे परमपरभु यावेमी आदम कली देमाक्त। उत्पत्ती २ :७ ; मजन संग्रह ९० :१० ; मजन संग्रह १०४ :२९ ; उपदेसक १२ :७ ; २थिस्सलोनिकी ३ :१०

२०मिनु आदममी आ मीश कली हव्वा ने वोदा बाक्त। मारदे हना मेको बरांडब मुर नेल्ल आन ममा दुम्माक्त। २१मिनु परमपरभु यावेमी आदम नु आ मीश आस कली कुशुल के फक्तीक सल्लशा, फक्तीम्सी बाक्त।

२२मिनु परमपरभु यावेमी “मुर इं सोदेशो दुम्त। रिम्शो नु मरिम्शो तुइक्ब दुम्त। मेको बरांडपाइक्ब रवा आ फल यो संवशा, ब्याप्तु

हना, गेना हना यो बरांडब, गेनायो मबक्ब दुम्ब” देमाक्त।

२३मोपतीक परमपरभु यावेमी सप रे सल्लो मुर कली एदेन माइशशा रू रे गरुंडशा, अरु रूम गेय पथ सोइक्ता बाक्त। उत्पत्ती २ :१५ २४ परमपरभुमी मेको आस कली खरसी बाक्त। मेको आस कली खरशा, एदेन रू डा पूर्वमी आ स्वर्ग डा करुब माइशशा गेय पाइब वोदा बाक्त। मेकेर मी बरशा एर ओथ हिरब तरवार का यो वोदा बाक्त। मेको बरांडपाइक्ब रवा आ फल ब्यचा मताम्सकल, दे कोत्रब वोदा बाक्त।

परमपरभु रे डोन बाक्शा

४ मिनु नोल आदम आ मीश हव्वा नु इम्माक्त। मिनु हव्वाम कोत्रज कुरशा, तो का थिमाक्त। हव्वामी “परमपरभु यावेमी आं कली वारच पा आल का गती” देमाक्त। मिनु आ ने काइन वोदा बाक्त। २मिनु मेको आ नोल लंशा अर्का तो का यो थिमाक्त। मेको कली हाबील ने वोदा बाक्त। हाबील काइन आ लोकब बाक्माक्त। मेको आल निक्शी कोल्शा, हाबील भेडा गोठला दुम्माक्त। काइन चहिं रू डा गेय पाइब दुम्माक्त।

३काबु काइनमी आ रू डा सिशशा मारइ मारइ थोत्रक परमपरभु यावे कली चदेवा बाक्त। परस्थान २३ :१९ ४हाबीलमी आ डांडती गिक्शा पाठा आ श्ये नु बोसा परमपरभु यावे कली चदेवा बाक्त। मिनु परमपरभु यावेमी हाबील आ चदेशो बरवा बाक्त। परस्थान ३४ :१९ ; लेवी ३ :१६ ५तन्न काइन आ चदेशो मबरवा बाक्त। मिनु काइन आ कुल राव किक्पा चुरमाक्त। परस्थान ३३ :१९ ; हिब्रू ११ :४ ६मिनु परमपरभु यावेमी काइन कली “मारदे चुर ? मारदे राव किक्ड ? ७गे रिम्शो पाप्तीवी हना, गो इ कली मबराइनुडा डा ? बराइनुड। गे मरिम्शो पाप्तीवी हना, मुर साइक्ब जन्तु खोदेशो पा, पाप इ लाप्चोमी बाक्ब। मिनु इ कली माल्ब। गे इ मरिम्शो थुं कली ग्राडा” देमाक्त। गलाती ५ :१७ ; रोमी ६ :१२

८मिनु काइनमी आ लोकब हाबील कली “रूमी लस” देमाक्त। मिनु रूमी बाक्सानु, काइनमी हाबील कली सदा बाक्त। १यूहन्ना ३ :१२, १५ ९मिनु परमपरभु यावेमी काइन कली “इ लोकब ते बाक्म ?” दे हिल्लो पवा बाक्त। मिनु काइनमी “डाद, गो आं लोकब आ गोठला नडा डा ?” देमाक्त। उत्पत्ती ३ :९ १०मिनु मेकोमी “नेनो,

मार पवी? इ लोकब आ हुशमी आं कली खप रे बरेशशा नेता। भजन संगरह १:१३; मत्ती २३:३५; हिवरू १२:२४ ११ मुल ग सराप रशा, इ रुर खरचा पुंडसीनवे। मारदे हना इ लोकब आ हुश मंकर जारशा बाकब। गन्ती ३५:३३ १२ मुल रे गे रू डा गेय पवीनु, मारइ मगरल्ब। रागी प्रांडशा, गाकब मुर दुम्चा माल्लेव” दे परमपरभु यावेमी देमाक्त।

१३ मिनु काइनम परमपरभु यावे कली “इन गेशो सजाइ ठेयब बाकब। मोमो श्येत गतीनी हना, फाल्ले मचानुड। १४ मुलाक्ती आं कली आं रू रे गरुइताकयीनी। मिनु इन नेक्था बाकचा मताइनुड। गो मुल रागी प्रांडशा, गाकब मुर दुम्नुड। आं कली सुम थित्तेकम हना यो, साइक्नीम” देमाक्त। अय्युब १५:२०-२४ १५ मिनु परमपरभु यावेमी “ममाइ, सुइमी इ कली साइक्ती हना, इ तशो सराप मेको कली ७ खंयप रचा माल्लेव” देमाक्त। मिनु परमपरभु यावेमी “काइन कली सुइमी मसदमक्ल” दे आ रांम चिनु वोदा बाक्त। इजीकीएल ९:६; परकाश ७:३-४ १६ मिनु नोले काइन परमपरभु यावे आ डांडती रे लमाक्त। मिनु एदेन आ पूर्व गे, नोद माइशशा रागीम जाकदीशशा बाकमाक्त।

### मुर आन ठेयब लेशशा

१७ मिनु काइन आ मीश नु इम्माक्त। मिनु मेकोमी कोव्रज कुरशा, हनोक थिमाक्त। मिनु काइनम सहर का सला बाक्त। मेको सहर कली आ तौ हनोक आ नें खोदंशो पा हनोक नें वोदा बाक्त। १८ हनोकमी इराद थिमाक्त। इरादमी मेहुयाएल थिमाक्त। मेहुयाएल मेथुशाएल आ आफ दुम्माक्त। मेथुशाएल लमेक आ आफ दुम्माक्त।

### लमेकमी यो मुर साइशशा

१९ मिनु लमेकमी मीश निक्शी चाकगा बाक्त। का आ नें आदाह नु अर्को आ नें चिल्लाह बाकमाक्त। २० मिनु आदाहमी याबाल थिमाक्त। मेको ताम्बुम बाकब नु गोठम बाकब बस्तु योव्रब आन किकी पिपी बाकमाक्त। २१ मेको आ लोकब आ नें यूबाल बाकमाक्त। मेको बीना नु मुइक्तीके ताप्ब आन किकी पिपी बाकमाक्त। २२ मिनु चिल्लाहमी त्बल-काइन थिमाक्त। मेकोमी कांसा नु फलाम के मार मार सेल्लिक गेय पवा बाक्त। त्बल-काइन आ समी नामा बाकमाक्त। २३ मिनु लमेकमी आ मीश

निक्शी आस कली “आदाह नु चिल्लाह, आं लोव्र नेनीस, गे लमेक आ मीश निक्शी, आं संदा नेंशा, होस पसे। गो मुर का साइक्ता। मारदे हना मेको ठिटामी आं कली तुप्ती। २४ काइन साइक्ब ७ खंयप क्यक्क लेत्चा पुंडसीब हना, लमेक साइक्ब ७७ खंयप क्यक्क लेत्चा पुंडसीब” देमाक्त। उत्पत्ती ४:१५; लेवी १९:१८; ब्यवस्था ३२:३५; मत्ती १८:२२

### आदम नु हव्वा आस अर्को तौ

२५ मिनु आदम लेंशा आ मीश नु इप्शा, तौ का थिमाक्त। मेको कली सथ नें वोदा बाक्त। हव्वामी “परमपरभुमी हाबील आ पा डा अर्को तौ का गेती। मारदे हना काइनमी हाबील कली साइक्तु” देमाक्त। २६ मिनु सथमी यो तौ का थिमाक्त। मिनु मेको कली एनोश नें वोदा बाक्त। मिनु मेना रे मुरपुकीमी परमपरभु यावे कली पुंडचा नु ठेयब सेल्ला गोव्रमे बाक्त। उत्पत्ती १२:८

### आदम आ चच युइ

#### इइतिहास १:१-४

१ एको आदम आ चच, युइ बाक्नीम। २ परमपरभुमी मुर सेलानु, आ खोदंशो पा सला बाक्त। लूका ३:३७-३८; उत्पत्ती १:२७ २ वोंइश मुर का नु मीश मुर का सला बाक्त। मिनु मेको आस कली आसीक गेशा, आस नें मुर वोंइसी बाक्त। ३ मिनु आदम सहे का ३० बर्स दुम्मेनु, आ खोदंशो तौ का थिमाक्त। मिनु मेको कली सथ नें वोदा बाक्त। भजन संगरह ५१:७; १ कोरिन्थी १५:४५ ४ सथ थिशा नोले आदम ८ सहे बर्स ब्रोंइमाक्त। अरु तमी तौ यो थिमाक्त। ५ मिनु आदम नेल्ल पा ९ सहे ३० बर्स ब्रोंइशा बेक्माक्त।

६ मिनु सथ सहे का ५ बर्स दुम्मेनु, तौ का थिमाक्त। मेको कली एनोश नें वोदा बाक्त। ७ एनोश थिशा नोले ८ सहे ७ बर्स ब्रोंइमाक्त। अरु तमी तौ यो थिमाक्त। ८ मिनु सथ नेल्ल पा ९ सहे १२ बर्स ब्रोंइशा बेक्माक्त।

९ मिनु एनोश ९० बर्स दुम्मेनु, तौ का थिमाक्त। मेको कली केनान नें वोदा बाक्त। १० केनान थिशा नोले ८ सहे १५ बर्स ब्रोंइमाक्त। अरु तमी तौ यो थिमाक्त। ११ मिनु एनोश नेल्ल पा ९ सहे ५ बर्स ब्रोंइशा बेक्माक्त।

१२ मिनु केनान ७० बर्स दुम्मेनु, तौ का थिमाक्त। मेको कली मा-हालालेल नें वोदा

बाक्त । १३ केनान मा-हालालेल थिशा नोले ८ सह ४० बर्स ब्रांइमाक्त । अरु तमी तौ यो थिमाक्त । १४ मिनु केनान नेल्ल पा ९ सह १० बर्स ब्रांइशा बक्माक्त ।

१५ मिनु मा-हालालेल ६५ बर्स दुम्मेनु, तौ का थिमाक्त । मेको कली यरद नें वोदा बाक्त । १६ यरद थिशा नोले ८ सह ३० बर्स ब्रांइमाक्त । अरु तमी तौ यो थिमाक्त । १७ मिनु मा-हालालेल नेल्ल पा ८ सह १५ बर्स ब्रांइशा बक्माक्त ।

१८ मिनु यरद सह का ६२ बर्स दुम्मेनु, तौ का थिमाक्त । मेको कली हनोक नें वोदा बाक्त । १९ यरद हनोक थिशा नोले ८ सह बर्स ब्रांइमाक्त । अरु तमी तौ यो थिमाक्त । २० मिनु यरद नेल्ल पा ९ सह ६२ बर्स ब्रांइशा बक्माक्त ।

२१ मिनु हनोक ६५ बर्स दुम्मेनु, तौ का थिमाक्त । मेको कली मेथुसलाह नें वोदा बाक्त । हनोक कली हिब्रू लावमी एनोक देनीम । २२ हनोक आ थुमी परमपरभु आ नक्था बाक्शो बाक्माक्त । हनोक मेथुसलाह थिशा नोले सह सां बर्स ब्रांइमाक्त । अरु तमी तौ यो थिमाक्त । उत्पत्ती ६:९ २३ मिनु हनोक नेल्ल पा सह सां ६५ बर्स दुम्माक्त । २४ हनोक परमपरभु नु गाक्वाक्माक्त । मिनु परमपरभुमी हनोक कली आ बाक्तीक लदा बाक्त । मुरपुकीम हनोक कली माल्शा, मथिदमे बाक्त । २ राजा २:११ ; हिब्रू ११:५

२५ मिनु मेथुसलाह सह का ८७ बर्स दुम्मेनु, तौ का थिमाक्त । मेको कली लमेक नें वोदा बाक्त । २६ मेथुसलाह लमेक थिशा नोले ७ सह ८२ बर्स ब्रांइमाक्त । अरु तमी तौ यो थिमाक्त । २७ मिनु मेथुसलाह नेल्ल पा ९ सह ६९ बर्स ब्रांइशा बक्माक्त ।

२८ मिनु लमेक सह का ८२ बर्स दुम्मेनु, तौ का थिमाक्त । २९ मेको कली नोआह नें वोदा बाक्त । मेको नें आ अर्थ थुं बारपाइक्तीक बाक्व । मिनु लमेकमी “परमपरभु यावेमी खप कली सराप पाप्तु । आं तौ रुम गय पपाइक्तीके श्येत र परांइब बाक्व” देमाक्त । उत्पत्ती ३:१७-१९ ३० लमेक नोआह थिशा नोले ५ सह ९५ बर्स ब्रांइमाक्त । अरु तमी तौ यो थिमाक्त । ३१ मिनु लमेक नेल्ल पा ७ सह ७७ बर्स ब्रांइशा बक्माक्त ।

३२ मिनु नोआह ५ सह बर्स दुम्मेनु, शम हाम नु यफथ थीमी बाक्त ।

### रागी ब्वाक्कुम सुम्शो

१ मिनु नोले रागीमी मुर शुश दुम्मा बाक्त । ६ मेकोपुकीमी शुश तमी थीमा बाक्त । २ मिनु परमपरभु आ तौपुकीमी मुर आन तमी आन कली तशा “दारशा बाक्नीम” दे मिम्तमे बाक्त । मिनु मेको आन दाते र योत्रशा चाक्म बाक्त । अय्युब १:६ ; २पतरुस २:४ ; यहूदा ६ ३ मिनु परमपरभु यावेमी “आं सोक्त मुर आन कली शुश बर्स बाक्चा मगेनुड । मुर बेक्चा माल्नीम । आन ब्रांइतीक सह का २० बर्स ला दुम्ब” देमाक्त ।

### परमपरभु आ थुं मनुशो

४ मेना रागीमी नेफीलीम माइश्शो थम लाइश्शो मुरपुकी बाक्शो बाक्मा बाक्त । मिनु नोले परमपरभु आ तौपुकीमी रागी डा तमी आन कली चाक्शा, आल थीमे बाक्त । मेको बोल्यो नु ठेयब लडाइ पाइब मुर दुम्मा बाक्त । इजीकीएल ३२:२७

५ मिनु परमपरभु यावेमी “रागीम बाक्शो मुर आं अरेशो मटीब नु मरिम्शो पाइब ला बाक्नीम । मार मिम्ताक्म हना यो, मरिम्शो बाक्त” दे मिम्ता बाक्त । उत्पत्ती ८:२१ ६ मिनु परमपरभु यावेमी आंम सल्ल्शो मुर आन कली तशा, शुश आ थुं मनुथु बाक्शो बाक्माक्त । १ सामुएल १५:११-३५ ; यरमीया १८:७-१० ७ मिनु परमपरभु यावेमी “आं सल्ल्शो मुर आन कली रागी र क्याम्नुड । मुर नु जन्तु नेल्ल क्याम्नुड । खपीम गरशा गाक्व आइक्च जन्तु नु सरीडम बरब चिक्व यो क्याम्नुड । मारदे हना गो मेको आन कली सल्ल्शा यो, आं थुं मनुड” दे मिम्ता बाक्त । गन्ती २३:१९ ; रोमी ३:३-४ ; रतिमोथी २:१३ ८ मिनु परमपरभु यावेमी नोआह तवानु, मेको कली दाक्ता बाक्त । हिब्रू ११:७

### नोआह नु आ तौ

९ नोआह आ तौ सां बाक्मा बाक्त । नोआह शुश रिम्शो मुर बाक्माक्त । मुर नेल्लेमी “ठीक पाइब दोस मताइब मुर बाक्व” दे तुइक्तमे बाक्त । नोआह परमपरभु नु गाक्वाक्माक्त । उत्पत्ती ५:२२ १० मिनु नोआह आ तौ सां आन नें शम, हाम नु यफथ बाक्मा बाक्त ।

११ परमपरभुमी मुर आन कली कोत्रडानु, नेल्ल मरिम्शो बाक्मा बाक्त । रागी नेल्ल हुश खराक्श पोक्तीकेमी बरीमाक्त । अर्का मरिम्शो पाइब यो बाक्मा बाक्त । १२ मिनु परमपरभुमी

रागीम बाक्व मुर आन कली कोव्रडानु, शुश मरिम्शो बाक्मा बाक्त। मुर नेल्लमी आन दला दाक्स पामे बाक्त। भजन संग्रह १४ :२-३ १३मिनु परमपरभुमी नोआह कली “गो मुर नेल्ल आन कली क्याम्नुडमी। मारदे हना मेको आन पर्वम रागी हुश खराक्श पोक्तीकमी बरीत। मुर नु रागी नेल्ल आन कली क्याम्नुड। आमोस ८ :२ १४ गे चहिं सिं खादेशो पा शी के ठेयब डोंगा का सलो। मिनु आगामी कोठापुकी सलो। ब्वाक्कु मओव्रचा डा पा आगा नु लाडगा अल्लक्तराम सिल्ला” दे नोआह कली देमाक्त।

नोआहमी परमपरभु कली टिशा

१५मिनु परमपरभुमी “डोंगा दोपा सेल्ला माल्लेवे दंशा हना, मेको आ लाइशो सह सां कुबीत दुम्चा माल्ले। आ बरेम्शो ५० कुबीत दुम्चा माल्ले। आ ग्येत्य लाइशो ३० कुबीत दुम्चा माल्ले। कुबीत का ०.५ मिटर खादेशो बाक्व। १६मिनु छाना रे हात का परांइशा, फश गरुतीक बोखा का सेल्ला माल्लेवे। मिनु का पटटीम लाप्चो का वोइक्का माल्लेवे। आगामी खप तला का, दाते तला का नु तला तारी बाक्तीक का सेल्ला माल्लेवे। १७ आं दंशो रिम्शो पावो। मारदे हना गो मारइ मारइ साइक्का कली रागी ब्वाक्कुम पिरंनुड। रागीम मार मार सेस बाक्मा, मेको नेल्ल बेक्का माल्लीम। १८ तन्न गो इन कली कोव्रनुड, गे नु आं कबल पाइनुड। मिनु गे, इ तोपुकी, इ मीश, नु इ चाइमीपुकी मेको डोंगामी ओव्रचा माल्लीनी। मेको नेल्ल गे नु बरांइचा माल्लीम। मेको पोथी भाले, बी ब्यफ नेल्ल निक्निकशी बाक्का माल्लीम। उत्पत्ती ९ :९ १९ गेपुकी नु मारइ मारइ सेस जन्तु निक्निकशी ओव्रचा माल्लीम। २० मारइ मारइ चिक्व, मारइ मारइ जन्तु नु मारइ मारइ खपीम गरेशा गाक्व आइक्व जन्तु निक्निकशी बरांइचा, दे गे नु डोंगामी ओव्रचा, बाक्का माल्लीम। २१ मिनु इन कली, मार मार जचा ब्वाचा ओइशा, उष्णा वातो। मेको इन कली नु मेको आन कली जचा थोव्रक दुम्ब” दे परमपरभुमी नोआह कली अरेवा बाक्त। २२ मिनु परमपरभुमी मार मार मदा, नोआहमी नेल्ल टिशा, पवा बाक्त। हिब्रू ११ :७

नोआह ठेयब डोंगाम ओव्रचा

७ १मिनु परमपरभु यावेमी नोआह कली “गे नु इ सिं डा मुर नेल्ल शी के ठेयब डोंगामी ओव्रकीन। मारदे हना एको पाला डा मुर आन

दातेमी गे का ला ठीक पाइब बाक्नेवे। उत्पत्ती ६ :८ २गे चढेचा दुम्ब बी ब्यफ, क्यारश बोका, भेडा सांड रे ७ जोड लतो। उत्पत्ती ८ :२० ; लेवी ११ :- ३मिनु चढेचा दुम्ब सरीडम बरब चिक्व यो ७ जोड लतो। भाले नु पोथी लतो। मारदे हना मेकोपुकी रागीमी बरांइचा माल्लीम। ४ गो ७ नाक्त नाले ४० नाक्त नु ४० नाक्दो सम्म रेउ यिपाइक्नुड। मिनु आं सल्ला रागीम मार मार बरांइशा बाक्मा, मेको नेल्ल आन कली साइक्नुडमी” देमाक्त। ५ मिनु परमपरभु यावेमी मार मार अरेवा, नोआहमी नेल्ल टिशा पवा बाक्त।

६ रागीमी रेउ यिचा गोवानु, नोआह ६ सह बर्स दुम्शो बाक्माक्त। ७ मिनु नोआहम मार पवा बाक्त दंशा हना, डोंइती आ तोपुकी, आ मीश, आ चाइमीपुकी ब्वाक्कु रे परांइचा कली ठेयब डोंगामी ओव्रपाइक्मी बाक्त। १ पतरुस ३ :२० ८ मिनु चढेचा दुम्ब बस्तु, चढेचा मडुम्ब बस्तु नु चिक्व नु मारइ मारइ खपीम गरेशा गाक्व आइक्व जन्तु, ९ निक्निकशी बी ब्यफ, जोड जोड भाले पोथी नोआह नु ठेयब डोंगामी ओव्रमा बाक्त। परमपरभुमी दोपा नोआह कली अरेवा, मोपा पवा बाक्त। उत्पत्ती ६ :१९-२० १० मिनु ७ नाक्त नाले रागीम ब्वाक्कु बरीचा गोवा बाक्त।

११ मिनु रेउ यिमेनु, उइ रे यो ब्वाक्कु बारशा कुचा गोवा बाक्त। मना नोआह ६ सह बर्स, महिना निक्शी १७ नाक्त दुम नाक्त मोदेशो दुम्माक्त। परकाश ९ :१ १२ मिनु ४० नाक्त नु ४० नाक्दो शुश रेउ यिमाक्त।

१३ मेको रेउ यिचा आ डोंइती नाक्ती नोआह नु आ तो शम, हाम, नु यफथ सांफा, नोआह आ मीश नु आ चाइमी सांफा मेको डोंगामी ओव्रमा बाक्त। १४ मिनु मारइ मारइ जन्तु, मारइ मारइ बी ब्यफ, क्यारश भेडा, मारइ मारइ खपीम गरेशा गाक्व आइक्व जन्तु नु मारइ मारइ फरां पाइशो, बरांइशा बाक्व जन्तु १५ जोड जोड पा नोआह नु ठेयब डोंगामी ओव्रमा बाक्त। १६ मिनु बरांइशा बाक्व नेल्ल जोड जोड पा, भाले पोथी नेल्ल ओव्रमा बाक्त। परमपरभुमी नोआह कली दोपा अरेवा, मोपा नेल्ल टिशा पवा बाक्त। मेको नेल्ल ओव्रमा नाले परमपरभु यावेमी लाप्चो चोक्गा बाक्त। उत्पत्ती ६ :१९

१७ मिनु ब्वाक्कु ४० नाक्त सम्म रागीम बरीना बरीन बाक्माक्त। ब्वाक्कु शुश बारशा, ब्वाक्कुमी ठेयब डोंगा कली कुरा बाक्त। ब्वाक्कु रागीम शुश बारमाक्त। १८ मिनु रेउ यिना यिन,

व्याक्कु बारना बारन लमेनु, मेको डोंगा व्याक्कु तारी गाक्चा गोवा बाक्त। १९ रागी नेल्लेम व्याक्कु शुश दुम्शा, ठेयब डांडा यो सुमा बाक्त। २० डांडा क्यडा यो १५ कुबीत सम्म ग्येत्थ सुमा बाक्त। कुबीत का ०.५ मिटर सोदंशो बाक्ब।

२१ मिनु रागीम मार मार बरोंडशो बाक्मा, बी व्यफ, क्यारश भडा, व्याकी डा जन्तु, रागीम फाडब, खपीम गरशा गाक्ब आइक्च जन्तु नु मुर नेल्ल बेक्मा बाक्त। २ पतरुस ३:५-६ २२ रागीम बरोंडशा बाक्ब नेल्ल बेक्मा बाक्त। २३ मोपा मेकोमी रागीम बरोंडशा बाक्ब मार मार बाक्मा, मुर, जन्तु खपीम गरशा गाक्ब आइक्च जन्तु नु सरीडम बेरब चिक्ब नेल्ल क्याम्दा बाक्त। नोआह नु आ खिं डा मुर ला परोंडमी बाक्त। २४ मिनु मेको व्याक्कु सह का ५० नाक्त सम्म रागीम बारना बारन बाक्माक्त।

#### परमपरभुम व्याक्कु सोत्रपाइशो

१ मिनु परमपरभुमी नोआह नु ठेयब डोंगामी बाक्ब नेल्ल व्याकी डा जन्तु नु बी व्यफ क्यारश भडा आन कली मपरंदीमी बाक्त। मिनु परमपरभुमी रागीम फश पपदा बाक्त। मिनु व्याक्कु सोत्रमाक्त। २ मिनु व्याक्कु बुक्तीक नेल्ल सोत्रना सोत्रन लमा बाक्त। रेड यो देक्माक्त। ३ मिनु मेको व्याक्कु सोत्रना सोत्रन लशा, सह का ५० नाक्त नोले शुश सोत्रमाक्त।

४ मिनु मेको बर्स डा ७ महिना डा १७ नाक्त मेको ठेयब डोंगा आरारात माइशो डांडामी जाक्दीशशा दिक्माक्त। उत्पत्ती ७:११ ५ मिनु मेको बर्स डा १० महिना सम्म व्याक्कु सोत्रना सोत्रन लमाक्त। १० महिना डा डांडी नाक्ती अर्का पहाड डा डांडा तांडिसमा बाक्त।

६ मिनु ४० नाक्त नोले नोआहम आ सेल्शो डोंगा डा झेल रोकगा बाक्त। उत्पत्ती ७:१२, १७ ७ मिनु मेकेर रे खद का सोइक्ता बाक्त। मेको रागी डा व्याक्कु मसोत्रम सम्म एर आंथ बेरशा बाक्माक्त।

८ मिनु नोआहमी “व्याक्कु नेल्ल सोत्रमा को” दे तुइक्चा कली टुकुर का यो सोइक्ता बाक्त। ९ मेको टुकुर चहिं जुक्तीक मथित्यु लेशशा, नोआह आ बाक्तीक जाक्माक्त। मारदे हना आ लतीकमी व्याक्कुम सुम्शा बाक्माक्त। मिनु नोआहम गुइ दिंशा ताक्शा, मेको कली आंडवा बाक्त। १० मिनु अर्का ७ नाक्ती रिम्शा, मेको टुकुर कली लेंशा डोंगा रे सोइक्ता बाक्त। ११ मिनु नाक्नाक्दो टुकुरमी आ टुंडमी नक वाशो तेल रवा

आ सफा का कुरशा जाक्माक्त। मिनु नोआहमी “व्याक्कु नेल्ल सोत्रमाक्त” दे तुइक्ता बाक्त। १२ मिनु नोले यो ७ नाक्त रिम्शा, टुकुर कली सोइक्ता बाक्त। मिनु मेको टुकुर मलेम्माक्त।

#### व्याक्कु सोत्रशो

१३ मेको नोआह ६ सह बर्स का दुम्मे आ डांडी डा महिना डा डांडी डा नाक्तीम रागीमी व्याक्कु सोत्रमाक्त। नोआहमी ठेयब डोंगा आ छाना थूशा, कोत्रशा “लो, व्याक्कु नेल्ल सोत्रमाक्त” देमाक्त। उत्पत्ती ७:११ १४ मिनु महिना का नु २७ नाक्त नोले खप नेल्ल सोत्रमाक्त।

१५ मिनु परमपरभुमी नोआह कली १६ “गे, इ मीश, इ तौपुकी नु इ चाइमीपुकी डोंगा रे गरूडीन” देमाक्त। १७ मिनु “मारइ मारइ बरोंडशा बाक्ब, चिक्ब, जन्तु नु खपीम गरशा गाक्ब आइक्च जन्तु नेल्ल आन कली यो गरूदो। मेकोपुकी सोशा बोशा रागीम शुश दुम्चा माल्नीम” देमाक्त। १८ मिनु नोआह, आ तौपुकी, आ मीश नु आ चाइमीपुकी गरूमा बाक्त। २ पतरुस २:५ १९ मिनु जन्तु नेल्ल, खपीम गरशा गाक्ब आइक्च जन्तु नेल्ल, चिक्ब नेल्ल नु रागीम बरोंडशा बाक्ब मार मार नेल्ल डोंगा रे गरूमा बाक्त।

#### परमपरभु यावेमी गेशो लोत्र

२० मिनु नोले नोआहम परमपरभु यावे कली चदेतीक का सेला बाक्त। मिनु चदेचा दुम्ब बस्तु नु चदेचा दुम्ब चिक्ब नेल्ल लाइशशा चोशा चदेतीक चदेवा बाक्त। उत्पत्ती ७:२ २१ मिनु परमपरभु यावेमी मेको बरोंडशो रिना नाम्शा, ग्यरस बाक्त। आ थुंमी “मुरुम मरिम्शो पतीकम खप कली मुल सराप गेनायो मपाइनुड। मुर आ थुं मरिम्शो बाक्त हना यो, गेनायो सराप मपाइनुड। गो बरोंडशा बाक्ब नेल्ल आन कली साइशशा क्यास्ताकड। मोदंशो गेनायो लेंशा मपाइनुड। उत्पत्ती ६:५; अय्युब १४:४; भजन संग्रह १४:३; मत्ती १५:१९; रोमी ३:२३ २२ रागी बाक्म सम्म शोक्चा, खरुम्चा नु रिक्चा तांडसीब। ग्यु पाइब, हुप्ब, हिंडन नु बर्सा दुम्ब। नाक्दो नाक्त दुम्ब” दे लोत्र पवा बाक्त। येरमीया ३३:२०, २५

#### परमपरभुमी आसीक गेशो

१ मिनु परमपरभुमी नोआह नु आ तौ आन कली आसीक गमी बाक्त। मेकोमी “तमी तौ

थिशा, सोशा बोशा शुश दुमीन। रागी पिरंदीने। उत्पत्ती १ :२८ २ रागी डा जन्तु नेल्ल, सरीडम बरब चिक्ब, खपीम गंरशा गाक्ब आइक्च जन्तु नु समुन्दर डा डांइ नेल्ल, इन कली तशा, हिंचा माल्नीम। मेको आन कली इन गुइमी गता। ३ डांइती इन कली गिगी खाइ ब्यचा गता। मुल गो बरांडशा बाक्ब जन्तु नेल्ल इन कली ब्यचा गतन्नी। उत्पत्ती १ :२९ ; कलस्सी २ :१६ ४ क्योरशा हुश मचुइक्थु चहिं मब्वन। मारदे हना हुशमी बरांडतीक सोकत बाक्ब। ५ मुरुमी मुर कली साइक्तु हना, जन्तुमी मुर कली साइक्तु हना, मेको यो साइक्चा पुंडसीब। मुरुमी आ लोक्ब साइक्तु हना, मेको यो साइक्चा पुंडसीब। लेवी ३ :१७ ; लेवी १७ :१०-१४ ; ब्यवस्था १२ :२३ ६ सु सुमी मुर साइशशा हुश जारबा, मेको यो मोपान साइशशा, हुश जारचा पुंडसीब। मारदे हना गो मुर कली आं खोदंशो पा सेल्ला। परस्थान २१ :१२ ; लेवी २४ :१७ ; गन्ती ३५ :३३ ; मत्ती २६ :५२ ; रोमी १३ :४ ; परकाश १३ :१० ७ गे रागीम सोशा बोशा शुश दुमीने” दे परमपरभुमी नोआह कली देमाक्त।

#### परमपरभुमी कबल पशो

८ मिनु नोले परमपरभुमी नोआह नु आ तौ आन कली १ “नेनीन, गे नु इन नोले डा चच युइ नु आं कबल पाइनुड। उत्पत्ती ६ :१८ १० डांगामी बरांडशा बाक्ब चिक्ब, बी ब्यफ, रागी डा जन्तु गे नु डांगा र गुरूशो नेल्ल नु आं कबल पाइनुड। होस २ :२० ११ गो मार कबल पाइनुड दंशा हना, बरांडशा बाक्ब नेल्ल आन कली ब्याक्कुम मसाइक्नुड। रागी बिगंरचा कली गेनायो ब्याक्कु मबारपाइक्नुड” देमाक्त। १२ मिनु परमपरभुमी “गे नु गे नु बरांडशा बाक्ब नेल्ल इन कली आं कबल पतीके चिनु का गेनुड। मेको इन नोले डा पाला नेल्ल आन कली यो बाक्ब। १३ गो गोस्सुमी आं वाक्श वोइक्नुड। मेको गो रागी नु कबल पशो आ चिनु बाक्ब। १४ मिनु गो रागी तारी गोस्स सोइक्तुनु, मेको गोस्सुमी आं वाक्श तांडसीब। १५ मिनु गो गे नु मारइ मारइ बरांडशा बाक्ब नु कबल पाता, दे मिम्नुड। गो गेनायो बरांडशा बाक्ब नेल्ल आन कली ब्याक्कुमी मसाइक्नुडमी। यसेया ५४ :१७-१० १६ मेको वाक्श गोस्सुम बाक्सेनु, गो मेको कली ताइनुड। मिनु गो रागीम बाक्ब मुर नु बरांडशा बाक्ब नेल्ल नु गेना हना यो लीब कबल

पाता, दे मिम्नुड” देमाक्त। १७ मिनु परमपरभुमी नोआह कली “मेको वाक्श कबल आ चिनु बाक्ब। गो गे नु रागीम बरांडशा बाक्ब नेल्ल नु कबल पाता” देमाक्त।

१८ डांगार गुरूशो नोआह आ तौपुकी शेम, हाम नु यफथ बाक्मा बाक्त। हाम चहिं कनान आ आफ बाक्माक्त। उत्पत्ती ५ :३२ १९ मेको सांफा नोआह आ तौ बाक्मा बाक्त। मेको र रागी नेल्ल बरीमा बाक्त।

#### नोआहम अडगुर रू सेल्लशो

२० मिनु नोआह रूमी गेय पाइब दुम्शा, अडगुर रू सेला बाक्त। मेको नेल्ल क्यंडा डांइती अडगुर खरुम्ब मुर दुम्माक्त। २१ मिनु अडगुर शांबु तशा दुक्शा, आ ताम्बुमी शिशरा इम्माक्त। २२ मिनु कनान आ आफ हाममी आ आफ शिशरा तशा, लाडगामी बाक्शो आ लोक्ब आस कली देमाक्त। परस्थान २० :१२ ; हितोपदेस ३० :१७ २३ मेको नंशा, शेम नु यफथम वा का सुर सुरम ग्याइशशा लाप्शा, नोले र गरना गरन लशा, आस आफ आ ताम्बु ओवसा बाक्त। मिनु आस आफ आ भेतर रां सुम्स बाक्त। नोले र गरशा, आस आफ आ शिशरा रां मताम्स बाक्त। २४ मिनु नोले नोआह आ दुक्शो र संस बाक्त। आ चचमी आ कली मार पवा, नेल्ल तुइक्ता बाक्त।

२५ मिनु नोआहमी “कनान सराप रल। आ लोक्ब आस नेल्ल क्यंडा आइक्च वाइल दुम्ल” दे सराप पवा बाक्त। २६ मिनु मेकोमी लंशा “परमपरभु, शेम आ परमपरभु यावे ठेयब बाक्ब। कनान मेको आ नेल्ल क्यंडा आइक्च वाइल दुम्ल” दे शेम कली आसीक गेवा बाक्त। २७ मिनु लंशा “परमपरभुमी यफथ कली सोशा बोशा शुश दुम्पदल। मेको शेम आ ताम्बुम बाक्चा तवल। कनान चहिं मेको आ वाइल दुम्ल” दे लोत्र पवा बाक्त।

२८ मिनु ठेयब ब्याक्कु बारशा नोले, नोआह सहे सां ५० बरं बरांडमाक्त। २९ मिनु नोआह नेल्ल पा ९ सहे ५० बरं बरांडशा बेक्माक्त।

रागी नेल्ल डा मुर

१इतिहास १ :५-२३

१ ब्याक्कु बारम नोले नोआह आ तौपुकी १० शेम, हाम नु यफथमी तौपुकी थीमा बाक्त। नोआह आ तौ आन चच युइ सु सु बाक्मा बाक्त दंशा हना,

### यफ्थ आ चच युइ

२ यफ्थ आ तौ गोमेर, मागोग, मादे, यावान, तूबल, मेशक नु तिरास बाक्मा बाक्त। इर्जीकीएल २७:१३-२२; इर्जीकीएल ३६:२; इर्जीकीएल ३९:१,६ ३गोमेर आ तौपुकी अश्कनज, रीफत नु तोगारमाह बाक्मा बाक्त। ४ यावान आ तौपुकी एलीशाह, कितीम, टारशीश नु दोदानीम बाक्मा बाक्त। ५ मेको मुरपुकी रे समुन्दर आ नेक्था बाक्व जरमेशो बाक्मा बाक्त। मेकोपुकी यफ्थ आ चच युइ बाक्मा बाक्त। मेकोपुकी आंम रागीम बाक्शो बाक्मा बाक्त। मिनु आंम रागी रागीमी, आंम सिं सिं डा मुरुमी आंम लोत्र ब्याक्मा बाक्त।

### हाम आ चच युइ

६ हाम आ तौपुकी कूश, इजीप्ट, पूत नु कनान बाक्मा बाक्त। ७ कूश आ तौपुकी शेबा, हवीलाह, साब्लाह, रामाह नु साब्लेका बाक्मा बाक्त। रामाह आ तौ निकशी शेबा नु देदान बाक्सा बाक्त।

### निमरोद सक्ति पाइश्शो दुम्शो

८ मिनु कूशमी निमरोद यो थिमाक्त। मेको बोल्यो नु सक्ति पाइश्शो मुर दुम्माक्त। ९ मेको परमपरभु यावे आ डांडती सक्ति पाइश्शो सिखारी बाक्माक्त। मोपतीक मुरुमी बोल्यो मुर का तशा "परमपरभु यावे आ डांडती निमरोद खोदेशा सक्ति पाइश्शो सिखारी बाक्बाक्त" दे देतीक देमा बाक्त। मत्ती ५:५ १० मिनु आ डांडती डा राज्य बेबीलोन बाक्माक्त। अरु एरक नु अक्कद सहर बाक्मा बाक्त। मेको नेल्ल शिनार रागीम बाक्बाक्मा बाक्त। ११ निमरोद मेको रागी रे अस्सुर जाक्शा, निनवे, रहोबोथ-इर नु कालाह सहर सेला बाक्त। १२ निनवे नु कालाह सहर आस दातेमी रेसेन सहर सेला बाक्त। मेको ठेयब सहर बाक्माक्त।

१३ इजीप्ट, लूदीम, अनामीम, लेहाबीम, नफ्तुहीम, १४ पथरुसीम, कस्तुनुहीम नु कापतारीम आन आफ दुम्माक्त। मेकोपुकी रे पलिस्ती गरुमा बाक्त।

१५ मिनु कनानमी आ डांडती डा तौ सीदोन नु नोले हथ थिमाक्त। १६ मिनु नोले यबुसी, एमारी, गिरगाशी, १७ हिव्वी, अरकी, सिनी, १८ अरवादी, सेमारी नु हमामी थिमाक्त। नोले कनान रागी डा मुर शुश दुम्मा बाक्त। १९ कनान डा मुर आन

रागी सीदोन रे गेरार गे नु गाजा सम्म दुम्माक्त। सोदोम नु गोमोररा गे अदमाह, सेबोयीम नु लाशा सहर सम्म दुम्माक्त। २० मिनु हाम आ चच युइ आन सिं सिं डा मुर आन लोत्र, आन रू नु आन रागी बाक्मा बाक्त।

### शेम आ चच युइ

२१ शेम यफ्थ आ लोकबमी यो तौपुकी थिमाक्त। शेम एबर आ आल आन किर्की पिपी बाक्माक्त। उत्पत्ती ११:१० २२ शेम आ तौ चच युइ सु सु बाक्मा बाक्त देशा हना, एलाम, अश्शुर, अरपक्शाद, लूद नु अराम बाक्मा बाक्त। २३ अराम आ तौपुकी ऊज, हुल, गेथेर नु माश बाक्मा बाक्त। उत्पत्ती २२:२१ २४ मिनु अरपक्शाद शेलाह आ आफ दुम्माक्त। शेलाह एबर आ आफ दुम्माक्त। २५ एबरमी तौ निकशी थिमाक्त। का आ नें पलेग बाक्माक्त। मारदे हना मेना रागी योक्शो बाक्माक्त। पलेग नें आ अर्थ भाग का बाक्माक्त। अर्को आ नें योक्तन बाक्माक्त। उत्पत्ती ११:८-९; ब्यवस्था ३२:८ २६ मिनु योक्तनमी अल्मोदाद, शेलफ, हासार-मावेथ येराह २७ हदोराम, उजाल, दिक्लाह, २८ ओबाल, अबीमा-एल, शेबा, २९ ओफीर, हवीलाह नु योबाब आन आफ दुम्माक्त। मेको नेल्ल योक्तन आ तौ बाक्मा बाक्त। ३० मिनु आन बाक्तीक मेशा रे पूर्व डा सफार माइश्शो पहाड सम्म दुम्माक्त। ३१ मिनु शेम आ चच युइ आन सिं सिं डा मुर आन लोत्र, आन रू नु आन रागी बाक्मा बाक्त। ३२ मिनु मेको नोआह आ तौ नेल्ल आन सिं सिं डा मुर, आन चच युइ, आन आन रागी बाक्मा बाक्त। ब्याक्कु बारशा नोले मेकोपुकी रे रागी नेल्ल बरीमा बाक्त।

### बाबेल सहर डा लाइश्शो सिं

११ डांडती रागी नेल्ल डा मुर लोत्र का ब्याक्बाक्मा बाक्त। २ मुरपुकी पूर्व गे लना लन बाक्मानु, शिनार नें पाइश्शो रागीम ठेयब दिम का थिमे बाक्त। मिनु मेकेर सिं सेल्शा बाक्मा बाक्त। ३ मिनु मुरपुकीमी "लो, इंटा सेल्य। मिनु मीमी रिम्शा पा चोय" देमा बाक्त। मिनु फुल्लु आ पा डा इंटा नु हिलो आ पा डा अल्लकतरा गरुंइदमे बाक्त।

४ मिनु नोले मेकोपुकीमी "गोपुकी इं कली सहर का सेल्सीय, ठेयब लाइश्शो सरीड थिचा डा सिं

का सेल्य। इं नें ठेयब सेल्ल्मीशा, इं मुरपुकी रागी नेल्लेमी मबराथु बाक्य” दंमुमा बाक्त।

५ मिनु परमपरभु यावमेको मुरपुकीमी सेल्ल्शो सहर नु सरीड थिचशा ठेयब लाइशशा सिं कोव्रथ थिमाक्त। उत्पत्ती १८:२१; भजन संगरह १४:२ ६ मिनु परमपरभु यावमी “लो, मेको नेल्ल थुं का डा मुर नमी। मेको नेल्ल लोत्र का ब्वाक्नीम। मेको आन नक गोशा गेय ला बाक्ब। मार मार मिम्मे, मेको नेल्ल पने चान्नीम। प्रेरित २:१-११ ७ मुल उइ लय। मेको आन पशो लोत्र खाल्ला पपाइय्य। मिनु कामी अर्का आ लोत्र मरुबल” दंमाक्त। ८ मोपा परमपरभु यावमी मुर आन कली नेल्ल रागीम फरादीमी बाक्त। मिनु मेकोपुकीमी सहर सेल्ल्वा प्रोन्मे बाक्त। व्यवस्था ३२:८; लूका १:५१ ९ मोपतीके मेको सहर आ नें बाबेल वोदमे बाक्त। मारदे हना मेकर रे परमपरभु यावमी रागी नेल्ल डा मुर आन लोत्र खाल्ला बाक्त। मिनु परमपरभु यावमी मोपा मुर नेल्ल आन कली फरादीमी बाक्त।

### शम आ चच युइ

१० शम आ आ चच युइ सु सु बाक्मा बाक्त दंशा हना, शम सहे का बर्स दुम्मेनु, अरपक्शाद आ आफ दुम्माक्त। मेना ब्वाक्कु बारशा सोव्रशो बर्स निकशी दुम्शा बाक्माक्त। १ इतिहास १:२४-२७; लूका ३:३४-३६; उत्पत्ती १०:२१-२२ ११ मिनु शम अरपक्शाद थिशा नोले ५ सहे बर्स बरोइमाक्त। अरु तमी तौ यो थिमाक्त।

१२ मिनु अरपक्शाद ३५ बर्स दुम्मेनु, शेलाह आ आफ दुम्माक्त। १३ मिनु शेलाह थिशा नोले ४ सहे बर्स सां बरोइमाक्त। अरु तमी तौ यो थिमाक्त।

१४ मिनु शेलाह ३० बर्स दुम्मेनु, एबर थिमाक्त। १५ मिनु शेलाह एबर थिशा नोले ४ सहे बर्स सां बरोइमाक्त। अरु तमी तौ यो थिमाक्त।

१६ मिनु एबर ३४ बर्स दुम्मेनु, पेलग आ आफ दुम्माक्त। १७ मिनु एबर पेलग थिशा नोले ४ सहे ३० बर्स बरोइमाक्त। अरु तमी तौ यो थिमाक्त।

१८ मिनु पेलग ३० बर्स दुम्मेनु, रेऊ आ आफ दुम्माक्त। १९ मिनु पेलग रेऊ थिशा नोले सहे निकशी ९ बर्स बरोइमाक्त। अरु तमी तौ यो थिमाक्त।

२० मिनु रेऊ ३२ बर्स दुम्मेनु, सेरुग आ आफ दुम्माक्त। २१ मिनु रेऊ सेरुग थिशा नोले, सहे निकशी ७ बर्स बरोइमाक्त। अरु तमी तौ यो थिमाक्त।

२२ मिनु सेरुग ३० बर्स दुम्मेनु, नाहोर आ आफ दुम्माक्त। २३ मिनु सेरुग नाहोर थिशा नोले सहे निकशी बर्स बरोइमाक्त। अरु तमी तौ यो थिमाक्त।

२४ मिनु नाहोर २९ बर्स दुम्मेनु, तेराह आ आफ दुम्माक्त। २५ मिनु नाहोर तेराह थिशा नोले सहे का १९ बर्स बरोइमाक्त। अरु तमी तौ यो थिमाक्त। २६ मिनु तेराह ७० बर्स दुम्मेनु, अबराम, नाहोर नु हारान आन आफ दुम्माक्त।

### तेराह आ चच युइ

२७ तेराह आ चच युइ सु सु बाक्मा बाक्त दंशा हना, तेराह अबराम, नाहोर नु हारान आन आफ दुम्माक्त। हारानमी लोत थिमाक्त। २८ हारान चहिं आ आफ तेराह क्येडा डोइती आ जरमशो कल्दी डा ऊर सहरमी बेक्माक्त। २९ मिनु अबराम नु नाहोर निम्फामी ग्युंवे पाप्से बाक्त। अबराम आ मीश आ नें साराइ बाक्माक्त। नाहोर आ मीश आ नें मिल्का बाक्माक्त। मिल्का हारान आ तमी बाक्माक्त। हारान मिल्का नु यिस्का आस आफ बाक्माक्त। उत्पत्ती २२:२० ३० साराइ आल मथीब बाक्माक्त।

३१ मिनु तेराहमी आ तौ अबराम, आ चच लोत, हारान आ तौ, नु आ चाइमी, अबराम आ मीश साराइ आन कली लाइशशा, कल्दी रागी डा ऊर रे कनान रागी लचा गोव्रमे बाक्त। मिनु हारान माइशशा सहर जाकदीशशा बाक्मा बाक्त। यहासु २४:२; नहेम्याह ९:७ ३२ तेराह सहे निकशी ५ बर्स दुम्शा, हारान सहरम बेक्माक्त।

### परमपरभुमी अबराम नु लोत्र पशो

१२ मिनु परमपरभु यावमी अबराम कली “इ रे लावो। तंको रागी लचा माल्लेवे, गो इ कली कांडनन। गन्ती २३:९; प्रेरित ७:३; हिब्रू ११:८ २ गो इ रे पा ठेयब जात डा मुर सेल्लुडमी। गो इ कली आसीक गेनन। इ नें ठेयब सेल्लुड। गो अर्का आन कली आसीक दुम्मेवे। उत्पत्ती २४:१,३५; भजन संगरह ७२:१७ ३ सुमी इ कली आसीक गवा, गो मेको कली आसीक गेनुड। सुम इ कली सराप पाइबा, गो मेको कली सराप पाइनुड। इ पर्वम रागी डा मुर नेल्ल आसीक ताइनीम” दंमाक्त। उत्पत्ती १८:१८; उत्पत्ती २२:१८; उत्पत्ती २६:४; उत्पत्ती २८:१४; परस्थान २३:२२; प्रेरित ३:२५; गलाती ३:८

## अब्राममी परमपरभु कली टिथो

४ मिनु अब्राम परमपरभु यावे आ लोत्र नेंशा, हारान सहर रं गाकमाक्त। लोत यो अब्राम नु गाकमाक्त। हारान सहर रं गाकमनु, अब्राम ७५ बर्स, दुम्शो बाकमाक्त। ५ अब्राममी आ मीश साराइ, आ लोक्ब आ ती, लोत, आन मारइ मारइ, हारान सहरमी ग्याप्शो वाइलीम वाइल आन कली यो लदा बाक्त। मिनु मेको नेल्ल कनान रागी लचा गोत्रमे बाक्त। मिनु लशा कनान रागी जाकदीम्मा बाक्त।

## परमपरभुमी अब्राम कली रागी कोंइशो

६ मिनु अब्राम कनान रागी जाकदीश्शा, शेकम सहर आ नेकथा मोरह माइश्शो मुर आ रवा आ नेकथा जाकदीम्माक्त। मेना कनान डा मुरपुकी रागीम बाकशो बाकमा बाक्त। उत्पत्ती ३५ :४ ; यहासु २४ :२५-२६ ७ मेकर जाकदीम्मेनु, परमपरभु यावे अब्राम आ डोंइती गरूशा, मेको कली “एको रागी इ चच युइ आन कली गनुड” दे लोत्र गेवा बाक्त। मिनु अब्राममी “गो परमपरभु यावे कली ताता” दे चढ्ढतीक का सेला बाक्त। उत्पत्ती १३ :१५ ; उत्पत्ती १५ :१८ ; उत्पत्ती १७ :८ ; उत्पत्ती ३५ :१२ ; परस्थान ६ :४,८ ; परस्थान ३२ :१३ ; यहासु २१ :४३ ; पररित ७ :५ ८ मेकर रं लशा, बेथल सहर आ पूर्व गे डा डोंडामी आ ताम्बु याक्शा कीडा बाक्त। बेथल सहर पच्छिम गे नु ए सहर पूर्व गे बाकशा, मेकर यो परमपरभु यावे कली चढ्ढतीक का सेल्ला, परमपरभु यावे कली लोत्र पा ठेयब सेला बाक्त। उत्पत्ती ४ :२६

## अब्राम इजीप्त रागीम लशो

उत्पत्ती २० :१-१८ ; उत्पत्ती २६ :७-११

१ मेकर रं लशा, नेगेब माइश्शो रागी आ दक्खिन गे लमाक्त। १० मिनु मेको रागीम अन्काल बाकमाक्त। मोपतीके मेकर रं लशा, इजीप्त रागीम बाकथ, लमाक्त। मारदे हना ठेयब अन्काल बाकमाक्त। ११ मिनु इजीप्त ओत्रचा क्येडा डोंइती अब्राममी आ मीश साराइ कली “नेनो, गे दारशो मीश मुर बाकनेवे। १२ मिनु इजीप्त डा मुरुम इ कली तशा मेको आ मीश बाकब” दे आं कली साइक्नीम। इ कली चहिं बरांडचा गेनीम। १३ मोपतीके “आ समी नड” देनो। मिनु इ मो देशो आ पर्वम गो साइक्चा

मपुंडसीनुड, बरांडचा ताइनुड” दे आ मीश कली मदा बाक्त।

## साराइ कली लाइश्शो

१४ मिनु अब्राम इजीप्त रागीम जाकदीम्मेनु, इजीप्त डा मुरपुकीमी साराइ आ पर्वम “मरं मीश मुर थम दारशो बाकब” देमुमा बाक्त। १५ मिनु फाराओ माइश्शो पिप आ मुरपुकीमी साराइ कली तशा “थम दारशो मीश मुर का ताइतक” दे मदमे बाक्त। मिनु साराइ कली फाराओ आ खिं लदमे बाक्त। १६ मिनु साराइ आ पर्वम अब्राम भेडा, ब्यफ, गधा, वाइलीम वाइल नु दलओठ मारइ मारइ गेचा पुंडसे बाक्त।

१७ तन्न परमपरभु यावेमी फाराओ नु आ खिं डा मुर आन कली अब्राम आ मीश साराइ आ पर्वम ठेयब श्येत गेवा बाक्त। १८ मिनु फाराओमी अब्राम कली बरेशशा “गे आं कली मार पवी ? मारदे इ मीश बाकब” मदेने ? १९ मारदे “आं समी बाकब” देने ? गो हेरा आं मीश सेल्ला। मुल इ मीश लतो। एकर रं लावो” दे मदा बाक्त। २० फाराओमी मेको लोत्र आ मुर आन कली माइश्शा, अब्राम, आ मीश नु आ नु बाकब नेल्ल आन कली मेकर रं सोइक्तमे बाक्त।

## अब्राम नु लोत बराशो

१ मिनु अब्राम, आ मीश, आ मारइ मारइ नल्ल नु लोत यो लाइश्शा इजीप्त रं नेगेब रागी लमाक्त। २ अब्राम शुश बी ब्यफ क्यारश भेडा नु सुन चांदी पाइश्शो मुर बाकमाक्त। ३ मिनु दक्खिन डा नेगेब रं लशा, बेथल सहर जाकदीम्माक्त। मेकर बेथल सहर नु ए सहर आस दातेमी डोंइती आ ताम्बु कीतीकम जाकदीम्माक्त। ४ मिनु इजीप्त लचा क्येडा डोंइती मेकर सेल्ला चढ्ढतीकमी लेश्शा जाकदीश्शा, परमपरभु यावे कली लोत्र पा, ठेयब सेला बाक्त। उत्पत्ती १२ :८

५ मिनु लोत के यो क्यारश भेडा, बी ब्यफ नु ताम्बु शुश बाकमाक्त। ६ मिनु अब्राम नु लोत आस मारइ मारइ शुश दुम्तीके मेको निकशी काथा बाकने मचाप्स बाक्त।

७ मिनु अब्राम आ गोठलापुकी लोत आ गोठलापुकी नु जीमे बाक्त। मेना मेको रागीम कनानी नु परिज्जीपुकी बाकमा बाक्त। ८ मिनु अब्राममी लोत कली “गो पोबु नस। जिचा मदुम्ब। इ गोठलापुकी नु आं गोठलापुकी यो जिचा मदुम। ९ गे नु गो बराचा रिम्शो दुम्ब। एको

रागी नेल्ल इ डॉइती बाक्व। गे परा गे लते हना, गो ग्युरा गे लाइनुड। गे ग्युरा गे लते हना, गो परा गे लाइनुड” देमाक्त।

१०मिनु लोतमी यर्दन खोला आ नेक्था व्याक्कु बाक्शो रिम्शो दिम तवा बाक्त। मेको परमपरभु यावे आ रू नु इज्जीप्त रागी खोंदंशो दारशो तांइस बाक्त। सोआर सहर सम्म मोदंशो दारशो तांइस बाक्त। परमपरभु यावेम सोदोम नु गोमोररा सहर मीम जेप्पाइक्वा क्येडा डॉइती मेकर थाम्पा दारशो बाक्माक्त। उत्पत्ती २:८-१० ११मिनु लोत यर्दन खोला डा दिम योत्रशा, पूर्ब गे लमाक्त। मोपा लोत नु अब्राम बरासा बाक्त।

१२मिनु अब्राम कनान रागीम बाक्शो बाक्माक्त। लोत चहिं यर्दन खोला डा दिमम बाक्शो सहर आन नेक्था बाक्शा, आ ताम्बु याक्ना याक्न सोदोम सहर सम्म जाक्वदीम्माक्त। १३सोदोम सहर डा मुरपुकी थम मरिम्शो बाक्मा बाक्त। मेकोपुकीमी परमपरभु यावे आ डॉइती शुश मरिम्शो पाम बाक्त। उत्पत्ती १८:२०; उत्पत्ती १९:४-९

परमपरभुम अब्राम कली लोत्र गेशो

१४लोत नु अब्राम बरासा नोले परमपरभु यावेमी अब्राम कली “इ बाक्तीके रे पूर्ब, पच्छिम, उत्तर, दक्खिन गे कोत्रडो। १५गे तेको तेको रागी ताइनवे, मेकोन इ कली नु इ चच युइ आन कली गेना हना यो कली गेनुड। उत्पत्ती १२:७ १६गो इ चच युइ खप डा फुरक खोंदंशो पा शुश सल्लनुड। मुरुम फुरक हिक्न चाप्तक्म हना ला, इ चच युइ आन कली यो हिक्न चाप्नीम। तन्न मचाप्नीम। उत्पत्ती २८:१४; गन्ती २३:१०; १राजा ४:२० १७बाक्को, रागी नेल्ल हिश्शा लावो। मेको नेल्ल इ कली गेनन” दे परमपरभु यावेमी लोत्र गेवा बाक्त।

१८मिनु अब्राममी आ ताम्बु याक्शा, हेब्रोन रागी डा मामरे माइश्शो व्याक्कीम कीडा बाक्त। मिनु मेकर परमपरभु यावे कली चढ्देतीक का सेला बाक्त। उत्पत्ती १४:१३-२४

अब्राममी लोत कली प्रोंइशो

१४ मिनु शिनार डा पिप अमराफेल, एलाम डा पिप केदार-लाओमेर नु गोयीम रागी डा पिप तिदालम सासन पाम ना, यहासु १२:२३ २सोदोम डा पिप बेरा, गोमोररा डा पिप बिरशा, अदमाह डा पिप शिनार नु संबोयीम डा पिप

शेमेबर, बेला सहर डा पिप नु लडाइ पामे बाक्त। बेला सहर कली सोआर यो देनीम। उत्पत्ती १९:२४ ३मेको नेल्ल सिददीम दिममी लडाइ पथ सुम्सीशो बाक्मा बाक्त। ४मारदे हना मेकोपुकीमी लडाइ का बरुशा नोले, १२ बर्स सम्म श्यत जशा, पिप केदार-लाओमेर कली मार मार गेचा माल्मा बाक्त। मोपतीक मेकोपुकीम १३ बर्समी “मगेय, लडाइ पय” दे सल्ला पामे बाक्त। ५मिनु १४ बर्समी पिप केदार-लाओमेर नु मेको आ वारच पिपपुकी अशतारोथ-कारनाइमम बाक्व रेफाइमपुकी, हामम बाक्व जूजीमपुकी, शावेह-किरयथ-थाइम बाक्व एमीमपुकी, उत्पत्ती ३६:२०-३० ६सेइर पहाडम बाक्व होरी आ मुर नेल्ल आन कली एल-पारान मुर बाक्तीक आ नेक्था सम्म फरुमे बाक्त। ७मेको गराब पिप आन लां लेश्शा, एन-मिश्पात जाक्शा, हासासन-तामारम बाक्व अमालेकी नु एमोरी आन कली फरुमे बाक्त। एन-मिश्पात कली कोदेश यो देनीम।

८मेना सोदोम डा पिप, गोमोररा डा पिप, अदमाह डा पिप, संबोयीम डा पिप नु बेला डा पिप सल्ला पशा, बेला सहर कली सोआर यो देनीम ९सिददीम दिममी एलाम डा पिप केदार-लाओमेर गोयीम रागी डा पिप तिदाल, शिनार डा पिप अमराफेल नु एल्लासार डा पिप अरयोक् नु लडाइ पथ जाक्मा बाक्त। ४ जना पिपपुकीम ५ जना पिप नु लडाइ पशा बाक्मा बाक्त। १०मिनु सिददीम डा दिममी अल्कतरा खाल्टा शुश बाक्मा बाक्त। मिनु सोदोम नु गोमोररा डा पिप प्रोक्शा, खाल्टा आगा दोक्सा बाक्त। लीशो मुरपुकी चहिं पहाड गे प्रोक्मा बाक्त। ११मिनु केदार-लाओमेर नु आ हुलमी सोदोम नु गोमोररा सहर डा मुर नु आन मार मार नेल्ल रोइश्शा लदमे बाक्त। १२मिनु मेकोपुकीमी सोदोम सहरम बाक्शो अब्राम आ लोक्व आ तौ लोत नु आ मारइ मारइ नेल्ल यो लाइश्शा लमा बाक्त। उत्पत्ती १३:१०-१२

१३मिनु पहाडम प्रोक्शो मुर कामी हिब्रू अब्राम कली मेको लोत्र शेंदा बाक्त। अब्राम चहिं एमोरी मामरे आ व्याक्कीम बाक्शो बाक्माक्त। मामरे एश्कोल नु आनर वोबु बाक्सा बाक्त। मेको अब्राम कली वारच पाइब बाक्मा बाक्त। १४मिनु अब्राममी आ लोक्व आ तौ ग्याइश्शो नंशा, आ खिंमी जरमेशो सहे सां १८ जना लडाइ पचा कली शंसीशो मुर कली या गेशा, ठीक पवा बाक्त। मिनु मेकोपुकीमी

रोडकब आन कली दान सहर सम्म खेदा पामे बाक्त। यहाँसु १९:४७; न्यायाधीस १८:२९; १५नाकदोमी अबराममी आ मुर आन कली हल निक्शी पशा, रोडकबपुकी नु लडाइ पशा ग्राशा, होबाह सम्म खेदा पामे बाक्त। होबाह दमस्कस सहर आ उत्तर गे बाक्व। १६मोदंशो पा अबराममी सोदोम नु गोमोररा र रोडइशा मारइ मारइ नु आ लोक्व आ तो लोत आ मारइ मारइ नेल्ल, मीश मुर नेल्ल नु मेको निक्शी सहर डा मुर नेल्ल लेप्पदा बाक्त।

### मेल्लीसंदेक नु अबराम

१७मोपा अबराम केदार-लाओमर नु आ वारच पिपपुकी नु लडाइ पशा ग्राशा, लेशशा नोले सोदोम डा पिप शावेह माइइशो दिमम जाक्शा, अबराम कली गरुस्थ जाक्माक्त। शावेह माइइशो दिम कली पिप आन दिम यो देनीम। हिवरू ७:१-४ १८मिनु सालेम डा पिप मेल्लीसंदेकम अबराम नु आ मुर आन कली शोब्ले नु अडगुर शांबु चाक्गा बाक्त। मेको नेल्ल क्येडा ठेयब परमपरभु कली चढेब बाक्माक्त। मजन संगरह ११०:४; मजन संगरह ७६:३ १९मिनु मेकोमी अबराम कली आसीक गेशा “सरीड नु रागी सेल्व नेल्ल क्येडा ठेयब परमपरभु आ आसीक इ कली रल। २०मिनु नेल्ल क्येडा ठेयब परमपरभु मान ताइब बाक्व। मारदे हना इ जोरी सतरु इ गुइमी गेशा, इ कली गरापाइक्तु” दे ठेयब सेला बाक्त। मिनु अबराममी नेल्ल थोत्रक १० भाग डा भाग का मेल्लीसंदेक कली गेवा बाक्त। उत्पत्ती २८:२२; लेवी २७:३०-३२ २१मिनु सोदोम डा पिपमी अबराम कली “मुर ला गयी। अरु मार मार इन कली दुम्ल” देमाक्त। २२मिनु अबराममी सोदोम डा पिप कली “गो आं गुइ परमपरभु यावे, नेल्ल क्येडा ठेयब सरीड नु रागी सेल्व परमपरभु गे पोक्शा कसम जाता। २३गो इन के मारइ मलाइक्नुड। श्येले का, जुत्ता आ डोरी का यो मलाइक्नुड। मिनु गेमी ‘गो अबराम कली शुश शांप पाइइशो सल्ला’ दे गेनायो देन मचान्नीनी। २४आं गेय पाइब आन जशो चहिं लाइक्नुड। गो नु गाक्व आनेर, एशकोल नु मामर आन भाग चहिं लाइक्वा गेन” देमाक्त।

### अबराम आ आल

#### उत्पत्ती १७:-

१मिनु नोले परमपरभु यावेमी अबराम कली डामु सोदंशो पा कांडतीक कांडदा बाक्त। मिनु मेकोमी अबराम आ नं थिशा “अबराम महिनो। गो इ कली कोव्रनन। शुश आसीक गेनन” देमाक्त। गन्ती २४:४,१६; मजन संगरह ३:४ २तन्न अबराममी “आं कली मार गेनीनी डा? आं क आल मबाक्नीम। आ अडस ताइब दमस्कस डा एलीएजर दुम्ब। ३गो आं कली तमी तो मगेयीनी। मुल आं खिम जरेमेशो वाइलम आं अडस ताइब दुम्ल” देमाक्त। ४मिनु परमपरभु यावेमी लेशा “मेको मुरुम इ अडस मताइब। इ आंम रां डा इ तौमी इ अडस ताइब” देमाक्त।

५मिनु मेकोमी अबराम कली ताम्बु रे गरुइशा “सरीड गे कोत्रडा, सोरुल आन कली हिकको। मेको हिकने चान्नेव? गिश बाक्मा, इ चच युइ यो मिश दुम्नीम” देमाक्त। उत्पत्ती २२:१७; परस्थान ३२:१३; ब्यवस्था १:१०; हिवरू ११:१२ ६मिनु अबराममी परमपरभु यावे आ लोत्र थमा सुदा बाक्त। मिनु परमपरभु यावेमी अबराममी थमा सुइइशो तशा “ठीक पाइब मुर का बाक्त” दे तुइक्ता बाक्त। रोमी ४:३-५; याक्व २:२३

७मिनु लेशा अबराम कली “गो परमपरभु यावे नड। गो एको रागी इ कली गेचा कली कल्दी डा ऊर सहर र गरुइताक्न” देमाक्त। उत्पत्ती ११:३१; परस्थान ३:१४; यसेया ४५:५; यूहन्ना ८:२४-२९ ८मिनु अबराममी “परमपरभु, परमपरभु यावे, आं क रागी दुम्ब, दे दोपा तुइक्नुडा डा?” दे हिल्लो पवा बाक्त। ९मिनु मेकोमी “आं कली बर्स सां डा बी का, बर्स सां डा क्यारश का, बर्स सां डा सांड का, ढुकुर का परवा आ चाइक्व का चाक्ती” देमाक्त। १०मिनु अबराममी मेको नेल्ल चाक्शा क्योरशा, फेके पा रिक्शा, फेके का एर गे, फेके का आंथ गे पा वोदा बाक्त। ढुकुर नु परवा चहिं फेके मसेला बाक्त, येरमीया ३४:१८-१९ ११मिनु ठेयब चिक्वपुकी मेको श्ये तशा, जुक्तेम बाक्त। तन्न अबराममी “हाइ हाइ” दे गरीशा खरमी बाक्त।

### परमपरभुमी कबल पशो

१२मिनु नां रिक्वावानु, अबराम मारइ मतुइक्वा डा पा निन्दरा पवा बाक्त। मिनु शुश हिंचा माल्शो आ एर आंथ नेल्ल छिडछिड

दुम्माक्त। उत्पत्ती २:२१; १सामुएल २६:३२; यसेया २९:१० १३मिनु मकोमी अबराम कली “इ तौ चच युइ अर्का रागीमी अर्का रागी डा मुर दुम्नीम। मंकर बाक्मानु, वाइलीम वाइल या दुम्नीम। मंकर ४ सह बर्स सम्म श्येत जाइनीम। परस्थान १:१३; परस्थान १२:४०; पररित ७:६ १४गो चहिं मको आन बाक्शा रागी डा मुर आन कली निसाफ पा सजाइ गनुड। मारदे हना इ मुर आन कली वाइलीम वाइल सेल्नीम। मिनु नोले इ मुरपुकीम मको आन मारइ मारइ लाइइशा, मको रागी र गरूशा लाइनीम। परस्थान ३:२१-२२; पररित ७:७ १५गो चहिं थुं नाइइशा इ किकी पिपी आन बाक्तीक लाइनेव। शुश बर्स दुम्शा बेक्नेव। उत्पत्ती २५:७-८ १६इ मुरपुकी ४ पाला नोले ला एकर लेशशा जाक्नीम। मारदे हना एमोरी आन मरिम्शा पशो मनुष्शो बाक्त” दे परमपरभु यावेमी देमाक्त। पररित ७:७ १७मिनु नां रिक्शा, छिड्छिड् दुम्शा नोले मी बरशा चुप्नु का गरूमाक्त। मिनु बरशा तोवशी का मको श्य आ एर आंथ गाक्माक्त। परस्थान १९:१८ १८मको नाक्ती परमपरभु यावेमी अबराम नु कबल पशा “मको रागी इ चच युइ आन कली गनुड। मको इजीप्त डा ठेयब खोला र युफरेटीस सम्म बाक्ब। उत्पत्ती १२:७; १राजा ८:६५; १राजा ५:१ १९मंकर बाक्बपुकी कनी, कनीज्जी, कादमानी, २०हिती, परिज्जी, फाइम, २१एमारी, कनानी, गिरगाशो नु यबुसी आन रागी नेल्ल इ कली गनुड” दे अबराम कली लोव्र गशा, कबल पवा बाक्त।

हागार नु इश्माएल

उत्पत्ती २१:९-२१

**१६** १अबराम आ मीश साराइ आल मथीब बाक्माक्त। मिनु साराइ नु इजीप्त डा वाइलीम का बाक्माक्त। मको आ नें हागार बाक्माक्त। २मिनु साराइमी अबराम कली “ननीन, परमपरभु यावेमी आं कली आल मगेयी। मोपतीके आं वाइलीम नु बाक्कीन। मोपा गो आल ताइनुडा, कां?” देमाक्त। मिनु अबराममी आ मीशमी मार देम, मको पवा बाक्त। उत्पत्ती ३०:३९ ३मिनु अबराम कनान रागीम १० बर्स बाक्म नोले, आ मीश साराइमी आ इजीप्त डा वाइलीम हागार लाइइशा, आ वोंइश कली गेवा बाक्त। ४मिनु अबराम हागार नु इम्माक्त। मिनु हागार कोव्रज कुरशा दुम्माक्त। मको तुइइशा,

ठेयब लेशशा दुम्शा, आ होव्रपोक्म कली मटिवा बाक्त। ५मिनु साराइमी अबराम कली “आं कली मरिम्शा दुम्तीक इन कली दुम्ल। गो आं वाइलीम इन कली गता। मुल आंम कली कोव्रज कुरशा तशा, आं कली आइक्च सल्लती। परमपरभु यावेमी ग नु गो, इस दातेम निसाफ पवल” देमाक्त। ६मिनु अबराममी “ननो, इ वाइलीम इ गुइमी बाक्ब। मको कली इ दाक्शा पावो” दे साराइ कली देमाक्त। मिनु साराइमी हागार कली हुइक्तानु, मको परोक्माक्त।

हागार परोक्शा

७मिनु परमपरभु यावे आ स्वर्ग डा गेय पाइबमी हागार कली गोरशा रागी शुर लतीक लां डा ब्याक्कु बुक्तीक आ नेक्था थिदा बाक्त। परस्थान १४:१९; परस्थान २३:२०; गन्ती २२:२२; १राजा १९:७; १राजा १९:७; २राजा १९:३५ ८मिनु मकोमी “हागार, साराइ आ वाइलीम, ते लशा पिनी?” दे हिल्लो पवा बाक्त। मिनु हागारमी “आं होव्रपोक्म साराइ आ डांइती र परोक्ती” दे लोव्र लेत्ता बाक्त। ९मिनु परमपरभु यावे आ स्वर्ग डा गेय पाइबमी मको कली “इ होव्रपोक्म आ सिं लेतो। मिनु मको आ अंरशा टिशा बाक्को” देमाक्त। १०मिनु परमपरभु यावे आ स्वर्ग डा गेय पाइबमी लेंशा “इ चच युइ आन कली शुश दुम्पाइक्नुड। इ मुरपुकी सुइमी हिक्ने मचाप्वा डा पा शुश दुम्नीम” देमाक्त। उत्पत्ती १७:२० ११मिनु परमपरभु यावे आ स्वर्ग डा गेय पाइबमी लेंशा “ननो, ग कोव्रज कुरशा बाक्नेव। तौ का थीनेव। मको कली इश्माएल नें वोइक्का माल्नेव। मारदे हना परमपरभु यावेमी इ श्येत ताप्नु। परस्थान २:२३; अय्युब ३४:२८; मजन संगरह ९:१३; यसेया ४१:१७; याकूब ५:४ १२इ तौ जीब दुम्ब। मुर नेल्ल नु जीब। मुरपुकी यो मको नु जीनीम। मको आ लोक्बपुकी नु यो जीब दुम्ब” देमाक्त। उत्पत्ती २५:१८ १३मिनु हागारमी आ नु लोव्र पाइब परमपरभु यावे कली “ग आं कली ताइब परमपरभु ननी। गो थमा पा आं कली ताइब कली ताता” देमाक्त। उत्पत्ती २२:१४; परस्थान ३:७; २राजा १३:४ १४मोपतीके मको ब्याक्कु बुक्तीक आ नें बयर-लहाइ-रोइ वोदमे बाक्त। मको कादेश नु बेरद आस दातेम बाक्ब। उत्पत्ती २४:६२; उत्पत्ती २५:११

१५ मिनु हागारम अबराम के तौ का थिमाक्त। अबरामम मको कली इश्माएल नें वोदा बाक्त।

१६हागारम इश्माएल थिमेनु, अब्राम ८६ बर्स दुम्शो बाक्माक्त।

परमपरभुमी अब्राम नु कबल पशो

१७ १मिनु अब्राम ९९ बर्स दुम्मेनु, परमपरभु याव अब्राम आ डांडती गरुशा, मेको कली “गो नल्ल क्यडा सक्ति पाइशशो परमपरभु नड। गो, गो नु बाक्शा, ठीक पाइब दुमी। उत्पत्ती ३५:११; प्रस्थान ६:३; व्यवस्था १०:१२ २मिनु गो गे नु आं कबल पाइनुड। गो इ मुर हिकन मचाप्पा डा पा शुश सेल्लुडमी” देमाक्त। ३मिनु अब्राम सुम्की पा बाम्माक्त। परमपरभुमी मेको कली ४ “नेनो, मेको गो, गे नु आं कबल पतीक बाक्ब। गे शुश रागी डा मुर आन किकी पिपी दुम्नेवे। ५मुल रे इ नें अब्राम देचा मदुम्ब। इ नें अबराहाम दुम्चा माल्वे। मारदे हना गो इ कली शुश रागी डा मुर आन किकी पिपी सेल्लन। रोमी ४:११,१७ ६गो इ रे शुश मुर सेल्लुडमी, रागी रागी डा मुर सेल्लुड। इ रे पिपपुकी यो दुम्नीम। ७मिनु गो गे नु लोत्र पा आं कबल पाइनुड। गो इ चच युइ नु यो आं कबल पाइनुड। मेको गेना हना यो लीब कबल बाक्ब। गो इ परमपरभु नु इ चच युइ आन परमपरभु नड। ८मुल गे इ बाक्तीक रागीमी अर्का रागी डा मुर बाक्नेवे। नोले गो एको कनान रागी गेना हना यो इन कली नु इ चच युइ आन कली गनन्नी। गो चहिं मेको आन परमपरभु दुम्नुड” दे अबराहाम कली देमाक्त। उत्पत्ती ३५:२७; हिब्रू ११:९-१०; पररित ७:५

९मिनु परमपरभुमी अबराहाम कली “आं कबल पशो डा लोत्र नल्ल टिवो। मिनु इ नोले इ चच युइपुकीमी नल्ल पालामी यो आं कली मिम्शा, टिचा माल्वीम। १०गे नु इ नोले डा तौ चच युइ आन पचा माल्वो कबल मार बाक्त देशा हना, इ चारतीक डा कुशुल कुल पा खरोइक्चा माल्वेवे। गे नु इ चच युइ, वांइश मुर नेल्ल कली कुशुल खरोइक्तीक चिनु खरोइक्चा माल्वीम। लवी १२:३; यूहन्ना ७:२२ ११मेको गे नु गो इस कबल पशो आ चिनु बाक्ब। इजीकीएल २०:१२; व्यवस्था ३०:६; रोमी ४:११ १२मुल रे इ पाला डा मूरुम आन तौ कली ८ नाक्ती दुम्मानु, खरोइक्तीक चिनु खरोइक्चा माल्वीम। इ खिम जरमेशो वांइश आल, तेको तेको रागी रे ग्याप्शो इ वाइल नु आन तौ नेल्ल आन कली यो खरोइक्तीक चिनु खरोइक्चा माल्वीम। १३इ खिम जरमेशो, इ चांदीम ग्याप्शो मुरपुकी

कली यो खरोइक्तीक चिनु खरोइक्चा माल्वीम। मिनु आं कबल पशो डा चिनु इ रोम बाक्चा माल्वे। मेको गेना हना यो लीब कबल बाक्ब। १४खरोइक्तीक चिनु मखरोइशो वांइश मुर नु वांइश आल आन मुर आन दाते रे तिल्ला पुंइसीनीम। मारदे हना मेकोपुकीमी आं कबल पशो प्रोइशो बाक्नीम” देमाक्त।

१५मिनु परमपरभुमी अबराहाम कली “गे इ मीश कली ‘साराइ’ मदेचा, मुल रे मेको कली ‘सारा’ नें वोइक्चा माल्वेवे। १६गे मेको कली आसीक गेनुड। गो इ कली मेको रे तौ का गेनुड। मिनु सारा रागी रागी डा मुर नु जात जात डा मुर आन पिप आन ममा दुम्ब” दे परमपरभुमी देमाक्त। उत्पत्ती १२:२-३ १७मिनु अबराहाममी सुम्की पा बाप्पा, रिशशा “सहे का बर्स डा मूरुम आल थीबा? सारा ९० बर्स दुम्शा, आल थिन चाप्पा?” दे आंम कली देमाक्त। उत्पत्ती १८:१२; उत्पत्ती २१:६; लुका १:१८; रोमी ४:१९-२१ १८मिनु अबराहाममी परमपरभु कली “इश्माएल इन डांडती बाक्ल” देमाक्त। १९मिनु परमपरभुमी “ममाइ, इ मीश सारामी थमा पा तौ का थीब। मेको आ नें इसहाक वोइक्चा माल्वेवे। मेको नु आं कबल पतीक गेना हना यो दुम्ब। मेको आ नोले डा आ तौ चच युइ नु यो लीब। २०इश्माएल आ पर्वम मार देन, गो मेको नेल्ल नेंता। नेनो, गो मेको कली आसीक गेनुड। मेको सोशा बोशा, शुश दुम्ब। गो मेको कली १२ जना पिप आन आफ सेल्लुड। गो मेको कली टेयब जात दुम्पाइक्नुड। उत्पत्ती १६:१०; उत्पत्ती २१:३३,१८; उत्पत्ती २५:१६ २१तन्न आं कबल इसहाक नु पाइनुड। सारामी बर्स का नोले इसहाक थीब” देमाक्त। २२मिनु परमपरभु अबराहाम नु लोत्र पने थुम्शा लमाक्त।

खरोइक्तीक चिनु आ पर्वम शंशो

२३मिनु परमपरभुमी लोत्र पवा नाक्ती अबराहाममी आ तौ इश्माएल, आ खिम जीरमेशो नु ग्याप्शो वाइल नु आ खिम डा वांइश मुर नेल्ल आन कली खरोइक्तीक चिनु खरोइक्चापुकी बाक्त। २४अबराहाममी खरोइक्तीक चिनु खरोइक्चा नाक्ती ९९ बर्स दुम्शो बाक्माक्त। २५आ तौ इश्माएल खरोइक्तीक चिनु खरोइक्तीक नाक्ती १३ बर्स दुम्शो बाक्माक्त। २६मिनु अबराहाम नु इश्माएल नाक्त कामी खरोइक्तीक चिनु ताम्स बाक्त। २७आ खिम डा वांइश मुर नेल्ल, आ खिम

जरमेशो नु रागी रे ग्याप्शो वाइल नेल्लेम यो मेको नाक्ती खरोइक्तीक चिनु तामे बाक्त ।

परमपरभु मामरे आ ब्याकीम गरूशो

१मिनु काबु नाक्ती अबराहाम मामरे  
१८ आ ब्याकीमी बाक्ताक्त । आ ताम्बु आ लाप्चामी निस्स बाक्त । मारदे हना शुश हुप्ता बाक्त । मेना परमपरभु यावे मेको कली गरूथ जाक्ताक्त । २मिनु मुर सां गरूशा, आ डांडती राप्शो तवा बाक्त । मेको आन कली तशा, छुल बोक्शा बाप्शा, सउ पवा बाक्त । हिब्रू १३:२ ३मिनु अबराहाममी “आं परमपरभु, आं कली दाक्ताक्ती हना, इन गेय पाइब र मो मलने । ४ इन खोइल चिकचा कली ब्याक्कु गेनन्नी । मिनु चिकशा, रवा आगाम नांडसीन । ५ गो इन कली इक्का शोब्ले बरथ लाइनुड । लाम्ज जचा माल्नीनी । मारदे हना गेपुकी इन गेय पाइब कली गरूथ जाक्शा बाक्तीनी” देमाक्त । मिनु मेकोपुकीमी “इ देशो खोदेशो पावो” देमा बाक्त ।

६मिनु अबराहाम दोरशा, ताम्बुम लशा, सारा कली “गे रीब पा सआह सां रिम्शो फस के शोब्ले चोवो” देमाक्त । सआह का ७ लिटर पुक्तीक बाक्ब । ७ अबराहाम चहिं गोठमी दोरशा लशा, दोम्शो रिम्शो बाछ्हा का चाक्शा क्योरपाइश्शा, गेय पाइब कली क्येपदा बाक्त । ८मिनु दहि, दूध नु श्ये चाक्शा, मेको आन कली खरतीमी बाक्त । मिनु मेकोपुकीमी जामेनु, अबराहाम मेको आन नेक्था रवा आ पुंम राप्शा बाक्ताक्त ।

९ मिनु मेकोपुकीमी “इ मीश सारा ते बाक्मे ?” दे हिल्लो पामे बाक्त । मिनु अबराहाममी “ताम्बुम बाक्ब” देमाक्त । १० मिनु कामी “गो एकर लेशा माइक्थ जाक्नुड । मेना इ मीशेमी तौ का थिशो बाक्ब” देमाक्त । मिनु सारा ताम्बु आ लाप्चोम मेको लोत्र पाइब आ नोल खरुइश्शा बाक्शा, मेको लोत्र नेना बाक्त । उत्पत्ती १७:१९ ; रोमी ९:९ ११ अबराहाम नु सारा खाल्पा खाल्पी दुम्शो बाक्सा बाक्त । सारा आ रां बरोल्वा यो नुप्शो बाक्ताक्त । १२ मोपतीके सारामी मेको लोत्र नेशा “गो खाल्पी दुम्ती । आं वोंइश यो खाल्पा दुम्त । मिनु आल थीनुडा डा ?” दे रिस्से बाक्त । उत्पत्ती १७:१७ ; १पतरूस ३:६ १३ मिनु परमपरभु यावेमी अबराहाम कली “सारा मारदे गो खाल्पी दुम्शा, आल थीनुडा डा ?” दे रिस्से ? १४ गो परमपरभु यावे नड । गो नेल्ल पने चानुड । गो माइक्थ लेशा जाक्डानु, सारामी तौ थिशो बाक्ब” देमाक्त । मत्ती १९:२६ ; लूका १:३७

१५ सारामी चहिं “गो मरिस्सीड” दे जोल पवा बाक्त । मारदे हना हिंमाक्त । तन्न मेकोमी “गे थमा पा रिस्साक्वे” देमाक्त ।

१६ मिनु मेको मुर सां बोक्शा, सोदोम सहर गे लमा बाक्त । अबराहाममी मेको आन कली आइक्ची सम्म चोवथ लमाक्त । १७ मिनु परमपरभु यावेमी “गो मार पचा चिक्तु, मेको मखरुइक्थु अबराहाम कली शंनुड । आमास ३:७ १८ अबराहाम ठेयब नु बोल्थो रागी डा मुर आन आफ दुम्ब । मिनु रागी नेल्ल डा मुरपुकीमी मेको आ पर्वम आसीक ताइनीम । उत्पत्ती १२:३ १९ गो अबराहाम कली तुइक्नुड, आ आल नु आ चच युइ आन कली परमपरभु यावे आ लां गाक्पाइक्चा कली अरेब । मिनु मेकोपुकी परमपरभु यावे आ लां खोइक्ब दुम्शा, ठीक नु रिम्शो पचा शंसीशा पाइनीम । परमपरभु यावेमी अबराहाम कली मार लोत्र देमे, मेको नेल्ल दुम्ल” देमाक्त । ब्यवस्था ६:७ ; ब्यवस्था ३२:४६

अबराहाममी परमपरभु नु लोत्र पशो

२० मिनु परमपरभु यावेमी “गो सोदोम नु गोमोरा सहर निक्शी आस पर्वम शुश मरिम्शो लोत्र नेंता । मारदे हना मेकर डा मुर आन मरिम्शो पशो शुश हिंचा डा बाक्त । उत्पत्ती १९:१३ २१ मुल गो कोवथ यीनुड । एको नेशो लोत्र थमा बाक्म कां, जोल बाक्म, गो तुइक्नुड” देमाक्त ।

२२ मिनु परमपरभु यावे आ स्वर्ग डा गेय पाइब निक्शी सोदोम गे लसा बाक्त । अबराहाम परमपरभु यावे आ डांडती राप्शा बाक्ताक्त । २३ मिनु अबराहाम मेको आ नेक्था लशा “गे ठीक पाइब आन कली नु मरिम्शो पाइब आन कली खाल का डा पा क्याम्नीनी ? गन्ती १६:२२ २४ मेको सहरमी ५० जना ठीक पाइब मुर बाक्तेक्म हना, सहर कली क्याम्नीनी ? मेको ५० जना ठीक पाइब मुर आन पर्वम मेको सहर मप्रांडनीनी ? २५ ममाइ, गे मोदेशो पा मक्याम्नीनी । गे ठीक पाइब नु मरिम्शो पाइब आन कली खाल का डा पा मसाइक्तीनी । थमान, ठीक पाइब नु मरिम्शो मुर आन कली खाल का डा मपाइनीनी । गे रागी रागी डा निसाफ पाइब बाक्शा, ठीक निसाफ पाइनीनी” देमाक्त । भजन संगरह ८२:१ ; भजन संगरह ९४:२ २६ मिनु परमपरभु यावेमी “सोदोम सहरम ५० जना ठीक पाइब मुर बाक्तेक्म हना, गो मेको आन पर्वम सहर मक्याम्नुड” देमाक्त । यसेया ६५:८ ; मत्ती

२४:२२ २७ मिनु अबराहाममी “गो फुरक नु पुलु रे दुम्शा मुरुमी परमपरभु नु लोत्र पाता। २८ मको सहरम ४५ जना मुर ला ठीक पाइब बाक्तेकम हना, मे मको ४५ जना मुर, ५ जना मजाकदीतीक सहर क्याम्नीनी ?” दे हिल्लो पवा बाक्त। मिनु मकोमी “गो मकर ४५ जना ठीक पाइब मुर थितामी हना, गो सहर मक्याम्नुड” देमाक्त। २९ मिनु अबराहाममी लेंशा “४० जना ठीक पाइब बाक्तेकम हना ?” देमनु, मकोमी “गो मको ४० जना आन परबम यो सहर मक्याम्नुड” देमाक्त। ३० मिनु अबराहाममी “परमपरभु, मगाइक्तीनि, गो चिनु लोत्र पाइनुड। ३० जना ठीक पाइब मुर बाक्तेकम हना ?” देमाक्त। मिनु परमपरभुमी “३० जना बाक्तेकम हना, मको आन परबम यो मक्याम्नुड” देमाक्त। ३१ मिनु अबराहाममी लेंशा “गो परमपरभु इन कली लेंशा लोत्र पाइनुड, सहरमी २० जना ला ठीक पाइब मुर बाक्तेकम हना ?” देमाक्त। मिनु मकोमी “२० जना ठीक पाइब मुर बाक्तेकम हना यो, मको आन परबमी सहर मक्याम्नुड” देमाक्त। ३२ मिनु अबराहाममी “परमपरभु, मगाइक्तीनि। गो चिनु लोत्र हिल्लो पाइनुड। १० जना ला ठीक पाइब मुर बाक्तेकम हना ?” देमाक्त। मिनु मकोमी “गो मको १० जना ठीक पाइब आन परबम यो सहर मक्याम्नुड” देमाक्त। न्यायाधीस ६:३९ ३३ मिनु अबराहाम नु लोत्र पने थुम्शा, परमपरभु यावे आ लां लमाक्त। अबराहाम आ बाक्तीक लेम्माक्त।

सोदोम नु गोमोररा क्याम्शो

१९ मको परमपरभु यावे आ स्वर्ग डा गेय पाइब निकशी सोदोम सहरम नाकनाकदो जाकदीस्सा बाक्त। मेना लोत सहर आ गारो डा ठेयब लाप्चो आ नेक्शा निश्शा बाक्मेनु, गूरुम्स बाक्त। मिनु लोतमी मको आस कली तशा बोक्शा, सुम्को पा बाम्माक्त। उत्पत्ती १८:२२ २ मिनु लोतमी “आं परभु निकशी, नेनीसे, मुलाकदो आं खिम बाक्कीसे। इस खोइल चिकसीसे। सुनी बोक्शा, इस लां लने चानीसी” देमाक्त। मको निकशीमी “ममाइ, गो मेरे लाडगाम इनस्कु” देसा बाक्त। ३ मिनु लोतमी शुश लोत्र पवा नोले आ खिमी बास बाक्सा बाक्त। लोतमी मको आस कली बरोत्रबरोत्रशो न्येशा, बोरब ओस्ती मसुष्शो शोब्ले सेला बाक्त। मिनु जाम्से बाक्त। ४ मिनु इप्चा क्येडा डॉइती सोदोम सहर डा वॉइश मुरपुकी खिं आ एर आंथ सुम्सीशा बाक्सा बाक्त। खाल्पा, टिटा

सहर डा वॉइश मुर नेल्ल सुम्सीशा बाक्सा बाक्त। ५ मकोपुकीमी लोत कली “नाकनाकदो इ खिम जाकशो वॉइश मुर ते बाक्सा। आंइ दाकशो पचा कली लाडगाम सोइक्तो” देसा बाक्त। लेवी १८:२२-२५; न्यायाधीस १९:२२-२४; रोमी १:२७ ६ मिनु लोत लाप्चो रे लाडगा गुरूशा, आ नोले लाप्चो चोकशा वादा बाक्त। ७ मिनु मकोमी “आं लोकबपुकी, मोपा मरिम्शो मपने। ८ नेनीन, आं क कन्ने तमी निकशी बाक्नीसी। मको इन कली लाडगा सोइक्नुड। मार मार पचा दाक्नीनी, मको निकशी नु पने। आं खिमी जाकशो वॉइश मुर आस कली मारइ मपने। मारदे हना बास बाक्चा कली आं खिम जाक्ताक्से” देमाक्त। ९ मकोपुकीमी चहिं “गे लावो। गे ला एको सहरमी अर्की रागी डा मुर बाक्नेवे, आंइ कली हुकुम पचा माल्लेवे? लो, मको निकशी आस क्येडा इ कली श्येत गेनीकी” देसा बाक्त। लोत कली शुश लोत्र पशा, लाप्चो रोक्चा माल्मे बाक्त। १० पतरुस २:७-८ १० तन्न आगा डा वॉइश मुर निकशीमी आस गुड लाडगा गरुंडशा, लोत कली ग्याइश्शा आगा कीशा, लाप्चो चोकगसे बाक्त। ११ मिनु मको निकशीमी लाडगाम बाक्शो मुर आन कली मिक्च मताइब सेल्से बाक्त। मिनु मकोपुकीमी लाप्चो मथित्यु, माल्वा परोन्मे बाक्त। १२ राजा ६:१८

१२ मिनु मको निकशीमी लोत कली “गे इ के सु सु बाक्नीमी? चांइवा, तमी ती नु सहरम इ मुर सु सु बाक्नीमी? एको सहर रे गरुंडदो। १३ मारदे हना गो एको सहर कली क्याम्नस्कु। परमपरभु यावे आ डॉइती एको आन गरांगरा दिचा डा गेय आ परबम शुश रेयक बाक्ब। परमपरभु यावेमी आंस कली एको सहर क्याम्चा, दे सोइश्शो बाक्ब” देसा बाक्त। उत्पत्ती १८:२० १४ मिनु लोतमी आ तमी आस कली ग्युंब पचशो वॉइश आल आस कली गूरुम्शा “बोक्कीसे, सहर रे लसे। मारदे हना परमपरभु यावेमी सहर क्याम्ब” दे माइक्सी बाक्त। मको निकशीमी चहिं “रित्वा डा लोत्र बाक्त” दे मिम्तसे बाक्त। गन्ती १६:२१

१५ मिनु भाले गरीमेनु, परमपरभु यावे आ स्वर्ग डा गेय पाइब निकशीमी लोत कली “बोक्को, इ मीश नु इ तमी निकशी आस कली लाइश्शा, एको सहर रे परोक्कीन। मपरोक्तीनी हना, एको सहर डा मुर सोदेशो पा क्याम्चा पुंडसीनीनी” देसा बाक्त। १६ मिनु लोत कली आंसां बोक्शो तशा, मको कली आ तमी निकशी नु आ मीश आन कली गुइ रे कीशा, सहर रे गरुंडदसे बाक्त। मोपा

परमपरभु यावेमी लोत नु आ सिं डा मुर आन कली दाक्शा परांडमी बाक्त ।

१७ सहर रं गरुंडशा, परमपरभु यावे आ स्वर्ग डा गेय पाइब कामी “बरांडचा दाक्नीनी हना, नोले मकोव्रथु परोक्कीन । दिमम मबाक्कीन । पहाड गे परोक्कीन । मो मपाइतीनी हना, ग सहर डा मुर नु क्याम्बा पुंडसीनीनी” देमाक्त । मत्ती २४ :१६ १८ मिनु लोतमी “आं परभु, गो मचबु । १९ ननीन, गो इन शिशो ताता । गो आइ कली दाक्शा, बेक्चा रं परोइतीनी । गो पहाड परोक्कन मचबु । पहाडमी अर्का श्येतमी आं कली साइक्बा, को । २० ननीन, ह्यु उइ डा सहर परोक्का कली आं नेक्था बाक्ब । आइक्च यो बाक्ब । मेकर परोक्का गेयीनी । मेको सहर आइक्च बाक्ब । मेकर बरांडने चानुड” देमाक्त । २१ मिनु मेकोमी “लो, गो इ पुंडशो गेनुड । इ देशो सहर मक्याम्नुड । २२ रीब पा परोक्कीन । गे मजाक्दीन्नी सम्म मारइ पने मचानुड” देमाक्त । मेको सहर कली सोआर नें वोदा बाक्त । आइक्च कली सोआर देसीब ।

२३ मिनु लोत सोआर सहर ओव्रची ना रागीमी नां दान् थुम्शो बाक्माक्त । २४ मिनु नोले परमपरभु यावेमी सोदोम नु गोमोररा सहर आस तारी सरीड रं गन्धक नु मी रउ यिशो सोदेशो पा यिपदा बाक्त । व्यवस्था २९ :२२ ; मजन संगरह ११ :६ ; यसैया १ :९-१० ; यसैया १३ :१९ ; आमोस ४ :११ ; लुका १७ :२९ ; २पतरूस २ :६ ; परकाश १४ :१० २५ मिनु परमपरभु यावेमी मेको सहर निक्शी, दिम नल्ल, सहर डा मुर नल्ल नु रूम मार मार वाशो बाक्म, मेको नल्ल क्याम्दा बाक्त । २६ लोत नु आ मुर परोक्मानु, लोत आ मीशमी नोले विर लेशशा कोव्रडा बाक्त । मिनु मेको हिक्सी के थाम दुम्माक्त ।

२७ मिनु अब्राहाम नाक्त का डांडती परमपरभु यावे आ डांडती राष्ठा बाक्तीकम लमाक्त । २८ मिनु सोदोम नु गोमोररा सहर डा दिम डा रू नल्ल कोव्रडा बाक्त । मिनु मेको सहर निक्शी नु रू नल्ल रं ठेयब चुप्तु डा मी सोदेशो पा कुन गरूशो तवा बाक्त ।

२९ मोपा परमपरभुमी मेको दिम, सहर निक्शी क्याम्दा बाक्त । मेना परमपरभुमी अब्राहाम आ पुंडशो लोत्र मिम्शा, लोत कली मेको सहर रं गरुंडशा परोना बाक्त । नोले मेकोमी मेको सहर नल्ल खतम पोक्गा बाक्त ।

लोत आ तमी निक्शी

३० मिनु लोत नु आ तमी निक्शी सोआर रं लशा, पहाड मर लमा बाक्त । मारदे हना सोआर सहरम बाक्चा हिंमा बाक्त । मेको नु आ तमी निक्शी पहाड डा पुक्सीम बाक्शो बाक्मा बाक्त । ३१ मिनु लोत आ डांडती जर्मशो तमीमी “इस आफ खाल्पा दुम्त । नल्ल रागीमी इस कली वांडश मुर मबाक्म । ३२ लो, इस आफ कली अडगुर शांबुमी दुक्पाइश्शा, इस आफ नु बाक्स । मोपा इस आफ कली चच युइ दुम्नीम” दे आ लोकब कली देमाक्त । लेवी १८ :७ ३३ मेको नाक्दो आस आफ कली अडगुर शांबुम दुक्पदस बाक्त । मिनु आ ठेयब तमी आ आफ नु इम्माक्त । लोतमी आ तमी आं नु इप्शो, बोक्शो मारइ मतुइक्ता बाक्त । ३४ मिनु आ दीसा ठेयब तमीमी आ लोकब कली “ननो, गो सिनाक्दो आफ नु बाक्ती । गो लेशा आफ कली अडगुर शांबुमी दुक्पाइक्स । मुलाक्दो गे इपो । मोपा इस आफ रं चच युइ दुम्नीम” देमाक्त । ३५ मिनु मेको निक्शीमी आस आफ कली मेको नाक्दो यो दुक्पदस बाक्त । मिनु कान्छी आ आफ नु इप्थ लमाक्त । मिनु लोतमी आ तमी आं नु इप्शो, बोक्शो मारइ मतुइक्ता बाक्त । ३६ मिनु लोत आ तमी निक्शीमी आस आफ के कोव्रज कुरसे बाक्त । ३७ मिनु ठेयब तमीम ती का थिमाक्त । मेको आ नें मोआब वोदा बाक्त । मेको मोआबी आन किर्की पिपी बाक्माक्त । व्यवस्था २ :९ ३८ कान्छीमी यो ती का थिमाक्त । मेको आ नें बेन-अम्मी वोदा बाक्त । मेको अम्मांनी आन किर्की पिपी बाक्माक्त । व्यवस्था २ :१९ ; व्यवस्था २३ :४

अब्राहाम नु अबीमलेक

उत्पत्ती १२ :१०-२० ; उत्पत्ती २६ :१-११

१ मेकर रं अब्राहाम दक्खिनम बाक्ब २० नेगेब गे लमाक्त । मिनु कादेश नु शुर आस दाते गेरार सहरमी अर्का रागी डा मुर दुम्शा बाक्माक्त । उत्पत्ती १२ :९ ; उत्पत्ती २६ :१ २ मेकोमी मुर आन कली आ मीश, सारा आ पर्वम “आं समी बाक्ब” देमाक्त । मिनु गेरार डा पिप अबीमलेकमी मेको कली बरथ साइक्ता बाक्त । ३ मिनु अबीमलेकम आ डोमुमी परमपरभु आ डांडती गरूशो तवा बाक्त । मिनु “गे मीश चाक्शो आ पर्वम बेक्चा माल्नेवे । मारदे हना मेको ग्युंवे पशो मीश मुर बाक्ब” देमाक्त । ४ मिनु अबीमलेकम मेको नु मइप्तीके “परमपरभु,

गे दोस मताइब मुर आन कली यो साइक्नीनी ?  
 २ मकोमी आं कली 'आं समी बाक्ब' मंदंम डा ?  
 आ मीशमी यो 'आं लोकब बाक्ब' दंत। गो  
 रिम्शो थुं नु थमा पा मतुइक्तीकमी चाक्ता"  
 दंमाक्त। ६ मिनु परमपरभुमी मको आ डोंसुमी "गे  
 रिम्शो थुंमी पाप्तीवी। गो तुइक्नुड। मोपातीक  
 गो इ कली मको कली थिचा मगंथु, आं डोंइती  
 मरिम्शो पचा मगंड। ७ मुल मको मुर आ मीश  
 लेत्तो। मारदे हना मेको आं लोत्र पाइब का  
 बाक्ब। मेकोमी इ पर्वम पुइब। मिनु ग ब्रॉइनेवे।  
 गे आ मीश कली मलत्ताक्वी हना, ग थमा  
 पा बेक्चा माल्नेवे। इ मुर नेल्ल यो बेक्चा  
 माल्नीमी, दे तुइक्तो" दंमाक्त। १२ राजा १३:६

८ मोपातीक अबीमलेक सुनी कना बोक्शा, आ  
 गेय पाइब नेल्ल आन कली बरेशशा, आ डोमु  
 नेल्ल शोत्रडा बाक्त। मिनु मुर नेल्ल शुश  
 हिंमा बाक्त। ९ मिनु अबीमलेकम अबराहाम  
 कली यो बरेंता बाक्त। मिनु मेको कली "मारदे  
 आंइ कली ओदंशो पवी ? गो नु आं रागी कली  
 ओदंशो मरिम्शो पपाइक्चा कली गो इ कली मार  
 मरिम्शो पाइक्ना ? गे मपचा डा गेय पाप्तीवी।  
 १० गे मारदे ओदंशो पचा मिम्ती ?" दंमाक्त।  
 ११ मिनु अबराहाममी "थमा पा, एको रागी डा  
 मुरपुकी परमपरभु कली मान पा महिनीमी। मिनु  
 आं मीश आ पर्वम आं कली साइक्नीम, दे  
 मिम्ताक्ड। १२ मेको थमा आं समी यो बाक्ब।  
 आं आफ आ तमी बाक्ब। तन्न आं ममा आ  
 तमी ममाइ। गो मेको कली चाक्ता। लेवी १८:९  
 १३ मिनु परमपरभुमी आं कली आं आफ आ  
 खिं र गाक्पाइय्यीनु, गो आं मीश कली 'आं  
 कली दाक्नेवे हना, गो ते ते जाक्दीस्सा, मेक  
 मेक एको आं लोकब बाक्ब, देनो' दे माइक्ता"  
 दंमाक्त। १४ मिनु अबीमलेकमी भेडापुकी, बी  
 व्यफ नु वाइलीम वाइल आन कली लाइश्शा,  
 अबराहाम कली गेवा बाक्त। आ मीश सारा यो  
 लेत्ता बाक्त। १५ मिनु "ननीन, आं रागीमी ते  
 ते बाक्चा दाक्नेवे, मेक मेक बाक्ने चाप्नेवे"  
 दंमाक्त। १६ मिनु सारा कली "ननी, इ लोकब  
 कली ह्जार का चांदी टुकरा गेता। मेको इन कली  
 इ मुर आन डोंइती इ कली रिम्शो पचा कली  
 गेता। मोपा नेल्ल आन डोंइती इ कली ठीक  
 पाता" दंमाक्त। १७ मिनु अबराहामम अबीमलेक  
 आ पर्वम परमपरभु कली पुना बाक्त। मिनु  
 परमपरभुमी अबीमलेक, आ मीश नु आ गेय  
 पाइब नेल्ल आन पर्वम आल मथितीक रोइ रं  
 सापदा बाक्त। १८ मारदे हना परमपरभु यावेमी

अबराहाम आ मीश सारा आ पर्वम अबीमलेक आ  
 खिं डा मुर नेल्ल आन कली आल मथीब सल्शो  
 बाक्माक्त।

### इसहाक जर्मेशो

१ मिनु परमपरभु यावेमी सारा कली मार  
 २१ दंम, मेकोन दुम्पदा बाक्त। उत्पत्ती  
 १८:१० २ मिनु सारामी खाल्पी दुम्शा,  
 अबराहाम के कोत्रज कुरशा, तो का थिमाक्त।  
 परमपरभुमी गेना थीब दंम, मेना थिमाक्त।  
 हिब्रू ११:११ ३ मिनु अबराहाममी सारा आ  
 थिशा तो कली इसहाक नं वादा बाक्त। उत्पत्ती  
 १७:१९ ४ मिनु अबराहाममी आ तो इसहाक  
 कली ८ नाक्ती दुम्सनु, खरोइक्तीक चिनु  
 खरोदा बाक्त। परमपरभुमी डोंइती दोपा अरेवा,  
 मोपा पवा बाक्त। उत्पत्ती १७:११-१२; पररित  
 ७:८ ५ अबराहाम आ तो इसहाक थिमेनु, सहे  
 का बर्स दुम्शो बाक्माक्त। उत्पत्ती १७:१७

६ मिनु सारामी "परमपरभुमी आं कली  
 रिप्पाइक्ती। सु सुम एको ननीमी, मेको यो गो नु  
 रिन्नीम। उत्पत्ती १८:१२ ७ सु सुमी अबराहाम  
 कली 'इ मीशमी आल कली दूध तुंइब' दंनीमी ?  
 गो खाल्पा दुम्शो अबराहाम के तो का थिती"  
 दंमाक्त।

### हागार नु आ तो खेरशो

८ मिनु आल कोल्शा, दूध तूचा परोना बाक्त।  
 मिनु दूध तूचा परोना नाक्ती अबराहाममी  
 ठेयब भोज सल्शा, मुर आन कली थुल्मी  
 बाक्त। ९ मिनु सारामी इजीप्त डा हागार नु  
 अबराहाम आस थिशा तो इश्माएलमी इसहाक  
 कली शुक्शी पशो तवा बाक्त। १० मिनु मेकोमी  
 अबराहाम कली "वाइलीम नु आ तो आस कली  
 खरो। मेको वाइलीम आ तो कली, आं तो  
 इसहाक नु अडस योक्शा गेचा मदुम्ब" दंमाक्त।  
 गलाती ४:३० ११ अबराहामम आ लोत्र नंशा,  
 थुं मनुमाक्त। मारदे हना इश्माएल यो आ तो  
 बाक्माक्त।

१२ तन्न परमपरभुमी अबराहाम कली "वांइश  
 आल नु इ वाइलीम आ पर्वम सुर्ता मपावो।  
 सारामी मार मार दंम, मेको नेल्ल पावो। मारदे  
 हना इसहाक आ चच युइ इ जात दुम्नीम।  
 उत्पत्ती १७:२१; रोमी ९:७-८; हिब्रू ११:१८  
 १३ मिनु इ वाइलीम आ तो इश्माएल आ चच युइ  
 रं यो ठेयब जात का सल्लुड। मारदे हना मेको यो  
 इ तो बाक्ब" दंमाक्त। उत्पत्ती १७:२० १४ मिनु

अबराहाम सुनी कना बोक्शा, हागार कली शोब्ले नु ब्वाक्कु कुरपाइश्शा, आ तौ नु सोइक्ता बाक्त। मिनु हागार नु आ तौ लसा बाक्त। मिनु लशा, लां जाम्शा, बेयर-शेबा माइश्शा गोरशा रागीम हिरससा बाक्त। १५ मिनु ब्वाक्कु नुष्शा, आ आल कली बुटा आगाम वोदा बाक्त। १६ मिनु हागार चहिं आइदी लशा, निस्स बाक्त। मारदे हना मेकामी “आं आल बेक्शा मतडल” दे मिम्ता बाक्त। मिनु ठेयब संदा पा डाक्माक्त। यसैया ४९ :१५ १७ मिनु परमपरभुमी आल आ डाक्शा संदा नना बाक्त। मिनु परमपरभु आ स्वर्ग डा गेय पाइबमी सरीडर “हागार, मार दुम ? महिनो। मारदे हना परमपरभुमी उड बाक्शा इ तौ आ बरश्शा नंतु। १६ बोक्को, इ तौ लाइश्शा गाक्को। गो मेको र ठेयब जात का सेल्लुड” देमाक्त। १७ मिनु परमपरभुमी हागार आ मिक्च तपदानु, ब्वाक्कु बुक्तीके का तवा बाक्त। मिनु आ ब्वाक्कु कुरतीके पिरंशा, आ तौ कली तूपदा बाक्त। २ राजा ६ :१७, २० २० मिनु परमपरभु मेको वॉइश आल नु बाक्मनु, मेको कोल्शा, गोरशा रागीमी बाक्शा, लिबरा आप्स शुश जोक्ब दुम्माक्त। २१ मेको गोरशा रागी आ नें पारान बाक्माक्त। मिनु आ ममामी आ तौ कली इजीप्त रागी डा तमी चाक्शा गेवा बाक्त। उत्पत्ती १६ :३

अबीमलेक नु अबराहाम सल्ला पशो

उत्पत्ती २६ :१५-३३

२२ मिनु काबु अबीमलेक नु आ फौज डा ठेयब कन्तान फीकोल अबराहाम आ बाक्तीक जाक्शा, अबराहाम कली “गो मार मार पाइनीनी, परमपरभु गे नु बाक्ब। २३ मोपतीके गो इन कली मार पुंइनुड देशा हना, आं कली, आं तमी तौ नु आं चच युइ आंइ कली श्यत मगकी। गो इन कली रिम्शा पशो सौदंशा पा, आं कली यो रिम्शा पने। इन बाक्शा रागी कली यो रिम्शा पने। ‘रिम्शा पाइनुड’ दे परमपरभु आ नें थिशा, कसम जने” दे पुना बाक्त। उत्पत्ती २० :१५ २४ मिनु अबराहाममी “गो कसम जाइनुड” देमाक्त।

२५ मिनु अबराहाममी अबीमलेक कली हुइक्ता बाक्त। मारदे हना अबीमलेक आ गेय पाइबपुकीमी अबराहाम आ इनार आ पर्वम जिशा, रोइक्ताम बाक्त। २६ मिनु अबीमलेकमी “गो मेको मतुइक्तु, सुम पवा ? गे यो मशंदीनी। मुलाक्त ला नंता” देमाक्त। २७ मिनु अबराहाममी भेडापुकी नु ब्यफपुकी

अबीमलेक कली गेवा बाक्त। मोपा मेको निक्शी सल्ला पाम्से बाक्त। २६ अबराहाममी ७ ओटा पाठी चहिं बगाल रं गरुंडशा, वोदा बाक्त। २९ मिनु अबीमलेकमी “मेको ७ ओटा पाठी मारदे वोइक्नी ?” दे हिल्लो पवा बाक्त। ३० मिनु “मेको ७ ओटा पाठी आं गुइ रं लाइक्वा माल्नीनी। गो आं दोशो इनार आ सांकळी दुम्नीनी” देमाक्त। ३१ मिनु मेको बाक्तीके कली बेयर-शेबा, दे नें वोदस बाक्त। मारदे हना मेको निक्शी मेकर कसम जाम्स बाक्त। ३२ मिनु बेयर-शेबामी मेको सल्ला पने थुम्शा, अबीमलेक नु फीकोल आ ठेयब कन्तान पलिस्ती आन रागी लेस्सा बाक्त। ३३ अबराहाममी चहिं बेयर-शेबाम रवा का सरुमा बाक्त। मिनु मेकर परमपरभु यावे, गेना हना यो बाक्ब परमपरभु आ नें थिशा, मेको नु लोत्र पवा बाक्त। उत्पत्ती १२ :८ ; रोमी १६ :२६ ३४ मिनु पलिस्ती आन रागीमी अबराहाम अर्का रागी डा मुर दुम्शा, शुश नाक्त बाक्माक्त।

परमपरभुमी अबराहाम आ थुं नाक्शा

२२ १ मिनु नोले परमपरभुमी “अबराहाममी आं कली टीबाक्म कां, मटीबाक्म” दे मिम्शा “अबराहाम” दे बरंत्ता बाक्त। अबराहाममी “गो एक बाक्ती” दे परमपरभु कली मदा बाक्त। परस्थान १५ :२५ ; परस्थान १६ :४ ; परस्थान २० :२० ; ब्यवस्था ८ :२ ; ब्यवस्था १३ :४ ; न्यायाधीस २ :२२ ; हिब्रू ११ :१७ ; याकूब १ :३३ २ मिनु मेकामी “इ तौ लता। का ला बाक्शा दाक्शा इ तौ इसहाक लता। मिनु मोरीयाह रागी लावो। मेकर लशा, इ तौ कली चोशा चदेयी। तेको डांडाम चदेचा माल्नेव, गो इ कली कोइनन” देमाक्त।

३ मिनु अबराहाम सुनी कना बोक्शा, चदेतीकम चोचा कली शी चश्शा, आ गधा ठीक पवा बाक्त। मिनु ठिटा निक्शी नु आ तौ इसहाक कली लाइश्शा, परमपरभुमी दंशो पहाड लमा बाक्त। ४ लमा लमा नाक्त सां नोले परमपरभु आ दंशो बाक्तीके डोन रं तवा बाक्त। ५ मिनु अबराहाममी आ गेय पाइब निक्शी आस कली “एकर गधा नु बाक्कीस। गो आं तौ नु मिरि आइक्था लशा, चदेशा, इस बाक्तीके लेल्नस्कु” देमाक्त। ६ मिनु अबराहाममी चोशा चदेतीक शी इसहाक कली कुरपदा बाक्त। मिनु मी नु चुक्ब आंमा कुरा बाक्त। मोपा निम्फा लसा बाक्त। ७ मिनु इसहाकमी आ आफ कली “आं आफ”

दंमाक्त। मिनू अब्राहाममी “गो नंता” दंमाक्त। मिनू इसहाकमी “गो मी नु शी ला कुरशा गाक्तस, चोशा चद्वतीक पाठा चहिं ते बाक्म ?” दे हिल्लो पवा बाक्त। ८ मिनू अब्राहाममी “चोशा चद्वतीक पाठा परमपरभुमी गब” दंमाक्त। मोपा निम्फा लसा बाक्त।

९ मिनू परमपरभुमी दंशो रागी जाक्दीस्सानु, अब्राहाममी फुल्लु चाक्शा, चद्वतीक सला बाक्त। मिनू चद्वतीक तारी शी परोत्रडा बाक्त। मिनू आ तौ इसहाक कली गुड खोइल फरंशा, शी तारी वोदा बाक्त। १० मिनू अब्राहाममी आ तौ क्योरचा कली चुक्व शोइइशा तरवा बाक्त। मती २६ :३९ ; याकूब २ :२१ ११ मिनू परमपरभु यावे आ स्वर्ग डा गेय पाइबमी सरीड रे “अब्राहाम, अब्राहाम” दे बरंता बाक्त। मिनू अब्राहाममी “गो नंता” दंमाक्त। १२ मेकोमी “इ तौ कली मक्योरो। मेको कली मारेइ मपतो। मारेदे हना गे परमपरभु कली मान पा हिं बाक्ते। गो मुल तुइक्ताक्ड। गे इ का ला बाक्शा तौ आं कली गेचा ठीक पाप्तीवी। इ का ला तौ यो आं कली गेचा टीबाक्ते” दंमाक्त। रोमी ८ :३२ ; हिब्रू ११ :१७ १३ मिनू अब्राहाममी एर गे कोत्रडानु, सांड का आ गरोत्र चू लहाराम रेशा, बाक्शा तवा बाक्त। मिनू लशा सांड चाक्शा, आ तौ आ पा डा मेको सांड क्योरशा, चोशा चद्वतीक चद्वेवा बाक्त। १४ मिनू अब्राहाममी मेको डांडा कली परमपरभु यावे योरह, दे नं वोदा बाक्त। मोपतीक मुल सम्म मुरपुकीम “परमपरभु यावे आ डांडाम परमपरभु यावमी माल्शो गब” दंनीम। “परमपरभु यावे योरह” आ अर्थ “परमपरभु यावमी आं माल्शो गब” दंशो बाक्व। उत्पत्ती १६ :३३

१५ मिनू परमपरभु यावे आ स्वर्ग डा गेय पाइबमी लंशा सरीड रे अब्राहाम कली १६ “परमपरभु यावमी गो आं नंमी कसम जाता। मारेदे हना गे इ तौ आं कली गेचा ठीक पाप्तीवी। परस्थान ३२ :३३ ; यसैया ४५ :२३ ; आमोस ६ :८ ; मीका ७ :२७ ; लूका १ :७३ ; हिब्रू ६ :३३ १७ मार कसम जाता दंशा हना, गो इ कली आसीक गेनुड। इ चच युइ आन कली सोरुल नु समुन्दर आ नेक्था डा बाल्वा सोदंशो पा शुश सल्लुडमी। मिनू मेकोपुकीमी आन जोरी सतरु आन सहर आंम के सल्लनीम। उत्पत्ती १३ :१६ ; हिब्रू ११ :१२ १८ इ चच युइ आन पर्वम रागी रागी डां मुर नल्ल आसीक राइनीम। मारेदे हना गे आं दंशो टीब बाक्ते” दे परमपरभु यावमी दंत

दे आ स्वर्ग डा गेय पाइबम अब्राहाम कली लोत्र पवा बाक्त। उत्पत्ती १२ :३ ; गलाती ३ :१६

१९ मिनू अब्राहाम मेकर रे लशा, आ गेय पाइब निकशी आस रिन्तीक लेस्सा बाक्त। मिनू गरुम्शा, बेयर-शंवा माइक्तीकम लमा बाक्त। मिनू अब्राहाम मेक उइ बाक्माक्त।

नाहोर आ चच युइ

२० मिनू मेको नोले मुरुमी अब्राहाम कली “मिल्कामी यो इन लोकब नाहोर रे पा आल थिप्तु। उत्पत्ती ११ :२९ २१ आ डांडती जर्मेशो तौ ऊज, आ लोकब बूज, अराम आ आफ केमुएल, २२ केसद, हाजो, पिल्दाश, थिदलाफ नु आ कान्छा बेथुएल बाक्नीम। २३ बेथुएल चहिं रेबका आ आफ बाक्त। मिल्कामी अब्राहाम आ लोकब नाहोर के ८ जना तौ थिप्तु। उत्पत्ती २४ :१५ २४ नाहोर आ कान्छी मीश आ नं रूमा बाक्माक्त। मेकोमी तेबाह, गाहाम, ताहाश नु माकाह थिमाक्त” दंमाक्त।

सारा बेक्शो

२३ १ मिनू सारा सहे का २७ बर्स दुम्शो बाक्माक्त। आ बरोइतीक नाक्त नल्ल माशोन बाक्माक्त। २ सारा कनान रागी डा किरयथ-अरबाम बेक्माक्त। मेको कली हेबरोन यो दंनीम। मिनू अब्राहाम सारा आ पर्वम हिंशक पा डाक्थ लमाक्त। ३ अब्राहाम सारा आ बेक्शो रां बाक्तीक रे लशा, हिती आ मुर आन कली ४ “गो इन दातमी अर्का रागी डा मुर बाक्नुड। गो थिम्तीक का ग्याप्वा दाक्नुड। मारेदे हना आं बेक्शो मुर कली थिम्चा माल्लुड” दंमाक्त। उत्पत्ती १७ :८ ५ मिनू हिती आ मुरपुकीमी अब्राहाम कली ६ “परभु, आंइ लोत्र नंनीन, गे आंइ दातमी परमपरभुमी सल्लो ठेयब मुर बाक्नीनी। आंइ के बेक्शो मुर आन कली वोइक्तीक पुक्खी शुश बाक्नीम। तेको दाक्नीनी, मेकोमी इन बेक्शो मुर थिमीन। इन बेक्शो मुर थिम्चा सुइमी मतक्व” दंमा बाक्त। ७ मिनू अब्राहाम बाक्शा, हिती आ मुर आन डांडती सउ पवा बाक्त। ८ मेको आन कली “आं बेक्शो मुर थिम्चा गेतीनी हना, आं पर्वम सोहार आ तौ एफरोन नु लोत्र पने। ९ मेको आ रू आ नोले बाक्व माक-पला पुक्खी आं कली लेयड, दे पुंडदीन। गिश थाप्वा माल्लुडा, थाप्नुड। इन दातमी आं बेक्शो मुर थिम्तीक दुम्ल” दंमाक्त।

१०मना एफरोन हिती आन दातेमी निश्शो बाक्माक्त। मेको आन सहर डा गारो डा ठेयब लाप्चो आ नेक्था बाक्शा, अबराहाम आ लोत्र नेन्मनु, मेको हिती एफरोनमी अबराहाम कली ११ “परभु, ममाइ, आं लोत्र नेनीन, गो इन कली मेको रू नु पुक्खी गनुड। आं मुरपुकी सांकळी बाक्नीम। गो इन कली गनुड। इन बक्शा मुर थिमीन” दंमाक्त। १२ मिनु अबराहाममी मेको मुर आन डांडती सउ पवा बाक्त। १३ मिनु मुर नेल्ल आन डांडती अबराहाममी एफरोन कली “आं लोत्र नेनीन। गो मेको रू डा क्यट थानुड। मेको ताक्कीन। गो आं मीश मेक थिम्नुड” दंमाक्त। १४ मिनु एफरोनमी अबराहाम कली १५ “परभु, आं लोत्र नेनीन, मेको रू ४ सह शेकेल चांदी डा बाक्व। मेको इस दातेमी मारइ ममाइ। मोपतीके थिमीन” दंमाक्त। शेकेल का ११.५ ग्राम बाक्व। १६ मिनु अबराहाममी एफरोन आ लोत्र बिस्से बाक्त। मेकोमी एफरोनमी हिती आ मुर आन डांडती देशो खादेशो पा ४ सह शेकेल चांदी नाक्शा, गेमी बाक्त। मेको ४ सह शेकेल चहिं ग्याप्ब लेयब आन दातेमी मोदेशो रू कली ठीक बाक्माक्त। शेकेल का ११.५ ग्राम चांदी बाक्त।

१७ माक-पेलामी बाक्शा एफरोन आ रू मामर आ पूर्व गे बाक्शा बाक्माक्त। मोपा रू नु पुक्खी, रूमी बाक्शा रवा नेल्ल नु एर ओंथ सुरम खरुशो रवा यो १६ हिती नेल्ल नु ठेयब लाप्चोम बाक्व आन डांडती अबराहाम के दुम्माक्त। १९ मिनु नोले अबराहाम आ मीश सारा कली मामर आ नेक्था माक-पेलामी बाक्शा पुक्खीमी थिमा बाक्त। मामर चहिं कनान रागी डा हेबरोन सहर बाक्माक्त। २० मिनु मेको रू नु मेक बाक्शा पुक्खी हिती आ मुरपुकी रे अबराहाम आ मुर थिम्तीक रू दुम्माक्त। उत्पत्ती २५ :१-१०; उत्पत्ती ४७ :३०; उत्पत्ती ४९ :२९-३२; उत्पत्ती ५० :३२

रेबका इसहाक आ मीश दुम्शो

२४ १ मिनु अबराहाम शुश बरस दुम्शा, सूशो दुम्माक्त। परमपरभु यावेमी अबराहाम कली आ पतीक नेल्लेमी आसीक गेवा बाक्त। उत्पत्ती १२ :२ २ मिनु अबराहाममी आ रू खिं नेल्ल कोत्रप नु वाइल आन कली अरेब ठेयब वाइल कली “इ गुइ आं फिला तारी वोतो। ३ गो इ कली परमपरभु यावे, सरीड नु रागी डा परमपरभु आ नेमी कसम जपाइक्नुड। मार कसम जपाइक्नुड देशो हना, आं तौ कली आं

बाक्शा कनान रागी डा मीश आल मचाक्को। उत्पत्ती २६ :१; परस्थान ३४ :१६ ४ आं रागी नु आं जात डा मीश आल का चाक्को” दे अबराहाममी वाइल कली मदा बाक्त। ५ मिनु वाइलमी “मेको मीश आल एको रागी जाक्चा मबिस्साक्व हना, इन तौ इन जरमशो रागीम लाइक्चा माल्लुडा ?” दे हिल्लो पवा बाक्त। ६ मिनु अबराहाममी “मोदेशो गनायो मपावो। आं तौ कली मेक मलतो। ७ डांडती परमपरभु यावे, सरीड नु रागी डा परमपरभुम आं कली आं आफ आ खिं नु आं जात डा रागी रे गरुइशा, एक सोइक्ताक्यी। मेकोमी कसम जशा, आं कली लोत्र पानु ‘कनान रागी इ चच युइ आन कली गनुडमी’ दे माइक्ती। मेकोमी आ स्वर्ग डा गेय पाइब इ डांडती सोइक्व। आं तौ कली आं जात रे मीश आल का चाक्को। २ इतिहास ३६ :२३; नेहेम्याह २ :२० ५ मेको मीश आल गे नु जाक्चा मबिस्साक्व हना, गे कसम मजशो खादेशो दुम्नेव। आं तौ कली चहिं मलतो” दे अबराहाममी आ वाइल कली अरेवा बाक्त। ९ मिनु मेको वाइलमी आ होत्रप अबराहाम आ फिला तारी गुइ वोइशा, आ देशो आ पर्वम कसम जवा बाक्त।

१० मिनु नोले मेको वाइलम आ होत्रप आ दलओठ १० ओटा लाइशा, आ होत्रप के मारइ मारइ रिम्शो कोसली कुरशा लमाक्त। मकर रे लशा, मसोपाटामीया रागीमी नाहार आ बाक्तीक सहर, अराम-नहराइम मर जाक्दीम्माक्त। उत्पत्ती ११ :२२-३१ ११ मिनु मकर जाक्दीशा, नाक्नाक्को मीश मुरपुकी ब्वाक्कु दिथ जाक्ची ना, सहर मओत्रथु, दलओठपुकी इनार आ नेक्था नाइक्पदा बाक्त। १२ मिनु मेकोमी “परमपरभु यावे, आं होत्रप अबराहाम आ परमपरभु, मुलाक्ती आं कली वारच पने। आं होत्रप कली इन गेना हना यो दाक्तीके कांडीने। मेकोन पुंडनुड। १३ गो इनार आ नेक्था बाक्नुड। मिनु सहर डा मुर आन तमी ब्वाक्कु दिथ जाक्नीम। १४ गो मीश आल कली ‘इ गागरी डा ब्वाक्कु इच्का तूचा गेयी’ दंनुड। मेको मीश आलमी ‘तुडो। गो इ दलओठ आन कली यो ब्वाक्कु तुंडनुड’ दंत हना, मेको मीश आल इन गेय पाइब इसहाक कली योत्रशो बाक्त। मोदेशो दुम्त हना, गे आं होत्रप कली इन गेना हना यो दाक्तीके कांडताक्नी, दे गो तुइक्नुड” दे परमपरभु कली लोत्र पवा बाक्त।

१५ मोपा लोत्र पन पना, रबेका माइशशो मीश आल का गागरी कुरशा जाकमाक्त। मेको रबेका बथुएल आ तमी बाकमाक्त। बथुएल चहिं अबराहाम आ लोकब नाहोर नु आ मीश मिल्का आस तो बाकमाक्त। उत्पत्ती २२:२३ १६ रबेका थम दारशा मीश आल बाकमाक्त। मिनु ग्युंबे मपथु, कन्ने बाकशा बाकमाक्त। मिनु इनारम तोइशशा, आ गागरी पिरंशा बेप मुप्शा डोंइस बाक्त। १७ मिनु मेको वाइल रबेका कली गरुस्थ दोरमाक्त। मिनु “इ गागरी डा ब्वाक्कु इच्का तूचा गयी” दे पुना बाक्त। १८ मिनु रबेकामी आ गागरी रीब पा नाइशशा, तूचा गेवा बाक्त। १९ मिनु तूचा गेने थुम्शा “गो इन दलओठ आन कली यो ब्वाक्कु चाकशा, मरुमा सम्म तुंडनुड” देमाक्त। २० मिनु आ गागरी डा ब्वाक्कु मंकर बाकशो शुंगुमी मोइशशा, दोरशा ब्वाक्कु बरथ लमाक्त। दलओठ नेल्ल आन कली मरुमा सम्म ब्वाक्कु तुंडवा बाक्त। २१ मिनु मेको वाइल छक लाकशा, मेको कली कोत्रशा, परमपरभु यावे आ योत्रशा मीश आल बाकम कां मबाकम, दे ब्वालेइ पा बाकमाक्त।

२२ मिनु दलओठ रूथरी ब्वाक्कु तडमे नोले वाइलम आधी शंकल सुन के मुन्दरी नु १० शंकल सुन के चुरा निक्शी शोल्शा, रबेका कली गेवा बाक्त। शंकल का ११.५ गराम बाकब। २३ मिनु वाइलमी “गे सु का आ तमी नवे? ओं कली देना। इ आफ आ सिंम ओंइ कली बास बाकचा गेनीमी कां?” दे हिल्लो पवा बाक्त। २४ मिनु रबेकामी “गो बथुएल आ तमी नड। बथुएल चहिं नाहोर नु मिल्का आस तो बाकब। २५ ओंइ सिंम नल नु जचा थोत्रक शुश बाकब। बास बाकतीक यो बाकब” दे मदा बाक्त। २६ मिनु वाइलमी सुम्की पा बाप्शा, परमपरभु यावे आ डोंइती गु बाप्शा बाकमाक्त। २७ मिनु मेकोमी “परमपरभु यावे, ओं होत्रप अबराहाम आ परमपरभु, गे ठयब बाकनीनी। गे इन शिशी नु इन रिम्शो पशो मप्रांडथु, ओं होत्रप कली कोइताकनी। गे ओं कली ओं होत्रप आ लोकब आ सिंम कोइताकनीनी” दे परमपरभु यावे कली ठयब सेला बाक्त।

२८ मिनु रबेका दोरशा सिंम लेशशा, आ ममा आ सिंम डा मुर आन कली मार मार दुम्म, मेको नेल्ल देमाक्त। २९ मिनु लाबान माइशशा, रबेका आ लोकब का बाकमाक्त। मेको दोरशा, इनारम मेको मुर कली गरुस्थ लमाक्त। ३० मारदे हना मेकोमी आ समी आ मुन्दरी नु चुरा तशा “मेको मुरुम ओं कली मोदंशो लोत्र पाप्नु” देंशो नंशा, लाबान

मेको मुर कली गरुस्थ लमाक्त। मेको मुर आ दलओठ नु इनारम बाकशा बाकमाक्त। ३१ मिनु लाबानम मेको कली “परमपरभु यावे आ आसीक राइब, गे मारदे मंकर बाकनीनी? ओंइ सिंम पिन। गे नु इन दलओठ आन कली मारदे मारदे ठीक पाता” देमाक्त। ३२ मिनु वाइल सिंम ओत्रमाक्त। लाबानमी दलओठ तार वोइशशा नेल्ल शोल्शा, थुल्वा कली नल लाप्ता बाक्त। मिनु मेको मुर नु आ गेय पाइब आन कली सोइल चिकचा कली ब्वाक्कु यो गेवा बाक्त। ३३ नोले मेको आ डोंइती जचा थोत्रक खरत्मे बाक्त। मेकोमी चहिं “गो मारदे पिडा, इन कली मदेडा सम्म मजाइनुड, मब्वाइनुड” देमाक्त। मिनु लाबानमी “इन के मार लोत्र बाकमे? लो देनीन” देमाक्त।

३४ मिनु वाइलमी “गो अबराहाम आ वाइल नड। ३५ मिनु परमपरभु यावेमी ओं होत्रप कली शुश आसीक गेप्नु। मिनु शुश शोप पाइशशा दुम्त। मेकोमी मेको कली क्यारश मेडा, सुन चांदी, वाइलमी वाइल, दलओठ नु गधा शुश गेप्नु। ३६ मिनु ओं होत्रप आ मीश सारामी खाल्पी दुम्शा, अबराहाम के तो का थिप्नु। मिनु अबराहामम आ तो कली आ मारदे मारदे नेल्ल गेप्नु। ३७ मिनु ओं होत्रपमी ओं कली ‘ओं तो कली ओं बाकशा कनान रागी डा मुर आन तमी मचाक्को। ३८ गे ओं आफ ओं सिंम नु ओं मुर आन सिंम र मीश आल का चाक्को’ दे कसम जपाइक्ती। ३९ मिनु गो ओं होत्रप कली ‘मीश आल एको रागी जाकन मबिप्वा, कोर मे’ देती। ४० मेकोमी चहिं ‘गो परमपरभु यावे आ डोंइती गाक्नुड। मेकोमी आ स्वर्ग डा गेय पाइब गे नु सोइक्ब। मेकोमी इ कली वारच पाइब। मिनु ओं तो कली ओं मुर आन सिंम नु ओं आफ ओं सिंम र मीश आल का चाक्को। ४१ ओं सिंम डा मुर आन बाकतीक जाकदीशशा, मीश आल का मगेतेमी हना, गे कसम मजशो सोदंशो दुम्नेवे’ दे ओं होत्रपमी ओं कली माइक्ती।

४२ मिनु मुलाक्ती इनारम जाकशा, गो “परमपरभु यावे, ओं होत्रप, अबराहाम आ परमपरभु, गे ओं कली वारच पने। ४३ गो इनार आ नेक्था बाक्नुड। मिनु मीश आल ब्वाक्कु दिथ जाकमानु, मीश आल कली इ गागरी डा ब्वाक्कु इच्का तूचा गयी, देनुड। ४४ मिनु मेको मीश आलमी तडीन, गो इन दलओठ आन कली यो ब्वाक्कु तुंडनुड, देत हना, मेको मीश आल ओं होत्रप आ तो कली परमपरभु यावेमी योत्रशा बाक्त’ देती।

१५ मिनू गो आं थुंमी लोत्र पने मथुम्यु, रंबेका आ गागरी मुष्शा पित। मिनू इनारम व्याक्कु कीथ तांडसाक्व। मिनू गो 'आं कली इच्का तूचा गयी' दे माइक्ता। १६ मिनू मेकोमी आ गागरी रीब पा नाइश्शा 'तूडो। गो इन दलआंठ आन कली यो तुंडनुड' देत। मिनू गो तूता। मेकोमी आं दलआंठ आन कली व्याक्कु तुंडताक्व। १७ मिनू गो थे सु का आ तमी नव ?' दे हिल्लो पडानु 'गो बेथुएल आ तमी नड। बेथुएल नाहोर नु मिल्का आस तौ बाक्व' दे माइक्ती। मिनू गो आ नेमी मुन्दरी पाइक्ताक्ड, आ गुइमी चुरा लिक्ताक्ड। १८ मिनू गो परमपरभु यावे आ डांडती गु बाष्शा 'परमपरभु यावे, आं होत्रप अब्राहाम आ परमपरभु, ग रिम्शो पाइब बाक्नीनी' दे ठयब सेल्ला। मारदे हना आं होत्रप आ लोकब आ सिं डा मुर रे आ तौ कली तमी चाक्का कली रिम्शो लां कांडताक्यी। १९ मिनू थे आं होत्रप कली शिशी नु रिम्शो पचा मपरॉइतीनी हना, आं कली देनीन। मेको पचा मदाक्नीनी हना यो देनीन। मारदे हना गो ग्युरा पेरा गे लचा माल्लुड" दे लोत्र पवा बाक्त।

२० मिनू लाबान नु बेथुएलमी "मेको नेल्ल परमपरभु यावे आ पशो बाक्व। मार पाइनस्कु मार देनस्कु डा। २१ लो, रंबेका कली लतो। मिनू लावो। इन होत्रप आ तौ आ मीश दुम्ल। दोपा परमपरभु यावेमी लोत्र पवा, मोपा दुम्ल" देसा बाक्त।

२२ मिनू अब्राहाम आ वाइलम मेको लोत्र नंशा, परमपरभु यावे आ डांडती खुम्की पा बाष्शा, मेको कली ठयब सेला बाक्त। २३ मिनू आ गेय पाइबमी सुन नु चांदी के गहना नु दारशा वासी रंबेका कली गेम बाक्त। आ लोकब नु आ ममा आस कली यो मार मार गेम बाक्त। २४ मिनू जशा तूशा, आ गेय पाइबपुकी नु नाकदो बाक्मा बाक्त। मिनू सुनी कना बाक्मानु, वाइलमी "आं होत्रप आ बाक्तीक लेत्वा गेयीनी" देमाक्त। २५ मिनू रंबेका आ लोकब नु आ ममामी "रंबेका १० नाक्त सम्म बाक्ल, कोर में। मिनू नोले लन" देसा बाक्त। २६ मिनू वाइलमी "परमपरभु यावेमी आं कली आसीक गेशा, रिम्शो पा वारच पाइक्ती। मोपतीक आं कली मक्योल्यीनी। आं होत्रप आ बाक्तीक लेत्वा गेयीनी" देमाक्त। २७ मिनू मेको निक्शीम "रंबेकामी मार देबा, मेको नंय" देसा बाक्त। २८ मिनू रंबेका कली बरेश्शा "एको मुर नु लाइनेवे ?" दे हिल्लो पाम्मसु "गो लाइनुड" देमाक्त। २९ मिनू नोले आ समी रंबेका

नु आ कली वारच पाइब, अब्राहाम आ वाइल नु आ गेय पाइब आन कली सोइक्तेमे बाक्त। ३० लचा डांडती रंबेका कली आसीक गेशा "गे आं समी बाक्नेवे। सोशा बोशा, शुश दुमीनि। इ चच युइ आन कली आन जोरी सतरु आन कली ग्राडीन" दे आसीक गेम बाक्त। उत्पत्ती २२ :१७ ६१ मिनू नोले रंबेका नु आ वारच पाइब बाक्शा, दलआंठ डाइश्शा, मेको मुर नु लसा बाक्त। मोपा वाइलमी रंबेका कली लाइश्शा, आ होत्रप आ सिं लेम्माक्त।

६२ मिनू इसहाक बेयर-लहाइ-रोइ माइश्शो व्याक्कु बुक्तीक रे पिमाक्त। मारदे हना दक्खिन रागी नेगबम बाक्शा बाक्माक्त। उत्पत्ती १६ :१४ ; उत्पत्ती २५ :११ ६३ मिनू नाक्नाक्दो रूमी हिरथ लमाक्त। मिनू कोत्रडानु, डोन रे दलआंठपुकी पिशो तवा बाक्त। ६४ मिनू रंबेकामी इसहाक कली तशा, दलआंठ रे फरु तांडसे बाक्त। ६५ मिनू अब्राहाम आ वाइल कली "मेरे इं कली गरुथ पीब मुर सु में ?" दे हिल्लो पवा बाक्त। मिनू वाइलमी "आं होत्रप बाक्व" देमाक्त। मेको नंशा, रंबेकामी आ कुप्नीम कुल सुम्से बाक्त।

६६ मिनू वाइलमी इसहाक कली मार मार दुम्मे, मार मार पवा, नेल्ल शंदा बाक्त। ६७ मिनू इसहाकम रंबेका कली आ ममा सारा आ ताम्बुम आंइदा बाक्त। मिनू नोले ग्युंबे पाम्मसे बाक्त। मिनू इसहाकम आ मीश कली दाक्ता बाक्त। मोपा इसहाक आ ममा बेक्शा पुरंदा बाक्त। उत्पत्ती २३ :१-२

### अब्राहाम आ चच युइ

१ मिनू अब्राहामम अर्का मीश चाक्का  
२५ बाक्त। मेको आ नें केतुराह बाक्माक्त।  
२ मिनू मेकोमी अब्राहाम रे जिमरान, योकशान, मेदान, मिदयान, इश्बाक नु शुआह थिमाक्त।  
३ मिनू योकशानमी शवा नु देदान थिम्सी बाक्त। देदान आ तौपुकी अश्शुरीम, लेतुशीम नु ले-उम्मीम बाक्मा बाक्त। ४ मिनू मिदयान आ तौ एफाह, एफेर, हनोक, अबीदा नु एल्दाह बाक्मा बाक्त। मेको नेल्ल केतुराह आ चच युइ बाक्मा बाक्त। ५ मिनू अब्राहामम आ मार मार नेल्ल इसहाक कली गेवा बाक्त। ६ अब्राहाममी आ मबेक्थुन अर्का मीश आन तौ आन कली मार मार कोसली गेमी बाक्त। मिनू आ तौ इसहाक रे फराशा, पूर्व डा रागीम बाक्मल, दे पूर्व गे सोइक्तीमी बाक्त।

### अब्राहाम बेकशो

७मिनु अब्राहाम नेल्ल पा सहें का ७५ बर्स बरोइमाक्त। उत्पत्ती १२:४ ८मिनु नोले शुश बर्स डा खाल्पा दुम्शा बेकशा, आ किकी पिपी नु लमाक्त। उत्पत्ती १५:१५ ९मिनु इसहाक नु इश्माएल आ तौ निकशीमी आ बेकशा रो माक-पेला माइश्शा रू डा पुक्सीमी लाइश्शा, वोदस बाक्त। डाइती मेको रू सोहार आ तौ एफरोन आ रू बाक्माक्त। एफरोन हिती का बाक्माक्त। मेको रू मामर आ पूर्व गे बाक्माक्त। उत्पत्ती २३:१३-२० १०अब्राहाममी मेको रू हिती आ मुर र ग्याप्शो बाक्माक्त। मेकर डाइती आ मीश सारा कली नोले अब्राहाम कली वोदम बाक्त।

११मिनु अब्राहाम बेकम नोले परमपरभुमी इसहाक कली आसीक गेवा बाक्त। मना इसहाक बेयर-लहाइ-रोइ माइश्शोमी बाक्शो बाक्माक्त। उत्पत्ती १७:१९; उत्पत्ती २४:६२

### इश्माएल आ चच युइ

१२सारा आ वाइलीम इजीप्त डा हागार र जरमेशो अब्राहाम आ तौ इश्माएल बाक्माक्त। उत्पत्ती २१:१३ १३इश्माएल आ तौ सु सु बाक्मा बाक्त देशा हना, आ डाइती जरमेशो तौ नबायोथ बाक्माक्त। मिनु नोले थिशो आन नें केदार, अदबेल, मिब्साम, १४मिश्मा, दुमा, मस्सा, १५हादाद, तेमा, येतुर, नाफीश नु केदमा बाक्मा बाक्त। १६एको इश्माएल आ तौ आन नें, आन बाक्तीक आन नें बाक्मा बाक्त। मेको नेल्ल आन थर डा ठेयब मुर बाक्शो बाक्मा बाक्त। उत्पत्ती १७:२०; गन्ती १:४४ १७इश्माएल नेल्ल पा सहें का ३७ बर्स बरोइमाक्त। मिनु बेकशा, आ किकी पिपी नु लमाक्त। १८आ तौपुकी हवीलाह र इजीप्त लतीक लां शुर सम्म बाक्शो बाक्मा बाक्त। शुर रागी इजीप्त आ डाइती अस्सुर गे बाक्ब। इश्माएल चहिं आ लोकब नेल्ल आन दातेमी बाक्माक्त। उत्पत्ती १६:१२

### इसहाक आ तौ निकशी

१९इसहाक अब्राहाम आ तौ बाक्माक्त। २०इसहाक ४० बर्स दुम्नु, रेबेका चाक्गा बाक्त। रेबेका चहिं अरामी पदान-अराममी बाक्ब बेथुएल आ तमी, लाबान आ समी बाक्माक्त। २१मिनु इसहाकमी परमपरभु यावे कली आ मीश आ पर्वम पुना बाक्त। मारदे हना आल मथीब बाक्माक्त।

परमपरभु यावेमी आ पुंइशो गेवा बाक्त। मिनु रेबेकामी कोव्रज कुरा बाक्त।

२२मिनु आल निकशी आ कोव्रजम राम्शी पाम्स बाक्त। मिनु रेबेकामी “मुल ओदेशो दुम्ती हना, मार दुम डा? दोपा बरोइनुडा डा?” दे मिम्ता बाक्त। मिनु परमपरभु यावे कली “मार दुम्नुडा?” दे हिल्लो पवा बाक्त। २३मिनु परमपरभु यावेमी मेको कली “इ कोव्रजम जात निकशी डा मुर बाक्नीसी। मेको जात निकशी फराचा पुंइसीनीस। का अर्को क्येडा बोल्यो बाक्ब। डाइती जरमेशो चहिं कान्छा आ गेय पाइब दुम्ब” दे शंदा बाक्त। उत्पत्ती २७:२९; मलाकी १:२; रोमी ९:१०-१२

२४मिनु रेबेकामी आल थिमेनु, जौले बाक्सा बाक्त। २५मिनु डाइती डा आ राम वा फेक्शो खोदेशो पा लल चां पाइश्शो वोइश आल का थिमाक्त। मिनु मेको कली एसाव नें वोदा बाक्त। २६मिनु नोले आ लोकबमी आ लोकब आ गंगेर ग्याइश्शा गरूमाक्त। मोपतीक आ नें याकूब वोदा बाक्त। रेबेका आल थिची ना इसहाक ६० बर्स दुम्शो बाक्माक्त। होस १२:४ २७मिनु मेको तौ निकशी कोल्सानु, एसाव जोक्ब सिखारी दुम्माक्त। नेल्ल नाक्त ब्याकीम बाक्चा दाक्ता बाक्त। याकूब चहिं ताम्बुम बाक्ब नु रू डा गेय पा, सिक्सी पा बाक्ब दुम्माक्त। २८इसहाकम एसाव कली दाक्ता बाक्त। मारदे हना आ चाक्शो सिखार ब्ववा बाक्त। रेबेकामी चहिं याकूब कली दाक्ता बाक्त।

### डाइती जरमेशो तौ आ अधिकार

२९मिनु काबु याकूबमी खोले क्येवानु, एसाव ब्याकी र शोव्रलु बेकशा जाक्माक्त। ३०मिनु एसावमी याकूब कली “इ क्येशो लल दाल खोले इच्का गयी। गो शोव्रलु बेक्ती” देमाक्त। मोपतीक एसाव कली एदोम माइश्शो याइनी नें वोइश्शो बाक्माक्त। ३१मिनु याकूबमी “मुलाक्ती डाइती जरमेशो तौ इ आसीक आं कली गयी” देमाक्त। ३२मिनु एसावमी “मुल गो बेक्चता डाइती जरमेशो तौ आ तचा डा आसीकम मार दुम्बा डा?” देमाक्त। ३३मिनु याकूबमी “गो मुलाक्ती गेतन, दे कसम जावो” दे मदा बाक्त। मिनु एसावमी याकूब कली “डाइती जरमेशो तौ आं आसीक इ केन दुम्ल” दे कसम जवा बाक्त। उत्पत्ती २७:३६; हिब्रू १२:१६ ३४मिनु नोले याकूबमी एसाव कली शोब्ले नु दाल खोले खरत्ता बाक्त। मिनु मेको जशा

तूशा बोक्शा लमाक्त। मोपा एसावमी “डोंडती जरमेशो तौ आ ततीक आसीक ममाल्लुङ” दे परोना बाक्त।

इसहाक गेरार सहर लशो

१मिनु नोल रागीमी अन्काल दुम्माक्त।  
**२६** डोंडती अबराहाम बाक्मनु यो, अन्काल दुम्शा बाक्माक्त। मिनु इसहाक पलिस्ती आन पिप अबीमलेक आ रागी डा गरार सहर लमाक्त। २मिनु परमपरभु यावेमी इसहाक आ डोंडती गुरूमाक्त। मिनु इसहाक कली “इजीप्त रागी मलावो। आं देशो रागीम बाक्थ लावो। ३मेको रागीमी अर्का रागी डा मुर दुम्शा बाक्को। गो गे नु बाक्शा, इ कली आसीक गेनुङ। गो इ कली नु इ चच युइ आन कली एको रागी नेल्ल गेनुङ। गो इ आफ अबराहाम नु कबल पा, कसम जाता। मुल आं कबल सानुङ। उत्पत्ती १७:१९; उत्पत्ती २२:१६-१७ ४ इ चच युइ आन कली सरीङ डा सोरुल खोदेशो पा शुश सल्लुङ। मेको आन कली एको रागी नेल्ल गेनुङ। मिनु इ चच युइ आन पर्वम रागी रागी डा मुर नेल्ल आसीक ताइनीम। ५ मारदे हना अबराहाम आं देशो टिशा, आ पचा माल्शो पाप्तु। आं शंशो, आं फुल्लुम मुशा बरेक्शो लोत्र नु आं अरशो नेल्ल पाप्तु” दे मदा बाक्त। उत्पत्ती १५:५

६मिनु इसहाक गेरार सहर उइ बाक्माक्त। ७मिनु अबीमलेक आ मुरपुकीमी इसहाक कली आ मीश आ पर्वम लोत्र पाम बाक्त। मेकोमी चहिं “आं समी बाक्ब” दे लोत्र लेत्ता बाक्त। मारदे हना रेबका शुश दारशो मीश मुर दुम्तीक “आं मीश बाक्ब” देचा हिंमाक्त। मारदे हना “मेको कली तशा, लाइक्चा कली आ कली साइक्नीम” दे हिंशो बाक्माक्त। ८मिनु इसहाक मेको रागीमी शुश बाक्शा, काबु पलिस्ती आन पिप अबीमलेकमी झेल रे इसहाक नु आ मीश रेबका चाल्शो तवा बाक्त। ९मोपतीक अबीमलेकमी इसहाक कली बरेक्शा “नेनो, एको थमा पा इ मीश बाक्ब। दोपा ‘आं समी बाक्ब’ देने ?” दे हुइक्ता बाक्त। मिनु इसहाकमी “एको आ पर्वम आं कली साइक्नीमी, कां, दे हिंती” देमाक्त। १०मिनु अबीमलेकमी “आंइ कली मार पवी ? आं मुर का मेको नु इप्शो हना, गे आंइ कली शुश मरिम्शो मपपदी वा ?” दे मदा बाक्त। ११मिनु अबीमलेकमी आ मुर नेल्ल आन कली “सुम मेको नु आ मीश आस कली मरिम्शो पाइबा, मेको थमा पा साइक्चा पुंडसीब” दे माइक्मी बाक्त।

१२मिनु इसहाकमी मेको रागीमी मार मार शोक्शा, मेको बर्सम गेडा का के सहं का गेडा सम्म सिप्पाइश्शा खरेला बाक्त। मारदे हना परमपरभु यावेमी इसहाक कली आसीक गेवा बाक्त। हितापदेस १०:२२ १३मिनु शुश शोंप पाइश्शा दुम्शा, दारना दारन शुश क्यट थीब दुम्माक्त। १४मेको आ क्यारश भेडा नु बी ब्यफ शुश दुम्मा बाक्त। मिनु वाइलीम वाइलपुकी यो शुश दुम्मा बाक्त। मिनु पलिस्तीपुकीमी गहं पामे बाक्त। १५मिनु पलिस्तीपुकीमी अबराहाम आ गेय पाइब आन दोशो इनार खपीम पिरंशा, ब्याक्कु तेकगमे बाक्त। उत्पत्ती २१:२२-३४ १६मिनु अबीमलेकमे इसहाक कली “आंइ क्येडा गे बाल्यो बाक्नीनी, मोपतीक एकेर र लेने” दे मदा बाक्त।

१७मिनु इसहाक नु आ मुरपुकी मेकेर रे लशा, गेरार डा दिममी जाक्दोश्शा, आन ताम्बु कीशा बाक्मा बाक्त। १८मिनु इसहाकमी डोंडती अबराहाम आ दोशो इनारपुकी, लेंशा दोपाइश्शा, ब्याक्कु गरूपदा बाक्त। मारदे हना अबराहाम बक्म नोले पलिस्तीपुकीमी मेको इनार आन कली खपीम पिरंशो बाक्मा बाक्त। मिनु मेको इनार आन कली आ आफ आ वोइश्शा नें लेंशा वोदा बाक्त। १९मिनु इसहाक आ गेय पाइबपुकीमी मेको दिममी दोशा, ब्याक्कु बुक्तीक थित्म बाक्त। २०मिनु गेरार डा गोठलापुकीमी इसहाक आ गोठला आन कली “एको ब्याक्कु आंइ के बाक्ब” दे जीम बाक्त। मोपतीक इसहाकमे मेको इनार कली एसक नें वोदा बाक्त। मारदे हना मेकोपुकी आ मुर नु जीम बाक्त। २१मिनु लेंशा अर्का इनार का दोत्रम बाक्त। मेको आ पर्वम यो जीम बाक्त। मेको कली सित्ना नें वोदा बाक्त। २२नोले मेकेर रे लशा, अर्का इनार का दोत्रम बाक्त। मेको आ पर्वम सुइमी जिचा मपोकगमे बाक्त। मिनु मेको आ नें रेहोबोथ वोदा बाक्त। मिनु “मुल परमपरभु यावेमी आंइ कली बाक्तीक गेवा बाक्त। गोपुकी एको रागीमी शुश दुम्कल” देमाक्त।

२३मिनु मेकेर रे लशा, बेयर-शेवा जाक्दोम्मा बाक्त। २४मिनु मेको नाक्दो परमपरभु यावे गरूशा “गो इ आफ अबराहाम आ परमपरभु नङ। महिनो। गो गे नु बाक्नुङ, इ कली आसीक गेनन। आं गेय पाइब अबराहाम आ पर्वम गो इ चच युइ आन कली शुश सल्लुङ” दे लोत्र पवा बाक्त। २५मिनु इसहाकमे मेकेर चदेतीक सेल्शा, परमपरभु यावे आ नें थिशा बरेक्शा, मेको नु

लोत्र पवा बाक्त । मिनु आ ताम्बु मेक उइ कीडा बाक्त । आ गेय पाइवपुकीमी मकर इनार का दोत्रमे बाक्त । उत्पत्ती १२ : ८

इसहाक नु अबीमलेक सल्ला पशो

२६ काबु अबीमलेक, आ अर्ती गेब अहुज्जाथ नु आ फोज डा ठयब कप्तान फीकोल नु गरार सहर रे जावशा, इसहाक कली गरूम बाक्त । २७ मिनु इसहाकमी “गपुकी आ कली मदाकथु, इन बाक्तीके रे सोइक्ताकनीनी । मुल मारद आ कली गरूमथ जाक्नी ?” दे हिल्लो पवा बाक्त । २८ मिनु मेकोपुकीमी “परमपरभु यावे गे नु बाक्ब, गो तुइक्नीकी । मोपतीके गोपुकीमी गे नु कसम जशा, कबल पचा” रिम्शो दुम्ब । व्यवस्था २९ : ३ ; मती १३ : ३३ २९ गे आइ कली श्येत मगेने । गोपुकीमी या इन कली श्येत मगेथु, रिम्शो पा लडाइ मपथु सोइक्ताक । गे परमपरभु यावे आ आसीक राइब बाक्नीनी” दे इसहाक कली देमा बाक्त । ३० मिनु इसहाकम मेको आन कली भोज सेला बाक्त । मिनु मेकोपुकीम जामे, तूडमे बाक्त । ३१ मिनु मेकोपुकी आ दीसा सुनी कना बोक्शा, कसम जामे बाक्त । मिनु नोले इसहाकमी मेको आन कली लचा गेवा बाक्त । मिनु आन थुं नाइश्शा लमा बाक्त । ३२ मेको नाक्ती इसहाक आ गेय पाइवपुकी जाक्शा, इसहाक कली “आइ दोतीकमी ब्वाक्कु गरूत” दे शंदमे बाक्त । ३३ मिनु मेको इनार कली शिबा नें वोदा बाक्त । मोपतीके मेको सहर आ नें मुल सम्म बेयर-शेबा बाक्ब ।

एसाव आ मीश निक्शी

३४ एसाव ४० बर्स दुम्मेनु, हिती आ मुर बेयरी आ तमी युदीथ नु हिती आ मुर एलोन आ तमी बासमाथ चाक्सी बाक्त । उत्पत्ती ३६ : २-३ ३५ मिनु मेको निक्शी आस पर्वम इसहाक नु रेबेका थुं मनुथु, शुश सुर्ता पाम्से बाक्त ।

इसहाकमी आसीक गेशो

१ मिनु इसहाक खाल्पा दुम्शा, ब्राबरा २७ पा मिक्च मताइब दुम्माक्त । मिनु मेकोमी आ डोंडती जरमेशो ती एसाव कली “आं ती” दे बरत्ता बाक्त । मिनु एसावमी “मार देनी ?” दे लोत्र लेता बाक्त । २ मिनु इसहाकमी “नेनो, गो खाल्पा दुम्ती, आं बेक्ची ना मतुइक्नुड । ३ इ लिबरा लाइश्शा, सिखार ग्यारथ लावो । मिनु आं कली सिखार चाक्को । ४ मिनु नोले आं

दाक्शो बरोत्रबरोत्रशो क्येशा, गेयी । गो आं बेक्चा क्येडा डोंडती जशा ब्वशा, इ कली आसीक गेनुड” देमाक्त ।

५ मिनु रेबेकामी इसहाक नु एसाव लोत्र पशो नेशो बाक्माक्त । मिनु एसाव ब्वाकी सिखार ग्यारथ लमेनु, ६ रेबेकामी आ ती याक्ब कली “आं ती नेनो, गो इ आफोमी एसाव कली लात्र पशो नेता । ७ मेकोमी एसाव कली “आं कली सिखार चाक्को । बरोत्रशो क्येवो । गो जशा ब्वशा नोले परमपरभु यावे आ डोंडती आं बेक्चा क्येडा डोंडती इ कली आसीक गेनुड” देत । ८ मोपतीके आं ती, आं देशो टिवो । दोपा अरना, मोपा पावो । ९ मुल गोठ लावो । क्यारश आन दाते रे रिम्शो पाठा निक्शी चाक्को । मिनु गो इ आफ कली आ दाक्शो बरोत्रशो क्येनुड । १० मिनु गे चहिं लाइश्शा, इ आफ कली खरत्तो । मेकोमी जशा ब्वशा, आ बेक्चा क्येडा डोंडती इ कली आसीक गेवल” देमाक्त । ११ मिनु याक्बम आ ममा कली “नेनीन, आं लोक्ब एसाव शुश चां पाइश्शो बाक्ब । गो मोदेशो मनड । उत्पत्ती २५ : २५ १२ मिनु आं आफोम आं कली थिशा, तुइक्ब । मिनु गो जाल पाइब दुम्शा, आसीक मतथु, सराप राइनुड” देमाक्त । १३ मिनु आ ममामी “इ कली पशो सराप गो रडल, आं ती । गे आं देशो पावो । पाठा निक्शी बरथ लावो” देमाक्त । १४ मिनु याक्बम गोठ लशा, पाठा निक्शी चाक्शा, आ ममा कली गेवा बाक्त । मिनु आ ममामी आ आफ कली आ दाक्शो बरोत्रशो श्ये क्येवा बाक्त । १५ मिनु रेबेकामी आ खिंमी वोइश्शो आ डोंडती जरमेशो ती एसाव आ नक वा लाइश्शा, आ कान्छा याक्ब कली फक्पदा बाक्त । १६ मिनु मेको पाठा आस कुशुल याक्ब आ गुइ तारी नु आ शुर तारी क्येप्ता बाक्त । १७ मिनु आ क्येशो बरोत्रशो श्ये नु शोब्ले याक्ब कली गेवा बाक्त । १८ मिनु याक्बम आ आफ बाक्तीके लशा, मेको कली “आं आफ” देमाक्त । मिनु “गो बाक्ती । आं ती, गे सु नवे” दे हिल्लो पवा बाक्त । १९ याक्बम आ आफ कली “गो इन डोंडती जरमेशो ती, एसाव, नड । इन पुइशो गो पाता । बोक्शा निश्शा, आं सिखार ब्वने । मिनु आं कली आसीक गेयीनी” देमाक्त । लेवी १९ : १४ २० मिनु इसहाकमी “गिश रीब पा पवी, आं ती ?” दे हिल्लो पवा बाक्त । मिनु “परमपरभु यावे, इन परमपरभुमी सिखार आं नक्था चाक्नु” देमाक्त । २१ मिनु इसहाकम याक्ब कली “आं नक्था पिवो । इ कली थिनीन, आं ती । गे थमा पा, आं ती एसाव

नवे कां, मनवे" दे मदा बाक्त। २२मिनु याकूब आ आफ आ नेक्था लमाक्त। इसहाकम मेको कली सुल्था "आ संदा याकूब के बाक्त, आ गुड चहिं एसाव के बाक्त" देमाक्त। २३मिनु मेको कली मतुइक्ता बाक्त। मारदे हना आ गुड एसाव खोदंशा पा चां पाइश्शा बाक्माक्त। मोपतीक आसीक गेवा बाक्त। २४मिनु "गे थमा पा आं तो एसाव नवे?" दे हिल्लो पवानु "गो नड" देमाक्त। २५मिनु इसहाकम "लो, इ सत्थो जचा ब्चका थोत्रक चाक्को। इ कली आसीक गेनन" देमाक्त। मिनु याकूबमी चाक्गा बाक्त। मिनु आ आफोम ब्चवा बाक्त। मिनु याकूबमी अङ्गुर शांबु यो चाक्शा, गेवा बाक्त। मिनु मेको यो तूडा बाक्त। २६मिनु आ आफ इसहाकम "आं नेक्था पिवो, आं कली पुक्पु पावो, आं तो" देमाक्त। २७मिनु आ नेक्था लशा, पुक्पु पवा बाक्त। इसहाकमी आ वा आ रिना नाम्शा, आसीक गेवा बाक्त। मिनु मेकोमी "आं तो आ रिना परमपरभु यावेमी आसीक गेशो रू आ रिना खोदंशा बाक्ब। २८ परमपरभुमी इ कली सरीड डा सीत रे नु रिम्शा खप र शुश चेरब नु अङ्गुर शांबु गेवल। २९ मुरपुकीम इ कली गेय पामक्ल। रागी रागी डा मुरपुकी इ डोंडती सुम्की पा बाम्मल। इ लोकब आन दातेमी गे ठेयब दुमो। इ ममा आ तौपुकी इ डोंडती बाम्मल। सु सुम इ कली सराप पाम, मेको आंमान रमल। सु सुम इ कली आसीक गेम, मेको आसीक रमल" दे आसीक गेवा बाक्त। उत्पत्ती २३:२५; उत्पत्ती १२:३

३०मिनु इसहाकमी आसीक गेवा नोले, याकूब आ आफ आ बाक्तीक रे लमेनु, आ लोकब एसाव आ सिखार ग्यारतीक रे जाक्माक्त। ३१मेकोमी ब्रोत्रशा श्ये क्येशा, आ आफ आ बाक्तीक जाक्शा, आ आफ कली "आं आफ बोक्कीन। आं सिखार ब्यशा, आं कली आसीक गेयीनी" देमाक्त। ३२मिनु आ आफ, इसहाकमी मेको कली "गे सु नवे?" दे हिल्लो पवानु "गो इन डोंडती जरमेशो तौ, एसाव नड" देमाक्त। ३३मिनु इसहाक शुश खिरंखिर पा "सुमी आं कली सिखार चाक्गा? इ जाक्चा क्येडा डोंडती गो जाता। मिनु आसीक गेता। आं आसीक लोब" देमाक्त। ३४मिनु एसाव आ आफ आ लोत्रंशा, ठेयब संदा पा डाक्माक्त। मिनु आ आफ कली "आं आफ, आं कली यो आसीक गेयीनी" देमाक्त। हिबरू १२:१७ ३५मिनु "इ लोकब जाक्शा, जोल पशा, इ आसीक रोइक्ताक्व" देमाक्त। ३६मिनु एसावमी "आ नं याकूब दुम्शो, ठीक बाक्ब। मुल आं

कली निक्शी खेयप ठगेती। आं डोंडती जरमेशो तौ आ अधिकार रोइक्ताक्वी। मुल आं आसीक यो लाइक्तु। गे आं कली आसीक महेंदीनी?" दे डाक्शा, देमाक्त। उत्पत्ती २५:२६; उत्पत्ती २५:३३ ३७मिनु इसहाकम एसाव कली "ननो, गो मेको कली इ प्रभु सत्ता। आ लोकब नेल्ल आन कली मेको आ गेय पाइब सत्ता। चेरब नु अङ्गुर शांबु शुश गरत्म्मल, दे लोत्र पाता। मिनु इ कली मार गेनना डा, आं तो?" दे लोत्र पवा बाक्त। ३८मिनु एसावमी आ आफ कली "इन के आसीक का ला बाक्बा डा, आं आफ? आं कली यो आसीक गेयीनी" दे शुश डाक्माक्त।

३९मिनु आ आफ इसहाकम "ननो, मलिलो खप नु सरीड डा सीत इ बाक्तीक रे डोन बाक्ब। ४०इ तरवारम इ गेय पाइनेवे। इ लोकब कली गेय पाइनेवे। २राजा ८:२७,२२ गे बोल्यो दुम्ते हना, आ जुवा इ शुर रे ताइक्नेवे" दे एसाव कली यो आसीक गेवा बाक्त।

४१मिनु एसावमी आ आफोम याकूब कली गेशो आसीक लोत्र आ पर्वम, याकूब कली काइ मदाक्ता बाक्त। आ थुंमी "आं आफ बेक्शा रांका पने थुम्शो नोले, आं लोकब याकूब कली साइक्नुड" दे मिम्ता बाक्त। ४२मिनु रबकामी आ तौ आ लोत्र नेना बाक्त। मिनु मेकोमी याकूब कली बरेशा "ननो, इ लोकबमी इ कली साइक्चा कली मिम्ब। ४३मोपतीक आं तौ, गे आं दंशा पावो। बोक्को, आं लोकब लाबान आ बाक्तीक, हारान सहर प्रोक्को। उत्पत्ती २४:२९ ४४इ लोकब आ गाइश्शा मनाइस सम्म मेक उइ बाक्को। ४५मिनु इ लोकबमी इ पशा परंशा, मचुरत हना, गो इ कली बरथ सोइक्नुड। गो दोपा नाक्त कामी आं मुर निक्शी जाम्शो तने चानुड डा?" दे आ तौ कली देमाक्त।

४६मिनु रबकामी इसहाक कली "गो हिती आ तमी आस पर्वम बेक्चा डा दुम्ती। याकूबमी यो एको खोदंशा पा एको रागी डा हिती आ तमी का चाक्तु हना, गो ब्रोइचा मदाक्नुड" दे मदा बाक्त। उत्पत्ती २६:३४-३५

### याकूब कली सोइश्शा

१मिनु नोले इसहाकमी याकूब कली २८ अरंशा "गे कनान रागी डा मोश आल मचाक्को। उत्पत्ती २४:३ २साशा, पदान-अराम इम्मा आ आफ बेथुएल आ खिं लावो। मिनु इम्मा आ लोकब लाबान आ तमी का चाक्को। उत्पत्ती २२:२३; उत्पत्ती २४:२९ ३मिनु नेल्ल

क्येडा सक्ति पाइशशो परमपरभुमी इ कली आसीक गेवल। मिनु इ कली सोशा बोशा, शुश सेलल। हिकने मचाप्चा डा पा शुश दुम्पदल। ४ अबराहाम कली गेशो आसीक मुल इ कली नु इ चच युइ आन कली गेवल। इ मुल बाकशो रागीम अर्का रागी डा मुर बाक्त, तन्न परमपरभुमी अबराहाम कली गप्तु। मेको इ कली दुम्ल” दे आसीक गेवा बाक्त। ५ मोदेशो पा इसहाकमी याकूब कली पदान-अराम डा मुर बेथुएल आ तो आ सिं सोइक्ता बाक्त। मेको याकूब नु एसाव आस ममा आ लोकब लाबान बाक्माक्त।

६ मिनु एसावमी, इसहाकम याकूब कली आसीक गेशा, मीश चाक्चा कली पदान-अराम गे सोइशशो तुइशशा, आ आफ आ अरेशो “कनान रागी डा तमी मचाक्को” दे माइशशो तुइक्ता बाक्त। ७ याकूबमी आम आफ आस कली टिशा, पदान-अराम गे लशो तवा बाक्त। ८ मिनु एसावम कनान रागी डा तमीपुकी आ आफ इसहाकम मदाकशो तुइशशा, ९ इश्माएल आ बाक्तीके लमाक्त। मिनु मीश निक्शी बाकशा यो, अबराहाम आ तो इश्माएल आ तमी नेबायोथ आ समी महलाथ चाक्गा बाक्त। उत्पत्ती १६:१६; उत्पत्ती २६:३४; उत्पत्ती २५:१३

### याकूबमी डोमु तशो

१० मिनु याकूब बेयर-शबा रे गाकशा, हारान सहर गे लमाक्त। ११ मिनु बाक्तीके का जाक्दीशशा, नाक्दो मंकर बाक्माक्त। मारदे हना नां रिक्माक्त। मिनु फुल्लु तार आ पिया वोइशशा इम्माक्त। १२ मिनु इम्मनु, डोमुम खप रे सरीड थिशा करसी का तवा बाक्त। मेको करसीमी परमपरभु आ स्वर्ग डा गेय पाइबपुकी तोइशशा, डोइशशा तवा बाक्त। यूहन्ना १:२१ १३ मिनु करसी आ डरम परमपरभु यावे राप्शा, याकूब कली “गो परमपरभु यावे, इ बाजे अबराहाम नु इ आफ इसहाक आस परमपरभु नड। मुल इ इप्शा बाक्तीके रागी इ कली नु इ चच युइ आन कली गेनन्नी। १४ इ चच युइ खप डा फुरक सोदेशो पा शुश दुम्नीम। सोशा बोशा, शुश दुम्शा, पूर्व, पच्छिम, उत्तर, दक्खिनम बरशा बाक्नीमी। गे नु इ चच युइ आन पूर्वम रागी नेल्ल डा मुर आसीक ताइनीम। उत्पत्ती १३:१४-१५ १५ गो गे नु बाकशा, ते लाइनेवे, गो इ कली कोव्रनन। गो इ कली एको रागी लेप्पाइक्कन। मारदे हना गो इ कली मपरॉइनन।

इ कली मार मार देंडा, गो मेको नेल्ल पाइनुड” देमाक्त।

१६ मिनु याकूब आ निन्दरा रे संसीशा “परमपरभु यावे थमा पा एकर बाक्ब। गो मतुइक्तु” देमाक्त। १७ मिनु हिंशा “एको हिंचा डा बाक्तीके बाक्ब। परमपरभु आ बाक्तीके सिं बाकशा, सरीड डा लाप्चो बाक्ब” देमाक्त। प्रस्थान ३:५

१८ मिनु याकूब सुनी कना बाकशा, आ पिया आगा डा वोइशशा फुल्लु राप्पाइशशा तेल लुक्ता बाक्त। उत्पत्ती ३५:१४-१५ १९ मिनु मेको बाक्तीके कली बेथल नं वादा बाक्त। डोंडती मेको सहर आ नं लूज बाक्माक्त। २० मिनु याकूबमी “परमपरभु गो नु बाक्त हना, लां कोंडशा कोवती हना, जचा नु फेक्चा यो गती हना, २१ थुं नाइशशा, आं आफ आ सिं लेत्वा गती हना, परमपरभु यावे आं परमपरभु बाक्ब” दे कसम जवा बाक्त। २२ मिनु परमपरभु कली “आं राप्पाइशशा वोइशशा फुल्लु परमपरभु आ सिं दुम्ल। आं कली मार मार गनी, मेको के १० भागमी भाग का थमा पा इन कली गेनन्नी” देमाक्त। उत्पत्ती ३५:१

### याकूब लाबान आ सिं जाक्दीशशो

२१ १ मिनु याकूब लमे लमे, पूर्व डा मुर आन रागी जाक्दीम्माक्त। २ मिनु कोव्रडानु, दिम कामी इनार का तवा बाक्त। हुल सां भडा मंकर बाकशो बाक्मा बाक्त। मारदे हना मेको आन कली मेको इनार डा ब्वाक्कु तुइबाक्मा बाक्त। मेको इनार चहिं ठेयब फुल्लुमी सुम्शो बाक्माक्त। ३ मिनु भडा आन हुल नेल्ल मंकर सुम्सीशा, गोठलापुकीमी मेको इनार डा फुल्लु क्युक्शा, भडा आन कली ब्वाक्कु तुइशा, नोल लंशा इनार सुम्शा वोइक्बाक्मा बाक्त।

४ मिनु याकूबमी मेको भडा गोठला आन कली “आं लोकबपुकी गे ते डा बाक्नीनी?” दे हिल्लो पवा बाक्त। मिनु मेकोपुकीमी “हारान डा बाक्नीकी” देमा बाक्त। ५ मिनु याकूबमी “गे नाहोर आ तो लाबान तुइक्नीनी?” दे हिल्लो पवा बाक्त। मिनु “गो तुइक्नीकी” दे लोव लेत्मे बाक्त। उत्पत्ती २४:१०,२४ ६ याकूबमी “रिम्शो बाक्म?” दे हिल्लो पवानु, मेकोपुकीमी “रिम्शो बाक्ब। ह्यु आ तमी राहल आ भडा नु जाक्त” देमा बाक्त। ७ मिनु याकूबमी “चोक्वी मजाकशो, भडा आन कली ब्वाक्कु तुइशा, जोपाइक्थ लतीन” देमाक्त। ८ मिनु मेकोपुकीमी “हुल नेल्ल

मसुम्सीथु, इनार डा फुल्लु मयाक्थु, भेडा आन कली व्याक्कु तुंडने मचाप्नीकी” दे लोत्र लेत्मे बाक्त ।

१ मिनु याकूब मेकोपुकी नु लोत्र पवा सम्म, राहेल आ आफ आ भेडा नु जाक्माक्त । मेको गोठाल्नी बाक्माक्त । १० मिनु याकूबमी आ मामा, लाबान आ तमी राहेल तवा बाक्त । मिनु मेको कली गरुस्थ लशा, इनार डा फुल्लु याक्ता बाक्त । मिनु आ मामा आ भेडा आन कली व्याक्कु तुंडना बाक्त । ११ मिनु राहेल कली चुप पाइश्शा डाक्माक्त । १२ राहेल कली “गो इ आफ आ बहिनी रेबका आ तौ नड” देमाक्त । मिनु राहेल दोरशा लशा, आ आफ कली मेको लोत्र शंदा बाक्त । १३ मिनु लाबानमी आ मानीच याकूब जाक्शो लोत्र नंशा, दोरशा मेको कली गरुस्थ जाक्माक्त । मिनु मुप्शा, पुक्पु पा, आ सिं लदा बाक्त । मिनु याकूबमी लाबान कली शुश लोत्र शोत्रडा बाक्त । १४ मिनु लाबानमी “गे थमा पा आं सिं डा मुर बाक्नेवे” देमाक्त । मिनु याकूब महिना का सोदेशो मेकर बाक्माक्त ।

१५ मिनु लाबानमी याकूब कली “गे आं सिं डा मुर बाक्त हना या, आं कली मो गय पचा ममाल्नेवे । मार पुंडनेवे, देनो” दे हिल्लो पवा बाक्त । १६ लाबान आ तमी निक्शी बाक्सा बाक्त । आ डांइती जरमेशो आ नं लेआ नु कान्छी आ नं राहेल बाक्माक्त । १७ लेआ मदारशो बाक्माक्त । राहेल चहिं शुश दारशो बाक्माक्त । १८ याकूबम राहेल कली दाक्ता बाक्त । मिनु लाबान कली “इन कान्छी तमी राहेल आ पर्वम गो इन कली ७ बर्स गय पाइनुड” देमाक्त । १९ मिनु लाबानमी “अर्का मुर कली गचा क्येडा इ कली गचा रिम्शो बाक्ब । गो नु गय पा बाक्को” देमाक्त । २० मिनु याकूबम राहेल आ पर्वम ७ बर्स गय पवा बाक्त । मेको ७ बर्स याकूब कली नाक्त का निक्शी सोदेशो पा लमाक्त । मारदे हना राहेल कली शुश दाक्ता बाक्त ।

२१ मिनु याकूबमी लाबान कली “आं मीश गेयीनी । ७ बर्स दुम्माक्त । मेको नु गरुंवे पाइनुड” दे मदा बाक्त । २२ मिनु लाबानमी सहर डा मुर नेल्ल बरश्शा, भोज गेमी बाक्त । २३ मिनु नाक्नाक्दो लाबानमी आ तमी लेआ लाइश्शा, याकूब कली गवा बाक्त । मिनु याकूब मेको नु इम्माक्त । २४ लाबानमी आ तमी लेआ कली आ गय पाइब वाइलीम जिल्या गेवा बाक्त । २५ मिनु याकूब सुनी कना बोक्शा, आ मीश कोत्रडानु, लेआ बाक्माक्त । मिनु गाइश्शा लाबान कली

“गे आं कली मार पनी ? गो इन कली राहेल आ पर्वम गय मपडा डा ? मारदे आं कली ठगेनी ?” दे मदा बाक्त । २६ मिनु लाबानमी “आंइ रागीमी जेठी क्येडा डांइती कान्छी मगेनीकी । २७ हप्ता का मेको नु बाक्को । नोल गो इ कली अर्का यो गनन । ग अर्का ७ बर्स गय पचा माल्नेवे” दे मदा बाक्त । २८ मिनु याकूब मेको बिश्शा, लेआ नु हप्ता का बाक्माक्त । मिनु नोल लाबानमी राहेल कली यो गेवा बाक्त । २९ लाबानमी आ तमी राहेल कली आ गय पाइब वाइलीम बिल्हाह गेवा बाक्त । ३० मिनु याकूबम राहेल कली यो चाक्गा बाक्त । मिनु लेआ क्येडा राहेल कली शुश दाक्ता बाक्त । मिनु लाबान कली अर्का ७ बर्स गय पवा बाक्त । लेवी १८ : ३८

परमपरभुमी लेआ आ श्येत तशो

३१ मिनु परमपरभु यावेमी याकूबमी लेआ कली मदाक्शो तशा “आल थीब दुम्ल” दे आसीक गेवा बाक्त । तन्न राहेल आल मथीब बाक्माक्त । ३२ मिनु लेआ कोत्रज कुरशा, तौ का थिमाक्त । मेको आ नं रूबन वोदा बाक्त । मारदे हना “परमपरभु यावेमी आं श्येत ताप्तु । मुल रे आं वांइशम आं कली दाक्ब” देमाक्त । ३३ मिनु लंशा कोत्रज कुरशा, तौ का नु थिमाक्त । मिनु “परमपरभु यावेमी आं कली मदाक्शो तशा, अर्का तौ का यो गती” देशा, मेको आ नं सिमियोन वोदा बाक्त । ३४ मिनु लंशा कोत्रज कुरशा, अर्का तौ का थिमाक्त । मिनु “मुल रे आं वांइश गा नु बाक्ब । मारदे हना गो तौ सां थीतामी” देमाक्त । मोपतीक आ नं लेवी वोदा बाक्त । ३५ मिनु लंशा कोत्रज कुरशा, तौ का नु थिमाक्त । मिनु “गो परमपरभु यावे कली ठेयब सेल्लुड” दे मेको कली यहूदा नं वोदा बाक्त । मिनु आल थिचा नांइसे बाक्त ।

याकूब आ अर्का आल

३० मिनु राहेलमी “आल मथीब बाक्डा बाक्त” दे तुइश्शा, आ लोक्ब कली गेहे पवा बाक्त । मिनु याकूब कली “गे आं कली आल मगेतीनी हना, गो बक्नुड” देमाक्त । २ मिनु याकूबमी राहेल आ लोत्र आ पर्वम गाइश्शा “परमपरभुमी इ कली आल मथीब सेल्लु । गो मेको क्येडा ठेयब नडा डा ?” देमाक्त । भजन संगरह १२७ : ३ ३ मिनु राहेलमी “गो इन कली आं गय पाइब बिल्हाह गेनुड । मेकोमी आं कली आल थिचा माल्ब । मिनु आं के आल दुम्मल” देमाक्त । उत्पत्ती १६ : २ ४ मिनु मेकोमी

याकूब कली आ गेय पाइब बिल्हाह गेवा बाक्त । मिनु याकूब मेको नु इम्माक्त । ५ मिनु बिल्हाह कोव्रज कुरशा, तौ का थिमाक्त । ६ मिनु राहेलमी “परमपरभुमी आं कली नाकशा, आं पुंडशो नंतु । मिनु आं कली तौ का गती” देमाक्त । मोपतीक आ नं दान वोदा बाक्त । ७ मिनु राहेल आ गेय पाइब बिल्हाहमी लेंशा कोव्रज कुरशा, अर्का तौ का थिमाक्त । ८ मिनु राहेलमी “गो आं लाकब नु परमपरभु सोदंशो पा जिशा गुराती” देमाक्त । मोपतीक मेको आ नं नाप्टाली वोदा बाक्त ।

९ मिनु लेआमी “लेंशा आल मथीनुड” दे मिम्शा, याकूब कली आ गेय पाइब जिल्या गेवा बाक्त । १० मिनु लेआ आ गेय पाइब जिल्यामी तौ का थिमाक्त । ११ मिनु लेआमी “रिम्शो दुम्त” दे आ नं गाद वोदा बाक्त । १२ मिनु लेआ आ गेय पाइब जिल्यामी अर्का तौ का नु थिमाक्त । १३ मिनु लेआमी “गो ग्यरसाकयी । मारदे हना मीश मुरपुकीमी आं पर्वम ‘आसीक राइब बाकब’ देनीम” देमाक्त । मिनु आ तौ कली आशर नं वोदा बाक्त ।

१४ मिनु काबु र्वेनमी चेरब रिक्ची ना आल थिपाइकब फल थिदा बाक्त । मिनु आ ममा लेआ कली गेवा बाक्त । मिनु राहेलमी लेआ कली “इ तौ आ चाकशो फल आं कली का निक्शी गेयी” देमाक्त । १५ मिनु मेकोमी “गे आं वांडश आ थुं रोइक्चा ला ममाइ, आं तौमी चाकशो फल यो रोइक्नेव ?” देमाक्त । मिनु राहेलमी “इ तौ आ फल आ पर्वम मुलाकदो याकूब इ खिम बाकल” देमाक्त । १६ मिनु नाकनाकदो याकूब रू रे जाकमेनु, लेआम गरुमथ लशा “गे आं खिम बाकचा माल्लीनी । गो आं तौ आ चाकशो फल इन पर्वम थाप्टाकड” देमाक्त । मिनु मेको नाकदो याकूब लेआ नु इम्माक्त । १७ मिनु परमपरभुमी लेआ आ पुंडशो गेवा बाक्त । मिनु याकूब क ४ जना तौ थिशा नोले अर्का तौ का नु थिमाक्त । १८ मिनु लेआमी “परमपरभुमी आं कली रिम्शो पाप्टु । मारदे हना गो आं गेय पाइब आं वांडश कली गेता” देमाक्त । मिनु आ नं इस्साकार वोदा बाक्त । १९ मिनु लेंशा कोव्रज कुरा बाक्त । मिनु ५ जना तौ थिशा यो, अर्का तौ का नु थिमाक्त । २० मिनु “परमपरभुमी आं कली रिम्शो पाप्टु । मुल आं वांडश गो नु बाकब । मारदे हना गो ६ जना तौ थितामी” देमाक्त । मिनु मेको कली जवूलन नं वोदा बाक्त । २१ मिनु नोले तमी का यो थिमाक्त । मेको कली दीना नं वोदा बाक्त ।

२२ नोले परमपरभुमी राहेल कली मिम्ता बाक्त । मिनु आ पुंडशो गेशा, आल थीब दुम्माक्त । १ सामुएल १:१९ २३ मिनु कोव्रज कुरशा, तौ का थिमाक्त । मिनु “परमपरभुमी श्यत र परांडती” देमाक्त । यसेया ४:१; लूका १:२५ २४ मोपतीक आ नं यासेफ वोदा बाक्त । मिनु “परमपरभु यावमी आं कली अर्का तौ का नु गयील” दे पुना बाक्त । उत्पत्ती ३५:१७-१९

### याकूब शांप पाइइशो दुम्शो

२५ मिनु राहेलमी यासेफ थिशा नोले याकूबमी लाबान कली “आं कली लचा गयीनी । गो आं रागी, आं खिं लचा दाक्नुड । २६ आं मीशपुकी, आं आलपुकी नु आं कली लचा गेकी । गो एको तचा कली इन गेय पाता । गो इन कली दोदंशो रिम्शो गेय पडा, मेको गे तुइक्नीनी” देमाक्त । उत्पत्ती २९:२०,३०; उत्पत्ती ३१:४३ २७ मिनु लाबानमी “गे आं कली दाक्नेवे हना, इक्का नु बाक्को । मारदे हना गे एक बाकशा, परमपरभु यावमी इ गेय पतीके आं कली आसीक गेती, दे तुइक्नुड । उत्पत्ती ३१:५ २८ गे मार माल्लेव, मेको इ कली गेनुड” दे मदा बाक्त । २९ मिनु याकूबमी “गो दोदंशो गेय पडा, इन बी ब्यफ गिश दुम्मा, गे तुइक्नीनी । ३० आं जाकची ना का निक्शी बाक्तकम, मुल शुश दुम्तेकम । मिनु गो जाकडा र परमपरभु यावमी इन कली आसीक गेप्टु । मिनु आं खिं गेना कोव्रनुडा ?” दे मदा बाक्त । ३१ मिनु लाबानमी “गो मार गेचा माल्लुडा ?” देमेनु, याकूबमी “आं कली मारइ गेचा ममाल्लीनी । आं देशो पाइतीनी हना, गो लेंशा इन गोठला दुम्नुड । ३२ गो मुलाक्ती इन क्यारश भेडा नेल्ल कोव्रथ लाइनुड । मिनु पुल्ले पाडगर नेल्ल गरुइनुड । क्यारश भेडा र यो क्यर नु पुल्ले पाडगर गरुइनुड । मेको आं गाल्ल दुम्नीम । ३३ मोदंशो दुम्मेनु, आं ठीक पतीके तुइक्नीनी । तेको क्यारश आन दातेमी पुल्ले पाडगर मपाइशो नु पाठा आन दातेमी क्यर मबाकमा, मेको आं सुइ पशो, दे तुइक्नीनी” दे मदा बाक्त । ३४ मिनु लाबानमी “इ देशो सोदंशो दुम्त” देमाक्त । ३५ मिनु मेको नाक्ती लाबानमी गोठ नेल्ल र टाट पाडगर क्यारश बोका नेल्ल नु पुल्ले पाडगर भेडा सांड गरुइदा बाक्त । तेक तेको इक्का बुश नु क्यर बाकमा, मेको योव्रशा, आ तौ आन गुइमी गेवा बाक्त । ३६ मिनु आ तौ आन गोठ नु याकूब आ गोठ नाक्त सां गाक्तीक लां डोन वोदा बाक्त ।

याकूबम चहिं लावान आ अरु क्यारश भेडा कोव्रडा बाक्त ।

३७ मिनु याकूबमी ब्वाकीम पिपल, कट्टस नु अर्का रवा आन क्येख राशी जिक्शा, बुश रेखा गरुंडशा खंवा बाक्त । ३८ मिनु मेको कोक्केपुकी क्यारश नु भेडा आन ब्वाक्कु तूतीकमी वोदा बाक्त । मिनु ब्वाक्कु तशा डा मिन ब्वाइसीमानु, ३९ मेको आ टाट पाङ्गर कोक्क तशा, टाट पाङ्गर पाठापुकी जरमेसीमा बाक्त । ४० याकूबमी मेको पाठा आन कली गरुंडशा फराशा आंम बगाल डा गोठ सेला बाक्त । आंम क्यारश भेडा लावान आ गोठम मवोदा बाक्त । ४१ मिनु गेना बोल्यो नु रिम्शो बोकापुकी माल्ची ना बाक्मा नु ब्वाक्कु तूथ जाक्मा, मना मेको कोक्केपुकी तूतीकमी आन डांडती वोदा बाक्त । मिनु “कोक्के आन डांडती ब्वाइसीमल” देमाक्त । ४२ बगाल डा मरिम्शो क्यारश भेडा जाक्तेकम हना, कोक्के मवोदा बाक्त । मोदेशो पा मरिम्शो क्यारश भेडा लावान कली, रिम्शो बोल्यो चहिं याकूब के दुम्मा बाक्त । ४३ मिनु याकूब शुश शांप पाइश्शो दुम्शा, क्यारश भेडा, वाइलीम वाइल, दलओंठपुकी नु गधा शुश पाइश्शो दुम्माक्त ।

याकूबम लावान कली प्रोइशो

३१ मिनु लावान आ तोपुकीमी “याकूबमी आंइ आफ आ मारइ मारइ नेल्ल रोइक्ताक्व । आंइ आफ आ शांप र शांप पाइश्शो दुम्त” देशो, याकूबमी नना बाक्त । उत्पत्ती ३०:३५ २ मिनु याकूबमी “लावानम आं कली मदाक्व दुम्त” दे तुइक्ता बाक्त । ३ मिनु परमपरभु यावमी याकूब कली “इ आफ आ रागी इ मुर आन बाक्तीक लेश्शा लावो । गो गे नु बाक्नुड” देमाक्त । उत्पत्ती २८:१५ ४ मिनु याकूबमी राहेल नु लेआ आस कली गोठीम बरतीम्सी बाक्त । ५ मिनु मेको आस कली “इस आफोम डांडती आं कली दाक्शो खोदेशो पा मुल मदाक्व, दे तुइक्ताक्ड । आं आफ आ परमपरभु गो नु बाक्शो बाक्त । ६ गो इस आफ कली दोदेशो पा आं बोल नेल्लेमी गेय पडा, मेको गे निक्शीम तुइक्नीसी । ७ इस आफोमी आं कली ठंगपु । आं गेय डा तचा माल्शो थोत्रक १० खेयप फाइक्तु । तन्न परमपरभुमी मेको कली आं कली श्येत गेचा, मगेवा बाक्त । ८ इस आफोमी “पुल्ले पाङ्गर नेल्ल इ के दुम्त” देमेनु, क्यारश भेडा नेल्लेमी पुल्ले पाङ्गर गिक्तेकम । मेकोमी रेखा पाइश्शो

नेल्ल इ के दुम्त” देमेनु, नेल्ल रेखा पाइश्शो गिक्तेकम । ९ मोदेशो पा परमपरभुमी इस आफ आ क्यारश भेडा बी ब्यफ रोइश्शा, आं कली गती ।

१० क्यारश भेडा आन ब्वाइसीची ना गो डोमुमी बोका नेल्ल पुल्ले पाङ्गर, रेखा पाइश्शो नु खाल्शो रड डा तातामी । ११ मिनु परमपरभु आ स्वर्ग डा गेय पाइबमी आं कली डोमुमी “याकूब” दे बरताक्यी । “मिनु गो बाक्ती” दे लोत्र लेत्ताक्ड । १२ मिनु मेकोमी आं कली कोव्रडा, ब्वाइसीब बोका नेल्ल पुल्ले पाङ्गर, रेखा पाइश्शो नु खाल्शो रड डा बाक्नीम । मारदे हना लावानमी इ कली मार पशो बाक्वा, गो नेल्ल ताता । १३ गो परमपरभु नड । गो इ कली बेथलम गरुस्ता । गे मेकर फुल्लु का कली तेल लुक्ताक्वी । मिनु आं कली कसम जाप्तीवी । मुल बाक्को, मेको रागी रे गरुडो । इ जरमेशो रागी लेतो” दे माइक्ती” दे आ मीश निक्शी आस कली देमाक्त । उत्पत्ती २८:१८-२२ १४ मिनु राहेल नु लेआमी “आंस आफ आ खिंमी आस थरशो रू नु शांप बाक्मा डा ? १५ आंस कली अर्का रागी डा मुर खोदेशो सेल्शा, लेयशा ताक्शो नेल्ल जाप्तु । उत्पत्ती २९:१८,२७ १६ परमपरभुमी आंस आफ रे लाइश्शो शांप, आंस कली नु आंस आल के दुम्त । परमपरभुमी इन कली मार देबा, मेकोन पन” देसा बाक्त ।

१७ मिनु याकूब सुनी कना बोक्शा, आ आलपुकी नु आ मीशपुकी दलओंठ तारी डाइक्पदा बाक्त । १८ मिनु मारइ मारइ पदान-अराम रे आ गेय पा सेल्शो बस्तु भाव नेल्ल सुल्शा, आ शांप लाइश्शा, आ आफ इसहाक आ खिं कनान रागी लचा गोवा बाक्त ।

१९ लावान आ भेडा आन ऊन खरोइक्थ लशो बाक्माक्त । मेना राहेलमी आ आफ आ खिं डा मूर्तिपुकी सुइ पा कुरा बाक्त । न्यायाधीस १७:५ ; न्यायाधीस १८:१७ ; १सामुएल १९:१३ ; २राजा २३:२४ ; जकरिया १०:२ २० याकूबमी अरामी लावान कली “गो लशो” दे मंथु, गाक्मा बाक्त । २१ मोदेशो पा याकूब आ मारइ मारइ कुरशा, परोक्माक्त । मिनु सुनी बोक्शा, युफरेटीस खोला शोक्समा बाक्त । मिनु गिलाद डांडा गे लमा बाक्त ।

२२ मिनु लमा आ नाक्त सां नोले मुरुमी “याकूब परोक्त” दे लावान कली शंदम बाक्त । २३ मिनु लावानमी आ लोक्व आन कली बरेश्शा, मेकोपुकी नु ७ नाक्ती सम्म याकूब कली

माल्शा, गिलाद डंडाम गरुमा बाक्त। उत्पत्ती ३१:४७ २४ मिनु परमपरभुमी अरामी लाबान कली डोमुमी “गे होस पावो। याकूब कली मारड मपावो” दंमाक्त।

२५ मिनु लाबानमी याकूब कली गरुमानु, आ ताम्बु गिलाद डा पहाडम कीडा बाक्त। याकूबम चहिं आ ताम्बु आइकथा डा डंडाम कीशा, वोदा बाक्त। २६ मिनु लाबानमी याकूब कली “गे मार पवी ? मारदे आं मतुइकथु पुरोक्नी ? आं तमीपुकी लडाइमी ग्याइश्शा खोदेशो पा लाइक्तीवी। २७ गे मारदे सरुइश्शा गाक्नी ? मारदे आं कली मारड मदेनी ? गो इन कली ग्यरशा, कुम्सो पशा, खैजडी नु बीना ताप्शा, लां सम्म चोत्रदेशा सोइक्तनी वा। २८ गे आं कली आं चचपुकी नु आं तमीपुकी नु पुक्पु पाइक्मुचा मगेवी। मरिम्शो पाइब बाक्त। २९ इ कली श्यत गेचा आं गुइमी बाक्ब। तन्न सिनाक्दो इ आफ आ परमपरभुमी आं कली गे होस पावो। याकूब कली मारड मरिम्शो मपावो” दे लोत्र पाप्तु। ३० मिनु गे इ आफ गरुम्चा शुश दाक्ताक्वी हना यो, मारदे आं सिं डा मूर्ति सुइ पा लदी ?” दे हिल्लो पवा बाक्त। ३१ मिनु याकूबमी लाबान कली “गे इन तमी निक्शी आं गुइ रे रोइक्नीनी, दे हिंती। उत्पत्ती ३१:१९ ३२ इन मूर्तिपुकी चहिं सुका आ ताम्बुम थिल्लीनी, मेको मबरांइल। इन लोकब आन डंडांती आं बाक्तीकम इन के मार बाक्म, कोत्रशा लतीन” दंमाक्त। मारदे हना याकूबमी राहलम मेको मूर्तिपुकी सुइ पशो, दे मतुइक्ता बाक्त।

३३ मिनु लाबानमी याकूब आ ताम्बु, लेआ आ ताम्बु, गेय पाइब निक्शी आस ताम्बु ओत्रशा, माल्शा मथिदा बाक्त। लेआ आ ताम्बु रे गरुशा, राहल आ ताम्बु ओत्रमाक्त। ३४ मिनु राहलम मेको सिं डा मूर्ति आन कली दलओठ आ तारी डा निक्तीकमी सरुइश्शा, मेको आ तारी निस्से बाक्त। मिनु लाबानमी ताम्बु नेल्लेमी माल्शा मथिदा बाक्त। ३५ मिनु राहलमी “आं परभु, मगाइक्तीने, गो इन डंडांती बोक्ने मचाप्नुड, मारदे हना गो मथिचा दुम्ती” दंमाक्त। मोपतीके माल्शा मथिदा बाक्त। लेवी १५:१९-२०

३६ मिनु याकूब चुरशा, लाबान कली “मार दूली पडा। आं कली मार मरिम्शो पशो आ पर्वम खेदा पनी ? ३७ आं मारड मारडम माल्तीनी, इन थोत्रकी मार थिन्नी ? इन लोकब नु आं लोकब आन डंडांती देनीन। एकोपुकीमी इस दातेमी निसाफ

पामेक्ल। ३८ गो गे नु २० बर्स बाक्ती। इन क्यारश भेडाम पाठा मशाम्दम। इन बगाल डा बोका का यो मब्बड। ३९ जन्तुमी साइश्शा यो इन कली मचाक्गु। गो आंमा थाप्ताकड। नाक्दो, नाक्ती जन्तुमी साइक्तेक्म हना यो, गे आं कली थाप्पाइक्तीनी। परस्थान २२:११-१२ ४० नाक्ती हुप्शाम बाक्ती, नाक्दो ग्यू बक्शा, यो मइप्शु, नां सांइताकड। ४१ मोदेशो पा गो इन सिंमी २० बर्स गेय पाता। इन तमी निक्शी आस पर्वम गो १४ बर्स गेय पाता। ६ बर्स इन क्यारश भेडा आन पर्वम गेय पाता। गे आं गेय डा तचा माल्शो थोत्रक १० खेयप फाइक्तीनी। उत्पत्ती २९:२०,३०; उत्पत्ती ३०:३१-३६ ४२ आं आफ आ परमपरभु, अबराहाम आ परमपरभु नु इसहाक आ मान पा हिंशो परमपरभु गो नु मबाक्शो हना, गे आं कली मुल श्येत्य सोइक्तीनी वा। परमपरभुमी आं श्यत नु आं गेय तशा, सिनाक्दो इन कली हुइक्ताक्ब” दंमाक्त। उत्पत्ती ३१:२४,२५

४३ मिनु लाबानमी याकूब कली “एको तमी निक्शी आं तमी बाक्नीस। एको आल आं आल बाक्नीम। एको क्यारश भेडा आं के बाक्नीम। इ तशो नेल्ल आं के बाक्ब। आं तमी आस कली मुलाक्ती गो मार पने चान्नुडा डा ? एको आस ती आन कली गो मार पने चान्नुडा डा ? ४४ मोपतीके गे नु गो कबल पस, इस डंडांती सांकछी बाक्मल” दे मदा बाक्त। ४५ मिनु याकूबम फुल्लु का चाक्शा राप्पाइश्शा, ४६ आ मुर आन कली यो “फुल्लु सुप्तीन” दंमाक्त। मिनु मेकोपुकीमी यो फुल्लु सुप्तेम बाक्त। मिनु मेकर जाम बाक्त। ४७ मिनु लाबानमी मेको कली येगार-सहादुता, दे नें वोदा बाक्त। याकूबम चहिं मेको कली गलेद, दे नें वोदा बाक्त। उत्पत्ती ३१:२३ ४८ मिनु लाबानमी “एको फुल्लु सुप्तीके मुलाक्ती इस पशो कबल आ सांकछी बाक्ब” दंमाक्त। मोपतीके मेको कली गलेद देनीम। गलेद आ अर्थ सांकछी डा फुल्लु सुप्तीके बाक्ब। यहासु २४:२७ ४९ मिनु मेको राप्पाइश्शा फुल्लु कली मिस्पा नें वोदा बाक्त। मारदे हना लाबानमी “परमपरभु यावे गे नु गो इस बराची ना इस कली कोत्रब बाक्त। न्यायाधीस ११:११ ५० गे आं तमी आस कली श्यत गोप्तीवी हना, अर्को मीश चाक्तीवी हना, गो इस दातेमी मुर सांकछी मबाक्तेक्म हना यो, परमपरभु इस सांकछी बाक्ब” दंमाक्त।

५१ मिनु लाबानमी लेंशा, याकूब कली “कोत्रडा, एको सुप्शो फुल्लु नु मेको लाइश्शा

राप्पाइश्शो फुल्लु गो इस दातेमी बाक्व । २२ एको सुप्शो फुल्लु गो रे इ बाक्तीक, गे रे आं बाक्तीक श्यत गथ मलमल । २३ अबराहाम आ परमपरभु, नाहोर आ परमपरभु नु आन किकी पिपी आन परमपरभुम इस दातेमी निसाफ पवल” देमाक्त । मिनु याकूबमी इसहाक आ मान पा हिंशा परमपरभु आ नें थिशा, कसम जवा बाक्त । २४ मिनु मेको डांडामी याकूबमी चदेतीक चदेवा बाक्त । मिनु आ खिं डा मुर आन कली “शाब्दे जन” दे गवा बाक्त । मिनु जशा, मेको नाक्दो मेक उइ बाक्मा बाक्त । उत्पत्ती ३१ : ४२ २५ मिनु लाबान सुनी कना बोक्शा, आ तमी नु आ चच आन कली पुक्पु पाइश्शा, आसीक गेशा, आ खिं लेम्माक्त ।

याकूबम एसाव कली गरुम्चा चिक्शो

३२ १ मिनु याकूब लांमी लना लन बाक्मेनु, परमपरभु आ स्वर्ग डा गेय पाइबपुकी याकूब कली गरुम्च जाक्मा बाक्त । २ मिनु याकूबमी मेको आन कली तशा “एकर परमपरभु आ लडाइ पाइब आन बाक्तीक बाक्व” देमाक्त । मोपतीक मेको गरुम्तीक रागी आ नें महा-नाइम वोदा बाक्त । महा-नाइम आ अर्थ चहिं “बाक्तीक निक्शी” बाक्व । ३ मिनु याकूबमी आ लोक्व एसाव गरुम्चा कली आ डांडेती मुरपुकी एदोम डा सइर रागी सोइक्ता बाक्त । उत्पत्ती ३६ : ८ ४ मेको आन कली “गे आं परभु एसाव कली इन गेय पाइब याकूबमी इन कली लोत्र सोइक्ताक्व । गो मुल सम्म लाबान नु आ रागीमी अर्का रागी डा मुर दुम्शा बाक्ती । ५ गो नु शुश ब्यफ, गधा, क्यारश भंडा, वाइलीम वाइल बाक्नीम । गो आं परभु, इन डांडेती शिशी तडल, दे मुर आन कली सोइक्ताक्ड” देत, देंचा माल्लीनी” दे अरशा सोइक्तीमी बाक्त ।

६ मिनु आ सोइश्शो मुरपुकी लेश्शा जाक्शा, याकूब कली “गोपुकी इन लोक्व एसाव आ बाक्तीक जाक्दीत्तक । मेकोमी ४ सहे मुर नु कुशा, इन कली गरुम्च जाक्व” दे शंदमे बाक्त । ७ मिनु याकूब शुश हिंशा, सुर्ता पवा बाक्त । मेको नु बाक्व मुर क्यारश भंडा, बी ब्यफ नु दलआंठ आन कली हुल निक्शी पा योक्गा बाक्त । ८ मेकोमी “एसावमी डांडेती डा हुल साइक्तु हना, अर्का परोक्ने चाप्नीम” दे मिम्ता बाक्त ।

९ मिनु याकूबम “आं बाजे अबराहाम आ परमपरभु, आं आफ इसहाक आ परमपरभु, आं कली लोत्र पाइब परमपरभु याव, गे आं कली इ

खिं डा मुर आन बाक्तीक, इ रागी लेतो । गो इ कली रिम्शो पाइनुड” दे लोत्र पाइतीनी । उत्पत्ती ३१ : ३, १३ १० गो, इन गेय पाइब आं कली पशा गना हना यो बाक्तीक नु इन रिम्शो पचा मपरांडेतीक मशिरनुड । गो कोक्क का ला कुरशा, यदेन खोला शाक्शा लशा नड । मुल आं के हुल निक्शी दुम्शो बाक्नीम । २ ससामुएल ७ : १८ ११ गो आं कली आं लोक्व एसाव आ गुइ रे परोनीन । मारदे हना आं कली, आं मीश आन कली नु आल नेल्ल आन कली साइक्व, दे हिंती । १२ गे आं कली गो इ कली थमा पा रिम्शो पाइनुड । इ चच युइ आन कली समुन्दर डा बाल्वा खोदंशो पा, हिक्ने मचाप्पा डा सेल्लुड” देतीनी” दे याकूबमी परमपरभु कली लोत्र पवा बाक्त । उत्पत्ती २८ : १३-१४

१३ मिनु मेको नाक्दो मेकर बाक्शा, आ मारेइ मारेइ रे एसाव कली कोसेली योत्रडा बाक्त । १४ मेकोमी सहे निक्शी ओटा क्यारश, २० ओटा बोका, सहे निक्शी ओटा भंडा नु २० ओटा सांड, १५ मिनु ३० ओटा दूध तूब चाइक्व पाइश्शो दलआंठ, ४० ओटा बी नु १० ओटा ब्यफ, २० ओटा गधेनी नु १० ओटा गधा एसाव कली योत्रशा, ठीक पवा बाक्त । १६ मिनु आ गेय पाइब आन कली का का पा हुल हुल पा गेवा बाक्त । आ गेय पाइब आन कली “गे आं डांडेती हुल हुल पना पन गाक्कीन । हुल नेल्ल कालेमी मखुलीन । का अर्का क्येडा डोन सुल्वा माल्लीनी” दे माइक्मी बाक्त । १७ मिनु नेल्ल क्येडा ठेयब अरतीक लोत्र “आं लोक्व एसाव इन कली गरुम्च जाक्त हना, मेकोमी इन कली गे सुका आ मुर ननी ? ते लाइनीनी ? इन डांडेती गाक्व बगाल सु के नमी ?” दे हिल्लो पाप्तु हना, १८ गेमी एको इन गेय पाइब याकूब के नम । आ परभु एसाव कली कोसेली बाक्व । आं यो खोइश्शा पिना पिन बाक्व” देंचा माल्लीनी” दे गेय पाइब आन कली माइक्मी बाक्त । १९ मोदंशो पा डांडेती गाक्व, नोले गाक्व नु नेल्ल क्येडा नोले गाक्व नेल्ल आन कली अरमी बाक्त । मिनु “मोदंशो पा एसाव नु गरुम्ची ना लोत्र पचा माल्लीनी । २० मिनु इन गेय पाइब आंइ नोले पिना पिन बाक्व” देंचा मपरांदेती” दे माइक्मी बाक्त । मारदे हना याकूबमी “गो आं डांडेती सोइश्शो कोसेलीमी गो मेको कली लेम्नुड । मिनु नोले मेको कली गरुम्नुड, आं कली बराइवा को” दे मिम्ता बाक्त । २१ मिनु आ कोसेली आ डांडेती लदमे बाक्त । आं चहिं मेको नाक्दो आ मुर बाक्तीकेमी बाक्माक्त ।

याकूब यब्बोक खोलाम बाक्शो

२२ मिनु मेको नाक्दो बोक्शा, आ मीश निक्शी, आ गेय पाइब मीश निक्शी नु आ ११ जना तौ आन कली लाइश्शा, यब्बोक खोला शोकपाइक्मी बाक्त। २३ मिनु मेको आन कली शोकपाइश्शा, आ मारइ मारइ यो सोइक्ता बाक्त। २४ मिनु आइक्ची हांनुम याकूब का ला बाक्माक्त। मिनु नां रिक्शा, नां मसोत्रम सम्म मुर का नु राम्शी पवा बाक्त। होस १२:४-५ २५ मेको मुस्म याकूब नु राम्शी पा आ बरुचशो तशा, याकूब आ फिला डा बांइस थिवा बाक्त। मिनु आ फिला डा बांइस याक्ता बाक्त। २६ मिनु मेको मुस्मी “नां दाप्पावानु, मुल लचा गेयी” देमाक्त। मिनु याकूबमी “आं कली आसीक मगेवी सम्म मप्रांडिनन” दे मदा बाक्त मत्ती १५:२२-२८ २७ मिनु मेकोम “इ नें मार में?” दे हिल्लो पवानु, याकूबमी “याकूब” देमाक्त। २८ मिनु मेकोमी “मुल डा मेर इ नें याकूब ममाइ, इ नें इसराएल देचा माल्नीम। मारदे हना गे परमपरभु नु राम्शी पा गराते, मुर नु राम्शी पा यो गराते” देमाक्त। उत्पत्ती ३५:१०; येरमीया २०:७ २९ मिनु याकूबम “इ नें मार में?” दे हिल्लो पवा बाक्त। मिनु मेकोमी “आं नें मारदे माल्दे?” देशा, मेको कली आसीक गेवा बाक्त। न्यायाधीस १३:१७-१८ ३० मिनु याकूबमी “गो परमपरभु आ कुल तशा यो मबक्ड” दे मेको बाक्तीक आ नें पेनीएल वोदा बाक्त। परस्थान ३३:२० ३१ मिनु नां दाप्पेनु, याकूब पेनुएल र खोड चेड पा गाक्माक्त। ३२ मोपतीक इसराएलीपुकीमी मुल सम्म मेको बांइस ग्याइक्व नारी नु मेकर डा श्ये मब्बाइनीमी। मारदे हना मेकोमी याकूब आ फिला डा बांइस याक्ता बाक्त।

याकूब नु एसाव गरुम्शो

३३ १ मिनु याकूबम लां गे कोत्रडानु, एसाव नु ४ सहै मुर पिन पिन पशो तवा बाक्त। मिनु आ आलपुकी लेआ, राहेल नु आस गेय पाइब मीश निक्शी नु गाक्पाइक्मी बाक्त। उत्पत्ती ३२:७ २ मेको गेय पाइब मीश नु आस आल आन कली नेल्ल क्येडा डांइती गाक्पदा बाक्त। मिनु मेको आन नोले लेआ नु आ आलपुकी, नेल्ल क्येडा नोले राहेल नु यासेफ गाक्पदा बाक्त। ३ मिनु मेको नेल्ल आन डांइती आंमा गाक्माक्त। मिनु मेको आ लोक्व गरुम्चा क्येडा डांइती ७ खेयप सुम्की पा बाम्माक्त।

४ मिनु एसावमी मेको कली तशा, दोरशा गरुम्थ जाक्माक्त। मिनु आ लोक्व कली मुष्शा पुक्पु पदा बाक्त। मिनु निम्फा डाक्सा बाक्त। ५ मिनु एसावमी कोत्रशा, आलपुकी नु मीश मुर आन कली तशा “गे नु बाक्व सु नमी?” दे हिल्लो पवा बाक्त। मिनु याकूबमी “परमपरभुमी इन गेय पाइब कली शिशो पशा, गेशो आलपुकी नम” दे मदा बाक्त। भजन संग्रह १२७:३ ६ मिनु नोले मेको गेय पाइब मीश निक्शी नु आस आलपुकी जाक्शा, एसाव आ डांइती सुम्की पा बाम्मा बाक्त। ७ मिनु लेआ नु आ आलपुकी जाक्शा, सुम्की पा बाम्मा बाक्त। मिनु नोले यासेफ नु राहेल जाक्शा, सुम्की पा बाप्सा बाक्त।

८ मिनु एसावमी “इ डांइती गाक्शो मार मार मारदे सोइक्ती?” दे हिल्लो पवा बाक्त। मिनु “आं परभु, इन डांइती शिशो तडल, दे सोइक्ताकड” दे लोत्र लेत्ता बाक्त। उत्पत्ती ३२:१४-२१ ९ मिनु एसावमी “आं लोक्व, आं कली मारइ मारइ गाप्शा बाक्व। इ कली वांइसो” देमाक्त। १० मिनु याकूबमी “मदुम्ब। गो इन डांइती शिशो ताता हना, आं कोसली ताक्कीन। मारदे हना गो इन कुल तशा, परमपरभु आ कुल तशा खोदेशो पा ग्येरसाक्वी। गे आं कली दाक्शा बराइतीनी। उत्पत्ती ३२:३१ ११ इन कली गेशो आसीक लतीन। मारदे हना परमपरभुमी आं कली शुश शिशो पाप्तु। आं के मारइ मारइ यो गाप्शा बाक्व” दे एसाव कली मदा बाक्त। मिनु याकूबमी शुश लोत्र पा एसावमी मेको नेल्ल ताक्गा बाक्त।

१२ मिनु एसावमी “लो, पिन। गो गे नु लाइनुड” देमाक्त। १३ मिनु याकूबमी “आं परभु, आं आलपुकी आइक्व बाक्नीम। क्यारश भडा, बी ब्यफ आन चाइक्व बाक्नीम। मेको आन कली नाक्ती का ला शुश गाक्पाइश्शा, श्येत गेता हना, नेल्ल बेक्नीम। १४ आं परभु, गे इन गेय पाइब क्येडा डांइती गाक्कीन। गो बी ब्यफ नु आलपुकी चाप्चा डा पा गाक्कीकी। नोले आं परभु आ बाक्तीक सडर सहर जाक्कीक” देमाक्त।

१५ मिनु एसावमी “आं मुर का निक्शी गे नु गाक्मल” दे मदा बाक्त। मिनु याकूबम “ममाल्नुड। मारदे आं परभुम आं कली मोदेशो रिम्शो पचा मिम्बा?” देमाक्त। १६ मिनु मेको नाक्ती एसाव सडर गे लेम्माक्त। १७ याकूब चहिं सुक्कोथ गे लमाक्त। मेकर सिं का सल्ला, आ बी ब्यफ आन कली गोठपुकी सला बाक्त।

मोपतीके आ बाक्तीके आं नें सुक्कोथ वोदा बाक्त। १८मोपा याकूब पदान-अराम रागी रें मारइ मद्दुम्भु रिम्शा पा लेइशा, कनान रागी डा शकम सहर जाक्दीम्माक्त। सहर आ नेक्था आ बाक्तीक सला बाक्त। १९मिनु आ ताम्बु कीतीक रू हमार आ तौ आन दात शकम आ आफ रें सह का कसीता थाप्शा, ग्यवा बाक्त। कसीता मंकर डा वयट बाक्त। सुन के बाक्बा कां, चांदी के बाक्बा कां, गिश हल्थो बाक्ब मतुइसीब। यहासु २४:३२ २०मिनु मंकर चढ़तीक का सला बाक्त। मेको आ नें “एल-एलोह-इसराएल” दे वोदा बाक्त। मेको आ अर्थ परमपरमु, इसराएल आ परमपरमु बाक्ब। उत्पत्ती १२:७-८

दीना शेकम सहर कोवथ लशा

**३४** १मिनु लेआ आ तमी, दीना मेको रागी डा मीश आल आन कली गरुथ लमाक्त। २हिव्वी डा हमोर आ तौ शेकम, मेको रागी डा पिप आ तौमी दीना कली तशा, ग्याइइशा मेको नु इप्शा, बिथोलो पवा बाक्त। न्यायाधीस ९:२८ ३मिनु याकूब आ तमी दीना कली शुश दाक्शा, रिम्शा लोत्र पवा बाक्त। ४मिनु शेकममी आ आफ कली “मेको मीश आल आं कली चाक्कीन” दे मदा बाक्त। ५मिनु याकूबमी “शकममी इन तमी दीना कली बिथोलो पाप्नु” देशो नेना बाक्त। आ तौपुकी चहिं रू डा गोठीम बाक्मा बाक्त। याकूब आ तौपुकी मजाक्मा सम्म सिक्सी पा बाक्माक्त। ६मिनु शेकम आ आफ हमोर याकूब नु लोत्र पचा कली जाक्माक्त। ७मिनु मेको नेंशा, याकूब आ तौपुकी यो रू रें जाक्मा बाक्त। आन थुं मनुथु, शुश चुरमा बाक्त। मारदे हना शेकमम इसराएल आ तमी नु इप्शा, बिथोलो पशा बाक्माक्त। मो पचा मद्दुम्भो बाक्माक्त। ८मिनु हमोरमी इसराएल कली “आं तौ शेकममी इन तमी कली शुश दाक्ब, चाक्चा गेने। ९मिनु आंइ तमीपुकी इन तौपुकीमी चाक्मेक्त। इन तमीपुकी आंइ कली चाक्चा गेने। १०गे गोपुकी नु बाक्कीन। आंइ रागी इन कली ग्याप्वा लेयचा, बाक्चा कली गेनीकी” देमाक्त। ११मिनु शेकममी मीश आल आ आफ याकूब नु आ लोक्ब आन कली “इन डांइती शिशो तडल। गे मार दंनीनी इन कली गेनुड। १२मेको मीश आल चाक्चा गेतीनी हना, गो इन माल्थो मारइ मारइ गेनुड” देमाक्त। परस्थान २२:१४ १३याकूब आ तौपुकीमी आन समी कली बिथोलो पाइब, शेकम नु आ आफ

हमोर आस कली जोल पा १४ “गो आंइ समी खरोइक्तीक चिनु मखरोइइशा मुर आन कली गेने मचाप्नीकी। मेको आंइ कली मशिरब। १५गे आंइ खोदंशा पा वांइश आल वांइश मुर नेल्लमी खरोइक्तीक चिनु खरोइक्तीनी हना, उत्पत्ती १७:१०-१४ १६आंइ तमीपुकी इन कली लाइक्चा गनीकी। मिनु इन तमीपुकी गो चाक्नीकी। मिनु गो गपुकी नु बाक्शा, मुर का खोदंशा दुम्नीकी। १७गपुकी आंइ देशो मबिस्साक्नी हना, आंइ तमी लाइइशा, गाक्नीकी” दे लोत्र पाम बाक्त। १८मिनु हमोर नु आ तौ शेकम मेको आस देशो नेंशा, ग्यरससा बाक्त। १९मिनु मेको ठिटा मेको पचा बिस्स बाक्त। मारदे हना याकूब आ तमी कली शुश दाक्ता बाक्त। मेको आ आफ आ खिं डा नेल्ल क्येडा मान ताइब बाक्माक्त।

लेआ आ तौ निक्शी गाइइशा

२०मिनु हमोर नु आ तौ शेकम आस सहर डा लाप्वा ओत्रशा, मेको निक्शीमी मुर आन कली २१ “एको मुरपुकी गो नु दुशा बाक्चा दाक्नीम। मोपतीके एक बाक्चा गन। मारदे हना इं रागी ठेयब बाक्ब। मेको आन कली यो गारब। गोपुकी मेको आन तमी चाक्च। इं तमी मेको आन कली गेय। २२गो वांइश मुर नेल्ल खरोइक्तीक चिनु खरोइक्साक्च हना ला, मेकोपुकी गो नु बाक्ने बिल्लीम। २३मार, मेको आन बी ब्यफ, क्यारश भडा नु आन शांप नेल्ल इं क मद्दुम्भा डा ? गो मेको आन लोत्र बिइशा हना, इं दातमी बाक्नीम” देसा बाक्त। २४मिनु सहर डा मुर नेल्ल हमोर नु शेकम आस लोत्र टिशा, खरोइक्तीक चिनु खरोइक्चा गेमे बाक्त। सहर नेल्ल डा वांइश मुरुम मोदंशा पाम बाक्त।

२५मिनु नाक्त सां नोले आन खरोइक्तीक नेल्ल क्येडा साइक्मानु, याकूब आ तौ निक्शी, दीना आ लोक्ब, सिमियान नु लेवी, आस तरवार लाइइशा, सुइ आन मतुइक्थु, सहर ओत्रशा, सहर डा वांइश मुर नेल्ल सदस बाक्त। उत्पत्ती ४९:५-७ २६मिनु मेको निक्शीमी हमोर नु शेकम आस कली यो साइइशा, दीना शेकम आ खिं रें गरुइशा, लदस बाक्त। २७मिनु याकूब आ अर्का तौपुकी यो सहर ओत्रमा बाक्त। मेकोपुकीमी सहर डा मारइ मारइ लदमे बाक्त। मारदे हना शेकममी आन समी कली बिथोलो पवा बाक्त। २८मिनु आन क्यारश भडा, बी ब्यफ, गधा नु मार मार सहर नु आन रूमी बाक्मा, मेको नेल्ल लदमे बाक्त। २९आन शांप नेल्ल, आन

आलपुकी, आन मीश नु आन सिं डा मारेइ मारेइ नेल्ल लदम बाक्त । ३० मिनु याकूबमी सिमियोन नु लेवी आस कली “गे आं कली श्येत गेतीसी । मुल एको रागी डा मुरुमी आं कली मदाक्नीम । कनानी नु परिज्जी आन दातेम आं कली मरिम्शो रिना पाइश्शो खोदंशो सल्लतीसी । गोपुकी नु शुश मुर मबाक्नीम । ईं कली लडाइ तोशा, ईं सिं डा मुर नेल्ल साइक्नीम” दे मको आस कली हुइक्तीम्सी बाक्त । ३१ मिनु मेको निक्शीमी “मार, मकोमी आंस समी कली तल्लेम खोदंशो सेल्ला दुम्बा ?” देसा बाक्त ।

याकूबमी आसीक तशो

३५ १ मिनु परमपरभुमी याकूब कली “बोकशा सासो । बेथेल सहर लावो । मिनु मेकर बाक्को । इ लोकब एसाव रे परोक्डेनु, इ डोइती गुरूशो परमपरभु, आं कली, चढेतीक का सेलो” दे मदा बाक्त । उत्पत्ती २८ :११-२२ ; उत्पत्ती ३१ :१३ २ मिनु याकूब आ सिं डा मुर नु आ बाक्शो मुर नेल्ल आन कली “इन गुइमी बाक्शो मूर्ति ताइक्तीन । इन फेक्शो वा परुइश्शा, चिक्शा, अर्का फेक्सीन । उत्पत्ती ३१ :१९ ; व्यवस्था २७ :१५ ; यहोसु २४ :२३ ३ मिनु बोक्य, बेथेल लय । गो मेकर जाक्दीश्शा, परमपरभु कली चढेतीक का सेल्लुड । गो श्येत जडानु, आं पुंइशो गेपु । गो ते गाक्ती हना यो, मेको गो नु बाक्त” दे माइक्मी बाक्त । ४ मिनु मेकोपुकीमी याकूब कली आन मूर्ति नु आन पांइशो मारवाडी नेल्ल गेम बाक्त । याकूबमी मेको नेल्ल शंकम आ नेक्था बाक्शो रवा आगाम थिमा बाक्त । यहोसु २४ :२६ ; न्यायाधीस ९ :६ ५ मिनु मेकोपुकी लचा गोत्रम बाक्त । परमपरभुमी एर आंथ डा सहर डा मुर आन कली हिंब सल्लमी बाक्त । मोपतीक मेकोपुकीमी मेको आन कली खदा मपामे बाक्त । परस्थान २३ :२७ ; यहोसु १० :१०

६ मिनु लशा, याकूब नु मेको नु बाक्ब मुर नेल्ल कनान रागी डा लूज सहर जाक्दीम्मा बाक्त । लूज सहर कली बेथेल नें वोइश्शो बाक्माक्त । ७ याकूबम मेकर चढेतीक का सेला बाक्त । मेको आ नें एल-बेथेल वोदा बाक्त । मारद हना आ लोकब एसाव रे परोक्मनु, मेकर परमपरभुम तपांइसीशो बाक्माक्त । ८ मना रबेका कली कोत्रब देबोरा बेक्माक्त । मिनु मेको कली बेथेल आ नेक्था, रवा आगामी थिम्म बाक्त । मेको कली याकूबम अल्लोन-बकुथ नें वोदा

बाक्त । मेको आ अर्थ डाक्चा डा रवा बाक्ब । उत्पत्ती २४ :२९

परमपरभुमी याकूब कली गुरूशो

१ पदान-अराम रे लेम्मनु, परमपरभुमी याकूब कली लेंशा गुरूशा, मेको कली आसीक गेशा १० “इ नें याकूब बाक्ब । तन्न मुल रे याकूब मदेचा, इ नें इसराएल दुम्बा माल्व” देमाक्त । मोपतीक इसराएल नें वोइश्शो बाक्माक्त । उत्पत्ती ३२ :२९ ११ मिनु परमपरभुमी मेको कली “गो नेल्ल क्यडा सक्ति पाइश्शो परमपरभु नड । गे सोशा बोशा, शुश दुमीने । गे रे रागी का डा शुश मुर नु रागी रागी डा मुर यो दुम्नीम । गे रे पिपुकी दुम्नीमी । उत्पत्ती १७ :१ ; उत्पत्ती २८ :३-४ ; उत्पत्ती १७ :६ १२ अबराहाम नु इसहाक कली गेशो रागी गो इ कली नु इ चच युइ आन कली गेनुड” देमाक्त । १३ मिनु परमपरभुमी लोत्र पने थुम्शा, मेको आ बाक्तीक रे लमाक्त । १४ मिनु याकूबमी परमपरभु नु लोत्र पशो मिम्चा कली मेकर फुल्लु का राप्पदा बाक्त । मिनु मेको आ तारी तूचा थोत्रक चढेतीक नु तेल लुक्ता बाक्त । उत्पत्ती २८ :१८-१९ १५ याकूबमी परमपरभु नु लोत्र पतीक सहर कली बेथेल नें वोदा बाक्त ।

बेन्यामीन जरमेसेनु राहेल बेक्शो

१६ मिनु बेथेल रे एफराथ जाक्दीत्वा कली गाक्शो बाक्मा बाक्त । मना राहेल आल थिचा चिक्शा बाक्माक्त । १७ सुत्केरी रोइम शुश श्येत जवानु, आ वारच पाइब मीश मुरुमी “महिनी, ग अर्का तौ का नु थीनेव” दे लोत्र पवा बाक्त । उत्पत्ती ३० :२४ १८ मिनु मेको मबेक्थु, आ सोक्त लची ना आ तौ आ नें बेन-ओनी वोदा बाक्त । आ आफोम चहिं आ नें बेन्यामीन वोदा बाक्त । मेको आ अर्थ आं श्येत डा तौ बाक्ब । १९ मिनु राहेल बेक्माक्त । मिनु एफराथ लतीक लांमी थिम्म बाक्त । एफराथ बेथलेहम सहरम बाक्ब । उत्पत्ती ४८ :७ ; १ सामुएल १० :३ ; येरमीया ३१ :१५ ; मती २ :१८ २० मिनु याकूबमी आ थिम्तीक तारी फुल्लु के थाम का राप्पदा बाक्त । मुल सम्म राहेल आ थिम्तीक तारी मेको ठेयब फुल्लु के थाम बाक्ब ।

इसराएल आ तौपुकी

२१ मिनु इसराएल लना लन, आ ताम्बु एदेर माइश्शो लाइश्शो सिं आ नेक्था कीडा बाक्त ।

२२ मिनू इसराएल मेको रागीमी बाक्मेनु, आ तौ रूबेन आ आफ आ मीश बिल्हाह नु इम्माक्त। मिनू इसराएलमी मेको नेना बाक्त। उत्पत्ती ४९:४

याकूब आ १२ जना तौ

१इतिहास २:१-२

२३ लेआ आ तौ रूबेन, याकूब आ डॉइती जर्मेशो तौ बाक्माक्त। सिमियोन, लेवी, यहूदा, इस्साकार नु जवूलून नेल्ल लेआ आ तौ बाक्मा बाक्त। २४ राहेल आ तौ योसफ नु बेन्यामीन बाक्सा बाक्त। २५ राहेल आ गेय पाइब बिल्हाह आ तौ दान नु नाप्ताली बाक्सा बाक्त। २६ लेआ आ गेय पाइब जिल्पा आ तौ गाद नु आशेर बाक्सा बाक्त। मेको नेल्ल पदान-अराममी जर्मेशो याकूब आ तौ बाक्मा बाक्त।

इसहाक बेक्शो

२७ मिनू याकूब, आ आफ इसहाक आ खिं मामरं जावदीम्माक्त। मेको कली किरयथ-अरबा सहर नु हेबरोन यो देनीम। मेको अबराहाम नु इसहाक आस बाक्तीक रागी बाक्माक्त। २८ मिनू इसहाक सह का ८० बर्स दुम्माक्त। २९ मिनू इसहाक शुश बर्स डा खाल्पा दुम्शा बेक्माक्त। आ क्यडा डॉइती बेक्शो किकी पिपी आन बाक्तीक लमाक्त। मिनू आ तौ एसाव नु याकूबम मेको कली थिम्स बाक्त।

एसाव आ तौ चच युइ

१इतिहास १:३५-५४

३६ १ एको एसाव आ चच युइ बाक्नीम। एसाव कली एदोम यो देनीम। उत्पत्ती २५:३०; व्यवस्था २३:८ २ एसावमी कनान रागी डा मीश निक्शी चाक्गा बाक्त। का हिती डा एलोन आ तमी आदाह, अर्का होर डा हिथ्वी सिबोन आ तौ अनाह आ तमी ओहोली-बामा बाक्माक्त। उत्पत्ती २६:३४ ३ मिनू इश्माएल आ तमी बासेमाथ, नेबायोथ आ समी यो चाक्गा बाक्त। उत्पत्ती २८:९

४ मिनू आदाहमी एसाव के एलीफाज थिमाक्त। बासेमाथमी रूएल थिमाक्त। ५ ओहोली-बामामी येऊश, यालाम नु कोराह थिमाक्त। मेकोपुकी कनान रागीम जर्मेशो एसाव आ तौ बाक्मा बाक्त।

६ मिनू एसावमी आ मीशपुकी, आ तौपुकी, आ तमीपुकी, आ खिं डा मुर नेल्ल, आ बी

व्यफ नु बस्तु भाव नेल्ल कनान रागीम चेम्शो शांप नेल्ल लाइशशा, याकूब रे जोन अर्का रागी लमाक्त। ७ मारदे हना शुश शांप दुम्तीके, बस्तु भाव शुश दुम्तीके, काथा बाक्ने मचाप्स बाक्त। मिनू आस बाक्शो रागीम शुश बस्तु भाव दुम्तीके थुल्ले मचाप्स बाक्त। उत्पत्ती १३:६ ८ मिनू मेको एदोम माइशशा एसाव सैडर डा पहाड लशा बाक्माक्त।

९ एसाव आ चच युइ सैडर पहाड डा एदोमी माइशशा सु सु बाक्मा बाक्त दंशा हना, १० एसाव आ मीश आदाह आ तौ एलीफाज, आ मीश बासेमाथ आ तौ रूएल बाक्माक्त।

११ मिनू एलीफाज आ तौपुकी तेमान, ओमार, सफो, गाताम नु केनाज बाक्मा बाक्त। १२ एसाव आ तौ एलीफाज आ कान्छी मीश तिम्ना बाक्माक्त। मेकोमी अमालेक थिमाक्त। मेकोपुकी एसाव आ मीश आदाह आ तौपुकी बाक्मा बाक्त।

१३ मिनू रूएल आ तौपुकी नाहाथ, जेराह, शम्माह नु मिज्जा बाक्मा बाक्त। मेको एसाव आ मीश बासेमाथ आ तौपुकी बाक्मा बाक्त।

१४ मिनू सिबोन आ तौ अनाह आ तमी, एसाव आ मीश ओहोली-बामा आ तौपुकी येऊश, यालाम नु कोराह बाक्मा बाक्त।

हुकुम पाइब एसाव आ तौपुकी

१५ मिनू एसाव आ तौ आन दाते डा ठेयब मुर सु सु बाक्मा बाक्त दंशा हना, आ डॉइती जर्मेशो तौ एलीफाज आ तौ तेमान, ओमार, सफो नु केनाज, १६ कोराह, गाताम नु अमालेक, एलीफाजमी एदोम रागीमी थिशो आदाह आ तौ बाक्मा बाक्त।

१७ मिनू एसाव आ तौ रूएल आ तौ आन दाते डा ठेयब मुर नाहाथ, जेराह, शम्माह नु मिज्जा बाक्मा बाक्त। मेकोपुकी रूएलमी एदोम रागीमी थिशो, एसाव आ मीश बासेमाथ आ तौ बाक्मा बाक्त। १८ मिनू एसाव आ मीश ओहोली-बामा आ तौ आन दाते डा ठेयब मुर येऊश, यालाम नु कोराह बाक्मा बाक्त। मेकोपुकी अनाह आ तमी, एसाव आ मीश ओहोली-बामाम, जर्मेशो बाक्मा बाक्त। १९ मेकोपुकी एदोम माइशशा एसाव आ तौ आन दाते डा ठेयब मुर बाक्मा बाक्त।

सैडर आ चच युइ

२० मिनू डॉइती मेको रागीम बाक्ब सैडर आ तौ हारीपुकी सु सु बाक्मा बाक्त दंशा

हना, लोतान, शोबाल, सिबोन, अनाह उत्पत्ती १४ :६ ; व्यवस्था २ :१२,२२ २१दीशोन, एज़र नु दीशोन बाक्मा बाक्त। मकोपुकी एदोम रागी डा सडर आ तौ हारी आन दाते डा ठयब मुर बाक्मा बाक्त। २२लोतान आ तौ हारी नु हमान बाक्सा बाक्त। लोतान आ समी तिम्ना बाक्माक्त। २३शोबाल आ तौपुकी अत्वान, मानाहाथ, एबाल, शफो नु आनाम बाक्मा बाक्त। २४सिबोन आ तौ आइयाह नु अनाह बाक्सा बाक्त। मिनु अनाहमी आ आफ सिबोन आ गन्धा योत्रदीमेनु, गोरशो रागीमी होश ब्वाक्कु बुक्तीक थिदा बाक्त। २५अनह आ आल दीशोन नु आ तमी ओहोली-बामा बाक्सा बाक्त। २६मिनु दीशोन आ तौपुकी हेम्दान, एश्वान, इथरान नु केरान बाक्मा बाक्त। २७एज़र आ तौपुकी बिल्हान, जावान नु अकान बाक्मा बाक्त। २८दीशोन आ तौ ऊज नु अरान बाक्सा बाक्त। २९हारी आन दाते डा ठयब मुरपुकी लोतान, शोबाल, सिबोन, अनाह, ३०दीशोन, एज़र नु दीशोन बाक्मा बाक्त। मको सडर रागी डा हारी आन ठयब मुर बाक्मा बाक्त।

### एदोम रागी डा पिपपुकी

३१डॉइती इसराएल डा मुर आन पिप मबाक्शो बाक्माक्त। एदोम रागीमी चहिं सासन पाइब पिपपुकी बाक्मा बाक्त। ३२मिनु बेओर आ तौ बेलामी एदोम रागीमी सासन पवा बाक्त। मिनु मको आ सहर आ नें दिनहाबा बाक्माक्त। ३३मिनु बेला बेक्शा नोले बाजरा डा जेराह आ तौ योबाब मेकर डा पिप दुम्माक्त। ३४मिनु योबाब बेक्शा नोले तेमान आ मुर आन रागी डा हुशाम पिप दुम्माक्त। ३५मिनु हुशाम बेक्म नोले बदाद आ तौ हादाद पिप दुम्माक्त। मकोमी मोआब रागीमी मिदयानी नु लडाइ पशा गरामाक्त। आ सहर आ नें अवीथ बाक्माक्त। ३६मिनु हादाद बेक्म नोले मासरेकाह डा सम्ला पिप दुम्माक्त। ३७मिनु सम्ला बेक्म नोले युफरेटीस सोला आ नेक्था बाक्शो रेहोबोथ डा शावल पिप दुम्माक्त। ३८मिनु शावल बेक्म नोले आकबोर आ तौ बाल-हनान पिप दुम्माक्त। ३९मिनु आकबोर आ तौ बाल-हनान बेक्म नोले हादार पिप दुम्माक्त। आ सहर आ नें पाहु बाक्माक्त। आ मीश मेहेताबेल बाक्माक्त। मको मातरेंद आ तमी बाक्माक्त। मातरेंद चहिं मे-जाहाब आ तमी बाक्माक्त।

### एसाव रे पिशो थर

४०एसाव रे पिशो थर आन सिं नु आन बाक्तीक तेको बाक्मा बाक्त देशा हना, तिम्ना, अल्वाह, यथथ, ४१ओहोली-बामा, एलाह, पिनान, ४२कनाज, तेमान, मिब्सार, ४३मग्दीएल नु यिराम बाक्मा बाक्त। मको एदोम आ थर आन बाक्तीक बाक्मा बाक्त। एसाव एदोमी आन किकी पिपी बाक्माक्त।

### याकूब आ तौ योसेफ आ कथा

१याकूब आ आफ अर्का रागीम बाक्शो ३७ खोदंशो पा याकूब यो कनान रागीम बाक्शो बाक्माक्त। २एको याकूब आ सिं डा मुर आन कथा बाक्ब। योसेफ १७ बर्स दुम्शा आ लोकब आन क्यारश भेडा गोठ डा गोठला बाक्माक्त। आ आफ आ मीश बिल्हाह नु जिल्या आस तौ कली वारच पाइब बाक्माक्त। मिनु योसेफमी मको आन मरिम्शो पशो आ आफ कली शोत्रबाक्माक्त। ३इसराएलमी नेल्ल क्येडा योसेफ कली दाक्शो बाक्माक्त। मारदे हना मकोमी खाल्पा दुम्शा थिमाक्त। मिनु योसेफ कली दारशो फक्तीके का फेरपदा बाक्त। ४मिनु आ लोकबपुकीमी “आफोम नेल्ल क्येडा योसेफ कली दाक्ताक्व” दे तुइश्शा, योसेफ कली मदाक्तमे बाक्त। मिनु योसेफ नु रिम्शो लोत्र यो मपाम बाक्त।

### योसेफ आ डॉइती डा डोमु

५काबु नाक्दो योसेफमी डोमु का तवा बाक्त। मिनु योसेफमी आ लोकब आन कली शंदीमी बाक्त। मिनु मकोपुकीमी डॉइती क्येडा मदाक्तमे बाक्त। ६योसेफमी मको आन कली “गो सिनाक्दो डोमु का ताता। ७गो नेल्ल रूमी चेरब मुठा फरंशा बाक्तय। मिनु आं मुठा बोक्शा राप्त। मिनु इन मुठापुकी एर ओथ बाक्शा, आं मुठा कली सेउ पाम्तेक्म” देमाक्त। ८आ लोकबपुकीमी “गो आंइ कली अरब दुम्नेवे? आंइ कली हुकुम पाइब दुम्नेवे?” दे गाइश्शा देमा बाक्त। मिनु योसेफ कली आ डोमु नु आ देशो आ पर्बम डॉइती क्येडा मदाक्तमे बाक्त।

### योसेफ आ नोले डा डोमु

९मिनु नोले योसेफम लेंशा अर्का डोमु तवा बाक्त। मिनु आ लोकब आन कली “नेनीन, गो अर्का डोमु का यो ताता। नां, तास्ना नु ११ ओटा

सोरुलपुकीम आं कली सेउ पाइक्तीमी” दंमाक्त। १०मको डोमु आ आफ नु आ लोकब आन कली शंदीमीनु, आ आफोमी “मार डोमु तवी? गो, इ ममा नु इ लोकबपुकी इ डांडती थमा पा सुम्की पा बाप्या माल्नीकी?” दे हुइक्ता बाक्त। ११मिनु आ लोकबपुकीमी योसफ कली मदाक्तम बाक्त। आ आफोम चहिं यासफ आ देशो मिम्शा आ थुमी वोदा बाक्माक्त।

### योसफ कली लेयशा

१२मिनु योसफ आ लोकबपुकी क्यारश भेडा योत्रचा कली शेकम माइश्शो रागीमी बाक्शो बाक्मा बाक्त। उत्पत्ती ३३:१८-१९ १३इसराएलमी योसफ कली “इ लोकबपुकी शेकम नेकथान क्यारश भेडा योत्रनीम। गो इ कली शेकम सोइक्नन” दंमाक्त। मिनु योसफम “लो, गो लाइनुड” दंमाक्त। १४ मिनु “लावो, इ लोकब नु क्यारश भेडा नेल्ल रिम्शो बाक्मा को, दोदेशो पा बाक्मा, कोत्रथ लावो। मिनु कोत्रशा, शंदी” दंमाक्त। मिनु योसफ कली हेबरोन बेसी र सोइक्तानु, शेकम ग लमाक्त। उत्पत्ती ३५:२७ १५ मिनु योसफमी लेखमी मुर का गरुमाक्त। मिनु मेकोमी “गो मार मली?” दे हिल्लो पवा बाक्त। १६मिनु योसफमी “आं लोकब आन कली माल्थ गाक्ती। क्यारश भेडा ते योत्रशो बाक्मा, तुइक्ती?” दे हिल्लो पवा बाक्त। १७मिनु मेको मुर्मी “मेकोपुकी एंकेर र लाम्तेक्म। दोथान लचा देशो नंता” दंमाक्त। मिनु योसफम आ लोकब आन कली दोथानम थिम्मी बाक्त।

१८मिनु आ लोकबपुकीम योसफ कली डोन र पिशा तशा, आन नेकथा जाक्चा क्येडा डांडती “मेको कली साइक्चा” दे सल्ला पामे बाक्त। १९मिनु मेकोपुकीमी “कोत्रडीन, डोमु ताइब जाक्त। २०मुल मेको कली साइय्य। मिनु दोडोडगा कामी पिक्कय। मिनु “जन्तुम साइश्शा व्याप्तु” दंय। आ डोमु तशा गाप्याक्म को, मगाप्याक्म तुइक्नय” दंमुमा बाक्त। २१मिनु रुबेनमी मेको आन लोत्र नंशा, मेको कली “मसाइय्य” दंमाक्त। मेकोमी “आ लोकबपुकी र परांडनुड” दे मिम्ता बाक्त। उत्पत्ती ४२:२२ २२रुबेनमी मेको आन कली “मसतीने। लेख डा दोडोडगा कामी ताइक्चा” दे माइक्मी बाक्त। मारदे हना योसफ कली आन गुइ र परांडशा, आफ आ सिं सोइक्नुड, दे मिम्ता बाक्त। २३मिनु योसफ आ लोकब आन बाक्तीके जाक्मनु,

मेकोपुकीमी आ नक फेरशो रिम्शो फेक्तीक वा परुइक्तम बाक्त। २४मिनु लेख डा दोडोडगा कामी पिक्कम बाक्त। मेको दोडोडगाम व्याक्कु मबाक्शो बाक्माक्त।

२५मिनु शोब्ले जथ निस्सीमा बाक्त। मिनु कोत्रडमनु, गिलाद सहर र इश्माएल जात डा ग्याप्य लेयब मुर नु आन दलआंठपुकी पिशा ताम बाक्त। मेको आन दलआंठपुकीमी मस्त्तापुकी, खरक्तीकपुकी नु धूप इजीप्तीमी लेयचा कली लाइक्बाक्मा बाक्त। २६मिनु यहूदामी आ लोकब आन कली “इ लोकब साइश्शा, जोल पचा, मार रिम्शो दुम्बा डा? २७नेनीन, इश्माएल आ मुर आन कली लेयशा सोइक्तय, मसाइय्य। मारद हना इ लोकब, इं आम मुर बाक्ब” दंमाक्त। मिनु आ लोकबपुकी बिस्समा बाक्त। २८मिदयान डा इश्माएली ग्याप्य लेयब मुर पिना पिन बाक्मा बाक्त। मिनु योसफ कली दोडोडगा र फेरशा, इश्माएली आन कली चांदी के २० शेकलम लेयडम बाक्त। मिनु मेकोपुकीमी योसफ कली इजीप्त लदमे बाक्त। शेकल का ११.५ ग्राम, तोला खांदेशो बाक्ब। उत्पत्ती २५:२; लेवी २७:१-८

२९मिनु रुबेनमी योसफ परांडचा कली मेको दोडोडगा लशा कोत्रडानु, योसफ कली मथित्यु, सुर्ता पा, आ वा खाक्गा बाक्त। ३०मिनु आ लोकब आन कली “मेको आल मबा। दोपा आ आफ आ डांडती जाक्दीत्नुडा?” दे लोत्र पवा बाक्त। ३१मिनु मेकोपुकीमी योसफ आ फेरशो वा लाइश्शा, पाठा का क्यारशा, आ फेरशो वा हुशेम खरूम बाक्त। ३२मिनु मेको फेरशो फेरशो वा आन आफ कली लाइश्शा गेम बाक्त। मेकोपुकीमी आन आफ कली “कोत्रडीन, एको वा थित्तक। इन ती आ फेरशो वा कां?” दे हिल्लो पामे बाक्त। ३३मिनु मेको वा तशा “आं ती आ फेरशो वा बाक्त, दे तुइक्ता बाक्त। मिनु व्याकी डा जन्तुमी मेको कली साइश्शा, नेक्कम बाक्त” दे डाक्माक्त। उत्पत्ती ३७:२० ३४मिनु याक्बम आ फेरशो वा खाक्शा, अरन्डी फेरशा, शुश नाक्ती रांका पवा बाक्त। ३५आ तमी ती आन आफ कली लेम्थ जाक्मा बाक्त। मिनु याक्बमी “गो आं बेक्ची ना सम्म आं ती कली रांका पाइनुड” दे लेम्चा मगेमी बाक्त। मोपा आ आफ योसफ आ पर्वम डाक्माक्त।

३६मिनु मेको मिदयान डा मुरपुकीमी योसफ कली इजीप्त रागी डा फाराओ आ नेल्ल क्येडा ठेयब गेय पाइब पोतीफर कली लेयडमे बाक्त।

### यहूदा नु तामार

३८ १मिनु नोले यहूदा आ लोकबपुकी रे लशा, अदुल्लाम सहर डा हीरा माइशशो मुर आ बाक्तीक लमाक्त। २मेकर बाक्शा, यहूदामी कनानी शुआ नं पाइशशो मुर आ तमी तवा बाक्त। मिनु मेको चाक्शा, मेको नु बाक्माक्त। ३मिनु मेकोमी कोव्रज कुरशा, तो का थिमाक्त। मेको आ नं एर वोदा बाक्त। ४मिनु लेंशा कोव्रज कुरशा, अर्का तो का नु थिमाक्त। मेको आ नं ओनान वोदा बाक्त। ५मेकोमी लेंशा कोव्रज कुरशा, अर्का तो का नु थिमाक्त। मेको आ नं शलाह वोदा बाक्त। मेको आल थिची ना यहूदा केसीब माइक्तीकेमी बाक्शो बाक्माक्त। ६मिनु यहूदामी आ डांइती जरमेशो तो एर कली मीश आल का चाक्या बाक्त। मेको आ नं तामार बाक्माक्त। ७यहूदा आ डांइती जरमेशो तो एरमी परमपरभु यावे आ डांइती मरिश्शो पना पन बाक्माक्त। मिनु परमपरभु यावेमी मेको कली सदा बाक्त। ८मिनु यहूदामी ओनान कली “रिउम पतीक गेय पा इ लोकब आ मीश नु बाक्को। इ लोकब कली आल सेलो” दे मदा बाक्त। व्यवस्था २५ :५-१० ९मिनु ओनानमी आ आल मडुम्ब, दे तुइशशा, आ लोकब आ मीश नु बाक्की ना आ लोकब आ आल मसेल्वा, दे आ वांचेर खपीम ताइक्बाक्माक्त। १०मिनु मेको कली मो पशो तशा, परमपरभु यावेमी मेको कली मदाक्शो बाक्माक्त। मोपतीक मेको कली यो सदा बाक्त। ११मिनु यहूदामी आ चाइमी तामार कली “इ आफ आ खिम बाक्शा, शलाह मकोल्म सम्म रिम्दो” दे लेम्दा बाक्त। मारदे हना यहूदामी “मेको नु बाक्शा, आ लोकब निक्शो सोदंशो पा, अर्का यो बेक्वा कां” दे मिम्ता बाक्त। मिनु तामार आ आफ आ खिम लमाक्त।

१२मिनु नोले शुआ आ तमी, यहूदा आ मीश बेक्माक्त। मिनु आ रोंका पतीक नुम नोले यहूदा आ मेडा आन कली ऊन खरोइक्बपुकी गरुक्चा कली आ वारच अदुल्लाम सहर डा मुर हीरा नु तिम्नाह लमाक्त। १३मिनु मुर कामी तामार कली “इ शिउ आ मेडा ऊन खरोइक्थ तिम्नाह कुइब” दे मदा बाक्त। यहोसु १५ :५ १४ मिनु आ वांइश बेक्शो वा परइशशा, आ कुल तेल्लेम सोदंशो पा सुम्से बाक्त। मिनु मादंशो पा तिम्नाह एनाइम लतीक लांमी निशशा बाक्माक्त। मारदे हना शलाह कोल्शा यो, यहूदामी मेको नु ग्युंब मपाइक्ता बाक्त। १५मिनु यहूदाम मेको कली

लांम तशा “तेल्लेम का बाक्ब” दे मिम्ता बाक्त। मारदे हना आ कुल सुमा बाक्त। १६मिनु मेको कली “आं कली ओव्रचा गेयी” देमाक्त। मारदे हना आ चाइमी बाक्ब, दे मतुइक्ता बाक्त। मिनु तामारमी “गो गो नु बाक्शो डा आं कली मार गनीनी?” दे हिल्लो पवा बाक्त। लेयी १८ :१५ १७मिनु “गो आं गोठ डा पाठा का सोइक्नन” देमाक्त। मिनु तामारमी “मेको मसाइक्तीनी सम्म मार गनीनी?” दे हिल्लो पवा बाक्त। १८मिनु यहूदामी “मार पुइनेव?” दे हिल्लो पवा बाक्त। मिनु मेकोमी “इन छाप, इन डारी नु इन गुइ डा कोक्क गेचा नड” दे मदा बाक्त। मिनु मेको नेल्ल गेशा नोले मेको नु बाक्माक्त। मिनु कोव्रज कुरा बाक्त। १९मिनु तामार बाक्शा लशा, आ वांइश बेक्शो डा वा लेंशा फेक्से बाक्त।

२०मिनु यहूदामी मेको पाठा गेचा नु आ छाप, डारी नु कोक्क लेल्वा कली आ अदुल्लाम डा आ वारच कली सोइक्ता बाक्त। मेकोमी मेको मीश मुर कली मथिदा बाक्त। २१मिनु मेकोमी मेकर डा मुर आन कली “एकर एनाइम डा लांम बाक्ब तेल्लेम ते लम?” दे हिल्लो पामी बाक्त। मिनु मेकोपुकीमी “एकर तेल्लेम मबाक्ब” देमा बाक्त। २२मिनु मेको यहूदा आ बाक्तीक लेशशा “मेको कली थिन्ने मचबु। मेकर डा मुरपुकीमी ‘एकर तेल्लेम मबाक्ब’ देतेक्म” दे यहूदा कली शंदा बाक्त। २३मिनु यहूदामी “मेकोन बाक्त। गो मुने मदोक्डल। गो पाठा का सोइक्ताक्ड। गे मेको कली मथिदी, मार पचा डा?” देमाक्त।

२४मिनु महिना सां नोले मुर कामी यहूदा कली “इ चाइमी तामारम तेल्लेम पापु। तेल्लेम पा कोव्रज कुरशो बाक्त” देमाक्त। मिनु यहूदामी “मेको चाचा कली चाक्कीन” दे लाव्र लेत्ता बाक्त। २५मिनु तामार कली चाक्गमनु, मेकोमी आ शिउ कली “एको छाप, डारी नु कोक्क सु के बाक्म मेको रे पा कोव्रज कुरशो नड। एको छाप, डारी नु कोक्क सु के बाक्म, कोव्रडीन” दे लाव्र कुरब सोइक्ता बाक्त। २६मिनु यहूदा मेको छाप, डारी नु कोक्क तुइशशा, मेकोमी “आं वयेडा मेको ठीक पाइब बाक्त। मारदे हना गो मेको कली आं तो शलाह मगेड” देमाक्त। तन्न तामार कली मचाक्या बाक्त।

२७मिनु आल थिचा रोइ पची ना, आ कोव्रजम जौले आल बाक्सा बाक्त। २८मिनु आल थिचावानु, आल कामी आ गुइ गरुंडदा बाक्त। मिनु आ वारच पाइब मीश मुक्मी लल श्येले पाइशशा “एको डांइती डा बाक्ब” देमाक्त।

२९ मिनु मेको आ गुइ ओइशा, आ लोक्ब जरमसे बाक्त। मिनु मेको वारच पाइबमी “इ गरूची ना गिश ठेयब गार सली” दे मदा बाक्त। मोपतीक आ नें परस वोदा बाक्त। परस आ अर्थ खाकशो गार बाक्ब। रूथ ४ :१८ ; मत्ती १ :३ ३० मिनु नाले लल श्यले पाइशशो आल जरमसे बाक्त। मिनु मेको आ नें जेराह वोदा बाक्त।

योसेफ पोतीफर आ सिंम बाक्शो

३९ १मेको इश्माएल जात डा ग्याप्ब लेयबपुकीमी योसेफ कली इजीप्ट रागी चाकदोल्म बाक्त। मिनु इजीप्ट रागी डा पिप आ नेल्ल क्येडा ठेयब गेय पाइब पोतीफरमी योसेफ कली ग्यबा बाक्त। उत्पत्ती ३७ :२८,३६

२ मिनु परमपरभु यावे योसेफ नु बाक्शो बाक्माक्त। योसेफ इजीप्ट डा होत्रप आ सिंम बाक्मेनु, मार मार पवा, मेको नेल्ल रिम्शो दुम्शा लमाक्त। उत्पत्ती २६ :२४ ३ मिनु आ होत्रपमी “परमपरभु यावे योसेफ नु बाक्माक्त। मिनु योसेफमी मार मार पवा, मेको नेल्ल परमपरभु यावेमी रिम्शो दुम्पदा बाक्त।” दे तुइक्ता बाक्त। ४ मिनु योसेफ पोतीफर आ डाइती शिशो तवा बाक्त। मिनु आ सिंमी गेय पवानु, आ ठेयब गेय पाइब सेला बाक्त। मिनु अर्का गेय पाइबपुकी कली अरेब यो सेला बाक्त। आ मारइ मारइ योसेफ कली कोत्रपदा बाक्त।

५ मिनु पोतीफरमी योसेफ कली आ सिं डा नेल्ल कोत्रब मुर सेलानु, परमपरभु यावेमी योसेफ आ परबम मेको कली शुश आसीक गेवा बाक्त। पोतीफर आ सिंम मार मार बाक्मा, आ रूम मार मार ब्यारा, मेको नेल्ल कली परमपरभु यावेमी आसीक गेवा बाक्त। उत्पत्ती ३० :२७ ६ मोपा पोतीफरमी आ मार मार नेल्ल योसेफ आ गुइमी जिम्मा गेवा बाक्त। आ जचा ब्यचा ला आंमा कोत्रडा बाक्त। योसेफ आ रां नु कुल थम दारशो बाक्माक्त। उत्पत्ती ४३ :३२

७ मिनु पोतीफर आ सिंमी बाक्मेनु, आ होत्रपोक्ममी योसेफ कली दाक्शा, मेको नु बाक्चा मला बाक्त। मेको मीश मुरुम योसेफ कली “पिवा, गो नु बाक्को” दे मदा बाक्त। ८ योसेफमी “गो गे नु मबाक्नुड। आं होत्रपमी आ मार मार नेल्ल आं कली “कोत्रडा” दे जिम्मा गेती। ९ आं कली आ सिं डा नेल्ल क्येडा ठेयब सेली। मार मार बाक्मा, नेल्ल जिम्मा गेती। इन कली चहिं आं कली मगेयी। मारदे

हना गे आ मीश ननी। गो दोपा परमपरभु आ डाइती मोदेंशो मरिम्शो पाप पने चाप्नुडा ? गो मपाइनुड ?” दे मदा बाक्त। परस्थान २० :१४ ; लेवी १८ :२० १० मिनु मेको मीश मुरुमी नाक्त कित कित योसेफ कली लोत्र पशा “पिवा, गो नु बाक्को” दे मदा बाक्त। योसेफम चहिं मेको आ लोत्र मटिवा बाक्त।

११ मिनु काबु योसेफ आ गेय पचा कली पोतीफर आ सिंम बाक्माक्त। सिंम गेय पाइब मुर सुइ मबाक्मा बाक्त। १२ मिनु मेको मीश मुरुमी योसेफ आ फेक्शो वा ग्याइशशा कीशा “गो नु बाक्को” देमाक्त। मिनु योसेफ आ फेक्शो वा परांइशा, सिं रे दारशा लाडगा गरूमाक्त। १३ पोतीफर आ मीशमी योसेफ आ फेक्शो वा आंम गुइमी परांइशा वोइशशा, सिं रे परोक्शो तशा, १४ सिं डा मुर आन कली बरेशशा “कोत्रडीन, पोतीफरमी एको हिबरू मरिम्शो पपाइक्चा कली चाक्नु। एकोमी आं कली ग्याइक्ताक्यो ‘गो नु बाक्को’ दे माइक्ती। गो चहिं ठेयब संदामी वाइ बरती। १५ मिनु आं कली वाइ बरेशशा तशा, आ वा परांइशा परोक्त” दे माइक्ती बाक्त। १६ मिनु मेकोमी योसेफ आ फेक्शो वा आ नेक्था वोइशशा, आ वांइश मजाक्म सम्म रिम्दा बाक्त।

१७ पोतीफर जाक्मेनु, आ मीशमी “एको इन चाक्शो गेय पाइब हिबरूमी आं कोठा ओत्रशा ‘गो नु बाक्को’ देत। १८ गो चहिं वाइ बरती। मिनु आ फेक्शो वा परांइशा, सिं रे गरूशा परोक्त” दे मदा बाक्त। १९ मिनु आ होत्रपमी आ मीश आ लोत्र नंशा, चुरमाक्त। २० योसेफ कली लाइशशा, जेल्खानम चोक्पदा बाक्त। मेकर पिप आ चोक्शो मुरपुकी यो बाक्मा बाक्त। मिनु योसेफ मेकोपुकी नु बाक्माक्त। २१ मिनु परमपरभु यावेमी योसेफ कली वारच पशा, जेल्खान डा कोत्रब कली “योसेफ रिम्शो मुर बाक्ब” दे तुइक्पदा बाक्त।

२२ मिनु मेको कोत्रब मुरुमी योसेफ कली जेल्खानम चोक्शो मुर आन कली कोत्रब सेला बाक्त। मिनु मेकर बाक्शो गेय नेल्ल योसेफमी पवा बाक्त। २३ मेको जेल्खान डा कोत्रब मुरुमी योसेफ आ पशा यो मकोत्रडा बाक्त। मारदे हना परमपरभु यावे मेको नु बाक्शो तुइक्ता बाक्त। मेको नेल्ल रिम्शो पाइब, दे थमा सुदा बाक्त। मिनु परमपरभु यावे मेको नु बाक्मेनु, आ गेय नेल्ल रिम्शो दुम्माक्त।

योसफमी डोमु आ अर्थ शंशो

१० मिनु नोले मार दुम्माक्त देशा हना, इजीप्त डा पिप फाराओ आ खिमी पिप कली तूचा गेब आन ठेयब मुर नु पिप कली शोब्ले चोइब आन ठेयब मुरुमी आस परभु इजीप्त डा पिप कली मरिम्शा पाम्स बाक्त। २मिनु फाराओमी मेको तूचा गेब आन ठेयब मुर नु शोब्ले चोइब आन ठेयब मुर आस पर्वम गाइक्ता बाक्त। ३मिनु मेको निम्फा आस कली नेल्ल क्यडा ठेयब गय पाइब आ जेल्खानमी चोक्सी बाक्त। मेकर योसफ यो बाक्शो बाक्माक्त। ४मिनु जेल्खान डा कोत्रब मुरुम योसफ कली “मेको निम्फा आस कली वारच पावो” दे अरवा बाक्त। मिनु वारच पवा बाक्त।

५मिनु इजीप्त डा पिप आ गेय पाइब ठेयब मुर निक्शी जेल्खानमी बाक्सानु, काबु नाक्वो निम्फामी डोमु ताम्स बाक्त। मेको आस डोमु आस अर्थ निक्शी बाक्माक्त। ६मिनु सुनी कना योसफ मेको निक्शी आस कली वारच पथ, आस कोठा ओत्रमनु, निम्फा सुर्ता पा बाक्शो ताम्सी बाक्त। ७मिनु योसफमी जेल्खानम बाक्शो फाराओ आ गेय पाइब आ ठेयब मुर निक्शी आस कली “मारदे सुर्ता पनी?” दे हिल्लो पाम्सी बाक्त। ८मिनु मेको निक्शीमी “गो डोमु ताइतस्कु। मिनु मेको डोमु आ अर्थ मरुप्कु। शंब मुर मबा” देसा बाक्त। मिनु योसफमी “परमपरभुमी मेको डोमु मार बाक्वा दे शंबा ममाइ डा? लो, आं कली देनीन” दे माइक्सी बाक्त। उत्पत्ती ४१:१५-१६; दानीएल २:२७-२८ १मिनु फाराओ कली तूचा गेब आन ठेयब मुरुमी “गो आं डोमुमी आं डांइती अडगुर बोट का ताता। १०मिनु मेको अडगुर बोटमी राशी सां बाक्तेक्म। मिनु मेको कोच्वा दाष्शा, फू यो बोइक्तेक्मे। बोइश्शा डा मिन अडगुर गेडा सिश्शा मीतेक्म। ११मिनु आं गुइमी फाराओ आ कचौरा बाक्त। मिनु गो अडगुर आ गेडा आ रस फाराओ आ कचौरामी चिम्ता। मिनु कचौरा पिप कली गेता” दे लोत्र पवा बाक्त।

१२मिनु योसफमी “इन तशो डोमु आ अर्थ मार बाक्व देशा हना, मेको राशी सां नाक्ती सां बाक्नीम। १३मिनु सांबु नाक्ती फाराओम इन कली जेल्खान रे परांइशा डा मिन इन डांइती पशो गेय लेंशा गेब। मिनु गे डांइती डा सोदंशो पा फाराओ कली तूचा गेनीनी। लेंशा फाराओ कली कचौरा गेनीनी। इन तशो डोमु आ अर्थ

एको बाक्व। १४इन कली रिम्शो दुम्मेनु, आं कली यो मपरदीन। आं कली शिशी पने। फाराओ कली आं कली मेको जेल्खान रे गरुंइचा, दे लोत्र पने। १५डांइती आं कली हिवरू रागी रे सुइ पा चाक्तीमी। मुल जेल्खानम चोक्तीमी। गो मारंइ मरिम्शा मपड” देमाक्त। उत्पत्ती ३७:२८

१६मिनु फाराओ कली शोब्ले चोइब आन ठेयब मुरुम मेको डोमु आ अर्थ रिम्शो बाक्त, देशा, योसफ कली “गो यो डोमु का ताता। मेको डोमुम पिरीडगा सां बुश शोब्ले पियाम कुरशो बाक्ती। १७नेल्ल क्यडा आ तार डा पिरीडगामी फाराओ कली शुश खाल डा चोशो शोब्ले बाक्तेक्म। मेको पिरीडगा डा शोब्ले चिक्बीम सुइ पा जाम्तेक्म” दे मदा बाक्त। १८मिनु योसफमी “इन तशो डोमु आ अर्थ मार बाक्व देशा हना, मेको पिरीडगा सां, नाक्त सां बाक्नीम। १९सांबु नाक्ती फाराओमी इन कली जेल्खान रे गरुंइपाइश्शा, खाम क्याइक्पाइक्व। मिनु चिक्बीम इन श्ये ब्वाइनीम। इन तशो डोमु आ अर्थ एको बाक्व” दे शंदा बाक्त।

२०मिनु आ सांबु नाक्ती फाराओ आ जरमेशो नाक्त बाक्माक्त। मिनु फाराओमी आ गेय पाइब नेल्ल आन कली भोज सेला बाक्त। मिनु आ कली तूचा गेब आन ठेयब मुर नु शोब्ले चोइब आन ठेयब मुर आस कली जेल्खान रे गरुंइदीम्सी बाक्त। २१मिनु आ कली तूचा गेब आन ठेयब मुर कली लेंशा डांइती डा गेय पचा गेवा बाक्त। मिनु मेकोमी लेंशा फाराओ कली तूचा गेब दुम्माक्त। २२शोब्ले चोइब आन ठेयब मुर कली चहिं क्याइश्शा साइक्पदा बाक्त। योसफमी दोदंशो देमे, मोदंशो दुम्माक्त। २३तन्न फाराओ कली तूचा गेब आन ठेयब मुरुमी योसफ कली यु परंदा बाक्त।

फाराओ आ डोमु आ अर्थ

४१ १मिनु बर्स निक्शी नोले फाराओमी डोमु निक्शी तवा बाक्त। मिनु डोमुमी मार तवा बाक्त देशा हना, आंम कली नील खोला आ नेक्थान राष्शा बाक्शो तवा बाक्त। २मिनु नील खोला रे ७ ओटा दारशो दोम्शो बी गरुशो तवा बाक्त। मेको बीपुकीमी बुदी मीलु घांस ब्वामे बाक्त। ३मिनु नाले नील खोला रे ७ ओटा अर्का काइ मदारशो ग्यंशो बी गरुशो तवा बाक्त। मिनु मेकोपुकी अर्का बी नु नील खोला आ नेक्था राष्शा बाक्मा बाक्त। ४मिनु काइ मदारशो ग्यंशो बीपुकीमी दारशो दोम्शो बी आन

कली ब्यामे बाक्त। नोले फाराओ संसे बाक्त। ५ मिनु फाराओ लेंशा निन्दरा पवानु, लेंशा अर्का डोमु तवा बाक्त। मार तवा बाक्त देशा हना, चेरब बोट कामी शुश आस पाइशशो ७ ओटा गरल्शो बाला सिशशो तवा बाक्त। ६ मिनु नोले पूर्व डा फशम बुश सल्शो ७ ओटा सोप्पीक्च आइक्च बाला तवा बाक्त। ७ मिनु मेको आइक्च बालामी मेको शुश आस पाइशशो ७ ओटा बाला आन कली दाक्कम बाक्त। नोले फाराओ संशा, आ डोमु तशो तुइक्ता बाक्त। ८ मिनु आ थुं मनुथु सुनी कना इजीप्त डा जाद्रू पाइब नु जोक्ब तुइक्ब नेल्ल आन कली बरल्थ सोइक्तीमी बाक्त। मेको जाक्मानु, आ डोमु मेको आन कली शंदीमी बाक्त। तन्न सुइमी फाराओ कली मेको डोमु आस अर्थ देने मचाप्मे बाक्त। दानीएल २:३

९ मिनु फाराओ कली तूचा गेब आन ठेयब मुरुमी आ पिप कली “मुलाक्ती आं मरिम्शो पशो मिम्ताक्क। १० फाराओमी आ गेय पाइब आस पर्वम चुरमेनु, गो नु शोब्ले चोइब आन ठेयब मुर नेल्ल क्यडा ठेयब गेय पाइब आ जेल्खानम चोक्सीशा बाक्स्कुनु, ११ गो निक्शीम काबु नाक्दो डोमु ताइतस्कु। मेको डोमु निक्शी के अर्थ निक्शी बाक्सा बाक्त। १२ मेना हिब्रू रागी डा ठिटा का यो जेल्खानम बाक्त। मेको इन नेल्ल क्यडा ठेयब गेय पाइब आ गेय पाइब बाक्त। गो निक्शीमी तशो डोमु मेको कली माइक्स्कुनु, योसफमी डोमु आ अर्थ नेल्ल आंस कली शंताक्स्की। आं तशो डोमु आ अर्थ शंताक्वी। मिनु अर्का मुर आ तशो डोमु आ अर्थ यो शंताक्व। १३ दोदेशो पा शंदा, मोदेशान दुम्त। आं गेय आं कली लेंशा गतीनी। अर्का कली चहिं क्याइशशा साइक्तेक्म” देमाक्त।

१४ मिनु फाराओमी योसफ कली बरथ सोइक्ता बाक्त। मेकोपुकीमी योसफ कली रीब पा जेल्खान रे गरुंडपदमे बाक्त। योसफ कली चां परेक्शा, नक वा फेक्पा, फाराओ आ बाक्तीके चाक्कमे बाक्त। १५ मिनु फाराओमी योसफ कली “गो डोमु निक्शी ताता। सुइमी मेको आस अर्थ शंने मचबेम। मिनु गो इ पर्वम लोत्र नेता। गे मुर आन तशो डोमु आ अर्थ शंने चानेवे ने” देमाक्त। १६ मिनु योसफमी फाराओ कली “गो डोमु डा लोत्र मतुइक्नुड। परमपरभुमी फाराओ कली थमा पा थुं नाइक्चा डा लोत्र तुइक्पाइक्ब” देमाक्त। उत्पत्ती ४०:२, १७ मिनु फाराओमी “गो आं डोमुमी नील खोला

आ नेक्था बाक्ती। १८ मिनु नील खोला रे ७ ओटा दारशो दोम्शो बी गरुतेक्म। मिनु बुदी मीलु घांस ब्याम्तेक्म। १९ मिनु नोले ७ ओटा मदारशो ग्यंशो बी गरुतेक्म। गो इजीप्त रागी नेल्लेमी मोदेशो मदारशो बी गेनायो मतडमी। २० मिनु मदारशो गेयशो बीपुकीमी डांइती गरुशो दोम्शो बी आन कली ब्याम्तेक्म। २१ मिनु मेको आन कली ब्शो यो, गेयशो बी मदोम्। डांइती डा सोदेशो पा गेयस डा गेयस बाक्तेक्म। बी ब्याम्तेक्म, दे सुइमी थमा मसुदेम। मिनु नोले गो संसाक्वी। २२ मिनु लेंशा इत्ती। मिनु डोमु तडानु, चेरब बोट का रे ७ ओटा ठेयब रिम्शो बाला पाइशशो तातामी। २३ मिनु नोले अर्का बोट रे ७ ओटा पूर्व डा फशम सोत्रशो इम्चीली सोप्पीक्च बाला ताता। २४ मिनु इम्चीली सोप्पीक्च बालापुकीमी मेको ७ ओटा रिम्शो बाला आन कली दाक्तेक्म। गो एको आं डोमु जाद्रू पाइब आन कली माइक्तामी। मेकोपुकीम एको डोमुमी मार दुम्बा, दे देने मचबेम” दे योसफ कली देमाक्त। २५ मिनु योसफमी फाराओ कली “इन डोमु निम्फा कांइचीक सोदेशो बाक्ब। परमपरभुमी मार पचशो बाक्मे, मेको इन कली डोमुमी कांइताक्व। २६ मेको ७ ओटा रिम्शो बी ७ ओटा बर्स बाक्नीम। मिनु मेको ७ ओटा रिम्शो बाला यो ७ बर्स बाक्नीम। डोमु निक्शी कांइचीक सोदेशो बाक्नीस। २७ मिनु मेको आ नोले गरुशो ७ ओटा ग्यंशो बीपुकी ७ ओटा बर्स बाक्नीम। मिनु मेको ७ ओटा गडा मसिश्शो, पूर्व डा फशम सोत्रशो सोप्पीक्च बाला यो ७ ओटा बर्स बाक्नीम। मेको ७ बर्स डा अन्काल बाक्नीम। २८ आं देशो मार बाक्ब देशा हना, परमपरभुमी मार पचा चिक्शो बाक्मे, मेको इन कली कांइताक्व। मोदेशो बाक्ब। २९ ननीन, इजीप्त रागी नेल्लेमी ७ बर्स सम्म शुश बाली नाली गरल्शा, रिम्शो बर्स दुम्बा चिक्शो बाक्नीम। ३० मिनु आ नोले ७ बर्स सम्म अन्काल दुम्ब। मिनु मेको मरिम्शो ७ बर्सम इजीप्त रागीमी अन्न गरल्शो नेल्ल परंनीम। मिनु मेको अन्कालमी रागी कली थुम्पाइक्ब। ३१ मिनु मेको ठेयब अन्काल दुम्शा, डांइती अन्न गरल्शो बर्स नेल्लेमी परंनीम। मारदे हना मेको अन्काल शुश श्यत डा बाक्ब। ३२ मिनु इन डोमु निक्शी खेयप ताइतीनी, मेको आ अर्थ मार बाक्ब देशा हना, परमपरभुमी मेको थमा पा पाइब नु पचा चिक्शो बाक्ब। ३३ मोपतीके फाराओमी निप्स पाइशशो मुर का इजीप्त

रागी डा ठेयब मुर सेलीन। ३४ मिनू आं दंशो पशा, कोव्रब मुरपुकी यो वोइक्चा माल्नीनी। मेकोपुकीमी फाराओ आ सासनमी रिम्शो ७ बर्सम इन रागी नेल्ल र अन्न ५ भाग तिरो पोक्चा माल्नीम। ३५ मेको रिम्शो बर्स डा अन्न खुप्या, अन्काल डा बर्सम सहर डा मुर आन कली थुल्वा कली उप्शा वोइक्चा माल्नीम। ३६ मेको उप्शा वोइश्शो अन्न इजीप्त रागीमी अन्काल मदुम सम्म उप्चा माल्ब। मोपा वोइश्शोनु, अन्कालमी मबेक्नीम” दे योसेफमी फाराओ कली मदा बाक्त।

### योसेफ ठेयब मुर दुम्शो

३७ मिनू फाराओ नु आ गेय पाइब नेल्लेमी “योसेफ आ दंशो लोत्र रिम्शो बाक्ब” दे मिम्तमे बाक्त। हितोपदेस १४:३५ ३८ मिनू फाराओम आ गेय पाइब आन कली “गो योसेफ खोदंशो मुर अर्का सु थिन्ने चापनया डा? परमपरभु आ सोक्तीम बरीशो मुर का थिन्ने चापनया डा?” दे हिल्लो पामी बाक्त। परस्थान ३१:३; हितोपदेस २:६ ३९ मिनू फाराओमी योसेफ कली “परमपरभुमी मेको नेल्ल इ कली तुइक्पाइक्तु। इ खोदंशो जोक्ब तुइक्ब मुर सुइ मथिंसीब। ४० इ कली आं रागी डा मुर आन कली हुकुम पाइब सेल्लन। इ दंशो लोत्र मुर नेल्लेमी टिचा माल्नीम। गे आं सरकार डा गेय पाइब नेल्ल आन क्यंडा ठेयब मुर दुम्नीनी। गो सिरपंचम पतीक ला इ क्यंडा ठेयब बाक्नुड। भजन संगरह ११३:१७ ४१ नेनीन, गो इ कली इजीप्त रागी नेल्ल डा ठेयब मुर सेल्लन्नी” देमाक्त। पररित ७:१०

४२ मिनू फाराओम आ छाप क्येप्टीक ओठी आ बरप्या रं परुइश्शा, योसेफ आ बरप्याम लिक्ता बाक्त। मिनू योसेफ कली दारशो बुश वा फेक्पाइश्शा, सुन के माला रेल्ला बाक्त। एस्तर ३:३०; दानीएल ५:२९ ४३ मिनू फाराओमी योसेफ कली आ नोले डा बरगीमी वोइक्पदा बाक्त। मिनू योसेफ आ डांइती बाक्बपुकीमी “योसेफ आ डांइती पोक्च थेक्शा, सेउ पने” दे बरेम्मा बाक्त। मोपा इजीप्त रागी डा हुकुम पाइब सेला बाक्त। एस्तर १०:३ ४४ मिनू फाराओमी “गो फाराओ नड। इजीप्त रागीमी गे मार पचा देनी, मेको ला पचा माल्नीम” दे योसेफ कली देमाक्त। ४५ मिनू फाराओमी योसेफ कली साफनाथ-पानेआह, दे नक नं वोदा बाक्त। मिनू योसेफ कली पोतीफरा माइश्शो आन सहर डा नाक्सो आ तमी आसनाथ नु ग्युंब पाइक्ता

बाक्त। मिनू योसेफ इजीप्त रागी नेल्ल कोव्रथ हिरचा गोवा बाक्त। ४६ योसेफ फाराओ पिप आ डांइती लोत्र पवानु, ३० बर्स दुम्शो बाक्माक्त। मिनू फाराओ आ डांइती र लशा, इजीप्त रागी नेल्ल हिरथ लमाक्त। उत्पत्ती ३७:२

### योसेफम इजीप्त कली गेय पशो

४७ मिनू मेको रिम्शो बाली गुरेल्लीक ७ बर्समी इजीप्त नेल्ल डा रूमी थाम्पा अन्न गुरेल्लमाक्त। ४८ मिनू योसेफमी मेको बाली गुरेल्लो ७ बर्स डा अन्न सहर सहरम उप्शा, वोदा बाक्त। मेको सहरम एर आंथ सु सु आन रू बाक्म, मेकर डा अन्न मेको सहरम उप्शा वोदा बाक्त। ४९ मिनू योसेफमी समुन्दर डा बाल्वा खोदंशो पा अन्न उप्शा, शुश दुम्तीक पुक्चा यो पुरोना बाक्त। मारदे हना पुक्ने मचाप्या डा पा शुश बाक्माक्त।

### योसेफ आ तौ निक्शी

५० मिनू अन्काल दुम्चा डांइती योसेफ आ मीश आन सहर डा नाक्सो पोतीफरा आ तमी आसनाथमी तौ निक्शी थिमाक्त। ५१ मिनू योसेफमी “डांइती श्येत जडानु, परमपरभुमी आं आफ आ सिं डा मुर आन कली परंपाइक्ती” दे मिम्शा, आ डांइती जरमेशो तौ कली मनस्स नं वोदा बाक्त। ५२ अर्का कली एफराइम नं वोदा बाक्त। मारदे हना “परमपरभुमी आं कली रागीमी श्येत जडानु, शुश दुम्पाइक्ती” दे मिम्ता बाक्त। ५३ मिनू इजीप्त रागीमी मेको रिम्शो अन्न गुरेल्लो ७ बर्स नुम्माक्त। ५४ मिनू योसेफ आ दंशो ७ बर्स डा अन्काल दुम्चा गोवा बाक्त। मेको अन्काल रागी रागी नेल्लेमी दुम्माक्त। इजीप्त रागीमी चहिं अन्न थिसे बाक्त। ५५ मिनू इजीप्त रागीमी ठेयब अन्काल दुम्शा, मुरपुकीमी फाराओ कली “अन्न गेकी” दे पुन्मे बाक्त। मिनू फाराओम इजीप्त डा मुर आन कली “योसेफ नु पुंइथ लने। मेकोमी मार देबा, मेको पने” दे माइक्मी बाक्त। ५६ मिनू मेको अन्काल रागी रागी नेल्लेमी दुम्माक्त। मेना योसेफमी अन्न वोइक्तीक नेल्ल रोक्चा गेवा बाक्त। इजीप्त डा मुर आन कली अन्न लेयपदा बाक्त। रागी नेल्लेमी ठेयब अन्काल दुम्माक्त। ५७ मिनू अर्का रागी डा मुरपुकी यो इजीप्त रागीमी अन्न ग्याथ, योसेफ आ डांइती जाक्मा बाक्त। मारदे हना मेको अन्कालम रागी नेल्ल गुरोइक्माक्त।

याकूब आ तौपुकी इजीप्त लशो

४२ १मिनु याकूबमी इजीप्त रागीमी अन्न बाकब दे तुइशशा, आ तौ आन कली “गे मारदे कोव्रमुशा बाकनीनी ? मारइ मपाइनीनी ? २नेनीन, इजीप्त रागीमी अन्न बाकब। मिनु गोपुकी अन्कालमी मबक्य, बरोइय अन्न ग्याथ्य लने” देमाकत। ३मिनु योसफ आ १० जना लोकबपुकी इजीप्त अन्न ग्याथ्य लमा बाकत।

४याकूबमी योसफ आ लोकब बेन्यामीन कली चहिं श्येत दुम्बा को, दे हिंशा, आ लोकबपुकी नु मसाइक्ता बाकत। ५मोपा याकूब आ तौपुकी अको मुर नु इजीप्त अन्न ग्याथ्य जाकदीम्मा बाकत। मारदे हना कनान रागीमी यो अन्काल दुम्माकत।

६मिनु योसफ सरकार डा ठेयब मुर दुम्शा, रागी नेल्ल डा मुर आन कली अन्न लेयपदा बाकत। योसफ आ लोकबपुकी जाकशा, योसफ आ डाइती खुम्की पा बाप्शा, सेउ पामे बाकत।

७मिनु योसफमी आ लोकब आन कली तशा, तुइक्ता बाकत। तन्न मतुइशशा सोदंशो पा ठेयब संदामी “ते रे जाकनी ?” दे हिल्लो पामी बाकत। मिनु मेकोपुकीमी “गो कनान रागी रे अन्न ग्याथ्य जाकतक” देमा बाकत।

८योसफम आ लोकब आन कली तुइक्ता बाकत। मेकोपुकीमी चहिं योसफ कली मतुइक्ते बाकत।

९मिनु योसफम आ लोकब आन पर्वम आ डोमु मिम्ता बाकत। मिनु मेको आन कली “गे क्यारी पाइब बाकनीनी। एको रागीम ते रे ओव्रचा, दे कोव्रथ जाकतीनी” दे आ लोकब आन कली माइक्मी बाकत। उत्पत्ती ३७:५-९ १०मिनु मेकोपुकीमी “ममाइ परमु, इन गेय पाइब अन्न ग्याथ्य जाकतक। ११गो नेल्ल मुर का आ तौ नकी। गोपुकी ठीक पाइब बाकनीकी। इन गेय पाइब, गो क्यारी पाइब मनकी” देमा बाकत।

१२मिनु योसफमी “ममाइ, गे एको रागी ‘मोपा ओव्रचा’ दे कोव्रथ जाकतीनी” देमाकत। १३मिनु मेकोपुकीमी “गो इन गेय पाइब १२ जना लोकब बाकनीकी। कनान रागी डा मुर का आ तौ नकी। नेनीन, कान्छा मुल आ आफ नु बाकब। का चहिं मबाकब” दे योसफ कली मदम बाकत। १४मिनु योसफमी “आं देशो सोदंशो पा, गे क्यारी पाइब बाकनीनी। १५गो इन कली कोव्रनुड, फाराओ आ नेमी इन लोकब कान्छा मजाकम सम्म गे एकेर रे लचा मताइनीनी। १६इन दाते डा का कली इन लोकब कान्छा बरथ सोइक्तीन। मेना सम्म गे एक जेल्खानम बाकनीनी। इन लोव्र थमा बाकम

को, जोल बाकम को, नोले तुइसीब। गे इन लोकब कान्छा मजाकतीनी हना, फाराओ आ नेमी गे क्यारी पाइब बाकनीनी” देमाकत। १७मेको नेल्ल आन कली नाकत सां सम्म जेल्खानम चोकमी बाकत। उत्पत्ती ३७:२४

१५मिनु नाकत सां नोले योसफमी “गो परमपरमु कली मान पा हिंनुड। मोपतीक गोपुकी बरोइचा कली आं देशो पने। १६गे ठीक पाइब मुर बाकतीनी हना, इन दाते डा का चहिं जेल्खानम बाकतीन। अको अन्न कुरशा, इन सिं लने। १७इन लोकब कान्छा कली एक चाककीन। मिनु इन लोव्र थमा बाकब, दे तुइसीब। मिनु गे बेक्का ममाल्लीनी” दे आ लोकब आन कली माइक्मी बाकत। मिनु आ देशो पामे बाकत।

१८मेकोपुकीमी “गो थमा पा इं लोकब आ पर्वम ठेयब पाप पाइतय। मेकोमी इं कली तशा, शुश हिंशा, पुनानु यो, मेको आ लोव्र मनंय। मोपतीक इं कली एको श्येत दुम्त” देमुमा बाकत। भजन संगरह ५०:२१ २२मिनु स्वनेमी “मेको आल कली मारइ पाप मपने, दे गो इन कली मदंडा डा ? तन्न गे आं लोव्र मनंनी। मेको कली श्येत गेशो हुश आ क्येक लेत्वा पुंइसाक्य” दे आ लोकब आन कली देमाकत। उत्पत्ती ३७:२१-२२ २३मिनु योसफमी मेको आन लोव्र नेल्ल रुप्तु, दे मतुइक्तेम बाकत। मारदे हना योसफमी मेकोपुकी नु लोव्र पवानु, आन लोव्र रुप्व नु आ कली आ अर्थ देब मुर का वोदा बाकत। २४मिनु योसफ आ लोकबपुकी रे लशा डाकमाकत। मिनु लेशशा जाकशा, मेकोपुकी नु लोव्र पशा, मेको आन डाइती सिमियान कली पाइक्ता बाकत। २५मिनु नोले योसफमी आन धोकरोम अन्न पिरंपाइशशा, आन गेशो क्येट यो लेशा, आन धोकरोम कुर पपाइशशा, लां कली जचा थोव्रक यो गपाइक्मी बाकत। आ लोकब आन कली मोदंशो पाइक्मी बाकत।

२६मिनु मेकोपुकी अन्न आन गधा तारी वोइशशा लमा बाकत। २७मिनु लांमी बास बाकमानु, आन दाते डा कामी आ गधा कली थुल्चा, दे आ धोकरो रोक्गा बाकत। मिनु आ धोकरो आ शोव्रमी आ थाप्शा क्येट थिदा बाकत। २८मिनु मेकोमी आ लोकब आन कली “आं क्येट लेत्मे देय मार मे ? आं धोकरो आ शोव्रम बाकत, शां” दे लोव्र पवा बाकत। मिनु नेल्लेमी सुर्ता पशा “परमपरमुमी इं कली मार पवा” दे हिंमा बाकत।

२९. मेकोपुकीमी आन आफ याकूब आ सिं कनान रागी जाकदीशशा, मार मार दुम्म, नेल्ल शोत्रडम बाक्त। ३०. मेकोपुकीमी “मेको रागी डा ठयब मुरुम आंइ कली ठयब संदामी लोत्र पशा, आंइ कली आन रागी क्यारी पाइब सुइक्तु। ३१. गोपुकीमी गो ठीक पाइब बाकनीकी, गो क्यारी पाइब मनकी। ३२. गो १२ लोकब, आफ का आ तौ नकी। का मुल मबाकब, कान्छा कनान रागीम आफ नु बाकब’ दे माइक्तक। ३३. मिनु मेको रागी डा ठयब मुरुम आंइ कली गो दोपा तुइक्नुडा, गे ठीक मुर बाकनीनी, दे इन लोकब का गो नु बाकबा माल्ब। अरु चहिं अन्कालम जचा कली अन्न कुरशा, सिं लेशशा लने। उत्पत्ती ४२:२४ ३४. मिनु इन लोकब कान्छा कली एक चाकनीन। मेको नोले ला गेपुकी क्यारी पाइब मननी, दे तुइक्नुडा। मेना इन लोकब कली परांइशा, लचा गनुड’ दे माइक्तीकी” दे आन आफ कली देमा बाक्त।

३५. मिनु नोले आन धोकरो रोक्शा, नेल्लेमी आन थाप्शा क्येट आन धोकरोमी थित्मे बाक्त। मिनु मेकोपुकी नु आन आफ मेको क्येट तशा, हिंमा बाक्त। ३६. मिनु आन आफ याकूबमी “गे आं आल कली रोइक्ब बाकनीनी। योसफ लत। सिमियोन लत। मुल बेन्यामीन लाइक्चा माल्नीनी। एको नेल्ल आं कली श्येत गेचा कली बाकब” दे आ तौ आन कली देमाक्त। ३७. मिनु रूबेनमी “गो बेन्यामीन ठीक पा मलेत्ताक्ड हना, आं तौ निक्शी आस कली सतीन” दे आ आफ कली मदा बाक्त। ३८. मेकोमी “आं तौ गे नु लचा मगेनुड। आ लोकब बेक्त, आ का ला बाकब। मेको कली लांमी मार मार दुम्म चापब। बेक्त हना, गेपुकीमी चां बोइशशा आं कली ठयब श्येत जपाइशशा तुरसुम वोइक्चा माल्नीनी” दे याकूबम आ तौ आन कली माइक्मी बाक्त।

याकूब आ तौपुकी लेशा इजीप्त लशा

४३. १. मिनु मेको रागीमी अन्काल बारना बारन लमाक्त। २. मिनु आन इजीप्त रे चाक्शा अन्न नेल्ल नुष्शा, आन आफोमी मेको आन कली “लेशा इक्का जचा थोत्रक ग्याप्य लने” दे माइक्मी बाक्त। ३. मिनु यहूदामी “मेको ठयब मुरुमी गे इन लोकब कान्छा मचाक्तीनी हना, आं कली गरुम्य मजाक्कीन’ दे आंइ कली हुइक्ताक्ब। उत्पत्ती ४२:१५-३४ ४. गे आंइ लोकब कान्छा कली गोपुकी नु सोइक्ताक्नी हना, ला लाइनीकी। ५. गे मेको कली गो नु

मसोइक्ताक्नी हना, मलाइनीकी। मारदे हना मेको ठयब मुरुमी गे इन लोकब कान्छा मचाक्तीनी हना, आं कली गरुम्य मजाक्कीन’ दे आंइ कली हुइक्ताक्ब” दे आ आफ कली देमाक्त। ६. मिनु इसराएलमी “मारदे मेको मुर कली “आंइ लोकब कान्छा बाकब’ दे शंदीनी ? मिनु आं कली आंदेशा मरिम्शा पाइय्यीनी” दे माइक्मी बाक्त। ७. मिनु मेकोपुकीमी “मेको ठयब मुरुमी ‘इन आफ मुल सम्म ब्रांइशो बाकबा ? अर्का लोकब यो बाकबा ?’ दे आंइ कली सिं डा मुर आन पर्वम शुश हिल्लो पाप्नु। मिनु गोपुकीमी मेकोन देतक। ‘इन लोकब कान्छा चाक्कीन’ देब, दे गो दोपा तुइक्नीकी ?” दे आन आफ कली देमा बाक्त। उत्पत्ती ४२:७-१३ ८. मिनु यहूदामी “कान्छा गो नु सोइक्तीन। गे गो नु ई आइक्च आल यो मबेकमल, दे गो लाइनीकी। ९. गो एको आ जमानी दुम्नुड। गो लेशशा जाकडानु, गो एको कली चाक्शा, इन डोंइती मवोइक्ता हना, गेना हना यो आं पाप लील। १०. गो एको कली रिम्शा मबाक्शा नकी हना, गो ख्यप निक्शी लने पिने थुम्क वा” दे आ आफ कली देमाक्त।

११. मिनु आन आफ इसराएलमी “मुल मो दुम्चा माल्शो बाक्त हना, गे मेको ठयब मुर कली ई रागी डा नेल्ल क्येडा रिम्शा फल, इक्का खरेक्तीक तेल, इक्का सुदो, मस्तापुकी, बरोत्रशो रिना पाइब थोत्रक, फोरो नु देसी बदाम कोसली लतीन। हितोपदेस १८:१६ १२. मिनु इन क्येट नु डोंइती डा इन धोकरोम बाक्शा क्येट यो लतीन। परेशा मो दुम, को ? मार दुम्म ? उत्पत्ती ४२:२७, ३५ १३. इन लोकब कान्छा लाइशशा, मेको ठयब मुर कली लेशा गरुम्य लने। १४. नेल्ल क्येडा सक्ति पाइशशा परमपरभुमी मेको मुर आ डोंइती इन कली शिशी गेवल। मिनु इन अर्का लोकब नु बेन्यामीन यो सोइक्तल। गो श्येत जचान माल्शो बाक्ती हना यो, श्येत जडल” दे आ तौ आन कली माइक्मी बाक्त। १५. मिनु आ तौपुकीमी मेको कोसेली, डोंइती डा क्येट, अर्का क्येट नु बेन्यामीन लाइशशा, इजीप्त रागी लशा, योसफ आ डोंइती जाकदीम्मा बाक्त।

१६. मिनु योसफमी मेकोपुकी नु बेन्यामीन कली तशा, आ सिं डा ठयब गय पाइब मुर कली “मेको मुर आन कली आं सिं लाइक्मी। बस्तु का क्योरशा, भोज ठीक पावो। मारदे हना मुलाक्ती मेकोपुकी गो नु जाइनीम” देमाक्त। १७. मिनु मेको मुरुम योसफ आ देशो पशा, नेल्ल आन कली

योसेफ आ सिं ऑइदीमी बाक्त। १८ मकोपुकी चहिं हिंसा बाक्त, मारदे हना योसेफ आ सिं आगा ऑइदीमी बाक्त। मिनु मकोपुकीमी “मारदे हना इं डॉइती डा क्येट इं धोकरोम थित्तय। मिनु इं कली वाइल सत्त्वा नु इं गधा रोइक्वा कली इं कली एक ऑइताकम” देमुमा बाक्त। उत्पत्ती ४२:२८ १९ मिनु योसेफ आ सिं डा ठेयब गेय पाइब आ नक्शा लशा, लाप्चो र मको नु लोत्र पाम बाक्त। २० मिनु “हनुर, गोपुकी डॉइती खेयप का जचा थोत्रक ग्याथ्र जाक्तक। २१ मिनु गोपुकी बास बाक्तीक जाकदीशशा, ऑइ धोकरो रोक्शा, कोत्रकानु, ऑइ क्येट नेल्ल ऑइ धोकरो धोकरोम थित्तक। २२ मुल गो लंशा चाक्तक। अर्को जचा थोत्रक ग्याप्ना कली यो क्येट चाक्तक। सुम ऑइ क्येट ऑइ धोकरोम कुर पवा, गो मतुइक्नीकी” दे ठेयब गेय पाइब कली देमा बाक्त। २३ मिनु मकोमी “इन थुं नाइक्तीने, महिनीने। इन परमपरभु, इन आफ आ परमपरभुमी इन क्येट इन धोकरोम कुर पवा माइ। गो इन क्येट ताक्ता” देमाक्त। मिनु मकोमी सिमियोन कली चाक्गा बाक्त। उत्पत्ती ४२:२४ २४ मिनु मको मुरुम मको आन कली योसेफ आ सिं ऑइशा, खोइल चिक्वा कली व्याक्कु गेवा बाक्त। आन गधा आन कली थुला बाक्त। २५ मिनु नाक्ती दुम्चा चिक्तानु, मको नु काथा जचा माल्ब देशो नंशा, आन कोसली गेचा कली ठीक पाम बाक्त।

२६ मिनु योसेफ जाक्मेनु, मकोपुकीमी आन कोसली लाडगा र ऑइशा, मको आ डॉइती वाइशशा, सुम्की पा बाप्शा खरत्मे बाक्त। २७ मिनु योसेफमी मको आन कली “दोपा बाक्नी ? इन आफ, इन देशो साल्पा, रिम्शो बाक्मे ? मुल सम्म ब्रांडमे ?” दे हिल्लो पामी बाक्त। २८ मिनु मकोपुकीमी “इन गेय पाइब ऑइ आफ मुल सम्म ब्रांडशो नु रिम्शो बाक्व” देशा, आन पिया खुक्शा, सउ पाम बाक्त। उत्पत्ती ३७ :७,९ २९ मिनु योसेफमी आ लोक्ब बेन्यामीन, आ ममा आ तौ तशा “इन देशो इन लोक्ब कान्छा एकोन बाक्वा ?” देशा, बेन्यामीन कली “परमपरभुमी इ कली शिशी पवल, आं तौ” देमाक्त। ३० मिनु योसेफमी आ लोक्ब तशा, ग्येरसीशा डाक्वा कली ते लड, दे आ कोठा लशा डाक्माक्त। ३१ मिनु आ कुल चिक्शा, लेम्माक्त। मिनु गेय पाइब आन कली “शोप्ले खरत्तीन” देमाक्त। ३२ मिनु योसेफ, आ लोक्ब नु मको नु जाइब इजीप्त डा मुर नेल्ल आन कली आन पवा

पवा जचा थोत्रक खरत्मे बाक्त। मारदे हना इजीप्त डा मुर हिबरू नु जचा मदुम्बाक्माक्त। इजीप्त डा मुरपुकी गरांगरा दीबाक्मा बाक्त। उत्पत्ती ३९ :६ ; उत्पत्ती ४६ :३४ ; परस्थान ८ :२२ ३३ मिनु योसेफमी आ लोक्ब आन कली डॉइती जरमेशो, माइला, साइला पा कान्छा सम्म गार पा निप्पदा बाक्त। मिनु मकोपुकी छुक लाक्मा बाक्त। ३४ मिनु योसेफ आ डॉइती र जचा ब्बचा थोत्रक लाइशशा, मको आन कली खरत्पदा बाक्त। बेन्यामीन आ भाग अरु आन क्येडा ५ भाग खोइ शुश बाक्माक्त। मिनु मकोपुकी योसेफ नु जशा तूशा, ग्येरशा बाक्मा बाक्त।

योसेफ नु आ लोक्बपुकी

४४ १ मिनु योसेफमी आ सिं डा ठेयब गेय पाइब कली “मको मुर आन धोकरो पिरंपतो। गिश कुरने चान्नीमी, मिश पिरंपतो। मिनु आन क्येट अन्न आ शोत्रम वातो। २ मिनु आं चांदी के कचौरा, आ क्येट नु मको नेल्ल क्येडा ठिटा आ धोकरो आ शोत्रम वातो” दे मदा बाक्त। मिनु मकोमी योसेफ आ देशो खोदेशो पा पवा बाक्त। ३ मिनु सुनी कना रिम्शो पा नां मसोत्रथु, मको मुर नु आन गधा आन कली लचा गेम बाक्त। ४ मिनु सहर र लमानु, योसेफम आ ठेयब गेय पाइब कली “बाक्को, मको आन नोले खोतो। मिनु मको आन कली थिश्शा ‘मारदे ग रिम्शो पाइब कली मरिम्शो पनी ? ५ मारदे ऑं परभु आ मार मार तूतीक नु लिंक्यु कोत्रतीक चांदी के कचौरा खुइ पनी ? ग मरिम्शा पाइतीनी’ दे माइक्मी” दे मदा बाक्त। ६ मिनु मको आन कली थिश्शा, मोदेशो लोत्र पवा बाक्त। ७ मिनु मकोपुकीमी “ऑइ परभुम मारदे मोदेशो लोत्र पाइबा ? गो मो मपक। ८ नेनीन, ऑइ धोकरोमी थिश्शा क्येट कनान रागी र लंशा चाक्तक। गो दोपा इन परभु आ सिं र सुन चांदी खुइ पाइनीकी ? उत्पत्ती ४३ :२१ ९ गो इन गेय पाइब सु नु मको कचौरा बाक्म, मको बेक्ल। मिनु गोपुकी यो इन वाइल दुम्कल” दे मदम बाक्त। १० मिनु मकोमी “इन देशो खोदेशो दुम्ल। सु आ धोकरोम थिंसीबा, मको आं वाइल दुम्ब। अरु मो लाइनीनी” देमाक्त। ११ मिनु नोले मकोपुकीमी रीब रीब पा आन धोकरो गधा र शोल्शा, रोक्शा कोत्रडमे बाक्त। १२ मिनु मकोमी डॉइती जरमेशो आ धोकरोमी, नोले नेल्ल आन धोकरोमी का का पा माल्शा, कान्छा ला लीमाक्त। मिनु कचौरा

बेन्यामीन आ धोकरोमी थिदा बाक्त। १३ मिनु मेकोपुकीमी आन वा साक्शा, आन अन्न लेंशा गधा तार वोइश्शा, सहर लेम्मा बाक्त।

१४ मिनु यहूदा नु आ लोकवपुकी योसैफ आ खिं जाक्मानु, यासफ मक उइ बाक्माक्त। मेको आ डोंइती खुम्की पा बाग्मा बाक्त। १५ योसैफम मेको आन कली "गे मार पनी? आं सोदेंशो मुरुम नेल्ल तुइक्व, दे मतुइक्तीनी?" दे मेको आन कली हुइक्ता बाक्त। १६ मिनु यहूदामी "आइ परभु कली मार देनीकी? मार लोत्र पाइनीकी? गोपुकी 'ठीक मुर बाक्नीकी' दे दोपा देन चान्नीकी? परमपरभुमी इन गेय पाइब आन मरिम्शो कांइताक्व। ननीन, गोपुकी नु कचौरा धोकरोम बाक्व, गो नेल्ल आइ परभु इन वाइल दुम्तक" देमाक्त। उत्पत्ती ४२:२१-२२ १७ मिनु योसैफमी "ममाइ, मेको मपाइनुड। तन्न सु मुर नु आं कचौरा बाक्मे, मेको ला आं वाइल दुम्चा माल्ब। गोपुकी चहिं थुं नाइश्शा, इन आफ आ बाक्तीक लन" देमाक्त।

१८ मिनु यहूदा मेको आ नेक्था लशा "आं परभु, लोत्र का पचा गेयीनी। इन गेय पाइब आ परबम मगाइक्तीनी। गे फाराओ सोदेंशो बाक्नीनी। १९ आं परभुमी डोंइती आ गेय पाइब आन कली 'इन के आफ बाक्वा? अर्का लोकव यो बाक्वा?' दे हिल्लो पाइतीनी। उत्पत्ती ४२:७,१३; उत्पत्ती ४३:७ २० मिनु गोपुकीमी आइ परभु कली 'आंइ के आफ खात्पा दुम्शो बाक्व। मिनु खात्पाम थिशा तौ का यो बाक्व। मेको आ लोकव चहिं बेक्त। मेको लीशो आ ममा आ का ला तौ बाक्व। मिनु आ आफोमी मेको कली 'शुश दाक्व' दे इन कली देतक। २१ मिनु गेमी 'आं कली कांइचा कली मेको एक चाक्कीन' देतीनी। २२ गोपुकीमी आइ परभु कली 'मेको वांइश आलमी आ आफ कली परांइन मचाप्ब। परांइतु हना, आ आफ बेक्व' देतक। २३ मिनु गेमी इन गेय पाइब आन कली 'इन लोकव कान्छा मचाक्तीनी हना, गे आं कली गरुम्थ मपिने' देतीनी। उत्पत्ती ४२:१५; उत्पत्ती ४३:३-५ २४ गोपुकी आइ आफ इन गेय पाइब आ बाक्तीक जाक्दीश्शा, इन लोत्र नेल्ल माइक्तक। २५ आइ आफोमी 'लेंशा जचा थोत्रक ग्याप्थ लने' देत। २६ मिनु गोपुकीमी 'आइ लोकव कान्छा मलाइक्तक हना, गो लने मचान्नीकी। मारदे हना आइ कान्छा भाइ गोपुकी नु मलत हना, गरुम्चा मदुम्ब' देतक। २७ मिनु इन गेय पाइब आइ आफोम आइ कली 'आं मीशम तौ निक्शी थिप्तु, गे तुइक्नीनी। २८ का आं बाक्तीक

रे लत। जन्तुमी मेको कली ब्याम्तेक्मे। गो मेको कली लेंशा मतड। उत्पत्ती ३७:३२-३३ २९ मिनु गे एको कली यो लाइक्तीनी हना, लांम बेक्वा कां, बेक्त हना, गे आं वोइश्शा चां श्येतम पिंरंशा, तुरसुम वोइक्चा माल्नीनी" दे लोत्र पाप्तु। उत्पत्ती ४२:३८ ३० मिनु गो इन गेय पाइब आइ आफ आ बाक्तीक जाक्दीकानु, एको वांइश आल, आ आफ आ थुं नेल्लमी दाक्व। मोपतीक गोपुकी नु मबाक्त हना, ३१ मेको तशा, आ आफ बेक्व। मिनु गोपुकीमी आइ आफ, चां वोइश्शा इन गेय पाइब कली सुर्ता पपाइश्शा, श्येत जपाइश्शा तुरसुम वोइक्चा माल्नीकी। ३२ गो मेको आ जमाने बाक्शा बाक्नुड। गो आफ कली 'मेको आल मचाक्ता हना, आं मरिम्शो पशो गेना हना यो आं तारी लील' देती। उत्पत्ती ४३:९ ३३ मोपतीक एको वांइश आल ममाइ, आं परभु, आं कली इन वाइल वोतीन। एको वांइश आल आ लोकवपुकी नु लचा गेने। ३४ गो आं आफ आ डोंइती एको वांइश आल मलाइक्थु, दोपा लने चान्नुड? आं आफ आ श्येत तशा, गो यो फाल्ल मचान्नुड" दे यहूदामी योसैफ कली देमाक्त।

#### योसैफमी तुइक्पांइसीशो

४५ १ मिनु नोले योसैफमी आ मुर नेल्ल आन डोंइती फाल्ले मचवा बाक्त। मिनु "आं गेय पाइब नेल्ल एकर रे लने" दे साइक्पदा बाक्त। मिनु योसैफमी आंम कली आ लोकव आन कली तुइक्पदानु, कोठामी सुइ मबाक्शा बाक्मा बाक्त। २ मिनु ठेयब सेंदामी डाक्मनु, फाराओ आ खिंम बाक्व इजीप्त डा मुर नेल्लेम नेन्मे बाक्त। ३ मिनु योसैफमी आ लोकव आन कली "गो योसैफ नड। आं आफ मुल सम्म ब्रांइम?" देमाक्त। आ लोकवपुकीमी लोत्र लेन्न मचाप्मे बाक्त। मारदे हना शुश हिंमा बाक्त।

४ मिनु योसैफमी आ लोकव आन कली "आं नेक्था पिने" देमाक्त। मिनु मेकोपुकी आ नेक्था जाक्मा बाक्त। मिनु योसैफमी "गो इन इजीप्त रागीम लेयशो लोकव योसैफ नड। ५ गे आं कली लेयशो आ परबम सुर्ता मपने। आंम कली दोस मगेने। मारदे हना परमपरभुमी आं कली नेल्ल ब्रांइमल, दे इन डोंइती साइश्शा बाक्त। उत्पत्ती ५०:२० ६ एको अन्काल मुल बर्स निक्शी दुम्त। मिनु मुल ५ बर्स सम्म तेइ वाक्शो नु रिक्शो मतांइसीब। ७ परमपरभुमी आं कली गेपुकी ब्रांइनील। रागीम जात का

लीनील। इन पर्वम शुश बरोइमल, दे इन क्येडा डोंइती एक सोइक्ताकयी। एको ठेयब श्येत रे परोइतीके बाक्व। ८ मापतीके गेपुकीमी आं कली एक सोइश्शो ममाइ, परमपरभुमी सोइश्शो बाक्त। मेकीमी आं कली फाराओ आ आफ खोदंशो सल्शा, आ खिं डा होवप नु इजीप्त रागी नेल्ल डा हुकुम पाइब सल्लती। ९ गेपुकी मुल रीब पा इं आफ आ बाक्तीक लने। मिनु मेको कली 'परमपरभुमी इन ती योसेफ कली इजीप्त रागी नेल्ल डा ठेयब मुर सेला बाक्त। एक यिचा मरिम्दीन। १० आं नेकथा बाक्चा कली गे, इन आल, इन चच, इन क्यारश भडा, बी व्यफ नु मारइ मारइ नेल्ल चाक्शा, गोशन माइक्तीकेमी जाक्चा माल्लीनी। ११ आं नेकथा बाक्कीन। गो इन कली थुल्लुड। मारदे हना अन्काल मुल ५ बर्स सम्म दुम्ब। गे मयीतीनी हना, गे, इन खिं डा मुर नु गेपुकी नु बाक्व नेल्ल शुश परुडग दुम्नीनी' दंत, दे इं आफ कली माइक्चा माल्लीनी। १२ मिनु गेपुकी नु आं लोकब बन्न्यामीनम तशो 'गो योसेफ नड। गो इन कली लोत्र पाता' दे तुइक्नीनी। १३ गो इजीप्त रागीमी गिश रिम्शो बाक्डा, इन तशो नेल्ल, गेपुकीमी इं आफ कली दंचा माल्लीनी। रीब पा इं आफ कली एक चाक्कीन" दे आ लोकब आन कली माइक्की बाक्त। १४ मिनु आ लोकब बन्न्यामीन कली मुष्शा डाक्माक्त। मिनु बन्न्यामीन यो डाक्माक्त। १५ मिनु नोले आ लोकब नेल्ल आन कली मुष्शा, पुक्पु पाइश्शा डाक्माक्त। मिनु नोले आ लोकबपुकीमी लोत्र पचा गोत्रम बाक्त।

१६ मिनु "योसेफ आ लोकबपुकी जाक्तेक्म" देशो लोत्र फाराओ आ खिम यो जाक्दीम्माक्त। मिनु फाराओ नु आ गेय पाइब नेल्ल ग्येरसमा बाक्त। १७ मिनु फाराओमी योसेफ कली "गोमी इन लोकब आन कली 'इन गधापुकीमी अन्न कुरपाइश्शा, कनान रागी लने। १८ मिनु इन आफ नु इन खिं डा मुर नेल्ल आं नेकथा जाक्कीन। गो इजीप्त रागी डा नेल्ल क्येडा रिम्शो रु इन कली गेनुड। मिनु गे रागी डा नेल्ल क्येडा बरोत्रशो जचा ताइनीनी" दे माइक्चा माल्लीनी। १९ इन कली अरेशो एकोन बाक्व। इन आइक्च आल नु इन मीश आन कली डोइक्चा कली इजीप्त रागी रे बग्गीपुकी लतीन। इन आफ चाक्कीन। २० इन मारइ मारइ ममिम्तीन। मारदे हना इजीप्त डा रिम्शो नेल्ल इन के बाक्व" दे माइक्की" दे योसेफ कली मदा बाक्त।

२१ मिनु इसराएल आ तीपुकीमी योसेफ आ देशो पाम बाक्त। मिनु फाराओम मार दंमे मेको पा, योसेफमी मेको आन कली बग्गी नु लां कली लाम्जी गेवा बाक्त। २२ मेको आन कली जोड का का फक्तीक नक वा गेवा बाक्त। बन्न्यामीन कली चहिं सहे सां चांदी क शंकल नु ५ जोड फक्तीक वा गेवा बाक्त। २३ मिनु आ आफ कली १० ओटा गधेनीमी इजीप्त रागी डा नेल्ल क्येडा बरोत्रशो जचा थोत्रक नु लोम जचा कली १० ओटा गधाम अन्न, शोव्ले नु श्यं कुर पा सोइक्ता बाक्त। २४ मिनु लचा डोंइती मेको आन कली "लोमी मजिन" दे अरेवा बाक्त। उत्पत्ती ४२:२२

२५ मिनु मेकोपुकी इजीप्त रागी रे पा कनान रागी आन आफ याकूब आ बाक्तीके जाक्दीम्मा बाक्त। २६ मिनु आन आफ कली "योसेफ मुल यो बरोइशो बाक्त। इजीप्त रागीम हुकुम पाइब मेको बाक्माक्त" दे लोत्र पामे बाक्त। याकूबम चहिं आन देशो थमा मसुदा बाक्त। २७ मिनु मेकोपुकीमी योसेफ आ लोत्र नेल्ल शोत्रडम बाक्त। मिनु याकूबम आ कली डोइक्चा, दे योसेफमी सोइश्शो बग्गी तशा, आ थुं लेत्ता बाक्त। २८ मिनु इसराएलमी "आं ती योसेफ बरोइशो थमा बाक्व। आं बक्चा क्येडा डोंइती मेको आ कुल कोत्रनुड" देमाक्त। उत्पत्ती ४६:३०

### याकूब इजीप्त लशो

४६ १ मिनु इसराएल नु आ खिं डा मुर नेल्ल इजीप्त गे लमा बाक्त। मिनु बेयर-शेबा जाक्दीश्शा, आ आफ इसहाक आ परमपरभु कली चदेवा बाक्त। उत्पत्ती २६:२३-२५ २ मिनु मेको नाक्दो परमपरभुमी इसराएल कली "याकूब, याकूब" देमाक्त। मिनु इसराएलमी "गो नंता" दे लोत्र लेत्ता बाक्त। ३ मिनु परमपरभुमी "गो परमपरभु, इ आफ आ परमपरभु नड। इजीप्त लचा महिनो। मारदे हना गे उड बाक्डेनु, इ रे पा ठेयब जात सेल्लुड। उत्पत्ती ४७:२७; परस्थान १:७ ४ गो गे नु इजीप्त रागी लाइनुड। मिनु इ कली थमा पा लेप्पाइक्नुड। बेक्शा नोले योसेफमी इ मिक्च खेरख" दे परमपरभुमी देमाक्त। ५ मिनु याकूब बेयर-शेबा रे लमाक्त। मिनु इसराएल आ तीपुकीमी आन आफ, आन आइक्च आल नु आन मीश फाराओमी सोइश्शो बग्गीम डोइक्चपदमे बाक्त। ६ मिनु आन बस्तु भाव, कनान रागीम आन चाक्शा मारइ मारइ नु

याकूब नु आ मुर नेल्ल इजीप्त रागी जाकदीम्मा बाक्त। ७ याकूबमी आ तौपुकी नु मेको आन तौपुकी, आ तमीपुकी नु आ तौ आन तमीपुकी नु चच युइ नेल्ल इजीप्त रागी चाकदीम्मी बाक्त।

याकूब आ तौ नु चच युइ

८ मिनु इजीप्त रागीम जाकदीशशो इसराएल आ आल आन नें एको बाकनीमी। आ डोंइती जरमेशो तौ रुबेन बाकमाक्त। परस्थान ६:१४-१६ ९ रुबेन आ तौपुकी हनोक, फल्लु, हेसरोन नु कारमी बाकमा बाक्त। १० सिमियोन आ तौपुकी यमुएल, यामीन, ओहद, याकीन नु सोहार, कनान डा मीश रं जरमेशो शाक्त, नेल्ल सिमियोन आ तौ बाकमा बाक्त। ११ लेवी आ तौपुकी गरशोन, कोहाथ नु मरारी बाकमा बाक्त। १२ यहूदा आ तौपुकी एर, ओनान, शेलाह, परस नु जेराह बाकमा बाक्त। एर नु ओनान चहिं कनान रागीम बेकसा बाक्त। परस आ तौ हेसरोन नु हामुल बाकसा बाक्त। उत्पत्ती ३६:३,४,२९,३० १३ इस्साकार आ तौपुकी तोला, पुवा याशुब नु शिमरोन बाकमा बाक्त। १४ जवूलुन आ तौपुकी सरद, एलोन नु याहलेल बाकमा बाक्त। १५ मेको नेल्ल लेआमी याकूब के पदान-अराममी थिशो तौ बाकमा बाक्त। आ तमी दीना यो बाकमाक्त। याकूब नु आ तमी तौ नेल्ल पा ३३ जना बाकमा बाक्त।

१६ मिनु गाद आ तौपुकी सिफ्यान, हाग्गी, शुनी, एस्बान, एरी, अरादी नु अरली बाकमा बाक्त। १७ आशर आ तौपुकी इम्नाह, इश्वाह, इश्वी, बरीआ नु आ तमी सराह बाकमा बाक्त। मिनु बरीआ आ तौ निकशी हेबर नु माल्कीएल बाकसा बाक्त। १८ मिनु लाबान आ तमी लेआ कली गेशो गेय पाइब जिल्लाम याकूब के थिशो तौपुकी बाकमा बाक्त। मेको १६ जना बाकमा बाक्त। उत्पत्ती २९:२४

१९ मिनु याकूब आ मीश राहेल आ तौ योसेफ नु बेन्यामीन बाकसा बाक्त। २० योसेफमी इजीप्त रागीमी मनस्से नु एफराइम थिमाक्त। आ मीश ओन सहर डा नाकसो पोतीफेरा आ तमी आसेनाथ बाकमाक्त। २१ बेन्यामीन आ तौपुकी बेला, बेकर, अशबल, गेरा, नामान, एही, रोश, मुप्पीम, हुप्पीम नु आरद बाकमा बाक्त। २२ मेको नेल्ल राहेल आ थिशो तौ बाकमा बाक्त। मेको नेल्ल पा १४ जना बाकमा बाक्त।

२३ दान आ तौ हुशीम बाकमाक्त। २४ नाप्ताली आ तौपुकी याहसल, गुनी, येंसर नु शिल्लेम

बाकमा बाक्त। २५ मेको लाबानमी आ तमी राहेल कली गेशो गेय पाइब बिल्हाहम याकूब के थिशो तौ बाकमा बाक्त। मेको नेल्ल ७ जना बाकमा बाक्त। उत्पत्ती २९:२९

२६ मिनु याकूब आ चाइमीपुकी महिक्थु, याकूब नु इजीप्त रागी जाकशो मुर नेल्ल पा ६६ जना बाकमा बाक्त। २७ इजीप्त रागीमी योसेफमी तौ निकशी थिमाक्त। मोपा इजीप्त रागीमी जाकशो याकूब आ सिं डा मुर ७० जना बाकमा बाक्त। याकूब नु योसेफ नु आ तौ निकशी यो हिक्थो बाकमा बाक्त।

याकूब नु योसेफ गरुम्शो

२८ मिनु याकूबमी यहूदा कली गोशेन लां शंसीचा नु योसेफ गरुम्चा, दे आन डोंइती गरुम्थ सोइक्ता बाक्त। मिनु मेकोपुकी गोशेन माइक्तीके जाकदीम्मानु, उत्पत्ती ४५:१० २९ योसेफ आंम बग्गी ठोक पा आ आफ इसराएल कली गोशेनम गरुम्थ जाकमाक्त। मिनु मेको कली गरुम्शा, मुष्शा शुश डाकसा बाक्त। ३० मिनु इसराएलमी योसेफ कली “मुल गो बेकने चानुड। मारदे हना गे बरांइशो बाक्ते, गो इ कुल कोत्रचा ताता” दे आ तौ कली देमाक्त। उत्पत्ती ४५:२६ ३१ मिनु योसेफम आ लोक्ब नु आ आफ आ सिं डा मुर आन कली “गो फाराओ आ बाक्तीके लाइनुड। मिनु मेको कली ‘कनान रागीम बाकशो आं आफ, आं लोक्बपुकी नु आं आफ आ सिं डा मुर नेल्ल जाक्तेकम। ३२ मेकोपुकी भेडा गोठला नु बस्तु भाव थुल्व बाकनीम। मेको आन क्यारश भेडा, बी ब्यफ नु आन मारइ मारइ चाकशो बाक्तेकम’ देनुड। ३३ मिनु फाराओम इन कली बरंताक्व हना, मिनु इन कली इन गेय आ पर्वम हिल्लो पापु हना, ३४ गपुकीमी ‘इन गेय पाइब आन आल रन मुल सम्म बस्तु भाव थुल्व बाकनीम। आंइ किकी पिपी यो मांदेशो गेय पशो बाकमा बाक्त’ देचा माल्नीनी। नोले मेकोमी इन कली गोशेनमी बाक्तीके गेब। मारदे हना इजीप्त डा मुर गोठला आन कली तशा गरांगुरा दीनीम” दे योसेफमी आ लोक्ब आन कली देमाक्त। उत्पत्ती ४३:३२

याकूब फाराओ आ डोंइती

४७ १ मिनु नोले योसेफमी फाराओ कली “आं आफ, आं लोक्बपुकी, आन क्यारश भेडा, बी ब्यफ, आन मारइ मारइ नेल्ल कनान रागी रं चाकशा, गोशेनमी जाकशो बाकनीमी”

दे शंदा बाक्त। २मिनु आ लोकब आन दाते रे ५ जना योत्रशा, फाराओ आ डॉइती राप्पदा बाक्त। ३मिनु फाराओमी मेको आन कली “इन गेय मार बाक्बा?” दे हिल्लो पवा बाक्त। मिनु मेकोपुकीमी “गो, इन गेय पाइबपुकी, भडा गोठला बाक्नीकी। गो आंइ किकी पिपी रे गोठला बाक्तक” दे फाराओ कली देमा बाक्त। उत्पत्ती ४६:३३-३४ ४ मिनु लेंशा “कनान रागीमी ठेयब अन्काल दुम्तीक, गो अर्का रागी डा मुर दुम्शा, एक बाक्थ जाक्तक। मारदे हना आंइ क्यारश भडा आन कली जोतीक मबा। मोपतीक आंइ कली गोशेन माइक्तीकमी बाक्चा गेने, दे पुंडनीकी” दे पुंडदमे बाक्त। ५ मिनु फाराओम योसफ कली “इ आफ नु इ लोकबपुकी इ बाक्तीक रागी जाक्तेकमे। ६ इजीप्त रागी इ रागी खोदंशो मिस्तो। नेल्ल क्येडा रिम्शो जोतीक गोशेनमी मेको आन कली बाक्पतो। मिनु मेको इ मुर आन दातेमी रिम्शो गेय पाइब बाक्तेकमे हना, आं बस्तु भाव आन कली यो कोत्रपतो” दे मदा बाक्त।

७ मिनु नाले योसफमी आ आफ कली फाराओ आ डॉइती राप्पदा बाक्त। मिनु याकूबमी फाराओ कली आसीक गेवा बाक्त। ८ मिनु फाराओमी “गिश बर्स दुम्नी?” दे हिल्लो पवा बाक्त। ९ मिनु याकूबमी “गो मुल सम्म रागीम बाक्शा, सहे का ३० बर्स दुम्ती। आं किकी पिपी खोदंशो पा शुश बर्स मदुम्ड। गो मरिम्शो नाक्त यो ताता” देमाक्त। हिब्रू ११:३३ १० मिनु आसीक गेशा, फाराओ रे लमाक्त। ११ मिनु योसफमी फाराओ आ देशो खोदंशो पा आ आफ नु आ लोकब आन कली इजीप्त रागीमी रू गेवा बाक्त। रागी डा नेल्ल क्येडा रिम्शो बाक्तीक रामसेस आ रागी गोशेनमी बाक्पाइकमी बाक्त। १२ मिनु योसफम आ आफ, आ लोकब नु आ आफ आ सिं डा मुर नेल्ल आन कली आन सिं सिं कली गाप्पा डा पा जचा थोत्रक गेशा थुल्मी बाक्त। उत्पत्ती ४५:११

इजीप्त डा मुरपुकी पुरुडग दुम्शो

१३ रागी नेल्लेमी जचा थोत्रक मथिदमे बाक्त। मारदे हना मेको अन्काल बारना बारन लमाक्त। मिनु इजीप्त नु कनान रागी डा मुर शुश श्यत जामे बाक्त। १४ मिनु योसफमी इजीप्त नु कनान रागी डा अन्न ग्याप्थ जाक्ब आन गुइ रे क्येट ताक्शा, फाराओ आ सिंमी वोदा बाक्त। १५ मिनु इजीप्त नु कनान डा मुर आन

क्येट नुप्शा, योसफ आ बाक्तीकमी जाक्शा, मेकोपुकीमी “जचा थोत्रक गेकी। आंइ के क्येट नुप्त। गे जचा थोत्रक मगतीनी हना, गो इन डॉइती बेक्चा माल्नीकी” दे मदमे बाक्त। १६ मिनु योसफमी “इन के क्येट मबाक्त हना, इन बस्तु भाव चाक्कीन। मेको रे पा जचा थोत्रक ताइनीनी” देमाक्त। १७ मिनु आन बस्तु भाव योसफ आ बाक्तीक चाक्कमे बाक्त। मिनु योसफमी शारापुकी, क्यारश भडा, बी ब्यफ, गधा ताक्शा, जचा थोत्रक गेमी बाक्त। मेको बर्समी मेको आन कली आन बस्तु भाव आन पा डा अन्न गेवा बाक्त। १८ मिनु मेको बर्स नुप्शा डा मिन, अर्का बर्स लेंशा जाक्शा योसफ कली मेकोपुकीमी “गो आंइ परमु आ डॉइती आंइ क्येट नुप्त, आंइ क्यारश भडा, बी ब्यफ नेल्ल आंइ परमु केन दुम्तेकमे। मुल आंइ के रूपुकी नु आंम रां ला लीब। १९ मारदे गो इन डॉइती बेक्नीकी? आंइ कली नु आंइ रू कली यो अन्न गेशा ग्यापीन। गोपुकी फाराओ आ वाइलीम वाइल दुम्नीकी। गोपुकी बरांइचा नु आंइ रागीम मुरपुकी लीचा कली वांचेर गेने” देमा बाक्त।

२० मिनु योसफमी इजीप्त रागी नेल्ल फाराओ कली ग्यबा बाक्त। मारदे हना ठेयब अन्काल आ पर्वम इजीप्त डा मुरपुकीमी आन रू नेल्ल लेयडमे बाक्त। मिनु रू नेल्ल फाराओ के दुम्माक्त। २१ मुर नेल्ल आन कली वाइलीम वाइल सल्शा, आन बाक्तीक रे याक्शा वोदा बाक्त। २२ नाक्सा आ रू चहिं मग्यबा बाक्त। मारदे हना आन जचा फाराओ आ गुइ रे तामे बाक्त। मोपतीके आन रू यो लेयचा ममाल्मा बाक्त। गन्ती १८:२०; यहोसु १३:१४; इजीकीएल ४४:२८; इजीकीएल ४५:१-५ २३ मिनु योसफम मुर आन कली “नेनीन, मुलाक्ती रे गेपुकी नु इन रू नेल्ल फाराओ के दुम्त। गो ग्याप्ता। एको वांचेर लाइश्शा, शोक्कीन। २४ मिनु रिक्वी ना ५ भाग डा भाग १ फाराओ कली गेचा माल्नीनी। अर्को ४ भाग वांचेर कली नु इन कली, इन सिं डा मुर नु आइक्च आल नेल्ल आन कली थुल्चा कली लीब” दे माइकमी बाक्त। एफाह का २२ लिटर खोदंशो बाक्ब। २५ मिनु मेकोपुकीमी “गे आंइ कली बेक्चा रे परांइतीनी। गे आंइ कली थम रिम्शो पाइतीनी। गो फाराओ आ वाइल बाक्नीकी” देमा बाक्त। २६ मिनु योसफमी इजीप्त रागी डा एन कानुनमी “फाराओ कली ५ भाग डा भाग का गेचा माल्नीम। नाक्सापुकीमी

चहिं गेचा ममाल्नीम। मारदे हना आन रू फाराओ क मदुम” दे बरेकपदा बाक्त। मेको मुल सम्म मोदंशो बाक्व।

२७ मिनु इसराएल इजीप्त रागी डा गोशेनमी बाक्मनु, आन मारइ मारइ नु मुरपुकी सोशा बोशा, शुश दुम्मा बाक्त। उत्पत्ती ४६:३; परस्थान १:७,१२ २८ याकूब इजीप्त रागीमी १७ बर्स ब्रांइमाक्त। मेको आ ब्रांइतीक नेल्ल पा सहं का ४७ बर्स बाक्माक्त। २९ मिनु आ बेक्ची जाक्माक्त। मिनु आ तो योसेफ कली ब्रेइशा “गे आं कली शिशो पाप्तीवी हना, इ गुड आं फिला तार वोइइशा, जोल मपथु, आं कली रिम्शो पावो। आं कली इजीप्त रागीम मथिम्यी, दे पुंडनुड। उत्पत्ती ५०:५ ३० गो बेक्शा, आं कली इजीप्त रागी र कुरशा, आं कली आं किकी पिपी आन तुरसुम थिम्यी” दे पुंडवा बाक्त। मिनु योसेफमी “इन दंशो पाइनुड” देमाक्त। उत्पत्ती २३:२० ३१ मिनु मेकोमी “कसम जावो” दे मदा बाक्त। मिनु योसेफमी कसम जवा बाक्त। मिनु इसराएल बराख्येम बाक्शा, सुम्की पांडसे बाक्त। हिवरू ११:२१

याकूब, एफराइम नु मनस्से

४८ १ मिनु नोले मुर कामी योसेफ कली “इन आफ रोइ पाप्तु” दे शंदा बाक्त। मिनु योसेफमी मनस्से नु एफराइम आ तो निक्शी लाइइशा, गरुम्य लमाक्त। २ मिनु मुर कामी याकूब कली “निनीन, इन तो योसेफ इन कली गरुम्य जाक्त” दे नंपदा बाक्त। मिनु इसराएल बोल पा बोक्शा, आ बराख्येम निस्स बाक्त। ३ मिनु याकूबमी योसेफ कली “नेल्ल सक्ति पाइइशा परमपरभुमी कनान रागी डा लूज सहरम गरुशा, आं कली आसीक गती। उत्पत्ती २८:१७-१९ ४ मेकोमी आं कली निनीन, गो इन कली सोशा बोशा, शुश सेल्लुड। गो इ र शुश थर डा मुर सेल्लुड। इ कली नु इ चच युइ आन कली मेको रागी गेना हना यो इन केन बाक्व, दे गेनुड” देत। उत्पत्ती ३५:११-१२ ५ आं जाक्वा डोंइती, इजीप्त रागीम जरमेशो एफराइम नु मनस्से, इ तो निक्शी आं मुर दुम्चा माल्नीस। रुबेन नु सिमियान सोदंशो पा आं केन दुम्चा माल्नीस। उत्पत्ती ४१:५०-५२ ६ इ नोले थिशो आल चहिं इ के दुम्मल। मिनु आन लोकव आन जात डा नें वोइइशा, इजीप्त रागीम अडस ताइब दुम्मल। ७ गो पदान र गाक्डानु, कनान रागी डा एफराथ आ

डोंइती राहेल बेक्त। मिनु गो मेको कली एफराथ माइइशाो बेथलेहेम सहर लतीक लामी थिम्ता” देमाक्त। उत्पत्ती ३५:१९ ८ मिनु इसराएलमी योसेफ आ तो निक्शी आस कली तशा “मेको निक्शी सु नसी?” दे हिल्लो पवा बाक्त। ९ मिनु योसेफमी आ आफ कली “परमपरभुमी आं कली गशा तो बाक्नीसी” देमाक्त। मिनु याकूबमी “मेको आस कली एक चाक्सी। मिनु गो मेको आस कली आसीक गेनुड” दे मदा बाक्त। १० इसराएल खाल्पा दुम्शा, आ मिक्च रिम्शो मताइब दुम्शो बाक्माक्त। मोपतीक मेको आस कली मतुइक्ता बाक्त। मिनु योसेफमी मेको आस नेक्था चाक्दीस्सी बाक्त। मिनु इसराएलमी मेको आस कली पुक्पु पाइइशा, मुबा बाक्त। ११ मिनु योसेफ कली “गो इ कुल ताइनुड दे ममिम्शो नड। तन्न परमपरभुमी आं कली इ आल आन कली यो कांइताक्यी” देमाक्त। उत्पत्ती ३७:३३-३५; उत्पत्ती ४५:२६; भजन संगरह १२८:६ १२ मिनु योसेफम मेको आस कली आ आफ आ थुकु र याक्शा, सुम्की पा सेउ पवा बाक्त। १३ मिनु योसेफमी आ तो निम्फा आस कली लाइइशा, एफराइम आ ग्युरा गुइ नु मनस्से आ परा गुइ ग्याइइशा लाइइशा आ आफ आ डोंइती वोदा बाक्त। मोपा मनस्से याकूब आ ग्युरा गुइ नु एफराइम याकूब आ परा गुइ आ नेक्था वोदा बाक्त। उत्पत्ती ४१:५१-५२ १४ तन्न इसराएलमी आ गुइ खराक्शा आ ग्युरा गुइ एफराइम आ पिया तारी नु आ परा गुइ मनस्से आ पिया तारी वोदा बाक्त। मनस्से चहिं योसेफ आ डोंइती जरमेशो तो बाक्माक्त। १५ मिनु याकूबमी योसेफ कली आसीक गशा “आं किकी पिपी अबराहाम नु इसहाक परमपरभु आ डोंइती गाक्शा बाक्ताक्स। मेको परमपरभुमी आं कली आं ब्रांइतीक नाक्त नेल्ल मुल सम्म कोवती। उत्पत्ती ३२:१०; भजन संगरह २३:१ १६ आं कली श्येत र प्रांइब परमपरभु यावे आ स्वर्ग डा गेय पाइबम एको वोइइशा आल आस कली आसीक गेवल। मिनु एको आस पतीके आं नें नु आं किकी पिपी अबराहाम नु इसहाक आस नें मपरसक्ल। एको निक्शी र पा रागीमी शुश दुम्मल” दे आसीक गेम्सी बाक्त। उत्पत्ती ३२:२५-३०; यसैया ४१:१४ १७ मिनु योसेफमी आ आफ आ ग्युरा गुइ एफराइम आ पिया तारी वोइइशाो तशा, आ थुं मनुमाक्त। मिनु आ आफ आ गुइ एफराइम आ पिया र शाल्था, मनस्से आ पियाम वोइक्नुड, दे मिम्ता बाक्त। १८ मिनु

योसेफम आ आफ कली “ममाइ आं आफ, मेको आं डांइती जरमेशो बाक्व। इन ग्युरा गुइ एको आ पिया तारी वोतीन” देमाक्त। १९ तन्न आ आफ मबित्थु “गो तुइक्नुड, आं तौ, गो तुइक्नुड। एको यो थर का दुम्ब, एको यो ठेयब दुम्ब। तन्न एको क्येडा आ लोकब एफराइम ठेयब दुम्ब। मिनु आ चच युइ शुश ठेयब जात दुम्नीम” दे आसीक गम्सी बाक्त। गन्ती १:३३,३५; व्यवस्था ३३:१७ २० मिनु मेको नाक्ती मेको आस कली आसीक गेशा “इस नें थिशा इसराएलीमी आसीक गेनीम। मेकोपुकीमी परमपरभुमी इ कली एफराइम नु मनस्स खोदंशो सेतल” दे आसीक गेनीम” देमाक्त। मोपा याकूबमी मनस्स क्येडा एफराइम डांइती वोदा बाक्त। हिब्रू ११:२१ २१ मिनु इसराएलमी योसेफ कली “ननो, गो बेक्नुड। मिनु परमपरभु गे नु बाक्शा, इ कली लेंशा इ किको पिपी आ रागी लाइक्व। २२ गो इ कली इ लोकब आन क्येडा निकशो अडस गेत्न। आं तरवार नु लिबरामी एमारी आन गुइ र रोइशशो रू इ कली गेत्न” दे याकूबमी योसेफ कली मदा बाक्त। यूहन्ना ४:५

याकूब आ तौ आन आसीक

व्यवस्था ३३:-

४९ १ मिनु याकूबमी आ तौ आन कली बरेशशा मेको आन कली “नोले इन कली मार मार दुम्बा, नंचा कली एकर बुक्कीन। २ याकूब आ तोपुकी बुक्शा, इन आफ इसराएल, आं लोत्र ननीन।

रूबेन

३ रूबेन, गे आं डांइती जरमेशो तौ नवे। डांइती डा आं बोल नु सक्ति बाक्नेवे। नेल्ल क्येडा शिरशो नु सक्ति पाइशशो डांइती डा बाक्ते। उत्पत्ती २९:३२; व्यवस्था २१:१७ ४ समुन्दर डा छ्वाल खोदंशो पा गे हिम्सीशो थुं पाइशशो मुर दुम्नेवे। मारदे हना गे इ आफ आ खाट डाइशशा, बिथोत्तो पाप्तीवी। आं इक्तीकम बाक्ते। गे मान मताइब दुम्नेवे। उत्पत्ती ३५:२२

सिमियोन नु लेवी

५ सिमियोन नु लेवी वोबु बाक्नीसी। गे हुश खराक्श पोक्व बाक्नीसी। उत्पत्ती ३४:२५ ६ आं थुं इस खरुइशशा अरेशोम गेनायो मबिस्सकल, आं नें इस गरुम्तीकेमी

गेनायो मदेमल। थुं का मदुमीस। मारदे हना इस चुरतीकेमी मुर साइक्तीसी। महिंब दुम्शा, ब्यफ कली गाक्न मचाप्ब सेल्लतीसी। ७ इस गाइशशोम सराप राइब। मारदे हना मेको ठेयब बाक्व। इस चुरचाम सराप राइब। मारदे हना मेको शिशो मपाइशशो मरिम्शा बाक्व। थुं का मदुमीस। इसराएल रागीमी ब्राशा बाक्कोस। यहासु १९:१-९; २१:१-४२

यहूदा

८ यहूदा, इ लोकबपुकीमी इ कली ठेयब सेल्मेकल। इ गुइमी इ जोरी सतरु आन करोक्करो निनेवे। इ आफ आ आल इ डांइती खुम्की पा बाप्नीम। गन्ती १०:१४; न्यायाधीस १:१-२ ९ यहूदा गुप्स आ चाइक्व खोदंशो बाक्व। सिस्तर ब्यशा ठेयब दुम्ते। ठेयब गुप्स खोदंशो पा खुम बाप्ब। गुप्सनी खोदंशो पा इप्ब। सुम मेको कली बोक्पाइक्ने चाप्बा? गन्ती २३:२४; इजीकीएल १९:२; परकाश ५:५ १० ठेयब श्येत र परांइब मजाकम सम्म आ राज दन्द आ सासन पतीक आ गुइमी लीब। जात जात डा मुर मेको आ नोले खोइक्नीम। गन्ती २४:१७; इतिहास ५:२; हिब्रू ७:१४; इजीकीएल २१:३२ ११ मेकोमी आ गधा अडगुर आ बोटम पाइक्व, आ गधा आ चाइक्व नेल्ल क्येडा रिम्शो अडगुर बोटम पाइक्व। आ फेक्तीक वा अडगुर शांबुम मुख। आ वा अडगुर आ रसम खरुम्ब। योएल ४:१८ १२ आ मिक्व अडगुर क्येडा रिम्शो रड डा बाक्व। आ खरुइ दूध क्येडा बुश बाक्नीम।

जबूलून

१३ जबूलून समुन्दर नु डांगा वोइक्तीकेमी बाक्त। सीदोन सहर सम्म आ बाक्तीक दुम्त। यहासु १९:१०-१६

इस्साकार

१४ इस्साकार बोल्यो गधा दुम्शा, भारी आस दातेमी इप्ब। १५ मेकोमी नाइक्तीके रिम्शो नु रागी दारशो बाक्व, दे ताप्तु। मेकर कुरब दुम्शा, अर्का आन गेय पाइब दुम्त।

दान

१६ दान इसराएल आ जात डा ठेयब मुर दुम्शा, अरु आन कली निसाफ पाइब दुम्त। न्यायाधीस ३३:२,२४,२५ १७ दान लांमी बाक्शो

बुस्स खोदंशो दुम्शा, मेको बीस पाइश्शो बुस्स खोदंशो दुम्शा, आइक्च लाम बाक्व। शारा डोइक्व मुर तोक्चा कली शारा आ गंगरम कोक्व। मिनु शारा डोइक्व मुर नोले गे दोक्व। १८ परमपरभु यावे, गे आं मरिम्शा पशो रं परांइनीनी, दे रिम्शा बाक्ती। भजन संगरह ११९ :१६६; हबकुक २ :३

### गाद

१९ रोइक्व मुरपुकी गाद कली रोइक्चा कली जाक्नीम। गादमी मेको आन कली खेदा पा मेको आन के रोइक्व।

### आशेर

२० आशेर आ जचा थोत्रक शुश ब्रोत्रशो बाक्व। पिपम खोदंशो पा ब्रोत्रशो जचा गेब। यहोसु १९ :२४-३१

### नाप्ताली

२१ नाप्ताली परांइशो रोकेश बाक्व। मेकोमी दारदारशो चाइक्व पाइब। न्यायाधीस ४ :६-१०

### योसेफ

२२ योसेफ फल सिप्ब रवा का बाक्व। आ राशी गारो तारी बाक्शा, ब्याक्कु बुक्तीकमी खरुम्शा रवा का बाक्व। २३ बरा आप्बपुकीमी मेको कली बरा आप्तकम। मेको कली आप्शा, खेदा पशा, काइ मदाक्तम। २४ तन्न आ लिबरा बोल्यो बाक्व, आ गुइ बोल्यो बाक्नीम। सक्ति पाइश्शो याक्व आ परमपरभु, इस्राएल आ गोठला नु संरथ फुल्लुम, मेको कली वारच पाप्तु। ब्यवस्था ३२ :१८, २५ इ आफ आ परमपरभुमी इ कली वारच पाइब। नेल्ल क्येडा सक्ति पाइश्शो परमपरभुमी इ कली सरोड रं नु खपर आसीक गेब। शुश आल थिचा डा आसीक यो गेवल। ब्यवस्था २८ :३-६; ब्यवस्था ३३ :१३ २६ गेना हना यो बाक्व डांडा डा आसीक क्येडा इ आफ आ गेशो आसीक टेयब बाक्व। योसेफ आ लोक्व खोदंशो मडुम्थु, एको आसीक आ पिया तारी दुम्त।

### बेन्यामीन

२७ बेन्यामीन बरुष्णा ग्याइक्व फर खोदंशो बाक्व। मिनु सुनी आ सिसार ब्याइब, नाक्दो आ रोइश्शो याक्व” दे याक्वम आ तौ नेल्ल आन

कली आसीक गेमी बाक्त। न्यायाधीस २० :२५; १सामुएल ९ :१-२

### इस्राएल बेक्शो

२८ एको इस्राएल आ १२ थर बाक्नीम। आन आफोम मेको आन कली आसीक गेशा पशा लोत्र एकोन बाक्व। मेकोमी मेको आन कली का का पा आसीक गेवा बाक्त। २९ मिनु मेको आन कली “गो आं किकी पिपी आन बाक्तीक लाइनुड। हिती डा एफरोन आ रूमी बाक्शा पुक्सी, आं किकी पिपी आन कली थिम्तीकमी आं कली वीतीन। उत्पत्ती २३ :१३-२० ३० मेको पुक्सी कनान रागीमी मामर आ पूर्व डा माक-पलामी बाक्व। अब्राहाममी मेको थिम्तीक हिती डा एफरोन र ग्यवा बाक्त। ३१ अब्राहाम नु आ मीश सारा मेक थिम्शो बाक्नीस। इसहाक नु आ मीश रेबका यो मेक थिम्शो बाक्नीस। मेकर लेआ यो थिम्ता। उत्पत्ती २५ :९; उत्पत्ती ३५ :२९ ३२ मिनु मेको रू नु पुक्सी हिती मुर र ग्याप्शा बाक्त” देमाक्त। ३३ याक्वमी आ तौ आन कली मोदं लोत्र पशा नोले, खाटमी आ खोइल दिंशा, बेक्माक्त। मिनु आ किकी पिपी आन बाक्तीक लमाक्त।

### याक्व कली थिम्शो

१ मिनु योसेफ आ आफ आ कुल तार ५० गुर ब्वेशा, पुक्पु पाइश्शा, डाक्माक्त। २ मिनु आ गेय पाइब नु डाक्टर आन कली “आं आफ आ रं कली खरक्तीन” दे माइक्मी बाक्त। मिनु मेकोपुकीमी बेक्शा मुर आ रं खरक्तमे बाक्त। ३ मिनु ४० नाक्त खरक्तमे बाक्त। मारदे हना खरक्चा कली ४० नाक्ती माल्बाक्माक्त। इजीप्त डा मुरपुकी यो ७० नाक्ती रंका पाम बाक्त। ४ मिनु रंका पतीक नाक्ती नुम्मेनु, योसेफमी फाराओ आ सिं डा मुर आन कली “गो इन डांइती शिशी ताइनुड हना, गे फाराओ कली आं पर्वम लोत्र पने। ५ आं आफोम आं कली गो बेक्डानु, कनान रागीम आं कली थिम्तीके ठीक पाता, मेकर थिम्चा माल्नेवे” दे कसम जपाइक्ती। मोपतीके आं आफ थिम्चा कली मेकर लचा गेयीनी। मिनु गो थिम्शा लेत्नुड। एको लोत्र फाराओ कली देनीन” दे मेको आन कली मदा बाक्त। उत्पत्ती ४७ :२९-३० ६ मिनु फाराओमी “इ कसम जशो खोदंशो पा इ आफ कली थिमो” दे योसेफ कली देमाक्त। ७ मिनु योसेफ, फाराओ आ गेय पाइबपुकी, मेको

आन ठेयब मुरपुकी, इजीप्त रागी डा ठेयब मुरपुकी, ५ योसफ आ सिं डा मुर नेल्ल, आ लोकबपुकी नु आ आफ आ सिं डा मुर नेल्ल आ आफ थिम्ब लमा बाक्त। आन आइक्व आलपुकी नु आन क्यारश भेडा, बी ब्यफ ला गोशनमी बाक्मा बाक्त। १. मिनु योसफ नु बग्गी नु शारा डोइक्वपुकी लमा बाक्त। मिनु शुश मुर दुम्मा बाक्त। १०. मिनु मेकोपुकी आताद आ चेरब तुप्तीक यर्दन खोला आइक्वी हांबु जाक्दीश्शा, ठेयब रोंका पामे बाक्त। मिनु योसफमी आ आफ कली ७ नाक्त सम्म रोंका पवा बाक्त। ११. मिनु मेकर बाक्व कनान रागी डा मुरपुकीम आताद आ चेरब तुप्तीक खलाम मेको रोंका पाइब आन कली तशा “एको इजीप्त डा मुर आन ठेयब रोंका का बाक्व” देमा बाक्त। मोपतीके मेको यर्दन आइक्वी हांब डा बाक्तीके कली आबेल-मिसरेम नें वोदमे बाक्त। आबेल-मिसरेम आ अर्थ “ठेयब रोंका पतीके” बाक्व। १२. मोपा याकूब आ तौपुकीमी आन आफ आ अरशा सोदंशा पामे बाक्त। उत्पत्ती ४९ : २९ १३. मिनु आ तौपुकीम आन आफ आ रं कनान रागी चाक्दीश्शा, अबराहाममी मुर थिम्बा कली हिती डा एफरोन रे ग्याप्शा मामर आ नेक्था माक-पला डा रुमी थिम्मे बाक्त। उत्पत्ती २३ : १३-२० १४. मिनु आ आफ थिम्शा नोले, योसफ नु आ नु गाक्व नेल्ल इजीप्त रागी लेम्मा बाक्त। १५. मिनु आन आफ बेक्म नोले योसफ आ लोकबपुकीम “मुल योसफमी ई कली क्येक्क लेप्वा कां। मारदे हना गोपुकीमी मेको कली मरिम्शो पाइतय” दे लोत्र पमुमा बाक्त। उत्पत्ती २७ : ४१ १६. मिनु आ लोकबपुकीमी लोत्र पचा कली मुर का योसफ आ बाक्तीके साइक्तमे बाक्त। मेकोमी “इन आफ आ बेक्चा क्येडा डोंइती मार अरवा बाक्त देशा हना, १७. गे योसफ कली ‘इन लोकब

आन मरिम्शो पशो आ पर्वम माफ गेने। मारदे हना इन कली मरिम्शो पाम्तेक्मे। मिनु इन आफ आ परमपरमु आ गेय पाइब आन कली आन पाप माफ गेने’ दे माइक्चा” दे सोइश्शो मुरुमी योसफ कली देमाक्त। मिनु योसफमी मेको आ लोत्र नंशा डाक्माक्त। १५. मिनु आ लोकबपुकी यो जाक्मा बाक्त। मिनु आ डोंइती सुम्की पा बाप्शा “इन वाइल नकी” दे सड पामे बाक्त। १९. मिनु योसफमी “महिनीन, गो परमपरमु मनड। २०. गोपुकीमी आं कली मरिम्शो पाइतीनी। परमपरमुमी चहिं रिम्शो सलती। मो दुम्शा परमपरमुमी शुश मुर आन कली बरांडचा गप्तु। उत्पत्ती ४५ : ५, ७ २१. मोपतीके महिनीन, गो इन कली नु इन आल आन कली कोत्रनुड” दे आ लोकब आन कली लेम्शा, रिम्शो लोत्र पवा बाक्त।

२२. योसफ नु आ सिं डा मुर नेल्ल इजीप्त रागीमी बाक्मा बाक्त। मिनु योसफ सहे का १० बर्स बरांडमाक्त। २३. मिनु आ तौ एफराइम आ चच युइ यो तवा बाक्त। आ डोंइती जरमेशो, मनस्स आ तौ मार्कोर आ तौ आ थुकुम वोदा बाक्त। २४. मिनु योसफमी आ लोकब आन कली “गो बेक्नुड। परमपरमुमी इन कली कोत्रब। परमपरमुमी अबराहाम, इसहाक नु याकूब कली ‘इन कली कनान रागी लेप्पाइक्नुड’ दे कसम जशा, लोत्र पशो बाक्व” देमाक्त। २५. मिनु योसफमी आ लोकब आन कली “परमपरमुमी इन कली थमा पा एकर रे लेप्पाइक्व। मना आं रुश यो लतीन” दे कसम जपाइक्मी बाक्त। प्रस्थान १३ : १९ ; यहोसु २४ : ३२ २६. मिनु योसफ सहे का १० बर्स दुम्शा बेक्माक्त। मिनु आ रं कली मराक्चा डा पा ओरुती खरक्शा, इजीप्त रागीमी बाक्सम कुर पा वोदमे बाक्त।

## परस्थान

बरेकब मुर: एको किताब बरेकब मोसा बाकब, दे सां खेयप बरेकशो बाकब। परस्थान १७ :१४ ; परस्थान २४ :४ ; परस्थान ३४ :२७-२८

गेना बरेकशो : एको किताब योसफ बकम नोले रे परमपरभु यावे आ ताम्बु सल्वी ना सम्म इसराएलीपुकीम इजीप्त रागीम श्येत जशो आ पर्वम बाकब। इसराएलीपुकी ४३० बर्स सम्म इजीप्तम बाकशो बाकतकम। परमपरभुम मेको आन श्येत जशो तशा, आ ठेयब सक्ति इजीप्त डा मुर आन कली कांइशा, आ मुर इसराएली आन कली श्येत रे परोना बाकत। एको लोत्र गेना दुम्शा बाकबा मेको मतुंडसीब। एको किताब मोसामी आ गेय पची ना बरेकशो बाकत।

मार बरेकशो :

१. इसराएलीपुकी इजीप्त रागीम बाकशा श्येत जशो परस्थान १ :१२ :३६

२. इजीप्त रे गरुंडशा, आन श्येत रे परोइशो परस्थान १२ :३७-१८ :२७

३. परमपरभु यावेमी मेकोपुकी नु कवल पशो

इसराएलीपुकीमी श्येत जशो

१ आन खिं खिं डा मुर लाइशशा, याकूब नु इजीप्त लाइब इसराएल आ ती सु सु बाकमा बाकत दंशा हना, उत्पत्ती ४६ :८-२७ ररुबन, सिमियोन, लेवी, यहूदा, इइस्साकार, जबूलून, बन्यामीन, ४ दान, नाप्ताली, गाद नु आशर बाकमा बाकत। ५ मिनु याकूब आ ती आन खिं खिं डा मुर नेल्ल पा ७० जना बाकमा बाकत। योसफ चहिं इजीप्त रागीमी बाकशो बाकमाकत।

६ मिनु नोले योसफ नु मेको आ लोक्व आन पाला डा मुर नेल्ल बकमा बाकत। उत्पत्ती ५० :२६ ७ मिनु इसराएल आ चच युइ सोशा बोशा शुश दुम्मा बाकत। शुश दुम्शा डा मिन, बोल्यो दुम्मा बाकत। मिनु इसराएल आ मुरपुकीमी रागी नेल्ल बरीमा बाकत। पररित ७ :१७-१९

८ मिनु नोले योसफ कली मतुइक्व पिप काम इजीप्त रागी कली सासन पवा बाकत। ९ मेकोमी आ मुर आन कली “नेनीन, इं रागीमी बाकशो इसराएल डा मुरपुकी इं क्येडा शुश नु बोल्यो दुम्तकम। १० मेको आन पर्वमी शुश मिम्शा, सल्ला पय। मो मपाइतय हना, मेको शुश दुम्शा, नोले लडाइ दुम्मेनु, इं जोरी सतरु आन कली वारच पाइशशा, एक रे परोक्नीमी, कोर में” दे

आ मुर आन कली माइक्मी बाकत। ११ मोपतीके मेकोपुकीमी इसराएली आन कली श्येत गेशा, गेय पपाइक्चा कली कोत्रब ठेयब मुरपुकी वोदमे बाकत। मिनु इसराएलीपुकीमी फाराओ माइशशो पिप आ मार मार वोइक्चा कली पिथाम नु रामसेस सहर निक्शी सल्लम बाकत। उत्पत्ती १५ :१३ ; उत्पत्ती ४७ :११ १२ तन्न इसराएली गिश श्येत जाम, मिश बारना बारन शुश दुम्शा, इजीप्त रागी बरीमा बाकत। मिनु मेको आन कली तशा, इजीप्त डा मुर शुश हिंमा बाकत। १३ मोपतीके इसराएली आन कली डांइती क्येडा यो शुश गेय पपदमे बाकत। उत्पत्ती १५ :३ १४ शुश श्येत गेशा, शुश गेय पपदमे बाकत। मार गेय पपदमे बाकत दंशा हना, हिलो निपदमे बाकत, इंटा सेल्लपदमे बाकत, रू डा गेय यो पपदमे बाकत। तेको गेय गेमे, मेको शुश श्येत डा गेय बाकमाकत।

परमपरभु कली मान पाइब मीश मुर

१५ मिनु इजीप्त डा पिपमी हिबेरू मीश मुर आन आल थिची ना वारच पाइब आन ठेयब मीश मुर आस कली लोत्र पवा बाकत। मेको आन दाते डा का आ नें शिपरा नु अर्का आ नें पुआ बाकमाकत। १६ मिनु फाराओमी “गे निक्शी हिबेरू मीश मुर आन कली आल थिची ना वारच पाइनीसी। ती थिम्तेकम हना, सतीस। तमी बाकत हना, मसतीस” दे माइक्सी बाकत। १७ तन्न मेको मीश मुर आन कली वारच पाइब नेल्लेमी परमपरभु कली मान पा हिंशा, इजीप्त डा पिपमी दंशो मपथु, वांइश आल आन कली यो मसदमे बाकत। १८ मिनु इजीप्त डा पिपम मेको वारच पाइब मीश मुर आस कली बरेशशा “गे मारदे वांइश आल आन कली यो बरोइचा गेसी ? मारदे मोदंशो पसी ?” दे लोत्र पवा बाकत। १९ मिनु मेको मीश मुरुमी “हिबेरू मीश मुरपुकी इजीप्त डा मीश मुर आन क्येडा बोल्यो बाकनीम। मोपतीके गो जाकदीत्वा क्येडा डांइती आल थिने थुम्शो बाकनीमी” दंसा बाकत। २० मोपतीके परमपरभुमी मेको आल थिचा वारच पाइब मीश मुर आन कली आसीक गेवा बाकत। मिनु इसराएली शुश दुम्शा, बोल्यो दुम्मा बाकत। २१ वारच पाइब मीश मुरपुकी परमपरभु कली मान पा हिंतीके परमपरभुमी मेको आन खिं कली यो आसीक गेवा बाकत। २२ मिनु पिप फाराओमी आ मुर आन कली “हिबेरूपुकीमी दोशो ती थीमे, मेको नेल्ल नील खोलाम लाइशशा ताइक्तीन। आन

तमी आन कली चहिं बरोइचा गेने” दे हुकुम पवा बाक्त ।

मोसा जरमेशो

१लेवी आ थर डा मुर का बाक्माक्त । मिनु २ मकोमी लेवी आ थर डा मीश आल का ग्युब पवा बाक्त । परस्थान ६ :२० २मिनु मको मीश मुरुमी तमी का नु तो का थिमाक्त । नाले लेशा आल कुरशा, तो का थिमाक्त । आ थिशो तो कली तशा “शुश दारशो आल बाक्ब” दे महिना सां सम्म खरुइशशा वोदा बाक्त । पररित ७ :२० ; हिब्रू ११ :२३ ३मिनु नाले आल आ ममामी महिना सां डा आल कली खरुइकने मचवा बाक्त । मिनु आल कली सुम्तीके पाइशशो ग्युर सेल्शा, ब्वाक्कु मओवचा डा पा अल्कतराम सिल्दा बाक्त । मिनु मेको आ तो कली ग्युरम कुर पा खोला आ नेक्था डा बुदी मीलु घांस आगा, ब्वाक्कुम वोदा बाक्त । ४मिनु मेको आल आ दिदी “आं लोकब कली मार दुम्मे” दे डोन रे कोवदीम्माक्त । गन्ती २६ :५९

५मेना पिप आ तमी खोला म चिक्का कली जाकदीम्माक्त । आ गेय पाइबपुकी यो खोला आ नेक्था लमा बाक्त । मिनु पिप आ तमीमी बुदी मीलु घांस आगा, ब्वाक्कुमी मेको ग्युर तशा, आ गेय पाइब का कली “मेको ग्युर बरथ लावो” दे सोइक्ता बाक्त । ६मिनु पिप आ तमीमी मेको सुम्तीक पाइशशो ग्युर रोक्शा कोवडानु “ए, आल का बाक्त” देमाक्त । मिनु आल डाक्माक्त । मेको आल तशा, शिशो पवा बाक्त । मिनु पिप आ तमीमी “एको हिब्रू डा मुर आ तो का बाक्ब” देमाक्त ।

७मिनु आल आ दिदीमी “गो इन कली हिब्रू दूध तुंडब मीश मुर का चाक्गु? आल कली दूध तुंडबा को” दे हिल्लो पवा बाक्त । ८मिनु फाराओ आ तमीमी “तो, चाक्को” दे मीश आल कली देमाक्त । मिनु मेको मीश आलम आ ममा बरथ लमाक्त । ९मिनु फाराओ आ तमीमी मेको मीश मुर कली “एको आल आं कली थुलो । एको आल थुल्शो डा, इ कली क्येट गेनुड” दे लोत्र पवा बाक्त । मिनु मीश मुरुमी आल लाइशशा, थुला बाक्त । १०मेको नाले आल कोल्माक्त । मिनु काबु मेकोमी मेको आल फाराओ आ तमी कली लाइशशा, गेवा बाक्त । मिनु आ तो खोदंशो दुम्माक्त । मिनु पिप आ तमीमी मेको आ ने मोसा वोदा बाक्त । मारदे हना “गो मेको कली ब्वाक्कु

रे गरुइताक्ड” देमाक्त । मोसा आ अर्थ हिब्रू लोत्रमी “ब्वाक्कु रे गरुइशो” दंशो बाक्ब ।

मोसामी इजीप्त डा मुर साइशशो

११मिनु नाले मोसा ठेयब दुम्शा, आ लोकब आन कली गरुम्थ लशा, आन श्येत जशो ताप्तु । मकोमी इजीप्त रागी डा मुरुमी आ हिब्रू लोकब का कली तुप्शो ताप्तु । पररित ७ :२३-२९ ; हिब्रू ११ :२४-२७ १२मिनु मोसामी एर ओथ कोवशा, सुइ मबाक्शो तशा, इजीप्त डा तुप्ब मुर कली साइक्तु । मिनु बाल्वामी थिम्तु । १३आ दीसा मोसा लेशा हिरथ लमेनु, हिब्रू निक्शी जिशा तुम्मुशो ताप्तु । मिनु मोसामी मरिम्शो पाइब कली “मारदे आंम लोकब कली तुबी ?” दे हिल्लो पाप्तु । १४मिनु मेकोमी “सुमी इ कली आंस होवप नु निसाफ पाइब सेला ? इजीप्त डा मुर कली साइशशो खोदंशो पा आं कली यो सद्दु, देन ?” देत । मिनु मोसामी “मुल एको लोत्र, मुर नेल्लेमी तुइक्नीमी” दे मिम्शा हित्त । पररित ७ :३५ १५मिनु फाराओमी “मोसाम इजीप्त डा मुर का साइक्तु” दंशो नंशा, मोसा कली साइक्का माल्तु । मोसा चहिं फाराओ आ बाक्तीक रे परोक्शा, मिदयान रागी जाकदीशशा, इनार तारी निशशा बाक्त ।

मोसा मिदयान रागी परोक्शो

१६मिनु मिदयान रागीमी ७ जना तमी बाक्शो नाक्सी का बाक्माक्त । मेको मीश आलपुकीमी आन आफ आ क्यारश भंडा आन कली ब्वाक्कु तुंडचा, दे शुगु ब्वाक्कुम पिरंचा कली, ब्वाक्कु कोतक्म । परस्थान ३ :१ १७तन्न अरु गोठलापुकी जाक्शा, मेको आन कली श्येत गेम्तेक्म । मोसामी चहिं मेको मीश आल आन कली वारच पा, आन भंडा आन कली ब्वाक्कु तुंडताक्व । १८मिनु मेको आन आफ रूप्त आ खिं जाकदीम्मानु, मेकोमी आ तमी आन कली “मुलाक्ती गे दोपा रोब पा जाक्नी ?” दे हिल्लो पवा बाक्त । १९मिनु मेको आ तमीपुकीमी “इजीप्त रागी डा वोंइश मुर कामी आंइ कली गोठला आन गुइ रे परांइतु । मिनु शुश ब्वाक्कु कुर पा आंइ क्यारश भंडा आन कली तुंडताक्व” दे आन आफ कली मदमे बाक्त । २०मेकोमी आ तमी आन कली “मेको मुर ते बाक्मे ? एक मारदे मचाक्नी ? मुल गो नु जथ बरेतीने” दे माइक्की बाक्त ।

२१ मिनू मोसा मेकोपुकी नु बाक्चा बिस्साक्व ।  
रूपलमी मोसा कली आ तमी सिप्पोरा ग्युंवे पा  
गेपुतु । गन्ती १२ : १ २२ मिनू नोले तौ का थिपुतु ।  
मिनू मोसामी मेको आल आ नं गेरशोम वोइक्तु ।  
मारदे हना “गो मतुइश्शो रागीमी अर्का रागी डा  
मुर दुम्ती” दंत । परस्थान १८ : ४

परमपरभुमी इसराएली आन लोत्र नेशो

२३ मिनू शुश बर्स नोले इजीप्ट रागी डा  
पिप बेक्माक्त । इसराएल जात डा मुर इजीप्ट  
रागीम वाइलीम वाइल सोदंशो दुम्शा, शुश  
श्येत जशा, परमपरभु कली “वारच पाइय्यीकी”  
दे पुंडशा डाक्मा बाक्त । मिनू परमपरभुमी मेको  
आन डाक्शो नेना बाक्त । २४ मिनू परमपरभुमी  
अब्राहाम, इसहाक नु याकूब नु कबल पशो  
मिस्ता बाक्त । उत्पत्ती १५ : १८ ; उत्पत्ती २६ : ३ ;  
उत्पत्ती २८ : १३-१४ २५ मिनू परमपरभुमी आन  
श्येत जशो तशा शिशो पवा बाक्त ।

परमपरभुमी लोत्र पशो

३ १मेना मोसा आ शिउ आ क्यारश मेडा  
योव्रथ लत । आ शिउ रूपल आ नं यितरो  
यो बाक्माक्त । यितरो चहिं मिदयान रागी डा  
नाक्सो का बाक्माक्त । मोसामी क्यारश मेडा  
आन कली गोरशो रागी डा नां पेरतीक गे योव्रतु ।  
मोपा योव्रना योव्रन, होरब माइश्शो परमपरभु  
आ डांडा आ नेक्था जाक्दीत्त । पररित ७ : ३०-  
३४ २मेकर परमपरभु यावे आ स्वर्ग डा गय  
पाइब मी ब्रशो बुटा र गूरुत । डांडती दोदंशो  
बाक्त दंशा हना, मोसामी डोन र कोव्रडानु,  
ब्रशो बुटा का कली मीम काइ मनेक्शो तापुतु ।  
व्यवस्था ३३ : १६ ३ मिनू मोसामी “गो मेकर लशा  
कोव्रचा माल्लुड । छुक लाक्चा डा बाक्त । मारदे  
मीम मेर बुटा कली मनेक्था ?” दे आंमा लोत्र  
पापुतु ।

४ मिनू परमपरभु यावेमी मोसा कली ब्रशो  
बुटा कोव्रथ पिशो तशा, परमपरभुमी बुटा र  
“मोसा, मोसा” दे बरेत्ताक्व । मिनू मोसामी “गो  
एक बाक्ती” दे लोत्र लेत्ताक्व । ५ मिनू लंशा “एक  
मपिवो । इ जुत्ता पुरुतो । मारदे हना इ राप्शा  
बाक्तीके आं बाक्तीके बाक्व । उत्पत्ती २८ : १७ ;  
यहोसु ५ : १५ ६ गो इ आफ आ परमपरभु इ  
किकी पिपी अब्राहाम, इसहाक नु याकूब आन  
परमपरभु नड” दे मोसा कली लोत्र पापुतु । मिनू  
मोसामी परमपरभु कली तशा हिंशा, आ कुल

सुम्साक्व । उत्पत्ती १७ : १ ; उत्पत्ती २८ : १-४ ;  
उत्पत्ती ३५ : १-११ ; मत्ती २२ : ३२

७ मिनू परमपरभु यावेमी “गो इजीप्ट रागीमी  
बाक्शो आं मुर आन श्येत ताता । मेको आन  
कली गय पपाइक्व आन पर्वम डाक्नीमी । गो  
आन डाक्शो नंता, ताता । गो आन श्येत जशो  
तुइक्ताक्व । परस्थान २ : २३ ८ मिनू मेको आन  
कली इजीप्ट रागी डा मुरपुकीम गेशो श्येत र  
प्रांइनुडमी । गो आं मुर आन कली रिम्शो नु  
ठेयब रागी लाइक्नुडमी । मेको रागीम दूध नु  
सुदो शुश बाक्व । मारदे मारदे यो शुश गेरुत्ब ।  
मेको रागी कनानी, हिती, एमोरो, परिज्जी,  
हिर्वी नु यबुसी आन बाक्तीक रागी बाक्व ।  
९ ननो, गो इसराएल जात डा मुर आन डाक्शो  
नंता । इजीप्ट रागी डा मुरुमी मेको आन कली  
दिप्शा श्येत गेम्तेक्म । गो मेको यो ताता ।  
१० गो इ कली फाराओ आ बाक्तीके सोइक्नुड ।  
गे इसराएल जात डा मुर आन कली इजीप्ट  
रागी र गुरुंइदो” दे परमपरभुमी मोसा कली  
माइक्तु । परस्थान ७ : १६ ; न्यायाधीस ६ : १४  
११ मिनू मोसामी परमपरभु यावे कली “गो दोपा  
मो पने चापुनुडा ? फाराओ आ बाक्तीकमी लशा,  
इसराएल जात डा मुर आन कली इजीप्ट रागी र  
दोपा गुरुंइने चापुनुडा ?” दे परमपरभु कली दंत ।  
परस्थान ४ : १० ; उत्पत्ती ३२ : ११ ; २सामुएल  
७ : १८ ; यसेया ६ : ५, ८ ; येरमीया १ : ६ १२ मिनू  
परमपरभुमी “गो थमा पा, गे नु बाक्नुड । इ कली  
सोइक्व गो नड, दे चिन्ड का कांइनन । मेको  
चिन्ड मार बाक्त दंशा हना, गे इसराएल जात डा  
मुर आन कली इजीप्ट रागी र गुरुंइशा नोले एको  
परमपरभु आ डांडामी आं कली ठेयब सत्नीनी” दे  
माइक्तु । येरमीया १ : ५

परमपरभुमी आ नं तुइक्पाइश्शो

१३ मिनू मोसामी परमपरभु कली “गो इसराएल  
जात डा मुर आन बाक्तीके जाक्दीश्शा, मेको  
आन कली ‘इन किकी पिपी आन परमपरभुमी  
आं कली इन बाक्तीके सोइक्ताक्वी’ देडानु,  
मेकोपुकीमी चहिं मेको आ नं मार मं ?” दे हिल्लो  
पाइनीम । मेना गो मार देनुडा ?” दे हिल्लो पापुतु ।

१४ मिनू परमपरभुमी मोसा कली “आं नं गो  
नड” बाक्व । इसराएल जात डा मुर आन  
कली ‘गो नड’ देबमी आं कली इन बाक्तीकमी  
सोइक्ताक्वी, देंचा माल्लेवे” दंत । परस्थान  
६ : २ ; मलाकी ३ : ६ ; परकाश १ : ४, ८ १५ मिनू  
लंशा परमपरभुमी मोसा कली “इसराएल डा

मुर आन कली मार दंचा माल्लेवे दंशा हना 'परमपरभु यावे, इन किकी पिपी अबराहाम, इसहाक नु याकूब आन परमपरभुमी इन कली गरुस्थ सोइक्ताक्यी। आं नें गना हना यो लीब। नल्ल पाला डा मुरुम आं नें आन थुंमी मिम्शा वोइक्का माल्लीम' दंचा माल्लेवे। परस्थान ६:२-३; यसेया ४२:२

१६गे इसराएल जात डा मुर आन खाल्पा आन कली खुथ लावो। मिनु मेको आन कली 'परमपरभु यावे इन किकी पिपी आन परमपरभु आं डांइती गरुत। अबराहाम, इसहाक नु याकूब आन परमपरभुमी आं कली गरुम्शा, लोत्र पाप्तु। मेकोमी आं कली 'गो थमा पा इन कली गरुस्थ यिती, इजीप्त रागीम इन कली गिश श्येत गम, मेको ताता। १७गो इन कली इजीप्त रागी डा मुर आन गेशो श्येत रे परांइनुड। गो इन कली कनानी, हिती, एमोरी, परिज्जी, हिथ्वी नु यबुसी आन बाक्शो रागी गेनुड। मेको रागीम दूध नु सुदो शुश बाक्ब, अन्न यो शुश गरुत्व। गो आं देशो लात्र खानुड' दंत, दंचा माल्लेवे।

१८इ देशो लात्र नंशा, टिम्तकम हना, गे नु इसराएल डा मुर आन खाल्पापुकी इजीप्त रागी डा पिप आ बाक्तीक लशा, मेको कली लोत्र पचा माल्लीनी। गेमी इजीप्त रागी डा पिप कली 'परमपरभु यावे हिबरू आन परमपरभुमी आंइ कली गरुम्तीकी। आंइ कली नाक्त सां गोरशो रागीम लचा गेकी। मकर परमपरभु यावे आंइ परमपरभु कली चदथ लाइनीकी' दे पिप कली देनीन। परस्थान ५:१,३

१९मेको पिपमी चहिं इन कली लचा मगेब, गो तुइक्नुड। गो थम ठेयब सक्तिमी इन कली वारच पाता हना ला, लचा गेब। २०मिनु गोमी इजीप्त रागी डा मुर आन दातेमी थम छक लाक्का डा गेय कांइशा, मेको आन कली श्येत गेनुड। मिनु नोले मेकोमी इन कली लचा गेब।

२१इजीप्त रागी डा मुरपुकीमी इन कली दाक्ब सेल्लुडमी। इजीप्त रे गरुनीनु, श्येत्य गरुचा ममाल्लीनी। परस्थान ११:२-३; परस्थान १२:३५-३६ २२मीश मुर नल्लेमी आन नेक्था डा इजीप्त रागी डा वारच रे सुन, चांदी नु वासी पुंइचा माल्लीम। आन तमी तौ आन कली पांइपाइक्का माल्लीम। मोदंशो पा इजीप्त डा मुर आन शांप रोइक्का माल्लीनी" दे परमपरभु यावेमी मोसा कली दंत।

परमपरभुमी मोसा कली चिन्ड कांइशो

१मिनु मोसामी परमपरभु कली "मेकोपुकीमी आं देशो थमा मसुइक्थु, मटीनीमी कां? 'परमपरभु यावेमी इ कली मगरुम' देनीमी कां" दंत। २मिनु परमपरभु यावेमी "इ गुइमी मार कुरी?" दे हिल्लो पाप्तु। मिनु मोसामी "कोक्क कुरता" दंत। ३मिनु "खपीम ब्यारदा" दंत। मिनु मोसामी आ कोक्क ब्यारदानु, बुस्स दुम्त। मिनु मोसा मेको तशा प्रोक्त। परस्थान ७:१० ४मिनु परमपरभु यावेमी "आ मीलुम ग्याइक्ता" दंत। मिनु मोसामी आ गुइ दिशा, बुस्स कली ग्याइक्तीमिनु, आ गुइमी लंशा कोक्क दुम्त। ५मिनु मेको तशा, मेकोपुकीमी "परमपरभु यावे, आन किकी पिपी अबराहाम, इसहाक नु याकूब आन परमपरभुमी इ डांइती गरुशा, इ कली गरुस्तु, दे थमा सुइक्नीम" दंत।

६मिनु परमपरभु यावेमी लंशा "इ गुइ इ फेक्शो वा आगाम वोतो" दंत। मिनु मोसामी मो पाप्तु। मिनु नोले आ गुइ गरुंइशा कोत्रडानु, कोत्रर मुशा बुश दुम्शो ताप्तु। ७मिनु मेकोमी "लंशा, इ गुइ इ फेक्शो वा आगाम वोतो" दंत। मिनु वोइइशा गरुंइदानु, आ गुइ डांइती डा सोदंशो पा सेस दुम्शो ताप्तु। ८"इ डांइती डा चिन्ड तशा, इ लोत्र थमा मसुइक्थु, मटिम्तकम हना, नोले डा चिन्ड तशा, थमा सुइक्नीमी कां? ९तन्न मेकोपुकीमी चिन्ड निक्शी तशा यो, थमा मसुइक्थु, इ कली मटिम्तकम हना, गे नील खोला डा ब्याक्कु लाइइशा, सोत्रशो खप तारी मोतो। खोला रे लाइइशो ब्याक्कु सोत्रशो खप तारी मोदीनु, मेको हुश दुम्ब" दे परमपरभु यावेमी दंत। परस्थान ७:१७-२१

१०मिनु मोसामी परमपरभु यावे कली "आं परमपरभु, गो लोत्र पस मजाक्नुड। गे, मुल इन गेय पाइब नु लोत्र पनीनु यो, आं कली लोत्र पचा मपी। गो थांइशो ले पाइइशो मुर बाक्नुड" दंत। परस्थान ३:११; परस्थान ६:१२-३० ११मिनु परमपरभु यावेमी "सुमी मुर आ शोत्र सेला? सुम लोत्र पपाइक्ब, नोफा नंब नु मनंब, मिक्च ताइब नु मताइब सेला? गो, परमपरभु यावे मनडा डा? मजन संगरह १४:१ १२मुल लावो। गो इ कली लोत्र पपाइक्नुड, मार दंचा माल्वा, मेको इ कली शंनुड" दंत। ब्यवस्था १८:१८; मती १०:१९ १३मोसाम चहिं "आं परमपरभु, आं पा डा अरु कली सोइक्के चाप्नीनी कां? तन्न आं कली मसोइक्तीनी" दंत। १४मिनु परमपरभु यावे मोसा

आ पर्वम गाइश्शा “लेवी थर डा इ लोकव हारून रिम्शा लोत्र पस जोक्व बाक्व, गो मतुइक्नुडा डा ? मिनु मुल इ कली गरुम्थ जाक्व। इ कली तशा शुश ग्यरब। १५ गो इ पचा माल्शा लोत्र नेल्ल शंनुड। मिनु गे मेको हारून कली दंचा माल्नेव। मिनु मेकोमी इ पा डा मुर आन कली लोत्र पचा माल्ब। मेको इ शोत्र खोदंशो दुम्ब। गो इ कली लोत्र पाइब परमपरभु खोदंशो पा, गे हारून कली लोत्र पाइब बाक्नीनी। १६ दोपा गो, परमपरभुम इ कली लोत्र पाइनुडा, मोपा गे हारून कली लोत्र पचा माल्नेव। मिनु मेकोमी मुर आन कली लोत्र पचा माल्ब। परस्थान ७ : १-२ १७ मेको कोक्क लाइश्शा, आ दंशो चिन्ड कांडो” दे परमपरभु यावेमी मोसा कली माइक्तु।

### मोसा इजीप्त रागी लेश्शो

१६ मिनु मोसा आ शिउ, यित्रो आ खिं लशा, मेको कली “इजीप्त रागीम बाक्शो आं लोक्व आन कली गरुम्थ लचा गयीनी। बेक्मा को, बरोइमा, गो तुइक्वा दाक्ती” दे पुंडतु। मिनु यित्रोमी “इ थुं नाइश्शा, लावो” दंत। परस्थान ३ : १ ११ मिनु मोसा मिदयान रागीम बाक्मेनु, परमपरभु यावेमी “लंशा इजीप्त रागी लावो। मारदे हना इ कली साइक्वा माल्बपुकी बक्तकम” दे लोत्र पाप्तु। २० मिनु मोसा आ मीश नु आ तौ निक्शी नु गधा डोइश्शा, इजीप्त रागी लेत्त। परमपरभु आ गंशो कोक्क यो कुरतु। परस्थान १६ : ३-४

२१ मिनु परमपरभु यावेमी मोसा कली “इ नोफा दाइश्शा नेनो। गे इजीप्त रागी जाक्दीश्शा, गो इ कली पपाइश्शा छुक लाक्वा डा गय नेल्ल फाराओ आ डोइती पावो। गो चहिं मुर आन कली लचा मगेचा डा पा फाराओ कली काइ मटीब सल्लनुड। परस्थान ७ : ३:१३; व्यवस्था २९ : ३; यसेया ६ : १०; रोमी ९ : १६ २२ मिनु गे मेको कली “परमपरभु यावेमी इन कली मार लोत्र पाप्तु दंशा हना, इसराएल आं डोइती जरमेशो तौ बाक्व। व्यवस्था ३२ : ६ २३ आं तौ कली आं कली चढेतीक चढेथ लचा गेवो। गे मटिप्तीवी हना, गो इ डोइती जरमेशो तौ कली साइक्नुड” दंत, देनो” दे परमपरभु यावेमी मोसा कली माइक्तु। परस्थान ११ : ५; परस्थान १२ : २९

### मोसा आ तौ कली चिनु खरोइश्शो

२४ मिनु लांम बास बाक्मानु, परमपरभु यावेमी मोसा आ नेक्था जाक्शा, मेको कली साइक्वा

माल्तु। उत्पत्ती १७ : १४; उत्पत्ती ३२ : २५ २५ मिनु सिप्पोरामी चहिं हेश्शा फुल्लु का गुप्शा, आ तौ कली खरोइक्तीक चिन्ड खरोदा बाक्त। मोपा मेकोमी आ तौ आ चारतीक डा कुशुल खरोइश्शा, आ तौ आ कुशुलम मोसा आ रं थिशा “गे हेश के ग्युम्ले नव” देमाक्त। यहासु ५ : २ २६ मोदंशो पतीक, परमपरभुमी मोसा कली मसाइक्थु, पुराना बाक्त। सिप्पोरामी मारदे “हुश के ग्युम्ले” दंत दंशा हना, खरोइक्तीक चिन्ड र हेश यिमाक्त।

### मोसा नु हारून

२७ डोइती परमपरभु यावेमी हारून कली “मोसा गोरशो रागीम जाक्वा चिक्शो बाक्व। मेको कली गरुम्थ लावो” दे माइक्तु। मिनु लशा, परमपरभु आ डोडाम मोसा कली गरुम्शा, पुक्पु पाइक्तु। २८ मोसामी आ कली सोइक्व परमपरभु यावे आ लोत्र नेल्ल नु आ पचा माल्शा चिन्ड यो हारून कली शंताक्व।

२९ मिनु मेको निक्शीमी इसराएली आन खाल्पा नेल्ल आन कली सुप्ताक्स। ३० हारूनमी परमपरभु यावेमी मोसा नु पशो लोत्र नेल्ल मेको आन कली शंताक्व। मोसा कली कांडशो चिन्ड, हारूनमी मुर आन डोइती कांडताक्व। ३१ मिनु मुरपुकीमी थमा सुइक्तकम। मिनु परमपरभु यावेमी इसराएली आन कली गरुम्शा, आन श्यत तशा, वारच पचा चिक्शो तुइश्शा, मेकोपुकी बाप्शा, परमपरभु कली ठयब सल्लेक्म। परस्थान ३ : १६

### मोसा नु हारून आस लोत्र

१ मिनु नोले मोसा नु आ लोक्व हारून फाराओ गरुम्थ लाम्ताक्स। मिनु मेको कली “परमपरभु यावे, इसराएली आन परमपरभुमी आंस कली लोत्र पाप्तु। मेकोमी “आं मुर आन कली गोरशो रागीमी आं पर्वम चाड मानेचा कली लचा गेवो” दे परमपरभु यावेमी इन कली दंशो बाक्व” देताक्स। परस्थान ३ : १६; परस्थान ७ : १६,२६; परस्थान ९ : १,१३ २ मिनु फाराओमी “परमपरभु यावे सु बाक्म, गो मतुइक्नुड। मार, आ दंशो लोत्र टिचा माल्नुडा ? गो इसराएली आन कली मारदे लचा गनुडा ? गो परमपरभु यावे कली मतुइक्नुड। मोपतीके इसराएल डा मुर, इन कली लचा मगेनन्नी” दंत। ३ मिनु मेको निक्शीमी “हिबरू मुर आन परमपरभुमी आंस कली गरुम्तु। आंइ कली लचा गेने, दे पुंडनस्कु।

गोपुकी रोइमी, लडाइमी मबेककल, दे परमपरभु यावे, आंइ परमपरभु कली चढेथ नाक्त सां सम्म गोरशो रागीम लचा गनें” दे माइक्ताक्स। ४ मिनु इजीप्ट डा पिपम मेको आस कली “मोसा नु हारून, गे मारदे मुर आन कली आन गेय क्योल्वा माल्नीसी ? इस गेय पथ लस” देत।

इसराएली आन कली श्येत गेशो

५ मिनु फाराओमी लेंशा “नीस, इस जात डा मुर शुश दुम्तकम। गे मेको आन कली आन गेय रे नाइक्चा गेचा माल्नी ?” दे मोसा नु हारून आस कली हुइक्ताकव। परस्थान १:७,१२ ६ मोपतीके मेको नाक्ती रे फाराओमी गेय पपाइक्ब ठेयब मुर नु कोव्रब मुर आन कली ७ “मुल रे इसराएली आन कली इंटा सेल्वा कली पराल मगेचा, आंमा गुथ्य लचा माल्नीम। ८ तन्न इंटा चहिं डांइती दोशो सेल्मे, मुल यो मोशोन सेल्वा माल्नीमी। मिनु आन गेय डांइती पशो सोदंशो पा पचा माल्नीम। मारदे हना आन गेय मबाकमेनु, मेकोपुकीमी ‘गोपुकी गोरशो रागीम आंइ परमपरभु कली चढेचा दाक्नीकी’ दे लोव्र पशा गरीनीम। ९ मेको मुर आन कली शुश गेय पपाइक्शा श्येत गेचा माल्नीनी। मेकोपुकीम गेय पा बाकमानु, इली लोव्र मननीम” दे आ मुर आन कली देमाक्त।

१० मिनु इसराएली आन कली गेय पपाइक्बपुकी नु कोव्रबपुकीमी मुर आन कली “फाराओमी ‘इन कली पराल मगनुड’ देशो बाकब। ११ मोपतीके ते खुप्न चान्नीनी, मेक डा खुप्तीन। इंटा चहिं डांइती दोशो सल्नी, मुल यो मोशोन सेल्वा माल्नीनी” दे मदम बाक्त। १२ मोपा मेकोपुकी इजीप्ट रागीमी पराल मथिक्तीके पराल के ठुटा गुथ्य बरशा गाकमा बाक्त। १३ गेय पपाइक्बपुकीमी “पराल गेशो नाक्त दोशो इंटा सेल्नी, मुल यो मोशोन सेल्वा माल्नीनी” दे शुश गेय पपदमे बाक्त। १४ फाराओ आ गेय पपाइक्ब इसराएली कोव्रबपुकी यो वोइक्शा बाकमा बाक्त। मेको आन कली तुप्शा “डांइती डा सोदंशो पा सिनाक्ती मुलाक्ती इंटा मारदे मसेल्नी ?” दे इसराएली कोव्रब आन कली हुइक्तमे बाक्त।

१५ मिनु इसराएली कोव्रबपुकीमी फाराओ कली “मारदे इन वाइल आन कली ओदंशो मरिम्शो पाइनीनी ? १६ इन वाइल आन कली पराल मगेथु ‘इंटा सेल्नी’ दे हुइक्नीनी। मेको ला ममाइ, इन मुरपुकीमी आंइ कली तुप्नीम। गे इन

रागी डा मुर आन कली मरिम्शो पपाइक्नीनी” देमा बाक्त। १७ मिनु फाराओमी “गे अल्सेपुकी, थम अल्से दुम्तीनी। मोपतीके गे ‘आंइ कली परमपरभु यावे कली चढेथ लचा गनें’ देतीनी। १८ मुल गेय पथ लने। पराल मगेसीब, इंटा चहिं डांइती दोशो सल्नी, मोशोन सेल्वा माल्नीनी” देमाक्त। १९ मिनु इसराएली कोव्रबपुकीमी “इं कली मरिम्शो पशा, शुश श्येत गनीम” दे तुइक्तमे बाक्त। मारदे हना “डांइती नाक्त कित कित दोशो इंटा सेल्नी, मुल यो मोशोन सेल्वा माल्नीनी” देशो बाकमा बाक्त।

२० मिनु फाराओ आ बाक्तीके रे लमानु, मेकोपुकीमी लांमी रिम्शा बाक्शो मोसा नु हारून आस कली गरुम्तकम। २१ मिनु मेको कोव्रबपुकीमी “परमपरभु यावेमी इस कली सजाइ गेवल। मारदे हना गे निक्शीमी फाराओ नु आ मुर आन डांइती आंइ कली मरिम्शो सल्तीसी। आंइ कली साइक्चा, दे तरवार आन गुइमी गतीसी” दे गाइक्शा हुइक्ताकम।

२२ मिनु मोसा परमपरभु यावे आ नेक्था लशा “परमपरभु, मारदे गे इन मुर आन कली मरिम्शो पाइनीनी ? आं कली मारदे एक सोइक्तीनी ? २३ गो इन नेमी फाराओ नु लोव्र पडा नोले, मेकोमी इन मुर आन कली डांइती क्येडा शुश श्येत गेपु। गे चहिं इन मुर आन कली मप्रांइनी” देत।

परमपरभुमी मोसा नु लोव्र पशो

१ मिनु नोले परमपरभु यावेमी मोसा कली ६ “गो फाराओ कली मार पाइनुडा, गे मुल ताइनेवे। फाराओम मेको आन कली लचा गेचा ला ममाइ, ठेयब सक्तिमी फाराओ कली आं मुर आन कली आ रागी रे खरपाइक्नुड” देत। परस्थान ११:३; परस्थान १२:३३ २ मिनु लेंशा परमपरभुमी मोसा कली “गो यावे नड। परस्थान ३:१४-१५; उत्पती १७:३ ३ गो अबराहाम, इसहाक नु याक्ब आन डांइती गरुशो ‘नेल्ल क्येडा सक्ति पाइक्शा परमपरभु नड’ दे मेको आन कली तुइक्पाइक्ताकमी। तन्न ‘आं नें यावे बाकब’ दे मतुइक्पदुमी। ४ गो मेको आन कली ‘गे मुल अर्का रागी डा मुर दुम्शा, हिरना हिरन बाक्शो कनानी आन रागी इन कली गेनुड’ दे अबराहाम, इसहाक नु याक्ब नु कबल पने थुम्शो नड। उत्पती १७:८ ५ मिनु गो इजीप्ट डा मुरपुकीमी इन कली गेय पाइब सेल्मेनु, श्येत जशो इसराएली आन डाक्शो ताता। मिनु गो आं कबल पशो मिम्ताकड। ६ मोपतीके गो इसराएली

आन कली गो परमपरभु यावे नड। गो इजीप्त डा मुर आन गेशो श्यत नु इन वाइल दुम्शो गेय र परांडनन्नी। गो इजीप्त डा मुर आन कली ठेयब सजाइ गेशा, आं ठेयब सक्तिमी इन कली गरुंडनुड। ७मिनु गो इन कली आं मुर सल्लुड। गो इन परमपरभु दुम्नुड। मिनु गो इन कली इजीप्त डा मुर आन गेशो श्यत र गरुंडब, परमपरभु यावे, इन परमपरभु नड, दे तुइक्वा माल्नीनी। ८मिनु गो अबराहाम, इसहाक नु याकूब आन कली गनुड, दे कसम जशो रागीम इन कली चाकदीत्नुड। मिनु मेको रागी इन के दुम्ब। गो परमपरभु यावे नड' दे गे इसराएली आन कली देचा माल्नेव" देत। उत्पत्ती २२ :३६

९मिनु मोसामी मेको लोत्र इसराएली आन कली नेपदानु, वाइल दुम्तीके नु आन थुं लुक्च लतीके मोसा आ लोत्र मनेनेम। १०मिनु परमपरभु यावेमी मोसा कली ११"गे इजीप्त डा पिप फाराओ कली इसराएली आन कली इन रागी र लचा गेने" दे मता" देत। १२मिनु मोसामी परमपरभु यावे कली "इसराएलीपुकीमी ला यो आं लोत्र मनेनेम हना, गो ब्याक्स मजोक्ब मुर आं लोत्र फाराओम दोपा नेबा?" दे लोत्र लत्ताक्व। परस्थान ६ :३०; परस्थान ४ :१० १३मोपा परमपरभु यावेमी मोसा नु हारून आस कली इसराएली आन पर्वम लोत्र पाप्तु। मिनु "गेमी इजीप्त डा पिप फाराओ कली इसराएली आन कली इन रागी र लचा गेचा माल्नीनी" दे रुपतीस" देत।

मोसा नु हारून आस किकी पिपी

१४ इसराएली आन किकी पिपी आन दातेमी ठेयब दुम्शो, सु सु बाक्मा बाक्त देशा हना, इसराएल आ डांडती जरमेशो तौ रूबेन मेको आ तौपुकी हनोक, पल्लु, हेसरोन नु कारमी बाक्मा बाक्त। मेको रूबेन आ सिं सिं डा मुर बाक्मा बाक्त। उत्पत्ती ४६ :९-११

१२सिमियोन आ तौपुकी येसुएल, यामीन, ओहद, याकीन नु सोहार बाक्मा बाक्त। मिनु का कनानी मीश र जरमेशो शावल बाक्माक्त। मेको सिमियोन आ सिं डा मुर बाक्मा बाक्त।

१६मिनु लेवी आ तौ आन सिं सिं डा मुर सु सु बाक्मा बाक्त देशा हना, गेरशोन, कोहाथ नु मरारी बाक्मा बाक्त। मिनु लेवी सहे का ३७ बर्स बरांडमाक्त। १इतिहास ५ :२७-३०; १इतिहास ६ :१-४ १७गेरशोन आ तौ लिब्नी नु शिमइ बाक्सा बाक्त। १८कोहाथ आ तौपुकी अमराम,

इन्दार, हेबरोन नु उज्जीएल बाक्मा बाक्त। मिनु कोहाथ सहे का ३३ बर्स बरांडमाक्त। १९मिनु मरारी आ तौ माहली नु मुशी बाक्सा बाक्त। मेको लेवी आ सिं सिं डा मुर बाक्मा बाक्त।

२०मिनु अमराममी आ आफ आ समी चाक्गा बाक्त। मेको आ नें योकेबद बाक्माक्त। मेकोमी हारून नु मोसा थिमाक्त। अमराम सहे का ३७ बर्स बरांडमाक्त। परस्थान २ :१; लेवी १८ :१२

२१इन्दार आ तौपुकी कोराह, नेफग नु जिक्री बाक्मा बाक्त। गन्ती १६ :१ २२उज्जीएल आ तौपुकी मीशाएल, एल-साफान नु सिथरी बाक्मा बाक्त। लेवी १० :४ २३मिनु हारूनम नहशोन आ समी अम्मीनादाब आ तमी एली-शेबा चाक्गा बाक्त। मेकोमी नादाब, अबीहु, एलाजर नु इथामार थिमाक्त। परस्थान २८ :१ २४कोराह आ तौपुकी अस्सीर, एल्काना नु अबी-आसाफ बाक्मा बाक्त। मेको कोराह आ सिं डा मुर बाक्मा बाक्त। २५मिनु हारून आ तौ एलाजरम पुतीएल आ तमी चाक्गा बाक्त। मेकोमी फिनहास थिमाक्त। मेकोपुकी लेवी आ सिं डा ठेयब मुर बाक्मा बाक्त। गन्ती २५ :७ २६मिनु परमपरभु यावेमी हारून नु मोसा कली "गे इसराएल डा मुरपुकी हुल हुल पा इजीप्त रागी र गरुंडदीस" देत। परस्थान ६ :१३ २७मिनु मेको निक्शामी इजीप्त डा पिप फाराओ कली "इसराएल डा मुर आन कली लचा गेने" दे लोत्र पास्ताक्स।

२८मिनु परमपरभु यावेमी इजीप्त रागीमी मोसा कली २९"गो परमपरभु यावे नड। गे इजीप्त डा पिप फाराओ कली आं देशो लोत्र नेल्ल माइक्वा माल्नेव" देत। ३०मिनु मोसामी परमपरभु यावे कली "गो ब्याक्स मजोक्ब मुर नड। दोपा फाराओमी आं लोत्र नेबा डा?" देत। परस्थान ६ :१२

मोसामी चिन्ड कांडशा

१ परमपरभु यावेमी मोसा कली "नेनो, गो इ कली फाराओ आ डांडती परमपरभु खोदेशो पा चिन्ड कांडने चाप्ब सल्लन। इ लोकब हारून चहिं इ लोत्र पाइब दुम्ब। परस्थान ४ :१६ २गो इ कली मार मार माइक्वा, गे मेको देचा माल्नेव। मिनु इ लोकब हारूनमी इसराएली आन कली इन रागी र लचा गेने" दे फाराओ कली देचा माल्ब। ३तन्न गो फाराओ कली काइ मटीब सल्लुड। मिनु गो इजीप्त रागीमी शुश चिन्ड नु छक लाक्वा डा गेय कांडनुड। परस्थान

४ :२१ ४ मिनू फाराओमी इस कली मटीब। मिनू गो इजीप्त डा मुर आन कली थाम्पान सजाइ गेशा, आं शुश मुर आन कली इजीप्त रागी रं गरुंडनुड। ५ गो इजीप्त डा मुर आन कली थाम्पान सजाइ गेशा, इसराएली आन कली आन दाते रं गरुंडदुनु 'गो परमपरभु यावे नड' दे इजीप्त डा मुर आन कली तुइक्पाइक्नुड" दंत। परस्थान ७ :१७; परस्थान ८ :१८; परस्थान ९ :२९; १सामुएल १७ :४६; १राजा २० :२८; २राजा १९ :१९; इजीकीएल २९ :६ ६ मिनू मोसा नु हारूनमी परमपरभु यावे आ देशो पाम्ताक्स। ७ मोपा फाराओ नु लोत्र पची ना, मोसा ८० बर्स दुम्शो बाक्त। हारून ८३ बर्स दुम्शो बाक्त।

### कोक्के ब्यारशा बुस्स दुम्पाइशशो

८ मिनू परमपरभु यावेमी मोसा नु हारून आस कली ९ "फाराओमी इस कली 'छक लाक्चा डा चिन्ड कोइदीसे' दंमनु, गेमी हारून कली 'इ कोक्के बुस्स दुम्पाइक्चा कली फाराओ आ डाइती ब्यारदो' देचा माल्नेवे। मिनू मेको कोक्के बुस्स दुम्ब" दंत। परस्थान ४ :३ १० मोपा मोसा नु हारूनमी परमपरभु यावे आ देशो पशा, फाराओ आ बाक्तीकमी लाम्ताक्स। मिनू हारूनमी आ कोक्के फाराओ नु आ गेय पाइब मुर आन डाइती ब्यारताक्व। मिनू मेको कोक्के बुस्स दुम्त। ११ मिनू फाराओमी इजीप्त रागी डा जादू नु टुना मुना पाइब आन कली बरंताक्मी। मेकोपुकीमी यो आन टुना मुनामी हारून खोदेशो पा आन कोक्के ब्यारशा, बुस्सपुकी संल्लक्म। परस्थान ७ :२२; परस्थान ८ :३; उत्पत्ती ४१ :८; २तिमोथी ३ :८ १२ तन्न हारून आ कोक्के रं दुम्शो बुस्सुमी मेको आन कोक्के रं दुम्शो बुस्स नेल्ल आन कली दाक्तीमी। १३ मिनू परमपरभु यावेमी देशो खोदेशो पा फाराओ काइ मटीब दुम्शा, मोसा नु हारून आस देशो लोत्र मबिस्से। परस्थान ४ :२१

### ब्याक्कु नेल्ल हुश सेल्शो

१४ मिनू परमपरभु यावेमी मोसा कली "फाराओ काइ मटीब दुम्त। आं मुर आन कली लचा मगेब। १५ गे दीसा सुनी फाराओ गरुथ लचा माल्नीसी। फाराओ ब्याक्कु आ नेक्था लमनु, गे मेको आ क्येडा डाइती खोला आ नेक्था जाक्दीशशा, रिम्शा बाक्चा माल्नीसी। बुस्स दुम्ब कोक्के यो लाइक्चा माल्नीसी। १६ मिनू गे मेको कली

'परमपरभु यावे, हिबरू मुर आन परमपरभुमी इन कली, आं मुर आन कली आं कली चढ्देतीक चढ्थे गोरशो रागी लचा गेवो, देंती। तन्न गे मुल सम्म आं लोत्र मटिबी" दंत" देनीस। परस्थान ५ :१ १७ मोपतीके परमपरभु यावेमी "गो परमपरभु यावे नड। गे आं पतीकमी तुइक्नवे। गो आं कोक्कमी नील खोला डा ब्याक्कु तुप्नुड। मिनू मेको हुश दुम्ब। परस्थान ४ :९ १८ मिनू खोला डा डाइ नेल्ल बेक्नीम। खोला शुश राक्शो रिना पाइब। मिनू इजीप्त डा मुरपुकी मेको ब्याक्कु तूचा ग्रांगरा दीनीम" दे मोसा कली दंत।

१९ मिनू परमपरभु यावेमी मोसा कली "गेमी हारून कली 'इ कोक्के इजीप्त रागी डा ब्याक्कु हुश दुम्पाइक्चा कली ब्याक्कु तारी दिंदो। नादी, खोला, कुवा नु इनार आन तारी दिंदो। मुर आन चाक्शो ठका नु गरम बाक्शो ब्याक्कु यो हुश दुम्ब" दे हारून कली देनो" दंत। परकाश ११ :६

२० मिनू परमपरभु यावेमी मोसा नु हारून कली दोदेशो दंमे, मोदेशो पाम्ताक्स। मोसामी फाराओ नु आ गेय पाइब आन डाइती आ कोक्के खोला डा ब्याक्कु तार दिंशा तुबानु, हुश दुम्त। २१ मोपा नील खोला डा डाइ नेल्ल बक्तेक्म। मिनू ब्याक्कु राक्शो रिना पाइशशो दुम्त। इजीप्त रागी डा मुर नेल्लमी नील खोला डा ब्याक्कु तने मचबम। इजीप्त रागी नेल्ल हुशइ हुश दुम्त। २२ इजीप्त रागी डा ठेयब टुना मुना पाइबपुकीमी यो आन मन्तरमी आस पशो खोदेशो पाम्तक्म। फाराओ आ थुं चहिं डाइती डा खोदेशो पा काइ मटीब दुम्माक्त। मिनू मोसा नु हारून आस देशो मटिबो। परमपरभु यावेमी डाइती दोदेशो दंमे, मोदेशो दुम्त। परस्थान ७ :११ २३ मिनू फाराओ आ सिं लेम्माक्त। मार दुम्म, मारइ ममिम्ता बाक्त। २४ इजीप्त रागी डा मुरपुकीमी नील खोला आ नेक्था शुश कुवा दोम्तक्म। मारदे हना नील खोला डा ब्याक्कु काइ तूचा मदुम। २५ मोपा परमपरभु यावेमी नील खोला डा ब्याक्कु तुप्शा, हुश दुम्शो ७ नाक्ती दुम्त।

### करुक्करु गरूपाइशशो

१ मिनू नोले परमपरभु यावेमी मोसा कली ८ "गे फाराओ आ बाक्तीक लावो। परमपरभु यावेमी आ मुर आन कली लचा गेमी। परस्थान ५ :१ २गे लचा मगेतीनी हना, करुक्करुपुकीमी इ रागी डा मुर नेल्ल आन कली श्यत

गेपाइक्नुडमी। ३नील खोलाम शुश करुक्करु गुरूपाइक्नुड। मेकोपुकी इन सिंम बाक्थ जाक्नीम। इन इप्तीक कोठामी यो ओव्रनीम। इन खाट तार डाइक्नीम। मिनु इन दरवार डा गेय पाइब आन सिंमी यो ओव्रनीम। मुर आन तार नु आन चुप्टुमी यो बाक्नीमी। आन फस नित्तीक बास आगाम ओव्रनीम। ४मेको करुक्करुपुकी इन तारी, इन मुर आन तारी नु इन दरवार डा गेय पाइब आन तारी जाक्नीम, दे परमपरभु यावे आ देशो लोत्र बाक्व, दे मतो” दे मोसा कली दंत।

५मिनु नोले परमपरभु यावेमी मोसा कली “गेमी हारून कली ‘इ कोक्के खोला नेल्ल आन तार दिंदो। मोपा गे इजीप्ट रागीम करुक्करु गुरूपाइक्नेवे’ दे हारून कली देनो” दंत। ६मिनु हारूनमी आ गुइ इजीप्ट डा ब्याक्कु तारी दिताक्व। मिनु करुक्करुपुकी गुरूशा, इजीप्ट रागी नेल्ल बरीतेक्म। ७इजीप्ट रागी डा जाद्र टुना मुना पाइबपुकीमी यो आन मन्तरमी हारून खोदेशो पा करुक्करु गुरूपाइक्तेक्म। परस्थान ७:११

८मिनु फाराओमी मोसा नु हारून आस कली बरेप्याइशशा “आं पर्वम नु आं मुर आन पर्वम परमपरभु यावे कली पुनीस। करुक्करु लमल, दे पुनीस। गोमी इसराएल जात डा मुर आन कली परमपरभु यावे कली च्दथ लचा गनुड” दे मोसा नु हारून आस कली दंत। परस्थान ८:२४ ; परस्थान ९:२८ ; परस्थान १०:१७ १मिनु मोसामी फाराओ कली “हजुर, इन कली नु इन गेय पाइब आन कली, इन मुर आन सिं नु इन सिं रे करुक्करु लमल, नील खोलाम ला बाक्मल, दे गेना पुंडचा माल्नुस्कु?” दे हिल्लो पाप्तु। १०मिनु “दोसा कली पुनीस” दे लोत्र लेत्ताक्व। मोसामी “परमपरभु यावे आंइ परमपरभु खोदेशो सुइ मबा, दे तुइक्पाइक्चा कली इन देशो दीसा दुम्ब। परस्थान ९:१४ ; परस्थान १५:११ ; ब्यवस्था ३३:२६ ; २सामुएल ७:२२ ; येरमीया १०:६ ११दीसा करुक्करुपुकी इन बाक्तीक, इन गेय पाइब नु इन मुर इन सिं नेल्ल रे गाक्नीमी। नील खोलाम ला बाक्नीम” दंत।

१२मोपा मोसा नु हारून फाराओ आ सिं रे लाम्ताक्स। मिनु मोसामी मेको परमपरभु यावे आ सोइशशा करुक्करु आ पर्वम पुंडतु। १३मिनु परमपरभु यावेमी मोसामी पुंडशो नंशा पाप्तु। सिंम, लाडगाम नु रुम बाक्थो करुक्करु नेल्ल बेक्तेक्म। १४मुरुमी बेक्थो करुक्करु

नेल्ल सुप्ताक्म। मिनु रागी नेल्ल थाम्पा रिना पाइक्तु। १५इजीप्ट रागी डा फाराओ च्हिं मेको करुक्करु रे बरांइशो तशा, आ थुं डांइती डा खोदेशो पा काइ मटीब दुम्माक्त। मिनु मोसा नु हारूनम देशो लोत्र मपव। डांइती परमपरभु यावेमी मो देशो बाक्माक्त। परस्थान ४:२१

### मुस्ना गुरूपाइशशा

१६मिनु नोले परमपरभु यावेमी मोसा कली “गेमी हारून कली ‘इ कोक्के दिशा, फुरक तुपो’ दे मतो। मिनु मो पवानु, इजीप्ट रागीमी फुरक नेल्ल मुस्ना दुम्शा फांइनीम” दे मोसा कली माइक्तु। परस्थान १०मिनु हारूनमी फुरक तुबानु, इजीप्ट रागी नेल्लेमी मुर नु बस्तु भाव आन तारी मुस्ना शुश फांइतेक्म। १५इजीप्ट रागी डा जाद्र टुना मुना पाइबपुकीमी यो हारून खोदेशो पा मुस्ना गुरूपाइक्चा माल्तेक्म। तन्न मचबेम। मुर नु बस्तु भाव आन तारी मुस्ना शुश जुक्ताक्म। परस्थान ७:११ ११मिनु जाद्र टुना मुना पाइबपुकीमी फाराओ कली “एको परमपरभुमी पाप्तु” देमा बाक्त। फाराओ च्हिं काइ मटीब दुम्माक्त। मिनु मोसा नु हारून आस देशो लोत्र मटिव। परमपरभु यावेम डांइती देशो खोदेशो दुम्त। मजन संगरह ६४:१० ; मजन संगरह ७२:१८ ; लुका ११:२०

### डांस गुरूपाइशशा

२०मिनु परमपरभु यावेमी मोसा कली “सुनी कना बाक्को। फाराओ खोला लमनु, मेको कली गुरूथ लावो। मिनु फाराओ कली “परमपरभु यावेमी, आं मुर आन कली आं कली च्दथ लचा गेवो। परस्थान ५:१ २१नेनो, गे आं मुर आन कली लचा मगेप्तीवी हना, गो इ कली, इ गेय पाइब आन कली नु इ मुर नेल्ल आन कली श्यत जपाइक्चा कली इ सिंमी, इ रागी डा मुर आन सिंमी डांसम बरीपाइक्नुड। रु नेल्ल डांसम बरीपाइक्नुड। २२मेको मो दुम नाक्ती आं मुर आन बाक्तीक गोशनमी च्हिं डांस मगरूपाइक्नुड। अरु इजीप्ट रागीमी गुरूपाइक्नुड। आं पर्वम तुइक्पाइक्चा कली मो पाइक्नुड। मिनु गे आं पर्वम परमपरभु यावे मेको रागीम बाक्व, दे तुइक्चा माल्नेव। परस्थान ७:५ २३मांदेशो पा गो आं मुर आन बाक्तीकमी डांस मगरूपाइक्नुड। इ मुर आन बाक्तीकमी ला डांस गुरूपाइक्नुड। दीसा गे तुइक्नेव, देनो” दंत” दे परमपरभु यावेमी मोसा कली दंत। २४मिनु

परमपरभु यावेमी आ देशो पाप्तु। डांस शुश फांडशा फाराओ आ सिं, आ दरवारम गेय पाइब आन सिं, इजीप्त रागी नेल्लेमी शुश डांस फांडशा बरीतेकम। मिनु डांसमी मेको रागी नेल्ल खतम सल्लेकम।

२५ मिनु नोले फाराओमी मोसा नु हारून आस कली बरप्याइशशा “लन, इन परमपरभु कली आं रागी उइ चढ़ेन” दंत। २६ मोसामी चहिं “मो पचा मदुम्ब। मारदे हना परमपरभु यावे, आंइ परमपरभु कली चढ़ेशो तशा, इजीप्त डा मुर गरांगरा दीनीम। मोपा इजीप्त डा मुर आन डांडती आन मदाकशो गेय पकानु, मेकोपुकीमी आंइ कली फुल्लु आप्शा, साइकनीम। उत्पत्ती ४३:३२; उत्पत्ती ४६:३४ २७ गोपुकी नाक्त सां डा लो गाकशा, गोरशो रागीम लशा, परमपरभु यावेम देशो सोदंशो पा चढ़ेचा माल्लीकी” दंत। परस्थान ३:१८ २८ मिनु फाराओमी “गो इन कली गोरशो रागीम परमपरभु यावे, इन परमपरभु कली चढ़थ लचा गेनुड। शुश डोन चहिं मलन। आं पर्वम यो पुनीस” दंत। २९ मिनु मोसामी “मुल गो एकर र लशा, परमपरभु यावे कली पुंडनुड। मार पुंडनुड देशा हना दीसा फाराओ, आ गेय पाइब नु रागी डा मुर नेल्ल आन बाक्तीक रे डांस परोक्पतीने” द पुंडनुड। तन्न लोत्र का पाइनुड। गे आंइ कली परमपरभु यावे कली चढ़ेचा दुम्ब, दे नोले “लचा मगेनुड” देशा, जोल मपने” दे मोसामी फाराओ कली दंत। ३० मो देशा मोसा फाराओ आ सिं र लशा, परमपरभु यावे कली पुंडतु। परस्थान ८:२८ ३१ मिनु परमपरभु यावेमी मोसा आ पुंडेशो लोत्र नंशा पाप्तु। मिनु डांस फाराओ आ सिं, आ गेय पाइब नु मुर नेल्ल रे तिल्लु। काइ मलीम। ३२ तन्न फाराओ लेशा काइ मटीब दुम्शा, इसराएली आन कली लचा मगेव। परस्थान ४:२१

### बस्तु भाव बेक्पाइशशा

१ मिनु परमपरभु यावेमी मोसा कली “फाराओ आ बाक्तीके लावो। मिनु गे परमपरभु यावे, हिबरू मुर आन परमपरभुमी इन कली आं मुर आं कली चढ़थ लचा गेवो। परस्थान ५:१ २ ननो, गे मेको आन कली लचा मगेथु, तेक्तीवी हना, यसेया १:२० ३ परमपरभु यावेमी इन गोठम बाकशो बस्तु भाव आन कली ठेयब रोइ पपाइक्व। इन शारा, गधा, दलआंठ, बी व्यफ नु क्यारश भेडा नेल्ल आन कली बेक्तीक रोइ पपाइक्व। परस्थान ३:२० ४ तन्न इसराएली

आन बस्तु भाव आन कली रोइ मपपाइक्व। इजीप्त डा मुर आन बस्तु भाव आन कली चहिं रोइ पपाइक्व। इसराएली आन बस्तु भाव मबेक्नीम” दे फाराओ कली माइक्वा माल्लेव” दे परमपरभु यावेमी मोसा कली दंत। परस्थान ८:१८ १ मिनु परमपरभु यावेमी “गो दीसा इजीप्त रागीम मो पाइनुड” दंत। ६ मिनु आ दीसा परमपरभु यावेमी आ देशो पाप्तु। इजीप्त रागी डा मुर आन बस्तु भाव बेक्मा बाक्त। तन्न इसराएली आन बस्तु भाव चहिं मबेक्म। ७ मिनु फाराओमी इसराएल डा मुर आन बस्तु भाव यो बेक्मा कां, दे कोत्रथ मुर सोइक्ताक्व। तन्न का यो मबेक्शो बाक्तेकम, दे तुइक्पाइक्तेकम। मोपा यो फाराओ काइ मटीब दुम्शा, इसराएली आन कली लचा मगेव। परस्थान ४:२१

### परमपरभुमी गार मुपाइशशा

८ मिनु नोले परमपरभु यावेमी मोसा नु हारून आस कली “गे चुप्तु डा पुलु हुइशशा कुरशा लस। मिनु मोसामी फाराओ आ डांडती मेको पुलु सरीड गे फरचा माल्ले। ९ मेको पुलु फुरक दुम्शा, मुर नु बस्तु भाव आन कली मरिम्शा गार मुपाइक्व। इजीप्त रागी नेल्लेमी मोदंशो दुम्ब” दंत। व्यवस्था २८:२७ १० मिनु मोसा नु हारूनमी चुप्तु डा पुलु हुइशशा कुरशा, फाराओ आ डांडती राप्ताक्स। मिनु मोसामी मेको पुलु सरीड गे फराप्तु। मिनु मुर नु बस्तु भाव नेल्ल शुश गार मुतेकम। परकाश १६:२ ११ मिनु इजीप्त रागी डा जाद्र पाइबपुकी यो शुश गार मुशा, रोइ पशा, मोसा आ नेक्था बाक्ने मचवेम। १२ परमपरभु यावेमी फाराओ कली काइ मटीब दुम्पदा बाक्त। मिनु मोसा नु हारून आस लोत्र मटिव। परमपरभु यावेमी मोसा कली डांडती दोदंशो देम मोदंशो दुम्त। परस्थान ४:२१

### ठेयब मुप्स यिपाइशशा

१३ मिनु परमपरभु यावेमी मोसा कली “सुनी कना बाकशा, फाराओ कली गरुम्य लशा, परमपरभु यावे, हिबरू मुर आन परमपरभुमी इन कली आं मुर आन कली आं कली चढ़थ लचा गेवो। परस्थान ५:१ १४ मारदे हना मुल रे गेचशो श्येतम इ कली, इ गेय पाइब आन कली नु इ मुर नेल्ल आन कली सोइक्नुड। रागी रागीमी आं सोदंशो सुइ मबाक्व, दे इ कली तुइक्पाइक्नुड। परस्थान ८:६ १५ मुल गो इ कली नु इ मुर आन कली बेक्तीक रोइ पपदु वा। १६ तन्न गो आं

सक्ति रागी नल्लेम तुइक्पाइक्चा कली इ कली मुल सम्म बरोइचा गेता। आ नें रागी नल्ले डा मुर आन कली तुइक्पाइक्चा, दे इ कली बरोइचा गेता। परस्थान १४:४; रोमी १:१७ १७गे आं मुर आन कली लचा मगतीक, इ ठेयब लेशशा तुइक्ताक्ड। १६नेनो, दीसा गो शुश मरिम्शो मुप्स यिपाइक्नुड। मुल सम्म इजीप्ट रागीमी मुर बाक्चा गोत्रम र मोदंशा ठेयब मुप्स गेनायो मयिशा बाक्ब। १९मोपतीक इ बस्तु भाव आन कली सिं आगा ओइदो। मारदे हना मुर नु बस्तु भाव, सु सु लाङ्गाम बाक्नीमी, मेको मुप्सीम तुप्शा बक्नीम' दनो दंत" दे परमपरभु यावेमी मोसा कली देपाइक्तु।

२०फाराओ आ गेय पाइब आन दातेमी सु सु परमपरभु यावे क्येडा हिंमा, मेकोपुकीमी आन गेय पाइब नु आन बी व्यफ, क्यारश भेडा आन कली सिं आगा ओइताक्म। २१सु सु परमपरभु यावे आ देशो लोत्र क्येडा महिंमा, मेकोपुकीमी चहिं आन गेय पाइब नु आन बस्तु भाव आन कली सिं आगा मओइदेम।

२२मिनु नोले परमपरभु यावेमी मोसा कली "इ गुइ सरीड गे दिंदो। मो पवीनु, इजीप्ट रागी नल्लेमी मुप्स यीब। मुप्स यिशा, मुर बी व्यफ, क्यारश भेडा नु रू आन तारी देल्ब" दे परमपरभु यावेमी मोसा कली दंत। २३मिनु मोसामी आ कोक्क सरीड गे दिंदानु, बुंबु चिला पा, मुप्स यित। मोपा परमपरभु यावेमी इजीप्ट रागीमी मुप्स यिपाइक्तु। मिनु परमपरभु यावेमी चिला दाप्पाइश्शा, मुप्स यिपाइक्तु। प्रकाश १६:२१ २४चिला पना पन मुप्स यित। मेको मुप्स थम कोल्कोल्थो बाक्तेक्म। इजीप्ट रागीम मुर बाक्चा गोत्रम र मोमो कोल्थो मुप्स गेनायो मतशा बाक्तेक्म। २५मिनु इजीप्ट रागी डा रूम वाशो मारइ मारइ मुप्सीमी श्येत्य पोक्तु। मुर नु बी व्यफ, क्यारश भेडा आन कली साइक्तु। रूम मार मार खरुशो बाक्मे, मेको नल्ले साइश्शा, रवा आन कली यो जिक्तु। २६इसराएली आन बाक्तीके गोशनमी ला मुप्स मयी। परस्थान १:४; परस्थान ८:३८

२७मिनु फाराओमी मोसा नु हारून आस कली बरेत्ताक्मसी। मिनु मेको आस कली "मुल गो पाप पाता। परमपरभु यावे ठीक पाइब बाक्ब। गो नु आं मुरपुकीम मरिम्शो पाइतक। २८आंइ पर्वम परमपरभु यावे कली पुनीस। एको बुंबु नु मुप्स मयिपदल। गो इन कली लचा गेनुड। मुल गे एकर बाक्चा ममाल्नीनी" दंत। परस्थान ८:४

२९मिनु मोसामी "गो सहर रे लशा, इन पर्वम आं गुइ पाक्शा, परमपरभु यावे कली पुंइनुड। नोले बुंबु पचा नु मुप्स यिचा नाइक्ब। मिनु गे रागी नल्ले परमपरभु यावे केन बाक्ब, दे तुइक्नीनी। परस्थान ७:५ ३०तन्न गे नु इन दरवार डा गेय पाइबपुकी मुल सम्म परमपरभु, परमपरभु यावे कली महिंशा बाक्नीनी, दे तुइक्ताक्ड" दे फाराओ कली दंत। ३१मेको मुप्सीमी मार पाप्नु देशा हना, सनपाट नु क्योत्रज नल्ले खतम सेल्लु। मारदे हना क्योत्रज बाला दुम्ने थुम्शो नु सनपाट बोइक्न थुम्शो बाक्त। ३२तन्न चरब नु अर्को अन्न चहिं नोले ला मीबाक्तेक्म। मोपतीके मसद। ३३मोदंशा दुम्शा मोसामी फाराओ आ बाक्तीके रे लशा, आ गुइ परमपरभु यावे गे पाक्शा, फाराओ आ पर्वम पुंइतु। मिनु बुंबु पा, मुप्स नु रेड यिचा नाइक्ताक्ब। ३४मिनु फाराओ नु आ गेय पाइबपुकीमी रेड, मुप्स यिचा नु बुंबु पचा नाइश्शा तशा, लेशा पाप पाम्तेक्म। मोपा मटीम। ३५फाराओ काइ मटीब दुम्शा, इसराएली आन कली लचा मगेव। परमपरभु यावेमी मोसा कली देशो खोदंशा दुम्त। परस्थान ४:२१

सल्हा माले गरूपाइश्शा

१मिनु परमपरभु यावेमी मोसा कली "गे १० फाराओ कली आं चिन्डपुकी कांइचा कली गरुम्थ लसे। मारदे हना गो मेको नु आ गेय पाइब आन कली काइ मटीब दुम्पाइक्ता। २मिनु गे इ चच युइ आन कली 'गो इजीप्ट डा मुर आन कली मार मार पडा' मेको शेदो। गो मोदंशा चिन्ड कांइब बाक्नुड। 'गो परमपरभु यावे नड' दे नल्लेमी तुइक्तेक्म" दंत। परस्थान ६:२-८ ३मिनु मोसा नु हारून फाराओ आ बाक्तीके जाक्दीश्शा, मेको कली "हिबरू आंइ परमपरभु यावे, हिबरू मुर आन परमपरभुमी इन कली 'गेना सम्म गे आं डांइती ठेयब लेशशा बाक्नेवे? आं मुर आन कली आं कली चदथ लचा गेवो। परस्थान ५:३ ४नेनो, गे आं मुर आन कली लचा मगेनेवे हना, दीसा इ रागीम शुश सल्हा माले जाक्पाइक्नुड। ५मेकोपुकीमी रागी मतचा डा पा सुम्नीम। मिनु मुप्स रे पा गिग खाइ मार मार लीशा बाक्मा, मेको नल्ले नेक्नीम। रवा आन सफा यो नल्ले नेक्नीम। ६मिनु मेकोपुकी इ सिं, इ दरवार डा गेय पाइब आन सिं नु नल्ले इजीप्ट डा मुर आन सिं सिंम ओव्रशा बरीनीम। इ किकी पिपीम मोदंशा गेनायो मताम' दे परमपरभुमी इन कली दंत" दे मोसामी दंत।

मिनु मोसा फो गरूशा गाक्त । ७ मिनु फाराओ आ दरवार डा गेय पाइबपुकीमी फाराओ कली “मेको मुरुम आंइ कली गेना सम्म श्येत गेबा ? मेको मुर आन कली परमपरभु यावे, आन परमपरभु कली चढ़ेचा गने । इजीप्त रागी मुल थुम्साक्व, दे मतुइक्नीनी ?” देमा बाक्त । ८ मिनु मेकोपुकीमी मोसा नु हारून आस कली फाराओ आ बाक्तीक लेशशा चाक्तेकम । मिनु फाराओमी मेको आस कली “गे लने । परमपरभु यावे, इन परमपरभु कली गेय पने । सु सु लाइक्नीनी ?” दे हिल्लो पाप्तु ।

९ मिनु मोसामी “परमपरभु यावे आ चाड मानेचा कली गो तमी तो, खालपी खालपा, बी व्यफ नु क्यारश भेडा नेल्ल लाइशशा, लचा माल्नीकी” देत । परस्थान ५ : १ १० मिनु फाराओमी मेको आस कली “इन परमपरभु यावे गे नु बाक्शो सोदंशो पा गो इन कली नु इन आल नु लचा मगेनुड । गे मरिम्शो पचा माल्नीनी, दे आंमा तुइक्नीसी । ११ मोदंशो मदुम्ब । वांइश मुरपुकी ला परमपरभु यावे कली चढ़ेथ लने । मारदे हना एकोन इन माल्शो बाक्व” दे हुइक्ताक्व । मिनु फाराओ आ डांइती र खेरतु ।

१२ मिनु परमपरभु यावेमी मोसा कली “सल्हा माले गरूपाइक्चा कली इ गुइ इजीप्त रागी तार दिदो । मेकोपुकीम रागीमी मार मार गिग खाइपुकी मुप्सीम हेंशो बाक्मा, मेको व्याइनीमी” देत । परस्थान ९ : ३२ १३ मिनु मोसामी आ कोक्क इजीप्त रागी तार दिताक्व । मेको नाक्त र आ दीसा सुनी सम्म परमपरभु यावेमी पूर्व र फश पपाइक्व । मिनु सुनी नां सोवमनु, पूर्व र पिशो फशमी सल्हापुकी चाक्व । योएल १ : २-१२ ; योएल २ : १-११ १४ मिनु सल्हा मालेमी इजीप्त रागी नेल्ल सुम्तेकम । डांइती र मोदंशो शुश सल्हा माले गेनायो मबाक्शो बाक्मा बाक्त । मिनु नोले यो मोदंशो गेनायो मदुम्माक्व । १५ मेको शुश सल्हा माले बेरमानु, नाक्ती यो नाक्दो सोदंशो पा छिड्छिड् दुम्त । मेको सल्हा मालेमी मुप्स र लीशो रू डा वाशो नु रवा डा फल नेल्ल नेक्तेकम । मार मार गिग बाक्मा, मारइ महेंदम । इजीप्त रागी डा रवा नु गिग खाइ नेल्ल नेक्तेकम ।

१६ मिनु फाराओमी रीब पा मोसा नु हारून आस कली बरप्पाइक्व । मिनु मेकोमी “गो परमपरभु यावे, इन परमपरभु आ डांइती पाप पाता । मिनु इस कली यो मरिम्शो पाता । परस्थान ९ : २७ १७ मुल खेयप का ला आं कली माफ

गेयीसी, दे पुंडनुड । मिनु आं पर्वम परमपरभु यावे, इन परमपरभु कली पुनीस । सल्हा माले खेरशा, अन्काल र मबेक्पाइक्चा नम, दे पुनीस” दे मोसा नु हारून आस कली माइक्तीम्सी । परस्थान ८ : ४ १८ मो देम नोले मोसा फाराओ आ डांइती र लशा, परमपरभु यावे कली पुंडतु । १९ मिनु परमपरभु यावेमी नां परतीक रागी र ठेयब फश गिवार सोइक्ताक्व । मेको फल गिवारमी सल्हा माले आन कली हुशशा, लल समुन्दरम ताइक्ताक्व । मिनु मोपा इजीप्त रागीम सल्हा माले काइ मलीम । २० तन्न परमपरभु यावेमी फाराओ कली मबिप्पाइक्चा कली काइ मटीब दुम्पाइक्व । मोपतीके मेकोमी इसराएली आन कली लचा मगेव । परस्थान ४ : २१

### छिड्छिड् दुम्पाइशशा

२१ मिनु परमपरभु यावेमी मोसा कली “इ गुइ सरीड् गे पोक्को । मो पवीनु, इजीप्त रागीम हिंचा डा पा छिड्छिड् दुम्ब” दे माइक्व । २२ मिनु मोसामी आ गुइ सरीड् गे पोक्व । मिनु इजीप्त रागीमी नाक्त सां सम्म शुश छिड्छिड् दुम्त । मारइ मतांइस । २३ मिनु मेकोपुकी मतसुथु, आन बाक्तीक र बोक्ने मचबम । तन्न इसराएली आन बाक्तीकमी चहिं छेड्छेड् बाक्त ।

२४ मिनु फाराओमी मोसा कली बरशशा “लने, परमपरभु यावे कली गेय पने । इन आल नु मीश आन कली यो लाइक्ने चाप्नीनी । इन बी व्यफ नु क्यारश भेडा चहिं मकरेन बाक्मल” देत । परस्थान १० : १० २५ मोसामी चहिं “आंइ चढ़ेतीक नु चोशा चढ़ेतीक बस्तु भाव नेल्ल लाइक्चा माल्नीकी । मेको ला परमपरभु यावे, आंइ परमपरभु कली चढ़ेन चाप्नीकी । २६ गोपुकी आंइ बी व्यफ, क्यारश भेडा नेल्ल लाइशशा, लचा माल्नीकी । का यो मप्रांइथु लाइक्चा माल्नीकी । परमपरभु यावे, आंइ परमपरभु कली मार चढ़ेचा माल्नीकी मुल मजाक्दीशशा सम्म मतुइक्नीकी” दे फाराओ कली माइक्व ।

२७ परमपरभु यावेमी चहिं फाराओ कली काइ मटीब दुम्पाइक्व । मोपतीके फाराओमी इसराएली आन कली लचा मगेव । परस्थान ४ : २१ २८ मिनु फाराओमी मोसा कली “मुल एकेर र लावा । आं कली गरूथ्य मपिवा । गे लेशा आं कली गरूथ्य पिते हना, गो इ कली साइक्नन” देत । २९ मिनु मोसामी “दुम्ब, गो इन कली लेशा गरूथ्य मपीनुड” देत ।

डॉइती जरमेशो तौ नेल्ल बेक्शो

११ मिनु परमपरभु यावेमी मोसा कली  
“फाराओ नु इजीप्त रागी डा मुर आन  
कली नेल्ल क्येडा नोले डा बेक्चा डा श्येत  
का गेनुड। मिनु इन कली लचा गेब। लचा  
गेवानु, नेल्ल इन कली ब्रा बरु खरब। २गे मुल  
इ मुर आन कली ‘वोइश मुर नु मीश मुरपुकीमी  
आन नेक्था बाक्ब इजीप्ती आन के सुन नु  
चांदी के पांडीक शोप पुंडचा माल्नीम’ दे शेंचा  
माल्नेवे” दंत। परस्थान ३:२१-२२ ३मिनु  
परमपरभु यावेमी इजीप्त डा मुर आन कली  
इसराएली आन कली दाक्ब सेल्लु। मिनु मोसा  
फाराओ आ गेय पाइब नु इजीप्त डा मुर नेल्ल  
आन डॉइती शुश ठेयब मुर दुम्त।

४मिनु मोसामी फाराओ नु आ मुर आन कली  
“परमपरभु यावे आ देशो लोत्र मार बाक्त देशा  
हना नाक्दो उइक्थ दुम्मेनु, इजीप्ती आन  
दातेम लाइनुड। ५इजीप्त रागीमी सु सु डॉइती  
जरमेशो बाक्मा, मेको बेक्चा माल्नीम। फाराओ  
आ नोले सासन पाइब डॉइती जरमेशो तौ र  
नेल्ल क्येडा आइक्ब यात हिल्ब मीश मुर  
आन डॉइती जरमेशो तौ सम्म नेल्ल बेक्चा  
माल्नीम। बस्तु भाव आन के यो डॉइती जरमेशो  
बेक्चा माल्नीम। परस्थान ४:२३ ६मिनु  
इजीप्त रागी नेल्लेमी ठेयब रोंका पा डाक्नीम।  
डॉइती मोदंशो गनाथा मदुम्शो बाक्त। मिनु  
नोले यो लेशा मदुम्ब। ७इसराएली आन दातेमी  
चहिं मुर नु बस्तु भाव आन चां का यो महम्ब।  
परमपरभु यावेमी इजीप्त डा मुर आन कली  
नु इसराएल डा मुर आन कली खाल का डा  
मपाइब, दे तुइक्तमक्त। परस्थान ९:४ ८मिनु  
नोले इन गेय पाइब नेल्लेमी आं डॉइती खुम्को  
पा बाप्शा, आं कली गे नु इन नोले सोइक्ब  
मुरपुकी एकर लने’ दंनीम। मिनु गो लाइनुड” दे  
मोसामी फाराओ कली दंत। मिनु मोसा फाराओ  
आ बाक्तीके रे शुश गाइशशा चुरशा गाक्त।

९मिनु परमपरभु यावेमी मोसा कली “इजीप्त  
रागीम आं छ्क लाक्चा डा शुश चिन्ड दुम्त,  
दे फाराओम इ कली मटिपदु” दंत। १०मोसा नु  
हारूनमी फाराओ आ डॉइती मेको छ्क लाक्चा  
डा चिन्ड मार मार नेल्ल पाम्ताक्स। इसराएल  
डा मुर आन कली लचा मगेवल, दे परमपरभु  
यावेमी फाराओ कली काइ मटीब दुम्पाइक्तु।  
परस्थान ४:२१

डॉइती डा पास्सा चाड

गन्ती ९:१-१४; व्यवस्था १६:१-८

१२ मिनु मोसा नु हारून इजीप्त रागीम  
बाक्सानु, परमपरभु यावेमी मेको आस  
कली २ “मुल जाक्शो महिना बर्स डा डॉइती डा  
महिना दुम्चा माल्ब। परस्थान १३:४

३मिनु गे इसराएली नेल्ल आन कली मेको  
महिना डा १० नाक्ती सिं का डा ठेयब मुरुमी पाठा  
का चाक्चा माल्नीम। ४ सिं का कली पाठा का आ  
श्ये शुश दुम्त हना, आ नेक्था बाक्शो मुर आन  
कली हिक्शा, दोशा ब्वाइनीमी योक्शा, ब्वा  
कली बरत्वा माल्नीम। ५ मेको पाठा मोरइ  
मदुम्शो थम रिम्शो नु बर्स का डा बोका बाक्चा  
माल्ब। मेडा के हना यो, क्यारश के हना यो  
दुम्ब। लेवी २२:२० ६मिनु मेको महिना डा १४  
नाक्ती सम्म मेको बोका कली ठीक पा वोइक्चा  
माल्नीमी। मिनु नां रिक्चावानु, इसराएली  
नेल्लेमी मेको बोका क्योरचा माल्नीमी। ७तेको  
सिंमी ब्वाइनीमी, मेको सिं डा मुरुमी बोका आ  
हुश इक्का लाइशशा, आ सिं डा थाम निक्शी नु  
लाप्वा आ पियाम खरक्चा माल्नीमी। परस्थान  
१३:२२ ८मेको नाक्दो मेको बोका आ श्ये  
ब्वचा माल्नीमी। दोपा ब्वचा माल्नीमी देशा  
हना, मीम चोशा, बोरब ओस्ती मसुप्शो शोब्ले,  
कशो खाइ नु ब्वचा माल्नीमी। ९मेको श्ये  
क्येख ब्वचा मदुम्ब, लोप्शा ब्वचा यो मदुम्ब।  
आ पिया, सोइली क्यी नेल्ल मी तारी चोचा  
माल्नीमी। व्यवस्था १६:१७ १०सुनी सम्म मोरइ  
हेत हना, मीम चोशा थुम्चा माल्नीमी।

११मेको श्ये किप्शुर किप्शा, जुत्ता लिक्शा,  
गुइमी कोक्क ग्याइशशा, रीब पा ब्वचा  
माल्नीमी। मोरदे हना मेको परमपरभु यावे आ  
पास्सा चाड बाक्ब। व्यवस्था १६:३; यसैया  
५२:१२ १२मेको नाक्दो गोमी इजीप्त रागी  
हिरशा, इजीप्त डा मुर आन डॉइती जरमेशो  
तौ नेल्ल साइक्नुडमी। बस्तु भाव आन के  
यो डॉइती जरमेशो नेल्ल साइक्नुडमी।  
इजीप्त डा देवी देवता नेल्ल आन कली सजाइ  
गेनुडमी। गो, परमपरभु यावे मेकोन पाइनुड।  
गन्ती ३३:४ १३मेको खरक्शो हुश इन सिं डा  
चिन्ड दुम्ब। तेको सिंम हुश खरक्शो तडा,  
मेको सिं कली हेरशा लाक्नुड। गो इजीप्त रागी  
डा मुर आन कली बेक्चा डा श्येत गेनुडमी।  
इन कली चहिं मेको श्येत मगेनुड। हिबेरू  
११:२८; परस्थान ३०:१२ १४मेको नाक्ती इन

कली मिम्तीक नाक्ती दुम्चा माल्ब। मोपतीक आं नंम भोज जचा माल्नीनी। गे बर्स बर्सम मेको चाड परमपरभु यावे कली मानेचा माल्नीनी। इन पाला नेल्ल आन कली गेना हना यो अरेशो लोत्र बाक्ब।

बोरब ओस्ती मसुष्णो शोब्ले

१५ गे ७ नाक्त सम्म बोरब ओस्ती मसुष्णो शोब्ले जचा माल्नीनी। ७ नाक्त डा डोंइती नाक्ती गे इन खिम बाक्शो बोरब ओस्ती ताइक्चा माल्नीनी। सुम मेको ७ नाक्तीम बोरब ओस्ती सुष्णो शोब्ले जाइबा, मेको इसराएली आन दाते रे तिल्ला पुंडसीब। परस्थान १३ :७ ; परस्थान २३ :१५

१६ मिनू ७ नाक्त डा डोंइती नाक्ती नु नोले डा नाक्ती परमपरभु आ नंमी गुरुम्चा माल्नीनी। मिनू जचा थोत्रक सेल्वा क्येडा लाक्शा, अरु गेय काड मपने। १७ बोरब ओस्ती मसुष्णो शोब्ले डा चाड मानेचा माल्नीनी। मारदे हना मेको नाक्ती गो इन हुल आन कली इजीप्त रागी रे गुरुइताकड। मोपतीके इन पाला मुर नेल्ल आन कली गेना हना यो अरेशो लोत्र बाक्ब।

१८ डोंइती डा महिना डा १४ नाक्ती डा नाक्दो रे २१ नाक्त डा नाक्दो सम्म गे बोरब ओस्ती मसुष्णो शोब्ले ला जचा माल्नीनी। १९ मेको ७ नाक्ती इन खिमी बोरब ओस्ती काड मवोइक्चा। सुमी बोरब ओस्ती सुष्णो शोब्ले जाइबा, मेको अर्का रागी डा मुर बाक्त हना यो, इसराएली बाक्त हना यो इसराएली आन दाते रे तिल्ला पुंडसीब। २० इन बाक्तीक नेल्लेमी बोरब ओस्ती मसुष्णो शोब्ले ला जने, बोरब ओस्ती सुष्णो शोब्ले मजने दे माइक्मी” दे परमपरभुमी देत।

पास्सा डा पाठा आ हुश

२१ मिनू नोले मोसामी इसराएल डा खाल्पा नेल्ल आन कली बरेशशा “इन खिं डा ठेयब मुर आन कली पाठा का का चाक्कीन। मिनू मेको पाठा पास्सा चाड मानेचा कली क्योरीन। २२ मिनू गे हिस्सोप के बराक्स लाइशशा, हुश दाइक्तीक बोसुम खरुम्शा, लाप्चो आ पिया नु थाम निक्शी कली खरक्तीन। मेको नाक्दो सुनी सम्म सुइ लाडगा मगरूडीन। परस्थान १२ :१३ २३ परमपरभु यावे इजीप्त डा मुर साइक्चा कली हिरब। परमपरभु यावेमी लाप्चो आ पिया नु थाममी हुश खरक्शो तशा, ई खिं हेरशा लाक्ब। मिनू साइक्ब कली ई खिम ओत्रचा मगब। २४ मुल

रे इन ती, चच युइ नेल्लेमी एको पास्सा चाड बर्स बर्सम मानेचा माल्नीम। मेको गेना हना यो लीशो अरेशो लोत्र बाक्ब। २५ मिनू गे परमपरभु यावेमी देशो खोंदेशो पा इन कली गेशो रागी जाक्दीशशा, यो एको चाड मानेचा माल्नीनी। २६ इन आलपुकीम इन कली एको चाड आ अर्थे मार बाक्म ? दे हिल्लो पाम्तेक्म हना, २७ गे मेको आन कली इसराएल डा मुरपुकी इजीप्त रागीम बाक्मानु, परमपरभु यावेमी इजीप्त डा मुर आन कली साइक्ची ना इसराएली आन खिं चहिं हेरशा लत। एको हेरतीक आ पर्वम चदेशो बाक्ब देचा माल्नीनी” दे मोसामी देत। मिनू मुरपुकीमी खुम्की पा बाप्शा, परमपरभु यावे कली ठेयब सल्लेक्म। २८ मिनू इसराएलीपुकीमी लशा, परमपरभु यावेमी मोसा नु हारून आस कली दोदेशो देम, मोदेशो पाम्तेक्म।

डोंइती डा जरमेशो नेल्ल बेक्शो

२९ मिनू नाक्दो उइक्थ दुम्मेनु, परमपरभु यावेमी इजीप्त रागी डा मुर आन डोंइती जरमेशो ती आन कली साइक्तीमी। फाराओ आ नोले सासन पाइब ती रे जेल्खानम बाक्ब मुर आन डोंइती जरमेशो ती नेल्ल आन कली साइक्तीमी। वस्तु भाव आन डोंइती जरमेशो यो साइक्तु। परस्थान ४ :२३ ३० मिनू मेको नाक्दो फाराओ, आ गेय पाइबपुकी नु इजीप्त रागी डा मुर नेल्ल बाक्तेक्म। इजीप्त रागीमी ठेयब रोंका पा डाक्तेक्म। मारदे हना खिं खिं नेल्लेमी मुर बाक्तेक्म। परस्थान ११ :६-७

इसराएलीपुकी इजीप्त रे गरुशो

३१ मिनू मेको नाक्दो फाराओमी मोसा नु हारून आस कली बरेशशा “छुल छाल बाक्कीस। गे नु इसराएल डा मुर नेल्ल आं रागी डा मुर आन दाते रे गरुडीन। इस देशो खोंदेशो पा परमपरभु यावे कली चदेथ लने। ३२ इन बी ब्यफ नु क्यारश भेडा आन कली लाइशशा, फो फु गरुडीन। आं कली आसीक गेयोसी” देत। परस्थान १० :२६ ; एजरा ६ :१० ३३ मिनू इजीप्त डा मुरपुकीमी मेको आन कली आन रागी रे बरा बरु खरशा सोइक्ताक्म। मारदे हना “गो नेल्ल बेक्नय” दे हितेक्म। परस्थान ६ :१ ३४ मिनू मुरपुकीमी बोरब ओस्ती मसुष्णो, निशो फस आन बोस वाम गिल्ला, बलाम लाप्शा कुरतेक्म। ३५ मिनू इसराएलीपुकीम मोसा आ देशो खोंदेशो पा इजीप्ती आन सुन चांदी नु वासी

पुंडतेकम। परस्थान ११:२ ३६ मिनू परमपरभु यावेमी इजीप्त डा मुर आन कली इसराएली आन कली दाक्पाइक्तीके, आन पुंडशो नल्ल गेम्तकम। मोपा इजीप्त डा मुर आन शांप लाइशशा गाक्तेकम। परस्थान ३:२१

३७ मिनू इसराएल डा मुरपुकी रामेसस सहर रे गाक्शा, सुक्कोथ सहर जाक्दीत्तकम। मेको आन मीश नु तमी तो नल्ल महिक्थु, वोंइश मुर ला ६ लाख बाक्तेकम। ३८ मिनू हिक्न मचाप्वा डा पा इसराएली खोंदंशो पा परमपरभु यावे कली टीबपुकी यो, आन बी ब्यफ, क्यारश भेडा, शुश बस्तु भाव खुल्शा गाक्तेकम। ३९ मिनू इजीप्त रे कुरशो बोरब ओस्ती मसुप्शो निशा फस रे शोब्ल चोम्तकम। मारदे हना इजीप्त रागी रे खेरचा पुंडसीतीके मेकर लाम्जी सेल्ने मचाप्शो बाक्तेकम।

४० इसराएलीपुकी ४ सहे ३० बर्स इजीप्त रागीमी बाक्शा बाक्मा बाक्त। उत्पत्ती १५:१३ ४१ मिनू ४ सहे ३० बर्स गाम नाक्ती, परमपरभु यावे आ याव्रशो इसराएली नल्ल इजीप्त रागी रे गाक्मा बाक्त। ४२ मेको नाक्दो इसराएलीपुकीमी परमपरभु यावे आ डोंइती शुश मिम्तीक नाक्दो दुम्माक्त। मारदे हना मेको आन कली इजीप्त रागी रे गरुंडदा बाक्त। मेको परमपरभु यावे आ नाक्दो बाक्व। इसराएल डा मुर आन पाला नल्लमी मेको मिम्तीक नाक्दो बाक्व। यसेया ३०:२९

### पास्सा चाड दोपा मानेचा

४३ मिनू परमपरभु यावेमी मोसा नु हारून आस कली “पास्सा दोपा पचा आं अरशो लोत्र मार बाक्त देशा हना, अर्का रागी डा मुरुम मेको जचा ब्वचा मदुम्ब। ४४ खरोइक्तीक चिनु खरोइशशो इन वाइलपुकीम चहिं जचा ब्वचा दुम्नीम। उत्पत्ती १७:१२-१३ ४५ तन्न अर्का रागी डा मुर इन दातेमी बाक्त हना यो, गेय पाइब हना यो जचा ब्वचा मदुम्ब। ४६ मेको पास्सा डा पाठा आन सिंमी ब्वचा माल्नीम। आ श्ये लाडगा गरुंडचा मदुम्ब। आ रुश का यो जिव्का मदुम्ब। यूहन्ना १९:३६ ४७ इसराएली नल्लमी मोदंशो पचा माल्नीम। परस्थान ४८ इन दातेमी अर्का रागी डा मुर काम परमपरभु यावे कली पास्सा चाड मानेचा दाक्ताक्व हना, आ सिं डा गेय पाइब वोंइश मुर नु आ तौ आन कली खरोइक्तीक चिनु खरोइशशा ला, इसराएली आन नेक्था जाक्शा, पास्सा चाड मानेन चाप्व। मोपा ला इन खोंदंशो

दुम्ब। मारदे हना खरोइक्तीक चिनु मखरोइशशो मुरुम जने ब्वने मचाप्नीम। ४९ मेको इन कली नु इन दातेम बाक्व अर्का रागी डा मुर आन कली अरशो लोत्र का बाक्व” दे परमपरभुमी देत। लेवी १९:३४; लेवी २४:२२ ५० मिनू परमपरभु यावेमी मोसा नु हारून आस कली दोदंशो दंमे, मोदंशो इसराएली नल्लमी पाम्तकम। ५१ मिनू मेको नाक्ती परमपरभु यावेमी इसराएली थर आन कली हुल हुल पा इजीप्त रागी रे गरुंडताक्व।

### डोंइती डा तौ परमपरभु के बाक्व

१ मिनू परमपरभु यावेमी मोसा कली १३ “इसराएलीपुकी, इन डोंइती जरेमेशो तौ नु इन बी ब्यफ, क्यारश भेडा आन डोंइती जरेमेशो बोहोर बोका योत्रशा गेयीनी। मारदे हना मेको आं के बाक्नीम, दे मुर आन कली देंचा माल्ब” देत। परस्थान १३:१२,१३; परस्थान २२:२८

३ मिनू मोसामी मुर आन कली “गेपुकी इजीप्त रागीम वाइलीम वाइल दुम्शा, बरोइशा, एक जाक्शा नाक्त मपरंदीन। परमपरभु यावेमी इन कली आ सक्तिमी गरुंडताक्व। मापतीके मेको नाक्त गे बोरब ओस्ती मसुप्शो शोब्ले ला जचा माल्नीनी। परस्थान १२:३३-३४ ४ गे मुलाक्ती आबीब महिनामी गरुतीनी। परस्थान १२:२

५ मिनू परमपरभु यावेमी इन किकी पिपी आन कली ‘कनानी, हिती, एमारी, हिव्वी नु यवुसी आन रागी इन कली गनुड’ दे कसम जशा बाक्माक्त। मेको रागीमी जाक्दीशशा, आबीब महिनामी पास्सा चाड मानेचा माल्नीनी। मेको रागीम दूध नु खुदो शुश बाक्व, मारइ मारइ यो शुश गरुल्ब। उत्पत्ती १५:१८ ६७ नाक्त सम्म बोरब ओस्ती मसुप्शो शोब्ले जचा माल्नीनी। मेको आ नोले डा नाक्ती परमपरभु यावे आनेमी चाड का मानेचा माल्नीनी। परस्थान १२:१५-१६ ७ मिनू बोरब ओस्ती मसुप्शो शोब्ले ७ नाक्त सम्म जचा माल्नीनी। इन बाक्तीके नल्लेमी बोरब ओस्ती सुप्शो शोब्ले काइ वोइक्का मदुम्ब। मिनू बोरब ओस्ती यो वोइक्का मदुम्ब। १४ कोरिन्थी ५:८

८ मेको नाक्ती इन आल आन कली ‘परमपरभु यावेमी ई कली इजीप्त रागी रे गरुंडशो कोंइचा, दे ओदंशो पाइनय’ दे शेंचा माल्नीनी। ९ मेको पास्सा चाड इन गुडमी नु इन कुप्फीम मिम्तीके चिन्ड खोंदंशो पा बाक्का माल्ब। मोपा परमपरभु यावे आ अरशो लोत्र गे नु बाक्व। मारदे हना

परमपरभु यावेमी आ ठेयब सक्तिमी इन कली इजीप्त रागी रे गरुंडताक्व। व्यवस्था ६:८; व्यवस्था ११:१८ १०मोपा गेपुकी बर्स बर्समी मेको चाड ठीक नाक्तीम मानेशा आ अरेशो लोत्र पचा माल्नीनी।

११मिनु परमपरभु यावेमी इन कली नु इन किकी पिपी आन कली 'गो मेको रागी इन कली गेनुड' दे कसम जशो, कनानी आन रागीम चोत्रदीब। १२गे इन डॉइती जरमेशो ती नु इन बी व्यफ, क्यारश भेडा आन डॉइती जरमेशो परमपरभु यावे कली गेचा माल्नीनी। डॉइती जरमेशो बाहोर बोका परमपरभु यावे केन नम। १३तन्न इन गधैनी आ डॉइती जरमेशो बाहोर परांडचा कली मेको आ पा डा पाठा का गेचा माल्नीनी। पाठा गेचा मदाक्ताकनी हना, आ शुर जिक्वा माल्नीनी। इन डॉइती जरमेशो ती आ पा डा क्येट गेचा माल्नीनी।

१४ मिनु काबु इन आलपुकीमी गे मारदे ओदेशो पाइनीनी? दे हिल्लो पाइनीम। मेना गेपुकीमी 'परमपरभु यावेमी इं कली आ ठेयब सक्तिमी इजीप्त रागी रे गरुंडताक्व। वाइलीम वाइल दुमशो रे यो परांडतु' दे इन आल आन कली शेंचा माल्नीनी। परस्थान १२:२६,२९ १५ 'फाराओम इं कली काइ लचा मगेतीके, परमपरभु यावेमी इजीप्त रागी डा मुर आन डॉइती जरमेशो ती नु बस्तु भाव आन दाते डा डॉइती जरमेशो नेल्ल साइक्तु। मोपतीके डॉइती जरमेशो बाहोर बोका परमपरभु यावे कली चढ़नीकी। तन्न डॉइती जरमेशो ती आ पा डा क्येट गेशा परांडनीकी। १६ एको पतीके इन गुडमी नु इन कुप्फोम मिम्तीक चिन्ड खोदेशो पा बाक्चा माल्ब। मारदे हना परमपरभु यावेमी इं कली आ ठेयब सक्तिमी इजीप्त रागी रे गरुंडताक्व' दे इन आल आन कली शेंचा माल्नीनी" देत।

गोस्स के थाम नु मी के थाम

१७ मिनु फाराओमी इसराएली आन कली लचा गेवानु, परमपरभुमी इसराएली आन कली आन नेक्था डा लां पलिस्ती आन रागी डा लां मकांडद। मारदे हना मुरपुकीमी "लडाइ पचा माल्तेक्म हना, हिंशा इजीप्त रागी लेत्नीमी, को" दे लाइशशा लां कांडताक्व। १८मोपा परमपरभुमी इसराएली आन कली गोरशो रागी रे लल समुन्दर गे डा लां कांडताक्व। मिनु इसराएली इजीप्त रागी रे गाक्मानु, लडाइ पचा कली यो ठीक दुमशो बाक्तेक्म।

१९मोसामी योसेफ आ रुश यो कुरतु। मारदे हना योसेफमी इसराएली आन कली "परमपरभुम इन कली थमा पा एको रागी रे गरुंडशा लाइब। मेना आं रुश यो लाइक्वा माल्नीनी" दे कसम जपाइशशा बाक्माक्त। उत्पत्ती ५०:२५; यहासु २४:३२ २०मेकोपुकी सुक्कोथ सहर रे लशा, एथाम सहर डा गोरशो रागी आ नेक्थामी बास बाक्तेक्म। २१मिनु परमपरभु यावेमी मेकोपुकी नाक्दो नाक्ती गाक्ने चाप्मक्ल, दे मेको आन कली लां कांडचा कली नाक्ती गोस्स के थाम नु नाक्दो मी के थाम दुमशा, मेको आन डॉइडॉइती गाक्त। परस्थान ४०:३६-३८; गन्ती ९:१५-२३; भजन संग्रह ७८:१४; १कोरिन्थी १०:१ २२नाक्ती गोस्स के थाम नु नाक्दो मी के थाम आन डॉइडॉइती गाक्चा मपुरोन।

लल समुन्दर शोक्शो

१४ १मिनु परमपरभु यावेमी मोसा कली २ "इसराएली आन कली गेपुकी इक्का लेत्वा माल्नीनी। मिगदोल नु लल समुन्दर आस दातेम बाक्शो पी-हृहीरोथ, बाल-सेफोन आ डॉइती इन बास बाक्तीके सेल्वा माल्नीनी। मेको लल समुन्दर आ नेक्था बाक्ब' देंचा माल्नेवे। ३मिनु फाराओमी 'गोरशो रागीमी आन लां जाम्शा, हेथे गाक्नीम' देब। ४मिनु गो फाराओ आ थुं काइ मटीब दुम्पाइक्नुड। मिनु फाराओमी इन कली खेदा पाइब। गो फाराओ नु आ फौज आन कली आं सक्ति कांडनुड। मिनु इजीप्त रागी डा मुर नेल्लेमी 'परमपरभु यावे बाक्ब' दे तुइक्नीम" देत। मिनु मोदेशो पास्तेक्म। परस्थान ४:२१; इजीकीएल २८:२२

५मिनु इजीप्त रागी डा मुरपुकीम आन पिप कली "इसराएली प्रोक्ने थुम्तेक्म। गो मार पया? मारदे गो इसराएली आन कली गेय परांडपाइशशा, लचा गया?" दे थुं फाइशशा, लोत्र पमुमा बाक्त। ६मिनु पिपमी आ बग्गी ठीक पशा, आ लडाइ पाइबपुकी ठीक पवा बाक्त। ७मिनु ६ सहे रिमशो पा लडाइ पने चाप्ब बग्गी नु इजीप्त रागी डा अरु बग्गी नु चलेब आन ठेयब मुर आन कली लाइशशा, लमाक्त। ८मिनु परमपरभु यावेमी इजीप्त रागी डा फाराओ कली काइ मटीब दुम्पाइक्तीके इसराएली आन कली खेदा पामे बाक्त। इसराएली चहिं ठेयब सक्तिमी गरुशा गाक्तेक्म। परस्थान ३:१९-२० ९इजीप्त डा फाराओ आ शारापुकी, शारा डाइक्वपुकी,

बग्गी नु लडाइ पाइब नैल्ल लल समुन्दर आ नेकथा इसराएली आन बास बाक्तीक पी-हहीरोथ सहर आ नेकथा बाल-सफोन आ डांडती जाक्तेकम।

१०मिनु इसराएलीपुकी फाराओ नु आ लडाइ पाइबम आंम कली खेदा पशा तशा, हिंशा खिरंखिर पांमतेकम। मिनु परमपरभु यावे कली “वारच पाइय्यीकी” दे पुंडतेकम। ११मिनु मेकोपुकीम मोसा कली “गे आंड कली मारदे इजीप्त रे गरुइदीकी? इजीप्त रागीम मुर थिम्तीक मबाक्बा डा? मारदे गोरशो रागीम साइकथ चाकगी? १२गोपुकी इजीप्त रागीम बाक्कानु, इन कली “आंड कली श्यत मगेकी। इजीप्त डा मुर आन गेय पचा गेकी, मदेका डा? गोरशो रागीम बेक्चा क्येडा इजीप्त रागी डा मुर आन गेय पक वा” दे मोसा कली गरीतेकम।

१३मिनु मोसामी मुर आन कली “महिनीन। मुलाक्ती परमपरभु यावेमी दोपा इन कली इजीप्त डा मुर रे परांडबा, कोव्रशा बाक्कीन। मुलाक्ती तशा इजीप्त डा मुर आन कली ग लेंशा गेनायो मताइनीनी। १४इन पचा डा लडाइ परमपरभु यावेमी पाइब। गे थुं नाइशशा बाक्कीन” दे माइक्तीमी। व्यवस्था १:३०; २इतिहास २०:१५, २९; यसेया ५१:९

१५परमपरभु यावेमी मोसा कली “मारदे आं कली ठेयब खेदा पा पुंडनवे? इसराएली आन कली गाक्कीन” दे मतो। १६इ कोक्क लल समुन्दर तार दिंदो। मो पवीनु, समुन्दर बराशा, गाक्तीक लां दुम्ब। इसराएलीपुकी हिलो मबाक्शा लांम गाक्न चान्नीम। १७मिनु गोमी इजीप्त डा मुर आन कली काइ मटीब दुम्पाइक्नुड। मो दुम्मनु, इसराएली आन नोले खोइशशा, लल समुन्दर ओव्रशा, खेदा पाइनीम। मिनु गो फाराओ आ मुरपुकी, आ बग्गी नु आ शारा डोइक्ब नु लडाइ पा आं सक्ति कांडशा गरानुड। १८गो फाराओ, आ बग्गी नु आ शारा डोइक्ब आन कली आं सक्ति कांडनुड। मिनु इजीप्त डा मुरपुकीमी “परमपरभु यावेमी पापु” दे तुइक्नीम” देत।

१९मिनु इसराएली आन डांडती गाक्शो परमपरभु आ स्वर्ग डा गेय पाइब नोले गे लेशशा लशा, इसराएली आन नोले खोइक्तु। मेको आन डांडती गाक्शो गोस्स के थाम या लेशशा, आन नोले गाक्त। उत्पत्ती १६:७; परस्थान १३:२१ २०मेको गोस्स इजीप्त डा फौज आन कली छिड्छिड् दुम्माक्त। इसराएली आन लडाइ पाइब आन कली चहिं

छिड्छिड् दुम्त। मोपा मेको नाक्दो इजीप्त डा फौज इसराएली आन नेकथा जाक्ने मचबेम। मजन संग्रह १०५:३९

२१मिनु मोसामी आ गुइ लल समुन्दर तारी दिंदानु, परमपरभु यावेमी नाक्दो नां दाप्तीक रे फश गिवार पपाइशशा, समुन्दर फराशा सोव्रशा गाक्तीक लां सल्लु। २२मिनु इसराएलीपुकी समुन्दर डा सोव्रशा लां लांमतेकम। समुन्दर डा ब्वाक्कु चहिं आन ग्युरा नु परा गे गारो खोदंशो पा बाक्त। यहाँसु ४:२३; २राजा २:५; यसेया ११:१५-१६; १कोरिन्थी १०:१; हिवरू ११:२९

२३मिनु इजीप्त रागी डा लडाइ पाइब इसराएली आन कली खेदा पा, मेको आन नोले लल समुन्दर ओव्रतेकम। पिप आ शारापुकी, आ बग्गीपुकी नु आ शारा डोइक्ब नैल्ल ओव्रतेकम। २४मिनु सुनी कना परमपरभु यावे गोस्स के थाम नु मी के थामम बाक्शा, इजीप्त डा लडाइ पाइब आन कली कोव्रशा हिंपाइक्तु। २५आन बग्गी डा गुगील पुइशशा गेतीक, गाक्ने मचबेम। मिनु इजीप्त डा मुरपुकीमी “इसराएली रे परोक्थ, परमपरभु यावेमी मेको आन कली वारच पशा, इजीप्त डा मुरपुकी नु लडाइ पाइब” देमा बाक्त।

२६मिनु परमपरभु यावेमी मोसा कली “इजीप्त रागी डा मुर, आन बग्गी नु आन शारा डाइक्ब आन कली ब्वाक्कुम सुम्पाइक्चा कली इ गुइ लेंशा समुन्दर तार दिंदो” देत। २७मिनु मोसामी आ गुइ समुन्दर तार दिंदानु, नां साव्रची ना समुन्दर डांडती डा खोदंशो दुम्त। मिनु इजीप्त डा लडाइ पाइब लेशशा परोक्ने मचबेम। मोपा परमपरभु यावेमी इजीप्त डा लडाइ पाइब आन कली समुन्दरमी खरुम्तु। २८मिनु ब्वाक्कु लेंशा डांडती डा खोदंशो दुम्मनु, इजीप्त डा बग्गी, शारा डाइक्बपुकी नु फाराओ आ लडाइ पाइब आन कली सुम्शा, समुन्दरमी योल्ताक्व। सुइ यो मबरांडम। २९तन्न इसराएली चहिं सोव्रशा लां लशा, समुन्दर शोक्साक्म। ब्वाक्कु गारो खोदंशो पा, आन ग्युरा नु परा गे बाक्त।

३०मोपा परमपरभु यावेमी मेको नाक्ती इसराएली आन कली इजीप्त रागी डा लडाइ पाइब रे परांडतीमी। मिनु इसराएलीपुकीमी इजीप्त डा मुर आन कली दिल दिले थिंशशा, समुन्दर आ नेकथा बेक्शा तांमतेकम। ३१मिनु मुरपुकीमी “परमपरभु यावेमी इजीप्त डा मुर आन कली साइक्तीमी” दे तुइशशा, परमपरभु यावे क्येडा हिंतेकम। मिनु “परमपरभु यावेमी

नेल्ल पने चाप्प। मोसा आ गेय पाइब बाक्क”  
दे थमा सुइक्तेक्क। परस्थान ११ :१ ; २इतिहास  
२० :२०

### मोसा आ कुम्सो

१५ मिनु नोले मोसा नु इसराएलीपुकीमी  
१५ परमपरभु यावे कली कुम्सो पाम्तेक्क।  
“गो परमपरभु यावे कली कुम्सो पाइनुड। मारदे  
हना मेकोमी आ ठेयब सक्ति कांडशा, गरात।  
शारा नु शारा डोइक्क आन कली समुन्दरमी  
ताइक्ताक्क। परकाश १५ :३

२यावे आं सक्ति बाक्क। आं कली कुम्सो  
पपाइक्क। मारदे हना आं कली आ जोरी सतरु  
रे परोइती। मेको आं परमपरभु बाक्क। मिनु गो  
मेको कली ठेयब सेल्लुड। परमपरभु आं आफ  
आ परमपरभु बाक्क। मिनु गो मेको कली मान  
पाइनुड। भजन संग्रह ११८ :१४ ; यसैया १२ :२  
३ परमपरभु यावे लडाइ पाइब बाक्क। मेको आ नें  
परमपरभु यावे बाक्क। परस्थान १४ :१४ ; भजन  
संग्रह ४६ :१० ; परस्थान ३ :१५

४ मेकोमी इजीप्ट डा फाराओ आ बग्गीपुकी  
नु आ लडाइ पाइब आन कली लल समुन्दरमी  
याल्पाइक्कु। ठेयब कप्तान नेल्ल आन  
कली ब्वाक्कुम गरुम्पाइक्कु। ५ समुन्दर डा  
ब्वाक्कुमी मेको आन कली सुम्तु। मेकोपुकी  
फुल्लु खोदंशो पा आगा गरुम्तेक्क। ६ परमपरभु  
यावे, इन सक्ति ठेयब बाक्क। इन सक्तिमी इन  
जोरी सतरु आन कली थुम्पाइक्तीनी। ७ इन  
जोरी सतरुमी ग नु लडाइ पामनु, ग इन ठेयब  
दुम्तीकमी मेको आन कली गरातीनी। मिनु  
गाइश्शा मेको आन कली मीम भूस चोशो  
खोदंशो पा थुम्पाइक्तीनी। ८ इन नेंमी मुइश्शा,  
समुन्दर डा ब्वाक्कु कली ग्येत्थ गे पोक्तीनी।  
समुन्दर गारो बुदी सोजो पा ग्येत्थ गे बोक्शा,  
आ पुं चहिं सोव्रशो लां दुम्त। यसैया ५१ :१०  
९ आइ जोरी सतरुमी मेको आन कली खेवा  
पा, बरो बरु थिल्लय। गो ग्येरशा, इं गराशो  
थोव्रक योक्कुडनय। इं तरवार शोइश्शा, नेल्ल  
आन कली साइक्नय’ देतेक्क। १० गे चहिं फश  
पपाइक्तीनी। मिनु समुन्दरमी मेको आन कली  
सुम्तीमी। मेकोपुकी फलाम खोदंशो पा ठेयब  
समुन्दरम गरुम्तेक्क।

११ परमपरभु यावे, देवी देवता आन दातेमी इन  
खोदंशो ठेयब सुइ मबाक्नीम। इन खोदंशो सक्ति  
पाइश्शा, ठेयब मान ताइब सुइ मबाक्नीम। इन

ठेयब गेय हिंचा डा बाक्क। गे छ्क लाक्का डा  
गेय पाइब बाक्नीनी। परस्थान ८ :६ ; परस्थान  
१८ :११ ; भजन संग्रह ८६ :८

१२ इन ग्युरा गुइ दिनीनु, रागीम मेको आन  
कली दाक्कु।

१३ गे इन गरुइशो मुर आन कली गेना हना यो  
शिशी पा, लां कांडताक्नी। मेको आन कली इन  
सक्तिमी इन आंम बाक्तीकम सुल्तीनी।

१४ जात जात डा मुरपुकी इन लोव्र नेंशा शुश  
हितेक्क। पलिस्ती रागी डा मुरपुकी हिंशा,  
खिरंखिर पाम्तेक्क। यहासु २ :१-११

१५ मुल एदोम रागी डा ठेयब मुरपुकी हितेक्क।  
मोआब रागी डा ठेयब मुरपुकी हिंशा खिरंखिर  
पाम्तेक्क। कनान रागीम बाक्कपुकीम आन  
सक्ति साम्तेक्क।

१६ परमपरभु यावे, इजीप्ट रागी रे इन गरुइशो  
मुरपुकी मजाक्दीम्मा सम्म मेको आन जोरी  
सतरु इन सक्ति डा गेय तशा, हिंशा फुल्लु  
खोदंशो पा सिकसी पा बाक्तेक्क। मोपा हिंशा  
मेको आन थुं लुक्क लत। १७ गे इन मुर आन कली  
आन रागी आंइनीनी। मिनु इन आंम बाक्तीक  
डांडाम बाक्पाइक्नीनी। परमपरभु यावे, मेको इन  
बाक्तीक आंमा सेल्लतीनी। इन आंम बाक्तीक  
खिं गे आंमा सेल्लतीनी। भजन संग्रह ७८ :५४  
१६ परमपरभु यावे गेना हना यो पिप बाक्क” दे  
कुम्सो पाम्तेक्क। भजन संग्रह ९३ :१

१९ फाराओ आ बग्गी नु शारा डोइक्कपुकी  
समुन्दर डा लां लाम्तेक्क। परमपरभु यावमी  
समुन्दर डा ब्वाक्कु लेंशा लेप्पाइश्शा, मेको  
नेल्ल आन कली याल्पाइक्कु। इसराएली चहिं  
समुन्दर डा सोव्रशो लां र पा गाक्तेक्क।  
परस्थान १४ :२२-२९

### मिरयामम यो कुम्सो पशो

२० हारून आ समी मिरयाम परमपरभु आ लोव्र  
पाइब यो बाक्क। मेकोमी खेजडी ताप्शा, कुम्सो  
पथ लमेनु, अरु मीश मुरपुकी यो खेजडी ताप्शा,  
सिल पना पन मेको आ नाले खोइक्तेक्क। भजन  
संग्रह ६८ :२६

२१ मिरयामम मेको आन कली कुम्सो पा लोव्र  
लेश्शा “परमपरभु यावे कली कुम्सो पने। मारदे  
हना मेकोम ठेयब लडाइ पा गरात। शारा नु शारा  
डोइक्क आन कली समुन्दरम ताइक्ताक्क” दे  
कुम्सो पाप्तु।

मारा डा कशो ब्वाक्कु

२२मिनु मोसामी इसराएली आन कली लल समुन्दर रे शुर माइश्शो गोरशो रागी कौइताक्व। मिनु मेको गोरशो रागीमी नाक्त सां सम्म गाक्मानु, ब्वाक्कु मथिदम। उत्पत्ती २०:१ २३माराह माइश्शामी जाक्दीश्शा, मेक डा ब्वाक्कु तून मचबम। मारदे हना मेको ब्वाक्कु कशो बाक्त। मोपतीके मेको कली माराह नें वोइक्तेक्म। हिब्रू लोव्रमी मारा दंशो कशो रुम्सीब। २४मिनु मुरपुकीमी मोसा कली “मुल मार तूचा?” दे गन गन पाम्तेक्म। परस्थान १६:२ २५मोसामी चहिं परमपरभु यावे कली पुंडस डा पुंडस बाक्त। मिनु परमपरभु यावेमी मोसा कली खा आ शी का कौइताक्व। मिनु मोसामी मेको शी ब्वाक्कुम ब्यारताक्व। मिनु मेको ब्वाक्कु मकशो बरोव्रशो दुम्त। मेकर इसराएली आन कली आ फुल्लतुम मुशा बरेक्शो नु आन पतीके लोव्र गेशो बाक्त। मोपा मेको आन कली नाक्ताक्व। उत्पत्ती २२:१ २६मिनु मेकोमी “गे परमपरभु यावे, इन परमपरभु आं लोव्र नंशा, आं डांइती ठीक पाइतीनी हना, आं शंशो लोव्र नंशा, टिशा, आं अरेशो लोव्र टीतीनी हना, गो इजीप्ट रागी डा मुर आन कली पपाइश्शो रोइ इन कली मपपाइक्नुड। मारदे हना गो इन कली सापाइक्व परमपरभु यावे नड” देत। ब्यवस्था ७:१५; उत्पत्ती २०:१७; ब्यवस्था ३२:३९; मजन संगरह ३०:३; यसेया ५७:१८

एलीम रागीमी जाक्दीश्शो

२७मिनु इसराएली मेकर रे लशा, एलीममी जाक्दीत्तेक्म। मेकर १२ ओटा धारा नु ७० ओटा खा बाक्तेक्म। मेकोपुकी मेको ब्वाक्कु आ नेक्था बाक्तेक्म।

इसराएलीपुकीम गन गन पशो

१६मिनु इसराएली नेल्ल एलीम रे लशा, सीन माइश्शो गोरशो रागी जाक्दीत्तेक्म। सीन माइश्शो गोरशो रागी एलीम नु सीने डांडा आस दातेमी बाक्व। इजीप्ट रागी रे गाक्शा नोले मेकर आबीब आ नोले डा महिना डा १५ नाक्तीम जाक्दीत्तेक्म। २मिनु इसराएली नेल्ल मोसा नु हारून आस कली तशा गाइश्शा, परस्थान १७:२-३ ३ “इजीप्ट रागी उइ परमपरभु यावेमी आंइ कली सद हना, रिम्शो दुम वा।

मेकर श्ये नु शोब्ले शुश बाक्त। गे आंइ कली जचा मगेथु, साइक्चा कली एको गोरशो रागीमी चाक्तीसी” दे गन गन पाम्तेक्म। परस्थान १४:११

४मिनु परमपरभु यावेमी मोसा कली “ननो, गो इन कली रउ यिशा खोदंशो पा सरीड रे शोब्ले यिपाइक्नुड। मिनु मुरपुकीम नाक्त कित कित गुप्चा माल्नीम। खयप का गुप्मनु, नाक्त का कली ला गुप्चा माल्नीमी। आं अरेशो लोव्र पाइबाक्मा कां, मपाइबाक्मा, गो मेको आन कली नाक्नुड। परस्थान १६:१५; उत्पत्ती २२:१ ५मुरुमी सुकरबार आन गुप्शो शोब्ले नाक्त का कली ठीक पाम्तेक्म हना, नाक्त का कली गुप्शो यो, नाक्त निक्शी कली ठीक दुम्ब” देत। ६मिनु मोसानु हारूनम इसराएली आन कली “परमपरभु यावेमी इन कली इजीप्ट रागी रे परांइता, दे आपो नाक्दो लंशा मिम्पाइक्व। ७सुनी कना गे परमपरभु यावे आ छेडछेड गरूशो ताइनीनी। मारदे हना मेकोमी इन परमपरभु यावे कली गन गन पशो तुइक्ताक्व। गो निक्शी सु नस्कु डा ? गे आंस परबम गाइक्नीनी ?” देताक्स। ८मिनु मोसामी इसराएली आन कली “परमपरभु यावेमी आपो नाक्दो इन कली श्ये गेब, सुनी कना स्थरी शोब्ले गेब, इन गन गन पशो लोव्र नंतु, दे तुइक्तीन। गो निक्शी सु नस्कु डा ? इन गन गन पशो आंस कली ममाइ, परमपरभु यावे नु कका गाइक्ताक्नी दे तुइक्तीन” देत। ९मिनु मासामी हारून कली “गे मुर नेल्ल आन कली “परमपरभु यावे आ डांइती जाक्कीन। मारदे हना मेकोमी इन गन गन पशो नंतु” देंचा माल्नेव” देत। १०मिनु हारूनमी इसराएली नेल्ल आन कली लोव्र पवानु, मेकोपुकी गोरशो रागी गे कौव्रतेक्म। मिनु मेकर गोस्सुमी परमपरभु यावे आ छेडछेड गरूशो ताम्तेक्म। गन्ती १२:५; गन्ती १४:१०; गन्ती १६:१९

११मिनु परमपरभु यावेमी मोसा कली १२ “गो इसराएली आन गन गन पा पशो लोव्र नंता। गे मेको आन कली आपो नाक्दो श्ये ब्वाइनीनी। मिनु सुनी कना स्थरी शोब्ले जाइनीनी। गो परमपरभु यावे, इन परमपरभु नड, दे गे तुइक्नीनी” दे माइक्मी” देत।

बट्टाइ चिक्व नु मन्ना शोब्ले गेशो

१३मिनु नाक्दो बट्टाइ गरूमा बाक्त। मिनु इसराएली आन बाक्तीक नेल्ल सुम्म बाक्त। मिनु सुनी कना आन बाक्तीकेमी शुश सीत

यिशा बाक्माक्त। गन्ती ११:३१ १४ मिनु सुनी कना सीत मजाम्म सम्म गोरशो रागी डा खपीम फुरश खोदंशो पा आइक्व गडा बाक्त। १५ इसराएलीपुकीमी मेको तशा “मार में?” देमुम्तकम। मारदे हना मार बाक्म, मतुइक्तम। मिनु मोसामी मेको आन कली “परमपरभु यावेमी इन कली गेशो मन्ना शोब्ते एकोन बाक्व। परस्थान १६:४; व्यवस्था ८:३; यूहन्ना ६:३१; १कोरिन्थी १०:३ १६ परमपरभु यावे आ अरेशो लोत्र मार बाक्व देशा हना, इन मुर नेल्लेमी गिश जने चार्नीमी, मिश गुपीन। इन ताम्बुमी गिश जना मुर बाक्नीमी, मिश गोमेर गुप्चा माल्लीनी” दे इसराएली आन कली दंत। गोमेर का २ लिटर कि ४ माना खोदंशो बाक्व। १७ मोसामी इसराएली आन कली दोदंशो देम, मोदंशो पाम्तेकम। का निक्शीमी शुश, का निक्शीमी इक्का ला गुप्तेकम। १८ तन्न पुक्गामेनु, मेको शुश गुप्च नु इक्का ला गुप्च नेल्ले आन के उइक्थ उइक्थ दुम्माक्त। नेल्लेमी गिश जचा दाक्तेमे, मिश गुप्तेकम। २कोरिन्थी ८:१५

१९ मिनु मोसामी मेको आन कली “दीसा सुनी सम्म सुइमी मारइ हेंचा मदुम्ब” दे माइक्तीमी। परस्थान १६:४; मत्ती ६:३४; लुका ११:३ २० तन्न मेकोपुकीमी मोसा आ देशो मटीम। मिनु का निक्शीमी मेको मन्ना सुनी सम्म हेंदम बाक्त। मिनु लुस्यु जोल्शा, शुश रिना पाइक्तु। मिनु मोसा शुश गाइक्ताक्व। २१ मिनु गिश माल्दम, सुनी सुनी गुप्तेकम। नां चोक्तानु, मेको यत।

### नाइक्तीक नाक्त कली मन्ना गुप्शो

२२ मिनु सुकरबार नाक्ती मुरपुकीम मुर का कली गोमेर निक्निक्शी मन्ना गुप्तेकम। इसराएली आन कली कोत्रब मुरपुकीमी मो पाम्तेकम दे मोसा कली दंतेकम। गोमेर का २ लिटर कि ४ माना खोदंशो बाक्व। २३ मिनु मेकोमी “परमपरभु यावेमी इन कली गे मार पचा माल्लीनी, मेको शंशो बाक्व। मारदे हना दीसा परमपरभु यावे कली मिम्शा नाइक्तीक नाक्ती बाक्व। मोपतीके मुलाक्त माल्शा जचा थोत्रक न्येने चोने। लीशो चहिं दीसा सुनी सम्म हेंचा दुम्ब” दंत। उत्पती २:२-३ २४ मिनु मोसा आ देशो खोदंशो पा आ दीसा सम्म हेंताकम। मिनु मेको रिना मपाइक्थु, लुस्यु यो मजोल।

२५ मिनु मोसामी “गे मुलाक्ती जने। मारदे हना परमपरभु यावे आ नाइक्तीक नाक्ती बाक्व। मुलाक्ती लाडगाम मारइ मथिंसीब। २६ गे ६ नाक्त गुप्चा माल्लीनी। ६ नाक्त आ दीसा डा नाक्त मारइ मथिंसीब। मारदे हना नाइक्तीक नाक्त बाक्व” दंत। २७ मिनु सन्चरबार नाइक्तीक नाक्त का निक्शी मुर मन्ना गुप्च लाडगा गरुमानु, मारइ मथिंदेम। २८ मिनु परमपरभु यावेमी मोसा कली “गोपुकी आं शंशो नु आं अरेशो गेना सम्म मटीनीनी? २९ नोफा दाइश्शा नेनीन “परमपरभु यावेमी इन कली सन्चरबार नाइक्तीक नाक्ती गेप्नु। मोपतीके सुकरबार इन कली नाक्त निक्शी कली जचा थोत्रक गेब। मिनु नाइक्तीक नाक्ती इन बाक्तीक बाक्तीकेमी बाक्कीन। इन खिं रे लाडगा मलेने” दे मुर आन कली देनो” दंत। ३० मिनु मुरपुकी सन्चरबार नाक्ती नांइसाक्म। ३१ मिनु इसराएलीपुकीम मेको गेडा कली मन्ना दे नें वोइक्तेकम। मेको बुश धन्या वांचेर खोदंशो बाक्त। मेको सुदोमी सेल्शो शोब्ते खोदंशो पा बरोत्रमाक्त।

### मन्ना हेंशो

३२ मिनु मोसामी “परमपरभु यावे आ अरेशो लोत्र मार बाक्त देशा हना, मेकोमी मेको जचा थोत्रक गोमेर का हेंचा माल्लीनी। इन कली इजीप्त रागी रे परांइशा, चाक्गानु, गोरशो रागीमी गेशो जचा थोत्रक मेको बाक्व दे शुश पाला डा मुर आन कली कांइचा कली हेंदो। गो इन कली इजीप्तर गोरशो रागीमी चाक्शा, दोपा थुलु, मेको नेल्लेमी तामेक्ल” दंत। गोमेर का इसराएली आन अन्न पुक्तीके का बाक्त। मेको २ लिटर रिक्व बाक्त। मिनु ओमेर का ४ माना खोदंशो बाक्व। ३३ मिनु मोसामी हारून कली “बोस का लतो। मिनु ओमेर का मन्ना मेकेर कुर पावो। मेको नेल्ले पाला डा मुरपुकीम तचा डा पा परमपरभु यावे आ डांइती वातो” दंत। हिब्रू ९:४ ३४ परमपरभु यावेमी मोसा कली दोपा देम, मोपा हारूनमी कबल पशो सन्दोस आ डांइती वोइक्तु। ३५ मिनु इसराएलीपुकीमी ४० बर्स सम्म मन्ना जाग्तेकम। मुर बाक्तीक कनान रागी डा सांद मज्जाक्मा सम्म मेको जाग्तेकम। यहोसु ५:१२ ३६ गोमेर का एफाह डा १० भाग बाक्व। एफाह का ठेयब पुक्तीके बाक्व।

इसराएली मस्साह नु मेरीबा जाक्शो

१मिनु इसराएली नेल्ल सीन माइश्शो  
**१७** गोरशो रागी रे गाक्शा, परमपरभु यावे आ देशो बिश्शा, रेफीदीम माइश्शामी बाक्तेक्म। मंकर चहिं तूचा ब्वाक्कु मथिदम। गन्ती ३३ :१२-१४ २मोपतीक “मोसामी आंड कली मरिम्शो लो कौडव” दे गाइश्शा, मोसा कली “आंड कली तूचा ब्वाक्कु गेकी” दे जिचा पोक्तेक्म। मिनु मोसामी मेको आन कली “गे आं कली मारदे जिचा तोइनीनी? मारदे परमपरभु यावे सक्ति पाइश्शो बाक्व, दे थमा मसुइक्नीनी?” दंत। व्यवस्था ६ :१६ ३मिनु मुरपुकी ब्वाक्कु तूतू दाक्शा, गाइक्ताक्म। मेकोपुकीमी मोसा कली “गे मारदे आंड कली इजीप्त रागी प्रोइपाइय्यीकी? आंड कली, आंड आल आन कली, आंड बस्तु भाव आन कली तूचा ब्वाक्कु मबा, आंड कली बेक्पाइक्चा कली इजीप्त प्रोइपाइय्यीकी?” दंतक्म। परस्थान १५ :२४; परस्थान १६ :२; गन्ती १४ :४; गन्ती १७ :६-२६ ४मो दमानु, मोसामी परमपरभु यावे कली “गो एको मुर आन कली मार पाइनुडा? आं कली फुल्लु आप्शा, साइक्चा चिक्तायीमी। मुल मार पड?” दंत। गन्ती १४ :१० ५मिनु परमपरभु यावेमी मोसा कली “इसराएल डा खाल्पा आन कली लाइश्शा, इसराएली आन डांडती गाक्को। नील खोला तुप्शो कोक्क यो लाइश्शा लावो। परस्थान ७ :२० ६गो हारेब माइश्शा डांडा आ नेक्था सरथ फुल्लु तार इ डांडती बाक्नुड। मिनु गे मेको सरथ फुल्लु तुप्चा माल्लेव। मिनु, सरथ फुल्लु रे ब्वाक्कु यीव। मिनु मुरपुकीम तून चाप्नीम” दंत। मिनु इसराएली आन खाल्पा आन डांडती मोसाम मो पाप्तु। गन्ती २० :११; १कोरिन्थी १० :४ ७मिनु मोसामी मेको सरथ फुल्लु बाक्तीक कली मास्साह नु मेरीबा नें वोइक्तु। मारदे हना इसराएलीपुकीमी परमपरभु यावे कली नाक्शा गाइश्शा “परमपरभु यावे आंड दातेमी बाक्व” दे थमा मसुदम। भजन संग्रह १५ :८-९; मीका ३ :११

अमालेकी नु लडाइ पा ग्राशो

८मिनु अमालेकी रेफीदीमम जाक्शा, इसराएली नु लडाइ पाप्तेक्म। उत्पती ३६ :१२-१६ ९मिनु मोसामी यहोसु कली “इं मुरपुकी रे योवशा, अमालेकी नु लडाइ पथ लावो। गो परमपरभु आ कोक्क शशा, दीसा मेको

डांडा तार राप्शा बाक्नुड” दंत। गन्ती १३ :८,१६ १०मिनु यहोसुमी मोसाम देशो खोदेशो पा अमालेकी नु लडाइ पाप्तु। मोसा, हारून नु हर चहिं मेको डांडा डांडिसाक्म। परस्थान २४ :१४ ११मोसामी आ गुइ पोक्गानु, इसराएलीपुकी ग्रातेक्म। आ गुइ तोक्गानु, अमालेकीपुकी ग्रातेक्म। १२मिनु मोसा आ गुइ योक्तीक हारून नु हरमी फुल्लु का थोइशा, मेको तारी निप्पाइक्ताक्स। मिनु मोसा आ गुइ तिक्शा, वोइक्ताक्स। मोदेशो पा का ग्युरा ग, का परा गे बाक्शा, नां मपरदा सम्म गुइ पोक्स डा पोक्स बाक्ताक्स। १३मिनु यहोसु नु आ मुरुमी अमालेकी नु आ मुर आन कली ग्राशा, तरवारम साइक्तेक्म।

१४मिनु परमपरभु यावेमी मोसा कली “एको लडाइ गना हना यो मिम्चा कली किताबम बरेक्तो। गो अमालेकी आन कली रागी रागी रे क्याम्नुडमी, दे यहोसु कली मिम्पतो” दंत। व्यवस्था २५ :१७-१९; १सामुएल १५ :२-३ १५मिनु मोसामी चदेतीक का सल्शा “परमपरभु यावे आं छेदर बाक्व” दे नें वोइक्तु। १६मिनु मेकोमी “यावे आ निक्तीक गे इन गुइ पोक्कीन! मारदे हना परमपरभु यावेमी अमालेकी नेल्ल आन पालामी मेकोपुकी नु लडाइ पाइनुड” दे डांडती देशो बाक्व” दंत। यरमीया ३ :१७

यितरो मोसा कली गरुस्थ जाक्शो

१मिनु मिदयान रागी डा नाक्सा मोसा  
**१८** आ शिउ यितरोमी परमपरभुमी मोसा नु इसराएली आन पर्वम मार मार पवा नु परमपरभु यावेमी मेको आन कली इजीप्त रागी रे दोपा गरुइदा, मेको नेल्ल नेना बाक्त। परस्थान ३ :१ २डांडती मोसामी आ मीश नु आ तौ निक्शी आस कली आ माइत सोइश्शो बाक्माक्त। मुल यितरोम मेको आन कली मोसा आ बाक्तीक चाक्तीमी। परस्थान ४ :२० ३मोसामी आ तौ का आ नें गेरशोम वोइश्शो बाक्त। मारदे हना मेकोमी “गो मतुइश्शो रागी डा मुर आन दातेमी अर्का रागी डा मुर दुम्ती” दंत। परस्थान २ :२२ ४मिनु अर्का कली एलीएजर नें वोइक्तु। मारदे हना मेकोमी “आं आफ आ परमपरभुमी आं कली फाराओ आ तरवार रे प्रोइशा, वारच पाइक्ती” देशो बाक्त। १इतिहास २३ :१५-१७

५मिनु मोसा आ शिउ यितरो, मोसा आ मीश नु आ तौ निक्शी गोरशो रागीमी मोसा कली गरुस्थ जाक्तेक्म। मेना मोसामी आ ताम्बु परमपरभु आ

डांडा आ पुंमी कीतु । ६मिनु यितरोमी मोसा कली  
“इ शिउ यितरो, इ मीश नु इ तौ निक्शी इ कली  
गुरुथ जाक्तक” दे लोत्र सोइक्ताक्व ।

७मिनु मोसा आ शिउ गुरुथ जाक्शा, सेउ  
पशा, पुक्पु पशा “दोपा बाक्नी” दे ताम्बुम  
ओइताक्व । ८मिनु मोसामी परमपरभु यावमी  
इजीप्त डा फाराओ कली नु आ मुर आन कली  
मार मार पवा, लोमी मार मार श्यत जाम, दोपा  
परमपरभु यावमी मेको नेल्ल र परोना, मेको  
नेल्ल आ शिउ कली शंताक्व ।

यितरो थमा सुइक्व दुम्शो

९मिनु यितरोमी परमपरभु यावमी इसराएली  
आन कली गिश रिम्शो पवा नु इजीप्त डा मुर  
आन गुइ रे दोपा परोना मेको नेल्ल नंशा, शुश  
ग्येरसाक्व । १०मिनु मेकोमी “इन कली इजीप्त  
डा मुरपुकी नु फाराओ आ गुइ रे परोइब परमपरभु  
यावे कली ठेयब सेल्य । ११देवी देवता आन  
क्येडा परमपरभु यावे ला ठेयब बाक्व, दे गो मुल  
तुइक्ताक्व । आ मुर आन कली इजीप्त डा मुर  
आन गुइ रे परोइतु । मारदे हना इजीप्तीपुकीमी  
मेको आन कली ठेयब लेशशा दिप्शो बाक्तकम”  
देत । नेहम्याह ९ : १० ; येरमीया ५० : २९ । १२मिनु  
मोसा आ शिउमी परमपरभु कली चोशा चढ्तीक  
नु अरु चढ्तीक यो चढ्त्तु । मिनु हारून नु  
इसराएल डा मुर आन खाल्पा नेल्ल मोसा आ  
शिउ नु परमपरभु कली मान पा ठेयब सल्शा  
जाम्तेकम । उत्पत्ती ३१ : ५४

यितरोम मोसा कली अर्ती गेशो

१३मिनु मोसा सुनी कना बाक्शा, मुर आन  
कली निसाफ पचा कली निस्साक्व । मुरपुकी  
सुनी रे जाक्शा, नाक्दो सम्म मोसा आ डांडती  
बाक्तकम । १४मिनु मोसा आ शिउ मी मोसा कली  
मोदंशो पा मुर आन कली निसाफ पशो तशा  
“गे मुर आन कली मार पाइनेवे ? गे मारदे इ  
का ला गेय पना पन बाक्नेवे ? मुरपुकी सुनी  
रे नाक्दो सम्म जाक्शा, बाक्शा बाक्नीमी”  
देत । १५मिनु मोसामी आ शिउ कली “मुरपुकीमी  
परमपरभु आ देशो तुइक्चा दाक्नीम, मोपतीक  
जाक्नीम । १६मेको आन दातेमी मार मार निसाफ  
पाचा माल्शो बाक्मे, मेको गो गारपाइक्नुड ।  
मोपा गो निसाफ पचा माल्नुड । मिनु मेको  
आन कली परमपरभु आ फुल्लुम मुशा बरेक्शो  
लोत्र नु आ अरेशो लोत्र तुइक्पाइक्नुड” देत ।  
१७मिनु आ शिउमी “इ पशो मरिम्शो बाक्व । १८गे

शेम्सीनेवे । गे नु बाक्व मुरपुकी यो शेम्सीनीम ।  
एको गेय इ मचाप्चा डा बाक्व । गे ला पने  
मचाप्नेवे । गन्ती ११ : १४ ; व्यवस्था १ : ९ । १९  
लोत्र नेनो, गो इ कली अर्ती गेनुड । परमपरभु गे नु  
बाक्व । गे मुर आन पबंम परमपरभु कली पुइदो ।  
२०परमपरभु आ फुल्लुम मुशा बरेक्शो लोत्र नु  
आ अरेशो लोत्र मेको आन कली तुइक्पतो । मोपा  
गे मेको आन गाक्तीक लो नु आन पचा माल्शो  
गेय मेको आन कली शंदो । २१गे मुर नेल्ल आन  
दाते रे रिम्शो गेय पने चाप्च परमपरभु कली मान  
पा हिब, थमा सुइक्चा पुइसीब नु खरुइशशा मार  
मार ताक्शा मजाइब मुरपुकी योत्रचा माल्नेवे ।  
नोले मेको मुर आन कली कोत्रब ठेयब मुर  
वोतो । मेको आन कली १० जना मुर आन कली  
कोत्रब, ३० जना मुर आन कली कोत्रब, सहे  
सहे जना मुर आन कली कोत्रब नु हजार हजार  
जना मुर आन कली कोत्रब ठेयब मुर आन कली  
योत्रडा । २२मेको कोत्रब मुरपुकीमी नाक्त कित  
कित डा निसाफ पामेक्व । ठेयब मुददा चहिं  
इ डांडती चाक्गमेक्व । आइक्च मुददा आंमा  
गारपदमेक्व । मो पाप्तीवी हना, इ कली रिम्शो  
दुम्ब । मिनु मेको कोत्रबपुकीमी इ गेय नु श्येत  
योक्शा पाइनीम । २३गे आं देशो पाप्तीवी हना,  
परमपरभुमी यो इ कली मोदंशो पचा गब । गे  
मेको गेय फाल्ने चाप्नेवे । मिनु इ मुर नेल्ल  
दुशा गारशा, आंम आन बाक्तीक लाइनीम” दे  
यितरोमी मोसा कली अर्ती गेपु ।

२४मिनु मोसामी आ शिउ आ अर्ती नंशा, आ  
देशो नेल्ल पापु । २५मिनु इसराएली आन दाते  
रे रिम्शो गेय पाइब आन कली योत्रशा, मुर आन  
कली कोत्रब वोइक्व । १०, १०, ३०, ३०, सहे सहे नु  
हजार हजार जना मुर आन कली कोत्रब वोतो ।  
२६मेको मुरपुकीमी मुर आन कली निसाफ पची  
ना, निसाफ पाइनीम । मिनु ठेयब मुददा बाक्व  
हना, मोसा कली बरेक्ताक्व । आइक्च मुददा  
चहिं आंमा निसाफ पास्तेकम । २७मिनु मोसामी  
आ शिउ कली लचा गेपु । मिनु मेको आ रागी  
लेत्त ।

सीने डांडा जाक्दीशशो

१९मिनु इसराएलीपुकी इजीप्त रागी रे  
गुरुशा महिना सां नोले सीने माइशशो  
गारशा रागीमी जाक्तेकम । २डांडती रेफीदीम  
माइशशो रे लशा, सीने माइशशो डांडा आ डांडती  
आन ताम्बु कीतेकम । मेको डांडा आ डांडती  
बाक्शो बाक्तकम । ३मिनु मोसा परमपरभु नु

लोत्र पचा कली डांडा डांडसाक्व। मिनु डांडा रे परमपरभु यावमी मोसा कली “इ किकी पिपी याकूब आ सिं डा मुर, इसराएली आन कली ४ गो इनीप्त डा मुर आन कली मार मार पडा, मेको ताइतीनी। ककाकुली आ फरां तार कुरशो खोदंशो पा इन कली आं नक्था वोइक्तन्नी। व्यवस्था ३२ :११ ५ गे आं देशो लोत्र पाइतीनी नु आं कबल पशो टीतीनी हना, गे नल्ल जात जात डा मुर आन दातमी आं योत्रशो मुर दुम्नीनी। मारदे हना रागी नल्ल आं केन बाक्व। व्यवस्था ५ :२ ; व्यवस्था ७ :६ ६ गे आं कली चढेब आन राज्य नु आं योत्रशो जात डा मुर दुम्ना माल्नीनी” दे मेको लोत्र इसराएली आन कली देंचा माल्नेवे” दे माइक्तु। यसैया ६१ :६ ; १ पतरूस २ :९ ; परकाश १ :६ ; लेवी १९ :२

७ मिनु मोसामी इसराएल आ थर डा मुर आन खाल्पा आन कली बरेशा, परमपरभु यावमी देशो लोत्र मेको आन कली माइक्तीमी। ८ मिनु मुर नल्ल का दुम्शा “परमपरभु यावे आ देशो नल्ल पाइनीकी” देतेक्म। मिनु मोसामी मेको मुर आन देशो लोत्र परमपरभु यावे कली देत। परस्थान २४ :३-८ १ परमपरभु यावमी मोसा कली “लो, गो मारइ मतांइसीचा डा गोस्सुमी इ कली गरुम्य जाक्नुड। मोपा गो मुर आन कली, गे नु लोत्र पशा नंपाइक्नुडमी। मिनु इ कली गेना हना यो थमा सुइक्नीम” देत। मोसामी मुर नल्ल आन देशो यो परमपरभु यावे कली देत। परस्थान १६ :१० ; परस्थान ३४ :५ ; मजन संग्रह १८ :१२ ; परस्थान १४ :३१

१० मिनु परमपरभु यावमी मोसा कली “मुलाक्ती नु दीसा इसराएली आन कली गो नु गरुम्पाइक्वा ठीक पावो। आन फक्शो वा मुरपतो। लेवी ११ :४४ ; यहोसु ३ :५ ; अय्युब १ :५ ११ नित्य नाक्त आं कली गरुम्चा कली ठीक दुम्चा माल्नीमी। मारदे हना नित्य नाक्ती गो सीने डांडाम मुर नल्ल आन डांडती जाक्नुड। १२ मिनु गे डांडा आ एर आंथ थरपु हिरचा माल्नेवे। गेमी मुर आन कली “डांडा मडाइक्वा, मथिचा डा पा थरपु हिरचा माल्नेवे। होस पा बाक्कीन! सुम डांडा आ पुं थीबा, मेको थमा पा साइक्वा पुंइसीब। परस्थान ३४ :३ १३ मुर आन गुइमी थरपु थिचा मदुम्ब। मेको थरपु थीबा बस्तु भाव बाक्तेक्म हना यो, मुर बाक्तेक्म हना यो, मेको कली फुल्लु आण्शा हना यो बरा आण्शा हना यो साइक्वा माल्नीनी” दे इसराएली आन कली

शंचा माल्नेवे। तुराही आ ठेयब संदा नंशा नोले ला, मेकोपुकी डांडा डाइक्वा माल्नीमी” देत। हिब्रू १२ :१८-२०

१४ मिनु मोसा डांडा रे मुर आन बाक्तीक तोइशशा, मेको आन कली परमपरभु नु गरुम्पाइक्वा कली ठीक पाप्तु। मिनु मेकोपुकीमी आन फक्शो वा मुरतेक्म। १५ मिनु मोसामी वॉइश मुर आन कली “नित्य नाक्त ठीक दुम्शा बाक्कीन। मीश मुर नु मबाक्कीन” देत। १५ सामुएल २१ :४-५ ; १ कोरिन्थी ७ :५

### परमपरभु यावे गरुशा

१६ मिनु मेको आ नित्य नाक्ती डांडा तार बुंबु पा, चिला पा, ठेयब गोस्स का गरुत। मिनु तुराही का थम ठेयब संदा पा गरीत। मेको नंशा, इसराएलीपुकी हिंशा, डोन लशा, बाक्तेक्म। १७ मिनु मोसामी इसराएली आन कली परमपरभु कली गरुम्य जाक्कीन, दे आन बाक्तीक रे गरुइताक्व। मेकोपुकी डांडा आ पुंमी राण्शा बाक्शो बाक्तेक्म। १८ मिनु सीने डांडा कुने कुन दुम्त। मारदे हना परमपरभु यावे मेकर मीम तांइसाक्व। मेको मार मार चाशो खोदंशो पा ठेयब कुन गरुत। मिनु डांडामी ठेयब सिरनु कुत। उत्पत्ती १५ :१७ १९ तुराही आ संदा शुश ठेयब दुम्मेन, मोसामी परमपरभु नु लोत्र पाप्तु। मिनु परमपरभुम बुंबु पशो खोदंशो पा मोसा कली लोत्र लेताक्व। परस्थान ३३ :११ ; पररित ७ :३८ २० मिनु परमपरभु यावे सीने डांडा तारी जाक्त। मिनु परमपरभु यावमी मोसा कली “डांडा तार डांडसा” दे बरत। मिनु मोसा डांडसाक्व। २१ मिनु परमपरभु यावमी मोसा कली “तांइसा। मुर आन कली होस पा मेकर बाक्कीन। परमपरभु यावे गे मलन” दे अरेवो। आं कली कोत्रथ कुम्तेक्म हना, शुश मुर बेक्नीम। २२ आं कली गरुम्य कुइब चढेबपुकी यो आंम कली चिक्शा ठीक दुम्चा माल्नीम। मो मपास्तेक्म हना, गो मेको आन कली यो साइक्नुडमी” देत। २३ मिनु मोसामी परमपरभु यावे कली “मुरपुकी सीने डांडा डाइक्ने मचानीम, मारदे हना गे आं कली ‘एर आंथ थरपु हिरशा, इन के सेल्चा’ दे अरेतीनी” देत। २४ मिनु परमपरभु यावमी मोसा कली “लावो, हारून कली डाइक्पतो। तन्न चढेबपुकी नु मुर आन कली चहिं मचाक्को। परमपरभु यावे आ बाक्तीक कुम्तेक्म हना, गो मेको आन कली साइक्नुडमी” देत। परस्थान २४ :९-११ २५ मिनु

मोसा मुर आन बाक्तीक तोइइशा, मेको लोत्र नल्ल मुर आन कली माइक्तीमी।

परमपरभु आ अरेशो १० ओटा लोत्र

ब्यवस्था ५ : ६-१८

१मिनु परमपरभुमी मार लोत्र पाप्तु दंशा  
२० हना मत्ती ५ : १७-२८ २ "गो परमपरभु याव, इन परमपरभु नड। गो इन कली वाइलीम वाइल दुम्शो इजीप्त रागी र गूइताकन्नी। न्यायाधीस ६ : ८ ; यरमीया ३४ : १३ ३गे आं कली ला बाप्शा सउ पने, देवी देवता आन कली बाप्शा सउ मपने। ब्यवस्था ६ : ४-५ ; यसैया ४५ : ५-६ ; १कोरिन्थी ८ : ५-६ ४मूर्ति मसलीन। सरीडम बाक्ब, रागीम बाक्ब नु ब्याक्कु गाम बाक्ब तेकोइ जन्तु आन मूर्ति मसलीने। ब्यवस्था ४ : १५-१९ ; ब्यवस्था २७ : १५ ; यसैया ४० : १८-२६ ; रोमी १ : २३ ५मेको आन कली बाप्शा सउ मपने। मेको आन कली ठेयब मसलीने। मारदे हना गो परमपरभु यावे, इन परमपरभु नड। गो रुश पाइब परमपरभु नड। आं कली काइ मदाक्ब नु आ अरेशो मटीब मुर आन आल, चच, युइ नु युइ आन युइ आन पाला सम्म यो सजाइ गेब परमपरभु नड। परस्थान ३४ : १४ ; ब्यवस्था ४ : २४ ; ब्यवस्था ५ : ९ ; ब्यवस्था ६ : १५ ; अग्युब २१ : १९ ; यरमीया ३१ : २९-३१ ; इजीकीएल १८ : २५ ६तन्न सु सुमी आं कली दाक्नीमी, आं शंशो लोत्र टीनीमी, मेको आन आल, चच युइ नु युइ आन युइ आन पाला सम्म कली ला ममाइ, हजार हजार पाला सम्म गेना हना यो शिशी पाइक्नुडमी। परस्थान ३४ : ७ ; ब्यवस्था ७ : ९

७गे परमपरभु यावे, इन परमपरभु आं नें, मो मथिने। मारदे हना सुम परमपरभु याव आं नें मो थीबा, मेको कली सजाइ मगथु, मप्रांइब। लेवी १९ : १२ ; लेवी २४ : १६

८सन्चरबार नाइक्तीक नाक्ती आं नाक्त बाक्ब। मानेचा माल्नीनी। परस्थान १६ : २५-२९ ९गे ६ नाक्त इन गेय नल्ल पचा माल्नीनी। १०तन्न मेको आ नोले डा नाक्त परमपरभु यावे, इन परमपरभु आ नाइक्तीक नाक्त बाक्ब। मेको नाक्ती गेपुकी काइ गेय मपने। इन तमी ती, इन वाइलीम वाइल, इन बस्तु भाव, इन रागीम बाक्शो अर्का रागी डा मुर आन कली यो काइ गेय मपपतीन। परस्थान ३१ : १३-१७ ; इजीकीएल २० : १२ ; मर्कस २ : २७-२८ ; कलस्सी २ : १६-१७ ११मारदे हना परमपरभु यावमी ६ नाक्तीमी सरीड

नु रागी, ठेयब समुन्दर नु ठेयब समुन्दरमी बाक्शो नल्ल आन कली सल्लु। मिनु नोले डा नाक्त नांइसाक्ब। मोपतीक परमपरभु यावमी 'मेको आं नाक्त बाक्ब' दे मेको नाक्त कली आसीक गेशो बाक्ब। उत्पत्ती २ : २-३

१२इन आम आफ आन कली मान पने। मो पाइतीनी हना, परमपरभु यावमी, इन परमपरभु इन कली गेशो रागीम शुश ब्रांइचा गेब। परस्थान २१ : १७ ; ब्यवस्था २७ : १६ ; मत्ती १५ : ४-६ ; एफिसी ६ : २-३

१३मुर मसतीन। परस्थान २१ : १२ ; उत्पत्ती ९ : ५-६ ; याकूब २ : १०-११

१४मुर आन मोश वांइश नु मइपीन। लेवी २० : १० ; मत्ती १५ : १९

१५सुइ मपने। परस्थान २१ : १६ ; लेवी १९ : ११ ; एफिसी ४ : २८

१६जोल पा सांकछी मबाक्कीन। परस्थान २३ : १ ; ब्यवस्था १९ : १८-१९ ; एफिसी ४ : २५

१७इन नेक्था बाक्ब मुर आ सिं, आ मोश आ वाइलीम वाइल, आ बी ब्यफ नु आ गधा, मेको के मार बाक्त हना यो, मेको तशा मबाल्दीन। एको परमपरभु यावे आ अरेशो लोत्र बाक्ब" दे मोसामी इसराएली आन कली दंत। रोमी ७ : ७ ; रोमी १३ : ९

परमपरभु कली मान पा हिंशो

१८मिनु मुरपुकी डोन बाक्मानु, बुंबु पशो नंशा नु चिला पशा तशा, तुराही ताप्शो नंशा, डांडा रे कुशो कुन तशा, डोन लशा हिंशा खिरखिर पा, कोत्रशा बाक्तेक्म। १९मिनु मेकोपुकीमी मोसा कली "गे आंइ कली लोत्र पाइतीनी हना, गो नंनीकी। तन्न परमपरभुमी आंइ कली लोत्र पाप्तु हना, बेक्नीकी" दंतक्म। २०मिनु मोसामी "महिनीन। परमपरभु इन कली नाक्थ जाक्त। गे परमपरभु कली मान पा हिंचा डा बाक्ब, दे मिस्ताक्नी हना, पाप मपाइनीनी" दंत। उत्पत्ती २२ : १ २१मुरपुकी डोन बाक्शो बाक्तेक्म। मोसा चहिं परमपरभु आ नेक्था क्येर गोस्सुम लत। १२राजा ८ : १२

२२मिनु परमपरभु यावमी मोसा कली "गे इसराएली आन कली "आं कली सरीड रे लोत्र पशा नंतीनी।

२३गे गो नु देवी देवता मसलीन। गे आम कली सुन नु चांदी के देवी देवता मसलीने।

२४गे आं कली खप के चंदतीके सेल्वा माल्नीनी। मेको तारी चोशा चंदतीक चंदेचा

माल्नीनी। इन दुशा बाक्चा आ पर्वम चढ्तीक चढ्दन। भेडा, ब्यफ चढ्चा माल्नीनी। गो ते ते इन कली आं नें मिम्पाइक्नुडा, मेक मेक इन कली आसीक गेनुड। परस्थान १७:१५; परस्थान २७:१-८; ब्यवस्था १२:५ २४ गे आं कली फुल्लु के चढ्तीक सत्त्वा दाक्ताक्नी हना, मपराल्थो फुल्लु के सत्त्वा माल्नीनी। मेको फुल्लु फलामम प्रोल्तीनी हना, मेको आं कली मडुम्ब। ब्यवस्था २७:५; यहोसु ८:३१ २६ आं कली चढ्तीकम थंका मडोइसीन। इन मुन दोक्तीक मतांडसक्त् दे माइक्मी” देमाक्त्।

### हिबेरू वाइलीम वाइल

१२ मिनु परमपरभुमी लेंशा “मेको निसाफ पतीक लोत्र मुर आन कली शंचा माल्नेवे। २१ गेपुकीमी हिबेरू वाइल ग्याप्तीनी हना, ६ बर्स इन गेय पपाइश्शा, नोले डा बर्स मो लचा गेचा माल्नीनी। लेवी २५:३९-४१; ब्यवस्था १५:१२-१७; येरमीया ३४:१४ ३मेको वाइल आ का जाक्त् हना, आ का लचा माल्ब। ग्युंवे पा जाक्त् हना, आ मीश लाइश्शा लचा माल्ब। ४ आ होत्रपम आ वाइल कली ग्युंवे पपाइक्त् हना, मेकोमी तमी ती थित हना, मेको मीश मुर नु आलपुकी मेको होत्रप केन दुम्नीम। मेको वाइल आ का ला लचा माल्ब। ५ तन्न मेको वाइलम “आं होत्रप, मीश नु आं आल आन कली दाक्नुड, गो प्रोइशा मलाइनुड” दंत हना, ६ आ होत्रपम आ वाइली कली परमपरभु आ डोइती लाइक्चा माल्ब। मिनु लाप्चो डा शोम आ नोफा खिरत्त्वा कली राप्पाइक्चा माल्ब। मिनु आ होत्रपम लूजेमी आ वाइली आ नोफा खिरत्त्वा माल्ब। मिनु मेको गेना हना यो वाइल दुम्शा बाक्ब। ब्यवस्था १:१७; भजन संग्रह ८२:१

७ सुइमी आ तमी कली वाइलीमी सत्त्वा, लेयतु हना, मेको प्रोइचा मपुइसीब। ८ मेको होत्रपमी आंम कली चाक्गा नोले मेको कली मदाक्ताक्व हना, मेको कली क्येट ताक्शा प्रोइचा माल्ब। आ होत्रपमी मेको वाइलीम कली अर्का रागी डा मुर आन कली लेयने मचाप्ब। मारदे हना मेको मीश मुर मरिम्शो पचा पुंडसीशो बाक्ब। ९ मिनु मेको होत्रपमी मेको ग्याप्शा मीश आल आ ती कली गेप्त् हना, आ तमी सोदंशो पचा माल्ब। १० मेकोमी अर्का मीश यो चाक्त् हना, डोइती डा कली जचा, फेक्चा नु ग्युंवे पशो मीश मुर आन माल्थो नेल्ल गेचा

माल्ब। ११ तन्न मेको आ माल्थो नेल्ल मगेप्त् हना, मो लचा गेचा माल्ब” दनो” दंत।

### साइक्चा नु तुम्मुचा आ पर्वम लोत्र

१२ मिनु “सुमी मुर कली मबेक्म सम्म तुप्चा, मेको मुर थमा पा साइक्चा पुंडसीब। परस्थान २०:१३; उत्पत्ती ९:६; मत्ती ५:२१-२२ १३ मुस्मी अरु कली खेदा मपथु, साइक्चा ममाल्थो बाक्त्, तन्न परमपरभुमी मेको मोदंशो दुम्पाइक्त्, गो इन कली मोदंशो मुर कली प्रोक्शा बाक्तीक का कोइनुड। गन्ती ३५:६-२९; ब्यवस्था १९:४-१३ १४ तन्न मुर कामी अरु कली ‘गो साइक्नुड’ दे मेको कली साइक्त् हना, मेको मुर कली आं चढ्तीक रे लाइश्शा, साइक्चा माल्ब। १४ गे २:२९-३० १४ सुम आ आम आफ आस कली तुप्चा, मेको थमा पा साइक्चा पुंडसीब। १६ सुमी मुर कली लेयचा कली खुइ पाइबा, मिनु मेको आ खुइ पशो मुर कली आ खिम थितेक्म हना, मेको मुर थमा पा साइक्चा पुंडसीब। ब्यवस्था २४:१७; १४ तिमोथी १:१० १७ सुमी आ आम आफ आस कली सराप पाइबा, मेको थमा पा साइक्चा पुंडसीब। १५ मिनु मुरपुकी जिशा कामी अर्का कली फुल्लु आप्तु हना, आ गुइमी तुप्त् हना, तन्न मेको मुर मबेक्थु, आ बाक्तीकम इप्शा, १९ बोक्मनु, कोक्क तिक्शा, गाक्न चाप्ब दुम्त् हना, मेको तुप्बमी मेको तुप्चा पुंडसीब नु गारचा माल्ब। तुप्चा पुंडसीब आ गेय मपशो डा ला थाप्चा ममाइ, मेको कली ठीक पा मसाम सम्म थाप्चा माल्ब। २० मिनु सुइमी आ वाइलीम वाइल कली कोक्कमी तुप्त् हना, तुबानु बेक्त् हना, मेको मुर थमा पा सजाइ ताइब। २१ तन्न मेको तुप्चा पुंडसीशो मुर का निक्शी नाक्त् सम्म बरोइत् हना, मेको तुप्ब मुर सजाइ गेचा मपुंडसीब। मारदे हना आंम आ क्यटीम ग्याप्शो बाक्ब। २२ मिनु वांइश मुर जिशा, राम्शी पा आन नेक्था बाक्शो कोत्रज कुरशो मीश मुर कली चुशा चिप्शा, मेको मीश मुस्म आ कोत्रज डा आल शाम्ताक्व हना, तन्न आ चहिं मारदे मरिम्शो मडुम्त् हना, आ वांइशमी दंशो सोदंशो पा मेको डी डा चुशा चिप्ब मुस्म सजाइ ताइब। निसाफ पाइबमी गिश थाप्चा माल्ब देबा, मिश थाप्चा माल्ब। २३ तन्न मेको मीश मुर नोले बेक्त् हना, चुशा चिप्ब मुर साइक्चा पुंडसीब। लेवी २४:१९-२०; ब्यवस्था १९:२१; मत्ती ५:३८

२४ सुइमी अरु आ मिक्ची का पुक्ताक्व हना, मेको यो आ मिक्च पुक्चा पुंडसीब। सुइमी अरु

आ खरुइ का जिक्ताक्व हना, मेको यो आ खरुइ जिक्चा पुंडसीब। सुइमी अरु आ गुइ जिक्ताक्व हना, मेको यो आ गुइ जिक्चा पुंडसीब। सुइमी अरु आ खोइली का जिक्ताक्व हना, मेको यो आ खोइली जिक्चा पुंडसीब।

२४ सुइमी अरु कली मीम चोशा, गार सल्लु हना, मेको कली यो मीम चोशा गार सल्लु माल्ब। सुइमी अरु कली तुप्तु हना, मेको तुप्ब यो तुप्चा पुंडसीब। सुइमी अरु कली क्योरशा गार सल्लु हना, मेको यो क्योरशा गार सल्लु पुंडसीब।

२६ मिनु होव्रप कामी आ वाइलीम वाइल आन मिक्चीम तुप्तु हना, मेको मिक्च बुक्त हना, मेको होव्रपमी मेको मिक्च आ पर्वम मेको कली मोशा परांडचा माल्ब।

२७ आ वाइलीम वाइल कली तुप्चा, आ खरुइ जिक्ताक्व हना, मेको होव्रपमी मेको खरुइ आ पर्वम मोशा परांडचा माल्ब।

२८ मिनु ब्यफ कामी वॉइश मुर, मीश मुर, सुइ कली खरुशा साइक्तु हना, मेको ब्यफ कली थमा पा फुल्लु आप्शा साइक्चा माल्नीनी। आ श्ये ब्यचा मदुम्ब। मेको ब्यफ आ होव्रप चहिं सजाइ मताइब। उत्पत्ती १:५; गन्ती ३५:३३ २९ तन्न मेको ब्यफ डॉइती रे खरुइब बाक्त हना, मिनु आ होव्रपमी तुइश्शा यो, आ ब्यफ कली रिम्शा पा मवोइक्तु हना, मेको ब्यफोमी वॉइश मुर, मीश मुर, सुइ कली साइक्तु हना, मेको ब्यफ कली फुल्लु आप्शा, साइक्चा माल्ब। मिनु आ होव्रप कली यो साइक्चा माल्ब। ३० मसाइक्चा, दे क्येट पुंडतक्म हना, दोशा पुन्म मोशा गेचा माल्ब। ३१ ब्यफोमी तमी तो खरुप्तु हना, मेको मोदंशोन पचा माल्ब। ३२ ब्यफोम सुइ आन वाइलीम वाइल आन कली खरुप्तु हना, मेको ब्यफ आ होव्रपमी वाइलीम वाइल आन होव्रप कली ३० शेकल चांदी गेचा माल्ब। मिनु ब्यफ कली चहिं फुल्लु आप्शा साइक्चा माल्ब” देनो। शेकल का ११:५ ग्राम, तोला खोदंशो बाक्ब। ३० शेकल चांदी ३४:५ ग्राम बाक्ब।

बस्तु भाव आन पर्वम अरेशो

३३ मिनु “सुइमी लाइश्शो इनार रोक्तु हना, इनार दाप्तु हना, मिनु मेको मसुम्थु लत हना, नु ब्यफ हना यो गधा हना यो बिक्त हना, लेवी ७:२४; लेवी १७:१५ ३४ मेको इनार आ होव्रपमी मेको गारपाइक्चा माल्ब। मेकोमी बस्तु भाव

आ होव्रप कली क्येट गेचा माल्ब। मेको बेक्शो बस्तु चहिं इनार आ होव्रप के दुम्ब।

३५ मिनु मुर का आ ब्यफोमी अरु मुर आन ब्यफ कली खरुशा साइक्तु हना, मेको सस ब्यफ कली लेयचा माल्ब। मेको ताक्शो क्येट मेको आस दातेमी योक्शा, बेक्शो ब्यफ यो आस दातेमी योक्चा माल्नीस। ३६ तन्न मेको ब्यफ डॉइती रे खरुइब बाक्ब, दे तुइश्शा यो, आ होव्रपमी मेको ब्यफ कली रिम्शा पा मवोइक्तु हना, मेको बेक्शो ब्यफ कली थमा पा थाप्चा माल्ब। मिनु बेक्शो ब्यफ मेको के दुम्ब” देनो।

सुइ आ पर्वम अरेशो

१ सुइमी ब्यफ, भेडा सुइ पशा, क्योरशा २२ ब्याप्तु हना यो, लेयतु हना यो, मेको मुरुमी ब्यफ का के ५ ओटा ब्यफ थाप्चा माल्ब। भेडा का के ४ ओटा भेडा थाप्चा माल्ब। २ सामुएल १२:६; हितोपदेस ६:३१; लूका १९:२ २ मिनु सुइ कली सुइ पना पन थित्तक्म हना, मेको कली तुप्चा साइक्तक्म हना, साइक्ब साइक्चा डा सजाइ गेचा मपुंडसीनीम। ३ तन्न नां दाप्शा नोले सम्म तुप्चा साइक्तु हना, मेको साइक्ब साइक्चा डा सजाइ ताइब। सुइ पाइब आ सुइ पशो नेल्ल लेत्चा माल्ब। थाप्ने मचाप्तु हना, वाइल सल्लु पुंडसीब। ४ मेको सुइ आ सुइ पशो ब्यफ, गधा, भेडा आ बाक्तीकम सल थित्तक्म हना, मार बाक्त हना यो का के निक्शी थाप्चाइक्चा माल्ब।

रु आ पर्वम अरेशो

५ मिनु “सुइमी आ बी ब्यफ, क्योरशा भेडामी अरु मुर आन शोक्शो रु नेक्पाइक्तु हना, अडगुर रु डा अडगुर नेक्पाइक्तु हना, मेकोमी आ आम रु डा नेल्ल क्येडा रिम्शा फल थाप्चा माल्ब। ६ सुइमी मी सुइक्तानु, मेको मीम चू नु रुमी बाक्शो मारइ नेक्तु हना, मेको मी सुइक्बमी मीम नेक्शो नेल्ल थाप्चा माल्ब” देनो।

वोइक्चा गेशो आ पर्वम अरेशो

७ मिनु “सुइमी आ नेक्था डा मुर कली आ क्येट, अरु मारइ वोइक्चा कली गप्तु हना, वोइक्ब मुर आ सिं रे सुइ दुम्त हना, नु सुइ कली थित्तक्म हना, मेको सुइमी का के निक्शी थाप्चा माल्ब। ८ सुइ मथित्तक्म हना, मेको सिं डा ठेयब मुरुमी आम नेक्था डा मुर आ मार मार सुइ पवा कां, दे परमपरभु आ डॉइती राप्चाइक्चा

माल्ब । १ मिनू बी ब्यफ, गधा, भेडा नु वासी मार मार वोइक्वमी नु वोइक्वा गेब, निम्फामी 'आं क बाक्व' देताक्स हना, मेको निकशी परमपरभु आ डांइती जाक्वा माल्नीस । परमपरभुमी सुम सुइ सुइक्वा, मेकोमी का डा निकशी थाप्वा माल्ब । १० मिनू सुइमी आ नेक्था डा मुर कली गधा, ब्यफ, भेडा नु अरु बस्तु भाव वोइक्वा कली गेपु हना, मेको बस्तु भाव बेक्तेक्म हना, तुप्शा बिगरम्तेक्म हना, सुइम मतचा डा पा मुरुम सुइ पा लाइशो बाक्तेक्म हना, शराजा ८ :३१-३२ ११ मेको वोइक्वम आ नेक्था डा मुर आ बस्तु भाव 'सुइ मपड' दे परमपरभु यावे आ डांइती कसम जचा माल्ब । मिनू बस्तु भाव आ होत्रपम मेको थमा सुदानु, वोइक्व मुरुमी मारेड थाप्वा ममाल्ब । १२ तन्न आ खिं रे सुइ पशो बाक्त हना, मेको वोइक्वमी मेको थाप्वा माल्ब । १३ ब्याकी डा जन्तुम मेको बस्तु कली ग्याइशो साइशो बाक्त हना, मेको वोइक्वम मेको साइशो बस्तु दसी चाक्वा माल्ब । मेको ब्याकी डा जन्तुमी साइशो कली थाप्वा ममाल्ब । उत्पती ३१ :३९ १४ मिनू सुइमी आ नेक्था डा मुर रे ब्यफ का परमा पचा कली पुंडतु हना, बस्तु आ होत्रप मबाक्थु, मेको ब्यफ खजा दुम्त हना, बेक्त हना, मेको थमा पा थाप्वा माल्ब । १५ तन्न आ होत्रप यो बाक्त हना, मेको मारेड थाप्वा ममाल्ब । मारेड हना गेय पचा कली क्येट गेशो बाक्व" दनो ।

### मीश आल आ परबम अरेशो

१६ मिनू "वोइश मुर कामी कन्ने मीश आल नु मिलो शिलो पा, मेको नु इप्त हना, मेको कली थमा पा ग्युंब पा आ आफ कली मार मार थाप्वा माल्ब । ब्यवस्था २२ :२८-२९ १७ तन्न मीश आल आ आफोमी आ तमी मगेपु हना, मेको वोइश मुरुम कन्ने ग्युंब पशो खोदंशो पा, क्येट थाप्वा माल्ब ।

### थमा पा साइक्वा पुंडसीब मुर

१८ टुना मुना पाइब कली बरोइचा मगेचा । लेवी २० :६, २७ ; लेवी १९ :३१ ; ब्यवस्था १८ :१० ; १९ सामुएल २९ :९ ; मलाकी ३ :५

१९ सु बस्तु नु इप्वा, मेको कली थमा पा साइक्वा माल्नीनी । लेवी १८ :२३ ; ब्यवस्था २७ :२१

२० सुमी देवी देवता कली पूजा पाइबा, मेको मुर थमा पा साइक्वा पुंडसीब । परमपरभु यावे कली

ला चदेचा माल्ब । परस्थान २० :३-५ ; ब्यवस्था १३ :७-१९ ; ब्यवस्था १७ :२-७

### महिकसीशो मुर आन परबम अरेशो

२१ अर्को रागी डा मुर आन कली श्येत मगेचा, मदिप्वा । मारेड हना ग यो इजीप्त रागीमी अर्को रागी डा मुर दुमशा बाक्तीनी । लेवी १९ :३३-३४ ; ब्यवस्था १० :१८, १९ २२ आ वोइश बेक्शा मीश मुर नु रोम रोइक्व आन कली श्येत मगेचा । ब्यवस्था २७ :१९ ; यसैया १ :१७ ; जकरिया ७ :१० २३ गेपुकीमी श्येत गेतीनी हना, मेकोपुकीमी आं कली लोत्र पाक्तेक्म हना, गो थमा पा आन पुंडशो गेनुड । २४ मिनू गो गाइशो, इन कली तरवारमी साइक्वन्नी । मिनू इन मीश वोइश बेक्शा मीश दुम्ब । इन आलपुकी आफ बेक्शा आल दुम्नीम ।

२५ गेपुकीमी आं मुर आन दाते डा परुडग आन कली क्येट जेर गेतीनी हना, गे क्येट चेम्चा कली चाइक्व ताक्व मुर खोदंशो मदुमीन । लेवी २५ :३६ ; ब्यवस्था २३ :२० ; हितोपदेस २८ :२ २६ मिनू गेपुकीमी मेको आन सुम्तीक वासी क्येट आ पा डा लाइक्तीनी हना, नां परची ना मेको लेत्वा माल्नीनी । ब्यवस्था २४ :१०-१३ २७ मारेड हना मेको आन रां डा सुम्तीक का ला बाक्व । इन्वी ना दोपा सुम्सीनीमी ? आं कली बरेक्तेक्म हना, गो आन पुंडशो गेनुड । मारेड हना गो शिशी पाइब नड ।

### परमपरभु कली मान पा हिंचा

२८ परमपरभु आ परबम मरिम्शो लोत्र मपचा । इन कली सासन पाइब कली सराप मपचा । लेवी २४ :१४-१६ ; पररित २३ :५ २९ गे इन रू डा डांइती मीशो मारेड मारेड नु अडगुर रस चदेचा मरिम्दीन । मिनू इन डांइती जर्मशो तौपुकी आं कली गेचा माल्नीनी । परस्थान २३ :१९ ; ब्यवस्था १८ :४ ; हितोपदेस ३ :९-१० ; पररित १३ :२, १३ ३० इन बी ब्यफ नु इन भेडा रे यो मोदंशो पचा माल्नीनी । ७ नाक्त आन ममा नु बाक्वा माल्नीमी । मेको नोले डा नाक्ती आं कली गेचा माल्नीनी । ३१ गेपुकी आं मुर ला दुम्चा माल्नीनी । गे ब्याकी डा जन्तुपुकीम साइशो मब्बने । मेको कुचुम कली ब्यचा गन" दनो । लेवी १९ :२ ; १पतरस १ :१५ ; लेवी ७ :२४ ; ब्यवस्था १४ :२१ ; इजीकीएल ४ :१४ ; इजीकीएल ४४ :३१

ठीक पतीके आ पर्वम अरेशो

१ "गेपुकी जोल लोत्र मबरपतीने। मरिम्शो  
२३ पाइब कली वारच मपने। जोल पा सांकळी  
मबाक्कीन। परस्थान २०:१६; लेवी १९:१६;  
भजन संग्रह १५:३; हितोपदेश १९:९ २मिनु  
ठयब हुल का मरिम्शो पाइब बाक्तीकम हना, मेको  
आन नाले मखातीन। निसाफ पाइब आ डांडती  
ठयब हुल डा मुर ठीक बाक्तीकम मदेनीन। मोपा  
आं ठीक पतीके रे डोन मलने। ३दूली पाइब मुर  
परुडग बाक्ती हना यो मेको कली वारच मपतीन।  
लेवी १९:१५

४मिनु गे इन जोरी सतरु आन ब्यफ, गधा  
लां जाम्शा, हिरशो ताइतीनी हना, मेको कली  
वारच पा, लेशशा आ सिं चोत्रदीत्वा माल्नीनी।  
अय्युब ३१:२९; हितोपदेश २५:२१-२२; लुका  
६:२७ ५गे नु मदुइब मुर आ गधा आ भारीम  
चिप्शो थितीनी हना, गे मेको पोक्ने मचाप्शो  
मुर ताइतीनी हना, मेको कली महेरदीन। मेको  
कली वारच पा मेको कली पोक्कीन। ६मिनु  
परुडग मुर का पित हना, मेको कली परुडग  
बाक्ती हना यो, ठीक निसाफ पने। ब्यवस्था  
२५:१९; भजन संग्रह ८२:२-४; उपदेशक  
५:७; यसेया १:१७ ७जोल पा सांकळी माल्ब  
आन क्येडा डोन बाक्तीन। दोस मताइब नु ठीक  
पाइब कली मसतीन। मारदे हना गो मरिम्शो  
पाइब आ पर्वम ठीक पाइब बाक्ती मदेनुड।  
८गेपुकी खरुइशशा मारइ मताक्कीन। मारदे  
हना मेकोमी मिक्च सिल्व। मिनु खरुइशशा  
ताक्शोमी ठीक पाइब आ मुददा लोक्ब।  
ब्यवस्था २७:२५; १सामुएल ८:३; हितोपदेश  
१७:२३ ९मिनु अर्का रागी डा मुर आन कली  
मदिपीन। मारदे हना गेपुकी यो इजीप्त रागीम  
अर्का रागी डा मुर दुम्शा, अर्का रागी डा मुर  
आन थुं तुइक्कीनी। परस्थान २२:२०

नाइक्तीक नाक्ती नु बर्स

१०मिनु ६ बर्स सम्म इन रूमी खरुम्शा, सेक्शा  
सुप्तीन। लेवी २५:१-१७, १८-२४ ११मिनु मेको  
आ नाले डा बर्स चहिं मारइ मशोक्थु, मो वातीन।  
इन रागी डा परुडगगेपुकीमी मेको आंमा वाशो  
जामेक्ल। लीत हना, जन्तुपुकीम जामेक्ल। इन  
अडगुर रू नु इन तेल खापुकी यो मेको खोदेशोन  
पने।

१२गेपुकी ६ नाक्ती गेय पचा माल्नीनी। मेको  
आ नाले डा नाक्ती चहिं नांडसीन। मोपा इन

ब्यफ नु गधा यो नाइक्ने चाप्नीम। मिनु इन  
वाइलीम आ ती नु इन सिंम बाक्शो अर्का रागी  
डा मुर यो नाइक्चा ताइनीम। परस्थान २०:८-  
११ १३आं अरेशो नेल्ल पने। देवी देवता आन कली  
मारइ मपुइचा आन नें यो मथिचा। यहासु २३:७;  
जकरिया १३:२

बर्स डा चाड सां

१४बर्सम आं पर्वम खेयप सां चाड मानेचा  
माल्नीनी। परस्थान ३४:१८-२६; लेवी २३:४-  
४४; ब्यवस्था १६:१-१७ १५गो इन कली दंशो  
खोदेशो पा, बोरब ओस्ती मसुप्शो शोब्ले डा  
चाड मानेचा माल्नीनी। गेपुकी ७ नाक्ती सम्म  
बोरब ओस्ती मसुप्शो शोब्ले जचा माल्नीनी।  
मेको आबीब महिनामी पचा माल्नीनी। मारदे  
हना गेपुकी आबीब महिनामी इजीप्त रागी रे  
गरुतीनी। आं डांडती श्येत्य गुइ मजाक्कीन।  
परस्थान १२:१५-२० १६मिनु इन रूम खरुम्शो  
डांडती डा मीशो मारइ मारइ डा चाड मानेचा  
माल्नीनी। बर्स नुप्ची ना नेल्ल रिक्शा, सुप्शा,  
आंइन थुम्शो डा चाड मानेचा माल्नीनी।  
परस्थान ३४:२२ १७वांइश मुर नेल्ल परमपरभु,  
परमपरभु यावे आ डांडती बर्समी खेयप सां  
जाक्चा माल्नीनी। १८गेपुकीमी चदेनीनु, चदेशो  
आ हुश नु बोरब ओस्ती सुप्शो मारइ मारइ  
कालेमी मचदेन। मेको चदेशो श्ये आ बांसा सुनी  
सम्म महंचा। परस्थान १२:७-१०; परस्थान  
३४:२५

१९मिनु इन रू डा डांडती मीशो नेल्ल क्येडा  
रिम्शो फल फुल नु अन्न परमपरभु यावे, इन  
परमपरभु आ बाक्तीकम चाक्चा माल्नीनी।  
गेपुकीमी पाठा कली आ ममा आ दूधम लोप्शा  
मक्येने, देना" दे परमपरभु मोसा कली देत।  
उत्पती ४:४; ब्यवस्था २६:१-११; नेहन्याह  
१०:३६; ब्यवस्था १४:२१

परमपरभु आ अरेशो नु गेशो लोत्र

२०मिनु परमपरभुमी "नेनीन, गो इन डांडती  
आं स्वर्ग डा गेय पाइब का सोइक्नुड। मेकोमी  
लांमी इन कली कोत्रशा नु आं दंशो बाक्तीकम  
चोत्रदीब। परस्थान १४:१९ २१गेपुकी होस  
पा बाक्शा, आं दंशो टिन। गेपुकी मेको कली  
मगाइक्पतीन। मारदे हना आं नें मेको नु बाक्ब।  
मिनु मेकोमी इन हेंथे पतीक मक्याम्ब। यसेया  
६३:१० २२गेपुकी आ दंशो नेनीन। आं दंशो  
नेल्ल पाइतीनी हना, गो इन जोरी सतरु आन

जोरी सतरु दुम्नुड। इन कली खेदा पाइब आन कली खेदा पाइब दुम्नुड। २२ आं स्वर्ग डा गेय पाइब थमा पा इन डांइती लाइब। मिनु इन कली एमारी, हिती परिज्जी, नानी, हिर्वी नु यबुसी कनानी आन रागी चोवदीब। मिनु गो मको नेल्ल आन कली क्याम्नुड। २४ गेपुकी मको आन खोदंशो मपन। मको आन देवी देवता आन डांइती बाश्शा सज मपन। मको आन कली गेय मपन। तन्न मको आन मूर्ति जिक्शा परोल्शा ताइक्तीन। परस्थान २०:५; व्यवस्था १२:३०; लेवी १८:३ २५ गे परमपरभु यावे, इन परमपरभु कली गेय पाइतीनी हना, गो इन जचा तूचा थोवक कली आसीक गेनुड। मिनु इन कली रोइ नेल्ल रे परांइनुड। परस्थान १५:२६ २६ इन रागीमी मीश मुरपुकी आल शाम्ब नु आल मथीब मदुन्नीम। मिनु गेपुकी खाल्पी खाल्पा दुम्चा सम्म बरांइनीनी। २७ गो इन डांइडांइती हिंच कांइनुडमी। मिनु गे ते ते जाकदीलीनी, गो मक डा जात जात डा मुर आन थुं तुक्च लपाइक्नुड। मिनु इन जोरी सतरु इन कली तशा परोक्नीम। उत्पत्ती ३५:५; यहोसु २:९-११; १सामुएल १४:१५ २६ गो इन डांइडांइती हिक्वा सोइश्शा खोदंशो पा हिंतीक सोइक्नुड। मिनु हिर्वी, कनानी नु हिती इन डांइती रे परोक्पाइक्नुड। व्यवस्था ७:२०; यहोसु २४:१२ २९ तन्न बर्स कामी मको आन कली मपरोक्पाइक्नुडमी। मोपा परोक्पाइक्तामी हना, गोरशो रागी दुम्शा, इन क्यडा ब्याकी डा जन्तु शुश दुम्नीम। ३० गे शुश दुम्शा, मको रागी मबरीनी सम्म, गो मको आन कली इन डांइती रे का का पा गर्इनुडमी। व्यवस्था ७:२२ ३१ गो इन रागी लल समुन्दर रे पलिस्ती आन ठेयब समुन्दर सम्म नु गोरशो रागी रे युफरटीस खोला सम्म दुम्पाइक्नुड। मिनु गो मको रागी डा मुर इन कली जिम्मा गेनुड। मिनु गे मको आन कली खरनीनी। उत्पत्ती १५:१८ ३२ गे मकोपुकी नु मको आन देवी देवता नु कबल मपमुने। परस्थान ३४:१२ ३३ मकोपुकीम इन कली पाप पपाइक्नीम। मोपतीके मको आन कली इन रागीमी बाक्चा मगेन। गे मको आन देवी देवता आन कली गेय पाइतीनी हना, आन ग्याइलीम रत्वा पुंडसीनीनी” दे परमपरभु यावेमी इसराएली आन कली अरेवा बाक्त।

सीने डांडाम कबल पशो

२४

१ मिनु परमपरभु यावेमी मोसा कली “गे, हारून, नादाब, अबीहु नु इसराएली आन

खाल्पा रे ७० जना मुर कुने। मिनु डोन रे आं कली सज पचा माल्नीनी। परस्थान २८:१; लेवी १०:१; गन्ती ११:१६ २ गे ला आं नेक्था जाकने चान्वे। अरु चहिं नेक्था मजाक्यु, बाक्चा माल्नीमी। मिनु मुरपुकी गे नु डांडा डोइक्चा मदुन्नीम” दे परमपरभु यावेमी दंत।

३ मिनु मोसा डांडा रे तोइश्शा, मुर आन कली परमपरभु यावेमी देशो नु अरशा लोत्र नेल्ल नेपाइक्तीमी। मिनु मुर नेल्लमी मुर का खोदंशो पा “परमपरभु यावेमी देशो लोत्र नेल्ल गो पाइनीकी” दंतकम। परस्थान १९:८ ४ मिनु मोसामी परमपरभु यावे आ देशो लोत्र नेल्ल बरक्ताक्व। मिनु सुनी कना बाक्शा, डांडा आ पुंमी चदेतीक का नु इसराएल आ १२ थर मिम्चा कली १२ ओटा फुल्लु खरक्तु। परस्थान ३४:२७; यहोसु ४:२० ५ मिनु मोसामी इसराएली ठिटा आन कली बोहार क्योरशा, चोशा चदेतीक नु परमपरभु यावे नु दुशा बाक्चा आ पर्वम चदेतीक चदेपपाइक्तु। न्यायाधीस १७:७ ६ मिनु चदेशो बस्तु आन हुश आधा लाइश्शा, बोसपुकीम कुर पाप्तु। मिनु तीशो हुश चदेतीकम बरइक्ताक्व। ७ नाले कबल डा लोत्र बरेक्शो किताब मुर आन कली नेपाइक्चा कली पदेप्तु। मिनु मकोपुकीमी “परमपरभु यावे आ देशो नेल्ल पाइनीकी। आ लोत्र टीनीकी” दंतकम। ८ मिनु मोसामी बोस डा हुश लाइश्शा, मुर आन कली बरइश्शा “निनीन, परमपरभु यावेमी गेपुकी नु कबल पाप्तु। मको हुश परमपरभु यावे आ कबल डा देशो लोत्र आ छाप बाक्ब” दंत। हिब्रू ९:१९-२७; मर्कस १४:२४

९ मिनु मोसा, हारून, नादाब, अबीहु नु इसराएली आन खाल्पा रे ७० जना मुर डांडा डांइसाकम। १० मिनु मकोपुकीमी इसराएली आन परमपरभु कली ताम्तेकम। आ बाक्तीक बास साफीर माइश्शा हीरा खोदंशो दिम का बाक्शो बाक्त। मको हाक्शो सरीड खोदंशो नीलो बाक्त। इजीकीएल १:२६ ११ मिनु परमपरभुमी इसराएली आन खाल्पा आन कली मारइ मपव। मिनु मकोपुकीमी परमपरभु कली तशा, जशा तूशा बाक्तकम। परस्थान १९:२१-२२; परस्थान ३३:२०-२३

मोसामी परमपरभु आ अरेशो टिषो

१२ मिनु परमपरभु यावेमी मोसा कली “गे डांडा डोइश्शा, आं नेक्था जाकशा रिम्शा बाक्को। गो आं अरेशो लोत्र नु आं शंशो लोत्र इसराएली

आन कली शेंचा कली फुल्लु निक्शीम मुशा बरक्ताकड। गो मेको फुल्लु इ कली गेनन्न” दंत। परस्थान ३१:१८ ; २कोरिन्थी ३:६ १३मिनु मोसा आ गय पाइब यहासु लाइशशा, परमपरभु आ डांडा डांडसाकव। परस्थान ३३:११ १४तन्न डांडती मोसामी इसराएली आन खात्पा आन कली “गो मलेस्कु सम्म, एकर रिम्दीन। नेनीन, हारून नु हुर गेपुकी नु बाक्नीस। मार निसाफ पचा माल्नीनी, मेको निक्शीमी गारपाइक्नीस” दंत। परस्थान १७:१२ १४ मिनु मोसा डांडा डांडसाकव। मिनु गोस्सुम मेको डांडा सुम्तु। १६मिनु परमपरभु याव आ छेडछेड सीने डांडाम बाक्शो बाक्त। मेको गोस्सुम डांडा कली ६ नाक्त सम्म सुम्तु। मिनु नाक्त का नोले गोस्स आ दाते र परमपरभु यावमी मोसा कली बरक्ताकव। परस्थान १६:१० १७मिनु परमपरभु याव आ छेडछेड इसराएली आन कली डांडा तारी थम टेयब बरशा मी खोदेशो पा तांडसाकव। व्यवस्था ४:२४ ; व्यवस्था ९:३ ; हिब्रू १२:२९ १८मिनु मोसा गोस्स आगा ओव्रशा, डांडा डांडशशा, ४० नाक्दो नु ४० नाक्ती बाक्त। परस्थान ३४:२८

ताम्बु सेल्वा कली शुश गेशो

१मिनु परमपरभु यावमी मोसा कली  
**२५** २ “इसराएली आन कली ‘आं कली मार मार गेचा मिम्नीनी, मेको गेने’ दे मतो। आन थुमी गेचा दाक्शो, नेल्ल आन चाक्शो गे नु इ कली वारच पाइबपुकीमी ताक्कीन। परस्थान ३५:४-७ ; १इतिहास २९:५ ; एजरा २:६८,६९ ३आं कली मार मार ताक्चा माल्नीनी देशा हना, सुन चांदी नु कांसा, ४नीलो, प्याजी नु लल रड डा श्येल, रिम्शो पा किरशो सुती श्येल के प्रोव्रशो वा, क्यारश आ चां, ५लल रड नुष्शा सांड आ कुशुल, नेल्ल क्येडा रिम्शो सल्शा कुशुल, बोल्यो शी, ६बत्ती दातीक तेल, लुक्तीक तेल नु धूप कली बरोव्रशो रिना पपाइक्व थोव्रक, ७निसाफ पतीके उरीम नु थुम्मीम वोइक्तीक झोला नु कुनु तार वोइक्तीक सल्वा कली ओनीक्स माइशशा हीरा नु अरु हीरा ताक्चा माल्नीनी। ८मिनु गो मेको आन दातेमी बाक्चा कली आं बाक्तीक सल्पतो। इर्जीकीएल ३७:२६-२८ ९गो इ कली कांडशो खोदेशो पा ताम्बु सल्पाइक्चा माल्लेव। आगाम मार मार वोइक्चा माल्लेव, मेको आं कांडशो खोदेशो पा सल्पतो। परस्थान २५:४० ; परस्थान २६:३० ; परस्थान २७:८

कबल पशो सन्दोस

परस्थान ३७:१-९

१०मेकोपुकीमी बोल्यो शी के सन्दोस का सल्वा माल्नीम। मेको आ पित्थ लाइशशा कुबीत निक्शी नु आधा, आ बरम्शो कुबीत का नु आधा नु आ ग्यत्थ लाइशशा कुबीत का नु आधा डा सल्वा माल्नीम। कुबीत का ०.५ मिटर खोदेशो बाक्व। ११मिनु गे मेको सन्दोस आ खिंडगा नु आ लाडगा नेल्ल क्येस सुनमी गिल्पाइक्चा माल्लेव। मिनु एर आंथ सुन के सुर सल्पाइक्चा माल्लेव। १२मिनु सुन के ४ ओटा मुन्दरा सल्पाइक्चा माल्लेव। का पटटी निक्शी नु अर्का पटटी निक्शी पा सन्दोस आ ४ सुरमी क्येन्वा माल्नीम। १३मिनु बोल्यो शी के कुरतीक कोक्के निक्शी सल्पाइशशा, सुनमी गिल्पाइक्चा माल्लेव। १४राजा ८:८ १५मिनु मेको कुरतीक कोक्के निक्शी मेको मुन्दराम शुइक्चा माल्लेव। मो पा मेको सन्दोस कली कुरने चाप्नीम। १६मेको कोक्के निक्शी सन्दोसम बाक्शो मुन्दराम शुइक्चा माल्नीस। मेको आस कली मशाल्वा। १६मिनु गो इ कली गेचा चिक्शो कबल पा अरेशो लोत्र मेको सन्दोसमी कुर पा वोइक्चा माल्लेव।

सन्दोस सुम्तीके

१७मिनु सन्दोस सुम्तीके क्येस सुन के चेम्शा सल्वा माल्लेव। मकर परमपरभु आ शिशी बाक्व। आ पित्थ लाइशशा कुबीत निक्शी नु आधा नु आ बरम्शो कुबीत का नु आधा बाक्चा माल्लेव। कुबीत का ०.५ मिटर, कुबीत का खोदेशो बाक्व। लेवी १६:१२-१५ ; हिब्रू ४:१६ ; हिब्रू ९:५ १८मिनु गे आं स्वर्ग डा गय पाइब खोदेशो सुन के करुब निक्शी चेम्शा सल्पाइक्चा माल्लेव। मेको सुम्तीकेम आ निम्फा पटटी का का करुब चेम्शा सल्वा माल्लेव। १९का पटटी करुब का, अर्का पटटी करुब का चेम्शा सल्वा माल्लेव। मेको सुम्तीके नु करुब निम्फा मखरांडपीशो सुन का केन चेम्शा सल्वा माल्लेव। २०मेको करुबम आस फरां हाम्शा, सुम्तीके फारचा माल्नीस। आस कुल कोव्रमुशा, सन्दोस सुम्तीके गे कोव्रचा माल्नीसी। २१मेको सुम्तीके मेको कबल पशो सन्दोस तार वोइक्चा माल्लेव। मिनु गो इ कली गेचा चिक्शो कबल पा अरेशो लोत्र मेको

कबल पशो सन्दोसम कुर पा वोइक्का माल्नेवे।  
परस्थान ३४:२९; १राजा ८:९

२२मिनु गो मको सन्दोस सुम्तीके शिशी  
बाक्तीकम गे नु गरुम्शा, लोत्र पाइनुड। मको  
सुम्तीक आ तारी मको करुब निक्शी आस दाते  
रे गो इसराएली आन कली मार मार अरंचा  
माल्नुडा, मको गो इ कली देनुड। गन्ती ७:८९;  
२सामुएल ६:२

शोब्ले वोइक्तीक टेबल

परस्थान ३७:१०-१६

२३गे बाल्यो शी के टेबल का सेल्पाइक्का  
माल्नेवे। मको आ पिथ लाइशो कुबीत  
निक्शी नु आ बरम्शो कुबीत का नु आ  
ग्येथ लाइशो कुबीत का नु आधा दुम्चा  
माल्ब। कुबीत का ०.५ मिटर, खोदशो बाक्ब।  
२४मिनु मको कली क्येस सुनमी गिल्पाइक्का  
माल्नेवे। सिरपेच खोदशो पा एर ओथ नेल्ल  
सुन के सुर सेल्पाइक्का माल्नेवे। २५मको  
एर ओथ डा सुर नेल्ल ४ आइची बरम्शो  
दुम्चा माल्ब। मको कली सिरपेच खोदशो पा  
बुटा आप्पाइक्का माल्नेवे। २६मिनु ४ ओटा  
सुन के मुन्दरा चेम्शा, मको आ ४ ओटा  
खोइलीम टेबल आगाम क्येप्पाइक्का माल्नेवे।  
२७टेबल कुरचा कली मुन्दरापुकी टेबल आ  
सुर आ नेक्था क्येप्पाइक्का माल्नेवे। २८मिनु  
बाल्यो शी के काक्क निक्शी सेल्शा, सुनमी  
गिल्पाइक्का माल्नेवे। मको टेबलम बाक्शो  
मुन्दराम शुइशो कुरने चान्नीम।

२९मिनु टेबलम वोइक्का माल्थो थाल, लोटा नु  
बोस नेल्ल नु तूचा थोत्रक चदेतीक लुक्का कली  
लोटा नेल्ल क्येस सुन के सेल्पाइक्का माल्नेवे।  
३०मिनु मकेर गेना हना यो आं डांइती कांइतीक  
शोब्ले वोइक्का माल्नेवे। लेवी २४:५-६

सुन के बत्ती दातीक

परस्थान ३७:१७-२४

३१गे क्येस सुन के बत्ती दातीक का चेम्शा  
सेल्पाइक्का माल्नेवे। आ थाम, आ राशी, आ  
दियारी, आ डल्ला नु फूपुकी ठेयब सुन का  
केन दुम्चा माल्नीम। ३२मिनु मको बत्ती दातीक  
आ थाम रे ६ ओटा राशी गरुचा माल्नीम।  
का पटटी रे सां नु अर्का पटटी रे सां गरुचा  
माल्नीम। ३३मिनु मको राशी कामी देसी बदाम  
आ फू खोदशो बुटा पाइशो फू सां गरुचा  
माल्नीम। अर्का राशीपुकी यो नेल्ल मोदशोन

दुम्चा माल्नीम। ३४मको बत्ती दातीक आ थामम  
चहिं ४ ओटा देसी बदाम आ फू खोदशो बुटा  
पाइशो गरुचा माल्नीम। ३५थाम आ डांइती  
डा डल्ला, आ दाते डा डल्ला नु नीले डा  
डल्ला रे निम्फा पटटी गे राशी निक्निक्शी  
गूचा माल्नीम। ३६मको आ राशी नु डल्ला  
नेल्ल ठेयब क्येस सुन का केन चेम्शा दुम्चा  
माल्नीम। ३७गे क्येस सुन के ७ ओटा दियारी  
सेल्पाइक्का माल्नेवे। मिनु सल्ला वोइशो,  
नेल्ल तोइसीचा डा पा दाचा माल्नेवे। मको  
बरशा, छेडछेड दुम्त। ३८मिनु आ कांइची नु  
आइक्क बोस क्येस सुन के दुम्चा माल्नीम।  
३९गे मको नेल्ल टलेन्ट का क्येस सुन के  
सेल्पाइक्का माल्नेवे। ४०गे मको नेल्ल गो इ  
कली डांडाम कांइशो खोदशो पा सेल्पाइक्का  
माल्नेवे। परस्थान २५:९; परस्थान २६:३०;  
पररित ७:४४; हिब्रू ८:५

ताम्बु कली साप्तीक

परस्थान ३६:८-३८

१आं बाक्तीके सेल्वा कली रिम्शो पा  
**२६** किरशो सुती श्येले के १० ओटा ताम्बु  
साप्तीक परोत्रपाइक्का माल्नेवे। मको सुती  
श्येले नीलो, प्याजी नु लल रडम नुप्शो  
बाक्का माल्ब। मिनु मको वामी करुब बुटा  
आप्शा, थाम्पा रिम्शो परोत्रस जोक्ब मुर  
आन कली परोत्रपाइक्का माल्नेवे। २वा का  
आ लाइशो २८ कुबीत नु आ बरम्शो ४  
कुबीत दुम्चा माल्ब। मको १० ओटा वा नेल्ल  
मोदशोन दुम्चा माल्नीम। कुबीत का ०.५ मिटर,  
खोदशो बाक्ब। ३मिनु ५ ओटा वा बोइशो,  
का सेल्पाइक्का माल्नेवे। मिनु अर्का ५ ओटा  
वा यो बोइशो, का सेल्पाइक्का माल्नेवे।  
४मिनु वा आ सुर कली नीलो रड डा श्येले  
के बाइक्तीके यो सेल्पाइक्का माल्नेवे। मोपा  
वा निक्शी बोइशो का सेल्पाइक्का माल्ब।  
५मिनु गे का का पा ताम्बु साप्तीके ५० ओटा  
सेल्पाइक्का माल्नेवे। मकोपुकी गारपाइक्का  
कली सेल्पाइक्का माल्नेवे। ६मिनु ५० ओटा सुन  
के ग्याइक्पाइक्तीके सेल्पतो। मोपा मको वापुकी  
बोइशो, आं बाक्तीक ताम्बु आगा साप्तीक  
कान दुम्ब।

७मिनु आं बाक्तीक ताम्बु साप्त्वा कली  
क्यारश आ चां के ११ ओटा टुकरा सेल्पाइक्का  
माल्नेवे। ८का आ लाइशो ३० कुबीत नु आ  
बरम्शो ४ कुबीत दुम्चा माल्ब। मिनु मको

११ ओटा टुकरा नेल्ल खाल का डा दुम्चा माल्नीम। कुबीत का ०.५ मिटर सोदंशो बाक्ब। १गे ५ ओटा टुकरा बोइश्शा का नु ६ ओटा बोइश्शा, अर्का का सल्पाइक्चा माल्नेव। ६ ओटा बोइश्शा टुकरा ताम्बु आ डांइती आ सुर तोक्तीक फेक का मुक्शा तोक्चा माल्ब। १०मको टुकरा का आ सुरमी ५० ओटा बोइक्तीक सल्पाइक्चा माल्नेव। मिनु अर्का टुकरा आ सुरमी यो ५० ओटा बोइक्तीक सल्पाइक्चा माल्नेव।

११मिनु गे कांसा के ५० ओटा ग्याइक्पाइक्तीक सल्पतो। मेको ग्याइक्पाइक्तीक बोइक्तीकमी वोइश्शा, टुकरा निक्शी के का दुम्चा माल्ब। मोपा टुकरापुकी बोइश्शा, ताम्बु साप्तीक का दुम्ब। ११ताम्बु आ साप्तीक आ दी गे आइदी सम्म तोक्चा डा पा साप्पाइक्चा माल्नेव। १३निम्फा पटटी साप्पाइक्चा कली कुबीत का का आइदी सम्म तोक्चा डा पा साप्पाइक्चा माल्नेव। कुबीत का ०.५ मिटर सोदंशो बाक्ब। १४ताम्बु आ साप्तीक निक्शी आस तारी लल रडम नुप्शो बोका आ कुशुल के सल्पाइक्चा माल्नेव। मिनु मेको आ तार अर्का साप्तीक नेल्ल क्येडा रिम्शो कुशुल के सल्पाइक्चा माल्नेव।

ताम्बु कली फलेक सेल्थो

१५गे आं बाक्तीक ताम्बु आ एर आंथ थारचा कली फलेक सल्पाइक्चा माल्नेव। मेको फलेकपुकी बोल्यो शी के सल्पाइक्चा माल्नेव। १६फलेक नेल्ल १० कुबीत ग्येत्थ लाइश्शा नु कुबीत का नु आधा बरम्शो दुम्चा माल्नीम। कुबीत का ०.५ मिटर सोदंशो बाक्ब। १७फलेक नेल्लमी गरुक्तीक निक्निक्शी आ पुं गे एर आंथ पा सल्पतो। आं बाक्तीक डा फलेक नेल्ल मोदंशो पा सल्पाइक्चा माल्नेव। १८आं बाक्तीक कली मोदंशो फलेक सल्पाइक्चा माल्नेव। २० ओटा फलेक दक्खिन गे थारचा कली सल्पाइक्चा माल्नेव। १९मिनु गे २० ओटा फलेक आन कली ४० ओटा चांदी के राप्पाइक्तीक सल्पाइक्चा माल्नेव। फलेक का कली गरुक्तीक निक्शी गारचा डा पा ग्याइक्पाइक्तीक निक्शी माल्ब। अर्का फलेक आन कली यो गारचा डा पा गरुक्तीक नु राप्पाइक्तीक निक्निक्शी सल्पाइक्चा माल्नेव। २०मोदंशो पा उत्तर गे यो २० ओटा फलेक बाक्चा माल्नीम।

२१मिनु ४० ओटा राप्पाइक्तीक सेल्था, फलेक कामी राप्पाइक्तीक निक्शी गरुक्पाइक्चा माल्नेव। फलेक नेल्ल मोदंशो पा सल्पा माल्नेव। २२मिनु आं बाक्तीक ताम्बु आ नोले पटटी, पच्छिम गे ६ ओटा फलेक सल्पाइक्चा माल्नेव। २३नोले पटटी डा सुर निक्शी कली फलेक निक्शी सल्पाइक्चा माल्नेव। २४मेको सुर डा फलेक आइक्था नु उइ अर्का फलेक नु गारचा डा दुम्चा माल्नीस। २५नोले पटटी डा फलेक नु सुर डा फलेक नेल्ल पा ८ ओटा दुम्नीम। मेको फलेक नेल्ल आन कली १६ ओटा चांदी के राप्पाइक्तीक सल्पाइक्चा माल्नेव। फलेक का कली निक्शी माल्ब। फलेक नेल्ल मोदंशो पा सल्पा माल्नेव।

२६मिनु का पटटी डा फलेक आन कली बोल्यो शी के ५ ओटा लाइश्शा कोक्के, २७अर्का पटटी कली यो ५ ओटा लाइश्शा कोक्के सल्पाइक्चा माल्नेव। मिनु पच्छिम गे नोले पटटी कली ५ ओटा लाइश्शा कोक्के सल्पाइक्चा माल्नेव। २८मिनु फलेक ग्येत्थ आ दातेमी सुर का रे अर्का सुर सम्म लाइश्शा कोक्के बाक्चा माल्नीम। २९मिनु गे मेको फलेकपुकी सुनम गिल्पाइक्चा माल्नेव। मेको कोक्के शुइक्तीक मुन्दरा सुन के सल्पाइक्चा माल्नेव। मेको लाइश्शा कोक्केपुकी यो सुनमी गिल्पाइक्चा माल्नेव। ३०गे इ कली डांडामी कांइशो सोदंशो पा आं बाक्तीक ताम्बु सल्पाइक्चा माल्नेव। परस्थान २५ :९

ताम्बु कली फारतीक

३१मिनु गे फारतीक सेल्था कली नोली प्याजी नु लल रड डा श्यले नु रिम्शो पा किरशो सुती श्यले के वा परोत्रपाइक्चा माल्नेव। मेको वा करुब बुटा आप्शा थाम्पा रिम्शो परोत्रस जोक्ब मुर आन कली परोत्रपाइक्चा माल्नेव। २इतिहास ३:१४ ३२मेको फारतीक बोल्यो शी के सेल्था सुनम गिल्थो सुन के हेक्तीक पाइश्शा नु चांदी के राप्पाइक्तीक पाइश्शा ४ ओटा थामम क्युक्पाइक्चा माल्नेव। ३३मिनु मेको फारतीक हेक्तीकम हेक्पाइक्चा माल्नेव। मिनु गे मेको आं अरशो लोत्र आगाम वोइश्शा सन्दास मेको फारतीक आगा गे वोइक्पाइक्चा माल्नेव। मोपा मेको फारतीक चोत्रखो नु नेल्ल क्येडा चोत्रखो बाक्तीक कली फारब दुम्ब। मत्ती २७:५१; हिबरू ९:३; परस्थान २६:६,११ ३४मिनु गे मेको सुम्तीक अरशो लोत्र आगाम

वोइश्शो सन्दोस तारी वोइश्शा, मेको फारतीक आ आगा गे नेल्ल क्येडा चोत्रखो बाक्तीकेमी वोइक्पाइक्चा माल्नेव। परस्थान २५ :२१ ३१ कांडीक शोब्ले वोइक्तीक टेबल चोत्रखो बाक्तीक उत्तर गे वोइक्पाइक्चा माल्नेव। बत्ती दातीक चहिं दक्खिन गे वोइक्पाइक्चा माल्नेव। परस्थान २५ :२३-३० ; परस्थान ४० :४२

३६मिनु ताम्बु ओव्रतीक कली नीलो प्याजी नु लल रड डा श्यले नु रिम्शो पा किरशो सुती श्यले के परोव्रशो वा, बुटा आप्शा ठेयव फारतीक सेल्पाइक्चा माल्नेव। ३७मेको फारतीक हेक्चा कली ५ ओटा बाल्यो शी के थाम सेल्पाइक्चा माल्नेव। मेको थाम सुनम गिल्पाइक्चा माल्नेव। मेको थामम सुन के हेक्तीक यो सेल्पाइक्चा माल्नेव। मेको थाम राप्पाइक्तीक ५ ओटा कांसा के सेल्पाइक्चा माल्नेव।

### चढ़ेतीक सेल्शा

परस्थान ३८ :१-७

१मिनु बाल्यो शी के चढ़ेतीक का सेल्चा माल्नेव। मेको ५ कुबीत लाइश्शो नु ५ कुबीत बरम्शो दुम्चा माल्ब। ४ पाटे नु कुबीत सां ग्येत्थ लाइश्शो दुम्चा माल्ब। कुबीत का ०.५ मिटर देशो बाक्ब। २आ ४ सुरमी ४ ओटा गरोव्र गरूपाइक्चा माल्नेव। गरोव्र नु चढ़ेतीक सेल्चा कली फलेक का केन दुम्चा माल्ब। मेको नेल्ल कांसाम गिल्पाइक्चा माल्नेव। लेवी १६ :१८ ; १राजा १ :५ ; भजन संगरह ११८ :२७ ३ चढ़ेतीक कली माल्शो मारइ मारइ कांसा के सेल्पाइक्चा माल्नेव। पुलु वोइक्तीक बोसपुकी, पुलु ताप्तीकपुकी, बरइक्तीक बोसपुकी, श्ये गरइक्तीक कांटापुकी नु मी कोइला कुर पतीकपुकी सेल्पाइक्चा माल्नेव। ४मिनु गे मी तिकतीक कांसा के जाली सेल्पाइक्चा माल्नेव। मिनु जाली आ ४ सुरमी ४ ओटा मुन्दरा सेल्पाइक्चा माल्नेव। ५मेको जाली चढ़ेतीक उइ गे नु इर गे आ दातेम वोइक्पाइक्चा माल्नेव। ६मिनु चढ़ेतीक कली यो बाल्यो शी के कांसाम गिल्शा कुरतीक कोक्के निक्शी सेल्पाइक्चा माल्नेव। ७मेको चढ़ेतीक आ निम्फा पटटी डा मुन्दरामी कोक्के शुइश्शा, कुरन चाप्नीम। ८मेको चढ़ेतीक फलेक के सेल्पाइक्चा माल्नेव। पुं नु सुम्तीक मपाइश्शो सन्दोस सोदंशो पा सेल्पाइक्चा माल्नेव। डांडामी इ कली कांडिशो सोदंशो पा सेल्पाइक्चा माल्नेव। परस्थान २६ :३० ;

### ताम्बु आ लाडगा

परस्थान ३८ :१-२०

१मिनु ताम्बु आ लाडगा थरपु हिरचा कली रिम्शो पा किरशो सुती श्यले के फारतीक परोव्रपाइक्चा माल्नेव। मेको फारतीक दक्खिन गे सह का कुबीत लाइश्शो दुम्चा माल्ब। कुबीत का ०.५ मिटर सोदंशो बाक्ब। १०मेको फारतीक ग्याइक्पाइक्चा कली खाल का डा थाम, खाल का डा कांसा के राप्पाइक्तीक, मुन्दरापुकी नु कोक्केपुकी चहिं चांदी के सेल्पाइक्चा माल्नेव। ११मिनु मादंशो पा उत्तर गे यो सह का कुबीत लाइश्शो फारतीक परोव्रपाइक्चा माल्नेव। मेको कली २० ओटा थाम, २० ओटा कांसा के राप्पाइक्तीक, मेको मुन्दरापुकी नु कोक्केपुकी चहिं चांदी के सेल्पाइक्चा माल्नेव।

१२लाडगा डा पच्छिम गे बरम्शो कली ५० कुबीत लाइश्शो फारतीक माल्ब। आ थाम नु आ राप्पाइक्तीक १०, १० ओटा दुम्चा माल्नीम। कुबीत का ०.५ मिटर सोदंशो बाक्ब। १३लाडगा आ पूर्व, नां दाप्तीक गे फारचा कली यो ५० कुबीत बरम्शो दुम्चा माल्ब। १४मिनु ओव्रतीक डा पटटी का कली १५ कुबीत डा फारतीक दुम्चा माल्ब। थाम नु आ राप्पाइक्तीक सां सां दुम्चा माल्नीम। १५मिनु अर्का पटटी यो मादंशो पा १५ कुबीत डा फारतीक, थाम नु राप्पाइक्तीक सां सां दुम्चा माल्नीम।

१६मिनु लाडगा ओव्रतीक कली २० कुबीत डा नीलो, प्याजी, श्यले नु रिम्शो पा किरशो सुती श्यले के परोव्रशो फारतीक माल्ब। मेको फारतीक कली लूजम बुटा आप्पाइक्चा माल्नेव। ओव्रतीक कली थाम नु राप्पाइक्तीक ४, ४ ओटा दुम्चा माल्नीम। १७लाडगा एर आंथ डा थाम नेल्ल चांदीमी गिल्शा कोक्केमी ग्याइक्पाइश्शो दुम्चा माल्नीम। मुन्दरा चांदी के नु आन राप्पाइक्तीक कांसा के दुम्चा माल्नीम।

१८मेको लाडगा आ पित्थ लाइश्शो सह का कुबीत, आ बरम्शो ५० कुबीत नु आ फारतीक ग्येत्थ ५ कुबीत दुम्चा माल्ब। मिनु फारतीक वा नेल्ल रिम्शो पा किरशो सुती श्यले के परोव्रशो वा के दुम्चा माल्ब। थाम आन राप्पाइक्तीक कांसा के दुम्चा माल्नीम। १९मिनु ताम्बु डा नाक्त कित कित गेय पचा कली माल्शो मारइ मारइ कांसा के दुम्चा माल्नीम। किलापुकी नु

लाडगा डा किला नेल्ल यो कांसा के दुम्चा माल्नीम।

बत्ती कली तेल

२०मिनु गे इसराएली आन कली गे नेल्ल क्येडा रिम्शो तेल र्वा आ फल के खराकशो तेल चाककीन। मेको बत्ती गेना हना यो बरशा बाकल दे माइकमी। लवी २४ :२-४ २१मिनु गूर्मतीक ताम्बु आगामी, कबल डा सन्दोस बाकशो नेल्ल क्येडा चोत्रसो कोठा फारतीक आ डाँइती हारून नु आ तौपुकीमी नाकदो रे सुनी सम्म मेको बत्ती दातीक परमपरभु यावे आ डाँइती बरशा बाकल, दे ठीक सेल्वा माल्नीम। मेको इसराएली आन चच युइ आन कली गेना हना यो पतीक लीचा माल्ब। मेको गेना हना यो पचा माल्नीम।

चढेब आन वासी

परस्थान ३९ :१-३१

१मिनु इसराएली आन दाते रे योत्रशा, इ **२८** लोकब हारून नु आ तौपुकी इ डाँइती राप्पाइक्चा माल्नेवे। मारदे हना हारून नु आ तौ नादाब, अबीहु, एलाजर नु इथामार आं कली चढेब दुम्चा माल्नीमी। १इतिहास २३ :१३ ; परस्थान ६ :२३ २मिनु गे इ लोकब हारून कली आं गेय पची ना ला फेक्चा कली फेक्तीक वा फेरपाइक्चा माल्नेवे। मेको हारून कली ग्याम्शा दारपाइक्चा कली बाकब। ३मिनु सु सुमी फेरस जावनीमी, मेको नु लोत्र पावा। मारदे हना गो मेको आन कली जाकब नु तुइक्ब सोक्तीम पिरंताकडमी। मेकोपुकीमी हारूनमी आं कली चढेतीक गेय पचा कली वासी फेरचा माल्नीम। परस्थान ३१ :२

४मेकोपुकीमी मार वासी फेरचा माल्नीम दंशा हना, कुचु तार वोइक्तीक, निसाफ पतीक ऊरीम नु थुम्मीम वोइक्तीक झोला, आ तार फेक्तीक नु आगा फेक्तीक वा फेरचा माल्नीम। पियाम गुप्तीक नु किप्शूर यो सेल्वा माल्नीम। मेको आं कली गेय पची ना फेक्तीक बाकब। इ लोकब हारून नु आ तौपुकीमी आं कली गेय पामेनु, मेको वा फेक्चा माल्नीम। ५फेरबपुकीमी सुन, नीलो, प्याजी नु लल रड डा श्येले नु रिम्शो पा किरशो सुती श्येले के परोत्रशो वा के सेल्वा माल्नीमी। परस्थान २६ :१

चढेब आ कुचु तार वोइक्तीक

६कुचु तार वोइक्तीक सुन के, नीलो, प्याजी नु लल रड डा श्येले नु रिम्शो पा किरशो सुती श्येले के परोत्रशो नु बुटा आशो वा के सेल्पाइक्चा माल्नेवे। ७मेको आ बला सुम्तीक निक्शी निम्फा पटटी बोइशो दुम्चा माल्ब। ८मिनु आ पाइक्तीक मेको कुचु तार वोइक्तीक का रेन दुम्चा माल्ब। मिनु खाल का डा रिम्शो गेयम सेल्शो दुम्चा माल्ब। मेको पाइक्तीक सुन, नीलो, प्याजी नु लल रड डा श्येले नु रिम्शो पा किरशो सुती श्येले के परोत्रशो वा दुम्चा माल्ब। ९मिनु गे आनीक्स हीरा निक्शी चाक्शा, इसराएल आ १२ जना तौ आन नें मेको आस तारी मुशा बरकपाइक्चा माल्नेवे। परस्थान २५ :७ १०गे आन जरमेशो खोदंशो पा हीरा का तारी ६ जना आन नें नु अर्का हीरा तारी ६ जना आन नें मुशा बरकपाइक्चा माल्नेवे। ११छाप सेल्बपुकीमी दोदंशो पा मुशा छाप सेल्नीमी, मोदंशो पा मुशा इसराएल आ तौ आन नें बरकपाइक्चा माल्नेवे। मिनु मेको हीरा निक्शी सुनमी क्येप्पाइक्चा माल्नेवे। १२मेको कुचु तार वोइक्तीक आ बला डा टुकरा तारी क्येप्शा फेरपाइक्चा माल्नेवे। मिनु मेको हीरा कोत्रशा इसराएली इन कली मिम्नुड, देकाँइतीक बाकब। हारूनम आं डाँइती मेको आन नें बलाम कुरानु, गो मेको आन कली मिम्नुड।

१३मिनु हीरा वोइक्चा कली गे सुन के क्येप्तीक सेल्पाइक्चा माल्नेवे। १४मिनु गे क्येख सुन के डोरी खोदंशो पा सिकरी निक्शी चम्पाइशशा, हीरा क्येप्पाइशशोमी बोइक्पाइक्चा माल्नेवे।

निसाफ पतीक झोला

१५गे निसाफ पतीक झोला सेल्पाइक्चा माल्नेवे। मेको कुचु तार वोइक्तीक खोदंशो पा, सेल्पाइक्चा माल्नेवे। सुन, नीलो, प्याजी, लल श्येले नु रिम्शो पा किरशो सुती श्येले के परोत्रपाइक्चा माल्नेवे। १६मेको खेयप का मुक्शोनु, स्पान का लाइशो नु स्पान का बरम्शो ४ पाटे दुम्चा माल्ब। स्पान का २३ सेन्ती मिटर खोदंशो बाकब। बिता खोदंशो बाकब कां ? १७मिनु ४ लस्कर हीरा सुनम का का पा क्येप्पाइक्चा माल्नेवे। डाँइती डा लस्कर लल मानीक माइशो हीरा, हाव पुशराज माइशो हीरा नु गिगी बरूज माइशो हीरा वोइक्पाइक्चा माल्नेवे। १८मेको आ नोले डा

लस्कर लल फिरोजा माइश्शो हीरा, बुश नीर माइश्शो हीरा नु बुश नु नीलो पन्ना माइश्शो हीरा वोइकपाइक्चा माल्नेव। १९ मेको आ नाले डा लस्कर गिगी नु नीलो रड ब्याइश्शो रिम्शो टल्कशो नीलमनी माइश्शो हीरा, गिगी हाकीक माइश्शो हीरा नु प्याजी रड डा कटला माइश्शो हीरा वोइकपाइक्चा माल्नेव। २० मिनु नेल्ल क्येडा नाले डा लस्कर पीतमनी माइश्शो हीरा, लल रड डा आनीक्स नु नीलो बिलोरा माइश्शो हीरा वोइकपाइक्चा माल्नेव। मोपा हीरा नेल्ल आन कली सुनम क्येप्राइक्चा माल्नेव। २१ मेको हीरा १२ ओटा दुम्चा माल्नीम। मिनु इसराएल आ तो आन नें का का पा मेको आन तार छाप थोकशो खोदंशो पा मुशा बरकपाइक्चा माल्नेव। हीरा का आ तारी थर का आ नें दुम्चा माल्ब।

२२ गे मेको निसाफ पतीक झोला कली क्येस सुन के डोरी किरशो खोदंशो पा सिकरी निक्शी चम्पाइक्चा माल्नेव। २३ मिनु गे मेको निसाफ पतीक झोला कली सुन के मुन्दरा निक्शी चम्पाइक्चा माल्नेव। मिनु मेको मुन्दरा निसाफ पतीक झोला आ सुर निक्शीमी वोइकपाइक्चा माल्नेव। २४ मेको सुन के सिकरी निक्शी निसाफ पतीक झोला आ सुरम वोइश्शो मुन्दरा निक्शीमी लिक्पाइक्चा माल्नेव। २५ मेको सिकरी चदेब आ कुचु तार वोइश्शो वा आ बला डा हीरा क्येप्रा सुनम हेक्पाइक्चा माल्नेव। २६ मिनु गे लंशा सुन के मुन्दरा निक्शी सेल्पाइक्चा माल्नेव। मेको निक्शी निसाफ पतीक ऊरीम नु थुम्मीम वोइक्तीक झोला आ उइ आगा गे पाइक्चा माल्नेव। मोपा कुचु तार वोइक्तीक वा आ तार बाक्ब। २७ मिनु गे लंशा सुन के मुन्दरा निक्शी सेल्पाइक्चा माल्नेव। मेको कुचु तार वोइक्तीक आ बाला सुम्तीक उइ डा सुरम वोइक्चा माल्नेव। मिनु दारपाइश्शो पाइक्तीक आ तारी क्येप्राइक्चा माल्नेव। २८ मिनु मेको निसाफ पतीक ऊरीम नु थुम्मीम वोइक्तीक झोला आ मुन्दरामी नीला डोरीम लिक्शा, कुचु तार वोइक्तीक वामी पाइक्पाइक्चा माल्नेव। मोपा मेको निसाफ पतीक झोला दारपाइश्शो पाइक्तीक तार बाक्शा कुचु वोइक्तीक वा रे एर आंथ मयाक्सीब। २९ मिनु मोदंशो पा हारून परमपरभु यावे आ बाक्तीक ओव्रमनु, इसराएल आ तो आन नें बरकशो निसाफ पतीक झोला आ कुचु तारी कुरचा माल्ब। मेको परमपरभु यावेमी गेना

हना यो मिम्चा कली बाक्ब। ३० मेको निसाफ पतीक झोलामी मेको ऊरीम नु थुम्मीम निक्शी कुर पचा माल्नेव। हारून परमपरभु यावे आ डांडती लमनु, इसराएली आन निसाफ पतीक गेना हना यो आ कुचु तारी बाक्चा माल्ब। लेवी ८ : ८ ; गन्ती २७ : २१ ; व्यवस्था ३३ : ८

### आगा डा फेक्तीक वा

३१ मिनु मेको कुचु तार वोइक्तीक आगा फेक्तीक नेल्ल नीला प्याजी रड डा वा के फेरपाइक्चा माल्नेव। ३२ मिनु पिया खरीतीक पोव्रला वोइकपाइक्चा माल्नेव। मेको एर आंथ मगाक्चा डा पा आ सुर थम बोल्यो पा परोव्रपाइक्चा माल्नेव। ३३ मेको फेक्तीक आ उइ डा सुर एर आंथ गे नीलो, लल नु प्याजी रड डा श्यले के सेल्शो दारीम सेल्पाइक्चा माल्नेव। मेको आन दातेम सुन के आइक्च आइक्च किडगो क्युकपाइक्चा माल्नेव। ३४ किडगो का, दारीम का, किडगो का दारीम का पा मेको फेक्तीक नेल्ल आ एर आंथ क्युकचा माल्नीम। ३५ मिनु हारूनमी मेको वा गेय पची ना फेक्चा माल्ब। मोपा परमपरभु यावे आ नेल्ल क्येडा चोव्रसो बाक्तीक ओव्रमनु, किडगो आ रयेके नंपाइक्चा माल्ब। हारून मबक्ल, दे मोदंशो दुम्चा माल्ब। परस्थान ३० : २१ ; लेवी १६ : २:१३

### कुप्फीम पांडतीके नु फेक्तीके वा

३६ गे कुप्फीम पांडतीक क्येस सुन के फू खोदंशो पा चम्पाइक्चा माल्नेव। मेकर छाप थोकशो खोदंशो पा 'परमपरभु यावे कली ला' दे मुशा बरकपाइक्चा माल्नेव। जकरिया १४ : २० ; परस्थान ३९ : ३० ३७ पियाम गुक्तीकम आ डांडती गे वोइक्चा कली नीलो प्याजी डोरीम फेरपाइक्चा माल्नेव। ३७ मोपा मेको हारून आ कुप्फीम बाक्चा माल्ब। आ कुप्फीम पाइश्शा, इसराएली आन मरिम्शो पशो कुरब। मिनु परमपरभु कली चदेशो रिम्शो दुम्नीम। परमपरभु यावेमी आन चदेशो बरक्ल, दे गेना हना यो आ कुप्फीम बाक्चा माल्ब।

३८ नेल्ल क्येडा आगा फेक्तीक रिम्शो पा किरशो सुती श्यले के बुटा आप्शा परोव्रशो वा के सेल्पाइक्चा माल्नेव। पियाम गुक्तीक रिम्शो पा किरशो सुती श्यले के परोव्रशो वा के सेल्पाइक्चा माल्नेव। किप्तीके रड रड डा सेल्पाइक्चा माल्नेव।

हारून आ तौ आन फेक्तीक

१०गे हारून आ तौ आन कली फेक्तीक किप्तीक नु आइक्च गुक्तीके सल्पाइक्चा माल्नेव। मेको हारून आ तौ आन कली ग्याम्शा दारपाइक्चा कली बाक्नीम। परस्थान २८:२ ११गे मेको इ लोक्ब हारून नु आ तौ आन कली फेक्तीमी। मिनु तेल लुक्शा, आं कली ला गय पचा कली योत्रशा वोइक्मी। मोपा आं कली चढेब दुम्नीम। परस्थान २९:१, २९-३६; परस्थान २९:२४; लेवी ८:१२,२२-३१ १२गे मेको आन शिशरा रां सुम्पाइक्चा कली सुती वा के कट्टु फेरपाइक्चा माल्नेव। मेको कम्बर र पोक्च सम्म दुम्चा माल्ब। १३मिनु हारून नु आ तौपुकी गरुम्तीक ताम्बु ओत्रशा, चढेतीक आ नेक्था लमानु, मेको वा फेक्सीशा बाक्चा माल्नीम। मफेक्साक्म हना, दोस तशा बेक्नीम। हारून नु आ चच युइ आन पाला नेल्लेमी गेना हना या मोदंशो पचा माल्नीम।

चढेब आन डांइती डा पतीके

लेवी ८:-

२९ १गे हारून नु आ तौपुकी आं कली चढेब सल्चा कली मार पचा माल्नेव दंशा हना, बोहोर का, मारइ मडुम्शो थम रिम्शो सांड निक्शी चाक्को। २मिनु रिम्शो चेरब फस के बारब ओस्ती मसुप्शा शोब्ले, तेल ब्याइश्शा जिज्ज शोब्ले नु तेल खरक्शा बोरब ओस्ती मसुप्शा शोब्ले सल्पाइक्चा माल्नेव। ३मेको शोब्ले नेल्ले तोत्रलो कामी कुर पा, बोहोर नु सांड चाक्चा माल्नेव। ४मिनु हारून नु आ तौ आन कली गरुम्तीक ताम्बु आ ओत्रतीकमी चाक्चा नम। मिनु गे मेको आन कली चिक्चा माल्नेव। ५वासी चाक्शा, हारून कली आगा फेक्तीक वा, मेको आ तार डा फेक्तीक वा फेक्पाइश्शा, कुचु तार वोइक्तीक फेक्शा निसाफ पतीके ऊरीम नु थुम्मीम बाक्शो झोला रल्चा माल्नेव। मिनु मेको तारी बुटा आप्शो किप्तीके किप्पाइक्चा माल्नेव। ६आ पिया तारी गुक्तीके गुप्शा, मेको तारी 'परमपरभु यावे कली ला' दे बरक्शा कुप्फीम पांडतीके पांडपाइक्चा माल्नेव। परस्थान २८:३६; परस्थान ३९:३० ७मिनु लुक्तीक तेल लाइश्शा आ पियामी तेल लुक्ती। परस्थान ३०:२५ ८मिनु हारून आ तौ आन कली यो चाक्शा, वा फेक्चा माल्नेव। ९मिनु आ तौ आन कली किप्तीक किप्चा

माल्नेव। मिनु आन पियाम गुक्तीके गुप्चा माल्नेव। मिनु मेकोपुकी गेना हना यो आं कली चढेब गेय पाइब दुम्नीम। मोपा हारून नु आ तौ आन कली आं कली चढेब सल्मी। परस्थान २८:४१

१०मिनु मेको बोहोर गरुम्तीक ताम्बु आ डांइती चाक्शा, हारून नु आ तौ आन कली आन गुइ मेको बोहोर आ पिया तारी वोइक्पाइक्चा माल्नेव। ११मिनु मेको बोहोर कली परमपरभु यावे आ डांइती, गरुम्तीक ताम्बु आ ओत्रतीकम राप्पाइश्शा क्योरचा माल्नेव। लेवी १:४ १२मिनु बोहोर आ हुश इक्का सोइ लाइश्शा इ बरप्चामी चढेतीक आ गरोत्रपुकीमी खरक्चा माल्नेव। मिनु लीशो हुश नेल्ले चढेतीक आ पुंमी मोइक्चा माल्नेव। १३मिनु गे क्यो गिल्शो बांसो नेल्ले, आइदी तारी डा जाला, आ चिच निम्फा नु आ तार डा बांसो नेल्ले चढेतीकम चोचा माल्नेव। लेवी ३:१६-१७ १४आ श्ये, आ कुशुल नु आ गोबर चहिं ताम्बु आ लाङ्गा र गरुइशा, चोचा माल्नेव। मेको पाप पशो आ पर्वम चढेशो बाक्ब। लेवी ४:११-१२

१५मिनु मेको सांड का चाक्शा, हारून नु आ तौ आन गुइ मेको आ पिया तार वोइक्पाइक्चा माल्नेव। १६मेको कली क्योरशा, मेको आ हुश चढेतीक नेल्ले बरुइक्चा माल्नेव। १७मिनु मेको सांड आ श्ये कली टुकरा टुकरा पा चक्शा, पिया नु वोइक्चा माल्नेव। मिनु मेको आ क्यो नु आ खाइली नेल्ले मुरशा, मेको श्ये नु पियामी वोइक्चा माल्नेव। १८मोदंशो पा सांड नेल्ले चढेतीक तारी चोचा माल्नेव। मेको परमपरभु यावे कली चोशा चढेतीक बाक्ब। परमपरभु यावे कली बरोत्रशो रिना पाइश्शा मीम चोशा चढेतीक बाक्ब। १९सामुएल २:२८

१९मिनु मेको लीशो सांड चाक्चा माल्नेव। मिनु हारून नु आ तौ आन गुइ मेको सांड आ पिया तार वोइक्पाइक्चा माल्नेव। २०मिनु मेको सांड क्योरशा, आ हुशेम हारून आ ग्युरा नोफा डा लोत्रतीम नु आ तौ आन ग्युरा नोफा डा लोत्रतीम खरक्चा माल्नेव। मिनु मेको आन ग्युरा गुइ डा ठेयब बरप्चोम नु आन ग्युरा सोइली डा ठेयब बरप्चोम खरक्चा माल्नेव। मिनु लीशो हुश चढेतीक तार नु आ एर आंथ बरुइक्चा माल्नेव। २१मिनु चढेतीकम बाक्शो हुश नु लुक्तीक तेल लाइश्शा, हारून नु आ वा नु आ तौ आन वा तारी बरुइक्चा माल्नेव। मोपा हारून नु आ वा, आ तौ

नु मेको आन वा नेल्ल परमपरभु यावे कली ला गय पचा कली दुम्नीम ।

२२ मिनु सांड आ बांसो, आ बांसो पाइशो मीलु, आ क्यी गिल्शो बांसो, आइदी तार डा जाला, आ चिच निम्फा, मेको तार डा बांसो नु आ ग्युरा फिला लाइक्चा माल्नेव । मारदे हना मेको चदेब सल्ल्तीके सांड बाक्ब । लेवी ३:३-४  
२३ मिनु परमपरभु यावे आ डांडीती वाइशो बाक्ब ओस्ती मसुपशो शोब्ले, तोत्रलो डा शोब्ले का, तेलम ब्वाइशो जिज शोब्ले का नु तेल खरकशो शोब्ले का लाइशशा, २४ मेको नेल्ल हारून नु आ तो आन दाइशो गुइ गुइमी गंचा माल्नेव । मेको परमपरभु यावे आ डांडीती ग्येत्य लुकच पा हिम्शा चदेतीक चदेचा माल्नीम । २५ मिनु गे मेको आन गुइ र ताक्शा, परमपरभु यावे आ डांडीती बरोत्रशा रिना पाइब चदेतीक तारी चोशा चदेचा माल्नेव । मेको परमपरभु यावे कली मीम चोशा चदेतीक बाक्ब ।

२६ मिनु हारून कली चदेब सल्ल्तीके सांड आ कुथरु चाक्शा, परमपरभु यावे आ डांडीती ग्येत्य लुकच पा हिम्शा चदेचा माल्नेव । मेको चहिं इ के दुम्ब । २७ मिनु मेको हारून नु आ तो आन कली चदेब सल्ल्तीके सांड आ ग्येत्य लुकच पा हिम्शा चदेशो कुथरु नु क्युक्शा चदेशो फिला मेको आन कली गंचा माल्नीम । गन्ती १८:१८  
२८ मारदे हना इसराएलीपुकीमी मेको हारून नु आ तो आन कली गंचा हना यो गंचा माल्शो भाग बाक्ब । मेको गंचा माल्शो चदेतीके बाक्ब । इसराएलीपुकीमी आन परमपरभु यावे नु दुशा बाक्चा आ पबंम चदेतीके र गंचा माल्शो मेकोन बाक्ब ।

२९ हारून आ चदेची ना फेक्तीके मेको आ नोले चदेब दुम्ब आ तो के दुम्ब । मेको वा फेक्शा, तेल लुकशा, चदेब दुम्ब । परस्थान २८:४०-४१  
३० हारून आ पा डा चदेब दुम्ब आ तो गरुस्तीक ताम्बु आगा परमपरभु यावे आ बाक्तीकेम गेय पथ ओत्रमेनु, ७ नाक्त सम्म मेको वा फेक्चा माल्ब ।

३१ मिनु मेको चदेब सल्ल्तीके सांड आ श्ये गरुस्तीक ताम्बु आ लाङ्गाम क्येचा माल्नेव । ३२ मिनु नोले हारून नु आ तोपुकीमी मेको सांड आ श्ये नु तोत्रलो डा शोब्ले गरुस्तीक ताम्बु आ ओत्रतीकेमी बाक्शा जचा माल्नीम । ३३ मेको डांडीती आन पाप क्याम्चा कली चदेशो थोत्रक आंम कली परमपरभु यावे कली ला गेय पाइब दुम्चा, दे जचा माल्नीम । तन्न अरुमी मेको

जचा मदुम्नीम । मारदे हना मेको परमपरभु यावे के बाक्ब । लेवी १०:१७ ३६ चदेब सल्ल्ती ना डा श्ये नु शोब्ले सुनी सम्म हेत हना, मेको हेँशो नेल्ल चोचा माल्नेव । मेको मजचा मब्वचा । मारदे हना मेको चदेब सल्ल्ती ना डा बाक्ब ।

३४ गोम इ कली अरशो खोदंशो पा हारून नु आ तो आन कली पाइक्मी । मेको आन कली ७ नाक्त सम्म मादंशो चदेब सल्ल्तीक गेय पचा माल्नेव । ३६ मिनु गे नाक्त कित कित बोहोर का पाप पशो आ पबंम चदेचा माल्नेव । मेको पाप क्याम्तीक गेय पचा कली चदेशो बाक्ब । मिनु चदेतीक परमपरभु के दुम्ब, दे हुश बरुइशशा, तेल लुकचा माल्नेव । ३७ गे ७ नाक्त सम्म चदेतीकेमी मो पशा पाप क्याम्तीक गेय पचा माल्नेव । मिनु मेको चदेतीके परमपरभु कली ला दुम्ब । मेको चदेतीके कली मार मारम थीनीमी, मेको यो परमपरभु केन दुम्नीम । परस्थान ३०:२९

नाक्त कित कित डा चदेतीक

गन्ती २८:३-८

३८ मिनु गे चदेतीकेमी मार चदेचा माल्नेव देशा हना, नाक्त कित कित बर्ष का दुम्शो सांड निक्शी चदेचा माल्नेव । ३९ मेको का सुनी का चहिं नाक्दो चदेचा माल्नेव । २राजा १६:१५ ; मजन संगरह १४१:२ ४० डांडीती डा सांड नु रिम्शो चेरब फस १० भाग डा भाग का, ४ भाग डा हिन भाग का रिम्शो तेल मेको नु बुल्शा, ४ भाग डा हिन अङ्गुर शांबु भाग का तूचा थोत्रक चदेचा माल्नेव । चेरब फस एफाह का २२ लिटर खोदंशो बाक्ब । मेको के १० भाग का २ लिटर खोदंशो बाक्ब । हिन का ४ लिटर, ४ भाग डा भाग का लिटर का बाक्ब । परस्थान २७:२०  
४१ मिनु अर्का सांड नाक्दो चदेचा माल्नेव । मिनु मेको नु अन्न चदेतीक नु आ तूचा थोत्रक चदेतीक सुनी डा खोदंशो पा नाक्दो यो चदेचा माल्नेव । परमपरभु यावे कली बरोत्रशो रिना पाइब मीम चोशा चदेतीके मेकोन बाक्ब । ४२ गे इ चच युइ आन पाला नेल्लेमी गंचा हना यो परमपरभु यावे आ डांडीती गरुस्तीक ताम्बु आ ओत्रतीक आ नेक्था चोशा चदेतीक चदेचा माल्नीम । मेकेर गो गे नु लोत्र पचा कली गरुम्नन । परस्थान ३३:७ ; परस्थान २५:२ ४३ मिनु गो इसराएली आन कली मेकेर गरुम्नुड । मिनु मेको ताम्बु आं छेङ्छेङ्गम बरीशा आं के दुम्ब । परस्थान ३३:१० ; परस्थान ४०:३४ ४४ गो गरुस्तीक ताम्बु नु चदेतीक आं के सल्लुड । हारून नु आ

तौ आन कली यो आं कली चढ़ेव दुम्शा, आं गेय पपाइक्चा कली आं के सेल्लुडमी। १५ गो इसराएली आन दातेमी बाक्नुड। मिनु मेको आन परमपरभु दुम्ती। परस्थान २५ :८; जकरिया २ :१४; लेवी २६ :१२ १६ गो मेको आन दातेमी बाक्चा कली मेको आन कली इजोप्ट रे गरुंडव मेको परमपरभु यावे, आन परमपरभु नड। गो मेको आन परमपरभु यावे नड, दे मेकोपुकीम तुइक्चा माल्नीम। परस्थान २० :२

धूप चोशा चढ़ेतीक

परस्थान ३७ :२५-२८

३० १ मिनु गे धूप चोचा कली बोल्यो शी के चढ़ेतीक का सेल्लवा माल्लेवे। २ मेको आ पित्थ लाइश्शो कुबीत का नु आ बरम्शो कुबीत का डा ४ पाटे दुम्चा माल्ले। मिनु आ ग्येत्थ लाइश्शो कुबीत निक्शी दुम्चा माल्ले। मेको गरोत्र पाइश्शो दुम्चा माल्ले। गरोत्र नेल्ल मखरोइसीशो शी का केन दुम्चा माल्लेमी। कुबीत का ०.५ मिटर बाक्व। ३ मेको नेल्ल क्येख सुनमी गिल्लवा माल्ले। मिनु मेको कली सिरपेच के सोदंशो पा सुन के सुर सेल्लाइक्चा माल्लेवे। ४ मिनु सुन के मुन्दरा निक्निक्शी सेल्लाइक्चा माल्लेवे। मेको मुन्दरा धूप चोतीक आ सिरपेच सोदंशो सुर आ दी निम्फा पटटी गे क्येप्याइक्चा माल्लेवे। मेको कुरतीक कोक्क आन कली शुइक्तीक दुम्ब। ५ मिनु मेको कुरचा कली बोल्यो शी के कोक्क निक्शी सेल्लशा, सुनमी गिल्लवाइक्चा माल्लेवे। ६ मिनु मेको परमपरभु यावे आ अरेशो लोत्र वोइश्शो कबल पशो सन्दास नु सुम्तीक फारतीक वा आ डांइती वोइक्चा माल्लेवे। गो मेकर इ कली गरुम्नुड। परस्थान २५ :२१-२२

७ मिनु हारुनमी सुनी कुस कुस बत्ती दाचा कली सादानु, बरोत्रशो रिना पाइब धूप चोचा माल्ले। मज्जन संगरह १४१ :२ ५ नाक्दो हारुनमी बत्ती दाडानु यो धूप चोचा माल्ले। मेको परमपरभु यावे आ डांइती धूप चोतीक मेको आन चच युइ आन पालामी गेना हना यो पचा माल्लेमी। ९ मेको धूप चोतीकमी अरु धूप चोचा मडुम्ब। चोशा चढ़ेतीक नु जचा थोत्रक चढ़ेतीके मेकर चढ़ेचा मडुम्ब। तूचा थोत्रक चढ़ेतीक यो मेकर मोइक्चा मडुम्ब। लेवी १० :१-२ १० बर्सम खेयप का हारुनमी चढ़ेतीक आ गरोत्रम हुश खरक्शा पाप क्याम्तीक गेय पचा माल्ले। मेको हुश पाप आ पर्वम चढ़ेशो बस्तु आ हुश बाक्चा माल्ले। मेको गेना हना यो बर्समी

खेयप का इन चच युइ आन पाला सम्म मेको पाप क्याम्तीक गेय चढ़ेतीक आ हुशमी पचा माल्ले। मेको परमपरभु यावे आ डांइती नेल्ल क्येडा चोत्रसो सेल्लतीक बाक्व” दे परमपरभु यावेमी मोसा कली दंत। लेवी १६ :१८

क्येट पोक्चा शंशो

११ परमपरभु यावेमी मोसा कली १२ “गे इसराएली वोइश मुर आन कली हिवगीनु, मेको आन कली मुर बक्तीक रोइ मपामकल, दे बरोइचा कली नेल्लेमी परमपरभु यावे कली क्येट गेचा माल्लेमी। मिनु मेको आन कली हिवशोनु, मारइ मरिम्शो मडुम्ब। गन्ती १ :३; २ सामुएल २४ :२-३ १३ गिश जना वोइश मुर हिवसीनीमी, मिश जना ताम्बु डा नाक्तीके डा आधा शेकेल गेचा माल्लेमी। शेकेल का २० गेराह चांदी बाक्नीम। मोपा परमपरभु यावे कली गेशो क्येट आधा शेकेल गेचा माल्लेमी बाक्व। शेकेल का ११.५ ग्राम सोदंशो बाक्व। गेरा का ०.६ ग्राम बाक्व। मत्ती १७ :२७ १४ वोइश मुर गिश जना २० बर्स गाप्शो नु मेको क्येडा लाक्शो बाक्मा, मिश जनाम परमपरभु यावे कली गेचा माल्लेमी चढ़ेचा माल्लेमी। १५ इन पाप क्याम्तीक गेय पचा कली थोबमी आधा शेकेल, मथोबमी यो आधा शेकेल परमपरभु यावे कली गेचा माल्लेमी। १६ इसराएली वोइश मुरुमी आन गेशो परोइतीक क्येट ताक्शा, गरुम्तीक ताम्बु डा गेय पचा कली गेचा माल्लेवे। मिनु मेको क्येट परमपरभु यावे आ डांइती इसराएली आन कली परोइशो मिम्तीक चिन्ड दुम्ब” दंत।

चिक्तीक ठेयब बोस

१७ मिनु लेंशा परमपरभु यावेमी मोसा कली १८ “गे चिक्चा कली कांसा के ठेयब बोस का सेल्लतो। मेको आ निप्पाइक्तीक यो कांसा केन दुम्चा माल्ले। मेको गरुम्तीक ताम्बु नु चढ़ेतीक आस दातेमी वोइश्शा, ब्याक्कु कुर पपाइक्चा माल्लेवे। परस्थान ३८ :८ १९ मेको ब्याक्कुमी हारुन नु आ तौपुकीमी आन गुइ सोइली चिक्सीचा माल्लेमी। २० मेकोपुकी मबक्कल, दे गरुम्तीक ताम्बुम ओत्रचा क्येडा डांइती चिक्सीचा माल्लेमी। मिनु चढ़ेतीकमी गेय पचा, दे परमपरभु यावे आ डांइती मीम चोशा चढ़ेतीक चढ़ेचा कली लमानु, मेको ब्याक्कुम चिक्सीचा माल्लेमी। ब्याक्कुम चिक्सीमानु, मेको मबक्नीम। २१ मेकोपुकी नु आन चच युइ

आन पाला नेल्लेमी गेना हना यो पतीके लोत्र बाक्व" दंत।

ताम्बु डा लुक्तीक तेल

२२ मिनु लेंशा परमपरभु यावेमी मोसा कली  
२३ "गेमी शुश क्यट लाइब बरोत्रशो रिना पाइब थोत्रक चाक्चा माल्नेव। मार चाक्चा माल्नेव देशा हना, मूर आ रस ५ सह शेकल, दाल चिनी सह निकशी ५० शेकल नु बरोत्रशो रिना पाइब बोच सह निकशी ५० शेकल चाक्चा माल्नेव। शेकल का ११.५ ग्राम चांदी क क्यट बाक्व। ताम्बु डा शेकल चहिं १२ ग्राम बाक्व। २४ नु कस्सीया माइशशा बरोत्रशो रिना पाइब फू ५ सह शेकल, ताम्बु डा नाक्तीकेमी नाक्शा, चाक्चा माल्नेव। रिम्शो तेल हिन का यो चाक्चा माल्नेव। हिन का ४ लिटर खोदंशो बाक्व। २५ मेको नेल्ल ब्याइशशा थम रिम्शो लुक्तीक तेल सल्पाइक्चा माल्नेव। मेको परमपरभु यावे कली ला बाक्व। मेको बरोत्रशो रिना पाइब सल्स जोक्व मुर कली सल्पाइक्चा माल्नेव। मेको थम रिम्शो लुक्तीक तेल ताम्बु कली ला सल्वा माल्ब। परस्थान ३७:२९ २६ मिनु गे गरुम्तीक ताम्बु नु कबल पशो सन्दोस, २७ टबल नु मंकर डा मार मार नेल्ल, बत्ती दातीक नु मेको आ मार मार नेल्ल नु धूप चोशा चढ्तीके, २८ चोशा चढ्तीके नु मेको आ मार मार नेल्ल नु चिक्तीके ठयब बोस नु आ निष्पाइक्तीक नेल्ल खरक्पाइक्चा माल्नेव। परस्थान ३०:१० २९ मोपा मेको मारइ मारइ नेल्ल खरक्तीनु, मेको ताम्बु डा गय कली ला दुम्नीम। मेको कली मार मारम थोनीमी, मेको यो परमपरभु कली दुम्नीम। ३० आं कली चढ्ब दुम्ब हारून नु आ तो आन कली यो तेल खरक्शा, आं गय पाइब सल्वा माल्नेव। परस्थान २९:१७ ३१ इसराएली आन कली मेको गेना हना यो इन चच युइ आन पाला सम्म लुक्तीक तेल दुम्चा माल्ब। मेको तेल परमपरभु यावे के ला बाक्व। ३२ मेको अरु मुर आन कली खरक्चा मदुम्ब। मेको खोदंशो पा ब्याइशशा तेल सल्वा मदुम्ब। मेको परमपरभु आ तेल ला बाक्व" दे मिम्चा माल्नीनी। ३३ सुमी मेको खोदंशो पा ब्याइशशा तेल सल्वा नु अरु मुर आन कली खरक्चा, मेको मुर आ थर र तिल्वा पुंडसीनीम" दे परमपरभु यावेमी मोसा कली दंत।

धूप सल्वा शंशो

३४ मिनु परमपरभु यावेमी मोसा कली "बरोत्रशो रिना पाइब थोत्रक मार ब्याइक्पाइक्चा माल्नेव देशा हना, चोत्रक, कुन्दापुरी, बरोत्रशो रिना पाइब रवा आ दूध नु मारइ मब्याइशशा मूर, उइक्थ उइक्थ पा नाक्शा ब्याइक्पाइक्चा माल्नेव। ३५ जोक्व मुस्म मेको नेल्ल ब्याइशशा, बरोत्रशो रिना पाइब धूप, हिक्सी सुष्शा, अरु मब्याइशशा परमपरभु कली ला चढ्तीक धूप सल्पाइक्चा माल्नेव। ३६ मेको र इक्का खोइ तुष्शा, फस सलो। मिनु मेको फस गरुम्तीक ताम्बु डा नेल्ल क्यडा चोत्रखो कोठा कबल पशो सन्दोस आ डांइती वोइशशा, मेको फस चोचा माल्नेव। मेको इन कली नेल्ल क्यडा चोत्रखो दुम्ब। मेको गो इ कली गरुम्नुड। परस्थान ३०:६ ३७ इन कली धूप सल्नीनु, आं धूप खोदंशो पा मसलीन। मेको धूप परमपरभु यावे आं धूप ला बाक्व" दे मिम्चा माल्नीनी। ३८ सुइमी मेको नाम्चा कली सल्लक्म हना, मेको आन थर र तिल्वा पुंडसीनीम" दे परमपरभु यावेमी मोसा कली माइक्तु।

रिम्शो पाइब आन कली योत्रशो

परस्थान ३५:३०-३५

३१ मिनु परमपरभु यावेमी मोसा कली  
३१ परस्थान ३५:३०-३५ २ "नेनो, गो यहूदा आ थर डा हर आ चच ऊरी आ तो बचालेल आ ने थिशा आं गय पचा कली योत्रता। ३ गो मेको कली आं सोक्तीमी पिरंशा, मार मार सल्वा कली जोक्व तुइक्व सल्ता। मिनु पने चाप्तीक सक्ति यो गता। ४ मेकोमी नेल्ल मिम्शा, सुन, चांदी नु कांसा क मारइ मारइ चम्ने चाप्ब। ५ हीरा खरोइक्तीक नु सुनम क्यप्तीके, शी मुतीके नु मारइ मारइ सल्स जोक्व दुम्पाइक्ता। ६ गो दान आ थर डा अहीसामाक आ तो ओहोली-आब कली बचालेल नु गय पचा कली योत्रता। गो इसराएल डा जोक्व रिम्शो गय पाइब मेको आस कली वारच पाइब यो योत्रतामी। गो इ कली मार मार दंडा, मेको नेल्ल आन कली सल्ले चाप्तीक सक्ति गेतामी। ७ गरुम्तीक ताम्बु, कबल पशो सन्दोस, मेको आ तार डा सुम्तीके नु ताम्बु आ गा डा माल्शो मारइ मारइ, परस्थान ३५:११-१९ ८ टबल नु मेको आ मारइ मारइ, बत्ती दातीक नु

आ मारेइ मारेइ, धूप चोशा चढ़ेतीके, १ चोशा चढ़ेतीके नु आ मारेइ मारेइ, ठेयब चिकतीक बोस नु आ राप्पाइक्तीके, १० आं कली चढ़ेब दुम्तीक रिम्शा पराव्रशा वा नेल्ल, चढ़ेब हारून आ चढ़ेची ना फक्तीक वा नु आ तौ आन फक्तीक वा, ११ लुक्तीक तेल नु बराव्रशा रिना पाइब धूप गोम इ कली दंशो खांदंशो पा मकोपुकीमी आं बाक्तीक कली सल्ला माल्नीम" दंत।

नाइक्तीक नाक्त आ पर्वम अरेशो

परस्थान ३२ :१-३

१२मिनु परमपरभु यावेमी मोसा कली १३ "गे इसराएली आन कली मार माइक्चा माल्नेवे दंशा हना गेपुकीमी थमा पा आं नाइक्तीक नाक्ती मानेचा माल्नीनी। मारदे हना मेको गेपुकी नु इन चच युइ सम्म कली चिन्ड लोब। गो, परमपरभु यावेमी, इन कली आं मुर सेल्ला, दे गे तुइक्नीनी। परस्थान २० :८; इजीप्टीएल २० :१२ १४ मोपतीके गेपुकीमी नाइक्तीक नाक्त मानेचा माल्नीनी। मारदे हना मेको परमपरभु आ नाक्त बाक्ब। सु सुमी मेको नाक्ती ममानथु, गेय पाइनीमी, मेको मुर आ जात डा मुर र तिल्शा, साइक्चा पुंडसीनीम। गन्ती १५ :३२-३५; येरमीया १७ :२१-२३ १५ मोपा ६ नाक्त सम्म गेय पामेक्ल, तन्न ७ नाक्त चहिं नाइक्तीक नाक्ती बाक्ब। मेको परमपरभु यावे आ नाक्त बाक्ब। सु सुम मेको नाक्ती गेय पाइनीमी मेको थमा पा साइक्चा पुंडसीनीम। १६ मोपतीके इसराएलीपुकीमी नाइक्तीक नाक्ती मानेचा माल्नीम। मेको नाक्ती गेना हना यो आन चच युइ सम्म कबल पतीके बाक्ब। मर्कूस २ :२७-२८ १७ गो नु इसराएली इन दातेमी मेको गेना हना यो लोब चिन्ड बाक्ब। परमपरभु यावेमी ६ नाक्तीमी सरीड नु रागी सल्ले थुम्तु। ७ नाक्ती चहिं नाइसीशा, आ दशा सात" दे इसराएली आन कली माइक्चा माल्नेवे" दंत। परस्थान १६ :२३,२५; उत्पती २ :२

१८ मिनु परमपरभुमी मोसा नु सीने डांडाम लोत्र पने थुम्शा, आ दंशो फुल्लु निकशीमी मुशा आंम बरक्शो लोत्र मोसा कली गेपु। परस्थान २४ :१२; परस्थान ३२ :१५-१६; परस्थान ३४ :२८; ब्यवस्था ४ :१३; ब्यवस्था ५ :२२; ब्यवस्था ९ :१०; ब्यवस्था १० :१-५

इसराएलीमी सुन के मूर्ति सेल्लो

३२ १ मिनु इसराएल डा मुरपुकीमी मोसा कली डांडा र मयिशा तशा, हारून आ बाक्तीक जाक्शा, मेको कली "लो, ई डांडाडांडती गाक्शा लां कांडेब देवता सेलो। आइ कली इजीप्ट रागी र गरुइशा, एक चाक्ब मोसा मार दुम्मे? मतुइक्तक" दे हारून कली देमा बाक्त। ब्यवस्था ९ :८-२१ २ मिनु हारूनमी मेको आन कली "इन मीश, इन तमी तौ आन पाइशा सुन परुइशा, आं बाक्तीक चाक्कीन" देमाक्त। ३ मिनु मुर नेल्लेमी आन नोफामी पाइशा सुन परुइशा, हारून आ बाक्तीक चाक्काम बाक्त। ४ मिनु हारूनमी मेको सुन आन गुइ र ताक्शा, यपाइशा, बाछा का सेला बाक्त। मिनु इसराएलीपुकीमी "इसराएल डा मुरपुकी, एकोन ई देवता बाक्ब। एकोमी ई कली इजीप्ट रागी र गरुइताक्व" दे मुमा बाक्त। १ राजा १२ :२८; भजन संगरह १०६ :१९-२०; पररित ७ :४१ ५ मिनु हारूनमी मेको आन कली तशा, बाछा आ डांडती चढ़ेतीक का सेला बाक्त। मिनु ठेयब संदा पा "दीसा परमपरभु यावे कली चाड का मानेचा माल्ब" देमाक्त। ६ मिनु आ दीसा मेकोपुकी सुनी कना बोक्शा चोशा चढ़ेतीक नु दुशा बाक्चा आ पर्वम चढ़ेतीक चढ़ेम बाक्त। मिनु मुरपुकी जचा तूचा कली निस्समा बाक्त। मिनु नाल जशा तूशा बोक्शा, आन दला दाक्स पाम बाक्त। १ कारिन्थी १० :७

७ मिनु परमपरभु यावेमी मोसा कली "डांडा र तांडसा। इजीप्ट र गरुइशा चाक्शा इ मुरपुकीमी आन दला दाक्स पा पाप पाम्तेक्म। ८ मेकोपुकीमी आं शंशो लोत्र थु था परांडतेक्म। आंम कली सुन के बाछा का सेल्ला, मेको कली पूजा पशा इसराएल डा मुरपुकी, एकोन ई कली इजीप्ट रागी र गरुइब परमपरभु बाक्ब" देतेक्म" दे परमपरभु यावेमी मोसा कली दंत। परस्थान २० :४,२३ ९ मिनु लेंशा परमपरभु यावेमी मोसा कली "गो मेको मुर आन कली ताता। काइ मटीब बाक्नीम, दे तुइक्ताक्ड। ब्यवस्था ९ :६; यसेया ४८ :४; पररित ७ :५१ १० मोपतीके आं कली मतेक्यी। मेको आन कली तशा गाइक्ताक्यी। गो मेको आन कली साइक्नुडमी। मिनु गो इ लां पा ठेयब जात का सेल्लुडमी" दंत। गन्ती १४ :११-२० ११ मिनु मोसामी परमपरभु यावे कली "परमपरभु यावे, आं परमपरभु, इन मुर आन पर्वम मारदे गाइक्तीनी ? गमी इन ठेयब सक्तिमी

मेको आन कली इजीप्त रागी रे गरुंडताकनी ।  
 १२ मो पाइतीनी हना इजीप्त रागी डा मुरपुकीमी  
 'परमपरभुमी मेको आन कली पहाडमी साइशशा,  
 रागी रे क्याम्चा कली एकरे गरुंडताक' दनीम ।  
 मोपतीक इन ठयब गाइक्तीक प्रोनीन । इन मुर  
 आन कली मसतीन । व्यवस्था ९ :२८ ; यहोसु  
 ७ :१ १३ इन गेय पाइब अबराहाम, इसहाक नु  
 याकूब भिम्तीन । मेको आन पर्वम इन नमी गो  
 इन कली सरीड डा सोरुल खोदेशो पा शुश  
 सेल्लुड । आ देशो रागी इन चच युड आन कली  
 गेनुडमी । मिनु एको रागी गेना हना यो मेको  
 आन के दुम्ब' दे कसम जाइतीनी" दंत । उत्पत्ती  
 १५ :५ ; उत्पत्ती २२ :१६-१७ ; उत्पत्ती २६ :४  
 १६ मिनु परमपरभु यावमी आ थुं लेशशा, आ मुर  
 आन कली मसाइकमी । भजन संग्रह ८५ :-

परमपरभु आ बरेकशो फुल्लु प्रोल्शो

१५ मिनु मोसा परमपरभु यावे आ देशो लोत्र  
 बरेकशो फुल्लु निकशी कुरशा, डांडा रे बरुप्त ।  
 मेको फुल्लु निकशी निम्फा पटटीम मुशा  
 बरेकशो बाक्त । १६ परमपरभुमी मेको फुल्लु  
 आंमा चेशशा सेल्शो बाक्माक्त । मिनु मुशा  
 बरेकशो बाक्त । परस्थान ३१ :१८ १७ मिनु  
 यहोसुमी मुर आन कली रयके पशो नेंशा, मोसा  
 कली "इसराएल डा मुर आन बाक्तीकेमी लडाइ  
 पशो रयके खोदेशो नेंसाकव" दंत । १८ तन्न  
 मोसामी "एको रयके लडाइ गराब आन रयके  
 ममाइ, बरुइब आन रयके यो ममाइ । गो कुम्सो  
 पशो नेंता" दंत ।

१९ मिनु मोसा इसराएली आन बाक्तीके आ  
 नेक्था जाक्मेनु, बाछा नु बाछा आ एर आंथ  
 मुरपुकी सित्त पशो तशा, शुश गाइशशा, फुल्लु  
 निम्फा ताइशशा, डांडा आ पुम प्रोल्तु ।  
 २० मिनु मोसामी इसराएली आन सेल्शो बाछा  
 लाइशशा, मीम हुम्शा, तुप्शा फस सेल्शा,  
 व्याक्कुम फुइशशा, इसराएली आन कली  
 तूपाइक्तीमी । २१ मिनु नोले मोसामी हारुन कली  
 "एको मुरपुकीमी इ कली मार पामे डा ? मारदे  
 मेको आन कली ओदेशो ठेयब पाप पपाइकमी ?"  
 दे हिल्लो पाप्तु । २२ मिनु हारुनमी "आं पर्वम  
 मगाइक्तीन । गे एको मुर आन कली तुइक्तीनी ।  
 एकोपुकी दूली पाइब ला बाक्नीम । २३ आं कली  
 "आंइ डांइडांइती गाक्शा लां कांइब देवता  
 सेलो । मारदे हना आंइ कली इजीप्त रे गरुंडशा,  
 एक चाक्ब मोसा कली मार दुम्मे, मनुइक्तेक'  
 दंतकम । २४ मिनु गो मेको आन कली 'सु सु इन

के सुन बाक्म, मेको परुइशशा, एक चाक्कीन' दे  
 माइक्तामी । मिनु मेकोपुकीमी चाक्तेकम । मिनु  
 गो मेको सुन मीम हुम्ताकड । मिनु एको बाछा  
 दुम्त" दंत ।

इसराएली आन कली सजाइ

२५ मोसामी मुर आन कली आन दला दाक्स  
 पशो ताप्तु । मारदे हना हारुनमी आन दला दाक्स  
 पचा गेवा बाक्त । मिनु आन जोरी सतरु नेल्ल  
 ग्यरसमा बाक्त । २६ मिनु मोसामी इसराएली  
 आन बाक्तीके ओत्रतीकेम राप्शा "सु सु परमपरभु  
 यावे गे बाक्नी, मेकोपुकी आं गे पिन" दंत । मिनु  
 लेवी आ थर डा मुर नेल्ल मोसा गे लशा, आ एर  
 आंथ राप्तेकम । २७ मिनु मोसामी मेको आन कली  
 "परमपरभु यावे, इसराएली आन परमपरभुमी गे  
 नेल्लेमी इन तरवार पिप्शा, मुर आन बाक्तीके  
 लशा, इन लोक्ब, इन सिं डा मुर, इन वारच नु सु  
 बाक्तेकम हना यो, सतीन" दंत" दंत । २८ मिनु लेवी  
 आ थर डा मुरपुकीमी मोसा आ देशो खोदेशो पा  
 पाप्तेकम । मेको नाक्ती हजार सां मुर साइक्चा  
 पुंडसाकम । २९ मिनु मोसामी लेवी आ थर डा मुर  
 आन कली "गेपुकीमी मुलाक्ती परमपरभु यावे  
 आ गेय पा, आंम आंम इन ती नु आंम आंम इन  
 लोक्ब आन कली मपुरांडथु साइक्तीनी । मिनु  
 मुलाक्ती गे आसीक राइनीनी" दंत । परस्थान  
 २६ :४१ ; गन्ती ३ :६-१० ; व्यवस्था ३३ :८-११

मोसामी परमपरभु नु लोत्र पशो

३० आ दीसा मोसामी मुर आन कली "गेपुकीमी  
 ठेयब पाप पाइतीनी । मिनु गो परमपरभु यावे आ  
 बाक्तीके डाइशशा, लाइनुड । गो इन पशो पाप  
 क्याम्तीके गेय पने चानुडा, को ?" दंत । ३१ मिनु  
 मोसा परमपरभु यावे आ बाक्तीके लशा मेको  
 कली "मुरपुकीमी थमा पा ठेयब पाप पाप्तेकम ।  
 आंम कली सुन के देवता सेल्लेकम । ३२ मो हना  
 यो गे मेको आन पाप क्याम्दीन, दे पुंडनुड ।  
 मक्याम्ताकनी हना, इन बरेकशो किताब रे आं  
 नें क्याम्दीने" दंत । भजन संग्रह ६९ :२९ ; लूका  
 १० :२० ; रोमी ९ :३ ३३ मिनु परमपरभु यावमी  
 मोसा कली "सुमी आं देशो मटिथु पाप पाइबा,  
 मेको आ नें आं बरेकशो किताब रे क्याम्नुड ।  
 ३४ तन्न मुल लावो । मेको मुर आन कली आं देशो  
 रागी लाइकमी । नेनो, आं स्वर्ग डा गेय पाइब  
 इ डांइडांइती सोइक्नुड । तन्न काबु मेको आन  
 कली पाप पशो आ पर्वम सजाइ गेनुड" दंत ।  
 परस्थान ३३ :२,१४ ; गन्ती १४ :२७-३० ३५ मिनु

परमपरभु यावेमी इसराएल डा मुर आन कली बक्तीक रोड पपाइक्तु। मारदे हना मेकोपुकीमी हारून कली मेको सुन के बाछा सलपाइशो बाक्तेकम।

परमपरभु आ शिशो पुंडशो

३३ १मिनु परमपरभु यावेमी मोसा कली “इजीप्त र गरुइशा, एक चाकशो मुरपुकी नु आ देशो रागी लावा। मेको रागी आ पर्वम गो इ चच युइ आन कली गेनुड” दे अब्राहाम, इसहाक नु याकूब नु कसम जाता। उत्पत्ती १२ : ७ २ आ स्वर्ग डा गय पाइब इन डोंडोंडती सोइक्नुड। मिनु गो कनानी, एमारी, हिती, परिज्जी, हिथ्वी नु यबुसी आन कली खेरनुडमी। परस्थान २३ : २० ३ मेको रागीम दूध नु खुदा शुश बाकब। मारदे मारदे यो शुश गरुत्व। गेपुकी काइ मटीब मुर बाकनीनी। मोपतीके गो गेपुकी नु मगाक्नुड। गो गाक्ती हना, इन कली लामीन साइक्नन्नी” दंत। परस्थान ३२ : ९ : १०

४ मिनु मुरपुकीमी मेको मरिम्शा लोत्र नंशा, सुर्ता पाम्तेकम। सुइमी आन सुन चांदी मारदे मपाइसम। ५ मारदे हना परमपरभु यावेमी मोसा कली “इसराएली आन कली गेपुकी काइ मटीब मुर बाकनीनी। गो याम का गे नु गाक्ती हना, नेल्ल इन कली साइक्नन्नी। मुल इन सुन चांदी नेल्ल परतीन। मिनु इन कली मार पचा माल्नुडा, दे मिम्नुड” देशो बाक्त। योएल २ : १३ ६ मोपतीके हारब डोंडाम बाक्ता र इसराएलीपुकीमी सुन चांदी मपाइसम। याना ३ : ६

परमपरभु नु लोत्र पतीक ताम्बु

७ मिनु मोसामी अरु आन बाक्तीक क्येडा डोन ताम्बु का कीशा वोइक्तु। मेको ताम्बु कली परमपरभु नु लोत्र पतीक ताम्बु दंत। सु सु परमपरभु यावे कली गरुच्चा दाक्तेम, मेको मुर आन बाक्तीक र गरुशा, मेको परमपरभु नु लोत्र पतीक ताम्बु लाइबाक्तेकम। परस्थान २९ : ४२ ८ मिनु मोसा मेको परमपरभु नु लोत्र पतीक ताम्बु लमनु, मुर नेल्ल बाकशा, आन ताम्बु आ ओव्रतीकम राप्शा, मोसा मेको ताम्बु मओव्रम सम्म, कोव्रशा बाक्तेकम। ९ मिनु मोसा मेको ताम्बु आगा ओव्रमेनु, गोस्स के थाम यिशा, ताम्बु आ ओव्रतीकम राप्शा ताम्तेकम। मिनु परमपरभु यावेमी मोसा नु लोत्र पाप्तु। गन्ती ११ : २५ ; ब्यवस्था ३१ : १५ १० मुर नेल्लेमी मेको

गोस्स के थाम, ताम्बु आ ओव्रतीकम राप्शा ताम्तेकम। मिनु मुर नेल्ल बाकशा आंम आंम ताम्बु आ ओव्रतीकमी बाप्शा, परमपरभु कली मान पा ठयब सल्लेकम। ११ मिनु परमपरभु यावे नु मोसा कोव्रमुशा, लोत्र पाम्ताक्स। दोदेशो पा मुर आन वारच नु बाकशा, लोत्र पाइनीमी, मोदेशो पा लोत्र पाम्ताक्स। मिनु मोसा लेशशा, आ ताम्बुम लत। आ गय पाइब ठिटा, नून आ ती यहासु चहिं ताम्बु उइ बाक्त। परस्थान ३३ : २० ; गन्ती १२ : ८ ; ब्यवस्था ३४ : १०

मोसाम परमपरभु कली पुंडशो

१२ मिनु मोसामी परमपरभु यावे कली “कोव्रडीन, गे आं कली एको मुर आन कली लतो” देतीनी, तन्न गो नु सु सु सोइक्नीनी, गे आं कली मतुइक्पाइय्यीनी। मो हना यो, गे आं कली “इ नें कली तुइक्नुड। मिनु इ कली दाक्नुड” देतीनी। परस्थान ३३ : २३ : १७ १३ मोपतीके गे आं कली दाक्ताक्नी हना, आं कली इन लां काइदीन। गो इन कली तुइक्ने चबुल। गो इन डोंडती शिशो तडल। एको जात डा मुरपुकी इन मुर नम, दे मिम्तीन” दंत। मज्जन संग्रह १०३ : ७ १४ मिनु परमपरभुमी “गो गे नु लाइनुड। मिनु इ थुं नाइक्चा गेनुड” दंत। यसेया ६३ : ९ ; यहासु २१ : ४४ ; हिब्रू ४ : ९ १५ मिनु मोसामी “गे गो नु मलाइतीनी हना, आंइ कली एक र मसोइक्तीन। १६ गो नु इन मुरपुकीमी इन डोंडती शिशो तशा बाक्तीकी, दे गो दोपा तुइक्तीकी ? गे गो नु लाइतीनी हना ला, तुइक्तीकी। मोपा ला गो नु इन मुरपुकी रागी डा मुरपुकी नु खाल का डा मदुम्नीकी” दंत। ब्यवस्था ४ : ६-८ १७ मिनु परमपरभु यावेमी मोसा कली “गो इ देशो पाइनुड। मारदे हना गो इ कली दाक्नुड। मिनु इ नें यो तुइक्नुड” दंत। परस्थान ३३ : १२ ; यसेया ४३ : १ ; रतिमाथी २ : १९

मोसामी परमपरभु कली तचा दाक्शो

१८ मिनु मोसामी “गे आं कली इन छेड्छेड तपाइय्यीनी” दे पुंडतु। यहन्ना १ : १४ ; २कोरिन्थी ३ : १८ १९ मिनु मेकोमी “गो इ डोंडती र लाइनुड, आं गेना हना यो दाक्तीक कांइनन। इ डोंडती आं नें थाव, देना देन गाक्नुड” सु सु आन कली शिशो पचा दाक्डा, मेको आन कली शिशो पाइनुड। सु सु आन कली दाक्चा दाक्डा, मेको आन कली दाक्नुड” दंत। रोमी ९ : १५ २० मिनु मोसा कली “गे आं कुल कोव्रने

मचाप्नेवे। मारदे हना आं कुल तामेनु, मुर बक्नीमी” दंत। परस्थान २४:११; उत्पत्ती ३२:३१; न्यायाधीस ६:२२-२३; न्यायाधीस १३:२२-२३; यसेया ६:५; यसेया ३३:१४; श्तिमाथी ६:१६ २१मिनु लेंशा परमपरमु यावेमी मोसा कली “कोव्रडा, आं बाक्तीकम सरथ फुल्लु का बाक्ब, गे मेको तार रपो। श्राजा ११:८-१३ २२आं छुडछुड मेकर र लमेनु, गो इ कली मेको सरथ फुल्लु आ काकपमी खरुडशशा वोइकनन। गो मलाकगु सम्म इ कली आं गुइमी सुम्शा वोइकनन। परस्थान ३४:५-६; परस्थान २४:११; २३नोले आं गुइ क्युकनुड। मिनु गे आं ची ताइनवे। आं कुल चहिं मताइनवे” दंत।

परमपरमु आ अरेशो लेंशा बरकशो

**३४** १मिनु परमपरमु यावेमी मोसा कली “डॉइती डा खोदंशो पा फुल्लु निकशी खरोतो। गो मेको फुल्लुमी इ डॉइती परोल्शो फुल्लु डा लोव्र बरकनुड। परस्थान ३२:१९ २सुनी कना बोक्शा, सीने डांडा डोइशशा, आं डॉइती जाक्को। ३गे नु सुइ डांडा डोइक्का मदुनीम। बी ब्यफ, क्यारश भडा यो डांडा गे जोचा मदुनीम” दे माइक्तु। परस्थान १९:१२-१३ ४मिनु मोसामी परमपरमु यावेमी देशो खोदंशो पा डॉइती डा खोदंशो फुल्लु निकशी खरोइक्तु। मिनु सुनी कना बोक्शा, फुल्लु कुरशा सीने डांडा डॉइसाक्व। ५मिनु परमपरमु यावे गोस्स आगाम बाक्शा, तोंइसाक्व। मिनु मोसा नु राप्शा आ नें देना देन गाक्त। ६मिनु परमपरमु यावे मोसा आ नेक्था गाक्ना गाक्न “यावे, यावे, शिशो पाइब नु दाक्ब परमपरमु बाक्ब। रीब पा मगाइक्व। गेना हना यो शिशो पाइब नु आ दाक्का मपरोंइब बाक्ब। परस्थान ३३:१८-२६; गन्ती १४:१८; भजन संग्रह १०३:८; नहुम १:३; १यूहन्ना ४:१६ ७मिनु हजार हजार आन पाला सम्म गेना हना यो दाक्ब। मुर आन ठीक मपशो, आन हेंथे पशो नु पाप पशो क्याम्ब। तन्न सजाइ मगथु मपरोंइब। आम आफ आन मरिम्शो पशो आन तमी तौ, चच, युइ नु युइ आन युइ सम्म सजाइ ताइनीम” दंत। परस्थान २०:५-६; ब्यवस्था ३२:९; भजन संग्रह २८:९ ८मिनु मोसामी गु बाप्शा सेज पा ठेयब सेल्लु। ९मिनु “आं परमपरमु, इन डॉइती शिशो तशो बाक्ती हना, गे परमपरमु, गो नु गाक्कीन, दे पुंडनुड। एको काइ मटीब मुर बाक्तेकम हना यो, आंइ ठीक

मपशो नु पाप क्याम्दीन। आंइ कली आंम इन मुर सेल्शा बरकी” दंत।

१०मिनु मेकोमी “नेनो, गो कबल का पाइनुड। इ मुर नेल्ल आन डॉइती छुक लाक्का डा गेय पाइनुड। गो मादंशो गेय रागी रागी आन दातमी गेनाया मपड। मिनु गे नु बाक्ब मुर नेल्लमी परमपरमु यावे आ गेय बाक्ब, दे तुइक्नीम। आं पचशो गेय हिंचा डा नु छुक लाक्का डा बाक्ब। परस्थान १९:५

११गो मुलाक्ती मार देनुडा, मेको लोव्र टिचा माल्लेवे। नेनो, गो इ डॉइती रे एमारी, कनानी, हिती, परिज्जी, हिच्यी नु यबुसी आन कली खरनुडमी। १२गो इन कली गेनुड देशो रागी जाक्दीत्नीनु, मेको रागी डा मुरपुकी नु काइ कबल मपावो। होस पा बाक्को। कबल पात्तीवी हना, मेकोपुकीमी इन कली दूली पाइब सेल्नीम। परस्थान २३:३२-३३ १३मेको आन चढेतीकपुकी परशशा, आन पूजा पचा कली खरुक्शो फुल्लु परोल्शा, मूर्ति पाइशशा थाम कली क्यारशा, तिमचा माल्लीनी। परस्थान २३:२४ १४गे मेको आन देवी देवता आन डॉइती बाप्शा सेज मपेन। मारदे हना आं नें रुश पाइब बाक्ब। मिनु गो रुश पाइब परमपरमु बाक्नुड। १५मेको रागी डा मुर नु काइ कबल मपेन। मारदे हना मेको रागी डा मुरुमी आन देवी देवता आन कली पूजा पा क्यारशा चढेनीमी। मिनु इन कली बरम्मानु, गे मेको आन देवी देवता आन कली चढेशो जाइनीनी। १६मिनु गे आन तमी इन तौ आन कली चाक्नीनी। मिनु मेको आन तमीम आन देवी देवता आन कली पूजा पा चढेनीम। इन तौ आन कली यो आन देवी देवता आन कली पूजा पा चढेपपाइक्नीम। ब्यवस्था ७:३; न्यायाधीस ३:६; श्राजा ११:२

१७गेपुकीमी आंम कली मूर्ति मचम्सीन। परस्थान २०:४

१८बोरब ओस्ती मसुप्शो शोप्ने डा चाड मानेचा माल्लीनी। आं देशो खोदंशो पा आबीब महिनाम ७ नाक्त सम्म बोरब ओस्ती मसुप्शो शोप्ने जचा माल्लीनी। मारदे हना गे आबीब महिनाम इजीप्त रे गरुशो ननी। परस्थान २३:१४-१९ १९इन वस्तु भाव आन डॉइती जरमशो बाछा, पाठा, नेल्ल आं कनम। उत्पत्ती ४:४ २०डॉइती जरमशो गधा आ बोहोर आ पा डा पाठा का गेशा परोइचा माल्लीनी। मो मपाइनीनी हना, आ शुर जिक्शा, साइक्का माल्लीनी। इन डॉइती जरमशो तौ आ पा डा

क्येट गेशा परांडचा माल्लीनी। आं डांडती सुइ श्येत्य गुइ मजाककीन। परस्थान १३:१२-१६

२१मिनु ६ नाक्त इन गय नेल्ल पचा माल्लीनी। ७ नाक्त चहिं नाइक्चा माल्लीनी। व्यफ वाक्ची नु बाली नाली रुप्ची ना यो नाइक्चा माल्लीनी। २२गपुकीमी ह्पता डा चाड मानचा माल्लीनी। मको डांडती मीशां चरब आ चाड बाक्ब। बाली नाली रुप्शा ओइतीक डा चाड यो मानचा माल्लीनी। मको बर्स नुप्ची ना डा चाड बाक्ब। लेवी २३:१५-१६; व्यवस्था १६:९-१०

२३इसराएल डा वॉइश मुर नु वॉइश आल नेल्ल बर्सम खेयप सां परमपरभु आ डांडती, परमपरभु यावे, इसराएली आन परमपरभु आ डांडती जाक्चा माल्लीम। २४गो रागी रागी डा मुर आन कली इन डांडती र खेरशा, इन बाक्तीक रागी बारपाइक्नुड। बर्सम खेयप सां परमपरभु यावे इन परमपरभु आ डांडती जाक्कीन। मिनु सुइम इन रागी तशा मवाल्नीम।

२५आं कली चढतीक हुश बारब ओस्ती सुप्शा शोब्ले नु मचढेन। पास्सा चाड डा चढेशा श्ये सुनी सम्म मारइ महेंचा। २६इन रू डा डांडती मीशां नेल्ल क्येडा रिम्शा थोत्रक परमपरभु यावे, इन परमपरभु आ सिंम चाक्चा माल्लीनी। क्यारश आ पाठा आ ममा आ द्धमी लोप्शा क्येचा मदुम्ब” दे मोसा कली दंत। परस्थान २३:१९

२७मिनु परमपरभु यावेमी मोसा कली “गो, गे नु इसराएली नेल्ल नु एको अरशां लोत्र पा कबल पाता, मोपतीक बरक्ता” दंत। परस्थान २४:४ २८मिनु मोसा परमपरभु यावे नु ४० नाक्दो नाक्ती बाक्त। मारइ मजवो। ब्वाक्कु यो मतूड। मिनु कबल डा १० ओटा अरशां लोत्र फुल्लुम बरक्ताक्व। परस्थान २४:१८; मत्ती ४:२; परस्थान ३१:१८

मोसा आ कुल छेडछेड दुम्शा

२९मिनु नोले मोसा मको परमपरभु यावे आ कबल डा लोत्र बरक्शां फुल्लु निक्शी कुरशा, सीने डांडा र तोंइसाक्व। मोसा परमपरभु यावे नु लोत्र पतीके आ कुल परमपरभु आ छेडछेडम छेडछेड दुम्शा बाक्ब, दे मतुइक्त। ३०मिनु हारून नु इसराएली नेल्लेमी मोसा कली तामेनु, आ कुल छेडछेड दुम्शा ताम्तेक्म। मिनु आ नक्था लचा हितेक्म। २कोरिन्थी ३:७-१८ ३१मिनु मोसामी मको आन कली

बरतीमीनु, हारून नु ठेयब मुर नेल्ल आ नक्था जाक्तेक्म। मिनु मकोपुकी नु लोत्र पाप्नु। ३२मिनु नोले इसराएलीपुकी यो मोसा आ नक्था जाक्तेक्म। सीने डांडाम परमपरभु यावेमी आ कली मार मार मदा, मको नेल्ल आन कली अरम्तीमी। ३३मोसामी मकोपुकी नु लोत्र पने थुम्शा, आ कुल वामी सुम्साक्व। ३४मोसा परमपरभु यावे नु लोत्र पथ आ डांडती लमनु, लाडगा मगरूम सम्म आ कुल हुक्साक्व। मिनु नोले गरूशा, आ कुल सुम्सीशा मको लोत्र इसराएली आन कली नैपाइक्तीमी। परस्थान ३३:८-९ ३५इसराएलीमी मोसा आ कुल छेडछेड दुम्शा ततीके, मोसामी परमपरभु यावे नु लोत्र पथ, आगा मओत्रम सम्म आ कुल सुम्साक्व।

नाइक्तीक नाक्त आ पर्वम अरशां

परस्थान ३१:१२-१७

३५ १मोसामी इसराएली नेल्ल आन कली बरशां “परमपरभु यावेमी शंशां इन पचा माल्शां गय, मार मार बाक्ब दंशा हना, २गे ६ नाक्त सम्म गय पने। ७ नाक्ती चहिं परमपरभु यावे आ नाक्त दुम्तीके, मको नाक्ती नाइक्तीक नाक्त बाक्ब। सु सुमी मको नाक्ती गय पाइनीमी, मको साइक्चा पुंडसीनीम। परस्थान २०:८-११; परस्थान ३४:२१ ३नाइक्तीक नाक्ती इन सिं नेल्लेमी मी मुइक्चा यो मदुम्ब” दे माइक्तीमी।

ताम्बु सल्ला कली मार मार पोक्शां

परस्थान २५:३-९; परस्थान ३१:७-११

४मिनु नोले मोसामी इसराएली आन कली “परमपरभु यावे आ शंशां लोत्र मार बाक्ब, दंशा हना ५परमपरभु यावे कली गरूम्तीक ताम्बु सल्ला कली चढतीक मार मार पोक्चा माल्लीनी। सु सुम रयरशा गेनीनी, मकोमी परमपरभु यावे कली मार चाक्चा माल्लीनी दंशा हना, सुन, चांदी, कांसा, परस्थान २५:२ ६नीलो, प्याजी नु लल श्येले नु रिम्शा पा किरशा सुती श्येले के परोत्रशां वा नु क्यारश आ चां, ७ लल रड नुप्शां बोका आ कुशुल, नेल्ल क्येडा रिम्शा कुशुल नु बोल्यां शी, ८बत्ती दाचा कली तेल, लुक्तीक तेल कली ब्वाइक्तीक नु धूप कली ब्वाइक्तीक, ९निसाफ पतीके ऊरीम नु थुम्मीम वोइक्तीक झोला नु कुचु तार वोइक्तीक सल्ला कली ओनीक्स माइशशां हीरा नु अरु हीरा चाक्चा माल्लीनी” दंत।

१०मिनु मोसामी “इन दातेम सु सु जोक्व बाक्नी, मेको नेल्ल जाक्शा, परमपरभु यावे आ देशो थोत्रक नेल्ल सेल्वा माल्नीनी। ११गरुम्तीक ताम्बु नु ताम्बु कली सुम्तीक, ग्याइक्पाइक्तीकपुकी, फलेक नु लाइशो कोक्केपुकी, थामपुकी नु राप्पाइक्तीकपुकी, १२कबल पशो सन्दास नु आ कुरतीक कोक्क नक्शो, सन्दास आ सुम्तीक, फारतीक, १३टबल नु आ कुरतीक कोक्क, ग्यांब नेल्ल नु कोइतीक शाब्ते, १४बत्ती दातीक नु मेको आ दियारीपुकी, बत्ती कली ठीक सेल्लीक थोत्रक नु बत्ती कली तेल, १५धूप चोशा चढ्देतीक नु मेको आ कुरतीक कोक्के, लुक्चा कली तेल नु बरोव्रशो रिना पाइशो धूप, ताम्बु ओव्रतीक डा फारतीक वा, १६चोशा चढ्देतीक नु आ एर ओंथ डा कांसा के थरपु, कुरतीक कोक्के नु आ मार मार, चिक्तीक ठेयब बास नु मेको आ निप्पाइक्तीक, १७ताम्बु आ लाङगा डा फारतीक वा, आ थामपुकी नु मेको आन राप्पाइक्तीकपुकी, ओव्रतीक डा फारतीक वा, १८ताम्बु आ किला नु लाङगा थरपु डा किलापुकी नु डोरीपुकी, १९नु हारुन नु आ ती परमपरभु कली चढ्देब दुम्चा कली फक्तीक वासी सेल्वा माल्नीनी” दे मुर आन कली माइक्तीमी।

ताम्बु कली मार मार चाक्शो

२०मिनु नोले इसराएली नेल्ल मोसा आ डाइती र लाम्तेक्म। २१सु सु आन थुमी “गो चाक्नुड” देमा, मेकोपुकीमी गरुम्तीक ताम्बु सेल्वा कली नु मेकर डा गेय पचा कली मार मार थोत्रक नु फक्तीक वा कली मार मार माल्दा, मेको परमपरभु यावे कली गेचा, दे चाक्तेक्म। १इतिहास २९ :५-९ ; २कोरिन्थी ९ :७ २२मीश मुर, वॉइश मुर नेल्लेमी मार मार चाक्तेक्म देशा हना, मुन्दरी, मारवाडी, ओंठी, सुन के चुरा नु अरु सुन के थोत्रकपुकी परमपरभु यावे कली चाक्तेक्म। २३सु सु नु नीलो, प्याजी नु लल श्येले नु रिम्शो पा किरशो सुती श्येले के परोव्रशो वा, क्यारश आ चां, लल रड नुप्शो सांड आन कुशुल, नेल्ल क्येडा रिम्शो सेल्शो कुशुल बाक्म, मेको चाक्तेक्म। २४सु सु आन के चांदी नु कांसा बाक्म, मेकोमी परमपरभु यावे कली चाक्तेक्म। सु सु नु गेय पचा कली ठीक पशो बोल्यो शी बाक्म, मेको चाक्तेक्म। २५मिनु मीश मुर आन दातेमी सु सु जोक्व बाक्मा, मेकोपुकीमी आन पांडशो नीलो, प्याजी, लल

श्येले नु रिम्शो पा किरशो सुती श्येले के परोव्रशो वा चाक्तेक्म। २६सु सु जोक्व बाक्मा, मेकोपुकीमी क्यारश आ चां पांडतेक्म। २७मिनु ठेयब मुरपुकीमी ओनीक्स माइशो नु अरु हीरा कुचु तार वॉइक्तीक नु निसाफ पतीक ऊरीम नु थुम्मीम वॉइक्चा कली झोलाम क्येप्पाइक्चा कली चाक्तेक्म। २८बत्ती कली तेल, लुक्चा कली तेल नु धूप कली बरोव्रशो रिना पाइब व्वाइक्तीक थोत्रक चाक्तेक्म। २९मोपा इसराएली नेल्लेमी ग्यरशा, परमपरभु यावे कली गेचा कली मोरइ मोरइ चाक्तेक्म। मीश मुर नु वॉइश मुरुमी मार मार माल्वा मेको नेल्ल चाक्तेक्म। परमपरभु यावेमी मोसा कली अरशो सोदंशो पा ताम्बु सेल्लीक गेय पचा कली मार मार चाक्तेक्म।

बेचालेल नु ओहोली-आब

परस्थान ३१ :१-६

३०मिनु मोसामी इसराएली आन कली “नेनीन, परमपरभु यावेमी यहूदा आ थर डा हर आ चच, ऊरी आ ती बेचालेल कली आ ने थिशा, आ गेय पचा कली योव्रतु। ३१मेकोमी मेको कली परमपरभुमी आ सोक्तीम पिरंशा, मार मार सेल्वा कली जोक्व तुइक्व सेल्लु। मिनु पने चाप्तीक सक्ति यो गप्तु। ३२मेकोमी नेल्ल मिम्शा, सुन, चांदी नु कांसा के मोरइ मोरइ चेम्ने चाप्त्र। ३३हीरा खरोइक्तीक नु सुनम क्येप्तीक, शी मुतीक नु मोरइ मोरइ सेल्वा जोक्व दुम्पाइक्तु। ३४परमपरभुमी बेचालेल नु दान आ थर डा अहीसामाक आ ती ओहोली-आब आस कली अरु आन कली शंतीक सक्ति गेशो बाक्व। ३५मिनु मेको आस कली जोक्व तुइक्व थुं गेशा, गेय पतीक सक्ति नेल्ल गेशो बाक्व। मार गेय पचा कली जोक्व तुइक्व सेल्शो बाक्व देशा हना, दारशो मार मार गेय पाइब, मिम्शा बरेक्स बरेक्शा, नीलो प्याजी नु लल श्येले बुटा परोव्रचा नु रिम्शो पा किरशो सुती श्येले के परोव्रशो वामी बुटा आप्चा कली जोक्व तुइक्व सेल्शो बाक्व।

परमपरभु आ बाक्तीक सेल्लेशो

परस्थान २६ :-

३६ १मिनु परमपरभु यावेमी बेचालेल, ओहोली-आब नु अरु आन कली आ बाक्तीक सेल्वा, दे जोक्व तुइक्व नु रुप्तीक थुं गेशो मुर नेल्लेमी, परमपरभु यावेमी देशो

सोदंशो पा गेय पचा माल्नीम” दे मोसामी इसराएली आन कली देत।

२मिनु मोसामी, बेचालेल, ओहोली-आब नु परमपरभुमी जोक्व तुइक्व सल्शा मुर नेल्ल आन कली बरत्ताकनमी। सु सु आन थुमी “गो यो मको गेय पाइनुड” दे मिम्शो बाक्मा, मको आन कली यो बरत्ताकनमी। ३इसराएलीपुकीमी परमपरभु यावे आ बाक्तीक सल्वा कली मार मार चाक्शो बाक्मा, आन थुमी ग्येरशा गेशो नेल्ल मोसा आ गुइ रे ताक्तेक। मना सम्म मुरपुकीमी सुनी कुस कुस मार मार चाक्स डा चाक्स बाक्तेक। ४मिनु परमपरभु यावे आ बाक्तीक सल्व जोक्व तुइक्वपुकीमी आन गेय प्राइशा, मोसा आ बाक्तीक जाक्तेक। ५मिनु मेकोपुकीमी मोसा कली “परमपरभु यावेमी अरशा सल्वा कली माल्शो क्यडा यो शुश चाक्ना चाक्न बाक्नीम” देतेक। ६मिनु मोसामी “मुल रे परमपरभु यावे आ बाक्तीक डा गेय कली सुइम मारइ मचाक्कीन” दे मुर आन बाक्तीक बाक्तीकेमी नंपाइक्व मुर सोइक्ताक्मी। मोपा मारइ मचाक्कीन, दे आन चाक्चा नाइक्पाइक्तेक। ७मारदे हना आन चाक्शो मारइ मारइ गाप्शा, शुश दुम्शो बाक्त।

#### ताम्बु सेल्लिक गेय

८मिनु जोक्व गेय पाइब नेल्लेमी परमपरभु यावे आ बाक्तीक कली १० ओटा सुम्तीक वा सल्लेक। रिम्शा पा किरशा सुती श्यले के प्रोत्रशो वा के नु नीलो, प्याजी नु लल रड डा श्यलेमी शुश रिम्शो करूबपुकी बुटा आप्शा सल्लेक। ९मको सुम्तीक वा का का पा २८ कुबीत दुइश्शो नु ४ कुबीत बरम्शो, खाल का डा पा सल्लेक। कुबीत का ०.५ मिटर खोदंशो बाक्व। १०मेकोपुकीमी ५ ओटा सुम्तीक वा बोइश्शा, का सल्लेक। मिनु अर्का ५ ओटा बोइश्शा, अर्का का सल्लेक। ११सुम्तीक वा का आ एर सुर गे नीलो रड डा ५० ओटा बोइक्तीके सल्लेक। अर्का सुम्तीक वा के यो आंथ सुर गे ५० ओटा नीलो बोइक्तीके सल्लेक। १२सुम्तीक वा कामी ५० ओटा बोइक्तीके नु अर्का सुम्तीक वा कली यो ५० ओटा बोइक्तीके सल्शा, निक्शी कली का सल्वा कली ठीक पा वोइक्तेक। १३मिनु मेकोपुकीमी ५० ओटा सुन के ग्याइक्पाइक्तीके सल्शा, डाइती डा नु नोल डा सुम्तीक वा आस कली बोइश्शा, का सल्लेक।

१४परमपरभु यावे आ बाक्तीक साप्चा कली यो क्यारश आ चां के ११ ओटा सुम्तीके सल्लेक। १५मेको सुम्तीके का का पा ३० कुबीत लाइश्शो नु ४ कुबीत बरम्शो खाल का डा पा सल्लेक। कुबीत का ०.५ मिटर खोदंशो बाक्व। १६मेकोपुकीमी का सल्वा कली ५ ओटा सुम्तीक बोइश्शा का नु ६ ओटा सुम्तीक बोइश्शा अर्का का सल्लेक। १७डाइती डा सुम्तीक आ एर सुर गे ५० ओटा बोइक्तीके सल्लेक। मिनु अर्का सुम्तीके आ आंथ सुर गे यो ५० ओटा बोइक्तीके सल्लेक। १८मिनु ताम्बु सुम्तीके का सल्वा कली कांसा के ५० ओटा ग्याइक्पाइक्तीके सल्लेक। १९मेकोपुकीमी ताम्बु सुम्चा कली लल रड नुप्शो सांड आ कुशुल के सुम्तीके का सल्लेक। मको आ तारी नेल्ल क्यडा रिम्शो सल्शो कुशुल के अर्का सुम्तीके का सल्लेक।

२०मिनु नोल मेकोपुकीमी परमपरभु यावे आ बाक्तीके सल्वा कली बोल्यो शी के फलेक सल्शा, थारतेक। २१फलेक का का पा १० कुबीत लाइश्शो नु कुबीत का आधा बरम्शो सल्लेक। कुबीत का ०.५ मिटर, हात का खोदंशो बाक्व। २२फलेक का कामी, राप्पाइक्चा कली किला निक्शी गारपाइश्शा, सल्लेक। परमपरभु यावे आ बाक्तीके सल्वा कली फलेक नेल्ल मोदंशो पा सल्लेक। २३मिनु बाक्तीके आ दक्खिन गे कली २० ओटा फलेक सल्लेक। २४मिनु मेको २० ओटा फलेक आन पुं गे, ४० ओटा चांदी के राप्पाइक्तीके, फलेक का कली राप्पाइक्तीके निक्शी सल्लेक। २५उत्तर गे कली २० ओटा फलेक सल्लेक। २६मेको आन कली ४० ओटा चांदी के राप्पाइक्तीके, फलेक का कली राप्पाइक्तीके निक्शी सल्लेक। २७बाक्तीके आ पच्छिम गे कली ६ ओटा फलेक सल्लेक। २८पच्छिम डा सुर निक्शी कली, फलेक निक्शी सल्लेक। २९मेकोपुकीम उइ रे ममाइ, इर गे मुन्द्रामी ग्याइक्पाइक्तेक। ३०मोपा मेको नेल्ल ८ ओटा फलेक दुम्तेक। मिनु १६ ओटा चांदी के राप्पाइक्तीके, फलेक का कली राप्पाइक्तीके निक्शी दुम्त। परस्थान २६ :-

३१बोल्यो शी के लाइश्शो कोक्के सल्लेक। परमपरभु यावे आ बाक्तीके का पटटी कली फलेक ग्याइक्पाइक्चा कली ५ ओटा लाइश्शो कोक्के सल्लेक। ३२अर्का पटटी कली यो फलेक ग्याइक्पाइक्चा कली ५ ओटा लाइश्शो कोक्के सल्लेक। आ नोल पच्छिम गे कली ५

ओटा लाइशो कोक्के सल्लेक्कम। ३३ मिनु फलेक ग्येत्थ आ दातेमी सुर का रे अर्का सुर सम्म कली लाइशो कोक्के सल्लेक्कम। ३४ मिनु फलेक नु लाइशो कोक्के आन कली सुनम गिल्लेक्कम। मिनु लाइशो कोक्के शुइक्का कली सुन के मुन्दरापुकी सल्लेक्कम।

३५ मिनु नीलो, प्याजी नु लल श्येले नु रिम्शो पा किरशा सुती श्येले के परोव्रशो वा के नेल्ल क्येडा चोव्रखो कोटा फारतीक का सल्लेक्का, रिम्शो पा करुब बुटा आप्तेक्कम। ३६ मेकोमी मेको फारतीक कली बोल्यो शी के ४ ओटा थाम सल्लेक्का, सुनम गिल्लेक्कम। मेको आन ग्याइक्कीक सुन के सल्लेक्कम। मेको आन कली ४ ओटा चांदी के राप्पाइक्कीक सल्लेक्कम।

३७ मिनु नीलो, प्याजी नु लल श्येले नु रिम्शो पा किरशा सुती श्येले के परोव्रशो वा दारशो बुटा आप्शो ताम्बु आ ओव्रतीक कली फारतीक का सल्लेक्कम। ३८ मेको फारतीक व्वेक्का कली ५ ओटा थाम सल्लेक्कम। मेको आन पिया, व्वेक्कीक नु हाम्तीक कोक्के सुनम गिल्लेक्कम। मेको ५ ओटा थाम आन राप्पाइक्कीक चहिं कांसा के सल्लेक्कम।

कबल पशो सन्दोस सल्लेक्का

परस्थान २५ :१०-२२

**३७** १ मिनु बेचालेलमी बोल्यो शी के सन्दोस का सल्लु। मेको आ लाइशो कुबीत निक्शी नु आधा, आ बरम्शो कुबीत का नु आधा नु आ ग्येत्थ लाइशो कुबीत का नु आधा डा पा सल्लु। कुबीत का ०.५ मिटर, हात का खोदंशो बाक्क। २ मिनु मेको आ खिंडगा नु आ लाडगा नेल्ल क्येख सुनमी गिल्लु। मिनु एर ओथ नेल्ल सुन के सुर सल्लु। ३ मिनु सुन के ४ ओटा मुन्दरा सल्लु। का पटटी निक्शी नु अर्का पटटी निक्शी पा सन्दोस आ ४ सुरमी क्येप्ताक्क। ४ मिनु बोल्यो शी के कुरतीक कोक्के निक्शी सल्लेक्का, सुनमी गिल्लु। ५ मिनु मेको कुरतीक कोक्के निक्शी मुन्दरामी शुइशशा, सन्दोस कुरने चाप्तेक्कम।

सन्दोस सुम्तीक सल्लेक्का

६ मिनु मेकोमी क्येख सुन के चेम्शा, सन्दोस सुम्तीक सल्लु। मेको आ पित्थ लाइशो कुबीत निक्शी नु आधा नु आ बरम्शो कुबीत का नु आधा सल्लु। कुबीत का ०.५ मिटर, हात का खोदंशो बाक्क। ७ मिनु परमपरमु यावे आ स्वर्ग

डा गेय पाइब खोदंशो सुन के करुब निक्शी चेम्शा सल्लु। मेको सुम्तीक आ निम्फा पटटी डा का का चेम्शा सल्लु। ८ का पटटी करुब का, अर्का पटटी करुब का चेम्शा सला बाक्क। मेको सुम्तीक नु करुब निम्फा मखरांडसीशो सुन का रेन चेम्शा सल्लु। ९ करुब आस फरां हाम्शा, सुम्तीक फारपाइशशा, खाल का डा पा सन्दोस सुम्तीक गे कोव्रपाइशशा चेम्शा सल्लु।

शोब्ले वोइक्कीक टेबल सल्लेक्का

परस्थान २५ :२३-३०

१० बोल्यो शी के टेबल का सल्लु। मेको आ पित्थ लाइशो कुबीत निक्शी नु आ बरम्शो कुबीत का नु आ ग्येत्थ लाइशो कुबीत का नु आधा डा पा सल्लु। कुबीत का ०.५ मिटर खोदंशो बाक्क। ११ मिनु मेको कली क्येख सुनमी गिल्लेक्का, आ एर ओथ नेल्ल सिरपेच खोदंशो पा सुन के सुर सल्लु। १२ मेको आ एर ओथ डा सुर नेल्ल ४ गुइ बरम्शो सल्लेक्का, सिरपेच खोदंशो पा बुटा आप्शा सल्लु। गुइ का ८ सन्ती मिटर कि ३ आइची खोदंशो बाक्क। १३ मिनु ४ ओटा सुन के मुन्दरा चेम्शा, मेको आ ४ ओटा खोइलीम टेबल आगाम क्येप्ताक्क। १४ टेबल कुरचा कली मुन्दरापुकी टेबल आ सुर आ नेक्था क्येप्ताक्क। १५ मिनु टेबल कुरचा कली बोल्यो शी के कुरतीक कोक्के सल्लेक्का, सुनमी गिल्लु। १६ मिनु टेबलम वोइक्का माल्लो थाल, लोटा नु बोस नेल्ल नु तूचा थोव्रक चढेतीक लुक्का कली लोटा नेल्ल क्येख सुन के सल्लु।

सुन के बत्ती दातीक सल्लेक्का

परस्थान २५ :३१-४०

१७ मेकोमी क्येख सुन के बत्ती दातीक का चेम्शा सल्लु। आ थाम, आ राशी, आ दियारी, आ डल्ला नु फूपुकी टेयब सुन का केन सल्लु। १८ मिनु मेको बत्ती दातीक आ थाम रे ६ ओटा राशी गरुंडशा, का पटटी रे सां नु अर्का पटटी रे सां राशी चेम्शा सल्लु। १९ मिनु मेको राशी कामी देसी बदाम आ फू खोदंशो फू सां नु डल्ला सां रे गरुंडशा सल्लु। अर्का राशीपुकी या नेल्ल खोदंशो पा सल्लु। २० मेको बत्ती दातीक आ थामम चहिं ४ ओटा देसी बदाम आ फू खोदंशो आन डल्ला रे गरुंडशा सल्लु। २१ थाम आ डाइती डा डल्ला रे, आ दाते डा डल्ला रे नु नोले डा डल्ला रे निम्फा पटटी गे राशी निक्निक्शी गरुंडशा सल्लु। २२ मेको आ राशी नु डल्ला नेल्ल

ठेयब क्येख सुन का केन चेम्शा सेल्लु। २३ बती दातीक ७ ओटा दियारी, आ कांडची नु आइक्च बोस नेल्ल क्येख सुन के चेम्शा सेल्लु। २४ मेको नेल्ल टलेन्ट का क्येख सुन के चेम्शा सेल्लु।

धूप चोशा चढेतीक सेल्लो

परस्थान ३०:१-५, २२-३६

२५ धूप चोशा चढेतीक बोल्यो शी के कुबीत का लाइशो नु कुबीत का बरम्शा ४ पाटे पा सेल्लु। आ ग्येत्थ लाइशो कुबीत निक्शी डा सेल्लु। मेको नु मेको आ गरोत्र नेल्ल मखरोइसीशो शी का केन सेल्लु। कुबीत का ०.५ मिटर, हात का खोदंशो बाक्व। २६ मिनु मेको नेल्ल क्येख सुनमी गिल्शा, सिरपेच के खोदंशो पा सुन के सुर सेल्लु। २७ मेको आ सुर आगा निम्फा पटटी कली सुन के मुन्दरा निक्निक्शी सेल्लो, आ सिरपेच खोदंशो सुर आ दी निम्फा पटटी गे क्येप्ताक्व। मिनु मेको कुरतीक कोक्के शुइक्तीक दुम्त २६ मिनु मेको कुरचा कली बोल्यो शी के कुरतीक कोक्के निक्शी सेल्लो, सुनम गिल्लु।

२९ मिनु मेकोमी ताम्बु डा लुक्तीक तेल नु बरोत्रशो रिना पाइब धूप जोक्व मुरुम सेल्लो खोदंशो पा सेल्लु।

चोशा चढेतीक सेल्लो

परस्थान २७:१-८ ; परस्थान ३०:१६-२१

३८ १ मिनु बेचालेलमी बोल्यो शी के चोशा चढेतीक सेल्लु। मेको ५ कुबीत लाइशो नु ५ कुबीत बरम्शा, ४ पाटे नु कुबीत सां ग्येत्थ लाइशो पा सेल्लु। २ आ ४ सुरमी गरोत्र सेल्लु। मेको गरोत्रपुकी मेको चढेतीक फलेक का केन सेल्लो, कांसामी गिल्लु। ३ चढेतीक कली माल्लो मारेइ मारेइ कांसा के सेल्लु। पुलु वोइक्तीक बोसपुकी, पुलु ताप्तीकपुकी, बरुइक्तीक बोसपुकी, श्ये गरुइतीक कांटापुकी नु मी कोइला कुर पतीकपुकी सेल्लु। ४ चोशा चढेतीक कली कुबीत का नु आधा डा पा ग्येत्थ पा मी तिक्तीक कांसा के जाली सेल्लु। कुबीत का ०.५ मिटर, हात का खोदंशो बाक्व। ५ कुरतीक कोक्के शुइक्चा कली, ४ ओटा मुन्दरा सेल्लो, आ ४ सुरमी क्येप्ताक्व। ६ बोल्यो शी के कुरतीक कोक्के निक्शी सेल्लो, कांसामी गिल्लु। ७ चढेतीक कुरचा कली मेको कोक्के मुन्दराम शुइक्ताक्व। फलेक के सेल्लो चोशा चढेतीक आगाम श्येत्थ बाक्वशो बाक्व।

चिक्तीक ठेयब बोस सेल्लो

८ बेचालेलमी कांसा के चिक्तीक ठेयब बोस नु आ निप्पाइक्तीक सेल्लु। मेको गरुम्तीक ताम्बु ओत्रतीकम गय पाइब मीश मुर आन कांसा के एना क सेल्लु।

ताम्बु आ लाडगा

परस्थान २७:१-१९

९ मिनु बेचालेलमी ताम्बु आ लाडगा थरपु हिरचा कली रिम्शा पा किरशो सुती श्येले के वा परोत्रपाइक्तु। मेको फारतीक दक्खिन गे सहे का कुबीत लाइशो पा सेल्लु। कुबीत का ०.५ मिटर खोदंशो बाक्व। १० मेको फारतीक ग्याइक्पाइक्चा कली खाल का डा थाम नु खाल का डा कांसा के राप्पाइक्तीक के सेल्लु। मुन्दरापुकी नु कोक्केपुकी चहिं चांदी के सेल्लु। ११ मिनु मोदंशो पा उत्तर गे यो सहे का कुबीत लाइशो फारतीक परोत्रपाइक्तु। मेको कली २० ओटा थाम, २० ओटा कांसा के राप्पाइक्तीक सेल्लु। मुन्दरापुकी नु कोक्केपुकी चहिं चांदी के सेल्लु। सहे का कुबीत ५० मिटर बाक्व। १२ पच्छिम गे ५० कुबीत डा फारतीक सेल्लु। मेको कली १० ओटा थाम नु १० ओटा राप्पाइक्तीक सेल्लु। आन मुन्दरा नु कोक्केपुकी चहिं चांदी के सेल्लु। १३ मिनु लाडगा आ डांडती पूर्व गे कली ५० कुबीत डा फारतीक वा सेल्लु। १४ ओत्रतीक पटटी का कली १५ कुबीत डा फारतीक वा सेल्लु। थाम नु राप्पाइक्तीक सां सां सेल्लु। १५ मिनु ओत्रतीक डा अर्का पटटी कली यो १५ कुबीत डा फारतीक वा सेल्लु। थाम नु राप्पाइक्तीक सां सां सेल्लु। १६ लाडगा डा एर आंथ नेल्ल डा फारतीक रिम्शा पा किरशो सुती श्येले के परोत्रशो वा के सेल्लु। १७ मेको थाम आन राप्पाइक्तीक कांसा के बाक्तेक्म। थाम आन मुन्दरा नु कोक्केपुकी चहिं चांदी के बाक्तेक्म। थाम आन पिया चांदीम गिल्लो बाक्तेक्म। थाम आन फरतीके नेल्ल चांदी के बाक्तेक्म।

१८ मेको लाडगा डा ओत्रतीक डा फारतीक नीलो, प्याजी नु लल श्येले नु रिम्शा पा किरशो सुती श्येले के परोत्रशो वाम दारशो बुटा आप्शा सेल्लु। मेको आ लाइशो २० कुबीत नु आ ग्येत्थ ५ कुबीत डा पा अर्का फारतीक नु उइक्थ उइक्थ पा सेल्लु। कुबीत का ०.५ मिटर, हात का खोदंशो बाक्व। १९ मिनु ओत्रतीक डा ४ ओटा

थाम नु आन ४ ओटा राप्पाइक्तीक कांसा के बाक्तेक्म। मेको फारतीक कली ब्वेक्तीक, थाम आन पिया नु फरंतीक चांदी के बाक्तेक्म। २० मिनु परमपरभु यावे आ बाक्तीक नु लाङगा डा किला नेल्ल कांसा के बाक्तेक्म।

सुन चांदी नु कांसा नाक्शो

२१ परमपरभु यावे आ बाक्तीक सेल्त्वा कली मार मार माल्दा, मेको ब्रक्शो बाक्त। मेको बाक्तीक कबल पशो सन्दोस वोइक्तीक बाक्त। मोसामी “मेको नेल्ल ब्रक्का माल्ब” दे अरेशो बाक्त। चदेब हारून आ तो इथामार लेवी आन कली गेय पपाइक्व बाक्त। गन्ती ४ :२८ २२ परमपरभु यावेमी मोसा कली शंशो खोदंशो पा, यहूदा आ थर डा हर आ चच, ऊरी आ तो बेचालेलमी मारेइ मारेइ सेल्त्तु। परस्थान ३१:१-११ २३ मेको नु दान आ थर डा अहीसामाक आ तो ओहोली-आब यो बाक्त। मेको मार मार मुशा सेल्तीक गेय जोक्व, बरक्स ब्रक्शा सेल्त्वा जोक्व नु नीलो, प्याजी नु लल रड डा रिम्शो पा किरशो सुती श्यलेम दारशो बुटा आप्तीक गेय यो जोक्व बाक्त।

२४ परमपरभु यावे आ बाक्तीक नु मेकर माल्शो मारेइ मारेइ सेल्त्वा कली मुर आन गेशो सुन गिश दुम्माक्त दंशा हना, २९ टलेन्ट नु ७ सह ३० शेकल दुम्त। नेल्ल नाक्शा, हजार का किला खोदंशो दुम्त। टलेन्ट का ३४ किला बाक्व। शेकल का ११.५ ग्राम, तोला का खोदंशो बाक्व। २५ डोइती हिक्शो वोंइश मुर आन २ पोक्शो चांदी सह का टलेन्ट नु हजार का ७ सह ७५ शेकल दुम्त। २६ मिनु २० बर्स गाप्शो नु मेको क्यडा लाक्शो वोंइश मुर ६ लाख हजार सां ५ सह ५० जना बाक्तेक्म। मेको आन के का का पा आधा आधा शेकल पोक्तेक्म। परस्थान ३०:१२-१६; गन्ती १:४६ २७ ताम्बु आन फलेक राप्पाइक्तीक नु नेल्ल क्येडा चोवखो कोठा कली फारतीक डा थाम आन राप्पाइक्तीक कली सह का टलेन्ट माल्ताक्व। सह का राप्पाइक्तीक कली सह का टलेन्ट माल्ताक्व। का कली टलेन्ट का माल्ताक्व। २८ मेको हजार का ७ सह ७५ शेकल चांदीमी ब्वेक्तीक सेल्त्वा, थाम आन पिया गिल्तीक नु आन फरंतीकपुकी सेल्तेक्म। २९ मुर आन चाक्शा कांसा ७० टलेन्ट नु हजार निक्शी ४ सह शेकल दुम्शो बाक्त। ३० मेको के गरुम्तीक ताम्बु डा ओव्रतीक डा थाम आन राप्पाइक्तीक, कांसा

के चोशा चदेतीक, आ मी तिक्तीक जाली नु चदेतीक आ मारेइ मारेइ सेल्त्पाइक्तु। ३१ मिनु लाङगा डा थाम आन राप्पाइक्तीकपुकी, ठेयब ओव्रतीक डा थाम आन राप्पाइक्तीकपुकी, ताम्बु नु लाङगा डा किला नेल्ल सेल्त्पाइक्तु।

चदेब आन वा सेल्त्शो

परस्थान २८ :-

३१ परमपरभु यावेमी मोसा कली दोपा अरवा, मोपा बेचालेल नु आ मुरपुकीमी हारून कली परमपरभु यावे आ बाक्तीकमी गेय पचा कली नीलो प्याजी नु लल रड डा श्यले के परोव्रशो फेक्तीक वा सेल्तेक्म।

चदेब आ कुचु तार वोइक्तीक

२ मेकोमी कुचु तार वोइक्तीक सुन के, नीलो, प्याजी नु लल रड डा श्यले नु रिम्शो पा किरशो सुती श्यले के परोव्रशो वा के सेल्तेक्म। ३ मिनु सुन तुप्शा, पाल्लो सेल्त्शा, आइक्व पा खरोइश्शा, श्यले खोदंशो सेल्तेक्म। मिनु नीलो, प्याजी नु लल श्यलेमी रिम्शो पा किरशो सुती श्यले के परोव्रशो वा दारशो बुटा आप्शा सेल्तेक्म। ४ मेको कुचु तार वोइक्तीकमी बलाम सुम्तीक निक्शी सेल्त्शा, निम्फा पटटी बोइक्ताक्म। ५ मिनु आ पाइक्तीक मेको कुचु तार वोइक्तीक का रेन सेल्तेक्म। मेको खाल का डा पा रिम्शो पा सेल्तेक्म। मेको पाइक्तीक सुन, नीलो, प्याजी नु लल रड डा श्यले नु रिम्शो पा किरशो सुती श्यले के परोव्रशो वा के सेल्तेक्म। परमपरभु यावेमी मोसा कली दोपा अरवा, मोपा सेल्तेक्म।

६ मिनु मेकोमी ओनीक्स हीरा निक्शी चाक्शा, इसराएल आ तो आन ने छाप खोदंशो पा हीराम मुशा ब्रक्शा सुनम क्येप्ताक्म। ७ मेको हीरा निक्शी कुचु तार वोइक्तीक आ बला डा टुकरा तारी फेरतेक्म। मिनु मेको हीरा इसराएल आ तो आन कली मिम्चा कली बाक्व। परमपरभु यावेमी मोसा कली दोपा अरवा, मोपा सेल्तेक्म। परस्थान २८:१२

निसाफ पतीक झोला

८ मेकोमी निसाफ पतीके ऊरीम नु थुम्मीम वोइक्तीक झोला सेल्त्पाइक्तु। कुचु तार वोइक्तीक खोदंशो पा सुन, नीलो, प्याजी नु लल श्यले नु रिम्शो पा किरशो सुती के परोव्रशो वा के दारशो पा सेल्तेक्म। ९ मेको

खेयप का मुक्शोनु, बित्ता का लाइशो नु  
 बित्ता का बरंशो ४ पाटे पा सल्लेक्कम। १०मिनु  
 ४ लस्कर हीरा सुनम का का पा क्येप्ताक्कम।  
 डॉइती डा लस्कर लल मानीक माइशो  
 हीरा, हाव पुशपराज माइशो हीरा नु गिगी  
 बरूज माइशो हीरा क्येप्ताक्कम। ११मेको  
 आ नोले डा लस्कर लल फिरोजा माइशो  
 हीरा, बुश नीर माइशो हीरा नु बुश नु नीलो  
 पन्ना माइशो हीरा क्येप्ताक्कम। १२मेको आ  
 नोले डा लस्कर गिगी नु नीलो रड्डा ब्वाइशो  
 रिम्शो टल्केशो नीलमनी माइशो हीरा, गिगी  
 हाकीक माइशो हीरा नु प्याजी रड्डा डा कटला  
 माइशो हीरा क्येप्ताक्कम। १३मिनु नेल्ल  
 क्येडा नोले डा लस्कर पीतमनी माइशो  
 हीरा, लल रड्डा डा ओनीक्स नु नीलो बिलौरा  
 माइशो हीरा क्येप्ताक्कम। मोपा हीरा नेल्ल  
 कली सुनम क्येप्ताक्कम। १४मेको हीरा १२ ओटा  
 बाक्तेक्कम। मिनु इसराएल आ तौ आन नें का  
 का पा मेको आन तार छाप थोक्शो खोदंशो  
 पा मुशा बरंक्शो बाक्तेक्कम। हीरा का आ तारी  
 थर का आ नें बरंक्शो बाक्तेक्कम। १५मेको निसाफ  
 पतीक झोला कली क्येस सुन के डोरी किरशो  
 खोदंशो पा सिकरी सल्लेक्कम। १६मेकोपुकीमी  
 निसाफ पतीक झोला कली सुन के ग्याइक्तीक  
 निक्शो नु मुन्दरा निक्शो चेम्तक्कम। मिनु मेको  
 मुन्दरा निसाफ पतीक झोला आ सुर निक्शोमी  
 वोइक्तेक्कम। १७मेकोपुकीमी सुन के सिकरी  
 निक्शो निसाफ पतीक झोला आ सुरम वोइशो  
 मुन्दरा निक्शोमी लिक्ताक्कम। १८मेको सिकरी  
 निक्शो चढेव आ कुचु तार वोइशो वा आ  
 बला डा हीरा क्येप्शो सुनम हेक्ताक्कम।  
 १९मेकोपुकीमी सुन के मुन्दरा निक्शो सल्लेक्कम।  
 मेको निक्शो निसाफ पतीके ऊरीम नु थुम्मीम  
 वोइक्तीक झोला आ उइ आगा गे पाइक्ताक्कम।  
 मोपा मेको झोला कुचु तार वोइक्तीक वा आ  
 तार बाक्तेक्कम। २०मेकोपुकीमी लेशा सुन के मुन्दरा  
 निक्शो सल्लेक्कम। कुचु तार वोइक्तीके आ बला  
 सुम्तीके उइ डा सुरम वोइक्तेक्कम। दारपाइशो  
 पाइक्तीके आ तारी क्येप्ताक्कम। २१मिनु मेको  
 निसाफ पतीके ऊरीम नु थुम्मीम वोइक्तीक  
 झोला आ मुन्दरामी नीलो डोरीम लिक्शा, कुचु  
 तार वोइक्तीक वामी पाइक्ताक्कम। मोपा मेको  
 निसाफ पतीके झोला दारपाइशो पाइक्तीक  
 तार बाक्शो कुचुम वोइक्तीक वा र एर आंथ  
 मयाक्सेक्कल, दे पाइक्ताक्कम। परमपरभु यावेमी  
 मोसा कली दोपा अरवा, मोपा सल्लेक्कम।

कुचु तार वोइक्तीके आगा डा वा

२२मिनु मेको कुचु तार वोइक्तीके आगा  
 फेक्तीक नेल्ल नीलो प्याजी रड्डा डा वा  
 के फरतेक्कम। २३मिनु पिया खरीतीक पोत्रला  
 सल्लेक्कम। मेको पोत्रला आ एर आंथ मगाक्का  
 डा पा आ सुर थम बोल्थो पा परोव्रतेक्कम।  
 २४मेको फेक्तीक आ उइ डा सुर एर आंथ गे  
 नीलो, लल नु प्याजी रड्डा नु रिम्शो किरशो  
 सुती श्येले के परोव्रशो वा के सल्लेशो दारीम  
 क्येक्शा सल्लेक्कम। २५मिनु मेकोपुकीमी क्येस  
 सुन के आइक्क किड्डगो सल्लेक्कम। फेक्तीक उइ  
 गे किड्डगो का दारीम का खराक्शा क्येक्तेक्कम।  
 २६किड्डगो का दारीम का नु किड्डगो का दारीम  
 का पा खराक्शा, बिर हिरशा क्येक्तेक्कम। मेको  
 परमपरभु यावे आ डॉइती गेय पची ना फेक्तीक  
 वा दुम्त। परमपरभु यावेम मोसा कली दोपा  
 अरवा मोपा सल्लेक्कम।

आगा डा फेक्तीके सल्लेशो

२७हारून नु आ तौ आन कली रिम्शो पा  
 किरशो सुती श्येले के परोव्रशो वा के फेक्तीक  
 यो सल्लेक्कम। २८रिम्शो पा किरशो सुती श्येले के  
 परोव्रशो वा के पियाम रुक्तीक नु गुक्तीक ताकी  
 नु सुरुवाल सल्लेक्कम। २९रिम्शो पा किरशो सुती  
 श्येले के परोव्रशो वा के नीलो, प्याजी नु लल रड्डा  
 डा श्येलेमी दारशो बुटा आप्शो किप्तीकपुकी  
 सल्लेक्कम। परमपरभु यावेमी मोसा कली दोपा  
 अरवा, मोपा सल्लेक्कम।

कुप्फीम पांइतीके सल्लेशो

३०मेकोपुकीमी क्येस सुन के फू खोदंशो  
 पा कुप्फीम पांइतीके चेम्तक्कम। मेकर छाप  
 मुशा खोदंशो पा “परमपरभु यावे कली ला” दे  
 मुशा बरंक्ताक्कम। परस्थान २९:६; परस्थान  
 २७:३६; लेवी ८:९; जकरिया १४:२०;  
 ३१कुप्फीम पांइतीके कली पियाम गुक्तीकेमी  
 नीलो श्येलेमी फरंताक्कम। परमपरभु यावेमी  
 मोसा कली दोपा अरवा, मोपा सल्लेक्कम।

मोसामी ताम्बु डा गेय कोव्रशो

३२मिनु परमपरभु यावे आ बाक्तीक गरुम्तीक  
 ताम्बु डा गेय नेल्ल नुम्त। परमपरभु यावेमी  
 मोसा कली दोपा अरवा, मोपा इसराएल डा  
 मुरपुकीमी नेल्ल सल्लेक्कम।

३३मिनु मकोपुकीमी परमपरभु यावे आ बाक्तीक नु आ मारइ मारइ मोसा आ बाक्तीकेमी चाक्तेकम। मार मार चाक्कम बाक्त देशा हना, ताम्बु नु आ ग्यांब नल्ल, ब्यक्तीक, फलेक, लाइशशा कोक्क, थाम नु राप्पाइक्तीकपुकी, ३४लल रडम नुष्शा सांड आ कुशुल क सुम्तीक, नल्ल क्येडा रिम्शा कुशुल क सुम्तीक, फारतीक, ३५कबल पशा सन्दोस, मको आ कुरतीक कोक्क नु सुम्तीक, ३६टेबलम वोइक्का माल्शा मारइ मारइ नु कोइतीक शोब्त, ३७क्येख सुन के बत्ती दातीक नु आ दियारी आन कली ठीक सल्ल्तीक थोत्रक नु बत्ती कली तेल, ३८सुन के चढ्देतीक, लुक्का कली तेल, बरोत्रशा रिना पाइब धूप, ताम्बु ओव्रतीक डा फारतीक वा, ३९कांसा के चढ्देतीक, मको आ कांसा के मी तिक्तीक जाली, कुरतीक कोक्के नु चढ्देतीक आ मारइ मारइ, चिक्तीक ठेयब बास नु मको निप्पाइक्तीक, ४०ताम्बु आ लाडगा डा फारतीक नु थामपुकी, आन राप्पाइक्तीकपुकी, लाडगा ओव्रतीक डा फारतीक वा, आ फरंतीकपुकी नु किलापुकी, मिनु परमपरभु यावे आ बाक्तीक गरुम्तीक ताम्बु डा गेय पचा कली मारइ मारइ नल्ले, ४१परमपरभु यावे आ बाक्तीक डा गेय पचा कली हारून कली फक्तीक वा नु आ तौ आन कली परमपरभु यावे कली चढ्देब दुम्चा कली आन फक्का गेय पतीक वा नल्ल चाक्तेकम। ४२परमपरभु यावेमी मोसा कली दोपा अरवा, मोपा इसराएल डा मुरपुकीमी सल्लेकम। ४३मिनु मोसामी मको नल्ल कोव्रतु। मिनु परमपरभु यावेमी दोपा अरवा, मोपा ठीक सल्ल्शा तशा, मोसामी मको नल्ल आन कली आसीक गेपु।

गरुम्तीक ताम्बु कीचा शंशो

४० १मिनु परमपरभु यावेमी मोसा कली २“डांइती डा महिना डा डांइती नाक्ती, आं बाक्तीके गरुम्तीक ताम्बु कीडो। परस्थान ४०:१७; परस्थान १२:२; परस्थान १९:१ ३गे कबल पशा सन्दोस आगाम वोइशशा, फारतीक वाम फारदो। ४टेबल आंइशा, मको तारी मार मार वोइक्का माल्बा, ठीक पा वोतो। मिनु बत्ती दातीके आंइशा आ दियारी दाडो। ५सुन के धूप चोशा चढ्देतीके कबल पशा सन्दोस आ डांइती वोतो। आं बाक्तीक आ ओव्रतीक डा फारतीक वा क्युकको। ६गरुम्तीक ताम्बु आ ओव्रतीक आ डांइती चोशा चढ्देतीक वोतो। ७गरुम्तीक

ताम्बु नु चढ्देतीक आस दातेम चिक्तीक ठेयब बोस वोइशशा, ब्याक्कुम पिरंदो। ८लाडगा डा थाम वोइशशा, एर आंथ हिरशा फारतीक वा नु ओव्रतीक डा फारतीक वा क्युकको। ९मिनु ग लुक्का कली तेल चाक्का, आं बाक्तीक नु मंकर डा मारइ मारइ आन कली “परमपरभु यावे केन बाक्ब” दे तेल लुक्को। मोपा मको नल्ल आं के दुम्नीम। १०चोशा चढ्देतीक नु मको आ मारइ मारइ आन कली यो “परमपरभु यावे केन बाक्ब” दे तेल लुक्को। मोपा मको नल्ल यो आं के दुम्नीम। ११चिक्तीक ठेयब बोस नु मको आ निप्पाइक्तीक कली यो तेल लुक्को। मिनु मोपा मको आं के दुम्ब।

१२मिनु हारून नु आ तौ आन कली, गरुम्तीक ताम्बु डा ओव्रतीकम चाक्का चिक्को। १३आं कली चढ्देब दुम्पाइक्का कली हारून कली चढ्देतीक वा फक्का, तेल लुक्का आं कली जिम्मा गेयी। १४आ तौ आन कली यो चाक्का, वा फक्को। १५आन आफ कली खोदंशो पा मको आन कली यो तेल लुक्को। मकोपुकी यो चढ्देब दुम्शा, आं गेय पचा माल्नीम। मको तेल लुक्कीक आन चच युइ आन पाला नल्लेमी गेना हना यो आं कली चढ्देब दुम्नीम” देत। १६मिनु परमपरभु यावेमी मोसा कली दोपा अरवा, मोपा पापु।

गरुम्तीक ताम्बु कीशो

१७इजीप्त रे गाक्का आ नोल जाक्को बर्स आ डांइती डा महिना, डांइती डा नाक्ती परमपरभु यावे आ बाक्तीक ताम्बु कीतेकम। १८मोसामी परमपरभु यावे आ बाक्तीक ताम्बु कीशा, राप्पाइक्तीकपुकी वोइक्को। मिनु फलेक थारशा, लाइशशा कोक्क शुइशशा, थाम राप्पाइक्को। १९परमपरभु यावे आ बाक्तीक तारी सुम्तीक यो कोप्ताक्क। परमपरभु यावेमी मोसा कली दोपा अरवा, मोपा पापु।

२०मिनु मोसामी परमपरभु यावे आ अरेशो लोत्र मुशा बरक्को फुल्लु कबल पशा सन्दोसम कुर पापु। मिनु कबल पशा सन्दोसम कुरतीक कोक्के शुइक्ताक्क। मिनु मको आ तार सुम्तीकम सुम्तु। २१मको कबल पशा सन्दोस परमपरभु यावे आ बाक्तीक आंइशा, फारतीक वामी फारताक्क। परमपरभु यावेमी मोसा कली दोपा अरवा, मोपा पापु।

२२मोसामी टेबल कली गरुम्तीक ताम्बुम आंइशा, फारतीक वा आ डांइती उत्तर ग वोइक्को। २३टेबल तारी परमपरभु यावे आ डांइती

कोंडतीक शोब्ले वोइव्क्तु। परमपरभु यावेमी मोसा कली दोपा अरवा, मोपा पाप्तु।

२४ टेबल नु एर ओंथ पा दक्खिन ग बत्ती दातीक कली गरुम्तीक ताम्बुम वोइव्क्तु। २५ परमपरभु यावे आ डोंडती दियारी दातु। मिनु परमपरभु यावेमी मोसा कली दोपा अरवा, मोपा पाप्तु।

२६ मिनु मोसामी सुन क सल्शा धूप चोशा चढेतीक कली गरुम्तीक ताम्बु डा फारतीक वा आ डोंडती वोइव्क्तु। २७ मिनु मेकर बरोव्रशो रिना पाइब धूप चोप्तु। परमपरभु यावेमी मोसा कली दोपा अरवा, मोपा पाप्तु।

२८ नोले ताम्बु डा ओव्रतीकम फारतीक वा क्युक्तु। २९ मिनु चोशा चढेतीक परमपरभु यावे आ बाक्तीक गरुम्तीक ताम्बु आ ओव्रतीकमी वोइव्क्तु। मिनु मेकर चोशा चढेतीक नु अन्न चढेतीक चढेप्तु। परमपरभु यावेमी मोसा कली दोपा अरवा, मोपा पाप्तु।

३० मोसामी गरुम्तीक ताम्बु नु चढेतीक आस दातेमी चिक्तीक टेयब बोस वोइव्क्शा, चिक्का कली ब्वाक्कुम पिरंताक्व। ३१ मिनु मोसा, हारुन नु हारुन आ तौपुकीमी आन गुइ सोइली चिक्साक्म। ३२ गरुम्तीक ताम्बुमी ओव्रशा चढेतीकम लमानु, आन गुइ सोइली चिक्का माल्तेक्म। परमपरभु यावेमी मोसा कली दोपा अरवा, मोपा पाप्तु।

३३ मोसामी गरुम्तीक ताम्बु नु चढेतीक आ लाङ्गा एर ओंथ नेल्ल थरपु हिरशा, आ ओव्रतीक डा फारतीक वा क्युक्तु। मोपा मोसामी गरुम्तीक ताम्बु डा गय नेल्ल थुम्तु।

परमपरभु आ बाक्तीकम जाक्शो

३४ मिनु गोस्सुमी गरुम्तीक ताम्बु सुम्तु। परमपरभु यावे आ सक्त्त नु छेड्छेड्डीमी मेका आ बाक्तीक बरीत। इजीकीएल ४३ :१-९ ३५ मिनु मोसा गरुम्तीक ताम्बुमी ओव्रने मचब। मारद हना मेको गोस्स मेको तारी बाक्शा, परमपरभु यावे आ सक्त्त नु छेड्छेड्डीमी आ बाक्तीक बरीत। गन्ती ७ :८९ ३६ मेको गोस्स परमपरभु यावे आ बाक्तीक तारी रे ग्येत्थ बोक्मेनु, इसराएलीपुकी गाक्का गोम्तेक्म। परस्थान १३ :२१ ; गन्ती ९ :१५-२३ ; गन्ती १० :३४-३६ ; १२ राजा ८ :१०-११ ; यसेया ४ :५ ३७ मेको गोस्स ग्येत्थ मबोक्म सम्म इसराएली मेक उइ बाक्तेक्म। ३८ नाक्ती परमपरभु यावे आ गोस्स आ बाक्तीक तारी बाक्त्त। नाक्को चहिं मेको गोस्स आगाम मी दुम्त्त। इसराएली गोरशो रागीम गाक्का सम्म मोदंशो दुम्स डा दुम्स पा नेल्लेमी ताम्तेक्म।

## लेवी

बरेकब मुरः साइ परमपरभु यावे आ मुर नु खरीस्त संस नाले डा थमा सुइक्वपुकीमी एको किताब मोसामी बरेकशो बाक्व, देनीम। मोसामी परमपरभु यावे आ देशो नल्ल बरेकशो बाक्व।

गना बरेकशो : एको किताब ५० नाक्व गोरशो रागीम गाक्तीक डा लोत्र ला बाक्व। इसराएली इजीप्ट रे गरूशो बर्स निकशी नाले, सीने डांडा आ नेक्था बाक्तेक्म। मोसामी डांडाम बाक्शा, परमपरभु यावे आ अरेशो नल्ल बरेकशो बाक्व। परस्थान ४० :३-१७ ; गन्ती १० :३१

मार बरेकशो : मुर दोपा परमपरभु यावे नु गारचा डा दुम्नीम एको किताबमी बरेकशो बाक्व।

१. दोपा नु मार चढेचा, लेवी १ :- ५ :-

२. चढेब आन गेय, लेवी ६ :- १० :-

३. गरांगरा दिचा नु गरांगरा मदिचा आ पर्वम शंशा, लेवी ११ :- लेवी १६ :-

४. परमपरभु यावे का बाक्व। मेको आ नाले ला सोइक्वा, दे बरेकशो

बाक्व। लेवी १७ :- लेवी २७ :-

चोशा चढेतीक

लेवी २६ :३-६

१. मिनु परमपरभु यावेमी गरुम्तीक ताम्बु रे बरेकशो मोसा कली २ग "इसराएली आन कली इन दाते डा सुइम परमपरभु यावे कली इन बी ब्यफ, क्यारश भडा चढेनीनु, आम इन बगाल रे चढेन।

३. मेको चढेशा बी ब्यफ चोशा चढेतीक बाक्व हना, मेकोमी मारइ मदुम्शा थमा रिम्शो बाच्छा चढेचा माल्ब। मेकोमी मेको गरुम्तीक ताम्बु आ ओत्रतीकेम चाक्वा माल्ब। मिनु मेको इन पर्वम परमपरभु आ डांडती बरतीके दुम्ब। लेवी १७ :४ ४ मेकोमी आ गुइ चोशा चढेतीक बस्तु आ पिया तारी वोइक्वा माल्ब। मिनु मेको परमपरभु यावे आ डांडती बरशा मेको मुर आ पर्वम पाप क्याम्तीक गेय बाक्व। ५ मेकोमी मेको बाच्छा कली परमपरभु यावे आ डांडती क्यारशा साइक्वा माल्ब। मिनु चढेब हारून आ तौपुकीमी मेको हुश चढेतीक आ एर आंथ बरुइक्वा माल्बीम। मेको चढेतीक गरुम्तीक ताम्बु आ ओत्रतीकेम बाक्व। ६ मिनु मेको नाले मेकोमी मेको चोशा चढेतीक आ कुशुन उक्शा

टुकरा टुकरा पा चक्वा माल्ब। लेवी ७ :५ ७ चढेब हारून आ तौपुकीमी चढेतीक तार मी सुइक्वा मेको तार शी गारपाइक्वा वोइक्वा माल्बीम। ८ मिनु चढेब हारून आ तौपुकीमी चढेतीक तारी वोइक्वा शी आ तार मेको चक्वा श्ये पिया नु बांसा गार पा वोइक्वा माल्बीम। ९ मेकोमी मेको आ गा क्यी नु खोइली चहिं ब्याक्कुम मुरचा माल्बीम। मिनु चढेबपुकीमी मेको नल्ल कली चढेतीकेमी चाचा माल्बीम। मेको परमपरभु यावे कली आ दाक्शा बरोत्रशा रिना पाइक्वा मीम चोशा चढेतीक बाक्व। उत्पत्ती ८ :२१ ; परस्थान २९ :३८

१०. मेको आ चोशा चढेतीक आ बगाल डा क्यारश भडा बाक्तेक्म हना, मेकोमी मारइ मदुम्शा थम रिम्शो बाका, सांड चढेचा माल्बीम। ११. मेकोमी परमपरभु यावे आ डांडती चढेतीक आ उत्तर गे मेको क्यारशा साइक्वा माल्ब। मिनु चढेब हारून आ तौपुकीमी मेको आ हुश चढेतीक आ एर आंथ बरुइक्वा माल्बीम। १२. मेको चढेबमी मेको चढेशा कली टुकरा टुकरा पचा माल्बीम। आ पिया बांसा सुन्दा चक्वा, श्ये नु काथा शी तारी गारपाइक्वा, चढेतीक डा मी तारी वोइक्वा माल्ब। १३. मेकोमी मेको आ गा क्यी नु खोइली चहिं ब्याक्कुम मुरचा माल्बीम। मिनु चढेबपुकीमी मेको नल्ल कली चढेतीकेमी चाचा माल्बीम। मेको परमपरभु यावे कली आ दाक्शा बरोत्रशा रिना पाइक्वा मीम चोशा चढेतीक बाक्व।

१४. मिनु परमपरभु यावे कली चोशा चढेतीक चिक्व बाक्तेक्म हना, टुकरा कि परवा चढेचा माल्बीम। १५. चढेबमी मेको चढेतीक आ नेक्था मेको आ पिया परोइक्वा साइक्वा माल्ब। मिनु मेको कली चढेतीकेमी चाचा माल्ब। मिनु आ हुश चहिं चढेतीक आ नेक्था चिरचा माल्ब। १६. मेकोमी मेको आ सोके फेक्वा चढेतीक आ पूर्व गे डा पुलु ताइक्तीकेम ताइक्वा माल्बीम। १७. मेकोमी मेको कली मचेक्थु, फरां आस दाते रे चेत्वा माल्ब। मिनु चढेबमी चढेतीक डा मी तार डा शीम मेको चाचा माल्ब। मेको परमपरभु यावे कली आ दाक्शा बरोत्रशा रिना पाइक्वा मीम चोशा चढेतीक बाक्व।

अन्न चढेतीक

लेवी ६ :७-११

१. मिनु सुइ मुरुमी परमपरभु यावे कली अन्न चढेचा थुं पाप्नु हना, मेको अन्न चढेतीक

थम रिम्शो फस बाक्चा माल्ब। मिनु मेकोमी मेकर तेल लुकशा, धूप सुप्चा माल्नीम। लेवी ७:१०; गन्ती १५:४ २मिनु मेकोमी मेको चढेब हारून आ तौ आन बाक्तीक चाक्चा माल्ब। मिनु चढेबमी मेको तेल नु धूप ब्याइश्शो रिम्शो फस मुठी का हुइश्शा, मीम चोचा माल्ब। मिनु मेको परमपरभु यावे कली आ दाक्शो ब्रोत्रशो रिना पाइश्शा मीम चोशा चढेतीक बाक्ब। ३मेको अन्न चढेतीक र लीशो चहिं हारून नु आ तौ आन के दुम्ब। मेको परमपरभु यावे कली मीम चोशा चढेतीक डा नल्ल क्येडा चोत्रसो चोशा चढेतीक बाक्ब। लेवी ६:२२

४अन्न चढेतीक चाक्चा थुं पास्तेकम हना, चोशा शोब्ले चाक्चा माल्नीम। मेको शोब्ले रिम्शो फस के, तेलमी निशा बोरब ओस्ती मसुप्चु चोचा माल्नीम। बटुक तेलमी निशा बोरब ओस्ती मसुप्शो दुम्चा माल्नीम। तेलम मनिशो बाक्त हना, शोब्ले कली तेल खरेक्शो बाक्चा माल्ब। लेवी ७:९ ५मिनु इन चढेतीक अन्न बाक्त हना, तेल ब्याइश्शो बोरब ओस्ती मसुप्शो रिम्शो फस बाक्चा माल्ब। ६मेको आइक्च आइक्च सेल्शा, तेल लुकचा माल्ब। मेको अन्न चढेतीक बाक्ब। ७इन चढेतीक दिउरम क्येशो अन्न चढेतीक बाक्त हना, मेको तेलम क्येशो रिम्शो फस के दुम्चा माल्ब। ८मोपा चोशो क्येशो अन्न चढेतीक परमपरभु यावे आ बाक्तीक लाइक्चा माल्नीम। मिनु मेको चढेब आन बाक्तीक चाक्च नोले चढेबमी मेको चढेतीक आ नक्था चाक्चा माल्ब। ९मिनु चढेबमी मेको अन्न चढेतीक र मुठी का हुइश्शा, मेको चढेतीक डा मीम चोचा माल्ब। मेको परमपरभु यावे कली आ दाक्शो ब्रोत्रशो रिना पाइश्शा मीम चोशा चढेतीक बाक्ब। १०मेको अन्न चढेतीक आ लीशो चहिं हारून नु आ तौ आन के दुम्ब। मेको परमपरभु यावे कली मीम चोशा चढेतीक डा नल्ल क्येडा चोत्रसो चोशा चढेतीक बाक्ब।

११गपुकीमी परमपरभु यावे कली अन्न चढेतीकमी गेनायो बोरब ओस्ती सुप्चा मदुम्ब। परमपरभु यावे कली मीम चोशा चढेतीकमी बोरब ओस्ती नु सुदो गेनायो चोचा मदुम्ब। १२सुदो नु बोरब ओस्ती सुप्शो चढेतीक लाइश्शा परमपरभु यावे कली चढेन चाप्नीनी। तन्न मेको कली चढेतीक मीम हुम्चा मदुम्ब। गन्ती १८:१२-१३; २इतिहास ३१:५ १३गपुकीमी इन अन्न चढेतीक नल्ल हिक्सी सुप्शा,

हिक्सी डाम्शो सेलीन। इन परमपरभु आ कबल डा अन्न चढेतीकमी हिक्सी मडाम्शो मदुम्ब। इन चढेतीक नल्लेमी हिक्सी सुप्शो चढेचा माल्नीनी। गन्ती १८:१९; २इतिहास १३:५

१४परमपरभु यावे कली डांइती मीशो अन्न चढेचा थुं पाइतीनी हना, इन डांइती मीशो नक बाला आन अन्न मीम करोइश्शा चढेन। ब्यवस्था २६:२-११ १५मेको तारी तेल लुकशा, धूप वोइक्चा माल्ब। मेको अन्न चढेतीक बाक्ब। १६मिनु चढेबमी मेको तेल लुकशा, धूप वोइश्शो र मुठी का हुइश्शा, मीम चोचा माल्ब। मेको परमपरभु यावे कली मीम चोशा चढेतीक बाक्ब।

दुशा बाक्चा आ पर्वम चढेतीक

लेवी ७:११-२१, २८-३४

१सुइ आन चढेतीक दुशा बाक्चा आ पर्वम  
३ बाक्त हना, मेकोमी बी ब्यफ रे का चढेब हना, परमपरभु यावे आ डांइती मारइ मदुम्शो थम रिम्शो बी कि ब्यफ चढेचा माल्ब। २मेकोमी आ गुइ आ चढेतीक बस्तु आ पिया तार वोइक्चा माल्ब। मिनु गरुम्तीक ताम्बु आ ओव्रतीक आ डांइती मेको कली क्योरशा साइक्चा माल्ब। मिनु चढेब हारून आ तौपुकीमी मेको आ हुश लाइश्शा चढेतीक आ एर ओंथ बरुइक्चा माल्नीम। ३मेकोमी दुशा बाक्चा आ पर्वम परमपरभु यावे कली मीम चोशा चढेतीक चढेचा माल्ब। गा क्यी आ तार डा नु मेको कली गिल्शो बांसा नल्ल चढेचा माल्ब। ४आ चिच निम्फा नु मेको आ तार नु आ करातोम बाक्शो बांसा, नु आइदीम क्येप्शो बांसा नल्ल गरुइचा माल्नीम। ५मिनु हारून आ तौपुकीमी मेको नल्ल कली चढेतीक डा मी तार डा शीम वोइश्शा, चोचा माल्नीम। मेको परमपरभु यावे कली आ दाक्शो ब्रोत्रशो रिना पाइश्शा मीम चोशा चढेतीक बाक्ब।

६मेकोमी आ दुशा बाक्चा आ पर्वम परमपरभु यावे कली चढेतीक क्यारश भेडा रे का चढेब हना, मेकोमी मारइ मदुम्शो थम रिम्शो क्यारश भेडा बाक्त हना यो, बोका सांड बाक्त हना यो, चढेचा माल्ब। ७मेको आ चढेतीक भेडा का बाक्त हना, मेको परमपरभु यावे आ डांइती चाक्चा माल्ब। ८मेकोमी आ गुइ आ चढेतीक भेडा आ पिया तार वोइक्चा माल्ब। मिनु गरुम्तीक ताम्बु आ ओव्रतीक आ डांइती मेको कली क्योरशा साइक्चा माल्ब। मिनु चढेब हारून

आ तौपुकीमी मेको आ हुश लाइश्शा चढेतीक आ एर ओंथ बरुइक्का माल्नीम। १ मकोमी दुशा बाक्तीक आ पर्वम चढेतीक भेडा आ बांसो परमपरभु यावे कली मीम चोशा चढेचा माल्ब। मेको बांसो पाइश्शो मीलु नु करातो आ नकथा र नल्ल गरुइचा माल्नीम। गा क्यी आ तार डा नु मेको कली गिल्शो बांसो नल्ल चढेचा माल्नीम। १० आ चिच निम्फा, मेको आ तार डा करातो डा बांसो नल्ल नु आ आइदीम क्यप्शो बांसो नल्ल गरुइचा माल्नीम। ११ मिनु चढेबमी मेको परमपरभु यावे कली मीम चोशा जचा थोत्रक चढेतीक चढेचा माल्नीम।

१२ मिनु दुशा बाक्का आ पर्वम परमपरभु यावे कली चढेतीक क्यारश का बाक्त हना, मेकोमी मेको परमपरभु यावे आ डांइती चाक्का माल्ब। १३ मेकोमी आ गुइ मेको क्यारश आ पिया तारी वोइक्का माल्ब। मिनु मेको कली गरुस्तीक ताम्बु आ डांइती क्यारशा साइक्का माल्ब। मिनु हारुन आ तौपुकीमी मेको आ हुश चढेतीक आ एर ओंथ बरुइक्का माल्नीम। १४ मिनु मेकोमी मेको आ चढेतीके परमपरभु यावे कली मीम चोशा चढेचा माल्ब। गा क्यी सुम्शो नु गिल्शो बांसो नल्ले, १५ आ चिच निम्फा, मेको आ तार डा करातो डा बांसो नल्ले नु आ आइदीम क्यप्शो बांसो नल्ल गरुइचा माल्नीम। १६ मिनु चढेबमी बरोत्रशो रिना पाइश्शो जचा थोत्रक मेको मीम चोशा चढेतीकमी चढेचा माल्ब। बांसो नल्ले परमपरभु यावे के बाक्ब। १७ मिनु गेपुकीमी बांसो नु हुश मब्बन। इन नोले डा पाला नल्ले आन कली गेपुकी ते बाक्तीनी हना यो, गेना हना यो लीब अरतीक बाक्ब दे इसराएली आन कली देनो” दे परमपरभु यावेमी मोसा कली देत। लेवी ७:२३,२७; लेवी १७:१०-१४; उत्पती ९:४; व्यवस्था १२:१६,२३; पररित १५:२०-२९

पाप पशो आ पर्वम चढेतीक

४ १ मिनु परमपरभु यावेमी मोसा कली २ “गे इसराएली आन कली “परमपरभु यावेमी मपचा, दे शंशो सुइ मुरुमी मतुइक्थु पाप पाप्नु हना, ३ मिनु तेल लुकशो चढेबमी पाप पा, मुर आन कली दोस ताइब सल्लु हना, मेकोमी आ पशो पाप आ पर्वम मारइ मदुम्शो थम रिम्शो ब्यफ का परमपरभु यावे आ डांइती पाप पशो आ पर्वम चढेचा माल्ब। ४ मेकोमी मेको ब्यफ कली गरुस्तीक ताम्बु आ ओत्रतीक आ नकथा परमपरभु यावे आ डांइती चाक्का

माल्ब। मेकोमी आ गुइ मेको ब्यफ आ पिया तारी वोइक्का माल्ब। मिनु मेको ब्यफ कली परमपरभु यावे आ डांइती साइक्का माल्ब। ५ मिनु मेको तेल लुकशो चढेबमी ब्यफ आ हुश इक्का हुइश्शा गरुस्तीक ताम्बुमी चाक्का माल्नीम। ६ मिनु चढेबमी आ बरुप्चो हुशम खरुम्शा, मेको हुश परमपरभु यावे आ ताम्बु आ आगा डा चोत्रसो कोठा आ बारशो वाम आ नकथा परमपरभु यावे आ डांइती ७ खेयप बरुइक्का माल्ब। लेवी ९:९ ७ मिनु नोले चढेबमी मेको हुश गरुस्तीक ताम्बु आ आगामी बाक्शो धूप चढेतीक आ गरोत्रपुकीमी खरक्का माल्ब। मेको बरोत्रशो रिना पाइश्शो धूप परमपरभु यावे आ डांइती चढेतीक बाक्ब। मिनु लीशो हुश नल्ले गरुस्तीक ताम्बु आ ओत्रतीक डा चोशा चढेतीक आ पुंम मोइक्का माल्ब। परस्थान ३०:१,६; परस्थान ४०:६ ६ मेकोमी पाप आ पर्वम चढेशो ब्यफ आ बांसो नल्ले शोल्वा माल्ब। गा क्यी आ तार डा नु मेको कली गिल्शो बांसो, ९ आ चिच निम्फा, मेको आ करातो तार डा बांसो नल्ले नु आ आइदीम क्यप्शो बांसो नल्ले गरुइचा माल्नीम। १० दुशा बाक्का आ पर्वम चढेशो ब्यफ आ बांसो गरुइशो खोदंशो पा शोल्वा माल्ब। मिनु चढेबमी मेको मीम चोशा चढेतीकमी चढेचा माल्ब। लेवी ८:१७ ११ तन्न ब्यफ आ कुशुल, मेको आ श्ये नल्ले, मेको आ पिया, खोइली नु मेको आ गा क्यी गाबर सुन्दा, १२ ब्यफ आ लीशो नल्ले मुर बाक्तीके र डोन चोत्रसो पुलु ताइक्तीकमी लाइश्शा, शी तार वोइश्शा चोचा माल्नीम। लेवी ६:४

१३ इसराएल डा मुर नल्लेमी मतुइक्थु पाप पशो बाक्तेकम हना, परमपरभु यावेमी मपचा दे शंशो मारइ पशो बाक्तेकम हना, मेको पाप मेको मुर आन दातेमी खरुइश्शो बाक्त हना यो, मेकोपुकी दोस ताइब दुम्नीम। गन्ती १५:२२-२६ १४ मिनु मेको आन पशो पाप गरुमेनु, मेको इसराएली नल्लेमी पाप आ पर्वम चढेतीक ब्यफ चाक्का गरुस्तीक ताम्बु आ डांइती जाक्का माल्नीम। १५ मिनु इसराएल डा खाल्पा नल्लेमी परमपरभु यावे आ डांइती मेको आन गुइ ब्यफ आ पिया तारी वोइक्का माल्नीम। मिनु मेको ब्यफ परमपरभु यावे आ डांइती साइक्का माल्नीम। १६ मिनु नोले तेल लुकशो चढेबमी मेको ब्यफ आ हुश इक्का गरुस्तीक ताम्बु आगा चाक्का माल्नीम। १७ मिनु चढेबमी

मेको आ बरेप्वो हुशमी खरुम्शा, परमपरभु यावे आ डांडती बारशा वा आ पुंमी ७ खेयप बरुइक्का माल्ब। १८ मिनु नोले मेकोमी गरुम्तीक ताम्बु आगाम बाक्शा धूप चढ्तीक आ गरोत्रपुकीम परमपरभु यावे आ डांडती खरक्का माल्ब। मिनु लीशो हुश नल्ल गरुम्तीक ताम्बु आ ओव्रतीक आ डांडती बाक्शा चोशा चढ्तीक आ पुंम मोइक्का माल्ब। १९ मेकोमी मेको आ बांसा नल्ल शोल्शा, चढ्तीकम चोचा माल्ब। २० मेकोमी पाप आ पर्वम चढ्देशो ब्यफ कली दोदंशो पाम, मेको ब्यफ कली यो मोदंशोन पचा माल्ब। मोपा चढ्बमी मेको आन पर्वम पाप क्याम्तीक गेय पाइब। मिनु मेकोपुकीम माफ ताडनीम। २१ मेकोमी मेको ब्यफ कली मुर बाक्तीक रे डोन गरुइशा लाइक्का माल्ब। डांडती डा ब्यफ चोशा खोदंशो पा चोचा माल्ब। मेको इसराएली आन पाप आ पर्वम चढ्देशो बाक्ब। लेवी ४ :११-१२

२२ मिनु सासन पाइब कामी मतुइक्थु, परमपरभु यावेमी मपचा, दे शंशो पाप पाप्तु हना, मेको दोस ताइब दुम्ब। २३ मिनु मेको आ पशो पाप तुइक्तमे नोले, मेकोमी मारइ मदुम्शो थम रिम्शो बोका का चाक्का माल्ब। २४ मिनु मेकोमी आ गुइ मेको बोका आ पिया तार वोइक्का माल्ब। मिनु तेकर परमपरभु यावे आ डांडती चोशा चढ्तीक साइक्नीमी, मेकर रेन मेको साइक्का माल्ब। मेको पाप आ पर्वम चढ्तीक बाक्ब। २५ मिनु चढ्बमी आ बरेप्वो हुशमी खरुम्शा, चोशा चढ्तीक आ गरोत्रपुकीम खरक्का माल्ब। मेको लीशो हुश चोशा चढ्तीक आ पुंम मोइक्का माल्ब। २६ मेको आ बांसा नल्ल चढ्तीक आ तार चोचा माल्ब। मेको दुशा बाक्तीक आ पर्वम चढ्देशो बांसा खोदंशो पा चढ्तीकमी चोचा माल्ब। मोपा चढ्बमी मेको आ पाप आ पर्वम पाप क्याम्तीक गेय पाइब। मिनु मेको माफ ताइब।

२७ मिनु मुर आन दाते डा कामी मतुइक्थु पाप पाप्तु हना, परमपरभु यावेमी मपचा, दे शंशो पाप्तु हना, मेको दोस ताइब दुम्ब। २८ मिनु मेको आ पशो पाप तुइक्तमे नोले, मेकोमी आ पशो पाप आ पर्वम चढ्देशो कली मारइ मदुम्शो थम रिम्शो क्यारश का चढ्देशो कली चाक्का माल्ब। गन्ती १५ :२७-२८ २९ मिनु मेकोमी आ गुइ मेको पाप आ पर्वम चढ्तीक तार वोइक्का माल्ब। मिनु मेको पाप आ पर्वम चढ्तीक कली मेको चोशा चढ्तीक आ नक्था साइक्का माल्ब। ३० मिनु चढ्बमी

आ बरेप्वो हुशमी खरुम्शा, चोशा चढ्तीक आ गरोत्रपुकीम खरक्का माल्ब। मेको लीशो हुश चोशा चढ्तीक आ पुंम मोइक्का माल्ब। ३१ मेकोमी आ बांसा नल्ल दुशा बाक्का आ पर्वम चढ्देशो आ बांसा खोदंशो पा शोल्शा माल्ब। मिनु चढ्बमी मेको चढ्तीकमी चोशा परमपरभु यावे आ दाक्शा बरोत्रशा रिना पाइक्का कली चोचा माल्ब। मोपा चढ्बमी मेको आ पाप आ पर्वम पाप क्याम्तीक गेय पाइब। मिनु मेको माफ ताइब। लेवी ३ :१४-१५

३२ मेकोमी आ पाप आ पर्वम चढ्देशो कली भडा चाक्तु हना, मारइ मदुम्शो थम रिम्शो भडा चाक्का माल्नीम। ३३ मिनु मेकोमी आ गुइ मेको पाप आ पर्वम चढ्तीक तार वोइक्का माल्ब। मिनु तेकर चोशा चढ्तीक साइक्नीमी, मेकर मेको पाप आ पर्वम चढ्तीक साइक्का माल्ब। ३४ मिनु चढ्बमी आ बरेप्वो हुशमी खरुम्शा, चोशा चढ्तीक आ गरोत्रपुकीम खरक्का माल्ब। मेको लीशो हुश चोशा चढ्तीक आ पुंम मोइक्का माल्ब। ३५ मेकोमी आ बांसा नल्ल दुशा बाक्का आ पर्वम चढ्देशो आ बांसा खोदंशो पा शोल्शा माल्ब। मिनु चढ्बमी मेको चढ्तीकमी अरु चोशा चढ्तीक नु परमपरभु यावे कली चोचा माल्ब। मोपा चढ्बमी मेको आ पशो पाप आ पर्वम पाप क्याम्तीक गेय पाइब। मिनु मेको माफ ताइब।

पाप आ पर्वम चढ्तीक

१ मिनु मुर कामी मार मार तशा तुइइशा यो, सांकळी दुम्चा कली बरेत्मनु, सांकळी दुम्चा कली मजाक्का, मेकोमी आ तशा तुइइशा मदंत हना, मेको आ पर्वम दोस ताइब दुम्ब। न्यायाधीस १७ :२ ; हितोपदेश २९ :२४ २ मिनु सुइमी गरांगरा दिशो थोत्रक, बक्शा ब्याकी डा जन्तु, बक्शा बस्तु भाव, बक्शा गरांगरा दिशो आइक्क गरक्शा गाक्ब जन्तु थिप्तु हना, मेकोमी मतुइक्ताक्ब हना यो, मेको गरांगरा दिशो दुम्शा बाक्ब। मिनु दोस ताइब दुम्शा बाक्ब। ३ मिनु मेकोमी मुर आन गरांगरा दिशो थोत्रक थिप्तु हना, तेकोइ मुर आन गरांगरा दिशो सल्लो थोत्रक थिप्तु हना, मेकोम मेको मतुइक्ताक्ब हना यो, मेको दोस ताइब दुम्ब। गन्ती १९ :१३,२० ४ मिनु सुमी मारइ रिम्शो मरिम्शो ममिम्थु कसम जाप्तु हना, मारइ मतुइक्थु कसम जाप्तु हना, मिनु मेको रे मेको लोत्र खरुइइशा बाक्त हना यो, मेकोमी तुइक्ता नोले मेको दोस ताइब दुम्ब। ५ मिनु मेको मुर

आ पशो पाप तुइक्ता नोले, मेकोमी आ पशो पाप शोत्रचा माल्व। लेवी १६:२१; गन्ती ५:७; यहासु ७:२० ६मेकोमी परमपरभु यावे आ डांडती आ पशो पाप आ पर्वम चढेचा कली आ बगाल रं भंडा बाक्त हना यो, क्यारश बाक्त हना यो, का चाक्चा माल्व। मिनु चढेबमी मेको आ पशो पाप आ पर्वम पाप क्याम्तीक गेय पचा माल्व।

७तन्न मेकोमी भंडा चाक्न मचापु हना, मेको आ पशो पाप क्याम्तीक गेय पचा कली ढुकुर निक्शी कि परवा निक्शी परमपरभु यावे आ डांडती चाक्चा माल्व। मेको का पाप आ पर्वम चढेचा कली नु का चोशा चढेचा कली चाक्चा माल्व। ८मेकोमी मेको चढेब आन बाक्तीक चाक्चा माल्वीम। मिनु चढेबमी का कली पाप आ पर्वम डांडती चढेचा माल्व। मिनु मेको कली आ शुर रोप्चा माल्व। तन्न मेको कली परोइक्का मडुम्ब। ९मिनु मेको चढेबमी चढेशो परवा आ हुश चढेतीक आ एर ओंथ बरुइक्का माल्व। मिनु लीशो हुश चढेतीक आ पुंम चिरचा माल्व। १०मिनु चढेबमी अर्का परवा चहिं परमपरभु यावेमी डांडती दंशो सोदंशो पा चोशा चढेतीक चढेचा माल्व। मोपा मेको चढेबमी मेको आ पाप आ पर्वम पाप क्याम्तीक गेय पचा माल्व। मिनु मेकोम माफ ताइब।

११तन्न ढुकुर निक्शी नु परवा निक्शी यो चाक्न मचापु हना, मेकोमी मार पाप पशो बाक्म, मेको पाप आ पर्वम एफाह का डा १० भाग थम रिम्शो फस चाक्चा माल्व। मेकोमी मेको फस तार तेल लुक्का नु धूप वोइक्का मडुम्ब। मारंदे हना मेको पाप आ पर्वम चढेतीक बाक्ब। एफाह पुक्तीक का बाक्ब। एफाह का २२ लिटर रिक्ब। मेको डा १० भाग २ लिटर नु इच्का सोइ सोदंशो बाक्ब। १२मेकोमी मेको चढेब आन बाक्तीक चाक्चा माल्व। मिनु चढेबमी मेको मिम्चा कली मुठी का हुइश्शा, परमपरभु यावे कली मीम चोशा चढेतीकम अरु नु चोचा माल्व। मेको पाप आ पर्वम चढेतीक बाक्ब। १३मोपा मेको चढेबमी मेको आ पाप आ पर्वम पाप क्याम्तीक गेय पाइब। मिनु मेकोमी माफ ताइब। मेको र लीशो चहिं अन्न चढेशो सोदंशो पा चढेब आन के दुम्ब' दे इसराएली आन कली देनो" दे परमपरभु यावेमी दंत। लेवी २:३

गारचा आ पर्वम चढेतीक

लेवी ७:१-१०

१४मिनु लेंशा परमपरभु यावेमी मोसा कली १५ "सुइ मुरुमी परंशा, परमपरभु यावे आ दंशो मटिथु, पाप पापु हना, मेको आ बगाल रं मारइ मडुम्शो थम रिम्शो ताम्बु डा चांदी के शकलम फाइक्का कली सांड का मेको पाप आ पर्वम चढेचा कली परमपरभु यावे आ डांडती चाक्चा माल्व। मेको गारचा आ पर्वम चढेतीक बाक्ब। शंकल का ११.५ ग्राम बाक्ब। चांदी नु सुन के क्यंट बाक्त। १६मेकोमी गारचा कली परंशा बाक्त हना, परमपरभु यावे कली गेतीकम ५ भाग तेम्चा माल्व। मिनु मेको चढेब कली गेचा माल्व। मिनु चढेबम मेको पाप गारचा आ पर्वम चढेशो सांड लाइश्शा पाप क्याम्तीक गेय पचा माल्व। मिनु मेको माफ ताइब दुम्ब। लेवी ५:२३-२४; लेवी २२:१४; लेवी २७:१३;

१७सुइ मुरुमी परमपरभु यावेमी मपचा, दंशो पापु हना, मेकोमी मेको मतुइक्ताक्व हना यो, मेको दोस ताइब दुम्शो बाक्ब। मिनु मेको सजाइ ताइब दुम्ब। १८मेकोमी चढेब आन बाक्तीकम मारइ मडुम्शो थम रिम्शो ठीक क्यंट लाइब सांड का आ बगाल रं गारचा आ पर्वम चढेतीक चढेचा कली चाक्चा माल्व। मिनु चढेबमी मेको आ मतुइक्थु पशो पाप आ पर्वम पाप क्याम्तीक गेय पचा माल्व। मिनु मेकोम माफ ताइब। १९मेको गारतीक आ पर्वम चढेतीक बाक्ब। मेको परमपरभु यावे आ डांडती थमा पा दोस ताइब दुम्शो बाक्ब" दे मोसामी मुर आन कली दंत।

चढेब आन पचा माल्वो

१मिनु लेंशा परमपरभु यावेमी मोसा कली ६ २ "सुइ मुरुमी परमपरभु यावे कली मटिथु, मेको आ डांडती आ नेक्था डा मुर नु जाकटी वोइश्शो थोत्रक आ पर्वम जोल पापु हना, सुइम गेनुड, दे कबल पा यो मगेपु हना, कि मेको थोत्रक रोइक्ताक्व हना, कि जोल पा आ नेक्था डा मुर आ मारइ थोत्रक आंम के सेल्लु हना, गन्ती ५:६-८ ३आ नेक्था डा मुर आन मार मार रोइक्ताक्व हना, जाम्शो थोत्रक थिश्शा यो, मथिदु, दे जोल पापु हना, जोल पा कसम जापु हना, मेकोमी पाप पशो बाक्ब। ४मेको मोपा पाप पा दोस ताइब दुम्ब। मिनु मेकोमी आ रोइश्शो, आ सुइ पशो, आ ताक्शो थोत्रक मलेत्ताक्व हना, आ थिश्शा आ पर्वम जोल

पाप्तु हना, इजीकीएल ३३:१५ ५तेको थोत्रक आ पर्वम जोल पा कसम जशो बाकम, मेकोमी मेको थोत्रक नल्लमी ५ भाग तेम्शा, आ होत्रप कली लेश्शा गेचा माल्व। मेकोमी दोस आ पर्वम चढेतीक नाक्ती मेको सु क बाकम मेको आ नेक्था डा मुर कली लेश्शा गेचा माल्व। ६मिनु मेकोमी परमपरभु यावे आ डांइती ठीक पा हिक्शो क्यट कि आ बगाल रे मारइ मदुम्शो थम रिम्शो सांड का आ मरिम्शो पशो आ पर्वम चढेब आ नेक्था परमपरभु यावे आ बाक्तीकमी चढेचा कली चाक्चा माल्व। ७मिनु मेको चढेबमी मेको आ पर्वम परमपरभु यावे आ डांइती पाप क्याम्तीक गेय पचा माल्व। मिनु मेकोमी मार आ पर्वम दोस तशो बाकम, मेकोम माफ ताइब” दंत।

### चोशा चढेतीक आ पर्वम अरेशो

८मिनु परमपरभु यावेमी मोसा कली ९“गे हारून नु आ तौ आन कली चोशा चढेचा आ पर्वम अरमी। मेको चोशा चढेतीक नाक्दो रे सुनी सम्म चढेतीके शी तार बाक्चा माल्व। मिनु चढेतीक डा मी यो बरस डा बरस बाक्चा माल्व। १०मिनु चढेबमी आ सुती के आगा फक्तीक वा नु सुती के फक्तीके फक्चा माल्व। मिनु मेकोमी मीम दाक्शो चोशा चढेशो आ पुतु हुइश्शा चढेतीक आ नेक्था वोइक्चा माल्व। परस्थान २८:४२ ११मिनु नोले मेकोमी आ फक्शो वा परुइश्शा, अर्का वा फक्शा, मेको पुतु ताम्बु रे गरुइश्शा चोत्रखो पुतु ताइक्तीकमी लाइश्शा ताइक्चा माल्व। १२चढेतीक डा मी चहिं बरस डा बरस बाक्चा माल्व। मेको काप्चा मदुम्ब। मिनु सुनी कुस कुस चढेबमी मेकर शी तेम्चा माल्व। मिनु चोशा चढेतीके मीम दुशा बाक्तीक आ पर्वम चढेशो आ बांसो चोचा माल्व। १३चढेतीक डा मी बरस डा बरस बाक्चा माल्व। मेको गेनायो काप्चा मदुम्ब।

### अन्न चढेशो आ पर्वम अरेशो

१४एको अन्न चढेतीक आ पर्वम अरेशो लोत्र बाक्ब। हारून आ तौपुकीमी परमपरभु यावे आ डांइती चढेतीक आ नेक्था चाक्चा माल्वमी। १५मिनु मेकोपुकीम अन्न चढेतीक, तेल नु धूप आ तार वोइश्शा रिम्शो फस रे मुठी का लाइश्शा, मिम्चा कली परमपरभु यावे कली आ दाक्शो बरोत्रशो रिना पाइश्शा चढेतीकमी चोचा माल्वमी। १६मिनु लीशो हारून नु आ तौपुकीम जचा माल्वमी। तन्न मेको चोत्रखो

बाक्तीकमी बोरब ओस्ती मसुप्यु, चोशा जचा माल्वमी। मेकोपुकीमी गरुम्तीक ताम्बु आ लाङ्गाम बाक्शा, जचा माल्वमी। १७मेकर बोरब ओस्ती सुप्या शोब्ले चोचा मदुम्ब। आं कली मीम चोशा चढेशो रे मेको आन कली आं गशो भाग बाक्ब। मेको पाप आ पर्वम चढेतीक नु गारपाइक्चा आ पर्वम चढेतीके खोदंशो मेको थम चोत्रखो बाक्ब। १८हारून आ सिं डा वोइश् मुर नल्लमी गेना हना यो परमपरभु यावे कली मीम चोशा चढेशो रे जचा माल्वमी। परमपरभु यावे कली मीम चोशा चढेशो रे मेको आ सिं डा मुर नल्ल आन कली गेशो आन भाग बाक्ब। मेको थीब नल्ल चोत्रखो दुम्नीम” दंत।

१९मिनु परमपरभु यावेमी लेशा मोसा कली २०“हारून नु आ तौपुकीम तेल लुक्चा पुंइसे नाक्ती परमपरभु यावे कली मार नु दोपा चढेचा माल्वमी देशा हना, एफाह का डा १० भाग थम रिम्शो फस नाक्दो आधा नु सुनी आधा गेना हना यो चढेचा माल्वमी। एफाह पुक्तीके का बाक्ब। एफाह का २२ लिटर रिक्ब। मेको डा १० भाग २ लिटर नु इक्का खोइ ४ माना खोदंशो बाक्ब। लेवी ७:३७; परस्थान २९:- २१मेको शोब्ले तेलम चोचा माल्व। गे मेको कली शुश तेलम चोशा, अन्न चढेतीके टुकरा टुकरा पा परमपरभु यावे कली आ दाक्शो बरोत्रशो रिना पाइश्शा चढेतीके चढेचा माल्वमी। २२मोपा हारून आ नोले आ तेल लुक्शा तौमी मोदंशो पचा माल्व। मेको गेना हना यो परमपरभु यावे केन बाक्ब। मिनु मेको नल्ल चोचा माल्व। २३मिनु चढेब आन अन्न चढेतीक नल्ल चोचा माल्वमी। मेको जचा मदुम्ब” दंत।

### पाप क्याम्चा कली चढेतीक

२४मिनु परमपरभु यावेमी मोसा कली २५“गे हारून नु आ तौ आन कली मार देचा माल्वेवं देशा हना “पाप क्याम्चा कली चढेतीक आ पर्वम अरेशो बाक्ब। पाप क्याम्चा कली चढेतीक परमपरभु यावे आ डांइती चोशा चढेतीक कली साइक्तीकमी साइक्चा माल्व। मेको थम चोत्रखो बाक्ब। लेवी ४:- २६मेको पाप क्याम्चा कली चढेशो चढेबमी मेको रे ब्वचा माल्व। मेकोपुकीमी गरुम्तीक ताम्बु डा लाङ्गाम बाक्शा, ब्वचा माल्वमी। २७मेको श्ये मारम थीबा, मेको यो चोत्रखो दुम्ब। मेको आ हुश वाम परक्ताक्ब हना, गेपुकीम मेको वा चोत्रखो बाक्तीकमी मुरचा माल्वीनी। २८मेको श्ये तेको

सप के ग्यांबुम लोपनीमी, मेको ग्यांब परोल्शा ताइक्चा माल्नीम। मेको कांसा के ग्यांबुम लोपशा बाक्त हना, मेको सिक्स ब्याक्कुम शक्चा माल्नीम। २९ मेको चढ़ेब आन दाते डा वांइश मुर नल्लेमी मेको ब्वचा माल्नीम। मेको थम चोत्रसो बाक्ब। ३० तन्न तेको पाप क्याम्चा कली चढ़ेतीक आ हुश पाप क्याम्तीक गय पचा कली गुरूम्तीक ताम्बु आ आगाम चाक्नीमी, मेको ब्वचा मदुम्ब। मेको चोचा माल्नीम।

### गारचा आ पर्वम चढ़ेशो

१ गारचा आ पर्वम चढ़ेतीक थम चोत्रसो ७ बाक्ब। एको दोपा पचा माल्ब दंशा हना, लेवी ५ :१४-२६ २ चोशा चढ़ेतीक तेकर साइक्नीमी, मेकेरन गारचा आ पर्वम चढ़ेतीक साइक्चा माल्ब। मेको आ हुश, चढ़ेतीक आ एर आंथ बरुइक्चा माल्ब। ३ मेको आ बांसो नेल्ले, बांसो पाइश्शो मीलु, गा क्यो सुम्शो बांसो, लेवी ३ :९-१० ४ चिच निम्फा, मेको आ तार डा नु करातो डा बांसो, चिच सुन्दा आइदीम क्यपशा बांसो नेल्ले शोल्शा, चढ़ेचा माल्ब। ५ चढ़ेबमी परमपरभु यावे कली मीम चोशा चढ़ेचा माल्ब। मेको गारचा आ पर्वम चढ़ेतीके बाक्ब। ६ मेको चढ़ेब आन सिं डा वांइश मुर नल्लेमी मेको ब्वचा माल्नीम। मेको चोत्रसो बाक्तीक ब्वचा माल्नीम। मेको थम चोत्रसो बाक्ब।

७ गारचा आ पर्वम चढ़ेतीके पाप आ पर्वम चढ़ेतीके खोदंशो बाक्ब। पतीक गय यो कान बाक्ब। मिनु तेको चढ़ेबम मेको पाप क्याम्तीक गय पचा, मेको मेको केन दुम्ब। ८ मिनु तेको चढ़ेबमी मुर आन चाक्शो चोशा चढ़ेतीके चढ़ेबा, मेको चोशा चढ़ेशो आ कुशुल यो मेको केन दुम्ब। लेवी १ :६ ९ मिनु चुप्तुम चोशा, दिउरमी क्यशा नु तांवाम चोशा चढ़ेशो नेल्ले मेको चढ़ेब केन दुम्ब। लेवी २ :४,५,७ १० तन्न अरु अन्न चढ़ेतीके तेलम ब्याइश्शो नु मब्याइश्शो नेल्ले हारून नु आ तौ आन कली योक्चा कली बाक्ब। लेवी २ :१-३

### दुशा बाक्चा आ पर्वम चढ़ेशो

११ मिनु परमपरभु यावे कली दुशा बाक्चा आ पर्वम चढ़ेतीके दोपा चढ़ेचा माल्ब, दे अरेशो बाक्ब दंशा हना, लेवी ३ :- १२ सुइमी परमपरभु यावे कली “गे रिम्शो पाइब बाक्नीनी” दे ठेयब सल्ला चढ़ेपु हना, मेकोमी तेलम निशो बोरब ओस्ती मसुपशा बटुक, बोरब ओस्ती मसुपशा

तेल खरक्शो शोब्ले नु थम रिम्शो फस के सल्ला तेल वोइश्शो शोब्ले चढ़ेचा माल्नीम। लेवी ११ :५-८ ; लेवी २२ :२९-३० १३ मेकोमी “गे रिम्शो पाइब बाक्नीनी” दे ठेयब सल्ला नु दुशा बाक्चा आ पर्वम चढ़ेशो नु बोरब ओस्ती सुपशा शोब्ले यो चढ़ेचा माल्ब। १४ मेकोमी चढ़ेशो शोब्ले नेल्ले रे का का पा परमपरभु यावे कली क्युक्शा चढ़ेचा माल्ब। दुशा बाक्चा आ पर्वम चढ़ेतीक आ हुश तेको चढ़ेबम बरुइक्बा, मेको केन दुम्ब। १५ “गे रिम्शो पाइब बाक्नीनी” दे ठेयब सल्ला नु दुशा बाक्चा आ पर्वम चढ़ेशो श्य मेको चढ़ेशो नाक्तीन नेक्चा माल्नीम। सुनी सम्म मारइ हंचा मदुम्ब। १६ मेको चढ़ेशो कसम जशो आ पर्वम नु ग्येरशा चढ़ेशो बाक्त हना, मेको चढ़ेशो नाक्ती ब्वचा माल्नीम। आ लीशो आ दीसा ब्वचा दुम्ब। १७ आ नित्थ नाक्त सम्म लीशो चढ़ेशो श्य चिहिं मीम चोचा माल्ब। १८ मेको दुशा बाक्तीक आ पर्वम चढ़ेशो आ श्य आ नित्थ नाक्त सम्म सुइम ब्यापु हना, मेको काइ मदुम्ब। मेको मुरुमी यो मचढ़ेशो खोदंशो दुम्ब। मेको श्य ब्वचा गरांगरा दित्वा डा बाक्ब। मेको ब्याइब मुर दोस ताइब।

१९ मारइ गरांगरा दिशो थोत्रकम थिशो श्य ब्वचा मदुम्ब। मेको चोचा माल्ब। तन्न सुइ चोत्रसो दुम्शो बाक्तेकम हना, अरु श्य ब्वने चापनीम। २० तन्न सुइ गरांगरा दिशो दुम्शा, परमपरभु यावे कली दुशा बाक्चा आ पर्वम चढ़ेशो श्य ब्यापु हना, मेको आ सिं डा मुर रे तित्वा पुइसीब। २१ मिनु इन दातेमी सुमी मारइ मारइ गरांगरा दिशो थोत्रक थिशो, मुर आन गरांगरा दिशो, गरांगरा दिशो जन्तु कि मारइ गरांगरा दिशो थिपु हना, नोल परमपरभु यावे कली दुशा बाक्चा आ पर्वम चढ़ेशो श्य ब्यापु हना, मेको आ सिं डा मुर रे तित्वा पुइसीब’ दे माइक्मी” दे परमपरभु यावेमी मोसा कली दंत।

### बांसो नु हुश ब्वचा मदुम्ब

२२ मिनु लेंशा परमपरभु यावेमी मोसा कली २३ “गे इसराएली आन कली गेपुकीम ब्यफ, मेडा नु क्यारश आन बांसो काइ मब्वने। लेवी ३ :१७ २४ आंमा बेक्शो, मारइमी साइश्शो बस्तु भाव आन बांसो अर्का मारइ गेयम चलने चापनीनी। तन्न गेपुकीमी मेको ब्वचा मदुम्ब। परस्थान २२ :३० २५ मिनु इन दातेमी सुमी परमपरभु यावे कली मीम चोशा चढ़ेतीक आ बांसो ब्याइबा, मेको आ सिं डा मुर रे तित्वा पुइसीब। २६ गेपुकी

ते बाक्तीनी हना यो, तेकोइ चिक्व नु बी ब्यफ, क्यारश भेडा आन हुश ब्यचा मदुम्ब। २७ मिनु सुमी हुश ब्याइबा, मेको आ सिं डा मुर र तिल्वा पुंडसीब' माइकमी" दंत।

### चद्वेब आन भाग

२८ मिनु परमपरभु यावेमी मोसा कली २९ "गे इसराएली आन कली 'सुमी परमपरभु यावे कली ग रिम्शा पाइब बाक्तीनी, दे ठेयब सल्शा चद्वेतीक चाड सल्वा, मेकोमी आ चद्वेशो र परमपरभु यावे आ बाक्तीकम आमान चाक्चा माल्ब। ३० मेकोमी परमपरभु यावे कली मीम चोशा चद्वेचा कली बांसा नु कुथरु चाक्चा माल्ब। मिनु मेको कुथरु परमपरभु यावे कली क्युकशा चद्वेतीक चद्वेचा माल्ब। परस्थान २९ :२४ ३१ मिनु चद्वेबमी मेको बांसा कली मीम चोचा माल्ब। तन्न मेको कुथरु हारून नु आ तौ आन के दुम्ब। ३२ मिनु इन दुशा बाक्चा आ पर्वम चद्वेतीक र आ ग्युरा फिला चद्वेब कली क्युकशा चद्वेचा कली गचा माल्तीनी। लेवी ९ :२१ ३३ हारून आ तौ तेकोम दुशा बाक्चा आ पर्वम चद्वेतीक चद्वेबा नु हुश बरुइक्वा, ग्युरा फिला मेको के दुम्ब। ३४ मारद हना गो इसराएली आन "गे रिम्शा पाइब बाक्तीनी" दे ठेयब सल्शा चद्वेशो कुथरु नु ग्युरा फिला गेपुकी र ताक्शा चद्वेब हारून नु मेको आ तौ आन कली गना हना यो कली गतामी" दे माइकमी।

३५ हारून नु आ तौपुकी तेको नाक्तर परमपरभु यावे कली चद्वेब दुम्मा, मेको नाक्ती रन परमपरभु यावे कली मीम चोशा चद्वेशो चद्वेतीक र मेको आन भाग गतामी। ३६ तेको नाक्ती र मेकोमी मेको आन कली तेल लुक्ता, मेको नाक्तर रन मेको आन कली इसराएलीपुकी र ततीक भाग परमपरभु यावेमी मेको आन के बाक्ब' देशो बाक्ब। मेको आन कली गना हना यो नेल्ल आन पाला सम्म आन भाग बाक्ब, देना" दंत।

३७ "मेको चोशा चद्वेतीके, अन्न चद्वेतीके, पाप आ पर्वम चद्वेतीके, गारचा आ पर्वम चद्वेतीके, नक गेय पचा आ पर्वम चद्वेतीके नु परमपरभु यावे कली 'गे रिम्शा पाइब बाक्तीनी' दे ठेयब सल्शा चद्वेतीक आ पर्वम पतीके बाक्ब। ३८ मिनु परमपरभु यावेमी मेको लोत्र मोसा कली सीने डांडाम अरशो बाक्त। मेको नाक्ती परमपरभु यावेमी सीने डा गोरशो रागीम इसराएली आन कली आन चद्वेतीक आ बाक्तीक चाक्कीन" दे अरशो बाक्ब।

हारून नु आ तौ चद्वेब दुम्शा

परस्थान २९ :-

१ मिनु परमपरभु यावेमी मोसा कली २ "गे हारून नु आ तौ आन कली, चद्वेब आन फेक्तीक वा, आन कली लुक्चा कली तेल, पाप आ पर्वम चद्वेतीक ब्यफ, सांड निक्शी नु बोरब आस्ती मसुप्शा शोब्ले चाक्को। परस्थान २८ :३९-४३ ३ मुर नेल्ल आन कली गरुस्तीक ताम्बु आ ओवतीकम पुक्की" दंत। ४ मिनु मोसामी परमपरभु यावेमी दोदेशो पा अरवा, मोदेशो पा पाप्तु। मिनु मुरपुकी गरुस्तीक ताम्बु आ ओवतीकम बुक्ताकम।

५ मिनु मोसाम बुक्शो मुर आन कली "परमपरभु यावेमी 'पावो' दे अरशो लोत्र एकोन बाक्ब" दंत। ६ मिनु मोसामी हारून नु आ तौ आन कली चाक्शा चिक्ताकमी। ७ मिनु मेकोमी हारून कली आगा वा फेक्ताक्व। मिनु किप्शुर किप्ताक्व। मिनु मेकोमी आ तार डा फेक्तीक फेक्ताक्व। मेकोमी करातो आ डांडती क्युक्तीक वा क्युक्ताक्व। मिनु रिम्शा पा परोवशा बुटा आप्शा किप्शुर नु करातो डांडती क्युक्तीक झोला मेको आ तार किप्ताक्व। ८ मिनु नोले मेकोमी हारून कली कुनुम रल्लतीक झोला रल्लताक्व, मिनु मेको आगा "ऊरीम नु थुम्मीम" कुर पाप्तु। ऊरीम नु थुम्मीम कली छुडछुड नु निसाफ पतीके दंसीब। परमपरभु यावे आ देशो कांडब बाक्ब। परस्थान २८ :३० ९ मिनु मेको आ पियाम गुप्तीक गुप्ताक्व। मिनु सुन के मुशो कुप्फीम पांडतीक "परमपरभु यावे कली ला" दे मेको आ डांडती गे पांडताक्व। परमपरभु यावेमी मोसा कली दोदेशो पा अरवा, मोदेशो पा पाप्तु। परस्थान २८ :३६-३८ ; लेवी ३९ :३०

१० मेको नोले मोसामी लुक्तीक तेल चाक्शा परमपरभु यावे आ बाक्तीक नु मेकर बाक्शो मारइ मारइ आन कली बरुइइशा, "परमपरभु यावे केन बाक्ब" दे चोत्रखो सल्लु। ११ मिनु मेकोमी तेल इक्का चद्वेतीकम ७ खेयप बरुइक्ताक्व। मोपा चद्वेतीके, मेकर बाक्शो चद्वेचा कली माल्तीक नेल्ले नु चिक्तीक ठेयब ग्यांब नु आ नाइक्तीक, नेल्ल आन कली परमपरभु यावे के सल्वा कली तेल बरुइक्ताकमी। १२ मिनु मेकोमी हारून आ पियाम लुक्तीक तेल लुक्शा, मेको कली परमपरभु यावे कली ला गेय पाइब सल्लु। १३ मिनु मोसामी हारून आ तौ आन कली चाक्पाइइशा, आगा वा फेक्ताकमी। मिनु किप्शुर किप्शा

पियाम गुप्तीक गुप्ताकमी। परमपरभु यावेमी मोसा कली दोदंशो पा अरवा, मोदंशो पा पाप्तु।

१४ मिनु नोले मोसामी पाप आ पर्वम चद्वतीक ब्यफ चाक्तु। मिनु हारून नु आ तौपुकीम मेको पाप आ पर्वम चद्वतीक ब्यफ आ पिया तारी आन गुइ वोइक्तेकम। लेवी ४ :१-१२ १५ मिनु मोसामी मेको ब्यफ कली साइक्तु। मिनु मेकोमी मेको इच्का हुश लाइश्शा आ बुरप्चामी चद्वतीक एर आंथ डा गरोत्रम खरक्शा, चद्वतीक कली परमपरभु यावे कली ला, चोत्रखो सल्लु। मिनु लीशो हुश चहिं चद्वतीक आ पुंम मोइक्तु। मोपा मेको चद्वतीक कली पाप क्याम्तीक गेय पचा, दे चोत्रखो सल्लु। १६ मिनु मोसामी गा क्यी गिल्शो बांसो नेल्ल, आइदी क्यप्शो बांसो नु चिच निम्फा नु आ बांसो चद्वतीकम चोप्तु। १७ मिनु ब्यफ, मेको आ कुशुल, आ श्ये नु गोबर मुर आ बाक्तीक क्येडा डोन मीम चोप्तु। परमपरभु यावेमी मोसा कली दोदंशो पा अरवा, मोदंशो पा पाप्तु।

१८ मिनु नोले मोसामी चोशा चद्वतीक सांड चाक्तु। मिनु हारून नु आ तौपुकीमी आन गुइ मेको सांड आ पिया तार वोइक्तेकम। लेवी १ :१०-१३ १९ मिनु मोसामी मेको सांड कली क्योरतु। मिनु मेकोमी आ हुश चद्वतीक एर आंथ बरुइक्ताक्व। २० मिनु मोसामी मेको सांड कली टुकरा टुकरा पा चेक्तु। मेको आ पिया, चेक्शो श्ये नु बांसो नेल्ल चोप्तु। २१ मेकोमी गा क्यी नु फिला मुरतु। मोपा मोसामी मेको सांड नेल्ल चद्वतीकमी चोप्तु। मेको परमपरभु यावे कली बरोत्रशा रिना पाइश्शा मीम चोशा चद्वेशो बाक्त। मिनु परमपरभु यावेमी मोसा कली दोदंशो पा अरवा, मोदंशो पा पाप्तु।

२२ मिनु नोले मोसामी अर्का चद्वतीक सांड चाक्तु। मेको गेय गोचा कली चद्वतीक डा सांड बाक्त। मिनु हारून नु आ तौपुकीम आन गुइ मेको सांड आ पिया तार वोइक्तेकम। २३ मिनु मोसामी मेको सांड कली क्योरतु। मिनु मेकोमी मेको आ हुश हारून आ ग्युरा नोफा आ फेनम, आ ग्युरा गुइ डा बांग्ये नु आ ग्युरा खोइल डा बांग्येमी खरक्ताक्व। २४ मिनु मोसामी हारून आ तौ आन कली चाक्पाइक्तु। मिनु मेकोमी मेको आन ग्युरा नोफा आन फेनम, आन ग्युरा गुइ डा बांग्ये नु आन ग्युरा खोइल डा बांग्येमी खरक्ताक्व। मिनु मोसामी मेको हुश कली चद्वतीक आ एर आंथ बरुइक्ताक्व। लेवी १७ :११ २५ मिनु मेकोमी मेको सांड आ बांसो, मेको

बांसो पाइश्शा मीलु, गा क्यीम गिल्शो बांसो, आइदीम क्यप्शो बांसो, चिच निम्फा नु मेक डा बांसो नु ग्युरा फिला लाइक्तु। २६ मिनु परमपरभु यावे आ डांडीती बाक्शो बोरब ओस्ती मसुप्शो मार मार आ डाला रे बोरब ओस्ती मसुप्शो हिरशो शोब्ले का, तेलम खरुम्शो शोब्ले का नु बाबर का गरुइशा, मेको बांसो नु ग्युरा फिला तार वोइक्तु। २७ मिनु मेको नेल्ल लाइश्शा हारून नु आ तौ आन गुइमी वोइक्तु। मिनु परमपरभु यावे आ डांडीती हिम्शा चद्वतीक चद्वेप्तु। २८ मिनु मोसामी मेको आन गुइ रे लाइश्शा, चोशा चद्वेशो आ तारी चोप्तु। मेको गेय गोचा कली चद्वतीक परमपरभु यावे कली बरोत्रशा रिना पाइश्शा मीम चोशा चद्वतीक बाक्त।

२९ मिनु मोसामी मेको सांड आ कुथरु लाइश्शा, परमपरभु यावे आ डांडीती हिम्शा चद्वतीक चद्वेप्तु। मेको गेय गोचा कली चद्वेशो सांड आ श्ये मोसा आ भाग दुस्त। परमपरभु यावेमी मोसा कली दोदंशो पा अरवा, मोदंशो पा पाप्तु।

३० मिनु मोसामी लुक्तीक तेल नु चद्वतीकम वोइश्शा हुश लाइश्शा, हारून नु आ तौ आन फेक्शो वाम बरुइक्ताक्व। मोपा मोसामी हारून नु मेको आ फेक्शो वा, आ तौपुकी नु मेको आन फेक्शो वा नेल्ल परमपरभु यावे कली ला गेय पाइब, दे चोत्रखो सल्लु।

३१ मिनु मोसाम हारून नु आ तौ आन कली "गे मेको श्ये कली गरुम्तीक ताम्बु आ ओत्रतीकम लोपीन। मिनु गेय गोचा कली चद्वेशो डालो डा शोब्ले नु मेक उइ जन ब्वन। आं दंशो खोदंशो पा जचा ब्वचा माल्लीनी। ३२ हंशो श्ये नु शोब्ले गे मीम चोचा माल्लीनी। ३३ मिनु नोले गे ७ नाक्त सम्म, इन कली गेय गोचा कली चद्वेशो ७ नाक्त मगाम सम्म गरुम्तीक ताम्बु आ ओत्रतीक रे लाडगा मलन। मारदे हना ७ नाक्त मज्जाकदीम सम्म इन गेय गोचा कली चद्वतीक गेय ला थुम्सीब। ३४ मुलाक्त मार पडा, मेको परमपरभु यावेमी अरेशो इन कली पाप क्याम्तीक गेय बाक्त। ३५ गेपुकी ७ नाक्त सम्म नाक्दो नाक्ती गरुम्तीक ताम्बु आ ओत्रतीकमी बाक्चा माल्लीनी। गे परमपरभु यावेमी अरेशो पने। मो मपाइतीनी हना, गे बेक्नीनी। मारदे हना आं कली मोदं अरेशो बाक्ब" दे माइक्तीमी। ३६ मिनु परमपरभु यावेमी मोसा रे पा अरेशो नेल्ल हारून नु आ तौपुकीम पाम्तेकम।

हारून नु आ तौ आन गेय

१ मिनु ८ नाक्ती मोसामी हारून, आ तौ नु इसराएल डा खाल्पा आन कली बरत्ताकमी। लेवी ८ :३३ २ मिनु मेकामी हारून कली “गे पाप आ पर्वम चढ़ेचा कली मारइ मदुम्शा थम रिम्शा बाछा का नु चोशा चढ़ेचा कली मारइ मदुम्शा थम रिम्शा सांड का चाक्शा परमपरभु यावे आ डांडती चढ़ेवो। ३ मिनु इसराएली आन कली गेपुकीमी पाप आ पर्वम चढ़ेचा कली बोका का नु चाशा चढ़ेचा कली बर्स का दुम्शा, मारइ मदुम्शा थम रिम्शा बाछा का नु मारइ मदुम्शा थम रिम्शा पाठा का चाक्कीन। ४ मिनु परमपरभु यावे आ डांडती दुशा बाक्चा आ पर्वम चढ़ेचा कली ब्यफ का, सांड का नु तेलम निशो अन्न चढ़ेतीक यो चाक्कीन। मारइ हना मुलाक्ती परमपरभु यावेमी इन कली तपांडसीब” माइकमी” दंत।

हारूनम आम आ पर्वम चढ़ेशो

५ मिनु मोसामी अरेशो खोदंशो पा मेकोपुकीमी मारइ मारइ गरुम्तीक ताम्बु आ डांडती चाक्तेकम। मिनु मुर नेल्ले परमपरभु यावे आ डांडती जाक्शा राप्तेकम। ६ मिनु मोसामी “गेपुकीमी परमपरभु यावेमी अरेशो पचा माल्शो गेय एकोन बाक्ब। मिनु परमपरभु यावे आ छेडछेडम इन कली तपांडसीब” दंत।

७ मिनु मोसाम हारून कली “चढ़ेतीक आ नेक्था जाक्शा, इ पाप आ पर्वम चढ़ेतीक नु इ चोशा चढ़ेतीक चढ़ेवो। मिनु आम इ पर्वम नु मुर आन पर्वम पाप क्याम्तीक गेय पावो। परमपरभु यावेमी अरेशो खोदंशो पा मुर आन चाक्शा चढ़ेतीक चढ़ेशा, मुर आन पर्वम पाप क्याम्तीक गेय पावो” दंत। लेवी १६ :६,११,१५ ; हिब्रू ५ :३ ; हिब्रू ७:२७

८ मिनु हारून चढ़ेतीक आ नेक्था जाक्शा, आ पाप आ पर्वम चढ़ेतीक बाछा क्योरतु। ९ मिनु हारून आ तौपुकीमी मेको आ हुश चाक्तेकम। मिनु मेकोमी आ बरपचो हुशम खरुम्शा चढ़ेतीक आ गरोत्रपुकीम खरक्ताकव। मिनु लीशो हुश कली चढ़ेतीक आ पुंम मोइकतु। १० मिनु मेकोमी पाप आ पर्वम चढ़ेशो आ बांसा, चिच नु आइदीम क्येप्लो बांसा चढ़ेतीकम चोपुतु। परमपरभु यावेमी मोसा कली दोदंशो पा अरवा, मोदंशो पा हारूनमी पापुतु। लेवी ४ :८-१२ ; लेवी ८ :१४-१७

११ तन्न श्ये नु कुशल चहिं मुर आन बाक्तीक क्येडा डोन चोपुतु।

१२ मिनु नोले हारूनमी चोशा चढ़ेतीक क्योरतु। मिनु मेको आ तौपुकीमी मेको आ हुश चाक्शा गम्तेकम। मिनु मेकोमी मेको चढ़ेतीक आ एर ओथ बरुइक्ताकव। लेवी १ :१०-१३ १३ मिनु मेकोपुकीमी मेको चोशा चढ़ेतीक टुकरा टुकरा पा चक्शा, पिया सुन्दा चाक्शा, मेको कली गम्तेकम। मिनु हारूनमी मेको चढ़ेतीकमी चोपुतु। १४ मिनु मेकोमी गा क्यी नु खोइल मुरशा, चोशा चढ़ेतीक नु चोपुतु।

हारूनम अरु आन पर्वम चढ़ेशो

१५ मिनु नोले हारूनमी मुर आन पर्वम चढ़ेतीक चाक्शा, मेको आन पाप आ पर्वम चढ़ेशो बोका क्योरतु। मिनु डांडती डा खोदंशो पा पाप आ पर्वम चढ़ेतीक चढ़ेपुतु।

१६ मेको नोले चोशा चढ़ेतीक चाक्शा, अरेशो खोदंशो पा चढ़ेपुतु। १७ मिनु अन्न चढ़ेतीक चाक्शा, मुठी का हुइश्शा, सुनी डा चोशा चढ़ेतीक नु चढ़ेपुतु।

१८ मिनु हारूनमी मुर आन कली दुशा बाक्चा आ पर्वम चढ़ेतीक ब्यफ नु सांड क्योरतु। मिनु हारून आ तौपुकीमी हुश चाक्शा, मेको कली गम्तेकम। मिनु मेकोमी चढ़ेतीक आ एर ओथ बरुइक्ताकव। १९ मिनु ब्यफ नु सांड आस बांसा, बांसा पाइश्शा मीतु, गा क्यी गिल्शो बांसा, चिच निम्फा नु आइदीम क्येप्लो बांसा लाइक्तेकम। २० मिनु डांडती कुथरु तार वोइक्तेकम। नोले बांसा चढ़ेतीकम चोम्तेकम। २१ मिनु मोसाम अरेशो खोदंशो पा हारूनमी कुथरु नु ग्युरा फिला चहिं परमपरभु यावे आ डांडती क्युक्शा हिम्शा चढ़ेतीक चढ़ेपुतु। लेवी ७ :३०-३४ ;

२२ मिनु हारूनमी आ गुइ मुर आन गे पोक्शा, आसीक गम्तीमी। मोपा पाप आ पर्वम चढ़ेतीक, चोशा चढ़ेतीक नु दुशा बाक्चा आ पर्वम चढ़ेतीक चढ़ेशा, मेको उइ तांडसाकव।

२३ मिनु मोसा नु हारून गरुम्तीक ताम्बु आगा ओत्रताकस। मिनु गरुशा मुर आन कली आसीक गम्ताकस। मिनु परमपरभु यावे आ छेडछेड मुर नेल्लेमी ताम्तेकम। परस्थान १६ :३० ; परस्थान ४० :३४ २४ मिनु परमपरभु यावे आ डांडती रमी गरुशा, चढ़ेतीकम बाक्शा चोशा चढ़ेतीक नु मेक बाक्शा बांसा नेकतु। मिनु मुरपुकीमी मेको तशा, ठेयब संदा पा ग्येरसीशा, सुम्की पा बाप्तेकम।

न्यायाधीस ६:२१; १राजा १८:३८; १इतिहास २१:२६; २इतिहास ७:१

नादाब नु अबीहुम मटिशो

१० १मिनु हारून आ तौ नादाब नु अबीहुम आस थनोरो लाइशशा, मी कुर पाम्ताक्स। मिनु मी आ तारी धूप वाइक्ताक्स। मोपा मेको निकशी परमपरभु यावमी “अरु मी मलाइक्चा” दे अरशो लाव्र मटिम्स, मेको परमपरभु याव आ डांइती चढ्मताक्स। परस्थान ६:२३; परस्थान २८:१; परस्थान ३०:१ २मिनु परमपरभु याव आ डांइती रे मी गरूशा, मेको आस कली गरू दाक्तु। मोपा मेको निकशी परमपरभु याव आ डांइती बेक्ताक्स। ३मिनु मोसामी हारून कली “परमपरभु यावमी देशो “आं नेक्था बाक्ब आन कली गो नल्ल क्येडा ठेयब बाक्नुड” दे कांडनुड। मिनु नेल्ल मुर आन डांइती गो ठेयब सेल्वा पुंडसीनुड” दंत। मिनु हारून सिक्सी पा बाक्त।

४मोसामी हारून आ बकान्छा उज्जीएल आ तौ एल-साफान नु मीशाएल आस कली बरशशा “इस लोकब आस कली ताम्बु रे कुरशा गरुंडदीस” दंत। परस्थान ६:२२ ५ मिनु मेको निकशी जाक्शा, आस फक्शो वा रे क्युक्शा मोसा आ देशो खोदंशो पा कुरशा गरुंडताक्स।

६मिनु मोसाम हारून नु आ तौ एलाजर नु इथामार आन कली “रांका पा इन पिया डा चां मपरक्कीन। इन वा मखाक्कीन। मो पाइतीनी हना, गपुकी बेक्नीनी। मिनु परमपरभु याव आ गाइक्तीक नेल्ल मुर आन तारी जुक्ब। तन्न परमपरभु याव आ सोइशशा मीम दुश्शा बेक्ब आस परबम इन खिं डा मुर नु इसराएली डा मुर नेल्ल रांका पचा दुम्ब। लेवी २१:१० ७गपुकी चहिं गरुम्तीक ताम्बु रे लाडगा मलन। मो पाइतीनी हना, बेक्नीनी। मारदे हना परमपरभु याव आ लुक्शो तेल गे इन तार बाक्ब” दंत। मिनु मेकोपुकीमी मोसा आ देशो खोदंशो पाम्तेक्म।

चढेब आन कली लेशा अरशो

८मिनु नोले परमपरभु यावमी हारून कली १ “गे नु इ तौपुकी गरुम्तीक ताम्बुम ओव्रनीनु, अडगुर शांनु नु अरु दुक्तीक थोव्रक मत्तुडीन। तूतीनी हना, गपुकी बेक्नीनी। मेको गेना हना यो इन पतीक दुम्ब। इजीकीएल ४४:२१; होस ४:११; आमोस २:८ १०आं थोव्रक नु मुर

आ थोव्रक तिल्ला माल्लीनी। गरांगुरा दिशो थोव्रक नु चोव्रसो थोव्रक यो तिल्ला माल्लीनी। इजीकीएल २२:२६; इजीकीएल ४४:२३ ११मिनु गो मोसा कली अरशो नल्ल, गे इसराएली आन कली शंचा माल्लीनी” दंत।

१२मिनु मोसामी हारून नु आ लीशो तौ एलाजर नु इथामार आन कली “परमपरभु याव कली मीम चोशा अन्न चढ्शो रे लीशो बाक्ब ओख्ती मसुथ्यु चढ्तीक आ नेक्था बाक्शा जन्। मारदे हना मेको थम चोव्रसो बाक्ब। लेवी ९:१७,१८ १३गपुकीम मेको कली चोव्रसो बाक्तीकमी जन्। मारदे हना परमपरभु याव कली मीम चोशा चढ्शो चढ्तीक रे मेको गे नु इ तौ इन भाग बाक्ब। आं कली मांदे अरशो बाक्ब। लेवी २:३ १४तन्न क्युक्शा चढ्शो कुथरु नु हिम्शा चढ्शो फिला चहिं गे इन तौ नु इन तमीम चोव्रसो बाक्तीकमी बाक्शा ब्वने। मारदे हना मेको इसराएली आन दुशा बाक्चा आ परबम चढ्शो रे गे नु इ तमी तौ इन भाग बाक्ब। लेवी ७:३४ १५मिनु हिम्शो फिला, क्युक्शा कुथरु नु मीम चोशा चढ्शो मार मार आन बांसो परमपरभु याव आ डांइती हिम्शा चढ्चा कली चाक्चा माल्लीनी। मिनु परमपरभु यावमी अरशो खोदंशो पा गेना हना यो, गे नु इ तमी तौ इन भाग दुम्ब” दंत। लेवी ९:२०-२१

१६मिनु मोसामी पाप आ परबम चढ्शो बाका माल्तु। तन्न मेको चोने थुम्शो बाक्माक्त। मिनु मेकोमी हारून आ लीशो तौ एलाजर नु इथामार आस कली गाइशशा, लेवी ९:१५ १७ “गपुकीमी मारदे पाप आ परबम चढ्शो कली चोव्रसो बाक्तीकम मब्वनी ?मारदे हना मेको थम चोव्रसो बाक्ब। मिनु परमपरभु यावमी मुर आन परबम पाप क्याम्तीक गेय पचा, दे मेको इन कली गेशो बाक्ब। १८मेको आ हुश ताम्बु आ आगामी मलाइशशा बाक्त। गपुकीम थमा पा आं देशो खोदंशो पा चोव्रसो बाक्तीकम मेको श्ये ब्वचा माल्शो ननी” दंत। लेवी ६:१९,२२

१९मिनु हारूनमी मोसा कली “नेनीन, मुलाक्ती मेकोपुकीमी आन पाप आ परबम चढ्तीक नु आन चोशा चढ्तीक परमपरभु याव आ डांइती चढ्मतेक्म। मिनु मुलाक्ती गो गिश श्येत जशो बाक्नुड। गो मुलाक्ती मेको पाप आ परबम चढ्शो ब्वशो नड हना, मार, मेको परमपरभु याव आ डांइती रिम्शा दुम वा डा ?” दंत। २०मिनु मेको लाव्र नेशा मोसा सिक्सी पाप्तु।

## ग्रांगरा दिशो नु मदिशो

व्यवस्था १४ :३-२०

११ मिनु परमपरभु यावमी मोसा नु हारून आस कली २ "गो इसराएली आन कली रागीम बाक्वो जन्तु, बस्तु भाव, चिक्व तक तको ब्वचा दुम्बा, तक तको ब्वचा मदुम्बा, मको शंदीस । मिनु जन्तु नु बस्तु भाव तको ब्वन चाप्नीनी देशा हना, पररित १० :१२-१५ ; कलस्सी २ :१६ ; १तिमोथी ४ :३-४ रगपुकीमी आन गंच जेशशो नु शोंया हेक्वपुकी ब्वन चाप्नीनी ।

४ मो हना यो गंच जेशशो ला कि शोंया हेक्व दुम्शो ला ब्वचा मदुम्ब । दलआंठ मेको शोंया हेक्व, तन्न आ गंच मजेशशो बाक्व । मेको इन कली ग्रांगरा बाक्व । ५ मिनु शापन मब्वन । मारदे हना मेकोमी शोंया हेक्व, तन्न आ गंच मजेशशो बाक्व । मेको इन कली ग्रांगरा बाक्व । ६ मिनु खरायो मब्वन । मारदे हना मेकोमी शोंया हेक्व, तन्न आ गंच मजेशशो बाक्व । मेको इन कली ग्रांगरा बाक्व । ७ मिनु पोत्र मब्वन । मारदे हना मेको आ गंच जेशशो बाक्व, तन्न शोंया महक्व । मेको इन कली ग्रांगरा बाक्व । यसैया ६५ :४ ; यसैया ६६ :१७ रगपुकीमी मेको आन श्य मब्वन । आन सिनु यो मथिन । मेको इन कली ग्रांगरा बाक्व ।

१ ब्वाक्कु, खोला नु समुन्दरम बाक्वपुकीमी फरां नु कल्ला पाइश्शो ब्वन चाप्नीनी । १० तन्न समुन्दर नु खोलाम बाक्व फरां नु कल्ला मपाइश्शो ब्वचा मदुम्ब । मेको आइक्च ब्वाक्कुम बाक्व जन्तु नु अरु नेल्ल सेल जन्तु इन कली ग्रांगरा बाक्नीम । ११ मेको इन कली ग्रांगरा बाक्तीक, मेको आन श्य मब्वन । मिनु मेको आन सिनु इन कली ग्रांगरा बाक्नीम । १२ मिनु ब्वाक्कुम बाक्व नेल्ल फरां नु कल्ला मपाइश्शो जन्तु, इन कली ग्रांगरा बाक्नीम ।

१३ मिनु चिक्व आन दातेमी इन कली तेको तेको ग्रांगरा दिशो नु ब्वचा मदुम्शो बाक्नीम देशा हना, ककाकुली, गिद, क्यर गिद, १४ लल ब्यारदे नु नेल्ल खाल डा क्यर ब्यारदे, लेवी ५ :२ १५ खद नेल्ल, १६ ठेयब हुहुचील, गरीब बुक्स, ब्वाक्कुम बाक्व चिक्व, मिनु बाज नेल्ल, १७ आइक्च हुहुचील, ब्वाक्कु डा खदी, भुल्का, १८ बुश हुहुचील, गोरशो रागी डा हुहुचीलपुकी, डाई ब्वाइब ब्यारदे, १९ सारस, बोकुला नेल्ल, फापर चिक्व नु पकातिकती मब्वन । यसैया ६६ :१७

२० फरां पाइश्शो, ४ ओटा खोइलीम गरेशा गाक्व जन्तु नेल्ल इन कली ग्रांगरा बाक्नीम । २१ मिनु ४ ओटा खोइलीम गरेशा गाक्व, फरां पाइश्शो खपीम परक्चा कली खोइल बोइश्शो नेल्ल मालेपुकी ब्वन चाप्नीनी । २२ गे सल्ला माले, खुइले माले, किथरो माले नु फटेडगरापुकी ब्वन चाप्नीनी । २३ ४ ओटा खोइल पाइश्शो नु फरां पाइश्शो नेल्ल इन कली ग्रांगरा बाक्नीम ।

२४ मेकोपुकी रे गेपुकी ग्रांगरा दिशो दुम्नीनी । सुमी मेको आन सिनु थीबा, मेको नां मरिक्म सम्म ग्रांगरा दिशो दुम्ब । २५ मिनु सुमी मेको सिनु रे इक्का कुरवा, मेकोमी आ वा मुरचा माल्ब । मिनु नां मरिक्म सम्म ग्रांगरा दिशो दुम्ब ।

२६ मिनु तेको जन्तु आन गंच जेशशो बाक्वा, तन्न मबराक्वो बाक्वा, मेको शोंया महक्वा, मेको इन कली ग्रांगरा बाक्व । मेको थीब नेल्ल ग्रांगरा दिशो दुम्नीम । २७ मिनु बरेप्चोम थक्शा ४ ओटा खोइलीम गाक्व जन्तु नेल्ल इन कली ग्रांगरा बाक्नीम । मेको आन सिनु थीब नेल्ल नां मरिक्म सम्म ग्रांगरा दिशो दुम्नीम । २८ मेको सुमी आन सिनु कुरब मेकोमी आ वा मुरचा माल्ब । मिनु मेको नां मरिक्म सम्म ग्रांगरा दिशो दुम्ब । मेको इन कली ग्रांगरा दिशो बाक्नीम ।

२९ मिनु खपीम गरेशा गाक्व आइक्च जन्तु तेको ग्रांगरा दिशो बाक्नीम देशा हना, कोचोम्बो, थिच, ठेयब नु आइक्च खोत नेल्ल, ३० माउसुली, घोरी, माले मुडगरो, बाल्वाम बाक्व खोत नु रड फाइक्व खोतपुकी, ३१ मेको गरेशा गाक्व नेल्ल इन कली ग्रांगरा बाक्नीम । सुमी मेको आन सिनु थीबा, मेको नां मरिक्म सम्म ग्रांगरा दिशो दुम्ब । ३२ मोदशो जन्तु बक्शा, मार तारी दोक्वा, मेको थोत्रक ग्रांगरा दिशो दुम्ब । शी के सेल्लो, वा, कुशुल, भाङ्गरा नु मारइ के बाक्ल, मेको थोत्रक ब्वाक्कुम नुप्चा माल्ब । मिनु मेको नां मरिक्म सम्म ग्रांगरा दिशो दुम्ब । मिनु नोले ठीक दुम्ब । ३३ मिनु मेको मार मार खप के बोसुम दोक्त हना, मेको बोस नेल्ल ग्रांगरा दिशो दुम्ब । गेपुकीमी मेको बोस परोल्चा माल्नीनी । ३४ मेको आगाम ब्वाक्कु बाक्त हना, मिनु मेको ब्वाक्कुम थिशो मारइ मारइ जचा थोत्रक ग्रांगरा दिशो दुम्ब । मिनु मेको बोसुम बाक्वशो तूचा थोत्रक नेल्ल ग्रांगरा दिशो दुम्नीम । ३५ मेको आन सिनु मारइ थोत्रकम दोक्त हना,

चुप्तुम बाक्त हना यो, मेको परेशा ताइक्वा माल्ब। मेको गरांगरा दिशो बाक्ब। मेको गेना हना यो इन कली गरांगरा बाक्ब। ३६ मो हना यो व्याक्कु बुक्तीके, कुवा नु व्याक्कु वोइक्तीक चोव्रखा बाक्नीम। तन्न मेको आन सिनु थीब चहिं गरांगरा दिशो बाक्ब। ३७ मेको आन श्ये शोक्तीक वांचरम दोक्त हना, मेको चहिं चोव्रखो लीब। ३८ तन्न मेको आ सिनु शोक्वा कली व्याक्कुम वोइश्शो वांचर तारी दोक्त हना, मेको इन कली गरांगरा दिशो दुम्ब।

३९ इन बस्तु भाव बक्त हना, सुमी मेको कली थीब, मेको नां मरिक्म सम्म गरांगरा दिशो दुम्ब। ४० मेको सुम व्याइवा, मेकोमी आ वा मुरचा माल्ब नु नां मरिक्म सम्म गरांगरा दिशो दुम्ब। मेको सिनु कुरबमी यो आ वा मुरचा माल्ब। मिनु मेको नां मरिक्म सम्म गरांगरा दिशो दुम्ब। परस्थान २२ :३०

४१ खपीम गरशा गाक्ब जन्तु नेल्ल गरांगरा दिशो बाक्नीम। मेको ब्वा मदुम्ब। ४२ कोव्रजीम गरशा गाक्ब, ४ ओटा सोइलीम गाक्ब नु शुश खोइल पाइश्शो खपीम गाक्ब जन्तुपुकी ब्वा मदुम्ब। मारदे हना मेकोपुकी गरांगरा दिशो बाक्नीम। ४३ मिनु गेपुकी तेकोइ गरशा गाक्ब जन्तु र गरांगरा दिशो मदुमीन। मेकोपुकी र इन कली गरांगरा दिशो मसलीन। ४४ मिनु गो परमपरभु यावे, इन परमपरभु नड। मोपतीक गेपुकी गरांगरा दिशो मदुम्बु मेको र डोन बाक्कीन। मारदे हना गो गरांगरा दिशो र डोन बाक्नुड। गेपुकी खपीम गरशा गाक्ब जन्तु र गरांगरा दिशो मदुमीन। लेवी ११ :२ ४५ गो परमपरभु यावे, इन कली इजीप्त रागी र गरुइशा एक चाक्ब, इन परमपरभु नड। मोपतीक गेपुकी गरांगरा दिशो र डोन बाक्कीन। मारदे हना गो गरांगरा दिशो र डोन बाक्नुड देनो" दंत।

४६ एको रागी डा जन्तु, चिक्ब नु व्याक्कुम गाक्ब नु खपीम गरशा गाक्ब जन्तु आन पर्वम अरतीक बाक्ब। ४७ मिनु गरांगरा दिशो नु गरांगरा मदिशो, ब्वा दुम्ब नु मदुम्ब जन्तु आन पर्वम तिलीन।

सुत्केरी दोपा चोव्रखेचा, दे अरेशो

१२ १ मिनु परमपरभु यावेमी मोसा कली २ "इसराएली आन कली 'कोव्रज कुरशा ती थीब मीश मुर ७ नाक्त सम्म गरांगरा दिशो बाक्ब। मेको आ रां बरोल्म नाक्त डा खोदंशो

पा गरांगरा बाक्ब। लेवी १५ :१९ ३ मिनु ८ नाक्ती मेको आ ती कली खरोइक्तीक चिनु खरोइक्वा माल्ब। उत्पती १७ :१०-१२ ; लूका २ :२१ ; यूहन्ना ७ :२२ ४ मिनु मेको मीश मुर आ हुश चोव्रखेचा कली ३३ नाक्त सम्म दुम्बा माल्ब। मिनु मेकोमी चोव्रखा दुम्तीक नाक्ती मगाम सम्म मारइ चोव्रखो थोव्रक थिचा मदुम्ब। मिनु गरुम्तीक ताम्बु यो ओव्रचा मदुम्ब। ५ तन्न मेकोमी तमी थिप्तु हना, आ रां बरोल्म नाक्त डा खोदंशो पा १४ नाक्त सम्म गरांगरा दिशो बाक्ब। मिनु आ हुश चोव्रखेचा कली ६६ नाक्त दुम्बा माल्ब।

६ मिनु मेको आ चोव्रखेतीक गाम नाक्ती, ती आ पर्वम बाक्त हना यो, तमी आ पर्वम बाक्त हना यो, मेकोमी चोशा चदेचा कली बर्ष का गाप्शो भेडा का नु पाप आ पर्वम चदेचा कली ढुकुर का कि परवा का गरुम्तीक ताम्बु आ ओव्रतीकेम बाक्शो चदेब कली चाक्वा माल्ब। ७ मिनु चदेबमी परमपरभु यावे आ डांडती मेको चदेशा, मेको आ पर्वम पाप क्याम्तीक गेय पचा माल्ब। मिनु मेको आ हुश यिशो र चोव्रखो दुम्ब। मेको मीश मुखी ती कि तमी थिवा नोले, एको पचा माल्बो अरतीक लोव्र बाक्ब। ८ मिनु मेकोमी भेडा चाक्ने मचाप्वाक्त हना, ढुकुर निक्शी कि परवा निक्शी चाक्वा माल्ब। मेको का चोशा चदेतीक नु का पाप आ पर्वम चदेतीक बाक्ब। मिनु चदेबमी मेको चदेशा मेको आ पर्वम पाप क्याम्तीक गेय पचा माल्ब। मिनु मेको गरांगरा मदिशो दुम्ब 'माइक्मी" दंत। लेवी ५ :७ ; लूका २ :२४

कोव्रर पाइब आन कली पचा माल्बो

१३ १ परमपरभु यावेमी मोसा नु हारून आस कली गन्ती १२ :१०-१२ ; व्यवस्था २४ :८-९ ; अय्युब १८ :१३ २ "सुइ मुर आन रां डा कुशुल बोरत हना, गार दुम्त हना, बुश दुम्त हना, मेको कोव्रर खोदंशो दुम्त हना, मेको कली चदेब हारून कि आ ती का आ बाक्तीके चाक्वा माल्ब। ३ मिनु मेको चदेबमी आ रांम दुम्शो गार कोव्रचा माल्ब। मिनु मेको आ गारम बाक्शो चां बुश बाक्त नु मेको आ गार इक्का लुक्च लशो बाक्त हना, मेको याक्सीब रोइ बाक्ब। मिनु चदेबमी मेको कली कोव्रडा नोले 'एको गरांगरा बाक्ब' देचा माल्ब। ४ तन्न मेको कुशुल डा बुश गार कुशुल लुक्च मलशो बाक्त हना, मिनु मेको वाशो चां यो बुश मदुम्बो बाक्त हना, चदेबमी मेको रोइ

पाइब मुर कली ७ नाक्त सम्म तिल्शा वोइक्चा माल्ब। ५ मिनु चढेबमी ७ नाक्त नोले मेको गार लेंशा कोव्रचा माल्ब। मिनु मेको कुशुल डा गार एर आंथ मबारशो बाक्त हना, चढेबम मेको कली अर्का ७ नाक्त सम्म तिल्शा वोइक्चा माल्ब। ६ मिनु लेंशा ७ नाक्त नोले चढेबमी कोव्रडानु, आ गार बारचा नांइसाक्व हना, आ कुशुलम मबारशो बाक्त हना, चढेबम मेको कली गरांगरा मदिशो बाक्ब, मेको गार ला बाक्ब, देंचा माल्ब। मेको मुर आ वा मुरचा माल्ब। मिनु मेको चोव्रखो दुम्ब। ७ तन्न चढेबमी 'चोव्रखो दुम्त' दम नोले यो गार बारत हना, मेको लेंशा चढेब आ बाक्तीक जावशा, आ गार कांइचा माल्ब। ८ मिनु चढेबमी लेंशा कोव्रचा माल्ब। आ गार कुशुलम बारशा लशो बाक्त हना, चढेबमी मेको कली गरांगरा दिशो बाक्ब' देंचा माल्ब। मेको कोव्रर खोदंशो याक्सीब रोइ बाक्ब।

९ मिनु सुइ मुर कली कोव्रर खोदंशो याक्सीब रोइ दुम्शो बाक्त हना, चढेब आन बाक्तीकम चाक्चा माल्ब। १० मिनु चढेबमी मेको कली कोव्रचा माल्ब। मिनु आ कुशुल बुश दुम्शा बोरशो बाक्त हना, नु मेको आ गार डा चां बुश दुम्शा, बोरशो कुशुल डा गारम श्ये तांइसाक्व हना, ११ मेको शुश नाक्ती सम्म बाक्ब कुशुल डा रोइ कोव्रर बाक्ब। मिनु चढेबमी मेको कली 'गरांगरा दिशो बाक्ब' देंचा माल्ब। मेकोमी मेको कली तिल्शा वोइक्चा ममाल्ब। मारदे हना मेको गरांगरा दिशो बाक्ब।

१२ मिनु मेको आ रोइ कुशुलम बारना बारन लशा, चढेबमी कोव्रडानु, आ गार पियां र खोइल सम्म बाक्त हना, १३ चढेबमी मेको कली रिम्शो पा कोव्रचा माल्ब। मिनु मेको कुशुल डा रोइम आ रां नेल्ल कली सुम्शो बाक्त हना, चढेबमी मेको कली 'गरांगरा मदिशो बाक्ब' देंचा माल्ब। मारदे हना मेको आ रां नेल्ल बुश दुम्तीक, मेको मुर गरांगरा मदिशो बाक्ब। १४ तन्न मेको मुर आ रांम श्ये तांइसाक्व हना, मेको गरांगरा दिशो बाक्ब। १५ मिनु चढेबमी मेको तांइसीशो श्ये कोव्रशा, मेको कली 'गरांगरा दिशो बाक्ब' देंचा माल्ब। मेको तांइसीशो श्ये गरांगरा बाक्ब। मारदे हना मेको कोव्रर बाक्ब। १६ तन्न मेको तांइसीशो श्ये लेंशा बुश दुम्त हना, मेको मुर लेंशा चढेब आ बाक्तीक लचा माल्ब। १७ मिनु मेको गार बुश दुम्शो बाक्त हना, मेको चढेबमी गरांगरा मदिशो बाक्ब देंचा माल्ब। मिनु मेको मुर चोव्रखो बाक्ब।

१८ सुइ मुर आ रांमी कान गरूशा, सात हना, १९ मिनु मेको कान गरूशा साशो गारम बुश दुम्शा, बोरत हना, कि लल दुम्शा बुश पा बोरत हना, मेको मुरुमी मेको आ गार चढेब कली कांइचा माल्ब। २० मिनु चढेबमी रिम्शो पा कोव्रडानु, मेको गार लुक्च लशो बाक्त नु चां यो बुश दुम्शो बाक्त हना, मेको कली 'गरांगरा दिशो बाक्ब' देंचा माल्ब। मेको कोव्रर खोदंशो रोइ कान र गरूशा बाक्ब। २१ तन्न चढेबमी रिम्शो पा कोव्रडानु, मेकर बुश चां मगरूशा बाक्त नु मेको कुशुल क्येडा लुक्च मलशो बाक्त हना, तन्न सोव्रना सोव्रन, जाम्ना जाम्न लशो बाक्त हना, चढेबमी मेको कली ७ नाक्त सम्म तिल्शा वोइक्चा माल्ब। २२ मेको गार कुशुलम बारना बारन लत हना, चढेबमी मेको कली 'गरांगरा दिशो बाक्ब' देंचा माल्ब। मारदे हना मेको याक्सीब रोइ बाक्ब। २३ तन्न मेको गार एर आंथ मबारथु, मेक उइ ला बाक्त हना, मेको कान आ खत बाक्ब। चढेबमी मेको कली 'गरांगरा मदिशो बाक्ब' देंचा माल्ब।

२४ सुइ मुर आन रांमी दुम्शा गार दुम्त नु मेको दुम्शो गारम नक श्ये गरूशा, लल दुम्त हना यो, बुश दुम्त हना यो, २५ चढेबमी मेको गार रिम्शो पा कोव्रचा माल्ब। मिनु मेको गार डा चां बुश दुम्शा, कुशुल क्येडा लुक्च लशो बाक्त हना, मेको याक्सीब रोइ बाक्ब। मेको दुम्शो गार र गरूशा बाक्ब। मिनु चढेबमी मेको कली 'गरांगरा दिशो बाक्ब' देंचा माल्ब। मेको कुशुल डा याक्सीब रोइ बाक्ब। २६ तन्न चढेबमी रिम्शो पा कोव्रडानु, मेको गार डा चां बुश मबारथु नु कुशुल क्येडा लुक्च मलथु, सोव्रना सोव्रन बाक्त हना, चढेबमी मेको मुर कली ७ नाक्त सम्म तिल्शा वोइक्चा माल्ब। २७ मिनु चढेबमी मेको कली ७ नाक्त नोले रिम्शो पा कोव्रचा माल्ब। मिनु मेको कुशुलम एर आंथ बारशो बाक्त हना, चढेबमी मेको कली 'गरांगरा दिशो बाक्ब' देंचा माल्ब। मेको याक्सीब कुशुल डा रोइ बाक्ब। २८ तन्न मेको गार एर आंथ मबारथु, सोव्रना सोव्रन लशो बाक्त हना, मेको दुम्शो र होम्शो ला बाक्ब। मिनु चढेबमी मेको कली 'गरांगरा मदिशो बाक्ब' देंचा माल्ब। मारदे हना, मेको दुम्शो गार आ खत ला बाक्ब।

२९ सुइ मीश मुर, वांइश मुर आन पियाम, गाल शोकरम मारइ गार का बाक्त हना, ३० चढेबमी मेको गार रिम्शो पा कोव्रचा माल्ब। मिनु मेको कुशुल क्येडा लुक्च लशो बाक्त हना, नु मेको

गार डा चां हाव जिशा नु आइक्च बाक्त हना, चढेबमी मेको कली 'गरांगरा दिशो बाक्ब' देंचा माल्ब। मेको रक सुइब आ पिया डा नु गाल शोकर डा याक्सीब रोइ बाक्ब। ३१ मिनू चढेबमी मेको रक सुइब रोइ रिम्शो पा कोव्रडानु, मेको कुशुल क्येडा लुक्च मलशो नु मंकर क्येर चां यो मबाक्तेकम हना, चढेबम मेको कली ७ नाक्त सम्म तिल्शा वोइक्चा माल्ब। ३२ मिनू ७ नाक्त नोले चढेबमी मेको कली रिम्शो पा कोव्रचा माल्ब। मिनू मेको रक सुइब रोइ मबारशो बाक्त हना, मेक डा चां हाव मजिशा बाक्त नु गार यो कुशुल क्येडा लुक्च मलशो बाक्त हना, ३३ मेकोमी गार परांइशा आ चां परेक्चा माल्ब। मिनू चढेबम मेको रोइ पाइब कली अर्का ७ नाक्त सम्म तिल्शा वोइक्चा माल्ब। ३४ मिनू ७ नाक्त नोले चढेबमी मेको रक सुइब गार रिम्शो पा कोव्रचा माल्ब। मिनू मेको मबारथु, कुशुल क्येडा लुक्च मलशो बाक्त हना, चढेबमी मेको कली 'गरांगरा मदिशो बाक्ब' देंचा माल्ब। मिनू मेको मुर आ वा मुरशा, चोव्रखो दुम्त। ३५ तन्न मेको चोव्रखो दुम नोले यो मेको रक सुइब रोइ बारशा लत हना, ३६ चढेबमी मेको गार रिम्शो पा कोव्रचा माल्ब। मेको कुशुलम बारशा लशो बाक्त हना, चढेबमी मेकेर डा चां हाव बाक्म कां मबाक्म, दे कोव्रचा ममाल्ब। मेको मुर गरांगरा दिशो बाक्ब। ३७ तन्न चढेबमी मेको रक सुइब रोइ रिम्शो पा कोव्रडानु मंकर क्येर चां वाशो बाक्त हना, मेको साशो बाक्ब। मेको गरांगरा मदिशो बाक्ब। मिनू चढेबम मेको कली 'गरांगरा मदिशो बाक्ब' देंचा माल्ब।

३८ सुइ मीश मुर, वोंइश मुर आन रांम बुश गारपुकी बाक्तेकम हना, ३९ चढेबमी मेको रिम्शो पा कोव्रचा माल्ब। मिनू मेको आन रां डा गारपुकी बुश बाक्तेकम हना, मेको कुशुल डा रोइ ला बाक्ब। मेको कुशुल रे ला गरूशो बाक्ब। मेको मुर गरांगरा मदिशो बाक्ब।

४० सुइ मुर आन पिया डा चां दुल्शो बाक्त हना, मेको गरांगरा मदिशो बाक्तीम। ४१ मेको आ चां कुप्फी रे दुल्शो बाक्त हना, मेको गरांगरा मदिशो बाक्ब। ४२ तन्न मेको आन कुप्फीमी लल बुश गार गरूत हना, मेको कुप्फीम गरूशो याक्सीब रोइ बाक्ब। ४३ मिनू चढेबमी मेको कली रिम्शो पा कोव्रडानु, आ कुप्फीम होम्शो गार लल बुश नु कोव्रर खोंदंशो तांइसाक्च हना, ४४ मेको मुर कोव्रर पशो नु गरांगरा दिशो बाक्ब।

मिनू चढेबमी मेको कली 'गरांगरा दिशो बाक्ब' देंचा माल्ब। मेको रोइ आ पियाम बाक्ब।

कोव्रर पाइबमी मार पचा माल्शो

४५ कोव्रर पशो मुरुम गाक्शो वा फेक्शा, आ पियाम मारइ गुप्चा मदुम्ब। मेकोमी आ गाल शोकर कली सुम्शा 'गरांगरा दिशो, गरांगरा दिशो' दे गरीचा माल्ब। ४६ मेको आ रोइ गेना सम्म लीबा, मेना सम्म मेको गरांगरा दिशो दुम्ब। मेको आ कांइचीक बाक्चा माल्ब। मिनू मेको मुर आन बाक्तीक क्येडा डोन बाक्चा माल्ब। गन्ती ५ :२-३; २राजा १५ :५

बुंसी डाइशो थोव्रक

४७ मिनू वाम बुंसी डाइक्ताक्च हना, ऊन के वासी बाक्त हना यो, सुती के वासी बाक्त हना यो, ४८ फेक्तीक नेल्लत, कुशुल के सेल्शो मारइ मारइमी ४९ बुंसी डाइशो गिगी लल लुम्सीशो बाक्त हना, वासी नेल्लत नु मारइ मारइ चढेब कली कांइचा माल्ब। ५० मिनू चढेबमी मेको रिम्शो पा कोव्रचा माल्ब। मिनू मेको बुंसी डाइशो थोव्रक आन कली ७ नाक्त सम्म तिल्शा वोइक्चा माल्ब। ५१ मिनू चढेबमी ७ नाक्त नोले लेंशा रिम्शो पा कोव्रचा माल्ब। मिनू मेको वासी, कुशुल के सेल्शो मारइ थोव्रकीम बुंसी बारशा लशो बाक्त हना, मेको बिगरब बुंसी डाइशो बाक्ब। मेको थोव्रक गरांगरा दिशो बाक्ब। ५२ मिनू मेकोमी बुंसी डाइशो वासी कि कुशुल के सेल्शो मारइ थोव्रक चोचा माल्ब। मारइ हना मेको राक्ब बुंसी बाक्ब। मेको मीम चोचा माल्ब।

५३ तन्न चढेबमी रिम्शो पा कोव्रडानु, मेको वासी, कि कुशुल के सेल्शो मारइ थोव्रकम मेको बुंसी मबारशो बाक्त हना, ५४ मिनू चढेबमी मेको मुर कली 'मेको बुंसी डाइशो थोव्रक मुरचा माल्ब' दे अरेचा माल्ब। मिनू मेकोमी चिनु ७ नाक्त सम्म मेको वासी कली तिल्शा वोइक्चा माल्ब। ५५ मेको मुरशो नोले चढेबम मेको कली रिम्शो पा कोव्रचा माल्ब। मिनू मेको बुंसी आ लुम्सीशो रड मफांइसीशो बाक्त हना यो, मेको गरांगरा दिशो बाक्ब। मेको बुंसी आ तार गे बाक्त हना यो, आगा गे बाक्त हना यो, मेको कली मीम चोचा माल्ब। ५६ तन्न चढेबमी मेको मुरशो नोले कोव्रडानु, बुंसी जाम्ना जाम्न लशो बाक्त हना, मेको वासी कि मारइ मारइ कुशुल के सेल्शो मेको लुम्सीशो ला खाक्शा

ताडकचा माल्ब। २७ तन्न मेको बुंसी, वासी, कुशुल के सल्शो मारइ मारइमी लेंशा तांडसाक्व हना, मेको बारना बारन लशो बाक्व। मेको बुंसी डाइशो थोव्रक मीम चोचा माल्ब। २८ मिनु मेको वासी, कुशुल के सल्शो मारइ मारइ थोव्रक मुरशोनु, मेको र बुंसी लत हना, मेको लेंशा मुरचा माल्ब। मेको ग्रांगरा मदिशो बाक्व।

२९ ऊन के सल्शो वासीम, सुती के वासी नु कुशुल के सल्शो मारइ थोव्रकम बुंसी डाइशो आ पर्वम ग्रांगरा दिशो नु मदिशो आन पर्वम पचा माल्शो गेय एकोन बाक्नीम, 'द शेंचा' दे मोसा नु हारून आस कली दंत।

कोव्रर साम नोले पचा माल्शो

१ मिनु परमपरभु यावेमी मोसा कली  
**१४** २ "कोव्रर खोदंशो पा रोइ पशो मुर कली आ रोइ साम नोले मार पचा माल्ब दंशा हना, मुरुमी मेको कली चढेब आन बाक्तीक चाक्चा माल्नीम। मती ८ : ४ ३ मिनु चढेबमी मुर आन बाक्तीके रे लाडगा गरुशा, मेको मुर कली रिम्शो पा कोव्रचा माल्ब। मिनु मेको कुशुल डा याक्सीब रोइ साशो बाक्त हना, ४ मेको चढेबमी मेको चोव्रखो सल्त्वा पुंडसीशो मुर आ पर्वम 'सस नु चोव्रखो चिक्व निक्शी, लेबानोन डा लाइशो रवा आ शी, लल रडम नुप्शो ऊन नु हिस्सोप चाक्को' दे अरंचा माल्ब। लेवी ११ : ३-२०; गन्ती १९ : ६ ५ मिनु चढेबमी मेको चिक्व निक्शीमी का खप के सिक्स ब्वाक्कुम बरीशो बास तारी सतो' दे अरंचा माल्ब। ६ मिनु चढेबमी मेको सस चिक्व, मेको लेबानोन डा लाइशो रवा आ शी, मेको लल रडम नुप्शो ऊन नु हिस्सोप मेको सिक्स ब्वाक्कु तारी साइशो चिक्व आ हुशमी खरुम्शा गरुइचा माल्ब। ७ मिनु मेकोमी रोइ रे साशो चोव्रखो सल्त्वा पुंडसीब मुर कली ७ खयप बरुइशो 'चोव्रखो बाक्व' दंचा माल्ब। मिनु मेकोमी मेको सस चिक्व कली परोइशा बेरपाइक्वा माल्ब। लेवी १६ : २२

८ मिनु मेको चोव्रखो सल्त्वा पुंडसीशो मुरुम आ वा मुरचा माल्ब। आ चां नेल्ल परक्शा, चिक्वा माल्ब। मिनु मेको ग्रांगरा मदिशो चोव्रखो दुम्ब। मिनु नोले मुर आन बाक्तीके लचा दुम्ब। तन्न ७ नाक्त सम्म आ ताम्बु आ लाडगाम बाक्चा माल्ब। गन्ती ८ : ७ ९ मिनु ७ नाक्त नोले मेकोमी आ चां, गाल शोकरे, मुकुक्स नेल्ल

परक्चा माल्ब। मिनु नोले आ वा मुरशा, चिक्वा माल्ब। मिनु मेको मुर चोव्रखो दुम्ब।

१० मिनु ८ नाक्त नोले मेकोमी मारइ मदुम्शो थम रिम्शो सांड निक्शी नु बर्स का दुम्शो मारइ मदुम्शो थम रिम्शो पाठी का, अन्न चढेचा कली तेलम निशो थम रिम्शो फस एफाह का के ३० भाग नु लोग का तेल चाक्चा माल्ब। एफाह पुक्तीके का बाक्व। एफाह का २२ लिटर रिक्व। मेको डा ३० भाग ६.५ लिटर खोदंशो बाक्व। नेल्ल १२ माना खोदंशो बाक्व। लोग का पुक्तीके का बाक्व। मेको ०.३ लिटर रिक्व। ११ मिनु चढेबमी मेको चोव्रखो सल्त्वा पुंडसीशो मुर नु मेको आ चाक्शो नेल्ल परमपरभु यावे आ डांडती गरुम्तीक ताम्बु आ ओव्रतीकम वोइक्चा माल्ब।

१२ मिनु चढेबमी सांड का नु मेको लोग का तेल गारचा आ पर्वम चढेचा माल्ब। मिनु क्युकशा हिम्शा चढेतीक परमपरभु यावे आ डांडती चढेचा माल्ब। लोग आइक्च पुक्तीके बाक्व। मेको ०.३ लिटर रिक्व। १३ मिनु मेकोमी पाप आ पर्वम चढेतीक नु चोशा चढेतीक साइक्तीके मेको चोव्रखो बाक्तीकम साइक्चा माल्ब। मारदे हना गारचा आ पर्वम चढेशो नु पाप आ पर्वम चढेशो चढेब के दुम्ब। मेको थम चोव्रखो बाक्व। लेवी ७ : ७ १४ मिनु चढेबमी मेको गारचा आ पर्वम चढेशो आ हुश लाइशो, मेको चोव्रखो सल्त्वा पुंडसीशो मुर आ ग्युरा नोफा आ फेनम, आ ग्युरा गुइ डा बांग्ये नु आ ग्युरा खोइल डा बांग्येमी खरक्चा माल्ब। लेवी ८ : २३; परस्थान २९ : २० १५ मिनु चढेबमी मेको तेल रे इक्का लाइशो, आ परा गुइ डा ताप्ताम लुकचा माल्ब। १६ मिनु चढेबमी आ ग्युरा गुइ डा बरप्चोम आ परा गुइम बाक्शो तेलम खरुम्शा, परमपरभु यावे आ डांडती ७ खयप बरुइक्चा माल्ब। लेवी ४ : ६, १७ १७ मिनु चढेबमी आ गुइम लीशो तेल चोव्रखो सल्त्वा पुंडसीशो मुर आ ग्युरा नोफा डा फेनम, मेको आ ग्युरा गुइ डा बांग्येमी नु आ ग्युरा खोइल डा बांग्येम नु गारचा आ पर्वम चढेशो आ हुश तारी खरक्चा माल्ब। १८ मिनु चढेबमी आ गुइम लीशो तेल मेको चोव्रखो सल्त्वा पुंडसीशो मुर आ पियाम खरक्चा माल्ब। मिनु चढेबमी परमपरभु यावे आ डांडती मेको मुर आ पर्वम पाप क्याम्तीक गेय पचा माल्ब।

१९ मिनु चढेबमी मेको आ पाप आ पर्वम चढेचा माल्ब। मोपा मेको चोव्रखो सल्त्वा पुंडसीशो

मुरुम पाप क्याम्तीक गेय पशो बाक्व । मिनु नोले मकोमी चोशा चढ्दतीक क्योरचा माल्ब । २० मिनु चढ्दबमी मको चोशा चढ्दतीक नु अन्न चढ्दतीक चढ्दतीकम चढ्दचा माल्ब । मोपा मको चढ्दबमी मको आ पर्वम पाप क्याम्तीक गेय पचा माल्ब । मिनु मको मुर गरांगरा मदिशो चोत्रसो दुम्ब ।

२१ मिनु मको मुर परुडग बाक्व हना, मोशो यो चाक्न मचाप्वाक्व हना, मकोमी आ पाप क्याम्तीक गेय आ पर्वम क्युकशा हिम्शा चढ्दचा कली सांड का नु अन्न चढ्दचा कली तेलम निशो एफाह का के १० भाग थम रिम्शो फस नु लोग का तेल चाक्चा माल्ब । एफाह पुक्तीक का बाक्व । एफाह का २२ लिटर रिक्व । मको के १० भाग २ लिटर नु इच्का सोइ बाक्व । लोग आइक्च पुक्तीक का बाक्व । मको ०.३ लिटर रिक्व । २२ मिनु आ चाप्शो सोदंशो पा परवा निक्शी कि ढुकुर निक्शी, का पाप आ पर्वम चढ्दचा कली नु का चोशा चढ्दचा कली चाक्चा माल्ब । लेवी ५ :७

२३ मिनु मकोमी ८ नाक्ती आंम कली चोत्रसो सल्पाइक्चा कली मको निक्शी गरुम्तीक ताम्बु आ ओत्रतीक परमपरभु यावे आ डांडती चढ्दब आ बाक्तीकमी चाक्चा माल्ब । २४ मिनु चढ्दबमी गारचा आ पर्वम चढ्दचा कली मेको सांड नु लोग का तेल चाक्शा, क्युकशा, हिम्शा, चढ्दतीक परमपरभु यावे आ डांडती क्युकशा हिम्शा चढ्दचा माल्ब । लोग का इसराएली आन आइक्च पुक्तीक का बाक्व । मको ०.३ लिटर रिक्व । मको माना का नु इच्का सोइ सोदंशो बाक्व । २५ मिनु चढ्दबमी मको गारचा आ पर्वम चढ्दतीक सांड क्योरशा, मेको आ हुश इच्का लाइश्शा, चोत्रसो सल्त्वा पुंडसीब मुर आ ग्युरा नोफा डा फेनेम, आ ग्युरा गुइ डा बांग्ये नु आ ग्युरा सोइल डा बांग्येमी खरक्चा माल्ब । २६ मिनु चढ्दबमी मेको तेल इच्का आ परा गुइ डा ताप्नाम लुकचा माल्ब । २७ मिनु आ ग्युरा गुइ डा बरेप्नोम परा गुइम बाक्शो तेल परमपरभु यावे आ डांडती ७ खेयप बरुइक्चा माल्ब । २८ मिनु चढ्दबमी आ गुइम बाक्शो तेल मेको चोत्रसो सल्त्वा पुंडसीब मुर आ ग्युरा नोफा आ फेनेम, आ ग्युरा गुइ डा बांग्ये नु आ ग्युरा सोइल डा बांग्येम गारचा आ पर्वम चढ्दशो आ हुश खरक्शो तार खरक्चा माल्ब । २९ मिनु चढ्दबमी आ गुइम लीशा तेल मेको चोत्रसो सल्त्वा पुंडसीब मुर आ पियाम खरक्चा माल्ब । मोपा मकोमी चोत्रसो सल्त्वा पुंडसीब मुर कली परमपरभु यावे आ डांडती पाप क्याम्तीक गेय पाइब । ३० मिनु मकोमी ढुकुर कि

परवा आ चाप्शो सोदंशो पा चढ्दचा माल्ब । ३१ मिनु का पाप आ पर्वम, का चोशा चढ्दचा कली अन्न चढ्दतीक नु चढ्दचा माल्ब । मोपा चढ्दबमी चोत्रसो सल्त्वा पुंडसीब मुर आ पर्वम परमपरभु यावे आ डांडती पाप क्याम्तीक गेय पचा माल्ब ।

३२ कुशुल डा याक्सीब रोइ पशा, चोत्रसो दुम्तीक आ पर्वम परुडग आन पचा माल्शो गेय एको बाक्व" दंत । लेवी १३ :४७-५९

### बुंसी डाइश्शो खिं

३३ परमपरभु यावेमी मोसा नु हारून आस कली ३४ "मुल गो इन कली गेशो कनान रागीम जाक्दीश्शा बाक्नीनु, इन आंम के सल्ली नोले, गो मेको रागी डा तेकोइ खिम बुंसी डाइक्पाइक्ता हना, ३५ मेको खिं डा मुर जाक्शा चढ्दब कली "आं खिम बुंसी डाइश्शा सोदंशो तांडसाक्व" दंचा माल्ब । लेवी १३ :२ ३६ मिनु चढ्दबमी "आं जाक्शा रिम्शो पा कोत्रचा क्येडा डांडती इ खिं कली श्येत्य पावो । मो मपाइतीनी हना खिम बाक्शा मारइ मारइ गरांगरा दिशो दुम्ब" दे अरंचा माल्ब । मिनु नोले मेको चढ्दब मेको खिं कोत्रथ लचा माल्ब । ३७ मिनु मकोमी मेको बुंसी डाइश्शो रिम्शो पा कोत्रचा माल्ब । मेको खिं डा गारो गिगी, लल दुम्शा, गारो क्येडा लुकच लशो बाक्व हना, लेवी १३ :३ ३८ चढ्दब खिं रे लाडगा गरुशा, ७ नाक्त सम्म लाप्चो चोक्शा वोइक्चा माल्ब । ३९ मिनु मेको चढ्दब ७ नाक्त नोले जाक्शा, मेको बुंसी गारोम बारशा बाक्म कां मबाक्म रिम्शो पा कोत्रचा माल्ब । मिनु मेको गारोम बारशा बाक्व हना, ४० चढ्दबमी मेको बुंसी डाइश्शो फुल्लु गरुंडपाइश्शा, सहर क्येडा आन गरांगरा दिशो ताइक्तीकमी ताइक्पाइक्चा माल्ब । ४१ मेको खिं आगा तेइ तेइ सोतेर पपाइक्चा माल्ब । मिनु सोतेर पाइश्शो खप सहर क्येडा आन गरांगरा दिशो ताइक्तीकमी ताइक्पाइक्चा माल्ब । ४२ मिनु नोले मेकोपुकीमी ताइश्शो फुल्लु आ पा डा अर्का फुल्लु चाक्शा, मेको फुल्लु बाक्तीकम परोत्रचा माल्मीम । मिनु नक खप चाक्शा, खिं सिल्त्वा माल्मीम ।

४३ मिनु फुल्लु गरुंडशा, अर्का फुल्लु परोत्रशा, खप सोतेर पा गरुंडशा, अर्का खप सिल्त्वा यो, मेको बुंसी लेशा गरुत हना, ४४ चढ्दबमी लेशा जाक्शा, रिम्शो पा कोत्रचा माल्ब । मिनु मेको बुंसी खिम बारना बारन लशो बाक्व हना, मेको बारतीक बुंसी डाइश्शा बाक्व । मेको खिं गरांगरा बाक्व । ४५ मिनु मेको खिं कली परेत्वा

माल्ब। मेको आ फुल्लु, शी नु सिल्लशो खप सहर क्येडा डोन गरांगरा दिशो ताइक्तीकेमी ताइक्चा माल्ब।

४६ मिनु सुइ मेको सिं चोक्शो नोले ओव्रत हना, मेको नां मरिक्म सम्म गरांगरा दिशो दुम्ब। लेवी ११:२४ ४७ मिनु सुइ मेको सिंमी इप्त हना यो, जाप्तु हना यो, मेकोमी आ वा मुरचा माल्ब।

४८ तन्न चढेबमी मेको सिं रिम्शो पा कोव्रडानु, सिल्लशा फिक्शा नोले मेको बुंसी डाइशो मबारत हना, चढेबमी मेको सिं कली गरांगरा मदिशो चोव्रखो बाक्ब' दंचा माल्ब। मारदे हना मेको बुंसी जाम्शा लत। ४९ मिनु मेको सिं डा मुरुमी सिं कली चोव्रखो सल्ला कली चिक्ब निक्शो, लेबानोन डा लाइशो रवा आ शी, हिस्सोप नु लल श्येले चाक्चा माल्ब। ५० मिनु चढेबमी मेको चिक्ब निक्शोमी का खप क सिक्स ब्वाक्कुम बरीशो बोस तारी सतो' दे अरेचा माल्ब। लेवी १४:४-७ ५१ मिनु चढेबमी मेको लेबानोन डा लाइशो रवा आ शी, हिस्सोप नु लल रडम नुशो श्येले नु मेको सस चिक्ब लाइशो, मेको नेल्ल कली मेको सिक्स ब्वाक्कु तारी साइशो चिक्ब आ हुशमी खरुम्शा गरुंडचा माल्ब। मिनु मेकोमी मेको सिं कली ७ खेयप बरुइक्चा माल्ब। ५२ मोपा मेकोम चिक्ब आ हुश, सिक्स ब्वाक्कु, सस चिक्ब, लेबानोन डा लाइशो रवा आ शी, हिस्सोप नु लल रडम नुशो श्येलेमी मेको सिं गरांगरा मदिशो चोव्रखो सल्ला माल्ब। ५३ मिनु मेकोमी मेको सस चिक्ब कली सहर र लाडगा परोइशा बरेपाइक्चा माल्ब। मोपा मेकोमी मेको सिं डा बुंसी क्याम्तीक गेय पचा माल्ब। मिनु मेको सिं गरांगरा मदिशो चोव्रखो दुम्ब।

५४ मिनु कुशुल डा याक्सीब रोइ नेल्ल, रक सुइब रोइ, ५५ वासी नु सिं डा बुंसी डाइक्तीक, ५६ होम्शो नु आइक्च गार नु बुश लुम्सीशो गारपुकी चोव्रखो सल्लतीक गेय एकोन बाक्नीम।

५७ गरांगरा दिशो नु मदिशो तुइक्तीक एको बाक्ब। मेको कोव्रर नु कोव्रर सोदंशो रोइ नु बुंसी डाइशो आन पर्वम पतीक गेय एकोन बाक्नीम" दे परमपरभु यावेमी मोसा नु हारून आस कली माइक्तीम्सी।

वांइश मुर आ रां डा गरांगरा दिशो

१ परमपरभु यावेमी मोसा नु हारून आस कली २ "इसराएली आन कली सुइ वांइश मुर आन के मार मार यित हना यो, मेको यितीक

मेको मुर गरांगरा दिशो बाक्ब। गन्ती ५:२ ३ मेको आ रां र यितीके मार बाक्ब देशा हना, रां र यित हना यो, देक्त हना यो, मेको मुर गरांगरा दिशो बाक्ब। ४ मेको मुर इशो बराख्ये नेल्ल नु आ निशो नित्तीक नेल्ल गरांगरा दिशो बाक्नीम। ५ सुमी मेको आ बराख्ये थीबा, मेकोमी आ वा मुरशा, चिक्सीचा माल्ब। मिनु मेको नां मरिक्म सम्म गरांगरा दिशो दुम्ब। ६ मिनु सु मेको आ नित्तीकमी निष्वा, मेकोमी आ वा मुरशा, चिक्सीचा माल्ब। मिनु मेको नां मरिक्म सम्म गरांगरा दिशो दुम्ब। ७ सुमी मेको मुर कली थीबा, मेकोमी आ वा मुरशा, चिक्सीचा माल्ब। मिनु मेको नां मरिक्म सम्म गरांगरा दिशो दुम्ब। ८ मेको मुरुमी चोव्रखो मुर कली तोक्ताक्ब हना, मेको चोव्रखो मुर चिक्सीचा माल्ब। मेकोमी आ वा मुरचा माल्ब। मिनु मेको नां मरिक्म सम्म गरांगरा दिशो दुम्ब। ९ मेको मुर तेको शारा तार बरतीक थंकांम निष्वा, मेको गरांगरा दिशो दुम्ब। १० सुमी मेको आ नित्तीक थीबा, मेको नां मरिक्म सम्म गरांगरा दुम्ब। सुमी मेको थोव्रक कुरबा, मेकोमी आ वा मुरशा, चिक्सीचा माल्ब। मेको नां मरिक्म सम्म गरांगरा दुम्ब। ११ मेको मुरुमी आ गुइ मचिक्थु, सुइ कली थिप्तु हना, मेको थिचा पुंइसीब मुरुम आ वा मुरशा, चिक्सीचा माल्ब। मिनु मेको नां मरिक्म सम्म गरांगरा दुम्ब। १२ मेको मुरुम तेकोइ खप क बोस थिप्तु हना, मेको परोल्वा माल्ब। तन्न शी क बाक्त हना, ब्वाक्कुम शक्चा माल्ब। लेवी ११:३३

१३ मेको मुरुमी आ गरांगरा दिशो देक्म नोले, चोव्रखो दुम्चा कली ७ नाक्त रिम्चा माल्ब। मिनु आ वा मुरशा, आ रां नेल्ल ब्वाक्कुम चिक्सीचा माल्ब। मिनु मेको चोव्रखो दुम्ब। १४ मिनु मेकोमी ८ नाक्ती परवा निक्शो कि ढुकुर निक्शो कुरशा, परमपरभु यावे आ डांइती गरुम्तीक ताम्बु आ ओव्रतीक जाक्शा, मेको चढेब कली गेचा माल्ब। लेवी ५:७ १५ मिनु चढेबमी मेको का पाप आ पर्वम नु का चोशा चढेतीक चढेचा माल्ब। मोपा चढेबमी मेको गरांगरा दिशो यिशो मुर आ पर्वम परमपरभु यावे आ डांइती पाप क्याम्तीक गेय पचा माल्ब।

१६ मिनु सुइ वांइश मुर आ बिउ मोशा यित हना, मेकोमी आ रां नेल्ल ब्वाक्कुम चिक्सीचा माल्ब। मिनु मेको नां मरिक्म सम्म गरांगरा दुम्ब। लेवी २२:४ १७ मिनु आ बिउ तेको वा नु कुशुल क सल्लशो मारइमी दोक्त हना, मेको मुरचा

१५

माल्ब। मिनु मेको नां मरिक्म सम्म गरांगरा दुम्ब। १८ सुइ वांइश मुर मीश मुर नु इम्मनु, बिउ दोक्त हना, मेको निम्फा चिकसीचा माल्नीस। मिनु नां मरिक्म सम्म गरांगरा दुम्नीस।

मीश मुर आ रां डा गरांगरा दिशो

१९ सुइ मीश मुर मथिचा दुम्त हना, मेको आ रां डा दुम्तीक बाक्व। मेको ७ नाक्त सम्म गरांगरा दिशो दुम्ब। सुम मेको कली थीबा, मेको नां मरिक्म सम्म गरांगरा दिशो बाक्व। लेवी १८:१९ २० मेको मीश मुर गरांगरा दिशो दुम्मेनु, आ इप्तीक नु नितीक नल्ल गरांगरा दिशो दुम्नीम। २१ सुम मेको आ बराख्ये थीबा, मेकोमी आ वा मुरशा, चिकसीचा माल्ब। मिनु मेको नां मरिक्म सम्म गरांगरा दिशो दुम्ब। २२ सुम मेको आ निश्शो थोत्रक थीबा, मेकोमी आ वा मुरचा माल्ब। मिनु चिकसीचा माल्ब। मिनु मेको नां मरिक्म सम्म गरांगरा दिशो दुम्ब। २३ सुइ मुरुमी आ बराख्ये कि आ निश्शो पीरा थिप्टु हना, मेको नां मरिक्म सम्म गरांगरा दिशो दुम्ब। २४ मिनु वांइश मुर मेको नु इप्त नु मेको आ गरांगरा दिशो लुम्साक्व हना, मेको ७ नाक्त सम्म गरांगरा दिशो दुम्ब। मिनु मेको आ इप्शो बराख्ये यो गरांगरा दिशो दुम्ब।

२५ मिनु सुइ मीश मुर आ रां बरोल्शो परांइशा मेको क्येडा शुश नाक्त सम्म हुश यिस डा यिस बाक्त हना, आ मथिचा दुम्शो नडा खोदंशो पा गरांगरा दिशो दुम्ब। मेको आ मथिचा नाक्त खोदंशो पा मेको गरांगरा दिशो दुम्ब। २६ मेको आ हुश यिशो नाक्त, आ इप्शो बराख्ये आ मथिचा दुम्शो नडा खोदंशो पा गरांगरा दिशो दुम्ब। आ निश्शो पीरा आ मथिची नडा खोदंशो पा गरांगरा दिशो दुम्ब। २७ मेको थोत्रक थीब गरांगरा दिशो दुम्ब। मेकोमी आ वा मुरशा, चिकसीचा माल्ब। मिनु मेको नां मरिक्म सम्म गरांगरा दिशो दुम्ब।

२८ मेकोमी आ हुश यिचा देक्म नोले ७ नाक्ती रिम्चा माल्ब। मिनु मेको नोले मेको गरांगरा मदिशो दुम्ब। २९ मिनु ८ नाक्ती मेकोमी ढुकुर निक्शी कि परवा निक्शी चाक्शा, गरुम्तीक ताम्बु आ ओत्रतीक चढेब आ डांइती जाक्चा माल्ब। ३० मिनु चढेबमी का पाप आ पर्वम नु का चोशा चढेतीके चढेचा माल्ब। मोपा चढेबमी मेको आ हुश यिशो आ पर्वम परमपरभु यावे आ डांइती मेको आ पर्वम चोत्रखो दुम्तीक गेय पचा माल्ब।

३१ मोपा गे निक्शीमी इसराएल डा मुर आन कली गरांगरा दितीक रे डोन वोतीस। मो मपाइतीसी हना, मेकोपुकीम आं बाक्तीक ताम्बु गरांगरा दिशो सल्लीम। मिनु मेको आन गरांगरा आ पर्वम बेक्नीम।

३२ एको गरांगरा दिशो यितीक कि बिउ दोक्शो गरांगरा दिशो दुम्शो वांइश मुर आ पर्वम चोत्रखो सल्लीक गेय बाक्व। ३३ मिनु मथिचा दुम्शो, गरांगरा यिशो वांइश मुर कि मीश मुर नु गरांगरा दिशो दुम्शो मीश मुर नु इप्त्र वांइश मुर आन कली गरांगरा मदिशो सल्लीक गेय एकोन बाक्नीम दंचा माल्नीसी” दंत।

पाप क्याम्तीक नाक्त

लेवी २३:२६-३२; गन्ती

२९:७-११; हिब्रू ९:७-१४

१ हारून आ तौ निक्शी परमपरभु यावे १६ आ डांइती बेक्सा नोले परमपरभु यावेमी मोसा नु लोत्र पाप्टु। लेवी १०:१-२; २ मिनु परमपरभु यावेमी मोसा कली “इ लोकब हारून कली इ दाक्शा खोदंशो पा, गेना हना यो फारशो वा आ आगा बाक्शो चोत्रखो कोठामी कबल पशो सन्दोस तार बाक्शो शिशी पतीक आ डांइती मजाक्को। मटीतीनी हना, गे बेक्नेवे। मारदे हना गो शिशी बाक्तीकम गोस्स आगाम बाक्शा जाक्नुड। परस्थान २६:३३-३४

३ हारून दोपा ओत्रन चाप्त्र दंशा हना, पाप आ पर्वम चढेचा कली ब्यफ का नु चोशा चढेचा कली सांड का चाक्शा ला ओत्रन चाप्त्र। लेवी ४:३; लेवी १:१० ४ सुती के आं गेय पचा कली ला आगा फक्तीक वा फक्शा, सुती के आ तार फक्तीक फक्शा, सुती के किप्शुर किप्शा नु सुती वा के पियाम गुप्तीक गुक्शा ओत्रचा माल्ब। मेको वा आ गेय पचा कली ला बाक्त। मेकोमी चिकसीशा ला मेको वा फेक्सीचा माल्ब। परस्थान २८:३९,४२; परस्थान २९:४; परस्थान ३०:१९-२० ५ मेकोमी इसराएल डा मुर आन गुइरे पाप आ पर्वम चढेचा कली बोका निक्शी नु चोशा चढेचा कली सांड का ताक्चा माल्ब। लेवी ३:९,१५,१६

६ मिनु हारूनमी आंम पाप आ पर्वम चढेतीक ब्यफ चढेचा माल्ब। मिनु आ नु आ सिं डा मुर आन पर्वम पाप क्याम्तीक गेय पचा माल्ब। लेवी ९:२, ८-११; हिब्रू ७:२७ ७ मिनु मेकोमी मेको बोका निक्शी लाइश्शा, गरुम्तीक ताम्बु आ ओत्रतीक परमपरभु यावे आ डांइती वोइक्चा

माल्ब। ८ मिनू हारूनमी मेको बोका निक्शी आ पर्वम फन्टे आप्चा माल्ब। मेकोमी परमपरभु यावे कली का नु मो परांइचा कली का फन्टे आप्चा माल्ब। ९ मिनू हारूनमी परमपरभु यावे कली दुम्शो बोका कली आ नेक्था चावशा पाप आ पर्वम चढेचा माल्ब। १० फन्टे आप्चा मो परांइतीक बोका कली ससीन परमपरभु यावे आ डांइती चाक्चा माल्ब। मिनू मेको आ तारी पाप क्याम्तीक गेय पा, मेको बोका कली गोरशो रागीम परांइशा सोइक्चा माल्ब।

११ मिनू हारूनमी आ आंम पाप आ पर्वम चढेतीक ब्यफ चाक्चा माल्ब। मिनू आ आंम कली नु आ सिं डा मुर आन पर्वम पाप क्याम्तीक गेय पचा माल्ब। मिनू मेकोमी आ पाप आ पर्वम चढेतीक ब्यफ क्योरचा माल्ब। रोमी ३:२५ १२ मिनू मेकोमी परमपरभु यावे आ डांइती चढेतीक रे बरशो कोइला धूप चोतीकम कुर पा मुठी निक्शी चुशो ब्रोत्रशो रिना पाइशशा धूप कुरशा फारतीक वा चोत्रसो कोठा ओत्रचा माल्ब। १३ मिनू मेकोमी परमपरभु यावे आ डांइती बाक्शा, धूप चोचा माल्ब। मिनू धूप आ कुनम कबल पशो सन्दोस आ तार बाक्शो शिशी बाक्तीक कली सुम्चा माल्ब। मोदंशो मपाप्नु हना, मेको बेक्ब। परस्थान २५:१७-२२ १४ मेको नोले मेकोम ब्यफ आ हुश इच्का बरक्शा पिशशा, परमपरभु यावे आ बाक्तीक तारी पूर्व मे बरुइक्चा माल्ब। मेकर मेकोमी आ बरन्चोमी मेको हुश कली ७ खंयप बरुइक्चा माल्ब।

१५ मिनू मेकोमी मुर आन पाप आ पर्वम चढेतीक बोका क्योरचा माल्ब। मिनू मेको आ हुश फारशो वा आ आगा डा कोठा चाक्शा, ब्यफ आ हुश खोदंशो पा, शिशी बाक्तीक तार नु आ डांइती बरुइक्चा माल्ब। हिब्रू ४:१६; हिब्रू ९:५ १६ मोपा मेकोमी मेको कोठा चोत्रसो दुम्ब। मिनू इसराएल डा मुर आन गरांगरा दिशो नु मरिम्शो पशो नु मेको आन पाप आन पर्वम पाप क्याम्तीक गेय बाक्ब। मिनू मेकोमी गरुम्तीक ताम्बु कली यो पचा माल्ब। १७ मिनू हारूनमी चोत्रसो कोठामी पाप क्याम्तीक गेय पवानु, सुइ मुर गरुम्तीक ताम्बु ओत्रचा मदुम्ब। मेकोमी आंम आ पर्वम, आ सिं डा मुर आन पर्वम नु इसराएल डा मुर नेल्ल आन पर्वम पाप क्याम्तीक गेय मथुमा सम्म, सुइमी गरुम्तीक ताम्बु ओत्रचा मदुम्ब।

१८ मिनू नोले मेको लाडगा गरुशा, परमपरभु यावे आ डांइती बाक्शो चढेतीकम लशा, मेको

आ पर्वम पाप क्याम्तीक गेय पचा माल्ब। मिनू मेकोमी ब्यफ आ हुश नु बोका आ हुश इच्का लाइशशा, चढेतीक आ एर ओथ डा गरोत्र नेल्लेम खरक्चा माल्ब। परस्थान ३०:१० ११ मिनू इच्का हुश लाइशशा, आ बरन्चोम ७ खंयप मेको चढेतीक तार बरुइक्चा माल्ब। मोपा मेको चढेतीक इसराएली आन गरांगरा दिशो र चोत्रसो सत्त्वा माल्ब।

२० मिनू हारूनमी चोत्रसो कोठा, गरुम्तीक ताम्बु नु चढेतीक आ पर्वम पाप क्याम्तीक गेय पचा नोले, मेको सस बोका चाक्चा माल्ब। २१ मिनू नोले हारूनम आ गुइ निम्फा मेको सस बोका आ पिया तार वोइक्चा माल्ब। मिनू इसराएली आन मरिम्शो पशो नेल्ल नु आन पशो पाप नेल्ल शोत्रशा, मोपा नेल्ल पाप बोका आ पियाम वोइक्चा माल्ब। मिनू नोले मुर काम मेको बोका कली गोरशो रागीम चोक्चा माल्ब। २२ मोपा मेको बोकास मेको आन मरिम्शो पशो कुरशा, सुइ मबाक्शो गोरशो रागीम लाइक्चा माल्ब। मेको मुरुम मेको बोका कली गोरशो रागीम परांइचा माल्ब।

२३ मेको नोले हारून गरुम्तीक ताम्बुम ओत्रशा, मेको आ डांइती चोत्रसो कोठा ओत्रशा, फेक्शो सुती वा परुइशशा, मेक उइ वोइक्चा माल्ब। २४ मिनू मेकोमी चोत्रसो बाक्तीक लशा, चिक्सीचा माल्ब। मिनू आ वा फेक्शा लेत्वा माल्ब। मिनू आंम आ पर्वम नु मुर आन पर्वम चोशा चढेतीक चढेशा, आंम कली नु मुर आन कली पाप क्याम्तीक गेय पचा माल्ब। २५ मिनू मेकोमी पाप आ पर्वम चढेशा आ बोसो चढेतीकमी चोचा माल्ब।

२६ मिनू परांइचा पुंइसीब बोका कली चोत्रथ लाइब मुर आ वा मुरशा, चिक्सीचा माल्ब। मिनू मेको नोले मुर आन बाक्तीक जाकन चाप्ब। २७ मिनू पाप आ पर्वम चढेशो ब्यफ नु बोका आस हुशमी मेको चोत्रसो कोठा कली पाप क्याम्तीक गेय पशा नोले मेको मुर आन बाक्तीक रे गरुइशा, मेको आस कुशुल, श्ये नु गोबर नेल्ल चोचा माल्ब। लेवी ४:२२; लेवी ६:२३; हिब्रू १३:११ २८ मिनू मेको चोइबमी आ वा मुरशा, चिक्सीचा माल्ब। मिनू मेको नोले मुर आन बाक्तीक लेन्ने चाप्ब।

२९ एको नेल्ले इन कली गेना हना यो पतीक बाक्ब। ७ महिना डा १० नाक्ती परमपरभु यावे आ नेक्था जाक्चा माल्नीनी। मेको नाक्ती गे, इसराएली नु अर्का रागी डा मुर नेल्लेमी काइ

गेय मपने। लेवी २३:२७-३२; गन्ती २१:७  
३० मारदे हना मेको नाक्ती इन पर्वम पाप  
क्याम्तीक गेय पाइनीम। मिनु परमपरभु यावे  
आ डांडती इन पाप क्याम्शो बाक्व। ३१ एको इन  
ठयब नाइक्तीक नाक्ती बाक्व। मोपतीक काइ  
गेय मपने। एको गेना हना यो कली पतीक बाक्व।  
३२ तल लुक्शा नु आ आफ आ पा डा  
चदेब दुम्चा कली सु योवसीशा बाक्व, मेकोमी  
पाप क्याम्तीक गेय पचा माल्ब। मिनु मेकोमी  
मेको गेय कली ला वोइशो सुती के फेक्तीक  
फेक्चा माल्ब। परस्थान २८:४१-४२ ३३ मेकोमी  
चोवसो कोठा कली, गरुम्तीक ताम्बु नु चदेतीक  
कली पाप क्याम्तीक गेय पचा माल्ब। मिनु  
मेकोमी चदेबपुकी नु मुर नेल्ल आन पर्वम पाप  
क्याम्तीक गेय पचा माल्ब।

३४ मिनु बर्सम खेयप का इसराएली नेल्ल आन  
कली पाप क्याम्तीक गेय पचा माल्ब। मेको इन  
कली गेना हना यो पतीक बाक्व। बर्सम खेयप का  
इसराएली नेल्ल आन पाप आ पर्वम माफ पुंडचा  
माल्ब' दे हारून कली दनो" देत। मिनु परमपरभु  
यावेमी मोसा कली दोदंशो पा अरेवा, मोदंशो पा  
पाप्तु। परस्थान ३०:१०; हिवरू १०:३

### क्योरशा चदेतीक

१ मिनु परमपरभु यावेमी मोसा कली २ "गे  
**१७** हारून, मेको आ तौपुकी नु इसराएली  
नेल्ल आन कली "परमपरभु यावेमी अरशो  
मार बाक्व दंशा हना, ३ सुमी इसराएली आन  
बाक्तीकमी ब्यफ, भंडा नु क्योरश क्योरबा,  
४ मिनु परमपरभु यावे आ डांडती चदेचा कली  
गरुम्तीक ताम्बु आ ओवतीकम मचाक्बा,  
मेको मुर साइशो आ पर्वम दोस ताइब।  
मेकोमी साइक्तीक आ मुर र तिल्ला पुंडसीब।  
उत्पत्ती १:६ ५ मोपतीक इसराएलीपुकीमी  
आन क्योरशा चदेतीक आन बाक्तीक र  
गरुंडशा, परमपरभु यावे आ डांडती चाक्चा  
माल्नीम। मेकोपुकीमी आन क्योरतीक बस्तु  
भाव चदेब आ बाक्तीकम, गरुम्तीक ताम्बु आ  
ओवतीक आ डांडती चाक्शा, दुशा बाक्तीक  
आ पर्वम चदेचा माल्नीम। ६ मिनु चदेबमी  
मेको आ हुश गरुम्तीक ताम्बु आ ओवतीक आ  
डांडती बाक्शो परमपरभु यावे कली चदेतीकम  
बरुडक्चा माल्ब। मिनु बोसो परमपरभु यावे  
कली आ दाक्शो बरोवशो रिना पपाइशो  
सेल्वा कली चोचा माल्ब। ७ मेकोपुकीमी मोपा  
वोल कली चदेशा, आम कली तेल्लेम सोदंशो

सेल्ने मचाप्नीम। एकोम परमपरभु यावे आ  
अरशो लोव्र नेल्ल आन पाला सम्म गेना हना  
यो कली अरतीक बाक्व' दनो" देत। ब्यवस्था  
१७:१७

८ मिनु परमपरभुमी "मेको आन कली  
'इसराएली नु मेको नु बाक्व अर्का रागी डा  
मुर चोशा चदेतीक चदेचा दाक्ताक्म हना,  
ब्यवस्था १२:१४ ९ मिनु मेको गरुम्तीक ताम्बु  
आ ओवतीक मचाक्शु, परमपरभु यावे कली  
मचदेप्तु हना, मेको मुर कली आ मुर आन दाते  
रे तिल्ला माल्नीम' दे माइक्मी।

### हुश मब्वचा, दे अरशो

१० इसराएली नु मेको आन दातेम बाक्व अर्को  
रागी डा मुर सुइमी हुश ब्याम्तेक्म हना, गो  
मेको हुश ब्याइब कली मरिश्शो पाइनुड। मिनु  
मेको मुर कली आ मुर आन दाते रे क्याम्नुड।  
लेवी ३:१७ ११ मारदे हना मेको बस्तु भाव आन  
हुशम बरोइतीक सोक्त बाक्व। मिनु गो मेको  
हुश इन कली चदेतीकमी इन पाप क्याम्तीक  
गेय पचा कली गेता। मारदे हना हुशम पाप  
क्याम्तीक बाक्व। हिवरू १:२२ १२ मोपतीक  
गेपुकी नु गेपुकी नु बाक्व अर्का रागी डा मुर  
सुइमी हुश ब्वचा मदुम्ब, दे गो इसराएली आन  
कली दंशो बाक्नुड। १३ मिनु सुइ इसराएलीपुकी  
नु गेपुकी नु बाक्व अर्का रागी डा मुर सिस्वार  
ग्यारशा, ग्याइशशा मारइ साइक्तीनी हना, मेको  
आ हुश नेल्ल जारशा, खपीम सुम्चा माल्ब।

१४ मारदे हना मारइ मारइ के बरोइतीक सोक्त  
हुशमी बाक्व। मोपतीक गो इसराएली नेल्ल  
आन कली गे तेकोइ जन्तु, बस्तु भाव आन  
हुश ब्वचा मदुम्ब। मारदे हना नेल्ल जन्तु आन  
बरोइतीक हुशम बाक्व। मेको सुमी ब्याइबा,  
मेको क्याम्चा पुंडसीब। उत्पत्ती १:४

१५ मिनु इसराएली नु अर्का रागी डा मुर  
नेल्लेमी, सुम आंमा बेक्शो मारइ मारइ नु ब्याकी  
डा जन्तुम साइशो मार मार ब्याम्तेक्म हना,  
मेको आन वा मुरशा, चिक्सीचा माल्नीम। मिनु  
नां मरिक्म सम्म गरांगरा बाक्चा माल्नीम।  
मिनु नोले मेको गरांगरा मदिशो दुम्नीम। लेवी  
११:४०; लेवी २२:५; परस्थान २१:३३-३६;  
परस्थान २२:३०; पररित १५:२० १६ तन्न  
मेकोपुकीमी आन वा मसुरथु, मचिक्साक्म हना,  
मेको आन पशो आ पर्वम मेको दोस ताइब  
दुम्नीम' दे हारून नु आ तौ आन कली दनो" दे  
परमपरभु यावेमी देत।

ग्रांगरा दितीक गेय मपने

१मिनु परमपरभु यावेमी मोसा कली २“गे  
**१८** इसराएली आन कली गो परमपरभु यावे,  
 इन परमपरभु नङ् । ३गेपुकी इजीप्त रागीम पशो  
 खोदंशो मपने । मिनु गो इन कली कनान रागी  
 लाइवनन्नी । गेपुकीमी मक डा मुर आन पशो  
 खोदंशो मपने । परस्थान २३ : २४ ४गेपुकीमी  
 आं पावो, दे अरशो लोत्र नु आं फुल्लुम मुशा  
 बरकशो लोत्र पचा माल्नीनी । मारदे हना गो  
 परमपरभु यावे, इन परमपरभु नङ् । ५सुमी आं  
 फुल्लुम मुशा बरकशो लोत्र नु आं पावो, दे  
 अरशो लोत्र पाइबा, मेको बरोइचा ताइब । मारदे  
 हना गो परमपरभु यावे नङ् । नेहम्याह ९ : २९ ;  
 इजीकीएल २० : ११ ; रोमी ७ : १० ; रोमी १० : २ ;  
 गलाती ३ : १२

६गेपुकी सुइ आंम नेकथा डा नाता नु मइपीन ।  
 मारदे हना गो परमपरभु यावे नङ् । ७इन ममा  
 नु इप्या इन आफ कली मुने मतोक्कीन । इन  
 ममा नु इप्या मडुम्ब । ८गे इ आफ आ अरु मीश  
 नु मइपो । मो पाइतीनी हना, गेपुकीमी इन आफ  
 कली मुने तोक्कीनी । उत्पत्ती ३५ : २२ ; ब्यवस्था  
 २७ : २० ; २सामुएल १६ : २२ ; १कोरिन्थी ५ : १ गे  
 इ दिदी, बहिनी नु मइपो । इ आफ आ तमी बाक्त  
 हना यो, इ ममा आ तमी बाक्त हना यो नु  
 आंम खिम जरमेशो बाक्त हना यो अर्का रागीम  
 जरमेशो बाक्त हना यो, मेको नु इप्या मडुम्ब ।  
 १०मिनु तो आ तमी बाक्त हना यो, इ तमी आ  
 तमी बाक्त हना यो, इ चच बाक्त हना यो मेको नु  
 मइपो । मो पाप्तीवी हना, गे आंमा मुने दोक्नेवे ।  
 ११गे इ आफ आ अरु मीश आ तमी नु मइपो । मेको  
 इन समी बाक्ब । १२गे इन फुपु नु मइपो । मेको  
 इन आफ आ समी बाक्ब । परस्थान ६ : २० १३गे  
 इ ममा आ लोक्ब नु मइपो । मेको इन ममा आ  
 नाता बाक्नीम । १४इन बोडमा नु आमा कान्छी  
 नु मइपो । मेको इन बोडमा नु आमा कान्छी  
 बाक्नीम । १५गे इ चाइमी नु मइपो । मेको इ तो  
 आ मीश बाक्ब । गे मेको नु इप्या मडुम्ब । १६गे  
 इ भोग्यु, बोहारी नु मइपो । मोपा इ लोक्ब कली  
 मुने मताक्को । लेवी २० : २१ ; मर्कस ६ : १८ १७गे  
 मीश मुर का नु आ तमी निम्फा नु मइपो । मिनु  
 मेको आ तो आ तमी नु आ तमी आ तमी, चच नु  
 मइपो । मेकोपुकी नेकथा डा नाता बाक्नीम । मो  
 पचा मरिश्शो बाक्ब । १८गे इ मीश बाक्ना बाक्न,  
 मेको आ लोक्ब मचाक्को । मेको नु मइपो ।

१९गे रां बरोल्शा ग्रांगरा दिशो दुश्शो मीश  
 मुर नु मइपो । २०गे अर्का मुर आ मीश नु इप्या  
 आंम कली ग्रांगरा मसलो । २सामुएल ११ : ४  
 २१गे मोलक कली आंम तमी तौपुकी चदशा, आंम  
 परमपरभु यावे, इन परमपरभु आ नं ग्रांगरा  
 मसलीन । गो परमपरभु यावे नङ् । २२मीश मुर नु  
 इप्या खोदंशो पा वॉइश मुर नु मइपो । मेको थम  
 ग्रांगरा बाक्ब । २३गे बस्तु भाव नु इप्या, आंम  
 कली ग्रांगरा मसलो । मीश मुर या बस्तु भाव  
 नु इप्या मडुम्ब । मेको थम मरिश्शो दूली गेय  
 बाक्ब । परस्थान २२ : १८ ; लेवी २० : १६

२४गेपुकीमी मोदंशो पाप पा आंम कली  
 ग्रांगरा मसलीन । मारदे हना गो मोदंशो पाप  
 आ पर्वम जात जात डा मुर इन डांइती रे  
 गरुइनुडमी । मेको नेल्लेम मोदंशो पाप पा  
 ग्रांगरा दिशो दुश्शो बाक्तेक्म । २५मोपान मेको  
 रागी ग्रांगरा दिशो दुश्शो बाक्तेक्म । मिनु गो मेको आन  
 पाप आ पर्वम सजाइ गेता । मिनु रागीम मेक डा  
 मुर आन कली उक्ब पा ताइक्ताक्ब । २६तन्न  
 गे आं फुल्लुम मुशा बरकशो लोत्र नु आं पावो,  
 दे अरशो लोत्र टिने । मिनु गे इसराएली नु इन  
 दातेमी बाक्ब अर्का रागी डा मुर मोदंशो ग्रांगरा  
 दिशो गेय मपने । २७मारदे हना इन डांइती  
 मेकर बाक्ब मुरपुकीमी मोदंशो ग्रांगरा नेल्ल  
 पाक्तेक्म । मिनु रागी ग्रांगरा दिशो दुश्शो  
 २८मिनु आं अरशो मपथु, मेको रागी ग्रांगरा  
 दिशो सल्ल्तीनी हना, मेको डांइती बाक्ब मुर आन  
 कली खोदंशो पा मेको रागीमी इन कली या उक्ब  
 पा ताइक्ब ।

२९सुइमी मेको मरिश्शो का ला पाप्तु हना,  
 मेको मुर आ मुर रे तिल्ला पुंडसीब । ३०मोपतीक  
 गे डांइती डा मुरपुकीमी पशो खोदंशो पा मेको  
 दूली ग्रांगरा दिशो पाप मपने । मिनु आंम कली  
 ग्रांगरा दिशो मसलीन । मारदे हना गो परमपरभु  
 यावे, इन परमपरभु नङ् “दने” दंत ।

अरु पतीक गेय

**१९** १मिनु परमपरभु यावेमी मोसा कली  
 २“इसराएली आन गरुत्तीक डा मुर  
 नेल्ल आन कली गेपुकी आं कली ला ठेयब  
 सेलीन । मारदे हना गो परमपरभु यावे, इन  
 परमपरभु का ला नङ् । लेवी ११ : ४४-४५ ; मत्ती  
 ५ : ४८ ; १ पतरुस १ : १५-१६ ३गे नेल्लेमी  
 इन आंम आफ आस कली मान पने । मिनु आं  
 नाइक्तीक नाक्ती नाइसीन । गो परमपरभु यावे,  
 इन परमपरभु नङ् । परस्थान २० : १२ ; परस्थान

२०:८ ४गे मूर्ति कली पूजा मपने। मिनु गे आंम कली मूर्ति मसलीन। गो परमपरभु यावे, इन परमपरभु नड। परस्थान २०:३; परस्थान ३४:१७

१२गे दुशा बाक्चा आ पर्वम परमपरभु यावे आ डांइती चढनीनु, परमपरभु यावेमी बरचा डा पा चढने। लेवी ७:१२-१८; ६गे चढनीनु, मेको चढेशो नाक्त नु आ दोसा सम्म नल्ल ब्यशा नेचा माल्लीनी आ नित्य नाक्त सम्म मारइ लीत हना, मेको चोचा माल्लीनी। ७आ नित्य नाक्त मेको ब्याइताकनी हना, थम गरांगरा दुम्ब। मिनु मेको चढेशो मबराइब। ८मेको ब्याइब नल्लमी सजाइ ताइनीम। मारदे हना मेकोमी परमपरभु यावे कली चढेशो गरांगरा दिशो सेल्शा, मेको कली मटीम। मिनु मोदंशो मुर आन मुर रे तिल्ला पुंडसीनीम।

९मिनु गे इन बाली नाली रिक्कीनु, रू आ सुर सुर सम्म मरिक्कीन। सिला बाला मगुपीन। लेवी २३:२२; ब्यवस्था २४:१९; रुथ २:२,१५,१६ १०गेपुकीमी इन अडगुर रू डा फल काइ मलीपाइक्थु, मसेक्कीन। मिनु रूम दोक्शो अडगुर यो मगुपीन। मेको परुडग नु अर्का रागी डा मुर आन कली बाक्ल। गो परमपरभु यावे, इन परमपरभु नड।

११गे खुइ मपने। मठगेने। गे जोल मपमुने। परस्थान २०:१५-१६; १ थिस्सलोनिकी ४:६ १२गेपुकीमी आं नें थिशा, जोल पा कसम मजने। मो पाइतीनी हना, गे इन परमपरभु आ नें आइक्च सल्लीनी। गो परमपरभु यावे नड। परस्थान २०:७; मत्ती ५:३३

१३गे आंम नेक्था डा मुर आन कली श्येत गेशा, मदिपीन। मिनु मेको आन मार मार मरोइक्तीन। गाल्व ताक्शा गेय पाइब आन क्येट काब नाक्दो यो इन सिंम वोइक्चा मदुम्ब। ब्यवस्था २४:१४-१५; यरमीया २२:१३; याकूब ५:४

१४गे नोफा मनंब मुर कली मरिक्शो लोत्र मपने। मिक्च मताइब आ डांइती दाइल पाइक्तीक थोत्रक मवोतीन। इन परमपरभु क्येडा हिनीन। गो परमपरभु यावे नड। उत्पत्ती २७:१९; ब्यवस्था २७:१८

१५गे जोल पाइब सांकळी मदुमीन। ठेयब मुर बाक्त हना यो, आइक्च मुर बाक्त हना यो, मुर आन कुल मकोवथु, ठीक निसाफ पने। परस्थान २३:३,६; ब्यवस्था १६:१९,२०

१६गेपुकी मुर आन पर्वम जोल पा लोत्र मपमुने। गे इन नेक्था डा मुर कली साइक्चा ममालीन। गो परमपरभु यावे नड। परस्थान २३:७

१७गे इन लोक्ब कली काइ मदाक्ब मदुमीन। इन नेक्था डा मुर कली रिक्शा पा मोदंशो दूली गेय मपने द लोत्र पने। मो मपाइतीनी हना, गे पाप राइनीनी। मजने संगरह १४१:५; मत्ती १८:१५

१८गे इन मुर आन कली क्येक्क मलेतीन। ईख मकुरीन। तन्न इन नेक्था डा मुर कली आंम कली खोदंशो पा दाक्तीन। गो परमपरभु यावे नड। २राजा ६:२२; २इतिहास २९:९-१५; मत्ती ५:४३-४८; मत्ती २२:३९; लूका १०:२५-३७; यूहन्ना १३:३४; रोमी १३:९; गलाती ५:१४; याकूब २:८

१९गे आं फुल्लु मुशा बरेक्शो लोत्र पने। निक्शी खाल डा जन्तु, बस्तु भाव आन कली मब्याइक्तीन। इन रूमि निक्शी खाल डा वांचेर मशोक्कीन। गेपुकीमी निक्शी खाल डा श्येले ब्याइश्शा परोत्रशो वा मफक्सीन। ब्यवस्था २२:९-११

२०मिनु वॉइश मुर कामी वाइलीम दुम्शो मीश आल नु इप्त हना, मेको मीश आल चहिं अरु वॉइश मुर कली गेचा चिक्शो बाक्त हना, तन्न मग्याथ्यु, मपरांइथु बाक्त हना, मेको वॉइश मुर कली खोदील निदील पचा माल्लीम। मेको आस कली साइक्चा मदुम्ब। मारदे हना मेको मीश आल मपरांइशो बाक्त। परस्थान २१:७-११ २१तन्न मेको वॉइश मुरमी परमपरभु यावे आ डांइती गरुम्तीक ताम्बु आ ओवतीकम आ दोस आ पर्वम सांड का चढचा माल्व। २२मिनु चढबमी मेको आ दोस आ पर्वम सांड चढेशा परमपरभु यावे आ डांइती पाप क्याम्तीक गेय पचा माल्व। मोपा मेको आ पाप क्याम्तीक माफ ताइब दुम्ब। लेवी ५:१७-१८

२३मिनु गेपुकी मेको रागी जाक्दीश्शा, तेकोइ जचा दुम्ब फल फुल रवा खरुम्नीनु, बर्स सां सम्म मेको आन फल मजने। २४मिनु ४ बर्सम चहिं फल फुल नल्ले परमपरभु यावे कली ग्येरशो गेचा माल्लीनी। परमपरभु यावे कली ठेयब मान पचा कली बाक्ब। २५तन्न ५ बर्सम गेपुकीम मेको फल फुल जने चाप्नीनी। मिनु मेको रवा इन कली शुश सिप्ब दुम्नीम। गो परमपरभु यावे, इन परमपरभु नड।

२६गेपुकीमी तेकोइ चिक्ब, जन्तु, बी बयफ, क्यारश भडा आन श्ये हुश सुन्दा मब्वने। मिनु

गेपुकी लिंक्यु मकोवडीन। मिनु गेटुना मुना काड मपने। लेवी ३:१७; व्यवस्था १८:१०

२७ गेपुकीमी इन चां एर ओंथ मखरोतीन। मिनु इन गाल शोकरं आ सुर मखरोतीन। लेवी २१:२; व्यवस्था १४:१

२८ गेपुकी बेक्शो मुर आन पर्वम आम रां क्यारशा गार मसलीन। मिनु इन रांमी चिनु मसोपने। गो परमपरभु यावे नड।

२९ गेपुकीमी इन तमी आन कली तेल्लेम सेल्शा, गरांगरा दिशा मसलीन। गो पाइतीनी हना, रागी तेल्लेम बाक्तीक सोदंशो दुम्शा, गरांगरा दिशामी बरीब। व्यवस्था २३:१८; २२:३:१७

३० गो आं नाइक्तीक नाक्तीम नांइसीन। मिनु आं बाक्तीक ताम्बु कली मान पने। गो परमपरभु यावे नड। लेवी २६:२

३१ गेपुकी बेक्शो मुर रे लोत्र पाइब नु लिंक्यु कोत्रब कली 'वारच पाइक्की' दे आन बाक्तीक मलने। मेकोपुकी नु सल्ला पा, गे आम कली गरांगरा दिशा मसलीन। गो परमपरभु यावे, इन परमपरभु नड। लेवी २०:६; व्यवस्था १८:१०-११; १सा मुएल २८:१७

३२ गे स्वशा आ डोंइती बोक्कीन। खाल्पी खाल्पा आन कली मान पने। मिनु इन परमपरभु कली मान पा हिनीन। गो परमपरभु यावे नड।

३३ गेपुकी नु बाक्ब अर्का रागी डा मुर आन कली मदिपीन। परस्थान २२:२० ३४ गे मेको आन कली इन रागीम जरमशा मुर सोदंशो मिम्तीन। मेको आन कली आम कली सोदंशो पा दाक्तीन। मारदे हना गेपुकी यो इजीप्तमी अर्का रागी डा मुर दुम्शा बाक्शो बाक्तीनी। गो परमपरभु यावे, इन परमपरभु नड।

३४ गेपुकीमी पुक्नीनु, नाक्तीनीनु नु थाप्तीनीनु जोल मपने। ३६ इन नाक्तीकम तुला ठीक दुम्चा माल्ब। इन ढक ठीक दुम्चा माल्नीमी। मिनु इन पुक्तीके ठीक दुम्चा माल्नीमी। गो इन कली इजीप्त रे गरुडब परमपरभु यावे, इन परमपरभु नड। व्यवस्था २५:१३-१६; हितोपदेस ११:१

३७ गे आं फुल्लुम मुशा बरक्शो लोत्र नु आं पावो, दे अरेशो लोत्र नल्ल थुंम वोइश्शा, पचा माल्नीनी। मारदे हना गो परमपरभु यावे नड" दे परमपरभु यावेमी मोसा कली दंत।

काड मरिम्शो पशो कली सजाइ

१ मिनु परमपरभु यावेमी मोसा कली  
२० २ "गे लंशा इसराएली आन कली

'इसराएलीपुकी, मेको नु बाक्ब अर्का रागी डा मुरपुकी सुम आन आल मोलेक कली चढेनीमी, मेको आन कली साइक्चा माल्नीम। गरुम्तीक डा मुरपुकीम मेको कली फुल्लु आप्शा साइक्चा माल्नीम। ३ मेकोपुकीमी आन आल मोलेक कली चढेमेनु, आं बाक्तीक ताम्बु नु आं ठयब नं गरांगरा दिशा सल्लेकम। मोपतीक गो आम मेको आन कली बरांइचा मगेथु, आ मुर आन दाते रे क्याम्नुडमी। ४ मिनु मेको रागी डा मुरपुकीम आ आल मोलेक कली चढेब मुर कली तुइश्शा यो मसाइक्तेकम हना,

५ गो आम मेको नु आ खिं डा मुर आन कली बरांइचा मगेथु, मेको आन मुर आन दाते रे क्याम्नुडमी। मेको नु मेको आन नोले सोइक्ब मोलेक कली चढेब नल्ल आन कली क्याम्नुडमी।

६ सु मुर बेक्शो मुर रे लोत्र पाइब नु लिंक्यु कोत्रब आन कली "वारच पयो" दे आन बाक्तीक लाइबा, गो मेको कली बरांइचा मगेथु, आ मुर आन दाते रे क्याम्नुड। लेवी १९:३१

७ मोपतीक आं कली जिम्मा गंसीशा आं के दुमीन। मारदे हना गो परमपरभु यावे, इन परमपरभु नड। लेवी १९:२ ८ आं फुल्लुम मुशा बरक्शो लोत्र इन थुंम वोइश्शा टिन। गो परमपरभु यावे नड। गो इन कली आं सोदंशो सल्लुड।

९ सुमी आ आम आफ आस कली सराप पाइक्बा, मेको मुर कली साइक्चा माल्ब। आ आम आफ आस कली सराप पाइक्तीके साइक्चा पुंइसीब। परस्थान २१:१७

१० सुइ मुर अरु आन मीश नु इप्त हना, मेको पाइब निम्फा आस कली साइक्चा माल्ब। परस्थान २०:१४; २सामुएल ११:४; यूहन्ना ८:५

११ सु आ आफ आ मीश नु इप्बा, मेकोम आ आफ कली मुने तोक्ब। मेको निम्फा आस कली साइक्चा माल्ब। मेको साइक्चा पुंइसीनीस। लेवी १८:६-२३

१२ सु आ चाइमी नु इप्बा, मेको निम्फा आस कली साइक्चा माल्ब। मेको दूली पा मेको थम मरिम्शो बाक्ब। मेको साइक्चा पुंइसीनीस।

१३ सुइ मुर मीश मुर नु इप्शा सोदंशो पा वांइश मुर नु इप्त हना, मेको थम गरांगरा दितीक बाक्ब। मेको आस कली साइक्चा माल्ब। मेको थमा पा साइक्चा पुंइसीनीस।

१४ सु मुर ममा नु आ तमी निम्फा नु इप्वा, मेको काइ मरिम्शो बाक्व। मेको सां आन कली चोचा माल्ब। इन दातेमी मोदेंशो मरिम्शो मदुम्त।

१५ सुइ वॉइश मुर बस्तु भाव नु इप्त हना, मेको कली साइक्वा माल्ब। मिनु मेको बस्तु कली यो साइक्वा माल्ब।

१६ सुइ मीश मुर बस्तु भाव नु इप्त हना, मेको मीश मुर नु बस्तु निम्फा आस कली साइक्वा माल्ब। मेको साइक्वा पुंडसीनीस।

१७ सु मुर आ दिदी बहिनी, आ आम आ तमी कि आ आफ आ तमी नु इप्त हना, मेको थम मुने बाक्व। मेको निम्फा आस कली आस मुर आन दाते रे नेल्लेम तचा डा पा साइश्शा क्याम्चा माल्ब। मेकोमी आम आ समी नु इप्तीक सजाइ गेचा पुंडसीब।

१८ सुइ मुर रां बरोल्शो मीश मुर नु इप्त हना, मेको निम्फा आस कली आस मुर आन दाते रे साइश्शा क्याम्चा माल्ब। मारदे हना मेको वॉइश मुरुमी मीश मुर आ हुश यितीक ताप्तु। मिनु मीश मुरुमी चहिं आ हुश यितीक कांडताक्व। लेवी १५ : २४

१९ इन ममा आ लोक्व नु इन आफ आ समी नु मइपीन। मारदे हना मो पाइतीनी हना, आम खिं डा मुर कली मुने तोक्नीनी। मेको सजाइ ताइनीस।

२० सुइ मुरुमी आ बोडो, बकान्छा कि मामा आ मीश नु इप्त हना, मेकोमी आ बोडो, बकान्छा कि मामा कली मुने तोक्व। मेको सजाइ जचा पुंडसीनीस। मिनु आल मथिथु बेक्नीस।

२१ सुमी मुरुमी आ भोग्यु कि बाहारी चाक्वा, मेको ग्रांगरा दिशो बाक्व। मेकोमी आम लोक्व कली मुने तोक्व। मिनु आल मथिथु बेक्नीस।

२२ गपुकीमी आं फुल्लुम मुशा बरक्शो लोत्र नु आं पाबो, दे अरेशो लोत्र नल्ल तुइश्शा पचा माल्नीनी। मो मपाइतीनी हना, गो इन कली चाक्शो रागीमी इन कली उक्व पा ताइक्व। २३ गे इन डांइती खेरशो रागी रागी डा मुर आन पशो मपने। मेकोपुकीमी मोदेंशो नेल्ल पास्तेक्म। मोपतीके गो मेको आन कली तशा थम गरांगरा दीती। २४ तन्न गो इन कली मेको आन रागी इन के दुम्ब। गो इन कली गेनुड, देंती। मिनु मेको रागीम द्ध नु सुदो शश बाक्व। गो परमपरभु यावे, इन परमपरभु नड। मिनु गो इन कली रागी रागी डा मुर रे तिल्शा योव्रतन्नी। परस्थान १९ : ५-६

२५ मोपतीके गपुकीमी गरांगरा मदिशो नु गरांगरा दिशो जन्तु नु गरांगरा मदिशो नु गरांगरा दिशो चिक्व तुइश्शा तिल्वा माल्नीनी। गपुकीमी गरांगरा दिशो जन्तु, चिक्व नु खपीम गरशा गाक्व जन्तु रे आम कली गरांगरा दिशो मसल्सीन। मारदे हना मेको गरांगरा दिशो बाक्नीम, दे शंताक्ड। लेवी ११ :- २६ गपुकीमी गरांगरा दिशो क्यडा डान बाक्शो दुमीन। मारदे हना गो गरांगरा दिशो क्यडा डान बाक्शो परमपरभु यावे नड। मिनु गो इन कली आं मुर दुम्चा कली अरु मुर रे तिल्शा योव्रतन्नी।

२७ सु इन दातेमी वॉइश मुर कि मीश मुर बेक्शो मुर रे लोत्र पाइबा कि लिंक्यु कोव्रनीम, मेको आन कली साइक्वा माल्ब। मेको आन कली फुल्लु आप्शा साइक्वा माल्ब। मेको साइक्वा पुंडसीनीम' दे इसराएली आन कली शंदो" दे परमपरभु यावेमी मोसा कली देंत। परस्थान २२ : १७

चढ़ेब आन कली अरेशो लोत्र

२१ मिनु परमपरभु यावेमी मोसा कली "हारून आ तौ, चढ़ेब आन कली इन मुर बेक्तेक्म हना, गपुकी मेको बेक्शो मुर कली थिशा आम कली गरांगरा दिशो मसलीन। इजीकीएल ४४ : २५-२७ २ तन्न इन आम आफ, तमी तौ नु लोक्व, ३ कन्न दिदी बहिनी आन पर्वम ला आम इन कली गरांगरा दिशो सल्ल चानीनी। ४ मिनु गपुकीमी ग्युंब पा नक नाता डा मुर आन पर्वम आम कली गरांगरा दिशो सल्लवा मदुम्ब।

५ गे चढ़ेबपुकीमी रोंका पा, इन चां परक्वा, इन गाल शोकर आ सुर खरोइक्वा नु इन रों क्योरशा गार सल्लवा मदुम्नीनी। लेवी १९ : २७-२८ ६ इन परमपरभु कली ला गेय पाइब दुमीन। इन परमपरभु आ नें गरांगरा दिशो सल्ल मदुम्नीम। मारदे हना गपुकीमी परमपरभु यावे कली मीम चोशा चढ़ेतीके चढ़ेनीनी। मोपतीके गपुकी परमपरभु कली ला गेय पाइब बाक्नीनी।

७ गे चढ़ेबपुकीमी तेल्लेम मीश मुर, गरांगरा दिशो मीश मुर नु आ वॉइशमी परांइशो मीश मुर चाक्वा मदुम्ब। मारदे हना गपुकी परमपरभु आ मुर बाक्नीनी। ८ मिनु गे इसराएलीपुकीमी चढ़ेब आन कली परमपरभु आ गेय पाइब मिम्तीन। मारदे हना मेकोपुकी इन परमपरभु आ जचा चढ़ेनीम। मेकोपुकी इन पर्वम परमपरभु आ गेय पाइब दुम्शो बाक्नीम, दे मिम्तीन। मारदे हना

इन कली गरांगरा र डोन बाक्ब सल्ब, गो गरांगरा र डोन बाक्ब परमपरभु यावेमी इन कली आं सोदंशो सल्लुङ्।

१ मिनु चढेब आ तमीमी तेल्लेम पा आंम कली गरांगरा दिशो सल्लु हना, मकोमी आ आफ कली गरांगरा दिशो सल्ब। मको कली मीम चोशा साइक्चा माल्ब।

१० मिनु सु आंम लोकब आन दातेम ठेयब चढेब दुम्शो बाक्म, मिनु आ पियाम तेल लुकशो बाक्म नु ठेयब चढेब आ वा फक्चा कली तिल्लो बाक्म, मकोमी रांका पशा, आ पिया डा चां पूक्चा मदुम्ब नु आ वा साक्चा मदुम्ब। लेवी ८:१२; परस्थान २८:४१; परस्थान २९:७; लेवी १०:६; लेवी २१:२ ११ मकोमी बेक्शो मुर बाक्तीक लशा, आंम कली गरांगरा दिशो सल्लुवा मदुम्ब। मको आ आम आफ आ बेक्शो रां यो कोवथ लचा मदुम्ब। १२ मको परमपरभु यावे आ बाक्तीक ताम्बु र गरूचा मदुम्ब। मोदंशो पाप्तु हना, मकोमी आंम परमपरभु आ बाक्तीक गरांगरा दिशो सल्ब। मारदे हना मको परमपरभु आ तेल लुकशो मुर बाक्ब। गो परमपरभु यावे नङ्।

१३ मकोमी कन्ने मीश आल कली ला ग्युंबे पने चाप्ब। १४ आ वांइश बेक्शो मीश मुर, आ वांइश परांइशो मीश मुर, गरांगरा दिशो कि तेल्लेम मीश मुर चाक्ने मचाप्ब। मिनु मकोमी आ जात डा कन्ने मीश आल ग्युंबे पचा माल्ब। १५ मगराचा डा मीश मुर नु ग्युंबे पा, आंम जात नु आंम तमी तौ आन कली गरांगरा दिशो सल्लुवा मदुम्ब। मारदे हना गो परमपरभु यावे नङ्। गो मको कली आंम मुर सल्ला' दे शंदो' दे परमपरभु यावेमी मोसा कली देत।

१६ मिनु परमपरभु यावेमी मोसा कली १७ 'गे हारून कली 'इ तमी तौ, चच युइ आन दातेमी गुइ खोइल कुंजे नु दूली मुर आंम परमपरभु कली चढेब दुम्ने मचाप्ब। १८ मारदे हना सुइ दूली मुर, मिक्च मताइब, खोइल मदुक्ब, आ कुल कि रां बिगरेशो कि खोइल का लाइशो मुर परमपरभु आ डोंइती जाक्चा मदुम्ब। १९ गुइ जिक्शो, खोइल जिक्शो, २० कुपेर, बामन्ने, मिक्च रोइ पशो, रक सुतीक रोइ पशो, लुतो पशो कि आ गडा ठीक मदुम्शो मुर आं परमपरभु आ डोंइती जाक्ने मचाप्ब। २१ चढेब हारून आ तमी तौ चच युइ सु दूली दुम्शो बाक्म, मको परमपरभु यावे कली चोशा चढेतीक चढेने मचाप्ब। मारदे हना मको दूली बाक्ब। मकोम आंम परमपरभु कली जचा थोत्रक चढेचा मदुम्ब। २२ मकोमी आंम

परमपरभु कली चढेशो नु चोवसो नु थम चोवसो जचा थोत्रक चहिं जने ब्वने चाप्ब। २३ तन्न मको फारशो वा नु चढेतीक आ नेक्था जाक्चा मदुम्ब। मारदे हना मको दूली मुर जाक्शा, आं बाक्तीक ताम्बु गरांगरा दिशो मसल्ल। गो परमपरभु यावे नङ्। गो मको आन कली मको आं के सल्लुङ्' दे शंदो' दे परमपरभु यावेमी मोसा कली देत।

२४ मिनु मोसामी हारून, मको आ तोपुकी नु इसराएली नेल्ल आन कली एको लाव नंपाइक्तीमी।

सुमी चढेतीक र जने ब्वने चाप्ब

१ परमपरभु यावेमी मोसा कली २ 'गे हारून २२ नु आ तो आन कली मार शंचा माल्लेवे दंशा हना, 'इसराएलीपुकीमी आं कली चढेशो थोत्रक आन पर्वम होस पा बाक्कीन। मिनु आं नं कली गरांगरा दिशो मसलीन। गो परमपरभु यावे नङ्' दे शंचा माल्लेवे' दे परमपरभु यावेम मोसा कली देत।

३ मिनु मोसा कली 'गो परमपरभु यावे नङ्। गो मको आन कली 'इन तौ, चच युइ आन पाला डा तेकोइ मुर गरांगरा दिशो दुम्शा, इसराएलीपुकीमी परमपरभु यावे कली चढेशो थोत्रक आन नेक्था जाक्तेक्म हना, मको मुर आं डोंइती र तिल्लुवा पुंइसीब। गो परमपरभु यावे नङ्।

४ मिनु हारून आ तौ, चच युइ आन दातेमी सुइ कुशुल डा रोइ नु गरांगरा यितीक पशो बाक्तेक्म हना, मको गरांगरा मदिशो सम्म आं कली चढेशो मारदे थोत्रक जचा ब्वचा मदुम्ब। सुइमी बेक्शो मुर के कि बिउ यिशो मुर र गरांगरा दिशो दुम्शो मुर कली थोबा, लेवी १३:१५ :- ५ कि खपीम गरशा गाक्ब जन्तु कली थिशो गरांगरा दिशो दुम्शो मुर थोबा, कि मार मार आ पर्वम गरांगरा दिशो बाक्त हना, ६ मको मुर नां मरिक्म सम्म गरांगरा दिशो बाक्ब। मकोमी मचिक्स सम्म ला आं कली चढेशो जचा ब्वचा मदुम्ब। लेवी ११ :- ७ मोदंशो मुर नां रिक्म नोले ला गरांगरा मदिशो दुम्ब। मिनु नोले मकोमी आं कली चढेशो थोत्रक जने ब्वने चाप्ब। मारदे हना मको आं कली चढेशो आ जचा ब्वचा थोत्रक बाक्ब। ८ मिनु बेक्शो, ब्वाकी डा जन्तुपुकीम कराइशो साइशो जन्तु, बस्तु भाव कली ब्वचा मदुम्ब। मोदंशो पाप्तु हना, मको मुर गरांगरा दिशो सल्लुबीब। गो परमपरभु यावे नङ्। लेवी ७:२४

१ चढ़ेबपुकीमी आं देशो टिचा माल्नीम। मो मपाप्तेक्म हना, मेकोपुकीमी आं देशो मटितेक्म हना, मेकोपुकी दोस तशा आं बाक्तीक ताम्बुमी बक्नीम। मिनु गो मेको आन कली आंम आं मुर सेल्ब परमपरभु यावे नङ।

१० मिनु अर्का रागी डा मुर नु चढ़ेब आ खिम पौना बाक्शो कि गाल्ब ताइब मुर आं कली चढ़ेशो थोत्रक जचा ब्वचा मदुम्ब। ११ तन्न चढ़ेबमी क्यट थाप्शा ग्याप्शो मुर नु मेको आ खिम जरमेशो मुर चढ़ेब आ भाग रे जचा ब्वचा दुम्ब। १२ मिनु चढ़ेब आ तमी अर्का खिं डा मुर नु ग्युंब पशो बाक्त हना, परमपरभु कली चढ़ेशो जचा ब्वचा मदुम्ब। १३ तन्न चढ़ेब आ तमी आ वांइश बेक्शो कि परोइचा पुंडसीशो बाक्त हना, आ तमी तौ मदुम्बु, आ आफ आ खिं लेत्त हना, आ आल ना डा खोदेशो पा आन आफ आ भाग डा चढ़ेशो रे जने ब्वने चाप्ब। तन्न अर्का खिं डा मुर मेको जचा ब्वचा मदुम्ब।

१४ मिनु मरुम मतुइक्थु परमपरभु कली चढ़ेशो रे जाप्तु हना, मेकोमी चढ़ेब कली मेको आ जशो क्यडा ५ भाग तेम्शा, परमपरभु कली चढ़ेशो खोदेशो पा चढ़ेब कली लेत्वा माल्ब। लेवी ५ :१६ १५ मोपा सुइमी इसराएली आन परमपरभु यावे कली चढ़ेशो थोत्रक गरांगरा सेल्वा मदुम्ब। १६ मोदेशो परमपरभु कली चढ़ेशो जशो मुर दोस ताइनीम। मिनु मेकोमी गारशा आ पर्वम चढ़ेतीक चाक्चा माल्ब। मारदे हना मेकोमी परमपरभु यावे कली चढ़ेशो जाप्तु ब्याप्तु। गो परमपरभु यावे नङ। मिनु गो मेको कली आंम आं मुर सेल्ता 'दे शंदो' देत।

१७ मिनु परमपरभु यावेमी मोसा कली १८ 'गे हारून, आ तौपुकी नु इसराएली नेल्ब आन कली इसराएली आन दातेमी मुर का कि इसराएलम बाक्ब अर्का रागी डा मुरुमी ग्येरशा परमपरभु यावे कली चढ़ेतीक चाशा चढ़ेशो खोदेशो परमपरभु यावे कली चढ़ेचा दाक्ताक्व हना, १९ मिनु परमपरभु आ डांइती बरचा डा पा मेकोमी मारइ मदुम्बो थम रिम्शो ब्यफ, सांड कि बोका चढ़ेचा माल्ब। २० गार पाइइशो बस्तु चढ़ेचा मदुम्ब। मारदे हना मेको मबरचा डा बाक्नीम। ब्यवस्था १५ :२१; ब्यवस्था १७ :१; मलाकी १ :८

२१ मिनु मुर कामी दुशा बाक्चा आ पर्वम चढ़ेतीके परमपरभु यावे कली चढ़ेशो, आ पशो कसम खबानु, ग्येरशा परमपरभु यावे कली चढ़ेतीके, खोदेशो पा, मेको बरचा डा दुम्पाइक्चा

कली आ हुल रे मारइ मदुम्बो थम रिम्शो बस्तु चढ़ेचा माल्ब। २२ मिनु गेपुकीम परमपरभु यावे कली मिक्च मताइब, गार दुम्बो, आन रां बिगरेशो, गरांगरा यितीक पाइब, कुशुल रोइ पाइब कि लुतो पाइब बस्तु भाव चढ़ेचा मदुम्ब। मोदेशो मीम चाशा चढ़ेचा कली परमपरभु यावे कली चढ़ेतीकेमी वाइक्चा मदुम्ब। २३ मिनु गेपुकीमी लाइइशा खोइल पाइइशो ब्यफ कि भेडा चहिं ग्येरशा चढ़ेतीक चढ़ेतीनी हना दुम्ब। तन्न कसम जशानु, इन चढ़ेतीके मबरचाइब दुम्ब। २४ तेको ब्यफ, क्यारशा भेडा खर्सी पशो गार सेल्शो नु चेइशो बाक्बा, मेको परमपरभु यावे कली चढ़ेचा मदुम्ब। इन रागीम मो पचा मदुम्ब। २५ गेपुकीमी मोदेशो बस्तु भाव अर्का रागी डा मुर रे ग्याप्शा ताक्शा इन परमपरभु कली जचा थोत्रक चढ़ेचा मदुम्ब। मेको आन रां बिगरेशो नु गारम पतीके इन पर्वम मबरतीक दुम्ब 'दे शंदो' दे परमपरभु यावेमी मोसा कली देत।

२६ मिनु परमपरभु यावेमी मोसा कली २७ "बाच्छा, भेडा पाठा कि क्यारशा पाठा जरमेशो, मेको ७ नाक्त सम्म आ ममा नु बाक्चा माल्ब। मिनु मेको कली ८ नाक्त रे चाशा चढ़ेशोनु, परमपरभु यावेमी बराइब। परस्थान २७ :२९ २८ तन्न गेपुकी बी नु आ चाइक्ब कि भेडा नु आ पाठा काबुमी क्योरचा मदुम्ब। ब्यवस्था २२ :६-७

२९ गेपुकीमी परमपरभु यावे कली 'गे रिम्शो पाइब बाक्नीनी' दे चढ़ेशो चढ़ेनीनु, मेको इन पर्वम बरचा डा पा चढ़ेन। लेवी ७ :१५ ३० मेको चढ़ेशो नाक्ती मेको कली ब्वने। आ दीसा सुनी सम्म मारइ महं'चा। गो परमपरभु यावे नङ।

३१ मिनु गेपुकीमी आं शंतीक तुइइशा टिन। गो परमपरभु यावे नङ। ३२ गे आं गरांगरा रे डांन बाक्शो नं गरांगरा दिशो मसेलीन। मोपतीक गो इसराएली आन दातेमी का ला ठेयब दुम्ती। गो परमपरभु यावे नङ। मिनु गो इन कली आंम आं मुर सेल्ता। लेवी २२ :१,१६ ३३ मिनु इन परमपरभु दुम्बचा कली गो इन कली इजीप्त रागी रे गरुइताक्क। गो परमपरभु यावे नङ, 'दे शंदो' देत।

सन्चरबार नाइक्तीक नाक्ती

२३ १ मिनु परमपरभु यावेमी मोसा कली २ 'गे इसराएली आन कली 'परमपरभु यावे आ देशो पचा माल्बो चाड परमपरभु यावे के बाक्नीम। मिनु गे मेको पचा माल्नीनी।

३गे ६ नाक्ती सम्म गेय पचा माल्नीनी। तन्न ७ नाक्त चहिं थमा पा नाइक्तीक नाक्ती बाक्शा, परमपरभु यावे केन बाक्ब। गे मारइ गेय मपने। इन बाक्तीक नेल्लेमी परमपरभु यावे आ नाइक्तीक नाक्ती बाक्ब” दंत। परस्थान २० :८-११

पास्सा चाड आ पर्वम अरेशो

४ मिनु परमपरभु यावेमी लेंशा, मुर आन कली शेंचा, दे मोसा कली “परमपरभु यावे आ देशो पचा माल्शो चाड आ चाड बाक्नीम। आ देशो नाक्ती मानेचा माल्नीनी। परमपरभु यावे आ चाडपुकी मार बाक्नीम देशा हना, परस्थान २३ :१४-१९, ५ डोंडती डा महिना डा १४ नाक्ती नाक्नाक्दो पास्सा चाड डा परमपरभु यावे कली चढेतीक गेय पचा माल्नीम। परस्थान १२ :- ६मेको महिना डा १५ नाक्ती परमपरभु यावे कली बोरब ओस्ती मसुप्शो शोब्ले जतीक चाड बाक्ब। गेपुकीमी ७ नाक्त सम्म बोरब ओस्ती मसुप्शो शोब्ले जचा माल्नीनी। ७ डोंडती डा नाक्ती आं पर्वम गरुम्तीक नाक्ती दुम्चा माल्ब। मेको नाक्ती मारइ गेय मपने। ८ मिनु ७ नाक्त सम्म गेपुकीमी परमपरभु यावे कली मी चोशो चढेतीके चढेचा माल्नीनी। मेको आ ७ नाक्ती लेंशा परमपरभु यावे आ पर्वम गरुम्तीक दुम्चा माल्ब। मेको नाक्ती गेपुकीमी मारइ गेय मपने” दंत। परस्थान १३ :६

डोंडती मीशो बाली नाली

९ मिनु परमपरभु यावेमी मोसा कली १० “गे इस्राएली आन कली इन कली गेशो रागीम जाक्दीश्शा, मेकर डा बाली नाली सुप्तीनीनु, गेपुकीमी डोंडती डा रिक्शो बाली मुठा का चढेब आन कली चाक्कीन। ११ मेकोमी अन्न मुठा परमपरभु यावे आ डोंडती क्युकशा हिम्चा माल्ब। मो पाइतीनी हना परमपरभु यावेमी इन कली ब्राइब। नाइक्तीक नाक्ती आ दीसा चढेबमी मेको क्युकशा हिम्चा माल्ब। १२ मेको क्युकशा हिम्शो नाक्ती गेपुकीमी परमपरभु यावे कली बर्स का दुम्शो मारइ मडुम्शो थम रिम्शो सांड चोशा चढेचा माल्नीनी। १३ मेको नु अन्न चढेतीक चढेचा माल्नीनी। मेको अन्न चढेतीक चहिं तेलम निशो एफाह के २० भाग थम रिम्शो फस दुम्चा माल्ब। मेको परमपरभु यावे कली आ दाक्शो बरोव्रशो रिना पाइश्शो मीम चोशा चढेतीके बाक्ब। मेको नु तूचा थोव्रक चढेतीक

हिन का डा ४ भाग सल्ल्शो रे भाग का अडगुर शांबु चढेचा माल्नीनी। एफाह पुक्तीके का बाक्ब। एफाह का २२ लिटर रिक्ब। मेको क २० भाग ४.४ लिटर बाक्ब। लोग आइक्च पुक्तीके का बाक्ब। मेको ०.३ लिटर रिक्ब। हिन अर्की पुक्तीक का बाक्ब। हिन का ४ लिटर सोदंशो रिक्ब। हिन का ४ भाग सल्ल्शो रे भाग का लिटर का सोदंशो बाक्ब। १४ मेको नेल्ल परमपरभु कली चढेतीक नाले ला शोब्ले, कारशो अन्न नु गिगी बाला मारइ जने चाप्नीनी। मेको गेपुकी ते बाक्तीनी हना यो, एको गेना हना यो नेल्ले पाला सम्म पतीक बाक्ब।

७ हप्ता नाले डा चाड

१५ मिनु नाइक्तीक नाक्ती आ दीसा, गे अन्न आ मुठा क्युकशा हिम्शा चढेतीक नाक्त रे गेपुकीमी ७ हप्ता हिक्चा माल्नीनी। गन्ती २८ :२६-३१; ब्यवस्था १६ :९-१२ १६ मिनु गेपुकीमी ७ हप्ता आ दीसा, ५० नाक्त सम्म हिक्चा माल्नीनी। मेको नाक्ती गेपुकीम परमपरभु यावे कली नक अन्न चढेचा माल्नीनी। १७ गेपुकीमी आंम इन सिं रे शोब्ले निक्शी क्युकशा हिम्शा चढेचा कली माल्नीनी। मेको शोब्ले का एफाह का के २० भाग थम रिम्शो फस रे बोरब ओस्ती सुप्शु चोशा सल्ल्शो दुम्चा माल्ब। मेको डोंडती मीशो अन्न के परमपरभु यावे कली चढेतीक बाक्ब। एफाह पुक्तीके का बाक्ब। एफाह का २२ लिटर रिक्ब। मेको क २० भाग ४.४ लिटर सोदंशो बाक्ब। १८ मेको शोब्ले नु बर्स का गाप्शो ७ ओटा मारइ मडुम्शो थम रिम्शो पाठा नु ब्यफ का नु सांड निक्शी चढेचा माल्नीनी। मेको अन्न चढेतीक नु तूचा थोव्रक चढेतीके परमपरभु यावे कली आ दाक्शो बरोव्रशो रिना पाइश्शो मीम चोशा चढेतीक बाक्ब। १९ मिनु गेपुकीमी पाप आ पर्वम चढेचा कली बोका का नु दुशा बाक्चा आ पर्वम चढेचा कली बर्स का गाप्शो सांड निक्शी यो चढेचा माल्नीनी। २० मिनु चढेबमी परमपरभु यावे कली डोंडती नक मीशो अन्न के शोब्ले नु सांड निक्शी क्युकशा हिम्शा चढेचा माल्ब। मेको चढेब आ भाग दुम्चा कली परमपरभु यावे कली गेशो बाक्नीम। २१ मेको नाक्त इन कली ठेयब गरुम्तीक नाक्त बाक्ब, दे गेपुकीमी नेल्ले आन कली नैपाइक्चा माल्नीनी। गेपुकीमी मारइ गेय मपने। मेको

गोपुकी ते बाक्तीनी हना यो, एको गेना हना यो नेल्ल पाला सम्म पतीक बाक्ब।

२२ मिनू गोपुकीमी इन बाली नाली रिक्तीनु, रू आ कुना कुना सम्म मरिक्कीन। गोपुकीमी इन रू डा सिला बाला यो मगुपीन। गोपुकीमी इन दाते डा पुरुडग नु अर्का रागी डा मुर आन पर्वम पुरोनीन। गो परमपरभु यावे, इन परमपरभु नड' दे शं'चा माल्लेवे" दंत। लेवी १९:१-१०

### नाइक्तीक डा चाड

२३ मिनू परमपरभु यावेमी मोसा कली २४ "इसराएली आन कली ७ महिना डा डोंइती डा नाक्ती गे नाइक्चा माल्लीनी। गे परमपरभु यावे आ पर्वम गरुम्शा, मेको नाक्त मिम्चा कली तुराही ताप्चा माल्लीनी। गन्ती २९:१-६; गन्ती १०:१० २४ गोपुकीमी मेको नाक्त मारइ गेय मपने। मिनू परमपरभु यावे कली मीम चोशा चढ्देतीके चढ्देन" दे शं'चा माल्लेवे" दंत।

### पाप क्याम्तीक नाक्ती डा चाड

२६ मिनू परमपरभु यावेमी मोसा कली २७ "मेको ७ महिना डा १० नाक्त पाप क्याम्तीक नाक्त बाक्ब। मेको नाक्ती गोपुकीमी परमपरभु यावे आ पर्वम गरुम्चा माल्लीनी। गोपुकी मेको नाक्त माइजा बाक्चा माल्लीनी। मिनू गोपुकीमी परमपरभु यावे कली मीम चोशा चढ्देतीक चढ्देचा माल्लीनी। लेवी १६:- २६ मेको नाक्त मारइ गेय मपने। मारदे हना मेको पाप क्याम्तीक नाक्त बाक्ब। मेको नाक्ती परमपरभु यावे, इन परमपरभु आ डोंइती इन पर्वम पाप क्याम्तीक गेय पतीक नाक्ती बाक्ब। २९ मिनू सु मेको नेल्ल नाक्ती माइजा मबाक्बा, मेको आ मुर आन दाते रे साइक्चा पुंडसीब। ३० मिनू सुइमी मेको नाक्त मारइ गेय पाम्तेकम हना, गो मेको आन कली साइक्नुड। ३१ गोपुकीमी मेको नाक्त मारइ गेय मपने। गोपुकी ते बाक्तीनी हना यो, मेको गेना हना यो इन पतीक बाक्ब। ३२ मेको नाक्त इन कली थमा पा नाइक्तीक नाक्त बाक्ब। मिनू मेको नाक्त गोपुकी माइजा बाक्चा माल्लीनी। मेको महिना डा ९ नाक्त डा नां रिक्म रे आ दीसा नां रिक्म सम्म गोपुकी माइजा बाक्शा नाइक्चा माल्लीनी, दे शं'चा माल्लेवे" दंत।

### गोठ सेल्शा बाक्तीक चाड

३३ मिनू परमपरभु यावेमी मोसा कली ३४ "गे इसराएली आन कली ७ महिना डा १५ नाक्त

रे ७ नाक्न सम्म परमपरभु यावे आ डोंइती गोठ सेल्शा बाक्तीक चाड मानेचा माल्लीनी। ३५ मेको आ डोंइती डा नाक्ती परमपरभु यावे आ पर्वम गरुम्चा माल्लीनी। गोपुकी मेको नाक्त इन गेय मपने। ३६ मिनू गोपुकीमी ७ नाक्त सम्म परमपरभु यावे कली मीम चोशा चढ्देतीक चढ्देन। मिनू गोपुकीमी आ दीसा परमपरभु यावे आ पर्वम गरुम्तीक नाक्ती मानेन। मिनू परमपरभु यावे कली मीम चोशा चढ्देन। मेको ठेयब गरुम्तीक नाक्ती बाक्ब। मिनू गोपुकीम मेको नाक्त इन गेय काइ मपने। यूहन्ना ७:३७

३७ मिनू परमपरभु यावे आ देशो ठेयब गरुम्तीक डा मानेचा माल्लो चाड तेको बाक्नीम देशा हना, मेको नाक्ती गोपुकीमी परमपरभु यावे कली मीम चोशा चढ्देतीके, अन्न चढ्देतीके, क्योरशा चढ्देतीके नु त्चा थोत्रक चढ्देतीके ठीक नाक्ती चढ्देचा माल्लीनी। ३८ मेको क्येडा परमपरभु यावे आ नाइक्तीक नाक्ती डा, इन दाक्शा गतीक थोत्रक, इन कबल पशा गतीक थोत्रक नु इन ग्येरशा गेशो थोत्रक परमपरभु यावे कली चढ्देचा माल्लीनी। ३९ मिनू ७ महिना डा १५ नाक्ती आंम रू डा अन्न खुप्शो नाले गोपुकीमी ७ नाक्त सम्म परमपरभु यावे आ चाड मानेचा माल्लीनी। डोंइती डा नाक्त नु ८ नाक्ती थमा पा नाइक्चा माल्लीनी। ४० डोंइती डा नाक्ती गोपुकीमी रवा आन रिम्शो फल फुल, खजूर रवा आन राशी, शुश सफा पाइश्शो रवा आन राशी नु अरु खोलामी बाक्शो रवा आन राशी चाक्शा, गे परमपरभु यावे, इन परमपरभु आ डोंइती ७ नाक्त सम्म ग्येरसीन। नेहम्याह ८:१४-१६ ४१ गोपुकीमी बर्सम ७ नाक्त सम्म एको चाड मानेशा, परमपरभु यावे कली ठेयब सेल्चा माल्लीनी। गोपुकी ७ महिनामी एको चाड मानेचा माल्लीनी। एको इन कली गेना हना यो पतीक बाक्ब। ४२ गे ७ नाक्त सम्म गोठीमी बाक्कीन। इसराएल डा मुर नेल्ल गोठीम बाक्चा माल्लीम। ४३ गो इन कली इजीप्त रे गरुंडशा चाक्नीनु, गोठीम बाक्पाइश्शो नड, दे इन चच युइपुकीम तुइक्चा माल्लीम। गो परमपरभु यावे, इन परमपरभु नड' दे शं'दो" दंत।

४४ मिनू मोसामी परमपरभु यावे कली मानेचा माल्लो चाड मुर नेल्ल आन कली नेपाइक्तीमी।

### बत्ती नु शोष्ते

२४ १ मिनू परमपरभु यावेमी मोसा कली २ "गे इसराएली आन कली 'बत्ती गेना हना यो

बरपाइशशा वोइक्चा कली गेपुकीमी तेल रवा आ फल र तुप्शा सल्शो तेल चाक्कीन। प्रस्थान २७:२

३मिनु हारूनमी बत्ती कली गूरुस्तीक ताम्बु आगा, फारशा वा आ डांडती वोइक्चा माल्ब। मको परमपरभु यावे आ डांडती नाक्दो र सुनी सम्म गेना हना यो बरचा माल्ब। मको इन कली गेना हना यो पतीक बाक्ब। ४मकोमी परमपरभु यावे आ डांडती क्येस सुन के सल्शो बत्ती दातीक तारी गेना हना यो वोइक्चा माल्ब।

५गे रिम्शो फस चाक्शा, बार ओटा शोब्ले चोवो। शोब्ले का एफाह का के २० भाग थम रिम्शो फस के दुम्चा माल्ब। एफाह पुक्तीक का बाक्ब। एफाह का २२ लिटर रिक्ब। मको के २० भाग ४.४ लिटर खोदंशो बाक्ब। प्रस्थान २५:३० ६मको शोब्ले परमपरभु यावे आ डांडती क्येस सुन के टबल आ तार ६, ६ ओटा खरोप्शा वोइक्चा माल्ब। ७मको निक्शी खरोप्तीकेमी का का पा रिम्शो धूप वोइक्चा माल्ब। मिनु मको शोब्ले आ पा डा मको धूप मीम चोशा परमपरभु यावे कली चढेचा माल्ब। ८मोपा हारूनमी नेल्ल नाइक्तीक नाक्ती मको शोब्ले कली परमपरभु यावे आ डांडती वोइक्चा माल्ब। मको इसराएली आन कली मको गेना हना यो पतीक नु लीब कबल बाक्ब। ९मको शोब्ले हारून नु आ तौ चच आन कली बाक्नीम। मकोपुकीमी मको शोब्ले चोवखा बाक्तीकेमी बाक्शा जचा माल्नीम। मारद हना मको शोब्ले परमपरभु यावे कली मीम चोशा चढेशे र नेल्ल क्येडा चोवखा हारून नु आ तौ चच आन भाग बाक्ब दे अरवो” दंत।

### परमपरभु कली शुक्शी पाइब

१०मिनु इजीप्ती आफ नु इसराएली ममा पाइशशा मुर का बाक्माक्त। मको मुर इसराएली आन दातेमी जाक्शा, इसराएली का नु तुम्मुसा बाक्त। ११मिनु मको इसराएली ममा आ तोमी परमपरभु यावे आ नें थिशा, सराप पवा बाक्त। मिनु मुरपुकीमी मको कली मोसा आ बाक्तीकेम चाक्गम बाक्त। मको आ ममा आ नें शेलोमीथ बाक्माक्त। मिनु मको दान आ थर डा दिबरी आ तमी बाक्माक्त। १२मिनु मको मुर कली चाक्शा, परमपरभु यावे आ मिम्शो मतुइक्तम सम्म चोक्शा वोदम बाक्त। गन्ती १५:३४

१३मिनु नोले परमपरभु यावेमी मोसा कली १४“मको सराप पाइब कली मुर आन बाक्तीक र

लाडगा गरुंडदीन। मिनु मको आ नेक्था बाक्ब मुर नेल्लेमी मको आन गुइ आ पिया तारी वोइक्चा माल्नीम। मिनु मको नोले नेल्लेमी मको कली फुल्लु आप्शा साइक्चा माल्नीम। गन्ती १५:३६; ब्यवस्था १५:५; पररित ७:५६ १५मिनु गे इसराएली आन कली सुम आ परमपरभु कली सराप पाइबा, मको आ पाप राइब। १६परमपरभु यावे आ नें आ पर्वम मरिम्शो लोत्र पाइब साइक्चा पुंडसीब। इसराएल डा मुर बाक्त हना यो, अर्को रागी डा मुर बाक्त हना यो, सुम परमपरभु यावे आ नें आ पर्वम मरिम्शो लोत्र पाइबा, मको साइक्चा पुंडसीब। प्रस्थान २०:१७; मती २६:६५-६६

१७सुमी मुर का कली साइक्चा, मको साइक्चा पुंडसीब। प्रस्थान २१:१२ १८सुइमी बस्तु भाव कली तुप्शा साइक्कु हना, मको आ पा डा अरु गेचा माल्ब। बरोइशो बस्तु आ पा डा बरोइशो बस्तु गेचा माल्ब। प्रस्थान २१:३३-३७ १९सुइमी आ नेक्था डा मुर कली आ खोइल जिक्ताक्व हना, मको यो आ खोइल जिक्चा पुंडसीब। २०जिक्तीक आ पा डा जिक्तीक, मिक्च आ पा डा मिक्च, खरुइ आ पा डा खरुइ, सुमी सु कली मार पाइबा, मको यो मो पाइक्चा पुंडसीब। मको कली यो मो पाइक्चा माल्ब। प्रस्थान २१:२३-२५ २१सुइमी बी ब्यफ, क्यारश भेडा आन कली तुप्शा साइक्कु हना, मको आ पा डा अर्को गेचा माल्ब। तन्न मुर साइक्ब कली चहिं, साइक्चान माल्ब। २२आंम रागी डा मुर नु अर्को रागी डा मुर आन पर्वम खाल का डा एन कानुन दुम्चा माल्ब। मारद हना गो परमपरभु यावे, इन परमपरभु नड दे शेचा माल्नेवे” दंत। लेवी १९:३४; प्रस्थान १२:४९

२३मिनु मोसामी इसराएली आन कली मको लोत्र शंदीमी नोले मकोपुकीमी मको सराप पाइब कली मुर आन बाक्तीक र गरुंडशा, फुल्लु आप्शा साइक्तेकम। मिनु परमपरभु यावेमी मोसा कली अरेशो खोदंशो पा इसराएली नेल्लेमी पास्तेकम।

### नाइक्तीक बर्स

२५ १मिनु परमपरभु यावेमी सीने डांडामी मोसा कली २“गे इसराएली आन कली गेपुकी गो इन कली गेशो रागीमी जाक्दीन्नी नोले मको रागी यो परमपरभु यावे आ नेंमी नांडसीचा माल्ब। ३गे ६ बर्स सम्म आंम रुम मार मार शोक्चा खरुम्चा माल्नीनी। ६ बर्स सम्म

इन अडगुर रू डा बोट आन मसिश्शो राशी खरोइश्शो ताइक्चा माल्लीनी। मिनु मेको आ अडगुर सुप्चा माल्लीनी। परस्थान २३:१०-११ ५तन्न ७ बर्सम रू नल्ले परमपरभु यावे आ बर्सम नाइक्चा माल्व। गेपुकीमी ७ बर्सम इन रूम मारइ मशोकचा मखरुम्चा। मिनु अडगुर बोट आ फल मसिष्व राशी यो मखरतीन। ५इन रूमी आंमा वाशो मारइ मारइ सुप्चा मदुम्ब। मखरोइश्शो अडगुर बोट आ फल सुप्चा मदुम्ब। मेको रू कली थम नाइसीतीक बर्स दुम्बा माल्व। ६मेको रू नाइस ना आंमा सिश्शो मारइ मारइ जन चाप्नीनी। मिनु इन वाइलीम वाइल नु गे नु बाक्ब इन थाप्शो गेय पाइबपुकीमी जने चाप्नीमी। ७मेको रूमी वाशो, इन बस्तु भाव नु ब्याकी डा जन्तु आन कली व्यतीक दुम्ब।

### डॉइती डा खोदंशो सेल्ल्तीक बर्स

८मिनु गेपुकीमी ७ नाइक्तीक बर्स मानेनी नोले, मिनु ४९ बर्स दुम्बा, ९मिनु ७ महिना डा १० नाक्ती पाप क्याम्तीक नाक्त बाक्ब। मेको नाक्ती इन रागी नल्लेमी तुराही ताप्पाइक्चा माल्लीनी। लेवी २३:२७ १०मिनु ५० डा बर्स परमपरभु यावे आ बर्स बाक्ब। मिनु गे रागी डा मुर नल्ल आन कली आन डॉइती डा अधिकार लेंशा ताइनीम, दे नंपाइक्चा माल्लीनी। मेको इन कली प्रांइतीक बर्स बाक्ब। मिनु मुर नल्ल आन आन सिं नु आन आन बाक्तीक लेन्ने चाप्नीम। यसेया ६१:२; लूका ४:१९ ११मेको ५० बर्स इन कली डॉइती डा खोदंशो पा लेंशा सेल्ल्तीक बर्स बाक्ब। मेको बर्स गेपुकीमी मारइ मशोककीन, मखरुमीन। आंमा वाशो बाली नाली मरुप्चा। अडगुर बोट आन ममुंइशो राशीम सिश्शो अडगुर मखुप्चा। १२मारदे हना मेको प्रांइतीक बर्स बाक्ब। मेको परमपरभु यावे आ बर्स दुम्ब। गेपुकीमी रूम आंमा वाशो, आंमा सिश्शो ला जन।

१३मेको प्रांइतीक बर्समी मुर नल्ल आन आन रू नु सिं लेत्वा माल्लीम।

१४मिनु आंम नेक्था डा मुर नु ग्याप्तीक लेयतीक गेय पनीनु, मठगपामुने। १ थिस्सलानिकी ४:६ १४ग इन नेक्था डा मुर र रू का ग्याप्तीवी हना, मेको प्रांइतीक बर्स जाक्चा गिश बर्स लीनीम, दे हिक्शा ला ग्यापीन। १६गिश बर्स लीनीमी मेको कोव्रशा गेपुकीमी आ क्येट बारपाइक्चा माल्लीनी।

मिनु इक्का बर्स ला लीतेक्म हना, क्येट तोक्चा माल्लीनी। मारदे हना अन्न खुप्तीक बर्स कोव्रशा, मेको रू लेयशो बाक्ब। १७गेपुकी आंम आंमा मठगपामुने। तन्न परमपरभु क्येडा हिनीन। मारदे हना गो परमपरभु यावे, इन परमपरभु नड।

१८गेपुकीमी आं फुल्लुम मुशा बरेक्शो लोव्र तुइश्शो पचा माल्लीनी। आ पावा, दे अंरशा लोव्र टिन। मोपा ला गे मेको रागीमी रिम्शो पा बाक्ने चाप्नीनी। लेवी २६:५; १राजा ५:५ ११मिनु रागीमी अन्न गरल्व। गेपुकी जचा तूचाम श्यत मजाइनीनी। मिनु मेको रागीमी महिंथु थुं नाइश्शो बाक्चा ताइनीनी। २०गेपुकीमी अन्न मशोकथु मखुप्थु ७ बर्सम चहिं गो मार जाइनीकी, दे दंतीनी हना, २१गो ६ बर्सम इन कली आं आसीक गेनन्नी। मिनु रागीम बर्स सां सम्म शुश अन्न गरेल्पाइक्नुड। ब्यवस्था २८:८ २२गेपुकीमी ८ बर्सम खरुम्नीनु, गे माइत अन्न रे जाइनीनी। ९ बर्सम नक बाली नाली ममीम सम्म गे माइतन जाइनीनी।

### रागी रू नेल्ल परमपरभु के बाक्ब

२३मिनु इन गे रू गेना हना यो कली लेयने मचाप्नीनी। मारदे हना मेको रागी आं के बाक्ब। गेपुकी गे आं के वाइल नु बुम्था पाइब खोदंशो बाक्नीनी। भजन संगरह ३९:१३ २४इन ग्याप्शो अधिकारम पिशा रू लेंशा लेत्वा माल्लीनी। २५सुइ इन मुर परुडग दुम्तीक आन रू लेयचा माल्लक्म हना, मेको आ नेक्था डा मुर जाक्शा, मेको लेश्शा ग्याप्पाइक्चा माल्व। रूथ ४:३-४ २६तन्न मो पाइब सुइ मबाक्तेक्म हना, नोले मेको आंमान क्येट थीब दुम्शा, लेश्शा आंमा ग्याप्चा माल्व। २७मेकोमी मेको लेयशो गिश बर्स दुम्म, मेको हिक्चा माल्व। मिनु सु कली लेयशो बाक्मे, मेको लीशो बर्स डा खुप्तीक अन्न डा क्येट गेचा माल्व। मिनु मेको मुर आ रू लेंशा मेको केन दुम्ब। २८तन्न आंमा लेन्ने मचाप्तु हना, मेको रू ग्याप्ब मुर नु बाक्ब। मिनु रू ग्याप्बमी प्रांइतीक बर्सम लेत्वा माल्व।

२९मिनु सुइमी गारो हिरशा सहर आगा डा सिं लेयतु हना, लेयशो बर्स का सम्म मेकोमी मेको आ सिं लेन्ने चाप्ब। मेको कली मेको अधिकार बर्स का सम्म बाक्ब। ३०तन्न बर्स काम यो मेको लेन्ने मचाप्तु हना, ग्याप्ब नु आ सिं डा मुर आन कली मेको सिं आन शांप दुम्ब। प्रांइतीक बर्सम यो मेको लेश्शा गेचा ममाल्व। ३१तन्न

गारो महिरशा बाक्तीके डा सिंपुकी चहिं रूपुकी सोदंशो पा पचा माल्व। मेको लेन्ने चाप्नीम। मिनु परांडतीक बर्सम लेशशा गेचा माल्वीम।

३२ मिनु लेवी आन सहरमी बाक्शो सिं चहिं मेकोपुकीमी आंम सिं गेना हना यो लेन्ने चाप्नीम। गन्ती ३५:२-५ ३३ लेवी आन सहरम बाक्शो लेयशो सिं अरु लेवीम लेन्ने मचाप्टकम हना, परांडतीक बर्समी मेको सिं लेशशा, मेको कली गेचा माल्व। मारदे हना लेवी आन सहरम बाक्शो सिं इसराएली आन दातेमी लेवी आन शोप बाक्नीम। ३४ मेको आन सहर क्येडा लाङ्गाम बाक्शो रूपुकी लेयचा मताइनीम। मारदे हना मेको आन गेना हना यो लीब शोप बाक्नीम।

#### क्येट आ चाइक्व मताक्को

३५ मिनु इन इसराएली लोकब का शुश पुरुङ्ग दुम्शा, पने जने मचाप्टु हना, गेपुकीमी मेको कली अर्का रागी डा मुर सोदंशो पा वारच पचा माल्वीनी। मिनु मेको गेपुकी नु बाक्ने चबल। ३६ मिनु गे मेको कली जेर गेनीनु, आ चाइक्व मताक्कीन। गे इन परमपरभु क्येडा हिनीन। मिनु इन लोकब कली गे नु बाक्चा गेन। परस्थान २२:२४; व्यवस्था २३:२० ३७ गेपुकीमी मेको कली क्येट गतीकमी चाइक्व मताक्कीन। मिनु मेको कली जचा थोत्रक गेशा, मेको आ क्येडा शुश मलेप्पाइक्तीन। ३८ गो इन परमपरभु दुम्चा नु इन कली कनान रागी गेचा, दे इन कली इजीप्ट रागी र गरुंडशा, एक चाक्व, गो परमपरभु यावे, इन परमपरभु नड।

३९ मिनु गे इन इसराएली लोकब शुश पुरुङ्ग दुम्शा, आंमा इन कली लेयसाक्म हना, मेको आन कली वाइल सोदंशो पा गेय मपपतीन। परस्थान २१:२ ४० मिनु गेपुकीमी मेको कली थाप्शो गेय पाइब कि अर्का रागी डा गेय पाइब सोदंशो पा बाक्चा गेने। मिनु मेको परांडतीक बर्स सम्म गेपुकी नु बाक्शा इन गेय पाइब दुम्ब। ४१ मिनु नोले मेकोपुकी नु आन तमी तौ गे इन बाक्तीक र लशा, आन सिं डा मुर नु आन बाक्तीक लेम्मल। ४२ मारदे हना मेकोपुकी गो इजीप्ट र गरुंडशा चाक्शो आं गेय पाइबपुकी बाक्नीम। मेको आन कली वाइलीम वाइल सोदंशो पा लेयचा मडुम्ब। ४३ मिनु गेपुकीमी मेको आन कली शुश अरेशा श्येत मगन। इन परमपरभु कली तशा हिनीन। परस्थान २१:२०-२१

४४ मिनु गेपुकीमी इन वाइलीम वाइल चहिं एर ओथ डा अर्का रागी डा मुर र ग्याप्चा माल्वीनी। ४५ गेपुकी नु बाक्ब अर्का रागी डा मुरपुकी नु इन रागीम जर्मेशो मेको आन सिं डा मुर र ग्याप्शा, इन क सल्ले चाप्नीनी। ४६ गे मेको आन कली आंम तौ चच आंम वाइलीम वाइल दुम्चा कली ग्याप्शा वोइक्ने चाप्नीनी। गे मेको आन कली वाइलीम वाइल सोदंशो पा दिप्शा गेय पपाइक्ने चाप्नीनी। तन्ने आंम लोकब इसराएली आन कली मोपा श्येत गेशा दिप्ने मचाप्नीनी।

४७ मिनु इन दातेमी बाक्ब अर्का रागी डा मुर क्येट थोब दुम्त हना नु सुइ इन लोकब श्येत जशा, पुरुङ्ग दुम्शा, मेको आंम कली कि आ सिं डा मुर कली लेयसाक्व हना, ४८ मेको लेयसे नोले आ लोकबपुकीमी मेको कली लेन्ने चाप्नीम। मेको आ लोकब कामी मेको कली लेन्ने चाप्न। ४९ मेको आ आफ आ लोकब, आं लोकब नु सुइ आ नेक्था डा मुरुमी मेको कली लेन्ने चाप्न। मेको नोले शुश क्येट थोब दुम्त हना, आंमा थाप्शा गरुने चाप्न। ५० मेको मुरुमी आ अर्का रागी डा ठेयब मुर कली लेयसीशो बर्स र परांडतीक बर्स सम्म हिक्शा, आ गेय पतीक लीशो बर्स कली जेला तशो सोदंशो पा हिक्चा माल्व। मिनु लीशो बर्सम ततीक जेला डा क्येट हिक्शा थाप्चा माल्व। ५१ मिनु शुश बर्स लीमनु, आंमा लेयसीशो मुरुमी मेको गेय मपशो नल्ल बर्स हिक्शा, मेको कली गारचा डा पा थाप्चा माल्व। ५२ मिनु मेको परांडतीक बर्स सम्म का निक्शी बर्स ला लीतकम हना, मेकोमी जेला तशो सोदंशो पा का निक्शी बर्स डा गारचा डा पा परांडतीक बर्स सम्म क्येट थाप्चा माल्व। ५३ मिनु मेको अर्का रागी डा ठेयब मुरुमी आंमा लेयसीशो इसराएली कली बर्स का कली जेला ताक्शा गेय पाइब सोदंशो पा रिम्शो पचा माल्व। मेको कली वाइलीम वाइल कली सोदंशो पचा मडुम्ब। लेवी २५:४३

५४ मोपा यो मेको मुर परांडचा मपुइसाक्व हना, रिम्शा। मेको नु आ सिं डा मुर परांडतीक बर्सम ला लचा ताइनीम। ५५ मारदे हना इसराएलीपुकी आं गेय पाइब बाक्नीम। गो मेको आन कली इजीप्ट रागी र गरुंडशा चाक्ताक्मी। गो परमपरभु यावे, इन परमपरभु नड" दे शंदो" दे परमपरभु यावेमी दंत।

लोत्र टीब आन कली आसीक

परस्थान २३ :२०-३३ ; व्यवस्था २८ :-

१मिनु लेंशा परमपरभु यावेमी मासा कली  
२६ "गोपुकीमी इन कली मूर्तिपुकी मसलीन।  
मिनु आंम कली मुशा मूर्ति नु पूजा पचा कली  
थाम मवातीन। मिनु इन रागीमी मुशा फुल्लु  
मवातीन। मेको कली पूजा पा आन डाइती  
मवपीन। मारद हना गो परमपरभु यावे, इन  
परमपरभु नड। परस्थान २० :४-५ २गोपुकीमी  
आं नाइक्तीक नाक्ती मानेन। मिनु आं बाक्तीक  
कली मान पने। गो परमपरभु यावे नड। लेवी  
१९ :३०

३गोपुकीमी आं फुल्लुम मुशा बरकशा  
लोत्र टिशा पाइतीनी हना, १गो रउ यिची ना  
रउ यिपाइक्नुड। मिनु इन रुम शुश अन्न  
गरेल्लीम। मिनु खाम शुश फल फुल सिल्लीम।  
५मिनु अडगुर सेक्ची ना सम्म इन अन्न  
तुनीनी। मिनु अडगुर सेक्ने मथुम्यु शोक्ची  
ना दुम्ब। मोपा गोपुकी नु शुश जचा तूचा बाक्ब।  
मिनु इन रागीम थुं नाइश्शा बाक्चा ताइनीनी।  
आमास ९ :१३

६मिनु गो रागी डा मुर आन कली थुं नाइश्शा  
बाक्चा गेनुड। मिनु गोपुकी गोल्शा निन्दरा  
पाइनीनी। सुइमी इन कली हिंच मकोइब। गो इन  
रागी रे हिंचा डा जन्तु आन कली खेरनुडमी।  
इन रागीमी लडाइ मदुम्ब। इजीकीएल ३४ :२५  
७मिनु गोपुकीमी इन जोरी सतरु आन कली खेदा  
पा तरवारम साइक्नीनी। ८ इन मुर ५ जनामी सह  
का मुर आन कली नु सह का मुरुमी १० हजार मुर  
आन कली खेदा पाइनीम। इन जोरी सतरु इन  
तरवारम शात्वमी पा बेक्नीम। व्यवस्था ३२ :३० ;  
यहोसु २३ :१०

९मिनु गो इन कली शिशी पा कोवनन्नी। मिनु  
गो इन कली सोशा बोशा शुश दुम्पाइक्नुड।  
मिनु आं पशा कबल गोपुकी नु गेना हना यो  
लीपाइक्नुड। इजीकीएल ३६ :११ १०गोपुकीम  
इन खेक्शा वोइश्शा माइत अन्न जना जन,  
नक अन्न वोइक्चा कली माइत अन्न तिल्चा  
माल्लीनी। ११गो इन कली गरांगरा मदित्यु,  
इन दातेमीन आ बाक्तीकम बाक्नुड। येरमीया  
७ :२३ ; २कोरिन्थी ६ :१६ १२मिनु गो इन दातेमी  
बाक्शा, गो परमपरभु दुम्नुड। मिनु गोपुकी आं  
मुर बाक्नीनी। गो परमपरभु यावे, इन परमपरभु  
बाक्नुड। १३गो परमपरभु यावे, इन परमपरभु  
नड। गोपुकी इन कली इजीप्ती आन वाइलीम

वाइल मदुम्पाइक्थु, एक चाक्तन्नी। गो इन  
शुर डा जवा जिक्शा, इन पिया पोक्शा गाक्ब  
सल्लन्नी। इजीकीएल ३४ :२७-२८

लोत्र मटीब आन कली सजाइ

११तन्न गोपुकीमी आं लोत्र मटीतीनी नु आं  
अरशा मपाइतीनी, ११ नु आं फुल्लुम मुशा  
बरकशा लोत्र मकोवतीनी, आं अरशा मपाइतीनी  
नु आं कबल परांइतीनी हना, १६गो इन कली  
मार पाइनुड देशा हना, गो इन दातेमी शुश  
हिंतीक सल्लुड। मिनु इन रो सोव्रना सोव्रन  
बाक्नीम। मिनु जोरो पा इन मिक्च ततीक जाम्ना  
जाम्न लाइब। मिनु गो आंखां पा बेक्नीनी। इन  
शोक्शा अन्न मोशा दुम्नीम। मारद हना इन  
जोरी सतरुम नेक्नीम। १७गो इन कली मरिम्शो  
पाइक्नुड। गो इन जोरी सतरु रे बरुइनीनी। इन  
जोरी सतरु इन कली हुकुम पाइब दुम्नीम। मिनु  
सुइमी इन कली खेदा मपाम्तेकम हना यो, गोपुकी  
परोक्नीनी।

१८मेको नेल्ल तुइश्शा यो, आं कली मटीतीनी  
हना, गो इन पाप ७ खेयप तेम्शा सजाइ गेनन्नी।  
१९गो इन ठेयब लेश्शा खतम सल्लुड। मिनु गो  
इन सरीड फलाम सोदेंशो नु इन रू तांबा सोदेंशो  
सल्लुड। व्यवस्था ११ :११ :१७ २०मिनु इन सक्ति  
मोशा दुम्शा मारइ पने मचाप्नीनी। इन रुम  
मारइ मवाब। मिनु इन रागी डा रवापुकीम फल  
मसिल्लीम।

२१गोपुकी दूली लांम गाक्स डा गाक्स पा,  
आं कली मटीतीनी हना, गो इन पाप ७ खेयप  
तेम्शा इन कली श्येत गेनन्नी २२गो इन दातेमी  
व्वाकी डा जन्तुपुकी सोइक्नुडमी। मेकोमी इन  
आल आन कली व्वाइनीम। मिनु इन बस्तु भाव  
साइक्नीम। मिनु गो का निक्शी ला दुम्तीक इन  
लां नेल्ल श्येत्य दुम्नीम। इजीकीएल ५ :१७

२३मोपा सजाइ तशा यो, गोपुकी आं गो  
मलेतीनी हना, नु दूली लां गाक्स डा गाक्स  
पाइतीनी हना, रसामुएल २२ :२७ २४गो इन  
कली यो मरिम्शो पस डा पस पाइनुड। मिनु गो  
इन पाप ७ खेयप तेम्शा, इन कली श्येत गेनुड।  
२५गो इन कली लडाइ तोपाइक्नुड। मिनु आं  
कबल परांइशा आ परबम क्येक्क लेत्नुड। गोपुकी  
आंम आंमा सहरम बुक्तीनी हना, गो मकर यो इन  
दातेम बेक्पाइक्ब रोइ सोइक्नुड। मिनु इन जोरी  
सतरु आन गुइम दुम्नीनी। यसैया १ :२०,२४  
२६मिनु गो इन अन्न थमा पा साम्पाइक्नुड। १०  
ओटा खिं डा मीश मुरुमी चुप्तु कामी क्येनीम।

क्येशा पुक्शा तेम्मेनु, सुइ मरूनीम। यसैया ३:१; इजीकीएल ४:१६

२७ मिनु मेको मो दुम्शा यो, गे आं कली मटिथु, दूली लां गाक्स डा गाक्स पाइतीनी हना, २८ गो इन कली मरिम्शा पस डा पस गरुन्नुड। मिनु इन पाप ७ खंयप तेम्शा, सजाइ गेनन्नी। व्यवस्था २८:५३; यरमीया १९:९ २९ गेपुकीमी इन तमी तो आन श्य ब्वचा माल्नीनी। ३० गो इन डांडा डा पूजा पतीक थामपुकी परत्नुड। इन धूप चोतीक नेल्ल परत्नुड। मिनु इन बेकशो रां मेको ब्रोत्शो मूर्ति आन तार ताइक्नुड। मिनु गो इन कली तशा ग्रांगरा दिशा तिल्लुड। इजीकीएल ६:४,६ ३१ गो इन सहर गोरशो रागी सोदंशो सेल्लुड। मिनु इन पूजा पतीक थान श्येत्य सेल्लुड। गो इन ब्रोत्शो धूप आन रिना मनाम्नुड। ३२ मिनु गो रागी कली खतम पोक्नुड। मिनु मेकेर जाक्शा बाक्ब इन जोरी सतरुमी मेको तशा छक लाक्नीम। ३३ गो इन कली रागी रागी डा मुर आन दातेमी ब्रपाइक्नुड। मिनु लडाइ तोपाइश्शा, इन कली खदा पपाइक्नुड। मिनु इन रागी श्येत्य नु इन सहरपुकी गोरशो सेल्लुड।

३४ मिनु रागी श्येत्य दुम्मेनु, मेको आ नाइक्तीक बर्स ग्यरशा मानेब। मिनु गेपुकी इन जोरी सतरु आन रागीम बाक्नीनु, इन रागी चहिं ग्यरशा नाइसीब। लेवी २५:२; २इतिहास २६:२१ ३५ मेको रागी गिश नाक्त सम्म श्येत्य लीबा, मिश नाक्त नाइक्चा ताइब। गेपुकी मेक बाक्नीनु, नाइक्तीक बर्स नाइक्चा मतशो, नाइक्तीक बर्स मानशो बाक्ब।

३६ मिनु गो इन जोरी सतरु आन रागीम बाक्शो लीशो मुर आन थुं लुक्च लपाइक्नुड। मिनु सफा दाक्शो रयक नेशा यो, आन जोरी सतरुम खदा पशो सोदंशो पा प्रोक्नीम। मिनु मोशा दाइल पा थित्नीम। ३७ सुइमी खदा मपथु यो, मेकोपुकी तरवार तशा प्रोक्शो सोदंशो पा, प्रोक्नीम। मिनु थोक्मुशा गोल्लीम। मोपतीके आन जोरी सतरु आन डांइती राप्ने मचाप्नीम। ३८ गेपुकी अर्का रागी डा मुर आन दातेमी जाम्शा लाइनीनी। मिनु इन जोरी सतरु आन रागीमी इन कली दाक्ब। ३९ मिनु लीशोपुकी चहिं जोरी सतरु आन रागीमी आन पाप नु आन किकी पिपी आन पाप पतीके बेक्ना बेक्न लाइनीम। इजीकीएल २४:२३; इजीकीएल ३३:१०

४० तन्न मेकोपुकीमी आंम पाप नु आन किकी पिपी आन पाप आ पर्वम भरिम्शा पाइतक नु

दूली लां गाक्स डा गाक्स पाइतक' दंतेक्म हना, व्यवस्था ४:३० ४१ मिनु गो मेको आन कली मरिम्शा पस डा पस बाक्शा, आन जोरी सतरु आन रागीम सोइक्ताकडमी। मिनु मेको आन खकटा थुं बरंम्शा दुम्शा, आन पाप आ पर्वम पाप क्याम्तीक गय पास्तक्म हना, व्यवस्था १०:१६; यरमीया ९:२५ ४२ गो याक्ब, इसहाक नु अबराहाम नु पशो आं कबल नु मेको रागी कली मिम्नुड। प्रस्थान २:२४; २राजा १३:२३ ४३ मारदं हना मेको रागी श्येत्य दुम्शा, आ नाइक्तीक बर्सपुकी मुर मबाक्तीक मानना मानेन बाक्ब। मिनु मेकोपुकीमी आन मरिम्शा पशो आ पर्वम सजाइ ताइनीम। मारदं हना मेकोपुकीमी आं पावो, दे अरतीक लोत्र नु आं फुल्लुम मुशा बरक्शो लोत्र काइ मपाम। ४४ मिनु मोदंशो पास्तक्म हना यो, गो मेको आन कली आन जोरी सतरु आन रागीमी कोत्रशा, ग्रांगरा दिशा खतम मसेल्लुडमी। मिनु मेकोपुकी नु पशो आं कबल मपरॉइनुड। मारदं हना गो परमपरभु यावे, मेको आन परमपरभु नड। होस ११:९ ४५ तन्न गो मेको आन कली मिम्शा, आन किकी पिपी नु पशो आं कबल मिम्नुड। गो नेल्ल रागी डा मुरपुकीम तचा डा पा मेको आन परमपरभु दुम्तीक, मेको आन कली इजीप्त रागी रे गरुंइशा चाक्ताक्मी। गो परमपरभु यावे नड" दे परमपरभु यावेमी दंत। उत्पत्ती १२:७

४६ एको परमपरभु यावेमी सीने डांडाम मोसा कली गेशा आं नु इसराएली आन दातेमी फुल्लुम मुशा बरक्शो लोत्र नु "पावो" दे अरशा लोत्र बाक्नीम।

मुर आ पर्वम कसम जशो

१ मिनु परमपरभु यावेमी मोसा कली २ "गे २७ इसराएली आन कली 'सुइमी परमपरभु यावे कली मुर आ पा डा क्यट गनुड' दे कसम जाप्नु हना, ३ मेकोमी २० बर्स रे ६० बर्स सम्म डा वांइश मुर आन पर्वम आं ताम्बु डा चांदी के ५० शेकेल परमपरभु यावे कली गेचा माल्लीम। शेकेल इसराएली आन क्यट बाक्ब। शेकेल का ११.५ ग्राम चांदी बाक्ब। ताम्बु डा शेकेल चहिं १२ ग्राम बाक्त। न्यायाधीस ११:३१; १सामुएल १:११ ४ मोश मुर आ पर्वम बाक्त हना, मेकोम ३० शेकेल गेचा माल्ल। ३० शेकेल ३६० ग्राम चांदी बाक्ब। ५ मिनु ५ बर्स रे २० बर्स सम्म डा वांइश आल आन पर्वम २० शेकेल गेचा माल्ल। मोश आल बाक्त हना, १० शेकेल गेचा माल्ल।

६ मिनू महिना का र ५ बर्स सम्म डा वॉइश आल आन पर्वम चांदी के ५ शेकेल नु मीश आल आन पर्वम चांदी के शेकेल सां गेचा माल्नीम। ७ मिनू ६० बर्स क्येडा ग्येत्थ डा वॉइश मुर आ पर्वम १५ शेकेल नु मीश मुर आ पर्वम १० शेकेल गेचा माल्ब। ताम्बु डा शेकेल का १२ ग्राम बाक्ब। ८ मिनू मेको मुर परुडग दुम्शा, गेने मचाप्ब बाक्त हना, मेको कली चढ़ेब आ डांडती चाक्चा माल्नीम। मिनू चढ़ेबमी मेको कसम जाइब आ चाप्शो खोदंशो पा मेको आ क्येट देंचा माल्ब।

९ मिनू परमपरभु यावे कली चढ़ेचा डा बी व्यफ, क्यारश भेडा बाक्तेकम हना, मेको मारइ मदुम्शो थम रिम्शो नु गरांगरा मदिशा बाक्चा माल्नीम। १० मेको आ पा डा अरु फाइक्चा मदुम्ब। रिम्शो बस्तु आ पा डा मरिम्शो नु मरिम्शो आ पा डा रिम्शो फाइक्चा मदुम्ब। चढ़ेचा डा बस्तु फाइक्तेकम हना, मेको बस्तु निम्फा मारइ मदुम्शो थम रिम्शो गरांगरा मदिशा बाक्चा माल्नीस। ११ मिनू परमपरभु यावे आ डांडती चढ़ेचा मदुम्शो गरांगरा दिशा बस्तु भाव बाक्तेकम हना, मेको आन कली चढ़ेब कली कांडेचा माल्नीम। १२ मिनू चढ़ेबम मेको बस्तु रिम्शो बाक्त हना यो, मरिम्शो बाक्त हना यो, मेको गिश क्येट लाइक्बा, दे चढ़ेबमी देंचा माल्ब। मिनू चढ़ेबमी दोशो देंबा मेको ठीक दुम्ब। १३ मेको मुरुम क्येट थाप्शा, मेको बस्तु कली परांडेचा दाक्ब हना, चढ़ेब आ देशो क्येडा यो ५ भाग डा भाग का क्येट तेम्शा गेचा माल्ब। लेवी ५ :१६

१४ मिनू सुइ मुरुमी परमपरभु यावे कली खिं का चढ़ेपु हना, चढ़ेबमी मेको खिं कोव्रशा रिम्शो बाक्म को मरिम्शो बाक्म 'ओशो क्येट लाइक्ब' देंचा माल्ब। मिनू चढ़ेबमी दोशो देंबा मेको ठीक दुम्ब। १५ मिनू मेको मुरुमी क्येट थाप्शा लेत्वा थुं पापु हना, चढ़ेबमी देशो क्येडा यो ५ भाग डा भाग का क्येट तेम्शा गेचा माल्ब। मिनू मेको खिं मेको केन दुम्ब।

१६ मिनू सुइ मुरुमी तेकोइ आंम रू परमपरभु यावे कली चढ़ेपु हना, चढ़ेबमी मेको रूम दोशो वांचेर लाइबा कोव्रशा, मेको आ क्येट देंचा माल्ब। होमर का क्योव्रज वांचेर लाइब रू कली ५० चांदी के शेकेल दुम्चा माल्ब। होमर का २२० लिटर रिक्ब पुक्तीक का बाक्ब। ताम्बु डा शेकेल का १२ ग्राम चांदी बाक्ब। २सामुएल २४ :२४ १७ मेको मुरुमी आ रू कली लेंशा परांडेतीक बर्स आ नोले डा बर्स र चढ़ेपु हना, मेको आ

क्येट चढ़ेबमी देशो खोदंशो दुम्ब। लेवी २५ :८-५५ १८ तन्न मेकोमी आ रू लेंशा परांडेतीक बर्स इक्का बर्स नोले चढ़ेपु हना, लेंशा परांडेतीक बर्स जाक्चा दोशो लीशो बाक्म, चढ़ेबमी मेको हिक्चा माल्ब। मिनू आ देशो क्येट र तोक्चा माल्ब। १९ मेको मुरुमी मेको रू लेंशा फेत्चा दाक्ब हना, चढ़ेबमी देशो क्येट क्येडा ५ भाग डा भाग का क्येट तेम्शा गेचा माल्ब। मिनू मेको रू मेको केन दुम्ब। २० तन्न मेकोमी मेको रू मलेप्ब हना, मेकोमी मेको रू अर्का मुर कली लेयशो बाक्त हना, मेकोमी मेको रू गेनायो लेत्वा मताइब। २१ मेको रू लेंशा परांडेतीक बर्सम परांडेशा बाक्त हना, मेको परमपरभु यावे कली जिम्मा गेशो रू दुम्शा, चढ़ेबमी मेको रूम शोक्ब।

२२ मिनू सुइ मुरुमी आंम के ममाइ, तन्न आ ग्याप्शो रू परमपरभु यावे कली चढ़ेपु हना, २३ चढ़ेबमी लेंशा परांडेतीक बर्स सम्म हिक्शा, मेको आ क्येट दोशो बाक्म, मोशो गेचा माल्ब। मेको नाक्तीन परमपरभु यावे कली गेचा माल्ब। २४ मिनू लेंशा परांडेतीक बर्सम मेको रू सु र ग्याप्शो बाक्म, मेको लेंशा ताइब। २५ मिनू गिश क्येट लाइबा, मेको नेल्ल परमपरभु यावे आ ताम्बु डा चांदी के शेकेलम थाप्चा माल्ब। शेकेल काम २० गेरा बाक्नीम। गेरा का ०.६ ग्राम बाक्ब।

२६ मिनू बी व्यफ, क्यारश भेडा आन डांडती जरमेशो व्यफ बाक्त हना यो, सांड बाक्त हना यो, बोका बाक्त हना यो, मेको डांडती र परमपरभु यावे केन बाक्ब। सुइमी परमपरभु यावे कली गेने मचाप्नीमी। परस्थान १३ :२,१२,१३ ; गन्ती १८ :१५ २७ मेको गरांगरा दिशा बस्तु भाव बाक्त हना, आ देशो क्येट क्येडा ५ भाग डा भाग का तेम्शा, लेत्वा माल्ब। तन्न मलेत्ताकम हना, आ देशो क्येटीम लेयचा माल्ब।

२८ मिनू परमपरभु यावे कली साइक्चा कली जिम्मा गेशो मारइ मारइ मुर बाक्त हना यो, बस्तु भाव बाक्त हना यो, आंम रू बाक्त हना यो, मेको लेयन नु लेन्ने मचाप्नीम। मेको साइक्चा कली जिम्मा गेशो मारइ मारइ थमा पा परमपरभु यावे केन बाक्नीम। गन्ती १८ :१४ ; गन्ती २१ :२ ; यहोसु ६ :१८,२६ ; इजकीएल ४४ :२९

२९ मिनू सु मुर साइक्चा कली जिम्मा गेचा पुंडसीशो बाक्बा, मेको कली क्येट थाप्शा

मलेत्थु, साइक्चा माल्ब। यहोसु ६ :१७-१८ ;  
१सामुएल १५ :३-९

३०मिनु रू नेल्ल डा, अन्न कि रवा आ फल  
फुल १० भाग परमपरभु यावे केन बाक्ब। मेको  
परमपरभु यावे केन बाक्ब। गन्ती १८ :२१ ;  
व्यवस्था १४ :२२-२९ ; नहेम्याह १३ :१२  
३१मुरुमी आंमा आ गेशो १० भाग लेत्वा  
दाक्ताक्व हना, ५ भाग तेम्शा, लेन्न चाप्ब।  
३२नेल्ल गोठ डा बी ब्यफ, क्यारश मेडा, मारइ  
मारइ गोठलाम हिक्तु हना यो, १० ओटा डा का

परमपरभु यावे केन बाक्ब। रइतिहास ३१ :६  
३३मेकोमी रिम्शो नु मरिम्शो तिल्शा फाइक्चा  
मदुम्ब। मुरुमी मेको बस्तु फाइक्चा थुं पाप्तु  
हना, निम्फा परमपरभु यावे कली गेचा माल्ब।  
मिनु क्यट थाप्शा, लेत्वा मदुम्ब, दे अंरवो” दे  
परमपरभु यावेमी मोसा कली दंत।

३४मिनु सीने डांडामी परमपरभु यावेमी  
इसराएली आन कली मोसा रे पा शेशो लोत्र एको  
बाक्नीम। लेवी ७ :३८ ; लेवी २५ :१ ; २६ :४६

## गन्ती

बरकब मुर: एको किताब बरकब यो मेको गोरशो रागी हिरब आन दातमी बाकशो बाकत । मारद हना दोपा मेकोमी मुर आन कली हिक्तीक नु अरु मार मार आइक्च गय पशो नल्ल बरकन चाप्या डा ? मोपतीक मोसामी एको किताब बरकशो बाकब, द मिन्नीम । गन्ती ३३ :२

गेना बरकशो : परस्थान बरकशो नोले, एको किताब सीने डांडाम मार मार दुमशो बाकम, मेको आ पर्वम बरकशो बाकत । एको किताब मोसा आ ब्रांडची ना बरकशो बाकब ।

मारद बरकशो :

१. सीने डांडा रे गाकचा साशो गन्ती १ :- १० : १०

२. सीने डांडा रे कादेश सम्म जाकशो गन्ती १० : ११

३. मोआब रागी यर्दन खोला आ पूर्व सम्म जाकशो गन्ती २२ :- ३६ :-

सीने डांडाम मुर हिक्शो

गन्ती २६ : २-५१

१ इसराएलीपुकी इजीप्ट रे जाकमा आ बर्स १ निकशी, महिना निकशी डा डांडती डा नाकत परमपरभु यावमी सीने डा रागीमी बाकशो गुरुतीक ताम्बुमी मोसा कली लोव पापु । परस्थान ४० : १७ २ मिनु मेकोमी “गे इसराएली वॉइश मुर आन थर थर नु आन सिं सिं पा नल्ल आन नें बरकचा माल्नेव । उत्पती ३५ : २३-३६ ; परस्थान ३० : १२ ३ इसराएलमी २० बर्स गाप्यो नु मेको क्यडा लाकशो लडाइम लने चाप्य मुर नल्ल आन कली गे नु हारूनमी लडाइ पचा कली सुप्या वोइक्चा माल्नीसी । ४ मेको नल्ल आन थर रे मुर का कामी इस कली वारच पचा माल्नीम । मेको मुर आन सिं डा ठेयब मुर बाकचा माल्नीम । ५ मिनु सु सुम इन कली वारच पचा माल्नीम देशा हना, रुबन आ थर रे शेदेउर आ तौ एली-सुर, ६ सिमियान आ थर रे सुरी-शदे आ तौ शलुमीएल, ७ यहूदा आ थर रे अम्मीनादाब आ तौ नहशान, परस्थान ६ : २३ ८ इस्साकार आ थर रे सुआर आ तौ नेथनल, ९ जबूलन आ थर रे हेलोन आ तौ एलीआब, १० योसफ आ तौ एफराइम आ थर रे अम्मीहूद आ तौ एली-शामा, योसफ आ तौ मनस्स आ थर रे पदा-सुर आ तौ गमलीएल, इतिहास ७ : २६ ; उत्पती ४८ : ५ ११ बन्यामीन आ थर रे गिदओनी आ

तौ आबी-दान, १२ दान आ थर रे अम्मी-शदे आ तौ अही-एजेर, १३ आशर थर रे ओकरान आ तौ पगीएल, १४ गाद आ थर रे दूएल आ तौ एली-आसाफ, १५ नाप्ताली आ थर रे एनान आ तौ अहीरा बाकनीम” दे परमपरभु यावमी मोसा कली दंत । १६ एकोपुकी इसराएली आन दाते रे योवशो आन थर डा ठेयब मुर बाकनीम ।

१७ मोसा नु हारूनमी योवशो मुर आन कली बरक्ताक्स । १८ मिनु मेको निकशीमी महिना निकशी डा डांडती डा नाकती इसराएली नल्ल आन कली पुक्ताक्स । मिनु मुर नल्लमी आन थर नु आन सिं देशा, बरकपाइक्तेकम । मिनु २० बर्स गाप्यो नु मेको क्यडा लाकशो आन नें नल्ल बरकपाइक्तेकम । १९ मिनु परमपरभु यावमी अरशो खादंशो पा, मोसामी सीने डा गोरशो रागीमी मेको आन कली सुप्या वोइक्तीमी ।

२० इसराएल आ डांडती जरमेशो तौ रुबन आ थर डा आन सिं सिं डा २० बर्स गाप्यो नु मेको क्यडा लाकशो लडाइम लने चाप्य वॉइश मुर नल्ल आन नें बरक्ताकम । २१ मिनु मेको लडाइ पचा कली सुप्या रुबन आ थर डा मुर ४६ हजार ५ सह बाक्तेकम ।

२२ सिमियान आ थर डा आन सिं सिं डा २० बर्स गाप्यो नु मेको क्यडा लाकशो लडाइम लने चाप्य वॉइश मुर नल्ल आन नें बरक्ताकम । २३ मिनु मेको लडाइ पचा कली सुप्या सिमियान आ थर डा मुर ५९ हजार सह सां बाक्तेकम ।

२४ गाद आ थर डा आन सिं सिं डा २० बर्स गाप्यो नु मेको क्यडा लाकशो लडाइम लने चाप्य वॉइश मुर नल्ल आन नें बरक्ताकम । २५ मिनु मेको लडाइ पचा कली सुप्या गाद आ थर डा मुर ४५ हजार ६ सह ५० बाक्तेकम ।

२६ यहूदा आ थर डा आन सिं सिं डा २० बर्स गाप्यो नु मेको क्यडा लाकशो लडाइम लने चाप्य वॉइश मुर नल्ल आन नें बरक्ताकम । २७ मिनु मेको लडाइ पचा कली सुप्या यहूदा आ थर डा मुर ७४ हजार ६ सह बाक्तेकम ।

२८ इस्साकार आ थर डा आन सिं सिं डा २० बर्स गाप्यो नु मेको क्यडा लाकशो लडाइम लने चाप्य वॉइश मुर नल्ल आन नें बरक्ताकम । २९ मिनु मेको लडाइ पचा कली सुप्या इस्साकार आ थर डा मुर ५४ हजार ४ सह बाक्तेकम ।

३० जबूलन आ थर डा आन सिं सिं डा २० बर्स गाप्यो नु मेको क्यडा लाकशो लडाइम लने चाप्य वॉइश मुर नल्ल आन नें बरक्ताकम । ३१ मिनु मेको

लडाइ पचा कली सुप्शो जवूलून आ थर डा मुर ५७ हजार ४ सह बाक्तेकम ।

३२ योसफ आ तौ एफराइम आ थर डा आन सिं सिं डा २० बर्स गाप्शो नु मेको क्येडा लाकशो लडाइम लने चाप्व वॉइश मुर नेल्ल आन नें बरेक्ताकम । ३३ मिनु मेको लडाइ पचा कली सुप्शो योसफ आ तौ एफराइम आ थर डा मुर ४० हजार ५ सह बाक्तेकम ।

३४ योसफ आ तौ मनस्से आ थर डा आन सिं सिं डा २० बर्स गाप्शो नु मेको क्येडा लाकशो लडाइम लने चाप्व वॉइश मुर नेल्ल आन नें बरेक्ताकम । ३५ मिनु मेको लडाइ पचा कली सुप्शो योसफ आ तौ मनस्से आ थर डा मुर ३२ हजार सह निकशी बाक्तेकम ।

३६ बेन्यामीन आ थर डा आन सिं सिं डा २० बर्स गाप्शो नु मेको क्येडा लाकशो लडाइम लने चाप्व वॉइश मुर नेल्ल आन नें बरेक्ताकम । ३७ मिनु मेको लडाइ पचा कली सुप्शो बेन्यामीन आ थर डा मुर ३५ हजार ४ सह बाक्तेकम ।

३८ दान आ थर डा आन सिं सिं डा २० बर्स गाप्शो नु मेको क्येडा लाकशो लडाइम लने चाप्व वॉइश मुर नेल्ल आन नें बरेक्ताकम । ३९ मिनु मेको लडाइ पचा कली सुप्शो दान आ थर डा मुर ६२ हजार ७ सह बाक्तेकम ।

४० आशर आ थर डा आन सिं सिं डा २० बर्स गाप्शो नु मेको क्येडा लाकशो लडाइम लने चाप्व वॉइश मुर नेल्ल आन नें बरेक्ताकम । ४१ मिनु मेको लडाइ पचा कली सुप्शो आशर आ थर डा मुर ४१ हजार ५ सह बाक्तेकम ।

४२ नाप्ताली आ थर डा आन सिं सिं डा २० बर्स गाप्शो नु मेको क्येडा लाकशो लडाइम लने चाप्व वॉइश मुर नेल्ल आन नें बरेक्ताकम । ४३ मिनु मेको लडाइ पचा कली सुप्शो नाप्ताली आ थर डा मुर ५३ हजार ४ सह बाक्तेकम ।

४४ मिनु मेको मुर नेल्ले लडाइ पचा कली सुप्ताकम । मोसा, हारून नु मेको आस कली वारच पाइब इसराएल आ १२ थर डा ठेयब मुरपुकीमी मेको आन कली लडाइ पचा कली सुप्ताकम । उत्पत्ती १७:२०; उत्पत्ती २५:१६ ४५ मिनु गिश मुर २० बर्स गाप्शो नु मेको क्येडा लाकशो लडाइम लने चाप्व वॉइश मुर बाकशो बाक्तेकम देशा हुना, गन्ती २:३२; परस्थान १२:३७ ४६ मेको नेल्ल पा ६ लाख ३ हजार ५ सह ५० जना बाक्तेकम । ४७ लेवी आ सिं डा मुरपुकी चहिं अरु आन खोदंशो पा महिकसम ।

लेवी आ थर डा मुर मसुप्शो

४८ मिनु डोंइती परमपरमु यावेमी मोसा कली ४९ “लेवी आ थर डा मुर आन कली चहिं लडाइ पचा कली मसुप्तीमी । मिनु इसराएली आन कली खोदंशो पा महिकमी । गन्ती २:२३; गन्ती ३:१५-३९ ५० तन्न ग लेवी आन कली ओं कबल पशो सन्दोस वोइशो ताम्बु नु आ मारंइ मारंइ थोत्रक कोत्रचा कली वोइकमी । मेकोपुकीमी गरुस्तीक ताम्बु नु आ मारंइ मारंइ थोत्रक कुरचा माल्नीम । मेकोपुकीमी मेको कोत्रचा माल्नीम । मिनु आन ताम्बु गरुस्तीक ताम्बु आ एर ओंथ कीचा माल्नीम । ५१ मिनु गरुस्तीक ताम्बु याक्तेमेनु, लेवीपुकीमी मेको प्राकचा माल्नीम । मिनु गरुस्तीक ताम्बु कीडमेनु, मेकोपुकीमी सेल्चा माल्नीम । आन नेक्था जाकब अरु मुर साइक्चा पुंडसीनीम । गन्ती ३:१०,३८; गन्ती १७:५ ५२ अरु इसराएली आन आन हुल आन दातेमी नु आन छेदर आ सरुक्तीके डा बाक्तीकम बाक्चा माल्नीम । ५३ लेवी आ मुर चहिं परमपरमु यावे आ कबल पशो सन्दोस वोइशो ताम्बु आ एर ओंथ आन ताम्बु कीचा माल्नीम । इसराएलीपुकी गरुस्तीके ताम्बु आ नेक्था लचा मद्दुन्नीम । मिनु मेको आन पर्वम परमपरमु यावे मगाइकब । मिनु लेवीपुकीमी परमपरमु यावे आ कबल पशो सन्दोस वोइशो ताम्बु खाल पचा माल्नीम” दे परमपरमु यावेमी दंत । गन्ती १७:११; गन्ती १८:५; २सामुएल २४:१; २इतिहास १९:२; यसेया ५७:१७; यसेया ६४:४-६

५४ मिनु इसराएलीपुकीमी परमपरमु यावेमी मोसा कली अरेशो खोदंशो पा नेल्ल पाक्तेकम ।

मुर आन बाक्तीक ताम्बु

१ मिनु परमपरमु यावेमी मोसा नु हारून २ आस कली २ “इसराएलीपुकीमी आन थर डा छेदर बाक्तीकम आन ताम्बु कीचा माल्नीम । मेकोपुकी गरुस्तीक ताम्बु क्येडा डोन एर ओंथ बाक्चा माल्नीम ।

३ पूर्व, नां दाप्तीक गे यहूदा आ हुल आन बाक्तीक बाकब । मेको आन छेदर आ नेक्था आन ताम्बु कीचा माल्नीम । यहूदा आ थर डा मुर आन ठेयब मुर अम्मिनादाब आ तौ नहशोन बाक्त । ४ मेको आन कली सुप्शा हिकशोन ७४ हजार ६ सह लडाइ पाइब वॉइश मुर बाक्नीम ।

१मेको आन नेकथा इस्साकार आ हुल आन बाक्तीके बाक्ब। इस्साकार आ थर डा मुर आन ठेयब मुर सुआर आ तौ नेथनल बाक्ब। ६मेको आन कली सुप्शा हिक्शानु ५४ हजार लडाइ पाइब वांइश मुर बाक्नीम।

७मिनु नोले जवूलून आ थर डा मुर आन बाक्तीके बाक्ब। जवूलून आ थर डा मुर आन ठेयब मुर हेलोन आ तौ एलीआब बाक्ब। ८मेको आन कली सुप्शा हिक्शानु ५७ हजार ४ सह लडाइ पाइब वांइश मुर बाक्नीम।

९ यहूदा आ नेकथा सुप्शा हिक्शो मुर आन हुल नेल्ल पा लाख का ८६ हजार ४ सह लडाइ पाइब वांइश मुर बाक्नीम। मेको नेल्ल मुर आन डांडती गाक्चा माल्नीम।

१० मिनु दक्खिन गे रूबेन आ हुल आन बाक्तीके बाक्ब। मेको आन छेदर आ नेकथा आन ताम्बु कीचा माल्नीम। रूबेन आ थर डा मुर आन ठेयब मुर शेदेउर आ तौ एली-सुर बाक्ब। ११मेको आन कली सुप्शा हिक्शानु ४६ हजार ५ सह लडाइ पाइब वांइश मुर बाक्नीम।

१२मेको आन नेकथा सिमियोन आ हुल आन बाक्तीके बाक्ब। सिमियोन आ थर डा मुर आन ठेयब मुर सुरी-शदै आ तौ शेलुमीएल बाक्ब। १३मेको आन कली सुप्शा हिक्शानु ५९ हजार सह सां लडाइ पाइब वांइश मुर बाक्नीम।

१४ मिनु नोले गाद आ थर डा मुर आन बाक्तीके बाक्ब। गाद आ थर डा मुर आन ठेयब मुर रूपल आ तौ एली-आसाफ बाक्ब। १५मेको आन कली सुप्शा हिक्शानु ४५ हजार ६ सह ५० जना लडाइ पाइब वांइश मुर बाक्नीम।

१६ रूबेन आ नेकथा सुप्शा हिक्शो मुर आन हुल नेल्ल पा लाख का ५२ हजार ४ सह ५० जना लडाइ पाइब वांइश मुर बाक्नीम। मेकोपुकी यहूदा आ हुल आन नोले गाक्चा माल्नीम।

१७ मिनु गरुस्तीक ताम्बु नु लेवी आन बाक्तीके ताम्बु कुरशा गाक्चा माल्नीम। दोदंशो पा आन ताम्बु कीशो बाक्मे, मोदंशो पा आन छेदर आ नेकथा गाक्चा माल्नीम। गन्ती १०-१७,२१

१८ पच्छिम गे एफराइम आ हुल आन बाक्तीके बाक्ब। मेको आन छेदर आ नेकथा आन ताम्बु कीचा माल्नीम। एफराइम आ थर डा मुर आन ठेयब मुर अम्मीहुद आ तौ एली-शामा बाक्ब। १९मेको आन कली सुप्शा हिक्शानु ४० हजार ५ सह लडाइ पाइब वांइश मुर बाक्नीम।

२०मेको आन नेकथा मनस्स आ हुल आन बाक्तीके बाक्ब। मनस्स आ थर डा मुर आन

ठेयब मुर पेदा-सुर आ तौ गमालीएल बाक्ब। २१मेको आन कली सुप्शा हिक्शानु ३२ हजार सह निकशी लडाइ पाइब वांइश मुर बाक्नीम।

२२मिनु नोले बन्यामीन आ थर डा मुर आन बाक्तीके बाक्ब। बन्यामीन आ थर डा मुर आन ठेयब मुर गिदआनी आ तौ आबी-दान बाक्ब। २३मिनु मेको आन कली सुप्शा हिक्शानु ३५ हजार ४ सह लडाइ पाइब वांइश मुर बाक्नीम।

२४ एफराइम आ नेकथा सुप्शा हिक्शो मुर आन हुल नेल्ल पा लाख का ८ हजार सह का लडाइ पाइब वांइश मुर बाक्नीम। मेकोपुकी लेवी आन नोले गाक्चा माल्नीम।

२५ उत्तर गे दान आ हुल आन बाक्तीके बाक्ब। मेको आन छेदर आ नेकथा आन ताम्बु कीचा माल्नीम। दान आ थर डा मुर आन ठेयब मुर अम्मी-शदै आ तौ अही-एजेर बाक्ब। २६मेको आन कली सुप्शा हिक्शानु ६३ हजार ७ सह लडाइ पाइब वांइश मुर बाक्नीम।

२७मेको आन नेकथा आशर आ हुल आन बाक्तीके बाक्ब। आशर आ थर डा मुर आन ठेयब मुर ओकरान आ तौ पगीएल बाक्ब। २८मेको आन कली सुप्शा हिक्शानु ४१ हजार ५ सह लडाइ पाइब वांइश मुर बाक्नीम।

२९ मिनु नोले नाप्ताली आ थर डा मुर आन बाक्तीके बाक्ब। नाप्ताली आ थर डा मुर आन ठेयब मुर एनान आ तौ अहीरा बाक्ब। ३०मेको आन कली सुप्शा हिक्शानु ५३ हजार ४ सह लडाइ पाइब वांइश मुर बाक्नीम।

३१ दान आ नेकथा सुप्शा हिक्शो मुर आन हुल नेल्ल पा लाख का ५७ हजार ६ सह लडाइ पाइब वांइश मुर बाक्नीम। मेकोपुकी मुर नेल्ल आन क्येडा नोले गाक्चा माल्नीम।

३२ एको इसराएली आन थर थर डा लडाइ पने चाप्ब सुप्शा हिक्शो मुर बाक्नीम। आन हुल हुल डा मुर नेल्ल पा ६ लाख हजार सां ५ सह ५० जना लडाइ पाइब वांइश मुर बाक्नीम” दंत गन्ती १:४६ ३३मिनु परमपरमु यावेमी मोसा कली अरशो सोदंशो पा लेवी आ थर डा मुर अरु इसराएलीपुकी सोदंशो पा मसुप्शो महिक्शो बाक्तेकम। गन्ती १:४८-४९

३४ इसराएलीपुकीमी परमपरमु यावेमी मोसा कली अरशो सोदंशो पा पाक्तेकम। आन थर डा बाक्तीकेमी आन छेदर आ नेकथा बाक्शा, आन थर थर पा गाक्तेकम।

### हारून आ तौपुकी

३ १ परमपरभु यावेमी मोसा नु सीने डांडाम लोत्र पची ना मोसा नु हारून आस सिं डा मुर सु सु बाक्तेकम देशा हना, परस्थान ६ :२३

२ हारून आ तौ आन नं, आ डांडती जरमेशो तौ नादाब नु अबीहु, एलाजर नु इथामार बाक्तेकम । ३ मेको नल्ल तल लुकशा चढेब बाक्तेकम । हारूनमी मेको आन कली चढेतीक गेय पचा, दे तल लुकताकव । परस्थान ४० :१५ ४ नादाब नु अबीहु सीने डा गोरशो रागीम बक्ताक्स । मारद हना, मेको निकशीमी परमपरभु यावेमी मदुम्ब देशो अर्का मी धूप चोतीकम कुर पा, परमपरभु यावे आ डांडती चढेताक्स । मिनु परमपरभु याव आ डांडती बक्ताक्स । मिनु मेको आस के आल मबाकम । मोपतीके आ तौ एलाजर नु इथामार निकशीमी ला आस आफ आ डांडती चढेतीक गेय पास्ताक्स । लेवी १० :१-२

### लेवीपुकी आन गेय

५ परमपरभु यावेमी मोसा कली ६ "लेवी आ थर डा मुर आन कली बरेशशा, मेको आन कली चढेब हारून आ डांडती राप्पाइकमी । मिनु मेकोपुकीमी मेको कली वारच पचा माल्नीम । परस्थान ३२ :२९ ७ मिनु मेकोपुकीमी हारून कली वारच पा इसराएली नल्ल आन पर्वम गरुम्तीक ताम्बु आ डांडती गेय पचा माल्नीम । गन्ती १६ :३ ; गन्ती १६ :९ ८ मेकोपुकीमी गरुम्तीक ताम्बु डा मारइ मारइ कोत्रचा माल्नीम । मिनु मेकोपुकीमी गरुम्तीक ताम्बु डा इसराएली आन पचा माल्शो गेय पचा माल्नीम । गन्ती ४ :- १ गे मेको लेवी आ मुर आन कली हारून नु आ तौ आन कली गेचा माल्नेव । मेको इसराएली आन दाते र योत्रशा हारून कली गेशो बाक्नीम । १० मिनु गे हारून नु आ तौ आस कली चढेबम पचा माल्शो गेय पपाइकमी । मेकोपुकी डा लाकशा अर्का सुइ मुसुम मो पास्तेकम हना, मेको आन कली साइक्चा माल्नीम" देत । गन्ती १ :१५

११ मिनु लेशा परमपरभु यावेमी मोसा कली १२ "गो इसराएली आन डांडती जरमेशो तौ आन पा डा लेवी आ थर डा मुर आन कली इसराएली आन दाते र योत्रतामी । मोपतीके लेवी आ मुर आं केन बाक्नीम । गन्ती ८ :१६ ; परस्थान १३ :२ १३ डांडती जरमेशो नल्ल आं के बाक्नीम । इनीपत्तमी डांडती जरमेशो नल्ल सदुमी नाक्ती, गो इसराएली आन डांडती जरमेशो आं कली

वांडसाक्यी । मिनु गो मुर नु बी ब्यफ, क्यारश भेडा नल्ल आं कली वांडसाक्यी । मेको आं के बाक्नीम । गो परमपरभु यावे नड" देत ।

१४ मिनु परमपरभु यावेमी सीने डा गोरशो रागीमी मोसा कली १५ "गे लेवी आ थर डा मुर आन कली आन सिं सिं पा हिक्मी । महिना का गाप्शो नु मेको क्येडा लाकशा वांडश मुर नल्ल आन कली हिक्मी" देत । १६ मिनु मासामी परमपरभु यावेमी अरशा सोदशो पा मेको आन कली हिक्तीमी ।

१७ मिनु लेवी आ तौ सु सु बाक्तेकम देशा हना, गेरशोन, कोहाथ नु मेरारी बाक्तेकम । परस्थान ६ :१६-१९ ; गन्ती २६ :५७-६४ १८ गेरशोन आ तौ लिब्नी नु आ सिं डा मुर नु शिमइ नु आ सिं डा मुर बाक्तेकम । १९ कोहाथ आ तौ अमराम नु आ सिं डा मुर नु इच्छार नु आ सिं डा मुर, हेबरोन नु आ सिं डा मुर नु उज्जीएल नु आ सिं डा मुर बाक्तेकम । २० मेरारी आ तौ माहली नु आ सिं डा मुर नु सुशी नु आ सिं डा मुर बाक्तेकम । एको लेवी आ थर डा मुर आन सिं सिं डा मुर बाक्तेकम ।

२१ गेरशोन र पा लिब्नी नु शिमइ आस सिं सिं डा मुर दुम्तेकम । मेकोन गेरशोन आ सिं सिं डा मुर बाक्नीम । २२ मेकोपुकी महिना का गाप्शो नु मेको क्येडा लाकशा वांडश मुर हिक्शानु ७ हजार ५ सह बाक्तेकम । २३ गेरशोन आ सिं डा मुर आन बाक्तीके गरुम्तीक ताम्बु आ नोले, पच्छिम गे दुम्चा माल्ब । २४ गेरशानी आन सिं डा ठेयब मुर, लाएल आ तौ एली-आसाफ बाक्ते । २५ गेरशोन आ मुरपुकीमी गरुम्तीक ताम्बु कली सुम्तीके, गरुम्तीक ताम्बु आ आगा ओवतीक डा फारशो वा, २६ लाडगा डा फारशो वा, ताम्बु नु चढेतीक आ एर आंथ डा लाडगा आ आगा ओवतीक डा फारशो वा नु ताम्बु डा डारीपुकी कोत्रचा माल्बाक्तेकम ।

२७ कोहाथ र पा अमराम आ सिं डा मुर, इच्छार आ सिं डा मुर, हेबरोन आ सिं डा मुर नु उज्जीएल आ सिं डा मुरपुकी दुम्तेकम । मेको कोहाथ आ सिं सिं डा मुर बाक्नीम । २८ मेकोपुकी महिना का गाप्शो नु मेको क्येडा लाकशा वांडश मुर हिक्शानु ८ हजार ६ सह बाक्तेकम । मिनु मेकोपुकी गरुम्तीक ताम्बु डा गेय पाइब आन कली वारच पाइब बाक्तेकम । २९ कोहाथ आ सिं डा मुर आन बाक्तीके गरुम्तीक ताम्बु आ दक्खिन गे दुम्चा माल्ब । ३० कोहाथी आन सिं डा ठेयब मुर उज्जीएल आ तौ, एली-जाफान बाक्ते । लेवी १० :४ ३१ कोहाथीपुकीमी कबल पशो

सन्दोस, शोब्लेन वोइक्तीक टेबल, बत्ती दातीक, चढ्देतीक निक्शी नु चढ्बेब आन माल्शो मारेइ मारेइ नु नेल्ल क्येडा चोत्रसो कोठा डा फारशो वा कोत्रचा माल्बाक्तेकम्। गन्ती ७:१ ३२मिनु चढ्बेब हारून आ तौ एलाजर चहिं लेवी आन थर डा ठेयब मुर आन नेल्ल क्येडा ठेयब मुर बाक्ते। मिनु मको गरुस्तीक ताम्बु डा गेय पाइब नेल्ल आन कली कोत्रब मुर बाक्ते।

३३मरारी र पा माहली आ सिं डा मुर नु मुशी आ सिं डा मुर बाक्तेकम्। एको मरारी आ सिं सिं डा मुर बाक्तीम। ३४मकोपुकी महिना का गाप्शो नु मको क्येडा लाक्शो वांइश मुर नेल्ल हिक्शानु ६ हजार सह निक्शी बाक्तेकम्। ३५मरारी आ सिं डा ठेयब मुर अबीहेल आ तौ सुरीएल बाक्बे। मरारी आ सिं डा मुर आन बाक्तीक गरुस्तीक ताम्बु आ उत्तर गे दुम्चा माल्बे। ३६मरारी आ तौपुकीमी गरुस्तीक ताम्बु डा फलेकपुकी, थामपुकी नु आन राप्पाइक्तीकपुकी नु आन मारेइ मारेइ कोत्रचा माल्नीम। ३७मकोपुकीमी लाङ्गा एर आंथ डा थामपुकी नु आन राप्पाइक्तीकपुकी, किलापुकी नु डोरीपुकी कोत्रचा माल्नीम।

३८मोसा, हारून नु आस तौ आन बाक्तीक गरुस्तीक ताम्बु आ डांइती पूर्व गे, नां दाप्तीक गे दुम्चा माल्बाक्ते। मकोपुकीमी गरुस्तीक ताम्बुम इसराएली आन पर्वम मार मार पचा माल्शो बाक्ते, मको पचा माल्बाक्तेकम्। मकोपुकी डा लाक्शा अर्का सुइ मुरुम मो पास्तकम् हना, मको आन कली साइक्चा माल्नीम।

३९मोसा नु हारूनमी परमपरभु यावे आ देशो खोदेशो पा हिक्शो लेवी आ थर डा सिं सिं डा मुर महिना का गाप्शो नु मको क्येडा लाक्शो नेल्ल २२ हजार जना बाक्तेकम्।

४०मिनु परमपरभु यावेमी मोसा कली "महिना का गाप्शो नु मको क्येडा लाक्शो इसराएली आन डांइती जरमेशो तौ नेल्ल आन कली हिक्शा आन नें बरेक्ते। ४१मिनु गे इसराएली आन डांइती जरमेशो तौ आन पा डा लेवी आ मुर आन कली आं के सेल्मी। मोपा इसराएली आन डांइती जरमेशो बी ब्यफ क्यारश भेडा आन पा डा लेवी आन बी ब्यफ क्यारश भेडा आं के सेल्मी। गो परमपरभु यावे नड" दैत। गन्ती १८:१५

४२मिनु मोसामी परमपरभु यावेमी अरेशो खोदेशो पा इसराएली आन डांइती जरमेशो तौ

आन कली हिक्तीमी। ४३मिनु मकोपुकी महिना का गाप्शो नु मको क्येडा लाक्शो डांइती जरमेशो आन नें बरेक्शा, हिक्शानु नेल्ल २२ हजार सह निक्शी ७३ जना बाक्तेकम्।

४४मिनु लेंशा परमपरभु यावेमी मोसा कली ४५ "इसराएली आन डांइती जरमेशो तौ आन पा डा लेवी आ मुर आं के सेल्मी। मिनु मको आन बी ब्यफ, क्यारश भेडा आन पा डा लेवी आ मुर आन बी ब्यफ, क्यारश भेडा आं के सेल्मी। लेवी आ मुर आं के बाक्तीम। गो परमपरभु यावे नड। ४६मिनु लेवी आन क्येडा शुश दुम्शो इसराएली आन डांइती जरमेशो तौ सह निक्शी ७३ जना बाक्तेकम्। मको आन कली परांइचा माल्बाक्ते। ४७मको आन कली परांइचा कली का के ५ शेकेल ताक्को। गरुस्तीक ताम्बु डा शेकेल का २० गेराह डा बाक्बे। गेराह का ०.६ गराम बाक्बे। गरुस्तीक ताम्बु डा शेकेल १२ गराम बाक्बे। ४८मिनु गे इसराएली आन कली परांइचा कली गेशो शेकेल हारून नु आ तौ आन कली गेचा माल्नेवे" दैत। शेकेल इसराएली आन क्येट बाक्बे। बजार डा शेकेल ११.५ गराम बाक्बे। ताम्बु कली गेतीक शेकेल चहिं १२ गराम बाक्बे। मको सुन के नु चांदी के शेकेल बाक्तीम।

४९मिनु मोसामी लेवी आन क्येडा शुश दुम्शो, परांइचा माल्शो मुर र परांइतीक क्येट ताक्ते। ५०मिनु मकोमी इसराएली आन डांइती जरमेशो तौ र परांइतीक क्येट ताक्शा, मको हजार का सह सां ६५ ताम्बु डा शेकेल बाक्तेकम्। ५१मिनु मोसामी परमपरभु यावेमी अरेशो खोदेशो पा, मको परांइतीक क्येट हारून नु आ तौ आन कली गेम्तीमी।

कोहाथ आ मुर आन कली हिक्शो

४१ परमपरभु यावेमी मोसा नु हारून आस कली  
४२ "लेवी आ मुर आन दाते डा कोहाथी आन कली आन सिं सिं डा मुर पा हिक्कीस। ३० ३० बर्स र ५० बर्स सम्म डा वांइश मुर आन कली हिक्कीस। मकोपुकी ला गरुस्तीक ताम्बु डा गेय पने चान्नीम। गन्ती ८:२४-२५; १इतिहास २३:२४ ४मको कोहाथी आन पचा माल्शो गेय गरुस्तीक ताम्बु डा नेल्ल क्येडा चोत्रसो थोत्रक नु बाक्बे।

५ मिनु गरुस्तीक ताम्बु याक्तेमेनु, हारून नु आ तौ गरुस्तीक ताम्बु ओत्रशा, फारशो वा शोल्शा, मको वामी कबल पशो सन्दोस सुम्चा

माल्नीम। ६ मिनु नोले मेकोपुकीमी मेको आ तार रिम्शो कोक्तेमी सुम्चा माल्नीम। मेको आ तारी नीलो रङ्ग डा वामी सुम्चा माल्नीम। मिनु मेको आ कुरतीक कोक्के शुइक्चा माल्नीम।

७ मिनु मेकोपुकीमी कौइतीक शोब्ले वोइक्तीक टेबल तार नीलो वा का बरशा, मेको आ तारी थालपुकी, थनीरोपुकी, बोसपुकी नु त्चा थोव्रक चद्वेचा कली कचौरा वोइक्चा माल्नीम। मिनु नाक्त कित कित डा कौइतीक शोब्ले यो मेको तार बाक्चा माल्ब। ८ मिनु नोले मेको आ तार लल रङ्ग डा वा बरशा, मेको आ तार रिम्शो कोक्तेम सुम्चा माल्नीम। मिनु मेको आ कुरतीक कोक्के शुइक्चा माल्नीम।

९ मेकोपुकीमी बती दातीक नीलो वाम सुम्चा माल्नीम। मेको आ बती, आ थनारो, आ थाल नु तेल वोइक्तीके नेल्ल सुम्चा माल्नीम। परस्थान २५ :३१ १० मिनु मेको नेल्ल कली रिम्शो कोक्तेमी वोइश्शा, कुरतीक तारी वोइक्चा माल्नीम।

११ मेकोपुकीमी सुन के चद्वेतीक तारी नीलो वा बरशा, रिम्शो कोक्तेम सुम्चा माल्नीम। मिनु मेको आ कुरतीक कोक्के शुइक्चा माल्नीम। परस्थान ४० :२६-२७

१२ मिनु गुरुस्तीक ताम्बुम माल्शो मारेइ मारेइ सुप्शा, नीलो वाम कुम्तो पचा माल्नीम। मिनु मेको कली रिम्शो कोक्तेम सुम्चा माल्नीम। मिनु कुरतीक तारी वोइक्चा माल्नीम।

१३ मेकोपुकीमी चद्वेतीक र पुतु शोल्शा, मेको आ तार प्याजी रङ्ग डा वा बरचा माल्नीम। १४ मिनु मेकोपुकीमी चद्वेतीकम माल्शो मारेइ मारेइ थोव्रकी मेको आ तारी वोइक्चा माल्नीम। मी वोइक्तीक, श्य गुरुइतीक, बेल्वापुकी, व्याक्कु वोइक्तीक ग्यांबपुकी नु चद्वेतीक डा मारेइ मारेइ वोइश्शा, मेको तार रिम्शो कोक्तेम सुम्चा माल्नीम। मेको आ कुरतीक कोक्के शुइक्चा माल्नीम।

१५ मिनु हारुन नु आ तौपुकीमी मेको गुरुस्तीक ताम्बु डा मारेइ मारेइ सुम्ने थुम्मे नोले कोहार्थीपुकी मेको कुरथ जाक्चा माल्नीम। तन्न मेकोपुकीमी परमपरसु यावे आ मार मार थोव्रक थिचा मडुम्नीम। मेकोपुकीम थिम्तेक्म हना, बेक्नीम। कोहार्थीपुकीमी गुरुस्तीक ताम्बु डा कुरचा माल्शो थोव्रक मेकोन बाक्नीम। गन्ती ७ :९ ; २सामुएल ६ :६-७

१६ चद्वेब हारुन आ तौ एलाजर बती दाशो तेल, बरोव्रशा रिना पाइक्ब धूप, नाक्त कित कित डा चद्वेतीक अन्न नु लुक्तीक तेल कली कोव्रब

बाक्ब। मेको गुरुस्तीक ताम्बु नु मेकेर डा मारेइ मारेइ कोव्रब बाक्ब” दंत।

१७ मिनु नोले परमपरसु यावेमी मोसा नु हारुन आस कली १८ “गे लेवी आन दाते डा कोहार्थी आन सिं सिं डा मुर आन कली खतम दुम्चा मगस। १९ गे, कोहार्थी मबक्थु, बरोइमल दे नेल्ल क्येडा चोव्रखा थोव्रक आ नेक्था जावमानु, मार पचा माल्नीनी देशा हना, हारुन नु आ तौपुकी आगा ओव्रशा, मेको आन कली आन आन गेय नु मार मार कुरचा माल्नीनी, मेको योक्शा गेचा माल्नीमी। २० तन्न कोहार्थीपुकीम मेको नेल्ल क्येडा चोव्रखा थोव्रक आन कली कोव्रचा मडुम्ब। कोव्रतेक्म हना, बेक्नीम” दंत। १सामुएल ६ :१९

गेरशान आ मुर आन कली हिक्शो

२१ मिनु परमपरसु यावेमी मोसा कली २२ “गेरशानी आन कली यो आन सिं सिं पा हिक्मी। २३ गे ३० बर्स र ५० बर्स सम्म डा वोंइश मुर आन कली हिक्को। मेकोपुकी ला गुरुस्तीक ताम्बु डा गेय पने चान्नीम।

२४ मिनु गेरशान आ मुर आन पतीक मार बाक्त देशा हना, गेय पचा नु मार मार कुरचा माल्नीम। २५ गुरुस्तीक ताम्बु डा फारशो वा, गुरुस्तीक ताम्बु आ सुम्तीक नु मेको तार बाक्शो रिम्शो कोक्ते नु गुरुस्तीक ताम्बु आ ओव्रतीक डा फारशो वा कुरचा माल्नीम। २६ मिनु लाडगा डा एर आंथ फारशो वा, ओव्रतीक डा फारशो वा, गुरुस्तीक ताम्बु नु चद्वेतीक आ एर आंथ डा वा नु आ डोरी नु मेको आ गेय कली माल्शो नेल्ल पचा माल्नीम। २७ गेरशान आ मुरपुकीमी हारुन नु आ तौपुकीमी अरेशो खोंदेशो पा ला आन कुरतीक नु अरु गेय पने चान्नीम। हारुन नु आ तौपुकीमी मेको आन कुरचा माल्शो नु पतीक गेय नेल्ल अरेशो माल्नीम। परस्थान ३८ :२१ २८ मिनु गेरशानीमी गुरुस्तीक ताम्बुम पचा माल्शो गेय एकोन बाक्ब। मिनु हारुन आ तौ इथामार मेको आन कली अरेब बाक्ब।

मेरारी आ मुर आन कली हिक्शो

२९ गे मेरारी आ मुर आन कली आन सिं सिं डा मुर पा हिक्शा, बरक्तो। ३० गे ३० बर्स र ५० बर्स सम्म डा वोंइश मुर आन कली हिक्को। मेकोपुकी ला गुरुस्तीक ताम्बु डा गेय पने चान्नीम। ३१ मिनु मेकोपुकीमी गुरुस्तीक ताम्बु डा मार कुरचा माल्नीम

दंशा हना, गरुमतीक ताम्बु डा फलेकपुकी, मेको आन ग्याइक्तीक कोक्कपुकी, थामपुकी नु राप्पाइक्तीकपुकी कुरचा माल्नीम। ३२मिनु लाडगा डा थाम नेल्ले, आन राप्पाइक्तीकपुकी, किलापुकी, डोरीपुकी नु मार मार अरु बाक्मा मेको कोत्रचा नु कुरचा माल्नीम। ३३मेको मेरारी आ मुरपुकीम आन गरुमतीक ताम्बु कली पचा माल्शा गय बाक्ब। मिनु चढेब हारून आ तो इथामार मेको आन कली अरेब बाक्ब” दंत।

लेवी आ मुर आन कली हिक्शो

३४ मोसा, हारून नु थर थर डा मुर आन ठेयब मुरपुकीमी कोहार्थी आन सिं सिं डा मुर आन कली हिक्शा बरेक्ताक्म। ३५ मिनु ३० बर्स रे ५० बर्स सम्म डा मुर ला गरुमतीक ताम्बुमी गेय पने चाप्पाक्तेक्म। ३६ मिनु मेको आन सिं सिं डा मुर हिक्शोनु, हजार निकशी ७ सह ५० जना बाक्तेक्म। ३७ मेको गरुमतीक ताम्बु डा गेय पाइब कोहार्थीपुकी बाक्नीम। मिनु मोसा नु हारूनमी परमपरभु यावेमी अरेशो खोदंशो पा मेको आन कली हिक्शा बरेक्शो बाक्ताक्स।

३८ मिनु गेरशोनी आन सिं सिं डा मुर आन कली हिक्शा बरेक्ताक्म। ३९ मिनु ३० बर्स रे ५० बर्स सम्म डा मुर ला गरुमतीक ताम्बुमी गेय पने चाप्पाक्तेक्म। ४० मिनु मेको आन सिं सिं डा मुर हिक्शोनु, हजार निकशी ६ सह ३० जना बाक्तेक्म। ४१ मेको गरुमतीक ताम्बु डा गेय पाइब गेरशोनी बाक्नीम। मिनु मोसा नु हारूनमी परमपरभु यावेमी अरेशो खोदंशो पा मेको आन कली हिक्शा बरेक्ताक्स।

४२ मिनु मेरारी आ मुर आन सिं सिं डा मुर आन कली हिक्तेक्म। ४३ मेको ३० बर्स रे ५० बर्स सम्म डा मुर ला गरुमतीक ताम्बुमी गेय पने चाप्पाक्तेक्म। ४४ मिनु मेको आन सिं सिं डा मुर हिक्शोनु, हजार सां सह निकशी बाक्तेक्म। ४५ मेको गरुमतीक ताम्बु डा गेय पाइब मेरारी आ मुर बाक्नीम। मिनु मोसा नु हारूनमी परमपरभु यावेमी अरेशो खोदंशो पा मेको आन कली हिक्शा बरेक्ताक्स।

४६ मिनु मोसा, हारून नु इसराएल आ थर डा मुर आन ठेयब मुरपुकीमी लेवी आ मुर नेल्ले आन सिं सिं डा मुर हिक्शा बरेक्ताक्म। ४७ मिनु ३० बर्स रे ५० बर्स सम्म डा मुर ला गरुमतीक ताम्बुमी गेय पने नु मार मार कुरन चाप्पाक्तेक्म। ४८ मिनु मेको आन सिं सिं डा मुर हिक्शोनु

८ हजार ५ सह ८० जना बाक्तेक्म। ४९ मिनु परमपरभु यावेमी अरेशो खोदंशो पा मोसामी मेको आन कली हिक्शा, मार गेय पचा माल्नीमी, मार कुरचा माल्नीमी, मेको अरमतीमी। मिनु परमपरभु यावेमी मोसा कली अरेशो खोदंशो पा मेको आन कली हिक्शा बाक्त।

मुर बाक्तीक गरांगरा मसेल्वा

५१ परमपरभु यावेमी मोसा कली २ “गे इसराएली आन कली गेपुकीमी कोत्रचा खोदंशो रोइ पाइब, आन रां रे गरांगरा दिशो यिशा नु बेक्शो मुर यिशा गरांगरा दुम्शो मुर आन कली इन बाक्तीक क्येडा डोन वोइक्चा माल्नीनी। लेवी १३:४६; लेवी १५:२; गन्ती ९:६-७ ३ मोदंशो वोंडश मुर नु मीश मुर नेल्ले आन कली मुर आन बाक्तीक क्येडा डोन वोइक्चा माल्नीनी। मेकोपुकीमी मुर आन बाक्तीक गरांगरा दिशो सेल्वा मदुम्नीम। मारदे हना गो इन दातेमी बाक्शो बाक्नुड” दंत। गन्ती १२:१४-१५; परस्थान २५:८ ४ मिनु इसराएलीपुकीमी मो पास्तेक्म। मोदंशो मुर आन कली मुर आन बाक्तीक क्येडा डोन वोइक्तेक्म। परमपरभु यावेमी मोसा कली अरेशो खोदंशो पा इसराएलीपुकीमी पास्तेक्म।

सुइ पशो आ पर्वम शंशो

५ मिनु लेशा परमपरभु यावेमी मोसा कली ६ “गे इसराएली आन कली भीश मुर, वोंडश मुर सु बाक्त हना यो, परमपरभु यावे आ डोंडती पाप पा अरु मुर आन कली मारइ मरिम्शो पाप्नु हना, मेको मुर दोस ताइब दुम्ब। लेवी ५:२१-२६ ७ मिनु मेकोमी आ मरिम्शो पशो शोत्रचा माल्ब। मिनु मेको मुरुमी आ सुइ पशो नेल्ले लेशशा गेशा, मेको क्येडा यो ५ भाग तेम्शा गेचा माल्ब। ८ तन्न मेको सुइ पचा पुंइसीशो मुर बेक्शा, मेको के सुइ मबाक्तेक्म हना, मेको पाप आ पर्वम थाप्शो परमपरभु यावे के दुम्शा, चढेब आन के दुम्ब। मिनु आ पाप क्यास्तीक गेय पचा कली सांड का गेचा माल्ब। ९ मिनु इसराएलीपुकीमी आन परमपरभु यावे कली गेशो क्युक्शा चढेतीक नेल्ले चढेब कली गेचा माल्नीम। मिनु मेको चढेब केन दुम्ब। गन्ती १८:८ १० मिनु मुर नेल्ले आन परमपरभु यावे कली गेशो, मेको केन दुम्ब। मार गेम्तेक्म हना यो, मेको चढेब केन दुम्ब” द अरमी” दंत।

### मीश मुर कली नाक्शा

११मिनु परमपरभु यावेमी मोसा कली १२“गे इसराएली आन कली सुइ आन मीश हेंथे गाक्शा, आ वांइश कली मरिम्शो पाप्तु हना, १३अरु वांइश मुर नु इप्त हना, मेको आ वांइश रे खरुइश्शा बाक्त हना, मेकोमी सुइम मतुइक्थु, ग्रांगरा दिशा सल्लसीशो बाक्त हना यो, मेको सुइम थित्वा मपुंइसीशो बाक्त हना यो, १४मेको वांइश मुरुमी आ ग्रांगरा दिशा सल्लसीशो मीश आ पर्वम रुश पा, आ थुंम मरिम्शो मिम्शो बाक्त हना, मेको आ मीश आंम कली ग्रांगरा दिशा मसल्लसीशो बाक्त हना यो, १५मेको वांइश मुरुमी आ मीश कली चदेब आ बाक्तीक चाक्चा माल्ब। मिनु मेको आ मीश आ पर्वम एफाह का डा १० भाग डा भाग का क्योवज फस चाक्चा माल्ब। मेको आ तारी तेल लुक्चा नु धूप वोइक्चा मदुम्ब। मारदे हना मेको रुश पशो आ पर्वम अन्न चदेतीक बाक्ब। मेको अन्न चदेतीक मरिम्शो पशो मिम्चा कली बाक्ब। एफाह का २२ लिटर डा पुक्तीक बाक्ब।

१६मिनु चदेबमी मेको मीश मुर कली आ नेक्था चाक्शा, परमपरभु यावे आ डांइती राप्पाइक्चा माल्ब। १७मिनु चदेबमी खप के ग्यांबुम नक ब्याक्कु चाक्चा माल्ब। मिनु मेकोमी गुरुतीक ताम्बु डा खप डा फुरक इक्का हुइश्शा, मेको ब्याक्कुम कुर पचा माल्ब। १८मिनु चदेबमी मेको मीश मुर कली परमपरभु यावे आ डांइती राप्पा, मेको आ चां परुइक्चा माल्ब। मिनु मेकोमी मेको मिम्चा कली अन्न चदेतीक आ गुइमी वोइक्चा माल्ब। मेको रुश पशो आ पर्वम अन्न चदेतीक बाक्ब। मिनु मेको चदेबमी मेको सराप चीले रशो कशो ब्याक्कु आ गुइमी ग्याइक्चा माल्ब। १९मिनु चदेबमी मेको मीश मुर कली कसम जपाइश्शा “थमा पा गे सुइ वांइश मुर नु मइप्शो बाक्ते हना, इ वांइश नु बाक्शा, हेंथे मगाक्थु, इ कली ग्रांगरा दिशा मसल्लसीशो बाक्ते हना, एको कशो ब्याक्कु तडीनु, गे सराप चीले मराइनेव। २०तन्न गे इ वांइश नु बाक्शा यो, हेंथे गाक्शा, ग्रांगरा दिशा सल्लसीशो बाक्ते हना, गे अरु वांइश मुर नु इप्शो बाक्ते” हना, देशा, २१चदेबमी मेको मीश मुर कली सराप चीले रतीक कसम जपाइक्चा माल्ब। मिनु मेकोमी मीश मुर कली “परमपरभु यावेमी इ कोवज होम्पाइक्तीक नु दल्लो सोव्रपाइक्तीक रोइ पपाइश्शा तशा, गे इ मुर आन दातेमी हिंचा डा कांइतीक दुम्नेव।

२२एको सराप चीले रतीक ब्याक्कु इ कोवजम ओव्रशा इ कोवज होम्तीक नु इ दल्लो सोव्रतीक रोइ पपाइक्ब” देचा माल्ब। मिनु मेको मीश मुरुमी “आमेन, मोदंशोन दुम्ने” देचा माल्ब।

२३मिनु नोले चदेबमी मेको सराप चीले कागजम बरक्शा मेको कशा ब्याक्कुम मेको कागज कली मुरचा माल्ब। २४मिनु नोले मेकोमी मेको मीश मुर कली मेको सराप चीले बाक्शा कशो ब्याक्कु तूपाइक्चा माल्ब। मिनु मेको सराप चीले बाक्शा ब्याक्कु मेको मीश मुर आ कोवजम ओव्रशा मेको कली शुश खाइक्पाइक्ब। भजन संगरह १०९:३८ २५मिनु चदेबमी मेको रुश पतीक आ पर्वम चदेशो अन्न मेको मीश मुर आ गुइ रे लाइश्शा, परमपरभु यावे आ डांइती क्युक्शा, चदेतीकम चाक्चा माल्ब। २६मिनु चदेबमी मेको अन्न चदेतीक रे मिम्चा कली याल का हुइश्शा चदेतीकमी चोचा माल्ब। मिनु नोले मेको कली मेको ब्याक्कु तूपाइक्चा माल्ब। २७मिनु मेकोमी मेको मीश मुर कली मेको ब्याक्कु तूपदान, मेको ग्रांगरा दिशा दुम्शो बाक्त हना, नु आ वांइश कली मरिम्शो पशो बाक्त हना, मेको सराप चीले बाक्शा कशो ब्याक्कु मेको आ आगा ओव्रशा, शुश खाइक्पाइक्ब। मेको आ कोवज होम्ब। मिनु मेको आ दल्लो सोव्रब। मिनु मेको मीश मुर आ मुर आन दातेमी हिंचा डा कांइतीक दुम्ब। २८तन्न मेको मीश मुरुम आंम कली ग्रांगरा दिशा मसल्लसीशो नु मरिम्शो मपशो बाक्त हना, मेको ब्याक्कु मखाइक्थु, आल थीब दुम्ब।

२९आ वांइश नु बाक्शा यो, हेंथे गाक्शा ग्रांगरा दिशा सल्लसीशो मीश मुर आ पर्वम रुश पाइब वांइश कली अरशो लोव्र बाक्ब। ३०मिनु वांइश मुर रुश पाइब दुम्शा, आ मीश आ पर्वम रुश पाप्तु हना, मेकोमी आ मीश परमपरभु यावे आ डांइती राप्पाइक्चा माल्ब। मिनु चदेबमी मेको अरशो लोव्र नेल्ले मेको मीश मुर आ पर्वम पचा माल्ब। ३१मिनु मेको वांइश मुर दोस मताइब दुम्ब। मिनु आ मीशमी चिंहिं आ मरिम्शो पशो राइब” दे इसराएली आन कली शंदो” दे परमपरभु यावेमी मोसा कली देत।

### परमपरभु कली नाजिरी दिल्शा

१परमपरभु यावेमी मोसा कली २“गे इसराएली आन कली सुइ मीश मुर, वांइश मुरुमी परमपरभु यावे कली दिल्शा बाक्चा, दे नाजिरी कबल पाप्तु हना, १सामुएल १:११

३मेकोमी शांबु राकसी त्चा काइ मदुम्ब। मेकोम ग्युरशो अडगुर शांबु नु अडगुर आ रस त्चा मदुम्ब। क्येस नु सोत्रपाइशो अडगुर यो ब्चचा मदुम्ब। आमोस १:११-१२; लुका १:१५ ४ गिश नाक्त सम्म मेको नाजिरी दुम्शा दिल्ला बाक्वा, मिश नाक्त सम्म मेको अडगुर आ वांचर आ सोश्ले सम्म यो ब्चचा मदुम्ब।

५मेको गिश नाक्त सम्म नाजिरी दुम्शा दिल्ला बाक्वा, मिश नाक्त सम्म आ पिया डा चां परक्चा मदुम्ब। मेको आ नाजिरी दुम्शा दिल्लो नाक्ती मनुम्म सम्म मेकोमी परमपरभु यावे कली ला दिल्लो बाक्व। मेकोमी आ चां बारचा गेचा माल्ब। न्यायाधीस १३:५

६ गिश नाक्त सम्म मेको परमपरभु यावे आ पर्वम दिल्ला बाक्वा, मिश नाक्त सम्म मेको बेक्शो मुर आन नेक्था ल्चा मदुम्ब। ७मेको आ आम आफ, आ लोकवपुकी सु बेक्तेकम हना यो, मेको आन पर्वम मेकोमी आम कली गरांगरा दिशो सल्वा मदुम्ब। मारदे हना मेको आ पियाम आ परमपरभु आ पर्वम दिल्ला चिन्ड बाक्व। लेवी २१:११ ८ आ दिल्ला बाक्शो नाक्त नेल्ले मेको परमपरभु यावे कली ला दुम्शो बाक्व।

९ मिनु दोक का का पा सुइ मुर मेको आ नेक्था बेक्शा, आ चां गरांगरा सल्लु हना, गरांगरा मदिशो दुम्चा कली ७ नाक्तीम आ चां परक्चा माल्ब। गन्ती ११:११,१४,१६ १० मिनु मेकोमी ८ नाक्ती परवा हना यो, दुकुर हना यो निक्शी गरुम्तीक ताम्बु डा ओव्रतीक चढेब आ डांइती चाक्चा माल्ब। लेवी ५:७ ११ मिनु चढेबमी मेको का पाप आ पर्वम चढेतीक नु का चोशा चढेतीके चढेचा माल्ब। मिनु मेको मुर आ पर्वम पाप क्याम्तीक गेय पचा माल्ब। मारदे हना मेको बेक्शो मुर आ नेक्था बाक्शा पाप दुम्शा, गरांगरा दिशो दुम्शो बाक्व। मिनु मेको नाक्त र मेकोम आ पिया परमपरभु यावे कली तिल्ला माल्ब। १२ मिनु मेको मुरुमी आ नाजिरी बाक्तीक नाक्ती नक गोशा परमपरभु यावे कली दिल्ला माल्ब। मिनु मेकोमी गारचा आ पर्वम चढेचा कली बर्स का गाप्शो सांड का चाक्चा माल्ब। मेको मुर दिल्ला बाक्मेनु, गरांगरा दिशो दुम्तीक आ डांइती डा नाक्त महिक्सीब।

१३ मिनु नाजिरी आन कली अरेशो लोत्र मार बाक्व देशा हना, आम दिल्ला बाक्शो नाक्त गाक्म नोले, मेको मुर आ पतीके मार बाक्व देशा हना, मेको कली गरुम्तीक ताम्बु आ ओव्रतीक आ डांइती चाक्चा माल्ब। १४ मिनु मेकोमी

परमपरभु यावे कली मारइ मदुम्शो थम रिम्शो सांड का चोशा चढेतीक चढेचा माल्ब। मिनु मेकोमी बर्स का गाप्शो मारइ मदुम्शो थम रिम्शो पाठी का पाप आ पर्वम चढेचा माल्ब। मिनु मारइ मदुम्शो थम रिम्शो बर्स का गाप्शो सांड का दुशा बाक्चा आ पर्वम चढेचा माल्ब। १५ मिनु मेकोमी डालो का बोरब ओस्ती मसुप्शो शोब्ल, थम रिम्शो तलम निशो फस क बटुकपुकी नु तल खरक्शो बोरब ओस्ती मसुप्शो बाबरपुकी चढेचा माल्ब।

१६ मिनु चढेबमी मेको नेल्ले परमपरभु यावे आ डांइती वोइक्चा माल्ब। मिनु मेको पाप आ पर्वम चढेतीके नु चोशा चढेतीके चढेचा माल्ब। १७ मिनु मेकोमी मेको सांड दुशा बाक्चा आ पर्वम परमपरभु यावे कली चढेचा माल्ब। मेको नु डालोम बाक्शा बोरब ओस्ती मसुप्शो शोब्ल चढेचा माल्ब। मिनु मेको चढेबमी मेको नु अन्न चढेतीके नु त्चा थोत्रक चढेतीक चढेचा माल्ब।

१८ मिनु नोले मेको नाजिरीमी गरुम्तीक ताम्बु ओव्रतीक आ डांइती आ तिल्लो पिया डा चां परक्चा माल्ब। मिनु मेको चां दुशा बाक्चा आ पर्वम चढेतीक आ आगाम चोचा माल्ब। पररित १८:१८

१९ मिनु आ पिया परक्गा नोले मेको चढेबमी मेको सांड आ लोप्शो बला नु डालो डा बोरब ओस्ती मसुप्शो बटुक का नु बोरब ओस्ती मसुप्शो बाबर का मेको नाजिरी आ गुइम वोइक्चा माल्ब। २० मिनु चढेबमी मेको कली क्युकशा परमपरभु यावे आ डांइती क्युकशा चढेतीक चढेचा माल्ब। मिनु क्युकशा चढेशो, कुथरु नु फिला चढेब आ भाग दुम्ब। मेको नोले मेको नाजिरीमी अडगुर शांबु तूतु हना दुम्ब। परस्थान २९:२३,२४,२७

२१ मिनु कसम जशो नाजिरी कली अरेशो लोत्र मार बाक्व देशा हना, आ परमपरभु यावे कली चढेशो नाजिरी आ कसम जशो सोदेशो बाक्चा माल्ब। आ चाप्शो तेम्ने चाप्ब। आ कसम जशो गारचा माल्ब। मिनु आ जिम्मा डा अरेशो लोत्र नेल्ले गारचा माल्ब देनो” देत।

हारुनमी गेचा माल्लो आसीक

२२ मिनु परमपरभु यावेमी मोसा कली २३ “गे हारुन नु आ तौ आन कली गे इसराएली आन कली आसीक गेनीनु, मार देचा माल्लीनी देशा हना, लेवी ९:२२-२३; व्यवस्था १०:८ २४ परमपरभु यावेमी इन कली आसीक गेवल। इन

कली गेना हना यो कोव्रडल । उत्पत्ती २४ :१,३५ ; भजन संग्रह १२१ :- २५ परमपरभु यावे इन कली तथा ग्यरसकल । मिनु इन कली शिशो पवल । भजन संग्रह ८० :४ ; परस्थान ३४ :६-७ २६ परमपरभु यावमी इन कली कोव्रशा, इन थुं नाइश्शा बाक्चा गेवल' देचा माल्नीनी । भजन संग्रह ६९ :१७-१८ ; भजन संग्रह ८५ :९ ; यसेया ५७ :१९ २० मकोपुकीमी मोदंशा लोव्र पा, आं नें इसराएली आन तार वोइक्चा माल्नीम । मिनु गो मेको आन कली आसीक गेनुडमी" दे मोसा कली देत ।

इसराएली आन थर डा ठेयब मुर

१ मोसामी गरुस्तीक ताम्बु सेल्ले थुम्शा, ७ मेको नु आ मारेइ मारेइ आन कली तेल बरुइक्ताक्मी । मिनु परमपरभु यावे आ गेय पचा कली वोइक्त्तु । मिनु मेकोमी चढेतीक नु आ मारेइ मारेइ तेल बरुइश्शा परमपरभु यावे आ गेय पचा कली वोइक्तीमी । परस्थान ४० :९,१०,१७ २ मिनु इसराएल डा थर थर नु खिं खिं डा खुष्शा हिक्शा मुर आन ठेयब मुरपुकीमी चढेम्तक्म । ३ मकोपुकीमी आन चढेतीक परमपरभु यावे आ डांइती चाक्तेक्म । मार चाक्तेक्म दंशा हना, ६ ओटा बग्गी, १२ ओटा ब्यफ, निक्शी थर डा मुर आन ठेयब मुर आस कली बग्गी का बाक्त्त । मिनु ठेयब मुर का का पा ब्यफ का का चढेचा कली चाक्तेक्म । मिनु मकोपुकीमी गरुस्तीक ताम्बु आ डांइती वोइक्तेक्म ।

४ मिनु नात्त परमपरभु यावमी मोसा कली ५ "मेको आन चाक्शा ताक्को । मिनु मेकोमी गरुस्तीक ताम्बु डा गेय पने चान्नीम । लेवी आन कली आन आन गेय गारचा डा पा गेमी" देत ।

६ मिनु मोसामी मेको बग्गी नु ब्यफपुकी ताक्शा, लेवी आन कली गेम्तीमी । ७ मिनु मेकोमी बग्गी निक्शी नु ४ ओटा ब्यफ गेरशोन आ तौ आन गेय कोव्रशा, मेको आन कली गेम्तीमी । ८ मिनु ४ ओटा बग्गी नु ८ ओटा ब्यफ मेरारी आ मुर आन गेय कोव्रशा, मेको आन कली गेम्तीमी । चढेब हारून आ तौ इथामार मेको आन कली अरेब बाक्त्त । गन्ती ४ :२८,३३ ९ तन्न मेकोमी कोहाथी आन कली मारेइ मगेमी । मारेइ हना मेकोपुकीमी परमपरभु यावे आ मार मार थोव्रक कोव्रचा नु आन बलाम कुरचा माल्बाक्तेक्म । गन्ती ४ :१५

१० मिनु चढेतीक कली तेल बरुइक्तीक नु परमपरभु यावे आ गेय पचा कली वोइक्तीक

नाक्त्त मेको इसराएल आ थर डा मुर आन ठेयब मुरमी यो चढेचा कली मार मार चाक्शा, चढेतीक आ डांइती वोइक्तेक्म । ११ मिनु परमपरभु यावमी मोसा कली "मेकोपुकीमी चढेचा कली मार मार चाक्चा माल्नीम । मेको चढेतीक आं गेय पचा कली वोइक्तीक नाक्ती इसराएल आ थर डा मुर आन ठेयब मुर का कामी नाक्त्त का कली चढेतीक चाक्चा माल्नीम" देत । गन्ती १ :४-१६ ; गन्ती २ :३-२९

१२ मिनु डांइती डा नाक्ती यहूदा आ थर डा मुर आन ठेयब मुर अर्म्मीनादाब आ तौ नहशोनमी आ चढेतीक चाक्त्तु । १३ मिनु मार चाक्त्तु दंशा हना, सह का ३० शेकल डा चांदी के थाल का ७० शेकल डा चांदी के बोस का चाक्त्तु । मेको शेकल गरुस्तीक ताम्बु डा शेकल सोदंशा बाक्तेक्म । मेको थाल नु बोस निम्फामी तेलम निशो रिम्शो फसीम पिरंशा बाक्ताक्स । मेको अन्न चढेतीक बाक्त्त । ताम्बु डा शेकल का १२ गराम डा क्येट बाक्त्त । बजार डा शेकल चहिं ११,५ गराम बाक्त्त । १४ मिनु १० शेकल डा धूपम बरीशो सुन के आइक्च बोस का, १५ चोशा चढेचा कली ब्यफ का, सांड का नु बर्स का गाप्शो पाटा का चाक्त्तु । १६ पाप आ परबम चढेचा कली बोका का, १७ दुशा बाक्चा आ परबम चढेचा कली ब्यफ निक्शी, ५ ओटा सांड, ५ ओटा बोका नु ५ ओटा बर्स का गाप्शो पाटा चाक्त्तु । मेको अर्म्मीनादाब आ तौ नहशोन आ चढेतीक बाक्त्त ।

१८ मिनु आ दीसा इस्साकार आ थर डा मुर आन ठेयब मुर सुआर आ तौ नेथनेलम आ चढेतीक चाक्त्तु । १९ मिनु मार चाक्त्तु दंशा हना, सह का ३० शेकल डा चांदी के थाल का नु ७० शेकल डा चांदी के बोस का चाक्त्तु । मेको शेकल गरुस्तीक ताम्बु डा शेकल सोदंशा बाक्तेक्म । मेको थाल नु बोस निम्फामी तेलम निशो रिम्शो फसीम पिरंशा बाक्ताक्स । मेको अन्न चढेतीक बाक्त्त । २० मिनु १० शेकल डा धूपम बरीशो सुन के आइक्च बोस का, २१ चोशा चढेचा कली ब्यफ का, सांड का नु बर्स का गाप्शो पाटा का चाक्त्तु । २२ पाप आ परबम चढेचा कली बोका का, २३ दुशा बाक्चा आ परबम चढेचा कली ब्यफ निक्शी, ५ ओटा सांड, ५ ओटा बोका नु ५ ओटा बर्स का गाप्शो पाटा चाक्त्तु । मेको सुआर आ तौ नेथनेल आ चढेतीक बाक्त्त ।

२४ मिनु मेको आ नित्थ नाक्ती जबूलून आ थर डा मुर आन ठेयब मुर हेलेन आ तौ एलीआबमी आ चढेतीक चाक्त्तु । २५ मिनु मार चाक्त्तु दंशा हना, सह का ३० शेकल डा चांदी के थाल का नु ७०



ब्यफ निक्शी, ५ ओटा सांड, ५ ओटा बोका नु ५ ओटा बर्स का गाप्शो पाठा चाक्तु। मेको पदा-सुर आ ती गमालीएल आ चढ्देतीक बाक्त।

६० मिनु मेको आ नोले डा नाक्ती बॅन्यामीन आ थर डा मुर आन ठेयब मुर गिदेओनी आ ती आबी-दानमी आ चढ्देतीक चाक्तु। ६१ मिनु मार चाक्तु दॅशा हना, सहं का ३० शेकल डा चांदी के थाल का नु ७० शेकल डा चांदी के बोस का चाक्तु। मेको शेकल गरुम्तीक ताम्बु डा शेकल खोदॅशा बाक्तकम। मेको थाल नु बोस निम्फामी तेलम निशा रिम्शो फसम पिरॅशा बाक्ताक्स। मेको अन्न चढ्देतीक बाक्त। ६२ मिनु १० शेकल डा धूपम बरीशो सुन के आइक्च बोस का, ६३ चोशा चढ्देचा कली ब्यफ का, सांड का नु बर्स का गाप्शो पाठा का चाक्तु। ६४ पाप आ पर्वम चढ्देचा कली बोका का, ६५ दुशा बाक्चा आ पर्वम चढ्देचा कली ब्यफ निक्शी, ५ ओटा सांड, ५ ओटा बोका नु ५ ओटा बर्स का गाप्शो पाठा चाक्तु। मेको गिदेओनी आ ती आबी-दान आ चढ्देतीक बाक्त।

६६ मिनु मेको आ नोले डा नाक्ती दान आ थर डा मुर आन ठेयब मुर अर्मी-शदै आ ती अही-एजेरमी आ चढ्देतीक चाक्तु। ६७ मिनु मार चाक्तु दॅशा हना, सहं का ३० शेकल डा चांदी के थाल का नु ७० शेकल डा चांदी के बोस का चाक्तु। मेको शेकल गरुम्तीक ताम्बु डा शेकल खोदॅशा बाक्तकम। मेको थाल नु बोस निम्फामी तेलम निशा रिम्शो फसम पिरॅशा बाक्ताक्स। मेको अन्न चढ्देतीक बाक्त। ६८ मिनु १० शेकल डा धूपम बरीशो सुन के आइक्च बोस का, ६९ चोशा चढ्देचा कली ब्यफ का, सांड का नु बर्स का गाप्शो पाठा का चाक्तु। ७० पाप आ पर्वम चढ्देचा कली बोका का, ७१ दुशा बाक्चा आ पर्वम चढ्देचा कली ब्यफ निक्शी, ५ ओटा सांड, ५ ओटा बोका नु ५ ओटा बर्स का गाप्शो पाठा चाक्तु। मेको अर्मी-शदै आ ती अही-एजेर आ चढ्देतीक बाक्त।

७२ मिनु मेको आ नोले डा नाक्ती आशेर आ थर डा मुर आन ठेयब मुर ओकरान आ ती पगीएलमी आ चढ्देतीक चाक्तु। ७३ मिनु मार चाक्तु दॅशा हना, सहं का ३० शेकल डा चांदी के थाल का नु ७० शेकल डा चांदी के बोस का चाक्तु। मेको शेकल गरुम्तीक ताम्बु डा शेकल खोदॅशा बाक्तकम। मेको थाल नु बोस निम्फामी तेलम निशा रिम्शो फसम पिरॅशा बाक्ताक्स। मेको अन्न चढ्देतीक बाक्त। ७४ मिनु १० शेकल डा धूपम बरीशो सुन के आइक्च बोस का, ७५ चोशा चढ्देचा कली ब्यफ का, सांड का नु

बर्स का गाप्शो पाठा का चाक्तु। ७६ पाप आ पर्वम चढ्देचा कली बोका का, ७७ दुशा बाक्चा आ पर्वम चढ्देचा कली ब्यफ निक्शी, ५ ओटा सांड, ५ ओटा बोका नु ५ ओटा बर्स का गाप्शो पाठा चाक्तु। मेको ओकरान आ ती पगीएल आ चढ्देतीक बाक्त।

७८ मिनु मेको आ नेल्ल क्येडा नोले डा नाक्ती नाप्ताली आ थर डा मुर आन ठेयब मुर एनान आ ती अहीरामी आ चढ्देतीक चाक्तु। ७९ मिनु मार चाक्तु दॅशा हना, सहं का ३० शेकल डा चांदी के थाल का नु ७० शेकल डा चांदी के बोस का चाक्तु। मेको शेकल गरुम्तीक ताम्बु डा शेकल खोदॅशा बाक्तकम। मेको थाल नु बोस निम्फामी तेलम निशा रिम्शो फसम पिरॅशा बाक्ताक्स। मेको अन्न चढ्देतीक बाक्त। ८० मिनु १० शेकल डा धूपम बरीशो सुन के आइक्च बोस का, ८१ चोशा चढ्देचा कली ब्यफ का, सांड का नु बर्स का गाप्शो पाठा का चाक्तु। ८२ पाप आ पर्वम चढ्देचा कली बोका का, ८३ दुशा बाक्चा आ पर्वम चढ्देचा कली ब्यफ निक्शी, ५ ओटा सांड, ५ ओटा बोका नु ५ ओटा बर्स का गाप्शो पाठा चाक्तु। मेको एनान आ ती अहीरा आ चढ्देतीक बाक्त।

८४ मिनु परमपरभु यावे आ गेय पचा कली वोइश्शो चढ्देतीक कली तेल बरुइक्तीक नाक्ती इसराएल आ थर थर डा मुर आन ठेयब मुर आन चढ्देशो मार बाक्तकम दॅशा हना, १२ ओटा चांदी के थाल, १२ ओटा चांदी के बोस नु १२ ओटा सुन के आइक्च बोस बाक्तकम। ८५ मेको चांदी के थाल का का पा सहं का ३० शेकल हेल्शो बाक्तकम। मेको चांदी के बोस का का पा ७० शेकल हेल्शो बाक्तकम। मेको चांदी के ग्यांब नेल्ल नाक्शोनु, गरुम्तीक ताम्बु डा शेकल खोदॅशा पा हजार निक्शी ४ सहं शेकल हेल्शो बाक्त। ८६ मिनु मेको १२ ओटा धूपमी बरीशो सुन के आइक्च बोस का का पा गरुम्तीक ताम्बु डा शेकल खोदॅशा पा १०, १० शेकल हेल्शो बाक्तकम। मेको सुन नेल्ल नाक्शोनु, सहं का २० शेकल हेल्शो बाक्त। ८७ मिनु बी ब्यफ, क्यारश भेडा रे चोशा चढ्देचा कली १२ ओटा ब्यफ, १२ ओटा सांड, १२ ओटा बर्स का गाप्शो पाठा नु मेकोपुकी नु गारचा डा पा अन्न चढ्देतीक बाक्तकम। मिनु पाप आ पर्वम चढ्देचा कली १२ ओटा बोका बाक्तकम। ८८ मिनु बी ब्यफ, क्यारश भेडा रे दुशा बाक्चा आ पर्वम चढ्देचा कली २४ ओटा ब्यफ, ६० ओटा सांड, ६० ओटा बोका नु ६० ओटा बर्स का गाप्शो पाठा बाक्तकम। मेको परमपरभु यावे आ गेय पचा

कली ला मेको चढतीक कली तेल बरुइवतीक नाकती आ नोले चढेशो बाक्तेकम ।

८९ मिनु मोसा परमपरभु यावे नु लोत्र पचा कली गरुस्तीक ताम्बुम ओत्रमनु, मेकोमी कबल पशो सन्दास सुम्शो शिशो बाक्तीक, करुब निक्शी आस दाते इर रे लोत्र पशो नंतु । मोपा मेकोमी मोसा नु लोत्र पाप्तु । परस्थान २५ :१७-२२ ; परस्थान २९ :४२ ; परस्थान ३३ :७ ; १सामुएल ३ :३-१४

### बत्ती दातीक वोइइशो

१ मिनु परमपरभु यावेमी मोसा कली २ "गे हारून कली गे मेको बत्ती वोदीनु, मेको ७ ओटा बत्ती दातीक आ डांडती गे बरपतो" दनो" दंत ।

३ मिनु हारूनमी मो पाप्तु । परमपरभु यावेमी मोसा कली अरेशो खोदंशो पा दातीक आ डांडती गे बरपाइवतु । परस्थान २५ :९, ३१-४० ४ मिनु बत्ती दातीक दोपा सेल्शो बाक्त देशा हना, मेको सुन के तुष्शा सेल्शो बाक्त । मेको उइ रे इर सम्म तुष्शा सेल्शो बाक्त । मिनु परमपरभु यावेमी मोसा कली कांडेशो खोदंशो पा, हारूनमी मेको बत्ती दातीक सेल्लु ।

### लेवी आ मुर परमपरभु के दुम्शो

५ परमपरभु यावेमी मोसा कली ६ "इसराएली आन दाते रे लेवी आन कली चाक्शा, मेको आन कली चोवखा सेल्मी । ७ मेको आन कली मार पचा माल्लेव देशा हना, मेको आन तारी चोवखा सेल्तीक ब्याक्कु बरुइवतीमी । मिनु मेकोपुकीमी आन रां डा चां नेल्ल परक्शा, आन वा मुरशा, चिक्सीशा गरांगरा मदिशो सेल्सीचा माल्लीम । गन्ती १९ :९, १७ ; लेवी १४ :८ ८ मिनु नोले मेकोपुकीमी ब्यफ का नु तेलम निशो रिम्शो फस अन्न चढतीक चाक्चा माल्लीम । गे चहिं पाप आ पर्वम चढेचा कली ब्यफ का चाक्को । ९ मिनु गे लेवी आन कली गरुस्तीक ताम्बु आ डांडती चाक्शा, इसराएली नेल्ल आन कली गरुम्पाइक्मी । १० मिनु गे लेवी आन कली परमपरभु यावे आ डांडती चाक्गीनु, इसराएली नेल्लमी आन गुइ लेवी आन तार वोइक्चा माल्लीम । ११ मिनु हारूनमी लेवी आ मुर आन कली परमपरभु यावे आ गेय पचा कली मेको आ डांडती क्युकशा चढेशो खोदंशो पा वोइक्चा माल्लेव । परस्थान २९ :२४

१२ मिनु लेवी आ मुरपुकीमी आन गुइ मेको ब्यफ आस पिया तार वोइक्चा माल्लीम । मिनु हारूनमी लेवी आ मुर आन पर्वम पाप क्याम्तीक गेय पचा कली ब्यफ का पाप आ पर्वम चढतीक नु अर्का चोशा चढतीक परमपरभु यावे कली चढेचा माल्लेव । १३ मिनु मेको नोले गे लेवी आ मुर आन कली हारून नु आ तो आन डांडती राप्पा, परमपरभु यावे कली क्युकशा चढतीक खोदंशो पा वोइक्चा माल्लेव ।

१४ मोपा गे लेवी आ मुर आन कली अरु इसराएली रे तिल्ला माल्लेव । मिनु लेवी आ मुर आं के दुम्नीम । गन्ती ३ :४५

१५ मिनु गे लेवी आ मुर आन कली गरांगरा मदिशो सेल्शा, मेको आन कली क्युकशा चढतीक खोदंशो पा वोइक्मी नोले मेकोपुकीमी गरुस्तीक ताम्बुमी गेय पने चाप्नीम । १६ मिनु मेकोपुकी इसराएली आन दाते रे थमा पा आं कली तिल्लो बाक्नीम । गो मेको आन कली इसराएली आन नेल्ल क्येडा डांडती जरमेशो तो आन पा डा आं कली वोइक्तामी । गन्ती ३ :१२-१३ १७ मिनु इसराएली आन दातेम मुर बाक्तेकम हना यो, बी ब्यफ, क्यारश भेडा बाक्तेकम हना यो, डांडती जरमेशो नेल्ल आं के बाक्नीम । इजीप्ती आन नेल्ल क्येडा डांडती जरमेशो तो नेल्ल आन कली सदुमी नाक्त रे गो मेको आन कली आं कली तिल्ला वोइसाक्यी । परस्थान १३ :२ १८ मिनु इसराएली आन डांडती जरमेशो आन पा डा गो लेवी आ मुर तिल्ला वोइसाक्यी । १९ मिनु गो इसराएली आन दाते रे लेवी आ मुर आन कली हारून नु आ तो आन कली गेतामी । मार कली गेतामी देशा हना, इसराएली आन पर्वम गरुस्तीक ताम्बुमी गेय पचा कली इसराएली आन पर्वम पाप क्याम्तीक गेय पचा कली नु इसराएलीपुकी गरुस्तीक ताम्बु आ नेक्था मजाकमल नु मुर बेक्तीक रोइम मबेकम, दे गेतामी" दे परमपरभु यावेमी मोसा कली दंत । गन्ती ३ :९ ; गन्ती १ :५३

२० मिनु मोसा, हारून नु इसराएल डा मुर नेल्लेमी लेवी आ मुर आन पर्वम परमपरभु यावेमी मोसा कली अरेशो खोदंशो पा पाप्तेकम । २१ मिनु लेवी आ मुरपुकीमी आम आन पाप रे गरांगरा मदिशो सेल्सीशा आन वा मुरतेकम । मिनु नोले हारूनमी मेको आन कली क्युकशा चढतीक खोदंशो पा परमपरभु यावे आ डांडती वोइक्तीमी । मिनु हारूनमी मेको आन कली पाप क्याम्तीक गेय पा गरांगरा मदिशो सेल्तीमी ।

२२ मिनू मेको नोले लेवी आ मुरपुकीमी हारून नु आ तौ आन कली वारच पा गरुस्तीक ताम्बु डा गेय पास्तेक्म। मिनू परमपरभु यावेमी मोसा कली लेवी आ मुर आन पर्वम अरेशो खोंदंशो पा मेकोपुकीमी पास्तेक्म। २३ मिनू परमपरभु यावेमी मोसा कली २४ “एको लोत्र २५ बर्ष गाप्शा नु मेको क्यडा लावशा लेवी आ मुर आन पर्वम बाक्ब। मिनू मेकोपुकी गरुस्तीक ताम्बुमी गेय पचा गोचा माल्नीम। गन्ती ४ :३,२३,३०,४७ ; १इतिहास २३:३,२४ २५ मिनू मेकोपुकी ५० बर्ष लाकगमनु, गेय पचा परान्मेकल। २६ मिनू मेकोपुकी गरुस्तीक ताम्बुमी गेय पाडब आन लोक्ब आन कली वारच पदमेकल। तन्न आंमा च्हिं गेय मपामेकल। गे लेवी आ मुर आन कली मोदंशो पा गेय पपाइक्चा माल्नेव” दंत।

### पास्सा चाड

परस्थान १२ :- लेवी २५ :५-८

१ मिनू परमपरभु यावेमी इसराएलीपुकी इजीप्ट रे जाक्मा आ बर्ष निक्शो नोले डांइती डा महिनाम सीने डा गोरशो रागीमी मोसा कली २ “गे इसराएलीपुकीमी आं दंशो नाक्ती पास्सा चाड मानेचा माल्नीनी। ३ मेको महिना डा १४ नाक्त डा नाक्नाक्दो मेको चाड मानेचा माल्नीनी। गोपुकीमी मेको आ पर्वम फुल्लुम मुशा बरक्शो लोत्र नु शंशो पतीक नल्लेमी मानेचा माल्नीनी” दंत।

४ मिनू मोसामी इसराएली आन कली “पास्सा चाड मानेचा माल्नीनी” दे अरप्टु। ५ मिनू मेकोपुकीमी डांइती डा महिना डा १४ नाक्ती डा नाक्नाक्दो सीने डा गोरशो रागीमी पास्सा चाड मानेक्म। परमपरभु यावेमी मोसा कली अरेशो खोंदंशो पा इसराएलीपुकीमी पास्तेक्म।

६ मिनू मेकर मुर का निक्शो बक्शो मुर थिशा, गरांगरा दिशो दुम्शो बाक्तेक्म। मोपा मेकोपुकीमी मेको नाक्ती मेको पास्सा चाड मानेचा मतामे। मेकोपुकी मेको नाक्ती मोसा नु हारून आस डांइती जाक्तेक्म। गन्ती १९ :११ ७ मिनू मेको मुरपुकीमी “गो बक्शो मुर थिशा गरांगरा दिशो दुम्शो बाक्तेक हना यो, मारदे मेको दंशो नाक्ती गोपुकीमी इसराएली आन दातेमी आंइ परमपरभु यावे कली चढेतीक चढेचा मताइनीकी ?” दंतेक्म।

८ मिनू मोसाम मेको आन कली “रिम्दीन, परमपरभु यावेमी इन पर्वम मार देबा, गो मेको नंचा माल्नुड” दंत।

९ मिनू परमपरभु यावेमी मोसा कली १० “गे इसराएली आन कली सुइ इन दातेमी नु इन चच युइ आन दातेमी बक्शो मुर थिशा गरांगरा दिशो दुम्शो बाक्ते हना यो, डोन लत हना यो, मेकोमी परमपरभु यावे कली पास्सा चाड मानेचा माल्ब। ११ मेकोपुकीमी महिना निक्शो डा १४ नाक्ती नाक्नाक्दो मेको मानेचा माल्नीनी। मिनू मेकोपुकीमी मेको पाठा कली बारब ओस्ती मसुप्शो शोक्ते, कशो खाइ नु ब्बचा माल्नीम। १२ मिनू मेको आ दोसा सुनी सम्म मारइ हंचा मदुम्ब। मिनू मेको आ रुश का यो जिक्चा मदुम्ब। मिनू पास्सा चाड आ पर्वम फुल्लुम मुशा, मार बरक्शो बाक्ते, मेको पचा माल्नीम। १३ तन्न तेको मुर गरांगरा दिशो मदुम्शो बाक्बा, डोन यो मलशो बाक्बा, मेकोमी पास्सा चाड ममानेप्टु हना, मेको मुर आ मुर आन दाते रे तिल्ला पुंडसीब। मारदे हना मेकोमी आ दंशो नाक्ती परमपरभु यावे कली चढेतीक मचढेवो। मेको मुर आ पाप राइब।

१४ मिनू इन दातेमी बाक्शो अर्का रागी डा मुरुमी परमपरभु यावे कली पास्सा चाड मानेचा दाक्ताक्व हना, मेकोमी मेको आ पर्वम बरक्शो नेल्ल शंशो पतीक खोंदंशो पा पचा माल्ब। मिनू अर्का रागी डा मुर नु इन मुर नेल्ल आन कली पास्सा चाड आ पर्वम बरक्शो लोत्र का दुम्चा माल्ब देनो” दंत।

### ताम्बु आ तार बाक्शो गोस्स

१५ मिनू गरुस्तीक ताम्बु वोइक्ने थुम्शो नाक्ती गोस्सुमी मेको कबल पशो सन्दोस वोइश्शो ताम्बु सुम्तु। मेको नाक्नाक्दो रे सुनी सम्म ताम्बु तारी बाक्ते। मेको गोस्स मी खोंदंशो तांइसीशो बाक्ते। परस्थान ४० :३४-३५ १६ मेको मोदंशो गेना हना यो दुम्शो बाक्ते। गोस्सुमी मेको ताम्बु कली नाक्ती सुम्बाक्ते। मिनू नाक्दो मी खोंदंशो दुम्बाक्ते। १७ मिनू मेको गोस्स ताम्बु आ तार रे इर गे लमनु, इसराएलीपुकी गाक्चा गोस्तेक्म। मिनू तेकर मेको गोस्स जुक्ता, मेकर इसराएलीपुकीमी आन बाक्तीक सेल्लेक्म। परस्थान ४० : ३६-३८ १८ मिनू इसराएलीपुकी परमपरभु यावे आ अरेशोमी गाक्बाक्तेक्म। मिनू परमपरभु यावे आ अरेशोमी मेकोपुकीमी आन बाक्तीक सेल्लबाक्तेक्म। मिनू मेकोपुकी मेको गोस्स गरुस्तीक ताम्बु तार बाक्ते सम्म मेकर बाक्बाक्तेक्म। १९ मेको गोस्स

शुश नाक्त सम्म गरुस्तीक ताम्बु तार बाक्त हना यो, इसराएलीपुकी परमपरभु यावे आ देशो टिशा मगाक्बाक्तेक्म। २०कोइ नाक्ती मेको गोस्स गरुस्तीक ताम्बु आ तार का निक्शी नाक्त सम्म ला बाक्बाक्त। मिनु मेकोपुकी परमपरभु यावे आ अरशो टिशा, बास बाक्बाक्तेक्म। मिनु परमपरभु यावे आ अरशो खोदंशो पा गाक्बाक्तेक्म। २१कोइ नाक्ती मेको गोस्स नाक्दो रे सुनी सम्म ला बाक्बाक्त। मिनु सुनी गोस्स इर लेमेनु, मेकोपुकी गाक्बाक्तेक्म। नाक्ती बाक्त हना यो, नाक्दो बाक्त हना यो, मेको गोस्स इर लत हना, मेकोपुकी गाक्बाक्तेक्म। २२मिनु मेको गोस्स नाक्त निक्शी, महिना का नु मेको क्येडा शुश नाक्त सम्म यो गरुस्तीक ताम्बु तार बाक्त हना, इसराएली आन बाक्तीकेमी बाक्बाक्तेक्म। तन्न गोस्स इर गे लत हना, मेकोपुकी गाक्बाक्तेक्म। २३मिनु मेकोपुकी परमपरभु यावेमी अरशो खोदंशो पा आन बाक्तीके सल्बाक्तेक्म। मिनु परमपरभु यावे आ अरशो खोदंशो पा गाक्बाक्तेक्म। मेकोपुकीमी परमपरभु यावेमी मोसा कली अरशो खोदंशो पा पाइबाक्तेक्म।

### चांदी के तुराही

१ परमपरभु यावेमी मोसा कली २ "गे चांदी के १० तुराही निक्शी सलो। मेको तुष्शा, सल्वा माल्नेवे। मिनु गे मेको ताप्शा, इसराएली आन कली गरुम्पाइक्वा माल्नेवे। मिनु गाक्ची ना दुम्मेनु, गे मेको ताप्शा माल्नेवे। गन्ती ३१:६ ३मेको निक्शी कालेम ताप्शोनु, इसराएली नल्ल इ डांडती गरुस्तीक ताम्बु आ ओव्रतीकेमी जाक्शा बुक्चा माल्नीम। ४तन्न का ला ताप्शोनु, इसराएली आन थर थर डा मुर आन ठेयब मुरपुकी इ डांडती जाक्शा बुक्चा माल्नीम। ५मिनु ठेयब संदामी ताप्शोनु, पूब गे बाक्शो मुरपुकी गाक्चा माल्नीम। ६मिनु निक्शी खेयप ताप्शोनु, दक्खिन गे बाक्शा मुरपुकी गाक्चा माल्नीम। गाक्ची ना दुम्मेनु, गेना हना यो तुराही ताप्शा माल्नीम। ७गे मुर आन कली गरुम्पाइक्वी ना मेको ताप्शा माल्नेवे। तन्न मेको गाक्ची ना डा खोदंशो पा ताप्शा मद्दुम्ब।

८मिनु हारून आ तो चढेब निक्शीमी मेको तुराही ताप्शा माल्नीस। मेको इन कली नु इन चच युइ आन कली गेना हना यो पतीक

बाक्ब। ९मिनु गे इन रागीमी इन कली दिप्ब जोरी सतरुपुकी नु लडाइ पथ लनीनु, ठेयब संदामी तुराही ताप्शा माल्नीस। मो पाइतीनी हना, परमपरभु यावे, इन परमपरभुमी इन कली मिम्शा, इन जोरी सतरु रे परांडेब। न्यायाधीस ६:३४ १०मिनु गेपुकी ग्येरशा बाक्नीनु, गे इन पचा माल्शा चाड माननीनु, औसी डा चाड माननीनु, इन चोशा चढतीके नु इन दुशा बाक्चा आ परबेम चढतीके चढनीनु, गेपुकीमी तुराही ताप्शा माल्नीनी। मिनु मेको ताप्शीनु, इन परमपरभुमी इन कली मिम्ब। गो परमपरभु यावे, इन परमपरभु नड" देत। लेवी २३:२४; २राजा ११:३४; २इतिहास ७:६

### इसराएली सीने डांडा रे गाक्शा

११मिनु बर्स निक्शी, महिना निक्शी डा २० नाक्ती मेको गोस्स परमपरभु यावे आ कबल पशो सन्दोस बाक्शो ताम्बु रे इर लत। गन्ती १:१ १२मिनु नोले इसराएलीपुकी सीने डा गोरशो रागी रे हुल हुल पा गाक्तेक्म। मिनु मेको गोस्स पारान डा गोरशो रागीम नांडसाक्व। १३मिनु परमपरभु यावेमी मोसा कली अरशो खोदंशो पा टिशा, मेकोपुकी गाक्तेक्म। गन्ती २:-

१४नल्ल क्येडा डांडती यहूदा आ बाक्तीक डा मुर हुल हुल पा आन छेदर कुरशा गाक्तेक्म। मेको आन ठेयब मुर अम्मीनादाब आ तो नहशोन बाक्त। १५मिनु इस्साकार आ बाक्तीक डा मुर आन ठेयब मुर सुआर आ तो नथनल बाक्त। १६मिनु जबूलून आ बाक्तीक डा मुर आन ठेयब मुर हलोन आ तो एलीआब बाक्त। १७मिनु नोले गरुस्तीक ताम्बु पोक्शा, गोरशोन आ मुरपुकी नु मेरारी आ मुरपुकीमी मेको कुरशा, गाक्तेक्म।

१८मिनु मेको आन नोले रूबेन आ बाक्तीक डा मुरपुकी हुल हुल पा आन छेदर कुरशा गाक्तेक्म। मेको आन ठेयब मुर शंदउर आ तो एली-सुर बाक्त। १९मिनु सिमियोन आ बाक्तीक डा मुर आन ठेयब मुर सुरी-शदै आ तो शेलुमीएल बाक्त। २०मिनु गाद आ बाक्तीक डा मुर आन ठेयब मुर दूएल आ तो एली-आसाफ बाक्त।

२१मिनु कोहारीपुकी परमपरभु यावे आ ताम्बु डा मार मार कुरशा, गाक्तेक्म। मेको आन जाक्चा क्येडा डांडती मेको गरुस्तीक ताम्बु सल्ले थुम्शो बाक्चा माल्बाक्त।

२२मेको नोले एफराइम आ बाक्तीक डा मुरपुकी हुल हुल पा आन छेदर कुरशा गाक्तेक्म। मेको आन ठेयब मुर अम्मीहुद आ तो एली-शामा

बाक्त । २३ मिनू मनस्से आ बाक्तीक डा मुर आन ठेयब मुर पदा-सुर आ तौ गमालीएल बाक्त । २४ मिनू बन्यामीन आ बाक्तीक डा मुर आन ठेयब मुर गिदोनी आ तौ आबी-दान बाक्त ।

२५ मिनू नल्ल आन क्येडा नोलं दान आ बाक्तीक डा मुर हुल हुल पा आन छेदर कुरशा, गाक्तेकम । मेको आन ठेयब मुर अम्मी-शदे आ तौ अही-एजर बाक्त । २६ मिनू आशर आ बाक्तीक डा मुर आन ठेयब मुर ओकरान आ तौ पगीएल बाक्त । २७ मिनू नाप्ताली आ बाक्तीक डा मुर आन ठेयब मुर एनान आ तौ अहीरा बाक्त । २८ मोपा इसराएली आन हुल हुल पा गाक्चा माल्शो बाक्तेकम ।

मोसामी आ शिउ आ तौ कली गूस्मो

२९ मिनू मोसामी मिदयान डा रूएल आ तौ होबाब, आ रिउ कली “परमपरभु यावेमी आंड कली गेशो रागी लना लन बाक्तीकी । गे यो गोपुकी नु पिन । गो इन कली रिम्शो पाइक्तीकी । मारदे हना परमपरभु यावेमी इसराएली आन कली रिम्शो पाइनुड” दंत । परस्थान २ : १८ ; परस्थान १८ : १ ; न्यायाधीस १ : १६ ; न्यायाधीस ४ : ११

३० होबाबमी “गो मलाइक्नुड । गो आं रागी नु आं मुर आन बाक्तीक लेत्नुड” दंत । ३१ मिनू मोसामी “आंड कली मपरोनीन । मारदे हना मेको गोरशा रागीमी ते ताम्बु कीचा मेको तुइक्तीनी । मिनू गे आंड कली लां काइब दुम्नीनी । ३२ गे गोपुकी नु गाक्तीनी हना, परमपरभु यावेमी आंड कली मार मार रिम्शो पाइबा, गो मेको खोदंशो पा इन कली पाइक्तीकी” दंत ।

३३ मिनू मेकोपुकी परमपरभु यावे आ डांडा रे नाक्त सां सम्म गाक्तेकम । परमपरभु यावे आ कबल पशो सन्दोस कुरबपुकी मेको आन कली बास बाक्तीक माल्वा, दे मेको आन डांडडांइती गाक्तेकम । ३४ मिनू परमपरभु यावे आ गोस्स मेको आन गाक्ची ना मेको आन तार बाक्त । परस्थान १३ : २१ ; गन्ती ९ : १५-२३

३५ मिनू कुरबपुकीमी मेको कबल पशो सन्दोस कुरशा गाक्मानु, गेना हना यो मोसामी “परमपरभु यावे, बोक्कीन । इन जोरी सतरु एर आंथ बरामल । मिनू इन जोरी सतरु इन क्येडा परोक्मल” देबाक्त । २इतिहास ६ : ४१ ; मजन संगरह ३ : ८ ; मजन संगरह ९ : २० ; मजन संगरह १० : १२ ; मजन संगरह १७ : १३ ; मजन संगरह ६८ : २ ; मजन संगरह १३२ : ८ ३६ मिनू मेको कबल

पशो सन्दोस नाइक्तेमेनु, मेकोमी “परमपरभु यावे, गे हजार, हजार इसराएली आन दातेमी लेशशा, जाक्कीन” देबाक्त ।

इसराएलीपुकीमी गन गन पशो

१ मिनू परमपरभु यावेमी मुर आन श्येत ११ जशा आ पर्वम गन गन पशो नंतु । परमपरभु यावेमी मेको नंशा, शुश गाइक्ताक्व । मिनू परमपरभु यावे गाइश्शा, मुर आन बाक्तीक गे मी सोइश्शा, एर सुर मीम नेक्पाइक्तु । लेवी १० : २ २ मिनू मुरपुकीमी मोसा कली “वारच पन” दे गरीतेकम । मिनू मोसामी परमपरभु यावे कली पुंडतु । मिनू मेको मी काप्त । ३ मिनू परमपरभु यावेमी मेको आन दातेमी मी सोइक्तीक, मेको बाक्तीक आ नं तबेरा वोइक्तेकम ।

४ मिनू मेको आन दातेमी बाक्शो अर्को रागी डा मुरपुकीमी मार मार जचा थोत्रक जचा ब्चचा दाक्तेकम । मिनू इसराएली यो लंशा डाक्शा “गोपुकीमी श्य ब्चचा तक हना, दुम वा । परस्थान १२ : ३८ ; परस्थान १६ : ३ ; १कोरिन्थी १० : ६ ५ गो इजीप्तीमी मो ब्बशा डांड श्ये मिम्नीकी । मिनू वोबीस, खाइपुकी, प्याज नु लसुन यो मिम्नीकी । ६ तन्न गो मुल ओल पतं दुम्शा, एको मन्ना डा लाक्शा मारंइ मथिल्लीकी” दंतकम ।

७ मन्ना चहिं धन्या वांचेर खोदंशो बाक्त । मेको कोव्रशानु, खोटो खोदंशो तांइसीबाक्त । परस्थान १६ : १४-३१ ८ मिनू मुरपुकी लशा, मेको खुप्शा, काइमी हिल्शा, काइमी चुशा, काइमी नल्शा, काइम बटुक सल्शा जाम्तेकम । मिनू मेको तेलम चांशो शोब्ल खोदंशो पा बरोव्रबाक्त । ९ मिनू नाक्दो आन बाक्तीकमी सीत यिमेनु, मन्ना यो यीबाक्त ।

१० मिनू मोसामी मुर नल्ल आन आन ताम्बु डा ओव्रतीकमी राप्शा डाक्शा ताप्तु । मिनू मुरपुकीमी परमपरभु यावे कली शुश गाइक्पाइक्तीक, मोसामी मेको आन पशो काइ मदाक्शो बाक्त ।

११ मिनू मोसामी परमपरभु यावे कली “गे मारदे आं कली श्येत गरीनी ? मारदे गो इन डांडइती शिशो मतडा ? मारदे आं कली इश डा मुर आन कली कोव्रब सल्यीनी ? १२ मार, एको इश डा मुर आं आल नमी डा ? मार, गो मेको आन कली थिडमी डा ? गे आं कली दूध तूब आल कली आ आममी कुरशा लाइश्शा खोदंशो पा, आंड किकी पिपी आन कली इन गेशो रागीमी कुरशा

लावो' देनीनी। १३ गो इश डा मुर आन ब्वतीक श्ये ते थित्नुड डा? मिनु मेकोपुकीमी आं कली 'श्ये ब्वचा गेकी' दे जाकशा डाक्तेकम। १४ गो इश डा मुर आन कली खुल्ले मचाप्नुड। एको आं मचाप्चा डा गय बाक्ब। १५ मिनु गे आं कली आंदेशो पाइक्तीनी। मिनु गो इन शिशी ताता हना, साइय्यीनी। मिनु गो आं खतम दुम्तीक तचा ममात्नुड" देत। परस्थान ३२:३२

१६ मिनु परमपरभु यावमी मोसा कली "गे इसराएली आन दाते रे ७० जना खाल्पा आन कली खुन्तीमी। मेको आन मुर आन दाते डा ठेयब मुर नु मेको आन कली सासन पाइब मुर दुम्चा माल्नीम। मिनु गे मेको आन कली तुइक्चा माल्लेवे। मिनु मेको आन कली गुरुतीक ताम्बुमी चाक्मी। मिनु मेकोपुकी गे नु बाक्चा माल्नीम। परस्थान १८:२१-२६; परस्थान २४:९-११ १७ मिनु गो यिशा, गे नु लोत्र पाइनुड। मिनु गो इ आगामी बाक्शो सोक्त रे लाइश्शा, मेको आन तारी वोइक्नुड। मिनु मेकोपुकीमी गे नु गारशा, मेको मुर आन श्येत कुरनीम। मिनु गे का ला कुरचा ममाल्लेवे।

१८ मिनु गे मुर आन कली गे दीसा कली गुरांगरा मदिशो दुम्शा, ठीक दुमीन। गेपुकीमी श्ये ब्वचा ताइनीनी। मारदे हना गेपुकीमी परमपरभु यावे आ डांडती श्ये ब्वचा तक हना, रिम्शो दुम वा, दे डाक्शो बाक्तीनी। आंइ कली एको रागी क्येडा इजीप्तमी रिम्शा बाक्त' देतीनी। मोपतीक परमपरभु यावमी इन कली श्ये ब्वचा गेब। मिनु गे मेको ब्वाइनीनी। परस्थान ११:१० ११ मिनु नाक्त का, नाक्त निक्शी ५ नाक्ती, १० नाक्ती नु २० नाक्त ला ममाइ, २० गेपुकीमी बरीचा डा पा महिना का सम्म श्ये ब्वचा ताइनीनी। मारदे हना गेपुकीम आंम इन दातेम बाक्शो परमपरभु यावे कली मटिनी। मिनु गे मेको आ डांडती 'गो मारदे इजीप्त रे गुरुशा गाक्का?' दे डाक्तीनी" देत।

२१ मिनु मोसामी "गो नु लां गाक्ब मुर ६ लाख बाक्नीम। मो हना यो, गे मेको आन कली महिना का सम्म श्ये ब्वचा गेनुडमी" देतीनी। २२ मार, बी ब्यफ, क्यारश भेडा नेल्ल क्यारशा हना यो, एको इश डा मुर आन कली गाप्चा डा? समुन्दर डा डांड नेल्ल रश्शा हना यो, नेल्ल आन कली गाप्चा डा?" देत।

२३ मिनु परमपरभु यावमी मोसा कली "मार, आं सक्ति ग्युम्शो बाक्बा डा? आं देशो लोत्र

गाप्चाक्म कां मगाप्चाक्म, तुइक्नेवे" देत। यसैया ५०:२; यसैया ५९:१

२४ मोपतीक मोसा लाडगा गुरुशा, मुर नेल्ल आन कली परमपरभु यावे आ देशो लोत्र नंपाइक्तीमी। मिनु मेको मुर आन दाते डा ७० जना खाल्पा आन कली ताम्बु आ एर आंथ राप्पाइक्मी। २५ मिनु नोले परमपरभु यावे गोस्सुमी उइ आगा तोइश्शा, मोसा नु लोत्र पाप्नु। मिनु मेकोमी मोसा आ आगा बाक्शो सोक्त इक्का लाइश्शा, मेको ७० जना खाल्पा आन तार वोइक्नु। मिनु मेको सोक्त मेको आन तार नाइसेनु, मेकोपुकीमी परमपरभु यावे आ लोत्र पाप्तेकम। तन्न नोनोले मो मपाम।

२६ मिनु ७० जना खाल्पा आन दातेमी एल्दाद नु मेदाद माइश्शा मुर निक्शी बाक्ताक्स। मेको आस नें यो बरेक्शो बाक्त। तन्न मेको निक्शी गुरुतीक ताम्बुम मलसा बाक्त। मिनु परमपरभु यावे आ सोक्त मेको आस तार यो नाइसे बाक्त। मिनु मेको निक्शीमी मुर आन बाक्तीकमी परमपरभु यावे आ लोत्र पाप्से बाक्त। २७ मिनु वांइश मुर का दोरशा जाक्शा, मोसा कली "एल्दाद नु मेदादमी मुर आन बाक्तीकमी परमपरभु यावे आ लोत्र पाप्ताक्स" देत।

२८ मिनु नून आ तौ यहोसु मोसा कली वारच पाइब बाक्त। मेको मोसा आ योत्रशो मुरुमी मोसा कली "हजुर, आं होत्रप मेको आस कली तेक्कीन" देत। गन्ती १३:१६; परस्थान २४:१३

२९ तन्न मोसामी मेको कली "मार, आं पर्वम गे ईख पाइब दुमे? परमपरभु यावमी आ सोक्त आ मुर नेल्ल आन तार वोइश्शा, मेको नेल्ल परमपरभु यावे आ लोत्र पाइब दुम हना, गिश रिम्शो दुम वा" देत। योएल ३:१; मर्कूस ९:३८-३९ ३० मिनु मोसा नु इसराएली खाल्पा मुर आन बाक्तीक लेतेकम।

### इसराएलीपुकीमी बटटाइ ब्वशो

३१ मिनु नोले परमपरभु यावमी फश पपाइक्नु। मिनु मेको फशमी समुन्दर रे बटटाइपुकी चाक्नु। मिनु मुर आन बाक्तीक आ एर आंथ नेल्ल नाइक्पाइक्नु। काबु डा नाक्त डा लां सम्म कुबीत निक्निक्शी थोइशो पा नाइसाक्म। कुबीत का ०.५ मिटर सोदेशो बाक्ब। परस्थान १६:३३ ३२ मिनु मुरपुकीमी मेको नाक्त रे, नाक्को रे नु आ दीसा नाक्त सम्म मेको ग्याइक्ताक्म। नेल्ल क्येडा इक्का खोइ ग्याइक्बमी यो १० होमर

ग्याइक्ताक्म। मिनु मेकोपुकीम आन बाक्तीक एर आंथ नेल्ल सोत्रपाइक्तेक्म। होमेर का २२० लिटर रिक्ब पुक्तीक का बाक्ब। ३२तन्न मेकोपुकीमी श्य ब्वना ब्वन परमपरभु यावे मेको आन पर्वम शुश गाइक्ताक्व। मिनु परमपरभु यावेमी मेको आन कली थम ठेयब बक्तीक रोइ पपाइक्तीमी। ३४ मोपतीक मेको बाक्तीक आ नं किबरोथ-हत्तावा वोइक्तेक्म। मारद हना मेकर शुश वाल्व मुर आन कली थिम्तेक्म।

३५ मिनु मुरपुकी किबरोथ-हत्तावा रे पा गाक्शा, हसरोथ ग लाम्तेक्म।

हारून नु मिरयाम गाइशशा

१ मिनु हसेरोथमी बाक्मानु, मोसामी कूश १२ रागी डा मीश चाक्तीक मिरयाम नु हारूनमी मोसा कली मरिम्शो लोत्र पास्ताक्स। मारद हना मेकोमी कूश रागी डा मीश ग्युंवे पशो बाक्त। परस्थान २:२१ २मिनु मेको निक्शीमी “मार, परमपरभु यावेमी मोसा नु ला लोत्र पशो बाक्बा डा ? मार, मेकोमी गोपुकी नु यो लोत्र मपशो बाक्बा डा ?” दंताक्स। मिनु परमपरभु यावेमी मेको लोत्र नंतु। ३ मोसा चहिं रागी डा मुर नेल्ले आन क्येडा बरेम्शो मुर बाक्त।

४ मिनु परमपरभु यावेमी रीब पा मोसा, हारून नु मिरयाम आन कली “गे सांफा, गुरूतीक ताम्बुम रे गुरूडीन” दंत। मिनु मेको सांफा गुरूतेक्म। ५ मिनु नोले परमपरभु यावे गोस्स के थामम यिशा गुरूतीक ताम्बु आ आव्रतीक राप्शा, हारून नु मिरयाम आस कली ब्रत्ताकमसी। मिनु मेको निम्फा जाक्ताक्स। परस्थान १६:१० ६मिनु मेकोमी “आं लोत्र नेनीन। गेपुकी इन दातमी परमपरभु यावे आ लोत्र पाइब बाक्त हना, गो मेको कली कांडतीकम तपांडसीनुड। गो मेको नु आ डोमुमी लोत्र पाइनुड। ७ तन्न आं गेय पाइब मोसा नु मोदंशो मपाइनुड। मेको आ गेय नेल्लेमी थमा सुइक्चा पुंडसीशो बाक्ब। हिब्रू ३:२ ८ गो मेको नु कोत्रमुशा लोत्र पाइनुड। मिनु मेको नु रुप्वा डा लोत्र पा खरुइशशा लोत्र मपाइनुड। मिनु मेको आं नेक्था जाक्ने चाप्। मारद ग आं गेय पाइब मोसा आ पर्वम मरिम्शो लोत्र पचा काइ महिंसी ?” दंत। परस्थान ३३:११; व्यवस्था ३४:१० ९मिनु परमपरभु यावेमी मेको आस पर्वम शुश गाइक्ताक्व। मिनु मेको गाक्त।

१० मिनु मेको गोस्स ताम्बु आ तार रे लमेनु, मिरयाम कोत्र मुशा फुं खोदंशो बुश दुम्त। मिनु

हारूनमी मिरयाम कली कोत्रडानु, मेको कोत्ररी दुम्न थुम्शो बाक्त। व्यवस्था २४:१ ११मिनु हारूनमी मोसा कली “आं परभु, गो मूर्ख दुम्शा, पाप पशो आ पर्वम आंस कली सजाइ मगन। १२ एको कली आ आम आ कोत्रज रे गरूमनु, आ रां फेक का राक्शो शाम्शो आल खोदंशो दुम्चा मगन” दंत। १३ मिनु मोसामी परमपरभु यावे कली “परमपरभु, एको कली सापतीन” दे पुंडतु। परस्थान १५:२६ १४ मिनु परमपरभु यावेमी मोसा कली “मार, मेको आ आफोमी आ कुलुम तोक्शो हना, मेको ७ नाक्त सम्म मुन मदोक्बा डा ? मेको कली ७ नाक्त सम्म मुर आन बाक्तीक क्येडा लाडगाम तिल्शा वोतो। मेको नोले ला लेशशा जाक्चा गेवो” दंत। गन्ती १३:४६ १५ मिनु मिरयाम ७ नाक्त सम्म मुर आन बाक्तीक क्येडा लाडगाम तिल्शा वोइक्चा पुंडसाक्व। मिनु मिरयाम कली लेशशा मचाकगमे सम्म मुरपुकी यो मगाक्म। १६ मिनु मेको आ नोले मेकोपुकी हसरोथ रे गाक्शा, पारान डा गोरशो रागीम आन बाक्तीक सल्लेक्म।

कनान रागी कली क्यारी पशो

व्यवस्था १:१९-२५

१३ १ मिनु परमपरभु यावेमी मोसा कली २ “गे कनान रागी क्यारी पाइब मुरपुकी सोइक्तो। गो मेको रागी इसराएली आन कली गनुड। मेको आन थर थर रे पा मुर का का सोइक्तो। मेको आन मुर आन दाते डा ठेयब मुर दुम्चा माल्नीम” दंत।

३ मिनु परमपरभु यावे आ देशो खोदंशो पा, मोसामी मेको क्यारी पाइब आन कली पारान डा गोरशो रागी रे सोइक्ताक्मी। मेको नेल्ले इसराएली आन दाते डा ठेयब मुर बाक्तेक्म। ४ मिनु सु सु बाक्तेक्म देशा हना, रुबेन आ थर रे जाक्कुर आ तो शम्मुआ, ५ सिमियान आ थर रे होरी आ तो शाफात, ६ यहुदा आ थर रे यपुन्ने आ तो कालेब, यहोसु १४:१७ ७ इस्साकार आ थर रे योसेफ आ तो इगाल, ८ एफराइम आ थर रे नून आ तो होशआ, गन्ती १३:१६ ९ बेन्यामीन आ थर रे रफु आ तो पाल्ती, १० जबूलून आ थर रे सोदी आ तो गददीएल, ११ योसेफ आ तो मनस्स आ थर रे सूसी आ तो गाददी, १२ दान आ थर रे गेमल्लती आ तो अम्मीएल, १३ आशर आ थर रे मिकाएल आ तो सथुर, १४ नाफ्ताली आ थर रे वोपसी आ तो नाहबी, १५ गाद आ थर रे माकी आ तो गूएल बाक्तेक्म।

१६ मिनू मोसामी मेको रागी कली क्यारी पथ सोइश्शा मुर आन नें एकोन बाक्नीम। मोसामी नून आ तौ होशआ आ नें यहाँसु वोइवतु। गन्ती ११:२८; १३तिहास ७:२७

१७ मोसामी मेको आन कली कनान रागी कली क्यारी पथ सोइक्ताक्मी। मिनू मोसामी मेको आन कली "गो एक र लशा, नेगब माइश्शा दक्खिन डा रागी र पहाड गे लने। १८ मेको रागी दोदंशो बाक्म, मेकर डा मुरपुकी बाल्यो बाक्मा कां, मबाक्मा, शुश बाक्मा कां, इच्का खोइ ला बाक्मा? मेको नल्ल कोत्रडीन। १९ मिनू मेको आन रागी रिम्शो बाक्म कां, मरिम्शो बाक्म? मिनू मेको आन सहर गारो हिरशो बाक्म कां महिरशो बाक्म? २० मिनू मेको रागी डा खप दोदंशो बाक्मे, मलिलो बाक्म कां, पाडकोक्च बाक्म? मेकर रवापुकी बाक्मा कां, मबाक्मा? महिब दुमीन। मिनू मेको रागी डा फल फुल चाक्कीन" दे माइक्तीमी। मेना डांइती डा अडगुर मीची जाक्शो बाक्त।

२१ मिनू मेकोपुकी ग्येत्थ लशा, जीन डा गोरशो रागी र र्होब सम्म मेको रागी क्यारी पाम्तेक्म। र्होब लेबो-हमाथ आ नेक्था बाक्माक्त। २२ मिनू मेकोपुकी नेगब गे ग्येत्थ लशा, हेबरोन सहर जाक्दीम्मा बाक्त। मेकर अनाक आ मुर अहीमान, शंशे नु तल्ले बाक्बाक्तेक्म। हेबरोन चहिं इजीप्त डा सोआन सहर क्येडा ७ बर्स डांइती सल्लशो बाक्त। २३ मिनू नोले एश्कोल डा दिममी जाक्दीत्तेक्म। मिनू मेकर अडगुर सिश्शो राशी क्योरशा, मेको कोक्के कामी शुइश्शा मुर निक्शीमी कुरशा चाक्तेक्स। मेकोपुकीमी अनार नु फोत्रशी गडा यो चाक्तेक्म। २४ मिनू मेको ठेयब अडगुर खरोइक्तीक नोले मेको बंसी आ नें एश्कोल डा बंसी वोइक्तेक्म।

क्यारी पथ लाइब आन लोत्र

२५ मिनू ४० नाक्ती नोले मेकोपुकीमी मेको रागी क्यारी पशा, लेत्तेक्म। २६ मिनू लेश्शा, मोसा, हारून नु इसराएली नल्ल आन बाक्तीक, पारान डा गोरशो रागी कादेशमी जाक्तेक्म। मिनू मेको क्यारी पाइबपुकीमी मोसा, हारून नु मुर नल्ल आन कली आन तशो शंताक्मे। मिनू मेको रागी डा फल फुल कांइताक्मे। गन्ती २०:१; उत्पत्ती १६:१४; उत्पत्ती २०:१; व्यवस्था १:१९, ४६; यहाँसु १४:६-७ २७ मिनू मोसा कली "गोपुकी इन सोइश्शा रागीमी

जाक्दीत्तेक्म। मेको रागीम थमा पा दूध नु सुदो शुश बाक्ब। मिनू मेको रागी डा फल फुल एकोन बाक्नीम। परस्थान ३:८, १७ २८ तन्न मेकर बाक्ब मुरपुकी बाल्यो बाक्नीम। मिनू मेको आन सहरपुकी गारोम हिरशो नु थम ठेयब बाक्नीम। मिनू गोपुकीमी मेकर अनाक आ मुर आन कली यो ताइत्तक। २९ मिनू अमालक आ मुर नेगब रागीम बाक्बाक्तेक्म। मिनू हिती, यबुसी नु एमोरी पहाडम बाक्बाक्तेक्म। मिनू कनानी ठेयब समुन्दर आ नेक्था नु यर्दन खोला आ नेक्था बाक्बाक्तेक्म" देतेक्म।

३० मिनू कालेबमी मोसा आ डांइती बाक्शो मुर आन थुं नाइक्पाइक्चा, दे मोसा कली "गोपुकी रीब पा लशा, मेको रागी इं के सल्लय। मारदे हना गो मेको थमा पा गाराने चाप्नय" देत। गन्ती १४:६

३१ मिनू नोले मेको नु लाइब मुरपुकीमी "गोपुकी मेको मुरपुकी नु लडाइ पथ लने मचाप्नय। मारदे हना मेकोपुकी गो इं क्येडा शुश बाल्यो बाक्नीम" देतेक्म। ३२ मोपा मेकोपुकीमी क्यारी पथ लतीक रागी आ पर्वम मरिम्शो लोत्र नंपाइश्शा "गोपुकीमी क्यारी पथ लशो रागीमी आ मुर आन कली साइक्ब ताइत्तक। मिनू आंइ तशो मुरपुकी थम ठेयब बाक्नीम। ३३ गोपुकीमी मेकर नेफीलीमपुकी यो ताइत्तक। अनाक आ मुर नेफीलीम र दुश्शो बाक्नीम। मिनू गो मेको आन कली तशा, गो आंमा माले सोदंशो तांइसाक्क। मिनू गो मेको आन डांइती यो मादंशान तांइसीनय" देतेक्म। व्यवस्था १:२८; व्यवस्था ९:२

इसराएलीपुकीमी थमा मसुइश्शो

१४ १ मिनू मेको नाक्दो मेको मुर नल्ले वाइ बरश्शा डाक्तेक्म। व्यवस्था १:२६-४४ २ मिनू इसराएली नल्ल मोसा नु हारून आस पर्वम गन गन पाम्तेक्म। मिनू नल्लेमी मेको आस कली "गोपुकी इजीप्त उइ बेक्शो नकी हना, रिम्शो दुम वा। एको गोरशो रागीम बेक्शो नकी हना यो, दुम वा। गन्ती ११:१; परस्थान १६:२-३; परस्थान १७:२-३ ३ मारदे परमपरभु यावेमी आंइ कली तरवारम साइक्पाइक्चा कली एको रागी चाक्गा? गो आंइ मीशपुकी नु आंइ आलपुकी रोइश्शा लाइक्नीम। गोपुकी इजीप्त रागी लेत्त्वा रिम्शो ममाइ डा?" देतेक्म। भजन संगरह १०६:२४-२६ ४ मिनू मेकोपुकी "मुल गो लां कांइब मुर का योत्रशा, इजीप्त रागीम लेय्य" देमुम्तेक्म।

५ मिनू मोसा नु हारून मेकर बुक्शो इसराएली नेल्ल आन डॉइती सुम्की पा बाप्ताक्स। गन्ती १६:४ ६ मिनू मेको रागीम क्यारी पथ लाइब नून आ तौ यहोसु नु यपुन्ने आ तौ कालेबमी सुर्ता पा आस आस वा खाक्ताक्स। गन्ती १३:६,८,१६,३० ७ मिनू मेको निक्शोमी इसराएली नेल्ल आन कली “गोपुकी आंइ क्यारी पथ लशो रागी थम रिम्शो बाक्ब। ८ परमपरभु यावे गोपुकी ई कली तशा ग्यरसाक्व हना, मेकोमी ई कली मेको रागीम चाक्दीन्व। मिनू मेको रागी दूध नु खुदो शुश बाक्शो रागी बाक्ब। मेको रागी ई कली गेब। गन्ती १३:२७ ९ गोपुकी परमपरभु यावे कली गन गन मपने। मिनू मेको रागी डा मुर आन क्येडा महिनीन। मारदे हना गो मेको आन कली शोब्ने सोदंशो पा नेक्नय। मेको आन कली परांडब सुइ मबाक्नीम। परमपरभु यावे गोपुकी नु बाक्ब। मेको आन क्येडा महिनीन” देताक्स। गन्ती १३:३२ १० तन्न मुर नेल्लेमी मेको आस कली “फुल्लु आप्नीकी” दे हिंच कांडताक्म। मेना परमपरभु यावे आ छेडछेड इसराएली नेल्ल आन कली गरुस्तीक ताम्बुम तपांडसाक्व। परस्थान १७:४ ; परस्थान १६:१० ११ मिनू परमपरभु यावेमी मोसा कली “एको मुरपुकीम गेना सम्म आं कली मटीनीमी? एको आन दातेम आं कांडशो चिन्ड तशा यो, गेना सम्म आं कली थमा मसुइक्नीमी? १२ गो मेको आन कली बेक्तीक रोइमी साइक्नुडमी। मेको आं मुर सोदंशो मबाक्नीम। मिनू गो इ र मेको आन क्येडा शुश नु बाल्यो जात का सत्नुडमी” देत। परस्थान ३२:१०-१४

१३ मिनू मोसामी परमपरभु यावे कली “मोदंशो पाइतीनी हना, इजीप्त डा मुरपुकीमी एको लोत्र नेनीम। मारदे हना गे मेको आन कली इन सक्तिमी मेकर र गरुइताक्नी। १४ एको रागी डा मुरपुकीम मेको आन कली नंपाइक्नीम। परमपरभु यावे, गे इन मुर आन दातेम बाक्शो बाक्नीनी, दे मेकोपुकीमी दंशो लोत्र नेने थुम्शो बाक्नीम। परमपरभु यावे, गे मेको आन डॉइतीन तपांडसीशो बाक्नीनी। मिनू इन गोस्स मेको आन तार बाक्शो बाक्ब। मिनू गे नाक्ती गोस्स के थामम नु नाक्दो मी के थामम बाक्शा, मेको आन डॉइती गाक्नीनी। परस्थान १३:२१-२२ ; गन्ती ९:५५-२३ १५ मिनू मुल गे एको मुर आन कली कालमी साइक्तीनी हना, इन पशो नंब रागी रागी डा मुरपुकीमी १६ परमपरभु यावेमी मेको आन कली गनुड, दे कसम जशो रागीम चाक्दीन्ने

मचब। मोपतीके मेको आन कली गोरशो रागीम साइक्तु देनीम। व्यवस्था ९:२८ ; यहोसु ७:८-९

१७ मोपतीक, परमपरभु, इन ठेयब सक्ति कांडदीन। गे इन थोक्शो पशो लोत्र खाप्नीन। १८ परमपरभु यावे रीब पा मगाइक्ब नु गेना हना यो दाक्ब, परस्थान ३४:६-७ मेकोमी मरिम्शो पशो नु दूती पशो क्याम्ब, तन्न दोस ताइब कली दोस मताइब मदंब। आन आंम आफ आन पशो पाप मेको आन आल, चच, युइ नु युइ आन आल सम्म रपाइक्ब दे थोक्शा लोत्र पशो बाक्तीनी। १९ मिनू गे मेको मुर आन मरिम्शो पशो इन ठेयब नु गेना हना यो दाक्तीकमी क्याम्दीन। गे इन मुर आन कली इजीप्त र एक सम्म आन मरिम्शो पशो क्याम्शो सोदंशो पने” दे पुंडतु। परस्थान ३४:१०

२० मिनू परमपरभु यावेमी “गे इ पुंडशो सोदंशो पा एको मुर आन मरिम्शो पशो क्याम्नुड। २१ मो हना यो गो थमा पा, रागी नेल्ले आं सक्तिमी पिरंनुड। परस्थान ९:१६ २२ मेकोपुकीमी इजीप्तीमी नु गोरशो रागीमी आं ठेयब सक्ति नु छक लाक्वा डा गेय तशा यो, आं कली १० खयप नाक्शा, मटीब दुम्शा, मेको नेल्लेमी २३ मेको आन किकी पिपी आन कली कसम जशा ‘गनुड’ दंशो रागी ओवचा मताइनीम। मिनू आं कली काइ मदाक्बपुकीम मेको रागी मताइनीम। भजन संग्रह ९५:११ ; हिवरू ३:११,१७-१९ २४ तन्न आं गेय पाइब कालेब आ थुमी अर्का सोक्ती बाक्ब। मिनू मेकोमी आ थुं नेल्लेमी आं कली टिशो बाक्ब। गो मेको कली आ क्यारी पथ लशो रागी चाक्दीन्नुड। मिनू मेको आ तौ चच युइ आन रागी दुम्ब। यहोसु १४:६-९ २५ मिनू अमालेक आ मुर नु कनानीपुकी बेसीम बाक्तीक, गेपुकी दीसा लने। मिनू लल समुन्दर गे पा गोरशो रागी लने” देत।

२६ मिनू परमपरभु यावेमी मोसा नु हारून आस कली २७ “गेना सम्म एको मरिम्शो मुरपुकीम आं पर्वम गन गन पाइनीमी? गो इसराएली आन आं कली गन गन पशो नेता। मेकोपुकीम आं कली गन गन पाइनीम। परस्थान ३२:३४-३५ २८ गे मेको आन कली ‘परमपरभु यावेमी थमा पा इन दंशो सोदंशो पा इन कली पाइनुड। २९ गे नेल्ले गोरशो रागीमी बेक्चा माल्नीनी। नं बरक्शो नेल्ले, २० बर्स गाप्शो नु मेको क्येडा लाक्शो आं कली गन गन पाइब बेक्चा माल्नीम। १ कारिन्थी १०:१० ३० आं कसम जशा,

इन कली गेनुङ्क देशो रागीमी सुइ ओव्रचा मताइनीम। यपुन्ने आ तो कालेब नु नून आ तो यहासु ला ओव्रचा ताइनीस। ३१ मिनु रोइक्चा पुंडसीनीम, देशो इन आल आन कली चहिं गो मक चाक्दीत्तुडमी। मिनु मकोपुकीमी इन मदाक्शो रागीम बाक्शा, तुइक्नीम। ३२ गेपुकी चहिं एको गोरशा रागीमी बक्नीनी। ३३ मिनु इन आल मको गोरशा रागीमी ४० बर्स सम्म गाठला दुम्शा हिरचा माल्नीम। मोपा इन मटिशो आ पर्वम श्येत जाइनीम। गे नेल्ल इन नेल्ल क्यङ्क नोले डा मुर मबेक्नी सम्म मोदेशो पा हिरचा माल्नीम। परस्थान १६:३५; व्यवस्था २:७; व्यवस्था ८:४ ३४ गेपुकीमी मको रागी क्यारी पचा कली ४० नाक्त सम्म माल्शो बाक्तीनी। मोपतीके नाक्त का डा बर्स का पा ४० बर्स सम्म गेपुकीम इन मरिम्शो पशो आ पर्वम श्येत जचा माल्नीनी। मिनु गो इन पर्वम गाइक्ताक्ङ्क, दे तुइक्नीनी' दे येरमीया २:१९; गन्ती ३२:१३ ३४ गा, परमपरभु यावेमी, लोत्र पाता। मिनु गो एको आं कली गन गन पा बुक्शो मरिम्शो मुर आन कली थमा पा मो पाइनुङ्क। मको नेल्ल एको गोरशा रागीमीन बक्शा नुप्नीम" दंत।

३६ मिनु मोसाम क्यारी पथ सोइश्शो मुरपुकी लेश्शा जाक्शा मको रागी आ पर्वम मरिम्शो लोत्र पा मुर नेल्ल आन कली परमपरभु यावे कली गन गन पपाइक्तेक्म। १४० रिन्यो १०:५, १०; यहूदा ५ ३७ मको रागी आ पर्वम मरिम्शो लोत्र चाक्ब मुर नेल्ल परमपरभु यावे आ डाइती बक्चा माल्नीम। ३८ मिनु मको रागी क्यारी पथ लाइब आन दाते डा नून आ तो यहासु नु यपुन्ने आ तो कालेब ला बरोइनीस।

३९ मिनु मोसाम मुर नेल्ल आन कली एको लोत्र नंपदानु, मुर नेल्ल शुश रांका पाम्तेक्म। ४० मकोपुकीमी सुनी कना बाक्शा इर पहाड गे डाइश्शा "गोपुकी मुल एक रे परमपरभु यावे आ कबल पशो रागी लाइनीकी। मारद हना, गोपुकीम पाप पशो बाक्नीकी" दंतेक्म। व्यवस्था १:४१ ४१ तन्न मोसामी मको आन कली "मारद गेपुकीमी परमपरभु यावे आ लोत्र लाक्नीनी? गे मगरानीनी। ४२ गे इर मडांडसीन। मारद हना परमपरभु यावे गेपुकी नु मबाक्ब। मो पाइतीनी हना, इन जोरी सतरुपुकीमी इन कली साइक्नीम। ४३ मिनु अमालेक आ मुर नु कनानीपुकीमी इन कली लडाइ तोइनीम। मिनु गेपुकी तरवारम साइक्चा पुंडसीनीनी। मारद हना गेपुकी परमपरभु यावे कली टिचा परांइतीनी।

मोपतीके परमपरभु यावे इन दातेमी मबाक्ब" दंत। ४४ मो हना यो मकोपुकीम लोत्र मनेथु, इर पहाड गे डाइसाक्म। तन्न परमपरभु यावे आ कबल पशो सन्दोस गूरुन्तीक ताम्बुम बाक्त। मिनु मोसा मुर आन बाक्तीक उइ बाक्त। ४५ मिनु मको पहाडम बाक्ब अमालेक आ मुर नु कनानीपुकी उइ तोइश्शा, मको आन कली साइक्ना साइक्न होरमा सम्म खंदा पाम्तेक्म। गन्ती २१:३; व्यवस्था १:४४

दोपा चढ़ेचा, दे अरंशा

१ परमपरभु यावेमी मोसा कली २ "गे इस्राएली आन कली 'गो इन कली गेशो बाक्तीक रागीम जाक्दीन्नीनु, ३ गे कसम जशो खाप्चा कली मीम चोशा चढ़ेतीक चढ़ेचा दाक्ताक्नी हना, यो, चोशा चढ़ेतीके चढ़ेचा दाक्तीनी हना यो, क्योरशा चढ़ेचा दाक्ताक्नी हना यो, इन कली देशो चाडमी ग्यरशा परमपरभु यावे कली चढ़ेचा दाक्ताक्नी हना यो, गे इन गोठ नु बगाल रे परमपरभु यावे कली आ दाक्शो बरोव्रशो रिना पाइश्शो चढ़ेचा माल्नीनी। ४ मिनु सुमी परमपरभु यावे कली चढ़ेबा, मकोमी अन्न चढ़ेतीके यो चढ़ेचा माल्ब। मको अन्न चढ़ेतीके एफाह का डा १० भाग डा भाग का रिम्शो फस, हिन का डा ४ भाग डा भाग का तेल ब्याइश्शा, चढ़ेचा माल्नीनी। एफाह का २२ लिटर पुक्तीके बाक्ब। हिन का ४ लिटर सोदंशो बाक्ब। लेवी २:३; गन्ती २८:५ ५ गे चोशा चढ़ेतीके पाठा का का नु तूचा थोत्रक चढ़ेतीके हिन का डा भाग सां डा भाग का अङ्गुर शांबु यो चढ़ेचा माल्नीनी। गन्ती २८:७; परस्थान २९:४०; लेवी २३:३३ ६ सांड का चढ़ेचा दाक्तीनी हना, मको नु अन्न चढ़ेतीके यो चढ़ेचा माल्नीनी। मको अन्न चढ़ेतीके एफाह का डा १० भाग डा भाग निक्शी रिम्शो फस नु हिन का डा भाग सां डा भाग का तेल ब्याइश्शा, चढ़ेचा माल्नीनी। ७ तूचा थोत्रक चढ़ेतीके कली हिन का डा भाग सां डा भाग का अङ्गुर शांबु चढ़ेचा माल्नीनी। मको परमपरभु यावे कली आ दाक्शो बरोव्रशो रिना पाइश्शा चढ़ेतीके बाक्ब।

८ मिनु कसम जशो खाप्चा कली कि दुशा बाक्चा आ पर्वम परमपरभु यावे कली चोशा चढ़ेचा कली कि क्योरशा चढ़ेचा कली ब्यफ का चढ़ेतीनी हना, ९ मको नु अन्न चढ़ेतीके यो चढ़ेचा माल्नीनी। गे एफाह का डा १० भाग डा भाग सां

रिम्शो फस नु आधा हिन तेल व्याइश्शा, चढ़ेचा माल्नीनी। एफाह का २२ लिटर पुक्तीक बाक्ब। हिन का ४ लिटर पुक्तीक बाक्ब। १०मिनु तूचा थोत्रक चढ़ेतीक कली आधा हिन अडगुर शांबु यो मको चोशा चढ़ेतीक नु चढ़ेचा माल्नीनी। मको परमपरभु यावे कली आ दाक्शो बरोत्रशो रिना पाइश्शा मीम चोशा चढ़ेतीक बाक्ब।

११मिनु मको ब्यफ, सांड, बाका, पाठा नु आइक्च पाठा चढ़ेशानु, मो पचा माल्नीनी। १२गेपुकीम दोशा चढ़ेनीनी, मको नेल्ल आन कली का का पा मो पचा माल्नीनी। १३मिनु इसराएली सु सुमी परमपरभु यावे कली बरोत्रशो रिना पाइश्शा मीम चोशा चढ़ेतीक चढ़ेनीमी, मेकोपुकीमी मोदंशो पचा माल्नीमी। १४मिनु अर्का रागी डा मुर, गेपुकी नु इक्का नाक्त बाक्त हना यो, गेना हना यो बाक्त हना यो, मेकोमी परमपरभु यावे कली आ दाक्शो बरोत्रशो रिना पाइश्शा मीम चोशा चढ़ेतीक चढ़ेचा दाक्ताक्व हना, इन खोदंशो पा पचा माल्ब। १५मिनु इन गरुस्तीकमी गेपुकी नु बाक्शो अर्का रागी डा मुर आन कली नेल्ल पाला सम्म एको पचा माल्शो कान बाक्ब। गेपुकी नु अर्का रागी डा मुर परमपरभु यावे आ डांडती खाल का डा बाक्नीनी। परस्थान १२:४८-४९ १६गेपुकी नु गे नु बाक्शो अर्का रागी डा मुर आन कली अरेशो लोत्र नु ठीक पतीक लोत्र खाल डा बाक्चा माल्ब' दं'चा माल्ब' द परमपरभु यावेमी मोसा कली दंत।

### डांडती डा शोब्ले

१७परमपरभु यावेमी मोसा कली १८'गे इसराएली आन कली परमपरभु यावेमी इन कली लाइश्शा, रागीम जाक्दीन्नीनु, १९गेपुकीमी मेको रागी डा अन्न जनीनु, परमपरभु यावे कली कोसली का गेचा माल्नीनी। २०मिनु इन डांडती निशो फस रे सेल्शो शोब्ले का परमपरभु यावे कली गेचा माल्नीनी। खला रे क्युकशा चढ़ेशो खोदंशो पा चढ़ेचा माल्नीनी। नेहम्याह १०:३८ ; इजीकीएल ४४:३० २१मिनु गेपुकीमी नेल्ल इन पाला सम्म इन डांडती डा निशो फस रे शोब्ले का परमपरभु यावे कली क्युकशा चढ़ेतीके कली चढ़ेचा माल्नीनी।

### मतुइक्थु पशो पाप

२२मिनु गेपुकीमी मतुइक्थु परमपरभु यावेमी मोसा कली शंशो लोत्र नेल्लेमी का मपाइतीनी

हना, लेवी ४:१३-२१ २३परमपरभु यावेमी मोसा रे पा इन कली नु इन नोले डा मुर आन कली शंशो लोत्र मपाइतीनी हना, २४गे नु गरुस्तीक डा मुरुमी मतुइक्थु पशो पाप आ पर्वम मेको गरुस्तीक डा मुर नेल्लेमी ब्यफ का चोशा चढ़ेचा माल्नीम। मको परमपरभु यावे कली आ दाक्शो बरोत्रशो रिना पाइश्शा बाक्ब। मको आ शंशो खोदंशो पा अन्न चढ़ेतीक नु तूचा थोत्रक चढ़ेतीक यो चढ़ेचा माल्नीम। मिनु पाप आ पर्वम बाका का यो चढ़ेचा माल्नीम। २५मिनु चढ़ेबमी इसराएली नेल्ल आन पर्वम पाप क्याम्तीक गेय पचा माल्ब। मिनु मेकोपुकी आन पाप क्याम्चा ताइनीम। मारदे हना मेकोम मतुइक्थु पाप पशो बाक्नीम। मिनु मेकोपुकीमी परमपरभु यावे कली मीम चोशा चढ़ेतीक चढ़ेचा माल्नीम। मेको आन मतुइश्शो पाप आ पर्वम परमपरभु यावे कली चढ़ेचा माल्नीम। २६मिनु गरुस्तीक डा इसराएली नु मेको नु बाक्शो अर्का रागी डा मुर नेल्ल माफ ताइनीम। मारदे हना मेको मुर नेल्लेम मतुइक्थु पाप पशो बाक्नीम।

२७मिनु सुइमी मतुइक्थु पाप पाप्नु हना, मेकोमी आ पाप आ पर्वम बर्स का गाप्शो क्यारश आ पाठी का चढ़ेचा माल्ब। लेवी ४:२७-२८ २८मिनु चढ़ेबमी मेको मुर आ पशो पाप मतुइक्तीक, परमपरभु यावे आ डांडती पाप क्याम्तीक गेय पचा माल्ब। मिनु नोले मेको मुरुम माफ ताइब। २९मतुइक्थु पाप पाइब इसराएलीपुकी नु मेको नु बाक्ब अर्का रागी डा मुर नेल्ल आन कली मतुइक्थु पाप पशो आ पर्वम पचा माल्शो गेय खाल का डा बाक्ब।

३०तन्न इसराएली बाक्त हना यो, अर्का रागी डा मुर बाक्त हना यो, तुइश्शा यो, मटिथु पाप पाप्नु हना, मेको परमपरभु यावे कली पाप पाइब बाक्ब। मेको मुर कली गरुस्तीक रे तिल्ला माल्ब। प्ररित १३:३८ ; हिब्रू १०:२६-२९ ३१मिनु मेको मुरुमी परमपरभु यावे आ लोत्र लाक्शा, आ अरेशो काइ मटितीके, मेको मुर तिल्ला पुंडसीशा, आ पाप राइब" दंत।

### मुरुम नाइक्तीक नाक्त गेय पशो

३२मिनु इसराएलीपुकी गोरशो रागीम बाक्मानु, मेकोपुकीमी नाइक्तीक नाक्ती मुर का कली शी सुप्शो थित्क्म। परस्थान २०:८-१० ३३मिनु मुरपुकीमी मेको शी सुप्च कली मोसा, हारून नु मुर नेल्ल आन डांडतीमी चाक्त्क्म। ३४मिनु मेको कली मार पाइक्चा

माल्वा मतुइक्तीक चोक्शा वोइक्तेकम। लेवी २४:१२ ३५ मिनु परमपरभु यावेमी मोसा कली “मको मुर कली साइक्चा माल्वा। गरुम्तीक डा मुर नल्लेमी मको कली मुर आन बाक्तीक रं गरुइशा, फुल्लु आप्शा साइक्चा माल्वा” दंत। परस्थान ३१:१४-१५; परस्थान ३५:२-३ ३६ मिनु गरुम्तीक डा मुर नल्लेमी मको कली मुर आन बाक्तीक रं गरुइशा, फुल्लु आप्शा साइक्तेकम। परमपरभु यावेमी मोसा कली दोदेशो पा अरेवा, मोदेशो पा मुरपुकीमी पाम्तेकम।

परमपरभु आ शंतीक मिम्चा कली

३७ मिनु लेशा परमपरभु यावेमी मोसा कली ३५ “गे इसराएली आन कली गेपुकीमी इन फेक्तीक वा आन सुरमी नीलो श्यले के फेने सेलीन। मोदेशो नल्ले इन पाला सम्म पचा माल्वानी। व्यवस्था २२:१२; मती २३:५; परस्थान ३९:१ ३९ मारदे मोदेशो पचा माल्वानी देशा हना, ग मको फेने तशा, परमपरभु यावे आ शंतीक नल्ले मिम्शा, टिचा कली मोदेशो पचा माल्वानी। इन थुं डा दला दाक्स मपचा कली नु इन मिक्च कली पाप मपपाइक्चा कली मोदेशो पचा माल्वानी। ४० गे परमपरभु यावे आ शंतीक नल्ले मिम्शा पचा माल्वानी। मिनु गे इन परमपरभु आ डाइती गरांगरा मदिशो दुम्चा माल्वानी। ४१ गो, परमपरभु यावे, इन परमपरभु नड। गो इन परमपरभु दुम्चा कली इन कली इजोपत रागी रं गरुइताकनी। गो परमपरभु यावे, इन परमपरभु नड” दंचा माल्नेव” दंत।

कोराह, दाथान नु अबीराम

१६ मिनु लेवी आ तौ कोहाथ, आ चच इच्छार, आ युइ कोराह, नु रुबेन आ थर डा एलीआब आ तौ निक्शो दाथान नु अबीराम नु पलेथ आ तौ आन सल्ला पाम्तेकम। परस्थान ६:१६,१८,२१; गन्ती २६:१७-१९; यहूदा १:११ २ मिनु मेकोपुकीम सहं निक्शो ५० जना इसराएली बरत्ताकम। मेकोपुकी गरुम्तीकेमी योत्रचा पुंडसीशो ठेयब मुर बाक्तेकम। मेको आन कली मुर नल्लेमी तुइइशा बाक्तेकम। मेकोपुकीम मोसा कली दोस गम्तेकम। गन्ती १२:१-२ ३ मिनु मेकोपुकी बुक्शा, मोसा नु हारून आस कली “गे निक्शीमी थम मरिम्शा पाइतीसी। गरुम्तीक डा मुर नल्ले का का पा, गरांगरा मदिशो बाक्नीम। मिनु परमपरभु

यावे मेको आन दातेमी बाक्ब। गे मारदे इस कली परमपरभु यावे आ मुर आन क्यंडा ठेयब सल्लेसीसी?” दंतकम। ४ मिनु मोसा मेको लोत्र नंशा, सुम्की पा बाप्त। गन्ती १४:५ ५ मिनु मेकोमी कोराह नु मेको आ मुर नल्ले आन कली “दीसा सुनी परमपरभु यावेमी सु मेको आ मुर बाक्बा, सु गरांगरा मदिशो बाक्बा नु सु आ नेक्था जाक्दीत्वा गेबा, मेको तुइक्पाइक्ब। २ तिमोथी २:१९ ६ कोराह, गे नु बाक्ब मुर नल्लेमी थनीरो चाक्शा जाक्कीन। ७ मिनु गे दीसा मेकर मी कुर पा परमपरभु यावे आ डाइती धूप चोन। मिनु परमपरभु यावेमी सु कली योत्रबा, मेको गरांगरा मदिशो बाक्ब। लेवीपुकी, गे थम मरिम्शा पाइतीनी” दंत। ८ मिनु मोसामी कोराह कली “गे लेवीपुकी नेनीन। ९ इसराएली आन परमपरभु यावेमी इन कली आ नेक्था जाक्चा गेशा, आ ताम्बु डा गेय पचा कली मुर आन दाते रं योत्रशो बाक्ब। गे गरुम्तीक आ डाइती राप्शा, मेको मुर आन गेय पचा, आइक्च मिम्नीनी? गन्ती ३:६-१३; गन्ती ४:४-२० १० मेकोमी गे नु इ लोक्ब, लेवी नल्ले आन कली आ नेक्था जाक्चा गेपु। मार, गेपुकीम चढेब आन गेय यो माल्वानी? ११ गे नु इ मुर नल्ले परमपरभु यावे कली दोस गेशा बुक्तीनी। हारून सु बाक्बा डा? गे मेको कली गन गन पनी?” दं माइक्तीमी।

१२ मिनु मोसामी एलीआब आ तौ दाथान नु अबीराम आस कली बरत्थ सोइक्ताक्ब। तन्न मेको निक्शीमी “गो मजाक्नस्कु। १३ गे आइ कली दूध नु सुदो शुश बाक्शो रागी रं एको गोरशो रागीम साइक्थ चाक्शा यो, मार, इन कली मजाक्दीम्म? मिनु गे आइ कली हुकुम यो पचा माल्वासी? १४ गे आइ कली दूध नु सुदो शुश बाक्शो रागीम चाक्दीन्नी? रू नु अडगुर रू गेनी? मार, गे एको मुर आन मिक्च फेत्ता दाक्नीनी? गोपुकी थमा पा मजाक्नीकी” दंताकस। परस्थान ३:८

१५ मिनु मोसा शुश गाइइशा, परमपरभु यावे कली “मेको आन चढेशो मताक्कीन। गो मेको आन गधा का यो मताक्गु। गो मेको आन कली मरिम्शा यो मपड” दंत। १६ मिनु मोसामी कोराह कली “गे नु इ मुरपुकी नु हारून यो दीसा परमपरभु यावे आ डाइती जाक्कीन। १७ गे नल्लेमी आंम आंम थनीरो चाक्शा, मेकर धूप कुर पने। मिनु गे का का पा आंम थनीरो परमपरभु यावे आ डाइती चाक्कीन। गे नु हारूनम यो इस थनीरो चाक्कीस। मेको सहं निक्शी ५०

ओटा थनौरो बाकनीम” दंत । १८ मिनु मेको का का पा आन थनौरोम मी कुर पा धूप वोइक्तेकम । मिनु मेकोपुकी मोसा नु हारून गरुम्तीक ताम्बु आ ओव्रतीकमी राप्तकम । १९ मिनु कोराहमी गरुम्तीक डा मुर नेल्ल आन कली मोसा नु हारून आस पर्वम गन गन पचा, दे गरुम्तीक ताम्बु आ ओव्रतीकमी पुक्तीमी । मना परमपरभु यावे आ छेड्छेड् मेको नेल्ल आन डाँइती गरूत । गन्ती १६ : १०

२० मिनु परमपरभु यावेमी मोसा नु हारून आस कली २१ “गे निकशी मेको मुर आन रे दिलीस । मिनु गो याम कामी एको नेल्ल आन कली रोवल चिवल पोक्नुडमी” दंत । उत्पत्ती १९ : १४ २२ मिनु मोसा नु हारूनमी खुम्की पा “परमपरभु मुर नेल्ल आन कली बरोइचा गेब परमपरभु, मुर कामी पाप पतीके गे मुर नेल्ल नु गाइक्नीनी ?” देताक्स । अय्युब १० : १२ ; अय्युब १२ : १० ; २सामुएल २४ : १७ ; गन्ती २७ : १६

२३ मिनु परमपरभु यावेमी मोसा कली २४ “एको मुर आन कली कोराह, दाथान नु अबीराम आन बाक्तीक रे दिलीन दे माइकमी” दंत । २५ मिनु मोसा बाक्शा दाथान नु अबीराम आस बाक्तीक लत । मिनु इसराएली आन खाल्पापुकी यो लाम्तकम । २६ मिनु मेकोम नेल्ल मुर आन कली “मेको मरिम्शो मुर आन ताम्बु रे दिलशा बाक्कीन । मेको आन के मारइ मथिन । मो मपाइतीनी हना, मेको आन पापमी पतीक गेपुकी यो साइक्चा पुंडसीनीनी” दे माइक्तीमी । २७ मापतीके मेकोपुकी कोराह, दाथान नु अबीराम आन ताम्बु रे दिल्लकम । मिनु दाथान नु अबीराम आस ताम्बु रे गरुशा, मेको आस ताम्बु आ ओव्रतीकम आस मीश नु आस आलपुकी नु राप्ताक्स । २८ मिनु मोसामी मेको नेल्ल आन कली “परमपरभु यावेमी आं कली एको गेय पचा कली सोइश्शो बाक्ब, दे गे तुइक्नीनी । एको गेय नेल्ल गो आंमा पशो मनड । २९ मेको मुरपुकी अरु मुरपुकी खोदंशो पा बेक्तेकम हना, गो परमपरभु यावे आ सोइश्शो मनड । ३० तन्न परमपरभु यावेमी नक गेय का पा, रागीम आ शोत्र पाक्शा, दाक्तु हना, एको आन मारइ मारइ सुन्दा संसीन बेक्शा मुर आन बाक्तीक दोक्तेकम हना, एकोपुकीमी परमपरभु यावे आ लोत्र लाक्शा बाक्मा बाक्त, दे गेपुकीमी तुइक्नीनी” दंत ।

३१ मिनु मेको लोत्र पन थुमा नोले मेको आन बाक्शो रागी बरोल्ल । ब्यवस्था ११ : ६ ३२ मिनु रागीम आ शोत्र पाक्शा, मेको नु मेको आस खिं

डा मुर नेल्ल, कोराह आ खिं डा मुर नेल्ले नु मेको आन मारइ मारइ नेल्ल दाक्तु । ३३ मिनु मेकोपुकी नु आन मारइ मारइ संसीन बेक्शा मुर आन बाक्तीक लाम्तकम । मिनु रागीम मेको आन तार आ शोत्र खरंप्ताक्व । मिनु मेकोपुकी गरुम्तीक डा मुर आन दाते रे जाम्तकम । ३४ मिनु आन नेक्था बाक्ब इसराएली नेल्लमी मेको आन वाइ बरेशो नंशा “गोपुकी ई कली यो मुल रागीम दाक्ब” देना देन प्राक्तेकम । ३५ मिनु परमपरभु यावे रे मी गरुशा, मेको सह निकशी ५० जना धूप चोइब आन कली दाक्तु । लेवी १० : १-२ ; भजन संगरह १०६ : १७-१८ ३६ मिनु परमपरभु यावेमी मोसा कली ३७ “चदेब हारून आ तो एलाजर कली थनौरोपुकी बरेशो मी रे गरुइचा कली नु मी आ फिलीडगो शुश डोन लाइश्शा फरचा कली अरेवो । गन्ती ३ : ४ ; परस्थान ६ : २५ ३८ मारदे हना मेको पाप पाइबपुकी बेक्तीक आन थनौरोपुकी गरांगरा मदिशो बाक्नीम । मेको थनौरो तुप्शा, चदेतीक गिल्तीक पाता सेल्वा माल्ब । मारदे हना मेको मुर आन थनौरो परमपरभु यावे आ डाँइती चदेतीक गरांगरा मदिशो दुम्तेकम । मिनु मेको इसराएली आन कली मिम्तीक चिन्ड दुम्चा माल्नीम” दंत । ३९ मिनु चदेब एलाजरमी मेको बेक्शा मुरपुकीम धूप चोशा तांबा के थनौरो गुप्तु । मिनु मेको कली तुप्शा चदेतीक गिल्वा कली पाता सेल्लु । ४० मेको इसराएली आन कली मिम्तीक बाक्ब । मार मिम्तीक बाक्ब दंशा हना, हारून आ मुर डा लाक्शा, अरु मुरपुकी परमपरभु यावे आ डाँइती धूप चोचा कली आ नेक्था लन मचाप्नीम । मिनु कोराह नु आ मुरपुकी खोदंशो पा साइक्चा मपुंडसीनीम, दे मिम्पाइक्तीक बाक्ब । मिनु परमपरभु यावे मोसा रे पा एलाजर कली दोदंशो पा लोत्र पचा, मोदंशो पा पाप्तु । गन्ती ३ : १०

४१ मिनु आ दीसा सुनी इसराएली नेल्लेमी मोसा नु हारून आस पर्वम गन गन पा “गे निकशीमी परमपरभु यावे आ मुर आन कली साइक्तीसी” दंतकम । परस्थान १७ : ३ ४२ मिनु मुरपुकीम मोसा नु हारून आस कली गन गन पा बुक्शा, गरुम्तीक ताम्बु गे कोत्रड्मनु, गोस्सुमी मेको ताम्बु कली सुम्शो ताम्तकम । मिनु परमपरभु यावे आ छेड्छेड् गरूत । ४३ मना मोसा नु हारून गरुम्तीक ताम्बु आ डाँइती लाम्ताक्स । ४४ मिनु परमपरभु यावेमी मोसा कली ४५ “गे मेको मुर आन दाते रे दिलीस ।

गो मेको आन कली याम कामी रोवल चिबल पोक्नुडमी” दंत। मिनु मेको सुम्की बाप्ताक्स। १६ मिनु मोसामी हारून कली “मेको थनीरो लाइशशा, मेको चढ्तीक डा मी कुर पा धूप चोवो। मिनु रोब पा मेको मुर आन दातेमी लाइशशा, मेको आन पाप क्याम्तीक गय पावो। मारद हना परमपरभु याव गाइक्ताक्व। मिनु मुर बेक्तीक रोइ बाक्चा गोप्तु” दंत। लेवी १६:१२,१३,१७; गन्ती १:३३ १७ मिनु मोसामी देशो खोदेशो पा हारून थनीरो लाइशशा मुर आन दातेमी दोशशा लत। मेना मुर आन दातेमी मुर साइक्व रोइ जाकने थुम्शो बाक्त। मिनु मेकोमी धूप चोशा मुर आन पर्वम पाप क्याम्तीक गय पाप्तु। १८ मिनु हारून बेक्शो नु सस मुर आन दातेमी राप्त। मिनु मेको मुर बेक्तीक रोइ देक्त। १९ कोराह बेक्तीकेम बेक्शो प्रांइशा, मेको मुर बेक्तीक रोइम बेक्शो मुर १४ हजार ७ सह बाक्तेक्म। २० मिनु मेको मुर बेक्तीक रोइ देक्म नोले हारून मोसा आ बाक्तीक, गरुम्तीक ताम्बु आ ओव्रतीकेम लेत्त।

#### हारून आ कोक्के

१ मिनु परमपरभु यावेमी मोसा कली २ “गे १७ इसराएली नेल्ल आन कली गे इन किकी पिपी आन थर थर र पा का का पा १२ ओटा कोक्क चाक्कीन” दे माइक्मी। मेको मुर आन नं मेको आन आन कोक्केमी बरक्तो। ३ मिनु हारून आ नं लेवी आ थर डा मुर आन कोक्केम बरक्तो। मारद हना नेल्ल थर डा ठेयब मुर आन नंम कोक्के का का दुम्चा माल्ब। ४ मिनु गे मेको कोक्के आन कली गरुम्तीक ताम्बुमी सल्ला पशो सन्दोस आ डांइती वोतो। गो मेकर र इन कली लोव्र पाइनुड। परस्थान २५:२२ ५ मिनु आं योव्रशो मुर आ कोक्केम कोच्चा दाप्च। मोपा गो इसराएलीपुकीम इस पशो गन गन नाइक्पाइक्नुडमी” दंत। गन्ती १६:२-७

६ मिनु मोसाम इसराएली आन कली मेको लोव्र नंपाइक्तीमी। मिनु मेको आन ठेयब मुर नेल्लेमी मेको कली कोक्के का का चाक्शा, गेम्तेक्म। मिनु मेको आन किकी पिपी आन थर थर पा १२ ओटा कोक्के गेम्तेक्म। मिनु हारून आ कोक्के यो मेको आन कोक्के आन दातेम बाक्त। ७ मिनु मोसामी मेको कोक्के नेल्ल परमपरभु याव आ सल्ला पशो सन्दोस बाक्शो ताम्बुमी परमपरभु याव आ डांइती वोइक्तु।

८ मिनु मोसा आ दोसा सल्ला पशो सन्दोस बाक्शो ताम्बुम लत। मिनु लेवी आ थर डा मुर, हारून आ कोक्केम कोच्चा दाप्शा, फू बोइशशा देसी बदाम सिशशा मीशो ताप्तु। ९ मिनु नोले मोसामी कोक्के नेल्ल खुप्शा, परमपरभु याव आ डांइती र लाइशशा, इसराएली आन कली गम्तीमी। मिनु मेकोपुकीमी कोव्रशा, आन आन कोक्के लांइसाक्म।

१० मिनु परमपरभु यावेमी मोसा कली “मरिम्शो पाइब मुर आन कली मिम्तीक दुम्पाइक्चा कली हारून आ कोक्के लेंशा सल्ला पशो सन्दोस आ डांइती लाइशशा वोतो। मिनु मेकोपुकीमी आं पर्वम गन गन पचा मप्रांइतेक्म हना, बेक्नीम” दंत। हिब्रू ९:४ ११ मिनु मोसामी परमपरभु याव आ देशो खोदेशो पा पाप्तु।

१२ मिनु इसराएलीपुकीमी मोसा कली “कोव्रडीन, गोपुकी खतम दुम्शा जाम्शा लाइनीकी। १३ सु परमपरभु याव आ ताम्बु आ नेक्था लाइबा, मेको बेक्व। मार, गो नेल्ल यो बेक्नीकी?” दंतक्म। मज्जन संग्रह १३०:३-४

#### लेवी नु चढेब आन गय

१ मिनु परमपरभु यावेमी हारून कली “गे १८ इ तोपुकी नु इ आफ आ सिं डा मुरुम परमपरभु याव आ बाक्तीक कली मरिम्शो पशो कुरचा माल्लीनी। मिनु गे नु इ तोपुकीमी चढ्तीक गय पाइब आन मरिम्शो पशो कुरचा माल्लीनी। परस्थान २८:३८; लेवी १६:३२-३३ २ मोपतीक गे इ लोक्व लेवी आ थर डा मुर आन कली यो इ कली वारच पचा कली चाक्मी। गे नु इ तोपुकीम ताम्बु आ डांइती गय पना पन बाक्नीनु, मेकोपुकीम इन कली वारच पामेक्ल। गन्ती ३:६-१० ३ मेकोपुकी इ कली वारच पशा, ताम्बु डा गय पचा माल्लीम। तन्न मेकोपुकीम ताम्बु डा मार मार थिचा मडुम्नीम। मिनु चढ्तीक आ नेक्था जाक्चा मडुम्नीम। मो पाम्तेक्म हना, मेकोपुकी नु गे यो बेक्नीनी। ४ मेकोपुकीम इन अरशा टिशा, गरुम्तीक ताम्बु डा मारइ मारइ गय पचा माल्लीम। गे इन डा लाक्शा अरु सुइम मेको गय पचा मताइनीम। ५ मिनु गे इसराएली आन दातेमी लेंशा गाइक्तीक गेनायो मज्जाक्ल, दे परमपरभु याव आ बाक्तीक नु चढ्तीक डा गय आंमा पचा माल्लेव। गन्ती १७:३१ ६ मिनु गो मुल इसराएली आन दाते र इ लोक्व लेवी आन कली योव्रनुड। गो मेको इ कली गनुड। मेकोपुकी गरुम्तीक ताम्बु डा गय पचा कली आं कली

जिम्मा गेशो बाक्नीम। गन्ती ३:१२,४५ ७ तन्न गे नु इ तौपुकीम चढ्देतीक नु फारशा वा आगा डा कोठा डा गय थम रिम्शो पा पने। चढ्देतीक गय इन कली गतन्नी। अरु सुइ मेकर जाक्तेक्म हना, मेको साइक्वा पुंडसीनीम” दंत। गन्ती १:५१

### चढ्देब आन भाग

८ मिनु परमपरभु यावेमी हारून कली “गो आं कली चढ्देशो इ कली गतन। इसराएलीपुकीमी आं कली चढ्देशो नेल्ल गतन। मेको इ कली नु इ तौ आन कली चढ्देतीक गय पशा डा गेना हना यो इन भाग बाक्ब। लेवी ३:२,१०; लेवी ६:९-११,१९-२२; लेवी ७:६-१० ९ मिनु मी र पा प्रांडशा आं कली चढ्देशो इन कली मार बाक्ब देशा हना, मेको आं कली नेल्ल क्येडा चोत्रसो चढ्देशो अन्न चढ्देशो बाक्ब हना यो, पाप आ पर्वम चढ्देशो बाक्ब हना यो नु गारचा आ पर्वम चढ्देशो नेल्ल इ कली नु इ तौ आन कली बाक्ब। १० मिनु मेको इन कली नेल्ल क्येडा चोत्रसो जचा थोत्रक बाक्ब। मेको इन दाते डा वांडश मुर नेल्लेमी जने चान्नीम। मेको इन कली चोत्रसो बाक्ब। लेवी ६:९; लेवी १०:१२,१४

११ मिनु इसराएलीपुकीमी क्युक्शा चढ्देतीक चढ्दम्तेक्म हना, मेको तिल्शा नेल्ल इ कली नु इ तमी तौ आन कली गेना हना यो इन भाग बाक्ब, दे गतन्नी। इ सिंम गरांगरा मदिशो बाक्बो सुइ सुइमी मेको जने चान्नीम। १२ मिनु मेकोपुकीमी परमपरभु यावे कली गेशो नेल्ल क्येडा रिम्शो तेल, नेल्ल क्येडा रिम्शो अडगुर शांबु, अन्न नु रिम्शो मारइ मारइ गो इ कली गतन। १३ मेकोपुकीमी परमपरभु यावे कली चढ्दथ चाक्शो आन डांडती मीशो फल फुल नेल्ल इ केन दुम्ब। इ सिंमी गरांगरा मदिशो बाक्बो मुर नेल्लेमी मेको जने चान्नीम। परस्थान २३:१९; ब्यवस्था १८:३-४ १४ इसराएलम आं कली चढ्देशो मारइ मारइ इ केन बाक्ब। लेवी २७:२८ १५ मिनु परमपरभु यावे कली चढ्देशो, मुर आन डांडती जरमेशो, बी ब्यफ क्यारश भेडा आन डांडती जरमेशो नेल्ल इ केन बाक्नीम। मो दुम्त हना यो, गे मुर आ डांडती जरमेशो कली प्रांडचा माल्लेव। गरांगरा दिशो बस्तु भाव आन डांडती जरमेशो यो प्रांडचा माल्लेव। परस्थान १३:२; परस्थान ३४:१९-२० १६ मेको आन कली प्रांडतीक क्येट महिना का गाप्शो कली चांदी क ५ शेकेल ताक्चा माल्लेव। मेको ताम्बु डा शेकेल बाक्चा माल्लीम। मेको ताम्बु डा शेकेल का २०

गेराह डा बाक्ब। गेराह का ०.६ ग्राम बाक्ब। ताम्बु डा शेकेल का १२ ग्राम डा क्येट बाक्ब। लेवी २७:६,२७

१७ मिनु बी, भेडा क्यारश आन डांडती जरमेशो आन कली प्रांडने मचान्नीम। मेको आं केन बाक्नीम। गे मेको आन हेश चढ्देतीकमी बरुइक्चा माल्लेव। मिनु मेको आन बांसी चोचा माल्लेव। मेको परमपरभु यावे कली आ दाक्चा ब्रावशो रिना पाइशो मीम चोशा चढ्देतीक बाक्ब। १८ तन्न आन श्य इ केन बाक्ब। मेको क्युक्शा चढ्देशो कुथरु नु ग्युरा फिला खोदेशो पा इ केन बाक्ब। १९ मिनु इसराएलीपुकीमी आं कली चढ्देशो नेल्ल इ कली नु इ तमी तौ आन कली गेना हना यो कली गतन्नी। मेको इ कली नु इ चच युइ आन कली परमपरभु यावे आ डांडती गेना हना यो लीशो हिक्सी आ कबल पशा बाक्ब” दंत। लेवी २:१३; २ इतिहास १३:५ २० मिनु नोले परमपरभु यावेमी हारून कली “गे मेको रागीम मुर आन दातेमी रू मताइनीनी। गो इसराएली आन दातेमी इन भाग नु इन शांप नड। गन्ती ३५:६; ब्यवस्था १०:९; ब्यवस्था १२:१२; यहोसु १३:१४,३३; भजन संगरह १६:५; भजन संगरह ७३:२६; इजीकीएल ४४:२८ २१ गो लेवी आ मुर आन कली गरुम्तीक ताम्बुमी गय पचा कली इसराएली नेल्ल आन १० भाग डा भाग का गतामी। लेवी २७:३० २२ मुल रे इसराएलीपुकी गरुम्तीक ताम्बु आ नक्था जाक्ने मचान्नीम। जाक्तेक्म हना, पापम पतीकमी बक्नीम। २३ तन्न लेवीपुकीमी गरुम्तीक ताम्बु डा गय पचा माल्लीम। मेकोपुकीमी पाप पाम्तेक्म हना, मेको आंमा कुरचा माल्लीम। मेको इन कली गेना हना यो लीब शंतीक बाक्ब। तन्न मेकोपुकीमी इसराएली आन दातेमी रू मताइनीम। २४ मारदे हना गो लेवी आन कली इसराएली आन परमपरभु यावे कली चढ्देशो १० भाग डा भाग का गतामी। मोपतीके गो मेको आन कली “गे इसराएली आन दातेमी रू मताइनीनी” दंती” दंत।

२५ मिनु परमपरभु यावेमी मोसा कली २६ “गे लेवी आन कली परमपरभु यावेमी इन कली मुर आन गुइ रे इन भाग दुम्चा कली गेशो, इसराएली आ १० भाग डा भाग का ताक्नीनु, गेपुकीम मेको रे यो परमपरभु यावे कली १० भाग डा भाग का तिल्शा, गेचा माल्लीनी। २७ मिनु मेको अन्न नु अडगुर शांबु मुर आन रे चाक्शो

भाग खोदंशो मिम्सीब। २८ मोपा गे इसराएली आन रे ताकशो १० भाग डा भाग का नेल्ले रे तिल्ला परमपरभु यावे कली १० भाग डा भाग का गेचा माल्लीनी। मेको चढेब हारून कली गेचा माल्लीनी। २९ मिनु गे मार मार ताकनी, मेको नेल्ले रे परमपरभु यावे आ भाग तिल्ला माल्लीनी” दे माइकमी। ३० मिनु गे मेको आन कली गेपुकीमी नेल्ले क्येडा रिम्शो भाग तिल्ली नोले, मेको लीशो इन रू रे रुष्शो अन्न नु इन अडगुर रू डा शांबु खोदंशो बाकब। ३१ मिनु गे नु इन सिं डा मुर नेल्ले ते ते जचा दाकनीनी, मेक मेक जने चाप्नीनी। मारदे हना मेको इन गरुस्तीक ताम्बुमी गेय पशो डा गाल्ले बाकब। मती १०:१० ३२ मिनु गे मेको आन नेल्ले क्येडा रिम्शो भाग गेतीके इन कली मारइ दोस मदुम्ब। तन्न इसराएलीपुकीम आन परमपरभु यावे कली गेशो थोत्रक दूली पा मचलेने। मो पाइतीनी हना गे बेकनीनी” दे माइकचा माल्लेवे” दे परमपरभु यावेमी मोसा कली देत।

#### चोत्रसेतीक आ पर्वम चढेशो

१ परमपरभु यावेमी मोसा नु हारून आस कली २ “गे इसराएली आन कली परमपरभु यावेमी बेकशा अरेशो पचा माल्लो लोत्र का एको बाकब। गेपुकी थम रिम्शो मारइ मदुम्शो गेनायो जवा मलाप्शो लल बी का आंस बाक्तीक चाक्कीन” देनीस। हिब्रू ९:१३; लेवी २२:२०; व्यवस्था २१:३ ३ मिनु गे मेको बी कली चढेब एलाजर कली गेसे। मिनु मेकोमी मेको बी कली मुर आन बाक्तीक रे डोन लाइशशा, आ डाइती मेको कली क्योरपाइकचा माल्ले। ४ मिनु चढेब एलाजरमी आ बेरप्नोमी आ हुश खरुम्शा, गरुस्तीक ताम्बु आ डाइती ७ खेयप बरुइकचा माल्ले। लेवी ४:६,१७ ५ मिनु नोले मेको बी चढेब आ डाइती चोचा माल्ले। आ कुशुल, आ श्ये, आ हुश नु गोबर सुन्दा चोचा माल्ले। लेवी ७:८; लेवी ४:११-१२ ६ मिनु चढेबमी लेबानोन डा लाइशशा रवा आ शी, हिस्सोप के बराक्स, लल रड डा ऊन चाक्शा, मेको बी कली जेन्ना जेन्न पशो मीम हुम्चा माल्ले। लेवी १४:६ ७ मेको नोले चढेबमी आ वा मुरशा, चिकसीचा माल्ले। नोले मेको मुर आन बाक्तीक लेन्ने चाप्ब। तन्न मेको चढेब नां मलाकगा सम्म गरांगरा दिशो बाकब। लेवी १६:२८ ८ मिनु नोले मेको बी चोइबमी आ वा मुरशा, चिकसीचा माल्ले। मेको नां मलाकगा सम्म गरांगरा दिशो

बाकब। ९ मिनु गरांगरा मदिशो मुर कामी मेको बी कली चोशो पुतु सुप्शा, मुर आन बाक्तीके रे डोन गरांगरा मदिशो बाक्तीकेम वोइकचा माल्ले। मेको इसराएली आन कली चोत्रसेतीक ब्याक्कु सल्ला कली बाकब। मेको चोत्रसेतीचा कली चढेतीक बाकब। १० मिनु मेको बी चोशो पुतु हुइकबमी या आ वा मुरचा माल्ले। मिनु नां मलाकगा सम्म मेको गरांगरा दिशो बाकब। मेको इसराएलीपुकी नु मेकोपुकी नु बाकब अर्का रागी डा मुर नेल्ले आन कली पचा माल्लो गेय बाकब।

११ मिनु सुमी बेकशा मुर कली थीबा, मेको ७ नाक्त सम्म गरांगरा दिशोन बाकब। १२ मिनु मेकोम मेको सां नाक्तीम ब्याक्कु चोत्रसेतीचा माल्ले। मिनु ७ नाक्तीम लंशा चोत्रसेतीचा माल्ले। मिनु मेको गरांगरा मदिशो दुम्ब। तन्न मेकोमी सां नाक्त नु ७ नाक्त मचोत्रसेसाकब हना, मेको गरांगरा दिशो बाकब। १३ मिनु सुमी बेकशा मुर थिशा, मचोत्रसेतीबा, मेकोमी परमपरभु यावे आ ताम्बु गरांगरा दिशो सल्ले। मेको मुर इसराएली आन दाते रे तिल्ला पुंइसीब। मारदे हना चोत्रसेतीक ब्याक्कु मेको आ तार मबरुइशो बाकब। मोपतीक मेको गरांगरा दिशो बाकब। मिनु मेको आ गरांगरा दितीक मेको नु लीब। लेवी १५:३१

१४ मिनु मुर आ ताम्बुम बेक्त हना, मेको आ पर्वम पचा माल्लो गेय मार बाकब देशा हना, सु मेको ताम्बुम बाकबा, सु मेको ताम्बुम जाकबा, मेको ७ नाक्त सम्म गरांगरा दिशो बाक्तीम। १५ मिनु मसुम्शा ग्यांब नेल्ले गरांगरा दिशो बाक्तीम। १६ मिनु सुमी लांम तरवारम साइकचा पुंइसीशो मुर बाक्त हना या, आंमा बेकशा मुर बाक्त हना या, मुर आ रुश बाक्त हना या, मेको थीब मुर ७ नाक्त सम्म गरांगरा दिशो दुम्ब। १७ मिनु मुरुमी मेको गरांगरा दिशो मुर कली चोत्रसेतीचा कली चढेतीक पुतु ग्यांबुम कुर पा नक ब्याक्कु लुकचा माल्ले। १८ मिनु नोले गरांगरा मदिशो मुर कामी हिस्सोप के बराक्स मेको चोत्रसेतीक ब्याक्कुम नुष्शा, मेको बेकशा मुर आ ताम्बु, मेकेर बाकशा मारइ मारइ, मेक बाकब मुर आन कली, रुश थीब मुर आन कली, साइकचा पुंइसीशो मुर थीब, बेकशा मुर नु तुरस थीब मुर आन कली मेको ब्याक्कु बरुइकचा माल्ले। १९ मिनु गरांगरा मदिशो मुरुमी सां नाक्तीम नु ७ नाक्तीम गरांगरा दिशो मुर आन कली मेको चोत्रसेतीक ब्याक्कु बरुइकचा माल्ले। मिनु ७ नाक्तीम मेको आन कली चोत्रसेतीक

नुष्व। मिनु नोले मेकोपुकीम आन वा मुरशा, आन रां चिकसीचा माल्नीम। मिनु मेकोपुकी नां लाकगा नोले गरांगरा मदिशा दुम्नीम। गन्ती ११:१२-१३ २०मिनु सु गरांगरा दिशा दुम्शा यो, मचाव्रखसीबा, मकोमी परमपरभु याव आ ताम्बु गरांगरा दिशा सल्ब। मेको मुर इसराएली आन दात र तिल्वा पुंडसीब। मारदे हना चाव्रखसीक व्याक्कुम मेको कली मवरुइशशा बाक्ब। मोपतीके मेको गरांगरा दिशान बाक्ब। २१मिनु मेको, मेको कली गना हना यो आ पतीक दुम्ब। मिनु मेको व्याक्कु बरुइक्ब मुरुम आ वा मुरचा माल्ब। मिनु सुमी चाव्रखसीक व्याक्कु थीबा, मेको नां मलाकगा सम्म गरांगरा दिशा दुम्शा बाक्ब। २२गरांगरा दिशा दुम्शा मुरुमी मार थिवा, मेको नेल्ल गरांगरा दिशा दुम्नीम। मिनु सुमी मेको गरांगरा दिशा थाव्रक थीबा, मेको यो नां मलाकगा सम्म गरांगरा दिशा दुम्ब” दंत।

सरथ फुल्लु रे व्याक्कु बुक्शो

१मिनु डांइती डा महिनाम इसराएली नल्ले जीन डा गोरशा रागीम जाक्तेक्म। मिनु कादेशमी बाक्तीक सेल्शा बाक्तेक्म। मिनु मिरयाम मेक उइ बेक्त। मिनु मेक उइ थिम्तेक्म। गन्ती १३:२१; गन्ती १२:१५

२मिनु मेकर मुर आन कली व्याक्कु मबा। मिनु मुरपुकी मोसा नु हारून आस पर्वम मरिम्शो पा बुक्तेक्म। परस्थान १७:१-७ ३मिनु मेकोपुकीमी मोसा कली जिचा तोशा मेको कली “गो आंइ लोकबपुकी परमपरभु याव आ डांइती बेकमानु, गोपुकी यो बेक्शो नकी हना, रिम्शो दुम वा। ४गे मारदे परमपरभु याव आ मुर, आंइ कली एको गोरशा रागीम चाक्नी? मुल गोपुकी नु आंइ बी व्यफ, क्यारश भेडा नेल्ल एक बेक्ब दुम्तक। ५गे मारदे आंइ कली इजीप्त रे एको मरिम्शो रागीम चाक्नी। एको रागीम अन्न, फोत्रशी, अडगुर नु अनार मारदे मथिंसीब। एकोक्के तूचा कली व्याक्कु यो मबा” दंतेक्म। ६मिनु नोले मोसा नु हारून मुर आन बाक्तीक रे लशा, गरुस्तीक ताम्बु आ ओव्रतीकमी खुम्की पा बाप्ताक्स। मिनु परमपरभु याव आ छेडछेड मेको आस डांइती गरुत। ७मिनु परमपरभु यावेमी मोसा कली “एको कोक्के लतो। मिनु ग नु इ लोकब हारून लशा, मुर आन कली पुक्कीस। मिनु मेको आन डांइतीन एको फुल्लु कली हुकुम पावो। मिनु फुल्लु रे व्याक्कु यीब। मिनु गे मुर आन डांइती एको सरथे फुल्लु कली व्याक्कु

बुक्को” देमतो। मोपा गे मुर आन कली मेको सरथे फुल्लु रे व्याक्कु यिपाइक्नेवे। गे मोपा मुर नु मेको आन बी व्यफ क्यारश भेडा आन कली तूचा गनेवे” दंत।

१मिनु मोसामी मेको कोक्के परमपरभु यावेम देशो खांदेशो पा ताक्तु। गन्ती १७:२५ १०मिनु मोसा नु हारूनमी मुर नेल्ल आन कली सरथे फुल्लु आ डांइती पुक्ताक्स। मिनु मोसामी मेको आन कली “गे गन गन पाइवपुकी ननीन। मार, गो एको सरथे फुल्लु रे इन कली व्याक्कु बुक्पाइशशा गन्नी?” दे माइक्तीमी। भजन संगरह १०६:३२-३३ ११मिनु मोसामी आ गुइ क्युक्शा आ कोक्केमी निक्शी खेयप मेको सरथे फुल्लु कली तुप्तु। मिनु मेकर शुश व्याक्कु बुक्शा गरुत। मिनु मुरपुकी नु आन बी व्यफ, क्यारश भेडामी तूतेक्म।

१२तन्न परमपरभु यावेमी मोसा नु हारून आस कली “गे आं कली थमा मसुइक्तीके नु आं ठेयब सक्ति इसराएली आन डांइती मकांइतीके, गे एको मुर आन कली गो इन कली गेशो रागीम चाक्दील्वा मताइनीसी” दंत। गन्ती २७:१४; व्यवस्था १:३७; व्यवस्था ४:२१; व्यवस्था ५०:५१ १३मोपतीके मेको व्याक्कु कली मेरीबा डा व्याक्कु दंसीब। मेकर इसराएलीपुकीमी परमपरभु यावे कली जिचा तोम्तेक्म। मिनु मेकोमी आ सक्ति कांइताक्ब। भजन संगरह ८१:८

इसराएली आन कली लचा मगेशो

१४मिनु मोसामी कादेश रे एदोम डा पिप कली “इन लोकब इसराएलमी इन कली गो आंइ कली दुम्शा श्यत गे तुइक्नीनी। उत्पत्ती ३६:१,३१; व्यवस्था २:१-८; व्यवस्था २३:८ १५आंइ किकी पिपी इजीप्त लशा, मेकर शुश बाक्शो बाक्तेक्म। मिनु इजीप्तीपुकीमी आंइ किकी पिपी नु आंइ कली दिप्शा, मरिम्शो पाम्तेक्म। १६मिनु गोपुकीमी परमपरभु यावे कली पुंडतक। मिनु मेकोमी आंइ पुंडशो नंशा, आ स्वर्ग डा गेय पाइब का सोइशशा, गो आंइ कली इजीप्त रे गरुइशशा एक चाक्तु। मुल गो इन रागी डा सांद कादेश देशो सहरम बाक्शो बाक्नीकी। परस्थान २३:२० १७मिनु गो आंइ रागी रे पा लचा गेन। गोपुकी रूनु अडगुर रूरे पा मलाइनीकी। गोपुकीम इन तेकोइ इनार डा व्याक्कु मत्नीकी। गो पिप आ ठेयब लां रे पा लाइनीकी। इन रागी मलाक्का सम्म गो ग्युरा पेरा मपाइनीकी” देशो बाक्ब, दनीन” दे मुर

सोइक्ताक्मी। गन्ती २१:२२; व्यवस्था २:१-८; न्यायाधीस ११:१७

१८ तन्न एदोममी मेको कली “गोपुकी एको रागी रे पा लचा मताइनीनी। मो पाइतीनी हना, गोपुकीमी गोपुकी इन कली लडाइ तोइनीकी” दंत। १९ मिनु इसराएलीपुकीमी मेको कली “गोपुकी ठयब लां रे पा लाइनीकी। मिनु गो नु आंइ बी व्यफ वयारश भडामी इन ब्याक्कु तूतक हना, मेको डा क्यट थाप्नीकी। आंइ कली इन रागी रे पा ला लचा गेन” दंतक्म। २० तन्न मेकोपुकीमी “गोपुकी लचा मताइनीनी” दंतक्म। मिनु एदोममी मेको आन कली लडाइ तोचा कली शुश या कुरशा, ठयब हूल लडाइ पाइब चाक्शा जाकत। २१ मोपा एदोममी इसराएली आन कली आ रागी रे पा लचा मगेमी। मोपतीके इसराएलीपुकी मेकर रे लेक्तेक्म।

### हारून बेक्शो

२२ मिनु इसराएली कादेश रे गाक्शा, होर डांडामी जाक्तेक्म। २३ मिनु नाले परमपरभु यावेमी एदोम रागी डा सांद डा होर डांडामी मोसा नु हारून आस कली २४ “हारून आ किकी पिपी नु बाक्व लाइब। गे निम्फा मेरीबा डा ब्याक्कुम आं देशो मटितीक, गोम इसराएली आन कली गेशो रागीम हारून ओव्रचा मताइब। २५ हारून नु मेको आ तौ एलाजर आस कली होर डांडा लाइइशा लावो। २६ मिनु हारून आ वा पुरुइइशा, मेको आ तौ एलाजर कली फक्तो। मेको नाले हारून आ किकी पिपी नु बाक्व लचा कली बेक्व” दंत। परस्थान २९:४-७ २७ मिनु मोसामी परमपरभु यावे आ देशो खोदेशो पा पापु। मिनु मुर नेल्ल आन डांडती रे मेकोपुकी होर डांडा लास्तेक्म। २८ मिनु मोसामी हारून आ वा पुरुइइशा, आ तौ एलाजर कली फक्ताक्व। मिनु हारून मेको डांडा तार बेक्त। मिनु मोसा नु एलाजर मेको डांडा रे बुरुप्ताकस। गन्ती ३३:३८-३९; व्यवस्था १०:६ २९ मिनु इसराएली नेल्लेमी हारून बेक्शो तुइइशा, ३० नाक्त सम्म रोंका पास्तेक्म। व्यवस्था ३४:८

### कनानी आन रागी गराशो

१ मिनु नेगेबम बाक्व कनानी आराद डा २१ पिपम इसराएली अथारीम डा लां रे पा पिना पिन बाक्नीम, देशो लोव्र नंतु। मिनु मेकोमी इसराएली नु लडाइ पा, इसराएली

का निकशी आन कली ग्याइक्ताक्व। गन्ती १४:४४,४५; न्यायाधीस १:११-१५ २ मिनु इसराएलीपुकीमी परमपरभु यावे कली “गे एको मुर आन कली थमा पा आंइ गुइमी गतीनी हना, गोपुकीमी मेको आन सहर नेल्ल रोवल चिवल पोक्नीकी” द कसम जास्तेक्म। व्यवस्था १३:१६; व्यवस्था २०:१४,१६,१७; यहोसु ६:१७; न्यायाधीस १:१७; १सामुएल १५:३ ३ मिनु परमपरभु यावेमी इसराएली आन पुंइशो लोव्र नंशा, मेको कनानी आन कली मेको आन गुइमी गेपु। मिनु इसराएलीपुकीमी मेकोपुकी नु मेको आन सहर नेल्ल खतम पोक्तेक्म। मोपतीके मेको रागी आ नं होरमा वोइक्तेक्म। होरमा हिबरू लोव्रमी खतम दुम्तीके दंसीब। गन्ती १४:१४,४५; व्यवस्था १:४४

### कांसा के बुस्स

४ मिनु मेकोपुकी एदोम रागी कली हेरशा लचा, दे होर डांडा रे लल समुन्दर गे लास्तेक्म। तन्न मुरपुकी शुश गाक्चा माल्तीके दास्तेक्म। गन्ती ११:४-६ ५ मिनु मेकोपुकीमी परमपरभु नु मोसा आस परबम गन गन पा “भारदे गे आंइ कली एको गोरशो रागीम बेक्पाइक्चा कली इजीप्त रागी रे गरुंइशा एक चाक्सी? एकेर जचा थोव्रक मबा। ब्याक्कु यो मबा। गो एको मबरोव्रशो जचा थोव्रक क्येडा बरीताक्क” दंतक्म।

६ मिनु नाले परमपरभु यावेमी बीस पाइइशो बुस्स मेको मुर आन दातमी सोइक्ताक्व। मिनु बुस्सपुकीमी मुर आन कली कोक्तेक्म। मिनु शुश इसराएली बेक्तेक्म। १कोरिन्थी १०:९ ७ मिनु मुरपुकी मोसा आ बाक्तीक जाक्शा “गोपुकीम परमपरभु यावे नु इन परबम मरिम्शो लोव्र पा पाप पाइतक। मेको बुस्सपुकी खेरचा, दे परमपरभु यावे कली आंइ परबम पुनीन” दंतक्म। मिनु मोसामी मेको मुर आन परबम पुंइतु। परस्थान ३२:३०-३४

८ मिनु परमपरभु यावेमी मोसा कली “गे मेको बीस पाइइशो बुस्स खोदेशो पा बुस्स का सेल्शा, खरांबा काम क्युक्को। मिनु सु बुस्सुम कोक्शो बाक्म, मेकोमी मेको बुस्स कोव्रशा, बरोइब” दंत। २राजा १८:४; यूहन्ना ३:१४ ९ मिनु मोसाम कांसा के बुस्स का सेल्लु। मिनु मेको कली खरांबा काम क्युक्कु। मिनु सु सु बुस्सुमी कोक्शो बाक्मा, मेकोपुकीम कांसा के बुस्स कोव्रडमेनु, बरोइतेक्म।

### इसराएलीपुकी मोआब रागी लशो

१०मिनु इसराएलीपुकी गाकशा, ओबोथम बाक्तीक सल्लेक्कम। ११मिनु ओबोथ र गाकशा, मोआब आ पूर्व ग डा सांद इय-अबारीम डा गोरशो रागीम बाक्तीक सल्लेक्कम। १२मिनु मकोपुकी मकर र गाकशा, जेरद डा बेसीम बाक्तीक सल्लेक्कम। १३मिनु मकोपुकी मकर र गाकशा, एमोरी आन सांदम गरुतीक गोरशो रागीम बाकशो अरनोन खोला आ आइक्ची हांबुम आन बाक्तीक सल्लेक्कम। मको अरनोन खोला मोआब आ सांद बाक्ब। मको एमोरी नु मोआबी आन दातम बाक्ब। १४मोपतीक परमपरभु यावे आ लडाइ डा किताबमी दोपा बरकशो बाक्ब दंशा हना “वाहेब सहर सुफाह नु अरनोन खोला आ दिम, यहासु १०:१३ ; २सामुएल १:१८ १२ नु आर माइशो बाक्तीक सम्म लाइब लुक्च लतीक लां। मको मोआब आ सांद सम्म लशो बाक्ब” दंशा बाक्ब।

१६मिनु मेकर र मकोपुकी बेयर लाम्तेक्कम। मिनु परमपरभु यावेमी मासा कली “मुर आन कली पुक्की। मिनु गो ब्वाक्कु गेनुडमी” दंशा कुवा मकर बाक्ब। १७मिनु नोले इसराएलीपुकीम एको कुम्सो पाम्तेक्कम। “कुवा, ब्वाक्कु बुकशा गरुडो। मिनु मको आ पर्वम कुम्सो पावो। १८मको कुवा मको ठेयब मुरपुकीम दोशो बाक्तेक्कम। मिनु मुरपुकीमी मको कुवा पिप आ सुन क कोक्कम दोशो बाक्तेक्कम” दे कुम्सो पाम्तेक्कम। मिनु मकोपुकी गोरशो रागी र गरुशा मत्ताना लाम्तेक्कम। १९मिनु नोले मत्ताना र नाहालीएल, नाहालीएल र बामोथ सम्म २०बामोथ र मोआब डा दिम बाकशो बेसी सम्म, गोरशो रागी र तांडसीतीक इर पिस्सा डांडा सम्म लाम्तेक्कम।

### सीहोन नु ओग बरुशो

२१मिनु नोले इसराएलीपुकीमी एमोरी आन पिप सीहोन आ बाक्तीकम मुर आन कली सोइशशा ब्यवस्था २:२६-३७ २२“गो आंड कली इन रागी र पा लचा गेन। गो रू नु अडगुर रू र पा मलाइनीकी। गोपुकीम इन तेकोइ कुवा डा ब्वाक्कु मत्तनीकी। इन रागी मलाक्का सम्म गो पिप आ ठेयब लां र पा लाइनीकी” देपाइक्तेक्कम। २३तन्न सीहोनमी इसराएली आन कली आ रागी लाक्शा लचा मगेवो। मकोम आ लडाइ पाइबपुकी सुष्शा, गोरशो रागीम इसराएली

आन कली लडाइ तोप्तु। मकोमी याहास सम्म जाकशा, इसराएली नु लडाइ पाप्तु। २४मिनु इसराएलीपुकीम मको कली तरवारम क्योरशा साइक्तेक्कम। मिनु अरनोन खोला र यब्बोक खोला सम्म मको आ रागी आन क सल्लेक्कम। मिनु अम्मोनी आन सांद सम्म मकोपुकीम आन रागी सल्लेक्कम। मारद हना, अम्मोनी आन सांद बोल्थो बाक्त। २५इसराएलीपुकीम मको सहर नेल्ल आन क सल्लेक्कम। मिनु मकोपुकीम एमोरी आन सहर नेल्ल नु हेशबोन नु मको आ एर ओथ डा गाउं नेल्लम बाक्तेक्कम। २६हेशबोन सहर एमोरी आन पिप सीहोन आ सहर बाक्त। पिप सीहोनमी मोआबी आन डांडती डा पिप नु लडाइ पा मको आ रागी अरनोन खोला सम्म आ क सल्लेक्को बाक्त। २७मोपतीके कुम्सो पाइबपुकीम “गोपुकी हेशबोन सहरम जाक्कीन। मिनु मको लंशा सल्लेक्कीन। सीहोन आ सहर लंशा सलीन। २८हेशबोन र मी गरुत। सीहोन आ सहर र बरशो मी गरुत। मिनु मको मीम मोआब डा आर सहर नु अरनोन डा डांडा दाक्तु। २९आबी आबी, मोआब, कमाश आ मुरपुकी बक्तेक्कम। एमोरी आन पिप सीहोनमी मको आ तो आन कली पुरोक्ब सल्लेक्कीमी। आ तमी आन कली ग्याइक्का पुंडसीब सल्लेक्कीमी। न्यायाधीस ११:३४ ; १राजा ११:१७

३०मोपा मको आन थेरशो रू हेशबोन र दीबोन सम्म खतम दुम्त। मिनु मेदेबा मीम नेक्का क्येडा डांडती गो मको खतम पाक्तेक्का” दे कुम्सो पाम्तेक्कम। ३१मोपा इसराएलीपुकी एमोरी आन रागीम आन खिं सल्लेक्कम। ३२मिनु मोसामी याजेर रागी कली क्यारी पथ मुर सोइक्ताक्ब। मिनु मकोपुकीमी मको आन एर ओथ डा गाउं आन क सल्लेक्कम। मकर डा एमोरी आन कली खरतेक्कम।

३३मको नोले मकोपुकी हिरशा बाशान डा लां र पा डोइशशा लाम्तेक्कम। मिनु बाशान डा पिप ओग नु आ मुरपुकी इसराएली नु लडाइ पचा कली गरुशा एदरडमी जाक्तेक्कम। ब्यवस्था ३:१-११

३४मिनु परमपरभु यावेमी मासा कली “मको नु महिनो। मारद हना गो मको कली आ मुर नेल्ल नु मको आ रागी यो यो इ कली गतन। ग हेशबोन डा एमोरी आन पिप सीहोन कली पाइशशा सोदंशो पा मको कली यो पतो” दे माइक्तु। भजन संगरह १३६:१७-२२

३५ मोपतीक मेको कली, मेको आ तौपुकी नु मेको आ मुर नेल्ल आन कली का यो मपरांडथु साइशशा, मेको आन रागी आन के सल्लेक्म।

बालाक नु बालाम

१मिनु इसराएलीपुकी गाक्शा, यरीको २२ यर्दन खोला आ आइक्ची हांबुम बाक्शा मोआब डा दिममी बाक्तीक सल्लेक्म। २मिनु सिप्पार आ तौ बालाकमी इसराएलीपुकीम एमारी आन कली मार पाइशशा बाक्मा, मेको नेल्ल तुइशशा बाक्त। ३मिनु मोआब डा मुर इसराएली आन कली तशा साप्पा हितेक्म। मारदे हना मेको शुश बाक्तेक्म। मोपतीक मेको आन थुं ग्येत्थ लुकच दुम्त। ४मिनु मोआबीपुकीमी मिदयान डा खाल्पा आन कली “दोपा ब्यफोम घांस बाक्तीक दिम चाइशशा घांस नेल्ल ब्याइबा, मोपा एको हुलपुकीमी इं कली एर ओंथ नेल्ल रे ब्याइनीम” देतेक्म। मेना सिप्पार आ तौ बालाक मोआब डा पिप बाक्त। ५मकोमी आमाव रागी युफरेटीस माइशशा ठेयब खोला आ नेक्था, पथार सहरम बाक्शा बेओर आ तौ बालाम कली मुरपुकी बरथ सोइक्ताक्व। मेकोपुकीमी “इजीप्त रे जाक्शा मुरुम रागी नेल्ल बरीतेक्म। मेकोपुकी आं नेक्था जाक्शा बाक्शा बाक्नीम। गन्ती ३१ :८ ; यहोसु २४ :९ ; मीका ६ :५ ६मुल गे जाक्को। आं कली वारच पा, मेको मुर आन कली सराप चीले पाइक्मी। मारदे हना मेकोपुकी आं क्येडा शुश नु बोल्यो बाक्नीम। मो पाइतीनी हना, गो मेको आन कली गराशा, आं रागी रे गरुइन चबु वा। मारदे हना गे सु कली आसीक गेनीनी, मेको आसीक राइनीम। मिनु सु कली सराप चीले पाइनीनी, मेको सराप चीले राइनीम, दे गो तुइक्नुड” दे सोइक्ताक्व। २पतरुस २ :३५

७मिनु मोआब नु मिदयान डा खाल्पापुकीम मेको गेय पचा कली क्येट कुरशा, बालाम आ बाक्तीक जाक्शा, बालाक आ लोत्र शोत्रतेक्म। ८मिनु बालाममी मेको आन कली “मुलाक्दो एकेन बाक्कीन। मिनु परमपरभु यावेमी आं कली मार देबा, गो मेकोन इन कली देनुड” देत। मोपतीक मेको मोआब डा ठेयब गेय पाइब मुरपुकी मेको नाक्दो बालाम आ सिं उइ बाक्तेक्म। ९मिनु परमपरभु बालाम आ बाक्तीक जाक्शा, मेको कली “गे नु बाक्ब मुरपुकी सु नमी ?” देत। १०मिनु बालाममी परमपरभु कली “मोआब डा पिप, सिप्पार आ तौ बालाकमी आं

कली ११इजीप्त रे गरुशा जाक्शा मुरपुकीम रागी नेल्ल बरीशा बाक्नीम। मुल जाक्शा आं कली वारच पा मेको आन कली सराप चीले पाइक्मी। मो दुम्त हना, गो मेको आन कली लडाइ पा गराशा, खरन चानुड डा कां ? दे लोत्र कुर पा सोइशशा मुर बाक्ब” देत। १२मिनु परमपरभुमी बालाम कली “गे एकोपुकी नु मलावा। ग मेको मुर आन कली सराप चीले मपाइक्मी। मारदे हना मेकोपुकी आसीक रशा बाक्नीम” देत। १३मिनु बालाम सुनी कना बाक्शा, मेको बालाक आ सोइशशा मुर आन कली “गेपुकी इन रागी लन। मारदे हना, परमपरभु यावेमी आं कली गेपुकी नु लचा मगेयी” दे माइक्तीमी। १४मिनु मोआब डा ठेयब मुरपुकी बालाक आ बाक्तीक जाक्शा “बालाम गोपुकी नु जाक्ने मबिस्स” देतेक्म। १५मिनु बालाकमी लेंशा, मेको आन क्येडा ठेयब नु शुश मुरपुकी सोइक्ताक्मी। १६मिनु मेकोपुकी बालाम आ बाक्तीक जाक्दीशशा “सिप्पार आ तौ बालाकमी इन कली आं बाक्तीक जाक्चा मारइम मतेक्गल। १७गो थमा पा इ कली मान पशा, ठेयब सेल्लुड। गे मार देनीनी, गो मेकोन पाइनुड। मिनु जाक्शा, मेको मुर आन कली सराप चीले पाइक्मी” देत” देतेक्म। १८तन्न बालाममी बालाक आ गेय पाइब मुर आन कली “बालाकमी सुन नु चांदीम बरीशा आ दरवार गती हना यो, गो परमपरभु यावे, आं परमपरभु आ लोत्र आइक्च बाक्त हना यो, ठेयब बाक्त हना यो, मेको लोत्र लाक्ने मचानुड। १९राजा १३ :८ ११मिनु अरु आन खोदेशो पा गेपुकी यो, मुलाक्दो एक उइ बाक्कीन। मिनु परमपरभु यावेमी आं कली लेंशा मार मार देबा गो तुइक्नुड” देत। २०मिनु मेको नाक्दो परमपरभु बालाम आ बाक्तीक जाक्शा, मेको कली “एको मुरपुकी इ कली बरथ जाक्शा बाक्तेक्म हना, बाक्को, मिनु मेकोपुकी नु लावा। तन्न गो इ कली मार देडा, मेको ला पावो” देत। २१मिनु बालाम सुनी कना बाक्शा, आ गधा छुदिशा मोआब डा ठेयब मुरपुकी नु लत।

बालाम आ गधा

२२मिनु मेको मोपा लतीक परमपरभु गाइक्ताक्व। मिनु परमपरभु यावे आ स्वर्ग डा गेय पाइब कामी मेको कली तेक्चा, दे लाम राप्शा बाक्त। मिनु बालाम आ गधाम डोइशशा लना लन बाक्त। मेको आ गेय पाइब निक्शी यो मेको नु गाक्शा बाक्ताक्स। उत्पती १६ :७

२३ मिनू मेको गधामी परमपरभु यावे आ स्वर्ग डा गेय पाइब शोइशो तरवार शंशा, लाम बाकशो ताप्तु। मिनू मेको गधा हिंशा, लां रे रूम लत। मिनू बालामम गधा कली लां गे सोइक्का कली तुप्तु। यहासु ५ : १३

२४ मिनू परमपरभु यावे आ स्वर्ग डा गेय पाइब आइक्क लाम राप्शा बाक्त। मेको लां निम्फा पटटी गारो परोवशो अङ्गुर रू आस दातेमी बाक्त। २५ मिनू मेको गधामी परमपरभु यावे आ स्वर्ग डा गेय पाइब कली तशा, गारो ग देससीशा गाक्त। मिनू बालाम आ खोइली मेको गारोम खोरताक्व। मिनू मेकोमी मेको कली लंशा तुप्तु। २६ मिनू लंशा परमपरभु यावे आ स्वर्ग डा गेय पाइब इक्का ग्येत्थ लशा, ग्युरा परा तेइ रे मलाक्का डा पा आइक्क लामी राप्त। २७ मिनू बालाम आ गधाम परमपरभु यावे आ स्वर्ग डा गेय पाइब कली तशा, गु बरशा बाक्त। मिनू बालाम थाम्पा गाइशशा, आ गधा कली कोक्कमी तुबा बाक्त। २८ मिनू नोल परमपरभु यावेमी मेको गधा कली ब्याक्व सल्लु। मिनू मेकोमी बालाम कली “गो इन कली मार पडा ? मारदे गे आं कली सां खेयप तुप्यीनी ?” दंत। २ पतरुस २ : १६ २९ मिनू बालाममी मेको गधा कली “गे आं कली शाक्ती। गो आं गुइम तरवार बाकशो हना, गो इ कली मुलन साइक्न वा” दे माइक्कु। ३० तन्न गधाम बालाम कली “गो डांइती रे मुल सम्म इन डाइशशा गधा मनडा डा ? गो डांइती इन कली गेनाया ओदंशो मपड” दंत। मिनू मेकोमी “मपवी” दंत।

३१ मिनू परमपरभु यावेमी बालाम कली मिक्क ताइब सल्लु। मिनू मेकोमी तरवार शोइशो परमपरभु यावे आ स्वर्ग डा गेय पाइब का लाम राप्शा ताप्तु। मिनू बालाम सुम्की पा बाप्त। ३२ मिनू मेको परमपरभु यावे आ स्वर्ग डा गेय पाइबमी मेको कली “मारदे इ गधा कली खेयप सां तुबी ? कोवडो, गो इ लां तेक्का कली जाकशो बाक्नुड। मारदे हना गे आं डांइती इ दत्ता दाक्स पाप्तीवी। ३३ इ गधामी आं कली तशा, खेयप सां सम्म आं बाक्तीक रे परोक्त। मेकोम आं कली तशा, मपरोक्को हना, गो इ कली मुल साइक्ने थुमु वा। तन्न मेको कली चहिं सेसीन सोइक्कु वा” दे माइक्कु। ३४ मिनू बालाममी परमपरभु यावे आ स्वर्ग डा गेय पाइब कली “गो पाप पाता। आं लां तेक्का इन राप्शा गो मतुइक्कु। मिनू इन डांइती एको मरिम्शो बाक्त हना, गो लेशशा लाइनुड” दंत। ३५ मिनू परमपरभु यावे आ स्वर्ग

डा गेय पाइबमी बालाम कली “एको मुरपुकी नु लावो। तन्न गो इ कली मार लोव्र पाइनुडा, गे मेको ला देनो” दे माइक्कु। मोपतीके बालाम बालाक आ सोइशशा ठेयब मुरपुकी नु लत।

३६ मिनू बालाकमी बालाम जाकशो नंशा, मेकोमी आ रागी आ सुर अरनोन खोला डा सांद डा सहर इर-मोआब सम्म मेको कली गरुम्थ लत। ३७ मिनू बालाकमी बालाम कली “गो इन कली बरत्थ मुर सोइक्ताक्कडमी। तन्न गे मारदे आं बाक्तीक मजाकनी ? गो इ कली मान पने मचापनुडा डा ?” दंत। ३८ मिनू बालाममी बालाक कली “मुल गो इन बाक्तीके जाक्ती। मार देचा माल्लुडा, दे मतुइक्नुड। परमपरभुम मार देबा, गो मेको ला देन चानुड” दंत। ३९ मिनू बालाम बालाक नु लत। मिनू मेको नेल्ल किरयथ-हुसोथमी जाक्तेक्म। ४० मिनू बालाकमी ब्यफ नु क्यारश मेडा क्योरशा चदेशा, बालाम नु मेको नु बाक्व ठेयब मुर आन कली यो थुल्लतीमी।

४१ आ दीसा सुनी बालाकमी बालाम कली लाइशशा, बामोथ-बालमी डाइशशा लत। मिनू मेकर रे बालाममी इक्का मुर आन कली ताप्तु। यहासु १३ : १७

बालाममी आसीक गेशो

२३ १ मिनू बालाममी बालाक कली “आं कली ७ ओटा चदेतीक सलीन। मिनू ७ ओटा ब्यफ नु ७ ओटा सांड ठीक सलीन” दंत। २ मिनू बालाकमी बालाममी दंशो खांदंशो पाप्तु। मिनू बालाक नु बालाममी ब्यफ का नु सांड का चदेतीक का काम चदेम्ताक्सं।

३ मिनू नोल बालाममी बालाक कली “गे इन चोशा चदेतीक आ नेक्था राप्शा बाक्कीन। गो चहिं एर गे लाइनुड। परमपरभु यावे आं कली गरुम्थ जाक्का, कां। मिनू मेकोमी आं कली मार कांइबा, मेको इन कली देनुड” दंत। मिनू मेको गोरशो डांडा डांइसाक्व।

४ मिनू परमपरभुमी बालाम कली गरुमानु, बालाममी मेको कली “गो ७ ओटा चदेतीक सेल्पाइशशा, मेकर ब्यफ का का नु सांड का का चदेता” दंत। ५ मिनू परमपरभु यावेमी बालाम कली लोव्र पशा “गे बालाक आ बाक्तीक लेतो। इ कली दंशो लोव्र मेको कली मतो” दंत। ६ मिनू मेको बालाक आ बाक्तीके लेशशा जाक्त। मेना बालाक नु मोआब डा ठेयब मुरपुकी चोशा चदेतीक आ नेक्था राप्शा बाक्तेक्म। ७ मिनू बालाममी परमपरभु आ दंशो लोव्र पा बालाकमी

आं कली अराम रागी रे चाकतु। नां दाप्तीके डा पहाडम बाकब मोआबी आन पिपमी आं कली “जाक्कीन, मिनु आं पा डा याकूब कली सराप चीले पने। इसराएली आन कली हिंच कोइदीमी” दंत। ८ मिनु “परमपरभुमी सराप चीले मपाइशो आन कली, गो दोपा सराप चीले पाइक्नुडमी ? परमपरभु यावेमी हिंच मकोइशो आन कली, गो दोपा हिंच कोइनुडमी ? १ गो सरथ फुल्लु तार बाकशा, मेको आन कली ताइनुड। गो डांडाम बाकशा, मेको आन कली कोव्रनुड। मेको आन का ला बाकब जात डा मुर बाकनीम। मिनु रागी रागी डा मुर नु मखात्सीनीम। १० याकूब आ मुर फुरक खोदंशो पा शुश दुशो बाकनीम। इसराएल डा मुर आन ४ भाग डा भाग का यो, सुम हिक्ने चाप्नीमी डा ? उत्पत्ती १३ : १६ गे आं कली ठीक पाइब मुर आन कली खोदंशो पा बेक्चा गेयीनी। मिनु आं बेक्तीके मेको आन केन खोदंशो दुम्ल” दंत।

११ मिनु बालाकमी बालाम कली “गे आं कली मार पनी ? गो इन कली आं जोरी सतरु आन कली सराप चीले पाइक्चा कली बरेशशा चाक्तन्नी। तन्न गे दूली पा मेको आन कली आसीक कका गेतीनी” दंत। १२ मिनु मेकोमी “गो परमपरभु यावेम आं थुंम वोइशो दंशो लोव्र व्याक्चा माल्नुड” दंत। गन्ती २२ : ३८

### बालाममी लंशा आसीक गेशो

१३ मिनु बालाकमी मेको कली “गो नु अर्का बाक्तीके पिन। ग एंकर रे मेको आन कली ताइनीनी। मेकर रे मेको आन कली इक्का ला ताइतीनी। नेल्ल आन कली तने मचाप्नीनी। मेको आन कली मेकर रे सराप चीले पतीन” दंत। १४ मिनु मेकोमी मेको कली चोफोम डा रू पिस्वा डांडाम लाइक्तु। मिनु ७ ओटा चढेतीक सेल्शा, मेको तारी ब्यफ का का नु सांड का का चढेपु। १५ मिनु बालाममी बालाक कली “गो परमपरभु यावे कली गरुस्थ एर लाइनुड। गे चहिं एको इन चोशा चढेशो आ नेक्था राप्शा बाक्कीन” दंत। १६ मिनु परमपरभु यावेमी बालाम कली गरुम्शा, आ थुंमी लोव्र वोइशो, मेको कली “गे बालाक आ बाक्तीके लेतो। इ कली दंशो लोव्र मेको कली मतो” दंत। १७ मिनु मेको बालाक आ बाक्तीके लेशशा जाक्त। मेना बालाक नु मोआब डा ठेयब मुरपुकी चोशा चढेतीके आ नेक्था राप्शा बाक्तेक्म। मिनु बालाकमी मेको कली “परमपरभु यावेम मार दंम ?” द हिल्लो

पापु। १८ मिनु बालाममी परमपरभु आ दंशो लोव्र पा “बालाक बाक्शा, आं लोव्र नेनो। सिप्पोर आ तौ इ नोफा दाइक्तो। १९ परमपरभु मुर ममाइ। मेकोमी जोल मपाइब। मेको बेक्शा लाइब मुर खोदंशो पा आ थुं मफाइक्ब। मेकोमी लोव्र थोक्शा दंम डा मंर पाइब। मेकोम पाइक्नुड दंम डा मंर मेको मपाइक्वा डा ? १ सामुएल १५ : २९ २० नेनीन, गो मेको आन कली आसीक गतीक लोव्र तशो बाक्नुड। मेकोमी मेको आन कली आसीक गेशो बाक्ब। मिनु गो मेको फाइक्ने चाप्नुडा डा ? २१ याकूब कली मरिम्शो मदुम्ब, दंशो बाक्ब। मिनु इसराएली आन कली श्येत मदुम्ब। मेको परमपरभु यावे, आन परमपरभु मेकोपुकी नु बाक्ब। मिनु मेको आन दातेमी पिप बाक्ब। २२ परमपरभुमी मेको आन कली इजीप्त रे गरुइशा, आ सक्तिम मेको आन कली ब्याकी डा ब्यफ खोदंशो सेल्शा बाक्ब। २३ थमा पा, याकूब कली राइब मारइ मन्तर तन्तर मबाक्ब। इसराएली आन कली राइब मारइ लिंक्यु कोव्रतीके मबाक्नीम। मुल याकूब नु इसराएल आ पर्वम परमपरभु आ पशा कोव्रडीन। २४ कोव्रडीन, मेको जात डा मुर गुप्सनी खोदंशो पा बाक्नीम। परक्शा गराम्चा चिक्शो गुप्स खोदंशो पा मेको छुल बाक्ब। मेकोमी सिस्वार मब्बा सम्म नु सिस्वार आ हुश मतूडा सम्म मनाइक्ब” दंत। गन्ती २४ : ९ ; इजीकीएल १९ : २

२५ मिनु बालाकमी बालाम कली “मेको आन कली सराप चीले मगेने, आसीक यो मगेन” दंत।

२६ तन्न बालाममी बालाक कली “परमपरभु यावेमी मार देबा, गो मेको पचा माल्नुड, द गो इन कली ना कना मदेडा डा ?” दंत।

२७ मिनु बालाकमी बालाम कली “मुल पिन, गो इन कली अर्का बाक्तीकेमी लाइक्नन्नी। मेकर रे गे आं पा डा मेको आन कली सराप चीले पचा कली परमपरभुमी दाक्वा को ?” दंत। २८ मिनु बालाकमी बालाम कली पेओर डांडाम लाइक्तु। मेकर रे गोरशो रागी नेल्ल तांडसाक्ब। गन्ती २२ : ४१ ; गन्ती २५ : ३

२९ मिनु बालाममी बालाक कली “एंकर आं कली ७ ओटा चढेतीक सेलीन। मिनु ७ ओटा ब्यफ ७ ओटा सांड ठीक पने” दंत। ३० मिनु बालाकमी बालाममी दंशो खोदंशो पा पापु। मिनु चढेतीक नेल्लेमी ब्यफ का का नु सांड का का चढेपु।

बालाममी सां खेयप लोत्र पशो

२४ १मिनु बालाममी परमपरभु यावेमी इसराएली आन कली आसीक गेचा थुं पशा बाक्त, दे तुइक्ताक्व। मिनु मेको डांडती डा खोदंशो पा परमपरभु कली हिल्लो पथ मला। तन्न मेकोमी आ कुल गोरशो रागी गे हिरशा कोव्रतु। २मिनु बालाममी कोव्रना कोव्रन, इसराएली आन कली थर थर पा बाकशो ताम्तीमी। मिनु परमपरभु आ सोक्तीम मेको कली सुम्तु। ३मिनु मेकोमी परमपरभु आ पपाइश्शो लोत्र पा “गो बेओर आ तौ बालाम, मिक्च ताइब नड, आ देशो लोत्र मार बाक्त देशा हना, १सामुएल ९ :९ ४गो, परमपरभु आ लोत्र नंबमी, एको लोत्र पाइनुड। गो नल्ल क्येडा सक्ति पाइश्शो आ कांडशो ताइनुड। मिनु गो आ डांडती बाप्शा, मेको कली ताइनुड। ५याकूब आ मुर इन ताम्बु गिश रिम्शो बाक्नीमी। गे इसराएली इन बाक्तीके दारशो बाक्नीम। ६मेको खजूर रवा खरुम्शो ठेयब दिम खोदंशो बाक्व। मेको खोला आ नेक्था खरुम्शो फू रू खोदंशो बाक्व। मेको परमपरभु यावेमी खरुम्शो ठेयब घ्यू कुमारी खोदंशो बाक्व। व्याक्कु आ नेक्था वाशो लेबानोन डा लाइश्शो रवा खोदंशो बाक्व। ७मेको आन गरपुकीम व्याक्कु बरीशा क्युम्ब। मिनु मेको आन रू शुश व्याक्कु ताइनीम। मेको आन पिप अगाग क्येडा यो ठेयब बाक्व। मिनु मेको आ राज्य ठेयब सेल्वा पुंडसीब। ८परमपरभुमी मेको आन कली इजीप्त र गरुइशा चाक्शा बाक्व। आ सक्ति इसराएली आन कली व्याकी डा व्यफ आ गरोत्र खोदंशो बाक्व। रागी रागी डा जोरी सतर आन कली क्याम्ब। मेको आन रश जिक्व। मेको आन लिबरामी मेको आन कली खिरश्शा साइक्व। ९मेको गुप्स खोदंशो पा बाप्शा बाक्व। गुप्सनी खोदंशो पा बाप्शा बाक्व। सुम मेको कली पोक्वा डा ? इसराएली, सुमी इन कली आसीक गेनीमी, मेको आसीक राइनीम। सुमी इन कली सराप चीले पाइक्नीमी, मेको सराप चीले राइनीम” दंत। गन्ती २३ :२४ ; उत्पत्ती ४९ :९ ; उत्पत्ती १२ :३ ; उत्पत्ती २७ :२९

१०मिनु बालाक बालाम कली तशा, शुश गाइक्ताक्व। मिनु मेकोमी आ गुइ क्युकशा, बालाम कली “गो इ कली आं जोरी सतर आन कली सराप चीले पाइक्वा कली कका बरत्ताक्न। तन्न गे मेको आन कली सां खेयप

आसीक कका गेप्तीवी। ११मोपतीके मुल गे दोरार पा इ सिं लेतो। गो इ कली ठेयब सेल्नुड, दे मिम्शो नड। तन्न परमपरभु यावेमी इ कली मान ततीकर तेक्तु” दंत।

१२मिनु बालामम बालाक कली “गे आं कली बरत्थ सोइश्शो मुर आन कली गो १३ बालाकमी आं कली सुन नु चांदीम बरीशो आ दरवार गती हना यो, परमपरभु यावे आ लोत्र लाक्शा आं मिम्शामी मारइ रिम्शो नु मरिम्शो पने मचानुड। परमपरभु यावेमी आं कली मार देबा, गो मेकोन देनुड” मदेशो नडा डा ? गन्ती २२ :१८ १४ मुल गो आं मुर आन बाक्तीके लाइनुड। तन्न इसराएलीपुकीम इन मुर आन कली नोले मार पाइक्नीमी, मेको इन कली शंनुड” दंत।

बालाममी परमपरभु आ लोत्र पशो

१५ मिनु बालाममी परमपरभु आ पपाइश्शो लोत्र पा “गो बेओर आ तौ बालाम, मिक्च ताइब नड, आ देशो लोत्र मार बाक्त देशा हना, १६गो, परमपरभु आ लोत्र नंबमी, एको लोत्र पाइनुड। गो नल्ल क्येडा ठेयब तुइश्शा, नल्ल क्येडा सक्ति पाइश्शो आ कांडशो ताइनुड। मिनु गो आं मिक्च मसुम्शो आ डांडती बाप्शा, १७गो मेको कली ताइनुड, तन्न मुल ममाइ। गो मेको कली कोव्रनुड। तन्न आ नेक्था र ममाइ। याकूब र पा सोरुल का दाप्ब। मिनु इसराएली र पा पिप का गरुब। मिनु मेकोमी मोआब रागी आ सांद र पा खतम सल्ब। मिनु शथ आ थर डा मुर आन कली खतम पोक्व। मत्ती २ :२ ; लूका १ :७८ ; उत्पत्ती ४९ :१० ; २सामुएल ८ :२ १८ एदोम रागी आ केन सल्ब। मिनु सहर रागी गराब। मिनु इसराएल बोल्या दुम्ब। २सामुएल ८ :१४ ; यरमीया ४९ :७-२२ १९ याकूब र पा हुकुम पाइब का गरुब। मिनु इर सहर डा लीशो आन कली साइक्व” दंत। मीका ५ :१,७,८ २०मिनु बालाममी अमालेक आ मुर आन कली कोव्रशा “अमालेक आ मुरपुकी रागी रागी नल्ल क्येडा डांडती डा बाक्तक्म। तन्न मेकोपुकी गेना हना यो जाम्शा लाइनीमी” दंत। परस्थान १७ :१४ ; १सामुएल १५ :२-३,७ २१मिनु नोले मेकोमी केनी डा मुर आन कली कोव्रशा “इन बाक्तीक रागी बोल्या बाक्व। इन बाक्तीक सेरथे फुल्लुमी सेल्थो ग्योत्र खोदंशो बाक्व। १सामुएल १५ :६ २२तन्न गे काइन सहर डा मुरपुकी मीम चोचा पुंडसीनीनी। गिश सम्म अश्शुरामी इन कली फरंशा लाइक्नीम” दंत।

२३ मिनू लेंशा मेकोमी लोत्र पा “आबी, परमपरभुम मोदंशो पवानु, सु बरोइने चाप्रा डा ? २४ कितीम रं जहाजपुकी जाकनीम। मिनू मेकोपुकीम अश्शुर नु एबर कली श्येत गनीम। मिनू मेकोपुकी यो खतम दुम्नीम” दंत। उत्पत्ती १० : ४ ; उत्पत्ती १० : २१-२२

२५ मिनू बालाम बाक्शा, आ सिं लेत। मिनू बालाक यो आ लो लत। गन्ती ३१ : ५, १६

शित्तीममी मूर्ति पूजा पशो

१ इसराएलीपुकी शित्तीममी बाक्मानु, २५ मुरपुकी मोआबी आन तमीपुकी नु इप्शा, मरिम्शा पचा गोम्तेक्म। गन्ती ३३ : ४९ ; १कोरिन्थी १० : ५ २ मिनू मेकोपुकीम इसराएली आन कली आन देवी देवता आन कली चढेतीकेम बरेताक्म। मिनू मेकोपुकीम मेको आन भोज जशा, मेको आन देवी देवता आन डांइती बाप्तेक्म। ३ मोपा इसराएलीपुकीम पओर डांडा डा बाल देवता कली पूजा पचा गोम्तेक्म। मिनू परमपरभु यावे इसराएली आन पर्वम गाइक्ताक्व। व्यवस्था ४ : ३ ; भजन संगरह १०६ : २५ ४ मिनू परमपरभु यावेमी मोसा कली “एको मुर आन ठेयब मुर नेल्ल आन कली चाक्शा क्युक्शा साइश्शा, परमपरभु यावे आ डांइती नाप्शो नांम वोइक्मी। मिनू परमपरभु यावे इसराएली आन पर्वम आ थाम्पा गाइश्शा नांइसीब” दंत। व्यवस्था २१ : २२-२३ ; २सामुएल २१ : ६-९ ५ मिनू मासाम इसराएली आन निसाफ पाइब आन कली “गे नेल्लेमी पओर डांडा डा बाल देवता कली पूजा पाइब इन मुर नेल्ल आन कली साइक्चा माल्लीनी” द माइक्तीमी। परस्थान ३२ : २७

६ मिनू इसराएलीपुकी गरुम्तीक ताम्बु आ ओव्रतीकेम डाक्शा बाक्मानु, मेना इसराएली काम मोसा नु इसराएली नेल्ल आन डांइती आ सिंम मिदयानी मीश का चाक्तु। गन्ती ३१ : १६ ७ मिनू चढेब हारून आ चच, एलाजर आ ती फिनहासमी मेको तशा, मेको बाक्शा, आ गुइमी तूतीक का शेशा, परस्थान ६ : २५ ८ मेको इसराएली आ नोनोले लशा, आ बाक्तीक ओव्रशा, मेको इसराएली नु मेको मीश मुर निम्फा आस कली एर आंथ खिरप्पाइश्शा थोक्तीम्सी। मिनू इसराएली आन दाते रं मेको मुर बेक्तीक रोइ जाम्त। ९ तन्न मेको मुर बेक्तीक रोइम बेक्वपुकी २४ हजार बाक्तेक्म। भजन संगरह १०६ : २९-३१

१० मिनू परमपरभु यावेमी मोसा कली ११ “चढेब हारून आ चच, एलाजर आ ती, फिनहासमी इसराएली आन पर्वमी आं गाइश्शा नाइक्पाइक्तु। फिनहासमी आं रुश पशो तुइश्शा, आ जांब बोक्शा, आं गाइश्शा नाइक्पाइक्तु। मिनू मेको आन कली मसदुमी। १२ मापतीक ग मेको कली “परमपरभुमी इ कली आं थुं नाइक्तीक कबल पाइब। १३ इतिहास ९ : २० ; यसैया ५४ : १० ; मलाकी २ : ५ १३ मिनू मेको कबल इ कली नु इ चच युइ आन कली बाक्व। मेको गना हना यो चढेब दुम्तीक कबल बाक्व। मारदे हना गे इ परमपरभु आ पर्वम जांब बोक्शा, गेय पाप्तीवी। मिनू गमी इसराएली आन पर्वम पाप क्याम्तीक गेय पाप्तीवी” दनो” दंत। १४ मेको मिदयानी मीश मुर नु साइक्चा पुंइसीब इसराएली आ नें जिमरी बाक्त। मेको सालु आ ती सिमियोन आ थर डा सिं का डा ठेयब मुर बाक्त। १५ मेको साइक्चा पुंइसीब मिदयानी मीश मुर आ नें कोज्बी बाक्त। मेको सुर आ तमी बाक्त। मेको मिदयान डा ठेयब मुर बाक्त।

१६ मिनू परमपरभु यावेमी मोसा कली १७ “मिदयानी आन कली श्येत गेशा, साइक्मी। गन्ती ३१ : २-१० १८ मारदे हना, मेकोपुकीमी इन कली यो श्येत गेचा गोम्तेक्म। मिनू इन कली बाल-पओर कली पूजा पपाइक्तेक्म। मेना मिदयान डा ठेयब मुर आ तमी कोज्बीमी इन कली श्येत गेपाइक्तु। मेको चहिं मुर साइक्चा रोइ बाक्म नाक्त साइक्चा पुंइसाक्व। पओर कली पूजा पतीक मो दुम्शा बाक्त” दंत।

इसराएली आन कली हिक्शा

१ मेको मुर बेक्तीक रोइ दुम नोले २६ परमपरभु यावेमी मोसा नु चढेब हारून आ ती एलाजर आस कली २ “इसराएली नेल्ल आन दातेमी २० बर्स गाप्शो नु मेको क्येडा लाक्शो लडाइम लने चाप्य आन कली थर थर पा हिक्कीस” दंत। गन्ती १ : २-४७ ; ३ मिनू मोसा नु चढेब एलाजरमी यरीको आ आइक्वी हांबु यदन सोला आ शुंइच मोआब डा दिमम इसराएली आन कली गरुम्पाइश्शा ४ “परमपरभु यावेमी मोसा कली अरेशो सोदंशो पा २० बर्स गाप्शो नु मेको क्येडा लाक्शो मुर आन कली हिक्कीन” द माइक्तीमी। मिनू इजीप्ट रं गरुशा जाक्शा इसराएलीपुकी एकोन बाक्तेक्म।

५ इसराएल आ डांइती जरमेशो ती रुबेन आ थर, हनोक आ सिं सिं डा मुरपुकी, पल्लु आ सिं

सिं डा मुरपुकी, उत्पत्ती ३५ :२३-२६ ; उत्पत्ती ४६ :८-२७ ; १इतिहास ४ :८ :- ६हेसरोन आ सिं सिं डा मुरपुकी नु कारमी आ सिं सिं डा मुरपुकी बाक्तेक्म । ७एको रूबन आ थर डा सिं सिं डा मुरपुकी बाक्तेक्म । मेको नेल्ल आन कली हिक्शानु, ४३ हजार ७ सह ५० जना बाक्तेक्म ।

८पल्लु आ ती आन दातेमी का एलीआब बाक्त । ९एलीआब आ तौपुकी, नेमुएल, दाथान नु अबीराम आन दाते डा टेयब मुरपुकी बाक्तेक्म । मेकोपुकी कोराह आ हुलम ब्याइसीशा मोसा नु हास्न नु जिचा पाक्शा, परमपरभु यावे आ पर्वम दूली पा बोक्शा बाक्तेक्म । गन्ती १६ :१,१२ १०मिनु रागीम आ शोत्र पाक्शा मेको आन कली कोराह नुन दाक्शा बाक्त । मेना सहे निक्शी ५० जना आन कली मीम खतम पाक्शा बाक्त । मेकोपुकी मरिम्शो पाइब दुम्शो बाक्तेक्म । ११तन्न कोराह आ तौपुकी चहिं मबक्शा बाक्तेक्म ।

१२सिमियोन आ थर डा मुर आन सिं सिं डा मुरपुकी का का पा हिक्शानु, नेमुएल आ सिं सिं डा मुरपुकी, यामीन आ सिं सिं डा मुरपुकी, याकीन आ सिं सिं डा मुरपुकी, १३जेराह आ सिं सिं डा मुरपुकी नु शावल आ सिं सिं डा मुरपुकी बाक्तेक्म । उत्पत्ती ३६ :१३ १४एको सिमियोन आ थर डा सिं सिं डा मुरपुकी बाक्नीम । मेको नेल्ल आन कली हिक्शानु, २२ हजार सहे निक्शी बाक्तेक्म ।

१५गाद आ थर डा मुर आन सिं सिं डा मुरपुकी का का पा हिक्शानु, सफोन आ सिं सिं डा मुरपुकी, हाग्गी आ सिं सिं डा मुरपुकी, शुनी आ सिं सिं डा मुरपुकी, १६ओज्नी आ सिं सिं डा मुरपुकी, एरी आ सिं सिं डा मुरपुकी, १७अरोद आ सिं सिं डा मुरपुकी नु अरली आ सिं सिं डा मुरपुकी बाक्तेक्म । १८एको गाद आ थर डा सिं सिं डा मुरपुकी बाक्तेक्म । मेको नेल्ल आन कली हिक्शानु ४० हजार ५ सह जना बाक्तेक्म ।

१९मिनु यहूदा आ तौ एर नु ओनान बाक्ताक्स । तन्न मेको कनान रागीम बक्ताक्स । उत्पत्ती ३८ :७-१० २०यहूदा आ थर डा मुर आन सिं सिं डा मुरपुकी का का पा हिक्शानु, शलाह आ सिं सिं डा मुरपुकी, परस आ सिं सिं डा मुरपुकी, जेराह आ सिं सिं डा मुरपुकी बाक्तेक्म । २१मिनु परस आ चच युइ डा मुर चहिं, हेसरोन आ सिं सिं डा मुरपुकी नु हामुल आ सिं सिं डा मुरपुकी बाक्तेक्म । रूथ ४ :१८ २२एको यहूदा आ थर डा

सिं सिं डा मुरपुकी बाक्तेक्म । मेको नेल्ल आन कली हिक्शानु, ७६ हजार ५ सह जना बाक्तेक्म ।

२३इस्साकार आ थर डा मुर आन सिं सिं डा मुरपुकी का का पा हिक्शानु, तोला आ सिं सिं डा मुरपुकी, पुवा आ सिं सिं डा मुरपुकी, २४याशुब आ सिं सिं डा मुरपुकी नु शिमरोन आ सिं सिं डा मुरपुकी बाक्तेक्म । २५एको इस्साकार आ थर डा सिं सिं डा मुरपुकी बाक्तेक्म । मेको नेल्ल आन कली हिक्शानु, ६४ हजार सहे सां बाक्तेक्म ।

२६जबूलून आ थर डा मुर आन सिं सिं डा मुरपुकी का का पा हिक्शानु, सरद आ सिं सिं डा मुरपुकी, एलोन आ सिं सिं डा मुरपुकी नु याहलल आ सिं सिं डा मुरपुकी बाक्तेक्म । २७एको जबूलून आ थर डा सिं सिं डा मुरपुकी बाक्तेक्म । मेको नेल्ल आन कली हिक्शानु, ६० हजार ५ सह जना बाक्तेक्म ।

२८मिनु योसेफ आ तौ मनस्से नु एफराइम आस थर डा मुर आन सिं सिं डा मुर आन कली का का पा हिक्शानु, २९मनस्स आ चच युइ डा मार्कीर आ सिं सिं डा मुरपुकी बाक्तेक्म । मार्कीर गिलाद आ आफ बाक्त । यहोसु १७ :१-६ ३०गिलाद आ चच युइपुकी इएजेर आ सिं सिं डा मुर रे इएजेर, हेलेक आ सिं सिं डा मुरपुकी, ३१असरीएल आ सिं सिं डा मुरपुकी, शंकम आ सिं सिं डा मुरपुकी, ३२शमीदा आ सिं सिं डा मुरपुकी नु हेफेर आ सिं सिं डा मुरपुकी बाक्तेक्म । हेफेर आ तौ सलाफहाद क चहिं तौ मबाक्थु, तमीपुकी ला बाक्तेक्म । ३३हेफेर आ तौ सलाफहाद आ तमी आन नें महलाह, नोआह, हांगला, मिल्का नु तिरचा बाक्तेक्म । गन्ती २७ :१ ३४एको मनस्स आ थर डा सिं सिं डा मुरपुकी बाक्तेक्म । मेको नेल्ल आन कली हिक्शानु, ५२ हजार ७ सह बाक्तेक्म ।

३५एफराइम आ थर डा मुर आन सिं सिं डा मुरपुकी का का पा हिक्शानु, शुथलाह आ सिं सिं डा मुरपुकी, बेकर आ सिं सिं डा मुरपुकी नु तहन आ सिं सिं डा मुरपुकी बाक्तेक्म । ३६मिनु शुथलाह आ सिं सिं डा मुरपुकी चहिं एरान आ सिं सिं डा मुर बाक्तेक्म । ३७एको एफराइम आ थर डा सिं सिं डा मुरपुकी बाक्तेक्म । मेको नेल्ल आन कली हिक्शानु, ३२ हजार ५ सह बाक्तेक्म । मेको योसेफ आ चच युइ आन सिं सिं डा मुरपुकी बाक्तेक्म ।

३८बेन्यामीन आ थर डा मुर आन सिं सिं डा मुरपुकी का का पा हिक्शानु, बेला आ सिं सिं डा मुरपुकी, अश्वल आ सिं सिं डा मुरपुकी,

अहीराम आ सिं सिं डा मुरपुकी, ३९ शुफाम आ सिं सिं डा मुरपुकी नु हुफाम आ सिं सिं डा मुरपुकी बाक्तेकम। ४० मिनु बला आ तौ आरद नु नामान बाक्ताक्स। आरद आ सिं सिं डा मुरपुकी नु नामान आ सिं सिं डा मुरपुकी बाक्तेकम। ४१ एको बन्यामीन आ थर डा सिं सिं डा मुरपुकी बाक्तेकम। मेको नल्ल आन कली हिक्शानु, ४५ हजार ६ सहं बाक्तेकम।

४२ दान आ थर डा मुर आन सिं सिं डा मुरपुकी का का पा हिक्शानु, शुहाम आ सिं सिं डा मुरपुकी बाक्तेकम। मेको दान आ थर डा सिं सिं डा मुरपुकी बाक्तेकम। ४३ एको शुहाम आ सिं सिं डा मुर नल्ल आन कली हिक्शानु, ६४ हजार ४ सहं बाक्तेकम।

४४ आशेर आ थर डा मुर आन सिं सिं डा मुरपुकी का का पा हिक्शानु, इम्नाह आ सिं सिं डा मुरपुकी, इशवी आ सिं सिं डा मुरपुकी, बेरीआ आ सिं सिं डा मुरपुकी, ४५ हेबर आ सिं सिं डा मुरपुकी नु माल्कीएल आ सिं सिं डा मुरपुकी बाक्तेकम। ४६ आशेर आ तमी आ नें सराह बाक्त। ४७ एको आशेर आ थर डा सिं सिं डा मुरपुकी बाक्तेकम। मेको नल्ल आन कली हिक्शानु ५३ हजार ४ सहं बाक्तेकम।

४८ नाप्ताली आ थर डा मुर आन सिं सिं डा मुरपुकी का का पा हिक्शानु, याहसल आ सिं सिं डा मुरपुकी, गुनी आ सिं सिं डा मुरपुकी, ४९ यंसर आ सिं सिं डा मुरपुकी नु शिल्लेम आ सिं सिं डा मुरपुकी बाक्तेकम। ५० एको नाप्ताली आ थर डा सिं सिं डा मुरपुकी बाक्तेकम। मेको नल्ल आन कली हिक्शानु, ४५ हजार ४ सहं बाक्तेकम।

५१ इसराएली वॉइश मुर नल्ल आन कली हिक्शानु, ६ लाख हजार का ७ सहं ३० जना बाक्तेकम।

५२ मिनु परमपरभु यावेमी मोसा कली ५३ “मेको आन सिं सिं डा मुर गिश बाक्नीमी, दे मिम्शा, रागी आंम के सेल्ला कली योक्शा गेमी। ५४ गे मेको आन कली ठेयब थर आन कली ठेयब रागी नु आइक्च थर आन कली आइक्च रागी पा योक्शा गेमी। थर का का आन कली मेको आ मुर आन कली कोत्रशा हुकुम पचा गेमी। ५५ मो हना यो मेको रागी चिठठा आप्शा योक्चा माल्ब। मेकोपुकीमी आन किकी पिपी आन नें नें खोदंशो पा अधिकार पामेकल। गन्ती ३३:५४; यहोसु १४:२ ५६ ठेयब नु आइक्च आन दातेमी आन अधिकार पतीके चिठठा आप्शा योक्चा माल्ब” दंत।

५७ मिनु लेवी आ थर डा मुर का का पा हिक्शानु, सु सु बाक्तेकम देशा हना, गेरशोन आ सिं सिं डा मुर, कोहाथ आ सिं सिं डा मुर, मेरारी आ सिं सिं डा मुर बाक्तेकम। गन्ती ३:१७-२०; परस्थान ६:१६-२५ ५८ मिनु लेवी आ थर डा सिं सिं डा मुर अरु सु सु अरु बाक्तेकम देशा हना, लिब्नी आ सिं सिं डा मुर, हबरोन आ सिं सिं डा मुर, माहली आ सिं सिं डा मुर, मुशी आ सिं सिं डा मुर, कोराह आ सिं सिं डा मुर बाक्तेकम। कोहाथ चहिं अमराम आ किकी बाक्त। गन्ती ३३:२०; गन्ती १३:२२ ५९ अमराम आ मीश आ नें योकेबद बाक्त। मेको चहिं लेवी आ थर डा इजीप्ट रागीमी थिशो तमी बाक्त। मेकोमी अमराम रे हारून नु मोसा नु आस समी मिरयाम आन कली थिम्तीमी। ६० मिनु हारूनमी नादाब, अबीहु, एलाजर नु इथामार थिम्तीमी। ६१ तन्न नादाब नु अबीहु चहिं परमपरभु यावे आ डोंइती अरु मी रे पा चोशा चढेतीके, बेक्ताक्स। लेवी १०:१-२ ६२ मेको वॉइश आल नल्ले महिना का नु मेको क्यडा लाक्शा हिक्शानु २३ हजार बाक्तेकम। मेकोपुकी अरु इसराएली आन खोदंशो पा लडाइ पचा कली महिक्शो बाक्तेकम। मारदे हना मेकोपुकी इसराएली आन दातेमी आंम आन रागी कली मगेशो बाक्त।

६३ मिनु मोसा नु एलाजर चढेबमी मेको नल्ल आन कली हिक्ताक्स। मना मेकोपुकी मोआब डा दिम यर्दन आ शुंडच, यरीका आ नेक्था बाक्तेकम। ६४ तन्न मोसा नु हारूनमी सीने डा गोरशो रागीम हिक्शो इसराएली का यो मबाकम। गन्ती १:- ६५ मारदे हना, परमपरभु यावेमी मेको आन पर्वम “मेकोपुकी थमा पा गोरशो रागीमीन बेक्चा माल्नीम” देशो बाक्त। यपुन्न आ तौ कालेब नु नून आ तौ यहोसु डा लाक्शा, मेको आन दाते डा का यो सेस मलीम। गन्ती १४:२२-३८

सेलोफहाद आ तमीपुकी

गन्ती ३६:-

२७ १ योसेफ आ तौ मनस्से, मनस्से आ तौ मार्कीर, मार्कीर आ तौ गिलाद, गिलाद आ तौ हेफेर, हेफेर आ तौ सेलोफहाद आ तमीपुकी महलाह, नोआह, होग्ला, मिल्का नु तिरचा बाक्तेकम। गन्ती २६:३३; यहोसु १७:३-६ २ मेकोपुकी मोसा, चढेब एलाजर, ठेयब मुरपुकी नु मंकर बाक्च मुर नल्ले आन डोंइती गरुन्तीक

ताम्बु आ लाप्चो आ डांडती बाक्तेकम। ३मिनु सलोफहाद आ तमीपुकीमी “आंड आफ गोरशो रागीम बक्त। तन्न मेको परमपरभु यावे आ पर्वम मरिम्शो पा बोक्ब कोराह आ हुलम मबाक्शो बाक्त। तन्न मेको आ आम पाप पतीक बक्त। मिनु मेको के तो मबाक्म। गन्ती १६ :७ ; उत्पत्ती ३ :१९ ४ मिनु तो मबाक्तीक आंड आफ आ नं आ थर आ मुर आन दात र मारद न्याम्सीबा ? आंड आफ आ लोकबपुकी नु आंड कली यो अडस गेने” दंतेकम।

५ मिनु मोसामी मेको आन पोक्शो लोत्र परमपरभु यावे आ डांडती चाक्तु। ६मिनु परमपरभु यावेमी मोसा कली ७ “सलोफहाद आ तमीपुकीम पोक्शो लोत्र ठीक बाक्ब। गे थमा पा मेको आन कली आन आफ आ लोकब आन दातेमी अडस गेचा माल्लेवे। मिनु गे मेको आन आफ आ अडस मेको आन कली गमी।

८ मिनु गे इसराएली आन कली ‘सुइ मुर तो मथिथु, बक्त हना, मेको आ तमी आन कली आ अडस गेचा माल्लीनी। ९ मेको के तमी यो मबाक्त हना, मेको आ अडस आ लोकब आन कली गेचा माल्लीनी। १० मेको के आ लोकब यो मबाक्त हना, मेको आ अडस आ आफ आ लोकब कली गेचा माल्लीनी। ११ मिनु मेको आ आफ आ लोकब यो मबाक्त हना, मेको आ अडस आ थर डा नेल्ल क्यंडा आ नक्था डा मुर कली गेचा माल्लीनी। मिनु मेको अडस मेको केन दुम्ब’ द माइक्मी” दंत। मेको लोत्र परमपरभु यावेमी मोसा कली देशो, इसराएली आन कली फुल्लतुम मुशा बरक्शो नु अरशो लोत्र बाक्ब।

यहोसु लां कांडब दुम्शो

१२ मिनु परमपरभु यावेमी मोसा कली “गे एको अबारीम पहाड डा डांडा डांडसो। मिनु इसराएली आन कली गेशो रागी कोत्रडा। गन्ती २१ :११ ; व्यवस्था ३२ :४८-५२ १३ मिनु गे मेको रागी तवी नोले, गे ड लोकब हारून खोदेशो पा इ किकी पिपी नु बाक्थ लाइनवे। गन्ती २० :२४-२८ १४ मारदे हना जीन डा गोरशो रागीमी मुरपुकी गो नु जिचा पोक्मनु, गे यो मटिसी। मेरीबाथ-कादेश डा व्याक्कुम मुर आन डांडती गे आं कली ठेयब मसल्योसी” दंत। गन्ती २० :१२-१३

१५ मिनु मोसामी परमपरभु यावे कली १६ “परमपरभु यावे, मुर नेल्ल आन बरांडचा गेब परमपरभु, एको मुर आन कली लां कांडब मुर का वीतीन। गन्ती १६ :२२ १७ मिनु मेको मुर आन

डांडती गाक्ल। मिनु मेको आन कली लतीक नु जाक्तीक लां कांडबल। मोपा परमपरभु यावे आ मुर गोठला मबाक्शो भेडा खोदेशो मदुम्मल” दंत। मीका ५ :३ ; मत्ती ९ :३६

१८ मिनु परमपरभु यावेमी मोसा कली “गे आं सोक्त पाइशो नून आ तो यहोसु कली चाक्शा, इ गुइ मेको आ तार वोतो। परस्थान ३३ :११ ; व्यवस्था ३४ :९ १९ मिनु मेको कली चदेब एलाजर नु मुर नेल्ल आन डांडती राप्पतो। मिनु मेको मुर नेल्लम तचा डा पा मेको कली एको गेय जिम्मा गेवो। २० मोपा गे मेको कली इ अधिकार गेवो। मिनु इसराएली नेल्लमी मेको आ देशो टीमेक्त। परस्थान ३४ :२९-३० ; २राजा २ :९,१५ २१ मिनु यहोसु चदेब एलाजर आ डांडती राप्चा माल्ब। मिनु एलाजरमी ऊरीम यहोसु आ पर्वम मार देवा, द परमपरभु यावे आ डांडती हिल्लो पचा माल्ब। यहोसु आ देशोमी इसराएली नेल्ले मेको नु लडाइ पथ लचा नु लेत्चा माल्लीम” दंत। परस्थान २८ :३० ; व्यवस्था ३३ :८ २२ मिनु मोसामी परमपरभु यावेमी अरशो खोदेशो पा पाप्तु। मेकोमी यहोसु कली चाक्शा चदेब एलाजर नु इसराएली नेल्ल आन डांडती राप्पाइक्तु। २३ मिनु मोसामी परमपरभु यावेमी देशो खोदेशो पा आ गुइ यहोसु आ तार वोइशशा, आ गेय पचा कली जिम्मा गप्तु।

नाक्त कित कित डा चदेतीके

१ परमपरभु यावेमी मोसा कली २ “गे २८ इसराएली आन कली मीम चोशा चदेतीक आं जचा थोत्रक, आं दाक्शो बरोत्रशो रिना पाइशो चदेतीके गे आं देशो नाक्त चदेचा माल्लीम, दे शंचा माल्लेव। लेवी २१ :६ ३ मिनु गे मेको आन कली गे परमपरभु यावे कली मीम चोशा चदेतीक मार चदेचा माल्लीनी देशो हना, मारइ मदुम्शो थम रिम्शो बर्स का गाप्चो पाठा निक्शो नाक्त कित कित चदेचा माल्लीनी। परस्थान २९ :३८-४२ ४ मिनु का सुनी नु का नाक्वो चदेचा माल्लीनी। ५ मेको नु अन्न चदेतीके कली एफाह का डा १० भाग डा भाग का रिम्शो फस नु हिन का डा ४ भाग डा भाग का खराक्शो तेल व्याइशशा चदेचा माल्लीनी। एफाह का २२ लिटर पुक्तीक बाक्ब। हिन का ४ लिटर बाक्ब। ४ भाग डा भाग का लिटर का बाक्ब। ६ एको परमपरभु यावे कली गेना हना यो मीम चोशा चदेतीके बाक्ब। मेको आ दाक्शो बरोत्रशो रिना पाइशो सीने डांडाम

देशो खोदंशो पा चद्वेतीके बाक्व । ७ मेको नु तूचा थोत्रक चद्वेतीके पाठा का कली हिन का डा ४ भाग डा भाग का अडगुर शांबु चद्वेचा माल्लीनी । मेको परमपरभु यावे आ बाक्तीकम परमपरभु यावे आ डांइती माइक्चा माल्लीनी । ८ मेको अर्का पाठा नां रिक्चावानु, चद्वेचा माल्लीनी । मेको नु सुनी डा खोदंशो पा अन्न चद्वेतीक नु तूचा थोत्रक चद्वेतीक चद्वेचा माल्लीनी । एको परमपरभु यावे कली मीम चोशा चद्वेशा आ दाक्शो बरोत्रशो रिना पाइश्शो चद्वेतीके बाक्व ।

### नाइक्तीक नाक्त डा चद्वेतीक

१ मिनु नाइक्तीक नाक्तीम मारेइ मदुश्शो थम रिश्शो बर्स का गाप्शो पाठा निक्शी चद्वेचा माल्लीनी । मेको नु अन्न चद्वेतीके तेल व्याइश्शो रिश्शो फस एफाह का डा १० भाग डा भाग निक्शी चद्वेचा माल्लीनी । मिनु मेको नु तूचा थोत्रक चद्वेतीके यो चद्वेचा माल्लीनी । एफाह का २२ लिटर पुक्तीके बाक्व । मत्ती १२ : ५ १० मेको नाइक्तीक नाक्ती डा चोशा चद्वेतीके बाक्व । मेको नाक्त कित कित डा चोशा चद्वेतीके नु तूचा थोत्रक चद्वेतीके चद्वेशा यो मेको चद्वेचा माल्लीनी ।

### औंसी डा चद्वेतीके

११ मिनु गे नेल्ल महिना डा डांइती डा नाक्त परमपरभु यावे कली चोशा चद्वेतीके चद्वेचा माल्लीनी । मेको ब्यफ निक्शी, सांड का नु ७ ओटा मारेइ मदुश्शो थम रिश्शो बर्स का का गाप्शो पाठा चद्वेचा माल्लीनी । गन्ती १० : ३० ; इजीकीएल ४६ : ३, ६ ; यसेया १ : ३३ १२ मिनु मेको ब्यफ का का पा नु अन्न चद्वेतीके तेलम निशो रिश्शो फस एफाह डा १० भाग डा भाग सां चद्वेचा माल्लीनी । मेको सांड का नु अन्न चद्वेतीके तेलम निशो रिश्शो फस एफाह का डा १० भाग डा भाग निक्शी चद्वेचा माल्लीनी । एफाह का २२ लिटर पुक्तीके बाक्व । गन्ती १५ : २-१२ १३ मिनु मेको ७ ओटा पाठा नु का का पा एफाह डा १० भाग डा भाग का तेलम निशो रिश्शो फस चद्वेचा माल्लीनी । एको परमपरभु यावे कली आ दाक्शो बरोत्रशो रिना पाइश्शो मीम चोशा चद्वेतीके बाक्व । १४ मेको नु तूचा थोत्रक चद्वेतीके ब्यफ का का नु आधा हिन अडगुर शांबु बाक्चा माल्ब । सांड नु हिन का डा भाग सां डा भाग का अडगुर शांबु बाक्चा माल्ब । मिनु पाठा नेल्ल नु हिन का डा ४ भाग डा भाग का अडगुर शांबु

चद्वेचा माल्लीनी । मेको बर्स डा महिना नेल्ल डा औंसीम चोशा चद्वेतीके बाक्नीम । १५ मिनु पाप पशो आ पर्वम बोका का परमपरभु यावे कली चद्वेचा माल्लीम । मेको नाक्त कित कित डा चोशा चद्वेतीके नु तूचा थोत्रक चद्वेतीके चद्वेशा यो मेको चद्वेचा माल्लीनी ।

### पास्सा नाक्त डा चद्वेतीक

१६ मिनु डांइती डा महिना डा १४ नाक्ती परमपरभु यावे कली पास्सा चाड डा चद्वेतीके चद्वेचा माल्लीनी । लेवी २३ : ५-१४ १७ मिनु मेको महिना डा १५ नाक्ती ठेयब चाड का मानचा माल्लीम । मेको चाडम ७ नाक्त सम्म बोरब ओस्ती मसुश्शो शोब्वे जचा माल्लीनी । १८ डांइती डा नाक्तीम परमपरभु यावे नु गरुस्तीके का दुम्चा माल्ब । मेको नाक्ती गे काइ गेय मपन । १९ गे परमपरभु यावे कली मीम चोशा चद्वेतीके चद्वेचा माल्लीनी । मार चद्वेचा माल्लीनी देशा हना, ब्यफ निक्शी, सांड का नु बर्स का का गाप्शो ७ ओटा पाठा चद्वेचा माल्लीनी । मेको नेल्ल मारेइ मदुश्शो थम रिश्शो बाक्चा माल्लीम । २० मेको नु अन्न चद्वेतीके तेल व्याइश्शो रिश्शो फस दुम्चा माल्ब । मेको ब्यफ का नु एफाह का डा १० भाग डा भाग सां चद्वेचा माल्लीनी । मेको सांड का नु एफाह का डा १० भाग डा भाग निक्शी चद्वेचा माल्लीनी । एफाह का २२ लिटर खोदंशो बाक्व । २१ मिनु मेको ७ ओटा पाठा नु एफाह डा १० भाग डा भाग का का पा रिश्शो फस चद्वेचा माल्लीनी । २२ मिनु इन पाप आ पर्वम पाप क्यास्तीके गेय पचा कली बोका का चद्वेचा माल्लीनी । २३ मिनु सुनी डा चोशा चद्वेतीके, मेको गेना हना यो पचा माल्शो चोशा चद्वेतीके बाक्व, मेको चद्वेचा माल्लीनी । २४ गे खोदंशो चद्वेतीके ७ नाक्त सम्म नाक्त कित कित जचा थोत्रक कली चद्वेचा माल्लीनी । मेको परमपरभु यावे कली आ दाक्शो बरोत्रशो रिना पाइश्शो मीम चोशा चद्वेतीके बाक्व । मेको नाक्त कित कित डा चोशा चद्वेतीके नु तूचा थोत्रक चद्वेतीके चद्वेशा यो मेको चद्वेचा माल्लीनी । २५ मिनु ७ नाक्तीम परमपरभु यावे नु गरुस्तीके का दुम्चा माल्ब । मेको नाक्ती गे काइ गेय मपन ।

### डांइती मीशो अन्न डा चाड

२६ डांइती मीशो अन्न नु फल फुल डा चाड नाक्त गे परमपरभु यावे कली नक अन्न र अन्न

चढ़ेतीक चढ़ेनीनी। मेको हप्ता डा चाड बाक्व। मेना परमपरभु यावे नु गरुम्तीक का दुम्चा माल्ब। मेको नाक्ती गे काइ गेय मपने। लेवी २३:१५-२१; ब्यवस्था १६:१० २७गे परमपरभु यावे कली चोशा चढ़ेतीक चढ़ेचा माल्नीनी। मेको परमपरभु यावे कली आ दाक्शो बरोव्रशो रिना पाइश्शो चढ़ेतीक बाक्व। गेपुकीमी ब्यफ निकशी, सांड का नु बर्स का का गाप्शो ७ ओटा पाठा चढ़ेचा माल्नीनी। २८मेको नु अन्न चढ़ेतीक तेल ब्याइश्शो रिम्शो फस दुम्चा माल्ब। मेको ब्यफ का नु एफाह का डा १० भाग डा भाग सां चढ़ेचा माल्नीनी। मेको सांड का नु एफाह का डा १० भाग डा भाग निकशी चढ़ेचा माल्नीनी। एफाह का २२ लिटर खोदंशो बाक्व। २९मिनु मेको ७ ओटा पाठा नु भाग का रिम्शो फस चढ़ेचा माल्नीनी। ३०मिनु इन पाप आ पर्बम पाप क्याम्तीक गेय पचा कली बोका का चढ़ेचा माल्नीनी। ३१मिनु नाक्त कित कित डा चोशा चढ़ेतीक नु मेको अन्न चढ़ेतीक गेपुकीम मेको नु आ तूचा थोत्रक चढ़ेतीक चढ़ेचा माल्नीनी। मेको ब्यफ, सांड, पाठा नेल्ल मारइ मडुम्शो थम रिम्शो बाक्वा माल्नीम।

नक बर्स डा चाड

२९ गेपुकी ७ महिना डा डांडती डा नाक्ती गरुम्तीक का सल्वा माल्नीनी। मेको नाक्ती गे काइ गेय मपने। मेको नाक्ती गे तुराही ताप्चा माल्नीनी। गन्ती १०:१०; लेवी २३:२४-२५ २गे परमपरभु यावे कली चोशा चढ़ेतीक चढ़ेचा माल्नीनी। मेको परमपरभु यावे कली आ दाक्शो बरोव्रशो रिना पाइश्शो चढ़ेतीक बाक्व। गेपुकीमी ब्यफ का, सांड का नु बर्स का का गाप्शो ७ ओटा पाठा चढ़ेचा माल्नीनी। मेको मारइ मडुम्शो थम रिम्शो दुम्चा माल्नीम। ३मिनु मेको ब्यफ नु अन्न चढ़ेतीक, तेल ब्याइश्शो रिम्शो फस एफाह का १० भाग डा भाग सां नु सांड नु १० भाग डा भाग निकशी चढ़ेचा माल्नीनी। एफाह का २२ लिटर पुक्तीक का बाक्व। भाग सां ६ नु आधा लिटर खोदंशो बाक्व। भाग निकशी ४ नु आधा लिटर खोदंशो बाक्व। ४मिनु मेको ७ ओटा पाठा नु का का पा भाग का चढ़ेचा माल्नीनी। ५मिनु इन पाप आ पर्बम पाप क्याम्तीक गेय पचा कली बोका का चढ़ेचा माल्नीनी। ६मेको नेल्ले औसी नाक्त डा चोशा चढ़ेतीक नु मेको नु अन्न चढ़ेतीक, नाक्त कित कित डा चोशा चढ़ेतीक नु मेको नु अन्न चढ़ेतीक,

मेको नेल्ल नु तूचा थोत्रक चढ़ेतीक यो चढ़ेचा माल्नीनी। मेको नेल्ले परमपरभु यावेमी दंशो खोदंशो पा आ दाक्शो बरोव्रशो रिना पाइश्शो मीम चोशा चढ़ेतीक बाक्नीम।

पाप क्याम्तीक नाक्त डा चाड

७मेको ७ महिना डा १० नाक्त परमपरभु यावे नु गरुम्तीक का दुम्चा माल्ब। मेको नाक्ती गे माइजा बाक्शा, काइ गेय मपने। लेवी २३:२७-३२ ८गे परमपरभु यावे कली चोशा चढ़ेतीक चढ़ेचा माल्नीनी। मेको आ दाक्शो बरोव्रशो रिना पाइश्शो चढ़ेतीक बाक्व। मिनु गे ब्यफ का, सांड का नु बर्स का का गाप्शो ७ ओटा पाठा चढ़ेचा माल्नीनी। मेको थम रिम्शो मारइ मडुम्शो दुम्चा माल्नीम। ९मिनु मेको ब्यफ नु अन्न चढ़ेतीक, तेल ब्याइश्शो रिम्शो फस एफाह का डा १० भाग डा भाग सां नु सांड नु १० भाग डा भाग निकशी चढ़ेचा माल्नीनी। एफाह का २२ लिटर खोदंशो बाक्व १०मिनु मेको ७ ओटा पाठा नु का का पा भाग का का पा चढ़ेचा माल्नीनी। ११मिनु मेको नु पाप पशो आ पर्बम बोका का चढ़ेचा माल्नीनी। मेको पाप पशो क्याम्तीक गेय पचा कली चढ़ेचा यो नाक्त कित कित डा चोशा चढ़ेतीक, मेको नु अन्न चढ़ेतीक नु तूचा थोत्रक चढ़ेतीक चढ़ेचा माल्नीनी। लेवी १६:११-२८

गोठ सल्वा बाक्तीक चाड

१२गे ७ महिना डा १५ नाक्ती परमपरभु यावे नु गरुम्तीक का सल्वा माल्नीनी। मेको नाक्ती गे काइ गेय मपने। गे परमपरभु यावे कली ७ नाक्त सम्म चाड मानेचा माल्नीनी। लेवी २३:३४-४३ १३गेपुकीमी परमपरभु यावे कली चोशा चढ़ेतीक चढ़ेचा माल्नीनी। मेको आ दाक्शो बरोव्रशो रिना पाइश्शो मीम चोशा चढ़ेतीक बाक्व। मेको चोशा चढ़ेतीक मार बाक्वा माल्नीम दंशा हना, १३ ओटा ब्यफ, सांड निकशी नु बर्स का गाप्शो १४ ओटा पाठा बाक्वा माल्नीम। मेको नेल्ल थम रिम्शो मारइ मडुम्शो बाक्वा माल्नीम। १४मिनु मेको नु अन्न चढ़ेतीक तेल ब्याइश्शो रिम्शो फस बाक्वा माल्ब। मेको १३ ओटा ब्यफ आन कली का का पा एफाह का डा १० भाग डा भाग सां चढ़ेचा माल्नीम। मेको सांड निकशी नु एफाह का डा १० भाग डा भाग निकशी रिम्शो तेल ब्याइश्शो फस चढ़ेचा माल्नीम। एफाह का २२ लिटर खोदंशो बाक्व। १५मिनु मेको १४ ओटा



नाक्त कित कित डा चोशा चढ़तीक, मेको नु अन्न चढ़तीके नु तूचा थोत्रक चढ़तीके चढ़चा माल्नीनी ।

३१ मिनु गे मेको चढ़तीक नेल्ले इन कली डाइती देशो नाक्तीम परमपरभु यावे कली चढ़चा माल्नीनी । मेको नु इन नाक्त कित कित डा चढ़तीक, इन ग्यरशा चढ़तीक, चोशा चढ़तीक, इन अन्न चढ़तीक, इन तूचा थोत्रक चढ़तीके नु इन दुशा बाक्चा आ परबम चढ़तीके चढ़चा यो मेको चढ़चा माल्नीनी देनो" दंत ।

३० मिनु परमपरभु यावेमी मोसा कली अरेशो खोदंशो पा मोसाम लोत्र नेल्ले इसराएली आन कली शंताक्मी ।

कसम जचा आ परबम शंशा

३० १ मिनु मोसामी इसराएल आ थर थर डा ठेयब मुर आन कली "परमपरभु यावेमी अरेशो मार बाक्त देशा हना, २ मुर कामी परमपरभु यावे कली लोत्र पाप्नु हना यो, कसम जाप्नु हना यो, मेकोमी आ पशो लोत्र पचा नु आ कसम जशो खाप्चा माल्ब । मेको आ शोत्र रे मार लोत्र गरुशो बाक्म, मेकोमी मेको खाप्चा माल्ब ।

३ मिनु मीश आलमी आ आम आफ आस सिंम बाक्मनु, परमपरभु यावे कली लोत्र गेप्नु हना यो, कसम जाप्नु हना यो, लेवी २७ :२-२५ ; ब्यवस्था २३ :२२ ; न्यायाधीस ११ :३५ ; उपदेसक ५ :३,४ ; गन्ती ६ :१-२१ ४ मिनु मेको आ आफोमी आ लोत्र नंशा यो सिक्सी पा बाक्त हना, मेको आ गेशो लोत्र बाक्त हना यो कसम बाक्त हना यो लीब । ५ तन्न आ आफोमी मेको नंना नाक्ती मेको मद्दुम्ब" दंत हना, मेको आ लोत्र गेशो नु आ कसम जशो मलीब । मेको आ आफोमी मद्दुम्ब देतीके परमपरभु यावेमी मेको आ पाप क्याम्ब ।

६ मिनु मेकोम कसम जशो बाक्त हना यो, ममिथु लोत्र गेवा नोले आ ग्युबे दुम्त हना, ७ मिनु आ वांइशमी मेको नंशा यो सिक्सी पा बाक्त हना, मेको आ गेशो लोत्र बाक्त हना यो कसम बाक्त हना यो मेको लीब । ८ तन्न मेको आ वांइशमी मेको लोत्र नंना नाक्त मेको कली 'मद्दुम्ब' दंत हना, मेको आ जशो कसम नु आ ममिथु गेशो लोत्र मलीब । मिनु परमपरभु यावेमी मेको आ पाप क्याम्ब ।

९ आ वांइश बेक्शो नु आ वांइशमी परोइशो मीश मुरुमी कसम जाप्नु हना, मेको लीब । १० सुइ मीश मुरुमी आ वांइश आ सिंम बाक्शा, लोत्र गेप्नु हना, कसम जाप्नु हना, ११ मिनु आ

वांइशमी मेको नंशा यो सिक्सी पा बाक्त हना, मेको आ गेशो लोत्र बाक्त हना यो, कसम बाक्त हना यो, मेको लीब । यरमीया ४४ :१९,२५ १२ तन्न आ वांइशमी मेको नंशा 'मद्दुम्ब' दंत हना, मेको आ गेशो लोत्र डा कसम मलीब । आ वांइशमी मेको आ गेशो लोत्र क्याम्शो बाक्त । मिनु परमपरभु यावेमी मेको मीश मुर आ पाप क्याम्ब । १३ आ वांइशमी आ मीश आ मारइ लोत्र गेशो, आ मारइ कसम जशो पचा गेने नु क्याम्न चाप्ब । १४ तन्न मेको आ वांइशमी मेको नंशा यो नाक्त कित कित सिक्सी पा बाक्त हना, मेकोमी आ कसम जशो नु आ गेशो लोत्र पचा गेशो बाक्ब । १५ तन्न मेकोमी नंना आ नाक्त का निक्शी नोले मेको मद्दुम्ब" दंत हना, मेकोमी आ मीश आ तशो दोस कुरचा माल्ब" दंत ।

१६ एको वांइश मीश नु आ आम आफ आस सिंम बाक्शा मीश आल आ परबम फुल्लुम मुशा बरक्शा लोत्र एको बाक्ब । एको लोत्र परमपरभु यावेमी मोसा कली अरेशो बाक्ब ।

मिदयान डा मुर आन कली गराशो

३१ १ मिनु परमपरभु यावेमी मोसा कली २ "इसराएली आन परबम गे मिदयान डा मुर आन कली क्येक्क लेत्तीमी । मेको आ नोले गे बक्नवे" दंत । ३ मिनु मोसामी मुर आन कली "इन लडाइ पाइब आन दाते डा मिदयान नु लडाइ पचा कली नु परमपरभु यावेमी मेको आन कली क्येक्क लेत्वा कली इन मुर आन कली ठीक पन । ४ गे इसराएली आन थर थर नेल्ले रे हजार का का मुर लडाइ पचा कली सोइक्तीन" दंत । ५ मोपतीके इसराएली आन शुश मुर रे थर थर रे हजार का का पा, १२ हजार लडाइ पाइब मुर या कुरशा ठीक दुम्तकम । ६ मिनु मोसामी थर नेल्ले रे हजार का का मुर आन कली लडाइम सोइक्ताक्मी । मिनु मेकोपुकी नु चढ़ेब एलाजर आ तौ फिनेहास यो सोइक्ताक्व । मेकोमी परमपरभु यावे आ ताम्बु डा माल्शो नु लडाइ डा तुराही ताप्तीक कुरशो बाक्त । गन्ती १० :२ ७ परमपरभु यावेमी मोसा कली अरेशो खोदंशो पा मेकोपुकीम मिदयान डा मुर नु लडाइ पाम्तकम । मिनु मेको आन वांइश मुर नेल्ले आन कली साइक्तकम । ब्यवस्था २० :१३ ८ मेकोपुकीमी मिदयान डा ५ जना पिप एवी, रेकम, सुर, हर नु रेबा आन कली साइक्तकम । मिनु मेको नु बाक्ब अरु मुर यो साइक्तकम । मिनु बेओर आ तौ बालाम कली यो तरवारमी

साइक्तेकम। यहोसु १३:२१-२२; गन्ती २२:५  
१मिनु इसराएलीपुकीम मिदयान डा मीश  
मुरपुकी नु आल बरपच गयाइक्तेकम। मेको आन  
बी ब्यफ, क्यारश भेडा नु आन शांप नेल्ल  
लाइक्तेकम। १०मिनु मेको आन बाकशो सहर  
नेल्ल नु मेको आन ताम्बु नेल्ल करोइक्तेकम।  
११मेको आन गराशो मुर, बी ब्यफ, क्यारश  
भेडा, नु शांप नेल्ल लाइश्शा गाक्तेकम।  
१२मिनु यरीको आ आइक्की हांबु यर्दन खोला  
आ शुइचीम मोआब डा दिममी बाकशो ताम्बुम  
मोसा, चढेब एलाजर नु इसराएली नेल्ल आन  
डांइती चाक्तेकम।

१३मिनु मोसा, चढेब एलाजर नु मेको आन दाते  
डा ठेयब मुर नेल्ल मेको आन कली गरुम्थ,  
लाङ्गा गरुतेकम। १४मिनु मोसामी लडाइ रे  
गराशा, लेशशा जाकशो हजार का नु सह का  
डा कप्तान आन कली तशा गाइक्ताकव। १५मिनु  
मोसाम मेको आन कली “मार गे मीश मुर  
नेल्ल आन कली सेसीन परांडनी? १६एको मीश  
मुरपुकीमी बालाम आ देशो पशा, इसराएली  
आन कली पेओरम परमपरभु यावे कली मरिम्शो  
पपाइश्शो बाक्तेकम। मोपतीके परमपरभु यावे  
आ मुर आन दातेमी मुर साइक्व रोइ गरुत।  
गन्ती २५:१-३; परकाश २:१४ १७मोपतीक  
वांइश आल नेल्ल वांइश मुर नु बाकशो मीश मुर  
नेल्ल आन कली सतीन। न्यायाधीस २१:११-१२  
१६तन्न वांइश मुर नु मबाकशो मीश आल नेल्ल  
चहिं इन कली वांइसीन।

१९गपुकी सु सुम मुर साइश्शो बाकनी नु  
बेकशो मुर आन कली थिशो बाकनी मेको नेल्ल  
७ नाक्त सम्म इन बाक्तीक आ लाङ्गाम  
बाककीन। मिनु सां नाक्त नु ७ नाक्ती गपुकीमी  
इन कली गरांगरा मदिशो सल्लसीशा, इन  
गयाइश्शो आन कली यो गरांगरा मदिशो  
सेलीन। गन्ती १९:११-२० २०गपुकीम वा नेल्ल,  
कुशुल के मार मार, क्यारश आ चां के सेल्लो नु  
शो के मार मार नेल्ल गरांगरा मदिशो सेलीन”  
दंत।

२१मिनु चढेब एलाजरमी लडाइम लाइब मुर  
नेल्ल आन कली “परमपरभु यावेमी मोसा  
कली फुल्लुम मुशा बरकशो आ अरेशो लोत्र  
मार बाक्त देशा हना, २२सुन, चांदी, कांसा,  
फलाम, टीन नु सिसा, २३मीम मनेकब मारेइ  
मारेइ थोत्रक मीम करोइश्शा, गरांगरा मदिशो  
दुम्ब। मीम नेक्का डा थोत्रक चहिं गरांगरा  
मदिशो दुम्तीक ब्वाक्कुमी गरांगरा मदिशो

सेल्ले चाप्नीमी। २४मिनु ७ नाक्ती गपुकीमी  
इन वा मुरचा माल्लीनी। मिनु गपुकी गरांगरा  
मदिशो दुम्नीनी। मेको नोले ग इन बाक्तीक  
ओत्रन चाप्नीनी” दंत।

### लडाइम रोइश्शो मार मार

२५मिनु परमपरभु यावेमी मोसा कली २६“घा,  
चढेब एलाजर नु मुर आन थर डा ठेयब मुरपुकीम  
गयाइश्शो मुर नु बी ब्यफ, क्यारश भेडा आन  
कली हिक्शा बरकचा माल्लीनी। २७मेको नेल्ल  
के भाग निकशी सेलीन। भाग का लडाइम लाइब  
आन कली नु भाग का अर्का मुर नेल्ल आन  
कली बाकव। यहोसु २२:८; १सामुएल ३०:२४-  
२५ २६लडाइम लाइब मुर आन भाग रे मुर, बी  
ब्यफ, गधा नु क्यारश भेडा ५ सह रे का परमपरभु  
यावे कली गेचा माल्लीनी। २९मेको लडाइ पाइब  
आन भाग रे ताकशा, चढेब एलाजरमी परमपरभु  
यावे कली चढेचा माल्ल। ३०मिनु इसराएली आन  
भाग रे मुर, बी ब्यफ, गधा नु क्यारश भेडा  
५० रे का ताकशा, परमपरभु यावे आ ताम्बुम  
गेय पाइब लेवी आ थर डा मुर आन कली गेचा  
माल्लीनी” दनो” दंत।

३१मिनु परमपरभु यावेमी मोसा कली अरेशो  
खोदंशो पा मोसा नु चढेब एलाजरमी पाम्ताक्स।  
३२मेको लडाइ पाइबपुकीमी रोइश्शो गिश  
बाक्तेकम देशा हना, क्यारश भेडा ६ लाख ७५  
हजार ३३बी ब्यफ ७२ हजार ३४गधा ६१ हजार  
३५वांइश मुर नु मबाकशो मीश आलपुकी ३२  
हजार जना बाक्तेकम। ३६मेको लडाइम लाइब  
आन भाग गिश बाक्तेकम देशा हना, क्यारश भेडा  
३ लाख ३७ हजार ५ सह, ३७मेको रे पा ६ सह ७५  
ओटा परमपरभु यावे कली गेशो बाक्तेकम। ३८बी  
ब्यफ ३६ हजार बाक्तेकम। मेको रे पा ७२ ओटा  
बी ब्यफ परमपरभु यावे कली गेशो बाक्तेकम।  
३९गधा ३० हजार ५ सह बाक्तेकम। मेको रे पा ६१  
ओटा गधा परमपरभु यावे कली गेशो बाक्तेकम।  
४०मिनु मीश आल १६ हजार जना बाक्तेकम।  
मेको रे पा ३२ जना परमपरभु यावे कली गेशो  
बाक्तेकम। ४१परमपरभु यावेमी मोसा कली देशो  
खोदंशो पा मोसामी परमपरभु यावे कली गेशो  
भाग चढेब एलाजर कली गप्नु।

४२मोसामी लडाइम लाइब मुर रे योक्शा अर्का  
इसराएली आन कली गेशो, ४३क्यारश भेडा  
लाख सां ३७ हजार ५ सह बाक्तेकम, ४४बी  
ब्यफ ३६ हजार बाक्तेकम, ४५गधा ३० हजार ५  
सह बाक्तेकम, ४६नु मीश आल १६ हजार जना

बाक्तेकम् । ४७ परमपरभु यावेमी अरेशो सोदंशो पा मोसामी इसराएली आन भाग रे मुर नु बी व्यफ, क्यारश भेडा हिक्शा, ५०, ५० रे का का गरुंडशा परमपरभु यावे आ बाक्तीकमी गेय पाइब लेवी आ थर डा मुर आन कली गेपु ।

४८ मिनु लडाइ पाइब आन हजार का नु सहे का डा कप्तान मोसा आ बाक्तीक जाक्तेकम् । ४९ मिनु मेकोपुकीमी मोसा कली “इन गेय पाइब, गोपुकीमी आइ लडाइ पाइब आन कली हिक्तेक । मिनु आइ के मुर का यो मजाश्शो बाक्तीम । ५० मिनु गो नेल्ल आइ थिश्शो सुन के गहाना, बाला, छाप थोक्तीक औठी, नचे नु साङ्कलीपुकी परमपरभु यावे कली चदेशा, आइ पर्वम पाप क्याम्तीक गेय पचा, दे चाक्शा जाक्ताकक” देतेकम् । न्यायाधीस ८ : २४-२६

५१ मिनु मोसा नु चदेब एलाजरमी मेको आन चाक्शो सुन के गहाना नेल्ल ताक्ताकस । ५२ मिनु हजार, हजार डा कप्तान नु सहे, सहे डा कप्तान आन चाक्शो परमपरभु यावे कली चदेशो सुन १६ हजार ७ सहे ५० शेकेल बाक्तेकम् । शेकेल का ११.५ ग्राम बाक्ब । ५३ लडाइम लाइब आन रोइश्शो मार मार आंम आंमा लाइसीशो बाक्तेकम् । ५४ मिनु मोसा नु चदेब एलाजरमी हजार का, हजार का, नु सहे का, सहे का मुर आन कप्तानपुकीमी चाक्शो सुन ताक्शा, परमपरभु यावे आ गरुम्तीक ताम्बुम वोइक्ताकस । मेको परमपरभु यावे आ डांइती इसराएली आन कली मिम्पाइक्का कली वोइक्ताकस । परस्थान ३० : १२-१६

रुबेन नु गाद आस खिं खिं डा मुर

व्यवस्था ३ : १२-२२

३२ १ मिनु रुबेन आ थर डा मुर नु गाद आ थर डा मुर आन के शुश बी व्यफ बाक्तेकम् । मिनु मेकोपुकीम याजेर नु गिलादमी रिम्शो योव्रतीक ताम्तेकम् । २ मिनु गाद आ थर डा मुर नु रुबेन आ थर डा मुरुमी मोसा, चदेब एलाजर नु गरुम्तीक डा ठेयब मुर आन बाक्तीक जाक्शा ३ “अतारोथ, दीबोन, याजेर, निमरा, हेश्बोन, एलेआले, सेबाम, नेबो नु बेओन, ४ परमपरभु यावेमी मेको रागी इसराएली आन डांइती खतम पोक्शो बाक्त । मेको रागी बी व्यफ योव्रचा कली रिम्शो बाक्ब । मिनु इन गेय पाइब, गोपुकी नु बी व्यफ यो बाक्तीम । ५ गे आंइ कली दाक्ताकनी हना, एको रागी आंइ कली गेकी । आंइ कली यर्दन आइक्की हांबु मलाइक्की” देतेकम् ।

६ मिनु मोसामी गाद आ थर डा मुर नु रुबेन आ थर डा मुर आन कली “इन लोकवपुकी एर लडाइम लमानु, गेपुकी चहिं एक बाक्तीनी ? ७ मारदे गे परमपरभु यावे आ गेशो आइक्की हांबु डा रागीम लचा कली इसराएली आन थुं क्याल्नीनी ? ८ गो इन आफ आन कली कादेश-बारन आ रे एको रागी क्यारी पथ सोइक्तुनु, मेकोपुकीमी यो इन सोदंशो पशो बाक्तेकम् । गन्ती १३ :- १ मिनु मेकोपुकी एश्कोल डा खोला लशा, एको रागी ताम्तेकम् । मिनु परमपरभु यावेमी गेशो रागीम मलचा, दे इसराएली आन थुं क्याल्शो बाक्तेकम् । १० मिनु मेको नाक्ती परमपरभु यावे गाइक्ताकव । मिनु मेकोमी कसम जशा ११ इज्जीप्त रे जाक्शो २० बर्स गाश्शो नु मेको क्येडा लाक्शो सुइ मेको अबराहाम, इसहाक नु याक्ब नु कसम जशो रागी ओव्रचा मताइनीम । मारदे हना आं कली मटीयीमी । गन्ती १४ : २२-३८ ; गन्ती २६ : ६५ १२ केनीज्जी यपुन्न आ तो कालेब नु नून आ तो यहोसु ला ओव्रचा ताइनीस । मारदे हना मेको निक्शीमी थमा पा आं नोले सोइक्तीस्सी” दे कसम जापु” दे मोसामी देत । गन्ती १४ : ७-९ ; यहोसु १४ : ६-१५ १३ मिनु मोसामी “परमपरभु यावे इसराएली आन पर्वम गाइक्ताकव । मिनु मेकोमी मेको आन कली ४० बर्स सम्म गोरशो रागीम हिरपाइक्तीमी । परमपरभु यावे आ डांइती मरिम्शो पाइब मबेकम् सम्म मोदंशो पापु । १४ मिनु मुल गे, पाप पाइबपुकी, परमपरभु यावेमी इसराएल आ पर्वम गाइश्शो बाक्त । मिनु गेपुकीमी चिनु तेम्शो बाक्तीनी । १५ गेपुकीम मेको आ नोले सोइक्केन मबिस्साक्नी हना, मेकोमी एको मुर नेल्ल आन कली एको गोरशो रागीमीन प्रांइब । मिनु गे मेको मुर नेल्ल आन कली खतम सेल्ल दुम्नीनी” दे माइक्तीमी ।

१६ मिनु मेकोपुकी मोसा आ नेक्था जाक्शा “गो आंइ भेडा आन कली गोठ नु आंइ आल आन कली सहर सेल्लवा दाक्तीकी । १७ तन्न गोपुकी चहिं इसराएली आन कली मेको आन बाक्तीकमी मचाक्दोश्शो सम्म मेको आन डांइडांइती लडाइ पा लाइनीकी । मेना आंइ मीशपुकी नु आंइ आलपुकी चहिं एको रागी डा मुर आन रे मारइ पाइक्का मपुंइसीथु, मेको सहर डा गारो आगाम बाक्तीम । १८ इसराएल डा मुर नेल्लेमी आन योव्रशो रागी मताम सम्म गो आंइ खिं मलेल्नीकी । १९ गोपुकीमी यर्दन खोला आ आइक्की हांबु नु मेको क्येडा एर गे रागी

मताकनीकी। मारदे हना, आंड भाग यर्दन आंथ हांबु पूर्ब गे दुम्शो बाक्व” दैतेकम। यहासु १३:८

२० मिनु मोसामी मेको आन कली “दुम्ब। गेपुकी परमपरभु यावे आ डांडती लडाइम लाइनीनी हना, यहासु १:१२-१५ २१ नु परमपरभु यावेमी आ जोरी सतरु आन कली खरशा मेको रागी मफरुवा सम्म गेपुकी परमपरभु यावे आ डांडती लडाइ पा यर्दन आइक्ची हांबु लाइतीनी हना, २२ मिनु मेको रागी परमपरभु यावे आ डांडती गरांनी नोल, गे लेन्न चानीनी। मिनु इन पुंडशा रागी परमपरभु यावे आ डांडती इन क दुम्ब।

२३ तन्न गेपुकीम मा मपाइतीनी हना, परमपरभु यावे आ डांडती पाप पाइनीनी। मिनु इन पाप थमा पा राइनीनी। २४ गेपुकी इन मीश नु आल आन कली सहर नु इन बी ब्यफ, क्यारश भडा आन कली गोठ सेलीन। तन्न इन गेशो लोत्र खाप्वा माल्लीनी” दैत।

२५ मिनु गाद नु रुबेन आस थर डा मुरपुकीमी मोसा कली “इन गेय पाइब, गोपुकी इन अरशो पाइनीकी। २६ आंड आलपुकी, आंड मीशपुकी, आंड बी ब्यफ, क्यारश भडा नेल्ल एको गिलाद सहरमी बाक्नीम। २७ तन्न इन गेय पाइब, गोपुकी इन अरशो सोदंशो पा परमपरभु यावे आ डांडती लडाइ पचा कली या कुरशा लाइनीकी” दैतेकम।

२८ मिनु मोसामी मेको आन पर्बम चढेब एलाजर, नून आ तौ यहासु नु इसराएली आन थर थर डा टैयब मुर आन कली अरम्तीमी। २९ मिनु मोसाम मेको आन कली “गाद नु रुबेन आस थर डा मुर गेपुकी नु या कुरशा, परमपरभु यावे आ डांडती लडाइ पा यर्दन आइक्ची हांबु लाम्तेकम हना, नु मेको रागी इन गुडम दुम नोल, गेपुकीमी गिलाद रागी मेको आन कली गेचा माल्लीनी। ३० तन्न मेकोपुकी या कुरशा लडाइ पा गेपुकी नु यर्दन आइक्ची हांबु लेन मबिस्साकम हना, मेकोपुकी इन दातेमी कनान रागीमीन आन रागी तचा माल्लीम” दे माइक्तीमी।

३१ मिनु गाद नु रुबेन आस थर डा मुरपुकीमी “परमपरभु यावेमी इन गेय पाइब, आंड कली मार देम मेको पाइनीकी। ३२ गोपुकी या कुरशा परमपरभु यावे आ डांडती आइक्ची हांबु कनान रागी लाइनीकी। तन्न आंड योत्रशा रागी यर्दन आंथ हांबुमी बाक्ल” दैतेकम।

३३ मिनु मोसामी गाद आ थर, रुबेन आ थर नु योसेफ आ तौ मनस्से आ उइक्थ थर डा मुर आन कली एमोरी आन पिप सीहोन आ

राज्य नु बाशान डा पिप ओग आ राज्य, मेको रागी नु आ एर आंथ डा सहर नेल्ल गेम्तीमी। यहासु १३:१५-३२ ३४ मिनु गाद आ थर डा मुरपुकीमी दीबान, अतारोथ, आरोएर, ३५ अतारोथ-शाफान, याजर, योग-बेहा, ३६ बथ-निमरा, बथ-हारान नेल्ल गारोम हिरशा सहर सल्लेकम। मिनु भडा आन कली गोठ यो सल्लेकम। ३७ मिनु रुबेन आ थर डा मुरपुकीमी हेशबान, एलेआल नु किरयथ-थाइम, ३८ नेबो, बाल-मेओन नु सिब्बा लेशा सल्लेकम। मिनु मेकोपुकीमी आन लेशा सेल्ला सहर कली नक नें वोइक्तेकम।

३९ मनस्से आ तौ माकीर आ चच युइ गिलादम लशा, मेको आन के सेल्ला, मेकर बाक्व एमोरी आन कली खरतेकम। ४० मोपतीके मोसामी मनस्से आ तौ माकीर आ चच युइ आन कली गिलाद गेपु। मिनु मेकोपुकी मेकर बाक्तेकम। ब्यवस्था ३:१४; न्यायाधीस १०:३-४ ४१ मनस्से आ तौ याइर लशा, मेकर डा गाउं आम के सेल्लु। मिनु मेको नेल्ल आन नें हव्योथ-याइर वोइक्तु। ४२ मिनु नोबाह लशा केनाथ नु मेको आ गाउंपुकी आम के सेल्लु। मिनु मेको नेल्ल आन नें आ नें र पा नोबाह वोइक्तु।

इसराएली आन गाक्शो लां

३३ १ मिनु इसराएली लडाइ पाइब सोदंशो पा इजीप्तर र हल हल पा गाक्तेकम। मोसा नु हारून मेको आन लां कांडब बाक्ताक्स। २ मिनु मोसामी परमपरभु यावेमी देशा सोदंशो पा त त लचा माल्वा, नेल्ल बरक्ताक्व। मिनु आन गाक्शो लां डा रागी नु सहर तेको तेको बाक्तेकम देशा हना, ३ मेकोपुकी डांडती डा महिना डा १५ नाक्ती रामेसस र गाक्चा गोम्तेकम। मिनु इजीप्ती नेल्ल आन डांडती काइ महिंथु पास्सा चाड आ दीसा नाक्ती गाक्चा गोम्तेकम। परस्थान १:११; परस्थान १२:२,६; परस्थान ३:१९ ४ मेना इजीप्तीपुकीमी परमपरभु यावेमी साइशो आन डांडती जरमेशो तौ आन कली थिम्शो बाक्तेकम। मिनु परमपरभु यावेमी मेको आन देवी देवता आन कली यो निसाफ पशो बाक्त।

५ मिनु इसराएलीपुकी रामेसस र गाक्शा, सुक्कोथ सहर जाक्दीशशा बाक्तीक सेल्ला बाक्तेकम। परस्थान १२:३७ ६ मिनु सुक्कोथ सहर र गाक्शा, गोरशो रागी आ सुर डा एथाम सहरम बाक्तीक सेल्ला बाक्तेकम। परस्थान

१३ :२० ७मिनु एथाम रे गाकशा, बाल-सेफोन गे बाकशा पी-हहीरोथ लेक्तेकम। मिनु मिगदोल आ नेकथा बाक्तीक सेल्शा बाक्तेकम। परस्थान १४ :२ ८मिनु पी-हहीरोथ रे गाकशा, समुन्दर आ दाते रे पा गाकशा, गोरशो रागीम जाक्तेकम। मेकोपुकी नाक्त सां डा लां एथाम डा गोरशो रागीम गाकशा, माराह माइक्तीकमी बाक्तीक सेल्शा बाक्तेकम। परस्थान १४ :२२ ; परस्थान १५ :२३

९मिनु माराह रे गाकशा, एलीम जाक्तेकम। एलीमम १२ ओटा व्याक्कु बुक्तीक नु ७० ओटा खजूर खा बाक्तेकम। मिनु मेकर बाक्तीक सेल्शा बाक्तेकम। परस्थान १५ :२७ १०मिनु मेकोपुकी एलीम रे गाकशा, लल समुन्दर आ नेकथा बाक्तीक सेल्शा बाक्तेकम। ११मिनु मेकोपुकी लल समुन्दर रे गाकशा, सीन माइश्शो गोरशो रागीम बाक्तीक सेल्शा बाक्तेकम। परस्थान १६ :१ १२मिनु सीन माइश्शो गोरशो रागी रे गाकशा, दोफकामी बाक्तीक सेल्शा बाक्तेकम। १३मिनु दोफका रे गाकशा, आलुशमी बाक्तीक सेल्शा बाक्तेकम। १४मिनु आलुश रे गाकशा, रेफीदीममी बाक्तीक सेल्शा बाक्तेकम। मेकर मुर आन कली तृतीक व्याक्कु मबा। परस्थान १७ :१ १५मिनु रेफीदीम रे गाकशा, सीने डा गोरशो रागीम बाक्तीक सेल्शा बाक्तेकम। १६मिनु सीने डा गोरशो रागी रे गाकशा, किबरोथ-हत्तावामी बाक्तीक सेल्शा बाक्तेकम। गन्ती ११ :३४ १७मिनु किबरोथ-हत्तावा रे गाकशा, हसरोथमी बाक्तीक सेल्शा बाक्तेकम। १८मिनु हसरोथ रे गाकशा, रिश्माहमी बाक्तीक सेल्शा बाक्तेकम। गन्ती १२ :१६ १९मिनु रिश्माह रे गाकशा, रिश्मान-परसमी बाक्तीक सेल्शा बाक्तेकम। २०मिनु रिश्मान-परस रे गाकशा, लिब्नामी बाक्तीक सेल्शा बाक्तेकम। २१मिनु लिब्ना रे गाकशा, रिस्साहमी बाक्तीक सेल्शा बाक्तेकम। २२मिनु रिस्साह रे गाकशा, केहेलाथामी बाक्तीक सेल्शा बाक्तेकम। २३मिनु केहेलाथा रे गाकशा, शेफेर डांडा आ नेकथा बाक्तीक सेल्शा बाक्तेकम। २४मिनु शेफेर डांडा रे गाकशा, हरादामी बाक्तीक सेल्शा बाक्तेकम। २५मिनु हरादा रे गाकशा, मखेलोथमी बाक्तीक सेल्शा बाक्तेकम। २६मिनु मखेलोथ रे गाकशा, तहाथमी बाक्तीक सेल्शा बाक्तेकम। २७मिनु तहाथ रे गाकशा, तेराहमी बाक्तीक सेल्शा बाक्तेकम। २८मिनु तेराह रे गाकशा, मिश्कामी बाक्तीक सेल्शा बाक्तेकम।

२९मिनु मिश्का रे गाकशा, हश्मोनाहमी बाक्तीक सेल्शा बाक्तेकम। ३०मिनु हश्मोनाह रे गाकशा, मोसरोथमी बाक्तीक सेल्शा बाक्तेकम। ३१मिनु मोसरोथ रे गाकशा, बेने-याकानमी बाक्तीक सेल्शा बाक्तेकम। ब्यवस्था १० :६-७ ३२मिनु बेने-याकान रे गाकशा, होर-हगीद-गादमी बाक्तीक सेल्शा बाक्तेकम। ३३मिनु होर-हगीद-गाद रे गाकशा, योत्वाथाहमी बाक्तीक सेल्शा बाक्तेकम। ३४मिनु योत्वाथाह रे गाकशा, अबरोनाहमी बाक्तीक सेल्शा बाक्तेकम। ३५मिनु अबरोनाह रे गाकशा, एस्थोन-गेबरमी बाक्तीक सेल्शा बाक्तेकम। १राजा ९ :२६ ; १राजा २२ :४९ ३६मिनु एस्थोन-गेबर रे गाकशा, जीन डा गोरशो रागीम बाक्शा, कादेशमी बाक्तीक सेल्शा बाक्तेकम। गन्ती २० :१ ३७मिनु कादेश रे गाकशा, एदोम रागी आ सांदमी बाक्शा होर डांडा आ नेकथा बाक्तीक सेल्शा बाक्तेकम। गन्ती २० :२२-२९ ; ब्यवस्था ३४ :१-१२

३८मिनु परमपरभु यावे आ देशो खोदेशो पा, चदेब हारून होर डांडा डाइश्शा लत। मिनु मेकर बेक्त। मेना इसराएली इजीप्ट रागी रे गरुशो ४० बर्स ५ महिना डा डांडती डा नाक्ती बाक्त। ३९ हारून होर डांडा तार बेकमनु, हारून सह का २३ बर्स दुम्शो बाक्त।

४०कनान डा नेगब देशो रागीम हुकुम पाइब पिप आरादमी इसराएली पिन पिन पाइश्शो बाक्नीम, देशो लोत्र नंतु। गन्ती २१ :१

४१मिनु मेकोपुकी होर डांडा रे गाकशा, सल्मानामी बाक्तीक सेल्शा बाक्तेकम। ४२मिनु सल्माना रे गाकशा, पुनोनमी बाक्तीक सेल्शा बाक्तेकम। ४३मिनु पुनोन रे गाकशा, ओबोथमी बाक्तीक सेल्शा बाक्तेकम। गन्ती २१ :१०-११ ४४मिनु ओबोथ रे गाकशा, मोआब डा सांदमी बाक्शा इये-अबारीममी बाक्तीक सेल्शा बाक्तेकम। ४५मिनु इयीम रे गाकशा, दीबोन-गादमी बाक्तीक सेल्शा बाक्तेकम। गन्ती ३२ :३४ ४६मिनु दीबोन-गाद रे गाकशा, अल्मोन-दिब्नाथाइममी बाक्तीक सेल्शा बाक्तेकम। ४७मिनु अल्मोन-दिब्नाथाइम रे गाकशा, नेबो सहर आ डांडती अबारीम डा पहाडम बाक्तीक सेल्शा बाक्तेकम। ४८मिनु अबारीम डा पहाड रे गाकशा, यर्दन आ शुंडचीमी बाक्शा यरीको रे आइक्ची हांबु मोआब डा दिममी बाक्तीक सेल्शा बाक्तेकम। गन्ती २२ :१ ; ब्यवस्था ३२ :४९ ४९मिनु यर्दन खोला

आ शुंडच डा मोआब डा दिममी बथ-येशीमाथ  
रे पा आबल-शितीम सम्म बाक्तीक सेल्शा  
बाक्तेकम। गन्ती २५ :१

कनानी आन कली गुरुंडचा, दे अरेशो

५० मिनु यरीको आ आइक्ची हांबु यर्दन खोला  
आ नक्था मोआब डा दिममी परमपरभु यावेमी  
मोसा कली ५१ "गे इसराएली आन कली 'गे यर्दन  
खोला शाक्शा, कनान रागीमी जाकदीन्नीनु,  
परस्थान २३ :२३-२४ ; परस्थान ३६ :१२-१४  
५२ मेको रागी डा मुर नेल्ल आन कली मेको  
रागी रे खेरचा माल्नीनी। मिनु मेको आन मुशा  
सेल्शो नु कांसा के सेल्शो मूर्ति नेल्ल कली  
खतम पोक्कीन। मेको आन डांडा डा थानपुकी  
परेशशा खतम पोक्का माल्नीनी। ५३ गे मेको  
रागी इन के सेल्शा, मेक उइ बाक्कीन। मारदे  
हना गो मेको रागी इन कली गेता। ५४ मिनु गे  
थर थर आन सिं सिं डा मुर आन कली हिक्शा,  
रागी योत्रशा, मेको रागी योक्सीन। शुश सिं  
पाइशशा थर आन कली ठेयब रागी गेचा, शुश  
सिं मपाइशशा थर आन कली आइक्च रागी गेचा  
माल्नीनी। सुका आने बाजीम कांडबा, मेको मेको  
थर केन दुम्ब। इन किर्की पिपी आन थर थर पा  
मेको रागी योक्कीन। गन्ती २६ :५४-५५

५५ तन्न गे मेको रागीम बाक्ब मुर आन कली  
इन डांडती रे मखरतीनी हना, मेको लीशा मुर इन  
मिक्चीम कसीडगर नु इन कोत्रखाम थोक्शा चू  
खोदंशा दुम्नीम। मिनु गे ते बाक्तीनी हना यो,  
मेकोपुकीमी इन कली श्यत गनीम। परस्थान  
२३ :३१-३३ ; यहासु २३ :१२-१३ ५६ मिनु गो मेको  
आन कली मार पदुमी, दे मिश्शा बाक्डा, मेको  
इन कली पाइनुड' दे माइक्मी" दंत।

कनान रागी डा सांद

३४ १ मिनु परमपरभु यावेमी मोसा कली  
२ "इसराएली आन कली 'गे कनान रागी  
ओत्रनीनु, इन कली योक्शा गेशो रागी आ सांद  
तेको बाक्नीम दंशा हना, इजीकीएल ४७ :१३-  
२० ; ब्यवस्था ३२ :८ ३ इन दक्खिन डा रागी  
जीन डा गोरशो रागी रे एदोम सम्म बाक्ब।  
इन दक्खिन डा सांद हिक्सी समुन्दर आ पूर्व रे  
गोचा माल्ब। यहासु १५ :२-४ ४ मिनु अकरब्बीम  
डा ग्येत्थ लतीक लां डा दक्खिन गे जीन  
गे लाइब। कादेश-बारनेआ आ दक्खिन सम्म  
जाकदीत्वा माल्ब। मिनु नोले हासार-अददार रे  
पा अज्मोन जाकदीत्वा माल्ब। ५ मिनु नोले

मेको सांद अज्मोन रे पा हिरशा, इजीप्त डा  
खोला सम्म जाकदीशशा ठेयब समुन्दर नुप्ब।

६ मिनु पच्छिम डा सांद ठेयब समुन्दर बाक्ब।  
मेको ठेयब समुन्दर आ शुंडच इन पच्छिम गे डा  
सांद बाक्ब।

७ मिनु इन उत्तर गे डा सांद ठेयब समुन्दर रे  
होर डांडा सम्म फरंचा माल्नीनी। ८ मिनु होर  
डांडा रे लेबो-हमाथ सम्म फरंदीन। मिनु मेको  
सदाद सम्म जाकदीत्वा माल्ब। ९ मिनु नोले  
सिप्रीन सम्म जाकदीत्वा माल्ब। मिनु हासार-  
एनानमी नुप्ब। मेको इन उत्तर गे डा सांद बाक्ब।

१० मिनु इन पूर्व डा सांद हासार-एनान रे शेफाम  
सम्म फरंदीन। ११ मिनु शेफाम रे उइ बरुश्या ऐन  
डा पूर्व गे डा रिब्ता सम्म जाकदीत्वा माल्ब।  
मिनु नोले मेको सांद बरुश्या, किन्नेरथ समुन्दर  
आ पूर्व डा शुंडच सम्म जाकदीत्वा माल्ब।  
१२ मिनु मेको सांद यर्दन खोला रे पा हिक्सी  
समुन्दर सम्म जाकदीशशा नुप्ब। इन रागी आ  
एर ओंथ डा सांद एको बाक्नीम' दे माइक्मी"  
दंत।

१३ मिनु मोसामी इसराएली आन कली  
"परमपरभु यावे आ अरेशो खोदंशा पा फन्टे  
आप्शा ९ थर नु आधा थर आन कली गेशो रागी  
बाक्ब। १४ मारदे हना रुबेन आ थर डा सिं सिं  
डा मुर, गाद आ थर डा सिं सिं डा मुर नु मनस्स  
आ उइक्थ थर डा सिं सिं डा मुर आन भाग तने  
थुम्शो बाक्तेकम। गन्ती ३२ :२९-३३ १५ मेको  
निक्शी नु उइक्थ थर डा मुरपुकीमी यरीको ओंथ  
हांबु, यर्दन खोला आ पूर्व गे आन आन रागी तशो  
बाक्नीम" दंत।

१६ मिनु परमपरभु यावेमी मोसा कली १७ "इन  
कली रागी योक्शा गेब मुर आन ने मार बाक्नीस  
दंशा हना, डांडती मेको चदेब एलाजर नु नून आ  
तौ यहासु बाक्नीस। यहासु १४ :१ ; ब्यवस्था १ :३८  
१८ मिनु गे थर थर डा मुर आन ठेयब मुर का का  
योत्रचा माल्नेवे। १९ मेको थर थर डा ठेयब मुर सु  
सु बाक्नीम दंशा हना, यहूदा आ थर डा यपुन्न  
आ तौ कालेब, गन्ती १३ :६,३०

२० सिमियोन आ थर डा अम्मीहुद आ तौ  
शमुएल, २१ बेन्यामीन आ थर डा किस्तीन आ  
तौ एलीदाद, २२ दान आ थर डा योग्ली आ  
तौ बुक्की, २३ योसेफ आ तौ मनस्स आ थर  
डा एफोद आ तौ हन्नीएल, २४ योसेफ आ तौ  
एफराइम आ थर डा शिफतान आ तौ केमुएल,  
२५ जबूलून आ थर डा पारनाक आ तौ एली-  
जाफान, २६ इस्साकार आ थर डा अज्जान आ

तौ पाल्तीएल, २७ आशेर आ थर डा शेलोमी आ तौ अहीहुद, २८ नाप्ताली आ थर डा अम्मीहुद आ तौ पदाहेल बाक्नीम। २९ मिनु मेको परमपरभु यावेमी अरेशो इसराएली आन कली कनान रागी योक्व थर थर डा योत्रशो ठेयब मुर एको बाक्नीम” दंत।

लेवी थर डा मुर आन सहर

३५ १ परमपरभु यावेमी यरीको आ आइक्वी हांबु यर्दन खोला आ शुइच मोआब डा दिमम मोसा कली यहोसु २१:१-३ २ “गे इसराएल आन कली गे इन आम सत्थो रागी र लेवी आ थर डा मुर आन कली सहरपुकी गेचा माल्नीनी। मिनु मेको आन कली मेको सहर आन एर आंथ बी ब्यफ, क्यारश भेडा योत्रतीक गेचा माल्नीनी। गन्ती १८:२०; लेवी २५:३२-३४ ३ मेको सहरपुकी मेको आन कली बाक्तीक दुम्नीम। बी ब्यफ, क्यारश भेडा योत्रतीक मेको आन बी ब्यफ, क्यारश भेडा आन कली दुम्ब।

४ मिनु गे लेवी आ थर डा मुर आन कली गेशो सहर मर डा योत्रतीक मेको सहर आ गारो आ एर आंथ र हजार का कुबीत बाक्वा माल्ब। कुबीत का ०.५ मिटर बाक्ब। ५ गे सहर आ लाडगा पूर्व गे हजार निक्शी कुबीत, दक्खिन गे हजार निक्शी कुबीत, पच्छिम गे हजार निक्शी कुबीत नु उत्तर गे हजार निक्शी कुबीत पुक्वा माल्नीनी। मिनु सहर मेको आ दातेम बाक्वा माल्ब। मेको आन सहर डा योत्रतीक मेकोन बाक्नीम” दंत।

बरोइशा बाक्तीक सहर

६ मिनु “गे लेवी आ थर डा मुर आन कली गेशो सहर रे ६ ओटा सहर चहिं बरोइशा बाक्तीक सहर दुम्चा माल्नीम। गे मेकर मुर साइक्ब मुर कली प्रोक्वा गेचा माल्नीनी। मेको नु तेम्शा ४२ ओटा सहर दुम्चा माल्नीम। परस्थान २१:१३ ७ गे लेवी थर डा मुर आन कली नेल्लेमी ४८ ओटा सहर नु मेको आन एर आंथ डा योत्रतीक रू गेचा माल्नीनी। ८ मिनु ठेयब रागी तशो इसराएली आन थर रे शुश सहर गेचा नु आइक्व रागी तशो इसराएली आन थर रे का निक्शी सहर गेचा माल्नीनी। मेको थर थर डा मुरुमी आ योक्वा गेशो रागी गारचा डा पा लेवी थर डा मुर आन कली सहरपुकी गेचा माल्नीम, दंचा माल्नेवे” दे परमपरभु यावेमी मोसा कली दंत। गन्ती २६:५४

९ मिनु परमपरभु यावेमी लेंशा मोसा कली १० “गे इसराएली आन कली गेपुकी यर्दन खोला शोक्वा कनान रागी जाक्दीन्नी नोले, ११ गे बरोइशा बाक्तीक सहर योत्रचा माल्नीनी। मिनु मतुइक्थु, मुर साइक्वु हना, मेको मुर साइक्ब मुर मेकर प्रोक्व चप्ब। १२ मेको सहरपुकी क्यक्क लेप्ब आन क्येडा बरोइशा बाक्तीक सहर दुम्ब। मिनु मेको मुर साइक्ब मेको सहर डा मुर आन दातेमी निसाफ पचा पुंइसीचा डांइती साइक्वा मपुइसक्त।

१३ मिनु इन योत्रशो बरोइशा बाक्तीक सहर ६ ओटा दुम्चा माल्नीम। १४ गे यर्दन खोला आ आंथ हांबुमी सां नु कनान रागीमी सां सहर बरोइशा बाक्वा कली तिल्वा माल्नीनी। १५ मेको ६ ओटा सहर इसराएली, आन दातेम बाक्ब अर्का रागी डा मुर नु तां गाक्ब मुर आन कली बरोइशा बाक्तीक सहर दुम्ब। मोपा मतुइक्थु मुर साइक्ब मुर मेकर प्रोक्वा लशा बाक्व चप्नीम।

मुर साइक्वा आ पर्वम

व्यवस्था १९:४-१३

१६ सुइमी फलाम के मारइमी आप्शा, मुर साइक्वु हना, मेको मुर साइक्ब बाक्ब। मेको मुर साइक्ब कली साइक्वान माल्ब। १७ सुइ मुरुमी मुर आन कली फुल्लु आप्शा साइक्वु हना, मेको मुर साइक्ब बाक्ब। मेको मुर साइक्ब कली साइक्वान माल्ब। १८ सुइमी मुर कली शीम तुप्शा साइक्वु हना, मेको मुर साइक्ब बाक्ब। मेको मुर साइक्ब कली साइक्वान माल्ब। १९ मेको क्यक्क लेप्बमी मेको मुर साइक्ब कली साइक्वा माल्ब। मेको कली गरुमानुन, मेको कली साइक्वा माल्ब। २० मिनु सुइमी मुर कली काइ मदाक्थु नेप्शा, मार मार आप्शा कि तांम बाप्शा साइक्वु हना, २१ गुइम तुप्शा साइक्वु हना, मेको मुर कली साइक्वा माल्ब। मेको मुर साइक्ब बाक्ब। मेको क्यक्क लेप्बमी मेको मुर साइक्ब कली गरुमानु, मेको कली साइक्वा माल्ब।

२२ तन्न सुइमी मुर कली मगाइक्थु, मतुइक्थु, चुशा तोक्वु हना, कि मारइ थोत्रक आबानु मेको कली खरशा बक्त हना, २३ मेको आ वारचमी ठेयब फुल्लु ग्याइक्तानु, आ गुइ रे दोक्वा खरशा बक्त हना, २४ मेको सहर डा मुरपुकीम मेको मुर साइक्ब नु क्यक्क लेप्ब आस दातेमी निसाफ पचा माल्नीम। २५ मिनु मेको सहर डा

मुरपुकीम मेको मुर साइक्व कली क्येक्क लेख आ गुड रे परांडचा माल्नीम। मिनू नोले सहर डा मुरपुकीमी मेको मुर साइक्व ब्रांडशा बाक्तीक सहर साइक्वा माल्नीम। मिनू मेको मुर साइक्व तेल लुकुशो ठेयब चढेब मबक्म सम्म मेकर बाक्चा माल्ब। लेवी २१:१० २६तन्न मेको मुर साइक्व मेको आ ब्रांडशा बाक्तीक सहर रे गरूत हना, २७ मिनू क्येक्क लेत्वा माल्ब मुरुमी मेको कली गरुश्शा साइक्वु हना, मेको कली साइक्व दोस मताइब। २८ मारदे हना मेको साइक्व ठेयब चढेब मबक्म सम्म मेको ब्रांडशा बाक्तीक सहरम बाक्चा माल्ब। तन्न ठेयब चढेब बक्म नोले ला मेको आ रू खिम लेत्त चाख।

२९ मिनू मेको गेना हना यो परमपरभु यावेमी इन कली फुल्लुम मुशा बरेक्शो नु आ शंशो लोत्र बाक्ब। मिनू गेपुकी ते बाक्तीनी हना यो, इन तौ चच युड नेल्ल पाला डा मुरुमी पचा माल्नीम।

३० सुडम सुड आन कली साइक्वु हना, मेको मुर साइक्व कली सांकळी आन लोत्र नंशा ला साइक्वा माल्ब। तन्न सांकळी का आ लोत्र नंशा ला मेको कली मसाइक्वा। व्यवस्था १७:६; व्यवस्था १९:५ ३१ गेपुकी साइक्वा पुंडसीब मुर परांडचा कली मेको आ पा डा क्येट मताक्कीन। मेको मुर साइक्व कली साइक्वा माल्ब। भजन संगरह ४९:८-९ ३२ ब्रांडशा बाक्तीक सहरम पराक्शो मुर, ठेयब चढेब मबक्थु, आ खिं रू लेत्वा गेचा कली गे क्येट मताक्कीन। ठेयब चढेब मबक्म सम्म मेको आ खिं रूमी लेत्वा मताइब। ३३ मिनू गेपुकीमी इन बाक्तीक रागी गरांगरा दिशो मसलीन। मारदे हना रागी हुशेम गरांगरा दिशो सल्ब। मिनू मेको गरांगरा मदिशो सल्ले मचान्नीम। हुशे खराक्श पोक्ब कली साइक्वा ला मेको रागी गरांगरा मदिशो सल्ले चाम्सीब। ३४ गे इन बाक्शो रागी गरांगरा दिशो मसलीन। गो यो मेकर बाक्नुड। मारदे हना गो परमपरभु यावे इसराएली आन दातेमी बाक्नुड दे इसराएली आन कली देनो” देत। लेवी १८:२४-२८; परस्थान २९:४५

सलोफहाद आ तमी आन थरशो रू तशो

गन्ती २७:१-११

३६ १ योसेफ आ युड, मनस्से आ चच मार्कीर आ तौ गिलाद आ खिं खिं डा योसेफ आ थर का डा ठेयब मुरपुकी, मोसा नु इसराएली आन थर थर डा ठेयब मुर आन डांडती जाक्तेक्म। २ मिनू

मेकोपुकीमी “परमपरभु यावेमी आंड होत्रप, इन कली इसराएली आन कली रागी योक्शा गेचा, दे अरशो बाक्त। मिनू आंड लोक्ब सलोफहाद आ शांप चहिं मेको आ तमी आन कली गेचा माल्ब, दे परमपरभु यावेमी अरशो बाक्त। गन्ती २६:५ ३तन्न मेको मीश आलपुकीम इसराएली आन अरु थर डा मुर नु ग्युंबे पाम्तेक्म हना, मेको आन शांप वॉइश मुर आन शांपोम तम्सीब। मोपा मेको आन भाग आंड किकी पिपी आन रागी र जाम्शा लाइब। ४ मिनू परांडतीक बसे जाक्मेनु, मेको मीश मुर आन रू यो ग्युंबे पा लाइब मुर आन रूम तम्सीब। मोपा गो आंड थर रागी र जाम्शा लाइब” देतेक्म। लेवी २५:१०-१३

५ मिनू परमपरभु यावेमी मोसा कली अरशो खोदेशो पा मोसामी इसराएली आन कली “योसेफ आ तौ आन थर डा मुर आन देशो लोत्र थमा बाक्ब। ६ परमपरभु यावेमी सलोफहाद आ तमी आन पर्वम अरशो मार बाक्त देशो हना, मेकोपुकीमी आन दाक्शो वॉइश आल ग्युंबे पने चान्नीम। तन्न आन आफ आ खिं खिं डा मुर नु ला ग्युंबे पने चान्नीम। ७ मो दुम्मनु इसराएली आन रागी थर का रे अर्का थरम मयाक्सीब। मारदे हना इसराएली नेल्ल आन किकी पिपी आन रागीम बाक्चा माल्नीम। ८ सुड मीश आल आ आफ आ शांप तशो बाक्त हना, मेकोमी आ आफ आ खिं खिं डा मुर का ग्युंबे पचा माल्ब। मोपा इसराएली नेल्ले आन किकी पिपी आन थर डा रागी लोत्र। ९ मिनू इसराएली आन रागी थर का रे अर्का थरम याक्चा मदुम्ब। मोपा इसराएली नेल्ल आन आम रागीम बाक्चा ताइनीम” देत।

१० सलोफहाद आ तमीपुकीमी परमपरभु यावेमी मोसा कली अरशो खोदेशो पा पाम्तेक्म। ११ सलोफहाद आ तमीपुकी महलाह, तिरचा, होग्ला, मिल्का नु नोआहमी आन आफ आ लोक्ब आन तौपुकी नु ग्युंबे पाम्तेक्म। गन्ती २६:२९-३४ १२ मेकोपुकीमी योसेफ आ तौ मनस्से आ थर डा मुरपुकी नु ग्युंबे पाम्तेक्म। मोपा मेको आन शांप आन थर नु आन आफ आ खिं खिं डा मुर नु लीत।

१३ एको परमपरभु यावेमी मोसा कली शंतीके नु ठीक पतीके लोत्र बाक्ब। मिनू मोसामी इसराएली आन कली नेल्ल अरशो बाक्ब। मेना मेकोपुकी यर्दन खोला आ शुंडच, मोआब डा दिममी यरीको आ नेक्था बाक्तेक्म।

## ब्यवस्था

बरेकब मुर: एको किताब यो मोसा आ बरेकशो बाकब। मोसा परमपरभु आ अरेशो लोत्र बरेकब नु कुम्सा सल्ब बाकत। ब्यवस्था ३१:१,२२,२४ मोसा बेकम नोले अरु मुरपुकीम बरेकशो बाकतेकम। का निक्शीम “यहोसुम बरेकशो बाकब” देनीम। मोसामी डांडा डाइकचा क्येडा डांडती आंमा बरेकशो बाकब, दे यो मिन्नीम।

गना बरेकशो: एको किताब इसराएलीपुकी गोरशो रागीम हिरशा ४० बर्स ११ महिना डा डांडती नाकत रे ३० नाकत सम्म डा बरेकस बाकब। मोसामी आ बेकचा क्येडा डांडती बरेकशो कि बरेकपाइशो बाकत।

मार बरेकशो: एको किताब परमपरभु आ अरेशो लोत्र लेंशा शंतीक ला ममाइ, परमपरभु आ देशो नेल्ल टिचा आ पर्वम लोत्र बाकब। एको नेल्ल मोसा आ पशो लोत्र बाकब।

### होरब रे कादेश सम्म गाकशो

१ मोसामी एको बरेकशो लोत्र इसराएली नेल्ल आन कली शंशो बाकब। मिनु मेना मकोपुकी सुफ माइशो दिम आ आंथ हांबुम बाकतेकम। मको बाकतीक अराबाहम, पारान, तोफल, लाबान, हसरोथ नु दी-साहाब आन दातेमी यर्दन खोला आइकची हांबु डा रागीम बाकब। २ होरब रे पा कादेश-बारनआ सम्म, सइर डा लां रे लचा कली ११ नाकत माल्ब।

३ मिनु परमपरभु यावेमी मोसा कली मार मार शंदा, मको मोसामी ४० बर्स नु ११ महिना डा डांडती डा नाकतीमी मको इसराएली नेल्ल आन कली शंताकब। गन्ती ३३:३८ ४ डांडती मकोपुकीमी हश्वान डा एमारी आन पिप सीहान नु अशतारोथ नु एदरइ सहरम बाकब बाशान डा पिप आग नु लडाइ पा ग्रातेकम। गन्ती २१:२१-३५ ५ मिनु यर्दन खोला आइकची हांबुम, मोआब रागीम बाकशा, मोसामी परमपरभु यावे आ अरेशो लोत्र शंचा गोपु।

६ मिनु मोसामी “होरब डांडाम बाकशो परमपरभु यावे, इ परमपरभुमी गपुकी एको पहाडम शुश नाकत बाकतीनी। गन्ती १०:११-१२ ७ मुल गे गाकचा गोने। कनानी आन रागी लने। एमारी आन पहाड नु दिमम लने। मको आ नेकथा डा अराबाह माइकतीक यो लने। मको पहाड

बाकब। मको शेफलाह, नेगेब नु समुन्दर आ नेकथा डा कनानी आन रागी बाकब। गे लेबानोन नु युफरंटीस माइशो ठेयब खोला सम्म लने’ दंत। ८ मिनु लेंशा परमपरभु यावेमी ‘कोत्रडीन, मको रागी इन डांडती बाकब। मकर ओत्रशा, मको रागी आंम क सलीन। मारदे हना गो मको रागी इन किकी पिपी अबराहाम, इसहाक, याकूब नु आन चच युइ आन कली गनुड’ दे कसम जाता” दंत। उत्पत्ती १२:१७; गन्ती ११:१४

### मोसामी निसाफ पाइब वोइशो

१ मिनु गो इन कली “गो आं का ला इन कली कोत्रने मचापुनुड। परस्थान १८:१८ १० मिनु परमपरभु यावे, इन परमपरभुमी इन कली शुश सल्शा, गे मुल सरीड डा सोरुल खोदेशो पा शुश दुम्शा बाकतीनी। ब्यवस्था १०:२२; उत्पत्ती १५:५ ११ परमपरभु यावे, इन किकी पिपी आन परमपरभुमी इन कली का का पा हजार क्येडा शुश सल्ल। आ देशो खोदेशो पा इन कली आसीक गवल। १२ दोपा गो का ला इन श्यत तथा, इन जिशा खेशो नेल्ल गारपाइकन चापुनुडा डा ? १३ मिनु गे इन थर थर रे निप्स पाइशो, लोत्र रुख नु मारइ मारइ तुइकब मुर योत्रडीन। मिनु गो मको आन कली इन कली कोत्रब सल्लुड। १४ मिनु गपुकीमी आं कली ‘इन देशो लोत्र रिम्शो बाकब’ देतीनी। १५ मोपतीक गो इन थर डा निप्स पाइशो, तुइकब नु ठेयब मुरपुकी योत्रशा, इन कली कोत्रब सल्लता। मिनु इन थर थर डा हजार का, सह का, ५० नु १० जना मुर आन कली का का पा कोत्रब ठेयब मुरपुकी सल्लताकमी। आंम इन थर थर डा मुरपुकी यो योत्रताकमी। परस्थान १८:२५ १६ मेना गो इन कली निसाफ पाइब आन कली ‘इन लोकब आन दातेमी जिशा खेशो रिम्शो पा नेंशा, ठीक पा निसाफ पने। इसराएली नु रागी डा मुर जिशा यो नेल्ल आन कली ठीक पा निसाफ पने। लेवी १९:१५ १७ निसाफ पनीनु, मुर आन कुल मकोत्रडीन। गेपुकीमी आइकच नु ठेयब मुर, नेल्ल आन लोत्र ननीन। सुइ कली महिनीन। मारदे हना निसाफ परमपरभु आ गुडमी बाकब। इन मचापुशो निसाफ चहिं गो ननुड। मको कली आं बाकतीक चाककीन’ दे माइक्ताकमी। ब्यवस्था १६:३९; २इतिहास १९:६-७; परस्थान २१:६ १८ मेना गो इन पचा माल्शो गेय नेल्ल अरतन्नी।

### मोसामी क्यारी पाइब सोइश्शो

१९ मिनु नोले परमपरभु यावे, इं परमपरभुमी देशो खोदंशो पा गोपुकी होरब डोंडा रे पा एमारी आन बाक्तीक पहाड लाइतक। गोपुकी एको हिंचा डा ठेयब गोरशो रागी लकानु, ग मेको नेल्ल तुइक्नीनी। मोपा गो कादंश-बारनआम जाक्तक। गन्ती २०:१ २० मिनु गो इन कली 'परमपरभु यावे, इं परमपरभुमी इं कली गेशो एमारी आन पहाड रागीमी जाक्तीनी। २१ कोत्रडीन, परमपरभु यावे, इन परमपरभुमी एको रागी इन कली गेशो बाक्त। मिनु परमपरभु यावे, इन किकी पिपी आन परमपरभुमी देशो खोदंशो पा मेकर इर लशा, आमं के सलीन। गोपुकी महिनीन। सुर्ता मपने' देती।

२२ मिनु गे नेल्लेमी आं कली मेको रागी डा मारइ मारइ तुइक्का कली आंइ डोंइती क्यारी पाइबपुकी सोइक्तीन। मेकोपुकीम तेको लां गाक्का नु तेको सहर जाक्कीत्नीकी, दे शंने चाप्नीमी' देतीनी। गन्ती १३:२ २३ मिनु गो मेको लोत्र ठीक लाक्ती। गो इन थर थर डा का का पा १२ जना मुर योत्रताक्मी। २४ मिनु मेकोपुकी पहाड गे लशा, एक्कोल डा दिमम जाक्कीश्शा, क्यारी पथ लाम्तेक्म। २५ मिनु मेकोपुकीमी मेको रागी डा फल फुल कुरशा चाक्शा, आंइ कली 'परमपरभु यावे, इं परमपरभुमी गेशो रागी शुश रिम्शो बाक्ब' देतेक्म।

### इसराएलीपुकीमी मटिशो

२६ तन्न गोपुकी परमपरभु यावे, इन परमपरभुमी देशो मटिशु, मेको रागी लचा मबिस्सीनी। २७ मिनु ग इन बाक्तीक ताम्बुमी गन गन पा 'परमपरभु यावेमी आंइ कली मदाक्तीक नु एमारी आन गुइ रे पा साइकपाइक्का कली आंइ कली इजीप्त रे गूइंइशा, एक चाक्शो बाक्ब। गन्ती १४:- २५ मारदे मेकर लचा ? मेको क्यारी पाइबपुकीमी आंइ कली मेकर डा मुरपुकी आंइ क्येडा लाइश्शो नु बोल्या बाक्नीम। मेको आन सहर आन गारो सरीड थिचा डा पा लाइश्शो बाक्नीम। मिनु मेकर गोपुकीमी अनाकीम डा मुर यो ताइतक, दे हिंच काइताक्म' दे गन गन पाइतीनी। व्यवस्था ९:१-२; गन्ती १३:३३ २९ मिनु गो इन कली हिंशा, खिरंखिर मपने। मेको आन कली तशा महिनीन। परस्थान १४:१४-२५; यहोसु १०:१४ ३० इन डोंइती

गाक्ब, परमपरभु यावे, इन परमपरभुमी इन पा डा लडाइ पाइब। दोपा इजीप्त रागीमी इन डोंइती मार मार पवा, मोपा पाइब। ३१ मिनु गोरशो रागीम गोपुकी गाक्नीनु, आफोम आ ती कली कुरशो खोदंशो पा, परमपरभु यावे, इन परमपरभुमी इन कली एक जाक्की सम्म कुरशो बाक्त। गे आंमा तुइक्नीनी। व्यवस्था ८:५; परस्थान १९:४ ३२ मोदंशो दुम्त हना यो गे परमपरभु यावे, इन परमपरभु कली थमा मसुइक्नी। ३३ मेको इन डोंइती इन कली बाक्तीक कांइथ गाक्त हना यो, गे थमा मसुइक्नी। मिनु लां कांइचा कली नाक्दोम मी नु नाक्तीम गोस्स दुम्शा इन कली लां कांइताक्ब। परस्थान १३:२१

### थमा मसुइक्ब सजाइ तशो

३४ मिनु परमपरभु यावेमी इन रेयके पा लोत्र पशो नेशा गाइश्शा ३५ 'एको मरिम्शो मुर आन दातेमी मुर का ला मेको आन किकी पिपी आन कली गेशो रिम्शो रागी लचा ताइब। गन्ती १४:२३-२४ ३६ मेको यपुन्ने आ ती कालेब बाक्ब। मेको नु आ ती चचम मेको आ थक्शो रागी ताइनीम। मारदे हना मेकोमी आं कली, परमपरभु यावे कली थमा पा नोले खोइश्शो बाक्त' दे कसम जशा देत। ३७ मिनु परमपरभु यावेमी इन पशो तशा, आं पर्वम यो गाइक्ताक्ब। मिनु मेकोमी आं कली 'गे यो मेको रागी ओत्रचा मताइनेव। गन्ती २०:१२ ३५ इ के गय पाइब नून आ ती यहासु चहिं ओत्रचा ताइब। गे मेको आ थुं बारपाइक्का माल्नेव। मारदे हना यहासुमी इसराएली आन कली मेको रागी योक्शा गचा माल्ब' दे परमपरभुमी कसम जशा देत। गन्ती ३४:१७ ३९ मिनु गोपुकीमी इन आल बरेप्च आन पर्वम मेको गोरशो रागीमी बेक्नीम' देतीनी। तन्न मेकोपुकी ओत्रचा ताइनीम। इन आइक्च तौपुकी ओत्रचा ताइनीम। मेको रागी मेको आन कली गेनुड। मिनु मेकोपुकीमी मेको रागी आम के सलीम। ४० मिनु गोपुकी चहिं लेश्शा गोरशो रागी लल समुन्दर गे लन। गन्ती १४:२५

४१ मिनु गोपुकीमी आं कली 'गो परमपरभु यावे कली पाप पाइतक। परमपरभु यावे, इं परमपरभुमी शंशो खोदंशो पा गो लडाइ पथ लाइनीकी' देतीनी। मिनु गे नेल्ले इन या पिम्साक्नी। मिनु गो गरानीक, दे मिम्शा, पहाडी रागी कली लडाइ तोचा, दे ग्येत्य लाइतीनी। गन्ती १४:४० ४२ मिनु परमपरभु यावेमी आं

कली गेपुकी इन जोरी सतरु रे बरुइनीनी, गे मेको डांडा डोइश्शा मलने। लडाइ मपने। मारदे हना गो इन दातेमी मबाक्शो बाक्नुड, दे मेको आन कली माइक्मी' दंत। १३ मिनू गो इन कली मेको लोत्र पाता। तन्न गेपुकीमी नंसीन मनंनी। ठेयब लेश्शा, परमपरभु यावे आ लोत्र मबित्थु मटिथु, गे डांडा डांडिसाक्नी। १४ मिनू मेको डांडाम बाक्ब एमोरीपुकीमी गेपुकी नु लडाइ पास्तक्म। मिनू मेकोपुकीमी सुरब आन हुल खोदंशो पा इन कली खेदा पास्तक्म। मिनू सेइर नु होरमा सम्म खेदा पा इन कली फरुस्तक्म। गन्ती १४:४५ ४५ मिनू गेपुकी लेश्शा जाक्शा, परमपरभु यावे आ डांडती डाक्तीनी। तन्न मेकोमी इन डाक्शो मनेन। इन पुंडशो लोत्र यो मगेवो। १६ मिनू नोले गे शुश नाक्त कादेशम बाक्तीनी। व्यवस्था २:१४

### इसराएलीपुकी गाक्शो

१ मिनू परमपरभु यावेमी आं कली दंशो खोदंशो पा गोपुकी गोरशो रागी लल समुन्दर गे लाइतक। मिनू शुश नाक्त सम्म सेइर डांडा हिरना हिरन बाक्तक। गन्ती २१:४

२ मिनू परमपरभु यावेमी आं कली ३ गेपुकी शुश नाक्ती एको डांडा कली हिरना हिरन बाक्तीनी। मुल उत्तर गे लने। ४ गे मुर आन कली मुल गे सेइरम बाक्ब, इन लोकबपुकी एसाव आ चच युइ आन रागी लाइनीनी। मेकोपुकी इन कली तशा हिनीम। मिनू गेपुकी होस पचा माल्नीनी। गन्ती २०:१४ ५ मेकोपुकी नु काइ मजिने। मारदे हना गो मेको आन रागी र इन कली खोइल थक्तीक खोमी रू यो मगेनुड। गो सेइर पहाड एसाव कली गेशो बाक्नुड। उत्पत्ती ३६:२६ ६ मिनू इन माल्शो जचा थोत्रक मेको आन के ग्याग्शा ला जने। ब्वाक्कु यो मेको आन के ग्याग्शा तूडीन।

७ मारदे हना परमपरभु यावे, इन परमपरभुमी इन पशो नेल्लेमी इन कली आसीक गेशो बाक्ब। गेपुकी मेको ठेयब गोरशो रागीम गाक्नीनु, इन कली कोत्रतु। मिनू परमपरभु यावे, इन परमपरभु ४० बर्स सम्म गेपुकी नु बाक्त। इन माल्शा नेल्ल ताइतीनी' दे परमपरभुमी दंत। गन्ती १४:३३

८ मिनू गो, सेइरम बाक्ब एसाव आ चच युइ, आंइ लोकब आन बाक्तीक दिम डा अराबाह डा लां र पा एलाथ नु एस्थोन-गेबेर र मगाक्थु, गो मोआब डा गोरशो रागी गे लाइतक। ९ मिनू

परमपरभु यावेमी आं कली मोआब नु लडाइ मपने। मेकोपुकी नु काइ मजिने। मेको रागी इ कली मगेनन। मारदे हना गो आर सहर लोत नु आ चच युइ आन कली गेता। उत्पत्ती १९:३६-३७

१० मिनू डांडती मेकर एमीमपुकी बाक्तेक्म। मेको शुश नु लाइश्शा मुर बाक्तेक्म। अनाकीम डा मुर खोदंशो शुश लाइश्शा कोल्शो मुर बाक्तेक्म। व्यवस्था १:२८ ११ मिनू अनाकीम डा मुर आन कली खोदंशो पा रेफाइम माइश्शा मुरपुकी शुश कोल्शो मुर दंनीम। मिनू मोआबोम मेको आन कली एमीम दंनीम। १२ डांडती होरीपुकी यो सेइरम बाक्शो बाक्तेक्म। मिनू नोले एसाव आ मुरपुकीम मेको आन कली साइश्शा, मेको आन रागीम बाक्तेक्म। परमपरभु यावेमी इसराएली आन कली गेशो रागी मेकोपुकीम आंम के सेल्शो खोदंशो पा, मोआब डा मुरपुकीमी मेको रागी आंम के सेल्शो बाक्तेक्म' दंत। उत्पत्ती १४:६ १३ मिनू नोले परमपरभुमी 'गेपुकी जेरद खोल्सा शोक्सीन' दंत। मिनू गो जेरद खोल्सा शोक्साक्क। गन्ती २१:१२ १४ मिनू डांडती परमपरभु यावेमी कसम जशो खोदंशो पा कादेश-बारेनआ र जेरद खोल्सा आइक्की हांबु सम्म जाक्चा नु लडाइ पाइब नेल्ल मनुम्मा सम्म आंइ कली ३८ बर्स माल्ताक्व। गन्ती १४:३४ १५ थमा पा परमपरभु यावेमी मेको लडाइ पाइब आन कली आंमान क्याम्ताक्व। गन्ती १६:३१-३२; गन्ती २१:६; गन्ती २५:३-५

१६ मिनू मुर आन दाते डा लडाइ पाइब नेल्ल बेक्न थुम्म नोले १७ परमपरभु यावेमी आं कली १८ गे मुलाक्त मोआब डा सांद आर सहर लाक्शा, लचा माल्नीनी। गन्ती २१:१३,१५ १९ मिनू गे अम्मानी आन रागी जाक्दोल्नीनी। मेको नु लडाइ मपने। काइ मजिने। मारदे हना अम्मानी आन रागी इन कली मगेनुड। मेको लोत नु आ चच युइ आन कली गेतामी। उत्पत्ती १९:३८

२० मेको रागी यो लाइश्शा कोल्शो मुर आन रागी बाक्त। डांडती मेकर रेफाइम माइश्शा मुर बाक्तेक्म। तन्न अम्मानीपुकीमी मेको आन कली जाम्नुम्मीम दंनीम। २१ मेको शुश दुम्शो नु लाइश्शा अनाकीम डा मुर खोदंशो बाक्तेक्म। मिनू परमपरभु यावेमी मेको आन कली अम्मानी आन डांडती खतम सेल्लु। मिनू मेको नेल्ल आन कली खेरशा, अम्मानी मेको आन बाक्तीकम बाक्तेक्म। २२ परमपरभुम सेइरम बाक्ब एसाव आ खिं खिं डा मुर आन पर्वम यो मोदंशोन

पाप्तु। मेको आन डांडती होरी आन कली खतम सेल्लु। मिनु होरी नेल्ल आन कली खरशा, मुल सम्म एसाव आ खिं खिं डा मुर मेकर बाक्नीम। २३ मिनु मेको मोदंशो पा गाजा डा काफ्तोर सहर रे जाक्शो काफ्तोरीपुकीमी आख्यीम सहर डा मुर आन कली साइक्तकम। मिनु मेको आन बाक्तीकेमी बाक्तेकम' दंत। उत्पत्ती १०:१४; यहासु १३:३

पिप सीहोन नु लडाइ पा गराशो

२४ मिनु परमपरभुमी 'बाक्कीन। गाक्चा गोने। मिनु अरनोन खोल्सा शोक्सीन। मारदे हना गो हेश्वोनम बाक्शो एमोरी आन पिप सीहोन नु आ रागी इन कली गेता। मेको इन के सेल्ला सेल्ल लडाइ पने। २५ मुलाक्त रे गो जात जात डा मुर नेल्ल आन कली इन लोत्र नेंशा, इन क्येडा हिंशा, खिरंखिर पाइव सेल्लुडमी' दंत। परस्थान २३:२७ २६ मिनु गो केदेमाथ माइशशा गोरशो रागी रे हेश्वोन डा पिप सीहोन नु दुचा गारचा आ पर्वम मुरपुकी लोत्र पथ सोइक्ताकडमी। गन्ती २१:२१-२६ २७ मार लोत्र सोइक्ताकडमी दंशा हना 'आंड कली इन रागी रे लचा गेकी। गो एर आंथ मपथु, ठेयब लां सोइशशा गाक्नीकी। २८ गे जचा थोत्रक क्यट ताक्शा आंड कली लेयडीन। व्याक्कु यो क्यट ताक्शा गेकी। आंड कली गाक्तीक लां ला गेकी। २९ मोपा सइरम बाक्ब एसाव आ खिं खिं डा मुरपुकीमी नु आर सहरम बाक्ब मोआबी डा मुरपुकीमी गाक्चा गन्तेकम। परमपरभु यावे, इं परमपरभुमी गशा यर्दन खोला आइक्ची हांबु डा रागी जाक्दीचा सम्म लां गेने' दंथ, मुरपुकी सोइक्ताकडमी। ३० तन्न हेश्वोन डा पिप सीहोनमी आंड कली गाक्तीक लां मगेव। मारदे हना परमपरभु यावे, इन परमपरभुमी इन पा डा लडाइ पा गराचा कली मेको आ थुं खकटा नु मटीब सेला बाक्त। मिनु मोदंशो दुम्त। परस्थान ४:२१

३१ मिनु परमपरभु यावेमी आं कली थो सीहोन नु आ रागी इन कली जिम्मा गेचा गोत्रता। मेको आ रागी लडाइ पा आंम के के सेलीन' दंत। यहासु १०:१२; येरमीया २४:८; रोमी १:२४; रोमी ४:२५; ८:३२ ३२ मिनु सीहोन नु आ मुर नेल्ल गोपुकी नु लडाइ पथ याहास माइक्तीकेमी जाक्तेकम। ३३ मिनु परमपरभु यावे, इं परमपरभुमी मेको कली साइक्च, दे इं कली जिम्मा गेप्टु। मिनु गोपुकीमी मेको कली, मेको आ तौ नु मेको आ मुर नेल्ल आन

कली साइक्तक। ३४ मेना गो मेको आन सहर नेल्ल आंड के सेल्लक। आन मुर नेल्ल कली साइक्तक। वॉइश मुर, मीश मुर नु आल नेल्ल साइक्तक। का कली यो मपरांडथु, नेल्ल आन कली साइक्तक। ३५ गो आंड गराशा सहर डा मारइ मारइ आंम के सल्शा, बी ब्यफ, क्यारश भडा यो आंड कली वॉइसाक्क। ३६ अरनोन खोल्सा डा दिमम बाक्ब आरोएर सहर रे गिलाद सम्म आंड गरांन मचाप्ला डा सहर कान मबाक्म। परमपरभु यावे, इं परमपरभुमी मेको नेल्ल आंड कली गराचा गेप्टु। यहासु १३:९; २सामुएल २४:५ ३७ यब्बोक खोल्सा आ नक्था बाक्ब अम्मोनी आन रागी, पहाड डा सहरपुकी नु परमपरभु यावे, इं परमपरभुमी इं कली मलचा देशो रागी ला मलक।

पिप ओग कली गराशो

३१ मिनु नोले गो बाशान ग्येत्य लाइक्तक। मिनु ३ बाशान डा पिप ओग नु आ मुर नेल्ल गोपुकी नु लडाइ पथ एदरइम जाक्तेकम। गन्ती २१:३३-३५ २ मिनु परमपरभु यावेमी आं कली मेको आन कली तशा महिनो। मारदे हना गो मेको नु आ मुर नेल्ल आन कली इन गुइमी गेता। मेको आ रागी नु आ मुरपुकी इन के दुम्त। मिनु गे हेश्वोनम बाक्शो एमोरी आन पिप सीहोन कली खोदंशो पा मेको कली यो पने' दंत।

३ मिनु परमपरभु यावे, इं परमपरभुमी बाशान डा पिप ओग कली यो नु आ मुर नेल्ल आन कली इं गुइमी गेप्टु। मेकर यो का कली यो मपरांडथु, नेल्ल आन कली साइक्तक। ४ मेना गो मेको आ सहर नेल्ल गरातक। का यो मली। बाशान डा ओग आ राज्यम अरगोब माइशशा रागी नेल्ल पा ६० ओटा सहर गरातक। ५ मेको सहर नेल्ल लाइशशा गारो हिरशा बाक्तेकम। मेको गारो डा ठेयब लाप्ला आगलो पाइशशा बाक्तेकम। मेको परांडशा, अरु गारो महिरशा शुश गाउं यो गरातक। ६ मिनु हेश्वोन डा पिप सीहोन कली खोदंशो पा मेको सहर डा वॉइश मुर, मीश मुर नु आल नेल्ल साइक्तक। ७ मिनु बी ब्यफ, क्यारश भडा नु सहर डा मारइ मारइ आंड कली वॉइसाक्क। व्यवस्था २०:१३-१८ ८ मोपा गो यर्दन आंथ हांबु डा एमोरी पिप निक्शी आस रागी गरातक। अरनोन खोल्सा रे हेरमोन डांडा सम्म डा रागी गरातक। व्यवस्था ४:४८; १इतिहास ५:२३; मजन संगरह २९:६ ९ सीदानीपुकीमी हेरमोन डांडा कली सिरियोन नु एमोरीपुकीमी

सेनीर देनीम। १० गोपुकी दिम डा सहर नेल्ले, गिलाद रागी नेल्ल, बाशान, साल्का नु एदरेइ सम्म, बाशानम बाकशो ओग आ राज्य नेल्ल ग्रातक। ११ मिनु बाशान डा पिप ओग चहिं मको लाइशो मुर, रफाइम आन दातमी नेल्ल क्यडा नोले साइक्चा पुंडसाक्व। मिनु मको आ फलाम के खाट मुल सम्म अम्मोनी आन सहर रब्बाहम बाक्व। मको खाट ९ कुबीत लाइशो नु ४ कुबीत बरम्शो बाक्व। कुबीत का आधा मिटर कि हात का खोदशो बाक्व।

यर्दन आ पूर्व डा रागी योक्शो

गन्ती ३२ :-

१२ मिनु मेना तेको तेको रागी आंड के सल्लक देशा हना, अरनोन खोल्सा आ नेक्था दिमम बाकशो आरोएर रे गिलाद पहाड आधा नु मेकेर डा सहरपुकी सम्म गो रूबेन आ थर नु गाद आ थर डा मुर आन कली गेतामी। १३ गिलाद डा लीशो, ओग आ राज्य, बाशान रागी नेल्ल, मनस्स आ उइक्थ थर डा मुर आन कली गेतामी। बाशान नु अरगोब रागी नेल्ल रफाइम माइशो, लाइशो मुर आन रागी देनीम। १४ मनस्स आ युड याइरमी अरगोब डा रागी नेल्ल, गेशुरी नु माकाथी आन सांद सम्म लाइक्तु। मको बाशान कली आ नें हव्योथ-याइर वोइक्तु। मको मुल सम्म बाक्व। १५ मिनु गो मार्कीर कली गिलाद गेता। १६ मिनु गो रूबेन आ थर नु गाद आ थर डा मुर आन कली मार गेतामी देशा हना, गिलाद रे अरनोन खोल्सा आ दात सम्म नु आ नेक्था डा दिम यब्बोक खोल्सा सम्म गेतामी। मको अम्मोनी आन सांद बाक्व। १७ मिनु मको अराबाह दिम, यर्दन नु आ नेक्था डा किन्नरथ रे अराबाह समुन्दर, मको हिक्सी समुन्दर यो देनीम, सम्म नां दाप्रीक डा पिस्वा डांडा रूबेन आ थर नु गाद आ थर डा मुर आन कली गेतामी। यहोसु ११ :२ ; यहोसु ११ :३५ ; मर्कस ६ :५३

रूबेन नु गाद आस कली लोत्र पशो

१८ मेना गो इन कली परमपरभु यावे, इन परमपरभुमी एको रागी इन के दुम्चा कली गेशो बाक्व। मो हना यो इन दाते डा लडाइ पाइब वांडश मुरपुकी इन या पिम्सीशा, इन लोकब इसराएली आन डांडती यर्दन खोला शोक्चा माल्नीनी। १९ मिनु इन मीश, इन आलपुकी नु इन बी व्यफ, क्यारश भेडा गो इन कली गेशो सहरम

ला बाक्चा ताइनीम। इन के बी व्यफ, क्यारश भेडा शुश बाक्नीम, दे तुइक्नुड। २० परमपरभु यावेमी इन कली खोदशो पा इन लोकब आन कली मनाइक्पदा सम्म मोदशो दुम्चा माल्ब। मिनु परमपरभु यावे, इन परमपरभुमी यर्दन आइक्ची हांबु मको आन कली गेशो रागी आम क मसल्म सम्म गेपुकीमी मो पचा माल्नीनी। मिनु नोले गोम इन कली गेशो रागी लेशशा, जाकन चाप्नीनी” दे माइक्मी” देत।

मोसाम यहोसु कली लोत्र पशो

२१ मिनु मेना गो यहोसु कली “परमपरभु यावे, इन परमपरभुमी एको पिप निक्शी आस कली मार मार पवा, गे मको नेल्ल ताप्तीवी। मुल गे आइक्ची हांबु शोक्सेनु, परमपरभु यावेमी मेकेर डा राज्य नेल्ल आन कली यो मोदशोन पाइब। गन्ती २७ :१६-२२ २२ मको आन क्येडा महिनीन। मारदे हना परमपरभु यावे, इन परमपरभुमी इन पा डा लडाइ पाइब” दे माइक्ता। व्यवस्था १ :२९-३०

मोसामी परमपरभु नु लोत्र पशो

२३ मिनु मेना गो परमपरभु यावे कली २४ “परमपरभु, परमपरभु यावे, गे इन गेय पाइब कली इन ठेयब पतीके नु सक्ति कांडिचा गोइतीनी। मिनु स्वर्ग नु रागीम बाक्व तेको परभु इन खोदशो पा ठेयब पतीके नु सक्ति पाइशो गेय पने चाप्चा डा ? २५ मको यर्दन आइक्ची हांबु डा रिम्शो रागी, ठेयब पहाड नु लेबानोन तडल, दे आं कली यर्दन खोला आइक्ची हांबु शोक्चा गेयीनी” दे पुंडता।

२६ तन्न इन पतीके परमपरभु यावे गो नु गाइशो बाक्त। मिनु मेकोमी आं पुंडशो मनन। मिनु परमपरभु यावेमी आं कली “मुल रे एको आ पर्वम लोत्र मपावो। गन्ती २० :१२ २७ गे पिस्वा डांडा डाइशशा, पच्छिम, उत्तर दक्खिन नु पूर्व गे कोत्रडो। मारदे हना गे यर्दन आइक्ची हांबु शोक्चा मताइनेवे। २८ मिनु गे यहोसु कली अरशा, लोत्र पा ठेयब थुं पाइशो सेलो। मारदे हना मेकोमी मुर आन डांडती शोक्शा, इ तशो रागी मेको आन के दुम्चा कली योत्रब” दे परमपरभुम आं कली देत। व्यवस्था ३१ :३,७ ; २९ मिनु गोपुकी बेथ-पओर आ डांडती डा दिमम बाक्तक।

लेशा परमपरभु आ लोत्र शंशो

१ मिनु मोसामी “मिनु गे इसराएली नल्ले, गो  
 ४ इन कली परमपरभु यावे आ फुल्लुम मुशा  
 बरेकशा लोत्र नु आ निसाफ पतीक लोत्र शंनुड।  
 इन नोफा दाइक्तीन। मिनु आ शंशो पने। मको  
 पाइतीनी हना, गे बरोइचा ताइनीनी। मिनु गे  
 परमपरभु यावे, इन किर्की पिपी आन परमपरभुमी  
 इन कली गेशो रागी ओत्रचा नु इन के सल्ला  
 ताइनीनी। २ मिनु गो इन कली परमपरभु यावे, इन  
 परमपरभु आ लोत्र शंशा “परमपरभु आ शंशो पचा  
 माल्व” दे अरनुड। गेपुकीमी आं शंशो लोत्र कली  
 का यो मतन्दीन। का यो मशोलीन। व्यवस्था  
 १३:१; हितोपदेश ३०:६; परकाश २२:१८-१९  
 ३ मिनु परमपरभु यावेमी बाल-पओर मूर्ति आ  
 नोले खोइक्व आन कली मार पवा, गे आंमा  
 ताइतीनी। मिनु परमपरभु यावे, इन परमपरभुमी  
 बाल-पओर आ नोले खोइक्व वोंइश मुर नल्ल  
 साइक्तु। गन्ती २५:३-९ ४ गे परमपरभु यावे,  
 इन परमपरभु कली आ नोले खोइक्वपुकी चहिं  
 नल्ल बरोइशा बाक्नीनी।

५ मिनु परमपरभु यावे, आं परमपरभुमी आं  
 कली अरेशो खोदंशो पा, गो इन कली आ फुल्लुम  
 मुशा बरेकशा लोत्र नु आ निसाफ पतीक लोत्र  
 शंतान्नी। मारदे शंतान्नी दंशा हना, गे जाकशा  
 इन के सल्ला चिक्व रागीमी मको नल्ल पचा,  
 दे शंतान्नी। ६ मोपतीके गेपुकीमी एको लोत्र  
 होस पा, टिन। मकोमी इन कली तुइक्व नु  
 रुख मुर सल्ल। मिनु जात जात डा मुरपुकी  
 मको फुल्लुम मुशा बरेकशा लोत्र नल्ल नंशा,  
 मकोपुकीमी “मको ठेयब जात डा मुर थमा पा  
 तुइक्व नु रुख मुर बाक्नीम” देनीम। यसैया  
 २:३ ७ मिनु परमपरभु यावे इं परमपरभुमी आंइ  
 नेक्था बाकशा नु आंइ पुंइशो लोत्र नंब खोदंशो  
 पा तेको अर्का ठेयब जात डा देवी देवताम मोदंशो  
 पाइनीमी? २सामुएल ७:२३ ८ मुलाक्त गो इन  
 कली परमपरभु यावे आ अरेशो लोत्र नल्ले  
 नंपाइक्नुड। मिनु तेको ठेयब जात डा मुर इं  
 खोदंशो रिंशो पचा कली फुल्लुम मुशा बरेकशा  
 लोत्र नु निसाफ पतीक लोत्र नंचा ताइनीमी।  
 यरमीया ८:८

परमपरभु आ अरेशो लोत्र

९ इन आंम तशो इन थुंम वोंइशशा, मपरंथु, होस  
 पा बाक्कीन। गे बरोइनी सम्म इन थुंम वोंतीन।

इन आल नु चच युइ आन आन कली शंदीन। भजन  
 संगरह १०३:२

१० मिनु गेपुकी काबु परमपरभु यावे, इन  
 परमपरभु आ डांइती होरेब डांडा तार राष्शो  
 बाक्तीनी, मको मिन्तीन। मिनु परमपरभु यावेमी  
 आं कली मुर आन कली आं डांइती पुक्मी। गो  
 मको आन कली आं लोत्र नंपाइक्नुडमी। मिनु  
 मकोपुकी रागीम मबक्मा सम्म आं कली मान  
 पा हिंचा शंसांमल। मिनु मकोपुकीमी एको लोत्र  
 आन तमी तो आन कली शंचा माल्नीम” देत।  
 परस्थान १९:१७; व्यवस्था ६:७ ११ मिनु गे आ  
 नेक्था जाकशा, डांडा आ पुंम राप्तीनी। मको  
 डांडाम सरीड सम्म मी बरत। मिनु छिड्छिड्,  
 ठेयब गोस्स नु नाक्दो खोदंशो बाक्त। १२ मिनु  
 परमपरभु यावेमी मी आ दाते र गेपुकी नु लोत्र  
 पाप्तु। गे मको आ लोत्र नंतीनी, तन्न मारइ  
 मतनी। व्यवस्था ५:४,२४ १३ मिनु मकोमी गे  
 नु कबल पाप्तु। आ अरेशो १० आटा लोत्र गे  
 टिशा पने, दे गप्तु। मिनु मकोमी मको लोत्र  
 फुल्लु निक्शी तार मुशा गप्तु। परस्थान ३१:१८  
 १४ मिनु मना परमपरभु यावेमी आं कली “मको  
 आन कली आं फुल्लुम मुशा बरेकशा लोत्र नु  
 निसाफ पतीक लोत्र शंदो। नोले आन गाक्शा  
 आंम के सल्ला रागीमी मको लोत्र टिशा पचा,  
 दे मको लोत्र शंदो” दे माइक्ती।

१५ मिनु परमपरभु यावेमी इन कली होरेब  
 डांडाम मी र लोत्र पवानु, गे मारइ मतनी। १६ मिनु  
 गे इन कली मूर्ति सल्ला, खतम मसल्लतीन।  
 गे होस पा बाक्कीन। तेकोइ वोंइश मुर, मीश  
 मुर, परस्थान २०:४ १७ रागी डा बी व्यफ,  
 क्यारश भंडा, जन्तु सरीडम बरेब चिक्व,  
 १८ खपीम गाक्व, ब्याक्कुम बाक्व डांइ के मूर्ति  
 काइ मसल्लतीन। १९ मिनु गे सरीड इर कोत्रशा,  
 परमपरभु यावे, इन परमपरभुमी जात जात  
 डा मुर नल्ल आन कली गेशो नां, तास्ता,  
 सोरुल नल्ल तशा, मको आन डांइती सेउ  
 पा पूजा मपने। होस पा बाक्कीन। व्यवस्था  
 १७:३; रोमी १:२३ २० परमपरभु यावेमी इन  
 कली आंम मुर सल्ला, दे फलम चोतीके खोदंशो  
 इजीप्त रागी र गरुंडताक्व। मोदंशो पा मुलाक्त  
 बाक्व, दे तुइक्कीनी। १ राजा ८:५१; यसैया  
 ४८:१०; यरमीया ११:४; परस्थान १९:५-६;  
 यसैया १९:२५

२१ मिनु परमपरभु यावे इन पतीके, आं पर्वम  
 गाइक्ताक्व। मकोमी आं कली “गे यर्दन खोला  
 मशाक्थु, इसराएली आन कली गेशो रिंशो रागी

लचा मताइनेवे” दे कसम जाप्तु। व्यवस्था ३ :२६  
२२ मिनु गो यर्दन सोला मशोकथु, मुल बाकशा  
रागीमी बैकचा माल्लुङ। तन्न गेपुकी यर्दन  
शोकशा, मेको रिम्शो रागी इन के सल्लीनी।  
२३ मिनु परमपरभु यावे, इन परमपरभुमी गे  
नु पशो कबल मपरकथु, होस पा बाक्कीन।  
गे मपरंथु परमपरभु यावे, इन परमपरभुमी  
देशो टिशा मारइ के मूर्ति मसलीन। २४ मारद  
हना परमपरभु यावे, इन परमपरभु ठेयब मी  
खोदेशो नु रुश पाइब परमपरभु बाक्ब। व्यवस्था  
९ :३ ; परस्थान २४ :१७ ; यसैया १० :१७ ; हिब्रू  
१२ :२९ ; परस्थान २० :५

### दूली पाइब परमपरभु गे लेशशो

२५ मिनु गेपुकी मेको रागीमी शुश बर्स बाकशा,  
तमी तो, चच युइ थिशा बाक्कीनी। तन्न  
परमपरभु यावे, इन परमपरभुमी मदाक्का डा  
पा मारइ के मूर्ति सेल्शा, परमपरभु यावे  
कली गाइकपाइक्तीनी हना, २६ गो मुलाक्ती  
सरीङ नु रागी कली इन दूली पशो आ पर्वम  
सांकच्छी वोइक्नुङ। गे यर्दन आइक्की हांबु  
डा इन के सेल्वा चिकशा रागीम रीब पा  
सतम दुम्नीनी। गे शुश नाक्त मेकेर बाक्का  
मताइनीनी। गे क्याम्चा पुंडसीनीनी। व्यवस्था  
३० :१९ ; व्यवस्था ३१ :२८ ; व्यवस्था ३२ :१ ;  
२७ मिनु परमपरभु यावेमी इन कली जात जात  
डा मुर आन दातेमी बरपाइक्ब। मिनु परमपरभु  
यावेमी इन कली कोंइशा रागी रागी आन  
दातेमी इक्का ला लीनीनी। २८ मिनु गेपुकीमी  
मेकेर डा मुर आन सल्शो शी के, फुल्लु के  
मताइब, मनब, मजाइब नु मनाम्ब मूर्ति आन  
कली पूजा पाइनीनी। व्यवस्था २८ :३६ ; भजन  
संग्रह ११५ :४-७

२९ तन्न गे मेकेर बाकशा, परमपरभु यावे, इन  
परमपरभु कली माल्लीनी। मिनु गे थमा पा इन थुं  
नेल्लेम माल्लीनी हना, गे मेको कली थिल्लीनी।  
भजन संग्रह २७ :८ ; येरमीया २९ :१३-१४ ३० आं  
देशो लोत्र मोदेशो पा दुम्शा, श्यत जनीनु, गे  
नोले डा नाक्तीम परमपरभु यावे, इन परमपरभु  
गे लेल्लीनी। आं देशो लोत्र टीनीनी। व्यवस्था  
३० :२ ३१ मारद हना परमपरभु यावे, इन परमपरभु,  
शिशी पाइब परमपरभु बाक्ब। इन किकी पिपी नु  
कसम जशा पशो कबल मपरं। मेकोमी इन कली  
मपरंइथु, सतम मसल्ब।

३२ मिनु गे इन क्येडा डोंइती डा नाक्त  
मिम्तीन। परमपरभुमी मुर नु रागी सल्शो र

मुल सम्म ओदेशो ठेयब गेय पशो आ पर्वम  
लोत्र नंनी? तनी? ३३ अरु सुइ मुरुम गे इन  
खोदेशो पा परमपरभुमी मी र लोत्र पशो नंन्म ?।  
मिनु गे नंशा यो बरोंइशा बाक्कीनी। परस्थान  
२० :१,१९ ३४ मिनु तेको दवी दवतामी इन कली  
खोदेशो पा शुश रागी आन दाते र आम मुर  
सल्वा कली योत्रशो बाक्का? मुर आन कली  
नाक्का, चिनु कोंइशा, छक लाक्का डा गेय  
पा, मेको आन पर्वम लडाइ पा, शुश हिंचा डा  
सक्तिमी, परमपरभु यावे, इन परमपरभुमी इन  
कली इजीप्ट रागी र गरुइशा गे ताइतीनी।  
व्यवस्था ७ :१९ ; व्यवस्था २९ :२ ३४ गे मारद  
मेको ताइतीनी देशा हना, परमपरभु यावे, का  
ला परमपरभु बाक्ब। मेको क्येडा लाक्का अर्को  
परमपरभु मबाक्ब, दे तुइकपाइक्का कली इन  
कली कोंइताक्ब। ३६ मिनु मेकोमी सरीङ र इन  
कली शेंचा, दे आ सेंदा नंपाइक्तु। मिनु खपीम  
इन कली आ ठेयब मी कोंइताक्ब। गे मी आ दाते  
र आ लोत्र पशो नंतीनी। परस्थान २० :१,१८,२०  
३७ मिनु इन किकी पिपी आन कली दाक्तीक, आन  
चच युइ आन कली योत्रशा, मेकोमी आमान आ  
ठेयब सक्तिमी इन कली इजीप्ट र गरुइताक्ब।  
परस्थान ३३ :१४ ३८ इन कली रागी गेचा, दे इन  
डोंइती इन क्येडा सक्ति पाइइशा नु शुश मुर  
आन कली आन रागी रागी र गरुइताक्ब। मिनु गे  
रागी इन के सल्वा कली ठीक दुम्शा बाक्कीनी।  
मोदेशो मुलाक्ती बाक्ब, दे तुइक्कीनी। ३९ मिनु गे  
मुलाक्ती परमपरभु यावे, का ला सरीङ नु रागी  
डा परमपरभु बाक्ब। मेको डा लाक्का अर्को सुइ  
परमपरभु मबाक्ब। एको लोत्र गे मुलाक्ती थमा  
पा तुइक्तीन। मिनु इन थुंम लील। ४० मुलाक्त गो  
इन कली माइइशा परमपरभु यावे आ फुल्लुम  
मुशा बरकशा लोत्र नु आ शेंशा टिन। मो पाइतीनी  
हना, इन आल नु चच आन कली रिम्शो दुम्ब।  
मिनु परमपरभु यावे, इन परमपरभुमी इन कली  
गेना हना यो बाक्का कली गेशो रागीम गे शुश  
नाक्ती बाक्का ताइनीनी।

### मुर साइइशा परोक्तीक सहर

४१ मिनु मोसामी यर्दन सोला नां दाप्तीक गे  
सहर सां योत्रतु। व्यवस्था १९ :२-१३ ; गन्ती  
३५ :६-२९ ४२ डोंइती मगाइक्मुशा, मतुइक्थु  
मुर का कली साइक्ब मुर मेकेर परोक्शा  
लने चाप्ब। मोदेशो मुर मेको सहरम परोक्शा,  
बरोंइचा ताइब। ४३ मोसामी स्बेन आ थर डा मुर  
आन कली गोरशो रागी डा दिमम बेसर सहर

योत्रतु। गाद आ थर डा मुर आन कली गिलाद डा रामोथ सहर योत्रतु। मनस्स आ थर डा मुर आन कली बाशान डा गोलान सहर योत्रतु।

परमपरभु आ अरेशो मिम्पाइशो

४४ मोसामी इसराएली आन कली परमपरभु यावे आ अरेशो लोत्र शंताकव। ४५ मिनु मेको परमपरभु यावे आ आ दंशो, आ फुल्लुम मुशा बरकशो लोत्र नु आ निसाफ पतीक लोत्र बाक्नीम। मोसामी मेको नेल्ल इसराएली आन कली इजीप्त रे गरुंडची ना शंताकव। ४६ मिनु मेना मेकोपुकी यर्दन आंथ हांबु, बेथ-पआर आ डांडती बाकशो बंसीम बाक्तेकम। मेको डांडती हेशबोनम बाकशो सीहोन, एमोरी आन पिप आ रागी बाक्त। मेको रागी मोसा नु इसराएलीपुकीमी इजीप्त रे गाक्मा नोले लडाइ पा गराशो बाक्तेकम। गन्ती २१:२४ ४७ मेको रागी आंम के सेल्शा, बाशान डा पिप ओग आ रागी यो आंम के सेल्शो बाक्तेकम। मेको निक्शी एमोरी आन पिप बाक्ताक्स। मेको रागी यर्दन आंथ हांबु नां दाप्तीक गे बाक्त। ४८ मेको रागी अरनोन सोल्सा आ नेक्था बाक्व आरोएर सहर रे सिरियोन माइशो, हेरमान पहाड, व्यवस्था ३:८-९ ४९ मिनु यर्दन आ आंथ हांबु नां दाप्तीक गे अराबाह नेल्ल पिस्वा डांडा नु आ दिमम अराबाह समुन्दर माइशो, हिक्सी समुन्दर सम्म इसराएलीपुकीमी आंम रागी सल्ले थुम्शो बाक्तेकम।

१० ओटा अरेशो लोत्र

परस्थान २० :-

१ मिनु मोसामी इसराएली नेल्ल आन कली बरशशा, मेको आन कली “इसराएली नेनीन। परमपरभु यावे आ फुल्लुम मुशा बरकशो लोत्र नु आ निसाफ पतीक लोत्र नेनीन। मुलाक्ती गो मेको इन कली शंनुड। गे मेको लोत्र शंसीशा, होस पने। २ मिनु परमपरभु यावे, इं परमपरभुमी होरब डांडाम गोपुकी नु कबल का पाप्तु। परस्थान १९:५ ३ परमपरभु यावेमी इं किकी पिपी नु एको कबल मपथु, मुलाक्त एकेर बाकशो गोपुकी नु पशो बाक्त। व्यवस्था २९:१४ ४ परमपरभु यावेमी गो आंइ नेक्था डांडाम बाकशो, मी आ दाते रे लोत्र पाप्तु। व्यवस्था ५:२४ ५ मारदे हना गे मी तशा हिंतीनी, डांडा मडांडसीनी। गो परमपरभु यावे आ लोत्र इन कली शंचा, दे परमपरभु यावे नु इन दातेम, राप्शो बाक्ती” दंत।

६ मिनु परमपरभुमी इन कली “वाइलीम वाइल दुम्शा बाकशो इजीप्त रे गरुंडशा एक चाक्व, गो परमपरभु यावे, इन परमपरभु नड।

७ आं क्यडा लाकशा सुइ देवी देवता आन कली ठेयब सेल्शा ममानचा। व्यवस्था ११:१६,२८ ८ सरीडमी, रागीमी, रागी आ आगामी ब्वाक्कुम बाक्व मारइ जन्तु के गपुकीमी आंम कली मूर्ति मसल्सीन। व्यवस्था २७:१५ ९ मेको आन डांडती मवपीन। मेको आन कली पूजा मपन। मारदे हना गो परमपरभु यावे, इन परमपरभु रुश पाइब परमपरभु नड। आ कली मटीब आम आफ बाक्ताक्स हना, मेको आ आल, चच, युइ नु युइ आन युइ सम्म सजाइ ताइनीम। व्यवस्था ४:२४ १० मिनु सुम आं कली दाक्वा नु आं शंशो लोत्र टीबा, मेको आन चच युइ आन हजार हजार पात्ता सम्म गेना हना यो दाक्नुडमी।

११ गे परमपरभु यावे, इन परमपरभु आ नें मो मथिन। मारदे हना सुमी परमपरभु यावे आ नें मोशा थिप्व, मकोम पाप पाइब” दंत।

१२ परमपरभु यावे, इन परमपरभुमी अरेशो खोदंशो पा नाइक्तीक नाक्ती परमपरभु आ नाक्ती बाक्व, दे नाइक्सीन। १३ दे नाक्त गे इन गेय पने। १४ मिनु मेको आ नोले डा ७ नाक्ती चहिं परमपरभु यावे, इन परमपरभु आ नाइक्तीक नाक्त बाक्व। मेको नाक्ती मारइ गेय मपन। गे इन तमी तौ, वाइलीम वाइल, ब्यफ, गधा, क्यारश भडा नेल्ल नु इन सहरम बाकशो अर्का रागी डा मुर नेल्ल आन कली इन खोदंशो पा गेय मपपतीन। १५ मिनु गपुकी इजीप्तमी वाइल दुम्तीके मपरंदीन। परमपरभु यावे, इन परमपरभुमी शुश सक्ति पाइशो नु आ ठेयब बोल पतीकमी इन कली गरुंडशा, एक चाक्तु। मोपतीक परमपरभु यावे, इन परमपरभुमी इन कली नाइक्तीक नाक्ती नाइक्वा माल्व, दे अरेशो बाक्व। व्यवस्था १५:१५ ; व्यवस्था १६:१२ ; व्यवस्था २४:१६,२२

१६ परमपरभु यावे, इन परमपरभुमी अरेशो खोदंशो पा इन आंम आफ कली मान पने। मो पाइतीनी हना, परमपरभु यावे, इन परमपरभुमी इन कली गशो रागीम रोइ मपथु, शुश नाक्त बरोंडशा बाक्तीनी।

१७ मुर मसाइक्वा।

१८ आंम मीश क्येडा अरु नु मइप्वा।

१९ सुइ मपचा।

२० आंम नेक्था डा मुर आन पर्वम जोल पा सांक्छी मबाक्वा।

२१ आंम नेकथा डा मुर आ सिं, आ मीश, आ रू, आ वाइलीम वाइल, आ बी ब्यफ, गधा मेको के मार बाक्त हना यो, मेको तशा मवाल्वा। मीका २:२

परमपरभु आ लोत्र मिम्पाइशशो

२२ परमपरभु यावेमी डांडाम नेल्ल इन कली एको लोत्र नंपाइव्तु। मेकोमी मी, गोस्स नु हिंचा डा छिड्छिड् सोंदशो पा आ दाते रं ठेयब संदामी इन कली लोत्र पाप्तु। मिनु मेकोमी मारइ मतम्द। मिनु नोल मेकोमी मेको अरशो लोत्र फुल्लु निक्शोम बरक्शा, गती। परस्थान ३१:१८

२३ मिनु गोपुकीमी डांडाम मी बरशो तशा, छिड्छिड्कर संदा नंनीनु, गे इन थर थर डा ठेयब मुरपुकी नु खाल्पापुकी आं नेकथा जाक्तेक्म। २४ मिनु गोपुकीमी “परमपरभु यावे, इं परमपरभुमी इं कली आ ठेयब पतीक नु आ छेड्छेड् कोइताक्व। मिनु गोपुकीमी मेको आ संदा मी आ दाते रं नंतक। मुलाक्त मार ताइतक देशा हना, परमपरभुमी मुर नु लोत्र पाइब। मो हना यो मुर मबेक्म, दे ताइतक। व्यवस्था ४:१२-१३, ३३ २५ मुल गोपुकी एको ठेयब मीमी मारदे बक्वा? गोपुकी मुल यो परमपरभु यावे, इं परमपरभु आ संदा नंना नंन बाक्तय हना, बक्नय। २६ मिनु सु मुरुम इं सोंदशो पा बरांइशा बाक्ब परमपरभु आ संदा मी आ दाते रं पा नंशा यो बरांइशो बाक्वा? २७ गे आ नेकथा लने। मिनु परमपरभु यावे, इं परमपरभु आ देशो लोत्र नंशा, आंइ कली नेल्ल शंदीन। मिनु मेको नंशा पाइनीकी” देतीनी।

२८ मिनु परमपरभु यावेमी इन पशो लोत्र नंतु। मिनु आं कली “मुरपुकीम इ कली देशो लोत्र नंता। आन देशो नेल्ल रिम्शो बाक्ब। २९ आं कली मान पा हितेक्म हना, आं शंशो गेना हना यो टिम्तेक्म हना, मेको नु आन आल आन कली गेना हना यो रिम्शो दुम्ब। व्यवस्था २९:३ ३० मेकर लावो। मिनु मेको आन कली ‘इन ताम्बुम लेत्तीन’ दे माइक्मी। ३१ तन्न गे आं नेकथा बाक्को। मिनु गेमी आं शंशो नेल्ल, आं फुल्लुम मुशा बरक्शा लोत्र नु आं निसाफ पतीक लोत्र इ कली देनन। मिनु मेकोपुकीमी मेको आन कली गेशो रागीम मेको पचा माल्नीम” दे परमपरभुम देत।

३२ मोपतीक इन परमपरभु यावेमी इन कली शंशो होस पा टिने। गोपुकी ग्युरा परा गे मलथु, आ लां सोतीन। व्यवस्था ४:२; व्यवस्था २८:१४; यहोसु १:७; हितोपदेस ४:२७

३३ परमपरभु यावे, इन परमपरभुमी इन कली कांइशो लां ठीक पा गाक्कीन। मो पाइतीनी हना, गे बरांइनीनी, इन कली रिम्शो दुम्ब नु इन के संल्वा चिक्शो रागीम शुश नाक्ती बरांइनीनी।

नेल्ल क्येडा ठेयब अरेशो लोत्र

१ मिनु मोसामी “परमपरभु यावेमी इन कली ६ माइशशो फुल्लुम मुशा बरक्शा लोत्र नु निसाफ पतीक लोत्र बाक्ब। मिनु गो इन कली शंचा माल्नुड्, दे आं कली माइक्ती। गोपुकी मुल इन लशा, इन के संल्वा चिक्शो रागीम बाक्नीनु, मेको पचा माल्नीनी। २ गोपुकी मबक्नी सम्म परमपरभु यावे, इन परमपरभु कली मान पा हिंचा माल्नीनी। गो इन कली माइशशो परमपरभु आ फुल्लुम मुशा बरक्शा लोत्र नु आ शंशो नेल्ले थुम वोइक्वा माल्नीनी। गे, इन तौ नु इन चच युइ नेल्लेमी होस पा टिंचा माल्नीमी। मो पाइतीनी हना, शुश नाक्त बरांइनीनी। ३ मोपतीक इसराएलीपुकी, इन नोफा दाइशशा, एको पचा कली होस पा बाक्कीन। गे शुश साशो बोशा दुम्शा इन कली रिम्शो दुम्ब। डांइती परमपरभु यावे, इन किकी पिपी आन परमपरभुमी मेको आन कली मोदेशो पा लोत्र पाप्तु। मेको दूध नु सुदो शुश बाक्शो रागी इन के दुम्ब। लूका ११:२८

४ इसराएलीपुकी, नोफा दाइशशा, नेनीन। परमपरभु यावे, का ला इं परमपरभु बाक्ब। मर्कुस १२:२९; १कोरिन्थी ८:४-६ ५ मिनु गोपुकी परमपरभु यावे, इन परमपरभु कली इन थुं नेल्लेमी, इन सोक्त नेल्लेमी नु इन बोल नेल्लेमी बाक्वा माल्नीनी। व्यवस्था १०:१२; २राजा २२:२५; मत्ती २२:३७ ६ मिनु गो इन कली मुलाक्ती अरेशो लोत्र इन थुंम वोइक्वा माल्नीनी। व्यवस्था ११:१८-२० ७ मिनु गोपुकीम मेको लोत्र इन आल आन कली शंचा माल्नीनी। मिनु सिंम बाक्नीनु, लांम गाक्नीनु, इप्शा बाक्नीनु, बोक्नीनु, मेको अरेशो लोत्र आन पर्वम लोत्र पन। उत्पत्ती १८:१९ ८ मिनु मेको मिम्चा कली इन गुइम फरंशा वोतीन। मेको इन कुप्कीम फरंचा माल्नीनी। परस्थान १३:९; मत्ती २३:५ ९ मिनु मेको इन सिं डा थाम नु इन लाप्चोपुकीम बरक्शा वोतीन।

१० मिनु डांइती परमपरभु यावे, इन परमपरभुमी इन किकी पिप अबराहाम, इसहाक नु याक्ब आन कली ‘मेको रागी इन चच युइ आन कली गनुड्’ दे कसम जाप्तु। मुल मेकर गे इन मसल्शा ठेयब

रिम्शो सहर, ११ इन मसेल्शो रिम्शो थोत्रकीम बरीशो सिं, इन मदीशो इनारपुकी, इन मस्वरुम्शो अडगुर रू नु तेल रवा रू ताइनीनी । मिनु गे शुश जचा त्चा तशा, व्यवस्था ८ :३० १२ परमपरभु यावे कली मपरंचा, दे हांस पा बाक्कीन । मकोमी इन कली इन वाइलीम वाइल दुम्शो इजीप्त र गरुइताक्व ।

१३ गोपुकी परमपरभु यावे, इन परमपरभु कली मान पा हिनीन । मको कली गेय पने । मिनु मेको आ नेम ला कसम जने । व्यवस्था १० :२० ; मती ४ :१० १४ गे इन एर ओथ डा रागीम बाक्शो जात जात डा मुर आन देवी देवता आन नोले मखोतीन । १५ मारदे हना परमपरभु यावे, इन परमपरभु, रुश पाइब परमपरभु इन दातेमी बाक्व । मो पाइतीनी हना, परमपरभु यावे, इन परमपरभु इन पर्वम शुश गाइक्व । मिनु मेकोमी इन कली रागी रे क्याम्ब । परस्थान २० :५

१६ गोपुकीमी मास्साहमी परमपरभु यावे, इन परमपरभु कली नाक्शो खोदेशो पा, मको कली मनाक्तीन । मती ४ :१७ ; परस्थान १७ :२-७ १७ गोपुकीमी परमपरभु यावे, इन परमपरभुमी इन कली माइश्शो आ शंशो लोत्र, आ देशो नेल्ल नु आ फुल्लुम मुशा बरेक्शो लोत्र शुश हांस पा पने । १८ मिनु परमपरभु यावे आ डांइती तेको ठीक नु रिम्शो बाक्वा, मको पने । मोपा इन कली रिम्शो दुम्ब । मिनु परमपरभु यावेमी इन किकी पिप नु कसम जशा, रिम्शो रागी इन क सलीन । १९ मेको नोले परमपरभु यावेमी देशो खोदेशो पा इन जोरी सतरु नेल्ल आन कली इन डांइती रे खरब । परस्थान २३ :२७-२८

### परमपरभु आ ठेयब पतीके

२० मिनु नोले इन तौपुकीमी इन कली परमपरभु यावे, इ परमपरभुमी आ देशो लोत्र, आ फुल्लुम मुशा बरेक्शो लोत्र नु आ निसाफ पतीक लोत्र आन अर्थ मार मे ? दे हिल्लो पाम्तेक्म हना, परस्थान १३ :१४ २१ गे मेको आन कली गो इजीप्त डा पिप फाराओ आ वाइलीम वाइल बाक्तय । मिनु शुश सक्ति पाइश्शो परमपरभु यावेमी मेकर गरुइताक्व । भजन संगरह ४४ :२ २२ मिनु परमपरभु यावेम गोपुकीम तचा डा पा इजीप्ती डा पिप फाराओ नु आ सिं डा मुर नेल्ल कली खतम सेल्त्वा, दे ठेयब नु हिंचा डा चिन्ड नु छुक लाक्वा डा गेय पाप्तु । २३ मिनु आंइ किकी पिपी आन कली गेनुड देशो कसम जशा रागीम इ कली चाक्वा कली मेकर र गरुइताक्व । २४ मिनु

परमपरभु यावेमी एको फुल्लुम मुशा बरेक्शो लोत्र नेल्ल पचा माल्ब, दे माइश्शो बाक्त । गोपुकी परमपरभु यावे, इ परमपरभु कली मान पा हितय हना, आंइ कली नेल्ल नाक्त रिम्शो दुम्ब । मिनु आंइ कली बरांइचा गेब । मुलाक्त मादेशो बाक्व । २५ मिनु गोपुकी मेको आ शंशो नेल्ल परमपरभु यावे, इ परमपरभु आ डांइती पाइतय हना, मकोमी रिम्शो दुम्ब दे इन तौ आन कली देचा माल्नीनी” देत । व्यवस्था ९ :५-६ ; रोमी २ :१३, १९-२४

### कनानी नु मखाल्सीचा

१ मिनु मोसामी “परमपरभु यावे, इन ७ परमपरभुमी इन कली गशा रागीम चाक्दीत्वी ना, इन ओत्रचा क्येडा डांइती हित्ती, गिरगाशी, एमोरी, कनानी, परिजी, हिच्यी नु यबुसी आन कली खरब । मेको नेल्ल इन क्येडा बोल्थो नु शुश मुर पाइश्शो ७ रागी डा मुर बाक्नीम । व्यवस्था ३१ :३ २ मिनु परमपरभु यावे, इन परमपरभुमी मेको आन कली इन गुइमी जिम्मा गेप्तु हना, गे मेको नेल्ल आन कली साइक्वा माल्नीनी । मेकोपुकी नु कबल मपने । मिनु शिशो यो मपने । ३ मेकोपुकी नु ग्युंबे मपचा । इन तमी मेको आन तौ कली ग्युंबे पा मगेन । इन तौ कली आन तमी मचाक्वा । परस्थान ३४ :१५-१६ ४ मारदे हना मेकोपुकीमी इन तौ आन कली आंम देवी देवता गे कीनीम । परमपरभु यावे कली गेय मपथु, देवी देवता आन नोले खोइक्पाइक्नीम । मो दुम्मेनु, परमपरभु यावे शुश गाइश्शो, इन कली रीब पा साइक्व । ५ मेको आन कली मार पचा माल्नीनी देशो हना, मेको आन चदेतीक परत्वा माल्नीनी । मेको आन लाइश्शो मूर्ति जिक्वा माल्नीनी । मेको आन अशराह देवी आ मूर्ति खरोइक्वा माल्नीनी । मेको आन शी मुशा सेल्थो मूर्तिपुकी मीम हुम्चा माल्नीनी । व्यवस्था १२ :२-३ ६ मारदे हना गे परमपरभु यावे, इन परमपरभु आ आंम मुर बाक्नीनी । परमपरभु यावेमी नेल्ल जात जात डा मुर आन दाते र इन कली आंम मुर सेल्त्वा, दे योत्रतु । परस्थान १९ :५-६

७ मिनु परमपरभु यावेमी जात जात आन क्येडा गे शुश मुर बाक्तीक इन कली दाक्शा योत्रशो ममाइ । थमा पा, गे जात जात डा मुर आन क्येडा आइक्व जात बाक्नीनी । व्यवस्था १० :१५ ८ तन्न परमपरभु यावेमी इन कली दाक्व । मिनु मेकोमी इन किकी पिपी नु पशा

कबल खान्नुङ्' दंत। मोपतीके परमपरभु यावेमी शुश सक्ति पाइशशोमी इन कली वाइलीम वाइल सल्शो इजीप्त डा पिप फाराओ र परांइशा, गरुंडताकव। होस ११-१

१ परमपरभु यावे, इन परमपरभुमी आ कबल काइ मपरांइब आ देशो पाइब परमपरभु बाकव। मिनु परमपरभु कली दाकव नु आ शंशो टीब आन कली हज्जार पात्ता सम्म आ पशो कबल खाण्व नु आ शिशो कोइना कोइन बाकव। परस्थान २०:६ १०मेकोमी आ कली मदाकव आन कली चहिं क्येकक लेशशा, साइकव। आ कली मदाकव आन कली शुश मफाल्यु, मेको आन कली शोत्वो पा साइकव। नहुम १:२ ११मोपतीके गो मुलाक्त इन कली माइशशो आ शंशो, आ फुल्लुम मुशा बरेकशो लोत्र नु आ निसाफ पतीके लोत्र होस पा पने। १२मिनु गेपुकीमी एको ठीक पतीके लोत्र होस पा नंशा टिशा, पाइतीनी हना, इन परमपरभुमी इन किकी पिपी नु कसम जशा, पशो कबल खाण्शा इन कली मपरांइब। परस्थान २३:२२-३१ १३मेकोमी इन कली दाकशा, आसीक गशा, शुश सल्ब। मेकोमी इन आल आन कली आसीक गेब। इन किकी पिपी आन कली कसम जशा गेशो रागीमी इन रू डा फल फुल, इन अन्न, इन अडगुर शांबु नु तेल, इन बी ब्यफ आन बाछ्हा नु इन क्यारश भंडा आन चाइकव नेल्ल आन कली आसीक गेब। होस २:७-१२ १४गे नेल्ल जात जात डा मुर आन क्येडा आसीक राइब दुम्नीनी। इन दातेमी सुइ वॉइश मुर नु मीश मुर आल मथीब मबाकनीम। इन बी ब्यफ, क्यारश भंडा थारा मदुम्नीम। १५मिनु परमपरभु यावेमी रोइ नेल्ल इन क्येडा डोन वाइकव। गे इन तशो इजीप्त डा हिंचा डा रोइ इन कली मपपाइकव। तन्न इन कली मदाकव आन कली मेको रोइ कोण्व। परस्थान ९:१-१२ १६मिनु गे परमपरभु यावे, इन परमपरभुमी इन कली जिम्मा गशा जात जात डा मुर नेल्ल कली रीब पा साइवनीनी। मिनु गे मेको आन कली शिशो मपने। मेको आन देवी देवता आन कली सेउ मपने। मारदे हना मो पाइतीनी हना, गे खतम दुम्नीनी। परस्थान २३:३३; परस्थान ३४:१२; यहोसु २३:१३

१७मिनु गे इन थुंमी एको रागी रागी डा मुर आंइ क्येडा शुश बाकनीम। गो मेको आन कली दोपा गरुंडशा, खरने चान्नीकी डा? मदेनीन। गन्ती १३:३१; गन्ती १४:१-४ १८मेको आन क्येडा महिनीन। परमपरभु यावे, इन परमपरभुमी फाराओ नु इजीप्त रागी डा मुर

नेल्ल कली मार मार पवा, मेको मिम्तीन। १९गेपुकीमी परमपरभु यावे, इन परमपरभुमी आ ठेयब नाकतीक, आ पशो चिन्ड नु छ्क लाकचा डा गेय, आ शुश सक्ति पाइशशो नु ठेयब बोल पतीकेमी इन कली गरुंडताकव। गे आंमा तशो बाकनीनी। मिनु परमपरभु यावे, इन परमपरभुमी इन हिंशो जात जात डा मुर नेल्ल आन कली इजीप्ती आन कली खोदेशो पाइब। व्यवस्था ४:३४; व्यवस्था २९:२ २०मिनु परमपरभु यावे, इन परमपरभुमी मेको आन के लोशो नु इन कली तशा हिंशा खरुइशशा बाकशो मुरपुकी यो मुर साइकव रोइ सोइशशा साइकव। २१गेपुकी चहिं मेको आन क्येडा महिनीन। मारदे हना परमपरभु यावे, इन परमपरभु इन दातेमी बाकव। मेको ठेयब नु मान पा हिंचा डा परमपरभु बाकव। २२मिनु परमपरभु यावे, इन परमपरभुमी मेको रागी रागी डा मुर आन कली इन डोंइती रे का का पा गरुंडब। गेपुकीमी मेकेर डा मुर आन कली कालेम साइकचा मताइनीनी। मो पाइतीनी हना, इन एर आंथ डा ब्वाकी डा जन्तु शुश दुम्नीम। २३मिनु परमपरभु यावे, इन परमपरभुमी मेको जात जात डा मुर आन कली शुश वाम ग्याम सल्शा, का का पा साइकचा सम्म, इन कली जिम्मा गेब। २४मिनु मेकोमी मेको आन पिप यो इन कली जिम्मा गेब। मिनु गे मेको आन नें रागी रे क्याम्नीनी। इन डोंइती सुइ मबाकनीम। २५गेपुकीमी मेको आन शी मुशा सल्शा मूर्तिपुकी मीम हुम्वा माल्नीनी। मूर्तिम बाकशो सुन चांदी बाकत हना, वाल्शा आम कली मवांइसीन। मारदे हना मोदंशो पाइतीनी हना, इन कली मरिम्शो दुम्ब। मेको परमपरभु यावे, इन परमपरभु कली गरांगरा बाकव। २६मिनु गेपुकीमी मारइ गरांगरा दिचा डा थोत्रक इन खिम मचाककीन। मो पाइतीनी हना गेपुकी यो मेको आन खोदेशो पा सराप राइब दुम्नीनी। गेपुकीमी मेको नेल्ल कली गरांगरा दिशा दुम्तीके, तिल्ला माल्नीनी” दंत। यहोसु ७:११-१२

परमपरभु आ अरशो नंशा टिचा

१मिनु मोसामी “गे मुलाक्त इन कली परमपरभु आ शंशो नेल्ल माइक्तन्नी। गेपुकीमी मेको होस पा पचा माल्नीनी। मो पाइतीनी हना, गेपुकी बरांइचा ताइनीनी, सोशा बोशा शुश दुम्नीनी नु परमपरभु यावेमी इन किकी पिपी आन कली ‘मेको गेनुङ्’द कसम जशा रागी ओत्रशा इन के सल्शा बाकचा ताइनीनी।

२मिनु परमपरभु यावे, इन परमपरभुमी इन कली ४० बर्स सम्म गोरशो रागीमी बाक्पाइक्तु। इन कली मारदे मोदंशो पाप्तु दंशा हना, इन कली बरम्पाइक्चा, इन थुं नाक्चा नु गे इन नेल्ल थुंमी आ शंशो पाइनीनी दय मपाइनीनी, दे तुइक्चा कली इन कली मको ४० बर्स सम्म मंकर गाक्पाइक्तु। व्यवस्था १३:४; उत्पत्ती २२:१; परस्थान १६:४; परस्थान २०:२०; न्यायाधीस २:२२ ३मिनु मेकोमी इन कली बरम्पाइक्चा, दे शोत्रलु बेक्पाइक्तु। मिनु मेकोमी इन किकी पिपी कली इन मतुइश्शो मन्ना जपाइक्तु। मारदे इन कली मन्ना जपाइक्तु दंशा हना, मुरुम जचा थोत्रक जशा ला मबरांडनीम, तन्न परमपरभु यावे आ लोत्र रे बरांडनीम, दे तुइक्पाइक्चा कली मन्ना जपाइक्तु। परस्थान १६:१३-१५; मत्ती ४:४ ४मको ४० बर्स सम्म इन फक्शो वा मजे। इन खोइल महोम्म। व्यवस्था २९:४ ५ मिनु मुरपुकीमी दोदंशो पा आन तो आन कली शंचा, दे सजाइ गेनीमी, मोदंशो पा परमपरभु यावे, इन परमपरभुमी इन कली शंचा, दे सजाइ गेप्तु। मको तुइक्चा माल्लीनी। यसेया २८:२६; येरमीया ३०:११; येरमीया ४६:२८ ६मिनु गेपुकीमी परमपरभु यावे, इन परमपरभु आ शंशो पना पन बाक्कीन। परमपरभु आ लां गाक्शा, मेको कली मान पा हिनीन। ७ परमपरभु यावे, इन परमपरभुमी इन कली रिम्शो रागी लाइक्व। मंकर खोला, दिम नु पहाड रे बुक्शो ब्वाक्कु नु दोम्ली बाक्नीम। ८मको रागीम चरब, क्योत्रज, अडगुर बाट, फोत्रशी रवा, दारीम बाट, तेल रवा नु खुदो बाक्व। ९मको रागीम गे काइ श्यत मजथु, मारइमी खांचो मदुम्नीनी। मको रागी डा फुल्लुमी फलाम बाक्व। मेको आ पहाड रे गे तोबा गरुंडनीनी। १०मिनु गेपुकीमी मरुनी सम्म जशा तूशा, इन कली गेशो रिम्शो रागी आ पर्वम परमपरभु यावे, इन परमपरभु कली ठेयब सेल्वा माल्लीनी।

११मिनु गे परमपरभु यावे, इन परमपरभु कली मपरंदीन। मिनु मुलाक्त गो इन कली दंशो आ शंशो, आ निसाफ पतीके लोत्र नु आ फुल्लुम मुशा बरक्शो लोत्र यो मपरंचा, दे होस पा बाक्कीन। १२मिनु गेपुकी जशा तूशा, रूशा, रिम्शो खिं सल्शा बाक्नीनी, १३मिनु इन बी ब्यफ नु क्यारश भेडा शुश दुम्शा, इन सुन चांदी नु इन मारइ मारइ शुश दुम्सनु, १४ गेपुकी ठेयब लश्शा, वाइलीम वाइल दुम्तीक इजीप्त रे गरुंडब परमपरभु यावे, इन परमपरभु कली मपरंचा, दे होस पा

बाक्कीन। १५ मेकोमी इन कली ठेयब हिंचा डा गोरशो रागीम बाक्पाइक्तु। मंकर बीस पाइश्शो बुस्स नु बिच्छी बाक्तेक्म। मेकोमी इन कली सोत्रशो रागीम हिरताक्व। मिनु इन पर्वम ठेयब फुल्लु रे ब्वाक्कु बुक्पाइक्तु। गन्ती २१:६; परस्थान १७:६ १६मिनु मेकोमी इन कली गोरशो रागीम मन्ना जचा गेप्तु। मको इन किकी पिपी आन मतुइश्शो जचा थोत्रक बाक्त। मारदे मोदंशो पाप्तु दंशा हना, मेको नेल्ल इन कली बरम्पाइक्चा, नाक्चा नु नोले रिम्शो पचा कली पाप्तु। १७मिनु गे नोले इन थुंमी गो आंम आंइ सक्तिम एको शोप चम्तक दे मदेनीन। १८तन्न परमपरभु यावे, इन परमपरभुमी आंइ कली शोप चम्तीक सक्ति गेप्तु, दे मिम्तीन। मेकोमी इन किकी पिपी नु कसम जशा पशो कबल गेना हना यो लोपाइक्व। मोदंशो पा मुलाक्त बाक्व, दे तुइक्नीनी। व्यवस्था ४:३१ १९मिनु गे परमपरभु यावे, इन परमपरभु कली परंशा, देवी देवता आन नोले खोइक्तीनी, मेको आन कली पूजा पाइतीनी नु मेको आन डांडती बाप्तीनी हना, गो इन कली गेपुकी थमा पा साइक्चा पुंडसीनीनी दे मुलाक्ती लोत्र का पाइनुड। २०मिनु परमपरभु यावेमी इन डांडती रागी रागी डा मुर आन कली खतम सल्शो खोदंशो पा, गेपुकीमी आ लोत्र मंथु, मटीतीनी हना, परमपरभु यावे, इन परमपरभुमी इन कली यो खतम सल्ब" देत।

#### परमपरभुमी लडाइ पशो

१मिनु मोसामी "गे इसराएलीपुकी, नोफा दाइश्शा, नेनीन! मुल गे मेको रागी ओत्रचा कली यदेन खोला शोक्नीनी। इन क्येडा ठेयब नु सक्ति पाइश्शो रागी रागी, सरीड थिचा चिक्शो गारो हिरशो सहरपुकी इन के सल्नीनी। व्यवस्था १:२८ २मंकर अनाक आ चच युइ बाक्नीमी। मेकोपुकी ठेयब नु लाइश्शो मुर बाक्नीम, दे तुइक्नीनी। गे डांडती "अनाकीम डा मुर आन डांडती सु राप्ने चाप्चा डा" दे लोत्र पशो नंतीनी। ३परमपरभु यावे, इन परमपरभु इन डांडडांडती शोक्शा लाइब, दे तुइक्चा माल्लीनी। मेको नेल्ल गुरु दाक्व मी खोदंशो बाक्व। मिनु मेको आन कली मी खोदंशो पा दाक्व। मेकोमी इन कली जिम्मा गेब। मिनु परमपरभु यावेमी दंशो खोदंशो पा, गे मेको आन कली खरशा रीब पा साइक्नीनी। व्यवस्था ४:२४

४मिनु परमपरभु यावे, इन परमपरभुमी मेको आन कली इन डांडती रे खरानु, गे इन थुंमी

‘परमपरभु यावेमी आंइ ठीक पतीके एको रागीम चाक्तु’ दे ममिम्तीन। मेको रागी रागी डा मुर आन मरिम्शो पतीके परमपरभु यावेमी मेको आन कली इन डांइती रे खरब। व्यवस्था ८:१७ ; उत्पत्ती १५:१६ १गोपुकी इन ठीक पतीक नु इन ठीक थुं दुम्तीक मेको आन रागी इन के सल्ला तशो मननी। तन्न मेको रागी रागी डा मुर आन मरिम्शो पतीके परमपरभु यावे, इन परमपरभुमी मेको आन कली खरब। मिनु इन किंकी पिप अबराहाम, इसहाक नु याकूब नु जशो कसम साप्पा कली मो पाइब। व्यवस्था ६:२५

६ परमपरभु यावे, इन परमपरभुमी इन ठीक पतीक आ पर्वम इन कली मेको रिम्शो रागी इन के सल्ला कली मगेवो। मारदे हना गे शुश मटीब मुर बाक्नीनी। परस्थान ३२:९ ७ मिनु गोपुकी गोरशो रागीम परमपरभु यावे, इन परमपरभु कली दोपा गाइक्पाइक्नी, मेको मपरंदीन। इजीप्ट रागी रे गे एक जाक्नी सम्म गे परमपरभु यावे आ देशो मटिशो बाक्तीनी।

८ मिनु होरब डांडामी यो गे परमपरभु यावे कली गाइक्पाइक्तीनी। मिनु परमपरभु यावेमी इन कली क्याम्चा डा पा शुश गाइक्ताक्व। परस्थान ३२:१-२४ ९ मिनु गो परमपरभु यावेमी गोपुकी नु पशो कबल डा लोत्र बरेक्शो फुल्लु बरथ डांडा डांइसाक्यी। मिनु गो ४० नाक्त नु ४० नाक्दो मेकर बाक्ती। शोब्ले मज्ज, ब्याक्कु यो मतूङ्ग। परस्थान ३४:२८ १० मिनु परमपरभु यावेमी, आंम गुइम बरेक्शो फुल्लु निक्शी गती। मिनु मेको फुल्लु तार मार बरेक्शो बाक्त देशो हना, परमपरभु यावेमी डांडामी इन कली पशो लोत्र नेल्ल बरेक्शो बाक्त। परमपरभुमी मेको गुरूम्ची नाक्त डांडाम बरशो मी आ दांत रे इन कली लोत्र पशो बाक्त। ११ मिनु मेको ४० नाक्ती नाक्दो थुम्ची ना परमपरभु यावेमी मेको कबल डा लोत्र बरेक्शो फुल्लु निक्शी आं कली गती। १२ मिनु परमपरभु यावेमी आं कली ‘बाक्को, रीब पा एक रे बरुपो। मारदे हना इ इजीप्ट रे गुरूंइशो मुरपुकीमी आं देशो लां रीब पा परोइतेक्म। आंम आन कली खतम सेल्लेक्म। गोम मेको आन कली मपचा देशो पाम्तेक्म नु आंम कली सुन के मूर्ति सेल्लेक्म’ देत। १३ मिनु परमपरभु यावेमी आं कली ‘गो एको मुर आन कली कोत्रता। मिनु एकोपुकी काइ मटीब बाक्नीम। १४ मुल आं कली पुंइचा परोइथी। मिनु गो मेको आन कली खतम सेल्लुङ्ग। मिनु मेको आन नें रागी रे क्याम्नुङ्ग।

मिनु गे रे पा मेको आन क्येडा ठेयब नु सक्ति पाइइशो जात का सेल्लुङ्ग’ देत।

१५ मिनु गो डांडा रे बरुपती। मेको डांडाम मी बरस डा बरस बाक्त। मिनु गो मेको कबल डा लोत्र बरेक्शो फुल्लु निक्शी कुरता। १६ मिनु गोपुकीमी परमपरभु यावे, इन परमपरभु कली पाप पा, आंम कली बाच्छा आ मूर्ति सेल्लेसीशो बाक्तीनी। परमपरभु यावेमी इन कली अरशो लां रीब पा परोइशा दूली लां खोइक्नी बाक्त। १७ मिनु गो मेको फुल्लु निम्फा ताइइशा, इन डांइती परोल्ला।

१८ मिनु डांइती खोदंशो पा, गो परमपरभु यावे आ डांइती बाप्शा, ४० नाक्ती ४० नाक्दो शोब्ले मज्ज, ब्याक्कु यो मतूङ्ग। इन पशो पाप आ पर्वम मोदंशो पा बाक्ती। गे परमपरभु यावे कली काइ मरिम्शो पा गाइक्पाइक्तीनी। १९ मारदे हना गो परमपरभु यावेमी इन पर्वम गाइइशा, चुगशा पशो तशा, साप्पा हिंती। मेकोमी इन कली थमा पा साइक्च, दे मिम्शो बाक्त। मिनु परमपरभु यावेमी मेना यो आं पुंइशो लोत्र नंतु। हिबरू १२:२१ २० परमपरभु यावे हारून आ पर्वम यो शुश गाइइशा ‘मेको कली साइक्नुङ्ग’ दे मिम्शो बाक्त। गो हारून आ पर्वमी यो पुंइता। २१ मिनु इन पशो पाप, मेको बाच्छा लाइइशा, मीम हुम्ताक्ड। मेको कली तुप्शा, फस सेल्ला। मिनु मेको फस पहाड रे यिशो खोलाम ताइक्ताक्ड।

२२ मिनु गोपुकीमी तबरा, मास्साह नु किबरोथ-हत्तावामी यो परमपरभु यावे कली गाइक्पाइक्तीनी। गन्ती ११:३ ; परस्थान १७:१७ ; गन्ती ११:३४ २३ मिनु परमपरभु यावेमी ग कादेश-बारनआ रे लशा, इन कली ‘मेकर लने। मिनु इन कली गशो रागी इन के सेलीन’ दे सोइक्ताक्व। मिनु गोपुकीमी परमपरभु यावे, इन परमपरभु आ अरशो मबित्थु, गन गन पा मेको कली थमा मसुइक्नी। मेको आ लोत्र यो मटिनी। गन्ती १३:२,३१ ; गन्ती १४:१-४ २४ गो इन कली तुइक्तु रेन गे परमपरभु यावे आ लोत्र मटिथु गन गन पाइतीनी।

मोसामी इसराएली आन पर्वम पुंइशो

२५ मोपतीके परमपरभु यावे आ डांइती गो ४० नाक्ती ४० नाक्दो सम्म बाप्शा बाक्ती। मारदे हना परमपरभु यावेमी ‘गे इन कली क्याम्नुङ्ग’ देशो बाक्त। व्यवस्था ९:१८ २६ मिनु गो परमपरभु यावे कली ‘परमपरभु, इन मुर आन कली मक्याम्दीन। गे मेको आन कली

परांइशा इन शुश सक्ति पाइशशोमी इजीप्त रागी रे गुरुंइताकनी। २७ इन वाइल अबराहाम, इसहाक नु याकूब आन कली मिम्तीन। एको मुर आन खकटा थुं, इन अरेशो मटितीक नु आन मरिम्शो पतीक मकोवर्डीन। २८ ग मको आन कली क्याम्ताकनी हना, आंइ कली गुरुंइशा रागी डा मुरपुकीमी “परमपरभु यावेमी मको आन कली देशो रागी चाकदीन्न मचापतीक, मको आन कली मदाकतीक गोरशो रागीम साइक्चा कली एक रे गुरुंइशा लाइक्तु” देनीम। गन्ती १४ :१६ २९ मको इन मुर बाकनीम। मिनु गो शुश सक्ति नु ठेयब बोलमी गुरुंइशा चाकतीनी दे परमपरभु कली पुंइशा, लोत्र पाता” देत।

लेंशा फुल्लुम मुशा बरकशो लोत्र

१ मेना परमपरभु यावेमी आं कली “डॉइती १० डा खोदेशो पा फुल्लु निक्शी चेतो। मिनु आं कली गरुथ, डांडा डॉइसो। मिनु शी के सन्दोस का यो सलो। परस्थान ३४ :१; परस्थान २५ :१० २ मिनु गो डॉइती डा इ परोल्शो फुल्लुम बरकशो लोत्र खोदेशो पा, नक फुल्लुम लेंशा बरकनुड। मिनु गो मको कली सन्दोसम कुर पा वोतो” माइकती। परस्थान ३२ :१९ ३ मिनु गो बोल्यो शी के सन्दोस का सल्ला। मिनु डॉइती डा खोदेशो पा फुल्लु निक्शी चेतो। मिनु मको चेशो फुल्लु निक्शी कुरशा, डांडा डॉइसाक्यी। ४ मिनु परमपरभु यावेमी डॉइती डांडाम लोत्र पशो खोदेशो पा मको १० ओटा लोत्र लेंशा बरकताकव। मको लोत्र, गेपुकीम डांडा डा मी आ दाते रे नेंशो ननी। मिनु परमपरभु यावेमी मको बरकस पाइशशो चेशो फुल्लु निक्शी गती। ५ मिनु मको कुरशा गो डांडा रे बरुपती। मिनु गो मको चेशो फुल्लु निक्शी कली आं सल्लो सन्दोस आगाम कुर पा वोइकता। मिनु परमपरभु यावेमी आं कली अरेशो खोदेशो पा मको फुल्लु सन्दोस आगाम बाकनीस। परस्थान २५ :२१

हारून बेकशो

६ मिनु इसराएलीपुकी बेयरोथ-बेने-याकान रे गाकशा, मोसराह माइकतीक जाकतेकम। मेकर हारून बेकत। मिनु मको कली मेकर थिम्तेकम। मिनु आ तौ एलाजरमी आ पा डा चढेतीक गेय पचा गोपु। गन्ती ३३ :३१-३३; गन्ती २० :२८; गन्ती ३३ :३७-३९ ७ मिनु इसराएलीपुकी मेकर रे गाकशा, गुदगोदा गो लाम्तेकम। मिनु गुदगोदा

रे गाकशा, शुश ब्याककु बाकतीक योत्वाथाह जाकतेकम।

८ मेना परमपरभु यावेमी लेवी आ थर डा मुर आन कली योव्रतीमी। मार कली योव्रतीमी देशो हना, परमपरभु यावे आ कबल डा लोत्र कुरपाइशशो सन्दोस कुरचा, परमपरभु यावे कली गेय पचा कली आ डॉइती राप्चा नु आ नेंम मुर आन कली आसीक गेचा कली योव्रतीमी। मुल सम्म मोदेशो बाकब। व्यवस्था १८ :५; गन्ती ६ :२३-२७ ९ मोपतीक लेवीपुकीम आन लोकब खोदेशो पा रागी डा रू मताम। परमपरभु यावे मको आन शोप बाकब। परमपरभु यावे, इन परमपरभुमी दोदेशो देम, मोदेशो दुम्त। गन्ती १८ :२०

परमपरभुमी मोसा आ पुंइशो गेशो

१० मिनु गो डॉइती डा खोदेशो पा ४० नाकती ४० नाकदो डांडाम बाप्शा बाकती। मेना यो परमपरभु यावेमी आं लोत्र नंतु। मिनु इन कली मसद। ११ मिनु परमपरभु यावेमी आं कली “मुल बोक्शा लावा। मुर आन डॉइती गाकचा कली लावो। मिनु गो मको आन किकी पिपी आन कली कसम जशा गेशो रागी मेकोपुकी ओव्रशा, आंम के सल्ला माल्नीम” दे माइकती।

परमपरभु आ दाकशो

१२ मिनु गो इसराएलीपुकी, परमपरभु यावे, इन परमपरभुमी इन कली मार पशो दाकब देशो हना, गेपुकी परमपरभु यावे, इन परमपरभु कली मान पा हिंचा माल्नीनी। गेपुकी मको आ लो गाकशा, मको कली दाकचा नु इन थुं नु सोकत नेल्लमी परमपरभु यावे, इन परमपरभु कली गेय पचा माल्नीनी। मीका ६ :८ १३ दोपा दाकचा नु गेय पचा देशो हना, गो मुलाकती इन कली देशो परमपरभु यावे आ शंशो नु आ फुल्लुम मुशा बरकशो लोत्र पचा माल्नीनी। मको इन कली थम रिम्शो दुम्ब। १४ मिनु नेनीन, स्वर्ग नु सरीड नु रागी नु मेकर बाकब मोरेइ मोरेइ नेल्ल परमपरभु यावे, इन परमपरभु केन बाकब। १५ मो हना यो परमपरभु यावेमी इन किकी पिपी आन कली तशा, दाकताकव। मिनु मको आन चच युइ, इन कली जात जात डा मुर नेल्ल आन दाते रे योव्रतु। मोदेशो पा मुलाकती बाकब, दे तुडकनीनी। व्यवस्था ७६ :१६ मोपतीके इन थुं कली खरोइकतीक चिनु खरोतीन। मिनु मटीब महुमीन। १७ मारदे हना परमपरभु यावे,

इन परमपरभु देवी देवता आन परमपरभु बाक्व । मेको परभु आन परभु बाक्व । मेको नेल्ल क्येडा ठेयब, सक्ति पाइशशो नु हिंचा डा परमपरभु बाक्व । मेकोमी सुइ आन कुल मकोव्रब । मेकोमी घूस मताक्व । १८ मेकोमी राम रोइक्व नु वोंइश बक्वशो मीश मुर आन कली ठीक निसाफ पाइब । मेकोमी अर्को रागी डा मुर आन कली दाक्व । मिनु मेको आन कली जचा फक्वा गेब । १९ मिनु गेपुकी यो अर्को रागी डा मुर आन कली दाक्तीन । मारदे हना गे यो इजीप्टमी अर्को रागी डा मुर बाक्तीनी । परस्थान २२ : २०-२३ २० गेपुकीमी परमपरभु यावे, इन परमपरभु कली मान पा हिंचा माल्नीनी । मेको आ गेय पचा माल्नीनी । मेको आ नोल खोइशशा, आ नमी कसम जचा माल्नीनी । २१ मेकोन इन कली ठेयब सेल्ल्तीके बाक्व । मिनु इन परमपरभु दुम्शा, इन पर्वम हिंचा डा ठेयब गेय पाइब मेकोन बाक्व । गे मेको नेल्ल आंमा तशो बाक्नीनी । २२ इन किकी पिपी इजीप्ट रागी लमानु, ७० जना मुर ला तशो बाक्तेकम । मिनु मुल परमपरभु यावे, इन परमपरभुमी इन कली सरीङ डा सारुल खोदंशो पा शुश सल्लु । उत्पत्ती ४६ : २७ ; व्यवस्था १ : १०

परमपरभु यावे आ ठेयब गेय

११ मिनु मोसामी "गे परमपरभु यावे, इन परमपरभु कली दाक्वा माल्नीनी । गे नाक्त कित कित मेको आ बरक्वशा अंशो लोव्र, आ फुल्लुम मुशा बरक्वशा लोव्र, आ निसाफ पतीक लोव्र नु आ शंशो नेल्ल टिन । २ मिनु परमपरभु यावे, इन परमपरभुमी इन आल आन डांइती मारइ यो छुक लाक्वा डा गेय नु सजाइ मकांइद । तन्न मेकोमी दोपा आ ठेयब पतीकमी शुश सक्ति पाइशशो नु ठेयब बोल पतीकमी इन कली इजीप्ट रागी र गरुइशो, गे नेल्लेम तशा तुइशशा मिम्चा माल्नीनी । व्यवस्था ४ : ३६ ३ मिनु इजीप्ट रागी नु आ पिप फाराओ नु मेको आ मुर नेल्ल आन कली कोंइशो चिन्ड नु आ पशो गे नेल्ले तशो तुइशशो बाक्नीनी । ४ मिनु मेकोमी इजीप्ट डा लडाइ पाइक्व, शारा नु बग्गी आन कली पशो नेल्ल तुइक्नीनी । इन कली खेदा पामनु, मेकोमी मेको आन कली लल समुन्दर डा ब्याक्कुम साइक्वा कली खरुन्तु, मेको यो तशो बाक्नीनी । मुल सम्म मेको लडाइ पाइब आन हुल खतम दुम्शो बाक्नीम । परस्थान १४ : २५, २७ ५ मिनु एको रागी मजाक्वशो सम्म

गोरशो रागीम मेकोमी इन कली मार मार पवा, मेको गे तुइशशो बाक्नीनी । ६ मिनु मेकोमी रुबेन आ चच निकशी, एलीआब आ ती दाथान नु अबीराम आस कली पशो तुइक्नीनी । दोपा खपीम आ शोव्र पाक्वा इसराएली आन दातेमी मेको आस कली दाक्वा । मिनु आस खिं डा मुर नु आस ताम्बु नु मेको आस मारइ मारइ दाक्वशो गेपुकीम तुइशशो बाक्नीनी । गन्ती १६ : २५-३४ ७ गेपुकी परमपरभु यावेमी पशो ठेयब गेय नेल्ले तशो बाक्नीनी ।

८ मोपतीके गो मुलाक्ती इन कली देशो परमपरभु यावे आ शंशो नेल्ल टिशा पने । मेको पाइतीनी हना, गेपुकी बाल्यो दुम्नीनी । मिनु खोला शोक्वा इन के सेल्ल्वा चिक्वशो रागीम ओव्रशा, थमा पा इन के सेल्ल्ने चाप्नीनी । ९ मोपा गे परमपरभु यावेमी इन किकी पिपी नु आन चच युइ, इन कली, गेशो रागीम शुश ब्रांइशा बाक्वा ताइनीनी । मेको रागीम शुश दूध नु खुदो बाक्व । परस्थान ३ : १७ १० मारदे हना मेको इन के सेल्ल्वा चिक्वशो रागी, इन गरुशा पिशो इजीप्ट रागी खोदंशो ममाइ, मेकर वांचेर शोक्वा, गिग साइ रू कली ब्याक्कु कुर पचा माल्लाक्नी । ११ मेको गे शोक्वा, इन के सेल्ल्वा चिक्वशो रागी, डांडा नु बंसी डा रागी बाक्व । मेकर रउ यिशा, रागी जिप्पाइक्व । १२ परमपरभु यावे, इन परमपरभुमी मेको रागी कली कोव्रब । मेकोमी बर्स डा डांइती डा नाक्तर नोल डा नाक्तर सम्म, गेना हना यो कोव्रब ।

१३ मिनु मुलाक्ती गो इन कली देशो आं शंशो नेतीनी, गे परमपरभु यावे, इन परमपरभु कली इन थुं सोक्त नेल्लेमी दाक्वा नु मेको कली गेय पाइतीनी हना, लेवी २६ : ३-५ ; येरमीया ५ : २४ १४ मना परमपरभु यावेमी इन कली 'गो इन रू कली मारचा डा रउ गेनुङ । डांइती नु नोल डा रउ ठीक पा गेनुङ । मोपा इन अन्न, इन अङगुर नु तेल रवा आन फल खुन्ने चाप्नीनी । १५ मिनु गो इन बी ब्यफ, क्यारश भंडा आन कली योव्रतीकम घांस वापाइक्नुङ । मिनु गे जशा तूशा रूनीनी' दे परमपरभुमी इन कली दंत । १६ मोपतीके सुइम इन कली हेथ गाक्पाइक्वा मगेन, होस पा बाक्नीन । गेपुकी परमपरभु क्येडा डोन लाइतीनी नु देवी देवता आन कली सेउ पाइतीनी हना, १७ परमपरभु यावेमी गाइशशा रागीम रउ मयिपाइक्व । मिनु मारइ सुप्वा मताइनीनी । मिनु परमपरभु यावेमी इन कली गेशो रिम्शो रागी र क्याम्ब । व्यवस्था २८ : २३-२४ ; लेवी २६ : १९-२०

### आसीक नु सराप

१८ मिनु गेपुकीमी आं देशो लोत्र इन थुंम वोतीन। मेको मिन्चा कली इन गुइमी चिन्ड फरंदीन। मिनु कुप्कीम फरंतीक खोदंशो पा फरंचा माल्नीम। व्यवस्था ६:६-९ १९ आंम खिम बाक्नीनु, लां गाक्नीनु, इथ्र लनीनु नु बोक्नीनु इन तमी ती आन कली मेको अरशा आ पबंम लोत्र पा शंदीन। २० इन खिं डा थाम तारी नु लाप्चो तारी बरंक्तीन। २१ मिनु गे नु इन आलपुकी परमपरभु यावमी इन किकी पिपी आन कली 'गेनुड' दे कसम जशा रागीमी शुश बरंइनीनी। रागी तार सरीड बाक्म सम्म शुश बरंइनीनी।

२२ गेपुकीमी गो इन कली देशो अरशा लोत्र नेल्ल होस पा पाइतीनी नु परमपरभु यावे, इन परमपरभु कली दाक्ताक्नी हना, मेको आ लां नेल्ल गाक्शा, मेको कली मपरंइतीनी हना, २३ परमपरभु यावमी मेकर डा रागी रागी डा मुर नेल्ल कली इन डांडती रे खरब। मिनु गे इन क्येडा शुश नु सक्ति पाइशो रागी रागी डा मुर आन रागी इन के सल्लनीनी। व्यवस्था ७:१-२ २४ गे इन खोइलीम थक्शो रागी नेल्ल गे इन के दुम्ब। गोरशा रागी रे लेबानोन सम्म नु ठेयब खोला युफरंटीस रे पच्छिम डा समुन्दर सम्म इन के सांद दुम्ब। २५ गे नु लडाइ पा सुइ मगरानीम। परमपरभु यावे, इन परमपरभुमी आ देशो खोदंशो पा तेको रागी थक्नीनी, मेकर डा मुर आन कली इन कली तशा हिंतीक थुं गेब। परस्थान २३:२७

२६ नेनीन, मुलाक्त गो आसीक नु सराप इन डांडती वोइक्नुड। व्यवस्था ३०:१,१५,१९ २७ गे परमपरभु यावे, इन परमपरभु आ शंशा टीतीनी हना, आसीक राइनीनी। व्यवस्था २८:२,१५ २९ परमपरभु यावे, इन परमपरभु आ शंशा मटिथु, गो मुलाक्ती इन कली देशो लचा माल्शो लां रे हंथे गाक्तीनी नु इन मतुइशो देवी देवता आन नोले खोइक्तीनी हना, सराप राइनीनी।

२९ मिनु परमपरभु यावे, इन परमपरभुमी इन कली इन के सल्लचा चिक्शो रागीम आंइचानीनु, गरीजीम डांडा रे आसीक गेचा नु एवाल डांडा रे सराप पचा माल्नीनी। व्यवस्था २७:१२-१३; यहोसु ८:३३-३४ ३० मेको डांडापुकी यर्दन आइक्की हांबु, नां रिक्तीक गे यर्दन बंसी डा लां आ नोले, अराबाहमी बाक्शो कनानी आन रागीम बाक्नीस। मेको गिल्याल आ डांडती

मोरेह माइशो ब्वाकी आ नेक्था बाक्नीस। उत्पत्ती १२:६

३१ मिनु गेपुकी यर्दन शोक्शा, परमपरभु यावे, इन परमपरभुमी इन कली गेशो रागी ओत्रनीनी। मिनु गे मेको इन के सल्लचा, मेकर बाक्नीनी। ३२ मुलाक्त गो इन कली शंशा फुल्लुम मुशा बरंक्शो लोत्र नु ठीक पतीक लोत्र नेल्ल पशा, होस पा बाक्कीन" देत।

### परमपरभु यावे आ बाक्तीक

१ मिनु मोसामी "मेको परमपरभु यावे आ १२ फुल्लुम मुशा बरंक्शो लोत्र नु आ ठीक पतीक लोत्र बाक्नीम। गे मेको नेल्ल परमपरभु यावे, इन किकी पिपी आन परमपरभुमी इन के सल्लचा कली गेशो रागीम मबेक्नी सम्म टिचा माल्नीनी।

२ मिनु गे तेको रागी डा मुर आन कली खेरनीनी, मेको आन देवी देवता आन थान नेल्ल परेत्चा माल्नीनी। मेको लाइशो डांडाम, पहाडीम नु नेल्ल रवा आन पुंम बाक्शो बाक्नीम। व्यवस्था ७:५,२५; परस्थान ३४:१३ ३ गे मेको आन चदेतीक परेत्चा माल्नीनी। मेको आन लाइशो मूर्तिपुकी जिक्चा माल्नीनी नु मेको आन मूर्ति मीम हुम्चा माल्नीनी। मिनु मेको शी के सल्लशो मूर्तिपुकी खोल्शा बिगरंचा माल्नीनी। मिनु आन नं क्याम्चा माल्नीनी। ४ मिनु गेपुकीमी मेको आन देवी देवता आन कली ठेयब सल्लचा खोदंशो पा परमपरभु यावे, इन परमपरभु कली ठेयब मसलीन। ५ परमपरभु यावे, इन परमपरभुमी इन थर थर आन बाक्तीक रागीमी ते बाक्चा दाक्बा, मेको माल्शा मेकर लचा माल्नीनी। ६ मिनु इन चोशा चदंशो, क्योरशा चदंशो, इन १० भाग डा भाग का, इन गेचा डा चदंशो, इन देशो चदंशो नु इन आंम दाक्शो चदंशो, इन बी व्यफ आन डांडती जरमेशो नु इन क्यारश भेडा आन डांडती जरमेशो मेकर लाइक्चा माल्नीनी। ७ मिनु गे नु इन खिं डा मुर नेल्लेमी परमपरभु यावे, इन परमपरभुमी इन कली आसीक गेशो गय मिन्चा, दे मेकर परमपरभु यावे, इन परमपरभु आ डांडती जशा तशा, ग्यरसीचा माल्नीनी।

८ गोपुकीम मुल सम्म "आंम पशा ठीक बाक्ब" दे पशा खोदंशो पा मुल मपने। ९ मारदे हना गेपुकी मुल सम्म परमपरभु यावे, इन परमपरभुमी गेशो नाइक्तीक नु रागी मजाक्दीशो बाक्नीनी। १० तन्न यर्दन शोक्शा, परमपरभु यावे, इन परमपरभुमी इन कली गेशो रागीमी बाक्नीनी,

मिनु इन एर ओंथ बाक्शो इन जोरी सतरु रे ब्रांडशा, श्येत मजथु बाक्नीनी। यहोसु १:१३ ; यहोसु २१:४४ ; १राजा ५:५ ; मजन संगरह १५:११ ; होस २:२० ; हिवरू ४:११ ११मना परमपरभु यावे, इन परमपरभुम आ बाक्तीक का योत्रव। गो इन कली अरशो इन चोशा चदशो, इन क्योरशा चदशो, इन १० भाग डा भाग का, इन गंचा डा चदशो नु इन मार मार परमपरभु यावे कली दंशो चदशो मंकर चाक्चा माल्नीनी। १२मिनु गेपुकी, इन तमी तौ, वाइलीम वाइल, इन सह्रम बाक्शो आंम कली शोप मतशो लेवी नेल्ल परमपरभु यावे, इन परमपरभु आ डांडती ग्यरसीचा माल्नीनी। व्यवस्था १०:९

१३ इन चोशा चदतीक ते ते थिन्नी मेक मेक मचदेन, गे होस पा बाक्कीन। १४ तन्न परमपरभु यावेमी इन थर थर आन दातेमी योत्रशो आ बाक्तीकम ला चदने चान्नीनी। मंकर ला इन चोशा चदतीके चाक्चा माल्नीनी। गो आं अरशो गय नेल्ल मंकर पचा माल्नीनी।

१५ तन्न गेपुकी श्ये ब्वचा दाक्तीनी हना, परमपरभु यावे, इन परमपरभुमी इन कली आसीक गेशो सोदंशो पा इन सहर सहरमी क्योरशा, ब्वने चान्नीनी। गरांगरा दिशो नु गरांगरा मदिशो मुर नेल्लमी ब्वने चान्नीम। गेपुकीम किशश नु रोकोश सोदंशो पा ब्वने चान्नीनी। व्यवस्था १२:२२ ; व्यवस्था १४:५ १६ तन्न हुश चहिं मब्वन। मेको ब्वाक्कु सोदंशो पा खपीम ताइक्तीन। लेवी ३:१७ ; लेवी १७:११ १७ इन अन्न, अडगुर शांबु नु तेल आन १० भाग डा भाग का चदशो, बी ब्यफ नु क्यारश भंडा आन डांडती जरमशो, इन दंशो चदशो, इन आंम दाक्शा गेशो नु इन गेचा माल्शो चदशो चहिं आंम सह्रम मजन मब्वन। १८ तन्न परमपरभु यावे, इन परमपरभु आ डांडती, आ योत्रशो बाक्तीकमी मेको गेपुकी नु इन तमी तौ, वाइलीम वाइल नु इन सह्रम बाक्शो लेवीपुकी नु जने ब्वने। गेपुकी इन पशो नेल्लमी परमपरभु यावे, इन परमपरभु आ डांडती ग्यरसीने। व्यवस्था १४:२३ १९ इन रागीम गेना सम्म बाक्नीनी, मना सम्म लेवी आ थर डा मुर आन कली रिमशो कोत्रडीन। व्यवस्था १२:१२ ; व्यवस्था १४:२७

२० मिनु परमपरभु यावे, इन परमपरभुम आ कबल पशो सोदंशो पा इन रागी बारपाइक्व। गेपुकी श्ये ब्वचा दाक्तीनी हना, रूचा डा पा ब्वने। २१ परमपरभु यावे, इन परमपरभु आ योत्रशो बाक्तीक इन क्येडा जेन बाक्त हना,

परमपरभु यावेमी इन कली गेशो बी ब्यफ नु क्यारश भंडा आ अरशो सोदंशो पा इन सह्रम क्योरशा ब्वने चान्नीनी। २२ मिनु किशश नु रोकोश ब्वशो सोदंशो पा परमपरभु आ डांडती गरांगरा दिशो नु गरांगरा मदिशो नेल्लमी ब्वने चान्नीम। व्यवस्था १२:१५ २३ होस पा हुश गेनाथो ब्वचा मदुम्ब। मारदे हना हुशमी ब्रांडतीक सोक्त बाक्व। श्ये नु ब्रांडतीक सोक्त ब्वचा मदुम्ब। व्यवस्था १२:१६ २४ मेको ब्वचा मदुम्ब। मेको कली ब्वाक्कु सोदंशो पा खपीम ताइक्चा माल्नीनी। २५ गेपुकीम मेको मब्वचा। मिनु गे परमपरभु यावे आ डांडती मार ठीक बाक्म, मेको पतीक, गेपुकी नु इन नोले डा इन आल आन कली रिमशो दुम्त। २६ तन्न गेपुकी इन परमपरभु कली गेशो थोत्रकपुकी नु इन गेचा माल्शो, इन दाक्शा गेशो कुरशा परमपरभु यावे आ योत्रशो बाक्तीकम लचा माल्नीनी। २७ मिनु इन चोशा चदशो श्ये नु मेको आ हुश परमपरभु यावे, इन परमपरभु कली चदतीकम चदचा माल्नीनी। इन क्योरशा चदशो आ हुश परमपरभु यावे, इन परमपरभु कली चदतीक आ पुंम जारचा माल्नीनी। मेको आ श्ये गे ब्वने चान्नीनी। व्यवस्था १२:६ २८ गेपुकीमी होस पा आं अरशो लोत्र नेल्ल नेनीन। मिनु टिशा पाइतीनी हना, इन कली नु इन नोले डा इन तमी तौ आन कली गेना हना यो रिमशो दुम्ब। परमपरभु यावे, इन परमपरभु आ डांडती रिमशो नु ठीक पाइबपुकी रिमशो दुम्नीम।

२९ परमपरभु यावे, इन परमपरभुमी मेको रागी रागी डा मुर आन कली इन डांडती क्याम्ब। गे मेको आन कली खरचा कली जाक्नीनी। मिनु थमा पा खरशा, मेको आन बाक्तीकम बाक्नीनी। ३० इन डांडती क्याम्शो मुर आन देवी देवता आन पर्वम मेको रागी रागी डा मुरपुकीमी आन देवी देवता कली दोपा ठयब सल्म ? गो यो मोदंशो पाइनीकी, दे हिल्लो पा लोत्र मपने। होस पा बाक्कीन। गे यो मेको आन सोदंशो पा हेंथ गाक्तीनी हना, मेको आन सोदंशो पा साइक्चा पुंडसीनीनी। परस्थान २३:२४ ; इजीकीएल २०:३२ ३१ गेपुकीमी परमपरभु यावे, इन परमपरभु कली मोदंशो मपने। मारदे हना मार मार परमपरभु यावे आ डांडती गरांगरा दिक्चा डा बाक्म, मेकोपुकीमी आन देवी देवता आन कली नेल्ल पाम्तकम। मेकोपुकीमी आंम तमी तौ आन कली मेको आन देवी देवता आन पर्वम मीम चोशा चदंमंतकम। ३२ गो इन कली दोशो

अरुडा, मेको नेल्ल होस पा पने। गेपुकीमी मारेड मतम्दीन, मारेड मशालीन” दंत।

### मूर्ति पूजा मपने

१३ १मिनु मोसामी “इन दातेमी परमपरभु यावे आ लोत्र पाइब, डामु शंब चिन्ड नु छेक लाक्का डा गय दुम्ब’ दंब। २मिनु आन देशा सोदंशा पा दुम्शा मकोपुकीमी भापुकी आइ डांडती मतुइश्शा देवी देवता आन नोल खोइय्या। मको आन कली ठयब सल्य’ दे लोत्र पास्तकम हना, ३गेपुकीमी मको परमपरभु यावे आ लोत्र पाइब, डामु शंब, आन लोत्र काइ मनेनीन, मटिने। मारद हना परमपरभु यावे, इन परमपरभुमी गे इन थुं नु सोक्त नेल्लेमी परमपरभु यावे, इन परमपरभु कली दाक्नीनी दय मदाक्नीनी, दे इन थुं नाक्शा बाक्ब। ४गेपुकी परमपरभु यावे, इन परमपरभु कली ला खोतीन। मिनु मेको कली ला मान पा हिनीन। मिनु मेको आ शंशा पचा माल्लीनी। मको आ देशा टिशा, मेको कली गेय पशा, मपरांडथु बाक्कीन। व्यवस्था ८:२ ५मिनु गेपुकीमी परमपरभु यावे आ लोत्र पाइब मको डामु डा लोत्र शंब कली साइक्का माल्लीनी। मारद हना मेकोमी परमपरभु यावे, इन परमपरभु कली परांडपाइक्का, दे इन कली दूली शंताक्ब। मिनु इन कली वाइलीम वाइल दुम्तीक रे इजीप्ट रे गरुंडशा एक चाक्ब परमपरभु यावे, इन परमपरभु बाक्ब। मोदंशा मुरपुकीमी इन कली परमपरभु यावे आ कोइशा लां रे हंथ गाक्पाइक्का दाक्नीम। ६मिनु सुइमी इ कली खरुइश्शामी हंथ गाक्का कली लेम्ब, मेको इ लोक्ब बाक्त हना, इ आफ आ तो बाक्त हना, इ आम आ तो बाक्त हना, इ आम आ तमी बाक्त हना, इ दाक्शा मीश बाक्त हना, इ शुश दाक्शा वारच बाक्त हना, नु मेकोमी गे नु इ किकी पिपीमी मतुइश्शा देवी देवता आन कली सउ पय’ दंतकम हना, व्यवस्था १८:२०; १कोरिन्थी ५:१, १३ ७इन एर आंथ बाक्शा जात जात डा इन नेक्था रागी डा बाक्ल कि डोन रागी डा बाक्ल आन देवी देवता बाक्तेकम हना यो, ८मेको लेम्ब आ लोत्र मनेंचा, आ देशो मटिचा। गे मेको कली शिशो मपथु, मेको कली मखरुइक्थु, ९मेको कली थमा पा साइक्का माल्लीनी। मिनु गे नेल्ल क्येडा डांडती मेको कली साइक्क, दे आप्वा माल्लेव। नोले ला इ मुर नेल्लेम आप्शा साइक्का माल्लीनी। १०मिनु नेल्लेमी मेको कली मंबकम सम्म फुल्लु आप्वा माल्लीम। मारद हना इन वाइलीम वाइल

दुम्तीके इजीप्ट रे गरुंडब परमपरभु यावे, इन परमपरभु रे हंथे गाक्ब सेल्वा माल्शा बाक्त। व्यवस्था १७:७ ११मिनु इसराएली नेल्ल मेको नंशा, हिंचा माल्लीम। मिनु इन दातेमी मोदंशा मरिम्शा गेनायो मपमक्ल।

१२मिनु परमपरभु यावे, परमपरभुमी इन कली बाक्का कली गंशा सहर काम १३इन दाते रे मरिम्शा वांडश मुरपुकी बोक्शा, सहर डा मुर आन कली दूली पपाइश्शा, मकोपुकीमी लय, देवी देवता आन कली पूजा पय’ दंतकम हना, गेपुकी मेको देवी देवता गेनायो मतुइश्शा बाक्तीनी हना, १४गेपुकीम रिम्शा पा खोदोल निदील पा हिल्लो पचा माल्लीनी। मिनु मेको मरिम्शा थमा पा इन दातेमी पशो बाक्त हना, १५गेपुकीमी मेको सहर डा मुर आन कली थमा पा क्योरशा साइक्का माल्लीनी। मेको सहर नेल्ल कली खतम सेल्वा माल्लीनी। मिनु मेकर बाक्शा बी व्यफ, क्यारश भेडा नेल्ल यो साइक्का माल्लीनी। १६मेकर बाक्शा मारेड मारेड, मेको सहर आ दातेम खुप्वा माल्लीनी। मिनु मेको सुप्शा नु सहरम मी सुइक्तीन। मेको परमपरभु यावे, इन परमपरभु कली चोशा चदंशा खोदंशा दुम्ल। मेको सहर गेना हना यो फोहार ताइक्तीके दुम्ल। मिनु मेको सहर कली लंशा मसेलीन। व्यवस्था २०:१६-१८ १७मिनु गेपुकीमी मथिचा देशो थोत्रक मारेड मलतीन। मिनु परमपरभु यावे आ गाइश्शा नाइक्ब कां, इन कली शिशो पा दाक्ब। इन किकी पिपी नु कसम जशो खोदंशा पा इन कली शुश सेल्ब। १८गेपुकी परमपरभु यावे, इन परमपरभु आ देशो टीतीनी, मुलाक्ती गो इन कली देशो आं शंशा नेल्ल पाइतीनी हना, गेपुकी परमपरभु यावे, इन परमपरभु आ डांडती ठीक पाइब दुम्नीनी” दंत। यहासु ७ :-

व्यचा नु मव्यचा डा श्ये

लेवी ११ :-

१४ १मिनु मोसामी “गेपुकी परमपरभु यावे, इन परमपरभु आ तमी तो ननी। बेक्शा मुर आ पर्वम इन कुशुल परक्का मदुम्ब। इन चां परक्का मदुम्ब। लेवी ११:२७-२८; यरमीया ४७:५; इजीकीएल ७:१८ २मारद हना गेपुकी परमपरभु यावे, इन परमपरभु आ आम मुर बाक्नीनी। मिनु परमपरभु यावेमी जात जात डा मुर नेल्ल आन दाते रे इन कली आ मुर सेल्वा कली योत्रतु।

३गपुकीमी मारेइ गरांगरा दिचा डा थोत्रक मज्जेने मब्बने। ४गपुकीमी ब्बचा दुम्ब जन्तु तेको बाक्नीम देशा हना, ब्यफ, क्यारश, भेडा, ५रोकोश, किशश, बरांट, कौरा किशश, साबर, चितल नु थार बाक्नीम। ६मिनु गपुकीमी जन्तु आन दातमी तेको नेल्ल गंच चशशा नु शाकोल हेक्ब बाक्नीमी, मेको आन कली ब्बचा दुम्ब। ७तन्न शाकोल हेक्ब नु गंच जेशशा आन दातमी तेको मब्बचा देशा हना, दलओठ, खरायो, रांगु डा खरायो मब्बचा। मारेदे हना मेकोपुकी शाकोल हेक्नीम हना यो, आन गंच मजेशशा बाक्नीम। मेको इन कली गरांगरा बाक्ब। ८मिनु पोत्र आन गंच जेशशा बाक्नीम हना यो, शाकोल महक्नीम। मेको इन कली गरांगरा बाक्ब। मेको आन श्य मब्बचा, आन सिनु यो थिचा मडुम्ब।

९ब्याक्कुम बाक्बपुकीमी फरां नु कल्ला पाइशशा ब्बचा दुम्ब। १०तन्न फरां नु कल्ला मपाइशशा मब्बने। मेको इन कली गरांगरा बाक्ब। ११गपुकीमी गरांगरा मदिचा डा चिक्ब नेल्ल ब्वने चान्नीनी। १२तन्न गपुकीमी ब्बचा मडुम्बपुकी चहिं ककाकुली, ब्यारदे, गिद, कुही, १३नेल्ल खाल डा ब्यारदे, १४खद, १५सुतुमुर्ग, हुहुचील, हांस, नेल्ल खाल डा बसारा, १६हुहुचील, कोइरालो नु बुक्स, १७धनेस, सिनु ब्याइब गिद हांडगील, १८सारस, नेल्ल खाल डा बाकुला, फापरं चिक्बी नु पकातिकती चहिं मब्बने। १९फरां पाइशशा माल फटङ्गरा नेल्ल इन कली गरांगरा बाक्ब। मेकोपुकी मब्बचा। २०तन्न गरांगरा मदिचा डा फरां पाइशशा नेल्ल ब्वने चान्नीनी।

२१गपुकीमी परमपरभु यावे, इन परमपरभुम आ कली योत्रशा मुर बाक्नीनी। मोपतीक आमा बक्शा जन्तुपुकी ब्बचा मडुम्बनीनी। गे नु बाक्शा अर्का रागी डा मुर आन कली मेको गेने चान्नीनी। मेकोपुकीमी मेको ब्याम्तेक्म हना यो, लेयतेक्म हना यो, ठीक दुम्ब। क्यारश आ पाठा आ ममा आ दूधम मक्क्येने। परस्थान २२:३०; परस्थान २३:१९

१० भाग डा भाग का चदेचा

२२गपुकीमी गेनायो मपरोंइचा डा पा बर्स बर्स डा इन रूम नु खेतम वाशा सिशशा नेल्ल रे १० भागम भाग का तिल्ला वोइशशा, गेचा माल्नीनी। लेवी २७:३० २३मिनु परमपरभु यावे, इन परमपरभु आ योत्रशा बाक्तीकमी मेको आ डांडती जचा माल्नीनी। मार जचा ब्बचा

माल्नीनी देशा हना, इन १० भाग डा भाग का अन्न, इन अङ्गुर शांबु, इन तेल, इन कली डांडती जर्मेशो ब्यफ नु क्यारश भेडा जचा ब्बचा तूचा माल्नीनी। मो पाइतीनी हना, गे मबक्नी सम्म परमपरभु यावे, इन परमपरभु कली मान पा हिंचा शंसीनीनी। व्यवस्था १२:१७-१८; व्यवस्था १९:२३ २४मिनु परमपरभु यावे, इन परमपरभु आ योत्रशा बाक्तीक इन बाक्तीक रे शुश डोन बाक्त हना, नु परमपरभु यावे, इन परमपरभुमी इन कली आसीक गेप्टु नु इन १० भागम भाग का मेकर लाइक्ने मचाप्तीनी हना, २५मेको इन तिल्ला वोइशशा १० भागम भाग का लेयडीने। मेको रे ताक्शा क्येट लाइशशा, परमपरभु यावे, इन परमपरभु आ योत्रशा बाक्तीक लेने। २६मिनु इन दाक्शा खोदेशो पा बी ब्यफ, क्यारश भेडा, अङ्गुर शांबु, रकसी मेको क्येटीमी ग्यापीने। मिनु गे नु इन खिं डा मुर परमपरभु यावे, इन परमपरभु आ डांडती जशा ब्बशा ग्यरसीने। २७इन सहरम बाक्ब लेवी आ थर डा मुर आन कली रिम्शो पा कोत्रडीने। मारेदे हना मेकोपुकी इन खोदेशो पा शांप मतामे। व्यवस्था १२:३२,१९;

२८मिनु बर्स सां नोले गे इन रुप्शो डा १० भागमी भाग का इन सहर डा वोइक्तीकम वोइक्चा माल्नीनी। व्यवस्था २६:१२-१५; लेवी २७:३२-३३ २९मिनु इन खोदेशो पा शांप मताइब लेवी आ थर डा मुरपुकी, अर्का रागी डा मुर, रोम रोइक्च नु वोइश बक्शा मीश मुरपुकी मेकर जाक्शा, स्थरी जचा ब्बचा तामेकल। मो पाइतीनी हना, परमपरभु यावे, इन परमपरभुमी इन कली इन पतीक नेल्लमी आसीक गेब” दंत।

७ बर्स नु जेर

१५ १मिनु मोसामी “गे इन कली ७ बर्स नोले जेर क्याम्तीक बर्स बाक्ब। परस्थान २३:१०-११ २मेको मथाप्तीक माफ गेतीक बर्स दोपा पचा माल्नीनी देशा हना, सु सुमी आ वारच, दे लोक्ब आन कली जेर गेम्तेक्म हना, मेको गेबपुकीमी जेर ताक्ब आन कली गेशो जेर मथाप्पाइक्थु परोन्मेकल। मेकोमी आ वारच नु आ लोक्ब आन कली जेर आ पर्वम गेने कि गेने, दे पुंडचा मडुम्ब। मारेदे हना परमपरभु यावे रे पा जेर क्याम्तीक डा बर्स बाक्ब। नेहेम्याह ५:१०; नेहेम्याह १०:३२ ३अर्का रागी डा मुर आन कली चहिं गेने कि गेने, दे पुंडने चान्नीनी। तन्न इन लोक्ब आन कली चहिं दोशो जेर बाक्म मेको

परांइचा माल्लीनी। ४ इन दातेमी सुइ परुडग मबाक्म कां ? मारदे हना परमपरभु यावमी योत्रशा गेशा इन के संल्लो रागीम इन कली शुश आसीक गेब। ५ गेपुकीमी परमपरभु याव, इन परमपरभु आ दंशो हास पा टीतीनी हना, इन कली अरशो नल्ल पाइतीनी हना, सुइ परुडग मदुम्नीनी। ६ मारदे हना परमपरभु याव, इन परमपरभुमी इन कली दंशो खोदंशो पा इन कली आसीक गेब। मिनु गे शुश रागी रागी डा मुर आन कली जेर गेब दुम्नीनी। गेपुकीम चहिं जेर पुंइचा ममाल्लीनी। मिनु गेपुकीमी शुश रागी रागी डा मुर आन कली हुकुम पाइतीनी। तन्न मेकोपुकीमी इन कली हुकुम मपाइतीम। व्यवस्था २८:१२

७ मिनु परमपरभु याव, इन परमपरभुमी इन कली गेशो रागीम, सहर कामी बाक्शो इन लोकब का परुडग बाक्त हना, इन थुं खकटा पा मबाक्कीन। 'काइ मगेनुड' दे मदेनीन। १५ हन्ना ३:१७ ८ तन्न गे शिशो पा मेको कली आ माल्लो नल्ल जेर गेने। लूका ६:३४-३५ ९ मिनु इन थुंमी 'जेर क्याम्तीक बर्स जाक्चा चिक्ताक्व' दे इन परुडग लोकब आ पर्वम गन गन पा, मेको कली वारच पा जेर गेचा मदक्नीनी हना, हास पने। मेको परुडगुमी इन पर्वम परमपरभु याव कली पुंइब। मिनु गे पापी दुम्नीनी। १० गेपुकीमी मेको कली हाइशो थुं पा गन गन मपथु गेने। मारदे हना ओं पतीकेन परमपरभु याव, इन परमपरभुमी इन कली इन पशो नल्लमी आसीक गेब। २कोरिन्थी ९:६-७ ११ मारदे हना रागीम श्येत जेशा परुडगपुकी गेना हना यो बाक्नीम। मोपतीक गो इन कली इन रागीम बाक्शो श्येत जाइब इन लोकब नु परुडग आन कली तशा, हाइशो मुर दुम्शा गेने। मत्ती २६:११; यसेया ५८:७; याकूब २:१५-१६

७ बर्स डा वाइलीम वाइल

परस्थान २१:१-६

१२ मिनु इन हिवरू आन दाते डा लोकब, मीश मुर वोंइश मुर, आम कली इन गुडमी लेयसीनीम हना, मेकोमी इन कली ६ बर्स गेय पचा माल्लीम। मेको ७ बर्समी मेको आन कली परांइशा लचा गेचा माल्लीनी। येरमीया ३४:१४ १३ मिनु गे मेको परांइनीनु, श्येत्य गुइ मसोइक्तीन। १४ परमपरभु याव, इन परमपरभुमी इन कली आसीक गेशो रे इन क्यारश मेडा इन अन्न नु अडगुर शांबु रे मेको कली शुश गेशा सोइक्तीन। १५ गेपुकी इजीप्त रागीमी वाइलीम वाइल दुम्शा

बाक्तीनी। मिनु परमपरभु याव, इन परमपरभुमी इन कली परांइतु, मेको मिम्तीन। मोपतीक गो मुलाक्ती दोपा पचा, दे गो इन कली शंनुड। व्यवस्था ५:१५ १६ मिनु मेकोमी इन कली नु इन मुर आन कली दाक्शा, मेकोमी थो इन कली मपरांइथु, एकन गेय पाइनुड' दंत हना, १७ गे मेको मुर कली लाप्चामी राप्पाइशशा लूज का लाइशशा, मेको आ नोफा लाप्चा डा शी तारी खिरत्वा माल्लीनी। मिनु मेको मबेक्म सम्म इन वाइल दुम्ब। वाइलीम कली यो मोदंशो पचा माल्लीनी। १८ गेपुकीमी मेको आन कली परांइशा सोइक्चा श्येत मलाक्कीन। मारदे हना गाल्व ताक्शा गेय पाइब आन क्येडा निक्शो खेयप हिवशो खोदंशो पा मेकोमी ६ बर्सम गेय पने थुम्शो बाक्ब। गेपुकीमी इन परांइशो वाइलीम वाइल कली रिम्शो पा गेतीनी हना, परमपरभु याव, इन परमपरभुमी इन कली इन पशो नल्लमी आसीक गेब।

डांइती जरेमेशो ब्यफ नु सांड

१९ इन बी ब्यफ आ डांइती जरेमेशो बाछा नु इन क्यारश मेडा आ डांइती जरेमेशो पाठा परमपरभु याव, इन परमपरभु कली गेचा माल्लीनी। इन डांइती जरेमेशो ब्यफ लाइशशा गेय मपचा। डांइती जरेमेशो सांड आन कली ऊन मपरक्चा। परस्थान १३:२-१३-१६ २० मिनु बर्स बर्सम गेपुकी नु इन खिं डा मुर नल्लमी परमपरभु याव आ बाक्तीकमी परमपरभु याव, इन परमपरभु आ डांइती ब्यचा माल्लीनी। व्यवस्था १४:२३ २१ तन्न मेको ब्यफ, सांड कली मारदे दुम्शा बाक्त हना, कोडट बोडट बाक्त हना, नु मिक्च मताइब मारदे दुम्शा बाक्त हना, गेपुकीमी मेको कली परमपरभु याव, इन परमपरभु कली चदेचा मदुम्ब। लेवी २२:२० २२ गेपुकीमी इन सहरमी किशश नु रोकोश ब्यशो खोदंशो पा परमपरभु आ डांइती गरांगरा दिशो नु मदिशो नल्लमी ब्येन चाप्नीम। व्यवस्था १२:१५, २२ २३ मेको आ हुश ला मब्वचा। मेको ब्वाक्कु खोदंशो पा खपीम ताइक्चा माल्लीनी" दंत। व्यवस्था १२:१६

पास्सा चाड मान्तीके

परस्थान २३:१४-१७; परस्थान ३४:१८-२४

१६ मिनु मोसामी "गेपुकीमी आबीब महिनाम परमपरभु याव, इन परमपरभु आ पास्सा चाड मानेचा माल्लीनी। मारदे हना परमपरभु

यावे, इन परमपरभुमी आर्वाब महिना डा नाकदो इन कली इजीप्त र गर्डताकव। परस्थान १२ :- २मिनु गेपुकीमी परमपरभु यावे आ नें वोडकचा कली आ योत्रशो बाक्तीकमी परमपरभु यावे, इन परमपरभु कली बाका नु व्यफपुकी क्योरशा पास्सा चाड मानेचा माल्लीनी। ३गेपुकीमी ग्युरशो बोरब ओस्ती सुष्शा शोब्त मेको श्ये नु मज्जन। गेपुकी ७ नाक्त सम्म ग्युरशो बोरब ओस्ती मसुष्शा शोब्त जचा माल्लीनी। मेको इन श्येत डा शोब्त बाक्ब। मारदे हना गे इजीप्त र चुइश्शा गस्तीनी। मिनु गेपुकीमी मवेकनी सम्म इजीप्त र गूरशो नाक्ती मिम्चा कली मेको पास्सा चाड मानेचा माल्लीनी। परस्थान १२ :११ ४मिनु ७ नाक्त सम्म इन रागी नेल्लेमी ग्युरशो बोरब ओस्ती बाक्चा मदुम्ब। मिनु गेपुकी डांइती डा नाकदो क्योरशो श्ये सुनी सम्म मारइ हेंचा मदुम्ब। ५ परमपरभु यावे, इन परमपरभुमी इन कली गेशो सहरमी मेको पास्सा चाड डा मार मार क्योरने मचान्नीनी। ६ परमपरभु यावे, इन परमपरभुमी आ नें वोडकचा कली नोले योत्रशो बाक्तीकमी मेको पास्सा चाड डा मार मार क्योरचा माल्लीनी। गे मेको इजीप्त र गर्डशा, नां रिक्वी ना पचा माल्लीनी। ७मिनु गे मेको श्ये कली वाल्शा, परमपरभु यावे, इन परमपरभुमी नोले योत्रशो बाक्तीकम चोचा माल्लीनी। मिनु सुनी लेशशा, आम आम ताम्बु लने। ८गे ६ नाक्त सम्म ग्युरशो बोरब ओस्ती मसुष्शा शोब्त जचा माल्लीनी। मिनु ७ नाक्तीम परमपरभु यावे, इन परमपरभु आ पर्वम बुक्तीक नाक्त बाक्ब। मेको नाक्ती मारइ गेय मपने।

पास्सा आ ७ हप्ता नोले डा चाड

१मिनु मीशो बाली रिक्चा गोशो नाक्त र गेपुकीमी ७ हप्ता हिक्चा माल्लीनी। १०मिनु गेपुकी हप्तापुकी डा चाड परमपरभु यावे, इन परमपरभु कली मानेचा माल्लीनी। परमपरभु यावे, इन परमपरभुमी इन कली आसीक गेशो सोदंशो पा इन ग्युरसीशो थुंमी च्देशा चाड मानेचा माल्लीनी। परस्थान ३४ :२२ ११मिनु गेपुकी, इन तमी तौपुकी, वाइलीम वाइल, इन सहरम बाक्शो लेवी आ थर डा मुरपुकी, इन दातेमी बाक्शो अर्का रागी डा मुरपुकी, रोम रोडकच नु आन वांइश बेक्शो मीश मुर नेल्ल परमपरभु यावे, इन परमपरभु आ नें वोडकचा

कली नोले योत्रशो बाक्तीकमी मेको आ डांइती ग्युरसीचा माल्लीनी। १२गेपुकी इजीप्त रागीम वाइलीम वाइल दुम्शो मिम्चा माल्लीनी। गे मेको फुल्लुम मुशा बरक्शो लोत्र होस पा टिचा माल्लीनी। व्यवस्था ५ :१५

बाली नाली आंइतीक चाड

१३मिनु इन रू डा अन्न अडगुर मारइ मारइ सुम्न थुम्शा, गेपुकीमी बाली नाली आंइतीक चाड ७ नाक्त सम्म मानेचा माल्लीनी। १४मिनु गेपुकी, इन तमी तौ, इन वाइलीम वाइल, इन सहरम बाक्शो लेवीपुकी, अर्का रागी डा मुरपुकी, रोम रोडकच नु आन वांइश बेक्शो मीश मुरपुकी, नेल्लेमी ग्युरसीशा मेको चाड मानेचा माल्लीम। व्यवस्था २६ :११; यसेया ३० :२९ १४मिनु गेपुकीमी परमपरभु यावे, इन परमपरभु आ योत्रशो बाक्तीकमी ७ नाक्त सम्म मेको चाड मानेचा माल्लीनी। मारदे हना परमपरभु यावे, इन परमपरभुमी इन कली बाली नाली शुश गेब नु इन मारइ मारइ पशोमी इन कली आसीक गेब। मोपतीक गेपुकी शुश ग्युरसीचा माल्लीनी।

१६मिनु परमपरभु यावे, इन परमपरभुमी आ नोले योत्रशो बाक्तीकमी इन दाते डा वांइश मुर नेल्ले सां खेयप परमपरभु यावे आ डांइती जाक्दीत्वा माल्लीम। ग्युरशो बोरब ओस्ती मसुष्शा शोब्त डा पास्सा माइश्शा चाड, ७ हप्ता नोले डा हप्ता डा चाड नु बाली नाली आंइतीक गाठ सल्ल्तीक चाडम जाक्दीत्वा माल्लीम। मिनु परमपरभु यावे आ डांइती श्येत्य गुड जाक्चा मदुम्ब। १७ परमपरभु यावे, इन परमपरभुमी आसीक गेशो सोदंशो पा नेल्लेमी आन चाष्शा गेचा माल्लीम।

निसाफ पतीक

१८मिनु मुर आन कली ठीक निसाफ पचा कली गेपुकीमी इन थर थर डा नु परमपरभु यावे, इन परमपरभुमी इन कली गेशो सहर सहरम निसाफ पाइब नु टेयब मुर योत्रशा वोडकचा माल्लीनी। व्यवस्था १ :१६-१८; गन्ती ११ :१६ १९ निसाफ हेंथे मपने। कुल मकोवडीन। घूस मज्जन। मारदे हना घूसमी जोक्ब तुडक्ब मुर आन मिक्च सिल्व। मिनु ठीक पाइबमी घूस जशा दूली लोत्र पाइब। १सामुएल ८ :३ २०मिनु परमपरभु यावे, इन परमपरभुमी गेशो रागीम बरांइचा नु इन के सल्ला, दे ठीक पतीक लां सोतीन।

चढ़ेतीके परमपरभु कली ला बाक्व

२१ गेपुकीमी अशराह देवी आ लाइशो मूर्ति परमपरभु यावे, इन परमपरभु कली चढ़ेतीक आ नेक्था खरुक्चा मदुम्ब। व्यवस्था ७:५; २राजा २३:४ २२ गेपुकीमी तेकोइ अर्का मूर्ति वोइक्चा मदुम्ब। मारदे हना मेको नेल्ल परमपरभु यावे, इन परमपरभुमी कली ग्रांगरा दीब” दंत। लेवी २६:१; येरमीया २:२७

१७ मोसामी “गेपुकीमी परमपरभु यावे, इन परमपरभु कली कोडेट बोडेट गाक्व मिक्च मताइब, मारइ दुम्शो ब्यफ भंडा चढ़ेचा मदुम्ब। मोदंशो परमपरभु यावे, इन परमपरभु कली ग्रांगरा बाक्व। लेवी २२:२०; मलाकी १:६-९

मूर्ति पूजा आ पर्वम

२मिनु परमपरभु यावे, इन परमपरभुमी इन कली गेशो सहरमी सुइ वोइश मुर मीश मुरुमी परमपरभु यावे, इन परमपरभु आ डांइती मरिम्शो पा आ कबल कली परांइशा, व्यवस्था १३:७-१२ ३मेकोपुकीमी देवी देवता सोइशशा, मेको आन कली ठेयब सेल्शा, नां, तास्ता, सोरुल आन डांइती बाप्शा गोम ‘भपन देशो’ पाम्तेक्म हना, व्यवस्था ४:१९ ४मिनु मुरपुकीम मेको आन पर्वम इन कली शंताक्म हना, गेपुकीम रिम्शो पा खोदील निदील पा हिल्लो पचा माल्नीनी। मिनु मेको थमा पा इन इसराएलमी मोदंशो ग्रांगरा दिचा डा गेय पशो बाक्व हना, ५मेको मोदंशो ग्रांगरा पाइब वोइश मुर हना यो, मीश मुर हना यो इन सहर रे गरुंडशा, फुल्लु आप्शा साइक्चा माल्नीनी। लेवी २४:१४ ६साइक्चा पुंडसीब आन पर्वम मुर निक्शी नु सांमी ‘शो ताता, सांकछी दुम्ती’ दंतक्म हना, ला साइक्चा दुम्ब। का ला सांकछी बाक्व हना साइक्चा मदुम्ब। व्यवस्था १९:१५; १राजा २१:३०; हिब्रू १०:२८ ७मेको आन पशो ताइब सांकछीपुकीमी नेल्ल क्येडा डांइती मेको आन कली साइक्चा, दे फुल्लु आप्चा माल्ब। मेको नोले ला नेल्ल अरुम पचा माल्नीम। मिनु मोपा गेपुकीमी मरिम्शो नेल्ल इन दाते रे गरुंडचा माल्नीनी।

नेल्ल क्येडा ठेयब निसाफ

८मिनु इन सहरम मुर साइक्तीक, रू योक्तीक, तुम्मुतीक नु मारइ मारइ मचाप्चा

डा निसाफ बाक्व हना, इन सहर रे परमपरभु यावे, इन परमपरभु आ योत्रशा बाक्तीकम लचा माल्नीनी। ९मिनु गेपुकी चढ़ेब, लेवी आ थर डा मुर नु मेना गेय पाइब निसाफ पाइब कली ‘भार पचा’ दे हिल्लो पचा कली गरुम्थ लचा माल्नीनी। मेकोमी इन कली दोपा निसाफ पचा शंनीम। २इतिहास १९:८,११ १०मिनु परमपरभु यावे आ योत्रशा बाक्तीकमी मेकोपुकीमी इन कली मार देनीम, मेको मोदंशो पा ठीक पा निसाफ पचा माल्नीनी। मिनु इन कली दोपा शंदमे, मोपा होस पा पचा माल्नीनी। ११मेको इन कली शंशा अरेशो लोत्र नु निसाफ पतीक गे पचा माल्नीनी। मेको लोत्र नंशा, ग्युरा नु पेरा गे मलने। १२सुइम ठेयब लेशशा, परमपरभु यावे, इन परमपरभु आ गेय पचा कली वोइशशा चढ़ेब, निसाफ पाइब आन लोत्र मटिप्टु हना, मेको साइक्चा पुंडसीब। मिनु मोपा गेपुकीमी इसराएली, इन दाते रे मरिम्शो नेल्ल गरुंडचा माल्नीनी। १३मिनु मुर नेल्लेमी मेको नंशा हिंशा मोदंशो मपाइक्नीम।

पिप योत्रतीक आ पर्वम

१४ मिनु गेपुकी परमपरभु यावे, इन परमपरभुमी इन कली गेशो रागी जाक्दीशशा, इन के सेल्शा बाक्नीनु, गेपुकीमी ‘एर आंथ डा रागी रागी खोदंशो पा आंइ कली यो पिप का वोइक्चा माल्नीक’ दंतीनी हना, १सामुएल ८:५-९ १५ परमपरभु यावे, इन परमपरभुमी योत्रशा मुर कली ला वोइक्चा दुम्ब। इन लोक्व आन दाते रे योत्रशा पिप वोइक्चा माल्नीनी। अर्का जात डा मुर पिप सेल्त्वा मदुम्ब, इन लोक्व कली ला सेल्त्वा माल्ब। १६मेकोमी शुश शारा आंम कली मवोदल। मिनु मेकोमी शारा ग्याप्चा कली मुर आन कली इजीप्त मसोइक्तल। मारदे हना परमपरभु यावेमी ‘मेको लां गेनायो लेशशा मलने’ दंत। १राजा १०:२६-२९ १७मिनु परमपरभु यावे रे डोन मलने, दे मीश मुर शुश चाक्चा मदुम्ब। मिनु मेकोम आंम कली शुश सुन चांदी मखुप्टल। १राजा ११:३-८; १राजा १०:१४ १८मिनु मेको पिपमी सासन पवानु, चढ़ेब, लेवी आ थर डा मुर आन किताब रे परमपरभु यावे आ अरेशो लोत्र किताब काम बरक्चा माल्ब। १९मेको लोत्र मेको नु बाक्चा माल्ब। मिनु मेकोमी परमपरभु यावे, आ परमपरभु कली मान पा हिंचा कली शंसीचा कली मबक्म सम्म नाक्व कित कित पदेचा माल्ब। मेको अरेशो लोत्र नेल्ल नु

फुल्लुम मुशा बरक्शो लोत्र होस पा पचा माल्ब ।  
२० मेकोमी आंम लोकब आन दातेमी आंम कली  
ठयब मसुदल । परमपरभु यावे आ शंशो लोत्र  
रे डोन मलल । ग्युरा परा गे मलल । मिनु आं  
तौ चचपुकीमी इसराएल डा राज्य कली शुश  
नाक्ती सम्म सासन पामक्ल" दंत । व्यवस्था  
५ :२९

लेवी आ थर डा चढेब आन गेय

१८ १मोसामी "लेवी आ थर डा चढेब, नु लेवी  
आ थर डा मुर नेल्लेमी रू मथरनीम ।  
परमपरभु यावे कली चोशा चढेशो नु मेको कली  
गेशो मेकोपुकीम जामक्ल । व्यवस्था १० :९ ;  
गन्ती १८ :५-२० ; १सामुएल २ :२८ ; १कोरिन्थी  
९ :३३ २मेको आन लोकब आन दातेमी मारइ शांप  
मताइनीम । आं देशो सोदेशो पा परमपरभु यावे  
मेको आन शांप बाक्ब ।

३मिनु मुरपुकीमी ब्यफ, भेडा, क्यारश  
क्यारशा चढेमनु, चढेब कली मार गेचा माल्नीम  
देशा हना, आ बला रे सोडल सम्म, शांप निक्शी  
नु कोत्रज गेचा माल्नीम । ४मिनु इन डांइती  
रिक्शो अन्न, डांइती डा अडगुर शांबु, डांइती  
डा खराक्शो तेल नु भेडा आन डांइती परक्शो  
ऊन गेचा माल्नीम । परस्थान २३ :१९ ५मारद  
हना परमपरभु यावे, इन परमपरभुमी नेल्ल इन  
थर रे लेवी आ थर योत्रशो बाक्त । मारद योत्रशो  
बाक्त देशा हना, मेको नु आ तौपुकी गेना हना  
यो परमपरभु यावे आ डांइती राष्शा, आ गेय  
पचा कली योत्रशो बाक्त ।

६मिनु इसराएलम बाक्ब लेवी आ थर डा  
मुर तेको तेको सहर रे परमपरभु यावे आ  
योत्रशो बाक्तीक जाक्शा, न्यायाधीस १७ :७ ;  
न्यायाधीस १९ :३ ७परमपरभु यावे आ डांइती  
राष्व आ लोकब नेल्ल सोदेशो पा परमपरभु  
यावे, आ परमपरभु कली गेय पने चाक्ब । ८मेको  
नु आ मार मार लेयशो क्येट बाक्त हना यो, अरु  
चढेब सोदेशो पा उडक्थ उडक्थ जचा ताइब ।

मपचा डा गरांगरा दिशो गेय

९परमपरभु यावे, इन परमपरभुमी इन कली  
गेशो रागी जाक्दीन्नी नोले मेकेर डा रागी रागी  
डा मुर आन पशो गरांगरा दिशो गेय शंसीशा  
काइ मपने । १०मेको गरांगरा दिशो गेय मार  
बाक्ब देशा हना, आंम तमी तौ आन कली मीम  
चोशा चढेशा, लिंक्यु कोत्रचा, टुना मुना पचा,  
मन्तर तन्तर पचा, लेवी १८ :२१ ; लेवी १९ :२६,३१

११ठेयब मिक्च पचा, बेक्शो मुर रे लोत्र पचा नु  
बेक्शो मुर आ अर्ती नंथ माल्चा मेको नेल्ल  
गरांगरा दिचा डा गेय बाक्ब । मोदेशो पाइब इन  
दातेमी काइ मदुम्ब । लेवी २० :२७ ; १सामुएल  
२८ :३-२० १२मोदेशो पाइब मुर परमपरभु यावे  
आ डांइती गरांगरा दिचा डा बाक्नीम । मेको  
गरांगरा दिचा डा गेय आ पर्वम परमपरभु यावे,  
इन परमपरभुमी मेको मुर आन कली इन डांइती  
रे गरुडब । १३परमपरभु यावे, इन परमपरभु आ  
डांइती गेपुकी थमा सुइक्चा पुंडसीब रिक्शो  
पाइब दुमीन । उत्पत्ती ६ :९ ; उत्पत्ती १७ :३  
१४मारद हना गे खरचा चिक्शो रागी रागी डा  
मुरुम टुना मुना पाइनीम नु लिंक्यु कोत्रनीम ।  
परमपरभु यावे, इन परमपरभुमी इन कली मोदेशो  
पचा मगब ।

परमपरभु आ लोत्र पाइब

१५परमपरभु यावे, इन परमपरभुमी इन दाते  
रे आं सोदेशो पा आ लोत्र पाइब का योत्रब ।  
गेपुकीमी मेको आ लोत्र नंचा माल्नीनी । गन्ती  
१२ :६-८ ; यूहन्ना १ :४५ ; यूहन्ना ६ :३४ ;  
यूहन्ना ७ :४० ; पररित ३ :२२ ; पररित ७ :३७  
१६मिनु होरब डांडाम गरुम्या नाक्त परमपरभु  
यावे, इन परमपरभु कली मार पुंडतीनी देशा हना  
'गो परमपरभु यावे, आंइ परमपरभु आ सदा लेशा  
नंचा मदाक्नीक । मिनु मेको ठेयब मी लेशा तचा  
मदाक्नीकी । लेशा, ताइताक हना, बक्नीकी,  
कां' द हिंशा पुंडतीनी । परस्थान २० :१९ ;  
हिब्रू १२ :१९ १७मिनु परमपरभु यावेम आं  
कली 'मेकोपुकीमी रिष्शा लोत्र पाम्तक्म' दंत ।  
व्यवस्था ५ :२५ १८मिनु परमपरभु यावेमी आं  
कली 'इ सोदेशो पा आं लोत्र पाइब, आन लोकब  
आन दाते रे का योत्रनुड । आं दंचा माल्शो लोत्र  
गो मेको कली दंपाइक्नुड । मिनु आं अरशो लोत्र  
मेकोमी नेल्ले मुर आन कली देब । परस्थान  
४ :३२ ; यसैया ६ :८ ; येरमीया १ :९ ; मत्ती १० :१९  
१९ मिनु सुमी मेको आं नंम, देशो लोत्र मटीबा,  
मेको कली गो सजाइ गेनुडमी । २०तन्न तेको  
आं लोत्र पाइबमी आं मदेशो लोत्र देशा नु अरु  
देवी देवता आन देशो लोत्र पाप्तु हना, मेको  
आं लोत्र पाइब कली साइक्चा माल्नीनी ।  
व्यवस्था १३ :२-६ ; येरमीया १४ :३३-३५ २१मिनु  
गे इन थुमी "परमपरभु यावे आ लोत्र बाक्बा देय  
मबाक्बा मेको दोपा तुडक्नय ?" दे मिम्ताक्नी  
हना, २२मेको परमपरभु यावे आ लोत्र पाइबमी  
परमपरभु यावे आ नंमी लोत्र पाइब, तन्न मेको

लोत्र मगाप्त नु महुम्त हना, मेको आं देशो ममाइ। मेको आं लोत्र पाइबमी आंमा थुं डा लोत्र पाप्तु। गेपुकी मेको कली तशा महिनीन' दे परमपरभुमी दंत" दे मोसामी इसराएली आन कली लोत्र पाप्तु। यरमीया २३:१४; यरमीया २८ :-; इर्जीकीएल १३:३-१६

### मुर साइशशा परोक्तीक सहर

१९ मिनु परमपरभु यावे, इन परमपरभुमी रागी रागी डा मुर आन कली खरशा इन कली गेशो रागीमी आन सहर नु खिंपुकी इन के दुम्मेनु, २मेना परमपरभु यावे, इन परमपरभुमी इन कली गेशो रागीम गे सहर सां तिल्ला माल्नीनी। व्यवस्था ४:४१-४३ ३ मिनु परमपरभु यावे, इन परमपरभुम इन कली गेशो रागी कली का का पा परोक्तीक सहर योत्रचा, दे भाग सां सेल्वा माल्नीनी। मेको का का पा सहर सांम मुर साइक्व मुर परोक्शा, लशा बाक्तीक सहर सेल्वा माल्नीनी।

४ मिनु सुइमी गेहे मपथु, साइक्वा ममिम्थु मुर का कली साइक्तु हना, मेकर परोक्शा लशा बरोइल। ५ दोदेशा दुम्ने चाप्प देशा हना, आन वारच नु शी खरोइक्थ ब्याकी लमानु, खा तिम्मेनु, मेको खा डा फलम बुइशशा, लशा, खरशा आ वारच बेक्त हना, मोदेशो पा मुर साइक्व मुर मेको सहरम परोक्शा लने चाप्नीम। ६ मेको सहर डोन बाक्त हना बेक्व मुर आ मुरपुकीम मेको कली क्येक्क लेत्वा कली लांमी खदा पा साइक्व। तन्न मेको मुर साइक्वा मपुंडसीब बाक्व। मारदे हना मेको आ वारच बाक्त। ७ मोपतीक गो इन कली "सहर सां तिल्ला माल्नीनी" दे माइक्तन्नी।

८ मिनु परमपरभु यावे, इन परमपरभुमी इन किकी पिपी नु कसम जशा खोदेशो पा इन रागी बारपाइक्तु हना, ९ मिनु गे मुलाक्ती शंशो परमपरभु यावे आ अरेशो नेल्ल हास पा पाइतीनी हना, मिनु गे परमपरभु यावे, इन परमपरभु कली दाक्ताक्नी हना, गे नेल्ल नाक्ती मेको आ लांम गाक्तीनी हना, मेको सहर सां कली अर्का सहर सां तेम्चा माल्नीनी। १० मोपा परमपरभु यावे, इन परमपरभुमी इन कली गेशो रागीम दोस मताइब कली मसदमेक्ल। दोस मताइब कली साइक्नीम हना, इन दातेमी साइक्वा डा पाप राइब।

११ तन्न मुरुम डांइती रे ईस कुरशा, गेहे पशा, बाप्शा मुर कली तुप्शा साइक्तु हना, परोक्तीक सहर काम परोक्त हना, १२ मेको मुर आ

सहर डा खाल्पापुकीमी मेको कली चाक्पाइशशा, क्येक्क लेप्प आन गुइमी साइक्पाइक्वा कली जिम्मा गेमेक्ल। १३ मेको कली शिशी मपन। मिनु इसराएलम सुम मारइ दोस मतशो मुर कली हुश खराक्श पोक्शो पाप मोदेशो पा क्याम्चा माल्ब। व्यवस्था २१:८-९

### सांद याक्वा महुम्ब

१४ मिनु गे परमपरभु यावे, इन परमपरभुमी इन कली इन के सेल्वा कली गेशो रागीम बाक्तीनी हना, इन किकी पिपीमी वोइशशा इन नेक्था डा मुर आन सांद याक्वा महुम्ब। व्यवस्था २७:१७

### सांकछी आन लोत्र गारचा माल्ब

१५ मुर कामी दोस ताइब दुम्शो बाक्त दंतेक्म हना, सांकछी का आ लोत्र ला नंशा महुम्ब। सांकछी निक्शी, सां आन लोत्र गारत हना ला मेको कली दोस गेचा। व्यवस्था १७:६; गन्ती ३५:३०; यूहन्ना ८:१७; २कोरिन्थी १३:१; हिबेरू १०:२८ १६ मिनु जोल पा सांकछी बाक्शा, मुर का कली दोस गेचा कली बाक्त हना, १७ दोस गेब नु दोस ताइब निम्फा, परमपरभु यावे आ डांइती, चढेब नु निसाफ पाइब आ नेक्था जाक्वा माल्नीस। १८ मेको निसाफ पाइबमी मेको निक्शी आस कली खोदील निदील पा हिल्लो पचा माल्ब। दोस गेब आ लोत्र जोल बाक्त हना, दूली पा आ लोक्व कली दोस गेशो बाक्त हना, १९ मेकोम आंम लोक्व कली मार पचा मिम्शो बाक्म, मेको कली मोन पचा माल्ब। मोपा गे इन दाते रे मरिम्शो पतीक क्याम्चा माल्नीनी। २० मिनु अरु मुरपुकीमी मेको नंशा हिंचा माल्नीम। मिनु नोल इन दातेमी मोदेशो मरिम्शो मपाइनीम। २१ मिनु गेपुकीमी शिशी मपन। साइक्व कली साइक्वा माल्ब। मिक्च पुक्व कली आ मिक्च पुक्वा माल्ब। खरुइ जिक्व कली आ खरुइ जिक्वा माल्ब। गुइ खोइल जिक्व कली आ गुइ खोइल जिक्वा प्रस्थान २१:२३-२५

### लडाइ आ पर्वम लोत्र

२० १ मिनु मोसामी "गेपुकी लडाइ पथ लनीनु, शारा नु बग्गीपुकी तशा, इन जोरी सतरु इन क्येडा शुश बाक्तेक्म हना, महिनीन। मारदे हना परमपरभु यावे, इन कली इजीप्त रे गरुंडब इन परमपरभु गेपुकी नु बाक्व। २ मिनु लडाइम लचा क्येडा डांइती चढेबमी लडाइ

पथ लाइब आन डोंडती लशा ३ 'इसराएलीपुकी ननीन, गेपुकी मुल लडाइ पथ लचा चिक्शो बाक्नीनी। मोपतीक आइक्व थुं मपने। महिनीन। मेको आन कली तशा, गरीचोक पा इन थुं ग्येत्थ लुक्च मदुमीन। ४ मारदे हना परमपरभु यावे, इन परमपरभु इन जोरी सतरु नु लडाइ पा इन कली गरापाइक्वा कली गेपुकी नु लाइब' देचा माल्नीम। ५ मिनु आन ठेयब मुरपुकीमी मुर आन कली 'सु इन दातेमी नक सिं का सेत्त्शा, ओवतीक चाड ममानेशो बाक्त हना, मेको आ सिं लेशशा, लचा माल्ब। मेको लडाइम बेक्त हना, आ सिंम अर्कां मुर चाड सेत्त्शा ओवब, मेको मदुम्ब। व्यवस्था १:१५; व्यवस्था १६:१८ ६ सुइ इन दातेमी अडगुर रू खरुम्शा, जचा मतशो बाक्तीनी हना, इन सिं लेशशा लने। मेको लडाइम बेक्त हना, आ अडगुर रू अर्कांम जाइब, मेको मदुम्ब। व्यवस्था २८:३०; लेवी १९:२४-२५ ७ सुइ इन दातेमी मीश आल का पुंडशा ग्युंवे पचा चिक्शो बाक्तीनी हना, मेको सिं लेशशा लचा माल्ब। मेको लडाइम बेक्त हना, मेको मीश आल अर्कांम लाइक्व। मेको मदुम्ब' देचा माल्नीम। व्यवस्था २४:५ ८ मिनु मेको ठेयब मुरपुकीमी लेशा मुर आन कली 'इन दातेमी सुइम हिंब नु आ थुं लुक्च लाइब बाक्त हना, मेको आ सिं लेशशा लचा माल्ब। मेकर बाक्त हना, आ लोकब आन थुं यो ग्येत्थ लुक्च लपाइक्व' देचा माल्नीम। न्यायाधीस ७:३ ९ मिनु ठेयब मुरपुकीमी मो दने थुम्म नाले, मेकोपुकीमी लडाइ पाइब आन डोंडती गाक्वा कली, ठेयब मुरपुकी योवचा माल्नीमी।

### लडाइ दोपा पचा, दे शंशो

१० मिनु गेपुकी सहर का कली लडाइ पथ, आ नेक्था जाक्दीनी नाले मेको आन कली 'लडाइ मपय, गुइ पोक्कीन' देचा माल्नीनी। ११ मिनु मेकोपुकीमी 'दुम्ब' दे गुइ पोक्तेक्म हना, मेकर डा मुर नेल्ले आन कली वाइलीम वाइल खोदंशो पा गय पाइब सेत्त्वा माल्नीनी। १२ तन्न मेको सहर डा मुरपुकीमी इन देशो मबिथु लडाइ पचा दाक्ताक्म हना, मेको सहर कली पुम्दीन। १३ मिनु परमपरभु यावे, इन परमपरभुमी मेको सहर इन कली गप्तु हना, गेपुकीमी मेकर डा वोंडश मुर नेल्ल आन कली तरवारम साइक्वा माल्नीनी। व्यवस्था ३:६-७; गन्ती ३१:७, १४-१८ १४ तन्न मीश मुर, आलपुकी, बी ब्यफ, क्यारश भडा नु सहरम बाक्शो मारइ मारइ इन

के दुम्ब। मोपा परमपरभु यावे, इन परमपरभुमी गेशो गराशो थोवक तशा ग्येरसीन। १५ आंम नेक्था डा रागी रागी कली ममाइ, तन्न डोन डा सहर कली मोदंशो पचा माल्नीनी। १६ तन्न परमपरभु यावे, इन परमपरभुमी मेको जात जात डा मुर आन सहर इन कली गेशो सहरम मार मार सस बाक्म, मेको साइक्वा माल्नीनी। गन्ती २१:१-३; यहोसु १०:४० १७ परमपरभु यावे, इन परमपरभुमी अरेशो खोदंशो पा, हिती, एमारी, कनानी, परिज्जी, हिप्वी नु यबुसी नल्ल आन कली साइशशा क्याम्चा माल्नीनी। १८ मो मपाइतीनी हना, मेको आन देवी देवता आन कली गरांगरा दिचा डा पतीक शंसीनीनी। मोपा परमपरभु यावे, इन परमपरभु कली मरिम्शो पा पाप पाइनीनी।

१९ मिनु गेपुकीमी सहर का कली लडाइ पा शुश नाक्त सम्म पुम्शा बाक्नीनु, मेको सहर डा रवापुकी मतिम्चा। मारदे हना गेपुकीमी नाले मेको आन फल जने चान्नीनी। मार, मेको एर आंथ डा रवापुकी मुर खोदंशो बाक्नीमी डा? २० तन्न इन तुइशशा जचा फल मसिप्व रवा तिम्ने चान्नीनी। मिनु मगरानी सम्म मेको रे सहर डा गारो डोइक्तीक सेल्ले चान्नीनी" देत।

### मतुइक्थु साइशशा

१ मिनु परमपरभु यावे, इन परमपरभुमी इन २१ कली गेशो इन क सेत्त्वा चिक्शो रागी डा दिम मर बेक्शो मुर का थितीनी नु मेको साइक्व मुर मतुइसाक्व हना, २ इन खाल्पा नु निसाफ पाइबपुकी लशा, मेको साइशशा मुर तेको एर आंथ डा सहर क्येडा नेक्था बाक्बा, पुक्चा माल्नीम। ३ मिनु मेको आ नेल्ल क्येडा नेक्था डा सहर आ खाल्पापुकीमी गय मपपाइशशा नु हलो मवाक्शो बी बाछा का चाक्चा माल्नीम। ४ मिनु मेको खाल्पापुकीमी मवाक्शो नु वांचेर मशोक्शो रू नु गेना हना यो ब्याक्कु बाक्शो खोला आ नेक्था लाइशशा, मेको बाछा आ शुर रोप्चा माल्नीम। ५ मिनु चदेब, लेवी आ तौपुकी मेको आ नेक्था जाक्चा माल्नीम। मारदे हना परमपरभु यावे, इन परमपरभु आ गय पचा नु आ नमी आसीक गेचा कली योवतु। मिनु जिशो खेशो बाक्त हना, मेको आन देशो पचा माल्नीम। व्यवस्था १७:८-९ ६ मिनु मेको साइशशा मुर आ सहर नेक्था डा खाल्पापुकी मेको शुर रोप्शा साइशशा खोला डा बी तार आन गुइ चिक्सीमल। मत्ती २७:२४ ७ मिनु मेकोपुकीमी "गेपुकी आंइ

गुडमी हुश खराकश मपोकशो। सुम पवा मेको या मतुइश्शो। ८मोपतीके परमपरभु यावे इन श्यत रं परांइशो इन मुर इसराएली आंइ पाप क्याम्दीन। इन मुर इसराएली आन दातेमी एको दोस मतशो मुर कली पोक्शो हुश खराकश आ पाप गो आंइ दातेमी मलील” दे पुंइचा माल्नीम। मिनु मेको हुश खराकश पोक्तीक पाप क्याम्सीब। ९मोपा गपुकीमी दोस मतशो मुर कली साइक्चा पुंइसीतीक इन दाते रं गुरुइचा माल्नीनी। मारदे हना गपुकीमी परमपरभु यावे आ डांइती ठीक पचा माल्नीनी। गन्ती ३३ :३३

### लडाइम तशो मीश आल

१०मिनु गपुकीमी लडाइम लनीनु, परमपरभु यावे, इन परमपरभुमी इन जोरी सतरु आन कली इन गुडमी गेवानु, ११मिनु फरंशा लाइश्शो आन दातेमी दारशो मीश आल का ताइतीनी नु मेको नु ग्युबे पचा दाक्ताकनी हना, १२मेको कली इन खिम लतीन। मिनु मेको मीश आलम आ चां फरंचा नु आ ग्ये खरोइक्चा माल्ब। १३मिनु नोले मेकोमी आ माइत वा परुइश्शा नक वा फक्चा माल्ब। मेको इन खिम बाक्शा, महिना का सम्म आ आंम आफ आन पर्वम रांका पचा माल्ब। मिनु नोले मेको कली ग्युबे पा मेको निकशी मीश वॉइश दुम्न चाप्नीम। १४मिनु गे मेको कली तशा बरीताकनी हना, मेको कली तिल्वा दाक्ताकनी हना, मेको कली परांइशा लचा गेन। गे मेको कली लेयचा मताइनीनी। मिनु वाइलीम कली खोदंशो पचा मताइनीनी। मारदे हना मेको इन मीश बाक्त।

### डांइती जरमेशो तौ

१५मिनु वॉइश मुर का के मीश निकशी बाक्शा, का आ दाक्शो नु का आ मदाक्शो मीश बाक्त हना, मेको निकशीमी तौ का थिशा, आ मदाक्शो मीशेम चहिं डांइती तौ थिशो बाक्त हना, उत्पती २९ :३०-३२ १६अडस पशोनु, आ दाक्शो मीश आ तौ, मदाक्शो आ तौ परांइशा, डांइती जरमेशो तौ सेल्ने मचाप्ब। १७मेकोमी आ मदाक्शो मीश आ तौ “डांइती जरमेशो तौ बाक्ब” दे आ शांप डा भाग निकशी गेचा माल्ब। मारदे हना मेको आ डांइती डा सक्तिम थिशो बाक्ब। डांइती जरमेशो तौ आ अधिकार मेको केन बाक्ब। उत्पती ४९ :३

### हंथे गाक्ब तौ कली सजाइ

१८मिनु मुर का हंथे गाक्ब मटीब तौ का बाक्त हना, मेको आ आम आफ आस दंशो काइ मटीब बाक्त हना, तुप्शा, शंशा यो मेको आस दंशो मटिप्तु हना, व्यवस्था २७ :१६ ; परस्थान २० :१२ १९मेको आ आंम आफोम मेको कली ग्याइश्शा, सहर डा खात्पा आन डांइती सहर डा लाप्चो आ नेक्था चाक्चा माल्नीम। २०मिनु नोले मेको निकशीमी सहर डा खात्पा आन कली “एको आंस तौ हंथे गाक्ब नु मटीब बाक्ब। एकोमी आंस अरंशा मटीब। एको शुश जाइब नु रकसी शांबु तूब बाक्ब” दंसल। २१मिनु मेको सहर डा मुर नेल्लेमी मेको कली फुल्लु आप्शा साइक्चा माल्नीम। मिनु गपुकीमी इन दाते डा मरिम्शो क्याम्चा माल्नीनी। मिनु इसराएली नेल्लेमी मेको नंशा, हिंचा माल्नीम।

### मरिम्शो पाइब कली सजाइ

२२मिनु मुर कामी बेक्चा माल्शो सजाइ तशा, गपुकीमी मेको कली खाम क्युक्तीनी हना, गन्ती २५ :४ ; यहासु ८ :२९ ; यहासु १० :२६-२७ ; १सामुएल ३१ :१० ; २सामुएल ४ :१२ ; २सामुएल २१ :६,९ २३मेको आ लास आ दीसा सुनी सम्म खाम क्युक्शा, वॉइक्चा मदुम्ब। मेको नाक्तीन मेको कली थिम्चा माल्नीनी। मारदे हना क्युक्शा साइश्शो मुर परमपरभुम पशो सराप चील बाक्ब। परमपरभु यावे, इन परमपरभुमी गशो रागी कली गरांगरा दिशा मसलीन। यहासु ८ :१९ ; यहासु १० :२७ ; यूहन्ना १९ :३१ ; गलाती ३ :१३

### वारच पतीके आ पर्वम अरंशा

२२ गे इन लोकब आन ब्यफ, भंडा हंथे गाक्शो ताइक्तीनी हना, गे मेको कली इन लोकब आ बाक्तीकेम चाक्दीतीन। परस्थान २३ :४ २इन लोकब इन नेक्था मबाक्त हना, मेको आ होद्रप मतुइक्ताकनी हना, गे मेको आन कली इन खिम चाक्शा वोतीन। मिनु ममाल्मे सम्म इन खिम थुलीन। मिनु मेको मुर बरथ जाक्त हना, लेलीन। ३मिनु जाम्शो गधा, वासी नु मारइ मारइ जाम्शो थितीनी हना, मेको मोदंशो पचा माल्नीनी। वारच पचा मपरोनीन।

४ मिनु इन नेक्था डा मुर आ गधा, ब्यफ लांम थिश्शो ताइतीनी हना, मतशो खोदंशो मपन। मेको कली पोक्चा कली वारच पतीन।

५ मीश मुरुमी वांइश मुर आन फक्तीक वा मफक्सीन। वांइश मुरुमी मीश मुर आन फक्तीक वा मफक्सीन। सु सुमी मेको पाइबा, मेको परमपरभु याव, इन परमपरभु कली गरांगरा बाक्व।

६ मिनु गे, रवाम खपीम चिक्व आ ग्योत्र का थितीनी हना, मेको ग्योत्रम ब्योफु कि चाइक्व बाक्तेकम हना, गे मेको चिक्वी नु आ चाइक्व आन कली लाइक्वा मदुम्ब। ७ मेको चिक्व कली बरचा गेचा माल्नीनी। आ चाइक्व आन कली लाइक्वे चाप्नीनी। मो पाइतीनी हना, गे रिम्शो पा बाक्वा ताइनीनी। मिनु इन बरांइतीक नाक्त शुश दुम्नीम।

८ गे नक सिं सेल्लतीनी हना, सिं तार एर आंथ नेल्ल थरपु हिरचा माल्नीनी। मारदे हना मुर का दोक्त हना, गे इन सिं तार दोस मतशो मुर कली साइक्तीक पाप राइव।

९ गेपुकीमी इन अङ्गुर रूमी अरु वांचेर तेम्शा मशोक्कीन। मो पाइतीनी हना, इन शोक्शो निम्फा परमपरभु कली मगारचा डा दुम्ब। लेवी १९:१९ १० गे ब्यफ नु गधा कालेम वाक्वा मदुम्ब। ११ गे ऊन नु सुती ब्याइश्शा प्रोव्रशो फक्वा मदुम्ब।

१२ गे इन फक्तीक वा आ कुनामी झुम्का क्युक्शा सेलीन। गन्ती १५ :३८

### मीश मुर आन पर्वम अरेशो

१३ मिनु मुर कामी ग्युंबे पा आ मीश नु बाक्शा, नोले मदाक्ताक्व हना, १४ आ मीश प्रांइचा कली आ मीश आ पर्वम “आं ग्युंबे पशो मीश आल नु बाक्डानु, कन्ने मबा” देत हना, १५ मना मेको मीश आल आ आम आफोम आस तमी कन्ने दुम्तीक चिनु लाइश्शा, सहर डा ठेयब लाप्चोम बाक्व खात्पा आन बाक्तीके लचा माल्नीस। १६ मिनु मीश मुर आ आफोम मेको खात्पा आन कली “गो आं तमी मेको मुर कली ग्युंबे पा गेता। मिनु मेकोमी मुल आं तमी कली मदाक्व। १७ मिनु मेकोमी आं तमी नु बराचा कली ‘इ तमी कन्ने मबाक्शो बाक्ते’ देत” देशा, मेको इप्शो वा मेको खात्पा आन डांइती बरचा माल्ब। १८ मिनु सहर डा खात्पापुकीमी मेको वांइश मुर कली सजाइ गेचा माल्नीम। १९ मिनु मेको वांइश मुरुम मेको मीश मुर आ आफ कली सह का चांदी के शेकेल थाप्चा माल्ब। मारदे हना इसराएल डा कन्ने मीश आल आ नं मरिम्शो सल्ला माल्शो बाक्ते। मिनु मेको आ मीश कली मबेकम सम्म

प्रांइने मचाप्ब। शेकेल का ११:५ ग्राम चांदी के क्येट बाक्व। व्यवस्था २२ :२९

२० तन्न मेको वांइश मुर आ देशो थमा बाक्ते हना, मिनु कन्ने आ चिनु मेको मीश आल नु मबाक्शो बाक्ते हना, २१ मेको मीश मुर कली आ आफ आ सिं डा लाप्चोम चाक्वा माल्नीम। मिनु मेको आ सहर डा वांइश मुर नेल्लमी मेको कली फुल्लु आप्शा साइक्वा माल्नीम। मारदे हना मेकोमी आ आफ आ सिंम तेल्लेम पा इसराएलम काइ मरिम्शो पाप्तु। मिनु मोपा गेपुकीमी इन दातेमी पशो मरिम्शो क्याम्चा माल्नीनी। उत्पत्ती ३४ :७

### वांइश मुर आ पर्वम अरेशो

२२ मिनु वांइश मुर का अरु आन मीश नु इप्शो थितेकम हना, मेको निम्फा आस कली साइक्वा माल्नीम। मेको मीश मुर नु बाक्शो वांइश मुर यो साइक्वा माल्नीम। मिनु मोपा गेपुकीमी इन इसराएलम पशो मरिम्शो क्याम्चा माल्नीनी। लेवी २० :१० ; २सामुएल ११ :४

२३ मिनु ग्युंबे पचा कली पुंइशो मीश आल का कली सहरम अरु वांइश मुर काम गरुम्तु हना, मेको नु इप्ते हना, २४ मेको निम्फा आस कली सहर डा ठेयब लाप्चो रं गरुंइशा, फुल्लु आप्शा साइक्वा माल्नीम। मेको मीश आल वारच पन, दे मगरीतीके नु मेको वांइश मुर आ इसराएली लोक्व आ मीश आल नु बाक्तीक, निम्फा आस कली साइक्वा माल्नीम। मिनु मोपा गेपुकीमी इन दातेमी पशो मरिम्शो क्याम्चा माल्नीनी।

२५ तन्न मेको वांइश मुरुम मेको ग्युंबे पचा कली पुंइशो मीश आल कली रूम थितु हना, मेको कली ग्याइश्शा बिथालो पाप्तु हना, मेको वांइश मुर कली ला साइक्वा माल्ब। २६ मेको मीश आल कली मारदे मपचा। मारदे हना मेकोमी साइक्वा पुंइसीचा डा पाप मपशो बाक्व। मेको पाप कली साइश्शा खोदेशो बाक्व। २७ मेको पुंइशो मीश आल रूमी वाइ बरश्शा ग्रीम माइ, तन्न सुइमी वारच मपामे माइ।

२८ मिनु वांइश मुर काम ग्युंबे पचा कली मपुंइशो कन्ने मीश आल कली ग्याइश्शा, मेको नु बाक्शो, थितेकम हना, परस्थान २२ :१५ २९ मेको नु बाक्शो वांइश मुरुम मेको मीश आल आ आफ कली ५० शेकेल चांदी थाप्चा माल्ब। मिनु मेको वांइश मुरुम मेको मीश आल नु बाक्तीक, आ मीश दुम्चा माल्ब। मेकोमी मेको

कली मबेक्म सम्म परोइने मचाप्व। मारदे हना मेको मेको नु इप्त।

३० मुरुमी आ आफ आ मीश कली चाक्ने मचाप्व। आ आफ नु इप्शो मीश मुर नु आ तो इप्चा मदुम्ब। लेवी १६ : ८ ; २सामुएल १६ : २२

परमपरभु आ अरेशो लीशो लोत्र

१३ मिनु वोंइश मुर कली आल मथीब सत्त्वा कली आ चारतीक खरोइशो बाक्त् हना, परमपरभु यावे आ गरुस्तीकमी ओवने मचाप्व। यसैया ५६ : ३-४ ; प्रेरित ८ : २७ २तेल्लेम पा थिश्शो आल परमपरभु यावे आ गरुस्तीकमी ओवने मचाप्व। मेको आ १० पाला सम्म परमपरभु यावे आ गरुस्तीकमी ओवचा मताइनीम। एजरा ९ : ; एजरा १० : ३ अम्मोनी नु मोआबी परमपरभु यावे आ गरुस्तीकमी ओवने मचापनीम। मेको आ १० पाला सम्म परमपरभु यावे आ गरुस्तीकमी ओवचा मताइनीम। उत्पत्ती १९ : ३७-३८ ४ मारदे हना गे इजीप्त रे गरुनीनु, मेकोपुकीमी जचा थोत्रक नु व्याक्कु कुरशा इन कली गरुस्थ मपीम। मिनु मेकोपुकीमी यो इन कली सराप पचा, दे बेओर आ तो बालाम मेसोपोटामीया आ नेक्था डा अराम-नाहाराइम डा पथोर सहर रे क्येट गेशा बरत्ताकम। गन्ती २२ : ५-६ ५ मो हना यो परमपरभु यावे, इन परमपरभुमी बालाम आ लोत्र मनन। मेकोमी मेको सराप के आसीक सत्त्तु। मारदे हना परमपरभु यावे, इन परमपरभुमी इन कली दाक्ताकव। ६ मोपतीक गेपुकीमी गनायो मोआबी नु अम्मोनी नु मगरीन, वारच मदुमीन। एजरा ९ : १२

७ मिनु गेपुकीमी एदोमी आन कली गरांगरा मदित्त्वा। मारदे हना मेकोपुकी इन लोक्व बाक्नीम। गेपुकीमी इजीप्ती आन कली गरांगरा मदित्त्वा। मारदे हना गेपुकी मेको आन रागीम बाक्शो बाक्तीनी। ८ मेको आन युइ आन पाला रे परमपरभु यावे आ गरुस्तीकमी ओवचा गेने चापनीनी।

लडाइ पाइब आन बाक्तीक

९ मिनु गेपुकी लडाइ पथ लनीनु, इन ताम्बुम नेल्ल मरिम्शो रे डोन बाक्कीन। १० मिनु इन दाते डा वोंइश मुर का नाक्दोम गरांगरा दितीक दुम्त हना, मेको बाक्तीक रे डोन लचा माल्ब। मिनु लडाइ पाइब आन बाक्तीक मओवचा। लेवी १५ : १६-१८ ११ मिनु मेको मुर नाक्नाक्दो

चिक्सीशा, नां रिक्वी ना लेंशा आ बाक्तीक ओवचा ताइब।

१२ मिनु गेपुकी लडाइ पाइब आन बाक्तीक मेर डाइक्तीक का सत्त्वा माल्ब। १३ गेपुकी इन थोत्रक नु दातीक का यो बाक्चा माल्ब। डाइक्चा कली लनीनु, पावला दोशा, आगा डाइश्शा नोले खरी सुम्शा वीतीन। १४ मारदे हना इन कली परोइचा नु इन जौरी सतरु आन कली इन कली जिम्मा गेचा कली परमपरभु यावे, इन परमपरभु इन लडाइ पाइब आन बाक्तीकम बाक्ब। मेकोमी इन कली इन जौरी सतरु रे परोइचा नु मेको आन कली इन गुइम गेब। मोपतीक इन बाक्तीक रिम्शो, आ खोदंशो दुम्चा माल्ब। मिनु इन दातेमी गरांगरा दित्त्वा डा तापु हना, इन बाक्तीक रे गाक्ब। लेवी २६ : १२

परोक्शो मुर आन पर्वम शंशो

१५ मिनु वाइल का आ होवप रे परोक्शा, इन बाक्तीकम जाक्त् हना, गेपुकीमी मेको कली लेंशा आ होवप कली गेचा मदुम्ब। १६ मेको इन दातेमी आ दाक्शो सहरमी बाक्चा गेने। गेपुकीमी मेको कली श्येत मगेने। फिलेमोन १२-१६

१७ मिनु इसराएली आन तमी कि तो मन्दीर डा तेल्लेम पाइब दुम्चा मदुम्ब। होस ४ : १४ ; १ राजा १४ : २४ ; २ राजा २३ : ७ १८ वोंइश मुर, मीश मुर तेल्लेम पशो क्येट परमपरभु यावे, इन परमपरभु आ खिम कबल खाप्चा कली चाक्चा मदुम्ब। मारदे हना मेको परमपरभु यावे, इन परमपरभु कली गरांगरा बाक्ब। प्रकाश २२ : १५

१९ मिनु गेपुकीमी क्येट, जचा थोत्रक नु मारइ मारइ जेर गेशो इन आम लोक्व रे मेको आ चाइक्व मताक्चा। प्रस्थान २२ : २४ ; लेवी २५ : ३६ २० अर्को रागी डा मुर आन कली चाइक्व गेपाइक्ने चापनीनी। तन्न इन लोक्व आन कली जेर गेशो आ चाइक्व मथाप्पाइक्चा। मिनु मेको टीतीनी हना, परमपरभु यावे, इन परमपरभुमी गे लचा चिक्शो इन के सत्त्वा चिक्शो रागीमी इन कली आसीक गेब।

२१ मिनु गेपुकीमी परमपरभु यावे, इन परमपरभु नु कसम जनीनु, मेको खाप्शा, थाप्चा कली मरिम्दीन। मारदे हना परमपरभु यावे, इन परमपरभुमी कसम खाप्शो कोवचा दाक्ब। मो मपाइतीनी हना, गे पाप राइनीनी। गन्ती ३० : ३ २२ तन्न गेपुकी कसम मजाइतीनी हना, गे पाप मराइनीनी। २३ गेपुकीमी मार देनी, मेको खाप्शा,

पचा माल्लीनी। मारदे हना गे परमपरभु यावे, इन परमपरभु नु आंमान कसम जाइतीनी। १२ मिनु गेपुकी इन लोकव आ अडगुर रूमी ओव्रतीनी हना, मरुनी सम्म सकशा व्वन चाप्नीनी। तन्न कुरशा लाइक्चा मताइनीनी। मत्ती १२:१ २५ मिनु गेपुकी इन लोकव आ बाली मीशो रूमी ओव्रतीनी हना, जचा कली बाली सकचा ताइनीनी। तन्न रिक्चा चहिं मताइनीनी।

ग्युंबे पा परांडतीक आ पर्वम

२४ १ मिनु मुर कामी ग्युंबे पा आ मीश नु बाक्शा, नोल ला मेको मरिम्शो बाक्त, दे तुइश्शा, मेको कली परांडचा कली बराचा आ पर्वम बरेक्स गेशा, आ खिं रे सोइक्ताक्व हना, २ मेको लशा, अर्का आ मीश दुम्मेनु, ३ मिनु मेको अर्का वांइशेम यो मरिम्शो बाक्त, दे तुइश्शा, मेको कली मदाक्थु परांडचा कली बराचा आ पर्वम बरेक्स गेशा, आ खिं रे सोइक्ताक्व हना, कि मेको मुर आंमा बक्त हना, ४ मेको आ डांडती परांडशा वांइशेम मेको मीश मुर अरु वांइश नु बाक्शा गरांगरा दुम्शो नोल लंशा चाक्ने मचाप्व। मारदे हना मोदंशो पशो परमपरभु यावे आ डांडती गरांगरा बाक्व। परमपरभु यावे, इन परमपरभुमी इन कली गेशो रागीमी पाप मचाक्कीन।

रिम्शो दुम्चा कली अरेशो

५ वांइश मुर कामी नक ग्युंबे पशो बाक्त हना, मेको लडाइम लचा मदुम्ब। अरु गय यो “मेको कली पावो” दे अरंचा मदुम्ब। बर्स का सम्म मेको आ खिम बाक्शा आ नक चाक्शो मीश नु ग्येरसीचा माल्व। व्यवस्था २०:७

६ सुइमी सुइ आन यात जाकटी मवाइक्चा। मारदे हना मेको मबाक्त हना दोपा शोव्वत सेल्ले चाप्नीमी ?

७ सुइ मुरुमी इस्राएली लोकव कली ग्याइश्शा सुइ पा आ वाइल सेल्लु हना, लेयतु हना, मेको सुइ कली साइक्चा माल्लीम। मोपा गेपुकीमी इन दाते रे मरिम्शो नेल्ले ग्रुंडचा माल्लीनी। परस्थान २१:१६

८ कोव्रर मुतीक तशा होस पा बाक्कीन। चदेव, लेवीपुकीमी मेको आ पर्वम इन कली शंशो सोदंशो पा नेल्ल पचा माल्लीनी। गो मेको आन कली अरेशो सोदंशो पा होस पा बाक्कीन। १ गेपुकी इजीप्त रे गरुशा पिनीनु, परमपरभु

यावे, इन परमपरभुमी लोम मिरयाम कली पशो गय मपरंदीन। गन्ती १२:१०-१५

१० मिनु गेपुकीमी इन वारच कली जेर गेनीनु, मेको क मार मार जाकटी पुंइथ आ खिं मओव्रडीन। ११ लाडगामीन रिम्दीन। मिनु जेर लाइवमी मेको जाकटी लाडगा ग्रुंडशा गेव। १२ मेको मुर प्रुडग बाक्त हना, मेको आ जाकटी इन खिम वाइश्शा बरशा मइपीन। १३ नां रिक्ची ना मेको जाकटी लेश्शा गेने। मिनु मेकोमी मेको आ फक्तीक फेक्शा इप्य लने चाप्व। मिनु मेकोम इन कली आसीक गेव। मेको परमपरभु यावे, इन परमपरभु आ डांडती ठीक पतीक बाक्व। परस्थान २२:२५ ; अग्युव २२:६ ; आमोस २:५ ; व्यवस्था ६:२५

१४ गेपुकीमी इस्राएल डा कि इन सहरम बाक्शो अर्का रागी डा प्रुडग नु श्येत जाइव खेल्लाम इन कली गय पाप्तु हना, आ ततीक ठीक पा गेने। १५ गय पची नाक्ती नां मरिक्थु, आ तचा डा गाल्व गेचा माल्लीनी। मेको प्रुडग मुर आ गाल्व माल्व बाक्व। ठीक पा मगेतीनी हना, मेकोमी इन मरिम्शो पशो आ पर्वम परमपरभु यावे नु लोव्र पाइव। मिनु गे पाप राइनीनी।

१६ मुर आ तमी तौम साइक्चा डा पाप पाप्तु हना, आफ कली मसाइक्चा। मिनु आफोमी साइक्चा डा पाप पाप्तु हना, आ तमी तौ आन कली मसाइक्चा। सुमी पाप पाइवा, मेको ला साइक्चा पुंडसीव। २राजा १४:६

१७ मिनु अर्का रागी डा मुर नु रोम रोइक्च आन कली निसाफ दली मपने। मिनु वांइश बक्शा मीश मुर आन फक्तीक वा जाकटी मवातीन। १८ गेपुकी इजीप्त रागीम वाइलीम वाइल दुम्शो मिम्तीन। मिनु परमपरभु यावे, इन परमपरभुमी इन कली मेक रे परांडशा मपरंदीन। मोपतीक गो इन कली मोदंशो पचा, दे अरता। व्यवस्था ५:१५

१९ गेपुकीमी सेतम बाली नाली रिक्शा, मुठा का खेतम परंताकनी हना, लेश्शा बरथ मलने। मेको मुठा अर्का रागी डा मुर, रोम रोइक्च नु वांइश बक्शो मीश मुर आन कली बाक्व। मो पाइतीनी हना, परमपरभु यावे, इन परमपरभुमी इन गय नेल्लेमी इन कली आसीक गेव। लेवी १९:२-१० २० गेपुकीमी तेल रवा आ फल थप्तीनी हना, लंशा लीशा फल मथपीन। मेको लीशा फल अर्का रागी डा मुर, रोम रोइक्च नु वांइश बक्शो मीश मुर आन कली बाक्कीन। २१ गेपुकीमी इन अडगुर रू डा अडगुर सेक्तीनी हना, लंशा लीशो

फल मसकनीन। मेको लीशो फल अर्का रागी डा मुर, रोम रोइक्च नु वॉइश बेक्शो मीश मुर आन कली बाक्नीम। २२ गपुकी इजीप्त रागीम वाइलीम वाइल दुम्शो, मिम्तीन। मोपतीके गो इन कली मोदंशो पचा, द अरता।

तुप्तीक सजाइ

१ मिनु मोसामी “वॉइश मुर निक्शी २५ जिम्ताक्स हना, मुददा कोम्मुइनीस। मिनु निसाफ पाइबमी का कली रिम्शो नु का कली मरिम्शो देब। परस्थान २३ :७ २ मिनु मरिम्शो पाइब का तुप्चा सजाइ पुंडसाक्व हना, मेको निसाफ पाइब आ डांडतीन मेको कली खोल्शा, मेको आ पाप गिश खेयप तुप्चा डा बाक्म, मिश खेयप मेको कली तुप्चा माल्लीम। ३ मेकोमी ४० खेयप सम्म तुप्चा दुम्ब। मेको क्येडा शुश तुप्चाइक्तु हना, इन लोकब इन डांडती मुन दोक्व। २ कोरिन्थी ११ :२४

बी ब्यफ आ पर्वम अरेशो

४ दांड पशो ब्यफ कली फुडला पाइक्चा मदुम्ब। १ कोरिन्थी ९ :९ ; १ तिमोथी ५ :१८

सिं डा शोप आ पर्वम अरेशो

५ मिनु लोकब निक्शी काथा बाक्ताक्स हना, का ती मथिशु, बक्त हना, मेको आ मीशम अर्का सिं डा मुर नु ग्युंब पचा मदुम्ब। बेक्शो मुर आ लोकबमी मेको मीश मुर कली ग्युंब पचा माल्ब। ६ मिनु मेको आ डांडती जरमशो ती कली मेको बेक्शो आ नें वोइक्चा माल्लीम। मिनु मोपा आ नें इस्राएल रें मक्याम्सीब। ७ तन्न आ रिउम आ भोग्यु वोइक्चा मबिस्साक्व हना, मेको मीश मुरुमी सहर डा ठेयब लाप्चोम बाक्ब खाल्पा आन नेक्था लशा “आ रिउम आ लोकब आ नें इस्राएलम वोइक्चे मबिस्से। मेकोमी आ पचा माल्शो गेय मपावो” देंचा माल्ब। ८ मिनु मेको सहर डा खाल्पापुकीमी मेको कली बरेशशा, मेको नु लोत्र पचा माल्लीम। मिनु मेकोमी ‘गो एको कली मचाक्नुड’ दे आ थुं मलेत्ताक्व हना, ९ आ भोग्युम सहर डा खाल्पा आन डांडती मेको आ जुत्ता परुइशशा आ कुलम तोक्चा माल्ब। मिनु मेको मीश मुरुम ‘सुम आ लोकब आ सिं डा मुर सल्वा मददाक्वा, मेको कली ओं पाइक्चा माल्ब’ दे लोत्र पचा माल्ब। १० मिनु इस्राएलमी मेको आ सिं डा मुर आन कली ‘जुत्ता परुइसीशो मुर’ दे नें वोइक्चा माल्लीम।

जीब आस कली हेंथे वारच पशो

११ मिनु वॉइश मुर निक्शी राम्शी पाम्सेनु, का आ मीश जाक्शा, आ वॉइश कली परांइचा, द अर्का आ खरुइशशो थोत्रक ग्याइक्ताक्व हना, १२ गपुकीमी मेको कली शिशी मपाइक्थु, आ गुइ खरोइक्चा माल्ब।

पुक्तीक नु नाक्तीकेम जोल मपने

१३ मिनु इन पुक्तीक नाक्तीके ठेयब नु आइक्च बाक्चा मदुम्ब। लेवी १९ :३५-३६ ; इजीकीएल ४५ :१० ; आमोस ८ :५ ; मीका ६ :११ १४ इन सिंमी यो निक्शी खाल डा पुक्तीके एफाह मदुम्ब। एफाह का २२ लिटर रिक्ब पुक्तीके बाक्ब। १४ तन्न इन सिंमी ठीक नाक्तीक नु ठीक पुक्तीक बाक्चा माल्लीम। मो पाइतीनी हना, परमपरभु यावे, इन परमपरभुमी गेशो रागीम शुश नाक्त् ब्रांडनीनी। १६ मारद हना मरिम्शो पुक्वपुकी, परमपरभु यावे, इन परमपरभु आ डांडती गरां गरा दित्वा डा बाक्नीम।

अमालेकी आन नें क्याम्दीन

१७ मिनु गेपुकी इजीप्त रें पिनीनु, अमालेक डा मुरपुकीमी इन कली लांम मार पाम मेको मपरंदीन। परस्थान १७ :८-१६ १८ मेकोपुकीमी इन कली लडाइ तोशा, गेपुकी लांम गाक्शो रें दर्नीनु नाले गाक्ब नेल्ल आन कली साइशशो बाक्तेक्म। मेकोपुकी परमपरभु क्येडा महिम। १९ मोपतीके परमपरभु यावे, इन परमपरभुमी इन कली योत्रशा गेशो इन क सल्वा चिक्शा रागीम इन जोरी सतरु नु लडाइ पशा, नाइक्साक्नी हना, अमालेकी आन नें रागी रें क्याम्चा माल्लीनी। मेको मपरंदीन” देत। १ सामुएल १५ :२-३

डांडती मीशो अन्न चढतीक

१ मिनु मोसामी “परमपरभु यावे, इन २६ परमपरभुमी इन कली गेशो रागी जाक्दोशशा, इन के सल्शा, मेक बाक्नीनु, २ परमपरभु यावे, इन परमपरभुमी इन कली गेशो रागी डा डांडती मीशो मारइ मारइ डालो काम कुर पा परमपरभु यावे, इन परमपरभु आ योत्रशा बाक्तीकेम लेतीन। परस्थान २३ :१९ ; लेवी २ :१४ ३ मिनु गे मेना गेय पाइब चढेब आन बाक्तीक लेचा माल्लीनी। मिनु मेको कली गो परमपरभु यावे, इन परमपरभु आ डांडती “परमपरभु यावेमी आंइ किर्की पिपी नु कसम

जशा गेनुड, देशो रागीम गो मुलाक्ती जाक्ती' दंचा माल्लीनी। ४मिनु मेको चढेबमी मेको डालो इन गुड र ताकशा, परमपरभु यावे, इन परमपरभु कली चढेतीक आ डांडती वोडक्चा माल्ब। ५मिनु गेपुकीमी परमपरभु यावे, इन परमपरभु आ डांडती 'आं किकी पिपी हिरब अरामी बाक्तेकम। मेको इजीप्त रागीम अर्का रागी डा मुर दुम्शा बाक्शा बाक्त। डांडती मेको शुश मुर मबाकम। नोले शोशा बोशा शुश नु बोल्यो ठेयब रागी डा मुर दुम्तेकम। व्यवस्था ६:२०-२५; यहोसु २४:२-१३; भजन संगरह ७८ :-; भजन संगरह १०५ :-; भजन संगरह १३६ :- ६मिनु इजीप्तीपुकीम आंड कली मरिम्शो पा दिम्शा, आंड कली शुश गेय पपाइक्तेकम। ७मिनु गोपुकीमी परमपरभु यावे, इं किकी पिप आन परमपरभु कली पुंडतक। मिनु मेकोमी आंड पुंडशो नेशा, आंड श्येत तशा नु दोपा आंड कली दिम्शो बाक्मा, मेको ताप्तु। ८मिनु परमपरभु यावेमी शुश सक्ति पाइशो ठेयब बोल पतीकेमी हिंचा डा चिन्ड नु छक लाक्चा डा गेय कांडशा, आंड कली इजीप्त र गरुंडशा एक चाक्तु। ९मेकोमी एकर चाक्शा, एको रागी आंड कली गेप्तु। मिनु एको रागीम दूध नु सुदो शुश बाक्त। १०मिनु परमपरभु यावे, आं कली गेशो रागी डा डांडती डा मीशो मारइ मारइ इन बाक्तीक चाक्ता' दंचा माल्लीनी। मिनु मेको नेल्ल परमपरभु यावे, इन परमपरभु आ डांडती वोइशशा, मेको परमपरभु यावे, इन परमपरभु आ डांडती बाप्शा ठेयब सल्ला माल्लीनी। ११मिनु गे परमपरभु यावे, इन परमपरभुमी इन कली नु इन सिं डा मुर आन कली शुश गेशो तशा, लेवीपुकी नु गेपुकी नु बाक्ब अर्का रागी डा मुरपुकी ग्यरसीचा माल्लीमी। व्यवस्था १६:११-१४

### परुडग आन कली गतीक

१२मिनु गेपुकीमी बर्स सांसांमी इन बाली नाली डा मारइ मारइ रे इन सहरम १० भाग डा भाग का तिल्शा वोडक्चा माल्लीनी। मेको इन सहर डा लेवी आ थर डा मुर, अर्का रागी डा मुर, रोम रोडक्च नु वोइश बेक्शा मीश मुर आन कली गारचा डा जचा थोत्रक बाक्ब। व्यवस्था १४:२७-२९ १३मिनु गेपुकीमी परमपरभु यावे, इन परमपरभु आ डांडती गो इन भाग आं सिं रे तिल्शा, इन शंशो सोदंशो पा लेवी आ थर डा मुर, अर्का रागी डा मुर, रोम रोडक्च नु

वोइश बेक्शा मीश मुर आन कली गेता। गो इन शंशो नेल्ल पाता। गो मेको काइ मपरंदु' दंचा माल्लीनी। १४ रोंका पडानु, मेको रे मारइ मजड। गो ग्रांगरा दिशो बाक्डानु, मेको रे मारइ मगरुंडु। मिनु बेक्शा मुर आन कली यो मकर रे मारइ मगेशो बाक्ती। गो परमपरभु यावे, आं परमपरभु आ देशो टिशा, इन अरशो नेल्ल खाप्शो बाक्ती। गन्ती १९:१४-१५; इजीकीएल २४:१७,२२; होस ९:४ १५ इन स्वर्ग डा बाक्तीक रे कोत्रशा, इन मुर, इसराएली, आंड कली आसीक गेन। मिनु आंड किकी पिपी नु कसम जशा गेशो शुश दूध नु सुदो बाक्शा रागी कली यो आसीक गेन" दे परमपरभु कली लोत्र पचा माल्ब।

### परमपरभु आ कबल डा लोत्र

१६मिनु मोसामी "मुलाक्त परमपरभु यावे, इन परमपरभुमी इन कली मेको फुल्लुम मुशा बरक्शा लोत्र नु निसाफ पतीक लोत्र पचा माल्लीनी। गेपुकीमी मेको कली इन थुंम वोइशशा, इन थुं नु सोक्त नेल्लेमी टिन। १७ गेपुकीमी मुलाक्ती परमपरभु यावे कली गे आंड परमपरभु बाक्नीनी। गो इन लां सोइक्नीकी। मिनु इन फुल्लुम मुशा बरक्शा लोत्र, इन शंशो नु इन निसाफ पतीक लोत्र पाइनीकी नु इन देशो टीनीकी" दे परमपरभु कली लोत्र पाइतीनी। १८मिनु मुलाक्ती परमपरभु यावेमी इन कली गो इन कली आं बाक्शा मुर सल्ला। आं शंशो नेल्ल टिचा माल्लीनी। १९ गो आं सल्ला रागी रागी आन दातेमी इन कली नेल्ल क्यडा ठेयब सल्लुड। मान पाइक्चा पुंडसीशा, इन नं ठेयब सल्ला नु शुश दारशो सल्लुड। मिनु परमपरभु यावे, इन परमपरभु आ मुरपुकी दुम्चा माल्लीनी" दे परमपरभु यावेमी इन कली देशो बाक्त" दंत। व्यवस्था १८:१

### मिन्तीक फुल्लु थारशा

२७ १मिनु मोसा नु इसराएल डा साल्पापुकीमी मुर आन कली "मुलाक्ती इन कली देशो शंशो लोत्र नेल्ल टिशा पने। २ परमपरभु यावे, इन परमपरभुमी इन कली गेशो यर्देन आइक्चो हांबु डा रागीमी शोक्सीनी नोले डा नाक्तीमी ठेयब फुल्लु थारशा, बुलु बरुडक्तीन। ३मिनु शोक्सीनी नोले गेपुकीमी मेको अरेशो लोत्र नेल्ले मेको फुल्लु तार बरक्चा माल्लीनी। मो पाइतीनी हुना, परमपरभु यावे, इन परमपरभुमी इन कली गेशो रागी

ओव्रचा ताडनीनी। परमपरभु यावे, इन किकी पिपी आन परमपरभुमी इन कली दंशो सोदंशो पा इन कली दूध नु सुदो शुश बाक्वशो रागी गेब। ४ यर्दन आइक्ची हांबु जाक्दीनी नीले गो इन कली अरशा, मको फुल्लुपुकी एबाल डांडाम थारशा बुतु बरुइक्तीन। ५ मिनु मंकर गेपुकीम परमपरभु यावे, इन परमपरभु कली फुल्लु के चढतीक का सलीन। मको संलीनु, मको फुल्लु आन कली फलम के यामी काइ मथिचा। परस्थान २०:२५ ६ गेपुकीमी परमपरभु यावे, इन परमपरभु कली चढतीक संलीनु, मपरोल्थो फुल्लु के सलीन। मिनु मको तारी परमपरभु यावे, इन परमपरभु कली चोशा चढतीक मंकर चढेचा माल्लीनी। ७ मिनु गेपुकीमी दुशा बाक्वा आ पर्वम चढतीक चढेचा माल्लीनी। मिनु गेपुकीमी परमपरभु यावे, इन परमपरभु आ डांडती मको जशा व्बशा ग्येरसीन। व्यवस्था १२:७ ८ मिनु मको फुल्लु आन तारी एको अरशा लोत्र नेल्ल मुशा, रिम्शा पा बरक्वा माल्लीनी” दंत।

#### परमपरभुम मुर नु पशो कबल

९ मिनु मोसा नु चढेब, लेवीपुकीमी इसराएली नेल्ल आन कली “इसराएलीपुकी ब्वालेइ पा, नेनीन। मुलाक्ती गेपुकी परमपरभु यावे, इन परमपरभु आ मुर दुम्तीनी। व्यवस्था २६:१८-१९ १० मापतीक परमपरभु यावे, इन परमपरभु आ दंशो टिन। मुलाक्ती गो इन कली माइश्शो आ शंशो लोत्र नु आ फुल्लुम मुशा बरक्वशो लोत्र नेल्ल टिन” दंतकम।

#### सराप नु आसीक राइब

११ मिनु मको नाक्तीम मोसामी मुर आन कली १२ “गेपुकी यर्दन आइक्ची हांबु शोक्सीन थुम्नी नीले, सु सुमी मुर आन कली आसीक गचा कली गेरीजीम माइश्शो डांडाम राष्ठा बाक्वा माल्लीम देशा हना, सिमियोन, लेवी, यहूदा, इस्साकार, योसेफ नु बेन्यामीन राष्ठा बाक्वा माल्लीम। व्यवस्था ११:२९ १३ मिनु सु सुमी मुर आन कली सराप पचा कली एबाल माइश्शो डांडाम राष्ठा बाक्वा माल्लीम देशा हना, रुबेन, गाद, आशेर, जबूलून, दान नु नाफ्ताली राष्ठा बाक्वा माल्लीम। १४ मिनु लेवीपुकीमी नेल्ल इसराएल डा मुर आन कली ठेयब संदामी लोत्र पचा माल्लीम” दंत।

#### सराप रचा आ पर्वम शंशो

१५ मिनु मेकोपुकीमी “सु मुरुमी मुशा, यपाइश्शा मूर्ति सत्व, मको परमपरभु यावे कली गरांगरा दित्वा डा बाक्व। मिनु मको जोक्व मुरुमी आ सत्वशो मूर्ति कली सरुइश्शामी वोइक्व, मको मुर सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। परस्थान २०:४,२३ १६ मिनु “सु मुरुमी आम आम आफ कली मान मपाइब, मको मुर सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। परस्थान २१:१७ १७ मिनु “सु मुरुमी आ नेक्था डा मुर आ रू डा सांद याक्व, मको मुर सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। व्यवस्था १९:१४ १८ मिनु “सु मुरुमी मिक्च मताइब कली हंथे लां कोइब, मको मुर सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। लेवी १९:१४ १९ मिनु “सु मुरुमी अर्का रागी डा मुर, रोम रोइक्च नु वोइश बेक्वशो मीश मुर आन कली ठीक निसाफ मपाइबा, मको मुर सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। परस्थान २२:२०-२१ २० मिनु “सु मुर आ आफ आ मीश नु इन्वा, मको मुर सराप राइब। मारद हना मकोमी आ आफ कली मुने तोक्व” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। लेवी १८:८ २१ मिनु “सु मुरुमी बी ब्यफ, क्यारश भडा नु इन्व, मको मुर सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। लेवी २२:३८ २२ मिनु “सु मुर आ समी नु इन्व, मको आ आफ आ तमी बाक्व हना यो आ आम आ तमी बाक्व हना यो, सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। लेवी १८:९,११ २३ मिनु “सु मुर आ शिमी नु इन्व, मको मुर सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। लेवी १८:१७ २४ मिनु “सु मुरुमी बाष्ठा, मुर कली साइक्व, मको मुर सराप राइब” दंतकम। मिनु मुर नेल्लेमी “आमन, मोदंशो दुम्त” दंचा माल्लीम। परस्थान २१:१२; गन्ती ३५:२० २५ मिनु “सु मुरुमी क्यट ताक्शा, दोस मतशो मुर कली साइक्व, मको मुर सराप राइब” दंतकम। मिनु

मुर नेल्लेमी “आमेन, मोदंशो दुम्ल” दंचा माल्नीम। परस्थान २३ :८ २६ मिनु “सु मुरुमी एको अरेशो लोत्र नेल्ल खाण्या मपाइब, मेको मुर सराप राइब” दंतकम। मिनु मुर नेल्लेमी “आमेन, मोदंशो दुम्ल” दंचा माल्नीम। गलाती ३ :१७

### टीबपुकी आसीक राइनीम

१ मिनु मोसामी “मुलाक्त गो इन कली २८ माइश्शो परमपरभु यावे, इन परमपरभु आ दंशो नेल्ल होस पा टिशा, आ शंशो पाइतीनी हना, परमपरभु यावे, इन परमपरभुमी इन कली नेल्ल रागी रागी डा मुर आन क्येडा ठेयब सेल्व। व्यवस्था २६ :१९ २गे परमपरभु यावे, इन परमपरभु आ दंशो टिशा पाइतीनी हना, गेपुकी एको आसीक नेल्ल राइनीनी। ३गेपुकी सहरम बाक्शा, आसीक राइनीनी। मिनु रूम बाक्शा, आसीक राइनीनी। उत्पत्ती ४९ :२५-२६

४ इन आलपुकी, इन बाली नाली, इन बी व्यफ नु इन क्यारश भडा नु गोठ नेल्ल आसीक रशा साशा बोशा लाइनीमी। ५ इन फस वोइक्तीक डालो नु फस नितीक बोस आसीक राइनीम। ६ गेपुकी खिंडगा ओव्रनीनु, आसीक राइनीनी। मिनु लाडगा गरुनीनु, आसीक राइनीनी। मजन संगरह १२१ :८ ७ मिनु परमपरभु यावेमी इन कली लडाइ पाइब इन जोरी सतरु आन कली इन डोंडती बरुपाइक्व। मेको लां कामी इन कली लडाइ पथ जाकनीम। मिनु बरुशा, शाउ शिउ बरशा ७ ओटा लां रे परोक्नीम। ८ मिनु परमपरभु यावेमी इन भकारीमी आसीक गेब। मिनु गे मार मार पाइनीनी रिम्शो दुम्चा कली आसीक गेब। मिनु परमपरभु यावे, इन परमपरभुमी इन कली गेशो रागीमी इन कली आसीक गेब। लेवी २५ :२१ ९ मिनु गेपुकीमी परमपरभु यावे, इन परमपरभु आ शंशो लोत्र टिशा पाइतीनी हना नु आ लांमी गाक्तीनी हना, आ कसम जशो सोदंशो पा इन कली आम मुर सेल्लशा वोइक्व। परस्थान १९ :५-६ १० मिनु गेपुकी परमपरभु यावे आ नें पाइश्शो मुर बाक्नीनी’ दे जात जात डा मुर नेल्लेम तुइश्शा, इन कली तशा, शुश हिंनीम। ११ मिनु परमपरभु यावेमी इन किकी पिपी आन कली गनुडमी दंशो रागीमी गेपुकी शुश आल थीब दुम्नीनी। इन बी व्यफ, क्यारश भडा आन चाइक्व शुश दुम्नीम, इन बाली नाली नेल्ल सोशा बोशा लाइनीनी। इन रागी रिम्शो दुम्ब।

१२ मिनु परमपरभु यावेमी नेल्ल सरीड डा शोप वोइक्तीक रोक्शा, इन रू कली माल्ची ना रेउ यिपाइक्व। मिनु गे मार मार पाइनीनी, मेको कली आसीक गेब। मिनु गेपुकीमी शुश रागी रागी डा मुर आन कली जेर गनीनी, गे चहिं सुइ आन जेर मताक्नीनी। व्यवस्था १५ :६ १३ मिनु मुलाक्ती इन कली माइश्शो परमपरभु यावे, इन परमपरभु आ शंशो हास पा टिशा पाइतीनी हना, परमपरभु यावेमी इन कली पिया सोदंशो पा, मुर आन कली अरब सेल्व। मीलु सोदंशो पा अरु आन कली खोइक्व ममाइ। मिनु गे शुश ठेयब दुम्शा लाइक्नीनी। १४ मिनु आं दंशो लोत्र नेल्ल पाइतीनी हना, आइदी आइक्था पा अरु देवी देवता आन हेंथ लां मलाइतीनी हना, मोदंशो आसीक राइब दुम्नीनी। व्यवस्था ५ :२९-३२

### मटीबपुकी सराप राइनीम

१५ मिनु गे परमपरभु यावे, इन परमपरभु आ दंशो मटीब दुम्तीनी हना, मुलाक्ती गो इन कली माइश्शो आ शंशो नु आ फुल्लुम मुशा बरक्शो लोत्र नेल्ल होस पा मपाइतीनी हना, एको सराप चीले नेल्ल राइनीनी। मिनु गेपुकी सराप रशो मुर दुम्नीनी। दानीएल ९ :११ १६ गेपुकी सहरम बाक्शा, सराप राइनीनी। मिनु रूम बाक्शा, सराप राइनीनी। १७ इन फस वोइक्तीस डालो नु इन फस नितीक बोस सराप राइनीम। १८ इन आल, इन बाली नाली, इन बी व्यफ, इन क्यारश भडा गोठ सराप राइनीम। १९ गेपुकी खिंडगा ओव्रनीनु, सराप राइनीनी, मिनु लाडगा गरुनीनु, सराप राइनीनी।

२० मिनु परमपरभु यावे कली टिचा परोइशा बाक्तीनी हना, इन मार मार पतीकमी इन थुं ग्यशा सराप राइनीनी। इन मरिम्शो पतीक गे रीब पा क्याम्चा पुंडसीनीनी। २१ मिनु परमपरभु यावेमी इन कली गेशो नु इन के सेल्लो रागी रे गरुइचा सम्म इन कली मुर बेक्तीक रोइ पपाइक्व। २२ मिनु परमपरभु यावेमी इन कली रां सोक्तीक रोइ, जोरो, शुश गार मुइक्तीक, रेउ मयितीक, नेल्ल बाली नाली सोव्रतीक बुंसी डाइक्तीक रोइ सोइक्व। २३ मिनु इन तारी बाक्शो सरीड कांसा सोदंशो दुम्ब। मिनु इन रू डा स्वप फलम सोदंशो दुम्ब। व्यवस्था ११ :१७ २४ मिनु परमपरभु यावेमी इन रागीम रेउ कली फुरक सेल्व। मिनु गेपुकी खतम मदुम्नी सम्म सरीड रे मोदंशो पा फुरक इन तारी यिना यिन बाक्व। २५ मिनु परमपरभु यावेमी इन कली इन

जोरी सतरु आन डांडती बरुपाइक्व। गेपुकी मेकोपुकी नु लडाइ पथ लां कामी लाइनीनी, मिनु बरुशा शाउ शिउ बरशा ७ ओटा लां रं परोक्का माल्लीनी। मिनु राज्य राज्य डा मुर नेल्ल आन डांडती ग्रांगरा दिशा दुम्नीनी। २६ मिनु गेपुकी बक्नीनु, चिक्वपुकी नु व्याकी डा जन्तुपुकीमी इन श्यं व्याइनीम। मिनु मेको आन कली खरब हा हाइं दे गरीब सुइ मबाक्नीम। २७ मिनु परमपरभु यावेमी इन कली इज्जीप्त रागी डा कान मुपाइक्व, सानं मचाप्चा डा पा गार नु लुतो पपाइक्व। प्रस्थान ९:२

२८ मिनु परमपरभु यावेमी इन थुं ग्यपाइक्व, मिक्च मतपाइक्व नु निप्स ग्यशा दुम्पाइक्व। २९ मिनु मिक्च मताइक्वमी एर आंथ सुल्ला सुल्ल गाक्शा खोदंशो पा गेपुकी नाक्तीन सुल्ला गाक्नीनी। मिनु गेपुकीमी मार पाइतीनी हना यो, रिम्शो मदुम्नीनी। मिनु गेपुकी नाक्त् कित कित तुप्चा नु रोइक्वा पुंडसीशा बाक्नीनी। सुइमी इन कली वारच मपाइक्व। यसैया ५९:१० ३० गेपुकी मीश आल का कली पुंडनीनी, तन्न अरु वांइश मुरुम मेको नु इप्च। मिनु खिं का सेल्लीनी, तन्न आंमान बाक्चा मताइनीनी। मिनु गेपुकीम अडगुर रू का खरुम्नीनी, तन्न आंमान ब्चचा मताइनीनी। ३१ मिनु इन डांडती इन बी ब्यफ क्यारनीम, तन्न आ श्यं ब्चचा मताइनीनी। इन गथा इन कली त्चा डा पा रोइक्नीम, मलेत्नीम। इन क्यारश भेडा इन जोरी सतरु आन कली गनीम। मिनु इन कली वारच पाइक्व सुइ मबाक्नीम।

३२ इन तमी तौपुकी अर्का रागी डा मुर आन कली गनीम। मिनु ग मेको तशा, नाक्त् कित कित मेको आन लां कोत्रशा बाक्नीनी, तन्न मारइ पने मचाप्नीनी। ३३ इन मतुइश्शो मुरपुकीमी इन रू डा खरुम्शो जाइनीम। मिनु गेपुकी गेना हना यो श्येत ज्चा नु दिप्चा पुंडसीनीनी। न्यायाधीस ६:३ ३४ मिनु इन मिक्चीम तशोपुकीम इन निप्स ग्यपाइक्व। ३५ मिनु परमपरभु यावेमी इन पोक्च नु खोइलीम गेनायो मसाब गार मुपाइक्व। मिनु मादंशो गारम इन पिया रे दिम्ता सम्म रां नेल्ल सुम्पाइक्व। मिनु सुइम इन कली सापाइक्वने मचाप्चा।

३६ मिनु परमपरभु यावेमी इन कली नु इन योत्रशा पिप कली, गेपुकी नु इन किर्की पिपी यो मतुइश्शो जात डा मुर आन रागी कोइक्व। मिनु गेपुकीमी मेकेर रं शी नु फुल्लु के देवी देवता आन कली गेय पाइनीनी। व्यवस्था ४:२८ ३७ मिनु

परमपरभु यावेमी इन कली खेरशा जात जात डा मुर आन दातेमी इन पर्वम शुक्शी पा, देतीके सल्ला, शुक्शी पचा पुंडसीनीनी। १ राजा ९:७; यरमीया २४:९

३८ गेपुकीमी शुश वांचेर शोक्नीनी, तन्न इक्का ला रुम्नीनी। मारदे हना मालेपुकीमी मेको नेल्ल नेक्नीम। मीका ६:१५ ३९ गेपुकीमी अडगुर रू खरुम्नीनी, तन्न बुस्स जाल्ला अडगुर खुप्चा नु अडगुर शांबु त्चा मताइनीनी। ४० गे इन बाक्तीक तेइ तेइ तेल रवा बाक्नीम, तन्न खरक्का कली तेल मताइनीनी। मारदे हना मेको फल हेम्शा दोक्नीम। ४१ गे तमी तौ थीनीनी, तन्न मेकोपुकी इन के मदुम्नीम। मेकोपुकी ग्याइश्शा अर्का रागी लाइक्का पुंडसीनीम। ४२ इन रवा नु बाली नाली नेल्ले मालेपुकीमी खतम सेल्लीम। ४३ मिनु गेपुकी नु बाक्व अर्का रागी डा मुर क्येट थोब दुम्शा, डांडती क्येडा ठेयब दुम्नीम, तन्न गेपुकी दोक्ना दोक्न लाइनीनी। ४४ मेकोपुकीमी इन कली जेर गनीम। तन्न गेपुकीमी मेको आन कली जेर गेने मचाप्नीनी। मेकोपुकी पिया खोदंशो दुम्नीम, गेपुकी चहिं मीलु खोदंशो दुम्नीनी। व्यवस्था २८:१२-१३

४५ मिनु मेको सराप चीले नेल्ल गे मबक्नी सम्म राइनीनी। मारदे हना गेपुकीमी परमपरभु यावे, इन परमपरभु आ शंशो लोत्र नु आ फुल्लुम मुशा बरक्शा लोत्र नेल्ल होस पा मटिनी। ४६ मिनु मेको सराप इन कली नु इन चच युइ आन कली छ्क लाक्का डा नु हिं चा डा बाक्नीमी।

४७ मारदे हना गेपुकी मारइ मारइमी गाप्शो बाक्नीनु, गे परमपरभु यावे, इन परमपरभु कली ग्यरसीशा नेल्ल थुंम टिशा गेय मपनी। ४८ मोपतीके परमपरभु यावेमी इन कली जोरी सतरु सोइक्व। गेपुकी शोत्रतु बक्शा नु तूत् दाक्ना दाक्न, फक्चा मतथु नु मारइ मगाप्शो दुम्शा, मेको आन गेय पचा माल्लीनी। मिनु मेकोमी इन कली मक्क्याम्दमे सम्म फलम के हलो इन तारी वोइक्नीम। यरमीया २८:१३-१४ ४९ मिनु परमपरभु यावेमी नेल्ल क्येडा डोन बाक्शा रागी रे मरुप्शा लोत्र पाइक्व मुरपुकी बरशा ककाकुली खोदंशो पा इन तारी जुक्पाइक्व। हबकुक् १:२८; यसैया ३३:१९; यरमीया ५:१५ ५० मेको मुरपुकी काइ शिशी मपाइश्शो बाक्नीम। मेकोपुकीमी साल्ला आन कली मान मपाइनीम। मिनु आल आन कली यो काइ शिशी मेकोइनीम। ५१ मिनु गेपुकी खतम

मदुम्नी सम्म मेकोपुकीमी इन थुल्शा बी व्यफ, क्यारश भेडा नु बाली नाली जाइनीम। मिनु मेकोपुकीमी इन अन्न, अङ्गुर शांबु, तेल, बी व्यफ आन चाइक्व, क्यारश भेडा आन पाठा का यो मगनीम। १२ मिनु मेकोपुकीमी इन सहर नेल्ल आन कली पुम्नीम। मिनु गेपुकीमी 'सुइम आंइ कली मफरुइब' दे इन बाल्यो नु ग्यत्थ लाइश्शो ठेयब गारो कली थमा सुइक्तीनी, तन्न मेकोपुकीमी परमपरभु यावे, इन परमपरभुमी इन कली गेशो रागी डा सहर नेल्ल पुम्शा, गारो परन्तीम। १३ मिनु मोदंशो पा इन जोरी सतरुपुकीमी इन कली पुम्दमनु, ग श्येत जशा, परमपरभु यावे, इन परमपरभुमी इन कली गेशो तमी तौ आन श्ये ब्वाइनीनी। लेवी २६:२९; २राजा ६:२८-२९; येरमीया १९:९; बिलापर २:२०; बिलाप ४:१०; इजीकीएल ५:१० १४ मिनु गेपुकी इन दाते डा नेल्ल क्येडा रिम्शो थुं पाइश्शो नु ठीक पाइब वॉइश मुरुमी यो आ लोक्व, आ दाक्वशो मीश नु आ लीशा आ तमी तौ आन कली शिशी मपथु, जचा थोत्रक रोइक्व। १५ मिनु मेकोमी मेको आन कली आ ब्वाचा माल्शो आ आल आ श्ये सुइ आन कली मगब। मारदे हना जोरी सतरुपुकीमी सहर पुम्शा जचा थोत्रक मारइ मबाक्व। १६ मिनु इन दाते डा नेल्ल आन क्येडा शकल मकल पाइश्शो नु नेल्ल क्येडा सुख जशा, आ खोइलीमी खप यो थक्न मबिन्व मीश मुरुम आ दाक्वशो वॉइश नु आ तमी तौ कली गेह पा कोत्रब। १७ मारदे गेह पा कोत्रब देशा हना, आ नक थिशो आल नु आल आ उमरो आ पर्वम गेह पा कोत्रब। मिनु जोरी सतरुम सहर पुम्तीक श्येत जशा, मेको मीश मुरुम खरुइश्शामी आ उमरो 'आमा ब्वाइनुड' दे मिम्ब।

१८ मिनु गेपुकीमी एको किताबमी बरक्वशो अरेशो लोत्र नेल्ले टिशा मपाइतीनी हना, मेको ठेयब नु हिंचा डा परमपरभु यावे, इन परमपरभु आ नें कली मान पा महितीनी हना, १९ परमपरभु यावेमी इन कली नु इन चच युइ आन कली गेचा डा श्येत डांइती मतशो खोदंशो पा ठेयब फाल्ले मचाप्चा श्येत गेब। मेको ठेयब श्येत नु ठेयब नु मसाचा डा रोइ पपाइक्व। ६० मिनु परमपरभु यावेमी हिंचा डा इजीप्त रागी डा मुर बेक्तीक रोइ इन कली पपाइक्व। मिनु मेको बेक्तीक डा रोइ इन दातेमी याक्सीब। व्यवस्था २८:२७ ६१ मिनु मेको अरेशो लोत्र डा किताबम मबरक्वशो रोइ नु बेक्तीक रोइ यो इन कली पपाइक्व।

परमपरभु यावेमी गेपुकी खतम मदुम्नी सम्म मोदंशो पपाइक्व।

६२ मिनु गेपुकी डांइती सरीड डा सोरुल खोदंशो पा शुश बाक्तीनी। मिनु नोले इक्का ला लीनीनी। मारदे हना गेपुकीमी परमपरभु यावे, इन परमपरभु आ दंशो मटिनी। ६३ मिनु परमपरभु यावेमी दोपा इन कली रिम्शो पचा नु शुश सल्ला कली ग्यरसीशो बाक्म, मोपा परमपरभु यावेमी इन कली खतम सल्ला नु क्याम्चा कली ग्यरसीशो बाक्व। मिनु मेकोमी गे ओत्रचा नु इन के सल्ला चिक्वशो रागी रे इन कली तुल्ल। हितोपदेस १:२६ ६४ मिनु परमपरभु यावेमी इन कली जात जात डा मुर आन दातेमी फराइब। मिनु गेपुकीमी मेकर डा इन किकी पिपी नु इन मतुइश्शो शी नु फुल्लु के देवी देवता आन कली गेय पाइनीनी। ६५ मेको रागी रागी डा मुर आन दातेमी गे नाइक्का मताइनीनी। इन कली गेना हना यो खरनीमी। मिनु परमपरभु यावेमी मेकर इन कली हिंब थुं गेब। मिनु फाल्ले मचाप्च नु थुं लुक्व लाइब मुर दुम्नीनी। ६६ मिनु गेपुकी दीसा मार दुम्बा 'बरॉइनुडा, मबरॉइनुडा' दे मारइ मतुइक्थु, नाक्दो नाक्ती हिंशा बाक्का माल्लीनी। ६७ मिनु सुनी कना गेपुकीमी 'नां रिक्वशो हना, रिम्शो दुम वा' दंनीनी। मिनु नां रिक्की ना 'नां सोत्रशो हना, गिश रिम्शो दुम वा' दंनीनी। मारदे हना मार मार ताइनीनी, गे शुश हिंनीनी। ६८ परमपरभु यावेमी इन कली जहाजम इजीप्त रागीम लेश्शा सोइक्व। गो मेको लां आ पर्वमी गेपुकीमी एको लां गेनायो लेशा लचा मदुम्ब' दे गो इन कली दंती। मेकर जाक्वशा इन कली इन जोरी सतरु आन कली वाइलीम वाइल सल्ला कली लेयचा दाक्नीम, तन्न सुइम इन कली मग्याप्नीम" दंत। व्यवस्था १७:१६; होसे ८:३३

अर्ती गेशो नु हिंच कोइशो

२९ १ मिनु होरेब डांडामी परमपरभु यावेमी इसराएली नु पशा कबल नु तेम्शा, मोआब रागीम मोसा कली इसराएली आन कली तेम्चा डा लोत्र मार बाक्नीम देशा हना, व्यवस्था ५:२

२मोसामी इसराएली नेल्ल आन कली बरेशशा "परमपरभु यावेमी इजीप्तमी फाराओ नु मेको आ गेय पाइब नेल्ल नु आ रागी कली पशा गेपुकीमी नेल्ल तशो बाक्तीनी। परस्थान १९:४ ३गेपुकी मेको ठेयब नाक्तीक ताइतीनी।

मिनु मेको ठेयब चिन्ड नु छक लाकचा डा गेय यो ताइतीनी। व्यवस्था ४:३४; व्यवस्था ७:१९ ४तन्न मुल सम्म परमपरभु यावेमी इन कली रुप्तीक थुं, कोव्रतीक मिक्च नु नेंतीक नोफा मगेशो बाक्ब। व्यवस्था ५:२६ ५मिनु गो इन कली ४० बर्स सम्म गोरशो रागीम लां कांडताकनी। इन फेक्तीक मजे, जुत्ता यो मजे। व्यवस्था ८:४ ६गपुकीमी शाब्ब मजनी, अडगुर शांबु नु रकसी या तूचा मतनी, तन्न बरोइतीनी। मिनु गो परमपरभु यावे, इन परमपरभु नड, दे गपुकीमी रुप्तीनी। ७मिनु गेपुकी एको रागीम जाक्नीनु, हेश्बोन डा पिप सीहोन नु बाशान डा पिप ओग गोपुकी नु लडाइ पचा कली गरुशा जाक्ताक्स। मिनु गो मेको आन कली फरुइतय। गन्ती २१:२१-३५ ८मिनु गोपुकीमी मेको आन रागी गराशा, रुबेन आ थर, गाद आ थर नु मनस्से आ थर डा आधा मुर आन कली आन के सेल्वा कली रू गेशो। गन्ती ३२:- ९मोपतीके एको कबल पशो लोत्र होस पा पने। मिनु मो पाइतीनी हना, गे मार मार पनी, मेको रिम्शो दुम्ब।

१०मिनु गे नेल्ल परमपरभु यावे, इन परमपरभु आ डांडती राप्शा बाक्नीनी। इन थर थर डा ठेयब मुरपुकी, इन खाल्पापुकी, ससान पाइबपुकी नु इसराएली नेल्ल, ११इन आलपुकी नु इन मीशपुकी, अर्का रागी डा इन दातेमी बाक्शो मुरपुकी, शी चाक्ब नु ब्वाक्कु कुरब नेल्ल बाक्नीम। यहासु ९:२७ १२मारदे नेल्ल बाक्शो बाक्तीनी दंशा हना, परमपरभु यावे, इन परमपरभुमी गे नु कसम जशो कबल मुलाक्त परमपरभु यावे, इन परमपरभुमी गे नु पाइब। १३दोपा परमपरभु यावेमी इन किकी पिपी अब्राहाम, इसहाक नु याकूब नु कसम जशो बाक्मे, मोपान मुलाक्ती इन परमपरभुमी इन कली आंम के मुर सेल्वा कली कबल पापु। १४मिनु गो मेको कसम जशो कबल परमपरभु यावे, इं परमपरभु आ डांडती राप्शा बाक्ब इन कली ला ममाइ, व्यवस्था ५:३; उत्पती १७:७ १५तन्न सु सु मुलाक्त मबाक्तेकम हना, यो मेको कबल पाइनुड। १६गो दोपा इजीप्त रागीम बाक्या, तुइक्नीनी। गोपुकी रागी रागीम गाक्शा, दोपा जाक्या, दे यो तुइक्नीनी। १७मिनु गे आन गरांगरा दिल्वा डा शो, फुल्लु, सुन नु चांदी के देवी देवता आन कली यो तशो बाक्नीनी। १८मिनु इन दाते र सुइ वांइश मुर, मीश मुर, खिं डा मुर नु थर डा

सुइ आन थुं परमपरभु यावे, इं परमपरभु र नोले शांडसीशा, मेको रागी रागी डा देवी देवता आन कली पूजा पचा दाक्ब बाक्नीम कां? इन दातेमी मोदंशो ओश्येर पाइशो शावश का बाक्बा कां? व्यवस्था ३२:३२; होस १०:४; आमास ६:१२; हिवरू १२:१५ १९मिनु मोदंशो पाइब मुर मेको कसम डा लोत्र नंशा, आ थुमी गो आंम मिम्तीके पशा बाक्ती हना यो, गो सराप मराइनुड। गो आसीक ताइब बाक्ती' दे मिम्ब। मोदंशो मिम्तीके नेल्ल आन कली खतम सेल्ब। २०मिनु परमपरभु यावेमी मोदंशो मुर आ पाप मक्याम्ब। परमपरभु यावे मेको कली तशा, आ गाइक्चा नु आ गह पतीके मी खोदंशो पा ब्राइब। मिनु मेको अरशो लोत्र डा किताबम बरक्शो सराप नेल्ल मेको मुर कली राइब। मिनु परमपरभु यावेमी मेको आ नं रागी र क्याम्ब। व्यवस्था २८:१५-६८ २१मिनु परमपरभु यावेमी मेको कली इसराएली आन थर र तिल्शा, मेको अरशो किताबम बरक्शो कबल डा सराप नेल्ल रपाइक्ब। २२इन नोले जर्मशो पाला, इन नोले जाक्शो तमी ती नु डोन रागी डा मुरपुकीमी मेको रागी डा श्यत नु परमपरभु यावेमी मेको आन कली गेशो बक्तीक डा रोइ तशा २३मेको रागी नेल्लम मी बरशा गन्धक नु हिक्सी बाक्ब। मारइ मशोक्शो, काइ गिग मगरुशो मारइ मवाशो बाक्ब। मेको परमपरभु यावेमी चुरशा गाइशो सोदोम नु गोमाररा, अदमाह नु संबोथीम खतम सेल्शा रागी खोदंशो बाक्ब। उत्पती १९:२४ २४मिनु रागी रागी डा मुर नेल्लमी 'परमपरभु यावेमी एको रागी कली मारदे ओदंशो सेला? एको आ पर्वम मारदे मोदंशो शुश चुरशा गाइक्ता?' दे हिल्लो पाइनीम। २५मिनु मेकोपुकीमी मेको परमपरभु यावे, आन किकी पिपी आन परमपरभुमी मेको कली इजीप्त र गरुइची ना पशो कबल प्रांइने थुम्शो बाक्तेकम। २६मिनु मेकोपुकीमी आन मतुइशो नु परमपरभुम मपचा दंशो देवी देवता आन डांडती बाप्शा बाक्तेकम। २७मोपतीके परमपरभु यावे एको रागी आ पर्वम शुश गाइक्ताक्ब। मिनु मेकोमी एको किताबम बरक्शो सराप नेल्ल मेको रागी कली रपाइक्तु। २८मिनु परमपरभु यावेमी चुरशा, गाइशो, आ ठेयब गाइशोम मेको आन कली आन रागी र खरशा, अर्का रागीम ताइक्ताक्ब। मेको मोदंशो मुलाक्त दुम्शो बाक्ब' देनीम। २९मिनु मारइ मारइ खरुइशो परमपरभु यावे, इं परमपरभु के

बाक्व। तन्न मेको अरेशो लोत्र नेल्ल टिचा नु मेको तुइक्तीके आंड के नु आंड तमी तौ के बाक्व” दंत। व्यवस्था ३२ :३४

परमपरभु यावे गे लेत्चा

३० १मिनु गो इन कली दंशो लोत्र, दोपा आसीक राइनीनी नु दोपा सराप राइनीनी, गे मेको नोले आमा तशो, परमपरभु यावे, इन परमपरभुमी इन कली रागी रागी डा मुर आन दाते र खरा नु ला तुइक्तीनी। व्यवस्था २८ :- २मिनु गो मुलाक्ती इन कली अरेशो खोदशो पा गे नु इन तमी तौ इन थुं नु सोक्त नेल्लेमी परमपरभु यावे, इन परमपरभु गे लेशशा टिचा दाक्तीनी हना, व्यवस्था ४ :३०; लेवी २६ :४० ३मेना परमपरभु यावे, इन परमपरभुमी इन रिम्शो नाक्ती लेप्पाइक्व। मिनु परमपरभु यावे, इन परमपरभुमी इन कली शिशी पाइशशा, जात जात डा मुर आन दातेमी बरपाइक्तीके र सुप्शा चाक्व। इजीकीएल १६ :५३; येरमीया २९ :१४; आमास ९ :१४; येरमीया ३२ :३७ ४मिनु गे शुश डोन रागी सम्म खरचा पुंडसाक्नी हना यो परमपरभु यावे, इन परमपरभुमी इन कली सुप्शा एक चाक्व। व्यवस्था २८ :६४; नेहम्याह १ :९ ५मिनु परमपरभु यावे, इन परमपरभुमी इन कली इन किर्की पिपी आन रागीमी चाक्व। मेको रागी इन के बाक्व। मिनु मेकोमी इन कली इन किर्की पिपी क्यंडा शुश नु रिम्शो सल्ब।

६मिनु परमपरभु यावे, इन परमपरभुमी इन थुं नु इन तमी तौ आन थुं खरोइक्तीक चिनु खोदशो पा खरोइक्व। मापा ला गे परमपरभु यावे, इन परमपरभु कली इन थुं नु सोक्त नेल्लेमी दाक्शा, ब्रांइने चान्नीनी। व्यवस्था १० :१६; येरमीया ४ :४; इजीकीएल ११ :१९; रोमी २ :२९ ७मिनु परमपरभु यावे, इन परमपरभुमी मेको सराप नेल्ल इन कली खेदा पाइव, इन कली गेह पाइव जोरी सतरु आन कली रपाइक्व। ८मुलाक्ती गो इन कली माइशशा गे लेशशा परमपरभु यावे आ शंशो नेल्ल टीनीनी। ९मिनु परमपरभु यावे, इन परमपरभुमी इन पतीके नेल्लेमी इन कली आसीक गेब। मेकोमी इन कली शुश तमी तौ, बी ब्यफ, क्यारश भेडा नु इन रू डा अन्न शुश सल्ब। मारदे हना परमपरभु यावेमी इन किर्की पिपी आन कली रिम्शो पशो खोदशो पा इन कली यो रिम्शो पचा दाक्व। १०गेपुकीम परमपरभु यावे, इन परमपरभु आ दंशो टीतीनी हना, आ शंशो, आ फुल्लुम मुशा बरक्शा लोत्र नु मेको

अरेशो लोत्र डा किताबम बरक्शा लोत्र पाइतीनी हना, गे इन थुं नु सोक्त नेल्लेमी परमपरभु यावे, इन परमपरभु गे लेत्तीनी हना, गे लंशा आसीक राइनीनी।

परमपरभु आ लोत्र इन नेक्था बाक्शा

११मिनु गो मुलाक्त इन कली माइशशा परमपरभु यावे आ शंशो मरुन्चा डा नु इन पने मचाप्चा डा मबाक्व। मेको इन नेक्था बाक्व। १२मेको लोत्र इर सरीडमी मबाक्व। मिनु गेपुकीमी “सु सरीड लशा मेको लोत्र आंड कली चाक्वा? मिनु मेको नंशा, पाइनीकी” दंचा ममाल्लीनी। रोमी १० :६-८ १३मिनु मेको समुन्दर आ आइक्वी हांबु यो मबाक्व। गेपुकीमी “सुम आंड कली समुन्दर आइक्वी हांबु मेको बरथ लाइवा? मिनु मेको नंशा, पाइनीकी” दंचा ममाल्लीनी। १४मेको अरेशो लोत्र इन नेक्था बाक्व। गे मेको आ पर्वम लोत्र पाइनीनी। मिनु मेको पचा कली इन थुंमी बाक्व।

ब्रांइचा नु बेक्चा

१५ मिनु मुलाक्ती गो ब्रांइतीक नु रिम्शो दुम्तीक, बेक्तीक नु मरिम्शो दुम्तीक इन कली कांइशो बाक्नुड। व्यवस्था ११ :२६ १६मिनु गोम मुलाक्त इन कली माइशशा परमपरभु यावे आ शंशो, आ फुल्लुम मुशा बरक्शा लोत्र नु आ निसाफ पतीक लोत्र टीतीनी हना, परमपरभु यावे, इन परमपरभु कली दाक्ताक्नी हना, मेको आ लां गाक्तीनी हना, गे ब्रांइशा, सांशा बाशा, शुश दुम्शा बाक्नीनी। मिनु परमपरभु यावे, इन परमपरभुमी इन ओत्रचा चिक्शा रागीमी आसीक गेब। १७तन्न गे इन थुं हिरशा मटीब दुम्तीनी हना, नु देवी देवता आन डांइती बाप्शा, गेय पाइतीनी हना, १८गे इन कली मुलाक्ती “गेपुकी थमा पा बेक्नीनी। मिनु यर्दन आइक्वी हांबु इन के सल्शा रागीमी गे शुश नाक्ती मब्रांइनीनी” दंनुड। व्यवस्था ८ :१९ १९गे मुलाक्ती सरीड नु रागी कली इन डांइती सांक्छी वोइक्नुड। गो इन कली ब्रांइचा नु बेक्चा, आसीक नु सराप इन कली कांइताक्ड। गे नु इन चच युइ ब्रांइतीक योत्रडीन। व्यवस्था ४ :२६ २०परमपरभु यावे, इन परमपरभु कली दाक्तीन। आ दंशो टिन। मेको कली मप्रांइथु बाक्कीन। मारदे हना मेकोम इन कली ब्रांइचा नु शुश नाक्ती बाक्चा गेब। मिनु गेपुकी परमपरभु यावेमी इन किर्की पिपी

अबराहाम, इसहाक नु याकूब आन कली कसम जशा गेशो रागीम बाक्ने चाप्नीनी ।

मोसामी यहोसु कली अरेशो

३१ मिनु मोसामी इसराएली नेल्ल आन कली एको लोत्र नंपाइव्तु । २ मिनु मकोमी “मुलाक्ती गो सह का २१ बर्स गाप्ती । गो मुल र इन कली लां कांइन मचाप्नुड । मिनु परमपरभु यावमी आं कली भे मको यदन मशोक्नेव’ दे माइक्ती । परस्थान ७ :७ ; गन्ती २० :१२ ३ परमपरभु याव, इन परमपरभु इन कांइती यदन शोक्शा, आइक्ची हांबु लाइब । मकोमी इन कांइती मको रागी रागी डा मुर आन कली क्याम्ब । मिनु गेपुकीमी मको आन कली खेरन चाप्नीनी । मिनु परमपरभु यावमी देशो सोदंशो पा यहोसु इन कांइती शोक्ब । व्यवस्था ३ :२२ ४ मिनु परमपरभु यावमी मको एमोरी आन पिप सीहोन नु ओग नु आन रागी खतम पोक्शा सोदंशो पा, मको आन कली यो खतम पोक्ब । गन्ती २१ :२१-३५ ५ मिनु परमपरभु यावमी मको आन कली इन जिम्मा गब । गा इन कली माइश्शो परमपरभु यावे आ शंशो सोदंशो पा नेल्ल गेपुकीमी मको आन कली पचा माल्लीनी । परस्थान २३ :३२-३३ ६ बोल्यो नु महिंब दुमीन । मको आन कली तशा महिनीन मारदे हना परमपरभु याव, इन परमपरभु गेपुकी नु लाइब । मकोम इन कली कोव्रशा, मप्रांइब” दे मोसामी दंत । व्यवस्था १ :२९-३०

७ मिनु मोसामी यहोसु कली बरेशशा, इसराएली नेल्ल आन कांइती “बोल्यो नु महिंब दुमी । मारदे हना परमपरभु यावमी मको इन किकी पिपी आन कली कसम जशा मको रागी इन कली गेनुड’ देशो बाक्त । मिनु गे मको रागी मको आन कली योक्शा गेनीनी । व्यवस्था ३ :२६ ; यहोसु १ :६ ८ मिनु परमपरभु याव इ कांइती लाइब । मको गे नु बाक्ब । मकोम इन कली कोव्रशा, मप्रांइब । महिनीन नु मको आन कली तशा इन थुं लुक्च मलने” दे मोसामी यहोसु कली दंत ।

चदेब आन कली अरेशो लोत्र गेशो

१ मिनु मोसामी परमपरभु आ अरेशो लोत्र बरेशशा, चदेब, लेवी आ थर डा मुर नु इसराएली आन खाल्पा आन कली गेम्तीमी । मिनु लेवी आ थर डा मुरपुकीमी चहिं परमपरभु याव आ

सल्ला पतीक सन्दोस कुरशो बाक्तेकम । १० मिनु मोसाम मको आन कली “७ बर्स डा परांइतीक बर्समी गोठ सल्लतीक चाडमी व्यवस्था १५ :१ ; व्यवस्था १६ :१३ ११ नेल्ल इसराएली परमपरभु याव, इन परमपरभु आ योव्रशो बाक्तीकमी मको अरेशो लोत्र इसराएली नेल्ल आन कांइती पदेचा माल्लीनी । १२ गेपुकीमी वांइश मुर, मीश मुर, आलपुकी नु इन सहरम बाक्शा अर्को रागी डा मुर नेल्ल आन कली खुप्चा माल्लीनी । मिनु मकोपुकीमी मको अरेशो लोत्र नंशा, शंशा, परमपरभु याव, इन परमपरभु कली मान पा हिंब दुम्चा माल्लीम । मिनु एको अरेशो लोत्र नेल्ल तुइश्शा पचा माल्लीम । १३ मिनु एको अरेशो लोत्र मतुइक्ब, आन आलपुकीमी यो नंशा रुष्शा, परमपरभु याव, इन परमपरभु कली मान पा हिंचा शंचा माल्लीम । गेपुकीमी यदन खोला आ आइक्ची हांबु इन के सेल्लशो रागीम बाक्ची ना मोदंशो पचा माल्लीनी” दे माइक्तीमी ।

यहोसु नु मोसा कली शंशो लोत्र

१४ मिनु परमपरभु यावमी मोसा कली “मुल इ बेक्ची नाक्ती जाक्शा बाक्ब । मोपतीक यहोसु कली बरेशशा, मको कली इ गेय जिम्मा गेनुड । मोपतीके गरुम्तीक ताम्बुम जाक्शा, राष्शा बाक्कीस” दंत । मिनु मोसा नु यहोसु लशा गरुम्तीक ताम्बुम राष्शा बाक्ताकस । १५ मिनु परमपरभु याव गरुम्तीक ताम्बुम गोस्स क थामम गरुत् । मिनु गोस्स क थाम ताम्बु आ ओव्रतीकमी बाक्त । परस्थान ३२ :९

१६ मिनु परमपरभु यावमी मोसा कली “गे इ किकी पिपी नु बाक्चा चिक्शा बाक्नेव । गे बेक्ड नोले मको मुर आन लशो रागीम जाक्दीश्शा, मको रागी डा आन मतुइश्शो देवी देवता आन कली खोइक्नीम । आं कली परांइशा, गो नु पशो कबल क्याम्नीम । १७ मिनु गो मको नाक्त मको आन पर्वम शुश गाइक्नुड । मिनु गो मको आन कली परांइशा, मको आन कली वारच मपाइनुड । मकोपुकी रोइक्चा पुंडसीनीम । मिनु मकोपुकीमी शुश मरिम्शो दुम्शा, ठेयब श्येत जाइनीम । मिनु मको नाक्त मकोपुकीमी ‘इं परमपरभु गोपुकी नु मबाक्तीक इं कली मोदंशो दुम्शा बाक्ब’ दनीम । १८ मिनु मकोपुकी शुश मरिम्शो पा, देवी देवता आन नोले खोइक्ब दुम्नीम । मोपतीके गो मको आन कली वारच मपाइनुड ।

मोसा कली बरेकपाइश्शो कुम्सो

१९ एको कुम्सो बरेकतो। मिनू इसराएली आन कली शंदो। मेको रिम्शो तुइक्पतो। मारदे हना मेको कुम्सो इसराएली आन पर्वम आं सांकछी दुम्बा माल्ब। व्यवस्था ३२:१-४३ २० गो मेको आन किकी पिपी आन कली गेनुड, दे कसम जशो दूध नु खुदो शुश बाक्शा रागी मेको आन कली गेनुड। मिनू मेकोपुकी जशा ब्यशा, रूशा दोम्नीम। मिनू मेकोपुकीमी देवी देवता खोइश्शा, मेको आन गय पाइनीम। आं कली चहिं आइक्च सेल्नीम गो नु आं कबल क्याम्नीम। २१ मिनू मेको मरिम्शो दुम्शा, शुश श्यत जाम्तेक्म हना, मेको कुम्सो मेको आन पशो आ पर्वम आं सांकछी दुम्बा। मारदे हना आन चच युइ मेको कुम्सो शंसीशा, तुइश्शो बाक्नीम। मेको आन कली गेनुड' दे कसम जशो रागीम चाक्चा क्येडा डोंइती आन मिम्तीके दूली बाक्ब, दे तुइक्नुड" दे परमपरभु यावेमी मोसा कली दंत। भजन संगरह १३९:२

२२ मिनू मेको नाक्ती मोसामी एको कुम्सो बरेक्शा, इसराएली आन कली शंताक्मी। २३ मिनू परमपरभु यावेमी नून आ तो यहोसु कली अरशा "बोल्यो नु महिंब दुमो। मारदे हना मेको आन कली गेनुड" देशो रागीम गो इसराएली आन कली चाक्चीत्वा माल्नेव। मिनू गो गे नु बाक्नुड" दंत।

अरेशो किताब नु कुम्सो

२४ मिनू मोसामी मेको अरेशो लोत्र किताबम बरेक्ने थुम्शा नोले २५ मेकोमी परमपरभु यावे आ सल्ला पतीक सन्दोस कुरब लेवी आ थर डा मुर आन कली २६ "एको अरेशो लोत्र डा किताब लाइश्शा, परमपरभु यावे, इन परमपरभु आ सल्ला पतीक सन्दोस आ नेक्था वोतीन। मोदंशो पा मेको आन पर्वम सांकछी दुम्शा बाक्ब। यूहन्ना ५:४५ २७ मारदे हना गो इन मरिम्शो पतीक नु इन मटितीके तुइक्नुड। गो मुल सम्म गेपुकी नु बाक्शा यो, गेपुकी परमपरभु यावे कली गन गन पा मटीब बाक्तीनी। गो बेक्का नोले दोशो मरिम्शो पाइनीनी? २८ मिनू गो इन थर थर डा खाल्पा नु ठेयब मुर नेल्ल आं बाक्तीकम बरेक्शा सुम्सीन। मिनू गो मेको आन कली एको लोत्र नंपाइक्नुडमी। मिनू मेको गो सरीड नु रागी आन पर्वम सांकछी वोइक्नुड। व्यवस्था ३२:१ २९ मारदे हना गो बेक्का नोले

गेपुकी थमा पा दूली पाइब दुम्नीनी। मेको गो तुइक्नुड। मिनू गेपुकी आं अरेशो लां रे डोन लाइनीनी। मिनू गेपुकीमी परमपरभु यावे आ डोंइती मरिम्शो पाइनीनी। मिनू मेको इन पतीकमी मेको कली गाइक्पाइक्नीनी। नोले डा नाक्तीमी इन कली शुश श्यत दुम्ब" दंत। ३० मिनू मोसामी इसराएली नेल्ल आन डोंइती एको कुम्सो थुम्बा सम्म नंपाइक्तीमी।

मोसा आ बरेकपाइश्शो कुम्सो

३२ मिनू मोसामी १ "सरीड, गो मार देनुडा, नोफा दाइश्शा ननो। रागीम, आं लोत्र नेनल। यसैया १:२ २ आं अरेशो लोत्र रउ खोदंशो पा यीब। आं अरेशो लोत्र सीत खोदंशो पा दोक्ब। कल्लो घांस तार भूस भुसे रउ खोदंशो पा नु सुवा आन तार ठेयब रउ खोदंशो पा यीब। यसैया ५५:१०-११ ३ मारदे हना गो परमपरभु यावे आ नें ठेयब सेल्नुड। इ परमपरभु ठेयब बाक्ब।

४ मेको सरथ फुल्लु बाक्ब। मेको आ गय नेल्ल क्येडा रिम्शो बाक्ब। आ लां नेल्ले ठीक बाक्नीम। मारदे हना मेको आ देशो पाइब परमपरभु बाक्ब। जोल मपाइब, कुल मकोत्रब नु ठीक पाइब बाक्ब। ५ तन्न मेको पाला डा मरिम्शो दुम्शो मुरपुकीमी मेको कली मरिम्शो पाम्तेक्म। मेको दूली पाइब नु हेंथे गाक्ब ला डा बाक्नीम। यसैया १:२-४; मत्ती १७:१७ ६ मूर्ख नु निप्स मपाइश्शो मुरपुकी, मार, गे परमपरभु यावे कली क्येक्क लेल्नीनी? मार, इन कली संल्ब इन आफ मेको ममाइ डा? मेको इन कली संल्ब नु वोइक्ब बाक्ब। ७ साइ डोंइती डा नाक्त मिम्तीन। साइ डा बर्स कली मिम्तीन। इन आफ कली हिल्लो पने। मिनू मेकोमी इन कली शंनीम। इन खाल्पा आन कली हिल्लो पने। मेकोमी इन कली देनीम। ८ नेल्ल क्येडा ठेयबमी रागी रागी डा मुर आन कली आन रागी गेपु। मेकोमी मुर नेल्ल आन कली शुश खाल डा सेल्लु। मेना इसराएली आन थर डा खिं खिं डा मुर कोत्रशा, आन सांद योक्शा गेपु। उत्पती ११:२; परेरित १७:२६ ९ मिनू परमपरभु यावे आ भाग आ मुरपुकी बाक्तेक्म। याक्ब आ मुर आन भाग आ योत्रशा रागी बाक्त।

१० मेकोमी याक्ब कली सुइ मबाक्शा रागीम थुल्लु। गोरशो रागीमी कोत्रशा थुल्लु। मिनू मेकोमी मेको कली आ एर आंथ नेल्ल रे कोत्रतु। मिनू मेको कली आ मिक्च कली खोदंशो पा होस पा कोत्रतु। भजन संगरह १७:२८;

इजीकीएल १६:१०-१४; जकरिया २:१२ ११ आंम चाइक्व कली रिम्शा कोव्रशा जचा गेब, फरां पराक्शा चाइक्व कली पुष्व नु आ फरांम इर कुरब ककाकुली खोदंशो पा, परस्थान १९:४ १२ परमपरभु यावमी मको कली लां कोइताक्व। मको नु अर्का तेकोइ देवता मबाक्म। १३ मकोमी मको कली नल्ल क्यडा रिम्शा रागीम वोइक्तु। मकोमी रूम शाक्शा थोवकीम थुल्लु। मिनु मको कली रांगु डा खुदो नु फुल्लु र तेल जचा गेपु। भजन संगरह ८१:१७ १४ मिनु बी आन दूध क दहि, भडा आन दूध नु पाठा नु सांड आन बांसो ब्वाचा गेपु। बाशान डा व्यफ नु क्यारश आन श्य ब्वाचा गेपु। नल्ल क्यडा रिम्शा चेरब फस जशा, अडगुर शांबु तूशा बाक्ते। १५ मिनु येशुरुनमी दोम्शा ताइक्तु। गे दोम्ते। गे दोम्शा, ठेयब लेशशो दुम्ते। मकोमी आ कली सेल्व परमपरभु कली परांडतु। मिनु आ श्यत र परांडब संरथ फुल्लु, कली परांडतु। येशुरुन याक्व-इसराएल कली मान पतीक नें बाक्व। व्यवस्था ३३:५,२६; यसैया ४४:२; व्यवस्था ३१:२०; नेहम्याह ९:२५ १६ मिनु मकोपुकीमी अर्का देवी देवता आन कली ठेयब सेल्ला, मको कली गेहे पपाइक्तेक्म। मकोपुकीमी गरांगरा दिचा डा थोवकीम पतीके मको कली गाइक्पाइक्तेक्म। १७ मकोपुकीमी परमपरभु कली ममाइ, वोल आन कली चदम्तेक्म। आन डांडती मतुइशशो देवी देवता आन कली चदम्तेक्म। आन किकी पिपीमी महिशा नक सेल्ला देवी देवता आन कली चदम्तेक्म। १८ मिनु गे इन कली सेल्व संरथ फुल्लु कली ममिम्तीनी। इन कली थीब परमपरभु याव कली परंताक्नी। उत्पत्ती ४९:२४; भजन संगरह १८:३२; भजन संगरह ७८:१५-१६

१९ मिनु परमपरभु याव मको तशा रुश पापु। मारदे हना आ तमी तौपुकीम मको कली आइक्व सेल्लेक्म। २० मिनु मकोमी 'गो मको आन कली वारच मपाइनुड। मको दोपा बेक्नीमी, मको कोव्रनुड। मारदे हना मको दूली पाइब पाला डा मुर बाक्नीम। मको थमा मसुइक्का डा बाक्नीम। २१ देवी देवता आन पर्वमी आं कली रुश पपाइक्नीम। मूर्ति पूजा पा आं कली गाइक्व सेल्लतीमी। मोपतीके गो डोन डा मुर आन कली आंम के सेल्ला, एको आन कली रुश पपाइक्नुड। रागी डा मतुइक्व मुर आन कली गुप्शा, मको आन कली गाइक्पाइक्नुड। भजन

संगरह ७८:५८; यरमीया २:११; रोमी १०:१९ २२ मारदे हना आं गाइक्का मी खोदंशो पा बरशो बाक्व। रागी आगा सम्म बराइब। रागी नु मकर बाक्शो नल्ले नेक्व। मकोमी डांडा आन जग नल्ले नेक्व। २३ गो मको आन कली शुश श्यत गनुड। गो मको आन कली बरा आनुड। दोपा आनुड देशा हना, २४ बेक्का डा शोत्रलु, शुश नाप्शा जोरो, मुर कली साइक्व रोइ नु मको आन कली बरुप्शा ब्वाइब जन्तुपुकी नु खपीम गोरशा गाक्व बीस पाइशशो बुस्सपुकी सोइक्नुड। २५ लां लांमी तरवारम मको आन कली रोम रोइक्व सेल्लुड। खिं खिम राम्शी पोक्नुड। ठिटा ठिटी, दूध तूब आल, चां बोइशशो नल्ले आन कली खाल का डा पाइनुड। इजीकीएल ५:१७; इजीकीएल १४:२१ २६ गो मको आन कली डोन डोन सम्म बरापाइक्नुड। गो मको आन कली मुर आन दातेम ममिम्पाइक्नुड। २७ तन्न आन जोरी सतरुपुकीमी दूली मिम्शा "गोपुकीमी इं सक्तिम गरातय। एको परमपरभु याव आ पशो ममाइ" देनीम। मिनु आं कली गाइक्पाइक्नीम।

२८ मारदे हना मकोपुकी रागी डा निप्स मपाइशशो मुर नम। मकोपुकी नु मारइ रुप्तीक थुं मबाक्व। यसैया २७:११; यरमीया ४:२२ २९ मकोपुकी निप्स पाइशशो नम हना, एको लोत्र रुबम वा। मको आन बेक्तीक तुइक्तेम वा। ३० मको आन संरथ फुल्लुम मको आन कली लेयन थुम्शा बाक्व। परमपरभु यावमी मको आन कली परांडन थुम्शा बाक्व। मोपतीक मुर कामी हजार का आन कली खंदा पापु। मुर निक्शीमी १० हजार आन कली खंदा पने चाप्नीसी। लेवी २६:३६-३७; यसैया ३०:१७ ३१ ई जोरी सतरुमी "मको आन संरथ फुल्लु आंइ संरथ फुल्लु खोदंशो ममाइ" दे लोत्र पाम्तेक्म। व्यवस्था ३२:४,३७ ३२ मारदे हना मको आन अडगुर सोदोम डा अडगुर बाक्नीम। मको गोमोररा डा अडगुर रूरे दुम्शा बाक्नीम। मको आन अडगुर बीखम बरीशो बाक्नीम। मको आ गेडा कशो बाक्नीम। ३३ मको आन अडगुर बुस्स आ बीस नु साइक्का डा बीस बाक्व।

३४ गो एको मिम्शा वोइशशो बाक्नुड। आं वोइक्तीकेमी छाप थोक्शा वोइशशो बाक्नुड। व्यवस्था २९:२८ ३५ सजाइ नु क्येक्क लेत्तीक आं के बाक्व। मिनु गोरक्शा थिक्तीक नाक्त नु आन बेक्तीक नाक्त जाक्का चिक्शो बाक्व। मको आन खतम दुम्तीक नाक्त जाक्का चिक्शो

बाक्व। भजन संग्रह १४:१; रोमी १२:११; हिब्रू १०:३०

३६ परमपरभु यावेमी आ मुर आन कली थमा पा वारच पाइव। आ मुर आन कली शिशी पाइव। मेको आन सक्ति लत हना, मुर नु वाइलीम वाइल यो खतम दुन्नीम। ३७ मेको आन देवी देवता ते बाक्नीमी? मेको आन खरुइक्तीक संरथे फुल्लु ते बाक्वा डा? व्यवस्था ३२:३१ ३८ आन क्योरशा चढतीक डा बांसा सुमी ब्ववा? मिनु तूचा थोत्रक चढतीक रे सुम तूडा? मेकोपुकी बाक्शा इन कली वारच पामेकल। मिनु इन कली परोन्मेकल। न्यायाधीस १०:१४; यरमीया २:२८

३९ मुल कोव्रडोन, गो ला परमपरभु नड। आं क्येडा लाक्शा सुइ परमपरभु मबाक्व। गो साइक्व नु ब्रांडपाइक्व नड। गो गार सेल्ब नु सापाइक्व नड। आं गुइ रे ब्रांडव सुइ मबाक्व। व्यवस्था ४:३५; यसेया ४५:५; १सामुएल २:६; परस्थान १५:२६; अय्युब ५:१८; होस ६:१-२ ४० मिनु गो आं गुइ सरीड गे पाक्शा, गो गेना हना यो ब्रांडशा बाक्शा सोदंशो पा कसम जाइनुड। ४१ गो आं टल्केशो या शप्ता हना, आं गुइमी निसाफ पचा कली ग्याइक्ताक्ड हना, आं जोरी सतरु आन कली क्येक्क लेत्नुड। आं कली काइ मदाक्व आन कली क्येक्क लेत्नुड। यरमीया ४६:१० ४२ आं बरा आन कली ग्याइश्शा साइश्शा मुर आन हुशमी गिल्लुड। आं या लाइश्शा चां पाइश्शा आं जोरी सतरु आन श्ये ब्वाइव सोदंशो सल्लुड" दे परमपरभुमी देत।

४३ गे रागी रागी डा मुरपुकी, ग्येरसीशो मेको आ मुर बाक्नीनी। मिनु नल्लेमी परमपरभु कली मान पने। मारदे हना मेकोमी आ गेय पाइव आन हुश आ क्येक्क लेष्व। आ मुर आन कली मरिम्शा पाइव आन कली क्येक्क लेष्व। मिनु मेको आन कली काइ मदाक्व आन कली क्येक्क लेष्व। मिनु मेकोमी आ मुर आन रागी कली लंशा रिम्शा सेल्ब" दे मोसामी कुम्सो पाप्तु। रोमी १५:१०; व्यवस्था २१:८; गन्ती ३५:३३-३४

मोसा आ नाले डा अरंशो लोत्र

४४ मिनु मोसा नु नून आ तौ यहोसु मुर आन डांइती एको कुम्सो डा लोत्र नेंपाइक्ताक्स। ४५ मिनु मोसामी इसराएली नल्ले आन कली एको लोत्र नेंपाइक्ने थुम्शा, ४६ मेको आन कली "मुलाक्त गे इन कली आं देशो लोत्र नल्ले इन थुंम वोतीन। इन तमी तौ आन कली देनीन।

गे मेको आन कली मेको अरंशो लोत्र नल्ले होस पा पचा माल्लीनी" दे मतीन। व्यवस्था ६:७ ४७ मारदे हना एको इन कली आइक्व लोत्र ममाइ। एको इन ब्रांडतीक बाक्व। एको पशा, गपुकी यर्देन शाक्शा इन के संल्शा रागीम शुश नाक्त ब्रांडनीनी" दे माइक्तीमी। लेवी १८:५

परमपरभुमी मोसा कली लोत्र पशो

४८ मिनु मेको नाक्ती परमपरभु यावेमी मोसा कली ४९ "गे अबारीम डांडा डांइसो। यरीको आ नेक्था मोआब रागीम बाक्शो नेवा डांडा डांइसो। मिनु गो इसराएली आन कली गेशो कनान रागी नल्ले कोव्रडो। गन्ती २७:१२; गन्ती ३३:४८ ५० मिनु दोपा इ लोक्व हारुन होर डांडाम बेक्मे नु आ किकी पिपी आ मुर आन बाक्तीक लमे, मोपा गे मेको इ डोइश्शा डांडाम बेक्नेवे। मिनु बेक्शा इ किकी पिपी आन बाक्तीक लाइनेवे। गन्ती २०:२३-२९ ५१ मारदे हना गे निकशीमी जीन डा गोरशो रागी मरीबाथ-कादेशमी आं ब्वाक्कु आ नेक्था इसराएली आन दातेमी आं कली थमा मसुइक्योसी। आं कली टिचा माल्लीम, दे इसराएली आन डांइती मकांइथु, आं कली ठेयब मसल्लेसी। गन्ती २०:१२-१३ ५२ गे आं इसराएली आन कली गेशो रागी डोन रे ताप्तीवी हना यो, गे मेकर लचा मताइनेवे" दे परमपरभु यावेमी मोसा कली देत।

मोसामी आसीक गेशो

उत्पत्ती ४९ :-

३३ १ परमपरभु आ मुर, मोसामी आ बेक्चा क्येडा डांइती इसराएली आन कली मार आसीक गेप्तु देशा हना २ "परमपरभु यावे सीनै रे जाक्शो बाक्व। मेको सेइर रे पा आंइ डांइती गरुत। मेको पारान डांडा रे पा टल्कसाक्व। मेको नु लाख लाख आ मुर बाक्तेक्म। आ ग्युरा गे आंम मुर डा ठेयब हुल बाक्तेक्म। न्यायाधीस ५:४ ३ थमा पा, मुर आन दातेमी आ मुर शुश दाक्शो मुर बाक्नीम। गे इन मुर नल्ले आन कली कोव्रब बाक्तीनी। मेकोपुकी इन खोइल आ नेक्था गाक्शो बाक्तेक्म। इन देशो नल्ले पाप्तेक्म। ४ मोसामी आंइ कली इन अरंशो लोत्र "पचा माल्लीनी" दे माइक्तु। मेको अरंशो लोत्र याक्व आ जात डा मुर नल्ले आन के दुम्त। ५ मिनु येशुरुन पिप का दुम्त। मुर आन ठेयब मुरपुकी बुक्तेक्म। मिनु इसराएल आन थर थर नल्ले गरुतेक्म। येशुरुन याक्व-इसराएल कली मान

पतीक नें बाक्व। परस्थान १५ :१८ ; व्यवस्था ३२ :१५ ; परस्थान १९ :७

६रुबेन आ मुर शुश मधुमत्तकम हना यो, बरोंइशा बाक्व, मबक्व” दंत।

७मिनु यहूदा आ पर्वम मार देशो बाक्व, देशा हना “परमपरभु यावे, यहूदा आ लोत्र ननीन। मेको कली आ मुर आन बाक्तीक चाक्कीन। मेको कली सक्त्त गेन। मेको आ जोरी सतरु आन पर्वम मेको कली वारच पतीन” दंत। ८मिनु लेवी आ पर्वम मार देशो बाक्व, देशा हना “गे लेवी कली इन थुम्मीम गेन। इन ऊरीम इन थमा सुइक्का डा गेय पाइब कली गेन। गे मेको कली मास्साहम नाक्ताक्नी। गे मेरीबा डा ब्याक्कुम मेको नु जीतीनी” दंत। परस्थान २८ :३० ; १सामुएल १४ :४१ ; परस्थान १७ :२,७ ; मज्जन संगरह १५ :५ ९ मेकोमी आ आम आफ आस पर्वम “गे मेको आस कली ममिन्नुडा। मेकोमी आं खिं डा मुर आन कली परोइतु। आ तो आन कली मतुइक्व। मारदे हना मेकोमी इन लोत्र टिप्टु। मिनु गे नु कबल पशो बाक्व। परस्थान ३२ :२७-२९ ; मत्ती १० :३७ १० मेकोपुकीमी याक्व कली इन पतीके लोत्र नु इसराएली आन कली इन अरशा लोत्र शनीम। मेकोपुकीमी इन डांडती धूप चोइनीम। इन कली इन चढेतीके तार नेल्ल चोशा चढेतीके चढेनीम। ११ परमपरभु यावे, गे मेको कली आसीक गेन। मेको आन गेय ताक्कीन। मेको कली काइ मदाक्व आन कली नु आ जोरी सतरु आन कली लेंशा मबोक्का डा पा खतम सलीन” दंत।

१२मिनु बन्यामीन आ पर्वम मार देशो बाक्व, देशा हना “परमपरभु यावे आ दाक्शो महिंचा डा पा नाइक्व। नेल्ल क्येडा ठेयबमी मेको कली नाक्व रे कोत्रब। मेको आ दाक्शो मुर आ बला आस दातेम नाइक्व” दंत। १३मिनु योसफ आ पर्वमी मार देशो बाक्व, देशा हना “परमपरभु यावे आ रू आन कली आसीक गेवल। मेकोमी इर सरीड नु उइ रागी डा नेल्ल क्येडा रिम्शो तवल। उत्पत्ती ४९ :२५ १४नांम सिश्शो फल फुल तवल। महिना महिना डा रिम्शो फल फुल तवल। १५माइत पहाड डा नेल्ल क्येडा रिम्शो अन्न नु गेना हना यो लीब डांडा डा शुश वाली नाली तवल। १६मेको रू डा नेल्ल क्येडा रिम्शो सिश्शो शुश तवल। मिनु सीने डांडाम बाक्व आ दाक्शो तवल। मिनु मेको आसीक योसफ आ पिया तार दुम्त। परस्थान ३ :२-४ ; उत्पत्ती ४९ :२६ १७मेको आ लोक्व आन दाते डा नेल्ल क्येडा ठेयब मुर, योसफ आ पिया तार दुम्त।

मेको डांडती जर्मेशो बाच्छा सोदंशो बाक्व। मेको ताइब बाक्व। मेको आ गरोत्र ब्याकी डा ब्यफ आ गरोत्र सोदंशो बाक्व। मेकोमी जात जात डा मुर आन कली खरशा, रागी आ सुर सम्म नेत्र। मेकोपुकी एफराइम आ लाख लाख डा मुर नु मनस्स आ हजार हजार डा मुर बाक्नीम” दंत। उत्पत्ती ४६ :२०

१८मिनु जबूलून आ पर्वम मार देशो बाक्व, देशा हना “जबूलून, लाडगा लशा ग्यरसो। मिनु इस्साकार इ ताम्बुम बाक्शा ग्यरसो। १९मेकोपुकीमी जात जात डा मुर आन कली डांडाम बरत्नीम। मेकर ठीक दुम्शो चढेतीक चढेनीम। मारदे हना मेकोपुकीमी समुन्दर डा शांप नु बाल्वाम खरुइश्शो शांप जाइनीम” दंत।

२०मिनु गाद आ पर्वम मार देशो बाक्व, देशा हना “गाद कली सोशो बोशो दुम्शा ग्यरसो। गाद गुप्स सोदंशो पा बाप्शा बाक्व। मेकोमी गुड नु पिया रेत्र। २१मेकोमी आंम कली नेल्ल क्येडा रिम्शो रागी योत्रतु। मारदे हना मेको कली कप्तान आ भाग वोइश्शो बाक्व। मेको नेल्ल इसराएली आन डांडती गाक्व। परमपरभु यावेमी देशो ठीक पतीके पाप्तु” दंत। गन्ती ३२ :२९-३२

२२दान आ पर्वम मार देशो बाक्व, देशा हना “दान बाशान रे परक्शा, जाक्व, गुप्स आ चाइक्व बाक्व” दंत।

२३मिनु नाप्ताली आ पर्वम मार देशो बाक्व, देशा हना “नाप्ताली, गे परमपरभु यावे आ दाक्शो, आसीक ताइब बाक्नेव। गे पच्छिम नु दक्खिन इ के सलो” दंत।

२४मिनु आशेर आ पर्वम मार देशो बाक्व, देशा हना “मुर आन दातेमी नेल्ल क्येडा आसीक राइब आशेर बाक्व। मेको आ लोक्वपुकीमी मेको कली दाक्वमेक्व। मेको आ सोइल तलम चिक्सेक्व। २५इ आग्लोपुकी फलाम नु कांसा के बाक्नीम। इ नाक्व दोदंशो बाक्व इ सक्त्त यो मोदंशोन बाक्व” दंत।

२६मिनु “येशुरुन आ परमपरभु सोदंशो सुइ मबाक्व। मेको इ कली वारच पाइक्का कली स्वर्ग रे पीब। मेको सरीड मेर रे मान पचा पुंइसीशा पीब। येशुरुन याक्व-इसराएल कली मान पतीक नें बाक्व। आ अर्थ ठीक पाइब बाक्व। व्यवस्था ३२ :१५ २७साइ नेसी डा परमपरभु खरुइश्शो बाक्तीक बाक्व। इन डांडती इन जोरी सतरु आन हुल कली खरतु। मिनु मेको आन पर्वम खतम सलीन, दंत। २८मोपतीके इसराएली मारइ मधुम्थु, रिम्शो पा बाक्व। याक्व आ

बाक्तीकेमी श्येत मजाइनीम। मेको अन्न नु अङ्गुर आ रागीमी सीत यीब। लेवी २५ :१८ ; १राजा ५ :५ ; भजन संग्रह ६८ :२७-२८ ; यसैया ५१ :१-२ ; उत्पत्ती २७ :२८ २९ गे इसराएली, ग्यरसीने। परमपरभु यावमी परांइचा पुंइसीशो इन खोदंशो जात सु बाक्बा ? परमपरभु याव इन कली वारच पाइब नु तेक्तीक बाक्ब। मेको इन गरातीक तरवार बाक्ब। इन जोरी सतरु इन डांइती बाप्नीम। मिनु गे मेको आन चीमी थक्शा गाकनीनी” दे आसीक गशा, देत। व्यवस्था ४ :७-८ ; भजन संग्रह ३३ :१२ ; भजन संग्रह १४४ :१५

### मोसा बक्शो

**३४** १ मिनु नोले मोसा मोआब रे यरीको आ नेक्था बाक्शो नेबो डांडा रे पिस्गा डांडा डांइसाक्व। मेको यरीको एर बाक्ब। परमपरभु यावमी मेको कली गिताद रागी नेल्ल दान सम्म कांइताक्व। व्यवस्था ३ :२७ २नाप्ताली आ रागी नेल्ल, एफ्राइम नु मनस्से, यहूदा आ रागी नेल्ल पच्छिम गे डा समुन्दर सम्म, ३नेगेब नु दिम, मेको यरीको डा दिम बाक्ब। खजुर रवा आ सहर यरीको रे सोआर सम्म कांइताक्व। इतिहास २८ :१५ ४ मिनु परमपरभु यावमी मेको कली “इन चच युइ आन कली गनुङ्, दे अबराहाम इसहाक नु याकूब नु कसम जशो रागी एकोन बाक्ब। गो एको इ कली कांइतन। तन्न गे मंकर लचा मताइनव” देत। उत्पत्ती १२ :७ ५ मिनु परमपरभु यावमी आ देशो खोदंशो पा परमपरभु याव आ गेय पाइब

मोसा मोआब रागीम बक्त। व्यवस्था ३२ :५० ६ मिनु परमपरभुमी मोसा कली मोआब रागी बेथ-पेओर आ डांइती दिम कामी थिम्तु। तन्न मुल सम्म मोसा आ तुरस सुइमी मतुइक्नीम। ७ मोसा बक्मनु, मेको सह का २१ बर्स दुम्शो बाक्त। मेको आ मिक्च बराबरा मदुम्शो बाक्त। आ बोल यो मग्युम्शो बाक्त। व्यवस्था ३१ :२ ८ मोआब डा दिमम इसराएलीपुकीमी ३० नाक्त सम्म मोसा आ पर्वम रांका पाम्तक्म। नोले मोसा आ पर्वम रांका पतीक नाक्त नुप्त।

९ मिनु नून आ ती यहोसु रुप्तीक तुइक्तीक सोक्तीम बरीशो बाक्त। मारदे हना मोसामी आ गुइ मेको आ तार वोइशो बाक्त। मिनु परमपरभु यावमी मोसा कली माइशो खोदंशो पा इसराएलीपुकीमी यहोसु कली टिम्तक्म। गन्ती २७ :१८-२३ ; १तिमोथी ४ :१४ ; २तिमोथी १ :६

१० मेना रे मुल सम्म इसराएली आन दातेमी मोसा खोदंशो परमपरभु याव आ लोत्र पाइब सुइ मगरूम। परमपरभु यावमी मेको कली थमा पा तुइक्बाक्त। परस्थान ३३ :११ ; गन्ती १२६-८ ; १कोरिन्थी १३ :१२ ११ मिनु परमपरभु यावमी मेको कली इजीप्त रागीमी चिन्ड नु छक लाक्चा डा गेय पथ सोइक्ताक्व। मोदंशो मुल सम्म सुइम मपावो मोसामी फाराओ, आ गेय पाइब नु रागी डा मुर नेल्ल आन डांइती कांइताक्व। १२ मिनु मेकोमी इसराएली आन दातेमी सक्त्तम पाइशो गेय नु हिंचा डा गेय कांइशो बाक्त।

## यहोसु

बरेक्ब मुर: एको किताब बरेक्ब मुर आ नं तेइ मबरेक्शा बाक्ब। तन्न “यहोसुमी मेको नेल्ल परमपरभु आ अरशा लोत्र बरेक्तीक किताबमी बरेक्ताक्ब” दे बरेक्शा बाक्ब। टाल्मुत माइशशा यहूदी आन माइत किताबमी “बरेक्ब मुर यहोसु बाक्ब। मिनु यहोसु बेक्म नोले डा लोत्र फिनहासम तेम्शा बाक्त” दे बरेक्शा बाक्ब। यहोसु २४:२९-३३

गेना बरेक्शा: एको किताब बरेक्ची ना यवुसीपुकी रागीम बाक्शा बाक्तेक्म। यहोसु १५:६३ पिप दाऊदमी आ सासन पची ना मेको आन कली खेरशा बाक्त। एको किताब ब्यवस्था आ नोले डा दुम्बा, मोसा आ बेक्शा रे यहोसु आ बेक्शा सम्म इसराएली आन इतिहासम बाक्ब।

मार बरेक्शा: एको किताबम इसराएली आन १२ थर का का पा आन थरशा रू याक्तीक ला ममाइ, मेको रागी कली गराशा, आंम के सल्ला कली परमपरभु यावे आ देशो टितीकेम ला दुम्ब, दे शंशा बाक्ब। मेको आ कांडतीक आकान आ मटितीक बाक्त।

१. कनान रागी आंम के सल्ला कली ठीक दुम्तीक यहोसु १:-५ :-

२. कनान रागी कली गराशा यहोसु ६:-१२ :-

३. इसराएली आन थरशा रू याक्शा यहोसु १३:-२४ :-

### इसराएली रागी ओत्रचा सासीशा

१ परमपरभु यावे आ गेय पाइब मोसा बेक्म नून आ तौ, यहोसु कली लोत्र पाप्नु। २ परमपरभु यावेमी मार लोत्र पाप्नु देशा हना “आं गेय पाइब मोसा बेक्त। मोपतीक गे मुर नेल्ल आन कली लाइक्चा सासो। मिनु गो इसराएली आन कली गेचा चिक्शा रागी यर्दन खोला आ आइक्ची हांबु लावो। ब्यवस्था ३४:५ ३गोमी मोसा कली देशा खोदेशो पा, इन खोइलीम थेक्शा रागी नेल्ल इन कली गेता। ब्यवस्था ११:२४ ४ गोरशा रागी नु लेबानोन रे ठेयब युफरटीस खोला सम्म, हिती आन रागी नेल्ल, पच्छिम गे डा ठेयब समुन्दर सम्म इन रागी दुम्ब। ५ गे मबेक्छ सम्म इ कली सुइमी यो फरुन मचाप्नीम। गो दोपा मोसा नु बाक्डा, मोपा गे नु यो बाक्नुड। गो इ कली

गेना हना यो कोव्रनुड। मिनु गेनायो मपरंडनुड। ब्यवस्था ३१:७,८; हिब्रू १३:५

६ गे बोल्यो नु महिब दुमो। मिनु गो डांडती ‘इ किकी पिपी आन कली गेनुड’ दे कसम जशा रागी, गे इसराएली आन कली आंम के सल्लाइक्चा माल्नेवे। ब्यवस्था ३:२८; ७ गे थम बोल्यो नु महिब दुमो। आं गेय पाइब मोसामी इ कली अरशा लोत्र नेल्ल होस पा टिवो। मेको रे ग्युरा पेरा गे मलावो। मिनु गे ते लते हना यो गुरानेव। ब्यवस्था ५:२९; ब्यवस्था २९:८; १ राजा २:३ ८ एको आं अरशा लोत्र डा किताब इ थुं रे डोन मवातो। मेको कली नाक्दो नाक्ती मिम्तो। मेकर बरेक्सीशा नेल्ल होस पा टिवो। मो पाप्तीवी हना, गे गुराना गुरान गाक्नेवे। मिनु इ पतीक नेल्ल थम रिम्शा दुम्ब। मजन संगरह १:२-३ १ गो इ कली ‘बोल्यो नु महिब दुमो’ देती। इ थुं लुक्च मलल। गे गेनायो हिंशा खिरंखिर मपावो। मारदे हना गे ते लते हना यो, गो, परमपरभु यावे, इ परमपरभु, गे नु बाक्नुड” दे परमपरभु यावेमी यहोसु कली देत।

### यर्दन खोला शोक्सीचा गोशा

१० मिनु यहोसुमी मेकर डा ठेयब मुर आन कली “गे नेल्ल मुर आन बाक्तीकमी लन। मिनु मेको आन कली ११ बुत लाम्ज कुरशा सासीन। मारदे हना सांबु नाक्ती परमपरभु यावे, इन परमपरभुमी गोशा रागी आंम के सल्ला कली यर्दन खोला शोक्सीचा माल्नेवे देनीन” दे अरप्नु। ११ मिनु यहोसुमी रूबेन आ थर, गाद आ थर नु मनस्स आ उइक्थ थर कली ब्यवस्था ३:१२-२०; गन्ती ३२:२०-२९ १३ “परमपरभु यावे आ गेय पाइब मोसामी इन कली अरशा लोत्र मिम्तीन। मिनु मेकोमी इन कली “परमपरभु यावे, इन परमपरभुमी इन कली नाइक्पाइक्तीक गोशा, मेको रागी गेनुड” देशो लोत्र मपरंडेन। १४ इन मीश नु आलपुकी, बी ब्यफ, क्यारश मेडा नेल्ल मोसामी इन कली गोशा रागी यर्दन आंथ हांबुम बाक्चा माल्नीम। तन्न गे लडाइ पाइब वांडश मुरपुकी या कुरशा इन लोक्ब आन कली वारच पचा कली मेको आन क्येडा डांडती आइक्ची हांबु लचा माल्नीनी। १५ मिनु परमपरभु यावेमी इन लोक्ब आन कली, इन कली खोदेशो पा नाइक्चा मगेवा सम्म, मेको रागी आंम के मसेल्मे सम्म नु परमपरभु यावे, इन परमपरभुमी मेको आन कली गेचा चिक्शा रागी मगरामा सम्म मेको आन कली वारच पचा माल्नीनी। मिनु

नोले परमपरभु यावे आ गय पाइब मोसामी यर्दन आ पूर्व गे इन कली गशो रागीमी लेइशा, बाक्ने चाप्नीनी” दंत ।

१६ मिनु मकोपुकीमी यहोसु कली “गे आंइ कली मार मार अरनी, गो मको नल्ल पाइनीकी । मिनु गे आंइ कली ते ते सोइक्नीनी, गो मक मक लाइनीकी । १७ दोपा मोसा आ लोत्र नल्ल टिशो नया, मोपान इन लोत्र यो टीनीकी । दोपा परमपरभु यावे, इन परमपरभु मोसा नु बाक्म, मोपान गे नु यो बाक्ल । १८ सुमी इन अरशो लोत्र ‘मपाइनुड’ दे इन लोत्र मनबा, मेको साइक्चा पुंइसीब । मोपतीके गे बोल्यो नु महिब दुमीन” दंतम् । यहोसु १:६

### यरीकोम क्यारी पथ सोइइशा

१ मिनु नून आ तौ यहोसुमी, सुइम मतुइक्चा डा पा, शितीम रे मुर निक्शी क्यारी पथ सोइक्ताक्व । मिनु यहोसुमी मेको आस कली “मेको रागी नु यरीको नल्ल क्यारी पथ लस” दंत । मिनु मेको निक्शी मेकर जाक्दीइशा, राहाब माइइशा तल्लेम आ खिमी बास बाक्सा बाक्त । मती १:५ ; हिवरू ११:३१ ; याक्व २:२५ २ मिनु मेकर डा मुर कामी यरीको डा पिप कली “हनुर, मुलाक्त नाक्दो इसराएल डा मुर निक्शी एको रागी कली क्यारी पथ, जाक्ताक्स” दे मदा बाक्त । ३ मिनु यरीको डा पिपमी राहाब आ बाक्तीकमी मुर सोइक्ता नाक्त । मेकोपुकीमी राहाब कली “इ खिमी जाक्शो मेको मुर निक्शी आस कली गरुइशा, एक चाक्को । मारदे हना मेको निक्शी ई रागी नल्ल कली क्यारी पथ जाक्शो नसी” दे लोत्र सोइक्ता बाक्त । ४ तन्न मेको मीश मुरुमी मेको निक्शी आस कली लाइइशा, खरुइक्तीम्सी बाक्त । मिनु मेकोमी लोत्र चाक्व आन कली “मेको निक्शी थमा पा आं बाक्तीकमी जाक्ताक्स । तन्न ते रे जाक्शो नसी गो मतुइक्तु । ५ मिनु नां रिक्शा, सहर डा ठेयब लाप्चो चोक्वी ना, मेको निक्शी गरुशा गाक्ताक्स । मेको ते लसा गो मतुइक्नुड । रीब पा माल्तीनी हना, थिल्लीनी कों” दे लोत्र लेता बाक्त । ६ तन्न मेकोमी मेको निक्शी आस कली तला तारी वोइइशा, पले आ डाठमी सुम्शा, खरुइइशा वोइइशा बाक्माक्त । ७ मिनु मेको निक्शी आस कली खेदा पाइबपुकी यर्दन डा लां लशा, खोला सम्म जाक्दीम्मा बाक्त । मेको खेदा पाइबपुकी सहर रे गरुमा नोले ठेयब लाप्चो चोक्वम बाक्त ।

८ मेको मीश मुर इप्चा क्येडा डांइती मेको निक्शी आस बाक्तीक डाइइशा, गरुम्य लमाक्त । ९ मिनु मेको मीश मुरुमी मेको आस कली “परमपरभु यावेमी आंइ रागी इन कली गशो बाक्व, दे गो तुइक्नुड । मारदे हना एको रागीम बाक्व मुर नल्ल इन कली तशा, शुश हिनीम । परस्थान २३:२७ १० गे इजीप्ट रागी रे गरुशा पिनीनु, परमपरभु यावेमी इन डांइती लल समुन्दर सोत्रपाइक्तु । मिनु यर्दन आइक्ची हांबु डा एमारी आन पिप सीहान नु ओग आस कली साइइशा खतम सल्लशो लोत्र गोपुकीमी नंतक । परस्थान १४:२१ ; गन्ती २१:२१-२६ ११ मोदेशो लोत्र नंशो नोले, गोपुकी साप्पा हितक । इन पतीक तशा, गो नल्ल शुश हितक । मारदे हना परमपरभु यावे, इन परमपरभु इर स्वर्ग डा नु उइ रागी डा परमपरभु बाक्व । यहोसु ५:१ ; परस्थान १५:१४-१५ ; व्यवस्था ४:३९ १२ मोपतीके गो इस कली वारच पाता । गे परमपरभु यावे आ नें थिशा, कसम जसे । मार कसम जसे देशा हना, गो इस कली वारच पशो खोदेशो पा, गे लडाइ पनीनु, आं खिं डा मुर नल्ल आन कली यो वारच पस । आं कली वारच पतीके चिन्ड का गेथीसी । यहोसु ६:२३,२५ १३ मिनु आं आम आफ, आं लोक्वपुकी नु मेको आन खिं डा मुर नल्ल आन कली बरोइचा गन । बक्चा रे परोनीन” दे मेकोमी देमाक्त । १४ मिनु मेको निक्शीमी “गे आंइ पचशा गय सुइ आन कली मर्दंत हना, नु परमपरभु यावेमी एको रागी आंइ कली गेवा नोले गो इ कली थमा पा वारच पा रिम्शो पाइनस्कु । इ कली साइक्चा क्येडा डांइती आंस कली साइक्चा माल्तीम” देसा बाक्त ।

१५ मिनु मेको मीश मुरुमी मेको निक्शी आस कली झेल रे डारी तोक्शा, उइ तोइक्चा गम्सी बाक्त । मारदे हना मेको आ खिं मेको सहर डा गारोम बाक्माक्त । १६ मिनु मेको मीश मुरुमी मेको निक्शी आस कली “गे डांडा गे लस । मेक लाइतीसी हना, खेदा पाइबपुकीमी इस कली मथिल्लीम । मेको खेदा पाइब एक्य मलेम्मा सम्म, गे सां नाक्ती मेकर खरुइसीस । मिनु नोले इस लां लसे” देमाक्त । १७ मिनु मेको निक्शीमी “गे आस देशो मपाप्तीवी हना, गो कसम मजशो खोदेशो दुम्नस्कु । १८ गो लेशा एक जाक्कानु, गे आंस कली तोइक्तीक झेलम मेको लल डारी फरंशा वोतो । इ आम आफ, इ लोक्व नु इ खिं डा मुर नल्ल यो इ खिंम बाक्चा माल्तीम । १९ मना

सु इन खिं रे लांम गरूबा, मेको साइक्चा पुंडसीब । मिनु आंइ कली मारइ यो दोस मदुम्ब । सु चहिं इ खिंम बाक्शा यो, साइक्चा पुंडसीबा, मेको आ दोस आंइ तारी दुम्त । २०तन्न एको लोत्र गे सुइ कली दंत हना, आंस कली जपाइशशा कसम मराइनीक” दंसा बाक्त । २१ मिनु मेको मीश मुरुमी “इस दंशो खोदंशो दुम्त” दंमाक्त । मिनु मेको निक्शी लसा बाक्त । मिनु नोले मेको मीश मुरुमी आ झेलम मेको लल डोरी फुरंशा वोदा बाक्त ।

२२ मेको निक्शी लशा, डांडामी जाकदीशशा, खेदा पाइब मलेम्मा सम्म नाक्ती सां मेकर बाक्सा बाक्त । खेदा पाइबपुकीमी मेको निक्शी आस कली साप्पा माल्मे बाक्त हना यो, मथिदमे बाक्त । २३ मिनु मेको निक्शी डांडा रे बरुप्शा, लेशशा, खोला आइक्ची हांबु नून आ तौ यहोसु आ बाक्तीक जाकदीशशा, मेको कली मार मार दुम्म, मेको नेल्ल शोत्रताक्स । २४ मेको निक्शीमी यहोसु कली “थमा पा, परमपरभु यावेमी मेको रागी नेल्ल इं कली गेशो बाक्ब । मेको रागी डा मुर इं कली तशा, शुश हिंशा, खिरंखिर पशो बाक्तेक्म” दंताक्स । यहोसु २ :९

### यर्दन खोला शोक्सीशो

१ मिनु यहोसु सुनी कना बोक्शा, ३ इसराएलीपुकी नु शित्तीम परांइशा, यर्दन खोलामी जाक्तेक्म । मिनु आइक्ची हांबु शोक्सीचा क्यडा डांइती मेकर बास बाक्तेक्म । गन्ती २५ :१ २ मिनु सां नाक्त नोले ठयब मुरपुकी मुर आन बाक्तीकेमी लाम्तेक्म । ३ मिनु मेकोपुकीमी मुर आन कली “गेपुकी गेना परमपरभु यावे, इन परमपरभु आ कबल पशो सन्दोस चढेब लेवीपुकीम कुरशा ताइनीनी, मेना छुल छाल बोक्शा, इन मारइ मारइ कुरशा, मेको आन नोले खोतीन । ४ मो पाइतीनी हना, इन लतीक लां तुइक्नीनी । मारदे हना गे मेको लां डांइती मगाक्शो बाक्तीनी । गे मेको आन क्येडा हजार निक्शी हात नोले ला गाक्कीन । मेको आन नेक्था मलन” दंतेक्म । कुबीत का, ०.५ मिटर खोदंशो बाक्ब । ५ मिनु यहोसुमी मुर आन कली “गेपुकी आंम कली परमपरभु यावे आ डांइती बाक्चा कली ठीक सल्लीन । मारदे हना दीसा परमपरभु यावेमी इं दातेमी छक लाक्चा डा गेय पाइब” दंत । परस्थान १९ :१० ६ यहोसुमी चढेब आन कली “परमपरभु आ कबल पशो सन्दोस कुरशा, मुर आन डांइती गाक्कीन”

दंत । मिनु मेकोपुकी सन्दोस कुरशा, मुर आन डांइती गाक्तेक्म । यहोसु ६ :६

७ मिनु परमपरभु यावेमी यहोसु कली “मुलाक्त रे गो इ कली इसराएली नेल्ल आन डांइती ठेयब सल्लन । दोपा गो मोसा नु बाक्डा, मोपा गे नु यो बाक्नुड, दे नेल्ल आन कली तुइक्पाइक्नुड । यहोसु ४ :१४ ; यहोसु १ :५,१७ ८ ग कबल पशो सन्दोस कुरब चढेब आन कली गेपुकी यर्दन खोला आ सुर डा ब्वाक्कुम जाकदीशशा, मेक उइ राप्शा, बाक्चा माल्नीनी” दे अरंचा माल्नेव” दंत । ९ मिनु यहोसुमी इसराएली आन कली “आंथ पिन । मिनु परमपरभु यावे, इन परमपरभु आ लोत्र नेनीन” दंत । १० मिनु यहोसुमी “बरोइशा बाक्ब परमपरभु इन दातेमी बाक्ब, गे तुइक्ब दुम्नीनी । मिनु मेकोमी कनानी, हित्ती, हिन्वी, परिज्जी, गिरगाशी, एमोरी नु यबुसी आन कली इन डांइती रे थमा पा खेरब । ११ कोत्रडीन, रागी नेल्ल आन कली सासन पाइब परमपरभु आ कबल पशो सन्दोस इन डांइडांइती यर्दन शोक्चा कली लाइब । १२ मिनु मुल इसराएल डा थरपुकी रे १२ जना वांइश मुर थर का र का का पा योत्रडीन । १३ गेना परमपरभु यावे, रागी नेल्ल आन कली सासन पाइब परमपरभु आ कबल पशो सन्दोस कुरब चढेब आन खोइली यर्दन डा ब्वाक्कुमी खरुम्नीमी, मेना इर रे यिशो यर्दन डा ब्वाक्कु नांइसीब । मिनु गारो खोदंशो पा राप्शा बाक्ब” दंत । भजन संगरह ९७ :५ ; मीका ४ :१३ ; जकरिया ४ :१४

१४ मिनु मुर नेल्ल यर्दन शोक्सीचा कली ठीक पा बाक्मानु, चढेबपुकीमी मुर आन डांइती परमपरभु यावे आ कबल पशो सन्दोस कुरशा गाक्तेक्म । १५ मिनु बाली नाली रुन्वी ना, खोला गेना हना यो शुश बारशो बाक्ब । मिनु चढेबपुकीमी आन खोइली यर्दन खोला आ सुर डा ब्वाक्कुम खरुम्ननु, १६ इर रे यिशो ब्वाक्कु तेक्साक्व । मेको गारो खोदंशो दुम्शा, मुर आन लतीके लां रे डोन बाक्त । मेको ते तेक्सीशो बाक्त दंशा हना, चोरथन आ नेक्था डा आदम सहर माइशशामी तेक्सीशो बाक्त । मिनु इर रे यिशो दिंम डा अराबाह समुन्दर, मेको कली हिक्सी समुन्दर यो दंनीम, यीब ब्वाक्कु तेक्सीशो बाक्त । परस्थान १४ :२१-२२ ; भजन संगरह ११४ :३ १७ मिनु मुरपुकी गाक्शा, सोत्रशो खपीम यर्दन शोक्सीचा गोम्तेक्म । मिनु परमपरभु यावे आ कबल पशो सन्दोस कुरब चढेबपुकी यर्दन आ दातेमी सोत्रशो खपीम

राप्शा, रिम्शा बाक्तेकम। मिनु इसराएली नेल्ल सोव्रशो खपीम गाक्शा, यर्दन आइक्ची हांबु जावदीत्तेकम।

### १२ ओटा फुल्लु वोइश्शो

१ मिनु मुर नेल्ल यर्दन आइक्ची हांबु शोक्ने थुम्म नोले परमपरभु यावमी यहोसु कली २ "मको मुर आन दाते र १२ जना वोइश्श मुर योव्रडा। थर का र का का पा योव्रशा लावा। ३ मको आन कली 'यर्दन आ दातेमी चढेब आन राप्तीक र १२ ओटा फुल्लु गुप्शा, कुरशा चाक्कीन। मिनु नाक्दो ते बास बाक्नीनी, मको फुल्लु यो मेक उइ वोतीन' दे मतो" दंत।

४ मिनु यहोसुमी आ योव्रशो इसराएली थर नेल्ल डा का का पा १२ जना वोइश्श मुर आन कली बरेत्ताक्व। ५ मिनु यहोसुमी मेको आन कली "गे यर्दन आ दातेमी परमपरभु यावे, इन परमपरभु आ कबल पशो सन्दोस आ डाइती लेने। मिनु मकर इसराएल आ १२ थर खोदंशो पा १२ ओटा फुल्लु बलाम लाप्शा पितीन। ६ मिनु मको इन कली मिम्तीके दुम्ल। दीसा निल्थी इन तमी तौपुकीमी 'एको फुल्लु आ अर्थ मार बाक्म?' दे हिल्लो पाम्तेकम हना, परस्थान १२:२६; ७ गुपुकीमी मेको आन कली 'परमपरभु यावमी आ कबल पशो सन्दोस यर्दन शोक्ची ना, मको आ डाइती यर्दन डा ब्वाक्कु तेक्पाइक्तु। मको यर्दन शोक्ची ना, यर्दन डा ब्वाक्कु नाइक्पाइक्तु। एको फुल्लु इसराएली आन कली गेना हना यो मिम्तीक दुम्ल' देचा माल्नीनी" दंत।

८ मिनु परमपरभु यावमी यहोसु कली माइश्शो खोदंशो पा यहोसुमी दोपा अरवा, मोपा इसराएल डा १२ थर डा १२ जना वोइश्श मुरुमी १२ ओटा फुल्लु यर्दन आ दाते र पिश्शा, मको आन बाक्शो दिममी वोइक्तेकम।

### १२ ओटा फुल्लु यर्दनमी वोइश्शो

१ मिनु यहोसुमी कबल डा सन्दोस कुरशा चढेबपुकी राप्तीकमी यो यर्दन खोला आ दातेमी १२ ओटा फुल्लु वोइक्तु। मिनु मेको फुल्लुपुकी मुलाक्त सम्म बाक्नीम।

१० मिनु सन्दोस कुरब चढेबपुकी यर्दन आ दातेमी परमपरभु यावमी यहोसु कली दंशो लोव्र नेल्ल मपामे सम्म राप्शा बाक्तेकम। डाइती मोसामी अरेशो खोदंशो पा यहोसुमी मुर आन कली मअरवा सम्म राप्शा बाक्तेकम। मिनु मुरपुकी रीब पा शोक्साक्म। ११ मिनु मुरपुकी

शोक्ने थुम्म नोले, परमपरभु यावे आ कबल पशो सन्दोस कुरब आन डाइती चढेबपुकी यो शोक्साक्म।

१२ मोसामी मेको आन कली दंशो खोदंशो पा, रूबेन आ थर, गाद आ थर नु मनस्स आ उइक्थ थर डा वोइश्श मुर या कुरशा, इसराएली आन डाइती गाक्तेकम। यहोसु १:१२-१६ १३ मिनु परमपरभु यावे आ डाइती हररा ४० हजार लडाइ पाइब, या कुरशो वोइश्श मुरपुकी शोक्शा, लडाइ पचा कली यरीको डा दिम गे लाम्तेकम।

१४ मेको नाक्त परमपरभु यावमी यहोसु कली इसराएली आन डाइती टेयब सल्लु। मिनु मेकोपुकीम मोसा कली हिक्शो खोदंशो पा यहोसु कली यो मबेकम सम्म हिक्तेकम। यहोसु ३:७

१५ मिनु परमपरभु यावमी यहोसु कली १६ "कबल पशो सन्दोस कुरब चढेब आन कली 'मुल यर्दन र इर कुन' दंशा बरेत्ता" दे माइक्तु। १७ मोपतीके यहोसुमी मेको आन कली "यर्दन र इर कुन" दे बरेत्ताक्व। १८ परमपरभु यावे आ कबल पशो सन्दोस कुरब चढेबपुकी यर्दन आ दाते र गाक्शा, खोला आ सुर डा सोव्रशो खपीम थेक्तेम नोले यर्दन डा ब्वाक्कु लंशा डाइती डा खोदंशो पा एर आंथ सुम्शा शाइसाक्व।

### गिल्वालमी वोइश्शो फुल्लु

१९ मिनु इसराएलीपुकी डाइती डा महिना डा १० नाक्तीमी यर्दन र गरुत्तेकम। मिनु यरीको आ पूर्व गे गिल्वाल माइक्तीकमी बास बाक्तीक सल्लसाक्म। यहोसु ५:१-१० २० मिनु यहोसुमी मुरपुकीम यर्दन र गरुइशा पिश्शो १२ ओटा फुल्लु गिल्वालमी पुक्पाइक्तु। २१ मिनु इसराएली आन कली "इन तमी तौपुकीमी आन आफ आन कली 'एको फुल्लु आ अर्थ मार बाक्बा?' दे हिल्लो पाम्तेकम हना, यहोसु ४:६ २२ गुपुकीमी इन तमी तौ आन कली 'गो इसराएलीपुकी सोव्रशो खपीम गाक्शा, यर्दन खोला शोक्सीशो नकी' देचा माल्नीनी। २३ दोपा परमपरभु यावे, इन परमपरभुमी लल समुन्दर मशोक्सीशो सम्म सोव्रपदा, मोपान आंइ डाइती यर्दन मशोक्सीशो सम्म मेकर डा ब्वाक्कु यो सोव्रपाइक्तु। यहोसु ३:१-१७; परस्थान १४:२१-२२ २४ मिनु रागी डा मुर नेल्लमी परमपरभु यावे, इन परमपरभु टेयब सक्ति पाइश्शो बाक्ब, दे तुइक्तेकल्ल। मिनु गे परमपरभु यावे, इन परमपरभु कली तुइश्शा, गेना हना यो मान पा हिनीन, दे मोदंशो पाप्तु" दंत।

### खरोइक्तीक चिनु खरोइश्शो

१ मिनु यर्दन आइक्की हांबु पच्छिम गे डा एमारी आन पिप नेल्ल नु ठेयब समुन्दर आ नेक्था डा कनानी आन पिप नेल्लमी “परमपरभु यावमी इसराएली आन डांडती यर्दन खोला मशाकसीमा सम्म सोत्रपाइक्तु” दे नंशा, मेकोपुकी इसराएली आन कली तशा, साप्पा हिंशा आन थुं लुक्च लत। यहोसु ३:१६; यहोसु २:२४

२ मना परमपरभु यावमी यहोसु कली “फुल्लु के खरोइक्तीक सेल्शा, चिनु मखरोइश्शो इसराएली आन कली खरोइक्तीक चिनु खरोतो” दे अरप्टु। परस्थान ४:२५; उत्पत्ती १७:१२-१४ ३ मिनु यहोसुमी फुल्लु के खरोइक्तीक सेल्शा, गिबआथ-हारातोथमी इसराएली आन कली खरोइक्तीक चिनु खरोइक्तु। ४ यहोसुमी मारदे इसराएली आन कली खरोइक्तीक चिनु खरोइक्तु देशा हना, इजीप्त रागी रे पिशा वांइश मुर नु लडाइ पाइब नेल्ल गोरशा रागीमी बेक्न थुम्शो बाक्तेक्म। ५ इजीप्त रागी रे पिशा वांइश मुर नेल्ल आन के खरोइक्तीक चिनु खरोइक्ते थुम्शो बाक्तेक्म। तन्न गोरशा रागीमी जरमेशो आन कली चहिं खरोइक्तीक चिनु मखरोइश्शो बाक्तेक्म। ६ मिनु डांडती परमपरभु यावमी आंइ किकी पिपी आन कली “दूध नु खुदो शुश बाक्शो रागी इन चच युइ आन कली गेनुड” दे कसम जाप्टु। तन्न आ लोत्र मटितीके इजीप्त रे पिशा लडाइ पाइब नेल्ल ४० बर्स गोरशा रागीमी मंबक्मा सम्म हिरचा माल्तेक्म। परमपरभु यावमी मेको आन मटितीके मेको आन कली “गे इन कली मेको दूध नु खुदो शुश बाक्शो रागी आत्रचा मगेनुड” दे कसम जशो बाक्त। गन्ती १४:२२-२३ ७ मेकोमी आन आफ आन पा डा आन तौ आन कली मेको रागी तचा कली कोल्पाइक्तु। मिनु यहोसुमी मेको आन तौ आन कली खरोइक्तीक चिनु खरोइक्पाइक्तु। मारदे हना लांमी गाक्तीके मेको आन कली खरोइक्तीक चिनु मखरोइश्शो बाक्तेक्म।

८ मिनु नेल्ल मुर आन कली खरोइक्तीक चिनु खरोइक्ते थुम्म नोले, मेकोपुकी खरोइश्शो गार मसाम सम्म आन बाक्तीकमी बाक्शो बाक्तेक्म। ९ मिनु परमपरभु यावमी यहोसु कली “मुलाक्त डा नाक्ती इजीप्त डा इन मुने नेल्ल क्याम्ताक्ड” देत। मोपतीके मुलाक्त सम्म मेको

आन बाक्शो बाक्तीक कली गिल्याल देशो बाक्नीम। यहोसु ४:१९

### पास्सा चाड मानेशो

१० इसराएलीपुकी गिल्याल सहरम बाक्शो बाक्तेक्म। मिनु मेकोपुकीमी महिना डा १४ नाक्ती पास्सा चाड मानम्तेक्म। मेको यरीको डा दिमम बाक्शो बाक्तेक्म। परस्थान १२:६,३९; लेवी २३:१०,१४; २ राजा २३:२१:२२; होस ९:१५ ११ पास्सा चाड आ दीसा नाक्ती मेकोपुकीमी मेको रागी डा सिश्शो अन्न रे पा बारब आस्ती मसुप्शा शोब्ले नु कारशो अन्न जाम्तेक्म। १२ मेको रागी डा अन्न जामे नोले, आ दीसा नाक्ते रे मन्ना शोब्ले यिचा नांइसाक्व। मेकोपुकीमी मेको नाक्ते रे कनान रागी डा अन्न जाम्तेक्म। परस्थान १६:३५

### स्वर्ग डा गेय पाइब नु यहोसु

१३ यहोसु यरीको आ नेक्था बाक्मेनु, मेको आ डांडती गुइमी तरवार शशा मुर का दोक राप्शो ताप्टु। मिनु यहोसु मेको आ नेक्था लशा “गे आंइ मुर ननी देय आंइ जोरी सतरु आ मुर ननी?” दे हिल्लो पाप्टु। गन्ती २२:२३,३१ १४ मिनु मेकोमी “ममाइ, गो परमपरभु याव आ फौज आन कली चलेब नड। मोपतीके जाक्ती” देत। मिनु यहोसुमी गु बाप्शा सउ पशा “आं परभु, गो इन गेय पाइब नड। आं कली मार लोत्र पाइनीनी?” दे हिल्लो पाप्टु। १५ मिनु परमपरभु याव आ फौज आन कली चलेबमी यहोसु कली “इ लिक्शो जुत्ता पूरतो। मारदे हना इ बाक्शो परमपरभु याव आ बाक्तीक बाक्ब” देत। मिनु यहोसुमी मेको आ देशो सोदेशो पा आ जुत्ता पूरइक्तु। परस्थान ३:५

### यरीको सहर कली गराचशो

१ मिनु यरीको डा मुरपुकीमी इसराएली आन कली तशा, आन गारो डा ठेयब लाप्चो चोक्तेक्म। मिनु सुइ मुर सहर रे खिंडगा लाडगा मपाम।

२ मिनु परमपरभु यावमी यहोसु कली “गो यरीको, मेकर डा पिप नु मेकर डा लडाइ पाइब नेल्ल इ कली गता। ३ मोपतीके ६ नाक्ते सम्म, नाक्तीमी खेयप का इ लडाइ पाइब वांइश मुर नेल्ल आन कली मेको यरीको सहर एर आंथ हिरपतो। ४ मिनु ७ जना चंदेब ७ ओटा ताप्तीक गरोत्र कुरशा, परमपरभु याव आ सल्ला पतीक

सन्दोस कुरशो चढेब आन डोंडडोंडती गाक्चा माल्नीम। मिनु ७ नाक्तीमी गे ७ खेयप मेको सहर एर ओंथ हिरचा माल्नीनी। मना मेको ७ जना चढेबपुकीमी आन गरोव्र ताम्ना ताम्न गाक्चा माल्नीम। ४ मिनु मेकोपुकीमी शुश रयक पा गरोव्र ताम्ना ताम्न बाक्मानु, इन मुर नेल्लेमी मेको रयके नन्म नाल, ठेयब संदा पा गरीचा माल्नीम। मोपा गरीमानु, मेको सहर डा गारो नेल्ल बरश्व। मिनु मुर नेल्ल आंम आंम डोंडती बारशा, बरशशा गारो डोंडक्चा माल्नीम” दे परमपरभुम माइक्तु।

६ मिनु नून आ तो यहोसुमी चढेब आन कली बरशशा, मेको आन कली “परमपरभु यावे आ कबल पशो सन्दोस कुरीन। मेको ७ जना अरु चढेबपुकी चहिं ७ ओटा ताप्तीक गरोव्र कुरशा, परमपरभु यावे आ कबल पशो सन्दोस कुरब आन डोंडती गाक्पतीन” देत। ७ मिनु मेकोमी मुर आन कली “गे यो सहर एर ओंथ हिरसीन। मिनु या कुरशो मुरपुकी परमपरभु यावे आ कबल पशो सन्दोस आ डोंडडोंडती गाक्चा माल्नीम” देत।

८ मिनु यहोसुमी देशो खोदंशो पा मेको ७ जना चढेब परमपरभु यावे आ डोंडती ताप्तीक गरोव्र कुरशा, ताम्ना ताम्न गाक्तेक्म। मिनु परमपरभु यावे आ कबल पशो सन्दोस कुरबपुकी मेको आन नोले खोइक्तेक्म। ९ मिनु या कुरब चहिं गरोव्र ताप्त्र चढेब आन डोंडडोंडती गाक्तेक्म। मिनु मुर नेल्ल सन्दोस आ नोनोले गाक्तेक्म। चढेबपुकी ताप्तीक गरोव्र ताम्ना ताम्न गाक्तेक्म।

१० मिनु यहोसुमी नोनोले गाक्ब मुर आन कली “गे काइ मगरीडीन। इन संदा काइ मनंसकल। सिकसी पा गाक्कीन। तेको नाक्त गो इन कली गरीडीन” देनुडा, मेको नाक्त ला वाइ बरशशा गरीचा माल्नीनी” दे माइक्तु। ११ मोपा मेकोपुकी परमपरभु यावे आ कबल पशो सन्दोस नाक्त कामी खेयप का सहर आ एर ओंथ हिरताक्म। मिनु मुर नेल्ल आन बाक्तीकमी लशा, बास बाक्तेक्म।

१२ मिनु यहोसु सुनी कना बोक्त। मिनु चढेबपुकीमी परमपरभु यावे आ कबल पशो सन्दोस कुरतेक्म। १३ मिनु परमपरभु यावे आ कबल पशो सन्दोस आ डोंडती गाक्ब ताप्तीक गरोव्र कुरब ७ जना चढेबपुकीमी गरोव्र ताम्ना ताम्न गाक्तेक्म। या कुरब मेको आन डोंडडोंडती गाक्तेक्म। अर्को नेल्ल परमपरभु यावे आ कबल पशो सन्दोस आ नोले मेको

ताप्शो नंना नंन खोइक्तेक्म। १४ मोपा आ दीसा नाक्त यो खेयप का सहर आ एर ओंथ हिरताक्म। मिनु आन बाक्तीकमी लेतेक्म। मोपा ६ नाक्त सम्म मोदंशो पांमतेक्म।

यरीको सहर डा गारो बरशशा

१५ मिनु मेको आ ७ नाक्ती नां सोव्रचा क्यडा डोंडती बोक्शा, डोंडती डा खोदंशो पा मेको सहर एर ओंथ हिरसाक्म। तन्न मेको नाक्ती मेकोपुकीमी मेको सहर ७ खेयप हिरसाक्म। १६ मिनु ७ खेयप हिरसीमा नोले चढेबपुकीमी ताप्तीक गरोव्र ताप्ची ना, यहोसुमी मुर आन कली “वाइ बरशशा गरीडीन। मारदे हना परमपरभु यावेमी एको सहर इन कली गप्तु। १७ एको सहर नु एको आगा बाक्शो मारइ मारइ खतम सेल्लोक परमपरभु यावे केन बाक्ब। राहाब तेल्लेम नु आ खिमी बाक्ब मुर ला बरोदंचा ताइनीम। मारदे हना मेकोमी आंइ सोइशशा क्यारी पाइब मुर आस कली खरुइशशा परांइशो बाक्त। व्यवस्था २०:१६-१७; यहोसु २:१२-१३; हिब्रू ११:३१ १६ मिनु परमपरभुमी खतम सेल्ला, देशो थोव्रक लाइक्चा मदुम्ब। होस पा बाक्कीन। गे परमपरभु आ देशो मटिथु, मारइ लाइक्तीनी हना, गे आंमा खतम दुम्नीनी। सुइमी मारइ सुइ पा, इसराएली आन बाक्तीकम वोइक्तीनी हना, मेको खतम दुम्ब। मिनु मुर नेल्ल आन कली श्यत जपाइक्ब। लेवी २७:२८; व्यवस्था १३:१८ १९ सुन चांदी, कांसा नु फलाम के सेल्लो थोव्रक नेल्ल परमपरभु यावे केन बाक्नीम। मेको परमपरभु यावे आ शांप वोइक्तीकमी वोइक्चा माल्नीम” देत। २० मिनु मुरपुकी वाइ बरशशा गरीतेक्म। मिनु चढेबपुकीमी गरोव्र ताम्ना ताम्न बाक्तेक्म। मुरपुकीमी गरोव्र ताप्शो नंशा, शुश गरीतेक्म। मिनु मेको गारो बरत्त। मिनु मुरपुकी ग्येत्थ बारशा, मेको सहर आंम के सेल्लेक्म। हिब्रू ११:३० २१ मिनु सहर डा मीश मुर वांइश मुर, आल, खाल्पी खाल्पा बी व्यफ, क्यारश मेडा, गधा नेल्ल आन कली तरवारम साइक्तेक्म। २२ मिनु यहोसुमी मेको क्यारी पाइब निक्शी आस कली “गे मेको तेल्लेम आ खिं लस। मिनु इस कसम जशो खोदंशो पा मेको मीश मुर नु आ खिं डा मुर नेल्ल आन कली गरुंडदीस” देत। यहोसु २:१२-१४ २३ मिनु मेको डोंडती क्यारी पाइब ठिटा निक्शी मेको आ खिं ओव्रशा, राहाब कली गरुंडताक्स। मेको नु आ आम आफ आ लोक्ब नु

आ सिं डा मुर नेल्ल आन कली यो गुरुंडताक्स । मिनु मेको आन कली इसराएली आन बाक्तीक आ लाङ्गाम बाक्चा गेम्ताक्स । गन्ती ३१ :१९, २४ मिनु मी सुइश्शा, मेको सहर नु आगा डा थोत्रक नल्ल करोइक्तेकम । सुन चांदी, कांसा नु फलाम के सल्ल्शा थोत्रकपुकी ला परमपरभु याव आ सिं डा शोप वोइक्तीकमी वोइक्तेकम । २५ तन्न यहोसुमी राहाब तल्लेम नु आ सिं डा मुर आन कली परांडतु । मारदे हना मेकोमी यहोसु आ यरीको सोइश्शा क्यारी पाइब निक्शी आस कली सरुइश्शा परांडशो बाक्त । मेको नाक्त रे राहाब आ सिं डा मुरपुकी इसराएली आन दातेमी बाक्तेकम । मत्ती १ :५ ; न्यायाधीस १ :२५

२६ मेना यहोसुमी “सुमी यरीको सहर लेशा सेल्वा, मेको परमपरभु याव आ डांडती सराप राइब । मेकोमी जग फुल्लु वोदानु, आ डांडती जर्मशो तौ बेक्ब । मिनु आ गारा डा ठेयब लाप्चो वोदानु, आ कान्छा तौ बेक्ब” दे कसम जाप्तु । १ राजा १६ :३४ २७ मिनु परमपरभु यावमी यहोसु कली वारच पाप्तु । मेको रागी डा मुर नेल्ल मेको तुइश्शा, यहोसु तशा हितेकम ।

आकानमी मार मार सुइ पशो

१ मिनु इसराएलीपुकीमी मटिथु, खतम ७ सल्ल्वा माल्ल्शा परमपरभु याव आ थोत्रक रे सुइ पाप्तेकम । यहूदा आ थर डा जेराह आ युइ, जब्दी आ चच, कारमी आ ती आकानमी मलाइक्चा थोत्रक रे पा मार मार सुइ पा लदा बाक्त । मोपतीक परमपरभु याव इसराएली नेल्ल आन कली तशा चुरमाक्त । यहोसु ६ :१८ २ मिनु यहोसुमी यरीको रे बथल आ पूबे बथ-आवेन आ नक्था ए सहरमी मुर आन कली सोइक्ताक्व । मिनु मेको आन कली “गोपुकी मेक लशा, मेको रागी कली क्यारी पन” दे माइक्तु । मिनु मेको मुरपुकी लशा, मेको ए सहर कली क्यारी पाप्तेकम । ३ मिनु मेकोपुकीमी यहोसु बाक्तीक लेशशा जाक्शा “मुर नेल्ल ए सहरम लचा ममाल्लीम । निक्शी सां हजार मुर ला लशा, लडाइ पाप्तेकम हना, गरानीम । नेल्ल कली श्येत मगेन । मारदे हना मेकर शुश मुर मबाक्म” देतेकम । ४ मोपतीक हजार सां खाइ मुर ला लाप्तेकम । तन्न मेकोपुकी ए सहर डा मुरपुकी नु लडाइ बरुशा, परोक्शा लेतेकम । ५ मिनु ए डा मुरपुकीमी ३६ जना इसराएली आन कली साइक्तेकम । मेकोपुकीमी सहर डा ठेयब लाप्चो रे शबारीम डा लुकच लतीक लां सम्म

खेदा पा, मेको आन कली साइक्तेकम । मिनु इसराएली आन थुं लुकच लशा, शुश हितेकम ।

६ मिनु यहोसु नु इसराएल डा खाल्पापुकीम सुर्ता पा आम वा खाक्शा, पियामी फुरक फुइश्शा, परमपरभु याव आ कबल पशो सन्दोस आ नक्था पोक्च थक्शा, मेकर नाक्दो सम्म बाक्तेकम । ७ मिनु यहोसुमी “परमपरभु, परमपरभु याव, मारदे गे मेको मुर आन कली यर्देन खोला शोक्चा गेनी? मारदे गे आइ कली एमोरी आन गुइमी साइक्चा कली गेनी? गो यर्देन आइक्ची हांबु ठीक पा बाक्शो नकी । ८ परमपरभु, इसराएली आन जोरी सतरु रे परोक्चा माल्लेकम । गो मुल मार पाइनुडा डा ? ९ मारदे हना कनानीपुकी नु एको रागी डा मुर नेल्लेमी एको लोत्र नंशा, आइ कली पुन्नीम । मिनु आइ नं रागी रे पा क्याम्नीम । मिनु गे इन ठेयब नं आ पर्वम मार पाइनीनी?” दे परमपरभु याव कली लोत्र पाप्तु । परस्थान ३२ :१२

१० मिनु परमपरभु यावमी यहोसु कली “बोक्को । गे मारदे इ कुल सुक्शा, बाप्शा बाक्नेवे? ११ इसराएलीपुकीमी पाप पाप्तेकम । मेकोपुकीमी आं माइश्शा ‘पचा माल्ल’ दे पशो कबल परांडतेकम । खतम सल्ल्वा माल्ल्शा थोत्रक सुइ पा लाइश्शा, आम थोत्रक नु ब्वाइश्शा, सरुइश्शा वोइक्तेकम । १२ मोपतीक इसराएली आन जोरी सतरु आन कली तशा, परोक्नीम । मारदे हना मेकोपुकी यो खतम सल्ल्वा माल्ल्शा दुम्शो बाक्नीम । मेको आन खतम सल्ल्वा माल्ल्शा सरुइश्शा थोत्रक इन दाते रे मगुरुंडताक्नी हना, गो गे नु मबाक्नुड । १३ बोक्को । मुर आन कली आं डांडती ठीक सल्ल्पतो । मिनु मेको आन कली गे दीसा कली परमपरभु याव आ डांडती ठीक सल्ल्सीन । मारदे हना परमपरभु याव, इसराएली आन परमपरभुमी इन दातेमी खतम सल्ल्वा माल्ल्शा थोत्रक बाक्नीम । मेको मगुरुंडताक्वी हना, इन जोरी सतरु क्येडा गराने मचाप्नीनी । यहोसु ३ :५ १४ मिनु गे सुनी कना थर थर डा मुरपुकी बुक्शा, जाक्चा माल्लीनी । मिनु परमपरभु यावमी तेको थर कली कांडबा, मेको थर डा नेल्ल सिं सिं डा मुरपुकी जाक्चा माल्लीम । मिनु परमपरभु यावमी तेको सिं डा मुर कली कांडबा, मेको आ सिं सिं डा मुर आन डांडती जाक्चा माल्लीम । मिनु परमपरभु यावमी तेको सिं कली कांडबा, मेको सिं रे का का पा वांडिश मुरपुकी मुर आन डांडती जाक्चा माल्लीम ।

१५ मिनु तेको मुर नु सुइ पशो थोत्रक बाक्वा तुंडसीब, मेको नु आ मारइ मारइ मीम हुम्चा पुंडसीब। मारदे हना मेकोमी परमपरभु यावे आ देशो मटिथु, इसराएली आन दातेमी काइ मरिम्शो ग्रांगरा दिशो गेय पाप्नु” दे माइक्तु।

१६ मिनु यहोसुमी सुनी कना बोक्शा, इसराएली नेल्ल आन कली थर थर पा बुक्पाइक्तु। मो पशोनु यहूदा आ थर कोइचा पुंडसाक्व। १सा मुएल १०:२०-२१; १सामुएल १४:४१-४२ १७ मिनु यहूदा आ सिं सिं डा मुर आन डाइती जाक्चा माल्तेक्म। मिनु जेराह आ सिं सिं डा मुर कोइचा पुंडसाक्म। मिनु यहोसुमी जेराह आ सिं सिं डा मुर आन कली आ डाइती जाक्पाइक्तु। मेको रे जब्दी आ सिं डा मुर कोइचा पुंडसाक्व। गन्ती २६:२० १८ मिनु यहोसुमी मेको आ सिं डा वांइश मुर का का पा मुर आन डाइती जाक्पाइक्तु। मोपा जाक्मानु, यहूदा आ थर डा जेराह आ युइ, जब्दी आ चच, कारमी आ ती आकान कोइचा पुंडसाक्व।

१९ मिनु यहोसुमी आकान कली “आं ती, परमपरभु यावे, इसराएली आन परमपरभु कली ठेयब सेलो। मार मार पवी, मेको कली देनो। इ पशो आं कली देनो। लोत्र का यो मखरुइक्तो” देत। २० मिनु आकानमी यहोसु कली “थमा, गो परमपरभु यावे, इसराएली आन परमपरभु आ डाइती पाप पाता। गो मार पाता देशा हना, गन्ती २१:७; न्यायाधीस १०:१०; १सामुएल ७:६; भजन संग्रह ५१:५-६ २१ गो खतम सेल्ला माल्त्शो थोत्रक रे पा शिनार रागी डा रिम्शो फक्तीक वा, सह निक्शी शेकल चांदी नु ५० शेकल हेल्त्शो सुन के कोक्क का ताता। गो मेको साप्पा दाक्ताकडा डा मिन लांडसाक्यी। मिनु मेको आं ताम्बु आगाम थिम्शा वोइक्ता। मेको चांदी नेल्ल क्यडा आगाम बाक्व” देत। शेकल का ११:५ ग्राम बाक्व।

२२ मिनु यहोसुमी गेय पाइब आन कली आकान आ ताम्बुम सोइक्ताक्व। मेकोपुकी दोरशा लशा, मेको आ ताम्बुमी दोशा, फक्तीक वा नु खरुइश्शो थोत्रक नेल्ल गरुंडताक्म। मिनु मेको चांदी नेल्ल क्यडा आगाम बाक्व। २३ मिनु मेकोपुकीमी मेको थोत्रक गरुंडशा, यहोसु नु इसराएली नेल्ल आन बाक्तीकेम चाक्तेक्म। मिनु परमपरभु यावे आ डाइती वोइक्तेक्म। २४ मिनु यहोसु नु इसराएली नेल्ल गारशा, जेराह आ सिं डा आकान नु आ सुइ पशो चांदी, फक्तीक वा नु सुन के कोक्क, मेको आ तमी ती मेको आ

बी ब्यफ, आ गधापुकी, आ भेडापुकी, मेको आ ताम्बु नु मेको नु बाक्शो मारइ मारइ आकोर आ बंसीमी लाइक्तेक्म। लेवी २४:१४-१५ २५ मिनु यहोसुमी आकान कली “गे गो आंइ कली शुश श्यत गोप्तीवी। मुलाक्ती परमपरभु यावेमी इ कली श्यत गेब” देत। मिनु इसराएली नेल्लमी मेको आन कली फुल्लुमी आप्शा साइक्तेक्म। मिनु मेको आन कली साइश्शा, मीम हुम्ताक्म। ब्यवस्था १३:१६-१७ २६ मिनु मेको आन तारी शुश फुल्लु तल्लेक्म। मेको फुल्लु तल्लेक्क मुलाक्त सम्म बाक्व। मिनु नोले परमपरभु यावे आ गाइक्चा नाइसाक्व। मिनु मेको बंसी आ नं आकोर बंसी वोइक्तेक्म। मेको मुल सम्म बाक्व। यसैया ६५:१०; होस २:१७

ए सहर कली खतम सेल्ला

२५ मिनु परमपरभु यावेमी यहोसु कली “महिनी। इ थुं लुक्च मल्ल। मुल लडाइ पाइब नेल्ल लाइश्शा, ए सहर कली लडाइ तोवो। मारदे हना गो ए सहर डा पिप, मेकर डा मुरपुकी, सहर नु रागी इ कली गेता। २गे यरीको नु मेकर डा पिप कली मार मार पवी, ए सहर नु मेकर डा पिप कली यो मोदेशो पावो। मेक डा मारइ मारइ, बी ब्यफ क्यारश भेडा नेल्ल गे इन कली लांडसीन। मिनु सहर आ नोले गे हुल का मुर बाप्पाइश्शा, वोतीन” देत। यहोसु ६:२१; ब्यवस्था २०:१०-१८ ३ मिनु यहोसु नु लडाइ पाइब नेल्ल ए सहर कली लडाइ तोथ, लाम्तेक्म। यहोसुमी ३० हजार लडाइ पाइब मुर आन कली योत्रशा, नाक्वो सोइक्ताक्व। ४ मिनु मेकोमी “गे मेको सहर आ नोले बाप्शा बाक्चा माल्नीनी। मेको सहर क्येडा डोन मल्लेन। लडाइ पचा कली ठीक दुम्शा, होस पा बाक्कीन। ५ गो नु आं मुर नेल्ल सहर गे बारनीकी। मिनु मेको डाइती सोदेशो पा आंइ कली खेदा पा गरुतेक्म हना, गो परोक्सु पाइनीकी। ६ मेकोपुकीमी आंइ कली खेदा पा खोइक्नीम। आंइ कली खेदा पा खोदमेनु, गोपुकी मेको आन कली सहर रे शुश डोन लपाइक्चा कली आंइ कली खेदा पपाइक्नीकी। मारदे हना मेकोपुकीमी ‘इसराएलीपुकी डाइती डा बुदी गो आंइ कली तशा, परोक्ना परोक्न बाक्नीम’ दे मिन्नीम। मोपा गो परोक्कानु, यहोसु ७:५ ७ गोपुकी इन बाप्तीके रे बोक्शा गरुशा, सहर आंम के सेलीन। मिनु परमपरभु यावे, इन परमपरभुमी मेको सहर इन कली गेब। ८ परमपरभु यावेमी आ देशो

सोदेशो पा, सहर इन गुडमी गेवा नोले, मेको कली मी सुइक्तीन” दे मेको आन कली दंत।

१ मिनु यहोसुमी मेको आन कली सोइक्ताक्व। मिनु मेकोपुकी ए क्येडा पच्छिम बथेल नु ए आस दातेम बाप्शा बाक्तेक्म। मिनु यहोसु मेको नाक्वो आ मुर आन दातेमी बाक्त।

१० मिनु यहोसु सुनी कना बाक्शा, आ मुर आन कली सुप्ताक्व। इसराएल डा खाल्पा नु ए सहर गे लाम्तेक्म। ११ यहोसु नु बाक्शो लडाइ पाइब नेल्ल यो मेकेर लाम्तेक्म। मिनु ए सहर आ डाइती जाक्तेक्म। सहर आ उत्तर गे जाक्शा बाक्तेक्म। मेको ए सहर नु आन दातेमी बेसी का बाक्त। १२ मिनु डाइती यहोसुमी ५ हजार लडाइ पाइब आन कली लाइश्शा, ए क्येडा पच्छिम गे बथेल नु ए आस दातेम बाप्शा कली वोइक्व। १३ मोपा ए सहर आ उत्तर गे शुश लडाइ पाइब आन बाक्तीकेमी बाक्मानु, पच्छिम गे मेको बाप्शो ५ हजार लडाइ पाइब बाक्तेक्म। मेको नाक्वो यहोसु नु आ मुरपुकी बेसीम बाक्तेक्म।

१४ मिनु सुनी कना ए डा पिपमी मेको आन कली तशा, ए डा लडाइ पाइब नु सहर डा वांइश मुर नेल्ल इसराएली नु लडाइ पथ लाम्तेक्म। पिप नु आ मुर नेल्ल अराबाह माइक्तीकेमी दिम आ डाइती जाक्तेक्म। तन्न सहर आ नोले मेकोपुकी बाप्शा बाक्शो बाक्नीम मतुइक्तेम। १५ मिनु यहोसु नु इसराएली नेल्ल बरुशो सोदेशो पा, गोरशो रागी गे परोक्खु पाम्तेक्म। १६ मेको पिपमी ए सहर डा मुर नेल्ल आन कली बरुशो, इसराएली आन कली खेदा पपाइक्व। मोपा यहोसु कली खेदा पा, मेकोपुकी ए सहर क्येडा डान सम्म लाम्तेक्म। १७ ए नु बथेल डा वांइश मुर नेल्लेमी इसराएली आन कली खेदा पाम्तेक्म। खेदा मपाइब का सम्म यो मलीम। मेकोपुकी आंम सहर डा गारो आ ठेयब लाप्नो रोक्शा वोइश्शा, इसराएली आन कली खेदा पाम्तेक्म।

१८ मिनु परमपरभु यावेमी यहोसु कली “इ गुडमी बाक्शो तरवार ए सहर गे कांइशा दिंदो। मारदे हना गो मेको सहर इ कली गेनन” दंत। मिनु यहोसुमी आ गुडमी बाक्शो तरवार ए सहर गे कांइशा दिंताक्व। १९ मिनु यहोसुम आ तरवार दिंदानु, मेको बाप्शा बाक्ब लडाइ पाइब नेल्ल बाक्शा बारशा, ए सहर आगा ओव्रतेक्म। मेकोपुकी ओव्रशा, सहर कली आंम के संल्शा, मी सुइक्ताक्म। २० मिनु ए सहर डा खेदा पाइबपुकीमी बिर हिरशा, कोव्रडमनु,

आंम सहरमी कुन जुइश्शो ताम्तेक्म। मोपा कुन जुइश्शो तशा, मेकोपुकीमी एर आंथ परोक्खे मचबेम। मारदे हना गोरशो रागी गे परोक्खु पाइब इसराएलीपुकी लेश्शा, मेकोपुकी नु लडाइ पचा गोम्तेक्म। २१ यहोसु नु इसराएली नेल्लेमी मेको ए सहर बाप्शा बाक्बपुकीमी सहर आंम के संल्शा ताम्तेक्म। सहर रे कुन जुइश्शो ताम चाटीन, मेकोपुकी बिर हिरशा, ए सहर डा वांइश मुर आन कली साइक्वा गोम्तेक्म। २२ मिनु डाइती बाप्शा बाक्बपुकी सहर रे ग्स्तेक्म। मोपा इसराएलीपुकीमी ए सहर डा मुर आन कली आन दाते पा आन एर आंथ बाक्शा, का कली यो परोक्का मगम। नेल्ल आन कली साइक्तेक्म। २३ मिनु मेकेर डा पिप कली चहिं सेसीन ग्याइश्शा, यहोसु आ बाक्तीक चाक्तेक्म।

२४ मिनु इसराएलीपुकीमी ए डा मुर नेल्ल आन कली, गोरशो रागी डा दिममी साइक्के थुम्शा, ए सहर लेश्शा, ओव्रशा, मेकेर बाक्शो आन कली यो तरवारमी क्योरशा साइक्तेक्म। २५ मेको नाक्ती साइक्का पुंइसीशो मुर वांइश मुर नु मीश मुर नेल्ल पा १२ हजार बाक्तेक्म। ए डा मुर नेल्ल मोशोन बाक्तेक्म।

२६ मिनु यहोसुमी ए डा मुर नेल्ल साइक्के मथुम्म सम्म आ तरवार शशा दिंशो गुइ मतोक्म।

२७ मिनु परमपरभु यावेमी यहोसु कली देशो सोदेशो पा बी ब्यफ, क्यारश भंडा नु रोइश्शो मारइ मारइ इसराएलीपुकीमी वांइसाक्म। २८ मिनु यहोसुमी ए सहर कली चोशा, गेनायो मसल्ला डा पा खतम सल्लु। मोदेशो मुल सम्म बाक्ब। २९ मिनु मेकोमी ए डा पिप कली नां मरिक्म सम्म रवामी क्युकशा वोइक्पाइक्व। मिनु नां रिक्म नोले यहोसुमी पिप आ रां रवा रे शाल्शा, सहर ओव्रतीक लाप्नोम लाइश्शा ताइक्पाइक्व। मेको आ तारी शुश फुल्लु तेल्लेक्म। मेको मुल सम्म बाक्ब। ब्यवस्था २१ :२२-२३

एबाल डांडाम अरेशो लोत्र पदेशो

३० मिनु यहोसुमी परमपरभु यावे, इसराएली आन परमपरभु कली एबाल डांडामी चदेतीक का सल्लु। ब्यवस्था २७ :२-८ ३१ परमपरभु यावे आ गेय पाइब मोसामी इसराएली आन कली देशो सोदेशो पा नु मोसामी अरेशो लोत्र बरुक्शा कितावम बरुक्शा सोदेशो,

मक्योरशा, फलामम मथिपाइश्शा फुल्लु सुप्शा, चढ्देतीक का सेल्लेक्कम। मेकर परमपरभु याव कली चोशा चढ्देतीक नु दुशा बाक्का आ पर्वम चढ्देतीके चढ्दम्तेक्कम। प्रस्थान २०:२५ ; प्रस्थान २४:१-८ ३२मिनु मेकर इसराएली नल्ल आन डांडीती यहोसुमी परमपरभु याव आ अरशा लोत्र मासामी मुशा बरक्को सोदंशो पा, फुल्लुमु मुशा बरक्ताक्क। ३३मिनु इसराएली नल्ल, मेको नु बाक्क अर्को रागी डा मुरपुकी, खाल्पापुकी, ठयब मुर नु मेको आन ठयब मुरपुकी परमपरभु याव आ कबल पशो सन्दोस आ नेक्था राप्शो बाक्तेक्कम। मेकोपुकी परमपरभु याव आ सन्दोस कुरव लेवी आ थर डा चढ्देब ग कोवशा, राप्शो बाक्तेक्कम। इसराएली नु मेको नु बाक्क अर्को रागी डा मुर नल्ल आधी गरीजीम डांडा गे कोवशा, अरु आधी एवाल डांडा गे कोवशा राप्शो बाक्तेक्कम। मिनु परमपरभु याव आ गेय पाइब मोसामी अरशा सोदंशो पा यहोसुमी इसराएली नल्ल आन कली आसीक गप्पु। व्यवस्था ११:२९ ; व्यवस्था २७:१२-२६ ; व्यवस्था २८:- ३४मिनु नोले यहोसुमी परमपरभु याव आ अरशा लोत्र नल्ल, आसीक नु सराप आ पर्वम बरक्को यो पढ्पु। दोदंशो पा बरक्को बाक्क, मोदंशो पा पढ्पु। ३५मोसामी मार मार लोत्र अरशा, बरक्को बाक्क, मेको नल्ल यहोसुमी इसराएली नल्ल कली पढ्शा नंपाइक्कु। मक बाक्को वांइश मुर, मीश मुर, आलपुकी नु मेकोपुकी नु बाक्क अर्को रागी डा मुर आन डांडीती नल्ल पढ्शा नंपाइक्कु।

गिबोन डा मुरपुकीम जोल पशो

१ मिनु यर्दन आइक्की हांबु पहाड नु दिममी, १ ठयब समुन्दर आ नेक्था नु लेबानोन गे बाक्क हिती, एमारी, कनानी, परिज्जो, हिर्वी नु यबुसी आन पिपपुकीमी एको लोत्र नंशा, २मेकोपुकी थुं का दुम्शा, यहोसु नु इसराएलीपुकी नु लडाइ पचा कली बुक्तेक्कम।

३मिनु गिबोन डा मुरपुकीमी यहोसुमी यरीको नु ए सहर कली मार मार पवा, मेको लोत्र नंशा, यहोसु ६:२०-२१ ; यहोसु ६:२६-२८ ४मेकोपुकीमी डोन रागी रे जाक्को सोदंशो पा बुत सल्ला, आन गधा तारी माइत धोकरो वोइश्शा, गाक्को फेरशो कुशुल के अडगुर शांबु वोइक्कीक कुर पाइक्तेक्कम। ५मिनु गाक्को माइत जुत्ता नु जेक्को वासी फेक्साक्कम। मेको आन कुरशो बुत सोवशा नु बुंसी डाइश्शा

बाक्क। ६मिनु मेकोपुकीमी गिल्लाल यहोसु आ बाक्कीकमी जाक्का, यहोसु नु इसराएली नल्ल वांइश मुर नल्ल आन कली “गोपुकी डोन रागी रे जाक्को नकी। मोपतीक गोपुकी नु गारशा, कबल पने” दंतेक्कम। ७मिनु इसराएलीपुकीमी मेको हिर्वी आन कली “गोपुकी आंइ दातेमी बाक्क मुर बाक्कीनी, कां ? गोपुकी गोपुकी नु दोपा गारन चाप्नीकी डा ?” दंतेक्कम। यहोसु ११:१९ ; प्रस्थान २३:३२

८मिनु मेकोपुकीमी यहोसु कली “गो इन गेय पाइब नकी” दे लोत्र लेक्ताक्कम। मिनु यहोसुमी मेको आन कली “गे सु ननी ? ते रे जाक्को ननी” दे हिल्लो पाप्पु। ९मिनु मेकोपुकीमी “गो इन गेय पाइबपुकी शुश डोन रागी रे जाक्को नकी। गोपुकी परमपरभु याव, इन परमपरभु आ पर्वम शुश नंतक। मिनु इजोप्त रागीमी मार पवा मेको नल्ल नंतक। १०यर्दन आइक्की हांबु डा एमारी आन पिप निक्की, हेश्बोन डा पिप सीहोन कली नु अशतारोथम बाक्क वाशान डा पिप ओग कली मार मार पनी मेको नल्ल नंतक। गन्ती २१:२१-३५ ११मोपतीक आंइ ठयब मुरपुकी नु आंइ रागी डा मुर नल्लेमी गोपुकीमी लाम जतीक बुत कुरशा, मेको आन कली गरुम्थ लने” दंतेक्कम। मेको आन कली “गो इन गेय पाइब नकी। गे गो नु कबल पा आंइ कली बरने, दे दनीने” दंतेक्कम। १२इन कली गरुम्थ गाक्को नाक्की गोपुकीमी आंइ खिं रे एको शोअ्त होश कुरशो नकी। मुल सोवशा बुंसी डाइश्शा बाक्क। १३मिनु आंइ गाक्की ना एको अडगुर शांबुम पिंरंशो कुशुल के थेलो नक बाक्तेक्कम। मुल कोवडीन, एको यो गाक्के थुम्तेक्कम। मेको लाइश्शा लां दुम्तीक आंइ फेक्को वासी नु जुत्ता यो माइत दुम्शा जेक्तेक्कम” दंतेक्कम। १४मिनु इसराएलीपुकीमी आन चाक्को कोसली ताक्तेक्कम, तन्न परमपरभु याव कली हिल्लो मपथु, जाम्तेक्कम। गन्ती २७:२१ १५मिनु यहोसुमी मेको आन कली “इन थुं नांइसीन। बरांइचा ताइनीनी” दे कबल पाप्पु। मिनु मेकर डा ठयब मुरपुकीमी यो कसम जाम्तेक्कम।

१६मिनु कबल पशो सां नाक्क नोले मेको मुर आन नेक्था डा मुर आंम दातेमी बाक्क मुर बाक्तेक्कम, दे इसराएलीपुकीमी नंतक्कम। १७मिनु इसराएली गाक्का, सां नाक्कीमी मेको आन सहर जाक्कीक्तेक्कम। मेको आन सहर गिबोन, कफोरा, बैयरोथ नु किरयथ-यारीम बाक्तेक्कम। १८मिनु इसराएलीपुकीमी मेको आन

सहर कली लडाइ मतोम। मारदे हना इसराएल डा ठेयब मुरपुकीमी मेको नु परमपरभु यावे, इसराएली आन परमपरभु आ डांडती कसम जशो बाक्तेकम। मोपतीक मुरपुकीमी इसराएली आन ठेयब मुर आन पर्वम गन गन पांम्तेकम। १९ मिनु ठेयब मुरपुकीमी इसराएली नेल्ल आन कली “गोपुकीमी परमपरभु यावे, इसराएली आन परमपरभु आ नेमी कसम जाइतक। मोपतीक गो मेको आन कली बरोइचा गेचा माल्नीकी। २० मुल मेको आन कली बरोइचा गेचा माल्नीकी। मोदंशो मपाइतक हना, आंइ जशो कसममी पतीक, गो सराप राइनीक” दे इसराएली आन कली दंतेकम। गन्ती १:५३; २:सामुएल २४:१ २१ मिनु ठेयब मुरपुकीमी “मेको आन कली बरोइचा गन” दंतेकम। मिनु मेकोपुकी इसराएली आन शी चेष्व नु ब्वाक्कु क्याक्व वाइल दुम्तेकम। ठेयब मुरुमी मोदंशो दंम मोदंशो दुम्त।

२२ मिनु यहोसुमी मेको गिबोन डा मुर आन कली बरशशा “गोपुकी आंइ नेक्था गोपुकी नु बाक्व बाक्नीनी। तन्न ‘गो डोन रागी डा नकी’ दे मारदे जोल पनी? २३ मोपा जोल पतीक मुल गोपुकी सराप रशो दुम्तीनी। गोपुकी गेना हना यो वाइल दुम्चा माल्नीनी। गोपुकी आं परमपरभु यावे आ खिं डा शी चेष्व नु ब्वाक्कु क्याक्व दुम्तीनी” दंत। २४ मिनु मेकोपुकीमी यहोसु कली “परमपरभु यावे, इ परमपरभुमी आ गेय पाइब मोसा कली ‘रागी नेल्ल इन क दुम्ब। एको रागी डा मुर नेल्ल सतीन’ दे अरशा तुइशशो नकी। मोपतीक गो इन कली तशा शुश हिंतीक, आंइ कली परोइचा कली जोल पाइतक। २५ मुल गो इन गुइमी बाक्नीकी। आंइ कली मार पशो नु रिम्शो लाक्नीनी, मोदंशोन पन” दंतेकम। २६ मोपा यहोसुमी मेको आन कली इसराएली आन गुइ रे पा परोइतु। मिनु इसराएलीपुकीमी मेको आन कली साइक्चा मतामे। २७ मिनु मेको नाक्ते रे यहोसुमी मेको आन कली इसराएली नेल्ल नु परमपरभु यावे आ चढेतीक कली शी चेष्व नु ब्वाक्कु क्याक्व सेल्लु। मेकोपुकीम मुल सम्म मोदंशो पाइनीमी। ब्यवस्था २९:१०; १इतिहास २१:२९; २इतिहास १:३

नां नाइशशा बाक्शो

१ मिनु यरूसलेम डा पिप अदोनी-सदेकमी १० “यहोसुमी ए सहर गराशा, खतम सेल्लु। मिनु यरीको नु मेकर डा पिप कली पाइशशो

खोदंशो पा मेको ए सहर नु मेकर डा पिप कली यो पाइक्ते। मिनु गिबोन डा मुरपुकी इसराएली नु गारशा, मुल आन दातेमी बाक्शो बाक्तेकम” दे नंतु। यहोसु ६:-; यहोसु ८:-; यहोसु ९:- २ मिनु मेको नु आ मुर नेल्ल शुश हिंतेकम। मारदे हना गिबोन थम ठेयब सहर, पिप आ बाक्तीक सहर खोदंशो, बाक्ते। मिनु मेको ए सहर क्यडा ठेयब बाक्ते। मिनु मेकर डा वांइश मुर नेल्ल बोल्यो लडाइ पाइब बाक्तेकम। ३ मिनु यरूसलेम डा पिप अदोनी-सदेकमी हेबरोन डा पिप होहाम, यरमुथ डा पिप पिराम, लाकीश डा पिप यार्फीया नु एग्लोन डा पिप देबोर बाक्तीकमी लोत्र सोइक्ताक्व। ४ मिनु मेको आन कली “आं कली वारच पथ पिन। गो नेल्ल गारशा, गिबोन नु लडाइ पय। मारदे हना मेकोपुकी यहोसु नु इसराएलीपुकी नु गारसा बाक्ते” दे लोत्र सोइक्ताक्व।

५ मोपा एमारी आन ५ जना पिप, यरूसलेम, हेबरोन, यरमुथ, लाकीश नु एग्लोन डा पिप सुम्सीशा, आन लडाइ पाइब नेल्ल नु जाक्शा, गिबोन नु लडाइ पांम्तेकम।

६ मिनु गिबोन डा मुरपुकीमी गिल्याल सहरम बाक्शो यहोसु कली “मुल, गे इन गेय पाइब, गो आंइ कली मपरंदीन। गे रीब पा जाक्कीन। आंइ कली वारच पा परोनीन। मारदे हना पहाड रागीम बाक्व एमारी आन पिप नेल्ल गो नु लडाइ पचा कली सुम्सीशा बाक्नीम” दे लोत्र सोइक्ताक्व। ७ मिनु यहोसुमी आ लडाइ पाइब नेल्ल आन कली लाइशशा, गिल्याल रे लत। मिनु आ नेल्ल क्यडा बोल्यो लडाइ पाइबपुकी यो मेको नु लांम्तेकम।

८ मोपा लमानु, परमपरभु यावेमी यहोसु कली “मेको आन कली तशा, महिनो। मारदे हना गो मेको आन कली इन गुइमी गेता। मेको आन मुर का सम्म यो इन डांडती राने मचापनीम” दंत।

९ मिनु नेल्ल नाक्दो यहोसु नु इसराएली गिल्याल रे गाक्शा, मेक जाक्दीशशा, ड्क लाक्चा डा पा मेको आन कली लडाइ तोम्तेकम। १० मिनु परमपरभु यावेमी एमारी डा मुर आन कली इसराएली आन डांडती वाम ग्याम सेल्लशा, मेको आन कली गिबोन सहरम बरुपाइक्ते। इसराएलीपुकीमी मेको आन कली गिबोन रे बेथ-होरान डा ग्येत्थ लां रे पा खेदा पांम्तेकम। आजका नु माकेदा सम्म खेदा पा साइक्तेकम। ११ मिनु मोपा इसराएली आन डांडती बेथ-होरान रे आजका सम्म बरुशा परोकमानु, परमपरभु

यावेमी सरीङ्क रे ठेयब मुप्स यिपाइक्त्तु। इसराएलीपुकीमी तरवारमी क्योरशा बेकशो क्येडा ठेयब मुप्सीम खरशा बेकशो मुर शुश बाक्तेक्म। परस्थान १:२२-२५; अय्युब ३८:२२-२३; हेबकुक ३:११; रसामुएल १:१८

१२मिनु परमपरभु यावमी एमारी आन कली इसराएली आन गुइमी गेशो नाक्ती यहोसुमी परमपरभु याव कली इसराएली नल्ल आन डाँइती “नां, गे गिबोन तारी नाइसां। तास्त्ना, आइयालोन बेसी तारी नाइइशा बाक्को” दंत। १३मिनु यहोसुमी मेको आन कली क्येक्क मलेत्ता सम्म नां नु तास्त्ना नाइसाक्स। मेको लोत्र याशार डा किताबमी यो बरक्सीशो बाक्व। मिनु नां सरीङ्क आ दातेमी नाइसाक्व। मिनु नां मेको नाक्त् का मपरस। १४मोदंशो डाँइती नु नोले गेनायो मदुश्शो बाक्त्। मारदे हना परमपरभु यावेमी मुर आ लोत्र नंशा, इसराएली आन पर्वम लडाइ पाप्त्तु। १५मिनु नोले यहोसु नु इसराएली नल्ल आंम बाक्तीके गिल्गाल लेत्तेक्म।

#### एमारी आन पिप साइश्शो

१६मिनु मेको ५ जना पिपपुकी चहिं परोक्शा, माकेदा डा पुक्सीमी खरंडसाक्म। १७मिनु मुरपुकीमी यहोसु कली “मेको ५ जना पिपपुकी माकेदा डा पुक्सीमी खरुइश्शो बाक्नीम” द नंपाइक्तेक्म। ब्यवस्था २१:२२-२३ १८मिनु यहोसुमी “ठेयब ठेयब फुल्लु लाक्शा लाइश्शा, मेको पुक्सी आ ओव्रतीक सुन। मिनु आ डाँइतीमी सात् पाइबपुकी वोतीन। १९तन्न गेपुकी मो मबाक्कीन। इन जोरी सतरु आन कली खेदा पना पन डाँइती बारीन। नल्ल क्येडा नोले डा सम्म यो सतीन। मेको आन कली लंशा, आन सहर ओव्रचा मगेन। मारदे हना परमपरभु याव, इन परमपरभुमी मेको इन गुइमी गेशो बाक्व” दंत। २०मिनु यहोसु नु इसराएलीपुकीमी मेको आन कली खतम सल्लेक्म। का निक्शी चहिं परोक्शा, गारो पाइश्शो सहर आगा ओव्रतेक्म। २१मिनु मुर नल्ल माकेदा, यहोसु आ बाक्तीकेमी, रिम्शा पा लेत्तेक्म। मेको इसराएली आन पर्वम सुइ मुरुमी यो शुक्शी लोत्र पन मचबेम। २२मिनु यहोसुमी “पुक्सी रोक्शा, मेको ५ जना पिप आन कली आं बाक्तीक चाक्कीन” दंत। २३मिनु मेकोपुकीमी मेको ५ जना पिप आन कली चाक्तेक्म। यरूसलेम डा पिप, हेबरान डा पिप, यरमुथ डा पिप, लाकीश डा पिप नु एलोन

डा पिप कली पुक्सी रे गरुंडशा, यहोसु आ बाक्तीकम चाक्तेक्म। २४मिनु मेको आन कली यहोसु आ बाक्तीक चाक्कम नोले, यहोसुमी इसराएली नल्ल आन कली सुप्शा, लडाइ पाइब आन ठेयब मुर आन कली “एको पिप आन शुर्मी इन खोइलीमी दिम्दीन” दंत। मिनु मेकोपुकीमी जाक्शा, आन खोइलीमी मेको पिप आन शुर् दिम्ताक्म।

२५मिनु यहोसुमी मेको आन कली “बोल्यो नु महिंब दुमीन। मारदे हना ई परमपरभु यावेमी गे सु नु लडाइ पाइनीनी, मेको आन कली मोदंशो पाइब” दंत। २६मेको नोले यहोसुमी मेको ५ जना पिप आन कली तुप्शा साइश्शा, ५ ओटा रवामी क्युकपाइक्त्तु। मिनु नाक्दो सम्म क्युकशा, वोइक्तेक्म। २७मिनु नां रिक्ची ना, यहोसुमी “मेको आन कली लाइश्शा, डाँइती आन खरुइश्शो पुक्सीमी वोतीन। मिनु मेको पुक्सी आ ओव्रतीकेमी ठेयब फुल्लुपुकी लाइश्शा सुन” द अरप्त्तु। मिनु मेको फुल्लु मुल सम्म बाक्नीम। ब्यवस्था २१:२२-२३

#### कनान रागी कली ग्राशो

२८मिनु मेको नाक्ती यहोसुमी माकेदा आंम के सेल्लु। मेको सहर डा मुर नल्ल आन कली नु मेकेर डा पिप कली तरवारमी साइक्त्तु। मेकोमी मेकेर डा मुर नल्ल आन कली खतम पाक्त्तु। सुइ कली यो मपरान। मेकोमी यरीको डा पिप कली पशो बुदी माकेदा डा पिप कली यो पाइक्त्तु।

२९मिनु यहोसु नु इसराएली नल्ल माकेदा रे गाक्शा, लिब्ना लाम्तेक्म। मिनु लडाइ पाम्तेक्म। ३०मिनु परमपरभु यावेमी मेक डा मुर नु पिप कली यो यहोसु नु इसराएली आन गुइमी गेप्त्तु। मेकोपुकीमी लिब्ना डा मुर नल्ल आन कली तरवारमी साइक्तेक्म। सुइ कली यो मपरानेम। यरीको डा पिप कली पशो सोदंशो मेकेर डा पिप कली यो पाम्तेक्म।

३१मिनु यहोसु नु इसराएली नल्ल लिब्ना रे गाक्शा, लाकीश लाम्तेक्म। मिनु लाकीश कली पुम्शा, लडाइ पाम्तेक्म। ३२परमपरभु यावेमी लाकीश कली यो इसराएली आन गुइमी गेप्त्तु। मिनु मेको आ दीसा नाक्ती यहोसुमी लाकीश आंम के सेल्लु। मिनु मेकेर डा मुर नल्ल आन कली लिब्ना कली पशो सोदंशो पाप्त्तु। नल्ल आन कली तरवारमी साइक्त्तु। ३३मेना गजेर डा पिप होराम लाकीश कली वारच पथ जाक्त्तु। मिनु यहोसुमी मेको नु आ लडाइ पाइब नल्ल आन

कली फरुशा, का कली यो मप्रॉइथु, ग्याइश्शा साइक्तु।

३४ मिनु यहोसु नु इसराएली नेल्ल लाकीश रे गाक्शा, एग्लोन लाम्तेक्म। मिनु मेकर यो पुम्शा, लडाइ पाम्तेक्म। ३५ मेको नाक्ती मेकोपुकीमी एग्लोन कली गरातेक्म। मिनु मेकर डा मुर नेल्ल आन कली तरवारमी साइक्तेक्म। लाकीश कली दोदंशो पाम, एग्लोन कली यो मोदंशो पाम्तेक्म।

३६ मिनु यहोसु नु इसराएली नेल्ल एग्लोन रे ग्येत्य डाइश्शा हेबरोन लाम्तेक्म। मेकर यो लडाइ पाम्तेक्म। ३७ मिनु मेकोपुकीमी हेबरोन सहर कली गराशा, मेको सहर डा पिप नु आ एर आंथ गाउं डा मुर नेल्ल आन कली तरवारमी साइक्तेक्म। सुइ कली यो मप्रॉनेम। मेकोपुकीमी एग्लोन कली पशो खोदंशो पा, नेल्ल मुर आन कली खतम पोक्तेक्म।

३८ मिनु यहोसु नु इसराएली नेल्ल देबीर गे लेश्शा, मेको नु लडाइ पाम्तेक्म। ३९ मेकोमी मेकर डा सहर नेल्ल, आन पिप नु एर आंथ डा गाउं आन कली गरातेक्म। मुर नेल्ल आन कली खतम पोक्तेक्म। सुइ कली यो मप्रॉनेम। मेकोपुकीमी हेबरोन नु मेकर डा पिप नु लिब्ना कली दोदंशो पाम, मोदंशो पा देबीर नु मेकर डा पिप कली यो पाम्तेक्म।

४० मोपा यहोसुमी पहाड नेल्ल, नेगेब रागी, पच्छिम नेल्ल डा आइक्च पहाड नु आइक्च डांडा डा दम्सीलो गरात। पिप नेल्ल आन कली साइक्तु। का कली यो मप्रॉनेम। मेको ब्रॉइशो नेल्ल आन कली खतम सेल्लु। परमपरभु यावे, इसराएली आन परमपरभुमी दोदंशो अरेवा, मोदंशो पाप्तु। व्यवस्था २०:१६-१८ ४१ मिनु यहोसुमी कादश-बारनेआ, गाजा नु गोशन रे लाइश्शा गिबान सम्म नेल्ल गरात। यहोसु ११:१६ ४२ मिनु यहोसुमी मेको आन पिप आन कली नु आन रागी नेल्ल कली कालेम गरात। मारदे हना परमपरभु यावे, इसराएली आन परमपरभुमी इसराएली आन पा डा लडाइ पाप्तु। ४३ मिनु नोले यहोसु नु इसराएली नेल्ल आन बाक्तीके गिल्यालमी लेक्तेक्म। यहोसु १०:१५

याबीन नु अरु पिपपुकी बरुशा

११ मिनु हासोर डा पिप याबीनमी यहोसुमी पशो नेल्ल नंशा, मादोन डा पिप योबाब, शिमरोन डा पिप आकशाफ, उउत्तर डा पहाडम बाक्ब पिपपुकी नु किन्नेरोथ डा दक्खिन डा

पिप, अराबाह डा पहाडम बाक्ब आन पिप नु पच्छिमम नाफथ-डोर डांडा गे बाक्ब आन पिप, किन्नेरोथ किन्नेरोथ यो बाक्ब। ३ पूर्व नु पच्छिम डा कनानी आन पिप नु एमोरी आन पिप, हिती आन पिप, परिज्जी आन पिप, पहाड रागीम बाक्ब यबुसी आन पिप नु रागी डा हेरमान डांडा आइदी मिस्पा रागी गे बाक्ब हिथी आन पिप, नेल्ल आन कली बरेशशा सोइक्ताक्व। ४ मिनु मेको पिपपुकी नु आन लडाइ पाइब मुर नेल्ल जाक्तेक्म। मेकोपुकी ठेयब समुन्दर डा बाल्वा खोदंशो पा शुश बाक्तेक्म। मिनु मेको आन के शारापुकी नु बग्गीपुकी यो शुश बाक्तेक्म। ५ मिनु मेको पिप नेल्ल खुम्सीशा, इसराएली नु लडाइ पचा कली मेरोम माइश्शा ब्वाक्कु आ बुक्तीके आ नेक्था बाक्तेक्म।

६ मिनु परमपरभु यावेमी यहोसु कली “मेको आन कली तशा महिनीन। मारदे हना दीसा गो मेको आन कली साइश्शा, गे इसराएली इन गुइमी गेनुड। गे मेको आन शारा आन ठेयब नारी खरोइश्शा, आन बग्गी आन कली मीम करोतो” दंत। ७ मिनु यहोसु नु आ लडाइ पाइब नेल्लेमी मेरोम माइश्शा ब्वाक्कु बुक्तीके आ नेक्था जाक्दीश्शा, मेकोपुकी नु लडाइ पाम्तेक्म। ८ मिनु परमपरभु यावेमी मेको आन कली इसराएली आन गुइमी गोप्तु। मिनु इसराएलीपुकीमी मेको आन कली ठेयब सहर खोदोन नु मिसरपोत-माइम सम्म नु पूर्व डा मिस्पा दिम सम्म खंदा पा साइक्तेक्म। सुइ कली यो मप्रॉनेम। यहोसु १३:६ ९ मिनु यहोसुमी परमपरभु यावेमी देशो खोदंशो पा, मेको आन शारा आन ठेयब नारी खरोइश्शा, मेको आन बग्गीपुकी मीम करोइक्तु।

१० मिनु यहोसु नु इसराएलीपुकी मेकर रे लेश्शा, हासोर गरातेक्म। मेकर डा पिप कली तरवारमी साइक्तेक्म। हासोर चहिं मेको रागी डा नेल्ल क्येडा ठेयब सहर बाक्माक्त। ११ मिनु इसराएलीपुकीमी मेकर बाक्ब मुर नेल्ल आन कली तरवारमी साइक्तेक्म। मेकोपुकीमी नेल्ल आन कली खतम सेल्लेक्म। ब्रॉइशो का कली यो मप्रॉनेम। मिनु मेकोपुकीमी हासोर सहरम मी सुइक्ताक्म। यहोसु १०:४०

१२ मिनु यहोसुमी मेकर डा पिप नेल्ल आन सहर गराशा, पिप नेल्ल आन कली साइक्तु। मिनु परमपरभु यावे आ गेय पाइब मोसामी देशो खोदंशो पा नेल्ल आन कली खतम पोक्तु। १३ मिनु इसराएलीपुकीमी अरु डांडाम बाक्शा

सहर आन कली मकरोदम। यहोसुमी हासोर सहर कली ला करोडक्तु। १५ मिनु इसराएलीपुकीमी मेको सहर डा मार मार थोत्रक नु बी ब्यफ, क्यारश भंडा आंम कली वांडसाकम। तन्न मुर नल्ल आन कली साइक्तकम। नल्ल आन कली खतम सल्ल्था, का कली यो मपरोनम। ब्यवस्था २०:१०-१५ १५ दोपा परमपरभु यावमी आ गय पाइब मोसा कली अरशा बाकम, मोपा मोसामी यहोसु कली अरशो बाकमाक्त। मिनु यहोसुमी मोदंशोन पाप्तु। परमपरभु यावमी मोसा कली अरशो लोत्र यहोसुमी का सम्म यो मपरोन। नल्ल रिश्शो पा टिप्तु।

१६ मोपा यहोसुमी मेको रागी नल्ल आंम के सल्लु। तेको तेको रागी आंम के सल्लु देशा हना, पहाड, नेगेब नल्ल, गोशन नल्ल नु दिम डा रागी, अराबाह रागी नु इसराएल डा ठयब डांडा नु आ दिम, यहोसु १०:४१ १७ सडर ग्येत्य लाइब हालाक माइश्शो डांडा रे पा लेबानोन डा बेंसी हेरमोन डांडा आंइदी बाल-गाद सम्म गराशा, आंम के सल्लु। मिनु मेकर डा पिप नल्ल आन कली ग्याइश्शा साइक्तु।

१८ मिनु शुश नाक्त सम्म यहोसुमी मेको पिपपुकी नु लडाइ पाप्तु। १९ मिनु गिबोन डा मुर हिर्वीपुकी ला इसराएलीपुकी नु गारशा सल्ल्ता पांमतेकम। अरु सहर डा मुरपुकी मेकोपुकी नु गारथ मजाकम। मोपतीके इसराएलीपुकीमी सहर नल्ल नु लडाइ पा गराशा, आंम के सल्ल्तेकम। यहोसु ९:१५ २० मारद हना नल्ल आन कली खतम सल्ल्ता, दे परमपरभु यावमी मेको नल्ल आन थुं खकटा सल्ल्ता, नल्ल खतम दुम्चा कली इसराएलीपुकी नु लडाइ पतीक थुं गेप्तु। मिनु शिशो मपथु, नल्ल आन कली खतम सल्ल्पाइक्तु। परमपरभु यावमी मोसा कली अरशो सोदंशो दुम्त। परस्थान ४:२१; ब्यवस्था ७:२

२१ मिनु मेना यहोसुमी हेबरोन, देबीर, आनाब नु यहूदा आन पहाड नु इसराएली आन पहाड रागीमी बाकब अनाकीम डा मुर आन कली खतम सल्लु। यहोसुमी मेको आन कली नु आन सहर नल्ल खतम सल्लु। यहोसु १४:६-१५; ब्यवस्था ९:२ २२ इसराएली आन रागीमी अनाकीम डा मुर का सम्म यो मलीम। गाजा, गाथ नु अश्दादमी का निक्शी ला लीतेकम। १९ सामुएल १७:४; २ सामुएल २१:२२

२३ परमपरभु यावमी मोसा कली देशो सोदंशो पा यहोसुमी रागी नल्ल गराशा, आंम के सल्लु। मिनु यहोसुमी इसराएली आन थर थर डा मुर

आन कली कोत्रशा, रागी रागी योक्शा गेप्तु। मिनु नोले रागी लडाइ रे नांडसाकम। यहोसु १४:१५

ब्रुशो पिप आन नें नु आन रागी

१२ १ मिनु इसराएलीपुकीमी यर्दन डा पूर्व, अरनोन खोला रे हेरमोन डांडा सम्म नु पूर्व डा अराबाह दिम नल्ल आंम के सल्ल्तेकम। मेको ब्रुशो पिप सु सु बाक्तेकम देशा हना, २ एमोरी आन पिप सीहोन, मेको हेश्बोनमी बाकशो बाकमाक्त। मेकोमी ते ते हुकुम पाइब बाकमाक्त देशा हना, अरनोन खोला आ नक्था बाकशो आरोएर रे अरनोन खोला आ दाते रे यब्बाक खोला सम्म सासन पाइब बाकमाक्त। मेको अम्मोनी आन सांद बाक्त। मिनु मेकोमी आधा गिलाद कली यो सासन पशो बाकमाक्त। गन्ती २१:२४ ३ मिनु पूर्व गे किन्नरोथ माइश्शो समुन्दर रे अराबाह दिम नु अराबाह हिक्सी समुन्दर, बेथ-यशीमाथ नु दक्खिन गे पिस्गा डांडा आधी रागी सम्म यो सासन पशो बाकमाक्त। ४ मेको बाशान डा पिप, ओग आ रागी बाक्त। मिनु मेको रेफाइम आन नोले डा पिप का बाकमाक्त। मेको ते ते सासन पाइबाकमाक्त देशा हना, अश्तारोथ नु एदरइमी सासन पाइबाकमाक्त। गन्ती २१:३३; ब्यवस्था ३:१०-११ ५ हेरमोन डांडा, साल्का, बाशान नल्ल, गशुरी आन सांद नु माकाथ आ मुर आन सांद सम्म नु आधा गिलाद रे लाइश्शा, हेश्बोन डा पिप सीहोन आ सांद सम्म सासन पाइबाकमाक्त।

६ परमपरभु यावे आ गय पाइब मोसा नु इसराएलीपुकीमी मेको आन कली गराशा साइक्तेकम। मिनु परमपरभु यावे आ गय पाइब मोसामी रुबेन आ थर, गाद आ थर नु मनस्से आ उइक्थ थर डा मुर आन कली “मेको रागी इन के दुम्त” दे गेप्तु। गन्ती ३२:३३

७ मिनु यहोसु नु इसराएलीपुकीमी यर्दन खोला आ पच्छिम डा पिप आन रागी तेको तेको गरातेकम देशा हना, लेबानोन बेंसी डा बाल-गाद, सडर डा ग्येत्य लां डा हालाक डांडा सम्म गरातेकम। मिनु डांडीती देशो सोदंशो पा यहोसुमी इसराएली आन थर थर डा मुर गिश बाक्नीम, दे कोत्रशा, मेको आन कली “मेको रागी इन के दुम्त” दे गेप्तु। मेको रागी तेको तेको बाक्तेकम देशा हना, ५ पहाड रागी, पच्छिम डा आइक्च डांडापुकी, अराबाह रागी, पहाड डा देम्सीलो, गोरशो रागी नु नेगेब बाक्तेकम। मेकर

तेको जात डा मुर बाक्तेकम देशा हना, हिती, एमोरी, कनानी, परिज्जी, हिब्वी नु यबुसीपुकी बाक्तेकम। मिनु बरुइब पिप तेको तेको सहर डा बाक्तेकम देशा हना, यहोसु ११:३ १ यरीको डा पिप, ए डा पिप, मको बथल आ नेकथा बाक्ब, यहोसु ६:२; यहोसु ८:२९ १० यरूसलम डा पिप, हबरोन डा पिप, यहोसु १०:- ११ यरमुथ डा पिप, लाकीश डा पिप, १२ एग्लोन डा पिप, गेजर डा पिप, १३ देबीर डा पिप, गंदर डा पिप यहोसु १३:३८; न्यायाधीस १:११ १४ होरमा डा पिप, आराद डा पिप, न्यायाधीस १:१७; गन्ती २१:१ १२ लिब्ना डा पिप, अदुल्लाम डा पिप, यहोसु १०:२९-३० १६ माकदा डा पिप, बेथल डा पिप, यहोसु १०:२८ १७ ताप्पुआह डा पिप, हेफेर डा पिप, यहोसु १५:५३; १सामुएल ४:१; १इतिहास ५:१६ १८ अफेक डा पिप, लशारोन डा पिप, १९ मादोन डा पिप, हासोर डा पिप, यहोसु ११:१,१० २० शिमरोन-मेरोन डा पिप, आकशाफ डा पिप, २१ तानाक डा पिप, मेगीददो डा पिप, यहोसु १७:११ २२ केदेश डा पिप, कारमलम बाक्शो योकनाम डा पिप, यहोसु १९:३७; यहोसु १९:११ २३ नाफाथ-डोरम बाक्शो डोर डांडा डा पिप, गिल्यालम बाक्शो गोथीम डा पिप, गरीक लोव्रम गिल्याल कली गालील यो देब। उत्पत्ती १४:१९ २४ नु तिरचा डा पिप बाक्तेकम। मेको नेल्ल पा ३१ जना पिप बाक्तेकम। १राजा १४:१७

### गराचा लीशो रागीपुकी

१३ मिनु यहोसु शुश खाल्पा दुम्त। मिनु परमपरभु यावमी मेको कली “गे मुल शुश खाल्पा दुम्त। रागी शुश इन के सत्त्वा माल्शो लीशो बाक्नीम। २ मिनु तेको तेको रागी लीशो बाक्तेकम देशा हना, पतिस्ती नु गेशुरी आन रागी नेल्ल, १सामुएल २७:८ ३ इजीप्त रागी डा पूर्व डा शीहोर खोला रे लाइश्शा इजीप्त आ उत्तर डा एकरोन सम्म लीशो बाक्तेकम। मेको नेल्ल कनानी आन रागी बाक्ब। मिनु पतिस्ती आन ५ जना सासन पाइब आन सहर गाजा, अश्दोद, अश्कलोन, गाथ नु एकरोन लीशो बाक्नीम। मिनु दक्खिन डा आव्यीम डा मुर आन रागी यो लीशो बाक्त। ४ मिनु दक्खिन गे कनानी आन रागी नेल्ल नु सीदानी आन मेआरा रागी रे लाइश्शा, अफेक सहर एमोरी आन सांद सम्म लीशो बाक्नीम। ५ गेबाली आन रागी, लेबानोन नेल्ल नु पूर्व गे डा हेरमोन डांडा दी

डा बाल-गाद रे लाइश्शा, लेबो-हमाथ सम्म लीशो बाक्नीम। ६ मिनु लेबानोन रे मिसरेपोत-माइम सम्म पहाड डा मुर नेल्ल नु सीदानी आन रागी लीशो बाक्नीम। गो मेको मुर नेल्ल आन कली इसराएली आन डांडती रे गरुंडनुडमी। गोम इ कली अरशा खोदेशो पा मेको रागी इसराएली आन कली योक्शा गेवो। मेको रागी आंम के सत्त्वा कली योक्शा गेमी। ७ मिनु एको रागी ९ थर नु मनस्स आ उइकथ थर कली योक्शा गेवो” दे परमपरभु यावमी यहोसु कली दंत।

### रूबेन, गाद नु मनस्स आ उइकथ थर

८ मिनु डांडती परमपरभु यावे आ गेय पाइब मोसामी मनस्स आ उइकथ थर, रूबेन आ थर नु गाद आ थर आन कली यर्दन आइक्वी हांबु पूर्वमी आन रागी गेने थुम्शो बाक्त। यहोसु १३:१५-३२ ९ तेको रागी गेशो बाक्त देशा हना, अरनोन खोला आ नेकथा बाक्शो आरोएर सहर नु दिम आ दातेमी बाक्शो मेदेबा सहर डा दिम दीबान सहर सम्म डा रागी नेल्ल गेशो बाक्त। १० मिनु हेश्बोन सहरम हुकुम पाइब एमोरी आन पिप सीहोन आ सहर नेल्ल अम्मानी आन सांद सम्म गेशो बाक्त। ११ गिलाद रागी नु गेशुरी नु माकाथी आन रागी नु हेरमोन नेल्ल नु बाशान नेल्ल रे लाइश्शा साल्का सम्म गेशो बाक्त। ब्यवस्था ३:१४; २सामुएल ३:३; २सामुएल १५:८ १२ मिनु अश्ताराथ नु एदरइमी सासन पाइब बाशान सहरम बाक्ब आग माइश्शो पिप आ रागी नेल्ल गेशो बाक्त। मेको पिप आग ला रेफाइम आन दातेमी बरांइशा लीशो बाक्माक्त। मोसामी मेको आन कली गुराशा, खरशा बाक्त। १३ तन्न इसराएलीपुकीमी गेशुरी नु माकाथ आ मुर आन कली मखेरम। मोपतीक मुल सम्म मेको गेशुरी नु माकाथी इसराएली आन दातेमी बाक्शो बाक्नीम।

१४ मोसामी लेवी आ थर कली ला रागी मगेवो। मारदे हना परमपरभु यावे आ देशो खोदेशो पा परमपरभु यावे, इसराएली आन परमपरभु कली चोशा चदेशो मेको आन भाग बाक्ब। यहोसु १३:३३; उत्पत्ती ४९:५; गन्ती १८:२०-२१

### रूबेन आ थर डा मुर आन रागी

१५ मिनु मोसामी रूबेन आ थर डा सिं सिं डा मुर गिश बाक्नीमी, दे कोव्रशा, रागी गेशो बाक्त। १६ मेको आन रागी अरनोन खोला आ नेकथा बाक्शो आरोएर सहर नु मेको दिम

आ दातेम बाकशो सहर नु मेदेबा दिम आ नकथा डा रागी नल्ल, १७ हेशबोन नु दिम डा सहर नल्ल, दीबोन, बामोथ-बाल नु बेथ-बाल-मओन, १८ याहास, केदेमोथ नु मेफा-आथ, १९ किरयथ-थाइम, सिब्मा नु बेसी डा डांडामी बाकशो संरथ-शाहार, २० बेथ-पओर, पिस्वा डा देम्सीलो, बेथ-येशोमोथ, २१ दिम डा सहर नल्ल नु एमोरी आन पिप सीहोन आ रागी नल्ल गेशो बाक्त। सीहोन हेशबोनमी सासन पाइब बाक्त। मिनु मोसामी मेको कली नु मिदयान डा सासन पाइब आन कली गराशा साइशो बाक्त। मेको सासन पाइब सु सु बाक्तेकम देशा हना, मिदयानमी बाकशो एवी, रेकम, सुर, हर नु रेबा, सीहोनमी वोइशो सासन पाइब बाक्तेकम। २२ मिनु इसराएलीपुकीमी मेकोपुकी नु बेओर आ तौ बालाम, लिंक्यु कोव्रब कली यो तरवारमी साइक्तेकम। गन्ती २२ :५ ; गन्ती ३१ :८ २३ मिनु रुबेन आ थर डा मुर आन सांद यर्दन नु आ सुर सम्म बाक्त। मेको रुबेन आ थर आन खिं खिं डा मुर आन कली गेशो सहर नु गाउंपुकी एकोन बाक्तेकम।

गाद आ थर डा मुर आन रागी

२४ मिनु मोसामी गाद आ थर डा खिं खिं डा मुर आन कली कोव्रशा, रागी गेशो बाक्त। उत्पती ४९ :१९ २५ मेको आन कली याजर नु गिलाद डा सहर नल्ल नु अम्मोनी आन आधा रागी, रब्बाह आ पूर्व डा आरोएर सम्म गेशो बाक्त। २६ मिनु हेशबोन र रामाथ-मिस्पे नु बेतोनीम सम्म नु महा-नाइम रे देबीर सहर सम्म गेशो बाक्त। २७ मिनु हेशबोन डा पिप सीहोन आ लीशो राज्य नल्ल, दिम बेथ-हाराम, बेथ-निमरा, सुक्कोथ, साफोन, यर्दन नु आ सुर मेको आ सांद बाक्त। मेको आन कली यर्दन डा पूर्व गे किन्नेरथ समुन्दर आ दक्खिन उइ सम्म गेशो बाक्त। २८ मेको गाद आ थर आन खिं खिं डा मुर आन कली कोव्रशा गेशो रागी डा सहर नु गाउंपुकी एकोन बाक्तीम।

मनस्स आ थर डा मुर आन रागी

२९ मिनु मोसामी मनस्से आ उइकथ थर कली रागी गेशो बाक्त। मेको आ खिं खिं डा मुर आन कली गिश बाक्तीम, दे कोव्रशा, रागी योक्शा गेशो बाक्त। ३० मेको आन रागी महा-नाइम रे लाइशो, बाशान नल्ल गेशो बाक्त। बाशान डा पिप ओग आ राज्य नल्ल नु बाशान डा याइर

आ सहर नल्ल पा ६० ओटा सहर गेशो बाक्त। यहोसु १७ :१ ; न्यायाधीस १० :३-४ ३१ मिनु आधा गिलाद, अशतारोथ नु एदरइ बाशान डा पिप ओग आ राज्य डा सहरपुकी मनस्स आ तौ मार्कीर आ खिं खिं डा आधा मुर आन कली आन खिं खिं कोव्रशा गिश बाक्तीमी योक्शा गेशो बाक्त।

३२ मिनु डांडती मोसामी मेको रागी नल्ल मोआब डा दिमम बाकशा योक्शा गेशो बाक्त। मेको दिम ते बाकशो बाक्त देशा हना, यरीको नु यर्दन आ पूर्व गे बाक्त। ३३ तन्न लेवी आ थर डा मुर आन कली तेकोइ रागी मगेम। मारदे हना परमपरभु यावे, इसराएली आन परमपरभु मेको आन भाग बाक्ब। यहोसु १३ :१४

मनस्स नु ९ थर आन रागी

१४ १ मिनु इसराएलीपुकीमी कनान रागी डा तेको तेको रागी आंम कली ताम्तेकम देशा हना, चदेब एलाजर, नून आ तौ यहोसु नु इसराएल डा थर नल्ल आन ठेयब मुरपुकीमी इसराएली आन थर थर आन कली रागी योक्तेकम। गन्ती ३४ :१७ २ मिनु परमपरभु यावेमी मोसा कली दोपा अरेवा, मोपा मेको ९ थर नु उइकथ थर आन कली रागी योक्शा गेशो बाक्त। गन्ती २६ :५५ ३ मारदे हना मोसामी थर निकशी नु उइकथ थर आन कली यर्दन खोला आ पूर्वम रागी गेन थुम्शा बाक्त। तन्न लेवी आन कली मेको आन दातेमी तेकोइ रागी मगेमो बाक्त। यहोसु १३ :१४,३३ ; ब्यवस्था १० :९ ४ मिनु योसेफ आ तौ मनस्स नु एफराइम निकशी थर बाक्ताकस। तन्न लेवी आन कली रागी काइ मगेमो बाक्त। मेकोपुकी बाक्चा कली सहरपुकी नु मेको आन बी ब्यफ, क्यारश मेडा योव्रचा कली इक्का रू ला तामे बाक्त। यहोसु २१ :- ५ परमपरभु यावेमी मोसा कली दोदेशो पा अरेवा, मोदेशो पा इसराएलीपुकीमी थर थर आन कली रागी योक्शा गेम्तेकम।

हेबरोन सहर कालेब कली गेशो

६ मिनु यहूदा आ थर डा वोइश मुरपुकी यहोसु बाक्तीक गिल्यालमी जाक्तेकम। मिनु कनीज्जी यपुन्ने आ तौ कालेबमी मेको कली “परमपरभु यावेमी कादेश-बारनेआमी आं नु इन पर्वमी परमपरभु आ मुर मोसा कली देशो लोव्र तुइक्नीनी। गन्ती १४ :२४ ; ब्यवस्था १ :३६ ७ गो ४० बर्स डा बाक्डानु, परमपरभु यावे आ

गेय पाइब मोसामी कादेश-बारनेआ रे एको रागी कली क्यारी पथ सोइक्ताक्व। मिनु गो क्यारी पा आं तुइश्शो लोत्र शोत्रशो नड। गन्ती १३ :६,३० ८गो नु लशो लोकबपुर्कीमी चहिं मरिम्शो लोत्र पा, मुर नेल्ल आन कली हिं पाइक्तेक्म। तन्न गो परमपरभु यावे, आं परमपरभु कली आं थुं नेल्लेमी आ नोल खोइक्ता। १। मिनु मको नाक्ती मोसामी आं कली कसम जशा ग ते गाकड, मको रागी इ कली नु इ तो, चच युइ आन कली गेना हना यो कली दुम्ल। मारद हना इ थुं नेल्लेमी परमपरभु यावे, आं परमपरभु नोल खोइक्तीवी। १०। मिनु ननीन, परमपरभु यावेमी आं कली बरांइचा गप्तु। इसराएलीपुको गोरशो रागीमी हिरसामानु, परमपरभु यावेमी मोसा कली एको लोत्र दंशो ४५ बर्स दुम्त। मिनु मुलाक्ती गो ८५ बर्स दुम्ती। ११। मिनु मोसामी आं कली सोइक्ची ना दोशो बोल्यो बाकडा, मोशोन मुलाक्ती यो बोल्यो बाक्नुड। लडाइ पचा नु खिंडगा लाडगा पचा मेना दोदंशो नडा, मुलाक्ती यो मे मोदंशोन बाक्नुड। १२। मोपतीक एको डांडा डा रागी आं कली गेने। परमपरभु यावेमी एको आ पर्वम मेनान देने थुम्तु। मिनु मेकेर अनाकीम डा मुर बाक्नीम। मिनु मेकेर गारो पाइश्शो ठेयब सहर बाक्नीम' दंशो गे नंतीनी। मिनु परमपरभु यावे गो नु बाक्त हना, परमपरभु यावे आ दंशो खोदंशो पा गो मको आन कली खरन चा'नुड' दंत। यहोसु ११ :२१

१३। मिनु यहोसुमी मको कली आसीक गेशा, यपुन्न आ तो कालेब कली हबरोन सहर गप्तु। यहोसु १५ :१३-१९; यहोसु २१ :११-१२ १४। मोपतीक मुल सम्म कनीज्जी यपुन्न आ तो कालेब आ रागी हबरोन बाक्व। मारद हना मकोमी परमपरभु यावे, इसराएली आन परमपरभु कली आ थुं नेल्लेमी आ नोल खोइश्शो बाक्त। गन्ती ३२ :१२ १५ डांइती हबरोन कली किरयथ-अरवा दंशो बाक्तेक्म। मको अरवा माइश्शो मुर अनाकीम डा मुर आन दातेमी नेल्ल क्येडा लाइश्शो मुर बाक्तेक्म। मिनु मको रागी लडाइ रे नाइसाक्व। गन्ती १३ :२२; यहोसु ११ :२३

यहूदा आ थर डा मुर आन रागी

१। मिनु योक्शा गेशो यहूदा आ खिं खिं डा १५ मुर आन रागी एदोम रागी रे दक्खिन जीन माइश्शो गोरशो रागी सम्म बाक्त। उत्पती ४९ :८-९; गन्ती ३४ :३-५ २। मको आन रागी डा दक्खिन डा सांद हिक्सी समुन्दर आ दक्खिन

रे दक्खिन गे ३ अकरब्बीम रे ग्येत्थ लाइश्शा जीन लाक्शा कादेश-बारनेआ आ दक्खिन रे ग्येत्थ लशा, हेसरोन लाक्शा, अदार सम्म जाक्दीश्शा, कारका सहर सम्म बाक्त। ४। मेकेर रे अच्मान लाक्शा इजीप्ट डा खोला रे समुन्दर जाक्दीश्शा नुष्शो बाक्त। मको रागी मको आन के दक्खिन गे डा सांद बाक्त।

५। मिनु पूर्व डा सांद चहिं हिक्सी समुन्दर यर्दन आ ओवतीक सम्म बाक्त। उत्तर डा सांद यर्दन आ ओवतीक रे लाइश्शा ६ बथ-होगला रे बथ-अराबाह आ उत्तर लाक्शा बाक्त। मिनु मको सांद खरन आ तो बोहान आ फुल्लु सम्म ग्येत्थ लशो यहोसु १८ :१७ ७ नु आकार नं पाइश्शो दिम रे दबीर नु उत्तर गे गित्याल सम्म बाक्त। गित्याल अदुम्मीम डा ग्येत्थ लतीक लां रे आइक्ची गे सम्म बाक्त। मको अदुम्मीम दिम डा दक्खिन गे बाक्व। मको सांद एन-शमेश नं पाइश्शो खोला रे लशा, एन-रोगल सम्म लशो बाक्त। २। सामुएल १७ :१७ ८ मको सांद हिन्नोम आ तो आ दिम रे यबुसी आन सहर आ दक्खिन रे ग्येत्थ खोइश्शो बाक्त। यबुसी आन सहर यरूसलेम बाक्व। मिनु मेकेर रे हिन्नोम दिम डा पच्छिम बाक्शा डांडा ग्येत्थ रे रफाइम आन दिम डा उत्तर सम्म लशो बाक्त। २। इतिहास २८ :३ १ मको सांद डांडा आ थपील रे नेप्ताआह नं पाइश्शो ब्वाक्कु बुक्तीके जाक्दीश्शा, एफरोन पहाड डा सहर सम्म जाक्दीश्शा बाक्त। लंशा मको सांद मको किरयथ-यारीम, मको कली बालाह यो दंनीम, सम्म जाक्दीश्शा बाक्त। यहोसु १५ :६०; यहोसु ९ :१७; यहोसु १८ :१५ १०। मिनु मको सांद बालाह रे पा सहर पहाड सम्म पच्छिम गे हिरब। येआरीम डांडा आ उत्तर गे डा दम्सीलो रे पा बथ-शमेश रे लुक्च लशा, तिम्नाह सम्म बाक्त। मको येआरीम डांडा कली कसालोन यो दंनीम। यहोसु १९ :४३; न्यायाधीस १४ :१ ११ मको सांद लंशा एफरोन आ उत्तर गे जाक्दीश्शा बाक्त। मिनु शिक्केरोन सहरमी जाक्दीश्शा, बालाह डांडा लाक्शा, यब्नेलमी जाक्दीश्शा बाक्त। मको सांद समुन्दर सम्म बाक्त। १२। पच्छिम डा सांद चहिं ठेयब समुन्दर सम्म बाक्त। यहूदा आ थर आन खिं खिं डा मुर आन रागी एर आथ डा सांद एकोन बाक्नीम। यहोसु १४ :६-१५; न्यायाधीस १ :१०-१५

१३। मिनु परमपरभु यावेमी यहोसु कली अरंशो खोदंशो पा यहूदा आ थर डा रागी आ दातेमी

यपुन्ने आ ती कालेब कली किरयथ-अरबा गेप्टु । मेको कली हेबरोन यो दंनीम । मेको अरबा अनाक आ आफ बाक्त । १४ मिनु कालेबमी हेबरोन र अनाक आ चच युइ सां शशे, अहीमान नु तल्ले आन कली खरतीमी । १५ मिनु मंकर र दबीरमी बाक्ब मुरपुकी नु लडाइ पथ लत । डांइती दबीर कली किरयथ-सफर दंशा बाक्तकम । १६ मिनु कालेबमी “सुमी चहिं किरयथ-सफर लडाइ पा ग्राशा, स्वतम पाइबा, मेको कली आं तमी अकसा ग्युंबे पा गनुड” दंत । न्यायाधीस १:३२ १७ मिनु कालेब आ लोकब केनाज आ ती ओथ्नीएलमी मेको सहर गरात । मिनु कालेबमी ओथ्नीएल कली आ तमी अकसा ग्युंबे पा गेप्टु । न्यायाधीस ३:२

१५ अकसा ओथ्नीएल नु लम नोले, अकसामी ओथ्नीएल कली “आं आफ नु रू का पुन” दंत । मिनु अकसा आ गधा र तांडसाक्व । मिनु आ आफ कालेबमी अकसा कली “मार माल्द” दे हिल्लो पाप्टु । १६ मिनु अकसामी “आं कली रिम्शो थोत्रक का गेन । मारदे हना गे आं कली नेगब डा रू गतीनी । मुल आं कली ब्याक्कु बुक्तीक यो गेन” दंत । मिनु कालेबमी अकसा कली आइदी नु आइक्था डा ब्याक्कु बुक्तीक गेप्टु ।

२० मिनु यहूदा आ थर डा मुर आन सिं सिं डा मुर आन कली गशो रागी तेंको तेंको बाक्नीम दंशा हना, २१ यहूदा आ सिं डा मुर आन दक्खिनम बाक्शो एदोम आ सांद गे डा सहरपुकी कब्सल, एदर नु यागुर, २२ कीनाह, दिमाना नु अदादाह, २३ केदेश, हासोर नु इथ्नान, २४ जीफ, तयलेम नु बेआलोथ, २५ हासोर-हादत्ता, केरयोथ-हसरोन, मेको कली हासोर यो दंनीम, २६ अमाम, शमा नु मोलादा २७ हासार-गददा, हश्मोन नु बेथ-पेलत, २८ हासार-शुआल, बेयर-शबा नु बिज्योत्या, २९ बालाह, यीम नु एसम, ३० एल्लोतद, केसील नु होरमा, ३१ सिकलाग, मदमन्ना नु सन्सन्ना, ३२ लेबाओत, शिल्हीम, एन नु रिम्मान सहर बाक्नीम । मेको नेल्ल पा २९ ओटा सहर नु आन नेक्था डा गाउं नेल्ल यो बाक्नीम ।

३३ मिनु दिंम गे चहिं एश्ताओल, सोराह नु अश्ना, न्यायाधीस १३:२५ ; न्यायाधीस १६:३१ ३४ जानोह, एन-गन्नीम ताप्पुआह नु एनाम, ३५ यरमुथ, अदुल्लताम, सोकोह नु आजका, ३६ शा-आराइम, अदीथैम, गेदराह नु गेद-रोथैम

बाक्नीम । मेको नेल्ल पा १४ ओटा सहर नु आन नेक्था डा गाउं नेल्ल यो बाक्नीम ।

३७ मिनु सनान, हदाशा नु मिग्दल-गाद, ३८ दिलेआन, मिस्या नु योक्तल, ३९ लाकीश, बोस्कत नु एग्लोन, ४० कब्बान, लहमाम नु किल्लीश, ४१ गेद-रोथ, बेथ-दागान, नामा नु माकेदा बाक्नीम । मेको नेल्ल पा १६ ओटा सहर नु आन नेक्था डा गाउं नेल्ल यो बाक्नीम ।

४२ लिब्ना, एथर नु आशान, ४३ इफताह, अश्ना नु नेजीब, ४४ कैलाह, अकजीब नु मारशा बाक्नीम । मेको आन बाक्तीक नेल्ल पा ९ ओटा सहर बाक्नीम । यहोसु १९:२९

४५ मेको एक्रोन सहर नु आ नेक्था डा सिंपुकी नु गाउं नेल्ल, १सामुएल ५:३० ; यहोसु १९:४१-४६ ४६ एक्रोन आ पच्छिम गे डा समुन्दर सम्म अश्दोद आ नेक्था डा सहर नेल्ल नु मंकर डा गाउं नेल्ल ४७ अश्दोद नु मेको आ नेक्था डा सिंपुकी नु गाउं नेल्ल, गाजा नु मेको आ नेक्था डा सिंपुकी नु गाउं नेल्ल नु इजीप्ट डा खोला नु ठयब समुन्दर आ सुर सम्म बाक्नीम । १सामुएल ५:३ ; न्यायाधीस १:३८

४८ मिनु पहाड डा शामीर, यतीर नु सोकोह, ४९ दन्ना, किरयथ-सन्ना, मेको कली दबीर यो दंनीम, ५० आनाब, एश्तमोह नु अनीम, ५१ गोशन, होलोन नु गिलोह । मेको नेल्ल पा ११ ओटा सहर नु आन नेक्था डा गाउं नेल्ल यो बाक्नीम ।

५२ अराब, दुमा नु एशान, ५३ यानीम, बेथ-ताप्पुआह नु अफकाह, ५४ हुम्ता, किरयथ-अरबा, मेको कली हेबरोन यो दंनीम, नु सीओर बाक्नीम । मेको नेल्ल पा ९ ओटा सहर नु आन नेक्था डा गाउं नेल्ल यो बाक्नीम ।

५५ माओन, कारमेल, जीफ नु युत्ता, ५६ येजरेल, योक्दाम नु जानोह, ५७ काइन, गिबा नु तिम्नाह बाक्नीम । मेको नेल्ल पा १० ओटा सहर नु आन नेक्था डा गाउं नेल्ल यो बाक्नीम ।

५८ हल्हुल, बेथ-सुर नु गेदोर, ५९ माराथ, बेथ-अनोत नु एल्लेकोन । मिनु मेको नेल्ल पा ६ ओटा सहर नु आन नेक्था डा गाउं नेल्ल यो बाक्नीम ।

६० किरयथ-बाल, मेको कली किरयथ-यारीम यो दंनीम नु रब्बाह बाक्नीम । मेको नेल्ल पा सहर निकशी नु आस नेक्था डा गाउं नेल्ल यो बाक्नीम । यहोसु ९:१७ ; यहोसु १८:१४

६१ मिनु गोरशो रागीमी बेथ-अराबाह, मिदीन नु सेकाका ६२ निब्बान, शुश हिक्सी सेल्ब आन सहर नु एन-गेदी बाक्नीम । मेको नेल्ल पा ६ ओटा सहर नु आन नेक्था डा गाउं नेल्ल यो बाक्नीम ।

६३ तन्न यहूदा आ खिं डा मुरपुकीमी यरूसलेम सहरमी बाक्व यबुसी आन कली खरने मचबेम। मोपतीके एको यबुसीपुकी मुलाक्त सम्म यरूसलेममी यहूदा आ खिं डा मुरपुकी नु काथा बाक्नीम। यहोसु १६:२८; २सामुएल ५:६-७

योसेफ आ तौ एफराइम आ रागी

१६ मिनु योक्शा गेशो योसेफ आ खिं खिं डा मुर आन रागी तंको तंको बाक्तेकम दंशा हना, यरीको आ नेकथा डा यर्दन र यरीको खोला आ पूर्व र ग्येथ लाइब गोरशो रागी लाक्शा, बेथल डा पहाड रागी सम्म बाक्त। उत्पत्ती ४९:२२ २बेथल कली लूज यो दंनीम। मेकर र अरकी आ मुर आन रागी लाक्शा, अतारोथ सम्म जाक्दीशशो बाक्त। ३मिनु पच्छिम गे तोइशशा याफलेत आ मुर आन रागी र पा आइदी डा बेथ-होरोन नु गेजर सम्म डा समुन्दर जाक्दीशशा नुष्शो बाक्त। ४मिनु योसेफ आ तौ निक्शी, मनस्स नु एफराइम आस खिं खिं डा मुरपुकीमी आंम कली रागी ताम्तेकम।

५मिनु एफराइम आ खिं खिं डा मुर आन रागी तंको तंको बाक्तेकम दंशा हना, मेको आन के सांद पूर्व गे अतारोथ-अदार र पा आइकथा डा बेथ-होरोन सम्म बाक्त। ६मिनु मेको सांद ठेयब समुन्दर सम्म लत। उत्तर गे डा मिकमथाथ र लाइशशा, पूर्व गे तानत-शिला लाक्शा, पूर्व डा यानोह सम्म जाक्दीशशो बाक्त। ७मिनु नोले यानोह र पा अतारोथ नु नाराह सम्म तोइशशा यरीको जाक्दीशशा, यर्दन सम्म बाक्त। ८मेको सांद ताप्पुआह र पा लाइशशा पच्छिम गे कानाह खोल्सा सम्म लशा समुन्दरमी जाक्दीशशा नुष्शो बाक्त। मेको एफराइम आ खिं खिं डा मुर आन रागी बाक्व। ९एको क्येडा लाक्शा मनस्से आ खिं डा मुर आन दातेमी एफराइम आ खिं डा मुर आन कली यो सहर नु गाउपुकी गेशो बाक्त। यहोसु १७:९ १०तन्न मेकोपुकीमी गेजर सहरमी बाक्व कनानी आन कली मखेरम। मोपतीके कनानीपुकी मूल सम्म एफराइम आ मुर आन दातेमी बाक्नीम। मेकोपुकी वाइलीम वाइल दुम्शा बाक्शो बाक्नीम। न्यायाधीस १:२९; १राजा ९:३६

मनस्से आ थर डा मुर आन रागी

१७ मिनु योसेफ आ ठेयब तौ मनस्से नु मनस्से आ ठेयब तौ मार्कीर कली योक्शो रागी गिलाद नु बाशान बाक्माक्त। गिलाद आ किर्की पिपी बाक्माक्त। मेकोपुकी बाल्यो लडाइ पाइब बाक्तेकम। यहोसु १३:३१; गन्ती २६:२९ २मिनु मेको योत्रशो रागी मनस्से आ लीशो मुर आन कली बाक्त। मिनु मेको लीशो मुर सु सु बाक्तेकम दंशा हना, अबीएजर आ खिं डा मुर, हेलक आ खिं डा मुर, असरीएल आ खिं डा मुर, शंकम आ खिं डा मुर, हेफेर आ खिं डा मुर नु शमीदा आ खिं डा मुर बाक्तेकम। मेकोपुकी योसेफ आ चच युइ आन खिं खिं डा मुर बाक्तेकम। न्यायाधीस ६:११,२४; न्यायाधीस ८:३२

३तन्न मनस्से आ तौ मार्कीर, मेको आ तौ गिलाद, मेको आ तौ हेफेर नु मेको आ तौ सेलोफहाद के तमीपुकी ला बाक्तेकम, तौ मबाक्म। मेको आ तमीपुकी महलाह, नोआह, होगला, मिल्का नु तिरचा बाक्तेकम। गन्ती २६:३३; गन्ती २७:१-८; गन्ती ३६ ४मेकोपुकीमी चढेब एलाजर, नून आ तौ यहोसु नु ठेयब मुर आन डाइती जाक्शा “आंइ कली आंइ लोक्व आन दातेमीन रागी गेचा, दे परमपरभु यावेमी मोसा कली अंरशो बाक्व” दंतेकम। मिनु यहोसुमी मेको आन कली, परमपरभु यावे आ दंशा खोदंशा पा, आन बोडा बकान्छा आन दातेमी रागी गप्तु। ५मिनु मनस्से कली १० ओटा रागी गेम्तेकम। मिनु मेको कली यर्दन आ पूर्व डा गिलाद नु बाशान रागी यो तेम्शा गेम्तेकम। ६मारदे हना मनस्से आ थर डा तमीपुकीमी यो मेको आन तौ आन दातेमीन रागी ताम्तेकम। गिलाद रागी चहिं मनस्से आ अरुतौ आन रागी दुम्त।

७मनस्से आ रागी आशेर र लाइशशा शंकम आ पूर्व डा मिकमथाथ सम्म बाक्शो बाक्त। मेको सांद दक्खिन गे लशा एन-ताप्पुआह सहरमी बाक्व आन रागी सम्म जाक्दीशशो बाक्त। ८मिनु ताप्पुआह आ एर ओंथ डा रागी मनस्से के बाक्त। तन्न मनस्से आ सांदमी बाक्शो ताप्पुआह सहर चहिं एफराइम आ खिं डा मुर आन के बाक्त। ९मेको सांद दक्खिन गे कानाह खोला सम्म जाक्दीशशो बाक्त। एफराइम आ सहर आन दातेमी मनस्से आ सहरपुकी यो बाक्तेकम। तन्न मनस्से आ सांद चहिं खोला आ उत्तर गे डा समुन्दर जाक्दीशशा नुष्शो बाक्त।

१० दक्खिन गे एफराइम आ रागी बाक्त। मिनु उत्तर गे मनस्से आ रागी बाक्त। मनस्से थर आ रागी समुन्दर र लशा, उत्तर गे आशर आ रागी नु पूर्व गे इस्साकार आ रागी सम्म जाक्कीशो बाक्त।

११ इस्साकार नु आशर आस रागी आस दातेमी मनस्से आ सहर नु गाउं का निकशी यो बाक्तेकम। मेको तेको तेको बाक्तेकम देशा हना, बथ-शआन, इब्लाम नु आ एर ओथ, एन-डार, तानाक, मंगीददा नु एर ओथ डा गाउंपुकी बाक्तेकम। मेको कली डांडा सां यो देनीम। न्यायाधीस १ : २७-२८

१२ मिनु मनस्से आ थर डा मुरपुकीमी मेको सहर आंम के सल्ले मचाप्यो बाक्तेकम। मिनु कनानीपुकी मेकर बाक्शो बाक्तेकम। १३ मिनु नोल इसराएलीपुकी बोल्यो दुम्शा, मेको कनानी आन कली वाइलीम वाइल सेल्लेकम। तन्न नेल्ल आन कली मखेरम। यहोसु १६ : १०

१४ मिनु योसेफ आ सिं डा मुरपुकीमी यहोसु कली “गे मारदे आंड कली रागी का ला गेनी ? गा शुश मुर बाक्नीकी। मिनु परमपरभु यावेमी आंड कली शुश आसीक गेपु” दंतेकम।

१५ मिनु यहोसुमी मेको आन कली “गेपुकी मोदेशो शुश बाक्नीनी नु एफराइम आ पहाड रागी इन कली आइक्च दुम्त हना, परिज्जी नु रेफाइम आन रागी डा ब्वाकी कोव्रथ लने” दंत।

१६ मिनु योसेफ आ सिं डा मुरपुकीमी “पहाड रागी आंड कली मजाक्कीन्व। मिनु दिमम बाक्ब कनानीपुकी नु फलाम के बग्गी बाक्नीम। मिनु बथ-शआन, एर ओथ डा मुरपुकी नु यज्जरल आ दिममी बाक्बपुकी नु या फलाम के बग्गी बाक्नीम” दंतेकम।

१७ मिनु यहोसुमी योसेफ आ सिं डा मुर, एफराइम नु मनस्से आस मुर आन कली “गे शुश मुर नु बोल्यो यो बाक्नीनी। गे रागी का ला मताइनीनी। १८ गे पहाड ब्वाकी डा रागी यो ताइनीनी। मिनु लशा, मेको कली शुश लाइशो सम्म क्योव्रडीन। मिनु मेको इन के दुम्ब। मेको कनानीपुकी नु फलाम के बग्गी बाक्त हना नु बोल्यो बाक्तेकम हना यो, गेपुकीमी मेको आन कली खेरने चान्नीनी” दंत।

लीशो रागीपुकी योक्शा

१ मिनु इसराएल डा मुर नेल्ल शिलोमी बुक्तेकम। मेकर गरुमतीक ताम्बु कोतेकम। मेना मेको रागी मेको आन रागी दुम्शा बाक्त। न्यायाधीस २१ : १९ ; १सामुएल

१ : ३ ; येरमीया ७ : १२-१५ २तन्न इसराएली ७ थरपुकीमी आंम कली रागी मतशो बाक्तेकम।

३ मिनु यहोसुमी इसराएली आन कली “गे परमपरभु यावे, इन किकी पिपी आन परमपरभुमी इन कली गेशो रागी आंम के सल्लवा कली मार रिन्नीनी। ४ मुल गेपुकीमी थर थर र सां सां मुरपुकी योव्रडीन। गो मेको आन कली रागी कोव्रथ सोइक्नुड। मिनु मेकोपुकी लशा, आंम आंम रागी दोदेशो बाक्म, मेको बरेक्चा माल्नीम। मिनु नोल आं बाक्तीक लेल्लवा माल्नीम। ५ मिनु गे मेको रागी कली ७ भाग पा योक्चा माल्नीनी। यहूदा दक्खिन गे आंम रागीमी बाक्ब। योसेफ आ सिं डा मुर चहिं उत्तर गे मेको आन रागीम बाक्नीम। ६ गेपुकीमी मेको रागी कली ७ भाग पा बरेक्स बरेक्ने थुम्शा नोले, आं बाक्तीक चाक्कीन। मिनु गो परमपरभु यावे, इं परमपरभु आ डांडती मेको रागी इन कली योक्शा गेनन्नी। ७ तन्न लेवी आ थर डा मुरपुकीमी इन दातेमी रागी मताइनीम। मारदे हना परमपरभु यावे आ चदेब दुम्तीकेन मेको आन भाग बाक्ब। मिनु गाद, रूबेन नु मनस्से आ उइक्थ थरमी यर्देन आ पूर्व गे आन रागी तशो बाक्तेकम। मारदे हना परमपरभु यावे आ गेय पाइब मोसामी मेको आन कली आन रागी गेने थुम्शा बाक्त” दंत। यहोसु १३ : १४, ३३

८ मिनु मेको मुरपुकी बाक्शा लशा, मेको रागी आ बरेक्स बरेक्चा गोम्तेकम। यहोसुमी मेको आन कली दोदेशो दंम, मोदेशो पाम्तेकम। मिनु डांडती यहोसुमी “लेन, मेको रागी नेल्ल हिरसीन। मिनु मेको रागी आ बरेक्स बरेक्शा, आ बाक्तीक चाक्कीन। मिनु गो एक शिलोमी गे इन कली परमपरभु यावे आ डांडती योक्शा गेनन्नी” दंत।

९ मिनु मेकोपुकी लशा, रागी नेल्ल हिरसाकम। मिनु सहर सहर कोव्रशा, मेको रागी ७ भाग सल्लवा बरेक्ताकम। मिनु यहोसु आ बाक्तीके शिलोम लेत्तेकम। १० मिनु यहोसुमी शिलोमी परमपरभु यावे आ डांडती इसराएली थर डा सिं सिं डा मुर आन कली मेको रागी योक्शा गेपु।

बेन्यामीन आ मुर आन रागी

११ मिनु योव्रडमेनु, बेन्यामीन आ सिं सिं डा मुरपुकीमी आन रागी ताम्तेकम। मेको आन रागी यहूदा थर नु योसेफ आस थर निकशी आन दातेमी बाक्त। उत्पत्ती ४९ : २७

१२मको सांद उत्तर गे यर्दन रे पा लाइश्शा यरीको आ उत्तर डा देम्सीलो लाक्शा, पच्छिम गे डा पहाड लाक्शा गोरशो रागी बेथ-आवेन सम्म जाकदीश्शो बाक्त। यहोसु ७:२ १३मकेर रे मको सांद दक्खिन डा लूज डा देम्सीलो लाक्शा, अतारोथ-अदार आ आइदी जाकदीश्शो बाक्त। लूज कली बेथल यो देनीम। मको आ दक्खिन गे जाकदीश्शा, आइदी बेथ-होरान आ दक्खिन गे डा पहाड रे पा लुकच लशो बाक्त। उत्पत्ती १२:८; उत्पत्ती २८:१९

१४मिनु मको सांद मेकेर डा पहाड आ डांडती बाक्शो बेथ-होरान आ दक्खिन पच्छिम रे पा दक्खिन गे हिरशो बाक्त। मिनु किरयथ-बाल सम्म जाकदीश्शो बाक्त। किरयथ-बाल कली किरयथ-यारीम यो देनीम। मको यहूदा आ थर डा मुर आन सहर बाक्त। मको पच्छिम गे बाक्ब। यहोसु १५:६-९, ६० १५ दक्खिन गे डा सांद चहिं किरयथ-यारीम आ एर ओथ डा पच्छिम गे बाक्त। मिनु मको सांद एफरोन रे नेप्तोआह आ व्याक्कु बुक्तीकमी जाकदीश्शो बाक्त। यहोसु १५:९ १६नोले मको सांद बेन-हिन्नोम दिम आ डांडती डा डांडा आ पुं रे लाइब। मको रेफाइम आन दिम डा उत्तर गे बाक्ब। मको सांद हिन्नोम दिम गे लशा, यबुसी आन सहर आ दक्खिन डा देम्सीलो रे पा लुकच लशा एन-रोगलमी तोइश्शो बाक्त। १७मिनु उत्तर गे लशा, एन-शमेश लाक्शा, अदुम्मीम आ डांडती बाक्शो गलीलात रे रूबन आ ती बाहान आ फुल्लु सम्म जाकदीश्शो बाक्त। १८मकेर रे पा लाक्शा बेथ-अराबाह आ उत्तर डा देम्सीलो रे अराबाह रागीम जाकदीश्शा नुप्शो बाक्त। यहोसु १५:६३; न्यायाधीस १:२१ १९मको सांद बेथ-होग्ला आ उत्तर डा देम्सीलो लाक्शा यर्दन आ दक्खिन गे बाक्शो हिक्सी समुन्दर आ उत्तर डा ओवतीक सम्म लशो बाक्त। मको दक्खिन गे डा सांद बाक्ब। २०मिनु यर्दन खोला मको आ पूर्व डा सांद बाक्ब। बेन्यामीन आ खिं खिं डा मुर आन रागी डा सांद नेल्ल एकोन बाक्नीम।

२१बेन्यामीन आ खिं खिं डा मुरपुकीमी तेको तेको सहर ताम्तेकम देशा हना, यरीको, बेथ-होग्ला, एमक-केसीस, २२बेथ-अराबाह, समाराइम, बेथल, २३आर्वीम, पारा, ओफरा, २४केफार-अम्मोनी, ओप्नी, गेबा मको आन के बाक्तीक नेल्ल पा १२ ओटा सहर नु मको आन गाउंपुकी बाक्तेकम।

२५ गिबोन, रामाह, बेयरोथ, २६मिस्था, केफीरा, मोचाह, २७रेकेम, इरपेल, तरालाह, २८जेला, हा-एलेफ, यबुसी आन सहर, मको कली यरूसलेम यो देनीम, गिबा नु किरयथ-यारीम बाक्नीम। मको आन के बाक्तीक नेल्ल पा १४ ओटा सहर नु आन गाउंपुकी बाक्तेकम। मको बेन्यामीन आन खिं खिं डा मुर आन रागी बाक्ब।

सिमियोन आ मुर आन रागी

१मिनु नोले योव्रडमेनु, सिमियोन आ खिं खिं डा मुरपुकीमी आन रागी ताम्तेकम। मको आन रागी यहूदा आ खिं खिं डा मुर आन रागी आ दातेमी बाक्त। उत्पत्ती ४९:५ २मको आन रागी तेको तेको बाक्त देशा हना, बेयर-शेबा, मको कली शेबा यो देनीम, मोलादा, उत्पत्ती २१:१४, ३१, ३३ ३हासार-शुआल, बलाह, एसम, ४एल्लोलद, बेथुल, होरमा, ५सिकलाग, बेथ-मारकाबोथ, हासार-ससाह, ६बेथ-तेबाओथ नु शाहूहेन मको आन के बाक्तीक नेल्ल पा १३ ओटा सहर नु गाउंपुकी बाक्तेकम।

७एन, रिम्मोन, एथर नु आशान। मको आन के बाक्तीक नेल्ल पा ४ ओटा सहर नु मेकेर डा गाउंपुकी बाक्तेकम। मको आन एर ओथ डा गाउं नेल्ल बालाथ-बेर, दक्खिन गे डा रामाह सम्म बाक्तेकम। ८मको सिमियोन आ थर डा खिं खिं डा मुर कोव्रशा, मको सहर नेल्ल आन एर ओथ डा गाउं बालाथ-बेर नु नगेब डा रामाह सम्म बाक्ब। ९मको सिमियोन आ खिं खिं डा मुर आन रागी बाक्त। मिनु मको आन रागी यहूदा आ खिं खिं डा मुर आन रे पा तशो बाक्तेकम। मारदे हना यहूदा थर आन रागी माल्शा क्येडा यो शुश बाक्माक्त। मोपतीक सिमियोन आ खिं खिं डा मुरपुकीमी मको आन रागी यहूदा आन रागीमी ताम्तेकम।

जबूलून आ मुर आन रागी

१०मिनु नोले योव्रडमेनु, जबूलून आ खिं खिं डा मुरपुकीमी आन रागी ताम्तेकम। मको आन सांद सारीद सम्म बाक्त। उत्पत्ती ४९:१३ ११मिनु पच्छिम गे मरलाह सम्म लशा, दब्वशत लाक्शा, योकनाम आ नेक्था डा खोला सम्म जाकदीत्त। १२सारीद रे पा लशा, पूर्व नां दाप्तीक गे किस्तोथ-ताबोर रागी रे दाबेराथमी गरूशा याफीया सम्म डोइश्शा लशो बाक्त। १३मकेर रे मको पूर्व गे लशा, गाथ-हेफेर नु एथ-कासीन सम्म जाकदीश्शा, यो रिम्मोन सम्म गरूशो

बाक्त। मेको सांद नेआह सम्म जाकदीशशो बाक्त। १४ मिनु मेको सांद हन्नातोतन उत्तर गे लशा, हिरशा इफताह-एल डा दिममी जाकदीशशा नुष्शो बाक्त। १५ मेको सांद आगाम कात्ताथ, नहालाल, शिमरोन, इदलाह नु बेथलेहेम यो बाक्तेक्म। मेको आन के बाक्तीक नेल्ल पा १२ ओटा सहर नु मेकर डा गाउंपुकी बाक्तेक्म। न्यायाधीस १:३० १६ जबूलून आ सिं सिं डा मुर आन सहर नु गाउंपुकी एकोन बाक्तेक्म।

### इस्साकार आ मुर आन रागी

१७ मिनु नोले योव्रडमेनु, इस्साकार आ सिं सिं डा मुरपुकीमी आन रागी ताम्तेक्म। १८ मेको आन सहर तेको तेको बाक्तेक्म दंशा हना, येजरल, केसुल्लोथ नु शुनेम, २ राजा ४:८ १९ हाफराइम, शीओन नु अनाहारथ, २० रब्बीत, किशयान नु एबेस, २१ रमथ, एन-गन्नीम, एन-हददाह नु बेथ-पस्सस बाक्तेक्म। २२ मेको सांद ताबोर, शहसुमा नु बेथ-शमेश सम्म जाकदीशशा, यर्दनमी नुष्शो बाक्त। मेको आन के बाक्तीक सहर नेल्ल पा १४ ओटा सहर नु मेकर डा गाउंपुकी बाक्तेक्म। २३ इस्साकार आ सिं सिं डा मुर आन सहर नु गाउंपुकी एकोन बाक्तेक्म।

### आशेर आ मुर आन रागी

२४ मिनु नोले योव्रडमेनु, आशेर आ सिं सिं डा मुरपुकीमी आन रागी ताम्तेक्म। मेको आन रागी तेको तेको बाक्तेक्म दंशा हना, उत्पत्ती ४९:२० २५ हल्काथ, हाली, बेतन नु आकशाफ, २६ अल्लाम्मलेक, अमाद नु मिशाल बाक्तेक्म। मिनु मेको सांद पच्छिममी कारमेल नु शीहोर-लिब्नाथ सम्म जाकदीशशा बाक्त। २७ मिनु नोले पूर्व गे बेथ-दागोन गे लशा, जबूलून नु इफताह-एल डा दिम सम्म जाकदीशशा बाक्त। मेको उत्तर गे डा बेथ-एमेक नु नेइल लशा, पेरा गे काबुल रागीमी गुरूशो बाक्त। २८ मिनु एबरोन, रेहोब, हम्मोन नु कानाह सहर रे पा ठेयब सीदोन सम्म जाकदीशशा बाक्त। २९ मिनु मेको सांद रामाह नु गारो पाइशशा टायर सहर गे हिरशा बाक्त। मेको सांद लशा, होसाह गे समुन्दर आ नेकथा डा अकजीब सहरमी नुष्शो बाक्त। यहोसु १५:४४; न्यायाधीस १:३१ ३० उम्मा, अफेकाह नु रेहोब, नेल्ल पा मेको आन के २२ ओटा सहर नु मेकर डा गाउंपुकी बाक्तेक्म। ३१ आशेर आ सिं सिं डा मुर आन सहर नु गाउंपुकी एकोन बाक्तेक्म।

### नाप्ताली आ मुर आन रागी

३२ मिनु नोले योव्रडमेनु, नाप्ताली आ सिं सिं डा मुरपुकीमी आन रागी ताम्तेक्म। उत्पत्ती ४९:२१ ३३ मेको आन सांद हेलेफ, सा-अनानीममी बाक्शो ठेयब रवा, अदामी-नेकब लाक्शा, यब्बल र लक्कुम सम्म लशा, यर्दनमी नुष्शो बाक्त। ३४ मेको सांद पच्छिममी अच्नाथ-ताबोर र लाइशशा, हुक्कोकमी गुरूशो बाक्त। मिनु मेको दक्खिन गे जबूलून सम्म, पच्छिम गे आशेर सम्म, नु पूर्व गे यहूदा आ यर्दन सम्म जाकदीशशा बाक्त। ३५ मिनु गारो पाइशशा सहरपुकी चहिं सिददीम, सर, हम्मथ, रक्कत, किन्नरथ, ३६ आदामाह, रामाह, हासोर, ३७ केदेश, एदरेइ, एन-हासोर ३८ इरोन, मिग्दल-एल, होरम, बेथ-अनात नु बेथ-शमेश बाक्तेक्म। मेको नेल्ल पा मेको आन के १९ ओटा सहर नु मेकर डा गाउंपुकी बाक्तेक्म। न्यायाधीस १:३३ ३९ मिनु मेको नाप्ताली आ सिं सिं डा मुर आन सहर नु गाउंपुकी एकोन बाक्तेक्म।

### दान आ मुर आन रागी

४० मिनु नोले योव्रडमेनु, दान आ सिं सिं डा मुरपुकीमी आन रागी ताम्तेक्म। मेको आन रागी तेको तेको बाक्तेक्म दंशा हना, उत्पत्ती ४९:१६ १९ साराह, एशताओल नु इर-शमेश, ४२ शा-आलब्बीन, आइयालोन नु इथ्नाह, ४३ एलोन, तिम्नाह नु एकोन, यहोसु १५:१० ४४ एल-तेक, गिब्बथान नु बालाथ, ४५ यहूद, बेन-बराक नु गाथ-रिम्मान, ४६ मे-यारकोन, रक्कोन नु योप्पा आ डाइती डा रागी बाक्तेक्म। योना १:३ ४७ मिनु दान आ सिं सिं डा मुर मेको रागी गराचा कली श्यत जाम्तेक्म। मिनु मेकोपुकीमी लेशम सहरमी लशा, लडाइ पा तरवारमी मुर नेल्ल आन कली साइशशा गरातेक्म। मेकोपुकी मेको सहरमी बाक्शा, मेको कली आंम किकी आ ने दान वोइक्तेक्म। न्यायाधीस १८:२७-२९ ४८ मिनु मेको दान आ सिं सिं डा मुर आन सहर नु गाउंपुकी एकोन बाक्तेक्म।

### यहोसु आ रागी

४९ मिनु मेकोपुकीमी रागी नेल्ल योव्रशा, योक्ने थुम्म नोले इसराएलीपुकीमी नून आ तौ यहोसु कली मेको आन दातेम रागी गाम्तेक्म। ५० परमपरभु यावेमी दंशा सांदंशा पा यहोसुमी

पुंइशा एफराइम डा पहाड रागी डा तिम्नाथ-सराह सहर मेको कली गम्तेकम । मिनु यहोसुमी सहर सल्था मेकेन बाक्त । यहोसु २४:३० ; न्यायाधीस २:९

११ मिनु चढेब एलाजर, नून आ तौ यहोसु नु इसराएली आन थर थर डा ठेयब मुर नेल्ल परमपरभु याव आ डांइती शिलोम गुरुम्तीक ताम्बु आ लाप्चामी रागी नेल्ल योक्न थुम्तेकम । मोपा मेकोपुकीमी रागी योक्तीक गय यो थुम्तेकम । यहोसु १४:१ ; यहोसु १८:१

साइक्व परोक्शा बाक्तीक सहर

१ मिनु नोले परमपरभु यावेमी यहोसु कली **२०** २ "गेम इसराएली आन कली "परोक्शा बाक्तीक सहरपुकी वोइक्वा माल्लीनी" दे देंचा माल्लेवे । गो मोसा रे पा इ कली देशो खोदेशो पा पावो । गन्ती ३५:९-२९, ३मजोक्थु, मतुइक्थु सुइमी सुइ कली साइक्वु हना, मेको साइक्व मुर परोक्शा, मेको सहर लल । मेको सहर क्यक्क लेख रे पा बरोइतीक सहर दुम्ब ।

४ मिनु मेको मोदेशो सहरमी मुर साइक्व मुर परोक्त्त हना, मेको सहर डा ठेयब लाप्चामी राप्शा बाक्चा माल्ब । मिनु सहर डा ठेयब मुर आन डांइती आं लोत्र नंपदल । मिनु नोले मेकोपुकीमी मेको मुर कली सहर ओत्रचा नु बाक्तीक सिं गचा माल्लीम । मिनु मेको मुर मेकोपुकी नु बाक्चा माल्ब । ५ मिनु क्यक्क लेख मुरुमी मेको मुर साइक्व कली खदा पाप्तु हना, मेको सहर डा मुरुमी मेको मुर साइक्व मुर कली जिम्मा गचा मदुम्ब । मारदे हना मेकोमी मजोक्थु मतुइक्थु साइक्वु । ६ मिनु निसाफ दुम नोले नु मेकेर डा नेल्ल क्यडा ठेयब चढेब मवेकम सम्म मेको मुर मेको सहरमीन बाक्चा माल्ब । नोले मेको मुर आंम सहर आंम सिंमी, ते रे परोक्शा जाकम, मेकेन लेन्न चाप्ब ।

७ मिनु मेकोपुकीमी नाप्ताली आ पहाड रागी गालील डा केदेश सहर वोइक्तेकम । एफराइम पहाड रागी डा शेकेम नु यहूदा आ पहाड रागी डा किरयथ-अरबा सहर वोइक्तेकम । मेको कली ह्वेरोन यो देनीम । गरीक लोत्रम गिल्लाल कली गालील देब । यहोसु १९:३७ ; यहोसु १५:१३ ८ यर्दन नु यरीको आ पूर्व गे रुबेन आ थर आन गोरशो रागीमी बाक्शो दिम डा बेसर सहर वोइक्तेकम । गाद आ थर डा गिलाद रागीमी रामाथ सहर वोइक्तेकम । मनस्से थर आन बाशानमी गोलान सहर वोइक्तेकम । मेकोपुकी

मोपा मुर बाक्तीक सेल्लेकम । व्यवस्था ४:४१-४३ ९ सुइ इसराएली नु मेको आन दातेमी बाक्शो अर्का रागी डा मुरुमी मतुइक्थु मुर साइक्वु हना, मेको मोदेशो वोइक्शो सहरमी परोक्न चाप्ब । निसाफ दुम्चा क्यडा डांइती क्यक्क लेख मुर आन गुइ रे मेको मुर साइक्वा मपुइसक्त्त" देत ।

लेवी आन बाक्तीक सहरपुकी

१ मिनु लेवी थर डा ठेयब मुरपुकी, चढेब **२१** एलाजर, नून आ तौ यहोसु नु इसराएल थर थर डा ठेयब मुर आन डांइती बुक्तेकम । यहोसु १४:१ ; गन्ती ३५:२-८ २ मेको कनान रागी डा शिलोम बुक्शा, मेको आन कली "परमपरभु यावेमी मोसा कली अरशो खोदेशो पा, गे आंइ कली बाक्चा कली सहरपुकी नु आंइ बी ब्यफ आन कली योत्रतीक रूपुकी गचा माल्लीनी" देतेकम । ३ मिनु परमपरभु यावेमी अरशो खोदेशो पा इसराएलीपुकीमी लेवी आन कली आंम आंम रागी रे पा सहर नु बी ब्यफ, क्यारश भेडा योत्रतीक रूपुकी गम्तेकम ।

४ मिनु योत्रडमेनु, कोहाथ आ मुर आन सिं सिं डा गुरुत्कम । मेकोपुकी लेवी आ थर चढेब हारून आ चच युइ बाक्तेकम । मेकोपुकीमी यहूदा आ थर, सिमियान आ थर नु बन्यामीन आ थर रे पा १३ ओटा सहर ताम्तेकम । गन्ती ३:१७-३९ ५ तीशो सिं सिं डा कोहाथ आ चच युइमी एफराइम आ थर, दान आ थर नु मनस्से आ उइक्थ थर रे पा १० ओटा सहर ताम्तेकम ।

६ मिनु गरशान आ सिं सिं डा मुर आन चच युइमी इस्साकार आ थर, आशर आ थर, नाप्ताली आ थर नु बाशानमी बाक्ब मनस्से आ उइक्थ थर रे पा १३ सहर ताम्तेकम ।

७ मिनु मरारी आ चच युइ आन सिं सिं डा मुरुमी रुबेन आ थर, गाद आ थर नु जबूलन आ थर रे पा १२ ओटा सहर ताम्तेकम ।

८ मिनु परमपरभु यावेमी मोसा कली अरशो खोदेशो पा इसराएलीपुकीमी लेवी थर डा मुर आन कली मेको सहरपुकी नु बी ब्यफ, क्यारश भेडा योत्रतीक रू गम्तेकम ।

९ मेकोपुकीमी यहूदा आ थर डा सिं सिं डा मुर नु सिमियान आ थर डा सिं सिं डा मुरपुकीमी तेको तेको सहर ताम्तेकम देशा हना, १० लेवी आ थर डा हारून आ चच युइ, कोहाथ आ सिं सिं डा मुरपुकीमी ताम्तेकम । मारदे हना नेल्ल क्यडा डांइती योत्रडमेनु, मेको आन नें गुरुत् । ११ मिनु मेकोपुकीमी मेको आन कली यहूदा आ पहाड

रागीमी किरयथ-अरबा नु आनेकथा डा योव्रतीक रूपुकी गेम्तेकम। किरयथ-अरबा कली हेबरोन यो दनीम। मेको अरबा अनाक आ आफ बाक्त। यहोसु २० :७ १२तन्न मेकोपुकीमी मेको सहर डा रूपुकी नु मेकर डा गाउंपुकी चहिं यपुन्न आ तौ कालब कली गेशो बाक्तेकम। यहोसु १४ :३४ ; यहोसु १५ :३३

१३मिनु चद्वेब हारून आ चच युइ आन खिं खिं डा मुरपुकीमी मुर साइक्व मुर परोक्शा लशा बाक्तीक सहर हेबरोन, लिब्ना, १४यत्तीर, एशतमोआ, १५होलोन, देबीर, १६एन, युत्ता नु बेथ-शमेश नु आन बी ब्यफ, क्यारश भेडा योव्रतीक रू नेल्ल पा मेको निक्शी थर रे ९ ओटा सहर ताम्तेकम। १सामुएल ६ :१२,१५ १७मिनु बेन्यामीन आ थर रे पा गिवोन नु गेवा, १६अनाथोथ, अल्मोन नु आन बी ब्यफ, क्यारश भेडा योव्रतीक रू नेल्ल पा ४ सहर ताम्तेकम। येरमीया १ :१ ११चद्वेब हारून आ चच युइ आन खिं खिं डा मुर आन के नेल्ल पा १३ ओटा सहर नु आन बी ब्यफ, क्यारश भेडा योव्रतीक दुम्त।

२०लेवी आ थर डा कोहाथ आ खिं खिं डा लीशो मुर आन कली योव्रडमनु, एफराइम आ थर आ रागी रे पा तेको तेको सहरपुकी ताम्तेकम देशा हना, यहोसु २० :७ २१एफराइम आ पहाड रागीमी मुर साइक्व मुर बाक्तीक सहर शंकम नु गेजर, २२किब्साइम नु बेथ-होरोन, नेल्ल पा ४ ओटा सहर नु आन बी ब्यफ, क्यारश भेडा योव्रतीक रू ताम्तेकम।

२३दान आ थर रे एल-तेके, गिब्बेथोन, २४आइयालोन, गाथ-रिम्मोन, नेल्ल पा ४ ओटा सहर नु आन बी ब्यफ, क्यारश भेडा योव्रतीक रू ताम्तेकम।

२५मनस्से आ उइक्थ थर रे पा तानाक नु गाथ-रिम्मोन सहर निक्शी नु आन बी ब्यफ, क्यारश भेडा योव्रतीक रू ताम्तेकम। २६कोहाथ आ खिं खिं डा लीशो मुर आन कली १० ओटा सहर नु आन बी ब्यफ, क्यारश भेडा योव्रतीक रू गेम्तेकम।

२७मेकोपुकीमी लेवी थर डा गेरशान आ खिं खिं डा मुर आन कली मनस्से आ उइक्थ थर रे पा बाशानमी मुर साइक्व मुर परोक्शा लशा बाक्तीक सल्शो गोलान नु बयश्तराह, सहर निक्शी नु आन बी ब्यफ, क्यारश भेडा योव्रतीक रू गेम्तेकम। यहोसु २० :८ २६मिनु इस्साकार आ थर रे पा किश्यान, दावेराथ, २९यरमुथ नु एन-गन्नीम, नेल्ल पा ४ ओटा सहर नु आन

बी ब्यफ, क्यारश भेडा योव्रतीक रू गेम्तेकम। ३०मिनु आशेर आ थर रे पा मिशाल नु अब्बोन, ३१हेल्काथ नु रेहोब, नेल्ल पा ४ ओटा सहर नु आन बी ब्यफ, क्यारश भेडा योव्रतीक रू गेम्तेकम। ३२मिनु नाप्ताली आ थर रे पा गालील रागीमी मुर साइक्व मुर परोक्शा लशा बाक्तीक सहर केदेश, हम्मोथ-डार नु कारतान, नेल्ल पा सहर सां नु आन बी ब्यफ, क्यारश भेडा योव्रतीक रू गेम्तेकम। यहोसु २० :७ ३३मेको गरशानी आ सहर नेल्ल पा १३ ओटा सहर नु आन बी ब्यफ, क्यारश भेडा योव्रतीक रू गेम्तेकम।

३४मिनु लेवी आ थर डा लीशो मरारी आ खिं खिं डा मुर आन कली जबूलून आ थर रे पा योकनाम, कारताह, ३५दीम्नाह नु नहलाल, नेल्ल पा ४ ओटा सहर नु आन बी ब्यफ, क्यारश भेडा योव्रतीक रू गेम्तेकम। ३६मिनु रुबेन आ थर डा बेसर नु याहास, यहोसु २० :८ ३७केदेमोथ नु मेफा-आथ, नेल्ल पा ४ ओटा सहर नु आन बी ब्यफ, क्यारश भेडा योव्रतीक रू गेम्तेकम। ३८मिनु गाद आ थर डा मुर साइक्व मुर परोक्शा लशा बाक्तीक गिलाद रागी डा रामोथ, महानाइम, यहोसु २० :८ ३९हेशबोन नु याजेर, नेल्ल पा ४ ओटा सहर नु आन बी ब्यफ, क्यारश भेडा योव्रतीक रू गेम्तेकम।

४०मिनु लेवी आ लीशो मरारी आ खिं खिं डा मुर आन कली योव्रशा १२ ओटा सहर गेम्तेकम।

४१मिनु इसराएली आन रागी आन दातेमी लेवी आन के ४८ ओटा सहर नु आन बी ब्यफ, क्यारश भेडा योव्रतीक रू दुम्तेकम। ४२एको सहर नेल्ल आन एर ओंथ बी ब्यफ, क्यारश भेडा योव्रतीक रू बाक्तेकम।

४३मोपा परमपरमु यावेमी इसराएली आन कली "गनुड" दे मेको आन किकी पिपी आन कली जशो कसम खाप्तु। मिनु इसराएलीपुकीमी मेको रागी कली आंम के सल्शा बाक्तेकम। उत्पत्ती १२ :७ ४४मिनु परमपरमु यावेमी इसराएली आन किकी पिपी आन कली कसम जशो खोदेशो पा नेल्ल रे पा नाइक्चा गेप्तु। मेको आन जोरी सतरु नेल्ल मेको नु बरुम्तेकम। परमपरमु यावेमी मेको आन जोरी सतरु इसराएली नेल्ल आन गुइमी गेप्तु। ब्यवस्था १२ :९-१० ४५मिनु परमपरमु यावेमी पशो रिम्शा लात्र का सम्म यो मली, नेल्ल खाप्तु। यहोसु २३ :१४ ; १राजा ८ :५६

पूर्व डा वॉइश मुरपुकी सिं लेशशो

२२ १मिनु यहोसुमी रूबेन आ थर, गाद आ थर नु मनस्स आ उइक्थ थर डा वॉइश मुर आन कली बरत्ताक्व। २मिनु मको आन कली “परमपरभु यावे आ गय पाइब मोसामी इन कली अरशो नेल्ल पाइतीनी। आं अरशो लोत्र यो नेल्ल टीतीनी। गन्ती ३२ :२०-२२ ; व्यवस्था ३ :१८-२० ३गेपुकीमी शुश नाक्ती सम्म इन लोकब आन कली यो वारच पा मपरोइनी। मिनु परमपरभु यावे, इन परमपरभु कली अरशो नेल्ल टीतीनी। ४मुल परमपरभु यावे, इन परमपरभुमी आ देशो सोदेशो पा इन लोकब आन कली नाइक्चा गेशो बाक्त। मुल गेपुकी परमपरभु यावे आ गेय पाइब मोसामी इन कली यर्दन आइक्ची हांबु गेशो इन सिं सिं लेतीन। हिब्रू ४ :८ ५मुल गे परमपरभु यावे आ गेय पाइब मोसामी अरशो लोत्र होस पा पने। परमपरभु यावे, इन परमपरभु कली दाक्तीन। मको आ लां गाक्कीन। आ अरशो लोत्र टिन। मको कली मपरोनीन। गे इन थुं नेल्लेमी परमपरभु यावे आ गेय पने” दंत। व्यवस्था १० :१२

६मिनु यहोसुमी मको आन कली आसीक गेशो, सोइक्ताक्व। मिनु मकोपुकी आंम आंम सिं लाम्तेक्म। ७मनस्स आ उइक्थ थर कली मोसामी बाशानमी आंम रागी गेपु। तन्न अर्का उइक्थ थर कली यहोसुमी यर्दन आ पच्छिम गे मको आन लाक्ब नु गेपु। मिनु यहोसुमी मको आन कली आंम आंम सिंम सोइक्ची ना मको आन कली आसीक गेपु। ८मिनु मको आन कली “इन जोरी सतरु रे रोइशशो शुश शांप नु शुश बी ब्यफ, क्यारश भेडा, शुश सुन चांदी, कांसा फलाम नु शुश वासी लाइशशा, इन लोकब आन कली यो याक्शा गेचा माल्लीनी” दंत। गन्ती ३१ :२७

९मोपा रूबेन आ थर, गाद आ थर नु मनस्से आ उइक्थ थर डा वॉइश मुर कनान रागी डा शिलो रे इसराएलीपुकी नु बराशा, गिलाद रागी लेतेक्म। मको रागी परमपरभु यावे आ देशो नु मोसा आ पतीकेमी डांइती रे गराशा, आंम के सेल्शा बाक्ने थुंमशो बाक्तेक्म। १०मिनु मकोपुकी कनान रागी डा यर्दन खोला आ नेक्था गेलीलोत सहर जाक्दीतेक्म। मिनु मको रूबेन आ थर, गाद आ थर नु मनस्से आ उइक्थ थरमी यर्दन खोला नेक्था थम ठेयब चढेतीक का सेल्लेक्म।

११मिनु इसराएलीपुकीमी “रूबेन आ थर, गाद आ थर नु मनस्से आ उइक्थ थरमी कनान रागी आ सांदमी यर्दन आ नेक्था इसराएली आन रागीमी ठेयब चढेतीक का सेल्लेक्म” देशो नंतेक्म। १२मिनु इसराएलीपुकीमी मको नन्म नोले, मकोपुकी नु लडाइ पचा कली शिलामी सुम्साक्म।

१३मिनु इसराएलीपुकीमी चढेब एलाजर आ ती फिनहास कली गिलाद रागीमी रूबेन आ थर, गाद आ थर नु मनस्से आ उइक्थ थर आन बाक्तीकमी सोइक्ताक्म। गन्ती २५ :७ १४मको नु काथा इसराएल डा नेल्ल थर रे पा १० जना ठेयब मुर आन कली यो सोइक्ताक्म। १५मिनु मकोपुकी रूबेन आ थर, गाद आ थर नु मनस्से आ उइक्थ थर बाक्तीक गिलाद रागी जाक्दीशशा, मको आन कली १६ “परमपरभु यावे आ मुर नेल्लेमी भारदे गेपुकीमी परमपरभु यावे, इसराएली आन परमपरभु रे नोले शांइसीनी ? गे दोपा परमपरभु यावे रे पा डोन लशा, मको कली मटिथु, आंम कली चढेतीक सेल्नी ? लेवी १७ :८-९ ; व्यवस्था १२ :१३-१४ १७मार, पओर नु पशो पापम आंइ कली मजाक्दीम्म ? मेना परमपरभु यावे आ मुर शुश बेक्तेक्म हना यो, मको आ पाप रे गो मुल सम्म आंम कली ठीक सेल्ने मचापशो बाक्नीक। गन्ती २५ :१-९ १६मुलाक्ते गेपुकी परमपरभु यावे रे नोले शांइसीनी ? गे मुलाक्ती परमपरभु यावे कली टिचा परांइतीनी हना, मको आ दीसा इसराएली नेल्ल आन कली तशा, गाइक्ब, दे मनुइक्तीनी ? ११मिनु आंम इन रागी गरांगरा दिशो बाक्त हना, आंथ हांबु परमपरभु यावे आ रागी नु आ बाक्तीक पिशा, गोपुकी नु रागी योक्कीन। तन्न गे परमपरभु यावे नु आंइ कली मटिथु, परमपरभु यावे, इ परमपरभु आ चढेतीक क्येडा लाक्शा, आंम के चढेतीक मसेलीन। २०मिनु जेराह आ ती आकानमी मटिथु, खुइ पवानु, परमपरभु यावे आ गाइशशामी नेल्ल आन कली मार दुम्म ? आकान ला मबे, इसराएली नेल्लेमी श्येत जाम्तेक्म” दंतेक्म। यहोसु ७ :६-१३

२१मिनु रूबेन आ थर, गाद आ थर नु मनस्से आ उइक्थ थरमी इसराएल आ थर थर डा ठेयब मुर आन कली गन्ती १ :१६ ; गन्ती १० :४ २२ “परमपरभु यावे, नेल्ल क्येडा सक्ति पाइशशो परमपरभु यावमी नेल्ल तुइक्ब। गो परमपरभु यावे कली मटिशो बाक्तय हना, इसराएलीपुकीमी यो मको तुइक्तेमकल।

मुलाक्त आंइ कली सतीन। २३ गोपुकीमी परमपरभु यावे आ नोले खोइक्चा परांइशा, आम कली चढेतीक सल्शा, मेको चढेतीकेमी चोशा चढेशो, अन्न चढेशो, दुशा बाक्तीक चढेशो चढेतय हना, परमपरभु यावेमी आंइ कली सजाइ गवल्।

२४ तन्न ममाइ, गोपुकीमी मारदे एको चढेतीक सेल्लक देशा हना, इन चच युइमी आंइ चच युइ आन कली गे परमपरभु यावे, इसराएली आन परमपरभु नु मार पाइक्मुनी डा? २५ परमपरभु यावेमी यर्दन कली गो आंइ सांद सेल्शा गप्तु। गे रुबेन आ थर नु गाद आ थर परमपरभु यावे क मबाक्नीनी। मिनु इन चच युइमी आंइ चच युइ आन कली परमपरभु यावे कली मान पा हिंचा तेक्नीमी दंनीमी को।

२६ मोपतीके गोपुकीमी चढेतीक का सेल्य। चोशा चढेतीक नु अरु चढेतीक चढेचा कली ममाइ। २७ तन्न मेको चढेतीक गे नु गो आंइ दातेमी नु आंइ चच युइ आन दातेमी एको चढेतीक सांकछी दुम्त। मिनु गोपुकीमी परमपरभु यावे कली आ बाक्तीकेमी ठेयब सल्या। मिनु मेकर गो आंइ चोशा चढेशो नु दुशा बाक्तीक चढेशो चाक्शा चढेनय। मिनु इन चच युइमी गो आंइ चच युइ आन कली “गे परमपरभु यावे आ मुर मबाक्नीनी” दे दंने मचाप्नीम, दे एको चढेतीक सेल्लक। यहोसु २४:२७ २६ मिनु गोपुकीमी मेकोपुकीमी खंयप का आंइ कली कि आंइ चच युइ आन कली मांदेशो दंतक्म हना, गोपुकीमी मेको आन कली मेको आंइ किंकी पिपीमी परमपरभु यावे कली चढेतीक सल्शा थोत्रक कोत्रडीन। चोशा चढेतीक नु अरु चढेतीक चढेचा कली ममाइ, तन्न गे नु गो इं दातेमी सांकछी दुम्त दे सेल्लक।

२९ मिनु गोपुकीमी थमा पा मुलाक्ती परमपरभु यावे कली मटिथु, मेको आ नोले खोइक्चा परांइशा एको चढेतीक मसेल्लक। मेको चढेतीकेमी चोशा चढेतीक, अन्न चढेतीक नु अरु चढेतीक चढेचा कली यो मसेल्लक। परमपरभु यावे, आंइ परमपरभु आ बाक्तीक आ डांइती बाक्शो चढेतीके क्येडा लाक्शा अरु मसल्लीकी” दंतक्म।

३० मिनु चढेब फिनहास, मेको नु बाक्ब इसराएली आन ठेयब मुरपुकी नु थर थर डा ठेयब मुरपुकीमी रुबेन आ थर, गाद आ थर नु मनस्स आ उइक्थ थर आन लोत्र नंशा ग्यरसाक्म। ३१ मिनु चढेब एलाजर आ तो

फिनहासमी रुबेन, गाद नु मनस्स आ थर डा मुर आन कली “परमपरभु यावे गो आंइ दातेमी बाक्ब, दे मुलाक्ती गोपुकीमी तुइक्ताक्क। मारदे हना एको चढेतीक सल्शा कली परमपरभु यावे र पा नोले मशांइसीनी। मुल चहिं गपुकीमी इसराएली आन कली परमपरभु यावे आ गुइ र परांइतीनी” दंत। ३२ मिनु चढेब एलाजर आ तो फिनहास नु ठेयब मुर नल्ल गिलाद रागी र रुबेन नु गाद आ थर डा मुर गरुक्तीक र कनान रागी गे लेत्क्म। मिनु इसराएली आन कली मेको लोत्र नल्ल शंताक्म। ३३ मेको लोत्र नंशा नल्ल ग्यरसाक्म। मिनु परमपरभु कली “गे रिम्शो पाइब बाक्नीनी” दे ठेयब सल्लक्म। मिनु मेकोपुकीमी लंशा रुबेन नु गाद आस थर बाक्शो रागी कली खतम सेल्लीक नु लडाइ पतीक लोत्र गेनायो मपाम।

३४ मिनु रुबेन नु गाद आस थर डा मुरुमी मेको चढेतीक आ ने “सांकछी” वोइक्तेक्म। मिनु मेको आ अर्थ मार बाक्त देशा हना “गे नु गो इं दातेमी परमपरभु यावे थमा पा परमपरभु बाक्ब, दे मेको चढेतीक सांकछी बाक्ब” दंतक्म।

यहोसु आ नोले डा लोत्र

२३ १ मिनु शुश नाक्त नोले परमपरभु यावेमी इसराएली आन कली आन जोरी सतरु र पा परांइशा, नाइश्शा बाक्चा गेप्तु। मना यहोसु खाल्पा दुम्शा, शुश बर्स दुम्शो बाक्त। यहोसु २१:४४ २ मिनु यहोसुमी इसराएली नल्ल आन खाल्पा, आन ठेयब मुर, आन निसाफ पाइब नु मेको आन सासन पाइब आन कली बरत्ताक्व। मिनु मेकोमी मेको आन कली “गे मुल खाल्पा दुम्ती। शुश बर्स यो दुम्ती। ३ परमपरभु यावे, इन परमपरभुमी मेको रागी रागी डा मुर आन कली गे इन पर्वम मार मार पवा, गोपुकीमी मेको नल्ल ताइतीनी। परमपरभु यावे, इन परमपरभुमी इन पचा डा लडाइ आमान पाप्तु। ४ गोम योक्शा, लीशो रागी इन थर थर डा मुर आन कली गेता। मिनु गो यर्दन र पच्छिम गे डा ठेयब समुन्दर सम्म रागी नल्ल गराती। ५ परमपरभु यावे, इन परमपरभुमी मेको लीशो मुर आन कली इन डांइती र गरुइब। मिनु मेकोमी मेको आन कली इन डांइती र खरब। मिनु परमपरभु यावे, इन परमपरभुमी देशो खोदेशो पा, मेको आन रागी इन के सेल्लीनी।

६ गे थम बोल्यो दुर्मान। मिनु मोसा आ बरक्शो अरेशो लोत्र होस पा टिने। गे ग्युरा परा गे गेनायो

मलने। व्यवस्था ५ :२१ ७गे इन दातेमी बाकशो अर्को रागी डा मुरपुकी नु मब्वांडसीन। मेको आन देवता आन नें मथिने। मेको आन नेंमी कसम मजने। मेको आन कली पूजा मपने। मिनु मेको आन डांडती बाप्शा सज मपने। परस्थान २३ :१३-२४ ५तन्न गेपुकी मुलाक्त डा नाक्त सम्म पशो खोदेशो पा परमपरभु यावे, इन परमपरभु नु ला बाक्कीन।

१ परमपरभु यावेमी इन डांडती रे ठेयब सक्ति पाइशो रागी डा मुर आन कली खरशो बाक्ब। मिनु मुलाक्त सम्म मेको रागी डा मुर सुइमी यो ग इन कली गारान मचाप्शो बाक्तेकम। लेवी २६ :७-८ ; व्यवस्था २८ :७ १०इन मुर कामी मेको आन के हजार का मुर आन कली खरने चाप्ब। मारदे हना आ देशो खोदेशो पा इन लडाइ पचा डा परमपरभु यावे, इन परमपरभुमी पाइब। ११मोपतीके गे परमपरभु यावे, इन परमपरभु कली दाक्तीन। मिनु होस पने।

१२तन्न गे नाल शोडसाक्नी हना नु मेको रागी डा इन दातेमी लीशो मुरपुकी नु गारपाइक्तीनी हना, गे इन तमी मेको आन ती कली गेतीनी हना, इन ती कली मेको आन तमी चाक्तीनी हना नु मेको मुरपुकी नु गारशा गेय पाइतीनी हना, १३परमपरभु यावे, इन परमपरभुमी मेको रागी डा मुर आन कली इन डांडती रे मखरब, दे तुइक्तीन। तन्न मेकोपुकी इन कली ग्याइल नु ब्यारद दुम्नीम। मेकोपुकी इन ची कली युक्तीक नु इन मिक्च कली चू दुम्नीम। परमपरभु यावे, इन परमपरभुमी इन कली गेशो रिम्शा रागी रे गे मबक्नी सम्म मोदेशो दुम्ब। गन्ती ३३ :१५ ; व्यवस्था ७ :१६ ; न्यायाधीस २ :३

१४नेनीन, गो मुल मुर नेल्ल खोदेशो पा बेक्चा चिक्ताकड। मिनु परमपरभु यावे, इन परमपरभुमी इन कली देशो रिम्शा लोत्र मारइ मली। मेकोमी नेल्ल इन कली खाप्शो बाक्ब। मिनु का सम्म यो मखराइक्थु पाप्तु, दे गे इन थुं डा मिम्तीकेमी तुइक्तीनी। यहोसु २१ :४५ १५दोपा परमपरभु यावे, इन परमपरभुमी इन कली देशो रिम्शा लोत्र नेल्ल खाप्शा, मोपा परमपरभु यावेमी गे आ अरशो लोत्र मटीतीनी हना, इन कली देशो हिंच कांडतीक लोत्र यो खाप्ब। मिनु परमपरभु यावे, इन परमपरभुमी इन कली एको रिम्शा रागी रे खरशा, खतम सेल्लब। व्यवस्था २८ :१५-४७ १६गेपुकी परमपरभु यावे, इन परमपरभु आ कबल कली परांडशा, अरु देवी देवता आन कली ठेयब सेल्लय लाइतीनी हना नु मेको आन कली बाप्शा

सेज पाइतीनी हना, परमपरभु यावे शुश चुरशा, मेकोमी इन कली एको रिम्शा रागी रे रीब पा खरशा खतम सेल्लब” देत।

शेकेम सहरम पशो कबल

२४ १मिनु यहोसुमी इसराएली आन थर नेल्ल कली शकममी इसराएली आन खाल्पा, आन ठेयब मुर, आन निसाफ पाइब नु मेको आन सासन पाइब आन कली बरताक्ब। मिनु मेको नेल्ल परमपरभु आ डांडती जाक्शा बाक्तेकम।

२मिनु यहोसुमी मुर नेल्ल आन कली “परमपरभु यावे, इसराएली आन परमपरभुमी साइ नेसी इन किकी पिपी, अबराहाम नु नाहोर आ आफ तेराह युफेरटीस खोला आ आइक्ची हांबुम बाक्शो बाक्तेकम। मिनु मेकोपुकीमी अरु देवी देवता आन कली ठेयब सेल्लेकम। उत्पत्ती ११ :२६ ; उत्पत्ती ३१ :१९ ; उत्पत्ती ३५ :२ ३तन्न गो इन किकी पिपी अबराहाम कली खोला आइक्ची हांबु रे पा पित्ता। मिनु मेको कली कनान रागी नेल्ल हिरताकड। मिनु सोशा बोशा, इसहाक माइशो तो का गेता। ४मिनु इसहाक कली याक्ब नु एसाव माइशो तो निक्शी गेता। मिनु एसाव कली सइर पहाडम बाक्चा कली गेता। मिनु याक्ब नु आ तीपुकी चहिं इजीप्त रागी लाम्तेकम। उत्पत्ती ३२ :४ ; उत्पत्ती ४६ :६

५मिनु नाल गो मोसा नु हारून कली सोइक्ताकडसी। मिनु गो इजीप्त डा मुर आन कली श्येत गेता। मिनु गो इन कली मंकर रे गरुइताक्नी। परस्थान ३ :१० ६मिनु गो इन किकी पिपी आन कली इजीप्त रागी रे पा गरुइशा पित्ता। मिनु मेकोपुकी लल समुन्दर सम्म जाक्तेकम। इजीप्त डा मुरपुकीमी इन किकी पिपी आन कली शारा नु बग्गीमी लल समुन्दर सम्म खेदा पास्तेकम। परस्थान १२ :३३,३१ ७मिनु खेदा पाइब आन कली तशा मेकोपुकीमी परमपरभु यावे, आं कली “वारच पाइय्यीकी” दे आं कली थोस्तेकम। मिनु गो मेकोपुकी नु खेदा पाइब आन दातेमी छिडछिड सेल्ला। मिनु मेको खेदा पाइब नेल्ल आन कली ब्वाक्कुमी खरुम्शा साइक्तामी। गो इजीप्त रागी डा मुर आन कली मार मार पडा, गे आंमा ताइतीनी। मिनु नाले गेपुकी शुश नाक्ती सम्म गारशो रागीमी बाक्तीनी। परस्थान १४ :—

८मिनु गो इन कली यर्दन आ पूर्व एमारी आन रागीमी चाकता। मिनु मेकोपुकीमी गेपुकी नु लडाइ पाम्तेकम। मिनु गो मेको आन कली इन गुइमी गेता। गो मेको आन कली इन डांडती खतम सेल्ला। मिनु गेपुकीमी मेको आन रागी आम के सेल्लिनी। गन्ती २१:२५,३१ १मिनु मोआब डा पिप सिप्पार आ तो बालाकमी इस्राएलीपुकी नु लडाइ पचा मिम्शा, इन कली सराप पचा कली बेओर आ तो बालाम कली बरेत्थ सोइक्ताकव। गन्ती २२:- १०तन्न गो बालाम आ लोत्र मननु। मोपतीक मेकोमी इन कली आसीक गेस डा गेस पाप्नु। मिनु गो इन कली बालाम आ गुइ र पा परोइता। गन्ती २३:११,२०

११मिनु नोले गेपुकी यर्दन शोक्सीशा यरीकोमी जाकतीनी। मिनु यरीको डा मुरपुकी एमारी, परिज्जी, कनानी, हिती, गिरगाशी, हिव्वी नु यबुसीपुकीमी गेपुकी नु लडाइ पाम्तेकम। तन्न गो मेको आन कली इन गुइमी गेता। यहोसु ३:१०; यहोसु ६:१-२१ १२गो इन डांडडांडती हिकवा सोइक्ताकव। मेकोमी एमारी आन पिप निकशी आस कली खेदा पाम्तेकम। गे इन तरवार नु लिबरामी खेदा पचा ममाली। परस्थान २३:२८; यहोसु १०:१-२ १३गो इन कली इन मशाकशा रू, रागी नु इन मसेल्लो सहर गेता। मिनु गेपुकी मेकेर बाकनीनी। गेपुकीमी मखरुम्शो अडगुर रू नु तेल रवा डा फल जना जन बाकनीनी दे परमपरभुमी दंत दे यहोसुमी मुर नेल्ल आन कली दंत। व्यवस्था ६:१०-११

१४मिनु यहोसुमी “मोपतीक मुल परमपरभु यावे कली मान पा हिंशा, मेको कली थमा पा मपरोइथु, गेय पने। इन किकी पिपीमी सोला आइकची हांबु नु इजीप्त रागीमी पूजा पशो देवी देवता आन कली ताइकतीन। परमपरभु यावे कली ठेयब सेल्लिन। यहोसु २४:२; परस्थान ३२:- १५तन्न परमपरभु यावे आ ने ठेयब सेल्ला मदाकनीनी हना, सु कली ठेयब सेल्लिनी? मुलाकती योत्रडीन। गे इन किकी पिपीमी सोला आइकची हांबुम पूजा पशो देवी देवता आन कली ठेयब सेल्लिनी देय मुल बाकशो एमारी आन रागी डा देवी देवता आन कली ठेयब सेल्लिनी? योत्रडीन। तन्न गो नु आ सिं डा मुरुमी परमपरभु यावे कली ला ठेयब सेल्लिनी” दंत। व्यवस्था ६:१३-१४

१६मिनु मुरपुकीमी “गो गेनायो परमपरभु यावे कली मपरोइनीकी। मिनु अरु देवी देवता आन

कली पूजा मपाइनीकी। १७मारदे हना परमपरभु यावे, आंइ परमपरभुमी आंइ कली नु आंइ किकी पिपी आन कली इजीप्त रागीम वाइल दुम्शा सिं र गरुंडशा पिशो बाकत। मिनु मेकोमी आंइ डांडती दुम्तीक ठेयब ठेयब छक लाकवा डा गेय पाप्नु। गो ते लाइतक हना यो, परमपरभु यावेमी आंइ कली कोवना कोवना बाकत। १८मिनु परमपरभु यावेमी आंइ डांडती र एको रागीम बाकव एमारी आन कली खेरतु। मोपतीक गोपुकीमी यो परमपरभु यावे कली ठेयब सेल्लिक। मारदे हना मेको आंइ परमपरभु बाकव” दंतकम।

१९मिनु यहोसुमी मुर आन कली “गेपुकीमी परमपरभु यावे कली ठेयब सेल्ले मचान्नीनी। मारदे हना मेको का ला परमपरभु नु रुश पाइब परमपरभु बाकव। मिनु मेकोमी इन मरिम्शो पशो नु इन पाप मक्याम्ब। व्यवस्था २९:३; परस्थान २०:५ २०गेपुकीमी परमपरभु यावे कली परोइशा, अरु देवी देवता आन कली पूजा पाइतीनी हना, इन कली डांडती रिम्शा पा, नोले मरिम्शो पचा गोइब। मिनु इन कली खतम पोक्व” दंत। २१मिनु मुरपुकीमी यहोसु कली “ममाइ, गोपुकीम परमपरभु यावे कली ठेयब सेल्लिनी” दंतकम। २२मिनु यहोसुमी “गेपुकीमी परमपरभु यावे कली ठेयब सेल्लिक” देशा, गे आंमा सांकछी दुम्तीनी” दंत। मिनु मेकोपुकीमी “गो थमा पा सांकछी दुम्तक” दंतकम।

२३यहोसुमी “मुल गेपुकी नु बाकशो देवी देवता ताइकतीन। इन थुं परमपरभु यावे, इस्राएली आन परमपरभु गे हिरदीन” दंत। उत्पत्ती ३५:२; २४मिनु मुरपुकीमी यहोसु कली “गो परमपरभु यावे, आंइ परमपरभु कली ठेयब सेल्लिनी। मेको आ लोत्र टीनीक” दंतकम।

२५मेको नाकती यहोसुमी मुर आन कली कबल पाप्नु। शकममी मेको आन कली पतीक नु मपतीक नेल्ल बरेक्ताकव। २२राजा २५:३ २६मिनु यहोसुमी मेको बरेक्स नेल्ल परमपरभु आ अरेशो लोत्र बरेक्तीक किताबमी बरेक्ताकव। मिनु मेकोमी ठेयब फुल्लु का लाइशशा, परमपरभु यावे आ बाक्तीक आ नेक्था डा ठेयब रवा आ पुंम खरुक्तु। उत्पत्ती ३५:४; न्यायाधीस ९:६

२७मिनु यहोसुमी मुर नेल्ल आन कली “कोवडीन, एको फुल्लु आंइ सांकछी बाकव। परमपरभु यावेमी आंइ कली देशो लोत्र नेल्ल एको फुल्लुमी यो तुइशशा बाकव। मोपतीक

गेपुकीमी इन परमपरभु कली पुरांडतीनी हना, गे जोल पाइब बाक्नीनी, दे एको फुल्लु सांकछी बाक्ब” दंत। यहोसु २२:२७; उत्पत्ती ३१:४८ २८ मिनु यहोसुमी मेको आन कली मेको आन आंम आंम थरशो रूमी सोइक्ताक्व।

### यहोसु कली थिम्शो

२९. मेको नेल्ल दुम नोले नून आ तौ, परमपरभु यावे आ गेय पाइब यहोसु सहं का १० बर्समी बेक्त। गन्ती २७:१८-२३ ३० मिनु मेकोपुकीमी यहोसु कली गाश डांडा आ उत्तर गे एफराइम आ पहाड तिम्नाथ-सराह माइक्तीक, आंम आ रूमी थिम्तेक्म। यहोसु १९:५०

३१. इसराएलीपुकीमी यहोसु आ बुरांडतीक नाक्त सम्म परमपरभु यावे कली ठेयब सेल्लेक्म। मिनु परमपरभु यावेमी पशो

नेल्ल तशा तुइक्ब साल्पापुकी बाक्मा सम्म मेकोपुकीमी परमपरभु यावे कली ठेयब सेल्लेक्म। न्यायाधीस २:७ ३२ इसराएलीपुकीमी योसेफ आ रुश कली इज्जीप्त रागी रे लाइशशा, शकम सहरम थिम्तेक्म। याकूबमी मेको रू कली हमोर आ तोपुकी रे सहं का चांदी के शकलमी ग्याप्शा बाक्त। हमोर चहिं शकम सल्ल बाक्त। शकम योसेफ आ चच युइ आन थरशो रू दुम्त। शकल का ११:५ गुराम खोदेशो बाक्ब। उत्पत्ती ५०:२५; उत्पत्ती ३३:१९ ३३ मिनु हारून आ तौ एलाजर यो बेक्त। मेको कली गिबा सहरमी थिम्तेक्म। मेको एफराइम डा पहाड रागीमी बाक्शो सहर, मेको आ तौ फिनहास कली गेम्तेक्म। ब्यवस्था १०:६

## न्यायाधीस

बरेक्ब मुर: साइ डोंइती डा मुरपुकीमी  
“सामुएलमी एको किताब बरेक्शो बाक्ब” दंशो  
बाक्तेक्म। तन्न सामुएल आ बरांडची ना अर्का  
परमपरभु यावे आ लोत्र पाइब या बाक्तेक्म।  
मेकोपुकीमी यो एको किताब बरेक्शो बाक्म  
माइ, द यो मिन्नीम।

गेना बरेक्शो: एको किताब बरेक्ब सामुएल  
बाक्त हना, मेको खाल्त्वा दुम्मनु, बरेक्शो  
बाक्त। मारदे हना “मेना इसराएलमी पिप  
मबाक्म” दे शुश ख्यप एको किताबम बरेक्शो  
बाक्ब। न्यायाधीस १७:७; न्यायाधीस १८:३;  
न्यायाधीस १९:३; न्यायाधीस २१:२५

मार बरेक्शो: परमपरभु यावे आ गेना हना यो  
दाक्तीके नु शिशी कांडचा कली लोत्र बरेक्शो  
बाक्ब। दोपा कांडब देशा हना:

१. इसराएल डा मुरुम परमपरभु आ डोंइती  
मरिम्शो पशा बाक्तेक्म। न्यायाधीस ३:७;  
न्यायाधीस ५:

२. परमपरभुमी मेको आन कली सजाइ गेब।

३. इसराएलीपुकीमी परमपरभु कली पुंडनीम।

४. परमपरभुमी मेको आन कली श्यतरं प्रांडब  
का सोइक्ब।

५. परमपरभु गेलेशशो मुर आन कली गेना हना  
यो माफ गेब, दे शंशा बाक्ब।

### अदानी-बेसक कली ग्याइश्शा

१ यहोसु बेक्म नोले इसराएलीपुकीमी  
परमपरभु यावे कली “डोंइती आंइ दात डा  
तेको थरमी कुशा, कनानी आन कली लडाइ  
तोचा?” दे हिल्लो पाम बाक्त। उत्पत्ती  
४९:८; न्यायाधीस १८:५; न्यायाधीस  
२०:१८; प्रस्थान २८:३०; गन्ती २७:२१  
२मिनु परमपरभु यावेमी “यहूदा आ थर डा  
मुर कुचा माल्तीम। नेनीन, गो मेको रागी  
मेको आन कली गेनुड” देमाक्त। ३मिनु यहूदा  
आ लोक्ब सिमियोन कली “गे आं कली गेशो  
रागी गराचा कली वारच पथ पिबो। मोपा  
गो कनानी नु लडाइ पाइनस। नोले गो गे नु  
इ कली गेशो रागी गराचा कली वारच पथ  
लाइनुड” देमाक्त। मिनु सिमियोन आ थर  
डा मुर यहूदा आ थर डा मुर नु लमा बाक्त।  
४मिनु यहूदा आ थर डा मुरपुकीमी लडाइ पा  
परमपरभु यावेमी कनानी नु परिज्जी आन कली

मेको आन गुडम गेवा बाक्त। मेकोपुकीमी मेको  
आन कली खंदा पाम बाक्त। बेसक सहरमी १०  
हजार मुर आन कली साइश्शा गरामा बाक्त।  
५मेकर मेकोपुकीमी अदानी-बेसक माइश्शा  
पिप नु लडाइ पाम बाक्त। मेकोपुकीमी कनानी  
नु परिज्जी आन कली गरामा बाक्त। ६मिनु  
अदानी-बेसक प्रोक्माक्त। तन्न यहूदा आ थर  
डा मुरपुकीमी मेको कली खंदा पा थिश्शा, आ  
गुइ खोइल डा बांग्य खरोइश्शा गेम बाक्त।  
७मिनु अदानी-बेसकमी “गुइ खोइल डा बांग्य  
खरोइश्शा ७० जना पिपमी आं निश्शा जतीक  
रे दोक्शो जचा थोत्रक जाम्तेक्म। डोंइती गो  
दोदंशो पडा, मुल परमपरभुमी आं कली यो  
मोदंशोन पाप्नु” देमाक्त। मिनु यहूदा डा  
मुरपुकीमी मेको पिप कली यरूसलेम चाक्गमे  
बाक्त। मिनु मेको मेकर बेक्माक्त।

### यरूसलेम नु हेबरोन कली गराशा

८ यहूदा आ थर डा मुरपुकीमी यरूसलेम  
कली लडाइ पा गराशा, आंम के सल्मे बाक्त।  
मेकोपुकीमी मेकर डा मुर आन कली तरवारमी  
क्योरशा सद्म बाक्त। मिनु सहर कली मी  
सुइक्मे बाक्त। न्यायाधीस १:२१ १मिनु नोले  
यहूदा डा मुरपुकी पहाडी रागीमी, नेगब नु  
दिममी बाक्शो कनानी नु लडाइ पथ लमा  
बाक्त। यहोसु १०:४०; यहोसु ११:३६-२० १०मिनु  
मेकोपुकीमी हेबरोन डा कनानी नु लडाइ पाम  
बाक्त। मिनु शशे, अहीमान नु तल्मे कली गरामा  
बाक्त। हेबरोन आ डोंइती डा नं किरयथ-अरबा  
बाक्त। यहोसु १५:१३-१९

### ओथनीएलमी देबीर कली गराशा

११मिनु नोले देबीर डा मुरपुकी नु लडाइ  
पचा ठीक दुम्मा बाक्त। देबीर कली डोंइती  
किरयथ-सेफर देबाक्तेक्म। १२मिनु कालेबमी  
“सुम किरयथ-सेफर कली लडाइ पा गराबा,  
मेको कली आं तमी अकसा ग्युबे पा गेनुड”  
देमाक्त। यहोसु १५:१६ १३मिनु कालेब आ लोक्ब  
केनाज आ तो ओथनीएलमी किरयथ-सेफर कली  
गरामाक्त। मिनु कालेबमी आ तमी अकसा कली  
मेको नु ग्युबे पा गेवा बाक्त। यहोसु १५:१६-  
१९ १४मिनु काबु ओथनीएलमी अकसा कली “आं  
आफ ‘रू का गर्थो’ दे पुन” दे मदा बाक्त। मिनु  
अकसा आ गधा रे तोंइस बाक्त। मोपा तोइश्शा  
तशा कालेबमी “गे मार माल्दे?” दे हिल्लो पवा  
बाक्त। १५ मिनु अकसामी “आं कली मारइ गेनीनी

कों ? गे आं कली नेगेबमी रू गतीनी । मोपतीक मुल आं कली ब्वाक्कु बुक्तीक पाइश्शो रू यो गेन" देमाक्त । मिनु कालेबमी मेको कली आइदी नु आइक्था डा ब्वाक्क बुक्तीक निक्शी गेवा बाक्त ।

### यहूदा नु बेन्यामीनम गराशो

१६ मोसा आ शिउ आ सिं डा होबाब आ चच युइ, केनीपुकी नु यहूदा डा मुरपुकी खजूर रवा आ सहर र पा आराद सहर आ नेक्था डा नेगेबमी बाक्शो यहूदा डा गराशो रागीमी लमा बाक्त । मिनु मेकर बाक्ब अमालेक डा मुरपुकी नु बाक्चा गोत्रम बाक्त । न्यायाधीस ४ :११ ; गन्ती १० :२९ ; यहोसु १२ :१४ १७ मिनु यहूदा डा मुरपुकी आंम लोक्ब सिमियोन आ थर डा मुरपुकी नु लशा, सेफतमी बाक्ब कनानी आन कली लडाइ पा मेको आन सहर खतम पोक्गमे बाक्त । मोपतीके मेको सहर आ नें होरमा वोदमे बाक्त । ब्यवस्था २० :१२-१८ १८ यहूदा आ थर डा मुरपुकीमी गाजा, अश्कलोन, एकरोन सहर नु मेको आ नेक्था बाक्शो रू नेल्ल आंम के सल्मे बाक्त । १९ मिनु परमपरभु यावेमी यहूदा आ थर डा मुर आन कली वारच पतीके मेकर डा पहाडी रागी नेल्ल आंम के सल्मे बाक्त । तन्न मेकोपुकीमी दिम डा मुर आन कली खरने मचाप्त्रम बाक्त । मारदे हना मेकोपुकी नु फलाम के बग्गी बाक्मा बाक्त । २० मिनु मोसामी देशो खोदशा पा कालेब कली हेब्रोन सहर गेम बाक्त । मिनु मेकोमी अनाक आ तो सां आन कली मेकर र खरा बाक्त । यहोसु १४ :६-१५ २१ तन्न बेन्यामीन आ थर डा मुरपुकीमी यरूसलेम डा यबुसी आन कली मखरमे बाक्त । मोपतीक यबुसीपुकी मुलाक्त सम्म यरूसलेममी बेन्यामीन आ थर डा मुरपुकी नु बाक्नीम । न्यायाधीस १ :२८ ; यहोसु १५ :६३ ; यहोसु १८ :२८

### बेथेल सहर गराशो

२२ योसेफ आ थर डा मुरपुकीमी बेथेल नु लडाइ पचा कली लमा बाक्त । परमपरभु याव योसेफ आ थर डा मुरपुकी नु बाक्माक्त । २३ मेकोपुकीमी बेथेलमी क्यारी पाइब मुर सोइक्तमे बाक्त । डांडती बेथेल आ नें लूज बाक्माक्त । उत्पत्ती २८ :१९ ; यहोसु १२ :१६ २४ मेको क्यारी पाइबपुकीमी मुर का कली बेथेल सहर र गरूशो तशा, मेको कली "सहर दोपा ओव्रचा ? आंइ कली शंदीन । गो इन कली

मारइ यो मरिम्शो मपाइनीकी" देमा बाक्त । २५ मिनु मेको मुरुमी सहर दोपा ओव्रचा, मेको नेल्ल कांडदा बाक्त । मिनु योसेफ आ थर डा मुरपुकीमी मेको सहर ओव्रशा, मेकर डा मुर नेल्ल आन कली तरवारमी क्यारशा सदम बाक्त । तन्न मेको लां शोव्रब नु आ सिं डा मुर आन कली मारइ यो मपाम बाक्त । यहोसु ६ :२५ २६ मिनु मेको लां कांडब मुर हिती आन रागी लमाक्त । मिनु मेकर सहर का सल्शा, मेको सहर आ नें लूज वोदा बाक्त । मेको सहर कली मुलाक्त सम्म लूज देनीम ।

### मनस्स नु एफराइमम लडाइ गराशो

२७ मनस्से आ थर डा मुरपुकीमी बेथ-शेआन, तानाक, डोर, इब्नाम नु मंगोददो डा मुर आन कली नु मेकर डा गाउं डा मुर आन कली मखरमे बाक्त । मारदे हना कनानीपुकीमी मेकर बाक्चा थुं पामे बाक्त । यहोसु १७ :११-१३ २८ नोले इसराएलीपुकी बोल्यो दुम्शा, मेको आन कली वाइलीम वाइल सेल्ला सेल्ल बाक्मा बाक्त । तन्न मेको आन कली गेनायो मखरमे बाक्त ।

### अर्को थरपुकीमी गराशा गरांन लशा

२९ एफराइम आ थर डा मुरपुकीमी यो गेजेर सहरमी बाक्ब कनानी आन कली मखरमे बाक्त । मेकोपुकी गेना हना यो गेजेरमी बाक्मा बाक्त । यहोसु १६ :१० ३० जबूलून आ थर डा मुरपुकीमी कितरान नु नहलोल सहरमी बाक्ब कनानी आन कली मखरमे बाक्त । मिनु कनानी जबूलून डा मुर आन दातेमी बाक्शा, आन वाइलीम वाइल दुम्मा बाक्त । यहोसु १९ :१५ ३१ आशेर आ थर डा मुरपुकीमी अक्को, सीदान, अहलाब, अकजीब, हेल्बा, अफीक नु रेहाब सहरमी बाक्ब आन कली मखरमे बाक्त । ३२ मोपा आशेर आ थर डा मुरपुकी कनानी नु बाक्मा बाक्त । मारदे हना सुइ कली मखरमे बाक्त । ३३ नाप्ताली आ थर डा मुरपुकीमी बेथ-शेमेश नु बेथ-अनात सहरमी बाक्ब आन कली मखरमे बाक्त । मिनु मेकर डा कनानी नु बाक्मा बाक्त । तन्न बेथ-शेमेश नु बेथ-अनातमी बाक्ब आन कली वाइलीम वाइल सेल्ले बाक्त । यहोसु १९ :३८

३४ मिनु एमोरीपुकीमी दान आ थर डा मुर आन कली पहाडी रागी मेर सोइक्तमे बाक्त । दिममी यिचा मगमे बाक्त । ३५ एमोरीपुकीमी हार-हेरस, आइयालोन नु शा-आल्बीम सहरम बाक्चा थुं पामे बाक्त । तन्न योसेफ आ थर डा मुरपुकीमी

मको आन कली लडाइ पा गराशा, वाइलीम वाइल सेल्मे बाक्त। यहोसु १९:४२ ३६ एमारी आन सांद दक्खिन अकरब्बीम आइक्था, सला सहर र लाइशशा, मको क्यडा आइक्था सम्म लशा बाक्माक्त।

स्वर्ग डा गेय पाइबमी लोत्र पशो

१ मिनु परमपरभु यावे आ स्वर्ग डा गेय पाइब २ गिल्याल र बोकीम सहरमी कुमाक्त। मकोमी 'गो इन कली इजीप्त र गर्इताकन्नी। इन किकी पिपी आन कली 'इन कली गेनुड' देशो रागीमी चाक्तन्नी। गो गे नु पशो कबल गेना हना यो खानुड। यहोसु २४:२९-३१ २ मिनु गे एको रागी डा मुरपुकी नु काइ कबल मपने। गे मको आन चढेतीक परत्वा माल्नीनी। तन्न गे आं देशो मटिनी। लो कोत्रडीन, गे मार पनी ? मोपतीके 'इन डांइती रे मेको आन कली मखेरनुड। मेकोपुकी इन कली चू सोदंशो दुम्नीम। मिनु मेको आन देवी देवता इन कली ग्याइल सोदंशो दुम्नीम' दंनुड' दंमाक्त। ४ मोपा परमपरभु यावे आ स्वर्ग डा गेय पाइबमी दंने थुमा नोले, मेकर डा मुर नेल्ले डाक्शा रोंका पामे बाक्त। ५ मोपतीके मेको आन बाक्तीक कली बोकीम नें वोदमे बाक्त। मिनु मेकोपुकीमी मेकर परमपरभु यावे कली मार मार चढेमे बाक्त। बोकीम आ अर्थ डाक्चा बाक्ब।

यहोसु बेक्शा

६ मिनु यहोसुमी नेल्ले आन कली लचा गेवा नोले, मेकोपुकी आंम आंम थेरशा रागी आंम के सल्थ लमा बाक्त। ७ मिनु इसराएलीपुकीमी यहोसु मबेक्म सम्म परमपरभु यावे कली ठेयब सेल्मे बाक्त। मिनु परमपरभु यावेम इसराएली आन पर्वम पशो ठेयब गेय ताइब खाल्पापुकी बाक्मा सम्म यो परमपरभु यावे कली ठेयब सेल्मे बाक्त। ८ मिनु नून आ तो यहोसु, परमपरभु यावे आ वाइल सह का १० बर्समी बेक्माक्त। ९ मिनु आ थेरशा रुम थिम्मे बाक्माक्त। आरु ते बाक्त देशा हना, गाश डांडा आ उत्तर, एफराइम डा पहाडी रागीमी बाक्शा तिम्नाथ-हंरसमी बाक्माक्त। १० मेको पाला डा मुर नेल्ले बेक्मा बाक्त। मिनु मेको आन आल ठेयब दुम्मा बाक्त। मेकोपुकी परमपरभु यावे कली मतुइक्ब बाक्मा बाक्त। मिनु इसराएल डा मुर आन कली ठेयब गेय पा वारच पशो यो मतुइशशा बाक्मा बाक्त।

इसराएलीपुकीमी हंथे पशो

११ मिनु इसराएलीपुकीमी परमपरभु यावे आ डांइती मार मरिम्शा बाक्म, मेको पाम बाक्त। मेकोपुकीमी बाल देवी देवता आन कली ठेयब सेल्मे बाक्त। १२ मिनु मेको आन कली इजीप्त रागी र गर्इब, परमपरभु यावे, आंम किकी पिपी आन परमपरभु कली प्रान्मे बाक्त। मेको आन दातेमी बाक्ब जात जात डा मुर आन देवी देवता आन डांइती बाम्मा बाक्त। मोपा परमपरभु यावे कली चुरपदमे बाक्त। १३ मेकोपुकीमी परमपरभु यावे कली प्रांइशा, बाल नु अशतारोथ देवता कली ठेयब सेल्मे बाक्त। १४ मिनु परमपरभु यावेमी इसराएली आन पर्वम गाइशशा, मेको आन कली रोइक्ब आन गुइमी गेमी बाक्त। मिनु मेकोपुकीमी मेको आन मारेइ मारेइ रोइक्तेमे बाक्त। मिनु मेकोमी मेको आन कली आन नेक्था बाक्ब जोरी सतरु आन हुकुममी बाक्चा गेमे बाक्त। मोपा इसराएलीपुकीमी आन जोरी सतरु आन कली गराने मचाप्बम बाक्त। १५ गेना मेकोपुकी लडाइ पथ गरूमा, मेना परमपरभु यावेमी मेको आन कली श्येत गेमी बाक्त। मोपा परमपरभु यावेमी मेको आन कली डांइती देशो नु आ कबल पशो खबा बाक्त। मोपतीके मेकोपुकीमी शुश श्येत जामे बाक्त। लेवी २६:१७; ब्यवस्था २:१५; ब्यवस्था २८:२०; १सामुएल १२:१५

१६ मिनु नोले परमपरभु यावेमी मेको आन कली रोइक्ब आन गुइ र प्रांइचा कली निसाफ पाइब सोइक्ता बाक्त। मिनु मेको आन कली प्रांइना प्रांइन बाक्मा बाक्त। पररित १३:२० १७ तन्न मेकोपुकीमी निसाफ पाइब आन देशो लोत्र मनन्मे बाक्त। मेकोपुकीमी तेल्लेम पशो सोदंशो पा अरु देवी देवता आन नोले सोदमे बाक्त। मेको आन डांइती बाम्मा बाक्त। मेकोपुकी परमपरभु यावे आ शंशा लोत्र टीब आन किकी पिपी आन गाक्शा लां प्रांइशा, मटीब दुम्मा बाक्त। १८ गेना परमपरभु यावेमी मेको आन कली निसाफ पाइब सोइक्ता, मेना परमपरभु यावे मेको नु बाक्माक्त। मेको निसाफ पाइब मबेक्म सम्म आन जोरी सतरु र प्रांइशा वोदा बाक्त। मारदे हना परमपरभु यावेमी आन जोरी सतरु र श्येत जशा तशा शिशो पवा बाक्त। १९ तन्न निसाफ पाइब बेक्म चोटीन आन किकी पिपी क्यडा लाक्शा मरिम्शा पामे बाक्त। देवी देवता आन कली ठेयब सेल्था, मेको आन डांइती बाप्शा, मेको आन नोले सोदमे बाक्त। आन मरिम्शा

पशो परांडने मबिस्समा बाक्त । परस्थान ३२ :१  
 २० मोपतीके परमपरभु यावे इसराएलीपुकी नु  
 गाइक्ता बाक्त । मिनु “गो मेको आन किकी  
 पिपी आन कली देशो नु कवल पशो एकोपुकीमी  
 खतम सल्लकम । आं देशो लोत्र मटितीके ११ मुल  
 यहासुमी आ बक्की ना मखरशो रागी रागी डा  
 मुर कली यो इसराएली आन डांडती रे मखरनुड”  
 दे परमपरभु यावेमी देमाक्त । २२ इसराएली आन  
 किकी पिपी परमपरभु यावे आ लोम गाक्शो  
 खोदेशो पा मेकोपुकी गाक्नीमी को मगाक्नीमी,  
 दे इसराएली आन कली नाक्चा कली मेको अर्को  
 जात डा मुर मखरशो बाक्माक्त । न्यायाधीस  
 ३ :१,४ ; व्यवस्था ८ :२ २३ मोपा परमपरभु  
 यावेमी डांडती यहासु आ गुइमी मगेशो रागी  
 रागी डा मुर आन कली मोशीन प्रांडशा  
 वोइशो बाक्माक्त । न्यायाधीस १ :२८ ; मजन  
 संग्रह १०६ :३४

### इसराएली आन कली नाक्शो

३ १ मिनु परमपरभु यावेमी इसराएली आन कली  
 नाक्चा, दे रागी रागी डा मुर इसराएली आन  
 डांडती रे मखरशो बाक्माक्त । मेना इसराएली  
 आन नक पाला डा मुरपुकीम कनान रागीम लडाइ  
 पचा आ पर्वम मारइ मतुइशो बाक्मा बाक्त ।  
 न्यायाधीस २ :२२ २ मोदेशो मारइ मतुइक्व  
 इसराएली आन कली दोपा लडाइ पचा, दे शंचा  
 कली परमपरभुमी अर्को जात डा मुर आन कली  
 वोइशो बाक्माक्त । ३ मेको तेको तेको जात  
 बाक्मा बाक्त देशा हना, ५ जना हुकुम पाइब  
 पलिस्ती, कनानी नल्ल, सीदान डा मुर नल्ल  
 नु बाल-हरमोन डांडा रे लाइशशा, लेबानोन डा  
 पहाडम लेबो-हमाथ सम्म बाक्व हिर्वीपुकी  
 बाक्मा बाक्त । यहासु १३ :३ ४ मिनु परमपरभु  
 यावेमी इसराएली आन किकी पिपीम मोसा  
 कली गेशो शंतोके मेकोपुकीमी पाइनीमी कां  
 मपाइनीमी, दे नाक्चा कली मेको अर्को जात डा  
 मुर आन कली बाक्चा गेवा बाक्त ।

५ मोपा इसराएलीपुकी कनानी, हिती, एमोरी,  
 परिज्जी, हिर्वी नु यबुसी आन दातेमी बाक्शो  
 बाक्मा बाक्त । ६ मिनु मेकोपुकीमी मेको आन  
 तमीपुकी ग्युंब पा चाक्ममे बाक्त । मिनु आंम  
 तमीपुकी या मेको आन ती आन कली ग्युंब पा  
 गेम बाक्त । मिनु मेकोपुकीमी मेको आन देवी  
 देवता आन कली यो मार मार चढेशो ठेयब सल्ले  
 बाक्त । व्यवस्था ७ :३

### ओथनीएल

७ इसराएलीपुकीमी परमपरभु यावे आ  
 डांडती मार मरिम्शो बाक्म, मेको पामे बाक्त ।  
 मेकोपुकीमी परमपरभु यावे, आन परमपरभु  
 कली परंदम बाक्त । मिनु बाल नु अशराह  
 देवी आस कली ठेयब सल्ले बाक्त । ८ मिनु  
 परमपरभु यावेमी इसराएली आन कली तथा  
 गाइक्ता बाक्त । मिनु मेसापोटामीया डा  
 अराम-नहाराइम डा पिप कुशन-रिशातेम आ  
 गुइमी लेयडा बाक्त । मेकोम इसराएली  
 आन कली ८ बर्स सम्म सासन पवा बाक्त ।  
 ९ मिनु इसराएलीपुकीमी “वारच पाइय्की” दे  
 परमपरभु यावे कली थोत्रमनु, इसराएली आन  
 कली प्रांडचा, दे कनाज आ ती ओथनीएल  
 कली सोइक्ता बाक्त । मेको कालेब आ  
 लोक्व बाक्त । मिनु मेकोमी मेको आन कली  
 परोना बाक्त । न्यायाधीस १ :१३ ; यहासु  
 १५ :१७-१८ १० परमपरभु यावे आ सोक्त मेको  
 तार जाक्माक्त । मिनु मेकोमी इसराएली  
 आन कली निसाफ पवा बाक्त । मिनु मेकोमी  
 लडाइ पचा गोवा बाक्त । मिनु परमपरभु  
 यावेमी मेसापोटामीया डा पिप कुशन-रिशातेम  
 कली ओथनीएल आ गुइम गेवा बाक्त । मोपा  
 ओथनीएलमी मेको पिप कली ग्रामाक्त ।  
 न्यायाधीस ६ :३४ ११ कनाज आ ती ओथनीएल  
 मबक्म सम्म मेको रागी ४० बर्स सम्म लडाइ रे  
 नाइस बाक्त ।

### एहूद

१२ मिनु इसराएलीपुकीमी लेशा परमपरभु यावे  
 आ डांडती मार मरिम्शो बाक्म, मेको पामे  
 बाक्त । मिनु मेको आन मरिम्शो पशो आ पर्वम  
 परमपरभु यावेमी मोआब डा पिप एग्लोन कली  
 इसराएली क्येडा बोत्यो सला बाक्त । १३ मिनु  
 एग्लोनमी अम्मोनी नु अमालेक डा मुर आन  
 कली लडाइ पचा कली खुप्तीमी बाक्त । मिनु  
 इसराएली नु लडाइ पचा गोत्रमे बाक्त । मिनु  
 सजूर रवा बाक्शो सहर आंम के सल्ले बाक्त ।  
 न्यायाधीस १ :३६ १४ इसराएलीपुकी १८ बर्स  
 सम्म मोआब डा पिप एग्लोन आ सासनमी  
 बाक्मा बाक्त ।

१५ मिनु इसराएलीपुकीमी लेशा “वारच  
 पाइक्की” दे परमपरभु यावे कली थोत्रमनु,  
 परमपरभु यावेमी इसराएली आन कली श्येत रे  
 प्रांडचा कली बन्यामीन आ थर डा गेरा आ

तौ एहूद कली सोइक्ता बाक्त। मेको परा गुइम गेय पाइब बाक्त। मिनु इसराएलीपुकीमी मेको कली मोआब डा पिप एग्लोन आ बाक्तीकम तिरो थाथ्य सोइक्तमे बाक्त। १६मिनु एहूदमी आम कली कुबीत का लाइश्शा निकशी गे हेशशा क्यारतीक पाइश्शा तरवार का सल्शा, आ वा आगामी ग्युरा गे खरुइश्शा पिप्शा कुरा बाक्त। कुबीत का ०.५ मिटर कि ठयब हात का सोदंशो बाक्ब। १७मिनु नोले मेकोमी तिरो कुरब लाइश्शा, मोआब डा पिप एग्लोन आ बाक्तीक लमाक्त। एग्लोन साप्पा दोम्शो मुर का बाक्माक्त। १८मिनु मेकोमी तिरो नेल्ल पोक्शा, कुरब मुर नु गाक्माक्त। १९एहूद चहिं गित्वाल आ नेक्था बाक्शो फुल्लु के मूर्ति आन बाक्तीक रे लेशशा, पिप कली “पिप, गो इन कली खरुइश्शा लोत्र का पचा माल्लुड” देमाक्त। मिनु पिप एग्लोनम “सिक्सी पने” दे आ नेक्था बाक्ब नेल्ल आन कली लाङगा सोइक्तीमी बाक्त।

२०मिनु मेको पिप आ दरवार डा तला तारी सितल कोठामी बाक्शो बाक्माक्त। मिनु एहूद मेको आ डांडती जाक्शा “परमपरभु रे पा गो इन कली लोत्र का देंचा माल्लुड” देमाक्त। २१मिनु एग्लोन आ निक्तीके रे बोक्शा राम्माक्त। मिनु एहूदमी आ परा गुइमी आ ग्युरा गे बाक्शो तरवार गरुंइशा, मेको पिप आ कोत्रजमी तदा बाक्त। २सामुएल २०:९-१० २२मेको तरवार आ गयाइक्तीक सम्म आद्रमाक्त। मिनु कोत्रज डा बोसाम मेको तरवार नेल्ल सुमा बाक्त। मिनु पिप आ कोत्रज रे खरी गरुमाक्त। मिनु एहूदमी तरवार मगरुंइथु, परांइशा वोदा बाक्त। २३मिनु तला तारी डा कोठा डा लाप्चो चोक्शा, एग्लोन कली आगाम चोक्शा, सांचो पाइश्शा वोइश्शा, लाङगा गरुमाक्त।

२४मिनु गरुने थुमा नोले, एग्लोन आ गेय पाइब जाक्मा बाक्त। मिनु लाप्चो चोक्शो तशा “पिप डाइश्शा बाक्म को” दे मिस्तमे बाक्त। २५मेकोपुकी शुश सम्म रिम्स डा रिम्स बाक्शा, मुने यो पामे बाक्त। तन्न पिपमी तला तारी डा कोठा डा लाप्चो यो मरोक्गा बाक्त। मोपतीके मेकोपुकीमी सांचो चाक्शा, लाप्चो रोक्गामे बाक्त। मिनु आन पिप कली खपीम गोल्शा बेक्शो तामे बाक्त।

२६मोपा मेकोपुकीमी शुश रिम्शा बाक्मानु, एहूद परांक्ने थुम्शो बाक्माक्त। मेको फुल्लु के मूर्ति आन बाक्तीक लाक्शा सइरा माइक्तीकेमी

जाक्दीम्माक्त। २७मिनु एफराइम डा पहाड रागीम जाक्दीम नोले, मेकर रे मेकोमी तुराही तबा बाक्त। मिनु इसराएली मेको नु पहाड रे तोइश्शा, आ नोले खोदमे बाक्त।

२८एहूदमी “आं नोले खोतीन। मारदे हना परमपरभु यावमी इन जोरी सतरु मोआबी आन कली इन गुइमी गेशो बाक्ब” दे माइक्मी बाक्त। मोपतीक आ नोनोले तोइश्शा यिमा बाक्त। मिनु मोआबी मप्रोक्मल, दे मेको आ नेक्था डा यदेन खोला शोक्तीक आन के सल्म बाक्त। मिनु सुइ आन कली मेकर रे शोक्चा मगामे बाक्त। २९मेको नाक्ती १० हजार सोदंशो मोआबी आन कली सदमे बाक्त। मेको नेल्ल बोल्थो लडाइ पाइब बाक्मा बाक्त। मेको का यो परोक्चा मतामे बाक्त। ३०मोपा मेको नाक्ती रे इसराएलीम मोआबी आन कली हुकुम पामे बाक्त। मिनु मेको रागी ८० बर्स सम्म लडाइ रे नांडसे बाक्त।

३१एहूद आ नोले अनाथ आ तौ शाम्मार इसराएली आन निसाफ पाइब दुम्माक्त। मेकोमी ब्यफ वाक्तीक हरीसमी ६ सह पलिस्ती आन कली तुप्शा साइक्मी बाक्त। मेकोमी यो इसराएली आन कली आन जोरी सतरु रे परांइमी बाक्त। न्यायाधीस ५ : ६

### देबोरा नु बाराक

१एहूद बेक्म नोले इसराएलीपुकीमी लेशा परमपरभु याव आ डांडती मार मरिम्शो बाक्मे, मेको पामे बाक्त। २मोपतीक परमपरभु यावमी मेको आन कली हासोरमी सासन पाइब कनानी आन पिप याबीन आ गुइमी गेवा बाक्त। मेको आ लडाइ पाइब आन ठेयब मुर सीसरा माइश्शा बाक्माक्त। मेको हरोशेथ-हा-गोयीममी बाक्माक्त। यहासु ११ : २ ३मिनु लेशा इसराएलीपुकीमी परमपरभु यावे कली “चारच पाइय्यीकी” दे थोत्रम बाक्त। मारदे हना सीसरा के ९ सह फलाम के बग्गी बाक्तेक्म। मिनु इसराएली आन कली २० बर्स सम्म शुश श्येत गेशा, दिप्शा वोइश्शा बाक्माक्त।

४मेना लप्पीदोथ आ मीश, देबोरा इसराएली आन कली निसाफ पाइब दुम्शो बाक्माक्त। मेको परमपरभु यावे आ लोत्र पाइब यो बाक्माक्त। ५मेको एफराइम डा पहाडी रागी, रामाह नु बेथेल आ दातेमी बाक्शो देबोरा आ खजूर रवा आ पुंमी बाक्शो बाक्माक्त। मिनु इसराएलीपुकी निसाफ पुंइथ मेक जाक्मा बाक्त। उत्पत्ती ३५ : ८ ६मेकोमी अबीनोअम आ तौ बाराक

कली नाप्ताली डा कदेश सहर रे बरेत्थ सोइक्ता बाक्त। मिनु मेको कली परमपरभु यावे, इसराएली आन परमपरभुम इ कली “गे लशा, नाप्ताली नु जबूलन आस थर डा १० हजार मुर आन कली योत्रशा, मेको आन कली ताबोर डांडामी पिशशा पिवा। यहासु २१:३२ ७ गो चहिं याबीन आ लडाइ पाइब आन कप्तान सीसरा आ मुर नु आ बग्गीपुकी गरुइशा, किशान खोला आ नकथा चाकनुड। मिनु इन गुइमी गेनुड” दे मदा बाक्त। ५ मिनु बाराकमी देबारा कली “गे गो नु लाइतीनी हना, गो लाइनुड। गे गो नु मलाइतीनी हना, गो मलाइनुड” दे लात्र लेता बाक्त। ९ मिनु देबोरामी “थमा पा, गो गे नु लाइनुड। तन्न एको ठयब गेय आ ततीक मान गे मताइनेवे। मारदे हना परमपरभु यावेमी सीसरा कली मीश मुर का आ गुइमी गेशो बाक्व” देमाक्त। मिनु देबारा बोक्शा डा मिन बाराक नु कदेश सहरमी लमाक्त। १० बाराकमी जबूलन नु नाप्ताली आस थर डा मुर आन कली कदेश सहरमी बरेत्ता बाक्त। मोपा १० हजार लडाइ पाइबपुकीमी मेको आ नोले खोदमे बाक्त। मिनु देबारा मेको नु लमाक्त।

११ मिनु केनी डा मुर, मोसा आ शिउ होबाब आ चच युइ बाक्मा बाक्त। केनी हेबर चहिं केनी आन दाते रे बराशो बाक्माक्त। मोपा बराशा, कदेश सहर आ नकथा एलोन-बे-सा-अनानीममी बाक्शो ठयब रवा आ नकथा जाक्दीशशा, आ ताम्बु कीशा बाक्शो बाक्माक्त। न्यायाधीस १:३६; गन्ती १०:२९

१२ मिनु सीसरामी अबीनोअम आ तौ बाराक ताबोर डांडामी लशा बाक्व देशो नेना बाक्त। १३ मिनु सीसरामी आ ९ सह फलाम के बग्गी नु आ लडाइ पाइब आन कली हरोशथ-हा-गोयीम रे किशान खोलाम खुप्ता बाक्त।

१४ मिनु देबोरामी बाराक कली “बोक्को, मुलाक्त परमपरभु यावेमी सीसरा कली इ गुइमी गेशो बाक्व। परमपरभु यावे इ डाइती मगाक्वा डा?” देमाक्त। मोपतीके बाराक नु आ १० हजार लडाइ पाइब ताबोर डांडा रे बरुम्मा बाक्त। १५ मिनु परमपरभु यावेमी सीसरा नु आ बग्गी नेल्ले, आ लडाइ पाइब नेल्ले बाराक नु बरुपदा बाक्त। सीसरा चहिं आ बग्गी रे तोइशशा परोक्माक्त। न्यायाधीस ५:२०; उत्पती ३५:५; परस्थान २३:२७; ब्यवस्था २:२५; यहासु २:९-११ १६ मिनु बाराकमी बग्गीपुकी नु लडाइ पाइब आन कली हरोशथ-हा-गोयीम

सम्म खेदा पा, सीसरा आ लडाइ पाइब नेल्ले आन कली तरवारमी क्योरशा सदा बाक्त। का यो बराइचा मतामे बाक्त। १७ सीसरा चहिं खोइलीमी परोक्ना परोक्न, केनी हेबर आ मीश याएल आ ताम्बुमी जाक्माक्त। मारदे हना हासार डा पिप याबीन नु केनी हेबर डा मुरपुकी लडाइ मपथु, वारच दुमशो बाक्मा बाक्त। १८ मिनु याएल सीसरा कली गरुक्चा, दे लाडगा गरुमाक्त। मिनु मेकोमी “हजुर ओवडीन। महनीन” देमाक्त। मिनु सीसरा ताम्बु आगा ओवमाक्त। मिनु याएलमी मेको कली खरुइशशा, वाम सुमा बाक्त। १९ सीसरामी याएल कली “आं कली ब्याक्क तूचा गेन। गो साप्पा तूत दाक्ती” देमाक्त। मिनु मेकोमी दूध वोइशशा बोस का गरुइशा, मेको कली तूचा गेवा बाक्त। मिनु मेको कली वा फेक्ता बाक्त। २० मिनु सीसरामी मेको कली “ताम्बु आ लाप्चोमी राप्शा बाक्को, सुइ जाक्शा ‘एकर सुइ मुर जाक्मा?’ दे हिल्लो पाम्तेक्म हना, मजाक्म देनो” देमाक्त। २१ तन्न हेबर आ मीश याएलमी थाल्ला का नु ताम्बु डा किला का लाइशशा, निन्दरा पशो सीसरा आ नकथा लमाक्त। मिनु याएलमी सीसरा आ पियामी खप सम्म गरुक्चा डा पा किला थोक्ता बाक्त। मिनु शुश दशा, निन्दरा पा बाक्शो, सीसरा बक्माक्त। २२ मिनु बाराक सीसरा कली खेदा पा मक जाक्माक्त। मिनु याएलमी मेको कली गरुक्शा “ओवडीन, गो इन माल्थो मुर इन कली काइनुड” देमाक्त। मिनु बाराक मेको नु ताम्बु आगा ओवमाक्त। मिनु सीसरा आ पियामी किला गरुक्शा बक्शो तवा बाक्त। २३ मेको नाक्ती परमपरभुमी कनान डा पिप याबीन कली इसराएलीपुकी नु बरुपदा बाक्त। २४ मिनु इसराएलीपुकीमी कनानी पिप याबीन कली शुश श्येत गेशा, मसदमे सम्म श्येत गेमे बाक्त।

देबारा नु बाराक आस कुम्सो

१ मेको नाक्त देबारा नु अबीनोअम आ तौ बाराकमी कुम्सो पाम्से बाक्त। मेको निक्शीमी मार कुम्सा पाम्से बाक्त, देशा हना २ “इसराएल डा ठयब मुरुमी लडाइ पाइब आन कली खुल्मनु, मेकोपुकीमी आन ठयब मुर आन कली टिम्तेक्म। मोपतीके परमपरभु यावे कली ठयब सेलीन।

३ पिपपुकी, नेनीन। सासन पाइबपुकी, इन नोफा दाइक्तीन। नेनीन। गो परमपरभु यावे कली कुम्सो पाइनुड। गो परमपरभु यावे, इसराएली आन परमपरभु कली ताप्तीक का ताप्शा, कुम्सो का पाइनुड। ४ परमपरभु यावे, संडर र पा गाकनी ना, एदोम रागी र लाइतीनी, मना रागी नेल्ल खिरंखिर पाप्तु। ५ रउ यित। गोस्सुमी रउ यिपाइक्तु। ब्यवस्था ३३:२; हबकुक ३:३-६ ५ मिनु सीने डांडा डा परमपरभु यावे आ डांडती पहाडमी खिरनु कुत। परमपरभु यावे, इसराएली आन परमपरभु आ डांडती डांडा खिरंखिर पाप्तु। भजन संग्रह ६८:९

६ अनाथ आ तौ शाम्मार आ पालामी, याएल बाक्म सम्म ग्याप्ब लेयब आन हुल ठेयब लां मगाक्ब दुम्तेक्म। मुरपुकी खरुइश्शो लांमी गाक्चा गोम्तेक्म। न्यायाधीस ३:३१ ७ मिनु इसराएलीपुकीमी आन रूमी शोक्न सुप्न मचबेम। देबोरा, गे मेको आन दातेमी मजाक्डे सम्म मारइ पने मचबेम। गे इसराएली आन ममा खोदेशो पा जाक्ते। ८ इसराएलीपुकीमी नक देवी देवता आन कली ठेयब सेल्चा कली योत्रची ना सहर डा लाप्चोमी लडाइ दुम्त। मिनु ४० हजार इसराएली आन के तेक्तीक नु तरवार मबा।

९ इसराएली लडाइ पाइब आन ठेयब मुर दाक्नुड। मारद हना मेकोपुकी महिंथु, लडाइ पचा कली, दे आम कली जिम्मा गम्तेक्म। परमपरभु यावे ठेयब बाक्ब। १० बुश गधा डाइश्शा गाक्बपुकी, राडी तारी निप्बपुकी, खोइलीम गाक्ब नल्लमी यो परमपरभु यावम मेको लडाइ 'दोपा पवा' मेको शंदीन। ११ मिनु ब्याक्कु बुक्तीकेमी बाजा ताप्शा 'परमपरभु यावे आ गरातीक ठेयब बाक्ब' दे लंशा कुम्सो पाइनीम। 'मिनु इसराएल डा बोल्यो मुर आन गराशो आ परम कुम्सो पाइनीम। मिनु परमपरभु यावेमी रूम शोक्ब आन कली गरापाइक्तु' दे कुम्सो पाइनीम। मिनु परमपरभु यावे आ मुरपुकी उइ सहर डा ठेयब लाप्चोमी लाम्तेक्म।

१२ बोकको, देबोरा, बोकको, बोकशा डा मीन, कुम्सो पावो। अबीनोअम आ तौ बाराक, बोकको, इ ग्याइश्शो मुर आन कली एक रे योल्दो। १३ मिनु ठेयब मुरपुकी उइ गाक्तेक्म। परमपरभु यावे आ मुरपुकी डांडती बारशा, बोल्यो मुर नु लडाइ पचा चिक्ताक्म। १४ एफराइम आ थर डा मुर दिमम जाक्तेक्म। बेन्यामीन आ थर डा मुरपुकीमी मेको आन नोले खोइक्तेक्म। मार्कीर

रे आन ठेयब मुर यिम्तेक्म। जबूलन आ थर डा मुर आन रागी रे पिशा, आन थर डा कप्तानपुकी जाक्तेक्म। यहासु १७:१ ११ इस्साकार आ थर डा हुकुम पाइबपुकी देबोरा नु जाक्तेक्म। मिनु इस्साकार आ थर डा मुर बाराक कली मपरांडथु आ नोले खोइक्तेक्म। मकोपुकी उइ दिममी मेको आ नोले दोरशा लाम्तेक्म। मिनु रुबेन आ थर डा मुर चहिं आन दातेमी 'लचा दय मलचा' दे शुश लोत्र पा मिम्ना मिम्न थुं नाक्मुम्तेक्म। १६ मारदे गोठम बाक्नीनी? मेको योत्रब आन ताप्शा नंचा दाक्नीनी? मिनु रुबेन आ थर डा मुर आन दातेमी शुश मिम्ना मिम्न बाक्तेक्म। १७ गिलाद डा मुरपुकी यर्दन आइक्की हांबुमी बाक्तेक्म। दान आ थर डा मुरपुकी, मारदे डांगा आन नेक्था रिम्शा बाक्नीमी? मिनु आशेर आ थर डा मुरपुकी समुन्दर आ नेक्था देश पा बाक्तेक्म। मकोपुकी डांगा आन नाइक्तीकेमी मेक उइ बाक्शा बाक्तेक्म। १८ मिनु जबूलन आ थर डा मुरपुकीमी महिंथु लडाइ पाम्तेक्म। मिनु नाप्ताली आ थर डा मुरपुकीमी यो लडाइ पाम्तेक्म।

१९ कनान डा पिपपुकी लडाइ पा जाक्तेक्म। मगीददो आ नेक्था तानाक सहरमी लडाइ पाम्तेक्म। तन्न चांदी नु अरु रोइश्शो मारइ यो लाइक्चा मताम। २० मिनु सोरुलपुकीमी सरीड रे लडाइ पाम्तेक्म। मेको आन लतीक लां रे सीसरा नु लडाइ पाम्तेक्म। परस्थान १४:२५; यहासु १०:१४ २१ मिनु किशोन खोलामी सीसरा आ लडाइ पाइब आन कली योल्ताक्ब। मेको बारशो किशोन खोलाम मोदेशो पाप्तु। आं थुं महिंथु, बारशा, लडाइ पावो।

२२ मिनु शारा आन खोइल रेयके पपाइश्शा मेको साप्पा दोरतेक्म। आन खोइल ताप्शा, मेको साप्पा दोरतेक्म। २३ परमपरभु यावे आ स्वर्ग डा गेय पाइबमी भरोज कली सराप पावो। मिनु मेकेर बाक्ब मुर आन कली सराप पावो। मारद हना मेकोपुकीमी परमपरभु यावे कली मारइ यो वारच मपाम' देत।

२४ केनी हेबेर आ मीश याएल मीश मुर नेल्ल आन क्येडा आसीक ताइब दुम्ब। ताम्बुमी बाक्ब मीश मुर नेल्ल आन क्येडा आसीक ताइब बाक्ब। २५ सीसरामी ब्याक्कु पुंडतु। तन्न मेकोमी दूध गप्तु। मेको कली दारशा डफ्रामी दहिं खरताक्ब। न्यायाधीस ४:१९ २६ मिनु मेकोमी ताम्बु आ किला तुल्शा, थाल्ला का गुप्तु। मिनु सीसरा आ पियाम थोक्ताक्ब। मेको

कली आ रेक्चरे खिरश्शा साइक्तु। २७ सीसरा याएल आ खोइलीम बेक्त। मेको आ खोइलीमी गोल्ला बेक्त।

२८ मिनु सीसरा आ ममामी झेल रे चिवा पा कोव्रतु। मोपा चिवा पा कोव्रशा मेको आ बग्गी मारदे मजाकम? आ बग्गी आ रेयक मारदे मनंस? दे वाइ बरत। २९ मिनु मेकर बाक्ब नेल्ल वयडा अरब मीश मुरुमी आ देशो लोत्र आमान लेन्ना लेन्न ३० मेको आन रोइश्शो नेल्ल योक्गमे को? मुर नेल्ल कली मीश आल का कि निकशी ताइनीम को? मिनु सीसरामी रिम्शो रड पाइश्शो वा ताइवा को? आ कली बुटा आप्शो दारशो कुप्नी निकशी चाक्वा को? दे आंमा नु लोत्र पशो बाक्त।

३१ मिनु परमपरभु यावे, इन जोरी सतरु नेल्ल मोपान खतम दुम्मल। इन कली दाक्बपुकी चहिं सुनी दाप्शो नां खोदेशो पा बरशा सक्ति पाइश्शो दुम्शा, बाक्मल” दे कुम्सो पाम्से बाक्त। मिनु ४० बर्स सम्म मेको रागीमी लडाइ मदुम्माक्त। ब्यवस्था ६ : ५

### मिदयानीपुकीम श्येत गेशो

१ मिनु इसराएलीपुकीमी लेशा परमपरभु ६ यावे आ डांडती मार मरिम्शो बाक्म, मेको पामे बाक्त। मोपतीक परमपरभु यावेमी मेको आन कली ७ बर्स कली मिदयान डा मुर आन गुइमी गेवा बाक्त। २ मिनु मिदयान डा मुरपुकीमी इसराएली आन कली शुश दिप्शा, सक्ति पाइश्शो दुम्मा बाक्त। मोपतीक इसराएलीपुकी पहाड डा पुक्सी, रोंगु इर लशा, आन खरुइश्शा बाक्तीक सल्मे बाक्त। ३ इसराएलीपुकीमी वांचेर शोक्गमे चोटीन मिदयान डा मुरपुकी, अमालेक डा मुरपुकी नु पूर्व डा मुरपुकी जाक्शा, इसराएलीपुकी नु लडाइ पाइबाक्मा बाक्त। ब्यवस्था २८ : ३३ ४ मेको आन ताम्बु कीशा बाक्शा, गाजा सम्म डा बाली नाली कली खतम पोक्गमे बाक्त। मेकोपुकीमी इसराएल डा मुर आन कली जचा थोत्रक काइ महंदमे बाक्त। आन भेडा, ब्यफ नु गधा नेल्ल रोइश्शा लदमे बाक्त। ५ मेकोपुकी आंम के बी ब्यफ नु ताम्बुपुकी चाक्शा, सल्हा माले खोदेशो पा जाक्मा बाक्त। मुर नु मेको आन दलओंठ हिक्ने मचाप्वा डा पा शुश बाक्तीक, मोपा मेको रागी कली खतम पोक्गमे बाक्त। ६ मिनु मिदयान डा मुरपुकीमी इसराएली आन कली शुश परुडग सल्म बाक्त।

मिनु इसराएलीपुकीमी “वारच पाइय्यीकी” दे परमपरभु यावे कली थोत्रमे बाक्त।

७ मोपा इसराएलीपुकीमी परमपरभु यावे कली मिदयान डा मुर आन पर्वम थोत्रमे नोले ८ परमपरभु यावेमी मेको आन कली आ लोत्र पाइब का सोइक्ता बाक्त। मिनु मेकोमी “परमपरभु यावे, इसराएली आन परमपरभुम इन कली गो इन कली इजोप्ट रागी वाइलीम वाइल दुम्तीक रे परांइशा गरुइशा पिता। ९ गो इन कली इजोप्ट डा मुर आन गुइ रे नु इन कली श्येत गेब मुर आन गुइ रे परांइशा चाक्ता। मेको इन कली दिप्ब नेल्ल आन कली इन डांडती रे खरताक्मी। मिनु मेको आन रागी इन कली गेता। १० मिनु गो इन कली गो परमपरभु यावे, इन परमपरभु नड। गेपुकी एमोरी आन रागीमी बाक्तीनी हना यो, मेको आन देवी देवता आन कली ठेयब मसेलीन। तन्न गे आं लोत्र मनेनी” दे मेको परमपरभु यावे आ लोत्र पाइबमी माइक्मी बाक्त।

### गिदोन कली बरश्शो

११ मिनु परमपरभु यावे आ स्वर्ग डा गेय पाइब जाक्शा, ओफरा सहर आ नेक्था बाक्शो ठेयब रवा आ पुंम निस्से बाक्त। मेको रू अबीएजेर आ मुर योआश आ रू बाक्माक्त। योआश आ ती गिदोन चहिं मिदयान डा मुरपुकी रे खरुइक्चा कली अडगुर खराक्तीकमी चरब तुम्ना तुम्न बाक्मा बाक्त। यहासु १७ : २ १२ मिनु परमपरभु यावे आ स्वर्ग डा गेय पाइब मेको आ डांडती गरुशा मेको कली “गे महिंथु लडाइ पाइब मुर, परमपरभु यावे गे नु बाक्ब” देमाक्त। १३ मिनु गिदोनमी मेको कली “हजुर, परमपरभु यावे गोपुकी नु बाक्त हना, आंइ कली मारदे ओदेशो दुम्म? मिनु मेको आ छक लाक्चा डा गेय नेल्ल ते बाक्नीमी? आंइ किकी पिपीपुकीमी “परमपरभु यावेमी आंइ कली इजोप्ट रागी रे गरुइशा पिश्शो” दे मदंमा डा? तन्न मुल परमपरभु यावेमी आंइ कली परांइतु। मिनु आंइ कली मिदयान डा मुर आन गुइमी गेपु” देमाक्त।

१४ मिनु परमपरभु यावे मेको गे लेशा “गे महिंब नु बोल्यो बाक्नेवे। मोपतीक लावो। इसराएली आन कली मिदयान डा मुर आन गुइ रे परोनो। गो इ कली सोइक्नुड” देमाक्त। न्यायाधीस ६ : ३२ ; १सामुएल १२ : ११ ; हिबेरू ११ : ३२ १५ मिनु गिदोनमी “हजुर, गो दोपा इसराएली आन कली परांइने चान्नुडा? आं

खिं मनस्से आ थरमी नेल्ल क्येडा आइक्च बाक्ब। मिनु गो आं आफ आ खिंमी यो नेल्ल क्येडा आइक्च मुर बाक्नुड” देमाक्त। १६ मिनु परमपरभु यावेमी मको कली “गो गे नु बाक्नुड। मिनु गे मिदयानी नेल्ल आन कली साइक्नवे” देमाक्त। परस्थान ३:१२ १७ मिनु मकोमी “गो इन डॉइती शिशी ताता हना, नु गे थमा पा गो नु लात्र पाइब बाक्तीनी हना, आं कली चिन्ड का कोइदीनी। १८ गो इन कली जचा मखरेनु सम्म, गे एक रे मलन” देमाक्त। मिनु मकोमी “गे मजाक्ड सम्म गो ऐकन बाक्नुड” देमाक्त। न्यायाधीस १३:१५-१६ १९ मिनु गिदान खिं ओत्रशा, क्यारश पाठा का ठीक पवा बाक्त। एफाह का फस के बोख ओस्ती मसुप्शो शोब्ले चोवा बाक्त। मिनु श्ये डालोम कुर पा आ शेक्क चहिं बोस काम लुकशा, टेयब रवा आ पुंमी लाइशशा, मको कली खरेत्ता बाक्त। एफाह का २२ लिटर पुक्तीक बाक्ब। एफाह का ५ पाथी खोदेशो बाक्ब। लेवी ४:२८ २० मिनु परमपरभु आ स्वर्ग डा गेय पाइबमी “मको श्ये नु बोख ओस्ती मसुप्शो शोब्ले एको फुल्लु तारी वोतो। आ शेक्क चहिं आ तार मातो” देमाक्त। मिनु मोदेशोन पवा बाक्त। २१ मिनु नोले परमपरभु यावे आ स्वर्ग डा गेय पाइबमी मको श्ये नु शोब्ले कली आ गुडम बाक्शो कोक्केमी थिवा बाक्त। मिनु मको फुल्लु रे पा मी गरुशा, मको श्ये नु बोख ओस्ती मसुप्शो शोब्ले नेल्ल नेक्का बाक्त। मिनु परमपरभु यावे आ स्वर्ग डा गेय पाइब यो लमाक्त। लेवी ९:१४ २२ मिनु गिदानमी “थमा पा परमपरभु यावे आ स्वर्ग डा गेय पाइब बाक्माक्त” दे तुइक्ता बाक्त। मिनु “परमपरभु, परमपरभु यावे, आं कली वारच पाइय्यीनी। मुलाक्त परमपरभु यावे आ स्वर्ग डा गेय पाइब कली आं नेक्थान ताता” देमाक्त। न्यायाधीस १३:२२ ; परस्थान ३३:२०

२३ मिनु परमपरभु यावेमी “इ थुं नाइक्तो। महिनो। मारदे हना मवेक्नेवे” देमाक्त। २४ मिनु गिदानमी परमपरभु यावे कली चढेतीक का सेला बाक्त। मिनु आं नें “परमपरभु यावे थुं नाइक्चा गेब बाक्ब” दे नें वोदा बाक्त। मको चढेतीक मुलाक्त सम्म अबीएजेर आ मुर आन ओफरा सहरम बाक्ब।

२५ मको नाक्दो परमपरभु यावेमी गिदान कली “इ आफ आ गोठ रे ७ बर्स दुम्शो ब्यफ चाक्को। इ आफ आ बाल देवता नु आ नेक्था बाक्शो अशराह देवी आ शी के थाम परेशशा

गेवो” देमाक्त। २ राजा ११:१८ ; २ राजा २३:१२-१५ २६ मिनु “मेकेर परमपरभु यावे, इ परमपरभु कली आं देशो खोदेशो पा चढेतीक का सेलो। मिनु नोले आं कली मको ब्यफ कली इ परेशशा अशराह देवी आ शी के खोल्थो थाम तारी चोशा चढेतीक का चढेवो” देमाक्त। २७ मिनु गिदानमी आंम के १० जना गेय पाइब कली लाइशशा, परमपरभु यावे आ देशो खोदेशो पवा बाक्त। मिनु नाक्त मको गेय पचा कली आं आफ आ खिं डा मुर नु मको सहर डा मुर आन कली तशा शुश हिंमाक्त। मोपतीक मकोमी गेय नेल्ल नाक्दोमी पवा बाक्त।

२८ मिनु मको सहर डा मुरपुकी सुनी कना बोक्शा, बाल देवता आ चढेतीक परेशशा, मको आ नेक्था बाक्शो अशराह देवी आ मूर्ति यो परेशशा नु गिदानमी सेल्थो चढेतीकेम नोले डा ब्यफ चढेशो तामे बाक्त। २९ मिनु मकोपुकीमी “एको सुम पवा, माइ ?” दे हिल्लो पमुमा बाक्त। शुश हिल्लो पाम नोले योआश आ ती गिदानमी पाप्नु, दे तुइक्तेम बाक्त। ३० मिनु सहर डा मुरपुकीमी योआश कली “इ ती कली लाडगा गरुंइदो। मको बेक्चा माल्ब। मकोमी बाल देवता आ चढेतीक परेदा बाक्त। मिनु आ नेक्था बाक्शो अशराह देवी आ मूर्ति पाइशशा थाम यो खोला बाक्त। मोपतीक मको कली साइक्चा माल्नीक” देमा बाक्त। ३१ मिनु योआशमी मको आ नेक्था बाक्शो गरीब मुर नेल्ल आन कली “गपुकी बाल देवता आ पबेम गरीशो ननी ? बाल देवता कली वारच पचा दाक्नीनी ? सुम मको कली वारच पाइबा, मको दीसा सुनी सम्म साइक्चा पुंइसीब। आ चढेतीक परेत्ता पुंइसीशो बाल देवता थमा पा देवता बाक्त हना, मकोमी आंमान आ सक्ति कोइदल” देमाक्त। १ राजा १८:२१-३९ ३२ मको नाक्त रे मकोपुकीमी गिदान आ नें यरुब-बाल, दे वोदमे बाक्त। मको आ अर्थ “बाल देवता आंमान गिदान कली आ सक्ति कोइदल। मारदे हना गिदानमी आ चढेतीक परेशशा बाक्ब” देमा बाक्त। न्यायाधीस ७:१ ३३ मिनु मिदयानी, अमालेकी नु पूर्व डा मुरपुकी खुम्सीशा, हुल का दुम्मा बाक्त। मकोपुकी यदेन खोला शोक्शा, येज्जल आ दिम्म ताम्बु कीडमे बाक्त। ३४ मिनु परमपरभु यावे आ सोक्तीम गिदान कली सुमा बाक्त। मिनु तुराही ताप्शा, अबीएजेर आ मुर नेल्ल आन कली “आं नोले खोतीन” दे बरेत्ता बाक्त। न्यायाधीस ३:१० ; न्यायाधीस ११:२९ ; न्यायाधीस १३:२५ ३५ मिनु

मनस्से आ थर आन बाक्तीकमी लोत्र कुरब मुर सोइक्ता बाक्त। मिनु मेको आन कली “आं नोले खोतीन” दे बरेत्ता बाक्त। मिनु मोपा आशर, जबूलून नु नाप्लाती आन बाक्तीकम यो लोत्र कुरब मुर सोइक्ता बाक्त। मिनु मेको नेल्ल गिदान कली गरुम्थ जाकमा बाक्त।

३६ मिनु गिदानमी परमपरभु कली “गे देनी बुदी आं कली इसराएली आन कली प्रांइब सल्वीनी हना, ३७ गो भेडा आ ऊन कली खलामी वोइक्नुड। मेको खला डा ऊन कली ला सीतमी जिशशा नु एर आंथ डा सप चहिं मजिशशा बाक्त हना, इन देशो लोत्र, गे इसराएली आन कली प्रांइचा, दे आं कली बरेतीनी, देशो लोत्र थमा बाक्ब, दे तुइक्नुड” देमाक्त। ३८ मिनु मेको आ देशो खोदेशोन दुम्माक्त। मेको आ सुनी बोक्शा मेको ऊन रे चिरशा, बोस का व्याक्कु गरुंइदा बाक्त। एर आंथ डा सप चहिं मजिशशा बाक्माक्त। ३९ मिनु लेंशा गिदानमी परमपरभु कली “गो नु मगाइक्तीन। मिनु आं कली चिनु लोत्र का देचा गेन। गो इन कली लेंशा पुंइनुड। आं कली खयप का मेको ऊन सोव्रशा नु एर आंथ डा सप चहिं जिप्पाइशशा कोइदीन” देमाक्त। उत्पती १८:३० ४० मिनु परमपरभुमी मेको नाक्दो यो गिदान आ देशो खोदेशो पवा बाक्त। सप ला जिम्माक्त, मेको ऊन चहिं सोव्रशा बाक्माक्त।

गिदान आ मुरपुकीमी गराशो।

१ गिदान कली येरूब-बाल यो देबाक्तेकम।

७ मिनु गिदान नु आ मुर नेल्ले सुनी कना बोक्शा डा मिन हाराद सहर डा व्याक्कु बुक्तीक आ नेक्था ताम्बु कीडम बाक्त। मिदयान डा मुरपुकीमी चहिं मेको आन उत्तर गे डा मोरह डाडा आ नेक्था डा दिममी ताम्बु कीडम बाक्त। न्यायाधीस ६:३२ २ मिनु परमपरभु यावेमी गिदान कली “गे नु बाक्शो मुरपुकी माल्शो क्येडा शुश बाक्नीम। गो मिदयान डा मुर आन कली मोदेशो शुश मुर आन गुइमी गेता हना, इसराएलीपुकीमी आं कली परंशा ‘गो आंमा आंइ सक्तिमी मिदयान डा मुर आन कली गराशो नकी’ दे ठेयब लेत्नीम। ३ मोपतीक मुल गे मेको नेल्ल आन कली ‘सुइ मुर हिंशा खिरंखिर पाइब बाक्तेकम हना, मेको मुर आन खिं लेत्वा माल्नीम’ दे नंपतो” देमाक्त। मिनु २२ हजार आन खिं लेशशा, १० हजार इसराएली ला लीमा बाक्त। ब्यवस्था २०:८ ४ मिनु परमपरभु

यावेमी गिदान कली “मुल यो शुश मुर बाक्नीम। मोपतीक मेको आन कली उइ खोलामी लतो। मेकर गो मुर योव्रशा गेनुड। गो इ कली ‘एको मुर लाइब’ देती हना, ‘मेको मुर गे नु लचा माल्ब। एको मुर गे नु मलाइब’ देती हना, मेको गे नु लचा मलाइब” देमाक्त। ५ मिनु गिदानमी मुर आन कली उइ खोलामी लाइक्मी बाक्त। मिनु परमपरभु यावेमी गिदान कली “सु सुमी बाप्शा, खोला डा व्याक्कु कुचुममी तुक्शो खोदेशो पा लेमी तुक्शा तूनीमी, मेको आन कली एर वोतो। सु सुम चहिं खोला डा व्याक्कु पोक्च थक्शा गुइम तूनीमी, मेको आन कली आंथ वोतो” देमाक्त। ६ मिनु कुचुम खोदेशो पा व्याक्कु तुक्शा तूबपुकी सह सां दुम्मा बाक्त। मिनु अरु नेल्लेमी पोक्च थक्शा आन गुइमी तूडम बाक्त। ७ मिनु परमपरभु यावेमी गिदान कली “एको सह सां व्याक्कु तुक्शा तूब मुर रे पा मिदयानी आन गुइ रे परांइनुड। लीशा आन कली आंम आंम खिंमी लचा गेमी” देमाक्त। १ सामुएल १४:६ ८ मिनु मुरपुकीमी मेको आन बुत लाम्ज नु तुराही वोइशशा, मेको आन खिं गाक्मा बाक्त। गिदानमी मेको सह सां कली वोइक्मी बाक्त। मिदयानी आन बाक्तीक चहिं मेको आन क्येडा उइ दिममी बाक्माक्त।

९ मिनु मेको नाक्दो परमपरभु यावेमी गिदान कली “बाक्को, मिदयानी आन बाक्तीक बरुपो। मारद हना गो मेको आन कली इ गुइमी गेता। १० तन्न हिंनेव हना, इ गेय पाइब पुराह कली लाइशशा बरुपो। ११ मिनु लशा, मेको आन लोत्र पशा नेनी। मेको आन लोत्र नेनी नोले, मेको आन कली लडाइ तोचा महिंनेव” देमाक्त। मिनु मेको आ गेय पाइब पुराह नु मिदयानी आन डांइती डा ताम्बु आ नेक्था लमाक्त। मेकर लडाइ पाइबपुकी बाक्शो बाक्मा बाक्त। १२ मेको मिदयानी, अमालेकी नु पूर्व डा थर डा मुर नेल्ल शुश सल्हा माल खोदेशो पा दिममी बाक्शो बाक्मा बाक्त। मेको आन दलआंठ ठेयब समुन्दर डा बाल्वा खोदेशो हिक्ने मचाप्चा डा पा शुश बाक्मा बाक्त। १३ मिनु गिदान मेको आन ताम्बु आ नेक्था जाक्दीम्मनु, मेकर डा मुर कामी आ वारच कली आ डोमु शोव्रडा बाक्त। मेकोमी “गो आ डोमुमी क्याव्रज शोप्ने का गुत्तुल पा लोकसीशा, मिदयानी आन बाक्तीकमी जाक्शा, मेको आन ताम्बु चिप्शो ताता” देमाक्त। १४ मिनु आ वारचमी “थमा पा, मेको इसराएली योआश आ तो गिदान आ तरवार

बाक्व। परमपरभुमी मिदयान नु मुर नेल्ले आन कली मेको आ गुडमी गेप्तु” दंमाक्त।

१५ मिनू गिदोनमी डामु नु मेको आ अर्थ नंशा डा मिन परमपरभु यावे कली ठेयब सेला बाक्त। मिनू इसराएली आन बाक्तीकम लेशशा “बाक्कीन, परमपरभु यावमी मिदयानी नेल्ले आन कली इन गुडमी गेप्तु” दंमाक्त। १६ मिनू मेको सहं सां मुर आन कली, हुल सांमी योक्गा बाक्त। मिनू नेल्ले आन कली का का पा तुराही नु आगा रांको वोइशशा शैथ गर का का गमी बाक्त। १७ मिनू “आं कली कोवडीन। आं सोदंशो पने। गो मेको आन ताम्बु आ नेक्था जाक्दीशा, मार मार पाइनुडा, गे यो मोदंशो पने। १८ मिनू गो नु बाक्व हुलमी गेना तुराही ताप्नीमी, मेना गे यो आन बाक्तीक एर आंथ इन तुराही ताप्शा “परमपरभु यावे कली नु गिदोन कली” दे ठेयब सेदा पा गरीडीन” दंमाक्त। १९ गिदोन नु मेको नु बाक्व सहं का मुरपुकी क्येर नाक्दोमी मिदयान डा मुर आन बाक्तीक आ नेक्था जाक्दीम्मा बाक्त। मेको आन खाल पाइब नक फांडसीशो बाक्मा बाक्त। मिनू गिदोन आ मुरपुकीमी तुराही ताप्शा, आन गुडमी कुरशो शैथ गर परोल्म बाक्त। २० मोपा मेको हुल सांमीन तुराही ताप्शा, आन कुरशो गर परोल्म बाक्त। आन परा गुडमी रांको नु ग्युरा गुडमी तुराही कुरशा “परमपरभु यावे कली तरवार का नु गिदोन कली तरवार का” दे गरीमा बाक्त। २१ मिनू गिदोन आ मुर नेल्ले मेको आन बाक्तीक एर आंथ राप्शा बाक्मा बाक्त। मिदयान डा लडाइ पाइबपुकी चहिं नेल्ले वाइ बरशशा प्रोक्मा बाक्त। २२ मिनू मेको सहं सां मुरमी तुराही ताप्मेनु, परमपरभु यावमी मेको मिदयान डा मुर आन दातेमी साइक्मुपाइक्मी बाक्त। मिनू मिदयान डा लडाइ पाइबपुकी संरेराह गे बथ-शित्ता सम्म प्रोक्मा बाक्त। मेको आबेल-महोलाह आ सांद तब्बाथ सहर आ नेक्था सम्म प्रोक्मा बाक्त। भजन संगरह ८३:३०; यसैया ९:३; यसैया १०:२६ २३ मिनू गिदोनमी नाप्ताली आ थर, आशेर आ थर नु मनस्से आ थर डा मुर आन कली बरेशशा, मिदयान डा मुर आन कली सेदा पपदा बाक्त।

२४ मिनू गिदोनमी एफराइम डा पहाडी रागीम बाक्व मुर आन कली लोत्र सोइक्ता बाक्त। मार लोत्र सोइक्ता बाक्त, देशा हना “उइ बरुप्शा, मिदयानी आन कली सतीन। बेथ-बाराह सम्म यर्दन डा लांमी प्रोक्का मगेन” दे लोत्र सोइक्ता बाक्त। मिनू मेको बरेशशा एफराइम आ थर

डा मुरपुकीमी बेथ-बरा डा ब्याक्कु रे यर्दन डा शोक्तीक सम्म डा लां तेक्गमे बाक्त।

२५ मेकोपुकीमी मेको मिदयानी आन कली सेदा पस डा पस पा आन कप्तान निक्शी ओरब नु जेयब कली ग्याइक्तमे बाक्त। मिनू मेकोपुकीमी ओरब कली ओरब आ फुल्लु तारी नु जेयब कली आ अङ्गुर खराक्तीक कोलमी सदम बाक्त। मिनू नोल मेकोपुकीमी ओरब नु जेयब आस पिया क्योरशा, यर्दन आइक्वी हाम गिदोन आ बाक्तीकम चाक्गमे बाक्त।

गिदोन नु एफराइम आस मुर

१ मिनू एफराइम आ थर डा मुरपुकीमी गिदोन कली “मारदे आंइ कली ओदंशा पाइनीनी? मिदयान डा मुरपुकी नु लडाइ पथ लनीनु, मारदे आंइ कली मबरन्नी?” दंमा बाक्त। मिनू गिदोन कली शुश दोस गेशा जिचा तोत्रमे बाक्त। २ मिनू गिदोनमी “गो मार पडा डा? गे आं क्येडा ठेयब गेय पाइतीनी। मार, अबीएजेर आ मुरपुकीम मिदयान डा मुर नेल्ले आन कली प्रोक्पाइक्का क्येडा एफराइम आ थर डा मुरपुकीमी मेको आन कली साइक्का ठेयब मबाक्वा डा? ३ परमपरभुमी मिदयान डा कप्तान ओरब नु जेयब आस कली इन गुडमी गेशो बाक्व। गेपुकीमी पशो सोदंशो गो पडा डा?” दंमाक्त। मिनू आ लोत्र नंशा आन गाइशशा नांडसे बाक्त।

पिप आस कली ग्याइशशा

४ मिनू गिदोन यर्दन खोला जाक्शा, शोक्से बाक्त। मिनू गिदोन नु मेको नु बाक्शो सहं सां मुरपुकी मिदयान डा मुर आन कली सेदा पा दशा योत्क योत्क दुम्शा शोत्रतु बेक्शो बाक्मा बाक्त। ५ मिनू गिदोनमी सुक्कोथ डा मुर आन कली “आं मुर आन कली इक्का शोब्ले गेन। मारदे हना एकोपुकी दशा, शोत्रतु बेक्शो बाक्नीम। मिनू गो मिदयान डा पिप जेबाह नु साल्मुन्ना आस कली सेदा पना पन बाक्नुड” दे पुना बाक्त। उत्पती ३३:१७ ६ तन्न सुक्कोथ डा ठेयब मुरपुकीमी “मार, जेबाह नु साल्मुन्ना आस कली गे ग्याइक्ने थुमी डा? इ लडाइ पाइब आन कली मारदे शोब्ले गेनीकी?” दे लोत्र लेत्मे बाक्त। ७ मिनू गिदोनमी “परमपरभु यावमी जेबाह नु साल्मुन्ना आस कली आं गुडमी गेप्तु हना, गो गोरशो रागी डा चांक चूमी युक्नन्नी” दंमाक्त। ८ मिनू पेनुएल सहरमी लमाक्त। मिनू मेकर डा मुर आन कली खाल का

डा लोत्र पवा बाक्त । मिनु मेकर डा मुरपुकीमी यो सुक्कोथ डा मुरपुकीमी खोदंशो पा लोत्र लेत्मे बाक्त । १ मिनु पनुएल डा मुर आन कली “गो रिम्शो पा लेडडा नोले, गो मेको इन लाइशशो खिं परशशा गनन्नी” देमाक्त ।

१० मिनु जेबाह नु साल्मुन्ना १५ हजार लडाइ पाइब नु कारकोर सहरमी बाक्सा बाक्त । पूर्ब डा लडाइ पाइब आन लोशो में मोशान बाक्सा बाक्त । लाख का २० हजार लडाइ पाइब चहिं साइक्चा पुंडसमा बाक्त । ११ मिनु गिदोन नोबाह नु योग-बेहा आ पूर्वम बाक्शो ग्याप्ब लेयब आन गाक्तीक लां लशा, जेबाह नु साल्मुन्ना आस लडाइ पाइबपुकीमी लडाइ आ पूर्वम मारइ ममिन्थु बाक्मानु, गिदोनमी लडाइ तोवा बाक्त । १२ मिनु जेबाह नु साल्मुन्ना चहिं मेकर परोक्सा बाक्त । गिदोनमी मेको मिदयानी पिप आस कली खेदा पा ग्याइक्ता बाक्त । मोपतीके मेको आन लडाइ पाइब नेल्ले वाम ग्याम दुम्मा बाक्त ।

१३ मिनु योआश आ ती गिदोन लडाइ र हेरस इर गे लतीक लां र लेम्माक्त । १४ मिनु सुक्कोथ डा ठिटा का कली ग्याइशशा, मेको कली “सुक्कोथ डा ठेयब मुर नु खाल्पापुकी, सु सु बाक्नीमी ?” दे हिल्लो पवा बाक्त । मिनु मेको ठिटामी सुक्कोथ डा ७० जना ठेयब मुर नु खाल्पा आन नें बरक्शा गेवा बाक्त । १५ मिनु नोले गिदोन सुक्कोथ सहरम जाक्शा, मेकर डा मुर आन कली “जेबाह नु साल्मुन्ना एकर बाक्नीस । मेको आस पूर्वम गपुकीमी आं कली भार, जेबाह नु साल्मुन्ना आस कली ग्याइक्ने थुमी डा ? इ लडाइ पाइब आन कली गो मारद शाब्ते गनीकी डा ?” दे शुक्शी पाइतीनी” देमाक्त । १६ मिनु सुक्कोथ सहर डा ठेयब मुर नु खाल्पा आन कली लाइशशा, गोरशो रागी डा चांक चूम युक्मी बाक्त । १७ पनुएल सहरम बाक्शो लाइशशो खिं कली परशशा, मेकर डा वोंइश मुर आन कली साइक्मी बाक्त ।

१८ मिनु गिदोनमी जेबाह नु साल्मुन्ना आस कली “ग निक्शीमी ताबारमी साइशशो मुर दोदंशो बाक्सा ?” दे हिल्लो पाम्सी बाक्त । मिनु “इन खोदंशो बाक्तेक्म । पिप आ ती खोदंशो बाक्सा बाक्त” दे लोत्र लेत्मे बाक्त । १९ मिनु गिदोनमी “मेकोपुकी आं लोकबपुकी बाक्तेक्म । आं आम आ तौपुकी बाक्तेक्म । मिनु मेको आन कली मसाइक्नी हना, परमपरभु यावे बरोंइशा, बाक्शो खोदंशो पा, गो थमा पा, इस कली

बरोंइचा गेड वा” दे माइक्सी बाक्त । गन्ती ३५ :३१ २० मिनु आ जेठा ती, यथेर कली “बोक्शा, एको आस कली सांडसी” देमाक्त । तन्न आ ती आल बाक्तीके हिंशा, आ तरवार मशोदा बाक्त । २१ मिनु जेबाह नु साल्मुन्नामी “आंमान बोक्शा, आंस कली सतीन । मारद हना गे नु वोंइश मुर आ बोल बाक्ब” देसा बाक्त । मिनु गिदोन बोक्शा, मेको निक्शी आस कली सांडसी बाक्त । मिनु मेको आस दलओठ आ शुरमी बाक्शो शुश क्यट लाइब गहनापुकी परुइशशा लदा बाक्त ।

गिदोन आ गेय नेल्ल

२२ मिनु इसराएलीपुकीमी गिदोन कली “गो आंड कली मिदयानी र पा परोंइतीनी । मुल आंड कली हुकुम पाइब दुमीन । मिनु इन ती नु इन चच नेल्ल आंड सासन पाइब दुम्मल” देमा बाक्त । २३ मिनु गिदोनमी “गो नु आं ती ममाइ, तन्न परमपरभु यावेमी इन कली हुकुम पाइब” देमाक्त । २४ मेकोमी “गो इन कली थोत्रक का पुंडनुड, मार पुंडनुड देशा हना, गपुकीमी का का पा इन रोइशशा र पा नोफाम पांडतीक का का आं कली गेने” देमाक्त । मारद हना मेको आन जोरी सतरु इश्माएली बाक्सा बाक्त । मेकोपुकीमी सुन के नोफाम पांडतीक पाइबाक्सा बाक्त । २५ मिनु मेकोपुकीमी “दुम्ब, गो मेको इन कली गनीकी” देमा बाक्त । मिनु वा का बराम बाक्त । मिनु नेल्लेमी आंम के रोइशशा सुन मेकर वोदम बाक्त । २६ मिनु अरु शुश क्यट लाइक्ब माला नु आन दलओठ आ शुरम रल्लशा सुन के माला, पिप आन फक्तीक वा मनावथु, मेकोमी पुइशो सुन हजार का ७ सहं शंकल दुम्माक्त । शंकल का ११.५ ग्राम खोदंशो बाक्ब । गन्ती ३१ :५० २० मिनु गिदोनमी मेको सुन र पा निसाफ पतीक ऊरीम नु थुम्मीम बाक्शो झोला का सेल्लशा, मेको कली आ सहर ओफरामी वोदा बाक्त । मिनु इसराएली नेल्लेमी मेको कली ठेयब सेल्लशा, आंम कली दूली पाइब सेल्ले बाक्त । मेको गिदोन नु आ खिं डा मुर आन कली यो हेंथे पपाइक्चा कली बाक्साक्त । न्यायाधीस १७ :५ ; २८ मोपा मिदयान डा मुरपुकी इसराएली आन गुइमी दुम्शा, मेकोपुकीमी लेंशा लडाइ मपामे बाक्त । मिनु गिदोन बाक्म सम्म इसराएल रागी ४० बरस सम्म लडाइ र नांडसे बाक्त । न्यायाधीस ३ :११ ; न्यायाधीस ५ :३१

### गिदान बेकशो

२९ मिनु नोले योआश आ तौ येरूब-बाल आ सिं लशा, बाकशो बाकमाक्त। ३० गिदान आ तौ ७० जना बाकमा बाक्त। मारदे हना मेको आ मीश शुश बाकमा बाक्त। ३१ मेको आ कान्छी मीश शकम सहरमी बाकमाक्त। मेकोमी यो तौ का थिमाक्त। गिदानमी आ तौ आ न अबीमलेक वोदा बाक्त। ३२ मिनु योआश आ तौ गिदान शुश सुशो दुम्शा बेकमाक्त। मेको कली आ आफ अबीएजर आ तुरस ओफरा सहरमी थिम्म बाक्त। न्यायाधीस ६ :११ ३३ गिदान बेकम नोले इस्राएलीपुकीमी लंशा बाल देवता कली ठेयब सल्म बाक्त। मेकोपुकीमी बाल बेरीत कली आंम देवता सल्म बाक्त। न्यायाधीस २ :११ ; न्यायाधीस ९ :४ ३४ मिनु मेको आन कली एर आंथ डा जोरी सतरु रे परांडब परमपरमु याव, आन परमपरमु कली परंदमे बाक्त। ३५ येरूब-बाल माइशशा गिदान आ पशो रिम्शो गय परंशा, मेको आन सिं डा मुर आन कली ममिम्थु, आइक्च सल्म बाक्त। न्यायाधीस ९ :२,९,२४

### अबीमलेक पिप दुम्शो

१ येरूब-बाल आ तौ अबीमलेक आ ममा आ ९ सिं डा मुर आन बाकतीक शकम सहरमी लमाक्त। मेकोमी आ ममा आन सिं डा मुर मौली नल्ल आन कली न्यायाधीस ८ :३१ २ “शकम सहर डा मुर नल्ल कली लोत्र का हिल्लो पन। मार लोत्र हिल्लो पन दंशा हना “येरूब-बाल आ ७० जना तौ नल्लमी इन कली सासन पशो रिम्शो दय गोम इन कली सासन पशो रिम्शो ?” गो इन हुश बाक्नुड, दे मिम्तीन” दंमाक्त। न्यायाधीस ९ :१८ ३ मिनु आ मामापुकीमी मेको शकम डा मुर आन कली मेको लोत्र शोत्रडमे बाक्त। मिनु मुर नल्लेमी “मेको आंइ लोक्ब बाक्ब” दे अबीमलेक आ नोले खोइक्चा थुं पामे बाक्त। ४ मिनु मेकोपुकीमी अबीमलेक कली बाल-बेरीत आ मन्दीर र पा ७० शेकल चांदी के क्येट गेम बाक्त। मिनु मेकोमी मेको क्येट लाइशशा, मरिम्शो पाइब मुर आन कली गेवा बाक्त। मिनु मेकोपुकी मेको आ नोले खोदमे बाक्त। न्यायाधीस ८ :३३ ५ मिनु मेको नल्ल आ आफ आ सिं ओफरामी लमा बाक्त। मेकेर येरूब-बाल आ तौ नल्ल आन कली फुल्लु का तारी क्योरशा सदमे बाक्त। तन्न येरूब-बाल आ कान्छा तौ योथाम खरुइशशा बरांडमाक्त।

६ मिनु शकम नु बेथ-मिल्लो डा ठेयब मुर नल्ल सुम्सीशा, शकममी बाकशो ठेयब थाम आ नकथा बाकशो ठेयब रवा आ पुंमी अबीमलेक कली पिप सल्म बाक्त। उत्पत्ती ३५ :४ ; यहांसु २४ :२६

### योथाम आ कथा

७ मिनु ठेयब मुरपुकीमी मेको लोत्र योथाम कली नंपदमे बाक्त। मेको लशा गरीजीम डांडामी राम्माक्त। मिनु ठेयब संदामी “शकम सहरम बाक्ब ठेयब मुर नल्ल, गे आं लोत्र नंतीनी हना, परमपरमुमी इन लोत्र नंब। ८ काबु रवा नल्ल सुम्सीशा, आंम कली पिप सल्वा, दे लोत्र पमुमा बाक्त। मिनु मेकोपुकीमी तेल रवा कली “आंइ पिप दुमीन” दंमा बाक्त। ९ तन्न तेल रवामी भार, देवी देवता नु मुर आन कली ठेयब सल्पाइक्ब आंम के रिम्शो तेल सल्वा परांडशा, गो रवा आन कली सासन पाइनुडा ?” दंमाक्त। १० मिनु रवापुकीमी फोत्रशी रवा कली गे आंइ पिप दुमीन” दंमा बाक्त। ११ मिनु फोत्रशी रवामी भार, आंम के रिम्शो जिज नु बरात्रशो फल सल्वा परांडशा, गो रवा आन कली सासन पाइनुडा ?” दंमाक्त। १२ मिनु रवापुकीमी अडगुर बोट कली गे आंइ पिप दुमीन” दंमा बाक्त। १३ मिनु अडगुर बोटमी भार, देवी देवता नु मुर आन कली ग्यरपाइक्ब आं के अडगुर शांबु सल्वा परांडशा, गो रवा आन कली सासन पाइनुडा ?” दंमाक्त। १४ मिनु नोले रवापुकीमी चू रवा कली गे आंइ पिप दुमीन” दंमा बाक्त। १५ राजा १४ :९ १५ मिनु चू रवामी गेपुकीमी थमा पा, आं कली इन पिप सल्वा दाक्नीनी हना, आं नकथा जाक्शा, आं पुंम बाक्कीन। मबाक्तीनी हना, चू रवा र पा मी गरूशा लेबानोन डा ठेयब रवा नल्ल आन कली खतम सल्ब” दंमाक्त” दे कथा सल्वा ठेयब संदा पा दंमाक्त। १६ मिनु योथाममी “मुल ननीन, गे अबीमलेक कली थमा सुइशशा नु रिम्शो थुंमी पिप सल्तीनी हना, दुम्ब। मिनु येरूब-बाल नु आ सिं डा मुरुम इन कली रिम्शो पशो खोदंशा पा, गेमी यो मेको आन कली रिम्शो पाइतीनी हना, दुम्ब। १७ आं आफोमी बेक्नुड, दे महिंथु, लडाइ पा इं कली मिदयानी र पा परांडतु। १८ तन्न मुलाक्त आं आफ आ सिं डा मुर आन कली थम मरिम्शो पाइतीनी। मेको आ ७० जना तौ आन कली फुल्लु तारी क्योरशा साइक्तीनी। मेको आ वाइलीम आ तौ अबीमलेक कली शकम डा पिप सल्तीनी। मारदे हना मेको इन लोक्ब

बाक्व। ११ मिनू मुलाक्त गेपुकीमी येरुब-बाल नु आ सिं डा मुर आन कली रिम्शो पा मान पशो बाक्तीनी हना, गे अबीमलेक नु ग्यरसीन। मिनू अबीमलेक यो गेपुकी नु ग्यरसक्त। २० तन्न मोदंशो मनुम्त हना, अबीमलेक रे मी गरुशा, शकम नु बथ-मित्तो डा मुर आन कली खतम पोक्काल। मिनू शकम नु बथ-मित्तो डा मुर रे मी गरुशा अबीमलेक कली खतम पोक्काल” दंमाक्त। न्यायाधीस १:२७ २१ मिनू योथाम मेकर रे परोक्शा, बेयर माइश्शो सहरमी जाक्दीम्माक्त। मिनू मेको आ लोकव अबीमलेक तशा हिंशा, मेकरेन बाक्माक्त।

अबीमलेक नु शकम डा मुरपुकी

२२ अबीमलेकमी इस्राएली आन कली बर्स सां सासन पवा बाक्त। २३ मेना परमपरभुमी अबीमलेक नु शकम डा ठेयब मुर आन दातमी जिपाइक्का कली मरिम्शो जिपाइक्व वोल का सोइक्ता बाक्त। मिनू शकम डा ठेयब मुरपुकीमी मेको कली जोल पा मरिम्शो पामे बाक्त। १सामुएल १६:१४ ; १सामुएल १८:१० ; १सामुएल १९:९ २४ मिनू परमपरभुमी येरुब-बाल आ ७० जना तौ आन कली हुश खराक्श पोक्तीक, अबीमलेक नु मेको कली वारच पाइब शकम डा ठेयब मुर आन कली क्यक्क लेत्चा कली मोदंशो जिप्पाइक्व वोल का सोइश्शो बाक्माक्त। उत्पती १:६ २१ मिनू शकम डा ठेयब मुरपुकीमी अबीमलेक कली काइ मदाक्थु, साइक्का, द डांडाम बाप्चा कली मुर सोइक्तम बाक्त। मेकोपुकीमी लाम गाक्व आन मारइ मारइ रोइक्तम बाक्त। मिनू लाम बाप्शो बाक्नीम, द अबीमलेक कली तुइक्पदम बाक्त।

२६ मिनू एबद आ तौ गाल नु आ सिं सिं डा मुर शकममी बाक्चा कली जाक्मा बाक्त। मिनू शकम डा ठेयब मुरपुकीमी गाल कली थमा सुइश्शा, दाक्चा गोत्रम बाक्त। २७ शकम डा मुर आन अडगुर रूमी लशा, अडगुर सेक्शा कोलमी खराक्काम बाक्त। मिनू आन देवता आ मन्दिरमी चाड मानेचा कली लमा बाक्त। मिनू मेकर जशा तशा अबीमलेक आ पर्वम शुक्शी लोत्र पामे बाक्त। २८ मिनू एबद आ तौ गालमी “अबीमलेक सु बाक्वा डा ? मार, मेको येरुब-बाल आ तौ ममाइ डा ? मेको नु आ लडाइ पाइब आन कप्तान जेबुलमी शकम आ आफ हमोर आ मुर आन कली गेय मपामे ? गो शकम डा मुर, मारद मेको कली गेय पाइनीकी ? उत्पती ३४:२ २९ गो

शकम डा मुर आन कली सासन पाइब बाक्शो नड हना, गो अबीमलेक कली क्याम्डु वा। गो मेको कली ‘लडाइ पाइब शुश सत्त्शा, लडाइ पय’ देड वा” दंमाक्त।

३० मिनू सहर डा सासन पाइब जेबुलमी एबद आ तौ गाल आ दंशो नंशा, शुश गाइक्ता बाक्त। ३१ मिनू मेकोमी खरुइश्शामी अबीमलेक कली लोत्र सोइक्ता बाक्त। मार लोत्र सोइक्ता बाक्त देशा हना “एबद आ तौ गाल नु आ सिं सिं डा मुर शकममी जाक्शा बाक्शा, सहर डा मुर आन कली इन पर्वम मरिम्शो लोत्र पना पन बाक्नीम। ३२ मोपतीके गे इन लडाइ पाइब नु नाक्दोन बोक्शा, सहर डा लाडगा डा रूमी रिम्दीन। ३३ मिनू सुनी कना नां दाप्नी ना सहर कली लडाइ तोन। मिनू गाल नु आ मुरपुकी लाडगा गरुमानु, मेको आन कली मार पचा माल्नीनी, मेको पन” दंमाक्त।

३४ मिनू अबीमलेक नु आ लडाइ पाइब नाक्दोन बोक्शा, ४ हुल दुम्शा, शकम आ लाडगाम लडाइ तोचा कली बाप्शा बाक्मा बाक्त। ३५ मिनू एबद आ तौ गाल सहर डा लाडगा लशा, सहर डा ओवतीक लाप्चोमी राप्शा बाक्माक्त। मिनू अबीमलेक नु आ लडाइ पाइब आन बाप्तीक रे गरुमा बाक्त। ३६ मिनू गालमी मेको आन कली तशा, जेबुल कली “मुरपुकी डांडा रे बरुम्ना बरुम्न बाक्नीम” दंमाक्त। मिनू जेबुलमी “मेको मुर ममाइ, डांडा आ वांकु बाक्व। मेको मुर सांदेशो तांइसीनीम” दे लोत्र लेत्ता बाक्त। ३७ मिनू लंशा गालमी “कोत्रडीन, मुरपुकी रागी आ दात रे बरुम्ना बरुम्न बाक्नीम। मुर आ हुल का चहिं चिडगा कांइतीक खा रे यिना यिन बाक्नीम” दंमाक्त। इजीकीएल ३८:१२ ३८ मिनू जेबुलमी “इ डांडती डा ठेयब लेश्शो लोत्र, त लाक्गा ? गे ‘अबीमलेक सु बाक्वा ? गो मारद मेको कली गेय पाइनीकी ?’ दंशो नवे। इ मदाक्शा मुर मेको मनमी डा ? मुल लावो। मेकोपुकी नु लडाइ पावो” दंमाक्त। ३९ मोपतीके गालमी शकम डा ठेयब मुर आन डांडती लशा, अबीमलेक नु लडाइ पवा बाक्त। ४० तन्न अबीमलेकमी मेको लडाइ गरामाक्त। गाल चहिं परोक्माक्त। मिनू शुश मुर साइक्का पुंइसमा बाक्त। सहर डा ठेयब लाप्चो सम्म शुश मुर शोल्मी पा बेक्शा बाक्मा बाक्त। ४१ मिनू अबीमलेक लशा, अरुमाह माइक्तीक सहरम बाक्माक्त। जेबुलमी चहिं गाल नु आ सिं सिं डा मुर आन कली शकम रे खरमी बाक्त।

४२ आ दीसा शेकम डा मुरपुकी लाङ्गा रूमी लमा बाक्त। मिनु मुरपुकीमी मेको लोत्र अबीमलेक कली नंपदमे बाक्त। ४३ मोपतीके आ लडाइ पाइब आन कली हुल सां पा योक्शा, सहर मर डा रूमी बाप्शा, बाक्पदा बाक्त। मिनु मुरपुकी सहर रे गुरूशा पिशा तशा, मेको आन कली साइक्मी बाक्त। ४४ अबीमलेक नु आ हुल रीब पा डांडती बारमा बाक्त। मिनु सहर ओवतीक ठेयब लाप्चोमी लडाइ पचा सासमा बाक्त। अरु हुल निक्शी चहि पिशा, रूमी बाक्शोपुकी नु लडाइ पा मेको आन कली सदमे बाक्त। ४५ अबीमलेकमी सुनी रे नाक्दो सम्म लडाइ पा, मेको सहर कली आंम के सला बाक्त। मेकर डा मुर नेल्ल आन कली साइक्मी बाक्त। मिनु सहर खतम पोक्शा, हिक्सी फरवा बाक्त।

४६ मिनु शेकम डा बोल्यो दरवार डा ठेयब मुरपुकीमी सहर खतम दुम्शो नंशा, मेकोपुकी एल-बेरीत देवता आ बोल्यो खिं आगा लमा बाक्त। न्यायाधीस ८:३३ ४७ मिनु मुरपुकीमी “शेकम डा बोल्यो दरवार डा मुर नेल्ल बुक्शा बाक्नीम” दे अबीमलेक कली नंपदमे बाक्त। ४८ मिनु अबीमलेक नु आ लडाइ पाइब सल्मोन डांडामी लमा बाक्त। मेकोमी खा लाइश्शा, शाक्श क्योरशा, बालाम लाप्शा कुरा बाक्त। आ लडाइ पाइब आन कली “गे आं कली मार पशो तनी, रीब पा मोदंशो पन” देमाक्त। ४९ मोपा लडाइ पाइब नेल्लमी मोदंशो पा शाक्श क्योरशा, यित्मे बाक्त। मिनु अबीमलेक आ नोले खोदमे बाक्त। मेको शाक्श लाइश्शा, एल-बेरीत आ बोल्यो खिम तल्शा, मी सुइक्तमे बाक्त। मिनु शेकम डा बोल्यो दरवारम बाक्ब नेल्ल बेक्मा बाक्त। मेकर हजार का खोदंशो वांइश मुर नु मीश मुर बाक्शो बाक्मा बाक्त।

### अबीमलेक बेक्शो

५० मिनु मेकर रे अबीमलेक थेबेस गे लमाक्त। मिनु मेको थेबेस सहर कली लडाइ पा आंम के सला बाक्त। ५१ मेको सहर आ दातेमी बोल्यो दरवार का बाक्माक्त। मिनु सहर डा मुर नेल्ले, वांइश मुर नु मीश मुरपुकी मेकर खरुइश्शा, आन नोले लाप्चो चोक्शा, नेल्ल क्येडा तला तारी कौसीमी डांडश्शा बाक्मा बाक्त। ५२ मिनु अबीमलेक मेको बोल्यो दरवार आ नेक्था जाक्शा, लडाइ तोवा बाक्त। मिनु बोल्यो दरवार कली मी सुइक्चा, दे दरवार डा लाप्चो आ नेक्था जाक्दीम्माक्त। ५३ मेना मीश मुर कामी तला

डा यात तोक्शा, मेको आ पिया परोल्शा गेवा बाक्त। ५४ मिनु अबीमलेकमी रीब पा आ या कुरब कली बरेशशा “मुरपुकीमी भीश मुर कामी मेको कली साइक्तु” दे मदंमल, दे रीब पा इ तरवार शाइश्शा, साइय्यी” दे मदा बाक्त। मिनु आ या कुरबमी तूदानु, अबीमलेक बेक्माक्त। ५५ सामुएल ३१:४ ; २सामुएल ११:२१ ५५ मिनु इसराएल डा मुरपुकीमी अबीमलेक बेक्शो तशा, नेल्ल आंम आंम खिं गे लेम्मा बाक्त। ५६ मोपा परमपरमुमी अबीमलेक आ आफ कली पशो पाप, आ ७० जना लोक्ब आन कली साइश्शा आ क्येक्क लेत्ता बाक्त। ५७ मिनु परमपरमुमी शेकम डा मुर आन मरिम्शो पशो आ परबम क्येक्क लेत्ता बाक्त। मेकोपुकीमी येरुब-बाल आ तो योथाम आ सराप रमा बाक्त। न्यायाधीस १:२०

### तोला नु याइर निसाफ पाइब दुम्शो

१ अबीमलेक आ नोले इस्साकार आ थर १० डा, पुआ आ तो दोदो आ चच तोला माइश्शा मुर इसराएली आन कली परांडचा कली जाक्माक्त। मेको एफराइम डा पहाडी रागी शामीरमी बाक्शो बाक्माक्त। उत्पती ४६:१३ ; गन्ती २६:२३ २तोलाम २३ बर्स सम्म इसराएली आन कली निसाफ पशो बाक्माक्त मिनु नोले बेक्माक्त। मिनु मुरपुकीमी मेको कली शामीरमी थिम्म बाक्त।

३ तोला आ नोले गिलाद डा मुर याइरम २२ बर्स सम्म इसराएली आन कली निसाफ पशो बाक्माक्त। गन्ती ३२:४१ ४ मेको आ तो ३० जना बाक्मा बाक्त। मेकोपुकी ३० ओटा गध्राम डाइक्बाक्मा बाक्त। मिनु गिलाद डा ३० ओटा सहर मेको आन के बाक्माक्त। मुल सम्म मेको सहर आन नें हव्योथ-याइर देनीम। मेको गिलाद रागीम बाक्नीम। व्यवस्था ३:१४ ५ मिनु नोले याइर बेक्माक्त। मिनु मुरपुकीमी मेको कली कामोनमी थिम्म बाक्त।

### अम्मानीपुकीमी श्यत गेशो

६ मिनु इसराएलीपुकीमी लंशा परमपरमु यावे आ डांडती मार मरिम्शो बाक्मे, मेको पामे बाक्त। मेकोपुकीमी बाल, अशतारोथ नु देवी देवता आन कली ठेयब सल्मे बाक्त। मिनु अराम, सीदोन, मोआब नु अम्मानी नु पलिस्ती आन देवी देवता कली यो ठेयब सल्मे बाक्त। मोपा परमपरमु यावे कली परांडशा, मेको कली ठेयब मसल्मे बाक्त। ७ मोपतीके परमपरमु यावे

मेकोपुकी नु गाइश्शा मेको आन कली पलिस्ती नु अम्मोनी आन गुइमी गेवा बाक्त। ८मेको बर्समी मेकोपुकीमी इसराएली आन कली थाम्पा श्यत गेशा, साप्पा दिप्म बाक्त। मिनु यर्दन खोला आ आइक्ची हांबु, पूर्व गे गिलाद माइश्शा एमोरी आन रागीमी बाक्ब इसराएली आन कली १८ बर्स सम्म थाम्पा श्यत गेशा दिप्म बाक्त। ९ अम्मोनीपुकीमी ओंथ हाम ला ममाइ, यर्दन आइक्ची हांबु यो शोक्शा, यहूदा आ थर, बेन्यामीन आ थर नु एफ्राइम आ थर डा मुर आन कली लडाइ तोत्रम बाक्त। मिनु इसराएलीपुकीमी शुश श्यत जामे बाक्त।

१०मिनु इसराएलीपुकीमी परमपरभु यावे कली “वारच पाइय्यीकी। पाप पाइतक। आंइ परमपरभु, इन कली परांइशा, बाल देवी देवता आन कली पूजा पाइतक” देमा बाक्त। ११सामुएल १२:१० ११मिनु परमपरभु यावेमी इसराएली आन कली “डॉइती इन कली इजीप्त डा मुर, एमोरी, अम्मोनी नु पलिस्ती आन गुइ रे परांइतन्नी। १२मिनु सीदोन डा मुर, अमालेक आ मुर नु मोआबीपुकीमी इन कली दिप्मनु “वारच पाइय्यीकी” दे बरतीनी। मेना इन कली मेको आन गुइ रे परांइता। १३तन्न गेपुकीमी आं कली परांइशा, अरु देवी देवता आन कली पूजा पा ठेयब सेलतीनी। मोपतीक मुल रे गो इन कली मपरांइनुडा। १४तने, इन योत्रशो देवी देवता आन कली थोन। मेकोपुकीमी इन कली इन श्यत रे परांन्मकल” दे परमपरभु यावेमी देमाक्त। ब्यवस्था ३२:३७-३८; यरमीया २:२८ १५तन्न इसराएलीपुकीमी परमपरभु यावे कली “गेपुकीमी पाप पाइतक। मोपतीक ग आंइ कली मार पचा दाकनीनी, मेको पन। तन्न मुल आंइ कली परांनीन” दे पुन्मे बाक्त। १६मिनु अरु देवी देवता आन कली ताइश्शा, परमपरभु यावे कली ठेयब सेल्मे बाक्त। मिनु परमपरभु यावेमी इसराएली आन कली मेको क्येडा श्यत गेचा मगेमी बाक्त। यहोसु २४:२३; न्यायाधीस २:१८

१७मिनु अम्मोनी लडाइ पचा कली सुम्सीशा, गिलादमी ताम्बु कीशा बाक्बो बाक्मा बाक्त। मिनु इसराएली यो सुम्सीशा, मिस्पामी बाक्बो बाक्मा बाक्त। न्यायाधीस ११:२९ १८मिनु गिलाद सहस्रम बाक्ब इसराएली लडाइ पाइब आन कप्तान गरुम्मुशा “सुम अम्मोनी आन कली लडाइ तोचा गोइबा, मेकोमी गिलादम

बाक्ब आन कली हुकुम पाइब” दे लोत्र पमुमा बाक्त। न्यायाधीस ११:६-१०

येफता निसाफ पाइब दुम्शो

१गिलाद सहर डा येफता ठेयब नु बोल्थो ११ लडाइ पाइब मुर बाक्माक्त। मेको गिलाद आ तो तेल्लम रे पा थिशो बाक्माक्त। २मिनु गिलाद आ मीशमी यो मेको के शुश तो थिशो बाक्माक्त। मिनु मेकोपुकी कोल्शो दुम्शा, येफता कली खरमे बाक्त। मेकोपुकीमी येफता कली “आंइ आफ आ खिंमी इ के मारइ यो अडस मबाक्ब। गे अर्को मीश आ तो नवे” देमा बाक्त। उत्पती २१:१० ३मोपतीक येफता मेको आ लोक्बपुकी रे पा बरांइचा कली परोक्शा, तोब रागीमी लशा बाक्बो बाक्माक्त। मिनु मरिम्शो पाइब मुरपुकी मेको नु गारशा, रोइक्थ, लमा बाक्त। न्यायाधीस ९:४; १सामुएल २२:२

४मिनु इच्का नोले अम्मोनीपुकीमी इसराएली नु लडाइ पामे बाक्त। ५मिनु लडाइ दुम्मनु, गिलाद डा खाल्पापुकीमी तोब रागीमी बाक्बो येफता कली बरथ लमा बाक्त। ६मेकोपुकीमी येफता कली “पिन, आंइ लडाइ पाइब आन ठेयब मुर दुमीन। मिनु गो अम्मोनी नु लडाइ पने चाप्नीकी” देमा बाक्त। ७मिनु येफतामी मेको गिलाद डा खाल्पा आन कली “गेपुकीमी आं कली मदाक्थु, आं आफ आ खिं रे खरतीनी। मुल श्यत जनी ना मारद आं कली बरतीनी?” देमाक्त। ८मिनु मेको खाल्पापुकीमी येफता कली “मोपतीक गो इन कली गरुम्थ जाक्तक। मुल गोपुकी नु गाक्कीन। मिनु अम्मोनी नु लडाइ पा गराशा, गिलादमी बाक्ब नेल्ल आंइ ठेयब मुर दुमीन” देमा बाक्त। न्यायाधीस १०:१८ ९येफतामी मेको आन कली “गेपुकीमी आं कली अम्मोनी नु लडाइ पथ लेम्शा लाइक्तीनी नु परमपरभु यावेमी मेको आन कली आं गुइमी गेपु हना, इन ठेयब मुर दुम्नुडा?” दे माइक्मी बाक्त। १०मिनु गिलाद डा खाल्पापुकीमी येफता कली “परमपरभु यावे गो आंइ दातमी सांकछी बाक्ब। गो इन देशो सोदेशो पाइनीकी” देमा बाक्त। ११मिनु येफता गिलाद डा खाल्पापुकी नु लमाक्त। मेकर डा मुरपुकीमी मेको कली ठेयब मुर नु लडाइ पाइब आन ठेयब मुर सेल्मे बाक्त। मिनु येफतामी मिस्पामी परमपरभु यावे आ डॉइती मेको लोत्र नेल्ल शोत्रडा बाक्त। न्यायाधीस ११:२९; न्यायाधीस १०:१७ १२मिनु येफतामी अम्मोनी आन पिप कली “गे मारद

आंइ रागी कली लडाइ तोथ पीनीनी ? गे नु आंइ दातेमी मार मरिम्शो बाक्वा ?" दे हिल्लो पचा कली मुर सोइक्ता बाक्त । १३ मिनु अम्मोनी आन पिपमी यफता आ मुर आन कली "इसराएलीपुकी इजीप्त रे जाक्शा, अरनोन खोला रे यब्बोक नु यर्दन खोला सम्म आंइ रागी लाइक्तेकम । मेको रागी सिक्सी पा लेतीन" दे लोत्र सोइक्ता बाक्त । १४ मिनु यफतामी लेशा मुर सोइश्शा अम्मोनी आन पिप कली १५ "यफता आ लोत्र मार बाक्त देशा हना, इसराएलीपुकीमी गेनायो मोआबी आन रागी नु अम्मोनी आन रागी मलदेम । व्यवस्था २:९,१९ १६ इसराएलीपुकी इजीप्त रे कुशा, गोरशो रागी रे लल समुन्दर गे कादेश सहरम जाक्दीम्मा बाक्त । १७ मिनु एदोम डा पिप कली 'इन रागी डा लां लचा गेकी' दे लोत्र सोइक्तेम बाक्त । तन्न एदोम डा पिपमी मेको लोत्र नेंसीन मनेना बाक्त । मिनु मोआबी आन पिप कली यो लोत्र सोइक्तेम बाक्त । तन्न मेको यो मबिस्स बाक्त । मोपतीके इसराएलीपुकी कादेशमी बाक्मा बाक्त । गन्ती २०:१४-३१

१६ मेकर रे एदोम नु मोआब रागी हिरशा, गोरशो रागी रे मोआब आ नां दाप्तीक गे लमा बाक्त । मिनु अरनोन खोला आ नेक्था ताम्बु कीडम बाक्त । मोआबी आन रागी मओत्रम । मारदे हना अरनोन मोआब आ सांद बाक्माक्त । गन्ती २१:१३ १९ मिनु नोले हेश्वानम बाक्शो एमोरी आन पिप सीहोन कली 'इन रागी डा लां रे पा आंइ रागी सम्म लचा गेकी' दे लोत्र सोइक्तेम बाक्त । गन्ती २१:२१-३१ २० तन्न सीहोनमी इसराएली आन कली मेकर रे लाइनीम, दे थमा मसुदा बाक्त । मिनु मुर नल्ल कली खुष्शा, याहासमी आन ताम्बु कीशा, इसराएली नु लडाइ पामे बाक्त । २१ मिनु परमपरभु यावे, इसराएली आन परमपरभुमी सीहोन नु आ मुर आन कली इसराएली आन गुइमी गेमी बाक्त । मिनु मेकोपुकीमी मेको आन कली गराशा, आन रागीमी बाक्शो एमोरी आन रागी आंम के सल्ले बाक्त । २२ मेकोपुकीमी अरनोन खोला रे पा यब्बोक खोला सम्म नु गोरशो रागी रे पा यर्दन खोला सम्म एमोरी आन रागी आंम के सल्ले बाक्त । २३ मोपा परमपरभु यावे, इसराएली आन परमपरभुमी आंम मुर आन कली रिम्शो पचा, दे एमोरी आन कली खरा बाक्त । मुल एको रागी लेशा ताक्वा मगारनीनी । २४ इन देवता केमोशमी इन कली गेशो ताइनीनी ममाइ डा ? परमपरभु यावे, आंइ परमपरभुमी मार गेबा, गो

यो मेको ताइनीकी । गन्ती २१:२९ २५ मुल मार, गे मोआबी आन पिप सिप्पोर आ तौ बालाक क्येडा रिम्शो बाक्नीनी ? मार, मेकोमी इसराएली नु जिशा, मेको नु लडाइ पवा डा ? गन्ती २२:२ ; यहोसु २४:९ २६ इसराएलीपुकी सहे सां बर्स सम्म हेश्वान नु आ एर आंथ डा गाउंपुकी, आरोएर नु मेको आ एर आंथ डा गाउंपुकी नु अरनोन आ नेक्था डा सहर नल्लेम बाक्मा बाक्त । मारदे मेको क्येडा डांइती इन के मसल्ले ? २७ गोपुकीमी इन कली मारदे यो मरिम्शो मपशो । तन्न गोपुकीमी आं कली लडाइ तोशा, मरिम्शो पाइनीनी । मुलाक्ती परमपरभु यावेमी इसराएली नु अम्मोनी आन दातेमी निसाफ पाइब" दे यफतामी अम्मोनी आन पिप कली लोत्र सोइक्ता बाक्त । २६ तन्न अम्मोनी आन पिपमी यफतामी सोइश्शो लोत्र मारदे खादेशो मलाक्माक्त ।

#### यफतामी कसम पशो

२९ मिनु परमपरभु यावे आ सोक्तीम यफता कली सुमा बाक्त । मिनु गिलाद नु मनस्से आन रागी लाक्शा, गिलाद डा मिस्या जाक्दीम्माक्त । मिनु मेकर रे अम्मोनी आन रागी लमाक्त । न्यायाधीस ६:३४ ३० यफतामी परमपरभु यावे कली कबल का पवा बाक्त । मेकोमी मार कबल पवा बाक्त देशा हना "परमपरभु यावे, गे अम्मोनी आन कली आं गुइमी गतीनी हना, रसामुएल १५:८ ३१ गो अम्मोनी रे रिम्शा पा आं खिं लेती हना, सु आं खिंमी नल्ल क्येडा डांइती गो नु गरुथ्य जाक्वा, मेको इन के दुम्ब । गो मेको कली चोशा चदेनुड" दे कसम जवा बाक्त । २ राजा ३:२७

३२ मिनु यफता अम्मोनी नु लडाइ पथ आइक्ची हांम शोक्शा लमाक्त । मिनु परमपरभु यावेमी अम्मोनी आन कली यफता आ गुइमी गेवा बाक्त । ३३ मेकोमी आरोएर रे मिन्नीथ नु आबल-केरामीम सम्म २० ओटा सहर खतम सेला बाक्त । मोपा इसराएलीमी अम्मोनी आन कली गरामा बाक्त ।

३४ मिनु यफता आ खिं मिस्यामी लेम्माक्त । मिनु आ तमी खैजडी ताप्शा, सिल पना पन मेको कली गरुथ्य जाक्माक्त । मेको आ तमी का ला बाक्माक्त । अरु आल मबाक्मा बाक्त । ३५ मिनु यफतामी आ तमी तवा चोटीन आ वा खाक्शा "आं तमी, आं थुं जिक्तीवी । शुश श्येत गेप्तीवी । गो परमपरभु यावे कली कसम जाता ।

मिनु मेको कसम मखाप्यु मदुम्नुड" देमाक्त। गन्ती ३०:३ ३६मिनु आ तमीमी "आं आफ, परमपरभु यावे कली कसम जाइतीनी हना, कबल पशो खादेशो पा आं कली पने। मारदे हना परमपरभु यावेमी इन जोरी सतरु अम्मोनी नु क्यक्क लेशशा बाक्व। ३७तन्न आं कली शिशी पन। महिना निक्शी सम्म आं कली प्रोनीन। आं वारचपुकी नु एको डांडाम हिरनुड। गो कन्नेमी बेक्चा माल्ताकयी, दे रांका पचा तडल" देमाक्त। ३८मिनु येफतामी "लावो" देशा, आ तमी कली महिना निक्शी सम्म प्रोना बाक्त। मिनु मेको आ वारचपुकी नु डांडा लशा डा मीन आ कन्नेमीन बाक्शा बेक्चा माल्थो आ पर्वम डाक्माक्त। ३९मिनु महिना निक्शी नोले मेको लेशशा जाक्माक्त। मिनु येफतामी परमपरभु कली आ पशो कसम खबा बाक्त। मिनु मेको मीश आल कन्नेन बेक्माक्त। न्यायाधीस ११:३१; व्यवस्था १२:२९-३१ ४०मेना रे इसराएल डा तमी नेल्लमी बर्स बर्समी ४ नाक्त सम्म गिलाद सहर डा येफता आ तमी कली मिम्शा, रांका पाइनीम।

### येफता नु एफराइम

१एफराइम आ थर डा मुरुमी आ लडाइ पाइब आन कली सुप्ता बाक्त। मिनु मेकोपुकी यर्दन आइक्वी हांबु साफोन गो शोक्शा, येफता कली "अम्मोनी नु लडाइ पथ लनीनु, आंइ कली मारदे मबरन्नी? मुल इन कली नु इन खिं कली मी सुइक्नीकी" देमा बाक्त। न्यायाधीस ८:१

२मिनु येफतामी "गो नु आं मुर अम्मोनी नु ठेयव लडाइ दुम्मेनु, गो इन कली 'वारच पन' दे बरेशशा नड। तन्न गेपुकीमी आंइ कली मेको आन गुइ रे मप्रांइनी। ३मिनु गेपुकीमी आंइ कली वारच मपाइनीनी, दे तुइक्नु नोले, महिंधु, खोला शोक्शा, अम्मोनी नु लडाइ पथ गाक्तक। मिनु परमपरभु यावेमी मेको आन कली आंइ गुइमी गेपु। मिनु मारदे मुलाक्ती गेपुकी गो नु जिथ जाक्नीनी?" देमाक्त। न्यायाधीस ५:१८; न्यायाधीस ९:१७

४मिनु येफतामी गिलाद डा मुर नेल्ल कली सुप्शा, एफराइम आ थर डा मुर नु लडाइ पवा बाक्त। मिनु गिलाद डा मुरपुकीमी मेको आन कली ग्रामा बाक्त। मेको जिचा मारदे बोक्शो बाक्त देशा हना, एफराइम आ थर डा मुरपुकीमी "गो गिलादी एफराइम नु मनरस्से आन दातेमी

बाक्शो ला ननी" दे देशो बाक्मा बाक्त। ५मिनु गिलादीपुकीमी यर्दन डा शोक्तीक लां एफराइम रे रोइशशा, आंम के सल्मे बाक्त। मिनु गिलाद डा मुरपुकीमी खोला शोक्ब मुर आन कली "गो एफराइम आ थर डा मुर बाक्नीनी?" दे हिल्लो पाम बाक्त। "गो मनड" देमा बाक्त हना, ६गिलाद डा मुरपुकीमी "मो हना, शिब्बालेथ देना" देबाक्मा बाक्त। मिनु मेकोमी ठीक पा देन मचाप्यु "शिब्बालेथ" देतकम हना, मेकेर ग्याइशशा यर्दन आ नेक्था साइक्बाक्मा बाक्त। मेना एफराइम आ थर डा मुर ४२ हजार साइक्चा पुंइसमा बाक्त। ७येफता ६ बर्स सम्म इसराएली आन निसाफ पाइब दुम्शा बेक्माक्त। मिनु मेको कली आ सहर गिलादमी थिम्मे बाक्त।

### इब्सान, एलोन नु अब्दोन

८येफता आ नोले बेथलेहेम डा इब्सान इसराएली आन निसाफ पाइब दुम्माक्त। ९मेको के ३० जना तो नु ३० जना तमी बाक्मा बाक्त। मेकोमी आ तमी आन कली अरु थर डा मुर नु ग्युंब पा गवा बाक्त। मिनु आ तो आन कली अरु थर डा ३० जना मीश आल ग्युंब पा चाक्गा बाक्त। मेको ७ बर्स सम्म इसराएली आन निसाफ पाइब दुम्माक्त।

१०मिनु इब्सान बेक्माक्त। मिनु मेको कली बेथलेहेममी थिम्मे बाक्त। ११मेको बेक्म नोले जवूलून आ थर डा एलोन १० बर्स सम्म इसराएली आन निसाफ पाइब दुम्माक्त। गन्ती २६:२६ १२मिनु जवूलून आ थर डा एलोन बेक्माक्त। मिनु मेको कली जवूलून आ रागी डा आइयालीन सहरमी थिम्मे बाक्त। १३मेको आ नोले पिराथोन सहर डा हिल्लेल आ तो अब्दोन इसराएली आन निसाफ पाइब दुम्माक्त। १४मेको के ४० जना तो नु ३० जना चच बाक्मा बाक्त। मेको आन के ७० ओटा गधा बाक्माक्त। मिनु मेकोपुकी आंम आंम गधामी डोइक्बाक्मा बाक्त। मिनु अब्दोनमी ८ बर्स सम्म इसराएली आन कली निसाफ पशो बाक्माक्त। १५मिनु नोले पिराथोन सहर डा हिल्लेल आ तो अब्दोन बेक्माक्त। मिनु अमालेकी आन पहाडी रागी डा एफराइम डा पिराथोन सहरमी थिम्मे बाक्त।

### सिम्सान जरमेशो

१३ १मिनु इसराएलीपुकीमी लेशा परमपरभु यावे आ डांइती मार मरिम्शो बाक्म, मेको पाम बाक्त। मोपतीके परमपरभु यावेमी मेको

आन कली ४० बर्स सम्म पलिस्ती आन गुइमी गेमी बाक्त ।

२मिनु दान आ थर डा मुर का बाक्माक्त । मेको सोराह सहरमी बाक्शो बाक्माक्त । मेको मुर आ नं मानोआह बाक्माक्त । मिनु मेको आ मीश आल मथीब बाक्माक्त । ३मिनु परमपरभु यावे आ स्वर्ग डा गेय पाइब मेको मीश मुर आ डांइती गरूशा, मेको कली “गे आल मथीब बाक्नवे । तन्न मुल गे कोव्रज कुरशा तौ थीनेवे । उत्पत्ती १५:२ ; उत्पत्ती २५:२१ ; उत्पत्ती २९:३१ ४मोपतीक होस पा बाक्को, अङ्गुर शांबु नु अरु दुक्तीक काइ मतूडो, मगारचा डा जचा थोव्रक मजावो । गन्ती ६:२-२१ ; लेवी ११:३ ; १सामुएल १:११ ५मारदे हना गे कोव्रज कुरशा, तौ थीनेवे । मेको आ चां गेनायो खरोइक्चा मडुम्ब । मारदे हना मेको वांइश आल जरमेस चोटीन परमपरभु कली योव्रशो नाजिरी का दुम्ब । मिनु मेकोमी इसराएली आन कली पलिस्ती आन गुइ रे परांइचा गोइब” देमाक्त । ६मिनु मेको मीश मुरुमी आ वांइश कली “परमपरभु आ गेय पाइब मुर का आं बाक्तीक जाक्त । मेको आ कुल हिंचा डा परमपरभु आ स्वर्ग डा गेय पाइब सोदंशो बाक्त । मिनु ‘सु बाक्नीनी ?’ दे हिल्लो मपड । मिनु मेकोमी यो आ नं मदे । ७तन्न मेकोमी आं कली ‘गे कोव्रज कुरशा तौ थीनेवे । मिनु अङ्गुर शांबु नु अरु दुक्तीक मतूडो, मगारचा डा जचा थोव्रक मजावो । मारदे हना मेको आल जरमेस रं मंबक्म सम्म परमपरभु आ योव्रशो नाजिरी का दुम्ब’ दे माइक्ती” देमाक्त । ८मिनु मानोआहमी परमपरभु यावे कली “परमपरभु, इन सोइइशो मुर लेंशा आंस नेक्था सोइक्तीन । मेकोमी आंस कली मेको नोले जरमेसीब वांइश आल कली दोपा कोल्पाइक्चा, गो निकशीमी मार पचा माल्वा, आंस कली शंवल” दे पुना बाक्त ।

९मिनु परमपरभुमी मानोआह आ पुंइशो लोव्र नेना बाक्त । मिनु आ मीश रूमी बाक्मनु, परमपरभु आ स्वर्ग डा गेय पाइब लेंशा जाक्माक्त । मेना आ वांइश मेको नु मबाक्शो बाक्माक्त । १०मिनु आ मीश दोरशा लशा, आ वांइश कली “मेको डांइती जाक्शो मुर लेंशा आं बाक्तीक जाक्त” देमाक्त ।

११मिनु मानोआह बोक्शा, आ मीश नु लशा, मेकर जाक्दीशा, मेको कली “आं मीश नु लोव्र पाइब गे ननी ?” दे हिल्लो पवा बाक्त । मिनु मेकोमी “गो नड” देमाक्त । १२मिनु मानोआहमी “इन देशो लोव्र दुम डा मेर मेको वांइश आलमी

मार मार पचा दुम्बा, मार मार पचा मडुम्बा” दे हिल्लो पवा बाक्त । १३मिनु परमपरभु यावे आ स्वर्ग डा गेय पाइबमी “गो मार मार देंडा, इ मीशमी रिम्शो पा टिचा माल्ब । १४अङ्गुर बोटर सिशशो मारइ यो जचा मडुम्ब । मेकोमी अङ्गुर शांबु नु अरु दुक्तीक तूचा मडुम्ब । मगारचा डा मारइ यो जचा मडुम्ब । गो मार मार देंडा, मेकोमी नल्ल टिचा माल्ब” देमाक्त । न्यायाधीस १३:४

१५मिनु मानोआहमी परमपरभु यावे आ स्वर्ग डा गेय पाइब कली “गो इन कली पाठा का क्योरशा क्यनीकी । मोपतीक रिम्दीन” देमाक्त । न्यायाधीस ६:३८ १६मिनु परमपरभु यावे आ स्वर्ग डा गेय पाइबमी “आं कली तेक्तीसी हना यो, गो इन क्येशो मजाइनुड । तन्न गेमी चोशा चढेतीक ठीक सेल्लिनी हना, परमपरभु यावे कली चढेवो” देमाक्त । मानोआहमी मेको परमपरभु यावे आ स्वर्ग डा गेय पाइब बाक्ब, दे मतुइक्ता बाक्त ।

१७मिनु मानोआहमी परमपरभु यावे आ स्वर्ग डा गेय पाइब कली “इन नं मार बाक्बा ? मारदे हना इन लोव्र थमा दुम्त हना, गो इन कली ठेयब सेल्वा दाक्नीकी” देमाक्त । उत्पत्ती ३२:३० १८मिनु परमपरभु यावे आ स्वर्ग डा गेय पाइबमी मेको कली “गे मारदे आं नं हिल्लो पाइनेवे ? मेको मतुइक्चा डा बाक्ब” देमाक्त । १९मिनु मानोआहमी अन्न नु पाठा लाइइशा, फुल्लु तारी छुक लाक्चा डा गेय पाइब परमपरभु यावे कली चढेवा बाक्त । न्यायाधीस ६:२१ २०मिनु मेको चढेतीक रं मी गरूशा, सरीड ग लमेनु, परमपरभु यावे आ स्वर्ग डा गेय पाइब मेको मी नु सरीड ग लमाक्त । मानोआह नु आ मीश कोव्रस डा कोव्रस बाक्शा, सेउ पाम्स बाक्त ।

२१मिनु मेको नोले परमपरभु यावे आ स्वर्ग डा गेय पाइब मानोआह नु आ मीश आ डांइती गेनायो मगरूमाक्त । मिनु मानोआहमी मेको परमपरभु यावे आ स्वर्ग डा गेय पाइब बाक्माक्त, दे तुइक्ता बाक्त । २२मिनु मेकोमी आ मीश कली “गो थमा पा बेक्नस । मारदे हना गो परमपरभु कली ताइतस” देमाक्त । परस्थान ३३:२० २३तन्न आ मीशमी “परमपरभु यावेमी इस कली साइक्चा दाक्शो हना, इस चढेशो चोशा चढेतीक नु अन्न चढेतीक मबरव वा । इस कली मोदंशो लोव्र मदे वा, मेकोइद वा” देमाक्त । २४मिनु मानोआह आ मीशमी तौ का थिवा बाक्त । मेको कली सिम्सोन नं वोदा

बाक्त। मेको आल कोल्ना कोल्न लमाक्त। मिनु परमपरभु यावेमी मेको कली आसीक गेवा बाक्त। उत्पत्ती २४:१; उत्पत्ती ३५:१; गन्ती २२:६ २५ मिनु सोराह नु एश्ताओल सहर आस दातेमी बाक्शा माहानह-दान सहरमी बाक्मनु, परमपरभु यावे आ साक्तीमी मेको कली गेय पपाइक्चा गोवा बाक्त। न्यायाधीस ३:१-१०; न्यायाधीस ६:३४; न्यायाधीस १४:६,९; न्यायाधीस १५:१४; गन्ती २४:२-४; १सामुएल १०:६,१०; १सामुएल १६:१३; इजीकीएल ११:५

### सिम्सोनमी मीश आल दाक्शा

१काबु सिम्सोन तिम्नाह सहर बरुम्माक्त। मिनु मेकर पलिस्ती मीश आल का तवा बाक्त। यहोसु १९:४३ २मिनु आ सिं लेश्शा, आ आम आफ आस कली “तिम्नाहमी पलिस्ती मीश आल का ताता। मेको नु ग्युंबे पा गेयीनी” दे माइक्सी बाक्त।

३मिनु आ आम आफोमी “मार, आंइ मुर नु इं थर डा मीश आल मबाक्बा? मिनु गे खरोइक्तीक चिनु मखरोइश्शा, मेको पलिस्ती आ तमी का चाक्चा दाक्नेवे?” देसा बाक्त। तन्न सिम्सोनमी “मेको मीश आल आं कली चाक्कीन। मारदे हना गो मेको कली दाक्नुड” देमाक्त। उत्पत्ती ३४:१४; परस्थान ३४:१६

४परमपरभु यावेम सिम्सोन कली मेको मीश आल कली दाक्पाइश्शा बाक्त, दे आ आम आफोमी मतुइश्शा बाक्ताक्स। परमपरभुमी पलिस्ती आन कली खतम पचा कली मोदंशो पशो बाक्माक्त। मेना पलिस्तीपुर्कीमी इस्राएली आन कली सासन पशो बाक्मा बाक्त।

५मिनु नोले सिम्सोन आ आम आफ नु तिम्नाहमी बरुम्माक्त। मिनु मेकर डा अङ्गुर रूमी जाक्दीम्माक्त। मिनु मेकर ठिटा गुप्स का गरूशा, मेको कली गराम्दा बाक्त। ६मिनु परमपरभु यावे आ साक्तीम सिम्सोन कली डेयब सक्तिम सुमा बाक्त। मिनु आ गुइमी मारदे यो या मबाक्त हना यो, मेको गुप्स कली पाठा खोदंशो पा सदा बाक्त। मिनु गुप्स साइश्शा लोत्र आ आम आफ कली मशात्रडा बाक्त। न्यायाधीस १३:२५ ७मिनु सिम्सोन मेकर जाक्दीश्शा, मेको मीश आल नु लोत्र पवा बाक्त। मिनु मेको मीश आल कली दाक्शा लेम्माक्त। ८मिनु इक्चा नोले सिम्सोन मेको मीश आल कली ग्युंबे पचा कली लेशा तिम्ना बरुम्माक्त। मिनु लो परांइशा, साइश्शा गुप्स कोत्रथ लमाक्त।

मिनु राक्शा गुप्स आ आगाम हल का सुरब नु सुदो बाक्माक्त। ९मिनु सुदो गरुंइशा, जना जन लमाक्त। मेकोमी आ आम आफ आस कली यो जचा गेम्सी बाक्त। मिनु जाम्से बाक्त। तन्न मेको सुदो राक्शा गुप्स आ आगा र गरुंइशा, दे आ आम आफ कली मशात्रडा बाक्त।

१०मिनु सिम्सोन आ आफ मेको मीश आल कोत्रथ लमाक्त। मिनु सिम्सोनमी अरुम ग्युम्लेम पशो खोदंशो पा भोज का गेवा बाक्त। ११मिनु मेकर डा मुरपुकीमी सिम्सोन कली गरूम्शा, ३० जना वोंइश मुर मेको कली वारच पचा कली चाक्गामे बाक्त। १२मिनु सिम्सोनमी मेको आन कली “इन कली लोत्र का हिल्लो पाइननी। एको ७ नाक्त डा भोजमी मेको लोत्र लेन्ने चाप्टीनी हना, गो इन कली ३० ओटा बुश फेक्तीक वा नु ३० ओटा शुश क्येट लाइब फेक्तीक वा गेनन्नी। १३तन्न आं हिल्लो पशो लोत्र लेन्ने मचाप्टीनी हना, गे आं कली ३० ओटा बुश फेक्तीक वा नु शुश क्येट लाइब फेक्तीक वा गेचा माल्लीनी” देमाक्त। मिनु मेकोपुकीमी “लो दुम्ब, हिल्लो पन” देमा बाक्त। १४मिनु सिम्सोनमी मेको आन कली “शुश ब्वाइब र जचा थोत्रक गरूत। बोल्यो र जिज थोत्रक गरूत। मेको मार बाक्बा?” दे हिल्लो पामी बाक्त। मिनु मेकोपुकीमी नाक्त सां सम्म मिम्ना मिम्न बाक्शा, मेको लोत्र मार बाक्बा, दे लेन्ने मचात्रम बाक्त।

१५मिनु ४ नाक्तीम मेकोपुकीमी सिम्सोन आ मीश कली “इ वोंइश कली लेम्शा, हिल्लो पावो। मिनु आंइ कली शोत्रडो। मोदंशो मपाप्टीवी हना, गो इ कली नु इ आफ आ सिं कली मी सुइक्नीकी। आंइ कली परुङ्ग सल्वा कली निम्तो पवी?” देमा बाक्त। १६मिनु सिम्सोन आ मीश आ वोंइश आ डोंइती डाक्शा “गे आं कली काइ मदाक्नीनी। गे थमा पा आं कली मदाक्नीनी। गे आं मुर आन कली लोत्र का हिल्लो पाइतीनी। मिनु मेको लोत्र आ अर्थ चहिं आं कली मदंनी” देमाक्त। मिनु सिम्सोनमी “मेको लोत्र आ अर्थ आं आम आफ कली लाइयो मदंङ। मिनु इ कली मारदे देनुडा?” देमाक्त। १७मिनु भोज के ७ नाक्ती मनुम्म सम्म आ मीश सिम्सोन आ डोंइती डाक्स डा डाक्स बाक्माक्त। मोपतीके ७ नाक्त सम्म शुश हिल्लो पा पुंइतीके सिम्सोनमी मेको लोत्र आ मीश कली शोत्रडा बाक्त। मिनु मेकोमी लशा, आ मुर आन कली देमाक्त। न्यायाधीस

१६:१६-१७ १८ मिनू मेको ७ नाक्ती नां सोव्रचा क्येडा डोंडती सहर डा मुरपुकीमी सिम्सोन कली “सुदो क्येडा जिज, मार बाक्वा डा? गुप्स क्येडा बोल्यो सु बाक्वा डा?” दंमा बाक्त। मिनू सिम्सोनमी “आं मीशमी इन कली मेको लोव्र मशोव्रड हना, गेपुकीमी लेन्न मचापनी वा” दंमाक्त। १९ मिनू परमपरभु याव आ सोक्तीम सिम्सोन कली ठेयब सक्तिम सुमा बाक्त। मिनू मेको अश्कलोन सहरमी लशा, मेकर ३० जना मुर साइक्मी बाक्त। मिनू मेको आन के मार मार थोव्रकनु वा पिश्शा, मेको लोव्र लेख आन कली शुश क्यट लाइब फक्तीक वा गेवा बाक्त। मिनू सिम्सोन गाइश्शा, आ आफ आ खिं लेम्माक्त। २० मिनू सिम्सोन आ मीश चहिं सिम्सोन कली वारच पाइब का कली गेमे बाक्त। न्यायाधीस १५:२

सिम्सोन आ मीश गुरुथ लशो

१५ मिनू इच्का नोले चेरब रिक्ची ना सिम्सोन पाठा का कुरशा, आ मीश कली गुरुथ लमाक्त। मिनू “गो आं मीश आ कोठामी ओव्रचा दाक्नुड” दंमाक्त। तन्न आ शिउमी ओव्रचा मगेवा बाक्त। २ मिनू आ शिउमी “आं तमी काइ मदाक्नीनी, दे मिम्ताक्ड। मोपतीक इन कली वारच पाइब कली गता। मेको आ लोक्व मेको क्येडा दारशो मबाक्वा डा? मुल इ मीश आ पा डा मेको कली लतो” दंमाक्त। न्यायाधीस १४:२० ३ मिनू सिम्सोनमी “गो मुल पलिस्ती आन कली थम मरिम्शो पाता हना यो, दोस मताइब दुम्ती” दंमाक्त। ४ मिनू सिम्सोनमी लशा, सह सां सिवार ग्याइश्शा, निक्निक्शी पा आस मीलु फरंशा, आस दातेमी रांका का यो फरंदा बाक्त। ५ मिनू रांको जेशशा, पलिस्ती आन रिक्शा वोइश्शा चेरब, मीशो चेरब रु, अडगुर रूनु तेल रवा रू आगा सोइक्ता बाक्त। ६ मिनू पलिस्तीपुकीमी “एको सुम पवा?” दे हिल्लो पामे बाक्त। मिनू का निक्शीमी “तिम्ना डा मुर आ चांइवा सिम्सोनमी पाप्टु। मारदे हना आ शिउमी आ तमी, सिम्सोन आ मीश दुम्शा यो आ वारच कली गेप्टु” दंमा बाक्त। मिनू पलिस्तीपुकी लशा, सिम्सोन आ मीश नु आ आफ कली मीम कराइश्शा सदमे बाक्त। ७ मिनू सिम्सोनमी मेको आन कली “क्येक्क मलेत्थु मपरांइनुड” दे कसम जवा बाक्त। ८ मिनू सिम्सोनमी मेको आन कली शुश श्यत गेशा,

शुश मुर आन कली साइक्मी बाक्त। मिनू मेकेर रे लशा, एताम डा रांगु डा पुक्खीमी बाक्माक्त।

पलिस्ती आन कली साइश्शो

९ मिनू पलिस्तीपुकी कुशा यहूदामी ताम्बु कीशा, लेही सहर आ नेक्था बाक्मा बाक्त। १० मिनू यहूदा आ थर डा मुरपुकीमी मेको आन कली “गे मारदे आंइ कली लडाइ तोइनीनी?” दे हिल्लो पामे बाक्त। मिनू मेकोपुकीमी “गो सिम्सोन कली ग्याइश्शा, फरंचा कली पीतक। मेकोमी आंइ कली मार पवा, गो यो मेको कली मोदंशोन पाइनीक” दंमा बाक्त। ११ मिनू यहूदा डा हजार सां मुर एताम डा रांगु डा पुक्खीमी यिमा बाक्त। मिनू मेकोपुकीमी सिम्सोन कली “पलिस्तीपुकी आंइ सासन पाइब बाक्नीम, दे गे तुइक्नीनी। गे मारदे आंइ कली मोदंशो पा मरिम्शो पनी?” दंमा बाक्त। मिनू सिम्सोनमी “मेकोपुकीमी आं कली दोदंशो पाम, गो यो मे मोदंशो ला पाता” दंमाक्त। १२ मिनू मेकोपुकीमी “गो दा इ कली फरंशा पलिस्ती आन गुइमी गेचा कली जाक्तक” दंमा बाक्त। मिनू सिम्सोनमी “मो हना आं कली मसाइक्नीक, दंशा, कसम जने” दंमाक्त। १३ मिनू मेकोपुकीमी “इन कली फरंशा ला पलिस्ती आन गुइमी गनीक। गो इन कली मसाइक्नीक” दंमा बाक्त। मिनू मेकोपुकीमी सिम्सोन कली नक डोरी निक्शीमी फरंशा, पुक्खी क्येडा आइक्था कुत्मे बाक्त।

१४ मिनू मेकोपुकी लेहीमी जाक्कीत्वामेनु, पलिस्तीपुकीमी मेको कली तशा गरीना गरीन पिमा बाक्त। मेना परमपरभु याव आ सोक्तीमी सिम्सोन कली सुमा बाक्त। मिनू सिम्सोनमी आ कली फरंशा डोरी निक्शी मीम दुष्शा पले खोदंशो पा परोदा बाक्त। न्यायाधीस १३:२५ १५ मिनू गधा आ पिया डा रुश खप रे गुप्शा, मेकोमी हजार का मुर आन कली तुप्शा सदा बाक्त। १६ मिनू मेकोमी “गो गधा आ पिया डा रुशमी तुम्ना तुम्न शुश मुर साइक्ता। तेन्ना तेन्न हजार का मुर साइक्ता” दंमाक्त। १७ मेकोमी मो दंने थुम्शा, मेको रुश ताइक्ता बाक्त। मोपतीके मेको ठाउं कली रामाथ-लेही नं वोदमे बाक्त।

१८ मिनू सिम्सोनमी ब्याक्कु तूतू दाक्शा, परमपरभु यावे कली पुंइशा, “गे इन वाइल कली ठेयब लडाइ गरापाइक्तीनी। मुल गो तूतू दाक्शा बेक्नुडा? एको खरोइक्तीक चिनु मखरोइश्शा आन गुइमी बेक्नुडा?” दंमाक्त।

१९ मिनु परमपरभुमी लेही डा खाल्टा कली परोल्शा, मेकर र व्याक्क गरुंडदा बाक्त। मिनु सिम्सानमी व्याक्कु तडा बाक्त। मिनु लेंशा, बोल्यो दुम्माक्त। मोपतीके लेही डा व्याक्कु बुक्तीक कली मुलाक्त सम्म एन-हाकोर देनीम। २० मिनु पलिस्तीपुकीमी इस्राएली आन कली दिष्शा सासन पामनु, सिम्सानमी २० बर्स सम्म इस्राएली आन निसाफ पशा बाक्माक्त।

### सिम्सानमी लाप्चो कुरशो

१काबु सिम्सान गाजा सहरमी लमाक्त। १६ मिनु मेकर तेल्लेम का तशा, मेको नाक्दो मेको नु इथ लमाक्त। २ मिनु गाजज सहर डा मुरपुकीमी “सिम्सान मेकर जाक्शो बाक्ब” दे गाजा डा मुर आन कली तुइक्पदमे बाक्त। मिनु मेकोपुकीमी सिम्सान आ बाक्तीक पुस्तमे बाक्त। मिनु मुरपुकी नाक्दो सहर डा ठेयब लाप्चोमी बाप्शा बाक्मा बाक्त। नाक्दो मेकोपुकी सिक्सी पा बाक्मा बाक्त। मेकोपुकीमी “नां साव्रचीना साइक्चा” दे सल्ला पशा बाक्मा बाक्त। ३ तन्न सिम्सान क्येर नाक्दो सम्म ला आ बराख्येमी गोल्शा बाक्माक्त। मिनु बोक्शा लशा, सहर डा ठेयब लाप्चो नु आ थाम निक्शी आ दलीन नेल्ल तुल्शा बालाम लाप्शा, हेबरोन आ नेक्था डा डांडाम लदा बाक्त।

### सिम्सान नु देलीलाह

४ मिनु नोले सिम्सानम सोरक डा दिममी बाक्ब देलीलाह माइश्शो मीश मुर का दाक्ता बाक्त। ५ मिनु पलिस्ती आन ठेयब मुरपुकी मेको मीश मुर कली गरुम्य लमा बाक्त। मिनु मेको कली “सिम्सान कली लेम्शा ‘इ कली सुमी बोल गेवा? दोपा इ कली फरंन चाप्नीकी’ दे हिल्लो पावो। मिनु गो आंइ कली शंदो। मारदे हना गो ग्याइक्चा दाक्नीकी। मिनु ग्याइश्शा गो का का पा इ कली ११, ११ सह चांदी के शेकेल गेनीकी” देमा बाक्त। ६ मिनु देलीलाहमी सिम्सान कली “सुमी इन कली शुश बोल गेवा? दोपा इन कली फरंन चाप्नीबा? मुरपुकीम दोपा इन कली ग्याइक्ने चाप्नीमी? आं कली शंदीन” दे हिल्लो पवा बाक्त। ७ मिनु सिम्सानमी “आं कली लिबरा आ ७ ओटा क्येख डोरीमी फरंताक्योमी हना, अरु मुर सोंदंशो बोल मपाइश्शो दुम्नुड” देमाक्त। ८ मिनु पलिस्ती आन ठेयब मुरपुकीमी ७ ओटा लिबरा आ क्येख डोरी चाक्शा, देलीलाह कली गेम बाक्त। मिनु

मेकोमी सिम्सान कली फरंदा बाक्त। ९ मेकोमी आगा डा कोटामी मुरपुकी खरुइश्शा वोइश्शो बाक्माक्त। मिनु मेकोमी “सिम्सान इन कली साइक्चा, दे पलिस्ती जाक्तेक्म” दे गरीमाक्त। मिनु सिम्सानमी मेको डोरी कली मीम किक्शो पले सोंदंशो पा परोइश्शा परोक्माक्त। मिनु आ बोल चहिं मारम बाक्बा, दे मतुइक्तमे बाक्त।

१० मिनु देलीलाहमी सिम्सान कली “ग आं कली शुक्शी पा जोल पाइतीनी। तन्न मुल डा मेर दोपा इन कली पाइक्ने चाप्सीबा, लो, देनीन” देमाक्त। ११ मिनु सिम्सानमी “आं कली नक मारइ यो मफरंशो डोरीमी फरंताक्योमी हना, अरु मुर सोंदंशो दुम्नुड” देमाक्त। १२ मोपतीके देलीलाहमी नक डोरी चाक्शा, मेको कली फरंदा बाक्त। मेना यो मुरपुकी आ कोटामी खरुइश्शा बाक्शो बाक्मा बाक्त। मिनु मेकोमी “सिम्सान इन कली साइक्चा, दे पलिस्ती जाक्तेक्म” दे गरीमाक्त। मिनु सिम्सानमी मेको डोरी कली श्यले परोइश्शो सोंदंशो पा परोदा बाक्त।

१३ मिनु देलीलाहमी लेंशा सिम्सान कली “ग मुल सम्म आं कली शुक्शी पा जोल पाइतीनी। इन कली दोपा फरंन चाप्सीबा?” दे हिल्लो पवा बाक्त। मिनु सिम्सानमी “ग आं चां डा ७ ओटा लामा कली तोव्र ओल्टीकम पाइक्ताक्यो नु मेको तोव्र आ परोव्रशो हिरतीक ठीक पा वोइक्तीवी हना, अरु मुर सोंदंशो पा बोल मपाइश्शो दुम्नुड” देमाक्त। १४ मोपतीके मेकोमी सिम्सान इम्मनु, मेको आ चां डा ७ ओटा लामा कली तोव्र आ परोव्रशो हिरतीकेमी हिरशा फरंशा वोदा बाक्त। मिनु मेकोमी “सिम्सान इन कली साइक्चा, दे पलिस्ती जाक्तेक्म” दे गरीमाक्त। मिनु सिम्सान निन्दरा र संशा, तोव्र ओल्टीक, तोव्र नल्ल नु परोव्रशो वा यो उइश्शा बाक्माक्त।

१५ मिनु देलीलाहमी “आं कली दाक्नुड, दे दोपा देने चाप्नीनी डा? इन थुमी आं कली मदाक्शो बाक्नीनी। गे आं कली खेयप सां शुक्शी पा, इन ठेयब बोल मारम बाक्बा, मुल सम्म मशंदीनी” देमाक्त। १६ मिनु मेकोमी सिम्सान कली नाक्त कित कित हिल्लो पा श्यत गेवा बाक्त। न्यायाधीस १४:१७ १७ मोपतीके सिम्सानमी आ खरुइश्शा थमा तोव्र मेको कली शंदो बाक्त। मेकोमी “मुल सम्म आं चां मपरक्शो बाक्ब। मारदे हना गो जरमेसी डारं परमपरभु आ योव्रशो नाजिरी का नड। आं चां परक्तेक्म हना, आं बोल लाइब। मिनु गो अरु मुर सोंदंशो पा बोल

मपाइश्शो दुम्नुड” देमाक्त। न्यायाधीस १३ :५

१८ मिनु सिम्सोनमी देलीलाह कली आ थुं डा लोत्र नल्ल शात्रशा, नोल देलीलाहमी पलिस्ती आन ठेयब मुर आन कली “रीब पा जाक्कीन। मारदे हना मकोमी आ थुं डा लोत्र नल्ल शंताक्यी” दे बरत्थ सोइक्ता बाक्त। मिनु पलिस्ती आन ठेयब मुरपुकी चांदी कुरशा जाक्मा बाक्त। १९ मिनु देलीलाहमी सिम्सान कली आ थुकुमी इप्पदा बाक्त। मिनु मुर का बरश्शा, आ ७ ओटा लामा परक्पदा बाक्त। मोपा देलीलाहमी सिम्सान आ बोल जाम्पाइश्शा सक्ति मपाइश्शो सेला बाक्त। २० मिनु मकोमी “सिम्सान बोक्कीन, इन कली साइक्चा, दे पलिस्ती जाक्तेक्म” दे गरीमाक्त। मिनु मेको निन्दरा रे बोक्माक्त। मिनु गो आंम कली गेना हना यो परांइनुड, दे मिम्ता बाक्त। तन्न “परमपरभु यावेमी आं कली परांइने थुम्तु” दे मकोमी मतुइक्ता बाक्त। १सामुएल १६ :१४ २१ मिनु पलिस्तीपुकीमी मेको कली ग्याइश्शा, आ मिक्च पुक्तमे बाक्त। मिनु गाजा सहरम चाक्गमे बाक्त। मिनु कांसा के साडलोमी पाइश्शा जेल्खानमी यात हिल्पदमे बाक्त। २२ मिनु नोले आ परक्शो चां लेंशा लाइश्शो दुम्माक्त।

### सिम्सान बेक्शो

२३ मिनु पलिस्ती आन ठेयब मुरपुकीमी “इं देवतामी इं सतरु सिम्सान कली इं गुइमी गप्तु” देशा, आन देवता दागोन कली ठेयब चदेतीक चदेचा कली नु ग्येरसीचा कली खुस्समा बाक्त। २४ मिनु खुस्सीशो मुरपुकीमी सिम्सान आ पर्वम “इं देवतामी इं सतरु, इं रागी डा सतरु, इं रागी डा मुर साइक्ब मुर कली इं गुइमी गेशो बाक्ब” दे गरीशा, आन देवता कली ठेयब सेल्मे बाक्त। २५ मिनु शुश ग्येरसीशा “सिम्सान कली गरुंडदीन। मिनु मकोमी आंइ कली सिल पा कांडदल” दे पुन्म बाक्त। मिनु सिम्सान कली जेल्खान रे गरुंडदमे बाक्त। मिनु मकोमी मेको आन कली सिल पा कांडदा बाक्त। मिनु मकोपुकीमी सिम्सान कली ठेयब थाम आस दातेमी राप्पदमे बाक्त। २६ मिनु सिम्सानमी आ गुइ ग्याइश्शा सुल्ब ठिटा कली “एको सिं कली तिक्व नल्ल क्येडा ठेयब थाम कली ग्याइक्चा गयी। मिनु गो मेकर रक एश्शा बाक्नुड” देमाक्त। २७ मेको सिंम शुश वॉइश मुर नु मीश

मुर बाक्मा बाक्त। पलिस्ती आन ठेयब मुरपुकी यो नल्ल मेकर बाक्मा बाक्त। हजार सां सोइ वॉइश मुर नु मीश मुर चहिं सिं डा नल्ल क्येडा तला तार बाक्शा, सिम्सान आ सिल कोत्रडमे बाक्त।

२८ मिनु सिम्सानमी परमपरभु यावे कली “परमपरभु, परमपरभु यावे, आं कली मिम्तीन। आं कली लेंशा खयप का सक्ति गयीनी। परमपरभु, गो काल आं मिक्च निक्शो आ पर्वम मेको आन कली क्येक्क लेत्न चबुल” दे पुना बाक्त। २९ मिनु सिम्सानमी मेको सिं कली तिकशा वोइक्ब सिं आ दातेमी वोइश्शो थाम निक्शो कली परा गुइमी का नु ग्युरा गुइमी अर्का कली ग्याइक्ता बाक्त। ३० मिनु सिम्सानमी “आं कली पलिस्तीपुकी नु बेक्चा गेन” देशा, आ सक्ति नेल्लेमी बोल पा मेको थाम निक्शो कली नेप्ता बाक्त। मिनु मेको सिं बरम्माक्त। मोपा बाक्शो नल्ल ठेयब मुर नु अरु मुर नेल्ले त्रिष्शा बेक्मा बाक्त। मोपा सिम्सानमी आ बरांइशो क्येडा यो आ बेक्ची ना शुश मुर सदा बाक्त। हिबरु ११ :३२-३४ ३१ मिनु सिम्सान आ आफ आ सिं डा मुर नु आ लोक्बपुकी मेकर जाक्शा, आ रां आ आफ मानोआह आ तुरस सोराह नु एश्ताओल सहर आ दातेमी थिम्म बाक्त। सिम्सान २० बर्स सम्म इसराएली आन निसाफ पाइब दुम्शो बाक्माक्त। न्यायाधीस १३ :२५ ; न्यायाधीस १५ :२०

### मीकाहमी मूर्ति सेल्पाइश्शो

१ एफराइम डा पहाडम मीकाह नें पाइश्शो मुर का बाक्माक्त। २ मिनु मकोमी आ आम कली “इन जाम्शो ११ सह चांदी के शेकेल आ पर्वम सराप पशो, गो नंता। मेको चांदी के शेकेल गो नु बाक्नीम। गो लाइश्शो नड। मुल गो लेत्नन्नी” देमाक्त। मिनु मेको आ ममामी “आं तौ, परमपरभु यावेमी इ कली आसीक गेवत्” देमाक्त। लेवी ५ :१ ; हितोपदेश २९ :२४

३ मिनु मेको ११ सह चांदी के शेकेल आ ममा कली लेंशा गेवानु, आ ममामी “एको चांदी आं तौ कली रिम्शो दुम्ल, दे मुशो, चांदीम गिल्शो मूर्ति सेल्पाइश्शा परमपरभु यावे कली गेनुड। मापतीक गो मेको चांदी के शेकेल लेंशा इ कली गेनन” देमाक्त। शेकेल का ११.५ ग्राम बाक्ब। ४ आ तौमी मेको चांदी आ ममा कली गेवानु, आ ममामी सह निक्शो चांदी के शेकेल लाइश्शा, चेम्ब कली गेवा बाक्त। मिनु मकोमी मुशो मूर्ति

का सल्ला मेको कली चांदीम गिला बाक्त। मिनु मेको मीकाह आ खिमी वीदमे बाक्त।

५ मेको मीकाह के देवता थान का यो बाक्माक्त। मेकोमी चढेब आ डांडीती फक्तीक निसाफ पतीक ऊरीम नु थुमीम बाक्शो झोला सल्पाइशशा, खिं डा देवतापुकी यो सल्पदा बाक्त। मिनु आ तो का कली योत्रशा, चढेब सला बाक्त। न्यायाधीस ८:२७; उत्पत्ती ३१:१९; प्रस्थान २८:४१ ६मेना इसराएल रागीमी पिप मबाक्मा बाक्त। मोपतीके सुम मार पचा दाक्मा, मेको पाइक्बाक्मा बाक्त। न्यायाधीस १८:१; न्यायाधीस १९:१; न्यायाधीस २१:२५

७ मिनु यहूदा डा बेथलेहम र पा जाक्शो यहूदा आ थर डा रागीम बाक्ब लेवी ठिटा का बाक्माक्त। न्यायाधीस १८:३; ब्यवस्था १८:६-८ ८मेको यहूदा डा बेथलेहम सहर परांइशा, अर्का सहरम बाक्चा कली बाक्तीक माल्ला माल्ल गाक्माक्त। मोपा गाक्मेनु, मेको एफराइम रागी डा पहाड मीकाह आ खिमी जाक्दीम्माक्त।

९ मिनु मीकाहमी “ते र जाक्शो नवे?” दे हिल्लो पवा बाक्त। मिनु मेकोमी “गो यहूदा डा बेथलेहम र पा जाक्शो लेवी का नड। मिनु बाक्चा कली बाक्तीक का माल्ला माल्ल गाक्ती” देमाक्त। १० मिनु मीकाहमी “गो नु बाक्को। मिनु आं आफ नु आं चढेब दुमो। गो इ कली बर्स बर्समी १० आटा चांदी के शकल गेनन। मिनु जचा फक्चा यो गेनन” देमाक्त। ११ मोपतीक मेको लेवी मीकाह नु बाक्चा बिस्स बाक्त। मिनु मीकाहमी मेको कली आ तो आन दाते डा का सोदेशो पा वीदा बाक्त। १२ मिनु मीकाहमी मेको लेवी ठिटा कली आ गेय गेवा बाक्त। मिनु मेको ठिटा आ चढेब दुमशा, मेको आ खिंम बाक्माक्त। प्रस्थान २८:४१ १३ मिनु मीकाहमी “मुल परमपरभु यावेमी आं कली सोशो बोशो सल्लती, दे तुइक्ताकड। मारदे हना लेवी का आं चढेब दुमशा बाक्ब” देमाक्त।

दान आ मुरपुकीम रागी माल्लशो

१८ १मेना इसराएल रागीम पिप मबाक्मा बाक्त। मिनु मना दान आ थर डा मुरपुकीमी बाक्चा कली रू माल्ला माल्ल बाक्मा बाक्त। मारदे हना इसराएली आन दातेमी योक्शो रागी मथरशो बाक्मा बाक्त। न्यायाधीस १:३४; यहोसु १९:४०-४८ २मोपतीके दान आ थर डा मुरपुकीमी सोराह नु

एश्ताओल र ५ जना मुर आन कली क्यारी पथ सोइक्त्मे बाक्त। मिनु मेको आन कली “लेन, मिनु मेको रागी कली क्यारी पन” देमा बाक्त। मिनु मेकोपुकी एफराइम आ पहाडी रागी, मीकाह आ खिमी जाक्शा, बास बाक्मा बाक्त। न्यायाधीस १३:२५ ३मिनु मेकोपुकी मीकाह आ खिंम बाक्मानु, मेको लेवी ठिटा आ लोत्र पशा नेशा तुइक्त्मे बाक्त। मिनु मेको लेवी कली “सुम इ कली एकर चाक्मा? एकर मार पाइनेवे? मार गेय पाइनेवे?” दे हिल्लो पामे बाक्त। न्यायाधीस १७:७ ४ मिनु मेकोमी “मीकाहमी गेय गेती। मेको आ चढेब दुमती” देमाक्त। ५ मिनु मेकोपुकीमी मेको लेवी कली “मो हना आंइ गेय रिमशा दुम्बा देय मदुम्बा, परमपरभु कली हिल्लो पावो” देमा बाक्त। ६ मिनु लेवीमी “थुं नाइशशा लेने, परमपरभु यावेमी इन गेय दाक्शो बाक्ब” देमाक्त।

७ मिनु मेको ५ जना मुर लशा, लाइश सहरमी जाक्दीम्मा बाक्त। मेकोपुकीमी मेकर डा मुर आन कली सीदोन डा मुरपुकी सोदेशो पा लडाइ मपथु, रिमशा नु क्यट थीब दुमशा, बाक्शो तामे बाक्त। मेकोपुकी नु मारइ मारइ बाक्माक्त। मेको आन रागी सीदोनी आन रागी क्येडा डोन बाक्माक्त। मिनु मेकोपुकी आंमा ला बाक्शो बाक्मा बाक्त। ८ मिनु मेको ५ जना मुर सोराह नु एश्ताओल सहरमी लेशशा जाक्मा नोले आन लोक्बपुकीमी “मार लोत्र चाक्नी?” दे हिल्लो पामे बाक्त। ९ मिनु क्यारी पाइबपुकीमी “लो, लय। मिनु मेकोपुकी नु लडाइ पय। मारदे हना मेको रागी थम रिमशा बाक्ब। मुल मार सिक्सी पा बाक्नीनी? मुल लचा कली दश मपने। मिनु मेको रागी कली आंम के सल्लय। १० गे मेकर जाक्दीशशा, कोत्रनीनु, ठेयब रागीमी थम रिमशा पा बाक्शो जात का डा मुर आन कली ताइनीनी। मेको मुरपुकीमी लडाइ आ पर्वम मारइ ममिमशा बाक्नीम। मेको रागी परमपरभुमी इन गुइमी गेशो बाक्ब। मेको रागीमी बाक्शो मारइ मारइ थीसीब” देमा बाक्त।

मीकाह आ मूर्ति रोइशशा

११ मिनु दान आ थर डा ६ सहे या कुरशो मुरपुकी सोराह नु एश्ताओल सहर र पा गाक्मा बाक्त। न्यायाधीस १३:२,२५ १२ मेकोपुकी कुशा, यहूदा डा किरयथ-यारीम आ नेक्था ताम्बु कीशा बाक्मा बाक्त। मोपतीके मुल सम्म मेको कली माहानेह-दान देनीम। मेको किरयथ-यारीम

आ पच्छिममी बाक्व। १३ मिनु मेक रे गाक्शा, एफराइम डा पहाडी रागीम बाक्शो मीकाह आ खिमी जाक्दीम्मा बाक्त।

१४ मिनु डांडती रागी क्यारी पथ पिशो ५ जना मुरुमी आन लोकब आन कली “एको खिं कामी चढेब आ निसाफ पतीक ऊरीम नु थुम्मीम बाक्शो झोला नु खिं डा देवता, मुशा चांदीमी गिल्शो मूर्ति बाक्नीम। गपुकीमी तुइक्वा माल्नीनी। मिनु मुल मार पचा माल्वा, मिम्चा माल्नीनी” देमा बाक्त। १५ मिनु मेकोपुकी मीकाह आ खिं आ नेक्था जाक्शा, लेवी टिटा आ बाक्तीक जाक्मा बाक्त। मिनु “दोदेशो बाक्नेवे?” दे हिल्लो पामे बाक्त। १६ या कुरशो ६ सहे दान आ थर डा मुरपुकी चहिं लाप्चोमी बाक्मा बाक्त। १७ मिनु डांडती क्यारी पथ जाक्शो ५ जना मुर खिं आगा ओव्रमा बाक्त। मिनु मेकोपुकीमी मेको मुशा चांदीम गिल्शो मूर्ति, निसाफ पतीक ऊरीम नु थुम्मीम बाक्शो झोला नु खिं डा देवता नल्ल लदमे बाक्त। मेना चढेब यो मेको ६ सहे मुर नु लाप्चोम राप्शा बाक्शो बाक्माक्त। न्यायाधीस १७:५ १८ मिनु मोपा मेको ५ जना मुरुमी मीकाह आ खिमी ओव्रशा, मेको मुशा चांदीम गिल्शो मूर्ति, चढेब आ डांडती फक्शो निसाफ पतीक ऊरीम नु थुम्मीम बाक्शो झोला नु खिं डा देवतापुकी लदमेन, चढेबमी “मार पनी?” दे हिल्लो पामी बाक्त। १९ मिनु मेकोपुकीमी “ब्वालेइ पावो। लोव्र का यो मपावो। गो नु गाक्शा आंइ आफ नु चढेब दुमो। मार, मुर का आ चढेब दुम्चा रिम्शो दय इसराएल डा थर का नु आन मुर आन चढेब दुम्चा रिम्शो दुम्बा? लो, मिम्तो” देमा बाक्त। २० मिनु मेको चढेब बिश्शा, मेको निसाफ पतीक ऊरीम नु थुम्मीम बाक्शो झोला खिं डा देवतापुकी नु मेको मुशा चांदीम गिल्शो मूर्ति कुरशा, मेकोपुकी नु गाक्माक्त।

२१ मिनु मेकोपुकी मेकेर रे लश्शा, आन लां खोदमे बाक्त। मेकोपुकीमी आलपुकी, बस्तु भाव नु आन मारेइ मारेइ लाइश्शा, आन डांडती खुल्शा गाक्मा बाक्त। २२ मिनु दान आ थर मा मुरपुकी मीकाह आ खिं रे इक्का डोन जाक्दीम्मानु, मीकाहमी आ नेक्था डा मुर आन कली बरेश्शा सुप्शा, खेदा पा थिम्मी बाक्त। २३ मिनु हुइक्तीमी बाक्त। मिनु दान आ थर डा मुरपुकीमी मीकाह कली “इ कली मार दुम्मे? मारदे मोदेशो पा शुश मुर सुप्तीमी?” देमा बाक्त। २४ मिनु मीकाहमी “आं कली सल्ल्सीशो देवी देवता नु आं चढेब मुर मारदे लाइक्नी? आं

कली मारेइ महंदीनी। मिनु आं कली ‘इ कली मार दुम्मे?’ दे हिल्लो पाइनीनी?” देमाक्त। २५ मिनु दान आ थर डा मुरपुकीमी “ब्वाले पावो। मारदे हना आंइ दाते डा चुरब मुरपुकीमी चुरशा, इ कली नु इ खिं डा मुर आन कली साइक्नीमी” देमा बाक्त। २६ मिनु मेको दान आ थर डा मुरपुकी मकर रे गाक्मा बाक्त। मीकाह यो आ क्येडा बोल्यो मुर तशा, मारेइ मपथु, आ खिं लेम्माक्त।

२७ मोपा मेको चढेब नु मीकाह आ सल्ल्सीशो मूर्ति लाइश्शा, मेकोपुकी गाक्मा बाक्त। मिनु मेकोपुकी लाइश् सहर नु लडाइ पामे बाक्त। मेकेर डा मुरपुकी थुं नाइश्शा, लडाइ ममिम्थु बाक्शो बाक्मा बाक्त। मिनु दान आ थर डा मुरपुकीमी मेको आन कली तरवारमी साइश्शा, मेको आन सहरम मी सुइक्तमे बाक्त। २८ मेको आन कली परांइब सुइ मबाक्मा बाक्त। मारदे हना मेको सहर सीदोन रे शुश डोन बाक्माक्त। मेको सहर बेथ-रेहोब आ नेक्था डा दिममी बाक्माक्त। मिनु दान आ थर डा मुरपुकीमी मेको सहर सेल्शा बाक्चा गोव्रमे बाक्त। २९ मिनु मेको सहर कली इसराएल आ तो, मेको आन किकी पिपी आ नें दान वोदमे बाक्त। मेको सहर आ नें डांडती लाइश् बाक्माक्त। यहासु १९:४७ ३० मिनु दान आ थर डा मुरपुकीमी मेको मूर्ति पूजा पचा कली वोदमे बाक्त। इसराएली नल्ल ग्याइश्शा लाइक्चा मपुंडसीमा सम्म मोसा आ तो गरशोम, आ तो यानाथन नु मेको आ चच युइ दान आ थर डा चढेब दुम्मा बाक्त। १ राजा १२:२९; आमोस ८:१४; परस्थान १८:३; २ राजा १५:२९ ३१ परमपरभु आ खिं शिलोमी बाक्म सम्म मेकोपुकीमी मीकाहमी सल्ल्सीशो मूर्ति कली पूजा पामे बाक्त। यहासु १८:३; येरमीया ७:३२

गिबा सहरम मरिम्शो दुम्शो

१ मेना इसराएल रागीम पिप मबाक्माक्त। १९ मिनु लेवी का बाक्माक्त। मेको एफराइम डा नल्ल क्येडा नोले डा पहाडी रागीम बाक्शो बाक्माक्त। मेकोमी यहूदा डा बेथलेहेम रे मीश का चाक्शो बाक्माक्त। न्यायाधीस १७:६ २ मिनु आ वांइश नु गाइश्शा, मेको कली परांइशा आ माइत यहूदा डा बेथलेहेममी लशो बाक्माक्त। मिनु मेको मीश मुर मेकेर बाक्शो ४ महिना दुम्शो बाक्माक्त। ३ मिनु आ वांइश आ कान्छी मीश कली लेम्शा विप्पाइश्शा, मेको कली पित्वा कली लमाक्त। मेकोमी वाइल का

नु गधा निकशी यो लदा बाक्त। मिनु मेको आ शिउ आ सिंमी जाकदीम्माक्त। मिनु आ शिउमी मेको कली तशा ग्येरसीशा गुरूमा बाक्त। ४ मिनु आ शिउमी “बाक्कीन” दे नमो सिमो पवा बाक्त। मोपतीक नाक्त सां सम्म बाक्माक्त। मेकोपुकी जशा तूशा बाक्मा बाक्त। ५ मिनु ४ नाक्त नोले मेको लेवी सुनी कना बाक्शा, गाक्चा कली सास बाक्त। तन्न आ शिउमी “तचा क्येडा डांइती मारेइ जने” देमाक्त। ६ मोपतीक जशा तूशा बाक्सा बाक्त। मिनु आ शिउमी “मुलाक्त नाक्दो का बाक्शा, चिनु ग्येरसीशा लने” देमाक्त। ७ मिनु मेको निकशी जशा तूशा बाक्सा बाक्त। मिनु आ शिउमी “चिनु काब नाक्दो बाक्कीन” दे नमो सिमो पवा बाक्त। ८ मिनु ५ नाक्त मेको लचा कली सुनी कना बाक्माक्त। तन्न आ शिउमी “डांइती जने, नां इच्छा चोक्तल। मिनु नोले लने” देमाक्त। मोपतीके मेको निकशी नां चोक्चा सम्म बाक्शा, जशा तूशा, बाक्सा बाक्त। ९ मिनु मेको मुर, आ मीश नु आ वाइल नु लचा, दे बाक्मनु, आ शिउमी “लो, कोत्रडीन, नां रिक्चापु। मोपतीके मुलाक्त नाक्दो बाक्शा, इन थुं ग्येरपतीन। मिनु दीसा सुनी कना बाक्शा इन सिं लेतीन” देमाक्त। लूका २४:२९

१० तन्न मेको नाक्दो बाक्चा मबिस्स बाक्त। मेक रे बाक्शा, आ मीश, आ वाइल नु गधा निकशी सुत्शा, मेकोपुकी यबुस आ आइदी जाकदीम्मा बाक्त। यबुस सहर कली यरूसलेम यो देबाक्मा बाक्त। न्यायाधीस १:२१; १इतिहास ११:४ ११ मिनु यबुस आ नेक्था जाकदीम्मानु, नां रिक्चशा बाक्माक्त। मिनु वाइलमी “मुलाक्त नाक्दो लशा, यबुसी आन सहरमी बाक्य” देमाक्त। १२ तन्न लेवीमी “गो इस्राएली अरु मुर आन सहरम मलाइनीक। गिबा सहरमी लय। १३ लो, गाक्य, गिबा हना यो रामाह सहर हना यो का सम्म जाकदीशा, बास बाक्य” देमाक्त। १४ मिनु गाक्मा बाक्त। मोपा गाक्मा गाक्मा बेन्यामीन आन गिबा सहर जाक्चामेनु, नां रिक्माक्त। यहोसु १८:२८ १५ मिनु मेकर बास माल्शा लामा बाक्त। मिनु सहर डा चोकमी बाक्मा बाक्त। मारेदे हना सुइमी मेको आन कली बास बाक्चा कली आन सिंमी मलदमे बाक्त।

१६ मिनु खाल्पा का आ रूमी गेय पा नाक्दो सिं लेशशा बाक्माक्त। मेको खाल्पा एफराइम डा पहाडी रागी डा बाक्माक्त। तन्न गिबामी

बेन्यामीन आ थर डा सहरम बाक्बाक्माक्त। १७ मिनु मेको खाल्पामी इर कोत्रशा सहर डा चोकमी बाक्शा लां गाक्ब मुर आन कली तवा बाक्त। मिनु लशा मेको आन कली “ते रे पिनी? ते लाइनीनी?” दे हिल्ला पवा बाक्त। १८ मिनु मेकोमी “गोपुकी यहूदा डा बथलेहम रे एफराइम डा नेल्ल क्येडा नोले डा पहाडी रागीम लाइनीकी। गो मेकर डा नडा। गो यहूदा डा यबुस बथलेहममी लती। मुल मेक रे लेशशा, आं सिं लना लने बाक्नुड। मिनु सुइमी आंइ कली बास बाक्चा मगेम। १९ गोपुकी नु आंइ गधा कली नल नु जचा थोत्रक बाक्ब। गो, आं मीश नु आं वाइल नेल्ल कली जचा तूचा थोत्रक यो बाक्ब। गो आंइ कली माल्शा मारेइ मारेइ गोपुकी नु बाक्ब” दे लोत्र लेत्ता बाक्त। २० मिनु खाल्पामी “थुं नाइक्तीन। आं सिंम बाक्कीन। इन माल्शो नेल्ल गेनन्नी। गोपुकीमी चोकमी बाक्शा, नां सांइचा काइ मडुम्ब” देमाक्त। २१ मिनु खाल्पामी आ सिंमी लाइक्मी बाक्त। गधा आस कली जचा गेवा बाक्त। मिनु आन खोइल चिक्शा, जशा तूशा बास बाक्मा बाक्त।

२२ मेकोपुकी ग्येरसीशा बाक्शा बाक्मानु, सहर डा मरिम्शा मुरपुकीमी मेको सिं कली दि दा रे पा पुम्दमे बाक्त। मिनु सिं डा लाप्चो कली खरोकोल पना पन “इ सिंमी ओत्रब मुर कली लाङगा गरुंइदो। गोपुकी मेको नु इन्नीकी” दे गरीमा बाक्त। उत्पत्ती १९:५-८ २३ मिनु खाल्पा लाङगा गरुशा, मेको आन कली “आं लोक्बपुकी, एको मुर आं वारच बाक्ब। मोदेशो मरिम्शा मपन। एको मुर आं पौना बाक्ब। मेको कली मारेइ यो मपन। २४ एकर आं कन्न तमी नु एको पौना आ कान्छी मीश बाक्ब। मेको आस कली लतीन। मिनु इन दाक्शो पन। तन्न एको मुर कली मारेइ यो मपन” देमाक्त। २५ तन्न मेको मुरपुकीमी खाल्पा आ लोत्र काइ मबिस्समा बाक्त। मोपतीके मेको पौनामी आ कान्छी मीश मेको आन बाक्तीक सोइक्ता बाक्त। मिनु मेकोपुकी मेको नाक्दो नेल्ल मेको मीश मुर नु इम्मा बाक्त। मेको कली का का पा बिगरेम बाक्त। मिनु सुनी सोइक्तमे बाक्त। २६ मिनु सुनी कना आ वांइश बाक्शा सिं डा लाप्चोमी जाक्शा गोल्माक्त। मिनु नां मसोक्म सम्म मेकरेन गोल्शा बाक्माक्त।

२७ मिनु आ वांइश बाक्शा, मुल गाक्चा, दे लाप्चो रोक्गानु, आ मीश कली लाप्चो आ पुंम गोल्शो तवा बाक्त। २८ मिनु “बाक्को,

गाक्य” दैमेनु, मारैड लोव्र मलेत्ता बाक्त। मिनु आ मीश कली गधा तारी वोइश्शा खिं लदा बाक्त। २९ मिनु खिं जाकदीश्शा, आ छ्छरी गृइश्शा आ मीश कली क्योरशा, १२ टुकरा पा इसराएल आ थर नेल्ल आन कली सोइक्ता बाक्त। ११सामुएल ११:१७ ३०मको ताइब नेल्लेमी “गो इसराएलीपुकीम इजीप्त रागी र पिशो रे मुलाक्त सम्म ओदेशो मदुम्शा नु मतशो बाक्तय। मोपतीक मुल मार पचा मिस्तीन। मिनु सल्ला पने” दैमा बाक्त। होस १०:१९

बेन्यामीनी आन कली क्येकक लेश्शो

२० १मिनु इसराएली नेल्ले दान रे पा बेयर-शबा सम्म गित्ताद रागी परमपरभु यावे आ डोंइती मिस्पामी गरुम्मा बाक्त। यहासु १८:२६; ११सामुएल ७:२२ २इसराएली आन थर थर डा ठेयब मुरपुकी नु तरवार कुरब ४ लाख लडाइ पाइबपुकी परमपरभु आ मुर आन गरुम्तीकेमी जाकमा बाक्त। ३मिनु बेन्यामीन आ थर डा मुरपुकीमी इसराएली नेल्ले मिस्पामी बुक्तेकम, दे तुइक्तेम बाक्त। मिनु इसराएलीपुकीमी मेको लेवी कली “एको मरिम्शो गय दोपा दुम्मे?” दे हिल्लो पामे बाक्त।

४ मिनु मेको साइक्चा पुंडसीशो मीश मुर आ वोइश लेवीमी “गो नु आं मीश बास बाक्चा कली बेन्यामीन आ थर डा गिबा सहरमी लशो नस्कु। न्यायाधीस १९:१४; यहासु १८:२८ ५ मिनु मेको नाकदो गिबा सहरम बाक्ब मुरपुकीम आं कली मरिम्शो पचा कली आं बाक्शो खिं पुम्ताकम। मिनु मेकोपुकीमी आं कली साइक्चा माल्तेकम। मिनु आं मीश कली कीशा लाइश्शा, मेको नु मबेकम सम्म का का पा इप्तेकम। ६मिनु गो आं बेक्शो मीश कली टुकरा टुकरा पा चेक्ता। मिनु इसराएल आ थर नेल्ल आन रागीम सोइक्ताकड। मेकोपुकीमी इसराएलमी मोदेशो गरांगरा दिशो नु मरिम्शो पामे बाक्त, दे तुइक्पाइक्चा कली गो मो पाता। उत्पत्ती ३४:७ ७ मुल गे इसराएली नेल्ले लोव्र पने। मार पचा माल्त्वा, इन मिम्शो शोव्रडीन” दैमाक्त।

८ मिनु मुर का दुम्शो खोदेशो पा मुर नेल्ले बाक्मा बाक्त। मिनु मेकोपुकीमी “गोपुकी सुइ यो आंम खिं लेश्शा मलय। का सम्म यो लेश्शा मलय। ९ मुल गोपुकीमी गिबा सहर डा मुर आन कली मार पचा देशा हना, गो फन्टे आप्शा, गिबा सहर लशा, लडाइ तोय। १० इसराएल आ थर

नेल्ल डा सहे कार रे १० जना, हजार कार रे सहे का जना, १० हजार रे हजार का जना मुर लाइश्शा, लडाइ पाइब आन कली जचा थोव्रक क्यान्व नु कुरब सल्लय। मिनु मोपा गो गिबा सहरम बाक्ब बेन्यामीन आ थर डा मुरपुकीम इसराएलम पशो गरांगरा दिशो गय आ पबेम क्येकक लेत्तय” दैमा बाक्त। ११मोपा इसराएली नेल्ले थुं का दुम्शा, मेको सहर नु लडाइ पचा कली सुम्साकमा बाक्त।

१२ मिनु इसराएल आ थर डा मुरपुकीमी बेन्यामीन आ थर डा मुर नेल्ले आन कली “इन दातेमी पशो गरांगरा दिशो गय, मार बाक्वा? १३ मोदेशो मरिम्शो पाइब आन कली आंइ गुइमी गेन। मिनु गो मेको आन कली साइश्शा, इसराएल रागी कली मोदेशो गरांगरा दिशो रे रिम्शो सेल्लोकी” दे लोव्र पथ, मुर सोइक्तेमे बाक्त। तन्न बेन्यामीन आ थर डा मुरपुकीम आंम लोकब इसराएली आन लोव्र मनेन्म बाक्त। परस्थान २१:१२; गन्ती ३५:३३-३४ १४ मिनु बेन्यामीन आ थर डा मुरपुकी इसराएलीपुकी नु लडाइ पचा कली गिबामी सुम्समा बाक्त। १५ बेन्यामीन आ थर डा मुरपुकीमी रीब पा २६ हजार तरवार कुरशो लडाइ पाइब मेको सहर रे सुप्तमे बाक्त। मेको आन क्येडा लाक्शा गिबा सहर डा मुर यो बाक्मा बाक्त। १६ मेको आन दातेमी ७ सहे परा गुइ चलेब, हरद आप्वा शुश जोक्ब मुर यो बाक्मा बाक्त। आन सहर नु गिबा रे यो जाकमा बाक्त। १७ मिनु इसराएलीपुकीमी चहिं बेन्यामीन आ थर डा मुरपुकी नु लडाइ पचा कली तरवार कुरशो ४ लाख लडाइ पाइब ठीक पामे बाक्त।

१८ मिनु इसराएलीपुकी रीब पा बेथल लशा, परमपरभु कली “आंइ इसराएली आन दातेमी तेको थरमी नेल्ले क्येडा डोंइती बेन्यामीन आ थर डा मुर नु लडाइ पचा?” दे हिल्लो पामे बाक्त। मिनु परमपरभु यावेमी “यहूदा आ थर डा मुरपुकीमी डोंइती लडाइ पचा माल्लीम” दैमाक्त। न्यायाधीस १:१२-२; गन्ती २७:२१

१९ मिनु इसराएलीपुकी सुनी कना बाक्शा लशा, गिबा आ नक्था ताम्बु कीशा बाक्मा बाक्त। २० मेकोपुकीमी बेन्यामीन आ थर डा मुरपुकी नु लडाइ पचा कली गिबा सहर आ नक्था ठीक पा बाक्मा बाक्त। २१ मेको नाक्ती बेन्यामीन आ थर डा मुरपुकी गिबा सहर रे लशा, लडाइ पा २२ हजार इसराएली आन कली सदमे बाक्त। २२ तन्न इसराएल डा मुरपुकी थुं

बारपाइश्शा, झंडती नाक्ती सोदंशो पा लंशा लडाइ पचा कली ठीक पा बाक्मा बाक्त ।

२३मिनु इसराएलीपुकी लशा, नाक्दो सम्म परमपरभु यावे आ झंडती डाक्मा बाक्त । मिनु मेकोपुकीमी परमपरभु यावे कली “आंम लोक्व बन्यामीन आ थर डा मुर नु लंशा लडाइ तोचा दय मतोचा” दे हिल्ला पामे बाक्त । मिनु परमपरभु यावेमी “मेकोपुकी नु लडाइ पचा कली लन” देमाक्त । २४ आ दीसा नाक्त यो मेकोपुकीमी बन्यामीन आ थर डा मुरपुकी नु लडाइ पचा गोत्रमे बाक्त । २५ मिनु बन्यामीन आ थर डा मुरपुकी मेकोपुकी नु लडाइ पचा कली गिबा रे गरूमा बाक्त । मिनु मेकोपुकीमी लंशा १६ हजार इसराएली आन कली सदमे बाक्त । उत्पत्ती ४९ :२७ २६मिनु इसराएली नेल्ले बेथेल सहर लमा बाक्त । मिनु मेकोपुकीमी नाक्दो सम्म परमपरभु यावे आ झंडती डाक्शा माइजा बाक्मा बाक्त । मेकोपुकीमी परमपरभु यावे कली चोशा चढेतीक नु दुशा बाक्चा आ पर्वम चढेतीक चढेमे बाक्त । न्यायाधीस २० :१६ ; यहोसु १६ :२१-२२ २७मिनु इसराएलीपुकीमी परमपरभु यावे कली “मार पचा” दे हिल्ला पामे बाक्त । मारदे हना मना परमपरभु आ कबल पशो सन्दोस मेकर बाक्माक्त । २८ मिनु हारून आ तौ एलाजर आ तौ फिनहासमी मेको कली कोत्रब बाक्माक्त । मिनु इसराएलीपुकीमी परमपरभु यावे कली “मुल गो आंइ लोक्व बन्यामीन आ थर डा मुरपुकी नु लडाइ पथ लंशा लचा दय मलचा” दे हिल्ला पामे बाक्त । मिनु परमपरभु यावेमी “लन, गो दीसा मेको आन कली इन गुडमी गेनन्नी” देमाक्त । गन्ती २५ :७ ; यहोसु २४ :३३

२९मोपतीके इसराएल डा मुरपुकीमी लडाइ पाइब आन कली गिबा आ एर आंथ बाप्यदमे बाक्त । यहोसु ६ :१२,१४ ३०मेको सां नाक्ती इसराएलीपुकी बन्यामीन आ थर डा मुरपुकी नु लडाइ पथ लमा बाक्त । झंडती पशो सोदंशो पा लडाइ पचा कली गिबा सहर आ झंडती ठीक पा बाक्मा बाक्त । ३१मिनु बन्यामीन आ थर डा मुरपुकी चहिं इसराएली आन लडाइ पाइब नु लडाइ पचा कली लाङगा गरूमा बाक्त । इसराएलीपुकी सहर रे परोक्खु पा मेको आन कली गिबा सहर रे डोन लदम बाक्त । मिनु बन्यामीन आ थर डा मुर झंडती सोदंशो पा इसराएली सदमे बाक्त । मेकोपुकी ठेयब लोमी बाक्मा बाक्त । लां का बेथेल गे लाइब नु अरु

चहिं गिबा नु अर्का रू गे लाइब लां बाक्माक्त । मेकेर ३० जना इसराएली कली सदमे बाक्त । ३२मिनु बन्यामीन आ थर डा मुरपुकीमी “गो झंडती सोदंशो पा ग्राना ग्रान बाक्नय” दे मिम्तमे बाक्त । तन्न इसराएलीपुकीमी “गो परोक्खु पा मेको आन कली सहर रे डोन ठेयब लो सम्म गरूइचा माल्नीक” देमा बाक्त । ३३मोपा इसराएली आन लडाइ पाइब आन ठेयब हुल आंम आन लडाइ पतीके परोइशा बाल-तामार गे परोक्खु पामे बाक्त । मिनु बाप्शा बाक्वपुकी चहिं गेबा आ पच्छिम रे रीब पा गरूमा बाक्त । गेबा गिबा सहर दुम्न चाक्व । ३४मिनु इसराएल डा १० हजार योत्रसीशो लडाइ पाइबपुकीमी गिबा गे बारशा ठेयब लडाइ तोमे बाक्त । तन्न बन्यामीन आ थर डा मुरपुकीमी “ठेयब श्येत जाक्चा चिक्शो बाक्त” दे मतुइक्तमे बाक्त ।

३५मिनु परमपरभु यावेमी बन्यामीन आ थर डा मुर आन कली इसराएली आन गुड रे खतम सेला बाक्त । मेको नाक्ती इसराएलीपुकीमी २५ हजार सह का बन्यामीन आ थर डा मुर आन कली सदमे बाक्त । ३६मिनु बन्यामीन आ थर डा मुरपुकीमी “मुल गो बरुइतक” दे तुइक्तमे बाक्त । मारदे हना इसराएलीपुकीमी बरुशो दंसु पा गिबा आ नक्था बाप्शा बाक्व आन कली थमा सुइश्शा, परोक्खु पामे बाक्त । ३७मिनु मेको बाप्शा बाक्वपुकीमी रीब पा लडाइ पा गिबा सहर ओत्रमा बाक्त । मिनु मेकोपुकीमी मोपा ओत्रशा, गिबा डा मुर नेल्ल कली तरवारमी क्योरशा सदमे बाक्त । ३८ इसराएली नु मेको बाप्शा बाक्व मुर आन सल्ला मार बाक्त दंशा हना, मेकोपुकीमी सहर ओत्रशा, गराशा, मी मुइश्शा सरीङ गे कुन सोइक्चा माल्बाक्मा बाक्त । ३९मिनु परोक्खु पशो इसराएल डा ठेयब हुल मेको तशा लेत्वा, दे सल्ला पशो बाक्मा बाक्त । मिनु झंडती बन्यामीन आ थर डा मुरपुकीमी इसराएली आन कली ३० जना साइश्शा “गो थमा पा गराणीक” दे मिम्शो बाक्मा बाक्त । ४०मिनु सहर आ दाते रे कुन गरूशो तशा, बन्यामीन आ थर डा मुरपुकीमी नोले हिरशा कोत्रडमे बाक्त । मिनु सहर नेल्लेमी मी बरुशो तामे बाक्त । ४१मिनु परोक्खु पाइब इसराएलीपुकी फरा लेशशा, बन्यामीन आ थर डा मुर आन कली लडाइ तोत्रमे बाक्त । मिनु बन्यामीन आ थर डा मुरपुकी “ला, मुल बेक्साक्व” दे हिंमा बाक्त । ४२मोपतीके बन्यामीन आ थर डा मुर मेक रे गोरशो रागी गे परोक्खु बाक्त । तन्न

सहर र जाकशा इसराएलीपुकीमी मेको आन कली दाते पा क्योरशा साइक्वा गोत्रमे बाक्त। १३मेकोपुकीमी बन्यामीन आ थर डा मुर नेल्ल कली मनाइक्थु, खंदा पामे बाक्त। मिनु नोहा र गिबा आ नां दाप्तीक सम्म मेको आन कली खंदा पा साइश्शा गरामा बाक्त। १४मिनु १८ हजार बन्यामीन आ थर डा मुरपुकी साइक्वा पुंइसमा बाक्त। मेको नेल्ल बोल्या लडाइ पाइब बाक्मा बाक्त। १५मिनु लेशशा गोरशा रागी रिम्मोन माइश्शा ठेयब फुल्लु गे परोकमानु, इसराएलीपुकीमी ठेयब लामी ५ हजार खाइ बन्यामीन आ थर डा मुर आन कली सदमे बाक्त। मेकोपुकीमी अरु आन कली गिदोम सहर सम्म खंदा पा हजार निक्शी आन कली सदमे बाक्त। १६मेको नाक्ती २५ हजार या कुरशो बन्यामीन आ थर डा मुरपुकी लडाइमी साइक्वा पुंइसमा बाक्त। १७तन्न बरांडशा लीशो ६ सहे जना बन्यामीन आ थर डा मुरपुकी गोरशो रागी डा रिम्मोन फुल्लु मेर परोकशा, ४ महिना मेकर बाक्मा बाक्त। न्यायाधीस २१:१३ १८मिनु इसराएलीपुकीमी बन्यामीन आ थर डा मुर नेल्ल आन कली लडाइ पा सदमे बाक्त। सहर कली करोइश्शा, मुर नु बस्तु भाव मारेइ मारेइ सदमे बाक्त। मेकोपुकीमी लीशो सहर नेल्ल आन कली यो मी सुइक्तमे बाक्त। उत्पत्ती ३४:२५-२९; गन्ती ३५:३०-३४; ब्यवस्था १३:१३-१९

### लीशो बन्यामीनी

१३मिनु डांडती मिस्पामी जाकशा २१ इसराएलीपुकीमी मार कसम जशो बाक्मा बाक्त देशा हना "गोपुकीमी ई तमी आन कली बन्यामीन आ थर डा मुर आन कली ग्युंबे पा मगय" दे कसम जशो बाक्मा बाक्त। न्यायाधीस २०:१ २मिनु मुरपुकी बेथल लशा, नाकदो सम्म परमपरभु आ डांडती बाक्शा, शुश डाक्मा बाक्त। न्यायाधीस २०:१८,२३,२६ ३मेकोपुकीमी "परमपरभु यावे, इसराएली आन परमपरभु, मारदे ओदेशो दुम्म? मुलाक्त मारदे इसराएली आन थर का जाम्मे?" देमा बाक्त। ४मिनु आ दीसा मुरपुकी सुनी कना बोक्शा, मेकर चढ्देतीके का सेल्शा, चोशा चढ्देतीक नु दुशा बाक्वा आ पर्वम चढ्देतीक चढ्देमे बाक्त। ५मिनु नोले इसराएलीपुकीमी "तेको थर परमपरभु यावे आ डांडती मजाक्मा?" दे हिल्लो पमुमा बाक्त। मारदे हना मिस्पामी मेकोपुकीमी "परमपरभु यावे आ डांडती सु

मजाक्वा, मेको कली साइक्वा माल्ब" दे कसम जशो बाक्मा बाक्त। ६मिनु आंम लोकब बन्यामीन आ थर डा मुर आन पर्वम डाकशा "मुलाक्ती इसराएल डा थर का क्याम्साक्व। ७लीशो वांडश मुर आन कली मीश आल चाक्वा कली मार पय? गोपुकीमी परमपरभु यावे आ डांडती मेको आन कली आंड तमी ग्युंबे पा मगनीक, दे कसम जशो बाक्नीकी" देमा बाक्त।

८मिनु मेकोपुकीमी "परमपरभु यावे आ डांडती इसराएली आन थर डा मिस्पामी मजाक्व, सु बाक्म?" दे हिल्लो पशा, याबेश-गिलाद र सुइ यो गरुम्तीक ताम्बुमी मजाक्मा बाक्त, दे तुइक्तमे बाक्त। ९मारदे हना मेकोपुकीमी मुर हिकगमेनु, याबेश-गिलाद डा सुइ मुर मजाक्शा तुइक्तमे बाक्त। १०मोपतीके मेको गरुम्शो मुरपुकीमी १२ हजार लडाइ पाइब आन कली याबेश-गिलाद डा वांडश मुर, मीश मुर, आल बरप्च नेल्ल कली तरवारमी क्योरशा सतीन, दे हुकुम पा सोइक्तमे बाक्त। ११मिनु "वांडश मुर नु मेको नु इप्शो मीश मुर नेल्ल आन कली सतीन। तन्न कन्ने आन कली परोनीन" दे हुकुम पामे बाक्त। गन्ती ३१:१७-१८ १२मिनु सोइश्शापुकीमी याबेश-गिलादमी ४ सहे सुइ नु मइप्शो कन्ने मीश आल थिश्शा, मेको आन कली कनान डा शिलोम बाक्शा ताम्बुमी चाक्गमे बाक्त।

१३मिनु गरुम्शो इसराएली नेल्लेमी रिम्मोनमी खरुइश्शा बाक्शा बन्यामीन आ थर डा मुर आन कली "गारचा" दे बरेथ सोइक्म बाक्त। न्यायाधीस २०:४७ १४मिनु बन्यामीन आ थर डा मुरपुकी लेशशा जाक्मा बाक्त। मिनु मेकोपुकीमी मेको आन कली याबेश-गिलादमे सेस परोइशो मीश आल गेमे बाक्त। तन्न बन्यामीन आ थर डा वांडश मुर आन कली मेको मीश आल मजाक्दोम्माक्त। १५मिनु इसराएलीपुकीमी बन्यामीन आ थर आ पर्वम सुर्तो पस डा पस बाक्मा बाक्त। मारदे हना परमपरभु यावेमी इसराएल डा बन्यामीन आ थर हररा क्याम्शो बाक्माक्त। १६मोपतीके मेको गरुम्तीक डा खाल्पापुकीमी "मुल लीशो वांडश मुर आन कली मीश गेचा कली मार पय? मारदे हना बन्यामीन आ थर डा मीश मुर नेल्ल बेक्तेक्म" देमा बाक्त। १७मिनु मुरपुकीमी "परोकशा बरांडशो बन्यामीन आ थर डा मुर आन कली चच युइ दुम्चा माल्लीम। मोदेशो मदुम्त हना, इसराएल र थर का

ग्याम्शा लाइब। १८ तन्न गो मेको आन कली इं तमी गेने मचापनय” देमा बाक्त। मारदे हना इसराएलीपुकीमी “सुम बेन्यामीन आ थर डा मुर कली आ तमी गबा, मेको सराप राइब” दे कसम जशो बाक्मा बाक्त। १९ मोपतीक “ननीन, परमपरभु यावे आ पर्वम बर्सम काले दुम्ब चाड शिलामी पाइनीम। शिलो बेथल आ उत्तर गे बाक्ब। मिनु मेको बेथल र शेकम लतीक ठयब लां आ पूर्ब नु लेबोना सहर आ दक्खिनम बाक्शो बाक्ब” देमा बाक्त। यहोसु १८ :१ २० मिनु बेन्यामीन आ थर डा मुर आन कली “गे लशा अङ्गुर रूमी खरुइशशा बाक्कीन। २१ मिनु शिलो डा मीश आलपुकी सिल पथ जाक्मानु, अङ्गुर रू र फो फु गरूशा, आंम मीश सेल्वा कली का का पा मीश आल कीडीन। मिनु बेन्यामीन आ थर डा रागी लन। परस्थान २१ :१६ ; ब्यवस्था २४ :७ २२ मिनु मेको मीश आल आन आफ नु लोक्बपुकी जाक्शा, आंइ कली लोत्र पास्तेक्म

हना, गो मेको आन कली बेन्यामीन आ थर डा मुर आन कली शिशो पन। मेको आन कली ग्युंबे पचा गेन। मारदे हना गो लडाइमी मेको मिश डा वांइश मुर आन कली मीश आल ग्याइक्ने मचाक्क। मिनु गे इन तमी गशा यो दोस मताइनीनी। मारदे हना गे मेको आन कली इन तमी आंमन मगेनी’ देनीकी” देमा बाक्त।

२३ मिनु बेन्यामीन आ थर डा मुरपुकीमी मोदेशो पामे बाक्त। मेको सिल पाइब मीश आल का का आंम मीश सेल्वा कली कीडमे बाक्त। मेको आन रागी लेशशा आंम सहर कली लेशा सेल्शा, मेकर बाक्मा बाक्त। २४ मेना इसराएली नेल्ल मेकर र लशा बराशा, आंम आंम थर नु आंम आंम सिं लमा बाक्त। २५ मेना इसराएल रागीम पिप मबाक्माक्क। मोपतीके सु सुमी मार मार पचा दाक्मा मेको पाइक्बाक्मा बाक्त। न्यायाधीस १७ :६

## रुथ

बरेकब मुरः साइ डा टाल्मुत माइश्शो किताबमी “एको किताब बरेकब सामुएल बाकब” दे बरेकशो बाकब ।

गेना बरेकशोः दाऊद आ सासन पची ना बरेकशो बाकब । मेको आ सासन ११०४-१६५ वि. सी.म बाकशो बाकत ।

मार बरेकशोः एको किताब डा लोत्र परमपरभु यावेमी आ वांइश बेकशो मीश मुर नु रोम रोइकच आन कली शिशो पशो सांकछी बाकब । रुथ मोआबी दुम्शा यो परमपरभु यावे कली थमा सुइकब दुम्त । मेकोमी बोआज नु ग्युंबे पा येसु आ किकी पिपी दुम्त । मत्ती १:५

## नाओमी नु आ सिं डा मुर

१ निसाफ पाइबपुकीमी इसराएली आन कली हुकुम पची ना, अन्काल दुम्माकत । मोपतीक यहूदा रागी डा बेथलेहेम रे मुर का, आ मीश नु आ तौ निकशी लाइश्शा, मोआबी आन रागीम बाकथ लमाकत । गन्ती २५:१-५; १सामुएल २२:३-४ २मेको मुर आ नें एलीमलेक बाकमाकत । आ मीश आ नें नाओमी नु आ तौ निकशी आस नें का के माहलोन, का के किल्योन बाकमाकत । मेकोपुकी यहूदा रागी डा बेथलेहेम एफराथाह सहस्रम बाकशो बाकमा बाकत । मिनु मोआबी आन रागी जाकदीश्शा, मेक उइ बाकमा बाकत । उत्पत्ती ४८:७; मीका ५:१ ३मिनु नाओमी आ वांइश एलीमलेक बेकशा, नाओमी नु आ तौ निकशी परांइचा पुंइसमा बाकत । व्यवस्था ७:३; व्यवस्था २३:४; नेहेम्याह १३:२३ ४ मिनु मेको आ तौ निकशीमी मोआबी मीश आल चाकसे बाकत । का आ नें ओरपा, का आ नें रुथ बाकमाकत । मेकोपुकी मेकर १० बर्स बाकमा बाकत । ५ मिनु माहलोन नु किल्योन निम्फा बेकसा बाकत । मोपा आ वांइश नु आ तौ निम्फा बेकशा, नाओमी ला लीमाकत ।

## रुथ नु आ शिमी

६ मिनु नोले नाओमी आ चाइमी निकशी नु मोआब रे आ रागी लेत्चा चिकता बाकत । मारदे हना मोआब रागीम बाकमेनु, नाओमीमी “परमपरभु यावेम आ मुर आन कली मिम्शा, मेको आन कली जचा गप्तु” दंशो लोत्र नेना बाकत । २राजा ८:३ ७ मिनु मेको आ चाइमी

निकशी नु आ बाकतीके रे गाकशा, यहूदा रागी लमा बाकत । ८ मिनु नाओमीमी आ चाइमी निकशी आस कली “इस इस माइत लेतीस । गे दोपा बेकशो आन कली नु आं कली रिम्शो पसी, मोपा परमपरभु यावेमी इस कली रिम्शो पवल । ९ परमपरभु यावेमी इस कली अर्का वांइश गशा, इस थुं नाइश्शा बाकचा गवल” देमाकत । मिनु आ चाइमी आस कली पुक्पु पाइश्शा, नेल्ल डाकमा बाकत । रुथ ३:१ १० मिनु आ चाइमी निकशीमी “गो थमा पा इन मुर आन बाकतीके लाइनस्कु” देसा बाकत । ११ मिनु नाओमीमी “आं चाइमी निकशी लेतीस । मारदे गो नु लचा दाकनीसी ? मार, गो इस वांइश दुम्पाइकचा कली तौ थ्रीने चान्नुडा डा ? १२ आं चाइमी निकशी लेतीस । गो खाल्पी दुम्शा, ग्युंबे पने मचान्नुडा । गो आल मिम्शा, मुलाकदोन वांइश नु बाकशा, तौ थिती हना यो, मेको मेकोल्म सम्म १३ रिम्शा बाकने चान्नीसी ? मेको आस कली रिम्शा, अर्का ग्युंबे मपथु बाकनीसी ? मद्दुम्ब, आं चाइमी निकशी । मारदे हना इस क्येडा गो परमपरभु यावे आ गुइ रे श्यत जाइब बाकती” देमाकत । १४ मिनु मेकोपुकी लेशा डाकमा बाकत । मेको नोले ओरपामी आ शिमी कली पुक्पु पाइश्शा वांइश्शा, आ मुर आन बाकतीके लेम्माकत । रुथ चहिं आ शिमी नुन बाकमाकत ।

१५ मिनु नाओमीमी “नेनो, इ देउरानी आ मुर आन बाकतीके नु आ देवी देवताम लेत्त । गे इ देउरानी आ पशो खोदंशो पावो” देमाकत । १६ मिनु रुथमी “इन कली परांइपाइश्शा, आं कली लेशा, सोइकचा कली ढिपी मपाइय्नीनी । गे ते लाइनीनी, गो यो मेकेन लाइनुडा । गे ते बाकनीनी, गो यो मेकेन बाकनुडा । इन मुरपुकी आं मुर दुम्नीम । इन परमपरभु आं परमपरभु दुम्ब । १७ गे ते बेकनीनी, गो यो मेकेन बेकनुडा । मिनु मेकेन थिम्चा पुंइसीनुडा । गो मबेकथु इन कली परांइतन्नी हना, परमपरभु यावेमी सजाइ गेयील” देमाकत । १८ मिनु नाओमीमी रुथमी आ कली परांइसीन मपरांइब, दे तुइश्शा, अरु मारदे मदेमाकत । १९ मिनु मेको निम्फा गाकशा, बेथलेहेम जाकसा बाकत । मिनु बेथलेहेम जाकसानु, सहर डा मुर नेल्लेमी मेको आस पर्वम लोत्र पाम बाकत । मिनु मीश मुरपुकीमी “मार, एको नाओमीन बाकचा ?” देमा बाकत । २० मिनु नाओमीमी “आं कली नाओमी मदेनीन । मारा देनीन । मारदे हना नेल्ल क्येडा सकित पाइश्शो परमपरभु यावेमी आं कली मरिम्शो

पाइश्शा, श्येत जपाइक्ती। नाओमी देशो दारशो रुम्सीब, मारा चहिं कशो रुम्सीब। ११ गो मारइ मारइमी गाप्शा लशो नड्ड। मुल परमपरभु यावमी श्येत्य लेशशा चाक्ती। ग मारदं आं कली नाओमी दंनीनी ? नेल्ल सकित पाइश्शो परमपरभु यावमी आं कली दोस गशा, मरिम्शो पाइक्ती” देमाक्त।

२२ मोपा नाओमी नु आ चाइमी मोआबी रुथ मोआब रागी रे बथलेहेम जाकसा बाक्त। मेको बथलेहेमम जाकसानु, क्योत्रज मीशो बाक्माक्त।

### रुथ सिला माल्दीशो

१ मिनु नाओमी आ वांइश एलीमलेक आ २ खिं डा शुश शोप पाइश्शो नु ठेयब मुर का बाक्माक्त। मेको आ नें बोआज बाक्माक्त। २ मिनु मोआबी रुथमी नाओमी कली “गो रुम लशा, सु सुम आं कली शिशो पाइनीमी, मेको आन नोनोले सिला बाला गुप्दी डा ?” देमाक्त। मिनु आ शिमीमी “दुम्ब, आं चाइमी लावो” देमाक्त। ३ मिनु रुथ लशा, रिक्ब आन नोनोले सिला बाला गुबा बाक्त। आ जाक्दीश्शो रु चहिं एलीमलेक आ खिं डा मुर बोआज आ रु बाक्माक्त। ४ मेना बोआज बथलेहेम रे जाक्माक्त। मिनु मेकोमी रिक्ब आन कली “परमपरभु याव गेपुकी नु बाक्त” देमाक्त। मिनु रिक्बपुकीमी यो “परमपरभु यावमी इन कली आसीक गवल” देमा बाक्त। रुथ १:२ ५ मिनु बोआजमी आ गेय पाइब आन कली कोत्रब कली “एको मीश आल सुम ?” दे हिल्लो पवा बाक्त। ६ मिनु मेको गेय पाइब आन कली कोत्रब मुरुमी “एको मोआब रागी रे नाओमी नु जाकशो मोआबी मीश आल बाक्ब। ७ एकोमी आं कली रिक्ब आन नोनोले मुठा आन नेक्था यो सिला गुप्वा गेयीनी” दे पुंडतु। मिनु एको सुनी रे इक्का ला नाइश्शा, सिला गुप्स डा गुप्स बाक्त” देमाक्त। ८ मिनु बोआजमी रुथ कली “नेनो, गे अरु आन रु सिला गुप्थ मलावो। आं गेय पाइब मीश मुर आन नेक्थान बाक्को। ९ मुरपुकीम ते ते रिक्नीमी, मेक मेक लावो। आं गेय पाइब वांइश मुर आन कली ‘इ कली मथिचा’ दे माइक्तामी। तू दक्ते हना, वांइश मुर आन चाक्शो गर डा ब्याक्कु तूडो” देमाक्त। १० मिनु रुथ मेको आ डांइती बाप्शा, मेको कली “गो अर्का रागी डा मुर नड्ड, दे तुइश्शा यो मारदं आं कली इश डा शिशो पाइय्यीनी ?” देमाक्त। व्यवस्था २३:४-

६ ११ मिनु बोआजमी “इ वांइश बेक्म नोले इ शिमी कली दोदेशो रिम्शो पवी, मेको नेल्ल मुरपुकीम आं कली माइक्तीमी। गे इ आम आफ, इ जरमशो रागी परांइशा, मतुइश्शो मुर आंइ बाक्तीक जाक्ते। रुथ १:१६,१७ १२ परमपरभु यावमी इ कली रिम्शो पवल। परमपरभु याव, इसराएली आन परमपरभुम इ कली वारच पवल, दे मेको आ नेक्था जाक्ते। मेकोमी इ माल्थो नेल्ल गेवल” देमाक्त। भजन संग्रह ३६:८ १३ मिनु रुथमी “परभु, इन डांइती शिशो ताता। गे आं थु नाइक्पाइक्तीनी। गो इन गेय पाइब मबाक्ती हना यो, गे आं कली रिम्शो लोत्र पाइतीनी” देमाक्त। १४ मिनु लाम्ज जची ना, बोआजमी मेको कली “एक पिवो। शोब्ले जावो। इ शोब्ले अडगुर शांबुम तेप्तो” देमाक्त। मिनु रुथ रिक्ब मुर नु निस्स बाक्त। मिनु बोआजमी मेको कली कारशो क्योत्रज गेवा बाक्त। रुथमी रुथरी सम्म जशा, हंशा वोदा बाक्त। १५ मिनु मेको बाक्शा, सिला गुप्थ लमाक्त। बोआजमी आ गेय पाइब वांइश मुर आन कली “मेको कली मुठा आन नेक्नेक्था यो सिला गुप्वा गेने, महुइक्तीन। १६ इक्का बाला तोक्शा गेने। मिनु गुबानु, महुइक्तीन” दे माइक्मी बाक्त। लेवी १०:१-१० ११ मोपा रुथ नां रिक्चावा सम्म सिला गुम्ना गुम्न बाक्माक्त। मिनु तुबानु, एफाह का क्योत्रज दुम्माक्त। एफाह का २२ लिटर पुक्तीक खोदेशो बाक्ब।

१५ मिनु मेको कुरशा, सहर जाक्माक्त। आ शिमीमी मिश डा क्योत्रज गुप्शा, चाक्शो तवा बाक्त। मिनु रुथमी आ हंशो जचा थोत्रक यो गरुंइशा, आ शिमी कली गेवा बाक्त। १६ मिनु आ शिमीमी “मुलाक्ती सिला गुप्थ ते लेव ? इ कली शिशो पाइब मुर आसीक तवल” देमाक्त। मिनु रुथमी ते सिला गुबा आ शिमी कली शंदा बाक्त। “मुलाक्ती आं सिला गुप्शो रु डा होत्रप आ नें बोआज बाक्त” देमाक्त। २० मिनु नाओमीमी आ चाइमी कली “परमपरभु यावमी मेको कली आसीक गेवल। मिनु बेक्शो नु बरांइशो मुर आन कली शिशो पचा मपरान। मेको मुर इस खाल डा बाक्ब” देमाक्त। रुथ ४:४ २१ मिनु मोआबी रुथमी “मेकोमी आं कली क्योत्रज नेल्ल आंइने मथुमु सम्म आं मुरपुकी नु सिला गुप्थ जाक्को” देत” देमाक्त। २२ मिनु नाओमीमी “आं चाइमी, मेको आ गेय पाइब मीश मुर नु गाक्चा रिम्शो बाक्ब। इ कली सुइमी अर्का आन रुमी श्येत मगेमेक्त” देमाक्त। २३ मोपतीक क्योत्रज नु

चेरब रिकने मनुम्म सम्म, रुथ बोआज आ गेय पाइब मीश मुरपुकी नु सिला गुबा बाक्त। मिनु आ शिमी नु बाक्बाक्माक्त।

रुथमी नाओमी आ लोत्र टिशा

३ १ मिनु रुथ आ शिमी नाओमीमी “आं चाइमी, इ कली रिम्शो दुम्बा कली इ सिं पशा बाक्शो त्चा दाक्नुड। २ बोआज ई खाल डा मुर बाक्ब। गे मेको आ गेय पाइब मीश मुरपुकी नु बाक्त। मुलाक्दो मेकोमी आ क्योत्रज तुप्तीकम गेय पाइब। ३ मोपतीक गे चिक्शा, तेल खरक्शा, रिम्शो वा फक्शा, क्योत्रज तुप्तीकम लावो। बोआजम मजवा मतुडा सम्म मतपांडसो। ४ मिनु मेको इप्तीमेनु, आ इप्तीक कोत्रशा वातो। मिनु नोले लशा, आ खोइल गे डा फक्शो वा हुक्शा गोतो। मिनु गे मार पचा माल्नेवे, मेकोमी इ कली देब” देमाक्त। ५ मिनु रुथमी “इन देशो, नेल्ल पाइनुड” देमाक्त। ६ मिनु रुथ क्योत्रज तुप्तीक लशा, आ शिमी आ देशो खोदंशो पवा बाक्त।

७ बोआज जशा, तशा ग्येरसे बाक्त। मिनु क्योत्रज पुक्तीक आ नोले इप्य लमाक्त। मिनु रुथ बोआज आ मतुइक्चा डा पा जाक्शा, आ खोइली गे डा वा हुक्शा, गोल्माक्त। ८ मिनु नाक्दो उइक्थ दुम्मेनु, बोआज संसे बाक्त। मिनु आ खोइल गे मीश मुर का गोल्शो तवा बाक्त। ९ मिनु बोआजमी “गे सु नवे?” दे हिल्लो पवा बाक्त। मिनु मेकोमी “गो इन वाइलीम रुथ नड। गे आंइ खाल डा मुर बाक्नीनी, इन वा फक्तीनी” देमाक्त। इजीकीएल १६ : ८ १० मिनु बोआजमी “परमपरभु यावमी इ कली आसीक गेवल। डांइती पशो क्येडा मुल डा इ पशो रिम्शो बाक्ब। गे क्येट थीब नु मथीब सुइ टिटा वांडश मुर आन नोले मखोदो। रुथ २ : ११ ११ गे महिथु बाक्को। इ माल्शा गो नेल्ल पाइनुड। गे रिम्शो मीश मुर बाक्नेवे। सहर डा मुर नेल्लेमी तुइश्शो बाक्नीम। १२ गो थमा पा इ खाल डा मुर बाक्नुड। तन्न आं क्येडा यो आं नेक्था डा अर्का मुर का बाक्ब। १३ मुलाक्दो एके बाक्को। दीसा सुनी मेको मुरुमी इ नेक्था डा मुर आ पचा माल्शो गेय पाइब, मपाप्नु हना, परमपरभु यावे बरोडशा बाक्शो खोदंशो पा, गो एको गेय पाइनुड। नां मसोत्रम सम्म इपो” देमाक्त। १४ मिनु रुथ नां मसोत्रम सम्म इम्माक्त। मिनु रिम्शो पा नां मसोत्रथु बाक्माक्त। मिनु बोआजमी “क्योत्रज तुप्तीकमी मीश मुर का बाक्त, दे सुइम मतुइक्तमेक्त।

१५ इ कुनी दाइक्तो” देमाक्त। मिनु रुथमी दाइक्तानु, ६ सआह क्योत्रज गेशा कुरपदा बाक्त। मिनु रुथ सहर लेम्माक्त। सआह का ७ लिटर खोदंशो बाक्ब। मिनु ६ पुक्तीक ४२ लिटर कि १० पाथी खोदंशो बाक्ब। १६ मिनु आ शिमी आ बाक्तीक जाक्दीम्मेनु, आ शिमीमी “आं चाइमी, मार दुम्म?” दे हिल्लो पवा बाक्त। १७ मिनु रुथमी बोआजमी पशो नेल्ल शंशा “मेकोमी आं कली ‘इ शिमी आ बाक्तीक श्येत्थ मलेतो’ दे आं कली ६ सआह क्योत्रज गती” देमाक्त। सआह का ७ लिटर खोदंशो बाक्ब। १८ मिनु नाओमीमी “आं चाइमी, एको दादंशो दुम्बा, मतुइक्ती सम्म इ थुं नाइश्शा बाक्को। मारदे हना मेकोमी मेको गेय मुलाक्तीन मथुमा सम्म आ थुं यो नाइक्चा मताइब” देमाक्त।

बोआजम आ नेक्था डा मुर गरुम्शो

४ १ मिनु बोआज सहर डा गारो डा ठेयब लाप्चाम लशा, मकर निश्शा बाक्माक्त। मिनु याम का नोले रुथ आ नेक्था डा मुर जाक्शो तशा, बोआजमी आ नें थिशा “एके पिशा, निस्सो” दे बरेत्ता बाक्त। मिनु मेको निस्से बाक्त। २ मिनु बोआजमी १० जना सहर डा खाल्पा आन कली यो तेक्शा “निस्सीने” देमाक्त। मिनु मेकोपुकी निस्समा बाक्त। ३ मिनु बोआजमी रुथ आ नेक्था डा मुर कली “मोआब रागी रे जाक्शो नाओमीमी ई लोक्ब एलीमलेक आ रू लेयच चिक्शो बाक्ब। ४ गो इ कली मो दंड, देशो नड। एको सहर डा मुरपुकी नु खाल्पा आन डांइती गे ग्याप्चा दाक्नेवे हना, ग्यापो। ग्याप्चा मदाक्नेवे हना, आं कली तुइक्पाइथ्यी। मारदे हना इ नेक्था डा मुर गो नड” देमाक्त। मिनु मेको मुरुमी “गो ग्याप्नुड” देमाक्त। लेवी २५ : २५ ; यरमीया ३२ ५ मिनु बोआजमी “नाओमी रे मेको रू ग्यबी नाक्ती, गे बेक्शो मुर आ मीश मोआबी रुथ यो ताइनेवे। मेको बेक्शो मुर आ नें आ थेरशो रू नु लील, दे मो दुम्बा माल्ब” देमाक्त। व्यवस्था २५ : ५-६ ६ मिनु रुथ आ नेक्था डा मुरुमी “गो ग्याप्ता हना, आं आंम थेरशो रू मरिम्शो दुम्ब। आं पचा माल्शो गेय गेन पावो। गो ग्याप्ने मचाप्नुड” देमाक्त। ७ इसराएल रागीमी डांइती रू ग्याप्मेनु, लेयडमेनु, रू डा होत्रप फांडसीमानु, रू लेयबमी ग्याप्ब कली आ जुत्ता पुरइश्शा गेचा माल्बाक्माक्त। इसराएलमी लोत्र फाइक्चा मततीक आ परबम मोदंशो पचा माल्बाक्माक्त। व्यवस्था २५ : ७-१० ८ मिनु रुथ

आ नेकथा डा मुरुमी बोआज कली “गे ग्याम्सो” दे आ जुत्ता परुइशशा गेवा बाक्त। १मिनु बोआजमी खाल्पापुकी नु मेकेर बाक्ब मुर आन कली “गो एलीमलेक, माहलोन नु किल्यान आन थरशो रू नेल्ले नाओमी रे ग्याप्ता। गे मुलाक्ती सांकछी दुम्तीनी। १० माहलोन आ मीश, मोआबी रुथ या बेक्शा मुर आ नं, आ थरशो रू नु लील, दे चाक्ता। मोपा आ लोकब आन दातेमी नु आ जरमशो बाक्तीकम आ नं लील, दे मो पाता। गेपुकी मुलाक्ती सांकछी दुम्तीनी” देमाक्त। ११ मिनु ठेयब लाप्चोम बाक्ब नु खाल्पा नेल्लेमी “गो सांकछी दुम्तक। परमपरभु यावेम एको इ खिम जाक्शो मीश मुर कली राहेल नु लेआ खोदंशो सेलल। मेको निक्शीमी इसराएल आ खिं सेल्शो बाक्ताक्से। बेथलेहेम एफराथाहम इ नं ठेयब दुम्ल। १२ तामारम यहूदा रे थिशो परेस आ खिं खोदंशो पा, परमपरभु यावेमी एको ठिटी मीश मुर रे थिशो आलम इ खिं सेलल” देमा बाक्त। उत्पत्ती ३८ :२९

बोआजम रुथ कली ग्युबे पशो

१३ मिनु बोआजमी रुथ चाक्शा, मेको नु बाक्माक्त। मिनु परमपरभु यावे आ आसीकमी रुथ कोव्रज कुरशा, तौ का थिमाक्त। १४ मिनु

मीश मुरपुकीमी नाओमी कली “परमपरभु यावे ठेयब बाक्ब। मेकोमी इ कली मुल इ खाल डा मुर नु वोइक्ते। परमपरभुम इ कली चच का गेते। एको आ नं इसराएलम ठेयब दुम्ल। ११ एकोमी इ कली मुल नक ब्रांइतीक गशा, खाल्पी दुमनु, इ कली थुल्ब। मारदे हना ७ जना तौ आन क्यडा इ कली दाक्ब चाइमीमी रिम्शा पशो बाक्ब” देमा बाक्त। १६ मिनु नाओमीमी मेको आल ताक्शा, आ थुकुम वोइशशा, मेको कली कोव्रब दुम्माक्त। १७ मिनु आ नेकथा डा मीश मुरपुकीमी “नाओमी के चच का दुम्त। गो मेको आ नं ओबेद वोइय्य” देमुमा बाक्त। मेकोन येस्से आ आफ, दाऊद आ बाज बाक्माक्त। मत्ती १ :५-६ ; लूका २ :३२

दाऊद आ किर्की पिपी

१८ परेसम हेसरोन थिमाक्त। १९ हेसरोनम राम थिमाक्त। राममी अम्मीनादाब थिमाक्त। १३ इतिहास २ :९-१५ २० अम्मीनादाबमी नहशोन थिमाक्त। नहशोनमी साल्मोन थिमाक्त। गन्ती १ :७ २१ साल्मोनमी बोआज थिमाक्त। बोआजमी ओबेद थिमाक्त। २२ ओबेदमी येस्से थिमाक्त। येस्सेमी दाऊद थिमाक्त। १ सामुएल १६ :१, ११-१३

## १ सामुएल

बरेकब मुर: नेल्ल क्येडा डोंइती एको सामुएल किताब निक्शी, राजा किताब निक्शी नु इतिहास के किताब निक्शी नेल्ल ठयब किताब का बाकशो बाक्त। नोले ला सप्तुआगीन्त माइशामी एको किताब कली ६ ओटा किताब सल्शो बाक्त। सामुएल नु राजा आन पात्ताम इतिहास बरेकब मुर बाकशो बाक्तेकम। मेना सामुएल आ बरेकशो तामेनु, परमपरभु यावे आ लोत्र पाइब नाथान, गाद, यरमीया कि एजराम एको किताब बरेकशो दुम्ने चाब। १इतिहास २९:२९ पिप दाऊद आ पशो मार मार बाक्म, मेको डोंइती र नोले सम्म नेल्ल परमपरभु यावे आ लोत्र पाइब सामुएल, नाथान नु गाद आन बरेकशो किताबम बरेकशो बाक्ब।

गेना बरेकशो: सामुएल किताब निक्शी १:७५ बि.सी. नेबुकदनेसरम यरूसलेम खतम सेला नोले डा लोत्र तम्शा बरेकशो बाक्ब, दे तुंडसीब।

मारदे बरेकशो: परमपरभु यावेमी आ देशो पाइब। चढेब एली, पिप सावल नु इसराएल डा मुरपुकीम परमपरभु यावे आ लोत्र मटिशो बाक्तेकम। परमपरभुमी चढेब एली आ पा डा सामुएल चढेब नु पिप सावल आ पा डा दाऊद कली पिप सला बाक्त। परमपरभु यावेमी आ देशो गेनायो मपरांडब।

### डोंइती डा लोत्र

१ रामाथाइम-सोफीम रे जाकशो मुर का बाक्माक्त। मेको एफराइम डा पहाड डा सुफ आ खिं डा बाक्माक्त। मेको आ नें एल्काना बाक्माक्त। एल्काना यरोहाम आ तौ, एलीहु आ चच बाक्माक्त। मेको आ शेर बाजे तोहु नु आ किकी बाजे जूफ माइशो एफराइम थर डा बाक्माक्त। १इतिहास ६:१; १इतिहास १२:१९-२० २एल्काना के मीश निक्शी बाक्सा बाक्त। का आ नें हान्नाह नु अर्का आ नें पेनीनाह बाक्माक्त। पेनीनाह के आल बाक्मा बाक्त, तन्न हान्नाह के आल मबाक्माक्त। उत्पती २९:३१ ३एल्काना बर्स बर्सम आ सहर रे शिलो लाइबाक्माक्त। मेकेर मुर नेल्ल आन परमपरभु यावे कली ठयब सल्शा, चढेतीक चढेचा कली लाइबाक्माक्त। मिनु मेकेर चढेब एली आ तौ निक्शी होपनी नु फिनेहास बाक्सा बाक्त। मेको परमपरभु यावे कली चढेब बाक्सा

बाक्त। यहोसु १८:१ ४ मिनु एल्कानाम चदेशो नाक्ती आ मीश पेनीनाह आ तमी तौ नेल्ल आन कली चदेशो थोत्रक गेबाक्माक्त। ५ मिनु हान्नाह कली निक्शी भाग खोइ गेबाक्माक्त। मारदे हना एल्कानाम हान्नाह कली शुश दाक्बाक्माक्त। तन्न परमपरभु यावेमी हान्नाह कली आल मथीब सल्शो बाक्माक्त। ६ हान्नाह के आल मबाक्तीक आ सौतामी मेको कली आ थुं शुश खाइकपाइशशा, तोकशा लोत्र पाइबबाक्माक्त। मारदे हना परमपरभु यावेमी हान्नाह कली आल मथीब सल्शो बाक्माक्त। ७ मोपा एल्कानामी बर्स बर्सम परमपरभु यावे कली चढेब लमेनु, आ सौतामी हान्नाह कली श्येत गेस डा गेस पतीके हान्नाह डाक्शा, मारइ मजवा मज्जवा बाक्त। ८ मिनु आ वांइश एल्कानामी मेको कली “हान्नाह, गे मारदे डाक्स डा डाक्स बाक्डे? मारदे मज्जवी मज्जवी? गे मारदे इ थुं खाइकपाइक्नेवे? मार, गो इ कली १० जना तौ आन क्येडा यो शुश दाक्ब मनडा डा?” देमाक्त।

### हान्नाह आ परार्थना

१ मिनु काले शिलोमी जने तने थुम्मे नोले हान्नाह बाक्माक्त। मिनु परमपरभु यावे आ डोंइती लशा राम्माक्त। मेना चढेब एली परमपरभु यावे आ ताम्बु आ ओत्रतीक नक्था आ निक्तीकम निशशा बाक्माक्त। १० मिनु हान्नाह आ थुं शुश खाइशशा, डाक्शा, परमपरभु यावे कली पुना बाक्त। ११ मिनु मेकोमी कबल पा “मुर नेल्ल आन परमपरभु यावे, गे इन वाइलीम, आं श्येत तशा, आं कली मिम्शा, मपरेताक्नी हना, आं कली तौ का गेयीनी। गो मेको कली मबेकम सम्म परमपरभु यावे, इन कली जिम्मा गेनुड। मेको आ चां गेनायो मपरकसीब मेकोम गेनायो अङ्गुर शांबु मतूब” दे कबल पवा बाक्त। आमोस २:११; न्यायाधीस १३:५ १२ मिनु मेकोमी परमपरभु यावे आ डोंइती पुंडिस डा पुंडिस बाक्मेनु, एलीम मेको आ शोत्र हिक्शो कोत्रशा बाक्माक्त। १३ हान्नाहमी आ थुंम ला पुंडिशो बाक्माक्त। मिनु आ शोत्र हिक्साक्ब हना यो, आ संदा मगरूमाक्त। मिनु एलीम मेको कली दुक्शो मीश मुर का बाक्त, दे मिम्ता बाक्त। १४ मिनु एलीमी मेको कली “गे गेना सम्म मोपा दुक्शा बाक्नेवे? अङ्गुर शांबु त्चा परोनी” दे मदा बाक्त। १५ मिनु हान्नाहमी “आं परभु, गो थुं खाइशशा मीश मुर का बाक्नुड।

गो मारद अङ्गुर शांबु मत्तुङ्ग। गो परमपरभु यावे आ डांडती आं थुं डा श्यत नेल्ल शोव्रता। १६ आं कली मरिम्शो मीश मुर मसुइय्यीनी। आं थुं खाइक्तीक नु शुश श्यत जतीक गो मुल सम्म पुंडस डा पुंडसन बाक्ती” दंमाक्त। १७ मिनु एलीम “इ थुं नाइशशा लावा। इसराएली आन परमपरभुम इ पुंडशो लोव्र गेवल” दंमाक्त।

१८ मिनु हान्नाहमी “गो इन शिशो ताइब दुम्डल” दंमाक्त। मिनु नोले मेको लशा, आ वांइश नु जवा तूडा बाक्त। मिनु नोले लंशा आ थुं मखाइक्माक्त।

### सामुएल जर्मेशो

१९ मिनु मेकोपुकी आ दीसा सुनी कना बाक्शा, परमपरभु यावे कली ठेयब सल्शा, आन खिं रामाह लेम्मा बाक्त। मिनु एल्काना आ मीश हान्नाह नु इम्माक्त। मिनु परमपरभु यावेमी हान्नाह कली मिम्ता बाक्त। उत्पत्ती ३०:२२ २० मिनु नोले हान्नाहम कोव्रज कुरशा, ती का थिमाक्त। मेकोमी आ नं सामुएल वोदा बाक्त। मारद हना मेकोम “गो मेको परमपरभु यावे नु पुंडशो नड” दंमाक्त।

### हान्नाहमी आ कबल खाप्शो

२१ परमपरभु यावे कली बर्स बर्स डा चढ्दतीक चढ्दशा, आंम कबल खाप्शा कली एल्काना आ खिं डा मुर नु इर शिलो लमाक्त। २२ तन्न हान्नाह चहिं मेकोपुकी नु मलमाक्त। मेकोमी आ वांइश कली “आलम दूध परोना नोले गो एको कली परमपरभु यावे आ बाक्तीक चोव्रदीनुङ्ग। मिनु एको गना हना यो परमपरभु यावे आ डांडती मेक उइ बाक्ब” दंमाक्त। २३ मिनु मेको आ वांइश एल्कानामी “गो मार दाक्ती, मेकोन पावो। मेकोम दूध मपरोना सम्म खिं उइ बाक्को। परमपरभु यावेम आ पशो लोव्र कबल” दंमाक्त। मिनु हान्नाह आलम दूध मपरोना सम्म खिं उइ बाक्शा, थुल्शा, मेको कली कोल्यदा बाक्त। २४ मिनु दूध परोना नोले मेको आल लाइशशा, शिलो लमाक्त। मिनु मेकोमी आ नु बर्स सां डा ब्यफ का, एफाह का फस नु गर का अङ्गुर शांबु यो इर परमपरभु यावे आ ताम्बुम लदा बाक्त। मेना मेको आल आइक्चन बाक्माक्त। एफाह का २२ लिटर बाक्ब। मेको ५ पार्थी सोदंशो बाक्ब। गन्ती ११:३,६-११ २५ मिनु मेकोपुकीम मेको ब्यफ साइशशा, चढ्दम बाक्त। मिनु मेको आल कली एली आ बाक्तीक चाक्दीत्म बाक्त।

२६ मिनु हान्नाहमी मेको कली “आं परभु, गे बरोइशा बाक्शा सोदंशो पा, गो थमा लोव्र पाइनुङ्ग। गो परमपरभु यावे कली पुंडशा, इन डांडती राप्शा, बाक्ब मीश मुर नड। २७ गो एको वांइश आल आ पर्वम पुंडशो नड। मिनु परमपरभु यावेमी आं पुंडशो गती। २८ मोपतीक गो एको कली परमपरभु यावे कली जिम्मा गेनुङ्ग। एको बरोइशा बाक्म सम्म परमपरभु यावे कली जिम्मा गंसीशो बाक्ब” दंमाक्त। मिनु मेकोपुकी यो परमपरभु यावे आ डांडती बाप्शा, मेको कली ठेयब सल्म बाक्त। १ सामुएल १:३१

### हान्नाहम आ परार्थना

१ हान्नाहमी “आं थुं परमपरभु यावे नु ग्यरसीब। गो परमपरभु यावे आ पर्वम आं पिया पोक्नुङ्ग। गो आं जोरी सत्तु आन कली गराती। गम आं कली परोइतीक गो ग्यरसाक्थी। लूका १:४६-५५

२ परमपरभु यावे सोदंशो अरु सुइ मबाक्नीम। इन क्येडा लाक्शा अर्का सुइ मबाक्नीम। आंइ परमपरभु, सरेथे फुल्लु सोदंशो अरु सुइ मबाक्नीम। ब्यवस्था ४:३५; उत्पत्ती ४९:२४; ब्यवस्था ३२:१८; भजन संग्रह १८:२२ ३ ठेयब लेशशो लोव्र नु मरिम्शो लोव्र पचा परोनीन। मारद हना परमपरभु यावे नेल्ल जोक्ब तुइक्ब बाक्ब। मेकोमी मुर आन पतीक नु लोव्र नेल्ले नाक्ब। ४ सक्ति पाइशशा मुर आन लिबरा जिक्शा बाक्ब। तन्न सक्ति मपाइशशा बोल्थो दुम्शा बाक्नीम। ५ डांडती मारद मारदम गाप्शो मुर यो मुल जचा आ पर्वम गय पाइनीम। तन्न शोव्रलु बेक्शापुकी रूशो बाक्नीम। आल मथीब मीश मुरुमी ७ जना आल थिप्तु। तन्न शुश आल थीब ममा आ थुं बेक्ब। ६ परमपरभु यावे बेक्पाइक्ब नु संपाइक्ब बाक्ब। मेकोमी मुर आन कली बेक्शा मुर आन बाक्तीके सोइक्ब। मिनु मेकोमी संपाइक्बन यो चाप्ब। ब्यवस्था ३२:३९; भजन संग्रह ७१:२० ७ परमपरभु यावे परुडग नु शोप पाइशशा सेल्व बाक्ब। मेकोमी आइक्च नु ठेयब यो सेल्व। भजन संग्रह ७५:८ ८ मेकोमी मारद मथीब आन कली फुरक र पोक्ब। परुडग आन कली घुरन र पोक्ब। मिनु मेको आन कली पिप आन ती नु निप्पाइक्ब। मेको ठेयब मुर आन दातेम बाक्चा नु मान पाइक्तीक ताइनीम। मारद हना रागी आ थाम परमपरभु यावे केन बाक्नीम। मेकोम मेको तार रागी वोइक्तु। भजन संग्रह ११३:७-८ ९ मेकोमी थमा

सुइक्चा पुंडसीब मुर आन कली कोवब। तन्न आ अरशो लोव मटीब आन कली छिड्छिड्छी सतम पोक्पाइक्ब। मारदे हना मुरपुकीम आन सक्तिमी मगरानीम। भजन संगरह ३३:१६ १० परमपरभु यावे आ पर्वम जौरी सतरु साइक्चा पुंडसीनीम। नेल्ल क्यडा ठेयबमी मेको आन पर्वम सरीडर बुंबु पपाइक्ब। मिनु परमपरभु यावमी रागी नेल्ल आन कली निसाफ पाइब। मेकोम आ पिप कली सक्ति गेब। मिनु आ तल लुकशो आ पिया पोक्ब” देमाक्त।

११ मिनु नोले एल्काना आ खिं डा मुरपुकी नु रामाह लेम्माक्त। मेको वोंडश आल चहिं परमपरभु यावे कली चदेब एली आ डोंडती बाक्शा, परमपरभु यावे आ गेय पवा बाक्त।

एली आ तौ निक्शीम मरिम्शो पशो

१२ एली आ तौ निम्फा हिंचा डा मरिम्शो पाइब बाक्सा बाक्त। मेको निक्शी परमपरभु यावे कली मान पा महिंब बाक्सा बाक्त। १३ मेको चदेब निक्शीमी चदथ जाक्ब मुर आन कली मार पाइक्बाक्ताक्स देशा हना, मुर आन चाक्शो चदेशो श्ये क्यशा बरुइक्तानु, मेको आस गेय पाइब कली ठेयब त्तीक सां पाइशशो काटा कुरपाइशशा, लेवी ३:२-५; लेवी ७:११-१७, २८-३४ १४ कराइ, ताफ्क, दिउर कि ठेयब बोसुम लोप्शो श्ये तूपाइशशा, दोशो गरुमे मोशा आम क सल्बाक्सा बाक्त। मोपा शिलोम चदथ जाक्शो इसराएली नेल्ल आन कली मो पाइक्बाक्सा बाक्त। १५ मेको निक्शीमी नेल्ल क्यडा मरिम्शो मार पाइक्बाक्सा बाक्त देशा हना, मेको बांसो चोशा चदेचा क्यडा डोंडती आस गेय पाइबपुकी सोइशशा “चदेब कली वाल्वा कली श्ये गेवो। लोप्शो श्ये मताक्ब। क्येस ला ताक्ब” देपाइक्बाक्सा बाक्त। १६ मिनु मेको मुरुमी “ममाइ, डोंडती बांसो चोचा गेयी। मिनु नोले इ दाक्शो लाइक्ने चाप्नेवे” देमेनु, मेको आस गेय पाइबमी “ममाइ, मुलन गेयी। मगोप्तीवी हना, गो रोइशशा लाइक्नुड” देबाक्माक्त। १७ मिनु मेको टिटा आस मरिम्शा पशो परमपरभु यावे आ डोंडती ठेयब पाप दुम्माक्त। मारदे हना मुरपुकीमी परमपरभु यावे कली चदेशो आइक्च मिम्तस बाक्त।

सामुएल नु आ आम आफ

१८ मिनु सामुएल परमपरभु यावे आ डोंडती गेय पाइक्बाक्माक्त। मेको वोंडश आल सुती

वा के कुचु तार चदेब आ फेक्तीके फेक्शा, गेय पाइक्बाक्माक्त। १९ सामुएल २२:१८; परस्थान २८:४-६ हिबरु लोवमी एफोद देशो कुचु आ फेक्तीक बाक्त। १९ मिनु आ ममाम मेको कली बर्स बर्सम आइक्च फेक्तीक वा फेरबाक्माक्त। मिनु आ वोंडश नु बर्स बर्स डा क्योरशा चदेदीमेनु, मेको वा लाइशशा गेबाक्माक्त। २० मिनु एलीमी एल्काना नु आ मीश आस कली आसीक गेशा “एको आल आ पा डा परमपरभु यावमी एको मीश रेइन कली आलपुकी गेवल। मारदे हना एको परमपरभु यावे कली गोप्तीवी” देबाक्माक्त। मिनु नोले मेको आन खिं लेप्वाक्सा बाक्त। २१ मिनु परमपरभु यावमी हान्नाह कली आसीक गेवानु, मेको आल थोब दुम्शा, तौ सां नु तमी निक्शी थिमाक्त। मिनु सामुएल चहिं परमपरभु यावे आ डोंडती कोल्ना कोल्ल लमाक्त। लूका १:८०

एली आ तौ निक्शीम मटिशो

२२ मिनु एली थम सुशो दुम्माक्त। आ तौ निक्शीमी इसराएली आन कली दोदेशो पाम्स, मेको नेल्ल नेना बाक्त। मेकोमी आ तौ गरुम्तीक ताम्बु आ डोंडती गेय पाइब मीश मुरपुकी नु इप्शो, यो नेना बाक्त। परस्थान ३८:८ २३ मोपतीक मेकोमी मेको आस कली “गे निक्शीमी मारदे ओदेशो गेय पसी? गेमी ओदेशो मरिम्शो गेय पाइतीसी देशो लोव गो मुर नेल्ल आन शाव्र र नेता। २४ आं तौ निक्शी ओदेशो गेय पचा परोनीस। मारदे हना, परमपरभु यावे आ मुर आन दातेमी एको लोव बरशा नेता। एको थम मरिम्शो बाक्ब। गे परमपरभु यावे आ मुर आन कली पाप पपाइक्नीसी। २५ मुरुमी मुर आन कली पाप पाप्नु हना, परमपरभुम निसाफ पाइब। तन्न मुरुमी परमपरभु यावे कली पाप पाप्नु हना, सुम गारपाइक्ने चाप्वा डा” देमाक्त। मेको लोव नेल्ल नेताक्स हना यो, मेको निक्शीमी आस आफ आ लोव मटिम्से बाक्त। मारदे हना परमपरभु यावेम मेको निक्शी आस कली साइक्चा माल्शा बाक्माक्त। अय्युब १६:२०-२१

परमपरभुम एली आ पर्वम लोव पशो

२६ मिनु सामुएल कोल्ना कोल्ल लमेनु, परमपरभु यावे नु मुर आन डोंडती दाक्शो दुम्माक्त। लूका २:५२ २७ मिनु परमपरभु आ लोव पाइब का जाक्शा, एली कली “परमपरभु

यावेमी इन कली लोत्र का पाइब। मेको मार बाक्व देशा हना, गो इन आफ नु आ सिं डा मुर इजीप्त फाराओ आ रागीमी बाक्मानु, गो मतपांडसीडा डा ? २८ गो इसराएल डा थर नेल्ल रे मेको कली आं कली चढेब दुम्पाइक्वा कली योत्रता। आं कली चढेतीकम चढेचा, आं कली धूप चोचा, नु आं डांडती निसाफ पतीक ऊरीम नु थुम्मीम बाक्शा झोला फक्चा कली योत्रता। इसराएल डा मीम चढेशा नेल्ल इ आफ आ सिं डा मुर आन कली गेता। ब्यवस्था १८:१; गन्ती १८:८-२० २९ मारदे गे आं देशो चढेशा नु जचा थोत्रक चढेशा नेल्ल आइक्च मिस्ती ? मिनु आं क्येडा गे इ तौ आस कली ठेयब सेल्लेवे। आं मुर, इसराएली आन चढेशा रे गे नेल्ल क्येडा रिम्शा मारदे आंम कली वांडसीशा, इ तौ आस कली ठेयब सेल्लेवे ?” देमाक्त। ३० मोपतीके परमपरभु यावे, इसराएली आन परमपरभुमी “इ किर्की पिपी आन सिं डा मुर नेल्ल गेना हना यो आं डांडती चढेब दुम्नीम, गो कसम जशो नड” देशो बाक्त। तन्न परमपरभु यावेमी “मुल ओदेशो मदुम्ब। मारदे हना आं कली ठेयब सेल्ल आन कली गो ठेयब सेल्लुड। आं कली आइक्च सेल्ल नेल्ल आइक्च सेल्लवा पुंडसीनीम। परस्थान २८:१; मलाकी ३:१६-१८ ३१ मुल गे नु इ किर्की पिपी आन सिं डा मुर आन सक्ति नेल्ल साम्नुड। इ सिं डा मुर सुइ खूशा दुम्चा मताइनीम। १ राजा २:२७ ३२ गे आं मुर इसराएली आन कली गेशा रिम्शा थोत्रक तशा गहे पाइनीनी। मिनु इ सिंमी सुइ खूशा सम्म मलीनीम। ३३ तन्न गो इ तौ चच युइ आन दाते डा आं कली चढेतीकम गेय पाइब, का कली मसाइक्नुड। मेको शुश डाक्शा, आ थुं लुक्च लाइक्व। मारदे हना मेकोमी आ वांडेश मुर नेल्ल बेक्ची मजाक्थु बेक्शा ताइब। ३४ मिनु इ तौ निक्शी होपनी नु फिनहास काबुमीन बेक्नीस। मेको आं देशो लोत्र थमा बाक्व, देशो चिल्ड का बाक्व। १ सामुएल ४:११ ३५ गो आं कली थमा सुइक्व चढेब का पोक्नुड। मेकोम आं कली टिशा, आं थुंम मिम्शो पाइब। गो मेको कली गेना हना यो लीब सिं का सेल्लुड। मिनु मेकोमी आं तेल लुक्शो आ डांडती गेना हना यो गेय पाइब। १ राजा २:३५; हिब्रू ५:४-६ ३६ मिनु इ सिं डा बरोंडशा लीशोपुकी मेको आ डांडती बाप्शा टुकरा का चांदी, शोब्ले का तचा कली, आं कली चढेतीक

गेय गेयीनी। मिनु गो नु जचा थोत्रक बाक्ल’ देनीम” दे परमपरभु यावेमी देत।

परमपरभुम सामुएल कली बरेश्शो

३ १ मिनु सामुएल एली आ देशो टिशा, परमपरभु यावे आ गेय पना पन बाक्माक्त। मेना परमपरभु यावे आ लोत्र शुश मनंसीबाक्माक्त। मिनु ततीक यो शुश मताइसीबाक्माक्त। आमोस ८:११ २ मिनु काबु नाक्दो एली आ इप्तीकमी गोल्शा बाक्माक्त। आ मिक्च बराबरा दुम्शा, रिम्शा पा तने मचाप्ब दुम्शो बाक्माक्त। ३ मिनु सामुएल परमपरभु यावे आ ताम्बु डा कबल पशो सन्दास आ नेक्था इप्शो बाक्माक्त। मेना परमपरभु आ बत्ती मकाप्शो बाक्माक्त। गन्ती ७:८९ ४ मिनु परमपरभु यावेमी “सामुएल, सामुएल” दे बरेत्ता बाक्त। मिनु सामुएलम “गो एक बाक्ती” देमाक्त। ५ मिनु एली आ बाक्तीकम दारशा लशा “गे आं कली बरेत्ताक्यीनी। गो एक बाक्ती” देमाक्त। मिनु एलीमी “गो इ कली मबरत्तन, लावो। इपो” दे मदा बाक्त। मिनु मेको लशा इम्माक्त। ६ मिनु परमपरभु यावेम लेशा “सामुएल” दे बरेम्माक्त। मिनु मेको बोक्शा एली आ बाक्तीक लमाक्त। मिनु मेकोमी “गो एक बाक्ती। गे आं कली बरेत्ताक्यीनी” देमाक्त। मिनु एलीमी “आं तौ, गो इ कली मबरत्तन। लावो। इपो” दे मदा बाक्त। ७ मेना सम्म सामुएलम परमपरभु यावे कली मतुइश्शो बाक्माक्त। परमपरभु यावे आ लोत्र मेको कली मतुइक्पाइश्शो बाक्माक्त। ८ मिनु परमपरभु यावेमी मेको कली सां खेयप बरेम्माक्त। मिनु मेको लेशा एली आ बाक्तीक लेशा “गो एक बाक्ती। गे आं कली बरेत्ताक्यीनी” देमाक्त। मेना एलीमी “परमपरभु यावेम एको आल कली बरेत्ता बाक्त” दे तुइक्ता बाक्त। ९ मिनु मेकोमी सामुएल कली “लशा, गोल्शा, बाक्को। मेकोम लेशा बरेत्ताक्व हना “परमपरभु यावे, लोत्र पने। इन गेय पाइबम नेशो बाक्नुड” देनो” दे मदा बाक्त। मिनु सामुएल लशा, आ इप्तीकम गोल्शा, बाक्माक्त।

१० मिनु परमपरभु यावे मेकेर जाक्शा, राप्शा, डांडती डा सोदेशो पा “सामुएल, सामुएल” दे बरेम्माक्त। मिनु सामुएलमी “देनीन, इन गेय पाइबम नेशो बाक्नुड” देमाक्त। ११ मिनु परमपरभु यावेम सामुएल कली “गो इसराएलमी रीब पा गेय का पाइनुड। मेको आ परबम नंबपुकी शुश हिंनीम। १२ मेको नाक्ती गो एली नु आ

खिं डा मुर आन कली आं देशो नेल्ल पाइनुड। १३मारदे हना गो मेको कली 'गो इ खिं डा मुर आन कली गेना हना यो सजाइ गेनुड। मारदे हना एलीमी आ तौ निकशीमी मरिम्शो पशो तुइश्शा यो, मेको आस कली मतकग। १सामुएल २:२७-३६ १४मापतीक गो एली आ खिं डा मुर आन पर्वम कसम जशा, एली आ खिं डा मुर आन मरिम्शो पशो मक्याम्सीब। मेको मारइ मारइ चदशामी मक्याम्सीब' देशो बाक्नुड" देमाक्त।

१५मिनु सामुएल नां सोत्रम सम्म इम्माक्त। मिनु बाक्शा परमपरभु यावे आ खिं डा लाप्चो रोक्या बाक्त। मिनु मेकोम परमपरभु यावे आ देशो नु कांइशो लोत्र एली कली शंचा हिंमाक्त। १६मिनु एलीम सामुएल कली बरेशशा "ए आं तौ, सामुएल" देमाक्त। मिनु मेकोमी "गो एक बाक्ती" देमाक्त। १७मिनु एलीमी "मेकोमी इ कली मार देम? आं कली मेको नेल्ल मखरुइक्थु, देनो। मेकोम इ कली देशो लोत्र का सम्म या खरुइक्ताक्वी हना, परमपरभुम इ कली थम ठेयब सजाइ गेवल" देमाक्त। १८मिनु सामुएलम परमपरभु यावे आ देशो लोत्र नेल्ल शंदा बाक्त। तेकोइ लोत्र मखरुइक्ता बाक्त। मिनु एलीमी "मेको परमपरभु यावे बाक्ब। मेकोम आ दाक्शो पवल" देमाक्त। २सामुएल १५:२६

१९मिनु सामुएल कोल्ना कोल्न लमाक्त। परमपरभु यावे मेको नु बाक्माक्त। मिनु मेकोम आ लोत्र नेल्ल खबा बाक्त। २०मिनु दान र ब्यर-शबा सम्म डा इसराएली नेल्लमी सामुएल परमपरभु यावे आ लोत्र पाइब दुम्माक्त, दे तुइक्तम बाक्त। २१मिनु परमपरभु यावेमी शिलोम आंम कली तुइक्पाइसीन सीन बाक्माक्त। मारदे हना परमपरभु यावेमी सामुएल कली आ लोत्र नेपदा बाक्त।

पलिस्तीपुकीमी लडाइ पशो

४ १मिनु सामुएल आ लोत्र नेल्ल इसराएलम बरमाक्त। मेना पलिस्ती इसराएली नु लडाइ पचा कली लशो बाक्मा बाक्त। इसराएलीपुकीम एबेन-एजेरमी आन बाक्तीक सल्म बाक्त। मिनु पलिस्तीपुकीम अफेकमी आन बाक्तीक सल्म बाक्त। यहोसु १५:५३ २मिनु पलिस्तीपुकी इसराएली आन डांइती लडाइ पचा कली गारशा, बाक्मा बाक्त। मिनु लडाइ ठेयब दुम्शा, इसराएलीपुकी बरुमा बाक्त। पलिस्तीपुकीम मेकर ४ हजार खोइ इसराएली सदमे बाक्त। ३मिनु लडाइ पाइब

आन बाक्तीक लेशशा जाक्मानु, इसराएली आन खाल्पापुकीमी "मुलाक्ती मारदे परमपरभु यावेमी आंइ कली पलिस्ती नु बरुपदा? गो शिलो र परमपरभु यावे आ कबल पशो सन्दोस एक चाक्थ। मो पाइतय हना परमपरभु यावे गोपुकी नु बाक्शा, ई जौरी सतरु र परांइब" देमा बाक्त। परस्थान २५:१०; यहोसु ३:६,११ ४मापतीक मुरपुकीमी शिलोम मुर सोइक्तम बाक्त। मिनु करूब आस दातेम बाक्ब मुर नेल्ल आन परमपरभु यावे आ कबल पशो सन्दोस चाक्थामे बाक्त। मिनु एली आ तौ होफनी नु फिनेहास परमपरभु आ कबल पशो सन्दोस नु बाक्सा बाक्त। परस्थान २५:२२; २सामुएल ६:२ ५मिनु परमपरभु यावे आ कबल पशो सन्दोस लडाइ पाइब आन बाक्तीकमे चाक्थमेनु, इसराएली नेल्ल ठेयब संदा पा ग्यरशा रयके पामे बाक्त। मिनु मेको आन रयके पशो संदामी रागी नेल्ल मुरदा बाक्त। ६मिनु पलिस्तीपुकीम मेको ग्यरशा संदा नंशा "हिबरू आन बाक्तीकमे मार दुम्मे? मार रयके नंसे?" दे हिल्लो पमुमा बाक्त। मिनु परमपरभु यावे आ कबल पशो सन्दोस आन बाक्तीकमी चाक्तेक्म, दे तुइक्तमे बाक्त। ७मिनु पलिस्तीपुकी हिंशा "परमपरभु मेको आन बाक्तीकमे जाक्त। ८आबी, मुल गो बेक्नय। मो देशो डांइती गेनायो मदुम्शा बाक्त" देमा बाक्त। "आबी, सुम आंइ कली मेको शुश सकित पाइश्शा परमपरभु र परांइबा? मेकोम इजीप्ती आन कली श्यत गशा गोरशा रागीम बेक्तीक रोइ पपाइश्शा साइश्शा बाक्त। ९गे पलिस्तीपुकी महिनीन। बोल्यो दुमीन। मेकोपुकी दोपा ई वाइल दुम्मा, मोपा गपुकी यो हिबरू आन वाइल मदुम्चा डा पा, इन थुं लुकच मलपाइक्थु, लडाइ पने। बोल्यो दुम्शा, लडाइ पने" देमा बाक्त। न्यायाधीस १३:१ १०मिनु पलिस्तीपुकीम लडाइ पामे बाक्त। मिनु इसराएलीपुकी बरुशा, आन आन ताम्बुम प्राक्मा बाक्त। मेको लडाइम शुश मुर साइक्चा पुंडसमा बाक्त। खोइलीम गाक्ब ३० हजार लडाइ पाइबपुकी बेक्मा बाक्त। ११मिनु परमपरभु आ कबल पशो सन्दोस रोइश्शा, एली आ तौ होफनी नु फिनेहास आस कली यो सदमे बाक्त। १सामुएल २:३४

एली बेक्शो

१२मिनु मेको नाक्ती बेन्यामीन आ थर डा मुर का लडाइ पतीक र परोक्शा, खाक्शो वा

फेकसीशा, आ पियाम फुरक फुंडसीशा, दोरशा शिलोम जाकमाक्त। १३मेको जाकमेनु, एली आ नित्तीकम निश्शा, लां कोव्रशा बाकशो बाकमाक्त। मारदे हना परमपरभु आ कबल पशो सन्दोस आ पर्वम थाम्पा सुती पवा बाक्त। मिनु मेको मुर दोरशा, जाकशा सहर डा मुर नेल्ल आन कली मार दुम्म, मेको नेल्ल शंदा बाक्त। मिनु सहर डा मुर नेल्ल ग्रीशा वाइ बरम्मा बाक्त।

१४ मिनु एलीम आन वाइ बरम्मा नंशा “एको मार रयक बाकम” देमाक्त। मेको मुर दोरार पा दोरशा, एली आ बाक्तीक जाकशा, लोत्र नेल्ल शंदा बाक्त। १५मेना एली ९८ बर्स दुम्शो बाकमाक्त। मिनु मिक्च मताइब दुम्शो बाकमाक्त। १६सामुएल ३:२ १६ मिनु मेको मुरुम मेको कली “गो लडाइ रे नक जाक्ती। गो लडाइ रे परोक्शा जाक्ती” देमाक्त। मिनु एलीम “ए, आं ती, मार दुम्म” दे हिल्लो पवा बाक्त। १७ मिनु मेको दोरशा जाकबमी “इसराएली पलिस्ती आन क्येडा परोक्तेकम। लडाइ पाइब शुश साइक्चा पुंडसाकम। इन तो होफनी नु फिनहास निम्फा साइक्चा पुंडसाकस। मिनु परमपरभु आ कबल पशो सन्दोस यो रोइक्ताकम” देमाक्त। १८ मिनु मेकोमी परमपरभु आ कबल पशो सन्दोस आ पर्वम लोत्र पवानु, एली ठेयब लाप्चो आ नेक्था बाकशो आ नित्तीक रे नोले गे गोल्माक्त। मिनु आ शुर जिक्शा, मेको बेकमाक्त। मारदे हना मेको सूशो नु ठेयब रं पाइश्शा मुर बाकमाक्त। मेकोम ४० बर्स सम्म इसराएली आन कली निसाफ पशो बाकमाक्त।

१९मेको आ चाइमी, फिनहास आ मीशमी कोव्रज कुरशो बाकमाक्त। मिनु आ आल थिची ना दुम्शो बाकमाक्त। मिनु मेकोमी परमपरभु आ कबल पशो सन्दोस रोइश्शा योल्शो नु आ शिउ नु आ वांइश बेक्शो नंशा, आ आल थितीक रोइम जेत्ता बाक्त। मिनु गोल्शा आल थिवा बाक्त। २० मिनु मेको बेक्चा चिकतानु, आ वारच पाइब मीश मुरुम “इ थुं ग्येत्य लुक्च मदुमो। गे तो का थिप्तीवी” दे मदा बाक्त। तन्न मेकोम लोत्र मलेत्ता बाक्त। मेकोम आ नोफा मदाइक्ता बाक्त। उत्पत्ती ३५:१७ २१ मिनु मेकोमी आल आ नं इकाबोद वोदा बाक्त। मेको आ अर्थ “परमपरभु आ छेड्छेड् इसराएल रे जाम्त” देशो बाकमाक्त। मारदे हना परमपरभु आ कबल पशो सन्दोस रोइश्शा नु आ शिउ नु आ वांइश बेक्शो मिम्शा इकाबोद आ अर्थ “इसराएल डा छेड्छेड् जाम्त” देशो बाक्त १सामुएल १४:३ ;

भजन संग्रह ७८:६१ २२ “इसराएल डा छेड्छेड् जाम्त। मारदे हना परमपरभु आ कबल पशो सन्दोस रोइसाकव” देमाक्त।

पलिस्तीपुकीमी श्येत जशो

१ पलिस्तीपुकीमी परमपरभु आ कबल पशो सन्दोस रोइश्शा लाइश्शा, एबन-एज्जर रे अश्दोद सहरम चाकगम बाक्त। यहासु १५:४७ २ मिनु मेकोपुकीम मेको कली लाइश्शा दागोन मूर्ति आ थानम चाकदीत्म बाक्त। मिनु दागोन आ नेक्था वोदम बाक्त। न्यायाधीस १६:२३ ३ मिनु आ दीसा अश्दोद डा मुरपुकी सुनी कना बोक्शा कोव्रडमेनु, दागोन आ मूर्ति गोल्शा, परमपरभु यावे आ कबल पशो सन्दोस आ डांइती बाप्शो तामे बाक्त। मिनु मेकोपुकीम दागोन कली पोक्शा, आ बाक्तीकम वोदमे बाक्त। ४ मिनु मेकोपुकी लंशा आ दीसा सुनी कना बोक्शा कोव्रडमेनु, दागोन परमपरभु यावे आ कबल पशो सन्दोस आ डांइती गोल्शा तामे बाक्त। मिनु मेको मूर्ति आ पिया नु गुइ निक्शी जिक्शा, लाप्चो डा शीम बाकशो तामे बाक्त। दागोन आ रं ला लीशो बाकमाक्त। ५ मोपतीक मेको नाक्त रे अश्दोद सहरमी दागोन कली चदेवपुकी नु सु सु दागोन आ थानम ओव्रबाकमा, मेकोपुकीम दागोन आ थान डा लाप्चो डा शी मदिम्थु, खराक्शा ओव्रबाकमा बाक्त। सफन्याह १:९

६ मिनु परमपरभु यावेमी अश्दोद डा मुर आन कली शुश श्येत गेमी बाक्त। मेकोमी मेको अश्दोद डा नु मेको आ एर ओथ डा मुर आन कली गार मुतीक रोइमी श्येत गेमी बाक्त। मिनु मेको आन रागीम शुश यिच गुरूमा बाक्त। मिनु मेको आन सहर नेल्लेम मारइ मारइ खतम दुम्तीक नु बेक्तीकम सुमा बाक्त। भजन संग्रह ७८:६६ ७ मिनु अश्दोद डा मुरपुकीम मोदंशो दुम्शो तशा “इसराएली आन परमपरभु आ कबल पशो सन्दोस एक वोइक्चा मदुम्ब। मारदे हना मेको आ गाइश्शोमी इं कली नु इं देवता दागोन कली श्येत दुम्शो बाकव” देमा बाक्त। ८ मोपतीक मेकोपुकीम पलिस्ती आन ठेयब मुर आन कली बरम्मा सुप्शा “गो इसराएली आन परमपरभु आ कबल पशो सन्दोस मार पय?” दे हिल्लो पामे बाक्त। मिनु मेकोपुकीमी “परमपरभु आ कबल पशो सन्दोस गाथ सहरम लतीन” देमा बाक्त। मिनु मेकोपुकीम इसराएली आन परमपरभु आ सन्दोस गाथम चाकगम बाक्त। यहासु ११:२२ ९ मिनु गाथम लदमे नोले परमपरभु

यावेम मेको सहर डा मुर आन कली शुश हिंचा डा श्यत गमी बाक्त। मेकर डा ठेयब रे आइक्च मुर नेल्ल आन कली गार मुतीक रोइ पपाइक्मी बाक्त। १० मिनू मेकोपुकीमी परमपरभु आ कबल पशो सन्दोस एकरोनम सोइक्तम बाक्त। मिनू इसराएली आन परमपरभु आ कबल पशो सन्दोस एकरोनमी चाक्दीत्मनु, मेकर डा मुरपुकीम “मारदे मेकोपुकीम ई कली नु ई खिं डा मुर आन कली साइक्चा कली इसराएली आन परमपरभु आ कबल पशो सन्दोस एक चाक्मे?” दे गरीशा रेयंक पामे बाक्त। यहासु १५ : ४५ ११ मोपतीके मेकोपुकीम पलिस्ती आन ठेयब मुर नेल्ल आन कली गरूमशा लोत्र पचा कली बरत्थ सोइक्तमे बाक्त। मिनू मेको आन कली “इसराएली आन परमपरभु आ कबल पशो सन्दोस आ बाक्तीकेम लेश्शा सोइक्तीन। मेको कली आ बाक्तीकेम चाक्दीतीन। मो मपाइतीनी हना, गो नेल्ल बेक्नय” देमा बाक्त। सहर डा मुर नेल्ल शुश हिंशो बाक्मा बाक्त। मारदे हना परमपरभु शुश गाइश्शा बाक्माक्त। १२ मिनू मबक्शा आन कली गार मुतीक रोइम श्यत जपाइश्शा बाक्माक्त। मेको सहर डा मुर आन डाक्शा सरीड सम्म जाक्दीमाक्त।

परमपरभु आ सन्दोस लेश्शा

१ परमपरभु यावे आ कबल पशो सन्दोस ६ पलिस्ती आन रागीम बाक्शा ७ महिना दुश्शा बाक्माक्त। २ मिनू पलिस्तीपुकीम दागान कली चद्वेब नु लिंक्यु कोत्रब आन कली बरश्शा, मेको आन कली “गो परमपरभु यावे आ कबल पशो सन्दोस कली मार पय? गो मेको आ बाक्तीकेम दोपा सोइक्तय? आंइ कली शंदीकी” दे हिल्लो पामे बाक्त। ३ मिनू मेकोपुकीम “गोपुकीम इसराएली आन परमपरभु आ कबल पशो सन्दोस लेश्शा सोइक्तीनी हना, मोशा मसोइक्तीन। परमपरभु कली दोस आ पर्वम चद्वेतीक नु सोइक्तीन। मिनू नोले गे सानीनी। मिनू मेकोमी लेशा इन कली श्यत मगेब” देमा बाक्त।

४ मिनू मेकोपुकीम “गो दोस आ पर्वम मार चद्वेतीक सोइक्तीकी?” दे हिल्लो पामे बाक्त। मिनू मेकोपुकीम “५ ओटा सुन के कान नु ५ ओटा सुन के यिच, इन ५ जना ठेयब मुर खोदंशो पा नु इन कली श्यत गेब कान खोदंशो पा सोइक्तीन। यहासु १३ : ३ ५ गे इन कान खोदंशो सुन के कान नु रागी कली खतम पोक्व यिच खोदंशो पा सुन

के यिच सेलीन। मिनू इसराएली आन परमपरभु कली मान पने। मिनू मेकोमी इन कली, इन देवी देवता आन कली नु इन रागी कली श्यत गेचा परोइबा कां? ६ गे मारदे इजीप्त डा मुर नु फाराओ खोदंशो पा इन थुं खकटा सत्नीनी? मेकोम आ सक्ति कांइदा नोले मेकोपुकी मूर्ख दुश्शा इसराएली आन कली लचा मगम डा?” देमा बाक्त। परस्थान ४ : २१ ; परस्थान १२ : ३१ ७ मिनू “मुल गे नक बग्गी का सेलीन। मिनू गिक्शा नु गेनायो जुवा मलाप्शो बी निक्शी लतीन। मिनू मेको बी आस कली नारशा, बग्गी कीपाइक्चा कली ठीक पने। मेको आस बाछ्छा कली चहिं फराशा गोठम लतीन। ६ मिनू परमपरभु यावे आ कबल पशो सन्दोस लाइश्शा, बग्गी तारी वोतीन। मिनू मेको इन दोस आ पर्वम चद्वेशो सुन के थोत्रकी आइक्च सन्दोस काम कुर पा, मेको आ नेक्था वोतीन। मिनू मेको सोइक्तीन। १ मिनू मेको बग्गी कली कोत्रशा बाक्कीन। मेको सन्दोस कुरशा बग्गी आ रागी, बेथ-शमेश ग्येत्थ गे लत हना, परमपरभुमी एको ठेयब श्यत दुम्पाइश्शा बाक्माक्त, दे तुंडसीब। मो मदुस्त हना, एको श्यत मेकोमी मदुम्पाइश्शा बाक्माक्त। आंमा दुश्शा बाक्तेक्म, दे तुंडसीब” देमा बाक्त।

१० मिनू मेको मुरपुकीमी मो पामे बाक्त। मिनू गिक्शा बी निक्शी चाक्शा, बग्गीम नारम बाक्त। मेको आस बाछ्छा चहिं गोठ उइ पाइश्शा, वोदमे बाक्त। ११ मिनू परमपरभु यावे आ कबल पशो सन्दोस नु सुन के यिच नु सुन के कान बाक्शा आइक्च सन्दोस बग्गी तार वोदमे बाक्त। १२ मिनू मेको बी एर आंथ मपथु, गाक्ची ना गरीना गरीन इर बेथ-शमेश ठेयब लां गे लसा बाक्त। मिनू पलिस्ती आन ठेयब मुरपुकी मेको बी आस नोले बेथ-शमेश डा सांद सम्म लमा बाक्त। यहासु १५ : १० १३ मेना बेथ-शमेश डा मुरपुकी दिमम चेरब रिक्ना रिक्न बाक्मा बाक्त। मिनू मेकोपुकीम इर गे कोत्रडमेनु, सन्दोस तशा ग्येरशा मेको आ नेक्था लमा बाक्त। १४ मेको बग्गी बेथ-शमेश डा यहासु आ रूम जाक्शा, नांडस बाक्त। मेको आ नेक्था ठेयब फुल्लु का बाक्माक्त। मिनू मेकोपुकीम मेको बग्गी खरोइश्शा, मेको बी साइश्शा, परमपरभु यावे कली चोशा चद्वेमे बाक्त। १५ मिनू लेवीपुकीम परमपरभु यावे आ कबल पशो सन्दोस नु मेको आ नेक्था बाक्शा सुन के थोत्रक बाक्शा आइक्च सन्दोस शोल्था, मेको ठेयब फुल्लु

तारी वोदमे बाक्त। मिनु मेको नाक्त बेथ-शेमेश डा मुरपुकीम परमपरभु यावे कली चोशा चढ़ेतीक नु अरु चढ़ेतीक चढ़मे बाक्त। १६मिनु पलिस्ती आन ५ जना ठेयब मुरुमी मेको नेल्ल तथा, मेको नाक्तीन एकरोन लम्मा बाक्त।

१७मिनु मेको पलिस्तीपुकीम मेको आन दोस आ पर्वम परमपरभु यावे कली सोइशो सुन क कान मार कली बाक्मा बाक्त देशा हना, अशदोद कली का, गाजा कली का, अशकलोन कली का, गाथ कली का नु एकरोन कली का बाक्मा बाक्त। १८मिनु सुन क यिच चहिं गारा हिरशो सहर आन कली नु आन हुकुम पाइब नु आन एर आंथ डा सहर आन कली का का बाक्माक्त। मिनु मेकोपुकीमी परमपरभु यावे आ कबल पशो सन्दोस कली लाइशशा, ठेयब फुल्लु तारी वोदमे बाक्त। मेको फुल्लु मुल सम्म बेथ-शेमेश डा यहोसु आ रुम सांकछी बाक्ब।

कबल पशो सन्दोस लाम बाक्शो

१९मिनु परमपरभु यावेमी बेथ-शेमेश डा मुर आन दात डा ७० जना आन कली सदा बाक्त। मारदे हना मेकोपुकीम परमपरभु यावे आ कबल पशो सन्दोस आगा कोव्रडम बाक्त। मिनु परमपरभु यावेमी मोदंशो पशो आ पर्वम मुरपुकी रोंका पामे बाक्त। गन्ती ४:२०; २सामुएल ६:६-७ २०मिनु बेथ-शेमेश डा मुरपुकीम “मेको परमपरभु यावे, का ला परमपरभु आ डांइती सु राप्न चाप्या डा? मिनु आंइ बाक्तीक रं मुल मेको सु आ बाक्तीक लाइक्चा माल्बा?” देमा बाक्त। २१मिनु मेकोपुकीम किरयथ-यारीम डा मुर आन कली लोव्र कुरब सोइशशा, मेको आन कली “पलिस्तीपुकीम परमपरभु यावे आ कबल पशो सन्दोस लेत्ताक्म। उइ यिशा, मेको इन बाक्तीकम कुतीन” देमा बाक्त। १इतिहास १३:६; भजन संग्रह ३२:३-६

सन्दोस किरयथ-यारीम लाइशशा

१मिनु किरयथ-यारीम डा मुर जाक्शा, ७ परमपरभु यावे आ कबल पशो सन्दोस लाइशशा, डांडाम बाक्ब अबीनादाब आ सिंम चाक्दोत्मे बाक्त। मिनु मेको आ तो एलाजर कली परमपरभु यावे आ कबल पशो सन्दोस कोव्रचा कली ठीक सेल्मे बाक्त। लेवी ८:-

मुरपुकी परमपरभु यावे गे लेशशो

२मिनु मेको सन्दोस किरयथ-यारीमम वोइशशा, शुश नाक्त दुग्शा, २० बर्स मेकर बाक्माक्त। मिनु इसराएली नेल्लेमी “परमपरभु यावम ई कली परांइतु” दे सुर्ता पामे बाक्त। १सामुएल ६:२१; १सामुएल ४:२२; १इतिहास १३:६

३मिनु सामुएलमी इसराएली नेल्ल आन कली “गे इन थुं नेल्लेमी परमपरभु यावे गे लेत्चा दाक्ताक्नी हना, इन दाते र अर्का रागी डा देवी देवता नु अशतारोथ माइशशा मूर्ति पाइशशा थाम नेल्ल गरुंददीन। मिनु इन थुं नेल्लेमी परमपरभु यावे कली ला ठेयब सेत्तीन। मिनु मेकोम इन कली पलिस्ती आन गुइ र परांइब” देमाक्त। उत्पत्ती ३५:२; यहोसु २४:२३ ४मिनु इसराएलीपुकीमी बाल देवता नु मूर्ति पाइशशा थाम नेल्ल गरुंददमे बाक्त। मिनु परमपरभु यावे कली ला ठेयब सेल्मे बाक्त। न्यायाधीस १०:१६ ५मिनु सामुएलमी इसराएली नेल्ल आन कली “मिस्पाम बुक्कीन। मिनु गा परमपरभु यावे कली इन पर्वम पुंइनुड” देमाक्त। १सामुएल १०:१७; यहोसु १८:२६; न्यायाधीस २०:१ ६मिनु मेकोपुकी मिस्पाम बुक्मा बाक्त। मिनु ब्वाक्कु चाक्शा, परमपरभु यावे आ डांइती मोदमे बाक्त। मिनु मेको नाक्ती माइजा बाक्शा, मेकोपुकीमी “गो परमपरभु यावे आ डांइती पाप पाइतक” देमा बाक्त। मिनु सामुएलम इसराएली आन कली मिस्पा सहरम बरशशा निसाफ पवा बाक्त। २सामुएल २३:१६

७मिनु पलिस्तीपुकीमी इसराएली मिस्पाम बुक्तेक्म देशो लोव्र नन्मे बाक्त। मिनु मेको आन ठेयब मुरपुकी इसराएली नु लडाइ पचा कली लमा बाक्त। मिनु इसराएलीपुकी मेको नंशा, पलिस्ती आन कली तथा शुश हिंमा बाक्त। ८मिनु इसराएलीपुकीम सामुएल कली “आंइ कली पलिस्ती आन गुइ र परांइचा कली परमपरभु यावे, आंइ परमपरभु कली पुंइचा मपुरोनीन। मिनु मेकोम पलिस्ती आन गुइ र परांइबा को, दे पुनीन” दे सामुएल कली देमा बाक्त। १सामुएल १२:२३; उत्पत्ती २२:१७; १राजा १३:६; यरमीया ३७:३; यरमीया ७:१६ ९मिनु सामुएलमी परमपरभु यावे कली दूध तूब पाठा का चोशा चढ़ेवा बाक्त। मिनु इसराएली आन पर्वम ठेयब संदा पा परमपरभु यावे कली पुना बाक्त। मिनु परमपरभु यावम मेको आ पुंइशो लोव्र नेना बाक्त। १०सामुएलम चोशा चढ़ेना देन

बाक्मेनु, पलिस्तीपुकी इसराएली नु लडाइ पचा कली आन नेक्था जाक्मा बाक्त। मिनु मेको नाक्ती परमपरभु यावेमी पलिस्ती आन तारी ठयब बुबु पपदा बाक्त। मिनु पलिस्तीपुकी वाम ग्याम दुम्शा, इसराएली आन डांडती रं पराक्मा बाक्त। उत्पती ३५:५; परस्थान १४:२४; परस्थान २३:२७; यहासु १०:१०; न्यायाधीस ४:१५ ११मिनु इसराएलीपुकीम मेको आन कली मिस्या रं खेदा पना पन, बथ-कर आ दी सम्म साइकना साइकन खेदा पाम बाक्त। १२मिनु सामुएलमी फल्लु का लाइश्शा, मिस्या नु येशाना आस दातमी खरुक्गा बाक्त। मेको कली एबेन-एजेर नं वोइश्शा “परमपरभु यावेम आंइ कली एक सम्म वारच पात्तु” देमाक्त। १३मोपा पलिस्ती बरुशा, इसराएली आन रागी लंशा मओवमा बाक्त। मिनु परमपरभु यावेम सामुएल बाक्म सम्म पलिस्तीपुकी रं इसराएली आन कली श्येत मगोपदा बाक्त। १४मिनु पलिस्ती आन डांडती गराशो सहर एकरोन रं गाथ सम्म नु आन एर आंथ डा गाउं नेल्ल इसराएलीपुकीमी पलिस्ती आन गुइ रं ताक्वाम बाक्त। मिनु इसराएली नु एमोरोपुकी गरामा बाक्त।

१५ मिनु सामुएल बाक्म सम्म इसराएली आन कली निसाफ पवा बाक्त। न्यायाधीस १०:१-५; न्यायाधीस १२:७-१४ १६मेकोमी बर्स बर्सम बथेल, गिल्बाल नु मिस्याम हिरशा, इसराएली आन कली निसाफ पाइक्बाक्माक्त। १७मिनु मेको रामाह लेब्राक्माक्त। मारदे हना मेको आ खिं मेकर बाक्माक्त। मिनु मेकोमी मुर आन कली निसाफ पा, परमपरभु यावे कली चढतीक का सत्ता बाक्त। यहासु १८:२५

### इसराएलीपुकीमी पिप पुंडशो

१ सामुएल सूशो दुम्तीक, आ तौ आन कली इसराएली आन कली निसाफ पाइब सेल्मी बाक्त। २मेको आ डांडती जरमेशो तौ आ नं योएल नु आ माइला तौ आ नं अबीयाह बाक्माक्त। मेको बेयर-शेबाम निसाफ पाइब बाक्सा बाक्त। ३इतिहास ६:१३; आमोस ८:१४ ३तन्न मेको निक्शीमी आस आफोम पशो सोदंशो मपाम्से बाक्त। क्येट पाइश्शो दुम्चा कली घूस जाम्से बाक्त। दूली निसाफ पाम्से बाक्त। ब्यवस्था १६:११ ४मोपतीके इसराएल डा खाल्पा नेल्ल गरुम्शा, रामाहम सामुएल आ बाक्तीक जाक्मा बाक्त। १सामुएल ७:१७ ५मिनु मेकोपुकीमी “गे मुल सूशो दुम्तीनी। इन

तौ निक्शी इन देशो लांम मगाक्स। मोपतीके अर्का रागी रागी डा मुर आन सोदंशो पा आंइ कली सासन पचा कली पिप का सल्ला, गेकी” देमा बाक्त। ब्यवस्था १७:१४-२०; होस १३:१०; पररित १३:२१ ६तन्न सामुएलम सासन पचा कली पिप पुंडशो लोत्र नंशा, काइ मदाक्ता बाक्त। मिनु सामुएलमी परमपरभु यावे नु लोत्र पवा बाक्त। ७मिनु परमपरभु यावेमी सामुएल कली “मुरुम मार मार देमा, मेको नेल्ल नंनो। मारदे हना मेकोपुकीम इ कली प्रांइशो ममाइ, आं कली प्रांइशो नम। मेकोपुकीम आं कली आन पिप दुम्शो मदाक्शो नम। परस्थान १५:१८; गन्ती २३:२१; ब्यवस्था ३३:५; मजन संगरह २४:७-१०; मजन संगरह ७४:१२; यसैया ६:५ ८इजीप्त् रं गरुंइशो नाक्तरं आं कली मार मार पाइय्यीमी, मुल मेकोपुकीम इ कली यो मो पाइनीम। मेकोपुकीम अरु देवी देवता आन नोले खोइश्शा, आं कली प्रांइशो बाक्नीम। मिनु मुल इ कली यो प्रांइनीम। ९मिनु मुल मार देना देन बाक्मा, मेको नंनो। मुल मेको आन कली हिंपाइश्शा शंदीमी। आन सासन पाइब पिपम दोदंशो पाइनीमी, मेको आन कली माइक्मी” देमाक्त।

१०मिनु सामुएलमी पिप पुंडब मुर आन कली परमपरभु यावेम देशो लोत्र नेल्ल नंपाइक्मी बाक्त। ११मिनु सामुएलमी “इन कली सासन पाइब पिपमी मार पाइब देशा हना, इन तौ आन कली लाइश्शा, आ बग्गी, शारा नु गेय पाइब सल्ल। मेकोमी मेको आन कली आ बग्गी आ डांडडांडती दोरपाइक्व। १२मिनु का निक्शी आन कली हजार का जना आन ठयब मुर सल्ल। का निक्शी आन कली ५० जना आन ठयब मुर सल्ल। मेको आ रू वाक्शा, आ बाली नाती रुष्व सल्ल। मिनु मेको आन लडाइ पतीक या नु बग्गी सल्लपाइक्व। १३मेकोमी इन तमी आन कली रांम खरक्तीक तेल सल्लपाइक्व। जचा थोत्रक क्येब नु शोप्ते चोइब सेल्ला कली लाइक्व। १४मेकोमी इन नेल्ल क्येडा रिम्शो रू, अडगुर रू नु तेल रवा बाक्शो रू रोइश्शा, आ गेय पाइब आन कली गेब। १५मेकोमी इन अन्न १० भागमी भाग का लाइक्व। इन अडगुर यो मोपान लाइक्व। मिनु आ कप्तान नु आ खिं डा गेय पाइब आन कली गेब। १६मेकोमी इन वाइलीम वाइल, इन नेल्ल क्येडा रिम्शो बी ब्यफ नु गधापुकी लाइश्शा आ गेय पपाइक्व। १७मेकोमी इन क्यारश भडा रं १० भाग डा भाग का लाइक्व। मिनु गेपुकी यो

मेको आ गेय पाइब दुम्नीनी। १८ मो दुम्नेनु, इन योत्रशो पिप आ पर्वम ठेयब सेंदा पा पुंडनीनी। तन्न मेना परमपरभु यावम इन पुंडशो लोत्र मनंब” देमाक्त।

१९ तन्न मुरपुकीम सामुएल आ लोत्र नेंने मबिस्समा बाक्त। मिनु मेकोपुकीम “भमाइ, आंइ कली पिप का माल्नीकी। २० गा यो अर्का रागी डा मुर खोंदशो दुम्चा दावनीकी। आंइ कली सासन पाइब नु लडाइम आंइ डॉइती गाक्ब पिप का माल्नीकी” देमा बाक्त।

२१ मिनु सामुएलम मेको मुर आन दंशो लोत्र नेल्ल नेंशा, परमपरभु याव कली नंपदा बाक्त। २२ मिनु परमपरभु यावम “मेको आन दंशो खोंदशो पावो। मेको आन कली पिप का गमी” देमाक्त। मिनु सामुएलमी इसराएल डा मुर नेल्ल आन कली आन खिं खिं सोइक्तीमी बाक्त।

### सावलमी जाम्शो गधा माल्शो

१ बन्ध्यामीन आ थर डा मुर का बाक्माक्त। १ मेको आ नें कीश बाक्माक्त। मेको आ आफ् अबीएल, मेको आ बाज् जरोर, आ शर बाज् बेकोराथ नु आ किकी बाज् आफ्गीयाह बन्ध्यामीन थर डा बाक्माक्त। कीश शांप पाइश्शो मुर का बाक्माक्त। २ मिनु मेको आ तौ का बाक्माक्त। मेको आ नें सावल बाक्माक्त। मेको ठिटा दारशो बाक्माक्त। मेना इसराएल रागीमी मेको क्यंडा दारशो अर्का सुइ मबाक्मा बाक्त। मुर नेल्ले मेको आ बला डा लुकच ला बाक्मा बाक्त।

३ मिनु काबु सावल आ आफ् कीश आ गधापुकी जाम्मा बाक्त। मिनु मेकोमी आ तौ सावल कली “गेय पाइब ठिटा का लाइश्शा, गधापुकी माल्थ लावो” दे मदा बाक्त। ४ मिनु मेको निक्शी एफ्राइम डा पहाड लाक्शा, शालीशाह रागी रे पा लसा बाक्त। तन्न गधा मथित्से बाक्त। मेको निक्शी शालीम रागी लसा, बन्ध्यामीन आ रागी रे पा हिरशा, लसा बाक्त। मेकर यो मथिदसे बाक्त। ५ मिनु मेको निक्शी जूफ रागी ओवसा बाक्त। मिनु सावलम आ गेय पाइब कली “मुल गो लेस्स। मुल मलेत्तस हना, आं आफोम गधा आन पर्वम सुर्ता पचा परोंइशा, इस पर्वम सुर्ता पाइब” देमाक्त। ६ सामुएल १०:२ ६ मिनु मेको गेय पाइबम “एको सहरम परमपरभु आ लोत्र पाइब का बाक्ब। मेको आ दंशो नेल्ल गाप्तीक, मेको आ नें थाम्पा चलेशो बाक्ब। गो मेक लांडसाक्ब हना, मेकोमी तेको लां लचा माल्बा, मेको शंबा को ?” देमाक्त। ७ मिनु सावलमी “गो

मेक लशा हना, मेको कली मार गेचा ? गो इस नु मारइ जचा थोत्रक मबाक्ब। परमपरभु आ मुर कली मारइ कोसली यो मबाक्ब” दे आ गेय पाइब कली देमाक्त। ८ मिनु मेको गेय पाइबमी “गो नु ४ भाग डा भाग का शेकल चांदी बाक्ब। इस कली लां कांडचा, दे गा मेको मुर कली एको चांदी गनुड” देमाक्त। शेकल का ११.५ ग्राम बाक्ब। मेको आ गेशो २.६ ग्राम चांदी के क्येट बाक्त। ९ डॉइती इसराएल रागीम सुइम परमपरभु आ लोत्र तुइक्चा माल्ताक्ब हना, मार देबाक्मा बाक्त दंशा हना “परमपरभु याव आ ततीक ताइब आ बाक्तीक लय” देबाक्मा बाक्त। तन्न सिनाक्त मुलाक्त परमपरभु याव आ ततीक ताइब कली परमपरभु याव आ लोत्र पाइब देनीम। गन्ती २४ :३-४ ; २ राजा १७ :१३ ; १ इतिहास ९ :२२ १० मिनु सावलमी आ गेय पाइब कली “इ दंशो रिम्शो बाक्ब। गो मेको आ बाक्तीक लस” देमाक्त। मिनु मेको निक्शी मेको परमपरभु आ मुर बाक्तीक सहर लसा बाक्त। ११ मिनु मेको निक्शी इर सहर ग लना लन बाक्सानु, ब्याक्कु दिथ योब मीश आल आन कली गरुस्स बाक्त। मिनु मेको आन कली “परमपरभु याव आ ततीक ताइब खिम बाक्म ?” दे हिल्लो पाम्से बाक्त। १२ मिनु मेकोपुकीमी “आं, इस डॉइती लना लन बाक्ब। रीब पा लने। मेको मुलाक्त सहर रे जाक्त। मारदे हना मुलाक्त डांडाम क्योरशा चदेतीक नाक्त बाक्ब। १३ मिनु गे सहरम ओवतीसी हना, गे मेको कली जचा कली इर लना लन पशा थित्नीसी। मेको मजाक्म सम्म मुरपुकीम भोज मजाइनीम। मारदे हना, मुरम जचा क्यंडा डॉइती मेकोमी क्योरशा चदेतीकम आसीक गेब। मिनु नोले ला ब्रश्शो मुरपुकीम जाइनीम। मिनु इर लसे, गे मुलाक्ती मेको कली गरुम्नीसी” देमा बाक्त। १४ मिनु इर सहर लसा बाक्त। मिनु सहर ओवसानु, सामुएल कली थित्से बाक्त।

### सावलमी सामुएल कली गरुम्शो

१५ मिनु परमपरभु यावमी सावल आ जाक्चा क्यंडा नाक्त का डॉइती सामुएल कली आ मिम्शो लोत्र तुइक्पाइश्शो बाक्माक्त। १६ मेकोमी “दीसा गो बन्ध्यामीन रागी डा मुर का इ कली गरुम्थ सोइक्नुड। मिनु गे मेको कली आं मुर, इसराएली, आन पिप सल्शा, तेल लुकतो। मेकोमी आं मुर आन कली पलिस्ती आन गुइ रे परोंइब। मारदे हना गो आं मुर आन

श्येत ताता। मेको आन पुंइशो नंता” देमाक्त। १७ मिनु सामुएलम सावल कली जाक्शो तवा बाक्त। मना परमपरभु यावेम मेको कली “आं देशो मुर एकोन बाक्व। एको आं मुर आन कली सासन पाइब दुम्ब” देमाक्त। १८ मिनु सावलमी ठेयब लाप्चाम जाक्शा, सामुएल कली “परमपरभु यावे आ ततीक ताइब आ खिं ते बाक्म, आं कली कोइदीनी” देमाक्त। १९ मिनु सामुएलमी सावल कली “परमपरभु यावे आ ततीक ताइब गो नड। आं डोंइडोंइती इर गाक्कोस। मारदे हना मुलाक्ती गो गो नु जचा माल्नीसी। मिनु दीसा सुनी इ कली लचा गनुड। इ थुंम मार मार बाक्म, गो मेको इ कली शंनन। परस्थान २४:११ २० मिनु नाक्त सां डोंइती जाम्शो गधा आन पर्वम सुर्ता मपावो। मेको थिन्ने थुस्तेक्म। नेल्ल क्येडा ठेयब लोत्र मार बाक्व देशा हना, इसराएली नेल्लेमी इ कली नु इ किकी पिपी आन खिं डा मुर कली मिम्शो बाक्नीम” देमाक्त। २१ मिनु सावलमी “गो इसराएली आन नेल्ल क्येडा आइक्च बेन्यामीन आ थर डा मुर का नड। मिनु आं खिं बेन्यामीन आ थर डा नेल्ल क्येडा आइक्च बाक्व। मिनु गे मारदे आं कली एको लोत्र देनी ?” दे हिल्लो पवा बाक्त। १ सामुएल १५:१७ २२ मिनु सामुएलमी सावल नु आ गेय पाइब आस कली जतीक कोठाम ओंइदीम्सी बाक्त। मिनु बरशशा मुर आन दातमी नेल्ल क्येडा ठेयब नितीकम निप्पदा बाक्त। मंकर मेको नेल्ल पा ३० जना मुर बाक्मा बाक्त। २३ मिनु सामुएलमी क्येब कली “डोंइती गो इ कली तिल्शा वोइक्चा देशो भाग एक पितो” दे मदा बाक्त। २४ मिनु मेको क्येबमी फ़िला चाक्शा, सावल आ डोंइती वोदा बाक्त। मिनु सामुएलमी “इ कली वोइशशा भाग एकोन बाक्व। व्यावो। मुर आन कली बरशशा भोजम एको इ कली वोइशशा भाग बाक्व” दे सावल कली देमाक्त। मिनु मेको नाक्ती सावल पौनापुकी नु भोज जवा बाक्त। २५ मिनु नोले मेकोपुकी डोंडा रे सहर बरुम्मा बाक्त। मिनु सामुएलमी सावल कली खिं तला तारी लाइशशा लोत्र पवा बाक्त। २६ मिनु नां सोत्रची ना सामुएलम सावल कली “बोक्को। मुल गो इ कली चोत्रदीनन” देमाक्त। मिनु सावल नु आ गेय पाइब बोक्सा नोले सामुएल नु काथ काथा गाक्मा बाक्त। २७ मिनु मेकोपुकी सहर लाग्मे नोले सामुएलम सावल कली “इ गेय पाइब कली डोंइती सोइक्तो” देमाक्त।

मिनु मेकोमी मो पवा बाक्त। मिनु सामुएलमी “गे एकेर रिम्दो। गो इ कली परमपरभु आ लोत्र नंपाइक्नन” देमाक्त।

सामुएलम सावल कली पिप सेल्शो

१ मिनु सामुएलमी तेल कुरतीक रे तेल  
१० गुरुंइशा, सावल आ पिथा तार लुक्ता बाक्त। मिनु मेको कली पुक्पु पा “परमपरभु यावेमी इ कली आ मुर इसराएली आन पिप संल्लु। गे आ मुर आन कली सासन पाइक्नेवे। मिनु गे मेको आन एर ओंथ डा जोरी सतरु आन गुइ र परोइनेवे। परमपरभु यावेम थमा पा इन कली आ मुर आन कली सासन पाइब सेल्शो आ चिन्ड मार बाक्व देशा हना, २गे मुलाक्ती एक रे लाइनीसी। मिनु बेन्यामीन आ सांद सेल्साह सहर आ नेक्था राहेल कली थिम्तीकेमी मुर निक्शी गरुम्नीसी। मेको निक्शीमी इस कली “इन माल्शो गधा थित्तेक्म। इन आफोमी मेको आन पर्वम सुर्ता पचा परोइशा, इस पर्वम सुर्ता पा “मुल आं ती आ पर्वम गो मार पाइनुडा ?” देत’ देनीस। उत्पत्ती ३५:१९ ३ मिनु मंकर रे लाक्शा, ताबोर डा ठेयब रवा आ नेक्था सम्म लाइनीसी। मंकर परमपरभु कली चदेथ बथेल गे लाइब मुर सां गरुम्नीसी। मेको डोंइती डा मुरुम पाठा सां, दाते डा मुरुम शोब्ले सां नु नोले डा मुरुम गर का अडगुर शांबु कुरशा गाक्शो बाक्नीम। ४ मिनु मेकोपुकीमी इस कली रिम्शा बाक्नी ? दे हिल्लो पाइनीम। मिनु इस कली शोब्ले निक्शी गनीम। मिनु गे मेको ताक्चा माल्नीसी। ५ मिनु नोले गे परमपरभु आ डोंडा गिबआथ-एलोहीम जाक्नीसी। मंकर लडाइ पचा कली बाक्शा पलिस्ती बाक्नीमी। मिनु गे मेको सहर ओवतीसी हना, डोंडा रे यिन यिन पशो परमपरभु यावे आ लोत्र पाइब आन हुल का गरुम्नीसी। मेको आन डोंइती मार मार ताप्तीक ताप्पपुकी गाक्शो बाक्नीम। मिनु मेकोमी परमपरभु यावे आ लोत्र पाइनीम। ६ मिनु परमपरभु यावे आ सोक्त इन तार जुक्व। मिनु गे यो परमपरभु यावे आ लोत्र पाइनीमी। मिनु गे अर्को मुर दुम्नीमी। न्यायाधीस १३:२५ ७ मिनु मोदंशो चिन्ड नेल्ल दुम नोले इ डोंइती मार गेय बाक्वा, मेको पावो। मारदे हना परमपरभु गे नु बाक्व। ८ मिनु गे आं डोंइती गिल्लाल यिवो। मिनु गो चोशा चदेचा नु दुशा बाक्चा आ पर्वम चदेचा कली इ बाक्तीक जाक्नुड। गो इ बाक्तीक मजाक्डा सम्म, ७ नाक्त सम्म आं कली रिम्शा बाक्को। मिनु गो

जाकशा गे मार पचा माल्नेवे, इन कली शंनुड” दे सामुएलम सावल कली देमाक्त । १सामुएल १३ :८

सावल आ थुं नक सेल्शो

१मिनु सावल गाकचा कली सामुएल नु ब्रामेनु, परमपरभुम सावल आ थुं नक सला बाक्त । मिनु मेको नाले मेको चिन्ड नेल्ल दुम्माक्त । १०मिनु मेको गिबा जाकदीस्सानु, परमपरभु यावे आ लोत्र पाइब हुल मेको कली गुरुस्थ, यिशो बाक्सा बाक्त । मिनु परमपरभु आ सोक्तीम मेको कली सुमा बाक्त । मिनु सावल यो मेको आन दातेमी परमपरभु यावे आ लोत्र पाइब दुम्माक्त । १सामुएल १९ :२०-२४ ११मिनु मेको कली डॉइती रे तुइक्व मुरपुकीम, परमपरभु यावे आ लोत्र पाइब आन दातेमी लोत्र पाइब दुम्शो तशा “कीश आ तौ कली मार दुम्मे ? मार, सावल यो परमपरभु यावे आ लोत्र पाइब आन दाते डा का बाक्मे” देमुमा बाक्त । १२मिनु मेकेर डा मुर कामी “मेर आन आफ सु बाक्मे ?” दे हिल्लो पवा बाक्त । मेना रे मुरपुकीमी “सावल यो परमपरभु यावे आ लोत्र पाइब आन दाते डा बाक्मे ?” दे देतीक लोत्र लीमाक्त । १३मिनु मेकोमी परमपरभु यावे आ लोत्र पने थुम्शा, आ सिं लमाक्त ।

१४मिनु सावल आ बकान्छाम, सावल नु आ गय पाइब आस कली “गे निक्शी ते लसी ?” दे हिल्लो पवा बाक्त । मिनु सावलमी “जाम्शो गधा माल्दीशो नरकु। गो थिन्न मचाप्सकु। मिनु गो सामुएल आ बाक्तीक यो लाइतस्कु” देमाक्त । १५मिनु सावल आ बकान्छाम “सामुएलम इ कली मार देम ? आं कली शंदीसी” देमाक्त । १६मिनु सावलमी “गधा थित्तेक्म” देत” देमाक्त । तन्न पिप दुम्तीके आ पर्वम देशो लोत्र मशंदा बाक्त ।

सावल इसराएली आन पिप दुम्शो

१७मेना सामुएलमी मुर आन कली परमपरभु यावे आ बाक्तीके मिस्पामी गुरुचा, दे बरतीमी बाक्त । १सामुएल ७ :५ १५मिनु मेकोमी इसराएली आन कली “परमपरभु यावे, इसराएली आन परमपरभुमी मार देत देशा हना गे इसराएली इन कली इजीप्त रागी रे गरुंडशा, एक चाक्तन्नी । इन कली श्येत गेब इजीप्ती आन गुइ रे परांडतन्नी । मिनु नोले इन कली दिष्व अर्का रागी डा मुर आन गुइ रे यो परांडतन्नी” देत । १८तन्न मुलाक्ती गे इन

कली हिंचा डा श्येत नु मरिम्शो रे परांडब इन परमपरभु कली परांडतीनी । मिनु गेपुकीमी “आंइ कली पिप का योत्रशा गेने” देतीनी । मोपतीके मुल परमपरभु यावे आ डॉइती इन थर थर नु सिं सिं डा मुर पा रपीन” दे माइक्मी बाक्त । १सामुएल ८ :७ २०मिनु सामुएलमी इसराएली नेल्ल आन थर आन कली राप्पाइक्मी बाक्त । मिनु बेन्यामीन आ थर योत्रचा पुंडसे बाक्त । १सामुएल १४ :४१-४२ ; यहासु ७ :१६ २१मिनु मेकोमी बेन्यामीन आ थर डा सिं सिं डा मुर आन कली राप्पा बाक्त । मिनु मातरी आ सिं डा मुर योत्रचा पुंडसमा बाक्त । मिनु मेको नोले कीश आ तौ सावल योत्रचा पुंडसे बाक्त । मिनु मेको कली माल्शा, मथित्म बाक्त । २२मिनु मेकोपुकीम परमपरभु यावे कली “मार, मेको मुर एक बाक्वा ?” दे हिल्लो पामे बाक्त । मिनु परमपरभु यावेमी “मेको मार मार आन दातेमी खरुइशशा बाक्शो बाक्व” देमाक्त । २३मिनु मुरपुकी दोरशा लशा, मेको कली चाक्गमे बाक्त । मिनु मेको मुर आन दातेमी राम्मेनु, नेल्ल आन क्यडा लाइशशा बाक्माक्त । मुर नेल्ले मेको आ बला डा तुक्च ला बाक्सा बाक्त । २४मिनु सामुएलम मुर नेल्ल आन कली “परमपरभु यावेमी योत्रशा मुर कली कोत्रडीन । मुर नेल्ल आन दातेमी एको सोदंशो सुइ मबाक्म” देमाक्त । मिनु मुर नेल्ल ग्यरशा “पिप शुश बरांडल” दे गरीमा बाक्त । मती २१ :९ २५मिनु सामुएलमी मुर आन कली पिप आ अधिकार आ पर्वम शंदीमी बाक्त । मिनु मेको नेल्ल कागजम बरक्शा, परमपरभु यावे आ डॉइती वोदा बाक्त । मिनु नोले मेकोमी मुर आन कली आन सिं सिं साइक्तीमी बाक्त । २६मिनु सावल यो आ सिं गिबा लमाक्त । मिनु परमपरभुम आन थुं थिशो रिम्शो लडाइ पाइबपुकी मेको नु लमा बाक्त । २७मेकेर मरिम्शो मुर यो बाक्सा बाक्त । मेकोपुकीमी “एको मुरुम आंइ कली आंइ जोरी सतरु रे दोपा परांडने चाप्वा डा” देमा बाक्त । मिनु मेकोपुकीमी सावल कली शुक्शी पा मेको कली मान पतीके यो मारइ मचाक्मे बाक्त । तन्न सावल सिक्सी पा बाक्माक्त । १सामुएल ११ :१२

सावलम अम्मोनी नु लडाइ पशो

११मिनु महिना का नोले अम्मोन डा ११ नाहाशमी याबश-गिलादम लडाइ पा पुम्दम बाक्त । याबश डा वांडश मुरपुकीम

नाहाश कली “गोपुकी नु गरीन। मिनु गो इन गेय पाइब दुम्नीकी” देमा बाक्त। १सामुएल ३१:११ २मिनु अम्मोन डा नाहाशमी मेको आन कली “गो गोपुकी नु गारचा कली नेल्ल इन ग्युरा मिक्च पुक्शा ला गोपुकी नु गारनुड। मोपा इसराएली नेल्ल इन कली मुने तोक्नुड” देमाक्त। ३मिनु याबेश सहर डा खाल्पापुकीमी “इसराएली नेल्ल आन कली नंपाइक्चा कली आइ कली ७ नाक्त सम्म रिम्दीन। मिनु नोल आइ कली सुइमी परोइने मचाप्तेकम हना, गो इन जिम्मा गंसीनीकी” देमा बाक्त। ४मिनु लोत्र कुरबपुकी सावल आ बाक्तीक गिबा जाकमा बाक्त। मिनु मुर आन डोंइती मेको लोत्र शंदमे बाक्त। मिनु मुर नेल्ले ठेयब संदा पा डाकमा बाक्त।

५मेना सावल रू रे पा ब्यफ सुल्शा जाकना जाकन बाक्माक्त। मिनु मेकोमी “मुरपुकी मारदे ठेयब संदा पा डाकमा” दे हिल्लो पामी बाक्त। मिनु याबेश-गिलाद डा मुरपुकीमी देशो लोत्र मेको कली शंदमे बाक्त। ६मिनु सावलम मेको लोत्र ननानु, परमपरभु आ सोक्तीम मेको कली सुमा बाक्त। मिनु सावल थाम्पा गाइक्ता बाक्त। न्यायाधीस १३:२५ ७मिनु मोपा गाइश्शा, हाल का ब्यफ टुकरा टुकरा पा चक्या बाक्त। मिनु मुर आन कली मेको टुकरा कुरपाइश्शा इसराएल रागी नेल्लेमी “सु मुर लडाइ पथ सावल नु सामुएल आस नोल मखोइक्नीमी, मेको आन ब्यफ यो आंदेशो टुकरा टुकरान दुम्नीम देनीन” दे सोइक्तीमी बाक्त। परमपरभु यावेमी मुर आन कली शुश हिंपाइश्शा बाक्माक्त। मोपतीक मेकोपुकी थुं का दुम्शा, सावल नु सामुएल आस नोल खोदमे बाक्त। न्यायाधीस १९:२९ ८मिनु सावलम मेको आन कली बेसकम लडाइ पचा कली ठीक पामी बाक्त। मेकर इसराएल डा लाख सां नु यहूदा डा ३० हजार मुर दुम्मा बाक्त। ९मिनु मेको डोंइती लोत्र चाकब मुर आन कली “याबेश-गिलाद डा मुर आन कली ३ दोसा नाक्त उइक्थ दुम्मेनु, ब्रांइचा ताइनीनी” दे मतीन” देमाक्त। मिनु मेकोपुकीमी याबेश डा मुर आन कली मेको लोत्र शंदमे बाक्त। मिनु मेको नंशा, शुश ग्येरसमा बाक्त। १०मिनु याबेश डा मुरपुकीमी अम्मोनी आन कली “गो दोसा इन बाक्तीक जाक्नीकी। मिनु गो मार पचा दाक्नीनी, मेको पने” देमा बाक्त। ११मिनु आ दोसा सावलमी आ मुर आन कली हुल सां सेल्मी

बाक्त। सुनी कना रिम्शा पा हाम्सो मडुम्थु, मेको आन जोरी सतरु आन बाक्तीके ओत्रशा, नाक्ती उइक्थ दुम सम्म लडाइ पा अम्मोनी आन कली फरुमे बाक्त। मोपा मुरपुकी निक्शी सम्म काथा मडुम्चा डा पा ब्राशा परोक्मा बाक्त।

१२मिनु मुरपुकीम सामुएल कली “सावलम आंइ कली सासन पने चाप्चा डा ? देब सु बाक्मा ? मेको आन कली साइक्चा कली आंइ गुइम गेने” देमा बाक्त। १सामुएल १०:२७ १३तन्न सावलमी “ममाइ, मुलाक्ती परमपरभु यावेमी इसराएली इं कली ग्रापदा नाक्त सुइ साइक्चा मडुम्ब” देमाक्त। १सामुएल १४:४५

१४मिनु सामुएलम मुर आन कली “गो गिल्यालम लशा, एको राज्य कली लंशा सेल्य” देमाक्त। १सामुएल १०:८ १५मोपतीके मेको नेल्ल गिल्यालम लशा, परमपरभु यावे आ डोंइती सावल कली पिप सेल्मे बाक्त। मिनु परमपरभु यावे आ डोंइती दुशा बाक्चा आ पर्वम चदेतीक चदेमे बाक्त। मिनु सावल नु इसराएली नेल्ले शुश ग्येरसमा बाक्त।

सामुएलम निसाफ पचा प्रांइशो

१२मिनु सामुएलमी गरुशा बाक्शो इसराएली नेल्ल आन कली “गो इन पुइशो नंता। मिनु गो इन कली सासन पपाइक्चा कली पिप का योत्रशा गतन्नी। १सामुएल ८:७,२२; १सामुएल ११:१५ २मुल एका पिप इन ठेयब मुर दुम्शा बाक्ब। मुल गो सूशा दुम्ती। आं चां बोइश्शा बाक्ब। आं तो गोपुकी नु बाक्शो बाक्नीस। गो आं टिटा रेन इन कली लां कोइब दुम्शा नड। ३गो एक बाक्ती। आं पर्वम मारइ मरिम्शा लोत्र पचा बाक्त हना, परमपरभु यावे नु आ तेल लुकशो आ डोंइती देनीन। गो सुका आ ब्यफ, गधा रोइश्शा बाक्डा ? गो सु सु कली श्येत गेडा ? गो सु सु आन कली दिवुमी ? मिनु सु सु आन निसाफ पची ना घूस जडा ? आं कली देनीन। मिनु गो मेको थाप्नुड” दे माइक्मी बाक्त। गन्ती १६:१५ ४मिनु मेकोपुकीमी “आंइ कली श्येत मगनी। गे आंइ कली मदिप्नी। गे सुइ रे मारइ मलाइक्नी” देमा बाक्त। ५मिनु सामुएलम मेको आन कली “गे आं कली दोसी सेल्मे मचाप्नी। मेको आ पर्वम परमपरभु यावे नु आ तेल लुकशो सांकळी बाक्नीस” देमाक्त। मिनु मेकोपुकीमी “मेको सांकळी बाक्नीस” देमा बाक्त।

६मिनु लेशा सामुएलम मुर आन कली  
 “परमपरभु यावे सांकच्छी बाक्व। मेकोमी मोसा  
 नु हारून आस कली योव्रतु। मिनु इन किकी  
 पिपी आन कली इजीप्त रागी र गर्इशा,  
 एक चाक्तु। ७मिनु गे आं डांइती बाक्कीन।  
 गो परमपरभु यावे आ डांइती गेपुकी नु लोत्र  
 पाइनुड। परमपरभु यावेमी इन कली नु इन  
 किकी पिपी आन कली दोपा प्रोना, मेको इन  
 कली देनुड। ८याकूब इजीप्त रागी बरुमेनु,  
 इजीप्त डा मुरपुकीमी मेको आन कली दिप्म  
 बाक्त। मिनु इन किकी पिपीपुकीमी परमपरभु  
 यावे कली ‘वारच पाइक्की’ दे पुन्मे बाक्त। मिनु  
 परमपरभु यावेमी मोसा नु हारून आस कली  
 सोइक्ता बाक्त। मेको निक्शीमी इन किकी  
 पिपी आन कली इजीप्त र गर्इशा एक चाक्शा  
 बाक्पदसे बाक्त। परस्थान ३:७ १तन्न  
 मेकोपुकीमी परमपरभु यावे, आन परमपरभु  
 कली परंताक्म। मेकोमी मेको आन कली  
 परांइशा, सीसरा आ गुइमी गेवा बाक्त। सीसरा  
 हासोर डा पिप याबीन आ नेल्ल क्येडा सक्ति  
 पाइइशा लडाइ पाइब आन कप्तान बाक्माक्त।  
 परमपरभुमी मेको आन कली पलिस्ती आन  
 गुइमी गेवा बाक्त। मिनु मोआब डा पिप आन  
 गुइमी यो गेवा बाक्त। मिनु मेकोपुकी मेको नु  
 लडाइ पना पन बाक्मा बाक्त। न्यायाधीस  
 ४:२; न्यायाधीस १०:७; न्यायाधीस १३:१;  
 न्यायाधीस ३:१२ १०मिनु नोले मेकोपुकीम  
 परमपरभु यावे कली ‘गो पाप पाइतक। गो  
 परमपरभु यावे कली परांइतक। गो बाल देवता  
 नु अशतारोथ माइइशा मूर्ति पाइइशा थाम  
 कली पूजा पाइतक। मिनु मुल आंइ जोरी सतरु  
 आन गुइ र परोनीन। मिनु गो इन कली ला  
 ठेयब सल्लीकी’ देमा बाक्त। गन्ती २१:७;  
 यहासु ७:२०; न्यायाधीस १०:१०; दानीएल  
 ९:९-११ ११मिनु परमपरभु यावेमी येरूब-बाल,  
 बाराक, येफता नु सामुएल आन कली सोइक्ता  
 बाक्त। मिनु मेकोपुकीमी इन एर आंथ बाक्शो  
 जोरी सतरु र परोन्मे बाक्त। मिनु गेपुकी थुं  
 नाइइशा, मारइ मडुम्यु बाक्चा तशा बाक्तीनी।  
 न्यायाधीस ६:१४, ३२; न्यायाधीस ४:६;  
 न्यायाधीस ११:२९; १सामुएल ७:३ १२तन्न  
 गे अम्मोनी आन पिप नाहाश कली लडाइ पथ  
 पिशो ताइतीनी। मिनु गेपुकीमी ‘परमपरभु यावे,  
 इन परमपरभु इन पिप बाक्त हना यो, आंइ कली  
 सासन पपाइक्चा कली पिप का गेने’ देतीनी।  
 १सामुएल ११:१-२; १सामुएल ८:१९ १३मुल इन

पुंइशा पिप एक बाक्व। गेपुकीम एको कली  
 माल्शा, योव्रतीनी। मिनु परमपरभु यावेमी इन  
 कली पिप का गेपु। १४गेपुकीम परमपरभु यावे  
 कली मान पा हिंशा ठेयब सल्लीनी हना, मेको  
 आ देशो टीतीनी हना, इन कली सासन पाइब  
 पिपमी यो परमपरभु यावे, इन परमपरभु आ  
 नोले सोइक्तु हना, परमपरभु यावे गेपुकी नु  
 बाक्व। १५तन्न गेपुकीम परमपरभु यावे आ  
 देशो ममिस्ताकनी नु आ देशो मटीतीनी हना,  
 परमपरभु यावेमी इन कली नु इन पिप कली यो  
 परांइब। न्यायाधीस २:१५

१६मोपतीके गे बाक्कीन। मिनु परमपरभु  
 यावेमी इन डांइती मार ठेयब गेय पाइबा, मेको  
 कोव्रडीन। १७मुल चेरब रिक्ची जाक्शो बाक्व।  
 मिनु गो परमपरभु यावे कली रेउ नु बुंबु पुंइनुड।  
 मिनु मेकोम बुंबु पपाइइशा, रेउ यिपाइक्व।  
 मिनु गे परमपरभु यावे आ डांइती पिप पुंइशा,  
 इन परमपरभु यावे आ अरेशो लोत्र मटिशो ठेयब  
 पाप बाक्व, ‘दे तुइक्कीनी’ देमाक्त। १८मिनु  
 सामुएलमी परमपरभु यावे कली पुना बाक्त।  
 मिनु मेकोमी मेको नाक्ती बुंबु पपाइइशा रेउ  
 यिपदा बाक्त। मिनु मुर नेल्ल परमपरभु यावे नु  
 सामुएल तशा, शुश हिंमा बाक्त।

१९मिनु मुर नेल्लेमी सामुएल कली “परमपरभु  
 यावे, इन परमपरभु कली आंइ पर्वम ‘गो  
 मबक्कल’ दे पुनीन। मारदे हना आंइ मरिम्शो  
 पशो ला ममाइ, आंइ कली पिप का माल्कीकी,  
 दे आंइ मरिम्शो पतीक तेम्ताक्क” देमा बाक्त।  
 २०मिनु सामुएलम मुर आन कली “महिनीन।  
 गेपुकी मेको मरिम्शो नेल्ल पाइतीनी हना यो,  
 परमपरभु यावे आ नोले सोइक्चा मपरोनीन।  
 मिनु इन थुं नेल्लेम परमपरभु यावे कली ठेयब  
 सलीन। २१मो मपाइतीनी हना, गे शोर गाक्शो  
 दुम्नीनी। मेकोम इन कली वारच मपाइब। श्येत  
 र यो मपरांइब। ब्यवस्था ३२:३७-३८; यसैया  
 ४१:२९ २२मारदे हना परमपरभु यावेमी आ ठेयब  
 ने आ पर्वम आ मुर आन कली कोव्रशा मपरांइब।  
 परमपरभु यावेमी इन कली आंम आ मुर सल्ला  
 कली ग्यरसाक्व। परस्थान ११:६ २३मिनु गो  
 इन पर्वम पुंइचा परांइचा यो परमपरभु यावे आ  
 डांइती पाप बाक्व। पुंइचा मपरांइनुड। गो इन  
 कली रिम्शो नु ठीक लां शंनुड। १सामुएल ७:८-  
 ९; उत्पती १८:३३-३२; परस्थान ३२:११-१४, ३२  
 २४मिनु परमपरभु यावे कली मान पा हिंनीन। इन  
 थुं नेल्लेम थमा पा मेको कली ठेयब सलीन।  
 मेकोमी इन कली गिश ठेयब गेय पशो बाक्म,

मेको मिम्तीन। ब्यवस्था ६:१२-१५ २५ तन्न गे मेको तुइश्शा यो, मरिम्शो पाइतीनी हना, गेपुकी नु इन पिप मलीनीनी” देमाक्त।

सावल पलिस्ती नु लडाइ पशो

१ सावल पिप दुम्मेनु, ३० बर्स खोदेशो दुम्शो बाक्माक्त। मेकोमी इसराएल कली ४२ बर्स वयडा शुश सासन पवा बाक्त। एको लोत्र मतुइसीब। मारदे हना माइत हिब्रू किताबमी न्यायासीशो बाक्माक्त। २ सावलमी इसराएल डा हजार सां मुर आन कली योत्रमी बाक्त। मिनु हजार निकशी आं नु मिकमाशम नु बेथल डा पहाडीम बाक्मा बाक्त। मिनु हजार का मुर योनाथन नु बेन्यामीन डा गिबाम बाक्मा बाक्त। लीशो मुर आन कली चहिं आन खिं सोइक्तीमी बाक्त। ३ मिनु योनाथनम गेबा डा पलिस्ती आन ठेयब मुर कली सदा बाक्त। मिनु मेको लोत्र पलिस्ती आन दातेमी बरमाक्त। मिनु सावलमी “हिब्रू नेल्लेम नन्मेकल” दे रागी नेल्लेमी तुराही ताप्पदा बाक्त। १ सामुएल १४:४९ ४ मिनु सावलम पलिस्ती आन ठेयब मुर साइक्तीके, पलिस्तीपुकीम इसराएली आन नं थिचा गरंगरा दीनीम देशो नन्मे बाक्त। मिनु सावल कली वारच पा लडाइ पचा कली मुर नेल्ल गिल्यालमी बरत्म बाक्त।

५ मिनु पलिस्तीपुकी इसराएली नु लडाइ पचा कली बुक्मा बाक्त। मेकोपुकी नु ३० हजार बग्गी, ६ हजार शारा डोइक्वपुकी नु समुन्दर डा बाल्वा खोदेशो पा हिकन मचाप्वा डा पा खोइलीम गाक्व लडाइ पाइब मुर बाक्मा बाक्त। मेकोपुकी इर गुरूशा, बेथ-आवेन आ पूर्व गे मिकमाशम आन बाक्तीक सल्बे बाक्त। ६ मिनु इसराएलीपुकीमी थम श्यत जामे बाक्त। मारदे हना लडाइ पाइबपुकी थाम्पा आइक्व सेल्वा पुइसमा बाक्त। मोपतीके मेकोपुकी पुक्सी, काक्प, सेरथे फुल्लु आन दातेम, बेक्शो मुर वोइक्तीके नु इनार आगाम खरुइसमा बाक्त। ७ का निकशी हिब्रू यर्दन खोला शोक्शा, गाद आन रागी गिलाद जाक्दीम्मा बाक्त। तन्न सावल चहिं गिल्याल उइ बाक्माक्त। मेको आ नोले खोइक्व नेल्ले थाम्पा हिंशा खिरंखिर पाम बाक्त।

८ मिनु सावलमी सामुएल कली ७ नाक्त सम्म रिम्दा बाक्त। तन्न सामुएल गिल्यालमी मजाक्माक्त। मोपतीके मुरपुकी सावल आ बाक्तीक रे नोले शोइसीमा बाक्त। १ सामुएल १०:८ ९ मिनु सावलमी “चोशा चढ्दीक नु दुशा

बाक्वा आ पर्वम चढ्दीक एक आं बाक्तीक चाक्कीन” देमाक्त। मिनु आंमान चोशा चढ्दीक चढ्वा बाक्त। १० सावलम चोशा चढ्दीक चढ्ने थुमा नोले सामुएल जाक्माक्त। मिनु सावल मेको कली गुरूथ लमाक्त। ११ मिनु सामुएलमी “एको मार पवी” देमाक्त। मिनु सावलमी “मुरपुकीम आं कली परांइशा, लशा तातामी। इन जाक्नुड देशो ना मजाक्नी। पलिस्तीपुकी मिकमाशम बुक्तेक्म। १२ पलिस्तीपुकी गो नु लडाइ पथ गिल्यालम जाक्नीम, दे मिम्ताक्ड। गो परमपरभु यावेम शिशी पवल, दे मपुनु। मोपतीके गो आंमान एको चोशा चढ्दीक चढ्वा माल्ताक्यी” देमाक्त। १३ मिनु सामुएलमी सावल कली “गे मूर्ख गेय पाप्तीवी। परमपरभु यावे, इ परमपरभुमी शंशो लोत्र मटिवी। गे टिशा नवे हना, परमपरभु यावेमी इ राज्य इसराएलमी गेना हना यो लोपद वा। १४ तन्न मुल इ राज्य मली। परमपरभु यावेम आ दाक्शो मुर का योत्रतु। परमपरभु यावेमी मेको कली आ मुर आन पिप सेल्ब। मारदे हना, गे परमपरभु यावे आ लोत्र मटिवी” देमाक्त। १ सामुएल १६:१; पररित १३:२२

१५ मिनु सामुएल बोक्शा, गिल्याल परांइशा, बेन्यामीन आ गिबा गे खोदा बाक्त। लीशो मुरपुकी चहिं सावल आ नोले लडाइ पाइब दुम्चा कली खोदमे बाक्त। मिनु सावलमी मेको मुर आन कली हिक्यानु, मेको नेल्ल पा ६ सह मुर बाक्मा बाक्त। १६ सावल, मेको आ ती योनाथन नु मेको नु बाक्शो मुरपुकी नु बेन्यामीन आ रागी गबाम लीमा बाक्त। पलिस्तीपुकी चहिं मिकमाशम आन बाक्तीक सल्शा बाक्मा बाक्त। १७ मिनु पलिस्ती आन बाक्तीक रे रोइक्वपुकी हुल सां गुरूमा बाक्त। हुल का शुआल आ रागीम बाक्शो ओफरा गे लमा बाक्त। १८ अर्का हुल बेथ-होरान गे लमा बाक्त। मिनु लीशो हुल चहिं डांडा गे लमा बाक्त। मेको डांडा रे सेबायीम डा बेसी गोरशो रागी तांइसीबाक्माक्त।

१९ मेना इसराएल रागीमी तुप्तील का यो मथिंसीबाक्माक्त। मारदे हना पलिस्तीपुकीम हिब्रू आन कली तरवार नु तूतीक सल्वा मगशो बाक्मा बाक्त। न्यायाधीस ५:८ २० इसराएलीपुकी आंम फाली, कोदाली, सा नु गुये शन्थी यो पलिस्ती आन खिं लचा माल्बाक्मा बाक्त। २१ फाली का नु कोदाली का शन्धा कली शेकेल का के भाग सांमी भाग निकशी थाम्पा माल्बाक्मा बाक्त। सा नु ब्यफ

सुल्ल्तीक कोकके शेष्वा कली शकेल का के भाग सामी भाग का थाप्वा माल्वाकमा बाक्त। शकेल का ११.५ ग्राम बाक्व। मेको शप्तीक गेय कली का का कली ३.५ ग्राम चांदी थाप्शो बाक्तेकम। २२ मोपतीक लडाइ दुम्मनु, सावल नु योनाथन नु बाक्शो लडाइ पाइव आन के तरवार नु त्तौक का यो मबाक्माक्त। तन्न सावल नु योनाथन आस के ला बाक्माक्त।  
२३ पलिस्तीपुकी मिकमाश डा लां मेर लमा बाक्त।

योनाथन पलिस्ती बाक्तीक लशो

१४ काबु सावल आ तौ योनाथनमी, आ या कुरब कली “पिवो, गो लां खरोइश्शा, पलिस्ती आन बाक्तीक लस” देमाक्त। तन्न मेकोमी मेको लोत्र आ आफ कली मशेंदा बाक्त। २ मेना सावल गिबा सहर क्येडा लाडगा मिगरोनम बाक्शो अनार खा आ पुमी बाक्शो बाक्माक्त। मेको नु ६ सहं मुर ला बाक्मा बाक्त। ३ मिनु परमपरभु यावे कली चढेव एली आ तौ फिनहास, फिनहास आ तौ अहीतुब नु आ लोक्व इकाबोद मेकर बाक्मा बाक्त। अहीतुब आ तौ अहीयाह शिलोमी चढेव बाक्शा, निसाफ पतीक ऊरीम नु थुम्मीम बाक्शो झोला यो फक्शो बाक्माक्त। मेको मुरपुकीमी योनाथन पलिस्ती आन बाक्तीक लशो, मतुइक्तम बाक्त। २ सामुएल ८ :१७; १ सामुएल ४ :१९-२१ प्रस्थान २८ :६-३० ४ मिनु योनाथन पलिस्ती आन बाक्तीक लतीक लांमी ठेयब सरथं फुल्लु निकशी बाक्सा बाक्त। का एर गे नु अर्को आंथ गे बाक्सा बाक्त। का आ नें बासस नु अर्को आ नें सेनह बाक्माक्त। ५ मेको का उत्तर मिकमाश गे नु का दक्खिन गेबा गे बाक्शो बाक्सा बाक्त। ६ योनाथनमी आ या कुरब कली “पिवो, गो मेको खरोइक्तीक चिनु मखरोइश्शा आन बाक्तीक लस। परमपरभु यावेमी वारच पाइवा, कां? परमपरभु यावेमी शुश मुर बाक्तेकम हना यो, इच्छा ला बाक्तेकम हना यो, इं कली परांइने चाप्व” दे मदा बाक्त। न्यायाधीस ७ :७; २ इतिहास १४ :१० ७ मेको आ या कुरबमी “ग मार पचा दाक्नीनी, पने। गे मार पाइनीनी गो मेको वारच पाइनुड” देमाक्त। ८ मिनु योनाथनमी “दुम्ब, गो आइक्वी गे लस। मिनु पलिस्ती आन कली तपांइसस। ९ मिनु मेकोपुकीमी इस कली “गो मजाक्का सम्म रिम्दीस” देतेकम हना, गो मेकर राप्शा बाक्स। गो मेको आन बाक्तीक

मलस। १० तन्न मेकोपुकीमी “आंइ बाक्तीक कुस जाक्कीन” देतेकम हना, गो इर डोइश्शा लस। मारदे हना परमपरभु यावेम मेको आन कली इस गुइमी गेशो बाक्माक्त, दे तुइक्नस। मेको गो इस कली चिन्ड बाक्व” देमाक्त। ११ मोपतीक मेको निकशी पलिस्ती आन कली तपांइससा बाक्त। मिनु पलिस्तीपुकीमी “कोवर्डीन। हिब्रू आन खरुइक्तीक पावला र गरूमा बाक्त” देमुमा बाक्त। १२ मिनु पलिस्तीपुकीमी योनाथन नु आ या कुरब आस कली “गो आंइ बाक्तीक गे डाइश्शा कुस। गो इस कली मारइ कोइनीकी” देमा बाक्त। मिनु योनाथनमी आ या कुरब कली “आं नोले कुवो। परमपरभु यावेम मेको आन कली इसराएली आन गुइमी जिम्मा गेशो बाक्त” दे मदा बाक्त। १३ मिनु योनाथन गुइ खोइल थेक्शा डांइसे बाक्त। मिनु मेको या कुरब आ नोले कुमाक्त। मिनु मेको पलिस्ती योनाथन आ डांइती गोल्मा बाक्त। मिनु मेको आ नोले जाक्व आ या कुरबमी मेको आन कली सदा बाक्त। १४ मेको डांइती डा लडाइमी योनाथन नु आ या कुरबमी २० जना खोइ सदस बाक्त। मेको साइक्तीक ४ रोपानी सोदंशो पा दिम का बाक्माक्त। १५ मिनु नोले पलिस्तीपुकी शुश हिंमा बाक्त। मिनु लाडगा मेर बाक्व मुर नु अरु मुर नल्ल खिरंखिर पा हिंमा बाक्त। आन ठेयब मुर नु रोइक्व नल्ल शुश हिंमा बाक्त। मिनु खिरनु कुशा ठेयब खल्लव दुम्माक्त। १ सामुएल ७ :१०

१६ मिनु बेन्यामीन आ गिबाम खाल पाइव सावल आ मुरपुकीम पलिस्ती आन हुल खल्लव पा एर आंथ दारशो तामे बाक्त। १७ मिनु सावलमी सु सु मबाक्मा, दे हिक्पाइक्मी बाक्त। मिनु मेकोपुकीमी योनाथन नु आ या कुरब मबाक्शा तुइक्तम बाक्त। १८ मिनु सावलमी अहीयाह कली “परमपरभु आ कबल पशो सन्दोस एक चाक्को” देमाक्त। मेना परमपरभु आ कबल पशो सन्दोस इसराएलीपुकी नु बाक्माक्त। १ सामुएल २१ :१० १९ मिनु सावलमी लोत्र पन पना पलिस्ती आन बाक्तीक डा खल्लव ठेयब दुम्ना दुम्न लमाक्त। मिनु मेकोमी चढेव कली “याम का रिम्दो” देमाक्त। २० मिनु सावल नु आ मुरपुकी रयंक पना पन लडाइ पतीक गे लमा बाक्त। मेना आन जोरी सतर बरशा आंम आंमा साइक्मुशो तामे बाक्त। न्यायाधीस ७ :२२; २ इतिहास २० :२३ २१ मेना सम्म हिब्रूपुकी पलिस्ती नु बाक्मा बाक्त। मेकोपुकीमी यो पलिस्ती

आन बाक्तीकेम बाक्शा यो, इसराएली आन गे लशा सावल नु योनाथन आस कली वारच पदम बाक्त। २२ एफराइम आ पहाडीम बाक्शो परोक्शो इसराएलीपुकीमी पलिस्ती परोक्शो लोत्र नंन्म बाक्त। मिनु मेकोपुकी यो गारशा पलिस्ती आन कली खेदा पामे बाक्त। २३ मेको नाक्ती परमपरभु यावेमी इसराएली आन कली ग्रापदा बाक्त। मिनु मेको लडाइ बेथ-आवन आ आइक्वी सम्म दुम्माक्त। सावल आ लडाइ पाइब १० हजार खोइ दुम्मा बाक्त। मेको लडाइ एफराइम डा पहाड नेल्लेम दुम्माक्त।

२४ मेको नाक्ती सावलमी ममिष्पु, गेय पवा बाक्त। मेकोमी मुर आन कली “गो आं जोरी सतरु आन कली क्येक्क लेन्ने मथुमु सम्म, सुम नाक्दो दुम्चा क्येडा डोंइती जाइबा, मेको सराप रल” देशा कसम जपाइक्मी बाक्त। मोपा मेको नाक्ती इसराएली थाम्पा दशो बाक्मा बाक्त। सुइमी मारेइ मजामे बाक्त। २५ मिनु मेकोपुकी व्याकीम जाक्मानु, सुख सुदो चाका तामे बाक्त। २६ तन्न मेकोपुकीम मेकर सुदो याष्शो तशा यो, कसम जतीके सुइमी सुदो थिसीन मथीमे बाक्त। २७ तन्न आ आफोम मुर आन कली कसम जपाइश्शो नु मजचा देशो योनाथनमी मनंशो बाक्माक्त। मेकोमी आ गुइमी बाक्शो कोक्क दिशा, मेको आ डरीमी थोक्शा तुक्गा बाक्त। मिनु आ सक्ति बारमाक्त। २८ तन्न लडाइ पाइब कामी मेको कली “इन आफोमी मो पचा मदुम्ब देशो बाक्ब” देमाक्त। मेकोमी “मुलाक्त जचा थोत्रक जाइब सराप रल देशो बाक्ब” देमाक्त। मुरपुकी चहिं शोत्रलुम बेक्चशो बाक्मा बाक्त। २९ मिनु योनाथनमी “आं आफोमी मुर आन कली श्येत गतीक गेय डा लाक्शा अरु मपशो बाक्ब। कोत्रडीन गो एको सुदो थाम्शा दोशो सक्ति पाइश्शो दुम्डा। ३० मुरपुकीम जोरी सतरु र रोइश्शो मार मार जचा तशो नम हना, गिश रिष्शो दुम वा। पलिस्ती आन कली यो शुश साइक्ने चवेम वा” देमाक्त।

३१ मेको नाक्ती मेकोपुकीम पलिस्ती आन कली ग्रामा बाक्त। मिनु मेको आन कली मिकमाश र आइयालोन सम्म खेदा पामे बाक्त। मिनु मोपा लडाइ पाइबपुकी शुश दमा बाक्त। ३२ तन्न मुरपुकी शोत्रलुम बेक्चा चिक्शा, मार मार रोइक्चा गोत्रम बाक्त। मोपा मेडा बी व्यफ नु बाळ्हा ग्याइक्तमे बाक्त। मिनु खपीमीन साइश्शा हुश सुन्दा व्याम बाक्त। लेवी ३:१७ ३३ मुरपुकीम हुश सुन्दा श्ये व्जशा “परमपरभु

यावे कली पाप पाम्तेक्म” दे मुरुमी सावल कली शंदमे बाक्त। मिनु सावलमी “एको दा थम मरिम्शो दुम्त। ठेयब फुल्लु का लोक्शा एक चाक्कीन” देमाक्त। ३४ मिनु सावलमी मेको मुर कली “मुर आन दातेमी लशा भ्याइश्शो व्यफ नु मेडापुकी एक चाक्शा व्यामक्कल। मिनु हुश सुन्दा व्जशा परमपरभु यावे कली पाप मपामक्ल” दनी” देमाक्त। मिनु मेको नाक्दो आन ग्याइश्शो व्यफ सुल्शा जाक्शा मेकर सदमे बाक्त। ३५ मोपा सावलमी परमपरभु यावे कली चद्वतीक का सेला बाक्त। मेको सावलम परमपरभु यावे कली सेल्शो नेल्ल क्येडा डोंइती डा चद्वतीक बाक्माक्त।

३६ मिनु सावलमी “मुल गो उइ लशा पलिस्ती आन कली नाक्दो लडाइ तोय। मिनु नां सोत्रम सम्म मेको आन मारेइ मारेइ रोइक्तय। मेको आन कली का यो महंदय” देमाक्त। मिनु मुरपुकीम “गे मार पचा दाक्नीनी मेको पने” देमा बाक्त। मिनु चद्वेबमी “गो डोंइती परमपरभु नु सल्ला पय” देमाक्त। ३७ मिनु सावलमी परमपरभु कली “मार गो पलिस्ती आन कली खेदा पका ? गे मेको आन कली इसराएली आन गुइमी गेनीनी ?” दे हिल्लो पवा बाक्त। तन्न परमपरभुमी मेको कली मारेइ लोत्र मलेत्ता बाक्त। १ सामुएल १४:१८ ; १ सामुएल २३:१-१२ ३८ मिनु सावलम “इसराएल डा ठेयब मुर नेल्ल आं डोंइती जाक्कीन। मिनु मुलाक्त मार पाप दुम्मे तुइक्चा माल्ताक्व। ३९ परमपरभु यावे बरोइशा बाक्शो खोदेशो पा नु इसराएल श्येत र परोइब, गो मेको आ नेम कसम जशा देनुड, आं तो योनाथनमे मेको पाप पशो बाक्त हना यो, मेको कली साइक्चा माल्ब” देमाक्त। मिनु सुइमी मेको कली लोत्र मलेत्ते बाक्त। ४० मिनु मेकोम इसराएली नेल्ल आन कली “गे नेल्ल का पटटी बाक्कीन। गो नु आं तो योनाथन का पटटी बाक्नस्कु” देमाक्त। मिनु मुरपुकीम “गे मार पचा दाक्नीनी मेकोन पने” देमा बाक्त। ४१ मिनु सावलमी परमपरभु यावे, इसराएली आन परमपरभु कली “मुलाक्ती गे इन गेय पाइब कली मारेदे लोत्र मलेत्तीनी ? मेको दोस गो नु आं तो योनाथन नु बाक्त हना यो, तुइक्पतीन” देमाक्त। परमपरभु यावे, इसराएली आन परमपरभु गे डरीम कोइदीन। तन्न इन मुर दोस ताइब बाक्नीम हना, थुम्मीम कोइदीन। मिनु मेको मो पामे नोले योनाथन नु सावल आस नेम गरुमाक्त। मुरपुकी चहिं

बरांडमा बाक्त। १सामुएल २८:६; परस्थान २८:३०; गन्ती २७:२१; व्यवस्था ३३:८ ४२मिनु सावलमी “गो नु आं तौ योनाथन आंस दातेमी ऊरीम आपीन” देमाक्त। मिनु योनाथन आ नंम गुरूमाक्त।

४३मिनु सावलमी योनाथन कली “ग मार पवी आं कली दनी” दे हिल्ला पवा बाक्त। मिनु योनाथनमी “थमा पा गो आं कोक्क आ डरीमी इच्का खोइ खुदो थाम्ता। गो एक बाक्ती, गो बेक्का कली ठीक बाक्नुड” देमाक्त। यहोसु ७:१९ ४४मिनु सावलमी योनाथन बेक्चान माल्व, दे कसम जवा बाक्त। ४५तन्न मुरपुकीम सावल कली “मार, योनाथन सांडसीबा? मेको योनाथनमी ओमो टेयब गेय पा इसराएल कली मगुरापदा? मोदंशो महुम्ल। गेना हना यो बरांडशा बाक्ब परमपरभु यावे आ नंमी गो कसम जशा देनीकी, मेको के चां का यो महेम्ल। मारदे हना मेकोम मुलाक्ती परमपरभु नु गेय पशो बाक्ब” देमा बाक्त। मोपा मुरपुकीम योनाथन कली परोन्मे बाक्त। मिनु मेको मसांडसे बाक्त। ४६मिनु सावलमी पलिस्ती आन कली खेदा पचा परोना बाक्त। मिनु पलिस्ती आन खिं लेम्मा बाक्त।

### सावल आ राज्य डा लोव

४७मिनु सावलमी इसराएलमी आ सासन पतीक बोल्यो सल्ल थुमा बाक्त। मिनु मेकोमी मोआबी, अम्मानी, एदोमी, साबाह डा पिपपुकी नु पलिस्ती आंम एर आंथ डा जौरी सतर नु लडाइ पवा बाक्त। मेकोपुकी ते ते लमा मेक मेक गुरामा बाक्त। ४८मेकोमी अमालेकी आन कली गुरामा बाक्त। मिनु इसराएली आन कली रोइक्ब हुल आन रे परोना बाक्त।

४९सावल आ तौपुकी योनाथन, इश्वी नु माल्कीशुआ बाक्मा बाक्त। मेको आ डांडती जरमेशो तमी आ नं मेराब नु अर्का के मिकाल बाक्माक्त। १इतिहास ९:३९ ५०मेको आ मीश चहिं अहीमाज आ तमी अहीनोआम बाक्माक्त। मेको आ लडाइ पाइब आन कप्तान मेको आ बकान्छा नेर आ तौ आब्नेर बाक्माक्त। १सामुएल १७:३५ ५१सावल आ आफ कीश नु आब्नेर आ आफ नेर अबीएल आ तौ बाक्सा बाक्त। १इतिहास ९:३६,३९

५२सावल आ पालाम पलिस्तीपुकी नु लडाइ दुम्स डा दुम्स दुम्माक्त। मेकोमी आ थिश्शो

बोल्यो नु सक्ति पाइश्शो मुर आ गेय पचा कली लाइक्बाक्माक्त।

### सावलम अमालेकी आन कली गुराशो

१मिनु सामुएलम सावल कली “परमपरभु यावेम इ कली आ मुर इसराएली आन पिप सल्ला तेल लुक्का, दे आं कली सोइक्ताकरी। मोपतीक परमपरभु यावे आ लोव्र नोफा दाइश्शा नंनो। १सामुएल १०:१ २मुर नेल्ल आन परमपरभु यावेमी मार देत, देशा हना इसराएली इजीप्त रे गुरूशा पियानु, अमालेकीपुकीम मेको आन कली लडाइ तोम्तेकम। मोपतीक अमालेकी आन कली थमा पा सजाइ गेनुडमी” देत। परस्थान १७:८-१६; व्यवस्था २५:१७-१९ ३अमालेकी आन कली लडाइ तोशा, मेको आन कली सतीन। मेको आन शोप नेल्ल खतम पोक्कीन। मारइ मपुरोनीन। नेल्ल आन कली खतम पोक्कीन। मेको आन मीश मुर, वांडश मुर, मीश आल, वांडश आल, दूध तूब आल, बी ब्यफ, क्यारश भंडा, दलआंठ नु गधा नेल्ल आन कली खतम पोक्कीन” देमाक्त।

४मिनु सावलमी मुर नेल्ल आन कली तेलाम बाक्तीकम जाक्का कली बरेशो बाक्त। मेकेर लास निक्की खोइलीम गाक्ब लडाइ पाइब नु यहूदा डा १० हजार लडाइ पाइब बाक्मा बाक्त। ५मिनु सावल अमालेकी आ सहरमी जाक्माक्त। मिनु मेकेर बेसीम बाप्शा, इच्का नाक्त बाक्मा बाक्त। ६मेना सावलम केनी डा मुर आन कली “अमालेकी आन कली परांडशा उइ यिन, दे लोव्र सोइक्ता बाक्त। मो मपाइतीनी हना, गो इन कली नु मेको आन कली खतम पोक्नुड। मारदे हना इसराएली इजीप्त रे गुरूशा पियानु, गेपुकीमी वारच पाइश्शो ननी” देमाक्त। मोपतीक केनी डा मुरपुकी अमालेकी आन कली परांडशा, उइ बरुम्मा बाक्त। न्यायाधीस १:१६ ७मिनु सावलमी हवीलाह रे इजीप्त डा पूर्व डा सांद शुर सम्म डा अमालेकी आन कली साइक्मी बाक्त। ८तन्न मेकोमी अमालेकी आन पिप अगाग कली सेसीन ग्याइक्ता बाक्त। अरु नेल्ल आन कली तरवारम सदमे बाक्त। ९सावल नु मेको आ लडाइ पाइबपुकीमी पिप अगाग आ रिम्शो भेडापुकी, बी ब्यफ, दोम्शो बस्तु भाव, पाठापुकी नु वोइक्का डा मारइ मारइ परांडशा वोदमे बाक्त। मेकोपुकीम मेको आन कली खतम पोक्का मदाक्तमे बाक्त।

### परमपरभुमी देशो सावलम मटिशो

१० परमपरभु यावेमी सामुएल कली ११ "गो बिल्वीम ला सावल कली पिप सलु बाक्त। मारदे हना मकोमी आं नोले खोइक्का परांडतु। मिनु आं देशो मटीव" देमाक्त। मिनु सामुएल गाइशशा नाकदो र परमपरभु यावे कली पुंडना पुंडन बाक्माक्त। उत्पत्ती ६:६ १२ मिनु सामुएल सुनी कना बाकशा सावल कली गरुमथ लमाक्त। तन्न मुस्मी "सावल कारमेल लत" दे मको कली नंपदमे बाक्त। सावलम आम कली मिम्तमक्ल, दे आम के मूर्ति का सल्शा, गिल्वालम बरुमन थुम्शो बाक्माक्त। यहोसु १५:५५ १३ मिनु मकोमी सावल कली गरुमा बाक्त। मिनु सावलम मेको कली "परमपरभु यावे आ आसीक इन नु बाक्ल। गो परमपरभु यावे आ देशो टीता" देमाक्त। १४ तन्न सामुएलम मेको कली "आं नोफाम नेशो भेडा नु बी ब्यफ आन गरीशो चहिं मारम" दे हिल्लो पवा बाक्त। १५ मिनु सावलमी "मुरपुकीम मेको अमालेकी रे चाक्शो नम। मुरपुकीम भेडा नु बी ब्यफ रे रिम्शो चहिं परमपरभु यावे, इन परमपरभु कली चोशा चढेचा कली परांडशा वोइक्तेक्म। लीशो आन कली गो नेल्ल साइक्तेक्" देमाक्त। १६ मिनु सामुएलम सावल कली "मोक्ल दुम्त। सिनाकदो परमपरभु यावेम मार देमे, मेको गो इ कली शंनन" देमाक्त। मिनु सावलमी "दनीन" देमाक्त। १७ मिनु सामुएलमी "डॉइती गे आंमा कली आंमान शोर गाक्शो मुर मिम्शो ननी। तन्न मुल गे इसराएली आन पिप बाक्नीनी। परमपरभु यावेमी इन कली तेल लुक्शा इसराएल डा पिप सल्लु। १ सामुएल ९:२१ १८ परमपरभु यावेम इन कली मेको पाप पाइब अमालेकी आन कली खतम पोक्का, दे थमा पा देशो सोइशशा बाक्त। मेको आन कली काइ मवोइक्थु मसाइक्नी सम्म गे लडाइ पस डा पस बाक्का माल्शो ननी। १९ गे मारदे परमपरभु यावे आ देशो मटिनी? गे मारदे रोइशशा मार मार ताक्नी? मिनु परमपरभु यावे आ डॉइती मार मरिम्शो बाक्मे, मेको पनी" देमाक्त। २० तन्न सावलमी सामुएल कली "गो परमपरभु यावे आ देशो टीता। गो परमपरभु यावेम सोइशशा रागी लती। मिनु अमालेकी आन पिप अगाग कली ग्याइशशा चाक्ता। गो आ मुर नेल्ल आन कली खतम पोक्तामी। २१ मुरपुकीम रोइशशा मार मार भेडा नु बी ब्यफ नु रिम्शो थोत्रक गिल्वालम

परमपरभु यावे, इन परमपरभु कली चढेचा कली वोइशशा बाक्नीम" देमाक्त।

२२ मिनु सामुएलमी "परमपरभु यावेमी चोशा चढेशो नु अरु चढेशो क्यडा आ देशो टिशा दाक्ब। थमा पा, चढेशो क्यडा आ देशो टिचा रिम्शो बाक्ब। मिनु सांड आ बांसो चढेचा क्यडा आ देशो टिचा रिम्शो बाक्ब। यसेया १:११-१७; यरमीया ७:२२; होस ६:६; आमोस ५:२१-२२; मीका ६:६-८; जकरिया ७:५-७; मत्ती ९:१३; मत्ती १२:७ २३ मेको आ देशो मटिचा लिंक्यु कोत्रचा खोदेशो पाप बाक्ब। मटिचा हंथ पतीक मूर्ति पूजा पशो खोदेशो बाक्ब। मारदे हना गे परमपरभु यावे आ देशो टिचा परांडतीनी। मेकोम इन कली यो पिप सल्लोक् रे परांडशा बाक्ब" देमाक्त। १ सामुएल १६:१ २४ मिनु सावलम सामुएल कली "गो पाप पाता। परमपरभु यावे आ देशो नु इन लोत्र ममिस्तु। मारदे हना गो मुर आन क्यडा हिंती। मिनु मुर आन देशो टीता। २५ तन्न गो मुल आं पाप माफ तडल, दे पुंडनुड। गो नु जाक्कीन। मिनु गो परमपरभु यावे कली ठेयब सल्लुड" देमाक्त। २६ मिनु सामुएलमी "गो गे नु मलेत्नुड। गे परमपरभु यावे आ देशो परांडतीनी। मिनु परमपरभु यावेमी यो इन कली इसराएल डा पिप दुम्तीक रे परांडतु" देमाक्त। २७ मिनु सामुएल गाक्चवानु, सावलम आ वा आ सुर ग्याइक्ता बाक्त। मिनु मेको गाक्माक्त। २८ मिनु सामुएलम मेको कली "मुलाक्त रे परमपरभु यावेम इसराएल डा राज्य खाक्शा अर्की कली गप्तु। इन नेक्था डा, इन क्यडा रिम्शो मुर का कली गप्तु। १ सामुएल २८:१७ २९ परमपरभु यावे इसराएल डा मान ताइब बाक्ब। मेकोमी आ लोत्र मफाइक्ब। आ थुं यो मफाइक्ब। मेको थुं फाइक्ब बेक्शा लाइब मुर खोदेशो ममाड" देमाक्त। गन्ती २३:१९ ३० मिनु सावलमी "गो पाप पाता। मो हना यो खूशो नु इसराएली आन डॉइती आं मान ततीक गन। गो नु लेतीन। मिनु गो परमपरभु यावे, इन परमपरभु कली ठेयब सल्लुड" देमाक्त। ३१ मोपतीके सामुएल सावल नु लेशशा लमाक्त। मिनु सावलमी परमपरभु यावे कली ठेयब सला बाक्त।

३२ मिनु सामुएलमी "अमालेकी आन पिप अगाग कली एक चाक्कीन" देमाक्त। मिनु अगाग आंखां पा गाक्शा, मेक जाक्माक्त। मिनु अगागमी "थमा पा, एको बेक्का डा श्येत बाक्ब" देमाक्त। ३३ मिनु सामुएलमी "दोपा इ तरवारम मीश मुर आन कली आल

मपाइशो सेला, मोपा इ ममा यो मीश मुर आन दातेमी आल मपाइशो दुम्ब” देमाक्त। मिनु सामुएलमी अगाग कली परमपरभु यावे आ डांडती गित्वालम क्योरशा सदा बाक्त। ३६ मिनु सामुएल रामाहम लमाक्त। सावल चहिं आ खिं गिबा लमाक्त। ३७ मिनु सामुएल मबकम सम्म गेनायो सावल कली गरुमथ मलमाक्त। तन्न परमपरभु यावेम “सावल कली बिल्वीम ला इसराएल डा पिप सेलु बाक्त” देशो, मिम्शा सुर्तो पस डा पस बाक्माक्त।

सामुएलम दाऊद कली पिप सेल्लशो

१ परमपरभु यावेमी सामुएल कली “गे १६ सावल आ पर्वम गेना सम्म सुर्तो पा बाक्नवे? गो मेको कली पिप दुम्तीक रे गरुइताकड। मुल गे नु बाक्शो गरोवमी तेल कुर पा लतो। गो इ कली बथलेहम डा येस्से आ बाक्तीक सोइकनन। मारदे हना, गो मेको आ तो का कली पिप सेल्ला कली योव्रता” देमाक्त। १ सामुएल १५:२३,३५ २ मिनु सामुएलमी “गो दोपा लन चानुडा? एको लोव्र सावलम नंशा, आं कली साइक्ब” देमाक्त। मिनु परमपरभु यावेम “गे मगिक्शो बी का लतो। मिनु परमपरभु यावे कली क्योरशा चदथ जाक्त, देनो। ३ येस्से कली यो मेको चद्वतीक चाडम बरत्तो। मिनु गे मार पचा माल्लेवे गो शंनन। गो सु कली कोइनुडा मेको कली गे तेल लुक्तो” देमाक्त। ४ मिनु सामुएलमी परमपरभु यावे आ देशो खोदेशा पवा बाक्त। मेको बथलेहम लमाक्त। मिनु सहर डा सूशोपुकी खिरखिर पा गरुमथ जाक्शा, मेकोपुकीमी “गे मारदे जाक्नी? मार, नेल्ल रिम्शोन बाक्बा” देमा बाक्त। ५ मिनु सामुएलमी “नेल्ल रिम्शोन बाक्ब। गो परमपरभु यावे कली चदथ जाक्ती। गेपुकी आंम कली ठीक सेल्लसीशा, चद्वतीकेम जाक्कीन” देमाक्त। मिनु मेकोम चहिं येस्से नु आ तो आन कली परमपरभु यावे आ डांडती ठीक सेल्लशा चद्वतीकेम बरत्तीमी बाक्त।

६ मिनु मेको नेल्ल जाक्मा नोले सामुएलमी एलीआब कली तशा “परमपरभु यावेम तेल लुक्चा देशो मुर एकोन बाक्ब” दे मिम्ता बाक्त। ७ तन्न परमपरभु यावेम मेको कली “मेको दारशो नु लाइशो बाक्त हना यो, मेको कली ममिम्तो। गो मेको कली पिप मसेल्लनुड। गो, परमपरभु यावेम मुरुम खोदेशो पा मेकोव्रनुड। मुरुम रं दारशो कोव्रशा मिन्नीम। गो मुर

आ थुं कोव्रनुड” देमाक्त। येरमीया १७:१०; परकाश २:२३; पररित १०:३४ ८ मिनु येस्सेमी अबीनादाब कली बरत्ता बाक्त। मिनु सामुएल आ डांडती गाक्पदा बाक्त। तन्न मेकोमी “ममाइ, परमपरभु यावेम योव्रशा एको ममाइ” देमाक्त। ९ मिनु येस्सेमी शम्माह कली चाक्गा बाक्त। तन्न सामुएलमी “परमपरभु यावेम एको कली यो मयोव्रड” देमाक्त। १० मापा ए १६:१५ आ ७ जना तो आन कली सामुएल आ डांडती चाक्मी बाक्त। तन्न सामुएलमी “एको तेकोइ आन कली परमपरभु यावेम मयोव्रमी” देमाक्त। १३ इतिहास २:१३-१५; १ सामुएल १७:१२ ११ मिनु सामुएलमी “मार इ तो नेल्ल ओशोन नमी” देमाक्त। मिनु येस्सेमी “मुल यो कान्छा का नु बाक्ब। तन्न मेको दा भडा गोठला बाक्ब” देमाक्त। मिनु सामुएलम येस्से कली “मेको कली बरत्थ साइक्ता। मेको मज्जाकम सम्म गो मनित्थु बाक्नय” देमाक्त। १ सामुएल १७:१४ १२ मापतीके मेकोमी मेको कली बरथ मुर साइक्ता बाक्त। मेको लल चोव्रचो पाइशो, दारशो मिक्च पाइशो नु दारशो ठिटा का बाक्माक्त। मिनु परमपरभु यावेम सामुएल कली “बोक्शा, मेको कली तेल लुक्तो। एकोन बाक्ब” देमाक्त। १३ मिनु सामुएलमी तेल बाक्शो गरोव्र गरुइशा, आ लोक्ब आन डांडती तेल लुक्ता बाक्त। मिनु परमपरभु यावे आ सोक्त दाऊद तार जुक्ता बाक्त। मिनु मेना रे मेको नुन बाक्माक्त। मिनु सामुएल रामाह डा लां खोदा बाक्त। २ सामुएल २:४; २ सामुएल ५:३; भजन संग्रह ८९:२१

दाऊद सावल आ या कुरब दुम्शो

१४ मिनु परमपरभु यावे आ सोक्तीम सावल कली पराना बाक्त। परमपरभु यावे रे मरिम्शो पाइब सोक्तीम मेको कली श्यत गेवा बाक्त। १५ मेको आ गेय पाइबपुकीम सावल कली “कोव्रडीन हजुर, परमपरभुमी इन कली श्यत गेब सोक्त गेशो बाक्ब। १६ इन डांडती बाक्शो इन गेय पाइब आन कली इन पर्वम बीना ताप्ब का माल्ला चाक्कीन, दे मारदे मदेनी? परमपरभु रे मेको मरिम्शो पाइब सोक्तीम इन कली सुम्ब। मेना मेको मुरुम बीना ताप्ब। मिनु गे सानीनी” देमा बाक्त। १७ मिनु सावलमी आ गेय पाइब आन कली “रिम्शो बीना ताप्ब मुर का मालीन। मिनु मेको कली आं बाक्तीक चाक्कीन” देमाक्त। १८ मिनु मेको आ गेय पाइब आन दाते डा काम “बथलेहम डा येस्से आ तो आन

दातेमी, काम ताप्शा गो नंशा बाक्नुङ। मेको बोल्यो मुर बाक्ब। मिनु रिम्शो लडाइ पाइब, निप्स खाप्शा ब्वाक्ब नु दारशा यो बाक्ब। परमपरभु याव मेको नु बाक्शा बाक्ब” देमाक्त। १९ मोपतीक सावलमी लोत्र कुरब मुर कली यस्स आ बाक्तीक सोइक्ता बाक्त। मिनु मेकोम आ भेडा योत्रब ती दाऊद कली सावल आ बाक्तीक सोइक्तीक हुकुम पवा बाक्त। २० मिनु यस्समी कुशुल के थेलो का शांबु, पाठा का इच्का खोइ शोब्त कुर पा नु आ ती दाऊद कली सावल आ बाक्तीक सोइक्ता बाक्त। २१ मिनु दाऊद सावल आ बाक्तीक जाक्माक्त। मिनु मेको आ गेय पतीकमी योत्रस बाक्त। सावलम मेको कली थाम्पा दाक्का गोवा बाक्त। मिनु मेको सावल आ या कुरब दुम्माक्त। २२ मोपतीके सावलम येस्से कली “दाऊद आं गेयमीन बाक्त। मारदे हना गो मेको तशा ग्येरसाक्यी” दे लोत्र कुरब सोइक्ता बाक्त। २३ मिनु परमपरभु रे मरिम्शो श्यत गेब सोक्त सावल तार जुक्तानु, दाऊदमी बीना ताप्शाक्माक्त। मिनु मरिम्शो पाइब सोक्तीम परांइशा लमेनु, सावल साबाक्माक्त।

#### दाऊद नु गोल्याथ

१ पलिस्तीपुकीम लडाइ पचा कली **१७** आन लडाइ पाइब आन कली सुप्तमे बाक्त। मिनु यहूदा डा सोकोहम बुक्मा बाक्त। मेकोपुकीमी सोकोह नु आजका आस दाते एफस-दाम्मीमम आन बाक्तीक सल्म बाक्त। यहोसु १५ :३५ २ सावल नु इसराएलीपुकी यो गुरूशा एलाह डा दिमम आन बाक्तीक सल्म बाक्त। मेकोपुकी पलिस्ती आन डांडती लहर पा राम्मा बाक्त। ३ पलिस्तीपुकी डांडा का नु इसराएलीपुकी अर्का डांडा पा बाक्मा बाक्त। मेको आन दातेमी दिम का बाक्माक्त। ४ मिनु पलिस्ती आन बाक्तीक रे गाथ डा गोल्याथ नं पाइश्शा बोल्यो लडाइ पाइब का गुरूशा, पिमाक्त। मेको ६ कुबीत ३ इन्च लाइश्शा बाक्माक्त। कुबीत का ०.५ मिटर बाक्ब। यहोसु ११ :२२ ५ मेको आ पियामी कांसा के टोपी बाक्माक्त। ६ हजार शकल डा कांसा के फेक्तीक फेक्शा बाक्माक्त। शकल का ११.५ ग्राम, तोला का सोदेशो बाक्ब। ६ मेको आ सोइलीम कांसा के मुइक्तीक मुइश्शा बाक्माक्त। मेको आ बलाम ठेयब कांसा के या कुरशा बाक्माक्त। ७ मेको आ तृतीक आ ग्याइक्तीक वा योत्रब आन शी खोमो बाक्माक्त। मेको आ

तृतीके फलाम के बाक्माक्त। मेको ६० शकल डा बाक्माक्त। मेको आ या कुरब मेको आ डांडडांडती गाक्बाक्माक्त। शकल का ११.५ ग्राम बाक्ब। मेको या ६९० ग्राम बाक्त। १ इतिहास ११ :२३ ८ मेको मुर राप्शा, इसराएल डा मुर नल्ल आन कली ठेयब संदा पा “ए सावल आ गेय पाइबपुकी, गेपुकी मारदे लडाइ पथ जाक्नीनी? गो पलिस्ती नङ। गो नु लडाइ पचा कली इन मुर योत्रडीन। मिनु लडाइ पथ पिन। गे सावल आ गेय पाइब मननी डा? ९ आ कान लडाइ पा मेकोम आं कली साइक्न चापती हना, गो इन वाइल दुम्नीकी। तन्न गो मेको कली गुराती हना, गेपुकी आंइ वाइल दुम्शा, आंइ गेय पचा माल्नीनी” देमाक्त। १० मिनु लंशा “गो मुलाक्ती इसराएल डा लडाइ पाइब आन कली आइक्च मिम्नुङ। मुर का सोइक्तीन। मिनु गो लडाइ पाइक्नस्कु” देमाक्त। २ राजा १९ :१६ ; मजन संगरह ७४ :१८ ; सेफन्याह २ :८ ११ मिनु सावल नु इसराएलीपुकी मेको पलिस्ती आ देशो नंशा, थाम्पा हिंमा बाक्त।

१२ दाऊद बेथलेहम, एफराथाह सहर डा यहूदा डा येस्से माइश्शा आ ती बाक्माक्त। मेको येस्से के ८ जना ती बाक्मा बाक्त। सावल आ पालाम मेको खाल्पा बाक्माक्त। १ सामुएल १६ :१-११ १३ येस्से आ ती, जेठा, माइला नु साइला लडाइ पचा कली सावल आ नोल खोइश्शा बाक्मा बाक्त। मेको जेठा एलीआब, आ माइला अबीनादाब नु आ साइला शम्माह बाक्मा बाक्त। १४ दाऊद चहिं कान्छा बाक्माक्त। मेको टिटा सां चहिं सावल आ नोल खोइश्शा बाक्मा बाक्त। १५ मेना दाऊद सावल आ बाक्तीक नु बेथलेहम आ आफ आ क्यारश भेडापुकी कोत्रचा कली एर आंथ पाइक्बाक्माक्त।

१६ मेको पलिस्ती ४० नाक्त सम्म नाक्दो सुनी आन डांडती जाक्शा आ राप्तीकेम राप्शाक्माक्त।

१७ काबु नाक्ती येस्सेमी आ ती दाऊद कली “इ लोक्ब आन कली एको ४ पाथी तांबरा नु १० ओटा शोब्त लाइश्शा रीब पा चोत्रथ लावो। १८ एको १० ओटा दूध के सल्शा जचा योत्रक चहिं आन हजार का मुर आन कप्तान कली लतो। इ लोक्बपुकी दोदेशा पा बाक्मा कोत्रडा। मिनु मेको आन रे मारइ चिनु कुरशा जाक्को” दे मदा बाक्त।

१९ मेना सावल, दाऊद आ लोक्ब सां नु इसराएली नल्ले एलाह डा दिमम पलिस्ती नु लडाइ पना पन बाक्मा बाक्त। २० मिनु आ दीसा

सुनी कना दाऊद आ भेडापुकी मुर आन कली “कोत्रडीन” दे येस्स आ देशो सोदंशो पा, मेको चोत्रथ गावमाक्त। लडाइ पाइब नल्ल आन आन राप्तीकम राप्शा लडाइ के बाजा ताभे ना, मेको आन बाक्तीकम जाकदीम्माक्त। १९ इसराएली पलिस्ती आन डांडतीमी, पलिस्ती इसराएली आन डांडतीमी लहर पा राम्मा बाक्त। २० मार मार वोइक्व आन कली, मार मार गेशा, दाऊद आ लोक्व आन राप्तीकम मेको आन कली गरुमथ दोरशा लमाक्त। २१ मिनु मेको आ लोक्वपुकी नु लोत्र पना पन बाक्मेनु, मेको गाथ डा पलिस्ती गोल्याथ आ हल र गरुशा, डांडती डा सोदंशो पा गरीमाक्त। मेको लोत्र दाऊदम नना बाक्त।

२२ इसराएलीपुकी मेको मुर कली ताम चोटीन परोक्वाकमा बाक्त। २३ मेकोपुकीमी “कोत्रडीन, मेरे मुर नाक्त कित कित गरुशा इसराएली आन कली गरीशा हिंपाइक्व। मेरे मुर कली साइक्व कली पिपम शुश इनाम गेब। आ तमी यो मेको मुर कली गेशा ग्युंवे पाइब। मेको आ सिं डा मुर आन कली इसराएलमी पिप आ गय पतीक र थमा पा परांडब” देमा बाक्त। २४ मिनु दाऊदमी आ नेक्था बाक्व आन कली “मेरे पलिस्ती कली साइक्व नु इसराएली आन कली मुने दोक्तीक र परांडबमी मार ताइबा? गेना हना यो बरांडशा बाक्व परमपरभु आ लडाइ पाइब आन कली शुक्शी पाइब मेरे खरोइक्तीक चिनु मखरोइशो पलिस्तीम मार मिम्बा?” देमाक्त। २५ मिनु मेको आ पर्वम मार दुम्बा? मेको कली साइक्व मुर कली मार पांडसीबा, दे मुरपुकीमी दाऊद कली शंदमे बाक्त।

२६ मेको कली मुरपुकी नु लोत्र पा बाक्शो आ लोक्व एलीआबम नना बाक्त। मिनु मेको गाइक्ता बाक्त। मेकोम दाऊद कली “गे मारदे एक बाक्डे? गोरशो रागीम बाक्शो मेको इक्का सोइ भेडापुकी यो सु कली कोत्रपाइक्मी? गो इ कली तुइक्नुड। गे मटीव नु हेंथ पाइब बाक्नेवे। गे एक लडाइ कोत्रथ ला जाक्शो नेवे” दे मदा बाक्त। २७ मिनु दाऊदमी “मुल गो मार पडा डा? गो हिल्लो पचा यो मताइनुडा?” देमाक्त। २८ मिनु मेको बराशा अर्का मुर आन बाक्तीक लशा, मेको लोत्र हिल्लो पामी बाक्त। तन्न नल्लमी मेको कली मादंशो लोत्र मदमे बाक्त।

२९ मिनु दाऊदम देशो लोत्र मुरपुकीम सावल कली शंदमे बाक्त। मिनु मेकोमी दाऊद कली बरेंथ सोइक्ता बाक्त। १ सामुएल १७:३१ ३२ मिनु दाऊदम मेको कली “गे ग्येत्थ लुक्व

मदुमीन। गो इन गेय पाइब लशा मेको पलिस्ती नु लडाइ पाइक्नुड” देमाक्त। ३३ मिनु सावलमी “गे लशा, मेको पलिस्ती नु लडाइ पने मचांनेवे। गे नक डा आलन बाक्नेवे। मेको साइ रन लडाइ पाइब मुर बाक्व” दे मदा बाक्त। ३४ मिनु दाऊदमी सावल कली “गो आं आफ आ भेडा गोठला नड। जोइ वां जाक्शा। भेडा बगाल रे योल्लीम। ३५ मना गो मेको आन कली खदा पा लशा, आन शोत्र रे मेको रोइशो चाक्नुड। आं कली कराइक्वा कली मेको लेत्तकम हना, मेको आन कली आन शांपम ग्याइशो तुशा साइक्नुडमी ३६ गो जोइ वांपुकी साइशो बाक्नुड। मेको खरोइक्तीक चिनु मखरोइशो पलिस्ती यो मेको आन सोदंशो दुम्ब। मेकोमी गेना हना यो बरांडशा बाक्व परमपरभु आ लडाइ पाइब आन कली शुक्शी पशो बाक्व। ३७ आं कली जोइ नु वां आन शोत्र रे परांडब परमपरभु यावेमी मेको पलिस्ती आ गुइ रे यो परांडब” देमाक्त। मिनु सावलमी “लावो, परमपरभु यावे गे नु बाक्ल” देमाक्त।

३८ मिनु सावलमी दाऊद कली आ लडाइम फक्तीक फक्पदा बाक्त। कांसा के टोपी आ पियाम गुप्ता बाक्त। मिनु आ कांसा के फक्तीक यो फक्ता बाक्त। ३९ मेको नोले मेको आ तरवार पिप्ता बाक्त। मिनु दाऊद गाक्वा थुं पवा बाक्त। तन्न मचबा बाक्त। मारदे हना मेकोमी मेको गेना यो मफक्शो, मपांडशो बाक्माक्त। मोपतीक मेकोम सावल कली “गो एको पांडशा, फक्शा लने मचांनुड। मारदे हना गो एको गेनायो मपांडशो मफक्शो नड” देमाक्त। मिनु मेकोमी मेको नल्ल पुरइक्मी बाक्त। ४० मेको नोले मेकोमी आ कोक्के कुरा बाक्त। मिनु खोला रे ५ ओटा सिल सिल देशो फुल्लु गुबा बाक्त। मिनु आ झोलाम कुर पवा बाक्त। मिनु आ हुरद शशा, मेको पलिस्ती नु लडाइ पथ लमाक्त।

४१ मेको पलिस्ती आ या कुरब कली डांडती गाक्पाइशशा, दाऊद आ बाक्तीक गे पिमाक्त। मेको आ तेक्तीक कुरबमी मेको कली वारच पशो बाक्माक्त। ४२ मिनु मेकोमी दाऊद कली तशा, रिस्स बाक्त। मिनु लल चोत्रचो, पाइशो दारशो ठिटा कली तशा, शुक्शी पचा गोवा बाक्त। १ सामुएल १६:१२ ४३ मिनु मेको पलिस्तीम दाऊद कली “मार, गो कुचुम नड? मिनु कोक्के शेशा, गो नु लडाइ पथ जाक्डे” मदा बाक्त। मिनु मेकोमी आ देवता आ नें थिशा दाऊद कली सराप पवा बाक्त। ४४ मेकोमी “पिवा, गो इ श्ये

चिकब नु ब्वाकी डा जन्तु आन कली ब्वाचा गेनुङ्" दे मदा बाक्त। १५ मिनु दाऊदमी पलिस्ती कली "गे, गो नु लडाइ पचा कली तूतीक तरवार कुरशा, पिशा बाक्नेवे। तन्न गो गे नु लडाइ पचा कली मुर नेल्ल आन परमपरभु यावेम, इसराएल डा लडाइ पाइब आन परमपरभु आ नेमी पिशा बाक्नुङ्। १६ मुलाक्ती परमपरभु यावेम इ कली आं गुइम गेब। गो इ कली साइक्नन। मिनु इ पिया खरोइशशा। इ रां नु पलिस्ती आन रां चिकब नु ब्वाकी डा जन्तु आन कली ब्वाचा गेनुङ्। मिनु इसराएलम परमपरभु का बाक्ब, दे रागी नेल्ल डा मुरुम तुइक्नीम। १७ मिनु एक बाक्शो मुर नेल्लेम परमपरभु यावेम तूतीक नु तरवारम मप्रांइब, दे तुइक्नीम। मारदे हना एको लडाइ परमपरभु यावे केन बाक्ब। मेकोमी गे नेल्ल इन कली आंइ गुइमी गेब" दे मदा बाक्त। परस्थान १५ :३ ; मजन संगरह २० :८ ; जकरिया ४ :६

१८ मिनु मेको पलिस्ती दाऊद गे पिमाक्त। मिनु दाऊदम मेको नु लडाइ पचा कली, आ डॉइती गे दोरशा लमाक्त। १९ मेकोमी आ गुइ झोलाम कुर पा फुल्लु का गरुइदा बाक्त। मिनु हुरदम वोदा बाक्त। मिनु हिरशा, मेको पलिस्ती आ कुफ्कीम आबा बाक्त। मिनु मेको फुल्लुम कुफ् होदा बाक्त। मिनु मेको खपीम गोल्माक्त। २० मोपा दाऊद आ हुरद नु फुल्लुम गरामाक्त। मेको नु तरवार मबाक्त हना यो, पलिस्ती गोल्याथ कली सदा बाक्त। २१ मेको दोरशा मेको पलिस्ती गोल्याथ गे लमाक्त। मिनु आ नेक्था राम्माक्त। मेको आ तरवार खोत र शोइशशा, मेको कली साइशशा आ पिया खरोदा बाक्त। पलिस्तीपुकीमी आंम बोल्या लडाइ पाइब साइशशा तामे बाक्त। मिनु मेकोपुकी हिंशा परोक्मा बाक्त।

२२ मिनु इसराएली नु यहूदीपुकीमी लडाइ डा गरीतीक गरीमा बाक्त। गाथ नु एक्रोन डा ठेयब लाप्चो सम्म मेको आन कली थाम्पा खेदा पामे बाक्त। शा-आराइम, गाथ नु एक्रोन लतीक लां सम्म आन बेक्शो रां नेल्ल थाम्पा बरमाक्त। २३ पलिस्ती आन कली खेदा पा लेम्मानु, मेकोपुकीमी मेको आन बाक्तीक डा मारइ मारइ सुप्तम बाक्त। २४ दाऊदमी गोल्याथ आ या मेको आ ताम्बुमीन प्रांइशा, मेको आ पिया चहिं कुरशा यरूसलेम चाक्गा बाक्त।

२५ मिनु सावलमी दाऊद कली पलिस्तीपुकी नु लडाइ पथ लशो तशा, मेकोम आ लडाइ

पाइब आन कप्तान आब्नेर कली "मेको ठिटा सु का आ तौ बाक्म ?" दे हिल्लो पवा बाक्त। मिनु आब्नेरमी "गो इन नेमी कसम जशा देनुङ्, गो मेको कली मतुइक्नुङ्" देमाक्त। २६ पिपम आब्नेर कली "मेको सुका आ तौ बाक्म रुपो" देमाक्त। २७ मिनु दाऊद मेको पलिस्ती कली साइशशा, लेम नोले आब्नेरमी दाऊद कली सावल आ डॉइती चाक्दीदा बाक्त। दाऊदमी मेको पलिस्ती आ पिया गुइम ग्याइशशा बाक्माक्त। २८ मिनु सावलम मेको कली "ए ठिटा, गे सुका आ तौ नव" दे हिल्लो पवा बाक्त। मिनु दाऊदमी "गो इन गेय पाइब बेथलेहेम डा येस्स आ तौ नङ्" देमाक्त।

दाऊद नु योनाथन वारचु दुम्शो

१ मोपा दाऊदम सावल नु लोव पने थुमा बाक्त। नोले योनाथनमी, दाऊद कली आंम कली खोदंशो पा आ थुं रेन दाक्चा गोवा बाक्त। मेको सावलम तुइक्ता बाक्त। २ मिनु सावलमी दाऊद कली लदा बाक्त। आ आफ आ खिं लेशशा लचा मगेवा बाक्त। १ सामुएल १६ :२२ ; १ सामुएल १७ :१५ ३ मिनु योनाथन नु दाऊद आस थुं रेन थमा पा वारच बु दुम्सा बाक्त। मारदे हना मेको निक्शी काम अर्का कली आंम कली खोदंशो पा दाक्मुसा बाक्त। मिनु कबल का पाम्से बाक्त। १ सामुएल २३ :१८ ; २ सामुएल २१ :७ ; १ सामुएल १९ :१ ; १ सामुएल २० :१७ ; २ सामुएल १ :२६ ४ मिनु योनाथनमी आ फेक्शो वा पृइशशा दाऊद कली गेवा बाक्त। आ तरवार, तिबरा नु पटी सुन्दा पृइशशा गेवा बाक्त। ५ दाऊदम सावल आ पथ साइशशा हिंचा डा गेय यो रिम्शो पा पवा बाक्त। मिनु सावलमी दाऊद कली नेल्ल क्येडा सक्ति पाइशशा कप्तान सेला बाक्त। मोपा मेको कली मान बारपाइशशोमी सावल नु आ ठेयब मुरपुकी यो ग्येरसमा बाक्त।

दाऊद कली साइक्चा माल्शो

६ दाऊदम पलिस्ती आन कली साइशशा लेम्मनु, इसराएल डा सहर नेल्ल डा मीश मुर नेल्ल कोवथ गरुमा बाक्त। सिल पाइब मीश मुरपुकी खैजडी ताप्शा, कुम्सो पना पन, सिल पना पन पिप सावल कली गरुम्य जाक्मा बाक्त। न्यायाधीस ११ :३४ ७ मिनु मीश मुरपुकीम ग्येरसीशा "सावलम हजार हजार आन कली साइक्तीमी। तन्न दाऊदमी १० हजार, हजार

आन कली साइक्तीमी” दे कुम्सा पामे बाक्त । १सामुएल २१:१२ ; १सामुएल २९:५ मिनू सावल थाम्पा गाइक्ता बाक्त । मेको लोत्र नेंशा थाम्पा आ थुं सुरसे बाक्त । मेकोमी दाऊद कली चहिं “१० हजार, हजार तन्न आं कली चहिं हजार हजार ला दंतकम । मुल मेको कली पिप सल्वा का ला लीत” दे मिम्ता बाक्त । १मेको नाक्त र सावलमी दाऊद कली गेह पचा गोवा बाक्त ।

१० आ दीसा परमपरभु र मरिम्शो पाइब साक्त काम सावल कली सुमा बाक्त । मिनू सावलमी आ सिमी हेंथ पवा बाक्त । मिनू दाऊदमी डांडती डा सादेशो पा सावल आ पर्वम बीना तवा बाक्त । सावल आ गुइमी तूतीक का बाक्माक्त । १सामुएल १६:१४,२३ ११मेकोम “गो दाऊद कली गारोम क्येनुड” दे मिम्शा, आ तूतीक आवा बाक्त । तन्न दाऊद निक्शी खेयप दिल्ला मखरपांडसे बाक्त । १सामुएल १९:१० ; १सामुएल २०:३३ १२मिनू सावल दाऊद कली तशा हिंमाक्त । मारदे हना परमपरभु यावेम आ कली परांडशा दाऊद नु बाक्शो बाक्ब, दे तुइक्ता बाक्त । १३मोपतीके सावलम दाऊद कली आ दरवार र गरुंडशा, हजार का मुर आन कप्तान सेला बाक्त । मिनू दाऊदमी आ मुर आन कली लडाइम लाइक्मी बाक्त । १४मिनू परमपरभु यावे मेको नु बाक्तीक आ पशो गेय नल्लेमी मेको रिम्शो दुम्माक्त । १सामुएल १८:५ १५ सावलमी दाऊद आ गेय नल्ल रिम्शो दुम्शो तशा, डांडती क्येडा हिंमाक्त । १६ इसराएल नु यहूदा डा मुर नल्लेमी दाऊद कली दाक्तम बाक्त । मारदे हना मेको लडाइ पतीकेम लां कांडशा डांडती गाक्बाक्माक्त ।

१७मिनू सावलम दाऊद कली “गो आं ठेयब तमी मेराब इ कली गेशा ग्युंबे पपाइक्नुड । तन्न गे मेको आ पर्वम बोल्यो पा आं गेय पचा माल्लेवे । मिनू परमपरभु यावे आ पर्वम लडाइ पावो” दे मदा बाक्त । मारदे हना सावलम दाऊद कली आंम आ गुइम ममाइ पलिस्ती आन गुइ र साइक्पाइक्चा माल्लो बाक्माक्त । १८मिनू दाऊदमी “गो सु नडा डा ? आं आफ आ सिं डा मुर इसराएली सु नमी डा ? गो पिप आ चांडवा दुम्नुडा ?” देमाक्त । २सामुएल ७:१८ १९मो हना यो सावल आ तमी मेराब नु दाऊद आस ग्युंबे दुम्तीक नाक्त जाक्चा क्येडा डांडती, मेराब कली मेहोला आ मुर अदरीएल नु ग्युंबे पा सोइक्ता बाक्त । २०तन्न सावल आ अर्का तमी मिकाल दाऊद नु दाक्मुसा बाक्त । मेको

लोत्र सावलम नेनानु “आं मिम्शो गाप्ब दुम्त” दे मिम्ता बाक्त । २१मेको आ थुमी “गो मेको कली दाऊद नु ग्युंबे पपाइक्नुड । पलिस्ती आन गुइम बक्पाइक्चा कली मेको वाल्पाइक्तीक गेय बाक्ब” देमाक्त । मोपतीके सावलमी आ चांडवा सल्वा कली लोत्र पवा बाक्त । २२मेकोमी आ गेय पाइब आन कली “एको लोत्र सुइम मतुइक्चा डा पा दाऊद कली मतीन” देमाक्त । मिनू मेकोपुकीम दाऊद कली “पिप इन क्येडा थाम्पा ग्येरशो बाक्ब । मिनू आ गेय पाइब नल्ल आन दाक्शो यो गे बाक्नीनी । पिप आ सिं डा मुर नु ग्युंबे पतीके नाक्ती यो मुलन बाक्ब” देमा बाक्त । १सामुएल २२:१४ २३सावल आ मुरपुकीम दाऊद कली मादेशो लोत्र पामेनु, दाऊदम मेको आन कली “गेपुकीम पिप आ तमी नु ग्युंबे पचा आइक्च लोत्र मिम्तीनी ? आं सादेशो मारेइ मथीब मुरुम ओदेशो पने चाप्नुडा ?” दे माइक्मी बाक्त । २४मिनू दाऊद आ देशो लोत्र आ गेय पाइबपुकीम सावल कली शंदम बाक्त । २५मिनू मेकोमी दाऊद कली “जोरी सतरु आन क्येक्क लेत्चा कली पिपम ग्युम्ली आ पर्वम सह का पलिस्ती आन खरोइक्तीक चिनु खरोइक्तीक डा कुशुल ला पुंडब मतीन” देमाक्त । मारदे हना पलिस्ती आन गुइ र दाऊद बक्ल देशो बाक्माक्त । २६मिनू सावल आ देशो लोत्र आ गेय पाइब मुरपुकीम दाऊद कली नंपदम बाक्त । मिनू मेको लोत्रमी मेको पिप आ तमी नु ग्युंबे पचा बिस्स बाक्त । २७मिनू देशो नाक्त आ डांडती, नाक्त दाऊद आ मुरपुकी नु लशा सह निक्शी पलिस्ती आन कली सदम बाक्त । मिनू मेकोम मेको आन खरोइक्तीक चिनु खरोइक्तीक डा कुशुल लाइशा, चांडवा सल्यीनी, दे पिप आ डांडती हिक्शा, गेवा बाक्त । मिनू सावलमी आ तमी मिकाल दाऊद कली गेशा ग्युंबे पाइक्ता बाक्त । २८मिनू सावलमी परमपरभु यावे दाऊद नु बाक्ब, दे तुइक्ता बाक्त । आ तमी मिकालम मेको कली दाक्ब, दे यो तुइक्ता बाक्त । २९मिनू सावल दाऊद क्येडा शुश हिंचा गोवा बाक्त । मिनू आ लीशो बरोइतीक नाक्त सम्मन मेको दाऊद आ जोरी सतरु दुम्माक्त । १सामुएल १८:१२

३०पलिस्ती आन कप्तान का का पा लडाइ पथ जाक्बाक्मा बाक्त । मेकोपुकी मोपा जाक्मानु, सावल आ अरु गेय पाइब आन क्येडा दाऊदमी रिम्शो गेय पवा बाक्त । मोपा मेको आ नें ठेयब दुम्माक्त ।

योनाथनम दाऊद कली प्रॉइशा

१ सावलमी दाऊद कली साइक्चा, दे आ तौ योनाथन नु आ गेय पाइब नेल्ल आन कली लोव्र पवा बाक्त। तन्न सावल आ तौ योनाथन दाऊद आ वारच बाक्माक्त। १ सामुएल १८:३ २ योनाथनमी आ आफ सावलमी दाऊद कली साइक्चा माल्शा बाक्व, दे दाऊद कली शंदा बाक्त। मेकोमी दाऊद कली “होस पा, दीसा सुनी सुइमी मतुइक्तीकमी स्वरुइशा बाक्कीन। ३ सुनी गो गरुशा पीनुड। मिनु इन स्वरुइशा बाक्तीक आ नेक्था आं आफ नु गरुमुनुड। मिनु मेको नु इन पर्वम लोव्र पाइनुड। मारइ तुइक्ताक्ड हना, गो इन कली शंनुड” देमाक्त। ४ मिनु योनाथनम आ आफ कली दाऊद आ पर्वम रिम्शा लोव्र पा “इन गेय पाइब दाऊद कली मारइ पाप मपने। मारदे हना मेकोमी इन कली मारइ पाप मपावो। थमा पा, आ पशो गेय नेल्ल इन कली रिम्शा दुम्ब। ५ मेकोमी पलिस्ती कली सदानु, आंमा चहिं बेक्नुड देय बरॉइनुड, दे मतुइशा बाक्त। मिनु परमपरभु यावेम इसराएल कली ठेयब सेल्शा गरापाइक्तु। गे मेको नेल्ल तशा शुश ग्येरशो बाक्तीनी। गे मारदे मेको दोस मताइब दाऊद कली मरिम्शो पचा माल्नीनी ? बिल्चीम मेको कली मारदे साइक्चा दाक्नीनी ?” देमाक्त। १ सामुएल १७:२७ ६ मिनु सावलमी योनाथन आ लोव्र नंशा “परमपरभु यावे बरॉइशा बाक्शो खोंदंशो पा, दाऊद मसाइक्नुड” दे कसम जवा बाक्त। ७ मिनु योनाथनमी दाऊद कली बुरेशा, मेको लोव्र नेल्ल नेपदा बाक्त। मिनु योनाथनमी दाऊद कली सावल आ बाक्तीक चाक्दीदा बाक्त। मिनु मेकोम डॉइती डा खोंदंशो पा सावल आ गेय पवा बाक्त।

८ मिनु लेंशा पलिस्तीपुकी नु लडाइ दुम्माक्त। दाऊदम मेकोपुकी नु लडाइ पवा बाक्त। मिनु मेकोमी हिंचा डा पा लडाइ पतीकेमेको पलिस्ती प्रोक्सा बाक्त।

९ मिनु काबु परमपरभु यावे रे मरिम्शो पाइब सोक्तीम सावल कली सुमा बाक्त। मेना सावल आ खिंमी तूतीक शेशा बाक्शो बाक्माक्त। दाऊद चहिं बीना ताप्ना ताप्न बाक्माक्त। १ सामुएल १८:३०-३१ १० मिनु सावलम दाऊद कली गारोम क्यन्चा डा पा तूतीकम आबा बाक्त। तन्न दाऊद दिल्माक्त। मिनु मेको तूतीक गारोम गरुक्स बाक्त। दाऊद चहिं बरॉइशा प्रोक्माक्त। ११ सावलमी मेको कली

सुनी साइक्चा कली दाऊद आ खिंम क्यारी पाइब मुर वोदा बाक्त। तन्न दाऊद आ मीश मिकालमी मेको कली हिंपाइशा “गे मुल नाक्दोन प्रोक्शा मगाक्तीनी हना, दीसा इन कली साइक्नीम” दे मदा बाक्त। भजन संगरह ५९:१ १२ मिकालमी दाऊद कली झल रे उइ तोइक्पदा बाक्त। मिनु मेको सुइमी मतुइक्थु प्रोक्माक्त। १३ मिकालमी मूर्ति चाक्शा, दाऊद आ बराख्यम वोदा बाक्त। मिनु आ पिया थांडसीतीकम चहिं क्यारश आ चां वोदा बाक्त। उत्पत्ती ३१:१९ १४ मिनु सावलमी दाऊद कली कोव्रथ मुर सोइक्तानु, मेकोम “रोइ पशो बाक्व” देमाक्त। १५ मिनु सावलमी मेको आन कली “गे आमा दाऊद कली कोव्रडीन” दे सोइक्तीमी बाक्त। मेकोमी “मेको कली आ खाट सुन्दा क्युक्शा एक चाक्कीन। मिनु गो साइक्नुड” दे सोइक्तीमी बाक्त। १६ मिनु मेकोपुकी जाक्मानु, बराख्यम मूर्ति नु पिया थांडतीकेमी क्यारश आ चां ला थित्त बाक्त। १७ मिनु सावलमी मिकाल कली “गे मारदे आं कली जाल पाइय्यी ? आं जोरी सतरु कली मारदे रिम्शा पा प्रोक्पदी ?” देमाक्त। मिनु मिकालमी “मेकोम ‘आं कली रिम्शा पा मप्रोक्पाइक्ती हना, गो इ कली साइक्नन’ दे माइक्ती” देमाक्त।

१८ मिनु दाऊद प्रोक्शा लशा, रामाह सामुएल आ बाक्तीकम जाक्दीम्माक्त। मिनु सावलमी मार मार पवा, मेको नेल्ल शंदा बाक्त। मिनु मेको नु सामुएल लशा नायोथमी बाक्सा बाक्त। १९ मिनु मुर कामी सावल कली “दाऊद रामाह डा नायोथम बाक्व” दे शंदा बाक्त। २० सावलमी दाऊद कली ग्याइक्चा, दे मुर आन कली सोइक्ता बाक्त। मेकोपुकीमी परमपरभु यावे आ लोव्र पाइब आन हुल परमपरभु यावे आ सोक्तीम लोव्र पा बाक्शो ताम बाक्त। मिनु सामुएल मेको आन ठेयब मुर बाक्माक्त। मिनु परमपरभु आ सोक्तीम मेको आन कली सुमा बाक्त। मिनु मेकोपुकी यो परमपरभु यावे आ सोक्तीम लोव्र पाम बाक्त। १ सामुएल १०:१०-१२ २१ मिनु सावलम मेको नंशा, अर्का हुल का सोइक्ता बाक्त। मेकोपुकीम यो परमपरभु यावे आ सोक्तीम लोव्र पाम बाक्त। मिनु सावलमी लेंशा अर्का हुल का सोइक्तीमी बाक्त। मिनु मेकोपुकी यो मोदंशो दुम्मा बाक्त। २२ मिनु नोले सावल आंमान रामाहम पिशा, सेकुम बाक्शो ठेयब कुवाम जाक्माक्त। मिनु मेकोमी “सामुएल नु दाऊद ते बाक्सा ?” दे हिल्लो पवा

बाक्त। मिनु “मेको निक्शी रामाह डा नायोथम बाक्नीसी” दे शेंदमे बाक्त। २३ मेको रामाह डा नायोथ लना लन पवानु, परमपरभु आ सोक्तीम मेको कली यो सुमा बाक्त। मिनु रामाह डा नायोथ सम्मन, परमपरभु यावे आ लोत्र पना पन जाक्दीम्माक्त। २४ मेकोमी यो आ वा परुइश्शा, सामुएल आ डांडती परमपरभु यावे आ सोक्तीम लोत्र पना पन नाक्त रे नु नाक्दो रे शिश्रा बाक्माक्त। मोपतीक मुरपुकोम “मार, सावल यो परमपरभु यावे आ लोत्र पाइब आन दातेमी बाक्म?” देबाक्मा बाक्त।

योनाथनम दाऊद कली वारच पशो

१मिनु दाऊद रामाह डा नायोथ रे २० परोक्शा, योनाथन आ बाक्तीक जाक्दीम्माक्त। मिनु मेकोमी योनाथन कली “गो मार पडा? आ दोस मार बाक्वा? मारदे इन आफोम आ कली साइक्चा माल्वा?” दे हिल्लो पवा बाक्त। २मिनु योनाथनमी “मोदेशो मदुम्त। गे मबेक्नीनी। आं आफोम आं कली मंदथु, आइक्च नु ठेयब गेय मारइ मपाइब। मोदेशो लोत्र आं आफोम आं रे दोपा खरुइक्वा डा? मोदेशो मपाइब” देमाक्त। ३मिनु दाऊदमी “गे आं कली दाक्नीनी, दे इन आफोम तुइक्व। मेकोमी योनाथनम मतुइक्वल। तुइक्ताक्व हना, आ थुं साइक्व” दे मिम्शो बाक्व। थमा पा, परमपरभु यावे बरांडशा बाक्शो खोदेशो पा बाक्तीक आं नेक्था बाक्त” दे कसम जवा बाक्त। ४मिनु योनाथनमी दाऊद कली “गे मार देनीनी, गो मेको पाइनुड” देमाक्त। ५मिनु दाऊदमी योनाथन कली “दीसा औसी बाक्व। गो पिप नु बाक्शा, जचा माल्लुड। गो नाक्त सां सम्म रू मेर लशा खरुइश्शा बाक्नुड। ६इन आफोम आं मजाक्शो आ पर्वम लोत्र गरुइक्ताक्व हना, मेको कली ‘दाऊदमी बेथलेहम आ खिम रीब पा लचा माल्तीक, आं कली हिल्लो पती। मारदे हना मेकेर खिं डा मुर नेल्लमी बर्सम चढ्देतीक चढ्देचा माल्वाक्माक्त’ देनीन। ७मिनु मेकोम ‘ठीक बाक्व’ देत हना, मेको रिम्शो बाक्व। तन्न मेको गाइश्शा चुरशा पाप्तु हना, मेकोमी आं पर्वम मरिम्शो मिम्शो बाक्व, दे गे तुइक्नीनी। ८मोपतीक गे इन गेय पाइब, गो नु थमा सुइक्चा डा गेय पने। मारदे हना गे नु गो परमपरभु यावे आ डांडती कवल का पशो बाक्नस। गो दोस ताइब बाक्ती हना, गे आं कली साइग्यनीनी। इन आफ बाक्तीकेमी

मलाइग्यनीनी” देमाक्त। १सामुएल १८:३ १मिनु योनाथनम “मोदेशो लोत्र मपन। आं आफोम इन कली साइक्चा मिम्शो गो तुइक्ताक्व हना, इन कली शंनुड” देमाक्त। १०मिनु दाऊदम योनाथन कली “इन आफोम मरिम्शो लोत्र पाप्तु हना, मेको सुम आं कली तुइक्पाइक्वा?” देमाक्त। ११मिनु योनाथनमी “गो नु पिन” देमाक्त। मिनु मेको निम्फा हिरथ लसा बाक्त।

१२मिनु योनाथनम दाऊद कली “गो इन कली, परमपरभु यावे, इसराएली आन परमपरभु आ डांडती एको लोत्र पाइनुड। दीसा कि नित्थ नाक्त आं आफ थुं थामु नोले मेकोम इन पर्वम रिम्शो मिम्शो बाक्त हना, गो इन कली तुइक्पाइक्नुड। १३तन्न आं आफोम मरिम्शो मिम्शो बाक्त हना यो, गो इन कली तुइक्पाइक्नुड। गो इन कली मतुइक्पाइक्ता हना नु इन कली मपरोइता हना, परमपरभु यावेमी आं कली सजाइ गेवल। परमपरभु यावे आं आफ नु बाक्शा खोदेशो पा गे नु यो बाक्त। १४गो बरांडडा सम्म परमपरभु यावेम आ गेना हना यो दाक्शा मपरोइशा खोदेशो पा इन दाक्तीक आं कली कांडदीन। १५परमपरभु यावेम रागी रे दाऊद आ जोरी सतरु नेल्ल क्याम्ताक्व हना यो, गे इन गेना हना यो दाक्तीक आं खिं डा मुर आन रे मक्याम्दीन” दे योनाथनमी दाऊद कली देमाक्त। १६मेना योनाथनमी दाऊद आ खिं डा मुर नु कवल पा “परमपरभु यावेम दाऊद आ जोरी सतरु आन कली माल्शा गरुइदल” देमाक्त। १७मेको नु दाक्मुशो आ पर्वम योनाथनमी दाऊद नु कसम जवा बाक्त। मारदे हना, मेकोम मेको कली आंम कली खोदेशो पा दाक्बाक्माक्त।

१८मिनु योनाथनम दाऊद कली “दीसा औसी बाक्व। इन नित्तीक श्येत्थ बाक्शो तशा, गे मबाक्नीनी, दे तुइसीब। १९मोपतीक नित्थ नाक्त इन खरुइक्तीक उइ मेर लेने। इन डांडती खरुइक्तीकेम लशा, फुल्लु आ नेक्था बाक्कीन। २०मिनु गो मेको फुल्लु आ नेक्था बरा सां आप्नुड। २१मिनु गो मेको वांडश आल कली बरा इ डांडती बाक्नीम, दे माल्थ सोइक्ताक्व हना, गे गरुशा पिन। परमपरभु यावे बरांडशा बाक्शो खोदेशो पा गे ठीक बाक्नीनी। २२तन्न गो मेको वांडश आल कली ‘कोत्रडा, बरा इ नोले गे बाक्नीम। मेको खुप्शा चाक्को’ देती हना, गे परोक्कीन। मारदे हना परमपरभु यावेम इन कली सोइश्शा बाक्व। २३गो निक्शी इस दातेम

पशो लोत्र गेना हना यो लील, दे परमपरभु यावे सांकच्छी बाक्ब” दंमाक्त ।

२४ मोपतीक दाऊद रू मेर खरुइशशा बाक्माक्त । मिनु औसीमी भोज ठीक दुम नोले पिप जचा कली निस्स बाक्त । २५ सावल डांडती खोदंशा पा आ नितीकम निस्स बाक्त । आ नितीक गारो आ नक्था बाक्शो बाक्त । आन्नेर मेको आ नक्था निस्स बाक्त । योनाथन चहिं राप्शा बाक्शो बाक्माक्त । तन्न दाऊद आ नितीक श्येत्थ बाक्माक्त । २६ मेको नाक्त सावलम मारइ मदंमाक्त । मेको गरांगरा दिशो दुम माइ । मोपतीक मजाक्म माइ, दे मिम्ता बाक्त । लेवी १५ : १६ २७ औसी आ दीसा दाऊद आ नितीक श्येत्थ बाक्माक्त । मिनु सावलम आ तौ योनाथन कली “सिनाक्त मुलाक्त येस्स आ तौ भोजम मारदे मजाक्म” दे हिल्लो पवा बाक्त । २८ मिनु योनाथनम सावल कली “दाऊदमी गो बथलेहेम लाइनुड” दे लोत्र पाप्नु । २९ मेकोमी “आं खिं डा मुरपुकी चढेचा कली सहर लशो बाक्नीम । आं लोकबम आं कली मेक जाक्चा, दे बरत्ताकयी । मिनु गे आ कली शिशी पाइनीनी हना, आं लोकब आन कली गरुथ लचा गेयीनी” दंत । मोपतीके मेको पिप नु जथ जाक्ने मचब” दंमाक्त ।

३० मिनु सावल योनाथन नु गाइशशा मेको कली “गे दूली पाइब नु मटीब मीश आ तौ, गे यस्स आ तौ कली वारच सल्शा, मुने दोक्शो बाक्नेव । मिनु इ ममा इ कली जरमेशो आ पर्वम मुने दोक्त । ३१ यस्स आ तौ रागीम ब्रांडशा बाक्म सम्म गे मलीनेव । इ राज्य यो मलीब । मेको कली रीब पा एक चाक्चा कली बरत्थ सोइक्तीमी । थमा पा मेको साइक्चा पुंडसीब बाक्ब” दंमाक्त । ३२ मिनु योनाथनमी आ आफ कली “मेको मारदे साइक्चा पुंडसीबा ? मेकोम मार पवा डा ?” दंमाक्त । ३३ मेको लोत्रम पतीके सावलमी आ तूतीक क्युक्शा, आ तौ कली साइक्चा मला बाक्त । मिनु योनाथनमी आ आफोम दाऊद कली साइक्चान माल्शो बाक्माक्त, दे तुइक्ता बाक्त । १ सामुएल १८ : ११ ३४ मिनु योनाथन गाइशशा चुरशा आ नितीक र बाक्शा, मारइ मजवा बाक्त । मारदे हना दाऊद कली साइक्चा माल्शो आ पर्वम सुर्ता पवा बाक्त । आ आफोम दाऊद कली मरिम्शो पचा मिम्शो बाक्माक्त ।

३५ मिनु आ दीसा सुनी देशो खोदंशा पा, योनाथन दाऊद कली गरुथ लमाक्त । मेको

नु वॉइश आल का यो बाक्माक्त । ३६ मेकोमी मेको वॉइश आल कली “गो आं आप्शो बरा माल्थ लावो” दे मदा बाक्त । मेको वॉइश आल दोरमेनु, योनाथनम आ नोले गे बरा आबा बाक्त । ३७ मिनु मेको वॉइश आल योनाथनम बरा आप्तीकम जाक्दीम्मनु, योनाथनम “बरा इ नोले गे बाक्ब” दे बरत्ता बाक्त । ३८ मिनु योनाथनमी मेको वॉइश आल कली “रीब पा लावो । देश मपावो” दे बरत्ता बाक्त । मिनु मेको वॉइश आल बरा गुप्शा आ ठेयब मुर आ बाक्तीक चाक्गा बाक्त । ३९ मेको वॉइश आलम मारइ मतुइशशा बाक्माक्त । योनाथन नु दाऊदम ला आस डांडती देशो लोत्र तुइक्तस बाक्त । ४० मिनु योनाथनम आ या मेको वॉइश आल कली गशा “सहरम लतो” दे सोइक्ता बाक्त । ४१ मिनु मेको वॉइश आल लम नोले, दाऊद आ खरुइक्तीक फुल्लु आ नोले रे गरुशा, खेयप सां बाप्शा मान पवा बाक्त । मिनु मेको निक्शी पुक्पु पाइक्मुसा बाक्त । मिनु निम्फा डाक्सा बाक्त । दाऊद योनाथन क्येडा शुश डाक्माक्त । ४२ मिनु योनाथनम दाऊद कली “रिम्शो पा लावो । गे नु गो परमपरभु यावे आनेमी कसम जशा, परमपरभु यावे गे नु गो इस दातेमी बाक्ल । मेको इ चच युइ नु आं चच युइ आन दातेमी गेना हना यो बाक्ल” दंमाक्त । मिनु दाऊद बाक्शा लमाक्त । योनाथन चहिं सहर लेम्माक्त ।

दाऊद परोक्शा नोब नु गाथ लशो

२१ १ मिनु दाऊद नोब डा चढेब अहीमलेक आ बाक्तीक जाक्माक्त । मिनु अहीमलेक खिरखिर पा दाऊद कली गरुशा “मारदे इन का ला जाक्नी ? गे नु सुइ मबाक्मा” दंमाक्त । १ सामुएल २२ : ९, १९ २ मिनु दाऊदम चढेब अहीमलेक कली “गो पिप आ हुकुममी जाक्ती । मेको गो सुइ आन कली शंचा मदुम्नुड । गो आं मुर आन कली सुइ मबाक्तीकम गरुच्चा नड, दे माइक्तामी । ३ मुल इन नु मार बाक्बा आं कली ५ ओटा शोब्ले कि दोशो बाक्म, मोशो गेयीनी” दंमाक्त । ४ मिनु चढेबम दाऊद कली “गो नु शोब्ले मबाक्ब । कांडतीक शोब्ले ला बाक्नीम । तन्न मार, मेरे वॉइश मुरपुकी मीश मुर रे डोन बाक्शो बाक्नीमी ?” दे हिल्लो पवा बाक्त । लेवी २४ : ५-९ ; परस्थान १९ : १५ ५ मिनु दाऊदमी “गो इन कली थमा लोत्र पाइनुड, गेना हना यो गो लां गाक्ची ना मीश मुर रे डोन बाक्नीकी । एको वॉइश मुर गरांगरा

मदिशा बाक्नीम। मुल मेको क्येडा गरांगरा मदिशा बाक्नीकी” देमाक्त। ६मोपतीक मेकेर अरु शोब्ले मबाक्तीक चढेबमी मेको परमपरभु यावे आ डांडती वोइश्शो कांडतीक शोब्ले गेवा बाक्त। तेको नाक्ती कांडतीक शोब्ले परमपरभु यावे आ डांडती र लदम, मेको नाक्ती अर्का होश शोब्ले वोइक्चा माल्बाक्माक्त। मत्ती १२:३-४ ७सावल आ गेय पाइब आन दाते डा गेय पाइब का या मेको नाक्ती मेकेर परमपरभु यावे आ डांडती दिक्शा, बाक्शो बाक्माक्त। मेको एदोम डा दोएग बाक्माक्त। मेको सावल आ गोठला आन नेल्ल क्येडा ठेयब मुर बाक्माक्त। प्रस्थान २१:१३; लेवी १३:४,३१; १सामुएल २२:९,१८ ८दाऊदम अहीमलेक कली “गे नु तूतीक तरवारपुकी बाक्नीमी? मारदे हना पिप आ गेय रीब पा पचा माल्तीके गो तरवार नु अरु या कुरचा मतड” देमाक्त।

१मिनु चढेबमी “एलाह डा दिमम इन साइश्शो पलिस्ती गोल्याथ आ तरवार एक बाक्ब। मेको निसाफ पतीक ऊरीम नु थुम्मीम बाक्शो झोला आ नाले वाम गिल्शा वाइश्शो बाक्ब। मेको लाइक्नीनी हना, लतीन। मेको डा लाक्शा एक अर्का या मबाक्ब” देमाक्त। मिनु दाऊदमी “मेको सोदंशो रिम्शो अर्का तरवार मबाक्ब। आं कली मेकोन गेयीनी” देमाक्त। १सामुएल १७:२०-२१; न्यायाधीस ८:२७

१०मेको नाक्ती दाऊद बाक्शा सावल र परोक्माक्त। मिनु गाथ डा पिप अकीश आ बाक्तीक जाक्माक्त। भजन संगरह ५६:१ ११अकीश आ गेय पाइबपुकीम मेको कली “थमा पा रागी डा पिप दाऊद एकोन बाक्ब। एको आ पर्वम सावलम हजार हजार आन कली साइक्तु। दाऊदम १० हजार हजार आन कली साइक्तीमी” दे कुम्सो मपाम डा? १सामुएल १८:७ १२दाऊदम मेको लोत्र आ थुंम वोइश्शो बाक्माक्त। मिनु मेको गाथ डा पिप अकीश तशा थाम्पा हिंमाक्त। १३मोपतीके मेकोमी मेको आन डांडती आ निप्स गराइश्शो सोदंशो दुम्सु पवा बाक्त। मेकोम ठेयब लाप्चोमी रेन्ना रेन्न नु आ राल आ गल शोकरम तोक्ना तोक्न बाक्माक्त। भजन संगरह ३४:१ १४मिनु अकीशमी आ गेय पाइब आन कली “एको मुर आ निप्स गराइश्शो बाक्त। एको कली मारदे आं बाक्तीक चाक्नी? १५गो अरु निप्स गराइश्शो मुर माल्लुडा? गे मारदे एको कली आं डांडती

हंथे पपाइक्चा कली चाक्नी। मेको आं सिंमी बाक्ल, दे मिन्नीनी?” दे माइक्मी बाक्त।

दाऊद अदुल्लाम पुक्खीम बाक्शो

१दाऊद मेकेर र परोक्शा, अदुल्लाम डा २२ पुक्खीम लमाक्त। मिनु मेको आ लोक्ब नु आ सिं डा मुर नेल्लेम मेको लोत्र नेन्म बाक्त। मिनु मेकोपुकी आ बाक्तीक जाक्दीम्मा बाक्त। भजन संगरह ५७:१; यहासु १५:३६ २श्यत जशो, जेर दुम्शो नु आन थुं मनुशा मुरपुकी मेको आ बाक्तीकम जाक्मा बाक्त। मिनु दाऊद मेको आन कप्तान दुम्माक्त। मेकोपुकी ४ सहे खोइ बाक्मा बाक्त। न्यायाधीस ११:३

३मेकेर र मेकोपुकी मोआब डा मिस्पे लमा बाक्त। मिनु मोआब डा पिप कली “परमपरभुम आं पर्वम मार पाइबा, मेको मतुइक्तु सम्म आं आम आफ आस कली इन बाक्तीकम बाक्चा गेने” देमाक्त। २सामुएल ८:२; रुथ १:३ ४दाऊदमी आ आम आफ आस कली मोआब डा पिप नु वोदा बाक्त। मेको आ बोल्यो खरुइश्शा बाक्तीकम बाक्ची ना सम्म आ आम आफ मोआब डा पिप नु बाक्सा बाक्त। ५मिनु परमपरभु यावे आ लोत्र पाइब गादमी दाऊद कली “गे मेको बोल्यो खरुइश्शा बाक्तीकम मबाक्कीन। रीब पा यहूदा रागी लन” देमाक्त। मोपतीक दाऊद हेरथ डा ब्वाकीम लमाक्त। भजन संगरह ६३:१

सावल नु नोब डा चढेब

६मिनु सावलमी दाऊद नु आ मुरपुकी ते बाक्शा बाक्मा मेको नेना बाक्त। सावल गिबा डा डांडाम बाक्शो, ठेयब रवा आ पुंम, गुइम तूतीक शेशा बाक्शो बाक्माक्त। मेको आ गेय पाइब नेल्ल आ एर आंथ राप्शा बाक्शो बाक्मा बाक्त। ७मिनु सावलमी आ एर आंथ बाक्शो मुर आन कली “गे बेन्यामीन आ थर डा मुर, आं लोत्र नेनीन। मार, येस्से आ तौमी नेल्ल इन कली रू नु अडगुर रू गेबा कां? नेल्ल इन कली सहे का डा नु हजार का लडाइ पाइब मुर आन कप्तान सल्बा कां, दे आस पाइनीनी? ८मोपतीके गे नेल्लेम आं कली मरिम्शो पशो बाक्तीनी। इन दातेमी सुइम आं कली आं तौ नु येस्से आ तौ कबल पमुशो मशंदीनी। सुइम आं कली आं तौमीन आं गेय पाइब कली जांब पोक्शा, आं कली बाप्पाइश्शो लोत्र मशंदीनी” देमाक्त। १सामुएल १८:३ ९मिनु सावल आ गेय पाइब नु

राप्शा बाक्शो एदोम डा दोएगमी “गो यस्से आ तौ कली नोब डा अहीतुब आ तौ अहीमलेक आ बाक्तीकम जाक्शो ताता। मजन संगरह ५२:२ ; १सामुएल २१:१-१० १० अहीमलेकम दाऊद आ पर्वम परमपरभु यावे कली पुंडतु। मेको नोले जचा थोव्रक नु पलिस्ती गाल्याथ आ तरवार यो मेको कली गप्तु” देमाक्त।

११ मिनु सावलमी नोब डा चढेब अहीतुब आ तौ अहीमलेक नु नोबम बाक्ब आ सिं डा चढेब नल्ल आन कली ब्रथ सोइक्तीमी बाक्त। मिनु मेको नल्ल पिप आ डांडती जाक्मा बाक्त। १२ मिनु सावलम “ए अहीतुब आ तौ नोनो” देमाक्त। मिनु मेकोमी “दुम्ब, आं परभु” देमाक्त। १३ मिनु सावलम मेको कली “गे नु यस्से आ तौमी आं पर्वम मारदे मरिम्शो पसी? गे मेको कली शोब्ले नु तरवार गोप्तीवी। मेको आ पर्वम परमपरभु नु पुंडतीवी। मेको आं पर्वम मरिम्शो पचा कली ठीक दुम्शो बाक्ब। मुल आं कली बाप्शा बाक्चा कली मोदेशो पाइतीनी” देमाक्त। १४ मिनु अहीमलेकमी “इन गेय पाइब नल्लेमी थमा सुइक्चा पुंडसीशो इन चांडवा, इन गेय पाइब दुम्शो, इन सिंम मान पाइक्चा पुंडसीब दाऊद बाक्ब। १सामुएल १८:२२,२७ १२ मोदेशो मुर आ पर्वम परमपरभु नु डांडती डा खेयप सल्ला पुंडशा, मार मरिम्शो पडा डा? मोदेशो तोव्र आं रे डान बाक्ल। गो नु आं सिं डा मुर आन कली दोस मगकी। मारदे हना, गो एको आ पर्वम मारइ मतुइश्शो बाक्नीकी” देमाक्त। १६ मिनु पिपम “अहीमलेक गे थमा पा साइक्चा पुंडसीनवे। गे नु इ सिं डा मुर नल्ल साइक्चा पुंडसीनीम” देमाक्त। १७ मिनु सावलम आ नेक्था उइ राप्शा बाक्शो आ कली खाल पाइब कली “लशा परमपरभु यावे कली चढेब आन कली सतो। मारदे हना, मेकोपुकी दाऊद नु गारशो बाक्नीम। मेकोपुकीमी दाऊद परोक्शो बाक्ब, दे तुइश्शा यो, आं कली मशेदीमी” देमाक्त। तन्न पिप कली खाल पाइबपुकीमी परमपरभु यावे कली चढेब आन कली साइक्चा थुं मपाम बाक्त। १८ मोपतीके पिपम एदोम डा दोएग कली “ए दोएग लशा चढेब आन कली सतो” देमाक्त। मिनु दोएग लशा, चढेब आन कली सदा बाक्त। मिनु मेकोमी मेको नाक्ती ८५ जना निसाफ पतीक ऊरीम नु थुम्मीम बाक्शो झोला यो लाइश्शा लशो बाक्माक्त। ७ दाऊद कैलाह ओव्रशो बाक्ब, दे का निकशी मुरुमी सावल कली शंदम बाक्त। मिनु सावलमी “परमपरभुम मेको कली आं गुइमी गशो बाक्ब। मारदे हना मेको गारो हिरशो,

ब्यफ गधा नु भेडा नल्ल आन कली तरवारमी क्योरशा साइक्मी बाक्त। १सामुएल २१:२

२० अहीतुब आ तौ अहीमलेक आ तौ का अबीयाथार चहिं परोक्शा दाऊद आ बाक्तीक जाक्दीम्माक्त। १सामुएल २३:६ ; मर्कुस २:२६ २१ मिनु अबीयाथारमी सावलम दोपा परमपरभु यावे कली चढेब आन कली सदा, मेको नल्ल दाऊद कली शंदा बाक्त। २२ मिनु दाऊदमी अबीयाथार कली “मेको नाक्ती एदोम डा दोएग मेकर बाक्त। मेकोम सावल कली शंब, दे गो तुइश्शो नडा। इ आफ नु आ सिं डा मुर नल्ल आन कली साइक्पाइक्ब दोस ताइब गो दुम्ती। १सामुएल २२:९ २३गे एक गो नु बाक्को। महिनो। इ कली साइक्चा माल्बम आं कली साइक्चा माल्शो बाक्ब। गे गो नु मारइ मदुम्थु बाक्नेवे” दे मदा बाक्त। १राजा २:२६-२७

दाऊद सावल रे पा परोक्शो

२३ १ मुरपुकीम दाऊद कली “पलिस्तीपुकीम कैलाह नु लडाइ पा अन्न वोइक्तीक रोइक्ना रोइक्न बाक्नीम” देमा बाक्त। यहोसु १५:४४ २ मिनु दाऊदम परमपरभु यावे कली “गो लशा पलिस्तीपुकी नु लडाइ पड देय मपड” दे हिल्लो पवा बाक्त। मिनु परमपरभु यावेम “लशा, मेको आन कली लडाइ तोव्रमी कैलाह कली परोनो” देमाक्त। ३ तन्न दाऊद आ मुरपुकीम मेको कली “गो यहूदा रागीम बाक्शा ला यो हिंनीकी। कैलाह डा पलिस्तीपुकी नु लडाइ पाइतय हना, मेको क्येडा शुश हिंनीकी” देमा बाक्त। ४ मिनु लंशा दाऊदमी परमपरभु यावे कली हिल्लो पवा बाक्त। मिनु परमपरभु यावेमी “कैलाहम लावो। गो पलिस्ती आन कली इन गुइमी गेनुड” देमाक्त। ५ मोपतीके दाऊद नु आ मुरपुकी कैलाहम लमा बाक्त। मिनु पलिस्तीपुकी नु लडाइ पाम बाक्त। मेकोपुकीम मेको आन बी ब्यफ रोइक्तेम बाक्त। मेको आन कली मरिम्शो पा फरुमे बाक्त। मिनु कैलाह डा मुर आन कली परोन्मे बाक्त। १सामुएल २२:२० ; न्यायाधीस ८:२७

६ अहीमलेक आ तौ अबीयाथार दाऊद आ बाक्तीक, कैलाह सहर परोक्मनु, निसाफ पतीक ऊरीम नु थुम्मीम बाक्शो झोला यो लाइश्शा लशो बाक्माक्त। ७ दाऊद कैलाह ओव्रशो बाक्ब, दे का निकशी मुरुमी सावल कली शंदम बाक्त। मिनु सावलमी “परमपरभुम मेको कली आं गुइमी गशो बाक्ब। मारदे हना मेको गारो हिरशो,

आग्लो पाइश्शो, सहरम ओव्रशो बाक्व” दे मिम्ता बाक्त। ८ सावलम आ लडाइ पाइब नेल्ल आन कली कैलाहम लडाइ पा दाऊद नु आ मुर आन कली एर ओंथ र पुन्चा नम, दे हुकुम पवा बाक्त। ९ मिनु दाऊदमी आम पर्वम मरिम्शो पचा चिकशो तुइक्ता बाक्त। मिनु मेकोमी अबीयाथार चद्व कली “निसाफ पतीक ऊरीम नु थुम्मीम बाक्शो झोला चाक्को” दे मदा बाक्त। १ सामुएल ३० :७-८ १० मिनु नोले मेकोमी “परमपरभु यावे, इसराएली आन परमपरभु सावल कैलाहम जाक्शो, ओं पर्वम एको सहर खतम पोक्वशो बाक्व, देशो लोत्र इन गेय पाइबम नंशो बाक्नुड। ११ मार, कैलाह सहरम बाक्व मुरपुकीमी ओं कली मेको आ गुइम गेनीमी? मार ओं नंशो खोदंशो पा सावल एक जाक्वा? परमपरभु यावे, इसराएली आन परमपरभु, इन गेय पाइब कली शंदीन” देमाक्त। मिनु परमपरभु यावेम “थमा पा मेको एक जाक्व” देमाक्त। १२ मिनु दाऊदमी “मार कैलाह डा मुरपुकीमी गो नु ओं मुर आन कली सावल आ गुइम गेनीमी?” देमाक्त। मिनु परमपरभु यावेम “मो पाइनीम” देमाक्त। १३ मिनु दाऊदमी आ ६ सहं खोइ मुर लाइश्शा, कैलाह र गाक्माक्त। मिनु तेइ तेइ हिरना हिरन बाक्मा बाक्त। दाऊद कैलाह र परोक्त, देशो लोत्र नंशा, सावल लेम्माक्त। १४ दाऊद जीफ डा पहाड डा गोरशो रागीमी बोल्यो खरुइश्शा बाक्तीकमी खरुइश्शा बाक्माक्त। सावल मेको कली नाक्त किंत किंत माल्था गाक्वाक्माक्त। तन्न परमपरभुम दाऊद कली मेको आ गुइमी मगेवा बाक्त।

१५ दाऊद जीफ डा गोरशो रागी डा होरशम बाक्मेनु, सावलम थमा पा आ कली साइक्वा कली गरूशा पिशो बाक्व, दे तुइक्ता बाक्त। १६ मिनु सावल आ तो योनाथन दाऊद आ बाक्तीक होरश जाक्दीम्माक्त। मिनु मेको कली परमपरभु आ नंमी आ थुं बारपदा बाक्त। १७ मेकोमी “गे महिनीन। गे ओं आफ आ गुइ र मंबेक्नीनी। मेकोम इन कली मथिप्त्र। गे इसराएल डा पिप दुम्नीनी। गो इन दी डा दुम्नुड। मेको लोत्र ओं आफोम तुइश्शो बाक्व” देमाक्त। १ सामुएल २० :३०-३१; १ सामुएल २४ :२१ १८ मिनु नोले मेको निक्शोमी परमपरभु यावे आ डांडती कवल पाम्से बाक्त। मिनु दाऊद होरशम बाक्माक्त। योनाथन चहिं आ खिं लेम्माक्त। १ सामुएल १८ :३

१९ मिनु जीफ डा मुरपुकीम सावल गिबाम बाक्मेनु “दाऊद आंइ दाते डा बोल्यो खरुइश्शा बाक्तीक होरशम बाक्व। मेको हाकीलाह डांडा र येशीमान आ दक्खिन गे बाक्व। १ सामुएल २६ :१; भजन संग्रह ५४ :२ २० मुल गे गना बरुन्वा दाक्नीनी, मना बरुपीन। मिनु गो मेको कली इन गुइम गेनीकी” दे लात्र पाम बाक्त। २१ मिनु सावलमी “थमा पा परमपरभु यावेम इन कली आसीक गवल। मारदे हना गा ओं कली शिशो पाइतीनी। २२ मुल लशा, चिनु रुपीन। मिनु मेको ते बाक्म? मेको कली सुम तवा तुइक्तीन। मेको मुर आन मिक्च सिक्व बाक्व। २३ मेको तेको खरुइक्तीकम बाक्म, रिम्शो पा रुपीन। मिनु ओं बाक्तीक जाक्वा शंदीनी। मिनु गो गेपुकी नु लाइनुड। मेको एको रागीम बाक्त हना, गो यहूदा आ खिं खिं डा मुर आन दाते र माल्था गरुइनुड” देमाक्त।

२४ मिनु मेकोपुकी रीब पा सावल क्येडा डांडती जीफ गे लमा बाक्त। दाऊद नु आ मुर चहिं अराबाह डा माओनम बाक्मा बाक्त। मेको येशीमान आ दक्खिन गे डा गोरशो रागीम बाक्व। यहोसु १५ :३५ २५ सावल आ मुरपुकी नु मेको आन कली माल्थ गाक्माक्त। दाऊदम मेको लोत्र नंशा, रंगु लुक्च लशा, माओन डा गोरशो रागीम बाक्मा बाक्त। २६ सावल मेको डांडामी लमाक्त। दाऊद नु आ मुर मेको डांडा आ अर्का पटटी बाक्मा बाक्त। दाऊद नु आ मुरपुकी परोक्वा माल्ना माल्ना बाक्मा बाक्त। सावल नु मेको आ नोले खोइक्वपुकीम चहिं मेको आन कली ग्याइक्वा कली आन नेक्था जाक्दीम्मा बाक्त। २७ मिनु लोत्र कुरब मुर का सावल आ बाक्तीक जाक्वा “रीब पा जाक्कीन। मारदे हना पलिस्तीपुकीम इन रागीम मारदे मारदे रोइक्ना रोइक्न श्यत गेशो बाक्नीम” देमाक्त। २८ मोपतीक सावल, दाऊद कली खेदा पचा परोइशा, पलिस्तीपुकी नु लडाइ पथ लेम्माक्त। मोपतीक मेको कली “परोक्पाइक्व रंगु” देनीम। २९ मेको नोले दाऊद डांडा डाइश्शा एन-गेदी डा बोल्यो खरुइश्शा बाक्तीक मेर बाक्माक्त।

दाऊद एन-गेदी डा पुक्सीम बाक्शो

२४ मिनु सावल पलिस्ती आन कली खेदा पा लेम्मेनु, मुरपुकीमी मेको कली “दाऊद एन-गेदी डा गोरशो रागीम बाक्व” दे लोत्र पामे बाक्त। यहोसु १५ :६२ २ मिनु सावलमी इसराएल र योत्रशो हजार सां मुर लाइश्शा, दाऊद कली

रोकोश आन रॉंग गे मला बाक्त। ३ मेको लॉमी भेडा योत्रबपुकी बाक्मा बाक्त। मेको आ नेक्था पुक्खी का यो बाक्माक्त। मिनु सावल मेको आगा डाइक्चा कली ओत्रमाक्त। मेको पुक्खी आ नेल्ल क्येडा आगाम दाऊद नु आ मुरपुकी खरुइश्शा बाक्शा बाक्मा बाक्त। ४ मिनु दाऊद आ मुरपुकीम “परमपरभु यावेम देशो खोदंशो पा इन जोरी सतरु कली इन गुइमी गतीक नाक्त मुलाक्त बाक्ब। एको कली मार पचा दाक्नीनी मेको पने चान्नीनी” देमा बाक्त। मिनु दाऊद सिकसी पा लशा, सावल आ वा आ सुर का रिक्गा बाक्त। भजन संगरह १४२:१ २ मोपा रिक्गा नोले “ला गो पिप आ वा रिक्ता” दे इक्का हिंमाक्त। ६ मिनु दाऊदम आ मुर आन कली “गो आं ठेयब मुर, परमपरभु यावेम तेल लुकशो मुर कली मारइ मपाइनुड। गो मेको कली मसाइक्नुड। मारदे हना मेको परमपरभु यावे आ तेल लुकशो मुर बाक्ब” देमाक्त। ७ मोपा दाऊदम आ मुर आन कली हुइश्शा, सावल कली मारइ पाइक्चा मगेमी बाक्त। मिनु सावल बोक्शा, पुक्खी र आ लां खोदा बाक्त। १ सामुएल १:३४

८ मेको नोले दाऊद यो पुक्खी रे लाङ्गा गुरूमाक्त। मिनु सावल कली “आं परभु, आं पिप” दे बरत्ता बाक्त। मिनु सावल आ नोले लेश्शा कोत्रडा बाक्त। मिनु दाऊद बाप्शा खुम्की पा सउ पवा बाक्त। ९ मिनु दाऊदमी “ग मारदे आं पर्वम मुर आन लोत्र नंनीनी? गो इन कली मरिम्शो पाइब, दे थमा सुइक्नीनी? १० मुलाक्त गेन तुइक्ताक्नी। मुलाक्त पुक्खी आगाम परमपरभु यावेमी इन कली आं गुइम गेशो बाक्त। का निक्शीम ‘इन कली साइक्चा’ थुं पाम्तेक्म। तन्न गो इन कली परांइशा साइक्ताक्ड। मिनु गो “आं परभु, इन कली मसाइक्नुड। मारदे हना मेको परमपरभु यावे आ तेल लुकशो मुर बाक्ब” देती। ११ कोत्रडीन, आं आफ एको आं गुइम बाक्शो वा कोत्रडीन। गो एको रिक्ता, तन्न इन कली मसदु। मोपतीके गे रुपीन। गो इन कली श्येत गेचा नु साइक्चा ममिम्तु। गो इन कली मारइ पाप मपड। मो हना यो ग आं कली साइक्चा दाक्नीनी। १२ परमपरभु यावेम इस दातेम निसाफ पवल। मेकोमी आं पर्वम इन कली क्येक्क लेत्ताक्व हना यो, गो इन कली मारइ मपाइनुड। १३ साइ डांइती डा लोत्रमी भरिम्शोमी मरिम्शान जाक्ब” देशो बाक्ब। मो हना यो गो आं गुइ इन पर्वम मक्युक्नुड। रोमी १२:१९; १ पतरुस २:२३ १४ इसराएल डा पिप

सु का आ पर्वम बोक्शो बाक्बा? गे सु कली खदा पना पन बाक्नीनी? बक्शो कुचुम, चुक्बे का कली खदा पाइनीनी? १५ परमपरभु यावे निसाफ पाइब बाक्ब। मिनु मेकोमी इस दातेम निसाफ पवल। परमपरभु यावेम कोत्रडल। आं परमपरभु यावेम आं कली इन गुइ र परांइब” देमाक्त।

१६ मिनु दाऊद ब्वाक्न थुमा नोले, सावलम “मार, मेको इ संदा बाक्ब, आं तौ दाऊद?” देशो, डाक्माक्त। १७ मिनु मेकोमी दाऊद कली “ग आं क्येडा ठीक पाइब मुर बाक्नेवे। गे आं कली रिम्शो पाप्तीवी। गो चहिं इ कली मरिम्शो पाता। १८ मुलाक्त गे आं कली रिम्शो पाप्तीवी। परमपरभु यावेमी मुलाक्त आं कली इ गुइम गेप्टु। तन्न गे आं कली मसाइय्यी। १९ सुइमी आम जोरी सतरु आन कली थिश्शा, रिम्शो पा लचा मगेब। मोपतीके मुलाक्त इ पशो गेय आ पर्वम परमपरभु यावेम इ कली इनाम गेवल। २० मुल गो थमा पा तुइक्ताक्ड गे पिप दुम्नेवे। इ पालाम इसराएलम थम रिम्शो दुम्ब। २१ मोपतीके परमपरभु यावे आ नंम आं सिं डा मुर आन कली, आं चच युइ आन कली खतम मपाइनुड। आं नं आं आफ आ सिं र मक्याम्नुड, दे कसम जावो” देमाक्त। १ सामुएल २३:१७ २२ मिनु दाऊदमी सावल नु कसम जवा बाक्त। मिनु सावल आ सिं लेम्माक्त। दाऊद नु आ मुरपुकी चहिं आन बोल्यो खरुइश्शा बाक्तीक पुक्खीम लेम्मा बाक्त।

### सामुएल बेक्शो

२५ मिनु सामुएल बेक्माक्त। मिनु इसराएली नल्ल बुक्शा, मेको आ पर्वम रोका पामे बाक्त। मेको कली आ सिं रामाह उइ थिम्म बाक्त। मेको नोले दाऊद पारान डा गोरशो रागीम बरुम्माक्त। १ सामुएल २८:३

### दाऊद, नाबाल नु अबीगेल

२ माओनमी कारमेल डा मुर का बाक्माक्त। मेको शुश शॉप पाइश्शा मुर बाक्माक्त। मेको के हजार सां भेडा नु हजार का क्यारश बाक्मा बाक्त। मेको कारमेल आ भेडा आन ऊन परक्शो बाक्माक्त। यहोसु १५:५५ ३ मेको आ नं नाबाल बाक्माक्त। आ मीश आ नं अबीगेल बाक्माक्त। अबीगेल दारशो नु निप्स पाइश्शा मीश मुर बाक्माक्त। मेको आ वांइश, कालेब आ चच युइ, खकटा थुं पाइश्शा मरिम्शो पाइब बाक्माक्त। ४ दाऊदमी गोरशो रागीम

“नाबालमी आ भेडा आन ऊन परक्शो बाक्व” देशो लोत्र नना बाक्त। ५ मिनु दाऊदमी आ १० ठिटा मुर आन कली “कारमेल लन। मिनु नाबाल कली गरुमीन। मिनु मेको कली आं नमी रिम्शो बाक्कीन” मतीन। ६ मिनु मार देनीन देशा हना इन थुं नाइसक्ल। इन सिं डा मुर थुं नाइश्शा बाक्वा तामेक्ल। गे नु बाक्व नेल्ल थुं नाइश्शा बाक्मल। ७ गे नु भेडा आ ऊन परक्व मुर बाक्नीम, देशो लोत्र नंता। इन भेडा योत्रबपुकी गो नु बाक्शो बाक्तेक्म। मिनु गो मेको आन कली मारइ मरिम्शो मपक। मेकोपुकी कारमेलम बाक्मानु, मेको आन के मारइ मजाम। ८ इन ठिटा आन कली हिल्लो पने। मिनु मेकोपुकीम इन कली शंनीम। मोपतीके आं मुर आन कली रिम्शो पा शिशी पा बरने। मारदे हना मुलाक्त चाड का बाक्व। इन गेय पाइब नु इन तौ दाऊद कली मार गेने चाप्नीनी मेको गेने देत, दे मतीन” देमाक्त। ९ मिनु दाऊद आ ठिटा मुरपुकी लशा, नाबाल कली दाऊद आ नमी मेको लोत्र नेल्ल मदमे बाक्त। मिनु रिम्तमे बाक्त। १० तन्न नाबालमी दाऊद आ मुर आन कली “दाऊद माइश्शो सु बाक्वा? येस्से आ तौ बाक्वा? सिनाक्त मुलाक्ती आन होत्रप रे परोक्शो वाइल शुश बाक्नीम। ११ आं शोब्ले, आं ब्वाक्कु नु ऊन परक्व आन कली सल्थो श्ये लाइश्शा, मतुइश्शो मुर आन कली गेनुडा?” दे माइक्मी बाक्त। १२ मिनु दाऊद आ ठिटा मुरपुकी लेश्शा, जाक्दीश्शा, दाऊद कली मेको लोत्र नेल्ल शंदमे बाक्त। १३ मिनु दाऊदम आ मुर आन कली “नेल्लमी आंम आंम तरवार पिम्सीन” देमाक्त। दाऊदमी यो आ तरवार पिम्से बाक्त। मिनु ४ सहं जना खोइ मुर दाऊद आ नोले खोदमे बाक्त। सहं निक्शी मुर चहिं मार मार खाल पचा कली मेक उइ बाक्मा बाक्त।

१४ मिनु नाबाल आ ठिटा मुर कामी नाबाल आ मीश अबीगेल कली “दाऊदम गोरशो रागी रे आ मुर आन कली आंइ होत्रप कली मान पा, मार मार पुंइथ सोइश्शो बाक्त। तन्न आंइ होत्रपमी मेको आन कली हुइक्ताक्व। १५ मेको मुरपुकीम आंइ कली रिम्शो पशो नम। आंइ कली मारइ श्येत मगेम। गोपुकी मेकोपुकी नु ब्वाकीम नाक्दो नाक्ती एर आंथ पकानु, आंइ के मारइ मजाम। १६ गो आंइ भेडा योत्रदीकानु, मेकोपुकी नाक्दो नाक्ती आंइ एर आंथ गारो खोदंशो पा बाक्तेक्म। १७ गे मार पचा माल्नीनी मेको रिम्शो पा मिम्तीन। मारदे हना, आंइ होत्रप नु आ सिं

थमा पा खतम दुम्ब। आंइ होत्रप थम मरिम्शो बाक्व। मेको नु लोत्र पने सुइ मचाप्त्र” देमाक्त।

१८ मोपतीके अबीगेलम रीब पा सहं निक्शी शोब्ले, थेलो निक्शी अङ्गुर शांबु, क्योरशा ठीक सल्थो ५ आटा भेडा, ५ एफाह तांबरा, सहं का सोत्रपाइश्शो अङ्गुर के शोब्ले नु सहं निक्शी सोत्रपाइश्शो फोत्रशी गडा के शोब्ले ठीक पा गधा आन कली कुरपदा बाक्त। एफाह का ७ लिटर खोदंशो पा रीब। १९ मिनु मेकोमी आ ठिटा गेय पाइब आन कली “गे आं डोइती लने। गो इन नोले पीनुड” माइक्मी बाक्त। तन्न आ वोइश नाबाल कली मेको मशंदा बाक्त। २० मिनु मेको डांडाम फारतीके र गधा लना लन बाक्मानु, दाऊद नु आ मुरपुकी मेको आन गे लुक्च बरुम्ना बरुम्न बाक्मा बाक्त। मिनु अबीगेलमी मेको आन कली गरुमा बाक्त। २१ मिनु दाऊदमी “गोरशो रागीम मारइ मजाम्चा डा पा, मेको मुर आ मार मार खाल पशो मोशा दुम्त। मेकोम आ कली रिम्शो पाइश्शो आ पा डा, आं कली मरिम्शो पाइक्ती” देमाक्त। २२ मिनु दाऊदमी “दीसा सुनी सम्म गो मेको आ सिं डा वोइश मुर नेल्ल मसाइक्ताक्मी हना, परमपरमुम आं कली मोन पवल” दे कसम जवा बाक्त।

२३ मिनु अबीगेलमी दाऊद कली तशा, आ गधा रे फरु तोइश्शा, दाऊद आ डोइती बाम्माक्त। २४ मेको आ खोइलीम बाप्शा “आ परमु, दोस ताइब गो नडु। इन वाइलीम कली ब्वाक्चा गेने। आं लोत्र ननीन। २५ आ परमु, मेको शार गाक्शो मुर आ परबम मगाइक्तीन। मेको आ नें दोपा नाबाल बाक्म, मेको मो देशोन बाक्व। आ नें नाबाल बाक्व। मिनु मेको मूर्ख बाक्व। तन्न गो, इन गेय पाइबम, इन सोइश्शा ठिटा आन कली मतडमी।

२६ आ परमु, परमपरमु यावे ब्रांइशा बाक्शो खोदंशो पा नु इन ब्रांइशा बाक्शो खोदंशो पा, परमपरमु यावेमी इन कली हुश खराक्श पोक्तीके नु क्यक्क लेक्तीके रे तेक्शो बाक्व। इन जोरी सत्ए नु इन कली मरिम्शो पाइब नाबाल खोदंशो दुम्मल। २७ मिनु इन गेय पाइबम, आ परमु, इन कली चाक्शो कोसली इन नोले खोइक्व ठिटा आन कली गेने। २८ इन गेय पाइब आ मरिम्शो पशो डा आं कली माफ गेयीनी। परमपरमु यावेमी आं परमु, इन सिं डा मुर आन कली गेना हना यो रिम्शो पवल। मारदे हना गे परमपरमु यावे आ परबम लडाइ पशो बाक्नीनी। गे बाक्नी सम्म इन कली मारइ मरिम्शो मद्दुम्ब।

२सामुएल ७:१६ २९ सुइ मुरुम इन कली खेदा पा साइक्का माल्तु हना, परमपरभु यावे, इन परमपरभुमी इन कली कोवब। तन्न इन जोरी सतरु आन कली चहिं हरदम वोइश्शा ताइश्शा फुल्लु खोदंशो पा ताइक्व। भजन संगरह ६९:२९ ३० परमपरभु यावेम आं परभु, इन कली, आ देशो खोदंशो पा रिम्शो पाप्नु हना नु इन कली इसराएल डा सासन पाइब सल्लु हना, २सामुएल ५:२ ३१ गो मो हुश खराक्श पोक्तीक नु इन गाइश्शोमी मरिम्शो पशो आ पर्वम सुतो पचा ममाल्नीनी। इन थुं खोइक्पाइक्का ममाल्नीनी। मिनु परमपरभु यावेमी इन कली रिम्शो पाप्नु हना, इन गेय पाइब, आं कली यो मिम्तीन” देमाक्त।

३२ मिनु दाऊदमी अबीगेल कली “मुलाक्ती आं कली गरुम्पाइक्का कली इन कली सोइक्व परमपरभु यावे, इसराएली आन परमपरभु ठेयब बाक्ल। ३३ इन मिम्तीक रिम्शो बाक्व। गो मुलाक्ती आं कली हुश खराक्श पोक्तीक नु क्यक्क लेक्तीक रे तेक्तीक आसीक राइनीनी। ३४ मिनु परमपरभु यावेम आं कली इ कली श्येत गतीके रे तेक्शो बाक्व। मारदे हना गे रीब पा आं कली गरुम्थ जाक्तीनी। मो मपशो ननी हना परमपरभु यावे, इसराएली आन परमपरभु ब्रांइशा बाक्शो खोदंशो पा, सुनी सम्म नाबाल आ खिं डा वोइश मुर का सम्म यो मलीम वा” देमाक्त। ३५ मिनु दाऊदमी अबीगेलमी आ कली चाक्शो कोसली बरवा बाक्त। मिनु “इन थुं नाइश्शा खिं लेतीन। गो इन लोव्र नेशा बिस्साक्यी” देमाक्त।

३६ मिनु अबीगेल लेश्शा जाक्मेनु, नाबालमी आ खिंमी, पिपम खोदंशो पा ठेयब भोज सल्लशा भोज पशो तवा बाक्त। नाबाल ग्येरसीशा शांबुम दुक्शा बाक्शो बाक्माक्त। मेको थाम्पा दुक्शा बाक्तीक आ मीशेमी सुनी सम्म रिम्शो मरिम्शो मारदे शंन मचवा बाक्त। ३७ सुनी शांबुम परोना नोले आ मीशेमी लोव्र नेल्ल शंदा बाक्त। मिनु मेको आ लुडगीर खाइश्शा, फुल्लु खोदंशो दुम्माक्त। ३८ मिनु १० नाक्त नोले परमपरभु यावेमी मेको कली बक्पदा बाक्त।

३९ मिनु दाऊदम नाबाल बेक्शो लोव्र नेशा मेकोमी “परमपरभु यावे ठेयब बाक्व। मारदे हना मेकोमी आं कली मरिम्शो पशो आ पर्वम नाबाल कली सजाइ गेप्नु। मिनु आ गेय पाइब, आं कली मरिम्शो पतीक रे तेक्ती। नाबाल आ मरिम्शो पशो आ पियामीन मोइक्तु” देमाक्त।

मिनु दाऊदमी अबीगेल कली आ मीश सेल्वा कली लोव्र पथ मुर सोइक्ता बाक्त। ४० मिनु दाऊद आ गेय पाइबपुकी अबीगेल आ बाक्तीक कारमेल लशा, मेको कली “दाऊदमी गे नु ग्युंबे पचा कली आंइ कली बरथ सोइक्ताक्व” देमा बाक्त। ४१ मिनु अबीगेल बाक्शो बाप्शा सज पा “गो इन गेय पाइब आन खोइल चिक्व वाइलीम नड” देमाक्त। ४२ मिनु अबीगेल रीब पा सास बाक्त। गधा डोइश्शा आ ५ जना गेय पाइब लाइश्शा लोव्र चाक्व दाऊद आ मुरपुकी नु लमाक्त। मिनु मेको आ मीश दुम्माक्त। १सामुएल २७:३; १सामुएल ३०:५; २सामुएल ३:३

४३ दाऊदम मेको क्येडा डांइती येजेरल डा अहीनोआम कली यो ग्युंबे पशो बाक्माक्त। मिनु मेको निम्फा मेको आ मीश दुम्सा बाक्त। ४४ मना सावलमी आ तमी, दाऊद आ मीश मिकाल कली गाल्तीम डा लाइश आ तौ पाल्ती कली गेवा बाक्त। २सामुएल ३:१४-१५

दाऊदम सावल कली मसाइश्शा

१ मिनु जीफ डा मुरपुकी सावल आ २६ बाक्तीक गिबाम जाक्शो “दाऊद येशीमोन आ आइक्की हाम हाकीलाह डांडाम खरुइश्शा बाक्शो बाक्व” दे शंदम बाक्त। १सामुएल २३:१९-२४:२३; भजन संगरह ५४:२ २ मिनु सावलमी दाऊद कली माल्वा, दे हजार सां इसराएल डा योव्रशो मुरपुकी लाइश्शा, रीब पा जीफ डा गोरशो रागी गे लमाक्त। ३ येशीमोन आइक्की हाम डा हाकीलाह डांडा डा लो आ नेक्था आन बाक्तीक सल्लम बाक्त। मेना दाऊद चहिं गोरशो रागीमी बाक्माक्त। मिनु सावलम आ कली खेदा पचा कली गोरशो रागीम जाक्शो बाक्व देशो लोव्र नेशा चोटीन ४ दाऊदमी क्यारी पाइबपुकी सोइक्ता बाक्त। मिनु सावल आ बाक्तीक तुइश्शा लेम्मा बाक्त। ५ मिनु दाऊद सावल आ बाक्तीक गे लमाक्त। मिनु सावल नु आ लडाइ पाइब आन नेल्ल क्येडा ठेयब मुर, नेर आ तौ आन्नेर इप्शा बाक्शो थिदा बाक्त। आ मुर नेल्लेम एर आंथ रे हिरतीकेमी सावल इप्शा बाक्माक्त। १सामुएल १४:५ ६ दाऊदमी हिती अहीमलेक नु सरुयाह आ तौ योआब आ लोक्व अबीशे गे लेश्शा कोव्रशा “सावल आ बाक्तीकेम गो नु सु लने चाप्वा” देमाक्त। मिनु अबीशेमी “गो लाइनुड” देमाक्त। ७ मिनु नाक्दो दाऊद नु अबीशे सावल आ बाक्तीकेम

ओव्रसा बाक्त। मिनु सावल आ मुर आन दातेमी आ तृतीक आ पिया गे खरुक्शा, इप्शा थित्से बाक्त। आब्नेर नु आ मुरपुकी चहिं सावल आ एर ओथ हिरशा इप्शा बाक्मा बाक्त। ८मिनु अबीशेमी दाऊद कली “परमपरभुम मुलाक्ती इन ज़ारी सतरु आन कली इन गुइमी गंशा बाक्माक्त। तृतीकम कालमीन खप सम्म गुरुक्सीचा डा पा आप्वा कली हुकुम गेयीनी। गो खयप निक्शा आप्वा ममाल्डल” देमाक्त। २सामुएल १६:९ १तन्न दाऊदमी अबीशे कली “पिप कली साइक्चा ममिस्तो। परमपरभु यावे आ तेल लुक्शा कली साइक्चपुकी सु चहिं सजाइ मतशा बाक्वा डा?” देमाक्त। १०मिनु दाऊदमी लंशा “परमपरभु यावे बरोइशा बाक्शा खोदंशो पा, मेकोमीन मेको कली काबु साइक्च कि आ बेक्ची नाक्त जाक्शा बेक्च कि लडाइम लशा साइक्चा पुंडसीब। १सामुएल २४:१३ ११गो परमपरभु यावे आ तेल लुक्शा पिप कली गेनायो मरिम्शो मपाइनुड। तन्न मुल मेको आ पिया गे खरुक्शा तृतीक नु आ ब्याक्कु तृतीक ग्यांब कुरशा गाक्स” देमाक्त। १२मिनु दाऊदम मेको आ पिया आ नेक्था बाक्शा तृतीक नु आ ब्याक्क तृतीक कुरशा गाक्सा बाक्त। सुइमी मेको आस कली मताम बाक्त। मिनु सुइ मसंसीमा बाक्त। मारदे हना परमपरभु यावेम मेको आन कली मारदे मतुइक्चा डा पा निन्दरा पपदा बाक्त। उत्पती १५:१२

१३मिनु दाऊद आइक्ची हाम लशा, डांडा डाइइशा मेको आन वयडा डोन राम्माक्त। १४मिनु दाऊदम नेर आ तो आब्नेर आ नें थिशा “ए आब्नेर, गे आं लोव्र लेत्ती” देमाक्त। मिनु आब्नेरमी “गे पिप कली हुइइशा लोव्र पाइब सु नवे” देमाक्त। १५मिनु दाऊदमी आब्नेर कली “मार गे मुर मनवे। मार इसराएलमी अरु यो इ खोदंशो मुर बाक्नीमी? गे मारदे इ परभु, पिप कली रिम्शो पा खाल मपवी? मारदे हना आं मुर का इ परभु, इ पिप कली साइक्चा कली मेकर जाक्त। १६इन पशो मरिम्शो बाक्व। परमपरभु यावे बरोइशा बाक्शा खोदंशो पा गे साइक्चा पुंडसीचा डा बाक्नीनी। मारदे हना गे इन परभु कली खाल मपनी। परमपरभु यावे आ तेल लुक्शा कली खाल मपनी। लो कोव्रडीन, मेको इन पिप आ पिया गे बाक्शा आ तृतीक नु ब्याक्कु तृतीक ग्यांब ते बाक्म?” देमाक्त। १७मेना सावलमी दाऊद आ सेंदा नंशा “आं तौ दाऊद, मेको इ सेंदा बाक्वा?” देमाक्त। मिनु दाऊदमी “आं

परभु, आं पिप, आं सेंदा बाक्व” दे लोव्र लेत्ता बाक्त १८मिनु दाऊदम “आं परभु, मारदे गे इन गेय पाइब, आं कली, सेंदा पाइनीनी? गो मार पडा डा? आं दोस मार बाक्वा? १९मोपतीक आं परभु नु आं पिप, इन गेय पाइब, आं लोव्र नेनीन। परमपरभु यावेमी इन कली आं कली सेंदा पपाइक्चा कली पाक्शा बाक्त हना, मेकोमी चदेतीक का ब्राइबा को। तन्न बेक्शा लाइब मुरुम इन कली आं कली खेदा पचा कली पाक्शा बाक्त हना, मेको परमपरभु यावे आ डांइती सराप रल। मारदे हना मेकोपुकीम मुलाक्त आं कली परमपरभु यावे आ गेशो रू र खरशा लावो, अरु देवी देवता आन कली सेउ पावो” दे लोव्र पास्तेक्म। उत्पती ८:२१; व्यवस्था ३२:९; २राजा ५:१७ २०मोपतीके परमपरभु यावे वयडा डोन आं हुश मशाइक्पतीन। मारदे हना इसराएल डा पिप चुक्चे का कली माल्थ गुरुशा बाक्व। मेको पहाडम थेल्मी सिखार ग्यारशा खोदंशो दुम्त” दे सावल कली देमाक्त।

२१मिनु सावलमी “गो मरिम्शो पाता। आं तौ दाऊद, लशशा जाक्को। मुलाक्ती गे आं कली बरोइचा गेती मुल रे गो इ कली गेनायो श्येत मगेनुड। गो मूर्ख दुम्ती। गो थमा पा मरिम्शो पाता” देमाक्त। २२मिनु दाऊदमी “पिप आ तृतीक एक बाक्व। इन ठिटा मुर का कुशा लदल। २३परमपरभु यावेम ठीक पाइब नु थमा सुइक्चा पुंडसीब मुर आन कली इनाम गेब। मिनु मुलाक्ती परमपरभु यावेमी इन कली आं गुइमी गान्तु। तन्न गो परमपरभु यावे आ तेल लुक्शा कली साइक्चे मबिस्सीड। २४दोपा मुलाक्त गो इन बरोइतीक ठेयब मिम्तु, मोपा परमपरभु यावेम आं बरोइतीक कली ठेयब मिम्तल। मिनु आं कली हिंचा डा श्येत नेल्ल रे परांइयील” देमाक्त। २५मिनु सावलमी दाऊद कली “आं तौ दाऊद, गे आसीक रवल। गे शुश गेय पशा, नेल्ल रिम्शो पाइनेवे। मिनु गे गुरानेव” देमाक्त। मिनु दाऊद आ लां खोदा बाक्त। सावल चहिं आ बाक्तीक मेर लेम्माक्त।

दाऊदमी बाक्तीक पुंडशो

२७ १दाऊदमी “काबु सावलम आं कली साइक्च। मोपतीके पलिस्ती आन रागीम आं कली परोक्शा लचा रिम्शो दुम्ब। मिनु सावलमी इसराएल आगामी आं कली माल्त्वा परांइब। मिनु गो मेको आ गुइ रे बरोइनुड” दे मिम्ता बाक्त। १सामुएल २३:२३

२मोपतीके दाऊद नु आ ६ सह मुर रीब पा सांद लाकशा, गाथ डा पिप माओक आ तौ अकीश आ बाक्तीकम लमा बाक्त। १सामुएल २१ :११-१६ ३दाऊद आ लडाइ पाइब मुर, मेको आन खिं डा मुर नु दाऊद नु आ मीश निक्शी, यज्जरल डा अहीनोआम नु कारमेल डा बेक्शो नाबाल आ मीश अबीगेल गाथम अकीश नु बाक्मा बाक्त। १सामुएल २५ :४०-४३ ४दाऊद गाथम प्रोक्शा लत देशो लोत्र मुरुमी सावल कली नंपदम बाक्त। मिनु मेकोम दाऊद कली माल्वा प्रोना बाक्त।

५दाऊदम अकीश कली “गे आं कली शिशी पाइतीनी हना, आं कली इन रागी डा तेकोइ सहरम बाक्चा गेयीनी। गो दोपा पिप नु पिप आ सहरम बाक्नुडा ?” दंमाक्त। ६मिनु मेको नाक्ती अकीशम मेको कली सिकलाग गेवा बाक्त। मोपतीके मुल सम्म सिकलाग यहूदा डा पिप आन के बाक्ब। यहोसु १५ :३१ ७दाऊद पलिस्ती आन रागीम बर्स को ४ महिना सम्म बाक्माक्त।

८दाऊद नु मेको आ मुरपुकी लडाइ पथ गरूमानु, गेशुरी, गिरजी अमालकी आन मारइ मारइ रोइक्बाक्मा बाक्त। मारदे हना मेकोपुकी तेलाम रे शुर सम्म नु इजीप्त सम्म बाक्बाक्मा बाक्त। ९दाऊदमी मेको आन रागीम मार मार रोइक्तानु, मेकर डा वांइश मुर मीश मुर सुइ आन कली का यो मवोइक्थु साइक्बाक्माक्त। क्यारश भडा, बी ब्यफ, गधा, दलआंठ वासी नेल्ल लाइश्शा अकीश आन बाक्तीक लेप्चाक्मा बाक्त। १०मिनु अकीशमी मेको कली “मुलाक्त गे ते रोइक्तीनी” दे हिल्लो पाइक्बाक्माक्त। मिनु मेकोमी “यहूदा रागी डा नेगेब, येराहमेल आ मुर आन नेगेब नु केनी आन नेगेबम रोइक्ताक्क” देबाक्माक्त। ११दाऊदमी सेस मीश मुर वांइश मुर आन कली गाथम मचाक्बाक्माक्त। मारदे हना मेको आन पशो गेय आ पर्वम दाऊद नु आ मुर आन कली मरिश्शा सेल्लमी, दे दाऊद हिंबाक्माक्त। पलिस्ती नु बाक्म सम्म मेकोम मोदेशो पवा बाक्त। १२अकीशम “दाऊदम आंम रागी इसराएलमी मरिश्शा पतीके मेक बाक्चा मताइब। मोपतीके गेना हना यो आं मुर दुम्शा गो नु बाक्ब” दे मिश्शा बाक्माक्त।

### लडाइ दुम्चशो

१मेना पलिस्तीपुकीम इसराएल नु लडाइ २८ पचा, दे आन लडाइ पाइब मुर आन कली सुप्तम बाक्त। मिनु अकीशम दाऊद कली “गे

नु इ मुरपुकी लडाइ पचा कली गो नु लडाइ पतीकम लचा माल्लीनी। देशो लोत्र तुइश्शा बाक्ड माइ” दंमाक्त। २मिनु दाऊदमी अकीश कली “दुम्ब इन गेय पाइबम मार पने चाप्चा, मेको गे तुइक्नीनी” दंमाक्त। मिनु अकीशमी दाऊद कली “गो इ कली बाक्ड सम्म आं कली खाल पाइब सेल्लन” दंमाक्त।

### सावल नु एन-डोर डा मीश मुर

३सामुएल बेक्ने थुम्शो बाक्माक्त। मिनु इसराएली नेल्लमी मेको आ पर्वम रांका पा मेको कली मेको आ सहर रामाहम थिम्शो बाक्मा बाक्त। सावलमी बेक्शो मुर रे लोत्र पाइब नु लिंक्यु कोत्रब आन कली मेको रागी रे गरुंडन थुम्शो बाक्माक्त। १सामुएल २५ :१ ; परस्थान २२ :१७ ४पलिस्तीपुकीमी नेल्ल क्यडा सक्ति पाइश्शा आन लडाइ पाइब आन कली गरुम्पाइश्शा, शुनेम सहरम आन बाक्तीक सेल्लम बाक्त। सावलम इसराएली नेल्ल आन कली गरुम्पाइश्शा गिल्लोआम आन बाक्तीक सेल्लशा बाक्मा बाक्त। यहोसु १९ :१८ ५मिनु सावल पलिस्ती आन नेल्ल क्यडा सक्ति पाइश्शा लडाइ पाइब कली तशा, थाम्पा हिंशा खिरंखिर पवा बाक्त। ६मिनु सावलम परमपरभु यावे कली हिल्लो पवा बाक्त। तन्न परमपरभु यावेम डोमुम, ऊरीम नु परमपरभु यावे आ लोत्र पाइब आन रे लोत्र मलेत्ता बाक्त। १सामुएल १४ :४१ ; परस्थान २८ :३० ७मोपतीक मेकोमी आ गेय पाइब आन कली “आं कली बेक्शो मुर नु लोत्र पाइब मीश मुर का मालीन। गो मेकर लशा, मेको कली हिल्लो पाइनुड” दंमाक्त। मिनु “एन-डोरम मोदेशो मीश मुर का बाक्ब” दे आ गेय पाइबपुकीमी दंमा बाक्त। लेवी १९ :३१ ८मिनु सावल अर्का वा फेक्शा, आ मुर निक्शी नु मेकर लमाक्त। मिनु नाक्दो मेको मीश मुर आ बाक्तीक जाक्दीशा, मेको कली “आं कली मार दुम्बा बेक्शो मुर कली हिल्लो पा शंदीनी। मिनु गो तेको बेक्शो मुर कली बरत्वा देनुडा, मेको कली बरतीन” दंमाक्त। ९मेको मीश मुरुम मेको कली “सावलम मार पवा मेको गे तुइक्नीनी। मेकोमी बेक्शो मुर नु लोत्र पाइब नु लिंक्यु कोत्रब नेल्ल कली रागी रे गरुंडशा खेरतु। मिनु गे मारदे आं कली साइक्पाइक्चा कली ओदेशो गेय पपाइक्चा माल्लीनी ?” दंमाक्त। १०मिनु सावलमी परमपरभु यावे आ नंम कसम जशा, मेको कली “परमपरभु यावे बरांइशा बाक्शो

सोदेशो पा, गे एको गेय आ पर्वम मारइ सजाइ मताइनीनी” देमाक्त। ११मिनु मेको मीश मुरुम “सु कली बरत्त्वा” दे हिल्लो पवा बाक्त। मिनु सावलमी “सामुएल कली बरत्त्वा” देमाक्त। १२मिनु मेको मीश मुरुमी सामुएल कली तशा ठयब संदा पा गरीशा सावल कली “गे आं कली मारदे मरिम्शा पवी? गे सावल बाक्ड बाक्त” देमाक्त। १३मिनु पिपम मेको कली “महिना। गे मार तवी” देमाक्त। मिनु मेको मीश मुरुम “गो स्वर्ग डा गेय पाइब सोदेशो खप र गरुशा ताता” देमाक्त। १४ मिनु सावलमी “मेको दोदेशो बाक्म” दे हिल्लो पवा बाक्त। मिनु मेकोमी “खूशो मुर का गरुशा कुत। मेकोमी दारशा वा फेक्शा बाक्त” देमाक्त। मिनु सावलमी मेको सामुएल बाक्ब, दे तुइश्शा खुम्की पा बाप्शा सउ पवा बाक्त।

१५मिनु सामुएलमी सावल कली “गे मारदे आं कली श्येत गेशा, गरुंडदीनी?” देमाक्त। मिनु सावलमी “गो थम ठेयब श्येतम बाक्नुड। पलिस्तीपुकीम आं कली लडाइ तोशा बाक्नीम। परमपरभुम आं कली परांडती। मेकोम आं कली आ लोत्र पाइब नु डोमु र लोत्र मलेत्ती। मोपतीके गो इन कली ‘मुल मार पचा माल्लुडा’ दे हिल्लो पचा कली बरत्ताक्नी” देमाक्त। १६मिनु सामुएलमी “परमपरभु यावेम इ कली परांडशा, इ जारी सतरु दुम्शा बाक्ब, दे तुइश्शा यो, गे आं कली मारदे हिल्लो पयी। १७ परमपरभु यावेम डांडती आं कली देशो सोदेशो पा पाप्नु। परमपरभु यावेमी मेको राज्य इ गुइ र लाइश्शा, इ नेक्था डा मुर दाऊद कली गेशा बाक्ब। १८सामुएल १५ :२८ १५ मारदे हना गे परमपरभु यावे आ देशो मटिवी। अमालकी आन पर्वम परमपरभु यावे आ गाइश्शा गे मखबी। मोपतीके मेकोम सोदेशो पाप्नु। १९सामुएल १५ :१८-१९; परस्थान १७ :१४,१६ १९ मुल चिनु तेम्शा, परमपरभु यावेमी इसराएली नु इ कली पलिस्ती आन गुइमी गेब। दोसा गे नु इ तौपुकी गो नु बाक्नीनी। परमपरभु यावेमी इसराएल डा लडाइ पाइब नेल्ल आन कली पलिस्ती आन गुइमी गेब” देमाक्त। १९सामुएल ३१ :६

२०मिनु सावल सामुएल आ लोत्र नंशा हिंशा, आ थुं ग्यत्थ लुक्च दुम्शा, खपीम गोल्माक्त। मिनु नाक्त र नाक्दो र मारइ मजतीके मेको आ बोल नेल्ल जाम्माक्त। २१मिनु मेको मीश मुर सावल आ नेक्था लशा, सावल शुश हिंशो तशा, सावल कली “गो बक्चा आ पर्वम महिंथु, इन देशो टीता। २२मोपतीके मुल गे आं लोत्र ननीन।

गो इन कली जचा थोत्रक गेनुड। बोल्यो दुम्शा इन लां गाक्चा कली मेको जने” देमाक्त। २३मिनु सावलमी “गो मजाइनुड” देमाक्त। तन्न आ गेय पाइबमी यो मेको मीश मुर आ देशो लोत्रमी लोत्र तेम्दा बाक्त। मिनु मेको आन देशो लोत्र विशशा, खप र बाक्शा, खाटम निस्स बाक्त। २४मेको मीश मुर आ खिमी दोम्शा बाच्छा का बाक्माक्त। मेको मीश मुरुम मेको बाच्छा क्यारशा क्यशा, फस निवा बाक्त। मिनु बारब ओस्ती मसुप्शा शोप्ने चोवा बाक्त। परस्थान १२ :३९ २५मिनु मेकोमी, सावल नु आ गेय पाइब आन कली खरत्तीमी बाक्त। मिनु मेकोपुकीम मेको जशा व्जशा मेको नाक्दोन गाक्मा बाक्त।

दाऊद पलिस्ती नु बराशा

२९ पलिस्तीपुकीमी लडाइ पाइब आन कली अफेकम पुक्याम बाक्त। इसराएलीपुकीम चहिं येजेरल डा ब्वाक्कु बुक्तीकेम आन बाक्तीक सेल्मे बाक्त। १सामुएल ४ :१; यहोसु १५ :२३ २पलिस्ती आन ठेयब मुरुम आन नेल्ल क्येडा सक्ति पाइश्शा लडाइ पाइब आन कली सहे सहे नु हजार हजार डा हुल पा कप्तान दुम्मा बाक्त। दाऊद नु आ मुरपुकी नोले डा हुलमी अकीश नु गाक्शा बाक्मा बाक्त। यहोसु १३ :३ ३मिनु पलिस्ती आन ठेयब मुरपुकीम “एको हिबरुपुकी मारदे पिमा?” देमा बाक्त। मिनु अकीशमी “एको इसराएल डा सावल आ गेय पाइब दाऊद बाक्ब। एको गो नु बर्स का क्येडा यो शुश बाक्त। एको गो नु बाक्म र मारइ मरिम्शा मतड” देमाक्त। १सामुएल २७ :७ ४तन्न पलिस्ती आन ठेयब मुरपुकी गाइश्शा, अकीश कली “मेको मुर कली इन गेशा आ बाक्तीकेम सोइक्तीन। मेकोम आंइ कली वारच पा लडाइ मपवल। मो पाप्नु हना, मेकोम आंइ कली वारच पखु पा मरिम्शा पाइब। आंइ कली साइश्शा आ परभु आ शिशी तचा मेको कली नेल्ल क्येडा रिम्शा बाक्ब। ५एको दाऊद बाक्ब। एको आ पर्वम डांडती मुरपुकीम ‘सावलम हजार हजार आन कली साइक्तीमी। तन्न दाऊदमी १० हजार हजार आन कली साइक्तीमी’ दे कुम्सो पना पन, सिल पाम्तेक्म” देमा बाक्त। १सामुएल १८ :७ ६मिनु अकीशमी दाऊद कली बरश्शा “परमपरभु यावे बरांडशा बाक्शा सोदेशो पा, गे थमा सुइक्चा पुंडसीब मुर बाक्नवे। मिनु गे गो नु लडाइ पचा कली आं कली ठीक बाक्ब।

मारदे हना इ जाकशो रे मुल सम्म गेम मारइ मरिम्शो पशो मतड। तन्न मेको कप्तानपुकीमी इ कली थमा मसुइकनीम। ७मोपतीक गे रिम्शो पा लेश्शा खिं लावो। मेको पलिस्ती आन ठेयब मुर आन मिम्शो खोंदंशो पा मरिम्शो मपावो” देमाक्त। ८मिनु दाऊदमी अकीश कली “गो मार पडा डा? गो इन गेय पचा गोडा रे गे आं कली मार मरिम्शो पशो तनी? गो आं परभु, आं पिप, आ जोरी सतरु नु लडाइ पचा मताइकनुडा?” देमाक्त। ९मिनु अकीशम दाऊद कली “गे आं पर्वम दोस मताइब नु परमपरभु आ स्वर्ग डा गेय पाइब खोंदंशो बाकनेवे। तन्न पलिस्ती आन कप्तानम गे मेकोपुकी नु लडाइ पथ लचा महुम्नवे” देतेकम। २सामुएल १४:१७ ११मोपतीक दीसा सुनी कना बाकशा, गे नु इ नोले खोइकब मुरपुकी आं गेशो सहरम लेतीन। दीसा सुनी कना बाककीन। मिनु नां सोत्रम चोटीन लने” देमाक्त। ११मोपतीक दाऊद नु आ मुरपुकी पलिस्ती आन रागी लेत्वा कली सुनी कना बाकमा बाक्त। पलिस्तीपुकी चहिं येजरेल डा लां खोंदम बाक्त।

दाऊदम सिकलाग डा मुर परोइशो

३० १मिनु लेम्मा आ नित्य नाकती सिकलाग जाकदीम्मा बाक्त। मेना अमालेकीपुकीमी नेगेब रोइकन थुम्शा, सिकलागम लडाइ तोशा मी सुइश्शो बाकमा बाक्त। १सामुएल २७:६ २मेकोपुकीम मीश मुर, आइकब नु ठेयब मुर नेल्ल आन कली मसाइकथु संसीन लाइश्शो बाकमा बाक्त। मेकोपुकीमी मेको आन कली डॉइडॉइती गाकपाइश्शा लाइकना लाइकन बाकमा बाक्त। ३दाऊद नु आ मुरपुकी मेकर जाकदीम्मानु, सहर कली मीम करोइश्शो नु मेको आन मीश नु तमी तौ नेल्ल आन कली योल्शो तुइकतमे बाक्त। ४मिनु दाऊद नु मेको नु बाकशो मुरपुकी डाकने मचाप्यरी डाकमा बाक्त। ५दाऊद आ मीश निम्फा येजरेल डा अहीनोआम नु कारमेल डा बेकशो नाबाल आ मीश अबीगेल निम्फा ग्याइश्शा लाइकचा पुंडसीसा बाक्त। १सामुएल २५:४२-४३ ६दाऊद कली हिंचा डा दुम्शा बाक्त। मारदे हना मुरपुकीम मेको आन तमी तौ नेल्ल योल्ने थुम्तीक, दाऊद कली फुल्लु आप्शा साइकनीकी देशो बाकमा बाक्त। तन्न दाऊदमी परमपरभु यावे, आ परमपरभु कली सक्ति पुना बाक्त।

७मिनु दाऊदमी अहीमेलक आ तौ चदेब अबीयाथार कली “निसाफ पतीक ऊरीम नु थुम्मीम बाकशो एफोद चाकको” दे मदा बाक्त। मिनु चाकगा बाक्त। १सामुएल २३:९ ८मिनु दाऊदमी परमपरभु यावे कली “मार, गो मेको रोइकब आन कली खंदा पडा? गो मेको आन कली थिन्न चानुडा?” देमाक्त। मिनु “मेको आन कली खंदा पावो। थमा पा, गे मेको आन कली थिश्शा, नेल्ल आन कली परोइने चानेवे” देशो नेना बाक्त। ९मिनु दाऊद नु मेको आ ६ सहं मुर गाकमा बाक्त। मिनु बेसार डा खोल्सा सम्म जाकदीम्मा बाक्त। मेकर दशा गाकने मचाप्यरी बाकमा बाक्त। १०मिनु मेको आन दाते डा सहं निकशी मुर थाम्पा दशा, बेसार खोल्सा शोक्ने मचाप्यो बाकमा बाक्त। मिनु मेकोपुकी मेकर बाकमा बाक्त। दाऊद चहिं ४ सहं मुर लाइश्शा खंदा पचा कली लमाक्त।

११मोपा गाकना गाकन लमानु, मेकोपुकीमी इजीप्त डा मुर का थित्मे बाक्त। मिनु मेको कली दाऊद आ बाकतीक चाकगमे बाक्त। मिनु मेको कली जचा तूचा गेम बाक्त। मिनु मेकोमी जवा तूडा बाक्त। १२मेको कली डल्ला का फोत्रशी गेडा नु डल्ला निकशी सोकशो अडगुर यो गेम बाक्त। मिनु मेको नेकगा नोले मेको आ सोक्त पिमाक्त। मारदे हना मेकोम नाक्त सां नु नाकदो सां सम्म मारइ मजशो बाकमाक्त। १३मिनु दाऊदम मेको कली “गे ते रे जाकशो नवे। सु आ मुर नवे?” दे हिल्लो पवा बाक्त। मिनु मेकोमी “गो इजीप्त डा ठिट्टा का नड। अमालेकी का आ वाइल नड। तन्न गो नाक्त सां डॉइती रे रोइ पतीक आं होत्रपम आं कली परोइशा गाक्त। १४गो यहूदा रागी डा केरथी आन नेगेब डा मारइ मारइ नु कालेब आ नेगेब तेइ तेइ रोइकताक। मिनु सिकलाग सहरम मी सुइकताक” देमाक्त। २सामुएल ८:१८; यहोसु १४:१३ १५मिनु दाऊदमी “गे आंइ कली लां कांइशा मेको आन बाकतीक चाकदीन्ने चानेवे?” देमाक्त। मिनु मेकोमी “गे परमपरभु आ डॉइती आं कली मसाइकनीकी नु आं होत्रप आ गुइम जिम्मा मगनीकी” दे कसम जने। मिनु गो लां कांइशा मेको आन बाकतीक चाकदीन्नुड” देमाक्त।

१६मिनु मेकोम लां कांइना कांइन मेको आन कली उइ चाकदीदा बाक्त। मेकर अमालेकी एर आंथ बरशा जशा तूशा सिल पा, आन रोइश्शो मार मार पुकशा ग्येरशा बाकशो बाकमा बाक्त।

मारदे हना मेकोपुकीम पलिस्ती नु यहूदा रे शुश मार मार रोइश्शो बाक्मा बाक्त। १७मिनु दाऊदम मेको आन कली सुनी रे आ दीसा नाक्दो सम्म नेल्ल साइक्मी बाक्त। ४ सहे ठिटा मुर ला दलआँठ डोइश्शा प्रोकमा बाक्त। १६दाऊदमी अमालकी आन रोइश्शो नेल्ल लेंशा थिदा बाक्त। मेको आ मीश निम्फा आस कली यो थिदा बाक्त। १९मेको आन के मारइ यो मजाम्माक्त। आन खिं डा आइक्ची ठेयब, तमी तौ रोइश्शा लाइश्शो नेल्ल थोत्रक थित्म बाक्त। मोपा दाऊदमी मारइ मारइ प्रोना बाक्त। २०दाऊद नु आ मुरपुकीम मेकोपुकीम डाँइती रोइश्शो क्यारश भडा, बी ब्यफ नेल्ल आन कली लदमे बाक्त। मिनु “एको नेल्ल दाऊद के बाक्ब” देमा बाक्त।

२१नोले दाऊदम बेसोर डा खोल्साम नाइश्शा बाक्शो सहे निक्शी मुर आन बाक्तीक जाक्माक्त। मेकोपुकी दाऊद कली नु मेको आ मुर आन कली गरुथ जाक्मा बाक्त। मिनु दाऊदम मेको नेल्ल आन कली “मार दुम्मे? दोपा बाक्नी” दे हिल्लो पवा बाक्त। २२तन्न दाऊद नु लाइब का निक्शी शोर गाक्शो मुरपुकीम मेको आ लोत्र खरोइश्शा दाऊद कली “एको मुरपुकी गो नु मलम। गोपुकीम लशा रोइश्शा चाक्शो मार मार गो मेको आन कली योक्शा मगनीकी। मेकोपुकीम आन मीश नु आन आलपुकी ला लदमेक्त” देमा बाक्त। २३मिनु दाऊदमी मेको आन कली “परमपरभु यावेम ई कली प्रोइतु। एको नेल्ल गन्तु। ई जोरी सतरु आन कली ई गुइमी गन्तु। २४सुम इन देशो लोत्र बिन्वा? खाल पाइब नु लडाइम लाइब नेल्लेम उइक्थ उइक्थ ताइनीम” देमाक्त। गन्ती ३१:२४ २५मिनु दाऊदमी इसराएलम मेको फुल्लुम मुशा बरक्शो खोदशो पा नु निसाफ पतीक लोत्र पवा बाक्त। मेको मना र मुल सम्म लीशो बाक्ब।

२६मिनु दाऊद सिकलागम जाक्शा, रोइश्शो मार मार रे यहूदा डा आ वारच खाल्पा आन कली “परमपरभु यावे आ जोरी सतरु रे रोइश्शो मार मार एको इन कली कोसेली बाक्ब” देशा, सोइक्ता बाक्त। २७मेकोमी सु सु आन कली कोसेली सोइक्ता बाक्त देशा हना, बेथल सहर, नेगेब डा रामोथ सहर, यतीर, सहर २६आरोएर सहर, सिफ्मोथ सहर, एशतमोआ सहर, २९राकाल सहर, यरोहमेले आ मुर आन सहरम बाक्ब आन कली, केनी आन सहरम बाक्ब

आन कली, १सामुएल २७:१० ३०होरमा सहर, बोर-अशान सहर, अथाक सहर ३१हेबरोन सहरम बाक्ब नेल्ल आन कली नु दाऊद नु आ मुर गाक्शो सहर गाउं नेल्ल आन कली कोसेली सोइक्तीमी बाक्त। डाँइती मंकर दाऊद नु आ मुरपुकीम मार मार पाम बाक्त।

सावल नु योनाथन बेक्शो

१इतिहास १०:१-१२

३१ १पलिस्ती नु इसराएली लडाइ पामे बाक्त। मिनु इसराएली पलिस्ती आन क्यडा बरुशा प्रोकमा बाक्त। शुश इसराएली गिल्बोआ डांडाम साइक्वा पुंडसमा बाक्त। २पलिस्तीपुकीम सावल नु आ तौ आन कली साप्पा खेदा पामे बाक्त। मिनु सावल आ तौ सां योनाथन, अबीनादाब नु माल्कीशुआ आन कली सदमे बाक्त। ३लडाइम सावलमी थाम्पा श्येत जवा बाक्त। मारदे हना लिबरा आप्बम मेको कली खरपाइश्शा गार सेल्म बाक्त। ४मिनु मेकोम आ या कुरब कली “इ तरवार शोइश्शा आं कली साइय्यी। मिनु मेको खरोइक्तीक चिनु मखरोइश्शोपुकीम आं कली शुक्शी पचा मतामेक्त” देमाक्त। तन्न मेको या कुरब हिंशा, मबिस्स बाक्त। मेको नोले सावलमी आ तरवार शोइश्शा आंमा थोक्सीशा बेक्माक्त। न्यायाधीस १:५४ ५मिनु मेको या कुरबमी सावल बेक्शो तशा, मेको यो आ तरवारम थोक्सीशा मेको नु बेक्माक्त। ६मोपा सावल, आ तौ सांफा, आ या कुरब नु लडाइ पाइब नेल्ल काबुमीन बेक्मा बाक्त। ७बेंसी नु यर्दन आइक्ची हांबुम बाक्ब इसराएलीपुकीम लडाइ पाइब इसराएली प्रोकशो नु सावल नु आ तौ नेल्ल बेक्शो नंन्मे बाक्त। मोपतीक मेकोपुकी आंम आंम सहर प्रोइशा प्रोकमा बाक्त। मिनु पलिस्ती जाक्शा मेको सहर आन के सेल्म बाक्त।

८आ दीसा पलिस्तीपुकी बेक्शो आन मार मार रोइक्चा कली जाक्मा बाक्त। मिनु मेकोपुकीम गिल्बोआ डांडाम सावल नु आ तौपुकी बेक्शो थित्म बाक्त। ९मिनु मेकोपुकीम सावल आ पिया खरोदमे बाक्त। मिनु आ यापुकी लदमे बाक्त। मेको नोले मेकोपुकीम मेको रिम्शो लोत्र रामी डा तेइ तेइ नु देवी देवता नेल्ल आन कली नंपाइक्चा, दे मुर सोइक्तमे बाक्त। १०मेकोपुकीम सावल आ यापुकी अशतारोथ माइश्शा मूर्ति पाइश्शा थाम आ खिमी वोदमे

बाक्त। मिनु मेको आ बेक्शो रां बेथ-शान डा गारोम किला थोक्शा क्युक्शा वोदमे बाक्त। व्यवस्था २१:२२-२३ ११ पलिस्तीपुकीम सावल आ बेक्शो रां कली मार पाम, मेको याबेश-गिलाद डा मुरपुकीम नंन्मे बाक्त। १सामुएल ११:१-११ १२ मिनु मेको आन बोल्थो मुरपुकी नल्ल नाक्दो

रे गाक्शा, सावल नु आ तौ आन बेक्शो रां बेथ-शान डा गारो रे शोल्शा, याबेशम चाक्गमे बाक्त। मिनु मेको आन कली थिम्म बाक्त। १३ मिनु नोले आन रुश याबेश डा ठेयब रवा आ पुंमी थिम्म बाक्त। मिनु मेकोपुकी ७ नाक्त सम्म माइजा बाक्मा बाक्त। २सामुएल १:१२

## २ सामुएल

बरेकब मुरः डोंडती १सामुएल नु २सामुएल किताब कान बाक्ताक्स। १इतिहास २१:२१ पिप दाऊद आ पशो मार मार बाकम, मेको डोंडती र नोले सम्म नल्ल परमपरभु यावे आ लोत्र पाइब सामुएल, नाथान नु गाद आन बरेकशो किताबम बरेकशा बाक्मा बाक्त।

गना बरेकशोः १७५ बि. सी. क्येडा नोले परमपरभु यावे आ लोत्र पाइब र बरेकशा एको किताब थुम्शो बाक्त।

मार बरेकशोः परमपरभुम इसराएली आन कली दाक्चा मपरांडब आ सांकछी बाक्ब।

दाऊदम सावल बेकशो लोत्र नंशो

१ सावल बेकम नोले दाऊदम अमालेकी आन कली खेदा पशा, लेशशा नाक्त निक्शी सिकलाग सहरम बाक्शो बाक्माक्त। १सामुएल ३०:२६ २मिनु आ नित्य नाक्ती, आ वा स्वाक्शो नु पियाम खप फुंडसीशो मुर का सावल आ बाक्तीक र जाक्माक्त। मिनु मेको दाऊद आ बाक्तीक जाक्शा, मेको आ डोंडती सुम्की पा बाक्माक्त। ३दाऊदम मेको कली “गे ते र जाक्छे?” दे हिल्लो पवा बाक्त। मिनु मेकोमी “गो इसराएल डा लडाइ पाइब आन बाक्तीक र परोक्शा जाक्ती” देमाक्त। ४मिनु दाऊदमी मेको कली “मार दुम्मे? आं कली देनी” देमाक्त। मिनु मेकोमी “लडाइ पाइबपुकी लडाइ र परोक्तेकम। शुश मुर साइक्चा पुंडसाकम। मिनु सावल नु आ तौ योनाथन यो साइक्चा पुंडसाक्स” देमाक्त। ५मिनु दाऊदम मेको लोत्र चाक्ब टिटा कली “सावल नु आ तौ योनाथन साइक्चा पुंडसाक्स, दे दोपा तुइक्ती?” देमाक्त। ६मिनु मेको टिटामी “गो गिल्बोआ डांडाम बाक्शो नड। मेकेर सावल कली आ तूतीक तिकशा राष्शा बाक्शो ताता। बग्गी डाइक्ब नु शारा डोइक्बपुकीम मेको कली थित्वा चिक्ताकम। १सामुएल ३१:१-३ ७मिनु मेकोमी नोले लेशशा कोत्रडानु, आं कली तती। मिनु बरेक्ताक्यी। मिनु गो “मार देनी” देती। ८मिनु मेकोमी “गे सु नवे” दे हिल्लो पती। मिनु “गो अमालेकी का नड” देती। ९मिनु मेकोमी “आं नेक्था जाक्को। आं कली साइय्यी। मारदे हना गो बेक्चा चिक्शो बाक्ती। आं सोक्त ला बाक्ब” देत। १०मोपतीक गो आ नेक्था लशा,

मेको कली साइक्ता। मारदे हना मेको मबरांडब, दे गो तुइक्ताकड। मिनु गो मेको आ पिया र सिरपेच नु आ गुइ डा पांडतीक, आं परभु, इन बाक्तीकम चाक्ता” देमाक्त। ११मेको लोत्र नंशा, दाऊदम आ वा स्वाक्गा बाक्त। मेको नु बाक्ब मुर नेल्लेमी यो मो पाम बाक्त। १सामुएल ४:१२ १२मेकोपुकी नां मरिक्म सम्म सावल नु आ तौ योनाथन आस पर्वम डाक्शा रोंका पा माइजा बाक्मा बाक्त। मारदे हना परमपरभु यावे आ लडाइ पाइबपुकी नु इसराएल आ खि डा मुरपुकी तरवारम साइक्चा पुंडसमा बाक्त। १सामुएल ३१:१३ १३मिनु दाऊदम मेको लोत्र चाक्ब टिटा कली “गे ते र जाक्शो नवे?” दे हिल्लो पवा बाक्त। मिनु मेकोमी “गो अर्को रागी डा अमालेकी का आ तौ नड” देमाक्त। १४मिनु दाऊदमी “परमपरभु यावे आ तेल लुक्शो मुर कली साइक्चा महिन?” देमाक्त। १सामुएल २४:७; १सामुएल २६:९ १५मिनु दाऊदमी आ टिटा मुर का कली बरेक्शा “मेको कली सती” दे अरेवा बाक्त। मिनु मेकोमी मेको कली तुष्शा सदा बाक्त। २सामुएल ४:१०-१२ १६दाऊदमी मेको कली “इ हुश इ पिया तार मांडसकल। मारदे हना गे गो परमपरभु यावे आ तेल लुक्शो कली साइक्ता” देते। इ शात्रमीन आंम इ कली दोसी सेल्साक्ब” देमाक्त।

दाऊदम रोंका पतीक कुम्सो सेल्शो

१७मिनु दाऊदमी सावल नु आ तौ योनाथन आस पर्वम रोंका पतीक कुम्सो पवा बाक्त। १८मिनु मेको रोंका पतीक कुम्सो यहूदा डा मुर आन कली शेंचा माल्ब, दे हुकुम पवा बाक्त। मेको कुम्सो याशार आ किताबम बरेकशो बाक्ब। २सामुएल १:२२; यहोसु १०:१३

१९ “इसराएल, इ छेड्छेड् डांडाम साइक्चा पुंडसाकम। सक्ति पाइश्शो मुरपुकी दोपा बेक्मा? २०गाथम एको लोत्र मपने। अश्कलोन डा लांम एको लोत्र मपने। मो पाइतीनी हना, पतिरस्ती आन तमी ग्येरसीनीम। खरोइक्तीक चिनु मखरोइश्शो आन तमी ग्येरसीनीम।

२१ गिल्बोआ नें पाइश्शो डांडा, इ तार सीत नु रेड मयिल। अन्न गरल्ब रू मबाक्त। मारदे हना सक्ति पाइश्शो आ तेक्तीक गरंगरा दिशो सेल्तेकम। सावल आ तेक्तीक कली मुल र तेल मखरेक्नीम।

२२ योनाथन आ लिबरा साइक्चा पुंडसीशो जोरी सतरु आन हुश नु बोल्थो मुर आन बांसो

मलुम्सीथु, गेनायो मले। सावल आ तरवार यो मोशा मले।

२३ सावल नु योनाथन दाक्मुवाक्ताक्स। अरुम यो दाक्चा पुंडसाक्स। बरांडसा नु बेक्सा नु यो काथा दुम्ताक्स। मेको निक्शी ककाकुली क्येडा यो रीब पा पाइब बाक्ताक्स। गुप्स क्येडा यो बोल्यो बाक्ताक्स।

२४ इसराएल डा तमीपुकी सावल आ पर्वम डाक्कीन। मेकोमी इन कली लल दारदारशो शुश क्येट लाइब वा फेक्पाइशो बाक्त। मेकोमी इन कली सुन के गहना पांडपाइशो बाक्त।

२५ सक्ति पाइशो दोपा बेक्मा! मेको लडाइम बेक्तेक्म। योनाथन साइक्चा पुंडसीशा, डांडाम गोल्लो बाक्ब। २६ आं लोकब योनाथन, गो इ पर्वम रांका पाइनुड। गो इ कली थाम्पा दाक्ताक्न। इ आं कली दाक्शो ठेयब बाक्त। मीश मुर आन कली दाक्तीक क्येडा यो लाक्शो बाक्त। २७ सक्ति पाइशो दोपा बेक्मा! मेको लडाइम आन या खतम दुम्तेक्म” दे कुम्सो पशो बाक्त।

दाऊद यहूदा डा पिप दुम्शो

१ मेको नोले दाऊदमी परमपरभु यावे कली  
२ “मार गो यहूदा डा सहर काम लडा?” दे हिल्लो पवा बाक्त। मिनु परमपरभु यावमी “लावो” देमाक्त। मिनु दाऊदमी “तेको सहरम लड” दे हिल्लो पवा बाक्त। मिनु “हबरोन सहरम लावो” देमाक्त। १सामुएल २३ :६,९; १सामुएल ३० :७-८ २मोपतीके दाऊद आ मीश निक्शी यजूरल डा अहीनोआम नु कारमेल डा बेक्शो नाबाल आ मीश अबीगेल नु मेकर लमाक्त। १सामुएल २५ :४२-४३ ३मिनु दाऊदमी आ नु गाक्ब मुर आन सिं डा मुर नेल्ल यो लाइक्मी बाक्त। मिनु मेकोपुकी हबरोन सहरमी बाक्मा बाक्त। ४मिनु यहूदा डा मुरपुकी जाक्शा, दाऊद कली तेल लुक्शा, आन पिप सेल्मे बाक्त। मिनु मुरपुकीमी दाऊद कली “याबेश-गिलाद डा मुरपुकीम सावल कली थिम्तेक्म” दे नेपदमे बाक्त। २सामुएल ५ :३; १सामुएल १६ :१३; १सामुएल ३१ :११-१३ ५ मिनु दाऊदम याबेश-गिलाद डा मुर आन कली लोत्र कुरब मुर सोइशशा “परमपरभु यावेम इन कली आसीक गेवल। मारदे हना गे इन परभु सावल कली रिम्शो पा थिम्तीनी। ६मिनु परमपरभु यावेमी इन कली गेना हना यो दाक्शा मपरोनल। मिनु गो यो इन पशो गेय आ पर्वम इन कली इनाम गेनुड।

७मोपतीके बोल्यो नु महिब दुमीन। मारदे हना इन परभु सावल बेक्शा लत। मिनु यहूदा डा मुरपुकीम आं कली आन पिप सेल्तीमी” दे लोत्र कुरब मुर सोइक्ता बाक्त।

इश-बोशथ पिप दुम्शो

५मेना सावल आ लडाइ पाइब मुर आन ठेयब मुर नेर आ तो आब्नेरमी सावल आ तो इश-बोशथ कली यदेन आंथ हांबु महा-नाइमम चाक्मा बाक्त। १सामुएल १४ :२०; उत्पत्ती ३२ :२-३ १मिनु गिलाद, अश्शुर, यजूरल, एफराइम, बेन्यामीन आ थर डा मुर नु इसराएली नेल्ल आन पिप सेला बाक्त। १०सावल आ तो इश-बोशथ इसराएल डा पिप दुम्मेनु ४० बर्स दुम्शो बाक्माक्त। मेकोमी बर्स निक्शी सम्म सासन पवा बाक्त। तन्न यहूदा डा मुर दाऊद आ नोले सोदमे बाक्त। ११दाऊदमी हेबरोन सहरम यहूदा डा मुर आन कली ७ बर्स ६ महिना सम्म सासन पवा बाक्त।

आसाहेल बेक्शो

१२नेर आ तो आब्नेर, सावल आ तो इश-बोशथ नु आ गेय पाइबपुकी महा-नाइम रे गिबोन लमा बाक्त। १३सरुयाह आ तो योआबमी दाऊद आ गेय पाइब आन कली लाइशशा गिबोन डा दोम्तीम लडाइ पवा बाक्त। मेको निक्शी गिबोन डा दोम्तीम गरुम्सा बाक्त। मिनु काम दोम्ती आ आइक्ची हांबुम, काम दोम्ती आ आंथ हांबुम आस लडाइ पाइब आन कली राप्पदस बाक्त। १सामुएल २६ :६; यहासु ९ :३,१७ १४ मिनु आब्नेरम योआब कली “इ लडाइ पाइब मुर नु आं लडाइ पाइब का का पा गरुम्शा इस डांडती लडाइ पामेक्ल” देमाक्त। मिनु योआबमी “दुम्ब, मो पामेक्ल” देमाक्त। १५मोपतीके मेकोपुकी गरुशा लशा, बेन्यामीन नु सावल आ तो इश-बोशथ आन मुर १२ जना नु दाऊद आ मुर १२ जना का का पा राम्मा बाक्त। १६मिनु मेको नेल्लेमी आंम आंम जोरी सतरु आन पियाम ग्याइशशा कोखाम तरवारम आप्म बाक्त। मोपा नेल्ल कालेम बेक्मा बाक्त। मोपतीके गिबोन आ नेक्था डा रु कली हेल्काथ-हच्चुरीम देनीम। मेको नें आ अर्थ तरवार आ क्योरतीक देसीब। १७मेको नाक्त थम ठेयब लडाइ दुम्माक्त। मिनु आब्नेर नु इसराएल डा मुर दाऊद आ मुर आन क्येडा बरुमा बाक्त।

१८ सेरुयाह आ तौ सांफा योआब, अबीशै नु आसाहेल मेकर बाकशो बाक्मा बाक्त। आसाहेल व्याकी डा दोरब किशश खोदंशो रोब पा गेय पाइब बाक्माक्त। १९इतिहास २:१६ १९मेकोम ग्युरा परा एर ओंथ मारइ मकोत्रथु दोरशा आब्नेर कली खेदा पवा बाक्त। २०मिनु आब्नेरम नोले लेशशा कोदशशा “मार गे आसाहेल नवे?” दे हिल्लो पवा बाक्त। मिनु आसाहेलमी “गो नड” देमाक्त। २१मिनु आब्नेरमी “ग्युरा गे कि परा गे लेशा, लडाइ पाइब का कली आ मार मार रोइक्तो” देमाक्त। तन्न आसाहेलमी मेको कली खेदा पचा मपरोना बाक्त। २२मिनु आब्नेरमी लेशा “आं कली खेदा पचा परांइयी। गो इ कली मारदे साइक्नुडा ? इ लोकब योआब आ डांइती दोपा आं कुल कोइनुडा ?” देमाक्त। २३तन्न आसाहेल एर ओंथ लेने मबिस्से बाक्त। मिनु आब्नेरमी आ तूतीक नोले गे आप्शा मेको आ कोदज खिरदा बाक्त। मिनु मेकर गोल्शा बेक्माक्त। मिनु आसाहेल बेक्शो बाक्तीक जाक्शा मुर नेल्ल दिक्मा बाक्त। २सामुएल ३:२७ २४मिनु योआब नु अबीशैमी आब्नेर कली खेदा पस डा पस पाम्से बाक्त। मिनु नां मलाक्थु, मेकोपुकी अम्माह डांडा जाक्मा बाक्त। अम्माह डांडा गिअह आ डांइती, गिबोन र गोरशो रागी डा लोम बाक्ब।

२५बन्यामीन आ थर डा मुर आब्नेर गे बुक्मा बाक्त। मिनु हुल का दुम्शा, अम्माह डांडा तार लडाइ पचा कली ठीक दुम्मा बाक्त। २६मिनु आब्नेरमी डेयब सेदा पा योआब कली “मार, गेना हना यो क्योरमुस डा मुस, साइक्मुस डा साइक्मुस बाक्चा ? मेको नोले मरिम्शा दुम्ब, दे गे मतुइक्नेवे ? आम लोकब आन कली खेदा पचा परांइचा, दे इ मुर आन कली ममाइक्नेवे ?” देमाक्त। २७मिनु योआबमी “परमपरभु बरांइशा बाक्शो खोदंशो पा, गे मो मदंशा नवे हना, मुरपुकीम दीसा सुनी सम्म यो आन लोकब आन कली खेदा पचा मपरोनेम वा” देमाक्त। २८मिनु योआबम तुराही तवा बाक्त। मिनु मुर नेल्लेमी इसराएली आन कली खेदा पचा परोन्म बाक्त। मिनु लडाइ नांइसे बाक्त। २९आब्नेर नु आ मुरपुकी नाक्दो रे अराबाह रे गाक्शा यर्दन खोला शोक्समा बाक्त। मिनु सुनी रे गाक्शा महा-नाइमम जाक्दीम्मा बाक्त। ३०मिनु योआबमी आब्नेर कली खेदा पचा परांइशा, लडाइ पाइब आन कली पुक्मी बाक्त। मिनु आसाहेल परांइशा, दाऊद आ मुर १९ जना

मबाक्मा बाक्त। ३१तन्न दाऊद आ लडाइ पाइबपुकीमी बन्यामीन आ थर डा मुर नु आब्नेर आ नोले खोइक्ब ३ सह ६० जना आन कली सदमे बाक्त। ३२मेकोपुकीम आसाहेल कली कुरशा लाइशशा, आ आफ आ तुरस बेथलहेम सहरम थिम्म बाक्त। मेको नोले योआब नु आ मुरपुकी नाक्दो रे गाक्शा नां सोत्र सोत्र हेबरोन सहरमी जाक्दीम्मा बाक्त।

### दाऊद आ सिं डा मुर

१सावल नु दाऊद आस सिं डा मुर शुश नाक्त ३ सम्म लडाइ पस डा पस बाक्मा बाक्त। मिनु दाऊद बोल्यो दुम्ना दुम्न लमाक्त। सावल आ सिं डा मुर चहिं मचाप्ब दुम्ना दुम्न लमा बाक्त। २सामुएल ५:१०

२हेबरोनमी दाऊद आ तौपुकी जरमेसीमा बाक्त। मेको आ डांइती जरमेशो तौ अम्नोन बाक्माक्त। मेको आ ममा येजरल डा अहीनोआम बाक्माक्त। १इतिहास ३:१-४ २सामुएल १३:१ ३मेको आ माइला तौ किलेआब बाक्माक्त। मेको आ ममा कारमेल डा बेक्शो नाबाल आ मीश अबीगेल बाक्माक्त। मेको आ साइला तौ अब्सालोम बाक्माक्त। मेको आ ममा गेशुर डा पिप तल्ले आ तमी माकाह बाक्माक्त। २सामुएल १५:१ ४काइला अदानीयाह बाक्माक्त। मेको आ ममा हग्गीथ बाक्माक्त। टाइला शफत्याह बाक्माक्त। मेको आ ममा अबीतल बाक्माक्त। १राजा १:५ ५आ कान्छी इथरआम बाक्माक्त। मेको आ ममा दाऊद आ मीश एग्लाह बाक्माक्त। मेको नेल्ल हेबरोनम जरमेशो दाऊद आ तौ बाक्मा बाक्त।

### आब्नेरमी दाऊद नु कसम जशो

६सावल नु दाऊद आस सिं डा मुर आन दातेमी लडाइ दुम्ना दुम्न लमेनु, आब्नेर सावल आ सिंमी बोल्यो दुम्ना दुम्न लमाक्त। ७मिनु सावल आ कान्छी मीश का बाक्माक्त। मेको आइयाह आ तमी बाक्माक्त। मेको आ नें रिस्पाह बाक्माक्त। मिनु इश-बोशथम आब्नेर कली “गे आं आफ आ कान्छी मीश नु मारदे इमे ?” दे मदा बाक्त। ८आब्नेरमी इश-बोशथ आ लोत्र नेशा गाइशशा “मार, गो यहूदा आ गेय पाइब कुनुम नडा ? मुल सम्म गो इ आफ सावल आ सिं डा मुर, आ लोकब नु आ वारच आन कली मानिब मुर बाक्ती। गो इन कली दाऊद आ

गुडम मगड। मो हना यो गे एको मीश मुर आ पर्वम आं कली दोस गेनीनी। १ गो परमपरभुमी दाऊद कली देशो मपाता हना, आं कली सजाइ गयील। परमपरभु यावमी दाऊद कली दोदेशो कसम जवा, गो मादेशो पाइनुड। १० सावल आ सिं डा मुर आन राज्य रोइक्चा नु दाऊद कली इस्राएल यहूदा नु दान रे बयर-शबा सम्म सासन पपाइक्नुड” दे परमपरभु यावमी देशो बाक्व” दे आब्नेरम इश-बोशथ कली देमाक्त। ११ मिनु इश-बोशथ आब्नेर क्येडा हिंतीके मोरइ लोत्र मलेत्ता बाक्त।

१२ मेको नोले आब्नेरम हेबरोनम बाक्व दाऊद कली “एको रागी सु के बाक्वा ? गे गो नु कबल का पने। मिनु गो इस्राएल नेल्ल इन के सेल्वा कली वारच पाइनुड” दे लोत्र कुरब मुर सोइक्ता बाक्त। १३ मिनु दाऊदमी मेको आन कली “दुम्ब। गो गे नु कबल पाइनुड। तन्न गो इ कली लोत्र का पाइनुड। गे सावल आ तमी मिकाल कली मचाक्तीवी हना, आं डांडती मजाक्को, दे मतीन” दे माइक्मी बाक्त। १४ मिनु दाऊदमी सावल आ तौ इश-बोशथ कली यो “आं मीश मिकाल गयी। गो मेको आ पर्वम सहे का जना पलिस्ती आन खरोइक्तीक चिनु खरोइश्शो कुशुल थाप्ताकड” देपाइक्थ मुर सोइक्ता बाक्त। १५ सामुएल १८:२५-२७ १५ मोपतीके इश-बोशथम मुर सोइश्शा मिकाल आ वांइश लाइश आ तौ, पाल्तीएल आ बाक्तीक रे चाक्पदा बाक्त। १६ सामुएल २५:४४ १६ मेको डाक्ना डाक्न बाहुरीम सहर सम्म मिकल आ नोले खोइश्शा पिमाक्त। मिनु आब्नेरमी “लेश्शा सिं लावो” दे मदा नोले लेम्माक्त।

१७ मिनु नोले आब्नेरम इस्राएल डा खाल्पा आन कली “शुश डांडती रे गपुकीम दाऊद कली पिप सेल्वा माल्शो ननी। १८ मुल मेको पची जाक्त। मारदे हना परमपरभु यावमी दाऊद कली गो आं गेय पाइब दाऊद आ गुइ रे आं मुर इस्राएली आन कली पलिस्ती नु आन जोरी सतरु नेल्ल आन गुइ रे परांइनुड” दे लोत्र थोक्शो बाक्व” देमाक्त। १९ आब्नेरमी बेन्यामीन आ थर डा मुर नु यो लोत्र पवा बाक्त। नोले आब्नेर दाऊद आ बाक्तीक हेबरोन लमाक्त। मिनु इस्राएली नु बेन्यामीन आ थर डा मुर आन पचा देशो लोत्र नेल्ल देमाक्त।

२० मिनु आब्नेर २० जना मुर नु दाऊद आ बाक्तीक हेबरोन जाक्कीम्माक्त। दाऊदम आब्नेर नु मेको नेल्ल आन कली भोज गमी

बाक्त। २१ मिनु आब्नेरमी दाऊद कली “मुल आं कली इस्राएली नेल्ल आन कली आं परभु, पिप इन डांडती चाक्चा गयीनी। मिनु मेकोपुकीम गे नु कबल का पाइनीम। गे इन दाक्शो राज्य कामी रागी नेल्ल डा पिप दुम्नीनी” देमाक्त। नोले दाऊदमी आब्नेर नु गारशा सोइक्ता बाक्त।

योआबम आब्नेर कली साइश्शो

२२ मेना योआब दाऊद आ मुरपुकी नु गारशा, लडाइ पा मार मार रोइश्शा जाक्मा बाक्त। आब्नेर चहिं गाक्न थुम्तीके दाऊद नु हेबरोन सहरम मबाक्माक्त। मारदे हना दाऊदम मेको नु गारशा, सोइक्न थुम्शो बाक्माक्त। २३ मिनु योआब नु लडाइ पाइब हुल जाक्मानु, मुरुमी “नेर आ तौ आब्नेर दाऊद आ बाक्तीक जाक्मेनु, दाऊदमी मेको नु गारशा सोइक्ताक्व” दे नेपदम बाक्त। २४ मिनु योआबम पिप आ बाक्तीक लशा “गे एको मार पनी ? आब्नेर इन बाक्तीक जाक्माक्त। गे मारदे मेको कली मो लेश्शा सोइक्तीनी ? २५ गे नेर आ तौ आब्नेर कली तुइक्नीनी। मेकोम इन कली जोल पा इन पर्वम रुन्वा कली नु गे मार पा बाक्नी, मेको तुइक्चा कली जाक्शो बाक्व” देमाक्त। २६ मिनु योआब दाऊद आ बाक्तीक रे गरुशा, लोत्र कुरब मुर कली आब्नेर आ नोले सोइक्ता बाक्त। मिनु मेकोम आब्नेर कली सिराह डा कुवा रे लेश्शा चाक्कीत्म बाक्त। तन्न दाऊदम मेको नेल्ल मतुइक्ता बाक्त। २७ मोपा आब्नेर हेबरोनम लेश्शा जाक्मेनु, योआबमी लोत्र पचा, दे सुइ मबाक्तीकम लदा बाक्त। मिनु आ कोत्रजम थोक्गा बाक्त। मोपा मेको आसाहेल साइश्शो आ पर्वम बेक्माक्त। १ राजा २:५ ; २ सामुएल २:२३ २८ मिनु नोले दाऊदम मेको लोत्र नेशा “गो नु आं राज्य परमपरभु याव आ डांडती गेनायो नेर आ तौ आब्नेर साइश्शो आ पर्वम दोस मताइब दुम्नीकी। २९ मेको दोस योआब नु आ आफ आ सिं डा मुर आन पियाम दुम्त। योआब आ सिंम गरांगरा यितीके रोइ पाइब कि कोत्रर मुशो रोइ पाइब कि कोक्के तिकशा गाक्व कि तरवारम साइक्चा पुंइसीब कि जचा मताइब मुर का गेना हना यो बाक्ल” देमाक्त। ३० मोपा योआब नु आ लोक्व अबीशेमी आब्नेर कली सदसे बाक्त। मारदे हना आब्नेरमी मेको आस लोक्व आसाहेल कली गिबोन डा लडाइम साइश्शो बाक्माक्त। न्यायाधीस ८:१८-२१ ; २ राजा १४:५

३१ मिनु दाऊदमी योआब नु आ नु बाक्व नेल्ल आन कली “इन वा साक्कीन। मिनु भाङ्गरा फक्सीन। मिनु आब्नेर आ पर्वम रांका पने” देमाक्त। मिनु पिप दाऊद बेक्शो आब्नेर कुरब आन नोले गाक्माक्त। ३२ मिनु आब्नेर कली हेबरोनम थिम्म बाक्त। मिनु पिप आब्नेर आ तुरसुम ठेयब संदा पा डाक्माक्त। मिनु मुर नेल्ल यो डाक्मा बाक्त। ३३ मिनु पिपमी आब्नेर आ पर्वम रांका पशो कुम्सो सेला बाक्त। मेकोमी “मार, आब्नेर परमपरभु यावे आ अरेशो मटीब खोदेशो दुम्शा, बेक्चा माल्दा? ३४ इ गुड मफरेशो बाक्त। इ खोडलीम साडलो मपाइशो बाक्त। गे परमपरभु यावे आ अरेशो मटीब आन डांडती मेकोपुकी खोदेशो पा गोल्ते” देमाक्त। मिनु मुर नेल्ल मेको आ पर्वम लेशा डाक्मा बाक्त। ३५ मिनु मुरपुकीमी दाऊद कली “नां लाक्का डांडती जन” देमा बाक्त। तन्न दाऊदमी कसम जशा “नां मलाक्या सम्म गो मारइ जचा थोत्रक मथीनुड। थीता हना, परमपरभुमी सजाइ गयील” देमाक्त। ३६ मुर नेल्लेमे मेको लोत्र रुष्शा बिस्समा बाक्त। मिनु ग्यरसमा बाक्त। पिप आ पशो नेल्ल दाक्तम बाक्त। ३७ मेको नाक्ती इसराएल डा मुर नेल्लेमी नेर आ तौ आब्नेर साइशोमी पिप आ दोस मबा, दे तुइक्तेम बाक्त। ३८ मिनु पिपमी आ गेय पाइब आन कली “मुलाक्ती इसराएलमी लडाइ पाइब नु ठेयब मुर का बेक्त, दे तुइक्का माल्नीनी। १ सामुएल २६:१५ ३९ गो तेल लुक्शो पिप दुम्ती हना यो, मुलाक्ती सक्ति मपाइशो दुम्शो बाक्नुड। एको हुश खराक्श पोक्व सरूयाह आ तौ गो नु मगारनीम। परमपरभु यावेमी मरिम्शो पाइब आन कली आन पशो क्यक्क लेख” देमाक्त। २ सामुएल २:१८

### इश-बोशथ साइक्का पुंडसीशो

४ १ सावल आ तौ इश-बोशथम हेबरोनम आब्नेर साइशो लोत्र नेशा आ थु लुक्च लमाक्त। मिनु इसराएली नेल्ल हिंशा ग्यत्थ लुक्च दुम्मा बाक्त। २ सामुएल ३:२७ २ सावल आ तौ के मार मार रोइक्व आन हुल डा कप्तान निक्शी बाक्सा बाक्त। मेको का आ ने बानाह नु अर्का आ ने रकाब बाक्माक्त। मेको बेयरोथ सहर डा बेन्यामीन आ थर डा रिम्मोन आ तौ बाक्सा बाक्त। मारदे हना बेयरोथ यो बेन्यामीन आ रागीम बाक्माक्त। यहासु १:१७ ३ मिनु बेयरोथ सहर डा मुर गित्ताइम सहर परोक्शा

लशो बाक्सा बाक्त। मिनु मेना रे मेकर अर्का रागी डा मुर दुम्शा बाक्सा बाक्त। नेहम्याह ११:१३

४ मिनु सावल आ तौ योनाथन के यो तौ का बाक्माक्त। मेको खोइल निम्फा मडुक्व बाक्माक्त। मेको ५ बर्स दुम्मेनु, सावल नु योनाथन बेक्ताक्स देशो लोत्र यजरेल रे नंस बाक्त। मेको लोत्र नेशा आ खाल पाइब मीश मुरुमी मेको कली कुरशा परोक्मेनु, थिश्शा मेको आल आ खोइल मडुक्व दुम्शो बाक्माक्त। मेको आ ने मेफी-बोशथ बाक्माक्त। मेफी-बोशथ आ ने मरीब-बाल नु इश-बोशथ देनीम। २ सामुएल ९:३; १ इतिहास ८:३४; १ इतिहास ९:४०

५ बेयरोथ सहर डा मुर रिम्मोन आ तौ निक्शी रेकाब नु बानाह नाक्ती उइक्थ दुम्मेनु, इश-बोशथ आ सिंम जाक्सा बाक्त। मेना इश-बोशथ इष्शो बाक्माक्त। २ सामुएल २:८ ६ मेको निक्शी चेरब लाइक्चशो खोदेशो पखु पा, सिं ओत्रसा बाक्त। मिनु मेको कली कोत्रजम त्शा सदस बाक्त। मिनु रेकाब नु आ लोक्व बानाह सुइम मतुइक्थु परोक्सा बाक्त। ७ मेको निक्शीमी इश-बोशथ कली दोपा सदसे बाक्त देशा हना, इश-बोशथ इष्शा बाक्शो कोठा ओत्रशा, मेको कली त्शा साइशो आ पिया खराइशो लदस बाक्त। मिनु नाक्दो रे अराबाह रे गाक्शा, हेबरोन जाक्सा बाक्त। ८ मिनु मेको निक्शीमी मेको पिया दाऊद आ बाक्तीक हेबरोनमी चाक्गस बाक्त। मिनु पिप कली “सावल आ तौ इश-बोशथ आ पिया एको बाक्व। इन कली साइक्का माल्ब इन सतरु बाक्त। मुलाक्ती परमपरभु यावेमी सावल नु आ चच युइ आन कली क्यक्क लेत्ताक्व” देसा बाक्त।

९ मिनु दाऊदमी बेयरोथ सहर डा रिम्मोन आ तौ रेकाब नु बानाह आस कली “परमपरभु यावे बराइशा बाक्शो खोदेशो पा, मेकोमी आं कली आं श्येत नेल्ल रे परोइती। १० सावल बेक्शो रिम्शो लोत्र बाक्व” दे मिम्शा आं कली देब मुर कली गो ग्याइशो सिकलागमी साइक्ता। मेको आ लोत्र आ इनाम बाक्त। २ सामुएल १:१५ ११ मिनु परमपरभु यावे आ अरेशो मटीब मुरुमी ठीक पाइब मुर कली आ आंम सिंम बाक्शा, इप्तीकम इष्शा मुर कली साइक्व आस कली मेको क्येडा यो क्यक्क लेत्त्वा ममाल्नुडा डा? मार, मुल गो मेको आ हुश आ क्यक्क लेश्शा इस कली साइशो, रागी रे मक्याम्नुडा?” देमाक्त। २ सामुएल ३:३२ १२ मिनु दाऊदम ठिटा मुर आन

कली “मेको आस कली सतीन” दे अरवा बाक्त ।  
मिनु मेको आस कली सदम बाक्त । आस गुड  
सोइल खरोइशशा, हेबरोन डा दोम्ली आ नेक्था  
क्युकगम बाक्त । मिनु मुरपुकीमी इश-बोशथ  
आ पिया लाइशशा, आब्नर आ तुरस हेबरोनमी  
थिम्म बाक्त । ब्यवस्था २१ :२२-२३

दाऊद पिप दुम्शो

१इतिहास ११ :१-३

१ मिनु नोले इसराएल आ थर डा मुर नेल्ल  
दाऊद आ बाक्तीक हेबरोनम जाक्शा,  
मेको कली “गो इन हुश नकी । २ डाइती सावल  
आइ पिप बाक्मेनु, गे लडाइ पाइब आन कली  
लाइक्तीक नु चाक्तीक पशो ननी । परमपरभु  
यावेमी इन कली गे आं मुर इसराएली आन  
गोठला दुम्चा माल्लेवे । गे इसराएली आन पिप  
दुम्नेवे’ देशो बाक्ब” देमा बाक्त । १सामुएल  
१६ :१३,१६ ; १सामुएल १३ :१४ ; १सामुएल २५ :३०  
३ मिनु इसराएल डा साल्पा नेल्ल पिप आ  
बाक्तीक हेबरोनम जाक्मा बाक्त । मेकर पिप  
दाऊदमी मेकोपुकी नु परमपरभु यावे आ डाइती  
कबल का पवा बाक्त । मिनु मेकोपुकीम दाऊद  
कली तेल लुक्शा, इसराएल डा पिप सेल्मे  
बाक्त । २सामुएल २ :४ ; १सामुएल १६ :१३  
४ दाऊद ३० बर्स दुम्मेनु, पिप दुम्माक्त । मिनु  
मेकोमी ४० बर्स सासन पवा बाक्त । १राजा  
२ :११ ; १इतिहास ३ :४ ; १इतिहास २९ :२७  
५ मेकोम हेबरोनम बाक्शा, यहूदा कली ७ बर्स  
६ महिना सासन पवा बाक्त । मिनु यरूसलेम  
सहरमी बाक्शा ३३ बर्स इसराएल नेल्ल नु  
यहूदा कली सासन पवा बाक्त ।

दाऊदमी यरूसलेम गराशो

१इतिहास ११ :४-९ ; १इतिहास १४ :१-७

६ नोले पिप दाऊद नु आ मुरपुकी, यरूसलेम  
सहरम बाक्ब यबुसी नु लडाइ पचा कली  
यरूसलेम लमा बाक्त । मिनु यबुसीपुकीम दाऊद  
कली “गे एक जाक्ने मचाप्नीनी । मिक्च मताइब  
नु खोइल मडुक्बम यो इन कली परोक्पाइक्नीम”  
देमा बाक्त । मोपा दाऊद जाक्ने मचाप्ब, दे  
मिम्तमे बाक्त । यहोसु १५ :६३ ; न्यायाधीस  
१ :२१ ; न्यायाधीस १९ :१०-१२ ७ मो हना यो  
दाऊदमी गारो हिरशो सियोन गरामाक्त । मिनु  
मेको दाऊद आ सहर दुम्माक्त । ८ मेको नाक्त  
दाऊदमी “सुम यबुसी आन कली साइक्बा,  
मेकोम ब्वाक्कु यितीक रे जाक्शा, दाऊद कली

गरांगरा दीब मिक्च मताइब नु खोइल मडुक्ब  
आन कली सदमेक्त” देमाक्त । मोपतीके “मिक्च  
मताइब नु खोइल मडुक्ब पिप आ खिं ओत्रचा  
मताइनीम” देशो बाक्मा बाक्त । ९ मिनु दाऊद  
मेको गारो हिरशो सहरम बाक्शा, मेको आ नं  
दाऊद आ सहर बोदा बाक्त । मिनु दाऊदमी  
मिल्लो रे पा आगा एर ओथ नेल्ल सहर सला  
बाक्त । १० मिनु दाऊद शुश ठेयब दुम्ना दुम्न  
लमाक्त । मारद हना परमपरभु यावे मुर नेल्ल  
आन परमपरभु मेको नु बाक्माक्त । २सामुएल  
३ :३

११ टायर डा पिप हीराममी आ लोत्र कुरब  
आन कली दाऊद आ बाक्तीक सोइक्ता बाक्त ।  
हीरामम लेबानोन डा लाइशशा रवा आ शी नु  
शी सेल्ब नु गारो परोत्रब यो सोइक्ता बाक्त ।  
मिनु मेकोपुकीम दाऊद कली खिं का सेल्मे  
बाक्त । १२ मिनु दाऊदमी “परमपरभु यावेम आं  
कली इसराएल डा सक्ति पाइशशा पिप सेल्यी  
बाक्त । मिनु आ मुर इसराएली आन पर्वम मेको  
आन राज्य ठेयब सला बाक्त” दे तुइक्ता बाक्त ।

१३ दाऊद हेबरोन रे यरूसलेम याक्स नोले  
मेकोमी मेकर शुश मीश चाक्गा बाक्त । मेको के  
अर्का तमी तौ यो जरमेसमा बाक्त । २सामुएल  
३ :२-५ ; १इतिहास ३ :५-९ १४ यरूसलेम सहरम  
जरमेशो दाऊद आ तौपुकी शम्मुआ, शाबाब,  
नाथान, सोलोमन, लूका ३ :३१ ; मत्ती १ :६  
१५ इभार, एली-शुआ, नफग, याफीया १६ एली-  
शामा, एली-आदा नु एली-फेलेत बाक्मा बाक्त ।

दाऊदम पलिस्ती आन कली फरुशो

१इतिहास १४ :८-१७

१७ पलिस्तीपुकीम दाऊद इसराएल डा पिप  
दुम्त देशो लोत्र नेन्मे बाक्त । मिनु पलिस्ती  
नेल्ल लडाइ पाइब लाइशशा, दाऊद कली  
माल्थ लमा बाक्त । तन्न दाऊदम मेको लोत्र  
नेशा उइ डा बोल्थो दरवार लशा बाक्माक्त ।  
१सामुएल २२ :१ ; २सामुएल २३ :१४ १६ मिनु  
पलिस्तीपुकी जाक्शा, रेफाइम डा बेसीम बरशा  
बाक्मा बाक्त । यहोसु १५ :८ ; यहोसु १६ :१६  
१७ मिनु दाऊदमी परमपरभु यावे कली “गो  
पलिस्ती आन कली लडाइ तोतामी हना, गे  
मेको आन कली आं गुडमी गेनीनी ?” दे हिल्लो  
पवा बाक्त । मिनु परमपरभु यावेमी “लावो,  
गो थमा पा मेको आन कली इ गुडम गेनुड”  
देमाक्त । १सामुएल ३० :८ २० मिनु दाऊद लशा,  
बाल-पराजीमम लडाइ तोमी बाक्त । मिनु मेको

आन कली गुरामाक्त। मिनु दाऊदमी “बारशो व्याक्कुम आ एर ओंथ परंशो सोदेशो पा, परमपरभु यावम आं जोरी सतरु आन कली फरुत्तु” देमाक्त। मोपतीके मेकर बाल-पराजीम नें लीमाक्त। यसेया २१:२८ २१ पलिस्तीपुकीम आन मूर्ति मेक उइ प्रान्म बाक्त। मिनु दाऊद नु आ मुरपुकीमी मेको लदम बाक्त।

२२ मिनु लेशा पलिस्तीपुकी जाक्शा रेफाइम डा बंसीम बरशा बाक्मा बाक्त। २३ मिनु दाऊदम लेशा परमपरभु याव कली हिल्लो पवा बाक्त। मिनु परमपरभु यावमी “मुल सोजो लडाइ मपावो। हिश्शा, ठेयब खा आ आइक्की हांबु नोले रे लडाइ पावो। २४ खा आन डरम लडाइ पाइब आन दोरशो नेंनी चोटी होस पावो। मारदे हना परमपरभु यावे पलिस्ती आन कली फरुचा कली इ डांडती गाक्ब” देमाक्त। २५ मिनु दाऊदमी परमपरभु यावम आ कली देशो सोदेशो पा पवा बाक्त। मिनु पलिस्ती आन कली गोबा रे गेजर सहर डा लां सम्म शोल्मो पा सदमे बाक्त। न्यायाधीस १:२९

परमपरभु आ सन्दोस चाक्शो

१इतिहास १३ :-; १इतिहास १५ :१६

१ मिनु दाऊदमी इसराएल डा ३० हजार ६ यावशो मुर आन कली सुप्तीमी बाक्त। २ मिनु दाऊद नु मेको मुर नेल्ल परमपरभु आ सन्दोस चाक्चा कली यहूदा डा बाले सहर रे लमा बाक्त। मेको सन्दोस तार आ नें बाक्त। मुर नेल्ल आन परमपरभु याव आ नें मेकर बाक्ब। मेको करुब आस दातेम बाक्ब। बाले सहर आ अर्को नें किरयथ-यारीम बाक्त। यहोसु १५:९ परस्थान २५:२२ ३ मेकोपुकीम परमपरभु आ सन्दोस डांडाम बाक्शो अबीनादाब आ खिं रे गरुइशा, नक बग्गी काम वोदमे बाक्त। अबीनादाब आ तौ निकशी उज्जाह नु अहीयोमी मेको नक बग्गी खुल्ना खुल्ल लदसे बाक्त। १सामुएल ७:१ ४ मेकोपुकीम परमपरभु आ सन्दोस डांडाम बाक्शो अबीनादाब आ खिं रे लदमे बाक्त। अहीयो चहिं मेको बग्गी आ डांडती गाक्माक्त। ५ मिनु दाऊद नु इसराएली नेल्ल आन जांब बोक्शा परमपरभु यावे आ डांडती कुम्सो पना पन बीना, तार पाइश्शो ठेयब ताप्तीक, खैजडी, मार मार ताप्तीक नु बुक्केल ताप्शा सिल पना पन गाक्मा बाक्त।

६ मेकोपुकी नाकोन आ खलाम जाक्मानु, ब्यफ दाइल पांडिससा बाक्त। मिनु उज्जाहम आ गुइ

दिशा, परमपरभु आ सन्दोस तिकगा बाक्त। ७ मिनु परमपरभु यावे उज्जाह कली तशा, गाइक्ता बाक्त। मिनु परमपरभुमी मेको आ गुइ दिशा, सन्दोस थिशो तशा, आ सन्दोस आ नक्था उइ सदा बाक्त। १सामुएल ६:१९; गन्ती ४:१५ ८ मिनु दाऊद गाइक्ता बाक्त। मारदे हना परमपरभु यावम उज्जाह आ पर्वम गाइश्शा, मेको कली सदा बाक्त। मोपतीके मेकर परस-उज्जा नें वोदा बाक्त। मेको आ नें मुल सम्म मेकोन बाक्ब। ९ मेको नाक्ती दाऊद परमपरभु यावे क्येडा हिंमाक्त। मिनु “मुल गो परमपरभु यावे आ सन्दोस दोपा लाइक्नुडा?” देमाक्त। १० मिनु दाऊदमी परमपरभु यावे आ सन्दोस आ बाक्तीके, दाऊद आ सहर, लाइक्ने मचवा बाक्त। मिनु आ खिं लाइक्चा आ पा डा मेको गित्त आ खिं डा मुर, ओबेद-एदोम आ खिंमी चाक्दीदा बाक्त। ११ मोपा परमपरभु यावे आ सन्दोस ओबेद-एदोम आ खिंमी महिना सां सम्म बाक्माक्त। मिनु परमपरभु यावमी गित्त आ खिं डा ओबेद-एदोम नु आ खिं डा मुर नेल्ल आन कली आसीक गमी बाक्त।

सन्दोस यरूसलेमम चाक्शो

१२ मिनु मुरपुकीमी दाऊद कली “परमपरभु यावमी, परमपरभु आ सन्दोस वोइश्शो आ पर्वम ओबेद-एदोम आ खिं डा मुर नु आ मारइ मारइ आन कली आसीक गप्तु” दे मदम बाक्त। मिनु दाऊद लशा, ओबेद-एदोम आ खिं रे थाम्पा ग्यरसीशा, मेको परमपरभु आ सन्दोस आ सहरमी चाक्गा बाक्त। १३ परमपरभु यावे आ सन्दोस कुरब मुर ६ पैला गाक्शा नोले, मेकोपुकीम ब्यफ का नु दोम्शो बाच्छा का क्योरशा चदम बाक्त। १राजा ८:५ १४ दाऊदम सुती के ऊरीम नु थुम्मीम कुरतीके पांडशा, परमपरभु यावे आ डांडती आ जांब बोक्शा सिल पवा बाक्त। परस्थान २८:६; १सामुएल २:१८; १सामुएल २२:१८ १५ मिनु दाऊद नु इसराएल आ खिं डा मुर नेल्ल रेयक पना पन तुराही ताम्ना ताम्न परमपरभु यावे आ सन्दोस चाक्गम बाक्त।

१६ मिनु परमपरभु यावे आ सन्दोस दाऊद आ सहरमी चाक्गमनु, सावल आ तमी मिकालमी झेल रे कोव्रडा बाक्त। मिनु पिप दाऊद कली परमपरभु यावे आ डांडती परक्ना परक्न, सिल पशो तशा, आ थुंमी गरांगरा दिमाक्त। १७ मिनु मेकोपुकीम परमपरभु यावे आ सन्दोस वोइक्चा

कली दाऊदम कीशो ताम्बुम आँइदमे बाक्त । मिनु दाऊदमी परमपरभु यावे आ डाँइती चोशा चढ्दतीक नु दुशा बाक्चा आ पर्वम चढ्दतीक चढ्दवा बाक्त । १८ दाऊदमी मेको चोशा चढ्दतीक नु दुशा बाक्चा आ पर्वम चढ्दतीक चढ्दने थुम्शा, मुर नेल्ल आन परमपरभु यावे आ नमी आ मुर नेल्ल आन कली आसीक गमी बाक्त । १९ राजा ८ : २५ १९ मिनु दाऊदमी इसराएली नेल्ल आन कली नु मंकर दल्शा मीश मुर, वाँइश मुर नेल्ल आन कली शोब्ले का का, चोकटा का का श्ये, सोव्रशो अडगुर शोब्ले गमी बाक्त । मिनु मुर नेल्ल आन सिं सिं लेम्मा बाक्त ।

२० मिनु दाऊद आ सिं डा मुर आन कली आसीक गथ लेम्मेनु, सावल आ तमी मिकाल मेको कली गरुम्थ लाडगा गरुशा पिमाक्त । मिनु मेकोम “मुलाक्ती इसराएल डा पिप थम ठेयब मिम्सीशा बाक्त । मेको मुलाक्त आ गेय पाइब वाइलीम आन डाँइती शिशरा दुम्शा, मुने मपाइशो आइक्च मुर खोदंशो दुम्त” देमाक्त । २१ मिनु दाऊदम मिकाल कली “इ आफ नु आ सिं डा मुर आन पा डा आँ कली इसराएल डा आ मुर आन पिप सेल्व परमपरभु यावे आ डाँइती मा पाता । गो परमपरभु यावे आ डाँइती ग्येरशा सिल पाइनुड । २ सामुएल ५ : २ २२ गो थमा पा मुल यो मेको क्येडा यो आइक्च दुम्नुड । तन्न मेको आँ वाइलीम आन पर्वम गे मार दने, मेकोपुकीमी आँ कली मा पशो आ पर्वम मान पाइनीम” देमाक्त । २३ मोपतीक मेको सावल आ तमी मिकाल क आ बक्ची नाक्त सम्म तमी तो मदुम्मा बाक्त ।

परमपरभुमी दाऊद नु लोत्र पशो

१इतिहास १७ :-

७ १ मिनु पिप आंम सिंम बाक्म नोले, परमपरभु यावेम मेको कली आ एर आंथ डा जोरी सतरु नेल्ल आन रे नाइक्चा गेवा बाक्त । २ मिनु पिपमी परमपरभु यावे आ लोत्र पाइब नाथान कली “कोव्रडीन । गो लेबानोन डा लाइशशो रवा आ शी के सेल्लो सिंम बाक्शो बाक्नुड । तन्न परमपरभु आ सन्दोस चहिं ताम्बुम बाक्ब” देमाक्त । भजन संगरह १३२ : ३-३ ३ मिनु नाथानमी पिप कली “दुम्ब, इन थुंम मार बाक्म, मेको पने । मारदे हना परमपरभु यावे गे नु बाक्ब” देमाक्त ।

४ तन्न मेको नाक्दोन परमपरभु यावेम नाथान कली लोत्र पवा बाक्त । ५ मार लोत्र पवा बाक्त

देशा हना “गे लशा, आं गेय पाइब दाऊद कली गे आँ कली बाक्चा कली सिं सेल्लेवे डा ? १इतिहास २२ : ८ ; १ राजा ५ : १७ ६ गो इसराएली आन कली इजीप्ट रे चाक्गुमी रे मुल सम्म गेनायो सिंम मबाक्ड । ताम्बु नु अरु बाक्तीकम बाक्ती । १ राजा ८ : १६, २७ ; यसैया ६६ : १ ७ गो इसराएल डा आँ मुरपुकी नु ते ते गाक्डा, मेक मेक मार आँ मुर इसराएली आन कली कोव्रब, आन थर डा ठेयब मुर आन कली आँ कली लेबानोन डा लाइशशो रवा आ शी के सिं मारदे मसेल्लनी” देडा डा ? ८ मोपतीक गे आँ गेय पाइब दाऊद कली मुर नेल्ल आन परमपरभु यावेमी मार दंत देशा हना “इ कली, आँ मुर इसराएली आन कली कोव्रब दुम्पाइक्चा कली भेडा योव्रतीक रे चाक्तन । १ सामुएल १६ : ११-१३ ; २ सामुएल ५ : २ १ गो ते ते गाक्ड, मेक मेक गो गे नु बाक्ती । गो इ जोरी सतरु नेल्ल आन कली इ डाँइती रे खेरतामी । गो इ नें रागी डा ठेयब मुर आन नें खोदंशो पा ठेयब सेल्लुड । १० गो आँ मुर इसराएली आन कली बाक्तीक का योव्रनुड । मिनु मेकोपुकी आंम आंम रागीम बाक्नीम । मुल रे मेको आन कली सुइम श्येत मगेनीम । डाँइती डा खोदंशो पा मुल रे मेको आन कली सुइम मरिम्शो मपाइनीम, श्येत मगेनीम । ११ आँ मुर इसराएली आन कली निसाफ पाइब योव्रशो रे गो इ कली इ जोरी सतरु नेल्ल रे नाइक्पाइक्चन । मिनु परमपरभु यावेमी इ कली चच युइ गब” देमती” देमाक्त ।

दाऊदम आसीक तशो

१२ परमपरभु यावेम दाऊद कली “इ नाक्त नुप्त हना नु इ किकी पिपी नु बाक्थ लचा नाले गो इ सिं डा मुर आन दात रे का कली इ पा डा पिप सेल्लुड । मिनु मेको आ राज्य बोल्यो सेल्लुड । १ राजा ८ : २० १३ मिनु मेकोमी आँ नमी सिं का सेल्व । गो मेको आ राज्य गेना हना यो बाक्ब सेल्लुड । १ राजा ५ : १९ ; १ राजा ६ : १२ ; भजन संगरह ८९ : ४-५ ; यसैया ९ : ६ १४ गो मेको आ आफ दुम्नुड । मिनु मेको आँ तो दुम्ब । मेकोम मरिम्शो पापु हना, गो मेको कली मुर खोदंशो पा कोक्कम तुम्नुड । भजन संगरह २ : ७ ; भजन संगरह ८९ : २७ ; लुका १ : ३२ ; हिब्रु १ : ५ १५ तन्न गो गेना हना यो आँ दाक्तीकम मपराँइनुड । मेको इ डाँइती सावल कली पराँइशो खोदंशो पा मेको कली मपराँइनुड । १ सामुएल १५ : २३-२६ १६ इ सिं नु इ राज्य गेना हना यो आँ डाँइती लीब । इ सासन पतीक गेना

हना यो लीब" देमाक्त। भजन संगरह ७२ :-; यसैया ५५ :३ १७ मिनु नाथानम मेको दंशो लोत्र नु कांइशो नेल्ल दाऊद कली देमाक्त।

दाऊदम परमपरभु कली ठेयब सेल्लो

१८ मिनु पिप दाऊद परमपरभु यावे आ बाक्तीक ओव्रशा, मेको कली "परमपरभु यावे, गो सु नडा? आं सिं डा मुर सु बाक्नीमी? मिनु ग आं कली एक सम्म चाक्नीनी? १९ आं कली पशो इन डांइती आइक्च बाक्व। गे इन गेय पाइब आ सिं आ पर्वम नोले दुम्ब लोत्र यो पाइतीनी। परमपरभु यावे, मेको इन मुर आन कली अरशो लोत्र बाक्व। २० परमपरभु यावे, मुल गो एको क्यडा शुश मार देन चान्नुडा डा? मारदे हना गे इन गेय पाइब कली रिम्शो पा तुइक्नीनी। २१ गे इन थुंम मिम्शा, थोक्शा पशो लोत्र इन गेय पाइब, आं कली तुइक्पाइक्चा कली मोदंशो ठेयब गेय पाइतीनी। २२ मोपतीके परमपरभु यावे, परमपरभु गे ठेयब बाक्नीनी। इन सोदंशो अरु सुइ मबाक्नीम। अर्का परमपरभु यो मबाक्नीम। २३ इन मुर सोदंशो अर्का सु बाक्नीमी? इसराएली सोदंशो सु बाक्नीमी? रागी नेल्लेमी परमपरभुम परांइशो इसराएली सोदंशो अर्का जात यो बाक्मा कां? गे इन नें ठेयब सेल्ल्वा कली गे इन मुर आन कली ठेयब नु छ्क लाक्चा डा गेय पाइतीनी। गे इन मुर आन डांइती रे रागी रागी डा मुर नु आन देवी देवता आन कली खरतीनी। व्यवस्था ४ :७ २४ गे इन मुर इसराएली आन कली गेना हना यो इन मुर दुम्पाइक्चा कली बोल्यो सल्ल्तीनी। मिनु परमपरभु यावे, गे मेको आन परमपरभु दुम्तीनी। २५ परमपरभु यावे, मुल परमपरभु, इन गेय पाइब नु मेको आ सिं डा मुर आन पर्वम दंशो गेना हना यो सपीन। इन थोक्शा पशो लोत्र सोदंशो पा पने। २६ मुर नेल्ल आन परमपरभु यावे इसराएली आन परमपरभु बाक्व। मिनु इन गेय पाइब दाऊद आ सिं गेना हना यो इन डांइती लीब, दे इन नें गेना हना यो ठेयब सेल्ल्नीम। २७ मारदे हना गे, मुर नेल्ल आन परमपरभु यावे, इसराएल आ परमपरभु, इन गेय पाइब कली गो इ सिं सल्ल्नुड" देतीनी। गो महिंथु, एको लोत्र पाता। यसैया ५० :५ २८ परमपरभु यावे, गे परमपरभु बाक्नीनी। इन लोत्र थमा बाक्व। गे इन गेय पाइब कली रिम्शो थोक्शा पशो लोत्र पाइतीनी। १ राजा ८ :२६ २९ मोपतीके मुल इन गेय पाइब आ सिं कली आसीक गेने। मिनु मेको इन डांइती गेना

हना यो लील। परमपरभु यावे मेको गे पाइतीनी। मिनु इन आसीकमी इन गेय पाइब आ सिं गेना हना यो आसीक राइब" दे परमपरभु कली पुना बाक्त।

दाऊद आ पशो नु गराशो लडाइ

१इतिहास १८ :१-१३

१ मिनु इक्का नोले दाऊदमी पतिस्ती आन कली लडाइ तोशा गरामाक्त। दाऊदमी मेथग-आम्माह सहर आंम के सेला बाक्त। २ दाऊदम मोआबी आन कली यो फरुवा बाक्त। मिनु मेको आन कली सपीम इम्पाइक्मी बाक्त। मिनु डोरी कामी थाप्शा भाग सां सेल्ल्मी बाक्त। भाग निक्शी डा मुर आन कली साइक्मी बाक्त। मिनु भाग का डा मुर आन कली परांइमी बाक्त। मिनु मोआबीपुकी मेको आ वाइल दुम्मा बाक्त। मिनु मेकोपुकीम दाऊद कली तिरो थाप्चा माल्मा बाक्त। १ सामुएल २२ :३

३ मिनु दाऊद युफरदेस सोला आ नेक्थाम आ अधिकार वोइक्चा कली लमेनु, सोबाह सहर डा र्होब आ तौ पिप हादादेजर कली यो लडाइ पा गरामाक्त। ४ दाऊदम मेको रे हजार का ७ सहे शारा डाइक्वपुकी नु २० हजार जना सोइलीम गाक्व लडाइ पाइब आन कली ग्याइक्तीमी बाक्त। मिनु दाऊदम बग्गी कीब शारा आन नारी खरोदा बाक्त। मिनु आंम कली सहे का शारा बग्गी कीचा कली वोदा बाक्त। यहासु ११ :९ ५ मेना दमस्कस डा अराम डा मुर सोबाह सहर डा पिप हादादेजर कली वारच पाइक्चा कली जाक्मा बाक्त। मिनु दाऊदम मेको आन दाते डा २२ हजार अरामी आन कली साइक्मी बाक्त। ६ मिनु दाऊदम मेको अराम डा मुर आन रागी दमस्कसम कोत्रब मुर वोइक्मी बाक्त। मिनु मेकोपुकी दाऊद आ वाइल दुम्शा, तिरो थाप्चा माल्मा बाक्त। मोपा परमपरभु यावेम दाऊद ते ते गाक्म, मेक मेक ग्रापदा बाक्त। ७ हादादेजर आ गेय पाइब आन कुरशो सुन के तेक्तीके दाऊदम आइक्के सेला बाक्त। मिनु मेको यरुसलेम सहरम चाक्गा बाक्त। ८ मेकोमी हादादेजर आ सहर, बेताह नु बेरोथाइ सहर रे शुश कांसा चाक्गा बाक्त।

९ मिनु हमाय डा पिप तोइमी "दाऊदम हादादेजर आ लडाइ पाइब नेल्ल आन कली फरुप्नु" दंशो नेना बाक्त। १० मिनु पिप तोइमी आ तौ योराम कली दाऊद कली गरुम्थ सोइक्ता बाक्त। मिनु मेकोमी दाऊद कली "गे लडाइम

हादादेजेर कली फरुशा रिम्शा पाइतीनी” दंथ नु मान पा ठेयब सल्ल्तीक लोत्र पथ सोइक्ता बाक्त। मारदे हना हादादेजेर नु तोइ आस दातेमी लडाइ दुम्ना दुम्न बाक्शो बाक्माक्त। योराममी सुन चांदी नु कांसा के ग्यांब यो चाक्शा बाक्त। ११ पिप दाऊदमी मेको यो परमपरभु यावे कली गवा बाक्त। आ फरुशा रागी नेल्ल डा सुन चांदी मोपा गेबाक्माक्त। १२ एदोम, मोआब, अम्मान पलिस्ती नु अमालेक र चाक्शो सुन चांदी, सोबाह सहर डा रहोब आ तो पिप हादादेजेर र रोइश्शा मारइ मारइ परमपरभु यावे कली गवा बाक्त।

१३ दाऊद लडाइ गुराशा, आ नें चेम्शा लेम्मेनु, हिक्सी बाक्शो बेंसीम १८ हजार एदोम डा मुर आन कली साइक्मी बाक्त। भजन संगरह ६०:२ १४ मेकोमी एदोम रागी नेल्लेम कोत्रब मुर वोइक्मी बाक्त। मिनु एदोम डा मुर नेल्ल दाऊद आ वाइल दुम्मा बाक्त। मोपा परमपरभु यावेम दाऊद ते ते लेम, मेक मेक गुरापदा बाक्त। उत्पत्ती २७:४०; गन्ती २४:३८

दाऊद आ गेय पाइवपुकी

१इतिहास १८:१४-१७

११ मिनु दाऊदमी इसराएल रागी नेल्लेम सासन पवा बाक्त। मिनु आ मुर नेल्ल आन कली ठीक निसाफ पवा बाक्त। १६ सरुयाह आ तो योआब लडाइ पाइब आन ठेयब मुर बाक्माक्त। अहीतुब आ तो यहाँ-शाफात मेको आ बरक्ब बाक्माक्त। २सामुएल २:२३-२६ १७ अहीतुब आ तो सादोक नु अबीयाथार आ तो अहीमेलक चदेब बाक्सा बाक्त। सरयाह बरक्ब बाक्माक्त। १८ येहो-यादा आ तो बेनायाह, करेथी नु पेलथी, पिप कली कोत्रब आन ठेयब मुर बाक्माक्त। दाऊद आ तोपुकी चहिं चदेब बाक्सा बाक्त। २सामुएल ११:३८

दाऊदमी शिशी पशो

१ मिनु दाऊदमी “मार, सावल आ सिं डा मुर सुइ बरांडशा बाक्नीमी? मेको आन कली गो योनाथन आ पर्वम शिशी पाइक्ने चानुडा?” दे हिल्लो पवा बाक्त। २सावल आ सिं डा सीबा नें पाइश्शो गेय पाइब मुर का बाक्माक्त। दाऊदम मेको कली बरेत्थ सोइक्ता बाक्त। मिनु पिपमी मेको कली “मार, गे सीबा नवे” देमाक्त। मिनु मेकोम “आं, गो इन गेय पाइब

सीबा नड” देमाक्त। २सामुएल १६:३ ३मिनु पिपमी “सावल आ सिं डा सुइ बरांडशा लीशो बाक्नीमी? गो मेको कली परमपरभु आ दाक्तीक कांइचा दाक्नुड?” देमाक्त। मिनु सीबाम पिप कली “योनाथन आ तो का बरांडशा लीशो बाक्ब। मेको आ खोइल निम्फा मदुक्ब बाक्ब” देमाक्त। ४ मिनु पिपमी मेको कली “मेको ते बाक्म?” दे हिल्लो पवा बाक्त। मिनु सीबामी “मेको लो-देबार सहर डा अम्मीएल आ तो मार्कीर आ खिम बाक्ब” देमाक्त। २सामुएल १७:२७

५ मिनु पिप दाऊदमी लो-देबार डा अम्मीएल आ तो मार्कीर आ खिम मुर सोइश्शा मेको कली चाक्पदा बाक्त। ६ मिनु योनाथन आ तो सावल आ चच मेफी-बोशेथ दाऊद आ बाक्तीक जाक्माक्त। मिनु मेकोमी सुम्की पा बाप्शा पिप कली सेउ पवा बाक्त। मिनु दाऊदम मेको कली “मेफी-बोशेथ” देमाक्त। मिनु मेफी-बोशेथमी “गो इन गेय पाइब एक बाक्ती” देमाक्त। ७ मिनु दाऊदम मेको कली “महिंनो, गो इ कली इ आफ योनाथन आ पर्वम शिशी पाइक्नुड। गो इ कली इ बाजे सावल आ रू नेल्ल लेश्शा गेनन। मिनु गे गेना हना यो गो नु बाक्शा जाइनेवे” देमाक्त। ८ मिनु मेफी-बोशेथम सुम्की पा बाप्शा “गो सु नडा डा? पिपमी गो बक्शो कुचुम सोदंशो मुर, आं कली शिशी पाइय्यीनी?” देमाक्त। ९ मिनु दाऊदमी सावल आ गेय पाइब सीबा कली बरश्शा “सावल नु आं सिं डा शांप नेल्ल गो इ होत्रप आ चच कली गेता। २सामुएल १९:२९-३० १० ग, इ तोपुकी नु इ गेय पाइब नेल्लमी मेको आ रूम गेय पचा माल्नीनी। मिनु गे इ होत्रप आ चच आ सिं डा मुर आन कली गेचा माल्नेवे। तन्न इ होत्रप आ चच मेफी-बोशेथ गेना हना यो गो नु काथा बाक्शा जाइब” दे मदा बाक्त। सीबा के ११ जना तो नु २० जना गेय पाइब बाक्सा बाक्त। ११ मिनु सीबाम पिप कली “आं परभु पिप, गो इन गेय पाइबमी इन दंशो सोदंशो पा नेल्ल पाइक्नुड” देमाक्त। मेफी-बोशेथ पिप आ तो का सोदंशो पा पिप दाऊद आ खिम बाक्शा, जवा बाक्त। १२ मेफी-बोशेथ आ तो का बाक्माक्त। मेको आ नें मीका बाक्माक्त। मिनु सीबा आ सिं डा मुर नेल्ल मेफी-बोशेथ आ गेय पाइब दुम्मा बाक्त। १३ तन्न मेफी-बोशेथ यरूसलेमम बाक्माक्त। मारदे हना मेकोमी गेना हना यो पिप नु जवा बाक्त। मेको आ खोइल निम्फा मदुक्ब बाक्माक्त। २सामुएल ९:३

## दाऊदमी लडाइ पशो

१इतिहास १९:३-१९

१मिनु नोले अम्मोनी आन पिप बेक्माक्त ।  
**१०** मिनु मेको आ पा डा आ तो हानुन पिप दुम्माक्त । २दाऊदम “नाहाशमी आं कली रिम्शो पशो खोदंशो पा गो नाहाश आं तो हानुन कली रिम्शो पाइनुङ्” दे मिम्ता बाक्त । मिनु मेकोमी आ आफ बेक्शो आ पर्वम लेम्शो लोत्र नंपाइक्थ लोत्र कुरब मुर आन कली सोइक्ता बाक्त । मिनु दाऊद आ मुरपुकी अम्मोनी आन रागीम ओत्रमानु, १सामुएल ११:३ ३ अम्मोनी आन कली सासन पाइबम आन परभु हानुन कली “दाऊदमी इन आफ कली ठेयब सल्वा आ पर्वम इन कली लेम्शो लोत्र नंपाइक्थ सोइश्शो बाक्व, दे थमा सुइक्नीनी? एको मुरपुकी क्यारी पाइब नम । दाऊदमी एको आन कली इन सहर दोपा ओत्रचा, दे क्यारी पथ सोइश्शो बाक्व” देमा बाक्त । ४मोपतीक हानुनमी दाऊद आ सोइश्शो मुर आन कली ग्याइश्शा, आन गल शोकर उइक्थ उइक्थ खरोइश्शा नु आन फेक्शो वा करातो सम्म खरोइश्शा सोइक्तीमी बाक्त । ५मेको आन कली मो पशो दाऊदम नेना बाक्त । मिनु दाऊदमी मेको आन कली गरुम्थ मुर सोइक्ता बाक्त । मारद हना मेकोपुकी थम मुन तोक्चा पुंडसमा बाक्त । मिनु दाऊदमी “मेको आन गल शोकरे डांडती डा खोदंशो मदुम सम्म यरीको सहरमी बाक्मल” देमाक्त ।

६मिनु अम्मोन डा मुरपुकीमी दाऊद कली गाइक्पाइश्शो तुइक्तमे बाक्त । मिनु अम्मोन डा मुरपुकीम बेथ-रहोब, सोबाह डा २० हजार मुर नु अराम डा खोइलीम गाक्व लडाइ पाइब आन कली गाल्व थाप्शा चाक्गमे बाक्त । मेकोपुकीम माकाह डा पिप नु हजार का मुर नु तोब रागी र १२ हजार मुरपुकी गाल्व थाप्शा चाक्गमे बाक्त । ७दाऊदम मेको लोत्र नंशा, योआब नु लडाइ पाइब नेल्ल आन कली सोइक्तीमी बाक्त । ८अम्मोन डा मुर जाक्शा सहर ओत्रतीक ठेयब लाप्चोमी ठीक दुम्मा बाक्त । तन्न सोबाह, रेहोब सहर डा, अराम डा मुरपुकी नु तोब नु माकाह रागी डा मुरपुकी चहिं दिमम लडाइ पचा कली ठीक दुम्मा बाक्त ।

९योआबम आ डांडती नु नोले निम्फा पटटी र लडाइ तोचशो तवा बाक्त । मिनु मेकोमी इसराएल डा योत्रशो मुर आन कली अरामी आन डांडती वोइक्मी बाक्त । १०लीशो मुर चहिं आ

लोक्व अबीशे आ हुकुममी गेमी बाक्त । मेकोपुकी अम्मोनी आन डांडती लडाइ तोचा कली ठीक दुम्मा बाक्त । ११योआबम “अराम डा मुरपुकीम आंइ कली ग्राना ग्रान पिम्तेक्म हना, आंइ कली वारच पने । अम्मोन डा मुरपुकीम इन कली ग्राना ग्रान पिम्तेक्म हना, गो इन कली वारच पाइनीकी । १२सक्ति पाइश्शा बोल्या दुमीन । गो आंम मुरपुकी नु आंम परमपरभु आ सहर आ पर्वम महिंथु, लडाइ पय । मिनु परमपरभु यावमी आ दाक्शो पवल” देमाक्त । १३मिनु योआब नु आ मुरपुकी अरामी नु लडाइ पामे बाक्त । मिनु अरामी मेको आन डांडती र परोक्मा बाक्त । १४मिनु अम्मोनीपुकीम अराम डा मुर आन कली परोक्शो तशा, आं यो अबीशे आ डांडती र परोक्शा, आन सहर ओत्रमा बाक्त । मिनु योआब अम्मोनी नु लडाइ पचा परोइशा, लेश्शा यरुसलेम जाक्माक्त ।

१५तन्न अरामी इसराएली नु बरुशो तशा, लंशा बुक्मा बाक्त । १६हादादेजेरमी युफरटीस खोला आ आइक्वी हांबु र अरामी आन कली बरल्य सोइक्तीमी बाक्त । मिनु मेकोपुकी हादादेजेर आ लडाइ पाइब आन ठेयब मुर शोबाक आ हुकुममी हेलाम सहरम जाक्मा बाक्त । १७मिनु दाऊदमी मेकोपुकी लडाइ पथ पिशो लोत्र नेना बाक्त । मिनु मेकोम रीब पा इसराएल डा लडाइ पाइब नेल्ल आन कली सुप्शा यर्देन आइक्वी हांबु शोक्स बाक्त । मिनु हेलाम सहरम जाक्मा बाक्त । मेकर अरामीपुकी दाऊद नु लडाइ पचा कली ठीक दुम्मा बाक्त । मिनु लडाइ पामे बाक्त । १८तन्न इसराएलीपुकीम मेको आन कली परोक्पदमे बाक्त । मेकर दाऊदमी ७ सह बग्गी डाइक्व नु ४० हजार शारा डाइक्व अरामी आन कली सदा बाक्त । लडाइ पाइब आन ठेयब मुर शोबाक कली बेक्चा डा पा गार सेला बाक्त । मिनु मेको लडाइ पतीकेमीन बेक्माक्त । १९मिनु हादादेजेर कली वारच पाइब पिप नेल्लेमी इसराएली नु बरुशो, दे तुइश्शा, इसराएली नु गारचा गोत्रम बाक्त । मिनु इसराएली आन हुकुममी बाक्ने बिस्समा बाक्त । मना र अराम डा मुरपुकीम अम्मोनी आन कली लंशा गेनायो वारच मपदमे बाक्त ।

## दाऊदमी पाप पशो

**११** १नक बर्स जाक्मेनु, पिपपुकी लडाइ पथ गरुमा बाक्त । दाऊदमी योआब, लडाइ

पाइब आन ठेयब मुर नु इसराएल डा लडाइ पाइब नैल्ल आन कली सोइक्तीमी बाक्त। मिनु मेकोपुकीम अम्मोन खतम पोक्गमे बाक्त। रब्बाह सहर कली पुम्दमे बाक्त। तन्न दाऊद चहिं यरूसलेम सहरमी बाक्माक्त। १इतिहास २०:१ २काबु नाक्ती नाक्नाक्दो दाऊद आ इप्तीक रे बाक्शा, सिं तार हिरसनु, मेकोमी मीश मुर का चिक्शो तवा बाक्त। मेको थम दारशो बाक्माक्त। मत्ती ५:२८-२९ ३मेको सु बाक्म, दे हिल्लो पथ, मुर का सोइक्ता बाक्त। मिनु मेकोमी “मेको एलोआम आ तमी, हिक्ती उरीयाह आ मीश बाक्शेबा बाक्त” देमाक्त। २सामुएल २३:३९ ४मिनु दाऊदमे मेको कली बरथ सोइक्ता बाक्त। मिनु मेको जाक्माक्त। मिनु दाऊद मेको नु इम्माक्त। मेको मीश मुर मेना आ रां बरोल्शा चिक्शो बाक्माक्त। मिनु नोले बाक्शेबा आ सिं लेम्माक्त। परस्थान २०:१४; लेवी २०:१०; व्यवस्था २२:२२; लेवी १५:१९ ५मिनु मेकोमी कोव्रज कुरा बाक्त “गो कोव्रज कुरशो दुम्ती” दे दाऊद कली लोव्र सोइक्ता बाक्त।

६मिनु दाऊदमी योआब कली “मेको आ वोइश हिक्ती उरीयाह कली आं बाक्तीक सोइक्तो” दे लोव्र कुरब सोइक्ता बाक्त। मिनु योआबमी मेको कली दाऊद आ बाक्तीक सोइक्ता बाक्त। ७मिनु उरीयाह जाक्मेनु, दाऊदमी “लडाइ दादेशो दुम्म, योआब नु अरु लडाइ पाइबपुकी मार पाम?” दे हिल्लो पवा बाक्त। ८मेको नोले दाऊदमी हिक्ती उरीयाह कली “उइ इ सिं लशा नाइसा, इ खोइल चिक्सा” दे मदा बाक्त। मिनु मेको पिप आ सिं रे गरूशा गाक्मेनु, पिपमी मेको आ नोले कोसली सोइक्ता बाक्त। ९तन्न उरीयाह उइ आ सिं मलथु, पिप आ ओव्रतीक लाप्चो आ नेक्था इम्माक्त। मेकर आ परभु आ गेय पाइबपुकी यो इप्शो बाक्मा बाक्त। १०मिनु दाऊदमे उरीयाह उइ आ सिं मला देशो लोव्र नना बाक्त। मिनु मेको कली “गे लाइशो लां गाक्शा जाक्शो बाक्नेवे। मारदे गे उइ इ सिं मलवे?” दे मदा बाक्त। ११मिनु उरीयाहमी “परमपरभु आ सन्दोस, इसराएल नु यहूदा डा मुर नैल्ल, आं परभु योआब नु इन गेय पाइब नैल्ल दिंम डा बाक्तीकमे बाक्शो बाक्नीम। मिनु गो दोपा जचा त्चा नु आं मीश नु इप्चा कली सिं लाइक्नुडा? गे इन बरोइशा बाक्शो सोदेशो पा, गो मों पने मचाप्नुड” देमाक्त। १२मिनु दाऊदमी उरीयाह कली “मो हना

मुलाक्त का एक बाक्को। मिनु दीसा लेइशा सोइक्नन” देमाक्त। मोपतीके उरीयाह मेको नाक्ती यरूसलेम उइ बाक्माक्त। १३मिनु आ दीसा दाऊदमी मेको कली आ बाक्तीकमे जथ बरत्ता बाक्त। मिनु मेको कली दुक्पदा बाक्त। तन्न नाक्दो मेको लाङगा गरूशा आ परभु आ गेय पाइबपुकी नु आ बरोख्येम इम्माक्त। तन्न मेको उइ आ सिं मलमाक्त।

१४आ दीसा दाऊदमी योआब कली चिठी का बरक्शा, उरीयाह आ गुइमी सोइक्ता बाक्त। १५मेको चिठीम “तेकर ठेयब लडाइ दुम्मे मेकर उरीयाह कली सोइइशा, गेपुकी चहिं नोले शोइसीन। मिनु मेको बेक्त” दे बरक्ता बाक्त। परस्थान २०:३३ १६योआब नु लडाइ पाइबपुकीमी सहर कली पुम्दमे बाक्त। मिनु मेकोमी उरीयाह कली थम ठेयब लडाइ दुम्तीकमे सोइक्ता बाक्त। १७मिनु सहर डा मुरपुकी फो फु गरूशा योआब नु लडाइ पाम बाक्त। दाऊद आ मुरपुकी का निक्शो बेक्मा बाक्त। हिक्ती उरीयाह यो साइक्चा पुंइसे बाक्त। १८मिनु योआबमी लडाइ डा लोव्र नैल्ल देशा, मुर का दाऊद आ बाक्तीकमे सोइक्ता बाक्त। १९योआबमी लोव्र कुरब मुर कली “गे लडाइम मार मार दुम्म, मेको लोव्र नैल्ल पिप कली शंने थुमी नोले, २०पिप गाइइशा लडाइ पनीनु सहर आ नेक्था मारदे लनी? गारो तार रे आप्नीम, दे मतुइक्नीनी? २१येरूब-बाल आ तो अवीमलेक कली सुम सदा? मीश मुर कामी थंबेस डा गारो रे यात तोक्शा साइइशा बाक्ब। मारदे गे गारो आ नेक्था लनी? देत हना, गे मेको कली ‘इन गेय पाइब हिक्ती उरीयाह यो बेक्त’ मतो” दे मदा बाक्त। न्यायाधीस ९:५३-५४

२२मिनु मेको लोव्र कुरब मुर दाऊद आ बाक्तीक जाक्माक्त। मिनु योआब आ देशो सोदेशो पा लोव्र नैल्ल शोव्रडा बाक्त। २३मिनु मेको लोव्र चाक्ब मुरुमी दाऊद कली “मुरपुकी आंइ कली लडाइ तोचा कली बुक्तेकम। मिनु फो फु गरूशा दिंम आंइ कली लडाइ तोम्तेकम। गोपुकीमे मेको आन कली सहर आ लाप्चो सम्म खेदा पा लाइतक। २४मिनु बरा आप्नुपुकीमे इन गेय पाइब आंइ कली गारो तार रे बरा आप्तेकम। मिनु इन मुर का निक्शो बेक्तेकम। इन वाइल हिक्ती उरीयाह यो बेक्त” देमाक्त। २५मिनु दाऊदमे मेको कली “गे योआब कली गे मेको साइइशा मुर आन पर्वमे सुर्तो मपावो। मारदे हना तरवारमे गेना हना यो मुर साइक्ब। गे सहर

कली लडाइ तोस डा तोस बाकशा, गरानीनी' दे आ शुं बारपतीन" देमाक्त।

२६ मिनु उरीयाह आ मीशेम आ वोंइश बेकशो लोत्र नेंशा, मेको आ पर्वम रोंका पवा बाक्त। २७ मिनु रोंका पतीक नाक्त नुम नोले दाऊदम मुर सोइश्शा आ सिं चाकगा बाक्त। मिनु मेको दाऊद आ मीश दुम्शा, ती का थिमाक्त। तन्न दाऊद आ पशो परमपरभु यावे आ डोंइती थम मरिम्शो बाक्माक्त।

### नाथान आ कथा

१ परमपरभु यावेमी आ लोत्र पाइब नाथान कली दाऊद आ बाक्तीक सोइक्ता बाक्त। मिनु मेको दाऊद आ बाक्तीक जाकशा, मेको कली "सहर कामी मुर निकशी बाक्सा बाक्त। मुर का शोंप पाइश्शो नु का पुरुङ्ग बाक्माक्त। परस्थान २०:१७ २ शोंप पाइश्शो मुर के शुश क्यारश भंडा नु बी ब्यफ बाक्सा बाक्त। ३ मेको पुरुङ्ग मुर के पाठी का ला बाक्माक्त। मेको कली ग्याप्शो बाक्माक्त। मेको पाठी कली थुल्शा, आ आलपुकी नु कोल्पदा बाक्त। मिनु मेकोमी मेको आ भाग जशा त्शा बाक्बाक्माक्त। मेको आ थुकुमीन इप्बाक्माक्त। मिनु मेको मुरुमी मेको पाठी कली आ तमी सोदेंशान पाइक्बाक्माक्त। ४ काबु नाक्ती मेको शोंप पाइश्शो मुर आ सिंम पौना का जाक्माक्त। मेको शोंप पाइश्शो मुरुम आ पौना कली थुल्वा कली आ क्यारश भंडा रं मारइ गेचा शुं मपवा बाक्त। तन्न मेको पुरुङ्ग मुर आ पाठी चाकशा आ पौना कली जचा ब्वचा थोत्रक सला बाक्त" दे मदा बाक्त। ५ मिनु दाऊदम मेको लोत्र नेंशा, मो पाइब मुर आ पर्वम थाम्पा गाइक्ता बाक्त। मिनु मेकोमी नाथान कली "परमपरभु यावे बरोइशा बाकशो सोदेंशो पा मेको मुर साइक्चा पुंइसीब। ६ मेकोम मोपा शिशी मकोइतीक मेको पाठी का के ४ ओटा पाठी गेचा माल्ब" देमाक्त। परस्थान २१:३७

७ मिनु नाथानम दाऊद कली "मेको मुर गेन ननी। इसराएली आन परमपरभु यावेमी मार देत देशा हना गो इ कली तेल लुकशा, इसराएल डा पिप सेल्लन। सावल आ गुइ रे परोंइतन। १ राजा २०:४० ८ गो इ कली इ होत्रप आ सिं नु आ मीशपुकी गेतेन। गो इसराएल नु यहूदा डा मुर इ कली गेतेन। मोशोम मगाप्त हना यो, गो अरु शुश गेन वा। ९ गो मारदे आं लोत्र मटिवी? मारदे आं डोंइती मरिम्शो पवी? गेहिती उरीयाह कली तरवारम क्यारतीवी। मिनु मेको

आ मीश लाइश्शा, आ वोंइश कली अम्मोनी आन गुइम साइक्पाइक्तीवी। २ सामुएल ११ :-; १ राजा १५:५ १० मोपतीक इ सिं गेना हना यो तरवार रं नाइक्चा मताइब। मारदे हना गे आं लोत्र मटिथु, हिती उरीयाह आ मीश चाक्तीवी" देत। २ सामुएल १३:२८-२९; २ सामुएल १८:१४; १ राजा २:२४-२५; २ राजा २५:७ ११ परमपरभु यावेमी गो इ कली इ सिं र श्यत दुम्पाइक्नुड। गो इ मीश आन कली इ डोंइती इ नक्था डा मुर कली गेनुड। मिनु मेकोमी नाक्तीन मुर नल्लेम तचा डा पा मेकोपुकी नु इप्ब। २ सामुएल १६:२२; अय्युब ३१:९-१० १२ मारदे हना गे मेको खरुइश्शा पाप्तीवी। तन्न गो इसराएली नल्ल आन तचा डा पा नाक्तीन पाइनुड" देशो बाक्ब" दे नाथानमी देमाक्त। १३ मिनु दाऊदमी नाथान कली "गो परमपरभु यावे आ डोंइती पाप पाता" देमाक्त। मिनु नाथानम मेको कली "परमपरभु यावेमी इ पाप क्याम्ताक्व। गे मबक्नेव। २ सामुएल २४:१०; मज्जन संगरह ५१:३; इजीकीएल १८:२१-२३ १४ तन्न गे एको पाप पा परमपरभु यावे कली गाइक्पाइक्तीवी। मोपतीक इ थिशो आल चहि बेक्ब" देमाक्त। २ सामुएल ११:२७

१५ मिनु नाथान आ सिं लमाक्त। परमपरभु यावेम उरीयाह आ मीश रं पा जरमेशो दाऊद आ आल कली रोइ पपदा बाक्त। १६ मोपतीक दाऊदम मेको आल आ पर्वम परमपरभु कली पुना बाक्त। मेको मारइ मज्जथु सिंङगा लशा सर्पीम गोल्शा नां सांइदा बाक्त। १७ सिं डा खाल्पापुकीमी मेको कली "गे बोक्कीन" देमा बाक्त। तन्न मेको मबिस्स बाक्त। मिनु मेकोपुकी नु जने यो मबिस्स बाक्त। १८ मिनु ७ नाक्त नोल आल बेक्माक्त। मिनु दाऊद आ गेय पाइबपुकीम "आल बेक्त" दे दाऊद कली देंचा हिंमा बाक्त। मारदे हना मेकोपुकीमी "आल सेस बाक्मेनु ला यो इं लोत्र मनंन। मुल मेको कली 'आल बेक्त' दे दोपा देंचा? मेकोमी आंम आ कली मारइ मरिम्शो पाइक्वा कां?" देमा बाक्त। १९ तन्न दाऊदम आ गेय पाइबपुकीम शिप शिप पा देशो लोत्र नेंशा, आल बेक्माक्त, दे तुइक्ता बाक्त। मिनु दाऊदमी आ गेय पाइब आन कली "आल बेक्म" दे हिल्लो पामी बाक्त। मिनु मेकोपुकीम "बेक्त" देमा बाक्त।

२० मिनु दाऊद खप रं बोक्शा, चिक्सीशा, तेल खरक्सीशा, अर्का वा फक्स बाक्त। मिनु परमपरभु यावे आ बाक्तीक लशा, परमपरभु यावे

कली ठेयब सला बाक्त। मिनु नोले सिं जाकशा, जचा थोत्रक पुंडशा, जवा बाक्त। ११ मिनु मेको आ गेय पाइबपुकीम मेको कली “गे मार पनी ? आल संस बाक्म सम्म गे मेको आ पर्वम मारइ मजथु डाकशा बाक्तीनी। तन्न आल बक्म नोले बाकशा जाइतीनी” देमा बाक्त। १२ मिनु दाऊदमी “आल संस बाक्म सम्म गो मारइ मजथु डाकशा बाक्ती। परमपरसु यावेमी आं कली शिशी पा, आल बरोइबा, कां ? दे मिस्ताकड। २३ तन्न मुल मेको बक्त। मारदे गो मारइ मजथु बाक्नुडा ? मार गो मेको कली लेशशा चाकने चानुडा डा ? गो मेको आ बाक्तीक लाइनुड। तन्न मेको आं बाक्तीक लेशशा मजाक्ब” देमाक्त।

२४ मिनु दाऊदमी आ मीश बाश्शबा कली लेम्दा बाक्त। मिनु मेको नु इम्माक्त। मिनु अर्का तौ का थिमाक्त। मेको आ नें सोलोमन वोदमे बाक्त। मिनु परमपरसु यावेमी मेको कली दाक्ता बाक्त। २५ मिनु मेको आ नें येदीदीयाह वोइक्का माल्ब, दे आ लोत्र पाइब नाथान रे पा दाऊद कली लोत्र सोइक्ता बाक्त। येदीदीयाह आ अर्थ चहिं “परमपरसु यावे आ दाक्ता मुर” बाक्ब।

दाऊदम रब्बाह सहर गराशा

१ इतिहास २० : १-३

२६ मेको नोले योआबमी लडाइ पा अम्नोनी आन पिप आ रब्बाह सहर, गरामाक्त। २७ मेकोमी “गो रब्बाहम लडाइ पा मेको शुश ब्वाक्कु बाक्शा सहर गराती। २८ गेमी लीशो मुर आन कली सुपशा, मेको सहर कली लडाइ तोशा गराडीन। मो मपाइतीनी हना, गो आं के सल्लुड। मिनु मेको सहर आं के दुम्ब” दे दाऊद कली लोत्र सोइक्ता बाक्त। २९ मोपतीक दाऊदम मुर नेल्ल आन कली सुपतीमी बाक्त। मिनु रब्बाह सहर लमाक्त। मिनु लडाइ तोशा मेको आइक्के सला बाक्त। ३० मेकोमी मिल्कोम आ पिया रे सिरपेच परुदा बाक्त। मेको टलेन्ट का सुन के बाक्माक्त। मेको तारी हीरा का यो क्येपशा बाक्माक्त। मेको दाऊद कली गुक्त्मे बाक्त। मेकोम सहर रे शुश मार मार यो रोइशशा चाक्का बाक्त। टलेन्ट का ३४ किलो सोइ बाक्ब। ३१ मेकोमी मेकेर डा मुर आन कली लाइशशा आरा, खन्ती नु खामी गेय पपदा बाक्त। मिनु इंटा सल्लतीकेम गेय पपदा बाक्त। मेको अम्नोनी आन सहर नेल्लेम मोदेशो पवा बाक्त। मिनु नोले दाऊद नु आ मुर नेल्ल यरूसलेम लेम्मा बाक्त।

अम्नोनमी मरिम्शो पशो

१३ मिनु दाऊद आ तौ अब्बालोम के थम दारशो समी का बाक्माक्त। मेको आ नें तामार बाक्माक्त। दाऊद आ अर्का तौ अम्नोनम मेको कली दाक्ता बाक्त। २ सामुएल ३ : २-३ २ अम्नोन आ सान्मा आ तमी तामार नु दाक्मुतीक, आ थुंम थम मरिम्शो दुम्माक्त। मिनु मेकोमी दाक्तीक मेको रोइ पवा बाक्त। मारद हना मेको कन्ने मीश आल बाक्तीक, मेकोम मारइ मरिम्शो पने मचबा बाक्त। ३ तन्न अम्नोन आ वारच का बाक्माक्त। मेको आ नें योनादाब बाक्माक्त। मेको दाऊद आ लोकब शिमेआह आ तौ बाक्माक्त। मेको मिक्च सिल्व मुर का बाक्माक्त। १ सामुएल १७ : १३ ४ मेकोम अम्नोन कली “ए पिप आ तौ, मारदे गे नाक्त कित कित मरिम्शो दुम्ना दुम्न लेवे ? मार दुमे आं कली देनो” दे मदा बाक्त। मिनु अम्नोनमी “गो आं लोकब अब्बालोम आ समी तामार कली दाक्नुड” देमाक्त। ५ मिनु योनादाबमी “रोइ पाता, देसु पा इपशा बाक्को। मिनु इ आफ इ कली कोव्रथ जाक्त हना, गे मेको कली “आं समी तामारम आं कली जचा थोत्रक सल्लशा गयील। मेकोम जचा थोत्रक आं डांइती सल्ल। मिनु गो मेको आ सल्लशा कोव्रनुड। मिनु मेको आ गुइ रे जाइनुड” देनो” देमाक्त। ६ मोपतीक अम्नोन “रोइ पाता” देसु पा इपशा बाक्माक्त। मिनु पिप मेको कली कोव्रथ जाक्माक्त। मिनु अम्नोनमी पिप कली “आं समी तामारम आं डांइती शोब्ले निकशी चोशा गयील। मिनु गो मेको आ गुइ रे जाइनुड” देमाक्त।

७ मिनु दाऊदमी सिंम लोत्र कुरब मुर का तामार आ बाक्तीक सोइक्ता बाक्त। मेकोमी “इ लोकब अम्नोन आ बाक्तीक लशा, मेको कली जचा थोत्रक सल्लशा गेवो” दे लोत्र पथ सोइक्ता बाक्त। ८ मिनु तामार आ लोकब अम्नोन आ सिं लमाक्त। मिनु मेको कली इपशा बाक्शा थिदा बाक्त। मिनु तामारमी फस निशा, आ डांइती शोब्ले चोशा गेवा बाक्त। ९ मिनु मेकोम तांइ शशा अम्नोन आ बाक्तीक लशा, शोब्ले कुर पवा बाक्त। तन्न अम्नोन जने मबिस्स बाक्त। मिनु अम्नोनमी “नेल्ल आन कली लाङगा सोइक्ता” देमाक्त। मिनु मुर नेल्ल लमा बाक्त। १० मिनु अम्नोनमी तामार कली “मेको जचा थोत्रक आं कोठाम पितो। मिनु गो इ गुइ रे जाइनुड” दे

मदा बाक्त। मिनु तामारमी आ चोशो शोब्ले आ लोकब अम्नोन आ कोठाम लदा बाक्त। ११मिनु मेकोम शोब्ले गेवानु, अम्नोनम मेको कली ग्याइश्शा “आं समी पिवा। गो नु इपो” देमाक्त। लेवी १८:१ १२तन्न तामारमी “ममाइ, आं लोकब, आं कली आंदेशो मपन। इसराएलम आंदेशो गय पचा मदुम्ब। आंदेशो मरिम्शो गय मपन। १३गो आं मुनेम आं कुल गुरुइने मचापनुड। गे यो इसराएलम काइ मरिम्शो मुर दुम्नीनी। आं पर्वम पिप नु लोत्र पन। गो नु ग्युंब पचा कली पिप बिन्ब” देमाक्त। १४तन्न मेकोम तामार आ लोत्र का यो मनेना बाक्त। मिनु मेको कली बोल पा ग्याइश्शा, मेको नु इम्माक्त।

१५मिनु नोले अम्नोनम मेको कली मदाक्ता बाक्त। अम्नोन आ डोंइती डा दाक्शो क्येडा नोले डा गुरांगरा दिशो शुश बाक्माक्त। मिनु अम्नोनम मेको कली “बोक्शा लावो” दे मदा बाक्त। १६मिनु तामारमी “ममाइ, आं लोकब, इ पशो गय क्येडा यो आं कली गुरुइशा सोइक्वा थम मरिम्शो बाक्ब” देमाक्त। तन्न अम्नोनम मेको आ लोत्र मनेना बाक्त। १७मिनु अम्नोनम आ गेय पाइब वोंइश आल कली बुरेशशा “एको मीश मुर कली आं डोंइती रे गुरुइदो। एको कली गुरुइशा आग्लो पतो” देमाक्त। १८तामारमी कन्ने मीश आल पिप आ तमीमी फेक्तीक लाइश्शा वा फेक्शो बाक्माक्त। मिनु अम्नोन आ गेय पाइब वोंइश आलम तामार कली गुरुइशा, आ नोले लाप्चोम आग्लो पदा बाक्त। १९मिनु तामारमी आ पियाम पुतु फुइसीशा, आ लाइश्शा वा खाक्गा बाक्त। मिनु आ पियाम गुइ वोंइश्शा ठेयब संदा पा डाक्ना डाक्न लमाक्त।

२०मेको आ लोकब अब्सालोमम “मार, इ लोकब अम्नोन गे नु इम्म? मुल आं समी सिक्सी पा बाक्को। मेको इ लोकब बाक्ब। सुर्ता मपावो” देमाक्त। मोपतीके तामार आ लोकब अब्सालोम आ खिमी परांइचा पुंडसीशो मीश मुर सोंदेशो पा बाक्माक्त। २१मिनु पिप दाऊदम मेको लोत्र नेशा थाम्पा गाइक्ता बाक्त। तन्न अम्नोन कली सजाइ मगेवा बाक्त। मारदे हना आ दाक्शो डोंइती डा तौ बाक्माक्त। २२अब्सालोमम अम्नोन कली रिम्शो मरिम्शो मारइ लोत्र मपवा बाक्त। आ समी तामार कली बिथोलो सेल्लिक अब्सालोमम अम्नोन कली काइ मदाक्ता बाक्त।

### अब्सालोममी क्येक्क लेशो

२३बर्स निक्शी नोले अब्सालोमम आ भेडा आन ऊन परक्चा कली मुर आन कली बुरता बाक्त। मेको एफराइम आ नक्था बाल-हजोरम बाक्माक्त। मिनु मेको भोजमी पिप आ तौ नेल्ल आन कली बुरतीमी बाक्त। २४अब्सालोमम पिप आ बाक्तीक जाक्शा “गो, इन गेय पाइबम, ऊन परक्तीक चाड मानशो बाक्नुड। पिप नु इन गेय पाइबपुकी यो गो नु गाक्कीन” देमाक्त। २५तन्न पिपमी “ममाइ, आं तौ, गो नेल्ल जाक्शा इ कली श्येत मगेनीकी” देमाक्त। अब्सालोमम “जाक्कीन कि जाक्कीन” देमाक्त। मिनु पिप मबिस्स बाक्त। तन्न आसीक गेशा सोइक्ता बाक्त। २६मिनु अब्सालोमम “गे जाक्ने मचापनीनी हना यो, आं लोकब अम्नोन कली गो नु लचा गेनीनी कां?” देमाक्त। मिनु पिपमी “मारदे मेको गे नु लाइवा?” दे हिल्लो पवा बाक्त। २७तन्न दाऊदम अम्नोन नु अरु आ तौ मसोइक्ता सम्म अब्सालोमम देस डा देस पवा बाक्त। मिनु अब्सालोमम पिप आन कली गारचा डा ठेयब भोज सेला बाक्त। २८मेकोम आ गेय पाइब आन कली “रिम्शा बाक्कीन। अम्नोन अडगुर शांबुम दुक्त हना, गो मेको कली सतीन’ देनुड। मिनु गे मेको कली सतीन। मारइ हिंचा ममाल्नीनी। एको आं हुकुम बाक्ब। महिंथु बाक्कीन” दे माइक्मी बाक्त। लेवी २७:१७ २९मिनु अब्सालोम आ गेय पाइबपुकीम आ देशो सोंदेशो पा अम्नोन कली पाम बाक्त। मिनु पिप आ तौ नेल्ल आन आन सच्चर डोंइश्शा डोंडा रे खिं परोक्मा बाक्त।

### अब्सालोम परोक्शो

३०मेकोपुकी लाम बाक्न बाक्ना पिप कली “अब्सालोमम पिप आ तौ नेल्ल आन कली साइक्तु। सुइ मबरांइम” देशो लोत्र चाक्दीत्मे बाक्त। ३१मिनु पिप बोक्शा आ वा खाक्गा बाक्त। मिनु स्वपीम निस्स बाक्त। मेको आ एर आंथ बाक्ब आ गेय पाइब नेल्लेमी यो आन वा खाक्गाम बाक्त। ३२मिनु दाऊद आ लोकब शिमआह आ तौ योनादाबम “आं परभु, मेकोमी पिप आ तौ नेल्ल साइक्तु, दे ममिम्तीन। अम्नोन कली ला साइश्शा बाक्ब। अम्नोनम तामार कली बिथोलो सेला नाक्त रे अब्सालोम आ कुल राव किक्शो तांइसीशो बाक्ब। ३३आं परभु, पिप आ तौ नेल्ल आन कली साइक्तु

देशो जोल लोत्र मनेनीन। अम्नोन ला साइक्वा पुंडसाक्व” देमाक्त।

३४ मिनु अब्सालोम परोक्शा गाक्माक्त। मेना कोव्रब मुरुमी इर गे कोव्रडानु, होरोनाइम डांडा रे पा मुर आन हुल यिशा तवा बाक्त। ३५ मिनु योनादाबम पिप कली “गो इन गेय पाइब, आं देशो खोदंशा पा पिप आ तोपुकी यिना यिन बाक्नीम” देमाक्त। ३६ मेकोम लोत्र पने थुमानु, पिप आ तोपुकी सिंडगा ओव्रशा ठेयब संदा पा डाक्मा बाक्त। पिप नु आ गेय पाइब मुरपुकी यो हुइ हुइ पा डाक्मा बाक्त।

३७ तन्न अब्सालोम परोक्शा गेशुर डा पिप अम्मीहुद आ तो तल्मे आ बाक्तीक लशा बाक्माक्त। दाऊद आ तो आ पर्वम शुश नाक्त सम्म रोंका पवा बाक्त। ३८ अब्सालोम गेशुरम परोक्म रे बर्स सां सम्म मेक उइ बाक्माक्त। ३९ अम्नोन बेक्शा शुश दुम नोले, पिपमी आ थुं अब्सालोम गे हिरदा बाक्त। २सामुएल ३:३; २सामुएल १४:२३; यहोसु १३:११

अब्सालोम कली लेशशा चाक्शा

१४ १ मिनु सरूयाह आ तो योआबम पिप आ थुंम अब्सालोम कली दाक्वा गोप्नु, दे तुइक्ता बाक्त। २ मिनु योआबम मुर का कली तेकोहा सहरम सोइश्शा जोक्व तुइक्व मीश मुर का कली चाक्पाइक्मी बाक्त। योआबम मेको मीश मुर कली “रोंका पशा मीश मुर खोदंशा पखु पावो। रोंका पतीक वा फेक्सो। पियाम तेल मखरक्सो। शुश नाक्त रे बेक्शा मुर आ पर्वम रोंका पशा मीश मुर खोदंशा पखु पावो। ३ मिनु पिप आ बाक्तीक लशा, आं शंशा लोत्र देनो” दे मदा बाक्त। मिनु मार देंचा माल्वा, योआबम मेको कली शंदा बाक्त।

४ मिनु तेकोहा सहर डा मीश मुर पिप आ बाक्तीक जाक्शा, खप सम्म बाप्शा संउ पवा बाक्त। मिनु डाक्ना डाक्न “पिप वारच पाइय्नी” देमाक्त। ५ मिनु पिपमी मेको कली “इ कली मार श्येत दुम्मे?” दे मदा बाक्त। मिनु मेकोमी “गो वोंइश बेक्शा मीश मुर का नड। आं वोंइश बेक्त। ६ मेको इन वाइल आ तो निकशी बाक्ताक्स। मेको निकशी दिमम राम्शी पाम्से बाक्त। मेको आस कली फराब सुइ मबाक्मा बाक्त। मिनु काम आ लोक्व कली तुप्शा सदा बाक्त। ७ मुल आ थर डा मुर नेल्लेमी, इन वाइलीम कली “आ लोक्व साइक्व कली आंइ गुइम गेने। मिनु गो मेको कली साइक्नीकी। मारदे

हना आ लोक्व कली साइक्नु। गो इ अडस ताइब सुइ मबाक्त हना यो, गो मेको कली साइक्नीकी” देतक्म। मेकोपुकीम मो पाम्तेक्म हना, आं लीशा मी यो कान्नीम। मिनु आं वोंइश आ नं नु चच युइ यो रागी रे क्याम्सीनीम” देमाक्त। ब्यवस्था १९:११-१३ ८ मिनु पिपमी मेको मीश मुर कली “इ सिं लावो। इ निसाफ गो कोव्रनुड” देमाक्त। ९ मिनु मेको तेकोहा सहर डा मीश मुरुमी पिप कली “आं परभु पिप, मेको दोस गो नु आं आफ आ सिं कली दुम्ल। पिप नु इन राज्य दोस मतवल” देमाक्त। १० मिनु पिपमी “मुल यो सुइम इ कली मारइ देतक्म हना, मेको आन कली आं बाक्तीक चाक्को। मिनु मेकोपुकीम इ कली लेंशा श्येत मगेनीम” दे मदा बाक्त। ११ मिनु मेको मीश मुरुमी “पिप, गे परमपरभु यावे, इन परमपरभु कली मिप्शा गेय पने। मिनु हुश खराक्श पोक्चा नांइसेक्त। मिनु आं तो साइक्वा मपुंडसीब” देमाक्त। मिनु पिपमी “परमपरभु यावे बरोंइशा खोदंशा पा इ ती के चां का यो महम्ब” देमाक्त। गन्ती ३५:१९-२१

१२ मिनु मेको मीश मुरुमी “आं परभु पिप, गो इन वाइलीममी मुल यो लोत्र का देंचा ताइक्नुडा कां?” देमाक्त। मिनु पिपमी “देनो” देमाक्त। १३ मिनु मेको मीश मुरुमी “गे परमपरभु आ मुर आन कली मारदे ओदंशा पचा मिम्तीनी? गे मोदंशा पाइतीनी हना, गे दोसी खोदंशा दुम्नीनी। गे रागी रे गरुंडशा सोइश्शा मुर कली लेंशा जाक्चा गेने मबिस्सीनी। १४ गो नेल्ल बेक्चा माल्नेय। गो खपीम क्युप्शा हुइक्ने मचाप्ना डा ब्याक्कु खोदंशा बाक्नेय। तन्न परमपरभुमी मुर कली मखरब। मेकोमी आ डांइती चाक्चा कली मिम्ना मिम्न बाक्ब। इजीकीएल १८:२३ १५ गो, इन वाइलीम, एको लोत्र आं परभु पिप, इन कली देथ जाक्ती। मारदे हना मुरपुकीम आं कली हिंच कांइताक्यीमी। मिनु गो पिप नु लोत्र पाइनुड। मेकोमी आ वाइलीम कली आ पुंडशा गेवा कां? १६ मिनु पिपमी आ गेय पाइब, आं लोत्र नेंशा, गो नु आं तो आंस कली श्येत गेब मुर रे परोंइवा कां, देती। मारदे हना मेको मुरपुकीमी आंस कली परमपरभु आ गेशो रू रे क्याम्चा माल्तेक्म। १७ मिनु इन वाइलीम, आं परभु, आं पिप, आ लोत्रम आं थुं नाइक्चा गेब। मारदे हना गे, आं परभु पिप, परमपरभु आ स्वर्ग डा गेय पाइब खोदंशा बाक्नीनी। रिम्शा नु मरिम्शा तिल्ब बाक्नीनी। परमपरभु यावे, इन परमपरभु गे नु बाक्ब” देमाक्त। २सामुएल १९:२८; १सामुएल

२९:१ १८मिनु पिपमी मेको मीश मुर कली “आं डोंइती मारइ लोत्र मखरुइकतो, इ कली लोत्र का हिल्लो पाइक्नुड” देमाकत। मिनु मीश मुरुमी “आं परमु पिप, देनीन” देमाकत। १९ मिनु पिपमी “मार, एको नल्ल योआब आ दंशो बाकम?” देमाकत। मिनु मेको मीश मुरुमी “इन बरांइशा बाकशो खोंदंशो पा, आं परमु पिप, ग मारइ लोत्र हिल्लो पनीनु, लोत्र लेख क ग्युरा परा लतीक मबाकब। मारदे हना इन गेय पाइब योआबम आं कली मोदंशो लोत्र पचा शंशा सोइकताकयी। २० योआबमी इन थुं डा मिम्शो गेय फाइक्वा कली मोदंशो पपाइकती। तन्न गे, आं परमु, परमपरमु आ स्वर्ग डा गेय पाइब खोंदंशो पा रुतीक थुं पाइइशो बाकनीनी। रागीम मार दुम्शो बाकबा, मेको नेल्ल तुइकनीनी” देमाकत। २सामुएल १४:१७

२१ मिनु पिपमी योआब कली “दुम्ब, गो एको लोत्र बिस्साकयी। लशा, मेको ठिटा अब्बालोम कली लेइशा चाकनीन” देमाकत। २२ मिनु योआबमी आ कुल खप सम्म बाप्शा, सेउ पवा बाकत। मेकोमी पिप कली “परमपरमु यावेमी इन कली आसीक गेवल। मुलाकती गो आं परमु, पिप इन डोंइती शिशी ताता, दे तुइकताकड। मारदे हना गे आं पुंइशो गेतीनी” देमाकत। २३ मिनु योआब रीब पा गेशुर लशा, अब्बालोम कली यरूसलेमम चाक्या बाकत। २सामुएल १३:३७ २४ तन्न पिपमी “मेको आ खिंमीन बाकत। आं डोंइती जाकचा मदुम्ब” देमाकत। मोपतीक अब्बालोम आ खिंमीन बाकशा, पिप आ डोंइती मजाकमाकत।

२५ इसराएल नेल्लेमी अब्बालोम खोंदंशो दारशो सुइ मबाकमा बाकत। आ पिया रे खोंइल सम्म मेको के मारइ मरिम्शो मदुम्शो मबाकमाकत। २६ मेकोम बर्स बर्सम आ चां खरोइक्वाकमाकत। मारदे हना हेल्बाकमाकत। मिनु मेको आ चां पिप आ नाकतीकेम नाकशोनु, सह निक्शी शेकेल डा दुम्बाकत। २०० शेकेल २ किलो ३०० गराम खोंदंशो बाकब। २७ अब्बालोम के तौ सां नु तमी का बाकमा बाकत। आ तमी आ नें तामार बाकमाकत। मेको थाम्पा दारशो मीश मुर बाकमाकत।

२८ मिनु अब्बालोम बर्स निक्शी सम्म यरूसलेमम बाकमाकत। मेको पिप आ डोंइती मजाकथु बाकमाकत। २९ मिनु अब्बालोममी पिप कली गरुम्चा कली योआब कली लोत्र सोइकता बाकत। तन्न योआब जाकने मबिस्स

बाकत। लंशा बरथ सोइकतानु यो, जाकने मबिस्स बाकत। ३० मिनु अब्बालोमम आ गेय पाइब आन कली “योआब आ रू का आं रू आ नेक्या बाकब। मेको के क्योत्रज वाशो बाकब, दे गे तुइकनीनी। मंकर मी सुइकतीन” दे माइकमी बाकत। मोपतीक अब्बालोम आ गेय पाइबपुकीम मंकर मी सुइकतम बाकत। ३१ मिनु योआब रीब पा अब्बालोम आ खिं लशा, मेको कली “मारदे इन गेय पाइबपुकीम आं रूम मी सुइकतम?” दे हिल्लो पवा बाकत। ३२ मिनु अब्बालोममी योआब कली “गो इन कली बरथ सोइकताकड। गे आं पर्वम पिप कली लोत्र लाइकनीनी कां, दे मिम्ताकड। गे पिप कली गो मारदे गेशुर रे जाकचा माल्डा? गो मेक उइ बाकशो नड हना, रिम्शो दुम वा” देचा कली बरथ सोइकताकड। गो पिप आ डोंइती लचा तडल। गो मारइ मरिम्शो पशो बाकती हना, दोस ताइब बाकती हना, साइय्यील” देमाकत। ३३ मिनु नोले योआब पिप आ बाकतीक लशा, अब्बालोम आ लोत्र नंपदा बाकत। मिनु पिपमी अब्बालोम कली बरथ सोइकता बाकत। मिनु मेको पिप आ डोंइती जाकशा खप सम्म बाप्शा, सेउ पवा बाकत। मिनु पिपमी अब्बालोम कली पुक्पु पदा बाकत।

अब्बालोम पिप दुम्चा माल्डो

१ मिनु नोले अब्बालोमम बग्गी का, १५ शारा नु आ डोंइडोंइती दारचा कली ५० जना मुर आंम कली वोदा बाकत। १राजा १:५ २ अब्बालोम सुनी कना बोवशा, सहर ओत्रतीक ठेयब लाप्चोमी बाकबाकमाकत। मिनु मुरपुकी पिप कली निसाफ पुंइथ जाकबाकतकम। अब्बालोममी मेको आन कली का का पा “तेको सहर रे जाकशो नवे” देबाकमाकत। मिनु मेकोमी “इन गेय पाइब इसराएल डा एको थर रे जाकशो नड” देबाकमा बाकत। ३ मिनु अब्बालोमम मेको कली “इ लोत्र ठीक बाकब। तन्न पिपमी इ कली ठीक निसाफ पा मनेंपाइक्ब” देबाकमाकत। ४ मिनु नोले अब्बालोममी “गो एको रागी डा निसाफ पाइब दुम्शो नड हना, सु सु कली निसाफ माल्डा, गो मेको नेल्ल आन कली निसाफ गेड वा” देबाकमाकत। ५ सुइ मुर मेको कली सेउ पथ जाकमेनु, मेको कली आ गुइ हाम्शा मुष्शा, पुक्पु पाइक्वाकमाकत। ६ अब्बालोममी पिप आ निसाफ पतीकेम इसराएली सु सु जाकबाकमा, मेको आन कली मोपा आन थुं सुइ पाइबाकमाकत।

७मिनु ४ बर्स नोले अब्सालोमम पिप कली "गे आं कली हेबरोन लचा गेयीनी। गो परमपरभु यावे कली पशो कबल खाप्चा दाकनुड। ८मारद हना गो, इन गय पाइबम अराम डा गेशुरम बाकडानु, कबल का पाता। गो मार कबल पाता दंशा हना, "परमपरभु यावे, गे आं कली थमा पा यरूसलेमम लेशशा चाकती हना, गो हेबरोनम परमपरभु यावे, इन कली ठेयब सल्लुड" दे कबल पाता" देमाक्त। उत्पत्ती २८ :२०-२१; २सामुएल १३ :३७-३८ १मिनु पिपमी "गे इ थुं नाइश्शा लावो" देमाक्त। मिनु मेको बाकशा, हेबरोन लमाक्त। १०मिनु अब्सालोमम इसराएल डा थर नेल्ल आन कली सुइम मतुइक्चा डा पा, लोत्र कुरब सोइश्शा "तुराही गरीशो नंनी चोटी, गेपुकीम "अब्सालोम हेबरोनम पिप दुस्त" दंनीन" देपाइक्मी बाक्त। ११यरूसलेम डा सहे निकशी जना मुर अब्सालोम आ नोले सोइक्व दुम्मा बाक्त। मेको आन कली अब्सालोमम बरेशशा बाक्माक्त। तन्न मेकोपुकी मारइ मतुइक्थु, लशो बाक्मा बाक्त। १२अब्सालोमम आ क्यारशा चद्वेतीकम चद्वेवानु, गिलोह सहर डा अहीथोफल कली बरेत्थ सोइक्ता बाक्त। मेको अहीथोफल चहिं गिलोह सहर डा दाऊद कली अर्ती गब मुर बाक्माक्त। मोपा पिप कली मरिम्शो गय पना पन लशा अब्सालोम आ मुर शुश दुम्ना दुम्न लमा बाक्त। २सामुएल २३ :३४; यहासु १५ :५१

### दाऊद परोक्शो

१३मिनु लोत्र कुरब मुर का दाऊद आ बाक्तीकम जाकशा "इसराएल डा मुरपुकी अब्सालोम आ नोले सोइक्तकम" देमाक्त। १४मिनु दाऊदम यरूसलेमम आं नु बाक्व आ ठेयब गय पाइब आन कली "बाक्कीन, गोपुकी रीब पा परोक्चा माल्लनय। मो मपाइतय हना, गो सुइ अब्सालोम आ गुइ रे बरोइचा मताइनय। रीब पा पन, मो मदुस्त हना, मेकोमी इं क्येडा लाकशा, इं कली शुश श्यत गेशा, सहर कली लडाइ तोइब" देमाक्त। १५ मिनु पिप आ ठेयब गय पाइबपुकीमी "गे आंइ परभु पिपमी, मार दंनी, गो इन गय पाइबम मेको पाइनीकी" देमा बाक्त। १६मिनु पिपमी आ खिं डा सुइ सुइ आन कली लाइश्शा गाक्माक्त। मेकोमी १० जना नोले चाकशा मीश आन कली खिं कोत्रचा कली परांइशा वोइक्मी बाक्त। १७मिनु पिप गाक्माक्त। मिनु मुर नेल्ल आ नोले खोदम बाक्त। मिनु नोले डा खिम चहिं दिक्मा बाक्त। १८मिनु पिप आ ठेयब गय पाइब,

केरथी नु पलेथी नेल्ल, गाथ सहर रे जाकशा ६ सहे गित्त आ खिं डा नु मुर नेल्ल पिप आ डांइती लाक्गम बाक्त। २सामुएल ८ :१८; १सामुएल २७ :२

१९मिनु पिपमी गित्त आ खिं डा इत्ताइ कली "मारद गे यो गो नु पिवे? लेशशा लशा, पिप नु बाक्को। मारद हना गे अर्को रागी डा मुर नवे। गे इ रागी रे गरुइचा पुइसीशो मुर नवे। २०गे सिनाक्त साबर नाक्त ला जाकशा मुर नवे। गो मुलाक्त इ कली दोपा गो नु गाक्को देनुडा? गो ते लाइक्नुडा आमान मतुइक्नुडा। गे खिं लावो। मिनु इ मुर आन कली यो लाइक्मी। परमपरभु यावेमी इ कली आ गेना हना यो दाकशा मपरंइतीक कांइदल" देमाक्त। २१तन्न इत्ताइमी पिप कली "परमपरभु यावे बरोइशा बाकशा सोदंशो पा नु आं परभु पिप इन बरोइशा बाकशा सोदंशो पा, गे ते लाइतीनी हना यो, गो मेक लाइक्नुडा। बरोइतीनी हना यो, बेक्तीनी हना यो, गो इन गय पाइब, इन नु बाक्नुड" दे मदा बाक्त। २२मिनु दाऊदमी इत्ताइ कली "लो, दुम्ब गाक्को" दे मदा बाक्त। मोपा गित्त आ खिं डा इत्ताइ, आ मुर नेल्ल नु आ आल नेल्ल नु गाक्मा बाक्त। २३पिप मोपा गाक्मेनु लोम बाक्व मुर नेल्ल डाक्मा बाक्त। पिप किदरोन खोला शाकशा गोरशो रागी गे लमा बाक्त।

२४मिनु अबीयाथार, सादोक नु लेवी नेल्ल परमपरभु आ कबल पशो सन्दोस कुरशा, जाक्मा बाक्त। मेकोपुकी चहिं सहर डा मुर नेल्ल गरुशा मगाक्मा सम्म सन्दोस नाइश्शा रिम्शा बाक्मा बाक्त। २५मिनु पिपमी सादोक कली "परमपरभु आ सन्दोस सहर लेशशा लतीन। परमपरभु यावेमी आं कली शिशी पाइक्ती हना, आं कली लेशशा जाक्चा गेब। मिनु सन्दोस नु मेको वोइक्तीक लेशा कोत्रचा गेब। २६तन्न परमपरभु यावेमी गो इ कली शिशी मपाइनुड" देत हना, गो एक उइ बाक्नुड। मेकोम आं कली आ दाकशा पवल। २७कोत्रडीन, गे नु इ तौ अहीमाज नु अबीयाथार नु आ तौ योनाथन एको ठिटा निकशी आस कली लाइश्शा, सहर लतीन। १राजा १ :४२ २८गो गोरशो रागी आ सुरमी इन लोत्र मनेनु सम्म रिम्शा बाक्नुड। एको लोत्र मपरंदीन" देमाक्त। २९मिनु सादोक नु अबीयाथारम परमपरभु आ सन्दोस यरूसलेम लेशशा लदसे बाक्त। मिनु मेको मेक उइ बाक्सा बाक्त।

३० तन्न दाऊद जैतून डांडा डा ग्येत्य लाम्मी डाकना डाकन लमाकत। मेकोम आ पिया सुम्शो बाकमाकत। श्येत्य सोडल गाकशो बाकमाकत। मेको नु गाकब नेल्ल यो आन पिया सुम्शा डाकना डाकन गाकमा बाकत। ३१ मिनु दाऊद कली अहीथोफल मरिम्शो पाइब आन दातेम अब्सालोम नु बाकत देशो लोत्र नंपदम बाकत। मिनु दाऊदम “परमपरभु याव अहीथोफल आ अर्ती शोर गाकशा सलीन” दे पुना बाकत। २सामुएल १७:१४ ३२ मिनु दाऊद परमपरभु कली टेयव सल्लोका डांडा तार जाकमाकत। मेना अरकी आ खिं डा हुशाइ आ वा साकशा, आ पियाम खप फुइसीशा दाऊद कली गरुम्थ जाकमाकत। १राजा ३:२; यहोसु १६:२ ३३ दाऊदम मेको कली “गे गो नु गाकते हना, आं कली श्येत ला दुम्ब। ३४ तन्न गे सहर लेशशा लशा अब्सालोम कली गो इन आफ आ गेय पशो सोदेशो पा इन गेय पाइब दुम्नुड” देते हना, मिनु मेक बाकते हना, अहीथोफल आ अर्ती खतम सेल्ला कली आं कली वारच पाइनेवे। २सामुएल १७:१७ ३५ चदेब सादोक नु अबीयाथार गे नु मेक बाकनीस। पिप आ खिम मार मार लोत्र नेनी, मेको नेल्ल मेको आस कली शंदीम्सी। ३६ मेको निकशी नु आस तौ मेको नु बाकनीस। सादोक आ तौ अहीमाज नु अबीयाथार आ तौ योनाथन र इन नेशो लोत्र नेल्ल आं कली नंपाइकन चाप्नीनी” देमाकत। २सामुएल १७:१५-२१ ३७ मिनु दाऊद आ वारच हुशाइ, अब्सालोम यरूसलेमम ओव्रना ओव्रना, सहर जाकदीम्माकत। १इतिहास २७:३३

सीबामी दाऊद कली गरुम्शो

१ दाऊद डांडा तार र इक्का आइक्की १६ जाकदीम्मेनु, मेफी-बोशथ आ गेय पाइब सीबामी दाऊद कली गरुमा बाकत। मेकोम लगम पाइशो गधा निकशीम सह निकशी शोप्ने, सह का मुठा सोत्रशो अङ्गुर, सह का फल फुल नु मसक का अङ्गुर शांबु कुरपाइशशा, चाकगा बाकत। २सामुएल ७:२ २ पिपमी सीबा कली “गे एको नेल्ल मारदे चाकगी?” दे हिल्लो पवा बाकत। मिनु सीबाम “एको गधा पिप आ खिं डा मुर डोइक्का कली बाकनीस। शोप्ने नु फल फुल चहिं ठिटा आन कली जचा कली बाकब। अङ्गुर शांबु गोरशो रागीम दशा थशो आन कली तूचा कली बाकब” देमाकत। ३ मिनु पिपमी “इ होव्रप आ तौ ते बाकम” दे हिल्लो पवा बाकत। मिनु सीबाम “मेको यरूसलेममीन बाकशो बाकब।

मेकोमी मुलाक्ती इसराएलीपुकीम आ बाजे आ राज्य लेशशा गेनीम” दे रिम्शा बाकशो बाकब” देमाकत। २सामुएल १९:२५-३१ ४ मिनु पिपमी सीबा कली “मुल मेफी-बोशथ आ मारइ मारइ इ के दुम्ब” दे मदा बाकत। मिनु सीबामी “आं परभु पिप, गो इन वाइल का नड। इन डांडती शिशो तडल” देमाकत। १राजा २:८-९; परस्थान २२:२७

शिमिइम दाऊद कली सराप पशो

५ मिनु पिप दाऊद बाहुरीम सहरम जाकमाकत। मिनु मेकर सावल आ खिं डा मुर का, गेरा आ तौ शिमिइ गरुशा दाऊद कली सराप चीले पना पन पिमाकत। ६ मेकोम पिप दाऊद नु आ गेय पाइब नेल्ल, लडाइ पाइब नेल्ल नु अरु मुर नेल्ल आन कली एर ओथ नेल्ल फुल्लु करोम्दीमी बाकत। दाऊद आ ग्युरा नु परा आ लडाइ पाइब नु आ मुर बाकमा बाकत। ७ शिमिइमी “लावा, लावा, ए मुर साइक्ब नु मरिम्शो पाइब” दे गरीशा, सराप पवा बाकत। ८ मिनु “परमपरभु यावेम सावल आ खिं डा मुर आन हुश आ क्यक्क लेताक्वे। गे मेको आ पा डा सासन पाप्तीवी। मिनु परमपरभु यावेमी एको राज्य इ तौ अब्सालोम कली गेन्तु। मुल गे खतम दुम्ते श्येत जाइनेवे। मारदे हना गे हुश खराकश पाक्ब बाकनेव” देमाकत।

९ मिनु सरुयाह आ तौ अबीशेमी पिप कली “मारदे मेरे बकशो कुनुममी आं परभु, पिप इन कली सराप पवा? गो आइक्की हांबु लशा मेरे आ पिया खरोइक्नुड” देमाकत। १सामुएल २६:८ १० तन्न पिपमी “ए सरुयाह आ तौ, गे गो नु मगारचा डा बाकनीसी। परमपरभु यावेमी मेको कली “दाऊद कली सराप पावो” दे सोइशो बाकत हना, सुम तेकने चाप्ना डा?” देमाकत। २सामुएल १९:१७-२४ ११ मिनु दाऊदम अबीशे नु आ गेय पाइब नेल्ल आन कली “आं तौमी आं कली साइक्का माल्व हना, मेरे बेन्यामीन आ थर डा मुर के मार लोत्र पचा डा? मेरे कली परोनीन। मेरेमी सराप पवल। मारदे हना परमपरभु यावेमीन मेरे कली सराप पचा गेशो बाकम माइ। १२ परमपरभु यावेम मेरे मुलाकत डा सराप आ पा डा आं श्येत तशा आं कली रिम्शो पाइबा कां” देमाकत। १३ मिनु दाऊद नु आ मुर आन लां सोदमे बाकत। शिमिइ चहिं दाऊद आ लां गे आइक्की हांबुइ आइक्की हांबु लमाकत। लमेनु दाऊद कली सराप पना पन फुल्लु आप्ना आप्न, खप ब्यारना ब्यारन लमाकत। १४ मिनु पिप नु मेको नु गाकब

मुर नेल्ल यर्दन खोला आ नेक्था जावदीम्मा बाक्त । मिनु मेको थाम्पा दशा नांडसमा बाक्त ।

अब्सालोम यरूसलेम जाक्शो

१५ अब्सालोम नु मेको नु बाक्व इसराएली नेल्ल यरूसलेम जाक्मा बाक्त । अहीथोफल यो मेको नु बाक्माक्त । १६ मिनु अरकी आ खिं डा हुशाइ दाऊद आ वारचमी अब्सालोम कली गूस्मा बाक्त । मिनु मेकोमी अब्सालोम कली “पिप गेना हना यो ब्रांडशा बाक्ल । पिप गेना हना यो ब्रांडशा बाक्ल” दंमाक्त । २सामुएल १५ :३७ १७ तन्न अब्सालोममी हुशाइ कली “इ वारच कली मप्रांडतीक, मोदंशो बाक्वा डा ? मारदे गे इ वारच नु मलवे” दे मदा बाक्त । १८ मिनु हुशाइमी अब्सालोम कली “ममाइ, परमपरभु यावे मेकेर बाक्व मुर नु इसराएली नेल्लेमी योव्रशो मुर आ गेय पचा मिम्ताक्ड । गो एक बाक्नुड । १९ मुल गो सुका आ गेय पाइनुड डा ? पिप आ तौ कली गेय पचा मदुम्बा डा ? गो दोपा इन आफ आ गेय पडा, मोपा इन गेय यो पाइनुड” दंमाक्त ।

अहीथोफलमी अर्ती गेशो

२० मिनु अब्सालोममी अहीथोफल कली “आंइ कली इन अर्ती गेने । गो दोपा गेय पचा माल्नीकी ?” दे हिल्लो पवा बाक्त । २१ मिनु अहीथोफलमी अब्सालोम कली “इन आफोमी आ खिं कोव्रचा कली परांडशा वाइशो आ नोले चाक्शो मीशपुकी नु इपो । मोपा इन आफ कली मरिम्शा पशो इसराएल नेल्लेम नेनीम । मिनु इन नोले खोइक्व आन थुं बारब” दंमाक्त । २सामुएल १५ :१६ २२ मोपतीक मेकोपुकीम अब्सालोम कली खिं तार ताम्बु का कीडम बाक्त । मिनु अब्सालोममी इसराएली नेल्लेम तचा डा पा, आ आफ आ नोले चाक्शो मीशपुकी नु इम्माक्त । २३ मेना मुरपुकीम अहीथोफल आ अर्ती परमपरभु आ लोव्र खोदंशो मिम्बाक्मा बाक्त । मोपतीक दाऊद नु अब्सालोम अहीथोफल आ अर्ती टैयब मिम्बाक्सा बाक्त ।

अहीथोफल आ अर्ती क्याम्शो

१ अहीथोफलम अब्सालोम कली “आं कली १२ हजार योव्रशो मुर गेयीनी । मिनु गा मुलाक्दो दाऊद कली खेदा पाइनुड । २ मेको दशा, आ थुं लुक्च लशा बाक्मेनु, मेको कली थित्नुड । मिनु मेको नु बाक्व मुर नेल्ल बरशा

परोक्नीम । मिनु गो पिप कली ला साइक्नुड, अरु सुइ मसाइक्नुड । ३ मिनु गो इसराएली नेल्ल आन कली ग्युम्ती आ ग्युम्ले बाक्तीक जाक्शो खोदंशो पा इन बाक्तीक चाक्नुडमी । गे मुर का आ सोक्त माल्ना माल्ल बाक्नीनी । लीशो मुर मारइ मदुम्नीम” दंमाक्त । ४ मिनु अब्सालोम नु इसराएल डा खाल्पा नेल्लेम अहीथोफल आ अर्ती दाक्तेम बाक्त ।

५ तन्न अब्सालोमम “अरकी आ हुशाइ कली बरतीन । मेकोमी मार देबा, मेको नंय” दंमाक्त । २सामुएल १६ :१६ ६ मिनु हुशाइ अब्सालोम आ डांडती जाक्मेनु, अब्सालोममी “अहीथोफल आ दंशो नेल्ल शंदा बाक्त । मेको आ दंशो पचा, दे मपचा ? मपचा हना, गे मार मिम्नेवे दंनो” दंमाक्त ।

७ मिनु हुशाइमी अब्सालोम कली “एको मुल डा अहीथोफल आ दंशो ठीक मदुम्ब” दंमाक्त । ८ मिनु हुशाइमी लेंशा “गे इन आफ नु मेको नु बाक्व मुरपुकी थम जोक्व लडाइ पाइवपुकी बाक्नीम, दे तुइक्नीनी । मेकोपुकी चाइक्व रोइक्वा पुंडसीशो वां खोदंशो दुम्शो बाक्नीम । इन आफ लडाइ पतीकेम जोक्व तुइक्व बाक्व । मेको नाक्दो आ लडाइ पाइव नु काथा मबाक्व । ९ मुल यो मेको तेकोइ दोडोडगा नु अरु बाक्तीकेमी खरुइशो बाक्म माइ ? मिनु इं लडाइ पाइवपुकी डांडती साइक्वा पुंडसाक्म हना, मेको नंबपुकीमी अब्सालोम आ नोले खोइक्वपुकी बक्ना बक्न बाक्नीम” दंशो नंनीम । १० मोदंशो दुम्मेनु, महिब गुप्स खोदंशो थुं पाइशो लडाइ पाइव मुर यो हिंनीम । मारदे हना इसराएली नेल्लेमी इन आफ बाल्यो लडाइ पाइव मुर बाक्व, दे तुइक्नीम । मेको नु बाक्व थम बाल्यो बाक्नीम, दे तुइक्नीम । ११ आ अर्ती चहिं मार बाक्व दंशा हना, दान रे बेयर-शेबा सम्म डा इसराएली नेल्ल आन कली खुप्वा माल्नीम । मेको समुन्दर डा बाल्वा खोदंशो पा शुश बाक्नीम । मिनु गे मोदंशो पा लडाइ पथ लेने । १२ मिनु मेको ते बाक्त हना यो, गो मेको कली थिश्शा लडाइ तोइनय । गो सीत यिशा खोदंशो पा मेको तार चुक्नय । मिनु मेको नु मेको कली खोइक्व का यो ब्रांडचा मताइनीम । १३ मेको परोक्शा सहर लशा, बाक्तीक पुंडशा बाक्त हना यो गो इसराएली नेल्ल मेकेर लशा मेको सहर कली डोराम कीशा फुल्लु का यो खरोप्शा मलीपाइक्थु, दिंमम चाक्नय” दे हुशाइमी दंमाक्त । १४ मिनु

अब्बालोम नु इसराएली नेल्लेमी “अहीथोफल आ अर्ती क्याडा अरकी आ हुशाइमी गेशो अर्ती रिम्शो बाक्ब” देमा बाक्त। मारदे हना परमपरमु यावेमी अहीथोफल आ अर्ती क्याम्शा, अब्बालोम कली खतम पाक्चा कली मो पवा बाक्त। २सामुएल १५ :३१-३४ १५ मिनु नोले हुशाइमी चद्वब सादोक नु अबीयाथार आस कली अहीथोफलम अब्बालोम नु इसराएल डा खाल्पा आन कली गेशो अर्ती नु आ गेशो अर्ती नेल्ल शंदीम्सी बाक्त। १६ मिनु गे दाऊद कली “गोरशो रागी आ सुरम बास मबाक्थु, गोरशा रागी लाकशा गाक्कीन। मो मपाइतीनी हना, पिप नु आ नु बाक्ब नेल्ल साइक्चा पुंडसीनीम” देमाक्त।

१७ मेना योनाथन नु अहीमाज एन-रोगेलमी रिम्शा बाक्शो बाक्सा बाक्त। मिनु वाइलीम का लशा, मेको आस कली शंबाक्सा बाक्त। मिनु मेको निक्शीमी पिप दाऊद कली शंबाक्सा बाक्त। मारदे हना सहर डा मुरुम मतामेक्त, दे मो पाइक्बाक्सा बाक्त। २सामुएल १५ :३६ ; यहासु १५ :७-८ १८ तन्न मेना वांडश आल काम मेको आस कली तशा, अब्बालोम कली शंदा बाक्त। मोपतीके मेको निक्शी रीब पा बाहरीम डा मुर का आ सिं जाक्दीस्सा बाक्त। मेको आ लाङ्गाम इनार का बाक्सा बाक्त। मिनु मेको निक्शी मेको आगा ओव्रसा बाक्त। १९ मेको सिं डा मुर आ मीशमी सुम्तीक का चाक्शा, मेको तार बिस्कुन हामा बाक्त। सुइम मारइ मतुइक्ताम बाक्त। २० मिनु अब्बालोम आ गय पाइब मुरपुकी जाक्शा, मेको मीश मुर कली “अहीमाज नु योनाथन त बाक्सा” दे हिल्लो पाम बाक्त। मिनु मेकोमी “मेको निक्शी आइक्ची हांबु लाक्ताक्स” देमाक्त। मेको मुरपुकीम एर ओथ माल्मे बाक्त, तन्न मथिदम बाक्त। मोपतीके मेकोपुकी यरूसलेम लेम्मा बाक्त। २१ मिनु मेकोपुकी लमा नोले मेको निक्शी इनार रे गुरूसा बाक्त। मिनु मेको लशा पिप दाऊद कली नेल्ल शोव्रडस बाक्त। मेको निक्शीमी दाऊद कली “बोक्कीन, रीब पा खोला शोक्सीन” देसा बाक्त। अहीथोफल आ दंशो अर्ती डा लोव्र यो शंदसे बाक्त। २२ मोपतीके दाऊद नु आ मुरपुकी रीब पा यर्दन खोला शोक्सीमा बाक्त। बुरु पा हाम्सो दुम्मेनु, आइक्ची हांबु मजाक्दीष्व, सुइ मलीमा बाक्त।

२३ मिनु अहीथोफलमी आ अर्ती डा लोव्र मबिश्शो तुइश्शा, आ गधा ठीक पा आ सहर डा

सिं लमाक्त। मिनु आ सिं डा मुर आन कली देचा माल्शो लोव्र दंशा, आं चहिं ग्युकशा बेक्सा बाक्त। मेको मोपा बेक्शा आ आफ आ तुरसुम थिम्चा पुंडसे बाक्त। १सामुएल ३१ :४ ; १राजा १६ :१८ ; मत्ती २७ :५

२४ मिनु दाऊद महा-नाइमम जाक्दीम्माक्त। मेना अब्बालोम नु मेको नु बाक्शो इसराएली यर्दन खोला शोक्सीन थुम्म बाक्त। २सामुएल २ :८ २५ अब्बालोमम योआब आ पा डा इश्माएली इथरा आ तौ आमासा कली कप्तान सला बाक्त। इथरामी अबीगेल कली ग्युंब पवा बाक्त। अबीगेल, नाहाश नु सरूयाह आस समी आ तमी बाक्सा बाक्त। सरूयाह योआब आ ममा बाक्सा बाक्त। २६ इसराएलीपुकी नु अब्बालोमम गिलादमी आन बाक्तीक सल्मे बाक्त। २७ मिनु दाऊद महा-नाइमम जाक्मेनु, रब्बाहम बाक्ब अम्मोनी नाहाश आ तौ शोबी, लो-देवारम बाक्ब अम्मीएल आ तौ माकीर नु रोगेलीम बाक्ब गिलाद आ मुर बारजील्लाइम, १इतिहास ११ :१ ; २सामुएल ९ :४ ; १राजा २ :७ २८ बरतीक फक्तीक, ग्यांबपुकी, खप क ग्यांबपुकी, क्याव्रज नु चेरब, फस, सिबी, दाल, २९ सुदो, दहि, मेडा नु दूध के सल्शो जचा थोव्रक दाऊद नु मेको नु बाक्ब मुर आन कली चाक्शा, गेमे बाक्त। मारदे हना मेकोपुकीम दाऊद नु आ मुरपुकी गोरशो रागीम शोव्रलु बेक्शा, तूत् दाक्शो नु थाम्पा दशो बाक्नीम, दे तुइक्त्तम बाक्त।

अब्बालोम साइक्चा पुंडसीशो

१ दाऊदमी आं नु बाक्शो मुर आन कली लडाइ पचा कली पुक्मी बाक्त। मिनु हजार का नु सह का डा मुर आन कप्तान योव्रमी बाक्त। २ मिनु नोले दाऊदमी आ लडाइ पाइब आन कली भाग सां सेल्मी बाक्त। भाग का योआब आ हुकुममी, भाग का सरूयाह आ तौ अबीशे योआब आ लोक्ब आ हुकुममी नु भाग का गित्त आ सिं डा मुर इत्ताइ आ हुकुममी गमी बाक्त। मिनु पिपमी “गो यो गेपुकी नु लडाइम लाइनुड” देमाक्त। २सामुएल १५ :१९ ३ तन्न मेकोपुकीमी “ममाइ, गे चहिं मलन। बरुशा परोक्चा माल्ताक्क हना, आंइ कली सुइम मतुइक्नीम। गो उडक्थ बेक्ताक हना यो, मेकोपुकीम आंइ कली मेकोव्रनीम। तन्न गे आंइ १० हजार सोदंशो बाक्नीनी। मोपतीके गे सहरम बाक्शा, आंइ कली वारच पाइतीनी हना, रिम्शो दुम्ब” देमा बाक्त। ४ मिनु पिपमी “मो

हना गो, गे मार दंनी, मेको पाइनुड” देमाक्त। मिनु मेको ठेयब लाप्चोम राप्शा बाक्माक्त। मिनु लडाइ पाइबपुकी हजार का, सहे का डा हल पा आ डांइती रे लमा बाक्त। ५पिपमी योआब, अबीशे नु इत्ताइ आन कली “गो आं पर्वम मेको टिटा अब्सालोम नु मरिम्शो मपन” दे अब्सालोम आ पर्वम लडाइ पाइब आन कली अरशो मुर नल्लेम नन्म बाक्त। २सामुएल १८:१२

६मिनु लडाइ पाइबपुकी इसराएली नु लडाइ पथ जाक्दीम्मा बाक्त। मेको लडाइ एफुराइम डा ब्वाकीम दुम्माक्त। ७मेकर दाऊद आ मुरपुकीम इसराएली आन कली फरुमे बाक्त। मेको नाक्ती थम ठेयब लडाइ दुम्शा २० हजार मुर बेक्मा बाक्त। ८लडाइ राज्य आ एर आथ नल्ल बरमाक्त। तरवारम साइश्शो क्येडा ब्वाकीम साइश्शो मुर शुश दुम्मा बाक्त।

९अब्सालोममी दाऊद आ मुर कली तवा बाक्त। अब्सालोम आ खच्चर डोइश्शो बाक्माक्त। मेको खच्चर शुश राशी पाइश्शो ठेयब बोल्यो रवा का आगा र गरीशा लमाक्त। मिनु अब्सालोम आ चां मेको बोल्यो रवा आ राशीम ब्वेक्ता बाक्त। मिनु मेको ग्युकशा लीमाक्त। आ खच्चर चहिं गरीशा लाक्गा बाक्त। १०मुर कामी मेको तशा योआब कली “गो अब्सालोम कली बोल्यो ठेयब रवा काम ग्युकशा लीशा ताता” मदा बाक्त। ११योआबमी मेको मुर कली “गे मेको कली मोपा तशा, मारदे मसदी? गो इ कली १० टुकरा चांदी नु काम्बरी का गेन वा” देमाक्त। १२मेको मुरुम योआब कली “गे आं कली हजार का टुकरा चांदी गेतीनी हना यो, गो पिप आ तो आ पर्वम आं गुइ मक्युक्नुड। मारदे हना पिपमी मेको टिटा अब्सालोम कली सुम थिप्चा, मेकोमी रिम्शो पन” दे अबीशे, इत्ताइ नु इन कली देशो गो नल्लेम नंतक। २सामुएल १८:५ १३मिनु गो मेको कली मरिम्शो पा साइक्ता हना, मेको लोत्र पिपमी रीब पा नंब। मिनु गे दोस मताइब दुम्नीनी” देमाक्त। १४मिनु योआबमी “गो गे नु लोत्र पा मग्योल्नुड” देमाक्त। मिनु मेकोमी तृतीक सां शशा, अब्सालोम मो पा खाम ग्युकशा बाक्मेनु, आ कुचुमी थोक्गा बाक्त। मेना सम्म अब्सालोम सस बाक्शो बाक्माक्त। १५मिनु योआब आ या कुरब १० जना मुरुम अब्सालोम कली आ एर आथ बाक्शा, मेको कली आप्शा सदमे बाक्त।

१६मिनु योआबम तुराही तवा बाक्त। मिनु लडाइ पाइबपुकी इसराएली आन कली खदा पचा परांइशा, लेम्मा बाक्त। मारदे हना योआबम लडाइ पाइब आन कली तेक्मी बाक्त। १७मेकोपुकीम अब्सालोम आ बेक्शो रां लाइश्शा, ब्वाकी डा ठेयब ढाडोडगा काम ताइक्तम बाक्त। मिनु मेको तार शुश फुल्लु पुकाम बाक्त। मिनु इसराएली नल्ल आन आन सिं प्रोक्मा बाक्त। यहासु ८:२९

१८डांइती अब्सालोममी पिप आ बेसीम थाम का खरुक्शो बाक्माक्त। मारदे हना मेकोमी “आं नं वोइक्चा कली आं तो मवाक्ब” देशो बाक्माक्त। मेकोमी मेको थाम कली आ नं वोइश्शो बाक्माक्त। मुल सम्म मेको थाम कली अब्सालोम आ थाम देसीब। २सामुएल १४:२७

१९मिनु सादोक आ तो अहीमाजम “परमपरमु यावेम क्येक्क लेत्ताक्व। मिनु पिप कली आ जोरी सतरु आन गुइ रे परांइतु, देचा कली आं कली दोरपा साइक्तीनी” देमाक्त। २सामुएल १५:३६; २सामुएल १७:१७ २०तन्न योआबमी मेको कली “मुलाक्ती इ लोत्र लाइक्तीक नाक्त ममाइ। अर्का नाक्ती गे लोत्र लाइक्चा माल्लेवे। मारदे हना मुलाक्ती पिप आ तो बेक्शो बाक्ब” देमाक्त। २१मिनु योआबमी कृश आ सिं डा मुर का कली “तशा, इ तशा नल्ल पिप कली नंपतो” दे मदा बाक्त। मिनु मेको कृश आ मुर योआब कली बाप्शा सज पा दोरशा लमाक्त। २२मिनु सादोक आ तो अहीमाजम लेशा, योआब कली “मार दुम्त हना यो आं कली कृश डा मुर आ नोनोल दोरशा लचा गयीनी” देमाक्त। मिनु योआबमी “आं तो गे मारदे लाइनेवे? इ लोत्र आ पर्वम गे मारदे इनाम मताइनेवे” दे मदा बाक्त। २३मिनु मेकोमी “मार दुम्त हना यो, गो दोरशा लाइनुड” देमाक्त। मिनु योआबमी “मो हना लावो” देमाक्त। मिनु अहीमाज यर्दन डा बेसी रे पा दोरमाक्त। मिनु मेकोम कृश आ सिं डा मुर कली ग्रामाक्त।

२४मेना दाऊद लाप्चो निक्शी आस दातेमी बाक्शो बाक्माक्त। खाल पाइबमी गारो आ तार लशा कोत्रडा बाक्त। मिनु मुर का दोरशा पिशो तवा बाक्त। २५मिनु मेको खाल पाइबम पिप कली ठेयब संदा पा देमाक्त। मिनु पिपमी “मेको आ का ला बाक्त हना, मारदे लोत्र चाक्नु” देमाक्त। मेको मुर आन नेक्था जाक्माक्त। २६मिनु मेको खाल पाइबमी अर्का मुर का यो दोरशा पिशो तवा बाक्त। मिनु लाप्चो खाल पाइब कली

“कोव्रडीन, दे अर्का मुर का यो आ कान दोरशा पिन पिन बाक्ब” देमाक्त। मिनु पिपमी “मैकोम यो लोव्र चाक्गा माइ” देमाक्त। २७ मिनु मैको खाल पाइबमी “मैर डोंइती दोरब सादोक आ तौ अहीमाज खोदंशो पा दोरत” देमाक्त। मिनु पिपमी “मैको रिम्शो मुर बाक्ब, मैकोम रिम्शो लोव्र चाक्गा माइ” देमाक्त।

२८ मिनु अहीमाजम पिप कली ठेयब सेंदा पा “नेल्ल रिम्शो बाक्ब” देमाक्त। मिनु पिप आ डोंइती सुम्की पा बाप्शा, पिप कली “परमपरभु यावे, इन परमपरभु ठेयब बाक्ब। मैकोम आं परभु, पिप इन कली मरिम्शो पाइब आन कली इन गुइमी गेशो बाक्ब” देमाक्त। २९ मिनु पिपमी “मार मैको ठिट्टा अब्सालोम रिम्शोन बाक्मे?” देमाक्त। मिनु अहीमाजम “इन गेय पाइब योआबम आं कली सोइक्तानु, गो ठेयब गुरांग्ये माग्ये दुम्शो ताता। तन्न मार दुम्शो बाक्मे मतुइक्नुड” देमाक्त। ३० मिनु पिपमी मैको कली “गे मंकर राप्शा बाक्को” दे मदा बाक्त। मिनु मैको मंकर राप्शा बाक्माक्त।

३१ मिनु मैको कृश आ मुर जाक्शा मैकोमी “आं परभु, आ पिप, इन कली नेल्ल रिम्शो बाक्ब। मारदे हना मुलाक्ती परमपरभु यावेमी इन कली मरिम्शो पाइब आन गुइ रे परोंइशो बाक्ब” देमाक्त। ३२ मिनु पिपमी मैको कृश आ मुर कली “मैको ठिट्टा अब्सालोम रिम्शोन बाक्मे” दे हिल्लो पवा बाक्त। मिनु मैको कृश आ मुरुमी “आं परभु, पिप आ जारी सतरु नु मरिम्शो पाइब नेल्ल मैको ठिट्टा खोदंशो दुम्मत” देमाक्त। ३३ मिनु पिप आ थुं ग्येत्य लुक्च दुम्शा, मैको ठेयब लाप्चो आ तार डा कोठाम लशा डाक्माक्त। मिनु गाकना गाकन लमेनु “आं तौ अब्सालोम, आं तौ अब्सालोम, इ पा डा गो बेक्शो नड हना, दुम वा। अब्सालोम! आं तौ, आं तौ” दे डाक्माक्त।

अब्सालोम आ पर्वम रोंका पशो

१९ मिनु योआबम “पिप दाऊद अब्सालोम आ पर्वम डाकना डाकन रोंका पा बाक्शो बाक्ब” देशो लोव्र नेना बाक्त। २ मैको नाक्त डा गराशो नेल्ल लडाइ पाइब आन कली रोंका पतीक दुम्माक्त। मारदे हना लडाइ पाइबपुकीमी पिप आ तौ आ पर्वम रोंका पशो बाक्ब, दे नंन्मे बाक्त। ३ मैको नाक्ती लडाइ पाइबपुकी लडाइम बरुशा आन कुल कांडेन मचाप्यु, मुने दोक्शा परोक्शो मुर खोदंशो पा सिक्सी पा सह्र ओव्रमा

बाक्त। ४ पिप आ कुल सुम्शा ठेयब सेंदा पा डाकना डाकना “आं तौ अब्सालोम, अब्सालोम, आं तौ, आं तौ” देमाक्त। ५ मिनु योआब पिप आ खिम ओव्रशा मैको कली “गे मुलाक्ती इन कप्तान नेल्ल आन कली मुने तोक्तीनी। मारदे हना मुलाक्ती मैकोपुकीमी इन कली परोंइतक्म। इन तमी तौ, इन मीशपुकी नु इन नाले चाक्शा मीश आन कली यो परोंइतक्म। ६ इन कली काइ मदाक्ब कली गे दाक्नीनी। इन कली दाक्ब आन कली गे काइ मदाक्नीनी। मुलाक्ती गो लडाइ पाइब आन कप्तान नु ठेयब मुर इन डोंइती मारदे मनकी, दे रुप्पाइक्तीनी। मुलाक्ती अब्सालोम ब्रोंइशा, गो नेल्ल बेक्शो नकी हना, गे ग्यरसीनी वा। ७ मुल रीब पा लशा, इन गेय पाइब आन थुं बारपतीन। गे मो मपाइतीनी हना, गो परमपरभु यावे आ नंमी कसम जशा ‘मुलाक्दो गे नु सुइ मबाक्नीम’ देनुड। मिनु डोंइती इन तशो श्यत क्येडा मुलाक्त डा श्यत ठेयब दुम्ब” देमाक्त। ८ मिनु पिप बोक्शा, ठेयब लाप्चोम बाक्माक्त। मिनु पिप ठेयब लाप्चोम बाक्शो बाक्ब, दे लडाइ पाइब आन कली नंपदम बाक्त। मिनु लडाइ पाइब नेल्ल पिप आ डोंइती जाक्सा बाक्त। मैना सम्म इसराएली नेल्ल आन आन खिं परोक्ने थुम्शो बाक्सा बाक्त।

दाऊद यरूसलेम लेशशो

१ इसराएल डा थर नेल्ल डा मुरुम आंम आंम लोव्र पा “पिपमी आइ कली आइ जारी सतरु रे परोंइतु। पलिस्ती आन गुइ रे यो परोंइतु। मुल अब्सालोमम पतीक आंम रागी रे परोक्शा गाक्शो बाक्ब। १० मुल गो इ पिप सेल्शो अब्सालोम लडाइम बेक्त। मोपतीक गो मुल मारदे पिप कली लेशशा मचाक्नया?” देमुमा बाक्त।

११ मिनु पिप दाऊदमी सादोक नु अबीयाथार कली “यहूदा डा खाल्पा आन कली मारदे गे पिप कली आ खिंमी लेशशा चाक्चा कली नेल्ल क्येडा नाले दुम्चा दाक्नीनी? इसराएली नेल्लेम देशो लोव्र पिपमी नंने थुम्शो बाक्ब। १२ गेपुकी आं मुर ननी। आं हुश ननी। पिप कली लाइक्चा कली गे मारदे नाले दुम्नी” मतीस। २ सामुएल ५:३ १३ मिनु आमासा कली गे आं मुर नु आं हुश मनवे? गे योआब आ पा डा गो बाक्डा सम्म कप्तान दुम्नेवे। मो मपाता हना, परमपरभुमी सजाइ गेवल’ देत मतीस” देमाक्त। २ सामुएल १:२५ १८ मिनु आमासामी यहूदा डा

मुर नेल्लेमी “दाऊद कली बरत्वा माल्ब” दे थुं का सेला बाक्त। मिनु मेकोपुकीम पिप कली “गे नु इन गेय पाइब नेल्ल नु लेशशा जाक्कीन” दे लोत्र सोइक्तमे बाक्त। १५ मोपतीके पिप लेशशा यर्दन जाक्माक्त। डांडती यहूदा डा मुरपुकी गिल्वालम पिप गरुम्चा कली जाक्मा बाक्त। मेकोपुकीमी पिप कली यर्दन खोला शोक्पाइक्थ जाक्मा बाक्त।

१६ बन्यामीन आ थर डा मुर बाहुरीम डा गेरा आ तो शिमइ यो यहूदा डा मुर नु रीब पा पिप दाऊद कली गरुम्थ जाक्माक्त। १७ मेको नु हजार का जना बन्यामीन आ थर डा मुर यो बाक्मा बाक्त। सावल आ गेय पाइब सीबा यो आ १५ जना तो नु आ २० जना गेय पाइब नु मेकर बाक्शो बाक्माक्त। मेकोपुकी पिप आ डांडती यर्दन खोला जाक्दीम्मा बाक्त। २सामुएल ९ :२:१० ; २सामुएल १६ :१-४ १६ मिनु मेको आइक्ची हांबुम लचा कली पिप आ सिं डा मुर आन कली शोक्चा कली नु पिप आ माल्शो पचा कली मेकर जाक्मा बाक्त। मिनु गेरा आ तो शिमइ पिप खोला शोक्ची ना पिप आ डांडती बाक्माक्त। १९ मिनु शिमइमी पिप कली “आं परभु, पिप, गे यरुसलेम परांडची ना आं मरिम्शो पशो आ पर्वम दोस मगथु ममिम्तीन। २० मारदे हना गो, इन गेय पाइबम पाप पाता, दे तुइक्नुडा। मोपतीके गो योसेफ आ सिं डा मुर नेल्ल आन क्यडा डांडती आं परभु पिप इन कली गरुम्थ जाक्ती” देमाक्त। २१ मिनु सरूयाह आ तो अबीशेमी “परमपरभु यावे आ तेल लुक्शो कली सराप पतीके शिमइ साइक्चा मपुंडसीबा डा ?” देमाक्त। २२ तन्न दाऊदमी “सरूयाह आ तो, गे आं कली काइ मगराब मुर बाक्नीसी। गे मुलाक्ती आं जोरी सतर दुम्तीसी ? मुलाक्ती इसराएलमी तेकोइ मुर साइक्चा मडुम्ब। मुलाक्ती गो इसराएल डा पिप दुम्ती, दे गो मतुइक्नुडा डा ?” देमाक्त। २सामुएल १६ :१० २३ मिनु पिपमी शिमइ कली “गे साइक्चा मपुंडसीनेवे” देमाक्त। मिनु पिपमी मेको लोत्र थमा सेल्वा कली कसम जवा बाक्त। १राजा २ :८-९

२४ सावल आ चच मेफी-बोशथ यो दाऊद पिप कली गरुम्थ उइ यिमाक्त। मेकोम पिप गाक्म रे गराशा मलेम्म सम्म आ खोइल डा गेय यो मखरोदा बाक्त। आ गल शोकर यो मपरक्गा बाक्त। आ वा यो ममुरशो बाक्माक्त। २सामुएल ९ :६ २५ मेको पिप कली गरुम्थ यरुसलेम रे जाक्मनु, पिपमी मेको कली “मेफी-बोशथ गे

मारदे गो नु मगाक्डे ?” दे मदा बाक्त। २६ मिनु मेकोमी “आं परभु पिप, आं गेय पाइबम आं कली मरिम्शो पान्तु। गो आं गधाम लगम पाइशशा पिप नु गाक्चा ठीक दुम्शो नड। मारदे हना गो इन गेय पाइब खोइल थेक्न मचाप्व मुर नड। २७ मेको आ लोत्रमी आं परभु पिप इन कली आं पर्वम मरिम्शो दुम्पाइक्तु। गे आं परभु पिप परमपरभु आ स्वर्ग डा गेय पाइब खोदशा बाक्नीनी। गे मार पचा दाक्नीनी मेको पने। २सामुएल १६ :३ ; २सामुएल १४ :१७ २६ आं आफ आ सिं डा मुर नेल्ल इन गुइमी बेक्चा डा नकी। तन्न गो इन गेय पाइब आं कली इन नु जचा बाक्चा गेतीनी। मेको क्यडा लाक्शा, गो मार शिशो ताइक्नुडा डा ?” देमाक्त। २सामुएल ९ :७ २९ मिनु पिपमी “मुल दुम्त। सीबा नु गे रू योक्सीस, देती” देमाक्त। २सामुएल ९ :९-१० ; २सामुएल १६ :३-४ ३० मिनु मेफी-बोशथमी पिप कली “नेल्ल मेकोम पांडसेक्ल। मारदे हना गे आं परभु पिप मारइ मडुम्थु सिं लेशशा जाक्तीनी” देमाक्त।

३१ मिनु गिलाद आ मुर बारजील्लाइ यो रोगेलीम रे उइ यिमाक्त। मिनु पिप कली यर्दन शोक्चा कली पिप आ नेक्था जाक्माक्त। २सामुएल १७ :२७ ; १राजा २ :७ ३२ बारजील्लाइ ८० बस दुम्शो थम सूशो बाक्माक्त। मेकोमी पिप महा-नाइमम बाक्मनु, पिप कली जचा थोत्रक गशो बाक्माक्त। मारदे हना मेको थम शोप पाइशशो मुर बाक्माक्त। ३३ पिपमी बारजील्लाइ कली “गो नुन खोला शोक्शा लय। गो इन कली यरुसलेममी कोत्रशा थुल्शा वोइक्नुडा” देमाक्त। ३४ मिनु बारजील्लाइमी पिप कली “गो शुश बस मबरांडनुडा। दोपा गो पिप नु यरुसलेम लाइनुडा। ३५ मुल गो ८० बस दुम्ती। मुल गो रिम्शो नु मरिम्शो दोपा तुइक्नुडा ? आं जशो तूशो बरोत्रशो नु मबरोत्रशो मारइ मतुइक्नुडा। वोइश मुर मीश मरुम कुम्सो पशो, गो नने मचानुडा। मोपतीके गो आं परभु पिप इन कली मारदे श्येत तेम्नुडा ? ३६ गो इन गेय पाइब यर्दन आइक्ची हांबु इक्का सम्म पिप इन नु लाइनुडा। पिपमी आं कली मारदे ओदंशो रिम्शो इनाम गेयीनी ? ३७ आं कली लचा गेयीनी। मिनु आं आम सहरम आं आम आफ आस तुरस आ नेक्था आं लीशो नाक्त थुम्चा गेयीनी। तन्न इन वाइल किम्हाम एक बाक्ब। मेको कली आं परभु पिप इन नु आइक्ची हांबु लतीन। गे मार रिम्शो लाक्नीनी, मेकोन पने” देमाक्त। येरमीया

४१:१७ ३८ मिनु पिपमी “मो हना किम्हाम गो नु आइक्ची हांबु गाक्ल। मिनु गे मार पचा दाक्नीनी, मेको इन देशो खांदेशो पाइनुड। गे मार दाक्नीनी गो मेको पाइनुड” देमाक्त। ३९ मिनु मुर नेल्ल यर्दन आइक्ची हांबु शाक्समा बाक्त। पिप या शाक्स बाक्त। मिनु पिपमी बारजील्लाइ कली पुक्पु पा आसीक गेवा बाक्त। मिनु बारजील्लाइ आंम आ खिं लेम्माक्त। ४० पिप खोला शाक्शा गित्वाल् जाक्माक्त। किम्हाम मेको नु गाक्शो बाक्माक्त। यहूदा डा मुर नेल्ल नु इसराएल डा उइक्थ मुस्म पिप कली इच्का आइक्ची सम्म चाक्दील्मे बाक्त।

४१ मिनु इसराएल डा मुर नेल्ल काथा दुम्शा, पिप आ बाक्तीक जाक्मा बाक्त। मिनु मेकोपुकीमी “मारदे आंइ लोकब यहूदा डा मुरपुकीम इन कली सुइ पा लदमे? पिप, आ खिं डा मुर नु इन मुर नेल्ल लाइश्शा यर्दन आइक्ची हांबु चाक्दील्मे?” देमा बाक्त। ४२ मिनु यहूदा डा मुर नेल्लेमी इसराएल डा मुर आन कली “पिप आंइ नेक्था डा मुर बाक्ब। ग मारदे आंइ पर्वम गाइक्नीनी? मार, गो पिप आ शांप जका? मार पिपमी गो आंइ कली मारदे गेवा?” देमा बाक्त। २सामुएल ११:१२-१३ ४३ मिनु इसराएल डा मुरपुकीम यहूदा डा मुर आन कली “पिप इन क्यडा १० ख्येप शुश आंइ पिप बाक्ब। गे मारदे आइक्च सेल्नीनी? पिप दाऊद कली लेश्शा चाक्ता, दे गोपुकीम डांइती देशो बाक्नीकी, मेको मपरंदीन” देमा बाक्त। तन्न इसराएल डा मुर क्यडा यहूदा डा मुरपुकीमी ठेयब लोत्र पामे बाक्त। २सामुएल ११:१०-११

### शेबा आ मरिम्शो पशो

१ शेबा नें पाइश्शो मरिम्शो पाइब मुर का २० बाक्माक्त। मेको बेन्यामीन आ थर डा बिकरी आ तौ बाक्माक्त। मेकोम तुराही ताप्शा ग्रीशा “दाऊद नु आंइ के मार बाक्वा डा? येस्से आ तौ नु आंइ के मारदे मबाक्ब। ए इसराएली, गे इन ताम्बु ताम्बुम लने” देमाक्त। १ राजा १२:१६ २ मोपतीके इसराएली नेल्लेमी दाऊद कली परांइशा, बिकरी आ तौ शेबा आ नोले खोदमे बाक्त। तन्न यहूदा डा मुरपुकी चहिं दाऊद कली मपरंइथु, यर्दन रे यरूसलेम सम्म आ नोले खोइक्स डा खोइक्स पामे बाक्त।

३ मिनु दाऊद आ खिं यरूसलेमम जाक्माक्त। मिनु मेकोम आ खिं कोत्रचा कली वोइश्शो मेको १० जना नोले चाक्शो मीश आन कली

खिं कामी कोत्रब मुर का वोइश्शा वोइक्मी बाक्त। मेकोमी आन माल्शो नेल्ल गेमी बाक्त। तन्न मेको नु गेनायो मइम्माक्त। मोपा मेको आन बेक्ची नाक्त सम्म यो मपरंइथु वोइक्मी बाक्त। मोपा मेकोपुकी वांइश बेक्शो मीश मुर खोदेशो पा बाक्मा बाक्त। २सामुएल १६:२१ ४ पिपमी आमासा कली “यहूदा डा वोइश्श मुर आन कली खुप्तीमी। मिनु नाक्त सांमी आं बाक्तीकमी जाक्पाइक्मी। मिनु गे यो जाक्को” दे मदा बाक्त। ५ मोपतीके आमासा यहूदा डा मुर आन कली खुप्त्वा कली गाक्माक्त। तन्न पिपमी देशो क्यडा मेको कली शुश नाक्त माल्दा बाक्त। ६ मिनु दाऊदमी अबीशे कली “अब्सालोम क्यडा बिकरी आ तौ शेबामी इं कली शुश श्येत गेब। पिप आ गेय पाइब आन कली लाइश्शा, मेको कली खेदा पावो। मेको गारो हिरशो सहरम ओत्रत हना, इं गुइ रे बरांइब” दे मदा बाक्त। ७ मिनु योआबम केरथी, पलेथी नु लडाइ पाइब नेल्ल यरूसलेम रे लाइश्शा, बिकरी आ तौ शेबा कली खेदा पवा बाक्त। २सामुएल ८:१८ ८ मिनु मेकोपुकी गिबान डा ठेयब फुल्लु बाक्तीक जाक्मानु, आमासा, मेको आन कली गरुम्थ जाक्माक्त। मिनु योआबम लडाइ पतीक वा फेक्शो बाक्माक्त। मेको तार किष्शुर किष्शो बाक्माक्त। मिनु खोतम शुइश्शा तरवार किष्शुरम पिष्शो बाक्माक्त। मिनु मेको डांइती गे लमेनु, मेको तरवार खोत रे दाक्माक्त। मती २६:४८-५० ९ योआबम आमासा कली “आं लोकब आमासा गे रिम्शान बाक्ड?” दे हिल्लो पवा बाक्त। मिनु मेकोमी आमासा कली पुक्पु पाइक्चा कली आ ग्युरा गुइमी मेको आ गल्ल शाकर ग्याइक्ता बाक्त। १० आमासामी योआब आ गुइमी तरवार बाक्शो मतुइक्ता बाक्त। मिनु योआबमी मेको आ कोत्रजम तूदा बाक्त। मिनु मेको आ गा क्यी खपीम दोक्शा बेक्माक्त। मेकोमी ख्येप निक्शी तूचा ममाल्दा बाक्त। मिनु योआब नु आ लोकब अबीशे बिकरी आ तौ शेबा कली खेदा पना पन लसा बाक्त। १ राजा २:५ ११ मिनु योआब आ ठिट्टा मुर काम आमासा आ बेक्शो रां आ नेक्था राप्शा “योआब नु दाऊद आस नोले खोइक्बपुकीम योआब आ नोले खोदमेक्त” देमाक्त। १२ आमासा आ बेक्शो रां हुशम गित्वा ठेयब लांमी गोल्शा बाक्माक्त। मिनु मुर नेल्ल लांमी दिक्शा बाक्शो बाक्मा बाक्त। मिनु मेकोम आमासा आ बेक्शो रां कली लां रे लाइश्शा

आइक्की खेतम ताइक्ता बाक्त। मिनु मेको कली वा काम सुमा बाक्त। १३ मेको कली ठयब लां रे लदम नोले, मुर नेल्लेम बिकरी आ तौ शबा कली खेदा पचा कली योआब आ नोले खोदम बाक्त।

१४ शबा इसराएल डा थर नेल्ल लाक्शा, आबल डा बथ-माकाहम जाक्मा सम्म बिकरी आ खिं डा मुर नेल्ल तेइ तेइ रे गुरूमा बाक्त। मिनु मेको आ नोले सहर ओव्रमा बाक्त। १५ योआब आ लडाइ पाइब मुर नेल्ल जाक्शा, आबल डा बथ-माकाह कली पुम्दम बाक्त। मिनु सहर डा गारो ग मार मार तेल्शा, गारो डोइक्तीक ठीक पामे बाक्त। मिनु योआब आ लडाइ पाइबपुकीमी गारो परत्वा गोव्रमे बाक्त। १६ मिनु जाक्ब तुइक्ब मीश मुर काम सहर रे बरेशा “नेनीन, नेनीन, योआब कली बरेशा सोइक्तीन। मिनु गो मेको नु लोव्र पाइनुड” देमाक्त। १७ मिनु योआब आ डोइती जाक्माक्त। मिनु मेको मीश मुरुमी “मार, गे योआब ननी?” देमाक्त। मिनु योआबम “आं, गो नड” देमाक्त। मिनु मेको मीश मुरुमी “इन गेय पाइब आं लोव्र रिम्शा पा नेनीन” देमाक्त। मिनु मेकोमी “नंता” देमाक्त। १८ मिनु मेकोमी “साइ रे मुरपुकीमी लोव्र नंचा कली आबल सहर लचा माल्नीम” देशो बाक्ब। मिनु मोपा निसाफ दुम्बाक्त। १९ आं सहर इसराएल डा सहरपुकीम लडाइ मपाइब, पिप कली दाक्शा मान पाइब सहरम हिक्सीब। मिनु गे एको सहर, इसराएली आन कली कोव्रब ममा खोदंशो सहर कली खतम संत्वा माल्नीनी? मारदे गे परमपरभु यावे आ शोप कली खतम पोक्चा माल्नीनी?” देमाक्त। ब्यवस्था ३२:९ २० मिनु योआबमी “गो खतम मपोक्नुड, मक्याम्नुड। २१ गो मो पचा माल्शो मनकी। तन्न एफराइम पहाड डा बिकरी आ तौ शबामी पिप दाऊद कली मरिम्शो पचा माल्शो बाक्ब। मेको मुर कली आंइ कली गेने। मिनु गो सहर परांडशा गाक्नीक” देमाक्त। मिनु मेको मीश मुरुम योआब कली “मेको आ पिया सहर रे लाडगा ब्यरनीकी” देमाक्त। २२ मिनु मेको मीश मुरुम आ लोव्र मुर नेल्ल आन कली नंपाइक्मी बाक्त। मिनु मेकोपुकीम बिकरी आ तौ शबा आ पिया खरोइशा, योआब कली ब्यरदमे बाक्त। मिनु योआबम तुराही तबा बाक्त। मिनु लडाइ पाइब नेल्ल सहर परांडशा आन खिं खिं लेम्मा बाक्त। योआब चहिं पिप आ बाक्तीक यरुसलेम लेशा लमाक्त।

### ठयब मुर आन नें

२३ योआब इसराएल डा लडाइ पाइब आन नेल्ल क्येडा ठयब मुर बाक्माक्त। येहो-यादा आ तौ बनायाह करथी नु पलेथी पिप कली खाल पाइब आन ठयब मुर बाक्माक्त। २ सामुएल ८:१६-१८; १ राजा ४:४-६ २५ अदोराम वाइलीम वाइल आन ठयब मुर बाक्माक्त। अहीलुद आ तौ येहो-शाफात बरक्ब बाक्माक्त। २४ शबा चहिं लडाइ पाइब आन बरक्ब बाक्माक्त। सादोक नु अबीयाथार चहिं चदेब बाक्सा बाक्त। २६ याइर आ मुर इरा चहिं दाऊद आ चदेब बाक्माक्त।

### अन्काल नु रिस्पाह आ कथा

१ पिप दाऊद आ पालाम बर्य सां सम्म  
**२१** अन्काल दुम्स डा दुम्स पवा बाक्त। मिनु दाऊदमी परमपरभु यावे कली हिल्लो पवा बाक्त। मिनु परमपरभु यावेमी “सावल नु आ खिं डा मुर आन तार हुश आ दोस बाक्शो बाक्ब। मारदे हना मेकोम गिबानी आन कली साइक्तु” देमाक्त। २ मिनु पिपमी गिबानी आन कली बरेशा, मेकोपुकी नु लोव्र पवा बाक्त। गिबानी इसराएली आन थर डा मुर मबाक्मा बाक्त। मेकोपुकी एमारी रे बरांडशा लीशो बाक्मा बाक्त। इसराएलीपुकीम मेको आन कली परांडतीक कसम जशो बाक्मा बाक्त। मो हना यो सावलमी इसराएल नु यहूदा आ पर्वम मेको आन कली क्याम्चा माल्शो बाक्माक्त। यहासु ९:३, १५, १९ ३ दाऊदमी गिबानी आन कली “गो इन कली मार पड? परमपरभु यावे आ मुर आन कली आसीक गेचा कली गो दोपा गारपाइक्नुडा?” दे हिल्लो पवा बाक्त। ब्यवस्था ३२:९ ४ मिनु गिबानीपुकीमी “सावल आ खिं नु आंइ खिं डा मुर आन दातेम सुन नु चांदीम गार पाइक्ने मचाप्सीब। इसराएली का यो साइक्चा मगारनीकी” देमा बाक्त। मिनु दाऊदम “मिनु मुल गोम इन कली मार पवल, दे मिम्नीनी?” देमाक्त। ५ मिनु मेकोपुकीम पिप कली “सुम आंइ कली खतम पोक्चा, आंइ कली रागी रे क्याम्दा, मेको कली खतम पोक्चा कली आंइ गुइम गेने। ६ मेको आ ७ जना तौ चच आंइ कली गेने। मिनु गो मेको आन कली परमपरभु यावे आ डोइती आ डांडा गिबोन सहरमी साइक्नीकी” देमा बाक्त। मिनु पिपमी “गो मेको इन कली गेनुड” देमाक्त। ब्यवस्था २१:२२-२३

७तन्न पिपमी परमपरभु यावे आ नंम नु सावल आ तौ योनाथन नु कसम जतीके सावल आ चच योनाथन आ तौ मेफी-बोशथ कली परांडशा बोदा बाक्त। १सामुएल २०:१५-१७; ८पिपमी आइयाह आ तमी रिस्पाहम सावल रं जरमेशो तौ निकशी आरमानी नु मेफी-बोशथ चाक्या बाक्त। मिनु सावल आ तमी मेराबम मेहोला आ मुर बारजोल्लाड आ तौ अदरीएल रं जरमेशो ५ जना तौ यो चाक्या बाक्त। २सामुएल ३:१७; १सामुएल १८:१९ ९मिनु मेको आन कली गिबानी आन गुडमी गमी बाक्त। मेकोपुकीम मेको आन कली परमपरभु यावे आ झंडती सदमे बाक्त। मिनु मेको ७ जना कालेम बेक्या बाक्त। मेकोपुकी वयोव्रज रिक्तीक आ झंडती डा नाक्त साइक्या पुंडसीमा बाक्त।

१०आइयाह आ तमी रिस्पाहम रंगु तारी आंम कली बाक्तीक सेल्वा कली भाडगरा बरवा बाक्त। मिनु वयोव्रज ओंडतीक आ झंडती डा नाक्त रं रेड यिचा सम्म मेकोमी आ तौ आन बेकशो रं आन कली साल पवा बाक्त। नाक्ती आन तार चिक्व जुक्वा मगथु, नाकदो ब्याकी डा जन्तुम ब्यचा मगमी बाक्त। ११मिनु दाऊदमी सावल आ नोले चाकशो मीश आइयाह आ तमी रिस्पाह आ पशो नंशा, १२मेकोमी सावल नु आ तौ योनाथन आस रुश याबेश-गिलाद डा मुर आन गुड रं चाक्या बाक्त। मेकोपुकीम सावल नु योनाथन आस बेकशो रं बेथ-थान सहर डा चोकर रं लदमे बाक्त। पलिस्तीपुकीमी मेको आस कली गिल्बोआम साइशशा, नोल मंकर वयुकशो बाक्या बाक्त। १सामुएल ३१:१२ १३मेकोम मंकर रं सावल नु योनाथन आस रुश चाक्या बाक्त। मिनु मेको रिस्पाह आ तौ आन रुश यो सुप्तमे बाक्त। १४मेकोपुकीम सावल नु आ तौ योनाथन आस रुश बेन्यामीन आ थर आन रागी डा जेला सहर सावल आ आफ कीश आ तुरसुम थिम्म बाक्त। पिपमी मेको आन कली मार मार देमे, मेको पामे बाक्त। मेको नोले परमपरभुम रागी आ पर्वम पुंडशो लोत्र नेना बाक्त। २सामुएल २४:२५

दाऊदम लडाइ गराशो

१इतिहास २०:४-८

१५पलिस्ती नु इसराएली लडाइ पामे बाक्त। दाऊद आ मुर नु लडाइ पथ यिमाक्त। मिनु पलिस्ती नु लडाइ पामे बाक्त। मिनु दाऊद थाम्पा दमाक्त। १६इशबी-बेनोब रेफाइम आ

बोल्यो लाइशशो मुर का बाक्माक्त। मेको आ तृतीके सह सां शकल कांसा के बाक्माक्त। मिनु नक या का यो पिम्सीशो बाक्माक्त। मेकोमी “दाऊद कली साइक्नुड” देमाक्त। शकल का ११.५ ग्राम बाक्व। ३०० शकल ३ किलो आधा बाक्व। १७मेना सरूयाह आ तौ अबीशे दाऊद कली वारच पाइक्थ जाकशा, मेको पलिस्ती कली सदा बाक्त। मेना दाऊद आ लडाइ पाइबपुकीमी “मुल रं गे गो नु लडाइमी मगाक्कीन। मारदे हना गे इसराएल डा छेडछेडन ननी। मेको मकाप्ल” दे कसम जामे बाक्त। २सामुएल २३:१८; २सामुएल २२:२९

१८मिनु नोल लंशा, गोब सहरम पलिस्तीपुकी नु लडाइ दुम्माक्त। मेना हुशा डा मुर सिब्वकेम साफ माइशशो रेफाइ आ मुर कली सदा बाक्त। रेफा थम लाइशशो रेफाइ माइशशो मुर आन किकी पिपी बाक्शो बाक्त। १९मिनु लंशा गोब सहरम पलिस्तीपुकी नु अर्का लडाइ का दुम्माक्त। बेथलेहम डा यार-ओरगीम आ तौ एल्हानानम गाथ सहर डा गित्त आ सिं डा मुर गोल्याथ कली सदा बाक्त। मेको आ तृतीक आ बिड तोव्र परोव्रब आन परोव्रतीक शी खोमो बाक्माक्त। १सामुएल १७:१७ २०मिनु नोले लंशा गाथ सहरम लडाइ दुम्माक्त। मंकर यो ठेयब लाइशशो मुर का बाक्माक्त। मेको आ गुड नु खोइलीम ६, ६ ओटा अम्ता, नेल्ल पा २४ ओटा अम्ता पाइशशो रेफाइ आन मुर बाक्माक्त। २१मिनु मेकोम इसराएली आन कली हिंच कांडदा बाक्त। मिनु दाऊद आ लोक्व शिमैड आ तौ योनाथनमी मेको कली सदा बाक्त। १सामुएल १७:१० २२मेको ४ जना मुर गाथम बाक्व रेफाइ आन दाते डा बाक्मा बाक्त। मेको नेल्ल दाऊद नु आ मुर आन गुड रं बेक्या बाक्त।

दाऊदम परमपरभु कली ठेयब सेल्शो

भजन संगरह १८ :-

२२ १परमपरभु यावेमी दाऊद कली आ जोरी सतरु नेल्ल नु सावल रं परोना नोले दाऊदमी परमपरभु यावे कली कुम्सो पवा बाक्त। २मेकोमी “परमपरभु यावे आं सरथे फुल्लु, आं बोल्यो दरवार नु आं कली श्यत रं परांडब बाक्व। ३आं परमपरभु आं सरथे फुल्लु आं खरुइक्तीके बाक्व। मेको आं तेक्तीक नु आं बरोइतीक बाक्व। मेको आं बोल्यो दरवार नु आं फाम्सीतीक बाक्व। मेको आं कली हुश खराक्श पोक्तीक रं परांडब बाक्व। ४गो परमपरभु यावे

कली थोइनुड। मेको ठेयब सल्वा पुंडसीब बाक्व। मिनु मेकोम आं कली आं जोरी सतरु रे परांडब।

५ बेकपाइक्वम आं कली ब्वाक्कु आ छालम खोदंशा पा गिल्ली। खतम पोक्व बारशा ब्वाक्कुम आं कली सुम्ती। ६ बेकशा मुर आन बाक्तीकम आं एर आंथ नेल्ल रे गिल्ली। बेकपाइक्व आ ब्वाइर आं डोंइती बाक्व।

७ मिनु गो आं श्येत आ पर्वम परमपरभु यावे कली थोव्रता। गो आं परमपरभु कली 'वारच पने' दे पुंडता। मिनु मेकोमी आ बाक्तीक रे आं संदा नंतु। आं पुंडशा नंतु।

८ मिनु रागीमी खिरनु कुत। सरीड डा जग हिम्साक्म। मारदे हना, परमपरभु यावे गाइइशा बाक्त। ९ मेको आ नं रे कुन गरूत। मेको आ शोव रे गराव गुरु बाक्व मी गरूत। मेकर रे बरशा कोइला गरूतेक्म। १० मेको सरीड रे तांडसाक्व। मेको आ सोइली आगा क्येर गोस्स बाक्त। ११ मेको करूव डोइइशा बरत। फश क फरांम बरशा तांडसाक्व। १२ मेको छिडछिडम सुम्साक्व। शुश ब्वाक्कु बाक्शा क्येर गोस्स आ एर आंथ बाक्तेक्म। १३ मेको आ डोंइती डा छेडछेड रे बरशा कोइला गरूतेक्म। १४ परमपरभु यावमी सरीड रे बुंबु पान्तु। नेल्ल क्येडा ठेयबम आ संदा नंपाइक्तु। १५ मेकोम बरा आप्शा, एर आंथ बरपाइक्तु। चिला आप्शा, सोइक्ताक्व। १६ समुन्दर आ पुं तांडसाक्व। रागी आ जग हुक्साक्व। मेको परमपरभु यावे आ हुइइशा नु आ सास रे मोदंशा दुम्त। १७ मेकोमी इर रे आ गुइ दिशा ग्याइक्ताक्यी। आं कली ठेयब समुन्दर रे कीशा गरूइताक्यी। १८ मेकोमी आं कली आं बोल्यो जोरी सतरु नु आं कली काइ मदाक्व, रे परांडती। मेको आं क्येडा शुश बोल्यो बाक्तेक्म। १९ मेकोपुकीमी गो हिंचा डा श्येत जडा ना आं कली लडाइ तोम्तेक्म। तन्न परमपरभु यावमी आं कली तिक्ती। २० मेकोमी आं कली लाडगा डा ठेयब बाक्तीकम गरूइशा, श्येत रे परांडती। मारदे हना मेको आं कली तशा ग्येरशा बाक्त।

२१ परमपरभु यावमी आं कली आं ठीक पशा डा इनाम गती। आं गुइम हुश मशाइक्पाइक्तीक आं रिम्शा पशा डा गती। २२ मारदे हना गो परमपरभु यावे आ लोम गाक्शा बाक्ती। गो आ अरंशा लोव्र मटीब खोदंशा पा आं परमपरभु रे डोन मलड। २३ मारदे हना आ ठीक पतीक लोव्र आं डोंइती बाक्तेक्म। गो मेको आ फुल्लुम मुशा

बरंक्शा लोव्र नेल्ल टिशा पाता। २४ मेको आ डोंइती गो दोस मताइब बाक्ती। गो मरिम्शा पतीक रे डोन बाक्ती। २५ मोपतीक परमपरभु यावमी आं कली आं ठीक नु रिम्शा पशा आ पा डा गती।

२६ ग मपरांडब आन कली मपरांडब बाक्नीनी। दोस मताइब आन कली दोस मताइब बाक्नीनी। २७ ग रिम्शा पाइब आन कली रिम्शा पाइब बाक्नीनी। दूली पाइब आन कली दूली पाइब बाक्नीनी। २८ ग बरंक्शा मुर आन कली परांडनीनी। तन्न ठेयब लेइशा आन कली आइक्व सल्लनीनी। २९ परमपरभु यावे ग थमा पा आं बत्ती खोदंशा बाक्नीनी। परमपरभु यावमी आं कली छिडछिडमी छेडछेड दुम्पाइक्व। ३० इन पतीकमी गो लडाइ पाइब आन कली गरानुड। आं परमपरभु गो गारो खराक्शा लाक्ने चानुड। ३१ परमपरभु आ लां ठीक बाक्व। परमपरभु यावे आ थोशा पशा लोव्र थमा बाक्व। मेको आ बाक्तीकम सरूइसीब आन कली तेक्तीक बाक्व।

३२ परमपरभु यावे क्येडा अर्का तेकोइ परमपरभु मबाक्व। आंइ परमपरभु क्येडा लाक्शा अर्का तेकोइ सरथ फुल्लु मबाक्व। ३३ परमपरभुमी आं कली सक्ति गती। आं गाक्तीक लां बरंक्शा सल्लु। ३४ मेकोम आं कली किश्श खोदंशा पा दोरब सल्लु। मेकोमी आं कली इर वोइइशा कोव्रब। ३५ मेकोम आं गुइ कली लडाइ पचा शंब। मोपा आं गुइमी कांसा के लिबरा सुक्ने चाण्व। ३६ ग आं कली इन तेक्शा बरांडतीक गतीनी। इन वारच पतीकम आं कली ठेयब सल्लु। ३७ ग आं कली ठीक पा गाक्चा गतीनी। मोपतीक आं खोइल गेनायो मगरक्व। ३८ गो आं जोरी सतरु आन कली संदा पा खतम पोक्तामी। गो मेको नेल्ल आन कली खतम मपोक्नुमी सम्म मलडड। ३९ गो मेको आन कली खतम पोक्शा साइक्नुडमी। मिनु मेकोपुकी गेनायो बोक्ने मचाप्नीम। मेकोपुकी आं खोइली आगाम गोल्तेक्म। ४० ग आं कली लडाइ पचा कली सक्ति गेनीनी। आं जोरी सतरु आन कली आं डोंइती आइक्व सल्लुनीनी। ४१ ग आं जोरी सतरु आन कली आं डोंइती रे परोक्पाइक्नीनी। गो आं कली काइ मदाक्व आन कली खतम पोक्तामी। ४२ मेकोपुकीम कोव्रना कोव्रन बाक्तेक्म। तन्न मेको आन कली परांडब सुइ मबाक्व। मेकोपुकीम परमपरभु यावे कली पुंडतेक्म। तन्न मेकोमी मेको आन कली लोव्र

मलेत्त। ४३ गो मेको नेल्ल आन कली रागी डा फुरक सोदंशो पा फस पोक्तामी। गो मेको आन कली लां डा हिलो सोदंशो पा दिम्ताकडमी।

४४ गे आं कली मुर आन जिचा पोक्तीक रे परोइतीनी। गे आं कली रागी रागी डा मुर आन ठेयब मुर सेल्शा वाइक्तीनी। आं मतुइश्शो मुरपुकीम आं कली गेय पास्तकम। ४५ अर्को रागी डा मुर जाकशा आं कली मान पास्तकम। आं लोत्र नंशा, मेकोपुकी आं देशो टिम्तेकम। ४६ अर्को रागी डा मुर हिंशा खिरंखिर पा आन बोल्यो दरवार रे जाक्तेकम।

४७ परमपरभु यावे बरोइशा बाक्व। आं सेरथे फुल्लु ठेयब बाक्व। आं परमपरभु मान ताइब बाक्व। मेको आं कली परोइब, सेरथे फुल्लु बाक्व। ४८ परमपरभुम आं पर्वम क्येकक लेत्ताक्व। मिनु मुर आन कली आं सासनम वाइक्तीमी। ४९ मेकोम आं कली आं जोरी सतरु रे परोइती। गे आं कली आं जोरी सतरु आन क्येडा ठेयब सेल्लतीनी। गे आं कली हूश खराकश पोक्व रे परोइतीनी। ५० मोपतीक परमपरभु यावे, गो रागी रागी डा मुर आन दातेमी इन कली ठेयब सेल्लुडा। मिनु इन कली ठेयब सेल्लतीक कुम्सो पाइनुडा। ५१ परमपरभु यावे पिप, आं बरोइशा बाक्तीक बाक्व। मेकोम आ तेल लुकशो दाऊद कली नु आ चच युइ आन कली गेना हना यो दाक्तीक कांडब” दे दाऊदमी परमपरभु यावे कली ठेयब सेला बाक्व।

दाऊद आ नोले डा लोत्र

२३ १ एको दाऊद आ नोले डा लोत्र बाक्व। यस्स आ ती दाऊद आ नोले देशो लोत्र एको बाक्व। परमपरभुमी ठेयब सेल्शा मुर आ पशो लोत्र एको बाक्व। याकूब आ परमपरभुमी मेको कली तेल लुकशा, पिप सेल्शा बाक्व। इसराएली आन सक्ति पाइश्शो आन दातेमी दाऊद कली नेल्ल क्येडा दाक्व बाक्व। १ सामुएल १६:३२ २ “परमपरभु यावे आ सोक्त आं रे पा व्याक्शो बाक्व। मेको आ देशो लोत्र आं शोत्रम बाक्व। ३ इसराएली आन परमपरभुम लोत्र पाप्तु। इसराएली आन सेरथे फुल्लुमी आं कली सुमी मुर आन कली ठीक निसाफ पाइबा, सुम परमपरभु कली मान पा हिंशा हुकुम पाइबा, ४ मेको सुनी डा नां सोदंशो बाक्व। मेको गोस्स मबाक्शो सुनी दाप्शो नां सोदंशो बाक्व। मिनु मेको रेउ यिम नोले वाशो घांस सोदंशो बाक्व” दंत। न्यायाधीस ५:३१ ५ मोपा आं खिं परमपरभु

नु बाक्व। मारदे हना मेकोमी गो नु गेना हना यो लीब कबल का पशो बाक्व। मेको नेल्ल रिम्शो नु लीब। मिनु मेकोमी आं रिम्शो दुम्शो नु आं दाक्शो बारना बारना लपाइक्व। ६ तन्न परमपरभु यावे आ अरेशो मटीब फशम बरेशो च् सोदंशो बाक्नीम। सुइम मेको कली गुइम थीने मचाप्नीम। ७ सुम मेको कली ताइक्वा दाक्वा, मेकोमी फलाम नु कोक्के लाइश्शा गुप्नीम। मेको मीम हुम्शा, रोब पा दाक्वा पुंडसीनीम” दंत।

दाऊद आ बोल्यो लडाइ पाइब

१ इतिहास ११:१०-४७

८ दाऊद आ बोल्यो लडाइ पाइब मुर आन नें मार बाक्तेकम देशो हना, डांडती ताह-केमोन आ खिं डा मुर योशेब-बाशेबथ बाक्माक्व। मेको बोल्यो सां आन दाते डा कप्तान बाक्माक्व। मेकोमी ८ सहे मुर आन कली आ तृतीकम कालेमी साइक्मी बाक्व। ९ मेको आ नोले डा बोल्यो सां लडाइ पाइब आन दाते डा अहोही आ चच दोदो आ ती एलाजर बाक्माक्व। मेको दाऊद नु बाक्शो बाक्माक्व। मेकेर पलिस्तीपुकी लडाइ पचा कली बुक्शो बाक्मा बाक्व। मिनु इसराएलीपुकी परोक्मानु, मेको कामीन लडाइ पतीकम राप्शा, १० मदम सम्म पलिस्ती आन कली तरवारम क्योरस डा क्योरस पामी बाक्व। मेको आ गुइमी तरवार खोक्शो बाक्माक्व। मोपा परमपरभु यावेम मेको नाक्ती थाम्पा ग्रापदा बाक्व। मेको नोले मुरपुकी बंक्शो मुर आन मार मार रोइक्थ ला जाक्मा बाक्व। ११ मेको आ नोले डा हरारी आगी आ ती शम्माह बाक्माक्व। पलिस्तीपुकी लेहीम बुक्शो बाक्मा बाक्व। मेकेर मस शोक्शो थम रिम्शो रू का बाक्माक्व। मिनु अरामीपुकी पलिस्ती आन डांडती रे बरुशा परोक्मा बाक्व। १२ मिनु पलिस्तीपुकीमी मुर आन कली सेदा पा लदमेनु, मेको शम्मा मस शोक्शो रू आ दातेमी राप्शा, खाल पा बाक्शो बाक्माक्व। मिनु मेकोमी पलिस्ती आन कली साइक्मी बाक्व। मोपा परमपरभु यावेमी मेको आन कली थाम्पा ग्रापदा बाक्व।

१३ अन्न रिक्तीक डांडती डा नाक्ती, मेको ३० जना कप्तान आन दाते डा मेको सां अदुल्लाम डा पुक्खी दाऊद आ बाक्तीकम जाक्शो बाक्मा बाक्व। पलिस्ती आन हुल का चहिं रेफाइम डा बंसीम बाक्तीक सेल्शा बाक्शो बाक्मा बाक्व। १ सामुएल २२:१ १४ मेना दाऊद डांडा

डा गारो हिरशा बोल्यो बाक्तीकम बाक्शो बाक्माक्त। पलिस्ती आन लडाइ पाइब हुल बथलेहमम बाक्मा बाक्त। १५ मिनु काबु नाक्त दाऊद थाम्पा ब्वाक्कु तू दक्शो बाक्माक्त। मिनु मेकोमी तू दक्शो “सुइमी आं कली बथलेहम डा ठेयब लाप्चो आ नक्था बाक्शो इनार डा ब्वाक्कु तूचा गेयीमी हना, रिम्शो दुम वा” देमाक्त। १६ मिनु मेको बोल्यो लडाइ पाइब सां पलिस्ती आन दाते र गरीशा लशा बथलेहम डा ठेयब लाप्चो आ नक्था बाक्शो इनार डा ब्वाक्कु चाक्शा दाऊद कली गमे बाक्त। तन्न दाऊदम मेको तून मबिस्स बाक्त। मेकोमी मेको ब्वाक्कु परमपरभु यावे आ डांडती मोदा बाक्त। १७ मेकोमी “परमपरभु यावे आ नेमी गो एको ब्वाक्कु मत्नुड। मार, गो एको मुर आन हुश तूनुडा ? एकोपुकीम एको ब्वाक्कु हेररा आन गिम साइक्चा डा पा लशा चाक्तीकम” देमाक्त। मोपतीके दाऊदमी मेको ब्वाक्कु मत्नुडा बाक्त। मेको बोल्यो लडाइ पाइब सां आन ठेयब गेय मेकोन बाक्त।

#### अरु बोल्यो लडाइ पाइब

१८ मिनु सरुयाह आ तो योआब आ लोक्व अबीशे मेको ३० जना आन दाते डा ठेयब बाक्माक्त। मेकोमी सहै सां जना मुर आन कली आ तूतीकम लडाइ पा साइक्मी बाक्त। मेको सांमी “मेको बोल्यो मुर बाक्व” देमा बाक्त। २सामुएल २१:१७ १९ मेको, मेको ३० जना आन दाते डा नेल्ल क्येडा हिक्सीशो मुर बाक्शो बाक्त। मिनु मेको आन कप्तान दुम्माक्त। तन्न मेको बोल्यो मुर सां खोदंशो दुम्ने मचबा बाक्त।

२० कब्सल सहर डा यहो-यादा आ तो बनायाह यो बोल्यो लडाइ पाइब का बाक्माक्त। मेकोमी ठेयब गेय पशो बाक्माक्त। मेकोम मोआब डा अरीएल आ तो निकशी साइश्शो बाक्माक्त। फु यिम ना मेकोमी खाल्टाम लशा मेकेर गुप्स का साइश्शो बाक्माक्त। २सामुएल ८:१८; यहोसु १५:२१ २१ मेकोमी दारशो बोल्यो इजीप्त डा मुर का कली साइश्शो बाक्माक्त। मेको इजीप्त डा मुर तूतीक का शेशो बाक्माक्त। तन्न बनायाह कोक्के का शशा लशा, मेको इजीप्त डा मुर आ तूतीक आ गुइ रे रोइश्शा, मेको कली सदा बाक्त। २२ यहो-यादा आ तो बनायाह आ पशो मेकोन बाक्व। मेको सांमी “मेको बोल्यो लडाइ पाइब का बाक्व” देमा बाक्त। २३ मेको, मेको ३० जना मुर आन दाते डा हिक्सीशो मुर का बाक्शो

बाक्त। तन्न मेको बोल्यो सां खोदंशो दुम्ने मचबा बाक्त। मिनु दाऊदमी मेको कली आं कली खाल पाइब आन ठेयब मुर सेला बाक्त।

२४ मिनु मेको ३० जना आन दातेमी सु सु बाक्मा बाक्त दंशा हना, योआब आ लोक्व आसाहेल, बथलेहम डा दादो आ तो एल्हानान, २सामुएल २:१८ २५ हारोद सहर डा शम्माह, हारोद सहर डा एलीका, २६ पाल्ती आ खिं डा हलस, तेकोहा सहर डा इक्केश आ तो इरा, २७ अनाथोथ सहर डा अबीएजर, हुशा डा मुर मबुनुडा, २८ अहोही आ खिं डा मुर सल्मान, नेतोफाह आ खिं डा माहाराइ, २९ नेतोफाह आ खिं डा बानाह आ तो हलेब, गिबा सहर डा बन्यामीन आ थर डा रिबाइ आ तो इत्ताइ, ३० पिराथोन सहर डा बेनायाह, गाश खोला डा हिददाइ, ३१ अरबा आ खिं डा मुर अबी-अल्बोन, बाहुरीम सहर डा अज्मावेथ, ३२ शा-अल्बोन सहर डा एली-अहबा, याशन आ तो योनाथन, ३३ हरारी सहर डा शम्माह, हरारी सहर डा शरार आ तो अहीयाम, २सामुएल १५:१२ ३४ माकाह सहर डा अहास्बाइ आ तो एली-फलेत, गिलो डा अहीथाफल आ तो एलीआम, ३५ कारमेल पड्ड डा हेसरो, यहूदा डा अरब सहर डा पाराइ, ३६ सोबाह सहर डा नाथान आ तो इगाल, गाद आ थर डा बानी, ३७ अम्मोनी जेलक, बेयरोथ सहर डा नहाराइ, मेको सरुयाह आ तो योआब आ या कुरब बाक्माक्त। ३८ इथरी आ खिं डा इरा, इथरी आ खिं डा गोरबनु २सामुएल ११:३ ३१ हित्ती आ मुर उरीयाह, मेको नेल्ल पा ३७ जना बाक्मा बाक्त।

मुर आन कली हिक्शो

१इतिहास २१ :-

२४ १ मिनु परमपरभु यावे इसराएली आन पर्वम लंशा गाइक्ता बाक्त। मिनु मेकोमी दाऊद कली मेको आन पर्वम मरिम्शो पपाइक्चा कली क्युकगा बाक्त। मिनु दाऊदमी “इसराएल नु यहूदा डा मुर आन कली हिक्कीन” देमाक्त। २ मिनु पिपमी योआब नु मेको नु बाक्व लडाइ पाइब आन ठेयब मुर नेल्ल आन कली “दान रे बेयर-शेबा सम्म डा इसराएल आ खिं खिं डा मुर आन बाक्तीक तेइ तेइ लशा, नेल्ल आन कली हिक्शा, मेको दोशो बाक्मा, आं बाक्तीकम बरक्शा चाक्कीन” देमाक्त। परस्थान ३०:१२ ३ तन्न योआबम पिप कली “परमपरभु यावे, इन परमपरभुम मुर आन कली सहै का खेयप हिक्शो क्येडा यो शुश सेलल। मेको तचा डा

पा इन बरोइची ना दुम्त। तन्न मारदे आं परभु पिप मोदंशो पचा माल्नी?" दे हिल्लो पवा बाक्त। ४ तन्न पिप आ अरेशो योआब नु लडाइ पाइब आन ठेयब मुरपुकीम पचा माल्मा बाक्त। मोपतीक योआब नु लडाइ पाइब आन ठेयब मुर पिप आ झोइती रे इसराएल डा मुर आन कली हिक्का कली लमा बाक्त। ५ मिनु मेकोपुकी यदेन खाला शोकशा, आरोएर सहर नु दिम आ दाते डा सहर रे गाद नु याजर ग लमा बाक्त। व्यवस्था २:३६ ६ मिनु मेकोपुकी हिती आन रागी गिलाद नु कादेश जाक्मा बाक्त। नोले दान लशा, सीदान जाकदीम्मा बाक्त। ७ मिनु नोले गारो हिरशो सहर टायर, हिर्वी नु कनानी आन सहर नेल्ल लमा बाक्त। नोले यहूदा डा नेगेब डा बेयर-शेबा सहर सम्म लमा बाक्त। ८ मिनु ९ महिना नु २० नाक्त नोले मेकोपुकी रागी नेल्ल हिरशा, लशशा यरूसलेम जाक्मा बाक्त। ९ मिनु योआबम पिप कली "था चलेने चाप्व लडाइ पाइब इसराएलम ८ लाख नु यहूदाम ५ लाख बाक्तेकम्" दे शंदा बाक्त।

१० मिनु नोले दाऊद मुर आन कली हिक्को आ पर्वम आ थुं मनुमाक्त। मिनु दाऊदमी परमपरभु यावे कली "गो मुर आन कली हिक्का ठेयब पाप पाता। मुल परमपरभु यावे, इन वाइल आ मरिम्शो पशो क्याम्दीन। मारदे हना गो थम मूर्ख गेय पाता" देमाक्त। २सामुएल १२:३३ ११ मिनु दाऊद सुनी कना बाक्माक्त। मिनु परमपरभु यावेमी आ लोव्र पाइब गाद कली लोव्र पवा बाक्त। १२ मार लोव्र पवा बाक्त देशा हना "गे दाऊद कली परमपरभु यावेम इ कली मार देब देशा हना थो इ कली लोव्र सां गेनन। मेको आन दाते डा का योव्रचा माल्नेवे। मिनु गो मेको इ कली पाइनुड" देत" देमाक्त। १३ मिनु गाद दाऊद आ बाक्तीक जाक्का "इन कली नु रागी कली बर्स सां सम्म अन्काल दुम्तीक, महिना सां सम्म इन जोरी सतरुम खेदा पचा पुंडसीतीक नु इन रागीम नाक्त सां सम्म मुर बेक्तीक रोइ जाक्तीक, तेको योव्रनीनी मिम्शा देनीन। मिनु आं कली सोइक्व कली मार देचा माल्नुडा देनीन" देमाक्त। येरमीया २४:१०; इजीकीएल ६:११-१२ १४ मिनु दाऊदम गाद कली "गो शुश श्यत जशो बाक्नुड। आंइ कली परमपरभु यावे आ गुडम दुम्चान रिम्शो बाक्व। मारदे हना आ शिशी ठेयब बाक्व। गो मुर आन गुडम मदुम्डल" देमाक्त।

१५ मोपतीक परमपरभु यावेमी आ देशो नाक्त रे इसराएल नेल्लेम मुर बेक्तीक रोइ जाक्पदा बाक्त। मिनु दान रे बेयर-शेबा सम्म ७० हजार मुर बेक्मा बाक्त। १६ मिनु परमपरभु यावे आ स्वर्ग डा गेय पाइबमी यरूसलेम खतम पोक्का कली आ गुड मेक गे दिदा बाक्त। मिनु परमपरभु यावेमी मुर आन कली खतम सल्व आ स्वर्ग डा गेय पाइब कली तवशा "मोक्ल, मुल दुम्त" देमाक्त। मेना मेको परमपरभु यावे आ स्वर्ग डा गेय पाइब यबुसी अरोनाह आ खलाम राष्शो बाक्माक्त। उत्पती १९:३३; परस्थान १२:२३; यसैया ५४:१६ १७ मिनु दाऊदमी मेको मुर आन कली साइक्व परमपरभु आ आ स्वर्ग डा गेय पाइब कली तवा बाक्त। मिनु मेकोमी परमपरभु यावे कली "पाप पाइब, गो आं का ला नड। इन अरेशो लोव्र मटीब यो गो नड। तन्न एको मुर मार पामे डा ? गे आं कली नु आं सिं डा मुर आन कली श्यत गेने" देमाक्त। गन्ती १६:२२ १६ मेको नाक्ती गाद दाऊद आ बाक्तीकम जाक्का, मेको कली "गे लशा, यबुसी अरोनाह आ खलाम परमपरभु यावे कली चढेतीक का सेलो" देमाक्त। १७ मिनु परमपरभु यावेमी अरेशो गादमी देशो सोदंशो पा दाऊद इर डोइशशा लमाक्त। १८ मिनु अरोनाहम पिप नु आ मुर आन कली आ बाक्तीक गे पिशो तशा, पिप आ झोइती सुम्की पा बाष्शा सेउ पवा बाक्त। १९ मिनु अरोनाहमी "मारदे आं परभु पिप इन वाइल कली गरुम्थ जाक्नी" दे हिल्लो पवा बाक्त। मिनु दाऊदमी "गो परमपरभु यावे कली चढेतीक का सल्व, दे इ खला ग्याथ्य जाक्ती। मो पाता हना, एको मुर बेक्तीक रोइ दिक्का कां?" देमाक्त। २० मिनु अरोनाहमी दाऊद कली "आं परभु पिप मेको इन के दुम्त। मिनु दोदंशो दाक्नीनी मोदंशो पा चढेन। चोशा चढेचा कली गो नु ब्यफ बाक्नीम। शी कली जुवा नु दोइ पतीक शी बाक्नीम। २१ पिप, गो इन कली मेको नेल्ल गेनुड। परमपरभु यावे, इन परमपरभुम इन चढेशो बरवल" देमाक्त। २२ तन्न पिपमी अरोनाह कली "ममाइ, गो मेको ग्यान्नुड। गो क्येट मथाष्शो थोव्रक परमपरभु यावे, आं परमपरभु कली मचढेनुड" देमाक्त। मोपतीक दाऊदम मेको खला नु ब्यफ डा ५० शेकल चांदी थाष्शा ग्यबा बाक्त। शेकल का ११.५ ग्राम बाक्व। २३ मिनु दाऊदम मेकेर परमपरभु यावे कली चढेतीक का सेला बाक्त। मिनु चोशा चढेतीक नु दुशा बाक्का आ पर्वम चढेतीक चढेवा बाक्त। मिनु परमपरभु यावेमी रागी आ पर्वम

पुंड्रशो लोव्र नेना बाक्त । मिनु इसराएलम मुर  
बेक्तीक रोइ दिक्माक्त । २सामुएल २१:१४

## १ राजा

बरेकब मुरः नेल्ल क्येडा नोले बरेकब मुर मतुइक्नीम। एको बरेकब मुरुमी यहूदा डा पिप आन इतिहास नु इसराएल डा पिप आन इतिहास डा किताब तुइश्शो बाक्त।

गेना बरेकशोः एको किताब ५६१ बि. सी. मेर बरेकशो दुम्चा माल्ब। मारदे हना मना पिप योयार्कीन जेत्त्वान र गरूशो बाक्त।

मार बरेकशोः डोंइती १राजा नु २राजा हिब्रू लोत्रमी बरेकशो किताब का बाक्त। नेल्ल ग्रीक लोत्रमी सप्तुआगीन्त माइश्शो किताबम निक्शीो सल्मे बाक्त। डोंइती राजा किताब निक्शीो, सामुएल किताब निक्शीो, यहोसु नु न्यायाधीस किताब कली “परमपरभु यावे आ लोत्र पाइब आन किताब” देशो बाक्मा बाक्त। मेको किताबपुकीमी मोसा रे इसराएली ग्याइश्शा लाइक्चा पुंडसीमा सम्म डा लोत्र नेल्ल बरेकशो बाक्त। १राजा किताबमी दाऊद खाल्पा दुम्शो र आ तो सोलोमन नोले डा यहूदा नु इसराएल डा पिप आहाब नु आ तो अहज्याह सम्म डा लोत्र बरेकशो बाक्ब।

अबीशागम पिप कली काल्गी पशो

१ मिनु दाऊद पिप शुश बर्स दुम्शा, थम खूशो दुम्माक्त। मिनु वा फक्सनु, यो महोमाक्त। २ मोपतीक मेको आ गय पाइबपुकीम मेको कली “आंइ परभु पिप इन कली कोत्रचा कली नु इन काल्गी पचा कली, गो कन्ने मीश आल का माल्नीकी। मिनु मेको आंइ परभु पिप, इन कली होपाइक्चा कली इन नु इप्त” देमा बाक्त। ३ मिनु मेकोपुकीम इसराएल रागी नेल्लेम दारशो मीश आल का माल्मेनु, शुनेम सहर डा अबीशाग, कन्ने मीश आल कली थित्मे बाक्त। मिनु मेको कली पिप आ बाक्तीक चाक्मे बाक्त। ४ मेको थम दारशो मीश आल बाक्माक्त। मिनु मेकोमी पिप कली कोत्रचा नु आ काल्गी पचा गोवा बाक्त। तन्न पिप मेको नु मबाक्माक्त।

अदोनीयाह पिप दुम्चा माल्शो

५ मिनु हग्गीथ आ तो अदोनीयाहम आंम कली ठेयब सल्शा “गोन पिप दुम्नुड” देचा गोवा बाक्त। मोपतीक मेकोम बग्गीपुकी, शारा डोंइक्बपुकी नु आ डोंइडोंइती दारपाइक्चा

कली ५० जना मुर ठोक पवा बाक्त। २सामुएल ३:४ ; २सामुएल १५:३ ६ मिनु मेको आ आफोम मेको कली “गे मारदे मोदेंशो पवी?” दे गेनायो महुइक्ता बाक्त। अदोनीयाह यो थम दारशो मुर का बाक्माक्त। मेको अब्सालोम क्येडा नोले जरमेशो बाक्माक्त। ७ मिनु मेकोमी सरूयाह आ तो योआब नु चदेब अबीयाथार नु लोत्र गारपदा बाक्त। मिनु मेको निक्शीमी अदोनीयाह कली वारच पदस बाक्त। १राजा २:२७ ५ तन्न चदेब सादोक, यहो-यादा आ तो बनायाह, परमपरभु यावे आ लोत्र पाइब नाथान, शिमैइ, रड नु दाऊद आ लडाइ पाइबपुकी चहिं अदोनीयाह नु मगारमा बाक्त।

९ मिनु अदोनीयाहमी एन-रोगेल आ नेक्था डा सोहलेथ देशो फुल्लुम भेडा, ब्यफ नु दोम्शो बस्तु भाव चदेवा बाक्त। मिनु मेकोमी आ लोक्ब नेल्ले, पिप आ तो नेल्ल नु पिप आ ठेयब गय पाइब यहूदा डा मुर नेल्ल आन कली बरेत्तीमी बाक्त। यहोसु १५:७-८ १० तन्न मेकोमी परमपरभु यावे आ लोत्र पाइब नाथान, बनायाह, लडाइ पाइबपुकी नु आ लोक्ब सोलोमन आन कली चहिं मबरत्ता बाक्त।

११ मिनु नाथानमी सोलोमन आ ममा बाश्शबा कली “मार गे हग्गीथ आ तो अदोनीयाह आंइ परभु दाऊद आ मतुइक्थु पिप दुम्त देशो लोत्र मनंनो ? १२ मोपतीक मुल नंनो। आंम इन कली नु इन तो सोलोमन कली दोपा प्रांइने चाम्सीबा, मेको आ परबंम गो इन कली सल्ला गेनुड। १३ मुल रीब पा लशा, पिप दाऊद कली गरूमीन। मिनु मेको कली “आं परभु, मार, गे इन वाइलीम नु थमा पा इ तो सोलोमन आं नोले पिप दुम्ब। मिनु मेको आं निक्तीकम निष्व देशो मननी डा ? मिनु मुल मारदे अदोनीयाह कका पिप दुम्मे ?” देनीन। १३ इतिहास २८:५-१० १९ मिनु मोपा गे पिप नु लोत्र पना पन बाक्नीनु, गो जाक्नुड। मिनु गो इन देशो लोत्रम लोत्र तेम्नुड” देमाक्त।

१५ मिनु बाश्शबा पिप आ बाक्तीक कोटाम ओत्रमाक्त। पिप थम खूशो दुम्शो बाक्माक्त। मेना शुनेम सहर डा अबीशागमी मेको आ काल्गी पना पन बाक्माक्त। १६ मिनु बाश्शबाम पिप आ डोंइती बाष्शा आ पोक्च थक्शा सेउ पवा बाक्त। मिनु पिपम “गे मार पुनी” दे मदा बाक्त। १७ मिनु मेकोमी पिप कली “आं परभु, गे इन वाइलीम, आं कली परमपरभु यावे, इन परमपरभु आ डोंइती कसम जशा ‘इ तो सोलोमन आं नोले पिप दुम्ब। मिनु आं निक्तीकम निष्व’

देशो ननी। १८ तन्न मुल अदानीयाह कका पिप दुम्ब। एको लोत्र आं परभु पिपम मतुइशो बाक्नीनी। १९ मेकोमी शुश व्यफ नु दोम्शो बस्तु भाव नु मेडा क्योरशा चदेशो बाक्ब। मिनु पिप आ आल नल्ले, चद्वेब अबीयाथार नु लडाइ पाइब आन नल्ले क्येडा ठेयब मुर योआब नल्ले आन कली बरेशो बाक्ब। तन्न इन गेय पाइब सोलोमन कली चहिं मबरेशो बाक्ब। २० मिनु मुल आं परभु पिप, इन नाले सु पिप दुम्बा? मिनु इन नित्तीकम सु निष्वा, दे तुइक्वा कली इसराएल डा मुर नल्लेम इन लां कोव्रशो बाक्नीम। २१ मो मदुम्त हना, नाले गे आं परभु पिप इन किकी पिपी नु इनीनी। मिनु गो नु आं तौ सोलोमन आंस कली मरिम्शो पाइब सोदेशो सेल्लीम” दे बाश्शेबाम देमाक्त।

२२ मिनु मेको पिप नु लोत्र पना पन बाक्मेनु, परमपरभु यावे आ लोत्र पाइब नाथान जाक्माक्त। २३ मिनु पिप कली “परमपरभु यावे आ लोत्र पाइब नाथान जाक्शो बाक्ब” देशो लोत्र नंपदमे बाक्त। मिनु नाथान जाक्शा, खप सम्मन बाष्शा, पिप कली सेउ पवा बाक्त। २४ मिनु नाथानम “आं परभु पिपमी ‘अदानीयाह आं नाले पिप दुम्ब। मिनु आं नित्तीकमी निष्वा’ देशो ननी देय मननी? २५ मेको मुलाक्ती उइ बरुष्शा शुश व्यफ, दोम्शो बस्तु भाव नु मेडा क्योरशा चदेशो बाक्ब। मिनु मेकोम पिप इन आल नल्ले, लडाइ पाइब आन ठेयब मुर योआब नु चद्वेब अबीयाथार नल्ले आन कली बरेशो बाक्ब। मिनु मुल मेको नल्ले मेको आ डोंइती जना जन, तूना तून पिप अदानीयाह गेना हना यो बरोंइशा बाक्ल” देना देन बाक्नीम। २६ तन्न मेकोम इन गेय पाइब आं कली, चद्वेब सादोक, येहो-यादा आ तौ बनायाह नु इन गेय पाइब सोलोमन आंइ कली मबरतीकी। २७ मार, आं परभु पिप इन देतीक मो पशो नमी? मिनु गो इन गेय पाइब आंइ कली चहिं इन नाले सु पिप दुम्ब, दे मशंदीनी” देमाक्त।

दाऊदम सोलोमन कली पिप सेल्शो

२८ मिनु पिप दाऊदमी “बाश्शेबा कली आं नेक्शा बरतीन” देमाक्त। मिनु मेको पिप आ डोंइती जाक्शा राम्माक्त। २९ मिनु पिपमी “गो आं कली आं श्येत नल्ले रे परोंइब नु गेना हना यो बाक्ब परमपरभु यावे बरोंइशा बाक्शो सोदेशो पा गो कसम जाइनुड। ३० डोंइती गो परमपरभु यावे, इसराएली आन परमपरभु आ

नमी इ कली ‘इ तौ सोलोमन आं नाले पिप दुम्ब। मिनु आं नित्तीकम निष्शा, आं पा डा पिप दुम्ब’ देती। मुलाक्त गो मेको कसम जशो खानुड” देमाक्त। ३१ मिनु बाश्शेबा पिप आ डोंइती आ पोक्च थक्शा बाष्शा “आं परभु पिप दाऊद गेना हना यो बरोंइशा बाक्ल” देमाक्त।

३२ मिनु पिप दाऊदम “चद्वेब सादोक, परमपरभु यावे आ लोत्र पाइब नाथान नु येहो-यादा आ तौ बनायाह आन कली बरतीन” देमाक्त। मिनु मेको पिप आ डोंइती जाक्मा बाक्त। ३३ मिनु पिपम मेको आन कली “गे इन परभु, आं ठेयब गेय पाइब आन कली लतीन। मिनु आं तौ सोलोमन कली आं खच्चरम डोंइक्पाइशशा गिहोन सम्म लतीन। ३४ मिनु मेकर चद्वेब सादोक नु परमपरभु यावे आ लोत्र पाइब नाथानमी मेको कली तेल लुकशा इसराएल डा पिप सेल्सेकल। मिनु तुराही ताष्शा ‘पिप सोलोमन गेना हना यो बरोंइशा बाक्ल’ देमल। ३५ मिनु मेको आ नाले सोतीन। मेको जाक्शा आं नित्तीकम नित्त्वा माल्ब। मिनु मेकोम आं पा डा सासन पचा माल्ब। मारदे हना गो मेको कली इसराएल नु यहूदाम सासन पचा कली योव्रता” देमाक्त। ३६ मिनु येहो-यादा आ तौ बनायाहम पिप कली “आमेन। परमपरभु यावे, आं परभु पिप आ परमपरभुमी मोदेशोन पवल। ३७ दोपा परमपरभु यावे आं परभु पिप इन नु बाक्म, मोपान सोलोमन नु यो बाक्ल। मिनु मेको आ राज्य आं परभु पिप दाऊद आ राज्य क्येडा यो सक्ति पाइशशा सेलल” देमाक्त।

सोलोमन कली पिप सेल्शो

३८ मिनु चद्वेब सादोक, परमपरभु यावे आ लोत्र पाइब नाथान, येहो-यादा आ तौ बनायाह नु केरथी नु पेलथी उइ बरुष्शा सोलोमन कली दाऊद पिप आ खच्चरम डोंइक्पाइशशा गिहोन सम्म लदमे बाक्त। २सामुएल ८:१८, ३९ मिनु चद्वेब सादोकमी परमपरभु यावे आ ताम्बु र तेल वोइशशा गरोत्र गसुंइशा सोलोमन कली लुकशा पिप सेला बाक्त। मिनु मेकोपुकीम तुराही ताम्बे बाक्त। मिनु मुर नल्लेम ठेयब संवा पा “पिप सोलोमन गेना हना यो बरोंइशा बाक्ल” देमा बाक्त। १इतिहास २३:१; २सामुएल २९:२२, ४० मिनु मुर नल्ले ठेयब संवा पा ग्यरशा बांसुरी ताष्शा, मेको आन नोनोले इर डोंइशशा लमा बाक्त। मिनु मेको आन ग्यरशा रेयके पशोम रागी नल्ले मुरदा बाक्त।

११ मिनू अदोनीयाह नु आ मुरपुकीम मेको रयके नन्म बाक्त। मना मेकोपुकीमी नक भोज जने ला थुम्शो बाक्मा बाक्त। मिनू योआबमी तुराही गरीशो नंशा “सहरम मार रयके पामे?” देमाक्त। १२ मिनू मेकोमी मो देन देना चदेब अर्बोयाथार आ तो योनाथन जाक्माक्त। मिनू अदोनीयाहमी मेको कली “सिंङगा पिवा। ग रिम्शो मुर बाक्नेव। मिनू ग थमा पा रिम्शो लोत्र चाकगी माइ” देमाक्त। २सामुएल १५ : २७, ३६ १३ मिनू योनाथनमी अदोनीयाह कली “ममाइ, इं परभु पिप दाऊदमी सोलोमन कली पिप सल्लु। १४ पिपमी चदेब सादोक, परमपरभु यावे आ लोत्र पाइब नाथान, यहो-यादा आ तो बेनायाह नु करेथी नु पलेथी आन कली मेको नु सोइक्ताक्व। मिनू मेकोपुकीम मेको कली पिप आ खच्चरम डोइक्पाइश्शा लाइक्तेक्म। १५ मिनू चदेब सादोक नु परमपरभु यावे आ लोत्र पाइब नाथानमी मेको कली गिहानमी तेल लुक्शा, पिप सल्लाक्स। मिनू मुल मेकोपुकीम मेको कली ग्येरशा इर सिं लाइक्तेक्म। मोपतीके सहरम रयके दुम्शो बाक्व। गपुकीम मेको रयके नंशा बाक्नीनी। १६ मुल सोलोमन पिप आ नितीकेम निप्ब। १७ मिनू पिप आ सिं डा ठेयब गय पाइब मुरपुकीमी इं परभु पिप दाऊद कली इन परमपरभुम इन ती सोलोमन आ नें इन क्यडा यो सक्ति पाइश्शो सल्ल। मिनू मेको आ नितीक इन नितीक क्यडा यो सक्ति पाइश्शो सल्ल” देथ लशा बाक्नीम। मिनू पिपमी आ खाटमी बाश्शा १८ “परमपरभु यावे, इसराएली आन परमपरभु ठेयब बाक्व। मुलाक्ती मेकोमी आं सेस बाक्ना बाक्न, आं कली तपाइक्चा कली आं नितीकेम पिप का निप्पाइक्कु” देत” देमाक्त।

१९ मोपतीके अदोनीयाह आ मुरपुकी हिंशा छुल छाल बाक्शा आन लां सोदम बाक्त। २० मिनू अदोनीयाह आंमा यो सोलोमन क्यडा हिंशा लशा, चदेतीक डा गरोत्र ग्याइक्ता बाक्त। २१ मेको नोले सोलोमन कली “अदोनीयाह पिप क्यडा हिंशा, चदेतीक डा गरोत्र ग्याइश्शा पिप सोलोमनम आ गय पाइब आं कली मक्योरनुङ्क, दे कसम जवल’ देशो बाक्व” देशो लोत्र नंपदम बाक्त। १राजा २ : २८ २२ मिनू सोलोमनमी “मेकोमी गो ओदंब पाइब मुर नङ्क, देने चाप्तु हना, मेको के आ चां का यो महम्ब। तन्न मेकोम मरिम्शो पशो थिंसाक्व हना, मेको थमा पा साइक्चा पुंइसीब” देमाक्त। २सामुएल १४ : ११ २३ मिनू पिप सोलोमनम मुर

आन कली सोइश्शा, मेको कली चदेतीक र उइ तोइक्पदा बाक्त। मिनू अदोनीयाह जाक्शा, पिप सोलोमन कली सउ पवा बाक्त। मिनू सोलोमनम मेको कली “इ सिं लावो” दे मदा बाक्त।

दाऊदमी सोलोमन कली अरेशो

१ मिनू दाऊद आ बेक्ची ना जाक्माक्त। मिनू २ मेकोमी आ तो सोलोमन कली आ बाक्शा मारइ मारइ जिम्मा गवा बाक्त। २ मिनू मेकोमी “गो रागी डा मुर नेल्ल आन खोदेशो पा बेक्नुङ्क। मोपतीके ग बाल्यो नु महिंब दुमो। ३ मिनू गे परमपरभु यावे, इ परमपरभु आ देशो टिवो। मेको आ लांम गाक्को। मिनू मोसा आ अरेशो लोत्रम गेशो खोदेशो पा परमपरभु यावे आ फुल्लुम मुशा बरक्शा लोत्र, आ शंशो, आ देशो पतीके लोत्र नु आ गेशो अर्ती नेल्ल पावो। मिनू गे मार मार पाइनेव, ते ते लाइनेव, मेको नेल्ल रिम्शो दुम्ल। ब्यवस्था १७ : १४-२०; यहोसु १ : १७ ४ परमपरभु यावेमी आं कली ‘इ ती चच नेल्लम आंमा दोपा बाक्चा माल्बा, दे मिम्ताक्म हना नु आन थुं नु आन सोक्त नेल्लम आं कली मपरांइथु आं डांइती गाक्तेक्म हना, गना हना यो इसराएलम हुकुम पचा कली इ ती चच का लीब’ दे लोत्र गेशो कबल पशो बाक्व।

५ सरूयाह आ तो योआबम आं कली मार पवा ? गे मेको तुइक्नेव। मेकोमी इसराएल डा लडाइ पाइब आन ठेयब मुर नर आ तो आब्नर नु यथर आ तो आमासा आस कली साइक्तीम्सी। मेको लोत्र गे आंमा तुइश्शो बाक्नेव। मेकोमी मेको निम्फा आस कली लडाइ मदुम्थु, थुं नाइश्शा बाक्तीक ना साइक्तीम्सी। मिनू मेको हुशमीन आ किप्शुर नु आ जुत्ता दोस ताइब सल्लु। २सामुएल ३ : २७; २सामुएल २० : १० ६ मोपतीके इ जाक्व तुइक्व थुंम मार पचा देबा, मेको पावो। तन्न मेको आ बोइश्शो चां थुं मनाइक्थु बेक्शो मुर आन बाक्तीकेम लल। ७ गिलाद डा बारजील्लाइ आ तो आन कली चहिं मपरांइथु रिम्शो पावो। मेको गे नु काथा जाइब आन दातेमी बाक्मल। गो इ लोकब अब्सालोम क्यडा परोक्शा गाक्डानु, मेकोपुकीम रिम्शो पाक्तेक्म। २सामुएल १७ : २७; २सामुएल १९ : ३२-४१; २सामुएल १५ : ६ मिनू गे बाहुरीम डा बेन्यामीन आ थर डा गरा आ तो शिमेइ कली योत्रकी पावो। मेकोमी गो महा-नाइम लडा नाक्त आं कली थाम्पा सराप पाइक्ती।

नोले मेको यर्दन सोलाम आं कली गरुम्य जाक्त। मिनु मेना गो मेको कली 'मसाइक्नन' दे परमपरभु यावे आ नें थिशा कसम जाता। २सामुएल १६:५ ; २सामुएल १९:१७-२४ १तन्न मुल गे मेको कली दोस मताइब ममिम्तो। गे जोक्व तुइक्व मुर बाक्नेवे। मोपतीक मेको कली मार पचा माल्बा, मेको तुइक्नेवे। मेको आ बोइश्शो चां हुश सुन्दा बेक्शा मुर आन बाक्तीकम सोइक्ता" देमाक्त।

१०मिनु दाऊद बेक्माक्त। मिनु दाऊद आ सहरम थिम्चा पुइस बाक्त। ११दाऊदम इसराएलम ४० बर्स सम्म सासन पवा बाक्त। मेकोम ७ बर्स हेबरोनमी नु ३३ बर्स यरूसलेमम सासन पवा बाक्त। २सामुएल ५:४-५ ; १इतिहास २९:२७ १२मिनु सोलोमन आ आफ दाऊद आ पा डा पिप दुम्माक्त। मिनु मेको आ राज्य बोल्यो दुम्माक्त।

### सोलोमनमी अदोनीयाह साइश्शो

१३मिनु हग्गीथ आ तौ अदोनीयाह, सोलोमन आ ममा बाश्शेबा बाक्तीक जाक्माक्त। मिनु बाश्शेबाम मेको कली "मार गे रिम्शो मिम्शा जाक्डे" दे हिल्लो पवा बाक्त। मिनु मेकोमी "आं रिम्शो पान जाक्ती" देमाक्त। १४मिनु मेकोम लेंशा "गो इन कली लोत्र का देनुड" देमाक्त। मिनु मेकोम "दुम्ब देनो" देमाक्त। १५मिनु अदोनीयाहम "राज्य आं क बाक्त। गे मेको तुइक्नीनी। मिनु इसराएली नेल्लम आं कली पिप दुम्ब, दे मिम्शा बाक्तेकम। तन्न मारइ मारइ दूली दुम्त। मुल राज्य आं लोक्व क दुम्त। मारदे हना परमपरभु यावे आ दाक्शो मेकोन बाक्त। १६मुल गो इन कली लोत्र का पाइनुड। आं पशो लोत्र मदुम्ब मदनीन" देमाक्त। मिनु मेकोमी "मेको मार बाक्बा ? देनो" देमाक्त। १७मिनु अदोनीयाहम "गो शुनेम सहर डा अबीशाग कली ग्युंबे पचा तडल, दे पिप सोलोमन कली पुनीन। मेकोमी इन कली मदुम्ब मदने" देमाक्त। १राजा १:३ ; २सामुएल ३:७ १८मिनु बाश्शेबाम "मेको रिम्शो बाक्व। गो इ परबम पिप नु लोत्र पाइनुड" देमाक्त।

१९मोपतीक बाश्शेबा अदोनीयाह आ परबम लोत्र पथ पिप सोलोमन आ बाक्तीक लमाक्त। मिनु पिप मेको कली मान पथ बाक्माक्त। मिनु आ ममा आ डांइती बाष्शा मान पा, आ निक्तीकम निस्से बाक्त। पिप सोलोमनम आ ममा कली नित्वा कली निक्तीक का चाक्पदा

बाक्त। मिनु मेको पिप आ ग्युरा गे निस्से बाक्त। २०मिनु मेकोमी "गो गे नु आइक्व लोत्र का पचा माल्नुड। मेको आं लोत्र मदुम्ब मदनी" देमाक्त। मिनु पिपमी आ ममा कली "मार देनीनी ? आं ममा गो इन लोत्र मदुम्ब मदने" देमाक्त। २१मिनु मेकोमी "इ लाक्व अदोनीयाह नु शुनेम सहर डा अबीशाग आस कली ग्युंबे पाइक्सी" देमाक्त। २२मिनु पिप सोलोमनम आ ममा कली "गे मारदे शुनेम सहर डा अबीशाग नु अदोनीयाह आस कली ग्युंबे पाइक्का कली पुइनी ? गे मेको कली राज्य पुइतीनी हना यो दुम्ब। मारदे हना मेको आं ठेयब लोक्व बाक्व। चदेब अबीयाथार नु सरूयाह आ तौ योआब आस परबम यो पुनीन" देमाक्त। १राजा १:६-७ २३मिनु पिप सोलोमनम परमपरभु यावे आ नें थिशा "एको आ परबम अदोनीयाह साइक्वा मपुइसाक्व हना, परमपरभुम आं कली थम मरिम्शो सजाइ गयील" दे कसम जवा बाक्त। २४मनु "मुल आं कली आं आफ दाऊद आ राज्यम वोइक्व नु आ पाइनुड देशो लोत्र खाष्शा, आं थर आन कली सेल्व परमपरभु यावे बरांइशा बाक्शो सोदेशो पा, गो कसम जशा देनुड, अदोनीयाह मुलाक्तीन साइक्वा पुइसीब" देमाक्त। २५मेको नोले पिप सोलोमनम येहो-यादा आ तौ बेनायाह कली "अदोनीयाह कली तुष्शा सतो" दे हुकुम गवा बाक्त। मिनु मेकोम अदोनीयाह कली तुष्शा सदा बाक्त।

२६मिनु पिपम चदेब अबीयाथार कली "अनाथाथम बाक्शो इ खिम लावो। गे साइक्वा पुइसीब बाक्नेवे। मो हना यो मुल गो इ कली मसाइक्नन। मारदे हना गे आं आफ दाऊद आ डांइती परमपरभु यावे आ सन्दोस कुरब बाक्ते। मिनु गे मेको आ श्यत नेल्लम बाक्शो बाक्ते" देमाक्त। १राजा १:७ ; १सामुएल २२:२०-२३ ; १सामुएल ३०:७ ; २सामुएल १५:२४ २७मोपतीक सोलोमनम अबीयाथार कली परमपरभु यावे कली चदेतीक गेय रे गरुंइदा बाक्त। मोपा परमपरभु यावेमी शिलोम एली आ खिं आ परबम देशो लोत्र गाम्माक्त। १सामुएल २:३१-३२

२८मिनु मेको लोत्र नेल्ल योआबम नेना बाक्त। मेको अब्बालोम गे ममाइ, तन्न अदोनीयाह गे बाक्शो बाक्माक्त। मिनु योआब परोक्शा परमपरभु यावे आ ताम्बुम लमाक्त। मिनु चदेतीक आ गरोत्र ग्याइश्शा बाक्माक्त। १राजा १:५१ २९मिनु पिप सोलोमनम "योआब

परोक्षशा लशा, परमपरभु यावे आ ताम्बुम चढ्दतीक आ नेकथा जाकदीशशा बाकशा बाकब” देशो लोत्र नना बाकत। मिनु मेकोम यहो-यादा आ तौ बनायाह कली “योआब कली तुप्शा सतो” दे अरशा साइकता बाकत। परस्थान २१:१२-१४ ३०मोपतीक बनायाह परमपरभु यावे आ ताम्बुम ओत्रशा, योआब कली “पिपम लाङ्गा गुरूडा देशो बाकब” दे मदा बाकत। तन्न मेकोम “गो एक उइ बेकनुड” देमाकत। मिनु बनायाहमी लशा पिप कली योआब आ लोत्र नेपदा बाकत। ३१मिनु पिपमी बनायाह कली “मेको आ देशो सोदेशो पावो। मेको कली साइशशा थिमीन। मोपा योआब आ मोशा हुश खराकश पोक्शा दोस गो नु आं आफ आ खिं रे क्याम्दीन। ३२मिनु परमपरभु यावेमी मेको आ हुश खराकश पोक्शा मेको आ पियामीन मोइकब। मारदे हना मेकोमी आं आफ दाऊद आ मतुइकथु आ क्यडा ठीक पाइब इसराएल डा लडाइ पाइब आन ठेयब मुर निकशी नेर आ तौ आबनेर नु येथर आ तौ यहूदा डा ठेयब मुर आमासा आस कली साइशशा बाकत। १राजा २:५ ३३मेको आस हुश आ दोस गेना हना यो योआब नु मेको आ तौ चच आन पिया तार लील। तन्न दाऊद नु मेको आ तौ चच आन तार, मेको आन खिंम नु आन राज्यम परमपरभु यावे आ डांडती गेना हना यो थुं नाइशशा बाकतीक दुम्ल” देमाकत। ३४मोपतीक यहो-यादा आ तौ बनायाह इर लमाकत। मिनु योआब कली तुप्शा सदा बाकत। मिनु मेको कली गोरशा रागी, आ खिं आ नेकथा आ रूम थिम्म बाकत। ३५मिनु पिपमी यहो-यादा आ तौ बनायाह कली योआब आ पा डा लडाइ पाइब आन ठेयब मुर सला बाकत। मिनु चढ्दब अबीयाथार आ पा डा सादोक कली चढ्दब सला बाकत। १राजा ४:४

३६मेको नोले पिपमी शिमइ कली बरथ सोइशशा, मेको कली “यरूसलेममी खिं का सेल्शा, मेक उइ बाकको। मिनु सहर परोइशा तेइ मलावो। ३७सहर परोइशा, किदरान खोल्सा शोक्सानेवे हना, गे थमा पा साइकता पुंडसीनेवे। मो पाप्तीवी हना, इ हुश आ दोस इ पियामीन मोइसीब” दे मदा बाकत। ३८मिनु शिमइम पिप कली “गे मार देनी मेको रिम्शो बाकब। आं परभु पिपम आ वाइल कली देशो सोदेशो पा गो पाइनुड” देमाकत। मोपतीके शुश नाकत सम्म शिमइ यरूसलेममीन बाकमाकत।

३९तन्न बर्स सां नोले मेको आ वाइल निकशी परोक्षशा, गाथ डा पिप माकाह आ तौ अकीश आ बाकतीक लसा बाकत। मिनु शिमइम “इ वाइल निकशी गाथ सहरम बाकताक्स” देशो लोत्र नना बाकत। ४०मिनु शिमइ रीब पा आ गधाम लगम पाइशशा, आ वाइल आस कली माल्थ गाथ डा अकीश आ बाकतीक लमाकत। मोपा शिमइमी गाथ रे आ वाइल निकशी आस कली चाकसी बाकत। ४१मिनु पिप सोलोमन कली शिमइ यरूसलेम रे गाथ जाकदीशशा लेशशा जाकशा लोत्र नेपदमे बाकत। ४२मिनु पिपमी शिमइ कली बरथ सोइकता बाकत। मिनु मेको कली “मार, गो इ कली परमपरभु यावे आने थिशा कसम जपाइशशा मनडा डा? गे अर्को रागी लचा कली एको सहर रे गाक्ते हना, साइकता पुंडसीनेवे, देशो मनडा? मिनु मेना गे आं कली “इन देशो लोत्र रिम्शो बाकब देशो मनवे?” मेना गे “इन देशो टीनुड” देशो नवे। ४३मिनु मारदे गे परमपरभु यावे आने थिशा कसम जशो नु आं देशो लोत्र मटिवी?” दे हिल्लो पवा बाकत। ४४मिनु पिपम शिमइ कली “आं आफ दाऊद आ पर्वम पशो मरिम्शो नेल्ल गे तुइशशा बाकनेवे। मुल परमपरभु यावेमी मेको मरिम्शो पशो आ क्येकक इ पियामीन मोइकब। १राजा २:८ ४५तन्न पिप सोलोमन आसीक ताइब। मिनु परमपरभु यावे आ डांडती दाऊद आ राज्य गेना हना यो लीब” देमाकत। ४६मिनु पिपमी यहो-यादा आ तौ बनायाह कली हुकुम गेवा बाकत। मिनु मेको लशा, शिमइ कली तुप्शा सदा बाकत। मिनु मेको बेकमाकत। मोपा पिप सोलोमन आ राज्य बोल्यो दुम्माकत।

सोलोमनम तुइकतीक थुं पुंडशो

२इतिहास १:१-१२

१सोलोमन आ ग्युबेम पतीके इजीप्त डा ३ पिप फाराओ आ खिं डा मुर दुम्माकत। मिनु सोलोमनम फाराओ आ तमी नु ग्युबे पवा बाकत। मिनु मेको कली पिप आ खिं, परमपरभु यावे आ खिं नु यरूसलेम डा गारो सेल्ने मथुमा सम्म दाऊद आ सहरम चाकशा वोदा बाकत। ब्यवस्था २३:८; १राजा ११:१-२ २मेना सम्म मुरपुकीम डांडा मेर चढ्दबाकमा बाकत। मारदे हना परमपरभु यावे आने कली मान पा तेकोइ खिं मसेल्शो बाकमाकत।

३सोलोमनम चहिं परमपरभु यावे कली दाकशा, मेको आ लोम गाकशा आ आफ दाऊद आ पशो सोदेशो पवा बाकत। तन्न मेकोमी डांडा

डा थानम चढ़ेशा, धूप चोइबाक्माक्त। ४ काले पिप सोलोमन गिबोन सहरम मार मार चढ़ेथ लमाक्त। मारदे हना मेको डांडा नेल्ल वयडा ठयब चढ़ेतीक बाक्माक्त। मिनु मेको चढ़ेतीकम सोलोमनम हजार का मार मार चोशा चढ़ेतीक चढ़ेवा बाक्त। १इतिहास २१:२१; १राजा १:२५ मिनु मेको नाकदो परमपरभु यावे गिबानम सोलोमन आ डांसुम जाक्शा “गे मार पुंडनवे, मेको गेनन” देमाक्त। ६ मिनु सोलोमनम “गे इन गेय पाइब, आं आफ दाऊद कली इन ठयब गेना हना यो दाक्तीक कोइताक्नी। मारदे हना मेको इन कली मपरांडथु, ठीक पाइब नु रिम्शो थुं पाइश्शो इन नाले खोइक्व मुर बाक्त। मिनु गे मेको कली इन ठयब नु गेना हना यो दाक्तीक कोइशो बाक्तीनी। मिनु मुलाक्ती मेको आ नोले आ निक्तीकम वोइक्वा कली मेको कली तौ का गेतीनी। १राजा १:४८ ७ मिनु मुल परमपरभु यावे, आं परमपरभु गे इन गेय पाइब, आं कली, आं आफ दाऊद आ पा डा पिप सेल्लतीनी। मो हना यो गो आइक्व आल का ला बाक्नुड। मिनु गो दोपा लाडगा लचा माल्लुडा, दोपा जाक्वा माल्लुडा, मेको मतुइक्नुड। ८ मुल गो इन गेय पाइब इन योव्रशो मुर इसराएली आन दातेम बाक्शो बाक्नुड। मेको शुश नु हिक्ने मचाप्वा डा बाक्नीम। १राजा ४:२० १ मोपतीक इन गेय पाइब, आं कली इन मुर आन कली ठीक पा सासन पचा कली रुक्तीक थुं गेयीनी। मिनु गो रिम्शो नु मरिम्शो तिल्ल जाक्नुड। मो मदुम्त हना, एको इश्का इन मुर आन कली सुम सासन पन चाप्नीमी डा” देमाक्त।

१० मिनु परमपरभु यावे सोलोमनम मेको लोव्र पुंडशो तशा, ग्येरस बाक्त। ११ मोपतीक परमपरभुमी मेको कली “गेमी एको लोव्र पुंडतीक, तन्न आंम इ पर्वम शुश बरांडतीक, शांप चम्तीक नु इ जोरी सतरु आन कली साइक्तीक मपुंडतीक, मार ठीक बाक्म, दे रुक्तीक थुं पुंडतीक, १२ मुल गो इ पुंडशो गेनुड। गो थमा पा इ कली जोक्तीक तुइक्तीक थुं नु रुक्तीक थुं गेनन। डांडती इ सोदंशो अर्का सुइ मबाक्म। मिनु नोले यो इ सोदंशो सुइ मदुन्नीम। ब्यवस्था २६:३४ १३ मेको परांडशा यो, गो अर्का इ मपुंडशो यो गेनन। गे मबेक्ड सम्म इ कली शांप नु मान ततीक यो गेनन। तेकोइ पिपपुकी गे नु उइक्थ मदुन्नीम। मती ६:३३ १४ मिनु गे इ आफ दाऊदम खोदंशो पा, आं लोम गाक्ते हना, आं फुल्लुम मुशा बरक्शो

लोव्र नु आं शंतीके टिप्तीवी हना, गो इ कली शुश बरांडचा गेनन” देमाक्त।

१५ मिनु नोले सोलोमन संसे बाक्त। मिनु एको दा डांसु कका बाक्त, दे तुइक्ता बाक्त। मिनु मेको नाले यरूसलेम लेम्माक्त। मिनु परमपरभु यावे आ कबल पशो सन्दोस आ नक्था राम्माक्त। मिनु मेकर चोशा चढ़ेतीक नु दुशा बाक्तीक आ पर्वम चढ़ेतीक चढ़ेवा बाक्त। मिनु मेकोमी आ गेय पाइब नेल्ल आन कली भोज का गेमी बाक्त।

### सोलोमन आ निसाफ

१६ मिनु नोले तेल्लेम मीश मुर निक्शी पिप आ डांडती जाक्शा, राप्सा बाक्त। १७ मिनु मेको आस दाते डा काम “आं परभु, एको मीश मुर नु गो खिं कामीन बाक्नस्कु। मिनु गो एको नु बाक्डानु, आल का थीता। १८ मिनु गो आल थिडा आ नाक्त सां नोले एकोमी यो आल का थिप्नु। मेकर गो निक्शी ला बाक्शो नस्कु। मेको खिम आंस निक्शी डा लाक्शा, अर्का सुइ मबाक्म। १९ मिनु नाकदो एको मीश मुरुम आ तो कली चिप्शा सदा बाक्त। २० मिनु नाकदो उइक्थ दुम्मेनु, गो, इन वाइलीम निन्दरा पडा ना एको बोक्शा जाक्शा, आं तौ लदा बाक्त। मिनु आ बेक्शो तौ चहिं आं थुकुम वोदा बाक्त। २१ मिनु आ दीसा सुनी गो बोक्शा “आल दूध तुंडदु” देडानु दा, आल बेक्शो बाक्त। तन्न गो मेको कली सुनी रिम्शो पा शिरशा कोव्रडुनु, मेको आं थिशा तौ ममाइ बाक्त” देमाक्त। २२ मिनु मेको अर्का मीश मुरुम “ममाइ संस आल आं तौ बाक्व। बेक्शो इ क बाक्व” देमाक्त। तन्न डांडती डा मीश मुरुम “ममाइ बेक्शो तौ इ के बाक्व। संस चहिं आं तौ बाक्व” देमाक्त। मोपा मेको निक्शी पिप आ डांडती जिम्से बाक्त।

२३ मिनु पिपम “कामी संस तौ आं के बाक्व। बेक्शो चहिं इ के बाक्व” देत। मिनु अर्काम “ममाइ बेक्शो तौ इ के बाक्व। संस चहिं आं तौ बाक्व” देत” देमाक्त। २४ मिनु पिपम “आं कली तरवार का चाक्शा गेयीनी” देमाक्त। मिनु मेकोपुकीम पिप कली तरवार का चाक्शा गेम बाक्त। २५ मिनु पिपम “मेको संस आल कली उइक्थ पा क्यारीन। मिनु उइक्थ भाग का, का कली नु अर्का उइक्थ भाग का अर्का कली गेने” देमाक्त। २६ मिनु मेको संस आल आ ममाम आ तौ कली शिशी पा पिप कली “ए परभु, एको संस आल एकोमीन लदल। एको आल कली मसतीन”

देमाक्त। मिनु अर्काम चहिं “एको आल गे यो लाइक्चा मताइनेवे, गो यो लाइक्चा मताइनुड। एको कली उइक्थ पा क्योरीन” देमाक्त। यसैया ४९:१५ २७मिनु पिपम आ निसाफ डा लोत्र नंपाइश्शा “एको सस आल डांडती डा मीश मुर कली गेने। एको आल कली मसतीन। आल आ ममा एकोन बाक्ब” देमाक्त। २८मिनु पिप आ निसाफ नंशा, इसराएली नेल्ल आन थुंमी रिम्शो पशा तुइश्शा, हिंमा बाक्त। मारदे हना मेकोपुकीम ठीक पा निसाफ पचा कली मेको आ थुंम परमपरभु आ रुप्याइक्तीक थुं बाक्त, दे तुइक्तमे बाक्त।

### सोलोमन आ गेय पाइबपुकी

४ १मोपा पिप सोलोमनम इसराएल नेल्लेम सासन पदा बाक्त। २मेको आ ठेयब गेय पाइब सु सु बाक्मा बाक्त देशा हना, सादोक आ ती अजारयाह चढेब बाक्माक्त। ३शीशा आ ती एली-होरफ नु अहीयाह बरेक्ब बाक्सा बाक्त। अहीलुद आ ती यहो-शाफात हिक्शा बरेक्शा वोइक्ब मुर बाक्माक्त। ४येहो-यादा आ ती बेनायाह लडाइ पाइब आन ठेयब मुर बाक्माक्त। सादोक नु अबीयाथार चढेब बाक्सा बाक्त। १राजा २:३४-३५ ; २सामुएल २३:२० ५नाथान आ ती अजारयाह सासन पाइब आन ठेयब मुर बाक्माक्त। नाथान आ ती जाबुद चढेब नु पिप आ वारच बाक्माक्त। ६अहीशार पिप आ सिं डा मारइ मारइ कोत्रब मुर बाक्माक्त। अब्दा आ ती अदोनीराम गेय पाइब आन कली कोत्रब बाक्माक्त। १राजा ५:२८

७ सोलोमनम इसराएल नेल्लेम १२ जना सासन पाइब वोइश्शा बाक्माक्त। मेकोपुकीम पिप कली नु पिप आ सिं डा मुर आन कली जचा थोत्रक गारपाइक्बाक्मा बाक्त। मेको नेल्लेमी बर्सम महिना का का कली जचा थोत्रक चाक्तीक गेय पाइक्बाक्मा बाक्त। १सामुएल ८:११-१८ ८मेको आन नें मार मार बाक्मा बाक्त देशा हना, बेन-हुर, एफराइम पहाड डा ठेयब मुर बाक्माक्त। बेन-हुर देशो हुर आ ती बाक्ब। ९बेन-देकेर, माकाज, शा-आल्बीम, बेथ-शेमेश नु एलोन-बेथ-हानान सहर डा ठेयब मुर बाक्माक्त। १०बेन-हेसद, अरुब्बीथ डा ठेयब मुर बाक्माक्त। मेको आ जिम्माम सोकोह नु हेफर डा रागी नेल्ल बाक्मा बाक्त। ११बेन-अबीनादाब नाफाथ-डोर डा ठेयब मुर बाक्माक्त। बेन-अबीनादाबम सोलोमन आ तमी थाफाथ कली ग्युंबे पशो

बाक्माक्त। १सामुएल १६:८ १२अहीलुद आ ती बाना तानाक सहर, मंगीददो नु बेथ-शआन डा ठेयब मुर बाक्माक्त। बेथ-शआन चारथन आ नेक्था नु यंजरल आ दी बाक्ब। मेको बेथ-शआन रे आबल-महोलाह योकमाम सहर आ अर्का पटटी सम्म डा ठेयब मुर बाक्माक्त। १३बेन-गबेर रामोथ-गिलाद डा ठेयब मुर बाक्माक्त। मेको आ जिम्माम मनस्स आ ती याइर आ गिलादम बाक्शो गाउंपुकी बाक्मा बाक्त। मेको के बाशान रागी डा अरगोब गारो हिरशो ६० ओटा ठेयब सहर यो बाक्मा बाक्त। मेको गारो डा लान्चोम कांसा के आग्लो बाक्मा बाक्त। गन्ती ३२:४१ १४इददो आ ती अहीनादाब महा-नाइम डा ठेयब मुर बाक्माक्त। १५अहीमाज नाप्ताली डा ठेयब मुर बाक्माक्त। मेकोम सोलोमन आ तमी बासेमाथ नु ग्युंबे पशो बाक्माक्त। १६हुशाइ आ ती बाना आशेर नु बेआलोथ डा मुर आन ठेयब मुर बाक्माक्त। १७पारुआह आ ती यहो-शाफात इस्साकार डा ठेयब मुर बाक्माक्त। १८एला आ ती शिमइ बेन्यामीन रागी डा ठेयब मुर बाक्माक्त। १९ऊरी आ ती गेबेर गिलाद डा ठेयब मुर बाक्माक्त। मेको एमारी आन पिप सीहोन नु बाशान रागी डा पिप ओग आस रागी डा यो ठेयब मुर बाक्माक्त। मिनु यहूदा रागी कली कोत्रब अर्का मुर मबाक्मा बाक्त।

### सोलोमन आ राज्य

२० यहूदा नु इसराएल डा मुरपुकी समुन्दर डा बाल्वा खोदंशा पा शुश बाक्मा बाक्त। मेकोपुकी जशा तूशा ग्येरशा बाक्बाक्मा बाक्त। १राजा ३:८ ; उत्पत्ती १३:१६ २१सोलोमनम युफरटीस खोला रे पलिस्ती आन रागी इजीप्त डा सांद सम्म डा राज्यम सासन पशो बाक्माक्त। मिनु मेको रागीम सोलोमन कली तिरो थाप्बाक्मा बाक्त। मिनु मेकोपुकी सोलोमन बरांडम सम्म मेको आ गेय पाइब दुश्शा बाक्मा बाक्त। उत्पत्ती १५:१८

२२सोलोमन आ सिंमी काबु डा जचा थोत्रक ३० कोर रिम्शो फस नु ६० कोर अरु फस बाक्मा बाक्त। कोर का २२० लिटर डा ठेयब पुक्तीक बाक्ब। २३मिनु १० ओटा दोम्शो ब्यफ, २० ओटा खर्कम योत्रशा ब्यफ नु सहे का क्यारश भेडा बाक्मा बाक्त। मेको परांडशा किश्श, रोकेश नु दोम्शो हांसपुकी यो बाक्मा बाक्त। २४मारदे हना मेकोम युफरटीस खोला आ पच्छिम गे डा रागी तिफसाह रे गाजा सम्म युफरटीस

सोला आ पच्छिम गे बाक्व पिप नेल्ल आन कली सासन पशो बाक्माक्त। मेको आ राज्य नेल्ल लडाइ मडुम्पु थुं नाइश्शा बाक्शो बाक्मा बाक्त। २५ सोलोमन बाक्म सम्म दान र बेयर-शबा सम्म यहूदा नु इस्राएल रिम्शो दुम्शा बाक्सा बाक्त। मुर नेल्ल आंम आंम अङ्गुर नु फोत्रशी जशा बाक्मा बाक्त। लेवी २५:१८ २६ सोलोमन के ४ हजार बग्गी कीब शारा आन कली वोइक्तीक सिं बाक्माक्त। मेको के १२ हजार शारा डाइक्व बाक्मा बाक्त। २इतिहास ९:२५ २७ मिनु मेको १२ जना सासन पाइबपुकीमी महिना महिनाम पाल्पालो पा सोलोमन नु मेको नु बाक्शा जाइब आन कली जचा थोत्रक चाक्बाक्सा बाक्त। मोपा चाक्मेनु, मेकोपुकीम तेकोइ थोत्रक मखराइक्थु चाक्बाक्सा बाक्त। २८ मेकोपुकीमी शारा नु बग्गी कीब शारा आन कली यो क्योत्रज नु नल चाक्बाक्सा बाक्त। नेल्लेम आन पचा डा गय पाइबाक्सा बाक्त।

#### सोलोमन आ जोक्तीक तुइक्तीक

२९ परमपरभुमी सोलोमन कली शुश जोक्तीक तुइक्तीक थुं गवा बाक्त। मेको आ रुप्तीक समुन्दर डा बाल्वा सोदंशो पा शुश बाक्माक्त। ३० पूर्ब डा मुर नेल्ल नु इजीप्त डा मुर नेल्ले आन दातेमी सोलोमन के सोदंशो जोक्तीक तुइक्तीक थुं सुइ के मबाक्सा बाक्त। ३१ मिनु मेको अरु नेल्ल आन क्यडा जोक्व तुइक्व दुम्माक्त। मेको एजराह आ सिं डा एथान नु माहोल आ ती हेमान, कल्कोल नु दारदा आन क्यडा यो शुश जोक्व तुइक्व बाक्माक्त। मिनु मोपा आ जोक्तीक तुइक्तीक रागी रागी डा मुर नेल्ल आन दातेमी बरमाक्त। ३२ मेकोमी हजार सां अर्ती बरक्ता बाक्त। मिनु हजार का ५ आटा कुम्सो सला बाक्त। उपदेसक १२:९ ३३ मेकोमी रवा आन पर्वम लेबानोन डा लाइश्शो रवा रे लाइश्शा, गारोम वाब हिस्सोप माइश्शो सुप्तीक बोट सम्म आन पर्वम बरक्ता बाक्त। मिनु मेकोमी चिक्व, जन्तु, खपीम गरेशा गाक्व जन्तु नु डांइ नेल्ल आन पर्वम यो बरक्ता बाक्त। ३४ रागी डा शुश मुर सोलोमन आ जोक्तीक तुइक्ती नंचा तुइक्चा कली जाक्बाक्सा बाक्त। रागी डा पिपपुकीम सोलोमन आ पर्वम नंशा, मेको आ लोत्र नंचा कली मुर आन कली सोइक्बाक्सा बाक्त।

#### परमपरभु आ सिं सेल्वा चिक्शो

##### २इतिहास २ :-

१ टायर डा पिप हीराममी सोलोमन आ आफ आ पा डा पिप दुम्शो बाक्व दंशो लोत्र नना बाक्त। मिनु मेकोमी आ गय पाइब आन कली सोलोमन आ बाक्तीक सोइक्ता बाक्त। मारदे हना मेको गेना हना यो दाऊद आ वारच दुम्शा बाक्शो बाक्माक्त। २ सामुएल ५:११ २ मिनु सोलोमनम हीराम कली लोत्र सोइक्ता बाक्त। ३ मार लोत्र सोइक्ता बाक्त दंशा हना “परमपरभु यावे, आं आफ दाऊदम आ परमपरभु आ नं कली मान पा सिं का सेल्वा थुं पशा यो सेल्वे मचब। मारदे हना मेको आ एर आंथ नेल्ल डा जोरी सतरु नु लडाइ दुम्तीक नु परमपरभु यावेमी मगरापदा सम्म मोदंशो दुम्शो बाक्त। गे मेको लोत्र नेल्ल तुइक्नीनी। ४ तन्न मुल परमपरभु यावे, आं परमपरभुमी आं कली सुइ नु लडाइ मपपाइक्थु, थुं नाइश्शा बाक्चा गती। आं कली लडाइ तोशा श्यत गेब सुइ मबाक्नीम। ५ मोपतीक मुल परमपरभु यावेमी आं आफ दाऊद कली दंशो सोदंशो पा, गो परमपरभु यावे, आं परमपरभु आ नं कली मान पा, सिं का सलु दंती। परमपरभु यावेमी आं आफ दाऊद कली गे इ पा डा पिप दुम्ब इ तौमी आं कली मान पा सिं का सेल्ब” दंशो बाक्त। ६ सामुएल ७:१३ ६ मोपतीक गे आं कली लेबानोन रे लाइश्शो रवा क्योरशा चाक्चा हुकुम गर्थीनी। आं गय पाइबपुकी, इन गय पाइबपुकी नु गारशा गय पाइनीम। मिनु गे इन गय पाइब आन कली दोशा गाल्व गेचा दंतीनी, गो मेको गेनुडमी। सीदानी सोदंशो पा शी क्योरस जोक्व एक आंइ दातेमी सुइ मबाक्नीम” दे लोत्र कुरब मुर सोइक्ता बाक्त।

७ मिनु हीरामम सोलोमन आ लोत्र नंशा थाम्पा ग्यरसीशा “परमपरभु यावे ठेयब बाक्व। मारदे हना मेकोम दाऊद कली इश्का मुर आन कली सासन पाइब जोक्व तुइक्व तो का गेप्तु” देमाक्त। १ राजा १०:९ ८ मिनु हीरामम सोलोमन कली “गो इन सोइश्शो लोत्र नंता। इन माल्शो नेल्ल गेनुड। लेबानोन डा लाइश्शो रवा नु अरु रवा आन शी खाप्शा गेनुड। ९ आं गय पाइबपुकीम मेको रवा लेबानोन रे समुन्दर सम्म चाक्नीम। मिनु गो मेको शी फरंपाइश्शा, इन दंतीक सम्म समुन्दरम योल्पाइश्शा सोइक्पाइक्नुडमी। गो मेको आन कली इन दंतीकम पराक्पाइक्नुडमी। मिनु गे

मेको लाइक्ने चाप्नीनी। मिनु गे आं सिं कली जचा थोत्रक सोइश्शा आं मिम्शो खपीन” दे लोत्र कुरब मुर सोइक्ता बाक्त। १० मोपा हीरामम सोलोमन कली माल्शो लेबानोन डा लाइश्शो रवा आ शी नु अरु शी नल्ले सोइक्ता बाक्त। ११ मिनु सोलोमनम चहिं मेको आ पा डा हीराम आ सिं कली २० हजार कोर चरब नु २० कोर रिम्शो तेल सोइक्ता बाक्त। मोपा सोलोमनम बर्स बर्समे मेको सोइक्ता बाक्त। कोर का २२० लिटर बाक्ब। १ राजा ५ :२ ११ मिनु परमपरभु यावेमी कबल पा देशो सोदंशो पा सोलोमन कली जोक्तीक तुइक्तीक थुं गेवा बाक्त। मिनु हीराम नु सोलोमन आस दातेमी दुशा बाक्तीक दुम्माक्त। मिनु मेको निम्फा गारशा बाक्स, दे सल्ला पमुसा बाक्त।

१३ मिनु पिप सोलोमनम इसराएल नेल्ले रे मोशा गय पाइब ३० हजार मुर आन कली सुप्तीमी बाक्त। १४ मिनु मेकोमी मेको आन कली महिना महिनाम १०, १० हजार पा लेबानोनम सोइक्तीमी बाक्त। मोपा मुरपुकी महिना का लेबानोनम नु महिना निक्शी आन सिंम बाक्मा बाक्त। मेको गय पाइब आन कली कोत्रब अदोनोराम बाक्माक्त। १ राजा ४ :६ १५ सोलोमन के ७० हजार कुरब नु ८० हजार फुल्लु खरोइक्ब मुर पहाडम बाक्मा बाक्त। १६ सोलोमन आ गेय पाइब आन कली कोत्रब ३३ सहे ठेयब मुर बाक्मा बाक्त। १७ मिनु पिप आ अरेशो सोदंशो पा, परमपरभु यावे आ सिंम जग वोइक्चा कली रिम्शो पा फुल्लु खरोइश्शा गरुइदमे बाक्त। १८ मोपा सोलोमन नु हीराम आस मुरपुकी नु गेबात्त डा मुरपुकीम सिं सल्ला कली फुल्लु खरोइश्शा शी ठीक सल्ले बाक्त। यहोसु १३ :५ ; इजीकीएल २७ :९

सोलोमनम परमपरभु आ सिं सेल्लो

२ इतिहास ३ :१-१४

१ इसराएली इजीप्ते रे गरुशा जाक्शो ४ सहे ६ ८० बर्स दुम्शो बाक्माक्त। मिनु सोलोमनम इसराएली आन कली हुकुम पशो ४ बर्स नु महिना निक्शी डा जिव महिनाम परमपरभु यावे आ सिं सल्ला गोवा बाक्त। मत्ती १ :१७ २ सोलोमनमी परमपरभु यावे कली सेल्लो सिं ६० कुबीत लाइश्शा, २० कुबीत बरम्शो नु ३० कुबीत ग्येत्थ लाइश्शा बाक्माक्त। कुबीत का ०.५ मिटर सोदंशो बाक्ब। ३ मेको परमपरभु यावे आ सिं आ डांडती डा पिंडी आ बरम्शो नु आ लाइश्शा

२० कुबीत बाक्माक्त। मेको सिं आ डांडती गे १० कुबीत लाइश्शा गरुशो बाक्माक्त। कुबीत का ०.५ मिटर सोदंशो बाक्ब। १ राजा ७ :१५-२१ ४ मेकोमी सिं आ दी गे गाराम रोकतीक पाइश्शा झेलपुकी सल्लपदा बाक्त। ५ नाले मंकर चोत्रखो नु नल्ले क्यडा चोत्रखो बाक्शो सिं आ एर आंथ डा गारो नल्लेमे वोइश्शा कोठापुकी सल्लपदा बाक्त। ६ मिनु नल्ले क्यडा आगा डा तला ५ कुबीत बरम्शो बाक्माक्त। मिनु दाते डा तला ६ कुबीत बरम्शो नु नल्ले क्यडा आ तार डा तला ७ कुबीत बरम्शो बाक्माक्त। मेकोमी ठेयब गारो आ एर आंथ नल्ले लाडगा गे पाइदरा वोइक्चा कली गारो परोत्रपदा बाक्त। मोपा पाइदरा सिं डा गारो मओत्रचा डा पा सल्लपदा बाक्त।

७ सिं सल्लेनु, फुल्लु खांनीमीन खरोदमे बाक्त। मेको सिं सल्लेनु घन, खा नु मारइ फलाम के या आन रेयके मनेंस बाक्त। ८ नेल्ले क्यडा आगा डा तला डा ओत्रतीक दक्खिन गे बाक्माक्त। मिनु मंकर रे दाते डा नु आ तार डा तला लचा कली हिरेशो थंकापुकी बाक्मा बाक्त। ९ मोपा मेकोम लेबानोन डा लाइश्शा रवा के पाइदरा नु फलेक साप्शा सिं सल्ले थुम्पदा बाक्त। १० मेकोम सिं आ एर आंथ नेल्ले आइक्च आइक्च कोठा सल्लपदा बाक्त। मेको कोठा नेल्ले ५, ५ कुबीत लाइश्शा बाक्मा बाक्त। मिनु मेको कोठा नेल्ले लेबानोन डा लाइश्शा रवा आ शीम सिं नु वोइश्शा बाक्मा बाक्त।

११ मिनु परमपरभु यावेम सोलोमन कली लोत्र पवा बाक्त। १२ मार लोत्र पवा बाक्त देशा हना “एको इ सेल्लो सिं आ पर्वम लोत्र पाइनुड। गे आं फुल्लुम मुशा बरक्शो लोत्र पाप्तीवी हना, आं देशो पतीक लोत्र नु आं शेशो नेल्ले पशा, आं लांम गाक्ते हना, इ आफ दाऊद नु थोक्शा पशो कबल गे नु पाइनुड। २ सामुएल ७ :१३ १३ मिनु गो इसराएल डा आं आल आन दातेम बाक्नुड। मिनु गो आं मुर इसराएली आन कली गेनायो मपराइनुडमी” देमाक्त। परस्थान २९ :४५

१४ मोपा सोलोमनम परमपरभु यावे आ सिं सल्ले थुमा बाक्त। पररित ७ :४७ १५ मेकोमी सिं आगा गे डा गारोम लेबानोन डा लाइश्शा रवा आ शी के फलेक गारपाइश्शा क्येप्पदा बाक्त। सप रे इर डा शी सम्मन शी के फलेक गारपाइश्शा क्येप्पदा बाक्त। मिनु सपीम चहिं अरु रवा डा फलेक बरपदा बाक्त। १६ सोलोमनमी मेको सिं आगा आ नाले गे २० कुबीत लाइश्शा

नेल्ल क्येडा चोत्रसो कोठा सल्पदा बाक्त । मेको कोठा नेल्ले लेबानोन डा लाइश्शो रवा आन फलेक गारपाइश्शा क्येप्पदा बाक्त । कुबीत का ०.५ मिटर बाक्व । १७मेको नेल्ल क्येडा चोत्रसो कोठा आ डांडीती ४० कुबीत लाइश्शो बाक्माक्त । १ कुबीत ०.५ सोदंशो बाक्व । १८मेको सिं आ आगा गे लेबानोन डा लाइश्शो रवा आ शी के फलेकम चहिं लोका नु बोइश्शो फु आ बुटा मुशा आप्पदा बाक्त । मेको शी नेल्ल मोदंशो बाक्मा बाक्त । मेकर फुल्लु का यो मताइसीशो बाक्माक्त । १९मेको आ सिं आ नेल्ल क्येडा आगाम चहिं परमपरभु यावे आ कबल पशो सन्दोस वोइक्वा कली नेल्ल क्येडा चोत्रसो कोठा सल्पदा बाक्त । २०मेको नेल्ल क्येडा चोत्रसो कोठा पुक्शो नु २० कुबीत लाइश्शो, २० कुबीत बरम्शो नु २० कुबीत ग्येत्थ लाइश्शो बाक्माक्त । मिनु मेकोमी मेकर नेल्ल क्येस सुन क्येप्पदा बाक्त । मिनु मोदंशो पा मेकोमी लेबानोन डा लाइश्शो रवा आ शी के सेल्शा चढतीक कली यो सुनम गिल्पदा बाक्त । कुबीत का ०.५ सोदंशो बाक्व । १राजा ७ : ४८ २१सोलोमनम मेको सिं आगा गे नेल्ल क्येस सुन क्येप्पदा बाक्त । मिनु आगा डा नेल्ल क्येडा चोत्रसो कोठा नेल्ल सुन क्येप्पाइश्शा, आ डांडीती सुन के साडलीपुकी क्याइक्पदा बाक्त । २२मोपा मेकोमी सिं आगा नेल्ल सुन क्येप्पदा बाक्त । आगा बाक्तीक डा चढतीक कली यो सुनम गिल्पदा बाक्त ।

२३मेकोमी परमपरभु यावे आ सिं आगा डा चोत्रसो बाक्तीकम तेल रवा आ शी के करूब निकशी सेल्पदा बाक्त । मेको निम्फा १०, १० कुबीत ग्येत्थ लाइश्शो बाक्सा बाक्त । कुबीत का ०.५ सोदंशो बाक्व । परस्थान ३७ : १७-१ २४करूब आ फरां का ५ कुबीत लाइश्शो बाक्माक्त । मिनु अर्का यो ५ कुबीत लाइश्शो बाक्माक्त । मिनु फरां का आ डर र अर्का फरां आ डर सम्म १० कुबीत लाइश्शो बाक्माक्त । २५मोपान अर्का करूब आ फरां यो १० कुबीत लाइश्शो बाक्माक्त । मारदे हना मेको करूब निम्फा उइक्थ उइक्थ पा खाल का डा बाक्सा बाक्त । २६मेको करूब निम्फा खाल का डा पा १०, १० कुबीत लाइश्शो बाक्सा बाक्त । २७मिनु मेकोमी मेको करूब आस कली परमपरभु यावे आ सिं डा नेल्ल क्येडा चोत्रसो कोठाम वोदा बाक्त । मेको करूब आस फरां पराक्पाइश्शा सेल्शो बाक्माक्त । मोपा करूब का आ फरां कामी

गारो का कली नु अर्का करूब आ फरां कामी अर्का गारो कली थिशो बाक्माक्त । मिनु मेको आस अर्का फरां चहिं दातेम थिमुशो बाक्सा बाक्त । २८मिनु मेकोमी मेको करूब आस कली यो सुनम गिल्पदा बाक्त ।

२९मेकोमी परमपरभु यावे आ सिं डा नेल्ल क्येडा चोत्रसो कोठा आ एर ओथ नेल्ल, गारो नेल्ल करूब, खजूर रवा नु बोइश्शो फु आन बुटा मुशा आप्पदा बाक्त । मेको चोत्रसो कोठा आगा नु लाडगा नेल्ल मोदंशो पा मुशा बुटा आप्पदा बाक्त । ३०मिनु मेकोमी परमपरभु यावे आ सिं डा नेल्ल क्येडा चोत्रसो कोठा डा खप नेल्ल सुन बरपदा बाक्त ।

३१मेकोमी नेल्ल क्येडा चोत्रसो कोठा ओत्रचा कली तेल रवा आ शी के लाप्चो निकशी सेल्पदा बाक्त । मेको लाप्चो डा शी ५ सुर पाइश्शो पा सेल्पदा बाक्त । ३२मिनु मेकोमी तेल रवा आ शी के लाप्चो निकशीम करूब, खजूर रवा नु बोइश्शो फु आन बुटा मुशा आप्पदा बाक्त । मिनु सुनम गिल्पदा बाक्त ।

३३मेको सिं डा लाप्चो डा शी यो तेल रवा आ शी के ४ पाटे पा सेल्पदा बाक्त । ३४मिनु मेकोमी अरु शी के लाप्चो निकशी सेल्पदा बाक्त । मेको आगा नु लाडगा डा लाप्चो हिख लाप्चो बाक्सा बाक्त । ३५मिनु मेकोमी मेकर नेल्ल करूब, खजूर रवा नु बोइश्शो फु आन बुटा मुशा आप्पदा बाक्त । मिनु सुनम गिल्पदा बाक्त । ३६मिनु मेकोमी सिं आगा डा गारो यो खरोइश्शो फुल्लु सां खयप खरोप्शा क्येप्शा, मेको आ तारी लेबानोन डा लाइश्शो रवा के फलेकम सुम्पदा बाक्त ।

३७सोलोमनमी सासन पवा आ ४ बर्स जिव माइश्शो महिनामी परमपरभु यावे आ सिं आ जग वोदमे बाक्त । १राजा ६ : १ ३८मिनु ११ बर्स डा बुल माइश्शो महिनामी मेको सिं नेल्ले सेल्ने थुम्मे बाक्त । मेको सेल्वा कली ७ बर्स माल्दा बाक्त ।

सोलोमनम आ सिं सेल्शो

१सोलोमन आ सिं सेल्वा कली १३ बर्स माल्दा बाक्त । मिनु मेकोमी आ सिं नु मारइ मारइ सेल्ने थुमा बाक्त । १राजा ९ : १० २मेकोमी लेबानोन डा ब्याकी माइश्शो सिं सेला बाक्त । मेको सिं सहे का कुबीत लाइश्शो, ५० कुबीत बरम्शो नु ३० कुबीत ग्येत्थ लाइश्शो बाक्माक्त । मेको सिं ४ लहर लेबानोन

डा लाइशो रवा आ शी के थाम पाइशो बाक्माक्त। मिनु मेको आ तार लेबानोन डा लाइशो रवा आ पाइदरा वोदा बाक्त। कुबीत का ०.५ मिटर खोंदंशो बाक्व। यसेया २२:८ ३मको नल्ल लेबानोन डा लाइशो रवा आ शी के फलेकम साप्शो बाक्माक्त। मेको थाम लहर कामी १५ ओटा पा, लहर सांमी ४५ ओटा बाक्मा बाक्त। ४मंकर लहर सां पा झेलपुकी वोइशो बाक्मा बाक्त। मेकोपुकी एर ओंथ पा कोत्रमुशो बाक्मा बाक्त। ५लाप्चो डा शी नल्ल ४ पाटे बाक्मा बाक्त। मेको यो नल्ल लहर सां पा कोत्रमुशो बाक्मा बाक्त।

६मकोमी ५० कुबीत लाइशो नु ३० कुबीत बरेशो थाम पाइशो ठेयब पिंडी सल्पदा बाक्त। मिनु मेको आ डोंइती थाम पाइशो ओवतीक बाक्माक्त। मेको आ डोंइती इप्तीक का यो बाक्माक्त।

७मकोमी निसाफ पचा कली ठेयब नितीक बाक्शो कोठा का सल्पदा बाक्त। मेको कली निसाफ पतीक कोठा, दे नें वोदा बाक्त। मिनु मेकोमी मेको कोठा नल्ले इर र उइ सम्म लेबानोन डा लाइशो रवा आ शी के फलेक क्येपदा बाक्त।

८मकोम मेको निसाफ पतीक सिं आ नोले आ बाक्तीक सिं सल्पदा बाक्त। मेको सिं डोंइती डा सिं खोंदंशो पा सल्पदा बाक्त। मिनु सोलोमनमी आ ग्युंभ पा चाक्शो फाराओ आ तमी कली यो मोदंशोन सिं सल्पदा बाक्त। १राजा ३:१

९मको सिं नल्ल शुश क्येट लाइब फुल्लु र पा सल्शो बाक्मा बाक्त। मेको फुल्लु नल्ले गारपा अराम खरोइशो बाक्माक्त। मेको सिं इर र उइ सम्म नु सिंङगा र लाङगा सम्म मोदंशो फुल्लु के सल्शो बाक्मा बाक्त। १०मको आ जग फुल्लु ठेयब नु शुश क्येट लाइब बाक्मा बाक्त। मेको पुक्शोन कोइ १० कुबीत लाइशो, कोइ ८ कुबीत लाइशो बाक्मा बाक्त। ११मको आ तार शुश क्येट लाइब, थम गारपा खरोइशो फुल्लु बरपदा बाक्त। मिनु मेको तार लेबानोन डा लाइशो रवा आ शी के फलेक गारपा बरपदा बाक्त। १२मिनु ठेयब लाङगाम एर ओंथ नल्ले खरोइशो गारपाइशो फुल्लु सां खेयप बरशा, फुल्लु तार लेबानोन डा लाइशो रवा आ शी के फलेक बरशा बाक्माक्त। मिनु परमपरभु यावे आ सिं आगा डा लाङगा नु आ पिंडी यो मोदंशोन बाक्माक्त। १राजा ६:३६

## हुराम आ गेय

२इतिहास ३:१५-५:१

१३पिप सोलोमनम हुराम कली टायर र बरैथ सोइक्ता बाक्त। २इतिहास २:१३-१४ १४मको आ ममा नाप्ताली आ सिं डा आ वांइश बक्शो मीश मुर का बाक्माक्त। मेको आ आफ टायर डा थाम्पा कांसा के गेय पस जोक्व मुर बाक्माक्त। मोपतीक हुराम यो थाम्पा कांसा के गेय पस जोक्व बाक्माक्त। मिनु मेको पिप सोलोमन आ बाक्तीक जाक्माक्त। मिनु आ कली गेशो गेय नल्ल पवा बाक्त।

## कांसा के थाम निक्शी

१५मकोम यपाइशो कांसा के थाम निक्शी सेला बाक्त। मेको थाम का १८ कुबीत लाइशो बाक्माक्त। मेको आ एर ओंथ नल्ल १२ कुबीत बाक्माक्त। मिनु अर्का यो मोदंशोन बाक्माक्त। कुबीत का ०.५ मिटर खोंदंशो बाक्त। २राजा २५:१७ १६मिनु मेकोमी मेको थाम आस डरम पिया वोइक्चा कली यपाइशो कांसा के पिया निक्शी सेला बाक्त। मेको निम्फा ५, ५ कुबीत लाइशो बाक्सा बाक्त। १७मकोमी थाम आ पिया कली बुटा आप्शो जाली के ७ ओटा झुम्का सेला बाक्त। मिनु अर्का थाम कली यो मोदंशोन सेला बाक्त। १८मिनु मेको थाम आ पिया गयोम्चा कली कांसा के जाली नल्ले आन एर ओंथ लहर निक्शी बुटा आप्शो दारीमपुकी सेला बाक्त। मिनु मेकोम अर्का कली यो मोदंशो पान सेला बाक्त। १९मिनु मेको पिंडी डा थाम आन पिया ४, ४ कुबीत लाइशो लिली फू खोंदंशो पा सेला बाक्त। २०मिनु मेको थाम आ पियामी कचोरा खोंदंशो बाक्तीकम जाली थाम आ पिया आ एर ओंथ नल्ले लहर लहर पा सह निक्शी दारीम क्याइक्चा कली सेला बाक्त। मिनु अर्का थाम कली यो मोदंशोन सेला बाक्त। २१मिनु मेकोमी परमपरभु यावे आ सिं आ पिंडीम मेको थाम निक्शी राप्पदा बाक्त। मिनु दक्खिन गे डा थाम आ नें याकीन वोदा बाक्त। मिनु उत्तर गे डा थाम आ नें बोआज वोदा बाक्त। २२मको थाम आस पिया लिली फू खोंदंशो बाक्मा बाक्त। मोपा मेको थाम आस गेय नुम्माक्त।

## कांसा के ठेयब बोस

२३मिनु मेकोमी कांसा के यपाइशो ब्वाक्कु वोइक्तीक ठेयब बोस का सेला बाक्त। मेको आ

सुर का र अर्को सुर सम्म १० कुबीत बाक्मावक्त । मको ५ कुबीत ग्येत्थ लाइश्शो बाक्मावक्त । मको आ एर आंथ पुक्शोनु ३० कुबीत बाक्बावक्त । २४ मको ठेयब बास आ एर आंथ नेल्ल डा सुरमी कुबीत काम १०, १० ओटा लौका आ बुटा आप्शो गरुइश्शो बाक्मावक्त । मापा मको ठेयब बासुम लहर निक्शी लौका सेला बावक्त । २५ मको ठेयब बास १२ ओटा ब्यफ आन तार वोइश्शो बाक्मावक्त । मको ब्यफ सां उत्तर गे, सां पच्छिम गे, सां दक्खिन गे नु सां पूर्व गे कोव्रशो बाक्मा बावक्त । मको ब्यफ नेल्ल लाडगा गे हिरशो बाक्मा बावक्त । २६ मको बास ४ आइची थाइश्शो बाक्मावक्त । मिनु मको आ शोत्र चहिं कचौरा नु वोइक्चशो लिली फू सोदंशो बाक्मावक्त । मेकर हज्जार निक्शी बाथ ब्याक्कु रिक्बाक्मावक्त । बाथ का २२ लिटर सोदंशो बाक्ब ।

#### कांसा के १० ओटा चिक्तीक

२७ मिनु मेकोमी कांसा के १० ओटा अरु निप्पाइक्तीक सेला बावक्त । मको नेल्ल ४, ४ कुबीत लाइश्शो ४, ४ कुबीत बरम्शो नु ३, ३ कुबीत ग्येत्थ लाइश्शो बाक्मा बावक्त । कुबीत का ०.५ मिटर सोदंशो बावक्त । २८ मको निप्पाइक्तीक आन सोइली आन दातेमी वोइक्तीक बाक्मा बावक्त । २९ मको वोइक्तीकेमी ब्यफ, गुप्स नु करुब आन बुटा आप्शो बाक्मा बावक्त । मको आन दी गे यो झुम्का क्याइश्शो बाक्मा बावक्त । ३० मको निप्पाइक्तीक नेल्लम कांसा के ४, ४ ओटा गुगील बाक्मा बावक्त । मको बास आन पुंमी तिक्तीक क्याप्शो बाक्मा बावक्त । मको झुम्का आन नेक्था बाक्मा बावक्त । ३१ मको आन रोक्तीक कुबीत का ग्येत्थ लाइश्शो बाक्मा बावक्त । मको कुल कुल देशो बाक्मा बावक्त । मको कुबीत का नु आधा बरम्शो बाक्मा बावक्त । मिनु मको आन रोक्तीकेमी बुटा आप्शो बाक्मा बावक्त । मिनु मको निप्पाइक्तीक चहिं कुल कुल देशो ममाइ ४ पाटे बाक्मा बावक्त । ३२ मको ४ ओटा गुगील आगा गे बाक्मा बावक्त । मिनु मको गुगील आन वोइक्तीक नु वोइश्शो बाक्मा बावक्त । मको गुगील नेल्ल कुबीत का नु आधा डा बाक्मा बावक्त । ३३ मको गुगील बग्गी आन गुगील सोदंशो पा सेल्शो बाक्मा बावक्त । मको आन गुगील नु आन मारइ मारइ यपाइश्शो सेल्शो बाक्मा बावक्त । ३४ मको निप्पाइक्तीक आन तिक्तीक ४ पाटे बाक्मा बावक्त । मको नेल्ल टुकरा का के सेल्शो

बाक्मा बावक्त । ३५ मको निप्पाइक्तीक आन तार आधा आधा कुबीत ग्येत्थ लाइश्शो कुल कुल देशो सुर बाक्मा बावक्त । मको निप्पाइक्तीक आन तार बाक्शा, मको नु टुकरा का के बाक्मा बावक्त । ३६ मिनु मेकोमी मेकर तक तक श्येत्थ बाक्मा, मेक मेक गुप्स, करुब नु खजूर खा आन बुटा आबा बावक्त । मको आन एर आंथ नेल्ल मुशा सेल्शो कांसा के मालापुकी सेला बावक्त । ३७ मापा मेकोमी मको १० ओटा निप्पाइक्तीक सेला बावक्त । मको नेल्ल खाल का डा पा सेला बावक्त ।

३८ मको नोल मेकोम कांसा के १० ओटा चिक्तीक बास सेला बावक्त । मको नेल्लेमी ४०, ४० बाथ ब्याक्कु रिक्बाक्मा बावक्त । मको पुक्शोनु ४, ४ कुबीत डा बाक्मा बावक्त । मको निप्पाइक्तीक नेल्ल आन कली का का बाक्मा बावक्त । बाथ का २२ लिटर सोदंशो बाक्ब । ३९ मिनु मेकोमी ५ ओटा निप्पाइक्तीके सिं आ दक्खिन गे नु ५ ओटा सिं आ उत्तर गे वोदा बावक्त । मिनु ठेयब बास चहिं परमपरभु यावे आ सिं आ दक्खिन पूर्व गे वोदा बावक्त ।

#### परमपरभु आ सिं डा मार मार

४० हराममी बोसपुकी, पुलु ताप्तीक नु ग्यांबपुकी सेला बावक्त । मापा हराममी पिप सोलोमन आ देशो सोदंशो पा परमपरभु यावे आ सिं डा मारइ मारइ सेल्ले थुमा बावक्त । ४१ थाम निक्शी, मको आस डर सुम्चा कली कचौरा सोदंशो पिया निक्शी, मको थाम आस पिया ग्याम्तीक बुटा आप्शो जाली निक्शी, ४२ मको जाली निक्शी आस कली ४ सहे दारीम, मको कचौरा सोदंशो पिया पाइश्शो थाम निक्शी आस कली सुम्तीक जाली आस कली लहर निक्शी दारीम, ४३ मको १० ओटा निप्पाइक्तीक आन कली १० ओटा बास, ४४ ठेयब बास का मेको आगा डा १२ ओटा ब्यफ सेल्ले थुमा बावक्त ।

४५ हराममी बोसपुकी, पुलु ताप्तीक नु ग्यांबपुकी सेला बावक्त । मापा हराममी पिप सोलोमन आ देशो सोदंशो पा परमपरभु यावे आ सिं डा मारइ मारइ सेल्ले थुमा बावक्त । मको नेल्ल टल्केशो कांसा के बाक्मा बावक्त । ४६ मको नेल्ल पिपम यर्दन खोला डा दिम सुक्कोथ नु चारथन आस दातेमी मार मार यपाइक्तीकेम यपाइश्शो, सेल्पाइश्शो बाक्मावक्त । ४७ सोलोमनम मेको मिश का थोत्रक सेल्तीक, मेको नेल्ल मनाक्थुन वोदमे बावक्त ।

मेको सल्ला कली दोशो कांसा माल्दा, मेको यो मनाक्तमे बाक्त ।

१८ मिनु सोलोमनम परमपरभु यावे आ सिं दारपाइक्चा कली मारइ मारइ थोत्रक नेल्ल सल्पदा बाक्त । मेकोमी सुन के चढ्ढतीक नु कांडतीक शाब्ते वोइक्तीक सुन के टबल यो सल्पदा बाक्त । १९ क्येस सुन के बत्ती दातीक कोठाम दक्खिन गे ५ ओटा नु उत्तर गे ५ ओटा पा वोइक्पदा बाक्त । सुन के फू सोदंशो बुटा, सुन के बत्ती दातीक, सुन के थनारो, २० क्येस सुन के ग्यांब, सल्दा खरोइक्तीक कांडची, बोसपुकी थनारो, कोइला कुरतीक, ब्याक्कु बरुइक्तीक डाडु, कचौरा, थनारो, नेल्ल क्येडा चोत्रसो कोठा डा लाप्चो नु अरु लाप्चो डा हेक्तीक नेल्ल क्येस सुन के सल्पदा बाक्त ।

२१ मिनु पिप सोलोमनम परमपरभु यावे आ सिं डा गेय नेल्ल थुम्पदा बाक्त । मिनु मेकोमी आ आफ दाऊदमी जिम्मा गेशो थोत्रकपुकी, सुन, चांदी नु दारपाइक्तीक चाक्पाइक्शा, परमपरभु यावे आ सिं डा शांप वोइक्तीकमी वोइक्पाइक्मी बाक्त ।

कबल पशो सन्दोस चाक्शा

२इतिहास ५ :७-७,१०

१ मिनु नोले सोलोमनम इसराएल डा खाल्पा, इसराएल डा थर थर डा ठेयब मुर नु इसराएली आन सिं सिं डा मुर आन कली दाऊद आ सहर, सियांन र परमपरभु यावे आ कबल पशो सन्दोस चाक्चा कली यरूसलेम सहरम बुक्चा कली बरुप्पाइक्मी बाक्त । २ मिनु एथानीम माइक्शा ७ महिना डा चाड नाक्ती, इसराएल डा मुर नेल्ल पिप सोलोमन आ डांडती बुक्मा बाक्त । ३ मिनु इसराएल डा खाल्पा नेल्ल जाक्ने थुम्मे नोले, चढ्ढपुकीमी परमपरभु यावे आ सन्दोस कुरमे बाक्त । ४ मिनु चढ्ढ नु लेवीपुकीमी परमपरभु यावे आ सन्दोस नु गरुक्तीक ताम्बुम बाक्शा परमपरभु आ मारइ मारइ कुरशा, इर लदमे बाक्त । ५ मिनु पिप सोलोमन इसराएल डा मुर नेल्ले नु मेको आ डांडती बुक्ब नेल्लेम, सन्दोस आ डांडती हिकने मचाप्चा डा पा भेडा नु ब्यफ क्योरशा चढ्ढमे बाक्त । २सामुएल ६ :१३ ६ मिनु नोले चढ्ढपुकीम परमपरभु यावे आ कबल पशो सन्दोस सिं डा नेल्ल क्येडा चोत्रसो बाक्तीकम चाक्शा करुब आस फरां आगाम

वोदमे बाक्त । २सामुएल ६ :१७ ; १राजा ६ :२७ ७ मारदे हना मेको करुब आस फरांम सन्दोस नु कुरतीक कोक्के कली सुम्शो बाक्सा बाक्त । ८ मेको कुरतीक कोक्के थम लाइक्शा बाक्तीक, मेको आन सुर नेल्ल क्येडा चोत्रसो बाक्तीक आ डांडती र तांडसीबाक्मा बाक्त । तन्न नेल्ल क्येडा चोत्रसो बाक्तीक आ लाडगा र मतांडसी बाक्मा बाक्त । मेको मुल सम्म मेकर बाक्नीम । परस्थान २५ :३३-३५ १ मिनु होरब डाडाम परमपरभु यावेमी इसराएली आन कली इजीप्त र गरुइची ना कबल पशो बाक्त । मना मोसामी मेको कबल पशो लोत्र मुशा बरुक्शा फुल्लु निक्शी सन्दोसम कुर पा वोदा बाक्त । मेको सन्दोसम फुल्लु निक्शी डा लाक्शा अर्का मारइ मबाक्माक्त । परस्थान २५ :२१ ; ब्यवस्था १० :५ १० मिनु चढ्ढ नेल्ल क्येडा चोत्रसो बाक्तीक र गरुमानु, परमपरभु यावे आ सिं गोस्सुम बरीमाक्त । ११ मिनु मेकर गोस्सुम सुम्तीके चढ्ढपुकीम गेय पने मचाप्मे बाक्त । मारदे हना परमपरभु यावे आ छेड्छेड्ढम आ सिं बरीशा बाक्माक्त । परस्थान ४० :३४-३५

१२ मिनु सोलोमनमी “परमपरभु यावे क्येर गोस्सुम बाक्ब देशो बाक्ब । परस्थान २० :३१ १३ गो इन कली गेना हना यो बाक्चा कली गारचा डा सिं का सल्ला” देमाक्त ।

१४ मिनु पिपमी लेक्शा कोत्रशा, इसराएल डा बुक्शा मुर नेल्ल आन कली आसीक गमी बाक्त । मना मेकोपुकी चहिं राप्शा बाक्मा बाक्त । १५ मिनु मेकोमी “परमपरभु यावे, इसराएली आन परमपरभु ठेयब बाक्ल । मेकोमी आं आफ दाऊद नु कबल पा, मुल मेको खाप्नु । १६ मारदे हना मेकोमी गो आं मुर आन कली इजीप्त र गरुइशा चाक्गु र मुल सम्म इसराएल डा तेकोइ थर डा मुर आन सहरम आं नें बाक्ल, दे आं सिं सल्ला कली मयोत्रडु । तन्न गो आं मुर इसराएली आन कली सासन पचा कली दाऊद कली योत्रता” देत । १७ आं आफ दाऊदमी परमपरभु यावे, इसराएली आन परमपरभु आ नें कली मान पा सिं का सल्ला मिम्शो बाक्त । २सामुएल ७ :- १५ तन्न परमपरभु यावेमी आं आफ दाऊद कली गे आं नें कली मान पा सिं का सल्ला मिम्ताक्वी, मेको रिम्शो बाक्त । १९ मो हना यो गे मेको सिं मसेल्लेवे । तन्न इ तौमी आं नें कली मान पा सिं का सल्ला देशो बाक्तीनी । २० मुल परमपरभु यावेमी गो पाइनुड् देशो लोत्र खाप्नु । गो आं आफ दाऊद आ पा डा पिप दुम्शो बाक्नुड् ।

मिनु परमपरभु यावमी 'पाइनुड' देशो खोदेशो पा गो इसराएल डा पिप दुम्ती। मिनु परमपरभु यावे, इसराएली आन परमपरभु आ न कली मान पा एको सिं सल्ला। ११गो मंकर परमपरभु यावे आ कबल पशा सन्दोस बाक्तीक का सल्ला। परमपरभु यावमी ई किकी पिपी आन कली इजीप्त रागी र गर्इशा चाकगानु, मंकोपुकी नु कबल पशा बाक्माक्त" दंमाक्त।

### सोलोमन आ प्रार्थना

२२मिनु सोलोमनम इसराएल डा बुक्शो मुर नेल्ल आन दातेम परमपरभु यावे कली चढेतीक आ डांडती राष्शा, आ गुइ सरीड ग क्युक्या बाक्त। २३मिनु मंकोमी "परमपरभु यावे, इसराएली आन परमपरभु इर स्वर्गम नु रागीम इन खोदेशो अर्का तेकोइ परमपरभु मबाक्नीम। इन कली आन थु नेल्लेमी नोले खोइक्व, इन गेय पाइब आन कली पशा कबल खाष्शा, मेको आन कली गेना हना यो दाक्नीनी। २४गे इन गेय पाइब, आ आफ दाऊद नु पशा कबल खाप्तीनी। मुलाक्ती 'गो पाइनुड' देशो कबल थमा पा खाप्तीनी। २५मोपतीके परमपरभु यावे, इसराएली आन परमपरभु इन गेय पाइब आं आफ दाऊद नु पशा कबल खाप्तीन। गे मेको नु कबल पा गेना हना यो इ ती चच र इसराएलम पिप दुम्नीम। तन्न मंकोपुकी इ खोदेशो पा आं डांडती हास पा गाक्तेक्म हना, ला मोदेशो दुम्ब' देशो बाक्तीनी। २६मोपतीके इसराएली आन परमपरभु, इन गेय पाइब आं आफ दाऊद कली 'गो पाइनुड' देशो लोत्र खाप्तीन" दंमाक्त।

२७मंकोमी "मार, थमा पा परमपरभु रागीम बाक्बा डा ? कोत्रडीन, इर डा ठेयब सरीडम ला यो गे मरिक्नीनी हना, एको आं सल्ला सिंम दोपा रिक्नीनी डा ?यसैया ६६ :१; पररित १७ :२४ २५मो हना यो परमपरभु यावे, आं परमपरभु इन गेय पाइब आं प्रार्थना नु आं पुंडशा लोत्र नेनीन। मुलाक्ती इन गेय पाइबमी इन डांडती ठेयब संदा पा पुंडशा लोत्र नेनीन। २९मिनु नाक्दो नाक्ती एको सिं कली कोत्रडीन। गे 'गो एको सिंम बाक्नुड' देशो बाक्तीनी। मोपतीके इन गेय पाइब आं लोत्र नेनीन। जकरिया १२ :४; परस्थान २ :२४ ३०इन गेय पाइब नु इन मुर इसराएलीम एको सिं गे कोत्रशा पुंडतेक्म हना, मेको आन पुंडशा गेन। मेको आन लोत्र इर इन बाक्तीक र नेनीन। मिनु गे मेको आन पुंडशा गेशा, माफ गेने।

३१सुइ मुरुमी आ नेक्था डा मुर आन पर्वम मरिम्शा पा कसम जपाइक्तु हना, मेकोम मेको कसम एको इन सिं डा चढेतीक आ डांडती जाप्तु हना, ३२गे इर स्वर्गम मेको आन लोत्र नंशा, निसाफ गेने। मिनु दोस ताइब आ मरिम्शा पशा आ पियामी माइक्तीन। मिनु ठीक पाइब कली दोस मताइब बाक्ब दंनीन। मोपा ठीक पाइब कली रिम्शा पाइब दुमीन।

३२मिनु इन मुर, इसराएलीपुकीमी पाप पशा आन जोरी सतरु नु बरुशा, इन गे लेइशा 'गे आंइ परमपरभु यावे बाक्नीनी' दे एको इन सिं गे कोत्रशा पुंडतेक्म हना, ३४इर स्वर्ग र मेको आन पुंडशा नेनीन। मिनु इन मुर इसराएली आन पाप माफ गेने। मिनु मेको आन किकी पिपी आन कली गेशो रागीम लेइशा चाक्कीन।

३५मिनु इन मुरपुकीमी पाप पतीके सरीड चोक्सीशा रेड मयित हना, इन गेशो सजाइ तुइइशा, 'गे आंइ परमपरभु यावे बाक्नीनी' दे आन पशा पाप परोइतेक्म हना, १राजा १७ :१ ३६इर स्वर्ग र मेको आन पुंडशा लोत्र नंशा, इन गेय पाइब, इन मुर इसराएली आन पाप माफ गेने। मेको आन पचा माल्शा शंद्दीन। मिनु मेको आन कली गेशो रागीमी रेड यिपतीन।

३७मेको रागीम अन्काल दुम्त हना, मुर बेक्तीक रोइ जाक्त हना, बाली नाली सोत्रतीक नु बुक्सी डाइक्तीक रोइ जाक्त हना, सल्ला माले नु बुस्स जाक्तेक्म हना, मेको आन तेकोइ सहरम जोरी सतरुम पुम्ताक्म हना, मारइ श्यत नु मारइ रोइ जाक्त हना, ३८इन मुर इसराएली सुइम आन थुम श्यत जशा, एको इन सिं गे कोत्रशा आन गुइ क्युक्या पुन्मनु, इन बाक्तीक इर स्वर्ग र मेको आन पुंडशा नेनीन। ३९गे मुर नेल्ल आन थुं तुइक्तीक, इन बाक्तीक स्वर्ग र मेको आन लोत्र नंशा, आन पशा कोत्रशा माफ गेने। मारइ हना गे ला मुर नेल्ल आन थुं तुइक्व बाक्नीनी। मजन संगरह १३९ :१-२ ४०मिनु मेकोपुकी इन कली मान पा हिंशा, आंइ किकी पिपी आन कली इन गेशो रागीम बाक्नीम।

४१मिनु इन मुर इसराएली ममाइ, तन्न अर्का रागी डा मुर सुइमी इन कली तुइइशा डोन डोन रागी र जाक्तेक्म हना, गन्ती १५ :१४-१६ ४२मंकोपुकीम इन ठेयब नं, इन ठेयब सक्ति नु इन वारच पतीके नंशा बाक्तेक्म। मोदेशो मुर जाक्शा, एको सिं गे कोत्रशा पुंडतेक्म हना, ४३गे मेको आन लोत्र इन बाक्तीक स्वर्ग र नंशा, मेको अर्का रागी डा मुर आन पुंडशा नेल्ल गेने।

मिनु इन मुर इसराएली खोदंशो पा रागी डा मुर नेल्लेम इन नें तुइक्तमेकल। मिनु इन कली मान पा हिंमल। गे एको आं सल्ल्शो खिम बावनीनी, दे तुइक्तमेकल।

४४ मिनु इन मुर आन जोरी सतरु नु लडाइ पथ लाम्तकम हना, गे मेको आन कली तेइ सोइक्ताकनी हना, मेकोपुकीम एको इन योत्रशो सहर नु गोम इन कली सल्ल्शो एको खिं गे कोत्रशा, पुंडितकम हना, ४५ गे स्वर्ग र मेको आन पुंडिशो ननीन। मिनु मेको आन कली वारच पतीन।

४६ मेकोपुकीम पाप पाप्तकम हना, मारदे हना पाप मपाइव सुइ मबाकनीम। मिनु गे इन गाइश्शोमी आन जोरी सतरु आन गुइम गेतीनी। मिनु मेकोपुकीम मेको आन कली आन रागीम ग्याइश्शा लाइक्तेकम हना, भजन संगरह १४ : ३-४ ; रोमी ३ : २३ ४७ मिनु मेकोपुकीम आन कली ग्याइश्शा लाइश्शो रागीम श्येत जशा 'गो पाप पाइतक। दूली पा काइ मरिश्शो पाइतक' दंतेकम हना, नेहम्याह ९ : ३३ ; दानीएल ९ : ५ ४८ मिनु मेको आन ग्याइश्शा लाइश्शो जोरी सतरु आन रागीमी आन थुं नेल्लेम इन गे लेत्तेकम हना, मेको आन किकी पिपी आन कली इन गेशो रागी नु इन योत्रशो एको सहर नु इन नें कली मान पा आं सल्ल्शो खिं गे कोत्रशा, इन कली पुंडितकम हना, दानीएल ६ : ११ ४९ इन बाक्तीक इर स्वर्ग र मेको आन पुंडिशो लोत्र नंशा, आन माल्ल्शो गेन। मिनु मेको आन कली वारच पतीन। ५० मिनु मेको इन मुर आन पाप नु हेथ पशो नेल्ल माफ गेन। मिनु मेको आन जोरी सतरुम शिशी पपतीन। ५१ मारदे हना मेकोपुकी इन खिं डा मुर बाक्नीम। गे मेको आन कली शुश श्येत गेतीक इजीप्त रागी र गरुइशा चाक्तीनी। ५२ मिनु गे इन गेय पाइव नु इन मुर इसराएली आन कली कोत्रडीन। मेको आन पुंडिशो लोत्र गेना हना यो ननीन। मिनु मेकोपुकीम इन कली बरम्मानु, मेको आन बरश्शो ननीन। ५३ मारदे हना गे मेको आन कली इन मुर सेल्ला कली, रागी नेल्ल डा मुर आन दाते र योत्रशा तिल्लीनी। मोपा आंइ किकी पिपी आन कली इजीप्त र गरुइशा चाक्तीनु, इन गेय पाइव मोसा कली मोदंशो लोत्र पशो बाक्तीनी” दंमाक्त। परस्थान १९ : ५-६

५४ मोपा सोलोमनम परमपरभु यावे कली परार्थना पा पुंडेने थुमा बाक्त। मिनु मेको परमपरभु यावे कली चढेतीक आ डांइती र बोक्माक्त। मेकेर सरीङ गे कोत्रशा आ गुइ क्युक्शा आ पोक्च थक्शा परार्थना पशो

बाक्माक्त। ५५ मिनु मेको राप्शा, ठेयब संदा पा बुक्शा बाक्शो इसराएली नेल्ल आन कली आसीक गेमी बाक्त।

५६ मेकोमी “आ मुर इसराएली आन कली आ दंशो खोदंशो पा नाइक्चा गेव परमपरभु यावे ठेयब बाक्त। मेकोम आ गेय पाइव मोसा र पा पाइनुङ दंशो रिम्शो गेय नेल्ल का सम्म यो मखराइक्थु, पाप्नु। यहीसु २१ : ४५ ५७ परमपरभु यावे इं परमपरभु इं किकी पिपी नु बाक्शो खोदंशो पा गोपुकी नु यो बाक्त। मेकोमी इं कली गेनायो मपूरानल। ५८ मेकोमी इं किकी पिपी आन कली शंशो लोत्र, आ फुल्लुम मुशा बरक्शो लोत्र नु आ ठीक पतीक लोत्र पना पन, इन थुं नेल्लेमी मेको आ लाम गाक्कीन। ५९ गो इं परमपरभु यावे आ डांइती पुंडिशो लोत्र नाक्को नाक्ती परमपरभु यावे, इं परमपरभु आ डांइती बाक्त। मिनु मेकोमी नाक्त कित कित आ गेय पाइव नु आ मुर इसराएली इं माल्ल्शो गेशा, वारच पवल। ६० मिनु रागी डा मुर नेल्लेमी परमपरभु यावे ला परमपरभु बाक्व, दे तुइक्नीम। मिनु मेको डा लाक्शा अर्का सुइ परमपरभु मबाक्व, दे यो तुइक्नीम। ६१ मोपतीक इं थुं नेल्लेमी परमपरभु यावे, इं परमपरभु कली जिम्मा गेसय। मुलाक्त खोदंशो पा गोपुकीमी आ फुल्लुम मुशा बरक्शो लोत्र टिना टिन, आ शंशो पना पन बाक्व” दंमाक्त।

परमपरभु आ खिं जिम्मा गेशो

६२ मिनु नोले पिप नु इसराएली नेल्लेमी परमपरभु यावे आ डांइती चढेतीक चढेमे बाक्त। ६३ सोलोमनमी दुशा बाक्चा आ पर्वम २२ हजार ब्यफ नु लाख का २० हजार भडा चढेवा बाक्त। मोपा पिप नु इसराएल डा मुर नेल्लेमी परमपरभु यावे आ खिं कली जिम्मा गेमे बाक्त। ६४ मेको नाक्त पिपमी परमपरभु यावे आ खिं आ डांइती बाक्शो लाङगा आ दाते डा लाङगा कली यो तिला बाक्त। मारदे हना मेकोमी मेकेर चोशा चढेतीके, अन्न चढेतीके नु दुशा बाक्चा आ पर्वम चढेतीके आन बांसा चढेवा बाक्त। अन्न चढेतीके, दुशा बाक्चा आ पर्वम चढेतीके नु चोशा चढेतीके आन बांसा वोइक्चा कली मेको परमपरभु यावे आ डांइती बाक्शो कांसा के चढेतीके आइक्च दुम्माक्त।

६५ मिनु सोलोमन नु मेको नु बुक्शा बाक्शो इसराएली लेबो-हमाथ र इजीप्त डा सोला सम्म डा ठेयब हुल्ल नेल्लेमी परमपरभु यावे, इं

परमपरभु आ डांडती मेको नाक्त र ७ नाक्त सम्म नु अर्को ७ नाक्त तेम्शा, नेल्ल पा १४ नाक्त सम्म चाड मानेमे बाक्त। ६६मिनु आ दीसा मेकोमी मुर आन कली आन खिं सोइक्तीमी बाक्त। मिनु मेकोपुकीमी पिप कली ठेयब सल्लम बाक्त। मिनु परमपरभु यावमी आ गेय पाइब दाऊद नु आ मुर इसराएली आन कली रिम्शो पशो तशा, ग्येरना ग्येरन आन आन खिं लमा बाक्त।

परमपरभुमी लोत्र पशो

२इतिहास ७ :११-२२

१ मिनु सोलोमनम परमपरभु यावे आ खिं, पिप आ खिं नु आ सेल्ला दाक्शो मारइ मारइ नेल्ल सेल्ल थुमा बाक्त। २मेना परमपरभु यावेम सोलोमन कली गिबोनम लोत्र पशो खोदंशो पा लेंशा लोत्र पवा बाक्त। १राजा ३ :५ ३मिनु परमपरभु यावेमी मेको कली “गो इ आं डांडती पशो परार्थना नु इ पुंइशो लोत्र नेंता। गो एको इ सेल्लो खिं कली आं के सेल्ला। मिनु गो गेना हना यो एंकर बाक्नुड। आं थुं एंकर बाक्शा, गो एको खिं कली गेना हना यो कोव्रनुड। १राजा ८ :२९ ४मिनु गो चहिं बरम्शो दुम्शा, इ आफ दाऊद खोदंशो पा आं डांडती गेना हना यो रिम्शो पाइब नु रिम्शो थुं पाइइशो दुम्ते हना, आं इ कली शंशो नेल्ल पना पन, आं फुल्लुम मुशा बरक्शा लोत्र नु आं निसाफ पतीक लोत्र नेल्ल पापतीवी हना, ५ गो इ राज्य इसराएल कली गेना हना यो बाल्यो दुम्पाइक्नुड। मिनु गो इ आफ दाऊद कली ‘इ तो चचंर गेना हना यो इसराएलम पिप दुम्नीम’ दे कबल पशो खोदंशो पा गं नु यो कबल पाइनुड। २सामुएल ७ :१२ ; यरमीया ३३ :१७

६तन्न गे नु इ आलपुकी आं नोले खोइक्वा परांइशा, गो इन डांडती वोइइशो आं शंशो नु आं फुल्लुम मुशा बरक्शा लोत्र मपाइतीनी हना नु देवी देवता आन कली पूजा पाइतीनी हना, ७ गो इसराएली आन कली आं गेशो रागी र खेरनुडमी। मिनु एको आं कली सेल्लो खिं कली परांइशा मेकोव्रनुड। मिनु इसराएली चहिं मुर नेल्ल आन दातेमी मुने दोक्शा, गरांगरा दितीक दुम्नीम। व्यवस्था ४ :२६ ; व्यवस्था ८ :१९-२० ; मती २३ :३८ ८ एको खिं बरंइशा, फुल्लु देल्लो दुम्ब। मिनु नोले एंकर गाक्व मुर नेल्ल छक लाक्नीम। मिनु मुरपुकीमी मेको तशा ‘भारदे परमपरभु यावमी एको खिं नु एको

रागी कली आं पवा, माइ ?’ दे शुक्शी पाइनीम। ९मिनु मुरपुकीमी मेकोपुकीमी परमपरभु यावे, आन परमपरभुम मेको आन किकी पिपी आन कली इजीप्त रागी र गरुंइशा चाक्तु हना यो, मेको कली परांइशा, देवी देवता आन कली मानशा, पूजा पाम्तकम। मोपतीक परमपरभु यावमी मेको आन कली मोदंशो श्यत गेपु’ देनीम’ देमाक्त।

सोलोमन नु हीराम

२इतिहास ८ :७-११

१०सोलोमन कली परमपरभु यावे आ खिं नु आ बाक्तीक खिं सेल्ला कली २० बर्स माल्ला बाक्त। १राजा ६ :३८ ; १राजा ७ :१ ११ टायर डा पिप हीराममी सोलोमन कली माल्लो लेबानोन डा लाइइशो रवा आ शी, अरु शी, सुन नु आ माल्लो नेल्ल गेशो बाक्माक्त। मोपतीक पिप सोलोमनमी हीराम कली गालील रागी डा २० ओटा सहर गेवा बाक्त। २इतिहास ८ :२ १२ मिनु हीरामम टायर र मेको सोलोमन आ गेशो सहरपुकी कोव्रथ लमाक्त। मिनु मेकोम मेको सहर मदाक्ता बाक्त। १३मिनु मेकोमी सोलोमन कली “आं लोकव, मेको इ गेशो सहरपुकी दा दोकका दंशो बाक्तेकम” देमाक्त। मिनु मेकोम मेको सहर आन कली “काबुल रागी” दंशो नें वोदा बाक्त। मेको सहर आन नें मुल सम्म मेकोन बाक्नीम। १४ मिनु हीराममी पिप सोलोमन कली सहे का २० टलेन्ट सुन सोइक्ता बाक्त। टलेन्ट का ३४ किलो बाक्व।

सोलोमन आ गेय पाइब

१५ पिप सोलोमनम पपाइइशो गेय मार मार बाक्त दंशा हना, परमपरभु यावे आ खिं, आ बाक्तीक खिं, मिल्लो माइइशो बाल्यो दरवार, यरूसलेम डा गारो, हासोर, मगीददो नु गेजर सहर सेल्लदा बाक्त। १६ इजीप्त डा पिप फाराओम गेजर सहर कली लडाइ तोशा गुराशा, मेकेर मी सुइइशो बाक्माक्त। मेकोम मेकेर बाक्व कनानी आन कली साइइशा, मेको सहर आ तमी, सोलोमन आ मीश कली दाइजो गेशो बाक्माक्त। यहोसु १६ :१० ; १राजा ३ :१ १७ मिनु सोलोमनम गेजर सहर, बथ-होरोन, १८ बाल्थ नु मेको गोरशो रागी डा तामार नु आ एर आंथ डा रागी, १९ सोलोमन आ मार मार वोइक्तीक सहरपुकी, आ बग्गी नु शारा वोइक्तीक नु शारा डाइक्व आन कली बाक्वा कली सहरपुकी यो सेल्लदा बाक्त। सोलोमनमी यरूसलेम, लेबानोन नु आ सासन

पशो राज्य नेल्लेमी मार सेल्वा दाक्शो बाक्म, मेको सेल्ने थुमा बाक्त। १ राजा १०:२६ २० मिनू लीशो एमोरी, हिती, परिज्जी, हिल्वी नु यबुसी चहिं इसराएली आन थर डा मुर मबाक्मा बाक्त। २१ इसराएलीपुकीमी मेको रागीम लीशो मेको आन चच युइ आन कली काइ मवाइक्थु साइक्न मचाप्वा बाक्मा बाक्त। सोलोमनमी मेको आन कली गेय पाइब वाइल सेल्शा वाइक्मी बाक्त। मेको मुल सम्म मोपान बाक्शो बाक्नीम। यहासु १६:१० २२ तन्न सोलोमनम इसराएली सुइ आन कली वाइलीम वाइल मसेल्मी बाक्त। मेकोपुकी चहिं लडाइ पाइब, लडाइ पाइब आन ठेयब मुर, कप्तान, बग्गी चलेब आन ठेयब मुर नु शारा डोइक्ब सेल्मी बाक्त।

२३ मिनू सोलोमन आ ठेयब गेय पाइब ५ सहे ५० जना बाक्मा बाक्त। मेकोपुकी गेय पाइब आन कली कोत्रब बाक्मा बाक्त।

२४ मिनू फाराओ आ तमी दाऊद आ सहर रे पिप सोलोमनम सेल्शा गेशो आंम खिम लमाक्त। सोलोमनमी मिल्लो माइशो बोल्यो दरवार यो सेल्पदा बाक्त।

२५ मिनू सोलोमनमी परमपरभु यावे कली सेल्शा चढतीकमी बर्सम खेयप सां परमपरभु यावे आ डांडती चोशा चढतीक नु दुशा बाक्चा आ पर्वम चढतीक चढेशा धूप यो चोशा चढेवा बाक्त। मोपा मेकोम परमपरभु यावे आ खिम डा गेय नेल्ल पवा बाक्त।

### सोलोमनम जहाज सेल्पाइशो

२६ मिनू पिप सोलोमनम लल समुन्दर आ शुंइच एदोम रागी एलोथ आ नेक्था एस्योन-गेबर सहरम जहाजपुकी यो सेल्पदा बाक्त। गन्ती ३३:३५; २इतिहास ८:१७-१८ २७ हीराममी समुन्दर आ पर्वम तुइक्ब नु जहाजम गेय पाइब मुर सोलोमन आ गेय पाइबपुकी नु गेय पपाइक्चा कली सोइक्तीमी बाक्त। १ राजा १०:११ २८ मिनू मेकोपुकी जहाजम ओफीर लमा बाक्त। मिनू मेकेर २ ४ सहे २० टलेन्ट सुन चाक्म बाक्त। मिनू मेको पिप सोलोमन कली गेम बाक्त। उत्पत्ती १०:२९

शेबा डा पिपीम जाक्शो

२इतिहास ९:१-१२

१० शेबा डा पिपीममी सोलोमन आ रिम्शो पशो नेल्ल, परमपरभु यावे आ ठेयब नें नु आ पशो नेल्ल नना बाक्त। मिनू लोत्र लेन्ने

मचाप्वा डा लोत्र कुरशा सोलोमन कली नाक्चा कली जाक्माक्त। मती १२:४२; १ राजा ५:१४ २ मेको शुश मुर नु शुश मस्ला, सुन नु शुश क्येट लाइब हीरा दलओठम कुरपाइशो यरूसलेम जाक्माक्त। मिनू आ थुंम बाक्शो लोत्र नेल्ल सोलोमन कली देमाक्त। ३ मिनू सोलोमनम मेको आ हिल्लो पशो लोत्र नेल्ल लेता बाक्त। मेको हिल्लो पशो लोत्र लेत्वा कली पिप कली मारइ श्यत मदुम्माक्त। ४ मिनू शेबा डा पिपीममी सोलोमन आ जोक्तीक तुइक्तीक नेल्ल, मेको आ सेल्शा पिप आ खिम, ५ मेको आ जचा थोत्रक, मेको आ एर ओथ बाक्ब आ ठेयब गेय पाइब आन बाक्तीक, आ गेय पाइब आन गेय पशो, मेको आन फेक्शो वा, आ ग्यांबपुकी, परमपरभु यावे आ खिम चोशा चढतीकपुकी तशा, शुश छक लाक्माक्त।

६ मिनू मेकोमी पिप कली “गो आं रागीमी इन गेय नु जोक्तीक तुइक्तीक आ पर्वम लोत्र नेता। ७ तन्न गो आंमा जाक्शा, मतडा सम्म थमा मसुदु। मेको आं कली नेंशो दा उइक्थ लाइ यो मनंशो बाक्ती। इन जोक्तीक तुइक्तीक, इन पशो गेय नु इन शांप आ पर्वम आं नेंशो क्येडा यो शुश बाक्त। ८ इन मीशपुकी नु इन गेय पाइबपुकीमी गेना हना यो इन जोक्शो तुइशो लोत्र नेंशा ग्यरसीशो बाक्नीमी। ९ मिनू परमपरभु यावे, इन परमपरभु ठेयब बाक्ब। मेकोमी इन कली दाक्शा इसराएल कली सासन पचा कली पिप सल्लु। परमपरभु यावेमी इसराएली आन कली गेना हना यो दाक्ताक्ब। मोपतीक मेकोमी इन कली ठीक निसाफ पचा नु ठीक पचा कली मेको आन पिप सेल्शा बाक्त” देमाक्त। १ राजा ५:२१ १० मिनू नोले मेकोमी पिप कली सहे का २० टलेन्ट सुन, शुश मस्लापुकी नु शुश क्येट लाइब हीरापुकी गेवा बाक्त। शेबा डा पिपीममी सोलोमन कली गेशो सोदंशो पा शुश मस्ला डांडती सुइम मचाक्गम बाक्त। टलेन्ट का ३४ किलो बाक्ब।

११ मेको नेल्ल प्राइशो यो हीराम आ जहाजपुकीम ओफीर रे सुन चाक्बाक्मा बाक्त। मेकोपुकीमी जहाजम सिरी खन्ड के शुश क्येट लाइब शी नु हीरापुकी चाक्बाक्मा बाक्त। १ राजा ९:२७-२८ १२ मिनू पिपीमी मेको सिरी खन्ड के शी रे परमपरभु यावे आ खिम नु आ बाक्तीक खिम कली करसी डा ग्याइक्तीक सेल्पदा बाक्त। मिनू कुम्सो पाइब आन कली बीना नु तार पाइशो ताप्तीक यो मेको शी के सेल्पदा बाक्त। मेको मोदंशो पा सिरी खन्ड के

शी गेना यो मचाक्शो बाक्मा बाक्त। मिनु मेना रे मुल सम्म यो गेनायो मतांडसीशो बाक्व।

१३ मिनु पिप सोलोमनम शबा डा पिपीम कली आ गेशो परांडशा यो आ दाक्शा पुंडशो थोत्रक नल्ल गेवा बाक्त। मेको नोले मेको आ गेय पाइब नल्ल लाइशशा आ रागी लेम्माक्त।

सोलोमन आ शोप

२ इतिहास १:३३-२८

१४ सोलोमन आ बाक्तीकम बर्स बर्सम जाक्शो सुन सह सां ६६ टलेन्ट दुम्बाक्माक्त। टलेन्ट का ३४ किलो बाक्व। १५ मेको परांडशा, ग्याप्ब लेयब आन चाक्शो, अराब रागी डा पिपपुकी नु अर्को रागी डा सासन पाइबपुकी रे यो सुन जाक्वाक्माक्त। १६ मिनु पिप सोलोमनम तुप्शा सेल्शो सुन के सह निकशी ठेयब तेक्तीक सेल्पदा बाक्त। मेको का सेल्वा कली ६ सह शेकेल सुन माल्दा बाक्त। शेकेल का ११.५ ग्राम सोदंशो बाक्व। १७ राजा १४:२६ १७ मेकोमी तुप्शो सुन के सह सां आइक्व आइक्व तेक्तीक या सेल्पदा बाक्त। मेको का सेल्वा कली सह सां शेकेल सुन माल्दा बाक्त। मिनु पिपमी मेको नल्ल लेबानोन डा ब्वाकी माइशशा सिंम वोइक्पाइक्मी बाक्त। १८ राजा ७:२ १८ मिनु पिपम हात्ती आ दारा के ठेयब निल्लीक का सेल्शा, मेको कली क्येस सुनमी गिल्लपदा बाक्त। १९ मेको निल्लीक तार डाइक्तीक ६ ओटा थंका बाक्मा बाक्त। मेको निल्लीक आ नोले गे कुल कुल पा सेल्शा बाक्माक्त। मेको निल्लीक आ निम्फा गे गुइ वोइक्तीक पाइशशा बाक्माक्त। मेको गुइ वोइक्तीक आस नेक्था गुप्स निकशी सेल्शा बाक्माक्त। २० मेको ६ ओटा थंका नल्लेम एर गे का, आंथ गे का पा १२ ओटा गुप्स बाक्मा बाक्त। मेको मोदंशो निल्लीक तेकोइ राज्य डा पिप आन पर्वम मसेल्शो बाक्माक्त। २१ पिप सोलोमन आ तूतीक कचौरा नल्ल सुन के बाक्मा बाक्त। मिनु लेबानोन डा ब्वाकी माइशशा पिप आ सिंम बाक्शो ग्यांब नल्ले क्येस सुन के बाक्मा बाक्त। चांदी के मारइ मबाक्मा बाक्त। मारदे हना सोलोमन आ पालाम चांदी मारइ सोदंशो मबाक्माक्त। २२ मिनु पिप नु हीराम आस जहाजपुकी टारसीस गे लाइबाक्मा बाक्त। मिनु बर्स सां सांमी मेको जहाजम काले टारसीस रे सुन, चांदी, हात्ती आन खरुइ, बुदी नु मनुर चाक्शा, जाक्वाक्मा बाक्त।

२३ मोपा सोलोमन आ शोप नु आ जोक्तीक तुइक्तीकेमी पिप नल्ल आन क्येडा ठेयब दुम्माक्त। २४ रागी नल्ल डा मुरपुकी परमपरभुम सोलोमन कली गेशो जाक्शो तुइशशा लोत्र नंचा कली जाक्वाक्मा बाक्त। २५ मेको मोपा जाक्व नल्लेमी बर्स बर्सम कोसली सुन चांदी के मार मार, फक्तीक वा, यापुकी, मस्त्ना, शारा नु खच्चर चाक्वाक्मा बाक्त।

२६ सोलोमनम शुश बग्गी नु शारा तेल्मी बाक्त। मेको के १४ सह बग्गी नु १२ हजार शारा बाक्मा बाक्त। मेकोमी बग्गी आन कली बग्गी वोइक्तीक सह्रम वोदा बाक्त। का निकशी आन कली चहिं आं नुन यरूसलेमम वोइक्मी बाक्त। १७ राजा ५:६ २७ पिपमी यरूसलेमम चांदी फुल्लु सोदंशो पा तेल्मी बाक्त। मिनु लेबानोन डा लाइशशा रवा आ शी चहिं शेफेलाह डा फोत्रशी रवा सोदंशो पा शुश तेल्मी बाक्त। २८ सोलोमन आ शारा इजीप्त नु क्युए रे ग्याप्शा चाक्शो बाक्मा बाक्त। २९ मेकोपुकीम इजीप्त रे ६ सह शेकेल चांदीम बग्गी नु सह का ५० शेकेल चांदीम शारा ग्याप्शाक्मा बाक्त। मिनु पिप आ ग्याप्ब लेयबपुकीम हिती आन पिप नु अराम डा पिप नल्ल आन कली लेयबाक्मा बाक्त। शेकेल का ११.५ ग्राम, तोला का सोदंशो बाक्व।

सोलोमन आ मीशपुकी

१ पिप सोलोमनम फाराओ आ तमी ग्युंबे ११ पा यो, मेकोमी शुश अर्को रागी डा मीश मुर, मोआबी, अम्मोनी, एदामी, सीदानी नु हिती आन कली दाक्तीमी बाक्त। ब्यवस्था १७:१७ २ परमपरभु यावेमी इसराएली आन कली मेको रागी डा मुर आन पर्वम “गपुकीम मेको आन कली ग्युंबे पचा मदुम्नीनी। मारदे हना मेकोपुकीम थमा पा इन थुं आन देवी देवता आन नोले सोइक्पाइक्नीम” दंशो बाक्माक्त। तन्न सोलोमनम मेको आन कली दाक्तीमी बाक्त। परस्थान ३४:१६ ३ मेको के ७ सह ग्युंबे पशो मीश नु सह सां अरु नोले चाक्शो मीश बाक्मा बाक्त। मिनु मेकोपुकीम आ थुं क्याल्पदमे बाक्त। ४ मिनु सोलोमन खुशो दुम्मनु, मेको आ मीशपुकीम आ थुं अरु देवी देवता आन गे हिरपदमे बाक्त। मिनु मेको आ आफ दाऊद आ थुंम सोदंशो पा आ थुं नल्लेम परमपरभु यावे, आ परमपरभु आ नोले मखोदा बाक्त। ५ मोपा सोलोमन सीदानी आन अशतोरथ देवी नु अम्मोनी आन गरांगरा दिशो मूर्ति मोलोक आस

नोले खोदा बाक्त । मोलोक नु मोलेक नें वोइश्शो देवता मिल्कोम यो बाक्त । ६मोपा सोलोमनम परमपरभु यावे आ डोंइती मार मरिम्शो बाक्म, मेको पवा बाक्त । मेको आ आफ दाऊद खोंदेशो पा आ थुंनेल्लेमी परमपरभु यावे आ नोले मखोदा बाक्त । ७मिनु सोलोमनम मोआब डा गरांगरा दिशो मूर्ति केशो नु अम्मोनी आन गरांगरा दिशो मूर्ति मालेक आस कली यरूसलेम आ पूर्व गे डा डांडा काम पूजा पतीक थान सेला बाक्त । गन्ती २१:२९ ; २राजा २३:१३ ५मेकोमी अर्का रागी डा आ मीश नेल्ल आन कली मोदेशो पवा बाक्त । मेकोपुकीमी आन देवी देवता आन कली धूप चोशा चढ्मे बाक्त ।

१मिनु परमपरभु यावे सोलोमन क्येडा गाइक्ता बाक्त । मारदे हना परमपरभुमी मेको नु खेयप निक्शी लोत्र पशो बाक्त हना यो, मेको परमपरभु यावे, इसराएली आन परमपरभु रे डोन लशो बाक्माक्त । १राजा ३:५ ; १राजा ९:२ १०परमपरभु यावेमी सोलोमन कली “अरु देवी देवता आन नोले मखोतो” देशो बाक्माक्त । मो हना यो सोलोमनम परमपरभु यावे आ शंशो मपवा बाक्त । ११मोपतीके परमपरभु यावेम इसराएली आन पिप सोलोमन कली “इ मो पशो, आं कवल परोंइशो नु इ कली पावो, दे आं फुल्लुम मुशा बरेक्शो लोत्र मटितीके गो थमा पा एको इ राज्य रोइश्शा इ गेय पाइब कली गेनुडु । १सामुएल १५:२६ १२मो हना यो इ आफ दाऊद आ पर्वम इ पालामी मो मपाइनुडु । गो एको राज्य इ तो आ पालाम रोइक्नुडु । १राजा १२:१९ १३तन्न गो राज्य नेल्ल मरोइक्नुडु । आं गेय पाइब दाऊद नु आं योत्रशो सहर यरूसलेम आस पर्वम इसराएल डा थर का इ तो कली गेनुडु” देमाक्त ।

### सोलोमन आ जोरी सतरु

१४ मिनु परमपरभु यावेमी इसराएली आन मुर एदोम डा पिप आ सिं डा मुर हादाद कली सोलोमन आ जोरी सतरु सेल्शा पोक्शा बाक्त । १५ डोंइती दाऊदम एदोमी नु लडाइ पवानु, मेको आ लडाइ पाइब आन ठेयब मुर योआबमी मेकर बेक्शो मुर आन कली थिम्य लमेनु, मेको रागी डा वोंइश मुर नेल्ल आन कली साइश्शो बाक्माक्त । २सामुएल ८:१४ १६मेना योआब नु इसराएली नेल्लेम एदोम डा वोंइश मुर नेल्ल आन कली साइक्ने मथुम्म सम्म मेकर ६ महिना बाक्मा बाक्त । १७मेना हादाद आलन बाक्माक्त ।

मिनु आ आफ आ गेय पाइब का निक्शी एदोमी नु परोक्शा इजीप्त लशो बाक्माक्त । १८मिनु मेकोपुकी मिदयान रे पारानम जाक्मा बाक्त । मिनु पारान रे सुइ मुर आन कली लाइश्शा इजीप्त डा पिप फाराओ आ बाक्तीके लशो बाक्मा बाक्त । मिनु फाराओमी हादाद कली आ रागीम सिं का रू नु जचा तूचा थात्रक गार पा गेशा वोइश्शो बाक्माक्त । १९ फाराओमी हादाद कली शुश दाक्ता बाक्त । मिनु मेकोम आ मीश पिपीम तहपेनेस आ लोकब का गेशा ग्युंवे पदा बाक्त । २०मिनु तहपेनेस आ लोकबमी हादाद रे गेनुबाथ नें पाइश्शो तो का थिवा बाक्त । मिनु तहपेनेसमी मेको आल कली दूध परोंइपाइश्शा फाराओ आ सिंम थुला बाक्त । मिनु गेनुबाथ फाराओ आ आलपुकी नुन कोल्माक्त । २१मिनु हादाद इजीप्तम बाक्मेनु, मेकोम दाऊद बेक्शो नु मेको आ लडाइ पाइब आन ठेयब मुर योआब यो बेक्ने थुम्शो लोत्र नेना बाक्त । मिनु हादादम फाराओ कली “आं कली आं रागी लेत्वा गेयीनी” देमाक्त । २२तन्न फाराओम मेको कली “आं रागीम इन कली मार मजाक्दीम्म ? मिनु “आं रागी लेश्शा लाइनुडु” देनी” दे हिल्लो पवा बाक्त । मिनु मेकोमी “भारइ माल्थो मबाक्ब । तन्न आं कली लचा गेयीनी” देमाक्त ।

२३मिनु परमपरभुम सोलोमन आ पर्वम अर्का जोरी सतरु का यो पोक्शा बाक्त । मेको एन-आदा आ तो रसोन बाक्माक्त । मेको आ होत्रप सोबाह डा पिप हादादजेर रे परोक्शा लशो बाक्माक्त । २सामुएल ८:३ २४मिनु दाऊदम सोबाह डा लडाइ पाइब आन कली सदानु, मेको रसोनमी आ मुर आन कली सुप्ता बाक्त । मिनु मेको मरिम्शो पाइब आन हुल डा ठेयब मुर दुम्माक्त । मिनु मेको मरिम्शो पाइब आन हुल दमस्कस लमा बाक्त । मिनु मेकोपुकीम मेकर गराशा दमस्कस आन के सल्ले बाक्त । मिनु मेको मेकर डा पिप दुम्माक्त । २सामुएल १०:१८ २५रसोन सोलोमन बाक्म सम्मन इसराएल आ जोरी सतरु दुम्माक्त । मिनु हादाद आ मरिम्शो पशोम, मेकोम मरिम्शो तम्दा बाक्त । मिनु अरामम हुकुम पवा बाक्त । मिनु मेको इसराएल आ जोरी सतरु दुम्माक्त ।

### येरोबाम जोरी सतरु दुम्शो

२६एफराइम आ थर, सेरेदाह सहर डा नेबात आ तो येरोबाम सोलोमन आ गेय पाइब बाक्माक्त । मेको आ ममा आ नें सेरुआह

बाक्माक्त। मेको आ वांइश बरकशो मीश मुर बाक्माक्त। मेको यरोबाममी यो सोलोमन कली श्यत गेचा गोवा बाक्त। २७ मेकोमी पिप कली मार पवा बाक्त देशा हना, सोलोमनम मेको कली मिल्लो बोल्यो दरवार सत्पाइइशो नु आ आफ दाऊद आ सहर डा बरकशो गारो सुपाइइशो बाक्माक्त। १ राजा ९ : १५, २४ २८ यरोबाम थाम्पा गेय पाइब मुर का बाक्माक्त। मेको टिट्टा मुर आ गेय पशो तशा, सोलोमनमी मेको कली योसफ आ खिं डा गेय पाइब आन कली कोदब मुर सेला बाक्त। २९ मिनु यरोबाम यरूसलेम र अर्का रागी लना लन बाक्माक्त। मेना परमपरभु यावे आ लोत्र पाइब शिलो सहर डा अहीयाहमी मेको कली लांम गरुमा बाक्त। अहीयाहमी नक वा फेकशो बाक्माक्त। लांम गरुमानु मेको निक्शी ला बाक्सा बाक्त। ३० मिनु अहीयाहमी मेको आ फेकशो नक वा खाकशा १२ टुकरा सेला बाक्त। ३१ मिनु मेकोमी यरोबाम कली “१० टुकरा गुम्सो। मारदे हना परमपरभु यावे, इसराएली आन परमपरभुमी थो एको राज्य सोलोमन आ गुड रे रोडकुड। मिनु इ कली १० थर गेनन। १ राजा १२ : १५ ; १ राजा १४ : २ ३२ थर का मेको केन लीब। आं गेय पाइब दाऊद नु यरूसलेम आ पर्वम मोदंशो दुम्ब। मारदे हना गो यरूसलेम सहर इसराएली आन थर नेल्ल आन दाते र आं के दुम्पाइइशा योत्रता। भजन संग्रह १३२ : १३ ३३ मेकोमी आं कली प्रांडतीक, गो मो पाइनुड। मेकोमी सीदानी आन देवी अशतोरथ, मोआब डा देवता कमाश नु अम्मानी आन देवता मालेक कली पूजा पाप्नु। मेको आं लांम मगा। मेकोमी आं डांडती मार ठीक बाक्म, मेको मपावा। मेकोम आ आफ दाऊदम पशो सोदंशो पा, आं फुल्लुम मुशा बरकशो लोत्र नु आं निसाफ पतीक लोत्र मपावा। मालेक देवता कली मिल्लोम यो दंशो बाक्त। ३४ मो हना यो गो मेको आ राज्य नेल्ल मरोडकुड। गो मेको कली मबेकम सम्म सासन पाइब सल्लुड। मेको आं योत्रशो गेय पाइब नु आं शंशो नु आं फुल्लुम मुशा बरकशो लोत्र टीब दाऊद आ पर्वम मोदंशो पाइनुड। २ सामुएल ७ : १२ ३५ तन्न गो मेको आ राज्य आ तो रे १० थर रोडइशा इ कली गेनन। ३६ थर का चहिं गो मेको आ तो कली गेनुड। मोपा आं योत्रशा बाकशो सहर यरूसलेमम आं गेय पाइब दाऊद आ मुर का लीमल। १ राजा १५ : ४ ; २ राजा ८ : १९ ३७ गो इ कली सासन पपाइकुड। गे इ दाकशो नेल्ल आन कली सासन पाइनवे। गे इसराएल डा पिप

दुम्नवे। ३८ मिनु गे आं गेय पाइब दाऊद सोदंशो पा आं शंशो नेल्ल पाप्तीवी नु आं लांम गाक्ते हना, आं डांडती मार ठीक बाक्म, मेको नेल्ल पाप्तीवी हना, आं फुल्लुम मुशा बरकशो लोत्र नु आं शंशो नेल्ल आं गेय पाइब दाऊदम सोदंशो पा टिप्तीवी हना, गो गे नु बाक्नुड। गो इ खिं कली गेना हना यो लीपाइकुड। मिनु इसराएल इ कली गेनन। १ राजा ९ : ४ ३९ मिनु गो दाऊद आ चच युड आन कली सजाइ गेनुडमी। तन्न गेना हना यो कली ममाइ दे परमपरभुम दंशो बाक्व” देमाक्त। ४० मोपतीक सोलोमनमी यरोबाम कली साइक्चा मला बाक्त। तन्न यरोबाम इजीप्त डा पिप शीशक आ बाक्तीक परोकशा लमाक्त। मिनु सोलोमन मबेकम सम्म मेकर बाक्माक्त। १ राजा १४ : २५

### सोलोमन बरकशो

४१ मिनु सोलोमनम पशो अरु गेय, आ जोक्तीक तुडक्तीक, मार, मेको सोलोमन आ इतिहासम बरकशो मबाक्वा डा ? रइतिहास ९ : २९-३१ ४२ सोलोमनमी यरूसलेमम बाकशा, इसराएली नेल्ल आन कली ४० बर्स सम्म सासन पवा बाक्त। ४३ मिनु नोले मेको बरकमाक्त। मिनु आ आफ दाऊद आ सहरमी थिम्चा पुंडस बाक्त। मिनु मेको आ पा डा आ तो र्होबाम पिप दुम्माक्त।

रहोबामम इसराएल कली मरिम्शो पशो

रइतिहास १० :-

१२ १ रहोबाम शेकम सहर लमाक्त। मारदे हना इसराएली नेल्ल मेको कली पिप सल्लुम कली मेकर लशो बाक्मा बाक्त। २ मिनु नंबात् आ तो यरोबामम मेको लोत्र नना बाक्त। मेको मना सम्म इजीप्त रागीमी बाकशो बाक्माक्त। मेको सोलोमन पिप क्यडा परोकशा, लशो बाक्माक्त। मिनु यरोबाम इजीप्त रे लेम्माक्त। १ राजा ११ : ४० ३ मोपतीके मुरपुकीम यरोबाम कली बरत्थ सोडक्तेम बाक्त। मिनु मेको नु इसराएली नेल्ल जाकशा रहोबाम कली ४ “इन आफोमी आंइ कली शुश श्यत गोप्नु। मिनु मुल गे इन आफ सोदंशो मपथु, आंइ कली मोदंशो श्यत रे परोनीन। मिनु गो इन गेय पाइब दुम्नीकी” देमा बाक्त। ५ मिनु रहोबामम मेको आन कली “आं कली नाक्त सां सम्म मिम्चा गेयीनी। मिनु लंशा जाक्कीन” देमाक्त। मोपतीके मुरपुकी खिं लमा बाक्त।

६मिनु पिप रहेबाममी आ आफ सोलोमन आ पाला डा सल्ला गेब खाल्पापुकी नु सल्ला पुंइशा “एको मुर आन कली गो मार देंड, गे मार सल्ला गेनीनी?” दे हिल्लो पामी बाक्त। ७मिनु मेकोपुकीमी “मुलाक्त गे मेको मुर आन कली रिम्शा पाइतीनी हना, गे मेको आन गेय पाइब खादेशो दुमीन। मिनु मेको आन कली रिम्शा लोत्र पन। मिनु नाले मेकोपुकी गेना हना यो इन गेय पाइब दुम्नीम” देमा बाक्त। ८तन्न मेकोमी मेको खाल्पा आन सल्ला मबिस्स बाक्त। मिनु मेकोमी आ खादेशो आ नु कोल्शो सल्ला गेब ठिटा आन कली सल्ला पुना बाक्त। ९मिनु मेकोमी मेको आन कली “गे मार देनीनी? मुरपुकीमी ‘इन आफोम शुश श्येत गेपु’ देतेक्म। मुल गो मेको आन कली मार देचा माल्लुडा?” दे हिल्लो पामी बाक्त। १०मिनु मेको नु कोल्शो ठिटापुकीमी मेको कली “इन कली ‘इन आफोम शुश श्येत गेपु, मुल गे आंड कली मेको श्येत रे पुरोनीन’ देब आन कली गे मार देचा माल्लीनी देशा हना ‘आं आइक्च बरेप्वो आं आफ आ करातो क्येडा यो टेयब बाक्ब। ११आं आफोम इन कली श्येत गेपु। मुल गो इन कली मेको क्येडा यो शुश श्येत गनुड। आं आफोम इन कली कोक्केम तुप्पाइशशा बाक्त। तन्न मुल गो इन कली बिच्छीम कराइक्पाइक्नन्नी’ दे मतीन” देमा बाक्त।

१२मिनु पिपमी नाक्त सां नाले जाक्कीन, दे सोइशशा यरोबाम नु मुर नेल्ले पिप रहेबाम आ बाक्तीक जाक्मा बाक्त। १३मिनु पिपमी मेको खाल्पा आन गेशो सल्ला मनंथु, मेको आन कली मरिम्शा लोत्र पाइक्मी बाक्त। हितोपदेस १५ : १५ मेको ठिटा आन गेशो सल्ला बिश्शा, मुर आन कली “आं आफोम इन कली श्येत गेपु। मुल गो इन कली मेको क्येडा यो शुश श्येत गनुड। आं आफोमी इन कली कोक्केम तुप्पाइशशा बाक्त। तन्न मुल गो इन कली बिच्छीम कराइक्पाइक्नन्नी” दे माइक्मी बाक्त। १५मोपा पिपमी मेको मुर आन लोत्र मनेना बाक्त। मारदे हना, शिलो सहर डा अहीयाह रे पा नेबात आ तो यरोबाम कली देशो लोत्र गाप्वा कली परमपरभु यावेमी मोदेशो पशो बाक्माक्त। १राजा ११ : २९-३१

येरोबाम कली पिप सेल्लवशो

१६मिनु इसराएली नेल्लेमी पिपमी मेको आन लोत्र मनंशा तुइशशा, मेकोपुकीमी पिप कली

“दाऊद नु आंड के ततीक मार बाक्बा डा? येस्से आ तो नु आंड के ततीक मारइ मबाक्ब। इसराएली, आंम आंम सिं लेतीन। दाऊद गे आंम थुती थाती पांडसां” देमा बाक्त। मोपतीक इसराएली आन आन सिं लेम्मा बाक्त। २सामुएल २० : १ १७तन्न पिप रहेबामम यहूदा डा सहरम बाक्ब इसराएली आन कली सासन पना पन बाक्माक्त। १६मिनु पिप रहेबामम वाइल आन गेय कोत्रब अदोराम कली सोइक्ता बाक्त। तन्न इसराएली नेल्लेम मेको कली फुल्लु आप्शा सदम बाक्त। मोपतीक पिप रहेबाम रीब पा आ बग्गी कोइशशा यरूसलेम पुरोक्माक्त। १७मोपतीक मेको नाक्त रे मुल सम्म इसराएलीपुकी दाऊद आ सिं डा मुर नु जोरी सतरु दुम्शा बाक्नीम।

येरोबाम इसराएल डा पिप दुम्शो

२इतिहास ११ : १-४

२०मिनु इसराएली नेल्लेमी “येरोबाम लेशशा जाक्शा बाक्ब” देशो लोत्र नेशा, मेको कली बरथ सोइक्तेम बाक्त। मिनु मेको कली इसराएल डा पिप सेल्ले बाक्त। यहूदा आ थर डा मुर ला दाऊद आ सिं डा मुर आ नाले सोदमे बाक्त।

२१मिनु सोलोमन आ तो रहेबाम यरूसलेमम जाक्शा, इसराएली नु लडाइ पा आ राज्य लेल्वा कली यहूदा नु बेन्यामीन आस थर डा लाख का ६० हजार लडाइ पाइब आन कली खुप्तीमी बाक्त। २२तन्न परमपरभुमी आ मुर शमायाह कली लोत्र पवा बाक्त। २३मार लोत्र पवा बाक्त देशा हना “सोलोमन आ तो यहूदा डा पिप रहेबाम, यहूदा नु बेन्यामीन आस थर डा मुर नेल्ले नु लीशो मुर आन कली, २४परमपरभु यावेमी गेपुकी आंम लोक्ब इसराएली नु लडाइ पचा कली इर मलन। गे नेल्ले इन सिं सिं लेशशा लने। मारदे हना एको आं मिम्शा पशो बाक्ब’ देनो” देमाक्त। मोपतीक मेकोपुकी परमपरभु यावे आ देशो खादेशो पा लडाइ पथ मलथु, आन सिं सिं लेशशा लमा बाक्त।

येरोबाम आ पाप

२५मेको नाले येरोबाममी एफराइम डा पहाडम बाक्शा शेकेम सहर सेला बाक्त। मिनु आ रागी बोल्यो सेल्ला, मंकर बाक्माक्त। मंकर रे लशा मेकोम पनुएल सहर सेला बाक्त। २६मिनु येरोबामम आ थुमी “एको राज्य दाऊद आ सिं

गेन लेशशा लाइब। २७ एको मुरपुकी गेना हना यो परमपरभु यावे आ सिं यरूसलेमम चढेथ लास्तेकम हना, मेको आन थुं आन ठेयब मुर यहूदा आ सिं डा पिप रहेबाम ग लेख। मेकोपुकीम आं कली साइशशा यहूदा डा पिप रहेबाम गे लेत्नीम” दे मिम्शा बाक्माक्त। २८ मिनु पिपम सल्ला पा सुन क बाछा निक्शी सल्पदा बाक्त। मिनु मेकोम मुर आन कली “गे मुल यरूसलेम लशा शुश श्यत जाइनीनी। इस्राएली, इन कली, इजीप्त रं गरुइशा चाक्ब देवता एकेन बाक्नीम” दे माइक्मी बाक्त। परस्थान ३२ :४,८ २९ मिनु मेकोमी मेको बाछा का बथल सहरम नु का चहिं दानम वोदा बाक्त। न्यायाधीस १८ :३० ३० मिनु मेको मो पशो इस्राएलमी पाप दुम्माक्त। मुरपुकी मेको देवता आस कली पूजा पचा कली बथल नु दान सम्म लाइबाक्मा बाक्त। १ राजा १४ :१६ ३१ मिनु यरोबामम डांडा तार यो पूजा पतीक थानपुकी सेला बाक्त। मिनु मेकेर लेवी आन मुर मबाक्तेकम हना यो अर्का थर डा मुर रं चढेबपुकी योत्रशा वोइक्मी बाक्त। ३२ मिनु यरोबामम ८ महिना डा १५ नाक्त यहूदा डा चाड खोदंशो पा चाड का मानतीक नाक्त सेला बाक्त। मिनु थानपुकीम क्योरशा चढेपपाइक्मी बाक्त। मेकोमी आ सल्ला बाछा आस कली यो मार मार क्योरशा चढेपपाइक्मी बाक्त। मेकोमी बथलम आ सल्ला डांडा डा थानपुकीमी यो चढेब आन कली योत्रशा वोइक्मी बाक्त। ३३ मेकोम ८ महिना डा १५ नाक्त आ दंशो ना बथल डा आ सल्ला चढेतीकम मार मार चढेवा बाक्त। मोपा मेकोम इस्राएली आन कली चाड का मानतीक नाक्त सला बाक्त। मिनु मेकोमी धूप चोवा बाक्त।

यहूदा रं जाक्शो परमपरभु आ मुर

**१३** १ मिनु यरोबाम धूप चोचा कली चढेतीक आ नक्था राम्मेनु, परमपरभु आ मुर का परमपरभु यावे आ लोत्र कुरशा यहूदा रं बथलम जाक्माक्त। २ मिनु मेकोमी मेको चढेतीक आ पर्वम परमपरभु यावे आ लोत्र पा “ए चढेतीके! ए चढेतीके! परमपरभु यावेमी दाऊद आ सिं रं योसीयाह नं पाइशशा आल का जरमेब। मिनु मेकोमी इर थान डा धूप चोइब चढेब आन कली क्योरशा इ तार चढेब। मेको आन रुश इ तार चोइब” दंशो बाक्ब” देमाक्त। २ राजा २३ :१६,२० ३ मेको नाक्त मेको मुरुमी चिन्ड का काइदा बाक्त। मेकोमी “परमपरभु यावे आ लोत्र

आ चिन्ड मार बाक्ब दंशो हना, मेको चढेतीक बरंख। मिनु मेकेर बाक्शो पुतु चहिं लाङ्गाम बराइब” देमाक्त। ४ मिनु यरोबामम परमपरभु आ मुरुम बथल डा चढेतीक आ पर्वम ठेयब संदा पा दंशो लोत्र नना बाक्त। मिनु मेकोम चढेतीक रं आ गुइ दिशा “भरं कली ग्याइक्तीन” देमाक्त। तन्न यरोबाम आ गुइ मुक्न मचबा बाक्त। ५ परमपरभु यावे आ लोत्रमी आ मुर रं दंशो लोत्र गाप्शा, चढेतीक बरंम्माक्त। पुतु यो लाङ्गाम बरंम्माक्त। ६ मिनु पिपमी परमपरभु आ मुर कली “आं गुइ डांइती डा खोदंशो दुम्ल, दे परमपरभु यावे, इन परमपरभु कली आं पर्वम पुनीन” देमाक्त। मिनु पिप आ दंशो खोदंशो पा मेको परमपरभु आ मुरुम परमपरभु यावे कली पुना बाक्त। मिनु पिप आ गुइ डांइती डा खोदंशो दुम्माक्त। परस्थान ८ :४ ७ मिनु पिपम परमपरभु आ मुर कली “गो नु आं सिं गाक्कीन। मिनु मारइ जचा थोत्रक जने। मिनु गो इन कली कोसली गेनन्नी” देमाक्त। ८ तन्न मेको परमपरभु आ मुरुमी पिप कली “गे आं कली इन राज्य उइक्थ पा योक्शा गतीनी हना यो, गो इन सिं मलाइनुड। गो जचा थोत्रक यो मजाइनुड, ब्वाक्कु यो मत्तनुड। ९ मारदे हना परमपरभु यावेमी आं कली गे मेकेर जचा थोत्रक मजावी। ब्वाक्कु यो मत्तडो। मिनु इ लशो लां रं लेशशा मपिवो” दंशो बाक्ब” देमाक्त। १० मोपतीक मेको अर्का लां रं पा लेम्माक्त। डांइती बथल जाक्शो लां रं मलेम्माक्त।

११ मेना बथलमी सूशो परमपरभु यावे आ लोत्र पाइब मुर का बाक्माक्त। मिनु मेको आ तीपुकी जाक्शा, मेको नाक्त परमपरभु आ मुरुम बथलम पशो गय नेल्ल शंदम बाक्त। मेकोपुकीम मेकोमी पिप कली दंशो लोत्र यो आन आफ कली शंदम बाक्त। १२ मिनु मेको आन आफोमी मेको आन कली “मेको तेको लां रं लम?” दे हिल्लो पामी बाक्त। मिनु आ तीपुकीम यहूदा रं जाक्शो मेको परमपरभु आ मुर लशो लां काइदम बाक्त। १३ मिनु मेकोमी आ ती आन कली “आं कली गधा काम लगम पाइशशा गयीनी” दे माइक्मी बाक्त। मिनु मेकोपुकीम मेको कली गधा काम लगम पाइशशा गेम बाक्त। मिनु मेको गधाम डांइशशा, मेको मुर आ नोले खोदा बाक्त। १४ मिनु मेकोमी परमपरभु आ मुर माल्शा, मेको कली रवा आ पुंमी नाइशशा बाक्शो थिदा बाक्त। मिनु मेकोमी मेको कली “यहूदा रं जाक्शो परमपरभु आ मुर गेन ननी?”

दे हिल्लो पवा बाक्त। मिनु मेकोम “आं, गोन नड” दंमाक्त। ११ मिनु मेकोमी मेको कली “गो नु आं सिं लशा, मारइ जचा थोत्रक जंन” दंमाक्त। १६तन्न मेकोमी “गो गे नु लेशशा लन मचानुड। इन सिंम ओत्रन मचानुड। गो एको रागीम मारइ जंन तून मचानुड। १७ मारदे हना परमपरभु यावेमी गे मेको रागीम जचा थोत्रक मजावो। व्याक्कु यो मतुडो। इ लशा लां रे मलतो” देशो बाक्ब” दंमाक्त। १८ मिनु मेको परमपरभु यावे आ लोत्र पाइब सूशोमी मेको कली “गो यो इन खोदेशो परमपरभु यावे आ लोत्र पाइब नड। मिनु परमपरभु यावे आ स्वर्ग डा गय पाइब काम गो नु जचा तूचा कली इन कली आं सिंम चाक्चा माल्लेवे दंत” दंमाक्त। तन्न मेकोमी मेको कली जोल पाइश्शो बाक्माक्त। १९ नोले मेको परमपरभु आ मुर लेशशा, मेको नु लमाक्त। मिनु मेको आ सिंम जवा तूडा बाक्त।

२० मिनु मेकोपुकी जना जंन बाक्मानु, परमपरभु यावेमी मेको लेशशा चाक्ब, आ लोत्र पाइब सूशा कली लोत्र पपदा बाक्त। २१ मिनु मेकोमी यहूदा रे जाक्शो, परमपरभु आ मुर कली टेयब सदा पा “परमपरभु यावेमी गे परमपरभु यावे आ लोत्र मटिवी। मिनु गे परमपरभु यावे, इ परमपरभु आ अरशो मटिवी। २२ मेको आ मजावो, मतुडो देशो रागीम लेशशा, जथ तूथ जाक्त। मोपतीक मुल इ बेक्शो रां इ किकी पिपी आन तुरसुम मथिम्सीव’ देशो बाक्ब” दंमाक्त। २३ मिनु मेको परमपरभु आ मरुम जंन तून थुमा नोले, मेको कली लेशशा चाक्ब परमपरभु यावे आ लोत्र पाइब सूशोमी मेको कली आ लगम पाइश्शो गधा गेवा बाक्त। २४ मिनु मेको लना लन बाक्मेनु लाम गुप्स का गुरूशा मेको कली सदा बाक्त। मिनु मेको आ बेक्शो रां लाम गोल्शा लीमाक्त। गधा मेको आ नेक्थान राप्शा बाक्शो बाक्माक्त। मिनु गुप्स यो मेको आ नेक्था राप्शा बाक्शो बाक्माक्त। १९ राजा २०:३६ २५ मिनु मेको लां रे पा गाक्ब मुरपुकीम मेको आ बेक्शो रां लाम गोल्शा बाक्शो नु गुप्स मेको आ नेक्थान बाक्शो तामे बाक्त। मिनु मेकोपुकीम मेको सूशो परमपरभु यावे आ लोत्र पाइब आ सहर लशा, मेको लोत्र शोत्रडम बाक्त।

२६ मिनु मेको कली लां रे लेशशा चाक्ब मेको सूशो परमपरभु यावे आ लोत्र पाइबमी मेको लोत्र नना बाक्त। मिनु मेकोम “मेको परमपरभु आ मुर बाक्ब। मेकोम परमपरभु यावे आ लोत्र मटिशो बाक्त। मोपतीक परमपरभु यावेम मेको कली

गुप्स कली गेवा बाक्त। मिनु परमपरभु यावेम मेको आ पर्वम पशो लोत्र गाप्चा कली गुप्सम मेको कली सदा बाक्त” दंमाक्त २७ मिनु मेको परमपरभु यावे आ लोत्र पाइब सूशोमी आ तौ आन कली “आं कली गधा काम लगम पाइश्शा गयीनी” दे माइक्मी बाक्त। मिनु गधाम लगम पाइश्शा गेम बाक्त। २८ मिनु मेको लमेनु, मेको मुर बेक्शा लाम गोल्शा बाक्शो नु गधा नु गुप्स मेको आ नेक्था राप्शा बाक्शो थिदा बाक्त। मेको गुप्सम मेको बेक्शो मुर कली मब्बशो बाक्माक्त। गधा कली यो मसाइश्शो बाक्माक्त। २९ मिनु मेको परमपरभु यावे आ लोत्र पाइब सूशोमी मेको परमपरभु आ मुर आ बेक्शो रां गुप्शा गधाम वोदा बाक्त। मिनु मेको आ पर्वम रांका पा थिम्चा कली आ सहरमी चाक्गा बाक्त। ३० मिनु मेकोम मेको बेक्शो मुर कली आ तुरसुमीन थिमा बाक्त। मिनु मेकोपुकीम “ए आंइ लोक्ब, ए आंइ लोक्ब” दे रांका पाम बाक्त। येरमीया २२:१८ ३१ मिनु मेको कली थिम्ने थुम्शा, मेको परमपरभु यावे आ लोत्र पाइब सूशोमी आ तौ आन कली “गो बेक्डा नोले आं कली यो मेकेर वोतीन। आं रुश मेको परमपरभु आ मुर आ नेक्था लीमल। ३२ मारदे हना मेको मुर आ देशो, बथेलम बाक्शो परमपरभु यावे कली चद्वतीक नु सामरीया सहर डा डांडा डा थान आन पर्वम देशो नेल्ल थमा पा गाप्च” दंमाक्त।

३३ मिनु मेको नोले यो येरोबामम आ मरिम्शो पतीक मपरोना बाक्त। मेकोम डांडाम बाक्शो थानम थर नेल्ल डा मुर रे चद्वेब योत्रशा वोइक्ना वोइक्न बाक्माक्त। सुइ मुर चद्वेब दुम्चा दाक्ताक्ब हना, मेको कली तेकोइ डांडा का डा चद्वेब सेल्शा वोदा बाक्त। १९ राजा १२:३१; पूरस्थान २८:४१ ३४ मेको येरोबाम आ सिं डा पाप बाक्त। मोपतीके मेको आ सिं मलीथु, रागी रे कयाम्चा पुंडसे बाक्त।

येरोबाम आ तौ बेक्शो

१४ १ मिनु येरोबाम आ तौ अबीयाह रोइ पवा बाक्त। २ मिनु येरोबाममी आ मीश कली “गे येरोबाम आ मीश नवे, दे मरुम मतुइक्पाइक्चा डा पा वा फेक्सो। मिनु शिलो सहरम लावो। मेकेर परमपरभु यावे आ लोत्र पाइब अहीयाह बाक्ब। मेकोम आं कली एको मुर आन पिप दुम्नेवे देशो बाक्त। १९ राजा ११:२९-३१ ३ मिनु गे १० ओटा शोब्ले, आइक्च बहुक नु गर का सुदो लाइश्शा, मेको आ बाक्तीक लावो। मिनु

मेकोमी आल कली मार दुम्बा, मेको इ कली शंब” दे मदा बाक्त ।

४ मोपतीके यरोबाम आ मीशम मेकोम देशो सोदंशो पवा बाक्त । मिनु मेको रीब पा शिलो अहीयाह आ सिं लमाक्त । मना अहीयाह मिक्च मताइब दुम्शो बाक्माक्त । मारदे हना मेको सुशो दुम्शो बाक्माक्त । ५ तन्न परमपरभु यावेमी अहीयाह कली “थरोबाम आ मीश आ रोइ पशो तो आ पर्वम इ कली हिल्लो पथ जाक्व । मिनु गे मेको कली आं दंशो लोत्र मतो” दंमाक्त । मिनु मेको अर्का मीश मुर दुम्बु पा जाक्माक्त । ६ मिनु अहीयाहमी आ लाप्चोम सोइल थक्शो नंशा, मेको कली “ए यरोबाम आ मीश सिंङगा पिवो । गे मारदे अर्का मीश मुर सोदंशो दुम्बु पवी ? गो इ कली मरिम्शो लोत्र दंचा माल्नुड । ७ गे यरोबाम कली परमपरभु यावे, इसराएली आन परमपरभुमी गो इ कली मुर आन दाते डा ठेयब मुर सेल्ता । मिनु आं मुर इसराएली, आन कली सासन पाइब सेल्तन । १ राजा ११ : ३७ ८ गो दाऊद आ सिं डा मुर रे राज्य खरोइश्शा, इ कली गतन । तन्न गे आं गेय पाइब दाऊद सोदंशो मदुम । मेकोमी आं डांडती मार ठीक बाक्म, मेको पना पन आं दंशो टिप्नु । मिनु आ थुं नेल्लेम आं नोले खोइक्ती । ९ तन्न गे इ क्येडा डांडती डा मुर नेल्ल आन क्येडा यो शुश मरिम्शो पाप्तीवी । गे इ कली यपाइश्शा देवी देवता आन मूर्ति सल्शा, आं कली गाइक्पाइक्ती । मिनु गे नोले शांडसाक्व । १० मोपतीके गो यरोबाम आ सिंम श्यत चाक्शा, मरिम्शो पाइनुड । गो इसराएलम बाक्शो यरोबाम आ सिं डा वांडश मुर, वाइल बाक्तेक्म हना यो, अरु मुर बाक्तेक्म हना यो, नेल्ल आन कली साइक्नुडमी । गो मेको आन कली मनुम्मा सम्म यरोबाम आ सिं कली गोबर चोशा सोदंशो पा चोइनुड । १ राजा १५ : २९ ; १ राजा २१ : २१ ११ सह्रम बेक्शो यरोबाम आ सिं डा मुर आन कली कुचुमम व्याइनीम । मिनु रू मर बेक्शो आन कली चिक्वीम व्याइनीम” दे परमपरभु यावेमी देशो बाक्व । १ राजा १६ : ४ ; १ राजा २१ : २४ १२ मुल गे लेश्शा इ सिं लावो । गे सह्रम ओत्रुङ् चोटी इ आल बेक्व । १३ मिनु इसराएली नेल्लेमी मेको आ पर्वम रांका पा, मेको कली थिम्नीम । मारदे हना मेको का ला रिम्शो पा थिम्चा पुंडसीब बाक्त । परमपरभु यावे, इसराएली आन परमपरभुमी मेको आल कली दाक्ताक्व । १४ मिनु परमपरभु यावेमी इसराएलमी पिप का सेल्ब । मेकोमी

यरोबाम आ सिं कली क्याम्ब । मेको मुलाक्तीन बाक्व । १ राजा १५ : २९

१५ परमपरभु यावेम इसराएल कली व्याक्कुम एर ओथ पा हिम्शो बुदी मौतु घांस सोदंशो सेल्ब । मेकोमी इसराएली आन किकी पिपी आन कली गेशा, एको रिम्शो रागी रे खरब । मिनु मेको आन कली युफरटीस खोला आ आइक्वी हांबुम एर ओथ बरपाइक्व । मारदे हना मेकोपुकीम देवी आ मूर्ति पाइश्शो थाम सेल्शा, परमपरभु यावे कली गाइक्पाइक्तेक्म । २ राजा १७ : २३ १६ मिनु मेकोमी यरोबामम मरिम्शो पतीक नु इसराएली आन कली मरिम्शो पपाइश्शो आ पर्वम इसराएल कली परांडब” दंमाक्त । १ राजा १२ : २६-३० ; १ राजा १३ : ३४

१७ मिनु यरोबाम आ मीश बोक्शा, आ सिं तिरचा सहर लेम्माक्त । मिनु मेको आ सिं डा लाप्चो जाक्मेनु, आल बेक्माक्त । १८ मिनु परमपरभु यावेम आ गेय पाइब, अहीयाह रे पा दंशो सोदंशो पा इसराएली नेल्लेमी मेको आ पर्वम रांका पा थिम्मे बाक्त ।

१९ यरोबाम आ पशो अरु गेय, मेको आ पशो लडाइपुकी, मेकोम दोदंशो पा सासन पवा, मेको नेल्ल इसराएल डा पिप आन इतिहासम बरक्शो बाक्व । २० यरोबाममी २२ बर्स सासन पवा बाक्त । मिनु मेको बेक्माक्त । मिनु मेको आ पा डा आ तौ नादाब पिप दुम्माक्त । १ राजा १५ : २५

यहूदा डा पिप रहेबाम

२ इतिहास १२ :-

२१ मिनु सोलोमन आ तौ रहेबाम यहूदा डा पिप दुम्माक्त । मेको ४१ बर्स दुम्शो बाक्माक्त । मेकोम यरूसलेम सहरम १७ बर्स सासन पवा बाक्त । परमपरभु यावेमी इसराएली आन थर नेल्ल आन दातेम बाक्चा कली मेको सहर योत्रशो बाक्माक्त । रहेबाम आ ममा आ नं नामा बाक्माक्त । मेको अम्मोनी का बाक्माक्त । १ राजा १२ : १७ २२ यहूदा डा मुरपुकीम परमपरभु यावे आ डांडती मार मरिम्शो बाक्म, मेको पाम बाक्त । मेकोपुकीमी आन किकी पिपीम मरिम्शो पशो क्येडा यो शुश मरिम्शो पाम बाक्त । परमपरभु यावे कली थाम्पा रुश पपदम बाक्त । २३ मेकोपुकीम इर डांडा डांडा डा थानम, देवी आ मूर्ति पाइश्शो थाम नु लाइश्शो डांडा डा शुश सफा पाइश्शो रवा आन आगाम थान सेल्समा बाक्त । २ राजा १६ : १-४ २४ मेको रागी डा थानम तेल्लेम वांडश मुरपुकी यो बाक्मा बाक्त ।

मंकोपुकीमी परमपरभु यावेमी आन डांडती र खेरशो रागी रागी डा मुर आन गुरांगरा दिशो नेल्ल पामे बाक्त ।

२५ मिनू र्होबामम सासन पवा आ ५ बर्सम इन्जीप्त डा पिप शीशकमी यरूसलेम कली लडाइ तोवा बाक्त । १राजा ११:४० २६मिनू मंकोमी परमपरभु यावे आ खिं नु पिप आ खिं डा शुश क्यट लाइब मारइ मारइ रोइइशा लदा बाक्त । मंकोम सालोमन आ सल्थो सुन के तेक्तीक नेल्ल सोल्दा बाक्त । १राजा १०:१६ २७मिनू पिप र्होबामम मंको आ पा डा कांसा के तेक्तीक सल्था, पिप आ खिं डा लाप्नो खाल पाइब आन टयब मुर आन कली जिम्मा गेमी बाक्त । २८मिनू पिप परमपरभु यावे आ खिंम ओत्रमेनु, मंको खाल पाइबपुकीम मंको तेक्तीक कुरबाक्मा बाक्त । मिनू नोले लेइशा चाक्शा खाल पाइब आन कोठाम वोइक्बाक्मा बाक्त ।

२९र्होबाम आ पशो अरु गेय, मंको आ पशो नेल्ले मार, मंको यहूदा डा पिप आन इतिहासम बरक्शो मबाक्वा डा ? ३०र्होबाम नु यरोबाम आस दातेम गेना हना यो लडाइ दुम्स डा दुम्स बाक्माक्त । ३१मिनू र्होबाम बेक्माक्त । मिनू मंको आ किकी पिपी नु दाऊद आ सहरम थिम्चा पुंडसे बाक्त । मंको आ ममा आ नें नामा बाक्माक्त । मंको अम्मोनी बाक्माक्त । मिनू र्होबाम आ पा डा आ तौ अबीयाम पिप दुम्माक्त ।

यहूदा डा पिप अबीयाम

१मिनू अबीयाम यहूदा डा पिप दुम्माक्त । १५ मना नबात आ तौ यरोबाम पिप दुम्शो १८ बर्स दुम्शो बाक्माक्त । २इतिहास १३ :- २मंकोमी यरूसलेमम बर्स सां सासन पवा बाक्त । मंको आ ममा आ नें माकाह बाक्माक्त । मंको अबीशालोम आ तमी बाक्माक्त । ३मंकोमी आ आफ सोदंशो पा मरिम्शो पवा बाक्त । मंको आ किकी दाऊद सोदंशो पा, आ थुं नेल्लेमी परमपरभु यावे, आ परमपरभु आ नोले मखोदा बाक्त । ४मो हना यो परमपरभु यावे, मंको आ परमपरभुमी दाऊद आ पर्वम अबीयाम आ पा डा पिप दुम्पाइक्वा कली तौ का गेवा बाक्त । मोपा यरूसलेम बोल्यो सेला बाक्त । १राजा ११:३६ ५मारदे हना दाऊदमी परमपरभु यावे आ डांडती ठीक पशो बाक्माक्त । मंको परमपरभु यावे आ देशे र एर ओथ मपवा बाक्त । मंकोमी हिती उरीयाह कली मरिम्शो पशो डा लाक्शा अरु मारइ मरिम्शो

मपवा बाक्त । २सामुएल ११ :- २सामुएल १२ :- ६रहोबाम नु यरोबाम आस दातेमी लडाइ दुम्स डा दुम्स बाक्माक्त । अबीयाम बरोइम सम्म मोदंशो दुम्माक्त । ७अबीयाम आ पशो अरु गेय, मंको आ पशो नेल्ले, मार, मंको यहूदा डा पिप आन इतिहासम बरक्शो मबाक्वा डा ? अबीयाम नु यरोबाम आस दातेम गेना हना यो लडाइ दुम्स डा दुम्स बाक्माक्त । ८मिनू अबीयाम बेक्माक्त । मिनू मंको दाऊद आ सहरमी थिम्चा पुंडसे बाक्त । मिनू मंको आ पा डा आ तौ आसा पिप दुम्माक्त ।

यहूदा डा पिप आसा

९आसा यहूदा डा पिप दुम्माक्त । मना इसराएल डा पिप यरोबाम पिप दुम्शो २० बर्स दुम्शो बाक्माक्त । १०मिनू आसामी यरूसलेममी ४१ बर्स सासन पवा बाक्त । मंको आ बगे अबीशालोम आ तमी माकाह बाक्माक्त । ११आसामी आ किकी दाऊद सोदंशो पा, परमपरभु यावे आ डांडती मार ठीक बाक्म, मंको पवा बाक्त । १२मंकोमी थानम बाक्व तेल्लेम वोइश मुर आन कली रागी र गरुंददीमी बाक्त । मिनू मंकोमी आ किकी पिपपुकीम सल्थो मूर्ति नेल्ल ताइक्तीमी बाक्त । २राजा २३:१७ ; २इतिहास १४:१-४ १३मिनू आ बगे माकाह कली राज्य डा ममा र गरुंददा बाक्त । मारदे हना मंकोमी अशराह देवी आ गुरांगरा दिशो थाम पाइइशो मूर्ति का सल्थीशो बाक्माक्त । आसामी मंको मूर्ति पाइइशो थाम क्योरशा खोल्था किद्रोन खोल्थाम चोपाइक्मी बाक्त । १४मंकोमी इर डांडा डा थान चहिं मपरत्तीक लीमा बाक्त । तन्न आसा बरोइम सम्म आ थुं नेल्लेमी परमपरभु यावे आ नोले खोदा बाक्त । १राजा २२:४४ १५मंकोमी आं नु आ आफोम चदंशो सुन, चांदी नु अरु मार मार परमपरभु यावे आ खिंम चाक्पाइक्मी बाक्त ।

१६मंको पिप आसा नु इसराएल डा पिप बाशा आस दातेम गेना हना यो लडाइ दुम्स डा दुम्स बाक्माक्त । २इतिहास १६:१-६ १७इसराएल डा पिप बाशामी यहूदा कली लडाइ तोवा बाक्त । मिनू सुइ आन कली यहूदा डा पिप आसा आ रागी लचा मगेथु, रामाह सहरम गारो परोवशा तेक्गा बाक्त । १८मोपतीक आसामी परमपरभु यावे आ खिं नु दरवार डा लीशो सुन नु चांदी नेल्ल लाइइशा, आ गेय पाइब आन कली गेमी बाक्त । पिप आसामी मंको नेल्ल आ गेय

पाइब आन कली गेशा, पिप ताबरीमोन आ तौ, अराम डा हेज्योन आ चच, पिप बेन-हादाद आ बाक्तीक सोइक्तीमी बाक्त। मेको दमस्कस सहरम बाक्शो बाक्माक्त। २राजा १२:१९ १९ मिनु पिप आसामी पिप बेन-हादाद कली “इस आफ गारशा खोंदंशो पा, गो यो गारस। गो एको सुन नु चोंदी कोसली सोइक्ताकड। मुल इसराएल डा पिप बाशा नु पशो कबल परानीन। मिनु मेकोमी आ रागी प्रोनल” दे सल्ला पचा कली मुर सोइक्ता बाक्त। २० मिनु बेन-हादादमी पिप आसा आ देशो बिस्स बाक्त। मिनु मेकोमी आ लडाइ पाइब आन ठेयब मुर आन कली इसराएल डा सहर नु लडाइ पथ सोइक्ता बाक्त। मिनु मेकोपुकीम इयोन, दान, आबल-बेथ-माकाह किन्नरोथ नल्ल नु नाप्ताली आ रागी नल्ल ग्रामा बाक्त। २राजा १५:२९ २१ मिनु बाशामी मेको लोत्र नंशा, रामाह सहर कली बोल्यो सल्ला प्रोना बाक्त। मिनु तिरचा लेशशा लमाक्त। २२ मिनु पिप आसामी यहूदा डा मुर नल्ल आन कली “बाशामी रामाह कली बोल्यो सल्ला कली तेल्लो शी फुल्लु चाक्कीन” दे अरमी बाक्त। मिनु पिप आसामी मेको शी फुल्लुमी बेन्यामीन डा गेबा नु मिस्या सहर सला बाक्त। २३ आसा आ पशो अरु गेय, मेको आ सक्ति, मेको आ पतीक, मेको आ सल्लो सहर, मार, मेको यहूदा डा पिप आन इतिहासम बरंक्शो मबाक्वा डा ? मिनु मेको सूशा दुम्मनु, आ खोइल रोइ पवा बाक्त। २ इतिहास १६:११-१४ २४ मिनु आसा बेक्माक्त। मिनु मेको आ किर्की पिपी नु दाऊद आ सहरम थिम्वा पुंइस बाक्त। मिनु मेको आ पा डा तौ यही-शाफात पिप दुम्माक्त। १राजा २२:४१

### इसराएल डा पिप नादाब

२५ यरोबाम आ तौ नादाब इसराएल डा पिप दुम्माक्त। मेना आसा यहूदा डा पिप दुम्शो बर्स निकशी दुम्शो बाक्माक्त। मिनु पिप नादाबमी इसराएलम बर्स निकशी सासन पवा बाक्त। २६ मेकोम परमपरभु यावे आ डोंइती मार मरिम्शो बाक्मे, मेको पवा बाक्त। मेको आ आफोम खोंदंशो पा पाप पा मेको आ लाम गाक्माक्त। मिनु आ आफोमी इसराएली आन कली पपाइशो पाप यो पवा बाक्त। १राजा १२:२८-३०

२७ मिनु इस्साकार आ सिं डा मुर अहीयाह आ तौ बाशाम मेको कली मरिम्शो पचा गोवा

बाक्त। मिनु बाशामी मेको कली गिब्बथोन सहरम तुप्शा सदा बाक्त। मेको गिब्बथोन सहर नादाब नु इसराएली नल्लतम पुम्शा वोइशो, पलिस्ती आन सहर बाक्माक्त। यहोसु १९:४४ २८ मिनु यहूदा डा पिप आसा पिप दुम्शो बर्स सां दुम्मनु, बाशामी नादाब कली सदा बाक्त। मिनु मेको आ पा डा पिप दुम्माक्त। २९ मिनु मेको पिप दुम चोटीन यरोबाम आ सिं डा मुर नल्ल आन कली साइक्मी बाक्त। मेकोम यरोबाम आ सिं डा सस बाक्शो नल्ल आन कली साइक्मी बाक्त। मोपा परमपरभु यावेमी आ गेय पाइब शिलो डा अहीयाह र पा देशो लोत्र नल्ल खवा बाक्त। १राजा १४:१०-११ ३० यरोबाम आ पशो पाप, मेकोमी इसराएली आन कली पपाइशो पापम पतीक नु मेकोमी परमपरभु यावे, इसराएली आन परमपरभु कली गाइक्पाइक्तीके मो दुम्शो बाक्माक्त। ३१ नादाबमी पशो अरु गेय, मेको आ पशो नल्ल, मार, मेको इसराएल डा पिप आन इतिहासम बरंक्शो मबाक्वा डा ? ३२ पिप आसा नु इसराएल डा पिप बाशा आस दातेमी गेना हना यो लडाइ दुम्स डा दुम्स बाक्माक्त।

### इसराएल डा पिप बाशा

३३ मिनु अहीयाह आ तौ बाशामी इसराएलम सासन पवा बाक्त। मेना आसा यहूदा डा पिप दुम्शो बर्स सां दुम्शो बाक्माक्त। मिनु बाशा तिरचा सहरम बाक्शा २४ बर्स इसराएल कली सासन पवा बाक्त। ३४ मिनु मेको यरोबाम आ लाम गाक्शा, मेकोमी इसराएली आन कली पपाइशो पाप पशा, परमपरभु यावे आ डोंइती मार मरिम्शो बाक्मे, मेको नल्ल पवा बाक्त।

१६ १ मेको नोले परमपरभु यावेम बाशा आ पर्वम हानानी आ तौ यहू कली लोत्र पवा बाक्त। २ मार लोत्र पवा बाक्त देशा हना “गो इ कली फुरक र पोक्शा आं मुर इसराएली आन ठेयब मुर सल्लतन। तन्न गं यरोबाम आ लाम गाक्शा, आं मुर इसराएली आन कली पाप पपाइक्तीवी। मिनु मेको आन पापम पतीके आं कली गाइक्पाइक्तीमी। १राजा १४:१७ ३ मोपतीके गो बाशा नु आ सिं कली सतम पोक्वा चिक्शो बाक्नुड। मिनु गो इ सिं कली नेबात आ तौ यरोबाम आ सिं सोदंशो सल्लुड। १राजा १५:२९ ४ बाशा, इ सिं डा सहरम बेक्शो मुर आन कली कुचुमम ब्वाइनीम। मिनु रूम बेक्शो मुर आन कली चिक्बपुकीम ब्वाइनीम” देमाक्त। १राजा १४:११

५ बाशा आ पशो नु अरु गेय, मेको आ सक्ति, मार, मेको इसराएल डा पिप आन इतिहासम बरेकशो मबाकबा डा ? ६मिनु बाशा बेकमाक्त। मिनु तिरचा सहरम आ किकी पिपी आ नकथा थिम्चा पुंडस बाक्त। मिनु मेको आ पा डा आ तौ एलाह पिप दुम्माक्त। ७ डांडती परमपरभु यावेमी हानानी आ तौ, आ लोत्र पाइब यहू कली बाशा नु आ खिं डा मुर आन पर्वम लोत्र पशो बाकमाक्त। मेकोमी परमपरभु यावे आ डांडती मरिम्शो पा गाइकपाइक्तीक, यरोबाम आ खिं डा मुर खोदेशो दुन्तीक नु यरोबाम नु आ खिं डा मुर आन कली खतम पोक्तीक हानानी आ तौ, आ लोत्र पाइब यहू कली मोदेशो लोत्र पशो बाकमाक्त।

### इसराएल डा पिप एलाह

८ बाशा आ तौ एलाह इसराएल डा पिप दुम्माक्त। मेना आसा यहूदा डा पिप दुम्शो २६ बर्स दुम्शो बाकमाक्त। मिनु एलाहम तिरचा सहरम बाकशा, बर्स निकशी इसराएल कली सासन पवा बाक्त। ९ मिनु मेको आ लडाइ पाइब बग्गी चलेब, आन भाग निकशीमी भाग का डा ठेयब मुर जिमरीमी मेको कली मरिम्शो पचा गोवा बाक्त। मेना पिप एलाह तिरचा सहरम आ खिं डा मारंड मारंड कोत्रब अरचा आ खिं तिरचा सहरम बाकशा, तूशा दुक्शो बाकमाक्त। १० मिनु जिमरी आगा ओत्रशा, मेको कली तुप्शा सदा बाक्त। मिनु मेको आ पा डा पिप दुम्माक्त। मेना आसा यहूदामी पिप दुम्शो २७ बर्स दुम्शो बाकमाक्त। २ राजा ९ :३१

११ मिनु जिमरी पिप दुम चोटीन बाशा आ खिं डा मुर नल्ल आन कली साइक्मी बाक्त। मेकोम बाशा आ खिं डा मुर, मेको आ वारचपुकी नु आ नाता गोत्रता वोइश मुर नल्ल आन कली का यो मप्रांडथु साइक्मी बाक्त। १२ परमपरभु यावेमी बाशा आ पर्वम आ लोत्र पाइब यहू र देशो खोदेशो पा, जिमरीमी बाशा आ मुर नल्ल आन कली साइक्मी बाक्त। १३ बाशा नु मेको आ तौ एलाहमी पशो पाप नु इसराएली आन कली पपाइशो पाप आ पतीक, आन शोर गाकशो मूर्ति सल्लतीक नु परमपरभु यावे, इसराएली आन परमपरभु कली गाइकपाइक्तीक मोदेशो दुम्शो बाकमाक्त। १४ एलाह आ पशो नु अरु गेय नल्ले, मार, इसराएल डा पिप आन इतिहासम बरेकशो मबाकबा डा ?

### इसराएल डा पिप जिमरी

१५ मिनु जिमरीम तिरचा सहरम ७ नाक्त सासन पवा बाक्त। मेना आसा यहूदा डा पिप दुम्शो २७ बर्स दुम्शो बाकमाक्त। लडाइ पाइबपुकी चहिं पतिस्ती आन सहर गिब्वथोन आ नकथा बाक्तीक सल्लशा बाक्शो बाकमा बाक्त। १ राजा १५ :२७ १६ मिनु बाक्तीक सल्लशा बाक्ब इसराएलीपुकीमी जिमरी आ पशो नु पिप कली साइशो लोत्र नंशा, मेको नाक्तीन मेकोपुकीमी आन बाक्तीक उइ लडाइ पाइब आन ठेयब मुर ओमरी कली इसराएल डा पिप सल्ले बाक्त। १७ मिनु ओमरी नु इसराएल डा लडाइ पाइब नल्लेम गिब्वथोन परोइशा तिरचा कली पुम्दम बाक्त। १८ मिनु जिमरीमी सहर गराशो तवा चोटी पिप आ खिं ओत्रशा मी सुइशशा, आंमा यो दुप्शा बेकमाक्त। २ सामुएल १७ :२३ १९ मेकोम परमपरभु यावे आ डांडती मार मरिम्शो बाक्म, मेको पशा, यरोबाम आ लाम गाकशो बाकमाक्त। मिनु यरोबाम आ पशो पाप नु इसराएली आन कली पपाइशो पाप पतीकम मेको मोदेशो दुम्शो बाकमाक्त। २० जिमरी आ पशो नु अरु गेय, एलाह कली मरिम्शो पशो, मार, मेको इसराएल डा पिप आन इतिहासम बरेकशो मबाकबा डा ?

### इसराएल डा पिप ओमरी

२१ मेको नोल इसराएल डा मुरपुकी हुल निकशी दुम्मा बाक्त। हुल काम गिनाथ आ तौ तिब्नी कली पिप सल्लवा कली वारच पदम बाक्त। मिनु हुल का चहिं ओमरी आ नोल खोदमे बाक्त। २२ तन्न ओमरी आ नोल खोइक्बपुकी गिनाथ आ तौ तिब्नी आ नोल खोइक्ब आन क्यडा बाल्यो बाकमा बाक्त। मोपतीक तिब्नी कली साइशशा, ओमरी पिप दुम्माक्त। २३ मोपा ओमरी इसराएल डा पिप दुम्माक्त। मेना आसा यहूदाम पिप दुम्शो ३१ बर्स दुम्शो बाकमाक्त। ओमरीमी नल्ल पा १२ बर्स सासन पवा बाक्त। मेकोम ६ बर्स तिरचा सहरम बाकशा, सासन पवा बाक्त।

२४ मेकोम टलेन्ट निकशी चांदीम शमर आ गुड रे सामरीया डा डांडा ग्याप्शा, मेकर गारो हिरशो सहर का सेला बाक्त। मिनु मेको सहर डा होत्रप शमर आ नें रे पा मेको आ नें सामरीया वोदा बाक्त। टलेन्ट का ३४ किलो बाक्ब।

२५ तन्न ओमरीमी परमपरभु यावे आ डांइती मार मरिम्शो बाक्म, मेको पवा बाक्त । मेकोम आ डांइती डा पिप नेल्ल आन क्येडा शुश मरिम्शो पवा बाक्त । मीका ६:१६ २६ मेको नेबात आ तौ येरोबाम आ पाप डा लाम गाक्माक्त । मेकोमी मेको पाप इसराएली आन कली पपाइशो बाक्माक्त । मिनु मेकोपुकीम मेको पाप पा आन गरांगरा दिशा मूर्ति आन पर्वम परमपरभु यावे, इसराएली आन परमपरभु कली गाइक्पाइशो बाक्मा बाक्त । २७ ओमरी आ पशो नु अरु गेय, मेको आ सक्ति कांइतीके नेल्ल, मार, मेको इसराएल डा पिप आन इतिहासम बरक्शो मबाक्वा डा ? २८ मिनु ओमरी बेक्माक्त । मिनु सामरीया सहरम थिम्चा पुंइस बाक्त । मिनु मेको आ पा डा आ तौ आहाब पिप दुम्माक्त ।

### आहाब इसराएल डा पिप दुम्शो

२९ ओमरी आ तौ आहाब इसराएल डा पिप दुम्माक्त । मेना आसा यहूदा डा पिप दुम्शो ३८ बर्स दुम्शो बाक्माक्त । ओमरी आ तौ आहाब सामरीया सहरम बाक्शा, इसराएल कली २२ बर्स सासन पवा बाक्त । ३० मिनु ओमरी आ तौ आहाबमी परमपरभु यावे आ डांइती पिप नेल्ल आन क्येडा मरिम्शो पवा बाक्त । ३१ नेबात आ तौ येरोबाम आ पाप डा लाम गाक्वा, मेको कली मारइ खोंदशो मदुम्माक्त । मेकोम सीदान डा पिप एथ-बाल आ तमी इज्जबल कली ग्युंब पवा बाक्त । मिनु बाल देवता कली पूजा पा ठेयब सेला बाक्त । ३२ मेकोम सामरीयाम बाल आ खिम बाल कली चढ्देतीक का सेला बाक्त । २ राजा ३:२ ; २ राजा १०:२७-२८ ; २ राजा ११:१८ ३३ आहाबम अशराह देवी आ मूर्ति पाइशो थाम का यो सेल्पदा बाक्त । मिनु मेकोम आ क्येडा डांइती डा इसराएल डा पिप आन क्येडा परमपरभु यावे, इसराएली आन परमपरभु कली शुश गाइक्पाइक्तीक गेय पवा बाक्त । ३४ आहाबम सासन पवा ना बेथेल डा हीएलमी यरीको सहर लेशा सेला बाक्त । मेको आ जग वोदमेनु, मेको आ डांइती जरेमेशो तौ अबीराम बेक्माक्त । मिनु मेको आ ठेयब लाप्चो वोदमेनु, मेको आ कान्छा तौ संगुब बेक्माक्त । मोपा परमपरभु यावेमी नून आ तौ यहासु रे पा देशो लोत्र खबा बाक्त । यहासु ६:२६

### खदपुकीम एलीया कली थुल्शो

१७

१ मिनु गिलाद डा तिश्बे सहर डा एलीयाम आहाब कली “परमपरभु यावे, इसराएली आन परमपरभु बरांइशा बाक्शो खोंदशो पा, गो मेको आ डांइती राप्शा गेय पाइनुड । इसराएलम रउ नु सीत मारइ मयीब” देमाक्त । १ राजा ८:३५ ; लूका ४:२५ ; याकूब ५:१७ ; परकाश ११:६ २ मिनु परमपरभु यावेमी एलीया कली लोत्र पवा बाक्त । ३ मार लोत्र पवा बाक्त देशा हना “एको रागी बरांइशा, पूर्व गे लावो । मिनु यर्दन आ पूर्व गे बाक्शो करीथ खोला लशा खरुइशशा बाक्को । ४ गो मेको खोला डा ब्वाक्कु तूडा । मिनु गो इ कली थुल्वा कली मेकर डा खद आन कली अरता” देमाक्त । ५ मिनु मेकोमी परमपरभु यावे आ देशो खोंदशो पवा बाक्त । मिनु मेको यर्दन आ पूर्वम बाक्शो करीथ खोला लशा, खरुइशशा बाक्माक्त । ६ मिनु खदपुकीम मेको कली नाक्दो सुनी शोप्ते नु श्य चाक्शा, गेम बाक्त । मिनु एलीया मेको खोला डा ब्वाक्कु तूशा बाक्माक्त । ७ इच्का नाक्त नोले रउ मयितिक मेको खोला डा ब्वाक्कु सोत्रमाक्त ।

### चारफाथ डा मीश मुर

८ मिनु परमपरभु यावेमी मेको कली लोत्र पवा बाक्त । ९ मार लोत्र पवा बाक्त देशा हना “मुल ग सीदान डा चारफाथ सहर लावो । गो मेकर इ कली थुल्वा कली आ वोंइश बक्शो मीश मुर का कली अरता” देमाक्त । लूका ४:२५-२६ १० मोपतीक मेको चारफाथ सहरम लमाक्त । मिनु मेको चारफाथ सहर डा ठेयब लाप्चोम जाक्दीम्मनु, आ वोंइश बक्शो मीश मुर का शी खुम्ना खुम्न बाक्शो तवा बाक्त । मिनु मेको कली बरशशा “आ कली शिशी पा लोटा का ब्वाक्कु तूचा गेयी । मिनु गो त्रनुड” देमाक्त । ११ मिनु मेको मीश मुर ब्वाक्कु ब्थ लन लना, लेशा बरशशा “आ कली शिशी पा टुकरा का शोप्ते यो पिशशा गेयी” देमाक्त । १२ तन्न मेकोमी “परमपरभु यावे, इन परमपरभु बरांइशा बाक्शो खोंदशो पा बोसुम मुठी का फस नु टुङ्गरोम इच्का खोइ तेल डा लाक्शा, आं खिम मारइ मबाक्व । गो इच्का खोइ शी सुप्शा, खि लशा, गो नु आ तौ आंस कली शोप्ते सेलनुड । मिनु गो मेको जशा, बेक्नस्कु” देमाक्त । १३ मिनु एलीयाम मेको कली “महिना, खि लशा इ देशो खोंदशो पावो । तन्न मेको क्येडा डांइती बटुक

का सेल्शा, एक आं बाक्तीक चाक्को। मिनु मेको नोले इस कली जचा थोत्रक सेलो। १४ मारद हना परमपरभु यावे, इसराएली आन परमपरभुमी गो रागीम रउ मयिपदु सम्म फस मनुष्व। मिनु ढुङ्गरो डा तेल यो मनुष्व देशो बाक्ब” देमाक्त। २ राजा ४ :२-४ १५ मिनु मेको मीश मुर लशा एलीयाम देशो खोदशो पवा बाक्त। मिनु मेको नल्ल आन कली शुश नाक्त सम्म जचा थोत्रक गाम्माक्त। १६ मारद हना एलीया रे पा परमपरभु यावेम देशो खोदशो पा बोस डा फस मनुष्माक्त। मिनु ढुङ्गरो डा तेल यो मनुष्माक्त।

१७ इक्का नाक्त नोले मेको मीश मुर, मेको खिं डा होत्रपोक्म आ तौ रोइ पवा बाक्त। मिनु मेको नाक्त कित कित मरिम्शो दुम्ना दुम्न लमाक्त। मिनु नोले बेक्माक्त। १८ मिनु मेको मीश मुरुम एलीया कली “परमपरभु आ मुर, गे नु गो इस दातेम मार मरिम्शो दुम्शो बाक्बा ? मार, गे आं पाप कोइशा, आं तौ कली साइक्थ जाक्नी ?” देमाक्त। १९ मिनु एलीयाम “इ तौ आं कली गेयी” देमाक्त। मिनु मेकोमी मेको आ तौ आ गुइ रे ताक्शा आ बाक्तीक तला तार लदा बाक्त। मिनु मेको कली आ बराख्यम वोदा बाक्त। २० मेको नोले मेकोमी ठेयब संदा पा परमपरभु यावे कली “परमपरभु यावे, आं परमपरभु, गो सुका आ खिंम बाक्डा, मेको आ तौ बेक्पा मेको वोइश बेक्शो मीश मुर कली मारद श्यत गनी” देमाक्त। २१ मिनु मेको सां ख्यप मेको बेक्शो आल तार गोल्माक्त। मिनु ठेयब संदा पा, परमपरभु यावे कली “परमपरभु यावे, आं परमपरभु, एको आल कली लेशा ब्रांडपतीन” देमाक्त। २ राजा ४ :३४ ; प्रेरित २० :१० २२ मिनु परमपरभु यावेमी एलीया आ पुंइशो लोत्र नेना बाक्त। मिनु मेको आल ब्रांडमाक्त। २३ मिनु एलीयाम मेको कली पोक्शा तला तार रे आगा यिदा बाक्त। मिनु मेको आ ममा कली गेशा “कोत्रडो, इ तौ ब्रांडत” दे मदा बाक्त। लूका ७ :१५ ; हिब्रू ११ :३५ २४ मिनु मेको मीश मुरुमी एलीया कली “गे परमपरभु आ मुर बाक्नीनी, दे मुल गो थमा पा तुइक्ताक्ड। मिनु इन देशो परमपरभु यावे आ लोत्र थमा बाक्त” देमाक्त।

एलीया नु ओबदिया गरुम्शो

१ मिनु परमपरभु यावेम रागी सोत्रशो शुश नाक्त नोले बसे सांमी एलीया कली लोत्र पवा बाक्त। मार लोत्र पवा बाक्त देशा हना

“गे लशा, आहाब कली गरुमो। मिनु गो रागीम रउ यिपाइक्नुड” देमाक्त। २ मीपतीक एलीया आहाब कली गरुम्थ लमाक्त। मेना सामरीया सहरम ठेयब अन्काल दुम्शो बाक्माक्त। ३ मिनु आहाबमी आ खिं कोत्रब ओबदिया कली बरथ साइक्ता बाक्त। मेको ओबदिया परमपरभु यावे कली शुश मान पा हिंशा, थमा सुइक्ब मुर का बाक्माक्त। ४ इजेबेलम परमपरभु यावे आ लोत्र पाइब आन कली साइक्ना साइक्न बाक्मनु, ओबदियामी मेको आन दाते डा सहे का जना आन कली लाइश्शा, मेको आन कली प्रांडिचा कली जचा तूचा थोत्रक गेशा ५०, ५० जना डा हुल पा पुक्सी निक्शीम खरुइश्शा वोइश्शो बाक्माक्त। ५ मिनु आहाबम ओबदिया कली “रागी डा ब्याक्कु बुक्तीके, खोल्सा मेर लावो। गो शारा नु खच्चर आन कली प्रांडिचा कली घांस थिल्लसा को ? मोपा इं वस्तु भाव आन कली साइक्का ममाल्लन्या को ?” देमाक्त। ६ मिनु मेको निक्शीमी कोत्रचा कली रागी योक्ससा बाक्त। मिनु आहाब का गे नु ओबदिया अर्का गे लसा बाक्त।

७ मिनु ओबदिया लांम गाक्ना गाक्न बाक्मनु, एलीयाम मेको कली गरुमा बाक्त। मिनु ओबदियामी मेको कली तुइश्शा खप सम्मन बाष्शा सेउ पा “आं परभु, गे थमा पा एलीयान ननी ?” देमाक्त। ८ मिनु एलीयाम “आं, गो नड। गे लशा इ होत्रप कली एलीया एक बाक्त मतो” देमाक्त। ९ मिनु ओबदियामी “गो मार मरिम्शो पडा डा ? गे इन गेय पाइब, आं कली साइक्पाइक्का कली आहाब आ गुइम गनीनी ? १० परमपरभु यावे, इन परमपरभु गना हना यो ब्रांडशा बाक्शो खोदशो पा, आं होत्रपम इन कली रागी रागी नु राज्य नेल्लेम माल्थ साइक्ताक्व। तेकोइ रागी नु राज्य मलीशो बाक्ब। मिनु मेकोपुकीमी एलीया एक मबाक्ब। गो थमा पा मेको कली थिन्ने मचाप्का” देमानु, मेको कसम जचा माल्तेक्म। ११ तन्न मुल गे आं कली लावो, इ होत्रप कली एलीया एक बाक्त, देनो देतीनी। १२ गो इन कली प्रोनु चोटी परमपरभु यावे आ सोक्तीम इन कली लाइक्ब। मिनु गो लशा आहाब कली मो देडानु, मेकोमी इन कली मयित्तु हना, आं कली साइक्ब। मो हना यो, गो, इन गेय पाइब, आं आल रेन परमपरभु यावे कली मान पा हिंशा, थमा सुइक्ब बाक्नुड। १३ आं परभु, इजेबेलम परमपरभु यावे आ लोत्र पाइब आन कली साइक्ना साइक्न

बाकमेनु, गो मार पडा, मेको गे मनंनी डा ? गो मेको आन दाते डा सहै का जना आन कली ५०, ५० जना पा पुक्खीम सरुइशशा वोइक्तामी। मिनु मेको आन कली जचा त्चा गतामी। १४ मिनु मुल गे आं कली लावो, इ होव्रप कली “एलीया एक बाक्त” देनो, देतीनी। मकोमी आं कली थमा पा साइक्व” देमाक्त। १५ मिनु एलीयामी “गो मेको आ डांइती बाकशो मुर नेल्ल आन परमपरभु यावे ब्रांइशा बाकशो खोदेशा पा, मुलाक्ती थमा पा आहाब कली गरुन्नुड” देमाक्त। १६ मिनु ओबदिया आहाब कली गरुन्नु लमाक्त। मिनु मेको कली मेको लोव्र शंदा बाक्त। मिनु आहाब एलीया कली गरुन्नु जावमाक्त।

### एलीया कारमेल डांडाम बाकशो

१७ मिनु आहाबमी एलीया कली तशा, मेको कली “इसराएल कली श्येत गेब गेन नवे ?” दे मदा बाक्त। यरमीया ३८ :४ १५ मिनु एलीयाम “इसराएल कली श्येत गेब गो मनड। तन्न गे नु इन आफ आ खिं डा मुर इसराएल कली श्येत गेब ननी। मारदे हना गे परमपरभु यावे आ शंतीक परांइशा, बाल देवता आ नोले खोइशशा बाक्तीनी। १ राजा १६ :३१-३३ १९ मोपतीक मुल कारमेल डांडाम इसराएल डा मुर नेल्ल आं कली गरुम्पाइक्का कली बरंतीन। मिनु इजंबलम थुल्शा वोइशशा बाल देवता आ नोले दुम्ब लोव्र पाइब ४ सहै ५० जना मुर नु अशराह देवी आ नोले दुम्ब लोव्र पाइब ४ सहै जना मुर नेल्ल आन कली यो बरंतीन” देमाक्त।

२० मोपतीक आहाबमी इसराएली नेल्ल आन कली लोव्र सोइक्तीमी बाक्त। मिनु बाल नु अशराह देवी आस नोले दुम्ब लोव्र पाइब नेल्ल आन कली कारमेल डांडाम पुक्की बाक्त। २१ मिनु एलीया मुर नेल्ल आन डांइती राष्शा “गे गेना सम्म थुं निक्की पा बाक्तीनी ? परमपरभु यावे, थमा परमपरभु बाक्व देनीनी हना, मेको आ नोले खोतीन। बालन परमपरभु बाक्व देनीनी हना, मेको आ नोले खोतीन” देमाक्त। तन्न मुरपुकीम लोव्र का यो मलेत्थु, सिक्की पा बाक्का बाक्त। यहासु २४ :१४ ; मती ६ :२४ २२ मिनु एलीयाम मेको आन कली “परमपरभु यावे आ लोव्र पाइब गो आं का ला लीती। तन्न बाल आ नोले दुम्ब लोव्र पाइब ४ सहै ५० जना बाक्कीम। २३ मुल आंइ कली ब्यफ निक्की चाक्का गेने। मिनु मेकोपुकीम का योव्रसीशा मेको कली क्योरशा

चेक्का, शी तार वोइशशा, मी मसुइक्थु वोइक्का माल्नीम। गो यो मेको अर्का कली क्योरशा मो पान शी तार वोइशशा मी मसुइक्थु वोइक्नुड। २४ मिनु गे इन देवता आ नें थिशा, मेको कली पुनीन। गो परमपरभु यावे आ नें थिशा, मेको कली पुंइनुड। मिनु पुंइशा नंशा, मी साइक्व, परमपरभु बाक्व” देमाक्त। मिनु मुर नेल्लमी “दुम्ब इन देशा लोव्र ठीक बाक्व” देमा बाक्त। उत्पत्ती १५ :१७ २५ मिनु एलीयाम बाल आ लोव्र पाइब नेल्ल आन कली “गे डांइती ब्यफ का योव्रशा, मेको कली क्योररीन। मारदे हना गे शुश बाक्तीनी। मिनु इन देवता आ नें थिशा पुनीन। तन्न मी मसुइक्तीन” दे माइक्की बाक्त। २६ मोपतीक मेको आन योव्रसी ब्यफ लांडसीशा, क्योरशा चदेशा, बाल आ नें थिशा सुनी रे नाक्त सम्म “ए बाल ! आंइ कली लोव्र लेक्तीकी” दे गरीमा बाक्त। तन्न मेकर मारइ मदुम्माक्त। मारइ संदा यो मनंसे बाक्त। मिनु मेकोपुकी मेको आन सेल्थो चदेतीक आ एर आंथ परक्का परक्कन सिल पाम बाक्त। २७ मिनु नाक्त उइक्थ दुम्मेनु, एलीयाम मेको आन कली “मुल यो ठेयब संदा पा गरीडीन। मेको थमा पा देवता बाक्व। मेको मिम्ना मिम्न बाक्म माइ, ना हिरथ गाक्म को ? ना डोन लम को ? ना इष्शा बाक्म को ? मेको कली पोक्का माल्ब” दे शुक्शी पा लोव्र पवा बाक्त। २८ मोपतीक मेको चिनु ठेयब संदा पा गरीमा बाक्त। मिनु मेकोपुकीम आन रिती थिती पा आंम आन रां तरवार नु भालाम चरसीशा, हुश चुंडिसमा बाक्त। २९ मोपा नाक्त रे नाक्को चदेची ना सम्म गरीना गरीन बाक्का बाक्त। तन्न मेकर मारइ मदुम्माक्त। मारइ संदा यो मनंसे बाक्त। मी यो मथिमाक्त।

३० मिनु एलीयाम मुर नेल्ल आन कली “आं नेक्था जाक्कीन” देमाक्त। मिनु मेको नेल्ल मेको आ नेक्था जावमा बाक्त। मिनु मेकोम डांइती बरशशा परमपरभु यावे कली चदेतीक लंशा सेला बाक्त। ३१ मिनु एलीयाम १२ ओटा फुल्लु चाक्की बाक्त। मेको याक्व आ १२ जना तो आन थर का का पा १२ ओटा फुल्लु गुवा बाक्त। डांइती परमपरभु यावेमी याक्व कली “इ नें इसराएल दुम्ब” देशा बाक्काक्त। परस्थान २४ :४ ; उत्पत्ती ३२ :२९ ३२ मिनु मेकोमी मेको फुल्लु रे परमपरभु यावे आ नंम चदेतीक का सेला बाक्त। मिनु मेको चदेतीक कली एर आंथ हिरशा, कुला दोवा बाक्त। मेकर सेआह अन्न पुक्तीक बास निक्की रिक्व बाक्काक्त। सआह

का ७:३ लिटर बाक्ब। ३३ मिनू नोले शी गार पाइश्शा, मेको ब्यफ क्योरशा चक्शा, मेको शी तार वोदा बाक्त। मिनू मेकोमी मुर आन कली “गे ४ गागरी ब्याक्कु चाक्शा, एको चोशा चढ़तीक नु शी तार लुक्तीन” दे माइक्मी बाक्त। मिनू मेकोपुकीम मो पाम बाक्त। ३४ मिनू नोले मेकोमी “मेका लेंशा पने” देमाक्त। मिनू मेकोपुकीम मो पाम बाक्त। मिनू मेकोम लेंशा “चीनु खयप सां मो पने” देमाक्त। मिनू मेकोपुकीम खयप सां यो मो पाम बाक्त। ३५ मिनू चढ़तीक आ एर ओंथ डा कुला नेल्ल ब्याक्कु बरीशा क्युम्माक्त।

३६ मिनू नाक्त कित कित डा नाकदो डा चढ़ेची ना परमपरभु यावे आ लोत्र पाइब एलीयामी मेको आ चढ़ेतीक आ डांडती लशा “परमपरभु यावे, अब्राहाम, इसहाक नु इसराएल आ परमपरभु, गे का ला इसराएल रागीम परमपरभु बाक्नीनी, दे मुलाक्ती एको आन कली तुइक्पतीन। मिनू गो इन गेय पाइब बाक्नुड। मिनू गो एको नेल्ल इन देतीके पशा बाक्नुड, दे यो एको आन कली तुइक्पतीन। ३७ आं लोत्र लेत्तीनी। परमपरभु यावे, आं लोत्र लेत्तीनी। मिनू एको मुरपुकीम गेन परमपरभु यावे, थमा परमपरभु बाक्नीनी, दे तुइक्तमेक्ल। एको आन थुं लेप्पाइक्ब गेन बाक्नीनी” देमाक्त। ३८ मिनू इर र परमपरभु यावे आ मी थिशा चोशा चढ़ेतीक, चोशा चढ़ेतीक डा शी, फुल्लु नु खप नेल्ल नेक्गा बाक्त। मिनू मेको कुला डा ब्याक्कु यो सांत्रमाक्त। लेवी ९:२४ ३९ मिनू मुर नेल्ल मेको तशा, सुम्की पा बाप्शा “परमपरभु यावे, थमा पा परमपरभु बाक्माक्त। परमपरभु यावे, थमा पा परमपरभु बाक्माक्त” देमा बाक्त। ४० मिनू एलीयामी मेको आन कली “बाल आ लोत्र पाइब आन कली ग्याइक्तीन। का यो परोक्चा मतामेक्ल” दे माइक्मी बाक्त। मिनू मेकोपुकीम मेको आन कली ग्याइक्तम बाक्त। मिनू एलीयाम मेको आन कली किशोन खोल्लसाम लाइश्शा साइक्मी बाक्त। परस्थान २२:१९; ब्यवस्था १३:६-९

४१ मिनू एलीयाम आहाब कली “लशा जने तुडीन। मारदे हना गो ठेयब रउ आ रेयके नेता” देमाक्त। याक्ब ५:१८ ४२ मिनू आहाब जचा तूचा कली लमाक्त। तन्न एलीया चहिं कारमल डांडा डोइश्शा, मेकेर आ पिया पोक्चीम खरप्शा बाक्माक्त। ४३ मिनू मेकोमी आ गेय पाइब कली “लशा, समुन्दर गे कोव्रडो” दे मदा बाक्त। मिनू मेको लशा कोव्रडा बाक्त। मिनू मेकोमी “मेकेर मारइ मबा” देमाक्त। मिनू एलीयामी मेको

कली “७ खयप मेकेर लशा, कोव्रडो” दे सोइक्ता बाक्त। ४४ मिनू ७ खयप डा पाली मेकोमी “मुर आ गुइ खोमो गोस्स का समुन्दर रे बाक्शा ताता” देमाक्त। मिनू एलीयाम मेको कली “मुल लशा आहाब कली इन बग्गी ठीक पा, उइ खिं लने। मो मपाइतीनी हना, इन कली रेउम तेक्ब” दे मतो” देमाक्त। ४५ मिनू क्येर गोस्सुम सरीड सुम्शा, फश गिवार पा ठेयब रउ थिचा गोवा बाक्त। मिनू आहाब आ बग्गी डोइश्शा येजरेल सहर लमाक्त। ४६ मिनू परमपरभु यावेमी एलीया कली थिवा बाक्त। मिनू मेको आ फक्शा वा खाइश्शा आहाब आ डांडडांडती येजरेल डा ठेयब लाप्चो सम्म दोरशा लमाक्त।

एलीया परोक्शा, होरब डांडा लशा

१ मिनू आहाबमी इजेबेल कली एलीया आ १९ पशा गेय नेल्ल नु मेकोमी दोपा देवी देवता आन लोत्र पाइब नेल्ल आन कली तरवारम सदा, मेको नेल्ल शंदा बाक्त। २ मिनू इजेबेलम एलीया आ बाक्तीकम “गे दोपा मेको आन कली सदी, मोपा गो दीसा एं ना सम्म इ कली मसाइक्तन हना, देवतापुकीम आं कली यो मोदेशोन पाइय्यीमील। मेको क्येडा यो शुश पाइय्यीमील” देथ लोत्र कुरब मुर सोइक्ता बाक्त। ३ मिनू एलीया हिंशा, परोक्माक्त। मिनू मेको परोक्शा यहूदा डा बयर-शेबा जाक्माक्त। मिनू मेकोमी आ गेय पाइब कली मक उइ परोना बाक्त।

४ मिनू आं चहिं काबु डा लां डोन गोरशो रागीम ओत्रमाक्त। मिनू मेको बुटा आगाम निश्शा, परमपरभु यावे कली “मुल नुप्त। आ सोक्त बरने। मारदे हना गो आं किकी पिपी आन क्येडा रिम्शो मनड” देमाक्त। अय्युब ७:१५; योना ४:३ ५ मिनू नोले बुटा आ आगामीन गोल्शा निन्दरा पवा बाक्त। मेना परमपरभु यावे आ स्वर्ग डा गेय पाइब कामी मेको कली बरा थिशा “बोक्शा जावो” देमाक्त। ६ मिनू मेकोमी बोक्शा, एर ओंथ कोव्रडानु, आ पिया गे चोशो होश शोब्ले का नु ढुङ्गरो का ब्याक्कु तवा बाक्त। मिनू मेकोम मेको जशा तूशा लेंशा इम्माक्त। ७ मिनू परमपरभु यावे आ स्वर्ग डा गेय पाइब लेंशा जाक्शा, मेको कली थिशा “बोक्शा जावो। इ लां थम लाइश्शा बाक्ब” देमाक्त। ८ मोपतीक मेको बोक्शा, जवा तूडा बाक्त। मिनू मेको आ बोलम मेको ४० नाक्त नु ४० नाकदो सम्म गाक्शा, परमपरभु आ डांडा

होरब जाकदीम्माक्त। परस्थान २४:१८ १ मिनु मेकर डा पुक्खी काम ओव्रशा, मेक उइ नां सांडदा बाक्त। मेकर बाक्मेनु, परमपरभु यावेम मेको कली “एलीया, गे एक मार पा बाक्ड?” दे हिल्लो पवा बाक्त। १० मिनु मेकोमी “परमपरभु यावे, मुर नल्ल आन परमपरभु, गो इन पर्वम शुश गेय पाता। इसराएलीमी इन कबल परांडतेकम। इन कली चढ्ढतीक परतेकम। मिनु इन लोत्र पाइब आन कली तरवारम क्योरशा साइक्तेकम। गो आं का ला लीशो बाक्नुड। मिनु मुल मेकोपुकीमी आं कली यो साइक्चा माल्शा बाक्नीम” देमाक्त। भजन संगरह ६९:१०; यसेया ४९:४; १ राजा १८:२२; रोमी ११:३

११ मिनु परमपरभु यावेमी “गुरूडो, आं डांडती डांडाम रपो” देमाक्त। मारदे हना परमपरभु यावे मेकर रे लन लन बाक्माक्त। मिनु परमपरभु यावे आ डांडडांडती ठेयब फश गिवार डांडा आन कली परोल्ला परोल्ल नु फुल्लु आन कली खिरन्ना खिरन्न जाक्माक्त। तन्न परमपरभु यावे मेको फशम मबाक्माक्त। मेको आ नोले ठेयब खिरनु कुमाक्त। तन्न परमपरभु यावे मेको खिरनुमी यो मबाक्माक्त। परस्थान ३३:२२ १२ मिनु मेको खिरनु आ नोले मी का जाक्माक्त। तन्न मेको मीमी यो परमपरभु यावे मबाक्माक्त। मिनु मी आ नोले इन्चीली संदा का जाक्माक्त। १३ मिनु एलीयामी मेको संदा नंशा, आ वामी आ कुल सुम्स बाक्त। मिनु लाडगा गरुशा पुक्खी आ डांडती राम्माक्त। मिनु मेको आइक्च संदाम “एलीया गे एक मार पन पन बाक्ड?” देमाक्त। १४ मिनु मेकोमी “परमपरभु यावे, मुर नल्ल आन परमपरभु गो इन पर्वम शुश गेय पाता। इसराएलीमी इन कबल परांडतेकम। इन कली चढ्ढतीक परतेकम। मिनु इन लोत्र पाइब आन कली तरवारम क्योरशा साइक्तेकम। गो आं का ला लीशो बाक्नुड। मिनु मुल मेकोपुकीमी आं कली यो साइक्चा माल्शा बाक्नीम” देमाक्त। १५ मिनु परमपरभु यावेम मेको कली “गे तेको लां रे जाक्शा बाक्ड, मेको लां रे पा लेइशा दमस्कस डा गोरशा रागीम लावो। मिनु गे मेको सहर जाकदीइशा, हजाएल कली अराम डा पिप सेलो। २ राजा ८:१३, १५ १६ मिनु निम्शी आ तो यहू कली यो इसराएल डा पिप सेलो। आबेल-महोलाह डा शाफात आ तो एलीशा कली इ पा डा आं लोत्र पाइब सेलो। २ राजा ९:२-३ १७ मिनु हजाएल आ तरवार र बरांडशो आन कली यहूमी साइक्ब। मिनु यहू आ तरवार र बरांडशो आन

कली एलीशामी साइक्ब। १८ मो हना यो, गो ७ हजार जना आन कली इसराएलम परांडशा वोइक्नुडमी। मेकोपुकीमी बाल आ डांडती आन पोक्च मथक्खो बाक्नीम। मिनु मेकोपुकीम बाल कली पुक्पु मपाइइशा बाक्नीम” देमाक्त। रोमी ११:४

### एलीयामी एलीशा कली बरेशो

१९ मिनु एलीया मेकर रे लमाक्त। मिनु शाफात आ तो एलीशा कली गुरूमा बाक्त। मेको १२ हाल ब्यफ वाक्ना वाक्न बाक्माक्त। मेको चहिं मेको नल्ल क्येडा नोले डा हाल वाक्ना वाक्न बाक्माक्त। मिनु एलीया लशा, आ फक्खो वा मेको आ तार कोप्ता बाक्त। २० मिनु एलीशामी आ ब्यफ परांडशा, एलीया आ नोनोल दारमाक्त। मिनु मेकोम “आं कली आं आंम आफ आस कली पुक्पु पाइक्चा गेयीनी। मिनु इन नोले खोइक्नुड” देमाक्त। मिनु एलीयाम “लावो, गो इ कली मार पडा मेको मिम्तो” दे मदा बाक्त। लुका ९:६१-६२ २१ मिनु एलीशाम एलीया कली परांडशा लमाक्त। मिनु मेकोमी आ हाल ब्यफ लाइइशा क्योरा बाक्त। मिनु मेकोम हलो चोशा श्ये क्येवा बाक्त। मिनु मुर आन कली ब्वा गेमी बाक्त। मिनु मुरपुकीम ब्याम बाक्त। मिनु मेको नोले एलीया आ नोले खोदा बाक्त। मिनु मेको आ गेय पाइब दुम्माक्त।

### बेन-हादादम लडाइ तोशो

१ अराम डा पिप बेन-हादादम आ लडाइ २० पाइब नल्ल आन कली सुप्तीमी बाक्त। मिनु मेकोमी ३२ जना पिप, मेको आन शारा नु बग्गीपुकी लाइइशा, सामरीया सहर कली पुम्शा लडाइ तोवा बाक्त। २ मेकोमी लोत्र कुरब आन कली सहरम सोइइशा, इसराएल डा पिप आहाब कली “बेन-हादाद आ लोत्र ननीन, ३ इन सुन चांदी आं के नम। इन नल्ल क्येडा दारशो मीश नु इन तमी तो यो आं केन नम” देत” देनीन, दे सोइक्तीमी बाक्त। ४ मिनु इसराएल डा पिपमी मेको आन कली “आं परभु, पिप इन देशो खोदेशो पा गो नु बाक्खो मारइ मारइ इन केन नम, देत मतीन” दे सोइक्तीमी बाक्त। ५ मिनु लेशा बेन-हादादमी लोत्र कुरब सोइइशा “इन सुन चांदी, इन मीश नु इन तमी तो नल्ल आं कली गन। ६ गो दीसा एं ना आं गेय पाइब आन कली, इन सिं नु इन ठेयब गेय पाइब आन सिंमी इन शुश क्येट लाइब थोत्रक बरथ सोइक्नुडमी। मेकोपुकीमी

आन दाक्शो मारइ मारइ लाइक्नीम” दे लोत्र कुरब सोइक्ता बाक्त ।

७ मिनु इसराएल डा पिपम आ रागी डा खाल्पा नल्ल आन कली बरशशा, मेको आन कली “गे तुइशशा बाक्नीनी । मेको मुरुम लडाइ पचा कली खुजरी माल्ना माल्ल बाक्ब । मेकोम आं मीश, आं आलपुकी नु आं सुन चांदी आ केन नम दंमेनु यो, गो मारइ मरदंड” दंमाक्त । ८ मिनु खाल्पा नु मुर नल्लेमी मेको कली “मेको आ लोत्र मननीन । मेको आ देशो मबिस्सीन” दंमा बाक्त । ९ मोपतीके मेकोमी बेन-हादाद आ लोत्र कुरब आन कली “आं परमु पिप कली आं ठेयब पिप आ डांडती पुंडशो नल्ल गेनुड । तन्न मुल इन पुंडशो लोत्र गो गेने मचानुड” मुल लशा गेपुकीम बेन-हादाद कली एको लोत्र मतीन” दे माइशशा सोइक्तीमी बाक्त । मिनु मेको लोत्र कुरबपुकी लशा, आन होत्रप बेन-हादाद कली शोत्रडम बाक्त । १० मिनु बेन-हादादम आहाब कली “गो नु शुश लडाइ पाइब बाक्नीम । आं लडाइ पा गराशा सामरीया डा फुरक, आं लडाइ पाइब आन कली योल का का गेचा कली यो मगाप्व । मेको गाप्त हना, देवतापुकीम आं कली खतम पोय्यीमील” दंथ मुर सोइक्ता बाक्त । ११ मिनु मेको आन कली इसराएल डा पिपमी “मेको कली ‘लडाइ गराचा गेना गेना, मुल कना मार ठेयब लेशशा लोत्र पाइनेवे’ दंत, मतीन” दे सोइक्तीमी बाक्त । १२ मेना बेन-हादाद नु अरु पिप आन बाक्तीकम शांबु दुक्शा बाक्मानु, मेको लोत्र नना बाक्त । मिनु मेकोमी रीब पा आ लडाइ पाइब आन कली “लडाइ पचा ठीक दुमीन” दे हुकुम गेमी बाक्त । मिनु मेकोपुकी मेको सहर कली लडाइ तोचा कली ठीक दुम्मा बाक्त ।

आहाबमी बेन-हादाद कली फरुशो

१३ मेना परमपरभु यावे आ लोत्र पाइब का इसराएल डा पिप आहाब आ बाक्तीक जाक्शा, मेको कली “परमपरभु यावेमी भार, गे एको ठेयब हुल लडाइ पाइब आन कली तवी ? कोत्रडो, गो मुलाक्तीन मेको आन कली इ गुडमी गेनुड । मिनु गोन परमपरभु यावे नड, दे तुइक्नेवे’ दंत” दंमाक्त । १४ मिनु आहाबमी “तन्न मेको सुम पाइबा ?” दे हिल्लो पवा बाक्त । मिनु परमपरभु यावे आ लोत्र पाइबमी “परमपरभु यावेम हुकुम पाइब ठेयब मुर आन गेय पाइब ठिटापुकीम लडाइ पाइनीम” दंमाक्त । मिनु पिपमी “लडाइ सुम गोचा माल्वा ?” दे हिल्लो पवा बाक्त ।

मिनु मेको परमपरभु यावे आ लोत्र पाइबम “गे गोचा माल्नीनी” दंमाक्त । १५ मिनु आहाबमी मेको हुकुम पाइब ठेयब मुर आन गेय पाइब सहे निकशी ३२ जना ठिटा आन कली सुथ्र सोइक्तीमी बाक्त । मिनु नोले इसराएली नल्ल आन कली पुक्की बाक्त । मेको नल्ले ७ हज्जार बाक्मा बाक्त ।

१६ मिनु नाक्त उइक्थ दुम्मेनु, बेन-हादाद नु मेको आ वारच ३२ जना पिप आन बाक्तीकमी दुक्शा बाक्मा ना मेकोपुकी गरुमा बाक्त । १७ मिनु मेको हुकुम पाइब आन गेय पाइब ठिटापुकी डांडती बारमा बाक्त । मेना बेन-हादादमी क्यारी पाइबपुकी सोइशशा बाक्माक्त । मिनु मेकोपुकी जाक्शा “सामरीया रे मुरपुकी पिशो बाक्नीम” दंमा बाक्त । १८ मिनु बेन-हादादम “मेकोपुकी गारचा कली जाक्शा बाक्तेकम हना, मेको आन कली सेसीन ग्याइक्तीन । लडाइ पथ जाक्शा बाक्तेकम हना यो, सेसीन ग्याइक्तीन” दे माइक्की बाक्त ।

१९ मिनु मेको हुकुम पाइब ठेयब मुर आन गेय पाइब ठिटापुकी सहर रे लाडगा गरुमानु, आहाब आ अरु लडाइ पाइबपुकी मेको आन नोले सोइशशा गरुमा बाक्त । २० मिनु नल्लेमी आन जोरी सतरु आन कली सदम बाक्त । मिनु मो दुम्मेनु अरामी परोक्मा बाक्त । मिनु इसराएलीपुकीम मेको आन कली खंदा पामे बाक्त । तन्न अराम डा पिप बेन-हादाद आ शारा डाइशशा, अरु शारा डाइक्वपुकी नु परोक्माक्त । २१ मिनु इसराएल डा पिप डांडती बारशा, शारा नु बग्गी आन कली ग्रामाक्त । मिनु अरामी शुश आन कली साइक्की बाक्त ।

२२ मिनु नोले मेको परमपरभु यावे आ लोत्र पाइब इसराएल डा पिप आ बाक्तीक जाक्शा, मेको कली “इन लडाइ पाइब आन कली ठीक पा वोतीन । मार पचा माल्वा, मेको रिम्शो पा मिस्तीन । मारदे हना मुल जाक्शो बरसम अराम डा पिपम लेशा गेपुकी नु लडाइ पाइब” दंमाक्त ।

२३ मिनु अराम डा पिप आ गेय पाइबपुकीम आन पिप कली “मेको आन देवता पहाड डा देवता बाक्नीम । मोपतीके मेकोपुकी इं क्येडा शुश बोल्यो बाक्नीम । मुल गोपुकीम मेको आन कली दिंमम लडाइ पाइतय हना, थमा पा गो मेको आन क्येडा बोल्यो दुम्नय । २४ मुल गे मार पचा माल्नीनी देशा हना, एको पिप आन कली लडाइ पाइब आन ठेयब मुर रे गरुइदीन । मिनु मेको आन पा डा अर्का मुर योत्रडीन । २५ डांडती बक्शो

लडाइ पाइब आन खोदंशो पा, अर्को लडाइ पाइब आन हुल का सेलीन। शारा डोइक्व आन कली शारा नु बग्गी डोइक्व आन कली बग्गी ठीक पन। मिनु नोले गो इसराएली नु दिमम लडाइ पथ लय। मिनु गो थमा पा मेको आन क्यंडा बोल्यो दुमनय” देमा बाक्त। मिनु बेन-हादादमी मेको आन सल्ला बिश्शा, मेको आन देशो खोदंशो पवा बाक्त।

२६ मिनु मेको जाक्शो बर्सम बेन-हादादम लडाइ पचा कली अरामी आन कली पुक्मी बाक्त। मिनु इसराएली नु लडाइ पचा कली अफक सहर गे लमा बाक्त। २७ मिनु इसराएली यो खुम्सीशा, जशा तूशा, मेको नु लडाइ पचा कली हुल हुल पा गरूमा बाक्त। इसराएलीम अरामी आन डोंइती गे आन बाक्तीक सल्ले बाक्त। मेकोपुकी क्यारश आन आइक्व हुल निक्शी खोदंशो बाक्मा बाक्त। तन्न अरामी चहिं मेको रागी डा दिम एर ओथ नेल्ल बरीशा बाक्मा बाक्त। २८ मिनु परमपरभु आ मुर का इसराएल डा पिप आ बाक्तीकम जाक्शा, मेको कली “परमपरभु यावेम अरामीपुकीम परमपरभु यावे, इसराएली आन परमपरभु पहाड डा देवता ला बाक्व। बंसी डा देवता ममाइ, दे मिम्शो बाक्नीम। मोपतीक गो एको ठेयब हुल लडाइ पाइब आन कली इ गुडमी गेनुड। मिनु गे गोन परमपरभु यावे नड, दे तुइक्व देत” देमाक्त। प्रस्थान ७:५ २९ मिनु मेको आन डोंइती आन बाक्तीकम कोद्रमुशा ७ नाक्त सम्म बाक्मा बाक्त। मिनु नाल ७ नाक्तीम लडाइ पाम बाक्त। मिनु इसराएलीपुकीम काबुम अरामी आन खोइलीम गाक्व लडाइ पाइब लाख का आन कली सदमे बाक्त। ३० मिनु मेको आन दाते डा लीशोपुकी अफक डा सहरम परोक्मा बाक्त। मिनु मंकर डा गारो बरश्शा १७ हजार आन कली चिप्ता बाक्त। बेन-हादाद चहिं सहर ओत्रशा, खूरइश्शा बाक्माक्त। ३१ मिनु मेको आ गेय पाइबपुकीम मेको कली “गोपुकीमी इसराएल आ सिं डा पिपपुकी दा शिशी पाइब बाक्नीम देशो लोत्र नंशो बाक्नीकी। मोपतीके करातोम अरन्डी फेक्सीय। मिनु पियाम डोरी फरंसीशा इसराएल डा पिप आ बाक्तीक लय। मिनु मेकोम इन कली बरांइचा गेबा को?” देमा बाक्त। ३२ मोपतीके मेकोपुकीमी आन करातोम अरन्डी फेक्शा, आन पियाम डोरी फरंसीशा इसराएल डा पिप आ बाक्तीक लशा मेको कली “इन वाइल बेन-हादादम गो आं कली बरांइचा गेयीमी”

देशो बाक्व” देमा बाक्त। मिनु पिपमी “मार, मेको मुल यो ससीन बाक्म? मेको आं लोक्व बाक्व” देमाक्त। ३३ मिनु मेको मुरपुकीम पिप आ लोत्र रिम्शो बाक्माक्त दाप्शा “ओं, इन लोक्व बेन-हादाद मुल यो ससीन बाक्व” देमा बाक्त। मिनु पिपमी मेको आन कली “लशा, मेको कली एक चाक्कीन” देमाक्त। मिनु बेन-हादाद गरूशा जाक्मेनु, आहाबम मेको कली आ बग्गीम डोइक्वपा बाक्त। ३४ मिनु बेन-हादादमी मेको कली “आं आफोम इन आफर गराशो सहर नेल्ल गो लेशशा गेनन्नी। मिनु आं आफोम सामरीयाम पशो खोदंशो पा, गे यो दमस्कसम ग्याप्तीक लेयतीक सेल्ले चाप्नीनी” देमाक्त। मिनु इसराएल डा पिप आहाबमी “मेको सल्लाम पतीक गो इ कली परांइनन” देमाक्त। मोपा आहाबमी दुचा आ पर्वम लोत्र पा, मेको कली परोना बाक्त।

#### आहाब कली दोस गेशो

३५ मिनु परमपरभु यावे आ लोत्र पा, मेको आ लोत्र पाइब आन दाते डा काम आ वारच का कली “आं कली तुब्यी” देमाक्त। तन्न मेकोमी तुने मबिस्से बाक्त। ३६ मिनु मेको परमपरभु यावे आ लोत्र पाइबमी “गे परमपरभु यावे आ अरेशो लोत्र मटितीक आं कली परांइशा लवे चोटीन इ कली गुप्स काम साइक्व” देमाक्त। मिनु मेको लम नाले गुप्स काम बिश्शा, मेको कली सदा बाक्त। १ राजा १३:२४ ३७ मिनु मेको परमपरभु यावे आ लोत्र पाइबमी अर्को मुर का कली गरूम्शा, मेको कली “आं कली तुब्यी” देमाक्त। मोपतीक मेकोमी मेको कली तुप्शा, गार सल्ला बाक्त। ३८ मिनु मेको परमपरभु यावे आ लोत्र पाइब लशा, मतुइक्वपाइसीचा डा पा आ मिक्चीम वा फरंशा पिप कली लाम रिम्दा बाक्त। ३९ मिनु पिप मेको आ नेक्था र लमेनु, मेकोमी पिप कली बरश्शा “गो इन वाइल लडाइ पतीकम जाक्दीश्शा नड। मिनु मेकेर लडाइ पाइब मुर काम फरंशो मुर का चाक्शा आं बाक्तीक जाक्त। मिनु मेकोमी आं कली ‘एको मुर जिम्मा बरावो। एको मुर दोकका पा परोक्त हना, एको आ पा डा गे बक्का माल्लेवे कि टलेन्ट का चांदी थाप्पा माल्लेवे’ देत। टलेन्ट का ३४ किलो बाक्व। २ राजा १०:२४ ४० मिनु गो, इन वाइल, गेय पा बाक्डा सम्म, मेको ग्याइश्शा मुर परोक्माक्त” देमाक्त। मिनु इसराएल डा पिपमी मेको कली “गे इ निसाफ आंमान पाप्तीवी। मेकोन इ कली पतीक निसाफ

बाक्ब” देमाक्त। ४१मिनु मेको परमपरभु यावे आ लोत्र पाइबमी रीब पा आ मिक्चीम फरंशो वा परुदा बाक्त। मिनु इसराएल डा पिपम मेको कली परमपरभु यावे आ लोत्र पाइब का बाक्त, दे तुइक्ता बाक्त। ४२मिनु मेकोमी पिप कली “परमपरभु यावेमी भो साइक्चा कली ठीक पशो मुर कली गे परांडतीवी। मोपतीक मेको आ पा डा गे बक्चा माल्नेव। मिनु मेको आ मुर आन पा डा इ मुर बक्चा माल्नीम” देत” देमाक्त। ४३मिनु इसराएल डा पिपमी “मार लोत्र पवा ?” दे गाइश्शा, आ सिं सामरीयाम जाक्माक्त।

नाबोथ आ अडगुर रू

२१ इइक्का नाक्त नोले मार दुम्माक्त देशा हना, येजरल सहर डा नाबोथ माइश्शो मुर का बाक्माक्त। मेको के अडगुर रू का बाक्माक्त। मेको अडगुर रू येजरल सहर सामरीया डा पिप आहाब आ दरवार आ नेक्था बाक्माक्त। २काबु नाक्ती आहाबमी नाबोथ कली “इ अडगुर रू आं कली गिग खाइ सुरुक्चा कली गयी। मारदे हना मेको आं सिं आ नेक्था बाक्ब। मेको आ पा डा गो इ कली अर्को मेको क्येडा रिम्शो अडगुर रू का गेनन। क्येट देनवे हना यो, क्येट गेनन” देमाक्त। ३तन्न नाबोथमी आहाब कली “परमपरभु यावे आ डांडती मोदेशो पने मचानुड। गो आं किकी पिपी आन गेशो रू इन कली गेने मचानुड” देमाक्त। ४मोपतीक आहाब आ थुं खुरसीशा गाइश्शा आ सिं लमाक्त। मारदे हना येजरली नाबोथमी “आं किकी पिपी आन गेशो रू इन कली मगेनुड” देशो बाक्माक्त। मिनु मेको आ कुल किरशा आ ब्राख्येम इष्शा बाक्माक्त। जन यो मबिस्स बाक्त।

५ मिनु मेको आ मीश इजेबेल जाक्शा, मेको कली “गे मारदे इन थुं खुरसीनी ? मारदे मारदे जने मबिस्सीनी ?” दे हिल्लो पवा बाक्त। ६मिनु मेकोम इजेबेल कली “गो येजरली नाबोथ कली ‘इ अडगुर रू ग्याप्वा गयी कि इ दाक्शो रू नु फाइक्स’ माइक्ता। तन्न मेकोम ‘गो आं अडगुर रू इन कली मगेनन्नी’ देत” देमाक्त। ७मिनु मेको आ मीश इजेबेलम मेको कली “गे इसराएल डा पिप बाक्नीनी। मिनु गे मोदेशो पाइनीनी ? बाक्शा, जने त्डीन। मिनु ग्येरसीने। गो येजरली नाबोथ आ अडगुर रू इन कली गेनन्नी” देमाक्त।

८मिनु इजेबेलम आहाब आ नमी चिठी का बरक्ता बाक्त। मिनु मेकर पिप आ छाप थोक्ता

बाक्त। मिनु मेको नाबोथ आ सहर डा साल्पा नु ठेयब मुर आन कली सोइक्ता बाक्त। ९मेकोम मेको चिठीमी “माइजा बाक्तीक नाक्त का बाक्ब” देनीन। मिनु नाबोथ कली मरिम्शो पाइब आन निक्तीकम निष्पतीन। १०मिनु मरिम्शो पाइब मुर निक्शी आस कली मेको आ डांडती निष्पाइश्शा, एकोम ‘परमपरभु नु पिप कली सराप पशो बाक्ब’ दे दोस गेपतीन। मिनु मेको नोले मेको कली लाडगा गरुंडशा फुल्लु आप्शा सतीन” दे बरक्ता बाक्त। व्यवस्था १७:६ ; मती २६:२१-६१ ; परस्थान २२:३७ ११मिनु इजेबेलम मेको आन कली चिठीम बरक्शा खोदेशो पा, मेको सहर डा मुर, साल्पा नु मेकर डा ठेयब मुरपुकीम पामे बाक्त। १२मिनु मेकोपुकीम माइजा बाक्तीक नाक्त का सेल्म बाक्त। मिनु नाबोथ कली मरिम्शो पाइब आन कली निष्पाइक्तीकम निष्पदमे बाक्त। १३मिनु मेको नोले मेको मरिम्शो पाइब मुर निक्शी जाक्शा, मेको आ डांडती निस्ससा बाक्त। मिनु मेको निक्शीमी “नाबोथम परमपरभु नु पिप कली सराप पशो बाक्ब” दे नल्लेम नंचा डा पा दोस गेम्से बाक्त। मिनु मेकोपुकीम मेको कली लाडगा गरुंडशा फुल्लु आप्शा सदमे बाक्त। १४मेको नोले मेकोपुकीमी इजेबेल कली “नाबोथ कली फुल्लु आप्शा साइक्ताक” दे लोत्र कुरब मुर सोइक्तामे बाक्त।

१५ मिनु इजेबेलम नाबोथ कली फुल्लु आप्शा साइक्ताकम देशो लोत्र नना चाटीन आहाब कली “मुल बाक्शा येजरल सहर डा नाबोथम इन कली लेयन मबिश्शो रू इन के सलीन। मारदे हना मेको बेक्त” देमाक्त। १६मिनु नाबोथ बक्माक्त देशो लोत्र नंशा, आहाब बाक्शा येजरल सहर डा नाबोथ आ अडगुर रू हिरशा आंम के सेल्थ लमाक्त।

१७मिनु परमपरभु यावेमी तिश्बे सहर डा एलीया कली लोत्र पवा बाक्त। १८मार लोत्र पवा बाक्त देशा हना “इसराएल डा पिप आहाब कली गरुम्थ उड लावो। मेको सामरीयाम बाक्शो नाबोथ आ अडगुर रू आंम के सेल्थ लशो बाक्ब। १९गे मेको कली परमपरभु यावेमी ‘मार, गे मुर का कली साइश्शा, मेको आ रू इ के मसेली डा ?’ देत, मतो। मिनु मेको कली परमपरभु यावेमी ‘नाबोथ आ हुश कुचुमम तुक्तीकेमीन इ हुश यो कुचुमम तुक्नीम’ देत, मतो” देमाक्त। १९राजा २२:३६

२०मिनु आहाबमी एलीया कली “आं सतरु, गे आं कली थिय्यी ?” दे मदा बाक्त। मिनु मेकोम

“आं, गो इ कली थित्तन। मारदे हना गे परमपरभु यावे आ डांडती मार मरिम्शो बाक्म, मेको ला पना पन बाक्ते। २१ मोपतीक परमपरभु यावेमी मुल गो इ तार शुश श्येत कोणुड। गो इसराएल रागीम बाक्व, गे नु इ खिं डा वांडश मुर नेल्ल आन कली साइक्नुडमी। वाइल बाक्मल कि प्रांडचा पुंडसीशो बाक्मल, नेल्ल आन कली साइक्नुडमी। २ राजा १ : ७-८, २२ मिनु गो इ खिं कली नंबात आ तो यरोबाम नु अहीयाह आ तो बाशा आस खिं कली पाइश्शो खोदंशो पाइनुड। मारदे हना गे आं कली गाइक्पाइक्तीक नु इसराएल कली पाप पपाइक्तीक, मो पाइनुड” देत। १ राजा १५ : २९ ; १ राजा १६ : ११-१२, २३ मिनु परमपरभु यावेम इजेबेल आ पर्बम ‘कुचुमपुकीम इजेबेल कली येजेरल सहरम ब्वाइनीम। २ राजा १ : ३३-३६, २४ सहरम बेक्शो आहाब आ खिं डा मुर आन कली कुचुमम ब्वाइनीम। मिनु रुम बेक्शो आन कली चिक्वपुकीम ब्वाइनीम” देत” देमाक्ते। १ राजा १४ : ११ ; १ राजा १६ : ४ ; १ राजा २१ : २४

२५ आहाबम आ मीश इजेबेल आ लोत्र नंशा, परमपरभु यावे आ डांडती काइ मरिम्शो पवा बाक्ते। मोदंशो मुर अर्का सुइ मबाक्मा बाक्ते। २६ मेको परमपरभु यावेमी इसराएली आन डांडती रे खरशो एमोरी खोदंशो पा मेको आन गरांगरा दिशो मूर्ति आन नोले खोदा बाक्ते।

२७ मिनु आहाबम मेको लोत्र नंशा, आ वा खाक्गा बाक्ते। मिनु अरन्डी फक्शा माइजा बाक्माक्ते। मेको अरन्डी फक्शा आ थुं लुकच लशा इम्माक्ते। २८ मिनु परमपरभु यावेम तिश्बे सहर डा एलीया कली लोत्र पवा बाक्ते। २९ मार लोत्र पवा बाक्ते दंशा हना “आहाब आं डांडती बरंशो दुम्शो तवी ? मारदे हना मेको बरंशो दुम्तीक गो मेको आ पालाम ठेयब श्येत मदुम्पाइक्नुड। तन्न मेको आ तो आ पालाम मेको आ खिम ठेयब श्येत चाक्नुड” देमाक्ते। २ राजा १ : २६

मीकायामी लोत्र पशो

२ इतिहास १८ :-

२२ १ मिनु बर्स सां सम्म अरामी नु इसराएली आन दातेमी लडाइ मदुम्माक्ते। २ तन्न बर्स सां नोले यहूदा डा पिप येहो-शाफात इसराएल डा पिप कली गरुम्थ बरुम्माक्ते। १ राजा २२ : ४१ ३ मिनु इसराएल डा पिपमी आ गेय पाइब आन कली “गे नेल्लेम रामोथ-गिलाद

इं के बाक्व, दे तुइक्नीनी। मो हना यो गो मेको अराम डा पिप रे लेश्शा ताक्चा कली मारइ मपशो बाक्नय” देमाक्ते। यहोसु २१ : ३८ ४ मोपतीक मेकोम येहो-शाफात कली “रामोथ-गिलाद कली लडाइ तोचा कली गे आं कली वारच पाइक्नीनी ?” दे हिल्लो पवा बाक्ते। मिनु येहो-शाफातमी इसराएल डा पिप कली “गे इन खोदंशो नड। आं मुरपुकी इन मुर नम। आं शारा नेल्ल इन केन नम” देमाक्ते। २ राजा ३ : ७

५ तन्न येहो-शाफातम इसराएल डा पिप कली “डांडती परमपरभु यावे कली हिल्लो पने” देमाक्ते। ६ मोपतीक इसराएल डा पिपम ४ सह जना खोइ परमपरभु यावे आ लोत्र पाइब आन कली पुक्शा, मेको आन कली “गो रामोथ-गिलाद कली लडाइ तोड दय मतोड” दे हिल्लो पामी बाक्ते। मिनु मेकोपुकीमी “तोन, परमपरभु यावेम मेको इन गुइमी गब” देमा बाक्ते। ७ मिनु येहो-शाफातम “हिल्लो पचा कली परमपरभु यावे आ लोत्र पाइब अर्का सुइ मबाक्नीमी” देमाक्ते। २ राजा ३ : ११ ८ मिनु इसराएल डा पिपम येहो-शाफात कली “परमपरभु यावे कली हिल्लो पचा कली अर्का का बाक्व। मेको इम्लाह आ तो मीकाया बाक्व। तन्न गो मेको मुर कली काइ मदाक्नुड। मारदे हना मेकोम आं पर्बम गेनायो रिम्शो लोत्र मपाइब। गेना हना यो मरिम्शो लोत्र ला पाइब” देमाक्ते। मिनु येहो-शाफातमी पिप कली “पिपम मोदंशो लोत्र मपक्व” देमाक्ते। २ इतिहास १८ : ७-२७ ९ मिनु इसराएल डा पिपम आ मुर आन दाते डा का कली बरंशो “इम्लाह आ तो मीकाया कली रीब पा चाक्को” दे मदा बाक्ते। १० मिनु इसराएल डा पिप नु यहूदा डा पिप येहो-शाफात पिपम फक्तीक वा फक्शा सामरीया डा ठेयब लाप्नो आ डांडती आस आस निक्तीकम निश्शा बाक्शो बाक्सा बाक्ते। मिनु परमपरभु यावे आ लोत्र पाइब नेल्ले मेको आस डांडती बाक्शा नोले दुम्ब लोत्र पना पन बाक्शो बाक्सा बाक्ते। ११ मेको आन दाते डा का केनानाह आ तो सिदकीयाहमी चहिं फलाम के गरोत्र सत्त्सीशो बाक्माक्ते। मिनु मेकोमी “परमपरभु यावेमी गे एको गरोत्रमी अरामी आन कली नेल्ल मबक्मा सम्म खरुइक्नीनी” देत” देमाक्ते। १२ मिनु परमपरभु यावे आ लोत्र पाइब नेल्लेमी मेको मोदंशोन लोत्र पशो बाक्सा बाक्ते। मेकोपुकीमी “रामोथ-गिलाद कली लडाइ तोशा रीब पा गराडीन। मारदे हना परमपरभु

यावेम मेको पिप इन गुडमी गेब” देशो बाक्का  
बाक्कत।

१३मिनु मीकाया कली बरेशशा चाक्क मुरुम  
मेको कली “परमपरभु यावे आ लोत्र पाइब  
नेल्लेमी लोत्र का पा पिप कली ग्यरपाइशो  
बाक्कीम। गे यो मेको आन खोदेशो पा रिम्शो  
लोत्र पन” देमाक्कत। १४तन्न मीकायाम चहिं “गे  
परमपरभु यावे गेना हना यो बरोइशा बाक्कशो  
खोदेशो पा परमपरभु यावेमी आं कली मार देबा,  
मेको ला देनुड” देमाक्कत।

१५मिनु मीकाया पिप आ डोइती जाक्केनु,  
पिपमी मेको कली “मीकाया, गो रामोथ-गिलाद  
कली लडाइ तोड देय मतोड?” दे हिल्लो  
पवा बाक्कत। मिनु मेकोमी “लडाइ तोने। मिनु  
गुराडीन। मारदे हना परमपरभु यावेमी मेको इन  
गुडमी गेब” देमाक्कत। १६मिनु पिपमी मेको कली  
“परमपरभु यावे आ नेमी थमा लोत्र ला पचा,  
दे गिश खेयप कसम जपाइक्कना?” देमाक्कत।  
१७मिनु मीकायामी “गो इसराएली नेल्ले आन  
कली गोठला मबाक्कशो भेडा खोदेशो पा, डांडा  
मेर बरशो तातामी। मिनु परमपरभु यावेमी मेको  
मुर आन ठेयब मुर मबाक्क। मेको नेल्ले आन थुं  
नाइशशा आन खिं लमल’ देशो बाक्क” देमाक्कत।  
गन्ती २७:१७; मत्ती ९:३६ १८मिनु इसराएल  
डा पिपम येहो-शाफात कली “मार एकोम आं  
पर्वम मरिम्शो लोत्र डा लाक्कशा अर्का मारइ  
मदेब, देडा ममाइ डा?” देमाक्कत।

१९मिनु मीकायामी लोत्र तेम्शा “एको  
परमपरभु यावे आ लोत्र नेनीन। गो परमपरभु  
यावे आ स्वर्ग डा गेय पाइब नेल्ले आन कली  
आ ग्युरा गे नु आ पेरा गे राप्पाइशशा, परमपरभु  
यावे आ निक्कीकम बाक्कशो ताता। २इतिहास  
१८:१८; अय्युब १:६; यसेया ६:१ २०मिनु  
परमपरभु यावेमी “आहाब कली रामोथ-गिलाद  
नु लडाइ पपाइशशा, मेको कली साइक्पाइक्का  
कली सुम क्युक्का?” देत। मिनु काम लोत्र का  
पाप्तु, अर्कोम अर्को लोत्र पाप्तु। २१मिनु नोले  
का जाक्कशा, परमपरभु यावे आ डोइती राप्शा  
“गो मेको आ थुं कयाक्कुड” देत। यसेया १९:१४  
२२मिनु परमपरभु यावेमी मेको कली “दोपा?” दे  
हिल्लो पाप्तु। मिनु मेकोमी “गे लशा मेको आ  
नोले दुम्ब लोत्र पाइब नेल्ले आन शोत्रमी जोल  
पाइब सोक्कत का दुम्नुड” देत। मिनु परमपरभु  
यावेम मेको कली “गे थमा पा मेको कली क्युक्के  
चाप्नेवे। गे लावो। मिनु इ देशो पावो” देत।  
१यूहन्ना ४:६ २३मोपतीक परमपरभु यावेम इन

नोले दुम्ब लोत्र पाइब नेल्ले आन शोत्रमी जोल  
पाइब सोक्कत कुर पशो बाक्क। परमपरभु यावेम  
इन कली खतम दुम्तीक नाक्कत चाक्कशो आ पर्वम  
नेपाइक्के थुम्शो बाक्क” देमाक्कत।

२४मिनु केनानाह आ ती सिदकीयाह, इर  
डोइशशा मीकाया आ चोत्रचो रबा बाक्कत। मिनु  
मेको कली “दोपा परमपरभु यावे आ सोक्कत आं  
रे पा इ थुंम ब्याक्कथ जाक्क?” देमाक्कत। २५मिनु  
मीकायाम “गे आमा आगा डा कोटाम खरुइक्क  
लवे नाक्कत, तुइक्केवे” दे मदा बाक्कत। २६मिनु  
इसराएल डा पिपम “मीकाया कली ग्याइक्कीन।  
मिनु सहर डा ठेयब मुर आमोन नु पिप आ ती  
योआश आस जिम्मांम गेने। २७मिनु एको मुर  
कली चोक्कशा वोतीन। गो रिम्शो पा लेशशा  
मजाक्कडा सम्म एको कली शोब्ले नु ब्याक्क  
डा लाक्कशा अरु मारइ मगेने” देमाक्कत। २८मिनु  
मीकायाम मेको कली “गे रिम्शो पा लेशशा  
जाक्कीनी हना, परमपरभु यावे गो नु मब्याक्कशो  
बाक्काक्कत, देनुड” देमाक्कत। मिनु मेकोम चिनु  
लोत्र तेम्शा “गे नेल्लेम एको लोत्र नंशा, इन थुंम  
वोतीन” देमाक्कत।

#### आहाब साइक्का पुंइसीशो

२९मिनु इसराएल डा पिप नु यहूदा डा  
पिप येहो-शाफात रामोथ-गिलाद लसा बाक्कत।  
३०मिनु इसराएल डा पिपम येहो-शाफात कली  
“गो मतुइक्का डा वा फेक्कशा लडाइ पथ  
लाइनुड। तन्न गे इन फेक्कीक वा फेक्कशा  
बाक्कीन” देमाक्कत। मिनु इसराएल डा पिप  
मतुइक्पाइसीचा डा वा फेक्कशा लडाइ पथ  
लमाक्कत। ३१मिनु अराम डा पिपम आ ३२ जना  
बग्गी डोइशशा लडाइ पाइब आन ठेयब मुर  
आन कली “इसराएल डा पिप डा लाक्कशा अरु  
आइक्क ठेयब सुइ नु लडाइ मपने” दे हुकुम गेशो  
बाक्काक्कत। ३२मिनु बग्गी डोइशशा, लडाइ  
पाइब आन ठेयब मुरपुकीम येहो-शाफात कली  
तशा “थमा पा इसराएल डा पिप मेकोन बाक्क”  
देशा, मेको नु लडाइ पचा कली लमा बाक्कत। तन्न  
येहो-शाफात ठेयब सेदा पा वाइ बरम्माक्कत।  
३३मिनु मेको बग्गी डोइशशा, लडाइ पाइब  
आन ठेयब मुरपुकीम “एको दा इसराएल डा  
पिप ममाइ बाक्काक्कत” दे तुइक्कतम बाक्कत। मिनु  
मेको कली सेदा पचा परोइशा लेम्मा बाक्कत।  
३४तन्न मुर कामी आ लिबरा सुक्कशा, हेथे पा  
बरा आप्शा सोइक्का बाक्कत। मिनु मेको बरामी  
इसराएल डा पिप आ कुनु तेक्कीक पाता आ

बाँइसेम खरवा बाक्त। मिनु पिपम आ बग्गी सुल्ब कली “बग्गी हिरशा लडाइ रे गरुंडदी। गो ठेयब गार दुम्शो बाक्नुड” देमाक्त। ३५ मिनु नाक्त रे ठेयब लडाइ दुम्माक्त। पिप चहिं आ बग्गीम अरामी आन डाँइती राप्शा बाक्शो बाक्माक्त। मेको आ गार रे गरुशा हुश बग्गी आगामीन शाइश्शो बाक्माक्त। मिनु मेको पिप मेको नाक्दोन बेक्माक्त। ३६ मिनु नां लाक्गा नोले लडाइ पाइब आन हुलम “मुर नेल्ल इन सहर सहर नु इन बाक्तीक लन” देशो लोत्र नेन्मे बाक्त।

३७ मोपा पिप बेक्माक्त। मिनु मुरपुकीम मेको कली सामरीयाम चाक्शा थिम्म बाक्त। ३८ मिनु मेकोपुकीम मेको बग्गी सामरीया डा दोम्तो काम मुरमे बाक्त। मेकर कुचुमपुकीम आ हुश तुक्काम बाक्त। तेल्लेमपुकी मेकर जाक्शा, चिक्सीमा बाक्त। मोपा परमपरभु यावे आ देशो खोदेशो दुम्माक्त। १ राजा २१:१९ ; २ राजा ९:२५-२६ ३९ आहाब आ पशो अरु गेय, मेको आ पशो नेल्ल, मेको आ सेल्शो हात्ती आन खरुड के सिं नु मेको आ सेल्शो सहरपुकी, मार, मेको इसराएल डा पिप आन इतिहासम बरक्शो मबाक्वा डा ? ४० मोपा आहाब बेक्माक्त। मिनु मेको आ पा डा आ तौ अहाज्याह पिप दुम्माक्त।

यहूदा डा पिप यहो-शाफात

२ इतिहास २०:३१-२१:१

४१ आसा आ तौ यहो-शाफात यहूदा डा पिप दुम्माक्त। मेना इसराएल डा पिप आहाबम सासन पशो ४ बर्स दुम्शो बाक्माक्त। १ राजा १५:२४ ४२ यहो-शाफात पिप दुम्मेनु ३५ बर्स दुम्शो बाक्माक्त। मिनु मेकोम यरूसलेमम २५ बर्स सासन पवा बाक्त। मेको आ ममा आ नं अजुबाह बाक्माक्त। मेको शिल्ही आ तमी बाक्माक्त। ४३ मेको मेना हुना यो आ आफ आसा आ लाम गाक्माक्त। मिनु मेको रे मेनायो मलेम्माक्त। मेकोमी परमपरभु यावे आ डाँइती मार रिम्शो बाक्मे, मेको पवा बाक्त। मो हुना यो मेकोम डाँडा मेर सेल्शो थानपुकी मपरदा बाक्त। मिनु मेना सम्म मुरपुकीम मेकर पूजा पना पन

धूप चोना चोन बाक्मा बाक्त। ४४ यहो-शाफात इसराएल डा पिप नु यो गारशा बाक्माक्त। १ राजा १५:१४ ; २ राजा १२:४

४५ यहो-शाफात आ पशो अरु गेय, आ सक्ति काँइशो, मेको आ लडाइ पशो, मार, मेको यहूदा डा पिप आन इतिहासम बरक्शो मबाक्वा डा ? ४६ मेकोमी आ आफ आसा आ पालाम लीशो थान डा तेल्लम वाँइश मुर आन कली क्याम्दा बाक्त। २ इतिहास १७:१-२०:१-

४७ मेना एदोमम सुइ पिप मबाक्मा बाक्त। मिनु मेकर सोइश्शो मुर कामी मेको रागीम सासन पवा बाक्त। १ राजा १५:१२ ४८ यहो-शाफातम ओफीर रे सुन चाक्का कली टारसीस डा खोदेशो पा जहाजपुकी सेल्पदा बाक्त। तन्न मेकोपुकी एस्योन-गेबरम बिगरेतीके समुन्दरम लन मचाप्मे बाक्त। ४९ मेना आहाब आ तौ अहाज्याहम यहो-शाफात कली “इन गेय पाइबपुकी आं गेय पाइब नु जहाजम लचा गेन” देमाक्त। तन्न यहो-शाफात मबिस्से बाक्त। १ राजा ९:२८ ५० मिनु नोले यहो-शाफात बेक्माक्त। मिनु मेको आ आफ दाऊद आ सहरम थिम्चा पुँइसे बाक्त। मिनु मेको आ पा डा आ तौ यहोराम पिप दुम्माक्त।

इसराएल डा पिप अहाज्याह

५१ आहाब आ तौ अहाज्याह सामरीयाम इसराएल डा पिप दुम्माक्त। मिनु मेकोम बर्स निक्शी इसराएलम सासन पवा बाक्त। मेना यहूदा डा पिप यहो-शाफात पिप दुम्शो १७ बर्स दुम्शो बाक्माक्त। २ राजा ८:१६ ५२ पिप अहाज्याहमी परमपरभु यावे आ डाँइती मार मरिम्शो बाक्मे, मेको पवा बाक्त। मेको आ आम आफ नु इसराएली आन कली पाप पपाइक्व नेबात आ तौ यरोबाम आ लाम गाक्माक्त। १ राजा २२:४० ५३ मेकोम बाल देवता कली पूजा पवा बाक्त। मेकोमी आ आफोम परमपरभु यावे, इसराएली आन परमपरभु कली गाइक्पाइश्शो खोदेशो पा, मेकोमी यो परमपरभु कली गाइक्पदा बाक्त। १ राजा १२:२८-३०

## २ राजा

बरकब मुर: नल्ल क्येडा नोले बरकब, सुइम मतुइक्नीम। एको बरकब मुरुमी यहदा डा पिप आन इतिहास डा किताब नु इसराएल डा पिप आन इतिहास डा किताब तुइश्शो बाक्त।

गना बरकशो: ५६१ बि. सी. पिप योगार्कोन जेल्खान रे परोइचा पुइसीशा बरसम बाक्त।

मार बरकशो: डोंइती १राजा नु २राजा हिब्रू लोत्र रे बरकशो किताब का बाक्त। मको बरकब मुरुमी गरीक लोत्र डा सप्तुआगीन्त माइश्शो किताब निकशी सल्मे बाक्त। राजा किताब निकशी, सामुएल निकशी, यहोसु नु न्यायाधीस कली डोंइती डा परमपरभु यावे आ लोत्र पाइब आन किताब देनीम। मको किताबपुकीमी मोसामी इसराएली आन कली इजीप्ट रे परोइशा बेबीलोन डा मुर आन कली ग्याइश्शा लाइश्शो सम्म डा लोत्र नल्ल बरकशो बाक्व।

## एलीयाम पिप कली लोत्र पशो

१ मिनु आहाब बेक्म नोले मोआबमी इसराएली आन कली मटिया बाक्त। २सामुएल ८:२; २राजा ३:४-२७ २अहाज्याह सामरीया सहर डा आ खिं डा तला तार रे दोक्शा, गार दुम्माक्त। मोपतीक मेकोमी मुर आन कली “लशा, एकरोन डा देवता बाल-जेबुब नु पुनीन। गो एको ओं गार रे सानुडा दय मसानुडा?” दे हिल्लो पचा कली सोइक्तीमी बाक्त। १राजा २२:५२-५४ ३तन्न परमपरभु यावे आ स्वर्ग डा गय पाइबमी तिश्बे सहर डा एलीया कली “बोक्शा लशा, सामरीया डा पिप आ लोत्र कुरब आन कली गरुम्शा, मेको आन कली भार, इसराएलम परमपरभु मबाक्वा डा? मिनु गेपुकी एकरोन डा देवता बाल-जेबुब आ बाक्तीक हिल्लो पथ लनी?” यसैया ८:१९ ४मोपतीके परमपरभु यावेमी अहाज्याह कली गे इ रोइ पा गोल्लीक रे मबोक्नेवे। ग थमा पा बेक्नेवे” देशो बाक्व, देनीन” देमाक्त। मिनु एलीया गाक्माक्त।

५ मिनु मेको लोत्र कुरब मुरपुकी पिप आ बाक्तीक लेशशा जाक्मा बाक्त। मिनु पिपमी “गे मारदे लेशशा जाक्नी?” दे हिल्लो पामी बाक्त। ६ मिनु मेकोपुकीमी “गो आंइ कली गरुम्थ मुर का जाक्त। मिनु मेकोमी लेशशा लशा इन कली सोइक्व पिप आ बाक्तीक लने। मिनु मेको कली परमपरभु यावेमी मार, इसराएलम परमपरभु

मबाक्वा डा? गे एकरोन डा देवता बाल-जेबुब कली हिल्लो पथ मुर सोइक्तीक, मसानीनी, बेक्नीनी” देत माइक्वा” देमा बाक्त। ७ मिनु पिपमी मेको आन कली “इन कली गरुम्शा, मेको लोत्र पाइब मुर दोदेशो बाक्म” दे हिल्लो पामी बाक्त। ८ मिनु मेकोपुकीमी “दलआंठ आ चां के परोइशा वा फक्सीशा नु कुशुल क पटी किम्सीशा बाक्त” देमा बाक्त। मिनु मेकोमी “मेको तिश्बे सहर डा एलीया बाक्व” देमाक्त। इतिहास १६:१७; मत्ती ३:४

९ मिनु पिपमी ५० जना लडाइ पाइब नु आन कप्तान आन कली एलीया आ बाक्तीक सोइक्तीमी बाक्त। मिनु मेको ठेयब मुर डांडा डोइश्शा एलीया आ बाक्तीक लमाक्त। मेना एलीया डांडाम बाक्शो बाक्माक्त। मिनु मेको कप्तानमी “परमपरभु आ मुर, पिपमी इन कली यिन” देशो बाक्व” देमाक्त। १० मिनु एलीयामी मेको ५० जना डा लडाइ पाइब आन कप्तान कली “गो परमपरभु आ मुर बाक्ती हना, सरीड रे मी दोक्शा, गे नु इ लडाइ पाइब ५० जना इन कली दाक्गल” देमाक्त। मिनु सरीड रे मी दोक्शा, मेको कप्तान नु आ लडाइ पाइब ५० जना आन कली दाक्गा बाक्त। लूका १:५४; परकाश ११:५

११ मिनु मेको नोले पिपमी अर्का ५० जना लडाइ पाइब नु आन कप्तान कली एलीया आ बाक्तीक सोइक्तीमी बाक्त। मिनु मेको लडाइ पाइब आन कप्तान डांडा डोइश्शा लशा “परमपरभु आ मुर, पिपमी इन कली शीब पा यिन” देत” देमाक्त। १२ मिनु एलीयाम “गो परमपरभु आ मुर बाक्ती हना, सरीड रे मी दोक्शा, गे नु इ ५० जना लडाइ पाइब इन कली दाक्गल” देमाक्त। मिनु परमपरभु आ मी सरीड रे दोक्शा, मेको नु मेको आ लडाइ पाइब ५० जना आन कली दाक्गा बाक्त।

१३ मिनु पिपमी लेशा ५० जना लडाइ पाइब नु आन कप्तान कली सोइक्तीमी बाक्त। मिनु मेको सोइश्शो लडाइ पाइब आन कप्तान डांडा डोइश्शा एलीया आ बाक्तीक लमाक्त। मिनु मेकोमी एलीया आ डोंइती पोक्व थक्शा सेउ पा “परमपरभु आ मुर, गो नु एको इन गेय पाइब ५० जना आंइ कली शिशी पा बरोइचा गेने। १४ डोंइती डा ५०, ५० जना लडाइ पाइब नु आन कप्तान निकशी आस कली सरीड रे मी दोक्शा, दाक्तु। तन्न मुल आंइ कली शिशी पा बरोइचा गेने” देमाक्त। १५ मिनु परमपरभु यावे

आ स्वर्ग डा गेय पाइबमी एलीया कली “मैको नु उइ बरुपा। मैको क्येडा महिनो” दैमाक्त। मोपतीक एलीया मैको लडाइ पाइब आन कप्तान नु पिप आ बाक्तीक लमाक्त। १६ मिनु मैकोमी पिप कली “परमपरभु यावमी इन कली भार, इसराएलम परमपरभु मबाक्वा डा? मिनु गे मुर आन कली एकरोन डा देवता बाल-जेबुब आ बाक्तीक हिल्लो पथ सोइक्तीनी? मोपतीक गे इन गोल्तीक र मबाक्तीनी। गे थमा पा बैक्तीनी” दैशा बाक्ब” दैमाक्त।

१७ मिनु एलीयामी दैशा खोदंशो पा, परमपरभु यावे आ लोत्र गाप्शा अहाज्याह बैक्माक्त। मिनु मैको आ पा डा आ लोकब यहोराम पिप दुम्माक्त। मारदे हना अहाज्याह के तो मबाक्मा बाक्त। मेना यहूदा डा पिप यहो-शाफात आ तो यहोराम यहूदा डा पिप दुम्शो बर्स निकशी दुम्शो बाक्माक्त। यहोराम कली बरतीक नै योराम यो बाक्त। २ राजा ३:१ १६ अहाज्याह आ पशो अरु गेय, मार, इसराएल डा पिप आन इतिहासम बरक्शो मबाक्वा डा?

परमपरभुम एलीया कली लाइश्शो

१ परमपरभु यावमी एलीया कली फश २ गिवारम क्युकशा स्वर्ग लाइक्वा चिकशो बाक्माक्त। मेना एलीया नु एलीशा गित्वाल परांइशा गाक्ना गाक्न बाक्सा बाक्त। २ मिनु एलीयामी एलीशा कली “गे एक उइ बाक्को। मारदे हना परमपरभु यावमी आं कली बथल सोइश्शो बाक्ब” दैमाक्त। तन्न एलीशामी “परमपरभु यावे बरांइशा बाक्शो खोदंशो पा नु इन बरांइशा बाक्शो खोदंशो पा, गो इन कली मप्रांइनुड” दैमाक्त। मोपतीक मैको निकशी बथल बरुप्सा बाक्त। ३ मिनु मैकेर परमपरभु यावे आ लोत्र पाइब आन हुल का जाक्शा, एलीशा कली “परमपरभु यावमी मुलाक्ती इन होत्रप कली लाइक्ब, दे तुइक्तीनी?” दे हिल्लो पामे बाक्त। मिनु एलीशामी “गो तुइक्नुड। गे सिकसी पने” दैमाक्त।

४ मिनु एलीयामी मैको कली “एलीशा गे एक बाक्को। मारदे हना परमपरभु यावमी आं कली यरीको सोइश्शो बाक्ब” दैमाक्त। तन्न मैकोमी “परमपरभु यावे बरांइशा बाक्शो खोदंशो पा नु इन बरांइशा बाक्शो खोदंशो पा, गो इन कली मप्रांइनुड” दैमाक्त। मोपतीक मैको निकशी यरीको सम्म बरुप्सा बाक्त। ५ मिनु यरीकोम परमपरभु यावे आ लोत्र पाइब आन

हुल का जाक्शा, एलीशा कली “परमपरभु यावमी मुलाक्ती इन होत्रप कली लाइक्ब, दे तुइक्तीनी?” दे हिल्लो पामे बाक्त। मिनु मैकोमी “गो तुइक्नुड। गे सिकसी पने” दैमाक्त।

६ मिनु एलीयामी मैको कली “गे एक उइ बाक्को। मारदे हना परमपरभु यावमी आं कली ‘यर्दन खोला लावो’ दे सोइक्ताक्यो” दैमाक्त। तन्न एलीशामी “परमपरभु यावे बरांइशा बाक्शो खोदंशो पा नु इन बरांइशा बाक्शो खोदंशो पा, गो इन कली मप्रांइनुड” दैमाक्त। मोपतीक मैको निम्फा गाक्सा बाक्त। ७ मिनु ५० जना परमपरभु यावे आ लोत्र पाइबपुकीम एलीया नु एलीशा आस नोले खोदंमे बाक्त। मिनु मैको निकशी यर्दन खोला आ नेक्था राप्शा बाक्सानु, मैकोपुकी डोन र कोत्रशो बाक्मा बाक्त। ८ मिनु एलीयामी आ फेक्शो वा परुइश्शा ओल्शा यर्दन खोला डा ब्वाक्कु तुबा बाक्त। मिनु ब्वाक्कु ग्युरा गे नु परा गे बराशा, सोत्रशो लां दुम्माक्त। मैको निकशी आइक्की हांनु मजाक्दीस्सा सम्म मोपा बराशा बाक्माक्त। परस्थान १४:२१-२२; यहोसु ३:१६

९ मिनु खोला शोक्ससा नोले एलीयाम एलीशा कली “आं कली इ रे पा लाइक्वा पुंइसीचा क्येडा डांइती गो इ पर्वम मार पड?” दैमाक्त। मिनु एलीशामी “इन सोक्त क्येडा भाग निकशी आं कली गेयीनी” दैमाक्त। ब्यवस्था २१:१७ १० मिनु एलीयामी “गे दा ठयब लोत्र कका पुंइतीवी। तन्न आं कली एकर क्युकशा लाइश्शो ताप्तीवी हना, मैको इ पुंइशा गाप्ब। तन्न मताप्तीवी हना, मैको इ पुंइशा मगाप्ब” दैमाक्त। ११ मिनु मैको निकशी लोत्र पना पने गाक्सा बाक्त। मिनु रीब पा मी बरशो बग्गी नु शारापुकी गुरूमा बाक्त। मिनु मैकोपुकीमी मैको निकशी आस कली फरादमे बाक्त। मिनु एलीया फश गिवारम क्युकशा इर सरीड लाइक्वा पुंइसे बाक्त। उत्पत्ती ५:२४ १२ मिनु एलीशाम मैको तशा, वाइ बरेशशा “ए आं आफ! ए आं आफ! इसराएल डा बग्गी नु शारा डोइक्बपुकी” दैमाक्त। मिनु मेना र एलीशाम एलीया कली लेंशा मतवा बाक्त। मिनु नोले मैकोमी आ वा जेर खाक्पा बाक्त। २ राजा ६:२१; २ राजा १३:१४

१३ मिनु एलीशाम एलीया आ दोक्शो फेक्शो वा गुबा बाक्त। मिनु लेश्शा यर्दन खोला आ नेक्था राम्माक्त। १४ मिनु मैकोमी एलीया आ फेक्शो वामी ब्वाक्कु तुप्शा “परमपरभु यावे, एलीया आ परमपरभु ते बाक्म?” दैमाक्त। मिनु

व्याक्कु तुबा बाक्त। मिनु व्याक्कु ग्युरा गे नु परा गे बरामेनु, मेको आंथ हांबु शाक्स बाक्त।

१५ मिनु मेको कोव्रशा बाक्ब यरीको डा परमपरभु यावे आ लोत्र पाइब हुलमी “एलीया आ सोक्त एलीशा तार जाक्माक्त” देमा बाक्त। मिनु मेकोपुकी एलीशा कली गरुमथ जाक्मा बाक्त। मिनु मेको आ डांडती खप सम्मन बाम्मा बाक्त। १६ मिनु मेकोपुकीम एलीशा कली “कोव्रडीन, गो इन गय पाइबपुकी नु बोल्यो ५० जना मुर बाक्नीम। मेकोपुकी लशा, इन होव्रप कली माल्वा गेने। परमपरभु यावे आ सोक्तीम क्युवशा लाइश्शा, मेको कली तेकोइ पहाड, बेसीम वोइश्शा बाक्म माइ” देमा बाक्त। तन्न एलीशाम “ममाइ, मेको आन कली मसोइक्तीन” देमाक्त। १७ तन्न मेकोपुकीम एलीशा कली सोइक्तीन कि सोइक्तीन देमा बाक्त। मिनु एलीशाम मेको आन कली “लो, मो हना सोइक्तीन” देमाक्त। मिनु मेकोपुकीम मेको ५० जना मुर आन कली सोइक्तीन बाक्त। मिनु मेकोपुकीम नाक्त सां सम्म माल्वा मथिदम बाक्त। १८ मिनु एलीशा यरीकोम बाक्मेनु, मेकोपुकी लेशशा, मेको आ बाक्तीक जाक्मा बाक्त। मिनु एलीशाम मेको आन कली “मार, गो इन कली मलन मदेडा डा ?” दे माइक्मी बाक्त।

### एलीशाम व्याक्कु रिम्शो सेल्शो

१९ मिनु मेको सहर डा मुरपुकीम एलीशा कली “एको आंइ सहर रिम्शा बाक्ब। तन्न एकर डा व्याक्कु मरिम्शो बाक्ब। मिनु एको व्याक्कुमी आल शाम्पाइक्ब” देमा बाक्त। २० मिनु मेकोमी “आं कली नक बोस का गेयीनी। मिनु मेकर हिक्सी कुर पने” देमाक्त। मिनु मेकोपुकीम मोपा चाक्गम बाक्त। २१ मिनु एलीशा मेको व्याक्कु बुक्तीकम लशा, मेको हिक्सी बुरुइश्शा, मेकोमी “परमपरभु यावेमी मार देत देशा हना गो एको व्याक्कु कली रिम्शो सेल्ता। मुल एकोमी मबक्पाइक्ब, मशाम्पाइक्ब” देत” देमाक्त। २२ मिनु एलीशा आ देशो सोदेशो पा मेको व्याक्कु मुल सम्म रिम्शो बाक्ब।

### एलीशा कली शाक्शो

२३ मेको नोले एलीशा इर बेथेल लमाक्त। मिनु लना लन बाक्मेनु, सहर डा हुल का वोइश आल जाक्शा, मेको कली शाक्शा “ए तालु सुइले, इर लावो। ए तालु सुइले, इर लावो” दे गरीमा बाक्त। २४ मिनु मेकोम लेशशा कोव्रशा, मेको

आन कली परमपरभु यावे आनेमी सराप पाइक्मी बाक्त। मिनु व्याकी र छाउरी वां निक्शी गरुशा, मेको आन दाते डा ४२ जना आन कली कराइश्शा साइक्मी बाक्त। २५ मिनु मेको मेकर र कारमेत डांडा लमाक्त। मिनु नोले सामरीया लेम्माक्त।

### येहोराम इसराएल डा पिप दुम्शो

१ आहाब आ तो येहोराम सामरीयाम इसराएल डा पिप दुम्माक्त। मिनु मेकोमी १२ बसे सासन पवा बाक्त। मेना यहूदा डा पिप येहो-शाफात पिप दुम्शो १८ बसे दुम्शो बाक्माक्त। २ राजा १:१७ २ मिनु येहोराममी परमपरभु यावे आ डांडती मार मरिम्शो बाक्म, मेको पवा बाक्त। तन्न मेको आ आंम आफोम पशो सोदेशो चहिं ममाइ। मेकोमी आ आफ आ सेल्शो बाल आ थामपुकी परदा बाक्त। १ राजा १६:३२ ३ मो हना यो मेकोमी नेबात आ तो येरोबामम इसराएली आन कली पपाइश्शो पाप मपरॉइथु, पवा बाक्त।

४ मोआब डा पिप मेशामी भडा थुल्वाक्माक्त। मिनु मेकोमी गेना हना यो इसराएल डा पिप कली लाख का पाठा नु लाख का सांड आन ऊन गेबाक्माक्त। ५ तन्न आहाब बेक्म नोले मोआब डा पिपमी इसराएल डा पिप कली मटिवा बाक्त। ६ मोपतीक पिप येहोराम सामरीया र जाक्शा, इसराएली नेल्ल आन कली सुप्तीमी बाक्त। ७ मिनु मेकोमी यहूदा डा पिप येहो-शाफात कली “मोआब डा पिपम आं कली मटीयी। ग आं कली मोआब डा पिप नु लडाइ पवा कली वारच पाइक्नीनी” दे लोत्र कुरब मुर सोइक्तीमी बाक्त। मिनु मेकोमी “गो वारच पाइनुड। गो गे नु बाक्नुड। आं मुर इन मुर नम। आं शारा नेल्ल इन के नम” देमाक्त। १ राजा २२:४ ८ मिनु येहो-शाफातमी “गो ते र लडाइ तोय ?” दे हिल्लो पवा बाक्त। मिनु येहोराममी “एदोम डा गोरशो रागी र” देमाक्त।

९ मोपतीक इसराएल डा पिप, यहूदा डा पिप नु एदोम डा पिप गारशा, लडाइ पथ लमा बाक्त। मिनु मेकोपुकी ७ नाक्त सम्म गाक्मानु, लडाइ पाइब नु आन लाइश्शो बी व्यफ आन कली तूतीक व्याक्कु मबाक्माक्त। १० मिनु इसराएल डा पिपमी “आबी, परमपरभु यावेमी गो पिप सां इं कली मोआबी आन गुइमी जिम्मा गेचा कली एक चाक्शो बाक्त” देमाक्त। ११ तन्न येहो-शाफातमी “मार एकर परमपरभु यावे आ लोत्र पाइब सुइ मबाक्नीमी ? मेको र पा गो परमपरभु यावे कली हिल्लो पने चाप्नीक” देमाक्त। मिनु

इसराएल डा पिप आ गेय पाइब आन दाते डा काम “एलीया आ गुइम ब्वाक्कु लुक्ब शाफात आ तौ एलीशा एक बाक्ब” देमाक्त। १ राजा २२ : २, ७ ; १ राजा १९ : १९-२१

१२ मिनु यंहो-शाफातमी “परमपरभु यावे आ लोत्र मेको नु बाक्ब” देमाक्त। मोपतीक इसराएल डा पिप, यंहो-शाफात नु एदोम डा पिप एलीशा आ बाक्तीक बरूमा बाक्त।

१३ मिनु एलीशाम इसराएल डा पिप कली “गे नु गो इस के मार बाक्बा डा ? इन आम आफ आस नोल्ले दुम्ब लोत्र पाइब आन बाक्तीक लेने” देमाक्त। तन्न इसराएल डा पिपमी मेको कली “ममाइ, परमपरभु यावमी गो पिप सांफा आंइ कली मोआबी आन गुइमी जिम्मा गेचा कली एक चाक्शो बाक्ब” देमाक्त। १४ मिनु एलीशामी “गो आं गेय पशो, मुर नेल्ले आन परमपरभु यावे ब्रांइशा बाक्शो खोदंशो पा यहूदा डा पिप यंहो-शाफात कली मान मपशो नड हना, गो इन कली मसेत्तु वा, मारइ मसुदु वा” देमाक्त। १ राजा १६ : १५ १५ मिनु मेकोमी “तन्न मुल आं कली तार पाइइशो ताप्तीक ताप्ब का चाक्कीन” देमाक्त। मिनु मेकोमी तार पाइइशो ताप्तीक ताप्बमी तबानु, परमपरभु यावे आ सक्तिम एलीशा कली सुमा बाक्त। १ सामुएल १६ : १६ १६ मिनु मेकोमी “परमपरभु यावमी गे एको खोल्सा डा दिमम दोम्नी नु शुश खोल्सा दोन” देमाक्त। १७ मारइ हना परमपरभु यावमी “गे फश गिवार नु रउ यिशो मताइनीनी। मो हना यो एको दिम ब्वाक्कुम ब्रीब। मिनु गे, इन बी ब्यफ नु इन शाराम ब्वाक्कु तूनीनी। १८ एको परमपरभु यावे आ डांइती आइक्च गेय का ला बाक्ब। मेकोमी मोआबी आन कली यो इन गुइम गेब। १९ गेपुकीम गारो हिरशो सहर नेल्ले नु ठेयब दारशो सहर नेल्ले गारानीनी। गेपुकीम रिम्शो खा नेल्ले तिम्नीनी। मिनु ब्वाक्कु यितीक नेल्ले तेक्नीनी। मिनु रू नेल्लेम फुल्लु तेल्नीनी, देशो बाक्ब” देमाक्त। २० मिनु आ दीसा सुनी चढेवो ना छक लाक्चा डा पा एदोम रे ब्वाक्कु शाइइशा यिचा गोवा बाक्त। मिनु रागी नेल्ले ब्वाक्कुम ब्रीमाक्त। गन्ती २६ : ४-५

२१ मेना मोआबीपुकीम पिप नेल्ले गोपुकी नु लडाइ पथ जाक्शो बाक्नीम देशो लोत्र नेन्म बाक्त। मोपतीके या चलेने चाप्ब वांइश मुर, ठिटा नु खोल्पा नेल्ले आन कली बरत्मे बाक्त। मिनु मेको आन कली लडाइ पचा कली ठीक पामे बाक्त। २२ मिनु मेकोपुकी आ दीसा सुनी कना

बोक्मा बाक्त। मिनु मेना ब्वाक्कुम नां टल्केशो तांइसीशो बाक्माक्त। मिनु मोआबीपुकीम मेको आन डांइती डा ब्वाक्कु नांम हुश खोदंशो लल तामे बाक्त। २३ मिनु मेकोपुकीम “एको दा हुश बाक्त। मेको पिपपुकी आंम आंमा लडाइ पा साइक्मुमा बाक्त, थांका। मुल ए मोआबी, मार मार रोइक्थ लय” देमुमा बाक्त।

२४ मिनु मोआबी इसराएली आन बाक्तीकम जाक्मानु, इसराएली गरूशा मेको आन कली मपूरोकपदमे सम्म लडाइ लोत्रमे बाक्त। मिनु इसराएलीम मोआबी आन कली लडाइ तोस डा तोस पामे बाक्त। २५ मिनु मेकोपुकीम मेको आन सहर परइशा श्येत्थ पोक्गमे बाक्त। मिनु मुर नेल्लेमी मेको आन रूम फुल्लु का का ताइइशा, तेइ तेइ फुल्लुम पिरंदम बाक्त। मेकोपुकीम ब्वाक्कु यितीक नेल्ले तेक्गमे बाक्त। मिनु रिम्शो खा नेल्ले तिम्मे बाक्त। मेकोपुकीम किर-होरसथ सहर डा गारो ला हेंदमे बाक्त। तन्न मेको सहर कली हुरद आप्बपुकीम तेक्शा लडाइ लोत्रमे बाक्त।

२६ मिनु मोआब डा पिपमी लडाइ बरुइनुड, दे तुइइशा, तरवार शब लडाइ पाइब ७ सहे जना आन कली लाइइशा, एदोम डा पिप आ बाक्तीक ओत्रचा कली लमाक्त। तन्न मेकोमी मो पने मचबा बाक्त। २७ मिनु मेकोमी आ पा डा पिप दुम्ब आ डांइती जरमेशो तौ कली गारोम क्योरशा चाशा चढेवा बाक्त। मिनु इसराएली छक लाक्शा लेइशा आन रागी लमा बाक्त।

### एलीशामी वारच पशो

४ १ मिनु परमपरभु यावे आ लोत्र पाइब का आ मीश जाक्शा ठेयब संदा पा एलीशा कली “इन गेय पाइब आं वांइश बेक्त। मेको परमपरभु यावे कली मान पा हिंब बाक्त, दे तुइक्नीनी। तन्न मुल मेको आ जेर जशो मुर जाक्शा आं आल निक्शी आस कली वाइल सेल्वा कली लाइक्चशो बाक्ब” देमाक्त। २ मिनु एलीशामी मेको कली “गो इ कली मार पाइनुडा ? इ खिम मार बाक्बा ? आं कली देनो” देमाक्त। मिनु मेकोमी “गो, इन वाइलीम आं खिम गर का तेल डा लाक्शा अर्का मारइ मबाक्ब” देमाक्त। १ राजा १७ : १२ ३ मिनु एलीशामी “इ नेक्था डा मुर आन खिं लशा, श्येत्थ गर का निक्शी ला ममाइ, शुश गर पुंइशा चाक्को। ४ मिनु गे खिं ओत्रशा, इ आल आस कली यो आगा आंइशा, लाप्बो चोक्को। मिनु मेको गर डा तेल अर्का

गर नेल्लेम कुर पावो। मिनु बरीशो गार याक्शा वोतो” देमाक्त। ५ मिनु मेको मीश मुर एलीशा आ बाक्तीक रे गाक्माक्त। मिनु आ खिं जाक्दीश्शा, आ आल आस कली खिंडगा ओइशा लाप्चो चोक्शा बाक्त। मिनु आ चाक्शो श्येत्य गर शुशमी तेल पिरंदा बाक्त। ६ मिनु मेको गर तेलम बरीमा बाक्त। मिनु मेकोमी आ तो कली “अर्का गर चाक्का” देमाक्त। मिनु मेकोमी “मुल श्येत्य गार का यो मबा” देमाक्त। मिनु तेल यिचा यो देमाक्त। ७ मिनु मेको लशा, मेको परमपरभु आ मुर कली शंदा बाक्त। मिनु मेकोमी “लशा मेको तेल लेयडो। मिनु इ जेर थाप्तो। मिनु लीशो क्येट चहिं इन खिं डा मुर आन कली थुल्चा कली दुम्त” दे मदा बाक्त।

### एलीशा नु शुनेम डा मीश मुर

८ काबु नाक्ती एलीशा शुनेम सहर लमाक्त। मेकर शुश शोप पाइश्शा मीश मुर का बाक्माक्त। मिनु मेकोम एलीशा कली जथ तूथ बरत्ता बाक्त। मिनु एलीशा मेको मेर गाक्मेनु, जथ तूथ ओव्रबाक्माक्त। यहोसु १९:१६ १ मिनु काबु नाक्त मेको मीश मुरुमी आ वोइश कली “एको गेना हना यो इं लां रे गाक्ब मुर थमा पा परमपरभु आ मुर बाक्ब, दे गो तुइक्नुड। १ गो तला तार थरपु हिरशा मेको कली आइक्च कोठा का सल्शा गय। मिनु मेको कोठाम मेको कली खाट का, टेबल का, निक्तीक का नु बत्ती का वोइश्शा गचा। मिनु मेको एक जाक्मेनु, मेकर बाक्तीक पवल” देमाक्त।

९ मिनु काबु नाक्त एलीशा जाक्शा, नाइक्चा कली मेको कोठाम लशा गोल्माक्त। १० मिनु मेकोम आ गेय पाइब गेहाजी कली “मेको शुनेम सहर डा मीश मुर कली बरेशशा कुतो” दे मदा बाक्त। मिनु मेकोम, मेको कली बरत्ता बाक्त। मिनु मेको एलीशा आ डांइती जाक्माक्त। ११ मिनु एलीशाम आ गेय पाइब कली “मेको कली थ आं पर्वम इश्का श्येत पाप्तीवी। मुल गो इ कली मार पने चान्नुडा? मार, गो इ पर्वम पिप नु लडाइ पाइब आन ठेयब मुर नु मारइ लोत्र पशा गना?” दे मेको कली हिल्लो पावो” दे मदा बाक्त। मिनु मेको मीश मुरुमी “गो एक आं मुर आन दातमीन बाक्नुड” देमाक्त। १२ मिनु एलीशाम गेहाजी कली “मो हना मुल गो मेको कली मार पने चान्नुडा?” देमाक्त। मिनु गेहाजीम “मेको के तो मबाक्ब। आ वोइश सूशो दुम्शो बाक्ब” देमाक्त। १३ मिनु एलीशामी “मेको कली

बरतो” देमाक्त। मिनु गेहाजीम मेको कली बरत्तानु, मेको लाप्चोम राम्माक्त। २ राजा २:२५ १६ मिनु एलीशामी “अर्का बर्स इ थुकुम तो का बाक्ब” देमाक्त। मिनु मेकोमी “ममाइ, आं परभु, गो परमपरभु आ मुर बाक्नीनी। मोपा इन वाइलीम आं कली जाल मपने” देमाक्त। उत्पत्ती १८:१०,१४

१० मिनु मेको कोव्रज कुरशो दुम्शा, एलीशाम देम ना तो का थिमाक्त।

१५ मिनु मेको आल कोल्शा, काबु आ आफ नु खेत्ला आन अन्न खुप्तीकम लमाक्त। २ राजा ४:१६ ११ मिनु मेकोमी आ आफ कली ठेयब संदा पा “आं पिया ब्वती, आं पिया ब्वती” देमाक्त। मिनु आ आफोम आ गेय पाइब का कली “एको कली आ ममा आ बाक्तीक लतो” दे मदा बाक्त। लूका १०:४ २० मिनु मेको गेय पाइब मुरुम मेको आल कली आ ममा आ बाक्तीक चाक्दीदा बाक्त। मिनु मेको आल आ ममा आ थुकुम नाक्ती उदक्थ दुम सम्म बाक्शा बेक्माक्त। २१ मिनु मेको मीश मुरुमी मेको आल कली इर परमपरभु आ मुर आ ब्राख्येम लाइश्शा खोल्शा वोइश्शा लाप्चो चोक्शा गरूशा गाक्माक्त। २२ मिनु मेकोमी आ वोइश कली बरेशशा “आं कली गेय पाइब का नु गधा का सोइक्तीनी। मिनु गो रीब पा परमपरभु आ मुर बाक्तीक लशा लेल्नुड” देमाक्त। २३ मिनु आ वोइशमी “मुलाक्त मारदे लचा माल्द? ओंसी यो ममाइ, नाइक्तीक नाक्त यो ममाइ” दे मदा बाक्त। मिनु मेकोमी “लचा माल्नुड” देमाक्त। २४ मिनु मेकोमी गधाम लगम पाइश्शा, आ गेय पाइब कली “गो नाइक्तो मदेडा सम्म सुलो देश मपावो” दे मदा बाक्त। २५ मोपा मेको गाक्शा, परमपरभु आ मुर बाक्तीक कारमेल डांडाम जाक्माक्त। मिनु परमपरभु आ मुरुम मेको कली डोन रन तशा आ गेय पाइब गेहाजी कली “कोव्रज, दे मेरे जाक्ब शुनेम सहर डा मीश मुर बाक्ब। २६ गो दोरशा लशा मेरे कली मार नल्ल रिम्शोन बाक्वा? मार, इ वोइश रिम्शोन बाक्मे? इ आल रिम्शोन बाक्मे?” दे हिल्लो पावो” दे मदा बाक्त। मिनु मेकोम हिल्लो पवानु “नल्ल रिम्शोन बाक्नीम” देमाक्त। २७ मिनु मेको परमपरभु आ मुर बाक्तीक डांडाम जाक्शा, एलीशा आ खोइल मुबा बाक्त। मिनु गेहाजी मेको कली फराचा कली जाक्मेनु, परमपरभु आ मुरुम एको कली “मपावो, एको कली ठेयब श्येत दुम्शो बाक्ब। तन्न परमपरभु यावेमी मेको लोत्र

खरुइश्शा, आं कली मशंदी” देमाक्त। २६ मिनु मेको मीश मुरुमी “ए आं परभु, मार गो तो पुंड्रशा नडा डा? आं कली आस कोइशा मोशा मसल्यीनी दंशा पुंड्रशा मनडा डा?” देमाक्त। २९ मिनु एलीशाम गेहाजी कली “इ किप्शुर किम्सा। एको आं कोक्के कुरशा दोरशा लावा। लाम सुइ गरुस्तीवी हना, मकोपुकी नु लोत्र पचा कली मदिकको। सुइमी इ कली लोत्र पास्तेकम हना, मेको आन कली लोत्र मलेतो। एको आं कोक्के लाइश्शा, मेको आल आ कुलुम वोतो” दे मदा बाक्त। ३० तन्न मेको आल आ ममामी “परमपरभु यावे बराइशा बाक्शा खोदंशा पा नु इन बराइशा बाक्शा खोदंशा पा गो इन कली मपराइनुड” देमाक्त। मोपतीके एलीशा बोक्शा, मेको मीश मुर आ नोले खोदा बाक्त। ३१ गेहाजी चहिं डोइती लशा मेको कोक्के मेको आल आ कुलुम वोदा बाक्त। तन्न मेको मारइ मदुम्माक्त। मोपतीके एलीशा कली गरुस्चा कली गेहाजी लेम्माक्त। मिनु मेको कली “मेको आल मसस” देमाक्त।

३२ मिनु एलीशा सिं जाकमेनु, मेको आल कली आ बराख्यम बेक्शा थिदा बाक्त। ३३ मिनु एलीशा आगा ओत्रशा लाप्चो चोक्शा, परमपरभु यावे कली पुना बाक्त। पररित ९:४० ३४ मेको नोले मेको बराख्यम डोइश्शा, मेको आल आ शोत्रम आ शोत्र, मेको आ मिक्चम आ मिक्ची नु मेको आ गुइम आ गुइ वोइश्शा, मेको आल तार गोल्माक्त। मिनु मेको आल होना होन लमाक्त। ११ राजा १७:२१ ३५ मिनु एलीशा बोक्शा कोठाम एर ओथ पवा बाक्त। मिनु मेको लंशा खाट डोइश्शा मेको आल कली कोत्रडानु, मेको आलम ७ ख्यप हाक्च पा, आ मिक्च पाक्शा बाक्त। ३६ मिनु एलीशाम गेहाजी कली “मेको शुनेम सहर डा मीश मुर कली बरश्शा, एक चाक्को” दे मदा बाक्त। मिनु मेकोमी मेको कली बरंता बाक्त। मिनु मेको मीश मुर जाकमेनु, एलीशामी मेको कली “इ तो लतो” दे मदा बाक्त। ३७ मिनु मेको आगा ओत्रशा एलीशा आ सोइलीम खप सम्मन बाम्माक्त। मिनु मेको नोले आ तो लाइश्शा गरुशा लमाक्त।

#### बोसुम ओश्यर बाक्शा

३८ मिनु एलीशा लेश्शा गिल्याल लमाक्त। मेना मेको रागीम ठेयब अन्काल दुम्शो बाक्माक्त। परमपरभु यावे आ लोत्र पाइब आन हुल का मेको आ डोइती बाक्मा बाक्त। मिनु

मेकोम आ गेय पाइब कली “चुप्नुम ठेयब बोस का काशा एको परमपरभु यावे आ लोत्र पाइब आन हुल आन कली खोले क्येवो” दे मदा बाक्त। ३९ मेको आन दाते डा का चहिं गिग खाइ माल्थ रू मर लमाक्त। मिनु ब्याकी डा बोबीस थिदा बाक्त। मिनु मेकोम मेको संक्शा पाल्टो का पा चाक्शा बाक्त। मेकोमी मेको मार बाक्म, दे मतुइक्थु परक्शा खोलम सुप्ता बाक्त। ४० मिनु मुरपुकीम जामेक्ल, दे मेको तेम्शा खरतीमी बाक्त। मिनु मेकोपुकीम जशा, ठेयब सेदा पा “ए परमपरभु आ मुर, एको बोसुम दा ओश्यर कका बाक्त” देमा बाक्त। मिनु मेकोपुकीम मेको जने मचाप्म बाक्त। ४१ मिनु एलीशाम “इच्का खोइ फस चाक्कीन” देमाक्त। मिनु मेकोम मेको फस बोसुम कुर पवा बाक्त। मिनु मेकोमी “मुल मेको आन कली एको जचा गेने” देमाक्त। मेको नोले मेको बोसुम ओश्यर मबाक्माक्त।

#### सहे का मुर आन कली थुल्थो

४२ मिनु बाल-शालीशा डा मुर काम परमपरभु आ मुर कली आ डोइती मीशो क्योत्रज क २० ओटा शोब्ले नु नक मीशो अन्न चाक्शा जाक्माक्त। मिनु एलीशाम “एको मुर आन कली जचा गेने” देमाक्त। मत्ती १५:३३,३७; मत्ती १६:९-१०; यूहन्ना ६:९ ४३ मिनु मेको आ गेय पाइबमी “गो एको सहे का मुर आन कली जचा थोत्रक दोपा जचा गनुडमी” देमाक्त। मिनु मेकोमी लंशा “एको मुर आन कली जचा गमी। मारदे हना परमपरभु यावेम मेको नेल्लेम जशा यो, इच्का हेब देशो बाक्ब” देमाक्त। ४४ मिनु मेकोमी मुर आन डोइती खरतीमी बाक्त। मिनु परमपरभु यावे आ देशो खोदंशा पा, मेको मुरपुकीम जशा यो हेमाक्त।

#### नामान कोत्रर पशो रे साशो

५ १ नामान अराम डा पिप आ लडाइ पाइब आन ठेयब मुर बाक्माक्त। मेको आ होत्रपम मेको कली शुश दाक्बाक्माक्त। मेको शुश हिक्सीशो मुर का बाक्माक्त। मारदे हना मेकोम पतीकेन परमपरभु यावेम अराम कली गरपाइश्शो बाक्माक्त। मिनु मेको थम सक्ति पाइश्शो लडाइ पाइब मुर यो बाक्माक्त। तन्न मेको कोत्रर पशो बाक्माक्त। २ मिनु अराम रे लडाइ पाइबपुकी लशा इसराएल डा मीश आल का कली ग्याइश्शा चाक्शा बाक्मा बाक्त। मिनु मेको

नामान आ मीश आ गेय पाइब दुम्शो बाक्माक्त ।  
 ३मिनु मेकोमी आ होत्रपोक्म कली “आं होत्रप,  
 आं परभुमी सामरीयाम बाक्ब परमपरभु यावे आ  
 लोत्र पाइब कली गरुम्शो हना, मेकोमी आ कोत्रर  
 सापद वा” देमाक्त । ४मिनु नामान आ परभु  
 पिप बाक्तीक लशा, मेको इसराएल र चाक्शो  
 मीश आल आ दंशो लोत्र नेल्ल नंपदा बाक्त ।  
 ५मिनु अराम डा पिपमी “दुम्ब, गे लावो । गो  
 इसराएल डा पिप कली चिठी का बरक्नुड”  
 देमाक्त । मोपतीक नामान १० टलेन्ट चांदी, ६  
 हजार शेकल सुन नु १० जोर फक्तीक वा कुरशा  
 लमाक्त । टलेन्ट का ३४ किलो बाक्ब । शेकल  
 का ११.५ ग्राम बाक्ब । ६मिनु मेकोमी मेको  
 चिठी इसराएल डा पिप आ बाक्तीक चाक्गा  
 बाक्त । मेको चिठीम इसराएल डा पिप कली “गो  
 एको चिठी नु आं गेय पाइब ठेयब मुर नामान  
 कली इन बाक्तीक सोइक्ताकड । गे मेको आ  
 कोत्रर सापतीन” दे बरक्शो बाक्माक्त । ७मिनु  
 इसराएल डा पिपम मेको चिठी पदेवा चोटीन  
 आ वा स्वाक्शा “मार, गो परमपरभु नडा डा ?  
 मिनु बेक्पाइक्ने नु संपाइक्ने चाप्नुडा ? मेको  
 मुरुम मारदे एको मुर कली आ कोत्रर सापाइक्चा  
 कली आं बाक्तीक सोइक्ता ? मेकोम गो नु खुजरी  
 माल्तु” देमाक्त ।

८मिनु इसराएल डा पिपमी आ वा स्वाक्शो  
 लोत्र परमपरभु आ मुर एलीशाम नेना बाक्त ।  
 मिनु मेकोमी पिप कली “गे मारदे इन वा स्वाक्नी ?  
 मेको मुर कली एक आं बाक्तीक सोइक्तीन ।  
 मिनु मेकोमी इसराएलमी परमपरभु यावे आ लोत्र  
 पाइब मुर का बाक्ब, दे तुइक्ब” दे लोत्र कुरब मुर  
 सोइक्ता बाक्त । ९मोपतीक नामान आ बग्गी नु  
 शारापुकी चाक्शा जाक्माक्त । मिनु एलीशा आ  
 सिं आ लाप्चोमी राम्माक्त । १०मिनु एलीशाम  
 मेको कली “गे लशा, यर्दन खोला ७ खयप  
 चिक्सीचा माल्लेव । मिनु इन श्ये डांइती डा  
 खोदंशो दुम्ब । मिनु गे गरांगरा मदिशो दुम्नीनी”  
 दंथ मुर का कली सोइक्ता बाक्त । ११तन्न  
 नामान गाइश्शा “गो मेको गरुशा राप्शा, थमा  
 पा, परमपरभु यावे, आ परमपरभु आ नें थिशा  
 पुंडशा, आं गार तार आ गुइ वोइश्शा, आं कोत्रर  
 सापाइक्ब, दे मिम्शो नडा । १२मार, आबाना,  
 फारपार नु दमस्कस डा खोला मेर डा ब्याक्कु  
 इसराएल डा ब्याक्कु नेल्ल क्येडा रिम्शा  
 ममाइ डा ? मार, गो मेकर डा ब्याक्कुम चिक्शा  
 साने मचाप्नुडा डा ?” दे गाइश्शा गाक्माक्त ।  
 १३तन्न नामान आ गेय पाइबपुकी जाक्शा मेको

कली “ए, आंइ आफ, मार परमपरभु यावे आ  
 लोत्र पाइबमी इन कली ‘श्येत डा गेय का पने’  
 दंशो हना, गे मेको मपाइनीनी डा ? मेकोमी इन  
 कली ‘ब्याक्कुम चिक्शा गरांगरा मदिशो दुम्नीन’  
 दंमेनु, मेको मारदे मपाइनीनी ?” देमा बाक्त ।  
 १४मोपतीक मेको उइ बरुम्माक्त । मिनु परमपरभु  
 आ मुरुम दंशो खोदंशो पा, यर्दन खोला ७  
 खयप चिक्स बाक्त । मिनु मेको आ श्ये नु कुशुल  
 डांइती डा खोदंशो पा ठिटा आन क खोदंशो  
 दुम्माक्त । मिनु मेको गरांगरा मदिशो दुम्माक्त ।  
 लवी १४ : ७-९ ; लूका ४ : २७

१५मिनु मेको नु आ मुर नेल्ल लेश्शा  
 परमपरभु आ मुर बाक्तीक जाक्मा बाक्त । मिनु  
 मेको एलीशा आ डांइती राप्शा “इसराएलम  
 डा लाक्शा, अर्का तेकोइ रागीम परमपरभु  
 मबाक्माक्त । मुल गो तुइक्ताकड । इन गेय पाइब  
 आं गुइ रे कोसेली का ताक्कीन” देमाक्त । २राजा  
 ५ : ५ १६मिनु परमपरभु यावे आ लोत्र पाइबमी  
 “गो आ गेय पशो, परमपरभु यावे बरांइशा  
 बाक्शो खोदंशो पा, गो मारइ मबरइनुड”  
 देमाक्त । नामानम मेको कली ताक्कीन कि  
 ताक्कीन देमाक्त । मो हना यो मेको मबिस्से  
 बाक्त । १७मिनु नामानमी “गे एको मताक्नीनी  
 हना, इन गेय पाइब, आं कली भारी निक्शी गधाम  
 कुरतीक खप लाइक्चा गेयीनी । मारदे हना मुल  
 गो इन गेय पाइबम, परमपरभु यावे कली डा  
 लाक्शा अरु तेकोइ देवी देवता आन कली चोशा  
 चदतीक नु अरु चदतीक मचदनुड । १८तन्न  
 एको गेय काम ला परमपरभु यावम इन गेय  
 पाइब कली माफ गेवत । मेको आं होत्रप रिम्मान  
 कली पूजा पथ लमेनु, आं गुइमी ग्याइक्पाइश्शा  
 आगा ओत्रब । मिनु मेकोमी मेकर पूजा पवानु,  
 गो यो बाप्चा माल्तुड । मोपतीक मेको आ  
 पर्वम परमपरभु यावमी आ गेय पाइब, आं कली  
 माफ गेयील” देमाक्त । १९मेको नोले एलीशाम  
 मेको कली “इ थुं नाइश्शा लावो” दे मदा  
 बाक्त । मिनु नामान गाक्शा इक्का आइक्ची  
 जाक्दीम्मेनु, २० परमपरभु आ मुर एलीशा आ गेय  
 पाइब गेहाजी आ थुंमी “एको आं होत्रपमी दा  
 एको अरामी नामान आ चाक्शो मारइ मबरथु  
 लश्शा कका सोइक्ताक्ब । मुल गो परमपरभु  
 यावे बरांइशा बाक्शो खोदंशो पा, गो मेको आ  
 नोले लशा मारइ थोत्रक ताक्नुड” दे मिम्ता  
 बाक्त । २१मोपतीक गेहाजी नामान आ नोले  
 दोरशा लमाक्त । मिनु नामानम मेको कली आ  
 नोले दोरशा पिशो तवा बाक्त । मिनु मेको कली

गुरूचा कली नामान आ बग्गी र तोइश्शा “मार नल्ल ठीक बाक्बा?” दे हिल्लो पवा बाक्त। २२ मिनु गेहाजीम “मारइ मदुम। तन्न आं होवपमी आं कली एफराइम पहाड डा परमपरभु यावे आ लोव्र पाइब आन हुल र ठिट्टा निकशी जाक्ताक्स। मिनु शिशी पा मको आस कली ‘टलेन्ट का चांदी नु जोर निकशी वा गन’ दथ सोइक्ताकयी” देमाक्त। टलेन्ट का ३४ किलो बाक्ब। २३ मिनु नामानमी मको कली “थमा पा गे टलेन्ट निकशी लतीन” देमाक्त। मिनु नामानमी गेहाजी कली “लतीन कि लतीन” दे मदा बाक्त। मिनु मको कली टलेन्ट निकशी चांदी नु जोर निकशी वा थेलो निकशीम कुर पा, फरेशा गेवा बाक्त। मकोमी मको आ गेय पाइब निकशी आस कली मको कुरपाइश्शा गेहाजी कली चोवथ सोइक्ता बाक्त। टलेन्ट का ३४ किलो बाक्ब। २४ मिनु मको गेहाजी डांडाम जाक्शा, मको गेय पाइब आस गुइ र ताक्शो थोवक आ खिम वोदा बाक्त। मिनु मको आस कली चहिं सोइक्तीम्सी बाक्त। मिनु मको गाक्सा बाक्त।

२५ मिनु मको आगा लशा, आ होवप एलीशा आ डांडती राम्माक्त। मिनु एलीशामी “गेहाजी गे ते लवे” दे हिल्लो पवा बाक्त। मिनु गेहाजीम “इन गेय पाइब, गो तेइ मलशो बाक्नुड” देमाक्त। २६ तन्न एलीशाम मको कली “मार, मको मुर आ बग्गी र तोइश्शा इ कली गरुम्थ पिमनु, आं सोक्त गे नु मबाक्म डा? मुल क्येट, वा, तेल रवा, अङ्गुर रू, भंडा, ब्यफ नु वाइलीम वाइलपुकी आंम के सल्ल्तीक ना बाक्बा डा? २७ मुल नामान आ कोव्र पतीक रोइ गे नु इ चच युइ इन खिम गेना हना यो खोक्शा लोब” दे मदा बाक्त। मिनु गेहाजी मको आ डांडती र लमाक्त। मिनु मको फु खांदेशो पा बुश पा कोव्र मुमाक्त।

खा ब्याक्कु तार गरुशो

१ परमपरभु यावे आ लोव्र पाइब आन हुल काम एलीशा कली “एको इं बाक्शो खिं इं कली थम आइक्च बाक्ब। २ मुल गो यर्दन सोला आ नेक्था लय। मिनु मेकर नल्लेम शी चाक्शा खिं का सल्लसय” देमा बाक्त। मिनु एलीशाम “दुम्ब लने” देमाक्त। ३ मिनु मको आन दाते डा काम “गे यो इन गेय पाइबपुकी नु लाइनीनी?” देमाक्त। मिनु एलीशाम “दुम्ब गो यो लाइनुड” देमाक्त। ४ मिनु एलीशा मकोपुकी नु लमाक्त। मिनु मकोपुकी यर्दन सोला जाक्दीश्शा रवा तिमचा गोव्रमे बाक्त। ५ मिनु मुर काम रवा

तिम्ना तिमन पवानु, आ खा बुइश्शा ब्याक्कुम ओव्रमाक्त। मिनु मको ठेयब संदा पा “आबी, आं परभु, मको दा पुइशा चाक्शो खा कका बाक्ब” देमाक्त। ६ मिनु मको परमपरभु आ मुरुम “मको ते दोक्म” दे हिल्लो पवा बाक्त। मिनु मकोम एकर दोक्त, दे कांडदा बाक्त। मिनु एलीशाम मेकर शी का खोइश्शा ब्यारदा बाक्त। मिनु मको खा ब्याक्कु तार गरुमाक्त। ७ मिनु एलीशाम “शाल्शा लतो” देमाक्त। मिनु मको मुरुम आ गुइ दिशा शाल्शा लदा बाक्त।

एलीशाम मिक्च मताइब सल्ल्शो

८ काले अराम डा पिप इसराएल नु लडाइ पना पन बाक्माक्त। मिनु मकोम आ गेय पाइब लडाइ पाइब आन ठेयब मुरपुकी नु सल्लता पा “गो आं बाक्तीक मेकर सल्लुड” देमाक्त। ९ मिनु परमपरभु आ मुरुम इसराएल डा पिप कली “मेकर र गाक्ची ना होस पा गाक्कीन। मारदे हना अरामी मेकर लशो बाक्नीम” देमाक्त। १० मोपतीके इसराएल डा पिपमी आ मुर आन कली मेकर गाक्नीनु “होस पा गाक्कीन” दे का निकशी खेयप हिंच कांडदा बाक्त। मिनु मकोपुकी होस पा बाक्मा बाक्त।

११ मोपतीके अराम डा पिपमी “इसराएल डा पिपम इं बाक्तीक दोपा तुइक्ता” दे थाम्पा गाइक्ता बाक्त। मिनु मकोम आ लडाइ पाइब आन ठेयब मुर आन कली बरश्शा “गे इन दाते डा सुमी चहिं इसराएल डा पिप कली लोव्र शंदीनी? लो, देनीन” देमाक्त। १२ मिनु मको लडाइ पाइब आन ठेयब मुर आन दाते डा काम “आं परभु पिप, आं परभु, गो सुइम मो मपक। तन्न इसराएल डा परमपरभु यावे आ लोव्र पाइब एलीशाम गे इन इप्तीक कोठाम ब्याक्शो यो शंब” देमाक्त। १३ मिनु पिपमी “मको ते बाक्मे माल्शा तुइश्शा जाक्कीन। मिनु गो मुर आन कली सोइश्शा, मको कली ग्याइक्पाइक्नुड” देमाक्त। मिनु मकोम “मको दोथान सहरम बाक्ब” देमाक्त। १४ मिनु पिपम शारा नु बग्गी पाइश्शा ठेयब सक्ति पाइश्शा लडाइ पाइब आन हुल का मेक सोइक्ता बाक्त। मिनु मकोपुकी नाक्दो लशा, मको सहर पुम्दम बाक्त।

१५ मिनु परमपरभु आ मुर आ गेय पाइब सुनी कना बोक्शा लाङ्गा गरुमाक्त। मिनु मेना शारा नु बग्गी पाइश्शा लडाइ पाइब आन हुलमी सहर पुम्शो तवा बाक्त। मिनु मको गेय पाइब लशा आ होव्रप कली “आबी, आं परभु, मुल मार

पय” देमाक्त। १६ मिनु मेको परमपरभु यावे आ लोत्र पाइबमी “महिना। मेकोपुकी नु बाक्शो आन क्येडा गो नु बाक्शो शुश बाक्नीम” देमाक्त। १७ मिनु एलीशामी “परमपरभु यावे, एको आ मिक्च ताइब सलीन। मिनु एकोम तवल” दे पुना बाक्त। मिनु परमपरभु यावेम मेको गय पाइब आ मिक्च ताइब सला बाक्त। मिनु मेकोमी एलीशा आ एर ओथ डा डांडा नल्लेम मी बरशा शारा नु बग्गीम बरीशो तवा बाक्त। यहोसु ५ :१३ १८ मिनु अरामीपुकी तोइशशा मेको आ बाक्तीक पिमानु, एलीशामी परमपरभु यावे कली “एको मुर आन कली मिक्च मताइब सलीन” दे पुना बाक्त। मिनु एलीशाम पुंइशो खोदंशो पा, परमपरभु यावेम मेको आन कली मिक्च मताइब सलीम बाक्त। उत्पत्ती १९ :११ १९ मिनु एलीशाम मेको आन कली “एको लो ममाइ। एको सहर यो ममाइ। गे आं नोले खोइय्यीनी। मिनु गो इन माल्शो मुर आ बाक्तीक चाक्दील्लन्नी” दे माइक्मी बाक्त। मिनु एलीशाम मेको आन कली सामरीयाम चाक्दीम्मी बाक्त।

२० मिनु मेकोपुकी सामरीया सहरम जाक्दीम्मा नोले एलीशाम “ए परमपरभु यावे, एको मुर आन कली मिक्च ताइब सलीन। मिनु एकोपुकीम लेंशा तने चाप्मेकल” दे पुना बाक्त। मिनु परमपरभु यावेमी मेको आन कली मिक्च ताइब सलीम बाक्त। मिनु मेकोपुकीम कोवडमेनु, सामरीया सहरम बाक्शो ताम बाक्त। २१ मिनु इसराएल डा पिपमी मेको आन कली तशा, एलीशा कली “आं आफ, मार गो एको आन कली सदुमी। एको आन कली सदुमी ?” दे हिल्लो पवा बाक्त। २२ मिनु एलीशाम “मेको आन कली मसतीन। मार, गे आंमा इन लिबरा नु तरवारम ग्याइशो आन कली साइक्ने चाप्नीनी डा ? गे एको मुर आन कली जचा तूचा गेने। मिनु एकोपुकी जशा तूशा आन होत्रप बाक्तीक लमल” देमाक्त। लेवी १९ :१८ ; २इतिहास २८ :९-१५ ; हितोपदेश २५ :२१-२२ २३ मिनु पिपमी मेको आन कली ठेयब भोज का सल्ला थुल्मी बाक्त। मिनु मेकोपुकी जशा तूशा पामे नोले मेको आन कली आन होत्रप बाक्तीक सोइक्तीमी बाक्त। मिनु मेको आन होत्रप बाक्तीक लेम्मा बाक्त। मेना र अरामीपुकीमी इसराएली आन कली लडाइ तोतीक नु मार मार रोइक्तीक मपामे बाक्त।

### सामरीयाम अन्काल दुम्शो

२४ तन्न इक्का नाक्त नोले अराम डा पिप बेन-हादादमी आ लडाइ पाइब आन कली सुष्शा सामरीयाम सोइशशा, मेको कली एर ओथ नल्ले र पुम्पदा बाक्त। २५ मिनु मोपा पुन्दम नोले मेको सहरम थम ठेयब अन्काल दुम्माक्त। मेकर गधा आ पिया का कली ८० शेकल चांदी नु काब का डा ४ भाग, डा भाग का डुकुर आन खरी कली ५ शेकल चांदी थाप्पा माल्दा बाक्त। शेकल का ११.५ ग्राम बाक्ब। काब का १.२ लिटर खोदंशो पुक्तीक बाक्ब। काब डा ४ भाग डा भाग का, १/४ लिटर खोदंशो बाक्ब। २६ काबु नाक्त इसराएल डा पिप सहर डा गारो तार हिरसे बाक्त। मिनु मीश मुर काम पिप कली “आं परभु पिप, आं परभु आं कली वारच पाइय्यीनी” देमाक्त। २७ मिनु पिपमी “परमपरभु यावेमी इ कली वारच पवल। गो ते रे वारच पाइक्नना ? अन्न तुप्तीक रे देय अडगुर खराक्तीक रे ?” देमाक्त। २८ मिनु पिपम मेको कली “इ कली मार दुम ?” दे मदा बाक्त। मिनु मेको मीश मुरुम “एको मीश मुरुम आं कली मुलाक्ती इ तौ ब्बचा योक्को। मिनु दीसा चहिं आं तौ ब्यय” देत। ब्यवस्था २८ :५३ २९ मिनु गो आं तौ कली ब्वाइतक। मिनु गो एको कली मुलाक्त ब्बचा कली इ तौ चाक्को” दे माइक्ता। तन्न एकोम आ तौ खरुइशशा मगरुइद” देमाक्त। ३० मिनु पिपमी मेको मीश मुर आ लोत्र नेंशा, आ वा खाक्का बाक्त। मुरपुकीम मेको कली आगाम अरन्डी फक्शो ताम बाक्त। मारदे हना मेको सहर डा गारो तार गाक्शो बाक्माक्त। ३१ मिनु मेकोम “मुलाक्त गो शाफात आ तौ एलीशा आ पिया मखरोइक्ता हना, परमपरभुम सजाइ ला ममाइ, मेको क्येडा यो शुश पाइय्यील” देमाक्त। ३२ मिनु पिपम आ लोत्र कुरब मुर का कली एलीशा आ बाक्तीक सोइक्ता बाक्त। मेना एलीशा खाल्पापुकी नु आ खिम बाक्शो बाक्माक्त। तन्न मेको लोत्र कुरब मुर जाक्का क्येडा डांडीती एलीशाम मेको खाल्पा आन कली “मेको मुर साइक्बम आं पिया खरोइक्पाइक्का कली मुर सोइशशा गे मतनी ? कोवडीन, मेको आ लोत्र कुरब जाक्मेनु, लाप्पो चाक्कीन। मिनु थम बोल्यो पा नेष्शा बाक्कीन। मार मेको आ होत्रप मेको आ नोनोले मपिशो बाक्बा डा ?” देमाक्त। ३३ मिनु एलीशाम मेकोपुकी नु लोत्र पना पन बाक्मेनु मेको लोत्र कुरब मुर जाक्माक्त।

मिनु पिपमी “एको खतम दुम्तीक परमपरभु यावे रे जाकशो बाकब। मुल गो मारदे परमपरभु यावे कली आस पा बाकनुडा ?” देमाक्त। आमोस ३ :६

### जचा थोत्रक तांडसीब देशो

१ एलीशाम “परमपरभु यावे आ लोत्र नेनीन।  
 ७ परमपरभु यावमी दीसा सामरीया डा ठेयब लाप्चो आ डांडती शेकल का चांदीमी सआह माइशो पुक्तीक का रिम्शो फस नु शेकल का चांदीमी पुक्तीक निक्शी क्योत्रज लेयसीब’ देशो बाकब” देमाक्त। शेकल का ११.५ ग्राम खोदंशो बाकब। सआह का आगा ७,३ लिटर रिक्शो ठेयब पाथी खोदंशो पुक्तीक बाकब। २ राजा ७ :१६-१९  
 २ मिनु पिप कली कुकब लडाइ पाइब आन ठेयब मुरुम परमपरभु आ मुर कली “परमपरभु यावेमी आ सरीड डा झल नेल्ल रोक्तु हना यो, मोदंशो गेनायो दुम्ने मचाप्त्र” देमाक्त। मिनु एलीशाम “गो मेको इ मिक्चीमीन ताइनेवे। तन्न जचा चहिं मताइक्नेवे” देमाक्त।

### सहर पुम्चा परांडशो

३ मिनु मेको सहर डा लाप्चो आ डांडती  
 ४ जना कोत्रर पशो मुर बाकमा बाक्त। मिनु मेकोपुकीम “गो मबक्या सम्म मारदे एकर बाकनया ? लेवी १३ :४६ ४ गो सहर ओत्रतय हना, मंकर डा अन्कालम बेकनय। एक उइ बाक्तय हना यो, शोत्रलुम बेकनय। मोपतीक गो अरामी आन लडाइ पाइब आन बाक्तीकम लशा, जिम्मा गेसय। मिनु मेकोपुकीम इ कली परांडतेकम हना, गो बरांडनय। साइक्तेकम हना, यो बेकय” देमुमा बाक्त। ५ मिनु मेकोपुकी नाकनाकदो बोक्शा अरामी आन बाक्तीक गे लमा बाक्त। मिनु मेकोपुकी अरामी आन बाक्तीक आ नेक्था जाकमानु, सुइ आन कली मतामे बाक्त। ६ मारदे हना परमपरभुमी अरामी आन कली शारा बग्गी नु ठेयब लडाइ पाइब हुल आन रेयके नंपाइशो बाक्माक्त। मिनु मेकोपुकीम आंम आंमा “इसराएल डा पिपम गोपुकी नु लडाइ पचा कली हिती नु इजोप्ट डा पिप कली क्येट थाप्शा बरतीमी बाक्त, थांका” देमुमा बाक्त। २ राजा १९ :७ ७ मोपतीक मेकोपुकीम आन बाक्तीक ताम्बु यो मो हेंथ पा परांडशा, शारा नु गधा यो परांडशा, आन गिमं पोंडचा कली परोक्मा बाक्त। ८ मिनु मेको कोत्रर पशो मुर अरामी आन बाक्तीक जाकदीम्मा बाक्त।

मिनु मेकोपुकी ताम्बु काम ओत्रशा जशा तृशा बाकमा बाक्त। मिनु सुन चांदी वापुकी एर ओंथ लाइशो खरुइशो वोदमे बाक्त। मेको नोले मेकोपुकी लेंशा अर्का बाक्तीकम ओत्रमा बाक्त। मिनु मार मार लाइशो खरुइशो वोदमे बाक्त।

९ मिनु मेकोपुकी आंम आंमा “गो मरिम्शो गेय पाइतय। मुलाक्ती रिम्शा लोत्र नंपाइक्तीक नाक्त बाकब। गोपुकी चहिं सिक्सी पा बाकशो बाकनय। दीसा सम्म गो ओं पा बाक्तय हना, दोस ताइनय। मुल गो रीब पा लशा, पिप आ दरवारम एको लोत्र नंपाइय्य” देमुमा बाक्त। १० मिनु मेकोपुकी लशा, सहर डा ठेयब लाप्चो खाल पाइब आन कली बरेशशा “गोपुकी अरामी आन बाक्तीक लाइतक। मिनु मेकर मुर का यो मतक। मारदे चाल चुल मबा। शारा नु गधापुकी पाइक्स डा पाइक्स बाक्तेकम। मिनु मुर आन ताम्बु यो मो परांडशो बाक्तेकम” देमा बाक्त। ११ मिनु लाप्चो खाल पाइबपुकीम ठेयब संदा पा मेको लोत्र पिप आ खिमं नंपदमे बाक्त। १२ मिनु पिप नाकदो कना बोक्शा, आ गेय पाइब मुर आन कली “गो इन कली लोत्र का पाइनुड। अरामीपुकीम गो इं कली मार पामे ? गो मेको इन कली देनुड। गोपुकी शोत्रलु बाकशो बाकनय, दे मेकोपुकीम तुइशो बाक्नीम। मोदंशो मिम्शा आन बाक्तीक परांडशा, एर ओंथ लशा खरुइशो बाकशो बाक्नीम। मेकोपुकीम गोपुकी थमा पा गुरूनीम। मिनु गो मेको आन कली संसीन ग्याइशो, सहर ओत्रनय” देशो बाक्नीम” दे माइक्मी बाक्त। १३ मिनु मेको आ गेय पाइब काम “इं सहर डा ५ ओटा शारा आन कली कोत्रथ सोइक्तीन। मेकोपुकी एको बेकशो इसराएली खोदंशोन दुम्नीम। थमा पा मेकोपुकी एक बेकब इसराएली खोदंशोन दुम्नीम। मार दुम्शो बाक्मे, मेको तुइक्चा कली सोइक्तय” देमाक्त। १४ मिनु मेकोपुकीम बग्गी निक्शी निक्निक्शी शारा गुरुइदमे बाक्त। मिनु पिपम मेको आन कली “अरामी लडाइ पाइब आन कली मार दुम्मे, मेको रुपीन” दे सोइक्तीमी बाक्त। १५ मिनु मेको यर्दन खोला सम्मन कोत्रन कोत्रन लमा बाक्त। मिनु अरामी नेल्लमे रीब पा परोक्मानु, लां नेल्ल मेको आन परांडशो वासी नु यापुकी तामे बाक्त। मिनु क्यारी पथ लाइब मुरपुकी लेशशा जाकशा, मेको लोत्र पिप कली शंदमे बाक्त।

१६ मिनु मुरपुकी गुरूशा, अरामी आन बाक्तीक डा मार मार नेल्ल लदमे बाक्त। मिनु परमपरभु

यावे आ देशो खोदंशो पा सआह पुक्तीक का रिम्शो फस शेकल का चांदीम नु पुक्तीक निक्शी क्योव्रज शेकल का चांदीम लेयडम बाक्त। शेकल का ११.५ गराम चांदी के क्यट बाक्व। १७ मिनु पिप कली कुक्शा गाक्व लडाइ पाइब आन ठेयब मुर कली लाप्चोम कोव्रज सल्शा वोदम बाक्त। मिनु मेको कली मुरपुकीम दिम्शा सदम बाक्त। मिनु पिप मेको कली गरुम्थ आ खिम लमनु, परमपरभु आ मुरुम देशो खोदंशो पा मेको कली मुरपुकीम ठेयब लाप्चोम दिम्शा साइशो बाक्मा बाक्त। १८ परमपरभु आ मुरुम पिप कली “दोसा सआह पुक्तीक का रिम्शो फस शेकल का चांदीम नु पुक्तीक निक्शी क्योव्रज शेकल का चांदीम सामरीया डा ठेयब लाप्चो आ डांडती लेयसीब” देशो बाक्माक्त। १९ मिनु मेको लडाइ पाइब आन ठेयब मुरुम परमपरभु आ मुर कली “परमपरभु यावेम आ सरीड डा झेल रोकतु हना यो, मोदंशो दुम्ने मचाप्ब” देशो बाक्माक्त। मिनु परमपरभु आ मुरुम “गे मेको मो पशो ताइनवे, तन्न जचा चहिं मताइक्नेवे” देशो बाक्माक्त। २० मिनु मेको कली मोदंशोन दुम्माक्त। मारदे हना मेको कली मुरपुकीम लाप्चोम दिम्शा सदम बाक्त। मिनु मेको बक्माक्त।

शुनेम डा मीशेम आ रू तशो

१ तेको मीश मुर आ तौ कली एलीशाम  
**८** बक्शो र संशो बाक्म, मेको मीश मुर कली एलीशाम “इ सिं डा मुर नल्ल मेकर र गाक्कीन। मिनु इक्का नाक्ती कली ते दुम्बा, मेक लशा बाक्कीन। मारदे हना परमपरभु यावेम एको रागीम ७ बर्स सम्म अन्काल दुम्पाइक्व” दे माइशो बाक्माक्त। २ राजा ४ :३५ २ मिनु मेको परमपरभु आ मुरुम देशो खोदंशो पा, मेको मीश मुरुम पवा बाक्त। मिनु मेको आ सिं डा मुर नल्ल लाइशो लमाक्त। मिनु लशा पलिस्ती आन रागीम ७ बर्स सम्म बाक्मा बाक्त। ३ मिनु ७ बर्स नोले मेको पलिस्ती आन रागी र लेशशा जाक्माक्त। मिनु मेको आ रू नु सिं लेशशा तचा कली पिप आ बाक्तीक लमाक्त। ४ मेना पिप चहिं परमपरभु आ मुर आ गेय पाइब गेहाजी कली “एलीशाम पशो ठेयब ठेयब गेय नल्ल आं कली शंदी” दे मेको नु लोव्र पना पन बाक्शो बाक्माक्त। ५ मिनु गेहाजीम एलीशाम बक्शो मुर आन कली दोपा संपदा, मेको नल्ल पिप कली शंन शंन बाक्शो बाक्माक्त। मेना मेको आ तौ

बक्शो र संपाइशो मीश मुर आ रू नु सिं लेशशा तडल, दे पिप आ बाक्तीकेम कागज बरेक्शा गेथ जाक्माक्त। मिनु गेहाजीम “ए आं परभु पिप, एलीशाम बक्शो र संपाइशो। एको मीश मुर आ तौ बाक्व। मिनु बक्शो र संसीशो आ तौ एकोन बाक्व” देमाक्त। ६ मिनु पिपमी मेको मीश मुर कली मेको आ पर्वम हिल्लो पवा बाक्त। मिनु मेकोमी यो शोव्रडा बाक्त। मिनु पिपम आ गेय पाइब ठेयब मुर का कली “एकोम आ रागी प्रोइशा गाक्म नाक्त र मुल सम्म डा मेको रू डा मारइ मारइ एको कली लेशशा गेन” देमाक्त।

हजाएलम बेन-हादाद साइशो

७ मिनु एलीशा दमस्कस लमाक्त। मेना अराम डा पिप बेन-हादाद रोइ पशो बाक्माक्त। मिनु मुरपुकीम पिप कली “परमपरभु आ मुर एक जाक्शो बाक्व” दे नंपदमे बाक्त। ८ मिनु पिपमी हजाएल कली “कोसेली लाइशो, परमपरभु आ मुर कली गरुम्थ लावो। मेको र पा परमपरभु यावे कली गो एको रोइ र सानुडा दय मसानुडा” दे हिल्लो पपतो” दे अरवा बाक्त। ९ मिनु हजाएलम दमस्कसम बाक्शो रिम्शो रिम्शो मारइ मारइ कोसेली ४० ओटा दलओंठम कुरपाइशो लमाक्त। मिनु मेको आगा ओव्रशा परमपरभु यावे आ लोव्र पाइब आ डांडती राम्माक्त। मिनु मेकोम “इन तौ, अराम डा पिप बेन-हादादमी आं कली गो आं रोइ र सानुडा दय मसानुडा” दे हिल्लो पथ सोइक्ताक्यी” देमाक्त। १० मिनु एलीशाम मेको कली “लशा, पिप कली गे थमा पा सानीनी” दे मतो” देमाक्त। तन्न एलीशाहमी “परमपरभु यावेम आं कली मेको थमा पा बक्व देशो बाक्व” देमाक्त। ११ मिनु मेकोमी पर डांशा, हजाएल कली कोव्रस डा कोव्रस बाक्माक्त। मिनु हजाएल मुने पवा बाक्त। मिनु मेको परमपरभु आ मुर डाक्माक्त। लूका १९ :४९-४४ १२ मिनु हजाएलम “ए आं परभु, गे मारदे डाक्नी?” दे हिल्लो पवा बाक्त। मिनु मेकोमी हजाएल कली “गेम इसराएल डा मुर आन कली काइ मरिम्शो पशो तुइक्नुड”। गे मेको आन दरवारम मी सुइक्नेवे। मिनु मेको आन ठिटा मुर आन कली तरवारम क्योरनेवे। मेको आन आइक्च आल आन कली खपीम राप्शा साइक्नेवे। मेको आन कोव्रज कुरशो मीश मुर आन कोव्रज पाक्नेवे” दे मदा बाक्त। २ राजा १० :३२ १३ मिनु हजाएलमी “गो महिकशो, कुनुम खोदंशो मुरुम ओदंशो ठेयब

गेय दोपा पने चाम्नुड्ड डा?" देमाक्त। मिनु एलीशाम "परमपरभु यावेम गे अराम डा पिप दुम्नेवे, दे आं कली कांडीशा बाक्व" देमाक्त। ११राजा १९:१५ १४मेको नोले हजाएल एलीशा आ डांडती रे गाक्माक्त। मिनु आ होत्रप बेन-हादाद आ बाक्तीक लेशशा जाक्माक्त। मिनु बेन-हादादम "एलीशाम इ कली मार देम?" दे हिल्लो पवा बाक्त। मिनु मेकोमी "गे थमा पा सानीनी नं" दे मदा बाक्त। १५तन्न आ दीसा हजाएलमी सुम्तीक वा का ब्याक्कुम नुष्शा, पिप आ कुलुमी सुमा बाक्त। मिनु मापा मेको पिप बेक्माक्त। मिनु बेन-हादाद आ पा डा हजाएल पिप दुम्माक्त।

यहूदा डा पिप येहोराम

२इतिहास २१:१५-१७; २इतिहास २२:१-६

१६येहो-शाफात आ तो येहोराम यहूदा डा पिप दुम्शा, सासन पचा गोवा बाक्त। मेना इसराएल डा पिप आहाब आ तो येहोराम पिप दुम्शा ५ बर्स दुम्शा बाक्माक्त। मेको निक्शी आस नं येहोराम बाक्त। मेको आस कली योराम यो देमा बाक्त। ११राजा २२:५१ १७येहोराम पिप दुम्मेनु, मेको ३२ बर्स दुम्शा बाक्माक्त। मिनु मेकोम यरूसलेममी ८ बर्स सासन पवा बाक्त। १८मेको इसराएल डा पिप, आहाब आ सिं डा मुर आन लामं गाक्माक्त। मारदे हना मेकोम आहाब आ तमी ग्युवे पशा बाक्माक्त। मिनु मेकोम परमपरभु यावे आ डांडती मार मरिम्शा बाक्म, मेको पवा बाक्त। १९मो हना यो परमपरभु यावेमी आ गेय पाइब दाऊद आ पर्वम यहूदा कली मक्याम्दा बाक्त। मेकोमी दाऊद कली इ तो चच का गेना हना यो पिप दुम्शा बाक्व, दे कबल पशा बाक्माक्त। २सामुएल ७:११-१६; ११राजा ११:३६

२०येहोरामम पिप पवा ना एदोम डा मुरुमी यहूदा आ देशो मटिथु, आंम आन पिप का सल्मे बाक्त। २१मोपतीके यहूदा डा पिप येहोराम आ बग्गी नेल्ल लाइशशा, आइक्वी हांबु जाइर सहरमी लमाक्त। मिनु एदोमीपुकीम येहोराम आ बग्गी नेल्ल नु आ लडाइ पाइब आन ठेयब मुर नेल्ल आन कली पुम्दम बाक्त। मिनु मेको आ लडाइ पाइबपुकी चहिं परोक्शा, आन आन सिं लेम्मा बाक्त। २२मोपतीके एदोम मुल सम्म यहूदा रे बराशा बाक्व। मेना लिब्ना यो यहूदा आ देशो मटिथु बराशा बाक्माक्त। २३मिनु यहूदा डा पिप येहोराम आ पशा अरु गेय, मेको आ पशा

नेल्ल, मार, मेको यहूदा डा पिप आन इतिहासम बरक्शा मबाक्वा डा? २४ यहूदा डा पिप येहोराम बेक्माक्त। मिनु मेको आ किकी पिपी नु दाऊद आ सहरमी थिम्चा पुंडस बाक्त। मिनु मेको आ पा डा आ तो अहाज्याह पिप दुम्माक्त।

यहूदा डा पिप अहाज्याह

२५मिनु यहूदा डा पिप येहोराम आ तो अहाज्याह यहूदाम पिप दुम्माक्त। मेना इसराएल डा पिप आहाब आ तो येहोराम पिप दुम्शा १२ बर्स दुम्शा बाक्माक्त। २६अहाज्याह पिप दुम्मेनु २२ बर्स दुम्शा बाक्माक्त। मिनु मेकोम यरूसलेममी बर्स का सासन पवा बाक्त। मेको आ ममा आ नं अथाल्याह बाक्माक्त। मेको इसराएल डा पिप ओमरी आ चच बाक्माक्त। २७राजा ११:१ २७अहाज्याह आहाब आ सिं डा मुर आन लामं गाक्माक्त। मिनु आहाब आ सिं डा मुरपुकीम सोदेशो पा परमपरभु यावे आ डांडती मार मरिम्शा बाक्म, मेको पवा बाक्त। मारदे हना मेको आहाब आ चांडवा दुम्शा बाक्माक्त।

२८ यहूदा डा पिप अहाज्याह नु आहाब आ तो इसराएल डा पिप येहोराम नु गारशा, अराम डा पिप हजाएल नु लडाइ पचा कली रामाथ-गिलादम लमाक्त। तन्न अरामीपुकीम येहोराम कली गार सल्मे बाक्त। २९मिनु अराम डा पिप हजाएल नु लडाइ पथ लमेनु, रामाहम गार दुम्शा रे सात्रा कली येहोराम यज्जरेल सहरम लमाक्त। मिनु यहूदा डा पिप येहोराम आ तो अहाज्याह इसराएल डा पिप आहाब आ तो येहोराम कली कोत्रथ यज्जरेल सहर लमाक्त। मारदे हना मेको कली गार दुम्शा बाक्माक्त। २७राजा ९:१४-१६

येहू इसराएल डा पिप दुम्शा

१ परमपरभु यावे आ लोत्र पाइब एलीशामी  
२ परमपरभु यावे आ लोत्र पाइब आन हुल डा का कली बरक्शा "इ किप्शुर किप्शा, एको तेल कुरशा रामाथ-गिलादम लावो। २मिनु मक जाक्दोशशा, निम्शी आ चच, येहो-शाफात आ तो येहू कली मालो। मिनु मेको कली आ वारचपुकी रे फराशा, आगा डा कोठाम लतो। ३मिनु नोले मेको तेल मेको आ पियाम लुक्शा "परमपरभु यावेम इ कली इसराएल डा पिप सेल्ला" देशो बाक्व, दे मतो। मिनु लाप्चो गरु रोक्शा परोक्को। देश मपावो" दे मदा बाक्त। ११राजा १९:१६

४मोपतीके परमपरभु यावे आ लोत्र पाइब, ठिटा रामोथ-गिलादमी लमाक्त। ५मिनु मेको मेक जाकदीम्मनु, यहू लडाइ पाइब आन ठेयब मुरपुकी नु गरुश्शा काथा बाकशो थिम्मी बाक्त। मिनु मेकोम यहू कली “लडाइ पाइब आन ठेयब मुरपुकी, गो इन नु लोत्र का पचा माल्नुड” देमाक्त। मिनु यहूम “गो आंइ दाते डा सु नु लोत्र पचा माल्नेवे?” देमाक्त। मिनु मेकोम “इन नु” देमाक्त। ६मिनु यहू बोक्शा, आगा डा कोठाम ओव्रमाक्त। मिनु मेको ठिटांम यहू आ पियाम तेल लुकशा “परमपरभु यावे, इसराएली आन परमपरभुमी गो इ कली आं मुर इसराएली आन पिप सल्लन। ७गे इ होत्रप आहाब आ सिं डा मुर आन कली साइक्वा माल्नेवे। मिनु इज्जेबेलमी आं गेय पा आं लोत्र पाइबपुकी नु आं गेय पाइब मुर आन कली साइक्वा आ क्यक्क लेत्नुड। ८आहाब आ सिं डा मुर नेल्ल बेक्वा माल्नीम। इसराएलम मेको आ सिं डा वांइश मुर वाइल बाक्मल कि मबाक्मल, गो नेल्ल आन कली साइक्नुडमी। ११राजा १४ :१० १ गो आहाब आ सिं कली नबात आ तो येरोबाम नु अहीयाह आ तो बाशा आस सिं खोदेशो सल्लनुड। ११राजा १५ :२१ ; ११राजा १६ :३,११ १०इज्जेबेल कली चहिं येज्जरेल डा रू काम कुनुमम ब्याइनीम। मेको कली सुइम मथिम्मीम” देशो बाक्ब” देशा, मेको लाप्चो गरु रोक्शा दोरशा परोक्माक्त। ११राजा २१ :२३

११मिनु यहू मेको नोले लडाइ पाइब आन ठेयब मुर आन बाक्तीक जाक्माक्त। मिनु मेकोपुकीम मेको कली “भार नेल्ल रिम्शान बाक्वा? मेको आ निप्स ग्यशो मुर इ बाक्तीक मारदे जाक्म?” दे हिल्लो पामे बाक्त। मिनु यहूमी मेको आन कली “गे मेको मुर कली तुइक्नीनी। मिनु मेकोम मार देवा, मेको यो तुइक्नीनी” दे माइक्मी बाक्त। १२मिनु मेकोपुकीम “गे जाल पाइनीनी। आंइ कली थमा लोत्र पने” देमा बाक्त। मिनु यहूम “मेकोमी आं कली मार देते देशा हना, परमपरभु यावेमी गो इ कली इसराएल डा पिप सल्लनुड” देशो बाक्ब” दे माइक्मी बाक्त। १३मिनु मेकोपुकीम रोब पा आन आ तार फेक्शो वा परुइश्शा, तला डोइक्तीक थंका डा फुल्लु तार बरामे बाक्त। मिनु मेकोपुकीम तुराही ताप्शा, ठेयब संदा पा “यहू पिप दुम्त” देमा बाक्त। मती २१ :१०

येहूमी येहोराम कली साइश्शा

१४मोपतीक निम्शी आ चच येहो-शाफात आ तौ यहूम येहोराम कली मरिम्शो पचा गोवा

बाक्त। मिनु येहोराम नु इसराएली नेल्ले अराम डा पिप हजाएल आ जौरी सतरु दुम्शा रामोथ-गिलाद कली खाल पामे बाक्त। १५तन्न पिप येहोराम चहिं आ गार सापाइक्वा कली येज्जरेल लशो बाक्माक्त। मेको गार अराम डा पिप हजाएल नु लडाइ पवानु, अरामीपुकीम सल्लशो बाक्मा बाक्त। मिनु यहूमी मेको लडाइ पाइब आन ठेयब मुर आन कली “गे गो नु बाक्तीनी हना, सुइ मुर रामोथ-गिलाद सहर रे एका लोत्र शोत्रचा कली येज्जरेल रे गरुचा मतामकल” देमाक्त। २२राजा ८ :२८-२९ १६मिनु यहू आ बग्गीम डोइश्शा येज्जरेल लमाक्त। मारदे हना येहोराम मेकर नाइश्शा बाक्माक्त। मिनु यहूदा डा पिप अहाज्याह यो येहोराम कली कोव्रथ मेक उइ बाक्शो बाक्माक्त।

१७मिनु येज्जरेल सहर कली कोव्रशा खाल पाइबमी यहू नु आ मुर आन कली जाक्शो तवा बाक्त। मिनु मेकोमी ठेयब संदा पा “गो हुल का लडाइ पाइब मुर पिशो तातामी” देमाक्त। मिनु येहोराममी “शारा डोइक्ब का मेको आन कली गरुम्थ सोइश्शा ‘भार, गे रिम्शो पथ जाक्शो बाक्नीनी?’ दे हिल्लो पपतो” देमाक्त। १८मिनु मेको शारा डोइक्ब मुर यहू कली गरुम्थ लशा “पिपमी इन कली ‘भार, गे रिम्शो पथ जाक्नी?’ दे हिल्लो पाप्तु” देमाक्त। मिनु यहूम “रिम्शो पथ जाक्डल कि मरिम्शो पथ जाक्डल, गे मारदे माल्दे? आं नोले खोइय्यी” दे मदा बाक्त। मिनु मेको कोव्रशा खाल पाइबमी पिप कली “मेको लोत्र कुरबम मेको आन कली गरुम्चा दा गरुम्तु, तन्न मेको लेश्शा मज्जा” देमाक्त। १९मिनु पिपमी अर्को शारा डोइक्ब सोइक्ता बाक्त। मिनु मेको, मेको आन नेक्वा जाक्दोश्शा “पिपमी गे रिम्शो पथ जाक्नी” दे हिल्लो पाप्तु” देमाक्त। मिनु यहूम “रिम्शो पथ जाक्डल कि मरिम्शो पथ जाक्डल इ कली मारदे माल्दे, आं नोले खोइय्यी” दे मदा बाक्त। २०मिनु मेको कोव्रशा खाल पाइबमी “मेको लोत्र कुरबमी मेको आन कली गरुम्चा दा गरुम्तु, तन्न मेको यो लेश्शा मज्जा। मेरे बग्गी दोरपाइक्ब दा निम्शी आ चच यहू बाक्त। मारदे हना मेकोम निप्स ग्यशो मुरमी दोरपाइश्शा खोदेशो पा दोरपाइक्ब” देमाक्त।

२१मिनु येहोराममी “आं बग्गी ठीक पने” देमाक्त। मिनु मेकोपुकीम मेको ठीक पामे बाक्त। मिनु इसराएल डा पिप येहोराम नु यहूदा डा पिप अहाज्याह आस बग्गी डोइश्शा यहू कली

गुरुथ लसा बाक्त। मिनु मेको निक्शीम यहू कली “येजरेल सहर नाबोथ आ रूम गरुम्स बाक्त। ११ राजा २१:१ २२ मिनु येहोरामम यहू कली तशा, मेको कली यहू, गे मार रिम्शो मिम्शा गुरुथ जाकड?” दे हिल्लो पवा बाक्त। तन्न यहूम इ ममा इजेबेलम आ गरांगरा दिशो मूर्ति पूजा पाइब, टुना मुना पाइब। मिनु मार रिम्शो पा गुरुथ जाकनुडा?” देमाक्त। २३ मिनु येहोराममी आ बग्गी लेशशा अहाज्याह कली “अहाज्याह मरिम्शो दुम्त” देना देन प्रोक्माक्त। २४ मिनु यहूम आ लिबरा कीशा येहोराम आ बला आ दातेमी आबा बाक्त। मिनु मेको बराम मेको आ लुडगीर खिरदा बाक्त। मिनु मेको आ बग्गीमी गोल्माक्त। २५ मिनु यहूम आ लडाइ पाइब आन ठेयब मुर बिदकार कली “मेर कली पोक्शा येजरेली नाबोथ आ रूम ताइक्तो। गे नु गो मेको आ आफ आहाब नु शाराम काथ काथा लसानु, मेको आ पर्वम परमपरभु यावेम लोत्र पशो ग तुइश्शो बाकनेव। ११ राजा २१:१९; यसैया १३:१; यरमीया २३:३३-४० २६ परमपरभु यावेमी ‘गो सिनाक्ती नाबोथ नु मेको आ आल आन हुश ताता। मिनु गो थमा पा इ कली एको रूमी क्येक लेत्नुड’ देशो बाक्त। मोपतीके मेर कली पोक्शा परमपरभु यावे आ देशो खादेशो पा मेको रूमीन ताइक्तो” दे मदा बाक्त।

येहूमी अहाज्याह कली साइश्शो

२७ मिनु यहूदा डा पिप अहाज्याह मेको तशा, बेथ-हागगान लतीक लां ग प्रोक्माक्त। मिनु यहू मेको आ नोनोले खदा पना पन लशा “मेर कली यो सतीन” देमाक्त। मिनु मेको कली इब्नाम डा गुर डा ग्येत्थ लतीक लोम आप्शा गार सेल्म बाक्त। तन्न मेको प्रोक्शा मेगीददोम जाकदीम्माक्त। मिनु मेक उइ बेक्माक्त। २ इतिहास २२:१७-९ २५ मिनु मेको आ गेय पाइब ठेयब मुरपुकीम मेको आ बेक्शो रां यरुसलेमम लाइश्शा दाऊद आ सहरम मेको आ किकी पिप नु आ तुरसुम थिम्मे बाक्त। २९ आहाब आ तो येहोरामम सासन पवा आ ११ बरसम अहाज्याह यहूदा डा पिप दुम्शो बाक्माक्त।

येहूमी इजेबेल कली साइश्शो

३० मिनु यहू येजरेल सहरमी जाक्माक्त। मार मार दुम्म, मेको नेल्ल इजेबेलम नेशो बाक्माक्त। मिनु मेकोम आ मिक्चीम गाजल खरक्स बाक्त। मिनु चां मिंसीशा झेल र उइ लां

गे कोव्रडा बाक्त। ३१ मिनु यहू ठेयब लाप्नो र ओव्रमाक्त। मिनु इजेबेलम “ए आंम होव्रप कली साइक्ब जिमरी, मार, गे रिम्शो पथ जाकड” दे मदा बाक्त। ११ राजा १६:९-१० ३२ मिनु मेकोमी इर झेल गे कोव्रशा ठेयब संदा पा “आं ग सु बाक्नी? सु बाक्नी?” देमाक्त। मिनु का निक्शी दरवार डा गेय पाइब मेको गे कोव्रडम बाक्त। ३३ मिनु यहूमी “मेको कली झेल र ताइक्तीन” देमाक्त। मिनु मेकोपुकीम इजेबेल कली उइ ताइक्तेम बाक्त। मिनु मेको आ हुश परक्शा कोइ गारामी नु कोइ शारा आन कली जुक्तेम बाक्त। ३४ मेको नोले यहू आगा ओव्रशा जचा तूचा थोत्रक जवा तूडा बाक्त। मिनु मेकोमी “मेको सराप रशो मीश मुर कली लाइश्शा थिमीन। मारदे हना मेको पिप आ तमी बाक्ब” देमाक्त। ३५ मिनु मुरपुकी मेको कली थिम्चा कली उइ बरुम्मा बाक्त। तन्न मेकर आ पिया, गुइ नु खोइल डा लाक्शा अरु मारइ मथिदमे बाक्त। ३६ मिनु मेकोपुकी लेशशा जाक्शा यहू कली शंदम बाक्त। मिनु मेकोमी “परमपरभु यावेम आ गेय पाइब तिश्ब सहर डा एलीया र पा इजेबेल कली येजरेल सहरम कुचुमम ब्वाइनीम। ११ राजा २१:२३ ३७ इजेबेल आ बेक्शो रां येजरेल सहरम मोवल सोदेशो पा राक्ब। मिनु मेको कली एको इजेबेल बाक्ब, दे सुइम मतुइक्नीम” देशो बाक्ब” देमाक्त।

आहाब आ तोपुकी साइश्शो

१ आहाब आ ७० जना तो सामरीया सहरम १० बाक्शा बाक्मा बाक्त। मोपतीके यहूमी चिठी का बेक्शा सामरीयाम, येजरेल डा हुकुम पाइब, खाल्पा नु आहाब आ तो आन कली कोव्रब मुर आन कली सोइक्ता बाक्त। २ मेको चिठीम “ग इन होव्रप आ तो मेकर बाक्तीक, इन बग्गी, शारा, गारो हिरशो सहर नु यापुकी बाक्तीक, ३ गेपुकीमी इन होव्रप आ तो आन दातेमी नेल्ल क्येडा रिम्शो नु नेल्ल क्येडा निप्स पाइश्शो, का कली आ आफ आ पा डा पिप सेलीन। मिनु मेको नोले इन होव्रप आ खिं आ पर्वम लडाइ पने” दे बेक्शा सोइक्तीमी बाक्त। ४ तन्न मेकोपुकी थाम्पा हिंशा सुर्ता पा “पिप निक्शी ला यो मेको आ डंइती राप्ने मचबेस हना, गो मार पने चाप्नया डा?” देमुमा बाक्त। ५ मोपतीके पिप आ खिं डा खाल पाइबपुकी, सहर डा हुकुम पाइबपुकी, खाल्पापुकी नु आहाब आ तो आन कली कोव्रब नेल्ल गारशा यहू कली “गोपुकी इन गेय पाइब नकी। गे आंइ कली मार देनीनी, गो

मेको पाइनीकी। गो सुइ कली पिप मसेल्नीकी। गे मार पचा दाक्नीनी, मेको पने” दे लोत्र कुरब मुर सोइकतमे बाक्त। ६मिनु यहूमी मेको आन कली अर्का चिठी का बरक्शा “गोपुकी आं गे बाक्तीनी हना नु आं अरेशो बिल्लीनी हना, दीसा एं खाइ ना इन होत्रप आ तौ आन पिया कुरशा येजरल सहरमी जाक्कीन” दे बरक्शा सोइकता बाक्त। मेना मेको पिप आ ७० जना तौ चहिं आन कली कोत्रब मुर आन सिंमी बाक्शो बाक्मा बाक्त। ७मिनु मेको चिठी मेक जाक्दीम्मनु, मेकोपुकीम मेको ७० जना पिप आ तौ आन कली लाइश्शा सदमे बाक्त। मिनु मेकोपुकीम मेको आन खरोइश्शा पिया थुन्सेपुकीम कुर पा येजरल सहरम सोइकतमे बाक्त। ८मिनु लोत्र कुरब मुर जाक्शा, यहू कली “मेकोपुकीम पिप आ तौ आन पिया चाक्तेक्म” देमाक्त। मिनु यहूमी मेको कली “मेको आन कली पुक्थरी निक्शी पा पुक्शा, सहर डा ठेयब लाप्चो आ डोंइती दीसा सुनी सम्म वोतीन” देमाक्त। ९मिनु आ दीसा सुनी यहू लाङ्गा गरुमाक्त। मिनु मेकोम मेकेर राप्शा बाक्ब नेल्ल आन कली “गे दोस ताइब मननी। आंम होत्रप कली मरिम्शो पा साइक्ब मुर दा गो नड। तन्न एको नेल्ल आन कली चहिं सुम सदा ? १०आहाब आ सिं डा मुर आन कली परमपरभु यावेम देशो लोत्र का यो मोशा मदुम्ब। परमपरभु यावेम आ गेय पाइब एलीया रे पा देशो लोत्र नेल्ल गाप्त” देमाक्त। ११राजा २१:२१ ११मोपा यहूमी येजरलम लीशो आहाब आ सिं डा मुर नेल्ल, मेको आ ठेयब गेय पाइब मुरपुकी, मेको आ वारच नु मेको आ चदेब, नेल्ल आन कली का यो मपरोइथु साइक्मी बाक्त। होसे १:४

१२मेको नोले यहू सामरीया गे लमाक्त। मिनु गोठला आन बाक्तीक बथ-एकद सहरम जाक्दीम्माक्त। १३मिनु मेकेर यहूम यहूदा डा पिप अहाज्याह आ मुर आन कली गरुमा बाक्त। मिनु यहूमी मेको आन कली “गे सु ननी ?” दे हिल्लो पामी बाक्त। मिनु मेकोपुकीम “गो पिप अहाज्याह आ मुर नकी। मिनु गो पिप तौ आन कली नु ठेयब पिपीमी आ तौ आन कली गरुम्य लाइतक” देमा बाक्त। २इतिहास २२:८ १४मिनु यहूम “एको आन कली सेसीन ग्याइक्तीन” देमाक्त। मिनु मेकोपुकीम मेको आन कली सेसीन ग्याइश्शा बथ-एकद सहरम सदमे बाक्त। मेकोपुकीम मेकेर ४२ जना वांइश मुर आन कली का यो सेस मपरोन्मे बाक्त।

१५ मिनु मेकोम मेकेर रेकाब आ तौ यहो-नादाब आ कली गरुम्य पिशो तवा बाक्त। मिनु यहूम मेको कली रिम्शो पा “मार गो आं थुं इ गे बाक्शो सोदंशो पा, गे यो इ थुं नेल्लेम आं गे बाक्नेव ?” दे मदा बाक्त। मिनु यहो-नादाबम “बाक्नुड” देमाक्त। मिनु यहूमी “भा हना इ गुइ आं कली गेयी” दे मदा बाक्त। मिनु मेकोम आ गुइ गवा बाक्त। मिनु यहूम मेको कली लाइश्शा आ बग्गीम निप्पदा बाक्त। येरमीया ३५:६ १६मिनु यहूम मेको कली “गे गो नु पिन। मिनु परमपरभु यावे कली आं जांब बाक्शा गेय पशो कोत्रडीन” दे मदा बाक्त। मिनु मेकोम मेको कली आ बग्गीम लदा बाक्त। १७मिनु यहू सामरीयाम जाक्दीश्शा, परमपरभु यावेमी एलीया कली देशो सोदंशो पा, आहाब आ सिं डा लीशो मुर नेल्ल आन कली का यो मपरोइथु, साइक्मी बाक्त। ११राजा २१:२१

बाल कली चदेब आन कली साइश्शा

१८ मिनु यहूमी मुर नेल्ल आन कली बरेशशा, मेको आन कली “आहाबम दा इक्का ला बाल आ पूजा पाप्तु। तन्न यहूमी मेको क्येडा यो थम ठेयब पा पूजा पाइब। ११राजा १६:३१-३३ १९मुल बाल आ लोत्र पाइब नेल्ल, मेको आ नोले सोइक्ब नेल्ल नु मेको कली चदेब नेल्ल आन कली बरतीन। मेकोपुकी का यो मगराइक्मल। मारदे हना गो बाल कली ठेयब पूजा का पाइनुड। मेको पूजाम मजाक्ब सुइ बरोइचा मताइनीम” देमाक्त। तन्न यहूम बाल आ नोले सोइक्ब नेल्ल आन कली साइक्चा कली मोपा जोल पशो बाक्माक्त। २०मिनु यहूम “बाल आ पर्वम चाड का मानचा माल्ब” देमाक्त। मोपतीक मेकोपुकीम मेको लोत्र नेल्ल आन कली नंपदमे बाक्त। २१मिनु यहूम मेको लोत्र इसराएल नेल्लम नंपाइक्चा कली लोत्र कुरब मुर सोइक्तीमी बाक्त। मिनु बाल आ नोले सोइक्ब नेल्ल जाक्मा बाक्त। का यो मतीमा बाक्त। मेकोपुकी बाल आ सिंम जाक्शा कराक्थरी चोक्थरी दुम्शा एर डा गारो रे आंथ डा गारो सम्म दुम्मा बाक्त। २२मिनु मेकोमी वा वोइक्ब आन कली “बाल आ नोले सोइक्ब नेल्ल आन कली वा गरुंइदीन” दे माइक्मी बाक्त। मिनु मेकोम मेको आन कली वा गरुंइदमे बाक्त। २३मिनु यहू, रेकाब आ तौ यहो-नादाब नु बाल आ सिं ओत्रमाक्त। मिनु यहूम बाल आ नोले सोइक्ब आन कली “होस पा एर आंथ नेल्ल कोत्रडीन। मिनु थमा पा एकेर गे इन दातेम परमपरभु यावे

आ गेय पाइब सुइ मबाकमल। बाल आ नोले सोइक्व ला बाकमल” दंमाकत। २५ मिनु मेको क्योरशा चढ़ेचा नु चोशा चढ़ेचा कली आगा ओव्रसा बाकत। यहूमी लाङ्गाम ८० जना मुर आन कली योत्रशा, मेको आन कली “गो एको मुर आन कली इन जिम्मा गेशा बाकनुड। सुइम का कली यो प्रोक्चा गेपु हना, मेको आ पा डा मेको प्रोक्चाइक्व मुर साइक्चा पुइसीब” देशो बाकमाकत। २६ मिनु यहूम मार मार चढ़ेन थुमा चोटी खाल पाइब नु आ दी डा योत्रशा मुर आन ठेयब मुर आन कली “ओव्रशा, मेको नेल्ल आन कली का यो मपरोइथु, क्योरशा सतीन” दे हुकुम गेमी बाकत। मोपतीक मेको खाल पाइबपुकी नु योत्रशा आन ठेयब मुरपुकीम सुइ आन कली प्रोक्चा मगेथु तरवारम क्योरशा सदमे बाकत। मिनु मेको आन बेक्शो रां लाङ्गाम गरुइशा बाल आ सिं आ लाङ्गाम ताइक्तेम बाकत। १७ राजा १८ : ४० २६ मिनु मेकोपुकीम बाल आ सिं डा थाम लाङ्गाम गरुइशा चोत्रमे बाकत। २७ मिनु नोले मेकोपुकीम बाल आ थाम परत्मे बाकत। मिनु आ सिं यो परत्मे बाकत। मिनु मेको डाइक्तीक सिं सल्मे बाकत। मेको मुल सम्म बाकब।

२८ मोपा यहूमी इसराएलमी बाल आ नोले सोइक्व नेल्ल आन कली क्याम्दा बाकत। १७ राजा १२ : २६-३३ २९ मो हना यो यहूम इसराएली आन कली पाप पपाइक्व नेबात आ ती येरोबाम आ पतीक मपरोना बाकत। बथेल नु दान डा सुन के बाछा आस कली पूजा पतीक गेय में डा में वोदा बाकत। ३० मिनु परमपरभु यावम यहू कली “गे आं डोइती मार रिम्शा बाकम, मेको पाप्तीवी। मिनु आं मिम्शा लोत्र आहाब आ सिं डा मुर नेल्ल आन कली पाप्तीवी। मोपतीक इ ती चच ४ पात्ता सम्म इसराएल डा पिप दुम्नीम” दंमाकत। ३१ मो हना यो यहूम आ थुं नेल्लेम होस पा परमपरभु याव, इसराएली आन परमपरभु आ अरेशो मटिवा बाकत। मेकोमी इसराएली आन कली पाप पपाइक्व येरोबाम आ पाप पतीक मपरोना बाकत।

३२ मेना परमपरभु यावेमी इसराएल कली आइक्व सेल्चा गोवा बाकत। मिनु हजाएलमी इसराएल कली लडाइ पा गरामाकत। २७ राजा ८:१२ ३३ मिनु यर्दन खोला आ पूर्व गे गिलाद डा रागी नेल्ल, गाद, रुबेन नु मनस्स आन रागी, अरनोन खोला आ नेक्था आरोएर, गिलाद डा लां र पा बाशान सम्म इसराएली आन कली फरूमी बाकत। ३४ यहू आ पशो अरु गेय, मेको

आ पशो नेल्ल नु आ सक्ति मार, मेको इसराएल डा पिप आन इतिहासम बरक्शो मबाक्चा डा ? ३५ मिनु यहू बेक्माकत। मिनु मेको सामरीयाम थिम्चा पुइस बाकत। मिनु मेको आ पा डा आ ती यहो-अहाज पिप दुम्माकत। २७ राजा १३ : १ ३६ यहू सामरीया सहरम बाक्शा २८ बर्स इसराएल कली सासन पवा बाकत।

अथाल्याह नु योआश

१ अहाज्याह आ ममा अथाल्याहम आ ती ११ कली साइश्शो तशा, पिप आ सिं डा मुर नेल्ल आन कली साइक्चा गोवा बाकत। २७ राजा ८ : २६ ; २७ राजा ९ : २७ २८ तन्न पिप येरोराम आ तमी, अहाज्याह आ समी यहो-शेबा बाकमाकत। मेकोमी अहाज्याह आ ती योआश कली मेको साइक्चा पुइसीब पिप आ आल आन दाते रे लाइश्शा, मेको आ खाल पाइब मीश मुर नु इप्तीक कोठा काम सरुइक्ता बाकत। मोपा अथाल्याहमी मेको आल कली साइक्चा मतवा बाकत। ३ मिनु मेको आल ६ बर्स सम्म मेको नु परमपरभु याव आ सिंम सरुइश्शा बाकमाकत। मेना अथाल्याहमी सासन पशो बाकमाकत।

४ मिनु ७ बर्सम यहो-यादामी सह, सह जना पिप कली कोत्रब करेती नु खाल पाइब आन ठेयब मुर आन कली परमपरभु याव आ सिंम बरश्शा चाक्मी बाकत। मिनु यहो-यादाम मेको आन कली कबल का पपाइश्शा, परमपरभु याव आ सिंम कसम जपाइक्मी बाकत। मिनु मेको आन कली पिप आ ती कोइदीमी बाकत। करेती परमपरभु याव आ सिं कोत्रब बाक्नीम। ५ मिनु यहो-यादामी मेको आन कली “गे मार पचा माल्नीनी देशा हना, सु सु नाइक्तीक नाक्ती गेय पथ जाक्नीनी, मेकोपुकीम भाग सां डा भाग का पिप आ सिं खाल पने। ६ मिनु अर्का भाग का सुर माइश्शा लाप्नोम बाक्कीन। नोले डा भाग लाप्नो खाल पाइब आन नोले गे बाक्शा, दरवार कोत्रचा माल्नीम। ७ मिनु गे नाइक्तीक नाक्ती गेय मपाइब हुल निक्शी चहिं परमपरभु याव आ सिं खाल पा बाक्कीन। ८ गे नेल्ल आंम आंम गुइम या शशा, पिप कली खाल पा आ एर आंथ बाक्चा माल्नीनी। इन नेक्था जाक्व नेल्ल आन कली सतीन। पिप ते लत हना यो, गे मेको आ नेक्था बाक्चा माल्नीनी” दे अरमी बाकत।

९ मिनु पिप कली कोत्रब आन ठेयब मुरपुकीमी चढ़ेब यहो-यादा आ अरेशो नेल्ल पाम बाकत। मेको नेल्लमी आन आन मुर आन कली खुप्तमे

बाक्त। नाइक्तीक नाक्ती गेय पचा माल्शो नु ममाल्शो नेल्ल चढ़ेब यहो-यादा आ बाक्तीक जाक्मा बाक्त। १० मिनु मेको चढ़ेबम मेको आन कली परमपरभु यावे आ सिंम बाक्शो दाऊद आ तूतीक नु तेक्तीक गेमी बाक्त। २ सामुएल ८ : ७ ११ मिनु मेको खाल पाइबपुकी आंम आंम या शशा परमपरभु यावे आ सिं आ दक्खिन र उत्तर सम्म, सिं नु चढ़तीक आ एर आंथ पिप कली खाल पा बाक्मा बाक्त।

१२ मिनु यहो-यादाम पिप आ ती कली गरुंडदा बाक्त। मिनु मेको आ पियाम सिरपेच गुक्ता बाक्त। मिनु यहो-यादामी मेको कली कबल डा कागज का गेवा बाक्त। मिनु मेको कली तेल लुक्शा पिप सेला बाक्त। मिनु मुरपुकीम गुड फुरोकशा “पिप गेना हना यो बरोइशा बाक्त” देमा बाक्त। ब्यवस्था १७ : १८-१९ ; १ राजा १ : ३९

१३ मिनु अथाल्याहमी खाल पाइब नु मुरपुकी ठेयब संदा पा रेयके पशो नेना बाक्त। मिनु मेको परमपरभु यावे आ सिंम बाक्शो मुर आन नेक्था लमाक्त। १४ मिनु मेकोम कोव्रजानु, पिप थाम आ नेक्था राप्पाइशो तवा बाक्त। मेको आन पतीक पशा ठेयब मुरपुकी नु तुराही ताप्बपुकी पिप आ नेक्था बाक्मा बाक्त। मिनु रागी डा मुर नेल्ल तुराही ताप्ना ताप्न ग्यरसीशो बाक्मा बाक्त। मिनु अथाल्याहम आ वा खाक्मा बाक्त। मिनु ठेयब संदा पा “गो नु रागी नेल्ल खतम! गो नु रागी नेल्ल खतम!” दे वाइ बरम्माक्त। १५ मिनु चढ़ेब यहो-यादामी लडाइ पाइब आन ठेयब मुर आन कली “मेको कली सिं र गरुंडदीन। मेको आ नोले खोइक्ब नेल्ल आन कली तरवारम सतीन। मारदे हना मेको परमपरभु यावे आ सिंम साइक्चा मपुंडेसकल” देमाक्त। १६ मिनु मेको कली ग्याइशशा, शारा वोइक्तीक लाइशशा, सदम बाक्त।

१७ मेको नोले यहो-यादामी परमपरभु यावे, पिप नु आ मुर कली कबल का पवा बाक्त। मेकोपुकी परमपरभु यावे आ मुर दुम्नीम, दे कबल पवा बाक्त। मिनु मेकोम पिप नु मुर आन दातेम यो कबल का पवा बाक्त। १८ मिनु मेको रागी डा मुर नेल्ल बाल आ सिं लशा, मेको परमे बाक्त। मेकोपुकीम मेको आ चढ़तीक नु आ मूर्ति जिक्शा ताइक्तेम बाक्त। मिनु बाल कली चढ़ेब मत्तान कली चढ़तीक आ डांडती सदम बाक्त। मिनु चढ़ेब यहो-यादाम परमपरभु यावे आ सिं कली खाल पाइब मुर योव्रमी बाक्त। २ राजा १० : २६-२७ ; न्यायाधीस ६ : २५ ११ मिनु यहो-यादामी

सहे का जना लडाइ पाइब आन कप्तानपुकी, केरती, खाल पाइबपुकी नु रागी डा मुर नेल्ल आन कली लाइक्मी बाक्त। मिनु मेकोपुकीमी पिप कली परमपरभु यावे आ सिं र खाल पाइब आन लाप्चो लो पा पिप आ सिंम चाक्गम बाक्त। मिनु पिप आ नित्तीकम निप्पदम बाक्त। केरती परमपरभु यावे आ सिं कोव्रब बाक्तेक। २० मिनु रागी डा मुर नेल्ल ग्यरसमा बाक्त। मिनु सहरम थुं नाइशशा बाक्तीक दुम्माक्त। मारदे हना अथाल्याह तरवारमी साइक्चा पुंडेस बाक्त। २१ योआश पिप दुम्मेनु, मेको ७ बर्स दुम्शो बाक्माक्त। योआश नु यहो-आश नें का बाक्ब, यहो-आश कली योआश या बाक्ब।

योआश यहूदा डा पिप दुम्शो

इतिहास २४ :-

१ योआश यहूदा डा पिप दुम्माक्त। मेना १२ यहू इसराएल डा पिप दुम्शो ७ बर्स दुम्शो बाक्माक्त। मिनु योआशमी यरूसलेमम ४० बर्स सासन पवा बाक्त। मेको आ ममा आ नें सिबीयाह बाक्माक्त। मेको बेयर-शेबा डा बाक्माक्त। २ योआशमी चढ़ेब यहो-यादाम शंशो खोदंशो पा, बरोइम सम्म परमपरभु यावे आ डांडती मार रिम्शो बाक्मे, मेको पवा बाक्त। ३ मो हना यो मेकोमी डांडाम बाक्शो थानपुकी मताइक्ता बाक्त। मेना सम्म मुरपुकीम मेकर क्योरशा चढ़तीक चढ़ेशा, धूप चाव्रम बाक्त।

४ मिनु योआशमी चढ़ेब आन कली “परमपरभु यावे आ सिंमी मुरपुकीमी आन दाक्शा गेशो क्येट, मुर आन कली हिक्शो नु बोक्शो क्येट नु मुरपुकीम ग्यरशा गेशो क्येट नेल्ल परमपरभु यावे आ सिंम वोतीन। २ राजा १४ : ४ ; १ राजा २२ : ४४ ५ चढ़ेबपुकीमी मेको क्येट मुर र ताक्चा माल्नीम। मिनु परमपरभु यावे आ सिं डा बिगेशो मार मार बाक्मा, मेको सेल्पाइक्चा माल्नीम” देमाक्त। ६ तन्न योआशमी सासन पवा आ २३ बर्स सम्म यो चढ़ेबपुकीम मेको बिगेशो मारइ मसेल्पदमे बाक्त। ७ मोपतीक पिप योआशमी चढ़ेब यहो-यादा नु अरु चढ़ेब आन कली बरशशा “मारदे गे परमपरभु यावे आ सिं डा बरशशा मसल्ली? मुल र गेपुकीम इन कली गेशो क्येट मताक्कीन। तन्न मेको अरु परमपरभु यावे आ सिं डा बरशशा सेल्ब आन कली कोव्रब आ गुडमी गेचा माल्नीनी” देमाक्त। ८ मोपतीक चढ़ेबपुकीमी “मुल गो क्येट

यो मताक्य नु बिगंरेशो यो मसैल्य” दे सल्ला पामे बाक्त ।

१ मिनु चढेब येहो-यादामी सन्दोस का सैल्ला, मेको आ सुन्तीकेम पोत्रला का सैला बाक्त । मिनु येहो-यादामी मेको सन्दोस परमपरभु यावे आ सिं आगा ओव्रतीकेम चढेतीक आ नेक्था ग्युरा गे वोदा बाक्त । मिनु परमपरभु यावे आ सिं डा लाप्वो कोत्रब चढेबपुकीम परमपरभु यावे आ सिंम चाक्शो क्येट नेल्ल मेकर कुर पामे बाक्त । १० मिनु मेकोपुकीमी मेको सन्दोस “शुश क्येट बाक्ब” दे तुइक्तमेनु, पिप आ बरक्ब नु नेल्ल क्येडा ठयब चढेब जाक्शा, मेको परमपरभु यावे आ सिं डा क्येट हिक्शा थैलोम कुर पा फरंशा वोइक्बाक्मा बाक्त । ११ मिनु मेकोपुकीमी मेको हिक्गमे नोले, मेको परमपरभु यावे आ सिंम गेय पाइब आन कली कोत्रब मुर कली गेबाक्मा बाक्त । मिनु मेकोपुकीमी मेको र परमपरभु यावे आ सिं सैल्ल आन कली गेबाक्मा बाक्त । मेकोपुकीमी मेको क्येट शी के गेय पाइब नु सैल्ल आन कली गेबाक्मा बाक्त । १२ मेकोपुकीमी मेको क्येट गारो परोत्रब, फुल्लु खरोइक्ब नु शी नु खरोइश्शो फुल्लु ग्याप्वो कली गेबाक्मा बाक्त । मिनु मेको क्येट परमपरभु यावे आ सिं डा बिगंरेशो सल्ला कली नु परमपरभु यावे आ सिं डा अरु मार मार लेशा सल्ला कली चलेबाक्मा बाक्त । १३ मेकोपुकीमी चांदी के बोस, सल्ला कराम्तीक थनारो, ग्यांब, तुराही नु अरु सुन चांदी के मारइ मारइ सल्ला कली परमपरभु यावे आ सिंम चाक्शो क्येट र मसैल्यदमे बाक्त । १४ मारदे हना मेको क्येट परमपरभु यावे आ सिं डा बिगंरेशो लेशा सैल्ल मुर आन कली गेमे बाक्त । १५ मिनु मेको गेय पाइब आन कली गेचा कली, मेको आन कोत्रब मुर आन कली गेशो क्येट सु सु कली गेनी, मार मार पनी, दे हिल्लो मपाइक्बाक्मा बाक्त । मारदे हना मेकोपुकी थमा सुइक्चा पुंडसीशो मुर बाक्मा बाक्त । २ राजा २२ : ७ १६ मिनु दोस आ पर्वम नु पाप आ पर्वम चढेशो क्येट चहिं परमपरभु यावे आ सिं डा क्येट नु मब्वाइक्तमे बाक्त । मेको चहिं चढेब आन के दुम्बाक्माक्त ।

१७ मेना अराम डा पिप हजाएल इर कुशा, गाथ कली लडाइ तोशा मेको आ के सैला बाक्त । मेको नोले हजाएल यरूसलेम नु लडाइ पचा कली मेक गे लमाक्त । १८ तन्न यहूदा डा पिप योआशमी मेको आ किकी पिपी, यहूदा डा पिप येहो-शाफात, येहोराम नु अहाज्याहम चढेशो

परमपरभु यावे आ सिं डा क्येट नु आंम आ चढेशो थोत्रक, परमपरभु यावे आ सिंम बाक्शो थोत्रक नु आ दरवारम बाक्शो सुन नेल्ल अराम डा पिप हजाएल कली सोइक्ता बाक्त । मिनु हजाएल यरूसलेम र लेम्माक्त । २ राजा १० : ३२

१९ योआश आ पशो अरु गेय नु आ पशो नेल्ल, मार, मेको यहूदा डा पिप आन इतिहासम बरक्शो मबाक्बा डा ? १ राजा १५ : १८ २० मिनु नोले मेको आ गेय पाइब मुरपुकीमी मेको कली साइक्चा माल्म बाक्त । मिनु योआश कली सिल्ला सहर डा लुकच लतीक लां मिल्लो माइश्शो दरवारम सदमे बाक्त । २ राजा १४ : ५ २१ मेको कली साइक्ब, योआश आ गेय पाइब शिमैआथ आ तौ योजाकार नु शोमेर आ तौ येहो-जाबाद बाक्सा बाक्त । मिनु योआश बेक्शा आ किकी पिप नु दाऊद आ सहरम थिम्बा पुंडसे बाक्त । मिनु मेको आ पा डा आ तौ अमस्याह पिप दुम्माक्त । २ राजा १४ : १

इसराएल डा पिप येहो-अहाज

१ येहू आ तौ येहो-अहाज सामरीयाम १३ इसराएल डा पिप दुम्माक्त । मेना यहूदा डा पिप अहाज्याह आ तौ योआशम सासन पशो २३ बरस दुम्शो बाक्माक्त । मिनु येहो-अहाजम १७ बरस सासन पवा बाक्त । २ राजा १० : ३५ २ मेकोमी परमपरभु यावे आ डांइती मार मरिम्शो बाक्म, मेको पवा बाक्त । मिनु इसराएली आन कली पाप पपाइक्ब नबात आ तौ येरोबाम आ लांम गाक्माक्त । मिनु मेकोमी येरोबाम आ लां मपराना बाक्त । १ राजा १२ : २८-३० ३ मोपतीके परमपरभु यावेमी इसराएली आन कली तशा गाइक्ता बाक्त । मिनु मेकोमी मेको आन कली शुश खेयप अराम डा पिप हजाएल नु मेको आ तौ बेन-हादाद आस गुइमी गेमी बाक्त । २ राजा १० : ३२ ४ तन्न येहो-अहाजमी परमपरभु यावे कली पुना बाक्त । मिनु परमपरभु यावेम मेको आ पुइशो नेना बाक्त । मारदे हना अराम डा पिपमी इसराएली आन कली दिप्शा श्येत गेशो तवा बाक्त । उत्पत्ती १६ : १३ ५ मिनु परमपरभु यावेमी इसराएली आन कली परांडब का योत्रडा बाक्त । मिनु मेकोपुकी अरामी आन गुइ र बरांडमा बाक्त । मिनु इसराएली डांइती डा सोदेशो पा आन आन सिंम बाक्चा तामे बाक्त । २ राजा १४ : २७ ६ तन्न मेकोपुकीमी इसराएली आन

कली पाप पपाइक्व यरोबाम आ पाप पतीक मपरांड्यु, पना पन बाक्मा बाक्त। मिनु मूर्ति पाइश्शा थाम यो सामरीयाम बाक्स डा बाक्स दुम्माक्त। १ राजा १६:३३ ७ येहो-अहाज के ५० जना शारा डोइक्व, १० ओटा बग्गी नु १० हजार खोइलीम गाक्व लडाइ पाइव डा लाक्शा अर्का मारइ मलीशा बाक्माक्त। मारद हना अरु आन कली अराम डा पिपम साइश्शा, खप डा फुरक सोदेशो सल्शा बाक्माक्त। ८ येहो-अहाज आ पशो अरु गेय, मेको आ पशो नेल्ल नु आ सक्ति दोदेशो बाक्म, मार, मेको इसराएल डा पिप आन इतिहासम बरक्शो मबाक्वा डा? १ मिनु येहो-अहाज बेक्माक्त। मिनु मुरपुकीम मेको कली आ किकी पिपी नु सामरीयाम थिम्म बाक्त। मिनु मेको आ पा डा आ तौ योआश पिप दुम्माक्त।

### इसराएल डा पिप योआश

१० मिनु येहो-अहाज आ तौ योआश सामरीयाम इसराएल डा पिप दुम्माक्त। मेना योआश यहूदा डा पिप दुम्शो ३७ बर्स दुम्शो बाक्माक्त। मिनु इसराएल डा पिप योआशमी १६ बर्स सासन पवा बाक्त। यहूदा डा पिप नु इसराएल डा पिप आस नें खाल को डा बाक्त। योआश नु येहो-आश नें का बाक्व, येहो-आश कली योआश यो देशो बाक्त। ११ मेकोमी परमपरभु यावे आ डोइती मार मरिम्शो बाक्म, मेको पवा बाक्त। मिनु इसराएली आन कली पाप पपाइक्व नेबात आ तौ यरोबाम आ लाम गाक्माक्त। मिनु मेकोमी यरोबाम आ लाम मपरोना बाक्त। १२ योआश आ पशो अरु गेय, मेको आ पशो नेल्ल, यहूदा डा पिप अमस्याह नु लडाइ पा सक्ति कोइशा, मार, मेको इसराएल डा पिप आन इतिहासम बरक्शो मबाक्वा डा? २ राजा १४:८-१६ १३ मिनु योआश बेक्माक्त। मेको आ पा डा यरोबाम पिप दुम्माक्त। योआश इसराएल डा पिपपुकी नु सामरीयाम थिम्चा पुंडसे बाक्त। २ राजा १४:२३

### एलीशा बेक्शो

१४ एलीशा रोइ पवा बाक्त। मिनु नोले मेको रोइ रे बेक्माक्त। मिनु इसराएल डा पिप योआश मेको कली कोवथ लमाक्त। मिनु मेको आ डोइती डाक्शा “ए, आं आफ! ए, आं आफ! इसराएल डा बग्गी नु शारा डोइक्वपुकी” देमाक्त। २ राजा २:१२ १५ मिनु एलीशामी मेको कली “लिबरा का

नु बरा गुपो” देमाक्त। मिनु मेकोम लिबरा नु बरा गुबा बाक्त। १६ मिनु मेकोमी इसराएल डा पिप कली “लिबरा सुक्को” देमाक्त। मिनु मेकोम सुक्का बाक्त। मिनु एलीशामी आ गुइ पिप आ गुइ तार बोदा बाक्त। १७ मिनु एलीशामी “पूर्व ग डा झेल रोक्को” दे मदा बाक्त। मिनु रोक्का बाक्त। मिनु एलीशाम मेको कली “बरा आपो” दे मदा बाक्त। मिनु मेकोमी आबा बाक्त। मिनु एलीशाम “परमपरभु यावे आ अराम रागी कली गरातीक बरा बाक्त। गे अफक सहरमी अरामी आन कली लडाइ पा गरातीनी” दे मदा बाक्त। १८ मिनु लेंशा मेकोम “बरापुकी गुपो” देमाक्त। मिनु मेकोमी गुबा बाक्त। मिनु मेकोमी इसराएल डा पिप कली “खप तुपो” देमाक्त। मिनु पिपम खेयप सां तुप्शा नाइस बाक्त। १९ मिनु परमपरभु आ मुरुमी गाइश्शा मेको कली “गे खपीम ५, ६ खेयप तुप्चा माल्शो नवे। मिनु गे अराम कली गेना हना यो कली गराडे वा। तन्न मुल गे अराम कली खेयप सां ला गराणेवे” दे मदा बाक्त।

२० मेको नोले एलीशा बेक्माक्त। मुरपुकीम मेको कली थिम्म बाक्त। मोआब डा रोइक्वपुकी बर्स बर्समी मेको रागी ओवबाक्मा बाक्त। २१ काले इसराएलीपुकीम बेक्शो मुर का थिम्मनु मोदेशो रोइक्व मोआबी आन कली तामे बाक्त। मोपतीक मेकोपुकीम मेको बेक्शो मुर एलीशा वोइक्तीकमी ताइश्शा, परोक्मा बाक्त। मिनु मेको बेक्शो मुरुम एलीशा आ रुश थिवा चोटी सस दुम्शा बाक्माक्त।

२२ मिनु अराम डा पिप हजाएलमी इसराएल कली श्येत गेस डा गेस बाक्माक्त। मेना येहो-अहाजम इसराएलम सासन पशो बाक्माक्त। २३ तन्न परमपरभु यावेमी अब्राहाम, इसहाक नु याक्व नु पशो कबलम पतीक, मेको आन कली शिशो पाइक्मी बाक्त। मेकोम मेको आन कली मिम्तीमी बाक्त। मिनु परमपरभु यावेमी मेको आन कली साइक्वा नु आ डोइती रे तिल्वा थुं मपवा बाक्त। लेवी २६:४२

२४ मिनु अराम डा पिप हजाएल बेक्माक्त। मिनु मेको आ पा डा आ तौ बेन-हादाद पिप दुम्माक्त। २५ मिनु येहो-अहाज आ तौ योआशमी आ आफ रे हजाएल आ तौ बेन-हादादम लडाइ पा गराशा सहरपुकी लेंशा ताक्का बाक्त। योआशमी खेयप सां मेको कली गरामाक्त। मिनु मोपा मेकोमी इसराएल डा सहरपुकी लेंशा आं क सेला बाक्त। २ राजा १३:१९

यहूदा डा पिप अमस्याह

२इतिहास २५ :-

१४ १योआश आ तौ अमस्याह यहूदा डा पिप दुम्माक्त। मना यो-आहाज आ तौ योआश इसराएल डा पिप दुम्शो बर्स निकशी दुम्शो बाक्माक्त। योआश नु यहो-आश नं का बाक्ब, यहो-आश कली योआश यो देशो बाक्त। २राजा १२:२२ २यहूदा डा पिप अमस्याह पिप दुम्मुनु २५ बर्स दुम्शो बाक्माक्त। मिनु मेकोमी यरूसलेम २९ बर्स सासन पवा बाक्त। मेको आ ममा आ नं यहो-अददीन बाक्माक्त। मेको यरूसलेम डा बाक्माक्त। ३अमस्याहमी परमपरभु याव आ डांडती मार रिम्शो बाक्म, मेको पवा बाक्त। तन्न मेको आ किकी दाऊदमी पशो खोदेशो चहिं मपवा बाक्त। मेकोमी आ आफ योआशमी पशो खोदेशो पवा बाक्त। २राजा १२:३-४ ४मो हना यो मेकोमी डांडाम बाक्शो थानपुकी मताइक्ता बाक्त। मना सम्म मुरपुकीम मेकर क्योरशा चद्वतीक चद्वेशा, धूप चाव्रम बाक्त। ५मेकोमी आ राज्य डा गय बोल्यो सेला नोले, आ आफ कली साइक्ब, आ गय पाइब आन कली साइक्मी बाक्त। २राजा १२:२१:२२; २सामुएल ३:३० ६तन्न मेकोमी मोसा आ अरेशो किताबम बरक्शो खोदेशो पा “तमी तौ आन पाप आ पर्वम आन आम आफ आस कली मसतीन। मिनु आम आफ आस पाप आ पर्वम यो आन तमी तौ आन कली मसतीन। सुम पाप पाइनीमी मेको ला साइक्चा पुंडिसमल” देशो, मेकोमी परमपरभु याव आ लोत्र टिशा, नेल्ल आम आन पशो पापम ला साइक्चा पुंडिसीनीम। व्यवस्था २४:१६

७मेकोम हिकसी के बेसीम १० हजार एदोमी आन कली साइक्मी बाक्त। मिनु लडाइम सेला सहर गराशा, मेको आ नं योक्तल वोदा बाक्त। मेको सहर आ नं मुल सम्म मेकोन बाक्ब। ८मेको नोले अमस्याहम इसराएल डा पिप यहू आ चच यहो-अहाज आ तौ योआश कली लडाइ पतीक लोत्र पा “जाक्को, गो नु आं डांडती राप्शा लडाइ पावो” दे लडाइ पचा कली लोत्र कुरब मुर सोइक्ता बाक्त। ९तन्न इसराएल डा पिप योआशम यहूदा डा पिप अमस्याह कली “लेबानोन डा चू बुटा काम लेबानोन डा लाइशशो रवा का कली ‘इ तमी आं तौ नु ग्युंब पचा गेवो’ देमाक्त। तन्न लेबानोन डा व्यार्कीमी बाक्ब जन्तु का मेको मर पा पिमाक्त।

मिनु मेकोम चू बुटा कली दिम्शा ताइशशा पवा बाक्त। न्यायाधीस १:१४ १०गे एदोम कली गराशा, ठेयब लेशशो दुम्तीनी। इन गराशोम ग्येरसीने। तन्न इन खिंमी सिक्सी पा बाक्कीन। आंम इन कली नु यहूदा कली मारदे खतम सल्ला दाक्नीनी?” देपाइक्थ लात्र कुरब मुर का सोइक्ता बाक्त।

११मो हना यो अमस्याहमी मेको लोत्र मनना बाक्त। मोपतीक इसराएल डा पिप योआशमी लडाइ तोवा बाक्त। मिनु मेको नु यहूदा डा पिप अमस्याह यहूदा डा बेथ-शमेशम लडाइ पास्स बाक्त। यहोसु १५:१० १२मिनु यहूदा डा पिप इसराएली आन वयडा बरुमाक्त। मिनु मुर नेल्ल परोक्मा बाक्त। १३मिनु इसराएल डा पिप योआशमी यहूदा डा पिप अहाज्याह आ चच, योआश आ तौ अमस्याह कली बेथ-शमेशमी ग्याइक्ता बाक्त। मिनु मेको नोले योआश यरूसलेम लेशशा जाक्माक्त। मिनु इसराएल डा पिपमी यरूसलेम डा गारो एफ्राइम डा ठेयब लाप्चो रे कुना डा ठेयब लाप्चो सम्म ४ सह कुबीत परप्पदा बाक्त। कुबीत का आधा मिटर खोदेशो बाक्ब। १४मेकोमी परमपरभु याव आ खिंम बाक्शो नु पिप आ खिंम थिश्शो सुन चांदी नु ग्यांब नेल्ल नु मुर यो ग्याइशशा लदा बाक्त। मिनु नोले सामरीया लेम्माक्त।

१५मेको योआश आ पशो अरु गय, आ पशो नेल्ल, आ सक्ति नु यहूदा डा पिप अमस्याह नु पशो लडाइ, मार, मेको नेल्ल इसराएल डा पिप आन इतिहासम बरक्शो मबाक्बा डा? १६मिनु योआश बेक्माक्त। मिनु इसराएल डा पिपपुकी नु सामरीयाम थिम्चा पुंडिस बाक्त। मिनु मेको आ पा डा आ तौ यरोवाम पिप दुम्माक्त। २राजा १३:१३

१७यहूदा डा पिप योआश आ तौ अमस्याह, इसराएल डा पिप यहो-अहाज आ तौ योआश क्यडा १५ बर्स शुश ब्राइमाक्त। १८अमस्याह आ पशो अरु गय, मार, मेको यहूदा डा पिप आन इतिहासम बरक्शो मबाक्बा डा? १९मिनु यरूसलेम सहरम मुरपुकीमी मेको कली साइक्चा माल्म बाक्त। मोपतीक मेको लाकीश सहरम परोक्माक्त। तन्न मेको कली खेदा पाइब मुर सोइशशा मेक उइ साइक्पदम बाक्त। २राजा १२:२१ २०मिनु मेको आ बेक्शो रां शाराम कुर पा यरूसलेम चाक्गम बाक्त। मिनु मेको कली आ किकी पिपी नु दाऊद आ सहरम थिम्म बाक्त। २१मिनु यहूदा डा मुर नेल्लेम १६ बर्स दुप्शो

अमस्याह आ तौ अजारयाह कली मेको आ पा डा पिप सत्वमे बाक्त। २राजा १५:१-२ २२मकोमी अमस्याह बेक्ने थुमा नोले एलाथ सहर लेंशा सेल्शा लेंशा ताक्गा बाक्त। २राजा १६:६

येरोबाम इस्राएल डा पिप दुम्शो

२३मिनु योआश आ तौ येरोबाम सामरीया सहस्र इस्राएल डा पिप दुम्माक्त। मना योआश आ तौ अमस्याह यहूदा डा पिप दुम्शो १५ बर्स दुम्शो बाक्माक्त। मिनु येरोबाम ४१ बर्स सासन पवा बाक्त। होस १:१; आमोस १:१ २४मकोमी परमपरभु यावे आ डांइती मार मरिम्शो बाक्मे, मेको पवा बाक्त। मिनु इस्राएली आन कली पाप पपाइक्व नेबात आ तौ येरोबाम आ लाम गाक्माक्त। मिनु मेकोमी येरोबाम आ लाम मप्रोना बाक्त। १राजा १२:२८-३० २५मिनु परमपरभु यावे आ गेय पाइब नु आ लोत्र पाइब इस्राएल डा गाथ-हॉफर सहर डा अमीत्ते आ तौ याना आ पशो परमपरभु यावे, इस्राएली आन परमपरभु आ लोत्र गाम्माक्त। लेबा-हमाथ र अराबाह डा समुन्दर सम्म इस्राएल डा सांद लेंशा सेल्ब येरोबाम बाक्माक्त। याना १:१ २६मारदे हना परमपरभु यावेमी इस्राएली आन कली शुश श्यत जशो तवा बाक्त। वाइल दुम्शो नु मडुम्शो सुइ मलीमा बाक्त। इस्राएली आन कली वारच पाइब सुइ मबाक्मा बाक्त। २७ परमपरभु यावेमी इस्राएल कली रागी र क्यान्वा मदतीक, मेकोमी योआश आ तौ येरोबाममी मेको आन कली प्रॉइमी बाक्त। २राजा १३:५

२८ येरोबाम आ पशो अरु गेय, मेको आ पशो नेल्ल, आ सक्ति, मेको आ लडाइ पशो नु दोपा यहूदा डा दमस्कस नु हमाथ सहर लेंशा इस्राएल के सेला, मार, मेको इस्राएल डा पिप आन इतिहासम बरेक्शो मबाक्वा डा? २९मिनु येरोबाम बेक्माक्त। मिनु इस्राएल डा पिप नु थिम्वा पुंडसे बाक्त। मिनु मेको आ पा डा आ तौ जकरिया पिप दुम्माक्त। २राजा १५:८

यहूदा डा पिप अजारयाह

१मिनु अमस्याह आ तौ अजारयाह यहूदा डा पिप दुम्माक्त। मना येरोबाम इस्राएल डा पिप दुम्शो २७ बर्स दुम्शो बाक्माक्त। २इतिहास २६:-; २राजा १४:२१ २मिनु अजारयाह पिप दुम्मेनु १६ बर्स दुम्शो बाक्माक्त। मिनु मेकोम यरूसलेममी ५२

बर्स सासन पवा बाक्त। मेको आ ममा आ नें येकोल्याह बाक्माक्त। मेको यरूसलेम डा बाक्माक्त। ३मेकोम आ आफ अमस्याह सोदेंशो पा, परमपरभु यावे आ डांइती मार रिम्शो बाक्मे, मेको पवा बाक्त। ४मा हना यो मेकोमी डांडाम बाक्शो थानपुरकी मताइक्ता बाक्त। मना सम्म मुरपुरकीम मंकर चदतीक चदशा धूप चोत्रमे बाक्त। २राजा १४:३-४ ५मिनु परमपरभु यावेमी पिप कली कोत्र मुपदा बाक्त। मिनु मेको मबेक्म सम्म आ कान सिं काम बाक्चा माल्दा बाक्त। मिनु पिप आ तौ योथाममी पिप आ दरवार डा मारइ मारइ गेय पशा, राज्य डा मुर आन कली सासन पवा बाक्त। लेवी १३:४६ ६अजारयाह आ पशो अरु गेय, मेको आ पशो नेल्ल, मार, मेको यहूदा डा पिप आन इतिहासम बरेक्शो मबाक्वा डा? ७मिनु अजारयाह बेक्माक्त। मिनु आ किकी पिपी नु दाऊद आ सहस्र थिम्वा पुंडसे बाक्त। मिनु मेको आ पा डा आ तौ योथाम पिप दुम्माक्त। २राजा १५:३२

इस्राएल डा पिप जकरिया

८मिनु येरोबाम आ तौ जकरिया सामरीयाम इस्राएल डा पिप दुम्माक्त। मना अजारयाह यहूदा डा पिप दुम्शो ३८ बर्स दुम्शो बाक्माक्त। मिनु जकरियामी ६ महिना सासन पवा बाक्त। २राजा १४:२९ ९मेकोमी आ किकी पिपी सोदेंशो पा, परमपरभु यावे आ डांइती मार मरिम्शो बाक्मे, मेको पवा बाक्त। मिनु इस्राएली आन कली पाप पपाइक्व नेबात आ तौ येरोबाम आ लाम गाक्माक्त। १राजा १२:२८-३०; आमोस ७:९ १०याबेश आ तौ शाल्लुममी जकरिया कली साइक्चा मला बाक्त। मिनु शाल्लुममी मेको कली मुर आन दातेमीन तुप्शा सदा बाक्त। मिनु मेको आ पा डा शाल्लुम पिप दुम्माक्त। ११जकरिया आ पशो अरु गेय, मेको आ पशो नेल्ल, इस्राएल डा पिप आन इतिहासम बरेक्शो बाक्व। १२मोपा परमपरभु यावेम येहू कली “इ मुर ४ पाला सम्म पिप दुम्नीम” देंशो लोत्र गाम्माक्त। मिनु मोदेंशन दुम्माक्त। २राजा १०:३०

इस्राएल डा पिप शाल्लुम

१३मिनु याबेश आ तौ शाल्लुम सामरीयाम पिप दुम्माक्त। मना उज्जीयाह यहूदा डा पिप दुम्शो ३९ बर्स दुम्शो बाक्माक्त। मिनु शाल्लुममी

सामरीया सहरम महिना का सासन पवा बाक्त । १४ मेको नोले गादी आ तौ मेनाहेम तिरचा सहर र सामरीयाम कुमाक्त । मिनु मेकोमी यावश आ तौ शाल्तुम कली तुप्शा सदा बाक्त । मिनु मेको कली साइश्शा, आ पा डा पिप दुम्माक्त । १५ शाल्तुम आ पशा अरु गेय, मेको आ पशा नेल्ल नु जकरिया कली साइश्शा मेको इसराएल डा पिप आन इतिहासम बरक्शो बाक्ब । १६ मेना मेनाहेममी तिरचा सहर र लाइश्शा, तिफसाह नु मेको आ एर ओथ बाक्शो रागी नेल्ल आन कली लडाइ तोवमी बाक्त । मारद हना मेकोपुकीम मेको कली ठयब लाप्चो रोक्शा मगेम बाक्त । मेकोम तिफसाह कली खतम सेला बाक्त । मिनु आल कुरशो मीश मुर नेल्ल आन कोव्रज पाक्मी बाक्त । तिफसाह ताप्पुआह सहर आ हिब्रू नें बाक्ब । यहोसु १२ :२४ ; २ राजा ८ :१२

### इसराएल डा पिप मेनाहेम

१७ गादी आ तौ मेनाहेम इसराएल डा पिप दुम्माक्त । मेना अजारयाह यहूदा डा पिप दुम्शो ३९ बर्स दुम्शो बाक्माक्त । मिनु मेनाहेम सामरीयाम १० बर्स सासन पवा बाक्त । १८ मेकोमी परमपरभु यावे आ डांडती मार मरिम्शो बाक्म, मेको पवा बाक्त । मिनु मेकोमी ब्रांडम सम्म इसराएली आन कली पाप पपाइक्ब नेबात आ तौ यरोबाम आ लां मपराना बाक्त । १९ मिनु अस्सुर डा पिप पुलमी मेको रागी कली लडाइ तोवा बाक्त । मिनु मेनाहेममी आ राज्य बोल्यो सत्त्वा कली, पुल कली हज्जार का टलेन्ट, चांदी गेवा बाक्त । टलेन्ट का ३४ किलो बाक्ब । २ राजा १५ :२९ २० मेनाहेममी मेको क्येट इसराएल डा शोप पाइश्शा मुर र पोक्गा बाक्त । मिनु मेकर डा मुरपुकीमी अस्सुर डा पिप कली ५० शकल चांदी गचा माल्बाक्मा बाक्त । मोपतीके अस्सुर डा पिप मेको रागीम मबाक्थु, आ रागी लेशशा लमाक्त । शकल का ११५ ग्राम खोदंशो बाक्ब । २ राजा २३ :३५ २१ मेनाहेम आ पशा अरु गेय, मेको आ पशा नेल्ल, मार, मेको इसराएल डा पिप आन इतिहासम बरक्शो मबाक्बा डा ? । २२ मिनु मेनाहेम बक्माक्त । मिनु मेको आ पा डा आ तौ पेकाहीयाह पिप दुम्माक्त ।

### इसराएल डा पिप पेकाहीयाह

२३ मिनु मेनाहेम आ तौ पेकाहीयाहम सामरीयाम इसराएल डा पिप दुम्माक्त । मेना अजारयाह यहूदा डा पिप दुम्शो ५० बर्स दुम्शो

बाक्माक्त । मिनु पेकाहीयाह बर्स निकशी सासन पवा बाक्त । २४ मेकोमी परमपरभु यावे आ डांडती मार मरिम्शो बाक्म, मेको पवा बाक्त । मिनु इसराएली आन कली पाप पपाइक्ब नेबात आ तौ यरोबाम आ लांम गाक्माक्त । २५ मिनु मेको आ लडाइ पाइब आन कप्तान रेमाल्याह आ तौ पेकाहमी मेको पिप कली साइक्चा मला बाक्त । मिनु मेकोम गिलाद डा ५० जना मुर आन कली लाइश्शा सामरीया डा पिप पेकाहीयाह आ दरवारम ओवशा, मेको कली सदा बाक्त । मिनु अरगोब नु अरीएह आस कली यो सांडसी बाक्त । मोपा पेकाह आ पा डा पिप दुम्माक्त । २ राजा १५ :१०,१५,३० २६ पेकाहीयाह आ पशा अरु गेय, मेको आ पशा नेल्ल, इसराएल डा पिप आन इतिहासम बरक्शो बाक्ब ।

### इसराएल डा पिप पेकाह

२७ रेमाल्याह आ तौ पेकाह सामरीयाम इसराएल डा पिप दुम्माक्त । मेना अजारयाह यहूदा डा पिप दुम्शो ५२ बर्स दुम्शो बाक्माक्त । मिनु पेकाहमी २० बर्स सासन पवा बाक्त । २८ मेकोमी परमपरभु यावे आ डांडती मार मरिम्शो बाक्म, मेको पवा बाक्त । मिनु इसराएली आन कली पाप पपाइक्ब नेबात आ तौ यरोबाम आ लांम गाक्माक्त । मिनु मेकोमी यरोबाम आ लां मपराना बाक्त ।

२९ इसराएल डा पिप पेकाहमी सासन पवा ना अस्सुर डा पिप तिगलात-पिलेसरमी लडाइ तोशा, इयान, आबल-बेथ-माकाह, यानोह, केदश, हासोर, गिलाद, गालील रागी नु नाप्ताली आ रागी नेल्ल आ के सत्त्वा, मेकर डा मुर आन कली ग्याइश्शा अस्सुर लाइक्मी बाक्त । १ इतिहास ५ :२६ ३० मिनु एलाह आ तौ होशेआमी रेमाल्याह आ तौ पेकाह कली साइक्चा मला बाक्त । मिनु पेकाह कली तुप्शा सदा बाक्त । मिनु मेको आ पा डा पिप दुम्माक्त । मेना यहूदामी उज्जीयाह आ तौ योथामम सासन पशा २० बर्स दुम्शो बाक्माक्त । २ राजा १७ :१ ; २ राजा १५ :२५ ३१ पेकाह आ पशा अरु गेय, मेको आ पशा नेल्ल इसराएल डा पिप आन इतिहासम बरक्शो बाक्ब ।

### यहूदा डा पिप योथाम

३२ मिनु उज्जीयाह आ तौ योथाम यहूदा डा पिप दुम्माक्त । मेना रेमाल्याह आ तौ पेकाह इसराएल डा पिप दुम्शो बर्स निकशी दुम्शो

बाक्माक्त। २इतिहास २७:१-७ ३३ योथाम पिप दुम्मनु २५ बर्ष दुम्शो बाक्माक्त। मिनु मेकोम यरूसलेमम १६ बर्ष सासन पवा बाक्त। मेको आ ममा आ नें यरुशा बाक्माक्त। मेको सादोक आ तमी बाक्माक्त। ३४ मेकोम आ आफ उज्जोयाह खोदंशो पा, परमपरभु यावे आ डांडती मार रिम्शो बाक्म, मेको पवा बाक्त। २राजा १५:३,४ ३५ मो हना यो मेकोमी डांडा डा थानपुकी मताइक्ता बाक्त। मेना सम्म मुरपुकीम मेकर चद्वतीक चद्वशा, धूप चोत्रम बाक्त। मेकोमी परमपरभु यावे आ सिं डा उत्तर गे डा ठेयब लान्वा यो सल्पदा बाक्त। ३६ योथाम आ पशो अरु गेय, मेको आ पशो नल्ल, मार, मेको यहूदा डा पिप आन इतिहासम बरक्शो मबाक्वा डा? ३७ मेना परमपरभु यावेमी अराम डा पिप रसीन नु रमाल्याह आ तौ पेकाह आस कली यहूदा नु लडाइ पचा कली क्युक्सी बाक्त। २राजा १६:५ ३८ मिनु योथाम बक्माक्त। मिनु मेको दाऊद आ सहरम आ किकी पिपी नु थिम्वा पुंडसे बाक्त। मिनु मेको आ पा डा आ तौ आहाज पिप दुम्माक्त।

### यहूदा डा पिप आहाज

१ मिनु योथाम आ तौ आहाज यहूदा डा १६ पिप दुम्माक्त। मेना रमाल्याह आ तौ पेकाह इसराएल डा पिप दुम्शो १७ बर्ष दुम्शो बाक्माक्त। २इतिहास २८:१-६ २ आहाज पिप दुम्मनु २० बर्ष दुम्शो बाक्माक्त। मिनु मेकोमी यरूसलेमम १६ बर्ष सासन पवा बाक्त। मेकोमी आ किकी दाऊदम खोदंशो पा परमपरभु यावे, आ परमपरभु आ डांडती मार रिम्शो बाक्म, मेको मपवा बाक्त। ३ मेको इसराएल डा पिप आन लाम गाक्माक्त। मेकोमी आ तौ कली चोशा चद्ववा बाक्त। मोदंशो गरांगरा दिशो गेय पशो आ पर्वम परमपरभु यावेमी डांडती रागी रागी डा मुर आन कली इसराएल र गरुइशो बाक्माक्त। लेवी १८:२१ ४ मेकोमी डांडा डा थानम, पहाड मेर नु गिग रवा आन पुं नेल्लेमी चद्वतीक चद्वशा धूप चोवा बाक्त।

५ मिनु अराम डा पिप रसीन नु इसराएल डा पिप रमाल्याह आ तौ पेकाहमी यरूसलेम कली लडाइ तोशा पुम्दमे बाक्त। तन्न मेकोम आहाज कली ग्राने मचाप्से बाक्त। यसैया ७:१-९ ६ मेना अराम डा पिपमी रसीन एलाथ डा यहूदी आन कली खेरशा, एलाथ सहर एदामी आन कली गेवा बाक्त। मिनु एदाम डा मुर मुल सम्म

मेकर बाक्शो बाक्नीम। २राजा १४:२२ ७ मिनु आहाजम अस्सुर डा पिप तिगलात-पिलेसर कली “गो इन गेय पाइब नु इन तौ नड। आं कली लडाइ तोइब अराम नु इसराएल डा पिप र परांडचा नड। मेकोपुकीम आं कली लडाइ तोशा बाक्नीम” दंशा लोत्र कुरब मुर सोइक्ता बाक्त। २इतिहास २८:१६-२७ ८ मिनु आहाजमी परमपरभु यावे आ सिंम बाक्शो नु पिप आ सिंम बाक्शो सुन नु चांदी नल्ल अस्सुर डा पिप कली कोसली सोइक्ता बाक्त। १राजा १५:१८ ९ मिनु अस्सुर डा पिपमी मेको आ लोत्र नना बाक्त। मिनु दमस्कस कली लडाइ तोशा मेको आ के सेला बाक्त। मेकोमी मेकर डा मुर आन कली ग्याइशो कीर सहर लाइक्मी बाक्त। मिनु नोले रसीन कली सदा बाक्त।

१० मिनु पिप आहाज, अस्सुर डा पिप तिगलात-पिलेसर कली गरुम्य दमस्कस लमाक्त। मिनु मेकोमी दमस्कसम चद्वतीक का तवा बाक्त। मिनु मेको दोदंशो बाक्म, मेको नेल्ल बरक्शा चद्वेब उरीयाह आ बाक्तीक सोइक्ता बाक्त। ११ मिनु चद्वेब उरीयाहम दमस्कस र पिप आहाजम सोइशो बरक्स सोदंशो पा, चद्वतीक का सेला बाक्त। मिनु मेकोमी मेको चद्वतीक पिप आहाज दमस्कस र जाक्वा क्येडा डांडतीन सल्ले थुमा बाक्त। १२ मिनु पिप दमस्कस र लेशशा जाक्शा, मेको चद्वतीक कोत्रडा बाक्त। मिनु पिपम चद्वतीक आ नेक्था लशा डांडिस बाक्त। १३ मेकोम मेकर चोशा चद्वतीक नु अन्न चद्वतीक चद्वेवा बाक्त। मिनु तूचा थोत्रक चद्वतीक लुक्शा दुशा बाक्वा आ पर्वम चद्वेशो आ हुश मेको तार बरुइक्ता बाक्त। १४ मेकोमी परमपरभु यावे आ सिं आ डांडती बाक्शो कांसा के चद्वतीक परमपरभु यावे आ सिं नु चद्वतीक आस दातेम मबाक्त, द याक्ता बाक्त। नक चद्वतीक लाइशशा, मेकर वोदा बाक्त। मेको माइत चद्वतीक चहिं उत्तर गे वोदा बाक्त। १५ मेको नोले पिप आहाजमी चद्वेब उरीयाह कली “एको ठेयब नक चद्वतीकम सुनी चोशा चद्वतीके नु नाक्दो डा अन्न चद्वतीके, पिप आ चोशा चद्वतीके, मेको आ अन्न चद्वतीके, रागी डा मुर नेल्ल आन चोशा चद्वतीके नु मेको आन अन्न चद्वतीके नु तूचा थोत्रक चद्वतीके चद्वेवो। चद्वतीकेम चोशा चद्वतीक नु चद्वेशो नेल्ल आन हुश बरुइक्वा माल्व। तन्न मेको कांसा के चद्वतीके चहिं परमपरभु यावे कली मारइ लोत्र हिल्लो पची ना गो मेकर चद्वेशा हिल्लो पाइनुड” द मदा बाक्त। १६ मिनु

चंद्रब उरीयाहम पिप आहाज आ देशो नेल्ल पवा बाक्त ।

१७ मेको नोले पिप आहाजमी चिकतीक बास आन नितीकपुकी मेको आन एर आंथ डा चिकतीक बास गरुंडपदा बाक्त । मिनु मेको आ नक्था बाक्शो ब्याक्कु कुर पतीक ठयब बास कली ब्यफ आन तार र गरुंडपदा बाक्त । मिनु मेको ठयब बास कली फुल्लुम तिकशा वोइक्पदा बाक्त । १ राजा ७ :२३-३९ १८ मेकोमी परमपरभु यावे आ खिम सेल्शो नाइक्तीक नाक्त कली सेल्शो ठयब कोठा नु परमपरभु यावे आ खि डा लाडगा पिप आ खि र ओव्रतीक अस्सुर डा पिप आ पर्वम अर्का सेला बाक्त । १९ आहाज आ पशो अरु गेय नु मेको आ पशो नेल्ल, मार, मेको यहूदा डा पिप आन इतिहासम बरक्शो मबाक्वा डा ? २० मिनु आहाज बेक्माक्त । मिनु दाऊद आ सहरमी आ किकी पिपी नु थिम्बा पुंडसे बाक्त । मिनु मेको आ पा डा आ तौ हिज्कीयाह पिप दुम्माक्त । २ राजा १८ :१

इसराएल डा पिप होशआ

१ एलाह आ तौ होशआ सामरीयाम १७ इसराएल डा पिप दुम्माक्त । मेना यहूदा डा पिप आहाज पिप दुम्शो १२ बर्स दुम्शो बाक्माक्त । मिनु होशआम ९ बर्स सासन पवा बाक्त । २ राजा १८ :९-१२ ; २ राजा १५ :३० २ मेकोम परमपरभु यावे आ डांडती मार मरिम्शो बाक्म, मेको पवा बाक्त । तन्न आ डांडती डा इसराएल डा पिप आन पशो सोदंशो चहिं मपवा बाक्त । ३ मिनु अस्सुर डा पिप शात्वानसर होशआ कली लडाइ तोथ जाक्माक्त । मिनु होशआमी मेको कली तिरो थाप्ना माल्दा बाक्त । ४ तन्न अस्सुर डा पिपमी होशआम आ कली मटिशो तवा बाक्त । मारदे हना मेकोमी इजीप्त डा पिप सो कली लोत्र कुरब मुर सोइक्शो तुइक्ता बाक्त । मिनु बसे बसेम गेतीक तिरो यो अस्सुर डा पिप कली मथाप्ता बाक्त । मोपतीके अस्सुर डा पिपमी मेको कली ग्याइक्शा जेल्खानम चोक्गा बाक्त । होसे १२ :२

५ मिनु अस्सुर डा पिपमी रागी नेल्ल आन कली लडाइ तोशा, सामरीया जाक्माक्त । मिनु मेको कली लडाइ तोशा, बर्स सां सम्म पुम्दा बाक्त । यसेया २८ :२ ६ अस्सुर डा पिपमी होशआम सासन पशो ९ बर्स दुम्मनु, सामरीया कली गरामाक्त । मेकोमी इसराएल डा मुर आन

कली ग्याइक्शा अस्सुर लाइक्मी बाक्त । मिनु मेको आन कली हालाह सहर नु गोजान डा सोला हाबोर आ नक्था नु मादी आन सहरम वोइक्मी बाक्त ।

इसराएली ग्याइक्का पुंडसीशो

७ मारदे मोदंशो दुम्शो बाक्त देशा हना, परमपरभु यावे, आन परमपरभुम मेको आन कली इजीप्त रागी डा पिप फाराओ आ गुइ र गरुंडशा चाक्गा र इसराएलीपुकीम देवी देवता आन कली पूजा पशो बाक्मा बाक्त । ८ मेकोपुकीम परमपरभु यावमी आन डांडती गरुंडशो रागी रागी डा मुर आन पतीके पशो बाक्मा बाक्त । इसराएल डा पिप आन पशो मरिम्शो गेय नेल्ल पशो बाक्मा बाक्त । मेकोपुकीमी परमपरभु यावे कली मटिशो बाक्मा बाक्त । २ राजा १६ :३ ९ इसराएल डा मुरपुकीम परमपरभु यावे, आन परमपरभु आ डांडती खरुइक्शा मरिम्शो पशो बाक्मा बाक्त । खाल पतीक लाइक्शा खिं र सहर नेल्लेम आंम कली थान सेल्मे बाक्त । १० मेकोपुकीम डांडा नेल्ल नु शुश गिग रवा आन पुंमी खरुक्शो फुल्लु नु मूर्ति पाइक्शो थामपुकी सेल्मे बाक्त । २ राजा १६ :४ ; १ राजा १४ :२३ ११ मेकोपुकीम परमपरभु यावमी मेको आन डांडती र गरुंडशो रागी रागी डा मुर सोदंशो पा डांडा डा थानम धूप चोत्रम बाक्त । मेकोपुकीम परमपरभु यावे आ अरशो काइ मटिथु, गाइक्पदम बाक्त । १२ मेकोपुकीमी मूर्ति पूजा पाम बाक्त । डांडती परमपरभु यावमी “मोदंशो पचा मडुम्ब” देशो बाक्माक्त । १३ मो हना यो परमपरभु यावमी आ लोत्र पाइब नु आ कोइतीक ताइब नेल्ल र पा इसराएल नु यहूदा डा मुर आन कली “गे इन मरिम्शो लो र लेतीन । आं शंशो, आं फुल्लुम मुशा बरक्शो लोत्र नु इन किकी पिपी आन कली गेशा आं अरशो नेल्ल पने” दे आ गेय पाइबपुकीमी मेको आन कली थाम्पा हिंच कांडपदा बाक्त । १४ तन्न मेकोपुकीम आन थमा मसुइक्ब किकी पिपी सोदंशो पा परमपरभु यावे आ लोत्र मनंथु, काइ मटीम बाक्त । १५ मेकोपुकीम मेको आ फुल्लुम मुशा बरक्शो लोत्र, मेको आन किकी पिपी नु पशो कबल नु हिंच कांडशो ममिम्तमे बाक्त । मेकोपुकी शोर गाक्शो मूर्ति आन नोले सोइक्शा, आंमा यो शोर गाक्शो दुम्शो बाक्मा बाक्त । मेको आन एर आंथ बाक्ब रागी रागी डा मुर आन नोले सोदंमे बाक्त । परमपरभु यावमी मेको आन कली “गे

मेको आन पशो खोदंशो मपने” दंशा, अरंशो बाक्माक्त। परस्थान २३:२४ १६मेकोपुकीम परमपरभु यावे, आन परमपरभु आ शंशो मटिथु, आंम कली यपाइशशा बाळ्हा निक्शी नु मूर्ति पाइशशा थाम का सत्समा बाक्त। मेकोपुकी नां, तास्तुला नु सोरुल आन डांडती बाग्मा बाक्त। मिनु बाल देवता कली पूजा पाम बाक्त। १७राजा १२:२८; १७राजा १६:३३ १७मेकोपुकीम आंम तमी ती आन कली क्योरशा चोशा चढमे बाक्त। मिनु लिंक्यु कोत्रशा, मन्तर तन्तर पाम बाक्त। मिनु परमपरभु यावे आ डांडती मार मरिश्शो बाक्म, मेको पना पन बाक्मा बाक्त। मिनु मेको कली गाइक्पदम बाक्त। लेवी १८:२१ १८मोपतीक परमपरभु यावे इसराएल आ पर्वम थाम्पा गाइक्ता बाक्त। मिनु मेको आन कली आ डांडती रे खेरमी बाक्त। यहूदा आ थर डा मुर ला परांइशा वोइक्चा पुंइसमा बाक्त।

१९ मिनु यहूदा आ मुरपुकीम यो परमपरभु यावे, आन परमपरभु आ शंशो लोत्र मटीम बाक्त। मेकोपुकीम इसराएली आन पशो पाम बाक्त। २०मोपतीके परमपरभु यावेम इसराएल आ चच युइ नेल्ल आन कली परांइमी बाक्त। मिनु मेको आन कली सजाइ गेशा, रोइक्ब आन गुइमी गेमी बाक्त। आ डांडती रे मखेरा सम्म मो पवा बाक्त।

२१मेकोमी “इसराएली आन कली दाऊद आ खिं रे तिल्लुङ्ग” दे नबात आ ती यरोबाम कली पिप सत्पदा बाक्त। मिनु यरोबामम इसराएली आन कली परमपरभु यावे कली परांइपाइशशा, ठेयब पाप पपाइक्मी बाक्त। १७राजा १२:२० २२ मिनु इसराएलीपुकीम यरोबाम आ पपाइशशा पाप नल्ल पाम बाक्त। मिनु मेको मपरान्म बाक्त। २३ परमपरभु यावेमी आ गेय पा, आ लोत्र पाइबपुकी रे डांडती दंशो खोदंशो पा इसराएली आन कली आ डांडती रे खेरमी बाक्त। मोपतीक इसराएलीपुकी आंम आन रागी रे अस्सुर रागीम ग्याइशशा लाइक्चा पुंइसमा बाक्त। मिनु मुल सम्म मेक उइ बाक्शो बाक्नीमी। व्यवस्था २८:६३-६४

सामरीयाम अर्का रागी डा मुर वोइशशा

२४मेको नोले अस्सुर डा पिपमी बेबीलोन, कूथाह, अच्वा, हमाथ नु सफारवाइम रे मुरपुकी चाक्मी बाक्त। मिनु मेको आन कली इसराएली आन पा डा सामरीया डा सहरपुकीम बाक्पाइक्मी बाक्त। मेकोपुकी सामरीया आंम क सत्त्शा मेकर बाक्मा बाक्त। २५ मिनु डांडती

मेकोपुकी मेकर बाक्मानु, परमपरभु यावे कली ममानम बाक्त। मोपतीक परमपरभु यावेमी मेको आन दातेमी गुप्स सोइक्तीमी बाक्त। मिनु मेको गुप्सपुकीम कोइ कोइ आन कली सदम बाक्त। होस १३:८ २६ मिनु मेकोपुकीमी अस्सुर डा पिप कली “गे इन साइशशा रागी रागी डा मुर सामरीया डा सहरम बाक्नीम। मेकोपुकीमी मेको रागी डा परमपरभु आ अरंशो मतुइक्नीम। मोपतीक परमपरभु मेको आन दातेमी गुप्स सोइक्ताक्व। मारदे हना मेकोपुकी मेको रागी डा परमपरभु कली मतुइक्तीक ठेयब सत्स मजोक्तीक, मेको गुप्समी मुर आन कली साइक्तेक्म” दे लोत्र कुरब मुर साइक्तेम बाक्त। २७ मिनु अस्सुर डा पिपमी “सामरीया रे ग्याइशशा लाइशशा अस्सुर रागीम चाक्शो तेकोइ चढेब का मेक बाक्चा कली लेशशा सोइक्तेमक्व। मिनु मेकोमी मेको रागी डा परमपरभु आ अरंशो लोत्र मुर आन कली शंचा माल्ब” दे अरेवा बाक्त। २८मोपतीक डांडती सामरीया रे ग्याइशशा लाइशशा चढेब का बेथेलम लेशशा जाक्शा, मेकर बाक्माक्त। मिनु मेकोमी मुर आन कली परमपरभु यावे कली दोपा ठेयब सत्त्वा माल्नीमी मेको शंदीमी बाक्त।

२९मो हना यो रागी रागी डा मुरपुकीम आंम आन बाक्तीके सहर सहरम आन देवी देवता सत्त्शा, मेको डांडा डा थानम वोदमे बाक्त। मोपा आन बाक्शो सहर नल्लमी सामरीया डा मुर आन सत्त्शा डांडा डा थान यो बाक्मा बाक्त। ३० बेबीलोन डा मुरपुकीम आन देवता सुक्कोथ-बनोथ सत्त्मे बाक्त। कूथ डा मुरपुकीम नरगल सत्त्मे बाक्त। हमाथ डा मुरपुकीम अशीमा सत्त्मे बाक्त। ३१ अच्वा सहर डा मुरपुकीम निभाज नु तारतक सत्त्मे बाक्त। मिनु सफारवाइम डा मुरपुकीमी आन आल आन कली आन देवता अदराम्मलेक नु अनाम्मलेक आस कली चोशा चढमे बाक्त। २७राजा १७:३१ ३२मेकोपुकीम परमपरभु यावे कली यो ठेयब सत्त्मे बाक्त। मिनु डांडा डा थानमी अरु मुर आन कली चढेब सत्त्मे बाक्त। मेकोपुकीमी डांडा डा थानपुकीम मुर आन पर्वम चढमे बाक्त। १७राजा १२:३१ ३३ मिनु मोपा मेकोपुकीम परमपरभु यावे कली ठेयब सत्त्शा, आंम आन देवी देवता आन कली यो पूजा पाम बाक्त। तेको रागी रे चाक्शो बाक्मा, मेको आन देवी देवता आन पतीक पशा, पूजा पाम बाक्त। ३४ मेकोपुकीमी मुलाक्त सम्म मोदंशो पना पन बाक्नीम। मिनु मेकोपुकीमी

परमपरभु यावे कली मान पा महिनीम। मेको आ फुल्लुम मुशा बरेकशो लोत्र, आ निसाफ पतीक लोत्र, आ अरेशो नु आ शंशो मपामे बाक्त। परमपरभु यावमी मोदंशो पचा माल्नीनी, दे इसराएल माइशो याकूब आ आल आन कली अरेशो बाक्माक्त। उत्पत्ती ३२:२९ ३५ परमपरभु यावमी इसराएली नु कबल का पवा बाक्त। मिनु मेकोमी इसराएली आन कली “गेपुकीम देवी देवता आन कली ममानेन। मेको आन डांडती मवपीन। मेको आन गय मपने। मेको आन कली मारइ मचढेन। परस्थान २३:२४ ३६ मिनु आ सक्ति नु आ क्युकशो गुडम इन कली इजोप्ट रे गरुंडशा एक चाक्व परमपरभु यावे कली ला ठेयब सलीन। मेको आ डांडती ला बापीन। मेको कली ला चढेचा माल्नीनी” देमाक्त। ३७ मेकोमी इन कली “आं फुल्लुम मुशा बरेकशो लोत्र नु आं पतीके लोत्र, आं अरेशो नु आं शंशो लोत्र नेल्ल शुश होस पा गेना हना यो पचा माल्नीनी। गेपुकीमी देवी देवता आन कली मानेचा मदुम्नीनी। ३८ गेपुकीम गो नु पशो कबल मपरंदीन। मिनु देवी देवता आन कली मानेचा मदुम्नीनी। ३९ तन्न गेपुकीम परमपरभु यावे, इन परमपरभु कली ला ठेयब सलीन। मेकोमी इन कली इन जोरी सतरु आन गुइर परांडब” दे अरेशो बाक्माक्त। व्यवस्था ६:१२-१९ ४० मो हना यो मेकोपुकीम मेको लोत्र मनेन्म बाक्त। मिनु मेको आन डांडती डा पशो खोदंशो पाम बाक्त।

४१ मेको रागी रागी डा मुरपुकीमी परमपरभु यावे कली ठेयब सल्शा यो आन मुशा सल्शा मूर्ति आन कली पूजा पाम बाक्त। मुल सम्म आन चच युइमी आन किकी पिपीम पशो खोदंशो पना पन बाक्नीम।

यहूदा डा पिप हिज्कीयाह

२इतिहास २९:३१ :-

१८ १ आहाज आ तौ हिज्कीयाह यहूदा डा पिप दुम्माक्त। मेना एलाह आ तौ होशआ इसराएल डा पिप दुम्शो बर्स सां दुम्शो बाक्माक्त। २ राजा १६:२० २ मिनु हिज्कीयाह पिप दुम्मेनु, २५ बर्स दुम्शो बाक्माक्त। मेकोमी यरूसलेमम २९ बर्स सासन पवा बाक्त। मेको आ ममा आ नें आबी बाक्माक्त। मेको जकरिया आ तमी बाक्माक्त। ३ मेकोम आ किकी दाऊदम खोदंशो पा, परमपरभु यावे आ डांडती मार रिम्शो बाक्मे, मेको पवा बाक्त। २ राजा २०:३ ४ मेकोम डांडा डा थानपुकी परेशा,

ताइक्तीमी बाक्त। खरुकशो फुल्लु जिक्शा, मूर्ति पाइशो थाम क्योरशा ताइक्तीमी बाक्त। मेकोमी मोसा आ सल्शा कोसा के बुस्स कली टुकरा टुकरा पवा बाक्त। मारदे हना मेना सम्म इसराएलीपुकीम मेको कली धूप चोइबाक्मा बाक्त। मेकोपुकीम मेको कली नहुश्तन देबाक्मा बाक्त। २ राजा १५:३५; गन्ती २१:८-९ ५ हिज्कीयाहम परमपरभु यावे, इसराएली आन परमपरभु कली थमा सुदा बाक्त। मेको आ क्येडा डांडती डा नु आ क्येडा नोल डा यहूदा डा पिप नेल्ल मेको खोदंशो मदुम्मा बाक्त। २ राजा २३:२५ ६ मेकोमी परमपरभु यावे आ नोल खोइक्का गेनायो मपराना बाक्त। मिनु परमपरभु यावमी मोसा कली शंशो लोत्र नेल्ल टिवा बाक्त। ७ मिनु परमपरभु यावे मेको नु बाक्माक्त। मेको आ पशो गय नेल्लेमी रिम्शा दुम्माक्त। मेको अस्सुर डा पिप कली मटीब दुम्माक्त। मिनु मेको आ देशो मपवा बाक्त। ८ मेकोमी पलिस्ती आन रागी गाजा रे खाल पाइब आन लाइशो सिं नु गारो हिरशो सहर नेल्ल गरामाक्त।

सामरीया खतम दुम्शो

१ हिज्कीयाहमी सासन पशो ४ बर्स दुम्माक्त। इसराएल डा पिप एलाह आ तौ होशआम सासन पशो ७ बर्स दुम्मेनु, अस्सुर डा पिप शात्वानसरमी सामरीया कली लडाइ तोशा पुम्दा बाक्त। २ राजा १७:३-६ १० मिनु अस्सुरीपुकीमी मेको सहर कली बर्स सां सम्म पुम्शा, आन के सत्वमे बाक्त। मेना हिज्कीयाह पिप दुम्शो ६ बर्स नु इसराएल डा पिप होशआ पिप दुम्शो ९ बर्स दुम्शो बाक्माक्त। मिनु अस्सुर डा पिपमी सामरीया गरामाक्त। ११ मिनु मेकोमी इसराएली आन कली ग्याइशो अस्सुर लाइक्मी बाक्त। मिनु मेको आन कली हालाह, गोजान डा खोला हाबोर आ नेक्था नु मादी आन सहरम बाक्पाइक्मी बाक्त। १२ मारदे हना मेकोपुकीमी परमपरभु यावे, आन परमपरभु आ देशो मटिथु, आ कबल पशो हेथे पशो बाक्मा बाक्त। परमपरभु यावे आ गय पाइब मोसामी शंशो लोत्र मनेंशो नु मटिशो बाक्मा बाक्त।

यरूसलेम कली लडाइ तोशा

२इतिहास ३२:१-१९; यसैया ३६ :-

१३ पिप हिज्कीयाहमी सासन पशो १४ बर्स दुम्मेनु, अस्सुर डा पिप सन्हेरीबमी यहूदा

डा गारो हिरशो सहर नेल्ल कली लडाइ तोशा गरामाक्त। १४ मोपतीक यहूदा डा पिप हिज्कीयाहमी लाकीश सहरम बाक्व अस्सुर डा पिप कली “गो मरिम्शो पाता। आं रागी र लेतीन। मिनु गे आं कली मार देनीनी, मेको पाइनुड” दे लोत्र कुरब मुर सोइक्ता बाक्त। मिनु अस्सुर डा पिपम हिज्कीयाह कली सह सां टलेन्ट चांदी नु ३० टलेन्ट सुन थाप्पदा बाक्त। टलेन्ट का ३४ किलो बाक्व। १५ मिनु हिज्कीयाहमी परमपरभु यावे आ खिं नु पिप आ खिंम थिश्शो चांदी नेल्ल मेको कली गेवा बाक्त। २ राजा १६:८, १६ मेना हिज्कीयाहमी परमपरभु यावे आ खिं डा लाप्चो नु लाप्चो डा शीम आंम आ गिल्शो सुन नेल्ल शात्शा, अस्सुर डा पिप कली गेवा बाक्त।

### सन्हेरीबम हिंच कोइशो

१७ मिनु अस्सुर डा पिपम लडाइ पाइब आन नेल्ल क्येडा ठेयब मुर तारतान, दरवार डा ठेयब मुर राब्बारीस, पिप आ ठेयब गेय पाइब राब्बाके नु ठेयब हुल का लडाइ पाइब आन कली लाकीश रे पिप हिज्कीयाह आ बाक्तीक यरूसलेम सहरम सोइक्तीमी बाक्त। मिनु मेकोपुकी यरूसलेम जाक्मा बाक्त। मिनु आइक्था दोम्ली डा ब्याक्कु शाइक्तीक वा मुख आन लामी जाक्शा राम्मा बाक्त। यसेया ७:३, १८ मिनु मेकोपुकीम पिप कली बरत्मे बाक्त। मिनु पिप आ खिं डा ठेयब मुर हिज्कीयाह आ तो दरवार कोत्रब एल्याकीम, बरक्व शब्ना नु आसाफ आ तो पिप आ लोत्र कुरब योआह मेको आन कली गरुम्य जाक्मा बाक्त।

१९ मिनु राब्बाकेमी मेको आन कली “हिज्कीयाह कली, ठेयब पिप, अस्सुर डा पिपमी, मार देब देशा हना, गे सु कली तशा, महिब बाक्नीनी? २० गे लोत्र पा ला लडाइ गरानीनी डा? सुम इन कली वारच पा आं क्येडा महिथु, आं कली मटिपदा? २१ गे इजीप्त रागीम इन कली वारच पाइब, दे मिन्नीनी। मेको जिक्शो किन्दा सोदेशो बाक्व। मेकोमी वारच पाइब’ देब आन गुड थोक्व। मेकोमी वारच पाइब’ देब नेल्ल आन कली इजीप्त डा पिप फाराओ मोदेशोन बाक्व। २२ तन्न गे आं कली गो परमपरभु यावे, आंइ परमपरभु आ मुर नकी। मेकोम आंइ कली वारच पाइब’ देतीनी हना, मार, हिज्कीयाहम मेको डांडा डा थान नु चढेतीक परेशशा यहूदा नु यरूसलेम सहर डा मुर आन कली गेपुकीम यरूसलेमम बाक्शो चढेतीकम

ला चढेचा माल्नीनी’ मदेम डा? ब्यवस्था १२:१४, २३ मुल आं होत्रप अस्सुर डा पिप नु गारीन। इन के मिश डा शारा डाइक्व बाक्तेकम हना, गो इन कली हजार निक्शी शारा गेनन्नी। २४ आं होत्रप आ नेल्ल क्येडा आइक्व लडाइ पाइब आन ठेयब मुर का कली ला यो दोपा नोले शाइक्पाइक्न चाप्नीनी डा? गे बग्गी नु शारा डाइक्व आन पर्वम इजीप्त कली थमा सुइश्शो बाक्नीनी। २५ मिनु अकी लोत्र, मार गो एको रागीम परमपरभु यावे नु सल्ला मपथु खतम पोक्थ जाक्डा डा? परमपरभु यावेमी आं कली ‘एको रागीम लडाइ पा खतम पोक्को’ देशो बाक्व” देमाक्त।

२६ मिनु हिज्कीयाह आ तो एल्याकीम, शब्ना नु योआहमी मेको लडाइ पाइब आन ठेयब मुर राब्बाके कली “शिशी पा, इन वाइल गोपुकी नु अरामी लोत्रम ब्याक्कीन। मारदे हना गो मेको लोत्र रुपनीकी। गारोम बाक्व मुर नेल्लेम नेंचा डा पा यहूदी लोत्रम मब्याक्कीन” देमा बाक्त। २७ तन्न राब्बाकेम मेको आन कली “मार, आं होत्रपमी एको लोत्र इन कली नु इन होत्रप कली ला नेंपाइक्चा कली सोइश्शो बाक्वा डा? मार, गारोम बाक्व मुर नेल्ल आन कली यो ममाइ डा? गेपुकीम सोदेशो पा, मेकोपुकीम यो आन खरी चारनाक जचा त्चा माल्नीम” देमाक्त।

२८ मिनु मेको लडाइ पाइब आन ठेयब मुर राब्बाके राष्ठा यहूदी लोत्रमी ठेयब संदा पा “ठेयब पिप, अस्सुर डा पिप आ लोत्र ननीन। २९ मेकोमी मार देत देशा हना ‘हिज्कीयाहमी इन कली जोल पशो थमा मसुतीन। मारदे हना मेकोमी इन कली आं गुड र प्रांइने मचाप्व’ देत। ३० हिज्कीयाहमी ‘परमपरभु यावेम थमा पा इं कली श्येतर प्रांइब। मिनु एको सहर अस्सुर डा पिप आ गुडम मदुम्ब’ दे इन कली परमपरभु यावे कली थमा मसुइक्पदल। ३१ हिज्कीयाह आ लोत्र मनेनीन। अस्सुर डा पिपम ‘गो नु गारीन। मिनु गरुशा आं बाक्तीक जाक्कीन। मिनु गेपुकीमी इन अडगुर रू डा अडगुर नु इन रवा डा फोत्रशी जचा ताइनीनी। इन इनार डा ब्याक्कु त्चा ताइनीनी। १ राजा ५:५, ३२ गो जाक्शा इन कली आंम इन रागी सोदेशो रागीम लाइक्नन्नी। मेको रागी अन्न नु अडगुर शांबु, शोब्ले नु अडगुर रू, तेल रवा नु सुदो बाक्शो रागी बाक्व। गेपुकी बेक्तीक आ पा डा बरांइतीक योत्रडीन। हिज्कीयाह आ लोत्र मनेनीन, मेकोम इन कली “परमपरभु यावेमी इं कली प्रांइब” दे जोल

पाइब। ३३ मार रागी रागी डा तंकोइ देवी देवताम आन रागी कली अस्सुर डा पिप आ गुइ रे परांइने चाप्शो बाक्नीमी डा ? यसैया १०:१०-११ ३४ हमाथ नु अरपाद डा देवी देवता ते लाकगमे ? सफारवाइम, हेना नु इव्वाह डा देवी देवता ते बाक्मा ? मार, मकोपुकीम सामरीया कली आं गुइ रे परांइने चाप्म डा ? ३५ मार, मको रागी डा देवी देवता आन दाते डा तंकोइमी आ रागी कली आं गुइ रे परांइने चबा डा ? मिनु परमपरभु यावेमी यरूसलेम कली आं गुइ रे दोपा परांइने चाप्वा डा ?” दे इसराएली आन कली देमाक्त। दानीएल ३:१५

३६ तन्न मुर नेल्ल सिक्सी पा बाक्शा, लोत्र का यो मलेत्स बाक्त। मारदे हेना पिपमी मेको आन कली “सुइम लोत्र मलेत्वा” दे अरेशो बाक्माक्त। ३७ मिनु पिप, हिज्कीयाह आ तौ दरवार कोत्रब एल्याकीम, बरेक्ब शब्ना नु आसाफ आ तौ पिप आ लोत्र कुरब योआहम आन वा खाकगमे बाक्त। मिनु हिज्कीयाह आ बाक्तीक जाक्शा, राब्शाके आ लोत्र नंपदमे बाक्त।

हिज्कीयाहम परमपरभु नु लोत्र पशो

२ इतिहास ३२:२०-२३; यसैया ३७:१-७

१९ मिनु पिप हिज्कीयाहम मेको लोत्र नंशा, आ वा खाकगा बाक्त। मिनु अरन्डी फेक्शा, परमपरभु यावे आ खिं लमाक्त। २ मकोमी दरवार कोत्रब एल्याकीम, बरेक्ब शब्ना नु ठयब चढ़ेब आन कली अरन्डी फेक्पाइश्शा, परमपरभु यावे आ लोत्र पाइब आमोज आ तौ यसैया आ बाक्तीकम सोइक्तीमी बाक्त। ३ मिनु मेकोपुकीमी यसैया कली “हिज्कीयाहमी भुलाक्ती श्यत जतीक, हुइक्चा पुंडसीतीक नु मुने दोक्तीक नाक्त बाक्ब। दोपा आल थिचा चिक्शो मीश मुर कली आल थिचा कली बोल मबाक्वा, मोदंशो दुश्शो बाक्ब। ४ परमपरभु यावे, इन परमपरभुमी अस्सुर डा पिपमी सोइश्शो मेको राब्शाके आ लोत्र नेल्ल नेना माइ। आ होत्रप, अस्सुर डा पिपमी बरांइशा बाक्शो परमपरभु कली शुक्शी पथ सोइश्शो बाक्ब। मिनु परमपरभु यावे, इन परमपरभुमी आ नंशा लोत्र आ पर्वम मेको कली हुइक्बा कां। मोपतीके मुल लीशो मुर आन पर्वम परार्थना पने’ देत” देमा बाक्त। १ सामुएल १७:१०; २ राजा १८:३५ ५ मिनु पिप हिज्कीयाह आ सोइश्शो गेय पाइबपुकी यसैया

आ बाक्तीकेम बाक्मानु, ६ यसैयामी मेको आन कली “परमपरभु यावेमी इन होत्रप कली ‘इ नंशा लोत्रम महिनो। अस्सुर डा पिप आ गेय पाइबपुकीमी आं कली शुक्शी पशो लोत्र नंता। ७ गो मेको आ थुंम सोक्त का कुर पाइनुड। मिनु मेकोमी लोत्र का नंब। मिनु मेको आ रागी लेशशा लाइब। मेकर गो मेको कली तरवारम साइक्पाइक्नुड’ देत, दे मतीन” दे माइक्मी बाक्त। २ राजा १९:९; २ राजा १९:३५-३७

६ मिनु राब्शाकमी “अस्सुर डा पिपमी लाकीश परांइतु” देशो लोत्र नेना बाक्त। मिनु मेको लेम्माक्त। मिनु मेकोमी पिप कली लिब्ना नु लडाइ पना पन बाक्शो थिदा बाक्त। ९ मिनु मेको पिपमी “एथीयोपीया डा पिप तिरहाकाह गे नु लडाइ पना कली पिना पिन बाक्ब” देशो लोत्र नेना बाक्त। मोपतीके मेकोमी यहूदा डा पिप हिज्कीयाह आ बाक्तीकेम लोत्र कुरब मुर सोइश्शा, १० यहूदा डा पिप हिज्कीयाह कली “यरूसलेम अस्सुर डा पिप आ गुइम मदुम्ब, दे थोक्शा लोत्र पाइब इ थमा सुइश्शो परमपरभुमी इ कली जोल मपवल। ११ अस्सुर डा पिपमी रागी नेल्ल आन कली मार पवा, मेको आन कली दोपा खतम पोक्गा, मेको थमा पा नेतीनी। मिनु मार, ‘गो बरांइनुड’ दे आस पाइनीनी ? १२ मार, आं किर्की पिपी आन क्याम्शो रागी रागी डा देवी देवताम मेको आन कली परांइने चाप्ने डा ? गोजान, हारान, रचेफ नु तेलास्सार सहस्र बाक्ब एदन डा मुर आन देवी देवता ते लाकगमे ? १३ हमाथ, अरपाद सफारवाइम सहर, हेना नु इव्वाह डा पिप ते लाकगमे ?” दे पाइक्चा कली मुर सोइक्ता बाक्त।

हिज्कीयाह आ पुंडिशो लोत्र

१४ मिनु हिज्कीयाह मेको चिठी चाक्ब मुर आन गुइ रे ताक्शा पदेवा बाक्त। मिनु परमपरभु यावे आ खिं लमाक्त। मिनु मेको परमपरभु यावे आ डांइती प्राक्शा वोदा बाक्त। १५ मिनु हिज्कीयाहम मेको परमपरभु यावे आ डांइती प्राक्शा वोइश्शा “परमपरभु यावे, इसराएली आन परमपरभु गे करूब आन तार बाक्नीनी। रागी डा राज्य नेल्लेम गे का ला परमपरभु बाक्नीनी। गे रागी नु सरीड सेल्ब बाक्नीनी। परस्थान २५:२२; भजन संगरह ८०:२ १६ परमपरभु यावे आं लोत्र नेनीन। परमपरभु यावे कोत्रडीन, सन्हेरीबम बरांइशा बाक्शो परमपरभु, इन कली शुक्शी पा सोइश्शो लोत्र

नेनीन। १७ परमपरभु यावे, अस्सुर डा पिपपुकीम रागी रागी डा मुर नु आन रागी कली खतम पोक्तेकम। एको थमा बाक्व। १८ मेकोपुकीमी मेको आन देवी देवता आन कली मीम हुम्शा नेक्पाइक्तेकम। मारदे हना मेको परमपरभु मनम। मेको मुरुमी सल्शा शी नु फुल्लु के ला बाक्तेकम। मोपतीके मेको खतम दुम्तेकम। १९ मुल परमपरभु यावे, आंइ परमपरभु आंइ कली मेको आ गुइ रे परानीन, दे पुइनुड। मिनु रागी नेल्ल डा मुरपुकीम परमपरभु यावे, गे का ला परमपरभु बाक्नीनी, दे तुइक्तेमक्ते” दे पुना बाक्ते।

यसैयामी सन्हेरीब खतम दुम्ब देशो

२० मिनु आमोज आ तौ यसैयाम हिज्कीयाह कली “परमपरभु यावे, इसराएली आन परमपरभुमी मार देते देशा हना गो अस्सुर डा पिप सन्हेरीब आ पर्वम इ पुइशा लोत्र नंता” देते। २१ सन्हेरीब आ पर्वम परमपरभु यावे आ देशो लोत्र मार बाक्व देशा हना ‘सियान डा तमीमी इ कली शुक्शी पाइब। मिनु गे परोक्शा लवेनु, यरूसलेम डा तमीमी आ पिया हिक्व।

२२ गे सु कली शाक्शा शुक्शी पवी? गे सुका आ पर्वम ठेयब लेशशा लोत्र पवी? मेको इसराएली आन का ला बाक्शा परमपरभु यावे आ पर्वम बाक्व। २३ गे इ लोत्र कुरबपुकी सोइश्शा, परमपरभु यावे कली शुक्शी पाप्तीवी”। मिनु गे गो आं शुश बग्गीम ठेयब पहाड डांइसाकयी। गो लेबानान डा नेल्ल क्येडा डान डांइसाकयी। गो मेकर डा नेल्ल क्येडा लाइश्शा रवा नु मेकर डा नेल्ल क्येडा रिम्शा अरु रवा तिम्तामी। गो मेको आ सुर सम्म डा नेल्ल क्येडा ठेयब व्याकीम जाक्दीत्ती। २४ गो इनार दोशा, अर्का रागी डा व्याक्कु तूता। गो आं सोइलीम दिम्शा इजीप्त रागी डा खोला नेल्ल सोत्रपाइक्तामी” देशो बाक्नेवे।

२५ गे गो साइ डांइती रे मेको नेल्ल देशो नड। गो मेको साइ रे मो पाइनुड देशो नड। मुल गो मेको थुम्ता। मार, मेको मनंशो बाक्नीनी? गे गारो हिरशा सहर आन कली परेशशा, फुल्लु तेल्लो सोदंशो सल्शा बाक्नेवे। २६ मिनु मेका सहर डा मुर आन सोक्ते जाम्शा आन थुं लुक्च लत। मेकोपुकी रू डा कल्लो घांस सोदंशो दुम्तेकम। मेकोपुकी खिं तार वाशो घांस सोदंशो दुम्शा, वामा चाटीन सोत्रशो बाक्नीम।

२७ गो इ बाक्शा बोक्शा नेल्ल तुइक्नुड। गो इ लाडगा खिंङगा पशो नेल्ल तुइक्नुड। मिनु आं पर्वम इ गाइश्शा तुइक्नुड। २८ मारदे हना गेम आं पर्वम गाइश्शा, इ ठेयब लेशशा लोत्र पशो नंता। मोपतीके गो इ नंमी आं बाल्ती व्वेक्नुड। इ शोत्रमी लगम पाइक्नुड। मिनु गो इ जाक्शा लां रन लेप्पाइक्नन” दे परमपरभु यावमी सन्हेरीब आ पर्वम देते” देमाक्ते।

२९ मिनु लेशा “मेको नेल्ल थमा दुम्ब, दे मार चिन्ड दुम्ब देशा हना, गेपुकी एको बसे आंमा वाशो जाइनीनी। मिनु नोल डा बसे मेको रे वाशो जाइनीनी। मिनु बसे सांमी गेपुकीम शोक्शा खुप्शा जने, अडगुर खरुम्शा जने। ३० मिनु यहूदा आ खिं डा ब्रांइशा लोशोपुकीम रागीम शाक्शा थोक्नीम। मिनु रागी तार फल सिल्लीम। ३१ मारदे हना यरूसलेम रे लोशो मुरपुकी लाइनीम। सियान डांडा रे हुल का ब्रांइशा मुर गुरुशा जाक्नीम। मुर नेल्ल आन परमपरभु यावमी आ जांब बाक्शा मेको पाइब” देमाक्ते। यसैया ९ : ६

३२ मिनु परमपरभु यावमी अस्सुर डा पिप आ पर्वम “सन्हेरीब एको सहरम मओत्रब। एको सहरम बरा का यो मओत्रब। मेको आ तेक्तीक कुरशा एको सहर आ डांइती मजाक्व। सहर ओत्रचा कली गारो डांइक्तीक मसल्ब। ३३ मेको आ जाक्शा लां रन लेशशा लाइब। मेको सहरम मओत्रब। ३४ मारदे हना गो आंम आं पर्वम नु आं गय पाइब दाऊद आ पर्वम मेको सहर कली वारच पा प्रांइनुड” देमाक्ते। २ राजा २० : ६

३५ मिनु मेको नाक्दो परमपरभु यावे आ स्वर्ग डा गय पाइब का जाक्माक्ते। मिनु मेकोमी अस्सुर डा पिप आ लडाइ पाइब आन बाक्तीकम ओत्रशा, लाख का ८५ हजार मुर आन कली साइक्मी बाक्ते। मिनु आ दोसा सुनी मुरपुकी बाक्मानु मेकर बेक्शा मुर ला ताम बाक्ते। यसैया ३७ : ३६-३८ ३६ मोपतीके अस्सुर डा पिप सन्हेरीब ताम्बु पोक्शा लेशशा आ खिं निनवे लमाक्ते। ३७ मिनु मेको काबु आ देवता निसरोक आ खिंमी पूजा पना पन बाक्मेनु, मेको आ तौ अदराम्मेलेक नु शरसेरमी मेको कली तरवारम क्योरशा सदसे बाक्ते। मिनु परोक्शा आरारात रागी लसा बाक्ते। मिनु मेको आ पा डा आ तौ एसर-हृददोन पिप दुम्माक्ते। २ राजा १९ : ३७

## हिज्कीयाह रोइ पशो

२इतिहास ३२ :२४-२६ ; यसेया ३८ :१-८

१२मेना हिज्कीयाह रोइ पा बेक्चा चिक्ता २० बाक्त । मिनु आमोज आ तौ परमपरभु यावे आ लोत्र पाइब यसेया हिज्कीयाह आ बाक्तीक जाक्शा, “परमपरभु यावेमी इन कली मार दंत देशा हना इन सिं डा मुर आन कली इन अरचा माल्शा लोत्र अरने । मारदे हना गे बेक्नीनी । मसानोनी दंत” देमाक्त । २ मिनु हिज्कीयाह गारो गे हिरशा, परमपरभु यावे कली पुना बाक्त । ३ मेकोमी “परमपरभु यावे, गो इन डाइती रिम्शो पा बाक्ती । गो इन कली गेनायो मपरांडथु आं थुं नेल्लमी इन नोले सोइक्ता । इन डाइती मार रिम्शो बाक्ते, मेको पाता, मेको मिम्तीन” दे आ थुं साइश्शा डाक्ता । ४ मिनु यसेया दाते डा लाडगा रे गुरूचा क्येडा डाइती परमपरभु यावेम मेको कली लोत्र पवा बाक्त । ५ मार लोत्र पवा बाक्त देशा हना “लेश्शा लशा, परमपरभु यावे इ किकी दाऊद आ परमपरभुमी आं मुर आन कली सासन पाइब हिज्कीयाह कली “गो इ पुंडशो लोत्र नेंता । मिनु इ परेक्कु ताता । गो इ कली सापाइक्नुड । मिनु नाक्त सां नोले गे परमपरभु यावे आ सिं लाइनवे । ६ गो इ बरोइतीक नाक्त १५ बर्स तेम्नुड । मिनु इ कली नु एको सहर कली अस्सुर डा पिप आ गुइ रे परांडनुड । गो आं पर्वम नु आं गेय पाइब दाऊद आ पर्वम एको सहर कली वारच पा परांडनुड” दंत दनो” देमाक्त । २ राजा १९ :३४ ७ मिनु यसेयामी “मेको कली सापाइक्चा कली आ कानम फोत्रशी गेडा शंष्शा खरक्तीन” देमाक्त । मिनु मुरपुकीम मेको आ कानम फोत्रशी गेडा शंष्शा खरक्तेम बाक्त ।

८ मिनु हिज्कीयाहमी यसेया कली “गो सानुड, मिनु नाक्त सां नोले परमपरभु यावे आ सिं लाइननुड, दे परमपरभु यावेमी आं कली दोपा तुइक्पाइक्वा?” दे हिल्लो पवा बाक्त । ९ मिनु यसेयामी “परमपरभु यावेमी आ देशो थमा पा पाइब, दे इन कली मार कांडब देशा हना, नां आ वांकु १० खेयप डाइती गे गरेल देय नोले गे लेल्ल?” दे हिल्लो पवा बाक्त । १० मिनु हिज्कीयाहमी “नां आ वांकु १० खेयप डाइती गुरचा दा आ गेयन बाक्ब । मेको १० खेयप नोले गे लेत्वा माल्ब” देमाक्त । ११ मिनु परमपरभु यावे आ लोत्र पाइब यसेया, परमपरभु यावे कली

पुना बाक्त । मिनु परमपरभु यावेमी आहाज आ नां आ वांकु कांडतीके १० खेयप नोले गे लेप्पदा बाक्त ।

बेबीलोन डा पिप आ लोत्र

२इतिहास ३२ :३१ ; यसेया ३९ : -

१२मेना बेबीलोन डा पिप बालादन आ तौ मरोदाक-बालादानमी हिज्कीयाह आ बाक्तीकम कोसली नु चिठी कुर पा मुर सोइक्ता बाक्त । मारदे हना मेकोम हिज्कीयाह रोइ पा साशो बाक्ब देशो नेना बाक्त । १३ मिनु हिज्कीयाहम मेको चिठी चाक्ब मुर आन कली मान पाइक्मी बाक्त । मिनु मेको आन कली आ शांप वोइक्तीकम नेल्ल कांडदा बाक्त । सुन चांदी, मस्ला, बरोत्रशो रिना पाइश्शो खरक्तीक तेल, आ यापुकी नु आ मार मार वोइक्तीकम बाक्शो मारइ मारइ थोत्रक कांडदीमी बाक्त । हिज्कीयाह आ सिंम नु आ नेक्थाम बाक्शो मेको आन कली मकांडशो मारइ मलीमाक्त । १४ मिनु नोले परमपरभु यावे आ लोत्र पाइब यसेया जाक्शा, पिप हिज्कीयाह कली “मेको मुरपुकीम मार देमा ? मेकोपुकी ते रे जाक्शो नमी ?” दे हिल्लो पवा बाक्त । मिनु हिज्कीयाहमी “एकोपुकी डोन रागी बेबीलोन रे जाक्शो नम” देमाक्त । १५ मिनु मेकोमी “मेकोपुकीम इन सिंम मार मार तामे ?” दे हिल्लो पवा बाक्त । मिनु हिज्कीयाहमी “एकोपुकीम आं सिंम बाक्शो नेल्ल ताम्तेकम । आं मार मार वोइक्तीक सिंम बाक्शो मतशो मारइ मली” देमाक्त ।

१६ मिनु यसेयामी हिज्कीयाह कली “परमपरभु यावे आ लोत्र नेनीन । १७ परमपरभु यावेमी ‘काबु नाक्त इ सिंम बाक्शो मारइ मारइ थोत्रक नु इ किकी पिपी नु इन आम तेल्लो थोत्रक नेल्ल बेबीलोनम चाक्दीत्नीम । मारइ मपरांडनीम । २ राजा २४ :१३-१४ १८ मेकोपुकीम इन तौ का निकशी यो लाइक्नीम । मिनु मेकोपुकी बेबीलोन डा पिप आ दरवारमी गेय पाइब दुम्नीम” दे परमपरभु यावे दंत” देमाक्त । दानीएल १ :३-४ १९ मिनु हिज्कीयाहमी यसेया कली “इन देशो परमपरभु यावे आ लोत्र रिम्शान बाक्ब” देमाक्त । मारदे हना मेकोमी “आं पाला सम्म थुं नाइश्शा बाक्तीक दुम्ब” दे मिम्ता बाक्त । २ राजा २२ :२०

### हिज्कीयाह बेकशो

२० हिज्कीयाह आ पशो अरु गेय, मेको आ सक्ति, मेको आ दोम्नी नु ब्याक्कु लतीक संल्शो, सहर कली ब्याक्कु चाकशो, मार, मेको नेल्ल यहूदा डा पिप आन इतिहासम बरकशो मबाकबा डा? २१ मिनु हिज्कीयाह बेकमाक्त। मिनु मेको आ पा डा आ तो मनस्स पिप दुम्माक्त।

यहूदा डा पिप मनस्से

२ इतिहास ३३ :-

१ मनस्से पिप दुम्मेनु, १२ बर्स दुम्शो २१ बाकमाक्त। मिनु मेकोम यरूसलेमम ५५ बर्स सासन पवा बाक्त। मेको आ ममा आ नें हेप्सीबाह बाकमाक्त। २ मेकोम परमपरभु यावे आ डांइती मार मरिम्शो बाकमे, मेको पवा बाक्त। परमपरभु यावेमी इसराएली आन डांइती रे सरशो रागी रागी डा मुर आन गरांगरा दिशो गेय पवा बाक्त। ३ मेकोमी आ आफ हिज्कीयाहमी सतम पोक्शो डांडा डा थानपुकी लेंशा सेला बाक्त। मेकोम इसराएल डा पिप आहाब खोदेंशो पा बाल कली चद्वेतीक नु मूर्ति पाइश्शो थाम सेला बाक्त। इसराएल डा पिप आहाब खोदेंशो पा मेकोमी नां तास्त्ता नु सोरुल आन कली खुम्की पा बाप्शा पूजा पवा बाक्त। १ राजा १६ :३३ ४ मेकोमी परमपरभु यावे आ खिमी मेको देवी देवता आन कली चद्वेतीकपुकी सेला बाक्त। परमपरभु यावेमी मेको खिं आ पर्वम “यरूसलेमम गो आं नें वोइक्नुड” देशो बाकमाक्त। ५ मिनु मेकोमी परमपरभु यावे आ खिं आ लाडगा निम्फामी नां तास्त्ता नु सोरुल आन कली चद्वेतीक सेला बाक्त। २ राजा २३ :१२ ६ मेकोमी आ तो कली चाशा चद्वेवा बाक्त। मिनु मन्तर तन्तर, टुना मुना पा, बेकशो मुर रे लोव्र पचा गेशा, लिंक्यु कोव्रडा बाक्त। मेकोम परमपरभु यावे आ डांइती शुश मरिम्शो पवा बाक्त। मिनु मेको कली थाम्पा गाइक्पदा बाक्त। २ राजा १६ :३ ; लेवी १८ :२१ ७ मेकोम आ मुशा सेल्शो अशराह देवी आ मूर्ति परमपरभु यावे आ खिंम वोदा बाक्त। परमपरभु यावेमी मेको खिं आ पर्वम दाऊद नु आ तो सोलोमन आस कली “गो एको इसराएल आ थर नेल्ल आन रे आं योव्रशो यरूसलेम सहर डा एको खिंम आं नें गेना हना यो वोइक्नुड। १ राजा ८ :२९ ; १ राजा ९ :३ ८ मिनु इसराएलीम आं शंशो

होस पना पन बाक्तेकम हना, मोसा रे पा, मेको आन कली आं अरेशो पना पन बाक्तेकम हना, मेको आन किर्की पिपी आन कली आ गेशो रागी परांइशा गाक्चा ममाल्नीम। ९ तन्न मुरपुकीम मेको नंसीन मनन्म बाक्त। मनस्सम मेको आन कली हेंथे लो खोइक्पाइश्शो बाक्माक्त। मिनु मेकोपुकीम परमपरभु यावेम इसराएली आन डांइती रे सतम पोक्शो रागी रागी डा मुर आन क्येडा यो शुश मरिम्शो पाम बाक्त” देमाक्त।

१० मिनु परमपरभु यावेम आ गेय पा आ लोव्र पाइब आन रे पा ११ “यहूदा डा पिप मनस्सम एको गरांगरा दिशो गेय पशो बाक्ब। मेकोम डांइती बाकशो एमारी आन क्येडा यो शुश गरांगरा दिशो गेय पशो बाक्ब। मिनु मेकोमी यहूदा डा मुर आन कली मूर्ति पूजामी पाप पपाइश्शो बाक्ब” देमाक्त। १२ मोपतीके परमपरभु यावे, इसराएली आन परमपरभुमी “गो यरूसलेम नु यहूदाम शुश सतम दुम्तीक चाक्नुड। मेको नेंब आन नोफामी गरीब। यसेया १९ :३ १३ गो सामरीया कली पुक्तीकेमी यरूसलेम कली पुक्नुड। गो आहाब आ खिं कली थाप्शो डोरीम यरूसलेम कली थाप्नुड। मुरपुकीम दोपा थाल शक्शा गुक्शा वोइक्नीमी, मोपा गो यरूसलेम कली शक्शा गुक्शा वोइक्नुड। १४ गो आं लीशो मुर आन कली परांइशा सोइक्नुडमी। मिनु मेको आन कली आन जोरी सतरु आन गुइमी गनुडमी। मेको आन जोरी सतरुम ग्याइश्शा लाइक्चा पुंइसीनीम। १५ मारदे हना मेकोपुकीम आं डांइती मार मरिम्शो बाकमे, मेको पाम्तेकम। मेको आन किर्की पिपी आन कली इजीप्ट रे गर्इशा चाक्गुरे मुल सम्म आं कली गाइक्पाइक्स डा गाइक्पाइक्स बाकशो बाक्नीम” देमाक्त।

१६ मेको क्येडा लाक्शा यो मनस्सम दोस मताइब शुश मुर आन हुश शाइक्पाइश्शा, यरूसलेम आ सुर का रे अर्का सुर सम्म पिरंदा बाक्त। मिनु मेकोम यहूदा कली पाप पपदा बाक्त। मिनु मेकोपुकीम परमपरभु यावे आ डांइती मार मरिम्शो बाकमे, मेको पाम बाक्त। २ राजा २४ :४ ; भजन संगरह १०६ :३८

१७ मनस्स आ पशो अरु गेय, मेको आ पशो नेल्ल, मेको आ पशो पाप, मार, मेको यहूदा डा पिप आन इतिहासम बरकशो मबाकबा डा? १८ मिनु मनस्से बेकमाक्त। मिनु मेको उज्जा आ खिं डा रूम थिम्चा पुंइसे बाक्त। मिनु मेको आ पा डा आ तो आमोन पिप दुम्माक्त।

यहूदा डा पिप आमोन

१९ आमोन पिप दुम्मनु २२ बर्स दुम्शो बाकमाक्त। मेकोम यरूसलेमम बर्स निकशी सासन पवा बाक्त। मेको आ ममा आ नं मेशुल्लेमथ बाकमाक्त। मेको योत्वाह डा हारूच आ तमी बाकमाक्त। २० मेकोम आ आफ मनस्स खादंशो पा, परमपरभु यावे आ डाइती मार मरिम्शो बाकम, मेको पवा बाक्त। २१ मेको आ आफ आ लाम गाकमाक्त। मिनु आ आफोम पूजा पशो मूर्ति आन डाइती सुम्को पा बाग्माक्त। मिनु मेको आन कली पूजा पवा बाक्त। २२ मेकोम परमपरभु यावे, आ किकी पिपी आन परमपरभु कली परोना बाक्त। मेको परमपरभु यावे आ लाम मगाकमाक्त। २३ आमोन आ गेय पाइबपुकीम मेको कली साइक्चा माल्मे बाक्त। मिनु मेको कली पिप आ खिमोन सद्धमे बाक्त। २४ मिनु मेको रागी डा मुरपुकीम मेको पिप आमोन कली साइक्ब मुर नेल्ल आन कली सद्धमे बाक्त। मिनु मेको आ तौ योसीयाह कली आ पा डा पिप सल्मे बाक्त। २५ आमोन आ पशो अरु गेय, मेको आ पशो नेल्ल, मार, मेको यहूदा डा पिप आन इतिहासम बरेक्शो मबाक्बा डा? २६ मिनु मेको बेक्शा उज्जा आ तुरसुम थिम्चा पुंडस बाक्त। मिनु मेको आ पा डा आ तौ योसीयाह पिप दुग्माक्त।

परमपरभु आ अरेशो लोत्र थिश्शो

२ इतिहास ३४ :१-२८

२२ १ योसीयाह पिप दुम्मनु ८ बर्स दुम्शो बाकमाक्त। मिनु मेकोमी यरूसलेमम ३१ बर्स सासन पवा बाक्त। मेको आ ममा आ नं येदीदाह बाकमाक्त। मेको बोस्कत डा अदायाह आ तमी बाकमाक्त। २ योसीयाहमी परमपरभु यावे आ डाइती मार रिम्शो बाकम, मेको पवा बाक्त। मेको ग्युरा पेरा मपथु, आ किकी दाऊद आ लाम गाकमाक्त। २ राजा १८ :३

३ योसीयाह पिप दुम्मे आ १८ बर्सम मेकोमी मेशुल्लाम आ चच असाल्याह आ तौ बरेक्ब शाफान कली परमपरभु यावे आ खिम सोइक्ता बाक्त। ४ योसीयाहम मेको कली “ठेयब चदेब हिल्कीयाह आ बाक्तीक लावो। मिनु लाप्चो साल पाइबपुकीम ताक्शो, मुरपुकीम परमपरभु यावे आ खिम चाक्शो क्यट ठीक पा वोइक्चा माल्नीम, दे मतो। २ राजा १२ :११ ५ मिनु मेको परमपरभु यावे आ खिम बाक्ब ठेयब गेय पाइब

आन कली गेचा नम। मिनु मेकोपुकीम परमपरभु यावे आ खिम बिगेशो मार मार सल्ब आन कली गेमक्ल। ६ मेकोपुकीम परमपरभु यावे आ खिम डा बिगेशो लेशा सल्वा कली शी सल्ब, गारो परोत्रब नु मार मार सल्ब आन कली गेमक्ल। मिनु शी नु खरोइश्शो फुल्लुपुकी ग्याम्क्ल। ७ मेको आन कली गेशा क्यट बरेक्शा वोइक्चा ममाल्नीम। मारदे हना मेकोपुकी थमा सुइश्शो गेय पाइब बाक्नीम” दे मदा बाक्त। २ राजा १७ :१६

८ मिनु ठेयब चदेब हिल्कीयाहम बरेक्ब शाफान कली “गो परमपरभु यावे आ खिम अरेशो लोत्र बरेक्शो कागज थिता” देमाक्त। मिनु हिल्कीयाहमी मेको कागज शाफान कली गेवा बाक्त। मिनु शाफानमी मेको पदेवा बाक्त। ९ मिनु मेको बरेक्ब शाफान पिप आ बाक्तीक लशा मेको कली “इन गेय पाइबपुकी परमपरभु यावे आ खिम लशा, मेकर डा क्यट परमपरभु यावे आ खिम डा गेय कोत्रब आन कली गेम्क्म” देमाक्त। १० मिनु नोले मेको बरेक्ब शाफानमी पिप कली “चदेब हिल्कीयाहम आं कली कागज का गेती” दे शंदा बाक्त। मिनु नोले शाफानम मेको ठेयब संदा पा पदेशा पिप कली नंपदा बाक्त।

११ मिनु पिपमी मेको कागज डा लोत्र नेशा, आ वा खाक्गा बाक्त। १२ मिनु नोले पिपमी चदेब हिल्कीयाह, शाफान आ तौ अहीकाम, मीकाया आ तौ आकबोर, बरेक्ब शाफान नु पिप आ गेय पाइब आसायाह आन कली यरमीया २६ :२४ १३ “गे आं पर्वम, आं मुर आन पर्वम नु यहूदा आ पर्वम मेको थिश्शो कागजमी मार बरेक्शो बाकम, दे परमपरभु यावे कली हिल्लो पथ लने। मारदे हना परमपरभु यावे थाम्पा गाइश्शो बाक्ब। इं किकी पिपीम एको कागजम बरेक्शो लोत्र मटीम। मेकोपुकीम इं पर्वम मेकर बरेक्शो लोत्र नेल्ल मपाम” देमाक्त।

१४ मोपतीके चदेब हिल्कीयाह, अहीकाम, आकबोर, शाफान नु आसायाह पिप आ खिम वासी कोत्रब हारहास आ चच, तिकवाह आ तौ शाल्लुम आ मीश परमपरभु यावे आ लोत्र पाइब हुल्दा आ बाक्तीके यरूसलेमम हिल्लो पथ लमा बाक्त। मेको आ खिम यरूसलेम डा नक सहरम बाक्बाकमाक्त। १५ मिनु हुल्दामी मेको आन कली “परमपरभु यावे, इसराएली आन परमपरभुम इन कली आं बाक्तीके सोइक्ब कली मार देत देशा हना १६ मेकोमी थहूदा डा पिपम

मेको कागजम पदेशो श्येत डा लोत्र, गो मेको श्येत यहूदा नु मेकर बाक्ब मुर आन कली थमा पा गेनुड। १७ मारदे हना मेकोपुकीम आं कली परांइशा, देवी देवता आन कली धूप चोमतेकम। मिनु आन गुइम सल्शा मूर्ति रे पा आं कली गाइक्पाइक्तीमी। मापतीक गो एको रागी आ पर्वम गाइक्ताकयी। मिनु मेको गाइश्शो मनाइक्ब' देत। ब्यवस्था ३१:२९; ब्यवस्था ३२:२१-२३ १८ परमपरभु यावे कली हिल्लो पथ सोइक्ब यहूदा डा पिप कली परमपरभु यावे, इसराएली आन परमपरभुमी मार देत देशा हना गे आं लोत्र नतीवी। १९ गे आं कली टिचा दाक्शा, इ थुं आं डांइती बरेशो दुश्शा, गे सुर्ता पा इ वा खाक्शो ताता। मारदे हना गो यहूदा रागी नु मेकर डा मुर आन पर्वम सराप रशा, मुर मबाक्तीक दुम्ब, देती। गे मेको आ पर्वम आं डांइती डाक्शो नंता। २० मिनु गे इ थुं नाइश्शा बेक्नेवे। मिनु गो यहूदा कली गेशो ठेयब श्येत गे तचा ममाल्लेवे' दे मतो" दे परमपरभुमी देमाक्त। मिनु मेकोपुकीम मेको लोत्र पिप आ बाक्तीकम चाक्गम बाक्त। २२ राजा २०:१९; यसैया ५७:१-२

योसीयाहम परमपरभु आ लोत्र टिशा

२ इतिहास ३४:२९-३५:२५

२३ १ मिनु नोले पिपम यहूदा नु यरूसलेम डा खाल्पा नल्ल आन कली आ डांइती बुक्चा, दे बरेशो सोइक्तीमी बाक्त। २ मिनु पिप परमपरभु यावे आ खिं लमाक्त। मिनु मेको नु यहूदा डा मुर नल्ल, यरूसलेम डा मुर, चदेबपुकी, परमपरभु यावे आ लोत्र पाइबपुकी नु आइक्ब नु ठेयब मुर नल्ल पिप नु परमपरभु यावे आ खिं लमा बाक्त। मिनु पिपमी नल्ल नंशा, परमपरभु यावे आ खिंम थिश्शो कबल डा लोत्र बरेशो कागज पदेवा बाक्त। ३ मिनु पिप थाम आ पुंम राष्शा, परमपरभु यावे आ डांइती कबल का पवा बाक्त। मेको कबल मार बाक्त देशा हना, "गो परमपरभु यावे आ शंशो, आ देशो लोत्र, आ फुल्लुम मुशा बरेशो लोत्र आं थुं नु रां नल्लेमी टिशा पाइनुड। मोपा एको कागजम बरेशो कबल डा लोत्र नल्ल खानुड" देमाक्त। मिनु मेको नोले मुर नल्लेमी "गोपुकीम यो मेको कबल खानुकी" देमा बाक्त। प्रस्थान २४:३-८; यहोसु २४:२५

४ मेको नोले पिपमी नल्ल क्येडा ठेयब चदेब हिल्कीयाह, मेको आ नोले डा अरु चदेबपुकी

नु लाप्चो खाल पाइब आन कली "परमपरभु यावे आ खिं रे बाल देवता, अशराह देवी, नां तास्ता नु सोरुल आन कली सल्शा मारइ मारइ बोसपुकी गरुंडदीन" दे अरेवा बाक्त। मिनु मेकोपुकीमी मेको नल्ल यरूसलेम डा किदरोन खाल्साम चोत्रम बाक्त। मिनु पुतु चहिं बथेलम लदम बाक्त। २२ राजा २१:३ ५ डांइती यहूदा डा पिपपुकीम यहूदा डा सहर नु यरूसलेम डा डांडा डा थानम बाक्शो देवी देवता आन कली चदेब आन कली वोइश्शो बाक्मा बाक्त। मेकोपुकीमी बाल, नां, तास्ता, सोरुल आन कली धूप चोइबाक्मा बाक्त। मिनु पिपम मेको आन कली गरुंडपदा बाक्त। ६ मेकोमी अशराह देवी आ मूर्ति पाइश्शो थाम परमपरभु यावे आ खिं यरूसलेम रे गरुंडशा, किदरोन खाल्साम लाइश्शा चोपाइक्मी बाक्त। मिनु मुरपुकीम मेको कली फुरक सल्म बाक्त। मिनु मेको आइक्ब मुर आन तुरसुम फराम बाक्त। २२ राजा २१:७ ७ मेकोमी तेल्लेम वांइश मुर आन बाक्तीक परेल्म बाक्त। मेको खिं, अशराह देवी आ मूर्ति कली नु मीश मुर आन लोत्र परांइतीक परमपरभु यावे आ खिं आ नेक्था बाक्शो बाक्माक्त। १२ राजा १४:२४ ८ योसीयाहमी यहूदा डा सहर रे चदेब नल्ल आन कली गरुंडदीमी बाक्त। मिनु गेबा सहर रे बेयर-शवा सम्म डा डांडा डा थान आन कली गरांगरा दिशो सल्पदा बाक्त। मेकोमी सहर डा लाप्चो डा देवता थानपुकी परेपदा बाक्त। मेको सहर डा सासन पाइब यहोसु आ लाप्चो आ डांइती गे बाक्माक्त। मेको सहर डा ठेयब लाप्चो आ परा गे बाक्माक्त। ९ मेको डांडा डा थान डा गेय पाइब चदेबपुकीम यरूसलेम डा परमपरभु यावे आ खिं डा चदेतीकम जाक्ने मचाप्बम बाक्त। तन्न मेकोपुकीम आन वारच चदेबपुकी नु बोरब ओरुती मसुप्शा शोप्ने जाइबाक्मा बाक्त। १० मिनु पिप योसीयाहम मोलेक कली आन तमी तौ दयोरशा चदेथ मजाकमल, दे बेन-हिन्नाम बंसीम बाक्शो तोफथ थान कली गरांगरा दिशो सल्पदा बाक्त। २२ राजा १७:१७; लेवी १८:२१ ११ मेकोम यहूदा डा पिपपुकीम परमपरभु यावे आ खिं ओत्रतीक लाप्चो आ डांइती नां कली मान पचा कली सल्शा शारा परेशशा ताइक्पाइक्मी बाक्त। मेको चहिं नाथान-मेलेक नं पाइश्शो मुर आ कोठा आ नेक्था बाक्माक्त। मिनु योसीयाहम नां कली मान पचा कली सल्शा बग्गीपुकी करोइक्पाइक्मी बाक्त। १२ आहाज आ तार डा

कोठा डा कौसीम यहूदा डा पिपपुकीम सेल्शो चढ़तीकपुकी नु परमपरभु यावे आ खिं डा लाडगा निम्फा गे डा मनस्सम सेल्शो चढ़तीकपुकी परेशशा, फस पोक्शा, मेको नेल्ल किदरोन खोल्साम ताइक्पदा बाक्त। २इतिहास २८ :२४ ; २राजा २१ :४-५ १३मिनु पिपमी यरूसलेम आ पूर्व गे बाक्शा डांडा डा थान गरांगरा दिशा सल्पदा बाक्त। मेको सतम सल्ब डांडा आ दक्खिन गे बाक्माक्त। मिनु मंकर पिप सालोमनमी सीदोनी आन गरांगरा दिशा अशतोरथ देवी आ मूर्ति, मोआब डा गरांगरा दिशा देवता केशा आ मूर्ति नु अम्मानी आन गरांगरा दिशा देवता मोलेक आ मूर्ति आन थान सल्पाइशशा बाक्माक्त। मिनु योसीयाहमी मेको आ सल्शा पूजा पतीक थान परेशशा गरांगरा दिशा सल्पदा बाक्त। मेको मोलेक देवता कली मिल्कोम यो देशो बाक्त। १राजा ११ :७ १४ मिनु योसीयाहमी थान डा खरुक्शा फुल्लु जिक्शा फस पोक्पाइक्मी बाक्त। मिनु मूर्ति पाइशशा थाम एशशा मेको आ बाक्तीकम मुर आन रुशम पिरंपाइक्मी बाक्त।

१५ मिनु मेकोम इसराएली आन कली पाप पपाइक्ब नेबात आ ती यरोबामम बेथेल डा डांडाम सेल्शो थान यो परंपदा बाक्त। मेकोम चढ़तीक नु थाम यो सतम सल्पदा बाक्त। मेको थान करोइशशा, पुतु सल्पदा बाक्त। मेकोमी मेको मूर्ति पाइशशा थाम यो चोपदा बाक्त। मिनु मेको कली फस पोक्पदा बाक्त। मेकोम अशराह आ थाम यो चोपदा बाक्त। १राजा १२ :३२ १६मेको नोले योसीयाहम एर आंथ कोवडा बाक्त। मिनु मेकोमी डांडाम बाक्शा तुरसपुकी तवा बाक्त। मिनु मेकोमी तुरस र रुश गरुइपदा बाक्त। मिनु मेकोम चढ़तीक गरांगरा दिशा सल्वा कली मेको चढ़तीकम चोपाइक्मी बाक्त। परमपरभु आ मुरुमी, यरोबाम चढ़तीकम बाक्मेनु, देशो परमपरभु यावे आ लोत्र गाप्पा कली योसीयाहमी मो पवा बाक्त। मिनु पिपमी एर आंथ कोवशा, मोदेशो नोले दुम्ब लोत्र पाइब परमपरभु आ मुर आ तुरस तवा बाक्त। १राजा १३ :२ १७ मिनु पिपमी “मंर आं तशा तुरस सु के बाक्म ?” दे हिल्लो पामी बाक्त। मिनु मेको सहर डा मुरपुकीमी “मंर परमपरभु आ मुर आ तुरस बाक्ब। मेको यहूदा र जाक्शा, बेथेल डा चढ़तीकमी यरोबाम आ डांडेती मुल इन पशो गय आ पर्वम नोले दुम्ब लोत्र पाइब, परमपरभु आ मुर आ तुरस बाक्ब” देमा बाक्त। १राजा १३ :३०-३२ १८ मिनु मेकोमी “मो हना बाक्चा गन। सुइम मेको

आ रुश मथिने” देमाक्त। मोपतीक मुरपुकीम मेको सामरीया र जाक्शा परमपरभु यावे आ लोत्र पाइब आ रुश नु यहूदा र जाक्शा परमपरभु आ मुर आ रुश चहिं मशाल्मे बाक्त। १९ मिनु मेको परांइशा पिप योसीयाहम इसराएल डा पिपपुकीम सामरीया डा सहरपुकीम सल्पाइशशा डांडा डा थान परंपदा बाक्त। मुरपुकीमी मेको थान सल्शा पूजा पा परमपरभु यावे कली गाइक्पाइशशा बाक्मा बाक्त। मिनु योसीयाहमी मेको आन कली बेथेलम पशो खोदेशो गरांगरा दिशा सल्पाइक्मी बाक्त। २० पिप योसीयाहमी मेको डांडा डा थानपुकीम बाक्शा चढ़तीक तार आन चढ़ब नेल्ल साइक्पाइक्मी बाक्त। मिनु मेको चढ़तीक आन तार मुर आन रुश चोपाइक्मी बाक्त। मिनु मेको नोले यरूसलेम लेम्माक्त।

पास्सा नाक्त डा चाड लेशा मानशो

२१ मिनु पिपमी मुर नेल्ल आन कली “परमपरभु यावे, इन परमपरभु आ कबल डा लोत्र बरक्शा खोदेशो पा पास्सा नाक्त डा चाड मानेचा माल्नीनी” दे माइक्मी बाक्त। ब्यवस्था १६ :१-८ ; यहोसु ५ :१०-११ २२ इसराएली आन कली निसाफ पाइबपुकीम हुकुम पाम र नु इसराएल नु यहूदा डा पिपपुकीम सासन पाम ना र मुल सम्म मोदेशो पा पास्सा चाड ममानेशो बाक्मा बाक्त। न्यायाधीस २ :१०,१६,१७ २३ तन्न पिप योसीयाहम सासन पवा आ १८ बर्सम यरूसलेमम मेको परमपरभु यावे आ पास्सा नाक्त डा चाड मानम बाक्त।

२४ परमपरभु यावे आ खिमी चढ़ब हिल्कीयाहमी थिश्शा बरक्शा लोत्र खाप्पा कली योसीयाहम बरक्शा मुर नु लोत्र पाइब, लिंक्कु कोवब नु खिं डा मूर्ति नेल्ल, यहूदा नु यरूसलेमम बाक्शा गरांगरा दिशा मोरइ मोरइ नेल्ल ताइक्पाइक्मी बाक्त। लेवी २० :२७ ; ब्यवस्था २९ :१६-१७ २५ मोपा योसीयाह खोदेशो पा आ थुं नेल्ले आ रां नेल्ले नु आ सक्ति नेल्लेमी मासा आ बरक्शा लोत्र टिशा गाक्शा परमपरभु यावे गे लेप्ब मेको आ डांडेती नु नोले तेकोइ पिप महुम्मा बाक्त। २राजा १८ :५ ; ब्यवस्था ६ :५

२६ मो हना यो परमपरभु यावेम आ ठेयब पा गाइशशा चुरशो मलेत्ता बाक्त। यहूदा आ पर्वम मेको आ गाइशशा मनांइसे बाक्त। मिनु मनस्सेमी यो मेको कली थाम्पा गाइक्पाइशशा बाक्माक्त। २राजा २१ :११-१६ २७ मिनु परमपरभु

यावेमी “भो दोपा इसराएल कली गरुंडदु, मोपा यहूदा कली यो आं डांडती रे गरुंडनुड। मिनु गो आं योत्रशो यरूसलेम सहर नु आं नें बाक्ब देशो आं सिं परांडनुड” देशो बाक्माक्त। २राजा १७:१८; १राजा ८:२९

योसीयाह बेक्शो

२इतिहास ३६:१-८

२८ योसीयाह आ पशो अरु गेय, मेको आ पशो नेल्ल, मार, मेको यहूदा डा पिप आन इतिहासम बेक्शो मबाक्बा डा ? २९ पिप योसीयाहम सासन पवा ना इजीप्त डा पिप फाराओ नेको अस्सुर डा पिप नु लडाइ पचा कली युफरटीस खोला ग लमाक्त। मिनु पिप योसीयाह फाराओ नेको नु लडाइ पचा कली मेकर लमाक्त। तन्न नेकोम योसीयाह नु लडाइ पा मेको कली मेगीददोम सदा बाक्त। ३० मिनु मेको आ गेय पाइबपुकीम मेको आ बेक्शो रां बग्गीम कुर पा मेगीददो रे यरूसलेमम चाक्गमे बाक्त। मिनु मेको कली आ तुरसुमीन वोदमे बाक्त। मिनु मेको रागी डा मुरपुकीम मेको आ तो यहो-अहाज कली तेल लुक्शा, मेको आ पा डा पिप सेल्मे बाक्त।

यहूदा डा पिप यहो-अहाज

३१ यहो-अहाज पिप दुम्मनु २३ बर्स दुम्शो बाक्माक्त। मेकोम यरूसलेममी महिना सां सासन पवा बाक्त। मेको आ ममा आ नें हामुतल बाक्माक्त। मेको लिब्ना डा येरमीया आ तमी बाक्माक्त। ३२ मेकोमी आ किकी पिपी खोदंशो पा, परमपरभु यावे आ डांडती मार मरिम्शो बाक्म, मेको पवा बाक्त। ३३ मिनु फाराओ नेकोमी मेकोम यरूसलेमम सासन मपवल, दे साड्लोम फरंशा हमाथ रागी डा रिब्नामी चोक्शा वोदा बाक्त। मिनु मेकोमी यहूदा कली सहं का टलेन्ट चांदी नु टलेन्ट का सुन तिरो थाप्पादा बाक्त। टलेन्ट का ३४ किलो बाक्ब। इजीकीएल १९:४ ३५ मिनु फाराओ नेकोमी योसीयाह आ तो एल्याकीम कली मेको आ आफ योसीयाह आ पा डा पिप सेल्शा वोदा बाक्त। मिनु फाराओ नेकोमी मेको आ नें एल्याकीम रे यहो-याकीम वोदा बाक्त। तन्न मेकोमी यहो-अहाज कली इजीप्त रागी लदा बाक्त। मिनु मेको इजीप्त उइ बेक्माक्त। १इतिहास ३:१५ ३६ मिनु फाराओ नेको आ पुंडशो सुन नु चांदी थाप्पा कली यहो-याकीमम आ रागी डा मुर आन कली तिरो थाप्पाइक्मी बाक्त। मिनु देशो खोइ तिरो थाप्पा कली मेकोमी आ रागी

डा मुरपुकी रे सुन नु चांदी पोक्पा बाक्त। २राजा १५:२०

यहूदा डा पिप यहो-याकीम

३६ यहो-याकीम पिप दुम्मनु मेको २५ बर्स दुम्शो बाक्माक्त। मेकोम यरूसलेममी ११ बर्स सासन पवा बाक्त। मेको आ ममा आ नें जेबीदाह बाक्माक्त। मेको रूमाह सहर डा पदायाह आ तमी बाक्माक्त। ३७ मिनु मेकोमी आ किकी पिपी खोदंशो पा, परमपरभु यावे आ डांडती मार मरिम्शो बाक्म, मेको पवा बाक्त।

नेबुकदनेसरमी लडाइ तोशो

२४ १ यहो-याकीममी सासन पवा ना बेबीलोन डा पिप नेबुकदनेसर मेको रागी नु लडाइ पथ जाक्माक्त। मिनु बर्स सां सम्म यहो-याकीम मेको आ सासनम बाक्माक्त। तन्न बर्स सां नोले मेकोमी आ थुं फाइश्शा, नेबुकदनेसर कली मटिवा बाक्त। येरमीया २२:१३-१९ २ मिनु परमपरभु यावेमी यहूदा नु लडाइ पचा कली कल्दी, अरामी, मोआबो नु अम्मानी आन कली खोइक्तीमी बाक्त। परमपरभु यावेमी आ गेय पा आ लोत्र पाइब आन देशो खोदंशो दुम्पाइश्शा यहूदा कली खतम पोक्पाइक्का कली मेको आन कली खोइक्तीमी बाक्त। ३ परमपरभु यावेमी आ मिम्शो खाप्शा, मनस्स आ पशो मरिम्शो नु आ पाप आ पर्वम मेको आन कली आ डांडती रे गरुंडचा कली मो पशो बाक्माक्त। २राजा २१:१०-१६; २राजा २३:२६-२७ ४ मारदे हना मनस्सम दोस मताइब मुर आन कली साइश्शा, यरूसलेम कली हुशम पिरंशो बाक्माक्त। मिनु परमपरभु यावेमी मेको कली माफ गेने मबिश्शा बाक्माक्त। ५ मिनु यहो-याकीम आ पशो अरु गेय, मेको आ पशो नेल्ल, मार, मेको यहूदा डा पिप आन इतिहासम बेक्शो मबाक्बा डा ? ६ मिनु यहो-याकीन बेक्माक्त। मिनु मेको आ पा डा आ तो यहो-याकीन पिप दुम्माक्त। ७ इजीप्त डा पिप आ रागी परोना नोले लेंशा मजाक्माक्त। मारदे हना बेबीलोन डा पिपम इजीप्त डा खोला रे युफरटीस खोला सम्म डा रागी नेल्ल आ के सेल्शा बाक्माक्त।

यहूदा डा पिप यहो-याकीन

२इतिहास ३६:९-१०

८ यहो-याकीन पिप दुम्मनु १८ बर्स दुम्शो बाक्माक्त। मेकोमी यरूसलेमम महिना सां

सासन पवा बाक्त । मेको आ ममा आ नें नहुश्ता बाक्माक्त । मेको यरूसलेम डा एल्नाथान आ तमी बाक्माक्त । यरमीया २२:२४-३० ९ यहो-याकीनमी आ आफ्खोदंशो पा, परमपरभु यावे आ डांइती मार मरिम्शो बाक्म, मेको पवा बाक्त ।

१० मना बेबीलोन डा पिप नेबुकदनेसर आ लडाइ पाइबपुकी यरूसलेम लडाइ पथ जाक्शा, मेको सहर कली पुम्शा बाक्मा बाक्त । ११ मिनु आ लडाइ पाइबपुकीम मेको सहर पुम्दमेनु, बेबीलोन डा पिप नेबुकदनेसर जाक्माक्त । १२ मिनु यहूदा डा पिप यहो-याकीन, नेबुकदनेसर कली जिम्मा गेसे बाक्त । मिनु मेको नु मेको आ ममा, आ गेय पाइबपुकी, आ ठेयब मुरपुकी नु आ लडाइ पाइब आन ठेयब मुर नेल्ल बेबीलोन डा पिप कली जिम्मा गेसमा बाक्त । मिनु बेबीलोन डा पिपम सासन पवा आ ८ बर्सम यहो-याकीन कली ग्याइश्शा चोक्गा बाक्त ।

१३ मेकोमी परमपरभु यावे आ खिं डा शोंप नु पिप आ खिं डा शोंप नेल्ल लदा बाक्त । मेकोमी सोलोमनम सेल्शो परमपरभु यावे आ खिं डा सुन के बोस खरोइश्शा लदा बाक्त । मोपा परमपरभु यावे आ दंशो लोत्र गाम्माक्त । २ राजा २०:१७ १४ मेकोपुकीम यरूसलेम डा ठेयब मुर, लडाइ पाइब आन ठेयब मुर नेल्ल, लडाइ पाइब नेल्ल १० हजार मार मार सेल्स जोक्ब नु तुप्तील नेल्ल ग्याइश्शा लदा बाक्त । थम परुडग आन कली ला परांइशा वोदा बाक्त । यरमीया २४:१ १५ नेबुकदनेसरमी यहो-याकीन कली ग्याइश्शा बेबीलोनम लदा बाक्त । पिप आ ममा, पिप आ मोशपुकी, मेको आ ठेयब गेय पाइबपुकी नु नेल्ल क्यडा जोक्ब तुइक्ब आन कली यरूसलेम र ग्याइश्शा बेबीलोन लदा बाक्त । यरमीया २२:२६ १६ बेबीलोन डा पिपमी ७ हजार बोल्यो लडाइ पाइब नु हजार का मार मार सेल्स जोक्ब नु तुप्तील आन कली ग्याइश्शा बेबीलोन लाइक्मी बाक्त । मेको नेल्ल लडाइ पचा कली बोल्यो मुर बाक्मा बाक्त । १७ बेबीलोन डा पिपमी यहो-याकीन आ बकान्छा मत्तन्याह कली मेको आ पा डा पिप सेला बाक्त । मिनु मेको आ नें सिदकीयाह वोदा बाक्त ।

यहूदा डा पिप सिदकीयाह

२ इतिहास ३६:११-२१; यरमीया ५२:१-३०

१८ सिदकीयाह पिप दुम्मेनु, मेको २१ बर्स दुम्शो बाक्माक्त । मिनु मेकोमी यरूसलेमम ११ बर्स

सासन पवा बाक्त । मेको आ ममा आ नें हामूतल बाक्माक्त । मेको लिब्ना सहर डा यरमीया आ तमी बाक्माक्त । १९ मेकोम यहो-याकीनम पशो खोदंशो पा परमपरभु यावे आ डांइती मार मरिम्शो बाक्म, मेको पवा बाक्त । २ राजा २३:३७ २० मिनु परमपरभु यावे आ गाइश्शाम पतीके यरूसलेम नु यहूदा डा मुर नेल्ल आन कली आ डांइती र गर्इदीमी बाक्त । मिनु नोले सिदकीयाहमी बेबीलोन डा पिप कली मटिवा बाक्त । २ राजा २३:२७

यरूसलेम खतम दुम्शो

१ सिदकीयाहम सासन पशो ९ बर्स १० महिना डा १० नाक्त बेबीलोन डा पिप नेबुकदनेसर आ लडाइ पाइब नेल्ल चाक्शा यरूसलेम नु लडाइ पथ जाक्माक्त । मिनु यरूसलेम कली पुम्शा एर आंथ गारो डाइक्तीक सेल्स बाक्त । यरमीया ३४:१ २ पिप सिदकीयाहमी सासन पशो ११ बर्स दुम्मेनु, सहर पुम्दम बाक्त । ३ मिनु मेको ४ महिना डा ९ नाक्त सहरम थम ठेयब अन्काल दुम्माक्त । मिनु मेको रागीम मुर आन कली जचा थोत्रक मारइ मबाक्माक्त । ४ मना पिप नु लडाइ पाइब नेल्ल गारो होइश्शा, नाक्दो परोक्मा बाक्त । मेको पिप आ रू र गारो निक्शी आस दाते डा लाप्चो र कल्दीपुकी सहर आ एर आंथ बाक्तेक्म हना यो, परोक्मा बाक्त । मोपा मेकोपुकी अराबाह ग परोक्मा बाक्त । ५ तन्न कल्दी डा लडाइ पाइबपुकीम पिप कली खदा पाम बाक्त । मिनु मेको कली यरीको डा दिममी थित्स बाक्त । आ लडाइ पाइब नेल्ल मेको कली परांइशा एर आंथ बरमा बाक्त । ६ मिनु मेको कली ग्याइश्शा बेबीलोन डा पिप आ डांइती रिब्ना सहरम चाक्गामे बाक्त । मिनु मेकोमी मेको आन कली निसाफ पवा बाक्त । ७ मेकोपुकीम सिदकीयाह आ तौ आन कली मेको आ डांइतीन सदम बाक्त । मिनु नोले सिदकीयाह आ मिक्च पुक्तमे बाक्त । मिनु मेको कली कांसा के साङलोम पाइश्शा बेबीलोन लदमे बाक्त । २ सामुएल १२:१०

यहूदा डा मुर आन कली लाइश्शो

८ बेबीलोन डा पिप नेबुकदनेसरमी सासन पशो १९ बर्स ५ महिना डा ७ नाक्त, नेबुकदनेसर कली साल पाइब आन ठेयब मुर नेबुजरादान यरूसलेम जाक्माक्त । ९ मिनु मेकोमी परमपरभु

यावे आ सिं, पिप आ दरवार, यरूसलेम सहर डा सिं नेल्ल नु ठेयब सिं नेल्ल मी सुइक्ता बाक्त । १०मेको पिप कली खाल पाइब आन ठेयब मुर आ हुकुमम बाक्शो कल्दी लडाइ पाइबपुकीम यरूसलेम आ एर आंथ डा गारो नेल्ल परतम बाक्त । ११मेको पिप कली खाल पाइब आन ठेयब मुर नेबुजरादानमी सहरम परांडचा पुंडसीशो मुर नु अरु बेबीलोन डा पिप कली जिम्मा गंसीशो मुर आन कली ग्याइश्शा बेबीलोन लाइक्मी बाक्त । १२तन्न मेको पिप कली खाल पाइब आन ठेयब मुरम अडगुर रू रोक्का नु रू दोचा कली थम पुरुडग आन कली चहिं परांडशा वोइक्मी बाक्त ।

१३मिनु कल्दीपुकीमी परमपरभु यावे आ सिंम बाक्शो कांसा के थामपुकी, निप्पाइक्तीकपुकी नु कांसा के ठेयब बोस प्रोल्शा आइक्च सल्शा बेबीलोन लदमे बाक्त । यरमीया २७:१९-२२ १४मेकोपुकीम ग्यांबपुकी, बेल्वापुकी, सल्वा थेप्तीक थनारोपुकी, कचौरापुकी, थनौरापुकी नु चद्वेतीकेम चलेतीक कांसा के मारेइ मारेइ ग्यांब नेल्ल लदमे बाक्त । १५मेकोपुकीमी मी कुरतीक नु बोस नेल्ल लदमे बाक्त । मिनु पिप कली खाल पाइब आन ठेयब मुरमी सुन नु चांदीम सल्शो मारेइ मारेइ लदा बाक्त । १६सोलोमनमी परमपरभु यावे आ सिं कली सल्शो थाम निक्शी, ठेयब बोस नु निप्पाइक्तीक सल्शो कांसा नाकने मचाप्चा डा बाक्मा बाक्त । १७राजा ७:१५ ; १७राजा ७:२३ ; १७राजा ७:२७ १७मेको थाम का १८ कुबीत लाइश्शा बाक्माक्त । मिनु मेको थाम का आ पिपा कुबीत सां लाइश्शा बाक्माक्त । मिनु मेको कांसा के जालीम आ एर आंथ वयुक्शा हिरशो दारीम बाक्माक्त । अर्का थाम यो जालीम हिरशा मेको खोदंशो पा सल्शो बाक्माक्त । कुबीत का आधा मिटर खोदंशो बाक्व ।

१८मिनु पिप कली खाल पाइब आन ठेयब मुरम ठेयब चद्वेब सेरायाह नु मेको आ दी डा सफन्याह नु लाप्चो कोत्रब सां आन कली यो ग्याइश्शा लाइक्मी बाक्त । १९मेकोमी सहरम मुल यो लीशो आन दाते डा लडाइ पाइब आन ठेयब मुर नु ५ जना पिप कली सल्ता गेब आन कली यो लाइक्मी बाक्त । मेकोम रागी डा मुर आन कली लडाइ पाइब मुर सल्वा कली योत्रब बरेक्व ठेयब मुर नु सहरम थिश्शा ६० जना मुर आन कली यो लाइक्मी बाक्त । २०मेको पिप कली खाल पाइब आन ठेयब मुर नेबुजरादानमी मेको आन कली बेबीलोन डा पिप आ बाक्तीक रिब्ला सहरम चाक्मी बाक्त । २१मिनु बेबीलोन

डा पिपम मेको आन कली हमथ आ रागीम रिब्लाम साइक्पाइक्मी बाक्त । मोपा यहूदा डा मुर आन रागी रे ग्याइश्शा लाइक्चा पुंडसमा बाक्त । २२राजा २३:३३

गेदाल्याहमी सासन पशो

यरमीया ४०:५ ; यरमीया ४१:३

२२बेबीलोन डा पिप नेबुकदनेसरमी शाफान आ चच अहीकाम आ तौ गेदाल्याह कली यहूदाम परांडशा वोइश्शा इक्का खोइ मुर आन कली सासन पाइब सल्शा वोदा बाक्त । २३मिनु लडाइ पाइब आन ठेयब मुर नेल्ल नु मेको आन मुरपुकीम बेबीलोन डा पिपम गेदाल्याह कली सासन पाइब सल्शो लोत्र नेन्मे बाक्त । मिनु मेको नेल्ल गेदाल्याह आ बाक्तीके मिस्या सहरम जाक्मा बाक्त । मेको नेथन्याह आ तौ इश्माएल, कारआह आ तौ योहानान, नेतोफाह सहर डा तन्दुमेथ आ तौ सेरायाह, माकाथी आ तौ याज्न्याह नु मेको आन मुरपुकी जाक्मा बाक्त । २४मिनु गेदाल्याहमी मेकोपुकी नु आन मुर आन कली कसम जशा रिम्शो लोत्र पाइक्मी बाक्त । मिनु मेकोम “कल्दी डा ठेयब मुर आन कली तशा महिनीन । रागीम बाक्कीन । मिनु बेबीलोन डा पिप आ गेय पने । मिनु इन कली रिम्शो दुम्ब” दे माइक्मी बाक्त । २५तन्न ७ महिनाम पिप आ सिं डा मुर एली-शामा आ चच, नेथन्याह आ तौ इश्माएलम १० जना मुर आन कली चाक्शा जाक्माक्त । मिनु मेकोमी गेदाल्याह नु मेको नु मिस्या सहरम बाक्व यहूदा नु कल्दी डा मुर आन कली तुप्शा साइक्मी बाक्त । २६मोपतीक कल्दी आन क्येडा हिंशा आइक्च रे ठेयब मुर नु लडाइ पाइब आन ठेयब मुर नेल्ल प्रोक्शा इजीप्त रागी जाक्दीम्मा बाक्त । ब्यवस्था २८:६८

येहो-याकीन कली परांडशो

यरमीया ५२:३१-३४

२७यहूदा डा पिप येहो-याकीन ग्याइश्शा लाइश्शा ३७ बर्स, १२ महिना डा २७ नाक्त दुम्मनु, परांडचा पुंडस बाक्त । मिनु एवील-मरोदक बेबीलोन डा पिप दुम्शा सासन पशो आ डांडती डा बर्सम मेको कली परोना बाक्त । २८राजा २४:१५ २८मेकोमी येहो-याकीन कली रिम्शो लोत्र पवा बाक्त । मिनु मेको कली बेबीलोनम बाक्शो पिप आन दातेमी नेल्ल क्येडा ठेयब सला बाक्त । २९मोपा येहो-

याकीनमी आ चोक्सीशो वा पुरुदा बाक्त । मिनू  
 आ लीशो नाक्त नेल्ल पिप नु बाक्शा जवा  
 बाक्त । ३० बेबीलोन डा पिपमी मेको कली बरोडम

सम्म नाक्त कित कित आ माल्शो मारेड मारेड  
 गेवा बाक्त ।

## १ इतिहास

बरेकब मुरः एको इतिहास किताब निकशी हिब्रू बाइबलम किताब का बाक्त। मंकर राजा किताब निकशी नु सामुएल किताब निकशीम मबरेकशा लीशो लोत्र बरेकशा बाक्व। एको किताब आ बरेकस एजरा आ बरेकशा सोदेशो तांइसीब। मिनु एजरा किताब इतिहास किताब नु थम गारचा डा बाक्त। २इतिहास ३६ :२२-२३ नु एजरा १:३-३ तन्न एजरा बरेकब मुर बाक्त हना यो, अर्को मुरम यो लोत्र तम्शो बाक्तेकम। १इतिहास ३:१९-२४

गेना दुम्शो : एको किताब रागी सेल्वा रे पिप कोरेस आ सासन पशो ५३६ वि. सी. सम्म डा बाक्व। तन्न पिप दाऊद आ पर्बम शुश लोत्र बाक्व।

मार बरेकशो : एको किताब इसराएली आन इतिहासम तम्शो लोत्र बाक्व।

१. आदम रे इसराएल आ १२ थर १इतिहास १ :- १इतिहास ९ :-

२. पिप दाऊद आ सासनम इसराएली आन इतिहास १इतिहास १० :- १इतिहास २९ :-

आदम रे अब्राहाम सम्म डा मुर

१ आदम आ तौ सथ बाक्माक्त। सथ आ तौ १ एनोश बाक्माक्त। उत्पत्ती ५ :- २ एनोश आ तौ केनान बाक्माक्त। केनान आ तौ मा-हालालेल बाक्माक्त। मा-हालालेल आ तौ यरद बाक्माक्त। ३ यरद आ तौ हनोक बाक्माक्त। एनोक आ तौ मेथुसेलाह बाक्माक्त। मेथुसेलाह आ तौ लमेक बाक्माक्त। ४ लमेक आ तौ नोआह बाक्माक्त। नोआह आ तौ शेम, हाम नु यफथ बाक्मा बाक्त।

यफथ आ तौ चच

५ यफथ आ तौ गोमेर, मागोग, मादै, यावान, तूबाल, मेशेक नु तिरास बाक्मा बाक्त। उत्पत्ती १०:२-५ ६ गोमेर आ तौ अश्केनज, दिफाथ नु तोगारमाह बाक्मा बाक्त। ७ यावान आ तौ एलीशाह, टारशीश, कितीम नु रोदानीम बाक्मा बाक्त।

हाम आ तौ चच युइ

८ हाम आ तौ कृश, इजीप्त, पूत नु केनान बाक्मा बाक्त। उत्पत्ती १०:६-२० १ कृश

आ तौ शेबा, हवीलाह, साब्ताह, रामाह नु साब्तेका बाक्मा बाक्त। रामाह आ तौ शेबा नु देदान बाक्सा बाक्त। १० कृश निमरोद आ आफ बाक्माक्त। निमरोद रागी आ डोंइती सक्ति पाइशो मुर का बाक्माक्त।

११ इजीप्त माइशो मुर लूदीम अनामीम, लेहार्बीम नु नफतुहीम, १२ पथरूसीम, कस्तुहीम, काफतारीम आन आफ बाक्माक्त। मेको रे पत्तिस्ती दुम्शो बाक्मा बाक्त।

१३ केनान माइशो मुर आ डोंइती थिशो तौ सीदोन नु हेथ आस आफ बाक्माक्त। १४ मेको निकशी रे यबुसी, एमारी, गिरगाशी, १५ हिब्वी, अरकी, सिनो, १६ अरवादी, सेमारी नु हमार्थो दुम्शो बाक्मा बाक्त।

शेम आ तौ चच युइ

१७ शेम आ तौ एलाम, अश्शुर, अरपकशाद, लूद, अराम, ऊज, हुल, गेथेर नु मेशेक बाक्मा बाक्त। उत्पत्ती १०:२१-३० १५ अरपकशाद शेलाह आ आफ बाक्माक्त। मिनु शेलाह एबेर आ आफ बाक्माक्त। १६ मिनु एबेरमी तौ निकशी थिवा बाक्त। का आ नें पेलग बाक्माक्त। मेको थिशो ना रागी योकशो बाक्माक्त। मेको आ लोक्व आ नें योकतन बाक्माक्त। उत्पत्ती ११:१-९ २० मिनु योकतन आ चच युइ अल्मादाद, शलफ, हासार-मावथ, येराह, २१ हद्दोराम, उज्जाल, दिकलाह, २२ एबाल, अबीमा-एल, शेबा, २३ आफीर, हवीलाह नु योबाब बाक्मा बाक्त। मेको नेल्ल योकतन आ चच युइ बाक्मा बाक्त। उत्पत्ती ११:१०-२६

२४ शेम रे अब्राहाम सम्म सु सु बाक्मा बाक्त देशा हना, अरपकशाद, शेलाह, २५ एबेर, पेलग रेऊ, उत्पत्ती ११:१०-२६ २६ सेरूग, नाहार, तेराह, २७ नु अब्राहाम बाक्मा बाक्त। अब्राहाम कली अब्राहाम यो देबाक्मा बाक्त।

अब्राहाम आ तौ चच युइ

२८ अब्राहाम आ तौ निकशी इसहाक नु इश्माएल बाक्सा बाक्त। उत्पत्ती २१:३; उत्पत्ती १६:१५ २९ इश्माएल आ डोंइती थिशो तौ नेबायोथ बाक्माक्त। मेको आ नोले डा तौ केदार, अदबल, मिब्साम, उत्पत्ती २५:१३-१६ ३० मिश्मा, दुमा, मस्सा, हादाद, तेमा, ३१ येतुर, नाफीश नु केदमा बाक्मा बाक्त। मेको नेल्ल इश्माएल आ तौ बाक्मा बाक्त।

३२ अबराहाम आ नोले चाकशो मीश कतुराहमी जिमरान, योकशान, मैदान, मिदयान, इश्बाक नु शुआह थीमी बाक्त। मिनु योकशान आ तौ शबा नु ददान बाक्सा बाक्त। उत्पत्ती २५:१-४ ३३ मिदयान आ तौ एफाह, एफेर, हनोक, अबीदा नु एल्दाह बाक्सा बाक्त। मेको नल्ल कतुराह आ तौ चच बाक्सा बाक्त।

३४ अबराहाम आ तौ इसहाक बाक्सा बाक्त। मिनु इसहाक आ तौ निक्शी एसाव नु इसराएल बाक्सा बाक्त। उत्पत्ती २५:१९-२६ ३५ एसाव आ तौ एलीफाज, रूपल, यऊश, यालाम नु कोराह बाक्सा बाक्त। उत्पत्ती ३६:१०-१४, २०-२८ ३६ एलीफाज आ तौ तेमान, ओमार, सेफी, गाताम, केनाज, तिम्ना नु अमालेक बाक्सा बाक्त। ३७ रूपल आ तौ नाहाथ, जेराह, शम्माह नु मिज्जा बाक्सा बाक्त।

एदोम आ डोंडती डा मुर

३८ सेडर आ तौ लोतान, शोबाल, सिबोन, अनाह, दीशोन, एजर नु दीशोन बाक्सा बाक्त। ३९ लोतान हारी नु हामाम आ किकी पिपी बाक्सा बाक्त। मिनु लोतान आ समी तिम्ना बाक्सा बाक्त। ४० शोबाल अल्यान, मानाहाथ, एबाल, शफी नु ओनाम आ थर डा किकी पिपी बाक्सा बाक्त। सिबोन आ तौ आइयाह नु अनाह बाक्सा बाक्स। ४१ अनाह आ तौ दीशोन बाक्सा बाक्त। दीशोन आ तौ हामरान, एश्वान, इथरान नु केरान बाक्सा बाक्त। ४२ एजर आ तौ बिल्हान, जावान नु याकान बाक्सा बाक्त। दीशोन आ तौ ऊज नु अरान बाक्सा बाक्त।

एदोम डा पिपुकी

४३ इसराएल रागीम पिप दुम्चा क्येडा डोंडती एदोम रागीमी बेओर आ तौ बेला पिप दुम्शा बाक्सा बाक्सा बाक्त। मेको आ सहर दिनहाबा बाक्सा बाक्त। उत्पत्ती ३६:३१-४३ ४४ मिनु बेला बेक्म नोले बोजरा सहर डा जेराह आ तौ योबाब पिप दुम्सा बाक्त। ४५ मिनु योबाब बेक्म नोले तेमान डा मुर आन रागी डा हुशाम पिप दुम्सा बाक्त। ४६ मिनु हुशाम बेक्म नोल बेदाद आ तौ हादाद पिप दुम्सा बाक्त। मेकोम मोआब रागीम मिदयानी आन कली लडाइ पा फरूमि बाक्त। मेको आ सहर आ नें अवीथ बाक्सा बाक्त। ४७ मिनु हादाद बेक्म नोले मासरकाह सहर डा सम्ला पिप दुम्सा बाक्त। ४८ मिनु सम्ला बेक्म नोले युफरेटीस खोला आ नक्था डा रेहोबोथ डा शावल पिप दुम्सा बाक्त।

४९ मिनु शावल बेक्म नोले आकबोर आ तौ बाल-हनान पिप दुम्सा बाक्त। ५० मिनु बाल-हनान बेक्म नोले हादाद पिप दुम्सा बाक्त। मेको आ सहर आ नें पाही बाक्सा बाक्त। मेको आ मीश आ नें मेहताबेल बाक्सा बाक्त। मेको मातरेंद आ तमी, मे-जाहाब आ चच बाक्सा बाक्त। ५१ मिनु हादाद बेक्सा बाक्त। एदोम रें दुम्शा थरपुकी तिम्ना, अल्याह, यथथ, ५२ ओहोली-बामा, एलाह, पिनान, ५३ केनाज, तेमान, मिब्सार, ५४ मग्दीएल नु यिराम बाक्सा बाक्त। मेको नल्ल एदोम रें दुम्शा थर बाक्सा बाक्त।

इसराएल माइश्शो याकूब आ तौ

१ इसराएल आ तौ रुबेन, सिमियोन, लेवी, २ यहूदा, इस्साकार, जबूलून, ३ दान, योसेफ, बेन्यामीन, नाप्ताली, गाद नु आशेर बाक्सा बाक्त। उत्पत्ती ३५:२२-२६

यहूदा आ तौ चच

इतिहास ४ :-

३ यहूदा आ तौ एर, ओनान नु शेलाह बाक्सा बाक्त। मेको आन ममा कनानी मीश बाथ-शुआ बाक्सा बाक्त। मिनु यहूदा आ डोंडती थिशो तौ एरमी परमपरभु यावे आ डोंडती मरिम्शो पवा बाक्त। मोपतीक परमपरभु यावेमी मेको कली सदा बाक्त। उत्पत्ती ३८:१-७ ४ मिनु यहूदा आ चाइमी तामारमी यहूदा रें पा पेरस नु जेराह थिम्सी बाक्त। मिनु यहूदा आ तौ नल्ल पा ५ जना दुम्सा बाक्त। उत्पत्ती ३८:२७-३०

५ पेरस आ तौ हेसरोन नु हामुल बाक्सा बाक्त। उत्पत्ती ४६:१२ ६ जेराह आ तौ जिमरी, एथान, हेमान कल्कोल नु दारा बाक्सा बाक्त। मेको नल्ल ५ जना बाक्सा बाक्त। ७ कारमी आ तौ आकान बाक्सा बाक्त। मेकोमी इसराएली आन कली शुश श्येत गेवा बाक्त। परमपरभु आ थोत्रक लदा बाक्त। यहोसु ७ :- ८ मिनु एथान आ तौ अजारयाह बाक्सा बाक्त।

राम आ तौ चच

९ हेसरोन आ तौ येराहेमेल, राम नु कलुबै बाक्सा बाक्त। रुथ ४:१९-२२; मत्ती १:३ १० राम अम्मीनादाब आ आफ बाक्सा बाक्त। अम्मीनादाब नहशोन आ आफ बाक्सा बाक्त। मेको यहूदा आ तौ आन दाते डा नल्ल क्येडा ठेयब बाक्सा बाक्त। गन्ती १:७; गन्ती २:३; गन्ती ७:११-१२ ११ नहशोन साल्मा

आ आफ बाक्माक्त। साल्मा बोआज आ आफ बाक्माक्त। १२ बोआज ओबद आ आफ बाक्माक्त। ओबद येस्स आ आफ बाक्माक्त। १३ येस्स एलीआब आ आफ बाक्माक्त। मेको आ डोंइती थिशो तौ बाक्माक्त। मेको आ माइला अबीनादाब, साइला शिमआ, १सामुएल १६:५-१० १९ काइला नथनेल, अन्तरं रदाइ, १५ जन्तर ओसम नु कान्छा दाऊद बाक्मा बाक्त। १सामुएल १७:१२ १६ मेको आन समी सेरूयाह नु अबीगेल् बाक्सा बाक्त। सेरूयाह आ तौ अबीशै, योआब नु आसाहेल सां बाक्मा बाक्त। २सामुएल २:१८ १७ अबीगेलम आमासा थिवा बाक्त। मेको आ आफ इश्माएली येथर बाक्माक्त। २सामुएल १७:२५

### कालेब आ तौ चच

१८ हेसरोन आ तौ कालेबमी आ मीश अजुबाह नु येरीओथ रे पा तमी तौ थिवा बाक्त। मेको आ तौ येशर, शोबाब नु अरदोन बाक्मा बाक्त। १इतिहास २:९,४२ १९ मिनु अजुबाह बेक्म नोले कालेबमी एफराथ कर्ती ग्युंब पवा बाक्त। मिनु मेकोमी हुर थिवा बाक्त। १इतिहास २:५० २० मिनु हुर आ तौ ऊरी बाक्माक्त। ऊरी आ तौ बेजालेल बाक्माक्त। परस्थान ३१:२ २१ मिनु हेसरोन ६० बर्ष दुम्मनु, मार्कीर आ तमी नु ग्युंब पवा बाक्त। मेको गिलाद आ समी बाक्माक्त। मिनु हेसरोन मेको नु बाक्शा संगुब थिवा बाक्त। २२ मिनु संगुब याइर आ आफ बाक्माक्त। याइरम गिलाद डा २३ सहर सासन पवा बाक्त। न्यायाधीस १०:३-६; १राजा ४:१३ २३ तन्न गेशुर नु अराम आस राज्य निक्शीमी मेको रे हव्वोथ-याइर, केनाथ नु आ नेक्था डा सहर ६० ओटा सहर लडाइ पा ग्राशा आस के सल्से बाक्त। मेको नेल्ल मार्कीर आ तौ बाक्मा बाक्त। मार्कीर चहिं गिलाद आ आफ बाक्माक्त। २४ हेसरोन कालेब-एफराथाह सहरम बेक्म नोले हेसरोन आ मीश अबीयाहम मेको के अश्हुर थिवा बाक्त। मेको तेकोहा आ आफ बाक्माक्त। १इतिहास ४:५

### येराहमेल आ तौ चच

२५ हेसरोन आ डोंइती थिशो तौ येराहमेल बाक्माक्त। येराहमेल आ डोंइती थिशो तौ राम बाक्माक्त। मिनु नोले डा तौ बुनाह, ओरन, ओसम नु अहीयाह बाक्मा बाक्त। इतिहास २:९ २६ येराहमेल के अर्का मीश का यो बाक्माक्त।

मेको आ नें अतारा बाक्माक्त। मेकोमी ओनाम थिवा बाक्त। २७ येराहमेल आ डोंइती थिशो तौ राम आ तौ मास, यामीन नु एंकर बाक्मा बाक्त। २८ ओनाम आ तौ शम्माइ नु यादा बाक्सा बाक्त। मिनु शम्माइ आ तौ नादाब नु अबीशुर बाक्सा बाक्त। २९ अबीशुर आ मीश आ नें अबीहेल बाक्माक्त। मेकोमी अहवान नु मालोद थिवा बाक्त। ३० नादाब आ तौ सलद नु अप्पाइम बाक्सा बाक्त। मिनु सलद आल मथिथु बेक्माक्त। ३१ अप्पाइम आ तौ इशी बाक्माक्त। मिनु इशी आ तौ शेशान बाक्माक्त। शेशान आ तौ अहलै बाक्माक्त। ३२ शम्माइ आ लोक्ब यादा आ तौ येथर नु योनाथन बाक्सा बाक्त। मिनु येथर आल मथिथु बेक्माक्त। ३३ योनाथन आ तौ पलेथ नु जाजा बाक्सा बाक्त। मेको नेल्ल येराहमेल आ तौ चच बाक्मा बाक्त। ३४ मिनु शेशान के तौ मबाक्म। तमी ला बाक्सा बाक्त। शेशान के इजीप्त डा यारहा माइश्शो वाइल का बाक्माक्त। १इतिहास २:३१; गन्ती २७:७ ३५ मिनु शेशानमी आ तमी का कर्ती आ वाइल यारहा नु ग्युंबे पदा बाक्त। मिनु आ तमीमी अत्तै थिवा बाक्त। ३६ अत्तै नाथान आ आफ बाक्माक्त। नाथान जाबाद आ आफ बाक्माक्त। ३७ जाबाद एफत्ताल आ आफ बाक्माक्त। एफत्ताल ओबद आ आफ बाक्माक्त। ३८ ओबद यहू आ आफ बाक्माक्त। यहू अजारयाह आ आफ बाक्माक्त। ३९ अजारयाह हेलस आ आफ बाक्माक्त। हेलस एलआसाह आ आफ बाक्माक्त। ४० एलआसाह सिस्माइ आ आफ बाक्माक्त। सिस्माइ शाल्तुम आ आफ बाक्माक्त। ४१ शाल्तुम येकाम्याह आ आफ बाक्माक्त। येकाम्याह एली-शामा आ आफ बाक्माक्त।

### कालेब आ तौ चच युइ

४२ येराहमेल आ लोक्ब कालेब आ डोंइती थिशो तौ मशाह बाक्माक्त। मेको कर्ती हिबेरू लोदमी मारेशा यो देसीब, मेको आ तौ जीफ बाक्माक्त। मारेशा आ तौपुकी हेबरोन आ मुर बाक्मा बाक्त। १इतिहास २:१८ ४३ हेबरोन आ तौ कोराह, ताप्पुआह, रेकेम नु शमा बाक्सा बाक्त। ४४ शमा राहाम आ आफ बाक्माक्त। मिनु रहम योरकेआम आ आफ बाक्माक्त। रेकेम शम्माइ आ आफ बाक्माक्त। ४५ शम्माइ आ तौ माओन बाक्माक्त। माओन आ तौ बेथ-सुर बाक्माक्त। ४६ कालेब आ अर्का मीश एफाहमी

हारान, मोचा नु गाजेज थिवा बाक्त। मिनू हारान गाजेज आ आफ बाक्माक्त। १७ याहद्वै आ तौ रोगम, योथाम, गेशान, पलेत, एफाह नु शाफ बाक्मा बाक्त। १८ कालेब आ अर्का मीश माकाहमी शंबर नु तिरहानाह थिवा बाक्त। १९ मेकोमी मदमन्ना आ आफ शाफ, मकबनाह आ आफ शवा नु गिबा आ आफ थिवा बाक्त। कालेब आ तमी अकसा बाक्माक्त। यहोसु १५:१६; न्यायाधीस १:१२ १० मेको कालेब आ तौ चच युइ बाक्मा बाक्त। कालेब आ मीश एफराथाह आ डंडती थिशो तौ हर बाक्माक्त। हर आ तौ शोबाल किरयथ-यारीम डा मुर आन आफ बाक्माक्त। १ इतिहास २:१९ २१ साल्मा बेथलेहेम आ आफ बाक्माक्त। हारफ बेथ-गादेर आ आफ बाक्माक्त। २२ किरयथ-यारीम आ किकी पिपी शोबाल के अर्का तौ यो बाक्मा बाक्त। मेको हारोए नु मेनुहोथ सहर डा आधा मुर बाक्मा बाक्त।

२३ मिनू किरयथ-यारीम सहरम बाक्शो सिं सिं डा मुर इथरी, पूथी, शुमार्थी नु मिशरी बाक्मा बाक्त। मेकोपुकी र सोरार्थी नु एशताओली दुम्मा बाक्त। १ इतिहास ४:२

२४ साल्मा आ तौ बेथलेहेम, नेतोफाह अतरोथ-बेथ-योआब नु मानाहाथ सहर डा आधा मुर नु सोराह सहर डा मुर बाक्मा बाक्त। १ इतिहास ९:१६ २५ याबेस सहरम बाक्ब मेको आन सिं सिं डा मुर तिरार्थी, शिमआथ आ सिं डा मुरपुकी नु सुकाथी बाक्मा बाक्त। मेको हम्माथ सहर र जाक्शो केनी बाक्मा बाक्त। मेको आन किकी पिपी रेकाब बाक्माक्त। येरमीया ३५ :-

### दाऊद आ तौपुकी

३ १ हेबरोन सहरम थिशो दाऊद आ तौ सु सु बाक्मा बाक्त देशा हना, आ डंडती थिशो तौ अम्नोन, दाऊद आ मीश येजरेल डा अहीनोआम के बाक्माक्त। नोले डा तौ दानीएल, दाऊद आ मीश कारमेल डा अबीगेल के बाक्माक्त। २ नोले डा तौ अब्सालोम, दाऊद आ मीश गेशुर डा पिप तन्मै आ तमी माकाह के बाक्माक्त। नोले डा तौ अदोनीयाह, दाऊद आ मीश हग्गीथ के बाक्माक्त। २ सामुएल ३:२-५ ३ नोले डा तौ शेफत्याह, दाऊद आ मीश अबीतल के बाक्माक्त। नोले डा तौ इथरआम, दाऊद आ मीश एग्लाह के बाक्माक्त। ४ मेको नेल्ल हेबरोन सहरम थिशो दाऊद आ तौ बाक्मा बाक्त। दाऊदमी हेबरोन सहरम ७ बर्स

६ महिना सासन पवा बाक्त। मिनू यरूसलेमम ३३ बर्स सासन पवा बाक्त। ५ यरूसलेम सहरम थिशो दाऊद आ तौ सु सु बाक्मा बाक्त देशा हना, शिमआ, शोबाब, नाथान नु सोलोमन बाक्मा बाक्त। मेको ४ जना अम्मीएल आ तमी बाथ-शुआम थिवा बाक्त। १ इतिहास १४:५-७; २ सामुएल ५:१४-१६ ६ अरु यरूसलेम सहरम दाऊद आ थिशो तौ इभार, एली-शामा, एली-फलेत, ७ नोगाह, नेफग, याफीया, ८ एली-शामा, एली-आदा नु एली-फलेत ९ जना तौ बाक्मा बाक्त। ९ अरु चाक्शो मीश आन तौपुकी परोइशा, मेको दाऊद आ तौ बाक्मा बाक्त। मिनू मेको आन समी तामार बाक्माक्त। २ सामुएल १३:१

### सोलोमन आ तौ चच युइ

१० सोलोमन आ तौ चच युइ सु सु बाक्मा बाक्त देशा हना, रेहोबाम आ तौ बाक्माक्त। रेहोबाम आ तौ अबीयाह बाक्माक्त। अबीयाह आ तौ आसा बाक्माक्त। आसा आ तौ यहो-शाफात बाक्माक्त। मर्ती १:७-१२ ११ यहो-शाफात आ तौ योराम बाक्माक्त। योराम आ तौ अहाज्याह बाक्माक्त। अहाज्याह आ तौ योआश बाक्माक्त। १२ योआश आ तौ अमस्याह बाक्माक्त। अमस्याह आ तौ अजारयाह बाक्माक्त। अजारयाह आ तौ योथाम बाक्माक्त। १३ योथम आ तौ आहाज बाक्माक्त। आहाज आ तौ हिज्कीयाह बाक्माक्त। हिज्कीयाह आ तौ मनस्स बाक्माक्त। १४ मनस्स आ तौ आमोन बाक्माक्त। अम्मोन आ तौ योसीयाह बाक्माक्त। १५ योसीयाह आ डंडती थिशो तौ योहानान बाक्माक्त। योसीयाह आ माइला यहो-याकीम, आ साइला सिदकीयाह नु आ कान्छा शाल्तुम बाक्माक्त। १६ यहो-याकीम आ तौ चच युइ सु सु बाक्मा बाक्त देशा हना, आ तौ येकोन्याह बाक्माक्त। येकोन्याह आ तौ सिदकीयाह बाक्माक्त। २ इतिहास ३६:९-१०

१७ मिनू ग्याइशशा लाइक्चा पुंडसीशो येकोन्याह आ तौ शाल्तीएल बाक्माक्त। १८ अरु ग्याइशशा लाइक्चा पुंडसीशो माल्कीराम, पदायाह, शनास्सार, यकाय्याह, होशामा नु नेदाब्याह बाक्मा बाक्त। १९ पदायाह आ तौ जेरूब-बाबेल नु शिमइ बाक्सा बाक्त। जेरूब-बाबेल आ तौ मशुल्लाम नु हनान्याह बाक्सा बाक्त। मेको आस समी शलोमीथ

बाक्माक्त। एजरा ३:२,८ २० अर्का हशुबाह, ओहेल, बरेक्याह, हासादीयाह नु युशब-हसद ५ जना तौ बाक्मा बाक्त। २१ हनान्याह आ तौ पेलात्याह नु येशायाह बाक्सा बाक्त। येशायाह आ तौ रफायाह बाक्माक्त। रफायाह आ तौ अरनान बाक्माक्त। अरनान आ तौ ओबदिया बाक्माक्त। ओबदिया आ तौ शकन्याह बाक्माक्त। २२ शकन्याह आ तौ शमायाह बाक्माक्त। शमायाह आ तौ हत्तुश, इमाल, बारयाह, नेआरयाह नु शाफात नेल्ल पा ६ जना तौ बाक्मा बाक्त। २३ नेआरयाह आ तौ एली-ओ-एनाइ, हिज्कीयाह नु अजरीकाम सां बाक्मा बाक्त। २४ एली-ओ-एनाइ आ तौ होदावीयाह, एल्याशीब, पेलायाह, अक्कुब, योहानान, देलायाह नु अनानी नेल्ल ७ जना बाक्मा बाक्त।

यहूदा आ तौ चच युइ

४ यहूदा आ तौ पेरस, हेसरोन, कारमी, हुर नु शोबाल बाक्मा बाक्त। १ इतिहास २:४-५ ; १ इतिहास ७:१९,२० २ शोबाल आ तौ रआयाह, याहाथ आ आफ बाक्माक्त। याहाथ अहुमै नु लाहाद आस आफ बाक्माक्त। मेको सोराथी आन चच युइ बाक्मा बाक्त। १ इतिहास २:५३

३ एताम आ तौ यज्जरेल, इश्मा नु इदबाश बाक्मा बाक्त। मेको आन समी आ नें हास्सल-एल-पोनी बाक्माक्त। ४ पनुएल गदोर आ आफ बाक्माक्त। एज्जर हुशाह आ आफ बाक्माक्त। मिनु कालेब आ मीश एफराथाह आ डांडती थिशा तौ हुर बाक्माक्त। मेको आ तौ चच युइ बेथलेहम डा मुर बाक्मा बाक्त। १ इतिहास २:१९,२० ५ तेकोहा आ आफ अश्हुर के मीश निकशी बाक्सा बाक्त। मेको का आ नें हलाह नु अर्का आ नें नाराह बाक्माक्त। ६ नाराहमी अहुज्जाम, हेफर, तेमेनी नु हाहाशतारी थिवा बाक्त। एको नाराह आ तौ बाक्मा बाक्त। ७ हेलाह आ तौ सेरथ, इच्छार नु एन्थान बाक्मा बाक्त। ८ कोस आनुब नु जोबवा आस आफ बाक्माक्त। मिनु कोस हारूम आ तौ अहारहेल आ चच युइ आन किकी पिपी बाक्माक्त।

९ मिनु याबेस माइश्शो मुर का बाक्माक्त। मेको आ लोकब आन क्येडा शुश मान ताइब बाक्माक्त। मेको आ ममामी मेको कली श्येत पा थितीके मेको आ नें याबेस वोइश्शो बाक्माक्त। १० मिनु याबेसमी इसराएली आन परमपरमु कली “आं कली आसीक गेने। आं कली रू तम्शा

गेयीनी। गे गो नु बाक्कीन। आं कली श्येत रे जोन वोइय्यीनी” दे पुना बाक्त। मिनु परमपरमुमी मेको आ पुंडिशो गेवा बाक्त।

११ शुहाह आ लोकब केलुब मेहीर आ आफ बाक्माक्त। मेहीर एशतोन आ आफ बाक्माक्त। १२ एशतोन बेथ-राफा, पासओह नु तेहीन्नाह आन आफ बाक्माक्त। तेहीन्नाह इर-नाहाश आ आफ बाक्माक्त। मेको रेकाह आ मुर बाक्मा बाक्त। १३ केनाज आ तौ ओथ्नीएल नु सरयाह बाक्सा बाक्त। ओथ्नीएल आ तौ हथाथ नु मेओनीथाइ बाक्सा बाक्त। यहोसु १५:१७; १ न्यायाधीस १:३३

१४ मेओनीथाइ ओफरा आ आफ बाक्माक्त। सरयाह योआब आ आफ बाक्माक्त। योआब गे-हाराशीम आ आफ बाक्माक्त। मेको मुरपुकी मार मार सेल्ल जोक्ब बाक्तीके मेको आन नें मेकोन बाक्माक्त।

१५ यपुन्ने आ तौ कालेब आ तौ इरू, एलाह नु नाआम बाक्मा बाक्त। एलाह आ तौ केनाज बाक्माक्त। गन्ती १३:६; गन्ती १४:६ १६ यहल्लेल आ तौ जीफ, जीफाह, तिरया नु असारल बाक्मा बाक्त। १७ एजराह आ तौ यथर, मरेद, एफर नु यालोन बाक्मा बाक्त। मरेदमी फाराओ आ तमी बिथीयाह ग्युंबे पवा बाक्त। मेकोमी मिरयाम, शम्माइ नु इश्वा थिवा बाक्त। इश्वा एशतमोआ आ आफ बाक्माक्त। १८ मरेद आ यहूदी मीशमी यरेद, हेबर नु यकुथीएल थिवा बाक्त। यरेद गदोर आ आफ बाक्माक्त। हेबर सोको आ आफ बाक्माक्त। यकुथीएल जानोह आ आफ बाक्माक्त। १९ होदीयाहम नाहाम आ समी ग्युंबे पवा बाक्त। मेको आ तौपुकी गारम डा कैलाह आ थर नु माकाथी एशतमोआ आ थर डा किकी पिपी बाक्मा बाक्त।

२० शिमोन आ तौ अम्नोन, रिन्नाह, बेन-हानान नु तिलोन बाक्मा बाक्त। इशी आ तौ जोहेथ नु बेन-जोहेथ बाक्सा बाक्त।

शेलाह आ तौ चच युइ

२१ यहूदा आ तौ का शेलाह बाक्माक्त। शेलाह आ तौ एर नु लेकाह सहरम बाक्बपुकी बाक्मा बाक्त। आ तौ लादाह नु मारशा सहरम बाक्बपुकी बाक्मा बाक्त। बेथ-अश्वेया सहरम बाक्ब रिम्शो सुती श्येले के वा परोत्रब नु गेय पाइब आ चच युइ बाक्मा बाक्त। १ इतिहास २:३ २२ आ तौ योकीम नु कोजेबा सहरम बाक्ब मुर नु आ तौ योआश नु सारब बाक्मा बाक्त। योआश

नु सारबमी मोआबी मीश आल ग्युबे पाम्से बाक्त। तन्न लेहेम सहर लेशशा जाकशा बाक्सा बाक्त। (एको लोत्र थम माइत बाक्त।) बेथलेहेम बाक्म कां, लाशुबी-लाहेम सहर बाक्म, मेको मतुंडसीब। २३मेकोपुकी खप के ग्याव्रब सल्व बाक्मा बाक्त। मिनु नंताइम नु गंदेराह सहरम बाकशा, पिप आ गेय पाइब बाक्मा बाक्त।

### सिमियोन आ तौ चच युइ

२४सिमियोन आ तौपुकी नेमुएल, यामीन, यारीब, जेराह नु शावल बाक्मा बाक्त। उत्पत्ती ४६:१० २५शावल आ तौ शाल्लुम बाक्माक्त। शाल्लुम आ तौ मिस्साम बाक्माक्त। मिस्साम आ तौ मिश्मा बाक्माक्त। २६मिश्मा आ तौ हाम्मुएल बाक्माक्त। हाम्मुएल आ तौ जाकुर बाक्माक्त। जाकुर आ तौ शिमइ बाक्माक्त। २७शिमइ के १६ जना तौ नु ६ जना तमी बाक्मा बाक्त। तन्न मेको आ लोकब के शुश आल मबाक्मा बाक्त। मोपतीके मेको आन सिं डा मुर यहूदा डा मुर सोदंशो पा शुश मदुम्मा बाक्त। २८मेकोपुकी बेयर-शेबा, मोलादा, हासार-शुआल, यहांसु १९:२-८ २९बिल्हाह, एसम नु तोलाद, ३०बेथुएल, हारमा नु सिकलाग, ३१बेथ-मारकाबाथ, हासार-सुसीम, बेथ-बीरी नु शा-आराइम सहरमी बाक्बाक्मा बाक्त। दाऊदम सासन मपवा सम्म सिमियोन आ थर डा मुर मेको सहरम बाकशा बाक्मा बाक्त। ३२मेकोपुकी अर्का बाक्तीके एताम, एन, रिम्मोन, तोकेन नु आशान नेल्ल पा ५ सहर बाक्मा बाक्त। ३३मेको सहर आन एर आंथ डा गाउंपुकीम बाल सहर सम्म आन बाक्तीके बाक्मा बाक्त। मिनु मेकोपुकीमी आन नें तौ चच युइ आन नें बरकना बरकन बाकशा बाक्मा बाक्त।

३४मेको आन सिं सिं डा ठेयब मुर सु सु बाक्मा बाक्त दंशा हना, मेशाबाब, याम्लेक, अमस्याह आ तौ योशाह, ३५योएल, यहू योशीबीयाह आ तौ बाक्मा बाक्त। योशीबीयाह सेरायाह आ तौ बाक्माक्त। सेरायाह असीएल आ तौ बाक्माक्त। ३६एली-ओ-एनाइ, याकोबाह, येशोहायाह, आसायाह, अदीएल, येसीमीएल बेनायाह, ३७जीजा शिफी आ तौ बाक्मा बाक्त। शिफी अल्लोन आ तौ बाक्माक्त। अल्लोन येदायाह आ तौ बाक्माक्त। येदायाह शिमरी आ तौ बाक्माक्त। शिमरी शमायाह आ तौ बाक्माक्त। ३८मोदंशो आन नें बरकशा मुर आन सिं सिं डा ठेयब मुर बाक्मा बाक्त। मिनु आन

सिं डा मुर सोशा बोशा शुश दुम्मा बाक्त। ३९मेको आन बस्तु भाव योत्रतीके माल्ला माल्ल दिम नेल्ल आ पूर्ब गंदोर सहर सम्म लमा बाक्त। ४०मेकर शुश नु रिम्शो बस्तु भाव योत्रतीके थित्तम बाक्त। मेकर मारइ रयक मनंसीब रिम्शो ठेयब दिम बाक्माक्त। मेको क्यंडा डाइती हाम आ मुर बाक्शा बाक्मा बाक्त। इतिहास १:८-१६ ४१यहूदा डा पिप हिज्कीयाहम सासन पवा ना मेको नें बरकशा मुरपुकीम गंदोर सहरम बाक्ब हाम नु मेउनीम आस मुर आन ताम्बु नु सिं खतम सत्तम बाक्त। मुर आन कली सदम बाक्त। मेकर रिम्शो बस्तु भाव योत्रतीके बाकशा, मेक उइ आंमान बाकशा बाक्मा बाक्त। २रजा १८:३ ४२मिनु मेको सिमियोन आ थर डा ५ सहे खोइ मुरुमी सेइर पहाड कली लडाइ तोमे बाक्त। मेको आन ठेयब मुर इशी आ तौ पेलात्याह, नेआरयाह, रेफायाह नु उज्जीएल बाक्मा बाक्त। ४३मेकोपुकीम परोकशा लीशो अमालेकी नेल्ल आन कली साइशो बाक्मा बाक्त। मिनु सिमियोन आ थर डा मुर मुल सम्म मेक उइ बाकशा बाक्नीम। १सामुएल १५:३-८

### रूबेन आ तौ चच युइ

५ १इसराएल आ तौ आन दाते डा नेल्ल क्यंडा डाइती थिशो रूबेन बाक्माक्त। नेल्ल क्यंडा डाइती थिशो बाक्त हना यो, आ आफ आ मीश नु इन्तीक, आ डाइती थिशो तौ आ तचा डा अधिकार इसराएल आ तौ योसेफ आ तौ आस कली गेशो बाक्माक्त। मिनु रूबेन आ नें, डाइती डा तौ आ नें बरक्तीकम मबरकशा बाक्माक्त। उत्पत्ती ३५:२२; उत्पत्ती ४९:३-४ २मिनु यहूदा आ लोकब आन दातेमी नेल्ल क्यंडा ठेयब दुस्त हना यो, मेको र पा सासन पाइब का गरूत हना यो, डाइती थिशो तौ आ अधिकार योसेफ केन दुम्शो बाक्माक्त। उत्पत्ती ४९:८,१०; व्यवस्था ३३:७; उत्पत्ती ४९:२२; व्यवस्था ३३:१३-१७ ३इसराएल आ डाइती थिशो तौ रूबेन बाक्त। रूबेन आ तौ हनोक, पल्लु, हेसरोन नु कारमी बाक्मा बाक्त। परस्थान ६:१४ ४योएल आ तौ शमायाह बाक्माक्त। शमायाह आ तौ गोग बाक्माक्त। गोग आ तौ शिमइ बाक्माक्त। ५शिमइ आ तौ मीकाह बाक्माक्त। मीकाह आ तौ रेआयाह बाक्माक्त। रेआयाह आ तौ बाल बाक्माक्त। ६बाल आ तौ बेयरह बाक्माक्त। मिनु मेको

अस्सुर डा पिप तिल्वाथ-पिलेसरमी ग्याइश्शा लाइक्चा पुंडसे बाक्त। मेको रूबेन आ मुर आन दाते डा ठेयब मुर का बाक्माक्त। इतिहास ५:२६ ७ रूबेन आ थर डा खिं खिं डा मुर आन नं बरक्तीकमी बरक्शो बाक्मा बाक्त। मेको आन ठेयब मुर यिएल, जकरिया नु ८ आजाज आ ती बेला बाक्मा बाक्त। बेला आ ती शमा बाक्माक्त। मेको योएल आ खिं डा मुर बाक्मा बाक्त। मेकोपुकी आरोएर सहरम बाक्शो बाक्मा बाक्त। आन रागी नंबा र बाल-मेओन सम्म बाक्माक्त। मेकोपुकी आरोगी पूर्व ग गोरशो रागी आ डांडती युफरेटीस खोला आ आंथ हांबु सम्म आन के सल्शो बाक्मा बाक्त। मारदे हना गिलादम बाक्मानु, आन बस्तु भाव शुश दुश्शो बाक्मा बाक्त। १० मेकोपुकी सावल आ पालाम हागरी नु लडाइ पा गराशो बाक्मा बाक्त। मिनु मेकोपुकीम गिलाद आ पूर्व नेल्लेमी आन ताम्बुमी बाक्शो बाक्मा बाक्त।

### गाद आ ती चच युइ

११ गाद आ मुरपुकी रूबेन आ मुर आन नेक्था बाशान रागीम साल्का सम्म बाक्शो बाक्मा बाक्त। १२ मेको आन ठेयब मुर योएल बाक्माक्त। मेको आ नोले डा शाफाम बाक्माक्त। मेको आस नोले बाशान रागीम यानाइ नु शाफात बाक्सा बाक्त। १३ मिनु आन मुर, आन खिं खिं डा मुर सु सु बाक्मा बाक्त देशा हना, मिकाएल, मशुल्लाम, शबा, योराइ, याकान, जिआ नु एबेर नेल्ल पा ७ जना बाक्मा बाक्त। १४ मेकोपुकी अबीहल आ ती हुरी, हुरी आ ती यारोआह, यारोआह आ ती गिलाद, गिलाद आ ती मिकाएल, मिकाएल आ ती यशीशाइ, यशीशाइ आ ती याहदो, याहदो आ ती बूज, १५ अब्दीएल आ ती आही, आही आ ती गुनी मेको आ खिं खिं डा आन ठेयब मुर बाक्मा बाक्त। १६ गाद आ मुरपुकी गिलाद, बाशान नु मेको आ नेक्था डा सहर नेल्लेमी नु शारोन डा बस्तु भाव योत्रतीके सम्म बाक्मा बाक्त। १७ यहूदा डा पिप योथाम नु इसराएल डा पिप यरोबामम सासन पाम्स ना मेको आन नं नेल्ल नं बरक्तीकम बरक्शो बाक्मा बाक्त। २ राजा १५:३२; २ राजा १४:२३

१८ रूबेन, गाद नु मनस्से आ उइक्थ थर डा मुर बोल्यो लडाइ पाइब बाक्मा बाक्त। मेको तंक्तीक नु या कुरम बाक्त। मेको लिब्रा आप्व नु लडाइ पाइब जोक्ब बाक्मा बाक्त। मेको ४४

हजार ७ सहे ६० जना बाक्मा बाक्त। लडाइ पचा कली ठीक दुश्शो बाक्मा बाक्त। १९ मिनु हागरी, यतुरी, नाफीशी नु नोदाब आ मुर नु लडाइ पाम बाक्त। २० मेकोपुकीमी लडाइम परमपरमु कली “दारच पाइक्की” दे पुंडतीक, मेको आन जारी सतरु हागरी नु अरु सु बाक्तेक्म हना यो, आन गुइमी गेवा बाक्त। मारदे हना मेकोपुकीमी थमा सुदम बाक्त। २१ मेकोपुकीमी बस्तु भाव गिश लदम बाक्त देशा हना, ५० हजार दलआंठ, लाख निकशी ५० हजार भंडा, हजार निकशी गधा नु लाख का मुर आन कली ग्याइश्शा लदमे बाक्त। २२ मेको लडाइम शुश मुर बक्मा बाक्त। मारदे हना मेको लडाइ परमपरमु र पा दुश्शो बाक्माक्त। मिनु मेकोपुकी ग्याइश्शा लाइक्चा मपुंडसामा सम्म मेको आन बाक्तीकम बाक्मा बाक्त।

### मनस्से आ उइक्थ ती चच युइ

२३ मनस्से आ उइक्थ थर डा मुर शुश दुश्शो बाक्मा बाक्त। मेको बाशान रागी र बाल-हेरमोन, सनीर हेरमोन डांडा सम्म बाक्शो बाक्मा बाक्त। व्यवस्था ३:८-९ २४ मेको आन खिं खिं डा मुर आन ठेयब मुर सु सु बाक्मा बाक्त देशा हना, एफेर, इशी, एलीएल, अजरीएल, येरमीया, होदावीयाह नु याहदीएल बाक्मा बाक्त। मेको नेल्ल बोल्यो लडाइ पाइब मुर बाक्मा बाक्त। मेको आन खिं डा ठेयब मुर बाक्मा बाक्त। २५ तन्न मेकोपुकीम आन किक्की पिपी आन परमपरमु आ पबेम मरिश्शो पाम बाक्त। मिनु परमपरमुम मेको आन डांडती खतम पोक्शो जात डा मुर आन देवता आन कली पूजा पा आन नोले खोदमे बाक्त। २६ मोपतीक इसराएली आन परमपरमुमी अस्सुर डा पिप पुल, तिल्वाथ-पिलेसरमी कली क्युक्गा बाक्त। मिनु मेकोपुकीम रूबेन, गाद नु मनस्से आ उइक्थ थर डा मुर आन कली ग्याइश्शा लदमे बाक्त। मेको आन कली हालाह, हाबोर, हारा नु गोत्रान खोला सम्म लदमे बाक्त। मेको मुल सम्म मेकेर बाक्शो बाक्नीम। २ राजा १५:१९; २ राजा १५:२९

### लेवी आ ती चच युइ

१ लेवी आ ती गेरशोम, कोहाथ नु मेरारी ६ बाक्मा बाक्त। २ कोहाथ आ ती अमराम, इन्हार, हेबरोन नु उज्जोएल बाक्मा बाक्त। परस्थान ६:२०; गन्ती २६:५९; मीका ६:४;

परस्थान ६:२३ ; गन्ती २६:६० ३अमराम आ आल हारून, मोसा नु मिरयाम बाक्मा बाक्त। हारून आ तौ नादाब, अबीह, एलाजर नु इथामार बाक्मा बाक्त। १इतिहास ६:३५-३८ ४एलाजर फिनहास आ आफ बाक्माक्त। फिनहास अबीशुआ आ आफ बाक्माक्त। ५अबीशुआ बुक्की आ आफ बाक्माक्त। बुक्की उज्जी आ आफ बाक्माक्त। ६उज्जी जेराहीयाह आ आफ बाक्माक्त। जेराहीयाह मेरायोथ आ आफ बाक्माक्त। ७मेरायोथ अमारयाह आ आफ बाक्माक्त। अमारयाह अहीतुब आ आफ बाक्माक्त। ८अहीतुब सादोक आ आफ बाक्माक्त। सादोक अहीमाज आ आफ बाक्माक्त। ९सामुएल ८:१७ ; २सामुएल १५:२७,३६ १अहीमाज अजारयाह आ आफ बाक्माक्त। अजारयाह योहानान आ आफ बाक्माक्त। १०योहानान अजारयाह आ आफ बाक्माक्त। मेको अजारयाहम सोलोमनमी यरूसलेमम सेल्शो परमपरमु यावे आ खिम चदेतीक गेय पाइबाक्माक्त। ११अजारयाह अमारयाह आ आफ बाक्माक्त। अमारयाह अहीतुब आ आफ बाक्माक्त। १२अहीतुब सादोक आ आफ बाक्माक्त। सादोक शाल्लुम आ आफ बाक्माक्त। १३शाल्लुम हिल्कीयाह आ आफ बाक्माक्त। हिल्कीयाह अजारयाह आ आफ बाक्माक्त। १४अजारयाह सरायाह आ आफ बाक्माक्त। सरायाह यही-सादाक आ आफ बाक्माक्त। २राजा २५:१८ ; एज्जरा ७:१ ; नहेम्याह १२:२६ १५मेना परमपरमु यावमी यहूदा नु यरूसलेम कली नेबुकदनसर आ गुडम गेशो बाक्माक्त। मिनु यही-सादाक यो ग्याइश्शा लाइक्का पुंडसीशा बाक्माक्त। २राजा २५:२१

लेवी आ खिं खिं डा मुर

१६लेवी आ तौ गेरशोम, कोहाथ नु मेरारी बाक्मा बाक्त। परस्थान ६:१६-१९ १७गेरशोम आ तौ आस नें लिब्नी नु शिमइ बाक्सा बाक्त। १८कोहाथ आ तौ अमराम, इच्चार, हेबरोन नु उज्जीएल बाक्मा बाक्त। १९मेरारी आ तौ माहली नु मुशी बाक्सा बाक्त। चदेब लेवी आ खिं खिं डा मुर मेको बाक्मा बाक्त।

२०गेरशोम आ तौ चच युइ सु सु बाक्मा बाक्त देशा हना, लिब्नी, लिब्नी आ तौ याहाथ, याहाथ आ तौ जिम्माह, २१जिम्माह आ तौ योआह, योआह आ तौ इददो, इददो आ तौ

जेराह नु जेरह आ तौ येआथेराइ बाक्मा बाक्त। २२कोहाथ आ तौ चच युइ सु सु बाक्मा बाक्त देशा हना, अम्मीनादाब, अम्मीनादाब आ तौ कोराह, कोराह आ तौ अस्सीर, १इतिहास ९:१९ ; परस्थान ६:२४ २३अस्सीर आ तौ एल्काना, एल्काना आ तौ एब्यासाफ, एब्यासाफ आ तौ अस्सीर, २४अस्सीर आ तौ तहाथ, नाहाथ आ तौ उरीएल, उरीएल आ तौ उज्जीयाह, उज्जीयाह आ तौ शावल बाक्मा बाक्त। २५एल्काना आ तौ सु बाक्सा बाक्त देशा हना, अमासे नु अहीमोथ बाक्सा बाक्त। २६अहीमोथ आ तौ एल्काना, एल्काना आ तौ जोफाइ, जोफाइ आ तौ नाहाथ, २७नाहाथ आ तौ एलीआब, एलीआब आ तौ यरोहाम, यरोहाम आ तौ एल्काना नु एल्काना आ तौ सामुएल बाक्मा बाक्त। १सामुएल १:१ २८सामुएल आ डोंइती थिशो तौ योएल नु कान्छा अबीयाह बाक्सा बाक्त। २९मेरारी आ तौ सु सु बाक्मा बाक्त देशा हना, माहली, माहली आ तौ लिब्नी, लिब्नी आ तौ शिमइ, शिमइ आ तौ उज्जाह, ३०उज्जाह आ तौ शिमआ, शिमआ आ तौ हग्गीयाह नु हग्गीयाह आ तौ आसायाह बाक्मा बाक्त।

परमपरमु कली कुम्सो पाइबपुकी

३१दाऊदमी परमपरमु यावे आ बाक्तीकम सन्दोस वोदा नोले कुम्सो पाइब आन कली योत्रडा बाक्त। २सामुएल ६:१७ ३२सोलोमनम यरूसलेमम परमपरमु यावे आ खिं मसला सम्म मेकोपुकीमी गरुस्तीक ताम्बु आ डोंइती कुम्सो पना पन बाक्मा बाक्त। आन पालो पालोम कुम्सो पना पन बाक्मा बाक्त। ३३मेको कुम्सो पाइब नु आन तौ सु सु बाक्मा बाक्त देशा हना, कोहाथ आ खिं डा कुम्सो पाइब हेमान बाक्माक्त। हेमान योएल आ तौ बाक्माक्त। योएल सामुएल आ तौ बाक्माक्त। १इतिहास १५:१७,१९ ३४सामुएल एल्काना आ तौ बाक्माक्त। एल्काना यरोहाम आ तौ बाक्माक्त। येहोराम एलीएल आ तौ बाक्माक्त। एलीएल तोआह आ तौ बाक्माक्त। तोआह जूफ आ तौ बाक्माक्त। ३५जूफ एल्काना आ तौ बाक्माक्त। एल्काना माहाथ आ तौ बाक्माक्त। माहाथ अमासे आ तौ बाक्माक्त। अमासे एल्काना आ तौ बाक्माक्त। ३६एल्काना योएल आ तौ बाक्माक्त। योएल अजारयाह आ तौ बाक्माक्त। अजारयाह सफन्याह आ तौ बाक्माक्त। ३७सफन्याह तहाथ आ तौ

बाकमाक्त। तथाथ अस्सीर आ तौ बाकमाक्त। अस्सीर एब्यासाफ आ तौ बाकमाक्त। एब्यासाफ कोराह आ तौ बाकमाक्त। कोराह इञ्हार आ तौ बाकमाक्त। ३८ इञ्हार कोहाथ आ तौ बाकमाक्त। कोहाथ लेवी आ तौ बाकमाक्त। लेवी इसराएल आ तौ बाकमाक्त। ३९ हेमान आ लोक्व आसाफ आ ग्युरा ग बाकशो बाकमाक्त। आसाफ बरक्याह आ तौ बाकमाक्त। बरक्याह शिमआ आ तौ बाकमाक्त। १इतिहास १५ :१७,१९, ४० शिमआ मिकाएल आ तौ बाकमाक्त। मिकाएल बासैयाह आ तौ बाकमाक्त। बासैयाह माल्कीयाह आ तौ बाकमाक्त। ४१ माल्कीयाह एथ्नी आ तौ बाकमाक्त। एथ्नी जेराह आ तौ बाकमाक्त। जेरह अदायाह आ तौ बाकमाक्त। ४२ अदायाह एथान आ तौ बाकमाक्त। एथान जिम्माह आ तौ बाकमाक्त। जिम्माह शिमेइ आ तौ बाकमाक्त। ४३ शिमेइ याहाथ आ तौ बाकमाक्त। याहात गेरशोम आ तौ बाकमाक्त। गेरशोम लेवी आ तौ बाकमाक्त।

४४ हेमान आ लोक्व मेरारी आ तौ आ परा गे बाकशो बाकमा बाक्त। अरु सु सु बाकमा बाक्त दंशा हना, एथान किशी आ तौ बाकमाक्त। किशी अब्दी आ तौ बाकमाक्त। अब्दी माल्लुक आ तौ बाकमाक्त। १इतिहास १५ :१९ ४५ माल्लुक हशाब्याह आ तौ बाकमाक्त। हशाब्याह अमास्याह आ तौ बाकमाक्त। अमास्याह हिल्कीयाह आ तौ बाकमाक्त। ४६ हिल्कीयाह अम्जी आ तौ बाकमाक्त। अम्जी बानी आ तौ बाकमाक्त। बानी शमेर आ तौ बाकमाक्त। ४७ शमेर माहली आ तौ बाकमाक्त। माहली मुशी आ तौ बाकमाक्त। मुशी मेरारी आ तौ बाकमाक्त। मेरारी लेवी आ तौ बाकमाक्त। ४८ मेको आन लोक्व लेवी आ मुर नेल्ल परमपरभु आ बाक्तीक ताम्बु डा मार मार पचा कली योत्रशो बाकमा बाक्त।

### हारून आ चच युइ

४९ मिनु हारून नु आ तौपुकीमी ला चढेतीकम चोशा चढेतीक नु धूप चोशा चढेतीकम चढेमे बाक्त। मेकोम नेल्ल क्येडा चोत्रखो कोटा डा गेय यो पामे बाक्त। इसराएली आन परबम पाप क्याम्तीक गेय पामे बाक्त। परमपरभु आ गेय पाइब मोसामी दोदंशो पा अरेवा मोदंशो पा पामे बाक्त। परस्थान २८ :१; लेवी १६ :- ५० हारून आ तौपुकी सु सु बाकमा बाक्त दंशा हना, एलाजर, एलाजर आ तौ फिनेहास, फिनेहास आ

तौ अबीशुआ, १इतिहास ५ :१०-३४ ५१ अबीशुआ आ तौ बुक्की, बुक्की आ तौ उज्जी, उज्जी आ तौ जेराहीयाह, ५२ जेरह आ तौ मेरायोथ, मेरायोथ आ तौ अमारयाह, अमारयाह आ तौ अहीतुब, ५३ अहीतुब आ तौ सादोक, सादोक आ तौ अहीमाज बाकमा बाक्त।

### लेवी आन सहरपुकी

यहोसु २१ :-

५४ हारून आ तौ कोहाथ आ सिं सिं डा मुर नेल्ल आन क्येडा डांडती योत्रशा गेशो बाक्तीक तेको बाकमा बाक्त दंशा हना, ५५ मेको आन कली यहूदा आ थेरशो रूर हेबरोन सहर नु आ एर आंथ डा बस्तु भाव योत्रतीके गेम बाक्त। ५६ तन्न मेको सहर डा रू नु आ एर आंथ डा गाउंपुकी यपुन्ने आ तौ कालेब कली गेम बाक्त। ५७ हारून आ तौ आन कली परोक्शा लशा बरोइशा बाक्तीक सहर हेबरोन, लिब्ना नु आ एर आंथ डा बस्तु भाव योत्रतीके, यत्तीर, एश्तेमोआ, नु आ एर आंथ डा बस्तु भाव योत्रतीके, ५८ हीलेन नु आ एर आंथ डा बस्तु भाव योत्रतीके, देबीर नु आ एर आंथ डा बस्तु भाव योत्रतीके, ५९ आशान नु आ एर आंथ डा बस्तु भाव योत्रतीके, बथ-शमश नु आ एर आंथ डा बस्तु भाव योत्रतीके नेल्ल गेम बाक्त। ६० मिनु बेन्यामीन आ थर डा मुर आन थेरशो रूर मार गेम बाक्त दंशा हना, गबा नु आ एर आंथ डा बस्तु भाव योत्रतीके, आलमथ नु आ एर आंथ डा बस्तु भाव योत्रतीके, अनाथोथ नु आ एर आंथ डा बस्तु भाव योत्रतीके गेम बाक्त। मिनु कोहाथ आ सिं सिं डा मुर आन कली योक्सीशो सहर नेल्ल १३ ओटा बाकमा बाक्त।

६१ मिनु कोहाथ आ लीशो मुर आन कली मनस्स आ आधा थर डा मुर आन र बाजी आप्शा १० ओटा सहर गेम बाक्त। ६२ गेरशोम आ सिं सिं डा मुर आन कली बाजी आप्शा इस्साकार आ थर, आशेर आ थर, नाप्ताली आ थर नु बाशान रागीम बाक्व मनस्स आ आधा थर डा मुर आन थेरशो रूर १३ ओटा सहर गेम बाक्त। ६३ मेरारी आ सिं सिं डा मुर आन कली बाजी आप्शा रुबेन आ थर, गाद आ थर नु जबूलून आ थर आन थेरशो रूर १२ ओटा सहर गेम बाक्त। ६४ मोपा इसराएलीपुकीमी लेवी आन कली सहर नु आन एर आंथ डा बस्तु भाव योत्रतीके गेम बाक्त। ६५ मेकोपुकीमी यो बाजी आप्शा, यहूदा आ थर,

सिमियोन आ थर नु बेन्यामीन आ थर आन थरशो रूरे मेको नें बरकशो सहरपुकी गेम बाक्त ।

६६ कोहाथ आ तौ आन खिं डा का निकशी मुर एफराइम आ थर डा मुर आन थरशो रूरे सहरपुकी तामे बाक्त । ६७ मेकोपुकीमी मेको आन कली पहाड रागी डा शेकम सहर नु आ एर ओंथ डा बस्तु भाव योवतीके एफराइम पहड नु गेजर सहर नु आ बस्तु भाव योवतीके, ६८ योकमाम सहर नु आ एर ओंथ डा बस्तु भाव योवतीके, बेथ-होरान सहर नु आ एर ओंथ डा बस्तु भाव योवतीके, ६९ आइयालोन सहर नु आ एर ओंथ डा बस्तु भाव योवतीके, गाथ-रिम्मान सहर नु आ एर ओंथ डा बस्तु भाव योवतीके तामे बाक्त । ७० मनस्से आ उडक्थ थर डा मुर आन थरशो रूरे आनर सहर नु आ एर ओंथ डा बस्तु भाव योवतीके, बिलाम सहर नु आ एर ओंथ डा बस्तु भाव योवतीके मेको नेल्ल कोहाथ आ लीशा मुरपुकीमी तामे बाक्त ।

७१ मनस्से आ उडक्थ थर डा मुर आन थरशो रूरे गरशोम आ मुर आन कली मार गेम बाक्त देशा हना, बाशानम बाक्ब गोलान सहर नु आ एर ओंथ डा बस्तु भाव योवतीके, अशतारोथ सहर नु आ एर ओंथ डा बस्तु भाव योवतीके गेम बाक्त । ७२ मिनू इस्साकार आ थर डा मुर आन थरशो रूरे कदेश सहर नु आ एर ओंथ डा बस्तु भाव योवतीके, दाबेराथ सहर नु आ एर ओंथ डा बस्तु भाव योवतीके, ७३ रामाथ सहर नु आ एर ओंथ डा बस्तु भाव योवतीके नु आनम सहर नु आ एर ओंथ डा बस्तु भाव योवतीके गेम बाक्त । ७४ आशर आ थर डा मुरपुकीमी आन थरशो रूरे माशाल सहर नु आ एर ओंथ डा बस्तु भाव योवतीके नु अब्दान सहर नु आ एर ओंथ डा बस्तु भाव योवतीके, ७५ हुकोक सहर नु आ एर ओंथ डा बस्तु भाव योवतीके, रेहाब सहर नु आ एर ओंथ डा बस्तु भाव योवतीके गेम बाक्त । ७६ नाप्ताली आ थर डा मुर आन थरशो रूरे गालील डा कदेश सहर नु आ एर ओंथ डा बस्तु भाव योवतीके, हम्मोन सहर नु आ एर ओंथ डा बस्तु भाव योवतीके नु किरयथ-थाइम सहर नु आ एर ओंथ डा बस्तु भाव योवतीके गेम बाक्त । ७७ जबूलन आ थर डा मुरपुकीमी आन थरशो रूरे मेरारी आ लीशा मुर आन कली रिम्मानो सहर नु आ एर ओंथ डा बस्तु भाव योवतीके, ताबोर सहर नु आ एर ओंथ डा बस्तु भाव योवतीके गेम बाक्त । ७८ रुबेन आ थर डा मुरपुकीमी आन थरशो रूरे यर्दन आ आइक्ची हांबु यरीको आ पूर्बे गे गोरशो रागीम

बाक्शो बेसर सहर नु एर ओंथ डा बस्तु भाव योवतीके, याहसाह सहर नु आ एर ओंथ डा बस्तु भाव योवतीके, ७९ कदेमोथ सहर नु आ एर ओंथ डा बस्तु भाव योवतीके नु मेफा-आथ सहर नु आ एर ओंथ डा बस्तु भाव योवतीके गेम बाक्त । ८० मिनू गाद आ थर डा मुरपुकीमी आन थरशो रूरे गिलाद डा रामोथ नु सहर नु आ एर ओंथ डा बस्तु भाव योवतीके, महा-नाइम सहर आ एर ओंथ डा बस्तु भाव योवतीके, ८१ हेश्बान सहर नु आ एर ओंथ डा बस्तु भाव योवतीके नु याजर सहर नु आ एर ओंथ डा बस्तु भाव योवतीके गेम बाक्त ।

इस्साकार आ तौ चच युड

१ इस्साकार आ तौ तोला, पुआ, याशुब नु ७ शिमरोन ४ जना बाक्मा बाक्त । उत्पत्ती ४६:१३; गन्ती २६:२३-२४ २ तोला आ तौ उज्जी, रेफायाह, येरीएल, याहमाइ, इब्सांम नु शमुएल बाक्मा बाक्त । मेको नेल्ले आन खिं खिं डा ठेयब मुर बाक्मा बाक्त । दाऊदम सासन पवा ना तोला आ खिं खिं डा मुर २२ हजार ६ सहे बोल्यो लडाइ पाइब बाक्मा बाक्त । ३ उज्जी आ तौ इजरायाह बाक्मा बाक्त । इजरायाह आ तौ मिकाएल, ओबदिया, योएल नु इस्शीयाह बाक्मा बाक्त । मेको ५ जना नेल्ल ठेयब मुर बाक्मा बाक्त । ४ मेको पराइशा यो अरु मुर आन पाला पाला डा खिं खिं डा मुर आन कली हिकशानु ३६ हजार लडाइ पाइब मुर बाक्मा बाक्त । मारदे हना मेको आन के शुश मीश नु तौ बाक्मा बाक्त । ५ मेको आन खिं खिं डा मुर नेल्ल इस्साकार आ थर डा मुर बाक्मा बाक्त । मेको नेल्ल ८७ हजार बोल्यो लडाइ पाइब बाक्मा बाक्त ।

बेन्यामीन आ तौ चच युड

६ बेन्यामीन आ तौ बेला, बेकर नु येदीएल सां बाक्मा बाक्त । १ इतिहास ८:१-२; उत्पत्ती ४६:२१ ७ बेला आ तौ एस्बोन, उज्जी, उज्जीएल, येरीमोथ नु इरी ५ जना आन खिं खिं डा ठेयब मुर बाक्मा बाक्त । आन नें बरकशो २२ हजार ३४ जना बोल्यो लडाइ पाइब बाक्मा बाक्त । ८ बेकर आ तौ जेमीरा, योआश, एलीएजर, एली-ओ-एनाइ, ओमरी, येरमोथ, अबीयाह, अनाथोथ नु आलमथ बाक्मा बाक्त । मेको नेल्ल बेकर आ तौ बाक्मा बाक्त । ९ मेको आन नें पाला पालामी बरकशो बाक्मा बाक्त ।

आन खिं खिं डा मुर आन ठेयब मुर बाकमा बाक्त । मिनु आन दाते डा २० हजार सहं निक्शी बोल्यो लडाइ पाइब बाकमा बाक्त । १० यदीएल आ तौ बिल्हान बाकमा बाक्त । बिल्हान आ तौ यऊश बन्ध्यामीन, एहूद, केनानाह, जेथान, टारशीश नु अहीशाहार बाकमा बाक्त । ११ मको नेल्ल यदीएल आ तौ नु मको आन खिं खिं डा ठेयब मुर बाकमा बाक्त । मको १७ हजार सहं निक्शी बोल्यो लडाइ पाइब बाकमा बाक्त । मको लडाइ पचा कली ठीक दुम्शो बाकमा बाक्त । १२ इर आ तौ शुप्पीम नु हुप्पीम बाकसा बाक्त । आहिर आ तौ हुशीम बाकमा बाक्त ।

नाप्ताली आ तौ चच युइ

१३ नाप्ताली आ तौ याहसीएल, गुनी, येसर नु शाल्तुम बाकमा बाक्त । मको बिल्हाह आ चच युइ बाकमा बाक्त । उत्पती ४६ : २४

मनस्स आ तौ चच युइ

१४ मनस्स आ तौ असरीएल बाकमा बाक्त । मको आ नोले चाक्शो अरामी मीश र थिशो तौ बाकमा बाक्त । मकोमी गिलाद आ आफ मार्कीर कली यो थिवा बाक्त । १५ मिनु मार्कीरमी हुप्पीम नु शुप्पीम आस कली मीश आल का का माल्शा, ग्युंब पदा बाक्त । मार्कीर आ समी आ नें माकाह बाकमा बाक्त । मको आ माइला तौ आ नें सलेफहाद बाकमा बाक्त । सलोफहाद के तमी ला बाकमा बाक्त । गन्ती २७ : १ १६ मार्कीर आ मीश माकाहमी तौ निक्शी थिवा बाक्त । मको आस नें पेरश नु शेरश वोदा बाक्त । पेरशम तौ निक्शी थिम्सी बाक्त । आस नें ऊलाम नु रकम वोदा बाक्त । १७ ऊलाम आ तौ बेदान बाकमा बाक्त । मको नेल्ले गिलाद आ तौ चच युइ बाकमा बाक्त । गिलाद मार्कीर आ तौ नु मनस्स आ चच बाकमा बाक्त । १८ गिलाद आ समी हाम्मोलेकथमी तौ सां थीमी बाक्त । मको इश्हाद, अबीएजेर नु महलाह बाकमा बाक्त । १९ शमीदा आ तौ अहीयान, शेकम, लिखी नु अन्याम बाकमा बाक्त ।

एफराइम आ तौ चच युइ

२० एफराइम आ तौ शुथलाह बाकमा बाक्त । शुथलाह आ तौ बेरद बाकमा बाक्त । बेरद आ तौ तहाथ बाकमा बाक्त । तहाथ आ तौ एलेआदाह बाकमा बाक्त । एलेआदाह आ तौ तहथ बाकमा बाक्त । गन्ती २६ : ३५ २१ तहथ आ तौ जाबाद

बाकमा बाक्त । जाबाद आ तौ शुथलाह बाकमा बाक्त । शुथलाह आ अरु तौ एजेर नु एलेआद बाकसा बाक्त । मको निक्शी गाथ डा मुर आन बस्तु भाव रोइक्थ लसानु, गाथ डा मुरपुकीमी मको आस कली सदम बाक्त । २२ मको आस आफ एफराइममी मको आस पर्वम शुश नाक्त सम्म रंका पवा बाक्त । आ लोकपुकी मको कली लेम्थ जाकमा बाक्त । २३ मको नोल एफराइम आ मीश नु बाकमा बाक्त । मिनु मकोमी कोव्रज कुरशा तौ का थिवा बाक्त । मको आ नें बेरीआ वोदा बाक्त । मारदे हना मेना मको खिम श्यत दुम्शो बाकमा बाक्त । २४ एफराइम के शराह माइशो तमी का यो बाकमा बाक्त । मकोमी आइदी नु आइक्था बेथ-होरोन सहर नु उज्जेन-शराह सहर सेल्शो बाकमा बाक्त ।

२५ एफराइम के रेफाह माइशो तौ यो बाकमा बाक्त । रेफाह आ तौ रेशफ बाकमा बाक्त । रेशफ आ तौ तेलाह बाकमा बाक्त । तेलाह आ तौ तहन बाकमा बाक्त । २६ तहन आ तौ लादान बाकमा बाक्त । लादान आ तौ अम्मीहुद बाकमा बाक्त । अम्मीहुद आ तौ एली-शामा बाकमा बाक्त । गन्ती १ : १० २७ एली-शामा आ तौ नून बाकमा बाक्त । नून आ तौ यहोसु बाकमा बाक्त । गन्ती १३ : ८, १६ २८ मको मुर आन थेरशो रू नु आन बाक्तीके बथल सहर नु मको आ एर ओथ डा सहर, पूर्व गे नारान सहर नु आ एर ओथ डा सहर, पच्छिम गे गेजेर सहर नु आ एर ओथ डा सहर नेल्ले, शकम सहर नु आ एर ओथ डा सहर, अग्याह नु आ एर ओथ डा सहर बाकमा बाक्त । यहोसु १६ : १ ; यहोसु १६ : १० २९ मनस्स आ मुर आन सांद बेथ-शेआन नु आ एर ओथ डा सहर, तानाक नु आ एर ओथ डा सहर, मंगीदो नु आ एर ओथ डा सहर नु डोर नु आ एर ओथ डा सहर बाकमा बाक्त । मको सहर नेल्लेम इस्राएल आ तौ योसेफ आ चच युइ बाकशो बाकमा बाक्त । यहोसु १७ : ११

आशेर आ तौ चच युइ

३० आशेर आ तौ इम्नाह, इश्वाह, इश्वी नु बेरीआ बाकमा बाक्त । मको आन समी सराह बाकमा बाक्त । ३१ बेरीआ आ तौ हेबेर नु माल्कीएल बाकसा बाक्त । माल्कीएल बिरजाइथ आ आफ बाकमा बाक्त । उत्पती ४६ : १७ ३२ हेबेर याफलेत, शोमर, होथाम नु मको आन समी शुआ आन आफ बाकमा बाक्त । ३३ याफलेत आ तौ पासाक, बिम्हाल नु अश्वाथ बाकमा बाक्त । मकोपुकी याफलेत आ तौ बाकमा बाक्त । ३४ शोमर आ तौ

आही, रोहगाह, हूल्बाह नु अराम बाक्मा बाक्त । २५ आन लोकब हेलम आ तौ सोफाह, इम्ना, शलेश नु आमाल बाक्मा बाक्त । २६ सोफाह आ तौ सुआह, हारनेफेर, शुआल, बरी, इमराह, २७ बेसर, होद, शाम्मा, शिल्थाह, इथरान नु बयरा बाक्मा बाक्त । २८ यथर आ तौ यपुन्न, पिस्पा नु आराह बाक्मा बाक्त । २९ उल्ला आ तौ आराह, हन्नीएल नु रिमीया बाक्मा बाक्त । ३० मेको नेल्ल आशर आ सिं ड़ा मुर नु मेको आन सिं सिं ड़ा ठेयब मुर, बोल्यो लडाइ पाइब नु योत्रशो जोक्ब तुइक्ब लो कौइब हिक्चा पुंडसीशो मुर बाक्मा बाक्त । मेको आन सिं सिं पा हिक्शा, नें बरक्तीकेमी नें बरक्शो लडाइ पाइब २६ हजार मुर बाक्मा बाक्त ।

बेन्यामीन आ तौ चच युइ

१ बेन्यामीन आ ड़ांडती थिशो तौ बेला, ८ माइला अशबेल, साइला अहाराह, उत्पती ४६:२१ रकाइला नोहा नु कान्छा रेफा आन आफ बाक्माक्त । ३ बेला आ तौ अददार, गेरा, अबीहुद, ४ अबीशुआ, नामान, अहोयाह, ५ गेरा, शफुफान नु हराम बाक्मा बाक्त । ६ एहूद आ तौ आन सिं सिं ड़ा ठेयब मुर बाक्मा बाक्त । मेको गेबा सहरम बाक्शो बाक्मा बाक्त । ग्याइक्ब मुरपुकीमी मेको आन कली मानाहाथ सहरम बाक्चा गेमी बाक्त । एहूद आ तौ सु सु बाक्मा बाक्त दंशा हना, ७ नामान, अहोयाह नु गेरा बाक्मा बाक्त । हेम्लाम माइशशो गेरा उज्जा नु अहीहुद आस आफ बाक्माक्त । मेकोपुकी ग्याइशशा लाइक्चा पुंडसीमा बाक्त । ८ मिनु शाहारेममी आ मीश हुशीम नु बारा आस कली पुराना नोले मोआब रागीम तोपुकी थिवा बाक्त । ९ आ मीश होदशमी योबाब, सिबीया, मेशा, माल्काम, १० येऊस, सार्कीया नु मिरमाह थ्रीमी बाक्त । मेको शाहारेम आ तौ आन सिं सिं ड़ा ठेयब मुर बाक्मा बाक्त । ११ शाहारेम आ मीश हुशीममी यो अहीतुब नु एत्याल थिम्सी बाक्त । १२ एत्याल आ तौ एबर, मिशाम नु शमेद बाक्मा बाक्त । मेकोपुकीमी ओनो नु लोद सहर नु आस एर ओंथ ड़ा सहर सेल्मे बाक्त । १३ मिनु बेरीआ नु शेमा आइयालेन सहरम बाक्ब आन सिं सिं ड़ा मुर आन ठेयब मुर बाक्सा बाक्त । मेको निक्शीमी गाथ सहरम बाक्ब मुर आन कली परोक्पदसे बाक्त । १४ मिनु बेरीआ आ तौ अहीयो, शाशाक, येरमोथ, १५ जेबदीयाह, आराद, एदर, १६ मिनु बेरीआ तौ मिकाएल,

इशपाह नु योहा बाक्मा बाक्त । १७ एत्याल आ तौ जेबदीयाह, मेशुल्लाम, हिज्की, हेबेर, १८ इश्मेराइ, इज्लीयाह नु योबाब बाक्मा बाक्त । १९ शिमइ आ तौ याकीम, जिक्री, जब्दी, २० एली-एनाइ, सिल्लेथाइ, एलीएल, २१ अदायाह, बेरायाह नु शिमराथ बाक्मा बाक्त । २२ शाशाक आ तौ इश्पान, एबर, एलीएल, २३ अब्दोन, जिक्री, हानान, २४ हनान्याह, एलाम, अन्थोथीयाह, २५ इफ्देयाह नु पनुएल, बाक्मा बाक्त । २६ यरोहाम आ तौ शाम्शराइ, शेहारयाह, अथाल्याह, २७ यारश्याह, एलीया नु जिक्री बाक्मा बाक्त । २८ मेको आन पाला ड़ा सिं सिं ड़ा मुर आन ठेयब मुर बाक्मा बाक्त । मिनु यरूसलेम सहरम बाक्शो बाक्मा बाक्त ।

सावल आ सिं ड़ा मुर

२९ गिबोन आ आफ यिएल गिबोन सहरम बाक्माक्त । मेको आ मीश आ नें माकाह बाक्माक्त । १ इतिहास ९:३५-४४ ३० मेको आ ड़ांडती थिशो तौ अब्दोन बाक्माक्त । मेको आ नोले ड़ा तौ सुर, कीश, बाल, नादाब, ३१ गेदोर, अहीयो, जेकेर नु मीक्लोथ बाक्मा बाक्त । ३२ मीक्लोथ शिमआह आ आफ बाक्माक्त । मेको नेल्ल यरूसलेम सहरम आन सिं सिं ड़ा मुर आन नेक्था बाक्शो बाक्मा बाक्त ।

३३ नेर कीश आ आफ बाक्माक्त । कीश सावल आ आफ बाक्माक्त । सावल योनाथन, माल्कीशुआ, अबीनादाब नु एश-बाल आन आफ बाक्माक्त । १ सामुएल १४:५१; २ सामुएल २:८ ३४ योनाथन आ तौ मेरीब-बाल बाक्माक्त । मेरीब-बाल मीकाह आ आफ बाक्माक्त । ३५ मीकाह आ तौ पिथोन, मेलक, ताहेरआ नु आहाज बाक्मा बाक्त । ३६ आहाज येहो-अदाह आ आफ बाक्माक्त । येहो-अदाह आलेमथ, अज्मावेथ नु जिम्री आन आफ बाक्माक्त । जिम्री मोचा आ आफ बाक्माक्त । ३७ मोचा बिनेआ आ आफ बाक्माक्त । बिनेआ आ तौ रेफा बाक्माक्त । रेफा आ तौ एलेआसाह बाक्माक्त । एलेआसाह आ तौ आसेल बाक्माक्त । ३८ आसेल के ६ जना तौ बाक्मा बाक्त । मेको आन नें अजर्रीकाम, बोकेरु, इश्माएल, शआरयाह, ओबदिया नु हानान बाक्मा बाक्त । मेको नेल्ल आसेल आ तौ बाक्मा बाक्त । ३९ मेको आ लोकब एशक आ ड़ांडती थिशो तौ ऊलाम, माइला येऊस नु कान्छा एली-फलेत बाक्मा बाक्त । ४० ऊलाम आ तौ रिम्शो पा लिबरा आष्व नु

बोल्यो लडाइ पाइब बाक्मा बाक्त। मेको आन के शुश आल नु चच बाक्मा बाक्त। मेको नेल्ल सहं का ५० जना बाक्मा बाक्त। मेको नेल्ल बेन्यामीन आ थर डा मुर बाक्मा बाक्त।

बाबेल र लेशशा, यरूसलेममी बाक्ब मुर

१ मोपा इसराएली नेल्ल आन सिं सिं डा मुर आन नें बरकशा बाक्मा बाक्त। मेको आन नें इसराएल डा पिप आन किताबमी बरकशा बाक्मा बाक्त। मिनु यहूदा डा मुर आन परमपरभु आ देशो मटितोके बेबीलोनम ग्याइशशा लाइक्चा पुंडसीमा बाक्त। २ राजा २४:१५-१६ २ मिनु नेल्ल क्येडा डांइती लेशा आंम थरशा रूनु आंम आन सहरपुकीम बाक्ब सु सु बाक्मा बाक्त देशा हना, इसराएल डा मुर, चदेब, लेवी नु परमपरभु यावे आ सिंम गेय पाइबपुकी बाक्मा बाक्त। यहासु १:२३,२७; एजरा ८:२०

३ मिनु यहूदा आ थर डा, बेन्यामीन आ थर डा, एफराइम आ थर डा नु मनस्स आ थर डा मुर का निकशी यरूसलेम सहरम बाक्मा बाक्त। नहम्याह ११:३-१९ ४ मेको सु सु बाक्मा बाक्त देशा हना, उथाइ आ आफ अम्मीहुद, अम्मीहुद आ आफ ओमरी ओमरी आ आफ इमरी, इमरी आ आफ बानी बानी आ आफ परंस नु परंस आ आफ यहूदा बाक्मा बाक्त। ५ मिनु शिलो डा मुर रं डांइती थिशो तौ आसायाह नु आ तौपुकी बाक्मा बाक्त। ६ जेराह आ डांइती डा तौ यहूएल नु आ सिं सिं डा मुर बाक्मा बाक्त। मेको नेल्ल पा ६ सहं १० जना बाक्मा बाक्त। ७ बेन्यामीन आ थर डा मुर रं सल्लु आ आफ मेशुल्लाम, मेशुल्लाम आ आफ होदावीयाह, होदावीयाह आ आफ हास्सनुआ, हास्सनुआ आ आफ इब्नेआ, इब्नेआ आ आफ यरोहाम यरोहाम आ आफ एलाह, आ आफ उज्जी, उज्जी आ आफ मिकरी, मिकरी आ आफ मेशुल्लाम, मेशुल्लाम आ आफ शेफत्याह, शेफत्याह आ आफ रूएल, रूएल आ आफ इब्नीयाह बाक्मा बाक्त। १ मिनु आन पाला डा सिं सिं डा ९ सहं ५६ जना मुर बाक्मा बाक्त। मेको नेल्ले आन सिं सिं डा ठेयब मुर बाक्मा बाक्त।

१० चदेब आन दाते डा सु सु बाक्मा बाक्त देशा हना, येदायाह, येहो-यारीब, याकीन, ११ अजारयाह आ आफ हिल्कीयाह, हिल्कीयाह आ आफ मेशुल्लाम, मेशुल्लाम आ आफ सादोक, सादोक आ आफ मेरायोथ, मेरायोथ आ आफ अहीतुब बाक्मा बाक्त। अहीतुब परमपरभु

आ सिं डा नेल्ल क्येडा ठेयब मुर बाक्मा बाक्त। १ इतिहास ५:३८-३९ १२ मिनु अदायाह आ आफ यरोहाम, यरोहाम आ आफ पाशहुर, पशहुर आ आफ माल्कीयाह, माल्कीयाह आ आफ मासाइ, मासाइ आ आफ अदीएल, अदीएल आ आफ याहजेराह, याहजेराह आ आफ मेशुल्लाम, मेशुल्लाम आ आफ मशील्लेमीथ, मशील्लेमीथ आ आफ इम्मर बाक्मा बाक्त। १३ मेको आन सिं सिं डा ठेयब मुर बाक्मा बाक्त। मिनु नेल्ले परमपरभु आ सिंम गेय पचा जोक्ब तुइक्ब हजार का ७ सहं ६० जना बाक्मा बाक्त।

१४ मिनु लेवी आ थर डा मुर सु सु बाक्मा बाक्त देशा हना, शेमायाह आ आफ हाशशुब, हाशशुब आ आफ अजरीकाम, अजरीकाम आ आफ हशाब्याह, हशाब्याह आ आफ मेरारी बाक्मा बाक्त। १५ मिनु बाकबाकार, हेरेश, गालाल नु मत्तन्याह आन आफ मीका, मीका आ आफ जिकरी, आ आफ जिकरी आ आफ आसाफ बाक्मा बाक्त। १६ मिनु ओबदिया आ आफ शेमायाह, शेमायाह आ आफ गालाल, गालाल आ आफ येदुथून, येदुथून आ आफ बरक्याह, बरक्याह आ आफ आसा नु आसा आ आफ एल्काना बाक्मा बाक्त। मेकोपुकी नेतोफाह डा मुर आन गाउंमी बाक्शा बाक्मा बाक्त। १ इतिहास २:५४

१७ लाप्चो खाल पाइबपुकी शाल्लुम, अक्कुब, ताल्मोन नु अहीमान बाक्मा बाक्त। मिनु आन लोक्ब शाल्लुम आन ठेयब मुर बाक्मा बाक्त। १८ मेको डांइती पूर्ब गे पिप आ लाप्चो खाल पाइब बाक्मा बाक्त। मिनु अरु लेवीपुकी लेवी आन बाक्तीक डा लाप्चो खाल पाइब बाक्मा बाक्त। १९ शाल्लुम आ आफ कोर, कोर आ आफ एब्यासाफ, एब्यासाफ आ आफ कोराह बाक्मा बाक्त। कोराह आ सिं सिं डा मुर गेय आन ठेयब मुर बाक्तेक्म। मिनु परमपरभु यावे आ ताम्बु आ ओत्रतीक खाल पाइब आन किकी पिपी सोदंशो पाइब बाक्मा बाक्त। २ इतिहास ३४:९ २० मेको क्येडा डांइती एलाजर आ तौ फिनेहास मेको आन कली कोत्रब ठेयब मुर बाक्मा बाक्त। मिनु परमपरभु यावे मेको नु बाक्मा बाक्त। गन्ती २५:७-१३ २१ जकरिया मेशल्लम्याह आ तौ गरुस्तीक ताम्बु डा ओत्रतीक खाल पाइब बाक्मा बाक्त। २२ मेको नेल्ले लाप्चो खाल पाइब योत्रशो सहं निकशी १२ जना मुर बाक्मा बाक्त। मेको आन नें आन गाउं गाउंमी बरक्तीकम बरक्शा बाक्मा बाक्त। दाऊद नु परमपरभु यावे आ लोत्र पाइब सामुएलम थमा सुइक्चा पुंडसीशो मुर

आन कली मेको गेय गम्से बाक्त। १सामुएल १:२८-११ २३मेको नु आन तौ चच परमपरभु यावे आ बाक्तीक डा ओव्रतीक खाल पाइब बाक्मा बाक्त। मेको बाक्तीक ताम्बु बाक्माक्त। २४मेकोपुकी परमपरभु यावे आ बाक्तीक खाल पाइब पूर्ब, पच्छिम, उत्तर नु दक्खिन एर ओथ गे बाक्मा बाक्त। २५मेको आन सिं सिं डा मुर आन गाउंम बाक्मा बाक्त। मेकोपुकी ७, ७ नाक्त पा मेको नु बाक्थ जाक्चा माल्मा बाक्त। २६मिनु मेको लाप्चो खाल पाइब आन कली कोव्रब ठेयब मुर लेवी आ मुर ४ जना बाक्मा बाक्त। मेकोपुकी परमपरभु आ सिं डा कोठा नु शांप वोइक्तीक कोठा खाल पाइब बाक्मा बाक्त। २७मेकोपुकी नाक्दो परमपरभु आ बाक्तीक आ नेक्था बाक्बाक्मा बाक्त। मारदे हना मेको आन गेय नाक्दो कोव्रतीक बाक्माक्त। मिनु सुनी कुस कुस परमपरभु आ बाक्तीक रोक्चा माल्बाक्मा बाक्त।

२८मेको आन दाते डा का निकशीमी परमपरभु आ बाक्तीक डा गेय पतीक मार मार खाल पाइब बाक्मा बाक्त। मेकोपुकीमी मार मार आगा लदमेनु नु गरुंइदमेनु, हिक्खा वोइक्चा माल्बाक्मा बाक्त। २९मेको आन दाते डा अरुमी परमपरभु यावे आ ग्यांब नेल्ल, फस, अङ्गुर शांबु, तेल, धूप नु मस्ता खाल पाइब बाक्मा बाक्त। ३०चदेब आन तौ डा का निकशीम मस्ता ब्वाइक्तीक गेय पाइबाक्मा बाक्त। प्रस्थान ३०:२३-२५ ३१मिनु लेवी आ थर डा कोराह आ सिं डा मुर शाल्तुम आ डांइती थिशा तौ मत्तीथ्याहमी शाब्ब सेल्लतीक गेय पाइब बाक्माक्त। ३२मेको आन सिं सिं डा मुर कोहाथ आ मुर का निकशीमी नाइक्तीक नाक्ती कांइतीक शाब्बे ठीक पा वोइक्तीक गेय पाइबाक्मा बाक्त। लेवी २४:५-८

३३मिनु कुम्सो पाइब नु लेवी आन सिं सिं डा ठेयब मुर परमपरभु यावे आ सिं डा कोठापुकीम बाक्बाक्मा बाक्त। मिनु अरु गेय पचा ममाल्बाक्मा बाक्त। मारदे हना मेको आन गेय नाक्दो नु नाक्ती बाक्माक्त। ३४मेको नेल्ल आन पालामी लेवी आ थर डा सिं सिं डा ठेयब मुर बाक्मा बाक्त। मिनु यरूसलेम सहरम बाक्बाक्मा बाक्त।

सावल आ किक नु चच युइ

१इतिहास ८:२८-३८

३५गिबोन आ आफ यिएल गिबोन सहरम बाक्शा बाक्माक्त। मेको आ मीश आ नं माकाह बाक्माक्त। ३६मेको आ डांइती थिशा तौ अब्दोन बाक्माक्त। मिनु नोल डा तौ सुर, कीश, बाल, नर, नादाब, ३७गदार, अहीया, जकरिया नु मीक्लोथ बाक्मा बाक्त। ३८मीक्लोथ थिम-आम आ आफ बाक्माक्त। मेकोपुकी यो यरूसलेमम आन सिं सिं डा मुर आन नेक्था बाक्बाक्मा बाक्त। ३९नर कीश आ आफ बाक्माक्त। कीश सावल आ आफ बाक्माक्त। सावल योनाथन, माल्कीशुआ, अबीनादाब नु एश-बाल आन आफ बाक्माक्त। ४०योनाथन आ तौ मेरीब-बाल बाक्माक्त। मिनु मेरीब-बाल मीकाह आ आफ बाक्माक्त। ४१मीकाह आ तौ पिथोन, मलेक, ताहरआ नु आहाज बाक्मा बाक्त। ४२आहाज याराह आ आफ बाक्माक्त। मिनु याराह आलेमेथ अज्मावेथ नु जिमरी आन आफ बाक्माक्त। जिमरी मोचा आ आफ बाक्माक्त। ४३मिनु मोचा बिनआ आ आफ बाक्माक्त। बिनआ आ तौ रेफायाह बाक्माक्त। रेफायाह आ तौ एलेआसाह बाक्माक्त। एलेआसाह आ तौ आसल बाक्माक्त। ४४आसल के ६ जना तौ बाक्मा बाक्त। मिनु मेको आन नं अजरीकाम, बोकेरु, इश्माएल, शआरयाह, आबदिया नु हानान बाक्मा बाक्त। मेको नेल्ल आसल आ तौ बाक्मा बाक्त।

सावल नु आ तौपुकी बेक्शा

१सामुएल ३१:-

१० १पलिस्तीपुकीम इस्राएल नु लडाइ पामे बाक्त। मिनु इस्राएल डा मुर पलिस्ती आन डांइती रे प्रोक्मा बाक्त। मिनु गिल्बोआ डांडाम साइक्चा पुंइसामा बाक्त। २मिनु पलिस्तीपुकीम सावल नु आ तौ आन कली खेदा पामे बाक्त। मिनु सावल आ तौ सांफा योनाथन, अबीनादाब नु माल्कीशुआ सदमे बाक्त। ३मेको लडाइम सावल कली थम श्येत दुम्माक्त। मारदे हना का निकशी बरा आप्बपुकीम मेको कली आप्मे बाक्त। मिनु सावल मेको रे गार दुम्माक्त।

४मोपतीके सावलमी आ या कुरब कली “इ तरवार शाइश्शा साइय्यी। खरोइक्तीक चिनु मखरोइश्शापुकीम आं कली ग्याइश्शा मरिग्शा

मपाइय्यीमील” दे मदा बाक्त। तन्न आ या कुरब हिंशा, मबिस्से बाक्त। मिनु सावल आ या शोइश्शा, तूसे बाक्त। ५ मिनु मेको या कुरबम सावल कली बक्शो तशा, आं यो आ या शोइश्शा आम कली सांइसे बाक्त। ६ मापा सावल नु आ तो सांफा आ सिं डा मुर नेल्ल कालेम बक्मा बाक्त। ७ मिनु बंसीम बाक्शा इसराएली नेल्लेमी लडाइ पाइब प्रोक्शो नु सावल नु आ तो बक्शो तशा, मेको आन सहर प्रोइशा प्रोक्मा बाक्त। मिनु पलिस्ती मेकेर जाकदीश्शा, मेको सहर आन क सेल्म बाक्त।

८ मिनु आ दीसा पलिस्तीपुकी बक्शो मुर आन मार मार गुथ जाक्शा, सावल नु आ तो आन कली गिल्वोआ डांडाम बक्शो थित्म बाक्त। ९ मिनु मेकोपुकीम मेको आ फेक्तीक फरुइश्शा, आ पिया खरोइश्शा लाइश्शा, आन रागी डा देवता नु मुर नेल्ल आन कली मेको लोत्र नंपाइक्चा कली कुरब मुर आन कली सोइक्तमे बाक्त। १० मेकोपुकीम सावल आ या आन देवी देवता आन थानम वोदम बाक्त। आ पिया दागोन आ थानम क्युक्गम बाक्त।

११ मिनु याबेश-गिलाद सहर डा मुरपुकीमी पलिस्तीमी सावल कली मार मार पदमे, मेको नंशा, १२ बोल्यो लडाइ पाइब नेल्ले बक्शा, सावल नु आ तो आन रां बरथ लमा बाक्त। मिनु मेकोपुकीम मेको आन रां याबेश सहर चाक्गम बाक्त। मिनु याबेश डा मुरपुकीमी मेको आन कली यावेश डा ठेयब रवा आ पुम थिम्म बाक्त। मिनु ७ नाक्त सम्म माइजा बाक्मा बाक्त। २सामुएल २ :४-५

१३ मापा सावल आ परमपरभु यावे प्रोइतीक आ पर्वम बक्चा माल्दा बाक्त। मेकोमी परमपरभु यावे आ शंशो मटिथु, बक्शो मुर नु लोत्र पाइब आ लोत्र नेना बाक्त। १सामुएल १५ :२३; १सामुएल २८ :८ १४ मिनु परमपरभु यावे आ अर्ती ममाल्थु, मनेना बाक्त। मोपतीक परमपरभु यावेमी मेको कली सदा बाक्त। मिनु आ राज्य येस्से आ तो दाऊद कली गोवा बाक्त।

दाऊद इसराएली आन पिप दुम्शो

२सामुएल ५ :१-१०

११ मिनु मेको नोले इसराएल डा मुर नेल्ल गरुम्शा दाऊद आ बाक्तीक हेबरोन सहरम बुक्मा बाक्त। मिनु मेकोपुकीम “गोपुकी इन मुर नकी। उत्पत्ती २९ :१४ २ डांडती सावल पिप बाक्मनु, ग इसराएल डा लडाइ पाइब आन

ठेयब कप्तान बाक्तीनी। मिनु परमपरभु यावे, इन परमपरभुमी इन कली गे आं मुर, इसराएली आन गाठला नु आन पिप दुम्नवे’ देशो बाक्त” देमा बाक्त।

३ मिनु इसराएल डा खाल्पा नेल्ल पिप आ बाक्तीक हेबरोन सहरम जाक्मा बाक्त। मिनु दाऊदमी हेबरोन सहरमी परमपरभु यावे आ डांडती मेकोपुकी नु कबल पवा बाक्त। दाऊद कली तेल लुक्शा इसराएल डा पिप सेल्म बाक्त। दोपा परमपरभु यावेम सामुएल कली दादेशो देमे, मोदेशो पाम बाक्त। १सामुएल १६ :१,३,११,१२

दाऊदम यरूसलेम सहर गराशो

४ मिनु दाऊद नु इसराएल डा लडाइ पाइब नेल्ले यरूसलेम लमा बाक्त। मेको यबुस सहर बाक्माक्त। मेकेर यबुसी बाक्शो बाक्मा बाक्त। ५ मिनु यबुसम बाक्ब मुरपुकीमी दाऊद कली “गे एक गेनायो जाक्ने मचानेवे” देमा बाक्त। मो हना यो दाऊदम सियोन डा बोल्यो सहर गरामाक्त। मेको कली मुल सम्म दाऊद आ सहर देनीम।

६ दाऊदमी “सु यबुसी आन कली डांडती लडाइ तोइबा, मेको नेल्ल क्येडा ठेयब कप्तान दुम्ब” देशो बाक्माक्त। मिनु मेकेर डांडती सरुयाह आ तो योआब डांडसे बाक्त। मोपतीक मेको ठेयब कप्तान दुम्माक्त।

७ मिनु दाऊद मेको बोल्यो सहरम बाक्शो बाक्माक्त। मोपतीक मुस्मी मेको सहर कली दाऊद आ सहर देमा बाक्त। ८ मिनु दाऊदमी मेको सहर आ एर ओथ डा गारो तिकतीकर सहर नेल्ल आ एर ओथ गारो हिरशा सेला बाक्त। मिनु योआबम लीशो बरश्शा सिं लंशा सेला बाक्त। ९ मोपा दाऊद शुश बोल्यो दुम्ना दुम्न लमाक्त। मारदे हना मुर नेल्ल आन परमपरभु यावे मेको नु बाक्माक्त।

दाऊद आ बोल्यो लडाइ पाइब

२सामुएल २३ :८-३९

१० मिनु दाऊद आ राज्य बोल्यो सेल्ब नु आ लडाइ पाइब आन ठेयब कप्तान आन पर्वम बरक्शो लोत्र एको बाक्माक्त। मेकोपुकी नु इसराएली नेल्लेमी दाऊद कली आन पिप सेल्म बाक्त। परमपरभु यावेमी इसराएली आन पर्वम दादेशो लोत्र पवा, मोदेशो पाम बाक्त।

११ दाऊद आ बोल्यो लडाइ पाइब सु सु बाक्मा बाक्त देशा हना, हाकमानी आ तौ याशोबाम कप्तान सां आन ठेयब कप्तान बाक्माक्त। मेकोमी आ तूतीकेमी कालेमी सहे सां मुर आन कली सदा बाक्त।

१२ मेको आ नाले अहोही डा मुर दोदो आ तौ एलाजर बाक्माक्त। मेको बोल्यो मुर सां आन दाते डा का बाक्माक्त। १ इतिहास २७ : ४ १३ मेको दाऊद नु पलिस्ती नु लडाइ पचा कली पास-दमीम बाक्शो बाक्माक्त। मेकेर क्योत्रज रू का बाक्माक्त। मिनु मुर नेल्ल पलिस्ती आन डाइती रे परोक्मा बाक्त। १४ तन्न एलाजर नु दाऊद ला रू आ दातेमी राप्शा बाक्सा बाक्त। मिनु मेको निक्शीमी पलिस्ती आन कली ग्राशा क्योत्रज रू कली मारइ दुम्चा मगेम्से बाक्त। मोपा परमपरभु यावेमी ठेयब पा ग्रापाइश्शा परोक्पदा बाक्त।

१५ मेको ३० जना कप्तान आन दाते डा सां दाऊद आ बाक्तीके अदुल्लाम डा पुक्की आ नेक्था बाक्शो सरथ फुल्लतुम लमा बाक्त। मेना पलिस्ती आन लडाइ पाइब रेफाइम डा बेसीम ताम्बु कीशा बाक्शो बाक्मा बाक्त। १ सामुएल २२ : १ १६ दाऊद बोल्यो बाक्तीकेमी बाक्शो बाक्माक्त। मिनु पलिस्ती आन लडाइ पाइब बेथलेहम सहरम बाक्शो बाक्मा बाक्त। १७ मिनु दाऊदमी थाम्पा तूत् दाक्शा “सुइम आं कली बेथलेहम डा ठेयब लाप्चो आ डाइती बाक्शो इनार डा ब्वाक्कु तूचा गयीमी हना, दुम वा” देमाक्त। १८ मेना मेको मुर सां पलिस्ती आन दाते रे गरीशा लशा बेथलेहम डा ठेयब लाप्चो आ डाइती डा इनार डा ब्वाक्कु ताप्शा, दाऊद आ बाक्तीकेम चाक्गम बाक्त। तन्न दाऊदम मेको तून मबिस्से बाक्त। मिनु ब्वाक्कु परमपरभु यावे आ डाइती मोदा बाक्त। १९ मेकोमी “आं परमपरभुम आं कली आदेशो पचा मगेयील। गो एको मुर आन हुश तूनडा? मारदे हना एको आन गिम खतम दुम्चा डा पा लशा ब्वाक्कु चाक्तेक्म” देमाक्त। मोपतीके मेकोमी मेको ब्वाक्कु मत्तडा बाक्त। मेको बोल्यो लडाइ पाइब सां आन पशो गेय मेकोन बाक्माक्त।

२० योआब आ लोकब अबीशै मेको ३० जना आन कप्तान बाक्माक्त। मेकोमी आ तूतीकेमी कालेम सहे सां मुर आन कली लडाइ पा साइक्मी बाक्त। मिनु मोपा मेको सां आन दातेमी हिक्चा पुंडसे बाक्त। २१ मेको ३० जना आन दातेम ठेयब दुम्माक्त। मेको सां आन दातेमी मान तवा

बाक्त। मिनु आन कप्तान दुम्माक्त। तन्न मेको डाइती डा सां आन सोदेशो पा मान मतवा बाक्त।

२२ यहो-यादा आ तौ बेनायाह कब्सेल सहर डा शुश बोल्यो लडाइ पाइब का बाक्माक्त। मेकोमी मोआब डा अरीएल आ तौ निक्शी आस कली सदा बाक्त। फु गिम नाक्त दोडाङ्गाम बाक्ब गुप्स का सदा बाक्त। २३ मेकोमी ५ कुबीत लाइश्शो इज्जीप्त डा मुर का यो सदा बाक्त। मेको आ तूतीक वा परोक्तीक शी सोमो बाक्माक्त। मेको बेनायाहमी कोक्क का कुरशा, मेको तूतीक इज्जीप्त डा मुर आ गुइ रे रोइश्शा, आंम आ तूतीकेमी सदा बाक्त। कुबीत का ०.५ मिटर बाक्ब। १ सामुएल १७ : ७ २४ मेको यहो-यादा आ तौ बेनायाह आ पशो बाक्माक्त। मिनु मोपा बेनायाह मेको मुर सां आन दातेम हिक्से बाक्त। १ इतिहास २७ : ५ -६ २५ मिनु ३० जना आन क्येडा मेकोमी शुश मान तवा बाक्त। तन्न मेको सां आन दातेम महिक्से बाक्त। दाऊदमी मेको कली आ कली खाल पाइब आन ठेयब मुर सेला बाक्त।

२६ मिनु अरु मान तशो लडाइ पाइब सु सु बाक्मा बाक्त देशा हना, योआब आ लोकब आसाहेल, बेथलेहम डा दोदो आ तौ एल्हानान, २७ हारोद सहर डा शाम्माथ, पेलोन डा मुर हेलेस, १ इतिहास २७ : १० २८ तेकोहा सहर डा इक्कश आ तौ इरा, अनाथोथ डा अबीएजर, २९ हुशा डा मुर सिब्बके, अहोही आ मुर इलाइ, ३० नेतोफाह डा माहाराइ, नेतोफाह डा बानाह आ तौ हलेद, ३१ बेन्यामीन आ थर डा गिबा डा रिबाइ आ तौ इथाइ, पिराथोन डा बेनायाह, ३२ गाश डा खोल्सा आ नेक्था बाक्ब हूरै, अरबा आ मुर अबीएल, ३३ बाहारुम सहर डा अज्मावेथ, शा-आल्बान सहर डा एली-अहबा, ३४ गिजोन डा मुर हाशम, हरारी शाग आ तौ योनाथन, ३५ हरारी साकार आ तौ अहीयाम, ऊर आ तौ एलीफाल, ३६ मेकारा सहर डा मुर हेफेर, पेलोन डा मुर अहीयाह, ३७ कारमेल डा हेसरो, एज्बाइ आ तौ नाराइ, ३८ नाथान आ लोकब योएल, हागरी आ तौ मिभार, ३९ अम्मानी जेलेक, बेयरोथ सहर डा नहाराइ, मेको नहाराइ डा सेरुयाह आ तौ योआब आ या कुरब बाक्माक्त। ४० इथरी आ मुर इरा, इथरी आ मुर गारब, २ सामुएल ११ : ३ ४१ हिती उरीयाह, अहले आ तौ जाबाद, ४२ रूबेन आ थर डा शीजा आ तौ अदीना मेको रूबेन आ थर डा मुर आन ठेयब मुर का बाक्माक्त। मेको नु आ

मुर नु ३० जना बाक्सा बाक्त । १३ माकाह आ तौ हानान, मिथ्नी आ मुर योशाफात, १४ अशतारोथ सहर डा मुर उज्जीया, आरोएर आ मुर होथाम आ तौ शामा नु यिएल, १५ शिमरी आ तौ येदीएल नु आ लोकब तिजी आ मुर योहा, १६ महाब आ मुर एलीएल, एल्नाम आ तौ येरीबाइ नु योशावीयाह नु मोआबी इश्माह, १७ एलीएल, ओबद नु मेजोबी यासीएल बाक्सा बाक्त ।

### दाऊद आ लडाइ पाइबपुकी

१२ दाऊद सिकलाग सहरम बाक्सेनु, आ बाक्तीक जाक्ब बोल्यो लडाइ पाइब नु लडाइम वारच पाइब बाक्सा बाक्त । मेना दाऊद कीश आ तौ सावल आ डोंडती र परोक्शो बाक्सा बाक्त । १ सामुएल २७ : ६ २ मेकोपुकी लिबरा कुरब बाक्सा बाक्त । मिनु ग्युरा नु पेरा गुड निम्फामी बरा नु हुरद आन चाप्व बाक्सा बाक्त । मेकोपुकी बेन्यामीन आ थर डा सावल आ सिं सिं डा मुर बाक्सा बाक्त ।

३ मिनु सु सु बाक्सा बाक्त देशा हना, मेको आन दात डा ठेयब मुर अही-एजेर नु योआश निम्फा गिबा डा शेमाह आ तौ बाक्सा बाक्त । मिनु अरु अज्मावथ आ तौ येजीएल नु पलेत बाक्सा बाक्त । बेराकाह नु अनाथोथ डा येहू बाक्सा बाक्त । ४ गिबोन डा इश्मायाह मेको ३० जना आन दाते डा बोल्यो लडाइ पाइब नु मेको आन ठेयब मुर बाक्सा बाक्त । अरु येरमीया, याहासीएल, योहानान नु गंदराह सहर डा योजाबाद, ५ एलजाइ, येरीमाथ, बेअल्याह, शेमारयाह, हारुफ आ मुर शेफत्याह बाक्सा बाक्त । ६ कोराह आ सिं डा एल्काना, इस्शीयाह, अजारेल, योएजेर नु योशावाम बाक्सा बाक्त । ७ मिनु गंदोर डा येरोहाम आ तौ योएलाह नु जेबदीयाह बाक्सा बाक्त ।

८ मिनु गाद आ थर डा मुर यो गोरशो रागीम दाऊद आ बोल्यो बाक्तीकम जाक्शो बाक्सा बाक्त । मेको तेक्तीक नु तूतीक कुरशो जोक्ब तुडक्ब लडाइ पाइब बाक्सा बाक्त । मेको आन कुल गुप्स खोदेशो हिंचा डा बाक्सा बाक्त । राकोश खोदेशो पा दोरन चाप्व बाक्सा बाक्त । ९ मेको आन ठेयब मुर एजेर बाक्सा बाक्त । एजेर आ नोले डा ओबदिया बाक्सा बाक्त । ओबदिया आ नोले डा एलीआब बाक्सा बाक्त । १० एलीआब आ नोले डा मिश्मन्नाह बाक्सा बाक्त । मिश्मन्नाह आ नोले डा येरमीया बाक्सा बाक्त । ११ येरमीया आ नोले डा अतै बाक्सा बाक्त । अतै आ नोले

डा एलीएल बाक्सा बाक्त । १२ एलीएल आ नोले डा योहानान बाक्सा बाक्त । योहानान आ नोले डा एल्जाबाद बाक्सा बाक्त । १३ एल्जाबाद आ नोले डा येरमीया बाक्सा बाक्त । येरमीया आ नोले डा माकबन्नाइ बाक्सा बाक्त । १४ मेको मुरपुकी गाद आ थर डा लडाइ पाइब आन कप्तान बाक्सा बाक्त । मेको आन दाते डा नेल्ल क्यडा आइक्व सह का नु लडाइ पन चाप्व नु नेल्ल क्यडा ठेयब हजार का नु लडाइ पन चाप्व बाक्सा बाक्त । १५ मेको नेल्ल डोंडती डा महिनाम यर्दन खोला शोक्सामा बाक्त । मेना खोला बारशा लशो बाक्सा बाक्त । मिनु यर्दन खोला शोक्शा, मेको आ पूर्व नु पच्छिम डा बेसीम बाक्ब मुर नेल्ल आन कली खेदा पा खेरशो बाक्सा बाक्त ।

१६ मिनु बेन्यामीन आ थर नु यहूदा आ थर डा का निक्शी मुर गोरशो रागीम दाऊद आ बोल्यो बाक्तीकम जाक्सा बाक्त । १७ मिनु दाऊद मेको आन कली गरुमथ लशा, मेको आन कली “गे गो नु वारच्यु दुश्शा, आं कली वारच पाइक्थ जाक्शा ननी हना, गो इन कली दाक्नुड । तन्न गेपुकीम आं कली क्यारी पथ नु आं जारी सतरु आन कली शंथ जाक्तीनी हना, इं किकी पिपी आन परमपरमुम एको तशा, इन कली निसाफ पवल” देमाक्त । १८ मेना परमपरमु आ सोक्तीम मेको ३० जना आन दाते डा कप्तान अमासे कली सुमा बाक्त ।

मिनु मेकोम “दाऊद, गो इन मुर नकी । येस्से आ तौ दाऊद गो गे नु बाक्नीकी । इन थुं नाइक्सकल । मिनु इन कली वारच पाइब आ थुं नाइक्सकल । इन परमपरमु इन कली वारच पाइब बाक्ब” देमाक्त ।

मिनु दाऊद म मेको आन कली ब्रावा बाक्त । मिनु मेको आन कली आ हुल डा कप्तान सल्मी बाक्त ।

१९ मिनु दाऊद पलिस्ती नु गारशा, सावल नु लडाइ पथ लमाक्त । मेना मनस्से आ थर डा मुर का निक्शी सावल कली प्राइशा, दाऊद आ बाक्तीक जाक्सा बाक्त । तन्न पलिस्ती नु गारशा लडाइ चहिं मपामे बाक्त । मारदे हना पलिस्ती आन सासन पाइबपुकीमी आंम आंमा सल्ला पा दाऊद कली आ नु लडाइ मपपदमे बाक्त । मेकोपुकीम “मेकोमी आ होत्रप सावल कली वारच पा, गो इं कली प्राइब । मिनु मो दुम्मेनु, गो लडाइ बरुइनय । गो बेकनय” देमुमा बाक्त । १ सामुएल २९ : ३-४ २० मिनु दाऊद सिकलाग सहरम लामेनु, मेको आ बाक्तीक जाक्ब मनस्से आ थर डा मुर आदनाह,

योजाबाद, येदीएल, मिकाएल, योजाबाद, एलीहु नु सिल्लेथाइ बाक्मा बाक्त। मेकोपुकी मनस्स आ सिं डा हजार का का डा लडाइ पाइब आन कप्तान बाक्मा बाक्त। २१ मिनु मेकोपुकीमी दाऊद कली मार मार रोइक्व आन पर्वम लडाइ पचा कली वारच पाइइशा बाक्मा बाक्त। मारदे हना, मेको नेल्ल लडाइ पाइब नु कप्तान बाक्मा बाक्त। २२ थमा पा नाक्त किंत किंत दाऊद आ बाक्तीक अर्का लडाइ पाइब वारच पथ जाक्मा बाक्त। नोले परमपरभु आ फौज खोदंशो शुश दुम्मा बाक्त।

### दाऊद कली वारच पाइब मुर

२३ दाऊद हेबरोन सहरम बाक्मनु, या कुरशा, वारच पाइब लडाइ पाइब शुश जाक्मा बाक्त। परमपरभु यावेम देशो खोदंशो पा सावल आ राज्य रोइइशा दाऊद कली गेचा, दे मो पामे बाक्त। २४ मेको सु सु बाक्मा बाक्त देशा हना, यहूदा आ थर डा ६ हजार ८ सहं तेक्तीक नु तूतीक कुरशा लडाइ पाइब बाक्मा बाक्त। २५ सिमियान आ थर डा ७ हजार सहं का बोल्यो लडाइ पाइब बाक्मा बाक्त। २६ लेवी आ थर डा ४ हजार ६ सहं मुर बाक्मा बाक्त। २७ मेको हारून आ सिं डा ठेयब मुर येहो-यादा नु हजार सां ७ सहं मुर बाक्मा बाक्त। २८ मिनु ठिटा लडाइ पाइब सादोक नु मेको आ सिं सिं डा मुर २२ जना कप्तान बाक्मा बाक्त। १ इतिहास ५ :३६ ; २ सामुएल १५ :२४ २९ सावल आ सिं डा मुर बन्यामीन आ थर डा हजार सां मुर बाक्त। तन्न सावल आ सिं डा शुश मुर सावल कली मप्रोइथु बाक्मा बाक्त। ३० एफराइम आ थर डा २० हजार ८ सहं बोल्यो लडाइ पाइब नु आन सिं डा ठेयब मुर बाक्मा बाक्त। ३१ मनस्स आ उइक्थ थर डा १८ हजार मुर बाक्मा बाक्त। मेको दाऊद कली पिप सेल्ला कली योत्रशो मुर बाक्मा बाक्त। ३२ इस्साकार आ थर डा इस्राएल डा मुर तेको लां गाकपाइक्का माल्बा, मार मार पचा माल्नीम मारेइ मारेइ तुइक्व सहं निकशो कप्तान बाक्मा बाक्त। मेको आन सिं सिं डा लडाइ पाइब मुर आन कप्तान बाक्मा बाक्त। ३३ जबूलून आ थर डा ५० हजार लडाइ पस जोक्व मारेइ मारेइ या कुरब बाक्मा बाक्त। मेको आन थु नेल्लेमी दाऊद कली वारच पाइब बाक्मा बाक्त। ३४ नाप्ताली आ थर डा हजार का कप्तान नु ३७ हजार तेक्तीक नु तूतीक कुरब लडाइ पाइब मुर बाक्मा बाक्त। ३५ दान आ थर

डा २८ हजार ६ सहं या कुरब लडाइ पाइब बाक्मा बाक्त। ३६ आशर आ थर डा ४० हजार लडाइ पचा कली ठीक दुम्शो लडाइ पाइब बाक्मा बाक्त। ३७ यर्दन खोला आइक्वी हांबु, पूर्व डा रुबेन आ थर, गाद आ थर नु मनस्स आ उइक्थ थर डा लाख का २० हजार मारेइ मारेइ या कुरब लडाइ पाइब बाक्मा बाक्त।

३८ मेको लडाइ पाइब नेल्ले दाऊद कली इस्राएल डा पिप सेल्ला कली दाऊद आ बाक्तीक हेबरोन सहरमी ठेयब फौज जाक्मा बाक्त। मिनु अरु इस्राएली नेल्लेमी यो दाऊद कली पिप सेल्ला, दे मिम्शो बाक्मा बाक्त। ३९ मिनु मेको नेल्ले मेकर जना जन, तूना तून नाक्त सां सम्म दाऊद नु बाक्मा बाक्त। मारदे हना मेको आन मुरपुकीम मेको आन कली जचा तूचा थोत्रक ठीक पशो बाक्मा बाक्त। ४० मिनु आन नेक्था डा मुर, इस्साकार आ थर, जबूलून आ थर नु नाप्ताली आ थर डा मुर डोन र गधा, दलआंठ, सच्चर नु ब्यफपुकीम जचा थोत्रक चाक्शो बाक्मा बाक्त। मेकोपुकीम शुश फस, सोत्रपाइइशा फोत्रशी गेडा, सोत्रपाइइशा अडगुर, अडगुर शांबु, तेल, बी ब्यफ, भडा शुश चाक्शो बाक्मा बाक्त। मारदे हना, इस्राएली नेल्ले ग्येरशो बाक्मा बाक्त।

### दाऊदम सन्दोस चाक्का माल्थो

२ सामुएल ६ :१-११

१ दाऊदम मार पचा माल्ताक्व हना यो, आ १३ हजार हजार डा लडाइ पाइब आन कप्तान नु सहं सहं डा लडाइ पाइब आन कप्तान आन कली लोत्र पा सेल्ला पाइबाक्माक्त। २ मिनु दाऊदम इस्राएल डा गरुम्शो मुर नेल्ले आन कली “गेपुकी रिम्शो मिम्नीनी हना, नु परमपरभु यावे इं परमपरभु आ दाक्शो बाक्त हना, गो इस्राएल रागी नेल्लेमी लीशो इं मुरपुकी ‘मुर नेल्ले जाक्कीन’ दे लोत्र कुरब सोइक्तय। मेको आन दातेमी सहर आ एर आंथ डा बी ब्यफ योत्रतीकम बाक्व चदेब नु लेवीपुकी बाक्नीम। नेल्ले आन कली ‘जाक्कीन’ दे लोत्र कुरब मुर सोइक्तय। ३ गो इं परमपरभु आ सन्दोस एक चाक्कय। मारदे हना सावल बाक्म सम्म, गो मेको कली ममिम्तय” देमाक्त। ४ मिनु मेको गरुम्शो मुर नेल्लेमी मेको लोत्र बिस्समा बाक्त। मारदे हना मुर नेल्लेमी मोदंशो पचा दाक्तमे बाक्त।

५ मापतीक दाऊद इजीप्त डा खोला शीहोर र लेबो-हमाथ सम्म इस्राएली नेल्ले पुक्मी

बाक्त। मेको नल्लेमी परमपरभु आ सन्दोस किरयथ-यारीम रे चाक्चा माल्मे बाक्त। ६मिनु दाऊद नु इसराएली नल्लत बालाह डोइश्शा लमा बाक्त। बालाह सहर यहूदा डा किरयथ-यारीमम बाक्माक्त। मंकर रे परमपरभु, परमपरभु यावे आ सन्दोस बरथ लमा बाक्त। परमपरभु यावे सन्दोस तारी बाक्शो करूब आस दातम बाक्शो बाक्माक्त। मेको परमपरभु, परमपरभु यावे आ सन्दोस बाक्माक्त। यहोसु १५ :९ ७ मिनु मेकोपुकीम परमपरभु आ सन्दोस अबीनादाब आ सिं रे गर्इश्शा नक बग्गी कामी कुर पामे बाक्त। मिनु उज्जाह नु अहीयोमी मेको बग्गी खुल्ला खुल्ल लसा बाक्त। ५मिनु दाऊद नु इसराएली नल्ले परमपरभु आ डोंइती ग्यरशा कुम्सो पना पन आइक्च नु ठेयब तार पाइश्शा ताप्तीक, खैजडी, बुकेल नु तुराही ताप्शा, जोंब बोक्शा, सिल पामे बाक्त।

९मिनु मेकोपुकी किदोन आ चेरब तुप्तीकम जाकमानु, ब्यफोमी सन्दोस हिकपदस बाक्त। मिनु उज्जाहमी सन्दोस तिक्चा कली आ गुइ दिंदा बाक्त। १०मिनु परमपरभु यावे उज्जाह क्येडा गाइश्शा, मेको कली सदा बाक्त। मारदे हना मेकोमी सन्दोस ग्याइक्चा कली आ गुइ दिंदा बाक्त। मोपतीके मेको परमपरभु आ डोंइती बक्माक्त। ११दाऊदमी परमपरभु यावे उज्जाह आ पर्वम गाइश्शा तशा, चुरमाक्त। मिनु मेको बाक्तीक आ नं परस-उज्जाह वोदा बाक्त। मेको आ नं मुल सम्म मेकोन बाक्ब। १२मेको नाक्ती दाऊद परमपरभु क्येडा हिंमाक्त। मेकोमी “मुल आं दुम्मनु, गो परमपरभु आ सन्दोस दोपा कोत्रशा वोइक्नुडा ?” देमाक्त। १३मोपतीक दाऊदम मेको सन्दोस कोत्रशा वोइक्चा कली आ सहर मलदा बाक्त। आ कोत्रशा वोइक्चा आ पा डा गित आ सिं डा ओबेद-एदोम आ सिं लदमे बाक्त। १४मोपा मेको परमपरभु आ सन्दोस ओबेद-एदोम आ सिंम महिना सां सम्म लोमाक्त। मिनु परमपरभु यावेमी ओबेद-एदोम आ सिं डा मुर नु आ मारइ मारइ कली आसीक गेवा बाक्त।

दाऊद नु आ सिं डा मुरपुकी

२सामुएल ५ :११-२५

१४ टायर डा पिप हीराममी आ लोत्र कुरबपुकी दाऊद आ बाक्तीकम सोइक्ता बाक्त। मेको कुरब मुर नु दाऊद आ सिं सल्ला कली लेबानोन डा लाइश्शा रवा आ शी, गारो

परोत्रब नु शी के गेय पाइब सोइक्तीमी बाक्त। २मिनु दाऊदमी “मुल परमपरभु यावेम आं कली इसराएली आन पिप सल्ला। मिनु आ मुर इसराएली आन पर्वम आ राज्य ठेयब नु मान ताइब सल्ला बाक्ब” दे तुइक्ता बाक्त।

३दाऊदमी यरूसलेमम बाक्मनु, अर्को मीश चाक्मी बाक्त। मिनु शुश तमी तो आन आफ दुम्माक्त। ४यरूसलेमम थिशो आ आल आन नं मार मार बाक्मा बाक्त देशा हना, शम्मुआ शोबाब, नाथान, सोलोमन, ५इभार, एली-शुआ नु एली-फलेत, ६नोगाह, नेफग, यार्फीया, ७एली-शामा, बेलीआदा नु एली-फलेत बाक्मा बाक्त।

दाऊद नु पलिस्ती लडाइ पशो

५मिनु पलिस्तीमी दाऊद इसराएल नल्लत डा पिप दुम्त देशो लोत्र नेंशा, मेको नल्ले दाऊद कली माल्थ लमा बाक्त। मिनु दाऊदम मेको लोत्र नेंशा पलिस्ती नु लडाइ पथ लमाक्त। ९मिनु पलिस्ती जाक्शा, रेफाइम डा बेंसीम मार मार रोइक्तमे बाक्त। १०मोपतीके दाऊदमी परमपरभु कली “गो लशा, पलिस्ती आन कली लडाइ तोऊमी ? गे मेको आन कली आं गुइमी गेनीनी ?” दे हिल्लो पवा बाक्त। मिनु परमपरभु यावेमी “इर डोइश्शा लावो, गो मेको आन कली इ गुइमी गेनन” देमाक्त।

११मोपतीक दाऊद नु आ मुरपुकी इर डोइश्शा लशा, बाल-पराजीमम मेको आन कली लडाइ तोशा ग्रामा बाक्त। मिनु दाऊदमी “परमपरभुमी खोला आ नक्या डा रू प्रश्शा सोदेशो पा, आं जोरी सतरु आन कली साइक्मी बाक्त” देत। मोपतीक मेको बाक्तीक आ नं बाल-पराजीम वोदम बाक्त। १२मेकर पलिस्तीपुकीम आन देवी देवता प्रांइशा वोदमे बाक्त। मिनु दाऊदमी “मेको चोन” दे अरवा बाक्त। ब्यवस्था ७ :५-२५

१३मिनु पलिस्तीपुकीम लेंशा बेंसीम मार मार रोइक्चा गोत्रमे बाक्त। १४मिनु दाऊदमी लेंशा परमपरभु कली हिल्लो पवा बाक्त। मिनु परमपरभुम मेको कली “मुल गे इर डोइश्शा मलने। ग नाल रे हिरशा, लचा माल्नेवे। शुश रवा बाक्तीक रे मेको आन नक्या लशा लडाइ तोत्रमी। १५गे रवा आन डर डरमी लडाइ पाइब आन गाक्शा नेंनी चोटी मेको आन कली लडाइ तोत्रमी। मारदे हना परमपरभु इन डोंइती पलिस्ती आन लडाइ पाइब नु लडाइ पथ लाइब” देमाक्त। १६मिनु दाऊदमी परमपरभुम

देशो खोदंशो पा लडाइ पवा बाक्त । मिनु मेकोम पलिस्ती आन लडाइ पाइब आन कली गिबोन रे गेजर सम्म संदा पा सदम बाक्त । १७ मोपा दाऊद आ ठेयब दुम्तीके रागी नेल्ल बरमाक्त । मिनु परमपरभु यावेमी रागी रागी डा मुर नेल्ल आन थुमी दाऊद क्यडा हिंतीक थुं वोदा बाक्त ।

दाऊदमी सन्दोस चाक्शो

२सामुएल ६ :१२-१६

१५ दाऊदमी आ सहरमी आंम कली खिंपुकी सला बाक्त । मिनु परमपरभु आ कबल पशो सन्दोस वोइक्चा कली बाक्तीक का सल्ला, ताम्बु का कीडा बाक्त । २मिनु नोले दाऊदम “लेवी आ थर डा मरुमी ला परमपरभु आ सन्दोस कुरचा माल्नीम” दे हुकुम पवा बाक्त । मारदे हना परमपरभु यावेमी लेवी आन कली आ सन्दोस कुरचा नु गेना हना यो परमपरभु आ गेय पचा कली योत्रशो बाक्मा बाक्त ।

३मिनु दाऊदम परमपरभु यावे आ कबल पशो सन्दोस आ ठीक पशो बाक्तीकम चाक्चा कली इसराएली नेल्ल आन कली यरूसलेम सहरम पुक्मी बाक्त । ४ नोले दाऊदम हारून आ चच युइ नु लेवी नेल्ल आन कली खुप्तीमी बाक्त । ५ मेको सु सु बाक्मा बाक्त देशा हना, कोहाथ आ तौ आन ठेयब मुर उरीएल नु सहे का २० जना आन खिं खिं डा मुर बाक्मा बाक्त । ६ मरारी आ तौ आन ठेयब मुर आसायाह नु सहे निकशी २० जना आन खिं खिं डा मुर बाक्मा बाक्त । ७ गरशोम आ तौ आन ठेयब मुर योएल नु सहे का ३० जना आन खिं खिं डा मुर बाक्मा बाक्त । ८ एली-जाफान आ तौ आन ठेयब मुर शेमायाह नु सहे निकशी आन खिं खिं डा मुर बाक्मा बाक्त । ९ हबरोन आ तौ आन ठेयब मुर एलीएल नु ६० जना आन खिं खिं डा मुर बाक्मा बाक्त । १० उज्जीएल आ तौ आन ठेयब मुर अम्मीनादाब नु सहे का १२ जना आन खिं खिं डा मुर बाक्मा बाक्त ।

११ मिनु दाऊदमी चदेब सादोक नु अबीयाथार नु लेवी उरीएल, आसायाह, योएल, शेमायाह, एलीएल नु अम्मीनादाब आन कली बरेतीमी बाक्त । २सामुएल १५ :२९ १२ मिनु मेको आन कली “गे लेवी आन खिं डा ठेयब मुर ननी । परमपरभु यावे, इसराएली आन परमपरभु आ सन्दोस आं ठीक पशो बाक्तीके कुइक्चा, दे इन कली नु इन खिं खिं डा मुर आन कली ठीक सलीन । १३ डांइती गे मेको कली मकुरतीक परमपरभु यावे, इं परमपरभु गोपुकी नु गाइक्ताक्व । मारदे हना गो

मेको सन्दोस कली ठीक पा मचाक्क” देमाक्त । १इतिहास १३ :१-११ १४ मोपतीके परमपरभु यावे, इसराएली आन परमपरभु आ सन्दोस चाक्चा कली चदेब नु लेवी आंम आंम कली ठीक सल्लसमा बाक्त । १५ मिनु लेवीपुकीम परमपरभु आ सन्दोस शुइशो कोक्कमी आन बलामी कुरम बाक्त । परमपरभु यावेम मोसा कली दोपा देम, मोपा मोसा आ शेशो पाम बाक्त । परस्थान २५ :१४ ; गन्ती ४ :१५

१६ मिनु दाऊदम लेवी आन ठेयब मुर आन कली “इन खिं खिं डा मुर कुम्सो पाइब योत्रशा, वोइक्चा माल्नीनी । मेकोपुकी तार पाइशो ताप्तीक, बीना नु बुक्केल ताप्शा, ग्यरशा ठेयब संदा पा कुम्सो पचा माल्नीम” दे अरमी बाक्त । १७ मोपतीके लेवीपुकीम योएल आ तौ हेमान नु आ खिं खिं डा मुर बरेक्याह आ तौ आसाफ, नु मरारी आ तौ आन खिं खिं डा मुर रे कुशयाह आ तौ एथान आन कली योत्रडम बाक्त । १८ मिनु मेको आन नोले जकरिया, याज्जीएल, शेमीरामोथ, येहीएल, उन्नी, एलीआब, बेनायाह, मासेयाह, मत्तीथ्याह, एली-फलेहु, मीक्नैयाह नु लाप्चो खाल पाइब ओबेद-एदोम नु यिएल आन कली योत्रडम बाक्त । १९ मिनु कुम्सो पाइब हेमान, आसाफ नु एथान कांसा क बुक्केल ताप्चा कली योत्रचा पुंडसमा बाक्त । १इतिहास ६ :१६ ; १इतिहास ६ :२४ ; १इतिहास ६ :२९ ; १इतिहास २५ :१ २० मिनु जकरिया, अजीएल, शेमीरामोथ, येहीएल, उन्नी, एलीआब, मासेयाह नु बेनायाह अलामोथ देशो आइक्च संदा पाइशो तार पाइशो ताप्तीक ताप्चा कली योत्रचा पुंडसमा बाक्त । २१ मिनु मत्तीथ्याह, एली-फलेहु, मीक्नैयाह, ओबेद-एदोम, यिएल नु अज्जीयाह शेमीनीथ देशो ठेयब संदा पाइशो बीना ताप्तीक ताप्चा कली योत्रचा पुंडसमा बाक्त । २२ लेवी आन ठेयब मुर केनानीयाह कुम्सो पचा नु ताप्चा जोक्व तुइक्व बाक्तीके मेको आन कली चलेब दुम्माक्त । २३ बरेक्याह नु एल्काना सन्दोस बाक्तीके डा लाप्चो कोत्रब बाक्सा बाक्त । २४ मिनु चदेब शेबान्याह, योशाफात, नेथनेल, अमासे, जकरिया, बेनायाह नु एलीएजर परमपरभु आ कबल पशो सन्दोस आ डांइती तुराही ताप्चा माल्बाक्मा बाक्त । ओबेद-एदोम नु येहीयाह यो सन्दोस बाक्तीके डा लाप्चो कोत्रब बाक्सा बाक्त ।

२५ मिनु दाऊद नु इसराएल डा खाल्पा नु हजार हजार डा लडाइ पाइब आन कप्तानपुकी

ओबेद-एदोम आ खिं लशा, ग्येरशा परमपरभु यावे आ कबल पशो सन्दोस चाकामे बाक्त। २६मिनु परमपरभु यावेमी आ कबल पशो सन्दोस कुरब लेवी आन कली वारच पाइक्तीक मेकोपुकीमी ७ ओटा व्यफ नु ७ ओटा सांड चढेम बाक्त। २७मिनु दाऊद नु सन्दोस कुरब लेवी, कुम्सो पाइब नु केनानीयाह ताप्त्र नु कुम्सो पाइब आन कली चलेब नेल्ल रिम्शो सुती क वा फेक्शो बाक्मा बाक्त। दाऊदम रिम्शो सुती वा क कुचु तार फेक्तीक यो फेक्शो बाक्माक्त। प्रस्थान २५:७ २६मोपा इसराएली नेल्लेमी ठेयब रयके पा नु गरोत्र, तुराही, बुक्कल, तार पाइश्शो ताप्तीक नु बीना ताप्शा परमपरभु यावे आ कबल पशो सन्दोस कुइश्शा कुमा बाक्त।

२९मिनु परमपरभु यावे आ कबल पशो सन्दोस दाऊद आ सहरम ओइदमेनु, सावल आ तमी, दाऊद आ मीश मिकालमी झेल रे कोद्रडा बाक्त। मिनु पिप दाऊद कली ग्येरशा सिल पशो तशा, आ थुंमी पिप कली आइक्च मिम्ता बाक्त।

दाऊदम मुर आन कली आसीक गेशो

२सामुएल ६:१७-१९

१६ १मिनु मेकोपुकीमी परमपरभु आ कबल पशो सन्दोस चाक्शा, दाऊदमी कीशो ताम्बु आगाम वोदमे बाक्त। मिनु मेकोपुकीमी परमपरभु आ डांडती चोशा चढेतीक नु दुशा बाक्चा आ पर्वम चढेतीक चढेम बाक्त। २मिनु दाऊदमी मेको चोशा चढेतीक नु दुशा बाक्चा आ पर्वम चढेतीक चढेम थुम्शा, मुर आन कली परमपरभु यावे आ नेमी आसीक गवा बाक्त। ३मिनु मेकोमी इसराएली नेल्ल आन कली, मीश मुर नु वोइश मुर आन कली शोब्ले का का, श्य नु अडगुर शोब्ले का का जचा व्यचा गमी बाक्त।

४मिनु दाऊदमी परमपरभु यावे आ सन्दोस आ डांडती गेय पचा, दे लेवी आन कली योत्रशा वोइक्मी बाक्त। मेकोपुकीमी परमपरभु कली पुंडतीक लोत्र "गे रिम्शो पाइब बाक्नीनी" दे नु परमपरभु यावे, इसराएली आन परमपरभु कली ठेयब सेल्ला माल्बाक्मा बाक्त। ५मेको आन ठेयब मुर आसाफ बाक्माक्त। मेको आ नोले डा जकरिया, यिएल, शमीरामाथ, येहीएल, मतीथ्याह, एलीआब, बनायाह, ओबेद-एदोम नु यिएल ठेयब नु आइक्च तार पाइश्शो ताप्तीक नु सितार ताप्त्र बाक्मा बाक्त। आसाफ बुक्कल ताप्त्र बाक्माक्त। ६मिनु चढेब बनायाह नु

याहासीएलमी नाक्त कित कित परमपरभु आ कबल पशो सन्दोस आ डांडती तुराही तप्चा माल्बाक्सा बाक्त।

दाऊदमी कुम्सो पशो

मजन संगरह १०५:१-१५; मजन संगरह

१६; मजन संगरह १०६:१,४६,४८

७मेको नाक्ती दाऊदमी नेल्ल क्येडा डांडती आसाफ नु आ खिं खिं डा मुर आन कली परमपरभु यावे कली ठेयब सेल्लतीक कुम्सो पपाइक्मी बाक्त।

८ "परमपरभु यावे, गे रिम्शो पाइब बाक्नीनी, आ नें थिशा मेको कली पुंनीन। मेको आ पशो जात जात डा मुर आन कली तुइक्पतीन। ९मेको कली कुम्सो पने। मेको कली ठेयब सेल्लतीक कुम्सो पने। मुर आन कली मेको आ छुक लाक्चा डा गेय नेल्ल आन पर्वम लोत्र पने। १०मेको आ ठेयब नें आ पर्वम ग्येरसीन। परमपरभु यावे कली माल्बपुकीमी ग्येरसीन। ११परमपरभु यावे नु मेको आ सक्ति मालीन। मेको नु बाक्चा कली माल्ना माल्ल बाक्कीन। १२मेको आ रिम्शो गेय मपरंदीन। आ पशो छुक लाक्चा डा गेय नु आ निसाफ पतीक मपरंदीन। १३आ गेय पाइब इसराएल आ चच युइ, याक्ब आ आल, आ योत्रशोपुकी परमपरभु आ पशो गेय मपरंदीन। १४मेको परमपरभु यावे, इं परमपरभु बाक्ब। मेकोमी रागी नेल्ल आन कली निसाफ पाइब। १५आ पशो कबल गेना हना यो मपरंदीन। मेको कबल हजार हजार पाला डा मुर आन कली पशो बाक्त। १६मेकोमी अब्राहाम नु कबल पशो बाक्त। मेकोमी इसहाक नु कसम जशा, थोक्शो लोत्र पशो बाक्त। १७मेको कबल याक्ब कली फुल्लुम मुशा बरेक्शा गेशो बाक्त। इसराएल कली गेना हना यो लीब कबल पशो बाक्त। १८मेको कबल मार बाक्त देशा हना 'गो इ कली कनान रागी गेनन। इ रागी नु इ थरशो रू बाक्ब' दे मेको कबल बाक्त।

१९मेकोपुकी शुश मुर मबाक्तीके, मान मताइब नु अर्का रागी डा मुर बाक्शा, २०रागी रागी डा मुर आन दातेम हिरशा, राज्य का रे अर्का जात डा मुर सम्म हिरना हिरन गाक्बाक्तेक्म। २१परमपरभु यावेमी सुइमी मेको आन कली दिप्चा मगेमी। मेको आन पर्वम पिप आन कली यो हुइश्शा उत्पती १२:१७; उत्पती २०:३,७; उत्पती २६:९ २२आं तेल लुक्शो आन कली मथिन। आं नोले दुम्ब लोत्र पाइब आन कली श्यत मगेने' देशो बाक्त। २३रागी डा मुर

नेल्लेमी परमपरभु यावे कली कुम्सा पने। नाक्त कित कित आ श्यत रे परांडशो आ पर्वम लोत्र पने। २४ रागी रागी डा मुर आन दातेमी मेको आ सक्ति आ पर्वम लोत्र पने। जात जात डा मुर आन दातेमी मेको आ पशो छक लाकचा डा गय आ पर्वम लोत्र पने। २५ मारदे हना परमपरभु यावे ठेयब बाकब। ठेयब मान पाइक्चा पुंडसीब बाकब। देवी देवता नेल्ल आन क्यडा मान पाइक्चा पुंडसीब बाकब। २६ मारदे हना जात जात डा मुर आन देवी देवता नेल्ल मूर्ति बाकनीम। तन्न परमपरभु यावेमी सरीड सेल्शा बाकब। २७ ठेयब दुन्तीक नु मान ततीक मेको नु बाकनीस। सक्ति नु ग्यरतीक मेको आ बाक्तीकम बाकनीस।

२८ जात जात डा सिं सिं डा मुरपुकीमी परमपरभु यावे कली 'छडछड' नु सक्ति इन के बाकब' दे ठेयब सेलीन। भजन संगरह २९:१२ २९ परमपरभु यावे कली आ नें शिरचा डा पा मान पने। चढेतीक चाकशा, आ डांडती जाक्कीन। आंम आन कली परमपरभु यावे आ डांडती ठीक सेल्शा मेको कली ठेयब सेलीन। ३० रागी नेल्ल मेको आ डांडती थिर थिर पा खिरंखिर पने। रागी नेल्ल कली गेना हना यो मदक्चा डा पा वोइशशो बाकब। ३१ सरीड ग्यरसेक्ल। रागी थाम्पा ग्यरसेक्ल। मिनु रागी रागी डा मुर आन दातेमी 'परमपरभु यावे पिप बाकब' देमल। ३२ समुन्दर नु मेकेर बाकब मारइ मारइ नेल्ल ग्यरशा रयक पामेक्ल। रू नु मेकेर बाकब मारइ मारइ ग्यरसीमल। ३३ मेना ब्वाकी डा रवा परमपरभु यावे आ डांडती ग्यरशा कुम्सा पाइनीम। मारदे हना मेको रागी कली निसाफ पथ जाक्ब। ३४ परमपरभु यावे कली 'गे रिम्शो पाइब बाक्नीनी' देनीन। मारदे हना आ दाक्तीक गेना हना यो लीब। २इतिहास २०:२१

३५ मिनु गेपुकीम 'आइ कली श्यत रे परोनीन। गे आइ कली परोइब परमपरभु बाक्नीनी। आइ कली रागी रागी रे सुप्शा, परोइकी' दे यो देनीनी। गोपुकीमी इन कली 'गे रिम्शो पाइब बाक्नीनी' देशा इन नें ठेयब सेल्शा, ग्यरशा बाक्नीकी। ३६ परमपरभु यावे, इसराएली आन परमपरभु गेना हना यो ठेयब बाकब। गेना हना यो मोदेशा बाकब' दे कुम्सा पवा बाक्त।

मिनु नोले मुर नेल्लेमी "आमन" देशा, परमपरभु यावे कली ठेयब सेल्मे बाक्त। भजन संगरह ४१:१४

नाक्त कित कित पचा माल्शो

३७ मिनु दाऊदम आसाफ नु आ सिं सिं डा मुर आन कली परमपरभु यावे आ कबल पशो सन्दोस आ डांडती नाक्त कित कित पचा माल्शो गय पचा, दे वोदा बाक्त। ३८ ओबद-एदोम नु आ सिं डा मुर मेको आन कली वारच पाइब बाक्सा बाक्त। येदुथून आ ती ओबद-एदोम नु होसाह लाप्चो कोत्रब आन ठेयब मुर बाक्सा बाक्त। ३९ दाऊदम चढेब सादोक नु मेको आ सिं सिं डा चढेब आन कली गिबोमम बाक्शो डांडा डा परमपरभु यावे आ बाक्तीकम वोइशशो बाक्माक्त। १इतिहास २९:२९ ४० मेकोपुकीमी नाक्त कित कित नाक्दो नु सुनी चढेतीकमी चोशा चढेतीक चढेचा माल्शो बाक्सा बाक्त। परमपरभु यावेमी इसराएली आन कली बरक्शा आ अरशो लोत्रम सोदेशो पा नेल्ल पचा माल्मे बाक्त। २परस्थान २९:३८-३९ ४१ हेमान, येदुथून नु आन नें बरक्शा योत्रशो मुर मेको नु बाक्सा बाक्त। मेको परमपरभु कली "गे रिम्शो पाइब बाक्नीनी। मारदे हना इन दाक्तीक गेना यो लीब" देचा कली वोइशशो बाक्सा बाक्त। ४२ हेमान नु येदुथून आस ताप्तीक तुराही नु बुक्केल यो बाक्सा बाक्त। परमपरभु कली कुम्सा पचा कली अरु ताप्तीके यो बाक्सा बाक्त। येदुथून आ तीपुकी लाप्चो खाल पाइब बाक्सा बाक्त।

४३ मिनु नोले मुर नेल्ल आन सिं सिं लेम्सा बाक्त। मिनु दाऊद आ सिं डा मुर आन कली आसीक गथ लमाक्त।

परमपरभुमी दाऊद नु कबल पशो

२सामुएल ७:१-१६

१ मिनु दाऊद आ सिंम बाक्म नोले १७ परमपरभु यावे आ लोत्र पाइब नाथान कली "गो लेबानोन डा लाइशशो रवा आ शी के सिंम बाक्शो बाक्नुड। तन्न परमपरभु यावे आ कबल पशो सन्दोस ताम्बुम वोइशशो बाक्ब" दे मदा बाक्त।

२ मिनु नाथानम दाऊद कली "गे इन थुंम मार बाक्म, मेको पने। मारदे हना परमपरभु गे नु बाक्ब" दे मदा बाक्त।

३ तन्न मेको नाक्दो परमपरभु यावेमी नाथान कली लोत्र पवा बाक्त। ४ मेकोमी "आं गेय पाइब दाऊद कली 'परमपरभु यावेमी इ कली मार देब देशा हना, गे आं कली बाक्तीक सिं मसेलो।

५ इसराएली आन कली इजीप्त र गरुडशा एक चाकशो नाक्त र मुल सम्म गो गेनायो सिंम मबाकड। गो ताम्बुम, आं बाकतीकम बाकशो बाक्ती। ६मिनु गो इसराएली आन दातेम नु ते ते गाकडा, गो मको आं मुर आन कली लां कांडब इन निसाफ पाइब आन कली आं कली लेबानान डा लाइशशा रवा आ शी डा सिं सलो, दे गेनायो मंदंडा। ७मोपतीक आं गेय पाइब दाऊद कली मुर नेल्ल आन परमपरभु यावेमी इ कली मार देब देशो हना गो क्यारश भडा योत्रतीक र आं मुर इसराएली आन पिप दुम्चा कली योत्रतन। ८ग ते ते लवे, गो यो मेक मेक बाकशो बाक्ती। मिनु इ लांम बाकशो इ जोरी सतरु आन कली खतम पोक्तामी। मुल गो इ कली रागी डा थम ठेयब मुर सोदंशो पा ठेयब सेल्लन। ९गो आं मुर इसराएली आन कली रागी का योत्रनुड। मिनु गो मको आन कली मेकर बाकपाइवकुडमी। मिनु मेको आन रागीम बाक्तीम। मुल र मेको आन कली श्यत गेवपुकी सुइम श्यत मगेनीम। १०गोमी डांडडांडती आं मुर इसराएली आन कली सासन पाइब निसाफ पाइबपुकी योत्रकुमी र मेको आन कली मरिम्शा मुरपुकीम श्यत गेशो सोदंशो पा मुल गेनायो श्यत मगेनीम। गो इ जोरी सतरु नेल्ल आन कली इ सासनम सेल्लुडमी। गो इ परमपरभु यावेम इ राज्य नु इ सिं बोल्यो सेल्लुड। ११मिनु इ नाक्त नुष्ठा, गे बकशा इ किकी पिपपुकी नु लाइनवे। मिनु नाले गो इ ती का कली इ पा डा पिप सेल्लुड। मिनु गो मको आ राज्य महिम्सीब सेल्लुड। १२मिनु मकोमीन आं कली सिं का सेल्ला माल्ब। गो मको आ राज्य गेना हना यो लीपाइवकुड। १३इतिहास २२:१०-२८ १३गो मको आ आफ दुम्नुड। मिनु मको आं ती दुम्ब। गो मको आ डांडती डा सासन पाइब र आं गेना हना यो दाक्तीक परांडशो सोदंशो पा दाऊद र मपरांडनुड। १४गो मको कली आं सिं नु आं राज्यम गेना हना यो कली वोइवकुड। मिनु मेको आ सासन पतीक गेना हना यो महिम्सीथु बाक्ब देशो लोत्र" नाथान कली तुइवपदा बाक्त। १५ मिनु नाथानमी मेको कली देशो लोत्र नु कांडशो नेल्ल दाऊद कली शंदा बाक्त।

“गे रिम्शा पाइब बाक्तीनी” देशो

२सामुएल ७:१७-२९

१६मिनु पिप दाऊद परमपरभु यावे आ बाक्तीक लशा “परमपरभु यावे, परमपरभु, गो सु नडा? मिनु आं सिं मार बाक्बा? मिनु गे आं कली एक

सम्म चाक्तीनी। उत्पत्ती ३२:११ १७मो हना यो परमपरभु एको इन डांडती शुश ममाइ। परमपरभु यावे, परमपरभु, गेमी इन कबल इन गेय पाइब आ सिं कली शुश नाले सम्म कली बारपाइशशा बाक्तीनी। १८इन गेय पाइब कली इन गेशो मान आ पर्वम दाऊदम अरुमार दने चाप्या डा? गे इन गेय पाइब कली रिम्शा पा तुइशशा बाक्तीनी। १९ परमपरभु यावे, गे इन गेय पाइब आ पर्वम नु इन पत दाक्शो गेय सोदंशो पा गे थम ठेयब गेय पशो बाक्तीनी। मिनु एको इन पशो ठेयब कबल तुइवपाइशशा बाक्तीनी।

२०इन सोदंशो अर्का सुइ मबाक्तीम। परमपरभु यावे, इन डा लाक्शा अर्का तेकोइ परमपरभु मबाक्तीम। डांडती इन देशो नेशो नेल्ल मुल आंइ मिक्तीम ताइतक। यसैया ४४:६ २१मिनु इन मुर इसराएली आन कली सु नु थान् चाम्सीबा डा? मेको आन वाइल दुम्तीक रागी र आंम मुर सेल्ला कली आंमान रागीम चाक्ब अर्का तेको जात डा मुर आन परमपरभु बाक्तीमी डा? गेमी ठेयब नु हिंचा डा गेय पा इजीप्त र परांडशो इन मुर आन डांडडांडती अर्का जात डा मुर आन कली खेरशा इन मुर आन कली बाक्पाइशशा बाक्तीनी। २२गेम इन मुर इसराएली आन कली गेना हना यो कली इन क सेल्लो बाक्तीनी। परमपरभु यावे गे मेको आन परमपरभु दुम्शा बाक्तीनी।

२३मुल ए परमपरभु यावे, गे इन गेय पाइब नु मेको आ सिं आ पर्वम मार मिम्शा पशो बाक्ती, मेको गेना हना यो लील। गे मार कबल पशो बाक्ती, मेको गापत। २४मिनु इन पशो गेय ठेयब दुम्चा कली मेको गेना हना यो लील। मिनु मुर नेल्ल आन परमपरभु यावे, इसराएली आन परमपरभु बाक्ब। मिनु इन गेय पाइब दाऊद आ सिं इन डांडती बोल्यो दुम्शा लीब।

२५गे आं परमपरभुम इन गेय पाइब आं सिं सेल्ला कली इन मिम्शा शंशो बाक्तीनी। मोपतीके गो इन गेय पाइबम इन डांडती एको परार्थना पचा चिकशो बाक्नुड। २६ए परमपरभु यावे, गेन परमपरभु बाक्तीनी। गे इन गेय पाइब नु एको रिम्शा कबल पशो बाक्तीनी। २७मेको गेना हना यो इन डांडती बाक्ल, दे इन गेय पाइब आ सिं कली आसीक गेचा इन मिम्शा बाक्ब। मारदे हना गेन मेको कली आसीक गेशो बाक्तीनी। मिनु मेको गेना हना यो आसीक रशो बाक्ब” दे दाऊदम परमपरभु कली लोत्र पवा बाक्त। उत्पत्ती १२:३

दाऊद आ राज्य बारशो

२सामुएल ८ :१-१४

१८ मको आ इच्छा नोले दाऊदमी पलिस्ती नु लडाइ पा गराशा फरुमी बाक्त। मिनु पलिस्ती आन गाथ सहर नु मको आ एर आंथ डा गाउं नल्ल आइक्क सेला बाक्त।

२मकोमी मोआबी आन कली यो फरुमी बाक्त। मिनु मेकोपुकी दाऊद आ सासनम दुम्शा, मेको कली तिरो थाप्वा माल्मा बाक्त।

३मिनु दाऊदमी युफरेटीस खोला सम्म आ गराशा अधिकार ठीक वोइक्थ लमेनु, सोबाह डा पिप हादादेजेर नु हमाथ सम्म लडाइ पवा बाक्त।

४मिनु दाऊदम मेको रे पा हजार का बग्गी, ७ हजार शारा डोइक्ब नु २० हजार खोइलीम गाक्ब लडाइ पाइब आन कली ग्याइक्तीमी बाक्त। मिनु मेकोम सहे का शारा परोइशा अरु बग्गी डा शारा नेल्ल आन कली खोइल डा नारी खरोदमे बाक्त।

५मिनु सोबाह डा पिप हादादेजेर कली वारच पाइक्चा कली दमस्कस डा अरामीपुकी जाक्मे बाक्त। मिनु दाऊदमी मेको आन दाते डा २२ हजार आन कली साइक्मी बाक्त। ६मिनु दाऊदम दमस्कस डा अराम सहरम आ ताम्बु कीडा बाक्त। मिनु अरामीपुकी मेको आ सासनम दुम्शा मेको कली तिरो थाप्तमे बाक्त। मोपा दाऊद ते लत हना यो परमपरभु यावेम मेको कली गरापदा बाक्त। ७दाऊदम हादादेजेर आ लडाइ पाइब आन ठेयब मुरपुकीम कुरशो सुन क ब्रा, तेक्तीकपुकी रोइश्शा यरुसलेमम चाक्गमे बाक्त। ८दाऊदम हादादेजेर आ तिब्हाथ नु कुन सहर रे शुश कांसा चाक्गमे बाक्त। मेको रे पा सोलोमनम ठेयब चिक्तीक बोस, थामपुकी नु ग्यांबपुकी सेला बाक्त। १राजा ७ :२३; १राजा ७ :१५

९मिनु हमाथ डा पिप तोऊमी दाऊदमी सोबाह डा पिप हादादेजेर आ लडाइ पाइब नेल्ल आन कली फरुशो लोत्र नना बाक्त। १०मिनु दाऊदमी हादादेजेर कली लडाइ फरुशो आ पर्वम मेको कली रिम्शा पाइतीनी देथ तोऊम आ तौ हदोराम कली दाऊद आ बाक्तीक सोइक्ता बाक्त। मारदे हना हादादेजेर नु तोऊ आस दातेमी लडाइ दुम्शा बाक्ताक्त। मिनु हदोराममी आं नु बाक्शो सुन चांदी नु कांसा के ग्यांबपुकी चाक्गा बाक्त।

११मिनु दाऊद पिपम मेको आ चाक्शो सुन नु चांदी के ग्यांब नेल्ल परमपरभु यावे कली चढ़ेवा

बाक्त। मेकोमी अर्का जात नेल्ल एदोम, मोआब, अम्मोनी, पलिस्ती नु अमालेकी रे चाक्शो सुन चांदी यो चढ़ेवा बाक्त।

१२सरुयाह आ तौ अबीशैमी हिक्सी आ बंसीम १८ हजार एदोमी लडाइ पा सदा बाक्त। १३मिनु मेको आन रागीम ताम्बु कीडा बाक्त। मिनु एदोमी नेल्ल दाऊद आ सासनम दुम्मा बाक्त। मोपा दाऊद ते ते लमे, मक मेक परमपरभु यावेमी मेको कली गरापदा बाक्त।

दाऊद आ कप्तानपुकी

२सामुएल ८ :१५-१८

१४मिनु दाऊदम इसराएल नेल्लेमी सासन पवा बाक्त। मिनु आ मुर नेल्ल आन कली ठीक निसाफ पवा बाक्त। १५सरुयाह आ तौ योआब कप्तान बाक्ताक्त। अहीलुद आ तौ येहो-शाफात ठेयब बरेक्ब बाक्ताक्त। १६अहीलुद आ तौ सादोक नु अबीयाथार आ तौ अहीमेलेक चढ़ेब बाक्सा बाक्त। शाब्शा लडाइ पाइब आन ठेयब बरेक्ब बाक्ताक्त। १७इतिहास २४ :६ १७येहो-यादा आ तौ बेनायाह करथी नु पलेथी पिप कली खाल पाइब आन कप्तान बाक्ताक्त। दाऊद आ तौपुकी चहिं पिप आ गेय पाइब आन ठेयब मुर बाक्ताक्त।

दाऊद आ मुर आन कली मुनं तोक्शो

२सामुएल १० :-; २सामुएल

११ :१; २सामुएल १२ :२६-३१

१९ मिनु इच्छा नाक्त नोले अम्मोनी आन पिप नाहाश बक्ताक्त। मिनु मेको आ पा डा आ तौ पिप दुम्माक्त। १सामुएल ११ :१ २मिनु दाऊदमी “आ आफोम आं कली रिम्शा पशो खोदेशो पा, गो नाहाश आ तौ हानुन नु थमा पा वारचु दुम्चा माल्नुस्कु” देमाक्त। मिनु मेको आ आफ बक्शो आ पर्वम सुर्ता पशो लोत्र पथ लोत्र कुरब मुर सोइक्ता बाक्त। मिनु दाऊद आ लोत्र कुरबपुकी हानुन कली रिम्शा लोत्र पथ अम्मोनी आन रागीम जाक्दीम्मा बाक्त। ३मिनु अम्मोनी आन ठेयब मुरपुकीम हानुन कली “दाऊदमी इन कली रिम्शा लोत्र पथ मुर सोइक्तानु, मे दाऊदमी इन आफ कली मान पा मुर सोइश्शा बाक्ब, दे मिन्नीनी ? इन रागीम तेरे ओव्रशा खतम पोक्चा, दे कोव्रथ कका सोइश्शा बाक्ब। आ मुरपुकी क्यारी पथ जाक्शो मनमी डा ?” दे मदमे बाक्त। ४मिनु हानुनमी दाऊद आ सोइश्शा मुर आन कली ग्याइश्शा

आन चां परेकतमे बाक्त। आन वा इर रे आन देल्लो सम्म रिक्शा सोइकतमे बाक्त। ५ मिनु दाऊदमी आ मुर आन कली मो पशो लोत्र नना बाक्त। मिनु मेको आन कली गुरूचा, दे मुर सोइकतमे बाक्त। मारद हना मेकोपुकी थाम्पा मुन तोक्चा पुंडसीशा बाक्ता बाक्त। मिनु मेको आन गल शोकर डोंडती डा खोंदशा पा मबारम सम्म मेको आन कली “यरीको सहरम बाक्मल” दे अरेवा बाक्त।

### अम्मोनी लडाइ पचा ठीक दुम्शा

६ मिनु अम्मोनीपुकीमी “दाऊद आ डोंडती मरिम्शा पाइतक” दे तुइकतमे बाक्त। मिनु हानुन नु अम्मोनीपुकीम मेसोपोटामीया डा अराम-नाहाराइम, अराम-माकाह नु सोबाह रे बग्गीपुकी नु शारा डोइक्व चाक्चा कली हजार का टलेन्ट चांदी सोइकतमे बाक्त। टलेन्ट का ३४ किलो बाक्व। ७ मिनु मेकोपुकीमी ३२ हजार बग्गी नु माकाह डा पिप नु आ लडाइ पाइब आन कली थाप्शा चाक्कमे बाक्त। मेकोपुकी जाक्शा मेदबा सहर आ नेक्था ताम्बु कीडमे बाक्त। अम्मोनीपुकी आन सहर सहर रे गुरूशा लडाइ पचा कली ठीक पामे बाक्त। ८ मिनु दाऊदमे मेको लोत्र नंशा, योआब नु लडाइ पाइब नेल्ल आन कली सोइक्ता बाक्त। ९ अम्मोनीपुकी जाक्शा, सहर ओव्रतीकमी लडाइ पचा कली ठीक दुम्मा बाक्त। मेको नु जाक्शा पिपपुकी सहर ओव्रतीकमे मबाक्थु, इच्का डोन राप्शा लडाइ पचा ठीक दुम्मा बाक्त।

१० मिनु योआबम आ नोले नु डोंडती निम्फा पटटी रे लडाइ तोचशा तवा बाक्त। मिनु मेकोमी कोइ कोइ योत्रशा हिक्सीशा लडाइ पाइब इसराएली आन कली अरामी नु लडाइ पथ सोइक्ता बाक्त। ११ मिनु लीशा लडाइ पाइब आन कली आ लोक्व अबीशै आ हुकुममी गेवा बाक्त। मिनु मेको अम्मोनी नु लडाइ पचा कली ठीक दुम्मा बाक्त। १२ मिनु योआबमी “अरामीपुकी आं क्येडा गराचा चिक्ताक्म हना, गे आं कली वारच पथ पिवा। अम्मोनी इं क्येडा गराचा चिक्ताक्म हना, गो इ कली वारच पथ पीनुड। १३ सक्ति पाइइशा दुमीन। गोपुकी आंम जात नु इं परमपरमु आ सहर आ परबम महिंथु, लडाइ पथ। परमपरमु यावेम मार मिम्शा बाक्बा, मेको पाइब” देमाक्त। १४ मिनु योआब नु मेको आ मुरपुकी अरामी आन नेक्था लशा, मेको आन कली खेदा पामे बाक्त। मिनु मेकोपुकी मेको आन

क्येडा परोक्ता बाक्त १५ मिनु अम्मोनीपुकी यो अरामी परोक्ता तशा, योआब आ लोक्व अबीशै आ डोंडती रे परोक्ता सहर ओव्रमा बाक्त। मोपतीक योआब यरूसलेम लेम्मा बाक्त।

१६ मिनु अरामी इसराएली आन क्येडा बरुका बाक्त, दे तुइइशा, युफरेटीस खोला आ आइक्वी हांबु डा हादादेजेर आ कप्तान शोफाक आ हुकुममे बाक्ता अरु अरामी आन कली बरुथ सोइकतमे बाक्त। १७ मेको आन मो पशो लोत्र दाऊद कली नंपदमे बाक्त। मिनु मेकोमी रीब पा इसराएली लडाइ पाइब नेल्ल आन कली खुष्पा यदेन खोला शोक्शा लडाइ पचा कली सोइक्तीमी बाक्त। मिनु मेकोपुकी लशा लडाइ पचा कली ठीक दुम्मा बाक्त। अरामी यो मोपान दाऊद नु लडाइ पचा कली ठीक दुम्मा बाक्त। मिनु लडाइ पामे बाक्त। १८ तन्न इसराएलीपुकीमे मेको आन कली फरुशा खेदा पामे बाक्त। दाऊदमी ७ हजार अरामी आन बग्गी खुल्ब नु ४० हजार लडाइ पाइब नु मेको आन कप्तान शोफाक आन कली सदमे बाक्त।

१९ मिनु हादादेजेरम आ मुरपुकी इसराएली आन क्येडा बरुशा तशा गारचा कली सल्ला पथ मुर सोइक्ता बाक्त। मिनु दाऊद कली जिम्मा गसमा बाक्त। मोपतीक मेको नोले गेनायो अरामीपुकीमे अम्मोनी आन कली वारच मपामे बाक्त।

### दाऊदमे रब्बाह सहर गराशा

१ मिनु बर्सा जाक्मेनु, पिपपुकी लडाइ पथ २० गुरूमा बाक्त। मिनु योआबमी लडाइ पाइबपुकी लाइइशा अम्मोनी आन रागी कली गारशा सेला बाक्त। मिनु मेको रब्बाह सहर पुम्शा, आ एर ओथ नेल्ल हिरदा बाक्त। दाऊद चहिं यरूसलेम उड बाक्ता बाक्त। मिनु योआबमी रब्बाह सहर कली लडाइ पा खतमे सेल्शा गरामाक्त। २ मिनु दाऊदमी मेको आन पिप आ पिया रे सिरपेच लदा बाक्त। मेको सुन नाक्शोनु, टलेन्ट का बाक्ता बाक्त। मेको सिरपेचम शुश क्येट लाइब हीरा यो क्येप्शा बाक्ता बाक्त। मेको सिरपेच दाऊद कली गुक्ते बाक्त। दाऊदमी मेको सहर रे शुश मार मार रोइइशा लदा बाक्त। टलेन्ट का ३४ किलो बाक्व ३ मेको रागी डा मुर आन कली गुरुंइशा, मेको आन कली आरा, कोदाली नु खामी गेय पपदमे बाक्त। मोदंशा दाऊदमी अम्मोनी आन सहर नेल्लेमी पवा बाक्त। नोले दाऊद नु आ मुर नेल्ले यरूसलेम लेम्मा बाक्त।

पलिस्ती नु लडाइ पशो

२सामुएल २१ : १५-२१

४ मको आ नोले पलिस्तीपुकी नु गेजेर सहरमी लडाइ दुम्माक्त। मना हुशा डा मुर सिब्वके माइश्शो सिप्पाइ कली सदा बाक्त। सिप्पाइ चहिं रफाइ आ चच युइ का बाक्शो बाक्माक्त। पलिस्ती बरुम्मा बाक्त। १इतिहास २७ : ११ ५ नोले लेंशा पलिस्ती नु लडाइ दुम्माक्त। याइर आ तो एल्हानानमी गित आ खिं डा मुर गोल्याथ आ लोकब लाहमी कली सदा बाक्त। मको आ तूतीक आ ग्याइक्तीक वा प्रोक्व आन शी सोमो ठयब बाक्माक्त। ६मिनु नोले लेंशा गाथ सहरमी लडाइ दुम्माक्त। मेकर लाइश्शो मुर का बाक्माक्त। आ गुइ नु खोइली नेल्लेम ६,६ ओटा बरेप्चो पाइश्शो नेल्ल पा २४ ओटा बरेप्चो पाइश्शो मुर का बाक्माक्त। मको रफाइ आ चच युइ का बाक्माक्त। ७मकोमी इसराएली आन कली शुक्शी पवा बाक्त। मिनु दाऊद आ लोकब शिमआ आ तो योनाथनमी मको कली सदा बाक्त। ८मको गाथ डा लाइश्शो मुर आन चच युइ, रफाइ आ मुर बाक्मा बाक्त। मिनु दाऊद नु आ मुरपुकीमी मको आन कली सदम बाक्त।

दाऊदम मुर आन कली हिक्शो

२सामुएल २४ :-

१मिनु सैतानमी इसराएली आन कली २१ मरिम्शो पचा कली दाऊद कली आ मुर इसराएली आन कली हिक्पाइक्मी बाक्त। २मोपतीक दाऊदम योआब नु आ कप्तान आन कली “बयर-शबा रे दान सम्म डा इसराएली आन कली हिक्शा, आं कली शंचा नड। मिनु मकोपुकी दोशो बाक्मा, गो तुइक्चा माल्लुङ” दे अरमी बाक्त। ३तन्न योआबमी “परमपरभु यावेमी आ मुर आन कली एको क्येडा यो सह खेयप हिक्शो खोइ सोशा बोशा शुश सेलल। मकोपुकी आं पिप इन गेय पाइब मुर मदुम्नीमी डा? गे मारदे मो पचा माल्लीनी? गे मारदे इसराएली आन कली दोस चाक्नीनी?” देमाक्त। परस्थान ३० : १२ ४तन्न पिपमी योआब आ लोत्र मनेना बाक्त। मिनु योआब लशा, इसराएल नेल्ल हिरशा, यरूसलेमम लेशशा जाक्माक्त। ५मिनु योआब यरूसलेम जाक्शा, दाऊद कली आ हिक्शो मुरपुकी ओशो बाक्तेकम, दे शंदा बाक्त। मकोमी “इसराएलम या चलने चाप्ब,

लडाइ पाइब ११ लाख नु यहूदाम ४ लाख ७० हजार बाक्नीम” देमाक्त। ६तन्न योआबमी लेवी आ थर डा मुर नु बन्यामीन आ थर डा मुर आन कली महिकमी बाक्त। मारदे हना योआबमी पिप आ हुकुम पशो कली काइ मदाक्ता बाक्त।

दाऊदम सजाइ तशो

७मिनु परमपरभु दाऊद आ पशो तशा, गाइक्ता बाक्त। मिनु इसराएली आन कली सजाइ गेवा बाक्त १इतिहास २७ : २४ ८मिनु दाऊदम परमपरभु कली “गो मोदेंशो पा ठेयब पाप पाता। मुल इन गेय पाइब आं दोस क्याम्दीन। मारदे हना गो थम मरिम्शो पाइब दुम्ती” देमाक्त। ९मिनु परमपरभु यावेमी आ लोत्र पाइब गाद कली “गे लशा दाऊद कली १० परमपरभु यावेमी इन कली मार लोत्र पाइब देशा हना ‘गो इ डांइती लोत्र सां वोइक्नुङ। मको रे का योत्रसो। मिनु मको इ कली पाइनुङ’ दंत, मतो” देमाक्त। ११मिनु गाद दाऊद आ बाक्तीक जाक्शा, मकोमी “परमपरभु यावेमी इन कली लोत्र पाइब। मिनु गे लोत्र का योत्रसो। १२‘गो इ डांइती लोत्र सां वोइक्नुङ। मको रे का योत्रसो’ देशो बाक्ब। मको लोत्र सां तेको बाक्नीम देशा हना, डांइती डा बर्स सां सम्म अन्काल दुम्तीक, नोले डा महिना सां सम्म इन जोरी सतरुमी सदा पचा पुंइसीतीक, आन तरवारम इन कली गरातीक नु नेल्ल क्येडा नोले डा परमपरभु यावेमी आ तरवार रे नाक्त सां सम्म रागी नेल्लम बेक्चा डा रोइ पपाइश्शो मुर साइक्तीक। मको लोत्र सांमी का योत्रसो। परमपरभु यावे आ स्वर्ग डा गेय पाइबमी नाक्त सां सम्म इसराएल रागीम शुश मुर आन कली साइक्तीक। मको लोत्र सां बाक्तेकम। का योत्रसो। गो आं कली सोइक्ब कली मार देचा माल्लुङ, देनीन” देमाक्त। १३मिनु दाऊदम गाद कली “गो थम श्येत जाइब दुम्ती। परमपरभु यावे आ गुइमी दुम्चा गेयीनी। मारदे हना मको आ शिशी थम ठेयब बाक्ब। तन्न मुर आन गुइमी दुम्चा मगेयीनी” दे मदा बाक्त। १४मोपतीक परमपरभु यावेमी इसराएल रागीम बेक्चा डा रोइ पपाइक्मी बाक्त। मिनु ७० हजार बेक्मा बाक्त। १५मिनु परमपरभुमी आ स्वर्ग डा गेय पाइब का यरूसलेम सहर खतम पोक्चा कली सोइक्ता बाक्त। तन्न मकोमी खतम पोक्चा चिकतानु, परमपरभु यावेमी मको खतम पोक्तीक तशा, शिशी पा तेक्वा बाक्त।

मेकोमी खतम पोक्व आ स्वर्ग डा गेय पाइब कली “मुल दुम्त। इ गुइ तेक्को” दे मदा बाक्त। मेना परमपरभु यावे आ स्वर्ग डा गेय पाइब यबुसी ओरनान आ खला आ नक्था राप्शा, बाक्शो बाक्माक्त। १६मिनु दाऊदमी इर गे कोव्रडानु, परमपरभु यावे आ स्वर्ग डा गेय पाइब का सरीङ नु रागी आस दातमी राप्शा, आ गुइमी शोइशो तरवार का यरूसलेम गे दिंशो तवा बाक्त। मिनु दाऊद नु मेको नु बाक्शो खूशोपुकी भाङ्गारा फेक्शा सुम्की पा बाम्मा बाक्त। १७मिनु दाऊदम परमपरभु कली “मुर आन कली हिक्का कली गो कका अरतामी। गो कका पाप पा काइ मरिम्शो पाता। तन्न एको भेडापुकीम मार पामे डा? परमपरभु यावे, आं परमपरभु, इन गेचा डा श्येत आं कली नु आं आफ आ खिं कली दुम्त। तन्न इन मुर आन कली मोदंशो श्येत मगन” देमाक्त।

### दाऊदम चढेतीक सेल्शो

१८मिनु परमपरभु यावे आ स्वर्ग डा गेय पाइबमी गाद कली “गे दाऊद कली यबुसी ओरनान आ खलामी परमपरभु यावे कली चढेतीक का सेलो” दे मतो” देमाक्त। १९ मोपतीक दाऊदमी गादम परमपरभु यावे आ नंमी अरेशो लोव्र खोदंशो पवा बाक्त। २०मेना ओरनान आ चेरब दांड पा लेशशा कोव्रडानु, परमपरभु यावे आ स्वर्ग डा गेय पाइब कली तवा बाक्त। आ नु बाक्शो आ ४ जना ती चहिं खरंडिसमा बाक्त। ओरनान चहिं चेरब तुप्स डा तुप्स बाक्माक्त। २१दाऊद मेको आ बाक्तीक जावदीम्मनु, ओरनानम पिप कली तशा, आ डांडेती सुम्की पा बाम्माक्त। २२मिनु दाऊदम ओरनान कली “एको खला डा रू परमपरभु यावे कली चढेतीक का सेल्वा कली गयी। मेको गिश बाक्मे, मेको डा क्येट गेनुङ। मुर आन कली गेशो बेक्तीक रोइ नाइक्सेकल” देमाक्त। २३मिनु ओरनानमी दाऊद कली “मेको ताक्कीन। हजुर, पिपम मार पचा दाक्नीनी, मेको पने। चोशा चढेचा कली ब्यफपुकी गेनुङ। शी कली दांड पशो शी बाक्व। अन्न चढेचा कली चेरब बाक्व। गो मो गेता” देमाक्त। २४तन्न पिप दाऊदमी ओरनान कली “ममाइ, गो नेल्ल गिश बाक्मे मिश क्येट थान्नुङ। गो मोशा इ मार मार ताक्शा परमपरभु यावे कली मचढेनुङ” देमाक्त। २५मोपतीक दाऊदमी ओरनान कली मेको रू डा ६ सहे सुन के शकल नाक्शा गेवा बाक्त। संकल का ११.५

गराम डा चांदी के क्येट बाक्व। २६मिनु दाऊदम मेकर परमपरभु यावे कली चढेतीक का सेला बाक्त। मिनु चोशा चढेतीक नु दुशा बाक्चा आ पर्वम चढेतीक चढेवा बाक्त। मिनु परमपरभु यावे आ नं थिशा पुना बाक्त। परमपरभु यावेमी सरीङ रे चोशा चढेतीक तारीमी तोक्शा लोव्र लेत्ता बाक्त। १राजा १८ :२४ २७मिनु परमपरभु यावेमी आ स्वर्ग डा गेय पाइब कली “इ तरवार खोतम पिप्तो” दे मदा बाक्त।

२८मेना दाऊदम परमपरभु यावेम यबुसी ओरनान आ खलाम आ लोव्र लेत्ताकयी, दे तुइशशा मेकर चढेवा बाक्त। २९मोसाम गोरशो रागीम सेल्शो परमपरभु यावे आ बाक्तीक नु चढेतीक मेना सम्म गिबान इर डा पूजा पतीकम बाक्शो बाक्माक्त। १राजा ३ :४ ; २इतिहास १ :३,६ ३०तन्न दाऊद परमपरभु कली पुंडेचा मेकर लने मचाप्शो बाक्माक्त। मारदे हना परमपरभु यावे आ स्वर्ग डा गेय पाइब आ तरवार क्येडा हिंमाक्त।

### परमपरभु यावे आ खिं सेल्वा चिक्शो

२२ १मिनु दाऊदमी “एकर परमपरभु आ खिं नु इसराएलीपुकीमी परमपरभु यावे कली चोशा चढेतीक सेल्वा माल्ब” देमाक्त।

२मिनु दाऊदमी “इसराएलम बाक्व अर्का रागी डा मुर आन कली बुक्कीन” दे अरवा बाक्त। मिनु मेको आन कली परमपरभु आ खिं सेल्वा कली फुल्लु खरोइक्तीक गेय गमी बाक्त। ३दाऊदमी शुश फलाम नु कांसा गेवा बाक्त। मेको लाप्चो नु लाप्चो डा शी आन कली कांटी नु ग्याइक्पाइक्तीक सेल्वा कली वोइशो बाक्त। मेको नाक्न मचाप्चा डा पा शुश बाक्शो बाक्त। ४मिनु हिक्के मचाप्चा डा पा लेबानोन डा लाइशशा रवा आन शी तेलपाइमी बाक्त। मारदे हना सीदोन नु टायर डा मुरपुकीमी दाऊद कली लेबानोन डा रवा आन शी शुश चाक्गमे बाक्त। ५मिनु दाऊदमी “आं ती सोलोमन मुल सम्म आइक्च नु मतुइक्व बाक्व। परमपरभु यावे कली सेल्शो खिं थम दारशो, रागी नेल्लमी मिम्चा डा पा नु ठेयब दुम्चा माल्ब। मोपतीक गो मेको सेल्वा कली मारइ मारइ ठीक पचा माल्नुङ” देमाक्त। मिनु दाऊदम आ बेक्चा क्येडा डांडेती मार मार शुश तेलमी बाक्त। १इतिहास २१ :१

६मिनु नाले दाऊदमी आ ती सोलोमन कली बरैथ सोइक्ता बाक्त। मेको कली “परमपरभु

यावे इसराएली आन परमपरभु कली खिं का सेलो” दे अरेवा बाक्त। ७ मिनु सोलोमन कली “आं तौ, गो परमपरभु यावे, आं परमपरभु कली खिं का सेल्वा थुं पशो बाक्ती। ८ तन्न परमपरभु यावेमी आं कली लोत्र पाप्तु। मेकोमी गे शुश हृश खराक्श पोक्तीवी। गे ठेयब ठेयब लडाइ पाप्तीवी। मापतीक आं कली खिं सेल्वा मदुम्ब। मारदे गे आं डोइती रागीम शुश हृश खराक्श पोक्शो बाक्नेवे। ९ गे तौ का थीनेवे। मेको लडाइ मपाइब मुर दुम्ब। गो मेको आ एर आंथ डा जोरी सतरु नेल्ल आन कली लडाइ मपपाइक्नुड। मिनु मेको आ नं सोलोमन दुम्चा माल्ब। आ सासन पची ना, गो इसराएलम लडाइ मदुम्पाइक्थु रिम्शो पा बाक्चा गेनुड। १० मेकोमी आं नं ठेयब सेल्वा कली खिं का सेल्वा माल्ब। मिनु मेको आं तौ दुम्ब। मिनु गो मेको आ आफ दुम्नुड। गो इसराएलम मेको आ सासन पतीके गेना हना यो बोल्यो सेल्नुड” दे परमपरभुम आं कली दंत। ११ आं तौ, परमपरभु यावे गे नु बाक्त। मिनु परमपरभु यावे, इ परमपरभुमी इ पर्वम देशो सोदेशो पा गे मेको कली खिं सेल्वा माल्नेवे। मेको गेय नेल्ल रिम्शो दुम्ब। १२ परमपरभु यावेमी इ कली रुपतीक नु जोक्ब तुइक्ब थुं गेवल। मेकोमी इ कली इसराएल कली सासन पचा गेवानु, गे परमपरभु यावे, इ परमपरभु आ अरशो लोत्र टिशा पाइब दुम्नेवे। १३ परमपरभु यावेमी मोसा कली आ फुल्लुम मुशा बरेक्शो लोत्र नु निसाफ पतीक लोत्र इसराएली आन कली टिशा पचा कली गेशो बाक्त। गे मेको नेल्ल पाप्तीवी हना, इ गेय रिम्शो दुम्ब। गे बोल्यो नु महिब दुमो। हिंशा इ थुं लुक्च लचा मगेवो। १४ राजा २:२-३ १४ गो शुश श्येत पा परमपरभु यावे आ खिं सेल्वा कली मार वोइक्ता देशा हना, लाख का टलेन्ट सुन, १० लाख टलेन्ट चांदी नु नाक्ने मचाप्चा डा पा कांसा नु फलाम खेक्शा वोइक्तामी। मारदे हना मेकर शुश बाक्शो बाक्त। शी नु फुल्लुपुकी यो ठीक पा वोइक्तामी। गे अर्की यो तेम्चा माल्नेवे। टलेन्ट का ३४ किलो बाक्ब। १५ इतिहास २९:२ १५ गे नु शुश गेय पाइब बाक्शो बाक्नीम। मार गेय पाइब बाक्शो बाक्नीम देशा हना, फुल्लु खरोइक्ब, गारो परोत्रब, शी के गेय पाइब, शुश दारशो गेय जोक्शा पाइब यो बाक्नीम। १६ मेकोपुकीमी सुन, चांदी, कांसा नु फलाम के मारेइ मारेइ गेय पाइब बाक्नीम। मुल गेय पचा गोवो। परमपरभु यावे

गे नु बाक्त” दे दाऊदमी सोलोमन कली मदा बाक्त।

१७ मिनु दाऊदमी इसराएली आन ठेयब मुर नेल्ल आन कली “आं तौ सोलोमन कली वारच पने। १८ परमपरभु यावे, इन परमपरभु गेपुकी नु बाक्ब। मेकोमी इन रागी नेल्लेमी काइ लडाइ मदुपद। इन थुं नाइक्पाइश्शा वोइक्तु। मेकोमी एको रागी डा मुर आन कली आं गुइमी गेशो बाक्त। मारदे हना परमपरभु यावेमी एको रागी डा मुर आं गुइम गेती। मेको रागीपुकी परमपरभु यावे नु आ मुर आन सासनमी वोइक्तु। १९ इतिहास २३:२५ १९ मुल इन थुं नेल्लेमी परमपरभु यावे, इन परमपरभु कली मालीन। मिनु परमपरभु यावे, परमपरभु आ बाक्तीक सेल्वा गाने। मिनु नोले परमपरभु यावे आ कबल पशो सन्दोस नु परमपरभु आ ग्यांबपुकी परमपरभु यावे कली सेल्शो खिंमी वोइक्चा माल्नीनी” दे माइक्मी बाक्त।

लेवी नु चदेब आन गेय

२३ १ मिनु दाऊद सूशो नु शुश बर्स दुम्शा, आ तौ सोलोमन कली इसराएल डा पिप सेला बाक्त। १ राजा १:२८-४० २ मिनु मेकोमी इसराएली आन ठेयब मुर नेल्ले नु चदेबपुकी नु लेवी आन कली गरुम्पाइक्मी बाक्त। ३ मिनु ३० बर्स गाप्शो नु मेको क्येडा लाक्शो लेवी आन कली हिक्शोनु, मेको नेल्ल ३८ हजार बाक्मा बाक्त। ४ मिनु दाऊदमी लेवी आन पर्वम “मेको आन दाते डा २४ हजार परमपरभु यावे आ खिं डा गेय कोत्रचा माल्नीम। ६ हजार मेको आन ठेयब मुर नु निसाफ पाइब दुम्चा माल्नीम। ५ मिनु ४ हजार लाप्चो खाल पाइब दुम्चा माल्नीम। मिनु नोले डा ४ हजार आं गेशो बाजापुकी ताप्शा, परमपरभु यावे कली ठेयब सेल्लतीक कुम्सो पचा माल्नीम” देमाक्त। ६ मिनु दाऊदम मेको आन कली लेवी आ तौ गेरशोम, कोहाथ नु मेरारी का का पा हुल पा योक्शा गेमी बाक्त। १५ इतिहास ६:१ ७ गेरशोम आ तौ लादान नु शिमैड बाक्सा बाक्त। ८ लादान आ डोइती थिशा तौ येहीएल ठेयब मुर बाक्माक्त। आ नोले डा जेथाम नु योएल नेल्ल पा सां बाक्मा बाक्त। १५ इतिहास २६:२१ ९ शिमैड आ तौ शेलोमाथ, हजीएल नु हारान सां बाक्मा बाक्त। मेकोपुकी लादान आ खिं डा ठेयब मुर बाक्मा बाक्त। १० मिनु शिमैड आ तौ याहाथ, जीना, येऊश नु बरीआ, ४ जना बाक्मा बाक्त। ११ याहाथ मेको आन ठेयब मुर बाक्माक्त। मेको

आ नोले डा जीजाह बाक्माक्त। तन्न येऊश नु बेरीआ आस के शुश तौ मबाक्तीक मेको आस कली खिं का डा मुर हुल का सल्शा हिक्चा पुंडसमा बाक्त।

१२कोहाथ आ तौ अमराम, इच्हार, हेबरोन नु उज्जीएल ४ जना बाक्मा बाक्त। १३अमराम आ तौ हारून नु मोसा बाक्सा बाक्त। हारून नेल्ल क्यडा चोवखो चढेतीक गेय पाइब सेल्वा कली योव्रचा पुंडस बाक्त। मेको नु आ तौपुकी गेना हना यो परमपरभु यावे आ डांडती चढेचा माल्दमे बाक्त। परमपरभु आ डांडती गेय पचा कली नु आ नेमी गेना हना यो आसीक गेचा कली योव्रशो बाक्सा बाक्त। १इतिहास ५ :२९; १इतिहास ६ :३४; व्यवस्था १० :८; गन्ती ६ :२४-२७ १४मोसा परमपरभु आ मुर बाक्शो बाक्माक्त। मेको नु आ तौपुकी अरु लेवी आ थर डा मुर सोदंशो पा हिक्शो बाक्सा बाक्त। १५मोसा आ तौ गेरशोम नु एलीएजर बाक्सा बाक्त। परस्थान १८ :३-४ १६गेरशोम आ तौ शबुएल ठेयब मुर का बाक्माक्त। मेको डांडती डा बाक्माक्त। १इतिहास २६ :२४ १७एलीएजर आ तौ रहब्याह ठेयब मुर बाक्माक्त। मेको एलीएजर आ तौ का ला बाक्माक्त। तन्न रहब्याह के तौ शुश बाक्सा बाक्त। १इतिहास २४ :२१-३० १८इच्हार आ तौ शलोमीथ ठेयब मुर बाक्माक्त। १९हेबरोन आ तौ येरीयाह ठेयब मुर बाक्माक्त। मेको आ माइला अमारयाह, आ साइला याहासीएल, नु आ कान्छा येकामआम बाक्सा बाक्त। २०उज्जीएल आ तौ मीकाह ठेयब मुर बाक्माक्त। मेको आ नोले डा तौ इस्शीयाह बाक्माक्त।

२१मेरारी आ तौ माहली नु मुशी बाक्सा बाक्त। माहली आ तौ एलाजर नु कीश बाक्सा बाक्त। १इतिहास ६ :४ २२एलाजर तौ मथिथु बेक्साक्त। मेको के तमीपुकी ला बाक्सा बाक्त। मेको आ लोकब कीश आ तौपुकीमी मेको आन कली ग्युबे पामे बाक्त। २३मुशी आ तौपुकी माहली, एदर नु येरमोथ सां बाक्सा बाक्त।

२४मेको लेवी आ थर डा खिं खिं डा मुर बाक्सा बाक्त। मेको खिं खिं डा २० बर्स गाप्शो नु मेको क्येडा लाक्शो बाक्सा बाक्त। मेको आन कली हिक्शा, आन नें बरक्शो बाक्सा बाक्त। मारंदे हना मेकोपुकी परमपरभु यावे आ खिंम गेय पचा माल्बाक्सा बाक्त। २५मिनु दाऊदमी “परमपरभु यावे, इसराएली आन परमपरभुमी आ मुर आन कली थुं नाइक्चा गेशो बाक्ब। मिनु

परमपरभु यरूसलेम सहरम गेना हना यो बाक्ब। २६मोपतीक मुल रे लेवी आ थर डा मुरपुकी परमपरभु यावे आ बाक्तीक नु मेको आ मार मार ग्योबपुकी गेनायो कुरचा ममाल्नीम” देमाक्त। योएल ४ :२१ २७दाऊद आ नोले दंशो लोव्र रे पा मेको २० बर्स गाप्शो नु मेको क्येडा लाक्शो लेवी आ थर डा मुर हिक्चा बाक्सा बाक्त। २८मेकोपुकीमी हारून आ तौ परमपरभु यावे आ खिं डा गेय पतीकम वारच पचा माल्मा बाक्त। लाडगा नु कोठापुकी कोव्रचा, चोवखो थोव्रकपुकी सफा पचा, परमपरभु आ खिं डा अरु गेय नेल्ल पचा माल्बाक्सा बाक्त। २९मिनु मेकोपुकीमी चढेशो शोब्ले वोइक्चा कली, अन्न चढेतीक डा रिम्शो फसी, बोरब ओस्ती मसुप्शो शोब्ले, तेल ब्याइश्शो चढेतीक, नेल्ल नाक्तीक गेयम वारच पचा माल्बाक्सा बाक्त। ३०मिनु मेकोपुकी सुनी कुस कुस नु नाक्दो कुस कुस परमपरभु यावे आ डांडती “गे रिम्शो पाइब बाक्नीनी” दे ठेयब सेल्वा माल्बाक्सा बाक्त। ३१नाइक्तीक नाक्त परमपरभु यावे कली चोशो चढेतीक चढेचा कली, ओसी नाक्त नु नेल्ल पचा डा चाड डा चढेतीक गेय परमपरभु यावे आ डांडती वारच पचा माल्बाक्सा बाक्त।

३२मोपा मेकोपुकीमी गरुन्तीक ताम्बु नु चोवखो बाक्तीक नेल्ल कोव्रचा माल्मा बाक्त। मिनु मेकोपुकीमी हारून आ तौ चच आन दी बाक्शा परमपरभु यावे आ खिं डा गेय पचा माल्बाक्सा बाक्त।

चढेब आन गेय पाइब योव्रशो

२४ १मिनु योव्रसीशो हारून आ तौ चच सु सु बाक्सा बाक्त दंशा हना, आ तौ नादाब, अबीहु एलाजर नु इथामार बाक्सा बाक्त। १इतिहास २३ :६; १इतिहास ५ :२९ २नादाब नु अबीहु चहिं आस आफ बेक्चा क्येडा डांडती तौ मथिथु, बेक्सा बाक्त। मोपतीक एलाजर नु इथामार चढेब दुम्शो बाक्सा बाक्त। ३मिनु दाऊदमी एलाजर नु आ तौ सादोक नु इथामार नु आ तौ अहीमेलेक नु मेको आन गेय पचा कली हुल सल्शा गेमी बाक्त। ४मिनु इथामार आ खिं खिं डा ठेयब मुर आन क्येडा एलाजर आ खिं खिं डा मुर शुश बाक्शो बाक्सा बाक्त। मोपतीक एलाजर आ तौ आन खिं खिं डा ठेयब मुर १६ जना आन कली हुल हुल सल्मे बाक्त। इथामार आ तौ आन खिं खिं डा ठेयब मुर ८ जना आन कली हुल हुल सल्मे बाक्त। ५मिनु आन दातेम बाजी

आप्शा, आन हुल हुल सल्मे बाक्त । मारदे हना एलाजर नु इथामार आस तौ आस सिं सिं डा मुर नल्ल खाल का डा ठेयब मुर बाक्मा बाक्त । मेको नल्ले परमपरभु नु आ बाक्तीक डा ठेयब मुर बाक्मा बाक्त । ६ नेथनल आ तौ शमायाह, लेवी आ थर डा बरक्ब का बाक्मा बाक्त । मेकोमी पिप नु ठेयब मुरपुकी, चद्वेब सादोक, अबीयाथार आ तौ अहीमेलक, चद्वेब लेवी आन सिं सिं डा ठेयब मुर आन डांइती चद्वेब आन नें बरक्ता बाक्त । एलाजर आ सिं सिं डा नु इथामार आ सिं सिं डा गेय पतीक हुल सल्मे बाक्त । १ इतिहास १८ : १६

७ मिनु डांइती डा बाजी आप्शा येहा-यारीब आ नेंमी, मेको आ नोले डा बाजी येदायाह आ नेंमी, ८ मेको आ नोले डा बाजी हारीम आ नेंमी, मेको आ नोले डा बाजी सेओरीम आ नेंमी, ९ मेको आ नोले डा बाजी माल्कीयाह आ नेंमी, मेको आ नोले डा बाजी मियामीन आ नेंमी, १० मेको आ नोले डा बाजी हककोस आ नेंमी, मेको आ नोले डा बाजी अबीयाह आ नेंमी, लूका १ : ५ ११ मेको आ नोले डा बाजी येशु आ आ नेंमी, मेको आ नोले डा बाजी शेकन्याह आ नेंमी, १२ मेको आ नोले डा बाजी एल्याशीब आ नेंमी, मेको आ नोले डा बाजी याकीम आ नेंमी, १३ मेको आ नोले डा बाजी हुप्पाह आ नेंमी, मेको आ नोले डा बाजी येशव-आब आ नेंमी, १४ मेको आ नोले डा बाजी बिल्वाह आ नेंमी, मेको आ नोले डा बाजी इम्मर आ नेंमी, १५ मेको आ नोले डा बाजी हेजीर आ नेंमी, मेको आ नोले डा बाजी हर्पीसस आ नेंमी, १६ मेको आ नोले डा बाजी पथायाह आ नेंमी, मेको आ नोले डा बाजी यहजेकल आ नेंमी, १७ मेको आ नोले डा बाजी यार्कीन आ नेंमी, मेको आ नोले डा बाजी गामुल आ नेंमी, १८ मेको आ नोले डा बाजी देलायाह आ नेंमी नु मेको आ नल्ल क्येडा नोले डा बाजी मार्जीयाह आ नेंमी दुम्मा बाक्त । नल्ल पा २४ हुल बाक्मा बाक्त । १९ मेको आन किकी हारूनमी गेशा पतीक लोत्र गेय बाक्मा बाक्त । दोपा परमपरभु यावे आ सिं लचा बरक्शो बाक्त । परमपरभु यावे, इसराएली आन परमपरभुमी हारून कली गेशा शंशो लोत्र खोदंशो बाक्शो बाक्त । हारून आ सिं सिं डा लेवी आन गेय पचा माल्मा बाक्त ।

लेवी आ थर डा अरु मुरपुकी

२० मिनु लीशो लेवी आ थर डा मुर सु सु बाक्मा बाक्त देशा हना, अमराम आ तौ आन दाते डा शुबाएल बाक्मा बाक्त । शुबाएल आ तौ आ

दाते डा येहदयाह बाक्मा बाक्त । २१ रेहब्याह आ तौ आन दाते डा मेको आन ठेयब मुर इस्शीयाह बाक्मा बाक्त । २२ इच्छार आ तौ आन दाते डा शलोमोथ बाक्मा बाक्त । शलोमोथ आ तौ आन दाते डा याहाथ बाक्मा बाक्त । २३ हेबरोन आ तौ आन दाते डा यरीयाह मेको आन ठेयब मुर बाक्मा बाक्त । मेको आ माइला अमारयाह बाक्मा बाक्त । आ साइला याहासीएल बाक्मा बाक्त । आ कान्छा येकामआम बाक्मा बाक्त । २४ उज्जीएल आ तौ आन दाते डा मीकाह बाक्मा बाक्त । मीकाह आ तौ आन दाते डा शामीर बाक्मा बाक्त । २५ मिनु मीकाह आ लोक्व इस्शीयाह आ तौ आन दाते डा जकरिया बाक्मा बाक्त । २६ मरारी आ तौ आन दाते डा माहली नु मुशी बाक्मा बाक्त । याजीयाह आ तौ बेनो बाक्मा बाक्त । २७ मरारी आ तौ चच आन दाते डा याजीयाह, बेनो, शोहाम, जाक्कुर नु इबरी बाक्मा बाक्त । २८ माहली आ तौ आन दाते डा एलाजर बाक्मा बाक्त । मेको के तौ मबाक्म । २९ कीश आ तौ आन दाते डा यराहमल बाक्मा बाक्त । ३० मिनु मुशी आ तौ आन दाते डा माहली, एदेर नु यरीमोथ बाक्मा बाक्त । मेको लेवी आ थर डा सिं सिं डा मुर बाक्मा बाक्त । ३१ मेकोपुकीमी पिप दाऊद, सादोक अहीमेलक नु चद्वेब आन सिं सिं डा ठेयब मुरपुकी नु लेवी आ थर डा मुर आन डांइती बाजी आप्म बाक्त । सिं सिं डा ठेयब मुर नु नल्ल क्येडा आइक्च नल्लेम खाल का डा पाम बाक्त । मिनु गेना गेय पचा, दे यो बाजी आप्म बाक्त । १ इतिहास २५ : ८

कुम्सो पाइब नु ताप्ब योत्रशो

२५ १ दाऊद नु आ कप्तानपुकीमी आसाफ आ तौपुकी, हेमान आ तौपुकी नु येदुथून आ तौ आन कली परमपरभु यावे आ सोक्तीम बरीशा आइक्च नु ठेयब तार पाइशो ताप्तीक नु बुप्केल ताप्त्वा कली योत्रडमे बाक्त । मेको गेय पाइब आन नें बरक्तमे बाक्त । १ इतिहास १५ : १९ २ मिनु सु बाक्मा बाक्त देशा हना, आसाफ आ तौ आन दाते डा जाक्कुर, योसफ, नेथन्याह नु अशारेलाह बाक्मा बाक्त । आसाफ मेको आन कली अरब बाक्मा बाक्त । आसाफमी पिप आ देशो परमपरभु यावे आ सोक्तीम बरीशा कुम्सो सेला बाक्त । ३ येदुथून आ तौ नु गेदाल्याह, सेरी, येशायाह, शिमइ, हशाब्याह नु मत्तीथ्याह ६ जना बाक्मा बाक्त । आन आफ येदुथून मेको आन

कली अरेब बाक्माक्त। मेकोमी बीना ताप्शा परमपरभु यावे आ सोक्तीम बरीशा “गे रिम्शो पाइब बाक्नीनी” दे ठेयब सल्ल्तीक कुम्सो पवा बाक्त। ४ हेमान आ तौपुकी बुक्कीयाह, मत्तन्याह, उज्जीएल, शंबुएल, यरीमोथ, हनान्याह, हानानी, एली-आथा, गिदाल्ती, रोमाम्ती-एज्जर, योश्व-काशाह, माल्लोथी, होथीर नु माहाजी-ओथ बाक्मा बाक्त। ५ मेको नेल्ल पिप कली परमपरभु आ लोत्र पाइब हेमान आ तौ बाक्मा बाक्त। मेकोपुकीमी परमपरभु आ देशो खोदेशो पा परमपरभु कली ठेयब सल्ल्त्वा माल्त्वा बाक्त। मारदे हना परमपरभुमी हेमान कली १४ जना तौ नु तमी सां गेशो बाक्माक्त। २ इतिहास ३५:१५ ६ मिनु आन आफोमी परमपरभु यावे आ खिम मेको नेल्ल आन कली बीना ताप्शा, तार पाइशो ताप्तीक ताप्शा नु बुक्केल ताप्शा कली शंशो बाक्माक्त। पिपमी आसाफ, येदुथून नु हेमान आन कली दोपा अरेवा, मोपा पाम बाक्त। ७ मेको नु आन खिं खिं डा मुरपुकी परमपरभु यावे कली कुम्सो पचा शंसीशो बाक्मा बाक्त। नेल्ल तुइक्व जोक्व बाक्शो बाक्मा बाक्त। कुम्सो पाइब नेल्ल सहे निक्शी ८८ जना बाक्मा बाक्त। ८ मिनु मेकोपुकीमी गना गेय पचा, दे बाजी आप्म बाक्त। आइक्व नु ठेयब, शंसीब नु शंब खाल का डा बाक्मा बाक्त। १ इतिहास २४:३१

९ मिनु डांइती डा बाजी आप्शा आसाफ आ तौ योसफ आ नंम गरुमाक्त। मिनु मेको आ नोले डा गदाल्याह, आ लोकबपुकी नु आ तौ आन नंम दुम्माक्त। मेको नेल्ल १२ जना बाक्मा बाक्त। १० मेको आ नोले डा बाजी जाक्कुर, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। ११ मेको आ नोले डा बाजी इजरी, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। १२ मेको आ नोले डा बाजी नेथन्याह, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। १३ मेको आ नोले डा बाजी बुक्कीयाह, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। १४ मेको आ नोले डा बाजी येसारला, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। १५ मेको आ नोले डा बाजी येशायाह, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। १६ मेको आ नोले डा बाजी मत्तन्याह,

आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। १७ मेको आ नोले डा बाजी शिमैड, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। १८ मेको आ नोले डा बाजी अज्जरल, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। १९ मेको आ नोले डा बाजी हशाब्याह, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २० मेको आ नोले डा बाजी शुबाएल, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २१ मेको आ नोले डा बाजी मतीथ्याह, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २२ मेको आ नोले डा बाजी येरेमोथ, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २३ मेको आ नोले डा बाजी हनान्याह, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २४ मेको आ नोले डा बाजी योश्व-काशाह, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २५ मेको आ नोले डा बाजी हानानी, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २६ मेको आ नोले डा बाजी माल्लोथी, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २७ मेको आ नोले डा बाजी एली-आथा, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २८ मेको आ नोले डा बाजी होथीर, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। २९ मेको आ नोले डा बाजी गिदाल्ती, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। ३० मेको आ नोले डा बाजी डा माहाजी-ओथ, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त। ३१ मेको आ नेल्ल क्यडा नोले डा बाजी रोमाम्ती-एज्जर, आ तौपुकी नु आ लोकब आन नंमी दुम्माक्त। मेको नेल्ल १२ जना बाक्मा बाक्त।

लाप्शो खाल पाइब योत्रशो

१ मिनु लाप्शो खाल पतीक गेय पाइब सु २६ सु बाक्मा बाक्त देशो हना, कोराह आ खिं खिं डा मुर आसाफ आ तौ र कोराह आ

तौ मेशलेम्याह बाक्माक्त। २इतिहास ८:१४ ; २इतिहास ३५:१५ २मेशलेम्याह आ डांडती थिशो तौ जकरिया, आ माइला येदीएल, आ साइला जेबदीयाह, आ काइला याश्नीएल, ३आ अन्तर एलाम, आ जन्तर येहो-हानान नु आ कान्छा एली-ए-होएनाइ बाक्मा बाक्त। ४ओबद-एदोम आ डांडती थिशो तौ शेमायाह, आ माइला येहो-जाबाद, आ साइला योआह, आ काइला साकार, आ अन्तर नेथनल, २सामुएल ६:११ ५आ जन्तर अम्मोएल, आ खन्तर इस्साकार नु आ कान्छा पंडल्लेथाइ ८ जना बाक्मा बाक्त। मारदे हना परमपरमुमी ओबद-एदोम कली आदीक गेशो बाक्माक्त। ६मेको आ तौ शेमायाह के यो तौपुकी बाक्मा बाक्त। मेको आन सिं सिं डा ठेयब मुर बाक्मा बाक्त। मारदे हना मेकोपुकी शुश जोक्ब तुइक्ब मुर बाक्मा बाक्त। ७शेमायाह आ तौपुकी ओश्नी, रेफाएल, ओबद नु एलजाबाद बाक्मा बाक्त। मेको आन लोक्ब एलीह नु सेमक्याह यो जोक्ब तुइक्ब मुर बाक्सा बाक्त। ८मेको ओबद-एदोम आ तौपुकी, मेको आन तौ नु आन लोक्ब नेल्ले मेको गेय पचा कली जोक्ब तुइक्ब बाक्मा बाक्त। ओबद-एदोम आ मुर नेल्ले पा ६२ जना बाक्मा बाक्त। ९मेशलेम्याह आ तौपुकी नु आ लोक्बपुकी नेल्ले जोक्ब तुइक्ब मुर बाक्मा बाक्त। मेको नेल्ले १८ जना बाक्मा बाक्त। १०मेरारी आ तौ हासाह आ तौपुकी सु सु बाक्मा बाक्त दंशा हना, शिमरी आ डांडती थिशो तौ मबाक्त हना यो, मेको आन ठेयब मुर बाक्माक्त। आ आफोमी मेको कली ठेयब मुर संला बाक्त। ११मिनु हासाह आ तौ माइला हिल्कीयाह, आ साइला तेबल्याह नु आ कान्छा जकरिया बाक्मा बाक्त। हासाह आ तौपुकी नु आ लोक्बपुकी नेल्ले १३ जना बाक्मा बाक्त।

१२परमपरमु यावे आ सिं डा लाप्नो खाल पाइब आन हुल नु आन ठेयब मुर आन सिं सिं डा मुरपुकी खोदंशा पा परमपरमु यावे आ सिंम गेय पचा कली योत्रशो बाक्मा बाक्त। १३मिनु मेकोपुकीमी आन सिं सिं डा मुर कली तेको लाप्नो खाल पचा, दे बाजी आप्म बाक्त। खुशो नु टिटा नेल्ले कली खाल का डा पा बाजी आप्म बाक्त।

१४मिनु पूर्व डा लाप्नो खाल पचा कली शेलेम्याह आ नंम दुम्माक्त। मेकोपुकीमी आ तौ जकरिया आ पर्वम यो बाजी आप्म बाक्त। मिनु उत्तर डा लाप्नो खाल पचा कली दुम्माक्त।

जकरिया रिम्शो अर्ती गेब बाक्माक्त। १५ओबद-एदोम दक्खिन डा ठेयब लाप्नो खाल पाइब दुम्माक्त। आ तौ आन गेय मार मार वोइक्तीक सिं कोत्रतीक बाक्माक्त। १६मिनु शुप्पीम नु हासाह पच्छिम डा लाप्नो नु शल्लेकथ माइशो लाप्नो खाल पाइब दुम्सा बाक्त। मेको लाप्नो ग्येत्थ लतीक लोम नेक्नक्था बाक्माक्त। १७मिनु पूर्व गे नाक्त कित कित ६ जना लेवी, उत्तर गे नाक्त कित कित ४ जना, दक्खिन गे नाक्त कित कित ४ जना खाल पाइब बाक्मा बाक्त। मार मार वोइक्तीक सिं खाल पचा कली नाक्त कित कित निक्नक्शी मुर बाक्सा बाक्त। १८परमपरमु यावे आ सिं डा पच्छिम गे डा लोम ४ जना खाल पाइब बाक्मा बाक्त। आ सिं आ नेक्था च्हिं खाल पाइब निक्शी बाक्सा बाक्त। १९मेको नेल्ले कोराह नु मेरारी आस सिं सिं डा लाप्नो खाल पाइब आन हुल बाक्मा बाक्त।

परमपरमु आ मार मार कोत्रब मुर

२०मिनु अरु लेवी आ थर डा मुर आन गेय मार बाक्त दंशा हना, परमपरमु आ सिं डा मार मार शोप वोइक्तीक नु मार मार परमपरमु कली गेशो वोइक्तीक कोत्रब अहीयाह बाक्माक्त। २१लादान आ तौपुकी, लादान आ सिं डा गरशानी नेल्ले, गरशानी आ सिं डा ठेयब मुर येहीएली बाक्मा बाक्त। २२इतिहास २३:८ २२येहीएली आ तौ जेथाम नु आ लोक्ब योएल परमपरमु यावे आ सिं डा मार मार शोप वोइक्तीक कोत्रब बाक्मा बाक्त। २३मिनु अमराम आ सिं डा मुरपुकी, इच्छार आ सिं डा मुरपुकी, हेबरोन आ सिं डा मुरपुकी नु उज्जोएल आ सिं डा मुरपुकी २४मार मार वोइक्तीक कोत्रब आन ठेयब मुर शेबुएल बाक्माक्त। मेको मोसा आ चच, गरशोम आ तौ बाक्माक्त। २इतिहास २३:१६ २५गरशोम आ लोक्ब एलीएजर आ तौ रेहब्याह बाक्माक्त। मेको आ तौ यशायाह, येशायाह आ तौ योराम योराम आ तौ जिक्री नु जिक्री आ तौ शेलोमोथ बाक्मा बाक्त। २इतिहास २३:१७ २६शेलोमोथ नु आ लोक्बपुकी पिप दाऊदमी गेशो, सिं सिं डा ठेयब मुरपुकीमी गेशो, हजार हजार लडाइ पाइब आन कप्तानपुकीमी गेशो नु सह सह डा लडाइ पाइब आन कप्तानपुकीमी गेशो शोप वोइक्तीक कोत्रब बाक्मा बाक्त। २७मेकोपुकीमी लडाइम रोइशशा चाक्शो मार मार परमपरमु यावे आ सिंम चालेचा कली गेशो बाक्मा बाक्त।

२८ परमपरभु यावे आ लोत्र पाइब सामुएल, कीश आ तौ सावल, नेर आ तौ आब्नेर नु सरूयाह आ तौ योआबमी गेशो मारइ मारइ शलोमोथ नु आ लोकबपुकी कोत्रब बाक्मा बाक्त ।

लेवी आन गेय

२९ इच्छार आ थर डा मुर आन दाते रे केनानीयाह नु आ तौ आन कली इसराएली आन कली कोत्रब नु निसाफ पाइब बाक्मा बाक्त । ३० हेबरोन आ सिं डा मुर आन दाते रे हशाब्ब्याह नु आ लोकबपुकी हजार का ७ सह जोक्ब तुइक्ब मुर यर्दन खोला आ पच्छिम गे डा इसराएल रागी डा परमपरभु यावे आ सिं डा गेय नु पिप आ गेय आ पर्वम कोत्रब बाक्मा बाक्त । ३१ दाऊद ४० बर्सम पिप दुम्तीके हेबरोन आ मुर रे तेको तेको सिं डा ठेयब जोक्ब तुइक्ब मुर माल्मे बाक्त । मिनु गिलाद डा याजेर सहरमी मेको आन कली शुश थित्मे बाक्त । मिनु येरीयाह मेको आन ठेयब मुर बाक्माक्त । ३२ पिप दाऊदमी येरीयाह नु आ लोकबपुकी, हजार निकशी ७ सह जोक्ब तुइक्ब नु आंम आन सिं डा ठेयब मुर दुम्शा आन कली गेय पपाइक्मी बाक्त । मार गेय पपाइक्मी बाक्त देशा हना, मेकोपुकी खेबेन आ थर डा मुर, गाद आ थर डा मुर नु मनस्से आ आधा थर डा मुर आन कली परमपरभु आ पर्वम मार गेय पचा नु पिप आ पर्वम मार गेय पचा मेको कोत्रब सल्वमी बाक्त ।

लडाइ पाइब आन हुल

२७ १ मिनु इसराएली आन सिं सिं डा ठेयब मुरपुकी, हजार हजार लडाइ पाइब आन कप्तानपुकी, सह सह डा लडाइ पाइब आन कप्तानपुकी नु मेको आन ठेयब मुरपुकी बाक्मा बाक्त । मेकोपुकीमी लडाइ पाइब आन हुल हुल आन कली बर्सम महिना महिनामी पालो पा पिप आ गेय पपाइक्बाक्मा बाक्त । लडाइ पाइब आन हुल का का पालो पा बर्स डा महिना का गेय पपदमे बाक्त । हुल काम १४ हजार मुर बाक्मा बाक्त । पिप आ नेल्ल क्येडा ठेयब कप्तान सु बाक्मा बाक्त देशा हना,

२ बर्स आ डोंडती डा महिना डा डोंडती डा हुल आन कप्तान जब्दीएल आ तौ याशोबाम बाक्माक्त । मेको आ हुलम १४ हजार मुर बाक्मा बाक्त । ३ मेको पेरस आ सिं सिं डा मुर बाक्मा बाक्त । मेको डोंडती डा महिना डा लडाइ पाइब नेल्ल आन कप्तान, क्येडा ठेयब मुर बाक्माक्त ।

४ मेको आ नोले डा महिना डा हुल आन कप्तान अहोही आ मुर दोदाइ बाक्माक्त । मेको हुल नेल्ल आन कप्तान क्येडा ठेयब मुर मोक्लोथ बाक्माक्त । मेको आ हुलम १४ हजार मुर बाक्मा बाक्त ।

५ मेको आ नोले डा महिना डा हुल आन नेल्ल क्येडा ठेयब कप्तान चदेब येहो-यादा आ तौ बेनायाह बाक्माक्त । मेको आ हुलम १४ हजार मुर बाक्मा बाक्त । १ इतिहास ११ :२२-२५ ६ मेको बेनायाह शुश सक्ति पाइश्शो ३० जना मुर आन दाते डा का बाक्माक्त । मिनु मेको ३० जना सक्ति पाइश्शो मुर आन ठेयब मुर बाक्माक्त । मेको आ तौ अम्मीजाबाद बेनायाह आ लडाइ पाइब आ हुल डा मुर आन कप्तान बाक्माक्त ।

७ मेको आ नोले डा महिना डा हुल आन कप्तान योआब आ लोकब आसाहेल बाक्माक्त । मेको आ नोले आ तौ जेबदीयाह कप्तान दुम्माक्त । मेको आ हुलम १४ हजार मुर बाक्मा बाक्त । १ इतिहास ११ :२६

८ मेको आ नोले डा महिना डा हुल आन कप्तान इजरायाह आ मुर शाम्हुथ बाक्माक्त । मेको आ हुलम १४ हजार मुर बाक्मा बाक्त ।

९ मेको आ नोले डा महिना डा हुल आन कप्तान तेकोहा आ मुर इक्केश आ तौ इरा बाक्माक्त । मेको आ हुलम १४ हजार मुर बाक्मा बाक्त । १ इतिहास ११ :२८

१० मेको आ नोले डा महिना डा हुल आन कप्तान एफराइम आ थर डा, पलोन आ सिं डा मुर हेलेस बाक्माक्त । मेको आ हुलम १४ हजार मुर बाक्मा बाक्त । १ इतिहास ११ :२७

११ मेको आ नोले डा महिना डा हुल आन कप्तान जेराह डा हुशा डा मुर सिब्बकै बाक्माक्त । मेको आ हुलम १४ हजार मुर बाक्मा बाक्त । १ इतिहास ११ :२९ ; १ इतिहास २० :४

१२ मेको आ नोले डा महिना डा हुल आन कप्तान बेन्यामीन आ थर डा अनाथोथ सहर डा अबीएजेर बाक्माक्त । मेको आ हुलम १४ हजार मुर बाक्मा बाक्त । १ इतिहास ११ :२८

१३ मेको आ नोले डा महिना डा हुल आन कप्तान जेरह आ सिं डा नेतोफाह सहर डा मुर माहाराइ बाक्माक्त । मेको आ हुलम १४ हजार मुर बाक्मा बाक्त । १ इतिहास ११ :३०

१४ मेको आ नोले डा महिना डा हुल आन कप्तान एफराइम आ थर डा पिराथोन सहर डा बेनायाहम बाक्माक्त । मेको आ हुलम १४ हजार मुर बाक्मा बाक्त । १ इतिहास ११ :३१

११ मिनु बर्स आ नेल्ल क्येडा नोले डा महिना डा हुल आन कप्तान ओथ्नीएल आ सिं डा नतोफाह सहर डा हेल्दाइ बाक्माक्त। मेको आ हुलम १४ हजार मुर बाक्मा बाक्त।

थर थर डा ठेयब मुरपुकी

१६ इसराएली आन थर थर डा ठेयब मुरपुकी सु सु बाक्मा बाक्त देशा हना, रूबेन आ थर डा जिक्री आ तो एलीएजर ठेयब मुर बाक्माक्त। सिमियोन आ थर डा माकाह आ तो शेफत्याह बाक्माक्त। १७ लेवी आ थर डा केमुएल आ तो हशाब्बाह बाक्माक्त। हारून आ सिं डा सादोक बाक्माक्त। १८ यहूदा आ थर डा दाऊद आ लोकब एलीहु बाक्माक्त। इस्साकार आ थर डा मिकाएल आ तो ओमरी बाक्माक्त। १९ जबूलून आ थर डा ओबदिया आ तो इश्मायाह बाक्माक्त। नाप्ताली आ थर डा अजरीएल आ तो येरमोथ बाक्माक्त। २० एफराइम आ थर डा अजजीयाह आ तो होशेआ बाक्माक्त। मनस्से आ उइक्थ थर डा पदायाह आ तो योएल बाक्माक्त। २१ मिनु गिलादम बाक्शो मनस्से आ उइक्थ थर डा जकरिया आ तो इददो बाक्माक्त। बेन्यामीन आ थर डा आब्नेर आ तो यासीएल बाक्माक्त। २२ दान आ थर डा यरोहाम आ तो अजारेल बाक्माक्त। मेको नेल्ल इसराएली आन थर थर डा ठेयब मुर बाक्मा बाक्त। २३ मिनु दाऊदमी २७ बर्स मगाप्शो आन कली महिक्मी बाक्त। मारदे हना परमपरभु यावेमी “इसराएली आन कली सरीड डा सौरुल खोदंशो पा शुश सेल्लुडमी” दे कबल पशो बाक्माक्त। उत्पत्ती २२ :१७ २४ सरूयाह आ तो योआबमी मुर आन कली हिक्चा गोवा बाक्त। आ गेय मथुम्पु, परमपरभु यावेमी इसराएली आन पर्वम गाइक्ता बाक्त। मोपतीक मना पिप दाऊद आ सासन पची ना मार मार दुम्शो बाक्मा बरक्तीकम गिश मुर हिक्शो बाक्मा मेको मवरक्शो बाक्माक्त। १ इतिहास २१ :७,१४

पिप आ मार मार कोव्रबपुकी

२५ मिनु अदीएल आ तो अज्मावेथ पिप आ मार मार वोइक्तीके कोव्रब आन ठेयब मुर बाक्माक्त। उज्जीयाह आ तो योनाथन चहिं रूमी, सहरपुकीमी, गाउंपुकीमी नु वोइक्तीके लाइश्शो सिंमी बाक्शो पिप आ मार मार कोव्रब आन ठेयब मुर बाक्माक्त। २६ केलुब आ तो एजरी रूम गेय पा दोइब आन कली

कोव्रब आन ठेयब मुर बाक्माक्त। २७ रामाह सहर डा शिमइ अडगुर रूपुकी कोव्रब आन ठेयब मुर बाक्माक्त। शिफमी आ मुर जब्दी चहिं अडगुर शांबु वोइक्तीके कोव्रब आन ठेयब मुर बाक्माक्त। २८ गेदराह सहर डा बाल-हनान शफलाह डा दिममी बाक्शो तेल रवा नु फल सिन्व फोव्रशी रवापुकी कोव्रब आन ठेयब मुर बाक्माक्त। योआश चहिं तेल वोइक्तीके कली कोव्रब आन ठेयब मुर बाक्माक्त। २९ शारोन दिम डा शितराइ मेकर डा दिममी जोइब बी ब्यफ आन कली कोव्रब आन ठेयब मुर बाक्माक्त। अदलाइ आ तो शाफात चहिं अरु दिमम जोइब बस्तु भाव आन कली कोव्रब आन ठेयब मुर बाक्माक्त। ३० इश्माएली ओबील दलआंठ आन कली कोव्रब आन ठेयब मुर बाक्माक्त। मेरोनोथ डा येहूदायाह गधा आन कली कोव्रब आन ठेयब मुर बाक्माक्त। मिनु हागरी आ मुर याजीज क्यारश मेडा आन कली कोव्रब आन ठेयब मुर बाक्माक्त। ३१ मेको नेल्ले पिप दाऊद आ शांप कोव्रब आन ठेयब मुर बाक्मा बाक्त।

पिप दाऊद आ नेक्था डा मुरपुकी

३२ दाऊद आ बकान्छा योनाथन दाऊद कली अर्ती गेब बाक्माक्त। मेको शुश जोक्ब तुइक्ब नु बरक्स तुइक्ब मुर बाक्माक्त। हाकमोनी आ तो येहीएल पिप आ तो आन कली कोव्रब बाक्माक्त। ३३ मिनु अहीथोफल यो पिप कली अर्ती गेब बाक्माक्त। अरकी आ मुर हुशाइ पिप आ वारच बाक्माक्त। ३४ अहीथोफल आ नोले बनायाह आ तो येहा-यादा नु अबीयाथार पिप कली अर्ती गेब बाक्सा बाक्त। मिनु योआब पिप आ लडाइ पाइब आन ठेयब मुर बाक्माक्त। २ सामुएल ८ :१६

परमपरभु आ सिं सेल्ला मिम्शो

२८ १ मिनु दाऊदमी यरूसलेम सहरम इसराएली आन ठेयब मुर नेल्ले आन कली गरुम्पदा बाक्त। सु सु गरुम्पदा बाक्त देशा हना, थर थर डा ठेयब मुर, पिप आ गेय पाइब हुल हुल आन ठेयब मुर, हजार हजार लडाइ पाइब आन कप्तानपुकी, सह सह लडाइ पाइब आन कप्तानपुकी, पिप नु आ तो आन मार मार नु बी ब्यफ कोव्रब आन ठेयब मुरपुकी, दरवारमी गेय पाइब आन ठेयब मुरपुकी, शुश सक्ति पाइश्शो लडाइ पाइबपुकी नु अरु महिब लडाइ पाइब आन कली गरुम्पदा बाक्त। २ मिनु पिप दाऊद बाक्शो मेको आन कली

“आं लोक्व नु आं मुर आं लोत्र नेनीन। गो परमपरभु यावे आ कबल पशो सन्दोस कली नाइक्चा कली बाक्तीक का सल्त्वा मिम्शो बाक्ती। परमपरभु यावे, ई परमपरभु आ खोइल थक्तीक खोदंशो दुम्चा माल्ब। गो मको सल्त्वा कली ठीक पाता। १इतिहास २२:६-१०; भजन संग्रह १९:५; भजन संग्रह १३२:७ इतन्न परमपरभुमी आं कली गे आं नें ठेयब सल्त्वा कली खिं सल्त्वा मदुम्ब। मारदे हना गे लडाइ पा हुश खराक्श पोक्शो बाक्ते” दंत। ४ मो हना यो परमपरभु यावे, इसराएली आन परमपरभुमी आं आफ आ खिं खिं र आं कली गेना हना यो इसराएलम पिप दुम्चा कली योवती। मारदे हना मेकोमी लां कांइचा कली यहदा कली योवतु। मिनु यहदा आ थर डा खिं खिं र आं आफ आ खिं कली योवतु। मिनु आ आफ आ तो आन दातेमी आं कली दाक्शा, इसराएल डा पिप सल्ती। उत्पती ४९:१०; १सामुएल १६:१,१२ ५ परमपरभु यावेमी आं कली शुश तो गेती। परमपरभु यावेमी आ राज्य इसराएलम पिप दुम्चा कली आं तो सोलोमन कली योवतु। ६ मिनु आं कली इ तो सोलोमनमी आं खिं नु आं लाडगा सल्त्वा माल्ब। मारदे हना गो आं तो दुम्चा, दे मेको कली योवता। गो आ आफ दुम्नुड। १इतिहास १७:११-१४ ७ मेकोमी आं शंशो नु निसाफ पतीक लोत्र टिना टिन बाक्ब। मुल खोदंशो पा रिम्शो टिप्टु हना, गो मको आ राज्य गेना हना यो बोल्यो सल्नुड” देमाक्त। ८ मोपतीक गे परमपरभु यावे आ नंम गरुशो इसराएली नेल्ल आन डांइती नु ई परमपरभु आ डांइती परमपरभु यावे, इन परमपरभु आ शंतीक टिशा बिस्तीन। मिनु नोले मेको रिम्शो रागी इन के दुम्ब नु इन नोले इन आल आन कली गेना हना यो थरशो रू दुम्ब।

९ आं तो सोलोमन, इ आफ आ परमपरभु कली तुइइशा मालो। इ थुं नेल्लेमी ग्यरशा मेको आ नोले खोतो। मारदे हना परमपरभु यावेमी इ थुं कोत्रना कोत्रन, इन मिम्शो नु पशो नेल्ल तुइक्ब। गे मेको कली माल्तीवी हना, गे थित्नेव। तन्न गे मेको कली परांइतीवी हना, इ कली गेना हना यो कली परांइब। येरमीया २९:१३-१४; १राजा ११:३१,३३ १० मुल होस पावो। मारदे हना परमपरभु यावेमी आंम आ बाक्तीक खिं सल्त्वा कली इ कलीन योवतु। इ थुं ग्येत्थ लुक्च मपथु, गेय पावो” दे पिप दाऊदमी आ तो कली मदा बाक्त।

११ मिनु नोले दाऊदम आ तो सोलोमन कली परमपरभु यावे आ खिं सल्तीक बरक्स गेवा बाक्त। मेको खिं डा बरक्समी परमपरभु आ बाक्तीक, आ पिंडी, अरु खिं, मार मार वोइक्तीक, खिं आ तार डा कोठापुरकी, आगा डा कोठापुरकी नु सन्दोस नु आ सुम्तीके आ कोठा बाक्शो बाक्माक्त। परस्थान २५:९ १२ दाऊद आ मिम्शो नेल्ल मेको बरक्सम बाक्शो बाक्त। मेकोमी परमपरभु यावे आ खिं डा लाडगा, आ एर आंथ नेल्ल डा कोठापुरकी, परमपरभु आ खिं डा मार मार वोइक्तीक कोठा नु नेल्ल गशो थोत्रक कली वोइक्तीक कोठा आ तो कली गेवा बाक्त। १३ मिनु लेवी नु चदेब आन हुल हुल, परमपरभु यावे आ खिंमी मार मार गेय पचा नु मेकर मार मार ग्यांबपुकी परमपरभु यावे आ खिं डा गेय कली सल्त्वा नेल्ल मेको बरक्सम बरक्शो बाक्माक्त। १४ मार मार गेय पचा कली सुन के ग्यांब सल्त्वा कली गिश सुन माल्बा, चांदी के ग्यांब सल्त्वा कली गिश चांदी माल्बा, मेको बरक्शो बाक्माक्त। १५ मिनु सुन के बत्ती दातीक नु आ दियारी आन कली गिश सुन माल्बा, चांदी के बत्ती दातीक नु आ दियारी आन कली गिश चांदी माल्बा नु मार मार गेय कली मार माल्बा नेल्ल बरक्शो बाक्माक्त। १६ लहर पा वोइइशो कांइतीक शोब्ले कली सुन के टेबल गिश सुन नु चांदी के टेबल आन कली गिश चांदी माल्बा मेको बरक्शो बाक्माक्त। १७ मिनु कोठा, बरुइक्तीक बोस, लोटा नु सुन के बोस आन कली गिश क्येस सुन माल्बा, मेको बरक्शो बाक्माक्त। मिनु चांदी के बोस गिश चांदी माल्ब, मेको बरक्शो बाक्माक्त। १८ क्येस सुन के धूप चीतीक कली गिश क्येस सुन माल्बा, मेको बरक्शो बाक्माक्त। सुन के फरां पराक्शा परमपरभु यावे आ सन्दोस सुम्ब करुब आस कली कुरब बग्गी के यो बरक्स यो सल्त्वा बाक्माक्त। मिनु गिश सुन माल्बा, मेको बरक्शो बाक्माक्त।

१९ मिनु दाऊदमी “एको नेल्ल परमपरभु यावेमी मार पचा, दोपा सल्त्वा आं कली शंताक्यी। मोपा गो मेको नेल्ल गेय डा बरक्स बरक्ताक्ड” दे दाऊदमी देमाक्त।

२० मिनु दाऊदमी आ तो सोलोमन कली “बोल्यो नु महिंब दुम्शा, एको गेय पावो। महिनो, इ थुं ग्येत्थ लुक्च मपावो। मारदे हना परमपरभु यावे, आं परमपरभु गे नु बाक्ब। परमपरभु यावेमी आ खिंमी गेय पचा कली मारइ मारइ सल्ने मथुमा सम्म इ कली मप्रांइथु

वारच पाइब। १इतिहास २२:१३; व्यवस्था ३१:६  
२१ परमपरभु आ सिंमी गेय पचा कली चढेब नु  
लेवी आन हुल हुल ठीक दुम्शा बाक्नीम। मिनु  
मेको गेय पचा कली शुश जोक्ब तुइक्ब नु  
ग्यरशो गेय पाइब गे नु बाक्नीम। मिनु ठेयब  
मुरपुकी नु मुर नल्लेमी इ दंशो नल्ल टीनीम”  
दे दाऊदम आ ती सोलोमन कली देमाक्त।

परमपरभु कली मार मार गेशो

२९ १मिनु पिप दाऊदमी बुक्शा बाक्शो मुर  
नल्ल आन कली “परमपरभुमी आं ती  
सोलोमन का ला योव्रतु। मेको मुल सम्म ठिटा  
बाक्ब। एको सिं सल्ला चहिं थम ठेयब गेय  
बाक्ब। मारदे हना एको सिं मुर आन कली  
ममाइ, परमपरभु, परमपरभु यावे आ सिं बाक्ब।  
१इतिहास २२:५ २गो आं परमपरभु आ सिं  
सल्ला कली मार मार वोइक्ता दंशा हना, सुन  
के थोव्रक कली सुन, चांदी के थोव्रक कली चांदी,  
कांसा के थोव्रक कली कांसा, फलाम के थोव्रक  
कली फलाम, शी के थोव्रक कली शी, हीरा नु  
सुनम ग्याइश्शो हीरा, दारपाइक्वा कली मार  
मार रड पाइश्शो फुल्लु, मार मार हीरा नु  
अरु दारशो फुल्लु शुश तेल्ला वोइक्ता। ३मेको  
आं परमपरभु आ बाक्तीके सल्ला कली खुप्शा  
वोइश्शो मार मार परांइशा यो आं परमपरभु  
आ सिं सल्ला थाम्पा बाक्तीके गो आंम आं  
सुन नु चांदी परमपरभु आ सिं सल्ला कली  
गता। ४ परमपरभु यावे आ सिं डा आगा डा  
गारो गिल्ला कली ४३ हजार टलेन्ट ओफीर  
डा सुन नु ७ हजार टलेन्ट याप्पाइश्शो चांदी  
वोइश्शो बाक्ब। टलेन्ट का ३४ किलो बाक्ब।  
१इतिहास २२:१४; परस्थान ३५:४-९ ५ मिनु  
रिम्शो जोक्ब तुइक्ब गेय पाइब आन कली एको  
सुन के थोव्रक कली सुन नु चांदी के थोव्रक सल्ला  
कली चांदी वोइश्शो बाक्ब। मुल परमपरभु यावे  
कली आं सोदंशो पा सु सुम मार मार गेचा  
दाक्नीनी?” दे हिलो पवा बाक्त।

६मिनु सिं सिं डा ठेयब मुरपुकी, इसराएली  
आ थर थर डा ठेयब मुरपुकी, हजार हजार डा  
लडाइ पाइब आन कप्तानपुकी नु सहै सहै डा  
लडाइ पाइब आन कप्तानपुकी नु पिप आ गेय  
पाइब आन कली कोव्रब मुरपुकी हाइश्शो दुम्शा  
मार मार गेमी बाक्त। ७मकोपुकीमी ग्यरशा  
परमपरभु आ सिं सल्ला कली मार मार गेम  
बाक्त दंशा हना, ५ हजार टलेन्ट सुन, नु सुन के  
क्यट १० हजार दारीक, १० हजार टलेन्ट चांदी,

१८ हजार टलेन्ट कांसा लाख का टलेन्ट फलाम  
गेम बाक्त। दारीक का ८.४ ग्राम सुन के क्यट  
बाक्ब। ८मिनु सु सु नु हीरा बाक्मा, मेकोमी  
परमपरभु यावे आ शांप वोइक्तीक कली गेरशान  
आ सिं डा मुर येहीएल आ गुइमी गेम बाक्त।  
परस्थान ३५:२७ ९मिनु मुरपुकीमी हाइश्शो  
थुंमी गेशा ग्यरसीशो बाक्मा बाक्त। मारदे हना  
मकोपुकीमी ग्यरसीशा परमपरभु यावे कली शुश  
गेशो बाक्मा बाक्त। पिप दाऊद यो थाम्पा  
ग्यरशो बाक्माक्त।

परमपरभु कली ठेयब सल्ला

१०मिनु दाऊदमी मुर नल्ल आन डांइती  
परमपरभु यावे कली “परमपरभु यावे, आंइ किकी  
पिपी इसराएल आ परमपरभु, गे गेना हना यो  
ठेयब बाक्नीनी। ११ परमपरभु यावे, नल्ल क्यडा  
ठेयब दुम्तीके, सक्ति, छेडछेड, गरातीके नु  
मान तचा पुंइसीतीके नल्ल इन के बाक्नीम।  
मारदे हना रागी नु सरीडम बाक्शो मारइ मारइ  
इन के नम। परमपरभु यावे, मेको राज्य इन  
के बाक्ब। गे नल्ल क्यडा ठेयब बाक्नीनी।  
परकाश ४:११:५ १२गे शांप नु मान ततीक  
गेब बाक्नीनी। गे नल्ल आन कली सासन  
पाइनीनी। बोल नु सक्ति इन गुइमी बाक्ब।  
गे इन गुइमी ठेयब सल्ला, सक्ति गनीनी।  
२इतिहास २०:६ १३मुल आंइ परमपरभु, गो इन  
कली गे रिम्शो पाइब बाक्नीनी” दे इन नं ठेयब  
सल्लाकी।

१४मिनु गो आंइ थुंम ग्यरशा सोम्शा ओपा  
शुश गेन चाक्नीकी? गो सु नडा? आं मुरपुकी  
सु बाक्नीमी? मारदे हना नल्ल थोव्रक इन गुइ  
रे जाक्नीम। गोपुकीमी इन गेशो रे इन कली  
गेतक। १५ गोपुकी इन डांइती शुश नाक्त मबाक्ब  
अर्को रागी डा मुर दुम्शो बाक्नीकी। आंइ किकी  
पिपी यो मोदंशो बाक्मा बाक्त। आंइ रागीम  
बाक्तीके नाक्ती वांकु सोदंशो बाक्नीम। शुश  
बाक्तीके आस मबाक्ब। भजन संग्रह ३९:१३;  
हिब्रू ११:१३; अय्युब १४:२ १६ परमपरभु यावे,  
आंइ परमपरभु सिं सल्ला, इन नं ठेयब सल्ला  
कली आंइ तेल्ला शांप नल्ल इन गुइ रे जाक्शो  
बाक्ब। १७ आं परमपरभु, गे मुर आन थुं नाक्शा  
कोव्रनीनी, दे तुइक्नुड। गे बरम्शो थुं पाइश्शो  
मुर तशा ग्यरनीनी। गो आं बरम्शो थुं दुम्तीकमी  
ग्यरशा एको नल्ल इन कली चढेता। मुल गो  
एक बाक्शो इन मुर आन कली ताता। ग्यरशो  
थुंमी एको नल्ल चढेत्तकम। भजन संग्रह ७:१०

१८ परमपरभु यावे, आंइ किकी पिपी अब्राहाम, इसहाक नु याकूब आन परमपरभु, इन मुर आन थुमी मोदंशो मिन्चा नु पचा गना हना यो लीपतीन। मिनु मको आन थुं इन गे कीडीन। १९ आं तौ सोलोमन कली इन शंतीके, इन दंशो नु फुल्लुम मुशा बरकशो लोत्र आ थुं नल्लेमी पपतीन। मकोमी नल्ल पन चबल। मिनु आं ठीक पा वोइशो थोत्रकमी इन सिं सल्ल चबल” द दाऊदमी परमपरभु कली देमाक्त।

### सोलोमन पिप दुम्शा

२० मिनु नोले दाऊदमी मुर नल्ल आन कली “परमपरभु यावे, इन परमपरभु कली ठेयब सेलीन” देमाक्त। मिनु मुर नल्लेमी परमपरभु यावे, आन किकी पिप आन परमपरभु कली ठेयब सेल्शा बाग्मा बाक्त। मिनु परमपरभु यावे नु पिप आ डोंइती बाग्शा, सेउ पाम बाक्त। २१ मिनु आ दीसा नाक्ती मेकोपुकीमी परमपरभु यावे कली मार मार चढेतीके नु चोशा चढेतीके चढेमे बाक्त। मेकोपुकीमी हजार का ब्यफ, हजार का सांड, हजार का पाठा, तूचा थोत्रक चढेमे बाक्त। इसराएली नल्ल आन पर्वम शुश चढेमे बाक्त। २२ मको नाक्त शुश ग्यरसीशा परमपरभु यावे आ डोंइती जशा, तूडमे बाक्त। मिनु नोले मेकोपुकीमी दाऊद आ तौ सोलोमन कली लेंशा पिप सल्ल बाक्त। मिनु सोलोमन कली तेल लुक्शा पिप सल्ल बाक्त। मिनु सादोक कली चढेब सल्ल बाक्त। १ इतिहास २३ :१ २३ नोले सोलोमन आ आफ दाऊद आ पा डा परमपरभु यावे आ नितीकमी निशशा, पिप

दुम्शा, ठेयब दुम्माक्त। इसराएली नल्लेमी मको आ दंशो बिस्समा बाक्त। १ इतिहास २८ :५ ; १ राजा १ :३४, ३५, ३९ २४ ठेयब मुर नल्ले, सक्ति पाइशो लडाइ पाइब नल्ले नु पिप दाऊद आ तौ नल्लेमी यो पिप सोलोमन कली आन पिप बाक्ब, द कसम जाम बाक्त। २५ मिनु परमपरभु यावमी सोलोमन कली इसराएली नल्ल आन डोंइती ठेयब सला बाक्त। मिनु मको कली राज्य नु मान ततीके शुश गेवा बाक्त। इसराएलम मको क्येडा डोंइती डा तेंकोइ पिप आन कली मोदंशो मान ततीके मगेशो बाक्माक्त।

### दाऊद बेकशो

२६ मोपा येस्से आ तौ दाऊदमी इसराएल नल्लेमी सासन पवा बाक्त। २७ मकोमी इसराएल कली ४० बर्स सासन पवा बाक्त। हेब्रोनम ७ बर्स नु यरूसलेममी ३३ बर्स सासन पवा बाक्त। १ राजा २ :११ २८ मिनु शुश खुशो दुम्शा बेक्माक्त। मको के शोप नु मान ततीके शुश बाक्माक्त। मिनु आ तौ सोलोमन आ नोले पिप दुम्माक्त। उत्पत्ती २५ :५ ; उत्पत्ती ३५ :२९ ; २ इतिहास २४ :१५ ; अग्युब ४२ :१७ २९ पिप दाऊद आ पशो मार मार बाक्म, मको डोंइती रे नोले सम्म नल्ल परमपरभु यावे आ लोत्र पाइब सामुएल, नाथान नु गाद आन बरकशो किताबम बरकशो बाक्ब। १ इतिहास २१ :९ ३० दोपा सासन पवा, आ सक्ति नु आ पशो नल्ल, इसराएली आन तशो नु रागी रागी डा राज्यम मार मार दुम्म, मको लोत्र नल्ल मेकेर बरकशो बाक्ब।

## २ इतिहास

बरेकब मुर: एजरा बरेकब मुर बाक्त हना यो, अर्का मुरपुकीम यो लोत्र तम्शो बाक्तकम।

गेना दुम्शो : १इतिहास सोदंशो पा ५ ३६ वि. सी. सम्म डा इसराएली आन इतिहास बाकब।

मार बरेकशो :

१. सोलोमन आ सासन पची ना डा इसराएली आन इतिहास। २इतिहास १ :- २इतिहास ९ :-

२. यहूदा रागी डा पिप आन सासन पची ना डा इसराएली आन इतिहास। २इतिहास १० :- २इतिहास ३६ :-

सोलोमनम तुइक्तीक थुं पुंडशो

१राजा ३ : १-१५

१ दाऊद आ तौ सोलोमन पिप दुम्शा, आ राज्य बोल्यो दुम्माक्त। मारदे हना परमपरभु यावे, आ परमपरभु मेको नु बाकशा, मेको कली थाम्पा ठेयब मान ताइब सेला बाक्त। १राजा २ : १२, ४६

२ मिनु सोलोमनम इसराएली नेल्ल, हजार हजार नु सहे सहे डा लडाइ पाइब आन कप्तान, निसाफ पाइबपुकी, इसराएली आन ठेयब मुरपुकी नु आन खिं खिं डा ठेयब मुर नेल्ल सुप्शा लोत्र पवा बाक्त। ३ मिनु सोलोमन नु मेको मुर नेल्ल गिबान सहर आ नकथा बाकशो लाइश्शो डांडाम लमा बाक्त। मारदे हना परमपरभु यावे आ गेय पाइब मोसाम गोरशो रागीम सल्शो परमपरभु आ गरुम्तीक ताम्बु मेकर बाक्माक्त। १इतिहास १६ : ३९ ४ मिनु दाऊदम डांडती परमपरभु आ कबल पशो सन्दास कली किरयथ-यारीम र आ ठीक पशो बाक्तीक यरूसलेमम चाकशो बाक्माक्त। मारदे हना मेको कली मेकर ताम्बु का कीशो बाक्माक्त। १इतिहास १३ : ६ ; १इतिहास १५ : ३, २ ; १इतिहास १६ : १ ५ मिनु हुर आ चच ऊरी आ तौ बेजालेलमी सल्शो कांसा के चोशा चढेतीके परमपरभु यावे आ बाक्तीके आ डांडती गिबानम बाकशो बाक्माक्त। परस्थान ३८ : ३-८ ६ मिनु सोलोमन नु आ सुप्शो मुर नेल्ल इर परमपरभु यावे आ डांडती जाकमा बाक्त। मिनु सोलोमन मेको कांसा के चढेतीक सम्म डाइश्शा लमाक्त। मेको गरुम्तीक ताम्बु आ डांडती बाकशो बाक्माक्त। मेको आ तारी हजार का चोशा चढेतीक चढेवा बाक्त। ७ मेको नाकदो परमपरभुम सोलोमन कली तपांडसे बाक्त। मिनु सोलोमन कली “गो इ कली मार गेन ? लो पुनो”

देमाक्त। ८ मिनु सोलोमनम परमपरभु कली “गे आं आफ दाऊद कली ठेयब नु गेना हना यो दाक्तीक कांडताकनी। मिनु आं कली मेको आ पा डा पिप सल्शो बाक्नीनी। ९ मुन आं परमपरभु यावे, गे आं आफ दाऊद कली गेशा इन लोत्र खाप्पीन। मारदे हना गे आं कली एको रागी डा फुरक सोदंशो पा हिकने मचाप्वा डा शुश मुर आन पिप सल्तीनी। १० आं कली एको मुर आन कली सासन पाइब सल्तीनी। मोपतीक आं कली रुप्तीक नु तुइक्तीक थुं गेयीनी। मिनु आं कली एको मुर नु रिम्शो पा बाक्वा गेयीनी। मारदे हना एको इश्का इन मुर आन कली सुम सासन पने चाप्वा डा ?” देमाक्त। ११ मिनु परमपरभुम सोलोमन कली “गे आं मुर आन पिप दुम्चा कली रुप्तीक नु तुइक्तीक थुं पुंडतीवी। तन्न गे शुश क्येट नु शांप, मान ततीके, आंम जोरी सतरु आन कली साइक्तीके नु आंम कली शुश बरांडडल, दे मपुनी। १२ मोपतीके गो इ कली रुप्तीक नु तुइक्तीक थुं गेनन। मिनु गो इ कली शुश क्येट, शांप नु मान ततीके यो गेनन। मेको इ क्यडा डांडती नु इ क्यडा नोले डा तेकोइ पिपपुकीम मतशो बाक्नीम” दे मदा बाक्त। १३ मिनु सोलोमन गिबान सहर आ नकथा डा डांडा गरुम्तीक ताम्बु आ बाक्तीक र यरूसलेमम जाकशा, इसराएली आन कली सासन पवा बाक्त।

सोलोमन आ शांप

१राजा १० : २६-२९

१४ मिनु सोलोमनम शुश बग्गी नु शारापुकी सुप्तीमी बाक्त। मेको क हजार का ४ सहे बग्गी नु हजार का सहे निक्शी शारा बाक्मा बाक्त। मिनु मेकोमी आ बग्गी आन कली बग्गी वोइक्तीक सहरम वोइक्पदा बाक्त। तन्न का निक्शी चहिं आं सहर यरूसलेमम वोइक्पदा बाक्त। १५ सोलोमनम सुन नु चांदी यरूसलेमम बाकशो फुल्लु सोदंशो पा शुश तेला बाक्त। मिनु लेबानान डा लाइश्शो खा आ शी, शेफलाह डा फोत्रशी खा सोदंशो पा शुश तेला बाक्त। १६ सोलोमनम शारापुकी इजीप्त नु क्युए र ग्याप्शा, चाकपाइक्वाक्माक्त। मिनु मेको आ ग्याप्ब लेयबपुकीम क्युएम क्येट थाप्शा ग्याप्शा चाक्वाक्मा बाक्त। १७ मेकोपुकीम इजीप्त र ग्याप्शा अर्का रागी कली लेयबाक्मा बाक्त। बग्गी का कली ६ सहे चांदी के शेकल नु शारा का कली सहे का ५० चांदी के शेकलम लेयबाक्मा बाक्त। मिनु

सोलोमन आ गयाख लेयबपुकीमी मेको हित्ती नु अरामी पिप आन कली लेयबाक्मा बाक्त ।

परमपरभु आ सिं सेल्वशो

१राजा ५ :१-१८

१मिनु सोलोमनम परमपरभु यावे कली मान २ पचा, दे सिं का नु आंम कली दरवार का सल्व्वा थुं पवा बाक्त । २मिनु सोलोमनमी ७० हजार कुरब मुर, ८० हजार पहाडम फुल्लु खरोइक्वा कली नु मेको गेय पाइब आन कली कोवब हजार सां ६ सह मुर आन कली योव्रमी बाक्त ।

३मिनु सोलोमनम टायर डा पिप हराम कली “गे आं आफ दाऊद कली आ सिं सल्व्वा कली लेबानोन डा लाइश्शो रवा आ शी सोइश्शो बाक्तीनी । १इतिहास १४ :१ ४मिनु मुल गो परमपरभु यावे, आं परमपरभु कली मान पचा, दे मेको कली सिं का सल्व्वा दाक्नुड । मिनु मेको सिं परमपरभु यावे आ डोंइती बरोव्रशो रिना पाइश्शो धूप चोचा कली, मेकर नाक्त कित कित डा कांइतीक शोप्ने हार हार पा चढ़ेचा कली, नाक्दो सुनी चोशा चढ़ेचा कली, नाइक्तीक नाक्ती, औसी नाक्ती नु परमपरभु यावेम, आंइ परमपरभु गेना हना यो ‘भानेन’ दे इसराएली आन कली गेशो चाड मानेचा कली जिम्मा गेचा दाक्नुड । ५गो आं सल्व्वा चिक्शो सिं थम ठेयब नु रिम्शो सिं दुम्चा माल्व । मारदे हना आंइ परमपरभु देवी देवता नेल्ल आन क्येडा ठेयब बाक्ब । ६तन्न सरीड नु स्वर्गम मेको मरिक्ब हना, सुम मेको कली सिं सल्व्वा चाप्वा डा ? मेको कली मार मार चढ़ेचा क्येडा लाक्शा, आ सिं सल्व्वा गो सु नडा डा ? २इतिहास ६ :१८ ; १राजा ८ :२७ ७मोपतीक गे आं कली सल्व्वा जोक्ब तुइक्ब मुर का सोइक्तीन । मेको मुसुम सुन, चांदी, कांसा नु फलाम चम्शा, मार मार सल्व्वा जोक्वा माल्व । मेकोमी प्याजी, लल नु नीलो श्येले रे मार मार परोव्रस जोक्वा माल्व । मिनु मार मार मुशा, बुटा आप्वा शेंसीशो मुर दुम्चा माल्व । मिनु मेकोमी आं आफ दाऊदम योव्रशो मारइ मारइ पस जोक्ब यहूदा नु यरूसलेमम गो नु बाक्ब मुरपुकी नु गेय पचा माल्व । ८गे आं कली यो लेबानोन डा लाइश्शो रवा आ शी नु लेबानोन डा अरु रवा आ शी सोइक्तीनी । मारदे हना इन लेबानोन डा मुरपुकीम रिम्शो पा शी खरोइक्स जोक्ब बाक्नीम, दे गो तुइक्नुड । आं गेय पाइब इन गेय पाइब नु गेय पाइनीम । ९ आं कली शुश

शी तिम्शा सोइक्तीन । मारदे हना गो ठेयब नु दारशो सिं सल्व्वा दाक्नुड । १०गो इन गेय पाइब रवा तिम्ब आन कली २० हजार कोर हिल्शो चेरब, २० हजार कोर क्योव्रज, २० हजार बाथ अडगुर शांबु नु २० हजार बाथ तेल गेनुडमी” दे लोव्र कुरब मुर सोइक्ता बाक्त । कोर का २२० लिटर पुक्तीक बाक्ब । बाथ का २२ लिटर बाक्ब ।

११मिनु टायर डा पिप हराममी चिठी का बरक्शा, सोलोमन कली सोइक्ता बाक्त । मिनु मेकोमी “परमपरभु यावेमी आ मुर आन कली दाक्तीक, इन कली मेको आन पिप सल्व्वा । १२सरीड नु रागी सल्व्वा परमपरभु यावे, इसराएली आन परमपरभु ठेयब बाक्ब । मेकोमी पिप दाऊद कली रुक्तीक नु तुइक्तीक थुं पाइश्शो तौ का गेप्तु । मेकोमी परमपरभु यावे कली सिं का नु आंम कली दरवार का सल्व्वा । १३गो इन कली वारच पाइक्वा कली मार मार सल्व्वा शुश जोक्ब नु तुइक्ब हराम-अबी कली सोइक्नुड । १४राजा ७ :१३ १४मेको दान आ थर डा मीश मुर आ तौ बाक्ब । मेको आ आफ चहिं टायर डा बाक्ब । मेको सुन, चांदी, कांसा, फलाम, हीरा, शी नु प्याजी, लल, नीलो श्येले नु रिम्शो पा किरशो सुती श्येले रे परोव्रशो वा रे मार मार सल्व्वा चाप्ब । मुशा मार मार सल्व्वा यो जोक्ब बाक्ब । इन कली मार मार बरक्स माल्नीनी, मेकोमी पने चाप्ब । मेको मारइ मारइ जोक्ब मुरपुकी नु ठेयब पिप, इन आफ दाऊद आ मारइ मारइ सल्व्वापुकी नु गेय पने चाप्ब । प्रस्थान ३१ :२-६ १५ इन बरक्शो सोदंशो पाइन गेय पाइब आन कली चेरब, क्योव्रज, तेल नु अडगुर शांबु सोइक्तीन । १६गो इन माल्शो शी नेल्ल लेबानोनम तिम्नीकी । मिनु फरंशा योप्पा सहर सम्म ठेयब समुन्दर रे पा सोइक्नीकी । मिनु गे मेकर रे यरूसलेम सम्म लतीन” दे चिठी बरक्शा सोइक्ता बाक्त ।

१७मिनु सोलोमनम इसराएलम बाक्शो अर्को रागी डा मुर आन कली हिक्पाइक्मी बाक्त । डोंइती आ आफ दाऊदमी मुर आन कली हिक्पाइश्शो बाक्माक्त । मुल मेकोपुकी लाख का ५३ हजार ६ सह वोंइश मुर बाक्मा बाक्त । १इतिहास २२ :२ १८मेको रे ७० हजार आन कली कुरब, ८० हजार आन कली पहाडम फुल्लु खरोइक्ब नु हजार सां ६ सह आन कली मेको गेय पाइब आन कली कोवब सल्व्वा बाक्त ।

परमपरभु यावे कली सिं सत्वशो

१राजा ६ :-

३ मिनु सोलोमनमी यरूसलेम डा मोरीयाह डांडाम परमपरभु यावे आ सिं सत्ववा गोवा बाक्त। डांडती परमपरभु यावेमी आ आफ दाऊद कली मेको मोरीयाह डांडाम कोइशो बाक्माक्त। मिनु दाऊदमी “परमपरभु आ सिं यवुसी ओरनान आ चरब तुप्तीकम सत्ववा माल्व” दे माइश्शो बाक्माक्त। १इतिहास २१:१८-२६ २मिनु सोलोमन पिप दुश्शो आ ४ बर्स डा महिना निक्शी डा नाक्त निक्शीमी मेको सिं सत्ववा गोवा बाक्त। ३सोलोमनम परमपरभु आ सिं दोमो सत्ववा थुं पशो बाक्माक्त दंशा हना, माइत पुक्तीके रे आ लाइश्शो ६० कुबीत नु आ बरेशो २० कुबीत बाक्माक्त। कुबीत का ०.५ मिटर बाक्व। ४ सिं आ डांडती २० कुबीत लाइश्शो, २० कुबीत बरेशो नु सहे का २० कुबीत ग्येत्थ लाइश्शो पिंडी बाक्माक्त। मेको आगा डा गारामी क्येस सुनम गिल्पदा बाक्त। ५मेको सिं आ आगा नेल्ल सला के फलेक क्येप्पदा बाक्त। मिनु नेल्ल कली क्येस सुनम गिल्पदा बाक्त। मेको दारपाइक्वा कली मेको आ तार खजूर रवा नु सिकरीपुकी बुटा आप्शा सल्पदा बाक्त। ६मेको सिं कली दारपाइक्वा कली हीरापुकी क्येप्पदा बाक्त। मेको आन माल्शो सुन पारवाइम माइक्तीके रे चाक्शो बाक्मा बाक्त। ७मिनु मेको सिं आगा नेल्ल सुनम गिल्पदा बाक्त। मेको आ थाम, लाप्चो आ पुं डा शी, गारो नु लाप्चो नेल्ल गिल्पदा बाक्त। आन गारोम करूबपुकी मुशा सल्पदा बाक्त।

८मिनु मेकोमी नेल्ल क्येडा चोव्रखो कोठा सल्पदा बाक्त। सिं आ बरेशो आ लाइश्शो यो खाल का डा पा २० कुबीत लाइश्शो नु २० कुबीत बरेशो सल्पदा बाक्त। मिनु मेकोमी आ आगा नेल्ल ६ सहे टलेन्ट क्येस सुनम गिल्पदा बाक्त। टलेन्ट का ३४ किलो बाक्व। ९मेको कांटी डा सुन नाक्शोनु, ५० शेकेल बाक्मा बाक्त। मेकोमी आ इर गे डा कोठा यो सुनम गिल्पदा बाक्त। शेकेल का ११.५ ग्राम बाक्व

१०मिनु मेकोमी नेल्ल क्येडा चोव्रखो कोठा कली करूब निक्शी मुशा, सुनम गिल्पदा बाक्त। ११मेको करूब आस फरां नेल्ल पराक्शा पुक्शोनु, २० कुबीत लाइश्शो बाक्मा बाक्त। मेको करूब आ फरां का ५ कुबीत लाइश्शो बाक्माक्त। मिनु

मेको वोइश्शा, आ फरां काम परमपरभु यावे आ सिं डा गारो थिशो बाक्माक्त। मिनु मेको आ अर्को ५ कुबीत लाइश्शो फरांम चहिं अर्को करूब आ फरां थिशो बाक्माक्त। १२मोपान अर्को करूब आ फरां सिं आ अर्को गे डा गारो थिशो ५ कुबीत लाइश्शो बाक्माक्त। मिनु मेको आ अर्को फरांम अर्को डांडती डा करूब आ फरांम थिशो बाक्माक्त, मेको यो ५ कुबीत लाइश्शो बाक्माक्त। १३मेको करूब आस फरां नेल्ल पा २० कुबीत पराक्शो बाक्मा बाक्त। मेको निक्शी राप्शा बाक्सा बाक्त। मिनु मेको निक्शीमी मेको सिं गे कोव्रशो बाक्सा बाक्त। १४ मिनु सोलोमनम फारतीक वा नीलो, प्याजी नु लल श्येले नु रिम्शो पा किरशो सुती श्येले रे परोव्रशो वा के सल्पदा बाक्त। मिनु करूब आ बुटा आप्शा परोव्रपदा बाक्त। परस्थान २६:३१

परमपरभु आ सिं डा थाम निक्शी

१राजा ७:१५-२२

१५ मिनु सिं आ डांडती ३५ कुबीत लाइश्शो कांसा के थाम निक्शी सल्पदा बाक्त। मेको आस कली ५ कुबीत लाइश्शो गुप्तीके गुप्पदा बाक्त। १६मेको थाम निक्शी आस गुप्तीके एर आंथ हिरचा कली जाली खोदंशो साङ्गली निक्शी सल्पाइश्शा, सहे का दारीम सत्ववा, मेको दारीम साङ्गलीम क्युकपदा बाक्त। १७मेको थाम निक्शी परमपरभु यावे आ सिं आ डांडती का ग्युरा गे, का परा गे राप्पदा बाक्त। मिनु ग्युरा गे डा थाम आ ने याकीन वोदा बाक्त। परा गे डा थाम आ ने बोआज वोदा बाक्त। याकीन आ अर्थ “थुं बारपाइक्व” बाक्व। बोआज आ अर्थ “मेकोमी सक्ति गेब” बाक्व।

सिं कली मार मार सत्वशो

१राजा ७:२३-५१

४ १मिनु सोलोमनमी हुराम-अबी कली २० कुबीत लाइश्शो २० कुबीत बरेशो नु १० कुबीत ग्येत्थ लाइश्शो कांसा के चढेतीक का सल्पदा बाक्त। कुबीत का ०.५ मिटर बाक्व। १इतिहास ७:१७

२मिनु नोले यपाइश्शा कांसा के थम ठेयब बोस का सल्पदा बाक्त। मेको कली दोम्ती देमा बाक्त। मेको सुर का रे अर्को सुर सम्म १० कुबीत बाक्माक्त। मिनु मेको आ ग्येत्थ लाइश्शो ५ कुबीत बाक्माक्त। मेको आ एर आंथ पुक्शोनु ३० कुबीत बाक्माक्त। ३मेको

दोम्ली आ लाङ्गा गे हार निकशी ब्यफ दारपाइक्चा कली बाक्माक्त्त। कुर्वीत काम १० ओटा ब्यफ बाक्शो बाक्मा बाक्त्त। मेको बोस नु दारपाइक्तीक ब्यफ कांसा यपाइक्तीक गेय रं कालमीन सेल्शो बाक्मा बाक्त्त। ४ मेको दोम्ली १२ ओटा ब्यफ आन तार वोइश्शो बाक्माक्त्त। ब्यफ सां उत्तर गे कोव्रशो, सां पच्छिम गे कोव्रशो, सां दक्खिन गे कोव्रशो नु सां पूर्व गे कोव्रशो बाक्मा बाक्त्त। मिनु मेको दोम्ली मेको ब्यफ आन तार वोइश्शो बाक्माक्त्त। मेको ब्यफ आन मीलु आगा गे बाक्शो बाक्मा बाक्त्त। ५ मेको दोम्ली आ सुर लिती फू आ सफा खोदंशो पा रोम्सीशो बाक्माक्त्त। मेको आ सुर लोटा के खोदंशो बाक्माक्त्त। मेको बोस इन्ची सां थोइशो बाक्माक्त्त। मेको आ आगाम हजार सां बाथ व्याक्कु रिक्बाक्माक्त्त। बाथ का २२ लिटर बाक्ब।

६ मिनु सोलोमनम चिनु तेम्शा १० ओटा आइक्च कांसा के चिक्तीक बोस सेल्पदा बाक्त्त। मिनु मेको के ५ ओटा दोम्ली आ ग्युरा गे नु ५ ओटा आ परा गे वोइक्पाइक्मी बाक्त्त। मिनु चोशा चढेचा कली मार मार मुरचा माल्तेक्म हना, मेकेर मुरबाक्मा बाक्त्त। मेको दोम्ली चहिं चढेब आन चिक्तीक बाक्माक्त्त।

७ मिनु मोसामी डोइती बत्ती दातीक सेल्चा शंशो खोदंशो पा, १० ओटा सुन के बत्ती दातीक सेल्पदा बाक्त्त। मिनु मेको परमपरभु यावे आ सिंम ५ ओटा दक्खिन गे नु ५ ओटा उत्तर गे पा वोइक्पदा बाक्त्त। ८ मेकोमी १० ओटा टेबल यो सेल्शा, परमपरभु यावे आ सिंम ५ ओटा ग्युरा गे नु ५ ओटा परा गे पा वोइक्पदा बाक्त्त। मिनु सहे का सुन के बरुइक्तीक बोस यो सेल्पदा बाक्त्त।

९ मेकोमी चढेब आन बाक्तीक लाङ्गा, ठेयब लाङ्गा नु लाङ्गा डा लाप्चोपुकी सेल्पदा बाक्त्त। मिनु लाप्चो आन कली कांसाम गिल्पदा बाक्त्त। १० मिनु मेको दोम्ली माइश्शो ठेयब व्याक्कु वोइक्तीके परमपरभु यावे आ सिं आ दक्खिन पूर्व गे डा कुनाम वोइक्पदा बाक्त्त।

हुराममी मार मार सेल्शो

११ मिनु हुराममी ग्यांब, बेल्चा नु बोसपुकी सेला बाक्त्त। मोपा हुराममी पिप सोलोमन आ गेशो परमपरभु आ सिं डा गेय नेल्ल थुमा बाक्त्त। १२ हुराममी थाम निकशी, बोस खोदंशो गुप्तीक, मेको आस एर आंथ क्युकशो दारपाइक्तीक जाली खोदंशो साङ्गली सेल्शा

थुमा बाक्त्त। १३ मेको साङ्गलीम क्युकचा कली ४ सहे दारीम सेला बाक्त्त। मेको थाम आस डरम बाक्शो गुप्तीक बोस आस कली सुम्चा कली सेल्शो जाली खोदंशो साङ्गली नु मेको साङ्गलीम हार निकशी पा वोइक्चा कली दारीमपुकी, १४ बोसपुकी राप्पाइश्शा वोइक्तीक नु बोसपुकी, १५ मेको दोम्ली माइश्शो ठेयब चिक्तीक नु मेको आ राप्पाइक्तीक डा १२ ओटा ब्यफपुकी, १६ ग्यांबपुकी, बेल्चापुकी, श्ये गुरुइतीक कांटापुकी नु मेकेर माल्शो मारइ मारइ सोलोमनम अरशो खोदंशो पा हुराममी परमपरभु यावे आ सिं कली सेल्शा नेल्ल टल्केपपाइश्शो कांसा के बाक्मा बाक्त्त। १७ मिनु पिपमी मेको नेल्ल यर्दन डा दिम डा सपीम, सुक्कोथ नु सेरदाह सहर आस दातेम यपाइश्शा सेल्पाइश्शो बाक्माक्त्त। १८ मोपा सोलोमनमी मेकेर शुश कांसा के सेल्तीके सेल्पदा बाक्त्त। मेको कली दोशो कांसा माल्दमे, मेको मतुइश्शो बाक्मा बाक्त्त।

१९ मिनु सोलोमनम परमपरभु आ सिं कली माल्तीक मारइ मारइ सुन के चढेतीक, कांइतीक शोप्ने वोइक्तीके टेबलपुकी सेल्पदा बाक्त्त। २० मिनु मोसाम देशो खोदंशो पा नेल्ल क्येडा चोव्रसो कोठा आ डोइती दाचा कली क्येस सुन के बत्ती दातीक नु आन तेल वोइक्तीक सेल्पदा बाक्त्त। २१ मेकोमी क्येस सुन के फू, तेल वोइक्तीक नु थनारापुकी, २२ क्येस सुन के सल्दो क्योरतीक, बोसपुकी नु डाङ्गपुकी नु मी कुरतीक सेल्पदा बाक्त्त। मिनु परमपरभु यावे आ सिं डा लाप्चो, आगा डा नेल्ल क्येडा चोव्रसो कोठा डा लाप्चो नु ठेयब बाक्तीक डा लाप्चो नेल्ल सुन के सेल्पदा बाक्त्त।

कबल पशो सन्दोस चाक्शो

५ १ मिनु सोलोमनम परमपरभु यावे आ सिं कली पशो गेय नेल्ल थुमा नोले, आ आफ दाऊदमी परमपरभु यावे कली गेशो नेल्ल चाक्गा बाक्त्त। मेको सुन चांदी नु ग्यांब नेल्ल मारइ मारइ परमपरभु आ सिं डा शोप वोइक्तीकेमी वोइक्पदा बाक्त्त। १ इतिहास १८:११; १ इतिहास २९:२-४

२ मिनु नोले सोलोमनम परमपरभु यावे आ कबल पशो सन्दोस दाऊद आ सहर सियोन रं चाक्चा कली इसराएल डा खाल्पापुकी, इसराएली आन थर थर डा ठेयब मुर नेल्ल नु इसराएली आन सिं सिं डा ठेयब मुर आन कली

यरूसलेममी बुक्चा, दे बरतीमी बाक्त। ३मिनु इसराएल डा सुम्सीशो मुर नेल्ल ७ महिना डा चाड नाक्ती पिप आ डांडती जाकमा बाक्त। लेवी २३:३४ ४मिनु इसराएल डा खाल्पा नेल्ल जाकमानु, लेवीपुकीम कबल पशो सन्दोस कुरम बाक्त। ५मिनु चद्वबपुकी नु लेवीपुकीम सन्दोस, गरुम्तीक ताम्बु नु ताम्बुम बाकशो ग्यांब परमपरभु आ मारइ मारइ थाव्रक कुरशा, इर लदम बाक्त। ६मिनु पिप सालोमन आ डांडती बुक्शो इसराएल डा मुर नेल्ल मेको कबल पशो सन्दोस आ डांडती बाकशो बाक्मा बाक्त। मिनु मेकोपुकीम हिकने मचान्वा डा पा शुश व्यफ नु भडा चद्वम बाक्त। ७मिनु नोले चद्वबपुकीम परमपरभु यावे आ कबल पशो सन्दोस आ बाक्तीक परमपरभु यावे आ खिं आ आगा डा नेल्ल क्येडा चोवसो कोठाम चाक्शा करूब आस फरां आगाम वोदम बाक्त। ८मेको करूब आस फरां मेको कबल पशो सन्दोस बाक्तीक आ तारी पराक्शो बाक्सा बाक्त। मोपा मेको करूब निक्शीमी आस पराक्शो फरांम कबल पशो सन्दोस नु आ कोक्क सुम्शो बाक्सा बाक्त। ९मेको कोक्क चहिं थम लाइशो बाक्तीके नेल्ल क्येडा चोवसो कोठा रं ठेयब बाक्तीकेम लाइसीशो बाक्माक्त। तन्न मेको लाङ्गा रं मतांइसीबाक्माक्त। मेको मुल सम्म यो बाक्नीम। १०मोसामी होरब डांडाम मेको कबल पशो सन्दोस आगा वोइशो फुल्लु निक्शी क्येडा लाक्शा, अरु मारइ मबाक्माक्त। मना परमपरभु यावमी इसराएली इजीप्त परोइशा गाकमानु, कबल पशो बाक्माक्त। व्यवस्था १०:५; हिब्रू ९:४

११मिनु चद्वबपुकी नेल्ल क्येडा चोवसो कोठा रं गरूमा बाक्त। मेकर बाकशो चद्वब नेल्ल आन पालो मरिम्थुन परमपरभु यावे आ डांडती जाक्चा कली ठीक सेल्सीशो बाक्मा बाक्त। १इतिहास ८:१४; लूका १:८-९ १२मिनु कुम्सो पाइब लेवी नेल्ल, आसाफ, हेमान, येदुथून नु मेको आन तौपुकी, मेको आन खिं खिं डा वांडश मुर नेल्ल रिम्शो पा किरशो श्यले रं परोवशो सुती वा फेक्सीशा बुक्केल, ठेयब नु आइक्च तार पाइशो ताप्तीके कुरशा चद्वतीक आ पूर्व गे राम्मा बाक्त। मिनु मेकोपुकी नु सहं का २० जना चद्वब यो बाक्मा बाक्त। मिनु मेकोपुकी चहिं तुराही ताप्त्र बाक्मा बाक्त। १इतिहास १५:१९; १इतिहास १६:३७; १इतिहास १६:४१-४२ १३मिनु तुराही ताप्त्रपुकी नु कुम्सो पाइबपुकीम खाल का

डा सेंदा पा “परमपरभु यावे, गे ठेयब बाक्नीनी। गे रिम्शो पाइब बाक्नीनी” दे कुम्सो पतीक मेको आन गेय बाक्माक्त। मिनु मेकोपुकीम तुराही, बुक्केल नु अरु ताप्तीक ताप्शा, परमपरभु यावे कली “गे रिम्शो पाइब बाक्नीनी। इन दाक्तीक गना हना यो लीब” दे कुम्सो पाम बाक्त। मिनु परमपरभु यावे आ खिं गोस्सुम बरीमाक्त। १इतिहास १६:३४; मजन संगरह १०६:१ १४मिनु मेको गोस्सुम खिं बरीतीक चद्वबपुकीम गेय पन मचाप्मे बाक्त। मारदे हना परमपरभु यावे आ खिं आ छेडछेडम बरीशो बाक्माक्त। १इतिहास ७:१-३; परस्थान ४०:३५

सोलोमनम परमपरभु नु लोत्र पशो

१राजा ८:१२-१३

१मिनु सोलोमनम “परमपरभु यावे, गे गो थम ६ क्येर गोस्सुम बाक्नुड” देशो बाक्तीनी। २गो इन कली गेना हना यो बाक्चा कली थम दारशो खिं का सेल्ता” देमाक्त।

३मिनु नोले पिप सुम्सीशो इसराएली गे हिरशा, नेल्ल आन कली आसीक गमी बाक्त। मना मुर नेल्ले राप्शा बाक्मा बाक्त। ४मिनु मेकोमी “परमपरभु यावे, इसराएली आन परमपरभु, गे ठेयब बाक्नीनी। गे आं आफ दाऊद नु देशो लोत्र मुल खाप्शो बाक्नीनी। ५गे आं आफ दाऊद कली गो आं मुर आन कली इजीप्त रागी रं गरुइशा चाक्गुमी रं मुल सम्म आं नें वोइक्चा नु आं खिं सेल्त्वा कली इसराएल डा तेकोइ थर आन सहर मयाव्रङ्ग। मिनु गो आं मुर इसराएली आन कली सासन पपाइक्चा कली पिप मयाव्रङ्ग। ६तन्न गो आं नें कली मान पचा, दे यरूसलेम कली याव्रता। मिनु दाऊद कली आं मुर इसराएली आन पिप दुम्चा कली याव्रता” देशो बाक्तीनी। ७आं आफ दाऊदम परमपरभु यावे, इसराएली आन परमपरभु आ नें कली मान पा खिं का सेल्त्वा कली थुं पशो बाक्माक्त। २सामुएल ७:२-१३ ८तन्न परमपरभु यावे, गे आं आफ दाऊद कली गो आं नें कली मान पा खिं का सेल्त्वा थुं पाप्तीवी। मेको रिम्शो बाक्ब। ९मो हना यो गे मेको सेल्त्वा मडुम्नेवे। तन्न इ तौम आं नें कली मान पा खिं का सेल्त्वा माल्ब’ दे माइशो बाक्तीनी। १०मुल परमपरभु यावे, गे इन देशो लोत्र खाप्तीनी। परमपरभु यावे, गे इन लोत्र सोदेशो पा गो आं आफ दाऊद आ पा डा पिप दुम्ती। मिनु गो इसराएल डा पिप आ ठेयब निक्तीकेम निशो बाक्नुड। मिनु गो

परमपरभु यावे, इसराएली आन परमपरभु, इन नें कली मान पा एको सिं सेल्ला। जकरिया ४ :९, ११ मिनु गो इन कबल पशो सन्दोस मेको आगाम वोइक्ता। परमपरभु यावे, इन इसराएली नु पशो कबल आगाम बाक्व” दैमाक्त। व्यवस्था १ :९ ; व्यवस्था १० :५

### परमपरभु आ सिं जिम्मा गेशो

१२ मिनु सोलोमन परमपरभु यावे कली चढ्दतीक आ डांइती नु इसराएल डा खुम्सीशो मुर नेल्ल आन डांइती राप्शा, आ गुइ निम्का पोक्गा बाक्त। १३ सोलोमनम ५ कुबीत लाइश्शो, ५ कुबीत बरम्शो नु कुबीत सां ग्येत्थ लाइश्शो कांसा के राप्तीक का सेल्पाइश्शा, लाडगा आ दातेम वोइश्शो बाक्माक्त। मिनु मेको तार राम्माक्त। मिनु नोले खुम्सीशो इसराएली नेल्ल आन डांइती आ पोक्च थक्शा, आ गुइ सरीड गे पोक्गा बाक्त। कुबीत का ०.५ मिटर बाक्व। १४ मिनु मेकोमी “परमपरभु यावे, इसराएली आन परमपरभु, सरीड नु रागीम इन सोदंशो सुइ मबाक्नीम। गे कबल साप्च बाक्नीनी नु इन कली नेल्ल थुंम सोइक्व इन वाइल आन कली गे गेना हना यो दाक्नीनी। १५ गे इन वाइल, आं आफ दाऊद कली दंशो लोत्र साप्तीनी। इन दंशो लोत्र मुलाक्त पाइतीनी। १६ मोपतीक परमपरभु यावे, इसराएली आन परमपरभु इन गेय पाइब, आं आफ दाऊद कली दंशो लोत्र खपीन। मार दंशो लोत्र खपीन दंशा हना, इसराएली आन कली सासन पचा कली गेना हना यो इ मुर बाक्व। गे आं डांइती गाक्शो खोदंशो पा इ आलपुकीम आं अरशो लोत्र पांम्तेक्म हना, इसराएल डा ठेयव नितीकम पिप दुम्चा कली गेना हना यो इ मुर का बाक्व” दंशो बाक्तीनी। २सामुएल ७ :१६ १७ मिनु मुल परमपरभु यावे, इसराएली आन परमपरभु, इन गेय पाइब दाऊद कली दंशो लोत्र थमा दुम्पतीन।

१८ मिनु मार, परमपरभु थमा पा मुर नु रागीम बाक्वा डा ? सरीड नु स्वर्गम इन कली मरिक्व हना, इन कली सेल्शो सिंम इन कली दोपा रिक्वा डा ? १इतिहास २ :५ ११ इन गेय पाइब, आं पुंइशो, आं पशो लोत्र नेनीन। परमपरभु यावे, आं परमपरभु, आं बरश्शो नु आं परार्थना नेनीन। २० मिनु इन दंशो लोत्र खोदंशो पा इन नें कली मान पचा कली सेल्शो बाक्तीक, एको सिं कली नाक्दो नाक्ती कोत्रडीन। मिनु इन सिं गे कोत्रशा पुनुनु, आं लोत्र नेनीन। २१ मिनु इन गेय पाइब नु

इसराएली, इन मुरुम एको सिं गे कोत्रशा पुन्मेनु, इन स्वर्ग डा बाक्तीक र नेनीन। मिनु नंशा मेको आन पाप क्याम्दीन।

२२ सुइम अरु मुर कली पाप पशो बाक्त हना, कसम जचा माल्ताक्व हना, मेको मुर कली इन कली चढ्दतीक नु इन सिं आ डांइती कसम जपाइक्तेक्म हना, व्यवस्था २७ :२६ ; परस्थान २२ :१० २३ गे स्वर्ग र मेको नंशा, मार पचा माल्ता, मेको पने। मिनु इन गेय पाइब आस दातेम निसाफ पने। दोस ताइब कली सजाइ गेने। मिनु दोस मताइब कली प्रानीन। दोपा ठीक पवा, मेको आ पशो खोदंशो पा, मेको कली गेने।

२४ मिनु इसराएली, इन मुरपुकीमी इन कली पाप पशा, आन जोरी सतरु नु लडाइ पा बरुम्तेक्म हना, तन्न एको इन सिं जाक्शा, इन नें थिशा, इन कली पुंइशा, इन गे लेत्तेक्म हना, व्यवस्था २८ :२५ २५ गे स्वर्ग र मेको आन पुंइशो नेनीन। मिनु इसराएल डा मुर आन पाप क्याम्दीन। मिनु गे मेको आन कली नु आन किकी पिपी आन कली गेशो रागीम लेशशा चाक्कीन।

२६ मिनु मेकोपुकीम इन कली पाप पतीक, रउ मयित हना, मेकोपुकीम इन बाक्तीक गे कोत्रशा, इन कली पुंइनीम। मिनु गे मेको आन कली सजाइ गेब परमपरभु बाक्नीनी, दे तुइक्नीम। मिनु आन पाप र लेशशा, इन कली पुंइतेक्म हना, व्यवस्था २८ :२३-२४ २७ गे, स्वर्ग डा बाक्तीक र मेको आन पुंइशो लोत्र नेनीन। मिनु इन गेय पाइब, इसराएली आन पाप क्याम्दीन। गे मेको आन गाक्वा माल्शो रिम्शो लां कोइदीन। मिनु गे इन इसराएल डा मुर आन कली गेशो आन थरशो रागीम रउ यिपतीन।

२८ मिनु रागीम अन्काल दुम्त हना, मुरपुकी बक्तीक रोइ पांम्तेक्म हना, चरब सोत्रतीक रोइ जाक्त हना, बुंखी डाइक्ताक्व हना, सल्हा सांपु जोम्तेक्म हना, आन जोरी सतरुम आन बाक्तीक पुम्ताक्म हना, दोदंब हिंचा डा श्येत नु रोइ बाक्त हना यो, २९ इन इसराएल डा मुर नु अरु सुइम आन श्येत इन कली शोत्रशा, एको सिं गे कोत्रशा, आन गुइ पोक्शा, इन कली पुंइतेक्म हना, ३० गे, इन मुर आन पुंइशो इन स्वर्ग डा बाक्तीक र नेनीन। मिनु मेको आन पाप क्याम्दीन। गे इन मुर आन थुं तुइश्शो खोदंशो पा रिम्शो कली रिम्शो नु मरिम्शो कली मरिम्शो पने। मारदे हना गे ला मुर आन थुं तुइक्व बाक्नीनी। भजन संगरह १३९ :१-४, २३ ३१ मोपा इन कली मान पा हिंशा, मबक्मा सम्म इन लां

गाकशा नु इन गेशा आन किकी पिपीम थरशा रागीम रिम्शो पा बाक्नीम ।

३२ मिनु इन मुर, इसराएली मबाक्थु, अर्का रागी डा मुरपुकीम डोन रागी र जाकशा, इन ठयब नं, इन सक्ति नु इन वारच पतीक नंशा, एको सिं गे कोव्रशा, पुंडतेकम हना, ३३गे, इन स्वर्ग डा बाक्तीक रे मको आन पुंडशो नंशा, मको अर्का रागी डा मुर आन पुंडशो गन । मोपा इसराएली खोदंशो पा रागी डा मुर नल्लेमी इन कली तुइश्शा, इन कली मान पा हिंनीम । मिनु मेकोपुकीम आं सल्ल्शो सिंम गे थमा पा बाक्नीनी, दे तुइक्नीम ।

३४ मिनु इन मुरपुकीम आन जोरी सतरु नु लडाइ पचा कली तेको लां र सोइक्ताक्नी हना यो, इन योत्रशो सहर नु गोम इन कली मान पा सल्ल्शो सिं गे कोव्रशा, पुंडतेकम हना, दानीएल ६ :११ ३१ गे मेको आन पुंडशो लोत्र इन स्वर्ग डा बाक्तीक रे नंशा आन माल्ल्शो गेशा वारच पने ।

३६ मिनु मेकोपुकीमी इन कली पाप पांमतेकम हना, मारदे हना पाप मपाइब सुइ मबाक्नीम । गे मेको आन कली तशा गाइश्शा, मेको आन कली आन जोरी सतरु आन गुइमी गतीनी हना, मेकोमी मेको आन कली ग्याइश्शा, डोन रागी हना यो, आन नेक्था डा रागी हना यो लाइश्शा, चोक्तेकम हना, ३७ मिनु मेको रागीमी मेको आन थुं इन गे लेश्शा, मेकोपुकीम थो पाप पाइतक, गो दूली पाइतक, गो काइ मरिम्शो पाइतक' दंशा, दानीएल ९ :५ ३८ मिनु मेको रागीम आन थुं नल्लेमी इन गे लेश्शा, आन किकी पिपीम थरशा रागी, इन योत्रशो सहर नु गो इन कली मान पचा कली सल्ल्शो सिं गे कोव्रशा, इन कली पुंडतेकम हना, ३९ इन स्वर्ग डा बाक्तीक रे मेको आन पुंडशो लोत्र नेनीन । मिनु मेको आन माल्ल्शो गेन । आन पशो पाप नल्ले क्याम्दीन । ४० मुल आं परमपरभु, मेको सिं र इन मुर आन लोत्र नंशा कोव्रडीन । मिनु आन पुंडशो नेनीन ।

४१ परमपरभु यावे, परमपरभु, मुल बोक्कीन । गे नु इन सक्ति डा कबल पशो सन्दोस इन नाइश्शा बाक्तीकम जाक्कीन । परमपरभु यावे, परमपरभु, इन कली चदेबपुकीम इन मुर आन कली पाप क्याम्तीक गेय पपतीन । मिनु इन कली थमा सुइक्व इन रिम्शो पशो तशा ग्येरसमल । भजन संगरह १३२ :८ ४२ परमपरभु यावे, परमपरभु, गे इन तेल लुकशो मुर, आं कली मपरांडयीनी । इन गेय पाइब दाऊद कली पशो इन गेना हना यो

दाक्तीक मिम्तीन" दे सोलोमनम परमपरभु कली दंमाक्त । भजन संगरह ८९ :४-५

परमपरभु आ सिंमी चाड मानेशो

१ राजा ८ :५४-६६

१ मिनु सोलोमनम मेको पुंडेन थुमा नोले ७ सरीङ्गे र मी यिमाक्त । मिनु मेको मीम चोशा चदंशो नु अरु चदंशो नेल्ले नेक्था बाक्त । मिनु परमपरभु यावे आ छेड्छेड्कम आ सिं कली बरीमाक्त । लेवी ९ :२४ ; १ राजा १८ :३८ ; परस्थान ४० :३४ २ मिनु परमपरभु यावे आ सिं आ छेड्छेड्कम बरीतीक, चदेबपुकी परमपरभु यावे आ सिं ओत्रेन मचबम बाक्त । इसराएली नेल्लेमी मेको मी यिशा नु परमपरभु यावे आ सिं आ तार छेड्छेड्क बाक्शो ताम बाक्त । मेकोपुकीमी खप सम्मन बाप्शा "परमपरभु यावे, गे रिम्शो पाइब बाक्नीनी । इन दाक्तीके गेना हना यो लीब" दंशा, ठयब सल्ले बाक्त । २ इतिहास ५ :३३-३४ ; भजन संगरह १०६ :१

४ मिनु नोले पिप नु मुर नेल्लेमी परमपरभु यावे आ डोइती चदंम बाक्त । ५ मिनु पिप सोलोमनम २२ हजार ब्यफ नु लाख का, २० हजार भेडा चदेवा बाक्त । मोपा पिप नु मुर नेल्लेमी मेको सिं परमपरभु कली जिम्मा गेम बाक्त । ६ चदेब आन पालो खोदंशो पा बाक्मा बाक्त । लेवीपुकी परमपरभु यावे कली ताप्तीक ताप्चा कली आन ताप्तीक शशा बाक्मा बाक्त । पिप दाऊदम मेको ताप्तीकपुकी परमपरभु यावे कली ठयब सल्ल्वा कली "आ दाक्चा गेना हना यो लीब" दे कुम्सो पचा कली, परमपरभु यावे कली ठयब सल्ल्वा ना कली सल्ल्शो बाक्माक्त । मिनु लेवीपुकीमी कुम्सो पाम बाक्त । चदेबपुकी कोत्रमुशा तुराही ताप्मे बाक्त । मेना इसराएली नेल्ले राप्शा बाक्मा बाक्त । २ इतिहास ४ :१

७ मिनु नोले सोलोमनम परमपरभु यावे आ सिं आ डोइती डा लाङगा परमपरभु कली जिम्मा गेवा बाक्त । मिनु मेकेर चोशा चदेतीक चदेवा बाक्त । दुशा बाक्चा आ पर्वम चदंशो आन बांसो यो चदेवा बाक्त । मारदे हना मेको आ सल्ल्शो कांसा के चदेतीकम चोशा चदंशो, अन्न चदंशो नु बांसो चदेवा कली मरिक्ता बाक्त । २ इतिहास ४ :१

८ मेना सोलोमनम ७ नाक्ती सम्म चाड सेला बाक्त । मिनु इसराएली नेल्ले मेको नु बाक्मा बाक्त । लेबो-हमाथ र इजीप्त डा खोला सम्म शुश मुरुमी ७ नाक्त सम्म चाड मानेम बाक्त ।

१.मिनु मेकोपुकीमी ८ नाक्तीम परमपरभु यावे कली ठेयब गरुस्तीक का सेल्मे बाक्त। मारदे हना मेकोपुकीम चढ्देतीक डा जिम्मा गतीक ७ नाक्त सम्म मानम बाक्त। मिनु नोले ७ नाक्त डा चाड यो मानम बाक्त। गन्ती ७ :१० १० मिनु ७ महिना डा २३ नाक्तीम सोलोमनम मुर आन कली आन खिं खिं सोइक्तीमी बाक्त। मेकोपुकी थुं नाइश्शा, थम ग्यरसीशा लमा बाक्त। मारदे हना परमपरभु यावेमी दाऊद, सोलोमन नु आ मुर आन कली थम रिम्शा पवा बाक्त। ११.मो पा सोलोमनम परमपरभु यावे आ खिं नु आ दरवार सेल्ले थुमा बाक्त। मिनु परमपरभु यावे आ खिं नु आ खिं सेल्वा थुं पा रिम्शा पा थुमा बाक्त।

परमपरभुमी लोत्र पशा

१राजा ९ :१-९

१२.मिनु नोले परमपरभु यावे नाक्दो सोलोमन आ डोंइती तपांडसीशा, मेको कली "गो इ पुंडशो लोत्र नेंता। मिनु गो मेको खिं मुरपुकीमी आं कली मेकर चढ्देचा कली योत्रता। ब्यवस्था १२ :५-६ ; यसैया ५६ :७ ; मर्कूस ११ :१७ ; यूहन्ना २ :१६ १३.गो सरीड कली चाक्शा खोदंशो पा रेड मयिपाइक्ता हना, गो रागी कली खतम पोक्चा कली सेल्हा सोइक्ताकड हना, आं मुर आन दातेम बक्तीक रोइ पपाइक्ता हना, १४ मिनु आं मुरपुकी बरम्शो दुम्शा, आं कली पुंडशा, आं कली माल्त्कम हना, आन मरिम्शो लां रे लेत्तकम हना, गो स्वर्ग रे मेको आन पुंडशो नेंनुड। मिनु मेको आन पाप क्याम्नुड। मिनु गो मेको आन रागी कली डोंइती डा खोदंशो पा रिम्शा सेल्नुड। १५ मिनु मेको बाक्तीकमी मुरपुकीम आं कली पुंडशो लोत्र गो कोत्रशा नोफा दाइक्नुड। २इतिहास ६ :४० १६.मारदे हना गो आं नें गना हना यो बाक्चा कली एको खिं कली योत्रता। एको आं के ला बाक्ब। गो मेको कली कोत्रनुड। आं थुं गेना हना यो मेकर बाक्ब। १७ मिनु गो चहिं इ आफ दाऊद आं डोंइती गाक्शो खोदंशो पा गाक्तेवे नु आं इन कली शंशो फुल्लुम मुशा बरेक्शो लोत्र नु आ निसाफ पतीक लोत्र नेल्ल पाप्तीवी हना, १८ गो इ राज्य बोल्यो नु ठेयब सेल्नुड। गो इ आफ दाऊद कली कबल पशा खोदंशो पा इ कली यो गेना हना यो इसराएली आन कली सासन पचा कली इ खिं डा मुर का बाक्ब दे कबल पाइनुड। २इतिहास ६ :१६

१९.तन्न गे नोले शोंइसीशा, गो इ डोंइती वोइश्शो आं फुल्लुम मुशा बरेक्शो लोत्र नु आं शंतीक मटिप्तीवी हना, नु लशा अर्का देवी देवता आन कली सेड पा पूजा पाप्तीवी हना, २० गो इन कली गेशो रागी रे गरुंडनुड। मिनु गो आं नें बाक्शो खिं परांइनुड, काइ मेकोत्रनुड। मिनु गो एको कली जात जात डा मुर आन दातेमी खिसी नु शुक्शो पाइक्तीक सेल्नुड। ब्यवस्था २८ :६३ ; १राजा १४ :१५ २१.मिनु एको खिं आ पर्वम मार देनीमी ? मुल ठेयब दरशा बाक्ब। तन्न नोले एको लां रे गाक्ब मुर नेल्ल छक लाक्शा 'मारदे परमपरभु यावेम एको रागी नु एको खिं ओदंशो सेला ?' दे हिल्लो पाइनीम। ब्यवस्था २९ :२३-२८ ; येरमीया २२ :८-९ २२.मिनु लेंशा मुरपुकीम 'मारदे हना मेकोपुकीमी परमपरभु यावे, आन किकी पिपी आन परमपरभुमी मेको आन कली इजीप्त रे गरुंडशा चाक्ब परमपरभु यावे कली परांइतेकम। मिनु अर्का देवी देवता आंम के सेल्शा, पूजा पा गय पात्तेकम। मोपतीक परमपरभु यावेमी मेको आन कली मोदंशो श्येत गेपु' दे लोत्र लेलीम" देमा बाक्त।

सोलोमन आ अरु पतीक

१राजा ९ :१०-२८

१.मिनु सोलोमनम परमपरभु यावे आ खिं नु आ ८ दरवार सेल्वा कली २० बर्स माल्दा बाक्त। २.मिनु पिप हुरामम सोलोमन कली सहरपुकी गवा बाक्त। मिनु सोलोमन मेको सहर आन कली लेंशा सेला बाक्त। मेकर इसराएल डा मुर आन कली बाक्पाइक्मी बाक्त।

३.मिनु सोलोमन हमाथ-सोबा लशा, लडाइ पा मेको आ के सेला बाक्त। ४.मिनु गोरशो रागीमी तदमार माइश्शो सहर सेला बाक्त। मिनु हमाथम यो मार मार वोइक्तीक सहरपुकी सेला बाक्त। ५.मेकोमी आइक्था डा बेथ-होरान नु आइदी डा बेथ-होरान यो सेला बाक्त। मिनु गारो हिरशो, ठेयब लाप्नो वोइश्शो नु आगलो पाइश्शो बोल्यो सहर दुम्मा बाक्त। ६.मेकोमी बालाथ सहर नु सोलोमन आ मार मार वोइक्तीक सहरपुकी सेला बाक्त। मिनु बग्गी वोइक्तीक सहर नु शारा आन कली वोइक्तीक सहरपुकी सेला बाक्त। मेकोमी यरुसलेम, लेबानानम नु आ राज्य नेल्लेमी आ दाक्शो खोदंशो पा सहरपुकी सेला बाक्त। ७.हिती, एमोरी, परिज्जी, हिब्वी नु यबुसी इसराएली मबाक्शो मुर, ८.आन चच युइ इसराएल रागीम लीशो बाक्मा बाक्त। मारदे

हना मेको आन कली मसाइक्थु, ब्रांडचा गेशो बाक्मा बाक्त। मिनु सोलोमनम मेको आन कली वाइल सल्शा, गेय पपदा बाक्त। मेको मुल सम्म मोदंशोन बाक्नीम। यहासु १६:१० १तन्न सोलोमनम इसराएल डा मुर र मोदंशो वाइल गेय पचा कली सुइ मलदा बाक्त। मेको आन कली लडाइ पाइब, आन ठेयब मुर, आ बग्गी चलेब नु शारा डाइक्व आन कप्तान सल्मी बाक्त। १० पिप सोलोमन के सहै निक्शो ५० जना अधिकार पाइश्शो मुर बाक्मा बाक्त। मेकोपुकी मुर आन कली कोव्रब बाक्मा बाक्त।

११ मिनु सोलोमनम फाराओ आ तमी कली दाऊद आ सहर र मेको कली सल्शो खिम चाक्गा बाक्त। मारदे हना मेकोमी “आं मीश इसराएल डा पिप दाऊद आ खिमी बाक्चा मडुम्ब। मारदे हना मेको परमपरभु यावे आ कबल पशा सन्दोस बाक्शो, परमपरभु आ बाक्तीक ला बाक्ब” देमाक्त। १ राजा ३:३

१२ मिनु नोले सोलोमनम परमपरभु यावे आ खिं डा पिंडी आ डांडती वोइश्शो आ सल्शो चढतीकेम परमपरभु यावे कली चोशा चढतीक चढवा बाक्त। २ इतिहास ४:१ १३ मोसा आ अरेशो सोदंशो पा नाइक्तीक नाक्ती, ओंसी नाक्ती, बर्स डा चाड सां बोरब ओस्ती मसुश्शो जिज शाब्द जतीक चाड, ७ नाक्त डा चाड नु गोठ सल्शा बाक्तीक चाड मानतीक नु नाक्त कित कित चढचा माल्शा चढतीक चढवा बाक्त। लेवी २३ :-; गन्ती २८:२,४,११,१७,२६; गन्ती २९:१२ १४ सोलोमन आ आफ दाऊदम बरक्शो अरेशो लोव्र सोदंशो पा, तेको चढबम गेना चढचा माल्बा, आन पालोम पतीक गेय नेल्ल देशो बाक्माक्त। मिनु लेवीपुकीमी परमपरभु यावे कली ठेयब सल्तीक कुम्सो पचा कली नु चढब आन कली वारच पचा कली बाक्मा बाक्त। मिनु लाप्नो खाल पाइब आन कली आन हुल हुल पा योव्रशा, तेको तेको लाप्नोम बाक्चा माल्दा मोपा वोइक्पाइश्शो बाक्माक्त। मारदे हना परमपरभु आ मुर दाऊद मोदंशो अरेशो बाक्त। १ इतिहास २३ :- १ इतिहास २६ :- ११ मिनु चढबपुकी नु लेवीपुकीम पिप आ अरेशो नेल्ल ठीक पा पाम बाक्त। मोपा मेकोपुकीमी शांप वोइक्तीक कोठा यो कोव्रडमे बाक्त।

१६ सोलोमनम परमपरभु यावे आ खिं डा जग दोवार नेल्ल मथुमा सम्म मोदंशो दुम्माक्त।

१७ मेको नोले सोलोमन ठेयब समुन्दर आ नक्था एदोम रागी डा एस्थान-गोबर नु

एलोथ लमाक्त। १८ मिनु पिप हुराममी आ गेय पाइबपुकी, आ जहाजपुकी नु जहाज चलेब आन कली सोलोमन कली वारच पचा कली ठेयब समुन्दरम सोइक्ता बाक्त। मेकोपुकी सोलोमन आ गेय पाइबपुकी नु आफोर लशा, ४ सहै ५० टलेन्ट सुन ग्याप्शा चाक्शा, पिप सोलोमन कली गेम बाक्त। टलेन्ट का ३४ किलो बाक्ब।

शेबा डा पिपीम जाक्शो

१ राजा १०:१-१३

१ शेबा डा पिपीममी सोलोमन आ शुश नें चलेशो नेना बाक्त। मिनु मेकोमी सोलोमन कली नाक्चा कली लेन्ने मचाप्चा डा लोव्र हिल्लो पथ यरूसलेमम जाक्माक्त। मेको शुश मुर नु जाक्शा, शुश दलओठम मस्तापुकी, शुश सुन नु हीरापुकी कुर पा जाक्माक्त। मिनु मेकोमी सोलोमन कली गुरुशा, आ थुंम बाक्शो लोव्र नेल्ल हिल्लो पवा बाक्त। मती १२:४२ २ मिनु सोलोमनमी आ हिल्लो पशा लोव्र नेल्ल लेत्ता बाक्त। मेकोमी तेको लोव्र हिल्लो पवा, मेको लोव्र सोलोमनम मारइ श्यत मलाक्थु, लेत्ता बाक्त। ३ मिनु शेबा डा पिपीममी सोलोमन आ रुतीक थुं नेल्ल तशा, मेको आ सल्शो खिं, ४ मेको आ टबल डा जचा थोव्रक, मेको आ एर ओंथ निश्शो आ सरकार डा ठेयब मुरपुकी, मेको आ गेय पाइब आन दारशो वा, अरु आन फक्तीक नु पिप कली त्चा गेब आन वा कोव्रस डा कोव्रस दुम्माक्त। मिनु परमपरभु यावे आ खिं लशा, मेको आ चोशा चढेशो तशा, शुश छुक लाक्माक्त।

५ मिनु मेकोमी पिप कली “आं रागीम इन पतीक नु शुश रुतीक थुं आ परबम नंशा लोव्र नेल्ल थमा बाक्त। ६ तन्न गो जाक्शा, आंमा मतडा सम्म मेको आन देशो लोव्र थमा मसुदु। मेकोपुकीमी आं कली इन रुतीक थुं आ परबम नेल्ल लोव्र मशोव्रडमे बाक्त। इन्का ला शोव्रडमे बाक्त। तन्न गे शुश रुतीक थुं पाइश्शो बाक्तीनी। ७ इन मुर ग्येरशो मुर बाक्नीमी। नाक्त कित कित इन डांडती गेय पाइबपुकीम इन रुतीक थुं डा लोव्र नंशा, ग्येरसीशो बाक्नीमी। ८ परमपरभु यावे, इन परमपरभु ठेयब बाक्ब। इन कली तशा ग्येरसीशा आ ठेयब निक्तीकेमी इन कली निप्पाइश्शो, आ पा डा पिप सल्लु। मारदे हना परमपरभु यावे, इन परमपरभुम इसराएली आन कली दाक्शा, गेना हना यो बाक्पाइक्चा थुं पाप्तु। मोपतीक इन कली मेकर ठीक निसाफ पचा नु ठीक पतीक शंचा, दे आन पिप सल्लु”

दंमाक्त। १इतिहास २१:२३ १मिनु नोले मेकोमी पिप कली सहे का २० टलेन्ट सुन शुश मस्त्ला नु शुश हीरा गेवा बाक्त। शबा डा पिपीममी सोलोमन कली गेशो मस्त्लापुकी, थम रिम्शो बाक्शा तेइ मथिसीब बाक्माक्त। टलेन्ट का ३४ किलो बाक्ब।

१०मिनु मेको नेल्ल परांइशा, पिप हराम नु सोलोमन आस गेय पाइबपुकीम ओफीर रे सुन चाक्गम बाक्त। मिनु मेकोपुकीमी शुश क्यट लाइब शी नु हीरापुकी यो चाक्गम बाक्त। ११मिनु पिपमी मेको शी रे परमपरभु यावे आस्त्रिं नु दरवार कली थंका सेला बाक्त। कुम्सो पाइब आन कली ठेयब नु आइक्च तार पाइश्शो ताप्तीकपुकी सेला बाक्त। डांडती मोदंशो रिम्शो शी यहूदा रागीम गेनायो मबाक्शो बाक्माक्त।

१२मिनु पिप सोलोमनम शबा डा पिपीम कली आ चाक्शा गेशो कोसेली क्येडा यो शुश आ माल्शो मारइ मारइ गेवा बाक्त। मिनु नोल मेको आ गेय पाइबपुकी नु आ रागी लेम्माक्त।

सोलोमन आ शांप नु आ मान तशो

१राजा १०:१४-२९

१३सोलोमन आ बाक्तीकम बर्स काम ६ सहे ६६ टलेन्ट सुन ताक्बाक्माक्त। टलेन्ट का ३४ किलो बाक्ब। १४मेको परांइशा, आ ग्याप्त्र लेयबपुकीमी यो चाक्बाक्मा बाक्त। अराब रागी डा पिपपुकी नु रागी रागी डा सासन पाइबपुकीमी यो सोलोमन कली सुन नु चांदी चाक्बाक्मा बाक्त। १५मिनु पिप सोलोमनमी तुप्शो सुन के सहे निकशी लडाइ पाइब आन कली ठेयब तेक्तीक सेला बाक्त। मेको तेक्तीक का सेल्वा कली ६ सहे शेकल सुन माल्मा बाक्त। शेकल का ११.५ ग्राम डा चांदी के क्येड बाक्ब। १६मेकोमी लेशा तुप्शो सुन के सहे सां आइक्च तेक्तीक सेला बाक्त। मेको तेक्तीक का सेल्वा कली सहे सां शेकल सुन माल्मा बाक्त। मिनु पिपमी मेको नेल्ल लेबानोन ब्याकी डा खिम वोइक्पदा बाक्त। १राजा ७:२ १०मिनु पिपम हात्ती आ दारा के ठेयब निक्तीक का सेल्शा, मेको कली क्येस सुनम गिल्पदा बाक्त। १८मेको ठेयब निक्तीके आ डांडती ६ ओटा थंका नु सुन के सोइल वोइक्तीक बांडसीशो बाक्माक्त। मेको ठेयब निक्तीक आ निम्फा पटटी गुइ वोइक्तीक बाक्माक्त। मेको गुइ वोइक्तीक निम्फा पटटी गे राप्शो गुप्स का का सेल्शो बाक्माक्त। १९मेको ६ ओटा थंकामी

थंका कामी एर गे गुप्स का, आंथ गे गुप्स का पा १२ ओटा गुप्स सेल्शो बाक्माक्त। तेकोइ राज्यम मोदंशो ठेयब निक्तीक गेनायो मसेल्शो बाक्माक्त। २०सोलोमन आ त्तीक बोस नेल्ल सुन के बाक्माक्त। मिनु लेबानोन ब्याकी डा खिं डा बोस नेल्ले क्येस सुन के बाक्मा बाक्त। चांदी के मारइ मसेल्शो बाक्मा बाक्त। मारद हना सोलोमन आ पालाम चांदी मारइ सोदंशो मबाक्माक्त। २१हराम आ गेय पाइबपुकी पिप सोलोमन आ जहाजपुकी नु टारसीस डा बाक्त। मिनु बर्स सां सांमी मेको पिप आ जहाजपुकीम सुन, चांदी, हात्ती आ दारा, मोरपुकी नु मजुरपुकी चाक्बाक्मा बाक्त।

२२मोपा पिप सोलोमन शांप पाइश्शो नु रुप्तीक थुंम रागी डा पिप नेल्ल आन क्येडा ठेयब दुम्माक्त। २३मिनु परमपरभुम सोलोमन कली गेशो रुप्तीक थुं डा लोत्र नेंचा कली रागी रागी डा पिप नेल्ले मेको कली गरुम्य जाक्बाक्मा बाक्त। २४मिनु मेको कली गरुम्य जाक्ब नेल्लेमी सुन नु चांदी के मार मार, फक्तीक वापुकी, यापुकी, मस्त्लापुकी, शारापुकी नु खच्चरपुकी बर्स बर्सम कोसेली चाक्बाक्मा बाक्त।

२५सोलोमन के ४ हजार शारा नु बग्गीपुकी वोइक्तीक खिं बाक्मा बाक्त। मिनु मेको के १२ हजार शारा बाक्मा बाक्त। मेकोमी शारा नु बग्गी आन कली बग्गी वोइक्तीक सहरम नु का निकशी चहिं आं नु यरूसलेममी वोइक्पाइक्बाक्माक्त। २इतिहास १:१४-१७; १राजा ५:६ २६मेकोमी युफरटीस खाला रे पलिस्ती आन रागी नु इज्जीप्त आ सांद सम्म सासन पवा बाक्त। २७पिपमी फुल्लु खोदंशो पा यरूसलेम सहरम चांदी तला बाक्त। लेबानोन डा ठेयब रवा आ शी शेफलाहम बाक्शा फोत्रशी रवा खोदंशो पा शुश तला बाक्त। २८सोलोमन आ शारापुकी चहिं इज्जीप्त नु अरु नेल्ल रागी रे ग्याप्शा चाक्बाक्मा बाक्त।

सोलोमन बेक्शो

१राजा ११:४१-४३

२९मिनु पिप सोलोमन आ डांडती रे डा नोले सम्म पशो नेल्ल परमपरभु यावे आ लोत्र पाइब नाथान आ इतिहासम मबरेक्शो बाक्बा डा? मिनु शिलो डा नोले दुम्ब लोत्र पाइब अहीयाहम मबरेक्शो बाक्बा डा? इददोमी नंबात आ ती यरोवाम आ पर्वम तशो मबरेक्शो बाक्बा

डा ? ३० सोलोमनम यरूसलेमम बाक्शा, इसराएल नेल्ल कली ४० बर्स सासन पवा बाक्त। ३१ मिनू सोलोमन बक्माक्त। मिनू मुरपुकीम मेको कली आ आफ दाऊद आ सहरमी थिम्म बाक्त। मिनू मेको आ पा डा आ ती रहोबाम पिप दुम्माक्त। ११ राजा १४ :२१

पिप रहोबामम अर्ती मनंशा

११ राजा १२ :१-२४

१ रहोबाम शेकमम लमाक्त। मारदे हना इसराएली नेल्ल मेको कली पिप सेल्वा कली शेकमम जाक्शा बाक्मा बाक्त। २ मिनू नेबात आ ती यरोबामम मेको लोत्र नेनानु, इजीप्त उड बाक्शा बाक्माक्त। मेको सोलोमन पिप क्येडा प्रोक्शा इजीप्त लशा बाक्माक्त। मिनू यरोबाम इजीप्त रागी रे लेम्माक्त। ३ मिनू मुरपुकीम मेको कली बरेल्य सोइक्तेम बाक्त। मिनू मेको नु इसराएली नेल्ल रहोबाम आ बाक्तीक जाक्शा, मेको कली ४ “इन आफोम आइ कली हेल्शा गेय पपाइश्शा बाक्त। मुल गे इन आफोम गेशा हेल्शा गेय इच्का सोपी पाइतीनी हना, गो इन कली गेय पाइनीकी” देमा बाक्त। ५ मिनू रहोबामम “आं कली नाक्त सां सम्म मिम्चा गेयीनी। मिनू लेंशा जाक्कीन” दे सोइक्तीमी बाक्त। मोपतीक मुरपुकी लेशशा लमा बाक्त।

६ मिनू नाले पिप रहोबामम आ आफ सोलोमन ब्रांइशा बाक्मनु, अर्ती गेब खाल्पापुकी नु अर्ती पुंइशा “एको मुर आन कली मार लोत्र लेत्तुमी ? गे मार अर्ती गेनीनी ?” दे हिल्लो पवा बाक्त। ७ मिनू मेकोपुकीम “गे एको मुर आन कली शिशी पा रिम्शा लोत्र पाइतीनी हना, मेकोपुकी गेना हना यो इन गेय पाइब दुम्नीम” दे अर्ती गेमे बाक्त। ८ तन्न मेकोमी मेको खाल्पा आन अर्ती मनेना बाक्त। मिनू आ नु कोल्शा ठिटा आन अर्ती पुंइशा ९ “मेकोपुकीम आं आफोम आन कली गेशा हेल्शा गेय सोपी सेल्वा कली पुंइतेक्म। मिनू गो मेको आन कली मार लोत्र लेत्तुमी ? गे मार अर्ती गेनीनी ?” दे हिल्लो पवा बाक्त। १० मिनू मेको नु काथा कोल्शा ठिटापुकीम “इन आफोम आइ कली हेल्शा गेय गेशा बाक्त। मुल मेको सोपी सेल्वा गेकी, दे पुंइब मुर आन कली आं आइक्च बरेन्वो आं आफ आ करातो क्येडा ठेयब बाक्ब। ११ आं आफोम इन कली हेल्शा गेय पपाइश्शा बाक्माक्त। तन्न मुल गो मेको क्येडा हेल्शा गेय पपाइक्नुड। आं आफोम

इन कली कोक्केम तुप्पाइश्शा बाक्माक्त। तन्न मुल गो इन कली बिच्छीम कराइक्पाइक्नन्नी” मतीन” दे अर्ती गेमे बाक्त।

१२ मिनू यरोबाम नु मेको मुर नेल्ल पिप रहोबामम देशो खांदेशो पा नाक्त सां नाले रहोबाम आ बाक्तीकम जाक्मा बाक्त। १३ मिनू पिपम मेको मुर आन कली मरिम्शा लोत्र पाइमी बाक्त। मारदे हना मेकोमी खाल्पा आन गेशा अर्ती मनेना बाक्त। १४ मिनू मेको ठिटापुकीम गेशा अर्ती बिश्शा, मेको आन कली “आं आफोम इन कली हेल्शा गेय गेशा बाक्माक्त। तन्न मुल गो मेको क्येडा हेल्शा गेय गेनुड। आं आफोम इन कली तुप्पाइश्शा बाक्माक्त। तन्न मुल गो इन कली बिच्छीम कराइक्पाइक्नन्नी” दे माइक्मी बाक्त। १५ मिनू पिपम मेको मुर आन लोत्र मनेना बाक्त। मारदे हना परमपरभुमी शिलो डा अहीयाहरे पा नेबात आ ती यरोबाम आ पर्वम देशो लोत्र खान्वा कली परमपरभु यावेम मोदेशो पपाइश्शा बाक्माक्त। ११ राजा ११ :२९-३१

यहूदा थर नु उत्तर डा इसराएली ब्रांशा

१६ मिनू उत्तरम बाक्ब इसराएलीपुकी नेल्लेमी “पिपम आइ देशो मबिन्ब” दे तुइक्तेम बाक्त। मिनू मेकोपुकीमी पिप कली “दाऊद नु आइ के मार भाग बाक्वा डा ? येस्से आ ती नु आइ के मार बाक्वा डा ? गे इसराएलीपुकी, आंम ताम्बुम लने। मुल दाऊद आ सिं डा मुर, गे आंमा इन सिं कली कोवडीन” देमा बाक्त। मोपतीक इसराएली नेल्ल आन ताम्बुम लमा बाक्त। १७ तन्न रहोबामम यहूदा डा सहरम बाक्ब इसराएली आन कली सासन पा बाक्माक्त। १८ मिनू पिप रहोबाममी आ गेय पाइब आन कली कोवब हदाराम कली मुर आन बाक्तीकम सोइक्ता बाक्त। तन्न इसराएलीपुकीम मेको कली फुल्लु आप्शा सदमे बाक्त। मिनू पिप रीब पा दयु प्रक्शा आ बग्गी डोइश्शा, यरूसलेम लमाक्त। १९ मिनू मेको नाक्ती रे मुल सम्म उत्तरम बाक्ब इसराएलीपुकीम दाऊद आ सिं डा मुरपुकी नु मदुथु, सासन पचा मगेशो बाक्नीम।

रहोबाम यरूसलेम लेशशा

११ मिनू रहोबाम यरूसलेमम लेशशा, ११ आंम राज्य लेंशा ताक्चा कली यहूदा नु बन्यामीन थर डा लाख का ८० हजार बाल्यो लडाइ पाइब मुरपुकी इसराएली नु लडाइ पचा कली खुप्ता बाक्त। ११ राजा १२ :२१-२४ तन्न

परमपरभु यावे आ लोत्र परमपरभु आ मुर शमायाह कली जाकमाक्त। ३मिनु परमपरभुमी शमायाह कली “सोलोमन आ तौ यहूदा डा पिप रेहोबाम, इसराएलम बाकब यहूदा डा मुर नु बन्यामीन डा मुर नेल्ल आन कली, ४परमपरभु यावेमी मार दंब देशा हना षे इन लोकबपुकी नु लडाइ पथ इर डोइशशा मलने। गे नेल्ल इन खिं लेशशा लने। मारदे हना एको नेल्ल आं र पा पिशा बाकब’ दे माइक्मी” देमाक्त। मोपतीक मेकोपुकीम परमपरभु यावे आ लोत्र टिशा, यरोबाम नु लडाइ पचा थुं मपामे बाक्त।

रेहोबामम यहूदा कली बोल्यो सल्लशा

५मिनु रेहोबाम यरूसलेमम बाकशा, यहूदा डा सहरपुकी बोल्यो सेला बाक्त। ६मेकोमी बेथलेहेम, एताम, तेकोहा, ७बेथ-सुर, सोको, अदुल्लाम, ८गाथ, मोरशा, जीफ, ९अदरैम, लाकीश, आजका, १०सोराह, आइयालोन नु हबरोन बोल्यो सेला बाक्त। मेको सहरपुकी यहूदा नु बन्यामीनम बाकमा बाक्त। ११मिनु मेकोमी मेको सहरपुकी थम बोल्यो सेला बाक्त। मिनु मेकेर कप्तानपुकी योत्रशा वोदा बाक्त। मिनु जचा थोत्रक, तेल, अडगुर शोबु खेकशा वोइक्पदा बाक्त। १२मिनु मेकोमी सहर नेल्लेम ठेयब तेक्तीक नु तुतीकपुकी, तेल्शा वोइक्पदा बाक्त। मिनु मेको सहर नेल्ल थम बोल्यो सेला बाक्त। मोपा मेकोमी यहूदा नु बन्यामीन आ राज्य बोल्यो सल्लशा सासन पवा बाक्त।

१३इसराएल रागीम बराशा बाकशा चदेब नु लेवीपुकी नेल्ल आन बाक्तीक रे रेहोबाम आ बाक्तीक जाकमा बाक्त। १४लेवीपुकीम आन बाक्तीक नेल्ले परोइशा, यहूदा नु यरूसलेमम बाकथ जाकमा बाक्त। मारदे हना यरोबाम नु आ तौपुकीमी मेको आन कली परमपरभु यावे कली चदेतीक गेय पचा मगेमे बाक्त। २इतिहास १३ :९ १५मिनु यरोबाममी डांडा डा थानम आ सेल्लशा क्यारश आ मूर्ति नु बाच्छा आन मूर्ति पूजा पचा कली आ चदेब वोइक्पदा बाक्त। १६मिनु सु सुमी परमपरभु यावे, इसराएली आन परमपरभु कली सोइक्चा थुं पशा बाकमा, मेको इसराएली नेल्ल परमपरभु यावे, आन किर्की पिपी आन परमपरभु कली चदेथ यरूसलेम सहरम लमा बाक्त। मिनु लेवीपुकी मेको आन नोले सोदमे बाक्त। १७राजा १२ :२६-२७ १७मेकोपुकीम यहूदा डा राज्य बोल्यो सल्लशा, बर्स सां सम्म सोलोमन आ तौ रेहोबाम कली वारच पदमे बाक्त। मारदे हना

मेकोपुकी बर्स सां सम्म दाऊद नु सोलोमन आस रिम्शा लोत्र गाकमा बाक्त।

१८मिनु रेहोबामम महलाथ कली ग्युंबे पा चाकगा बाक्त। मेको आ आफ दाऊद आ तौ यरीमोथ नु मेको आ ममा चहिं येस्स आ तौ एलीआब आ तमी अबीहेल बाकमाक्त। १९सामुएल १६ :६ १९मेकोमी रेहोबाम कली यऊशा, शमारयाह नु चाहम तौ थिवा बाक्त। २०मेको आ नोले रेहोबाममी अब्सालोम आ तमी माकाह कली ग्युंबे पवा बाक्त। मेकोमी अबीयाह, अत्ते, जीजा नु शलोमीथ थीमी बाक्त। २१मिनु रेहोबाममी आ ग्युंबे पशा मीशपुकी नु अरु मीश आन क्येडा अब्सालोम आ तमी माकाह कली शुश दाक्वाक्माक्त। मेको के १८ जना ग्युंबे पशा मीश नु ६० जना अरु मीश बाकमा बाक्त। मेको के २८ जना तौ नु ६० जना तमी बाकमा बाक्त। २२रेहोबामम आ तौ नेल्ल आन दाते डा माकाह आ तौ अबीयाह कली आ नोले, आ पा डा पिप सल्लवा कली मिम्ता बाक्त। २३मिनु मेकोमी रुप्तीक थुं पा अर्का तौ आन कली यहूदा नु बन्यामीन डा रागी डा बोल्यो सहरम सासन पाइब सेला बाक्त। मेको आन कली मार मार मात्मा, शुश गेशा, मेको आन कली शुश मीश आल, मीश सल्लवा कली चाकशा गवा बाक्त। २इतिहास २१ :३

यहूदा कली लडाइ तोशा

१राजा १४ :२५-३१

१२ रेहोबाम आ राज्य बोल्यो दुम नोले मेको सक्ति पाइइशा दुम्माक्त। मिनु मेकोमी परमपरभु यावे आ अरशा लोत्र प्रोना बाक्त। मिनु मेको नु इसराएली नेल्लेमी यो परमपरभु यावे आ अरशा लोत्र प्रोन्म बाक्त। २मिनु रेहोबामम पिप पशा ५ बर्स दुम्मनु, इजीप्त डा पिप शीशक यरूसलेम कली लडाइ तोचा कली जाकमाक्त। मारदे हना इसराएलीपुकीमी परमपरभु यावे कली परोइशा बाकमा बाक्त। ३पिप शीशक हजार का सहे निकशी बग्गी नु ६० हजार शारा डोइक्ब लडाइ पाइवपुकी चाकशा जाकमाक्त। शीशक नु इजीप्त रे हिक्ने मचाप्चा डा पा लिबीया, सुक्कीम नु एथीयोपीया डा लडाइ पाइब मेको नु जाकमा बाक्त। ४मिनु मेकोमी यहूदा डा बोल्यो सहरपुकी गराना गरान यरूसलेम सम्म जाकमाक्त। २इतिहास ११ :५-१० ५मिनु परमपरभु यावे आ लोत्र पाइब शमायाह नु रेहोबाम यहूदा डा ठेयब मुर आन बाक्तीक

जाकसा बाक्त। मेकोपुकी शीशक आ लडाइ तोशा रे बरांडचा कली परोक्शा, यरूसलेमम बुक्शा बाक्सा बाक्त। मिनु शमायाहम मेको आन कली “परमपरभु यावेमी मार दंत देशा हना गेपुकीम आं कली परांडतीनी। मोपतीक गो इन कली परांडशा, शीशक आ गुडमी गंतन्नी” देशो बाक्ब” दे माइक्मी बाक्त। ६मिनु इसराएल डा ठेयब मुरपुकी नु पिप आन थुं बरंमशो दुमशा “परमपरभु यावेम थमा लोत्र पवा बाक्त” देमा बाक्त। ७मिनु परमपरभु यावेमी मेको आन थुं बरंमशो दुमशा तशा, मेको शमायाह कली “मेकोपुकी बरंमशो दुमतीक, गो मेको आन कली खतम मसलनुडमी। तन्न गो मेको आन कली बरांडचा गनुडमी। आं गाइशशो शीशक आ पतीक रे पा यरूसलेमम ममोइक्नुड। ८मो हना यो मेकोपुकी मेको शीशक आ गेय पाइब दुमनीम। मोपा मेकोपुकीमी आं कली गेय पचा नु अर्को राज्य डा मुर आन कली गेय पचा गिश फरक दुम्बाक्म, मेको तुइक्नीम” देशो बाक्साक्त।

१मिनु इजीप्त डा पिप शीशकम यरूसलेम कली लडाइ तोशा गराशा, परमपरभु यावे आ खिं डा शांप नु पिप आ दरवार डा शांप लदा बाक्त। मिनु सोलोमन आ सल्ला सुन के तेक्तीकपुकी यो योल्दा बाक्त। १०मिनु पिप रेहोबामम मेको सुन के तेक्तीक आन पा डा कांसा के तेक्तीक सल्ला, पिप आ दरवार डा लाप्चो खाल पाइब आन ठेयब मुर आन कली जिम्मा गेशा वोइक्पदा बाक्त। ११मिनु पिप परमपरभु यावे आ खिं ओव्रमनु, मेको खाल पाइबपुकीम मेको तेक्तीक कुरशा, मेको नु आगा ओव्रबाक्सा बाक्त। मिनु नोले मेकोपुकीम मेको तेक्तीक खाल पाइब आन बाक्तीकम वोइक्बाक्सा बाक्त। १२मारदे हना परमपरभु यावेमी रेहोबाम बरंमशो दुमशा तशा, मेको आ पर्वम गाइक्तीक परोना बाक्त। मिनु नेल्ल खतम मसला बाक्त। मिनु यहूदामी रिमशा दुमशा यो बारना बारन लमाक्त। २इतिहास ३२:२६

१३मोपा पिप रेहोबाममी यरूसलेममी आ राज्य बोल्यो सल्ला, सासन पवा बाक्त। रेहोबाम पिप दुममेनु, ४१ बर्स दुमशा बाक्साक्त। मिनु मेकोमी यरूसलेम सहरम १७ बर्स सासन पवा बाक्त। परमपरभु यावेम इसराएल डा थर नेल्ल आन दाते रे आ नें कली मान पा बाक्चा, दे यरूसलेम सहर योत्रशो बाक्साक्त। रेहोबाम आ ममा आ नें नामा बाक्साक्त। मेको अम्मोनी बाक्साक्त।

२इतिहास ६:२० १४रेहोबामम मरिमशा पवा बाक्त। मारदे हना मेकोमी आ थुं नेल्लेमी परमपरभु यावे आ नोले मखोदा बाक्त।

१५मिनु रेहोबाम आ डांडती रे डा नोले सम्म पशो नेल्ल परमपरभु यावे आ लोत्र पाइब शमायाह नु इददोम इतिहासम मबरंमशो बाक्बा डा? मेकोपुकीम मुर आन किंकी पिपी बरंमशो बाक्त। रेहोबाम नु यरोबाम आस दातेमी गेना हना यो लडाइ दुम्ना दुमन बाक्साक्त। २इतिहास १३:२२ १६मिनु रेहोबाम बंक्साक्त। मिनु मुरपुकीम मेको कली दाऊद आ सहर, यरूसलेममी थिम्म बाक्त। मिनु आ तौ अबीयाह पिप दुम्साक्त।

अबीयाह यहूदा डा पिप दुमशा

१राजा १५:३-८

१येरोबाम पिप पशो १८ बर्स दुममेनु, १३ अबीयाह यहूदा डा पिप दुम्साक्त। २मेकोमी बर्स सां यरूसलेमम सासन पवा बाक्त। आ ममा गिबा सहर डा उरीएल आ तमी मीकाया बाक्साक्त। मिनु अबीयाह नु यरोबाम आस दातेम लडाइ दुम्ना दुमन बाक्साक्त। ३अबीयाहमी लडाइ पचा कली थम बोल्यो ४ लाख लडाइ पाइबपुकी ठीक पवा बाक्त। येरोबामम चहिं ८ लाख बोल्यो लडाइ पाइबपुकी सुप्ता बाक्त। ४मिनु अबीयाह एफराइम डा पहाड रागी डा समाराइम डांडाम राप्शा, ठेयब संदा पा “येरोबाम नु इसराएल डा मुर नेल्ल, आं लोत्र नेनीन। ५मार, गो परमपरभु यावे, इसराएली आन परमपरभु दाऊद नु गेना हना यो लोब हिक्सी कबल पशो मतुइक्नीनी? मेको कबल मार बाक्ब देशा हना, मेको इसराएली आन राज्य नेल्ल दाऊद नु आ तौ आन कली गेना हना यो कली गेशा बाक्ब, दे मतुइक्नीनी? लेवी २:३३; गन्ती १८:१९ ६मो हना यो दाऊद आ तौ सोलोमन आ गेय पाइब नबात आ तौ येरोबामम आ होव्रप कली मटिथु, मेको आ पर्वम मरिमशा पाप्नु। ७मिनु शोर गाक्शो मुरपुकी मेको नु बाक्शा, सोलोमन आ तौ रेहोबाम कली शुक्शी पाप्तेक्म। मेना रेहोबाम आइक्च बाक्साक्त। मोपतीक मारइ पने मचाप्चा बाक्त।

८मुल गे दाऊद आ तौम सासन पशो, परमपरभु यावे आ राज्य नु लडाइ पचा कली मिमशा बाक्नीनी? गेपुकी थमा पा ठेयब हुल का बाक्नीनी। मार, गेपुकी नु येरोबामम सल्ला सुन के बाच्छापुकी इन देवता दुम्चा कली गे

नु बाकनीमी ? गे गरासीब, दे मिम्नीनी ? १राजा २२:२८ १मार, गेपुकीम हारुन आ चच युइ परमपरभु यावे कली चढेब लेवी आन कली खरशा, आंम मुर आन कली योत्रशा, अर्का रागी खोदंशो पा चढेबपुकी मसत्नीनी डा ? सुइ मुस्म चढेब दुम्चा कली बाछा का नु ७ आटा सांड चाकशा जाक्त हना, गे मको कली चढेब सत्नीनी। मिनु मको मारइ पने मचापब मूर्ति कली चढेब दुम्ब। प्रस्थान २१:४८; २इतिहास ११:१५ १०तन्न परमपरभु यावे आंइ परमपरभु बाकब। मिनु गोपुकीम मको कली मप्रांडक। मिनु परमपरभु यावे कली चढेब हारुन आ चच युइ बाकनीम। मिनु लेवीपुकीमी मको आन कली वारच पाइनीम। ११मकोपुकीम नाकदो नु सुनी परमपरभु यावे कली चोशा चढेतीक चढेनीम। मकोपुकीम बरोत्रशो रिना पाइशशो धूप चोइनीम। मकोपुकीम कौइतीक शोब्ले लहर पा क्येख सुन के टेबलम वोइकनीम। मकोपुकी नाकदो कुस कुस सुन के बती दातीकम बती दानीम। मोपा गोपुकीम आंइ परमपरभु यावेम देशो नेल्ल थमा पा पाइनीकी। तन्न गेपुकीम मको कली परांडतीनी। गन्ती २८:३-८ १२परमपरभु गोपुकी नु बाकशा, आंइ डांइती गाकब। मको आ चढेब आन तुराही गे नु लडाइ पचा कली ताप्चा चिकशा बाकनीम। गे इसराएली मुरपुकी, गे परमपरभु यावे, इन किकी पिपी आन परमपरभु नु लडाइ मपने। गे मगरानीनी” देमाक्त। गन्ती १०:९

१३ यरोबामम नोले र जाकशा लडाइ पचा कली हुल का बाप्पाइशशा वोइशशो बाकमाक्त। मिनु मको आन लडाइ पाइब आन टयब हुलम चहिं यहूदा नु लडाइ पामे बाक्त। यरोबाम आ बाप्पाइशशा हुल चहिं नोले र जाकमा बाक्त। १४ मिनु यहूदा डा मुरपुकीम लेशशा कोत्रडमेनु, लडाइ आन डांइती नु नोले यो बाकमाक्त, दे तुइक्तम बाक्त। मिनु मकोपुकीम “वारच पाइक्की” दे परमपरभु यावे कली वाइ बरेशशा थोत्रमे बाक्त। मिनु चढेबपुकीम आन तुराही ताप्मे बाक्त। १५ मिनु यहूदा डा मुरपुकी लडाइ पचा कली वाइ बरेशशा, गरीमा बाक्त। मोपा गरीमानु, परमपरभुमी यरोबाम नु इसराएली नेल्ल आन कली अबीयाह नु यहूदा डा मुर आन डांइती बरुपदा बाक्त। १६ मिनु इसराएलीपुकी यहूदा डा मुर आन डांइती र परोकमा बाक्त। मिनु परमपरभुमी मको आन कली यहूदा डा मुर आन गुइमी गेवा बाक्त। १७ मोपा अबीयाह

नु आ लडाइ पाइबपुकीम इसराएली आन कली खतम पोक्शा, गरामा बाक्त। मिनु इसराएल डा योत्रशो बोल्यो लडाइ पाइब ५ लाख मुर साइक्चा पुंडसमा बाक्त। १८ मना इसराएलीपुकी बरुशा, दिप्चा पुंडसमा बाक्त। मिनु यहूदा डा मुरपुकी गरामा बाक्त। मारदे हना मकोपुकीमी परमपरभु यावे, आन किकी पिपी आन परमपरभु कली थमा सुइशशो बाकमा बाक्त। १९ अबीयाहमी यरोबाम कली खेदा पवा बाक्त। मिनु मकोमी बथेल सहर नु आ एर आंथ डा गाउंपुकी, येशाना सहर नु आ एर आंथ डा गाउंपुकी नु एफरोन सहर नु आ एर आंथ डा गाउंपुकी आंम के सेला बाक्त। २० मिनु अबीयाह आ पालाम यरोबामम लेशा लडाइ तोने मचवा बाक्त। मिनु परमपरभु यावेमी यरोबाम कली रोइ पपाइशशा, बेकपदा बाक्त। २१ मिनु अबीयाह बोल्यो दुम्माक्त। मकोमी १४ जना मीश चाकगा बाक्त। मिनु मको २२ जना ती नु १६ जना तमी आन आफ दुम्माक्त। २२ अबीयाह आ पशो नेल्ल, दोपा बाकमे मार मार पवा, परमपरभु यावे आ लोत्र पाइब इददो आ किताबम बरेकशा बाकब। २इतिहास १२:१५

आसा यहूदा डा पिप दुम्शो

१राजा १५:९-१२

१४ १ मिनु अबीयाह बेकमाक्त। मिनु मुरपुकीम मको कली दाऊद आ सहरमी थिम्म बाक्त। मिनु मको आ पा डा आ ती आसा पिप दुम्माक्त। मकोमी सासन पवानु, आ रागीमी १० बर्स सम्म लडाइ मदुम्माक्त। २ मिनु आसामी परमपरभु यावे, आ परमपरभु आ डांइती मार रिम्शो नु ठीक बाकमे, मकोन पवा बाक्त। ३ मकोमी यहूदामी अर्का रागी डा चढेतीकपुकी नु डांडा डा थानपुकी परेशशा, खरुक्शो फुल्लु नु मूर्ति पाइशशो थाम सोल्पाइशशा ताइक्तीमी बाक्त।

४ मिनु मकोमी यहूदा डा मुर आन कली परमपरभु यावे, आन किकी पिपी आन परमपरभु आ माल्शा, आ अरेशो नु आ शेशो लोत्र नेल्ल पचा, दे सासन पवा बाक्त। ५ मकोमी यहूदा डा नेल्ल सहरम बाकशा डांडा डा थान नु धूप चातीक यो परेशशा गेवा बाक्त। मको आ सासनमी आ राज्य नाइक्चा तवा बाक्त। २इतिहास १५:१५ ६ मकोमी रागीम लडाइ मदुम्तीक यहूदा डा सहर कली बोल्यो सेला बाक्त। मना मको नु सुइम लडाइ मपामे बाक्त। मारदे हना परमपरभु यावेम

मेको कली नाइक्चा गेशो बाक्माक्त। २इतिहास १५:१५

७ मिनु आसामी यहूदा डा मुर आन कली “एको सह्रपुकी सत्य। एको आन एर आंथ नेल्ल गारो हिरशा लाइश्शो सिं नु ठयब आग्लो पाइश्शो लाप्नोपुकी सत्त्शा बोल्यो सत्य। मारदे हना गोपुकीम परमपरभु यावे, इं परमपरभु कली माल्शा, मेको रागी इं के बाक्ब। मिनु मेकोमी इं कली थुं नाइक्चा गोप्नु” देमाक्त। मोपतीके मेकोपुकीम सत्त्लीक गेय पा सोशो बोशो दुम्मा बाक्त। ८ आसा के ठेयब तेक्तीक नु तूतीक बाक्मा बाक्त। यहूदा रे जाक्शो लाख सां लडाइ पाइब बाक्मा बाक्त। मिनु बेन्यामीन रे जाक्शो लाख निकशी ८० हजार आइक्च तेक्तीक नु लिबरा आप्व लडाइ पाइबपुकी बाक्मा बाक्त। मेको नेल्ल बोल्यो सक्ति पाइश्शो लडाइ पाइबपुकी बाक्मा बाक्त। ९ एथीयोपीया डा जेराहमी मेकोपुकी नु लडाइ पचा कली हजार हजार लडाइ पाइबपुकी नु सह सां बग्गी चाक्शा, मारशा सम्म जाक्मा बाक्त।

१० मिनु मेकोपुकी जाक्मानु, आसा मेको कली गुरुथ लमाक्त। मिनु मेकोपुकी मारशा आ नेक्था सफाथाह डा दिमम लडाइ पामे बाक्त।

११ मिनु आसामी परमपरभु यावे, आ परमपरभु कली “परमपरभु यावे, गे सक्ति पाइश्शो नु सक्ति मपाइश्शो मुर आन कली वारच पने चाप्नीनी। सु कली वारच पचा दाक्नीनी, मेकोन चाप्नीनी। परमपरभु यावे, आइ परमपरभु, आइ कली वारच पाइय्यीकी। मारदे हना गो इन कली थमा सुइक्नीकी। मिनु गोपुकी इन नेमी एको इश्का लडाइ पाइब नु लडाइ पथ जाक्तक। परमपरभु यावे, आइ परमपरभु, इन कली सुइ मुरुम गाराने मचाप्नीम” दे पुना बाक्त। १सामुएल १४:६ १२ मिनु परमपरभु यावेम आसा नु यहूदा डा मुर आन डाइती एथीयोपीया डा मुर नु लडाइ पा गरापदा बाक्त। मिनु एथीयोपीया डा मुर प्रोक्मा बाक्त। १३ मिनु आसा नु मेको आ लडाइ पाइबपुकीमे मेको आन कली गेरार सम्म खेदा पामे बाक्त। एथीयोपीया डा मुर नेल्ल साइक्चा पुंडसमा बाक्त। मारदे हना परमपरभु यावे आ लडाइ पाइबपुकीमी मेकोपुकी नु लडाइ पामे बाक्त। मिनु यहूदा डा मुरपुकीम मारइ मारइ रोइश्शा शुश लदम बाक्त। १४ मोपा लशा, मेकोपुकीम गेरार आ एर आंथ डा सह्र नेल्ल खतम पोक्गमे बाक्त। मारदे हना मेक डा मुरपुकी परमपरभु यावे आ पशो तशा शुश

हिंमा बाक्त। मिनु यहूदा डा मुरपुकीमी मेको सह्र डा मारइ मारइ रोइक्तमे बाक्त। मारदे हना मेकर शुश रोइक्चा डा मार मार बाक्मा बाक्त। १५ मेकोपुकीमी ताम्बुम बाक्शो बस्तु भाव थुल्ल आन कली यो खेदा पा मेको आन शुश क्यारश भडा दलआंठ रोइश्शा, यरूसलेम लेम्मा बाक्त।

आसा आ रिम्शो गेय

१ मिनु परमपरभु आ सोक्तीम ओदेद आ १५ तो अजारयाह कली सुमा बाक्त। २ मिनु मेको आसा कली गुरुथ लशा, मेको कली “आसा, यहूदा डा मुर नु बेन्यामीन डा मुर नेल्ल, आं लोत्र नेनीन। परमपरभु यावे गे नु बाक्ब। मेको गे नु बाक्ब। गोपुकीम मेको कली माल्तीनी हना, गे थित्तीनी। तन्न गोपुकीमी मेको कली परांइतीनी हना, मेकोमी यो इन कली परांइब। ३ इसराएली शुश बर्स सम्म थमा डा परमपरभु नु मबाक्शो बाक्तेक्म। मेको आन कली शंब चदेव का यो मबाक्शो बाक्माक्त। मिनु परमपरभु आ अरेशो लोत्र यो मतुइक्तेम। होस ३:४ ४ तन्न मेकोपुकीम श्येत जामनु, परमपरभु यावे, इसराएली आन परमपरभु गे लेशशा, माल्शा, मेको कली थित्तेक्म। मिनु मेको आन कली वारच पाप्नु। येरमीया २९:१३-१४ ५ मेना सुइ लाडगा लशा, रिम्शो पा जाक्ने मचाप्शो बाक्तेक्म। मारदे हना मेकर शार गाक्शो शुश मुर बाक्मा बाक्त। मिनु रागीम बाक्ब नेल्लमी श्येत जाम्तेक्म। ६ मेको नेल्ल ठेयब श्येतमे बाक्तेक्म। रागी नु रागी लडाइ पाम्तेक्म। सह्र नु सह्र यो लडाइ पाम्तेक्म। मारदे हना परमपरभुमी मेको आन कली मार मार श्येत गेना गेन बाक्त। लूका २१:१० ७ तन्न गे इन थुं बारपाइश्शा बोल्यो दुम्शा, गेय पने। मारदे हना गे इन पशो गेय डा इनाम ताइनीनी” देमाक्त। १कोरिन्थी १५:५८

८ मिनु आसाम परमपरभु यावे आ लोत्र पाइब ओदेद आ तो अजारयाह आ लोत्र नेशा, आ थुं बारपदा बाक्त। मिनु यहूदा, बेन्यामीन नु सह्र नेल्लेमी नु आ गराशो एफराइम डा पहाड रागी डा सह्रपुकीम बाक्शो गरांगरा दिचा डा मूर्ति नेल्ल लाइश्शा, खतम पोक्गा बाक्त। मिनु परमपरभु यावे आ सिं डा पिंडी आ डांइती बाक्शो परमपरभु यावे कली चदेतीक यो लेशा सत्पदा बाक्त। ९ मिनु आसामी यहूदा डा मुर, बेन्यामीन डा मुर नु मेको नु बाक्ब एफराइम, मनस्से नु सिमियोन रे पराक्शो मुर नेल्ल

सुप्ता बाक्त। मेकर बाक्व एफराइम, मनस्स नु सिमियोन डा मुरपुकी परमपरभु यावे पिप आसा नु बाक्व, दे तुइश्शा, इसराएल रे परोक्शा, यहूदामी जाक्शा बाक्मा बाक्त। मारदे हना परमपरभु यावे, आ परमपरभु यावे मेको नु बाक्शा तुइश्शा, इसराएल डा शुश मुरपुकी यहूदाम बाक्व जाक्शा बाक्मा बाक्त। २इतिहास ११:१६; येरमीया ४१:५ १० आसा पिप दुम्शा १५ बर्स डा महिना सांम मेको नेल्ले यरूसलेममी बुक्मा बाक्त। ११मिनु मेको नाक्ती मेकोपुकीमी लडाइम रोइश्शा चाक्शा ७ सहं ब्यफ नु ७ हजार क्यारश भडा चंदेम बाक्त। १२मिनु मेकोपुकीम आन थुं नेल्लेमी परमपरभु यावे, आन किकी पिपी आन परमपरभु आ नोल खोइक्चा, दे कबल पामे बाक्त। यहासु २४:२५ १३मिनु सु सुमी परमपरभु यावे, इसराएली आन परमपरभु आ नोल खोइक्चा मबिस्स, मेको साइक्चा पुंडस बाक्त। खाल्पा बाक्त हना यो, ठिट्टा बाक्त हना यो, मीश मुर बाक्त हना यो, वोंडश मुर बाक्त हना यो साइक्चा पुंडस बाक्त। १४मिनु मेको मुर नेल्लेमी “परमपरभु यावे आ नोल खोइक्चय” दे कसम जशा, ग्येरसीशा ठेयब सेंदा पा, तुराही नु गरोत्र ताप्मे बाक्त। १५ यहूदा डा मुर नेल्लेमी मेको कसम जतीक ग्येरसमा बाक्त। मारदे हना मेकोपुकीमी आन थुं नेल्लेमी परमपरभु यावे कली खोइक्चा थमा पा दाक्तम बाक्त। मिनु परमपरभु कली थिश्शा बाक्मा बाक्त। मोपतीक परमपरभु यावेमी मेको नेल्ले आन रागीमी लडाइ मदुम्पाइक्थु, आन थुं नाइक्चा गेवा बाक्त। २इतिहास १४:५-६; २इतिहास २०:३०

१६पिप आसामी आ बगे माकाह कली यो पिप आ ममा आ गेय रे गरुइदा बाक्त। मारदे हना मेकोमी अशराह देवी आ गरांगरा दिचा डा मूर्ति सल्पदा बाक्त। आसामी मेको मूर्ति क्यारशा जिक्शा फस सल्शा किदरोन डा खोलातम चोवा बाक्त। १राजा १५:१३-१५ १७तन्न मेकोमी डांडा डा थान नेल्ले इसराएल रे मगरुइदा बाक्त। मो हना यो आसा मबेक्म सम्म आ थुं नेल्लेमी परमपरभु यावे आ मुर दुम्शा बाक्माक्त। १६मेकोमी आ आफोम परमपरभु कली गेशो थोत्रक नु आ गेशो थोत्रक सुन चांदी नु ग्यांबपुकी परमपरभु आ खिंम चाक्गा बाक्त। १७आसा पिप दुम्मेनु, ३५ बर्स सम्म लडाइ का यो मदुम्पाक्त।

पिप आसा आ नोले डा बर्सपुकी

१राजा १५:१६-२४

१६ पिप आसाम सासन पशो ३६ बर्सम इसराएल डा पिप बाशामी यहूदा कली लडाइ तोवा बाक्त। मिनु पिप बाशामी यहूदा डा पिप आसा आ रागी ओव्रतीक नु गरुतीक लो नेल्ले तेक्चा कली रामाह सहर कली बोल्यो सत्ला बाक्त। २मिनु आसामी परमपरभु यावे आ खिं नु पिप आ दरवार डा शोप वोइक्तीक रे सुन नु चांदी गरुइशा, दमस्कस सहरम बाक्शा अराम डा पिप बेन-हादाद कली सोइश्शा, मेको कली ३ “इन आफ नु आं आफ आस दातेम गारशा खोदंशा पा, गे नु गो यो गारस। मुल गो इन कली सुन नु चांदी सोइक्ताकड। मोपतीक इसराएल डा पिप बाशा नु गारशा लोत्र परोनीन। मिनु मेकोमी आं कली पचशा लडाइ मपवल” दे लोत्र सोइक्ता बाक्त। ४मिनु बेन-हादादम पिप आसा आ लोत्र बिस्स बाक्त। मिनु मेकोमी आ लडाइ पाइब आन कप्तान आन कली “इसराएल डा सहर आन कली लडाइ तोन” दे हुकुम पवा बाक्त। मिनु मेकोपुकीम इयोन सहर, दान सहर, आबल-मैम सहर नु नाप्ताली आन मार मार वोइक्तीक सहर आन के सल्मे बाक्त। ५मिनु बाशामी मेको लोत्र नंशा, रामाह कली बोल्यो सत्त्वा परोइशा, आ गेय नेल्ले तेक्गा बाक्त। ६मिनु नोले पिप आसामी यहूदा डा मुर नेल्ले आन कली सुष्शा, रामाह लाइश्शा, रामाह सहर डा सल्ल्तीक फुल्लु नु शी नेल्ले कुरपाइश्शा लदा बाक्त। बाशाम मेको फुल्लु नु शी रामाह सहर बोल्यो सत्त्वा कली मेकर वोइश्शा बाक्माक्त। मिनु पिप आसाम मेको चाक्शा फुल्लु नु शीम गेवा नु मिस्या सहर आस कली बोल्यो सत्ला बाक्त।

परमपरभु आ लोत्र पाइब हानानी

७मेना परमपरभु यावे आ लोत्र पाइब हानानी यहूदा डा पिप आसा आ बाक्तीकेम जाक्शा, मेको कली “गे अराम डा पिप कली थमा सुइक्तीनी नु परमपरभु यावे, इन परमपरभु कली थमा मसुइक्तीनी। मोपतीक इसराएल डा पिप आ लडाइ पाइब इन डांडती रे परोक्चा ताम्तेक्म। ८मार, डांडती एथीयपीया लिबीया डा लडाइ पाइबपुकी शुश मबाक्मा? बग्गी नु शारा डोइक्व हिकन मचाप्चा डा शुश मबाक्मा? मेना गे परमपरभु यावे कली थमा सुइक्तीनी।

मिनु मेकोमी नेल्ल आन कली इन गुइमी गेप्टु । २इतिहास १४ :८-१२ १ परमपरभु यावमी सु आन थुम थमा पा मेको नु बाक्बा, मेकोमी रागी नेल्लेम माल्ला माल्ल मेको कली कोव्रशा, मेको आन कली बोल्यो सल्ल । गे अराम डा पिप नु गारशा मरिम्शा पाइतीनी । मुल र गे लडाइ पस डा पस बाक्चा माल्नीनी” दमाक्त । हितोपदेश १५ :३ १० मिनु परमपरभु याव आ लोत्र पाइबम मोदेशो लोत्र पा, आसा कली शुश गाइक्पदा बाक्त । मिनु मेको कली फ्रंशा चाक्शा वोइक्पदा बाक्त । मेना पिप आसामी का निकशी अरु मुर आन कली यो काइ मरिम्शा पवा बाक्त । २इतिहास १८ :२६ ; मती १४ :३

११ पिप आसा आ पशो, डांइती नु नोले डा नेल्ल, मेको यहूदा नु इसराएल डा पिप आन इतिहास डा किताबम बरक्शा बाक्नीम । १२ आसाम सासन पशो ३९ बर्स दुम्मनु, आ खोइली राक्तीक रोइ पवा बाक्त । मिनु मेको रोइ शुश ठेयब दुम्माक्त । शुश रोइ पवा बाक्त हुना यो परमपरभु यावे आ वारच पशो कली ममाल्यु, ओख्ती खरक्ब आन कली मला बाक्त । १३ मिनु आसा आ सासन पशो ४१ बर्स दुम्मनु मेको बेक्माक्त । १४ मिनु मुरपुकीमी दाऊद आ सहरम आसामी सल्लांइसीशो बेक्शा मुर कली वोइक्तीक कोठामी वोदम बाक्त । मेकर जोक्ब मुर्लीम थम बरोव्रशा मार मार ब्वाइश्शा बरोव्रशा रिना पाइब घांस सल्ला, मेको आ तारी वोदम बाक्त । मिनु मुरपुकीम मेको पिप कली मान पचा, दे थम ठेयब मी मुइक्तम बाक्त । २इतिहास २१ :१९ ; येरमीया ३४ :५

यहूदा डा पिप यहो-शाफात

१ मिनु पिप आसा बेक्म नोले आ ती १७ यहो-शाफात पिप दुम्माक्त । मिनु मेकोमी “इसराएल कली तेक्नुड” दे आ लडाइ पाइब बोल्यो सेला बाक्त । २ मेकोमी यहूदा डा बोल्यो सेल्लो सहर नेल्लेमी लडाइ पाइबपुकी वोदा बाक्त । मिनु यहूदा नेल्ल नु आ आफ आसाम गराशो एफराइम डा सहरपुकी यो खाल पचा कली लडाइ पाइब वोदा बाक्त । ३ मिनु परमपरभु यावे यहो-शाफात नु बाक्माक्त । मारद हुना मेको आ किकी पिपी दाऊद आ डांइती डा नाक्ती रिम्शा पा गाक्शा खोदेशो पा गाक्माक्त । मेकोमी वारच पचा कली बाल देवता आन कली ममला बाक्त । ४ तन्न मेको परमपरभु यावे, आ आफ आ परमपरभु आ नोले खोदा बाक्त । मिनु

मेको आ शंशो पवा बाक्त । मेको इसराएल डा पिप आन लोम मगाक्माक्त । ५ मोपतीक परमपरभु यावम मेको आ राज्य बोल्यो सेला बाक्त । मिनु यहूदा डा मुर नेल्लेमी यहो-शाफात कली मार मार चाक्गम बाक्त । मिनु मेको शुश शांप पाइश्शो नु मान ताइब दुम्माक्त । २इतिहास १८ :१ ६ मेकोमी परमपरभु याव आ लोम गाक्चा कली काइ महिथु आ थुं बारपदा बाक्त । मेकोम यहूदाम बाक्शा डांडा डा थान नु मूर्ति पाइश्शो थाम परश्शा ताइक्ता बाक्त ।

७ मेकोमी सासन पशो आ बर्स सांमी आ राज्य डा ठेयब गेय पाइब बेन-हेल, ओबदिया, जकरिया, नेथनेल नु मीकाया आन कली यहूदा डा सहरपुकीम मुर आन कली शंचा कली सोइक्तीमी बाक्त । ८ मेकोपुकी नु लेवीपुकी बाक्मा बाक्त । मेको लेवीपुकी सु सु बाक्मा बाक्त देशा हुना, शेमायाह, नेथन्याह, जेबदीयाह, आसाहेल, शमीरामोथ, यहो-नाथान, अदोनीयाह, तोबीयाह, तोबा-दोनीयाह बाक्मा बाक्त । मिनु मेको नु चदेब एली-शामा नु येहोराम यो बाक्सा बाक्त । ९ मेकोपुकीम परमपरभु यावे आ अरतीक लोत्र डा किताब मेको नु बाक्शा बाक्त । यहूदा डा सहर नेल्ल डा मुर आन कली शंदम बाक्त ।

येहो-शाफात आ सक्ति

१० मिनु यहूदा आ एर ओथ बाक्शा राज्य डा मुर नेल्ल परमपरभु यावे क्यडा हिंमा बाक्त । मोपतीक मेकोपुकीम यहो-शाफात नु लडाइ मपाम बाक्त । ११ पलिस्ती आन दातेमी का निकशीमी यहो-शाफात कली आन गेचा माल्लो चांदी चाक्गम बाक्त । मिनु अराबीपुकीमी यो मेको कली ७ हजार ७ सहं सांड नु ७ हजार ७ सहं बोका चाक्गम बाक्त । १२ राजा ५ :१ १२ मिनु यहो-शाफात शुश सक्ति पाइश्शो दुम्माक्त । मेकोमी यहूदामी गारो हिरशा, बोल्यो दरवार नु मार मार वोइक्तीक सहरपुकी सेला बाक्त । १३ मेकोमी यहूदा डा सहरपुकीम शुश सेल्लीक गेय यो पवा बाक्त । यरूसलेम सहरम लडाइ पाइब नु थम बोल्यो लडाइ पस जोक्ब मुर बाक्मा बाक्त । १४ मेको यहूदा डा मुर आन सिं सिं डा हजार हजार लडाइ पाइब आन कप्तान आदनाह बाक्माक्त । मेको नु लाख सां सक्ति पाइश्शो लडाइ पाइब बाक्मा बाक्त । १५ मेको आ नोले डा यहो-हानान बाक्माक्त । मेको लाख निकशी ८० हजार लडाइ पाइब आन कप्तान बाक्माक्त । १६ मेको आ नोले डा जिकरी आ ती

अमासीयाह बाक्माक्त। मेको परमपरभु यावे आ गेय पाइब कली कोत्रब यो बाक्माक्त। मेको लाख निकशी सक्ति पाइश्शो लडाइ पाइब आन कप्तान बाक्माक्त। १७ बन्यामीन आ थर डा एली-आदा बाल्या लडाइ पाइब बाक्माक्त। मेको नु लाख निकशी लिबरा आप्व नु तंतीक कुरब बाक्मा बाक्त। १८ मिनु मेको आ नोले डा यहो-जाबाद बाक्माक्त। मेको नु लाख का ८० हजार या कुरशो लडाइ पाइब बाक्मा बाक्त। १९ मिनु मेको नेल्ल पिप आ लडाइ पाइब बाक्मा बाक्त। मेको परोइशा अरु लडाइ पाइबपुकी यो यहूदा डा गारो हिरशो सहरम बाक्मा बाक्त।

मीकायाम आहाब कली लोत्र पशो

१ राजा २२ :-

१ मिनु पिप यहो-शाफात शुश शोंप पाइश्शो, मान ताइब नु थाप्पा ठेयब मुर दुम्माक्त। मिनु मेकोमी आहाब आ खिं डा मुर नु ग्युंब पा नाता सेला बाक्त। २ मिनु इच्छा बसे नोले मेको आहाब कली गरुम्य सामरीया लमाक्त। मिनु आहाबम मेको नु आ मुर आन कली थुल्वा, दे शुश भेडा नु व्यफ क्योरा बाक्त। मिनु आहाबमी यहो-शाफात कली रामोथ-गिलाद नु लडाइ पचा कली क्युक्गा बाक्त। ३ मिनु इसराएल डा पिप आहाबमी यहूदा डा पिप यहो-शाफात कली “रामोथ-गिलाद नु लडाइ पचा कली गे आं कली वारच पाइक्नीनी?” दंमाक्त। मिनु मेकोमी “गो गे नु बाक्नुड। आं मुर इन मुर यो बाक्नीम। एको लडाइम गो इन कली वारच पाइक्नीकी” दंमाक्त।

४ तन्न यहो-शाफातमी इसराएल डा पिप कली “गे डॉइती परमपरभु यावेम मेको लडाइ आ पर्वम मार देबा? पुनीन” दंमाक्त। २ राजा ३:११ ५ मिनु इसराएल डा पिपमी ४ सह आ नोले दुम्ब लोत्र पाइब आन कली पुक्शा, मेको आन कली “गो रामोथ-गिलाद कली लडाइ तोड देय मतोड?” दे हिल्लो पामी बाक्त। मिनु मेकोपुकीम “लडाइ तोने। मारदे हना परमपरभुम मेको आन कली इन गुडम गेब” दंमा बाक्त। ६ तन्न यहो-शाफातमी “परमपरभु यावे कली हिल्लो पचा कली थमा पा परमपरभु यावे आ लोत्र पाइब एकेर सुइ मबाक्नीमी?” दे हिल्लो पवा बाक्त। ७ मिनु इसराएल डा पिपमी यहो-शाफात कली “परमपरभु यावे कली हिल्लो पचा कली मुर का बाक्ब। मेको इम्लाह आ

तो मीकाया बाक्ब। तन्न गो मेको कली काइ मदाक्नुड। मारदे हना आं पर्वम गेनायो रिम्शो लोत्र मपाइब। मेकोमी मरिम्शो लोत्र डा लाक्शा अरु मारइ मदेब” दंमाक्त। मिनु यहो-शाफातमी “पिपम मोदंशो लोत्र पचा मदुम्ब” दंमाक्त। ८ मिनु इसराएल डा पिपम आ गेय पाइब का कली बरश्शा “इम्लाह आ तो मीकाया कली रीब पा चाक्को” दे बरथ सोइक्ता बाक्त। ९ मना इसराएल डा पिप नु यहूदा डा पिप यहो-शाफात आस आस पिपम फक्तीक वा फक्शा, सामरीया डा ठेयब लाप्पो ओत्रतीक डा चेरब तुप्तीक दिमम आस आस ठेयब निक्तीकमी बाक्शो बाक्सा बाक्त। मिनु मेको नोले दुम्ब लोत्र पाइब नेल्ल मेको आस डॉइती नोले दुम्ब लोत्र पन पन बाक्शो बाक्सा बाक्त। १० मेको आन दाते डा केनानाह आ तो सिदकीयाहमी फलाम के गुरोत्र सेल्सीशा बाक्माक्त। मिनु मेकोमी “परमपरभु यावेम मार देत देशा हना ‘एको गुरोत्रम गेम अराम डा मुर आन कली खरुशा खतम पाक्नीनी’ देशो बाक्ब” दंमाक्त। ११ मिनु अरु नोले दुम्ब लोत्र पाइब नेल्लेम यो मोदंशो लोत्र पशो बाक्सा बाक्त। मेकोपुकीम “रामोथ-गिलाद कली लडाइ तोशा गराडीन। मारदे हना मेको परमपरभु यावेम पिप आ गुडमी गेब” दंमा बाक्त।

१२ मिनु मीकाया कली बरश्शा चाक्ब मुरुम मीकाया कली “नेनीन, अरु नोले दुम्ब लोत्र पाइबपुकी नेल्ल थुं का दुम्शा, पिप कली रिम्शो लोत्र पशा बाक्नीम। मिनु इन लोत्र यो मेको आन देशो नु गारचा डा रिम्शो लोत्र पने” दंमाक्त। १३ तन्न मीकायाम “परमपरभु यावे बरोइशा बाक्शो खोदंशो पा, आं परमपरभुम मार देबा, मेको लोत्र ला पाइनुड” दंमाक्त।

१४ मिनु पिप आ बाक्तीक जाक्मेनु, पिप आहाबमी मेको कली “मीकाया, गो रामोथ-गिलाद कली लडाइ तोक देय मतोक” दे मदा बाक्त। मिनु मेकोमी “लडाइ तोने। मिनु गराडीन। मारदे हना परमपरभु यावेमी मेको इन गुडम गेब” दंमाक्त। १५ तन्न पिपम मेको कली “परमपरभु यावे आ नेम थमा लोत्र ला पचा, दे गिश खेयप इ कली कसम जपाइक्नना?” दे मदा बाक्त। १६ मिनु नोले मीकायाम “गो इसराएली नेल्ल आन कली गोठला मबाक्शो भेडा खोदंशो पा पहाडम बरशो ताता। मिनु परमपरभु यावेमी मेको मुर आन के होत्रप मबा। मेको नेल्ल थुं नाइश्शा आन खिं लेम्मल’ देशो नंता” दंमाक्त। मत्ती ९:३६ १७ मिनु इसराएल डा

पिपम यहो-शाफात कली “मार, एकोम आं पर्वम मरिम्शो लोत्र डा लाकशा अरु मारइ मंदंब, खतम लोत्र ला दंब, दे गो इन कली मंदंडा डा ?” दंमाक्त ।

१८ मिनु मीकायाम “मुल परमपरभु यावे आ लोत्र ननीन । गो परमपरभु यावे कली आ ठयब नितीकम निश्शा ताता । मिनु आ स्वर्ग डा गय पाइब नेल्ले आ ग्युरा गे नु आ परा गे राष्ठा बाकतकम । यसैया ६ : १ १९ मिनु परमपरभु यावेमी ‘इसराएल डा पिप आहाब कली रामोथ-गिलाद नु लडाइ पा साइक्चा पुंडसीचा कली सुमी मेको कली जोल पाइबा ?’ दंशा नंता । मिनु काम लोत्र का पाप्तु, अर्कांमी अर्कां लोत्र पाप्तु । २० नोले सोक्त का परमपरभु यावे आ डांडती जाकशा ‘गो मेको कली जोल पाइनुड’ दंत । अय्युब १ : ६ २१ मिनु परमपरभु यावेमी ‘दोपा ?’ दे हिल्लो पाप्तु । मिनु मेकोमी ‘गो लशा आहाब आ नोले दुम्ब लोत्र पाइब नेल्ले आन शोत्रम जोल पाइब सोक्त दुम्नुड’ दंत । मिनु परमपरभु यावेमी ‘गे मेको कली जोल पावो । गे मेको पने चानेवे । लावो’ दंत । २२ लो कोत्रडीन, परमपरभु यावेमी इन नोले दुम्ब लोत्र पाइब आन शोत्रम जोल पाइब सोक्त का वोइश्शा बाक्त । परमपरभु यावेम इन कली खतम सेल्वा थुं पने थुम्शा बाक्ब” दंमाक्त ।

२३ मिनु केनानाह आ ती सिदकीयाह इर डाइश्शा लशा, मीकाया आ चोत्रचो राष्ठा “दोपा परमपरभु यावे आ सोक्त आं रे पा गे नु लोत्र पथ लम” दंमाक्त । २४ मिनु मीकायाम “मेको गे हिंशा, आगा डा कोठामी खरुंडस नाक्ती कका तुइक्नेवे” दंमाक्त । २५ मिनु नोले इसराएल डा पिपम “मीकाया कली लाइश्शा, सहर कली हुकुम पाइब आमोन नु पिप आ ती योआश आस कली गेन । मिनु मेको आस कली २६ पिप आ दंशा मार बाक्ब दंशा हना, मेको मुर कली जेल्खानम चोक्शा वोतीन । रिम्शो पा लेश्शा मजाकडा सम्म, एको कली इक्का शोप्ते नु ब्याक्कु ला गेने” दे पिपम हुकुम पशो बाक्ब देनीन” दंमाक्त । २७ इतिहास १६ : १० २७ मिनु मीकायामी “गे रिम्शो पा लेश्शा जाक्तीनी हना, परमपरभु यावे आं रे मब्याक्शो बाक्माक्त, ‘दंनुड’ दंमाक्त । मिनु मेकोमी चिनु लोत्र तम्शा “मुर नेल्लेमी आं लोत्र नोफा दाइश्शा ननीन” दंमाक्त ।

आहाब साइक्चा पुंडसीशो

२८ मिनु इसराएल डा पिप नु यहूदा डा पिप यहो-शाफात रामोथ-गिलाद ग्येत्य लसा बाक्त । २९ मिनु इसराएल डा पिपम यहो-शाफात कली “गो मतुइक्चा डा पा अर्कां वा फक्शा, लडाइम लाइनुड । तन्न गे इन पिपम फक्तीक वा फक्शा बाक्कीन” दंमाक्त । मोपा इसराएल डा पिप अर्कां वा फक्शा, लडाइम लमाक्त । ३० मिनु अराम डा पिपम आ बग्गी चलेब आन कप्तान आन कली “इसराएल डा पिप कली डा लाकशा, अरु आइक्च ठयब सुइ नु लडाइ मपने” दे माइश्शा बाक्माक्त । ३१ मिनु बग्गी चलेब आन कप्तानमी यहो-शाफात कली तशा “मेकोन इसराएल डा पिप बाक्ब” दंमाक्त । मिनु मेको कली लडाइ तोथ लमा बाक्त । तन्न यहो-शाफात ठयब संदा पा वाइ बरम्माक्त । मिनु परमपरभु यावेमी मेको कली वारच पशा, मेको बग्गी चलेब आन कली मेकर रे लेप्पदा बाक्त । ३२ मारदे हना बग्गी चलेब लडाइ पाइब आन कप्तानपुकीमी “एको इसराएल डा पिप मबाक्माक्त” दे तुइश्शा, मेको कली खेदा पचा परोन्मे बाक्त । ३३ तन्न मुर काम आ लिबरा सुक्शा, हेथ पा बरा आष्ठा साइक्ता बाक्त । मिनु मेको बरामी इसराएल डा पिप आ कुचु सुम्तीके नु कुचु तेक्तीक आस दातेम खरवा बाक्त । मिनु पिपम आ बग्गी चलेब कली “बग्गी हिरशा लडाइ रे गरुंडदी । आं कली बराम खरशा गार सेल्ली” दे मदा बाक्त । ३४ मेको लडाइ नाक्त रेन दुम्ना दुम्न लमाक्त । मिनु इसराएल डा पिप आ बग्गीम राष्ठा, अरामी नु लडाइ पशो कोत्रडा बाक्त । मेको नाक्त रे मोपान बाक्माक्त । मिनु नां लाक्गानु, मेको बेक्माक्त ।

यहूमी यहो-शाफात कली लोत्र पशो

१ मिनु यहूदा डा पिप यहो-शाफात मारइ मडुम्पु आ दरवार यरुसलेम लेश्शा जाक्माक्त । २ मिनु परमपरभु यावे आ नोले दुम्ब लोत्र पाइब हानानी आ ती यहू मेको कली गरुम्थ जाक्माक्त । मिनु मेकोमी यहो-शाफात कली “मार, मरिम्शो पाइब कली वारच पाइश्शा, परमपरभु यावे आ जोरी सतरु कली दाक्चा ठीक बाक्बा ? इन पशो तशा परमपरभु यावे इन पर्वम गाइक्ताक्व । ३ मो हना यो गे का निक्शी रिम्शो गेय यो पशो बाक्कीनी । गे रागी रे मूर्ति थाम आन कली गरुंडताक्नी । मिनु परमपरभु आ

नोले खोइक्चा थुं पाइतीनी” दंमाक्त। २इतिहास १७:३,६

### निसाफ पाइबपुकी वोइश्शो

४ यहो-शाफात आ दरवार यरूसलेमम बाक्माक्त। मिनु मेको लंशा बेयर-शेबा र एफराइम डा पहाड डा मुर आन बाक्तीक लशा, मेको आन कली लंशा परमपरभु यावे, आन किकी पिपी आन परमपरभु गे लश्शा चाक्मी बाक्त। ५ मेकोमी यहूदा डा बोल्यो सहर नेल्लेमी निसाफ पाइबपुकी वोदा बाक्त। ६ मिनु मेकोमी मेको निसाफ पाइब आन कली “गेपुकीम मार पाइनीनी, मेको मिस्तीन। गेपुकीम निसाफ नंपाइक्नीनु, मुर आन कली ममाइ तन्न परमपरभु यावे आ डांइती निसाफ पाइनीनी। गे निसाफ पची ना मेको गे नु बाक्ब। ब्यवस्था १:१७ ७ परमपरभु यावे कली मान पा हिनीन। होस पा निसाफ पन। मारदे हना परमपरभु यावे, इं परमपरभुमी दूली निसाफ मपाइब। मेको कुल मकोव्रब नु घूस मताक्ब निसाफ पाइब बाक्ब” दंमाक्त। परस्थान १८:२१; ब्यवस्था १०:१७; रोमी २:३१

५ यहो-शाफातम यरूसलेममी लेवीपुकी, चढेबपुकी नु इसराएल डा खिं खिं आन ठेयब मुर आन कली परमपरभु यावे आ डांइती निसाफ पचा कली नु जीब आन दातेमी गारपाइक्चा कली वोइश्शा बाक्माक्त। मिनु मेकोपुकी यरूसलेमम बाक्बाक्मा बाक्त। ब्यवस्था १७:८-९; ब्यवस्था १९:१७ १ मिनु मेकोमी मेको आन कली “इन गेय दोपा पचा दंशा हना, इन पशो नेल्लेमी परमपरभु यावे कली मान पा हिंशा, थमा सुइक्चा डा दुश्शा, इन थुं नेल्लेमी पचा माल्लीनी। १० मिनु अरु सहर डा आइक्च निसाफ पाइब इन लोक्ब, इन बाक्तीक सहरम इन कली हिल्लो पचा कली जाक्नीमी। मार बाक्त हना यो, मुर साइश्शो आ पर्वम बाक्त हना यो, परमपरभु यावे आ अरेशो लोव्र आ पर्वम बाक्त हना यो, शंतीक लोव्र आ पर्वम बाक्त हना यो, फुल्लुम मुशा बरक्शो लोव्र नु निसाफ पतीक लोव्र बाक्त हना यो, गे मेको आन कली शंचा माल्लीनी। मोपा मेकोपुकीमी दूली मपथु, परमपरभु यावे आ डांइती पाप मपाइनीम। मेकोपुकीम मरिश्शो पाम्तेक्म हना, परमपरभु इन पर्वम नु इन लोक्ब, आइक्च निसाफ पाइब आन पर्वम गाइक्ब। पाप मपथु, रिश्शो शंतीने। ११ परमपरभु यावे आ पर्वम तुइक्ब नु इन कली

वारच पाइब ठेयब चढेब अमारयाह बाक्ब। मिनु पिप नु राज्य आ पर्वम तुइक्ब यहूदा आ थर डा मुर आन ठेयब मुर इश्माएल आ ती जेबदीयाह इन कली वारच पाइब बाक्ब। लेवीपुकीम चहिं इन निसाफ पची ना बरक्ब नु मार मार वारच पाइब बाक्नीम। महिंथु इन गेय पन। परमपरभु यावे रिश्शो पाइबपुकी नु बाक्त” द अर्ती गमी बाक्त।

### येहो-शाफातम गराशो

१ मिनु नोले मोआबी अम्मोनी नु का २० निक्शो सइर डांडा र अर्का जात डा मउनी माइश्शो मुरपुकी येहो-शाफात नु लडाइ पथ जाक्मा बाक्त। २ मिनु मुरपुकीमी येहो-शाफात कली “थम ठेयब हुल का लडाइ पाइब एदोम र इन कली लडाइ तोचा कली जाक्शो बाक्नीम। मेकोपुकी हिक्सी समुन्दर आ आइक्ची हांबु र पिना पिन बाक्नीम। मेको हासासोन-तामार जाक्दीत्तेक्म” दे लोव्र नंपदम बाक्त। मेको रागी कली एन-गेदी यो दंनीम। ३ मिनु येहो-शाफातम हिंशा, परमपरभु यावे कली पुंइचा, दे थुं पवा बाक्त। यहूदा रागी डा मुर नेल्ल कली “माइजा बाक्कीन” दे हुकुम पवा बाक्त। ४ मिनु यहूदा डा मुरपुकी परमपरभु यावे कली “वारच पाइक्की” दे पुंइचा कली बुक्मा बाक्त। यहूदा रागी डा सहर नेल्ल डा मुरपुकी परमपरभु यावे कली पुंइथ जाक्मा बाक्त। २इतिहास १५:९-१५

५ मिनु येहो-शाफात परमपरभु यावे आ खिं डा नक लाडगामी यहूदा नु यरूसलेम डा खुम्सीशो मुर आन डांइती राष्शा ६ “आंइ परमपरभु यावे, आंइ किकी पिपी आन परमपरभु गे स्वर्गम बाक्ब परमपरभु मननी डा? गे रागी रागी डा राज्य सासन पाइब मननी डा? सक्ति नु अधिकार नेल्ल इन के बाक्ब। गे इन क्येडा गराब सुइ मबाक्नीम। उत्पत्ती १८:२५; १इतिहास २९:१२ ७ आंइ परमपरभु, मार, गे इन मुर इसराएली जाक्मानु, एको रागी डा मुर आन कली मखेरनी डा? इन वारच अबराहाम नु आ चच युइ आन कली मेको रागी गेना हना यो कली गेशो मननी डा? ८ मेकोपुकी मेकर बाक्शो बाक्तेक्म। मिनु इन नं कली मान पचा, दे इन कली बाक्तीक खिं का सेल्शो बाक्तेक्म। ९ मेकोपुकीम “आंइ कली ठेयब श्येत दुम्त हना, लडाइ दुम्त हना, निसाफ पतीक, मुर बेक्तीक रोइ, अन्काल दुम्त हना, इन खिं इन डांइती राप्नीकी। मारदे हना इन नं कली मान पशो खिं र आंइ श्येत जशा पुंइशो

लोत्र नंशा, आंड कली परांडनीनी' दे पुंडतेकम । २इतिहास ६ :२८-३० १० आंड किकी पिपी इजीप्त रे जाकमानु, गे इसराएली आन कली 'अम्मोनी, मोआबी नु सडर डांडा डा मुर आन रागी मओत्रडीन' दंशो बाक्तीनी । मोपतीक मेकोपुकी एर आंथ रे हिरशा, मेको आन कली खतम मसल्लु लमा बाक्त । व्यवस्था २ :४,५,९,११ ११ तन्न मुल कोत्रडीन, एको मुरपुकीम आंड कली दोदंशो पा क्यक्क लेत्नीमी । गे आंड कली गेशो आंड थरशो रागी रे आंड कली खरचा कली जाकशा बाक्तीनी । १२ आंड परमपरभु, गे मेको आन कली निसाफ मपाइनीनी डा ? मारदे हना गोपुकी एको शुश मुर आन डांडती मारदे पने मचाप्य बाक्तीकी । मुल गो मार पचा माल्नीकी मारदे मतुइवनीकी । तन्न गो इन गे कोत्रनीकी" दे पुना बाक्त ।

१३ मिनु यहूदा डा मुर नेल्ले, मेको आन मोशपुकी, आन आल बरप्च नेल्ले परमपरभु यावे आ डांडती राम्मा बाक्त । १४ मिनु परमपरभु यावे आ सोक्तीम सुम्सीशो मुर नेल्ले आन दातेमी आसाफ आ सिं डा लेवी याहासीएल कली सुमा बाक्त । मेको जकरिया आ ती, बनायाह आ चच बाक्माक्त । आ अरु किकी पिपी यिएल नु मत्तन्याह बाक्सा बाक्त । १५ मिनु मेकोमी "यहूदा नु यरूसलेमम बाक्ब मुर नेल्ले नु पिप यहो-शाफात ननीन । परमपरभु यावमी इन कली मार देब दंशा हना गे एको लडाइ पाइब आन ठेयब हुल तशा महिनीन । इन थुं लुकच मलल । मारदे हना एको लडाइ परमपरभु के बाक्ब । इन के ममाइ । परस्थान १४ :१३-१४ १६ दीसा मेकोपुकी नु लडाइ पथ बरुपीन । मेकोपुकी जीज डा ग्यत्थ लतीक लां रे पा कुइनीम । मिनु गेपुकीम मेको आन कली येरुएल डा गोरशो रागी डा बरखे खोला क्येडा आइदी गरुम्नीनी ।

१७ यहूदा नु यरूसलेम डा मुर, गेपुकीम एको लडाइ पचा ममाल्नीनी । आं देतीकेम लने । मिनु रिम्शा बाक्तीनी । इन पा डा गो परमपरभु यावम लडाइ पा गराशो, कोत्रडीन । महिनीन । इन थुं लुकच मलल । गे गरुशा, मेकोपुकी नु लडाइ पथ लने । मारदे हना परमपरभु यावे गेपुकी नु बाक्ब" देमाक्त ।

१८ मिनु यहो-शाफातम खपीम बाप्शा सेउ पवा बाक्त । मिनु यहूदा नु यरूसलेमम बाक्ब मुर नेल्ले परमपरभु यावे आ डांडती बाप्शा, परमपरभु यावे कली ठेयब सेल्ले बाक्त । १९ मिनु लेवी, कोहाथ नु कोराह आन मुर बोक्शा

परमपरभु यावे, इसराएली आन परमपरभु कली ठेयब सेदा पा ठेयब सेल्लेक कुम्सो पामे बाक्त ।

२० मिनु मेकोपुकी सुनी कना बोक्शा, तेकोहा सहर डा गोरशो रागीम लमा बाक्त । मिनु मेकोपुकी गरुशा लमानु, यहो-शाफातम "यहूदा नु यरूसलेमम बाक्ब मुर नेल्लेम आं लोत्र ननीन । गे परमपरभु यावे, इन परमपरभु कली थमा सुतीन । मिनु गे गुरानीनी । परमपरभु यावे आ लोत्र पाइब आन लोत्र थमा सुइशशा बाक्तीनी" देमाक्त । यसैया ७ :९ ; यसैया १८ :१६ २१ मिनु मेकोमी मुरपुकी नु सल्ला पशा, लडाइ पाइब आन डांडती रिम्शा वा फेक्शा, परमपरभु यावे कली ठेयब सेल्लेक कुम्सो पाइब यावमी बाक्त । मिनु मेकोपुकीम "परमपरभु यावे कली गे रिम्शा पाइब बाक्तीनी । मारदे हना इन दाक्तीक गेना हना यो लीब" दे कुम्सो पामे बाक्त । भजन संगरह १०६ :१ २२ मिनु मेकोपुकीम कुम्सो पा परमपरभु यावे कली ठेयब सेल्लेम चोटीन परमपरभु यावमी बाप्च हुल का वोदा बाक्त । मिनु यहूदा नु लडाइ पथ जाक्ब अम्मोनी, मोआबी नु सडर डांडा डा मुर आन कली क्याम्दा बाक्त । २३ मिनु मार दुम्माक्त दंशा हना, अम्मोनी नु मोआबी गोरशा सडर डांडा डा मुर आन कली लडाइ पा सदम बाक्त । मेको आन कली साइक्ने थुम्मे नोले, लीशो मुरपुकी आंम आंमा साइक्मुमा बाक्त ।

२४ मिनु यहूदा डा मुरपुकी गोरशो रागी डा कोत्रतीक लाइशशो सिं जाक्शा, लडाइ पाइब आन कली कोत्रडमनु, मेको आन कली शोल्मी पा खपीम गोल्शा बक्शो तामे बाक्त । मेको आन दाते डा का सम्म यो परोक्ने मचाप्शो बाक्मा बाक्त । २५ मिनु यहो-शाफात नु आ मुरपुकी मार मार रोइक्थ जाक्मा बाक्त दंशा हना, मार मार वासी, सुन चांदी के शांप मार मार थोत्रक थित्मे आंम कली कुरने मचाप्चा डा पा रोइक्तेम बाक्त । मिनु मेको आन बस्तु भाव यो लदमे बाक्त । मेकोपुकीम नाक्त सां सम्म मेको रोइशशो मार मार सुप्तमे बाक्त । मारदे हना मेको थम शुश बाक्माक्त । २६ मिनु ४ नाक्ती मेकोपुकी बेराकाह डा दिमम गरुम्मा बाक्त । मिनु मेकर परमपरभु यावे कली ठेयब सेल्लेम बाक्त । मुल सम्म मेको आ नें बेराकाह डा दिम लीशा बाक्ब । बेराकाह आ अर्थ आसीक बाक्ब । २७ मेको नोले यहूदा नु यरूसलेम डा मुर नेल्लेमी यहो-शाफात कली डांडती गाक्पाइशशा, ग्यरसीशा यरूसलेम

लेम्मा बाक्त। मारदे हना परमपरभु यावेमी मेको आन कली आन जोरी सतरु रे गरापाइश्शा, थम ग्यरसीशो बाक्मा बाक्त। २८ मिनु मेकोपुकीम ठेयब नु आइक्च तार पाइश्शा ताप्तीक नु तुराही ताम्ना ताम्न यरूसलेमम परमपरभु यावे आ खिं जाक्मा बाक्त। २९ परमपरभु यावेमी इसराएल आ जोरी सतरु नु लडाइ पा गरामाक्त देशो लोत्र नंशा, रागी रागी डा राज्य डा मुर नेल्ल परमपरभु क्यडा हिंमा बाक्त। ३० मिनु येहो-शाफात आ राज्यम लडाइ मदुस्थु, नांडस बाक्त। मारदे हना आ परमपरभुमी मेको रागी कली एर ओथ नेल्ल रे नाइक्पदा बाक्त। २इतिहास १५-१५

येहो-शाफात आ सासन

१ राजा २२ : ४१-५०

३१ मोपा येहो-शाफातम यहूदाम सासन पवा बाक्त। मेको पिप दुम्मेनु, ३५ बर्स दुम्शो बाक्माक्त। मेकोमी यरूसलेम मी २५ बर्स सासन पवा बाक्त। मेको आ ममा आ नें अजुबाह बाक्माक्त। मेको शिल्ही आ तमी बाक्माक्त। ३२ येहो-शाफात आ आफ आसा आ लांम गाक्माक्त। मिनु मेको लां रे ग्युरा परा मपवा बाक्त। मेकोमी परमपरभु यावे आ डांडती मार ठीक बाक्म, मेको पवा बाक्त। ३३ मो हना यो मेकोमी डांडा डा थानपुकी नेल्ल मपरदा बाक्त। मिनु मुरपुकीम आन थुं आन किकी पिपी आन परमपरभु ग मलेत्स बाक्त।

३४ मिनु हानानी आ ती यहूम येहो-शाफात आ पशो डांडती रे नोल सम्म नेल्ल इसराएल डा पिप आन इतिहासम बरक्शा, वोइश्शा बाक्ब।

३५ मिनु नोल यहूदा डा पिप येहो-शाफात, इसराएल डा काइ मरिम्शो पाइब पिप अहाज्याह नु वारच्यु दुम्माक्त। मेको काइ मरिम्शो पाइब बाक्माक्त। १ राजा २२ : ५२-५४ ३६ मेकोमी टारशीश लशा ग्याप्तीक लेयतीक गेय पचा कली जहाजपुकी सेल्वा कली अहाज्याह नु गारमाक्त। मिनु मेको ठेयब जहाजपुकी एस्थोन-गेबरम सल्मे बाक्त। ३७ मारशा डा दोदा-वाहु आ ती एनीएजेरमी येहो-शाफात आ पर्वम परमपरभु आ लोत्र पवा बाक्त। मेकोमी “गे अहाज्याह नु वारच्यु दुम्तीक, परमपरभु यावेम इन गेय खतम सेल्ब” देमाक्त। मिनु मेको ठेयब जहाजपुकी खतम दुम्मा बाक्त। टारशीश लचा मताम बाक्त।

यहूदा डा पिप येहोराम

१ राजा २२ : ५१ ; २ राजा ८ : १६-२२

१ मिनु येहो-शाफात बेक्माक्त। मिनु २१ मुरपुकीमी मेको आ किकी पिपी आन कली थिम्तीक दाऊद आ सहरम थिम्म बाक्त। मिनु आ ती यहोराम पिप दुम्माक्त। २ येहो-शाफात आ तीपुकी, यहोराम नु आ लोकबपुकी अजारयाह, येहीएल जकरिया, अजारयाह, मिकाएल नु शफत्याह बाक्मा बाक्त। मेको नेल्ल यहूदा डा पिप येहो-शाफात आ ती बाक्मा बाक्त। ३ मेको आन आफोम मेको आन कली सुन, चांदी, शुश क्येट लाइब शांप नु यहूदा डा बोल्यो सहरपुकी यो गेशो बाक्माक्त। तन्न मेको राज्य येहोराम कली गेवा बाक्त। मारदे हना मेको आ डांडती थिशो ती बाक्माक्त।

पिप येहोराम आ मरिम्शो पशो

४ मिनु येहोराम आ आफ आ पा डा सासन पा बोल्यो दुम्शा, मेकोमी आ लोकब नेल्ल नु इसराएल डा का निकशी ठेयब मुर आन कली तरवारम क्योरशा साइक्मी बाक्त। ५ यहोराम पिप दुम्मेनु, ३२ बर्स दुम्शो बाक्माक्त। मेकोमी यरूसलेम ८ बर्स सासन पवा बाक्त। ६ मेकोमी आहाब आ खिं डा मुर खोदेशो पा इसराएल डा पिप आन लांम गाक्माक्त। मारदे हना मेको आ मीश पिप आहाब आ तमी बाक्माक्त। मेकोमी परमपरभु यावे आ डांडती मार मरिम्शो बाक्म, मेको पवा बाक्त। ७ मा हना यो परमपरभु यावेमी दाऊद नु पशो कबल आ पतीक दाऊद आ खिं डा मुर आन कली साइक्चा मदाक्ता बाक्त। मारदे हना मेकोमी दाऊद नु आ ती चच युइ आन कली “इ खिं रे गेना हना यो इसराएली आन कली सासन पाइब का बाक्ब” देशो बाक्माक्त। २ सामुएल ७ : १२ ; १ राजा ११ : ३६ ; भजन संग्रह १३२ : १७

८ मिनु येहोराममी सासन पवानु, एदोम डा मुर यहूदा नु मदुथु, आंम आ राज्य सेल्शा, आंम पिप सेल्मे बाक्त। ९ मोपतीके येहोराम आ लडाइ पाइबपुकी, कप्तान नु आ बग्गी नेल्ल लाइश्शा, एदोम गे लमाक्त। मेकोपुकी नाक्दो बोक्शा, आंम कली, आ कप्तान नु आ बग्गी कली पुम्ब एदोमी नु लडाइ पा खरमे बाक्त। १० एदोम मुल सम्म यहूदा डा सासन पाइब नु मदुशो बाक्ब। मेना लिब्ना यो यहोराम आ मरिम्शो सासन आ पर्वम बाक्माक्त। मारदे हना

येहोरामम परमपरभु यावे, आ किकी पिपी आन परमपरभु कली परांडशो बाक्माक्त।

११मकोमी यहूदा डा पहाडमी डांडा डा थानपुकी सला बाक्त। मिनु मेकोमी यरूसलेमम बाक्व मुर आन कली मूर्ति पूजा पा परमपरभु कली परांडपाइक्मी बाक्त। मिनु यहूदा कली दूली लांम गाक्पदा बाक्त। १२मिनु येहोराममी परमपरभु यावे आ लात्र पाइव एलीया र चिठी का तवा बाक्त। मिनु मेको चिठीमी “परमपरभु यावेमी मार देत देशा हना, परमपरभु यावे, इन किकी पिपी दाऊद आ परमपरभुम गे इ आफ येहो-शाफात नु यहूदा डा पिप आसा सोदंशो पा मेको आन लांम मगाक्डे। १३तन्न गे आहाब आ सिं डा मुर सोदंशो पा इसराएल डा पिप आ लांम गाक्शा, आहाबमी इसराएली आन कली परमपरभु परांडपाइक्शा हेथ गाक्शा सोदंशो पा, गे यहूदा नु यरूसलेम डा मुर आन कली मूर्ति पूजा पपाइक्शा, परमपरभु कली परांडपाइक्तीवी। मिनु इ आफ आ तौपुकी, इ लोकब आन कली यो साइक्तीवी। मेकोपुकी इ क्येडा रिम्शो मुर बाक्तेक्म। १४मेको इ पतीक परमपरभु यावेमी इ सिं डा मुर, इ तौपुकी, इ मीशपुकी नु इ मुर नेल्ल आन कली मुर बेक्तीक रोइ पपाइक्नुड। १५मिनु गे मसाब कोव्रज डा रोइ पाइनेव। मिनु मेको रोइम पतीक इ कोव्रज राक्शा इ गा क्यी नाक्त कित कित गरूनीम’ देशो बाक्व” दे बरंक्शा बाक्माक्त।

१६मिनु मेको नोले परमपरभु यावेमी येहोराम नु लडाइ पपाइक्चा कली पलिस्ती नु एथीयापीया आ नेक्था बाक्व अराबी आन कली क्युकमी बाक्त। १७मिनु मेकोपुकीम यहूदा कली लडाइ तोशा, आ आगा आव्रमा बाक्त। मिनु मेकोपुकीम पिप आ दरवारम थिक्शा शांप नेल्ल, मेको आ तौपुकी नु मेको आ मीशपुकी नेल्ल लदमे बाक्त। मेको आ कान्छा तौ येहो-अहाज डा लाक्शा अर्की तौ मलीमा बाक्त। येहो-अहाज कली अहाज्याह यो देनीम।

१८मेको नेल्ल दुम नोले परमपरभु यावेमी येहोराम कली मसाक्व कोव्रज राक्तीक रोइ पपदा बाक्त। १९मिनु मेको रोइ पा बर्स निकशी नोले आ कोव्रज राक्शा, आ गा क्यी गरूशा, शुश श्यत जशा बेक्माक्त। मिनु मेको आ मुरपुकीम मेको आ किकी पिपी आन परबम पशो सोदंशो पा मेको कली मान पचा कली ठेयब मी ममुइक्तमे बाक्त। २०इतिहास १६:१४ २०मेको पिप दुम्मनु, ३२ बर्स दुम्शो बाक्माक्त। मेकोमी यरूसलेमम द

बर्स सासन पवा बाक्त। मेको बेक्मेनु सुइम रोका मपामे बाक्त। मिनु मुरपुकीमी मेको कली दाऊद आ सहरमी थिम्म बाक्त। तन्न पिप आन कली थिम्तीकम मथिम्म बाक्त। २१इतिहास २४:२५

यहूदा डा पिप अहाज्याह

२राजा ८:२५-२९

२२ १मेको नोले यरूसलेम डा मुरपुकीम मेको आ पा डा मेको आ कान्छा तौ अहाज्याह कली पिप सत्त्व बाक्त। मारदे हना अराबी नु जाक्शापुकीम मेको अरु तौ आन कली साइक्शा बाक्मा बाक्त। मोपतीक येहोराम आ कान्छा तौ अहाज्याह यहूदा डा पिप दुम्माक्त। २अहाज्याह पिप दुम्मनु, २२ बर्स दुम्शो बाक्माक्त। मेकोमी यरूसलेमम बर्स का सासन पवा बाक्त। मेको आ ममा आ नें अथाल्याह बाक्माक्त। मेको ओमरी आ चच बाक्माक्त। ३मेको यो आहाब आ सिं डा मुर सोदंशो पा मेको आन लांम गाक्माक्त। मारदे हना आ ममामी मेको कली परमपरभु यावे आ अरशा मटिचा कली अर्ती गेवा बाक्त। ४मेकोमी यो आहाब आ सिं डा मुर सोदंशो पा परमपरभु यावे आ डांडती मार मरिम्शो बाक्मे, मेको पवा बाक्त। मारदे हना आ आफ बेक्म नोले मेको मुरपुकीमी अर्ती गशा, मेको कली खतम सत्त्व बाक्त। ५मेकोमी आन गेशो अर्ती रामोथ-गिलादम अराम डा पिप हजाएल नु लडाइ पचा कली इसराएल डा पिप आहाब आ तौ येहोराम नु वारचु दुम्चा बिस्स बाक्त। मिनु अरामीपुकीम मेको कली गार सत्त्व बाक्त। ६मिनु योराम रामाह सहरम अराम डा पिप हजाएल नु लडाइम दुम्शो गार साचा कली येजरलम लक्शा लमाक्त। मिनु यहूदा डा पिप येहोराम आ तौ अहाज्याह, आहाब आ तौ, योराम कली गरुम्थ येजरलम लमाक्त। मारदे हना मेको रोइ पशो बाक्माक्त। येहोराम योराम यो देनीम।

७तन्न परमपरभु आ मिम्शो सोदंशो पा योराम नु अहाज्याह गरुम्सानु, अहाज्याह आ बेक्तीक दुम्माक्त। मेको गरुम्शा, अहाज्याह नु येहोराम निम्शी आ तौ यहू कली गरुम्थ लसा बाक्त। परमपरभु यावेमी आहाब आ सिं डा मुर आन कली थुम्पाइक्चा कली यहू कली योव्रशा बाक्माक्त। १राजा १९:१६; २राजा ९:६-७ ८मिनु यहूम आहाब आ सिं डा मुर आन कली सदानु, अहाज्याह आ गेय पाइव यहूदा डा ठेयब मुरपुकी नु मेको नु पिशा आ लोकब आन तौ

आन कली यो थिश्शा साइक्मी बाक्त । २राजा १०:१२-१४ १मेको नोले मेकोमी अहाज्याह कली मला बाक्त । मिनु यहू आ मुरपुकीम मेको कली सामरीयाम थित्तम बाक्त । मिनु मेकोपुकीम अहाज्याह कली यहू आ बाक्तीक चाक्शा सदम बाक्त । मिनु मुरपुकीम मेको आ पर्वम “आ थुं नल्लेमी परमपरभु यावे आ नोले खोइक्व यहो-शाफात आ चच एकोन बाक्व” दे थित्तम बाक्त । मेको नोले अहाज्याह आ खिं डा मुर सासन पाइब सुइ मलीमा बाक्त । २राजा ९:२७-२९

अथाल्याह नु योआश

२राजा ११ :-

१०मिनु अहाज्याह आ ममा अथाल्याहम आ तौ साइश्शा तुइश्शा, मेकोमी यहूदा डा पिप आ खिं डा मुर नेल्ल आन कली साइक्वा कली बाक्माक्त । ११तन्न पिप यहोराम आ तमी यहो-शबेआथम अहाज्याह आ तौ योआश कली साइक्वा चिक्शा पिप आ तौ आन दाते रे परांइशा लदा बाक्त । मिनु मेको कली कोत्रब नु मेको आल आस कली इप्तीक कोठा कामी खरुइश्शा, वोइक्सी बाक्त । पिप यहोराम आ तमी यहो-शबा चदेब यहो-यादा आ मीश बाक्माक्त । मारदे हना अहाज्याह आ दिदी बाक्तीक, मेकोमी योआश कली अथाल्याह आ गुइ रे परांइशा खरुइश्शा वोइक्पदा बाक्त । मिनु अथाल्याहम मेको कली साइक्वा मतवा बाक्त । १२मेको रागीम अथाल्याहम सासन पवानु, योआश मेकोपुकी नु ६ बर्स सम्म परमपरभु आ खिंम खरुइश्शा बाक्माक्त ।

योआश यहूदा डा पिप दुम्शा

२३ १मिनु ७ बर्सम यहो-यादा महिंब दुम्शा, सक्ति कोइदा बाक्त । मेकोमी सह सह डा लडाइ पाइब आन कप्तानपुकी, यरोहाम आ तौ अजारयाह, यहो-हानान आ तौ इश्माएल, ओबेद आ तौ अजारयाह, अदायाह आ तौ मासेयाह नु जिकरी आ तौ एली-शाफात नु सल्ला पवा बाक्त । २मिनु यहूदा डा सहरपुकी रे लेवीपुकी नु इसराएल डा खिं खिं डा ठेयब मुर आन कली यरुसलेमम गरुम्पाइक्वा कली यहूदा नेल्लेमी लोत्र सोइश्शा, मेकोपुकी जाक्मा बाक्त । ३मिनु मेकर जाक्व खुम्सीशो नेल्लेमी परमपरभु आ खिंम पिप आ तौ योआश नु कबल पामे बाक्त । मिनु यहो-यादाम मेको आन कली “परमपरभु यावेमी दाऊद आ तौ चच आन पर्वम देशो लोत्र

खोदेशो पा पिप आ तौ पिप दुम्चा माल्ब । ४मुल गेपुकीम मार पचा माल्नीनी देशा हना, नाइक्तीक नाक्ती गेय पाइब चदेबपुकी नु लेवीपुकी भाग सांमी भाग का ठेयब लाप्चामी बाक्कीन । ५मिनु अर्का भाग का पिप आ दरवार आ बाक्वा माल्नीम । अर्का भाग काम दरवार आ लाङगा डा ठेयब लाप्चो खाल पने । मिनु अरु मुर नेल्ल परमपरभु यावे आ लाङगाम बाक्वा माल्नीम । ६चदेबपुकी नु गेय पाइब लेवीपुकी डा लाक्शा, अरु सुइ आन कली परमपरभु यावे आ खिं ओत्रचा मगचा नम । मेकोपुकी ला ओत्रने चान्नीम । मारदे हना मेकोपुकी परमपरभु यावे आ डांइती ठीक सेल्शा बाक्नीम । मिनु अरु मुर नेल्लेम परमपरभु यावे आ बरेक्शा अरेशो लोत्र टिशा पचा माल्नीम । ७लेवीपुकी नेल्ले आन आन या शेशा, पिप आ एर ओथ बाक्वा माल्नीम । सुइ परमपरभु यावे आ खिं ओत्रतेक्म हना, मेको कली साइक्वा माल्नीम । पिप ते लत हना यो, मेकोपुकी मेको नुन लचा माल्नीनी” दे माइक्मी बाक्त ।

८मिनु चदेब यहो-यादाम देशो खोदेशो पा लेवीपुकी नु यहूदा डा मुरपुकी नेल्लेमी पामे बाक्त । मेको नेल्लेम नाइक्तीक नाक्ती गेय पाइब आंम मुर आन कली नु गेय थुम्शा नाइश्शा आन कली चाक्गाम बाक्त । मारदे हना चदेब यहोयादाम सुइ आन कली मपरांइशा बाक्माक्त । ९मिनु चदेब यहो-यादाम लडाइ पाइब आन कप्तान आन कली परमपरभु आ खिंम बाक्शा दाऊद आ सेल्शा तूतीक नु आइक्व नु ठेयब तक्तीकपुकी गेमी बाक्त । १०मिनु मेकोमी मुर नेल्ल आन कली आन गुइ गुइमी या शेशा पिप कली खाल पचा कली वोइक्मी बाक्त । मेको आन कली दक्खिन रे उत्तर सम्म नु चदेतीक आ एर ओथ हिरशा खिं नेल्ल कली खाल पपाइश्शा वोइक्मी बाक्त । ११मेको नोले यहो-यादाम पिप आ तौ कली लाङगा गरुइदा बाक्त । मिनु मेको आ पियाम सिरपेच गुप्शा, पिप दुम्तीक कागज गेशा, यहोयादा नु आ तौपुकीम मेको कली पिप सेल्शा, तेल तुक्त्तमे बाक्त । मिनु मेकोपुकीम ठेयब संदा पा “पिप शुश बरांइशा बाक्त” दे गरीमा बाक्त ।

१२मिनु अथाल्याहमी मुरपुकीमी आन पिप कली ठेयब सेल्शा शुश रयेके पशो नेना बाक्त । मिनु मेको परमपरभु यावे आ खिं मुर आन बाक्तीकम जाक्माक्त । १३मिनु कोत्रडानु, पिप कली थाम आ नेक्था लाप्चाम राप्शा

बाकशो तवा बाकत। मिनु कप्तानपुकी नु तुराही ताप्बपुकी पिप आ एर आंथ बाकशो बाकमा बाकत। मिनु मेको रागी डा मुर नेल्ल पिप आ डाँइती ग्यरशा, तुराही ताप्ना ताप्न बाकशो बाकमा बाकत। मिनु कुम्सो पाइबपुकी ताप्तीक ताप्शा, मुर नेल्ल आन डाँइती कुम्सो पना पन बाकमा बाकत। मिनु अथाल्याहमी आ वा खाकशा, ठेयब संदा पा “गो नु रागी नेल्ल खतम! गो नु रागी नेल्ल खतम!” दे शुश गाइश्शा गरीमाकत। १४ मिनु चढेब येहो-यादाम लडाइ पाइब आन कप्तान आन कली “मेको कली मुर आन दाते र गरुइदीन। मेको आ नोले खोइकब नेल्ल आन कली तरवारम क्योरशा सतीन। मेको आन कली परमपरभु यावे आ सिं आगाम मसतीन” दे अरेमी बाकत। १५ मिनु मेकोपुकीम मेको कली ग्याइकतमे बाकत। मिनु पिप आ दरवार डा शारा लाप्चोम लाइश्शा, सदमे बाकत।

१६ मेको नोले येहो-यादामी, मुर नेल्ल नु पिप कली परमपरभु यावे आ मुर दुम्चा माल्व, दे कबल पवा बाकत। २इतिहास १५:१२ १७ मिनु मुरपुकी नेल्ल बाल देवता आ सिं ओव्रशा, परेत्त बाकत। मेको कली चढेतीक नु आ मूर्ति नेल्ल फस पोक्गमे बाकत। मिनु बाल कली चढेब मत्तान कली चढेतीक आन डाँइती सदमे बाकत। १८ मिनु येहो-यादामी “दाऊदमी देशो खोदेशो पा परमपरभु यावे आ सिं कोव्रचा कली लेवी आ थर डा चढेब आन कली जिम्मा गमी बाकत। डाँइती दाऊदम मासामी बरेकशो परमपरभु यावे आ अरेशो लोव्र खोदेशो पा कुम्सो पन पन ग्यरना ग्यरन परमपरभु यावे कली चोशा चढेतीक चढेचा माल्लीम” दे अरेशो बाकमाकत। २इतिहास ७:६; २इतिहास २९:१५-३० १९ येहो-यादाम मोरइ पा गरांगरा दिशा दुम्शा मुर आन कली ओव्रचा मगचा कली परमपरभु यावे आ सिं डा लाप्चोम खाल पाइबपुकी वोइकपदा बाकत। २० मिनु मेकोमी कप्तानपुकी, ठेयब मुरपुकी, मुर आन कली हुकुम पाइबपुकी नु रागी डा मुर नेल्ल आन कली लाइश्शा, पिप कली परमपरभु यावे आ सिं रे पा आइकथा डा लाप्चो रे ओव्रशा, पिप आ दरवारम चाकगा बाकत। मिनु पिप कली पिप आ ठेयब नितीकम निष्पदा बाकत। २१ मिनु रागी डा मुर नेल्ल ग्यरसमा बाकत। मिनु अथाल्याह तरवारम क्योरशा साइकचा पुंडस नोले सहरमी थुं नाइश्शा बाकतीक दुम्माकत।

परमपरभु आ सिं लेंशा सेल्ला

२राजा १२:१-१७

२४ १योआश पिप दुम्मेनु, ७ बर्स दुम्शो बाकमाकत। मेकोमी यरूसलेम ४० बर्स सासन पवा बाकत। मेको आ ममा आ नं बेयर-शबा डा सिबीयाह बाकमाकत। २मिनु योआशम चढेब येहो-यादा बरोइम सम्म परमपरभु यावे आ डाँइती मार ठीक बाकमे, मेको पवा बाकत। ३येहो-यादामी मेको कली मीश निकशो योव्रडा बाकत। मिनु मेको तमी तो आन आफ दुम्माकत।

४मेको आ इक्का नोले योआशम परमपरभु यावे आ सिं लेंशा ठीक सेल्ला थुं पवा बाकत। ५मिनु मेकोमी चढेब नु लेवी आन कली बरेशशा “यहूदा डा सहरपुकीम लशा, इसराएली नेल्ल आन रे परमपरभु आ सिं लेंशा ठीक सेल्ला कली मेको आन बर्स बर्सम गेतीक क्येट पोक्कीन। एको गेय रीब पा पने” देमाकत। तन्न लेवीपुकीम मेको गेय रीब पा मपामे बाकत। ६मोपतीके पिपम ठेयब चढेब येहो-यादा कली बरेशशा “परमपरभु यावे आ गेय पाइब मासामी गोरशा रागीमी मुर आन कली “परमपरभु यावमी लोव्र पतीक ताम्बु कली क्येट गेचा माल्लीम” देशो बाकब। मारद गे लेवीपुकी, यहूदा नु यरूसलेम डा मुर रे पोक्चा माल्शो क्येट रीब पा मचाक्नीनी?” दे हिल्लो पवा बाकत। ७डाँइती मेको काइ परमपरभु कली मटीब मीश मुर अथाल्याह नु आ नोले खोइबपुकीम परमपरभु आ सिं ओव्रशा, मेकर डा परमपरभु यावे आ थोव्रक नेल्ल बाल देवता आ पूजा पतीकमे चलेशो बाकमा बाकत। २इतिहास २२:३-४

८मिनु पिपम मेको आन कली सन्दोस का सेल्लाइश्शा “परमपरभु यावे आ सिं डा ठेयब लाप्चो आ लाङ्गाम वोतीन” दे अरेमी बाकत। ९मिनु मेकोपुकीम यहूदा नु यरूसलेम डा मुर नेल्ल आन कली “परमपरभु आ गेय पाइब मासाम गोरशा रागीम इसराएली आन कली देशो थाप्चा माल्शो क्येट मुरपुकीम परमपरभु यावे आ सिंम चाकचा माल्लीम” देशो नंपदमे बाकत। १०मिनु ठेयब मुरपुकी नु मुर नेल्लेमी ग्यरशा, आन गेचा माल्शो क्येट चाकशा, मेको सन्दोस मबरीम सम्म मेकर कुर पामे बाकत। ११मिनु लेवीपुकीम पिप आ सरकार डा गेय पाइब आन बाकतीकमे सन्दोस चाकगामेनु, मेकोपुकीम दोशो क्येट बाकमे, मेको कोव्रबाकमा बाकत। मिनु पिप आ बरेकब मुरुम मेको बरेकशा, ठेयब चढेब आ

गेय पाइबपुकीम मेको सन्दोस श्येत्य सेल्शा, लेंशा आ बाक्तीकम लाइश्शा वोइक्वाक्मा बाक्त। मेकोपुकीम नाक्त कित कित मो पा शुश क्येट खुप्तम बाक्त। १२मिनु पिप नु येहो-यादाम मेको क्येट परमपरभु यावे आ सिं डा गेय पाइब आन कली कोत्रब मुर कली गमी बाक्त। मेकोपुकीम चहिं गारो पराक्ब मुर, शी के गेय पाइब नु फलाम नु कांसा क गेय पाइब आन कली बरंश्शा, गाल्व गशा, लेंशा परमपरभु यावे आ सिं सत्यदम बाक्त। १३मिनु मेको गेय पाइबपुकीमी शुश गेय पा लेंशा ठीक पतीक गेय रिम्शो दुम्ना दुम्न लमाक्त। मेकोपुकीम परमपरभु आ सिं डांइती डा सोदंशो पा ठीक नु बोल्यो सल्म बाक्त। १४मिनु मेकोपुकीम गेय थुम्म नोले मेको लीशो क्येट पिप नु येहो-यादा आस कली लेश्शा गेम बाक्त। मिनु मेको क्येटोम परमपरभु यावे आ सिं कली ग्यांबपुकी सल्म बाक्त। गेय पचा कली, चोशा चढेचा कली माल्तीक थोत्रकपुकी नु सुन नु चांदी के डाडुपुकी नु ग्यांबपुकी सल्म बाक्त। येहोयादा बाक्म सम्म परमपरभु यावे आ सिंम नाक्त कित कित चोशा चढेतीक चढम बाक्त।

१५ मिनु येहो-यादा शुश बरांइशा स्रुशो दुम्शा, सह का ३० बर्स दुम्मनु, बक्माक्त। १इतिहास २९:२८ १६मिनु मुरपुकीम मेको कली दाऊद आ सहरम पिप आन कली थिम्तीकमी थिम्म बाक्त। मारद हना मेकोमी इसराएलमी रिम्शो पवा बाक्त। परमपरभु नु आ सिं कली यो थम रिम्शो पवा बाक्त।

#### पिप योआश आ मरिम्शो पशो

१७मिनु येहो-यादा बेक्म नोले यहूदा डा सरकार आ गेय पाइब पिप योआश कली गरुथ जाक्शा, मेको कली सउ पाम बाक्त। मिनु पिपम मेको आन लोत्र नेना बाक्त। १८मिनु मेकोपुकीम परमपरभु यावे, आन किकी पिपी आन परमपरभु आ सिं परांइशा, अशराह आ मूर्ति पाइश्शा थाम नु अरु मूर्ति आन कली पूजा पामे बाक्त। मोपतीके परमपरभु यावे यहूदा नु यरूसलेम डा मुर आन पाप आ पर्वम गाइक्ता बाक्त। १९मो हना यो परमपरभु यावेम मेको आन कली आ गे लेप्पाइक्चा कली आ लोत्र पाइबपुकी सोइक्तीमी बाक्त। मिनु मेकोपुकीम मेको आन मरिम्शो पशो कांइदमे बाक्त। तन्न मुरपुकीम मेको आन लोत्र मनेन्मे बाक्त।

२०मिनु परमपरभु आ सोक्तीम चढेब येहो-यादा आ तौ जकरिया कली सुमा बाक्त। मिनु मेको मुर आन डांइती राप्शा मेको आन कली “परमपरभुमी मार देशो बाक्त, देशो हना, गे मारद परमपरभु यावे आ शंशो मपाइनीनी? मोपतीक गे गेना हना यो श्येत जशा, रिम्शो मदुम्नीनी। गेपुकीम परमपरभु यावे कली परांइतीक, मेकोमी यो इन कली परांइशा बाक्ब देशो बाक्ब” देमाक्त। मती २३:३५; हिब्रू ११:३७ १२तन्न मेकोपुकीम जकरिया आ पर्वम गारशा, पिप आ हुकुम पतीकमी जकरिया कली परमपरभु यावे आ सिं डा लाडगाम फुल्लु आप्शा सदम बाक्त। २२पिप योआशम जकरिया आ आफ येहो-यादाम आ कली रिम्शो पशो नेल्ल परंदा बाक्त। मिनु मेको आ तौ कली सदा बाक्त। मिनु आ बेक्वी ना जकरियामी “परमपरभु यावेम एको तशा, क्येक्क लेत्तल” देमाक्त। २इतिहास २३ :-

२३मिनु मेको बर्स नुप्ची ना अराम रागी डा लडाइ पाइबपुकी योआश नु लडाइ पथ जाक्मा बाक्त। मिनु मेकोपुकीम यहूदा नु यरूसलेम जाक्शा, मंकर डा मुर आन दाते डा सरकार डा गेय पाइब नु ठेयब मुर नेल्ले आन कली सदम बाक्त। मिनु आन रोइश्शा मारंइ मारंइ दमस्कस डा पिप कली सोइक्तमे बाक्त। २राजा १२:१८-२२ २४अराम डा लडाइ पाइब इक्का ला बाक्तेक्म हना यो, परमपरभु यावेमी इसराएल डा शुश लडाइ पाइब आन कली मेको आन गुइमी गमी बाक्त। मारद हना यहूदा डा मुरपुकीम परमपरभु यावे, आन किकी पिपी आन परमपरभु कली परांइशा बाक्मा बाक्त। मोदंशो पा योआशमी निसाफ नु सजाइ तवा बाक्त।

२५मिनु अराम रागी डा लडाइ पाइबपुकीमी पिप कली शुश गार सल्शा, गाक्मा नोले, पिप आ ठेयब गेय पाइबपुकीमी गारशा, चढेब येहो-यादा आ तौ कली साइश्शा आ क्येक्क लेत्त्वा कली पिप आ ब्राख्येम बाक्मेनु, सदम बाक्त। मोपा मेको बेक्माक्त। मिनु मुरपुकीम मेको कली दाऊद आ सहरमी थिम्म बाक्त। तन्न पिप आन कली थिम्तीकम मथिम्म बाक्त। २इतिहास २१:२० २६मेको कली साइक्व अम्मोनी मोश मुर शिमैआथ आ तौ जाबाद नु मोआबी मोश मुर शिमरीथ आ तौ येहो-जाबाद बाक्सा बाक्त। २७योआश आ चच गुइ आन पर्वम बरेक्शो लोत्र, मेको आ थाप्चा माल्शो क्येट आ पर्वम लोत्र नु दोपा मेकोमी लेंशा परमपरभु आ सिं सेला, मेको

नेल्ल पिप आन किताबम बरेकशो बाक्व। मिनु मको आ पा डा आ तौ अमस्याह पिप दुम्माक्त।

यहूदा डा पिप अमस्याह

२राजा १४:१-२०

१ अमस्याह पिप दुम्मेनु, २५ बर्स दुम्शो बाक्माक्त। मकोमी यरूसलेममी २९ बर्स सासन पवा बाक्त। मको आ ममा आ नें येहो-अदान बाक्माक्त। मको यरूसलेम डा बाक्माक्त। २ मकोमी परमपरभु यावे आ डांडती मार ठीक बाक्मे, मको पवा बाक्त। तन्न आ थुं नेल्लेम ममाइ। ३ मकोमी आ राज्य डा सासन बोल्यो दुम नोले, आ आफ कली साइक्व, आ गेय पाइब आस कली सांडसी बाक्त। २ इतिहास २४:२५ ४ तन्न मको आस आल आन कली मसदा बाक्त। मारदे हना मोसा आ किताबम बरेकशो परमपरभु यावे आ अरेशो “आम आफ आन तमी तौ आन पर्वम नु तमी तौ आन आम आफ आन पर्वम साइक्वा मदुम्ब। सुम पाप पाइबा, मको साइक्वा पुंडसीब” देशो परमपरभु यावे आ लोत्र दिवा बाक्त। व्यवस्था २४:१६

५ मिनु अमस्याहम यहूदा नु बेन्यामीन डा मुर नेल्ल आन कली गरुम्पाइश्शा, आन सिं सिं डा मुर हजार हजार आन कली कप्तान का का नु सहं सहं डा आन कली कप्तान का का वोइक्पदा बाक्त। मकोमी २० बर्स गाप्शो नु मको क्यडा लाक्शो मुर नेल्ल आन कली पुक्मी बाक्त। मको आन कली हिक्शानु, लाख सां बाक्मा बाक्त। मको नेल्ल लडाइ पन चाप्व बाक्मा बाक्त। तृतीक नु तेक्तीक चलने चाप्व बाक्मा बाक्त। ६ मकोमी इसराएल रं लाख का बोल्यो लडाइ पाइब आन कली बरेशशा, सहं का टलेन्ट चांदी गेवा बाक्त। टलेन्ट का ३४ किलो बाक्व। ७ तन्न परमपरभु आ मुर का मको आन बाक्तीक जाक्शा “आं पिप, इसराएल डा लडाइ पाइब आन कली गे नु मलाइक्मी। मारदे हना परमपरभु यावे इसराएलीपुकी नु एफराइम आ थर डा मुर नेल्ल नु मबाक्व। ८ गे मापा बोल्यो दुम्शा बाक्शो मिर्तीनी नु इसराएल डा लडाइ पाइब लाइक्तीनी हना, परमपरभुम इन कली इन जोरी सतरु आन डांडती बरुपाइक्व। मारदे हना गरापाइक्तीक नु बरुपाइक्तीक सक्ति परमपरभु आ गुइम बाक्व” देमाक्त। ९ मिनु अमस्याहम परमपरभु आ मुर कली “इसराएली लडाइ पाइब आन पर्वम गेशो मको सहं का टलेन्ट चांदी आ पर्वम गो मार पाइनुडा?” दे हिल्लो पवा

बाक्त। मिनु परमपरभु आ मुरुम “परमपरभु यावेम इन कली मको क्यडा यो शुश गेने चाप्व” देमाक्त। १० मापतीक पिप अमस्याहम एफराइम रं जाक्शो लडाइ पाइब आन कली आन सिं लेश्शा सोइक्तीमी बाक्त। मिनु मकोपुकी यहूदा नु शुश गाइक्तमे बाक्त। मिनु थाम्पा चुरशा, आन सिं लेश्शा लमा बाक्मा बाक्त।

११ मिनु अमस्याहम बोल पा महिंथु थुं बारपाइश्शा, आ लडाइ पाइब आन कली हिक्सी दिमम लाइक्मी बाक्त। मिनु मेकर सइर डा १० हजार मुर आन कली साइक्मी बाक्त। १२ मिनु यहूदा डा लडाइ पाइबपुकीम अर्को १० हजार मुर आन कली सेसीन ग्याइश्शा, मको आन कली टेयव सरथ फुल्लु तार लाइश्शा, नेप्शा खरीडमे बाक्त। खरीशो नेल्ले चोकटा लाम्टा दुम्शा बेक्मा बाक्त। १३ मेना अमस्याहम लडाइम मलाइक्थु, सिं लेश्शा सोइश्शा लडाइ पाइबपुकीम यहूदा डा सहरपुकी सामरीया रं बथ-हारोन सम्म मारइ मारइ रोइक्तमे बाक्त। मकोपुकीम मेकर हजार सां मुर आन कली सदमे बाक्त। मिनु शुश मार मार रोइश्शा लदमे बाक्त।

१४ मिनु अमस्याहम एदोमी आन कली गराशा लेम्मेनु, सइर डा मुर आन देवतापुकी चाक्शा आ देवता सेला बाक्त। मिनु मकोमी मको देवता आन कली पूजा पा मको आन कली चंदेवा बाक्त। १५ मापतीक परमपरभु यावे अमस्याह नु गाइश्शा, आ लोत्र पाइब का साइक्ता बाक्त। मिनु मकोमी “गे मारदे आ मुर आन कली लायो इ गुइ र पूरॉइने मचाप्व देवता आन नोले सोदी?” दे हिल्लो पवा बाक्त। १६ मिनु मकोमी लोत्र पना पन, पिपमी “मार गोपुकीम इन कली पिप कली अर्ती गेब सल्थो नकी डा? ब्याल पावो। मारदे साइक्वा पुंडसीनेवे?” दे मदा बाक्त। मिनु मको परमपरभु यावे आ लोत्र पाइबम सिक्सी पचा क्यडा डांडती “गेम आं पाइतीनी, आं लोत्र मनंतीक परमपरभुमी इन कली थमा पा खतम पोक्वा थुं पवा बाक्त। गो तुइक्नुड” देमाक्त।

१७ मको नोले यहूदा डा पिप अमस्याहम आ अर्ती गेबपुकी नु सल्ला पा इसराएल डा पिप यहू आ चच येहो-अहाज आ तौ योआश कली “जाक्को। गे नु गो लडाइ पस” दे मदा बाक्त। १८ तन्न इसराएल डा पिप योआशमी यहूदा डा पिप अमस्याह कली कथा का देमाक्त। मार कथा देमाक्त देशो हना “लेबानोन डा चू बुटा कामी लेबानोन डा लाइश्शा रवा का कली इ तमी आं

तौ नु ग्युंब पचा गेवा' दंमाक्त। तन्न लेबानोन डा ब्वाकी डा जन्तु का मेको र पा पिमेनु, मेको नू बुटा कली दिम्शा लाक्का बाक्त। न्यायाधीस १:१४ ११ गे एदोम कली गराती, दे बोरशा ठेयब मलेतो। गे इ खिं उइ बाक्को। गे मारदे आंम कली नु यहूदा कली खतम पाक्चा माल्न्व ?" दे लोत्र लेत्ता बाक्त।

२० तन्न अमस्याहम मेको लोत्र मनना बाक्त। मोपतीके परमपरभुमी मेको कली मुर आन गुइमी गेवा बाक्त। मारदे हना मेकोपुकीम एदोम डा देवता आन कली खोइश्शा बाक्का बाक्त। २१ मिनु इसराएल डा पिप योआश डांडती लमाक्त। मिनु मेको नु यहूदा डा पिप अमस्याह यहूदा डा बेथ-शेमशम लडाइ पाप्स बाक्त। २२ मिनु यहूदा डा मुरपुकी इसराएली आन क्येडा बरूमा बाक्त। मिनु मेको नेल्ल आन खिं परोक्का बाक्त। २३ मिनु इसराएल डा पिप योआशमी योआश आ तौ, अहाज्याह आ चच, यहूदा डा पिप अमस्याह कली बेथ-शेमशम ग्याइश्शा यरूसलेमम चाक्का बाक्त। मिनु मेकोमी एफराइम डा ठेयब लाप्चो र सुर डा ठेयब लाप्चो सम्म डा ४ सह कुबीत लाइश्शा गारो परदा बाक्त। कुबीत का ०.५ मिटर बाक्व। २४ मेकोमी ओबद-एदोम आ खाल पशो परमपरभु आ खिम बाक्को सुन चांदी, ग्यांबपुकी नु पिप आ खिम बाक्को सुन चांदी शुश क्येड लाइब थोत्रकपुकी नु मुर आन कली ग्याइश्शा लाइश्शा, सामरीया लम्माक्त। पिप आ मुर आन कली यो ग्याइश्शा लाइश्शा, सामरीया लम्माक्त। इतिहास २६:१३,१५

२५ इसराएल डा पिप यहो-अहाज आ तौ योआश क्येडा यहूदा डा पिप योआश आ तौ अमस्याह १५ बर्स शुश बरांडमाक्त। २६ अमस्याह आ पशो, आ डांडती र नोले सम्म नेल्ल यहूदा नु इसराएल डा पिप आन इतिहासम बरक्को बाक्व। २७ मेको अमस्याह परमपरभु यावे र डेन दुम नाक्त र यरूसलेमम मेको कली साइक्चा, दे सल्ला पा गारशो बाक्का बाक्त। मेको परोक्का बरांडचा कली लाकीशम लमाक्त। तन्न मेकोपुकीम लाकीशम आ नोनोले खेदा पाइब मुर सोइश्शा, मेको कली मेक उइ साइक्पदम बाक्त। २ इतिहास २४:२५ २६ मेको नोले मेको आ बेक्को रां शाराम कुर पा, यरूसलेम चाक्कामे बाक्त। मिनु मुरपुकीमी मेको कली आ किकी पिपी आन कली थिम्तीक दाऊद आ सहरम थिम्म बाक्त।

यहूदा डा पिप उज्जीयाह

२ राजा १४:२१-२२; २ राजा १५:१-७

२६ मिनु यहूदा डा मुरपुकी नेल्लेम १६ बर्स दुम्शा अमस्याह आ तौ उज्जीयाह कली मेको आ आफ आ पा डा पिप सल्लम बाक्त। २ मिनु अमस्याह बेक्म नोले उज्जीयाहमी एलोथ सहर लेंशा ताक्शा, यहूदा कली लेश्शा गशा, रिम्शो सला बाक्त। ३ उज्जीयाह पिप दुम्मनु, मेको १६ बर्स दुम्शो बाक्काक्त। मेकोमी यरूसलेमम ५२ बर्स सासन पवा बाक्त। मेको आ ममा आ नें यकोल्याह बाक्काक्त। मेको यरूसलेम डा बाक्काक्त। ४ मेकोमी आ आफ अमस्याह सोदेशो पा परमपरभु यावे आ डांडती मार ठीक बाक्के, मेको पवा बाक्त। २ इतिहास २५:२ ५ मेना जकरिया पिप कली परमपरभु यावे कली मान पा हिंचा आ पर्वम शंब बाक्काक्त। मिनु पिपमी जकरिया आ पालाम परमपरभु यावे आ नोले खोइक्का खोइक्क बाक्काक्त। मोपा खोदा सम्म परमपरभुम अमस्याह आ पशो नेल्ल रिम्शो दुम्पदा बाक्त।

६ मिनु मेको पलिस्ती नु लडाइ पचा कली लडाइ पतीकम लमाक्त। मिनु मेकोमी गाथ, याब्नेह नु अश्दोद कली गराशा, गारो परश्शा गेवा बाक्त। मिनु मेकोमी अश्दोद नु आ नेक्था पलिस्ती रागी आन दातेम अरु सहरपुकी सला बाक्त। ७ परमपरभुमी मेको कली पलिस्ती, गुर-बालम बाक्व अराबीपुकी नु मेउनीपुकी नु लडाइ दुम्तीकम वाक्च पदा बाक्त। ८ मिनु अम्मानीपुकीमी उज्जीयाह कली आन गेचा माल्शो मार मार गेम बाक्त। मिनु मेको आ सोशो बोशो लोत्र इजीप्त आ नेक्था सम्म जाक्दोम्माक्त। मारदे हना मेको शुश सक्ति पाइश्शा दुम्शो बाक्काक्त। ९ मेकोमी यरूसलेमम गारो डा सुर डा ठेयब लाप्चो, बेसी डा ठेयब लाप्चो नु गारो आ सुर हिरतीकमी यो लाइश्शा खिंपुकी सला बाक्त। मिनु मेको कली बोल्यो सला बाक्त। १० मेकोमी गोरशो रागीम अरु लाइश्शा खिंपुकी सला बाक्त। मिनु मेकोमी शुश इनारपुकी दोपाइक्की बाक्त। मारदे हना मेको के शेफलाह नु दिममी शुश बी व्यफ बाक्का बाक्त। मिनु मेको के पहाडम नु रिम्शो खप डा दिमम रू दोइब नु अडगुर रू कोत्रब मुरपुकी बाक्का बाक्त। मारदे हना मेको खेतीपाती पचा दाक्व मुर बाक्काक्त। ११ मेको परांडशा, उज्जीयाह के बोल्यो लडाइ

पाइब शुश बाक्का बाक्त। मेकोपुकी गेना हना यो लडाइ पचा कली ठीक दुम्शा बाक्का बाक्त। मिनु मेको लडाइ पाइब आन बरक्ब यिएल नु पुक्ब मासयाहम मेको आन कली हुल हुल सल्शा, पिप आ कप्तान हनान्याहम देशो खोंदंशो पा पाम्स बाक्त। १२ सिं सिं डा बोल्यो सक्ति पाइशो लडाइ पाइब हजार निकशो ६ सह बाक्का बाक्त। १३ मेको ठेयब मुर आन हुकुमी पिप कली आ जोरी सतरु र वारच पाइक्का कली लाख सां ७ हजार ५ सह बोल्यो लडाइ पाइब आन हुल का यो बाक्का बाक्त। १४ मिनु उज्जीयाहमी लडाइ पाइब नेल्ल आन कली तेक्तीक, तूतीक, फलाम के टोपी, कुचुम पांडतीक, लिबरा नु हुरद आप्तीक फुल्लु ठीक पा गेवा बाक्त। १५ मेकोमी यरूसलेम डा गारो डा लाइशो सिं तारी नु सुरपुकीम जोक्ब मुर आन सल्शा बरा आप्तीक नु ठेयब फुल्लु आप्तीक वोइक्पदा बाक्त। आ ठेयब दुम्तीक तेइ तेइ बरशो बाक्का बाक्त। मेको सक्ति पाइशो दुम्माक्त। मारदे हना परमपरभुमी मेको कली छक लाक्का डा पा वारच पवा बाक्त। मेको आ पर्वम शुश लोत्र बरशो बाक्का बाक्त।

१६ मोपा मेको सक्ति पाइशो दुम्तीक ठेयब लेशशा, खतम दुम्माक्त। मेकोमी परमपरभु यावे, आ परमपरभु कली मटिथु, धूप चोतीकम धूप चोचा कली परमपरभु यावे आ सिं ओत्रमाक्त। २इतिहास २५ :१९ १७ तन्न चदब अजारयाह नु अरु परमपरभु यावे कली चदब बोल्यो नु महिब ८० जना मुस्मी मेको आ नोल खोंदमे बाक्त। १८ मिनु पिप उज्जीयाह कली तेक्का, दे “पिप उज्जीयाह परमपरभु यावे कली धूप चोतीक गेय इन के ममाइ। एको गेय पचा कली जिम्मा गेशो हारुन आ चच युइ चदब आन के बाक्ब। परमपरभु यावे आ बाक्तीक र गरुडीन। मारदे हना गे दूली पाइतीनी। मिनु मुल परमपरभु यावेमी इन कली मारइ मान मगोपाइक्ब” दे मदमे बाक्त। गन्ती १८ :७ ; परस्थान ३० :७ १९ मिनु गुइम थनौरो शेशा धूप चोचा कली ठीक दुम्शा पिप गाइक्ता बाक्त। मिनु मेको चदबपुकी नु गाइक्का गाइक्कनन आ कुष्मीम कोत्र गरुमाक्त। मेको नेल्ल चदब आन डांडती, परमपरभु यावे आ सिं आगाम नु धूप चदतीक आ डांडती दुम्माक्त। २० मिनु ठेयब चदब अजारयाह नु अरु चदबपुकीम मेको कली कोत्रना कोत्रन मेको आ कुष्मीम कोर गरुशो तशा, मेको कली रीब पा परमपरभु यावे आ सिं र

लाडगा गरुइदमे बाक्त। मेको आंमा यो रीब पा लाडगा गरुचा माल्शो बाक्का बाक्त। मारदे हना परमपरभु यावेम मेको कली मेको रोइमी आप्शो बाक्का बाक्त। २१ मिनु पिप उज्जीयाह आ बेक्की नाक्त सम्मन कोत्ररी दुम्शा बाक्का बाक्त। मेको कोत्ररी दुम्शा सिं काम आ कान बाक्का माल्दा बाक्त। मेको परमपरभु यावे आ सिं र तिल्ला पुंडस बाक्त। मिनु मेको आ तो योथाममी दरवार कली कोत्रशा, मुर आन कली सासन पचा गोवा बाक्त। गन्ती ५ :२ २२ उज्जीयाह आ पशो नेल्ल डांडती र नोल सम्म डा गेय नेल्ल आमोज आ तो परमपरभु यावे आ लोत्र पाइब यसैयाम बरक्को बाक्ब। यसैया ६ :१ ; यसैया १ :१ २३ मिनु उज्जीयाह बेक्का बाक्त। मिनु मेकोपुकीमी आ किकी पिपी आन कली थिम्तीक आ नेक्का डा रू काम थिम्मे बाक्त। मारदे हना मुरपुकीम “कोत्ररी का बाक्ब” देमा बाक्त। मिनु मेको आ पा डा आ तो योथाम पिप दुम्माक्त।

यहूदा डा पिप योथाम

२ राजा १५ :३२-३८

२७ १ योथाम पिप दुम्मेनु, २५ बर्स दुम्शो बाक्का बाक्त। मेकोमी यरूसलेमम १६ बर्स सासन पवा बाक्त। मेको आ ममा आ नें येरुशाह बाक्का बाक्त। मेको सादोक आ तमी बाक्का बाक्त। २ मेकोमी आ आफ उज्जीयाह खोंदंशो पा परमपरभु यावे आ डांडती मार ठीक बाक्क, मेको पवा बाक्त। तन्न मेको आ आफ खोंदंशो पा परमपरभु यावे आ सिं मओत्रमाक्त। मो हना यो मुर आन मरिम्शो गेय पस डा पस बाक्का बाक्त। २इतिहास २६ :२६ ३ मेकोमी परमपरभु यावे आ सिं डा आइक्का डा लाप्चो लेशा सेला बाक्त। मिनु मेकोमी ओफल डा गारोम शुश गेय पा बोल्यो पा सेला बाक्त। ४ मेकोमी यहूदा डा पहाडमी यो सहरपुकी सेला बाक्त। मिनु ब्वाकी डा डांडापुकीम बोल्यो दरवार नु लाइशो सिंपुकी सेला बाक्त। २इतिहास २६ :१० ५ मिनु योथाममी अम्मोनी आन पिप नु लडाइ पा मेको आन कली गरामाक्त। मिनु मेको बर्स अम्मोनीपुकीम मेको कली सह का टलेन्ट चांदी, १० हजार कोर चेरब नु १० हजार कोर क्योत्रज गेमे बाक्त। मिनु मेकोपुकीम आ नोले डा बर्स नु मेको क्येडा नोले डा बर्सम यो मोपान तिरो थात्तमे बाक्त। टलेन्ट का ३४ किलो बाक्ब। कोर का २२० लिटर खोंदंशो बाक्ब। ६ मिनु योथामम परमपरभु यावे, आ परमपरभु आ डांडती रिम्शो

गेय पतीके मेको थम सक्ति पाइश्शो दुम्माक्त ।  
७ योथामम मार मार पवा, मेको आ पशो लडाइ  
नेल्ले नु आ गाक्शो लां इसराएल नु यहूदा डा  
पिप आन इतिहासम बरक्शो बाक्व । ८ मेको पिप  
दुम्मंनु, २५ बर्स दुम्शो बाक्माक्त । मिनु मेकोमी  
यरूसलेमम १६ बर्स सासन पवा बाक्त । ९ मिनु  
योथाम बक्माक्त । मिनु मुरपुकीमी मेको कली  
दाऊद आ सहरम थिम्म बाक्त । मिनु आ नाल  
मेको आ ती आहाज पिप दुम्माक्त ।

यहूदा डा पिप आहाज

१ आहाज पिप दुम्मंनु, २० बर्स दुम्शो  
**२८** बाक्माक्त । मेकोमी यरूसलेमम १६ बर्स  
सासन पवा बाक्त । मेकोमी आ किकी पिपी  
दाऊद सोदंशो पा परमपरभु यावे आ डांइती  
मार ठीक बाक्मे, मेको मपवा बाक्त । २ मेको  
इसराएल डा पिप आन लांम गाक्माक्त । मिनु  
चेम्शा बाल देवता आ मूर्तिपुकी सेला बाक्त ।  
३ मिनु पिप आहाजम बेन-हिन्नाम आ बेसीम धूप  
चढ़ेवा बाक्त । आहाजमी रागी रागी डा मुर आन  
गरांगरा दिशो गेय सोदंशो पा, आ ती आन कली  
मीम चोशा चढ़ेवा बाक्त । मोपतीके परमपरभु  
यावेमी रागी रागी डा मुर आन कली इसराएली  
आन डांइती रे खरशो बाक्माक्त । व्यवस्था  
१८ : १-१२ ४ मेकोमी डांडा डा थानपुकीम चढ़ेवा  
बाक्त । मिनु नेल्ले डांडाम नु ठेयब रवा आ  
पुंम चढ़ेतीक चढ़ेशा धूप चोवा बाक्त । १ राजा  
१४ : २२-२३

५ मोपतीके परमपरभु यावे, आ परमपरभुमी  
मेको कली अराम डा पिप नु बरुपाइश्शा, मेको  
आ गुइमी गेवा बाक्त । मिनु मेकोमी पिप आहाज  
आ शुश मुर आन कली ग्याइश्शा, दमस्कसम  
लदा बाक्त । मेको इसराएल डा पिप नु यो  
बरुमाक्त । मिनु मेको पिपम शुश मुर आन  
कली सदा बाक्त । ६ रेमाल्याह आ ती पकाहमी  
काबुमीन यहूदा डा लाख का २० हजार मुर  
आन कली साइक्मी बाक्त । मेको नेल्ले बोल्यो  
लडाइ पाइब बाक्मा बाक्त । मारदे हना यहूदा  
डा मुरपुकीम परमपरभु यावे, आन किकी पिपी  
आन परमपरभु कली परांइशो बाक्मा बाक्त ।  
७ एफराइम डा जिक्री माइश्शो बोल्यो लडाइ  
पाइब मुर काम पिप आ ती मासयाह, पिप आ  
दरवार कोत्रब कप्तान अजरीकाम नु पिप आ ठेयब  
बरक्व एल्काना आन कली साइक्मी बाक्त ।

८ इसराएलीपुकीमी लाख निक्शी आन थर थर  
डा मुर ग्याइश्शा लदमे बाक्त । मेको मीश

मुर, तमी नु ती बाक्मा बाक्त । मिनु मेकोपुकीम  
शुश मार मार यो रोइश्शा, नेल्ले सामरीया  
लदमे बाक्त । ९ तन्न मेकर ओदद नं पाइश्शो  
परमपरभु यावे आ लोत्र पाइब का बाक्माक्त ।  
मिनु लडाइ पाइबपुकी सामरीया लेम्मानु, मेको  
आन कली गरुम्थ जाक्माक्त । मिनु मेकोमी मेको  
लडाइ पाइब आन कली “परमपरभु यावे, इन  
किकी पिपी आन परमपरभु यहूदा डा मुरपुकी नु  
गाइक्तीक, मेकोमी मेको आन कली इन गुइमी  
गेप्तु । तन्न गेपुकीम इन गाइक्तीकेम मेको आन  
कली साइक्तीनी । मेको मो पशो इर स्वर्ग सम्म  
जाक्दीश्शो बाक्व । लेवी १९ : ३८ १० मुल गे यहूदा  
नु यरूसलेम डा मीश मुर, वांइश मुर नेल्ले आन  
कली इन वाइलीम वाइल सेल्वा थुं पाइनीनी ।  
गेपुकीम परमपरभु यावे, इन परमपरभु आ डांइती  
पाप ला पाइनीनी । अरु मार पाइनीनी ? ११ मुल  
आं लोत्र नेनीन । इन ग्याइश्शो आंम मुर आन  
कली परांइशा लेल्वा गेने । मारदे हना परमपरभु  
यावे इन कली तशा शुश चुरशो बाक्व” दंमाक्त ।  
१२ मिनु लेंशा का निक्शी एफराइम डा ठेयब  
मुर याहानान आ ती अजारयाह, मशील्लेमोथ  
आ ती बरेक्याह, शाल्लुम आ ती येहीज्क्याह  
नु हादले आ ती आमासाम लडाइ रे लेश्शा  
जाक्शो आन कली गरुम्शा, १३ मेको आन कली  
“गेपुकीम एको ग्याइश्शो आन कली एक चाक्चा  
मदुम्ब । गेपुकीम मार मिम्शो बाक्नी ? मेको  
आ पबंम गोपुकीम परमपरभु यावे आ डांइती  
दास ताइनीकी । मार, गेपुकीम इं मरिम्शो पशो  
नु इं पाप तेम्चा दाक्नीनी ? मार, इं पाप ठेयब  
मबाक्वा डा ? परमपरभु यावे इसराएल आ  
पबंम डांइती रे गाइक्ना गाइक्न बाक्व” दे  
मदमे बाक्त । १४ मोपतीके लडाइ पाइबपुकीम  
ग्याइश्शोपुकी नु आन रोइश्शो मारइ मारइ मेको  
आन ठेयब मुर नु मेको दल्शा बाक्शो मुर आन  
डांइती परान्म बाक्त । १५ मिनु ठेयब मुरपुकीमी  
नं थिशा का निक्शी मुर आन कली बरेत्स बाक्त ।  
मेको बरेश्शो मुरपुकीम ग्याइश्शा चाक्शो  
शिश्रा मुर आन कली रोइश्शो वा फेक्पदमे  
बाक्त । जुत्ता मुइक्पदमे बाक्त । जचा नु त्चा  
गेशा, तेल खरक्तमे बाक्त । मिनु थाम्पा दशो  
नु गाक्ने मचाप्त्र मुर आन कली गधा डोइक्पा,  
खजूर रवा आ सहर, यरीको आन खिं खिं सम्म  
चोक्डमे बाक्त । मिनु मेकोपुकी सामरीया लेम्मा  
बाक्त । २ राजा ६ : २२ ; हितोपदेस २५ : २१-२२  
१६ मेना पिप आहाजम अरसुर डा पिप  
कली “वारच पाइक्की” दे पुंइथ मुर सोइक्ता

बाक्त। १७ मारदे हना एदोमीपुकीम लेंशा लडाइ पा यहूदा कली गराशा, मंकर डा मुर आन कली ग्याइश्शा लाइश्शा बाक्मा बाक्त। १८ पलिस्तीपुकीमी यो यहूदा डा शफलाह नु नंगब डा सहरपुकी रोइक्तम बाक्त। मिनु मेकोपुकीम बथ-शमश, आइयालोन, गंद-रोथ, सोको नु मेको आ गाउंपुकी, तिम्नाह नु मेको आ गाउंपुकी, गिम्जो नु मेको आ गाउंपुकी आंम क संल्शा बाक्मा बाक्त। यहासु १५:१० ११ यहूदा डा पिप आहाजम पतीकेन परमपरभु यावेम यहूदा कली थम आइक्च संल्शा बाक्माक्त। मारदे हना पिप आहाजम थम मरिम्शो पा परमपरभु यावे कली परोइशो बाक्माक्त। २० मिनु अस्सुर डा पिप तिल्याथ-पिलेसर मेको कली वारच पाइक्च जाक्माक्त। तन्न मेकोमी मेको कली वारच पाइक्चा आ पा डा श्येत कका गेवा बाक्त। २१ मिनु आहाजम परमपरभु यावे आ सिं, पिप आ दरवार नु आ टेयब मुर आन सिं रे मार मार लाइश्शा, अस्सुर डा पिप कली “वारच पाइय्यीकी” दे गेवा बाक्त। तन्न मेको नेल्ल मोशा दुम्माक्त।

२२ मोपा पिप आहाज दोशो श्येत जवा, मोशोन परमपरभु यावे क्येडा डोन दुम्माक्त। २३ मेकोमी आंम कली बरुपाइक्च दमस्कस डा देवता आन कली चदेवा बाक्त। मारदे हना मेकोमी “अराम डा पिप आ देवतापुकीम मेको आन कली वारच पाइक्त्कम। गो या मेको आन कली मार मार चदेनुड। मिनु आं कली या वारच पाइय्यीमील” दे मिम्ता बाक्त। तन्न मेको देवतापुकी मेको कली नु इसराएली नेल्ल आन कली खतम पोक्तीक दुम्माक्त। २४ मेको नाले आहाजमी परमपरभु आ सिं डा ग्यांबपुकी सुप्शा, खरोइश्शा बिगरेवा बाक्त। मिनु परमपरभु यावे आ सिं डा लाप्नो चोक्गा बाक्त। मिनु मेकोमी यरूसलेमम तेइ तेइ थानपुकी सेला बाक्त। २५ मिनु यहूदा डा सहर सहरमी डांडा डा थानपुकी सेला बाक्त। अरु देवता आन कली मार मार चदेवा बाक्त। मोपा मेकोमी परमपरभु यावे, आंम किकी पिपी आन परमपरभु कली थाम्पा गाइक्पदा बाक्त। २६ मिनु मेकोमी नाले सम्म मार मार पवा नु आ डांइती नु नाले डा गाक्शो लां नेल्ल, यहूदा नु इसराएल डा पिप आन किताबम बरेक्शो बाक्ब। २७ मिनु आहाज बेक्माक्त। मिनु मुरपुकीम मेको कली यरूसलेम सहरम थिम्म बाक्त। तन्न मेकोपुकीम मेको कली इसराएल

डा पिप आन कली थिम्तीकम मथिम्म बाक्त। मिनु मेको आ पा डा आ तौ हिज्कीयाह पिप दुम्माक्त। २ इतिहास २९:२०

यहूदा डा पिप हिज्कीयाह

२९ १ हिज्कीयाह पिप दुम्मेनु २५ बर्स दुम्शो बाक्माक्त। मेकोमी यरूसलेमम २९ बर्स सासन पवा बाक्त। मेको आ ममा आ नं अबीयाह बाक्माक्त। मेको जकरिया आ तमी बाक्माक्त। २ मेकोमी आ किकी पिपी दाऊदम पशो खोदंशो पा परमपरभु यावे आ डांइती मार ठीक बाक्म, मेको पवा बाक्त।

परमपरभु आ सिं डा गेय

३ मिनु मेको पिप दुम्शो डांइती डा बर्स डा डांइती डा महिनाम मेकोमी परमपरभु यावे आ सिं डा लाप्नोपुकी रोक्शा, मेको आन कली सेल्पदा बाक्त। २ इतिहास २८:२४ ४ मेकोमी चदेब नु लेवी आन कली पुक्शा पूर्व डा लाङ्गाम गरुम्पाइक्मी बाक्त। ५ मिनु मेकोमी मेको आन कली “लेवीपुकी, आं लोत्र नेनीन। मुल गेपुकी आंम कली परमपरभु यावे आ डांइती ठीक सेल्सीन। मिनु परमपरभु यावे, इन किकी पिपी आन परमपरभु आ सिं ठीक सेलीन। मिनु परमपरभु यावे आ बाक्तीक र गरांगरा दिशो नेल्ल गरुइशा ताइक्तीन। ६ मारदे हना ई किकी पिपीम परमपरभु यावे कली परोइशा, परमपरभु यावे, ई परमपरभु आ डांइती मार मरिम्शो बाक्म, मेको पाम्त्कम। मेकोपुकीम मेको कली परोइशा, मेको आ बाक्तीक आ पर्वम मारइ ममिम्तम। मेकोपुकीम परमपरभु यावे आ सिं कली हिरशान मकावडम। ७ मेकोपुकीम पिंडी डा लाप्नोपुकी यो चोक्त्कम। बत्ती काप्ताकम। मेकोपुकीम इसराएली आन परमपरभु आ सिंम धूप चोचा नु चोशा चदेचा परोइत्कम। ८ मोपतीके परमपरभु यावे यहूदा नु यरूसलेम आस पर्वम गाइक्ताक्व। मिनु मेकोमी मेको आन कली आन रागी आ नेक्था डा मुर आन डांइती गरांगरा दिक्त्वा डा शुक्शी पचा डा नु तोक्चा पुंडसीब सेल्लु। मेको ग आंमा तशो बाक्नीनी। ९ मोपतीके ई आफ तरवारम क्योरशा साइक्चा पुंडसाकम। मिनु ई तमी तौ नु ई मीश ग्याइश्शा लाइक्चा पुंडसाकम। २ इतिहास २८:५-८ १० मिनु मुल गो परमपरभु यावे, इसराएली आन परमपरभु नु कबल पचा थुं पशो बाक्नुड। मोपा ई पर्वम गाइश्शा बेक्वा कां? ११ मोपतीके आं

तौपुकी, मुल देश मपने। मारदे हना गे परमपरभु यावे आ झंडती राप्शा आ गेय पचा कली नु मेको कली चढेचा कली योत्रसीशो बाक्नीनी” देमाक्त।

१२मिनु लेवीपुकी गेय पचा कली बोक्मा बाक्त। मेको सु सु बाक्मा बाक्त देशा हना, कोहाथी र अमासे आ ती माहाथ, अजारयाह आ ती योएल, मरारी र अब्दी आ ती कीश नु येहल्लेल आ ती अजारयाह, गरशानी र जिम्माह आ ती योआह नु योआह आ ती एदन, १३एली-जाफान र शिमरी नु येहुएल, आसाफ र जकरिया नु मत्तन्याह, १४हेमान र येहुएल नु शिमइ, येदुथून र शमायाह नु उज्जीएल, मेको लेवीपुकी बाक्मा बाक्त। १५मिनु मेकोपुकीम आन आन लोकब आन कली सुप्तमे बाक्त। मिनु मेकोपुकीम आंम कली परमपरभु यावे आ झंडती ठीक सेल्सीमा बाक्त। मिनु पिपम परमपरभु यावेमी देशो खोदंशो पा हुकुम पवा बाक्त। मिनु मेकोपुकीम परमपरभु यावे आ खिं ओत्रशा, गरांगरा दिशो मार मार गरुंडदमे बाक्त। १६मिनु चढेबपुकी परमपरभु यावे आ खिं ओत्रमा बाक्त। मोपा ओत्रशा, मेकर बाक्शो गरांगरा दिशो थोत्रक नेल्ल गरुंडशा लाडगाम तेलमे बाक्त। मिनु लेवीपुकीम मेको गुप्शा, किदरान खोल्साम लाइश्शा ताइक्तमे बाक्त। १७मेकोपुकीम झंडती डा महिना डा झंडती डा नाक्ती ठीक सेल्तीक गेय पचा गोत्रम बाक्त। मिनु ८ नाक्तीम मेकोपुकी पिंडी सम्म जाक्दीम्मा बाक्त। मिनु अर्को ८ नाक्ती नोले मेकोपुकीम परमपरभु यावे आ खिं नेल्ल ठीक सेल्शो बाक्मा बाक्त। मिनु मेकोपुकीम झंडती डा महिना डा १६ नाक्तीम मेको गेय थुम्मे बाक्त।

१८मेको नोले मेकोपुकी पिप हिज्कीयाह आ बाक्तीक लशा “गोपुकीम परमपरभु यावे शोब्ले लहर पा वोइक्तीक टेबल नु मेको आ मारइ मारइ ठीक सेल्ले थुम्तक। १९मिनु पिप आहाजम पिप पवा ना, परमपरभु यावे कली परांडशा, तिल्शा वोइश्शा थोत्रकपुकी नेल्ल ठीक सेल्शा, आन आन बाक्तीकमे वोइक्तक। मुल मेको परमपरभु यावे कली चढेतीक आ झंडती वोइश्शा बाक्नीम” देमा बाक्त।

२०मिनु पिप हिज्कीयाह सुनी कना बोक्शा, सहर डा ठेयब मुर आन कली पुक्पाइश्शा, परमपरभु यावे आ खिं ग्येत्य लमा बाक्त। २१मेकोपुकीम ७ ओटा ब्यफ, ७ ओटा सांड, ७

ओटा पाठा नु ७ ओटा बोका चाक्गमे बाक्त। मेको नेल्ले राज्य, परमपरभु यावे आ बाक्तीक नु यहूदा आ पाप आ परबम चढेचा कली बाक्मा बाक्त। मिनु पिपम मेको नेल्ल हारून आ चच युइ, चढेब आन कली परमपरभु यावे आ चढेतीकमे चढेचा, दे हुकुम पवा बाक्त।

२२मेकोपुकीम मेको ब्यफ आन कली क्योरमे बाक्त। मिनु चढेबपुकीम मेको आन हुश ताक्शा चढेतीकमे बरुइक्तमे बाक्त। मिनु मेकोपुकीम सांड आन कली क्योरमे बाक्त। मिनु मेको आन हुश ताक्शा चढेतीकमे बरुइक्तमे बाक्त। मिनु पाठा आन कली क्योरशा, मेको आन हुश ताक्शा चढेतीकमे बरुइक्तमे बाक्त। २३मिनु मेको नोले मेकोपुकीम पाप आ परबम चढेतीक बोका आन कली पिप नु मुर आन झंडती चाक्गमे बाक्त। मिनु पिप नु मुरपुकीम मेको आन तार आन आन गुइ वोदमे बाक्त। लेवी १६:१५-२२ २४मिनु चढेबपुकीम मेको बोका क्योरशा, आन हुश पाप आ परबम चढेतीकमे चढेमे बाक्त। इसराएली नेल्ल आन परबम पाप क्याम्तीक गेय पामे बाक्त। मारदे हना पिपम चोशा चढेतीक नु पाप आ परबम चढेतीक इसराएली नेल्ल आन परबम चढेचा माल्व, दे अरशो बाक्माक्त।

२५मिनु पिपम लेवी आन कली परमपरभु यावे आ खिंम बुफ्केल नु ठेयब नु आइक्च तार पाइश्शो ताप्तीक ताप्चा कली ठीक दुम्पाइक्मी बाक्त। मारदे हना झंडती दाऊदमे, परमपरभु यावे आ लोत्र ताइब, गाद नु नाथान र पा मोदंशो शंशो बाक्माक्त। १इतिहास २५:१ २६मिनु लेवीपुकीम दाऊद आ सेल्शो ताप्तीकपुकी नु चढेबपुकीम तुराही शंशा राम्मा बाक्त। २७मिनु हिज्कीयाहम चोशा चढेशो चढेतीकमे चढेचा माल्नीम, दे हुकुम पवा बाक्त। मिनु चोशा चढेतीकमे चढेचा गोत्रमेनु, परमपरभु यावे कली कुम्सो पामे बाक्त। तुराही नु इसराएल डा पिप दाऊदमी सेल्शो ताप्तीक मेको कुम्सो नु ताप्मे बाक्त। १इतिहास २३:५ २८मिनु सुम्सीशो मुर नेल्ले बाप्शा, परमपरभु यावे कली ठेयब सेल्मे बाक्त। कुम्सो पाइबपुकीम कुम्सो पामे बाक्त। मिनु तुराही ताप्बपुकीम तुराही ताप्मे बाक्त। चोशा चढेतीक मनुम्म सम्म मोदंशो पामे बाक्त। २९मिनु चढेशो नुम नोले पिप नु मेकर बाक्ब नेल्लेमी बाप्शा ठेयब सेल्मे बाक्त। ३०मिनु पिप हिज्कीयाह नु मेको आ सरकार डा ठेयब मुरपुकीम लेवी आन कली दाऊद नु परमपरभु यावे आ लोत्र पाइब आसाफ

आ बरेकशो कुम्सो पा परमपरभु यावे कली ठेयब सल्पदमे बाक्त। मोपा मेकोपुकीम थाम्पा ग्यरसीशा परमपरभु यावे आ डांडती बाप्शा ठेयब सल्मे बाक्त। २इतिहास २३ :१६

३१मिनु हिज्कीयाहम “मुल ग आंमा परमपरभु यावे कली जिम्मा गेसाकनी। गेपुकीम चढ्दतीक नु गे रिम्शो पाइब बाकनीनी” दे चढ्दतीक चाकशा परमपरभु यावे आ खिम जाकनीन” देमाक्त। मोपतीक सुम्सीशा मुरपुकीम चढ्दतीक नु “गे रिम्शो पाइब बाकनीनी” दे चढ्दतीक कुरशा जाकमा बाक्त। मिनु सुइमी ग्यरसीशा चोशा चढ्दतीक चाकचा दाक्ताकम हना, मेको पामे बाक्त। ३२मिनु मेको सुम्सीशा मुरपुकीम चाकशा चोशा चढ्दतीक हिक्शानु, ७० ओटा व्यफ, सहे का सांड नु सहे निक्शो पाटा बाकमा बाक्त। मिनु मेको नेल्ल परमपरभु यावे कली चोशा चढ्दचा कली बाकमा बाक्त। ३३मिनु परमपरभु यावे कली चढ्दचा कली गेशो ६ सह व्यफ नु हजार सां भेडा बाकमा बाक्त। ३४तन्न चढ्दबपुकी इक्का ला बाक्तीक मेको चोशा चढ्दशा नेल्ल आन कुशल उक्ने मचापमे बाक्त। मोपतीक मेको आन लोकब लेवीपुकीम मेको गेय नेल्ल मनुम्म सम्म नु अरु चढ्दबपुकीम आंम कली परमपरभु यावे आ डांडती ठीक मसल्मे सम्म वारच पामे बाक्त। मारदे हना आंम कली परमपरभु यावे आ डांडती ठीक सल्त्वामी चढ्दब आन क्येडा लेवीपुकी थम होस पाइक्वाकमा बाक्त। २इतिहास ३ :३,१६,१७ ३५ चोशा चढ्दतीक नेल्ल नु दुशा बाक्चा आ पर्वम चढ्दशा आ बांसा नु चोशा चढ्दशा कली तूचा थोत्रक चढ्दतीक शुश बाकमा बाक्त। मोपा परमपरभु यावे आ खिम डा पतीक गेय डांडती डा खोदंशा पा रिम्शो दुम्माक्त। लेवी ३ :१६ ; गन्ती १५ :४-१० ३६मिनु हिज्कीयाह नु मुर नेल्ल थाम्पा ग्यरसमा बाक्त। मारदे हना परमपरभुम आ मुर आन कली पशो रीब पा छ्क लाक्चा डा पा दुम्माक्त।

पास्सा चाड मानेशो

३० १मिनु हिज्कीयाहम इसराएली नु यहूदा डा मुर आन कली “यरूसलेमम बाक्शो परमपरभु यावे आ खिम परमपरभु यावे, इसराएली आन परमपरभु कली पास्सा चाड मानथ जाक्कीन” दे बरेत्ता बाक्त। मिनु मेकोमी एफराइम नु मनस्से डा मुर आन कली यो चिठी बरेकशा बरेत्ता बाक्त। २इतिहास ३५ :१ २मिनु पिप, आ सरकार डा

ठेयब मुर नु यरूसलेमम सुम्सीशा मुर नेल्लेम निक्शो महिनाम पास्सा चाड मानचा कली लोत्र गारपदमे बाक्त। ३मेकोपुकीम डांडती परमपरभुम देशो खोदंशा पा मानेन मचाप्शो बाक्मा बाक्त। मारदे हना शुश चढ्दबपुकीम आंम कली परमपरभु यावे आ डांडती ठीक मसल्सीशा बाक्मा बाक्त। मिनु मुरपुकी यो यरूसलेमम मदल्शो बाक्मा बाक्त। ४मिनु पिप नु सुम्सीशा मुर नेल्लमी मेको चाड मानतीक लोत्र आ पर्वम “ठीक बाक्ब” देमा बाक्त। ५मिनु मेकोपुकीम दक्खिन डा बेयर-शेबा र उत्तर डा दान सम्म डा इसराएली नेल्ल आन कली परमपरभु यावे, इसराएली आन परमपरभु आ पर्वम पास्सा चाड मानचा कली यरूसलेमम जाक्चा माल्मा बाक्त। एको क्येडा डांडती इक्का मुर दुम्शा, एको चाड ममानेशो बाक्मा बाक्त। ६मिनु पिप नु आ सरकार डा ठेयब मुरम बरेकशो चिठी चोक्ब मुरपुकी पिप आ देशो खोदंशा पा यहूदा नु इसराएलम लमा बाक्त। मिनु मेको चिठीम मार बरेकशो बाक्माक्त देशो हना “इसराएली परमपरभु यावे, इन किकी पिपी अबराहाम, इसहाक नु इसराएल आन परमपरभु गे लेतीन। मना मेकोमी अस्सुर डा पिपम मलाइशो लीशो मुर आन कली लेशा कोत्रब। इसराएल याक्ब आ नें बाक्ब। ७गेपुकी इन किकी पिपी नु आंम मुर खोदंशा मदुमीन। मेकोपुकीम परमपरभु यावे, इन किकी पिपी आन परमपरभु कली प्राइतकम। मोपतीक परमपरभु यावमी मेको आन कली खतम सला बाक्त। मेको आंमा तशो बाक्नीनी। ८गेपुकी इन किकी पिपी खोदंशा पा काइ मटीब मदुमीन। तन्न परमपरभु यावे कली आ अरेशो टिशो, आ बाक्तीकम जाक्कीन। मिनु मेको गेना हना यो आं बाक्तीकम बाक्ब” देशो बाक्ब। गे परमपरभु यावे कली गेय पने। मोपा इन पर्वम आ गाइशो बेक्वा, को ? ९गे परमपरभु यावे गे लेतीनी हना, ग्याइशो लाइक्चा पुंडसीशो इन खिम खिम डा मुर नु इन आलपुकीम ग्याइक्ब मुर रे शिशो तशा, मेकोपुकी एको रागीम लेशशा जाक्नीम। मारदे हना परमपरभु यावे, इन परमपरभु दाक्ब नु शिशो पाइब बाक्ब। गेपुकी मेको गे लेतीनी हना, मेको यो इन गे लेत्र” दे बरेकशो बाक्माक्त।

१०मिनु मेको चिठी चोक्बपुकी एफराइम नु मनस्से आस सहर सहर नेल्ल हिरशा जबूलून सम्म जाक्दीम्मा बाक्त। तन्न मुरपुकीम मेको

आन कली रिश्शा शुक्शी पामे बाक्त । ११ मो हना यो आशर, मनस्स नु जबूलून डा मुर का निक्शी बरम्शो दुम्शा यरूसलेम लमा बाक्त । २ इतिहास ११ : १६ १२ परमपरभु यावेमी यहूदा डा मुर यो थुं का दुम्पदा बाक्त । मिनु मेकोपुकीमी पिप नु सरकार डा ठेयब मुर आन कली दंशो, परमपरभु यावे आ लोत्र खोदंशो पा पामे बाक्त ।

१३ मिनु शुश मुर महिना निक्शीम बोरब ओस्ती मसुप्शो शोब्ले डा चाड मानचा कली यरूसलेमम जाक्मा बाक्त । मेकर शुश मुर सुम्सीशो बाक्मा बाक्त । १४ मिनु मेकोपुकीम यरूसलेम आ एर ओथ बाक्शो चद्वतीकपुकी नु धूप चोतीक परेशा, किदरान खोल्साम लाइश्शा ताइक्तमे बाक्त । १५ मिनु मेकोपुकीम महिना निक्शी डा १४ नाक्ती पास्सा चाड मानेतीक पाठा क्योरमे बाक्त । मिनु चद्वेब नु लेवी परमपरभु यावे आ डांडती आंम कली ठीक मसल्तीके मुन दोक्शो बाक्मा बाक्त । मिनु मुल आंम कली ठीक सेल्शा, परमपरभु यावे आ खिम चोशा चद्वतीक चद्वेम बाक्त । गन्ती १ : १०-१३ १६ परमपरभु आ मुर मोसा आ बरक्शो अरशो लोत्र खोदंशो पा मेको आन गेय पतीकेम बाक्मा बाक्त । मिनु लेवीपुकीम चाक्शो हुश चद्वेबपुकीम ताक्शा बरुइक्तमे बाक्त । १७ तन्न मेको शुश सुम्सीशो मुर परमपरभु यावे आ डांडती आंम कली ठीक सेल्ले मचाप्शो बाक्मा बाक्त । मोपतीक लेवीपुकीमी मेको मुर आन पर्वम आन पास्सा चाड डा पाठा क्योरचा माल्मा बाक्त । १८ मिनु एफराइम, मनस्स, इस्साकार नु जबूलून रागी र जाक्शो शुश मुरपुकी परमपरभु यावे आ डांडती आंम कली ठीक मसल्तीशो बाक्मा बाक्त । मो हना यो मेकोपुकीम परमपरभु यावे अरशो मपथु, पास्सा चाड मानेमे बाक्त ।

परस्थान १२ :- १९ तन्न हिज्कीयाहम मेको आन पर्वम “परमपरभु यावे गे शिशो पाइब बाक्नीनी । सु सुमी आन थुं नेल्लेमी इन कली, परमपरभु यावे, आन किकी पिपी आन परमपरभु खोइक्चा दाक्वा नु इन दंशो खोदंशो पा आंम कली ठीक सेल्ले मचाप्शो बाक्मा, मेको आन कली मारइ मपन” दे पुना बाक्त । २० मिनु परमपरभु यावेम हिज्कीयाह आ पुंडशो लोत्र नेना बाक्त । मिनु मुर आन कली सापाइक्मी बाक्त । २ इतिहास ७ : १४ २१ मिनु यरूसलेमम जाक्ब इसराएली नेल्लेमी ७ नाक्त सम्म थाम्पा ग्यरसीशा बोरब ओस्ती मसुप्शो शोब्ले डा चाड मानेमे

बाक्त । मिनु लेवी नु चद्वेबपुकीम ठेयब सेंदाम कुम्सो पा, तापतीक ताप्शा, नाक्त कित कित परमपरभु यावे कली ठेयब सेल्लेमे बाक्त । २२ मिनु हिज्कीयाहम परमपरभु यावे आ गेय रिम्शो पस जोक्ब लेवी आन कली लोत्र पा आन थुं बारपाइक्मी बाक्त । मिनु मुरपुकीम मेको चाड डा जचा थोत्रक ७ नाक्ती सम्म जना जन बाक्मा बाक्त । मेकोपुकीम दुशा बाक्चा आ पर्वम चद्वतीक चद्वेशा, परमपरभु यावे, आन किकी पिपी आन परमपरभु कली “गे रिम्शो पाइब बाक्नीनी” दे ग्यरसीशा बाक्मा बाक्त ।

२३ मिनु सुम्सीशो मुर नेल्लेमी अर्का ७ नाक्त सम्म चाड मानचा कली लोत्र गारपदमे बाक्त । मोपतीक मेकोपुकीम अर्का ७ नाक्ती सम्म यो ग्यरशा मेको चाड मानेमे बाक्त । २४ यहूदा डा पिप हिज्कीयाहम मेको सुम्सीशो मुर आन कली हजार का ब्यफ नु ७ हजार मेडा चद्वेचा कली गेमी बाक्त । मिनु सरकार डा ठेयब मुरपुकीम मेको सुम्सीशो मुर आन कली हजार का ब्यफ नु १० हजार मेडा गेमी बाक्त । शुश चद्वेबपुकीम यो आंम कली परमपरभु यावे आ डांडती ठीक सेल्लेमी बाक्त । २५ मिनु यहूदा डा सुम्सीशो मुर नेल्ले, चद्वेब नु लेवीपुकी नेल्ले, इसराएल र जाक्शो मुरपुकी नु इसराएल र परोक्शो यहूदाम बाक्ब मुर नेल्ले ग्यरसीशो बाक्मा बाक्त । २६ मोपा यरूसलेमम थम ठेयब ग्यरसीतीक दुम्माक्त । मेको मोदंशो इसराएल डा पिप दाऊद आ तौ सोलोमन आ पाला र गनायो मदुम्शो बाक्माक्त । २७ मिनु चद्वेबपुकी नु लेवीपुकी बाक्शा मुर आन कली आसीक गेम बाक्त । मेको आन पुइशो लोत्र परमपरभु यावे आ बाक्तीक स्वर्ग सम्म नसे बाक्त ।

मुरपुकीम थान परेशो

३१ मिनु मेको नेल्ले नुप्शा नोले यरूसलेम जाक्शो इसराएली नेल्ले यहूदा डा सहरपुकीम लशा, पूजा पतीक स्खशो फुल्लु परेल्म बाक्त । मूर्ति पाइश्शो थाम सोल्म बाक्त । यहूदा, बेन्यामीन, एफराइम नु मनस्से रागी नेल्ले डा डांडा डा थान बुल बाल उइश्शा ताइक्तमे बाक्त । मिनु नोले इसराएली आन आन सहर नु आन आन बाक्तीकेम लेम्मा बाक्त । २ इतिहास २९ :-; ब्यवस्था ७ : २ ; राजा १८ : ४

### चद्वेब आन भाग

२ पिप हिज्कीयाहमी चद्वेब नु लेवी आन कली आन गेय गना पचा दे पालो पालो पा वोइक्पदा बाक्त। मिनु चद्वेब नु लेवी आन कली परमपरभु यावे कली चोशा चद्वेतीक चद्वेचा नु दुशा बाक्चा आ पर्वम चद्वेचा, परमपरभु यावे कली “गे रिम्शो पाइब बाक्नीनी” दे कुम्सा पा, ठेयब सल्लीक कुम्सा नु परमपरभु यावे आ बाक्तीक डा लाप्नो आ डांइती गेय पचा कली आन पालो योक्शा गेशो बाक्त। ३ मिनु पिपम आ गांठ रे चोशा चद्वेचा कली मार गेशो बाक्माक्त दंशा हना, नाक्दो डा चोशा चद्वेतीक, सुनी डा चोशा चद्वेतीक, नाइक्तीक नाक्त डा चोशा चद्वेतीक, ओसी डा चोशा चद्वेतीक नु दंशा चाड नेल्ल कली चोशा चद्वेतीक गेशो बाक्माक्त। परमपरभु यावे आ अरेशो लोत्र दोपा बरक्शो बाक्मे, मोपा पवा बाक्त। गन्ती २८ :- ४ मिनु चद्वेब नु लेवीपुकीम परमपरभु यावे आ अरेशो लोत्र डा गेय पस डा पस बाक्मल, दे पिपम यरूसलेमम बाक्ब मुर आन कली मेको आन गेचा माल्शो भाग चद्वेब नु लेवी आन कली गेचा माल्नीम, दे हुकुम पवा बाक्त। ५ मिनु मुरपुकीम पिप आ हुकुम नन्म चोटीन आन नेल्ल क्यडा डांइती डा मीशो नु सिशो अन्न, नक अड्युर शांबु, तेल, सुदो नु आन रूम सिशो मार मार शुश चाक्शा गेम बाक्त। मेकोपुकीम आन मारइ मारइ क १० भागम भाग का चाक्गम बाक्त। परस्थान २३ :१९ ; व्यवस्था १४ :२२-२३ ६ मिनु इस्राएल नु यहूदा डा सहरपुकीम बाक्ब मुरपुकीम यो आन १० भाग डा भाग का बी व्यफ नु क्यारश भडा चाक्गम बाक्त। परमपरभु यावे, आन परमपरभु कली गेशो थोत्रकर रे १० भाग डा भाग का चाक्शा तेल्म बाक्त। लेवी २७ :३२ ७ मेकोपुकीम बर्स डा महिना सामी चाक्शा तेल्वा गोत्रम बाक्त। मिनु ७ महिनाम चाक्ने थुम्मे बाक्त। ८ मिनु हिज्कीयाह नु मेको आ सरकार डा ठेयब मुर जाक्शा, मेको तेल्शो थोत्रक तशा, परमपरभु यावे नु आ मुर इसराएली आन कली “गे रिम्शा पाइब बाक्नीनी” देमा बाक्त। ९ मिनु हिज्कीयाहमी मेको तेल्शो थोत्रक आन पर्वम चद्वेब नु लेवी आन कली हिल्लो हिक्सी पामी बाक्त। १० मिनु सादोक आ सिं डा मुर, ठेयब चद्वेब अजारयाहम “मुरपुकीम परमपरभु यावे आ सिं कली आन भाग चाक्गम रे आंइ कली जचा गाप्त। मिनु शुश मार मार हंशो यो बाक्ब। मारदे हना परमपरभु यावेम आ मुर

आन कली शुश आसीक गेशो बाक्ब। मिनु एको इशका मार मार हंशो यो बाक्ब” देमाक्त।

११ मिनु नाले हिज्कीयाहमी “परमपरभु यावे आ सिंमी मार मार वोइक्तीक कोठापुकी सलीन” दे हुकुम पवा बाक्त। मिनु मेको सल्म बाक्त। १२ मिनु मुर नेल्लेमी जौल मपथु, आन १० भाग डा भाग का नु परमपरभु कली गेशो नेल्ल चाक्गम बाक्त। मेको १० भाग डा भाग का ताक्शा कोत्रब ठेयब लेवी कोनन्याह बाक्माक्त। मिनु मेको आ लोक्ब शिमइ चहिं मेको आ दी डा ठेयब मुर बाक्माक्त। १३ मिनु पिप हिज्कीयाह नु परमपरभु आ सिं डा ठेयब मुर अजारयाहमी कोनन्याह नु आ लोक्ब शिमइ आस कली वारच पाइब यहीएल, अज्जीयाह, नाहाथ, आसाहेल, येरीमोथ, योजाबाद, एलीएल, इस्माक्याह, माहाथ नु बेनायाह आन कली योत्रशा वोइक्पदस बाक्त। १४ मिनु इम्नाह आ तौ कोर पूर्व डा लाप्नो खाल पाइब लेवी बाक्माक्त। मेकोमी मुर आन परमपरभु कली ग्यरशा चद्वेतीक गेशो मारइ मारइ कोत्रब बाक्माक्त। मिनु चद्वेशो, चाक्शो मारइ मारइ परमपरभु यावे कली नु सु सु कली योक्चा माल्बा, मेको नेल्ल कोत्रब बाक्माक्त। १५ मिनु कोर कली चद्वेब आन सहरम वारच पाइब एदन, मीन्यामीन, येशुआ, शमायाह, अमारयाह नु शकन्याह बाक्मा बाक्त। मेकोपुकीम पालो पालो पा गेय पाइब चद्वेब खाल्पा नु ठिट्टा नेल्ल आन कली खाल का डा पा थमा पा जौल मपथु, योक्तीक गेय पाम बाक्त। १६ मोपतीक सु सु आन भाग गेचा पुंइसीब बाक्मा, परमपरभु यावे आ सिं डा गेय पाइब परमपरभु यावे आ लोत्र खांदेशो पालो पालो पा आन नं बरक्तीक कागजम बरक्शो बाक्मा बाक्त। बर्स सां लाक्शो वांइश आल आन नं बरक्शो बाक्माक्त। १७ मेको चद्वेब आन सिं सिं कोत्रशा, बरक्सीशो बाक्मा बाक्त। लेवीपुकी २० बर्स लाक्शो, आन पचा डा गेय नु पालो कोत्रशा बरक्शो बाक्मा बाक्त। १८ चद्वेब, आन आइक्च आल, आन मीश, आन तमी तौ नेल्ल आन नं बरक्शो बाक्माक्त। मारदे हना मेकोपुकीम “परमपरभु यावे आ गेय ला पाइनीकी” दे थुं पशो बाक्मा बाक्त। १९ मिनु हारून आ तौ डा चद्वेब वांइश मुरपुकी सहर आन नेक्था डा योक्तीकम बाक्शो, चद्वेब आन दातेमी सु सु वांइश मुर आन नं बरक्शो बाक्मा, मेको आन भाग गेचा पुंइसमा बाक्त। मिनु चद्वेब नु

लेवी आन दातेमी सु सु आन नें बरकशो बाक्मा, मको गेचा पुंडसमा बाक्त।

२० मिनू हिज्कीयाहम यहूदा नल्लेमी मोदंशो पवा बाक्त। मकोमी परमपरभु यावे, आ परमपरभु आ डांडती मार रिम्शो, मार ठीक नु थमा सुइक्चा पुंडसीशो बाक्म, मको पवा बाक्त। २१ मकोमी परमपरभु यावे आ खिं डा गेय पतीके, परमपरभु यावे आ अरंशो लोत्र नु आ शंशो तुइक्तीकेमी आ परमपरभु कली आ थुं नल्लेमी मला बाक्त। मिनू आ पशो नल्लेमी रिम्शो दुम्माक्त। भजन संग्रह १:३

सन्हेरीबम लडाइ पशो

२ राजा १८:१३-१९,३७;

यसेया ३६:३; यसेया ३७:३-

३२ १ मिनू हिज्कीयाहम मेको रिम्शो गेय नल्ले पने थुमा नोले, अस्सुर डा पिप सन्हेरीब यहूदा आत्रशा “यहूदा डा बोल्यो सहरपुकी आंम के सल्लुड” दे मिम्शा, मेको सहरपुकी आ नेक्था ताम्बु कीडा बाक्त। २ मिनू हिज्कीयाहमी सन्हेरीब जाक्शा, यरूसलेम कली लडाइ तोचा चिक्शा तवा चोटिन ३ मेकोमी सहर डा लाडगा डा ब्वाक्कु बुक्तीके तेक्चा, दे सरकार डा ठेयब मुर नु कप्तानपुकी नु सल्ला पवा बाक्त। मिनू मकोपुकीमी पिप कली वारच पामे बाक्त। ४ मकोपुकीम शुश मुर सुप्शा, आन रागी रे ब्वाक्कु बुक्तीक नु खोल्सा नल्ले तेक्गमे बाक्त। मिनू मकोपुकीम “अस्सुर डा पिपपुकी एक जाक्शा, शुश ब्वाक्कु तूचा मतामेक्ले” देमा बाक्त। ५ मिनू हिज्कीयाहम शुश बोल पा सहर डा बरंशो गारो नल्ले सल्लपदा बाक्त। मिनू आ तार लाइशो सिंपुकी सल्लपदा बाक्त। मिनू मकोमी गारो डा लाडगा गे अर्का गारो सल्लपदा बाक्त। मिनू दाऊद आ सहर डा गारो तिक्चा कली खप सल्लपदा बाक्त। मिनू मेकोमी शुश या नु तेक्तीक यो सल्लपदा बाक्त। २ इतिहास २५:२३; ६ मेकोमी लडाइ पाइब आन कप्तान योत्रशा, मेको आन कली सहर डा ठेयब लाप्चो आ डांडती डा दिममी पुक्शा, मेको आन कली आन थुं बारपाइशो ७ “बोल्यो नु महिंब दुमीन। अस्सुर डा पिप नु मेको आ चाक्शा शुश मुर तशा, महिनीन। मारदे हना मेकोपुकी नु बाक्शा वयेडा गोपुकी नु बाक्शा का थम ठेयब बाक्ब। ८ मेको नु शुश मुर ला बाक्नीम। तन्न गोपुकी नु परमपरभु यावे, इं परमपरभु बाक्ब। मेकोमी इं कली वारच पा इं पा डा लडाइ पाइब” दे

यहूदा डा पिप हिज्कीयाहमी मुर आन थुं बारपदा बाक्त। यरमीया १७:५-६

१ मेको नोले अस्सुर डा पिप सन्हेरीबम आ लडाइ पाइब लाकीशम बाक्मानु, यहूदा डा पिप हिज्कीयाह नु यरूसलेम डा मुर नल्ले आन कली लोत्र नंपाइक्चा कली मुरपुकी सोइक्ता बाक्त। १० मिनू मकोपुकीम “अस्सुर डा पिप सन्हेरीबम मार लोत्र पाइब देशा हना, गे एर आंथ रे पुम्शो यरूसलेम सहरम दोपा बरोइने चाप्नीनी, दे सु कली थमा सुइक्नीनी? ११ पिप हिज्कीयाहमी “परमपरभु यावे, इं परमपरभु कली अस्सुर डा पिप आ गुइ रे परांइब, दे जोल मपवा? तन्न मेकोमी इन बाक्तीकेमीन अन्काल नु ब्वाक्कु तूत दाक्पाइशो, इन कली बेक्पाइक्चा कली मोदंशो लोत्र पशो बाक्ब। १२ मार, मेको हिज्कीयाहमी डांडा डा थान नु आ चदेतीक बुल बाल एशो खतम मपोक्पदा? मिनू यहूदा नु यरूसलेम डा मुर नल्ले आन कली, चदेतीक काम पूजा पा नु मेकर ला चदेचा’ मदेम डा? १३ गो नु आं किकी पिपीम अर्का रागी जात जात डा मुर आन कली मार पाइक्का, मेको गोपुकीम मतुइशो बाक्नीनी डा? मार, मेको रागी रागी डा मुर आन देवताम मेको रागी आन कली आं गुइ रे परांइने चाप्मे डा? १४ आं किकी पिपीम खतम पोक्शो रागी रागी डा मुर आन देवता आन दाते डा तेको देवताम आं गुइ रे आ मुर आन कली परांइने चबा डा? मिनू दोपा इन परमपरभुमी इन कली आं गुइ रे परांइने चाप्वा? १५ मोपतीक हिज्कीयाहम इन कली जोल पा दूती लो खोइक्पाइक्चा मगेन। मेको कली थमा मसुतीन। मिनू तेकोइ देवतापुकीम आन रागी नु राज्य डा मुर आन कली आं किकी पिपी नु आं गुइ रे परांइने मचाप्शो बाक्तेक्म हना, इन परमपरभुमी इन कली आं गुइ रे दोपा परांइने चाप्वा डा? देशो बाक्ब मतीन” देमाक्त।

१६ मिनू सन्हेरीब आ गेय पाइबपुकीमी परमपरभु यावे नु मेको आ गेय पाइब हिज्कीयाह आ पर्वम चिनु मरिम्शो लोत्र तेम्शा, लोत्र पामे बाक्त। १७ पिप सन्हेरीबम परमपरभु यावे, इसराएली आन परमपरभु कली यो तोक्शा लोत्र पा चिठी बरकशो बाक्माक्त। मिनू मेको चिठीम मार बरकशो बाक्माक्त देशा हना “दोपा अर्का रागी रागी डा मुर आन देवतापुकीम आन मुर आन कली आं गुइ रे परांइने मचाप्मे, मोपा हिज्कीयाह आ परमपरभुमी यो आ मुर आन कली आं गुइ रे परांइने मचाप्ब” दे बरकशो

बाक्माक्त। १८ मिनू मेकोपुकीम सहर आन के सेल्वा कली यरूसलेम डा गारो तार राख्ब मुर आन कली हिंच कांडचा कली ठेयब संदा पा यहूदी आन लोत्रमी मेको चिठीम बरक्शो लोत्र पा ग्रीमा बाक्त। १९ मेकोपुकीम मुर आन गुडम सेल्वा रागी डा देवता आन कली खांदेशो पा यरूसलेम डा परमपरभु कली तोक्शा लोत्र पाम बाक्त।

सन्हेरीब कली मुने दोक्पाइश्शो

२० मेना पिप हिज्कीयाह नु आमोज आ तौ परमपरभु यावे आ लोत्र पाइब यसेयाम परमपरभु कली ठेयब संदा पा पुन्से बाक्त। २१ मिनू परमपरभु यावेम आ स्वर्ग डा गेय पाइब का अस्सुर डा पिप आ बाक्तीकेम सोइश्शा, आ बोल्यो लडाइ पाइबपुकी, आ कप्तानपुकी नु आ ठेयब मुरपुकी नेल्ल साइकपादा बाक्त। मिनू सन्हेरीब मुने दोक्शा आ रागी लेम्माक्त। मिनू मेको आ देवता थान ओत्रमेनु, आ तौ का निक्शीमी तरवारम क्योरशा सदमे बाक्त। २२ मोपा परमपरभु यावेम हिज्कीयाह नु यरूसलेमम बाक्ब मुर आन कली अस्सुर डा पिप सन्हेरीब नु मेको आन जोरी सतरु नेल्ल आन गुड रे पुराना बाक्त। परमपरभु यावेमी मेको रागी कली नाइक्चा गेवा बाक्त। २३ मिनू शुश मुरपुकीम यरूसलेमम परमपरभु यावे कली मार मार चाक्गम बाक्त। मिनू यहूदा डा पिप हिज्कीयाह कली शुश शांप चाक्गम बाक्त। मोपा रागी रागी डा मुर नेल्लेमी मेको कली मान पाम बाक्त।

हिज्कीयाह रोइ पशो

२ राजा २० :-; यसैया ३८ :-; यसैया ३९ :-

२४ मिनू नोले हिज्कीयाह शुश रोइ पा बेक्चा चिक्ता बाक्त। मिनू मेकोमी परमपरभु यावे कली पुना बाक्त। मिनू परमपरभु यावेमी मेको कली लोत्र लेश्शा, चिन्ड का गेवा बाक्त। २५ तन्न हिज्कीयाहमी परमपरभु यावेमी मेको कली रिम्शो पशोमी “गे रिम्शो पाइब बाक्नीनी” मदेशु ठेयब लेश्शा दुम्माक्त। मोपतीक परमपरभु यहूदा नु यरूसलेम आ पर्वम गाइक्ता बाक्त। २६ मिनू हिज्कीयाह नु यरूसलेम डा मुर नेल्लेम बरम्शो सेल्सीम बाक्त। मोपतीक परमपरभु यावे हिज्कीयाह आ पालाम मेकोपुकी नु मगाइक्ता बाक्त।

हिज्कीयाह आ नोले डा नाक्ती

२७ हिज्कीयाह शुश शांप पाइश्शो नु मान ताइब मुर दुम्शो बाक्माक्त। मेकोमी आ सुन चांदी, हीरापुकी, मस्लापुकी तक्तीकपुकी नु अरु मार मार शुश क्यट लाइब वोइक्तीक सिंपुकी सेला बाक्त। २८ शुश अन्न, नक अङ्गुर शांबु नु तेल वोइक्तीक सिंपुकी सेला बाक्त। मिनू शुश बी ब्यफ नु क्यारश भंडा आन कली ठेयब गोठपुकी सेला बाक्त। २९ मेकोमी आम कली सहरपुकी सेला बाक्त। मेको के बी ब्यफ नु क्यारश भंडा शुश बाक्मा बाक्त। मारदे हना परमपरभुम मेको कली थमा पा शुश शांप गेशो बाक्माक्त। ३० मेको हिज्कीयाहमी गिहोन आ आइक्था डा बुक्शो ब्याक्कु तक्शा उइ दाऊद आ सहर आ पच्छिम गे शाइक्पाइश्शो बाक्माक्त। मेको आ पशो गेय नेल्ले रिम्शो दुम्शो, सोशो बोशो दुम्माक्त। ३१ मिनू बेबीलोन डा सरकार डा ठेयब मुर आन सोइश्शा मुर मेको रागीम तांडसीशो छक लाक्चा चिन्ड आ पर्वम हिल्लो पथ जाक्मा बाक्त। तन्न परमपरभुम हिज्कीयाह कली नाक्शा कोत्रचा कली नु मेको आ थुंम बाक्शो मार बाक्बा, दे तुइक्चा कली वारच मपवा बाक्त।।

हिज्कीयाह बेक्शो

३२ हिज्कीयाह आ नोले डा गेय नु आ रिम्शो पशो आमोज आ तौ परमपरभु यावे आ लोत्र ताइब यसेया आ यहूदा डा पिप आन किताबम बरक्शो बाक्ब। ३३ मिनू हिज्कीयाह बेक्माक्त। मिनू मुरपुकीम मेको कली दाऊद आ चच युइ आन कली थिम्तीक देम्सीलो मर थिम्म बाक्त। मिनू मेको बेक्मेनु, यहूदा नु यरूसलेम डा मुर नेल्लेमी मान पाम बाक्त। मिनू मेको आ नोल आ तौ मनस्से पिप दुम्माक्त। २ इतिहास १६ :१४

यहूदा डा पिप मनस्से

२ राजा २१ :१-१८

३३ १ मनस्से पिप दुम्मेनु, १२ बर्स दुम्शो बाक्माक्त। मेकोमी यरूसलेमम ५५ बर्स सासन पवा बाक्त। २ मेको परमपरभु यावेम इसराएली आन डांडती रे खरेशो रागी रागी डा मुर आन गुरांगरा दिशो लाम गाक्माक्त। मिनू परमपरभु यावे आ डांडती मार मरिम्शो बाक्म, मेको पवा बाक्त। ब्यवस्था १८ :९ ३ मेकोमी

आ आफ हिज्कीयाहम खतम पोक्शो डांडा डा थान लेंशा सेला बाक्त । मिनु मेकोमी बाल देवता आन कली चढतीक सेला बाक्त । मेकोमी मूर्ति पाइश्शो थाम यो सेला बाक्त । मेकोमी सरीङ्ङ डा सोरुल आन कली पूजा पा बाप्शा, संज पवा बाक्त । २राजा १८ :४ ४ मेकोमी परमपरभु यावे आ खिम चढतीकपुकी सेला बाक्त । मेको खिम आ पर्वम परमपरभु यावेम “यरूसलेमम आं नें गेना हना यो लीब” देशो बाक्माक्त । व्यवस्था १२ :२, ११ :१ राजा ९ :३ ५ मेकोमी सरीङ्ङ डा सोरुल आन कली परमपरभु यावे आ खिम डा लाङ्गा निम्फाम चढतीक सेला बाक्त । ६ मेकोमी आ तौ कली बेन-हिन्नोम आ बेंसीम चोशा चढेवा बाक्त । मन्तर तन्तर, टुना मुना पा नु लिंक्यु कोवडा बाक्त । मेकोमी टुना मुना पा नु बेक्शो मुर नु लोव्र पवा बाक्त । मिनु जादू कली गेय पपवा बाक्त । मोपा परमपरभु यावे आ डांडती थम मरिम्शो पवा बाक्त । मिनु मेको कली गाइक्पदा बाक्त । २इतिहास २८ :३ ; लेवी २० :६ ७ मेकोमी मुपाइश्शो मूर्ति परमपरभु आ खिम वोइक्पदा बाक्त । मेको खिम आ पर्वम परमपरभुम दाऊद नु आ तौ सोलोमन आस कली “गो इसराएल डा थर नेल्ल आन दाते र यरूसलेम कली योव्रता । मिनु यरूसलेमम बाक्शो एको खिम गेना हना यो आं नें वोइक्नुङ्ङ । ८ मेकोपुकीम मोसामी गेशो आं शंशो अरेशो लोव्र नेल्ल पशा, फुल्लुम मुशा बरक्शो लोव्र नु निसाफ पतीक लोव्र होस पा रिम्शो पा पाम्तकम हना, गो आन किर्की पिपी आन कली गेशो इसराएल रागी र इसराएली आन कली मगरुंडनुडमी” देशो बाक्माक्त । ९ मनस्सम यहूदा नु यरूसलेम डा मुर आन कली थम दूली लां खोइक्पाइश्शो बाक्माक्त । परमपरभु यावेमी इसराएली आन डांडती खतम पोक्शो रागी रागी डा मुर आन क्येडा यो शुश मरिम्शो पपाइश्शो बाक्माक्त ।

१० परमपरभु यावेम मनस्स नु आ मुर आन कली लोव्र पवा बाक्त । तन्न मेकोपुकी मबिस्समा बाक्त । ११ मोपतीके परमपरभु यावेम मेकोपुकी नु लडाइ पपाइक्चा कली अस्सुर डा पिप आ लडाइ पाइब आन कप्तान आन कली चाक्मी बाक्त । मिनु मेकोपुकीम मनस्स कली ग्याइश्शा मेको आ शोव्रम बोल्सी ब्येक्तम बाक्त । मिनु मेको कली कांसा के साडलोम पाइश्शा बेबीलोन लदम बाक्त । १२ मिनु मेको

मोपा श्येत जवानु, परमपरभु यावे, आ परमपरभु आ शिशो मला बाक्त । मिनु आ किर्की पिपी आन परमपरभु आ डांडती आ थुं बरेम्पदा बाक्त । १३ मिनु मेकोमी परमपरभु कली पुना बाक्त । मिनु परमपरभुम मेको आ पुंडशो नंशा, लेंशा यरूसलेमम चाक्शा बाक्त । मिनु लेंशा मेकर डा पिप सेला बाक्त । मिनु मोपा मनस्सम परमपरभु यावे, थमा परमपरभु बाक्ब, दे तुइक्ता बाक्त । १४ राजा १८ :३९

१४ मिनु मेको लेश्शा नोले दाऊद आ सहर डा लाङ्गाम अर्का गारो गिहान आ पच्छिम गो सेला बाक्त । मेको आफल हिश्शा, डांड लाप्चो सम्म सेला बाक्त । मेकोमी मेको गारो शुश दुइश्शो सेला बाक्त । मिनु मेकोमी यहूदा डा बोल्यो सहर नेल्लेमी कप्तानपुकी वोइक्पदा बाक्त । २इतिहास २७ :३ १५ मेकोमी अर्का रागी डा देवतापुकी नु मुशा सेल्शो मूर्ति परमपरभु यावे आ खिम र गरुंडदा बाक्त । मिनु आ परमपरभु यावे आ खिम बाक्शो डांडाम नु यरूसलेमम सेल्शो चढतीक नेल्ल ताइक्ता बाक्त । मिनु मेको नेल्ल आन कली सहर र गरुंडशा ताइक्ता बाक्त । १६ मिनु नोले मेकोमी परमपरभु यावे कली चढतीके लेंशा सेल्शा, मेकर दुशा बाक्चा आ पर्वम चढतीक नु “गे रिम्शो पाइब बाक्नीनी” दे चढतीक चढेवा बाक्त । मिनु यहूदा डा मुर आन कली परमपरभु यावे, इसराएली आन परमपरभु कली ला गेय पचा, दे हुकुम पवा बाक्त । १७ मेना सम्म मुरपुकीम डांडा डा थानम चढेम बाक्त । तन्न परमपरभु यावे, आन परमपरभु कली चढेम बाक्त ।

१८ मिनु मनस्सम अरु मार मार पवा, आ परमपरभु कली पशो पुइतीक लोव्र, नु परमपरभु यावे, इसराएली आन परमपरभु आ नेमी आ लोव्र पाइब आन लोव्र नेल्ल इसराएल डा पिप आन इतिहासम बरक्शो बाक्ब । १९ मेको आ पुंडतीक लोव्र नु परमपरभुम आ पुंडशो दोपा नेना, आ बरेम्शो दुम्चा क्येडा डांडती पशो पाप नेल्ल नु आ परमपरभु कली थमा मसुइक्थु, डांडा डा थान ते ते सेला, मूर्ति पाइश्शो थाम नु मूर्ति वोइश्शो नेल्ल परमपरभु यावे आ लोव्र पाइब आन इतिहासम बरक्शो बाक्ब । २० मिनु मनस्स बेक्माक्त । मिनु मुरपुकीम आ दरवार डा बाक्तीकम थिम्मे बाक्त । मेको आ नोले आ तौ आमोन पिप दुम्माक्त ।

यहूदा डा पिप आमोन

२ राजा २१:१९-२६

२१ आमोन पिप दुम्मनु, २२ बर्स दुम्शो बाक्माक्त। मेकोमी बर्स निक्शी यरूसलेमम सासन पवा बाक्त। २२ मेकोमी आ आफ मनस्स खोदंशो पा परमपरभु याव आ डोंइती मार मरिम्शो बाक्म, मेको पवा बाक्त। आमोनमी आ आफ मनस्सम सल्थो मूर्ति नल्ल आन कली चद्रेशा, पूजा पवा बाक्त। २३ तन्न मेकोमी आ आफ मनस्स खोदंशो पा परमपरभु याव आ डोंइती आम कली बरम्शो मसला बाक्त। आमोन आ पशो मरिम्शो शुश बाना बान लमाक्त। २४ मिनु आमोन आ दरवारम गय पाइबपुकीम लोत्र गारपाइश्शा, मेको कली सद्म बाक्त। २५ तन्न मेको रागी डा मुरपुकीम पिप आमोन कली साइक्व आन कली या सद्म बाक्त। मिनु आ तौ योसीयाह कली मेको आ आफ आ पा डा पिप सल्म बाक्त।

यहूदा डा पिप योसीयाह

२ राजा २२:१-२; २ राजा २३:४-१४

३४ योसीयाह पिप दुम्मनु, ८ बर्स दुम्शो बाक्माक्त। मेकोमी यरूसलेमम ३१ बर्स सासन पवा बाक्त। २ मेकोमी परमपरभु याव आ डोंइती मार ठीक बाक्म, मेको पवा बाक्त। मेको ग्युरा परा मपथु, आ किकी पिपी दाऊद आ लांम गाक्माक्त। २ इतिहास २९:२

मूर्ति पूजा थुम्पाइश्शा

३ मेकोमी सासन पशो ८ बर्स दुम्मनु, ठिटा बाक्ना बाक्ना आ किकी पिपी दाऊद आ परमपरभु कली माल्वा गोवा बाक्त। मिनु सासन पशो १२ बर्समी यहूदा नु यरूसलेमम डोंडा डा थानपुकी, मूर्ति पाइश्शा थामपुकी नु मुशा नु चेम्शा सल्थो मूर्तिपुकी ताइक्वा गोवा बाक्त। लेवी २६:३० ४ मिनु पिप आ डोंइती बाल देवता आन चद्रेतीकपुकी परेप्पदा बाक्त। मिनु मेको इक्का इर बाक्शो धूप चोतीकपुकी नु चद्रेतीक परोल्शा खतम पोक्गा बाक्त। मिनु मेकोमी मूर्ति पाइश्शा थाम, चेम्शा सल्थो मूर्तिपुकी फस पोक्मी बाक्त। मिनु मेको कली चद्रेब आन तुरस तारी फरवा बाक्त। ५ मिनु मेकोमी चद्रेब आन रुश यो आन चद्रेतीकेम चोवा बाक्त। मोंपा मेकोमी यहूदा नु यरूसलेम कली गरांगरा मदिशो सला बाक्त। १ राजा १३:२ ६ मेकोमी

मनस्स, एफराइम, सिमियोन नु नाप्ताली आन सहर सम्म नु मेको आन एर ओथ बरेशो खिम बाक्शो २ इतिहास ३१:१ ७ अशराह आ चद्रेतीकपुकी परेशा नु मूर्ति पाइश्शा थामपुकी नु मूर्ति नल्ल फस पोक्गा बाक्त। मिनु मेकोमी इसराएल रागी नल्ल डा धूप चोतीक खतम पोक्गा बाक्त। मिनु नोले मेको यरूसलेम लेम्माक्त।

परमपरभु आ खिं ठीक सल्थो

२ राजा २२:३-२०; २३:१-३

८ मेकोमी आ सासन पशो १८ बर्सम रागी नु परमपरभु यावे आ खिं गरांगरा मदिशो सल्म थुमा नोले, असात्याह आ तौ शाफान, सहर डा हुकुम पाइब मासयाह नु राज्य डा बरक्व यो-आहाज आ तौ योआह आन कली परमपरभु यावे, आ परमपरभु आ खिं बिगरशो सल्थ सोइक्तीमी बाक्त। ९ मिनु मेकोपुकी ठेयब चद्रेब हिल्कीयाह आ बाक्तीक जाक्शा, परमपरभु आ खिम चाक्शो क्येट मेको कली गेम बाक्त। मेको क्येट लाप्नो खाल पाइब लेवीपुकीम मनस्स, एफराइम नु इसराएल डा लीशा मुर नल्ल २, यहूदा, बेन्यामीन नु यरूसलेमम बाक्व मुर नल्ल २ सुप्शो बाक्मा बाक्त। १० मिनु मेकोपुकीमी मेको क्येट परमपरभु यावे आ खिम गय पाइब आन कली कोत्रब आन कली गेम बाक्त। मिनु मेको कोत्रबपुकीमी गय पाइब आन कली गेम बाक्त। मेको क्येट बिगरशो सल्तीक गय नु मेको कली डोंइती डा खोदंशो सल्तीक गय पचा कली माल्वा बाक्त। ११ मेकोपुकीम मेको यहूदा डा पिपपुकीम परांइशो खिं लेशा रिम्शो सल्वा कली माल्वा बाक्त। मेको क्येट शी सल्ब आन कली शी, दार्लीन, गरोवलो ग्याप्वा कली गेम बाक्त। मिनु गारो परोत्रब आन कली खरोइश्शा फुल्लु ग्याप्वा कली गेम बाक्त। १२ मिनु मुरपुकीम रिम्शो गय पामे बाक्त। मिनु लेवीपुकी मरारी आ तौ याहाथ नु ओबदिया, कोहाथ आ तौ जकरिया नु मेशुल्लाम गय पाइब आन कली कोत्रब वोइश्शा बाक्मा बाक्त। अरु लेवीपुकी ताप्तीक ताप्स शुश जोक्व बाक्मा बाक्त। १३ मेकोपुकी कुरव मुर कोत्रचा कली नु गय चलेचा कली वोइश्शा बाक्मा बाक्त। का निक्शी लेवीपुकी बरक्व, का निक्शी मार माल्वा, मार बाक्वा, तुइक्वा कली नु का निक्शी लाप्नो खाल पाइब बाक्मा बाक्त।

### अरशो लोत्र डा किताब थिश्शो

१४ मेकोपुकीम परमपरभु यावे आ खिम चाकशो क्यट गरुंडमेनु, चढेब हिल्कीयाहम मोसा र पा गेशो परमपरभु यावे आ अरशो लोत्र बरकशो किताब थिदा बाक्त। १५ मिनु हिल्कीयाहम बरकब शाफान कली “गो परमपरभु यावे आ खिम आ अरशो लोत्र बरकशो किताब थिश्शो बाक्नुड” दे मदा बाक्त। मिनु हिल्कीयाहम मेको किताब शाफान कली गेवा बाक्त। १६ मिनु शाफानम मेको किताब पिप आ बाक्तीक चाकशा “इन गेशो गेय नेल्ल इन गेय पाइबपुकीम पशो बाक्नीम। १७ मेकोपुकीम परमपरभु यावे आ खिम बाकशो क्यट मेकर डा कोत्रब मुर नु गेय पाइब आन कली गेशो बाक्नीम” देमाक्त। १८ मिनु बरकब शाफानम पिप कली “चढेब हिल्कीयाहम आं कली किताब का गेशो बाक्ब” दे शेंदा बाक्त। मिनु शाफानम मेको किताब पिप आ डांइती पढेशा नंपदा बाक्त।

१९ मिनु पिपम मेको अरशो लोत्र बरकशो किताबम बरकशो लोत्र नेना नोले थुं खाइश्शा, आ वा स्वाक्या बाक्त। २० मिनु पिपमी हिल्कीयाह, शाफान आ तौ अहीकाम, मीकाह आ तौ अब्दान, बरकब शाफान नु पिप कली गेय पाइब आसायाह आन कली, २१ “गो नु इसराएल नु यहूदाम लीशो मुर आन पर्वम परमपरभु यावे कली हिल्लो पन। मेको थिश्शो किताबम बरकशो लोत्र गो नु आंइ किकी पिपीम मटितीक परमपरभु यावे गापुकी नु शुश गाइश्शो बाक्माक्त। मेको बरकशो लोत्र गो मपक” देमाक्त।

२२ मोपतीक हिल्कीयाह नु पिपम सोइश्शो मुरपुकी परमपरभु यावे आ लोत्र पाइब हुल्दा आ बाक्तीकम हिल्लो पथ लमा बाक्त। मेको पिप आ दरवार डा वासी कोत्रब हास्रा आ चच तोसाथ आ तौ शाल्लुम आ मीश बाक्माक्त। मेको यहूसलेम डा नक सहरम बाक्बाक्माक्त। मिनु मेको कली नेल्ल लोत्र देमा बाक्त। २३ मिनु हुल्दाम मेको आन कली “परमपरभु यावे, इसराएली आन परमपरभुम मार देत देशा हना, गे आं बाक्तीकम सोइक्ब मुर कली २४ परमपरभु यावेम यहूदा डा पिप आ डांइती पढेशो किताबम बरकशो सराप नेल्ल साप्चा कली, गो एको रागी नु एंकर बाक्ब मुर नेल्ल आन कली खतम पोक्नुडमी। ब्यवस्था २८:१५-६८ २९ मारदे हना

मेकोपुकीम आं कली परांइशा, अर्का देवी देवता आन कली चढेशो बाक्नीम। मिनु मेकोपुकीम आंम आन गुडम सल्थो मूर्तिम आं कली गाइक्पाइश्शो बाक्नीम। मोपतीक गो मेको रागी तशा गाइक्ताकड। मिनु आं गाइश्शो मबक्ब देत। २६ तन्न परमपरभु यावे कली हिल्लो पथ इन कली सोइक्ब यहूदा डा पिप कली परमपरभु यावे, इसराएली आन परमपरभुम मार देत देशा हना २७ गो परमपरभु यावेमी मेको रागी नु आ मुर आ पर्वम बरकशो लोत्र नेशा, इ थुंम परमपरभु आ डांइती बरमशो सल्थो, इ वा स्वाकशा, डाकशा, इ पशो लोत्र नेशा। २इतिहास ३३:१२-१३ २८ मोपतीक गे एको खतम दुस्तीक मताइनेव। गे थुं नाइश्शा बक्नेव। मिनु इ किकी पिपी आन कली थिस्तीकम थिस्चा पुइसीनेव दे मतीन देमाक्त। मिनु सोइश्शोपुकीमी हुल्दा आ देशो पिप कली मक्म बाक्त।

२९ मेको नोले पिपम यहूदा नु यहूसलेम डा खात्पा नेल्ल आन कली गरुम्चा, दे बरत्थ सोइक्ता बाक्त। ३० मिनु पिप परमपरभु यावे आ खिम लमाक्त। मिनु यहूदा डा मुर नेल्ल, यहूसलेमम बाक्ब मुरपुकी, चढेब नु लेवीपुकी, आइक्ब नु ठेयब मुर नेल्लेम मेको आ नोले खोदम बाक्त। मिनु पिपम परमपरभु यावे आ खिम थिश्शो आ कबल डा किताब पढेशा नंपाइक्मी बाक्त। ३१ मिनु पिप आ बाक्तीकम राप्शा, परमपरभु यावे नु कबल का पवा बाक्त। मार कबल पवा बाक्त देशा हना, परमपरभु यावे आ नोले खोइक्चा, मेको आ शेंतीक, आ देशो नु आ फुल्लुम मुशा बरकशो लोत्र थुं नेल्लेमी पचा नु मेको किताबम बरकशो कबल डा लोत्र नेल्ल पचा कली कबल पवा बाक्त। २इतिहास १५:१२ ३२ मेको नोले यहूसलेम नु बन्यामीन र जाकशो मुर नेल्ल आन कली मेको बरकशो लोत्र खाप्नीकी, दे कसम जपाइक्मी बाक्त। मिनु यहूसलेमम बाक्ब मुरपुकीम आन किकी पिपी आन परमपरभु आ कबल खाप्मे बाक्त। ३३ मिनु योसीयाहम इसराएली आन रागी नेल्ल रे गरांगरा दिशो मूर्ति नेल्ल गरुंडशा ताइक्ता बाक्त। मिनु इसराएलम बाक्ब मुर नेल्ल आन कली परमपरभु यावे, आंम परमपरभु आ नोले ठेयब सल्पदा बाक्त। मेको पिप बरांइम सम्म मुरपुकीम परमपरभु यावे, आन किकी पिपी आन परमपरभु कली खोदम बाक्त।

योसीयाहम पास्सा चाड मानेशो

२ राजा २३ :२१-२३

३५ १ योसीयाहमी यरूसलेममी परमपरभु यावे कली पास्सा चाड मानेवा बाक्त। मिनु मुरपुकीमी डांडती डा महिना डा १४ नाक्ती पास्सा चाड डा पाठा क्यारम बाक्त। परस्थान १२:६ २ मिनु पिपमी चदेब आन कली आन आन गेय गमी बाक्त। मिनु मेकोमी परमपरभु यावे आ खिम गेय पचा, दे आन थुं बारपाइक्मी बाक्त। ३ मिनु लेवीपुकी इसराएली आन कली शंब बाक्मा बाक्त। मेकोपुकी परमपरभु यावे आ गेय ला पाइब बाक्मा बाक्त। मिनु पिपमी मेको आन कली “इसराएल डा पिप दाऊद आ तौ सोलोमनम सल्शा परमपरभु यावे आ कबल पशो सन्दोस परमपरभु यावे आ खिम वोतीन। मुल रे गेपुकीमी मेको कली इन बालाम कुरचा ममाल्लीनी। मुल परमपरभु यावे, इन परमपरभु नु आ मुर इसराएली आन गेय पने। २इतिहास ५ :४-५ ; १इतिहास २३ :२६,२८ ; परस्थान २५ :१३-१५ ४ इसराएल डा पिप दाऊद नु आ तौ सोलोमनम बरक्शा गेशो लोत्र टिने। १इतिहास २३ :- ५ गे परमपरभु यावे आ खिम इन पालोम इन किकी पिपी आन खिं खिं डा मुर गारशा गेय पने। मिनु गना हना यो खिं खिंमी परमपरभु यावे कली गेय पाइब लेवी चदेब आन कली वारच पचा कली बाक्चा माल्लीनी। ६ मिनु गे परमपरभु यावे आ डांडती ठीक सल्सीन। पास्सा डा पाठा क्यारीन। दोशो मुस्म मेको पाठा ब्वन चान्नीम, मोशा ला बरत्तीन। मोसा रे पा परमपरभु यावे आ देशो लोत्र टिशा, गेय पने” देमाक्त।

७ मिनु योसीयाहम मेकर बुक्ब मुर नेल्ल आन कली पास्सा चाड मानेचा, दे ३० हजार क्यारश भेडा पाठा नु हजार सां ब्यफ गमी बाक्त। पिपमी मेको नेल्ल आंम आ गोठ रे पा गेवा बाक्त। ८ मिनु मेको आ सरकार डा गेय पाइबपुकीमी थुं रे ग्यरशा मुर आन कली चदेब नु लेवी आन कली मार मार गेम बाक्त। परमपरभु यावे आ खिं डा ठेयब गेय पाइब हिल्कीयाह, जकरियामी नु येहीएलम, चदेब आन कली पास्सा चाड कली हजार निक्शी ६ सह क्यारश भेडा पाठा नु सह सां ब्यफ गेम बाक्त। ९ मिनु लेवी आन ठेयब मुर कोनन्याह नु मेको आ लोकबपुकी, शमायाह नु नेथनेल, हशाब्याह, यिएल नु योजाबादमी ५ हजार क्यारश भेडा पाठा नु ५ सह ब्यफ गेम बाक्त।

१० मिनु चदेतीक गेय ठीक सेल्ले थुम्म नोले चदेब आन बाक्तीकम बाक्मा बाक्त। मिनु लेवी आन आन हूल पिपम देशो खोदेशो पा राम्मा बाक्त। ११ मिनु मेकोपुकीम पास्सा चाड डा पाठा क्यारम बाक्त। मिनु लेवीपुकीम गेशो हुश चदेबपुकीम ताक्शा, चदेतीकम बरुइक्तम बाक्त। मिनु लेवीपुकीम चहिं मेको आ कुशुल उक्म बाक्त। १२ मिनु मेकोपुकीम मोसा आ किताबम बरक्शा खोदेशो पा मुर आन खिं खिं डा हूल आन कली योक्चा, दे परमपरभु यावे कली चाशा चदेतीक श्ये तिल्शा वोदम बाक्त। मिनु ब्यफ आन कली यो मो देशो पामे बाक्त। नोल चदेबपुकीमी मेको चदेचा माल्मा बाक्त। १३ मिनु पतीक लोत्रम बरक्शा खोदेशो पा पास्सा चाड डा श्ये मीम चोत्रम बाक्त। मिनु परमपरभु यावे कली गेशो श्ये खरकुंडा, कराइ नु तस्ताम लोप्मे बाक्त। मिनु मेको मुर नेल्ले आन कली रीब पा योक्शा गेम बाक्त। परस्थान १२ :३-१० १४ मेको नोल आंम कली नु चदेब आन कली जचा थोत्रक ठीक पामे बाक्त। हारून आ खिं डा चदेबपुकी नाक्दो सम्मन चाशा चदेतीक नु बांसा चदेतीक गेय पचा माल्मा बाक्त। १५ दाऊद आ देशो खोदेशो पा आसाफ आ चच युइ कुम्सो पाइबपुकी आसाफ, हेमान नु पिप कली परमपरभु यावे आ लोत्र पाइब येदुथून आन बाक्तीकम बाक्मा बाक्त। पिप दाऊदम देशो खोदेशो पा मेकोपुकीम पामे बाक्त। लाप्चो खाल पाइबपुकीमी आन गेय पुरांइचा ममाल्मा बाक्त। मारदे हना आन लोकब लेवीपुकीम मेको आन कली जचा थोत्रक चाक्शा गेम बाक्त। १इतिहास २५ :- १इतिहास २६ :१-९

१६ मोपा पिप योसीयाह आ देशो खोदेशो पा परमपरभु यावे कली पचा माल्शा गेय ठीक पशो बाक्माक्त। पास्सा चाड मानेचा नु परमपरभु यावे आ चदेतीकम चाशा चदेतीक चदेशो बाक्मा बाक्त। १७ मेना मेकर बाक्ब इसराएली नेल्लेमी पास्सा चाड मानेमे बाक्त। मिनु ७ नाक्त सम्म बोरब ओस्ती मसुष्शा शोब्ले डा चाड मानेमे बाक्त। १८ परमपरभु यावे आ लोत्र पाइब सामुएल आ पाला रे मेना सम्म मोदेशो पा पास्सा चाड इसराएलम गेनायो ममानेशो बाक्मा बाक्त। पिप योसीयाहम खोदेशो पा तेकोइ पिपम मोदेशो ठेयब पास्सा चाड ममानेशो बाक्मा बाक्त। चदेबपुकी, लेवीपुकी नु यहूदा नु यरूसलेमम बाक्ब मुरपुकी नु मेकर जाक्शा इसराएल डा मुरपुकीम मानेमे बाक्त। २इतिहास ३० :२६ १९ योसीयाहम सासन

पशा १८ बर्ष दुम्मनु, मेको पास्सा चाड मानेशो बाक्मा बाक्त ।

योसीयाह बेक्शो

२राजा २३ :२८-३०

२० मिनु योसीयाहम परमपरभु यावे आ सिं डा गेय नल्ल गारपदा नोले इजीप्त रागी डा पिप नेको, युफरटीस खोला आ शुइच डा कारकमीश सहर कली लडाइ तोचा कली गरूमाक्त । मिनु योसीयाह मेकोपुकी नु लडाइ पथ लमाक्त । २१ तन्न नेकोमी “यहूदा डा पिप, गे नु गो इस दातेम मार जितिक खतीक दुम्शो बाक्बा डा ? मुलाक्ती गो गे नु लडाइ पचा कली जाक्शो मनड । तन्न गो आ लडाइ तोशा मुरपुकी नु ला गाइश्शो बाक्नुड । परमपरभुम आ कली “रीब पा लशा लडाइ पावो” देशो बाक्ब । मोपतीके परमपरभु आ पर्वम मरिम्शो पा मबोक्कीन । मेको गो नु बाक्शो बाक्ब । बोक्तीनी हना, मेकोमी इन कली खतम पोक्ब” दे आ लोत्र पाइब आन कली सोइक्ता बाक्त । २२ मो हना यो योसीयाहम मेको आ देशो लोत्र मनना बाक्त । तन्न मेको नेको नु लडाइ पचा कली अर्को वा फेक्स बाक्त । मेकोमी नेको आ देशो परमपरभु आ लोत्र मनना बाक्त । मिनु मेको मेगोददो डा दिमम मेको नु लडाइ पचा कली रीब पा लमाक्त । २३ मिनु लिबरा आप्वपुकीम पिप योसीयाह कली आप्व बाक्त । मिनु पिपम आ गेय पाइब मुर कली “आं कली लडाइ पतीक रे गरूइदा । मारदे हना गो ठयब गार दुम्शो बाक्नुड” दे मदा बाक्त । २४ मोपतीक आ गेय पाइबपुकीम मेको कली आ बग्गी रे गरूइशा, अर्को बग्गीम कुर पा यरूसलेम सहरम चाक्गम बाक्त । मिनु मेको मेकर बेक्माक्त । मिनु मुरपुकीमी मेको कली आ किकी पिपी आन कली थिम्तीकेम थिम्म बाक्त । मिनु यहूदा नु यरूसलेम डा मुरपुकीम योसीयाह आ पर्वम रोंका पामे बाक्त । २५ मिनु येरमीयाम यो योसीयाह आ पर्वम रोंका पशा कुम्सो सेला बाक्त । मिनु कुम्सो पाइब मीश मुर वांइश मुर नेल्लेमी मुल सम्म मेको रोंका पतीक कुम्सो पा योसीयाह कली मिम्नीम । मिनु मेको रोंका पतीक कुम्सो इसराएली आन पतीके दुम्शो बाक्ब । मेको कुम्सो बिलाप किताबपुकी बाक्नीम । २६ मिनु योसीयाह आ पतीके, परमपरभु यावे आ अरेशा टिशो, २७ मेको आ पशा डोंइती रे नोले सम्म इसराएल नु यहूदा डा पिपी आन बरक्शो बाक्ब ।

यहूदा डा पिप येहो-अहाज

२राजा २३ :३०-२४ :१७

१ मिनु मेको रागी डा मुरपुकीम योसीयाह ३६ आ तो यहो-अहाज कली चाक्शा, यरूसलेमम मेको आ आफ आ पा डा पिप सल्लम बाक्त । २ यहो-अहाज पिप दुम्मनु २३ बर्ष दुम्शो बाक्माक्त । मेकोमी यरूसलेमम महिना सां सासन पवा बाक्त । ३ मिनु इजीप्त डा पिपम मेको कली पिप रे गरूइदा बाक्त । मिनु यरूसलेम कली सह का टलेन्ट चांदी नु टलेन्ट का सुन तिरो थाप्पदा बाक्त । टलेन्ट का ३४ किलो बाक्ब । ४ मिनु इजीप्त डा पिपम यहो-अहाज आ लोक्ब एल्याकीम कली यहूदा नु यरूसलेम डा पिप सेला बाक्त । मिनु मेकोमी मेको आ नें फाइश्शा यहो-याकीम वोदा बाक्त । मिनु नेकोम आ लोक्ब यहो-अहाज कली इजीप्त रागी लदा बाक्त । येरमीया २२ :४-१२

यहूदा डा पिप येहो-याकीम

५ मिनु यहो-याकीम पिप दुम्मनु, २५ बर्ष दुम्शो बाक्माक्त । मेकोमी यरूसलेमम ११ बर्ष सासन पवा बाक्त । ६ मेकोमी आ परमपरभु यावे आ डोंइती मार मरिम्शो बाक्म, मेको पवा बाक्त । मिनु बेबीलोन डा पिप नेबुकदनेसरम मेको आ रागी कली लडाइ तोशा, मेको कली कांसा के साड्लोम फरेशा बेबीलोन लदा बाक्त । येरमीया २२ :१८ ७ नेबुकदनेसरम परमपरभु यावे आ सिं डा ग्यांबपुकी का निकशी लाइश्शा, बेबीलोनम आ दरवारम वोदा बाक्त । एजरा १ :७ ८ मिनु यहो-याकीम आ पशा, आ पशा गरांगरा दिशां नु आ दोस तशा गेय नल्ल इसराएल नु यहूदा डा पिप आन इतिहासम बरक्शो बाक्ब । मिनु मेको आ नोले मेको आ तो यहो-याकीन पिप दुम्माक्त ।

यहूदा डा पिप येहो-याकीन

९ यहो-याकीन पिप दुम्मनु, ८ बर्ष दुम्शो बाक्माक्त । मिनु मेकोमी यरूसलेमम महिना सां नु १० नाक्ती सासन पवा बाक्त । मिनु मेकोमी परमपरभु यावे आ डोंइती मार मरिम्शो बाक्म, मेको पवा बाक्त । यहो-याकीन पिप दुम्मनु, २राजामी १८ बर्ष देब । २राजा २४ :८ १० मिनु बर्सा जाक्चावानु, पिप नेबुकदनेसरम मुर सोइश्शा परमपरभु यावे आ सिं डा रिम्शो रिम्शो ग्यांबपुकी नु मेको पिप कली बेबीलोनम चाक्पदा बाक्त । मिनु मेकोमी मेको पिप आ सिं

डा मुर का सिदकीयाह कली यहूदा नु यरूसलेम डा पिप सेला बाक्त। यरमीया २२ :२४-३०

यहूदा डा पिप सिदकीयाह

२राजा १४ :१८-२५ ; यरमीया ५२ :१-३०

११ सिदकीयाह पिप दुम्मनु २१ बर्स दुम्शो बाक्माक्त। मेकोमी यरूसलेमम ११ बर्स सासन पवा बाक्त। १२ मेकोमी आ परमपरभु यावे आ डाँइती मार मरिम्शो बाक्म, मेको पवा बाक्त। परमपरभु यावे आ लोत्र पाइब यरमीयाम मेको कली परमपरभु यावे आ लोत्र पशो बाक्माक्त। तन्न पिपमी मेको आ डाँइती आ थुं कली बरम्शो मसेला बाक्त। यरमीया ३७ :-; ३८ :- १३ मिनु पिप नेबुकदनेसरमी मेको कली परमपरभु आ नंम कसम जपदा बाक्त। तन्न मेको पिप कली यो मरिम्शो पवा बाक्त। मेको मरिम्शो पाइब नु काइ मटीब दुम्शा, परमपरभु यावे, इसराएली आन परमपरभु गे लेन्ने मबिस्से बाक्त। १४ मेको पराँइशा, चढेब नु मुरपुकीम थाम्पा मरिम्शो पा, रागी रागी डा मुर आन गरांगरा दिशो गेयपुकी नेल्ल पामे बाक्त। मोपा यरूसलेम डा परमपरभु यावे आ खिं गरांगरा दिशो सेल्मे बाक्त। ब्यवस्था १८ :९

यरूसलेम खतम दुम्शो

१५ मिनु परमपरभु यावे, आन किकी पिपी आन परमपरभुमी आ लोत्र पाइबपुकी मेको आन दातेम साइकना साइकन बाक्शो बाक्माक्त। मारदे हना आ मुर नु आ बाक्तीक कली शिशी पाइक्बाक्माक्त। १६ तन्न परमपरभु आ लोत्र पाइब आन कली शुक्शी पामे बाक्त। आ लोत्र मटियु, आ लोत्र पाइब आन कली तोक्शा लोत्र पामे बाक्त। मोपतीक परमपरभु यावे आ गाइश्शो मबेक्माक्त। लूका २० :१०-१२ ; पररित ७ :५२

यहूदा ग्याइक्चा पुँइसीशो

१७ मिनु परमपरभुमे मेको आन कली लडाइ तोपाइक्चा कली कल्दी आन पिप कली चाक्गा बाक्त। मिनु मेकोपुकीमी मेको आन आल आन कली परमपरभु यावे आ बाक्तीक खिंम तरवारम क्योरशा सदमे बाक्त। मेकोपुकीमी वॉइश आल

नु मीश आल आन कली, सात्पा नु खुशो आन कली काइ शिशी मपामे बाक्त। परमपरभुमे मेको नेल्ल आन कली पिप नेबुकदनेसर आ गुइमी गमी बाक्त। १८ मिनु मेकोमी परमपरभु आ खिं डा आइक्च ठेयब ग्याँब नेल्ल, मंकर डा शॉप नु दरवार नु सरकार डा गेय पाइब आन खिं डा शॉप नेल्ल बेबीलोन लदमे बाक्त। १९ मेकोपुकीमे परमपरभु आ खिंमी सुइक्तमे बाक्त। यरूसलेम सहर डा गारो परत्मे बाक्त। मिनु मेकोपुकीमे सहर डा दरवार नेल्लमे मी सुइश्शा, आगा बाक्शो शॉप खतमे सेल्मे बाक्त। यरमीया २६ :६ २० मिनु मेकोमी तरवार र ब्राँइशो नेल्ल आन कली फरेशा बेबीलोन लदमे बाक्त। मिनु पारसी आ राज्य मजाक्म सम्म मेकोपुकीमे, मेको ग्याइक्चा पुँइसीब आन तमी तो आन कली वाइलीम वाइल सेल्मे बाक्त। २१ मिनु परमपरभु यावे आ लोत्र पाइब यरमीया रे पा देशो परमपरभु यावे आ लोत्र गाप्चा कली ७० बर्स मगाम सम्म इसराएल रागीम आ नाइक्तीक नाक्ती मानेवा बाक्त। मेको रागीम ७० बर्स सम्म श्येत्य दुम्मनु, आ नाइक्तीक नाक्ती मानेवा बाक्त। यरमीया २५ :११ ; लेवी २६ :३४ ; बिलाप २ :६

कोरस आ देशो लोत्र

एजरा १ :१-३

२२ मिनु पारसी डा पिप कोरसमी पिप पवा आ डाँइती डा बर्समे यरमीया आ देशो परमपरभु यावे आ लोत्र गाप्चा कली परमपरभु यावेम पारसी डा पिप आ थुंमी लोत्र पवा बाक्त। मिनु मेकोमी आ ठेयब राज्य नेल्लमे लोत्र पा बरक्शा, उरदी पपदा बाक्त। यरमीया २९ :१० ; यसैया ४४ :२८ २३ फारसी डा पिप कोरसमे मार उरदी पपदा बाक्त। देशा हना “परमपरभु यावे, स्वर्ग डा परमपरभुमे रागी डा राज्य नेल्ल आं कली गेशो बाक्ब। मिनु मेकोमी आं कली यहूदा डा यरूसलेममे आ कली खिं का सेल्त्वा कली अरेशो बाक्ब। इन दातेम बाक्शो मेको आ मुर बाक्तेकमे हना “परमपरभु यावे, आ परमपरभु मेको नु बाक्त। मिनु मेको यरूसलेम लमल” देनुड” देमाक्त।

## एजरा

बरेकब मुर: एको किताब एजरा आंमान इच्का बरेकशा बाक्त। तन्न नोल मेको नल्ल सुम बरेकता, मतुइकनीम। डोंइती एजरा नु नेहम्याह किताब का बाक्त। मुरुमी गरीक लोत्रमी सल्वी ना किताब का रं निक्शी सल्वी बाक्तकम।

गेना दुम्शा : एको किताब १०० बर्स डा इतिहास बाक्ब। जेरुब-बाबेल नु ५० हजार ग्याइश्शा लाइक्चा पुंडसीशो इसराएली यरूसलेम लेशशो रं नेहम्याह यरूसलेम जाकशो सम्म डा लोत्र बाक्ब।

५३६ बि. सी. पिप कोरसमी इसराएली आन कली लेत्वा गेवा बाक्त।

५३६ बि. सी. चदेतीक लेशा सेल्शा, गोठ सेल्लीक चाड मानेमे बाक्त।

५३५ बि. सी. परमपरभु यावे आ खिं लेशा सेल्वा गोत्रमे बाक्त।

५२० बि. सी. परमपरभु आ लोत्र पाइब हागु नु जकरियाम आस गेय पचा गोम्स बाक्त।

५१६ बि. सी. परमपरभु यावे आ खिं जिम्मा गेशो बाक्त।

५१५ बि. सी. पास्सा चाड मानेशो बाक्तकम।

४५८ बि. सी. एजरा नु १८ हजार इसराएली लेशा यरूसलेम लेशशो बाक्तकम।

४४६ बि. सी. नेहम्याह यरूसलेम जाकशो बाक्त।

मारद बरेकशो : एको १ इतिहास नु २ इतिहास किताबमी बरेकशा नल्ल दुम्शा नोल डा इसराएली आन इतिहास बाक्ब। परमपरभु यावे आ खिं लेशा सेल्वा आ पर्वम बरेकशो बाक्ब।

यहूदीपुकी यरूसलेम लेशशो

२इतिहास ३६ :२२-२३

१ पारसी रागीमी पिप कोरस आ डोंइती डा १ बर्समी परमपरभु यावेमी येरमीया रं पा देशो लोत्र खाप्चा कली पिप कोरस आ थुं क्युकगा बाक्त। मिनु मेको पिपमी आ राज्य नेल्लेमी मेको लोत्र नंपाइक्चा कली बरेकपदा बाक्त। यसेया ४५ :३ ; यसेया ४४ :२८

२ मिनु पारसी डा पिप कोरसमी मार लोत्र बरेकपदा बाक्त देशा हना "परमपरभु यावे, स्वर्ग डा परमपरभुमी, रागी डा राज्य नेल्ल आं कली गेशो बाक्ब। मिनु मेकोमी आं कली 'यहूदा रागी डा यरूसलेममी आं खिं सलो' दे माइक्ती। ३ मिनु

इन दातेमी सु सु परमपरभु आ मुर बाक्नीमी, मेको नु परमपरभु बाक्ल। मिनु मेको मुरपुकी इर लशा, यहूदा रागी डा यरूसलेममी बाक्ब परमपरभु यावे, इसराएली आन परमपरभु आ खिं सलीन। ४ मिनु लीशो यहूदी ते ते बाक्मा, मेकोपुकीमी यरूसलेम परमपरभु आ खिं सल्व्वा कली सुन चांदी, अरु शांप नु बी ब्यफ चाक्शा, आन आमं दाक्शा गेचा माल्नीम" दे पिप कोरसमी बरेकशो बाक्त।

५ मिनु नोल यरूसलेम सहरमी परमपरभु यावे आ खिं लेशा सेल्वा कली परमपरभुमी मुर आन थुं पोक्चा पुंडसीशो यहूदा नु बन्नीमीन आस खिं खिं डा ठेयब मुरपुकी, चदेबपुकी नु लेवी नेल्ल मेकर लचा कली सासमा बाक्त। ६ मिनु मेको आन नेक्था बाक्ब नेल्लेमी आन डोंइती गेशो प्रांइशा, चांदी के बोस, सुन के थोत्रक, अरु थोत्रक, बी ब्यफ नु शुश क्येट लाइब मार मार थोत्रक शुश तेम्शा गेशा, मेको आन कली वारच पाम्तेकम। ७ डोंइती नेबुकदनेसरमी यरूसलेममी परमपरभु यावे आ खिं डा बोसपुकी रोइश्शा चाक्शा, आ देवता आ खिंमी वोइश्शा बाक्माक्त। मिनु पारसी डा पिप कोरसमी मेको बोस नेल्ल मेकर रं गरुंइपाइक्तु। २इतिहास ३६ :१९, २८ ५ मिनु पारसी डा पिप कोरसमी मेको बोसपुकी आ शांप कोत्रब मिथरंदाथ आ गुइ रं पा यहूदा आ खिं डा नेल्ल क्येडा ठेयब मुर शश-बस्सार कली हिक्पाइश्शा, बरेकशा गप्तु। एजरा ५ :१४ ९ मिनु मेको बोस मार मार बाक्तकम देशा हना, सुन के बोस ३० ओटा, चांदी के बोस हजार का ओटा, क्यारतीके २९ ओटा, १० सुन के आइक्च बोस ३० ओटा, अरु चांदी के आइक्च बोस ४ सहं १० ओटा अरु बोस हजार का ओटा गेशो बाक्त। ११ सुन नु चांदी के बोस नेल्ल पा ५ हजार ४ सहं ओटा बाक्तकम। मिनु ग्याइश्शा लाइक्चा पुंडसीशो मुरपुकी बेबीलोन रं यरूसलेम लेशशा जाक्मानु, शश-बस्सारमी मेको बोस नेल्ल यरूसलेममी लेशशा चाक्तु।

लेशशो इसराएल डा मुर

नेहम्याह ७ :५-७

१ बेबीलोन डा पिप नेबुकदनेसरमी यहूदा नु २ यरूसलेम डा मुर आन कली ग्याइश्शा बेबीलोन लाइश्शा बाक्त। मेको ग्याइश्शा लाइक्चा पुंडसीशो आन दाते डा यहूदा नु यरूसलेम आमं आमं सहरम लेशशा जाकशो मुर आन नं मार बाक्तकम देशा हना, २ जेरुब-बाबेल

नु बेबीलोन रे यरूसलेम जाकब येशुआ, नेहम्याह सरायाह, रलायाह, मोरदेकै, बिल्थान, मिस्यार, बिग्वाइ, रेहम नु बानाह जाकशो बाक्तेकम। मेको इसराएली सु सु नु गिश मुर बाक्तेकम देशा हना, ३ पारोश आ चच युइ २,१७२ ४ शफत्याह आ चच युइ ३७२ ५ आराह आ चच युइ ७७५ ६ पहाथ-मोआब आ चच युइ आ ती येशुआ नु योआब आस चच युइ २,८१२ ७ एलाम आ चच युइ १,२५४ ८ जतु आ चच युइ १,४५ ९ जककाइ आ चच युइ ७६० १० बानी आ चच युइ ६४२ ११ बेबाइ आ चच युइ ६२३ १२ अज्जाह आ चच युइ १,२२२ १३ अदानीकाम आ चच युइ ६६६ १४ बिग्वाइ आ चच युइ २,७५६ १५ आदीन आ चच युइ ४५४ १६ आतर आ मुर हिज्कीयाह आ चच युइ ९८ १७ बेज्जाइ आ चच युइ ३२३ १८ योराह आ चच युइ ११२ १९ हाशुम आ चच युइ २२३ २० गिब्बार आ चच युइ १५ २१ बेथलेहम डा १२३ २२ नेतोफाह डा ५६ २३ अनाथोथ डा १२८ २४ अज्जावेथ डा ४२ २५ किरयथ-यारीम केफीरा नु बेयरोथ डा ७४३ २६ रामाह नु गेबा डा ६२१ २७ मिकमास डा १२२ २८ बेथल नु ए डा २२३ २९ नवो डा ५२ ३० मग्बीश आ चच युइ १५६ ३१ अर्को एलाम आ चच युइ १,२५४ ३२ हारीम आ चच युइ ३२० ३३ लोद, हादीद नु ओनो सहर डा ७२५ ३४ यरीको सहर डा ३४५ ३५ नु सेनाह आ चच युइ ३,६३० जना बाक्तेकम।

### लेशशो चदेब

३६ लेशशो चदेब सु सु बाक्तेकम देशा हना, येदायाह आ चच युइ, येशुआ आ सिं डा मुर १७३ ३७ इम्मर आ चच युइ १,०५२ ३८ पशहर आ चच युइ १,२४७ ३९ नु हारीम आ चच युइ १,०१७ जना बाक्तेकम।

### लेशशो लेवी नु कुम्सो पाइब

४० लेशशा जाकशो लेवी आ मुर सु सु बाक्तेकम देशा हना, येशुआ नु कदमीएल आस चच युइ, नु होदावीयाह आ चच युइ ७४ जना बाक्तेकम। नेहम्याह १२ : ८ ४१ कुम्सो पाइबपुकीमी आसाफ आ चच युइ १२८ जना बाक्तेकम।

### लेशशो लाप्चो खाल पाइब

४२ लाप्चो खाल पाइब सु सु बाक्तेकम देशा हना, शाल्लुम, आतर, ताल्मान, अक्कुब, हतीता नु शोबाइ आन चच युइ नेल्ल पा १३९ जना मुर बाक्तेकम।

### लेशशो परमपरमु आ सिं डा वाइल

४३ परमपरमु यावे आ सिंमी गेय पाइब वाइल आन चच युइ सु सु बाक्तेकम देशा हना, एजरा ८ : २० सीहा, हासुफा, तब्बाओथ, ४४ केरोस, सीआहा, पादोन, ४५ लेबानाह, हमावाह, अक्कुब, ४६ हागाब, शाम्लाइ, हानान, ४७ गिददेल, गहार, रेआयाह, ४८ रसीन, नेकोदा, गज्जाम, ४९ उज्जा, पासआह, बेसाइ, ५० अस्नाह, मेउनीम, नेफीसीम, ५१ बाकबुक, हकुफा, हारहर, ५२ बस्तुथ, महीदा, हारशा, ५३ बारकोस, सीसरा, तेमाह, ५४ नेसीयाह नु हतीफा आन चच युइ बाक्तेकम।

५५ सोलोमन आ गेय पाइब आन चच युइ सु सु बाक्तेकम देशा हना, सोताइ, हास्सोफेरथ, परुदा, ११ राजा १ : २१ ५६ यालाह, दारकोन, गिददेल, ५७ शफत्याह, हतील, पाकेरथ-हस्सबाइम नु आमी आन चच युइ बाक्तेकम। ५८ परमपरमु यावे आ सिं डा गेय पाइब नु सोलोमन आ गेय पाइब नेल्ल पा ३९२ मुर बाक्तेकम। यहोसु १ : २३

५९ मिनु तेल-मलाह, तेल-हारशा करुब, अददान नु इम्मर रे लेशशा जाकब यो बाक्तेकम। तन्न मेकोपुकीमी आन किकी पिपी नु आन सिं डा मुर इसराएल डा सु रे जाकशो बाकमा, मेको देन मचबेम। ६० मेकोपुकी देलायाह आ चच युइ, तोबीयाह आ चच युइ नु नेकोदा आ चच युइ नेल्ल पा ६५२ जना बाक्तेकम। ६१ परमपरमु कली चदेब हबायाह आ चच युइ, हककोस आ चच युइ नु बारजील्लाइ आ चच युइ यो आन किकी पिपी नु आन सिं डा मुर इसराएली सु रे बोशो बाकमा देन मचबेम। बारजील्लाइ नें वोइशशो मुर गिलाद डा बारजील्लाइ आ तमी कली ग्युबे पवा बाक्त। मिनु आ शिउ आ नें वोदा बाक्त। २सामुएल १७ : २७ ; २सामुएल १९ : ३२ ६२ मेकोपुकीमी मुर आन नें बरक्तीकमी आन नें माल्तेकम, तन्न मथिदम। मोपतीके मेकोपुकीम चदेचा मताम। मिनु चदेतीक गेय रे तिल्ला पुंडसाकम। ६३ मिनु ऊरीम नु थुम्मीममी गेय पने चाप्च चदेब का मगरूम सम्म मेकोपुकीमी नेल्ल क्येडा चोत्रखो चदेतीक थोत्रकर रे जचा मताम।

६४ मिनु मेकर जाकब मुर नेल्ल पा ४२,३६० बाक्तेकम। ६५ मिनु मेको आन वाइलीम वाइल ७,३३७ मुर बाक्तेकम। मेको आन दातेमी २०० कुम्सो पाइब मीश मुर नु वांडश मुर यो बाक्तेकम। ६६ मिनु मेको नु ७३६ शारा नु २४५ खच्चर बाक्तेकम। ६७ मिनु मेको नु ४३५ दलओठ

नु ६,७२० गथा यो बाक्तेकम। गन्ती १८ :९ ;  
परस्थान २८ :३० ; १सामुएल १४ :४१

६८ मिनु मेकोपुकी यरूसलेममी बाक्शो परमपरभु यावे आ सिं जाकमा नोले का निकशी सिं डा ठेयब मुरपुकीमी परमपरभु आ सिं डाइती डा आ बाक्तीक उइ लेंशा सल्वा कली ग्यरशा आन दाक्स पा क्यट गम्तेकम। ६९ मेकोपुकीमी आन चाप्स पा सल्लिक गेय कली ६१ हजार सुन के आदारकोन नु ५ हजार चांदी के मीना नु चढेब आन कली सह का फक्तीक वा गम्तेकम। आदारकोन का ८.४ ग्राम सुन के क्यट बाक्ब। चांदी के मीना का ६०० ग्राम सोदंशो बाक्ब।

७० मिनु चढेबपुकी, लेवीपुकी नु का निकशी अरु मुर यरूसलेम नु आ एर आंथ डा गाउंपुकीमी बाक्तेकम। मिनु कुम्सो पाइबपुकी, लाप्नो खाल पाइबपुकी, परमपरभु यावे आ सिंमी गेय पाइबपुकी नु तीशो इसराएली नेल्ल आंम आन सहरम बाक्तेकम।

### चोशा चढेशो

१ मिनु इसराएली आंम आन गाउं गाउंमी नल्ल गारपा बाक्न थुम्शो बाक्तेकम। आन बाक्शो ७ महिना दुम नोले मुर नेल्ल थुं का डा दुम्शा, यरूसलेममी बुक्तेकम। २ मेना योसादाक आ तौ येशुआ नु मेको आ वारच चढेब, शाल्तीएल आ तौ जेरुब-बाबेल नु मेको आ सिं डा मुर नेल्लेमी इसराएली आन परमपरभु कली चढतीक सल्लेकम। परमपरभु आ मुर मोसामी आ अरशा लोत्रम दोपा बरक्शा बाक्म, मोपा चोशा चढेचा कली मेको चढतीक सल्लेकम। एजरा २ :२ ; परस्थान २७ :१ ; लेवी ६ :२ ३ मेकोपुकीमी चढतीक डाइती ते बाक्मे मंकर लेंशा चढतीक सल्लेकम। मारदे हना मेको आन एर आंथ डा अर्का जात डा मुर आन कली तशा हिंशा, सुनी नु नाकनाकदो परमपरभु यावे कली चढतीकम चोशा चढतीक चढेम्तेकम।

४ मिनु मेकोपुकीमी गोठ सेल्शा बाक्तीक चाड मानेम्तेकम। मिनु दोपा पतीके बरक्शा बाक्म, मोपा नाक्त कित कित डा पचा माल्शो चोशा चढतीके दोशो चढेचा माल्मा, मोशो चढेम्तेकम। लेवी २३ :३४-४३ ५ मिनु नाक्त कित कित डा चोशा चढतीक, औंसी नाक्त डा चढतीक नु परमपरभु यावेमी दंशो चाड डा चढतीक चढेम्तेकम। सु सुमी आन ग्यरशा थुं रे परमपरभु यावे कली चढेचा दाक्तम, मेको चढेम्तेकम। ६ मिनु परमपरभु यावे आ सिं डा जग मवोइशो

बाक्त हना यो, ७ महिना डा डाइती डा नाक्त रे परमपरभु यावे कली चोशा चढतीक चढेचा गोम्तेकम।

७ मिनु मेकोपुकीमी गारो परोत्रब नु शी के गेय पाइब आन कली क्यट गम्तेकम। मिनु पारसी डा पिप कोरसमी दंशो सोदंशो पा सीदोन नु टायर डा मुर आन कली लेबानोन डा लाइशो रवा आ शी समुन्दर रे पा योप्पा सम्म चाक्चा कली जचा तूचा थोत्रक नु तेल गम्तीमी। १ राजा ५ :१६-२५

### परमपरभु आ सिं लेंशा सेल्शा

८ मिनु मुरपुकी यरूसलेममी बाक्शो परमपरभु आ सिं जाक्शो बर्स निकशी नु महिना निकशी दुम्माक्त। मिनु शाल्तीएल आ तौ जेरुब-बाबेल, योसादाक आ तौ येशुआ नु मेको आस लीशो लोकब, चढेबपुकी, लेवीपुकी नु बेबीलोन रे लेशशा यरूसलेम जाक्ब नेल्लेमी परमपरभु आ सिं लेंशा सेल्वा गोम्तेकम। मिनु परमपरभु यावे आ सिं सल्लिक गेय कोत्रचा कली २० बर्स जाक्दीशो नु मेको क्येडा लाक्शो लेवी आन कली योत्रशा वोइक्तीमी। ९ मिनु परमपरभु आ सिं सल्लिक गेय पाइब आन कली कोत्रब येशुआ नु आ तौपुकी नु आ लोकब, कदमीएल नु आ तौपुकी, बिन्नुइ नु होदावीयाह नु हेनादाद आ तौपुकी नु लेवी आन तौ नु सिं डा मुर नेल्ल गेय पाइब आन कली कोत्रब दुम्तेकम।

### परमपरभु आ सिं डा जग

१० मिनु परमपरभु यावे आ सिं सेल्बपुकीमी जग वाइक्तेकम। चढेबमी आन वा फक्शा तुराही ताप्तेकम। आसाफ आ तौ लेवीपुकीम बुक्कल ताप्तेकम। इसराएल डा पिप दाऊदमी अरशा सोदंशो पा परमपरभु यावे कली ठेयब सेल्वा कली आन आन बाक्तीकमी राप्तेकम। ११ मिनु मेकोपुकीमी पालो पालो पा कुम्सो पाप्तेकम। परमपरभु यावे कली ठेयब सेल्वा सेल्ल "गे रिम्शो पाइब बाक्नीनी" दे मान पा कुम्सो पाप्तेकम। मेकोपुकीमी "परमपरभु यावे रिम्शो पाइब बाक्ब, नु आ गेना हना यो दाक्तीक इसराएली नु लीब" दे कुम्सो पाप्तेकम। परमपरभु यावे आ सिं डा जग वोइशो बाक्तीक मुर नेल्लेमी ठेयब संदा पा परमपरभु यावे कली ठेयब सेल्तेकम। २ इतिहास ५ :१३ ; मजन संगरह ११८ :१

१२ परमपरभु यावे आ डाइती डा सिं तशो चढेबपुकी, लेवीपुकी नु आन सिं सिं डा ठेयब मुर

नु अरु साल्पापुकी परमपरभु यावे आ सिं डा जग वोइश्शो तशा, ठेयब संदा पा डाक्तेक्म। मिनु अरु मुर चहिं ग्येरशा ठेयब संदामी रयक पांमत्क्म। हागु २:३ १३ मिनु नंब मुरपुकीमी ग्येरशा गरीशा नु डाक्शो मार बाक्म मारइ मरुबम। मारद हना मुर आन रयक पशो संदा थम ठेयब बाक्त। मको रयक पशो डोन डोन सम्म नंस बाक्त।

### जोरी सतरुमी श्येत गेशो

४ १लेश्शा जाक्शो ग्याइश्शा लाइक्वा पुंडसीशो यहूदा नु बेन्यामीन आस थर डा मुरपुकीमी परमपरभु यावे, इसराएली आन परमपरभु आ सिं सल्ला सेल्ला बाक्नीम देशो लोत्र आन जोरी सतरुमी नंतेक्म। २ मिनु मेकोपुकीमी जेरुब-बाबेल, येशुआ नु सिं सिं डा ठेयब मुर आन बाक्तीकेमी जाक्शा “गो आंड कली यो गे नु गारशा, मेको सिं सेल्ला गेकी। गो यो गे इन खोदेशो पा इन परमपरभु कली ठेयब सेल्ला सेल्ला बाक्नीकी। मिनु गो आंड कली एक चाक्व अस्सुर डा पिप एसर-हददान आ पाला रे गो यो इन परमपरभु कली चढेन चढेन बाक्तक” देतेक्म। येरमीया ४१:५ ; २राजा १७:२४-३३ ; २राजा १९:३७ ३तन्न जेरुब-बाबेल, येशुआ नु इसराएली आन लीशो सिं सिं डा ठेयब मुरपुकीमी मेको आन कली “एको सिं गो इसराएली आंड परमपरभु कली सेल्लाकी। एकर गे इन पचा माल्शो मारइ मबाक्व। पारसी डा पिप कोरसमी आंड कली अरशा खोदेशो पा, गो आंड परमपरभु यावे, इसराएली आन परमपरभु आ सिं आंमान सेल्लाकी” दे माइक्तेक्म। ४ मिनु नोले मेको रागी डा मुरपुकीमी यहूदा आन कली आन थुं तोक्शा गेम्तेक्म। मिनु मेको सिं मसेल्पाइक्वा कली हिंच कोइताक्म।

### सेल्लाक गेय क्याम्चा माल्शो

५ मिनु यहूदा आन गेय नेल्ल क्याम्पाइक्वा कली, मेकोपुकीमी दरवार डा ठेयब मुर आन कली घूस गेम्तेक्म। मिनु मेकोपुकीमी पिप कोरस आ सासन पची ना रे पारसी डा पिप दारा आ सासन पची ना सम्म मोदेशो गेय पना पन बाक्तेक्म। एजरा ४:२४

६ मिनु अहासूरसमी सासन पचा गोवा आ डोइती डा बर्स, मेको रागी डा मुरपुकीमी यहूदा नु यरुसलेम डा मुर आन कली दोस गेशो बरेक्स का बरेक्शा सोइक्ताक्मी।

७ मिनु बिश्लाम, मिथेरदाथ, ताबेल नु मेको आ वारच नेल्ल गारशा पारसी डा पिप आरता-सास्त कली बरेक्स का बरेक्ताक्म। मेको बरेक्स अरामी आन लोत्रमी बरेक्शा बाक्त। मिनु मेको आ अर्थ यो बरेक्शा बाक्त।

८ पिप आ सोइश्शो रेहुम नु बरेक्तीक गेय पाइब शिम्शाइमी, पिप आरता-सास्त कली यरुसलेम आ पर्वम बरेक्स का बरेक्ताक्स। ९ पिप आ सोइश्शो रेहुम, बरेक्तीक गेय पाइब शिम्शाइ नु मेको निकशी नु गेय पाइबपुकी, निसाफ पाइबपुकी, पिप आ सोइश्शोपुकी, पारसी डा ठेयब मुरपुकी, एकर नु बेबीलोनमी बाक्व सुसा एलाम डा मुरपुकी १० नु नेल्ल क्येडा ठेयब मान पचा पुंडसीशो ओस्नापरमी ग्याइश्शा लाइश्शो मुर आन रागी रे गरुइशा सामरीया सहर नु आ एर ओंथ नु युफरेटीस खोला आ आइक्वी हांबुमी वोइश्शो मुरपुकीमी बरेक्ताक्म। ११ मेको सोइश्शो बरेक्स डा लोत्र मार बाक्त देशा हना “पिप आरता-सास्त कली युफरेटीस आइक्वी हांबुमी बाक्व गेय पाइबपुकीमी इन कली रिम्शो बाक्कीन” देनीम। १२ पिप इन कली मार लोत्र तुइक्पाइक्वा दाक्नीकी देशा हना, इन कली परोइशा एको रागीमी जाक्व यहूदीपुकी यरुसलेममी जाक्तेक्म। मिनु मेकोपुकीमी काइ मटीब नु मरिम्शो पाइब आन सहर कली लेशा सेल्ला सेल्ला बाक्नीम। मेकोपुकीमी मेको आ जग लेशा सेल्ला, आ गारो यो परोत्रने थुम्चशा बाक्नीम।

१३ पिप इन कली मार लोत्र तुइक्पाइक्वा दाक्नीकी देशा हना, मेको सहर कली लेशा सेल्लेक्म नु मेको आ गारो परोत्रने थुम्तेक्म हना, मेकोपुकीमी पिप कली थाप्तीक, आन चम्शो रे थाप्तीक नु आन रू डा थाप्तीक मारइ मथान्नीम। मिनु मो पामेनु, पिप इन कली मरिम्शो दुम्ब। १४ गो पिप इन गेशो जाइनीकी। मोपतीके सुइम इन कली मान मपशो कोत्रचा मदाक्नीकी। मोपतीके पिप इन कली एको लोत्र तुइक्पाइक्वा कली लोत्र कुरब मुर सोइक्ताक्क। १५ इन किकी पिपीमी बरेक्शा वोइश्शो बरेक्स माल्शा, कोत्रडीन। मेकर मार बरेक्शा बाक्मे थिल्लीनी। मेको सहरम काइ मटीब मुर बाक्नीम। मेकोपुकी पिप नु रागी कली मरिम्शो पाइब बाक्नीम। मोपतीक एको सहर कली खतम पोक्शो बाक्त। १६ मिनु गो पिप इन कली मार लोत्र तुइक्पाइक्वा दाक्नीकी देशा हना, एको सहर लेशा सेल्लेक्म हना, नु मेको आ एर ओंथ डा

गारो परोवनेन थुम्तेकम हना, युफरेटीस आइक्ची हांबुम इन के मारेइ अधिकार मलीब” दे बरेक्शो बाक्त।

पिपमी लोत्र लेशशो

१७ मिनु पिपमी “आं सोइश्शो रहूम, बरेक्तीक गेय पाइब शिम्शाइ नु सामरीया सहर नु आ एर आंथ नु ठेयब खोला आइक्ची हांबु बाक्ब इन गेय पाइब आन कली रिम्शो बाक्कीन” दे बरेक्नुड। १८ इन सोइश्शो बरेक्स आं कली रिम्शो पा पदशा मेको आ अर्थ नंपाइक्तीमी। १९ मिनु गे इन देशो खोदंशो पा बरेक्शा वोइश्शो लोत्रपुकी माल्पाइक्तामी। मिनु मार थिंसाक्व देशा हना, मेको सहर डा मुरुमी पिप आ सासन पतीकेमी मटिशो आ पर्वम शुश लोत्रपुकी बरेक्शा वोइश्शो थिंसाक्व। मिनु साइ रे मोदंशो मटितीके, पना पन पिशो बाक्तेकम। २० यरूसलेममी सासन पाइब सक्ति पाइश्शो पिपपुकी बाक्तेकम। मेकोपुकीमी युफरेटीस आइक्ची हांबु डा रागी नेल्ल अधिकारम वोइश्शो बाक्तेकम। मिनु मुरपुकीमी पिप कली थाप्तीक, आन चेम्शो र थाप्तीके नु आन रू डा थाप्तीके नेल्ल थाप्शो बाक्तेकम।

२१ मोपतीके मेको मुर आन गेय तेक्चा माल्ब, दे मतीन। मिनु गो हुकुम मगेडा सम्म मेको सहर लेशा मसल्मेकल। २२ गपुकीमी मेको आ पर्वम इन पचा माल्शा गेय हेथ मपने। पिप आ गेय रिम्शो दुम्पाइक्चा कली मेको मरिम्शो गेय तेक्चा माल्ब” दे लोत्र कुरब मुर सोइक्ताक्व।

परमपरभु आ सिं सेल्त्वा नाइश्शो

२३ मिनु रहूम, बरेक्तीक गेय पाइब शिम्शाइ नु मेको नु गेय पाइब आन डांडती पिप आरता-सास्त आ बरेक्स पदम चोटीन रहूम नु मेको नु बाक्ब छुल छाल बोक्शा दोरोर पा यरूसलेम लशा, मेकर डा यहूदी आन आन सेल्लीक गेय नेल्ल गुरा गरु तेक्तेकम। २४ मे नोले यरूसलेममी परमपरभु आ सिं सेल्लीक गेय देक्त। मिनु मोदंशो पा पारसी डा पिप दारा आ सासन पशा बर्स निक्शी जाक्दीम सम्म मेको सेल्लीक गेय देक्शा लीत।

परमपरभु आ सिं लेशा सेल्त्शो

१ मिनु परमपरभु यावे आ लोत्र पाइब हाग्गे ५ नु इददी आ ती जकरियामी यहूदा नु

यरूसलेममी बाक्ब यहूदी आन कली इसराएली आन परमपरभु आ देशो लोत्र पाम्ताक्स। हाग्गे १:१; जकरिया १:१ २ मिनु शाल्तीएल आ ती जेरूब-बाबेल नु योसादाक आ ती यशुआमी यरूसलेममी परमपरभु आ सिं लेशा सेल्त्वा गोम्सनु, परमपरभु यावे आ लोत्र पाइबपुकीमी यो मेको आन कली वारच पाम्तेकम।

यहूदी आन गेय तेक्चा माल्शो

३ मिनु युफरेटीस आइक्ची हांबु डा रागीम सासन पाइब ततेनाइ, शथार-बोजनाइ नु मेको नु बाक्बपुकी रीब पा यहूदी आन बाक्तीकम जाक्शा “एको सिं लेशा सेल्त्वा नु थुम्चा कली इन कली सुम अधिकार गेवा?” देतेकम। ४ मिनु मेकोपुकीमी मेको सिं सेल्ब आन नं यो पुंडतेकम। ५ तन्न परमपरभुमी यहूदी आन खाल्त्वा आन कली वारच पात्तु। मिनु मेकोपुकी पिप दारा आ बाक्तीकम आन बरेक्स जाक्दीश्शा, पिपमी मार देवा, मेको लोत्र मनन्मे सम्म, मेको गेय तेक्ने मचबेम। ब्यवस्था ११:१२; १:राजा ८:२९

ततेनाइमी पिप दारा कली बरेक्शो

६ युफरेटीस आइक्ची हांबु डा रागी कली हुकुम पाइब, ततेनाइ, शथार-बोजनाइ नु मेको नु बाक्ब सोइश्शोपुकीमी पिप दारा कली बरेक्स का बरेक्शा सोइश्शो बाक्तेकम। मेको बरेक्स एको बाक्ब। ७ मेको आन सोइश्शो बरेक्समी मार बरेक्शो बाक्त देशा हना “पिप दारा इन थुं नाइश्शा रिम्शो बाक्कीन। ८ पिप, इन कली लोत्र का तुइक्पाइक्चा दाक्नीकी। मार लोत्र तुइक्पाइक्चा दाक्नीकी देशा हना, गो यहूदा रागीमी ठेयब परमपरभु आ सिं बाक्तीक लाइतक। मेको ठेयब खरोइश्शो फुल्लुमी सेल्लीम। आ गारो तार शी वोइक्ने थुम्तेकम। शुश गेय पा, रीब पा सेल्त्वा सेल्ब बाक्नीम” दे बरेक्शो बाक्त। ९ मिनु मेको खाल्त्वा आन कली “इन कली एको सिं लेशा सेल्त्वा नु थुम्चा कली सुम अधिकार गेवा? दे हिल्लो पाइतक। १० मिनु इन कली बरेक्चा नु तुइक्पाइक्चा कली मेको आन ठेयब मुर आन नं यो हिल्लो पाइतक। ११ तन्न मेकोपुकीमी भा सरीड नु रागी डा परमपरभु आ गेय पाइब नकी। मिनु शुश बर्स डांडती सेल्त्शो सिं लेशा सेल्त्वा सेल्ब बाक्नीकी। मेको डांडती डा सिं इसराएल डा ठेयब पिप कामी सेल्त्शो बाक्त। १२ तन्न आंइ किकी पिपीमी स्वर्ग

डा परमपरभु कली चुरपाइशो बाक्तेकम। मिनु मेकोमी मेको आन कली बेबीलोन डा कल्दी आन पिप नेबुकदनेसर आ गुइमी गेशो बाक्त। मिनु मेको पिपमी एको खिं कली परेशो बाक्त। मुर आन कली ग्याइशशा बेबीलोन रागीमी लाइशशा बाक्त। २राजा २४:१०-१४; २राजा २५:१ १३तन्न बेबीलोन डा पिप कोरसमी आ सासन पशा डोंइती डा बर्समी एको परमपरभु आ खिं लेंशा सत्त्वा कली हुकुम गेशो लोत्र बरकशा गरुइशो बाक्त। एजरा १:१-२ १८नेबुकदनेसरमी यरूसलेम डा सुन नु चांदी के बोसपुकी परमपरभु आ खिं र लाइशशा बेबीलोन डा मन्दोरम वाइशशा बाक्त। मिनु पिप कोरसमी मेको बोसपुकी बेबीलोन डा मन्दोर र गरुइशशा शेश-बस्सार कली गेप्टु। पिप कोरसमी शेश-बस्सार कली सासन पचा कली योत्रशो बाक्त। एजरा १:१७-८ १५मिनु मेको कली 'एको बोसपुकी लाइशशा यरूसलेम डा परमपरभु आ खिंमी वातो' दंत। मिनु परमपरभु आ खिं डोंइती आ बाक्तीक उइ लेंशा सत्त्वा माल्नीम" दे माइक्तु। १६मिनु मेको शेश-बस्सार जाकशा, यरूसलेममी परमपरभु आ खिं आ जग वोइक्तु। मेना र मुल सम्म एको लेंशा सत्त्वा सत्त्न बाक्नीम। मिनु मेको मुल सम्म सत्त्न मथुमशो बाक्ब। १७मोपतीक मुल पिप, गे दाक्नीनी हना, बेबीलोन डा पिप आन पालामी मार मार दुमशो बाक्म, मेको बरक्स वोइक्तीकमी माल्पतीन। मिनु पिप कोरसमी यरूसलेममी परमपरभु आ खिं लेंशा सत्त्वा कली हुकुम पशा लोत्र बरकशा गरुइशो बाक्म कां मबाक्म? मिनु मेको आ पर्वम इन दाकशा मार बाक्बा, मेको आइ कली तुइक्पतीन, दे बरकशा बाक्त। एजरा ८:३६

### पिप कोरस आ बरक्स थिश्शो

१मिनु बेबीलोन रागीमी पिप दारामी सासन ६ पा मार मार बरक्स वोइक्तीकमी पिप आन बरक्स माल्तेकम। २मिनु मादी रागी डा ठेयब सहर एक-बतानामी तोल्शा वोइशशा बरक्स का थित्तेकम। मिनु मेको बरक्समी मार बरकशा बाक्त देशा हना

३पिप कोरसमी सासन पशा डोंइती डा बर्समी यरूसलेममी परमपरभु आ खिं आ पर्वम हुकुम पशा बरक्स का गरुइशो बाक्ब। मार लोत्र गरुइशो बाक्ब देशा हना "मेको खिं लेंशा सत्तीन। मेको चदेचा कली नु चोशा चदेतीक चदेचा कली बाक्ब। आ ग्यत्थ लाइशशा ६० कुबीत

नु आ पित्थ बरम्शो ६० कुबीत दुम्चा माल्ब। कुबीत का आधा मिटर खांदेशो बाक्ब। ४मेको खराइशशा फुल्लु के लहर सां नु शी के लहर का पा सत्त्वा। मिनु मेको सत्त्वा कली आ माल्शो नेल्ल पिप आ क्यट वोइक्तीक र गेचा।

५पिप नेबुकदनेसरमी यरूसलेम डा परमपरभु आ खिं र गरुइशशा बेबीलोन सहरम चाक्शा सुन नु चांदी के बोसपुकी यो लेंशा डोंइती डा आन बाक्तीक उइ वोइक्चा। मेको नेल्ल यरूसलेममी परमपरभु आ खिंमी लाइशशा वोइक्चा नम" दे बरकशा बाक्त।

### पिप दारामी वारच पशा

६मिनु पिप दारामी "युफरेटीस आइक्ची हांबु डा रागीमी हुकुम पाइब तत्तेनाइ, शथार-बाजनाइ नु इन गेय पाइबपुकी नु युफरेटीस आइक्ची हांबुम बाक्ब सोइशशा नेल्ल इन कली ७परमपरभु आ खिं सेल्लतीक गेय मतेक्कीन। यहूदी आन कली सासन पाइब नु मेको आन खाल्पा आन कली परमपरभु आ खिं डोंइती डा आ बाक्तीक उइ सत्त्वा गेने। ८मिनु गो हुकुम का पाइनुड। गे यहूदी आन खाल्पा आन कली परमपरभु आ खिं सत्त्वा कली मार पचा माल्नीनी मेको यो इन कली हुकुम गेनन्नी। मेको सेल्लतीक गेय पचा कली युफरेटीस आइक्ची हांबु डा रागी र पोक्शा तिरो र पिप आ क्यट वोइक्तीक र मेको आन कली माल्शा नेल्ल गेने।

९मिनु मेको आन कली माल्शा, बाछा, सांड, पाठा स्वर्गम बाक्ब परमपरभु कली चोशा चदेतीक चदेचा कली गेचा माल्नीनी। यरूसलेममी बाक्ब चदेब आन माल्शा चरब, हिक्सी, अङ्गुर शांबु नु तेल मपरंथु, नाक्त कित कित रीब पा गेचा माल्नीनी। १०मिनु मेकोपुकीमी स्वर्ग डा परमपरभु आ दाक्चा डा पा चदेने चान्नीम। मिनु पिप नु आ तौपुकी शुश बरांइशा बाक्ने चाप्कल, दे परमपरभु कली पुंडनीम। ११मेको प्रांइशा यो गो एको हुकुम गेनन्नी सुमी एको आं अरेशो लोत्र फाइक्बा, मेको आ खिं डा थाम का गरुइशशा, मेको थाममी क्यक्चा पुंडसीब। मिनु मोशो ला ममाइ, आ खिं यो परेशशा गेचा पुंडसीब। १२परमपरभुमी आ नें तुइक्पाइक्चा कली यरूसलेममी आ बाक्तीक सत्त्पाइशशा बाक्त। परमपरभुमी आ हुकुम फाइक्ब नु यरूसलेम आ खिं परंथ पिप नेल्ल नु अरुमुर, सु बाक्तेकम हना यो, मेको आन कली

सतम पोक्काल। गो पिप दाराम हुकुम पाता। मेको रीब पा पचा माल्मीम” दे हुकुम पाप्तु।

परमपरमु आ लोत्र गाप्शो

१३मिनु पिप दारामी अरशो लोत्र युफरटीस आइक्ची हांबु डा रागीम हुकुम पाइब तत्तेनाइ, शथार-बाजनाइ नु मेको नु बाक्ब नल्लेमी का यो मसराइक्थु पाम्तेकम। १४मिनु यहूदी आन खाल्पापुकीमी सल्ला सल्ल बाक्तेकम। परमपरमु याव आ लोत्र पाइब हाग्गे नु इददो आ तो जकरिया आस देशो खोदंशो पा रीब पा दुम्ना दुम्न लत। इसराएली आन परमपरमु आ देशो खोदंशो पा, पारसी रागी डा पिप कोरस आ हुकुम गेशो खोदंशो पा, पिप दारा आ वारच पतीकमी नु पिप आरता-सास्त आन बरक्शा गरुइशो हुकुम खोदंशो पा मेकोपुकीमी मेको सिं लेशा सल्ले थुम्तेकम। १५पिप दारा आ सासन पशो ६ बर्स दुम्मेनु, अदार माइशो महिना डा सां नाक्तीम मेको सिं सल्ले थुम्तेकम।

परमपरमु आ सिं जिम्मा गेशो

१६मिनु नोले इसराएल डा मुरपुकी, चढेबपुकी, लेवीपुकी नु लेशा जाक्शो ग्याइशशा लाइक्चा पुंडसीब नल्लेमी परमपरमु आ सिं परमपरमु कली “इन के बाक्ब” दे ग्यरसीशा जिम्मा गम्तेकम। १७मोपा मेकोपुकीमी मेको सिं परमपरमु कली जिम्मा गमनु, सह का व्यफ, सह निकशी सांड नु ४ सह पाठा चढेम्तेकम। मिनु इसराएली आन पाप आ पर्वम १२ थर आन कली, बोका का का पा, १२ ओटा बोका चढेम्तेकम। गन्ती ७:१० १८मिनु मेकोपुकीमी मोसा आ किताबमी बरक्शा खोदंशो पा चढेब आन पालो पालो पा नु लेवी आन पालो पालो पा यरूसलेममी परमपरमु आ गय पचा कली लेशा वोइक्तेकम। गन्ती ३:६

पास्सा चाड मानेशो

१९मिनु लेशा जाक्शो ग्याइशशा लाइक्चा पुंडसीबपुकीमी डांइती डा महिना डा १४ नाक्तीमी पास्सा चाड मानेम्तेकम। २०चढेब नु लेवी नल्लेमी आंम आन कली ठीक सल्लेसीशा बाक्तेकम। मेको नल्ल परमपरमु कली गय पचा कली ठीक दुम्शो बाक्तेकम। मेकोपुकीमी लेशा जाक्शो ग्याइशशा लाइक्चा पुंडसीब, चढेब आन लोकब आन कली नु आंम आन कली पास्सा चाड डा पाठा क्यारतेकम।

२१लेशशा जाक्शो ग्याइशशा लाइक्चा पुंडसीब इसराएलीपुकीम मेको ब्याम्तेकम। मिनु रागी डा मरिम्शो दुम्तीक रे दिल्लो परमपरमु याव, इसराएली आन परमपरमु कली ठेयब सल्ले मुरपुकी मेको नु गारशा ब्याम्तेकम। ब्यवस्था १६:१-८ २२मिनु मेकोपुकीमी ग्यरशा ७ नाक्त सम्म बोरब ओख्ती मसुप्शो शाब्ने डा चाड मानेम्तेकम। मारदे हना परमपरमु यावमी मेको आन कली ग्यरपाइशशा बाक्त। मेकोमी अस्सुर डा पिप आ थुं हिरशा, मेको आन कली दाक्पाइशशा बाक्त। मोपतीक मेको पिपमी इसराएल डा परमपरमु आ सिं सल्ला कली मेको आन कली वारच पाइक्तीमी।

एजरा यरूसलेममी जाक्शो

१मिनु मेको नोले, पारसी रागी डा पिप आरता-सास्तमी सासन पची ना, सेरायाह आ तो एजरा बेबीलोन रे कुत। मेको सेरायाह आ आफ अजारयाह बाक्त। अजारयाह आ आफ हिल्कीयाह बाक्त। १इतिहास ५:३९-४० २हिल्कीयाह आ आफ शाल्लुम बाक्त। शाल्लुम आ आफ सादोक बाक्त। सादोक आ आफ अहीतुब बाक्त। ३अहीतुब आ आफ अमारयाह बाक्त। अमारयाह आ आफ अजारयाह बाक्त। अजारयाह आ आफ मेरायोथ बाक्त। ४मेरायोथ आ आफ जेराह बाक्त। जेराहीयाह आ आफ उज्जी बाक्त। उज्जी आ आफ बुक्की बाक्त। ५बुक्की आ आफ अबीशुआ बाक्त। अबीशुआ आ आफ फिनहास बाक्त। फिनहास आ आफ एलाजर बाक्त। एलाजर आ आफ नल्ले क्येडा ठेयब चढेब हारून बाक्त। ६मेको एजरा बेबीलोन रागी रे जाक्त। मोसा रे पा गेशो, परमपरमु याव, इसराएली आन परमपरमु आ अरशो लोत्र जोक्ब तुइक्ब बाक्त। मिनु पिपमी आ पुंडशो नल्ले गेप्तु। मारदे हना आ परमपरमु याव आ गुइ मेको आ तारी बाक्त। एजरा ८:१८-२२; नेहेम्याह २:८

७आरता-सास्त पिप दुम्शो ७ बर्स जाक्दीम्मेनु, का निकशी इसराएली, का निकशी चढेब, लेवी, कुम्सो पाइब, लाप्चोम खाल पाइब नु परमपरमु आ सिंमी गय पाइब मेको नु यरूसलेम लाम्तेकम। ८मिनु पिपमी सासन पशो ७ बर्स डा ५ महिना दुम्मेनु, मेकोपुकी यरूसलेममी जाक्दीत्तेकम। ९मिनु डांइती डा महिना डा डांइती डा नाक्तीमी बेबीलोन रागी रे यरूसलेम लचा गोम्तेकम। मिनु मेकोपुकी

५ महिना डा डोंइती डा नाक्तीमी यरूसलेम जाक्तेकम। मारदे हना परमपरभु यावे, आ परमपरभु आ शिशी पतीक गुइ मेको आन तारी बाक्त। १० एजरामी परमपरभु यावे आ अरेशो लोत्र रुप्चा नु पचा कली आ थुं फरेशो बाक्त। मिनु परमपरभु आ फुल्लुम मुशा बरकशो नु आ ठीक पतीक लोत्र इसराएलम शंचा कली मिम्शो बाक्त।

पिपम एजरा कली बरक्स गेशो

११ मेको पिप आरता-सास्तमी चढेब एजरा कली गेशो बरक्स डा लोत्र एको बाक्ब “मेको एजरा नेल्ल बरक्स तुइक्ब, परमपरभु यावेमी इसराएली आन कली शंशो नु फुल्लुम मुशा बरकशो लोत्र रुप्चा जोक्ब बाक्त। १२ पिप आन पिप आरता-सास्तमी स्वर्ग डा परमपरभु आ अरेशो लोत्र जोक्ब तुइक्ब चढेब एजरा कली थुं नाइश्शा बाक्को! १३ गो हुकुम का गेनन। मार हुकुम गेनन देशा हना, आ रागीम बाक्शो इसराएल डा मुर, चढेबपुकी नु लेवीपुकी यरूसलेममी सु सु लचा दाक्नीमी, मेको गे नु लने चान्नीम। १४ गो, पिप नु आं ७ जना अर्ती गेबपुकीमी इन कली यहूदा नु यरूसलेममी मार दुम्ना दुम्न बाक्म, मेको कोत्रचा कली सोइश्शो बाक्नीकी। गे नु बाक्ब इन परमपरभु आ अरेशो लोत्र पशो बाक्मा कां, मपशो बाक्मा, मेको कोत्रडो। १५ गो, पिप नु आं ७ जना अर्ती गेबपुकीमी ग्यरशा गेशो सुन चांदी यरूसलेममी बाक्ब इसराएली आन परमपरभु कली लतीन। १६ मिनु गे बेबीलोन रागी नेल्लेमी इ कली गेशो सुन चांदी लाइश्शा लन। मुर नु चढेबपुकीमी यरूसलेम सहरम बाक्ब आन परमपरभु आ खिं कली ग्यरशा गेशो मार मार यो लतीन। १७ मिनु मेको क्यटीमी यरूसलेममी इन परमपरभु कली चढेतीकेमी चढेचा कली ब्यफ, सांड नु पाठापुकी ग्यापीन। मेको नु चढेचा कली अन्न नु तूचा थोत्रक यो ग्याप्चा माल्नीनी। १८ मेको मोपा ग्याप्शा यो सुन चांदी हेत हना, इन परमपरभु आ दाक्स पा, गे नु इन लोकबपुकीमी मार पशो नु रिम्शो लाक्नीनी, मेको पन चान्नीनी। १९ इन परमपरभु आ खिंमी गेय पचा कली गेशो बोसपुकी, गे मेको यरूसलेममी परमपरभु आ डोंइती वोइक्चा माल्नीनी। २० मिनु इन परमपरभु आ खिं कली मारइ माल्ताक्ब हना, मेको पिप आ क्यट वोइक्तीक रे शोल्शा, गेय पन चान्नीनी।

२१ गो, पिप आरता-सास्तमी, युफरेटीस आइक्ची हांबु डा रागी डा क्यट कोत्रशा वोइक्ब आन कली हुकुम गेतामी। नेल्ल आन कली स्वर्ग डा परमपरभु आ अरेशो लोत्र जोक्ब तुइक्ब चढेब एजरामी इन कली मार पुंइतु हना यो, रीब पा गेन। २२ सह का टलेन्ट चांदी, सह का कोर चेरब, सह का बाथ अङ्गुर शांबु, सह का बाथ तेल नु हिक्सी दोशो माल्नीमी मोशा गेन। टलेन्ट का ३४ किलो बाक्ब। कोर का २२० लिटर, ठेयब पुक्तीक बाक्ब। बाथ का २२ लिटर बाक्ब। २३ स्वर्ग डा परमपरभुमी मार अरेशो बाक्म आ खिं कली मार माल्ता मेको रीब पा स्वर्ग डा परमपरभु कली गेन। मो मदुम्त हना, आ गाइश्शो पिप आ राज्य नु आ तौ चच आन तार मांडसीब। २४ मिनु गो इन कली मार तुइक्पाइक्चा दाक्नीकी देशा हना, चढेब, लेवी, कुम्सो पाइब, लाप्चो खाल पाइब, परमपरभु आ खिंमी गेय पाइब नु अरु गेय पाइब आन कली पिप कली गेतीक क्यट नु तिरो पोक्चा मताइनीम’द हुकुम गेनन्नी।

२५ मिनु गे, एजरा इ परमपरभुमी इ कली तुइक्ब थुं गेशो बाक्त। मोपतीक युफरेटीस आइक्ची हांबु डा रागी कली हुकुम पाइब नु निसाफ पाइब योत्रशा वोइक्चा माल्नेव। मेकोपुकीमी युफरेटीस आइक्ची हांबु डा मुर नेल्ल आन कली निसाफ पचा माल्नीम। मेको परमपरभु आ अरेशो लोत्र तुइक्ब दुम्चा माल्नीम। गे मतुइक्ब आन कली शंचा माल्नेव। २६ इ परमपरभु आ लोत्र मटीब नु पिप आ अरेशो मटीब, नेल्ल आन कली सजाइ गेचा माल्नीम। मेको आन कली साइक्चा पुंइसीचा डा, रागी रे तिल्ला पुंइसीतीक, मेको आन शोप नेल्ल रोइक्चा पुंइसीतीक नु चोक्चा पुंइसीतीक, मार सजाइ हना यो गेचा माल्नीम”द बरकशो बाक्त।

२७ मिनु एजरामी “परमपरभु यावे, आंइ किकी पिपी आन परमपरभु, गे ठेयब बाक्नीनी। यरूसलेममी बाक्शो परमपरभु यावे, इन खिं आ मान नु छेड्छेड् बरपाइक्चा कली पिप आ थुंमी मोदेशो रिम्शो पतीके कुर पाइतीनी। २८ मिनु पिप, आ अर्ती गेबपुकी नु गेय पाइब आन ठेयब मुरपुकीमी आं कली दाक्ब सेल्लतीनी”दंत। मारदे हना परमपरभु यावे, आं परमपरभु आ गुइ आं तारी बाक्ब, दे तुइश्शा, आं थुं ठेयब सेल्ला। मिनु गो नु यरूसलेम लचा कली बेबीलोनम बाक्शो इसराएली आन ठेयब मुर आन कली पुक्ताकमी।

बेबीलोन रे लेशशा जाक्व आन नें

१पिप आरता-सास्तमी सासन पवा ना  
**८** बेबीलोन रे गो नु लाइब सिं सिं डा ठेयब मुर  
 आन नें बरेक्तीकम बरेक्शो सु सु बाक्तेकम  
 देशा हना, एजरा ७ :१,७ २फिनेहास आ चच युइ  
 रे गरशाम, इथामार आ चच युइ रे दानीएल,  
 दाऊद आ चच युइ रे हतुश, १इतिहास ३ :२२  
 ३शकन्याह आ चच युइ, पारोश आ चच युइ,  
 जकरिया नु नें बरेक्तीकम नें बरेक्शो १५० जना  
 वॉइश मुर, ४पहाथ-मोआब आ चच युइ रे,  
 जेराहीयाह आ तो एली-ए-होएनाइ नु मेको नु  
 २०० जना वॉइश मुर, एजरा २ :६ ५जत्तु आ  
 चच युइ रे याहासीएल आ तो शेकन्याह नु  
 ३०० जना वॉइश मुर, ६आदीन आ चच युइ रे  
 योनाथन आ तो एबद नु ५० जना वॉइश मुर,  
 ७एलाम आ चच युइ रे अथात्याह आ तो  
 येशायाह नु ७० जना वॉइश मुर, ८शफत्याह  
 आ चच युइ रे मिकाएल आ तो जेबदीयाह नु ८०  
 जना वॉइश मुर, ९योआब आ चच युइ रे येहीएल  
 आ तो ओबदिया नु २१८ जना वॉइश मुर, १०बानी  
 आ चच युइ रे योसीफीया आ तो शलोमीथ नु  
 १६० जना वॉइश मुर, एजरा २ :१० ११बेबाइ आ  
 चच युइ रे आ तो जकरिया नु २८ जना वॉइश  
 मुर, १२अज्गाद आ चच युइ रे हककातान आ  
 तो योहानान नु ११० जना वॉइश मुर, १३नोले  
 जाक्वशा अदोनीकाम आ चच युइ रे एली-फलत,  
 येहुएल नु शमायाह नु ६० जना वॉइश मुर,  
 १४मिनु बिग्वाइ आ चच युइ रे उथाइ, जाक्कुर  
 नु ७० जना वॉइश मुर बाक्तेकम ।

चदेब लेवी आन कली माल्शो

१५ गो मेको मुर नेल्ल आन कली अहावा गे  
 लाइब खोला आ नेक्थाम पुक्ताकमी । मिनु  
 गो मेकर नाक्त सां सम्म बाक्तीक सेल्शा  
 बाक्तेक । मिनु गो मुर नु चदेब आन कली  
 कोवडुमीनु, लेवी आ चच युइ काइ मबाकम ।  
 १६मिनु गो मुर आन कली एलीएजर, अरीएल,  
 शमायाह, एल्लानथान, यारीब, एल्लानथान,  
 नाथान, जकरिया नु मेशुल्लाम आन कली  
 बरेत्थ सोइक्ताकड । मेको लेवी आन दातेमी  
 ठेयब मुर बाक्तेकम । जोक्व तुइक्व योयारीब नु  
 एल्लानथान आस कली यो बरेत्थ सोइक्ताकड ।  
 १७मिनु गो कासीपीया डा ठेयब मुर इददो आ  
 बाक्तीकमी "लन" दे सोइक्ताकडमी । मिनु मेको  
 आन कली कासीपीयाम लशा, इददो मेको आ

मुरपुकी नु मेकर डा परमपरभु आ सिंम गेय  
 पाइब आन कली "आंइ परमपरभु आ सिंमी  
 गेय पचा कली गेय पाइबपुकी सोइक्तीन" दे  
 माइक्व सोइक्ताकडमी । १८ आंइ परमपरभु आ  
 शिशी पतीक गुइ आंइ तारी बाक्त । मारदे हना  
 मेकोपुकीमी जोक्व तुइक्व मुर का चाक्तेकम ।  
 मेको इसराएल आ तो लेवी आ तो माहली आ  
 चच युइ शेरब्याह माइशशो मुर बाक्त । मेको  
 आ तोपुकी नु आ लोकब नेल्ल पा १८ जना  
 वॉइश मुर चाक्तेकम । एजरा ७ :६ ११मिनु  
 मेकोपुकीमी यो हशाब्याह, मेरारी आ चच युइ  
 येशायाह नु मेको आ लोकब नु मेको आन तो २०  
 जना यो चाक्तेकम । २०मिनु मेको आन कली  
 प्रॉइशा २२० जना परमपरभु आ सिंमी गेय  
 पाइब यो चाक्तेकम । डांइती दाऊद नु आ गेय  
 पाइब ठेयब मुरपुकीमी लेवी आन कली वारच  
 पचा कली योत्रशा वोइशशो बाक्त । मेको नेल्ल  
 आन नें नें बरेक्तीकम बरेक्शो बाक्तेकम ।  
 १इतिहास ९ :२

माइजा बाक्शा, पुंइशो लोत्र

२१मिनु गो अहावा खोला बाक्कानु, गो मुर  
 आन कली "परमपरभु कली पुंइचा कली गो  
 माइजा बाक्चा माल्नय" देती । "परमपरभु आ  
 डांइती आंइ दाक्शो मपथु, आंइ कली, आंइ आल  
 आन कली नु आंइ शांप कली लॉम रिम्शो दुम्त"  
 दे परमपरभु कली पुंइतक । २२गो आंइ कली लॉम  
 आंइ जोरी सतरु रे प्रॉइचा कली लडाइ पाइब  
 नु शारा डाइक्वपुकी सोइक्तीकी, दे पिप कली  
 पुंइचा मुन पाता । मारदे हना गोपुकीमी पिप कली  
 "आंइ परमपरभुमी आ नोले खोइक्व नेल्ल आन  
 कली कोत्रब । तन्न मेको कली प्रॉइब आन कली  
 आ गाइशशो कांइब" देशो नड । २३मिनु गो आंइ  
 रिम्शो पा गाक्तीक आ पर्वम माइजा बाक्शा,  
 आंइ परमपरभु कली पुंइतक । मिनु परमपरभुमी  
 आंइ पुंइशो नंतु ।

परमपरभु आ शांप जिम्मा गेशो

२४मिनु गो ठेयब चदेब आन दाते रे १२ जना  
 आन कली योत्रतामी । मेको सु सु बाक्तेकम देशा  
 हना, शेरब्याह नु हशाब्याह नु मेको आस लोकब  
 १० जना बाक्तेकम । २५मिनु पिप आ अर्ती गेब,  
 मेको आ गेय पाइब ठेयब मुरपुकी नु मेकर बाक्व  
 इसराएली नेल्लेमी परमपरभु आ सिं कली गेशो  
 सुन चांदी नु अरु बोसपुकी नाक्शा, मेको आन  
 कली गेतामी । २६गो मेको आन कली ६ सहें

२७ टलेन्ट चांदी, अरु सहै का टलेन्ट डा चांदी के बास नु सुन सहै का टलेन्ट, टलेन्ट का ३४ किलो बाक्व। २७ सुन के बास २७ ओटा, मेको नेल्ल हजार का आदारकान डा बाक्नीम। नु सुन खोदंशा रिम्शा कांसा के बास निक्शी यो गतामी। आदारकान सुन के क्यंत बाक्व। टुकरा का ८.४ ग्राम बाक्व।

२८ मिनु गो मेको आन कली "गे परमपरभु यावे आ मुर बाक्नीनी। एको बास यो परमपरभु यावे आ बास बाक्नीम। मुरपुकीमी एको सुन नु चांदी इन किकी पिपी आन परमपरभु कली ग्यरशा गेशो बाक्नीम। २९ गे मेको नेल्ल कली रिम्शा कोवर्डेन। यरूसलेम परमपरभु यावे आ सिंमी ठेयब चद्वेबपुकी, लेवी नु इसराएली आन सिं सिं डा ठेयब मुर आन डांडती नाक्शा मगेशो सम्म होस पा कोवर्डेन" दे माइक्तामी।

३० मिनु मेको चद्वेब नु लेवीपुकीमी यरूसलेमम बाक्शो आइ परमपरभु आ सिंमी लाइक्वा कली मेको नाक्शो सुन चांदी नु बासपुकी ताक्तेक्म।

इसराएलीपुकी यरूसलेम जाक्शो

३१ मिनु गो डांडती डा महिना डा १२ नाक्तीमी यरूसलेम लचा कली अहावा खोला र गाक्तक। मिनु आइ परमपरभु आ गुइ आइ तार बाक्त। मेकोमी पतीके जोरी सतरु नु लाम बाप्शा बाक्व र बरांडतक। ३२ मिनु गो यरूसलेम जाक्शा नाक्त सां सम्म नांडसाक्क।

परमपरभु आ सिं डा शांप चाक्शो

३३ मिनु आ दीसा मेको सुन चांदी नु बासपुकी, आइ परमपरभु आ सिंमी लाइक्शा, चद्वेब उरीयाह आ ती मरमोथ कली नाक्शा गतक। मेको नु फिनहास आ ती एलाजर यो बाक्त। मिनु मेको निक्शी नु लेवी आन दाते डा येशुआ आ ती योजाबाद नु बिन्नुइ आ ती नोआदीयाह यो बाक्ताक्स। ३४ मेको नेल्ल हिक्शा नाक्शा बरेक्शा वोइक्तेक्म।

जाक्वपुकीमी चोशा चद्वेशो

३५ लेशशा जाक्शो ग्याइक्शा लाइक्वा पुंडसीब इसराएलीपुकीम आन परमपरभु कली चोशा चद्वेम्तेक्म। इसराएली नेल्ल आन पर्वम १२ ओटा ब्यफ, १६ ओटा सांड, ७७ ओटा पाठा नु पाप आ पर्वम चद्वेतीके चद्वेचा कली १२ ओटा बाका चद्वेम्तेक्म। मेको नेल्ल परमपरभु यावे कली चोशा चद्वेतीके बाक्तेक्म। एजरा ६:१७

३६ मेकोपुकीमी पिपमी बरेक्शा अरेशो लोव्र युफरेटीस आइक्वी हांबु डा रागी डा पिप आ गय पाइब नु हुकुम पाइब आन कली गेम्तेक्म। मिनु मेकोपुकीमी मुर आन कली नु परमपरभु आ सिं कली ठेयब वारच पाइक्तेक्म।

इसराएली आन मरिम्शो पशो

१ मिनु मेको नेल्ल पने थुम्शो नोले का निक्शी योत्रचा पुंडसीशो मुरपुकी आं बाक्तीकम जाक्शा "इसराएल डा मुरपुकी, चद्वेब नु लेवीपुकीमी, कनानी हित्ती, परिज्जी, यबुसी, अम्मानी, मोआबी, इज्जीप्ती नु एमोरी आन ग्रांगरा दिशो गय र डोन मदुम्शो बाक्नीम। २ मेकोपुकीमी मेको आन तमी आंम कली नु आन ती आन कली मीश चाक्शो बाक्तेक्म। मोदंशो पा परमपरभु आ आंम मुरपुकी अर्का रागी डा मुरपुकी नु खाल्साक्म। मिनु योत्रचा पुंडसीशो ठेयब मुर नु सासन पाइब आन परमपरभु आ दंशो मपथु, शुश दोस ताइब बाक्नीम" दंतेक्म। ब्यवस्था ७:३; ब्यवस्था २३:३; गन्ती ११:१७-२५; नेहम्याह १३:२३ ३ मिनु गो मेको लोव्र नंशा आं फक्शो वा खाक्ता। आं चां नु गल शोकर तुल्ला। मारेइ लोव्र पने मचाप्यु, सिक्सी पा बाक्ती। ४ मेको ग्याइक्शा लाइक्वा पुंडसीब आन मरिम्शो पतीके आ पर्वम इसराएली आन परमपरभु आ लोव्र कली मान पा हिंबपुकी आं बाक्तीकम एर आंथ बुक्तेक्म। मकर र गो नाक्दो डा चद्वेतीके सम्म मारेइ लोव्र पने मचाप्यु, सिक्सी पा बाक्ती।

एजरामी परमपरभु कली पुंडशो

५ मिनु नाक्दो डा चद्वेतीक दुम्मेनु, आं खाक्शो वा फक्शा, गो पोक्च थक्शा, आं गुइ परमपरभु यावे, आं परमपरभु गे दिशा ६ "आं परमपरभु, गो इन कली आं कुल कांडचा थाप्पा मुने पाता। मारदे हना आइ मरिम्शो पतीके आइ पिपा क्येडा यो लाक्शो बाक्व। मिनु आंइ दोस सरीड सम्म जाक्दोशो बाक्व। दानीएल १:७-८ ७ गो आंइ किकी पिपी र मुलाक्त डा नाक्त सम्म आंइ दोस थम ठेयब बाक्व। आंइ काइ मरिम्शो पतीके आंइ पिप नु चद्वेबपुकी अर्का रागी डा पिप आन गुइमी साइक्वा, चोक्वा, मारेइ मारेइ रोइक्वा पुंडसीचा नु शुश मुने तोक्वा पुंडसाक्म। मिनु गोपुकी यो सिनाक्त मुलाक्त मोदंशो दुम्शो बाक्नीकी। ८ तन्न मुल परमपरभु यावे, आंइ परमपरभुमी

आंइ कली का निक्शी लीशो मुर गेतीनी। आंइ वाइल दुम्तीक रे इच्का नाक्त कली नाइक्चा गेतीके आंइ परमपरभु आ बाक्तीकेमी बाक्चा ताइतक। याम का कली आंइ कली शिशी पा ग्यरपाइक्तीनी। १० गो वाइलीम वाइल बाक्तक हना यो, आंइ परमपरभुमी आंइ कली मप्रांइशो बाक्ब। पारसी रागी डा पिप आ डांइती इन गेना हना यो दाक्तीक कांइशो बाक्तीनी। आंइ कली नक बरांइचा गशा, आंइ परमपरभु आ सिं लेशा सेल्वा कली नु बरशशो नेल्ल लेशा सेल्वा कली नु यहूदा नु यरूसलेम एर आंथ गारो परोव्रचा गेतीनी।

१० मोदंशो बाक्त हना यो, आंइ परमपरभु, मुल गो मार देन चाप्नीकी? गोपुकीमी इन शंशो मटिथु, प्रांइतक। ११ गो इन लोव्र पाइब रे मार लोव्र पपाइक्तीनी देशा हना 'इन के सेल्वा कली ओव्रशो रागी गरांगरा दिशो बाक्त। मारदे हना मेको रागी डा मुर आन गरांगरा दिल्वा डा गेयमी मेको रागी डा कुना कुना नेल्ल बरीशो बाक्त। लेवी १६:२४-२५ १२ मोपतीक गेपुकीमी इन तमी मेको आन तौ आन कली ग्युंबे पा मगन। इन तौ आन कली मेको आन तमी नु ग्युंबे पा मचाक्कीन। मिनु गेपुकीमी मेको आन कली रिम्शो दुम्चा नु दारचा कली वारच मपन। मोपा गेपुकी शुश बाल्यो दुम्शा, मेको रागी डा रिम्शो थोव्रक जचा ताइनीनी। मिनु गे मेको रागी इन चच युइ आन कली गेना हना यो आन के दुम्पाइशशा वाइक्नीनी' दे लोव्र पपाइक्तीनी। १३ गोपुकीमी आंइ मरिम्शो पतीक नु आंइ ठेयब दोस आ पर्वम श्यत जशो बाक्तक। मो हना यो आंइ परमपरभुमी आंइ तचा माल्शो क्यंडा इच्का ला सजाइ गेतीनी। मिनु आंइ कली बरांइचा गेतीनी। १४ गो लेशा इन शंशो लोव्र मटिथु, मेको गरांगरा दिशो गेय पाइब नु ग्युंबे पाइनीकी डा? गो गोपुकी नु चुरशा, आंइ कली मसाइक्नीनी डा? मिनु बरांइशा बाक्ब सुइ मलीब। १५ परमपरभु याव, इसराएली आन परमपरभु गे ठीक पाइब बाक्नीनी। मुल गो इच्का सोइ लीशो बाक्नीक। गो आंइ मरिम्शो पतीकेमी इन डांइती बाक्नीकी। मो हना यो गो इन डांइती पिया पोक्न मचाप्नीकी" देती।

आन थुं परमपरभु गे लेशशो

१० एजरा परमपरभु आ सिं आ डांइती गु बाप्शा, आन मरिम्शो पशो नेल्ल शोव्रशा, डाक्ना डाक्न बाक्शो बाक्त। मिनु ठेयब हुल

का इसराएली वांइश मुर, मीश मुर नु आलपुकी एजरा आ एर आंथ बुक्तेकम। मिनु मेको यो शुश डाक्तेकम। २ मिनु एलाम आ चच युइ डा यहीएल आ तौ शकन्याहमी एजरा कली "गो आंइ परमपरभु कली मटिथु, एको रागी डा अर्का जात डा मीश आल ग्युंबे पा चाक्तक। मोदंशो पाइतक हना यो, इसराएली आन कली आस पतीके बाक्ब। ३ मोपतीके मुल आंइ परमपरभु नु कबल का पय। आ परभु नु परमपरभु आ शंतीक मान पा हिंशा टीब आन दंशो सोदंशो पा एको मीश मुर नु आन आल नेल्ल आन कली प्रांइशा सोइक्चा कली लोव्र थोक्तय। मिनु परमपरभु आ अरशो लोव्रम दंशो सोदंशो पय। ४ मिनु मुल बाक्कीन। एको गेय नेल्ल इन के बाक्ब। गो इन कली वारच पाइनीकी। मोपतीके थुं बारपाइशशा गेय पने" देत।

कसम जपाइशशो

५ मोपतीके एजरा बोक्शा, ठेयब चद्वेबपुकी, लेवीपुकी नु नेल्ल इसराएली आन कली "डांइती देशो लोव्र पाइनीक" दे कसम जपाइक्तीमी। मिनु मेकोपुकीमी कसम जाम्तेकम। ६ मिनु नोले एजरा परमपरभु आ सिं आ डांइती रे बाक्शा, एल्याशीब आ तौ यही-हानान आ कोठाम लत। मिनु मेकोमी शोब्ले मजव ब्वाक्कु यो मतूड। मारदे हना ग्याइशशा लाइक्चा पुंइसीब आन मटितीके आ पर्वम सुर्ता पना पन बाक्त।

७ मिनु यहूदा नु यरूसलेमम बाक्ब लेशशा जाक्शो ग्याइशशा लाइक्चा पुंइसीब नेल्ल यरूसलेमम बुक्मल, दे नंपाइक्तेकम। ८ मिनु हुकुम पाइब नु खाल्पापुकीमी "सुइ मुर नाक्त सां सम्ममी मजाक्त हना, मेको आ शोप नेल्ल रोइक्चा पुंइसीब। मिनु लेशशा जाक्शो ग्याइशशा लाइक्चा पुंइसीब आन दाते रे तिल्वा पुंइसीब" दे यहूदा नु यरूसलेम डा तेइ तेइ लोव्र सोइक्ताकम।

९ मिनु यहूदा नु बेन्यामीन डा मुर नेल्ल नाक्त सां यरूसलेममी बुक्तेकम। मेको ९ महिना डा २० नाक्तीम बाक्त। मुर नेल्ल परमपरभु आ सिं डा लाङ्गाम निस्साकम। मेको नेल्ल लोव्र नु ठेयब ठेयब रेउ आ पर्वम खिरखिर पाम्तेकम। १० मिनु चद्वेब एजरा बोक्शा मेको आन कली "गेपुकीमी अर्का जात डा मीश आल ग्युंबे पा चाक्तीनी। इसराएली आन दोस तेम्ताकनी। ११ मुल गे परमपरभु याव, इन किकी पिपी आन परमपरभु आ डांइती इन मरिम्शो पशो

शोवर्डीन। मिनु आ दाक्शो पने। गे मेको रागी डा मुर नु अर्को जात डा मीश रे ब्राडीन” दे मेको आन कली माइक्तीमी। १२ मिनु मेकर बुक्शो मुर नेल्लेमी ठेयब संदामी “इन दंशो थमा बाक्व। गोपुकीमी इन दंशो खोदंशो पचा माल्नीकी। १३ तन्न गो एकर शुश मुर बाक्नीकी। रउ यिना यिन बाक्व। मिनु गो हाक्सीतीकमी राप्शा बाक्ने मचान्नीकी। एको गय काबु निक्बुम मथुम्सीब। मारदे हना आंइ दातेमी शुश मुख्म मोदंशो मरिम्शो पाम्तेक्म। १४ गे आंइ ठेयब मुरपुकीमी यरुसलेममे मेको लोव्र नंपतीन। मिनु सु सुमी आंइ सहरम अर्को जात डा मीश चाक्गमे, मेको सहर डा खात्पा नु निसाफ पाइब आन डांइती दंशो ना जाक्चा माल्नीम। आंइ परमपरभु आ थाम्पा गाइश्शो मनाइसे सम्म मोदंशो पने” दे ठेयब संदामी लोव्र लेत्ताक्म। १५ मिनु आसाहेल आ तौ योनाथन नु तिकवाह आ तौ याहजैयाह मबिस्सस। मेशुल्लाम नु शब्बथाइ लेवी निक्शीमी मेको आस कली वारच पाइक्ताक्स।

१६ मिनु नोले लेश्शा जाक्शो ग्याइश्शा लाइक्चा पुंडसीबपुकीमी मार पाम्तेक्म दंशा हना, चढेब एजरा कली खिं खिं डा ठेयब मुर आन कली मेको गय पपाइक्चा कली नं बरेक्शा योव्रपाइक्तेक्म। मिनु मेकोपुकीमी १० महिना डा डांइती डा नाक्ते र मेको गय पचा गोम्तेक्म। १७ मिनु डांइती डा महिना डा डांइती डा नाक्ती अर्को जात डा मीश नु ग्युंबे पाइब नेल्ल सु सु बाक्मा तुइक्ने थुम्तेक्म।

अर्को जात डा मीश चाक्व आन नं

१८ मिनु अर्को जात डा मीश ग्युंबे पाइबपुकीमी, चढेबपुकीमी योसादाक आ तौ येशुआ आ चच युइ रे नु आ लोक्व रे मासेयाह एलीएजर, यारीब नु गेदाल्याह बाक्तेक्म। एजरा ३:२ १९ मेकोपुकी आन मीश रे ब्रातेक्म। मिनु आन दोस क्याम्चा कली आन बगाल रे सांड का का चढेचा कली चाक्तेक्म। २० इम्मेर आ चच युइ रे हनानी नु जेबदीयाह, २१ हारीम आ चच युइ रे मासेयाह, एलीया, शमायाह, येहीएल,

नु उज्जीयाह बाक्तेक्म २२ पशुर आ चच युइ रे एली-ओ-एनाइ, मासेयाह, इश्माएल, नेथनल, योजाबाद नु एलासाह बाक्तेक्म। २३ लेवीपुकी रे योजाबाद, शिमै, केलीता माइश्शो केलायाह, पंथायाह, यहूदा नु एलीएजर बाक्तेक्म। नेहम्याह ८:१७; नेहम्याह १०:११

२४ कुम्सो पाइबपुकी रे एल्याशीब, लाप्वो खाल पाइबपुकीमी शाल्लुम, तेयलम नु ऊरी बाक्तेक्म। २५ मिनु इसराएल डा पारोश आ चच युइ रे राम्याह, इज्जीयाह, माल्कीयाह मियामीन, एलाजर, हशाब्याह नु बेनायाह बाक्तेक्म। २६ एलाम आ चच युइ रे मत्तन्याह, जकरिया, येहीएल, अब्दी, येरमोथ, नु एलीया बाक्तेक्म। २७ जत्तु आ चच युइ रे एली-ओ-एनाइ, एल्याशीब, मत्तन्याह, येरमोथ, जाबाद नु अज्जीजा बाक्तेक्म। २८ बेबाइ आ चच युइ रे यहो-हानान, हनान्याह, जब्बे नु आश्रै बाक्तेक्म। २९ बानी आ चच युइ रे मेशुल्लाम, माल्लुक, अदायाह, याशुब, शआल नु येरमोथ बाक्तेक्म। ३० पहाथ-मोआब आ चच युइ रे अदना, केलाल, बेनायाह, मासेयाह, मत्तन्याह, बेचालेल, बिन्नुइ नु मनस्स बाक्तेक्म। ३१ हारीम आ चच युइ रे एलीएजर, इश्रीयाह, माल्कीयाह, शमायाह, शिमैओन, ३२ बेन्यामीन, माल्लुक नु शमारयाह बाक्तेक्म। ३३ हाशुम आ चच युइ रे मत्तत्ताह मतेनाइ, जाबाद, एली-फेलत, येरमाइ, मनस्स नु शिमैइ बाक्तेक्म। ३४ बानी आ चच युइ रे मा-अदाइ, अमराम नु ऊएल, ३५ बेनायाह, बदेयाह, कलुही, ३६ वान्याह, येरमोथ, एल्याशीब, ३७ मत्तन्याह, मतेनाइ नु यासु बाक्तेक्म। ३८ बिन्नुइ आ चच युइ रे ३९ शिमैइ, शेलम्याह, नाथान नु अदायाह, ४० माक-नादेबाइ, शाशाइ, शाराइ, ४१ अजारेल, शेलम्याह, शमारयाह, ४२ शाल्लुम, अमारयाह नु योसफ बाक्तेक्म। ४३ नेबो आ चच युइ रे यिएल, मत्तीश्याह, जाबाद, जेबीना, यददाइ, योएल नु बेनायाह बाक्तेक्म। ४४ मेको नेल्लेमी अर्को जात डा मीश ग्युंबे पशो बाक्तेक्म। मिनु मेकोपुकीमी आन मीश नु आन आल प्रांडशा सोइक्ताक्म।

## नेहम्याह

बरेकब मुरः एको किताब नेहम्याह आंमान इच्छा बरेकशो बाक्त। तन्न नोल सुमी मेको आ बरेकशो नु एजरा आ बरेकशो किताब का सला मतुंडसीब। डॉइती एजरा नु नेहम्याह किताब का बाकशो बाक्त। मेको कली गरीक लोवमी सल्था, मेको किताब का र निकशो सल्थो बाक्तकम।

गेना दुश्शोः ४४६ बि. सी.म नेहम्याहमी यरूसलेम आ पर्वम लोव नंशो। ४४५ बि. सी.म नेहम्याह यरूसलेम लशो। ४४५-४३३ बि. सी.म सुसा सहर लेशशो। ४३३ बि. सी.म नेहम्याह लेशा यरूसलेम लशो।

मारदे बरेकशोः एको किताबमी १इतिहास नु २इतिहासम बरेकशो नेल्ल दुश्शो नोल डा रागी डा इतिहास बाकब। यरूसलेम सहर डा बरेकशो गारो ५२ नाक्तीमी लेशा परोवशो आ पर्वम बरेकशो बाकब।

### नेहम्याह आ पुंडशो लोव

१ एको हाकाल्याह आ तौ नेहम्याह आ लोव बाकब। २० बर्स डा किस्लेव महिनामी गो सुसा डा दरवारम बाक्ती।

२ मेना आं लोकब हानानी, का निकशो मुर नु यहूदा रागी र जाक्त। मिनु गो मेको आन कली “परोकशा, गाकशो नु ग्याइश्शा, लाइक्चा मपुंडसीशो र लीशो यहूदीपुकी दोदेशो बाक्तीमी? यरूसलेम दोदेशो तांडसीबा?” द हिल्लो पातामी। ३ मिनु मेकोपुकीमी आं कली “ग्याइक्चा मपुंडसीशो मेक उइ लीशोपुकीम शुश श्येत जशा, खदा पचा पुंडसीना सीन बाक्तीम। यरूसलेम डा गारो बरेकशो बाकब। मेकर डा ठेयब लाप्चोपुकी मीम दुप्शो बाक्तीम” दंतकम। २इतिहास ३६:३९ ४ मिनु गो मेको लोव नंशा निश्शा, सुर्ता पा, शुश नाक्त सम्म डाक्ना डाक्न बाक्ती। मजथु स्वर्ग डा परमपरभु कली एजरा ९:३ ५ “परमपरभु यावे, स्वर्गम बाकब परमपरभु, गे नेल्ल क्येडा ठेयब नु मान पा हिंचा माल्शो परमपरभु बाक्तीनी। इन कली दाकशा, इन अरेशो लोव टीब आन कली शिशी पाइब नु कबल खाप्य बाक्तीनी। दानीएल ९:४ ६ गो, इन वाइल, इसराएली आन पर्वम नाक्दो नाक्त पुंडनुड। आं पुंडशो लोव नंचा कली गे इन नोफा दाइक्तीन। मिनु आं गे कोवडीन। गो, इसराएली

नु आं आफ आ खिं डा मुर नेल्लेमी इन डॉइती मरिम्शो पाइतक। मिनु गो यो पाप पाता। ७ गे इन वाइल मोसा कली शंतीक गतीनी। गोपुकीमी चहिं मेको इन गेशो फुल्लुम मुशा बरेकशो लोव नु इन ठीक पतीक लोव मटिथु, इन डॉइती मरिम्शो पाइतक। ८ मिनु गे इन वाइल मोसा कली गे आं देशो मटीतीनी हना, गो इन कली रागी रागी डा मुर आन दातमी फुराइनन्नी” दतीनी। ब्यवस्था ४:२७ ९ तन्न “आं गे लेतीनी, आं शंतीक लोव नंशा टीतीनी हना, गो इन कली डोन डोन रागी मेर फुराइतन्नी हना यो, सुप्नन्नी। इन कली खुप्शा, आं नें ठेयब सल्था कली आं योवशो रागीमी चाक्नन्नी” द इन डॉइती पशो लोव मिस्तीन। ब्यवस्था ३०:४-९ १० मिनु मेकोपुकी इन वाइली नु इन रागी डा मुर बाक्तीमी। डॉइती गे मेको आन कली इन ठेयब सक्ति नु इन बोल्यो गुडमी परोइशो बाक्तीनी। ११ परमपरभु, इन नोफा दाइक्तीन। मिनु इन नें कली मान पचा दाक्ब इन वाइल आन पुंडशो लोव यो ननीन। मुलाक्ती आं पुंडशो खपीन। पिप आ डॉइती गो शिशी तडल” द पुंडता। मेना गो पिप कली तूचा गेब आन ठेयब मुर बाक्ती।

### नेहम्याह आ पुंडशो तशो

१ आरता-सास्त पिप दुश्शो २० बर्स २ जाक्दीश्शो बाक्त। मिनु काबु निसान महिनामी पिप आ अडगुर शांबु ठीक पा लाइश्शा, पिप कली खरंत्ताकड। गो सुर्ता पशो नड। पिपमी मेको क्येडा डॉइती आं कली सुर्ता पशो गेनायो मतशो बाक्त। २ मिनु पिपमी “मारदे इ कुल राव किक्पदी? गे रोइ पशो मबाक्नेवे, इ थुं दोक्शो तांडसीब” दंत। मो दंमेनु, गो शुश हितो। ३ मिनु “हजुर, गेना हना यो बरोइशा बाक्कीन। आं किकी पिपी आन कली थिम्शो सहर, खतम दुश्शो बाकब। मिनु गारो डा ठेयब लाप्चो मीम दुप्शो बाक्तीम। मिनु गो दोपा सुर्ता मपाइनुडा डा?” दंतो। ४ मिनु पिपमी “गे मार माल्नेवे?” द हिल्लो पती। मिनु गो आं थुंमी स्वर्गम बाकब परमपरभु कली लोव पाता। ५ मिनु गो पिप कली “गे दाक्तीनी नु इन शिशी ताता हना, आं किकी पिपी थिम्शा, यहूदा रागी डा सहर कली लेशा सल्थ सोइक्तीनी” दंतो। ६ मेना पिपीम पिप नु निश्शा बाक्त। मिनु पिपमी “मो पचा कली गिश नाक्त माल्नेवे? मिनु गेना लेशशा जाक्नेवे?” द हिल्लो पती। मिनु गो आं माल्शो नाक्त दंतो। मिनु पिपम

आं देशो बिश्शा लचा गती। ७मिनु गोमी पिप कली “गे रिम्शो लाकनीनी हना, युफरटीस ठेयब सोला आ आइक्की हांबुमी सासन पाइब मुर आन कली, आं कली यहूदा रागी सम्म गरीशा लचा गचा कली बरक्स का बरक्शा गयीनी। ८मिनु परमपरभु याव आ सिं आ नेक्था डा बोल्यो सिं कली लाप्चो कली, सहर डा गारो डा ठेयब लाप्चो आन कली, नु आं बाक्तीक सिं कली शी माल्लुङ। इन ब्याकी कोव्रब आसाफ कली आं माल्ला शी गचा, दे यो बरक्स का बरक्शा गयीनी” दे पुंडता। मिनु पिपमी आं पुंडशा नेल्ल गती। मारदे हना आं परमपरभु आ शिशी आं तारी बाक्त। एजरा ७ :६

९पिपमी आं कली वारच पाइक्चा कली सिपाइ आन ठेयब मुरपुकी नु शारा डोइक्बपुकी यो गो नु काथा सोइक्ताक्व। मिनु युफरटीस, ठेयब सोला आ आइक्की हांबु डा ठेयब मुर आन बाक्तीक जाक्दीश्शा, पिप आ बरक्सपुकी गेतामी। १०मिनु होरोनी सान्बल्लत नु आ गय पाइब अम्मोनी तोबीयाह, निम्फा “इसराएली आन कली रिम्शो पाइब का जाक्शा बाक्ब” देशो नंशा, थाम्पा चुरताक्स।

नेहम्याह यरूसलेम जाक्शो

११मिनु गो यरूसलेम जाक्शा, नाक्त सां सम्म मेकर बाक्ती। १२मिनु नोले गो नाक्दो बोक्शा, का निक्शी मुर नु गारो कोव्रथ लती। तन्न आं परमपरभुमी आं थुमी यरूसलेम आ पर्वम वोइश्शा लोव्र सुइ आन कली मशंदुमी। मिनु गो आं डोइश्शा शारा डा लाक्शा, अरु शारा मलदु। १३मेको नाक्दो गो बंसी लाप्चो रे ठेयब बुस्स माइश्शा ब्याक्कु बुक्तीक नु मात्रल लाप्चो गे लती। मिनु यरूसलेम डा बरश्शा गारो नु मीम दुप्शो ठेयब लाप्चोपुकी कोव्रतामी। १४मेकर रे पा ब्याक्कु बुक्तीक लाप्चो नु पिप दोम्ती गे लती। तन्न आं शारा कली गाक्तीक लां मबा। नेहम्याह ३ :१५ १५ मिनु गो मेको नाक्दो बंसी रे गयैथ डोइश्शा, गारो कोव्रतामी। मिनु लेश्शा, लंशा बंसी लाप्चो रे सहर जाक्ती। १६मिनु सहर डा ठेयब मुरपुकीम गो ते लडा नु मार पडा, मारइ मतुइक्तेम। मारदे हना गो मना सम्म यहूदी, चद्वब, मान ताइब, ठेयब मुर नु अरु आन कली मारइ मशंदुमी।

नेहम्याहमी मुर आन थुं बारपाइश्शो

१७मिनु मेको नोले गो सहर डा मुर नेल्ल आन कली “गे गो आंइ खतम दुम्शो नेल्ल तुइक्नीनी। यरूसलेम यो खतम दुम्शो बाक्ब। मिनु गारो डा ठेयब लाप्चोपुकी मीम दुप्शो बाक्नीम। लो, गो नेल्ल गारशा, यरूसलेम डा गारो सेल्शा, आंइ मुने साम्य” दे माइक्तामी। १८मिनु आं परमपरभु आ शिशी आं तारी बाक्तीक नु पिपमी आं कली देशो लोव्र यो मेको आन कली शेताक्डमी। मिनु मेकोपुकीमी “लो, गो एको गय पय” दे ग्यरशा, आन थुं बारपाइक्तेक्म।

१९मिनु होरोनी सान्बल्लत, आ गय पाइब अम्मोनी तोबीयाह नु अराबी गेशममी चहिं एको लोव्र नंशा, आंइ कली शुक्शी पा ठेयब लेश्शा “गे मार पाइनीनी, हां ? पिप आ सासन परोइचा माल्ली ?” दे हुइक्ताक्की। २०मिनु गो मेको आन कली “स्वर्गम बाक्ब परमपरभुमी आंइ कली गारो सेल्चा गेब। मिनु गो परमपरभु आ वाइलपुकीमी गारो परोव्रनीकी। यरूसलेममी इन सिं मबाक्ब, एकर मारइ यो पशो मबाक्नीनी। मिनु इन कली ते खाइक्नी ?” दे मेको आन कली माइक्तामी।

यरूसलेम डा गारो परोव्रचा गोशो

३ १नेल्ल क्येडा ठेयब चद्वब एल्याशीब नु चद्वबपुकीमी भडा लाप्चो सेल्लेक्म। मिनु ठेयब लाप्चो सेल्ले थुम्शा “परमपरभु के बाक्ब” दे थारतेक्म। मिनु मेकोपुकीमी मआ माइश्शा लाइश्शा सिं नु हानानेल् माइश्शा लाइश्शा सिं सम्म गारो परोव्रना परोव्रन “परमपरभु के बाक्ब” दे वोइक्तेक्म। नेहम्याह १२ :१ ; यरमीया ३१ :३८ २मिनु मेकर रे बोइश्शा, यरीको डा मुरपुकीमी परोव्रतेक्म। मिनु मेकर रे बोइश्शा, इमरी आ तौ जाक्कुरमी परोव्रतु।

३मिनु हास्सेनाह आ तौपुकीमी डांइ लाप्चो सेल्लेक्म। मेकोपुकीमी ठेयब लाप्चो डा शी वोइश्शा, ठेयब लाप्चो थारशा, लाप्चो नु चोक्तीक आग्लो वोइक्तेक्म। ४मिनु मेकर रे बोइश्शा, हककोस आ तौ उरीयाह आ तौ मरमोथमी गारो परोव्रतु। मिनु मेकर रे बोइश्शा, मेशजाबेल आ तौ बरक्याह आ तौ मेशुल्लाममी सेल्लु। मेकर रे बोइश्शा, बाना आ तौ सादोकमी परोव्रतु। ५मेकर रे बोइश्शा, तेकोहा आ मुरपुकीमी परोव्रतेक्म। मेको आन

ठेयब मुरपुकीम चहिं “गो गारो परोव्रतीक गेय पचा आंड कली मशिरब” दे गारो मपरोव्रडेम ।

६माइत गारो डा ठेयब लाप्चो पासआह आ तौ यो-यादा नु बेसोदेयाह आ तौ मशुल्लाममी सल्लाक्स । मेकोमी ठेयब लाप्चो डा शी बोइश्शा, लाप्चो थारशा, पाइक्तीक नु चोक्तीक आग्लो वोइक्तेकम । ७मेकर र बोइश्शा, गिबान डा मलत्याह नु मेरोनाथ डा मुर यादान, गिबान नु मिस्या डा मुरपुकीमी परोव्रतेकम । मेकोपुकी युफरटीस आंथ हांबु डा जिल्ला डा सासन पाइब आ हुकुममी बाक्तेकम । ८मेकर र बोइश्शा, हाइहायाह आ तौ सुन चेम्ब उज्जीएलमी परोव्रतु । मेकर र बोइश्शा, बरोव्रशा रिना पाइब खरक्तीक सल्लब हनान्याहमी गारो परोव्रतु । मेकोपुकीमी बरेशो गारो सम्म गारो सल्लाशा परोव्रतेकम । ९मेकर र बोइश्शा, हुर आ तौ रेफायाहमी परोव्रतु । मेको रेफायाह चहिं आधा यरूसलेम कली हुकुम पाइब बाक्ते । १०मेकर र बोइश्शा, हेरुमाफ आ तौ येदायाहमी आ सिं आ डांडती डा गारो परोव्रतु । मिनु मेकर र बोइश्शा, हशाब्नेयाह आ तौ हतुशमी परोव्रतु । ११मेकर र बोइश्शा, हारीम आ तौ माल्कीयाह नु पहाथ-मोआब आ तौ हाश्शुबमी परोव्रताक्स । मेको निक्शीमी गारो नु मी मुइक्तीक लाइश्शा सिं यो सल्लाक्स । १२मेकर र बोइश्शा, हल्लोहेश आ तौ, यरूसलेम डा अर्का आधा हुकुम पाइब शाल्लुम नु आ तमीपुकीमी परोव्रतेकम ।

१३मिनु मेको मोव्रल लाप्चो रेकाब आ तौ माल्कीयाहमी सल्लु । मेको बेथ-हक्केरम जिल्ला डा सासन पाइब बाक्ते । मेकोमी ठेयब लाप्चो सल्लाशा, थारशा, लाप्चो चोक्तीक आग्लो वोइक्तेकम । मिनु मेकोपुकीमी मोव्रल लाप्चो माइश्शा ठेयब लाप्चो सम्म, हजार का कुबीत गारो परोव्रतेकम । कुबीत का आधा मिटर सांदेशो बाक्ते ।

१४मिनु मेको मोव्रल लाप्चो रेकाब आ तौ माल्कीयाहमी सल्लु । मेको बेथ-हक्केरम जिल्ला डा सासन पाइब बाक्ते । मेकोमी ठेयब लाप्चो सल्लाशा, थारशा, लाप्चो चोक्तीक आग्लो वोइक्तेकम ।

१५मिनु कोल-होजे आ तौ, मिस्या सहर डा ठेयब हुकुम पाइब शाल्लुममी ब्याक्कु बुक्तीक लाप्चो परोव्रतु । मेकोमी साप्शा ठेयब लाप्चो सल्लाशा, थारशा, लाप्चो पाइक्तीके नु चोक्तीक आग्लो वोइक्तेकम । मेकोमी पिप आ फल फुल रू आ नेक्था डा शलाह माइश्शा दोम्नी डा गारो

परोव्रशा, दाऊद आ सहर र बरुप्तीके सम्म डा गारो परोव्रतु । नेहम्याह २ :१४ ; २राजा २० :२० ; यूहन्ना ९ :७

१६मेकर र पा बोइश्शा, अच्युक आ तौ, उइक्थ बेथ-सुर सहर डा हुकुम पाइब, नेहम्याहमी परोव्रतु । मेकोमी दाऊद नु आ किकी पिपी आन कली थिम्तीक आ आइक्ची र मुर आन सल्लाशा दोम्नी नु सिपाइ आन सिं सम्म गारो परोव्रतु । १७मेकर र बोइश्शा, लेवीपुकीमी परोव्रतेकम । बानी आ तौ रहम मेको आन कली कोव्रब बाक्ते । मिनु मेकर र बोइश्शा, कैलाह सहर डा उइक्थ जिल्लामी हुकुम पाइब, हशाब्नेयाहमी परोव्रतु । १८मेकर र बोइश्शा, आन लोकबपुकीमी परोव्रतेकम । मेको कैलाह डा लीशो भाग डा हुकुम पाइब, हेनादाद आ तौ बिन्नुइ बाक्ते । १९मेकर र बोइश्शा, मेको येशुआ आ तौ, मिस्या डा हुकुम पाइब, एजेरमी परोव्रतु । मिनु कुना डा लडाइ पाइब आन या वोइक्तीक सिं र ग्यल्ल लतीक आ डांडती सम्म यो परोव्रतु । २०मेकर र बोइश्शा, जब्बे आ तौ बारुकमी परोव्रतु । मेकोमी कुना र नेल्ल क्येडा ठेयब चदेब एल्ल्याशीब आ सिं डा ओव्रतीक सम्म परोव्रतु । नेहम्याह ३ :१ २१मेकर र बोइश्शा, हक्कोस आ तौ उरीयाह, आ तौ मेरमोथमी एल्ल्याशीब आ सिं डा ओव्रतीक र सिं ची सम्म परोव्रतु । एजरा ८ :३३ २२मेकर र बोइश्शा, आ नेक्था बाक्शो चदेबपुकीमी परोव्रतेकम । २३मेकर र बोइश्शा, बेन्यामीन नु हाश्शुबमी आस सिं सिं आस डांडती डा गारो परोव्रताक्स । मेकर र बोइश्शा, अनान्याह आ चच, मासयाह आ तौ, अजारयाहमी आ सिं आ नेक्था डा गारो परोव्रतु । २४मेकर र बोइश्शा, हेनादाद आ तौ बिन्नुइमी अजारयाह आ सिं र कुना सम्म परोव्रतु । २५मेकर र बोइश्शा, उजाइ आ तौ पालालमी कुना नु पिप आ सिं आ नेक्था डा लाइश्शा सिं आइक्ची एर सम्म डा गारो परोव्रतु । येरमीया ३२ :२ २६मेकर र बोइश्शा, पारोश आ तौ पेदायाह नु ओफलम बाक्शो परमपरभु यावे आ सिं डा गेय पाइबपुकीमी नां दाप्तीक गे, ब्याक्कु लाप्चो आइक्ची नु गारो डा लाइश्शा सिं सम्म परोव्रतेकम । २७मेकर र बोइश्शा, तेकोहा आ मुरपुकीमी ठेयब लाइश्शा सिं आ डांडती र ओफल डा गारो सम्म परोव्रतेकम । २८शारा लाप्चो आ ग्यल्ल गे चदेबपुकीमी आन सिं डांडडांडती डा गारो परोव्रतेकम । २राजा ११ :३६ २९मेकर

र बोइश्शा, इम्मर आ तौ सादोकमी आ खिं  
 डॉइती डा गारो परोव्रतु। मेकर र बोइश्शा,  
 शकन्याह आ तौ शमायाहमी गारो परोव्रतु।  
 शकन्याह चहिं नां दाप्तीक लाप्चो डा खाल  
 पाइब बाक्त। ३०मेकर र बोइश्शा, शलम्याह  
 आ तौ हनान्याह नु सालाफ आ जन्तर तौ  
 हानुनमी गारो परोव्रताक्स। मेकर र बोइश्शा,  
 बरेक्याह आ तौ मशुल्लाममी आ खिं आ  
 डॉइती डा गारो परोव्रतु। ३१मेकर र बोइश्शा,  
 सुन चम्ब माल्कीयाहमी कुना डा खिं डा इर  
 डा कोठा सम्म ग्याप्ब लेयब आन खिं र गारो  
 परोव्रशा, खाल पाइब लाप्चो आ डॉइती,  
 कौसी पाइश्शा कुना डा तला तारी डा कोठा  
 सम्म गारो परोव्रतु। ३२मेको गारो आ कुनाम  
 बाकशो तला तारी डा कोठा नु भंडा लाप्चो आ  
 दातेमी सुन चम्ब नु ग्याप्ब लेयबपुकीम गारो  
 परोव्रतेकम।

जोरी सतरुमी गय तेकचा माल्शो

४ १“गो गारो परोव्रना परोव्रन बाकनीकी”  
 देशो लोव्र सान्बल्लतमी नंशा, उरशा, शुश  
 गाइश्शा, यहूदी आन पर्वम शुक्शी पाप्तु।  
 नेहम्याह २:१०,११, २मिनु मेकोमी यहूदी आन  
 पर्वम शुक्शी पा, आ लोकबपुकी नु सामरीया  
 डा लडाइ पाइब आन डॉइती “एको मारइ  
 सोक्त मपाइश्शा यहूदीपुकीमी मार पना पन  
 बाकनीमी? मार, मेकोपुकीमी आन गारो लंशा  
 परोव्रन चाप्नीमी? मार, मेकोपुकीमी चढनीमी?  
 मार, मेकोपुकीम काबुमी थुम्नीमी? मेको मीम  
 दुश्शो फुल्लतुम गारो परोव्रन चाप्नीमी डा?”  
 दे लोव्र पाप्तु। ३मिनु अम्मानी डा तोबीयाह  
 सान्बल्लत आ नेकथा बाकशा “मेकोपुकीमी  
 मेको परोव्रतेकम हना यो, सिवार का मेको तारी  
 डॉइसाक्व हना, नेल्ल बरप्ब” देत। ४मिनु  
 गो चहिं “आंइ परमपरभु, इन नोफा दाइश्शा,  
 नेनीन। गो शुश शुक्शी पाइक्वा पुंडसाक्क।  
 मेको आन पशा शुक्शी लेश्शा, मेको आन तार  
 कोप्तीन। मेको आन कली ग्याइश्शा, अरु आन  
 रागी लाइक्पतीन। ५मेको आन मरिम्शो पतीके  
 नेल्ल क्याम्शा मगेने। मारदे हना मेकोपुकीमी  
 गारो परोव्रब आन कली शुक्शी पा, आन थुं  
 तोक्शा गेम्तेकम” दे परमपरभु कली पुंडता।  
 ६मिनु गोपुकीमी आधा लाइश्शा सम्म गारो  
 परोव्रशा, एर आंथ नेल्ल हिरने थुम्शो। मारदे  
 हना परोव्रब मुरपुकीमी आन थुं नुशा, ग्यरशा,  
 गारो परोव्रतेकम।

जोरी सतरु आन कली तेकशो

७मिनु सान्बल्लत, तोबीयाह, अराबीपुकी,  
 अम्मानीपुकी नु अश्दादीपुकीमी “यरूसलेम डा  
 गारो रिम्शो पा सत्ना सल्ल बाकनीम। आ  
 पोट्रला यो सुना सुन बाकनीम” दे तुइश्शा, शुश  
 गाइक्ताकम। ८मिनु मेकोपुकी गारशा, यरूसलेम  
 कली लडाइ पा, सतम सत्त्वा, दे सुम्साकम।  
 ९गोपुकी चहिं आंइ परमपरभु कली पुंडना पुंडन  
 बाक्तक। मिनु गोपुकीमी “मारइ पाइनीमी, कां”  
 दे मेको आन कली कोव्रशा, नाकदो नाक्त खाल  
 पाइबपुकी वोइक्ताक।

१०मिनु यहूदा डा मुरपुकीमी “फुल्लु कुरब आन  
 बोल जाम्ना जाम्न लत। मारदे हना शोर गाकशो  
 शी, फुल्लु नु खप शुश दुम्तीके, गोपुकी गारो  
 परोव्रन मचाप्नीकी” दे गन गन पास्तेकम। ११मिनु  
 आंइ जोरी सतरुपुकीमी “मेको आन मतुइक्थु,  
 मतथु, मेको आन दातेमी जाकदीश्शा, मेको आन  
 कली साइश्शा, आन गय थुम्पाइग्य” देमुमा  
 बाक्त। १२तन्न मेको आन नकथा बाक्व गाउं  
 गाउं डा यहूदीपुकी आंइ बाक्तीक जाकशा “आंइ  
 जोरी सतरु गोपुकी नु लडाइ पचा कली बुक्शा  
 बाकनीम” दे शुश खयप दंतेकम। १३मोपतीके  
 गो गारो आ नेल्ल क्येडा आइक्व दुम्तीके,  
 आंइ जोरी सतरु आन शुश श्यत मजथु, ओव्रने  
 चाप्तीकम, मुर आन कली सुप्ताकडमी। मेको  
 आन कली तरवार, तृतीक नु लिबरा कुरपाइश्शा  
 मेकर वोइक्तामी। १४मिनु गो मेको आन कली  
 हिंशा तशा “महिनीन। नेल्ल क्येडा ठेयब नु मान  
 पा हिंचा माल्शो परमपरभु कली मिम्तीन। मिनु  
 आंम लोकब, तमी तो, मोश नु आंम खिं आ पर्वम  
 लडाइ पने” दे ठेयब मुरपुकी, सासन पाइबपुकी नु  
 मुर नेल्ल आन कली माइक्तामी। नेहम्याह १:२

१५आन मिम्शो गोपुकीमी तुइक्ताकक नु  
 परमपरभुमी आन मिम्शो नेल्ल क्याम्शा गेवा  
 बाक्त, दे आंइ जोरी सतरुपुकीमी तुइक्तामे  
 बाक्त। मोपतीके गो नेल्ल आंम आंम गेय  
 पा गारो परोव्रथ लेत्तक। १६मेको नाक्त डा  
 मेर गो आंइ उइक्थ मुरपुकीमी गारो परोव्रशा  
 बाकशो। मिनु तीशो उइक्थ मुरपुकीमी तृतीक,  
 तेक्तीक नु लिबरा कुरशा, फलाम के फेक्तीक  
 फेक्शा बाक्तेकम। मिनु ठेयब मुरपुकीमी गारो  
 परोव्रब यहूदा डा मुर नु गारशा, आन थुं  
 बारपाइक्तेकम। १७कुरब मुरपुकीमी आन गुइ  
 कामी कुरतीक नु अर्का गुइमी या कुरतेकम।

१६ गारो परोत्रव मुरपुकीमी आन किप्शुरमी चुक्ब पिप्शा परोत्रतेक्म। तुराही ताप्ब आं नेक्था बाक्शो बाक्त। १९ मिनु गोमी ठेयब मुर, हुकुम पाइब नु मुर नेल्ल आन कली “गेय थम ठेयब नु शुश बरशा बाक्शो बाक्ब। गोपुकी गारो आ नेक्था, तन्न डान डान बाक्नीकी। २० तेंकर रं तुराही गरीशो नेंनीनी, मेकर रीब पा बुक्कीन। आइ परमपरमुमी आइ पर्वम लडाइ पाइब” दे माइक्तामी। परस्थान १४:१४ २१ मोपा गो उइक्थ मुरपुकीमी गेय पस डा पस बाक्तक। मिनु उइक्थ मुरपुकी सुनी रं नाक्दो सम्म या शेशा बाक्तेक्म। २२ मेना गो मुर आन कली “नाक्दो खाल पाइब, नाक्त गेय पाइब नु मेको आन कली वारच पाइब नेल्ल यरुसलेममीन नां सोइचा माल्नीम” दे यो माइक्तामी। २३ मोदेशो पा गो, आं लोकबपुकी, आं गेय पाइबपुकी नु आं नेक्था बाक्ब खाल पाइबपुकी वा मपरुइक्थु, आइ या शेशान इत्तक।

परुडग आन कली वारच पशो

१ मिनु नोले मार दुम्त देशा हना, मुरपुकी नु आन मीशपुकीमी आंम आन यहूदी लोकब आन पर्वम लोत्र का बरपाइक्तेक्म। २ का निकशीमी “गो, आइ तमी तौ शुश बाक्नीमी। गो शुश बाक्तीक बरोइचा कली अन्न माल्नीकी” देतेक्म। ३ मिनु का निकशीमी “अन्कालमी अन्न ग्याप्वा कली आइ रूपुकी, आइ अडगुर रूपुकी नु आइ खिंपुकी जाकट वोइक्चा माल्ताक्क” देतेक्म। ४ मिनु का निकशीमी “पिप कली तिरो थाप्वा कली आइ रू नु अडगुर रूपुकी गेशा, जेर ताक्तक। ५ गो या आइ लोकब खोदेशो बाक्नीकी। आइ तमी तौ मेको आन तमी तौ खोदेशो बाक्नीम। मिनु गो आइ तमी तौ आन कली वाइलीम वाइल दुम्चा कली लेयचा माल्नीकी। आइ तमी का निकशी डांइतीन लेयचा पुंडसाक्म। गोपुकीमी मेको आन कली परोइने मचाप्नीकी। मारदे हना आइ रू नु अडगुर रू नेल्ल मुर आन के दुम्ने थुम्तु” देतेक्म। लेवी २५:३९; २राजा ४:१; यसेया ५०:१; मत्ती १६:२५

६ मोपा मेको आन लोत्र नेशा, आन डाक्शो तशा, शुश गाइक्ताक्यी। ७ तन्न गो आं थुमी लोत्र पाता। मिनु गो मान ताइब नु ठेयब मुर आन कली हुइश्शा “क्येट आ चाइक्ब ताक्चा, दे आंम लोकब आन कली जेर गेनीनी” दे माइक्ताक्मी। मिनु मेको आन पर्वम मुर

नेल्ल सुप्ताक्डमी। परस्थान २२:२४ ६ मिनु गो मेको आन कली “गोपुकीमी अर्को रागीम लेयशो वाइलीम वाइल दुम्शो आइ लोकब यहूदी आन कली आइ चाप्शो थाप्शा, मुर आन गुइ रं परोइतक। गोपुकी चहिं आंम इन लोकब रागी रागी डा मुर आन कली लेयनीनी? मिनु मेकोपुकीमी गो आंमान लेशा ग्याप्वा माल्नीकी?” दे शुश हुइक्ताक्ड। मिनु मेकोपुकी सिक्सी पा मारइ मदम। लेवी २५:४७-४९ १ मिनु लेशा “इन पशो मरिम्शो बाक्ब। आइ जोरी सतरुपुकीमी आइ कली शुक्शी मपपाइक्थु, आइ परमपरमु कली मान पा हिंशा, गेय पचा ममाल्नीनी डा? १० गो आंमान, आं लोकबपुकी नु आं गेय पाइबपुकीमी यो मेको आन कली क्येट नु अन्न जेर गतक। मुल गो चाइक्ब पुंडचा परोइय। व्यवस्था १५:१-११ ११ गो मुलाक्तीन मेको आन रू, अडगुर रू, आन तेल रवा रू नु आन खिं लेशशा गेने। मिनु क्येट, अन्न, नक अडगुर रस नु तेल, मार मार जेर पुन्म, मेको नेल्ल मो गेने” दे माइक्तामी। १२ मिनु मेकोपुकीमी “गो नेल्ल लेशशा गेनीकी। मेकोपुकी रं मारइ मताक्नीकी। इन देशो खोदेशो पा नेल्ल पाइनीकी” देतेक्म। मिनु गो चढेब आन कली बरेशशा “आइ देशो खोदेशो पा पाइनीकी” दे कसम जपाइक्तामी। १३ मिनु नोले गो आं फेक्शो वा रं थुर थुर पा फुरक हेम्शा “आन देशो मखाप्ब कली परमपरमुमी आन खिं नु आन थरशो रू रं आं पान थुर थुर पा हेमल। मोपा थुर थुर पा श्यत्थ दुम्मल” देती। मिनु मेकर बुक्शा बाक्ब नेल्लमी “आमेन” देतेक्म। मिनु मेकोपुकीमी परमपरमु याव कली ठेयब सेल्शा, आन देशो खोदेशो पाम्तेक्म। आमेन देबमी “गो यो मोदेशो मिम्नुड” देब।

नेहम्याहमी रिम्शो पशो

१४ मिनु आरता-सास्त पिप दुम्शो २० बर्स दुम्मेनु, गो यहूदा रागीमी हुकुम पचा कली योत्रचा पुंडसाक्यी। मेना रं मुल १२ बर्स दुम्त। मेको आरता-सास्त पिप दुम्शो ३२ बर्स दुम्त। मेको १२ बर्स सम्म गो नु आं लोकबपुकीमी हुकुम पाइब आन ततीक जचा थोत्रक मजक। १५ आं क्यडा डांइती डा आं खोदेशो पा हुकुम पाइबपुकीमी मुर आन कली ठेयब श्यत गेशो बाक्तेक्म। मेकोपुकीमी नाक्त कित कित डा जचा थोत्रक, शोब्ले, अडगुर शांबु नु ४० चांदी के शकेल यो लाइश्शा बाक्तेक्म। मिनु मेको

आन गेय पाइबपुकीमी यो मुर आन कली साप्पा दिप्शो बाक्तेकम। तन्न गो परमपरभु कली मान पा हिंशा मोदंशो मपड। चांदी के शकेल का ११.५ गराम डा क्येट बाक्ब। १६मिनु गो आंमा गारो परोव्रतीक गेय यो पाता। गोपुकीमी रू का यो मग्याप्क। आं गेय पाइब नल्ल गारो परोव्रथ जाक्तेकम। १७मिनु गो नु सह का ५० जना यहूदी आन ठेयब मुरपुकी काथा बाक्शा जाम्तेकम। मिनु एर आंथ रागी रे आंइ कली गृस्थ जाक्बपुकी यो गो नु बाक्शा जाम्तेकम। १८नाक्त का कली मार जचा थोव्रक ठीक सल्लशो बाक्त, देशा हना, ब्यफ का, ६ आटा रिम्शो दोम्शो भेडा नु ब्यापुकी ठीक सल्लशो बाक्तेकम। मिनु १०, १० नाक्त कली मारइ मारइ अडगुर शांबु यो चाक्शो बाक्त। मोदंशो शुश माल्ती हना यो, गो गेनायो हुकुम पाइब आ तचा माल्लशो जचा थोव्रक ममलु। मारदे हना मुरपुकी शुश श्येत जशो बाक्तेकम। १९गो परमपरभु यावे कली “आं परमपरभु, गो एको मुर आन कली मार मार रिम्शो पडा, मेको मपरंदीन” देती। नेहम्याह १३:१४, २२, ३१

### जोरी सतरुमी हिंच कांइशो

१मिनु नोले सान्बल्लत, तोबीयाह, अराबी ६ गेशम नु आंइ जोरी सतरुपुकीमी “गोपुकीमी गारो परोव्रशा, पाव्रला नल्ल यो सुने थुम्तक” देशो नंतेकम। गो ठेयब लाप्चो थारन मथुम्शो बाक्ती। २मना सान्बल्लत नु गेशममी आं कली “आनो दिम डा गाउं काम गरुम्य” दे लोव्र सोइक्ताक्यीमी। तन्न मेकोपुकीमी आं कली मरिम्शो पचा माल्लशो बाक्तेकम। ३मिनु गो मेको आन कली “मुल आं के ठेयब गेय का बाक्ब। मोपतीक यिन मचाप्नुड। मेक यिशा, आं गेय क्योल्ला मदाक्नुड” दे लोव्र सोइक्ताकड। ४मिनु मेकोपुकीमी आं कली ४ खेयप सम्म “यिन” दे लोव्र सोइक्ताक्यीमी। मिनु गो यो डांइती डा सोदंशो पा लोव्र लेशशा सोइक्ताकडमी। ५मिनु सान्बल्लतमी लेंशा, ५ खेयपमी आं गेय पाइब मुर, नल्ल आन कली पदेचा डा पा, बरेक्स का सोइक्ताकव। ६मिनु मेको बरेक्समी “अर्का जात डा मुरपुकीमी गे नु यहूदीपुकी गारशा सरकार कली तुल्लशो बाक्नीनी” देतेकम। गेशममी यो मान देत। मोपतीक गे गारो सल्ला सल्ल बाक्नीनी। गे चहिं मेको आन पिप दुम्चा माल्लशो बाक्नेवे, देशो यो नंसाक्ब। नेहम्याह २:१९; एजरा ४:१२

७मिनु ‘यहूदामी पिप का बाक्ब’ देपाइक्चा कली परमपरभु यावे आ लोव्र पाइब आन कली यो योव्रशा, यरूसलेमम लोव्र पथ, वोइशशो बाक्ते। मिनु पिपमी एको लोव्र थमा पा नंब। मोपतीक एको आ पर्वम लोव्रसी पचा कली रीब पा यिन” दे बरक्शो बाक्त। ८मिनु गो “इ देशो लोव्र नल्ल जाल बाक्ब। आंम इ मिम्शा बाक्ब” दे लोव्र लेशशा, सोइक्ताकड। ९मिनु मेको नल्लेमी आंइ कली हिंच कांइचा माल्लेकम। मेकोपुकीमी “एको गारो परोव्रचा परोइनीम। मथुम्नीम” दे मिम्से बाक्त। मिनु गो “परमपरभु, आं थुं बारपतीन” दे पुंडता।

### शमायाहम रिम्शो लोव्र पसु पशो

१०मिनु काबु गो देलायाह आ तो, मेहेताबेल आ चच शेमायाह आ खिमी लती। मेको आ खिमी चोक्सीशा बाक्शो बाक्त। मेकोमी आं कली “गो निक्शी परमपरभु यावे आ खिं नल्ल क्येडा आगा ओव्रशा, लाप्चोपुकी चोक्शा, बाक्स। मारदे हना मेकोपुकी इन कली साइक्थ पिना पिन बाक्नीम। नाक्दा इन कली साइक्थ जाक्नीम” दे माइक्ती। ११तन्न गो मेको कली “मार, आं सोदंशो मुर परोक्वा डा ? गो परमपरभु यावे आ खिंम ओव्रशा, बरांइनुडा डा ? गो मलाइनुड” दे माइक्ता। १२मिनु गो “परमपरभु आ सोइशशो ममाइ, आं कली मरिम्शो पचा, दे सान्बल्लत नु तोबीयाहमी मेको कली नोले दुम्ब लोव्र पपाइक्सु पशो बाक्ताकस। १३आं कली हिंच कांइचा नु पाप पपाइक्चा माल्लाकस। मोपा मेकोमी आं पर्वम मरिम्शो लोव्र बरपाइक्चा कली क्येट ताक्शो बाक्ते” दे तुइक्ताकड। १४मिनु गो “आं परमपरभु, तोबीयाह नु सान्बल्लत आस पशो मिम्तीन। आं कली हिंच कांइचा बाक्ब नोले दुम्ब लोव्र पाइब नोआदीयाह माइशशो मीश मुर नु अरु नोले दुम्ब लोव्र पाइब, नल्ल आन पतीक यो मिम्तीन” दे परमपरभु कली पुंडता। नेहम्याह ३:३३-३७

### यरूसलेम डा गारो सल्ले थुम्शो

१५एतुल महिना डा २५ नाक्त गोपुकीमी गारो सल्ले थुम्तक। सल्ले थुम्चा कली ५२ नाक्त माल्लाकक। १६मिनु आंइ जोरी सतरुपुकीमी एको लोव्र नंतेकम, देशो नेंशा, आंइ एर आंथ बाक्शो अर्का जात डा मुर नल्ल शुश हिंतेकम। मिनु मेकोपुकीमी “इं परमपरभुम पशो बाक्ते” दे तुइक्ताकम।

१७ मेना यहूदा डा ठेयब मुरपुकीमी तोबीयाह कली शुश बरक्स बरकशा, सोइकना सोइकन बाक्तेकम। मिनु तोबीयाहमी यो मेको आन कली बरक्स सोइकना सोइकन बाक्त। १८ मिनु यहूदा डा शुश मुरुमी तोबीयाह आ लोत्र बिश्शा “इन मुर दुम्नीकी” दे कसम जशा बाक्तेकम। मारदे हना तोबीयाह आ चांडवा आराह आ तो शकन्याह बाक्त। मिनु आ तो यहा-हानानमी बरक्याह आ तो मेशुल्लाम आ तमी चाकशो बाक्त। १९ मेको मुरपुकीमी आं डांडती तोबीयाहमी मार मार रिम्शो गय पाप्नु, दे आं कली लोत्र पाप्तेकम। मिनु आं देशो लोत्र यो तोबीयाह कली शोत्रतेकम। मिनु तोबीयाहमी आं कली हिंच कांडशा चिठीपुकी सोइकताकयी।

नेहम्याहम हुकुम पाइब सल्ल्शो

७ मिनु गारो परोत्रने थुम्शा, लाप्चोपुकी थारशा गारपाइश्शा वोइक्ताकमी। लाप्चो खाल पाइबपुकी, कुम्सो पाइबपुकी नु लेवी नेल्ल योत्रशा वोइक्तामी। २ मिनु गो आं लोकब हानानी नु लडाइ पाइब आन नेल्ल क्येडा ठेयब मुर हनान्याह आस कली यरूसलेममी हुकुम पाइब सल्ल्तासी। मारदे हना शुश मुर आन क्येडा हनान्याह दीगो नु रिम्शो पाइब परमपरभु कली मान पा हिंच बाक्त। ३ मिनु गो मेको आस कली “यरूसलेम डा ठेयब लाप्चोपुकी नां चोक्ता नोले ला रोकपतीन। मिनु नोले खाल पाइबपुकी ठेयब लाप्चोम गय पची ना लाप्चोपुकी चोक्शा, आग्लो शुइक्चा माल्नीम। यरूसलेम डा मुरपुकी का का पा खाल पाइब सल्ल्चा माल्नीम। का निकशी गारो कोत्रब सल्ल्चा, का निकशी आंम आन सिं आ डांडती खाल पचा माल्नीम” दे माइक्तामी। ४ सहर ठेयब बाक्ब। मिनु मुर शुश मबाक्तीक, बरशा बाक्शो बाक्तेकम। मिनु सुइमी आन सिं लेशा सल्ल्शो मबाक्म।

यरूसलेम लेशशा जाक्ब आन नें

एजरा २:१-६

५ मिनु आं परमपरभुमी आं कली “ठेयब मुर, सरकार डा अधिकार ताइब नु अरु मुर नेल्ल आन कली बुक्पाइश्शा, मेको नु आन सिं डा मुर आन नें बरक्चा माल्नुड” दे मिम्पाइक्ती। मिनु गो ग्याइश्शा लाइक्चा पुंडसीशो रे, यरूसलेम लेशशा जाक्ब आन नें बरक्शो किताब थित्ता। मिनु मेको किताबम सु सु

आन नें बरक्शो बाक्तेकम देशा हना, ६ डांडती बेबीलोन डा पिप नेबुकदनेसरमी यरूसलेम नु यहूदा डा मुर आन कली ग्याइश्शा लाइश्शा बाक्त। मिनु सु सु नोले यरूसलेम नु यहूदा डा आंम आन सहर लेत्वा तशो बाक्तेकम देशा हना, ७ जेरूब-बाबल, येशुआ, नेहम्याह, अज्जारयाह, राम्याह, नाहामानी, मारदेके, बिल्थान, मिस्पेरथ बिग्वाइ, नेहुम नु बानाह लेत्वा तशो बाक्तेकम।

८ लेत्वा ताइब इसराएली सु सु बाक्तेकम देशा हना, पारोश नु आ सिं डा मुर २,१७२ ९ शफत्याह नु आ सिं डा मुर ३७२ १० आराह नु आ सिं डा मुर ६५२ ११ पहाथ-मोआब नु आ सिं डा मुर नु येशुआ नु योआब आस सिं डा मुर नेल्ल २,८१८ १२ एलाम नु आ सिं डा मुर १,२५४ १३ जतु नु आ सिं डा मुर ८४५ १४ जक्काइ नु आ सिं डा मुर ७६० १५ बिन्नुइ नु आ सिं डा मुर ६४८ १६ बेबाइ नु आ सिं डा मुर ६२८ १७ अज्जाद नु आ सिं डा मुर २,३२२ १८ अदोनीकाम नु आ सिं डा मुर ६६७ १९ बिग्वाइ नु आ सिं डा मुर २,०६७ २० आदीन नु आ सिं डा मुर ६५५ २१ आतर नु हिज्कीयाह नु आस सिं डा मुर ९८ २२ हाशुम नु आ सिं डा मुर ३२८ २३ बजाइ नु आ सिं डा मुर ३२४ २४ हारीफ नु आ सिं डा मुर ११२ २५ गिबोन नु आ सिं डा मुर ९५ २६ बेथलेहम नु नेतोफाह सहर डा मुर १८८ २७ अनाथोथ सहर डा मुर १२८ २८ बेथ-अज्जावथ सहर डा मुर ४२ २९ किरयथ-यारीम, केफीरा नु बेयरोथ सहर डा मुर ७४३ ३० रामाह नु गबा सहर डा मुर ६२१ ३१ मिकमास सहर डा मुर १२२ ३२ बेथल नु ए सहर डा मुर १२३ ३३ अर्का नेबो सहर डा मुर ५२ ३४ अर्का एलाम आ तो १,२५४ ३५ हारीम आ तो ३२० ३६ यरीको सहर डा वांडश मुर ३४५ ३७ लोद, हादीद नु ओनो सहर डा वांडश मुर ७२१ ३८ सेनाह सहर डा वांडश मुर ३,९३० जना लेत्वा ताइब बाक्तेकम।

चद्रेबपुकी

३९ येशुआ आ सिं डा येदायाह आ चच युइ ९,७३ ४० डम्मेर आ चच युइ १,०५२ ४१ पशहुर आ चच युइ १,२४७ ४२ हारीम आ चच युइ १,०१७ जना बाक्तेकम।

लेवीपुकी

४३ होदेवाह आ सिं डा येशुआ नु कदमीएल आस चच युइ ७४ जना लेत्वा तशो बाक्तेकम।

## कुम्सो पाइबपुकी

४४ आसाफ आ चच युइ १४८ जना लेत्वा तशो बाक्तेकम ।

## लाप्चो खाल पाइबपुकी

४५ शाल्लुम, आतेर, ताल्मान, अक्कुब, हतीता नु शाबाइ आन चच युइ १३८ जना लेत्वा तशो बाक्तेकम ।

## परमपरभु आ सिंम गेय पाइबपुकी

४६ सीहा आ तौपुकी, हासुफा आ तौपुकी, तब्बाओथ आ तौपुकी, ४७ केरोस आ तौपुकी, सीआ आ तौपुकी, पादोन आ तौपुकी, ४८ लेबाना आ तौपुकी, हगाबा आ तौपुकी, शाल्माइ आ तौपुकी, ४९ हानान आ तौपुकी, गिददेल आ तौपुकी, गहार आ तौपुकी, ५० रेआयाह आ तौपुकी, रसीन आ तौपुकी, नेकोदा आ तौपुकी, ५१ गज्जाम आ तौपुकी, उज्जा आ तौपुकी, पासेआह आ तौपुकी, ५२ बेसाइ आ तौपुकी, मेउनीम आ तौपुकी, नेफुशसीम आ तौपुकी, ५३ बाकबुक आ तौपुकी, हकुफा आ तौपुकी, हारहुर आ तौपुकी, ५४ बास्तुथ आ तौपुकी, महीदा आ तौपुकी, हारशा आ तौपुकी, ५५ बारकोस आ तौपुकी, सीसरा आ तौपुकी, तेमाह आ तौपुकी, ५६ नु नसीयाह नु हतीफा आस तौपुकी परमपरभु यावे आ सिंम गेय पाइब लेत्वा तशो बाक्तेकम ।

## सोलोमन आ गेय पाइबपुकी

५७ सोताइ आ तौपुकी, सोफेरथ आ तौपुकी, परीदा आ तौपुकी, ५८ याला आ तौपुकी, दारकोन आ तौपुकी, गिददेल आ तौपुकी, ५९ शफत्याह आ तौपुकी, हतील आ तौपुकी, पोकरथ-हस्सबाइम आ तौपुकी नु आमोन आ तौपुकी, ६० परमपरभु यावे आ सिंम गेय पाइब नु सोलोमन आ सिंम गेय पाइब आन तौ नेल्ल पा ३९२ जना लेत्वा तशो बाक्तेकम ।

## का निक्शी अर्को सहर डा मुर

६१ तेल-मैलाह, तेल-हारशा, करुब, अददोन नु इम्मर सहर र कुइब मुर आन किर्की पिपी इसराएली बाक्नीम, दे बरक्तीकेमी कांडने मचबम । ६२ देलायाह, तोबीयाह नु नेकोदा आन तौ नेल्ल पा ६४२ जना बाक्तेकम । ६३ चढेब आन दाते र होबायाह, हककोस आस चच युइ नु बारजील्लाइ बाक्नीम । बारजील्लाइमी चहिं

गिलादी बारजील्लाइ आ तमी का ग्युबे पा आ शिउ आ नें बारजील्लाइ माइक्चा पुंडसीशो बाक्त । ६४ मेको आन नें बरक्शो मथितीक, चढेतीक गेय पचा मशिरनीम, दे तिल्ला पुंडसीशो बाक्तेकम । ६५ हुकुम पाइबमी ऊरीम नु शुम्मीम र गेय पाइब चढेब मगरूम सम्म मेको आन कली चढेशो थोत्रकी जचा मगम बाक्त । परस्थान २८ :३० ; गन्ती १८ :९ ; १सामुएल १४ :४१

६६ यरूसलेम लेशशा जाक्ब नेल्ल ४२,३६० जना बाक्तेकम । ६७ मेको आन वाइलीम वाइल ७,३३७ जना बाक्तेकम । मिनु कुम्सो पाइबपुकी २४५ जना मुर बाक्तेकम । ६८ मिनु ७३६ ओटा शारा, २४५ ओटा खच्चर, ६९ दलआंठ ४३५ नु ६,७२० ओटा गधा बाक्तेकम ।

## परमपरभु कली ग्येरशा गेशो

## एजरा २ :६८-६९

७० मिनु का निक्शी सिंम डा ठेयब मुरपुकीमी गारो परोत्रचा कली मार मार गेम्तेकम । हुकुम पाइबमी सुन के आदारकोन माइशशो क्यट हजार का टुकरा, ५० ओटा बोस नु ५ सह ३० ओटा चढेब आन कली फेक्तीके वा गेपु । आदारकोन का ८.४ ग्राम सुन के क्यट बाक्ब । ७१ मिनु का निक्शी सिंम डा ठेयब मुरपुकीमी गेय कली सुन के आदारकोन २० हजार टुकरा नु चांदी के मीना माइशशो क्यट हजार निक्शी सह निक्शी टुकरा गेम्तेकम । मीना का ६०० ग्राम खोदशो बाक्ब । ७२ तीशो मुरपुकीमी सुन के आदारकोन २० हजार टुकरा नु चांदी के मीना हजार निक्शी टुकरा नु ६७ ओटा चढेब आन कली फेक्तीके वा गेम्तेकम । ७३ मिनु चढेबपुकी, लवीपुकी, लाप्चो खाल पाइबपुकी, कुम्सो पाइबपुकी, परमपरभु यावे आ सिंमी गेय पाइबपुकी नु अरु नेल्ल इसराएली आन आम आम सहरमी लशा बाक्शो बाक्तेकम ।

## एजरामी परमपरभु आ लोत्र पदेशो

१ मिनु ७ महिना थेक्चावानु, इसराएली आम आन आन सहरमी बाक्मानु, मुर नेल्ल थुं का दुम्शा, ब्याक्कु लाप्चो आ नक्था डा ठेयब बाक्तीकेम बुक्तेकम । मिनु मेकोपुकीमी परमपरभु यावे आ लोत्र जोक्ब तुइक्ब चढेब एजरा कली "परमपरभु यावेमी मोसा कली गेशो इसराएली आन कली अरेशो लोत्र डा किताब चाक्को" देतेकम । एजरा ७ :६ २ मिनु ७ महिना डा डांडी डा नाक्तीमी चढेब एजरामी

मेको किताब मुर आन डांडती चाक्तु। मेकर वांडश मुर, मीश मुरपुकी नु सु सु रुने चाप्व बाक्मा, मेको नेल्ल बुक्शा बाक्तेक्म। व्यवस्था ३१:१०-१३ ३मोपा एज्रामी ब्वाक्कु लाप्चो आ नेक्था डा बाक्तीकमी सुनी रे नाक्त सम्म वांडश मुर, मीश मुर नु लोत्र रुने चाप्व नेल्ल आन डांडती मेको किताब पढेप्टु। मिनु परमपरभु यावे आ अरशो लोत्र डा किताब पढेवानु, नेल्लेमी नोफा दाइश्शा नेंतेक्म। ४मिनु परमपरभु यावे आ लोत्र जोक्ब तुइक्ब एज्रामुर नेल्ल आन कली रिम्शो नंपाइक्वा कली शो के सेल्शो लाइश्शो राप्तीकमी राप्शो बाक्त। मेको आ ग्युरा गे मत्तीथ्याह, शमा, आनायाह, उरीयाह, हिल्कीयाह नु मासेयाह राप्शो बाक्तेक्म। मिनु आ पेरा गे पेदायाह, मीशाएल, माल्कीयाह, हाशुम, हश्बादानाह, जकरिया नु मेशुल्लाम राप्शो बाक्तेक्म। ५मिनु एज्रामी आ लाइश्शो बाक्तीकमी राप्शा, नेल्लेम तचा डा पा मुर आन डांडती मेको किताब पराक्तु। मेको किताब पराक्गानु, मुर नेल्ल बाक्तेक्म। ६मिनु एज्रामी नेल्ल क्यडा ठेयब परमपरभु यावे कली “गे ठेयब ननी” दे मान पवानु, मुर नेल्लेमी आन गुइ पोक्शा “आमेन, आमेन” दंतक्म। मिनु नेल्लेमी आन पिया सुक्शा, परमपरभु यावे आ डांडती खप सम्म बाप्शा ठेयब सल्लेक्म। ७मिनु येशुआ, बानी, शेरब्ब्याह, यामीन, अक्कुब, शब्बथाइ, हादीयाह, मासयाह, केलीता, अजायाह, योजाबाद, हानान, पलायाह नु लेवीपुकीमी मुर आन कली परमपरभु आ अरशो लोत्र रुप्पाइक्तेक्म। मिनु मुर आन बाक्तीकम राप्शा बाक्तेक्म। ८मेकोपुकीमी परमपरभु आ अरशो लोत्र रुप्पा डा पा पढेक्तेक्म। आन पढेशो रुप्मेकल, दे मुर आन कली आ अर्थ यो शंताक्म।

९मिनु परमपरभु यावे आ अरशो लोत्र नंशा, मुर नेल्ल शुश डाक्तेक्म। मोपतीके पिप आ वाइश्शो हुकुम पाइब, नेहम्याह, परमपरभु यावे आ लोत्र जोक्ब तुइक्ब चढेब एज्रामुर नु मुर आन कली शंब लेवीपुकीमी “मुलाक्ती परमपरभु यावे, इन परमपरभु आ ठेयब नाक्त बाक्ब। हिशक मपने। मडाक्कीन” दे मुर आन कली माइक्तेक्म। १०मिनु मेकोपुकीमी मुर आन कली “मुल गे नेल्ल लने। बराव्रशो बराव्रशो जने ब्वने, तूडीन। मिनु मथीब आन कली यो मार मार सोइक्तीने। मारदे हना मुलाक्ती आंइ परमपरभु आ ठेयब नाक्त बाक्ब। हिशक मपने। मारदे हना परमपरभु

यावे आ गेशो ग्येरतीकमी इन थुं बारपाइक्ब” दंतक्म। ११मिनु लेवीपुकीमी मुर नेल्ल आन कली “सिक्सी पा बाक्कीन। मुलाक्ती परमपरभु आ ठेयब नाक्त बाक्ब। हिशक मपने। मडाक्कीन” दंतक्म। मारदे हना मुर नेल्ल परमपरभु यावे आ लोत्र नंशा डाक्तेक्म। नेहम्याह ५:१४ १२मिनु मुर नेल्लेमी आन देशो लोत्र रुप्शा, ठेयब ग्येरतीक चाड मानेचा कली जचा ब्वचा तूचा नु मथीब आन कली मार मार सोइक्चा कली लाम्तेक्म।

### गोठ सेल्शा बाक्तीक चाड

१३मिनु आ दीसा खिं नेल्ल डा ठेयब मुर, चढेब नु लेवी नेल्ल परमपरभु यावे लोत्र जोक्ब तुइक्ब एज्रामुर आ डांडती परमपरभु यावे आ अरशो लोत्र शंसीचा कली बुक्तेक्म। १४मिनु परमपरभु यावेमी मोसा कली “इसराएलीपुकीमी ७ महिना डा ७ नाक्त कली गोठ सेल्शा बाक्तीक चाड मानेचा माल्नीम” दे शंशा, परमपरभु यावे आ अरशो लोत्रम बरक्शा थित्तेक्म। लेवी २३:३४-३६; लेवी २३:४० १५मिनु मेकोपुकीमी आंम बाक्तीक सहर नेल्लेमी नु यरूसलेम डा मुर आन कली “गे इर ब्वाकी ग्येत्थ लशा, मार मार तेल रवा, मूर रवा, खजूर रवा नु शुश सफा पाइश्शो रवा आन राशी गोठ सेल्शा कली चाक्कीन। मिनु दोदेशो बरक्शा बाक्मे, मोदेशो पने” दे नंपतीन दंतक्म। लेवी २३:४० १६मिनु मुरपुकी लशा, सेजला चाक्तेक्म। मिनु आन खिं तारी, आन लाडगामी, परमपरभु आ खिं डा लाडगामी, ब्वाक्कु लाप्चो आ नेक्थामी नु एफराइम लाप्चो आ नेक्थामी गोठ सेल्शा बाक्तेक्म। नेहम्याह ८:१ १७मिनु मुर नेल्ल, सु सु ग्याइश्शा लेत्चा पुंडसीशो बाक्मा, मेको नेल्ल, गोठ सेल्शा, आगाम बाक्तेक्म। मिनु नून आ तौ यहासु आ पाला रे मेको नाक्त सम्म इसराएलीपुकीमी मोदेशो मपशो बाक्तेक्म। मेको चाडमी मुर नेल्ल शुश ग्येरसाक्म। १८मिनु डांडती डा नाक्त रे नोल डा नाक्त सम्म एज्रामुर नाक्त कित कित परमपरभु आ अरशो लोत्र डा किताब पढेप्टु। मेकोपुकीमी मेको चाड ७ नाक्त सम्म मानेक्तेक्म। मिनु दोदेशो पा बरक्शा बाक्मे, मोदेशो पा आ दीसा ८ नाक्तीमी चाड थुम्तीक नाक्त नेल्ल क्यडा ठेयब पा मानेक्तेक्म।

मुरपुकीमी मरिम्शो पशो

१ मिनु मेको महिना डा २४ नाक्त नोले  
 १ इसराएलीपुकी माइजा बाक्शा, अरन्डी  
 फेक्शा नु आन पियामी फुरक दपशा खुम्साकम।  
 २ इसराएलीपुकीमी अर्का जात डा मुरपुकी र  
 आम कली तिल्साकम। मिनु आन बाक्तीकम  
 राप्शा, आन मरिम्शो पशो नु आन किकी पिपी  
 आन मरिम्शो पशो शोवतेकम। ३ मिनु नेल्ल  
 आन बाक्तीकमी राप्शा, घन्टा सां सम्म  
 परमपरभु यावे, आन परमपरभु आ अरेशो लोत्र  
 डा किताब पदशो नतेकम। मिनु अर्का घन्टा  
 सां सम्म चहिं आम आम आन मरिम्शो पशो  
 शोवना शोवन, परमपरभु यावे आ डांडती  
 बाप्शा, परमपरभु यावे, आन परमपरभु कली  
 ठेयब सेल्ना सेल्ना बाक्तेकम।

४ येशुआ, बानी, कदमीएल, शबान्याह, बुन्नी,  
 शेरब्याह, बानी नु केनानी लेवी आन शी के  
 सेल्शो राप्तीक डा करसीमी बाक्शा, ठेयब  
 संदामी परमपरभु यावे, आन परमपरभु कली लोत्र  
 पांतेकम। ५ मिनु लेवी येशुआ, कदमीएल, बानी,  
 हशाब्नेयाह, शेरब्याह, होदीयाह, शबान्याह नु  
 पथायाहमी मुर आन कली "बोक्कीन, गेना हना  
 यो बाक्ब परमपरभु यावे, इन परमपरभु कली  
 ठेयब सेलीन। इन नं ठेयब बाक्ब। नेल्ल आन  
 ठेयब सेल्तीक आन क्येडा इन नं ठेयब सेल्चा  
 पुंडसीशो बाक्ब" देंचा माल्लीनी" दतेकम।

६ मिनु एज़रामी "गे का ला परमपरभु यावे  
 बाक्नीनी। गे सरीड सेल्तीनी। स्वर्ग नु  
 मेकर बाक्ब नेल्ल सेल्तीनी। गे रागी नु  
 मेकर डा मारइ मारइ, समुन्दर नु मेकर डा  
 मारइ मारइ आन कली सेल्तीनी। मिनु मेको  
 नेल्ल कली बरांडचा गेतीनी। मिनु स्वर्ग डा  
 गेय पाइबपुकीमी इन कली ठेयब सेलीम।  
 ७ परमपरभु यावे, गे परमपरभुमी अबराम कली  
 योत्रशा, कल्दी आन रागी ऊर सहर र गरुंडशा,  
 अबराहाम नं वोइक्तीनी। उत्पत्ती ११:३१;  
 उत्पत्ती १७:२५ ८ मिनु मेको आ थुं इन कली  
 मप्रांडब, ठीक पाइब बाक्ब, दे तुइश्शा, मेको  
 नु कबल का पाइतीनी। मार कबल पाइतीनी  
 देशा हना, मेको कली कनानी, हिती, एमारी,  
 परिज्जी, यबुसी नु गिरगाशी आन रागी आ  
 चच युइ आन कली गेनुड, दे कबल पाइतीनी।  
 मिनु गे इन कबल साप्तीनी। मारदे हना गे ठीक  
 पाइब बाक्नीनी। उत्पत्ती १५:३८-२१ ९ मिनु  
 आंड किकी पिपी इजीप्त रागीम बाक्मानु, मेको

आन श्येत जशो ताइतीनी। लल समुन्दरम  
 बाक्शा आन डाक्शो नंतीनी। परस्थान ३:७  
 १० मिनु गेमी पिप फाराओ आ गेय पाइब नु  
 आ रागी डा मुर नेल्ल आन डांडती चिन्ड नु  
 छक लाक्चा डा गेय पाइतीनी। मारदे हना  
 मेकोपुकीमी आंड किकी पिपी आन कली ठेयब  
 लेश्शा, श्येत गेशो बाक्तेकम, दे तुइक्ताकनी।  
 मोदंशो पा इन नं ठेयब सेल्साकनी। मुल  
 सम्म मेको मोदंशो बाक्ब। परस्थान १८:३१  
 ११ मेको आन डांडती समुन्दर कली चश्शा  
 लां का सेल्तीनी। मेकोपुकी सोत्रशा स्वपीम  
 गाक्शा, समुन्दर शोक्साकम। मेको संदा  
 पाइब आन कली चहिं ब्याक्कुम खरुस्तीनी।  
 फुल्लु ब्यारशा, ब्याक्कुम ताइश्शा सोदंशो  
 पा खरुस्तीनी। परस्थान १४:२१; परस्थान  
 १५:२५ १२ आंड किकी पिपी आन कली नाक्त  
 गोस्स के थामम लां कांडताकनी। मिनु नाक्दो  
 आन लां तपाइक्चा कली मी के थाम दुम्शा लां  
 कांडताकनी। १३ गे सीने डांडामी यितीनी। मिनु  
 स्वर्ग र मेकोपुकी नु लोत्र पाइतीनी। गे मेको  
 आन कली इन ठीक पतीक लोत्र, थमा शंतीक,  
 इन रिम्शो फुल्लुम मुशा बरक्शो लोत्र नु इन  
 शंतीक गेतीनी। परस्थान १९:३८; परस्थान  
 २०:१-१७ १४ इन नाइक्तीक नाक्त नाइक्चा,  
 दे मेको आन कली तुइक्पाइक्तीनी। मेको आन  
 कली मोसा र पा इन शंतीक, इन फुल्लुम मुशा  
 बरक्शो लोत्र नु इन अरेशो लोत्र गेतीनी।  
 १५ मेको आन कली शोत्रलु बेक्मानु, सरीड र  
 शोब्ल गेतीनी। मेको आन कली तूतू मदाक्चा  
 डा पा, रुचा डा पा सरथे फुल्लु र ब्याक्कु  
 गरुंडशा गेतीनी। मिनु मेको आन कली 'गेपुकी  
 मेको रागी ओत्रशा, नेल्ल आम के सेलीन' दे  
 माइक्तीनी। मिनु मेको आन कली 'गे मेको  
 नेल्ल गेनुड' दे कसम जाइतीनी। परस्थान  
 १६:४,१४,१५; परस्थान १७:६

१६ मिनु आंड किकी पिपीमी ठेयब लेश्शा,  
 आन मिम्शो ला पशा, इन शंशो मटीब दुम्शो  
 बाक्तेकम। परस्थान ३२:१,९ १७ इन कली  
 टिने मबिस्सम। आन दातेमी पशो इन चिन्ड  
 नु छक लाक्चा डा गेय ममिम्शो बाक्तेकम।  
 मेकोपुकी इन देशो मटीब दुम्शो बाक्तेकम। मिनु  
 आन काइ मटितीकेमी इजीप्त रागी लेश्शा  
 लशा, लेशा वाइलीम वाइल दुम्चा कली थुंम  
 वोइश्शा बाक्तेकम। गे चहिं आंड मरिम्शो पशो  
 क्याम्शा गेब परमपरभु बाक्नीनी। शिशी पाइब  
 नु गेना हना यो दाक्ब बाक्नीनी। गे ओंसां पा

चुरब बाक्शा, गेना हना यो दाक्तीके पाइश्शो बाक्नीनी। मोपतीके गे इन मुर आन कली दाक्शा मप्रांडनी। परस्थान ३४ :६ १८ मेकोपुकीमी सुन के बाछा सत्त्शा 'इजीप्त रागी रं प्रांडशा कुइब, आंइ परमपरभु एकोन बाक्ब' देमानु यो, इन कली ठेयब शुक्शी लोत्र पशो बाक्तेकम हना यो, परस्थान ३२ :४ १९ गे मेको आन कली शुश शिशी पशा, गोरशो रागीमी प्रांडशा मसाइक्तीनी। आन लतीक लो तपाइक्त्रा कली नाक्त गोस्स के थाम नु नाक्दो मी के थाम दुम्शा गेनायो मप्रांडनी। २० मिनु मेको आन कली शंचा, दे इन रिम्शो पाइब सोक्त गेतीनी। मेको आन कली मन्ना शोब्ले गेचा मप्रांडनी। मिनु मेको आन कली रूथरी पा ब्वाक्कु तूचा गेतीनी। परस्थान १६ :३५ ; परस्थान १७ :६ ; गन्ती ११ :१७-२५ ; मज्जन संगरह ७८ :१५-१६ ; मज्जन संगरह ७८ :२३-२४ २१ गे मेको आन कली ४० बर्स सम्म गोरशो रागीमी मोरइ ममात्वा डा पा थुल्तीनी। मेको आन वा मजेकम, आन खोइल यो गेनायो महोम्म। ब्यवस्था ८ :४ २२ मेको आन कली राज्य नु जात जात डा मुरपुकी नु गुरापाइक्तीनी। मेको आन बाक्तीके का का पा योत्रशा गेतीनी। मिनु सीहोन माइश्शो, हेश्वोन रागी डा पिप नु ओग माइश्शो, बाशान रागी डा पिप आस रागी यो मेको आन कली गेतीनी। गन्ती २१ :२३-२४ ; गन्ती २१ :३३,३५ २३ गे मेको आन तो सरीङ् डा सारुल खोदंशो पा हिक्न मचाप्वा डा पा शुश सल्लतीनी। मिनु आन किक्की पिपी आन कली 'गे मेको रागी आंम के सलीन' दंशो रागीमी चाक्दीतीनी। २४ मिनु मेको आन तो चच गुइमी मेको रागी ओत्रशा, आंम के सल्लाकम। मिनु गे मेको रागीम बाक्ब कनानी नु आन पिपपुकी यो मेको आन गुइम गेतीनी। यहासु १२ :- २५ मेकोपुकीमी एर ओंथ नेल्ल ठेयब गारो हिरशो सहरपुकी गराशो बाक्तेकम। शुश गरल्ब रू आंम के सल्लो बाक्तेकम। रिम्शो थोत्रकीम बरीशो खिंपुकी आंम के सल्लो बाक्तेकम। फुल्लु मुशा सल्लो इनार, अङ्गुर रू, तेल रवा रू नु मार मार फल फल रू शुश तशो बाक्तेकम। मिनु मेकोपुकीमी जशा ब्यशा, रूशा, दोम्शा इन ठेयब शिशी तशा, ग्येरसीशो बाक्तेकम। ब्यवस्था ६ :१०-११ ; ब्यवस्था ३२ :१५

२६ मेको नेल्ल तशा यो इन दंशो मटिथु, ठेयब लेश्शा, इन अरेशो लोत्र मटीमे बाक्त। इन लोत्र पाइबपुकीमी आन कली 'गे मरिम्शो पाइब बाक्नीनी। आं गे लेतीन' देमानु, मेको

आन कली सदमे बाक्त। मिनु मेकोपुकीमी शुश शुक्शी पामे बाक्त। २७ मोपतीके गे मेको आन कली आन जोरी सतरु आन गुइमी गेनी बाक्त। मेकोपुकीमी मेको आन कली शुश श्यत गेमे बाक्त। मिनु श्यत जामनु 'वारच पाइक्की' दे इन कली पुन्मनु, गे स्वर्ग रं आन पुंडशा नंनी बाक्त। गे इन ठेयब शिशीमी मेको आन कली आन जोरी सतरु रं प्रांडचा कली मुर साइक्तीनी बाक्त। मिनु मेकोपुकीमी मेको आन कली प्रांन्म बाक्त। न्यायाधीस ३ :१,१५ ; न्यायाधीस २ :१४-२२ २५ एर ओंथ डा आन जोरी सतरु रं प्रांडपांडसीशा, नाइश्शा बाक्मा नोले, लंशा इन मदाक्शा पामे बाक्त। मिनु गे मेको आन कली आन जोरी सतरु आन गुइमी गेनी बाक्त। आन जोरी सतरुपुकीमी मेको आन कली हुकुम पामे बाक्त। मिनु लंशा मेकोपुकीमी इन कली 'वारच पाइक्की' दे गरीमानु, गे स्वर्ग रं मेको आन पुंडशा नंशा, मेको आन कली इन ठेयब शिशीमी शुश खेयप प्रांडनी बाक्त। २९ मिनु मेको आन कली इन अरेशो लोत्र गे लेत्वा कली, मेको आन कली टिचा शंदीनी बाक्त। तन्न मेकोपुकी ठेयब लेश्शा, इन शंतीके काइ मटिथु, इन पतीके लोत्र मपामे बाक्त। मुरपुकीमी इन पतीके लोत्र पशो नम हना, बरांडचा ताम वा। तन्न मेकोपुकीम इन लोत्र मंथु, मटिथु, इन गे आन ची हिरदमे बाक्त। लेवी १८ :५ ३० गे शुश बर्स सम्म मेको आन कली फाल्नी बाक्त। इन लोत्र पाइबपुकीमी मेको आन कली इन सोक्त रं पा शंपाइक्नी बाक्त। तन्न मेकोपुकीमी नंचा मबिस्समा बाक्त। मोपतीके गे मेको आन कली अर्का जात जात डा मुर आन गुइमी गेनी बाक्त। येरसीया ७ :२५-२६ ; येरसीया ४४ :४-६ ३१ मो पाम्तेकम हना यो, इन ठेयब शिशीमी मेको आन कली मसाइक्थु, आन श्यत रं प्रांडनी बाक्त। मारदे हना गे शिशी पाइब नु शुश दाक्ब परमपरभु बाक्नीनी।

३२ मिनु आंइ परमपरभु, गे नेल्ल क्येडा ठेयब सक्ति पाइश्शो नु मान पा हिंचा माल्लो परमपरभु बाक्नीनी। इन पशो कबल इन गेना हना यो दाक्तीके साप्ब बाक्नीनी। अस्सुर डा पिप आन पाला रं मुलाक्त सम्म आंइ कली गेशो श्यत, आंइ पिप आन कली, आंइ ठेयब मुर आन कली, इन कली चदेब आन कली, इन लोत्र पाइब आन कली, आंइ किक्की पिपी आन कली नु इन मुर नेल्ल आन कली गेशो श्यत कली आइक्च ममिम्तीन। ब्यवस्था ७ :१,१२ ; १ राजा ८ :२३ ; नेहम्याह १ :५ ३३ आंइ कली दुम्तीके, गे ठीक

पशा बावनीनी। मारदे हना गे आंड कली रिम्शो पाइतीनी। गोपुकीमी चहिं इन कली थम मरिम्शो पाइतक। दानीएल १:५,७ ३५ आंड पिप, आंड ठेयब मुरपुकी, इन कली चढेबपुकी नु आंड किकी पिपीमी इन अरशो लोत्र मपथु, इन शंतीक नु इन गशा होस पतीक लोत्र मनंथु, हिकसीन महिकम बाक्त। ३५ मिनु आन आंम राज्यमी, इन रिम्शो पतीकमी नु आन बाली नाली शुश गूरल्व ठेयब रागीमी इन कली मान मपाम बाक्त। आन काइ मरिम्शो गय मपरोन्म बाक्त। ३६ मुलाक्ती गो वाइलीम वाइल दुम्शो बावनीकी। आंड किकी पिपी आन कली मेको रागी डा फल फुल जचा नु मेकर डा रिम्शो रिम्शो थोत्रक तचा कली गेशो बाक्तीनी। इन गशा रागीमी गो वाइलीम वाइल दुम्शो बावनीकी। ३७ मेको रागी डा मारेइ मारेइ रिम्शो थोत्रकी गे आंड कली हुकुम पपाइक्व पिप आन कली ताइव सेल्लतीनी। मेको आंड मरिम्शो पतीके आ पर्वम बाक्व। मेकोपुकीमी आंड कली नु आंड बी व्यफ नु क्यारश भेडा आन कली आन दाक्स पा पाइनीमी। मोदेशो पा गो शुश श्येत जशा बावनीकी” दे एजरामी परमपरभु कली लोत्र पाप्नु।

३६ मिनु मेको आन पशा नेल्ल मिम्शा, गोपुकीमी परमपरभु नु कबल का पाइतक। मिनु मेको कबल डा लोत्र नेल्ल बरेक्ताक्क। मेको छाप थोक्शो बरेक्सम आंड ठेयब मुरपुकी, लेवीपुकी नु चढेब आन नं बरेक्शो बाक्तेक्म।

छाप थोक्शो बरेक्सम मुर आन बरेक्शो नं

१० १मेको छाप थोक्शो बरेक्स आगाम सु सु आन नं बरेक्शो बाक्त देशा हना: हाकाल्याह आ ती हुकुम पाइव नेहम्याह नु सिदकीयाह आस नं बरेक्शो बाक्त।

२मिनु चढेबपुकी: सरायाह, अजारयाह, येरमीया, ३पशहुर, अमारयाह, माल्कीयाह, ४हत्तुश, शेबान्याह, माल्लुक ५हारीम, मेरसाथ, ओबदिया, ६दानीएल, गिन्नथोन, बारुक, ७मेशुल्लाम, अबीयाह, मियामीन, ८माजीयाह, बिल्याइ नु शेमायाह आन नं बरेक्शो बाक्त।

९मिनु लेवीपुकी अज्न्याह आ ती येशुआ, हेनादाद आ सिं डा बिन्नुइ, कदमीएल १० नु मेको आन लोकपुकी शेबान्याह, होदीयाह, केलीता, पलायाह, हानान, ११मीका, रेहोब, हशाब्याह, १२जाक्कुर, शेरब्याह, शेबान्याह, १३होदीयाह, बानी नु बनीनु आन नं बरेक्शो बाक्त।

१४ ठेयब मुरपुकी पारोश, पहाथ-मोआब, एलाम, जतु, बानी, १५ बुन्नी, अज्गाद, बेबाइ, १६ अदानीयाह, बिगवाइ, आदीन, १७ आतेर, हिज्कीयाह, अज्जुर, १८ होदीयाह, हाशुम, बेजाइ, १९ हारीफ, अनाथोथ, नेबाइ, २० माग्पीअश, मेशुल्लाम, हेजीर २१ मेशजावल, सादाक, यादुअ, २२ पलात्याह, हानान, आनायाह, २३ होशआ हेनान्याह, हाशुब २४ हल्लोहेश, पिल्हा, शोबेक, २५ रुहुम, हशाब्नाह, मासेयाह, २६ अहीयाह, हानान, आनान, २७ माल्लुक, हारीम नु बानाह आन नं बरेक्शो बाक्त।

इसराएली आन पशा कबल

२६ मिनु लीशो मुरपुकी: चढेबपुकी, लेवीपुकी, लाप्नो खाल पाइवपुकी, कुम्सो पाइवपुकी, परमपरभु यावे आ सिंमी गय पाइवपुकी नु परमपरभु आ अरशो पचा कली अर्का रागी डा मुरपुकी र तिल्लीशो वोंडश मुर, मीश मुर, आन तमी तौपुकी सु सु रुन्ने चाप्ब बाक्मा, मेको नेल्ल बाक्तेक्म। २९ मेको आन लोकब नु आन ठेयब मुरपुकी नु गारशा, परमपरभु यावे आ वाइल मोसामी गेशो परमपरभु आ अरशो लोत्र टिचा कली थुं का पाक्तेक्म। आंड परमपरभु यावे आ शंशो, आ पतीक लोत्र नु आ फुल्लुम मुशा बरेक्शो लोत्र तुइइशा पचा कली कसम जाम्तेक्म। ३० मिनु गोपुकीमी आंड तमी आन कली मेको रागी डा अर्का जात डा मुर आन कली मगेनीक। आंड ती आन कली यो मेको आन तमीपुकी मचावनीकी। पूरस्थान ३४:१६; व्यवस्था ७:३; एजरा ९:२ ३१ मिनु मेको रागी डा मुरपुकीमी नाइक्तीक नाक्त मार मार लेयतीक थोत्रक नु अन्न लेयथ चाक्तेक्म हना, गोपुकीमी नाइक्तीक नाक्त नु परमपरभु आ ठेयब नाक्तीम मेको आन के मारेइ मग्याप्नीकी। मिनु गोपुकी ६ बर्स आ नोले डा बर्सम मारेइ मखरुम्नीकी। जेर गेशो बाक्तक हना यो, मेको बर्समी जेर नु आ चाइक्व काइ मपोक्थु, परोइनीकी। व्यवस्था १५:१-११; नेहम्याह ५:१०; नेहम्याह १३:१५-१८; येरमीया १७:२१-२७ ३२ मिनु गोपुकीमी बर्स बर्स कली शेकेल का के भाग सां डा भाग का परमपरभु यावे आ सिं डा गेय कली गेनीकी, दे आंड थुं फरंताक्क। शेकेल का ११:५ गराम डा क्येट बाक्व। २ईतिहास २४:६; मत्ती १७:२४ ३३ मार पचा कली गेनीकी देशा हना, परमपरभु आ डांडती

वोइश्शो कांडतीक शोब्ले कली अन्न चढेतीक नु चोशा चढेतीक कली, नाइक्तीक नाक्तीम चढेतीक, ओसीम चढेतीक, अरु चाड डा चढेतीक, नेल्ल ई परमपरभु आ सिं कली माल्शो थोत्रकी, पाप क्याम्पाइक्चा कली चढेतीक, मोदंशो पा इसराएली आन मरिम्शो पशो क्याम्चा कली नु ई परमपरभु आ सिंमी पतीक गेय नेल्ल कली गेनीकी। ३४ मिनु गो, चढेबपुकी, लेवीपुकी नु मुर नेल्लमी ई परमपरभु आ सिं कली कचत सु सुम क्याक्चा, दे फन्टे आप्तक। सिं सिं डा मुरपुकी बर्स बर्समी परमपरभु याव आ अरेशो लाव्रम बरक्शो सोदंशो पा परमपरभु याव, ई परमपरभु आ सिंम चढेचा कली शो चाक्चा माल्नीम। परस्थान २५:३० ३५ मिनु बर्स बर्सम नेल्ल क्येडा डांडती डा आंड रूम सिश्शो, मार मार रवा आन फल फुल परमपरभु याव आ सिंम चाक्नय। लेवी ६:५ ३६ आंड नेल्ल क्येडा डांडती जरमेशो तौ नु बस्तु भाव आन डांडती जरमेशो परमपरभु आ अरेशो सोदंशो पा परमपरभु आ सिंमी चाक्चा कली आंड थुं फरंताक्क। आंड नेल्ल क्येडा डांडती जरमेशो बी ब्यफ, क्यारश, मेडा आंड परमपरभु आ सिंमी गेय पाइब चढेब आन कली चाक्नीक, दे थुं फरंताक्क। परस्थान १३:२ ३७ मिनु आंड निशा फस डा नेल्ल क्येडा डांडती डा भाग, अन्न चढेतीक, मार मार रवा आन फल, अडगुर शांबु नु तेल चढेब आन कली गेचा, दे परमपरभु आ सिं डा वोइक्तीक कोठाम चाक्नीकी। मोदंशो पा लेवी नेल्लम रागी डा १० भाग डा भाग का ताइनीम। मेको लेवीपुकीमी आंड गेय पतीक सहर जाक्शा, १० भाग डा भाग का पोक्चा माल्नीम। गन्ती १५:२०-२१; गन्ती १८:२१ ३८ मोदंशो पा लेवीपुकी पोक्थ गाक्मानु, चढेब हारुन आ चच युइ यो लेवीपुकी नु गाक्चा माल्नीम। मिनु लेवीपुकी मेको आन पोक्शो र पा १० भाग डा भाग का परमपरभु आ सिं डा वोइक्तीक कोठामी वोइक्चा माल्नीम। गन्ती १८:२६,२८ ३९ मिनु इसराएली नु लेवीपुकीमी मेको चाक्शो अन्न, अडगुर शांबु नु तेल मार मार वोइक्तीक कोठाम चाक्चा माल्नीम। मारदे हना मेको परमपरभु आ सिं डा बोसपुकी वोइक्तीक बाक्त। मिनु मेकर गेय पाइब चढेबपुकी, लाप्चोम साल पाइबपुकी नु कुम्सो पाइबपुकी यो मेकर बाक्नीम। मिनु गापुकीम “परमपरभु आ सिं श्येत्थ मवोइय्य” दे आंड थुं फरंताक्क।

यरूसलेम सहरम बाक्ब मुर

१इतिहास ९:२-१७

११ मिनु इसराएली आन ठेयब मुरपुकी यरूसलेममी बाक्शो बाक्तेक्म। तीशो मुर आन दात र सु परमपरभु याव आ सहर यरूसलेममी बाक्चा ताइबा, दे १० जना मुर आन दात र का योत्रचा कली फन्टे आप्तक्म। अरु ९ जना मुर चहिं अरु बाक्तीकेमी बाक्तेक्म। २ मुरपुकीमी यरूसलेममी ग्येरशा लाइब नेल्ल आन कली आसीक गेम्तेक्म।

३ गाउं गाउं डा ठेयब मुर यरूसलेम सहरम बाक्शो बाक्तेक्म। अरु मुरपुकी, चढेबपुकी, लेवीपुकी, परमपरभु याव आ सिंमी गेय पाइबपुकी नु सोलोमन आ सिं डा गेय पाइब आन चच युइ नेल्ल यहूदा डा सहर सहर, गाउं गाउंम आंम आंम बाक्तीक उइ बाक्चा माल्बाक्तेक्म।

यरूसलेमम बाक्ब यहूदी

४ यरूसलेममी यहूदा नु बेन्यामीन आस थर डा मुर का निकशी बाक्शो बाक्तेक्म। यहूदा आ थर डा मुर सु सु बाक्तेक्म देशा हना, उज्जीयाह आ तौ अथायाह, मेको उज्जीयाह आ आफ जकरिया बाक्त। जकरिया आ आफ अमारयाह बाक्त। अमारयाह आ आफ शफत्याह बाक्त। मिनु शफत्याह आ आफ मा-हालालेल बाक्त। मिनु मेको परस आ चच युइ बाक्तेक्म। ५ मिनु बारुक आ तौ मासयाह बाक्त। बारुक आ आफ कोल-होजे बाक्त। कोल-होजे आ आफ हाजायाह बाक्त। हाजायाह आ आफ अदायाह बाक्त। अदायाह आ आफ योयारीब बाक्त। योयारीब आ आफ जकरिया बाक्त। मेको शिलो डा मुर आ सिं डा मुर बाक्तेक्म। ६ यरूसलेमम बाक्ब परस आ चच युइ नेल्ल पा ४ सह ६८ जना बोल्यो नु महिंब वोइश मुर बाक्तेक्म।

यरूसलेमम बाक्ब बेन्यामीनी

७ मिनु बेन्यामीन आ थर डा मुर सु सु बाक्तेक्म देशा हना, मेशुल्लाम आ तौ सल्लु बाक्त। मेशुल्लाम आ आफ योएद बाक्त। योएद आ आफ पेदायाह बाक्त। पेदायाह आ आफ कोलायाह बाक्त। कोलायाह आ आफ मासयाह बाक्त। मासयाह आ आफ इथीएल बाक्त। इथीएल आ आफ येशायाह बाक्त। ८ मिनु मेको सल्लु आ नोले गब्बाइ नु सल्लाइ

बाक्ताक्सै। मेको नेल्ल पा १ सहे २८ जना बाक्तेकम। १ जिकरी आ तौ योएल मेको आन कली कोत्रब, ठेयब मुर बाक्त। हास्सेनुआ आ तौ यहूदा योएल नोले सहर डा ठेयब मुर दुम्शो बाक्त।

### यरूसलेमम बाक्ब चदेबपुकी

१० मिनु चदेब सु सु बाक्तेकम देशा हना, योयारीब आ तौ येदायाह, यार्कीन, ११ हिल्कीयाह आ तौ सरायाह, हिल्कीयाह आ आफ मेशुल्लाम, मेशुल्लाम आ आफ सादोक, सादोक आ आफ मरायोथ, मरायोथ आ आफ अहीतुब चदेब बाक्तेकम। मिनु अहीतुब परमपरभु आ खिं डा ठेयब मुर बाक्त। २ राजा २५ :५; एज़रा २ :२ १२ मिनु मेको नु परमपरभु आ खिंम गेय पाइब लोकबपुकी ८ सहे २२ जना बाक्तेकम। मिनु येरोहाम आ तौ अदायाह, येरोहाम आ आफ पेलायाह, पेलायाह आ आफ अम्जी, अम्जी आ आफ जकरिया, जकरिया आ आफ पशहुर, पशहुर आ आफ माल्कीयाह बाक्त। १३ मिनु मेको आ लोकब आन खिं डा ठेयब मुरपुकी बाक्तेकम। मेको नेल्ल पा २४२ जना बाक्तेकम। मिनु अज़ारेल आ तौ अमाशै बाक्त। मेको असारल आ आफ अहज़ाद, अहज़ाद, आ आफ मशील्लेमोथ, मशील्लेमोथ, आ आफ इम्मर बाक्त। १४ मिनु मेको आन लोकबपुकी महिंब ठेयब थुं पाइइशो लडाइ पाइब वांइश मुर बाक्तेकम। मेको नेल्ल पा १२८ जना बाक्तेकम। मेको आन ठेयब मुर हग्गेदोलीम आ तौ जब्दीएल बाक्त।

### यरूसलेमम बाक्ब लेवीपुकी

१२ लेवीपुकी सु सु बाक्तेकम देशा हना, हश्शुब आ तौ शेमायाह, हाश्शुब आ आफ अज़रीकाम, अज़रीकाम आ आफ हशाब्याह, हशाब्याह आ आफ बुन्नी बाक्त। १६ मिनु लेवी आन ठेयब मुरपुकी शब्थेडाइ नु योजाबाद बाक्ताक्सै। मेको निक्शो परमपरभु आ खिं डा लाडगा माल्शो मारेइ मारेइ गेय पचा कली कोत्रब वोइइशो बाक्ताक्सै। १७ मिनु मीका आ तौ मत्तन्याह बाक्त। मीका आ आफ जब्दी बाक्त। जब्दी आ आफ आसाफ बाक्त। आसाफमी परमपरभु कली पुंड्वी ना “गे रिम्शो पाइब ननी” दे ठेयब सल्शा, कुम्सो पपाइक्ब बाक्त। मेको आसाफ आ नोले डा शंब आ लोकब बाकबुकीयाह बाक्त। मिनु शम्मुआ आ तौ अब्दा, शम्मुआ आ

आफ गालाल, गालाल आ आफ येदुथुन बाक्त। १५ मेको सहरम बाक्ब लेवी नेल्ल पा २८४ जना बाक्तेकम।

### लाप्नो खाल पाइबपुकी

१९ लाप्नो खाल पाइब सु सु बाक्तेकम देशा हना, अक्कुब ताल्मान नु आन लोकब नेल्ल पा सहे का ७२ जना बाक्तेकम। २० मिनु लीशो इसराएली, चदेबपुकी नु लेवीपुकी यहूदा डा सहरपुकीमी आंम आंम आन बाक्तीकमी बाक्शो बाक्तेकम। २१ मिनु परमपरभु यावे आ खिं डा गेय पाइबपुकी यरूसलेम सहर ओफल माइक्तीकमी बाक्शो बाक्तेकम। सीहा नु गिश्पा परमपरभु यावे आ खिं डा गेय पाइब आन कली कोत्रब बाक्ताक्सै।

२२ यरूसलेममी बाक्ब लेवी आन कली कोत्रब सु सु बाक्तेकम देशा हना, बानी आ तौ उज्जी बाक्त। उज्जी आ आफ हशाब्याह बाक्त। हशाब्याह आ आफ मत्तन्याह बाक्त। मत्तन्याह आ आफ मीका बाक्त। मेको नेल्ले परमपरभु आ खिंम कुम्सो पाइब शंब आसाफ आ चच युइ बाक्तेकम। २३ मिनु पिपमी मेको कुम्सो पाइब आन पर्वम आन नाक्त कित कित डा पतीके आंमान बरक्शा, अरेवा बाक्त। मेको आन कली मार मार गेचा, दे यो बरक्शा बाक्त। २४ मिनु जेराह आ चच युइ रे मेशजाबल आ तौ पथायाह बाक्त। मेको मेशजाबल आ आफ बाक्त। मिनु जेराह आ आफ यहूदा बाक्त। मेको पथायाह चहिं मुरपुकीम मार मार माल्नीमी, दे कोत्रब, पिप आ खिंम गेय पाइब बाक्त।

### यरूसलेम एर ओथ डा गाउं

२५ मिनु यहूदा आ थर डा मुरपुकी का निक्शी आंम आंम आन खिंम नु रूम बाक्शो बाक्तेकम। मेकोपुकी किरयथ-अरवा नु मेको मेर डा गाउंपुकी, दीबोन नु मेको मेर डा गाउंपुकीम, येकाबसेल सहर नु मेको मेर डा गाउंपुकीम, यहोसु २० :७ २६ यशुआ, मोलादानु बेथ-पलेत सहरम, २७ हासार-शुआल, बेयर-शबा सहर नु मेको मेर डा गाउंपुकीम, २८ सिकलाग, मेकोनाह सहर नु मेको मेर डा गाउंपुकीम, यहोसु १५ :३१ २९ एन-रिम्मान, सोराह, यरमुथ, ३० जानोह, अदुल्लाम सहर नु मेको मेर डा गाउंपुकीम, लाकीश नु मेको मेर डा रुपुकीम नु आजका नु मेको मेर डा गाउंपुकीमी बाक्तेकम। मोपा बेयर-शबा रे हिन्नाम बेसी सम्म बाक्शो

बाक्तेकम। ३१बेन्यामीन आ चच युइ गेबा सहर रे मिकमाश, अय्या, बेथल नु मको मेर डा गाउंपुकीम, यहोसु १८:२२ ३२अनाथोथ, नोब, अनान्याह, ३३हासांर, रामाह, गित्ताइम, ३४हादीद, संबोयीम, नेबल्लात ३५लोद नु आनो सहरमीं गेय पाइब आन बाक्तीक सम्म बाक्तेकम। ३६यहूदामी बाक्ब का निकशी लेवीपुकी बेन्यामीन थर नु बाक्थ लशो बाक्तेकम।

### चढ़ेब नु लेवीपुकी

१२ १शाल्तीएल आ तौ जेरूब-बाबेल नु येशुआ नु काथा लेशशा जाक्ब चढ़ेब नु लेवीपुकी सु सु बाक्तेकम देशा हना, सेरायाह, येरमीया, एज़रा एज़रा २:२ २अमारयाह, माल्लुक, हतुश, ३शकन्याह, रेहुम, मेरमोथ, ४इददा, गिन्नेथोइ, अबीयाह, लूका १:५ ५मियामीन, मा-अदीयाह, बिल्याह, ६शमायाह, योयारीब येदायाह, ७सल्लु, अमोक, हिल्कीयाह नु येदायाह बाक्तेकम। मकोपुकी येशुआ आ पाला डा चढ़ेब नु आन लोकब आन ठेयब मुर बाक्तेकम।

८मिनु लेवीपुकी सु सु बाक्तेकम देशा हना, येशुआ, बिन्नुइ, कदमीएल, शेरब्याह, यहूदा नु मत्तन्याह बाक्तेकम। मको नु आन लोकबपुकी परमपरभु यावे कली ठेयब सल्लु कुम्सो पपाइक्ब बाक्तेकम। ९मको आन लोकब बाक्बुकीयाह नु उन्नो कुम्सो पची ना आन नेक्था बाक्बाक्ताक्स।

१०येशुआ योयाकीम आ आफ बाक्त। योयाकीम एल्याशीब आ आफ बाक्त। एल्याशीब यो-यादा आ आफ बाक्त। नेहम्याह ३:१ ११यो-यादा योनाथन आ आफ बाक्त। मिनु योनाथन यादुअ आ आफ बाक्त।

### चढ़ेब आन ठेयब मुरपुकी

१२योयाकीम आ पालामी चढ़ेब आन सिं सिं डा ठेयब मुर सु सु बाक्तेकम देशा हना, सेरायाह आ सिं डा ठेयब मुर मेरायाह, येरमीया आ सिं डा ठेयब मुर हनान्याह, १३एज़रा आ सिं डा ठेयब मुर मेशुल्लाम, अमारयाह आ सिं डा ठेयब मुर येहा-हानान, १४माल्लुक आ सिं डा ठेयब मुर योनाथन, शबान्याह आ सिं डा ठेयब मुर यासफ, १५हारीम आ सिं डा ठेयब मुर अदना, मेरायोथ आ सिं डा ठेयब मुर हल्काइ, १६इददा आ सिं डा ठेयब मुर जकरिया, गिन्नेथान आ

सिं डा ठेयब मुर मेशुल्लाम, १७अबीयाह आ सिं डा ठेयब मुर जिकरी, मीन्यामीन आ सिं डा ठेयब मुर का, मोअदयाह आ सिं डा ठेयब मुर पिल्लाइ, १८बिल्याह आ सिं डा ठेयब मुर शम्मुआ, शमायाह आ सिं डा ठेयब मुर येहा-नाथान, १९योयारीब आ सिं डा ठेयब मुर मतेनाइ, येदायाह आ सिं डा ठेयब मुर उज्जी, २०सल्लाइ आ सिं डा ठेयब मुर कल्लाइ, अमोक आ सिं डा ठेयब मुर एबेर, २१हिल्कीयाह आ सिं डा ठेयब मुर हशाब्याह नु येदायाह आ सिं डा ठेयब मुर नथनल बाक्तेकम।

२२पारसी डा पिप दारा आ पालामी चढ़ेब नु लेवी आन सिं डा ठेयब मुर आन नं बरक्शा वोइशशो बाक्त। चढ़ेब आन नेल्ल क्यडा ठेयब चढ़ेब एल्याशीब, यो-यादा, योहानान नु यादुअ आन पाला सम्म आन सिं डा ठेयब मुर आन नं बरक्शा बाक्तेकम।

२३मिनु लेवी आन सिं डा ठेयब मुर आन नं एल्याशीब आ तौ योहानान आ पाला सम्म इतिहास डा किताबमी बरक्शा बाक्तेकम।

### परमपरभु कली ठेयब सल्लु

२४मिनु लेवी आन ठेयब मुरपुकी हशाब्याह, शेरब्याह नु कदमीएल आ तौ येशुआम परमपरभु यावे कली ठेयब सल्लुक्म। आन लोकबपुकी परमपरभु आ मुर दाऊदम देशो सोदंशो पा मको आन आइक्ची गे राप्शा, पालो पा परमपरभु यावे कली कुम्सो पा ठेयब सल्लुक्म। मोपा कुम्सो पाइब आन हुल का एर गे नु हुल का आंथ गे बाक्तेकम। १इतिहास २५ :-; २इतिहास २९:२५ २५मत्तन्याह, बाक्बुकीयाह, आबदिया, मेशुल्लाम, ताल्मीन नु अक्कुब चहिं ठेयब लाप्नो आ नेक्था डा मार मार वोइक्तीक कोठा डा लाप्नो साल पाइब बाक्तेकम। २इतिहास ८:१४ २६मको नेल्लेमी योसादाक आ चच, येशुआ आ तौ योयाकीम नु हुकुम पाइब नेहम्याह नु परमपरभु यावे आ लात्र जोक्ब तुइक्ब चढ़ेब एज़रा आ पालामी मोदंशो गेय पाइब बाक्तेकम। १इतिहास ५:४०-४१

### गारो सल्ले थुम्शो

२७मिनु यरूसलेम डा गारो परोवने थुम्तीक चाड कली लेवी आन कली आन आन बाक्तीक तेइ तेइ रे माल्शा, यरूसलेममी चाक्तेकम। मारदे चाक्तेकम देशा हना, गारो थुम्तीक परमपरभु यावे आ डांडती ग्यरसीशा "गे रिम्शो पाइब

ननी” दे ठेयब सेल्लिक कुम्सो पचा नु खैजडी, तार पाइश्शो ठेयब ताप्तीके नु बीना ताप्चा कली चाक्तेकम। २८ मिनु कुम्सो पाइबपुकी यरूसलेम नु आ एर आंथ नु नेतोफाह आ मुर आन बाक्तीक र यरूसलेममी खुम्साकम। २९ बथ-गिल्गाल नु गेबा सहर नु अज्मावेथ र यो चाक्तेकम। मारदे हना कुम्सो पाइबपुकीमी यरूसलेम आ एर आंथम आंम आंम कली बाक्तीके सेल्शा बाक्शो बाक्तेकम। ३० चदेब नु लेवीपुकीमी आंम आंम कली चोत्रखो सेल्सीशा, नोले मुर आन कली नु ठेयब लाप्चोपुकी नु गारो आन कली चोत्रखो सेल्लिकम।

### गारो थुम्शा चाड मानेशो

३१ मिनु गो यहूदा रागी डा ठेयब मुर आन कली गारो तार डाइकपाइक्तामी। परमपरभु यावे कली ठेयब सेल्ल कुम्सो पाइब आन कली ठेयब हुल निकशी पा वाइक्ता। हुल का गारो तारी ग्युरा गे पा, मोत्रल लाप्चो गे लास्तेकम। ३२ मिनु मेको कुम्सो पाइब आन नोले होशयाह नु यहूदा डा ठेयब मुर आन हुल का लास्तेकम। ३३ मिनु मेको आन नोले अज्जारायाह, एज्जारा, मेशुल्लाम, ३४ यहूदा, बेन्यामीन, शमायाह नु येरमीया लास्तेकम। ३५ मिनु चदेब आन ती का निकशी तुराही ताप्चपुकी यो मेको आन नोले खोइक्तेकम। योनाथन आ ती जकरिया, योनाथन आ आफ शमायाह, शमायाह आ आफ मत्तन्याह, मत्तन्याह आ आफ मीकाया नु जाक्कुर आ आफ आसाफ बाक्ते। ३६ मिनु मेको आ लोकबपुकी शमायाह, अज्जारेल, मिलालाइ, गिलालाइ, माइ, नेथनेल, यहूदा नु हानानी बाक्तेकम। मेकोपुकीमी परमपरभु आ मुर दाऊद आ ताप्तीकपुकी ताप्शा गाक्तेकम। मिनु परमपरभु यावे आ लोत्र जाक्ब तुइक्ब एज्जारा मेको आन डाइती गाक्ब बाक्ते। ३७ मिनु मेकोपुकी ब्याक्कु बुक्तीक लाप्चो गे लास्तेकम। मिनु करेसी डाइश्शा, ग्येत्य लशा, दाऊद आ सहर डा गारो डाइश्शा, दाऊद आ खिं लाक्शा, पूर्व गे बाक्शो ब्याक्कु लाप्चो गे लास्तेकम।

३८ मिनु परमपरभु यावे कली “गे रिम्शो पाइब बाक्नीनी” दे कुम्सो पाइब आन अर्का हुल चहिं गारो तारी परा गे लास्तेकम। मिनु गो नु ठेयब मुर आन अर्का हुल मेको आन नोले खोइश्शा, मी मुइक्तीक माइश्शो लाइश्शो खिं लाक्शा, बरेशो गारो गे लाइतक। ३९ मिनु नोले एफराइम लाप्चो, माइत गारो डा ठेयब लाप्चो, डांइ

लाप्चो, हानानेल माइश्शो लाइश्शो खिं, मेआ माइश्शो लाइश्शो खिं लाक्शा, भेडा लाप्चो गे लाइतक। मिनु मेकोपुकी जेल्खान लाप्चोम जाक्कीशा नांइसाकम।

४० मेकर जाक्शा, परमपरभु कली “गे रिम्शो पाइब बाक्नीनी” दे कुम्सो पाइब आन हुल निकशी परमपरभु आ खिं आ डांइती राप्तेकम। मिनु गो नु ठेयब मुर आन हुल का यो मेकर बाक्तेक। ४१ मिनु चदेब एल्याकीम, मासयाह, मीन्यामीन, मीकाया, एली-ओ-एनाइ, जकरिया नु हनान्याहमी तुराही ताप्तेकम। ४२ मिनु मासयाह, शमायाह, एलाज्जर, उज्जी, येहो-हानान, माल्कीयाह, एलाम नु एजेर यो मेको नु बाक्तेकम। मिनु कुम्सो पाइबपुकीमी येज्जारायाह कुम्सो पाइब आन कली शंब नु कुम्सो पास्तेकम। ४३ मेको नाक्ते ठेयब चदेतीक चदेशा, शुश ग्येरशो बाक्तेकम। मारदे हना परमपरभुमी मेको आन थुं थाम्पा ग्येरपाइक्ते। मीश मुरपुकी नु आलपुकी यो शुश ग्येरसाकम। मिनु यरूसलेम डा मुर आन ग्येरसीशो संदा डांन डांन सम्म नेसाकव।

### खाल पाइब आन गेय

४४ मिनु मेको नाक्ते मार मार वोइक्तीक कोडा खाल पाइब मुर आन कली वोइक्तेकम। मेकोपुकी मुर आन गेशो चदेशो, डांइती सिश्शो मार मार नु १० भाग डा भाग का चाक्शो ताक्शा साम्वा कली वोइश्शो बाक्तेकम। मेकोपुकीमी सहर मर डा रूर चदेब नु लेवी आन भाग सुप्शा वोइक्तेकम। मारदे हना यहूदा डा मुरपुकीम चदेब नु लेवी आन पशो तशा, दाक्शा, नेल्ल शुश ग्येरसीशो बाक्तेकम। ४५ चदेब नु लेवीपुकीमी परमपरभु आ देशो खोदेशो पा चोत्रखतीक गेय पास्तेकम। मिनु कुम्सो पाइब नु लाप्चो खाल पाइबपुकी यो दाऊद नु आ ती सोलोमनमी देशो खोदेशो पा चोत्रखतीक गेय पाइब बाक्तेकम। ४६ मारदे हना दाऊद नु आसाफ आस पालामी कुम्सो पाइब आन कली शंब का बाक्शो बाक्ते। मना यो परमपरभु कली ठेयब सेल्लिक नु “गे रिम्शो पाइब बाक्नीनी” दे कुम्सो पाइब बाक्शो बाक्तेकम। १इतिहास २५ :- ४७ मिनु इसराएल डा मुर नेल्लेमी जेरुब-बाबेल नु नेहम्याह आस पालामी कुम्सो पाइब नु लाप्चो खाल पाइब आन कली नाक्ते कित कित डा माल्शो गेम्तेकम। लेवी आन भाग वोइक्तेकम। मिनु लेवीपुकीमी आन ताक्शो र हारुन आ चच युइ

आन भाग वोइक्तेकम। गन्ती १८:२६; नेहम्याह १०:३९

अर्का रागी डा मुर तिल्लो

१३ मेको नाक्ती मुर आन डांइती मोसा आ बरकशा किताब पदशा बाक्त। मिनु मेकर मार बरकशा बाक्त दंशा हना “अम्मान नु मोआब डा मुरपुकी र सुइ परमपरभु आ मुर आन गुरुस्तीकमी गनायो जाक्चा मताइनीम। व्यवस्था २३:४-६ २ मारदे हना मेकोपुकी इसराएली आन कली शोब्ले नु ब्याक्कु गेचा कली गरुस्थ मजाक्शो बाक्तेकम। तन्न इसराएली आन कली सराप पाइक्चा कली बालाम कली क्यट गेशा, बरकशा बाक्तेकम। मो पास्तेकम हना यो, आंइ परमपरभुमी मेको सराप र आसीक सेल्शो बाक्त” दे बरकशा बाक्त। गन्ती २२:५-६ ३ मिनु मेको अरशा लोत्र पदशा नंशा, अर्का रागी डा मुर नेल्ल आन कली तिल्लेकम।

चद्वेब एल्याशीब कली हुइश्शो

४ मिनु मेको क्येडा डांइती चद्वेब एल्याशीब आंइ परमपरभु आ सिं डा ठेयब कोत्रब बाक्त। मेको तोबीयाह एल्याशीब आ नेक्था डा मुर बाक्त। नेहम्याह २:१९ ५ मिनु चद्वेब एल्याशीबमी आंम सिं डा मुर, तोबीयाह कली परमपरभु यावे आ सिं डा वोइक्तीक ठेयब कोठा का गेशो बाक्त। डांइती मेको कोठामी मार मार शंशा खोदंशा पा चद्वेबो १० भाग डा अन्न, धूप, परमपरभु यावे आ सिं डा बोसपुकी, मुर आन गेशो १० भाग डा भाग का अन्न, अडगुर शांबु नु तेल वोइश्शो बाक्त। मेको परमपरभुमी शंशा खोदंशा पा लेवी, कुम्सो पाइब, लाप्चो खाल पाइब नु चद्वेब आन तचा डा भाग वोइश्शो बाक्त।

६ मेको नेल्ल दुम्ची ना गो यरूसलेममी मबाक्शो बाक्ती। मारदे हना गो बेबीलोन डा पिप आरता-सास्त ३२ बर्स जाक्दीम्मेनु, पिप आ बाक्तीकमी लेती। मिनु इक्का नोले “यरूसलेम लेश्शा, लचा गयीनी” दे पिप कली पुंइता। ७ मिनु गो यरूसलेम जाक्कानु, एल्याशीबमी तोबीयाह कली परमपरभु आ सिं डा कोठा गेशा, मरिम्शो पशो तुइक्ताकड। ८ मेको तुइश्शा, शुश गाइक्ताकड। मिनु गो तोबीयाह आ मार मार नेल्ल मेको कोठा र गरुइशा ताइक्ताकड। ९ मिनु “मेको कोठा नेल्ल कली रिम्शो सेल्चा

माल्नीम” दे अरेता। मिनु गो परमपरभु आ सिं डा बोसपुकी, चद्वेबो अन्न नु बरोत्रशो रिना पाइब थोत्रक लेशा वोइक्तामी।

१० मिनु लेवीपुकीमी आन तचा माल्शो भाग मतशो बाक्तेकम, दे आं कली तुइक्पाइक्तेकम। मोपा मेको लेवीपुकी नु ठेयब सेल्तीक कुम्सो पाइब आन गेय परांइशा, आंम आंम रूमी लशा, गेय पाइबाक्तेकम। नेहम्याह १२:४७ ११ मोपतीक गो ठेयब मुर आन कली “परमपरभु यावे आ सिं मारदे परांइनी?” दे हुइक्ताकडमी। मिनु गो लेवी नु कुम्सो पाइब आन कली बरकशा, आन गेय पपाइक्तामी। १२ मिनु यहूदा रागीम बाक्ब नेल्लेमी १० भाग डा भाग का अन्न, नक अडगुर शांबु नु तेल परमपरभु यावे आ सिं डा मार मार वोइक्तीक कोठामी चाक्तेकम। गन्ती १८:२१ १३ मिनु गो चद्वेब शेतम्याह, बरकब सादोक नु लेवी आ थर डा पदायाह मेको सांफा कली मार मार वोइक्तीक कोठा कोत्रब मुर सेल्तामी। मिनु मतन्त्याह, आ चच नु जाक्कुर आ ती हानान कली मेको आन कली वारच पाइब सेल्ता। मेकोपुकी थमा सुइक्चा पुंइसीशो मुर बाक्तेकम। मिनु मेको आन लोक्ब आन तचा डा थोत्रक गेचा माल्तेकम। १४ गो परमपरभु यावे कली “आं परमपरभु, इन सिं कोत्रशा नु मेकर डा पशो रिम्शो पतीक मपरंदीन। आं कली मिम्तीन” देती। नेहम्याह ५:१९

नाइक्तीक नाक्त

१५ मेना गो का निक्शी यहूदाम बाक्बपुकीमी नाइक्तीक नाक्ती कोल खराक्शो, चेरब सुप्शो गधा आन कली मार मार कुरपा नाइक्तीक नाक्त यरूसलेममी चाक्शो तातामी। मेकोपुकीमी नाइक्तीक नाक्त अडगुर शांबु, अडगुर नु फोत्रशी यो यरूसलेमम लेयचा कली चाक्तेकम। मिनु गो मेको आन कली “गे नाइक्तीक नाक्ती मेको मलेयडीन” दे हुइक्ताकडमी। नेहम्याह १०:३२ १६ यरूसलेममी बाक्ब टायर डा मुरपुकीमी यो डांइ नु लेयतीक मार मार थोत्रक नाइक्तीक नाक्त चाक्शा, यरूसलेममी बाक्ब यहूदी आन कली लेयतेकम। १७ मिनु यहूदा डा ठेयब मुर आन कली हुइश्शा “नाइक्तीक नाक्त गे मार मरिम्शो गेय पनी? गे नाइक्तीक नाक्त अरु नाक्त खोदंशा सेल्तीनी। गे मतुइक्तीनी? १८ मार, इन किकी पिपीमी यो मोदंशान मपामे डा? मो दुम्तीक, इं परमपरभुमी एको सहर नु इं कली एको श्यत गेशो ममाइ डा? मिनु मुल गे

नाइक्तीक नाक्त, गेय पतीक नाक्त सोदंशो सल्शा, परमपरभु आ गाइक्तीक तेम्नीनी ?” दे हुइक्ताकडमी। इर्नीकीएल २०:१२-१३

११मिनु “यरूसलेम डा गारो डा ठेयब लाप्चोपुकी नाइक्तीक नाक्त नां रिक्चा क्येडा डाइती चोक्चा माल्नीम। मिनु नाइक्तीक नाक्त मनुम्म सम्म रोक्चा मदुम्ब” दे माइक्तामी। मिनु नाइक्तीक नाक्ती मार मार थोत्रक यरूसलेममी मचाकगमेकल, दे आम आम गेय पाइब का निकशी आन कली लाप्चोपुकी खाल पचा कली वोइक्तामी। २०मिनु नाक्दो मेको मार मार ग्याम्ब लेयबपुकीमी यरूसलेम मेर नां सोइताकम। का निकशी खेयप मोदंशो पास्तेकम। २१मिनु गो मेको आन कली “मारदे नाइक्तीक नाक्त गारो आ डाइती उइ नां सोइदीनी ? गे लेंशा मो पाइतीनी हना, इन कली मो मपरोइनन्नी” दे हुइक्ताकडमी। मेको नोले सुइ मुर नाइक्तीक नाक्ती मेकेर मजाकम। २२मिनु गो लेवी आन कली बरेशशा “आंम कली ठीक सल्सीन। नाइक्तीक नाक्त परमपरभु यावे के बाक्ब, दे मानेचा कली ठेयब लाप्चोपुकी खाल पथ बाक्कीन” दे माइक्तामी। मिनु गो “आं परमपरभु, आं ओदंशो पशो यो मिम्तीन। मिनु इन ठेयब नु गेना हना यो दाक्तीके कोइदीनी” देती।

### अर्को रागी डा मीश चाक्शो

२३मिनु मेना यो गो अश्दोदी, अम्मांनी नु मोआबी मीश आन कली चाक्ब यहूदी आन कली गुरुस्तामी। २४मेको आन आतपुकीमी का निकशी अश्दोदी लोत्र पाइबाक्तेकम। यहूदी आन लोत्र मजोक्थु, अर्को रागी डा मुर आन लोत्र पाइबाक्तेकम। २५मिनु गो मेकोपुकी नु

जिशा, सराप पाइशशा, का निकशी आन कली तुप्शा, आन चां रोक्ताकडमी। मिनु मेको आन कली परमपरभु आ नंमी लोत्र पाइक्तामी। “गे इन तमीपुकी मेको आन तौ कली गतीनी नु आन तमी इन तौ आन कली चाक्तीनी हना, आंइ कली खतम दुम्पाइक्तीनी” देती। ब्यवस्था ७:३ २६मिनु “इसराएल डा पिप सोलोमनमी मोदंशो मीश चाक्शा पाप पवा, ममाइ ? शुश रागी आन दातमी मेको सोदंशो पिप सुइ मबाकम। मिनु परमपरभुमी मेको कली दाक्शा, इसराएली नेल्ल आन पिप सल्शा बाक्त। मोदंशो बाक्त हना यो, अर्को रागी डा मीश मुरपुकीमी मेको कली पाप पपाइशो बाक्तेकम। ११राजा ११:३-८, २०मिनु मार, गोपुकीमी इन लोत्र नेंशा, इन सोदंशो पा इं परमपरभु कली शुश मरिम्शो पा, अर्को रागी डा मीश चाक्तीनी ?” दे हुइक्ताकडमी।

२६मिनु नेल्ल क्येडा ठेयब चढेब एल्याशीब आ चच, यहो-यादा आ तौमी होरोनी सान्बल्लत आ तमी का चाक्शो बाक्त। मोपतीके गो मेको कली आं डाइती र गरेइशा खेरता। नेहम्याह २:१०,१९; नेहम्याह १२:१० २९ “आं परमपरभु, मेकोपुकीमी इन कली चढेतीक गेय नेल्ल मरिम्शो सल्तेकम। मोदंशो पा मेकोपुकीमी चढेब नु लेवी आन पशो कबल परांइतेकम। मेको मिम्तीन” देती। ३०मिनु गो मेको आन कली अर्को रागी डा मारइ मारइ र ठीक सल्तामी। मिनु गो चढेब नु लेवी आन पचा माल्शा गेय लेंशा पपाइक्तामी। गन्ती २५:१२-१३; मलाकी २:८ ३१मिनु परमपरभु आ खिं कली शी नु नेल्ल क्येडा डाइती सिशो फल चाक्चा आ पबेम लोत्रसी गारपाइक्ता। मिनु गो “आं परमपरभु, आं पशो मिम्शा, आं कली रिम्शो पाइय्यीनी” देती।

## एस्तर

बरैकब मुर: बरैकब मुर सु बाकमे, मेको मतुंडसीब दैनीम। तन्न मारदकेमी एस्तर आ पर्वम नल्ल बरैकशो बाकब, दैनीम। एस्तर १:२० का निकशो मुरुम “एज्जरा मुरैकशो बाकब” दैनीम।

गेना डा लोव्र: इस्राएलीपुकी ग्याइश्शा बेबीलोन लाइक्चा पुंडसीशो नोल जेरूब-बाबल नु इस्राएली यरूसलेम लेश्शो बाकतेकम। मेको आन दातेमी एज्जरा यो बाकत। एको ५३६-४५८ बि. सी. डा लोव्र बाकब। मेना एज्जरा नु नेहम्याह यरूसलेम सहरमी गेय पशो बाकताकस। हाग्गे नु जकरिया यो बाकसा बाकत। मेना एस्तर आ किताब बरैकशो बाकत।

मारदे बरैकशो: एको किताब परमपरभुमी आ मुर आन कली दाकशा, श्येत रे परांडशो आ पर्वम कांडशा बरैकशो बाकब। मेना रे यहूदीपुकीमी पुरीम चाड मानेनीम। मेको पुरीम चाड एस्तरमी यहूदी आन कली श्येत रे परांडशो आ पर्वम मिस्तीक चाड का बाकब।

### पिप अहासूरस आ ठेयब दुस्तीके

१ एको लोव्र नल्ल अहासूरस माइश्शो पिप आ पात्ताम दुम्शो लोव्र बाकब। अहासूरसमी भारत रे एथीयोपीया माइश्शो कृश रागी सम्म पा १२७ आटा रागी आन कली सासन पाइब बाकत। २ मेना मेको पिप अहासूरसमी आ राज्य डा सुसा दरवारमी आ ठेयब नितीकेमी निश्शा सासन पाप्तु। ३ मिनु मेको पिप दुम्शो ३ बर्स जाकदीम्मनु, आ हुकुम पाइब मुर नु सरकार डा गेय पाइब नल्ल आन कली भोज का गेप्तु। मेको भोजमी मादी नु पारसी आन ठेयब मुर नु मेको रागी डा हुकुम पाइब नल्ल जाकशो बाकतेकम। ४ मिनु मेको पिपमी १८० नाकत सम्म आ राज्य डा शुश शांप, आ दारस नु आ ठेयब दुस्तीके मेको आन कली कांडताकमी। ५ मेको कांडतीक नाकत नुम्मेनु, मेको पिपमी आ दरवार डा ठेयब नु आइक्च मुर नल्ल आन कली ठेयब भोज गेप्तु। मिनु मेको भोज सुसा दरवार डा लाडगाम ७ नाकत सम्म दुम्त। ६ मिनु पिप आ दरवार नल्ल दारपाइक्चा कली बुश नु नीलो वा क्याइश्शो बाकतेकम। मेको वापुकी नीलो झुम्का पाइश्शो दारशो मलमल के बाकतेकम। मिनु मेको वा आन कली बुश नु नीलो डोरी पाइश्शो, चांदी के

ग्याइक्तीकेमी शुश क्येट लाइब बुश फुल्लु के थामम क्युकशो बाकतेकम। मेकर सुन नु चांदी के सल्लशो नितीक बाकतेकम। मेको बुटा आप्शो शुश क्येट लाइब बुश, गिगी नु क्येर फुल्लुम साप्शो खप तारी वाइश्शो बाकतेकम। ७ मिनु मेको मुर आन कली सुन के कचौरामी अडगुर शांबु तूचा गेशो बाकतेकम। मेको कचौरा का का पा अर्को अर्को खाल डा बुटा आप्शो बाकतेकम। मिनु पिपमी मेको आन कली शुश अडगुर शांबु तूचा गेप्तु। ८ मेको नल्लेमी आंम आंम दाकशो पा तूचा तास्तेकम। मारदे हना पिपम “नल्ल आन कली आंम दाकशो तूचा गेन” दे आ शांबु खरैब आन कली माइश्शो बाकत।

### पिपमी वास्तीमी पिप कली मटिशो

९ मिनु वास्ती पिपमीमी यो दरवार डा मीश मुर आन कली पिप अहासूरस आ दरवारमीन ठेयब भोज का गेप्तु। १० मेको भोज दुम्शो ७ नाकतीमी पिप अहासूरस अडगुर शांबुम रांडशा, पिपम आ दरवार डा ७ जना शुश अधिकार पाइश्शो गेय पाइब मेहुमान, बिस्था, हारबोना, बिग्थान, आबाग्था, जेथार नु कारकस आन कली ११ “पिपमी वास्ती कली आ सिरपच गुम्सीशा, मुर नल्ल नु हुकुम पाइब आन डांडती आ दारस कांडचा कली चाक्कीन” दे अरेशा सोइक्ताकब। मारदे हना मेको पिपमी शुश दारशो बाकत। १२ तन्न पिपमीमी पिप आ सोइश्शो मुर आन देशो मबिस्सं। मोपा वास्तीम मबिश्शो तशा, मेको पिप हिंचा डा पा गाइक्ताकब।

### पिपमी वास्ती कली सजाइ गेशो

१३ मिनु पिपमी “मुल मार पचा” दे जोक्ब तुइक्ब नु लोव्र पाप्तु। मेको जोक्ब तुइक्बमी डांडती रे पिप कली अर्ती गेबाकमा बाकत। मिनु ऐन कानुन जोक्ब तुइक्ब नल्लेमी “मुल मार पचा” दे सल्ला पाम्तेकम। १४ मेको पिप कली सल्ला गेब सु बाकमा बाकत, देशा हना, पारसी नु मादी डा ७ जना हुकुम पाइब कारशना, शेथार, अदमाथा, टारशीश, मरस, मारसेना नु मेमुकान बाकमा बाकत। मेकोपुकी पिप आ डांडती बाकशा, नल्ल क्येडा ठेयब अधिकार पा गेय पाइब बाकतेकम। १५ मिनु पिप अहासूरसमी मेको आन कली “आं गेय पाइब रे पा आं सोइश्शो लोव्र पिपमी वास्तीमी मटीव। मोपतीके मेको कली ऐन कानुन कोव्रशा मार पचा ?” दे हिल्लो पाप्तु। १६ मिनु मेमुकानमी पिप नु आ सरकार

डा हुकुम पाइब नेल्ल आन डोंइती “पिपीम वास्तीमी पिप कली ला ममाइ, तन्न हुकुम पाइब नेल्ल आन कली नु पिप अहासूरस आ रागी डा मुर नेल्ल आन कली मरिम्शो पाप्तु। १७ मुत्त पिपीम आ मरिम्शो पशो मीश मुर नेल्लमी तुइक्नीम। मापतीक मकोपुकीमी यो आन वांइश कली आइक्च सल्शा मटीनीम। मकोपुकीमी ‘पिप अहासूरसमी पिपीम वास्ती कली आ बाक्तीकमी ब्रत्ताक्व, तन्न पिपीममी मटीव’ दे लोत्र पाइनीम। १८ मिनु पिपीम आ पशो आ पर्वम नंब मादी नु पारसी डा सासन पाइब आन मीश मुरपुकीमी, पिप आ सासन पाइब नेल्ल आन कली मुलाक्त डा लोत्र पाइनीम। मिनु मीश मुरुमी आन वांइश आन कली मटिथु, शुश जिच्चा पोक्नीम। १९ मोपतीके गे दाक्नीनी हना, पिपीम वास्ती गे इन डोंइती गेनायो जाक्ने मचबल। मिनु आ पिपीम दुस्तीके क्याम्शा, अर्को मको क्येडा दारशो मीश आल कली पिपीम सलीन। मको इन सल्शो कानुन पारसी नु मादी आन कानुनमी यो गेनायो मक्याम्सीचा डा पा ब्रक्पतीन। दानीएल ६ :१, २० मिनु एको पिप आ ब्रक्पाइशो लोत्र एको राज्य नेल्लमी नंतेक्म हना, ठेयब नु आइक्च मीश मुर नेल्लमी आन वांइश कली मान पाइनीम” देत।

२१ मिनु ममुकान आ लोत्र पिप नु सासन पाइबपुकीमी “रिम्शो बाक्ब” दे दाक्ताक्म। मिनु पिपमी ममुकान आ देशो खोंदेशो पाप्तु। २२ मिनु मकोमी आ रागी नेल्ल डा मुर आन आंम आंम ब्रक्स नु आंम आंम लोत्रमी “खिं डा ठेयब वांइश मुरुमी आंम खिं डा मुर आन कली अधिकार पचा माल्नीम” दे मुर नेल्ल आन जात जात डा ब्रक्स नु आंम आंम लोत्रम ब्रक्पाइशो सोइक्ताक्व। एस्तर ३ :१२ ; एस्तर ८ :१

### मीश आल सुष्शो

२१ मिनु पिप अहासूरस आ गाइक्चा बेक्म नोले  
२ मकोमी वास्ती आ पशो आ पर्वम नु मको आ पर्वम ब्रक्शो ब्रक्स कली मिम्ताक्व। २ मिनु पिप आ गेय पाइबपुकीमी पिप कली “इन कली दारशो नु कन्ने मीश आल माल्पतीन। ३ इन राज्य डा, रागी नेल्ल डा दारशो नु कन्ने मीश आल चाक्चा, दे मेकर डा ठेयब मुर आन कली लोत्र सोइक्तीन। मिनु मको मीश आल आन कली सुसा दरवार डा मीश मुर आन बाक्तीकमी चाक्चा माल्नीम। मिनु मको मीश मुर आन कली कोत्रब, इन गेय पाइब हंगे आ जिम्मामी वोइक्चा माल्नीम। मिनु मको

मीश आल आन कली खरक्तीक नु बरोत्रशो रिना पाइक्तीक मार मार यो गेच्चा माल्नीम। ४ मिनु गे तेको मीश आल कली दाक्नीनी, मेको कली वास्ती आ पा डा पिपीम सलीन” देतेक्म। मिनु पिपीमी मको लोत्र दाक्ताक्व। मिनु मोदंशो पाप्तु।

### सुसा दरवारमी

५ मिनु सुसा दरवारमी मोरदेके माइशो यहूदी मुर का बाक्माक्त। मेको बेन्यामीन थर डा याइर आ ती, शिमइ आ च्च, कीश आ युइ बाक्माक्त। १ सामुएल ९ :१ ६ बेबीलोन डा पिप नंबुकदनेसरमी यरूसलेम र यहूदा रागी डा पिप येकोन्याह नु ग्याइशो लाइक्चा पुइसीशो आन दातेमी मोरदेके आ किकी पिपी कीश यो बाक्माक्त। २ राजा २४ :१५ ७ मिनु मोरदेकेमी आ बकान्छा आ तमी हदस्सा कली आ तमी खोंदेशो सेल्शा, थुल्शा वोइशो बाक्माक्त। मेको के आ आम आफ् निम्फा बेक्शो बाक्ताक्स। मेकोमी हदस्सा कली एस्तर नें यो वोइशो बाक्माक्त। एस्तर रिम्शो नु दारशो मीश आल बाक्माक्त। मेको आ आम आफ् बेक्सा नोले मोरदेकेमी मेको कली आंम तमी खोंदेशो पा दाक्शा, थुल्शो बाक्माक्त। एस्तर ८ :१

### एस्तर दरवारम लाइक्चा पुइसीशो

८ मिनु पिप आ गरुइशो ब्रक्स नंन्मे नोले, शुश मीश आल आन कली सुसा दरवारमी चाक्तेक्म। मिनु एस्तर कली यो अरु मीश आल नु काथा मीश मुर कोत्रब हंगे कली जिम्मा गम्तेक्म। ९ मिनु एस्तर कली तशा, मेको हंगे थाम्पान ग्येरसाक्व। मिनु मकोमी एस्तर कली दारपाइक्चा कली ग्याम्तीक, किप्तीक, खरक्तीक नु रिम्शो जचा थोत्रक नेल्ल गेप्तु। मिनु पिप आ दरवार डा ७ जना नेल्ल क्येडा रिम्शो गेय पाइब मीश आल यो एस्तर कली गेप्तु। मिनु मीश मुर आन कली वोइक्तीक खिंमी एस्तर नु आ कली वारच पाइब आन कली नेल्ल आन क्येडा रिम्शो नु गारशो बाक्तीक गेप्तु। १० मिनु डोंइती मोरदेकेमी एस्तर कली “इ जात नु इ किकी पिपी सु बाक्नीमी, मेको मशोत्रडो” देशो बाक्तीक, एस्तरमी सुइ आन कली मेको लोत्र मशोत्रशो बाक्त। ११ एस्तर कली दोदंशो बाक्मे ? मार पवा, दे तुइक्चा कली मोरदेके नाक्त किंत किंत मेको मीश आल बाक्तीक खिं आ लाडगा र एर आंथ गाक्तीक पाइबाक्त।

१२ पिप अहासूरस आ बाक्तीकम लचा क्येडा डोंइती मीश आलपुकीमी ६ महिना सम्म मूर तेल खरकसीशा, अर्का ६ महिना बरोव्रशा रिना पाइश्शा तेल नु दारपाइक्तीक मार मार खरकसीशा, १२ महिना आंम कली दारपाइक्तीक गेय पचा माल्बाक्तेकम। मोपा १२ महिना जावदीम नोले पिप अहासूरस आ बाक्तीकमी मीश आल का का पा लचा माल्बाक्तेकम। १३ मिनु मीश आलपुकी पिप आ दरवारम लमानु, मेको आन बाक्तीक र मार मार लाइक्चा दाक्तेम मेको लाइक्चा ताइबाक्तेकम। १४ मोपा मेकोपुकी नाक्दो का का पा पिप आ बाक्तीकम लशा, सुनी मेको अरु मीश आल बाक्तीक खिं डा कोव्रब शा-आशगज माइश्शा पिप आ गेय पाइब आ जिम्मामी बाक्चा कली लेत्वा माल्बाक्तेकम। मिनु पिपमी मेको कली दाक्शा आ नें थिशा मबरता सम्म लेंशा पिप आ बाक्तीकम लचा मताइबाक्तेकम।

### एस्तर पिपीम दुम्शा

१४ मिनु मोरदेके आ बकान्छा अर्बाहेल आ तमी एस्तर पिप आ बाक्तीकम लतीक पालो जाक्त। एस्तर पिप आ बाक्तीकम लमेनु, मीश आल आन कली कोव्रब ठेयब मुर हेगम मार मार गेवा, मेको ला लाइश्शा लमाक्त। अरु मोरइ मपुंडदा बाक्त। सु सुमी एस्तर कली तामे, मेको नेल्लमी एस्तर कली दाक्तेम बाक्त। १६ मिनु एस्तर कली पिप अहासूरस आ बाक्तीकम लदमेनु, अहासूरस पिप दुम्शा ७ बर्स १० महिना जावदीश्शा बाक्माक्त। मेको महिना कली तबथ महिना देबाक्तेकम।

१७ मिनु पिपमी मीश आल नेल्ल आन क्येडा एस्तर कली दाक्ताक्व। मिनु अरु आन क्येडा मेको कली योव्रतु। मिनु एस्तर कली पिपीम आ सिरपच गुष्शा, वास्ती आ पा डा आ पिपीम सेल्लु। १६ मिनु नोले पिपमी एस्तर कली मान पचा कली हुकुम पाइब नेल्ल नु गेय पाइब आन कली ठेयब मोज का गेप्टु। मिनु रागी नेल्ल डा मुर आन कली गेय मपथु बाक्चा गेशा, पिपम गचा माल्शा मुर आन कली शुश इनाम गेस्तीमी।

### मोरदेकेमी पिप कली प्रांइशा

१९ मेको कन्ने मीश आल आन कली लेंशा पिप आ दरवारमी चाक्गमेनु, मोरदेके यो दरवार डा ठेयब लाप्चोम बाक्शा बाक्त। २० मोरदेके आ देशो खोंदेशो पा एस्तरमी आ किर्की पिपी

मार जात डा बाक्मा, सु बाक्मा सुइ आन कली मशोव्रशा बाक्त। मेकोमी आल बाक्म ना मोरदेके कली टिशा खोंदेशो पा, ठेयब दुम्शा यो टिप्टु। २१ मेना मोरदेके पिप आ दरवार डा ठेयब लाप्चोमी बाक्शा बाक्त। मिनु सु जाक्म, दे कोव्रब, पिप आ ठेयब गेय पाइब बिग्थान नु तेंरश माइश्शा मुर चुरशा गारशा, पिप अहासूरस कली साइक्चा लोव्र पाम्स बाक्त। एस्तर ६ १-२ २२ मिनु मेको आस लोव्र मोरदेकेमी नेंशा तुइश्शा, एस्तर कली शेंदा बाक्त। मिनु एस्तरमी मोरदेके आ नेंमी पिप कली लोव्र नेल्ल शोव्रतु। २३ मिनु मेको लोव्र हिल्लो हिवसी पामेनु, थमा बाक्त, दे पिपमी तुइक्ताक्व। मिनु मेको ठेयब गेय पाइब आस कली थामम क्युकशा साइक्तेकम। मिनु नोले पिप आ डोंइती मेको लोव्र नेल्ल इतिहास बरक्तीक किताबमी बरेक्ताक्म।

### हामान मोरदेके नु गाइश्शा

३ १ मिनु नोले पिप अहासूरसमी अगाग आ ३ मुर हम्मदाता आ ती हामान कली आ मान बारपाइक्तु। मिनु मेको कली हुकुम पाइब नेल्ल आन क्येडा ठेयब सेल्शा, ठेयब मान गेशा वोइक्तु। १ सामुएल १५ :३२ ; परस्थान १७ :१४-१६ २ मिनु पिप आ लोव्र टिशा, दरवार डा गेय पाइब नेल्लमी दरवार डा ठेयब लाप्चोमी हामान आ डोंइती बाप्शा पोक्च थक्शा, सेउ पाम्तेकम। तन्न मोरदेकेमी मोदेशो पा पोक्च थक्शा, सेउ मपावो। मत्ती ४ :९-१० ३ मिनु पिप आ दरवार डा ठेयब लाप्चोम गेय पाइबपुकीमी मोरदेके कली “गो मारदे पिप आ देशो मटीनीनी ?” दे हिल्लो पाम्तेकम। ४ मिनु नाक्त कित कित मेकोपुकीमी मेको कली मो पा लोव्र पाम्तेकम। तन्न मोरदेकेमी मेको आन लोव्र का यो मनन। मोदेशो पशा हामानम फाल्ले चाप्चाक्म कां मचाप्चाक्म, दे कोव्रचा कली, मेकोपुकीमी मेको लोव्र हामान कली शोव्रतेकम। मारदे हना मोरदेकेमी मेको आन कली “गो यहूदी नड” देशो बाक्त। ५ मिनु मोरदेकेमी आ डोंइती बाप्शा, सेउ पा मान मपशा तशा, हामान साप्पा चुरमाक्त।

### यहूदी नेल्ल साइक्चशा

६ मिनु हामानमी मोरदेके आ जात, आ लोकब सु बाक्मा, दे तुइक्ता नोले, मेको कली ला ममाइ, तन्न पिप अहासूरस आ राज्य डा यहूदी, मोरदेके आ जात डा मुर नेल्ल आन कली खतम सेल्ल्तीक लां माल्लु। ७ मिनु अहासूरस

पिप दुम्शो १२ बर्स दुम्शा, आ डांडती डा निसान माइश्शो महिनामी हामान आ अर्ती गेब मेको नु गारशा, यहूदी आन कली गेना साइक्चा, दे हामान आ डांडती जोक्ब तुइक्ब आन कली साहीत कोत्रपाइक्तु। मेको साहीत कोत्रतीक कली पुर दंतैकम। मिनु मेको साहीत १२ महिना नोले अदार महिनामी गरूत। परस्थान १३:४; परस्थान १२:२; एस्तर १:२४ ८ मिनु हामानमी पिप अहासूरस कली “इन राज्य डा रागी नेल्लेमी मुर आन दातेमी जात का डा मुर बरशा बाक्शो बाक्नीम। मेकोपुकी अरु मुर र बराशा बाक्नीम। मिनु मेको आन पतीके गो नु मगारचा डा बाक्ब। मेकोपुकीमी इन एन कानुन मटीनीम। मिनु गमी मेको आन कली मोदंशो पचा गेचा मदुम्ब। व्यवस्था ४:५-८ १ मोपतीके गे दाक्नीनी हना, मेको आन कली खतम सेल्ला, दे बरेक्स का बरेक्पतीन। मिनु गो नोले मेको पिप आ क्येट वोइक्तीके डा गेय पाइब आन कली १० हजार टलेन्ट चांदी पिप आ क्येट वोइक्तीकेमी वोइक्चा कली गेनुड” दंत। टलेन्ट का चांदी ३४ किलो बाक्ब। एस्तर ४:७ १० मिनु पिपमी आ छाप पाइश्शो ओंठी परुइश्शा, यहूदी आन जोरी सतरु अगाग आ मुर हम्मदाता आ ती हामान कली गेपु। ११ मिनु पिपमी हामान कली “मेको चांदी नु मेको मुरपुकी इन केन बाक्नीम। गे मार दाक्नीनी मेको पन चाप्नीनी” दंत।

१२ मिनु डांडती डा महिना डा १३ नाक्तीमी पिप आ बरेक्स पाइब आन कली बरेक्ताक्मी। मिनु हामानमी देशो सादेशो पा रागी नेल्ले इन सरकार डा गेय पाइब नु जात जात डा मुर आन ठेयब मुर नु रागी रागी डा हुकुम पाइब आन कली मेको मुर नेल्ले आन जात जात डा बरेक्स नु आम आम लोत्रम बरेक्पदा बाक्त। मेको बरेक्सम पिप अहासूरस आ छाप थोक्शा, मेको आ नमी बरेक्शो बाक्त। १३ मिनु मेको सोइश्शो मुरपुकीमी मेको बरेक्स रीब रीब पा पिप आ रागी डा मुर नेल्ले आन कली सोइक्तम बाक्त। मेको बरेक्समी मार बरेक्शो बाक्त देशा हना, अदार माइश्शो महिना डा १३ नाक्त, काबुमीन यहूदी नेल्ले आन कली साइक्चा माल्नीम। वांइश आले र खाल्पा सम्म नु मीश मुर नु आले बरेक्ब नेल्ले आन कली यो साइक्चा माल्नीम। मिनु यहूदी आन शांप नेल्ले रोइक्चा माल्नीम, दे बरेक्शो बाक्त। १४ मिनु मेको नाक्त कली सासीशा बाक्चा, दे जात नेल्ले डा मुर आन कली तुइक्पाइक्चा, दे लेशा बरेक्स का बरेक्शा,

रागी डा मुर नेल्ले आन कली का का पा गेशा, उरदी पचा कली सोइक्ताक्म। १५ पिपम मेको लोत्र चोत्रथ लाइक्ब आन कली रीब रीब पा सोइक्ताक्ब। मिनु सुसा दरवारमी यो मेको लोत्र बरपाइक्तेक्म। मो पाम नोले पिप नु हामान तूचा कली निस्साक्स। तन्न सुसा सहरम चहिं खाल बाल बोक्त।

यहूदी आन कली परांइचा माल्शो

१ मिनु मारदेकैमी मेको लोत्र नेल्ले तुइश्शा, आ वा साक्तु। मिनु अरन्डी फेक्शा, पुलु मोइसीशा, ठेयब संदामी रोंका पना पन सहरम हिरसाक्ब। २ मिनु मोपा दरवार डा ठेयब लाप्चो आ डांडती जाक्त। तन्न अरन्डी फेक्शो सुइ मुर दरवार डा ठेयब लाप्चो र ओत्रचा मताइबाक्तेक्म। ३ पिप आ सोइश्शो मेको लोत्र नंशा, रागी नेल्ले डा यहूदी माइजा बाक्शा, डाक्शा, रोंका पाम्तेक्म। मिनु मेको आन दाते डा शुश मुर अरन्डी फेक्शा, पुलु तारी निस्साक्म। ४ मिनु पिपीम एस्तर आ गेय पाइबपुकी जाक्शा, एस्तर कली मेको लोत्र शोत्रतेक्म। पिपीममी मेको नंशा, शुश सुर्ता पाप्तु। मिनु “अरन्डी परुइश्शा वा फेक्सीन” दे मारदेकै कली वा सोइक्ताक्ब। तन्न मारदेकैमी मेको वा ताक्ने मबिस्स। ५ मोपतीके एस्तरमी पिप आ वोइश्शो आ गेय पाइब हथाक कली बरेक्शा “मारदेकै कली मार श्यत दुम्म? मिनु मेको श्यत दोपा दुम्म?” दे हिल्लो पथ सोइक्ताक्ब। ६ मिनु हथाक पिप आ दरवार डा ठेयब लाप्चो आ डांडती ठेयब लाइजामी मारदेकै कली गरुथ लत। ७ मिनु मारदेकैमी आम कली मार दुम्म, मेको नेल्ले हथाक कली दंत। मिनु हामानमी यहूदी नेल्ले आन कली साइक्चा, दे पिप आ क्येट वोइक्तीकेमी दोशो क्येट वोइक्चा, दे लोत्र पवा, मेको यो हथाक कली शंताक्ब। एस्तर ३:९ ८ मिनु मारदेकैमी सुसामी यहूदी आन कली साइक्चा, दे पिप आ लोत्र बरेक्शा बरेक्स यो एस्तर कली कांइशा, तुइक्पाइक्चा, दे हथाक कली गेपु। मिनु मेकोमी हथाक कली “आम मुरुम शिशो तामक्त, दे पिप कली नमो सिमो पचा कली एस्तर पिप आ बाक्तीकेमी लचा माल्ब देनीन” दंत।

१ मिनु हथाक एस्तर आ बाक्तीकेम लशा, मारदेकै आ देशो नेल्ले दंत। १० मिनु एस्तरमी हथाक कली मारदेकै आ बाक्तीकेमी सोइश्शा, ११ “पिप आ गेय पाइब नु रागी डा मुर नेल्ले

पिपमी मबरंत्यु, वांइश मुर नु मीश मुर सुइ पिप आ डांइती लाम्तेक्म हना, साइक्चा पुंडसीनीम। मेको एन कानुनम बरक्शो बाक्व। तन्न पिपमी आ राज् दन्ड मेको मुर गे दिंशा कोइताक्व हना ला, मेको मुर बरोइचा ताइव। मिनु गो ३० नाक्त सम्म मबरंस्सीशा बाक्नुड” दे दंचा कली सोइक्ताक्व। एस्तर ५ :२ ; एस्तर ८ :४

१२ मिनु मोपा हथाकमी मारदेके कली एस्तर आ सोइश्शा लोत्र नल्ल शोत्रतु। १३ मिनु मारदेकेमी हथाक कली पिपीम कली “गे पिप आ दरवारम बाक्त हना यो, यहूदी नेल्ल आन दातेमी गे ला ‘साइक्चा मपुंडसीनुड’ दे ममिम्तो। १४ मो देशो दुम्मेनु, गे सिक्सी पा बाक्तीनी हना, यहूदी आन कली वारच पा परोइचा कली अर्को मुर रे यो जाक्व। तन्न गे नु इं आफ आ सिं डा मुरपुकी चहिं खतम दुम्चा माल्लीम। गे यहूदी आन कली परोइचा कली पिपीम दुम्शो बाक्नव, कों ?” दे एस्तर कली माइक्चा, दे हथाक कली सोइक्ताक्व। उत्पत्ती ४५ :११

यहूदीपुकी माइजा बाक्शो

१५ मिनु एस्तरमी मारदेके कली १६ “सुसा सहरमी लशा, यहूदी नेल्ल आन कली आं पर्वम माइजा बाक्चा कली पुक्कीन। नाक्त सां नु नाक्दो सां सम्म मारइ मज्जन, मारइ मत्तडीन। मिनु गो नु आं गेय पाइबपुकी यो गे खोदंशो पा माइजा बाक्नीकी। मिनु में नोले एन कानुनमी मगेशो बाक्त हना यो, गो पिप आ बाक्तीकम लाइनुड। गो खतम दुम्ती हना, यो दुम्डल्ल” दे लोत्र सोइक्ताक्व। १७ मिनु मारदेके लशा, एस्तर आ देशो खोदंशो पाप्तु।

एस्तर पिप आ डांइती जाक्शो

१ मिनु नाक्त सां नोले एस्तरमी पिपीम आ फेक्तीक फेक्साक्व। मोपा लशा, पिप आ दरवार आ लाङ्गाम बाक्शा, सिं गे कोत्रशा, राप्त। मेना पिप आ सिंमी आ ठेयब निक्तीकेमी निश्शा, लाप्चो गे कोत्रशा, बाक्शो बाक्त। २ मिनु पिपमी पिपीम एस्तर कली दरवार डा लाङ्गामी राप्शा बाक्शो तशा, मेको कली शिशी पा, आ शशा बाक्शो राज् दन्ड एस्तर गे दिंताक्व। मिनु एस्तर पिशा, मेको कोक्के आ डर थिप्तु। एस्तर ४ :११ ३ मिनु पिपमी मेको कली “पिपीम एस्तर, मारदे जाक्नी? गे मार माल्लीनी? आं रागी उइक्थ इन कली गेचा माल्ताक्यी हना यो, मेको इन कली गेनन्नी”

दंत। मर्कस ६ :२३ ४ मिनु एस्तरमी “हजुर, गे दाक्नीनी हना, मुल नाक्दो गो इन कली सल्ल्यो भोजमी गे हामान नु काथा जाक्कीने” दंत। ५ मिनु पिपमी एस्तर आ देशो पचा कली हामान कली बरत्वा कली मुर सोइक्ताक्व। मिनु पिप नु हामान एस्तरमी सल्ल्यो भोज जथ लाम्ताक्स। ६ मिनु पिपमी अङ्गुर शांबु तशा, एस्तर कली “गे मार दाक्नीनी? गो इन कली गेनन्नी। आं रागी उइक्थ पुइतीनी हना यो, गो मेको इन कली गेनन्नी” दंत। ७ मिनु एस्तरमी सउ पा “गो लोत्र का पुंडचा दाक्नुड। ८ मिनु गो इन शिशी ताता हना, गे आं पुंडशो गेचा दाक्ताक्नी हना, हजुर, दीसा यो गे निक्शी मुलाक्त डा खोदंशो पा, आं सल्ल्यो भोजम जाक्कीन। मेना गो इन हिल्लो पशो लोत्र लेत्नुड” दंत। एस्तर ६ :१४

हामानम आंम कली ठेयब सल्ल्यो

९ मिनु मेको नाक्त हामान शुश ग्येरसीशा, आ थुं जाव बारपा लत। तन्न हामानमी मारदेके कली दरवार डा ठेयब लाप्चोमी बाक्शो नु आ डांइती बाप्शा मान मपशो तशा, चुरशा लां मताव। १० मो दुम्त हना यो, हामानमी आ चुरशो मकांइथु, आ सिं लत। मिनु आ सिं जाक्दीश्शा, आ वारच आन कली नु आ मीश जेरश कली बरत्थ सोइक्ताक्व। ११ मिनु मेको आन कली “आं शांप, आं थरशो रू नु शुश ती बाक्नीम। मिनु पिपमी सासन पाइब नु गेय पाइब नेल्ल आन क्येडा आं कली शुश मान गेशो बाक्व” दे आ नें बारपाइश्शा लोत्र पाप्तु। १२ मिनु हामानमी “भोशो ला ममाइ, पिपीम एस्तरमी सल्ल्यो भोजमी आं कली ला बरत्ताक्यी। मिनु दीसा यो पिप नु लचा कली आं कली बरश्शा बाक्व। १३ तन्न मेको यहूदी मारदेके कली दरवार डा लाप्चोम बाक्शो तडानु, आंम कली मारइ खोइ मलाक्ड” दंत। १४ मिनु आ मीश जेरश नु आ वारच नेल्लेमी “५० कुबीत लाइश्शा थाम का गरुक्तीने। मिनु सुनी कना मारदेके कली मेकेर क्युकशा साइक्चा कली पिप नु लोत्र पने। मिनु ग्येरशा, पिप नु भोज जथ लने” दंतक्म। मिनु हामानमी मेको लोत्र दाक्ताक्व। मिनु मेकोमी मुर कली क्युकशा साइक्तीक थाम का गरुक्पाइक्तु। कुबीत का आधा मिटर खोदंशो बाक्व।

मारदेकेमी ठेयब मान तशो

१ मिनु मेको नाक्दो पिप इप्ने मचव। ६ मिनु पिपमी इतिहास बरक्शो किताब

चाकपाइवतु। मिनु मेको पढेपपाइशशा नंतु। एस्तर २:२१-२२ २मिनु मेको किताबमी पिप आ लाप्चोम बाकब बिग्थान नु तेरेश माइशशा ठेयब लाप्चोम गेय पाइब निकशीमी चुरशा पिप अहासूरस कली साइक्चा माल्शा लोत्र नु मोरदेकेमी पिप कली तुइक्पाइशशा आ पर्वम बरकशा बाक्त। ३मिनु पिपमी “एको आं पशो आ पर्वम मारदेके कली मारइ मान नु दर्जा गेशो बाकम?” दे हिल्लो पाप्तु। मिनु मंकर बाकब पिप आ गेय पाइबपुकीमी “मोरदेके आ पर्वम मारइ मपशो बाकब” दंतकम। ४मिनु पिपमी “लाडगाम सु बाकम?” दे हिल्लो पाप्तु। मेना हामानमी आ गरुशो, मुर कली क्युकशा साइक्तीक थाममी “मोरदेके कली साइक्चा गेयीनी” दे पिप कली पुंडथ लाडगामी नक जाकशो बाक्त। एस्तर ५:१४ ५मिनु पिप आ गेय पाइबपुकीमी “हामान लाडगामी राप्शा बाक्त” दंतकम। मिनु पिपमी “मेको कली खिं गा बरतीन” दंत। ६मिनु हामान खिं गा ओत्रमेनु, पिपमी मेको कली “पिप आंमान मान गेचा दाकशो मुर कली मार पचा माल्बा?” दे हिल्लो पाप्तु। मिनु हामानमी आ थुं थुंमी “आं डा लाकशा, तको मुर कली पिपमी मान गेचा दाकबा डा?” दे मिम्ताकव। ७मिनु मेकोमी पिप कली “पिप सु कली मान गेचा दाकनीनी, ८मेको कली पिप आ डांइती फेकशो वा नु पिया ग्याम्सीशा पिप आ शारा चाकपतीन। दानीएल ५:२९ ९मिनु मेको पिप आ डांइती फेकशो वा नु आ शारा नेल्ल आन क्येडा मान तशो मुर कली गेचा माल्ब। मिनु नेल्ल क्येडा अधिकार पाइशशा मुरुमी पिपम मान गेचा दाकशो मुर कली फेकतल। मिनु मेको कली शारा डांइक्पाइशशा, सहर डा लोमी गाकपाइक्चा माल्ब। मिनु नेल्लेमी ‘पिपमी मान गेचा दाकशो मुर कली मार पवा, मेको कोत्रडीन’ दंना दंन हिरदमेकल” दंत। उत्पती ४१:४२-४३ १०मिनु पिपमी हामान कली “गे इ देशो खोदंशो पा फेक्तीक नु शारा मुल कना चाकशा, लाप्चोम बाकब यहूदी मोरदेके कली मोदंशो पावो। इ देशो का यो मखराइक्थु, पावो” दे माइक्तु। ११मिनु हामानमी फेक्तीक वा नु शारा चाकशा, मोरदेके कली मेको वा फेकशा, शाराम डांइक्पाइशशा, सहर डा लां मेर लाइशशा, आ डांइती “पिपमी मान गेचा दाकशो मुर कली मार पवा, मेको कोत्रडीन” दंना दंन मोरदेके कली हिरताकव। १२मिनु नोले मोरदेके पिप आ

दरवार डा ठेयब लाप्चोम लेत। मिनु हामान चहिं मुने पा कुल सुम्शा दोरोर पा दोरशा, आ खिं लत। १३मिनु मेकोमी आ मीश जेरेश नु आ वारच नेल्ल आन कली मार दुम्म, मेको नेल्ल का का पा शोवतु। मिनु मेको आ वारचपुकी नु आ मीशमी मेको कली “इन जोरी सतरु मारदेके, यहूदी बाक्त हना, गे मेको कली मारइ पने मचाप्नीनी। मुल गे मेको आ डांइती खतम दुम्नीनी” दंतकम।

१४मोपा लोत्र पना पन बाकमेनु, पिप आ गेय पाइबपुकी जाकशा, हामान कली पिपमी एस्तरमी सेल्शा भोज जचा कली लाइक्तेकम। एस्तर ५: ८

एस्तरमी पिप कली पुंडशो लोत्र

१मिनु पिप नु हामान, निम्फा पिपमी ७ एस्तरमी सेल्शा भोज जथ लास्ताकस। २मिनु मेको नाक्त यो पिप अडगुर शांबु तूशा, एस्तर कली “गे मार दाकनीनी? मेको इन कली गनन्नी। आं रागी उइक्थ पा पुंडतीनी हना यो, गो मेको इन कली गनन्नी” दंत। ३मिनु पिपमी एस्तरमी “गोमी इन शिशो तशो बाक्ती नु गे दाक्ताकनी हना, गो नु आं जात डा मुर आन कली साइक्चा रे परोनीन। ४मारदे हना गो नु आं जात डा मुर नेल्ल क्याम्चा, साइक्चा नु खतम दुम्चा कली लेयसीशो बाक्तीकी। गो वाइलीम वाइल सेल्चा कली ला लेयसीशो बाक्तेक हना, गो सिक्सी पा बाकडा वा। मारदे हना मेको आइक्च लोत्रमी पिप कली मारइ श्यत मदुम वा” दंत। ५मिनु पिप अहासूरसमी पिपमी एस्तर कली “मोदंशो पचा माल्ब मुर सु बाकबा? मिनु मेको मुर त बाकबा?” दे हिल्लो पाप्तु। ६मिनु एस्तरमी “मेको श्यत गेब, मरिम्शो मुर एको हामान बाकब” दंत। मिनु हामान पिप नु पिपमी आ डांइती हिंशा, संदा का यो गर्इने मचब।

हामानम साइक्चा पुंडसीशा

७मिनु पिप चुरशा, भोज रे छुल बोक्शा, दरवार डा फू रूमी लत। हामानमी चहिं “पिपमी आ थुंमी आं कली खतम पचा मिम्ताकव” दे तुइशशा, पिपमी एस्तर नु माफ पुंडचा कली आ बाक्तीक उइ बाक्त। ८मिनु पिप फू रू रे लेशशा, भोज जतीक कोठाम जाकमेनु, हामान चहिं एस्तर आ इत्तीकम बाप्शा, आ नेक्या गुर ब्वेशा बाकशो ताप्तु। मिनु पिपमी ठेयब संदामी “मार, मेकोमी पिपमी कली आं डांइती थिचा मिम्बा?” दंत। मिनु पिपम मोदंशो दंम

नोले, पिप आ गेय पाइबपुकीमी हामान आ कुल सुम्तकम । १ मिनू पिप नु बाकशा, गेय पाइब आन दाते डा हारबाना माइशशा कामी “हामान आ सिं आ नेकथा इन कली रिम्शो पाइब नु परांडब मोरदेके कली क्युकशा साइक्चा कली ५० कुबीत लाइशशा मुर साइक्तीक थाम गुरूकशा वोइशशा बाकब” दंत । मिनू पिपमी “मुल हामान कली मेको थाममी क्युकशा सतीन” दंत । कुबीत का आधा मिटर खोदशा बाकब । १० मिनू मेकोपुकीमी मोरदेके कली साइक्चा, दे गुरूकशा थाममी, हामान कली लाइशशा क्युकतेकम । मिनू पिप आ थुं नांडसाकव ।

### यहूदीपुकीम अधिकार तशा

१ मिनू मेको नाक्त पिप अहासूरसमी यहूदी आन जोरी सतरु हामान आ सिं पिपीम एस्तर कली गेपु । मारदे हना एस्तरमी पिप कली “गो मोरदेके आ सिं डा मुर का नड” दे शंतीके, मोरदेके पिप आ बाक्तीकेम जाक्चा माल्ताकव । एस्तर २ :७ २ मिनू पिपमी हामान र रोइशशा अधिकार डा छाप थोक्तीक औठी परुइशशा, मोरदेके कली गेपु । मिनू एस्तरमी मोरदेके कली हामान आ सिं कली अधिकार पाइब सेल्लु । एस्तर ३ :१०

### पिपीम एस्तरमी लेंशा पुंडशो

३ मिनू एस्तरमी लेंशा पिप आ खोइलीम बाप्शा, डाकशा नमो सिमो पा “अगाग आ मुर हामानमी यहूदी आन पर्वम बरेकशा मरिम्शो बरेक्स क्याम्शा गेन” दे पुंडतु । ४ मिनू पिपमी आ राज दन्ड एस्तर गे शुक्तु । मिनू एस्तर बाकशा, पिप आ डाइती राप्त । एस्तर ४ :११ ; एस्तर ५ :२ ५ मिनू एस्तरमी “पिपम दाक्नीनी नु गो इन शिशो ताता नु आं देशो लोत्र गे दाक्नीनी नु आं देशो नंनीनी हना, अगाग आ मुर हम्मदाता आ तौ हामानमी इन राज्य डा हुकुम पाइब नेल्ल आन कली “यहूदी नेल्ल आन कली साइक्चा” दे बरेकशा सोइशशा बरेक्स नेल्ल क्याम्चा, दे बरेक्स का बरेकशा सोइक्तीन । ६ मारदे हना आं जात नु आं सिं डा मुरपुकी खतम दुम्शो गो दोपा फाल्ले चानुडा डा ?” दंत । ७ मिनू पिप अहासूरसमी पिपीम एस्तर नु यहूदी मोरदेके कली “हामानमी यहूदी आन कली खतम सेल्ला माल्तीके, मेको आ सिं पिपीम एस्तर कली गेता । मारदे हना हामान क्युकशा साइक्चा पुंडसाकव । ८ मुल आं नंमी इन दाक्स पा यहूदी

आन कली रिम्शो दुम्चा आ पर्वम नक बरेक्स का बरेक्तीन । मिनू मेकोमी आं छाप थोक्तीन । मारदे हना पिप आ नंमी बरेकशा, आं छाप थोक्शो हुकुम गेनायो क्याम्न मचाम्सीब” दंत ।

### मोरदेके आ सोइशशा बरेक्स

१ मिनू सिवान माइशशा ३ महिना डा २३ नाक्तीम पिपम आ बरेक्स पाइब मुर आन कली बरेक्ताकमी । मेकोपुकीमी मोरदेके आ देशो खोदशा पा यहूदी, सरकार डा गेय पाइब, मान ताइब नु रागी रागी आन कली हुकुम पाइब भारत र कूश माइशशा एथीयोपीया सम्म डा १२७ ओटा रागी नेल्लेमी मुर नेल्ल आन बरेक्स नु आंम आंम लोत्रम नु यहूदी आन कली आंम आंम आन बरेक्स नु आंम आंम आन लोत्रम पिप आ अरेशो लोत्र बरेक्ताकम । १० मोपा मेको बरेक्स कली पिप अहासूरस आ नंमी बरेकशा, पिप आ छाप थोक्ताकव । मिनू मेको बरेक्स कली शारा दोरपाइक्ब आन कली गेशा, थाम्पान दोरपा चोत्रथ सोइक्ताकम । मेको आन डाइशशा शारा पिप आ नेल्ल क्येडा रिम्शो शारा बाक्तेकम । ११ मेको बरेक्समी मार बरेकशा बाक्ते देशा हना “सहर नेल्ल डा यहूदी बुकशा, आंम कली खतम पाइबपुकी र परांडसीमल । मिनू मेकोपुकीमी तेको तेको जात डा नु तेको तेको रागी डा बुकशा मुर, सु सुम आन मीश नु आन आल आन कली श्यत गेम, मेको आन कली काबुमीन क्याम्चा, साइक्चा नु खतम सेल्ला कली बुक्चा माल्नीम । मिनू मेकोपुकीमी श्यत गेब मुर आन मोरइ मोरइ रोइक्न चान्नीम । एस्तर ३ :१३ ; एस्तर ९ :७-१०,१५,१६ १२ पिप अहासूरसमी आ रागी नेल्लेमी मेको श्यत गेब आन कली अदार माइशशा १२ महिना डा १३ नाक्तीम खतम सेल्ला माल्ब” दे बरेकशा बाक्ते । १३ मिनू मेको बरेक्स नेल्ल रागी डा मुर आन कली तुइक्पाइक्चा कली लेंशा मोदेशोन बरेक्स बरेकशा, उरदी पपाइक्चा, दे लोत्र सोइक्ताकम । मिनू यहूदी चहिं मेको नाक्त आन जोरी सतरु आन कली क्येक्क लेत्वा कली सासीशा बाक्मल, दे यहूदी आन कली अरेशा बरेकशा सोइक्ताकम । १४ मिनू पिपमी मेको शारा डाइक्ब आन कली आ देशा लोत्र चोत्रथ शारा डाइक्पा थाम्पान दोरपाइशशा सोइक्ताकव । मिनू मेको लोत्र सुसा दरवार र योक्चा गोम्तेकम ।

### यहूदी आन ग्येरतीक नाक्त

१५ मिनु मोरदेकै पिप आ बाक्तीक रे दरवार डा ठेयब नीलो नु बुश फक्तीक वा फक्शा, पियाजी रड डा बरखी रुक्शा, पियामी सुन क ठेयब सिरपच गुप्शा, सहर लत। मिनु मोरदेकै कली तशा, सुसा सहर डा मुरपुकी थाम्पान ग्येरसाक्म। १६ मिनु यहूदी आन कली मेको नाक्त आन थुं बारपाइक्तीक, शुश ग्येरतीक नु मान ततीक नाक्त दुम्त। १७ मिनु पिप आ बरक्स नु आ हुकुम जाक्दीशो नेल्ल रागी नु सहर नल्लेमी यहूदी साप्पा ग्येरसाक्म। मिनु मेको नाक्त चाड सल्शा, भोज जाम्तेक्म। मिनु मेको रागी डा शुश मुर यहूदी दुम्तेक्म। मोरदे हना मुर नेल्ल यहूदी आन कली तशा हितेक्म।

### यहूदीपुकीम गराशो

१ मिनु अदार माइशो १२ महिना डा १३ नाक्त पिप आ बरक्शा लोत्र खाप्तीक नाक्त जाक्त। मेको नाक्त यहूदी आन जोरी सतरुमी यहूदी आन कली साइक्वा मिम्शो बाक्तेक्म। तन्न मुल यहूदीपुकीम कका आन जोरी सतरु आन कली साइक्तीक नाक्त जाक्त। २ मेको नाक्त पिप अहासरस आ रागी नु सहर डा यहूदी नेल्ल आन जोरी सतरु आन कली साइक्वा, दे बुक्तेक्म। मिनु मेको यहूदी आन कली सुइमी तक्न मचबम। मोरदे हना यहूदी आन कली तशा, मुर नेल्ल शुश हितेक्म। ३ मिनु मोरदेकै कली तशा, हिंतीक रागी नेल्ल डा हुकुम पाइबपुकी, सरकार डा गेय पाइबपुकी नु ठेयब मुर नेल्लेमी यहूदी आन कली वारच पाम्तेक्म। ४ मोरदेकै पिप आ दरवारमी ठेयब मुर दुम्त। मिनु रागी नेल्लेमी आ नं तुइक्ताक्म। मोपा मेको आ सक्ति बारना बारन लत। ५ मिनु यहूदीपुकीम आन जोरी सतरु आन कली तरवारम तशा, क्योरशा साइशशा थुम्तेक्म। यहूदीपुकीमी आन कली खेदा पाइब मुर आन कली मार पचा दाक्तेम, मेको पाम्तेक्म। ६ यहूदीपुकीमी सुसा दरवारमी ५ सहे मुर आन कली साइक्तेक्म। ७ मिनु मेको हम्मदाता आ तौ हामान आ १० जना तौ पारशान-दाता, दाल्फोन, अस्पता, ८ पोराता, अदाल्या, अरीदाता, ९ पारमशता, अरीसाइ, अरीदाइ नु वाइजाता बाक्तेक्म। उत्पत्ती १४:२१-२४ १० मिनु मेको यहूदी आन जोरी सतरु हम्मदाता आ तौ हामान

आ १० जना तौ कली यो साइक्तेक्म। मेको आन शांप नु आन थरशो रू चहिं मरोइक्तेम।

११ मिनु मेको नाक्त सुसा दरवारमी गिश मुर आन कली सदम, मेको पिप कली शोत्रतेक्म। १२ मिनु पिपमी पिपीम एस्तर कली “सुसा दरवारमी यहूदीपुकीमी ५ सहे मुर नु हामान आ १० जना तौ नेल्ल आन कली साइक्तेक्म। मिनु अरु आं रागीपुकीमी मार मार पाम माइ? ग मार पुंइतीनी हना यो, मेको गनन्नी। चिनु मार पुंइतीनी? मेको दुम्ब” दंत। १३ मिनु एस्तरमी “हजुर, ग दाक्नीनी हना, दीसा यो सुसा सहरमी यहूदीपुकीम मुलाक्त डा खोदशो पचा तामक्ल, दे हुकुम पने। मिनु हामान आ साइशशा १० जना तौ आन कली क्युक्तीक थाममी क्युकपतीन” दंत। १४ मिनु पिपमी “मोदशोन पामक्ल” दे हुकुम पाप्तु। मिनु सुसा सहरमी पिप आ हुकुम खोदशो पा, हामान आ साइशशा तौ नेल्ल आन कली थामम क्युक्तेक्म। १५ मिनु सुसा सहरम बाक्शो यहूदीपुकी अदार महिना डा १४ नाक्तीमी लेशा बुक्तेक्म। मिनु सुसा सहरमी ३ सहे मुर साइक्तेक्म। तन्न मेको आन शांप नु आन थरशो रू मोरइ मरोइक्तेम। १६ मिनु पिप आ रागी डा यहूदीपुकी आंम कली आन जोरी सतरु रे परांइचा कली बुक्तेक्म। मिनु मेकोपुकीमी आंम कली काइ मदाक्ब ७५ हजार जना मुर आन कली साइक्तेक्म। मोपा मेकोपुकीमी आन जोरी सतरु रे थुं नाइक्वा ताम्तेक्म। तन्न मेको आन शांप नु आन थरशो रू चहिं मोरइ मरोइक्तेम।

### पुरीम चाड सेल्शो

१७ मिनु मेको नेल्ल अदार माइशो महिना डा १३ नाक्तीम पाम्तेक्म। मिनु मेकोपुकी आ दीसा १४ नाक्तीम नांइसाक्म। मिनु मेको नाक्त चाड का सेल्शा, ग्येरतीक नाक्त सेल्लेक्म। १८ सुसा सहरम बाक्ब यहूदीपुकी चहिं अदार महिना डा १३ नु १४ नाक्त बुक्तेक्म। मिनु १५ नाक्त नांइसाक्म। मिनु मेको नाक्त चाड का सेल्शा, ग्येरतीक नाक्त सेल्लेक्म। १९ मोपतीके डोन डोन गाउं डा नु अर्का सहरम बाक्ब यहूदीपुकीमी अदार माइशो महिना डा १४ नाक्त, नाइक्तीक नाक्त, चाड नु ग्येरतीक नाक्त सेल्लेमी। मेको नाक्त मेकोपुकीमी कोसली गेमुइनीम।

२० मिनु मोरदेकैमी मार मार दुम्मे, मेको नेल्ल बरक्ताक्व। मिनु पिप अहासरस आ नेक्था नु डोन डा रागीम बाक्ब यहूदी नेल्ल आन कली साइक्ताक्व। २१ मिनु मेकोमी मार

बरेक्ताक्व देशा हना “अदार महिना डा १४ नु १५ नाक्त यहूदी नेल्लेमी बर्स बर्समी चाड नु ग्यरतीक नाक्त सेल्वा माल्नीम। २२मारदे हना मेको नाक्त यहूदी आन जोरी सतरु र नाइक्चा ताम्तक्म। मिनु मेको महिनामी आन थुं लुक्च लतीक र ग्यरशा थुं दुम्तक्म। मिनु आन रांका पतीक र ठयब ग्यरतीक नाक्त फांडसाक्व। मेकोपुकीमी मेको नाक्त चाड का सेल्वा, ग्यरतीक नाक्त सेल्वा माल्नीम। मिनु कोसेली सोइक्मुशा, परुडग आन कली मार मार गेचा माल्नीम” दे बरेक्शा बाक्त। २३मोपतीक यहूदीपुकीमी मारदेके आ बरेक्शा खोदंशो पचा गोम्तक्म। मिनु मेको मोदंशो पा गेना हना यो पचा कली आन लोत्र थोक्ताक्म। २४डांडती यहूदी आन जोरी सतरु अगाग आ मुर हम्मदाता आ तौ हामानमी यहूदी आन कली खतम सेल्वा नु साइक्चा कली मेको पुर माइश्शो साहीत कोत्रपाइश्शो बाक्त। एस्तर ३:१७ २५ मिनु मेको लोत्र पिप कली तुइक्पदमे नोले पिपमी, बरेक्स पा यहूदी आन कली मरिम्शो नु श्यत गेचा मिम्शो नेल्ल हामान आंम आ पियामी कोप्ताक्व। मिनु मेको नु आ तौ थामम क्युक्शा साइक्चा पुंडसाक्म, दे छाप आण्शो बरेक्तीक का बरेक्शा गरुंडताक्व। एस्तर ७:१० २६मेको पुर माइश्शो साहीत कोत्रशा थोक्शा बाक्त। मिनु मेको नाक्त निक्शी कली पुरीम नें वोइक्तेक्म। मिनु मारदेके आ बरेक्शा, यहूदी आंमा आन तशो नु अरु आन दंशो लोत्र नंशा, २७ यहूदीपुकीमी आंम आन कली नु आन चच युइ आन कली नु सु सु यहूदी दुम्चा दाक्नीमी, मेको नेल्ल आन कली गेना हना यो बर्स बर्समी मेको नाक्त निक्शी “पुरीम माइश्शो चाड मानेचा माल्ब” दे रिती थिती वोइक्तेक्म। दोदंशो बरेक्शा बाक्म, मोदंशो पचा माल्तेक्म। २८ मिनु नेल्ल आन पालामी, नेल्ल आन खिं डा मुरपुकीमी, रागी नेल्लेमी नु सहर नेल्लेमी मेको नाक्त निक्शी कली मिम्शा, चाड सेल्वा

माल्नीम। मिनु यहूदी आन दातेमी मेको पुरीम चाड कली गेनायो मपरंदमेक्ल। गेना हना यो मिम्तमेक्ल।

२९ मिनु अबीहेल आ तमी एस्तर पिपीम नु मेको यहूदी मारदेकेमी दोपा नु गेना मेको पुरीम माइश्शो चाड सेल्वा, मेको आ पर्वम शुश बरेक्ताक्स। ३० मिनु मारदेकेमी पिप अहासूरस आ राज्य डा १२७ ओटा रागीम बाक्शा यहूदी आन कली चिठी बरेक्शा सोइक्ताक्व। मार बरेक्शा बाक्त देशा हना “इन थुं नाइश्शा, आ डांडती बरेक्शा पुरीम चाड मानेचा मपरोनो” दे बरेक्शा बाक्त। ३१ मिनु मेको यहूदी मारदेके नु पिपीम एस्तरमी दोदंशो देसा, मोदंशो पा पुरीम चाड ठीक नाक्तीमी पचा कली बरेक्शा बाक्त। मिनु यहूदीपुकीमी आंम कली नु आन चच युइ आन कली “मेको पुरीम चाड पचा माल्ब” दे आन थुंमी मिम्चा माल्नीम। मेको माइजा बाक्तीक नाक्त आन रांका पशो नेल्ल मिम्चा माल्नीम। ३२ मिनु एस्तर आ हुकुममी मेको पुरीम डा लोत्र नुप्त। मिनु मेको लोत्र किताबम बरेक्शा वोइक्तेक्म।

मारदेके आ पाला डा यहूदीपुकी

१० १ मिनु पिप अहासूरसमी आ रागी डा मुर आन कली नु समुन्दर डा टापुपुकीम बाक्ब मुर आन कली तिरा थाप्पाइक्तु। २ पिप अहासूरस आ अधिकार नु सक्ति आन पर्वम नु दोपा मेकोमी मारदेके कली ठयब गेय पपदा, मेको आ पर्वम मादी नु पारसी पिप आन इतिहास डा किताबमी बरेक्शा बाक्ब। एस्तर २:८,१५ ३ मेको यहूदी मारदेके पिप अहासूरस आ नोल, मेको आ रागी डा नेल्ल क्येडा ठयब मुर दुम्त। मेको यहूदी आन दातेमी यो नेल्ल क्येडा ठयब मान तशो मुर बाक्त। मिनु आ लोक्बपुकीमी मेको कली शुश दाक्ताक्म। मारदे हना मेकोमी आ मुर आन कली रिम्शो नु आन थुं नुचा डा गेय पाप्तु। मिनु मेकोमी नेल्ल रिम्शो दुम्त, दे आ जात डा मुर आन पर्वम पिप कली लोत्र पाप्तु।

## अय्युब

बरकब मुर: साइ डा टाल्मुत माइश्शो किताबम मोसा एको किताब बरकब मुर बाकब, द बरकशो बाकब। तन्न अर्को जाकब तुइकब मोसा आ बाकची ना क्येडा नोले डा मुर बरकब बाकनीम देनीम।

गेना बाकशो: अय्युब ठेयब मुर दुम्शा, मोसा आ क्येडा डाइती, अबराहाम, इसहाक नु याकूब आन बाकची ना ब्राइशो बाकत। एको काथा ला ममाइ, थमा पा अय्युब मुर का बाकत, दे उत्पत्ती रे यो तुंडसीब। अय्युब किताबम बरकशो नें उत्पत्तीमी यो बाकनीम।

ऊज अय्युब १:१ उत्पत्ती १०:२३  
साबा अय्युब १:१५ उत्पत्ती १०:२८  
कल्दी रागी अय्युब १:१७ उत्पत्ती ११:३१  
एलीफाज अय्युब २:११ उत्पत्ती ३६:१५  
शुआह अय्युब २:११ उत्पत्ती २५:२ नु अर्को।

मार बरकशो:

१. अय्युब शुश शांप पाइश्शो नु श्यत जाइब दुम्शा अय्युब १:३:-

२. अय्युब आ वारच नु लोत्र पशो अय्युब ४:- ३७:-

३. अय्युब परमपरभु नु लोत्र पशो अय्युब ३८:- ४२:६

४. अय्युब श्यत जवा नोले अय्युब ४२:७-१७

## अय्युब कली नाकशो

१ साइ नेसी ऊज रागीमी अय्युब नें पाइश्शो १ मुर का बाकमाकत। मेको ब्राइम सम्म दोस मतथु नु रिम्शो थुं पाइश्शो दुम्शा बाकचा माल्ब मुर बाकमाकत। मेको परमपरभु कली मान पा हिंशा मरिम्शो पतीक रे डोन बाकब मुर बाकमाकत। येरमीया २५:२०; बिलाप ४:२१; इजीकीएल १४:२४,२०; याकूब ५:११ २ मेको के ७ जना तौ नु तमी सां बाकमा बाकत। ३ मेको के ७ हजार भेडा, हजार सां दलआंठ, ५ सहे हाल ब्यफ नु ५ सहे गधा बाकमा बाकत। मिनु शुश वाइलीम वाइल यो बाकमा बाकत। मोपा अय्युब पूर्ब डा नेल्ल क्येडा शांप पाइश्शो नु ठेयब मुर बाकमाकत। ४ मेको आ तौपुकीम पाल्यालो पा आन आन खिमी भोज पतीक पाइबाकमा बाकत। मिनु मेकोपुकीम जचा तूचा कली आन समी सांफा आन कली यो बरबाकमा बाकत। ५ मिनु अय्युबम मेको आन

भोज पतीक नाकत नेल्ल नुम नोले, आ तमी तौ आन कली “परमपरभु आ डाइती ठीक सेल्सीन” देथ, मुर सोइक्वाकमाकत। मिनु अय्युबमी सुनी कना बोक्शा, मेको आन परबम चोशा चदतीक का का चदशा, मेको आन पाप क्याम्तीक गय पाइबाकमाकत। मारद हना मेकोमी “आं आलपुकीम मारइ पा परमपरभु आ परबम पाप पाम कां” दे मिम्शा, गेना हना यो मा पाइबाकमाकत।

## डाइती डा खेयप नाकशो

६ मिनु काबु स्वर्गम बाकब परमपरभु आ मुरपुकी परमपरभु यावे आ डाइती जाकमानु, सैतान यो मेकोपुकी नु जाकमाकत। अय्युब २:१; उत्पत्ती ६:२; १इतिहास २१:१ ७ मिनु परमपरभु यावेमी सैतान कली “गे ते रे जाकडे?” दे हिल्लो पवा बाकत। मिनु सैतानमी परमपरभु यावे कली “रागी डा एर आंथ नेल्ल हिरशा जाकती” देमाकत। ८ मिनु परमपरभु यावेमी सैतान कली “गे आं गेय पाइब अय्युब कली तवी? परमपरभु कली मान पा हिंब, मरिम्शो पतीक रे डोन बाकब, रागीम मेको सोदेशो पा पाप मपाइब नु बरम्शो मुर अरु सुइ मबाकनीम” दे मदा बाकत। ९ मिनु सैतानमी परमपरभु यावे कली “मार, अय्युब परमपरभु कली मो मान पा हिंशो बाकवा डा? भजन संग्रह ७३:१३ १० गे मेको कली मेको आ खिं, आ शांप नु आ मारइ मारइ नेल्ल एर आंथ तइ तइ रे थरपु हिरशा, मवाइश्शो बाकनीनी डा? मेको आ गय नेल्लम गे आसीक गेशा वीइश्शो बाकनीनी। मेको आ क्यारश भंडा नु बी ब्यफ शुश दुम्शो बाकनीम। ११ तन्न गे इन गुइ दिशा, मेको आ मारइ मारइ थिन। मिनु मेकोमी इन कली इन डाइतीन सराप चील पाइब” देमाकत। १२ मिनु परमपरभु यावेम सैतान कली “दुम्ब मोदेशान दुम्ल। मेको के मार मार बाकम, मेको नेल्ल इ मिम्शो पावो। तन्न अय्युब कली चहिं मारइ मपतो” दे मदा बाकत। मिनु सैतान परमपरभु यावे आ डाइती रे गाकमाकत। ब्यवस्था ८:२

## अय्युब आ मारइ मारइ खतम दुम्शो

१३ मिनु काबु अय्युब आ तमी तौ आन ठेयब लाकब आ खिम, जन जन, तून तून बाकमा बाकत। १४ मेको नाकती लोत्र कुरब मुर का दोरशा जाकशा अय्युब कली “ब्यफपुकी वाकना वाकन बाकमानु नु गधापुकी मेको आन नेकथा जोना जोन बाकमानु, १५ साबा रागी डा मुरपुकी जाकशा, गोठला आन कली लडाइ तोशा

साइक्तेकम् । मिनु मेको मारेइ मारेइ योल्ताकम् । इन कली एको लोत्र शोत्रचा कली गो का ला बरांडती” देमाकत । १६ मेकोमी मेको लोत्र पन पना अर्का लोत्र कुरब मुर का जाकशा, मेकोमी “परमपरभु आ मी सरीड र दोवशा, भेडा नु गोठला नेल्ल आन कली नेक्तु । इन कली एको लोत्र शोत्रचा कली गो का ला बरांडती” देमाकत । भजन संगरह ७८ :४८, १७ मिनु मेकोम लोत्र पन पना, अर्का लोत्र कुरब मुर का जाकशा “हुल सां कल्दी रागी डा मुर जाकशा, गोठला आन कली तरवारम क्योरशा दलआंठ नेल्ल योल्ताकम् । इन कली एको लोत्र शोत्रचा कली गो का ला बरांडती” देमाकत । येरमीया ५१ :२४ १८ मेकोम लोत्र पन पना अर्का यो दोरशा जाकशा “इन तमी तौ आन ठेयब लोकब आ सिंम जना जन तूना तून बाक्तेकम् । १९ मेना गोरशो रागी र फश गिवार जाकशा, सिं आ एर आंथ नेल्ल र थोक्ताकव । मिनु मेको सिं मेको आन तार बरेशशा, मेको नेल्ल आन कली चिष्शा साइक्तु । इन कली एको लोत्र शोत्रचा कली गो का ला बरांडती” देमाकत ।

२० मिनु अय्युब बाकशा आ वा खाकगा बाकत । आ चां परकगा बाकत । मिनु सुम्की पा बाष्शा, २१ “गो आं ममा आ कोद्रज र शिशरा यिती । शिशरा लेशशा लाइनुड । गो ते र श्येत्थी जाकडा, मेकेन श्येत्थी लेशशा, लाइनुड । मेको नेल्ल परमपरभु यावेमी गती । मिनु मेकोमी नेल्ल लेशशा लाइक्तु । परमपरभु यावे आ नं ठेयब बाकत” देमाकत । उपदेसक ५ :१४ ; १तिमाथी ६ :७ ; याकूब ५ :११

२२ मेको नेल्लेमी अय्युबमी पाप मपवा बाकत । परमपरभु कली दोस मगवा बाकत ।

### निकशी खेयप नाकशो

१ मिनु काबु स्वर्गम बाकब परमपरभु आ २ मुरपुकी परमपरभु यावे आ डांडती जाकमानु, सेतान यो मेकोपुकी नु परमपरभु यावे आ डांडती जाकमाकत । अय्युब १ :६ २ मिनु परमपरभु यावेम सेतान कली “गे ते र जाकडे ?” दे हिल्लो पवा बाकत । मिनु मेकोमी परमपरभु यावे कली “रागी डा एर आंथ नेल्ल हिरशा जाकती” देमाकत । ३ मिनु परमपरभु यावेम सेतान कली “गे आं गय पाइब अय्युब कली तवी ? रागीमी मेको सोदंशो अरु सुइ मबाक्नीम । मेको दोस मताइब, गेना हना यो ठीक पाइब नु आं कली मान पा हिंब बाकब । मेकोम मरिम्शो मपाइब । गे मेको कली श्येत गेचा कली आं कली क्युक्ती, हना यो मुल

सम्म मेको आ थमा सुइक्तीके ग्येत्थ लुकच मदुम्शो बाकब” दे मदा बाकत । ४ मिनु सेतानम परमपरभु यावे कली “कुशुल आ पा डा कुशुल । मुरुम बरांडचा कली आ मारेइ मारेइ मगवा डा ? ५ इन गुइ दिंशा, मेको आ रुश नु श्ये थिन । मिनु मेकोम इन डांडतीन इन कली सराप चीले पाइब” दे लोत्र लेत्ता बाकत । ६ मिनु परमपरभु यावेम सेतान कली “लो मा हना, मेको कली इ मिम्शो पावो । तन्न मेको कली मसतो” देमाकत ।

७ मिनु सेतान परमपरभु यावे आ डांडती र गाकमाकत । मेकोमी अय्युब आ पिया र खोइल सम्म गार मुपवा बाकत । ब्यवस्था २८ :२७ ८ मिनु अय्युबम ब्याम्सीचा कली गर आ गम्टे का शशा पुतु तार निस्से बाकत ।

९ मिनु मेको आ मीशेमी मेको कली “मार, गे मुल सम्म थमा सुइक्चा मपरांडनीनी ? परमपरभु कली सराप चीले पा बेक्कीन” दे मदा बाकत । १० तन्न अय्युबमी “गे मूर्ख मीश मुर खोदंशो पा लोत्र पात्तीवी । परमपरभु आ गेशा रिम्शो चहिं ताकशा, मरिम्शो चहिं मताक्चा डा ?” दे मदा बाकत । मेको लोत्र नेल्लेम अय्युबमी मारेइ पाप मपवा बाकत । अय्युब १ :२२

### अय्युब आ वारच सां जाकशो

११ मिनु अय्युब आ वारच सांम मेको कली मोदंशो श्येत दुम्शो लोत्र नेन्मे बाकत । मेको आन नं तेमान डा एलीफाज, शुआह डा बिल्दाद नु नामा डा सोफार बाकमा बाकत । मिनु मेकोपुकीम मेको कली लेम्चा कली नु मेको आ थुं नाइक्पाइक्चा कली गारशा आन सिं परांडशा अय्युब आ सिंम जाकमा बाकत । उत्पत्ती ३६ :१५ ; येरमीया ४९ :७ ; उत्पत्ती २५ :२ ; यहासु १५ :४१ १२ मिनु मेकोपुकीम अय्युब कली डोन र तशा, अय्युब कली मतुइक्तेम बाकत । मिनु मेकोपुकीम अय्युब कली तुइक्तेम नोले वाइ बरेशशा डाकशा, श्येत लाकशा आन वा खाकशा, आन पियाम फुरक फुडसमा बाकत । १३ मिनु मेकोपुकी ७ नाक्ती नु ७ नाकदो मारेइ लोत्र मपथु, मेको आ नेक्था खपीम निस्समा बाकत । मारेइ हना मेकोपुकीम अय्युब कली शुश श्येत दुम्शो ताम बाकत ।

### अय्युबम लोत्र पशो

१ मिनु नोले अय्युबम आ जरमेशो नाक्ती ३ कली सराप चीले पवा बाकत । येरमीया २० :१४-१८ २ मिनु अय्युबम ३ “आं जरमेशो

नाक्त खतम दुम्ल। 'वोडश आल का जोल्शो बाक्व' दंशो नाक्दो खतम दुम्ल। ४ मेको नाक्त छिडछिड दुम्ल। परमपरभुम मेको कली ममिम्तल। मेको नाक्ती हाम्सो मदुम्ल। ५ मेको नाक्ती कली क्येर छिडछिडम सुमल। मेको गोस्सुम सुमल। मेको आ छिडछिड हिंचा डा दुम्ल। ६ मेको नाक्दो कली थम छिडछिडम सुमल। बर्स डा नाक्त आन दातम मेको ग्येरचा मतवल। महिना डा हिक्तीकम मेको नाक्ती हिक्चा मपुंडसकल। ७ मेको नाक्दो आल मथीब दुम्ल। मेको नाक्दोमी ग्येरशो सेंदा मनंसकल। ८ नाक्त कली सराप चील पाइब मुरुम, मेको नाक्ती कली सराप चील पवल। मेकोम लेव्याथन कली पोक्चा कली ठीक दुम्शो बाक्व। ९ मेको आ सुनी डा सोरुल आ हाम्सो मतांडसेल। मेकोम नां सोत्रचा कली रिम्शो मोशा दुम्ल। नां दाप्शो गेनायो तचा मतवल। १० मारदे हना मेकोम आं कली जरमेब ममा कली मतेकगा। मिनु आं कली श्यत मजचा डा पा मखरुइक्ती।

११ गो मारदे जरमेसी डा चोटीन मबेकडा? गो मारदे कोव्रज र गरूडानु मबेकडा? १२ मारदे आं कली वोइक्चा कली थुकु बाक्म? मारदे आं कली तुंडचा कली दूध बाक्म? १३ गो दुम्शो हना, गो सिक्सी पा गोल्शो बाक्ड वा। गो इप्शा नाइश्शा बाक्ड वा। २सामुएल १८:१८, १९ गो रागी डा पिपपुकी नु मेको आन कली अर्ती गेबपुकी नु बाक्ड वा। मेकोपुकीम आम आन कली बरश्शो दरवारपुकी लंशा सल्नीम। १४ शुश सुन पाइश्शो ती नु बाक्ड वा। मेकोपुकीम आन सिं चांदीम पिरनीम। १५ मारदे गो शाम्शो आल सोदंशो पा थिम्चा मपुंडसीडा? मो दुम्शो हना गो हाम्सो गेनायो मतशो आल सोदंशो पा बाक्ड वा। १७ मेकर परमपरभु याव आ अरेशो मटीबपुकीम गरांगये माग्य पने मचान्नीम। मेकर दशो मुरपुकी नाइक्चा ताइनीम। १८ मेकर चोक्शा वोइश्शोपुकी नाइक्चा ताइनीम। गेय पपाइक्व आ सेंदा मनंसीब। १९ मेकर ठेयब नु आइक्च नेल्ल बाक्नीम। वाइलीम वाइल यो आन होत्रप र बरांडशो बाक्नीम।

२० श्यत जाइब कली मारदे हाम्सो तचा गेशो बाक्वा? आन थुं लुकच लशो कली मारदे बरांडचा गेशो बाक्वा? २१ मेकोमी बेक्चा कली रिम्शो बाक्व। तन्न मेको मबेक्व। मेकोमी थिम्शा वोइश्शो शांप दोशा माल्शो क्येडा यो शुश माल्ब। परकाश ९:६ २२ मेकोपुकी

तुरसुम जाक्दोम्मानु आन थुं नाइश्शा, शुश ग्येरसीनीम। २३ परमपरभुम लां मताइब आन कली मारदे हाम्सो गेशो बाक्वा? मेको आन आंथ नेल्ल र थरपु हिरशो बाक्व। अय्युव ११:८, २४ आं जचा थोत्रक आ पा डा हुकयी पतीके दुम्शो बाक्व। आं हुकयी पशो ब्याक्कु सोदंशो पा यीब। २५ गो मार मिम्शा हिंडा, मेकोमीन थिती। गो मार तशा शुश हिंडा, मेको आं तार जाक्त। २६ आं थुं मनांडसीब। गो सिक्सी पा मबाक्नुडा। नाइक्चा मताइनुडा। श्यत ला जाक्व" देमाक्त।

### एलीफाजम लोत्र पशो

४ १ मिनु तेमान डा एलीफाजमी अय्युव कली ४ २ "मार, सुइमी गे नु लोत्र पचा माल्लु हना, इन थुं साइक्पाइक्नीनी? तन्न सु मब्याक्थु बाक्ने चान्नीमी डा? ३ गो शुश मुर आन कली शंताक्नी। गे मचाप्ब मुर आन कली बोल्यो सेल्लनीनी। ४ दाइल पा गोल्शो आन कली इन लोत्रमी आन थुं बारपाइक्तीनी। मिनु गे सोइल मथेक्व आन कली सोइल थेक्व सेल्लनीनी। ५ तन्न मुल इन तार मोदंशो श्यत जाक्मनु, गे फाल्ले मचाप्ब दुम्शो बाक्नीनी। मेको श्यतमी इन कली थिवानु, इन थुं लुकच लशो बाक्व। ६ मार इन परमपरभु कली मान पा हितीकम थमा मसुइक्नीनी? इन ठीक पतीकमी आस मगेबा?

७ मारइ दोस मताइब मुर खतम दुम्शो बाक्नीमी? मेको मिम्तीन। गेना हना यो रिम्शो पाइब मुर साइक्चा पुंडसीनीमी? ८ मरिम्शो पाइब नु गरांगये माग्य पोक्व आम आन पशो ताइनीम। हितीपदेस २२:८ ९ परमपरभु आ मुइश्शोम मेकोपुकी खतम दुम्नीम। मिनु मेको आ गाइश्शो आ मीम नेक्चा पुंडसीनीम। १० गुप्स गरीमल, बोल्यो गुप्स डरर डरर पामक्त। मो हना यो ठिट्टा गुप्स आन खरुइ जिकचा पुंडसाक्म। ११ बोल्यो गुप्सपुकी सिस्तर ब्वचा मतथु नुप्नीम। मिनु छाउरी गुप्स आन चाइक्व एर आंथ बराइनीम।

१२ आइक्च लोत्र का आं नोफाम नेंता। मिनु गो शिप शिप पा लोत्र पशो नेंता। १३ नाक्दो डोमु ततीके बाक्व। मुर ठेयब निन्दरा पशो बाक्नीम। अय्युव ३३:१५; उत्पत्ती १५:१२ १६ मोदुम्तीके गो शुश हिंशा खिरंखिर पाता। मिनु मेकोम आं पोक्च कली शुश खिरंखिर पपाइक्तु। १४ फश का आं डोंडती र पा लत। मिनु आं रां डा चां बोक्तेक्म। १६ मेको दिक्शा बाक्त। तन्न मेको मार बाक्म, गो मारइ मतुइक्तु। आं डोंडती मार

कका राप्त । नोले सिकसी दुम्शा, संदा का गरूत । १७ मेको संदामी भार बैकशा लाइव मुर परमपरभु आ डांडती नल्लतम ठीक पाइव दुम्न चाप्पा डा ? मुर आ कली सल्लव क्यंडा रिम्शा दुम्न चाप्पा डा ? दंत । १राजा ८ : ४६ ; भजन संगरह १४ : ३ ; हितोपदेस २० : १ १८ परमपरभुम आ गेय पाइव आन कली थमा मसुइक्व । मिनु आ स्वर्ग डा गेय पाइव आन कली दोस गेव । अय्युव १५ : १५ ११ मिनु खप क खिम बाक्व मुर मेको आन क्यंडा शुश दोस मताइनीमी डा ? मुर आन जग फुरक बाक्व । मेको तुम्ब खोदंशो पा दिप्शा साइक्वा पुंडसीनीम । २० मेकोपुकी नाक्त काम साइक्वा पुंडसीनीम । सुइम मतुइक्थु बैक्नीम । ११ मेको आन ताम्बु डा डोरी गरुइशा बाक्व । मेकोपुकी जोक्व तुइक्व मदुम्थु बैक्नीमी” दंमाक्त ।

### एलीफाज आ लोत्र

१ मिनु एलीफाजमी “मुल बरेशशा कोवडीन । इन कली सुम लोत्र लप्पाक्मा ? ग सु कली चारच पाइय्यीनी” दे बरत्नीनी ? २ गाइक्तीकम मूर्ख आन कली साइक्व । मिनु गेह पतीकम मारइ मजोक्व आन कली साइक्व । ३ गो मूर्ख आन शाक्श थोक्शो तशो बाक्नुड । तन्न गो कालमीन मेको आन सिं कली सराप चीले पाइक्ता । भजन संगरह ३७ : ३५-३६ ४ मेको आन आल कोत्रव मुर मबाक्नीम । मेकोपुकी ठेयव लाप्पाम साइक्वा पुंडसीनीम । मेको आन कली परांडव सुइ मबाक्व । ५ शोत्रलु बैक्शापुकीम मेको आन सुप्शो मारइ मारइ नक्नीम । आन जचा थोत्रक चू आन दाते र यो सुप्शा योल्नीम । तूतू दाक्शापुकी मेको आन शांप तशा वाल्नीम । ६ मारंदे हना श्यत जतीके फुरक र मजाक्व । खप र श्यत मगरूव । ७ मुरपुकी श्यत जचा कली जरमसीनीम । मेकोपुकी मी आ फिलीडगो खोदंशो पा जाम्नीम ।

८ गो मेको नड हना, गो परमपरभु कली मतु वा । आं पुंडशो लोत्र परमपरभु कली दंड वा । १ मेकोमी ठेयव, रुने मचाप्पा डा नु छक लाक्वा डा गेय हिक्ने मचाप्पा डा पा पाइव । अय्युव ९ : १० १० मेकोम खप कली रउ यिपाइक्व । मिनु रू कली ब्याक्कु सोइक्व । ११ मेकोम महिक्सीशो मुर आन कली ठेयव सल्लव । मिनु रांका पाइव आन कली लंशा ग्यरपाइक्व । भजन संगरह ७५ : ८ ; लुका १ : ५२ १२ मेकोम मरिम्शो मिम्शा पाइव आन कली आन मिम्शो मदुम्पाइक्व । मिनु मेकोपुकीम आन

मिम्शो पने मचाप्पीम । १३ मेकोमी आंम कली जोक्व तुइक्व मिम्शा गेय पाइव कली आंम गेयमी मेको कली ग्याइक्पाइक्व । मिनु आन मरिम्शो मिम्शो रीव पा खतम दुम्ब । १४ कोरिन्थी ३ : १९ १४ मेको आन कली नाक्तीन छिडछिड दुम्ब । मिनु नाक्ती उइक्थ दुम्मेनु, मेकोपुकी नाक्दो खोदंशो पा सुल्शा गाक्नीम । यसेया ५९ : १-१० १५ तन्न मेकोम मारइ मथीव आन कली आन मरिम्शो लोत्र र परांडव । मिनु सक्ति पाइइशो आन गुइ र परांडव । १६ मोपतीके परुडग आन आस बाक्व । मिनु ठीक मपाइवपुकीमी आन शोत्र खरप्पा माल्नीम ।

१७ परमपरभुमी ठीक सल्लवा पुंडसीशो मुर ग्यरसीशो बाक्नीम । मोपतीके नल्ल क्यंडा ठेयव सक्ति पाइइशो आ शंशो आइक्व ममिम्तीन । भजन संगरह ९४ : १२ ; हितोपदेस ३ : ११ १८ मारंदे हना मेकोमी गार सल्लव । मिनु मेकोमीन फरंव । मेकोमी तुप्प । मिनु मेकोमीन सापाइक्व । ब्यवस्था ३२ : ३९ ; होस ६ : १ ११ मेकोमी इन कली ६ खयप श्यत दुम्त हना यो, परांडव । ७ खयप डा श्यतमी इन कली मथीव । भजन संगरह ३७ : २४ ; हितोपदेस २४ : १६ २० मेकोमी अन्काल दुम्मेनु, इन कली बैक्वा र परांडव । मिनु लडाइ दुम्मेनु, तरवार र परांडव । २१ मेकोम इन कली शुक्शी पाइव र परांडव । मिनु खतम दुम्तीक नाक्त जाक्मेनु गे हिंचा ममाल्नीनी । २२ खतम दुम्तीक नु अन्काल जाक्मेनु, गे रिश्शा बाक्नीनी । मिनु गे ब्याकी डा जन्तु आन क्यंडा हिंचा ममाल्नीनी । २३ इन रूमी फुल्लु मबाक्नीम । मिनु ब्याकी डा जन्तुपुकीम इन कली श्यत मगेनीम । यसेया ११ : ६-९ ; होस २ : २० २४ गे इन ताम्बु मारइ मदुम्शा बाक्व दे तुइइशो बाक्नीनी । मिनु गे इन क्यारश भेडा कली हिक्शा कोत्रनीनु, का यो मजाम्शो बाक्नीम । २५ इन चच युइ शुश दुम्शो बाक्नीम । इन आल घांस खोदंशो पा शुश दुम्शो बाक्नीम । २६ गे सूशो दुम्शा बैक्नीनी । बाली नाली आंडची ना खोदंशो पा, इन नाक्त जाक्व । २७ गोपुकीम एको आन पर्वम हिल्लो हिक्सी पाइतक । मिनु नल्ल थमा बाक्व । मोपतीके एको नेनीन । मिनु तुइक्तीन” दे एलीफाजमी अय्युव कली मदा बाक्त ।

### अय्युवमी लोत्र लेशो

१ मिनु अय्युवमी २ “आं सुती नाक्ने चाप्शो ६ हना नु आ शुश हिंचा डा श्यत नाक्शो हना,

३मेको समुन्दर डा बाल्वा आन क्येडा यो शुश हल्थो दुम वा। मोपतीके आं लोत्र रिम्शो मबाक्म को। ४नेल्ल क्येडा ठेयब सक्ति पाइश्शो आ बराम आं कली गरुक्शो बाक्नीम। आं सोक्तीम मेको आन बीख तूचा माल्वा। परमपरभुमी आं कली हिंपाइश्शो बाक्व। भजन संगरह ३८:३ ५ब्याकी डा गधा घांस ब्ववानु, गरीबा डा? ब्यफ आ खोले जवानु, गरीबा डा? ६मबरोत्रशो जचा थोत्रक हिक्सी मसुथ्यु जने चाम्सीबा? मार व्योफु आ बुश बरोत्रशो बाक्वा डा? ७गो मेको जचा मदाक्नुडा। आं कली काइ मबरोत्रब।

८गो आं पुंडशो तड हना, परमपरभुम आं माल्शो गेशो हना, ९आं कली खतम सल वा। परमपरभुमी आं कली साइय्यी वा। १०मेको मोदंशो दुम्शो हना, आं थुं नांडस वा। मिनु शुश साइश्शो यो ग्यरसीड वा। मारदे हना गो का ला परमपरभु आ लोत्र मलाक्शो बाक्नुडा। ११गो आं रिम्शा बाक्तीक सक्ति बाक्वा डा? गो दोपा बेक्नुडा। गो रिम्शा बाक्ने चानुडा डा? १२आं सक्ति फुल्लु खोदंशो बाक्वा डा? आं श्ये कांसा के बाक्वा डा? १३थमा पा, गो आंम कली तिकशा वोइक्ने मचानुडा। आं सक्ति नेल्ल लत।

१४सुमी आन वारच कली शिशी मपाइनीमी, मेकोम नेल्ल क्येडा सक्ति पाइश्शो कली मान पा हिंचा थुम्शो बाक्नीम। १५आं लोक्वपुकी बारशा यीब खोला खोदंशो बाक्नीम। सोत्रशो खोला खोदंशो बाक्नीम। भजन संगरह ३८:१२ १६आन ब्याक्कु मरिम्शो दुम्शा, फुं यशो खोदंशो पा जाम्ब। १७मिनु नाप्शामी मेको आ शाइक्तीक रे जाम्ब। १८मिनु लां गाक्व आन लां रे हिरना हिरन गाक्नीम। मिनु मेकोपुकी मुर मबाक्तीकम गाक्शा, बेक्नीम। १९तेमा डा लां गाक्वपुकीम तूचा कली मेको खोला डा ब्याक्कु माल्तेक्म। साबा डा ग्याप्ब लेयबपुकीम मेको ब्याक्कु तूचा कली आस पाम्तेक्म। अय्युब १:१५ २०मेको आन आस सोत्रशो खोला तशा बेक्त। मेकेर जाक्दीश्शा आन थुं बेक्त। २१मुल गे आं कली मोदंशो दुम्तीनी। गे आं खतम दुम्तीके तशा हिनीनी। २२गो इन कली 'आं कली कोसेली चाक्कीन' दंडा डा? गो इन कली 'इन शांप गेयीनी' दंडा डा? २३मिनु 'आं कली आं जोरी सतरु आन गुइ रे परांडयीनी' दंडा डा? 'आं कली दिप्ब आन गुइ रे परांडयीनी' दे गो इन कली गेनायो मंदंड।

२४आं कली शंदीनी। मिनु गो सिक्सी पा ननुडा। गो मार दूली पडा, आं कली रुप्पतीन।

२५थमा लोत्र बोल्यो बाक्नीमी। तन्न इन देशो लोत्र मार रिम्शो बाक्वा डा? २६गे आं लोत्र रिम्शो सेल्वा माल्नीनी? गे थुं लुकच लशो मुर आ लोत्र फश बाक्व, दे मिम्नीनी? २७गेपुकीमी रोम रोइक्व आन पर्वम फन्ट आन्नीनी। मिनु इन वारच आन पर्वम मार मार फाइक्नीनी।

२८मुल आं कली कोत्रडीन। गो इन कली जोल मपाइनुडा। २९गे सिं लेतीन। मिनु आं पर्वम अरु मरिम्शा मपन। लेतीन। मारदे हना गो ठीक पाइब बाक्नुडा। ३०मार, आं लोत्रम मारइ जोल बाक्वा? मार, आं लोत्रम रिम्शो नु मरिम्शो तिल्ले मचाप्वा डा?" दे अय्युबमी आ वारच कली लोत्र लेता बाक्त।

अय्युबमी परमपरभु नु लोत्र पशो

१मिनु अय्युबमी "मुर रागीम बाक्मानु, शुश गेय पचा माल्नीम। मेको आन नाक्ती गेय पाइब आन नाक्त खोदंशो बाक्नीम। अय्युब १:४:६ २मेको नाक्दो डा वांकु रिम्शो वाइलीम वाइल खोदंशो पा बाक्नीम। आ गेय पशो डा गाल्व ताक्वा कली रिम्शा बाक्शो खोदंशो बाक्नीम। ३गो महिना नेल्ल मोशीन सोइक्ताकडमी। नाक्दो कुस कुस श्यत जतीके आं भाग बाक्व। ४गो नाक्दो इन्वा कली गाल्डानु, गेना नां सोत्रबा, दे मिम्नुडा। तन्न नाक्दो शुश लाइश्शो दुम्ब। मिनु गो नां मसोत्रम सम्म एर आंथ लोक्सीशा बाक्नुडा। ५आं रो तुस्पुम बरीशा, फुरक तुम्सीशा बाक्व। मिनु आं कुशुल जेशशा ननं गरुशो बाक्व। ६आं नाक्त वा परोत्रब आन थूरी क्येडा यो रीब पा लाइनीम। मेको नेल्ल आस मपाइश्शो दुम्नीम। यसेया ३८:१२

७आं बरोइतीक नाक्ती का ले कोशो सोक्त खोदंशो बाक्नीम, दे मिम्तीन। गो लेशा रिम्शो नाक्त तचा मताइनुडा। ८आं कली ताइबमी लेशा गेनायो मताइब। गे आं कली कोत्रनीनु, गो लने थुम्शो बाक्नुडा। ९गोस्स बरशा जाम्शा खोदंशो पा बेक्शो मुर आन बाक्तीक उइ लाइबपुकी गेनायो लेशा मजाक्नीम। १०मेको आन सिंम लेशा मजाक्नीम। मिनु मेको आन बाक्तीकेमी मेको आन कली मतुइक्नीम। अय्युब १०:२१; अय्युब १:४:१२; भजन संगरह १०३:३६

११मोपतीके गो सिक्सी पा मबाक्नुडा। गो आं थुं डा श्यतम लोत्र पाइनुडा। गो आं लुकच लशो थुंम लोत्र पाइनुडा। १२मार, गो समुन्दर नडा? गो समुन्दर डा ठेयब जन्तु नडा? गे

मारदे आं कली खाल पाइब वोइकनीनी ? १३ गो आं बराख्येम गोल्शा, आं थुं नाइक्व, दे मिन्नुड। इण्डानु आं श्यत परंनुड, दे मिन्नुड। १४ तन्न मेना ग आं कली आं डांमुम हिं पाइकनीनी। मिनु कांडतीक कांडशा आं कली हिंच कांडनीनी। १५ मोपतीक गो मेको रोम बरांडचा क्येडा साक्त मकीथु बेक्चा दाक्नुड। १६ गो बरांडशा बाक्चा मदाक्नुड। गो गेना हना यो बरांडशा बाक्चा मदाक्नुड। गे आं कली परांडयीनी। मारदे हना आं बरांडशा का ले कीशा साक्त खोदंशा बाक्व। १७ राजा १९:४ १७ मुर मार नमी डा ? गे मेको आन पर्वम शुश मिन्नीनी ? मारदे गे मेको आन कली शुश दाक्नीनी। भजन संगरह ८:४ ; भजन संगरह १४४:३ १५ गे मेको आन कली सुनी कुस कुस कोवनीनी। गे मेको आन कली गेना हना यो नाक्शा कोवनीनी १९ गिश सम्म आं रे इन मिक्च हिरनीनी ? शेण्चुक मदाक्नु सम्म आं कली परांडयीनी। २० गो पाप पाता हना यो, इन कली मार दुम्बा डा, गे मुर आ थुं नाक्शा कोवनीनी ? गे मारदे आं कली खदा पस डा पस बाक्नीनी। गे मारदे आं कली तशा बरीनीनी ? २१ गे मारदे आं हंथे पशा माफ मंगयीनी ? मारदे आं मरिम्शा पशा मक्याम्नीनी ? मुल गो बेक्नुड। मिनु गे आं कली माल्तीनी हना यो, मथिल्लीनी” दे अय्युबमी परमपरभु यावे कली देमाक्त।

बिल्दाद आ डांडती डा लोत्र

१ मिनु शुआह डा बिल्दादमी लोत्र लेशशा  
 २ “गो गेना सम्म ओदंशा लोत्र पस डा पस बाक्नीनी। इन लोत्र ठेयव फश ला बाक्नीम। ३ मार, परमपरभुम दूली निसाफ पाइबा डा ? मार, नेल्ल क्येडा सक्ति पाइशो परमपरभुम मार ठीक बाक्बा, मेको मतुइक्वा डा ? अय्युब ३४:१० ४ इन तमी तौपुकीम मेको आ पर्वम पाप पास्तेक्म। मोपतीक मेकोम मेको आन कली आन हंथे पशा मोइक्ताक्व। अय्युब १:४-५ ५ गे नेल्ल क्येडा सक्ति पाइशो परमपरभु कली माल्तीनी नु मेको कली पुंडतीनी हना, ६ गे गुरांगरा मदिका डा नु गेना हना यो रिम्शा पाइब बाक्तीनी हना, मेको थमा पा इन पोन बोक्व। मिनु मेकोम इन सिं लेशा, डांडती डा खोदंशा पा गेब। भजन संगरह ३५:२३ ७ मिनु इन डांडती डा बाक्शा क्येडा, इन नोले डा बाक्शा शांप शुश दुम्ब। अय्युब ४२:१०

८ डांडती डा पाला डा मुर आन कली हिल्लो पने। मिनु मेको आन किर्की पिपी आन मिम्शा

पशा, मिन्तीन। ९ मारदे हना गोपुकी सिनाक्त ला जरमेशो बाक्नीकी। मिनु गो मारदे मतुइक्व बाक्नीकी। रागीम आंड नाक्ती वांकु खोदंशा ला बाक्व। १० मेको किर्की पिपीम इन कली मशंनीमी ? इन कली लोत्र मपाइनीमी ? इन कली आन रुष्शा लोत्र मशंनीमी ?

११ ब्याक्कु मबाक्तीकम कागज सेल्टीक बोट मवानीम। ब्याक्कु मबाक्तीकम बुदी मीलु लाइशो मदुम्नीम। १२ मेको कोल्ला कोल्न बाक्मानु, रिक्ची मजाक्थु, घांस क्येडा यो रोब पा साल सुल बेक्नीमी। १३ परमपरभु कली परंबपुकी यो मोदंशान दुम्नीम। परमपरभु कली मटीब मुर आन आस यो मोपा जाम्शा लाइब। अय्युब ११:२० ; हितोपदेस १०:२८ १४ मेको आन आंमा कली थमा सुइक्तीक थम आइक्व श्येले खोदंशा बाक्व। मेको आन आस माखरा आ जाल खोदंशा बाक्व। १५ मेको आ जालम रक एशशा बाक्त हना, मेको कली मतित्त्व। मेको कली ग्याइक्ताक्व हना यो, मेको बरंष्व। १६ परमपरभु यावे आ अरंशा मटीबपुकी नां तशो घांस सुवा खोदंशा पा वानीम। मिनु मेको आन शाक्श तेइ तेइ बरंशा लाइनीम। १७ मेको आन शाक्शम फुल्लु आन कली रुक्नीम। मिनु मेको फुल्लु आन दातम बाक्नीम। १८ मेको आन बाक्तीक रे खतम दुम्मानु, आन बाक्तीकम मेको आन कली ‘गो इन कली गेनायो मतशो नड’ देब। १९ मेको आन ग्यरशा बरांडतीक नाक्ती मोदंशा बाक्नीम। मिनु अर्का तेइ तेइ खप रे वाशा गुरूनीम।

२० नेनीन, परमपरभुमी दोस मताइब मुर कली मतित्त्व। मेकोम मरिम्शा गेय पाइब मुर आन कली वारच मपाइब। २१ मो हना यो, मेकोमी इन कली रिप्पाइक्व। ग्यरशा ठेयव संदाम लोत्र पपाइक्व। २२ मिनु परमपरभुमी इन कली काइ मदाक्व आन मुन दोक्पाइक्व। मिनु परमपरभु यावे आ अरंशा मटीब आन ताम्बु जाम्शा लाइनीम” दे बिल्दादमी अय्युब कली देमाक्त।

अय्युबमी लोत्र लेशशा

१ मिनु अय्युबम लोत्र लेशशा २ “गो एको थमा बाक्व, दे तुइक्नुड। तन्न परमपरभु आ डांडती बेक्शा लाइब मुर दोपा ठीक बाक्न चाप्पा डा ? अय्युब ४०:३-५ ; भजन संगरह १४३:२ ३ सुइमी मेको नु लोत्र जिपाइक्वा मिम्ताक्व हना, मेकोम हजार का लोत्रम लोत्र का यो लेन्ने मचाप्व। भजन संगरह १९:३३ ४ मेको

जोक्व तुइक्व नु सक्ति पाइश्शा बाक्व। मेको कली मटिथु, सु ग्यत्थ लने चाप्वा डा? ५ मेकोम डांडा आन कली आन मतुइक्थुन याक्व। मिनु गाइश्शा, मेको आन कली लाक्व। ६ मेकोम रागी कली आ बाक्तीक र हिक्व। मिनु मेको आ थाम नेल्ल खिरंखिर पाइनीम। ७ मेकोम नां कली 'मदपो' दे अरब। मिनु सोरुल आन छुडछुड साम्ब। ८ मेको आ कामीन सरीड प्राक्शा बाक्व। मेको समुन्दर आ छाल तार गाक्व। ९ मेकोमी सप्तवर्सी, मिर्गसीरा नु किरकिटी सोरुल नु दक्खिन डा सोरुल आन हुल सेल्लु। अय्युब २६ :३१ ; आमास ५ :८ १० मेकोम ठेयब नु मरुप्वा डा गेय पाइब। मिनु हिक्ने मचाप्वा डा छक लाक्वा डा गेय पाइब। अय्युब ५ :१ ११ मेको आं बाक्तीक र पा लाइब। गो मेको कली मताइनुड। मेको आ लां खोइश्शा गाक्मेनु, गो मतुइक्नुड। १२ मेकोम रोइक्ताक्व हना, मेको कली सुम तेक्ने चाप्वा डा? सुमी मेको कली 'गे मार पनी' दे हिल्लो पने चाप्वा डा?

१३ परमपरभुम आ गाइक्वा मलेप्ब। राहाब माइश्शा समुन्दर डा ठेयब जन्तु कली वारच पाइबपुकी मेको आ खोइलीम बाप्नीम। अय्युब २६ :१२ ; भजन संगरह ६९ :११ १४ मोदेशो बाक्त हना, गो मेको कली दोपा लोत्र लेन्ने चाप्नुडा डा? गो मार लोत्र दंनुडा डा? १५ गो दोस मतशा बाक्ती हना यो, मेको कली लोत्र लेन्ने मचाप्नुड। आं कली दोस गब कली गो 'शिशो पाइय्यीनी' दे पुंइन ला चाप्नुड। १६ गो मेको कली बरत्तुनु, लोत्र लेत्ताक्यी हना यो, मेकोम आं लोत्र नेतु, दे थमा मसुइक्नुड। १७ मारदे हना मेकोमी आं कली फश गिवारम सतम सेल्ल। मोशान आं गार शुश सेल्ल। १८ मेकोम आं कली लंशा सोक्त कीचा यो मगेब। श्यत जपाइश्शा आं थुं लुकच लपाइक्व। १९ एको सक्ति पाइश्शा लोत्र बाक्त हना, मेको आं क्यडा बोल्यो बाक्व। एको ठीक पतीके लोत्र बाक्त हना, मेको कली सुम सेन्ने चाप्वा डा? अय्युब १ :३३ २० गो दोस मताइब बाक्ती हना यो, आं लोत्रमीन आं कली दोस ताइब सेल्ल। गो दोस मपाइश्शा बाक्ती हना यो, मेकोमी 'गे दोस ताइब बाक्नेवे' दे चिन्ड कांइब। २१ गो दोस मताइब बाक्नुड। मो हना यो गो आं पर्वम मारइ मतुइक्नुड। गो ब्रांइचा मदाक्नुड। २२ लोत्र नेल्ल कान बाक्व। मोपतीके गो मेकोम दोस मताइब नु आ अरेशो मटीब निम्फा आस कली सतम सेल्ल, दंनुड। अय्युब ८ :२० ; उपदेसक १ :२-३ २३ हिंचा डा

श्यतमी कालेमीन मुर कली साइक्व। मेकोम दोस मताइब आन हिंचा डा श्यत जशो आ पर्वम शुक्शी पाइब। २४ रागी परमपरभु यावे आ अरेशो मटीब आन गुइमी गेशो बाक्व। मेकोम निसाफ पाइब आन मिक्च सिल्ल। मेकोम मो मपाप्नु हना, सुम पाइबा डा?

२५ आं ब्रांइतीक नाक्त दोरब आन क्येडा यो शुश दोरशा बाक्व। मारइ ग्यरतीक मतथु, मेको नुम्ना नुम्न लाइनीम। २६ मेको बुदी मीलु के सेल्ल्या डांगा खोदेशो पा, रीब पा शाइश्शा लाइनीम। ब्यारदे आन सिखार तार जुक्शो खोदेशो पा लाइनीम। २७ गो आं श्यत परंनुड। गो ग्यरेशो कुल कांइशा रिनुड, दंती हना यो, २८ गो आं श्यत जचा माल्शा तशा हिंनुड। मारदे हना गे आं कली दोस मताइब मदेनीनी, दे तुइक्नुड। २९ गो दोस ताइब दुम्ने थुम्शो बाक्ती हना, मोशान मारदे श्यत पाइनुडा? ३० गो साबुनम चिक्साक्यी हना यो, आं गुइ थम सफा पा चिक्साक्यी हना यो, यरमीया २ :२२ ३१ गो आं कली हिलोमीन ब्यारनीनी। मिनु आं वाम यो आं कली गरांगरा दिप्ब। ३२ मेको आं खोदेशो बेक्शा लाइब मुर ममाइ। मिनु गो मेको कली लोत्र लेन्ने मचाप्नुड। मोदेशो दुम हना, निसाफ पाइब आन डांइती लोत्र पने चबु वा। उपदेसक ६ :१० ३३ आंस दातेम गारपाइक्व सुइ मबाक्म। आंस दातेम गुइ वोइक्व सुइ मबाक्म। ३४ परमपरभुम आ कोक्क आं ची र याक्त हना, आं कली महिंपद हना, ३५ गो मेको नु महिंथु लोत्र पड वा। तन्ने आ मिम्शा दुम्मनु, गो तुइक्नुड" दे अय्युबमी शुआह डा बिल्लाद कली दंमाक्त।

अय्युब आ थुं लुकच लशा

१ मिनु अय्युबम "गो ब्रांइचा मदाक्नुड। १० गो आं श्यत आ पर्वम लोत्र पस डा पस बाक्नुड। गो आं कशो थुमी लोत्र पाइनुड। २ गो परमपरभु कली 'आं कली सजाइ मगेयीनी' दंनुड। आं कली मारदे निसाफ पाइनीनी, मेको शंदीनी। ३ गो मुर आन कली दिप्शा, ग्यरनीनी? इन सेल्ल्या आन कली ममिम्चा रिम्शा लाक्नीनी? इन अरेशो लोत्र मटीबमी मरिम्शा पशो दाक्नीनी? ४ इन मिक्च मुर आन मिक्च खोदेशो बाक्वा? गे मुर आन कोत्रशो खोदेशो पा कोत्रनीनी? १ सामुएल १६ :७ ५ इन नाक्ती बेक्शा लाइब मुर आन नाक्त खोदेशो बाक्नीमी? इन ब्रांइतीक बर्स मुर आन बर्स खोदेशो बाक्नीमी? ६ गो आं मरिम्शा पशो

माल्शा, आं पाप थिश्शा गरुंडनीनी ? ७ गो दोस मताइब बाक्नुड, दे गे तुइक्ताक्नी हना यो, इन गुइ रे आं कली सुइम परांइने मचाप्ब, दे यो तुइक्नीनी। ८ डांइती गे आं कली सल्लतीनी। मुल आं कली खतम पोक्नीनी ? भजन संगरह १३९ : १४ १ गे आं कली खप के सल्लतीनी। मेको मिम्तीनी। मिनु मुल फुरक सल्लतीनी ? अय्युब ३३ : ६ ; उत्पत्ती २ : ७ ; उत्पत्ती ३ : १९ १० गे आं कली दूध मोइश्शा खोदंशो पा आं ममा आं कोत्रजीम वोइक्तीनी। मोदंशो पा आं रां सल्लतीनी ? ११ गे आं कली श्ये नु कुशुलम ग्याम्शा, रुश नु नाडीम बोइक्ताक्नीनी। १२ गे आं कली बरोइतीक सोक्त गतीनी। मिनु गेना हना यो दाक्ताक्नी। मिनु आं कली बरोइचा गेचा कली कोत्रशा वोइक्तीनी। १३ आं कली श्येत गेचा कली डांइती रे इन थुंम खरुइश्शा वोइक्तीनी। मेको इन थुंम बाक्त, दे तुइक्ताक्ड। १४ गो पाप पाता हना, गे आं कली कोत्रना कोत्रन बाक्नीनी। मिनु आं मरिम्शो पशो मक्याम्नीनी। १५ गो थमान इन अरेशो मटीब बाक्ती हना, आं कली हिंचा डा दुम्त। गो ठीक पाइब बाक्ती हना यो, आं पिया पोक्ने मचाप्नुड। मारदे हना गो आं मुनेम बरीशा, आं श्येत तना तन बाक्नुड। १६ गो ठेयब लेश्शो बाक्ती हना, गे गुप्स कली सिस्वार ग्यारशो खोदंशो पा आं कली माल्यीनी वा। मिनु लंशा इन ठेयब सक्तिम श्येत गयीनी वा। यसेया ३८ : १३ १७ गे आं मरिम्शो पशो आं पर्वम नक सांकेछी चाक्नीनी। मिनु आं पर्वम इन गाइक्तीक तम्नीनी। आं पर्वम इन हुल हुल लडाइ पाइबपुकी चाक्नीनी।

१८ गे मारदे आं कली जरमेपपाइक्नी ? आं कली सुइम मतथु, बेक्शो नड हना, रिम्शो दुम वा। अय्युब ३ : ११ ; येरमीया २० : १४ १९ गो जरमेसीन मजरमशो नड हना, शाम्पीशा तुरसुम जाक्दोश्शो नड हना, दुम वा। २० आं बरोइतीक नाक्ती शुश मबाक्नीम। आं कली आं कान परांइयीनी। मिनु आं थुं इच्का नांडसीबा कां ? २१ लेश्शा मजाक्तीक रागीम लचा क्येडा डांइती, थम छिडछिड नु क्येर नाक्दो २२ नु गरांग्ये माग्ये दुम्तीकेम लचा क्येडा डांइती आं कली आं कान परांइयीनी। मेकर डा छेडछेड यो छिडछिड दुम्त” दे अय्युबम परमपरभु कली दंमाक्त। अय्युब ७ : १०

सोफारमी अय्युब कली दोस गेशो

११ मिनु नामा डा सोफारमी २ “मार, गो एको इश्का लोत्र आ पर्वम लोत्र मलेत्नुडा ? मार एको लोत्रमाते आ लोत्र नल्ल ठीक बाक्वा डा ? ३ इन गेनायो मनुप्तीक लोत्रम मुर आन कली सिक्सी पपाइक्वा ? गे शुक्शी पनीनु, इन कली मुने मडुम्बा ? ४ गे “आं शंशा ठीक बाक्व। परमपरभु, आ डांइती गो गरांगरा मदिशो बाक्ती” दंनीनी। अय्युब ९ : २१ ; अय्युब १० : ७ ५ परमपरभु ब्याक्ल। मिनु इन कली लोत्र पवल दे आस पाइनुड। ६ मिनु मेकोमी खरुइश्शो तुइक्तीक इन कली शंदल। मारदे हना तुइक्तीक शुश बाक्नीम। परमपरभुम इन मरिम्शो पशो आ पा डा तचा माल्यो सजाइ मगेव। इच्का ला गेप्तु।

७ मार, गे परमपरभु आ खरुइश्शोम मिम्शो तुइक्ने चाप्नीनी ? गे नल्ल क्येडा ठेयब सक्ति पाइश्शोम मार पने चाप्वा, मेको तुइक्ने चाप्नीनी ? ८ मेको सरीड क्येडा यो इर बाक्व। गे मार पने चाप्नीनी डा ? मेको बेक्शो मुर आन बाक्तीक क्येडा यो लुक्च लशो बाक्व। गे मार तुइक्ने चाप्नीनी डा ? ९ मेको पुक्शोनु रागी क्येडा यो लाइश्शो बाक्व। मिनु समुन्दर क्येडा यो बरोम्शो बाक्व। १० मेको जाक्शा, मुर आन कली जेल्खानम चोक्शा, मुर आन कली निसाफ पचा कली सुप्ताक्व हना, सुम मेको कली तेक्ने चाप्वा डा ? ११ सु सु शोर गाक्शो मुर बाक्मा, मेको परमपरभुमी तुइक्व। मेकोमी मरिम्शो पाइब आन कली तुइक्व। १२ मूर्ख मुर रुब दुम्ने मचाप्ब। मेको मा दुम्त हना, ब्याकी डा गधा आ चाइक्व मुर दुम्शा जरमेशो खोदंशो दुम्ब।

१३ मो हना यो गे इन थुं परमपरभु गे हिरनीनी, गे इन गुइ पोक्शा, मेको कली पुंडनीनी। १४ मिनु गे मरिम्शो पाइन बाक्तीनी हना, मेको कली थुमीन। मिनु परमपरभु यावे आ अरेशो मटितीक इन ताम्बुम बाक्वा मगेन। १५ नोल गे थमा पा मारइ दोस मतथु इन पिया पोक्नीनी। रिम्शो पा महिंथु बाक्नीनी। १६ मिनु गे इन श्येत परंनीनी। गे मेको कली शाइश्शा लशो ब्याक्कु खोदंशो मिम्नीनी। १७ इन बरोइतीक नाक्त डा छेडछेड खोदंशो दुम्ब। मिनु इन श्येत डा छिडछिड सुनी डा छेडछेड खोदंशो दुम्ब। १८ गे थमा सुइक्नीनी। मारदे हना मेकर आस बाक्व। गे कोत्रचा पुंडसीशा, महिंथु रिम्शो पा बाक्नीनी।

भजन संगरह ४:९ ११गे सुइ आन क्येडा महिंथु इप्नीनी। मिनु शुश मुरुम इन शिशो तचा कली आस पाइनीम। २०तन्न परमपरमु यावे आ अरेशो मटीब आन मिक्च मताइनीम। मेको आन परोक्तीक लां देक्ब। मिनु मेको आन आस बेक्चा बाक्ब” दे साफारम अय्युब कली देमाक्त। अय्युब ८:१४

अय्युबम सोफार कली लोत्र पशो

१२ मिनु अय्युबम लोत्र लेशशा २गेपुकी थमा पा हिक्सीशो मुर बाक्नीनी। मिनु तुइक्तीक गेपुकी नु बेक्चा लाइब। गो मेको तुइक्नुड। ३तन्न इन खोदंशो रुप्तीक थुं आं के यो बाक्ब। गो यो इन खोदंशो जोक्ब तुइक्ब नड। मेको मुर नेल्लेम तुइक्नीम। ४आं वारचपुकीमी आं पर्वम रिन्नीम। गो परमपरमु कली पुंइता। मिनु मेकोमी लोत्र लेत्ताक्यो। गो ठीक पाइब दोस मताइब मुर बाक्ती हना यो, आं पर्वम रिन्नीम। ५श्यत मजाइब, रिम्शो पा बाक्ब मुरपुकीम हिंचा डा श्यत जाइब आन कली तशा गरांगरा दीनीम। गे श्यत जशा गुरक्चा चिक्शो कली श्यत तेम्नीनी। ६मिनु रोइक्ब आन ताम्बुम थुं नाइश्शा बाक्नीम। मिनु परमपरमु कली गाइक्पाइक्बपुकी रिम्शो पा ब्रांइशा बाक्नीम। मेकोपुकीम आंम सक्ति कली ठेयब सेल्नीम। हबकुक १:११

७मुल ब्याकी डा जन्तु आन कली हिल्लो पने। मेकोपुकीम इन कली शंनीम। सरीडम बरब चिक्ब आन कली हिल्लो पने। मेकोपुकीम इन कली देंनीम। ८गे खप कली हिल्लो पने। मेकोमी इन कली शंब। समुन्दर डा डांइपुकीम इन कली शंनीम। ९परमपरमु यावेम मेको नेल्ल पशो बाक्ब, दे सुम मतुइक्नीमी डा ? १०ब्रांइशा बाक्ब नेल्ल आन ब्रांइतीक नु मुर नेल्ल आन ब्रांइतीक सोक्त मेको आ गुइमी बाक्ब। गन्ती १६:२२; पररित १७:२८ ११जचा थोत्रक बरोत्रशो नु मबरोत्रशो लेम तुइश्शो खोदंशो पा, पशो लोत्र रिम्शो नु मरिम्शो नोफाम मनंबा डा ? १२खात्पा आन दातेम तुइक्तीक बाक्ब। सूशो आन दातेमी रुप्तीक बाक्ब। अय्युब ८:२८

१३ मिनु परमपरमु नु तुइक्तीक नु सक्ति बाक्शो बाक्ब। मेको नु अर्ती गतीक नु रुप्तीक थुं बाक्शो बाक्ब। १४मेकोमी परतु हना, मेको लेशा सेल्ले मचाप्नीम। मेकोमी मुर कली जेल्खानम चोक्तु हना, सुइमी मेको कली गरुंइने मचाप्नीम। परकाश ३:७ १५मेकोमी ब्याक्कु तेक्तु हना, रु

नेल्ल सोत्रनीम। मेकोमी ब्याक्कु परोइतु हना, रागी खतम पोक्ब। १राजा १७:१७; उत्पत्ती ७:१९-२३ १६सक्ति नु तुइक्तीक परमपरमु नु बाक्ब। दूली पाइब नु दूली पपाइक्ब, निम्फा आ केन बाक्नीस। १राजा १२:२८-३०; २राजा १९:१०-३७ १७मेकोमी अर्ती गब आन कली मुने दोक्पाइक्ब। मिनु निसाफ पाइब आन कली मूर्स सेल्ल। १८पिप आन फक्शो वा परुइक्ब। मिनु मेको आन कली किप्शुर कियप्पाइक्ब। १९चद्वेब आन कली मुने दोक्पाइश्शा सोइक्ब। डांइती र गेय पाइब आन कली गरुंइब। १सामुएल २:३०-३२; १सामुएल २२:१८-१९ २०थमा सुइक्चा पुंइसीशो शंब आन कली सिक्सी पपाइक्ब। खात्पा आन तुइक्तीक लोत्र शोर गाक्शो सेल्ल। २१हुकुम पाइब आन कली शुक्शी पचा पुंइसीब सेल्ल। सक्ति पाइश्शो आन कली मचाप्ब सेल्ल। १सामुएल १७:२; १सामुएल ३१:९; २राजा १९:३७; दानीएल ४:२९,३० २२मेकोम छिडछिड आगाम बाक्शो गरुंइब। मिनु थम छिडछिड कली छेडछेड सेल्ल। २३रागी रागी आन कली हिक्सीशो सेल्ल। नोले मेको आन कली खतम सेल्ल। रागी रागी आन कली ठेयब सेल्ल्या, मेकर डा मुर आन कली एर आंथ बरपाइक्ब। २४रागी डा हुकुम पाइब आन कली मरुष्व सेल्ल। मिनु नोले मेको आन कली लां मबाक्शो गोरशो रागीम एर आंथ हिरपाइक्ब। २५मिनु मेकोपुकी हाम्सा मबाक्तीक, छिडछिडम सुल्ल्या गाक्नीम। मेको आन कली दुक्शो मुर खोदंशो पा गोल्वा चिक्शो गाक्पाइक्ब।

अय्युब आ लोत्र

१३ १गो मेको नेल्ल ताता। गो मेको नेशा रुप्ता। २इन तुइश्शो, गो यो तुइक्नुड। गो इन क्येडा मतुइक्ब मनड। ३तन्न गो नेल्ल क्येडा ठेयब सक्ति पाइश्शो आ डांइती लोत्र पाइनुड। मिनु गो परमपरमु नु लोत्र पा, आं पर्वम हिल्लो पाइनुड। ४गेपुकीम चहिं इन जोल लोत्र पा ठेयब सेल्सीनीनी। गे शोर गाक्शो लेम्ब बाक्नीनी। ५गेपुकी सिक्सी पा बाक्शो ननी हना, तुइक्ब मुर बाक्नीनी, दे तुंइस वा। हितोपदेस १७:२८ ६मुल आं लोत्र ननीन। पचा माल्ल्यो लोत्र इन नोफा दाइश्शा ननीन। ७गेपुकी परमपरमु आ लोत्र पखु पाइनीनी ? मोदंशो जोल लोत्र कली थमा बाक्ब, दे थमा सेल्नीनी ? ८मार गेपुकी परमपरमु आ कुल कोत्रशा, मेको आ पा

डा पचा माल्शो लोत्र दैनीनी? ९ परमपरभुमी  
इन कली नाक्शा कोव्रडानु, गे नेल्ल ठीक  
बाक्नीनी? मार, मुर आन मिक्च सिल्थो सोदंशो  
पा, मेको आ मिक्च यो सिल्ने चाप्नीनी? १० गे  
खरुइशामी कुल कोव्रनीनी, परमपरभुम इन  
कली थमा पा हुइक्व। ११ परमपरभु आ मान  
ततीकम इन कली महिंपाइक्वा? मेको आ हिंच  
कोइशामी इन कली ग्यत्थ लुक्च मसल्बा?  
१२ इन आ कली दंशो लोत्र पुलु ला बाक्नीम। इन  
बोल्थो अर्ती खप क बाक्नीम।

१३ सिकसी पा बाक्कीन। मिनु गो लोत्र  
पाइनुड। मिनु आं पर्वम मार मार दुम्बा, दुम्त।  
१४ गो ब्रांइनुडा देय मब्रांइनुडा। गो बक्नुडा  
को ब्रांइनुडा। १५ मेकोम आं कली साइक्व। गो  
आस मपाइनुड। तन्न मुल गो आं लोत्र मेको आ  
डांइती वोइक्नुड। १६ परमपरभु कली मटीब मुर  
मेको आ डांइती जाक्ने मचाप्नीम। मेको आं  
कली परांइतीक दुम्ब। १७ नोफा दाइशशा, आं  
लोत्र नेनीन। मिनु आं शंशो रिम्शो पा नेनीन।  
१८ गो आं दंचा माल्शो लोत्र ठीक पाता। मिनु  
नोले गो दोस मताइब बाक्नुड, दे तुइक्नुड।  
१९ सुमी आं कली कच्छडी बाक्शा, दोस गने  
चाप्वा? मोदंशो दुम्त हना, गो सिकसी पा  
फाल्शा बाक्शा, बक्नुड। २० परमपरभु, गो  
इन कली थोत्रक निक्शी पुंडनुड। मिनु गो इन  
डांइती र मखरुइक्नुड। २१ आं कली श्येत  
मग्यीनी। मिनु इन हिंपाइक्तीकमी आं कली  
महिंपतीन। अय्युब ९:३४ २२ गे आं कली  
ब्रक्तीनी। मिनु गो लोत्र लेत्नुड। डांइती गो  
व्वाक्नुड। मिनु गे आं कली लोत्र लेत्तीनी।  
२३ आं मरिम्शो पशो नु आ पाप गिश् बाक्नीमी?  
आं हेंथ पशो नु आं पाप तुइक्पाइय्यीनी। २४ गे  
मारदे इन कुल खरुइक्नीनी? मिनु आं कली इन  
जोरी सतरु खोदंशो पाइनीनी। अय्युब १९:११  
२५ गे बरेशो सफा कली यो हिंच कोइनीनी? गे  
सोत्रशो भूस आ नोले खोइक्नीनी? २६ गे आं  
पर्वम कशो लोत्र बरक्नीनी। मिनु आं ठिटा ना  
डा मरिम्शो पशो आ पर्वम सज्जाइ गेतीनी।  
भजन संगरह २५:७ २७ आं खोइलीम ठंडरो  
थोक्ताक्नी। आं लां नेल्ल कोव्रशा, वोइक्नीनी।  
अय्युब ३३:११ २८ मोपतीके मुर राक्शो थोत्रक  
खोदंशो पा जाम्नीमी। तुम्बुम खरोइशशा वा  
खोदंशो पा नुप्शो बाक्नीमी” दे अय्युबमी  
दंमाक्त।

ब्रांइचा नु बेक्चा आ पर्वम लोत्र

१४ मिनु लंशा अय्युबमी “मीश मुर र  
जरमशो बक्शा लाइब मुर इक्का नाक्त  
ब्रांइशा, श्येत ला जाइब। २ मेको फू खोदंशो  
पा बोइशशा, सोल सुल बेक्ब। वांकु जाम्शो  
खोदंशो पा जाम्शा लाइब। भजन संगरह ९०:५  
३ गे मोदंशो कोव्रनीनी? मिनु गे आं कली निसाफ  
पाइनीनी? ४ सुमी ग्रांगरा दिशो र ग्रांगरा  
मदिशो सल्ने चाप्वा? सुइमी मचाप्वा। ५ मुर आ  
ब्रांइतीक नाक्ती हिक्शा वोइशशा बाक्नीम।  
मिनु मेको गिश् महिना ब्रांइशा बाक्नीमी, मेको  
तुइक्नीनी। इन दंशो नाक्त लाक्ने मचाप्नीम।  
भजन संगरह ३१:१६; भजन संगरह ३९:५ ६ गे  
मुर आन कली मकोव्रडीन। मिनु नाक्त कित कित  
गय पाइब मुर खोदंशो ग्येरशा बाक्चा गेन।  
अय्युब ७१-२

७ रवा कली आस बाक्ब। तिम्शो नोले यो  
कोच्चा दाप्ब। मिनु वाना वान बाक्नीम। ८ मेको  
आ शाक्श खप आगाम चोक्ताक्व हना यो,  
मेको आ ठुटा खप आगाम राक्त हना यो,  
९ लंशा इक्का व्वाक्कु तवानु, वाब। मिनु ठेयब  
रवा खोदंशो पा राशी दाप्ब। १० तन्न बक्शा  
लाइब मुर बक्शा जाम्शा लाइनीम। मुर आ  
सोक्त लाइब। मिनु ते लाइबा मतुइसीब? ११ दोपा  
दोम्नी डा व्वाक्कु इक्का पा सोव्रना सोव्रन  
लाइबा, दोपा खोला आइक्व दुम्ना दुम्न लशा  
सोत्रबा, १२ मोपा बक्शा लाइब मुर गोल्व। मिनु  
मेको लंशा गेनायो मबोक्ब। सरीड मक्याम्स  
सम्म, बक्शा मुर लंशा मबोक्नीम। मेको आन  
निन्दरा र मसंसीनीम। अय्युब ७:१० १३ गे आं  
कली बक्शा मुर आन बाक्तीकम खरुइक्तीन।  
इन गाइशशा मनाइक्तीनी सम्म आं कली  
खरुइक्तीन। मिनु नोले आं कली फरुक्शा, गो  
नु गरुम्तीक नाक्त का वोतीन। यसेया २६:२०  
१४ मार, बक्शा मुर लंशा ब्रांइनीमी डा? गो  
रिम्शो नाक्त कली रिम्शा बाक्नुड। आं श्येत  
मथुमु सम्म रिम्शा बाक्नुड। १५ मिनु गे आं कली  
बरन्नी नोले, गो इन कली लोत्र लेत्नुड। मिनु  
गे इन आंम गुइम सेल्थो मुर, आं कली, शिशी  
पाइनीनी। १६ गे आं पशो नेल्ल मकोव्रनीनी। गे  
आं पाप हिक्शा मवोइक्नीनी। १७ आं हेंथ पशो  
नेल्ल बरक्शा, इन थैलोम वोइशशा बाक्ब।  
गे आं मरिम्शो पशो नेल्ल सुम्शा वोइशशा  
बाक्नीनी। होसे १३:१२

१८ मिनू डांडा बरेशशा, जाम्शा लाइब। सरथे फुल्लु मेको आ बाक्तीक रे याक्सीशो बाक्नीम। १९ ब्वाक्कुम फुल्लु आन कली योल्ब। बारशो ब्वाक्कुम रागी डा खप योल्ब। मोपा गे मुर आन आस थुम्पाइक्नीनी। रोमी ५ : ५ २० गे मेको आन कली गना हना यो गराणीनी। मिनू मुर बक्नीम। गे मुर आन रां फाइश्शा ताइक्नीनी। २१ मेको आन आल ठेयब दुम्शा मान पाइक्वा पुंडसाकम हना यो, मेकोपुकीम मतुइक्नीम। आइक्च सेल्वा पुंडसाकम हना यो, मतुइक्नीम। २२ मेकोपुकीम आन रां डा श्येत ला तुइक्नीम। मिनू आन पर्वम ला रांका पाइनीम” दे अय्युबमी देमाक्त।

### एलीफाजमी लोत्र पशो

१५ मिनू तेमान डा एलीफाजमी २ “मार, जोक्ब तुइक्ब मुरुम ओदेशो डर ना पुं डा लोत्र पा लोत्र लेत्वा दुम्बा? मेको आ कोत्रजीम फश लोत्रमी पिरंचा दुम्बा? ३ जोक्ब तुइक्बमी इन कली शोर गाक्शो लोत्र लेत्वा दुम्बा? मारइ रिम्शो मपाइब लोत्र लेत्वा दुम्बा? ४ गे परमपरभु कली मान पा हिंतीके तेक्नीनी। मिनू परमपरभु कली मिम्शा पुंडचा यो तेक्नीनी। ५ इन देशो नेल्ल इन मरिम्शो पतीके रे पिशो बाक्ब। गे मिलो शिलो पशो दाक्नीनी। ६ इन आंम लोत्रमी इन कली दोस ताइब सेल्ब। गो इन कली दोस मगेनुड। इन लोत्र इन पर्वम सांक्छी बाक्ब।

७ गे मुर आन दातेमी नेल्ल क्यडा डांडती जरमेशो ननी? मार गे डांडा आन क्यडा डांडती दुम्शा ननी? ८ गे परमपरभु आ अर्ती गतीकमी बाक्शा ननी? तुइक्तीक इन के ला बाक्ब, दे मिम्नीनी? अय्युब ११ : ७; रोमी ११ : ३३ ९ गो आंइ मतुइश्शा गे मार तुइक्नीनी डा? गो आंइ मरुष्शो गे मार रुप्नीनी डा? अय्युब १३ : २ १० मिनू खाल्पा नु सूशोपुकी गो नु बाक्नीमी। इन आफ क्यडा यो सूशो मुर गोपुकी नु बाक्नीम। ११ परमपरभुम इन कली लेम्शो आइक्च मिम्नीनी? इन कली आइक्च सेदाम रिम्शो लोत्र पशोमी इन कली मगाम्मे? १२ मारदे इन थुंमी इन कली दूती सेल्वा? मिनू गे मारदे गाइश्शा, मिक्च केक्शा कोत्रनी? १३ मारदे गे इन गाइक्तीक परमपरभु कली कांडनीनी? मिनू गे ओदेशो लोत्र पाइनीनी? १४ बक्शा लाइब मुर नेल्ल दोस ताइब दुम्नीम। मीश मुर रे जरमेशो सु ठीक पाइब बाक्ने चाप्वा डा? अय्युब १४ : ४ १५ परमपरभुम आंम आ मुर आन

कली थमा मसुइक्ब। मिनू स्वर्गम बाक्ब यो मेको आ डांडती दोस ताइब बाक्नीम। अय्युब ४ : १८; अय्युब २५ : ५ १६ मेको आन क्यडा गरांगरा दिशो नु खराप दुम्शो कली दोपा थमा सुइक्वा डा? मेकोमी मरिम्शो पतीक ब्वाक्कु तूशो खांदेशो पा तूब कली दोपा थमा सुइक्वा डा?

१७ मिनू गो इन कली शंनन्नी। आं लोत्र नेनीन। गो आं तशो इन कली शंनन्नी। १८ जोक्ब तुइक्बमी आन किकी पिपी रे आन तशो नेशो लोत्र मखरुइक्तमे बाक्त। १९ मेको आन कली रागी आंम के सेल्वा कली गेशो बाक्माक्त। मेको आन दातेम अर्की रागी डा मुर सुइ मबाक्मा बाक्त। २० परमपरभु यावे आ अरेशो मटीब बरांडमा सम्म श्येत जाइनीम। मरिम्शो मुर आन बरांडतीक बर्स नेल्ल मोदेशो बाक्नीम। उत्पती ४ : १४ २१ मेकोपुकीम हिंचा डा रेयके नेनीमी। मेको मारइ मारइ गाप्शा बाक्मानु, मेको आन कली खतम सेल्ब जाक्ब। २२ मेकोपुकीमी छिडछिड रे लेत्ने मचाप्नीक’ दे हिंनीम। मेकोपुकी तरवारम क्योरचा पुंडसीनीम। २३ मेकोपुकी जचा थोत्रक माल्शा, हिरना हिरन बाक्नीमी। मिनू आन श्येत जतीक नाक्ती जाक्चा चिक्शो बाक्ब, दे तुइक्नीमी। २४ मेकोपुकी श्येत नु हिंतीक आ पर्वम खिरंखिर पाइनीम। मेकोपुकीमी परमपरभु कली लडाइ तोइनीम। लडाइ पचा चिक्शो पिप खांदेशो पा सासीशो बाक्नीम। २५ मारदे हना मेकोपुकीम परमपरभु आ पर्वम आन गुइ क्युक्शो बाक्नीम। मिनू नेल्ल क्यडा ठेयब सक्ति पाइश्शा कली ‘गो इन क्यडा ठेयब नकी’ दे मेको कली मटीनीम। २६ मिनू ठेयब नु बाल्यो तेक्तीक शेशा परमपरभु कली लडाइ तोचा कली बारशो बाक्नीम। २७ मारदे हना मेकोपुकी शुश जशा, दोम्शो बाक्नीम। २८ मेकोपुकी बरेशशो सहर नु मुर मबाक्चा डा खिम बाक्नीम। मेको खिं बरेशशा फुल्लु देल्शो बाक्नीम। २९ मेकोपुकी शांप पाइश्शा मडुम्नीम। मेको आन शांप मलीब। मेको रागीम मलीनीम। ३० मेकोपुकी छिडछिड रे बरांडने मचाप्नीम। मीम मेको आन ठोसा सोत्रपाइक्ब। मेको आन फु कली फशम योल्ब। ३१ मेकोपुकीम मबाक्शो लोत्र कली थमा मसुदमेक्ल। मोपा आंम आन कली मरिम्शो मसल्मेक्ल। मारदे हना मेकोपुकीम मेको आ पा डा मारइ मताइनीम। ३२ मेको आन नाक्त जाक्चा क्यडा डांडतीन मेको आन मारइ मारइ नुप्ब। मिनू मेको आन राशी गिगी मडुम्नीम।

३३ मेकोपुकी क्येखीन हेम्शो अडगुर बोट सोदंशो दुम्नीम। मेको फू हेम्शो तेल रवा सोदंशो दुम्नीम। ३४ मारदे हना परमपरभु आ अरेशो मटीब नु गाक्व शोर गाक्वो बाक्व। घूस जाइब आन ताम्बुपुकी मीम नक्व। ३५ मेकोपुकीम आल कुरशो खादंशो पा मरिम्शो मिम्तीक कुरनीम। मिनु मरिम्शो पतीके जरमनीम। मेको आन थुंम मरिम्शो पचा कली ठीक दुम्नीम” दे एलीफाजम अय्युब कली देमाक्त। यसैया ५९:४

### अय्युबमी लोत्र लेशो

१६ मिनु अय्युबमी २ “गो आदंशो लोत्र शुश नेता। गे नेल्ल मोशा लेम्खु पाइब ला बाक्नीनी। ३ मार मेको फश लोत्र गेनायो मनुष्या? मारम इन कली आदंशो लोत्र पपाइक्वा? ४ गे आं सोदंशो बाक्नी हना, गो यो इन सोदंशो पा लोत्र पने चबु वा। गो इन कली यो मोदंशो लोत्र पड वा। गो इन कली शुक्शी पा आं पिया हिकशा कोंडन्नी वा। भजन संगरह २२:८ ५ गो इन थुं बारपाइक्तीक लोत्र पड वा। मिनु आं शिशी पाइक्तीकेमी इन कली लेम्द वा।

६ गो ब्याक्ती हना यो, आं खाइश्शो मसाब। गो सिक्सी पा बाक्ती हना यो, श्येत जस डा जस बाक्नुड। ७ थमा पा, परमपरभुम आं कली थाम्पा दपाइक्ती। आं एर आंथ डा नेल्ल आन कली खतम सेल्लु। ८ मेकोम आं कली रोम्पाइक्ती। मिनु एको आं पर्वम सांकळी दुम्शो बाक्व। गो रुश नु कुशुल ला लीशा बाक्नुड। एको यो आं पर्वम सांकळी दुम्शो बाक्व। ९ परमपरभुमी आ गाइश्शामी आं कली एर आंथ फरशो बाक्व। मिनु आं कली काइ मदाक्व। मेकोम आं पर्वम आ सरुइ शेषो बाक्व। आं जोरी सतरुमी आं कली सिम्ले पा कोत्रशो बाक्नीम। १० मुरपुकीम आं कली शुक्शी पशो बाक्तेकम। मेकोपुकीम आं चोत्रचो शुश राप्शो बाक्तेकम। आं कली मरिम्शो पाइक्वा कली बुक्तेकम। ११ परमपरभुम आं कली थमा मसुइक्व आन गुइमी गेशो बाक्व। मिनु परमपरभु यावेम आं कली आ अरेशो मटीब आन गुइम ब्यारशो बाक्व। १२ गो रिम्शो पा बाक्वशो नड। तन्न मेकोमी आं कली खरोइक्तु। आं शुरम ग्याइश्शा चोकटा लाम्टा सेल्लती। मेकोम आं कली आ मिक्च आ किरक्वील सेल्लती। बिलाप ३:१२ १३ आ लिबरा आम्बुपुकीम आं एर आंथ नेल्ल हिरशो बाक्नीम। मेकोम आं कली शिशी मपथु, आं चिच खिरत्तक्यो। मेकोम आं खाइल पुक्शा खपीम तोक्तु। १४ मेकोम आं

कली पाक्ना पाक्न, लडाइ पाइब सोदंशो पा आं गे बारब। १५ गो आं रां सुम्चा कली भाङ्गरा फेक्साक्यो। गो आं पिया फुरकुम पुम्ता। लेवी ३७:३४ १६ डाक्शा डाक्शा आं कुल लल जिशो बाक्व। आं मिक्च आ एर आंथ नेल्ल क्यर दुम्शो बाक्व। १७ गो हना यो आं गुइमी मरिम्शो मपशो बाक्ती। आं पुंइशो लोत्र रिम्शो बाक्व।

१८ ए खप, आं हुश मसुमी। आं पुंइशो लोत्र गेनायो मनाइसकल। उत्पत्ती ४:१०; इजीकीएल २४:७-८ १९ गो हना यो आं सांकळी स्वर्गम बाक्व। आं पर्वम लोत्र पाइब इर बाक्वशो बाक्व। अय्युब १७:३ २० आं वारचम आं कली शुक्शी पाइनीम। गो डाक्शा परमपरभु गे कोत्रनुड। १ सासुएल २:२५ २१ मेकोमी परमपरभु नु आंस दातेमी निसाफ पवल। मुर नु आ वारच आन दातेमी दोपा निसाफ पाइबा, मोपा पवल। २२ इक्का बर्स नोले गो गेनायो मलेत्वा डा पा लाइनुड” देमाक्त। अय्युब १०:२१

परमपरभु कली “वारच पने” दे पुंइशो

१७ १ मिनु अय्युबमी “आं थुं जिक्शो बाक्व। आं नाक्त नुष्शा लशो बाक्नीम। आं कली तुरस ठीक दुम्शो बाक्व। २ थमा पा, आं एर आंथ शुक्शी पाइब बाक्नीम। मेको आन शुक्शी पशो मारइ ममिम्नुड। अय्युब १६:१९

३ परमपरभु, गे आंमा आं जाकटी दुमीन। अरु सु आं पर्वम जमानी बाक्न चाप्वा डा? ४ गे मेको आन थुं र रुप्तीक गरुइताक्नी। मोपतीके गे मेको आन कली ठेयब दुम्चा मगेनी। ५ सुमी आ शोप वारच आन कली कोइशा योक्चा कली बरप्वा, मेको आ आल जचा मताइनीम।

६ मेकोमी आं कली मुर नेल्ल आन दातेम कथा पतीके का सेल्लशो बाक्व। मुरपुकीमी आं डांइती तोक्सीनीम। अय्युब ३०:९ ७ आं मिक्च श्येत जतीके बरा बरा दुम्शो बाक्व। आं गुइ खोइल सोत्रशो बाक्नीम। गो वांकु खोदंशो बाक्नुड। ८ रिम्शो थुं पाइश्शो मुर मेको तशा, छक लाक्नीम। दोस मताइबपुकी परमपरभु यावे आ अरेशो मटीब आन कली तशा गाइक्नीम। ९ मिनु ठीक पाइब मुर आंम लां रिम्शो पा गाक्नीम। मोदंशो मुर बाल्यो क्यडा यो बाल्यो दुम्ना दुम्न लाइनीम। १० मुल गे नेल्ल लेतीन। गो इन दातेमी निप्स पाइश्शो मुर का यो मतडमी। ११ आं नाक्त नुप्तेकम। आं मिम्शो नेल्ल मोशा दुम्त। मिनु आं थुं डा मिम्शो जाम्शा लत। १२ मेको मुरपुकीम नाक्वो कली नाक्त देंनीम।

मिनु सुनी दुम्मेनु 'नां रिक्त' देंनीम। १३गो आं आस पशो खिं बेक्शो मुर आन बाक्तीक बाक्त हना, आं बराख्ये छिङ्छिङ्गम सेल्ता हना यो, १४गो तुरस कली 'गं आं आफ बाक्नीनी' मिनु तुस्पु कली 'आं ममा आं समी बाक्नीमी' देंती हना, १५ आं आस पशो ते लाक्गा? मिनु सुम आं पर्वम आस पाइबा? १६ मार एको बेक्शो मुर आन बाक्तीक आ नक्था लाइबा? मार, गो नेल्ल उइ फुरकुम काथा लाइनया?" दे अय्युबम देंमाक्त।

### बिल्दादम लोत्र पशो

१मिनु शुआह डा बिल्दादमी २ "गे एको  
१८ लोत्र गेना थुम्नीनी? डांइती मिम्तीनी। मिनु गो लोत्र पन चान्नय। ३ मारदे आंइ कली बी ब्यफ खोदंशो मिम्तीनी? ग मारदे आंइ कली निप्स मपाइशो सुइक्नीनी? ४ गे इन गाइशोम आंम कली खतम सेल्सीनीनी। मार, इन पर्वम गो रागी परोइनीकी? सेरथे फुल्लु आन बाक्तीक रे याक्चा?

५थमा पा, परमपरभु यावे आ अरेशो मटीब आन बत्ती काप्ब। मिनु मेको आन मी डा राप रे हाम्सो मगरूब। हितोपदेस १३:९ ६मेको आन ताम्बुम छेङ्छेङ्ग, छिङ्छिङ्ग दुम्ब। मिनु मेको आन बत्ती काप्शो बाक्ब। अय्युब २१:१७ ७मेको आन लामी आन खोइली ग्यत्थ लुकच पाइब। मिनु मेको आन थुंम मिम्शा पशामी मेको आन कली खोल्ब। ८ आंम खोइलीम मेको आन कली ब्यारदम लपाइक्ब। मेको ब्यारदम गिल्सीशा बिक्तीकमी दोक्नीम। ९मेको आन खोइली विरम्सोम रत्चा पुंइसीनीम। क्ययलम रत्चा पुंइसीनीम। १०मेको आन पर्वम खपीम ब्यारद आ डोरी सरुइशो बाक्ब। मोपा आन लामी ब्यारद दाइशो बाक्ब। ११ शुश हिंतीकम मेको आन कली खिरंखिर पपाइक्ब। ते बाक्तेकम हना यो, मेकर हिंतीक यो बाक्ब। लेवी २६:३६ १२मेकोपुकी शोत्रलु बेक्तीक सक्ति मपाइशो बाक्नीम। मिनु श्यत दुम्शा गोल्नीम। १३ रोइ पतीकमी मेको आन कुशुल नेल्ल नेक्शो बाक्ब। बेक्पाइक्ब रोइमी मेको आन गुइ खोइली मदुक्ब सेल्ब। गन्ती १२:१०-१२ १४मेको आन बरोइशा बाक्तीक रं आन पर्वम रिम्शो बाक्ब' दे थमा सुइशशा, मुल रं रे गरुंडचा पुंइसीनीम। मिनु हिंपाइक्ब पिप आ बाक्तीक लाइक्चा पुंइसीनीम। १५ मेको आन ताम्बुम मारइ मलीब। मेको आन बाक्तीकम गन्धक वरुइशो बाक्ब। १६मेको आन शाक्श खप

आगाम सोत्रनीम। मिनु आन राशी सोल सुल बेक्नीम। १७ रागी डा मुरुम मेको आन कली पुरनीम। मेको आन नें ममिम्नीम। १८ मेको छेङ्छेङ्ग रे छिङ्छिङ्गम खरचा पुंइसीनीम। मिनु रागी रे गरुंडचा पुंइसीनीम। १९ मेको आन आल मबाक्नीम। आन चच युइ यो मबाक्नीम। मेको आन डांइती डा बाक्तीकमी सुइ बरोइशा मबाक्नीम। २० पच्छिम डा मुरपुकी मेको आन श्यत जशो नंशा हिंनीम। पूर्व डा मुरपुकी शुश हिंशा खिरंखिर पाइनीम। भजन संगरह ३७:१३ २१ थमा पा, परमपरभु आ अरेशो मटीब मुर आन बाक्तीक मोदंशो दुम्ब। परमपरभु कली मतुइक्ब मोदंशो न दुम्नीम" दे बिल्दादम अय्युब कली लोत्र लेक्ता बाक्त।

### अय्युबम लोत्र लेशो

१मिनु अय्युबमी २ "गे आं कली गेना सम्म  
१९ श्यत गेनीनी? मिनु इन लोत्रमी आं कली मरिम्शो सेल्नीनी? ३ आं कली १० ख्यप सम्म दोस गेतीनी। आं कली काइ मरिम्शो लोत्र पचा मुने मपाइनीनी? ४ गो थमा पा मरिम्शो पशो बाक्ती हना यो, मेको मरिम्शो पशो आं के बाक्ब। ५ थमा पा, गे आं क्येडा ठेयब दुम्चा मिम्नीनी। मिनु आं श्यत तशा, आं कली मरिम्शो सुइक्नीनी। ६ परमपरभुमी आं कली मोशा श्यत गेती। आं एर आंथ नेल्ल ब्यारद दाइशो बाक्ब। ७ गो 'हुश खराक्श पोक्तीमी' दे गरीती हना यो, आं कली लोत्र मलेप्ब। 'वारच पाइय्यीनी' दे पुंइता हना यो, निसाफ मताइनुङ्ग। यरमीया २०:२८; हबकुक १:२; अय्युब ३०:२० ८ मेकोमी आं लो तक्शो बाक्ब। मिनु गरुशा लन मचान्नुङ्ग। मिनु मेकोमी आं लो छिङ्छिङ्गम सुम्तु। अय्युब ३:२३; बिलाप ३:१७,९ ९ मेकोमी आं मान ततीक रोइक्ताक्यो। आं पिया रे आं सिरपेच पुइक्तु। १० मेकोम आं कली लुकच लाइब सेल्ती। गो खतम दुम्ती। खा तुल्शो खोदंशो पा आं आस नेल्ल नुप्पाइक्तु। ११ मेको आं पर्वम गाइक्ताक्ब। मिनु आं कली आ जोरी सतरु खोदंशो मिम्ताक्यो। अय्युब १३:२४; अय्युब ३३:१० १२ मेको आ लडाइ पाइबपुकी बुक्शा आं कली पुम्नीम। मेकोपुकीम आं ताम्बु आ एर आंथ नेल्ल आन बाक्तीक सेल्नीम।

१३ मेकोम आं खिं डा मुर आन कली आं क्येडा डोन वोइशो बाक्ब। आं वारच आं कली मतुइक्ब दुम्शो बाक्नीम। भजन संगरह ३१:१२ १४ आं नक्था डा मुर नु गो नु गारब

वारच आं क्येडा डोन दुम्तेकम। भजन संगरह ३६:१२ १५ आं खिम पीना दुम्शा बाक्वपुकीम परंताक्यीमी। आं वाइलीमपुकीम आं कली अर्का रागी डा मुर खोंदंशो पा मतुइश्शो खोंदंशो पाइनीम। १६ गों आं वाइल कली बरेंत्नुड। तन्न मेकोम लोत्र मलन्त्र। गों मेको कली शुश लेम्शा पुंइचा माल्नुड। १७ आं सास आं मीश कली रिना नु गरांगरा दिशो दुम्शा बाक्व। गों आं खिं डा मुर आन कली गरांगरा दिशो दुम्शा बाक्ती। १८ आइक्च आलपुकीमी यो आं कली तशा गरांगरा दिस्तीम। मिनु आं कली तामनु, मेकोपुकीम शुक्शी पाइनीम। १९ गों नु गारब वारच नेल्लेम आं कली गरांगरा दिस्तीम। आं दाक्शो मुरपुकी आं पर्वम दूती पा बोक्शो बाक्नीम। २० आं के रुश नु कुशुल ला लीशो बाक्व। गों बेक्चा चिक्शो बाक्ती। २१ आं वारचपुकी, आं कली शिशी पाइय्यीनी, शिशी पाइय्यीनी। मारदे हना परमपरभुम आं कली दिष्शा, श्येत गेशो बाक्व। २२ गपुकीमी यो परमपरभुमी आं कली खेदा पशो खोंदंशो पा मारदे खेदा पाइनीनी? मार, आं कली मिश डा श्येत गेशा मरूनी?

२३ आं पशो लोत्र बरेंक्शो हना, मेको किताबम बरेंक्शो हना, रिम्शो दुम वा। २४ मेको फलाम के याम मुशा नु सिसाम बरेंक्शो हना, फुल्लुम गेना हना यो लीचा डा पा मुशा बरेंक्शो हना, रिम्शो दुम वा। २५ तन्न आं कली श्येत र परांइब का बाक्व। मेको नोले डा नाक्त रागीम जाक्शा आं सांकळी दुम्ब। मेको गों तुइक्नुड। यसेया ४१:१४; हांस १३:१४; अय्युब २६:६ २६ मिनु आं कुशुल राक्शा खतम दुम नोले, गों आं रोमी परमपरभु कली ताइनुड। भजन संगरह १७:१५; भजन संगरह ७३:२४ २७ गों मेको कली आं मिक्चीमीन आं नेक्था ताइनुड। गों मेको तचा कली शुश रिम्ना रिम्न बाक्नुड। २८ गपुकीम आं कली 'एको कली दोपा खेदा पचा? मारदे हना श्येत आ शाक्श एको आ आगाम बाक्व' देतीनी। २९ गपुकी तरवार क्येडा हिनीन। मारदे हना गाइश्शो आ सजाइ तरवार र पा जाक्व। मिनु निसाफ का बाक्व, 'दे तुइक्तीन' दे अय्युबम लोत्र लेतीमी बाक्त।

सोफारमी लोत्र पशो

अय्युब १५ :- १६ :-

१ मिनु नामा डा सोफारमी २ "नोफा २० दाइक्तीन। आं मिम्शोम आं कली लोत्र लेप्पाइक्व सल्ल्ती। मारदे हना गों आं थुं काइ

मनुशो बाक्नुड। ३ गों आं कली शुक्शी पशो लोत्र नेंशो बाक्नुड। आं थुं डा रुप्तीकम आं कली लोत्र लेप्ब सल्ल्शो बाक्व। ४ गों एको माइत लोत्र तुइक्नीनी? मुर रागीम बाक्मा र एको लोत्र बाक्शो बाक्व। ५ एको मार लोत्र बाक्व दंशा हना, परमपरभु याव आ अरंशो मटीब आन ठेयब लेश्शो इक्का नाक्त ला लीब। मेको आन ग्येरसीशो याम का ला लीब। ६ मेको आन ठेयब लेक्तीक सरीड खाइ लाइक्त हना यो नु मेको आन पियाम गोस्स कली थिप्नु हना यो, भजन संगरह ३७:३५-३६ ७ मेको खरी खोंदंशो पा जाम्नीम। मिनु मेको आन कली ताइब नल्लेम 'मेको ते लाकामे, खोंद?' दंनीम। मीका ७:१० ८ मेकोपुकी डोमु पशो खोंदंशो पा जाम्शा लाइनीम। मेको आन कली मथिंसीब। मेकोपुकी नाक्दो तशो ततीक खोंदंशो पा जाम्शा लाइनीम। ९ मेको आन कली तुइक्वपुकीम लेंशा गेनायो मताइनीम। मिनु आन बाक्तीके र यो जाम्शा लाइनीम। भजन संगरह ३७:१० १० मेको आन आलपुकीम परुडग आन शिशी माल्नीम। मिनु मेको आन तौपुकीमी परुडग आन शांप लाइश्शा गेनीम। ११ मेकोपुकी ठिटा दुम्शा, सक्ति पाइश्शो बाक्तेकम हना यो, बेक्शा, तुरस डा फुरकुम वोइक्वा पुंइसीनीम।

१२ परमपरभु याव आ अरंशो मटीब आन मरिम्शो पशो मेको आन कली बरांशो बाक्त हना, मेको आन ले आगाम खरुइश्शा वोइक्नीम। १३ मेको आम कली वोइश्शा, मपरांइब। मेको आन शात्रम वोइक्तेकम हना यो, १४ मेको आन जचा थोत्रक आन कोत्रजम फांइसीब। मिनु मेकेर बुस्स आन बीस दुम्ब। १५ मेकोपुकीम मेको आन नेक्शो शांप लेंशा मेचा माल्नीम। परमपरभुमी मेको आन कली मेपाइक्व। १६ मेकोपुकीम बुस्स आ बीस युप्नीम। मिनु बीस पाइश्शा बुस्सुमी मेको आन कली कोक्शा साइक्व। १७ मेको आन के तर नु खुदो शुश बाक्त हना यो, ग्येरशा जचा तूचा मताइनीम। १८ मेको आन श्येत पा चेम्शो मारइ मारइ मजथु लेश्शा गेचा माल्नीम। मिनु आन ग्याप्शा लयशा चेम्शो क्येट ग्येरशा जचा मताइनीम। ब्यवस्था २६:३०-३३ १९ मारदे हना मेकोपुकीमी परुडग आन कली दिष्शा श्येत गेम्तेकम। मेकोपुकीम आन मसेल्लो खिं आम के सल्ल्शो बाक्नीम।

२० मेको आन शात्रलु गेनायो मउइक्व। मिनु मेको आन शांप मलीब। २१ मेकोपुकीम जामे नोले

मारइ महक्व। मोपा आन शांप नेल्ल नुष्पा लाइब। २२ मेको आन मिम्शो नेल्ल गाप्त हना यो, मेकोपुकी श्यत जाइनीम। मारइ मारइ श्यत मेको आन तार कोम्सीब। २३ मेकोपुकी रूने थुम्म नोल्ले, परमपरभुम आ गाइशो मेको आन तार मोइक्व। दोशो जाम मोशो परमपरभुम सजाइ गचा पुंइसीनीम। २४ मेकोपुकी फलाम क या रं पुरोक्तक्म हना यो, कोसा क डर पाइशो बुराम मेको आन कली खिरख। २५ मेको बुरा मेको आन कली खिरशशा गरूनीम। मेको बुरा आन टल्कशो डरम मेको आन खाइल पुक्शा गरुंडब। मोपा मेको शुश हिंनीम। व्यवस्था ३२:४१ २६ मेको आन शांप कली थम छिड्छिड्डीमी रिम्शा बाक्वशो बाक्व। थाम्पा बुरशो मीम मेको आन कली दाक्व। मिनु आन ताम्बुम लीशो मारइ मारइ नेक्व। व्यवस्था ३२:२२ २७ स्वर्गम मेको आन मरिम्शो पशो नेल्ल कोइब। रागी मेको आन कली दोस गेचा कली ठीक दुम्शो बाक्व। २८ मेको आन सिं डा शांप नेल्ल योल्नीम। मेको गाइक्ता नाक्त्त मेको नेल्ल योल्नीम। २९ मेको परमपरभु यावे आ अरशो मटीब आन भाग बाक्व। परमपरभुमी गेशो इनाम मेकोन बाक्व” दे लोत्र लेत्ता बाक्त्त।

### मटीब आन पर्वम शंशो

२१ मिनु अय्युवमी २ “इन नोफा दाइशशा, आं लोत्र ननीन। मेको आं कली इन गेशो लेम्तीक बाक्व। ३ गो लोत्र पडानु, आं कली फाल्शा ननीन। गो लोत्र थुमु नोल्ल आं कली शुक्शो पने चान्नीनी। ४ मार, आं थुं मनुथु पशो लोत्र बेक्शा लाइब मुर आन कली ममाइ। मारदे गो फाल्शा बाक्चा माल्नुडा? ५ आं कली कोत्रयीनी। मिनु सिक्सी पने। मारदे हना गो गरांगरा दिचा डा तांइसीनुड। इन शोत्र सुम्सीन। अय्युव ४०:४ ६ गो आं कली ‘मार दुम्बा’ दे मिम्नुड। मिनु गरीचोक पा हिंनुड। आं रां नेल्ल थुर थुर पा खिरखिर पाइब।

७ परमपरभु यावे आ अरशो मटीब मुर मारदे बरांडना बरांडन बाक्नीमी? मारदे मेकोपुकी खुशो दुम्मानु यो बोल्यो नु सक्ति पाइशशा दुम्नीमी? येरमीया १२:१ ८ मेको आन तमी तो मेकोपुकी नु बाक्नीमी। मिनु मेकोपुकीम आन चच युइ नेल्ल ताइनीम। ९ मेको आन सिंम महिंथु बाक्नीम। परमपरभुम मेको आन कली सजाइ मगेब। १० मेको आन बी ब्यफ सोशा बोशा दुम्नीम। बी नेल्ल गिक्नीमी,

गेनायो मशान्नीम। ११ मेको आन आल आन कली क्यारश मेडा आन पाठा सोदंशो पा ग्यारथ सोइक्नीम। मिनु मेको आन आइक्च आल सिल पना पन परक्शो बाक्नीम। १२ मेकोपुकी खेजडी नु बीना ताप्शा कुम्सो पाइनीम। मिनु बांसुरी ताप्शा ग्येरसीनीम। १३ मेकोपुकीम आन नाक्त्त ग्येरशा सोइक्नीम। मिनु मेको आन थुं नाइशशा बेक्शो मुर आन बाक्तीक लाइनीम। १४ मेकोपुकीम परमपरभु कली आंइ रं पा डोन लन। गो इन लाम गाक्चा मदाक्नीकी, दंनीम। अय्युव २२:१७ १५ नेल्ल क्येडा ठयब सक्ति पाइशशा सु बाक्म? गो मारदे मेको आ गेय पचा माल्नीकी? गो मेको कली पुंइशा मार ताइनीकी डा? दंनीम। परस्थान ५:२; २ राजा १६:३५; भजन संग्रह १२:५; दानीएल ३:१५ १६ परमपरभु यावे आ अरशो मटीब आन सोशा बोशा लशो, मेको आंम आन पतीक ममाइ। मिनु आन मिम्शो तुइशशा, गो गरांगरा दीनुड। अय्युव २२:१६

१७ परमपरभु यावे आ अरशो मटीब आन बत्ती गिश खेयप काम्सीबा? मेको आन पियाम गिश खेयप हिंचा डा श्यत जुक्वा? शुश खेयप मज्जुक्व। परमपरभु आ गाइशशामी मेको आन कली गिश खेयप श्यत गेबा? शुश खेयप मगेब। १८ गिश खेयप फशम बरशो पराल सोदंशो दुम्नीमी? मेकोपुकी गिश खेयप फश गिवारम बरपाइशशा भूस सोदंशो दुम्नीमी? शुश खेयप मदुम्नीम। भजन संग्रह १:४ १९ गोपुकीम ‘परमपरभुमी मेको आन मरिम्शो पतीक आन तमी तो आन कली खक्शा वोइक्व’ दंनीनी। मोदंशो मदुम्त। तन्न मेकोमी मेको नेल्ल आन कली सजाइ गवल। मिनु मेकोपुकीम तुइक्त्तमेक्त्त। अय्युव २०:१०; परस्थान २०:५ २० मेकोपुकीम आंमा आन कली खतम दुम्तीक तामेक्त्त। मेकोपुकीम नेल्ल क्येडा ठयब सक्ति पाइशशा आ गाइशशा तुइक्त्तमेक्त्त। २१ मुर आन बरांडतीक नुम नोल्ल मेको आन सिं कोत्रन चान्नीमी डा? मेको आन बरांडतीक नुप्। २२ मुरुम परमपरभु कली जोक्तीक तुइक्तीक लोत्र शंन चान्नीमी डा? मेकोमी इर बाक्व आन कली यो निसाफ पाइब। उपदेसक ५:७ २३ का निक्शी मुर आन माल्शो नेल्ल गाप्शा बेक्नीम। मेको काइ महिंथु रिम्शा बाक्नीम। २४ मेको आन रां दोम्शो बाक्नीमी। मेको आन रुशेम मासी बाक्ना बाक्न बेक्नीम। २५ का निक्शी चहिं श्यतम बरीशा, आन थुं कशो दुम्शा बेक्नीम। मेकोपुकीम गेनायो ग्येरचा मताम। २६ मिनु मेको

नेल्ल काथा थिम्बा पुंडसीनीम। मिनु लुम्पुमी मेको आन कली सुम्नीम। अय्युव ३:१८-१९

२७ गेपुकी मार मिम्ना मिम्न बाक्नी, गो मेको रिम्शो पा तुइक्नुड। मेको आं पर्वम दूली मिम्तीक लोत्र बाक्व, दे गो तुइक्नुड। २८ गेपुकीम मेको सासन पाइव आ सिं त बाक्म ? मेको परमपरभु यावे आ अरेशो मटीव मुर आन ताम्बु त बाक्नीमी ? दे हिल्लो पाइनीनी। २९ मार, गेपुकीम लां गाक्व आन कली गेनायो हिल्लो मपनी ? गे मेको आन देशो मतुइक्नीनी ? ३० शुश हिंचा डा श्येत दुम्मेनु, परमपरभु यावे आ अरेशो मटीवपुकी बरांडचा ताइनीम। मिनु परमपरभु आ गाइक्ची नाक्त मेकोपुकी परोंडचा पुंडसीनीम। ३१ सुइम मेको आन कली दोस मगेनीम। सुइमी मेको आन मरिम्शो पशो आ पा डा क्येक्क मलेत्नीम। ३२ मिनु मेको बेक्शा, कुरशा तुरसुम लाइक्चा पुंडसीनीम। मिनु मेको आन तुरसुम खाल पाइव वोइक्नीम। ३३ तुरस डा स्वप यो मेको आन कली रिम्शो बाक्व। मिनु शुश मुर मेको आन नोले खोइक्नीम। मिनु हिक्न मचाप्वा डा पा शुश मुर मेको आन क्येडा डांडती लाम्तेक्म। ३४ गेपुकी इन देशो फश लोत्रम दोपा आं कली लेम्नीनी डा ?" दे अय्युवमी सोफार कली लोत्र लेत्ता बाक्त।

एलीफाजमी अय्युव कली दोस गेशो

२२ १ मिनु तेमान डा एलीफाजमी २ "बेक्शा लाइव मुरुम परमपरभु कली मार पने चाप्वा डा ? शुश जाक्व तुइक्व मुरुम यो मेको कली मार गय पने चाप्वा डा ? ३ गे ठीक पाइव बाक्तीनी हना, नेल्ल क्येडा ठेयव सक्ति पाइश्शो कली मार रिम्शो दुम्बा डा ? इन पशो नेल्ल दोस मततीक बाक्त हना, मेको कली मार रिम्शो दुम्बा डा ? अय्युव ३५:६-८ ४ इन परमपरभु कली मान पा हिंतीक आ पर्वम इन कली महुइक्व। मेको आ पर्वम इन कली निसाफ मपाइव। ५ इन परमपरभु यावे आ अरेशो मटितीके ठेयव बाक्व। इन मरिम्शो पतीके गेनायो मनुप्व। ६ गे मोशान इन लोक्व आ वा जाकटी लाइक्तीनी। आन वा रोइश्शा शिशरा सेल्तीनी। परस्थान २२:२५-२६ ; अय्युव २४:१-१० ७ गे तूतू दाक्शा, लकचा सोत्रशो मुर आन कली ब्याक्कु मगेनी। मिनु शोत्रलु बेक्शो मुर आन कली जचा थोत्रक मगेनी। अय्युव ३१:१७ ; मती २५:४२-४३ ८ सक्ति पाइश्शो मुर आन के शुश रू बाक्नीम।

मेको आन दाक्शो मुर आन कली मेकर बाक्चा गेनीम। ९ गे आन वांडश बेक्शो मीश मुर आन कली श्येत्य गुइ सोइक्ताक्नी। मिनु रोम रोइक्च आन तचा माल्थो मगेनी। अय्युव २९:१२-१३ १० मोपतीके इन गाक्तीक लां आ एर आंथ नेल्ल ब्यारद दाइश्शो बाक्नीम। मिनु इन कली इन मतुइक्चा डा पा शुश हिंतीक जाक्व। ११ मिनु तने मचाप्वा डा छिडछिडम इन कली सुम्ब। मिनु ब्याक्कु बारशा यिशा इन कली सुम्ब।

१२ परमपरभु इर स्वर्गम बाक्व। सोरुल आन कली कोत्रडीन। गिश इर बाक्नीमी। १३ मोपतीके गे "परमपरभुमी मार तुइक्वा डा ? मेकोम गोस्स आ छिडछिड रे दोपा निसाफ पाइवा डा ? १४ गोस्स आ छिडछिड मेको कली सुम्तीके, मेकोम आंइ कली तने मचाप्व। मिनु मेको सरीडम एर आंथ गाक्शा बाक्व" देतीनी। १५ गे परमपरभु यावे आ अरेशो मटीव आन माइत लां मपरोंडव बाक्नीनी ? १६ मेको आन नाक्त मजाक्थु साइक्चा पुंडसाक्म। मेको आन जग ब्याक्कुम योल्ताक्व। अय्युव १५:३२-३३ ; उत्पत्ती ७:२१ १७ मेको मुरपुकीम परमपरभु कली "आंइ रे पा डोन लन। नेल्ल क्येडा सक्ति पाइश्शोमी आंइ कली मार पने चाप्वा डा ?" देतेक्म। अय्युव २१:१४ १८ मो हना यो मेकोमी, मेको आन सिं रिम्शो थोत्रकमी पिरंताक्व। तन्न परमपरभु यावे आ अरेशो मटीव आन मिम्शो काइ मदाक्नुड। १९ ठीक पाइवपुकी मेको आन कली तशा ग्यरसीनीम। दोस मताइवपुकीम मेको आन कली शुक्शो पा रिन्नीम। मज्जन संगरह १०७:४२ २० मेकोपुकीमी थमा पा, ई जारी सतरु साइक्चा पुंडसाक्म। मिनु मेको आन शांप मीम नेक्तु देनीम।

२१ परमपरभु नु गारीन। मिनु थुं नाइक्तीन। मो पाइतीनी हना इन रिम्शो दुम्तीके लेंशा ताइनीनी। २२ मेको आ शेंशो पने। मिनु इन थुंम वोतीन। २३ गे नेल्ल क्येडा ठेयव सक्ति पाइश्शो गे लेतीन। मिनु डांडती डा सोदेशो दुम्नीनी। गे इन ठीक मपतीके इन क्येडा डोन वोतीन। अय्युव ८:५-७ ; अय्युव ११:१४-१५ २४ गे सुन फुरक सोदेशो मिम्ताक्नी हना, ओफोर डा सुन कली खोला डा फुल्लु सोदेशो मिम्ताक्नी हना, २५ नेल्ल क्येडा ठेयव सक्ति पाइश्शो इन शांप दुम्ब। मेको इन सुन चांदी दुम्त हना, २६ मेना नेल्ल क्येडा ठेयव सक्ति पाइश्शो कली मिम्शा, ग्यरशा बाक्नीनी। मिनु

गे इन पिया पोक्शा परमपरभु गे कोवनीनी ।  
 २७ गे मेको कली पुंडनीनु, मेकोमी इन पुंडशो नंब ।  
 मिनु गे इन जशो कसम सान्नीनी । भजन संगरह  
 ५७ : १४-१५ २६ गे मार पाइनुड, दे मिन्नीनी, मेको  
 दुम्ब । मिनु इन लाम छेड्छेड् दुम्ब । २९ मारदे  
 हना मेकोमी ठेयब लेशशा लोत्र पाइब आन  
 कली आइक्व सल्ब । बरम्शो मुर आन कली  
 चहिं प्रोइब । १ पतरुस ५ : ५ ३० मेकोमी दोस  
 ताइब आन कली यो प्रोइब । गे दोस मताइब  
 बाक्तीक मेको आन कली प्रोइब” दे एलीफाजमी  
 अय्युब कली लोत्र लेत्ता बाक्त । भजन संगरह  
 १६ : २१, २५ ; २ कोरिन्थी ५ : २

### अय्युबम लोत्र पशो

१ मिनु अय्युबमी २ “मुलाक्ती आं देशो  
 २३ लोत्र थुं मनुचा डा बाक्ब । गो हुकयी पना  
 पन बाक्ती हना यो, परमपरभुमी आं कली श्येत  
 गेना गेन बाक्ब । ३ गो मेको कली ते बाक्बा, मेको  
 तुइक्तु हना, गो मेको आ बाक्तीक लाड वा । ४ गो  
 आं श्येत मेको आ डोइती नेल्ल शोत्रड् वा ।  
 गो मेको कली आं देचा माल्शा लोत्र नेल्ल देड  
 वा । ५ मेकोमी आं कली मार लोत्र लेप्बाक्म गो  
 मेको तुइक्तु वा । मिनु गो मेकोम आं कली मार  
 देबाक्म मेको रुबु वा । ६ मेको आ ठेयब सक्तिमी  
 गो नु लोत्र पाइबा डा ? ममाइ, परमपरभुमी आं  
 कली गेनायो दोस मगब । ७ रिम्शो थुं पाइशशो  
 मुरपुकीमी मेको नु लोत्र पने चान्नीम । मिनु गो  
 आं निसाफ पाइब र गेना हना यो प्रोइचा पुंडसीड  
 वा ।

८ गो डोइती गे लती हना, मेको मेक मबाक्ब ।  
 गो नोले गे लती हना यो, मेको मेक मबाक्ब ।  
 ९ मेकोमी परा गे सरुइक्ताक्व हना, गो मेको  
 कली मताइनुड । गो ग्युरा गे हिरसीडानु यो मेको  
 कली तने मचानुड । अय्युब ४२ : ५ १० तन्न  
 मेकोमी आं गाक्शो लां तुइक्ब । मेकोमी आं कली  
 नाक्शा कोवनीनु, गो सुन सोदंशो दुम्नुड । भजन  
 संगरह १७ : ३ ; भजन संगरह ३३९ : २३-२४ ११ गो  
 मेको आ नोले सोइशशो वाक्नुड । गो मेको आ  
 लाम ला गाक्शो बाक्ती । गो ग्युरा परा मपड ।  
 १२ गो मेको आ शंशो पाता । मेको आ लोत्र नाक्त  
 कित कित डा आं जचा थोत्रक क्येडा यो शुश  
 मिम्ताक्ड । १३ तन्न मेको आ कान बाक्ब । मिनु  
 सुमी मेको कली तेक्ने चान्बा डा ? मेकोमी आ  
 मिम्शो सोदंशो पाइब । १४ मेकोमी आं कली मार  
 पचा मिम्बा, मेको नेल्ल पाइब । मिनु मोदंशो  
 शुश मिम्ब । १५ मोपतीक गो मेको नु गुरुचा शुश

हिनुड । गो मेको कली मिम्शा हिंशा खिरखिर  
 पाइनुड । १६ परमपरभुम आं थुं थपाइशशो बाक्ब ।  
 नेल्ल क्येडा ठेयब सक्ति पाइशशोमी आं कली  
 हिंपाइक्ब । १७ छिड्छिड्मी आं कली सिक्सी  
 पपाइक्ने मचाप्ब । मेको छिड्छिड्मी आं कली  
 सुम्ने मचाप्ब” दे अय्युबमी देमाक्त ।

### परमपरभु कली मटीब

१ मिनु अय्युबमी “नेल्ल क्येडा ठेयब  
 २४ सक्ति पाइशशोमी निसाफ पतीक नाक्त  
 मतुइक्पदा ? आ नक्था बाक्बपुकीम यो मेको  
 आन नाक्त मारदे मतुइक्नीमी ? उपदेसक ३ : ११ ;  
 उपदेसक ६ : ६ २ परमपरभु यावे आ अरेशो  
 मटीब मुरपुकीम सांद डा फुल्लु याक्नीम ।  
 मेकोपुकीम क्यारश भेडा खुइ पशा योवनीम ।  
 ब्यवस्था २७ : १७ ३ मेकोपुकीम रोम रोइक्व  
 आन गधा खुल्शा लाइक्नीम । मिनु वॉइश  
 बेक्शो मीश मुर आन ब्यफ जाकटी वॉइसीनीम ।  
 ४ मेकोपुकीम परुडग आन कली लां मर चुशा  
 थोक्शा गाक्नीम । रागी डा परुडग आन कली  
 खरुइक्पाइक्नीम । ५ ब्वाकी डा गधा गारशो  
 रागीम जचा थोत्रक माल्शा गाक्शो सोदंशो पा,  
 परुडगपुकी जचा थोत्रक माल्शा गाक्नीम । मिनु  
 गारशो रागीम मेको आन तमी तौ आन कली  
 जचा थोत्रक माल्नीम । ६ परुडगपुकीम मुर आन  
 रूम सिला माल्नीम । परमपरभु यावे आ अरेशो  
 मटीब मुर आन अडगुर रूम सिला पाइनीम ।  
 ७ वा मबाक्तीक मेकोपुकी शिशरा इन्नीम । मेको  
 आन क ग्यूमी फक्तीक मबाक्ब । ८ मेको पहाडम  
 बाक्शा रेउम जित्नीम । फाम्सीतीक मबाक्तीक,  
 फुल्लु आ नक्था फाम्सीनीम ।

९ परमपरभु यावे आ अरेशो मटीबपुकीम रोम  
 रोइक्व आन कली आन ममा आ थुकुं रोइशशा,  
 लाइनीम । मिनु मारइ मथीब मुर आन आल आन  
 कली आन जेर आ पा डा लाइनीम । १० मेकोपुकी  
 वा मबाक्तीक शिशरा गाक्नीम । शोत्रलु बेक्शा  
 यो, क्योत्रज चेरब आ मुठा कुक्नीम । यसैया  
 ५६ : ७ ११ मेकोपुकीम गारो आन दातेमी तेल  
 खराक्नीम । अडगुर खराक्तेक्म हना यो तूतू,  
 दाक्शो बाक्नीम । याक्ब ५ : ४ १२ सहर र बेक्चा  
 चिक्शो मुर आन हुकयी पशो नंसीब । मिनु गार  
 दुम्शो मुरुम “वारच पाइय्यीनी” दे वाइ बरप्ब ।  
 मो हना यो परमपरभुम मेको आन पुंडशो मनंब ।

१३ का निक्शी मुर छेड्छेड् आ पर्वम मरिम्शो  
 लोत्र पाइनीम । मेकोपुकीम छेड्छेड् डा लां  
 मतुइक्थु, मगाक्नीम । १४ मुर साइक्ब मुर नां

रिक्म नोले बोकशा परुडग नु मारइ मथीब आन कली साइक्व। मिनु नाक्दो मेको सुइ खोदंशो दुम्ब। १५ मुर आन मीश नु मुर आन वोंइश नु इष्व नां रिक्चा रिम्ब। मिनु मकोमी 'नाक्दो सुइम आं कली मतुइक्तमेक्ल' दे आ कुल फाइक्व। भजन संगरह १०:११ १६ सुइपुकी नाक्दो खिं परोल्शा ओव्रनीम। मिनु नाक्त खरंडसीनीम। मिनु मकोपुकीम छेडछेड मतुइक्नीम। १७ मारदे हना क्येर नाक्दो मेको आन कली सुनी बाक्व। क्येर नाक्दो डा शुश हिंतीके मेको आन वारच बाक्व।

१८ मेको मोदंशो मुरपुकी ब्वाक्कु आ तार डा बोग्या खोदंशो बाक्नीम। मेको आन थेरशो रू सराप चीले तशो बाक्नीम। सुइ मुर आन अडगुर रू गे मलाइनीम। १९ दोपा यशो फुं कली नां नु होशोम सोत्रपाइक्वा, मोपा बेक्शो मुर आन बाक्तीकेमी पापी आन कली साम्पाइक्व। २० मेको आन कली जरमेब कोत्रजीम मेको आन कली परंब। मिनु तुस्पुमी 'मेको बरोत्रशो बाक्नीम' दे मिम्नीम। मुरुम मेको आन कली परंनीमी। मोपा परमपरभु यावे आ अरंशो मटीबपुकी दिम्शो रवा खोदंशो दुम्नीम।

२१ मकोपुकीमी आल मथीब मीश मुर आन कली श्यत गेनीम। मिनु आ वोंइश बेक्शो मीश मुर आन कली मारइ रिम्शो मपाइनीम। २२ मो हना यो परमपरभु आ सक्तिमी मेको बाल्या मुर आन कली बराइचा गेब। तन्न गेना बेक्नीमी मतुइक्नीम। २३ परमपरभुम मेको आन कली परोइतु हना यो, मकोमी मेको आन कली गेना हना यो कोत्रशो बाक्व। २४ याम का कली मरिम्शो पाइवपुकी ग्येत्थ क्युकचा पुंडसीनीम। मिनु नोले मेको जाम्नीम। अरु खोदंशो पा मकोपुकी यो बेक्शा लाइनीम। मिनु मकोपुकी चेरब पेशो खोदंशो पा पत्सीनीम। २५ सुइमी आं कली 'गे जाल पाइब नवे' दे देने मचाप्नीम। मिनु आं कली 'फश लोत्र पाइब' देने मचाप्नीम" देमाक्त।

बिल्दादमी लोत्र पशो

२५ १ मिनु शुआह डा बिल्दादमी २ "नेल्ल क्येडा ठेयब दुम्तीके नु मान पा हिंतीके परमपरभु नु बाक्व। मेकोमी इर स्वर्गम थुं नाइशशा बाक्तीके सेल्ब। ३ मेको आ लडाइ पाइब हिक्ने मचाप्वा डा बाक्नीम। मेको आ छेडछेड नेल्ल आन बाक्तीके मजाक्वा डा? ४ बेक्शा लाइब मुर दोपा परमपरभु आ डाइती

ठीक पाइब दुम्ने चाप्नीमी डा? मीश मुर रे जरमेशो मुर दोपा गरांगरा मदिचा डा दुम्ने चाप्नीमी डा? अय्युव ९:२; भजन संगरह १४३:२ ५ मेको आ डाइती तास्ताम ठीक पा छेडछेड मगेब। सोरुल आन छेडछेड मगारचा डा बाक्नीम। अय्युव १५:१५ ६ मिनु तुस्पु खोदंशो मुर, दोपा परमपरभु आ डाइती ठीक दुम्ने चाप्वा डा?" दे बिल्दादम देमाक्त। यसेया ४१:१४

अय्युवमी लोत्र लेशो

२६ १ मिनु अय्युवमी २ "गे दोपा बोल मपाइशो मुर कली वारच पाइक्नी? योक्शा गुइ कली गे दोपा नाइक्वा गेनी? ३ गे मतुइक्व मुर कली, अर्ती गेतीनी। मिनु गे शुश रिम्शो लोत्र शंताक्नी। ४ ओदंशो लोत्र पचा कली गे ते शंसीनी? मिनु तेको सोक्त रे पा ओदंशो लोत्र पनी?" दे अय्युवमी देमाक्त।

५ "उइ डा मुर आन वांकु खिरंखिर पाइनीम। ब्वाक्कु नु मेकर बाक्वपुकी यो खिरंखिर पाइनीम। ६ परमपरभु आ डाइती बेक्शा मुर आन बाक्तीके मखरंडसीशो बाक्व। मिनु जाम्शा लतीके मसुम्सीशो बाक्व। भजन संगरह १३९:५; हितापदेस १५:११; आमोस ९:२; परकाश ९:१ ७ मेकोम श्येत्थ बाक्तीकेमी उत्तर डा सरीड पराक्व। मिनु रागी कली मारइ मबाक्तीकेम क्युकव। ८ मेकोमी ब्वाक्कु कली क्येर गोस्सुम तेक्शा वोंइक्व। मिनु मेको गोस्स मपुरोल्ब। ब्वाक्कु मगरूब। ९ मेकोमी पूर्ने डा तास्ता कली सुम्ब। मिनु आ गोस्सपुकी मेको आ तारी पराक्व। १० मेकोमी ब्वाक्कु आ सुरम सांद वोंइशो बाक्व। छिडछिड नु छेडछेड फराचा कली मो पशो बाक्व। ११ मिनु सरीड डा थामपुकी हिम्सीनीम। परमपरभु आ हुइशोमी हिंशा सिक्सी पाइनीम। १२ मेकोम आ सक्तिम समुन्दर कली थेल्लु। मिनु आ रुप्तीकेम राहाब माइशो समुन्दर डा ठेयब जन्तु कली खतम सेल्लु। अय्युव ९:१३; भजन संगरह ८९:११ १३ मेको आ फश पतीकेमी सरीड हाक्साक्व। मेकोम दोरशा परोक्व ठेयब जन्तु कली साइक्व। यसेया २७:१ १४ मेको आ सक्ति डा आइक्व गेय ला बाक्नीम। मेको रे गो आइक्व संदा डा लोत्र ला नंतक। मिनु मेको आ सक्तिम पशो बुंबु, सुम रुने चाप्वा डा?" देमाक्त।

## अय्युबम लोत्र पशो

१मिनु लेशा अय्युबमी २ “परमपरभु यावे  
**२७** बरांडशा बाक्शो खोंदंशो पा आं ठीक  
 पशो आ पर्वम मारइ मदं। नेल्ल क्येडा ठेयब  
 सक्ति पाइश्शोम आं थुं खाइक्वपाइश्शो बाक्व।  
 ३गो आं रोम सोक्त बाक्म सम्म, परमपरभु आ  
 सोक्त आं नंम बाक्म सम्म, ४गो मारइ जाल  
 मपाइनुड। मिनु मितो शिला मपाइनुड। भजन  
 संगरह ३४:१४ ५गो गेपुकी ठीक बाक्नीनी, दे  
 मंदेनुड। गो मबेक्डा सम्म आं रिम्शो पतीक  
 मप्रांइनुड। ६गो आं ठीक पतीक कली गेनायो  
 मप्रांइनुड। गो मबेक्डा सम्म दोस मताइब  
 बाक्नुड। पररित २४:१६; १कोरिन्थी ४:४

७आं जोरी सतरु परमपरभु यावे आ अरेशो  
 मटीब खोंदंशो दुम्मल। आं कली मदाक्वपुकी  
 ठीक मपाइब खोंदंशो दुम्मल। ८परमपरभु यावे  
 आ अरेशो मटीब मुर बेक्चामेनु, परमपरभुम  
 मेको आन सोक्त लाइक्चवानु, मेको आन के  
 मार आस बाक्वा डा? लुका १२:२० ९श्येत  
 जचा चिक्तेमनु, आन डाक्शो परमपरभुमी नंबा  
 डा? १०मार, मेकोपुकीम नेल्ल क्येडा ठेयब  
 सक्ति पाइश्शो कली मिम्शा ग्यरसीनीमी?  
 मेकोपुकीम गेना हना यो मेको कली मिम्शा  
 पुंडनीमी डा? ११गो इन कली परमपरभु आ पशो  
 आ पर्वम शंनुड। गो नेल्ल क्येडा ठेयब सक्ति  
 पाइश्शो आ मिम्शा मखरुइक्नुड। १२मेको गे  
 नेल्लम ताइतीनी। गेपुकी मारदे फश लोत्र  
 पाइनीनी?

१३परमपरभु यावे आ अरेशो मटीब आन कली  
 गेशो भाग एकोन बाक्व। नेल्ल क्येडा ठेयब  
 सक्ति पाइश्शोम शिशो मपाइक्व आन कली  
 गेशो भाग एकोन बाक्व। हितोपदेस १३:२२;  
 उपदेसक २:२६ १४मेको आन तौ शुश बाक्तेक्म  
 हना यो, मेकोपुकी तरवारम क्योरशा साइक्वा  
 पुंडसीनीम। मिनु मेको आन चच युइ रुथरी जचा  
 मताइनीम। अय्युब २१:१९ १५मिनु लीशोपुकी  
 बेक्तीक रोइ पा बेक्शा थिम्चा पुंडसीनीम। मिनु  
 आन मीशपुकी रोंका मपाइनीम। १६मेकोपुकीम  
 फुरक खोंदंशो पा चांदी खुप्ताक्म हना यो,  
 खप खोंदंशो पा शुश वासी तेल्लेक्म हना यो,  
 १७मेकोपुकीम तेल्लीमी, तन्न ठीक पाइबपुकीम  
 फेक्नीम। मिनु मेको आन चांदी दोस मताइब  
 आन कली योक्शा गेनीम। १८मेको आन खिं  
 ग्यात्र खोंदंशो पा सेल्शो बाक्व। अडगुर रू  
 खाल पाइब मुर आन बाक्तीक खोंदंशो दुम्ब।

१९मेको शांप पाइश्शो दुम्शा इप्नीम। तन्न  
 मुल र मोदंशो मदुम्नीम। मेको बाक्मानु, मेको  
 नेल्ल लने थुम्शो बाक्व। २०शुश हिंतीकम मेको  
 आन कली बारशो ब्वाक्कुम खोंदंशो पा सुम्ब।  
 मिनु नाक्दो फश गिवारमी मेको आन कली  
 योल्ब। २१पूर्व डा फशमी मेको आन कली बर  
 पा योल्ब। मिनु मेको आन बाक्तीक योल्वा  
 पुंडसीनीम। २२फशमी शिशो मपथु, मेको आन  
 कली योल्ब। मिनु मेकोपुकी मेकर र परोक्चा  
 माल्लीम। २३मेको फशमी मेको आन कली तशा,  
 आन गुइ फेरक्नीम। मेको आन बाक्तीकम मेको  
 आन कली शुक्शी पाइब” दंमाक्त।

## सोफार आ लोत्र

१मिनु अय्युबमी “चांदी आन खानी  
**२८** बाक्नीम। सुन यपाइश्शा रिम्शो  
 सेल्लिक बाक्नीम। २फलाम दोशा खप र  
 गरुंडनीम। फुल्लु र तांबा यपाइश्शा गरुंडनीम।  
 ३मुरुम छिड्छिड् कली थुम्पाइक्नीम।  
 मेकोपुकी रागी आगा डा छिड्छिड्म खानी  
 माल्ला माल्ल गाक्नीम। ४मुर आन बाक्तीक  
 र शुश डोन लाइनीम। मिनु मुरुम मथेक्तीक  
 रागी लाइनीम। मेकोपुकीमी खानी आगा  
 लतीक पोत्रला दोइनीम। मिनु मेकोपुकी सुइ  
 मबाक्तीकम डोरीम ग्युक्शा बिक्तीकम गय  
 पाइनीम। ५मिनु अन्न रू आन आगाम खानी  
 दोना दान बाक्नीम। मिनु नेल्ल खल्लबल  
 सल्लनीम। खप कली मी सल्लनीम। ६मेको  
 फुल्लु र साफीर माइश्शो हीरा नु सुन के फुरक  
 गरुंडनीम।

७तेकोइ सिस्वार पाइब चिक्वीम मेकर लतीक  
 लां मतुइक्व। मिनु ब्यारदे आ शुश ताइब  
 मिक्वीमी यो मेको मतशो बाक्व। ८ठेयब लेश्शो  
 जन्तु यो मेकर मजाक्वीत्नीम। मिनु गुप्सपुकी  
 मेको लां र मलाइनीम।

९मुरुम आन गुइमी सारो फुल्लु क्योरनीम।  
 मिनु पहाड आन कली दिम सेल्लनीम।  
 १०मेकोपुकीम रोंगुम पोत्रला मुइनीम। मिनु शुश  
 क्येट लाइब हीरापुकी ताइनीम। ११मेकोपुकीम  
 खोला आ बुक्तीक माल्लीम। मिनु रागीम  
 थिम्शा वोइश्शो शांप गरुंडनीम।

१२तन्न तुइक्तीक चहिं ते थिंसीबा? मिनु  
 रुप्तीक ते बाक्वा? १३बेक्शा लाइब मुरपुकीम  
 मेको आ लां मतुइक्नीम। बरांडशा बाक्व मुर  
 आन रागीम मेको मथिंसीब। १४मिनु खप आ  
 लुक्च लशोमी मेको गो नु मबाक्व” दंब। मिनु

समुन्द्रमी यो 'मेको गो नु मबाक्ब' देब। १५ मुरुमी सुनमी रुप्तीक ग्याप्ने मचाप्नीम। चांदी नाक्शा यो मेको कली थाप्ने मचाप्नीम। हितोपदेस ३:१३-१५ १६ रुप्तीक कली ओफोर डा सुन, शुश क्येट लाइब ओनीक्स नु सार्फोर माइशो हीरामी यो ग्याप्ने मचाप्नीम। १७ सुन नु सिसा आस क्येडा तुइक्तीक नु रुप्तीक ठेयब बाक्ब। क्येस सुन के गहाना नु यो मेको फाइक्ने मचाप्नीब। १८ लल मूगा नु टल्केब फुल्लु आ पर्वम लोत्र पचा ममाल्ब। तुइक्तीक थुं मोती आन क्येडा यो शुश क्येट लाइब बाक्ब। भजन संगरह १११:१०; हितोपदेस १:७, ९:१० ११ एथीयोपीया रागी डा पुशपराज माइशो हीरा मेको नु उइक्थ दुम्न मचाप्ब। मेको क्येस सुनम ग्याप्ने मचाप्नीम।

२० मिनु तुइक्तीक थुं ते रे जाक्बा? मिनु रुप्तीके ते बाक्बा? २१ मेको ब्रांडशा बाक्ब नेल्ल आन डोंडती रे खरुइशो बाक्ब। मेको सरीडम बेरब चिक्ब आन क्येडा यो खरुइशो बाक्ब। २२ जाम्शा लतीके नु बेक्पाइक्बमी 'गो मेको आ पर्वम नेशो ला बाक्नस्कु' देनीस।

२३ तन्न परमपरभुमी मेको आ लां तुइक्ब। मेको ते रे जाक्बा मेको यो तुइक्ब। हितोपदेस ८:२२-३१ २४ मारदे हना मेकोमी रागी आ एर ओथ नेल्ल ताइब। मिनु सरीड आगा डा मारइ मारइ नेल्ल आन कली कोत्रब। २५ मेकोमी फश कली सक्ति गप्तु। मिनु समुन्द्र आ सांद वोइक्तु। २६ मेकोम 'दोशो रेड यिचा माल्बा' मेको अरप्तु। मिनु बुंबु कली आ लां कोंइताक्व। २७ मेना मेकोम रुप्तीक नु तुइक्तीक कली तशा 'एकर बाक्ब। मोदंशो दुम्चा माल्ब। मेको रिम्शो बाक्ब' देमाक्त। २८ मिनु मेकोमी मुर आन कली 'परमपरभु यावे कली मान पा हितोके तुइक्तीक बाक्ब। मरिम्शो पतीक रे डोन बाक्चा रुप्तीक बाक्ब' देत" दे अय्युबमी देमाक्त। भजन संगरह १११:१०; हितोपदेस १:७

डोंडती डा ग्येरशा बाक्शो मिम्शो

२१ मिनु लेशा अय्युबमी २ "गो डोंडती डा सोदंशो बाक्ड हना! मेना परमपरभुमी आं कली कोत्रशा बाक्त। ३ मेना मेको आ छिडछिड आं पिया तार बाक्त। मिनु गो छिडछिडम मेको आ हाम्सोम गाक्ती। भजन संगरह १८:२९ ४ गो आं थम रिम्शो नाक्तीम परमपरभु आं वारच दुम्शा, आं नेक्था बाक्त। भजन संगरह २५:१४ ५ मेना मेको नेल्ल क्येडा ठेयब सक्ति पाइशो

गो नु बाक्शो बाक्त। मिनु आं तोपुकी आं एर ओथ बाक्तेक्म। ६ मेना आं लांम दूध शाइशो बाक्त। मिनु सरथे फुल्लु रे तेल के सोला शाइशो बाक्त। ७ गो आं बाक्तीक रे सहर डा ठेयब लाप्चो रे पा लाडगा आं नित्तीकमी नित्थ लडानु, ८ ठिटापुकीम आं कली तशा, लां परांडशा गतीमी। मिनु खूशोपुकी आं कली तशा मान पा राप्तेक्म। ९ ठेयब मुरपुकी सिक्सी पा बाक्तेक्म। मिनु मेकोपुकीम आन गुइमी आन शोत्र सुम्तेक्म। १० सासन पाइब आन ब्याक्चा देक्शा, सिक्सी पा बाक्तेक्म। ११ आं ब्याक्शा नेबपुकीम आं कली ठेयब सेल्लामी। मिनु आं कली तशा 'रिम्शो बाक्ब' देतेक्म। १२ मारदे हना गो 'वारच पाइक्की' देब परुडग आन कली वारच पा परांडतामी। वारच पाइब मबाक्शो रोम रोइक्च आन कली वारच पाइक्तामी। अय्युब ३१:१६; परस्थान २२:२१-२२ १३ मारइ आस मबाक्शो मुरपुकीम आं कली आसीक गतीमी। गो आन वांइश बेक्शो मीश मुर आन थुं ग्येरपाइक्तामी। १४ गो ठीक पतीक कली वा फक्सीशो सोदंशो पा फक्साक्यो। आं ठीक निसाफ पतीके आ वा नु आं फेटा सोदंशो बाक्त। १५ गो मिक्च मताइब आन मिक्च दुम्ती। मिनु खोइल मदुक्ब आन खोइल दुम्ती। १६ मारइ मथीब आन कली आन आफ सोदंशो दुम्ती। गो अर्का रागी डा मुर आन कली आन मुददा कोत्रशा गतामी। अय्युब ३१:१८ १७ गो ठीक मपाइब आन सक्ति नेल्ल खतम पोक्तामी। मिनु मेको आन रोइशो लेप्पाइक्ता। १८ मेना गो आं खिम श्यत मजथु बेक्नुड, दे मिम्शो नड। मिनु गो शुश बसे ब्रांडनुड, दे मिम्शो नड। १९ आं शाक्श बारशा ब्याक्कु बाक्तीक गे लाम्तेक्म। मिनु आं राशीम सीत बाक्त। २० आं सक्ति गेना हना यो बाक्त। मिनु आं गुइ डा तिवरा गेना हना आप्ने चाप्शो बाक्ती।

२१ गो लोत्र पडानु, मुर नेल्लेमी सिक्सी पा नेतेक्म। मिनु नोफा दाइशो आ अर्थ नेतेक्म। २२ गो आं लोत्र थुमु नोले सुइमी अरु लोत्र तेम्चा ममाल्देम। आं लोत्र मेको आन थुमी सीत सोदंशो पा जिन्ना जिन्न लत। २३ मेकोपुकीम बर्सा डा रेड रिम्शो सोदंशो पा आं कली रिम्ताक्योमी। मिनु नोले डा रेड रिम्शो सोदंशो आन शोत्र वोक् पाक्शा आं लोत्र नेतेक्म। २४ गो ज्याउ रिस्सीडानु, आन थुं बारत। आं ग्येरशो कुल तशा, मेको आन कली लेम्तीक दुम्त। २५ गो मेको आन गाक्चा माल्शो लां योत्रशा गतामी।

मिनु गो 'आं पने' दे अरतामी। गो पिप आ लडाइ पाइब आन दातेम बाक्शो सोदंशो बाक्ती। गो रांका पाइब आन कली लेम्ब सोदंशो दुम्ती" दे अय्युबमी देमाक्त।

अय्युब आ थुं लुकच लशो

३० १मिनु अय्युबमी "मुल ठिटापुकी आं कली तशा शुक्शी पा रिस्साक्म। मेको आं क्यडा ठिटा बाक्नीम। मेको आन आफ आन कली गो आं क्यारश भेडा खाल पाइब कुचुमपुकी नु काथा वोइक्चा यो मशिरशो मिम्शो नड। अय्युब १९:१८ २मेको आन गेय आं कली शोर गाक्शो बाक्त। मारदे हना मेको आन सक्ति ग्युम्ने थुम्शो बाक्त। ३मेकोपुकी शुश परुडग नु शोवतु बेक्शो बाक्तेक्म। मेकोपुकी गोरशो सोवशो रागीम आन जचा थोवक माल्तेक्म। ४मेकोपुकीम हिक्सी डाम्शो सुवा, बुटा आन सफा सेक्शा जाइनीम। मिनु मार मार आन शाक्श दोम्तेक्म। ५मेकोपुकी मुर आन दाते रे तिल्वा पुंडसीशो बाक्तेक्म। मुरपुकीम मेको आन कली खदा पशो सोदंशो पा गरीतेक्म। ६मेकोपुकी सोवशो खोलामी, पुक्सी आगा नु बरोल्शो सरथ फुल्लु मेर बाक्तेक्म। ७मेकोपुकीमी बुटा आन आगामी गरीतेक्म। मिनु बुटा आगामी बुक्तेक्म। ८मेको निप्स मपाइश्शो, महिक्सीशो मुर बाक्तेक्म। रागी रे तिल्वा खरचा पुंडसीशो बाक्तेक्म।

९मुल गो मेको आन शुक्शी पतीक कुम्सा दुम्ती। आं पर्वम शुक्शी लोत्र ला पाइनीम। भजन संगरह ६९:१३; बिलाप ३:६३ १०मेकोपुकीम आं कली ग्रांगरा दिशो मिम्नीम। आं क्यडा डान बाक्नीम। आं कुलुम तोक्चा मुने मपाइनीम। अय्युब १७:६; मत्ती २६:६७ ११मारदे हना परमपरभुमी आं लिबरा पराक्शा, आं कली श्यत गतीक, मेकोपुकीम आं डांडती 'मारइ मारइ पने चाप्नीक' दे मिम्नीम। १२आं ग्युरा गे थम मरिम्शो मुर बाक्नीम। मिनु आं खोइली गेरक्पाइक्नीम। मिनु मेकोपुकीम आं गाक्तीक लां तेक्नीम। १३मेकोपुकीम आं लां परेत्नीम। आं श्यत तेम्नीम। मिनु सुइमी मेको आन कली 'मोदंशो मपचा' दे मतक्नीम। १४मेकोपुकी ठेयब पोत्रलाम रिक्थरी मरिक्थरी पा ओवनीम। मेकोपुकी बरेशो गारो रे नेम्मुशा जाक्नीम। १५मिनु गो शुश हिंन हिंन बाक्नुड। मेकोम आं मान ततीक फशम सोदंशो पा हुरुर पा

योल्पाइक्तु। आं शांप बाक्शा रिम्शो दुम्तीके गोस्स सोदंशो पा जाम्शा लत।

१६मुल आं थुं बेक्ना बेक्न लशो बाक्ब। मिनु श्यत जतीक नाक्त ला लीशो बाक्नीम। १७नाक्दो आं रुश शुश खाइक्नीम। मेको खाइक्तीक गेनायो मनाइक्ब। १८परमपरभुमी आ ठेयब सक्तिमी आं वा फरुप्ब। मिनु वाम शुम खाइश्शो सोदंशो पा खाइक्ब। अय्युब ७:५; अय्युब १६:८ १९मेकोमी आं कली हिलोम व्वाश्शो बाक्ब। मिनु गो फुरक नु पुलु सोदंशो दुम्शो बाक्नुड।

२०गो इन कली 'वारच पाइय्यीनी' दे पुंडता। तन्न गे आं कली लोत्र मलेत्तीनी। गो इन कली राप्शा रिम्शा बाक्ती। तन्न गे आं कली मेकोवरीनी। अय्युब १९:७; भजन संगरह २२:३ २१गे आं कली ठेयब श्यत गेब दुम्शो बाक्नीनी। इन ठेयब सक्तिमी आं कली खेदा पाइनीनी। २२गे आं कली क्युक्शा फश गिवारम बेरपाइक्तीनी। मिनु आं थुं लुकच लपाइक्तीनी। २३गे आं कली साइक्नीनी, गो मेको तुइश्शो बाक्नुड। बरोइशो नेल्ल मेको लां लाइनीम।

२४थमा पा, मेकोमी परुडग आन कली श्यत मगेब। मुर श्यत जशा 'वारच पाइय्यीनी' दे गरीनीम। २५मार, गो श्यत जशा मुर आन पर्वम मडाक्डा डा? मार, परुडग आन पर्वम आं थुं मखाइक्म डा? २६मो हना यो गो रिम्शो दुम्तीक आस पाता। तन्न मरिम्शो कका जाक्त। छुंछुंछुं रिम्शा बाक्ती। तन्न छुंछुंछुं कका जाक्त। २७आं थुं गेना हना यो ग्यत्थ लुकच दुम्ब। गो गेना हना यो श्यत जचा माल्लुड। २८गो क्येर नाक्दोम गाक्नुड। गो गरुम्तीकमी 'वारच पाइय्यीनी' दे पुंडनुड। २९गो सिवार आन लोक्ब दुम्शो बाक्नुड। हुहुचील आन वारच दुम्शो बाक्नुड। ३०आं कुशुल क्येर दुम्शा, आं रुश नेल्ल चाइनीम। ३१आं बीना रांका पा गरीब। आं बांसुरी डाक्शो मुर आन कली ताप्शो बाक्ब" देमाक्त।

अय्युबमी "गो ठीक पाइब नड" दंशो

३१ १मिनु अय्युबमी "गो सुइ मीश आल आन कली मरिम्शा थुंम मेकोवचा कली, आं मिक्च नु कबल पाता। मत्ती ५:२८-२९ २मिनु परमपरभुमी इर रे आं कली गेबा? नेल्ल क्यडा ठेयब सक्ति पाइश्शामी मार शांप गेबा? ३मार, ठीक मपाइब आन कली शुश हिंन चा डा श्यत मदुम्बा डा? मरिम्शो पाइब आन कली सतम

दुम्तीकम मसुम्बा डा ? ४ परमपरभुम आं पशो नेल्ल तुइक्व। मिनु आं गाक्शो नेल्ल कोव्रव। अय्युब २३ :१०

१ गो हेंथ गाक्शो बाक्ती हना, दूली लां गाक्शो बाक्ती हना, ६ परमपरभुमी आं कली ठीक नाक्तीकमी नाक्तील। मिनु मकोमी आं गेना हना यो रिम्शो पशो तुइक्व। ७ गो ठीक लां र ग्यत्थ लुक्च लशो बाक्ती हना, आं थुंम आं मिक्चीम दाक्शो खोदंशो पा पशो बाक्ती हना, आं गुइमी ग्रांगरा दिशो गय पशो बाक्ती हना, ८ आं खरुम्शो अन्न अरुम जामक्ल। मिनु आं शोक्शो मारइ मारइ तुल्सीमल। उत्पती २६ :१६

९ आं कली मीश मुरुम हेंथ गाक्पाइक्ती हना, गो आं नेक्था डा मुर आन लाप्चोमी बाप्शा बाक्शो बाक्ती हना, १० आं मीश अरु मुर आन वाइलीम दुम्शा लल। मिनु अरु मुर मको नु इम्मल। २ सामुएल १२ :३२ ११ मारदे हना मेको थम मरिम्शो गय बाक्व। मेको निसाफ पचा कली मरिम्शो बाक्व। १२ मेको जम्शा लतीकम सोइक्व मी खोदंशो बाक्व। मेकोमी आं बाक्शो मारइ मारइ खतम पाक्व।

१३ गो आं वाइलीम वाइल आन थुं मनुशो लोव्र पाता हना, सिक्सी पपाइक्तामी। १४ परमपरभु आं पर्वम बाक्मनु, गो मार पाइनुडा ? मेकोमी आं कली लोव्र पथ बरत्ताक्व हना, गो मार लोव्र लेत्नुडा ? १५ आं ममा आ कोव्रजम आं कली सेल्बम मेको आन कली यो मसला डा ? मेकोमीन आइ कली आइ ममा आ कोव्रजोम मसला डा ? हितापदेस १४ :३१ ; मती २५ :४०

१६ गो परुडग आन कली आन मात्थो थोव्रक मगेशो बाक्ती हना, आन वोइश बेक्शो मीश मुर आन कली डाक्पाइश्शो बाक्ती हना, अय्युब २९ :१२ १७ गो आं जचा थोव्रक आं कान जशो बाक्ती हना नु रोम रोइक्च आन कली योक्शो मगेशो बाक्ती हना, मोदंशो दुम्ल। १८ गो रोम रोइक्च आन कली आन आफोमी खोदंशो पा थुल्लामी। गो जरमेसीड रेन आन वोइश बेक्शो मीश मुर आन कली वारच पाइक्तामी। अय्युब २९ :१६ १९ गो परुडग आन कली वा मफेक्शो ताता हना, नाक्दो फक्तीक मबाक्शो बाक्त हना, २० मेको आन कली आं भडा आन ऊन र सेल्थो फक्तीकम महोपाइक्तीक मेकोपुकीम आं कली आसीक मगेशो बाक्तेक्म हना, २१ गो रोम रोइक्च आन कली मरिम्शो पशो बाक्ती हना, ठेयब लाप्चोम बाक्वपुकीमी गे ठीक पाइब बाक्नीनी

दंशो बाक्तेक्म हना, रुथ ४ :१-१० २२ आं बला आं ची र दोक्ल। आं गुइ जिक्शा दोक्ल। २३ तन्न गो परमपरभु आ गेशो हिंचा डा श्यत तशा हिंचुड। मिनु गो मेको आ ठेयब मान ततीक फाल्ले मचवु।

२४ गो सुन कली थमा सुइश्शो नड हना, क्येख सुनमी आं कली रिम्शो बरांडचा गेब, द मिम्शो नड हना, मजन संगरह ५२ :९ २५ गो आं ठेयब शोप तशा शुश ग्यरसीशो बाक्ती हना, आं शुश मारइ मारइ बाक्शो आ पर्वम आं कली रिम्शो बाक्चा गेब, द मिम्शो नड हना, २६ गो नां गे कोव्रशा मेको कली ठेयब सेल्थो नड हना, तास्ता आ दास कली ठेयब सेल्थो नड हना, व्यवस्था ४ :१९ २७ मेकोम आं थुं कली खरुइश्शोमी हेंथ मिम्ब सेल्थो बाक्ती हना, मेको कली पुक्पु पाइक्चा कली आं गुइ क्युक्शो बाक्ती हना, २८ मेको नेल्ल सजाइ तचा डा पाप दुम वा। मारदे हना गो स्वर्गम बाक्व परमपरभु आ पर्वम दूली लोव्र पाइब दुम्ड वा।

२९ गो आं कली काइ मदाक्वपुकीमी श्यत जशो तशा ग्यरशो बाक्ती हना, मेको आन कली मरिम्शो दुम्तीकम सुमानु, ग्यरसीशो बाक्ती हना, हितापदेस २४ :१७ ; मजन संगरह ५ :५ ; मजन संगरह ३५ :१३-१४ ३० गो मेकोपुकी बेक्मल' दे सराप चीले पा पाप मपड। १ पतरुस ३ :९ ३१ आं गय पाइब नेल्लेम गेनायो 'अय्युब आ भोजम मुर मरुम' मदंम। ३२ अर्का रागी डा मुरपुकी गेनायो लोम इन्वा ममात्म। लां गाक्व आन कली गेना हना यो आं खिं डा लाप्चो रोक्शो बाक्त। न्यायाधीस १९ :२०-२१ ; १ पतरुस ४ :९ ; हिब्रू १३ :२ ३३ अरु मुरपुकीम आन हेंथ पशो खरुइक्चा मात्थो खोदंशो पा, गो आं थुमी आं मरिम्शो पशो मखरुइक्तु। ३४ मारदे हना गो हुलपुकीम मार देनीमी, दे हिती। मिनु खिं खिं डा आन शुक्शी पतीक र शुश हिती। मापतीक गो सिक्सी पा बाक्ती। गो खिं र मगरुड।

३५ गो आं लोव्र नंब का बाक्शो हना, नेल्ल क्येडा ठेयब सक्ति पाइश्शोमी आं लोव्र लेत्तल। आं कली दोस गेशो बरक्शो बरक्स ते बाक्वा ? अय्युब २३ :३-७ ३६ थमा पा, गो मेको आं बलाम लाप्सीड वा। गो मेको सिरपेच खोदंशो पा गुक्सीड वा। ३७ मिनु आं पशो गय नेल्ल मेको कली शंदु वा। गो मेको आ डांडती ठेयब मुर कली गरुम्य लशो खोदंशो पा लड वा।

३८ आं रू आं कली दोस गेशो गरीशो बाक्त हना, मेकर डा खप नेल्ल डाक्शो नम हना, ३९ मेकर वाशो मार मार मथाथ्यु, जशो बाक्ती

हना, मेको रू आ होवप कली श्येत गेशो बाक्ती हना, ४० चेरब आ पा डा चोंक चू वामल। क्योत्रज आ पा डा सुवा वामल” देमाक्त। मोपा अय्युबमी आ लोत्र थुमा बाक्त।

एलीहु आ लोत्र

अय्युब ३२ :- अय्युब ३७ :-

३२ १मिनु मेको मुर सांमी अय्युब कली लोत्र पचा प्रोन्म बाक्त। मारदे हना अय्युबम आम कली “गो ठीक पाइब नड” देस डा देस पवा बाक्त। २मिनु राम आ सिं डा बूज डा बाराकेल आ तौ एलीहु गाइक्ता बाक्त। मारदे हना अय्युबमी आम कली परमपरभु आ डांडती शुश पाप मपाइब सोदंशो सेल्स बाक्त। उत्पत्ती २२:२१; अय्युब १३:१८; अय्युब १९:६-७; अय्युब २५:५-६ ३अय्युब आ वारच सां आन कली तशा यो गाइक्ता बाक्ब। मारदे हना मेकोपुकीमी अय्युब कली लोत्र लेत्ने मचाप्नीम बाक्त। मो हना यो मेकोपुकीम अय्युब कली दोस ताइब सेल्स बाक्त। अय्युब १५:४; अय्युब १८:२१; अय्युब २०:२९; अय्युब २२:५ ४मेकोपुकी अय्युब नु लोत्र पामेनु एलीहु चहिं सिकसी पा बाक्शो बाक्माक्त। मारदे हना, मेको आन क्येडा आल बाक्माक्त। ५मिनु मेको सांमी अय्युब कली लोत्र लेन्ने मचाप्शो तशा, एलीहु गाइक्ता बाक्त।

६मिनु बूज डा बाराकेल आ तौ एलीहुम “गो आइक्चीन बाक्नुड। गोपुकी खाल्पा बाक्नीनी। मोपतीक इन डांडती आं तुइश्शो मदेड, दे सिकसी पा बाक्ती। ७गो ‘खाल्पा मुर ब्वाक्चा माल्नीम। सूशोपुकीम आन तुइक्तीक शंदमेक्ल’ देती। अय्युब १२:१२ ८बेक्शा लाइब मुरपुकी नु नेल्ल क्येडा ठेयब सक्ति पाइश्शो आ साक्त बाक्ब। मिनु मेकोमी मुर आन कली रुप्तीक थुं गेब। ९खाल्पापुकी ला जोक्ब तुइक्ब मबाक्नीम। सूशोपुकी यो मार ठीक बाक्बा, मेको मरुनीम। १०मोपतीके गो आं लोत्र नेनीन। गो आं मिम्शो देंचा गेयीनी।

११नेनीन। गो इन लोत्र नेंस डा नेंस बाक्ती। गो इन लोत्र रिम्ना रिम्न बाक्ती। इन मिम्शा पशो जोक्तीक तुइक्तीक लोत्र नोफा दाइश्शा नेंशा बाक्ती। १२गो इन देंशो लोत्र नेंना नेन बाक्ती। तन्न गेपुकीम अय्युब कली शेंने मचाप्नी। मेको आ लोत्र यो लेन्ने मचाप्नी। १३गोपुकीम तुइक्तीक थुं तशो बाक्नीकी” मदेंनी। ‘मुरपुकीम ममाइ परमपरभुमीन मेको कली सजाइ गवल’

मदेंनी। १४तन्न अय्युबम आं पर्वम मारदे मदे। गो इन लोत्र सोदंशो पा मेको कली लोत्र मलेत्तु।

१५एकोपुकी श्येत्य दुम्शो बाक्नीमी। मिनु एकोपुकीमी मारदे लोत्र लेन्ने मचाप्नीम। १६एकोपुकी मब्वाक्त्तकम हना यो, गो रिम्शा बाक्नुडा डा? मारदे हना एकोपुकी राप्शा बाक्नीम, लोत्र चहिं मलेत्नीम। १७मुल गो लोत्र लेत्नुड। आं मिम्शा लोत्र पाइनुड। १८मारदे हना गो शुश लोत्र पचा माल्शो बाक्नुड। आं आगा डा साक्तीमी आं कली लोत्र मपाइक्ब। १९गो लोत्र पचा मताता हना, नक शांभुम बरीशो कुशुल के थैलो सोदंशो पा बुक्ने चान्नुड। २०आं थुं नाइक्पाइक्चा कली गो ब्वाक्चान माल्नुड। गो लोत्र लेत्वा माल्नुड। २१गो सुइ आन कुल कोवशा लोत्र मपाइनुड। गो सुइ नु मितो शिलो मपाइनुड। २२मारदे हना गो मितो शिलो पस मजोक्नुड। मो पाता हना आं कली सेल्सम आं कली रीब पा खतम पोक्ब।

३३ १अय्युब, मुल आं लोत्र नेनीन। आं २कोवडीन, गो लोत्र लेत्वा कली ठीक दुम्शो बाक्नुड। आं शोत्र लोत्रम बरीशो बाक्ब। ३गो आं लोत्रमी ‘गो रिम्शो थुं पाइश्शो मुर नड’ दे कांइनुड। गो मार लोत्र देनुडा, मेको थमा बाक्ब। ४परमपरभु आ साक्तीम आं कली सेल्ती। मिनु नेल्ल क्येडा ठेयब सक्ति पाइश्शोमी आ बरीइतीक साक्त गती ५गे चान्नीनी हना, आं लोत्र लेतीनी। इन देंचा माल्शो लोत्र डांडतीन मिम्तीन। मिनु गो नु लोत्र पने। ६परमपरभु आ डांडती गो यो इन सोदंशान नड। गो यो खप कन सेल्शो नड। अय्युब १०:९ ७गे आं कली तशा महिनीन। गो इन कली श्येत मगेनुड।

८गो इन देंचा माल्शो लोत्र नेल्ल नेता। मिनु इन ब्वाक्शो नेता। ९गे ‘गो दोस मताइब नु हथे मपाइब बाक्नुड। गो मरिम्शो मपाइब, गना हना यो रिम्शो पाइब बाक्नुड’ अय्युब १६:१७; अय्युब २७:६; अय्युब ३१:१-४० १०मो हना यो ‘परमपरभुम आं दोस थिन्ना थिन्न बाक्ब। मेकोमी आं कली आ जोरी सतरु मिम्शो बाक्ब। अय्युब १३:२६; अय्युब १९:११ ११आं सोइतीम ठेडरा थोक्ताक्नी। आं लां नेल्ल कोवशा, वोइक्नीनी’ दे लोत्र पाइतीनी। अय्युब १३:२७ १२तन्न गे दूली मिम्ब बाक्नीनी। गो इन कली लोत्र लेत्नेन्नी। बेक्शा लाइब मुर आन क्येडा परमपरभु ठेयब बाक्ब। १३गे मारदे परमपरभु नु इन थुं मनुशो लोत्र पाइनीनी।

मिनु गे 'मैकोम आं लोत्र काइ मलेप्प' देनीनी ?  
 १४ परमपरभुमी खेयप का निक्शी लोत्र पाइब ।  
 तन्न मुरपुकीम मैको मरुनीम । १५ डोमुमी,  
 नाक्दो ततीकमी, निन्दरा पशानु, बेक्शा लाइब  
 मुर बराख्यम गोल्ला इम्मानु, अय्युब ४ :१२-  
 १६ १६ परमपरभुम मैको आन नोफा नंब सल्ब ।  
 मिनु मैको आन कली शंदानु, 'परमपरभु आ  
 लोत्र बाक्माक्त' दे तुइक्नीम । अय्युब ३६ :१०  
 १७ मैकोमी मुर आन कली आन मरिम्शो पशो  
 र रिम्शो सल्त्वा कली नु मैको आन ठयब  
 लेत्तीक तेक्चा कली लोत्र पाइब । १८ परमपरभुम  
 मैको कली बेक्चा र परांडचा दाक्ब । मैको  
 आन कली तरवार र परांडचा दाक्ब । १९ मिनु  
 मुर खाइक्स डा खाइक्स पा आन बराख्यम  
 इप्शा, सजाइ ताइनीम । मिनु आन रुश गेना  
 हना यो खिरंखिर पाइनीम । २० मोपा मैकोपुकीम  
 आन जचा थोत्रक गरांगरा दीनीम । मिनु थम  
 बरोत्रशो जचा थोत्रक यो मदाक्नीम । २१ मिनु  
 मैको आन रां गेयशा सोत्रनीम । मिनु मैको आन  
 खरुइश्शो रुश तांडसीनीम । २२ मैको आन सोक्त  
 लचा चिक्शो बाक्ब । मैको आन बरांडतीक नाक्त  
 नुप्चा चिक्शो बाक्ब । २३ मो हना यो मैको मुर  
 आन दातेमी का कली परमपरभु आ हजार हजार  
 स्वर्ग डा गेय पाइब कामी वारच पा, मैकोमी  
 'मैको रिम्शो थुं पाइश्शो मुर बाक्ब' दंत हना,  
 २४ मिनु मैकोमी मुर कली शिशी पा 'मैको मुर  
 कली बेक्चा र परांनीन । मैको कली परांडतीक  
 थोत्रक गो नु बाक्ब' दंत हना, भजन संगरह  
 ४९ :८-११ २५ मैको मुर आ श्य टिटा क सोदंशो  
 पा नक दुम्ब । मैको आ टिटा ना डा सोदंशो  
 दुम्ब । भजन संगरह १०३ :५ २६ मिनु मैकोमी  
 प्रार्थना पवानु, परमपरभुमी नंब । मैको परमपरभु  
 आ डांडती बाक्शा, ग्यरसीशा कुम्सो पाइब ।  
 परमपरभुम मैको आ ठीक पतीक लंशा डांडती  
 डा सोदंशो सल्ब । २७ मिनु मैको मुसुम मुर आन  
 बाक्तीक जाक्शा, मैको आन कली 'गो पाप  
 पाता । गो ठीक पतीके कली दूली सल्त्ता । गो आं  
 तचा माल्शो सजाइ मतड । २८ मैकोमी आं सोक्त  
 कली बेक्तीक र परांडतु । मिनु गो छेड्छेड्छे तचा  
 कली बरांडती' दंब ।

२९ परमपरभुमी एको नेल्ल बेक्शा लाइब मुर  
 आन पर्वम पाइब । खेयप निक्शी, खेयप सां  
 सम्म मो पाइब । ३० बेक्चा चिक्शो मुर आन  
 कली तुरसुम लचा र लेप्पाइक्ब । मोपा बरांडतीक  
 छेड्छेड्छे लंशा ताइनीम । भजन संगरह ५६ :१४ ;  
 भजन संगरह १०३ :४ ; भजन संगरह ११६ :९

३१ नेनीन अय्युब आं लोत्र नोफा दाइश्शा नेनीन ।  
 गे सिक्सी पा बाक्कीन । गो लोत्र पाइनुड । ३२ इन  
 दंचा माल्शो मारइ लोत्र बाक्त हना, आं कली  
 देनीन । गे ब्वाक्कीन । मिनु गो इन पान बाक्नुड ।  
 ३३ तन्न इन दंचा माल्शो लोत्र मबाक्त हना,  
 सिक्सी पा आं लोत्र नेनीन । मिनु गो इन कली  
 रुप्तीक लोत्र शंनुड" दे एलीहुम देमाक्त ।

"परमपरभु ठीक पाइब बाक्ब" दंशो

३४ १ मिनु एलीहुमी २ "जोक्ब तुइक्ब मुरपुकी  
 आं लोत्र नेनीन । शुश जोक्ब मुरपुकी आं  
 लोत्र इन नोफा दाइश्शा नेनीन । अय्युब १२ :११  
 ३ मारदे हना दोपा नोफाम लोत्र नंबा, मोपान  
 लंम जचा थोत्रक थाम्ब । ४ मोपतीक मार ठीक  
 बाक्बा, मैको गो आंमा योत्रय । मिनु तेको लोत्र  
 रिम्शो बाक्म, मैको आंमा गारशा कोत्रय । ५ मारदे  
 हना अय्युबम 'गो दोस मताइब मुर बाक्नुड ।  
 तन्न परमपरभुम आं कली ठीक निसाफ मंगयी ।  
 अय्युब ३३ :९ ; अय्युब २७ :२ ६ गो ठीक पाइब  
 बाक्ती हना यो, आं कली जोल पाइब सुइक्ती ।  
 गो हंथ मपाता हना यो, आं गार मसा' दंत ।  
 अय्युब ९ :१५,२० ; अय्युब ६ :४ ७ ब्वाक्कु तृशो  
 सोदंशो पा शुक्शी पाइब, अय्युब सोदंशो अरु  
 सुइ मबाक्नीम । ८ मैको मरिम्शो गेय पाइब नु  
 बाक्ब । मिनु परमपरभु यावे आ अरंशो मटीब नु  
 गाक्ब । भजन संगरह १ :१ ९ मारदे हना मैकोमी  
 'परमपरभु कली ग्यरशा टिचा, शोर गाक्शो  
 बाक्ब' दंब । अय्युब ९ :२२

१० मोपतीक मारइ मारइ तुइक्ब मुरपुकी आं  
 लोत्र नेनीन । परमपरभुम गेनाया मरिम्शो  
 मपाइब । नेल्ल क्येडा ठयब सक्ति पाइश्शोमी  
 गेनाया दूली मपाइब । अय्युब ८ :३ ; ब्यवस्था  
 ३२ :४ ; रइतिहास १९ :७ ११ मैकोमी मुर आन  
 कली मैको आन पशो सोदंशो पा पाइब । मार  
 पाइनीमी, मैकोन ताइनीमी । १२ एको थमा लोत्र  
 बाक्ब । परमपरभुम गेनाया मरिम्शो मपाइब ।  
 नेल्ल क्येडा ठयब सक्ति पाइश्शोमी दूली  
 निसाफ मपाइब । अय्युब १९ :६ १३ सुम रागी  
 मैको आ जिम्माम गेवा ? सुम मैको कली रागी  
 नेल्ल डा अधिकार गेवा ? १४ मैकोमी बरांडचा  
 गेब सोक्त नु आ सास लेश्शा लाइक्चा  
 मिस्ताक्ब हना, १५ याम कामीन सोक्त पाइश्शो  
 नेल्ल बेक्नीम । मिनु मुर लंशा फुरकुम लेश्शा  
 लाइनीम । भजन संगरह १०४ :२९

१६ गे इन के रुप्तीक थुं बाक्त हना, आं दंशो  
 नेनीन । गो मार दंडा, मैको नोफा दाइश्शा

नेनीन। १७ ठीक निसाफ कली काइ मदाक्ब मुर सासन पने चाप्वा डा? मार, गे ठीक पाइब नु सक्ति पाइइशो कली दोस ताइब मिम्नीनी? १८ सुमी पिप कली हिंचा डा मरिम्शो पाइब बाक्नीनी? देबा? मिनु ठेयब मुर आन कली परमपरभु याव आ अरशो मटीब बाक्नीनी? देबा? १९ मेकोम पिप आ तो आन कुल मकोव्रब। मेकोम शोप पाइइशो नु पूरुडग नेल्ल आन कली उइक्थ मिम्ब। मारदे हना मेको नेल्ल आ सेल्शो नम। २० मेकोपुकी याम कार्मीन बेक्शा लाइनीम। नाक्दो उइक्थ दुम्मेनु, मेकोपुकी खिरंखिर पा बेक्नीम। सक्ति पाइइशो मुर यो सुइम मारदे मपाइक्थु बेक्नीम।

२१ मेकोमी मुर नेल्ल आन पतीके कोव्रशो बाक्ब। मिनु मेको आन गाक्शो नेल्ल कोव्रशो बाक्ब। अय्युब ३१:४; हितोपदेस ५:२१ २२ मेकेर मरिम्शो पाइब आन खरुंडसीतीक छिड्छिड् मबाक्ब। भजन संग्रह १३९:११-१२ २३ परमपरभुम आ डांडती निसाफ पुंडथ जाक्ब मुर आन कली एको नाक्त जाक्कोन मदेशो बाक्ब। २४ मेकोम खुदील निदील मपथुन सक्ति पाइइशो आन कली तिल्व। मिनु मेको आन पा डा अरु आन कली वोइक्ब। २५ मारदे हना मेकोम मेको आन पशो गेय नेल्ल तुइक्ब। मिनु मेको आन कली काबु नाक्दोमीन तिल्व। मिनु मेकोपुकी खतम दुम्नीम। २६ परमपरभु याव आ अरशो मटिशा आ पर्वम मेको कली खतम पाक्ब। मिनु मेको मुर नेल्लेम ताइनीम। २७ मारदे हना मेकोपुकी मेको आ नोल खोइक्वा प्रोइतक्म। मिनु आ कांडिशो लां ममिम्तम। २८ मेकोपुकीम पूरुडग आन डाक्शो मेको आ डांडती जाक्दीपपाइक्तेक्म। मेकोम मारदे मथीब आन पुंडशा बरेशो नंतु। उत्पत्ती १६:११ २९ तन्न मेको सिक्सी पा बाक्त हना, सुम मेको कली दोस गेने चाप्वा डा? मेकोम आ कुल खरुइक्ताक्ब हना, सुम मेको कली तने चाप्वा डा? रागी डा मुर नेल्ल कली नु मुर का कली मेको कान बाक्ब। ३० मिनु परमपरभु कली मटीब मुरुम सासन मपवल। मिनु मुर आन कली श्येत गब सासन पाइब मदुमल।

३१ मिनु मेकोमी परमपरभु कली गो सजाइ फाल्ता। गो मुल रे मरिम्शा गेय मपाइक्नुड। ३२ आं मतुइइशो आं कली शंदीनी। गो मरिम्शो पाता हना यो, मुल रे मो मपाइक्नुड देब। ३३ मार, मेकोम इन देशो खोदंशो पा इन कली पचा माल्वा डा? मारदे हना गे आ देशो मबिल्लीनी।

गे इन लां योव्रचा माल्लीनी। गो मो मपाइक्नुड। मोपतीके इन तुइइशो आं कली शंदीनी। ३४ निप्स पाइइशो मुर नेल्लेम नु जोक्ब तुइक्ब कामी आं लोव्र नंशा ३५ अय्युब मजोक्थु, लोव्र पाइब बाक्ब। आ लोव्र मरुप्वा डा बाक्ब देनीम। अय्युब ३८:२ ३६ अय्युबम मेको क्येडा तम्शा श्येत जवल। मारदे हना आ लोव्र परमपरभु आ अरशो मटीब आन लोव्र खोदंशो बाक्ब। ३७ मेकोमी आ पाप तेम्ब। आइ दातेमी शुश हंथ पना पन बाक्ब। मिनु मेकोमी परमपरभु आ पर्वम मरिम्शो लोव्र शुश तम्ब” द एलीहुमी देमाक्त।

एलीहु आ लोव्र

३५ १ मिनु एलीहुमी २ अय्युब कली “परमपरभु आ डांडती गो ठीक बाक्नुड” देवा रिम्शो बाक्वा? अय्युब ३२:२ ३गे मेको कली गो पाप मपाता हना, मार दुम्बा डा? मिनु पाप मपथु आं कली मार रिम्शो दुम्बा डा? देतीनी। अय्युब ३४:९ ४गे नु इन वारच सां इन कली गो लोव्र लेत्नुड। ५ इर सरीड गे कोव्रडीन। इन क्येडा इर बाक्शो गोस्स कली कोव्रडीन। ६गे पाप पाइतीनी हना, मेको कली मार दुम्बा डा? गे शुश हंथ पाइतीनी हना यो, मेको कली मार दुम्बा डा? ७गे ठीक पाइब दुम्तीनी हना, मेको कली मार गेनीनी डा? इन गुइ रे मेकोम मार ताइवा डा? अय्युब २२:२-३; रोमी ११:३५ ८ इन परमपरभु याव आ अरशो मटितीके इन कली श्येत दुम्शा खोदंशो पा अरु मुर आन कली यो श्येत दुम्ब। मिनु इन ठीक पतीके रिम्शो दुम्शा खोदंशो पा अरु आन कली यो रिम्शो दुम्ब।

९ शुश दिप्वा पुंडसीतीके मुरपुकी वाइ बरत्नीम। मिनु सक्ति पाइइशो आन पर्वम पुंडशा गरीनीम। १० तन्न सुइमी आं कली सेल्ब परमपरभु ते बाक्वा? नाक्दो आं कली ठेयब सेल्तीके कुम्सो गेब, परमपरभु ते बाक्वा? प्ररित १६:२५ ११ मेकोमी आइ कली रागी डा जन्तु आन क्येडा शुश शंताक्की। मिनु सरीड डा चिक्ब आन क्येडा आइ कली जोक्ब तुइक्ब सेल्लु? मदेशीम। १२ मिनु मुरपुकीम डाक्शा पुन्मनु, मेको आन लोव्र मनंब। मारदे हना मेको मरिम्शो पाइबपुकी ठेयब लेइशो बाक्नीम। १३ थमा पा परमपरभुमी मेको आन हंथ पुंडशा लोव्र मनंब। नेल्ल क्येडा ठेयब सक्ति पाइइशोमी मेको लोव्र नोफा मदाइक्ब। यूहन्ना ९:३१ १४ मिनु गे गो मेको कली मतड देनीनी। इन पशो नेल्ले मेको आ डांडती

बाक्व। मोपतीक रिम्दीन। अय्युव २३:८-९, १५ परमपरभु आ गाइशोम सजाइ मगेब। मिनु हेंथे गाक्शो मकोव्रब। उपदेसक ८:११ १६ मोपतीक अय्युवम फश लोत्र ला पाप्तु। शुश फश लोत्र ला पाप्तु” देमाक्व।

परमपरभु आ गेय ठेयब बाक्व

३६ १मिनु एलीहुमी लेंशा २”गो नु फाल्शा बाक्तीनी हना, इन कली मारइ कोइनुड। गो मुल यो परमपरभु आ पर्वम इन कली लोत्र पचा माल्नुड। ३ आं जोक्शो थुं डा लोत्र डोन रे चाक्नुड। आं कली सेल्ब ठीक पाइब बाक्व। ४ थमा पा, आं लोत्र हेंथे मबाक्व। आं लोत्र थम पा जोक्व तुइक्व मुर इन डोंइती बाक्व।

५ थमा पा परमपरभु सक्ति पाइशो बाक्व। मेकोम सुइ आन कली आइक्व मसेल्ब। मेको आ जोक्तीक तुइक्तीक ठेयब बाक्व। ६ मेकोमी आ अरेशो मटीब आन कली बरोइचा मगेब। आइक्व मुर आन कली ठीक निसाफ पाइब। भजन संगरह ७२:४, १२; भजन संगरह १४६:७-९ ७ मेकोम ठीक पाइब आन कली कोव्रब। मिनु मेको आन कली गेना हना यो पिप नु वोइक्व। मिनु मेकोपुकी ठेयब सेल्वा पुंडसीनीम। भजन संगरह ११३:७-८ ८ तन्न मेको आन कली साङ्गलोम पाइक्ताक्म हना, श्येत जाम्तेक्म हना, ९ मेको आन शुश हेंथे पशो नु ठेयब लेशो आ पर्वम परमपरभुमी सजाइ गशो बाक्व। १० मेकोमी मेको आन कली श्येत गशा रुख मुर सेल्ब। मिनु मेको आन मरिम्शो पतीक रे लेप्पाइक्वा कली अरब। अय्युव ३३:१६ ११ मिनु मेकोपुकीम मेको आ लोत्र नेंतेक्म हना, मेको आ अरेशो टिशा आ गेय पाम्तेक्म हना, मेकोपुकीम आन लीशो नाक्ती रिम्शो पा बाक्वा ताइनीम। मिनु आन लीशो बर्स रिम्शो पा लाक्नीम। १२ तन्न मेकोपुकीम मेको आ लोत्र मनंतेक्म हना, मारइ मतुइक्व, तरवारम साइक्वा पुंडसीनीम।

१३ परमपरभु कली मान मपाइब मुर गाइक्स डा गाइक्स बाक्नीम। परमपरभु रे पा सजाइ तामेनु, यो मेकोपुकीम ‘वारच पाइक्की’ दे मपुंडनीम। १४ मेकोपुकी टिट्टा बाक्वी ना मुने दोक्शा बेक्नीम। १५ परमपरभुमी श्येत जशो आन कली आन श्येत रे परांडब। मोपा मेको आन श्येत तशा, रुख दुम्नीम। १६ मोपा इन कली यो श्येत रे गरुंडब। इन कली रिम्शो बाक्तीकमी वोइक्व। गे लेंशा बरोव्रशो जचा थोव्रक जचा ताइनीनी।

१७ गे मुल चहिं परमपरभु यावे आ अरेशो मटीब आन ततीक सजाइ तन तन बाक्नीनी। मोपान मेको आन दोस नु सजाइम इन कली यो ग्याइक्व। १८ होस पा बाक्कीन। इन गाइक्तीकम इन कली शुक्शी मपपदल। मिनु शुश घूस जतीकमी इन कली हेंथे पाइब मसलल। १९ गे इन कली ‘वारच पाइय्यीनी’ दे गरीचा शोर गाक्शो बाक्व। इन शुश शोप नु इन सक्तिम इन कली श्येत रे परांडेन चाप्वा डा? २० गेना नां रिक्वा, मिनु इप्वा, दे ममिम्तीन। मारदे हना मुर आन इप्तीकम साइक्वा पुंडसीनीम। २१ मरिम्शो पतीक गे मलन। होस पा बाक्कीन। मारदे हना गे मेको आ पर्वम श्येत जाइब दुम्तीनी। २२ परमपरभु आ सक्तिम पतीक ठेयब सेल्वा पुंडसीब। मेको सोदेंशो शंब अर्का सु बाक्वा डा? भजन संगरह २५:९ २३ सुम मेको कली आ लां कोइशो बाक्वा? मिनु मेको कली गे दूली पाइतीनी’ दे सुम देने चाप्वा डा?

एलीहु परमपरभु कली ठेयब सेल्वा

२४ गे मेको कली मेको आ गेय आ पर्वम ठेयब सेल्वा, मपरंदेन। मुरपुकीम मेको आ पर्वम कुम्सो पशो बाक्तेक्म। २५ मुर नेल्लेमी आ पशो तशा कोव्रतेक्म। तन्न डोन रे ला ताम्तेक्म। २६ परमपरभु थमा पा ठेयब बाक्व। मिनु गो मेको मतुइक्नीकी। मेको आ बर्स हिकने मचाम्सीब। २७ मेकोम ब्याक्कु आ तप्का गुप्ब। मिनु आ सेल्वा गोस्सुम वोइक्व। २८ मिनु सरीड रे रंड यीब। मेकोमी मुर आन कली शुश जिप्पाइक्व। २९ सुम गोस्स आ बरेशो रुने चाप्वा डा? आ बाक्तीक रे बुंबु पशो सुम रुने चाप्वा डा? ३० मेकोमी सरीड आ एर आंथ आ चिला सोइक्व। मिनु मेको समुन्दर आगा सम्म लाइब। ३१ मोपा मेकोम जात जात डा मुर आन कली सासन पाइब। मिनु मेको आन कली शुश जचा थोव्रक गेब। ३२ मेको आ गुइम चिला बाक्व। मिनु मेकोमी खरपाइक्वा कली आप्वा। ३३ मेको चिला आ पपाइशो रेयकेम मेको आ सक्ति आ पर्वम लोत्र पाइब। मेको हेंथे गाक्व आन पर्वम रुश पा शुश गाइक्व।

एलीहुम लेंशा लोत्र पशो

३७ १ मेको तुइशो आं लुङ्गीर थाम्पा परेक्व। मेको आ बाक्तीक परांडशा परेक्व। २ नेनीन, आ संदाम बुंबु पशो नेनीन। मिनु मेको आ शोव्रम ब्याक्शो ठेयब संदा नेनीन।

३मकोम सरीङ आ एर ओंथ आ संदा नंपाइक्व। आ चिला रागी डा सुर सम्म दाप्पाइक्व। ४मको आ नोले मेको आ ठेयब संदा नंसीब। मेको आ मान पाइक्वा पुंडसीब संदा नंसीब। मिनु मेकोम आ संदा नंपाइक्व। आ चिला पतीके मतक्व। ५ परमपरभु आ संदा बुंबु पशा खोदंशो हिंचा डा पा नंसीब। मेकोमी गोपुकीम मरुप्वा डा पा ठेयब गेय पाइब। ६मकोम फु कली 'रागीम दाक्को' देब। मिनु रउ कली 'धारा खोदंशो पा यीवो' देब। ७मको मुर नेल्ल आन चिन्ड का बाक्व। मिनु आ सेल्शो मुर नेल्लेम 'मेको परमपरभुम पाप्नु' दे तुइक्नीम। ८मेना ब्याकी डा जन्तु आन पुक्सी ग लाइनीम। मिनु मेकर लशा बाक्नीम। भजन संग्रह १०४ :२१-२२ ९ फश गिवार आ बाक्तीक रे गरुब। मिनु फश रे पा ग्यू जाक्व। १० परमपरभु आ सासमी फु दुम्ब। मिनु ठेयब ब्याक्कु नेल्ल रीब पा फु दुम्नीम। ११मकोमी ठेयब गोस्स कली ब्याक्कु कुरपाइक्व। मिनु गोस्सपुकीमी आ चिला तेइ तेइ फराइनीम। १२मेकोपुकी आ कोइशो रागी आ एर ओंथ डा लां नेल्ल गाक्नीम। मोपा मेकोपुकीमी परमपरभु आ दंशो मुर बाक्शो रागी आ तार नेल्ल पाइनीम। १३ परमपरभुम रागी जिप्पाइक्वा कली रउ यिपाइक्व। मेकोम मुर आन कली सजाइ गेचा कली नु आ रागी कली शिशी कोइचा कली रउ यिपाइक्व।

१४ अय्युब, गे एको लोत्र ननीन। सिक्सी पा बाक्शो परमपरभु आ छक लाक्वा डा गेय मिम्तीन। १५ परमपरभुम गोस्स आन गेय दोपा पपाइक्वा? मिनु आ गोस्स रे दोपा चिला दाप्पाइक्वा, मेको गे तुइक्नीनी डा? १६ गोस्सपुकी दोपा सरीङम ग्युकशा बाक्नीमी? मेको आ छक लाक्वा डा गेय बाक्व। मेको नेल्ल जोक्व बाक्व, दे गे मतुइक्नीनी? १७ दक्खिन डा फशम इन फेक्शो वा होश सेल्ब। रागी नेल्ल कली सिक्सी पपाइक्व। १८ मार, गे परमपरभु खोदंशो पा कांसा के एना खोदंशो सारो सरीङ कली पराक्ने चान्नीनी डा? १९ मेको कली मार देंचा माल्बा, गे मेको आंइ कली शंदीन। मारदे हना गो छिङछिङम पतीके मारइ मिम्ने मचाप्नीकी। २० गो मार देनुडा, मेको कली हिल्लो पचा माल्लुडा डा? सुइ मुरुम आंम कली दाक्वा पुंडसीचा मदाक्वा डा? २१ हांमसो बाक्त्त हना यो, गोस्सुम सुम्शो नां कली मुरुम तने मचांमसीब। फशमी गोस्स आन कली योल्दा नोले ला नां कली तने चांमसीब। २२ मेको उत्तर रे हो हो पा दाप्शा गरुब। मेको परमपरभु आ

एर ओंथ छक लाक्वा डा छेङछेङ बाक्व। २३ तन्न गो नेल्ल क्येडा ठेयब सक्त्त पाइइशो कली थिन्ने मचाप्नीकी। मेको आ नेल्ल क्येडा सक्त्तम गेय पाइब बाक्व। मेकोमी निसाफ पशा नु ठीक पतीके गेनायो दूली मपाइब। २४ मोपतीक मुरपुकीम मेको कली तशा मान पा हिंणीम। मिनु आन थुंम 'गो जोक्व तुइक्व नड' दे मिम्ब आन कली ठेयब ममिम्ब" दे एत्तीहुम देमाक्त्त।

परमपरभुम अय्युब कली लोत्र पशा

अय्युब ३८ :- ४२ :-

१ मिनु परमपरभु यावेमी अय्युब कली फश  
३८ गिवार रे पा लोत्र लेइशा, अय्युब ३१ :३५  
२ "दूली लोत्र पा अर्ती गेब सु बाक्म? मारइ मजोक्थु मार लोत्र पवा? अय्युब ३४ :३५ ३ गो बोल्यो मुर खोदंशो दुम्शा रपो। मिनु गो इ कली लोत्र हिल्लो पाइनुड। मिनु गे लोत्र लंती।

४ गो रागी आ जग वोहुनु, गे ते बाक्ड? गे रुन्नेवे हना आं कली देना। ५ मेको कली दोमा सेल्वा, दे सुम देम? गे तुइक्नेव? मेको पुक्वा कली सुम डोरी कीडा। मेको गे तुइक्नेव? हितोपदेस ३० :४ ६ मेको आ जग मार तार वोदा? मेको आ सुर डा फुल्लु सुम वोदा? ७ मेना सुनी डा सोरुलपुकीमी कालम कुम्सो पांमत्कम। मिनु स्वर्गम बाक्व नेल्ल ग्येरसीशा गरीतकम। भजन संग्रह १९ :२ ; अय्युब १ :६

८ समुन्दर रागी आ कोत्रजर रे बुक्शा गरुमानु, मेको ब्याक्कु तेक्वा कली सुम लाप्चो चोक्वा? भजन संग्रह १०४ :८-९ ; हितोपदेस ८ :२९ ९ गो मेको कली गोस्स के फक्तीक सेल्शा, क्येर नाक्दोम मेको कली गिल्शा वोइक्ता। १० मेको आ सांद वोइइशा, थरपु हिरशा, लाप्चोपुकी वोइक्ता। ११ मिनु गो मेको कली 'गे ओंशो सम्म ला जाक्ने चान्नेव। एकर सम्म ला जाक्नेव। इन ठेयब छालपुकी मेक उइ देक्वा माल्नीम' दे माइक्तामी।

१२ गे मुल सम्म 'सुनी दुमो' दे अरेवी? सुनी कली मेको आ बाक्तीके तुइक्पदी? १३ मेकोमी रागी आ सुर सम्म हांमसो सेल्ब। आं अरेशो मटीब आन कली खेरचा कली हिम्ब। १४ दोपा खप रे मार मार सेल्सीबा, मोपा रागी फांडसीब। मेको वा कली रडम नुष्शो खोदंशो बाक्व। १५ आं अरेशो मटीबपुकीम छेङछेङ मताइनीम। मिनु मेको आन पोक्शो गुइ जिक्वा पुंडसीनीम।

१६ गे समुन्दर आ बुक्तीक सम्म जाक्दीने? आ नेल्ल क्येडा लुक्च डा बाक्तीकेम हिरशा

गाकडे? १७ बेकपाइक्व आ ठेयब लाप्नो इ कली कांइदम? गे क्येर नाक्दो डा लाप्नोपुकी तवी? १८ गे रागी गिश ठेयब बाक्वा, दे तुइक्नेव? गे मेको नेल्ल तुइक्नेव हना, आं कली देनो।

१९ छेडछेड आ लतीक लां ते बाक्वा? मिनु छिडछिड आ बाक्तीक ते बाक्वा? २० गे मेको नेल्ल आन बाक्तीकम लने चानेव? मिनु गे मेको आन बाक्तीक लतीक लां तुइक्नेव? २१ थमा पा, गे मेको नेल्ल तुइक्नेव। मारदे हना मेना गे जरमेने थुम्शो बाक्ते। मिनु गे शुश बर्स ब्रांइने थुम्तीवी।

२२ गे शुश फुं बाक्तीकम ओवडे? गे शुश मुप्स बाक्तीक तवी? यहासु १०:११; यसेया ३०:३० २३ गो मेको श्यत डा नाक्ती नु लडाइ डा नाक्त कली खेक्शा वोइक्ता। २४ तेको लां रे छेडछेड ब्राइबा? मिनु पूर्व डा फश ते रे गरूबा?

२५ सुम ठेयब रउ लतीक लां सेला? बुंबु पतीक आ लां सुम सेला? अय्युब २८:२६ २६ मेको मुर मबाक्शो रागी नु गोरशो रागी जिप्पाइक्वा कली बाक्व। २७ मुर मबाक्शो रागी नु सोत्रशो रागी गिगी सेल्वा कली सुम लां सेला?

२८ मार रेउ आ आफ बाक्वा? सीत कली जरमेब सु बाक्वा? २९ सुका आ कोत्रज रे फुं जरमेस? सरीड रे दोक्व फुरश आ ममा सु बाक्वा? ३० ब्वाक्कु फुल्लु सोदंशो सारो दुम्ब। फुरश समुन्दर आ तार सारो दुम्ब।

३१ गे किरकिटी सोरुल आन कली पाइक्ने चानेव? गे मिर्गसीरा सोरुल कली खिक्शो डारी आ गाठो पराक्ने चानेव? अय्युब १:१ ३२ मार गे सोरुल आ हुल आन कली आन गाक्शो लां रे गरुंइने चानेव? सप्तबर्सी सोरुल आन हुल कली लां कांइने चानेव? ३३ मार गे स्वर्ग डा फुल्लुम मुशा बरक्शो तुइक्नेव? गे रागीम मेको मोदंशो सल्ले चानेव? यरमीया ३३:२५ ३४ गे गोस्स कली 'रेउ यीवो' दे अरने चानेव? मिनु मोपा आंम कली जिप्पाइक्ने चानेव? ३५ मार गे चिला कली आ लांम सोइक्ने चानेव? मार मेकोपुकीम 'गो एक बाक्तेक' दे इ कली देनीमी। ३६ सुम थुं कली तुइक्तीक गेवा? सुम थुं कली रुतीक गेवा? ३७ सरीड डा मारइ मारइ हिक्ने चाप्तीक तुइक्तीक थुं पाइश्शो सु बाक्वा? मिनु सरीड डा ब्वाक्कु वोइक्तीक रे सुम ब्वाक्कु थोक्ने चाप्वा? ३८ मोदंशो दुम्त हना, फुरक हिलो दुम्शा, खप डल्ला दुम्शा ग्याइक्मुशा बाक्नीमी।

३९ गे गुप्स कली आ सिखार माल्शा गेने चानेव? मेको आ शोत्रलु बेक्शो रूपाइक्ने चानेव? ४० मेको आन पुक्सीम बाक्नीम। खरुइश्शा सिखार बाप्शो बाक्नीम। गे मेको कली रूपाइक्ने चानेव? ४१ एर ओथ हिरशा खद आन चाइक्वमी जचा मतथु परमपरमु कली पुन्म नोले सुम मेको आन कली थुल्वा?" दे परमपरमुमी अय्युब कली देमाक्ते। मजन संगरह १:४७:९

परमपरमु आ हिल्लो पशो लोत्र

३९ परमपरमुमी अय्युब कली "रोकोश गेना गिक्वा, गे तुइक्नेव? छाउरी किश्श गिक्मनु मेको तशो बाक्नेव? २ मेकोपुकीम कोत्रजम चाइक्व कुरमेनु, गे मेको आन महिना हिक्ने चानेव? गे मेको आन गिक्ची ना तुइक्नेव? ३ मेकोपुकी गिक्चा कली बाप्नीम। मिनु आन चाइक्व जरमेनीम। मिनु आन चाइक्व ब्रांइशा बाक्नीम। ४ मिनु मेको आन चाइक्व बोल्तो दुम्नीम। ब्वाकीम कोल्नीम। काबु ब्वाकी मेर लशा, लेश्शा मजाक्नीम।

५ सुम ब्वाकी डा गधा कली परांन। सुम मेको आ डारी परुदा। ६ गो मेको आन कली 'बाक्कीन' दे गोरशो रागी गेता। मिनु हिक्सी बाक्शो रागी मेको आन कली गेता। ७ मेको सहर डा रयक रे डान बाक्नीम। मिनु मेकोम शारा दोरपाइक्व आन गरीशा मननीम। ८ मेकोम डांडा मेर आन जातीक सल्लनीम। मिनु गिगी घांस नेल्ल माल्शा नेक्नीम।

९ मार ब्वाकी डा सांदि ब्यफोम इ गेय पने बिप्वा? मार मेको इ घांस लाप्तीकम नां सांइबा? १० गे मेको कली वाक्ने चानेव? मार मेकोमी दांदि पा इ रुदिम सल्वा? ११ मार गे मेको आ बोल तशा इ गेय पपाइक्नेव? इन गेय नेल्ल पचा गेनेव? १२ मेको इ अन्न कुरशा चाक्चा कली लेश्शा जाक्व, दे थमा सुइक्नेव?

१३ ठेयब चिक्वीम ग्यरशा आ फरां हाम्ब। तन्न मेको सारस सोदंशो पा बेरने मचाप्व। १४ मेकोम आ ब्योफु हाल दे खपीम वोइक्व। मिनु मेक उइ परांइव। १५ मिनु मेको कली सोइल्लोम दिम्नीम, दे परंब। ब्वाकी डा जन्तुपुकीम दिम्ने चान्नीम, दे ममिम्ब। १६ मेकोम आंम चाइक्व, आ के ममाइ सोदंशो पा, आन कली शिशो मपाइव। मेको आ ब्योफु पतीके मोशा लत हना यो, महिंब। १७ परमपरमुमी मारदे हना मेको कली तुइक्तीक थुं मपाइश्शो सल्लो बाक्व। मिनु मेको कली मारइ मरुव सल्लो परांइशो बाक्व। १८ मिनु

मेको दोरशा आ फरां पराक्व। मिनु शारा नु शारा  
डोइक्व आन कली कोव्रशा रिण्व।

१९ गे शारा कली मेको आ बोल गनेव? मेको  
आ शुर चाम ग्योम्नेव? २० गे मेको कली सल्हा  
खोदंशा पा प्रक्पाइक्नेव? मेको आ ठेयब संदा  
पा गरीशाम नेल्ल आन कली हिंपाइक्व।  
२१ मेकोम आ गंचम परक्ना प्रक्न राण्व। मेकोम  
आ बोल नेल्ल कोइशा, लडाइ पतीकम लाइब।  
२२ मेकोम हिंतीक आ पर्वम मोरइ ममिम्ब। मेको  
तरवार तशा मप्रोक्व। २३ मेको आ बरा हुरुर  
पा गरीब। मिनु मेकर तूतीक नु तरवार हिरनीम।  
२४ तन्न मेको थाम्पा आ जोब बोक्शा, दोरशा  
लाइब। तुराही ताण्शो ननानु, मेको सिक्सी पा  
बाक्ने मचाण्व। २५ मेकोम तुराही ताण्शो नंशा  
‘आहा’ देब। मिनु मेकोम डोन रन लडाइ पाइब  
आन हुल नु लडाइ डा रिना नेब।

२६ व्वारद आ फरां हाग्शा दक्खिन गे बेरचा  
कली इ र्पतीकमी शंदी? २७ मार ककाकुलीम आ  
ग्योत्र इर रांगुम सल्वा कली इ अरशा बाक्वा?  
२८ मेको रांगुम बास बाक्व। मिनु आ ग्योत्र मेकन  
सल्ब। २९ मेकर र आ सिखार कोव्रना कोव्रन  
बाक्व। मेकोमी डोन डोन नेल्ल रिण्शो पा तने  
चाण्व। ३० मेको आ चाइक्वपुकीम हुश तनीम।  
मेको ते ते मार मार सिखार बाक्वा, मेको मेकर  
बाक्नीम” दे परमपरभुम अय्युब कली देमाक्त।  
ह्वक्कु १ : ८ ; मत्ती २४ : २८

अय्युबमी परमपरभु कली लोत्र लेश्शो

४० १ मिनु परमपरभु यावेमी लेशा अय्युब  
कली २ “नेल्ल क्येडा सक्ति पाइशशा,  
गो आं कली दोस गेबमी आं कली लोत्र लेत्वा  
माल्व” देमाक्त। यसेया ४५ : ९

३ मिनु नोले अय्युबमी परमपरभु यावे कली  
लोत्र लेश्शा ४ “गो शोर गाक्शा मुरुम इन कली  
मार लोत्र लेत्ने चान्नुडा डा? गो आं गुडम  
आं शोत्र सुम्नुडा। उत्पत्ती ३२ : ९ ; यसेया ६ : ५ ;  
हितोपदेस ३० : ३२ ५ गो ख्यप का लोत्र पने  
थुम्ता। मुल लेशा लोत्र मपाइनुडा। गो ख्यप  
निक्शी ब्याक्ती, मुल ब्याक्तीक लोत्र मबाक्व”  
देमाक्त।

परमपरभु यावेमी आ सक्ति कोइशो

६ मिनु परमपरभु यावेम अय्युब कली फश  
गिवार र पा लोत्र लेश्शा ७ “गे बोल्यो मुर  
खोदंशा दुग्शा रपो। मिनु गो इ कली लोत्र  
हितलो पाइनुडा। मिनु गे लोत्र लेत्ती। अय्युब

३८ : ३ ८ गो आं कली ‘दूली पाइब’ देनेव? मिनु गे  
आंमा ठीक पाइब बाक्नुडा देंचा कली आं कली  
दोस गेनेव? ९ मार इ सक्ति परमपरभु के खोदंशा  
बाक्वा? गे बुंबु पशो संदा खोदंशा पा गरीने  
चान्नेव?

१० चान्नेव हना, मान ततीकम नु ठेयब  
दुम्तीकम आंम कली ग्योम्सो। गे इ एर आंथ  
दारस नु छेड्छेड् वाइसो। ११ गे गाइक्तीक  
कोइदो। मिनु ठेयब लेश्शो मुर आन कली  
कोव्रशा, मेको आन कली दिण्शा आइक्व सेलो।  
१२ ठेयब लेश्शो मुर नेल्ल आन कली कोव्रडा।  
मेको आन कली आइक्व सेलो। मिनु आं  
अरशा लोत्र मटीब आन कली आन राप्तीकमी  
दिम्दीमी। १३ मेको नेल्ल आन कली सर्पम  
खरुइक्तीमी। मिनु रागी आगाम मेको आन कुल  
खरुइक्पाइक्तीमी। १४ मिनु गो ‘इ ग्युरा गुइमी  
गराने चान्पाक्ते’ दे थमा सुइक्नुडा।

१५ गो इ कली सेल्शा खोदंशा पा बेहमोथ  
माइशशा ठेयब जन्तु कली सेल्ता। मेकोमी बी  
ब्यफ खोदंशा पा घांस ब्याइब। बेहमोथ ब्याक्कु  
डा ठेयब जन्तु बाक्व। १६ मेको आ सक्ति  
आ फिलांम बाक्व। मिनु आ बोल आ कोव्रजम  
बाक्व। १७ मेको आ मीलु लेबानोन डा लाइशशा  
रवा खोदंशा खकटा बाक्व। मेको आ फिला डा  
नाडी थम खोइसीशो बाक्नीम। १८ मेको आ रुश  
कांसा खोदंशा बाक्नीम। मिनु मेको आ खोइली  
फिलांम खोदंशा बाक्नीम।

१९ मेको परमपरभु आ नेल्ल क्येडा खोइती डा  
ठेयब गय बाक्व। मा हना यो मेको कली सेल्ब  
तरवार शंशा ला मेको आ नेक्था लेने चाण्व।  
२० डांडामी मेको आ जोतीक बाक्व। ब्याकी डा  
जन्तु नेल्ल मेकर ग्यारनीम। २१ मेको कमल  
फू आगाम इण्व। मेको बुदी मीलु नु ब्याक्कु  
बाक्तीक मेर खरुइशशा बाक्व। २२ कमल फूमी  
मेको कली आ वांकु गेब। मेको आ एर आंथ डा  
खोला मेर बुटा बाक्नीम। २३ मेको खोला बारशा  
कुत हना यो महिब। बारशो खोला आ गे पित  
हना यो दिल थिण्शा इण्शा बाक्व। २४ सुइ मुरुम  
मेको कली आ बोल्सीम रत्ने मचाण्व। सुम मेको  
आ मिक्च थिने चाण्वा? सुम मेको कली व्वारदम  
रेश्शा आ नं खिरन्ने चाण्वा डा?” दे परमपरभुमी  
अय्युब कली देमाक्त।

लेव्याथन आ पर्वम लोत्र

४१ १ परमपरभुमी “गे लेव्याथन माइशशा  
ठेयब जन्तु कली बोल्सीमी रत्ने

चाप्नेव? मेको आ ले डारीम नेप्ने चाप्नेव? भजन संगरह ७४:१४ २गे मेको आ ने खिरशशा डारी लिकने चाप्नेव? मेको आ शांप बोल्सीम व्कने चाप्नेव। ३मेकोमी आं कली परांडयी, शिशो पाइय्योनी" दे पुंडबा? मेकोमी इ कली मिलो शिला पाइबा डा? ४मेकोम गे नु कवल पाइबा? गो गेना हना यो वाइल दुम्नुड" देबा? ५गे मेको नु चिकव खादेशो पा ग्यारन चाप्नेव? मार, मेको कली इ मीश आल नु ग्यारचा कली पाइशशा वोइक्का दानेव? ६मार, मेको आन पर्वम ग्याप्व लेयवपुकीम आशा लाइब" देनीमी? ग्याप्व लेयवमी आन दातमी मेको कली भाग भाग सेल्नीमी? ७मार, गे मेको आ कुशुल कली तृतीकम तून चाप्नेव? मार, डांड साइक्तीक याम मेको आ पिया आप्ने चाप्नेव? ८गे गो मेको नु लडाइ पाइनुड" दे मिस्ताक्वी हना, मिनु राम्शी पाप्तीवी हना, गे मोदेशो लेशा गेनाया मपाइक्नेव। ९सुम मेको कली ग्याइक्नुड" दे मिम्बा, मेको मचाप्व। सुम मेको कली ताइबा, मेको हिंशा गोल्ब। १०मेको कली पाक्ने चाप्व, सुइ मबाक्नीम। मोपा मेको आ डांडती सु राप्ने चाप्व डा? ११गो आं कली लडाइ तोशा, सु बरांडशा बाक्ने चाप्व डा? सरीड आगा डा मारइ मारइ आं केन नम।

१२गो मेको आ सोइली आ पर्वम लोत्र पाइनुड। मेको आ सक्ति नु मेको आ दारस आ पर्वम इन कली लोत्र पाइनुड। १३मेको आ फक्शो वा सुम पूइक्ने चाप्व? मेको आ तेक्तीक कली सुम तून चाप्व? १४सुम मेको आ शोत्र पाक्ने चाप्व? मेको आ खरुइ हिंचा डा बाक्नीम। १५मेको आ ची तेक्तीकपुकीम सेल्सीशो बाक्व। मेको थम नेक्था नेक्था पा गार पाइशशा वोइशशा सोदेशो बाक्व। १६मेको का आ तार अर्का पा बाक्शो बाक्नीम। मोपतीक फश यो मेको आगा ओवने मचाप्व। १७मेकोपुकी का का पा अर्का नु खरोम्सीशा मबराचा डा पा बाक्शो बाक्नीम। १८मेकोम हाक्च पवानु, मी गरूब। मिनु मेको आ मिक्च सुनी डा नां सोदेशो बाक्व। १९मेको आ शोत्र रे रांको नु मी आ फिलीडगो गरूनीम। २०मेको आ ने रे कुन गरूब। मेको शुश बरुइशशा रे गरूशो सोलोले सोदेशो बाक्व। २१मेको आ सासमी कोइला बरपाइक्व। मिनु मेको आ शोत्र रे हुरुर पा बरशो मी गरूब। २२मेको आ शुर शुश बोल्यो बाक्व। मेको आ एर आंथ शुश हिंतीक बाक्व। २३मेको आ श्य रोम्सीशो बाक्व। मारइम चिप्ताक्व हना यो,

मेको कली मारइ मदुम्ब। २४मेको आ थुं फुल्लु सोदेशो पा खकटा बाक्व। मेको यात आ आगा डा फुल्लु सोदेशो पा खकटा बाक्व। २५मेको बाक्शा राम्मनु, बोल्यो नेल्ल हिंनीम। मेकोम लडाइ तोवानु, मेको नेल्ल नाले शांडसीनीम। २६तेकोइ तरवारमी मेको कली साइक्ने मचाप्व। तृतीक, बरा नु अरु आप्तिकेम मेको कली मारइ मपाइव। २७मेकोम फलाम कली पराल सोदेशो मिम्ब। कांसा कली राक्शो शी सोदेशो मिम्ब। २८तेकोइ बराम मेको कली परोक्पाइक्ने मचाप्व। हुरद डा फुल्लु मेको कली भूस सोदेशो बाक्व। २९थाल्ला मेको कली भूस सोदेशो बाक्व। तृतीक शशा बाक्शोनु, मेकोम रिशशा कोत्रव। ३०मेको आ कोत्रजीम हेशशा गम्ट सोदेशो बाक्व। मेको गाक्मनु दांवे पशो सोदेशो पा गाक्व। ३१मेकोम समुन्दर डा ब्याक्कु कली बरुइशशा सोदेशो सेल्ब। मिनु समुन्दर कली ग्यांबुम मलम खाल्शो सोदेशो पा खाल्ब। ३२मेको गाक्मनु आ नाले टल्केशो लां परांडशा गाक्व। मेको लां ठेयव समुन्दर डा बुश चां सोदेशो तांडसीव। ३३रागीम मेको नु उइक्थ मारइ मबाक्नीम। मेको हिंतीक मपाइशशा बाक्व। ३४मेकोमी ठेयव लेशशो नेल्ल आन कली आइक्च मिम्ब। मेको ठेयव लेशशो नेल्ल आन पिप बाक्व" देमाक्त।

अय्युव परमपरभु कली तुइक्व दुम्शो

४२ १मिनु अय्युवम परमपरभु यावे कली २"गे मारइ मारइ पने चाप्नीनी, दे गो तुइक्नुड। इन मिम्शो मारइ मारइ सुइम क्याम्ने मचाप्नीम। ३"इली लोत्र पा अर्ती गेव सु बाक्म? मारइ मजोक्थु मार लोत्र पवा?" देतीनी गो थमा पा, आंमा मरुथु लोत्र पाता। मेको आं रुप्ने मचाप्वो थम छुक लाक्का डा बाक्नीम। अय्युव ३८:२ ४मुल गो लोत्र पाइनुड। नेनीन। गो इन कली लोत्र हिल्लो पाइनुड। मिनु गे आं लोत्र लेतीनी। अय्युव ३८:४ ५इन पर्वम नेशो ला बाक्ती। तन्न मुल गो इन कली ताता। अय्युव १९:२६-२७ ६मोपतीके गो आं कली आइक्च मिस्ताक्ड। मिनु गो फुरक नु पुलुम बाक्शा, माफ पुंडनुड" दे अय्युवमी देमाक्त।

अय्युव आ रिम्शो नाक्ती लेशशो

७मिनु परमपरभु यावेम अय्युव नु लोत्र पने थुम्शा, मेकोम तेमान डा एलीफाज कली "गे नु इ वारच निक्शी इन कली तशा, गो गाइशशा बाक्नुड। मारदे हना गे आं पर्वम थमा लोत्र

मपनी। तन्न आं गेय पाइब अय्युबमी आं पर्वम थमा लोत्र पाप्नु। ८ मोपतीकं गे ७ ओटा ब्यफ नु ७ ओटा सांड लाइशशा आं गेय पाइब अय्युब आ बाकतीक लने। मिनु गेपुकीम इन पर्वम चोशा चदतीक चदने। मिनु आं गेय पाइब अय्युबमी इन पर्वम आं कली माफ पुंडचा माल्ब। मिनु गो मको आ पुंडशा लोत्र ननुंड। मिनु गे इन मूर्ख लोत्र पशो डा सजाइ मगनन्नी। मारदे हना गे आं पर्वम थमा लोत्र मपनी। तन्न आं गेय पाइब अय्युबमी आं पर्वम थमा लोत्र पाप्नु” देमाक्त। १इतिहास १५ :२६ ; इजीकीएल १४ :१४ १ मिनु तेमान डा एलीफाज, शुआह डा बिल्दाद नु नामा डा सोफारमी परमपरभु यावेम देशो खोदंशो पामे बाक्त। मिनु परमपरभु यावेमी अय्युब आ पुंडशो लोत्र नेना बाक्त।

१० मोपा अय्युबम आ वारच आन पर्वम पुना नोले, परमपरभु यावेम अय्युब आ शोप नेल्ल लेशशा गेवा बाक्त। मिनु मेको आ शोप नेल्ल, डांडती डा क्येडा निक्शी खेयप शुश गेवा बाक्त। अय्युब १ :२ ; अय्युब ८ :७ ११ मेको नोले अय्युब आ लोकब नेल्ले, आ समी नेल्ले नु मेको आ डांडती डा तुइशशा मुर नेल्ल जाक्शा, मेको आ खिमं भोज जामे बाक्त। मिनु मेकोपुकीमी अय्युब कली “गे परमपरभु यावे आ गुइ रं शुश

श्येत नु मरिम्शो दुम्तीके ताइतीनी” दे मेको कली थम रिम्शो लोत्र पामे बाक्त। मिनु नेल्लेम मेको कली सुन के क्येट नु सुन के औंठी गेमे बाक्त। अय्युब १९ :१३-१४, १९ १२ मिनु परमपरभु यावेम अय्युब कली आ नोले डा बरोइशो नाक्ती कली आ डांडती डा बरोइशो नाक्ती क्येडा शुश आसीक गेवा बाक्त। मिनु मेको के १४ हजार भंडा, ६ हजार दलओंठ, हजार का हाल ब्यफ नु हजार का गधा दुम्मा बाक्त। १३ मिनु मेको के ७ जना तो नु तमी सां दुम्मा बाक्त। अय्युब १ :२ १४ मेकोमी आ डांडती जरमेशो तमी आ नं यमीमाह, माइली आ नं कसीया नु कान्छी आ नं केरन-हाय्युक वोइकमी बाक्त। १५ मिनु रागी नेल्लेम अय्युब आ तमी खोदंशो दारशो अरु सुइ मबाकमा बाक्त। मिनु मेको आन आफोम मेको आन कली आन लोकबपुकी नु उइक्थ उइक्थ पा शोप योक्शो गेमी बाक्त। गन्ती २७ :८-११ १६ मेको नोले अय्युब सहे का ४० बर्स सम्म बरोइमाक्त। मेकोम आ तोपुकी नु ४ पाला सम्म डा चच युइ नेल्ल तवा बाक्त। भजन संग्रह ९० :१० १७ मिनु नोले अय्युब आ नाक्त नेल्ल नेक्शा, शुश बरोइशो खशा दुम्शा बेक्माक्त। उत्पत्ती २५ :८ ; उत्पत्ती ३५ :२९ ; १इतिहास २९ :२८

## भजन संग्रह

बरेकब मुर: भजन संग्रह कली हिवरू लोत्रमी "ठयब सल्लोक कुम्सो" दंनीम। १५० ओटा कुम्सोमी ७३ ओटा कुम्सो पिप दाऊदम बरेकशो बाकब। २ ओटा भजन संग्रह सोलोमनमी सल्लो बाकत। ५० ओटा कुम्सो आन बरेकब मुर मतुइसीब। लीशो २५ ओटा कुम्सो कोराह आ तौपुकी, आसाफ, मोसा, एथान नु हेमान आन सल्लो बाकनीम। भजन संग्रह आगामी ५ ओटा किताब बाकनीम।

१. डांडती डा किताब १-४१ सम्म मेको कली दाऊद आ किताब दने चाम्सीब।

२. मेको आ नोले डा किताब ४२-७२ सम्म कोराह आ तौ आन सल्लो कुम्सो रे गोडब। एकेर आसाफ, दाऊद नु अरु मतुइशो मुर आन के यो बाकनीम। मेको कली कोराह आ तौ आन किताब दंनीम।

३. मेको आ नोले डा किताब ७३-८९ सम्म एकेर आसाफ आ ८ ओटा कुम्सो बाकनीम। तन्न कोराह आ तौपुकी, दाऊद, हेमान नु एथान आन कुम्सो यो बाकनीम। एको कली आसाफ आ किताब दंनीम।

४. मेको आ नोले डा किताब ९०-१०६ सम्म मोसा आ कुम्सो, दाऊद आ कुम्सो निक्शी नु मतुइशो मुर आन के १४ ओटा कुम्सो बाकनीम। मोपतीक मेको कली मतुइशो मुर आन बरेकशो किताब दंनीम।

५. नेल्ल क्येडा नोले डा किताबम १०७-१५० सम्म बाकब। एकेर २८ ओटाकुम्सो मतुइशो मुर, दाऊद आ १५ ओटा कुम्सो नु सोलोमन आ कुम्सो का बाकनीम। एको किताब कली चाड डा कुम्सो किताब दंनीम।

गेना बरेकशो: एको कुम्सो नेल्ल गेना बरेकशो बाकनीमी, दने मचाप्सीब। तन्न पिप दाऊद रे इजीकीएल सम्म ३०० बर्समी बरेकशो बाकनीम। का निक्शी कुम्सो मेको क्येडा माइत यो बाकनीम।

मार बरेकशो: भजन संग्रह डा लोत्र नेल्ल क्येडा शुश माइत नु नक लोत्र डा किताबम यहूदी आन ठेयब किताब बाकब। मेको शुश मुर आन पर्वम लोत्र बाकत हना यो, भजन संग्रह डा ठेयब लोत्र परमपरभु यावे कली ठेयब सल्लोक कुम्सो बाकनीम।

## परमपरभु कली टीब नु मटीब

१सु परमपरभु आ अरेशो लोत्र मटीब नु मगाकवा, पापी आन लां मखोइकवा नु परमपरभु आ पर्वम शुक्शी पाइब नु मबाकवा, मेको ग्यरसीशा मुर दुम्ब। भजन संग्रह २६:४; भजन संग्रह ११९:३; हितोपदस ४:१४; यरमीया १५:१७ २मेको मुरुमी परमपरभु यावे आ अरेशो लोत्र दाकशा, नाकदो नाक्ती मेको कली मिम्ना मिम्न बाकब। भजन संग्रह ११९:३४८; यहासु १:८

३मिनु मेको मुर खोला आ नेकथा खरुम्शो रवा खोदंशो बाकब। दोपा मेको आ फल सिल्वी ना सिल्वा नु आ सफा यो महेम्थु बाकवा, मोपा मेको मुर आ पतीक नेल्ल रिम्शो बाकब। भजन संग्रह १२:१३-१५; यरमीया १७:८

४ परमपरभु आ अरेशो मटीबपुकी चहिं मोदंशो मबाकनीम। मेकोपुकी फशमी बरेपाइशो भूस खोदंशो बाकनीम। ५मिनु मेको निसाफ दुम नाक्ती जाम्शा लाइनीम। पापीपुकी ठीक पाइबपुकी नु बाकवा मताइनीम। ६परमपरभु यावेमी ठीक पाइब आन कली लां कोडब। आ अरेशो मटीब आन लां चहिं जाम्शा लाइब।

## परमपरभु आ तौ आ सासन

१मारदे रागी रागी डा मुर नेल्ल गारशा, २ परमपरभु यावे आ पर्वम गाइकनीमी? मारदे जात जात डा मुर जाम्शा लाइब मरिम्शो ला मिम्नीमी? पररित ४:२५-२६; परकाश ११:१८ २मारदे रागी डा पिपपुकी ठेयब मुरपुकी नु गारशा, परमपरभु यावे नु आ तेल लुकशा सोइशो आस पर्वम ३"मेको आस देशो मपय, मेको आस कली मटिय" दे लोत्र पमुइनीमी? यरमीया ५:५

४मिनु स्वर्गम बाकब परमपरभु चहिं मेको मुर आन कली तशा, रिम्ब। मेको आन पशो तशा शुक्शी पाइब। भजन संग्रह ५९:९ ५मिनु नोले मेको गाइशशा, लोत्र पाइब। मोपा चुरशा, मेको आन कली हिंच कोडब। यसैया ३४:२; परकाश ६:१५-१७ ६मिनु मेकोमी "गो आं सियोन डांडामी आं तेल लुकशा सोइशो पिप कली वोइक्ता" दंत। जकरिया ८:३ ७परमपरभु यावेमी लोत्र पा आं कली "गे आं तौ नवे, मुलाक्ती गो इ कली सल्ला" दंत। भजन संग्रह ८९:२७-२८; २सामुएल ७:१४; पररित १३:३३; हिवरू १:५, हिवरू १:५; हिवरू ५:५

८ मिनू लेशा परमपरभु यावेमी आं कली “गे आं कली पुंडतीवी हना, गो रागी रागी डा मुर इ कली गेनुड। रागी डा सुर सम्म नेल्ल इ कली गेनुड। दानीएल ७ :१३-१४ ; हिब्रू १ :२ १ गे मेको आन कली फलाम के कोकमी खप के सल्शो ग्यांब प्रोल्शो खोदंशो पा प्रोल्निव” दे लोत्र पाप्नु । प्रकाश २ :२७ ; प्रकाश १२ :५ ; प्रकाश १९ :१५

१० मोपतीके गे पिपपुकी, जोक्ब तुइक्ब दुम्शा बाक्कीन। गे निसाफ पाइब हिंशा, हास पा रुब दुमीन। ११ परमपरभु यावे कली मान पा हिंशा, मेको आ दंशो गेय पने। हिंशा खिरंखिर पा मेको आ डोंइती ग्येरशा बाप्पीन। फिलिप्पी २ :१२ ; हिब्रू १२ :२८ १२ मिनू आ तौ आ डोंइती बाप्शा, आ खोइल पुक्पु पने। मेको गाइक्ताक्व हना, गेपुकी लांमीन जाम्शा लाइनीनी। मो मपाइतीनी हना, गाइक्वा चिक्शो बाक्ब। सु सु मेको कली थमा सुइश्शा, आ नेक्था लाइनीमी, मेको ग्येरसीशो मुर दुम्नीमी।

### सुनी डा कुम्सो

आ तौ अब्बालोम रे प्रोक्म ना डा दाऊद आ कुम्सो। २सामुएल १५ :-

३ १ परमपरभु यावे, आं कली श्यत गेव शुश बाक्नीमी। आं जोरी सतरु शुश बाक्नीम। २ मिनू मेकोपुकीमी आं पर्वम “परमपरभुमी मेको कली श्यत रे मप्रांडेब” देंनीम। ठेयब संदा पा। ३ परमपरभु यावे, गे आं एर आंथ वोइश्शो तेक्तीक खोदंशो बाक्नीनी। गे आं कली ठेयब सेल्पाइक्ब, आं थुं बारपाइक्ब नु आं पिया पोक्ब बाक्नीनी। उत्पत्ती १५ :१ ४ गो परमपरभु यावे कली बरत्नुड। मिनू आं कली आ योत्रशो डांडा रे लोत्र लेख। ठेयब संदा पा।

५ गो इष्शा, निन्दरा पा, संसाकयी, मारदे हना परमपरभु यावे आं कली कोत्रब बाक्ब। भजन संग्रह ४ :९ ६ गो आं कली हजार हजार मुरपुकीमी पुम्ताकयीमी हना यो, महिनुड। भजन संग्रह २७ :३

७ आं परमपरभु यावे, बोक्कीन। आं परमपरभु, आं जोरी सतरु रे परांडेयीनी। मिनू गे मेको आन चोत्रचो राप्तीने। इन अरेशो लोत्र मटीब आन खरुड जिक्तीने। गन्ती १० :३५ ८ परमपरभु यावे, गे मुर आन कली परांडेब बाक्नीनी। इन आसीक इन मुर नु बाक्ब। ठेयब संदा पा।

### नाक्दो डा पुंडशो लोत्र

कुम्सो पपाइक्ब कली तार पाइश्शो ताप्तीके ताप्शा पतीक दाऊद आ कुम्सो।

४ १ गो इन कली लोत्र पडानु, आं कली लोत्र लेक्तीने। गे आं कली ठीक सेल्ब परमपरभु बाक्नीनी। गो श्यत जडानु, आं कली बाक्तीक गतीनी। गे आं कली शिशी पने। आं पुंडशो नेशा गयीनी। २ गे मुरपुकी, गेना सम्म आं कली मान मपाइनीनी ? गेना सम्म गेपुकी जाम्शा लाइब थोत्रक दाक्नीनी नु जोल पाइनीनी ? ठेयब संदा पा। ३ परमपरभु यावेमी आ कली टीब आन कली आ नेक्था वोइक्वा कली योत्रशो बाक्त, दे तुइक्तीने। मिनू परमपरभु यावेमी आं पुंडशो लोत्र नेब। ४ गेपुकी गाइश्शा, पाप मपने। इन बराख्येम इष्शा, इन थुं नु लोत्र पने। मिनू सिक्सी पा बाक्कीन। ठेयब संदा पा। एफिसी ४ :२६ ५ मिनू परमपरभु यावे कली ठीक पतीक चढ़ेने। आ दंशो लोत्र थमा सुइश्शा पने। भजन संग्रह ५१ :१९,२१ ; १पतरुस २ :५ ६ शुश मुरुमी “सुमी आंइ कली रिम्शा बाक्वा गेबा” दे हिल्लो पाइनीम। परमपरभु यावे, इन कुल डा छेड्छेड् आंइ तार बरपतीने। गन्ती ६ :२५ ७ मेकोपुकी नु अन्न नु अङ्गुर रस शुश बाक्त हना यो, गे आं कली मेको आन क्येडा ग्येरपाइक्तीनी। ८ गो हेम पा बाक्शा, इष्शा निन्दरा पाइनुड। मारदे हना परमपरभु यावे, गे आं कली श्यत मजपाइक्थु, बाक्वा गनीनी। भजन संग्रह ३ :६

### सुनी डा पुंडशो लोत्र

कुम्सो पपाइक्ब कली मुराली ताप्शा पतीक। दाऊद आ कुम्सो।

५ १ परमपरभु यावे, आं दंशो लोत्र नेनीने। आं हुकयी पशो नेनीन। २ आं पिप, परमपरभु, आं ठेयब संदा नेनीने। मारदे हना गो इन कली लोत्र पा पुंडनुड। ३ परमपरभु यावे, गे सुनी कना आं संदा नेनीनी। गो मार माल्लुडा, मेको इन कली पुंडशा, रिम्शा बाक्नुड। ४ मिनू गे मरिम्शा पाइब आन कली मदाक्ब परमपरभु बाक्नीनी। इन अरेशो मटीब काइ यो गे नु बाक्न मचाप्नीम। ५ ठेयब लेश्शो मुरपुकी इन डांइती राप्ने मचाप्नीम। गे मरिम्शा पाइब आन कली मदाक्नीनी। ६ गो जोल पाइब आन कली खतम पाइनीनी। मिनू हुश खराक्श पोक्ब नु थमा

मसुइक्व मुर आन कली ग्रांगरा दित्नीनी । ७ गो चहिं इन गेना हना यो ठेयब दाक्तीकेमी इन खिं ओत्रचा ताइनुड । मिनु गो इन कली मान पा हिंशा, इन खिं गे कोत्रशा, पोक्च थक्शा ठेयब सल्लुड । भजन संग्रह २६:५

८ आं जोरी सतरु शुश बाक्नीमी । मोपतीके आं कली इन ठीक पतीके लां कांडतीन । आं डांडती इन लां ठीक सलीन ।

९ आं जोरी सतरुमी जोल ला पाइनीम । आन थुंमी “दोपा खतम सल्लुडा” दे ला मिन्नीम । आन लकचा मुर थिम्तीके खोदंशो बाक्व । मेकोपुकी मितो शिलो पाइब बाक्नीम । रोमी ३:३३ १० परमपरभु, मेको आन मरिम्शो पशो आम आन कली दुम्त । मेको आन शुश मरिम्शो पशो आ पर्वम मेको आन कली इन डांडती रे तिलीन । मारदे हना मेको इन कली मटीब बाक्तेक्म । ११ सुमी इन कली थमा सुइक्नीमी, मेको ग्येरसीनीम । मेकोपुकी गेना हना यो शुश ग्येरशा, इन खाल पतीकेमी ग्येरशा बाक्नीम । मिनु इन कली तुइश्शा, इन नें दाक्शा, ग्येरशा कुम्सो पाइनीम । १२ मिनु परमपरभु यावे, गे मेको ठीक पाइब आन कली आसीक गेनीनी । इन दाक्तीके मेको आन कली एर ओंथ वोइश्शो तेक्तीके खोदंशो बाक्व ।

श्यत जाइब आ पुंडशो लोत्र

कुम्सो पपाइक्व कली ८ ओटा तार पाइश्शो ताप्तीके ताप्शा पतीके दाऊद आ कुम्सो ।

१ परमपरभु यावे, गे आं कली तशा ६ गाइक्ताक्नी हना यो, सजाइ मगेयीनी । गे गाइक्ताक्नी हना यो, आं कली श्यत मगेयीनी । येरमीया १०:२४ २ परमपरभु यावे, गे आं कली शिशो पने । मारदे हना गो बेक्चा चिक्शो बाक्नुड । गे आं कली सापाइय्यीनी । मारदे हना आं खोइली खिरंखिर पाइब । ३ मिनु आं थुं यो हिंशो बाक्व । परमपरभु यावे, गे गेना सम्म आं कली मोदंशो पा बाक्पाइक्नीनी ?

४ परमपरभु यावे, गे आं गे लेतीने । इन गेना हना यो दाक्तीकेमी आं थुं बेक्चा रे परांडयीनी । ५ मारदे हना बेक्शो नोले सुइ मुरुमी इन कली ममिन्नीम । मिनु बेक्शो मुर आन बाक्तीकेमी सुइमी इन कली ठेयब मसेल्नीमी । भजन संग्रह ३०:१० ; भजन संग्रह ८८:३१ ; भजन संग्रह ११५:१७-१८ ; यसैया ३८:३८ ६ गो थुं खाइश्शा, डाक्शा दती । गो नाक्दो आं खाट नेल्ल

परक्कुमी जिप्पाइक्नुड । आं इप्तीकेमी डाक्शा ला बाक्नुड । ७ सुर्ता पतीके मिक्च मताइब खोदंशो दुम्ती । मारदे हना आं जोरी सतरु शुश बाक्नीम । ८ गे मरिम्शो पाइबपुकी, आं क्येडा डान लने । मारदे हना परमपरभु यावेमी आं डाक्शा नंतु । ९ परमपरभु यावेमी आं पुंडशो लोत्र नंतु । मिनु परमपरभु यावेमी आं पुंडशो गेब । १० आं जोरी सतरु नेल्ल मुन दोक्शा, शुश श्यत जाइब दुम्नीम । मिनु मुन दोक्शा, आन बाक्तीके लेत्नीम ।

परमपरभु ठीक निसाफ पाइब

दाऊदमी बेन्यामीन थर डा कृश माइश्शो मुर रे श्यत जशा, परमपरभु यावे आ डांडती पशो कुम्सो ।

१ परमपरभु यावे, आं परमपरभु, गो इन कली जिम्मा गेसीनुड । मिनु खेवा पाइब नेल्ल आन गुइ रे आं कली परांडयीनी । २ गे आं कली मपरांडतीनी हना, मेकोपुकीमी आं कली गुस्सम खोदंशो पा दिप्शा ब्वाइनीम । मिनु सुइमी आं कली मेको आन गुइ रे परांडने मचाप्नीम ।

३ परमपरभु यावे, आं परमपरभु, मेको आन दंशो खोदंशो पा, गो आं गुइमी मरिम्शो पाता हना, अय्युब ३१:७-३४ ४ गो गे नु दुशा बाक्व आन कली श्यत गेता हना, आं कली बित्चीम श्यत गमनु, गो क्येक्क लेताक्डमी हना, ५ आं जोरी सतरुम आं कली खेदा पा ग्रामल । मिनु आं कली सर्पीम दिप्शा साइय्यीमील । मिनु आं नें जाम्शा लल । ठेयब संदा पा ।

६ परमपरभु यावे, गे गाइश्शा, बोक्कीन । आं जोरी सतरु आन पशो तशा, आं कली वारच पथ बोक्कीन । गे “गो निसाफ पचा माल्लुड” दे लोत्र पाइतीनी । ७ मिनु रागी रागी डा मुरपुकी इन डांडती राप्नीम । मोपतीके इर डा इन बाक्तीकेम मेको आन कली निसाफ पचा कली इन ठेयब निक्तीकेमी निस्सीन । ८ परमपरभु यावे जात जात डा मुर आन कली निसाफ पाइब बाक्व । परमपरभु यावे, आं ठीक पशो नु आं आगाम बाक्शो ठीक पाइब थुं तशा, आं कली निसाफ पने । भजन संग्रह १८:२१-२७ ९ इन अरेशो मटीब आन मरिम्शा पतीके थुम्पतीन । मिनु नोले गे ठीक पाइब आन कली बोल्यो सलीन । ठीक पाइब परमपरभु, गे मुर आन थुं नु आन पतीके नाक्व बाक्नीनी । भजन संग्रह १०४:३५ ; भजन संग्रह १३९:१ ; येरमीया

११:२०; परकाश २:२३ १० परमपरभु आं तेवतीक बाक्व। मेकोमी रिम्शा थुं पाइश्शा आन कली श्येत रे परांडव। ११ परमपरभु ठीक निसाफ पाइव बाक्व। नाक्त कित कित मेको पापी आन कली तथा गाइक्व। १२ थमा पा आ जोरी सतरुम आन तरवार शप्नीम। आन लिबरा कीशा आप्वा कली ठीक पाइनीम। व्यवस्था ३२:४१ १३ मिनु आन साइक्तीक या आंम कली ठीक पशा बाक्नीम। आन ब्राम मी ब्रपाइश्शा बाक्नीम। १४ नेनीन, मेकोमी मरिम्शा ला मिम्नीम। मिनु श्येतम बरीशा, जोल पना पन बाक्नीम। १५ मेकोपुकीमी बिकतीक दोइनीम। मिनु नोले आंम आन दोशो बिकतीकमी आंमा बिकनीम। हितोपदेस २६:२७ १६ मुर आन कली गेचशो श्येत आंमान जाइनीम। मेको आन हुश ख्राक्श पोक्शो आंम आन पियामीन मांडसीब।

१७ गो परमपरभु यावे आ ठीक पशो तथा, मेको कली “गे रिम्शा पाइव बाक्नीनी” दे कुम्सो पाइनुड। गो परमपरभु यावे, नेल्ल क्येडा ठेयव आ नें आ पर्वम कुम्सो पाइनुड।

### परमपरभुम आ रिम्स कांडशो

कुम्सो पपाइक्व कली गितीथ कुम्सो आ लायो डा दाऊद आ कुम्सो।

१ परमपरभु यावे, आंइ परमपरभु, रागी नल्लेमी इन नें ठेयव बाक्व। गे इन छेडछेड सरीड क्येडा आइक्था वोइक्तीनी। प्रस्थान ३:१३-१५ २ आइक्च आल नु बुकलु आतपुकीमी इन कली ठेयव सत्पांडिसाक्नी। मोपा गे इन जोरी सतरु नु क्येक्क लेप्ब आन कली ब्यालेइ पपाइक्तीनी। मर्ती २१:१६ ३ गो सरीड गे कोव्रडनु, इन सल्लो तास्तना नु सोरुल तातामी, ४ गे मोपा ठेयव थोव्रक सल्लोनी हना, मुर आन पर्वम दोपा मिम्ने चाप्नीनी? दोपा मेको आन कली कोव्रनीनी। हिब्रू २:६-८ ५ गे मुर आन कली इन स्वर्ग डा गेय पाइव आन क्येडा इक्का ला आइक्च सल्लोनी। मुर आन कली मान नु छेडछेडमी सिरपच गुप्शा सोदंशो पा ग्योम्ताक्नी। हिब्रू २:६-८ ६ मिनु इन सल्लो मारइ मारइ आन कली हुकुम पाइव सल्लोनी। मोपा मुर इन सल्लो आन दातेमी नेल्ल क्येडा ठेयव बाक्व। उत्पत्ती १:२७ ७ भेडा, बी ब्यफ, ब्याकी डा जन्तु, ८ चिक्व, समुन्दरमी बाक्व डांइ नु समुन्दरमी मार मार बाक्मा, मेको नेल्ल आन कली हुकुम पाइव

सल्लोनी। १ कोरिन्थी १५:२७ ९ परमपरभु यावे, आंइ परमपरभु, रागी नेल्लेमी इन नें ठेयव बाक्व।

“गे रिम्शा पाइतीनी” दे कुम्सो पशो

कुम्सो पपाइक्व कली मुथ-लाब्बेन कुम्सो आ लायो। दाऊद आ कुम्सो।

१ परमपरभु यावे, गो आं थुं नेल्लेमी इन कली “गे रिम्शा पाइतीनी” दे इन कली ठेयव सल्लुड। इन पशो छुक लाक्का डा गेय नेल्ल आन कली नेंपाइक्नुडमी। भजन संग्रह ४४:२ २ इन कली तुइश्शा, ग्येरनुड। शुश ग्येरशा, गो इन कली ठेयव सल्लो क कुम्सो पाइनुड। गे नेल्ल क्येडा ठेयव बाक्नीनी। ३ आं जोरी सतरु इन कली तथा, आन जाक्शो लां रे लेश्शा परोक्शा लमानु, गुल गाल थिश्शा, साइक्का पुंडसाक्म।

४ मारदे हना गे ठीक निसाफ पाइव बाक्शा, इन ठेयव नितीकमी निश्शा बाक्तीनी। मिनु आं ठीक गेय पशो तुइश्शा, गे आं कली निसाफ पाइतीनी। ५ मिनु गे रागी रागी डा मुर आन कली हुइक्ताक्नी। इन अरशो मटीब आन कली साइक्तीनी। मेको आन नें लंशा ममिम्चा डा पा क्योम्ताक्नी। ६ परमपरभु, आं जोरी सतरु आन सिं गेनायो मसल्लवा डा पा परतीनी। गे मेको आन सहर हु हा परतीनी। मिनु मेको आन नें यो काइ मलीथु, जाम्शा लत। भजन संग्रह ३४:१७

७ तन्न परमपरभु यावे गेना हना यो बाक्व। निसाफ पचा कली आ ठेयव नितीक ठीक पशो बाक्व। ८ मिनु रागी रागी डा मुर आन कली आ ठीक पतीकमी निसाफ पाइव। जात जात डा मुर आन कली आन कुल मेकोव्रथु, निसाफ पाइव। ९ परमपरभु यावे दिप्वा पुंडसीशो मुर आन कली बोल्यो दरवार सोदंशो बाक्व। श्येत जशो आन कली बोल्यो खरुइश्शा बाक्तीक बाक्व। १० परमपरभु यावे, इन नें तुइक्वपुकीमी इन कली थमा सुइक्नीम। मारदे हना गे इन कली माल्ब आन कली मपरांडनीनी। ११ सियोन डांडामी बाक्व परमपरभु यावे कली ठेयव सल्लो क कुम्सो पने। जात जात डा मुर आन कली आ पशा शेंदीने। १२ मिनु परमपरभुमी मुर साइक्व आन कली आन क्येक्क लेप्ब। मिनु श्येत जशो आन डाक्शो मिम्ब। उत्पत्ती ४:१०; उत्पत्ती ९:५; भजन संग्रह ७:२:४; उत्पत्ती १६:११

१३ परमपरभु यावे, आं कली शिशी पने, आं कली मदाक्वपुकीमी गेशो श्येत कोव्रडीन। गे आं कली बेक्चा चिक्शो रे परांडतीनी। १५ मिनु ब्रांडशा, गो परमपरभु आ योव्रशो सियान डा ठेयब लाप्चोम मुर आन कली “परमपरभुमी आं कली श्येत रे परांडती” दे इन कली ठेयब सल्शा, ग्येरसीशा तुइवपाइक्नुडमी। भजन संग्रह २२:२३; भजन संग्रह १३:६ १५ रागी रागी डा मुरपुकी आंमा दोशा ठेयब खाल्टाम बिक्शो बाक्नीम। मिनु आन दाइशशो ग्याइलीमी आंमा रेशशो बाक्नीम।

१४ परमपरभु यावेमी मेको ठीक निसाफ पाइब बाक्व, दे मुर नेल्ल कली तुइवपाइशशो बाक्व। आ अरेशो मटीब मुर आंम आन पशोमीन खतम दुम्नीम। ताप्तीकमी ठेयब संदा पा। १७ परमपरभु आ अरेशो मटीब रागी रागी डा मुरपुकी नु मटीबपुकी बेक्शो मुर आन बाक्तीकम लाइब बाक्नीम। १८ परमपरभुमी श्येत जाइब आन कली मपरंब। मिनु परुडग आन आस पशो गेना हना यो मिम्ब। भजन संग्रह २२:२५; भजन संग्रह १०:१७ ११ परमपरभु यावे, बोक्कीन। मुरपुकी मगरामल। रागी रागी डा मुर इन डांडती जाक्शा, निसाफ पचा पुंडसमल। गन्ती १०:३५ २० परमपरभु यावे, मेको आन कली हिंपतीन। रागी रागी डा मुरपुकीमी “गो मुर ला बाक्नय” दे तुइक्तमेक्ल। ठेयब संदा पा।

### थमा मसुइक्व आन शुक्शी पशो

१ परमपरभु यावे, गो आंइ श्येत जची  
**१०** ना, मारद डोन बाक्शा, खरुइक्नीनी ?  
 २ परमपरभु आ अरेशो लोत्र मटीबपुकीमी ठेयब लेशशो दुम्शा, परुडग आन कली खेदा पाइनीम। मेको आन मरिम्शा मिम्तीक नु आन पतीकमी ग्याइक्चा पुंडसीनीम। ३ परमपरभु आ अरेशो लोत्र मटीबपुकीमी “आं दला दाक्स नेल्ल पने चान्नुड” दे ठेयब लेल्नीम। लोमी आन कली आसीक गेनीम। मिनु परमपरभु यावे कली मान मपथु, महिथु, मेको आ पर्वम शुक्शी लोत्र पाइनीम। ४ मिनु ठेयब लेशशा, आन थुंमी “परमपरभुमी आंइ कली मरिम्शा मसुइक्व। मारद हना मेको मबाक्व” दे मिम्नीम। ५ मोपा यो मारद मारदम गाप्शा श्येत मजाइनीम। मारद मेकोपुकीमी इन निसाफ पशो मताइनीमी ? मेकोपुकीमी आन जोरी सतरु आन क्येडा महिथु

मेको आन कली गरानीम। आमोस ६:३ ६ मिनु मेकोपुकीमी आन थुंमी “गो श्येत मजाइनुड। आं चच युइ सम्म यो श्येत मजाइनीम” दे मिम्नीम। भजन संग्रह ७३:६-८ ७ मेको मुरपुकीमी सराप नु जोल पना पन बाक्शा, अरु आन कली दिप्शा बाक्नीम। मेको आन लोत्रमी श्येत नु मरिम्शा ला दुम्पाइक्नीम। रागी ३:१४ ८ मेकोपुकीमी गाउं मर खरुइशशा बाक्शा, दोस मताइब आन कली साइक्नीम। श्येत जाइब आन कली यो बाप्शा बाक्नीम। ९ गुप्स ब्याकीम बाप्शा खोदंशो पा खरुइशशा, परुडग आन कली रिम्नीम। परुडग आन कली आन ब्यारदम रेशशा ग्याइक्नीम। १० मिनु मेको गु बाप्शा बाक्नीम। श्येत जाइबपुकी मेको आन सक्तिमी गोल्नीम। ११ मेको आन थुंमी “परमपरभुमी आंइ पशो मताइब। आ कुल खरुइक्ताक्व, आंइ पशो परंब” दे मिम्नीम। भजन संग्रह ७३:११; भजन संग्रह १४:७; यसेया २९:१५

१२ परमपरभु यावे, परमपरभु, बोक्कीन। परमपरभु, इन गुइ क्युक्शा मरिम्शा पाइब आन कली सजाइ गेन। दिप्चा पुंडसीशो आन कली मिम्शा, वारच पने। गन्ती १०:३५ १३ मारद मेको इन अरेशो मटीब मुरपुकीमी परमपरभु कली शुक्शी पाइनीमी ? मारद मेकोपुकीमी “आं कली दोसी मसुइक्व” दे मिम्नीमी ? १४ परमपरभु, गे नेल्ल ताइतीनी। गे श्येत जाइब नु मरिम्शा पाइक्चा पुंडसीब आन कली वारच पाइशशा, क्यक्क लेख बाक्नीनी। मेको श्येत जाइबपुकी इन कली जिम्मा गंसीशो बाक्नीम। गे राम रोइक्च आन कली वारच पाइब बाक्नीनी। भजन संग्रह ६८:६; परस्थान २२:२२ १५ गे इन अरेशो मटीब नु काइ मरिम्शा पाइब आन गुइ जिक्तीन। मेको आन खरुइशशा मरिम्शा पशो कली निसाफ पने ! मिनु मोदंशो नोले मर्तीनीम। अय्युब ३८:१५ १६ परमपरभु यावे गेना हना यो पिप बाक्व। रागी रागी डा मुरपुकी आ राज्य रे दिल्शा, जाम्शा लाइनीम। १७ परमपरभु यावे, गे बरेशो मुर आन पुंडशो लोत्र नेंतीनी। गे मेको आन थुं बारपाइशशा, आन पुंडशो लोत्र नेंचा कली नोपा दाइशशा बाक्तीनी। १८ गे राम रोइक्च नु दिप्चा पुंडसीशो मुर आन पर्वम ठीक निसाफ पाइनीनी। मो दुम्मनु, मुरपुकीमी अरु आन कली लेंशा श्येत मगेनीम।

परमपरभु ठीक पाइब बाकब

कुम्सो पपाइकब कली दाऊद आ कुम्सो ।

१ गो परमपरभु यावे कली जिम्मा गेसाक्यो ।  
**११** गेपुकीम आं कली “चिक्ब खांदेशो पा पहाडम बरो” दे दोपा देन चाप्नीनी ? २नेनीन, इन अरेशो मटीबपुकीमी आन लिबरा कीशा, आन बरा डोरीम वोइशशा, ठीक पाइब रिम्शो थुं पाइशशा मुर आन कली खरुइशशा आप्नीम । ३जगन बरेंत हना, ठीक पाइबम मार पन चाप्ना डा ? ४ परमपरभु यावे आ सिंमी बाकब । आ ठेयब नितीक स्वर्गम बाकब । मिनु उइ कोव्रना कोव्रन मुर आन कली नाकब । हाबाकुक २ :२० ; यसैया ६६ :१ ; भजन संग्रह ३३ :१३-१४ ५ परमपरभु यावेमी ठीक पाइब नु आ अरेशो मटीब आन कली नाकब । मिनु हुश खराकश पोक्चा दाकब आन कली काइ मदाकब । ६ परमपरभुमी आ अरेशो मटीब आन तारी मी नु गन्धक यिपाइकब । मिनु मेको आन तारी होश फश पपाइकब । मरिम्शा पाइब मोदंशो पाइकचा पुंडसीशो बाकनीम । ७ परमपरभु यावे ठीक पाइब बाकब । मोपतीक ठीक पतीक दाकब । मिनु रिम्शो थुं पाइशशा मुरपुकीमी आ कुल ताइनीम । मती ५ :८

मरिम्शो पाइब आन पर्वम लोत्र

कुम्सो पपाइकब कली ८ ओटा तार पाइशशा ताप्तीक ताप्शा पतीक दाऊद आ कुम्सो ।

१ परमपरभु यावे, वारच पाइककी । इन  
**१२** लां खाइकब जाम्शा लाम्तकम । मुर आन दातेमी इन कली थमा सुइकबपुकी यो मबाकनीम । २नेल्लेमी आन नेकथा डा मुर नु जोल ला पमुइनीम । चिप्लो लोत्र पाइब थुं निक्शी पाइशशा ला बाकनीम ।

३ परमपरभु यावेमी, मित्लो शिलो पाइब नु ठेयब लेशशा लोत्र पाइब नेल्ल आन कली क्याम्दल । ४ मोदंशो ठेयब लेशशा लोत्र पाइबपुकीमी “आंइ लोत्रमीन गरानीकी । गो जोकब तुइकब बाकनीकी । आंइ परभु सु बाकबा डा ?” देनीम । भजन संग्रह ७३ :८-९ ; अग्युब २१ :१४-१५

५ परमपरभु यावेमी “गो परुडग आन कली दिप्शो ताता । श्येत जाइब आन डाकशो नंता । मोपतीक गो मुल बाकनुड, मेको आन कली श्येत मजतीकम वोइकनुड” देब ।

६ परमपरभु यावे आ लोत्र थमा बाकब । मेको ७ खेयप यपाइशशा क्येख चांदी खांदेशो बाकब ।

७ परमपरभु यावे, गे इन मुर आन कली कोव्रशा, आंइ कली मरिम्शो पाला डा मुर रे परांडकी । ८ मारदे हना मुर आन दातेमी इन अरेशो मपाइब शुश दुम्शा, मरिम्शा पाइबपुकी तेइ तेइ बरशा बाकनीम ।

“वारच पने” दे पुंडशो

कुम्सो पपाइकब कली दाऊद आ कुम्सो ।

१ परमपरभु यावे, आं कली गेना  
**१३** सम्म परेनीनी ? गेना सम्म इन कुल खरुइकनीनी ? भजन संग्रह ७७ :८ ; हाबाकुक १ :२ २ गो गेना सम्म सुर्ता पा, नाकत कित कित आं थुं खाइशशा बाकचा माल्लुडा ? आं जोरी सतरु गेना सम्म आं क्येडा बोल्यो बाकनीमी ?

३ परमपरभु यावे, आं परमपरभु, आं कली मिम्शा, आं लोत्र लेत्तीनी । आ बोल लेंशा गेयीनी । मो मपाइतीनी हना, गो बेकनुड । ४ मोदंशो दुम्मनु, आं जोरी सतरुम “गो मेको कली गरानीकी” दे आं कली हिम्सीशो तशा, ग्यरसीनीम ।

५ तन्न गो “गे गेना हना यो दाकब बाकनीनी” दे थमा सुइकनुड । इन वारच पा परांडतीक तशा, आं थुं ग्यरना ग्यरन बाकब । ६ परमपरभु यावेमी आं कली रिम्शो वारच पाइकती । गो मेको कली कुम्सो पाइनुड ।

थमा मसुइकब आन बरुतीक

कुम्सो पपाइकब कली दाऊद आ कुम्सो । भजन संग्रह ५३ :-

१ मूर्खपुकीमी “परमपरभु मबाकब” दे  
**१४** मिम्नीम । मेकोपुकी गरांगरा दिचा डा दुम्शा, मरिम्शो गेय पाइनीम । मेको आन दातेमी रिम्शो पाइब सुइ मबाकनीम । २ परमपरभु यावेमी स्वर्ग रे मुर आन कली कोव्रब । मारदे कोव्रब देशा हना, मुर आन दातेमी जोकब तुइकब परमपरभु कली माल्व, सुइ बाकमा को, दे कोव्रब । ३ तन्न मुर नेल्ल परमपरभु कली परांडशा, दली पाइब दुम्तकम । रिम्शो पाइब का यो मबाकनीम । उत्पती ६ :१२ ; रोमी ३ :१०-१२

४ मरिम्शो पाइबपुकीमी परमपरभु यावे कली मतुइकनीम । आ मुर आन कली शाब्त जशो

सोदंशो पा नेकनीम। मेकोपुकीमी परमपरभु यावे कली यो मपुंडनीम। मीका ३:३ ५ मिनु नोले मेकोपुकी शुश हिंशा, खिरंखिर पाइनीम। मारदे हना परमपरभु ठीक पाइब आन दातमी बाकब। ६ मुरपुकीमी परुड्ग आन मिम्शा बिगरेचा दाकनीम। तन्न परमपरभु यावे मेको आन खरुड्क्तीक बाकब।

७ सियान र इसराएली आन बरोइतीक तामेकत। परमपरभु यावेमी आ मुर आन कली पुरोनानु, याकूब आ चच युड, इसराएली नेल्ल ग्यरसीमल। भजन संग्रह १२६:१

सु परमपरभु नु बाकने चाप्रा डा ?

दाऊद आ कुम्सो। भजन संग्रह २४:२-६; यसेया ३३:१४-१६

१ परमपरभु यावे, इन बाक्तीकमी सु बाकने चाप्रा डा ? इन डांडाम सु बाक्चा ताइबा डा ? उपदेसक ४:१७

२ सुमी रिम्शो पना पन बाक्शा, ठीक गेय ला पाइबा नु आ थुं नेल्लेमी थमा लोत्र ला पाइबा, ३ सुमी अरु आन लोत्र मपाइबा, आ नेक्था डा मुर आन कली काइ मरिम्शो मपथु, शुक्शी मपाइबा, ४ सुमी परमपरभु आ अरेशो मटीब आन कली महिक्थु, परमपरभु यावे कली मान पा हिंब आन कली चहिं हिक्ना हिक्न बाक्चा, कसम जशा, श्यत दुम्मेनु यो, आ कसम जशा मपरोइथु बाक्चा, ५ सुमी क्यट जेर गशा, चाइक्ब मताक्चा, सुमी दोस मताइब कली श्यत गेचा कली घूस मजाइबा, मोदंशो मुर गेना हना यो महिम्सीथु, परमपरभु यावे आ बाक्तीकम बाक्चा ताइब। परस्थान २२:२४; व्यवस्था २३:२०-२१

दाऊदमी परमपरभु नु लोत्र पशो

दाऊद आ कुम्सो।

१ “परमपरभु, आं कली कोवयीनी। मारदे १६ हना गो इन कली जिम्मा गंसीशो बाक्नुड। २ गो परमपरभु यावे कली गे आं परमपरभु बाक्नीनी। गो इन क्येडा अर्का मारइ रिम्शो मतुइक्नुड” देती। भजन संग्रह ७३:२५ ३ रागीम बाक्ब इन योत्रशो मुर, थमा पा ठेयब मुर बाक्नीम। गो मेको मुर आन कली तशा ग्यरसीनुड। ४ मिनु देवी देवता आन नोले सोइक्ब आन श्यत बारना बारन लाइब। मेको

आन त्तीक चदेतीक डा हुश गेनायो मचदेनुड। मेको आन नें यो मथीनुड।

५ परमपरभु यावे, गे आं भाग बाक्नीनी। मिनु आं कचौरा पिरंनीनी। गे आं थरशो रू कोत्रब बाक्नीनी। भजन संग्रह ७३:२६; गन्ती १८:२०; बिलाप ३:२४ ६ इन गशो रू रिम्शा बाक्ब। गो थम रिम्शा शांप ताता। ७ आं कली अर्ती गेब, परमपरभु यावे कली ठेयब सल्लनुड। नाक्दो यो आं थुमी आं कली मोदंशो पचा शंब। ८ गो परमपरभु यावे कली गेना हना यो आं डांडती वोइक्ता। मोपा मेको आं ग्युरा गे बाक्मेनु, गो महिम्सीनुड। पररित २:२५-२८ ९ मोपतीक आं थुं ग्यरसीब। गो आं थुमी कुम्सो पाइनुड। गो महिथु बाक्ने चाप्रानुड। १० मारदे हना गे आं कली बक्चा मगेनीनी। इन योत्रशो कली राक्चा मगेनीनी। पररित १३:३५ ११ गे आं कली बरोइतीक लां कांडनीनी। गो इन डांडती बाक्डानु, आं थुं ग्यरतीकम बरीब। इन ग्युरा गे बाक्डानु, गेना हना यो थम रिम्शा दुम्नुड” दे लोत्र पाता।

परमपरभु कली “वारच पने” दंशो

दाऊद आ पुंडशो लोत्र।

१ “परमपरभु यावे, गे ठीक पशो आ पर्वम आं लोत्र नेनीन। आं बरशो नेनीन। आं जोल मपथु पुंडशो लोत्र इन नोफा दाइशशा नेनीन। २ आं ठीक दुम्तीक इन लां र जाकमल। गे आं ठीक पतीक ताइनीनी। भजन संग्रह ४३:१ ३ गे आं कली नाक्ताक्नी। नाक्दो यो आं कली नाक्शा, आं आगामी मारइ मरिम्शो मथिन्नी। गो मरिम्शो लोत्र मपाइनुड, दे आं थुं फरेशा बाक्ती। भजन संग्रह १३९:१ ४ मुर आन पतीक तशा, गो इन लोत्र मिम्शा, हुश खराक्श पोक्ब आन लां मखोइक्नुड। ५ आं सोइली मगरक्चा डा पा इन लांम थक्शो बाक्ती।

६ गो इन कली लोत्र पाता, मारदे हना गे आं लोत्र नेनीनी। परमपरभु, इन नोफा आं गे दाइशशा, आं लोत्र नेनीन। ७ आं कली इन गेना हना यो बाक्तीक इन ग्युरा गुडमी इन कली थमा सुइक्ब आन कली आन जोरी सतरु रे परोइनीनी। ८ मिक्च दोदंशो रिम्शो पा वोइशशो बाक्चा, मोदंशो पा आं कली यो रिम्शो पा वोतीन। इन फरां आगाम पुप्तीनी। व्यवस्था ३२:१०; भजन संग्रह ६१:५; भजन संग्रह ६३:८; परस्थान ३७:७-९ ९ मोपा इन अरेशो

मटीब, आं कली साइक्चा कली पुम्बपुकीमी आं कली मथिल्लीम। १०मेको आन थुं खकटा पा, ठेयब लेशो लोत्र ला पाइनीम। ११गो ते लती हना यो, मेकोपुकीमी आं कली पुम्नीम। आं कली साइक्चा माल्लीम। १२मेकोपुकी शोत्रलु बेक्शो गुप्स खोदंशो बाक्नीम। ठिटा गुप्सम बाप्शो खोदंशो पा बाप्शो बाक्नीम।

१३परमपरमु याव, बोक्कीन। मेको आन कली दाक्पतीन। आं कली इन तरवारमी इन अरेशो मटीब मुर र परांइयीनी। गन्ती १०:३५ १४परमपरमु याव, इन गुइमी रागी दाक्ब मुर आन गुइ र परांइयीनी। मेकोपुकी मबक्मा सम्म रिम्शो ला ताइनीम। गे मेको आन कोत्रज बरोत्रशो थोत्रकम पिरंनीनी। मेको आन तौपुकी यो स्थरी जाइनीमी। मिनु आन लीशो मारइ मारइ आन तौपुकीम ताइनीम। १५गो चहिं ठीक पा बाक्शा, थमा पा इन कुल ताइनुड। सुनी संसीशा, इन कली तशा, रूशो खोदंशो दुम्शा, ग्येरसीनुड” दंती।

परमपरमु कली ठेयब सेल्शो

कुम्सो पपाइक्ब कली परमपरमु यावे आ गेय पाइब दाऊद आ कुम्सो। परमपरमु यावेमी दाऊद कली आ जोरी सतरु नु सावल आ गुइ र परोना नोले दाऊद आ पशो कुम्सो।

१८ रसामुएल २२ :- १परमपरमु यावे, गे आं सक्ति बाक्नीनी। गो इन कली दाक्नुड। २परमपरमु यावे आं सरथे फुल्लु, आं बोल्यो दरवार नु आं जोरी सतरु र परांइब बाक्ब। आं परमपरमु, गे आं खरुइक्तीक सरथे फुल्लु बाक्नीनी। परमपरमु आं तक्तीक नु आं कली ग्येरपाइक्ब, आं कली परांइब नु आ बोल्यो दरवार बाक्ब। ब्यवस्था ३२:१८ ३गो परमपरमु यावे नु लोत्र पाइनुड। मेको ठेयब सेल्वा पुंडसीब बाक्ब। मेकोम आं कली आं जोरी सतरु र परांइब।

४गो साइक्चा पुंडसीचशो दुम्शा, हेरा बक्ती। आं कली साइक्ब ब्याक्कु आ छाल खोदंशो पा जाक्शा, हिंपाइक्ती। भजन संग्रह ११६:३ ५थमा पा साइक्चा पुंडसीब दुम्ती। साइक्बमी आं कली ब्यारदम खोदंशो पा रुक्ताक्यी। ६गो श्यत जडानु, परमपरमु यावे कली “वारच पने” दे आं परमपरमु कली ठेयब संदा पा पुंडता। मिनु परमपरमु आ बाक्तीकम बाक्शा, आं संदा नंतु। आं पुंडशो लोत्र रुनु।

७रागी हिम्शा, खिरनु कुत। मिनु डांडा नेल्ल हिम्साक्म। मारदे हिम्साक्म दंशा हना, परमपरमु आ गाइक्तीकम हिम्साक्म। ८आ नं र कुन कुत। आ शोत्र र ठेयब मी गरूशा, बरशो कोइला हरुर पा बरतेक्म। परस्थान १९:१८ ९मिनु परमपरमु सरीड र यित। आ खोइल आगामी क्यर गोस्स के छिडछिड बाक्त। भजन संग्रह १४४:२-७ १०मेको करुब का डोइश्शा, फशम बरत। भजन संग्रह १९:३ ११छिडछिडमी खरुइश्शा, आ एर ओथ नेल्ल ब्याक्कु कुरशो क्यर गोस्स बाक्तेक्म। १२परमपरमु आ छेडछेड र मुप्स, मी बरशो कोइला नु चिला खोदंशो पा गोस्स गरुतेक्म। १३परमपरमु यावेमी सरीड र बुंबु पशो खोदंशो पा आ संदा नंपाइश्शा बाक्त। १४मिनु मेकोमी आ बरा आवानु, आं जोरी सतरु बरपाइक्तीमी। ठेयब चिला पपाइश्शा, परोक्पाइक्तीमी। १५परमपरमु यावे इन हुइक्तीकमी नु इन नं र गरूशो सोक्तेमी समुन्दर नु रागी आ जग गरुत।

१६परमपरमुमी डर र आं गुइ ग्याइश्शा, ठेयब ब्याक्कु र कीशा गरुइताक्यी। १७मिनु आं कली मदाक्बपुकी नु आं क्येडा बोल्यो जोरी सतरु र परांइती। १८श्यत जडन नाक्त आं जोरी सतरुम पुम्ताक्यीमी, तन्न परमपरमु यावेमी वारच पाइक्ती। १९मिनु आं कली परांइशा, रिम्शो बरांइशा बाक्तीकम चाक्ती। मारदे हना आं कली दाक्शो बाक्त।

२०गो दोदंशो पा ठीक पडा, मोदंशो पा परमपरमु यावेमी आं कली पाप र डोन बाक्शो तशा, आं कली रिम्शो पाइक्ती। २१मिनु गो परमपरमु यावे आ लां गाक्शा, आ अरेशो टिशा, आं परमपरमु र नोले मशांइसीड। २२आ पतीक लोत्र नेल्ल आं डांइती बाक्तेक्म। गो मेको आ फुल्लुम मुशा बरक्शो लोत्र का यो मपरानु। २३मिनु मेको आ डांइती गो दोस मताइब बाक्ती। मिनु गो ठीक मपतीके र डोन बाक्ती। २४गो दोदंशो पा ठीक पडा, मोदंशो पा परमपरमु यावेमी आं कली आ डांइती पाप र डोन बाक्शो तशा, रिम्शो पाइक्ती। २५गे जमान खाप्ब आन कली जमान खाप्ब बाक्नीनी। गे ठीक पाइब आन कली इन ठीक पतीके कांइनीनी। २६गे पाप र डोन बाक्ब आन कली इन पाप र डोन बाक्तीके कांइनीनी। तन्न गे दूली पाइबपुकी नु काइ मगारनीनी। २७गे दिप्वा पुंडसीशो मुर आन कली श्यत र परांइनीनी। मिनु ठेयब लेशो मुर आन कली आइक्ब सल्लनीनी। अग्र्युब २२:२९

२८ गे आं बत्ती बरपाइक्तीनी। परमपरभु यावे, आं परमपरभु, गे आं छिडछिड कली छेडछेड सेल्लीनी। २९ इन वारच पाइक्तीके गो शुश जोरी सतरु नु गराबुड। इन वारच पाइक्तीके गो ठेयब गारो प्रकशा खराकने चान्नुड।

३० परमपरभु आ लां ठीक बाकब। परमपरभु यावे आ लोत्र क्येख सुन सोदंशो बाकब। सु सु मेको कली जिम्मा गंसीनीमी, मेको आन कली तेक्तीक बाकब। ३१ परमपरभु यावे क्येडा अर्का सु परमपरभु बाकबा डा? आंइ परमपरभु क्येडा अर्का तेको संरथे फुल्लु बाकबा डा? ३२ परमपरभुमी आं कली शुश सक्ति पाइशशो सेल्ली। मेकोमी आं लां ठीक सेल्ल। ३३ मेकोमी आं सोइली किशश आ सोइली सोदंशो सेल्लशा, लाइशशो इर डा बाक्तीकेमी राप्पाइक्ती। ३४ मेकोमी आं कली लडाइ पचा नु आं गुड कली कांसा के लिबरा सुक्का शंब। ३५ गे बरांइतीके डा इन तेक्तीक आं कली गेतीनी। इन ग्युरा गुडमी आं कली वारच पाइशशा, ठेयब सेल्लीनी। ३६ आं लां ठेयब सेल्लीनी। मोपतीके आं सोइली मगरकथु, गाकने चान्नुड।

३७ गो आं जोरी सतरु आन कली खेदा पा थितामी। मेको आन कली साइकने मधुमु सम्म गो मलडड। ३८ गो मेको आन कली बोक्ने मचाप्चा डा पा तुप्तामी। मेकोपुकी आं सोइलीम गोल्तेकम। ३९ मारदे हना गे आं कली लडाइ पचा कली शुश सक्ति गतीनी। आं जोरी सतरु आन कली आं सोइलीम बाप्पाइक्तीनी। ४० गे आं जोरी सतरु आन कली प्रोकपाइक्तीनी। मिनु गो आं कली काइ मदाकब आन कली साइक्तामी। ४१ मेकोपुकीमी “वारच पाइक्ती” दे गरीमानु, मेको आन कली प्रोइब सुइ मबा। परमपरभु यावे कली पुंडतेकम हना यो, मेकोमी मेको आन कली लोत्र मलेत्त। हितोपदेस १:२८ ४२ मिनु गो मेको आन कली फशम बरपाइशशो फुरक सोदंशो पा फस सेल्लामी। गो मेको आन कली लां डा गरांगरा सोदंशो पा ताइक्ताकडमी। ४३ गे मुर आन साइक्तीके रे आं कली प्रोइतीनी। रागी रागी कली सासन पाइब सेल्लीनी। आं मतुइशशो जात डा मुरपुकी आं गेय पाइब दुम्तेकम। ४४ आं अरशो नेन्मनु, मेकोपुकीम टिम्तेकम। अर्का रागी डा मुरपुकी आं डांइती बाप्तेकम। ४५ अर्का रागी डा मुरपुकी खिरंखिर पा हिंशा आन बोल्यो दरवार र गरुतेकम।

४६ परमपरभु यावे बरांइशा बाकब आं संरथे फुल्लु ठेयब दुम्त। आं कली प्रोइब परमपरभु

मान ताइब बाकल। ४७ परमपरभुमी आं कली क्येक लेतीक सक्ति गेशा, जात जात डा मुर आन कली आं सासनम बाकब सेल्लु। ४८ मेकोमी आं जोरी सतरु रे प्रोइती। मेको आन क्येडा आं कली ठेयब सेल्ली। मिनु आं कली दिष्शा हुश खराकश पोक्ब आन क्येडा प्रोइती।

४९ मोपतीके परमपरभु यावे, रागी रागी डा मुर आन दातमी गो इन नं ठेयब सेल्लशा, इन कली कुम्सो पाइनुड। रोमी १५:१ ५० परमपरभुमी आ पिप कली शुश गराब सेल्लु। आ तेल लुकशा पिप दाऊद नु आ चच युइ आन कली गेना हना यो दाकब। २सामुएल ७:१२-१६

परमपरभु आ सेल्लशा नेल्ल रिम्शो बाकब

कुम्सो पपाइक्ब कली दाऊद आ कुम्सो।

१ सरीडमी परमपरभु आ छेडछेड आ पर्वम लोत्र पाइब। सरीड आ ठेयब दुम्तीकेमी परमपरभु आ गेय आ पर्वम लोत्र पाइब। रोमी १:१९-२० २ नाक्त कामी अर्का नाक्त कली शंब। नाक्दो कामी अर्का नाक्दो कली देब। ३ मारइ लोत्र मबाकब। ब्याकशो यो मनंसीब। ४ मो हना यो रागी नेल्लतम तुइक्तीम। मेकोमी सरीडम नां कली बाक्तीक सेल्लु। रोमी १०:१८

५ मेको नां ग्युंवे पचा चिकशो ग्युम्ते सोदंशो बाकब। मेको ग्यरसीशा आ लां गाकब। ६ मेको पूर्व रे दाष्शा, तेइ तेइ हिरसीब। मेको आ नाष्शा रे मारइ खरुइशशा लीन मचाप्तामी।

७ परमपरभु यावे आ अरशो लोत्र नेल्ल आन कली गारब। मेकोमी लंशा बरांइपाइक्ब। परमपरभु यावे आ देतीक थमा लोत्र बाकब। मेकोमी मतुइक्ब आन कली तुइक्ब सेल्ल। ८ परमपरभु यावे आ बरकशा अरशो लोत्र ठीक बाकशा, मुर आन थुं ग्यरपाइक्ब। परमपरभु यावे आ शंशोमी मुर मिक्च ताइब दुम्तीम। ९ परमपरभु यावे कली मान पा हिंचा रिम्शो दुम्शा, गेना हना यो लीब। परमपरभु यावे आ निसाफ पतीक लोत्र थमा नु गेना हना यो ठीक बाक्तीम। १० मेको सुन क्येडा यो शुश माल्चा डा, क्येख सुन क्येडा यो क्येट लाइब सोदंशो बाकब। मेको चाका रे याष्शा सुदो क्येडा यो जिज बाकब।

११ मेकोमी इन गेय पाइब कली होस पा बाक्पाइक्ब। मेको लोत्र टीबपुकीम ठेयब इनाम ताइनीम। १२ आ मतुइक्थु दूली पशो, सुम तुइक्बा डा? आं मतुइक्थु मरिम्शो पशो माफ

गेयीनी। अय्युब ४२ :३-६ १३ इन गेय पाइब कली ठेयब लेशशा दुम्तीक र तेक्कीन। ठेयब लेशशा दुम्तीकमी आं कली हुकुम मपवल। मोपा गो दोस नु हेंथे पतीक र बरांडनुड।

१४ परमपरभु यावे, आं सरथे फुल्लु नु आं कली श्येत र परांडब, आं पशा लोत्र नु आं मिम्शा बरने।

गराचा कली पुंडशा लोत्र

कुम्सो पपाइक्व कली दाऊद आ कुम्सो।

१गे श्येत जनीनु, परमपरभु यावेमी इन २० लोत्र लेतल। याकूब आ परमपरभु आ नें आ पर्वम इन जोरी सतरुम थिन्ने मचाप्मकल। हितोपदस १८ :१० २मेकोमी आ बाक्तीक र इन कली वारच पाइब सोइक्तल। सियोन र इन कली वारच पवल। ३मेकोमी इन चढेशो नु चोशा चढेशो नेल्ल मिम्शा बरवल। ठेयब संदा पा। ४मेकोमी इन दाक्शो नेल्ल गेवल। इन मिम्शो नेल्ल खबल। भजन संग्रह २१ :३ ५गो इन गराशो तशा, ग्येरशा गरीशा आंइ परमपरभु आ नेंमी छेदर पोक्नीकी। परमपरभु यावेमी इन पुंडशा नेल्ल गेवल।

६परमपरभु यावेमी आ तेल लुक्शो पिप कली परांडब, दे मुल तुइक्ताकड। आ स्वर्ग डा बाक्तीकमी यो इन लोत्र नेंशा, आ सक्ति पाइशशा ग्युरा गुइमी वारच पाइब। परस्थान १५ :६ ७कोइ मुरपुकीमी शारा, बग्गी तशा, गराणीकी, दे मिम्नीम। तन्न गोपुकी परमपरभु यावे, आंइ परमपरभु आ नें मिम्शा, गराणीकी। भजन संग्रह ३३ :१७ ; ब्यवस्था २० :१ ; यसेया ३१ :१ ८मेकोपुकी गोल्नीम। तन्न गोपुकी राप्स डा राप्स बाक्नीकी।

९परमपरभु यावे, आंइ पिप कली गरापतीन। गो पुंडकानु, आंइ लोत्र लेत्तीन।

परमपरभुम पिप कली वारच पशा

कुम्सो पपाइक्व कली दाऊद आ कुम्सो।

१परमपरभु यावे, इन सक्ति तशा, पिप २१ ग्येरसाक्व। इन परांडतीकमी मेको शुश ग्येरसाक्व। २गे आ थुं डा दाक्शो गेतीनी। आ पुंडशा "मगेनुड" मदेनी। ठेयब संदा पा। भजन संग्रह २० :५ ; भजन संग्रह ३७ :४

३गे मेको कली आसीक गेशा, रिम्शो पाइक्तीनी। मिनु आ पियाम क्येख सुन के सिरपेच गुप्ताक्नी। ४मेकोमी "बरांडचा गेयी" दे

इन कली पुंडतु। मिनु गे मेको कली गेना हना यो बरांडशा, बाक्चा गेतीनी। भजन संग्रह ६१ :७ ५ इन परांडतीकमी आ दारस ठेयब दुम्त। शांप नु मान ततीक मेको तारी वोइक्तीनी। ६गे मेको कली गेना हना यो आसीक राइब सल्ला, इन डांडती ग्येरपाइक्तीनी।

७मारदे हना पिपमी परमपरभु यावे कली थमा सुइशशा, नेल्ल क्येडा ठेयब आ गेना हना यो दाक्तीकमी पोक्च थक्शा बाक्ब। ८गे इन गुइमी इन जोरी सतरु नेल्ल आन कली माल्ला ग्याइक्नीनी। इन कली काइ मदाक्ब आन कली इन ग्युरा गुइमी साइक्नीनी। ९इन जाक्ची ना मेको आन कली ठेयब चुप्तुम हुम्शा खोदंशा पा हुम्नीनी। परमपरभु यावे, ग चुरशा, मेको आन कली दाक्शो खोदंशा पा मीम दाक्पाइक्नीनी। १०मेको आन चच युइ आन कली रागी र क्याम्नीनी। आन आल आन कली मुर आन दाते र क्याम्नीनी। ११मेकोपुकीमी इन कली मरिम्शो पचा, दे मिम्शो बाक्तेक्म हना यो, आन मिम्शो पने मचाप्नीम। यसेया ८ :१० १२गे मेको आन कली परोक्पाइशशा, आन कुलम खरपाइक्चा कली लिबरा कीनीनी।

१३परमपरभु यावे, इन सक्तिम बोक्नीनी। गोपुकीमी कुम्सो पशा, इन सक्ति ठेयब बाक्ब, दे इन कली ठेयब सल्लनीकी।

श्येत जाप्तु हना यो, छेडछेड ताइब

कुम्सो पपाइक्व कली सुनी डा किशशा आ लायो डा दाऊद आ कुम्सो। यसेया ५३ :-; मती २७ :३५-४६

१आं परमपरभु, आं परमपरभु, गे मारदे २२ आं कली परांडयीनी ? मारदे ग आं कली वारच मपथु, डोन बाक्नीनी। मारदे आं थोशा मनंनीनी। मती २७ :४६ २आं परमपरभु, गो इन कली नाक्त बरेडडानु, गे लोत्र मलेत्तीनी। गो नाक्दो बरेडडानु यो, आं थुं नाइक्चा मतड। ३मिनु इसराएलीपुकीम इन कली ठेयब सेल्लतीक कुम्सो पामेनु, गे का ला मेको आन तार बाक्नीनी। ४आंइ किकी पिपीम इन कली थमा सुइक्ना सुइक्न बाक्शो बाक्मा बाक्त। गे मेको आन कली आन जोरी सतरु र परांडशा बाक्तीनी। ५इन कली पुंडशा बरेशशा, बरांडचा तशा बाक्तेक्म। इन कली जिम्मा गेंसीशा, थमा सुइशशा, मुने मदाक्म। भजन संग्रह २५ :२-३ ६गो चहिं मुर मडुम्थु, लुस्यु खोदंशा दुम्ती।

मुरपुकीम आं कली शुक्शी पा गरांगरा दिन्नीम ।  
अय्युब २५ :६ ; यसैया ४१ :१४ ७ आं कली  
ताइब नेल्लेमी आं पर्वम रिशशा, ठेयब लेशशो  
लोत्र पशा, आन पिया हिन्नीम । अय्युब १६ :१०  
८ मिनु मेकोपुकीमी “परमपरभु यावे कली थमा  
सुइक्व, परमपरभु यावेमी इन कली श्यत रं  
परोनल । मारदे हना परमपरभुमी इन कली दाक्व”  
दे शुक्शी पाइनीम । मत्ती २७ :४३ १ गो मादेब  
दुम्ती हना यो, गे आं कली जर्मपपाइक्तीनी ।  
गो आं ममा आ दूध तूङ्गे रं आं कली कोव्रतीनी ।

१० डांइती रं गो इन क दुम्ती । आं ममामी थियी  
रं गे आं परमपरभु बाक्नीनी । ११ गे आं रं डान  
मबाक्कीनी । मारदे हना गो श्यत जचा चिकशो  
बाक्नुड । वारच पाइब सुइ मबाक्नीम ।

१२ ठेयब सांदिपुकीमी पुम्ताक्यीमी । बाशान  
रागी डा हिंचा डा सांदिपुकीमी यो पुम्ताक्यीमी ।  
१३ शोत्रलु बेक्शा गरीशो गुप्स सोदंशो पा  
आन शोत्र पाक्शा, गराम्चा चिकताक्यीमी ।  
१४ गो लुक्शो व्याक्कु सोदंशो दुम्ती । आं रुश  
नेल्ल गलाक गुलुक दुम्तेक्म । आं लुङ्गीर  
मयीन सोदंशो दुम्शा, यशो बाक्व । १५ आं सक्ति  
ग्युम्त । बरोल्शो खप के गर सोदंशो दुम्त । आं  
शोत्र सोत्रत । मिनु गे आं कली साइक्चा ठीक  
पाइतीनी । यूहन्ना १९ :२८

१६ कुचुमपुकीमी आं कली पुम्ताक्यीमी ।  
काइ मरिम्शो पाइब आन हुल आं एर ओंथ  
बाक्नीम । आं गुइ सोइली खिरताक्यीमी ।  
यूहन्ना २० :२५,२७ १७ गो आं रुश का का  
पा हिक्न चान्नुड । मेकोपुकीमी आं कली  
शुक्शी पा कोव्रस डा कोव्रस बाक्नीम । १८ आं  
वासी योक्सीशा, आं फक्शो वा आ पर्वम  
“सुम ताइबा” दे फेन्टे ग्यारनीम । यूहन्ना  
१९ :२४ ११ परमपरभु यावे, गे आं क्येडा डान  
मबाक्कीनी । गे आं कली सक्ति गेब बाक्नीनी । गे  
रीब पा आं कली वारच पाइय्यीनी ।

२० आं कली तरवार नु कुचुम रं परोइयीनी ।  
२१ गुप्स आ शोत्र नु व्याक्की डा सांदि आन गरोत्र  
रं परोइयीनी । दानीएल ६ :२३

२२ गो “इन नें ठेयब बाक्व” दे आं लोक्व  
आन कली शंनुडमी । मिनु थमा सुइक्व आन  
गरुम्तीकमी इन नें ठेयब सल्लुड । भजन संग्रह  
२६ :१२ ; हिबेरू २ :१२ २३ गे परमपरभु यावे कली  
मान पा हिंबपुकीमी, मेको कली ठेयब सेलीन ।  
याक्व आ चच युइ, मेको कली “गे नेल्ल क्येडा  
ठेयब बाक्नीनी” देनीन । इसराएल आ चच युइ  
नेल्ल मेको कली मान पा हिनीन । २४ मारदे हना

मेकोमी श्यत जाइब आन श्यत तशा, आ कुल  
मखरुइक्थु, आं बरेशशो नंतु । हिबेरू १५ :७

२५ ठेयब गरुम्तीकमी आं इन कली ठेयब  
सेल्ल्तीक कुम्सो इन लां रं जाक्व । आं कसम  
जशो इन कली मान पा हिंब आन डांइती  
खान्नुड । २६ परुडग मुरपुकी जशा रूनीम । मिनु  
परमपरभु यावे कली माल्बपुकीमी “परमपरभु  
यावे ठेयब बाक्व” देनीम । गपुकी गेना हना यो  
बरोइशा बाक्चा ताइनीनी । भजन संग्रह ६९ :३३  
२७ रागी रागी डा मुरपुकीमी आं कली मिम्शा,  
परमपरभु यावे गे लाइनीम । मिनु रागी डा खिं  
खिं डा मुरपुकी परमपरभु आ डांइती बाप्नीम ।  
२८ मारदे हना मेको राज्य परमपरभु यावे केन  
बाक्व । मिनु मेकोमी रागी रागी डा मुर आन  
कली सासन पाइब । २९ रागी रागी डा जाइब  
तूब, शुश क्येट थीबपुकी परमपरभु आ डांइती  
बाप्नीम । मिनु बेक्शा, फुरक दुम्ब नेल्ले मेको  
आ डांइती बाप्नीम । ३० मिनु मेको आन चच  
युइपुकीमी मेको कली सेवा पाइनीम । मिनु आन  
नोल डा पाला डा मुर परमपरभु यावे आ पर्वम  
शंचा पुंइसीनीम । ३१ मेकोपुकीम नोल जर्मेशो मुर  
आन कली परमपरभु आ ठीक पतीके आ पर्वम  
शंनीम । मेकोमी परोइनु, दे नेल्ल आन कली  
तुइक्पाइक्नीम ।

### रिम्शो गोठला

दाऊद आ कुम्सो ।

२३ १ परमपरभु यावे आं गोठला बाक्व । आं  
माल्शो नेल्ल बाक्व । उत्पत्ती ४८ :१५ ;  
यसैया ४० :११ ; यूहन्ना १० :११-३० २ आं कली  
रिम्शो घांस बाक्तीकम इप्पाइक्व । बरोत्रशो  
व्याक्कु आ नेक्था चाक्दोक्व । इजीकीएल  
३४ :१३-१४ ; परकाश ७ :१७ ३ मेकोमी आं थुं  
बारपाइक्व । आं कली आंम आ नें आ पर्वम  
ठीक लां कांइब । ४ मिनु गो बेक्चा डा बेसीम  
गाक्ती हना यो, महिनुड । मारदे हना गे गो नु  
बाक्नीनी । इन कोक्क तशा आं थुं नाइशशा  
ग्येरनुड । भजन संग्रह ४६ :३ ५ गो आं कली  
आं जारी सतरु आन डांइती थुल्लीनी । आं पिया  
तार तेल लुक्नीनी । आं कचौरा क्युप्चा डा पा  
पिरंताक्नी । भजन संग्रह ३६ :९ ६ थमा पा गो  
मबेक्का सम्म परमपरभु आ रिम्शो पतीके नु  
आ दाक्तीके गो नु बाक्व । मिनु गो गेना हना यो  
परमपरभु यावे आ खिंम बाक्नुड । भजन संग्रह  
८४ :५

परमपरभु आ बाक्तीक ओव्रशो

दाऊद आ कुम्सो ।

२४ १रागी नेल्ल, मेकर डा मारेइ मारेइ नु मेकर डा बरांइशा बाक्ब नेल्ल परमपरभु यावे केन बाक्नीम। यूहन्ना १:११; १कोरिन्थी १०:२६ २मारदे हना परमपरभुमी मेको नेल्ल आन कली ब्वाक्कु तारी सल्शा, शुश ब्वाक्कु तारी लीमल, दे सल्शा बाक्त।

३सु परमपरभु यावे आ डांडा डाइक्का ताइबा डा? सु आ याव्रशो बाक्तीकम बाक्ने चाप्पा डा? भजन संग्रह १५:- ४आन गुइमी काइ मरिम्शो मपाइबपुकी, रिम्शो थुं पाइश्शोपुकी, मूर्ति आन डांडती सेउ मपाइबपुकी नु जोल पा कसम मजाइबपुकी ला मेकर डाइक्ने चाप्नीम। ५मेकोपुकीमी परमपरभु यावे आ आसीक ताइनीम। मिनु पाप रे परांइब परमपरभुमी मेको आन कली आ ठीक पतीके गेब। यसैया ४८:१८, ६मोदंशो मुरपुकी परमपरभु कली माल्ब बाक्नीम। मिनु “याक्ब आ परमपरभु, इन कुल तच्चा दाक्नीक” देनीम। ठेयब संदा पा।

७मिनु “गे ठेयब लाप्पोपुकी इन पिया पोक्कीन। माइत लाप्पोपुकी रोक्सीन। मिनु मेकर रे छेड्छेड् डा पिप ओव्रल। २सामुएल ६:१-१९; यसैया ४०:३-४ ८मेको छेड्छेड् डा पिप सु बाक्म? मेको मारेइ मारेइ पने चाप्प ठेयब सक्ति पाइश्शा परमपरभु यावे बाक्ब। परमपरभु यावे लडाइम गराब बाक्ब। ९गे ठेयब लाप्पोपुकी इन पिया पोक्कीन। माइत लाप्पोपुकी रोक्सीन। मिनु मेकर रे छेड्छेड् डा पिप ओव्रल। १०मेको छेड्छेड् डा पिप सु बाक्म? मेको मुर नेल्ल आन परमपरभु यावे बाक्ब। मेको छेड्छेड् डा पिप बाक्ब”। ठेयब संदा पा।

परमपरभुमी माफ गेशा, लां कांडेब

दाऊद आ कुम्सो ।

२५ १परमपरभु यावे, गो आं थुंमी इन नेक्था दुम्नुड। २आं परमपरभु, गो इन कली मिम्शा, महिंथु बाक्शो बाक्नुड। गो मुने मदोक्डल। आं जोरी सतरु आं क्येडा मगरामल। ३इन लां कोव्रब नेल्ल मुने मदोक्मल। मोशान श्यत गेबपुकी चहिं मुने दोक्मल।

४ परमपरभु यावे, आं कली इन लां कांडेदीनी। इन गाक्तीक लां शेंदीनी। ५ इन थमा पतीकम आं कली गाक्का, शेंदीनी। मारदे हना गे आं कली श्यत रे परांइब परमपरभु बाक्नीनी। गो नाक्त रे इन लां कोव्रशा, बाक्नुड। ६ परमपरभु यावे, इन शिशी नु गना हना यो दाक्तीक कली मिम्तीन। मारदे हना मेको साइ डांडती रेन बाक्त। ७ गो ठिटा बाक्का ना आं पशो पाप नु आं मरिम्शो पशो परेदीन। परमपरभु यावे, इन गना हना यो दाक्तीक नु रिम्शो पतीकम आं कली मिम्तीन। ८ परमपरभु यावे रिम्शो नु रिम्शो थुं पाइश्शा बाक्ब। मोपतीक मेकोमी पाप पाइब आन कली आ लां आ पर्वम शंब। ९ बरिम्शो आन कली ठीक लां कांडशा, आ लां शंब। १० परमपरभु यावे आ कबल नु आ देशो टीब नेल्ल परमपरभु आ गेना हना यो दाक्तीके नु आ दाक्शा मपरांइतीकमी बरीशो बाक्नीम। ११ परमपरभु यावे, आं पाप ठेयब बाक्त हना यो, इन नें आ पर्वम आं ठीक मपशो माफ गेयीनी। परस्थान ३४:६-७

१२ सु सुमी परमपरभु यावे कली मान पा हिंनीमी, मेको आन कली तेको लां लच्चा माल्नीमी, मेको शंब। १३ मिनु मेको आन माल्शो नेल्ल तशा, आन थुं नाइक्नीम। मेको आन आलपुकीम मेको रागी ताइनीम। भजन संग्रह ३७:९ १४ परमपरभु यावे आ कली मान पा हिंब आन वारच बाक्ब। मिनु मेको आन कली आ कबल शंब। १५ गो गेना हना यो परमपरभु यावे गे ला कोव्रनुड। मारदे हना मेकोमी आं खाइली ब्वारदे रे परांइब।

१६ गे आं गे हिरसीन। मिनु आं कली शिशी पाइय्यीनी। मारदे हना गो आं का दुम्शा, श्यत जशो बाक्नुड। १७ आं थुं डा श्यत बारशो बाक्नीम। मेको श्यत रे परांइयीनी। १८ आं श्यत जशो नु आ थुं साइश्शा कोव्रडीन। मिनु आं पशो पाप नेल्ल क्याम्दीन। १९ आं जोरी सतरु आन कली कोव्रडीन, मारदे हना मेको शुश बाक्नीम। मिनु मेकोपुकीमी आं कली काइ मदाक्नीम। भजन संग्रह ३५:१९ २० आं कली खाल पा परांइयीनी। गो मुने मदोक्डल। मारदे हना इन कली जिम्मा गसाक्यी। २१ रिम्शो पतीके नु रिम्शो थुं बाक्तीकमी आं कली खाल पर्यील। मारदे हना गो इन लां कोव्रशो बाक्नुड। २२ परमपरभु, इसराएल कली आ श्यत नेल्ल रे परीनीन। भजन संग्रह १३०:८

परमपरभु आ झंडती लोत्र पशो

दाऊद आ कुम्सो ।

१ परमपरभु यावे, आं कली निसाफ पने । गो  
**२६** मारइ दोस तचा डा गय मपड । परमपरभु  
 यावे, गो इन कली जिम्मा गंसीशा, महिम्सीथु  
 बाक्ती । २ परमपरभु यावे, गे आं कली नाक्तीन ।  
 आं थुं नु मिम्तीक नाक्शा कोवडीन ।

३ इन गना हना यो दाक्तीक आं झंडती बाक्ब ।  
 मिनु गो इन कली मपरांडथु, गाक्शा बाक्नुड ।  
 ४ गो दूली पाइब मुरपुकी नु मबाक्ड । मिनु जाल  
 पाइबपुकी नु गारशा गय मपड । भजन संग्रह  
 १:३ ५ मरिम्शो पाइब आन देल्ल्तीक गरांगरा  
 दीनुड । मिनु इन अरेशो मटीब नु मबाक्नुड । ६ आं  
 गुडमी मारइ मरिम्शो मपड । परमपरभु यावे,  
 इन कली ठेयब सेल्शा, इन चढेतीक आ एर  
 आंथ हिरशा बाक्नुड । व्यवस्था २१ :६-७ ; मती  
 २७ :२४ ७ मेना इन नें ठेयब सेल्सा सेल्न कुम्सो  
 पा, इन पशो छेक लाक्चा डा गय नेल्ल ठेयब  
 संदाम शंनुड । ८ परमपरभु यावे, इन बाक्तीक खिं  
 नु इन छेडछेड दाक्नुड । भजन संग्रह २२ :४ ;  
 भजन संग्रह १२२ :१-२

९ आं कली मरिम्शो पाइब नु हुश खराक्श  
 पाक्ब नु मसाइय्यीनी । १० मकोपुकीम मरिम्शो  
 ला पशा, घूस जाइनीम । ११ गो चहिं, मारइ दोस  
 तचा डा गय मपथु, बाक्शा बाक्नुड । आं कली  
 शिशो पचा मपरांडयीनी । १२ परमपरभु यावे, गो  
 दिममी राप्शा, शुश मुर आन गरुम्तीकमी इन  
 कली ठेयब सेल्नुड । भजन संग्रह २२ :२३

परमपरभु यावे नु थुं का दुम्शो

दाऊद आ कुम्सो ।

१ परमपरभु यावे आं छेडछेड नु आं कली  
**२७** श्येत रे परांडब बाक्ब । गो सु नु हिंचा  
 माल्लुडा डा ? परमपरभु यावे आं ब्रांडतीक  
 सक्ति नु आं खरुइक्तीक बाक्ब । आं कली सुम  
 हिंच कोइने चाप्वा डा ? मीका ७ :८ ; भजन  
 संग्रह ५६ :५ २ मरिम्शो मुरपुकी आं श्ये  
 व्यचा कली आं नेक्था जाक्मानु, आं कली  
 खेदा पाइब नु आं जोरी सतरु दाइल पपाइशशा  
 सोल्त्वा पुंडसाक्म । ३ मिनु ठेयब लडाइ पाइब  
 हुलम पुम्ताक्यीमी हना यो, गो महिंनुड । जिचा  
 पाक्तेक्म हना यो “परमपरभुमी आं कली परांडब”  
 दे थमा सुइशशा बाक्नुड । भजन संग्रह ३ :७

४ गो परमपरभु यावे नु लोत्र का पुंडनुड ।  
 मिनु मेको माल्ला माल्ल बाक्नुड । मेको मार  
 बाक्ब देशा हना “गो मंबक्डा सम्म परमपरभु  
 यावे आ बाक्तीकमी बाक्शा, परमपरभु यावे  
 आ रिम्शो पतीक तचा नु आ खिंम मेको कली  
 आ रिम्शो पतीक तचा नु आ खिंम मेको कली  
 माल्शा तुइक्चा दाक्नुड । भजन संग्रह २६ :८ ;  
 भजन संग्रह ४२ :५ ; भजन संग्रह ६३ :३ ;  
 भजन संग्रह ८४ :४,५,११ ५ मारद हना श्येत  
 दुम नाक्ती, मेकोमी आं कली आ बाक्तीकमी  
 खरुइशशा वोइक्ब । मिनु आं कली सेरथ फुल्लु  
 तारी वोइक्ब । भजन संग्रह ३१ :२१ ६ मोपा आं  
 एर आंथ बाक्शा जोरी सतरु आन झंडती आं  
 पिया पाक्ब । मिनु गो ग्यरशा ठेयब संदामी  
 परमपरभु यावे कली चदेशा, कुम्सो पाइनुड ।

७ परमपरभु यावे, गो इन कली बरडडानु, गे  
 आं लोत्र नंशा, शिशो पा आं पुंडशो गयीनी ।  
 ८ परमपरभु यावे, इन लोत्रमी ‘आं कली मालीन’  
 दे बरक्शा सोदंशो पा, आं थुंमी इन कली  
 माल्लुड । व्यवस्था ४ :२९ ९ इन कुल आं क्येडा  
 मखरुइक्तीन । इन गाइक्तीकमी इन गय पाइब,  
 आं कली, मतिल्यीनी । गे आं कली वारच पाइब  
 बाक्नीनी । गो नु बाक्शा, मपरांडयीनी । गे आं  
 कली श्येत रे परांडब बाक्नीनी । १० आं आम  
 आफोमी आं कली परांडतीसी हना यो, परमपरभु  
 यावेमी आं कली कोत्रब । ११ परमपरभु यावे, आं  
 कली इन लां शंदीनी । मिनु आं जोरी सतरु  
 आन पर्वमी आं कली ठीक लां कोइदीनी । भजन  
 संग्रह ८६ :११ ; भजन संग्रह १३९ :२४ १२ आं  
 कली खेदा पाइब आन गुडमी मगयीनी । मारद  
 हना मेको जोल पा सांकळी बाक्शा बाक्नीम ।  
 मकोपुकी हुश खराक्श पाक्ब बाक्नीम । १३ गो  
 ब्रांडशा बाक्ब आन बाक्तीकमी, परमपरभु यावे  
 आ रिम्शो पतीक ताइनुड, दे थमा सुइक्नुड”  
 दे लोत्र पाता । यसैया ३८ :११ १४ गो इ कली  
 “परमपरभु यावे आ वारच पतीक रिम्दो । बोल्यो  
 दुमो । इ थुं बारपतो । मिनु परमपरभु यावे आ वारच  
 पतीक रिम्दो” दे कुम्सो पाता ।

शिशो नु वारच पतीक पुंडशो

दाऊद आ कुम्सो ।

१ परमपरभु यावे, गो इन कली लोत्र  
**२८** पाइनुड । गे आं सेरथ फुल्लु बाक्नीनी ।  
 आं कली लोत्र मलेत्थु, आं क्येडा डोन मलने ।  
 मो पाइतीनी हना, गो बक्शा मुर सोदंशो दुम्नुड ।  
 २ आं पुंडशो लोत्र नेनीन । गो इन योत्रशो बाक्तीक

रे आं गुड पोक्शा “वारच पाइय्यीनी” दे आं बरेश्शो लोत्र नेनीन। ३आं कली इन अरेशो मदीब नु मरिम्शो पाइब मुर नु मक्याम्दीन। मेको आन नक्था डा मुर नु गारशो लोत्र पाइनीम। तन्न आन थुं मरिम्शो पतीकमी बरीशो बाक्नीम। २सामुएत २०:१-१० ४मेको आन पशो नु थाम्पा मरिम्शो पशो आ पर्वम क्यक्क लेत्तीन। दोदेशो पा पाम, मोदेशो पा क्यक्क लेत्तीन। ५मेकोपुकीमी परमपरभु यावे आ पशो नु आ गुडमी सल्शो मारइ ममिम्नीम। परमपरभुमी मेको आन कली गेनायो मबोक्चा डा पा क्याम्शा, लेशा मसेल्ब। यसैया ५:१२-१३

६गो परमपरभु यावे कली ठेयब सेल्लुङ्। मारदे हना “आं कली वारच पाइय्यीनी” दे आं पुंडशो नेंतु। ७परमपरभु यावे आं सक्ति नु आं तेक्तीक बाक्ब। गो मेको कली थमा सुइक्ता। मोपा आं कली वारच पाइक्ती। मोपतीक गो थाम्पा ग्येरसीशो बाक्नुङ्। गो आं कुम्सोमी मेको कली ठेयब सेल्लुङ्।

८परमपरभु यावे आ मुर आन सक्ति बाक्ब। आ तेल लुक्शो पिप कली परांडब बाक्ब। ९इन मुर आन कली परोनीन। इन रागी कली आसीक गेन। मिनु मेको आन कली गेना हना यो गोठला सोदेशो पा योत्रशा, गुप्शा, कुरशा पने।

परमपरभु कली ठेयब सेल्लुङ्

दाऊद आ कुम्सो।

१गे सक्ति पाइश्शो आन तीपुकी, २९ परमपरभु यावे कली “गे सक्ति नु छेङ्छेङ् पाइश्शो बाक्नीनी” देनीन। भजन संग्रह १०३:२०-२१ ३गे परमपरभु यावे कली “इन ने नल्ल आन क्येडा ठेयब बाक्ब” देनीन। गे परमपरभु यावे आ दाक्तीकमी ग्योम्सीशा परमपरभु यावे आ डांडती बाप्पीन। ३परमपरभु यावे आ संदा ब्याक्कु तारी बाक्ब। छेङ्छेङ् डा परमपरभुमी ठेयब ब्याक्कु तारी बुबु पपाइक्ब। परमपरभु यावे ब्याक्कु तारी बाक्ब। ४परमपरभु यावे आ संदा सक्ति पाइश्शो बाक्ब। परमपरभु यावे आ संदा नल्ल मान ततीक बाक्ब। ५परमपरभु यावे आ संदामी लेबानोन डा लाइश्शो रवा आन कली जिक्ब। परमपरभु यावे आ लोत्रमी लेबानोन डा लाइश्शो रवा आन कली जिक्ब। ६मेकोमी लेबानोन डांडा कली बाच्छा नु हेरमोन डांडा कली ब्याकी डा ब्यफ सोदेशो पा परेक्पाइक्ब। व्यवस्था

३:८-९ ७परमपरभु यावे आ संदा चिला सोदेशो बाक्ब। ८परमपरभु यावे आ संदामी गोरशो रागी हिम्पाइक्ब। परमपरभु यावेमी कादेश माइश्शो गोरशो रागी हिम्पाइक्ब। ९परमपरभु यावे आ संदामी ठेयब रवा कली जिक्पाइक्ब। ब्याकी डा रवा नल्ल शोल्मी पा खोल्ब। मिनु नल्लमी “परमपरभु ला ठेयब बाक्ब” दे आ बाक्तीकमी लोत्र पाइनीम।

१०परमपरभु यावे आ ठेयब निक्तीक ब्याक्कु तारी बाक्ब। मेको आ ठेयब निक्तीकम निश्शा, गेना हना यो सासन पाइब। ११परमपरभु यावेमी आ मुर आन कली सक्ति गेब। परमपरभु यावेमी आ मुर आन कली आसीक गेशा, थुं नाइक्पाइक्ब।

बेक्चा रे परांडशो

परमपरभु यावे आ खिं सेल्ले नुम्मेनु पतीक, दाऊद आ कुम्सो।

१परमपरभु यावे, गो इन कली मान ३० पाइनुङ्। मारदे हना गे आं कली उइ रे ग्येत्थ पाक्तीनी। मिनु आं जोरी सतरु आन कली आं पर्वम ग्येरचा मंगनी। २परमपरभु यावे, आं परमपरभु, इन कली “वारच पाइय्यीनी” दे बरेङ्डानु, गे आं कली सापाइक्तीनी। ३परमपरभु यावे, गे आं कली बेक्शो मुर आन बाक्तीक रे गरुइताक्यीनी। बेक्शो मुर आन दातमी आं कली बरांडतीक साक्त गेशा, परांडतीनी। भजन संग्रह ११६:३,४,७-९

४परमपरभु यावे कली टीबपुकी, मेको कली कुम्सो पने। मिनु आं ने ठेयब सेलीन। ५मारदे हना आ गाइक्तीक इक्का ला बाक्ब। तन्न आ शिशी पतीक बरांडशो सम्म लीब। मुर नाक्दो रे डाक्चा माल्ताक्ब हना यो, सुनी ग्येरपाइक्चा पुंडसीब। यसैया ५४:७-८

६गो थुं नाइश्शा बाक्डानु “गो गेनायो महिम्सीनुङ्” देती। ७परमपरभु यावे गेमी शिशी पा आं डांडा बोल्यो सेल्लीनी। मिनु नोले इन कुल सरुइक्तीनीनु, गो हिंती। ८परमपरभु यावे, गो इन कली पुंडता। गो इन कली बरती। ९गो बेक्डानु, इन कली मार रिम्शो दुम्बा डा ? फुरकुमी इन कली ठेयब सेल्बा डा ? मार, इन दाक्शा गेनायो मपरांडतीक आ पर्वम शंबा डा ? भजन संग्रह ६:६ १०परमपरभु यावे, आं लोत्र नेनीन। आं कली शिशी पाइय्यीनी। आं कली वारच पाइब दुमीन।

११गो रोंका पाइब मुर, सिल पाइब दुम्ती।  
आं रोंका पतीक अरन्डी परुइशशा, ग्यरतीक  
किप्शुर खोंदंशो पा किप्ताक्यीनी। १२गो सिक्सी  
पा मबाक्थु, इन पर्वम कुम्सो पाइनुड। परमपरभु  
याव, गेना हना यो बाक्ब आं परमपरभु, गो इन  
कली ठेयब सल्लुड।

परमपरभु कली जिम्मा गेंसीशो

कुम्सो पपाइक्ब कली दाऊद आ कुम्सो।

३१ परमपरभु याव गो इन कली जिम्मा  
गेंसीनुड। गो गेनायो मुन मदीकडल। इन  
ठीक पतीकमी आं कली परांडयीनी। २इन नोफा  
दाइक्तीन, आं कली रीब पा परांडयीनी। गे आं  
खरुइक्तीक सेरथ फुल्लु नु आं कली परांडब  
बोल्थो दरवार दुमीन। भजन संग्रह ७१:३ ३इन  
नें आ पर्वम आं कली शेंशा, लां कांडदीनी। मारदे  
हना गे आं सेरथ फुल्लु नु आं बोल्थो दरवार  
बाक्नीनी। ४मेकोपुकीमी आं कली मतचा डा पा  
व्यारद दाइक्ताकम। आं कली परांडयीनी। मारदे  
हना गे आं सक्ति बाक्नीनी। ५आं सोक्त इन  
गुइमी जिम्मा गेनुड। परमपरभु याव, गे आं कली  
श्यत रे परांडतीनी। गे इन मुर आन कली दाक्शा  
मपरांडब परमपरभु बाक्नीनी। लुका २३:४६  
६गो शोर गाक्शो मूर्ति आन कली सेउ पाइब  
आन कली गरांगरा दित्लुडमी। गो परमपरभु  
याव इन कली जिम्मा गेसाक्यी। ७इन गेना  
हना यो दाक्तीक तशा, ग्यरना ग्यरन बाक्ती।  
मारदे हना गे आं श्यत तशा, आं थुं लुक्च लेशो  
तुइशशा बाक्नीनी। ८गे आं कली आं ज़ोरी सतरु  
आन गुइमी मगेनी। गे आं कली रिम्शो ठेयब  
बाक्तीकमी बाक्पाइक्तीनी।

१ परमपरभु याव, आं कली शिशो पाइय्यीनी।  
मारदे हना गो श्यत जशो बाक्नुड। आं थुं लुक्च  
दुम्तीक आं मिक्च ओत्रशो नु आं रां सोत्रशो  
बाक्ब। १०आं थुं ग्येत्य लुक्च लतीक, गो बेक्चा  
चिक्शो बाक्ती। हुकथो पतीकमी आ बरांडतीक  
नाक्ती योल्लेक्म। आं ठीक मपशोमी आं बोल  
नेल्ल ग्युम्शो बाक्ब। मिनु आं रुश नेल्ल  
मुक्शो बाक्नीम। ११आं ज़ोरी सतरु आन क्येडा  
आं नेक्था डा मुरपुकीमी शुश शुक्शो पाइक्चा  
पुंडसीब दुम्ती। आं तुइशशा मुर आं कली तशा  
हिंनीम। आं कली लोम गरुम्ब मुरपुकी आं कली  
तशा हिंशा परोक्नीम। १२बेक्शो मुर सोदंशो पा  
सुइमी आं कली ममिम्नीम। गो बरोल्थो गर  
सोदंशो दुम्ती। १३गो ते लती हना यो हिंतीक ला

बाक्ब। मारदे हना शुशमी आं पर्वम जोल पा लोत्र  
पशो नेंता। मेकोपुकी बुक्शा, आं कली साइक्चा  
कली सल्लता पाम्तक्म। यरमीया २०:३

१४तन्न परमपरभु याव, इन कली जिम्मा  
गेंसीशो बाक्नुड। गो “गे आं परमपरभु बाक्नीनी”  
देंती। १५आं बरांडतीक नाक्ती इन गुइमीन  
बाक्ब। आं ज़ोरी सतरु नु आं कली खदा  
पाइबपुकी रे परांडयीनी। भजन संग्रह १३९:१६ ;  
उपदेसक ३:१-८, १६इन छुड्छुड् डा कुल इन  
वाइल तारी वोतीन। इन शिशो पतीकमी आं  
कली परांडयीनी। भजन संग्रह ८०:४ ; गन्ती  
६:२५ १७परमपरभु याव, गो मुन मदीकडल।  
मारदे हना गो इन कली “वारच पन” दे पुंडता।  
इन अरशो मटीबपुकी मुने दाक्मल। मेकोपुकी  
बेक्शो मुर आन बाक्तीकम सिक्सी पा बाक्मल।  
१८ठेयब लेशो मुरपुकीम ठीक पाइब आन कली  
आइक्च सेल्था, मरिम्शो पाइनीम। जोल पा  
लोत्र पाइनीम। मेको आन शोत्र खरत्तीन।

१९गे इन कली मान पा हिंब आन कली गेना  
हना यो शुश दाक्नीनी। इन कली जिम्मा गेंसीब  
आन कली दाक्तीक मुर आन डांडती कांडनीनी।  
२०इन मुर आन कली मरिम्शो मुर आन क्येडा  
परांडचा, दे इन बाक्तीकमी खरुइक्नीनी। गे इन  
मुर आन कली मरिम्शो लोत्र पाइब आन क्येडा  
खरुइक्नीनी। भजन संग्रह २७:५

२१परमपरभु याव ठेयब बाक्ब। आं कली  
बोल्थो सहरम पुम्शो खोंदंशो पा आ लुक  
लाक्चा डा दाक्तीक कांडताक्यी। २२डांडती गो  
हिंशा “गे आं कली मताइनीनी” देंती हना यो  
“वारच पाइय्यीनी” दे आं पुंडशो लोत्र नेंतीनी।

२३परमपरभु याव आ मुर नेल्लमी परमपरभु  
कली दाक्तीन। परमपरभु यावमी आ कली थमा  
सुइक्ब आन कली कोत्रब। ठेयब लेशो आन  
कली आन क्येक्क लेप्ब। २४परमपरभु याव आ  
लां कोत्रशा रिम्बपुकी, सक्ति पाइशशा, ठेयब थुं  
पाइशशा दुमीन।

मरिम्शो पशो क्याम्चा पुंडसीशो

शेंतीक लोत्र डा दाऊद आ कुम्सो।

३२ १सु सु आन हेंथे पशो क्याम्चा पुंडसीशो  
बाक्मा, मेको ग्यरसीशो मुर बाक्नीम।  
मारदे हना आन पाप सुम्शो बाक्ब। रोमी ४:६-  
८ २परमपरभु यावमी सु सु आन मरिम्शो पशो  
ममिम्बा, मेको ग्यरसीशो बाक्नीम। मेको आन  
थुंमी जोल पतीक काइ मबाक्ब।

३गो आं मरिम्शो पशो आ पर्वम सिक्सी पा बाक्शा, नाक्त रे आं श्येत जशामी हुकयी पाता। मिनु आं रुश नेल्ल मुक्ताक्म। ४मारदे हना नाक्दो नाक्ती इन गुइमी चिप्ताकयीनी। गो नाप्शो नांम किक्शा सोदंशो दुम्ती। ठयब संदा पा। मञ्जन संग्रह ३८:१९; हितापदेस २८:१३; याक्ब ५:१६; यसेया ३८:१७ ५ मिनु “गो परमपरभु यावे कली आं पाप शोत्रनुड” दंशा, गो आं मरिम्शो पशो इन डांइती मखरुइक्त्तु। मिनु गे आं मरिम्शो पशो क्याम्ताकनी। ठयब संदा पा।

६मोपतीक इन कली टीब मुर नेल्लेम श्येत जशा, इन कली लोत्र पाइनीम। मिनु ब्वाक्कु बारशा जाक्त्त हना यो, मेको आन बाक्तीक मजाक्दीप्ब। ७गे आं खरुइश्शा बाक्तीक बाक्नीनी। गे आं कली श्येत रे परांइनीनी। गे आं कली श्येत रे परांइतीक कुम्सो पपाइक्नीनी। ठयब संदा पा।

८मिनु परमपरभुमी “गे तेको लांम गाक्चा माल्नीनी, मेको इन कली शंनन्नी। गो इन कली कोत्रशा, लां कांइनन्नी। ९गे मिम्तीक मपाइश्शा शारा नु खच्चर सोदंशो मदुमीन। मेको आन कली बिप्पाइक्चा कली लगम नु चलेतीक माल्ब। मो मदुम्त हना, मेकोपुकी इन नक्था मजाक्नीम” दंत।

१०इन अरंशो मटीबपुकी शुश श्येत जाइनीम। तन्न परमपरभु यावे कली थमा सुइक्बपुकी आ गेना हना यो दाक्तीक ताइनीम। ११गे ठीक पाइबपुकी, परमपरभु यावे कली मिम्शा ग्यरसीन। रिम्शो थुं पाइश्शापुकी ग्यरशा, कुम्सो पने।

परमपरभु कली ठयब सेल्लो कुम्सो

३३ १ठीक पाइबपुकी परमपरभु यावे कली मिम्शा ग्यरसीन। रिम्शो थुं पाइश्शापुकीमी परमपरभु यावे कली ठयब सेल्लीक कुम्सो पचा शिरनीम। २बीना ताप्शा, परमपरभु यावे कली ठयब सेलीन। १०ओटा तार पाइश्शा ठयब ताप्तीक ताप्शा, मेको कली कुम्सो पने। ३मेको कली नक कुम्सो का पने। रिम्शो पा ताप्शा, ग्यरसीन। मञ्जन संग्रह ४०:४; मञ्जन संग्रह १६:१; मञ्जन संग्रह १८:३; मञ्जन संग्रह १४४:९; मञ्जन संग्रह १४९:१; यसेया ४२:१०; परकाश ५:९ ४मारदे

हना परमपरभु यावे आ लोत्र थमा बाक्ब। मिनु मेको आ गेय नेल्ल आ दाक्शा मपरांइतीकमी पाइब। ५मेकोमी ठीक पतीक नु ठीक निसाफ दाक्ब। रागी नेल्ल परमपरभु यावे आ गेना हना यो दाक्तीकमी बरीशो बाक्ब।

६परमपरभु यावेमी लोत्र पशा, सरीड सेल्लु। आ मुइश्शामी सोरुल नेल्ल दुम्तक्म। उत्पती १:६,१४ ७मेकोमी समुन्दर डा ब्वाक्कु कली गारा सोदंशो पा राप्पाइश्शा बाक्त्त। मिनु मेको कली वोइक्तीकमी वोइश्शा बाक्त्त। मञ्जन संग्रह १०४:९ ८रागी नु मेकर बाक्ब मुर नेल्ले परमपरभु यावे कली मान पा हिंमल। ९मारदे हना परमपरभुमी लोत्र पा मारइ मारइ दुम्शो बाक्त्त। मेकोमी अरवानु, दुम्शो बाक्त्तक्म। मञ्जन संग्रह १४८:५ १०परमपरभु यावेमी रागी रागी डा मुर आन मिम्शा पशो खतम सेल्ल। मेकोमी जात जात डा मुर आन मिम्शो गेय शोर गाक्शो सेल्ल। ११परमपरभु यावे आ मिम्शो गेना हना यो लीब। आ थुंम मिम्शो नेल्ल पात्ता सम्म लीब। १२तेको रागीम परमपरभु, आं परमपरभु यावे बाक्बा, मेको ग्यरसीशो रागी बाक्ब। मारदे हना मेको योत्रसीशो रागी बाक्ब। ब्यवस्था ३३:२९ १३परमपरभु यावेमी स्वर्ग रे कोत्रशा, मुर नेल्ल आन कली ताइब। १४मेकोमी आ बाक्तीक रे रागीम बाक्ब मुर नेल्ल आन कली कोत्रब। १५मेकोमी मुर नेल्ल आन थुं डा मिम्तीक सेल्ल। मुर नेल्ल आन पशो यो कोत्रब। हितापदेस २१:१

१६मिनु सुइ पिप लडाइ पाइब आन पतीकमी ब्रांइने मचाप्नीम। लडाइ पाइब मुर आन ठयब बोलम ब्रांइने मचाप्नीम। १सामुएल १७:- १७मिनु “लडाइम शुश शारा बाक्तीक ब्रांइनीकी” दंचा जोल बाक्ब। मेको आन ठयब सक्तिम यो ब्रांइने मचाप्ब। मञ्जन संग्रह २०:८ १८परमपरभु यावेमी आ कली मान पा हिंम नु आ गेना हना यो दाक्तीक कली रिम्ब आन कली कोत्रब। १९मिनु मेको आन कली बेक्चारे परांइब। मिनु अन्काल दुम्मेनु, ब्रांइपाइक्ब। २०गोपुकी परमपरभु यावे आ लां कोत्रशो बाक्नीक। मेको आंइ कली वारच पाइब नु तेक्तीक बाक्ब। २१मिनु परमपरभु आ पर्वम आंइ थुं ग्यरब। मारदे हना गोपुकी मेको आ नेमी जिम्मा गेसाक्क। २२परमपरभु यावे, गो दोपा इन लां कोत्रका, मोपा इन गेना हना यो दाक्तीक गोपुकी नु बाक्ल।

परमपरभुमी कोव्रशो

दाऊद आ कुम्सो। दाऊदमी पिप अबीमेलेक  
क्येडा हिंशा, निप्स ग्यशो दुम्ची ना पशो  
कुम्सो। अबीमेलेकमी दाऊद कली खेरानु,  
दाऊद लशो। १।सामुएल २१:१४-१६

३४ १।गो परमपरभु यावे कली गेना हना  
यो ठेयब सल्लुड। मेको कली ठेयब  
सेल्वीक लोव्र गेना हना यो आं शोव्रम बाक्ब।  
२।परमपरभु यावे कली मिम्तीक आं थुं बारशा,  
ग्येरब। बरम्शो थुं पाइश्शोपुकी यो एको नंशा,  
ग्येरसीनीम। ३।गो गो नु परमपरभु यावे कली  
ठेयब सेल्वीन। मिनु गो नल्ल गारशा, आ नं ठेयब  
सेल्य।

४।मिनु गो परमपरभु यावे कली माल्ता।  
मेकोमी आं लोव्र लेत्ताक्यी। मेकोमी आं कली  
हिंतीक नु श्येत रे परांडती। ५।मेको आ लां  
कोव्रबपुकी ग्येरशो दुम्नीम। मेकोपुकी मुने  
मदोक्मल। ६।एको श्येत जाइबम पुंडतु। मिनु  
परमपरभु यावेमी आ लोव्र नंशा, आ श्येत रं  
परांडतु। ७।परमपरभु यावे आ स्वर्ग डा गेय  
पाइबम परमपरभु कली मान पा हिंब नल्ल आन  
एर आंथ बाक्शा, खाल पाइब। मिनु मेको आन  
कली आन श्येत रं परांडब। भजन संग्रह ११:११ ;  
उत्पत्ती ३२:२-३ ; २राजा ६:१७ ८।परमपरभु  
यावे कली कोव्रडीन, मेको रिम्शो बाक्ब। मेको  
कली जिम्मा गंसीबपुकी ग्येरसीशो बाक्नीम। ९।  
पतरुस २:३ १।परमपरभु यावे आ मुरपुकी मेको  
कली मान पा हिनीन। मारद हना मेको कली  
मान पा हिंबपुकी मारद मारदम गाप्शो बाक्नीम।  
१०।शुश क्यट थीब आन तमी तौ जचा ब्बचा  
मतथु, शोव्रलु बेक्नीम। तन्न परमपरभु यावे  
कली माल्ब मारद मारदम गाप्शो बाक्नीम।  
लूका १:५३

११।आलपुकी, एक जाक्कीन। मिनु आं लोव्र  
नेनीन। गो इन कली परमपरभु यावे कली मान पा  
हिंतीक आ पर्वम शंनन्नी।

१२।सुसमी शुश नाक्ती बरोंडचा नु रिम्शो तचा  
दाक्नीमी, १३।मेको मरिम्शो लोव्र नु जोल पतीक  
रे डोन बाक्चा माल्नीम। १४।मरिम्शो पतीक  
रे लेश्शा, रिम्शो पने। थुं नाइश्शा बाक्तीक  
माल्शा बाक्कीन।

१५।परमपरभु यावेमी ठीक पाइब आन गे  
कोव्रशा, मेको आन पुंडशो नंब। १६।परमपरभु  
यावेमी मरिम्शो पाइब आन कली कोव्रना कोव्रन

बाक्ब। मिनु मेको आन कली मिम्तीके का यो  
मवोइक्थु रागी रे क्याम्ब। हितोपदस १०:७  
१७।ठीक पाइबपुकीमी पुंडनीम। मिनु परमपरभु  
यावेमी मेको आन पुंडशो नंशा, आन श्येत  
नल्ल रं परांडब। १८।परमपरभु यावे थुं लुक्च  
लशो आन नक्था बाक्ब। आन थुं बेक्शो आन  
कली परांडब। भजन संग्रह ५१:१९ ११।ठीक  
पाइबपुकी शुश श्येत जाइनीम। तन्न परमपरभु  
यावेमी मेको आन कली श्येत नल्ल रं परांडब।  
२।कोरिन्थी १:५ २०।मिनु मेकोमी आन रुश  
नल्ल कोव्रब। मुरुम का यो मजिकनीम। यूहन्ना  
१९:३६ ; परस्थान १२:४६ २१।मिनु परमपरभु आ  
अरंशो मटीब आन मरिम्शो पतीकमी साइक्चा  
पुंडसीनीम। ठीक पाइब आन कली मदाक्बपुकी  
दोस तशा सजाइ ताइनीम। २२।परमपरभु यावेमी  
आ गेय पाइब आन कली श्येत रं परांडब। मेको  
कली जिम्मा गंसीबपुकी दोस मतथु, काइ सजाइ  
मताइनीम।

जोरी सतरु कली निसाफ पने, देशो

दाऊद आ कुम्सो।

३५ १।परमपरभु यावे, आं कली जिचा तोइब  
आन कली जिचा तोने। आं कली लडाइ  
तोइब आन कली लडाइ तोने। २।ठेयब तेक्तीक  
नु या शशा, आं कली वारच पथ बोक्कीन। ३।इन  
तूतीक नु तरवार शशा, आं कली खेदा पाइब  
आन लां तेक्कीन। मिनु आं थुं कली “गो इ  
कली परांडब नड” देनीन। ४।आं कली साइक्चा  
माल्बपुकी खतम दुम्शा, मुने दोक्मल। आं कली  
मरिम्शो पाइक्चा, दे मिम्बपुकी नोले लेश्शा,  
मुने दोक्मल। ५।मेकोपुकी फशम योल्शो भूस  
खादेशो दुम्मल। मिनु परमपरभु यावे आ स्वर्ग  
डा गेय पाइबमी मेको आन कली खेदा पस डा  
पस पवल। ६।मेको आन लां छिड्छिड्नु नु गुरेक्शा  
थितीके दुम्ल। मोपा यो परमपरभु यावे आ  
स्वर्ग डा गेय पाइबमी खेदा पवल।

७।मारद हना मेकोपुकीमी मोशान आं कली  
ब्यारद दाइक्ताक्यीमी। मिनु मोशान आं कली  
साइक्चा कली बिक्तीक दोम्तक्म।

८।मेको आन मतुइक्थु, हिंचा डा ठेयब श्येत  
दुम्ल। मिनु मेको आन खरुइश्शा दाइश्शो  
ब्यारदम आंमान रम्मल। मेको आन दोशो  
बिक्तीकमी आंमान बिक्शा, बेक्मल। ९।गो  
चहिं परमपरभु यावेमी आं कली परांडशो  
तशा ग्येरसीनुड। १०।मिनु गो आं रं नल्लमी

“परमपरभु यावे, इन सोदंशो सु बाक्वा ?” दंनुड । गे मचाप्प नु श्यत जाइव आन कली बोल्यो मुर आ गुड रे परांडनीनी ।

११ जोल पाइव सांकछीपुकी गरुनीम । मिनु आं मतुइशशा लोत्र हिल्ला पाइनीम । १२ गो मको आन कली रिम्शो पाता । मकोपुकीम चहिं मरिम्शो पाइवतीमी । गो का ला दुस्ती, सुइम आं कली वारच मपाइय्यीमी । १३ मकोपुकी रोइ पामेनु, गो अरन्डी फक्शा, माइजा बाक्शा, सुर्ता पाता । गो बाप्शा मको आन पर्वम परमपरभु कली पुंडता । अय्युव ३१ : २९, १४ आं वारच नु आं लोक्व आन पर्वम सोदंशो पा, मको आन पर्वम रोंका पाता । आं ममा आ पर्वम सोदंशो पा आं पिया सुक्शा, रोंका पाता । रोमी १२ : १५, १५ तन्न गो दाइल पांडसीडानु, मकोपुकी रिशशा, आं पर्वम शुक्शी पचा कली बुक्तेक्म । आं मतुइशशा शुक्शी पाइवपुकी आं कली मरिम्शो पचा कली बुक्तेक्म । मिनु मकोपुकीम आं कली शुक्शी पस डा पस पतीमी । १६ मकोपुकी नेल्ल वयडा मरिम्शो दुम्शा, शुक्शी पा, आन खरुड शेप्नीम ।

१७ परमपरभु, गे गेना सम्म मको आन कली कोत्रशा बाक्नीनी ? परमपरभु मरिम्शो पाइवपुकी रे आं कली परांडनीनी । आं कली नेल्ल वयडा बोल्यो मुर रे परांडनीनी ? १८ मिनु गो शुश मुर आन डांडती इन कली “गे ठेयब बाक्नीनी” दंनुड । ठेयब हुल आन दातमी इन कली कुम्सो पा ठेयब सल्लुड । १९ मकोपुकी मोशान आं जोरी सतरु दुम्शा, आं पर्वम ग्येरचा मतामेक्ल । मोशान खेदा पाइवपुकी आं पर्वम आन मिक्च रिक्चा मतामेक्ल । भजन संग्रह २५ : १९ ; भजन संग्रह ६९ : ५ २० मारेदे हना मकोपुकी थुं नाइशशा बाक्तीक आ पर्वम लोत्र मपाइनीम । रागीम थुं नाइशशा बाक्व आन कली जोल पा दास गेचा कली मिम्नीम । २१ मकोपुकीमी ठेयब शोत्र सल्ल्या, आं पर्वम “आहा आहा, आंइ मिक्चीम तचा ताइतक” दंनीम । २२ परमपरभु यावे, गे एको ताइतीनी । मिनु सिक्सी पा मबाक्कीन । परमपरभु यावे आं वयडा डोन महुमीन । २३ बोक्कीन । मिनु आं कली वारच पाइय्यीनी । परमपरभु, आं परमपरभु यावे, आं पान बोक्कीन । २४ परमपरभु यावे, आं परमपरभु, इन ठीक पतीकम आं कली निसाफ पने । आं पर्वम मकोपुकी ग्येरचा मतामेक्ल । २५ मकोपुकीमी आन थुंमी “आहा, आंइ मिम्शो दुम्त” दंचा मतामेक्ल । मकोपुकीमी “गो मको कली खतम पोक्तक” दंचा मतामेक्ल ।

२६ गो श्येत जडानु, आं पर्वम रिप्व नेल्ले मुने दोक्मल । मिनु मको “वयडा ठेयब नकी” दंबपुकी मुने दोक्शा आइक्च सल्ल्या पुंडसीमल । २७ आं कली दाक्वपुकी आं ठीक पशो तशा, ग्येरसीशा कुम्सो पामक्ल । मिनु मकोपुकीमी गेना हना यो “परमपरभु यावे आ नं ठेयब बाक्ल । मकोमी आ गेय पाइव कली रिम्शो दुम्शा तचा दाक्व” दंमल । २८ मिनु गो नाक्तर इन ठीक पतीक नु इन ठेयब दुस्तीक आ पर्वम लोत्र पाइनुड ।

परमपरभु आ रिम्शो पतीक

कुम्सो पपाइक्व कली परमपरभु यावे  
आ गेय पाइव दाऊद आ कुम्सो ।

३६ १ परमपरभु आ अरेशो मटीब आन थुंमी हेंथे पतीक लोत्र बाक्व । मार लोत्र बाक्व देशा हना “मकोपुकीम परमपरभु कली मान पा महिनीम” देशा लोत्र बाक्व । रोमी ३ : १८, २ मकोपुकी ठेयब लेशशा “आंइ मरिम्शो पशो गेनायो मतुंडसीब, गो दास मताइनय” दे मिम्नीम । रोमी ३ : १८, ३ मको आन लोत्र मरिम्शो नु जोल ला बाक्व । मकोपुकीमी रुप्व थुंम मिम्शा, रिम्शो पचा परांडने थुम्शो बाक्नीम । ४ मको आन बराख्येम बाक्मानु, आन मरिम्शो पतीक ला मिम्ना मिम्न बाक्नीम । मको मरिम्शो लां खोइक्नीम । मकोमी आन थुंमी “मरिम्शो पशो गरांगरा दिशा मपाइनीकी” दे मंदनीम । मीका २ : १, ५ परमपरभु यावे, इन गेना हना यो दाक्तीक सरीड सम्म जाक्दीशशा बाक्व । इन दाक्शा मपरांडतीक गोस्स वयडा इर बाक्व । ६ इन ठीक पतीक ठेयब डांडापुकी खोदंशो नु इन निसाफ पशो शुश लुक्च लशो समुन्दर खोदंशो बाक्व । गे मुरपुकी, बी ब्यफ, क्यारश भंडा नु जन्तु आन कली कोत्रशा, श्येत रे परांडनीनी । ७ परमपरभु, इन गेना हना यो दाक्तीक थम रिम्शो बाक्व । मिनु मुरपुकी इन फरां आगाम फाम्सीनीम । ८ मकोपुकी इन खिं डा जचा तूचामी रूनीम । गे मको आन कली इन ग्येरतीकमी ग्येरपाइक्नीनी । ९ मारेदे हना गे नु बरांडतीक बाक्व । मिनु गो इन छेड्छेड्डीमी हाम्सो ताइनीकी । यरमीया २ : १३ ; यूहन्ना ४ : १४

१० इन गेना हना यो दाक्तीक इन कली तुइक्व आन तार मोतीन । इन ठीक पतीक रिम्शो थुं पाइशशा आन तार मोतीन । ११ मिनु ठेयब लेशशा मुर आन खोइलीम आं कली मदिम्दीमील ।

इन अरेशो मटीबपुकीमी आं कली मखेरयीमील ।  
१२ मरिम्शो पाइबपुकी गोल्शा, खतम दुम्शो  
बाक्नीम । मेकोपुकी बोक्ने मचाप्चा डा पा  
गोल्शो बाक्नीम ।

टीब नु मटीब आन पर्वम

दाऊद आ कुम्सो ।

३७ १ परमपरभु आ अरेशो मटीब आन कली  
तशा, गाइश्शा, चुरशा मपने । दूली  
पाइब आन कली तशा, गेह मपने । हितोपदस  
२४:१९ २ मारदे हना मेकोपुकी घांस खोदंशो  
पा रोब पा सोत्रनीम । गिग खाइ खोदंशो पा  
सोल सुल बेक्नीम । ३ परमपरभु यावे कली  
जिम्मा गंसीशा, रिम्शो पने । रागीम रिम्शो  
दुम्शा बाक्चा ताइनीनी । ४ परमपरभु यावे  
कली तुइश्शा, ग्येरसीने । मेकोमी इन थुंम  
पुंइशो गब । मजन संगरह २०:५ ५ गे परमपरभु  
यावे कली जिम्मा गेसीने । मिनु मेकोमी इन  
पर्वम गेय पाइब । ६ मेकोमी इन ठीक दुम्तीक  
छेडछेड खोदंशो पा गरूपाइक्ब । इन ठीक  
पतीके नाक्ती खोदंशो दुम्पाइक्ब । मीका  
७:१ ७ परमपरभु यावे आ डांडती सिक्सी पा  
बाक्शा, मेकोमी पाइब, दे रिम्दीन । आन दला  
दाक्स पाइब नु मरिम्शो मिम्शा पाइब आन  
पर्वम मचुरीने । ८ गाइक्चा नु चुरचा परोनीन ।  
मगाइक्तीन । मारदे हना मा पतीकमी इन कली  
मरिम्शो पपाइक्ब । ९ परमपरभु आ अरेशो  
मटीब क्याम्चा पुंइसीनीम । तन्न परमपरभु यावे  
आ लां कोत्रबपुकी रागीम बाक्चा ताइनीम ।  
१० इक्का नाक्त नोले परमपरभु आ अरेशो मटीब  
मलीनीम । गेपुकीमी मेको आन कली माल्तीनी  
हना यो, मथिल्लीनी । मेको आन बाक्तीक  
श्येत्थ बाक्ब । ११ बरिम्शोपुकी रागीम बाक्चा  
ताइनीम । मारदे मारदे तशा ग्येरशा, टेयब थुं पा  
बाक्चा ताइनीम । मती ५:५

१२ मिनु परमपरभु आ अरेशो मटीबपुकीमी ठीक  
पाइब मुर आन पर्वम “दोपा श्येत गचा नमी”  
दे मिम्शा, आन खरुइ शेप्शो बाक्नीम । १३ तन्न  
परमपरभु मेको आन कली तशा, रिप्ब । मारदे हना  
मेको आन नाक्त नुप्शो तुइश्शा बाक्ब । अग्युब  
१८:२० १४ परमपरभु आ अरेशो मटीबपुकीमी  
परुडग नु श्येत जाइब आन कली साइक्चा कली  
तरवार शोइक्नीम । आन लिबरा कीनीम । रिम्शो  
थुं पाइश्शा मुर आन कली साइक्चा माल्तीम ।

१५ तन्न मेको आन तरवारमी आंमा आन लुङ्गीर  
तूचा पुंइसीनीम । आन लिबरा जिक्नीम ।

१६ परमपरभु आ अरेशो मटीब आन शुश शोप  
क्येडा ठीक पाइब आन इक्का खोइ शोप  
रिम्शो बाक्ब । हितोपदस १५:१६ १७ मारदे  
हना परमपरभु यावे आ अरेशो मटीब आन गुइ  
जिक्चा पुंइसीनीम । परमपरभु यावेमी ठीक पाइब  
आन कली रिम्शो पा बाक्चा गेब । १८ परमपरभु  
यावेमी दोस मताइब आन नाक्ती तुइक्ब ।  
मिनु मेको आन शोप गेना हना यो लीब ।  
उपदसक ८:१२ १९ टेयब श्येत दुम नाक्ती  
मेकोपुकी मुने मदोक्नीम । मिनु अन्काल दुम  
नाक्ती मेकोपुकी जशा रूचा ताइनीम । हितोपदस  
१०:३ २० परमपरभु आ अरेशो मटीबपुकी खतम  
दुम्नीम । मिनु परमपरभु यावे आ जोरी सतरु  
दिम डा रिम्शो घांस खोदंशो बाक्नीम । मिनु  
मेकोपुकी सोल सुल बेक्शा, कुन खोदंशो पा  
जाम्शा लाइनीम ।

२१ परमपरभु आ अरेशो मटीबपुकीमी जेर  
जशा, मथाप्नीम । मिनु ठीक पाइबपुकीमी  
हाइश्शा दुम्शा गेनीम । २२ परमपरभु रे आसीक  
ताइबपुकीमी रागी ताइनीम । परमपरभु रे सराप  
ताइबपुकी जाम्शा लाइनीम । २३ परमपरभु  
यावेमी आ मुर आन थक्तीक बोल्थो सल्ब ।  
मेको आन कली तशा ग्येरब । २४ मेको दाइल  
पांडसाक्म हना यो, मगोल्नीम । मारदे हना  
परमपरभु यावेमी मेको आन गुइ ग्याइश्शा,  
तिक्ब । हितोपदस २४:१६

२५ गो ठिटा बाक्ती, मुल साल्पा दुम्ती । तन्न  
ठीक पाइबपुकी नु आन तमी तो नु चच युइमी  
मुल सम्म पुंइशा जशा गेनायो मतडमी । २६ मिनु  
मेकोपुकीमी नेल्ल नाक्ती हाइश्शा दुम्शा,  
परुडग आन कली मार मार गेनीम । मिनु मेको  
आन आलपुकीमी आसीक ताइनीम । २७ मरिम्शो  
पतीक रे डोन बाक्कीन । रिम्शो पने । मिनु गे  
गेना हना यो बरोडचा ताइनीनी । २८ मारदे हना  
परमपरभु यावेमी ठीक निसाफ बाक्ब । आ कली  
मपरोडब आन कली नेल्ल नाक्त गेना हना  
यो कोत्रब । ठीक पाइब गेना हना यो रिम्शो  
बाक्चा ताइनीम । तन्न आ अरेशो मटीब आन  
तमी तो नु चच युइ तिल्ला पुंइसीनीम । २९ ठीक  
पाइबपुकीमी रागी ताइनीम । मिनु गेना हना यो  
मेकेर बाक्नीम । यसेया ६०:२१

३० ठीक पाइबपुकीमी जोक्तीक तुइक्तीक  
लोत्र पाइनीम । मिनु मेकोपुकीमी ठीक पतीक  
शेनीम । ३१ आन परमपरभु आ अरेशो लोत्र मेको

आन थुमी बाक्व। मिनु हेंथे मपथु, परमपरभु आ लाम गाक्नीम। ३२ परमपरभु आ अरेशो मटीबपुकीमी बाप्शा, ठीक पाइब आन कली साइक्चा माल्नीम। ३३ तन्न परमपरभु यावमी ठीक पाइब आन कली मेको आन गुइम दुम्चा मगब। ठीक पाइब आन निसाफ दुम्मनु, दोस मताइब दुम्पाइक्व। ३४ परमपरभु याव कली रिम्दीन। मेको आ लाम गाक्कीन। मेकोमी इन कली ठेयब सल्शा, रागी इन कली गब। मिनु गे परमपरभु आ अरेशो मटीब आन कली खतम सल्वा ताइनीनी।

३५ गो परमपरभु आ अरेशो मटीब लेबानोन डा ठेयब रवा खोदंशो दुम्शो ताता। १सा मुएल ३५ :२-३८ ; इजीकीएल ३१ :३-१४ ३६ मिनु गो आ बाक्तीक कोव्रता, मेको मुर मबा। गो मेको कली माल्ता, मथिदु। ३७ दोस मताइब आन कली कोव्रडीन। रिम्शो थु पाइश्शो मुर कली कोव्रडीन। मारदे हना मेकोपुकी थु नाइश्शा बाक्शो बाक्नीम। उत्पत्ती ३९ :७-९ ३८ तन्न हेंथे पाइब नेल्ल खतम दुम्नीम। परमपरभु आ अरेशो लोव्र मटीब नेल्ल खतम दुम्नीम। आन तमी तो चच युइ यो तिल्वा पुंडसीनीम। ३९ परमपरभु याव ठीक पाइब आन कली वारच पाइब बाक्व। मिनु मेको आन कली श्यत दुम्मनु, मेको आन फाम्सीतीक दरवार बाक्व। ४० परमपरभु यावमी मेको आन कली वारच पा प्रांडब। मिनु आ अरेशो मटीब आन गुइ र प्रांडब। मारदे हना मेकोपुकी परमपरभु कली जिम्मा गेंसीशा बाक्नीम। लूका १८ :७-८

मरिम्शो पशो क्याम्चा, दे पुंडशो

मपरंथु मिम्चा कली दाऊद आ कुम्सो।

३८ १ परमपरभु याव इन गाइक्तीकेमी आ कली महुइक्तीनी। इन चुरतीकेमी आ कली सजाइ मगेंयीनी। २ मारदे हना इन बराम आ कली देशो बाक्नीम। मिनु इन गुइमी आ कली चिप्शा बाक्व। अय्युब ६ :४ ३ इन गाइक्तीकेमी आ रां नेल्ल खाइश्शो बाक्व। आं मरिम्शो पतीकेम आं रुश नेल्ल मुक्शो सोदंशो बाक्नीम। ४ आं मरिम्शो पशोमी आं पिया सम्म गरुम्शो बाक्व। मेको आं कुरेन मचाप्वा डा पा हल्शो बाक्नीम। बिलाप १ :१४ ;

५ आं निप्स काप्शा आ पर्वम आं गार राक्शा, रिना पाइश्शो बाक्नीम। ६ गो नाक्तर आं पिया सुक्शा, रांका पा गुर ब्वेशा गाक्शो बाक्नुड।

७ आं ची नेल्ल खाइश्शो बाक्व। आं रां नेल्ल सेस मबाक्व। ८ गो गलाक गुलुक दुम्शा, काइ सक्ति मपाइश्शो दुम्शो बाक्ती। आं थुं डा श्यतम शुश हुकयी पाइनुड।

९ आं परमपरभु, गे आं दाक्शो नेल्ल तुइश्शो बाक्नीनी। आं हुकयी पतीक यो तुइश्शो बाक्नीनी। १० आं लुङगीर परक्शा, आं सक्ति जाम्त। आं मिक्च बरा बरा दुम्शो बाक्व। ११ आं वारच नु आं खिं डा मुर आं श्यत तशा, डोन बाक्नीम। मिनु आं नेक्था डा मुरपुकीमी डोन रे कोव्रनीम। भजन संग्रह ६९ :९ ; भजन संग्रह ८९ :९ ; अय्युब १९ :३-१९ १२ आं कली साइक्चा माल्बपुकीमी ब्यारद दाइश्शा, वोइश्शो बाक्नीम। आं कली श्यत दुम्शो कोव्रकोव्र दाक्वपुकीमी “मेको कली दोपा श्यत गेचा, दोपा मेको आ पर्वम जोल पचा” दे नाक्तर लोव्र पाइनीम। १३ गो नोफा मनंब मुर खोदंशो दुम्ती, मनंनुड। ब्यारने मचाप्वा मुर खोदंशो दुम्ती, काइ लोव्र मपाइनुड। भजन संग्रह ३९ :९३ १४ गो थमा पा नोफा मनंब खोदंशो दुम्शा, मारइ लोव्र मलेत्नुड। १५ परमपरभु याव, गो इन कली रिम्नुड। गे आं लोव्र लेत्नीनी। गे परमपरभु याव, आं परमपरभु बाक्नीनी। १६ मिनु गो “मेकोपुकीमी आं पर्वम शुक्शो पा ग्यरचा मतामेक्ल। आं कली गरक्शो तशा, बोरचा मतामेक्ल” देती। १७ मारदे हना गो दाइल पाइसीचा चिक्शो बाक्नुड। गो श्यत जस डा जस बाक्नुड। १८ गो आं काइ मरिम्शो पशो शोव्रनुड। आं मरिम्शो पशो मिम्शा सुती पाइनुड। भजन संग्रह ३२ :५ ; १९ आं जारी सतरु चहिं रिम्शो पा ब्रांडशा, बोल्या दुम्शो बाक्नीम। आं कली मोशान मदाक्व शुश बाक्नीम। २० मुरपुकीमी आं रिम्शो पशो आ पा डा आं कली मरिम्शो पाइनीम। मारदे हना गो रिम्शो पाइब बाक्ती हना यो, आं कली खेदा पाइनीम। २१ परमपरभु याव, आं परमपरभु, आं कली मप्रांडयीनी। आं क्याडा डोन मदुमीन। २२ परमपरभु, आं कली वारच पाइश्शा, श्यतर रे प्रांडेचा कली रीब पा जाक्कीन।

मुर आ ब्रांडतीक इक्का ला बाक्व

कुम्सो पपाइक्व येदुथून कली। दाऊद आ कुम्सो।

३९ १ इतिहास २५ :३,३ १ मिनु गो “गो आं गेय नेल्ल होस पा पाइक्नुड। गो लोव्र पचा यो होस पा पाइक्नुड। मरिम्शो पाइबपुकी आं

नेकथा बाक्तेकम हना, गो सिक्सी पा बाक्नुड”  
 देती। २गो मब्बाक्थु, सिक्सी पा बाक्ती। मिनु  
 रिम्शो लोत्र यो मपथु, आं थुं डा श्यत बारत।  
 भजन संग्रह ३८:१४ ३ आं थुं चोशो बाक्त। शुश  
 मिम्शा, मी बरेशो खोदंशो दुम्ती।

४ “परमपरमु याव, आं बेक्तीक नाक्त  
 कोइदीनी। आं बरोइचा गिश नाक्त लीम  
 तुइक्पाइय्यीनी। गो रीब पा जाम्शा लाइब  
 मुर बाक्नुड। भजन संग्रह १०:१२; अय्युब  
 १४:५ ५ग आं बरोइतीक नाक्त बिता का  
 निकशी खोदंशो सल्लतीनी। आं बरोइतीक  
 नाक्त इन डांइती मारइ ममाइ। मुर नेल्ल  
 आन बरोइतीक जाम्शा लाइब फश खोदंशो  
 बाक्नीम” देती। भजन संग्रह १०:५-६ ठेयब  
 संदा पा। ६ मुरपुकी वांकु खोदंशो पा गाक्शो  
 बाक्नीम। मेकोपुकी मोशा सुर्ता पाइनीम। शुश  
 शोप तेल्नीम। मेको सुम जाइवा मतुइक्नीम।  
 भजन संग्रह ४९:१७-२१; उपदेसक २:१८-२१;  
 लूका १२:१५-२१

७ “परमपरमु, गो मार कली रिम्ना रिम्न  
 बाक्नुडा? गो इन लां ला कोत्रशा बाक्नुड।  
 ८ आं मरिम्शो पशो र परांइयीनी। मूर्खपुकीम आं  
 कली शुक्शो मपामेक्ल। ९ गो सिक्सी पा बाक्शा  
 मब्बाक्ड। मारदे हना गे मो पपाइक्तीनी।  
 १० इन याम पाइशो लेतीन। गो इन तुष्शोमी  
 जाम्शा लाइब दुम्ती। ११ गो मुर आन कली पाप  
 पशो आ पर्वम तुप्तीनी। आ दाक्शो तुम्बुम  
 वा नेक्शो खोदंशो पा जाम्शा लाइब। थमा पा  
 मुर नेल्ल आन बरोइतीक जाम्शा लाइब फश  
 खोदंशो बाक्नीम। ठेयब संदा पा।

१२ परमपरमु याव, आं पुंइशो लोत्र नेनीन। आं  
 वाइ बरेशो नेनीन। आं डाक्शो तशा, वारच  
 पाइय्यीनी। मारदे हना गो इन डांइती आं किकी  
 पिप खोदंशो पा, रागी डा पोना खोदंशो बाक्नुड।  
 भजन संग्रह ११९:१९; लेवी २५:२३; १ पतरुस  
 २:११; हिब्रू ११:१३ १३ आं बेक्चा डांइती आं  
 पर्वम गाइक्चा परोनीन। मिनु गो लेशा ग्येरशा  
 बाक्चा तडल” दे पुंइता।

“परमपरमुमी वारच पाप्तु” दंशो

कुम्सो पपाइक्ब कली दाऊद आ कुम्सो।

४० १गो परमपरमु याव कली रिम्स डा  
 रिम्स बाक्ती। मेकोमी आं गे कोत्रशा,  
 आं वाइ बरेशो, पुंइशो लोत्र नंतु। २मेकोमी  
 आं कली गरांग्रा दिचा डा हिलोम बिक्शा

बेक्तीक रे गरुंडताकयी। मिनु आं कली सरथे  
 फुल्लु का तार राप्पाइक्ती। मिनु महिम्सीचा  
 डा पा नाइक्पाइक्ती। ३मेकोमी आं कली नक  
 कुम्सो का पपाइक्ती। आंइ परमपरमु कली ठेयब  
 सल्लतीक कुम्सो पपाइक्ती। मिनु शुश मुरुम एको  
 तशा, नंशा, परमपरमु याव कली मान पा हिंशा,  
 मेको कली थमा सुइक्नीम। भजन संग्रह ३३:३  
 ४ सु सुमी परमपरमु याव कली थमा सुइक्नीमी,  
 मेको ग्यरसीशो मुर बाक्नीमी। मेकोपुकी ठेयब  
 लेशो नु जोल डा सक्ति पाइशो देवी देवता  
 गे लाइब नु मबाक्नीम।

५ मिनु गो “परमपरमु याव, आं परमपरमु, गे  
 आंइ पर्वम पशो छक लाक्चा डा गेय नु इन  
 मिम्शो कोइताक्की। मेको शुश बाक्नीम। इन  
 खोदंशो सुइ मबाक्नीम। गो मेको आन कली  
 शंशं दाक्ती, देती हना यो, नेल्ल शंन मचबु।  
 मारदे हना मेको शुश बाक्नीम। भजन संग्रह  
 १३९:१७-१८ ६ग मार मार क्योरशा चदशो  
 नु जचा चदशो तशा मग्येरसीनी। तन्न इन  
 अरेशो लोत्र नंचा कली नोफा दाइक्ब सल्लतीनी,  
 चोशा चदशो नु पाप आ पर्वम चदशो मपुंइनी।  
 भजन संग्रह ५०:८-१३; भजन संग्रह ५१:१८;  
 १सामुएल १५:२२; हिब्रू १०:५-१० ७ मिनु गो  
 ‘गो एक बाक्ती, दे परमपरमु याव आ लोत्रमी  
 आं पर्वम बरक्शो बाक्ब’ देती। ८ परमपरमु,  
 गो इन दाक्शो पशोमी आं कली ग्यरपाइक्ब।  
 इन अरेशो लोत्र आं थुंम बाक्ब। ९ गो ठेयब  
 गरुम्तीकमी इन रिम्शो बरोइतीक लोत्र आ  
 पर्वम लोत्र पाइनुड। परमपरमु याव, गो सिक्सी  
 पा मबाक्नुड। मेको गे तुइक्नीनी। १० गो इन  
 मुर आन कली श्यत रे परांइतीक आं थुंम  
 खरुइशो मवोइक्थु, इन दाक्शा मपरांइतीक  
 नु मुर आन कली श्यत रे परांइतीक आ पर्वम  
 लोत्र पाता। गो इन गेना हना यो दाक्तीक नु  
 दाक्शा मपरांइतीक आ पर्वम मखरुइक्थु, ठेयब  
 गरुम्तीकमी शंताक्डमी। ११ परमपरमु याव, गे  
 इन शिशो पतीके मतेक्कीन। इन गेना हना यो  
 दाक्तीक नु दाक्शा गेनायो मपरांइतीकम आं  
 कली गेना हना यो खाल पर्योसील। १२ मारदे  
 हना हिक्ने मचाप्चा डा श्यतपुकीमी आं कली  
 पुम्शो बाक्नीम। आं मरिम्शो पतीकम आं  
 पिया सुक्शो बाक्ती। मेकोपुकी आं पिया डा  
 चां क्येडा यो शुश बाक्नीम। मोपा आं थुं  
 लक्च लशो बाक्ब। १३ परमपरमु याव, श्यत  
 रे परांइयीनी। परमपरमु याव, आं कली वारच  
 पाइक्चा कली रीब पा जाक्कीन। भजन संग्रह

७० :- १४ आं कली साइक्चा माल्ब नेल्ले मुने दोक्शा, ग्येत्थ लुकच दुम्मल। आं कली श्यत जशा दाक्ब नेल्ल लेशशा लशा, खतम दुम्मल। १५ आं कली शुक्शी पाइवपुकीमी 'आहा, आहा' देशो, नेल्ल रे मुने दोक्मल। १६ तन्न सु सुमी इन कली माल्नीमी, मको नेल्ले इन पर्वम शुश ग्येरसमल। आन श्यत रे प्रोइचा पुंडसीब नेल्लमी गेना हना यो 'परमपरमु यावे ठयब बाक्ब' देमल। १७ गो परुडग नु श्यत जाइब बाक्ती हना यो, परमपरमुम आं कली मिम्ब। गे आं कली वारच पाइब नु आं कली श्यत रे प्रोइब बाक्नीनी। आं परमपरमु देश मपने" दे लोत्र पाता।

रोइ पाइबमी परमपरमु कली पुंडशो

कुम्सो पपाइक्ब कली दाऊद आ कुम्सो।

४१ १ सु सुमी परुडग मुर आन पर्वम सुर्ता पा, वारच पाइनीमी, मको आन कली परमपरमु यावेमी आन श्यत रे प्रोइब। हितोपदेस १४ :२१; मती ५ :७ २ परमपरमु यावेमी मको आन कली कोव्रशा, खाल पा प्रोइब। मको रागीम बाक्मानु, ग्येरसमल। गे मको आन कली आन जोरी सतरु आन गुडम मगेनीनी। ३ मकोपुकी रोइ पा गोल्ला बाक्मानु, परमपरमु यावेमी मको आन रोइ सापाइक्ब। ४ गो "परमपरमु यावे आं कली शिशी पा सापाइय्यीनी। मारदे हना गो इन कली मरिम्शो पाता" देती। ५ आं जोरी सतरुमी "मको गेना बेक्वा डा, आ ने क्याम्सीबा?" देनीम। ६ मिनु आं कली सु सुम कोव्रथ जाक्नीमी, मकोमी आं कली रिम्शा लोत्र पसु पाइनीम। मिनु नोल आं पर्वम "मार, मरिम्शा लोत्र पड" दे मिम्शा, मरिम्शा लोत्र बरपाइक्नीम। ७ आं कली गरांगरा दिम्ब नेल्ल गरुम्शा, आं पर्वम "मार मरिम्शा पाइक्चा" दे नोफा मुइक्मुइक्नीम। ८ मकोपुकीमी "मको कली बेक्तीक रोइमी ग्याइशो बाक्ब, आ गोल्लीक रे मबोक्ब" देनीम। ९ गो आं नेक्था डा वारच, आं शोब्दे जाइबमी यो, आं कली ताइक्चा कली आ खोइल क्युक्तु। १० परमपरमु यावे, गे आं कली शिशी पाइशशा, पोक्थीनी। मिनु गो मको आन कली क्येक्क लेन्ने चबुल। भजन संग्रह ५५ :३३-३५; यूहन्ना १३ :३८; परेरित १ :१६

११ मोदंशो पाइतीनी हना, गे आं कली दाक्नीनी, दे तुइक्नुड। मारदे हना आं जोरी सतरु आं पर्वम

ग्येरचा मताइनीम। १२ आं रिम्शो थुं आ पर्वम गे आं कली ग्योम्ताक्थीनी। मिनु गे आं कली गेना हना यो इन डांडती राप्पाइक्तीनी।

१३ परमपरमु यावे, इसराएली आन परमपरमु कली "गे गेना हना यो ठयब बाक्नीनी। मको थमा बाक्ब" देमल। आमन आमन। भजन संग्रह ७२ :३८; भजन संग्रह ८९ :५३; भजन संग्रह १०६ :४८; भजन संग्रह १५० :६

ठयब श्यतम परमपरमु कली मिम्शा

कुम्सो पपाइक्ब कली शंतीक कुम्सो। कोराह आ तो आन कुम्सो। १इतिहास

६ :१६,२२; २इतिहास २० :१९

४२ १ दोपा रोकेशमी सोला डा व्याक्कु त्तु दाक्शा व्याक्कु मिम्बा, मोपा आं थुंमी यो परमपरमु, इन कली मिम्ब। २ मोपा आं थुं बरोइशा बाक्ब परमपरमु आ नेक्था बाक्चा दाक्ब। गो गेना परमपरमु आ डांडती बाक्चा ताइनुडा? भजन संग्रह ६३ :२; भजन संग्रह ८४ :३; भजन संग्रह १४३ :६ ३ आं परक्कु नाक्दो नाक्ती आं जचा थोत्रक दुम्शो बाक्ब। मारदे हना मुरपुकीमी नाक्त कित कित "इ परमपरमु ते बाक्मे?" दे शुक्शी पा हिल्लो पस डा पस बाक्नीम। भजन संग्रह ७९ :१० ४ मिनु गो मको नेल्ल मिम्शा, परमपरमु, इन खिं लाइब शुश मुर आन कली लां कांइशा, मकोपुकी नु लना लन बाक्डानु, ग्येरसीशा "गे रिम्शा पाइब बाक्नीनी" दे गो नेल्लमी कुम्सो पा चाड मानतक। भजन संग्रह २७ :४

५ आं थुं, गे मारदे लुकच लाइनेवे? मारदे ग्येत्थ लुकच दुम्नेवे? परमपरमुमी मार पाइबा, मको रिम्दो। मिनु नोल मकोमी आं कली श्यत रे प्रोइशो तशा, गो परमपरमु कली ठयब सत्नुड। मारदे हना मको आं कली श्यत रे प्रोइब नु आं परमपरमु बाक्ब। ६ आं परमपरमु, आं थुं, ग्येत्थ लुकच दुम्त। गो यर्दन डा दिम नु हेरमोन डा मिसार डांडा रे इन कली मिम्नुड। ७ मिनु इन बारशो व्याक्कु आ गरीशोमी अर्का व्याक्कु कली बरेम्ब। मको इन व्याक्कु आ छालमी आं कली सुम्शो बाक्ब।

८ मिनु गो नाक्ती परमपरमु यावे आ गेना हना यो दाक्तीक तुइक्नुड। मिनु नाक्दो आ कुम्सो आं थुंमी बाक्ब। मको आं कली बरोइचा गेब परमपरमु नु लोत्र पतीक बाक्ब।

१ गो परमपरभु, आं संरथ फुल्लु कली “गे मारदे आं कली परंदीनी? गो मारदे आं जोरी सतरु रे पा संदा पचा पुंडसीशा, थुं ग्येत्य लुकच दुम्शा, गाक्चा माल्डा?” दंती। व्यवस्था ३२:४ १० आं कली दिष्वपुकीमी आं रुश जिक्शो खादंशो पा शुक्शी पाइनीम। मिनु मेकोपुकीमी गेना हना यो “इ परमपरभु ते बाक्मं” दे शुक्शी पा, हिल्लो पस डा पस बाक्नीम।

११ आं थुं, गे मारदे लुकच लाइनेवे? मारदे ग्येत्य लुकच दुम्नेवे? परमपरभुमी मार पाइबा, मेको रिम्दो। मिनु नोले आं कली श्येत रे परांडशो तशा, गो परमपरभु कली ठेयब सेल्लुड। मारदे हना मेको आं कली श्येत रे परांडब नु आं परमपरभु बाक्ब।

“वारच पाइय्यीनी” दे पुंडशो

१ परमपरभु, आं कली वारच पाइय्यीनी।  
**४३** इन कली थमा मसुइक्ब मुर आन पर्वम आं पोन बाक्कीन। मिनु जोल पाइब नु मरिम्शो पाइब मुरपुकी रे आं कली परांडयीनी। २ परमपरभु, गे आं कली परांडब बोल्या दरवार बाक्नीनी। गे आं कली मारदे परांडयीनी? गो मारदे आं जोरी सतरुम संदा पचा पुंडसीशा, रोंका पचा माल्डा? ३ इन छेड्छेड् नु इन थमा पतीके सोइक्तीन। मिनु मेकोमी आं कली लां कांडशा इन डांडा नु इन बाक्तीकेमी चाक्यील। ४ मेना गो परमपरभु कली चढ्ढतीकम जाक्नुड। मिनु परमपरभुमी आं कली शुश ग्येरपाइशशा, आं थुं नाइवपाइक्ब। परमपरभु, आं परमपरभु, गो ठेयब ताप्तीक ताप्शा, कुम्सो पा इन कली ठेयब सेल्लुड।

५ आं थुं, गे मारदे लुकच लाइनेवे? मारदे ग्येत्य लुकच दुम्नेवे? परमपरभुम मार पाइबा, मेको रिम्दो। मिनु नोले आं कली श्येत रे परांडशो तशा, गो परमपरभु कली ठेयब सेल्लुड। मारदे हना मेको आं कली श्येत रे परांडब नु आं परमपरभु बाक्ब।

“लेंशा वारच पने” दे पुंडशो

कुम्सो पपाइक्ब कली सेल्लो शंतीक कुम्सो। कोराह आ ती आन कुम्सो।

**४४** १ परमपरभु, साइ आंड किकी पिपीमी आन पालामी पशो इन गेय नेल्ल आंड कली शंताकम। मिनु गो मेको नेल्ल नंतक। व्यवस्था ६:२०-२५ २गे रागी रागी डा मुर

आन कली संरशा, आंड किकी पिपी आन कली बाक्पाइशशा बाक्तीनी। गे मेको मुर आन कली क्याम्शा, आंड किकी पिपी आन कली सोशा बोशा बरपाइशशा बाक्तीनी। मोपा मेको आन कली परांडशो बाक्तीनी। ३ मेको आन तरवारम मेको रागी मगराशा बाक्तेकम। आन सक्तिमी यो मगराशा बाक्तेकम। इन सक्ति नु इन कुल डा छेड्छेड्मी गरातेकम। मारदे हना गे मेको आन कली दाक्शो बाक्तीनी।

४ गे आं पिप नु आं परमपरभु बाक्नीनी। याक्ब कली गरापतीन। ५ इन पतीकेमी आंड जोरी सतरु आन कली गरातीकी। इन नेमी आंड जोरी सतरु आन कली दिम्शा साइक्तीकी। ६ गो आं लिबराम गराती, मदेनुड। मिनु आं तरवारम यो आं कली गरापाइक्ने मचाप्ब। ७ तन्न गे आंड कली आंड जोरी सतरु आन क्येडा गरापाइक्तीनी। मिनु आंड कली काइ मदाक्ब आन कली वाम ग्याम सेल्लतीनी। ८ गोपुकीमी नाक्त कित कित परमपरभु कली मिम्शा, आंड नें बोरापाइक्तीकी। मिनु गोपुकीमी गेना हना यो “इन नें ठेयब बाक्ब” दे ठेयब सेल्लतीकी। ठेयब संदा पा। येरमीया ८:२२-२३

९ तन्न गे आंड कली परांडशा, श्येत जपाइक्तीनी। मिनु गे आंड लडाइ पाइब नु मलनी। १० मिनु गे आंड कली आंड जोरी सतरु आन क्येडा बरुपाइक्तीनी। मिनु आंड कली मदाक्बपुकीमी आंड मार मार रोइशशा लाइक्तेकम। ११ गे आंड कली क्योरचा पुंडसीब भडा खादंशो पा परांडतीनी। मिनु आंड कली रागी रागीम बरुपाइक्तीनी। १२ गे इन मुर आन कली मोशा लेयतीनी। मिनु मेको आन कली लेयशा, मारदे ताक्चा थुं मपनी।

१३ आंड नेक्शा डा मुर आन डांडती आंड कली गाइशशा, शुक्शी पाइक्चा पुंडसीब सेल्लतीनी। गे मुर आन कली आंड पर्वम तोक्शो नु मरिम्शो लोत्र पपाइक्तीनी। १ कोरिन्थी १५:३१; रोमी ८:३६; भजन संग्रह ७९:४; १ राजा ९:७ १४ गे आंड कली रागी रागी डा मुर आन दातेम शुक्शी पाइक्चा पुंडसीब सेल्लतीनी। मुरपुकीमी आंड कली तशा, आन पिपा हिम्नीम। १५ गो नाक्त कित कित मुने दोक्नुड। आं मुनेमी आं कुल सुम्सीशो बाक्नुड। १६ आं कली शुक्शी पाइब, मरिम्शो लोत्र पाइब, जोरी सतरुमी पतीके नु क्येक्क लेप्ब आन पतीके मोदंशो दुम्शो बाक्नुड।

१७ मोदंशो दुम्त हना यो, गो इन कली मपरंदक। मिनु इन कबल यो मपरोइक। १८ गो नोले मशांडसक। इन लां र ग्येत्थ लुकच मपक। १९ तन्न गे आंड कली फस पोक्शा, सिवार आन बाक्तीक सोदंशो पा छिड्छिड्मी सुम्तीनी।

२० गो आंड परमपरभु आ नं परंशो नकी नु अरु देवी देवता आन कली पूजा पशो नकी हना, २१ मार, परमपरभुमी मतुइक्वा डा ? मारदे हना परमपरभुमी मुर आन थुं डा खरुइश्शो नेल्ल तुइक्व। २२ मो हना यो गो इन पबंम नाक्तर साइक्वा पुंडसीनीकी। मिनु क्योरचा चिकशो भेडा सोदंशो पा हिक्सीशो बाक्नीकी। १ कोरिन्थी १५ :३१ ; रोमी ८ :३६ २३ बोक्कीन, परमपरभु, गे मारदे इप्नीनी ? संसीने। आंड कली मो पा मपरोनीने। २४ गे मारदे इन कुल खरुइक्नीनी ? मिनु आंड श्येत नु आंड कली दिप्शो परंनीनी ? २५ आंड थुं लुकच लशो बाक्व। आंड रां खपीम गोल्शो बाक्व। २६ बोक्कीन। मिनु आंड कली वारच पने। इन गेना हना यो दाक्तीकमी आंड कली एको श्येत र परांडकी।

### पिप आ ग्युंबे कली कुम्सो

कुम्सो पपाइक्व कली लिली फू डा कुम्सो आ लायो। शंतीक कुम्सो। कोराह आ तौ आन कुम्सो। ग्युंबे डा कुम्सो।

४५ १ आं थुं रिम्शो लोत्रमी बरीतीक गो पिप कली कुम्सो पाइक्नुड। आं लें थाम्पा बरेक्स जाक्व मुर आन कलम सोदंशो दुम्शो बाक्व।

२ गो वॉइश मुर आन दातेमी नेल्ल क्येडा रिम्शो बाक्नीनी। इन लोत्र यो शुश रिम्शो बाक्व। मारदे हना परमपरभुमी इन कली गेना हना यो लीब आसीक गेशो बाक्व। ३ गो बोल्यो मुर, इन किप्शुर किप्शा इन तरवार पिम्सीन। मिनु इन दारस नु इन मान ततीके कांडदीन। ४ इन मान ततीकमी, थमा पतीके, बरेम्शो थुं दुम्तीके नु इन ठीक पतीकमी गाक्शा, इन सक्तिमी छक लाक्वा डा गेय कांडदीन। ५ गे इन हेश्शो बरामी इन जोरी सतरु आन लुडगीरमी दत्नीम। जात जात डा मुर इन डांडती साइक्वा पुंडसीनीम। ६ परमपरभु, इन ठेयब नितीक गेना हना यो लीब। इन ठीक पतीके इन राज दन्द सोदंशो बाक्व। हिबरू १ :८-९ हिबरू १ :८, ९ ७ गे ठीक पतीके दाक्नीनी। इन अरशो मटीब आन कली चहिं काइ मदाक्नीनी।

मोपतीके परमपरभु, इन परमपरभुमी इन वारच नेल्ल आन क्येडा इन कली दाक्शा, इन कली तेल लुकशो सोदंशो पा ग्यरपाइक्नु। ८ इन वा नेल्ल एलोत्र, मूर नु बरोत्रशो रिना पाइश्शो बाक्नीम। हात्ती आ दारामी दारपाइश्शो दरवारम बाक्शा, तार पाइश्शो ताप्तीक ताप्शा इन कली ग्यरपाइक्व। ९ इन कली मान पाइब आन दातेमी पिप आन तमी यो बाक्नीम। इन ग्युरा गे ओफीर डा सुनम ग्योम्सीशो पिपीम राप्व।

१० आं तमी, नोफा दाइश्शा, नेनो। इ रागी नु इ सिं डा मुर आन कली परंदो। ११ पिपमी इ दारस तशा, इ कली दाक्शा बाक्व। मेको कली जिम्मा गंसीशो मान पावो। मारदे हना मेको इ परभु बाक्व। १२ टायर सहर डा मीश आलपुकी कोसली चाक्शा, जाक्नीम। रागी रागी डा शुश क्येट थीब मुरपुकीम इन शिशी माल्नीम।

१३ पिप आ तमी थम दारशो नु सुन के श्येलेम परोत्रशो वा फेक्शा, आ बाक्तीकम बाक्व। १४ मिनु बुटा आप्शो वा फेक्पाइश्शा, मेको कली पिप आ बाक्तीक चाक्नीम। मेको आ गेय पाइब मीश आल आ नोले सोइक्पाइश्शा, पिप आ बाक्तीकमी जाक्नीम। १५ मिनु मुरपुकीमी मेको आन कली ग्यरशो कुम्सो पा लां कांडनीम। मिनु पिप आ सिं आंडनीम।

१६ मिनु इन आफ आ पा डा इन तौपुकी दुम्नीम। गे मेको आन कली रागी डा सासन पाइब सल्लनीनी। १७ गो इन नं इन चच युइ आन पात्ता नेल्ल मिम्पाइक्नुड। मोपतीके जात जात डा मुरपुकीमी इन कली गेना हना यो ठेयब सल्लनीम।

### परमपरभु आंड नेक्था बाक्व

कुम्सो पपाइक्व कली अलामोथ कुम्सो आ लायो। कोराह आ तौ आन कुम्सो।

४६ १ परमपरभु आंड खरुइश्शा बाक्तीके नु आंड सक्ति बाक्व। गो श्येत जकानु, गेना हना यो आंड नेक्था बाक्शा वारच पाइब बाक्व। २ मोपतीके गो महिनीकी। रागी नु डांडापुकी हिम्सीशा समुन्दरम गरुम्तेक्म हना यो गो महिनीकी। ३ मिनु समुन्दर गरीशा, बोग्यो पोक्नु हना यो नु बरुइश्शा कुशा, डांडापुकी हिम्ताक्व हना यो गो महिनीकी। ठेयब संदा पा।

४ मिनु ठेयब सोला का बाक्व। मेको र पा बराशो आइक्व सोलापुकीमी परमपरभु

आ बाक्तीके सहर कली ग्येरपाइक्नीम। मेको नेल्ल क्येडा ठेयब आ बाक्तीके सहर बाक्त। यसेया १२:५ ५मिनु परमपरभु मेको सहरम बाक्ब। मिनु मेको महिम्सीब। परमपरभुमी मेको सहर कली नां सोत्रम रेन वारच पाइब। ६मिनु रागी रागी डा मुरपुकी जिशा खंशा पाइनीम। राज्यपुकी क्याम्चा पुइसीनीम। परमपरभुमी आ संदा नंपाइक्तु हना, रागी नेल्ल याइनीम।

७मुर नेल्ल आन परमपरभु यावे गोपुकी नु बाक्ब। याकूब आ परमपरभु आंइ बोल्यो दरवार बाक्ब। ठेयब संदा पा।

८परमपरभु यावे आ ठेयब गेय कोव्रथ जाक्कीन। मेकोमी रागी खतम पोक्शो कोव्रडीन। २राजा १९:३५ १मेकोमी नेल्ल क्येडा डोन रागी सम्म डा लडाइ तेक्ब। मेकोमी तिवरा जिक्शा नु तूतीक नेल्ल टुकरा टुकरा सेल्ब। तेक्तीके नेल्ल मीम हुम्ब। भजन संग्रह ७६:४ १०मेकोमी “सिक्सी पा बाक्कीन। गो परमपरभु नड, दे तुइक्तीन। गो रागी रागी डा मुर आन दातेमी ठेयब दुम्नुड। गो रागी नेल्लमी नेल्ल क्येडा ठेयब दुम्नुड” देत।

११मुर नेल्ल आन परमपरभु यावे गोपुकी नु बाक्ब। याकूब आ परमपरभु आंइ बोल्यो दरवार बाक्ब। ठेयब संदा पा।

परमपरभु रागी नेल्ल डा पिप बाक्ब

कुम्सो पपाइक्ब कली कोराह आ तौ आन कुम्सो।

१जात जात डा मुर नेल्लमी इन गुइ फरोक्तीन। गे ग्येरशा, परमपरभु कली कुम्सो पने। २मारदे हना परमपरभु यावे, नेल्ल क्येडा ठेयब नु हिंचा डा बाक्ब। मेको रागी नेल्ल डा ठेयब पिप बाक्ब। ३मेकोमी रागी आन कली आंइ के सेल्शा, शुश मुर आन कली आंइ कली हुकुम पचा गोपु। ४मेकोमी आंइ कली शांप योत्रशा गोपु। मेको याकूब आ दाक्शो रागी बाक्त। मारदे हना परमपरभुमी याकूब कली शुश दाक्ताक्ब। ठेयब संदा पा। व्यवस्था ३२:९

५मुरपुकी शुश ग्येरसमानु, परमपरभु आ निक्तीकम लाइब। परमपरभु यावे तुराही ताप्शो नंशा लाइब। ६परमपरभु कली ठेयब सेल्तीक कुम्सो पने। लंशा ठेयब सेल्तीक कुम्सो पने। आंइ पिप कली ठेयब सेल्तीक कुम्सो पने। लंशा ठेयब सेल्तीक कुम्सो पने। ७मारदे हना परमपरभु रागी नेल्ल डा पिप बाक्ब। मेको कली ठेयब सेल्तीक कुम्सो का पने। भजन संग्रह

९३:१ ८परमपरभुमी रागी रागी नेल्ल आन कली सासन पाइब। मिनु परमपरभु आंम आ ठेयब निक्तीकमी निन्ब। ९मिनु जात जात डा सासन पाइबपुकी नु अबराहाम आ परमपरभु आ मुर नेल्ल मंकर गरुम्शो बाक्नीम। मारदे हना रागी रागी डा पिपपुकी परमपरभु आ गुइमी बाक्नीम। मेको थम ठेयब बाक्ब।

सियोन आ दारस नु सक्ति

कोराह आ तौ आन कुम्सो।

१परमपरभु यावे ठेयब बाक्ब। परमपरभु ४८ आ बाक्तीक सहरम बाक्शा, मान पाइक्चा पुइसीब बाक्ब। भजन संग्रह ४६:५-६ २आ डांडा दारशो नु लाइश्शो बाक्ब। मुर नेल्ले मेको तशा ग्येरसीनीम। सियोन डांडा उत्तर गे बाक्ब। मेको ठेयब पिप आ बाक्तीक सहर बाक्ब। बिलाप २:३५; मत्ती ५:३५ ३मिनु परमपरभु मेको सहर डा बोल्यो दरवारम बाक्ब। मेको ठेयब नु सक्ति पाइश्शो बाक्ब, दे नेल्लेम तुइक्नीम। ४पिप नेल्ले गरुम्शा, हुल हुल पा लडाइ पचा कली आ डांडती बारतेक्म। २राजा १८:१७-१८; मलाकी १:११ ५मिनु मेकोपुकीमी मेको तशा, छुक लाक्शा, हिंशा, परोक्तक्म। ६मिनु मेक उइ गिक गिक पा खिरंखिर पाम्तक्म। आल थिची ना डा रोइ पशो मीश मुर सोदंशो दुम्तक्म। ७गे दारसीस डा जहाज आन कली पूबं डा फश पतीकमी खतम सल्लतीनी। ८आंइ डांडती नंशा लोव, मुर नेल्ल आन परमपरभु यावे आ सहरम ताइतक। मार ताइतक देशा हना, आंइ परमपरभुमी आ सहर गेना हना यो लीपाइक्चा कली बोल्यो सेल्लु। ठेयब संदा पा। ९परमपरभु, गो इन खिमी बाक्शा, इन गेना हना यो दाक्तीक मिम्शा, बाक्नीकी। १०परमपरभु इन नं नु इन कली ठेयब सेल्तीक रागी आ सुर सम्म बाक्ब। गे इन सक्तिमी गराना गरान बाक्नीनी। ११सियोन डांडा ग्येरसेक्ल। यहूदा डा सहर नेल्ले इन निसाफ पशोमी ग्येरसमल। १२सियोन आ एर आंथ हिरशा, मेकर डा लाइश्शो खिं हिवकीन। १३मेकर डा बोल्यो गारोपुकी रिम्शो पा कोव्रडीन। आ बोल्यो दरवार यो रिम्शो पा कोव्रडीन। मिनु नोले गे इन चच युइ आन कली मेको आन पर्वम शंने चाप्नीनी। १४मारदे हना मेको परमपरभु, आंइ परमपरभु बाक्ब। मेकोमी गेना हना यो आंइ कली लो कांडब। यसेया २५:९

शुश क्येटीम बेक्चा रे परांइने मचाप्त्र

कुम्सो पपाइक्व कली कोराह आ तौ आन कुम्सो ।

१ जात जात डा मुर नेल्ले, नेनीन ।  
 ४९ २ ठेयब नु आइक्व, क्येट थीब नु पुरुडग  
 नेल्लेमी नाफा दाइश्शा, नेनीन । ३ मिनु गो  
 जोवशा तुइश्शा लोत्र पाइनुड । आं थुंमी मिम्शा  
 पशा लोत्रमी मुर आन कली रुब सत्व । ४ गो  
 अर्ती डा लोत्र का नेता । गो ठेयब ताप्तीक  
 ताप्शा, आं लोत्र रुप्पाइक्नुड । ५ मिनु श्येत  
 जतीक नाक्ती जाक्मेनु, श्येत गेबपुकीमी आन  
 ठीक मपशोमी आं एर आंथ रे पुम्दीमीनु, गो मारदे  
 हिंनुडा डा ? ६ मेकोपुकीमी आन शुश क्येटीम  
 थमा सुइक्नीमी । आन शुश क्येटीम ठेयब  
 लेलीमी । ७ सुइमी आंम लोक्व कली क्येट  
 थाप्शा, बेक्चा रे परांइने मचाप्त्र । मोपा मेकोमी  
 परमपरभु कली शुश क्येट थाप्शा आ गिंम  
 परांइने मचाप्त्र । मोका ६ : ६-८ ; मती १६ : २६  
 ८ बेक्चा रे बरांइतीक शुश ठेयब बाक्व । मेको  
 मुरुम गेनायो ग्याने मचाप्नीम । मती १६ : २६  
 ९ गेना हना यो बरांइशा बाक्व, सुइ मबाक्नीम ।  
 मुर नेल्ले थिम्चा पुंइसीनीम ।

१० मिनु नेल्लेमी जोक्व तुइक्व मुर, मूर्ख नु  
 मिम्तीक मपाइश्शा नेल्ल बेक्नीम, द तुइश्शा  
 बाक्नीम । मिनु आन शुश क्येट नेल्ल अरु  
 आन कली परांइशा लाइनीम । उपदेसक २ : १६ ;  
 उपदेसक ६ : २ ११ मिनु आन तुरस गेना हना  
 यो मेको आन सिं दुम्ब । मोदेशो पात्ता नेल्ल  
 आन कली दुम्ब । मिनु मेकोपुकीमी आन नं आन  
 रू कली वोइश्शा बाक्तेक्म हना यो, मोदेशो  
 दुम्नीम ।

१२ गिश क्येट थीब बाक्तेक्म हना यो, मुरपुकी  
 मलीनीम । मेकोपुकी बेक्शा लाइब जन्तु खोदेशो  
 बाक्नीम । उपदेसक ३ : १९ १३ आंम आन मिम्शो  
 थमा सुइक्व नु मेको आन लोत्र नंशा, ग्येरसीब  
 मेको आन नोले डा मुर यो मोदेशो दुम्नीम । ठेयब  
 संदा पा ।

१४ मेकोपुकी भेडा खोदेशो पा बेक्चा कली  
 बाक्नीम । बेक्पाइक्वमी मेको आन कली दाक्व ।  
 सुनी कना रिम्शो थुं पाइश्शा मुरपुकीमी मेको  
 आन कली हुकुम पाइनीम । मेको आन बाक्तीक  
 रे डोन दुम्शा, आन रां तुरसुम राक्शा लाइनीम ।  
 १५ तन्न परमपरभुमी आं कली तुरस रे परांइब ।  
 मेकोमी थमा पा आ बाक्तीकेम लाइक्व । ठेयब  
 संदा पा । हांस १३ : १४ ; भजन संग्रह ७३ : २४

१६ मिनु गे शुश क्येट चेम्शा, आन सिं  
 दारपाइक्ना पाइक्न बाक्व मुर आन कली  
 तशा, महिनीन । अग्युब २१ : ७-१५ १७ मारदे  
 हना मेको बेक्मानु, मारइ मलाइक्नीम । मेको  
 आन मार मार आन नोले खोइश्शा, मलाइनीम ।  
 उपदेसक ५ : १४ ; श्रुतिमोथी ६ : ७ १६ मिनु मेको  
 बरांइमा सम्म “गो आसीक ताइब नकी” दंनीम ।  
 मुरपुकीमी थीब मुर आन कली ठेयब सेल्लनीम ।  
 श्रुतिमोथी ६ : ७ लूका १२ : १६-२१ ; लूका १६ : १९-३१  
 १९ मो हना यो मेको बेक्शा, आन किंकी पिपी आन  
 बाक्तीक लाइनीम । मेकोपुकीमी गेनायो हाम्सो  
 मताइनीम । २० मुर गिश क्येट थीब बाक्तेक्म  
 हना यो, मेको बेक्शा लाइब बस्तु भाव खोदेशो  
 बाक्नीम ।

परमपरभु रिम्शो निसाफ पाइब

आसाफ आ कुम्सो ।

१ ठेयब सक्ति पाइश्शा, परमपरभु,  
 ५० परमपरभु यावेमी लोत्र पाप्तु । नां  
 दाप्तीक रे नां परतीक सम्म डा रागी कली लोत्र  
 पाप्तु । श्रुतिहास २५ : १ २ परमपरभु सियोन  
 रे आ दारसम ग्योम्सीशा छेड्छेड् दुम्शा,  
 गरुशो बाक्व । यसैया ६२ : १ ३ आंइ परमपरभु  
 जाक्शा, सिक्सी पा मबाक्व । मेको आ डांइती  
 गराव गरु दाक्व मी बराइब । मिनु आ एर आंथ  
 नेल्ले कुमीर गिमीर पा फश गिवार पाइब ।  
 ४ मेकोमी आ मुर आन कली निसाफ पचा कली  
 सरीड नु रागी डा नेल्ल आन कली बरप्व ।  
 ब्यवस्था ३२ : १ ; यसैया १ : २ ५ परमपरभुमी  
 “आं कली थमा सुइक्व आन कली सुप्तीन ।  
 मेकोपुकीमी मार मार क्योरशा चदेशा, गो नु  
 कबल पाम्तेक्म” देब । परस्थान २४ : ४-११  
 ६ मिनु स्वर्गम बाक्वपुकीमी “एको ठीक पाइब  
 बाक्व । मारदे हना परमपरभुमी एको मुर आन  
 कली निसाफ पाइब” दंनीम । ठेयब संदा पा ।

७ मिनु परमपरभुमी “आं मुरपुकी, नेनीन । गो  
 इन कली लोत्र पाइनुड । गो इसराएली इन कली  
 दोस गेशा, लोत्र पाइनुड । गो परमपरभु, इन  
 परमपरभु नड । परस्थान २० : २ ८ इन मार मार  
 चदेशो आ पर्वम गो इन कली दोस मगनुड । इन  
 चोशा चदेशो गेना हना यो आं डांइती बाक्नीम ।  
 भजन संग्रह ४० : ७ ; शसामुएल १५ : २२ ; यसैया  
 १ : ११ ९ गो इन सिं डा ब्यफ नु इन गोठ डा  
 बोकापुकी ममाल्लुड । १० मारदे हना ब्याकी डा  
 जन्तु नेल्ल नु हजार हजार डांडा डा बी ब्यफ

नेल्ल आं केन नम । ११ मिनु गो सरीऊ डा चिक्व नेल्ल आन कली तुइक्नुड । मिनु रागी डा सोक्त पाइश्शो नेल्ल आं केन नम । १२ गो शोत्रलु बाक्शो नड हना यो, इन कली मंदंड वा । मारद हना रागी नु रागीम बाक्शो मारद मारद आं केन नम । १३ मार, गो ब्यफ आन श्य ब्याइनुडा डा ? बोका आन हुश तनुडा डा ? १४ गे आं कली 'गे रिम्शो पाइब बाक्नीनी' दनीन । मिनु नेल्ल क्यडा ठेयब, आं कली इन कसम जशा खपीन । योना २ :१० १५ मिनु श्येत जनी नाक्त आं कली पुनीन । मिनु गो इन कली श्येत र परांइनन्नी । मिनु आं कली 'गे ठेयब बाक्नीनी' दनीनी" दंत । भजन संग्रह ११ :१५

१६ तन्न परमपरमुमी आ अरेशो मटीब आन कली "आं फुल्लनुम मुशा बरक्शो लोत्र मारदे पदेनी ? आं कवल आ पर्वम मारदे लोत्र पनी ? रोमी २ :२१-२३ १७ गे आं शेशो लोत्र गरांगरा दीतीनी । मिनु आं लोत्र परांइतीनी । १८ गे सुइ आन कली गरुम्नीनु, सुइ आन वारच दुम्तीनी । मिनु गे सुइ नु हेंथे गाक्व नु गारतीनी । १९ गे मरिम्शो लोत्र पाइब नु जोल पाइब बाक्नीनी । २० मिनु गे इन लोकब आन कली दोस गेशा बाक्नीनी । मिनु क्यी का र जरमेशो इन लोकब आन कली शुक्शी पाइनीनी । उत्पती २ :२१ २१ गे मेको नेल्ल पाइतीनी हना यो, गो सिक्सी पा बाक्ती । गे आं खोदंशो मिम्साक्नी । तन्न गो इन कली हुइश्शा, इन दोस कांइनन्नी । २२ गे परमपरमु कली परंबपुकी तुइक्तीन । मो मपाइतीनी हना, गो इन कली साइक्नन्नी । मिनु इन कली सुइमी परांइने मचाप्नीम । २३ सु सुमी 'गे रिम्शो पाइब बाक्नीनी' दनीमी, मेकोपुकीमी आं कली ठेयब सेल्लनीम । मिनु गो मेको आन कली लां सेल्लनुड । गो मेको आन कली आं पाप र परांइतीके कांइनुडमी" दे परमपरमुमी दंत ।

आं पाप क्याम्दीन, दे पुंइशो

कुम्सो पपाइक्व कली दाऊदमी बाश्शेबा नु हेंथे पवा नोले नाथान जाक्मनु, पशो दाऊद आ कुम्सो । २सामुएल १२ :१-१५

५१ १ परमपरमु इन गेना हना यो दाक्तीकेमी आं कली शिशी पने । इन शुश शिशीमी आं हेंथे पशो क्याम्दीन । लुका १८ :१७ २ परमपरमु, इन शिशी पतीकेमी आं मरिम्शो पशो नेल्ल मुरशा गयीनी । मिनु आं कली पाप र परांइयीनी ।

३ मारदे हना गो आं मरिम्शो पशो तुइक्नुड । मिनु आं पाप गेना हना यो मिम्नुड । ४ गो इन डांइती ला पाप पाता । इन डांइती इन मदाक्शो पाता । गे आं कली निसाफ पा, ठीक पाइब बाक्नीनी । आं कली निसाफ पा सजाइ गतीनी, गे मेको आ पर्वम दोस मताइब बाक्नीनी । ५ थमा पा, गो जरमसी डा रेन मरिम्शो पाइब बाक्ती । आं ममा आ कोव्रजम जोल्डा रेन मरिम्शो पाइब बाक्ती । रोमी ३ :४ ; यूहन्ना ३ :६ ६ गे आंम पर्वम आंम थुं डा थमा मिम्तीकेम दाक्नीनी । मोपतीके गे आं थुं कली जोक्तीके तुइक्तीके शंदीन ।

७ गे हिस्सोप के बराक्सुमी आं पाप क्याम्दीन । मिनु आं पाप क्याम्सीशो बाक्व । मिनु आं कली चिक्तीनी । मिनु गो फुं क्यडा बुश दुम्नुड । परस्थान १२ :२२-२३ ; यसेया १ :१८ ८ आं कली ग्यरतीके नु थुं नाइक्तीके लोत्र नंपाइय्यीनी । मिनु इन फस पाक्शो आं रुश लेंशा ग्यरसमल । भजन संग्रह ३२ :३-४ ९ इन कुल आं पाप र खरुइक्तीन । मिनु आं मरिम्शो पशो नेल्ल क्याम्दीन ।

१० परमपरमु, आं थुं क्येख सुन खोदंशो सेलीन । मिनु नक नु ठीक पाइब सोक्त गयीनी । मती ५ :८ ; इजीकीएल ३६ :२६-२७ ११ आं कली इन डांइती र मखरयीनी । इन सोक्त आं र मलतीन । १२ इन पाप र परांइतीके आ पर्वम ग्यरशो लेंशा गयीनी । आं थुं इन दंशो खोदंशो सेलीन ।

१३ मिनु गो मरिम्शो पाइब आन कली इन लां कांइनुडमी । मिनु पाप पाइबपुकी इन गे लेल्लनीम । १४ परमपरमु, गे आं कली पाप र परांइब परमपरमु बाक्नीनी । आं हुश खराक्व पाक्शो पाप र परांइयीनी । मिनु गो इन परांइतीके आ पर्वम कुम्सो पाइनुड । १५ परमपरमु आं कली लोत्र पपाइय्यीनी । मिनु गो इन कली ठेयब सेल्लनुड । १६ गे मार मार क्योरशा, चददेशोमी मग्यरनीनी । ग्यरसीनी हना, गो क्योरशा चदंड वा । गे चोशा चददेशोम मग्यरसीनीनी । भजन संग्रह ४० :१७ १७ परमपरमु, गे मरिम्शो पशो आ पर्वम जिक्शो थुं नु बरेशो मुर आन थुं दाक्नीनी । भजन संग्रह ३४ :३९

१८ इन दाक्शो खोदंशो पा सियोन कली रिम्शो दुम्तीके गेने । यरुसलेम डा गारो लेंशा सेलीन । १९ मिनु नोले मुरपुकीमी ठीक पा चदनीम । मुरपुकीमी इन कली ग्यरपाइक्वा कली चोशा चदतीके नेल्ल चदनीम । मिनु इन कली ब्यफ चदनीम ।

### परमपरभु आ शिशी नु निसाफ

कुम्सो पपाइक्व कली। शंतीक कुम्सो एदोमी दाएगमी सावल कली “दाऊद अहीमिलेक आ बाक्तीकेम खरुंडसाक्व” देचा नोले डा दाऊद आ कुम्सो। १सामुएल २२ :९-१९

**५२** १गे थम बोल्यो मुर, मारदे मरिम्शो पचा आ पर्वम बोरनीनी? परमपरभु आ शिशी नाक्तर लेोब। २गे नाक्तर खतम सेल्वा आ पर्वम मिन्नीनी? इन शोव शेष्शो करद खोदेशो बाक्व। गे जोल पाइब ला बाक्नीनी। ३गे रिम्शो पचा क्येडा मरिम्शो पचा ला दाक्नीनी। थमा लोव पचा क्येडा जोल पचा ला दाक्नीनी। ठेयब संदा पा। ४गे जोल पाइब मुर, मारदे मारदे खतम सेल्तीक लोव ला दाक्नीनी।

५ परमपरभुमी थमा पा इन कली गेना हना यो कली खतम सेल्वा। मेकोमी इन कली इन बाक्तीके रे कीशा, गरुंडब। मिनु मेकोमी इन कली बरांडशा बाक्तीक रागी रे इन शाक्श सुन्दा उडइशा, ताइक्व। ठेयब संदा पा। ६ठीक पाइबपुकी मेको आन कली तशा, हिंनीम। मिनु मेकोपुकीमी रिश्शा कोवशा भजन संग्रह ११ :८, ७ एको मुर कली कोवडीन। एकोमी परमपरभु कली जिम्मा मगंस। आ शुश शोपोम “गो मारदे मारदे पने चानुड देशा, अरु आन कली खतम पोक्शा, बाल्यो दुम्त” दे रिश्शा, कोवनीम।

७तन्न गो परमपरभु आ सिंमी गिग तेल रवा खोदेशो बाक्नुड। गो आ कली गेना हना यो दाक्व परमपरभु कली थमा सुइक्नुड। भजन संग्रह १२ :१३-१६ १गो “इन पशा आ पर्वम गेना हना यो इन कली ठेयब सेल्नुड। गो इन नें “पाप रे परांडब बाक्व” दे आस पाइनुड। मारदे हना इन नें रिम्शो बाक्व। गो इन कली थमा सुइक्व आन दातेमी ठेयब सेल्नुड” देती।

### मुर आन मरिम्शो पशो

कुम्सो पपाइक्व कली महलाथ नें पाइइशा कुम्सो आ लायो। दाऊद आ शंतीक कुम्सो। भजन संग्रह १४ :-

**५३** १मुखपुकीमी आन थुंमी “परमपरभु मबाक्व” देनीम। मेकोपुकी काइ मरिम्शो दुम्शा गरांगरा दिचा डा गेय पाइनीम। रिम्शो पाइब का यो मबाक्नीम।

२मिनु परमपरभुमी स्वर्ग रे मुर आन कली कोवब। मारदे कोवब देशा हना, आ कली माल्ब, रुख मुर का बाक्म कां, दे कोवब। ३मुर नेल्ले हंथे लां खोइइशा बाक्नीम। मेको नेल्ले दूली पाइब बाक्नीम। रिम्शो पाइब का यो मबाक्नीम। ४मार, मरिम्शा पाइबपुकी मारदे मशंसीनीमी? मेकोपुकीमी शोक्तर जशा खोदेशो पा आं मुर आन कली नेक्नीम। मेकोपुकीमी परमपरभु कली काइ मपुंडनीम। ५मिनु नोले मेकोपुकी थाम्पा हिंनीम। डांडती मोपा हिंतीक मबा। मारदे हना परमपरभुमी थमा मसुइक्व आन रुश फराइब। मिनु मेकोपुकी मुने दोक्नीम। मारदे हना परमपरभुमी मेको आन कली तिल्लेशो बाक्व। ६इस्राएल कली श्येत रे परांडब सियोन रे जाक्शो हना, गिश रिम्शो दुम वा। परमपरभुमी आ मुर आन कली थुं नाइइशा, रिम्शो पा बाक्तीक लेंशा गोप्नु हना, याकूब आ मुर कुम्सो पाइनीम। मिनु इस्राएल डा मुर ग्येरसीनीम।

### “जोरी सतरु रे परोनीन” दे पुंडशा

कुम्सो पपाइक्व कली तार पाइइशा ताप्तीक ताप्शा, शंतीक कुम्सो। जीफ डा मुरपुकीमी सावल कली “दाऊद आंइ दातेमी खरुंडसीब” देशो ना डा दाऊद आ कुम्सो।

१सामुएल २३ :१९ ; १सामुएल २६ :१

**५४** १परमपरभु, इन नेमी आं कली परांडयीनी। इन ठेयब सक्तिमी आं कली दास मताइब बाक्व, दे कांडदीन। २परमपरभु, आं लोव नेनीन, आं पुइशा लोव नेनीन।

३मरिम्शो पाइबपुकी आं गे बारतेक्म। हुश खराक्श पोक्वपुकीमी साइक्चा माल्तीमी। मेकोपुकी परमपरभु कली ममिम्थु, महिनीम। ठेयब संदा पा।

४परमपरभु थमा पा आं कली वारच पाइब बाक्व। मेको आं कली बरांडचा गेब बाक्व। ५सु सुम आं कली मरिम्शो पाइनीमी, मेको आन कली मरिम्शो दुम्त। इन दाक्शा मपरांडतीकेमी मेको आन कली खतम पोक्कीन।

६परमपरभु, गो इन कली आं दाक्तीक चढेनुड। परमपरभु यावे, गो इन कली “गे रिम्शो पाइब बाक्नीनी” दे इन नें ठेयब सेल्नुड। मारदे हना परमपरभु यावे रिम्शो पाइब बाक्व। ७गे आं श्येत नेल्ल रे परांडतीनी। मिनु गो आं जोरी सतरु आन कली गराती।

“आ वारचम प्रोनानु” पुंड्रशो

कुम्सो पपाइक्व कली तार पाइश्शो ताप्तीके ताप्शा शंतीके। दाऊद आ कुम्सो।

५५

१ परमपरभु, आं लोत्र ननीन। आं डोंइती र इन कुल मखरुइक्तीन। २ आं पुंड्रशो नंशा, लोत्र लेत्तीनी। गो श्यत जशा, आं थुं ग्येत्य लुकच दुम्शा, मारद रोंका पा गाक्ती देशा हना, ३ गो आं जोरी सतरु आन लोत्र नंशा, इन अरशो मटीबपुकीम श्यत गतीके रोंका पा गाक्ती। मारद हना मेकोपुकी गाइश्शा आं जोरी सतरु दुम्शा, श्यत गतीमी।

४ आं थुं ग्येत्य लुकच पशो बाक्व। आं कली बेक्चा डा हिंतीकेमी सुम्ती। ५ गो हिंशा खिरंखिर पाता। गो साप्पा हिनुड। ६ गो आं के “ढुकुर खोंदेशो पा फरां बाक्शो हना, बेरशा लशा, नांडसीड वा” देती। ७ गो थमा पा बेरशा डोन लशा, गोरशो रागीम बाक्ड वा। ठेयब सेंदा पा। ८ गो फश गिवार र परोक्शा, रीब पा फाम्सीड वा।

९ परमपरभु, मरिम्शो पाइब आन मिम्शो खतम पा गेन। मेको आन लोत्र खाल्शा गेन। मारद हना गो सहरमी हुश खराक्श पोक्शो नु जिशो खेशो ला ताता। १० मेकोपुकी नाक्दो नाक्ती सहर डा गारो डाइश्शा एर आंथ हिरशो बाक्नीम। मेको सहरम मरिम्शो पतीके नु श्यत ला बाक्व। ११ मेको सहरम मारइ मारइ खतम पोक्व बाक्व। मुर आन कली दिप्तीके नु जोल पतीके सहर परोइशा मलाइनीम।

१२ आं कली काइ मदाक्वमी शुक्शी पाइय्यी हना, गो फाल्ने चबु वा। जोरी सतरुमी आं कली लडाइ तोशा नम हना, गो मेको आन क्येडा परोक्शा खरुंडसीड वा। भजन संग्रह ४१:१० १३ तन्न गे आ खोंदेशो मुर बाक्ते। गो नु बाक्व आं वारच बाक्नेवे। १४ डोंइती गो गे नु ग्येरशा बाक्शो बाक्ती। गो मुरपुकी नु परमपरभु आ खिम काथा गाक्शो नय।

१५ बेक्पाइक्वमी आं जोरी सतरु आन कली आन मतुइक्चा डा पा जाक्शा दाक्वाल। मेकोपुकी सेलीन बेक्शो मुर आन बाक्तीके लमल। मारद हना मेको आन दातेमी मरिम्शो पतीके बाक्व। गन्ती १६:३१-३३ १६ तन्न गो परमपरभु कली पुंड्रनुड। मिनु मेकोमी आं कली परोइब। १७ गो सुनी, नाक्दो, नाक्ती श्यत जडानु, परमपरभु कली आं श्यत आ पर्वम

पुंड्रनुड। मिनु मेकोमी आं लोत्र नंब। १८ मेकोमी आं कली लडाइ रे मारइ दुम्पाइक्थु, परोइब। शुश मुरुमी आं कली मदाक्ताक्यीमी हना यो, परोइब। १९ परमपरभु गेना हना यो ठेयब नित्तीकेमी निश्शा बाक्व। मेकोमी मेको आन लोत्र नंशा, श्यत गब। ठेयब सेंदा पा। मारद हना मेकोपुकीमी आन लां गेनायो ठीक मसल्नीम। परमपरभु कली मान पा महिनीम। २० आं वारचमी आं कली जोल पा श्यत गती। मेकोमी आ कबल परोइतु। २१ मिनु मेकोमी मिलो शिलो लोत्र पाप्तु। तन्न मेको आ थुमी जिचा खेचा ला बाक्व। मेको आ लोत्र तेल खरक्शो खोंदेशो बाक्व। तन्न आ आगाम शोइश्शो तरवार बाक्व। यरमीया ९:७

२२ इन थुं डा श्यत नु मार पचा दो पचा देतीके परमपरभु यावे आ डोंइती वोतीन। मिनु मेकोमी इन कली कुक्व। मेकोमी ठीक पाइब आन कली गेनायो हिम्सीचा मगेब। १ पतरुस ५:७ २३ तन्न परमपरभु, गे मरिम्शो पाइब आन कली खतम दुम्तीकेमी ताइक्नीनी। हुश खराक्श पोक्व नु जोल पाइब आन बरोइतीके नाक्त उइक्थ यो मबरोइनीम। तन्न गो इन कली थमा सुइश्शा बाक्नुड। भजन संग्रह १०२:२५

थमा सुइक्व थुं महिब थुं बाक्व

कुम्सो पपाइक्व कली डोन डा खाम बाक्शो ढुकुर आ कुम्सो आ लायो। पतिरस्तीपुकीमी गाथ सहरम दाऊद कली ग्याइक्की ना डा दाऊद आ कुम्सो। १ सामुएल २१:१०-१५

५६

१ परमपरभु आं कली शिशो पाइय्यीनी। मारद हना मुरपुकीमी आं कली शुश खेदा पाइनीमी। नाक्त रे आं कली दिप्शो बाक्नीम। २ नेल्ले क्येडा ठेयब, नाक्त रे आं कली दिप्शुपुकीमी आं कली श्यत गेनीमी। आं कली खेदा पाइब शुश बाक्नीम। ३ गो हिंडानु, इन कली थमा सुइक्नुड। ४ मिनु गो परमपरभु आ लोत्र ठेयब सेल्लुड। मेकोमी परोइब, दे थमा सुइश्शा, महिंथु बाक्नुड। मुरपुकीमी आं कली मार पाइक्ने चान्नीमी डा ? भजन संग्रह २७:१ ; भजन संग्रह ११८:६ ; यसैया १२:२ ; यसैया ५१:१२ ; मती १०:२८

५ नाक्त रे मेकोपुकीमी आं लोत्र दूली सेल्शा लोत्र पाइनीम। मेको आन मिम्शो नेल्ले आं कली श्यत गेचा कली ला बाक्व। ६ मिनु मेकोपुकीमी आं कली क्यारी पा बाप्शा साइक्चा माल्नीम।

७ परमपरभु, मेको आन कली काइ परोक्चा मगेन । इन गाइक्चामी मेको मुर आन कली सतम पोक्कीन । ८ आं रोंका पशो मिम्तीन । आं परेक्कु इन ग्यांबुम कुर पा वोतीन । मार, मेको इन लोत्र बरक्शा किताबम बरक्शा मबाक्वा डा ?

१ मिनु गो इन कली “वारच पाइय्यीनी” दे पुनुनु, आं जोरी सतरु लेशशा परोक्कीम । मिनु परमपरभुमी आं कली दाक्व, दे तुइक्नुड । १० गो परमपरभु आ लोत्र आं पर्वम ग्यरशा लोत्र पाइनुड । ११ गो “परमपरभुमी श्येत रे परोइब” दे थमा सुइश्शा, महिंथु बाक्नुड । मुरपुकीमी आं कली मार पाइक्ने चानीमी डा ?

१२ परमपरभु, गो गे नु कसम जशो, खाप्वा माल्नुड । गो इन कली “गे रिम्शो पाइब बाक्नीनी” दे चढेतीके चढेनुड । १३ मारदे हना गे आं कली बेक्चा रे परोइतीनी । मिनु आं कली गोल्वा रे परोइतीनी । परमपरभु, गो बरोइशो आन छेड्छेडम गाक्चा तडल । अय्युब ३३ : ३०

श्येत रे परोइब, दे पुइतीक

कुम्सो पपाइक्व कली सतम मसलो देशो कुम्सो आ लायो । दाऊद साक्ल रे परोक्मनु, पुक्सीम बाक्शा, पशो कुम्सो । १सामुएल २२ : १

१ परमपरभु शिशी पने । आं कली शिशी पाइय्यीनी । मारदे हना आं थुं गे नु खरुइसीब । एको सतम पोक्व फश गिवार मनुम्म सम्म गो इन फरां आगामी खरुइसीशा बाक्नुड । भजन संग्रह १७ : ८ ; भजन संग्रह ११ : १-२

२ गो नल्ल क्येडा ठेयब, परमपरभु कली बरत्नुड । परमपरभुमी आं पर्वम आ मिम्शो खाप्वा । ३ मेकोमी स्वर्ग रे वारच पाइब सोइश्शा, आं कली परोइब । मिनु आं कली खेदा पाइब आन कली हुइक्व । ठेयब संदा पा । परमपरभुमी आं कली गेना हना यो दाक्व । आ दाक्शा मपरोइतीकेमी आं कली कोव्रब ।

४ गो गुप्स आन दातेमी बाक्शो बाक्नुड । गो मुर ब्वाइब जन्तु आन दातेमी गोल्शो बाक्नुड । मेको मुर आन खरुइ तूतीक नु बरा सोदेशो बाक्नीम । मेको आन ले हश्शो तरवार सोदेशो बाक्व ।

५ परमपरभु, गे सरीड क्येडा ठेयब बाक्नीनी । मिनु रागी इन सक्तिम पिरंदीन । ६ मेकोपुकीमी आं सोइली रेप्पाइक्चा कली व्वारद दाइक्ताक्म । गो श्येत जशा गुर

व्वेशो बाक्नुड । मेकोपुकीमी आं लांम खाल्टा दोम्तेक्म । तन्न मेकोपुकी मेकेर आंमा बिकतेक्म । ठेयब संदा पा ।

७ परमपरभु, आं थुं ग्येत्थ लुक्च मपथु बाक्व । गो ताप्तीक ताप्शा कुम्सो पाइनुड । भजन संग्रह १०८ : २-६ ८ आं थुं संशा बोक्को । ताप्तीकपुकी ठीक पा बाक्कीन । मारदे हना गो नां सोव्रच क्येडा डाइती कुम्सो पाइनुड ।

१ परमपरभु, गो जात जात डा मुर आन दातेमी इन कली ठेयब सल्लुड । गो रागी रागी आन दातेमी इन पर्वम कुम्सो पाइनुड । १० मारदे हना इन गेना हना यो दाक्तीक सरीड सम्म जाक्दीश्शो ठेयब बाक्व । मिनु इन दाक्शा मपरोइतीके गोस्स सम्म जाक्दीश्शो ठेयब बाक्व । ११ परमपरभु, गे सरीड क्येडा ठेयब बाक्नीनी । मिनु रागी इन सक्तिम पिरंदीन ।

मरिम्शो पाइब कली सजाइ

कुम्सो पपाइक्व कली कुम्सो आ लायो,  
सतम मसलो देशो दाऊद आ सल्लो  
कुम्सो । भजन संग्रह ८२ : २-४

५८ १ गे निसाफ पाइबपुकी, ठीक लोत्र पाइनीनी ? गे मुर आन कली ठीक निसाफ पाइब बाक्नीनी ? २ ममाइ, गे इन थुंमी ठीक ममिम्नीनी । मिनु गे रागीम हुश खराक्श पोक्कीनी । ३ परमपरभु आ अरशा मटीबपुकी जरमसमा रेन मरिम्शो पाइनीम । कोव्रज रेन मरिम्शो पाइब दुम्शो बाक्नीम । मिनु जोल पाइनीम । ४ मेको आन बीस बुस्स आन बीस सोदेशो बाक्व । मेको थम ठेयब बुस्स आन नोफा सुशो सोदेशो बाक्नीम । ५ मिनु मन्तर तन्तर पाइब नु नु टुना मुना पाइब आन लोत्र मननीम ।

६ परमपरभु, मेको आन खरुइ जिकतीन । परमपरभु यावे, गुप्स आन खरुइ तुल्दीन । ७ मेकोपुकी शाइश्शा ब्वाक्कु सोदेशो पा जाम्शा, लमल । मेकोपुकीमी लिबराम बरा आप्मेनु, मेको आन बरा हंथ लमल । ८ मेकोपुकी गाक्ना गाक्न यशा, दे सोदेशो दुम्मल । मेकोपुकीमी शाम्शो आलपुकीम सोदेशो पा नां मतामक्त ।

९ इन ग्यांबपुकी सोव्रशो चूमी बरशो मीम होचा क्येडा डाइती, मरिम्शो पाइबपुकी जाम्शा लाइनीम । १० मिनु ठीक पाइबपुकी मरिम्शो पाइब आन कली क्येक्क लेशशा तशा, ग्यरसीनीम । मिनु मेको आन हुशम गाक्नीम ।

११ मिनू मुरपुकीमी “ठीक पाइबपुकीमी थमा पा इनाम ताइनीम। थमा पा, परमपरभु रागीम निसाफ पाइब बाक्ब” देनीम।

“जोरी सतरु रे परोनीन” दे पुंडशो

कुम्सो पपाइक्ब कली खतम मसेलो देशो कुम्सो आ लायो। दाऊद आ कुम्सो। सावलमी दाऊद आ खिम बाक्म को, मेको कली साइक्चा, दे क्यारी पथ सोइशो बाक्त। १सामुएल १९ :११

५९ १आं परमपरभु, आं जोरी सतरु रे परोइयीनी। आं कली मरिम्शो पाइब आन क्येडा परोइयीनी। २आं कली मरिम्शो पाइब नु हुश खराक्श पोक्ब आन रे परोइयीनी। ३कोवडीन, मेकोपुकीमी आं कली साइक्चा कली बाप्शा बाक्शो बाक्नीम। परमपरभु यावे, गो मारइ मरिम्शो मपथु, मेको मुर साइक्बपुकीमी आं कली जिचा तोशो बाक्नीम। ४गो मारइ मरिम्शो मपथु, मेकोपुकीमी आं कली साइक्चा चिक्शो बाक्नीम। आं श्येत जशो कोवडीन। मिनू वारच पाइक्चा कली बाक्कीन। ५ परमपरभु यावे, मुर नेल्ल आन परमपरभु, इसराएल आ परमपरभु, रागी रागी आन कली सजाइ गेचा कली बाक्कीन। इन कली परोइशा, मरिम्शो पाइब आन कली काइ शिशी मपन। ठेयब संदा पा।

६नाक्दो कुस कुस मेकोपुकी सहर आ एर ओंथ कुचुम खोदंशो पा डरर डरर पा हिरसीनीम। ७मेकोपुकीमी आन शोत्र रे मार गरुइबाक्मा ? मेकोपुकीमी साइक्चा डा लोत्र पाइनीम। मिनू मेकोपुकीमी “सुम नंबा डा” देनीम। ८तन्न परमपरभु यावे, ग मेको आन पर्वम रिन्नीनी। गे रागी रागी नेल्ल आन पर्वम रिन्नीनी।

९गे आं सक्ति बाक्नीनी। गो इन कली ठेयब सेल्ल्या कुम्सो पाइनुड। परमपरभु, गे आं बोल्ल्यो दरवार बाक्नीनी। भजन संग्रह ९ :१०-११ १० परमपरभुम आं कली गेना हना यो दाक्तीकम गरुम्ब। मिनू मेकोमी आं कली आं जोरी सतरु आन कली गरापाइक्ब। ११मेको आन कली मसतीन। मो पाइतीनी हना, आं मुरपुकीमी परनीमी। परमपरभु, गे आंइ तेक्तीक बाक्नीनी। गे मेको आन कली इन सक्तिमी एर ओंथ बरपाइशशा, आइक्च सेलीन। १२मेको आन पशो लोत्रमी, आन ठेयब लेशशा कोंइनीमी। गे गाइशशा मेको आन सराप पतीके नु जोल पतीके खतम पोक्कीन। १३मेको आन कली इन

गाइक्तीकमी सतीन। गे मेको आन कली रागी रे क्याम्ताक्नी हना, मुर नेल्लेमी परमपरभुमी याक्ब कली सासन पाइब, दे तुइक्नीम। ठेयब संदा पा।

१४नाक्दो कुस कुस मेकोपुकी सहर आ एर ओंथ कुचुम खोदंशो पा डरर डरर पा हिरसीनीम। १५मेकोपुकी जिचा शोत्रक माल्थ गाक्नीम। मिनू मरुत्कम हना, गरीनीम। १६तन्न गो चहिं इन सक्ति आ पर्वम कुम्सो पाइनुड। सुनी कना गो इन गेना हना यो दाक्शो आ पर्वम कुम्सो पाइनुड। मारद हना गे आं बरोइशा बाक्तीक बोल्ल्यो दरवार बाक्नीनी। मिनू श्येत जडानु, आं खरुइक्तीक बाक्नीनी। १७गे, आं सक्ति बाक्नीनी, गो इन कली ठेयब सेल्ल्यो कुम्सो पाइनुड। गे आं बोल्ल्यो दरवार नु आं कली गेना हना यो दाक्ब परमपरभु बाक्नीनी।

लडाइ बरुशा पुंडशो

कुम्सो पपाइक्ब कली कबल डा फू आ लायो। दाऊद आ सेल्ल्यो शंतीक कुम्सो। मेकोमी अराम-नहाराइन नु अराम-सोबाह नु लडाइ पवानु, योआब लेशशा, १२ हजार एदोमी कली हिक्सी दिमम साइक्तु। २सामुएल ८ :३,१३ ; २सामुएल १० :१३,१८

६० १परमपरभु, गे आंइ कली वारच पाइक्चा परोइशा बाक्तीनी। गे आंइ लडाइ पतीक कली परोइशा बाक्तीनी। गे आंइ पर्वम थाम्पा गाइक्ताक्नी। मुल आंइ कली डोंइती डा खोदंशो पा रिम्शो सेलीन। २गे खिरनु कुपाइक्तीनी। मिनू रागी कली चतीनी। मेको जशशा लेशा सेलीन। मारद हना हिम्सीन सीन बाक्ब। ३परमपरभु, गे इन मुर आन कली ठेयब श्येत जपाइक्तीनी। गे आंइ कली दिड दाड गोल्ब तूचा थोत्रक तूपाइक्तीनी। भजन संग्रह ७५ :९

४मिनू इन क्येडा मान पा हिंब आन कली परोक्तीक लां कोंइचा कली चिन्ड का वोइक्तीनी। मेकर लमानु, बराम मखराइनीम। ठेयब संदा पा। परस्थान १७ :१५

५इन सक्तिमी आंइ कली परोनीन। मिनू इन दाक्शो मुरपुकी बरोइचा तामेकल। भजन संग्रह १०८ :७-१४ ६परमपरभुमी आ बाक्तीक रे “प्येरपाइक्तीकमी, गो शेकेम कली योक्नुड। सुक्कोथ डा दिम पुक्नुड। ७गिलाद नु मनस्स आं के बाक्नीस। एफराइम आं पियाम गुप्तीक बाक्ब। यहूदा आं राज दन्ड बाक्ब। उत्पती

४९ : ३० ८ मो आब आं चिकतीक बोस बाकब । गो एदोम तार आं जुत्ता ब्यारनुड । गो पलिस्ती आन कली गरानुड ।

१ सुम आं कली गारो हिरशो सहर सम्म चाकदीप्या ? सुम आं कली लो कांडशा, एदोम सम्म चाकदीप्या ?" दंत । १० परमपरभु, गे आंइ क्यडा डोन मलनी ? गे आंइ कली परांडतीनी । गे आंइ लडाइ पाइबपुकी नु मलाइनीनी ।

११ मिनु आंइ जोरी सतरु क्यडा गराचा कली आंइ कली वारच पनी । मारदे हना मुर आन वारच पशो शोर गाकशो बाकब । १२ गो परमपरभु आ वारच पाइशोमी गरानीकी । मिनु मेकोमी आंइ जोरी सतरु आन कली दिम्ब ।

### परमपरभुमी वारच पशो

कुम्सो पपाइकब कली तार पाइशो ताप्टीक ताप्या पतीक, दाऊद आ कुम्सो ।

१ परमपरभु, आं बरेशो नेनीन । आं पुंडशो **६१** लोत्र नेनीन । २ गो डोन रागी रे इन कली बरत्नुड । आं थुं ग्येथ लुकच दुम्मेनु, बरत्नुड । आं कली लाइशो सरथे फुल्लु तार लाइय्यीनी । ३ मारदे हना गे आं खरुइक्तीक बाकनीनी । गे डांडती रे आं जोरी सतरुमी मथिक्तीक बोल्यो लाइशो सिं बाकनीनी । भजन संग्रह ७१ : ३ ; हितोपदेश १८ : १०

४ गे आं कली इन ताम्बुमी गेना हना यो बाकचा गेने । मिनु इन फरो आगाम खरुइसीनुड । ठेयब संदा पा । भजन संग्रह १७ : ८ ५ परमपरभु, गे आं कसम जशो नेंतीनी । गे इन नें कली मान पा हिंब आन कली गेशो खोदंशो पा, आं कली यो गेतीनी ।

६ पिप कली शुश बरांडतीक नाक्त गेने । शुश पाला सम्म आ बरांडतीक नाक्त बारपतीन । भजन संग्रह २१ : ५ ७ मेको परमपरभु आ डांडती गेना हना यो आ निक्तीकम बाकचा तवल । इन गेना हना यो दाक्तीक नु इन दाक्शा मपरांडतीकमी मेको कली खाल पपतीन । २ सामुएल ७ : १६

८ मेना गो इन नें गेना हना यो ठेयब सेल्टीक कुम्सो पाइनुड । मिनु नाक्त कित कित गो आं कसम जशो खानुड ।

### परमपरभुमी परांडब, देशो

कुम्सो पपाइकब येदुथून कली दाऊद आ कुम्सो ।

१ आं थुंम सिकसी पा परमपरभु कली रिम्ब । **६२** मेकोमी आं कली परांडब । यसेया ३० : १५

२ मेको ला आं सरथे फुल्लु नु आं कली वारच पाइब बाकब । मेको आं बोल्यो दरवार बाकब । गो गेनायो महिम्सीनुड । भजन संग्रह १८ : ३

३ गे नल्लेमी मुर का कली गेना सम्म बाप्या साइक्चा माल्नीनी ? गे गोल्वा चिकशो गारो नु बरत्त्वा चिकशो थरपु खोदंशो मुर कली खाल्नीनी ? ४ मेकोपुकीमी ठेयब मुर कली साइक्चा माल्थो बाकनीम । मेकोपुकी जोल पतीकमी ग्येरसीनीम । मिनु शोत्रम आसीक गेसु पाइनीम । तन्न आन थुंमी चहिं सराप पाइनीम । ठेयब संदा पा ।

५ आं थुंम सिकसी पा परमपरभु कली ला रिम्ब । मारदे हना गो मेको कली आस पाइनुड । ६ मेको ला आं सरथे फुल्लु नु आं कली वारच पाइब बाकब । मेको आं बोल्यो दरवार बाकब । गो महिम्सीनुड । ७ आं कली श्येत रे परांडतीके नु मान ततीके परमपरभु रे जाकब । परमपरभु आं खरुइक्तीक सरथे फुल्लु नु आं बोल्यो दरवार बाकब । ८ मुर नल्ल, गेना हना यो परमपरभु कली थमा सुतीन । मेको आ डांडती इन थुं डा लोत्र देनीन । मारदे हना परमपरभु इं खरुइक्तीके बाकब । ठेयब संदा पा ।

९ महिक्सीशो मुरपुकी फश ला बाकनीम । हिक्सीशो मुर आन ठेयब दुम्तीके जोल ला बाकब । मेकोपुकी नाक्सीमानु, मारदे मबाकनीम । हिक्सीशो नु महिक्सीशो मुर नल्ल मुठी का सोक्त डा ला बाकनीम । १० मुर आन कली दिप्या "रिम्शो दुम्नुड" दे ममिम्तीन । सुइ पशो मार मार तथा, ठेयब मलेतीन । इन शांप शुश दुम्त हना यो, मेको कली थमा मसुतीन । मत्ती १९ : २२ ; लूका १२ : १५ - २१ ; १ तिमोथी ६ : ९, १७

११ परमपरभुमी लोत्र पान्तु । गो लोत्र निक्शो नेंता "परमपरभु के सक्ति बाकब । १२ परमपरभु यावे गेना हना यो दाक्ब बाकब" देशो नेंता । गे थमा पा मुर नल्ल आन कली आन पशो खोदंशो पा गेनीनी । रोमी २ : ६-११

### परमपरभु नु बाकचा दाक्शो

यहूदा आ गोरशो रागीम बाक्शो ना डा दाऊद आ कुम्सो । १ सामुएल २२ : ५

१ परमपरभु, गे आं परमपरभु बाकनीनी । गो **६३** इन कली थमा पा माल्लुड । गो ब्वाक्कु तूत् दाक्शो खोदंशो पा आं थुंमी इन कली माल्लुड । गो ब्वाक्कु मबाक्शो रागीम ब्वाक्कु

माल्शो खोदंशो पा इन कली माल्स डा माल्स बाक्नुड। भजन संग्रह ४२:३

२गो इन कली इन बाक्तीकमी ताता। मिनु इन सक्ति नु छुडछुड ताता। ३आं बरोइतीक क्यडा इन गना हना यो दाक्तीक ठेयब बाक्ब। मोपतीक गो इन कली ठेयब सल्लुड। ४गो मबेकडा सम्म इन कली ठेयब सल्लुड। मिनु गो आं गुइ पोक्शा, इन कली परार्थना पाइनुड। ५बरोव्रशा जशो खोदंशो पा इन कली मिम्शा ग्येरनुड। गो कुम्सो पा इन कली ठेयब सल्लुड। ६गो आं बुराल्येम बाक्डानु, इन कली मिम्नुड। मिनु नाकदो यो इन कली मिम्शा बाक्नुड। यरमीया २६:९ ७मारदे हना गे आं कली वारच पाइब बाक्नीनी। मोपतीक गो इन परांइतीक तुइश्शा, कुम्सो पाइनुड। भजन संग्रह १७:८ ८आं थुं गे नु बाक्ब। गे आं कली कोवब बाक्नीनी।

९तन्न आं कली साइक्वा माल्बपुकी खतम दुम्शा, खप आगा ओवनीम। १०मेकोपुकी तरवारम साइक्वा पुंडसीनीम। मिनु सिवारम मेको आन कली व्याइनीम।

११तन्न पिप चहिं परमपरभु नु थुं नाइश्शा ग्येरशा बाक्ब। परमपरभु आ नंम कसम जाइबपुकीमी मेको कली ठेयब सल्लीम। तन्न जोल पाइबपुकी व्याक्वा मताइनीम।

परमपरभुमी निसाफ पवल

कुम्सो पपाइक्ब कली दाऊद आ कुम्सो।

६४ १परमपरभु, आं कली श्येत गेशो आ पर्वम इन कली शंदनु, आं लोत्र ननीन। आं कली आं जोरी सतरु आन क्येडा परांइयीनी। २इन अरेशो मटीब आन क्येडा खरुइक्तीनी। मरिम्शो पाइब आन खरुइश्शा मिम्शो र खरुइक्तीनी।

३मेकोपुकीमी तरवार खोदंशो पा आन लें हेप्पाइक्नीम। मेको आन लोत्रमी साइक्ब बरा खोदंशो पा आप्नीम। ४मेकोपुकीमी बाप्शा, दोस मपाइश्शो मुर आन कली आप्नीम। मेकोपुकीमी मेको आन कली महिंथु बरा बरु आप्नीम।

५मिनु मेकोपुकीमी आन मरिम्शो पशो आ पर्वम आंमा आंमा ठीक पाइतीनी, देमुइनीम। खरुइश्शा ब्यारद दाइक्तीक आ पर्वम लोत्र पाइनीम। मेकोपुकीमी “इं कली सुम ताइबा डा” देनीम। भजन संग्रह १४:७ ६मेकोपुकीमी मरिम्शो पतीक आ पर्वम गारशा “गो शुश

मिम्शा, गेय पाइतय” देनीम। थमा पा मुर आन मिम्तीक नु थुं मरिम्शो बाक्ब।

७तन्न परमपरभुमी मेको आन कली बरा आप्ब। मिनु मेको आन मतुइक्थु गोल्नीम। ८परमपरभुमी मेको आन कली आन लोत्र आ पर्वम खतम सल्ल। मेको आन कली साइक्ब। मिनु मेको आन कली ताइब नल्लमी हिंशा आन पिया हिकनीम। ९नोले मुर नल्ल हिंनीम। मिनु परमपरभु आ पशो आ पर्वम लोत्र पाइनीम। मिनु मेको आ पशो मिम्नीम। परस्थान ८:१५ १०ठीक पाइबपुकी परमपरभु यावे आ पर्वम ग्येरसीन। मिनु मेको नु खरुइसीन। रिम्शो थुं पाइश्शो मुर नल्ल ग्येरसीन।

परमपरभु कली ठेयब सल्ल्यो

कुम्सो पपाइक्ब कली। दाऊद आ कुम्सो।

६५ १परमपरभु, सियोनमी इन कली ठेयब सेल्लीक कुम्सो पाइनीमी। मिनु आंइ कसम जशो नल्ल इन डांइती खाप्नीकी। २गे परार्थना नंब बाक्नीनी। मोपतीक मुर नल्ल इन डांइती जाक्नीम। ३गो आंइ पापमी गरुम्कानु, आंइ मरिम्शो पशो माफ गतीनी। ४सु सु इन योत्रचा पुंडसीशो बाक्नीमी, मेकोपुकी ग्येरसीशो बाक्नीमी। मेको आन कली इन खिंम बाक्पाइक्वा कली चाक्नीनी। गो इन खिं, इन आंम बाक्तीक डा बरोव्रशा थोत्रकमी रुनीकी। भजन संग्रह ६३:३-४; भजन संग्रह ८४:२-५; व्यवस्था ४:७

५आंइ पुंइशो लोत्र इन ठेयब गेयमी आंइ कली परांइशा लोत्र लेत्नीनी। परमपरभु, आंइ कली श्येत र परांइब बाक्नीनी। गे डांन बाक्ब रागी नु नल्ल क्येडा डांन डा समुन्दर आ नक्था बाक्ब आन आस बाक्नीनी। ६गे इन सक्तिमी डांडा नल्ल सेल्लतीनी। गे ठेयब सक्ति पाइश्शो बाक्नीनी। ७गे समुन्दर आन गरीशो सिक्वी पपाइक्तीनी। गे समुन्दर आन बोक्शो नाइक्पाइक्नीनी। मिनु जात जात डा मुर आन जिचा खेचा साम्नीनी। भजन संग्रह ८९:१० ८मिनु डांन डांन रागीम बाक्बपुकी इन छुक लाक्वा डा गेय तशा हिंनीम। परमपरभु, गे नां दाप्तीक नु नां परतीकम बाक्ब आन कली ग्येरसीशा कुम्सो पपाइक्नीनी। ९गे रागी हिरशा, रेउ यिपाइक्नीनी। गे मेको कली शुश गरुत्पाइक्नीनी। परमपरभु आ सोला व्याक्कुम बरीशो बाक्नीम। मोपा मुर आन कली

शुश अन्न खरेल्लीनी। मारदे हना मेकोन इन मिम्शो बाक्ब। भजन संग्रह ६७ :७ १०गे रू नेल्ल व्याक्कुम जिप्पाइक्कीनी। मेको कली थल्लीनी। रउ यिपाइशशा, मेको कली मार मार वापाइक्ब सल्लीनी। मिनु मंकर सिशशो अन्न कली आसीक गनीनी। भजन संग्रह १०४ :१३-१६ ११ग इन गेना हना यो दाक्तीकमी शुश अन्न गुरल्ल सल्लीनी। इन बग्गी मारइ मारइम बरीशो बाक्नीम। १२गोरशो रागी डा बी ब्यफ योवतीक गिग दुम्नीम। पहाड थाम्पा ग्यरसीशो बाक्नीम। १३योवतीक नेल्ल क्यारश मेडापुकीमी बरीशो बाक्नीम। दिमपुकी अन्नमी सुम्सीशो बाक्नीम। मेकोपुकी शुश ग्यरसीशा कुम्सो पाइनीम।

परमपरभु वारच पाइब बाक्ब

कुम्सो पपाइक्ब कली कुम्सो का।

१ए रागी डा मुर नेल्ले, ग्येरशा परमपरभु ६६ कली कुम्सो पने। २गे परमपरभु कली “इन नं ठेयब बाक्ब” दे कुम्सो पने। मेको कली रिम्शो कुम्सो पने। ३मिनु परमपरभु कली “इन गेय ठेयब नु हिंचा डा बाक्नीमी। इन जोरी सतरु इन डांडती हिंशा, खिरंखिर पा बाप्नीम। मारदे हना इन सक्ति थम ठेयब बाक्ब” देनीन। ४ रागी डा मुर नेल्ल इन डांडती बाप्नीम। मेकोपुकीमी इन कली ठेयब सल्ला, कुम्सो पाइनीम। मिनु इन नं कली ठेयब सल्ला, कुम्सो पाइनीम। ठेयब संदा पा।

५जाक्कीन, परमपरभु आ गेय कोवडीन। मेकोमी मुर आन दातमी ठेयब नु हिंचा डा गेय पाप्नु। ६मेकोमी समुन्दरम सोव्रशो लां सल्लु। मुरपुकी सोव्रशो लांम गाक्शा, खोला शाक्साक्म। मेकर गो मेको आ पर्वम ग्यरसाक्क। परस्थान १४ :२१-२२; यहोसु ३ :१६-१७ ७मेकोमी आ सक्तिमी गेना हना यो सासन पाइब। मेकोमी रागी रागी आन कली कोवब। मेको कली मटीब ठेयब मलेम्मल। ठेयब संदा पा।

८जात जात डा मुरपुकी, आंइ परमपरभु कली ठेयब सेलीन। मेको कली ठेयब सल्ला लोव्र नंसेक्ल। ९मेकोमी आंइ कली बेक्चा रे परांडतु। आंइ कली गेरक्चा मगव। १०मारदे हना परमपरभु, गे आंइ कली नाक्ताक्नी। गे आंइ कली चांदी यपाइशशा सोदंशो पा यपाइक्तीनी। हितोपदेस १७ :३ ११गे आंइ कली

जेल्खानम चोक्पाइक्तीनी। मिनु हेल्शो भारी कुरपाइक्तीनी। १२गे मुर आन कली आंइ पियाम थक्पाइक्तीनी। गो मी नु व्याक्कुम गाक्तक। तन्न गे आंइ कली ठेयब रागीम चाक्तीनी। यसेया ४३ :२

१३गो इन खिमी चोशा चदेचा कली जाक्नुड। मिनु आं पशो कसम खाप्नुड। १४गो श्यत जडानु, कसम जाता। मिनु मुल खाप्नुड। १५गो इन कली दोम्शो बस्तु चदेनुड। गो बोका चदेनुड। गो ब्यफपुकी नु क्यारश चदेनुड। ठेयब संदा पा।

१६परमपरभु कली मान पा हिंबपुकी, नेल्ल जाक्शा नेनीन। मेकोमी आं पर्वम मार पवा, मेको गो इन कली शंनुड। १७गो मेको कली ठेयब संदा पा पुंडता। गो मेको कली ठेयब सेल्ला। १८आं थुमी पाप बाक्शो हना, परमपरभुमी आं लोव्र मनन वा। हितोपदेस २८ :९ १९तन्न परमपरभुमी आं लोव्र थमा पा नंतु। मेकोमी आं पुंडशो लोव्र नंतु। २०परमपरभु ठेयब बाक्ल। मारदे हना मेकोमी आं पुंडशो लोव्र गती। मिनु आं कली गेना हना यो दाक्ब।

“रिम्शो पाइतीनी” दे कुम्सो पशो

कुम्सो पपाइक्ब कली तार पाइशशा ताप्तीक ताप्शा पतीक कुम्सो।

१परमपरभुमी इं कली शिशी पा आसीक ६७ गवल। मिनु इं कली आ शिशी कांडदल। ठेयब संदा पा। गन्ती ६ :२४-२५ २ रागी रागी डा मुरपुकीमी इन लां नु इन परांडतीक सक्ति तुइक्तमेक्ल।

३परमपरभु, जात जात डा मुरपुकीमी इन कली ठेयब सल्लेक्ल। मिनु मुर नेल्लेमी इन कली ठेयब सल्लेक्ल। ४ रागी रागी डा मुरपुकी ग्येरशा सोम्शा, कुम्सो पामेक्ल। मारदे हना गे जात जात डा मुर आन कली कुल मेकोव्रथु निसाफ पाइनीनी। मिनु रागी रागी डा मुर आन कली इन लां कांडनीनी। ठेयब संदा पा। ५ परमपरभु, जात जात डा मुरपुकीमी इन कली ठेयब सल्लेक्ल। मिनु जात जात डा मुर नेल्लेमी इन कली ठेयब सल्लेक्ल। ६मिनु रूम अन्न खरेल्ल। इं परमपरभुमी इं कली आसीक गेब। भजन संग्रह ६५ :१० ७परमपरभुम, इं कली आसीक गेना गेन बाक्ब। मिनु रागी डा मुर नेल्ले मेको कली मान पा हिंनीम।

परमपरभु कली कुम्सो पशो

कुम्सो पपाइक्व कली दाऊद आ कुम्सो ।

१ परमपरभु बोक्व । मिनु आ जोरी सतरु  
**६८** बरशा, आ डांडती र परोक्नीम । गन्ती  
 १०:३५ २दापा फशेमी कुन बरपाइशशा योल्वा,  
 मोपा मेको आन कली बरपाइशशा योल्पतीन ।  
 मी आ नकथा मयीन यशो सोदंशो पा परमपरभु  
 आ अरशो मटीबपुकी मेको आ डांडती जाम्शा  
 लाइनीम । ३तन्न ठीक पाइबपुकी परमपरभु आ  
 डांडती ग्येरसमत्त । मेकोपुकी ग्येरशा सोम्शा  
 बाक्मल ।

४ परमपरभु कली कुम्सो पने । मेको आ नें  
 आ पर्वम कुम्सो पने । गोस्स तार गाक्व कली  
 ठेयब सेल्ल्तीक कुम्सो पने । मेको आ नें परमपरभु  
 यावे बाक्व । ग मेको आ डांडती ग्येरशा  
 सोम्शा बाक्कीन । यसैया ५७:१४ ५ परमपरभु  
 आ बाक्तीकमी बाक्शा, रोम रोइक्व आन आफ  
 बाक्व । वॉइश बेक्शो मीश मुर आन कली  
 वारच पाइब यो बाक्व । भजन संग्रह १०:१४  
 ६ परमपरभुमी आ का ला बाक्शो मुर कली  
 बाक्तीक सिं गेब । मेकोमी चोक्सीशो आन कली  
 परांडशा रिम्शो सेल्व । तन्न मटीबपुकी चहिं  
 नांम दुष्शा सोव्रशो रागीम बाक्वा माल्नीम ।

७ परमपरभु, गे इन मुर आन डांडडांडती  
 गाक्तीनी । गे मेको आन कली गोरशा रागीम  
 खुल्तीनी । ठेयब संदा पा । परस्थान १३:२१  
 ८ परमपरभु सीनेम बाक्व । इसराएली आन  
 परमपरभु आ डांडती खिरनु कुत । मिनु शुश  
 रेउ यित । परस्थान १९:१६-१८ ९ परमपरभु, गे  
 ठेयब रेउ यिपाइक्तीनी । इन सोव्रने थुम्शो  
 रागी जिप्पाइक्तीनी । १० इन मुर आन कली मेको  
 रागीम बाक्पाइक्तीनी । मिनु गे, परमपरभु, इन  
 दाक्तीकमी श्येत जाइब आन कली थुल्तीनी ।

११ परमपरभुमी आ लोव्र नंपाइक्तु । मिनु मेको  
 लोव्र शंब मीश मुर शुश दुम्तेक्म । यसैया ५२:७  
 १२ लडाइ पाइब आन पिप हिंशा दाम दाम पा  
 परोक्नीम । मिनु मीश मुरपुकीमी मेको परोक्व  
 आन परांडशो मारेइ मारेइ योक्सीनीम । १३ गे  
 चहिं भेडा आन दातेमी इप्वा दाक्नीनी ? चांदीम  
 गिल्शा फरां पाइशशा टुकुर बाक्व । मिनु आ  
 ओफ्लापुकी टल्केशो सुनमी गिल्शा बाक्नीम ।  
 १४ मिनु नेल्ल क्येडा सक्ति पाइशशामी पिप  
 आन कली बरपाइक्वी ना सल्मान डांडामी फुं  
 यिपाइक्तु । न्यायाधीस ५:१६

१५ बाशान डा डांडा परमपरभु आ डांडा बाक्व ।  
 मेको थम ठेयब बाक्व । मेकर डांडा शुश  
 बाक्नीम । १६ गे शुश डांडा पाइशशा पहाड, मारदे  
 गे परमपरभु आ सासन पचा कली योव्रशो डांडा गे  
 कोव्रशा, गहे पाइनीनी ? मेकर परमपरभु गेना हना  
 यो बाक्व । भजन संग्रह १३२:१३ १७ परमपरभु  
 आ बग्गी हजार हजार क्येडा शुश बाक्नीम ।  
 मिनु परमपरभु सीने र आ बाक्तीकम जाक्शो  
 बाक्व । १८ गे इर डाइशशा लाइतीनी । ग्याइशशा  
 मुर आन कली लाइक्तीनी । मुर आन दातेमी गे  
 मारेइ मारेइ ताइतीनी । डांडती मटीब आन दातेमी  
 यो ताइतीनी । परमपरभु यावे मेकर बाक्व ।  
 एफिसी ४:६-१० ११ परमपरभु कली नाक्त कित  
 कित ठेयब सल्मेक्ल । मेको आंइ श्येत कुरशा,  
 आंइ जोरी सतरु रे परांडब बाक्व । ठेयब संदा पा ।  
 १२ कोरिन्थी १०:१३

२० आंइ परमपरभु श्येत रे परांडब बाक्व । मिनु  
 परमपरभु यावेमी बेक्वा रे परांडब ।

२१ परमपरभुमी थमा पा आ जोरी सतरु आन  
 पिया परोल्व । मेको मुर आन चां पाइशशा  
 पिया पापम बरीशो बाक्व । २२ मिनु परमपरभुमी  
 “गे मेको आन कली बाशान रे चाक्नुडमी ।  
 मेको आन कली समुन्दर आगा रे गरुंडनुडमी ।  
 २३ गपुकीमी इन खोइली इन जोरी सतरु आन  
 हुशम खरुन्नीनी । मिनु इन कुचुमपुकीमी यो आन  
 भाग ताइनीम” दंत ।

२४ परमपरभु, मुरपुकीमी इन कली ताइनीम ।  
 आं परमपरभु, आं पिप कली आ बाक्तीकम लशो  
 ताइनीम । भजन संग्रह २४:७; २सामुएल  
 ६:१३-१५ २५ डांडडांडती कुम्सो पाइबपुकी  
 गाक्नीम । मेको आन नोल मार मार ताप्बपुकी  
 गाक्नीम । मिनु मेको आन एर आंथ खैजडी  
 ताप्ब मीश आलपुकी गाक्नीम । परस्थान  
 १५:२० २६ परमपरभु कली गरुम्तीकमी ठेयब  
 सेलीन । परमपरभु यावे कली इसराएली आन  
 गरुम्तीकमी ठेयब सेलीन । यसैया ४८:१  
 २७ नेल्ल क्येडा आइक्व थर बेन्यामीन  
 आ सिं डा मुरपुकीमी मेको आन कली लां  
 कांडनीम । यहूदा आ थर डा ठेयब मुर, जबूलन  
 आ थर नु नाप्ताली आ थर डा ठेयब मुर  
 मेको हुलम बाक्नीम । २८ परमपरभु इन सक्ति  
 कांडदीन । डांडती पशो सोदंशो पा परमपरभु,  
 इन सक्ति कांडदीन । २९ मिनु पिपपुकीमी इन  
 कली यरूसलेम डा इन सिं आ पर्वम मार मार  
 चाक्नीम । भजन संग्रह ७२:१० ३० बुदी मीलु  
 आन दातेम बाक्व जन्तु सोदंशो मुर आन

कली हुइक्तीन। जात जात डा बाछा आन दातेम बाक्व व्यफ सोदंशो मुर आन हुल कली खरीन। मेकोपुकी बरुमा नोल चांदी चाक्चा माल्नीम। लडाइ पचा दाक्व जात जात डा मुर आन कली बरपतीन। ३इजीपत रे मुर जाक्नीम। एथीयोपीया डा मुरपुकी परमपरभु कली जिम्मा गंसीनीम। यसैया १८:७; यसैया १९:२१; यसैया ४५:१४ पररित ८:२७ ३२ ए रागी डा राज्यपुकी, परमपरभु कली कुम्सो पने। परमपरभु यावे कली ठेयब सल्ल्तीक कुम्सो पने। ठेयब सेंदा पा। ३३ परमपरभु डांडती रे स्वर्गम बाक्व। मेको आ सेंदा बुबु पशो सोदंशो सक्ति पाइश्शो बाक्व। ३४ परमपरभु सक्ति पाइश्शो बाक्व। मेको कली इसराएलीम मान पाइनीम। मेको आ सक्ति सरीडम बाक्व। ३५ परमपरभु, इन बाक्तीकेमी हिंचा डा बाक्नीनी। इसराएली आन परमपरभुम आ मुर आन कली सक्ति नु बोल गेब। परमपरभु ठेयब बाक्व।

“वारच पने” दे पुंइशो

कुम्सो पपाइक्व कली लिली फू आ लायो। दाऊद आ कुम्सो।

६९ १“परमपरभु, आं कली श्येत रे परांडयीनी। मारदे हना ब्वाक्कु आं शुर सम्म जाक्शो बाक्व। २गो थक्तीक मबाक्शो हिलो आगाम गरुम्ना गरुम्न बाक्नुड। शुश लुक्व लशो ब्वाक्कुमी गरुम्ना गरुम्न बाक्नुड। आं एर ओथ ब्वाक्कु ला बाक्व। ३गो “वारच पने” दे परवा किवा पा दती। आं सेंदा सोत्रती। आं परमपरभु कली माल्था आं मिक्व बराबरा दुम्ती। ४ आं कली मोशा काइ मदाक्वपुकी आं चां क्येडा यो शुश बाक्नीम। मिनु मेकोपुकी मोशा आं जोरी सतर दुम्शो बाक्नीम। मेकोपुकीमी आं कली साइक्चा माल्शो बाक्नीम। आं मरोइश्शो मार मार थोत्रक, मेकोपुकीमी “लेत्तो” देंनीम। यूहन्ना १५:२५

५ परमपरभु, गे आं दूली पशो तुइश्शो बाक्नीनी। आं दोस इन डांडती मस्खइश्शो बाक्व।

६ इन कली आस पाइबपुकी आं पतीक मुने मदोक्मल। परमपरभु, मुर नेल्ल आन परमपरभु यावे, इन कली माल्वपुकी आं पतीक मुने मदोक्मल। गे इसराएली आन परमपरभु बाक्नीनी। ७ गो इन पर्वम शुक्शी पाइक्चा

पुंइसीनुड। मिनु मुनेमी आं कुल सुम्सीशो बाक्नुड। भजन संग्रह ४४:२३ ५ गो आं लोक्व आन दातेमी मतुइश्शो मुर सोदंशो दुम्शो बाक्नुड। गो आं ममा आ ती आंइ दातेमी अर्का रागी डा मुर सोदंशो दुम्ती। भजन संग्रह ३८:१२ १ मारदे हना इन खिं कली दाक्तीक नाक्व कित कित आं डांडती बाक्व। इन कली पशो शुक्शी आं कली दुम्त। भजन संग्रह ११९:१३९; यूहन्ना २:१७; रोमी १५:३ १० गो डाक्शा, माइजा बाक्डानु, मुरपुकीमी रिक्ताक्यीमी। ११ गो भाडगरा फेक्सीडानु, मुरपुकीमी आं कली शुक्शी पाइक्तीमी। १२ ठेयब लान्पोम बाक्वपुकीमी आं कली शुक्शी पाइनीम। दुक्शो मुरपुकीमी आं पर्वम कुम्सो पाइनीम। अय्युब ३०:९

१३ तन्न परमपरभु यावे, गो इन कली इन शिशो पाइक्ची ना लोत्र पाइनुड। इन गेना हना यो दाक्तीकेमी आं पुंइशो श्येत रे परांडतीके गयीनी। परमपरभु आं कली लोत्र लेत्तीनी। यसैया ४९:८ १४ आं कली हिलोमी गरुम्तीक रे परांडयीनी। आं कली गरुम्चा मगेयीनी। आं कली काइ मदाक्वपुकी रे परांडयीनी। मेको बारशो ब्वाक्कु रे परांडयीनी। १५ बारशो ब्वाक्कुम आं कली मसुम्पील। ब्वाक्कुम मयोल्दील। बक्शो मुर आन बाक्तीकेमी आं कली मबरत्तील। उत्पती २९:३ १६ परमपरभु यावे, इन गेना हना यो दाक्तीकेमी आं कली लोत्र लेत्तीनी। इन ठेयब शिशो आं गे लेत्तीन। गन्ती ६:२६ १७ इन कुल इन गेय पाइब रे मस्खइक्तीन। गो श्येत जशो बाक्नुड। आं कली रोब पा लोत्र लेत्तीनी। १८ आं नेक्था जाक्कीन। मिनु आं कली परांडयीनी। आं जोरी सतर रे आं कली परांडयीनी। १९ मुरपुकीमी आं पर्वम दोपा रिक्तीमी, मुने तोक्यीमी नु शुक्शी पाइय्यीमी, गे मेको नेल्ल तुइक्नीनी। आं जोरी सतर नेल्ल इन डांडती बाक्नीम। २० आं कली रिश्शा कोत्रशो आ पर्वम आं थुं जिक्शो बाक्व। मिनु गो मारदे पने मचाप्ब दुम्शो बाक्ती। आं कली शिशो पाइब “सुइ बाक्मा को” दे कोत्रता, तन्न सुइ मबाक्म। लेम्ब यो सुइ मबाक्म। २१ मेकोपुकीमी आं जचा थोत्रकमी खाइल कुर पा गेतीमी। गो तूत दाक्डानु, ग्युरशो तूचा थोत्रक गेतीमी। मत्ती २७:३४,४८

२२ मेको आन जचा थोत्रक आन ब्वारद दुम्त। मेको आन कली वारच पाइब आन बक्तीक दुम्त। रोमी ११:९-१० २३ मेको आन मिक्ची बराबरा

दुम्शा, मताइब दुम्मल। मेको आन ची गेना हना यो गुर ब्वेशा दुम्ल। २४ गे इन गाइक्चा मेको आन कली मोइक्तीन। इन गाइश्शा मेको आन कली दुम्ल। २५ मेको आन बाक्तीक श्येत्थ दुम्ल। मेको आन ताम्बुम सुइ मलीमल। पररित १:२० २६ मारदे हना इन तुप्शा मुर कली खदा पाइनीम। मेकोपुकीमी इन खाइक्पाइश्शा मुर आन कली लडाइ तोइनीम। २७ मेको आन ठीक मपतीकम ठीक मपतीक तेम्दीन। मेकोपुकीम इन पाप र परांइतीक मतामेक्ल। २८ बरांइतीक किताब र मेको आन नें क्याम्सेक्ल। ठीक पाइब आन नें बरक्शा किताबमी मेको आन नें मबाक्ल। परस्थान ३२:३२-३३; दानीएल १२:१; लूका १०:२०; फिलिप्पी ४:३ २९ परमपरभु, गो श्येत जशा, रोइ पशा बाक्नुड। इन परांइतीकेमी आं कली खाल पयील” दे परमपरभु कली लोत्र पाता।

३० गो कुम्सो पा, परमपरभु आ नें ठेयब सेल्लुड। “गे रिम्शो पाइब बाक्नीनी” दे मेको कली ठेयब सेल्लुड। ३१ मार मार क्योरशा, चदेशो क्येडा एका कुम्सो नेंशा, परमपरभु यावे ग्यरसीब। गरोत्र नु गंच पाइश्शा ब्यफ चदेशो क्येडा यो शुश ग्यरसीब। भजन संग्रह ५०:८-१३ ३२ दिप्चा पुंडसीशो मुरपुकी मेको तशा ग्यरसीनीम। परमपरभु यावे कली माल्बपुकी, इन थुं ग्येत्थ लुक्च मदुम्ल। ३३ परमपरभु यावेमी परुडग आन पुंडशो नेंब। मिनु ग्याइक्चा पुंडसीशो आ मुर आन कली आइक्च ममिम्ब। ३४ सरीड नु रागीमी मेको कली ठेयब सेल्लेक्ल। समुन्दर नु मेकर बाक्शा नल्लेमी मेको कली ठेयब सेल्लेक्ल। ३५ मारदे हना परमपरभुमी सियोन कली परांइब। मिनु यहूदा डा सहरपुकी लेंशा सेल्लेक्ल। मिनु मुरपुकी मेकर बाक्शा, मेको आन के दुम्ब। ३६ मिनु मेको आ गेय पाइब आन आल आन के यो दुम्ब। मेको आ नें दाक्बपुकी मेकर बाक्नीम।

“आं कली राइक्तीनी” दे पुंडशो

कुम्सो पपाइक्ब कली मिम्पाइक्चा कली दाऊद आ कुम्सो। भजन संग्रह ४०:१४-१८

१ “परमपरभु, आं कली राइक्चा कली रीब ७० पा जाक्कीन। परमपरभु यावे आं कली वारच पचा कली रीब पा जाक्कीन। २ आं कली साइक्चा माल्बपुकी मुने दोक्शा, वाम ग्याम दुम्मल। आं कली मरिम्शो दुम्शो दाक्बपुकी पराक्शा, ठेयब मुने दोक्मल। ३ मिनु सुमी आं

पर्वम ‘ठीक दुम्त!’ देमा, मेको मुने पा लल गांगो जिमल। ४ तन्न सु सुमी इन कली माल्नीमी, मेकोपुकी इन पर्वम ग्यरशा सोम्शा बाक्मल। सु सुमी इन पाप र परांइतीक दाक्नीमी, मेकोपुकीमी गेना हना यो “परमपरभु ठेयब बाक्ब” देमल।

५ गो परुडग नु श्येत जाइब बाक्ती हना यो, परमपरभु रीब पा आं बाक्तीक जाक्कीन। गे आं कली वारच पाइब नु आं कली राइक्ब बाक्नीनी। परमपरभु यावे, रीब पा जाक्कीन” दे पुंडता।

खाल्पा दुम्शो ना डा पुंडशो

१ परमपरभु यावे, गो इन कली जिम्मा ७१ गंसीशो बाक्नुड। गो गेनायो मुने मदोक्डल। २ इन ठीक पतीकम आं कली राइश्शा परांइयीनी। आं लोत्र नेंशा, आं कली परांइयीनी। ३ आं परोक्शा लशा खरुइश्शा बाक्तीक सेरथे फुल्लु दुमीन। गे आं कली परांइचा कली बरांइशा बाक्तीक दरवार बाक्नीनी। मारदे हना गे आं सेरथे फुल्लु नु आं बरांइशा बाक्तीक दरवार बाक्नीनी। भजन संग्रह ३१:३-४ ४ आं परमपरभु, गे आं कली इन अरेशो मटीब आन गुइ र राइक्तीनी। ठीक मपाइब नु तुप्शा दिप्ब मुर आन गुइ र राइक्तीनी।

५ मारदे हना परमपरभु यावे, गे आं आस बाक्नीनी। गो आ ठिटा दुम्डा रेन इन कली थमा सुइक्ता। ६ गो जरमसीडा रेन इन कली थमा सुइक्ता। गे आं ममा आ कोत्रज रेन आं कली कोत्रब बाक्तीनी। गो इन कली गेना हना यो ठेयब सेल्लुड। ७ शुश मुरपुकीमी आं कली तशा “परमपरभुमी मेको कली ताइक्ताक्ब” दे मिम्नीम। तन्न गे आं खरुइश्शा बाक्तीक बाक्नीनी। ८ गो इन कली गेना हना यो ठेयब सेल्लुड। गो नाक्तर इन नें ठेयब सेल्लुड।

९ गो खूशो दुम्डानु, आं कली मपरांइयीनी। आं सक्ति जाम्मनु यो आं कली मपरांइयीनी। १० मारदे हना आं जारी सतरुमी आं पर्वम मरिम्शो लोत्र पाइनीम। आं कली साइक्चा माल्बपुकीमी लोत्र गारपाइक्नीम। ११ मेकोपुकीमी “परमपरभुमी मेको कली वारच पचा परांइशो बाक्ब। मेको कली खदा पा ग्याइक्तय। मारदे हना मेको कली राइक्ब सुइ मबाक्नीम” देनीम। १२ परमपरभु, आं क्येडा डोन मबाक्कीन। आं परमपरभु, आं कली राइक्चा कली रीब पा जाक्कीन। १३ आं कली दोस गेबपुकी मुने दोक्शा खतम दुम्मल। आं कली साइक्चा माल्बपुकी

तोक्शा लोत्र पाइक्चा, शुक्शी पाइक्चा नु  
आइक्च सल्ला पुंडसमल ।

१४ तन्न गो चहिं इन कली आस पस डा पस  
बाक्नुड। गो इन कली डांडती क्येडा ठेयब  
सल्लुड। १५ गो इन ठीक पतीके आ पर्वम लोत्र  
पाइनुड। गे आं कली गिश खयप परांडयीनी,  
मतुइक्ताकड हना यो, गो इन श्यत रे परांडतीक  
आ पर्वम नाक्त रे लोत्र पाइनुड। १६ परमपरमु,  
गो इन सक्ति पाइश्शा गेय आ पर्वम शंना शंन  
गाक्नुड। मिनु इन ठीक पतीके आ पर्वम इन कली  
ठेयब सल्लुड। १७ परमपरमु, गो टिटटा बाक्डा  
रेन, गे आं कली शंताकयीनी। मिनु गो मुल सम्म  
इन छक लाक्चा डा गेय आ पर्वम लोत्र पाइनुड।  
१८ परमपरमु, गो सूशा दुम्शा, आं चां बोइक्म  
सम्म यो, आं कली मपरांडयीनी। मिनु गो आं  
नोले डा पाला डा मुर आन कली इन सक्ति नु  
इन ठीक पतीके आ पर्वम शंनुड। यसेया ४६ : ४

१९ मिनु इन ठीक पतीके ठेयब दुम्शा, इर सरीड  
थीब। गे थम ठेयब गेय पाइतीनी। परमपरमु, इन  
खोदंशो अरु सु बाक्नीमी डा ? २० गे आं कली  
शुश नु ठेयब श्यत जपाइक्तीनी हना यो, लेंशा  
बरांडचा गेनीनी। गे आं कली लुक्च लतीक रे  
लेंशा ग्येत्थ लपाइक्तीनी। १९ सामुएल २ : ६ २१ गे  
आं कली लेंशा मान ताइब सल्ला लेम्नीनी।

२२ आं परमपरमु, गो इन दाक्शा गेनायो  
मपरांडतीके आ पर्वम ठेयब तार पाइश्शा  
तापतीके ताप्शा, ठेयब सल्लुड। गे इसराएली  
आन का ला परमपरमु बाक्नीनी। गो बीना ताप्शा  
इन कली कुम्सा पाइनुड। गे इसराएली आन का  
ला परमपरमु बाक्नीनी। २ राजा ११ : २२ ; यसेया  
४३ : ३ २३ गे आं कली श्यत रे परांडब बाक्तीनी।  
मोपतीके गो ग्येरशा सोम्शा इन कली कुम्सा पा  
ठेयब सल्लुड। २४ गो इन ठीक पतीके आ पर्वम  
नाक्त रे लोत्र पाइनुड। मारदे हना आं कली खती  
पचा माल्बपुकी मुन दोक्शा, मार पचा ना मार  
पचा दुम्तेक्म।

पिप आ पर्वम पुंडशा

सोलामन आ कुम्सा।

१ परमपरमु, पिप कली इन निसाफ डा  
लोत्र गेने। पिप आ तौ कली इन ठीक  
पतीके गेने। २ मेकोमी इन मुर आन कली ठीक  
पतीकेमी निसाफ पवल। इन पुरुडग मुर आन  
कली ठीक पा निसाफ पवल। ३ मोदंशो ठीक पतीके  
तशा, डांडा नु पहाड डा रूपुकी अन्न गरेल्ब

दुम्मल। ४ मेकोमी मुर आन दातेमी पुरुडग आन  
कली कोवडल। मिनु श्यत जाइब आन तमी तौ  
आन कली परोनल। मेकोमी दिप्ब आन कली  
खतम पोक्गल।

५ नां तास्त्ता बाक्सा सम्म नु मुर नेल्ल आन  
पाला सम्म मेको बरांडशा बाक्ल। ६ मिनु मेको  
घांस रिक्शा दिममी रउ यिशा खोदंशो दुम्त।  
रेउमी रागी कली जिप्पाइश्शा खोदंशो दुम्त।  
७ मेको आ पालामी मुर आन दातेमी ठीक पतीके  
ठेयब दुम्त। मिनु तास्त्ता लीम सम्म मुर आन थुं  
नाइक्तीक दुम्ल।

८ मेकोमी समुन्दर का रे अर्का समुन्दर सम्म  
नु ठेयब खोला रे रागी आ सुर सम्म सासन  
पवल। जकरिया ९ : १० १ गोरशा रागी डा  
मुरपुकी मेको आ डांडती बाम्मल। मिनु आ  
जोरी सतरुमी फुरक तुकामेक्ल। १० टारशीश नु  
डोन डा टापु डा पिपपुकीमी मेको कली तिरो  
थाप्तमेक्ल। शबा नु सबा डा पिपपुकीमी मेको  
कली कोसली चाक्ममेक्ल। यसेया ६० : ९ ; भजन  
संग्रह ६६ : ३० ; १ राजा १० : १-२ ११ पिप नेल्ल  
मेको आ डांडती बाम्मल। मिनु रागी रागी डा  
मुर नेल्लेमी मेको कली गेय पामक्ल।

१२ मारदे हना मेकोमी आ कली पुंडब श्यत  
जाइब आन कली परांडब। वारच पाइब मबाक्शा  
पुरुडग आन कली वारच पाइब। अय्युब ३६ : १५  
१३ मचाप्ब नु श्यत जाइब आन कली शिशी  
पाइब। मेकोमी पुरुडग आन कली साइक्तीक  
रे परांडब। १४ मेको आन कली दिप्तीक नु हुश  
खराक्श पोक्तीक रे परांडब। मारदे हना मेको  
आ डांडती हिक्सीशा बाक्नीम। भजन संग्रह  
९ : ३३ ; भजन संग्रह ११६ : १५

१५ मेको शुश नाक्त बरांडल। शबा डा सुन  
मेको कली चाक्ममेक्ल। मुरपुकीमी मेको आ  
पर्वम परार्थना पस डा पस पामक्ल। नाक्त रे  
मेको कली आसीक गेमेक्ल। १६ मिनु रागी शुश  
अन्नम बरील। डांडा तार यो अन्न गरेल्लत।  
मिनु फल फल लेवानोन डा खोदंशो पा सिल्लत।  
सहरम बाक्ब मुर घांस खोदंशो पा सोशा बोशा  
शुश दुम्मल। १७ मेको आ नें गेना हना यो लील।  
नां बाक्म सम्म आ नें ठेयब बाक्ल। रागी रागी  
डा मुर नेल्लेम मेको रे पा आसीक तामेक्ल।  
मिनु मेकोपुकीमी मेको आ पर्वम "ग्येरसीशा मुर  
बाक्ब" दैमल। उत्पती १२ : ३ ; उत्पती २२ : १६

१८ परमपरमु, परमपरमु यावे, इसराएली आन  
परमपरमु ठेयब बाक्ब। मेकोमी ला छक लाक्चा  
डा गेय पाइब। भजन संग्रह ४१ : १४ १९ मेको

७२

आ नें गेना हना यो ठेयब बाक्ब। रागी नेल्ल आ सक्तिमी बरील। आमैन, मेको थमा बाक्ब। यसैया ६:३ २०यस्से आ तौ दाऊद आ परार्थना एकोन बाक्नीम।

“परमपरभु, गो इन मुर नड” दंशो

आसाफ आ कुम्सो।

७३ १ परमपरभु इसराएल डा मुर आन कली थमा पा रिम्शो पाइब बाक्ब। आन पाप क्याम्चा पुंडसीशा, रिम्शो थुं पाइश्शो आन कली रिम्शो पाइब बाक्ब। अय्युब २१:७ २तन्न गो गरक्शा, आं थेक्तीक साम्चा चिक्शो बाक्ती। ३मारदे हना गो परमपरभु आ अरेशो मटीब आन रिम्शो दुम्शो तशा नु मेको आन ठेयब लेश्शो तशा, गहे पाता। ४मेको आन कली श्येत मबाक्ब। मेकोपुकी रोइ मपशो नु बोल्यो बाक्नीम। ५मेकोपुकी अरुपुकीम खोदंशो पा श्येत मजाइनीम। मेकोपुकी अरु खोदंशो पा श्येत मदुम्नीम। ६मोपतीक ठेयब लेक्तीक मेको आन माला खोदंशो दुम्ब। आन दिप्शा हुश खराक्श पोक्तीक आन फेक्तीक वा खोदंशो दुम्ब। ७मेको आन खकटा थुंम मरिम्शो पतीक बाक्ब। मेको आन थुं डा मरिम्शो पतीक मिम्शा, मिम्न मजाप्शो बाक्ब। ८मेकोपुकीमी शुक्शी पा मरिम्शो लोत्र पाइनीम। मिनु आन ठेयब लेक्तीकमी मुर आन कली हिंच कांइनीम। ९मेकोपुकीमी “स्वर्ग नेल्ल आंइ के बाक्ब” देनीम। मिनु रागी नेल्ल आंम के सल्लनीम। १०मोपतीक मुरपुकी मेको आन ग लेत्नीम। मिनु आन लोत्र थमा सुइश्शा आन नोले खोइश्शा मेको आन कली ठेयब सल्लनीम। ११मिनु मेकोपुकीमी “परमपरभुमी दोपा तुइक्वा डा ? मार मेको नेल्ल क्येडा ठेयब तुइक्व बाक्वा डा ?” देनीम। भजन संग्रह १०:३१ १२परमपरभु आ अरेशो मटीबपुकी मोदंशो बाक्नीम। मेकोपुकी महिंथु, क्येट चेम्ना चेम्न बाक्नीम। १३गो आयसा ला रिम्शो थुं पाइश्शो दुम्डा बाक्त। मिनु मोशा दोस मताइब दुम्डा बाक्त। मलाकी ३:५४ १४गो नाक्त रे हिंचा डा श्येत जाता। मिनु सुनी कुस कुस सजाइ ताता। १५गो मेको आन खोदंशो पाता हना, गो इन मुर आन कली मरिम्शो पदुमी वा। १६गो एको नेल्ल रुप्चा माल्ता, आं कली थम श्येत दुम्त। १७मिनु गो परमपरभु आ सिं ओवती। मेना गो मेको आन कली नोले मार दुम्बा, मेको नेल्ल तुइक्ताक्ड।

१८गे मेको आन कली थमा पा गरक्तीके लांम गाक्पाइक्नीनी। गे मेको आन कली खतम पोक्नीनी। १९मेको मतुइक्थु रीब पा खतम दुम्नीम। मेकोपुकी हिंतीकमी योल्वा पुंडसीशो बाक्नीम। २०दोपा मुरपुकी सुनी संसीमानु, डांमु पशा, थमा ममाइ, दे तुइक्नीमी, मोपा परमपरभु, ग बाक्नी ना मेको आन कली क्याम्नीनी।

२१डांइती आ थुं लुक्च लशा, कशो दुम्शो बाक्त। २२गो ममिम्ब नु मारइ मतुइक्व बाक्ती। इन डांइती जन्तु खोदंशो बाक्ती। २३मो हना यो गो गेना हना यो ग नु काथा बाक्नुडा गे आं ग्युरा गुइ ग्याइश्शो बाक्नीनी। रोमी ८:३५-३९ २४गे आं कली इन लोत्रमी लां कांइनीनी। मिनु नोले गे आं कली छेड्छेड्डम ताक्नीनी। भजन संग्रह ४९:५६ २५स्वर्गम इन डा लाक्शा, अरु आं के सु बाक्नीमी डा ? रागीमी यो आं माल्यो इन डा लाक्शा अरु सुइ मबाक्नीम। २६आं रां नु आं थुं निम्फा ग्येत्य लुक्च दुम्शो बाक्नीस। तन्न परमपरभु गेना हना यो आं सक्ति नु आं भाग बाक्ब। भजन संग्रह १६:५

२७इन क्येडा डोन बाक्बपुकी थमा पा जाम्शा लाइनीम। गे इन क्येडा नोले शांइसीशो नेल्ल आन कली खतम पोक्नीनी। २८तन्न गो चहिं परमपरभु आ नेक्था बाक्चा दाक्नुडा। परमपरभु यावे आं पराक्शा लशा बाक्तीक बाक्ब। गो इन पशो गेय नेल्ल आन पर्वम लोत्र पाइनुडा।

“श्येत रे परांइयीकी” दे पुंडशो

शंतीक कुम्सो। आसाफ आ कुम्सो।

७४ १ परमपरभु, गे मारदे आंइ कली मदाक्थु, गेना हना यो परांइनीनी ? इन भडा आन कली तशा मारदे गाइक्नीनी ? २साइ इन ग्याप्शो मुर आन कली मिम्तीन। इन के सल्लवा कली श्येत रे परांइशो मुर आन कली मिम्तीन। गे इन बाक्तीक सियोन डांडा कली मिम्तीन। भजन संग्रह ७६:३ ३मिनु गे इन बरेशो सिं कली कोत्रथ लेने। इन जोरी सतरुमी इन सिं मोदंशो पा खतम पोक्तेक्म। ४इन जोरी सतरुमी इन बाक्तीक नेल्ल खतम पोक्तेक्म। मेकोपुकीमी मेकर आन छेदर गरुक्ताक्म। ५मेकोपुकीमी रवा तिम्शा, नेल्ल श्येत्य पोक्ब मुर खोदंशो पा पास्तेक्म। ६मेकोपुकीमी ग्येत्य डा लाप्चो डा बुटा आप्शो गारो डा शी नेल्ल आन खा नु घनमी खतम पोक्तेक्म। ७मेकोपुकीमी इन सिं कली मी

सुइक्ताकम। रागीमी इन गरुत्कीक सिं नेल्ल मी सुइश्शा खतम सेल्लकम। २राजा २५ :१ ८मकोपुकीमी आन थुमी “गो एको आन कली नेल्ल खतम पोक्नीकी” दंतकम। मकोपुकीमी रागीम बाक्शो इन नंम बुक्तीक सिं नेल्ल मी सुइक्ताकम। १गोपुकीमी मारइ छक लाक्चा डा गंय मतक। मुल परमपरभु आ लोत्र पाइब सुइ मलीम। गेना सम्म एको आदेशो दुम्बा, गो सुइम मतुइक्नीकी।

१० परमपरभु, इन जोरी सतरुमी इन कली गेना सम्म शाक्नीमी ? मार, जोरी सतरुमी इन नं आ पर्वम गेना हना यो शुक्शी पस डा पस बाक्नीमी ? ११गे मारदे इन सक्ति मकांडनीनी ? इन गुइ इन वा आगारे गरुइदीन। मिनु मेको आन कली खतम पोक्नीन।

१२ परमपरभु, गो साइ नेसी रे डा आं पिप बाक्नीनी। गे रागी रागी आन कली परांडनीनी। १३गे इन सक्तिमी समुन्दर कली फराताक्नी। गे समुन्दरमी बाक्ब ठेयब जन्तु आन पिया परोल्लतीनी। भजन संग्रह १०४ :६-८ ; परस्थान १४ :२१-२२ ; यसैया २७ :१ १४गे लेव्याथन आ पियापुकी परोल्लतीनी। मिनु मेको कली गोरशो रागी डा जन्तु आन कली ब्वा गतीनी। अय्युब ४० :२५ १५ ब्वाक्कु बुक्पाइक्ब नु खोल्सा सल्ल गे बाक्नीनी। मिनु गे गेना हना यो यिस डा यिस बाक्ब ठेयब खोला आन कली सोत्रपाइक्तीनी। १६नाक्दो इन के बाक्ब। मिनु नाक्ती यो इन के बाक्ब। गे नां नु तास्त्ना सल्लतीनी। भजन संग्रह १०४ :१९ १७गे रागी रागी आन सांदा वोइक्तीनी। गे हिंउद नु बर्खा सल्लतीनी।

१८ परमपरभु यावे इन जोरी सतरुमी इन कली दोपा शाक्म। मिनु इन कली मटीबपुकीमी दोपा इन नं आ पर्वम शुक्शी पामे ? मेको मिम्तीन। १९गे इन टुकुर ब्वाकी डा जन्तु आन कली मगेने। गे इन श्येत जशो मुर आन कली गेना हना यो मिम्शा बाक्कीन। २०गे इन कबल सपीन। मारदे हना रागी डा खरुइक्तीके नेल्ले हिंतीके नु हुश खराक्श पतीकेमी बरीशो बाक्नीम। २१दिप्न्वा पुंडसीब आन कली मुने दोक्चा मगेने। परुडग नु श्येत जाइबपुकीमी इन नं ठेयब सेल्लमेकल। २२ परमपरभु, बाक्कीन। मिनु इन पर्वम लडाइ पने। मटीबपुकीमी नाक्त रे इन कली शाक्शो, मिम्तीन। भजन संग्रह १४ :१-३ २३इन पर्वम दूनी लोत्र पाइब आन रयके नु इन जोरी सतरु आन लडाइ पस डा पस पशो मपरदीन।

### परमपरभुमी निसाफ पशो

कुम्सो पपाइक्ब कली खतम मसेलो देशो कुम्सो आ लायो। आसाफ आ कुम्सो।

१ परमपरभु, गो इन कली “गे आंइ कली रिम्शो पाइतीनी” दंतीकी। मारदे हना इन नं आ पर्वम नंशो बाक्नीकी। मुरपुकीमी इन छक लाक्चा डा गंय आ पर्वम लोत्र पना पन बाक्नीम। यसैया ४६ :३३

२गे “गो आं देशो नाक्ती गो ठीक निसाफ पाइब नड। ३रागी रागीम खिरनु कुमेनु, मुर नेल्ले खिरखिर पाइनीम। तन्न रागी डा जग वोइक्ब गो नड” दंतीनी। ठेयब संदा पा।

४गे ठेयब लेश्शो आन कली “ठेयब लेश्शो मदुमीन” देशा, इन अरेशो मटीब आन कली “मबारीन” दंतीनी। ५गे “स्वर्ग आ पर्वम ठेयब लोत्र मपने। मिनु इन शुर किरशा लोत्र मपने” दंतीनी।

६पूर्व, पच्छिम नु गोरशो रागी तेइ रे सुइमी मुर आन कली ठेयब सेल्ले मचाप्नीम। ७तन्न परमपरभुमी मुर आन कली निसाफ पाइब। मेकोमी का निक्शी आन कली दिप्ब, का निक्शी आन कली क्युक्ब। १सामुएल २ :७

८ परमपरभु यावे आ गुइमी बोटको का बाक्ब। मेकर मार मार सुप्शो बाग्यो बाक्शो अडगुर शांबु बाक्ब। परमपरभुमी मेको तूचा गेब। मिनु रागी रागी डा आ अरेशो मटीबपुकीमी मेको तूचा माल्लीम। भजन संग्रह ६० :५ ; यरमीया २५ :१५-१६ १तन्न गो चहिं मुर आन दातेमी शुश ग्यरसीशो लोत्र पाइनुड। गो याक्ब आ परमपरभु कली ठेयब सेल्लशा, कुम्सो पाइनुड। १०गे इन अरेशो मटीब नेल्ले आन कली आइक्ब सेल्लतीनी। तन्न ठीक पाइबपुकी ठेयब सेल्लवा पुंडसीनीम।

### सक्ति पाइश्शो परमपरभु यावेमी ग्राव

कुम्सो पपाइक्ब कली तार पाइश्शो ताप्तीके ताप्शा पतीके, आसाफ आ कुम्सो।

१यहूदा आ रागीमी परमपरभु कली ७६ तुइक्नीम। मेको आ नं इसराएल रागीमी ठेयब बाक्ब। २आ ताम्बु सालेम सहरमी बाक्ब। आ बाक्तीके सियोनमी बाक्ब। भजन संग्रह १३२ :३ ३मेकोमी मेकर बरशो बरापुकी, तेक्तीकपुकी, तरवार नु लडाइ पतीक

मारइ मारइ जिक्तीमी। ठेयब संदा पा। भजन संग्रह ४६:१०

१गे छेडछेडमी नां सोदंशो तांडसीनीनी। गे गेना हना यो लीब पहाड क्येडा यो ठेयब बाक्नीनी। २महिंब मुरपुकी रोइक्चा पुंडसाक्म। मेकोपुकी साइक्चा पुंडसाक्म। लडाइ पाइब आन दातमी कामी यो आन गुइ क्युकन मचबेम। ६याकूब आ परमपरभु, इन हुइशशामी शारा नु शारा डाइक्ब निम्फा बेक्ताक्स। ७गे मान पा हिंचा माल्शो बाक्नीनी। गे गाइक्तीनीनु, इन डांडती सु राने चाखा डा? ८गे स्वर्ग र इन निसाफ नेपाइक्तीनी। मिनु रागी हिंशा, सिक्सी पापु। भजन संग्रह ४६:१; हबकुक् २:२० १मेना परमपरभु, गे रागीम दिप्चा पुंडसीशो नेल्ल आन कली परांडचा कली निसाफ पथ बोक्तीनी। ठेयब संदा पा। १०थमा पा, मुर आन गाइक्तीकेमी इन कली ठेयब सेल्ब। मिनु इक्का लीशो गाइक्तीकेमी इन कली ठेयब सेल्ब।

११परमपरभु यावे, इन परमपरभु आ नें थिशा कसम जशो खपीन। मेको आ नेक्था बाक्ब नेल्लेमी मान पा हिंचा डा परमपरभु कली कोसली चाक्मेक्ल। १२मेकोमी सासन पाइब आन ठेयब लेक्तीक फस पोक्ब। मेको रागी डा पिप आन कली हिंपाइक्ब बाक्ब।

श्यत दुम्मेनु, लेम्शो

कुम्सो पपाइक्ब शंब येदुथून  
कली आसाफ आ कुम्सो।

१गो परमपरभु कली “वारच पाइथ्यीनी। ७७ आं लोव्र नेनीन” दे ठेयब संदा पा बरती। २गो श्यत जडानु, परमपरभु कली माल्ता। गो नाक्दो यो मदथु, परमपरभु कली पुंडता। आं थुं खाइक्स डा खाइक्स बाक्त।

३गो परमपरभु कली मिम्ताक्ड, गो रोंका पाता। गो आं श्यत मिम्ना मिम्न बाक्ती। मिनु आं थुं लुक्च लत। ठेयब संदा पा। ४“गे आं कली निन्द्रा पचा यो मगेनीनी। मिनु गो शुश श्यत जशा, ब्वाक्ने यो मचबु। ५गो डांडती डा नाक्त नु साइ डा बर्सपुकी मिम्ताक्ड। भजन संग्रह १४३:५ ६गो नाक्दो आं थुंमी रिम्शो बाक्बा देय मरिम्शो बाक्बा” दे मिम्स डा मिम्स बाक्ती।

७मार, परमपरभुमी गेनायो आं कली मबराइबा? मिनु मेकोमी गेनायो शिशी मपाइबा? ८मेको आ गेना हना यो दाक्तीक जाम्शो बाक्बा? मेको आ थोक्शा पशो लोव्र शोर

गाक्शो दुम्शो बाक्बा? ९मार, परमपरभुमी शिशी पचा परंशो बाक्बा? मेको गाइशशा, आ शिशी पतीके तेक्शो बाक्बा? ठेयब संदा पा। १०मिनु गो “नेल्ल क्येडा ठेयबमी आ थुं फाइक्तीक आं कली श्यत दुम्त” दे मिम्ताक्ड।

११मिनु “परमपरभु यावे, गो इन पशो मिम्नुड। गो इन साइ डांडती डा पशो छुक लाक्चा डा गेय मपरंनुड। १२गो इन पशो नेल्ल मिम्स डा मिम्स बाक्नुड। साइ डांडती डा इन छुक लाक्चा डा गेय आ पबेम मिम्नुड। १३परमपरभु, इन लां ठीक बाक्ब। आइ परमपरभु सोदंशो ठेयब अरु तेको देवता बाक्बा डा? परस्थान १५:११ १४गे छुक लाक्चा डा गेय पाइब परमपरभु बाक्नीनी। गे जात जात डा मुर आन दातमी इन सक्त्त कांडताक्नी। १५गे इन सक्त्तमी इन मुर आन कली परांडतीनी। गे याकूब, योसेफ नु आ चच युइ आन कली परांडतीनी। ठेयब संदा पा।

१६परमपरभु, समुन्दर डा ब्वाक्कु इन कली तशा हित्कम। शुश लुक्च लशो समुन्दर खिरंखिर पापु। १७मिनु गोस्सुमी रउ थिपाइक्त्कम। सरीड र ठेयब बुंबु पापु। इन चिला तेइ तेइ बरत। १८फश गिवावम इन बुंबु पशो नेंसाक्ब। इन चिलामी रागी नेल्ल छेडछेड दुम्त। रागी खिरंखिर पा हिम्साक्ब। १९इन लां समुन्दर रे पा लशो बाक्त्त। इन गाक्शो लां ठेयब समुन्दर आ दातमी बाक्त्त। मो हना यो इन खोइलीम दिम्शो मारइ मतांडिस। परस्थान १४:२१-३१ २०मासा नु हारून आस गुइ र पा, गे इन मुर आन कली मडा आन हुल सुल्शो खोदंशो पा गाक्पाइक्तीनी” दे परमपरभु कली लोव्र पता।

परमपरभुमी मार मार पवा

शंतीक कुम्सो। आसाफ आ कुम्सो।

भजन संग्रह १०६:- १आं मुरपुकी, आं ७८ शंशो लोव्र नेनीन। इन नोफा दाइशशा आं लोव्र नेनीन। २गो कथा पा लोव्र शंनुड। साइ डांडती डा लोव्र पाइनुड। मती १३:३५ ३एको लोव्र आइ किकी पिपीमी आइ कली नेपाइशशो नु तुइक्पाइशशो बाक्नीम। परस्थान १३:१४; ब्यवस्था ४:१-१० ४गोपुकी एको लोव्र मेको आन ती चच आन क्येडा मखरुइक्नय। मिनु नोले दुम्ब पाला डा मुर आन कली यो परमपरभु यावे आ ठेयब नु सक्त्त पाइशशो छुक लाक्चा डा गेय आ पबेम शंनीकी।

१२मकोमी याकूब आ मुर आन कली दोपा बाक्चा माल्बा, मेको दंत। मेकोमी इसराएलमी मेको आ अरेशो लोत्र वोइव्तु। मिनु परमपरभुमी आइ किकी पिपी आन कली “इन आल आन कली शंदीन” द माइव्तीमी। ६मेको आन नोले डा पाला डा मुरपुकीमी एको लोत्र नेल्ल तुइव्तमक्ल। मिनु मेको आन क्यडा नोले जरमशो आल कोल्शा तुइइशा, मेकोपुकीमी आन आल आन कली शंदमक्ल। ७मापा मेकोपुकीमी परमपरभु कली थमा सुदमक्ल। मिनु आ पशो मपरंदमक्ल। मिनु आ शंशो टीमक्ल। ८मेको आन किकी पिपी खोदंशो मडुम्तल। मेकोपुकी सक्टा थुं पाइइशा नु मटीब पाला डा मुर बाक्तेक्म। मेकोपुकी नोले शोइसीशा, परमपरभु कली प्रोइतेक्म। व्यवस्था ३२:३-६

९एफराइम डा मुरपुकी लिबरा शेशा, ठीक दुम्शा, लडाइ दुम्सेनु, प्रोक्तेक्म। न्यायाधीस २:११-१३ १०मेकोपुकीमी परमपरभु आ कबल पशो मटीम। मिनु मेको आ अरेशो लोत्र मटीम। ११मेकोपुकीमी परमपरभु आ गेय नु आन डाइती पशो छक लाक्चा डा गेय परंताक्म। १२मेकोमी मेको आन किकी पिपी आन डाइती इजीप्त नु सोआन रागीमी छक लाक्चा डा गेय पशो बाक्त। १३मेकोमी समुन्दर कली फराशा, लां सेल्लु। मिनु मेको लां र पा मेको आन कली आइक्ची हांबु शोक्ताक्मी। मेकोमी ब्वाक्कु कली गारो खोदंशो पा एर आंथ राप्पाइव्तु। परस्थान १४:२१-२२ १४मेकोमी मेको आन कली नाक्त गोस्सुम नु नाक्दो मी आ हाम्सांमी लां काइताक्व। परस्थान १३:२१ १४मेकोमी गोरशो रागीमी सरथ फुल्लु कली प्रोल्शा ब्वाक्कु बुक्पाइव्तु। मिनु शुश ब्वाक्कु तूचा गेम्तीमी। परस्थान १७:६; गन्ती २०:७-११; व्यवस्था ३२:१८ १६सरथ फुल्लु र पा ब्वाक्कु बुक्पाइव्तु। मिनु खोला खोदंशो पा शाइक्पाइव्तु।

१७तन्न मेकोपुकीमी गोरशो रागीमी नेल्ल क्येडा ठेयब कली मटिथु, मरिश्शो पा डाइती क्येडा शुश पाप पास्तेक्म। १८मेकोपुकीमी आन दाक्शो पा जचा थोत्रक पुंइशा, परमपरभु आ थुं नाक्ताक्म। परस्थान १६:३; गन्ती ११:४ १९मेकोपुकीमी थमा मसुइक्थु “मार, परमपरभुम गोरशो रागीम जचा थोत्रक गेने चाप्पा डा? २०मेकोमी सरथ फुल्लु तुप्शा प्रोल्शा ब्वाक्कु बुक्पाइइशा, शुश खोला सेल्लु। मार, मेकोमी आ

मुर आन कली शोब्ने नु श्ये यो गेने चाप्पा डा?” दंतेक्म।

२१मिनु परमपरभु यावे मेको आन लोत्र नंशा, थाम्पा गाइक्ताक्व। मिनु परमपरभुमी याकूब कली दाक्पाइक्चा कली मी साइक्ताक्व। मिनु इसराएली आन पर्वम शुश चुरत। गन्ती ११:१ २२मारदे हना मेकोपुकीमी परमपरभु कली थमा मसुदम। मिनु “परमपरभुमी आइ कली प्रोइन मचाप्ब” दंतेक्म। २३मो हना यो मेकोमी सरीड कली अरेशा सरीड डा लाप्पो रोकपाइइशा गेप्तु। २४मेकोमी मुर आन कली थुल्वा कली सरीड र मन्ना यिपाइव्तु। मेको आन कली स्वर्ग डा अन्न गेप्तु। परस्थान १६:४,१४,१५ २५मुर नेल्लेमी परमपरभु आ स्वर्ग डा गेय पाइब आन शोब्ने जास्तेक्म। परमपरभुमी मेको आन कली शुश जचा गेप्तु। २६मेकोमी सरीडमी पूर्व डा फश सोइक्ताक्व। मिनु मेको आ सक्तिमी दक्खिन र फश पपाइव्तु। गन्ती ११:३१-३३ २७मेकोमी फुरक खोदंशो पा श्ये यिपाइव्तु। समुन्दर डा बाल्वा खोदंशो पा चिक्ब यिपाइव्तु। २८मेको चिक्ब आन कली आन बाक्तीके एर आंथ दोक्पाइव्तु। २९मिनु मेकोपुकी मेको ब्बशा स्तेक्म। मारदे हना परमपरभुमी मेको आन कली आन पुंइशा खोदंशो पा गेप्तु। ३०तन्न मेकोपुकीमी ब्बना ब्बन, आन ब्बशा श्ये आन शोत्रम बाक्ना बाक्न, ३१परमपरभु शुश गाइक्ताक्व। मिनु मेको आन दातेम नेल्ल क्येडा बाल्यो मुर आन कली साइक्तीमी। इसराएल डा ठिटा नेल्ल आन कली साइक्तीमी।

३२मो पा यो मेकोपुकीम पाप पस डा पस बाक्तेक्म। मेको आ छक लाक्चा डा गेय तशा यो, मेकोपुकीमी थमा मसुदम। ३३मोपतीके परमपरभुमी मेको आन नाक्त मोशा नु मेको आन बसेपुकी श्यत जपाइइशा साम्तु। गन्ती १४:२२-२३; १कोरिन्थी १०:५ ३४परमपरभुमी मेको आन दातेमी का निक्शी सदानु, मेको लीशोपुकी मेको गे लेइशा, मेको कली थाम्पा माल्तेक्म। ३५मिनु मेकोपुकीमी परमपरभु आन सरथ फुल्लु नु नेल्ल क्येडा ठेयब परमपरभु मेको आन कली श्यत र प्रोइब बाक्माक्त, द तुइक्ताक्म। ३६तन्न मेकोपुकीमी आन शोत्रम ला लोत्र पास्तेक्म। मेकोपुकीमी जोल ला पास्तेक्म। ३७आन थुंमी थमा पा मेको आ नोले मसोदम। आ पशो कबल मटीम। ३८मो हना यो परमपरभु शिशी पाइब बाक्तीके मेको

आन ठीक मपशो माफ गेम्तीमी। मेको आन कली मसद। ख्यप ख्यप मेको आन पर्वम आ गाइशो तेक्तु। मेकोमी आ गाइशो नेल्ल मगरुइद। ३९ परमपरभुमी “मेको मुर ला बाक्नीम। फश खोदंशो पा लाक्नीम। मिनु लेशशा मजाक्नीम” दे मिम्ताक्व। भजन संग्रह १०३:१४-१६ ४० मेकोपुकीमी गोरशो रागीम शुश ख्यप परमपरभु कली मटीम। परमपरभु कली मुर मबाक्तीकमी श्यत गेम्तक्म। ४१ मेकोपुकीमी लेना लेन आ थुं नाक्ताक्म। मिनु इसराएली आन का ला बाक्शो परमपरभु कली गाइक्पाइक्तेक्म। ४२ मेकोपुकीमी आ सक्ति ममिम्तम। मेको आन कली आन जोरी सतरु र परांइशो यो ममिम्तम। ४३ परमपरभुमी इजीप्तीमी आ चिन्ड कांइशा, सोआन रागीमी छक लाक्का डा गेय पची ना ४४ खोला डा ब्याक्कु हुश सेल्शो बाक्त। मिनु इजीप्तीपुकीमी मेको ब्याक्कु तून मचबेम। परस्थान ७:१९-२० ४५ मेकोमी मेको आन बाक्तीकमी चुरमु बोपाइशो बाक्त। मिनु मेकोपुकीमी मेको आन कली कराइक्तेक्म। मिनु परमपरभुमी करुक्करु गरुपाइक्तु। मेकोपुकीमी मेको आन कली खतम सेल्लेक्म। परस्थान ८:२०; परस्थान ८:२ ४६ परमपरभुमी मेको आन बाली नाली माले आन कली गम्तीमी। मेको आन शुश गेय पा वापाइशो बाली नाली सल्हापुकीम नेक्पाइक्तु। परस्थान १०:१३ ४७ मेकोमी मेको आन अङ्गुर बोट मुप्सीमी नु आन फोव्रशी फुरशेम खतम पाक्पाइक्तु। परस्थान ९:२५ ४८ मेकोमी मेको आन बी ब्यफ मुप्सीम नु क्यारश भेडा आन कली चिलामी आप्तु। ४९ मेको आन पर्वम गाइशशा, चुरशा, श्यत गेपाइक्का कली खतम सेल्ल स्वर्ग डा गेय पाइब आन कली सोइक्ताक्व। ५० मेकोमी आ गाइक्तीक कली लां का सेल्लु। मिनु मेको आन कली बेक्का र मपरोन। मेको आन कली मुर बेक्तीक रोइ पपाइक्तीमी। परस्थान ९:८-१२ ५१ मेकोमी इजीप्त डा मुर, हाम आ चच युइ आन डांइती जरमेशो तौ नेल्ल साइक्तु। परस्थान १२:२९ ५२ मिनु नोले आ मुर आन कली भेडा खोदंशो पा गरुइताक्व। मिनु मेको आन कली भेडा आन हुल खोदंशो पा गोरशो रागीमी लां कांइशा गाक्पाइक्तीमी। भजन संग्रह ७७:२१ ५३ मेकोमी मेको आन कली मारुइ श्यत मदुम्पाइक्थु गाक्पाइक्तीमी। मोपतीक मेकोपुकी काइ महिम। आन जोरी

सतरु समुन्दरम गरुम्शा बेक्तेक्म। परस्थान १४:१९,२२,२७ ५४ मोपा परमपरभुमी आ मुर आन कली आ रागीमी चाक्तु। आ सक्तिमी गराशो डांडाम चाक्तु। परस्थान १५:१७ ५५ रागी रागी डा मुर आन कली मेको आन डांइती र खरतु। मिनु इसराएली आन कली मेको रागी योक्शा, गम्तीमी। मिनु इसराएल आ थर थर डा मुर आन कली आन ताम्बुमी बाक्का गम्तीमी।

५६ तन्न मेकोपुकीमी परमपरभु आ थुं थाम्तेक्म। नेल्ल क्येडा ठेयब परमपरभु कली मटीम। मिनु मेको आ अरशो लोत्र मबिस्सम। ५७ मेको आन किकी पिपी खोदंशो पा नोले शांइसाक्म। मिनु मेकोपुकी बरोइक्कशो लिबरा खोदंशो पा दूली पाइब दुम्तेक्म। ५८ मेकोपुकीमी आन मूर्ति वोइशशा डांडामी परमपरभु कली गाइक्पाइक्तेक्म। मेको आन सेल्लो मूर्तिमी मेको कली गेह पपाइक्तेक्म। ब्यवस्था ३२:२१ ५९ परमपरभुमी मेको नेशा, थाम्पा गाइक्ताक्व। मिनु इसराएली आन कली थमा पा वारच मपाइक्थु परांइतीमी। ६० मेकोमी शिलो डा आ बाक्तीक परांइतु। मेको ताम्बु मुर आन बाक्तीक आन दांतीमी वोइशशा बाक्त। १सामुएल १:३; १सामुएल ४:११; येरमीया ७:१२ ६१ मेकोमी आ कबल पशो सन्दोस आ जोरी सतरु आन गुइमी गेप्तु। मोपा सक्ति पाइशो कली रोइक्पाइक्तु। भजन संग्रह १३२:८; १सामुएल ४:२१ ६२ मेकोमी आ मुर आन कली तरवारम साइक्पाइक्का कली गेप्तु। मिनु आ योव्रशो मुर आन कली तशा, थाम्पा गाइक्ताक्व। ६३ मिनु मीम मेको आन टिट्टा वोइश मुर आन कली दाक्तीमी। मिनु आन तमी आन कली ग्युंवे पाइक्का मताम। ६४ मेको आ चदेबपुकी तरवारम क्योरचा पुंइसाक्म। मिनु मेको आन मीश रांका पने मचबेम। १सामुएल ४:१७-२० ६५ मिनु नोले परमपरभु निन्दरा र संसीशो खोदंशो पा संसाक्व। लडाइ पाइब मुर अङ्गुर शांबु तूशा नोले रिम्शो दुम्शो खोदंशो पा, ठेयब सेंदाम गरीत। ६६ मिनु मेकोमी आ जोरी सतरु आन कली एर आंथ बरपाइक्तु। मेकोमी मेको आन कली गेना हना यो मुने दाक्पाइक्तु। १सामुएल ५:६-१२

६७ मेकोमी योसेफ आ थर डा मुर आन कली परांइतु। एफराइम आ खिं डा मुर आन कली यो मयोव्रड। ६८ तन्न मेकोमी यहूदा आ खिं डा मुर आन कली योव्रतु। मेकोमी आ दाक्शो सियोन

डांडा कली यो योव्रतु । २इतिहास ६ : ६ ६९ मकोमी आ बाक्तीक लाइक्पाइशशा, इर स्वर्ग सोदंशो सल्लु । आ गेना हना यो कली सल्लो रागी सोदंशो पा सल्लु । ७० मकोमी आ गय पाइब दाऊद कली भेडा गोठ रं योव्रतु । ७१ परमपरभुमी दाऊद कली गिक्शो भेडा आन कली योव्रतीक गय रं गुरुइताक्व । मकोमी दाऊद कली याकूब आ थर डा, परमपरभु आ मुर आन कली कोव्रचा कली गुरुइताक्व । मेको इसराएल डा मुर परमपरभु आ शोप बाक्नीम । १सामुएल १६ : ११-१२ ; २सामुएल ७ : ८ ७२ दाऊदमी आ थुं डा रिश्शो पतीकमी मेको आन कली कोव्रतीमी । मेकोमी जोक्व तुइक्व दुश्शा, मेको आन कली लो कोइताक्मी ।

यरूसलेम आ पर्वम रांका पशो

आसाफ आ कुम्सो ।

७९ १ परमपरभु, रागी रागी डा मुरपुकी इन योव्रशो रागीम जाक्तेक्म । मेकोपुकीमी इन सिं कली गरांगरा दिशो सल्लेक्म । यरूसलेम कली परेशशा, फुल्लु दल्लो सोदंशो सल्लेक्म । २ मकोपुकीमी इन गय पाइब आन बेक्शो रां चिक्व आन कली ब्वा गेम्तेक्म । मिनु इन योव्रशो मुर आन श्ये ब्वाकी डा जन्तु आन कली ब्वा गेम्तेक्म । ३ मकोपुकीमी मेको आन हुश ब्वाक्कु सोदंशो पा यरूसलेम आ एर ओथ नेल्ल शाइक्पाइक्तेक्म । मिनु मेको आन कली थिम्ब सुइ मबाक्म । ४ आंइ नेक्था बाक्व मुरपुकीमी आंइ कली शुक्शी पाइक्नीम । मिनु आंइ एर ओथ डा मुरपुकीमी आंइ कली रिश्शा तोक्शा लोव्र पाइनीम । भजन संग्रह ४४ : १४

५ परमपरभु यावे, गे गेना सम्म गाइक्स डा गाइक्स बाक्नीनी ? इन गेह पतीक गेना सम्म मी सोदंशो पा बरस डा बरस बाक्बा ? ६ इन कली मतुइक्व रागी रागी डा मुर नु इन नें मथीब राज्य आन तार इन गाइक्चा मातीन । येरमीया १० : २५ ७ मारदे हना मेकोपुकीमी याकूब आ थर डा मुर आन कली खतम सल्लो दाक्तेक्म । मिनु आन बाक्तीक सिं परेशशा खतम सल्लेक्म ।

८ आंइ किकी पिपी आन पशो पाप आ क्येक्क आंइ कली मलेतीन । आंइ कली रीब पा इन शिशी गेकी । मारदे हना आंइ थुं लुक्व लशो बाक्व । ९ आंइ कली श्येत रं परांइब परमपरभु, इन नें डा सक्तिमी आंइ कली वारच पने । इन नें आ पर्वम आंइ कली परोनीन । मिनु आंइ पाप

क्याम्दीने । १० मारदे रागी रागी डा मुरपुकीमी “मेको आन परमपरभु ते बाक्म ?” दे हिल्लो पाइनीमी । रागी रागी डा मुरपुकीमी इन मुर आन कली आन डांइती साइशशा आ क्येक्क लेप्ब, दे तुइक्तेमक्व । भजन संग्रह ११५ : २ ; योएल २ : १७ ११ चाक्चा पुंइसीशो आन हुकयी पशो इन डांइती जाक्व । साइक्चा पुंइसीब दुश्शा आन कली इन सक्तिमी परोनीन । १२ परमपरभु आ पर्वम शुक्शी पा मुरपुकीमी मुन तोक्चा माल्लो बाक्नीमी । मेको मा पशो डा आंइ नेक्था डा मुर आन कली ७ खेयप क्येक्क लेतीन । भजन संग्रह १३७ : ७-९ १३ गो इन मुर, इन योव्रशो भेडा सोदंशो नकी । गो इन कली “ग रिश्शो पाइब बाक्नीनी” दे आंइ चच युइ आन पाला सम्म ठेयब सेल्नीकी । मिनु इन पर्वम लोव्र पाइनीकी ।

परमपरभु, आंइ कली लेंशा सेल्की

कुम्सो पपाइक्व कली लिली फू आ लायो डा कवल पतीक, आसाफ आ कुम्सो ।

१ इसराएल डा गोठला, आंइ लोव्र नेनीन । ५० गे यासेफ कली भेडा आन हुल सोदंशो पा सुल्लतीनी । गे करूब आन तार ठेयब नितीकमी निल्लीनी । भजन संग्रह १८ : ११ ; २सामुएल ६ : २ २ एफराइम, बन्यामीन नु मनस्से आन डांइती इन छेड्छेड् कांइदीन । मिनु इन सक्ति कांइशा, आंइ कली परांइथ जाक्कीन ।

३ परमपरभु, आंइ कली लेंशा सेल्की । इन कुल डा छेड्छेड् आंइ तार वोतीन । मिनु गो बरोइन चाप्कल ।

४ परमपरभु यावे, मुर नेल्ल आन परमपरभु, इन मुर आन पुंइशो आ पर्वम गेना सम्म गाइक्नीनी ? ५ गे मेको आन कली श्येत डा शोप्ते जपाइक्तीनी । मिनु आन परक्कु तूचा ब्वाक्कु सोदंशो पा शुश दुम्त । ६ गे आंइ कली आंइ नेक्था डा मुर आन कली जीब सल्लो बाक्तीनी । मिनु आंइ जोरी सत्सुमी आंइ कली शुक्शी पाइब सल्लतीनी ।

७ मुर नेल्ल आन परमपरभु, आंइ कली लेंशा सेल्की । इन कुल डा छेड्छेड् आंइ तार वोतीन । मिनु गो बरोइन चाप्कल ।

८ गे इजीप्ट रं अडगुर बोट का चाक्तीनी । मिनु रागी रागी डा मुर आन कली खेरशा, मेको खरुम्तीनी । यसेया ५ : १-७ ; येरमीया २ : २१ ९ गे मेकर मेको कली खरुम्तीक रू का सल्लतीनी । मिनु मेको शाक्व थोक्शा, रागी नेल्ल बरीत ।

१० पहाड नेल्ल मेको आ वांकुम सुम्साक्म। मिनु मेको आ लाइश्शो परमपरभु आ राशीम खा नेल्ल सुम्साक्म। ११ मेको आ राशी समुन्दर सम्म जाक्दीत्तक्म। मिनु मेको आ कोच्चा चहिं ठयब खोला सम्म जाक्दीत्तक्म। होस १०:१ १२ मारदं गे मेको आन गारो परन्नी? मंकर गाक्ब नेल्लमी मेको आ फल सक्नीम। १३ व्याकी डा पोत्रपुकीमी मेको कली खतम पोक्नीम। मिनु व्याकी डा जन्तुपुकी मेकर जोइनीम।

१४ मुर नेल्ल आन परमपरभु, आंइ कली कोव्रडीन। सरीड र उड कोव्रडीन। मेको अडगुर बोट कली कोव्रडीन। होस ११:१ १२ इन सक्तिमी खरुम्शा बोट कली कोव्रडीन। गे इन तौ इन कली कोल्पाइक्तीनी। १३ आंइ जोरी सतरुमी मेको कली तुल्शा, मीम चोम्तेक्म। मेकोपुकी इन हुइश्शोमी खतम दुम्मल। इजीकीएल १५:२-४ १७ इन ग्युरा गे बाक्ब मुर आ तारी इन गुड लील। मेको कली थुल्शा कोल्पाइक्तीनी। १६ मिनु गो इन डांइती रे गनायो नोले मशांडसीनीकी। आंइ कली बरांडिचा गेकी। मिनु गो इन नें थिशा, परार्थना पाइनीकी। १७ परमपरभु यावे, मुर नेल्ल आन परमपरभु, आंइ कली लेंशा सेल्की। इन कुल डा छेड्छेड्छेड आंइ तार वोतीन। मिनु गो बरांडनीकी।

### इस्राएलीपुकीमी मटिशो

कुम्सो पपाइक्ब कली गित्तीथ ताप्शा पतीक, आसाफ आ कुम्सो।

**८१** १ आंइ कली सक्ति गेब परमपरभु कली कुम्सो पने। ग्यरशा सोम्शा ठयब संदा पा याक्ब आ परमपरभु कली कुम्सो पने। २ खैजडी ताप्शा, कुम्सो पने। रिम्शा बीना नु तार पाइश्शो ठयब ताप्तीक ताप्शा कुम्सो का पने। ३ ओसी, पूर्न नु इं ठयब चाड नाक्त तुराही तापीन। लेवी २३:२४ ४ मारदं हना मोदंशो चाड मानेचा इस्राएल डा गेना हना यो पतीक बाक्ब। मेको याक्ब आ परमपरभु आ अरेशो बाक्ब। ५ मेको लोत्र परमपरभुमी इजीप्त रे गरुंडशो योसफ आ मुर आन कली अरेशो लोत्र बाक्ब। गो मतुइश्शो संदा का नंतक। ६ मेको संदामी “गो इन बला रे भारी शोल्ता। गे भारी कुरचा ममाल्नीनी। परस्थान ६:६; यसेया ९:३ ७ गे श्येत जनीनु, आं कली बरेत्ताक्नी। मिनु गो इन कली परांडतन्नी। गो इन कली बुंबु रे लोत्र लेत्ताक्नी। गो मेरीबा डा व्याक्कुमी इन कली

थुं थाम्शा कोव्रतन्नी। ठयब संदा पा। परस्थान १९:१६; परस्थान १७:२-७; गन्ती २०:१३ ८ आं मुरपुकी, आं अरेशो नेनीन। इस्राएलीपुकी, गे आं लोत्र नेंशो ननी हना, रिम्शा दुम वा। ९ इन दातेमी देवी देवता आन कली बाक्चा मगंन। अर्का रागी डा देवी देवता आन डांइती बाप्शा, सउ मपने। परस्थान २०:२-३ १० गो परमपरभु यावे, इन परमपरभु नड। गो इन कली इजीप्त रे गरुंडशा एक चाक्तन्नी। इन शोत्र पाक्कीन, मिनु गो पिरंन्नी। ११ तन्न आं मुरपुकीमी आं लोत्र मननेम। इस्राएल आ मुरपुकीमी आं कली मदाक्थु, आं देशो मबिस्सम। १२ मोपतीक गो “आन दाक्स पामेक्ल” दे आन दला दाक्स पचा गेतामी। १३ आं मुरपुकीमी आं लोत्र नेंशो नम हना, इस्राएल डा मुर आं लांम गाक्शो नम हना, १४ गो मेको आन कली रीब पा आन जोरी सतरु रे परोनुमी वा। मेको आन जोरी सतरु आन कली खतम पोक्गुमी वा। १५ परमपरभु यावे कली काइ मदाक्बपुकी हिंशा आं डांइती बांबा पा गाक्म वा। मिनु मोदंशो गेना हना यो दुम वा। १६ मिनु गो इस्राएल डा मुर, इन कली नेल्ल क्येडा रिम्शा चेरब जचा गेन्नी वा। मिनु रोका खुदोमी रूपाइक्नी वा” दे परमपरभुमी दंत। व्यवस्था ३२:१३

### हुकुम पाइब आन कली हुइश्शो

आसाफ आ कुम्सो।

**८२** १ परमपरभु आ मुर आन गरुम्तीकमी बाक्शो बाक्ब। मेकोमी आ मुर आन दातेमी निसाफ पाइब। १ राजा २२:१९ २ मेकोमी “गे गेना सम्म ठीक निसाफ मपाइनीनी? गे गेना सम्म परमपरभु यावे आ अरेशो मटीब आन कुल कोव्रनीनी? ठयब संदा पा। व्यवस्था १:१७

३ गे मचाप्ब नु रोम रोइक्च आन कली ठीक पा निसाफ पने। परुडग नु दिप्चा पुंडसीशो आन कली ठीक निसाफ पने। यसेया १:१७ ४ मचाप्ब नु श्येत जाइब आन कली, परमपरभु यावे आ अरेशो मटीब आन गुइ रे परोनीन।

५ हुकुम पाइबपुकीमी मारदं मजोक्नीम, मतुइक्नीम। मेकोपुकी छिड्छिड्छिम गाक्शो बाक्नीम। रागी आ जग नेल्ल हिम्सीशो बाक्नीम। ६ गो इन पर्वम गे अधिकार पाइश्शो बाक्नीनी। गे नेल्ल क्येडा ठयब आ तौ बाक्नीनी। यहून्ना १०:३४ ७ मो हना यो गे मुर खादंशो पा बक्नीनी। अरु मरिम्शो पा हुकुम

पाइब खोदंशो पा खतम दुम्नीनी” दे परमपरभुम दंत। उत्पती १८:२५ ५ परमपरभुम बाक्कीन। मिनु रागी कली निसाफ पने। मारदे हना रागी नेल्ल इन के बाक्कीनीम।

लडाइ पची ना पुंडशो लोत्र

आसाफ आ कुम्सो।

१ “परमपरभु, गे सिक्सी पा मबाक्कीन।  
**८३** मारदे पने मचाप्य खोदंशो मदुमीन।  
 २ इन जोरी सतरु शुश ग्याल्थो बाक्कीनीमी।  
 कोत्रडीन, मेकोपुकी बारशा, गराचा चिकशो  
 बाक्कीनीम। ३ मेकोपुकीमी इन मुर आन कली दोपा  
 साइक्चा, दे लोत्र गारपाइक्कीनीम। इन कोत्रशो  
 मुर आन कली मरिम्शो पचा कली खरुइश्शा  
 लोत्र गारपाइक्कीनीम। भजन संग्रह ३५:२०  
 ४ मेकोपुकीमी ‘जाक्कीन, गो मेको आन रागी  
 मलीचा डा पा क्याम्दय। मिनु इसराएल आ नें  
 मलील’ देनीम। ५ मेकोपुकी थुं का दुम्शा, इन  
 कली मरिम्शो पचा कली लोत्र गारपाइक्कीनीम।  
 ६ मेको एदोम, इश्माएल, मोआब नु हागरी आ  
 मुरपुकी, ७ गेबाल, अम्मोन, अमालेक, पलिस्ती  
 नु टायर डा मुरपुकी बाक्कीनीम। ८ अस्सुर यो  
 मेकोपुकी नु गारशा बाक्ब। मेको नेल्ल लोत आ  
 खिं डा सक्ति पाइश्शा मुर बाक्कीनीम। ठेयब  
 संदा पा।

९ मिदयानी आन कली पाइश्शा खोदंशो पा  
 मेको आन कली पतीन। सीसरा नु यार्बान  
 कली किशान खोलाम पाइश्शा खोदंशो पतीन।  
 न्यायाधीस ७:१४; यसेया ९:३; न्यायाधीस  
 ४:२ १० मेकोपुकी एन-डोर सहरम खतम दुम्शा,  
 रू कली मोत्रल खोदंशो दुम्तकम। ११ गे मेको आन  
 कली नु मेको आन ठेयब मुर आन कली आरब  
 नु जेयब आस कली खोदंशो सेलीन। मेको आन  
 सासन पाइब नेल्ल कली जेबाह नु साल्मुन्ना  
 खोदंशो सेलीन। न्यायाधीस ७:२५; न्यायाधीस  
 ८:२१ १२ मेकोपुकीमी “परमपरभु आ रिम्शो रागी  
 इं के सल्य” देमुस्तकम।

१३ आं परमपरभु, मेको आन कली फशम  
 योल्थो फुरक नु फशम बेरपाइश्शा भूस खोदंशो  
 सेलीन। १४ दोपा मीम ब्याकी नेक्वा नु आ होशमी  
 पहाड जेप्या, १५ मोपा इन फश गिदारम मेको  
 आन कली खेदा पने। इन फश गिदारम मेको  
 आन कली हिंच कांडदीन। १६ मेको आन कली  
 मुने तोक्कीन। मोपा मुरपुकीमी परमपरभु यावे,  
 इन कली माल्मेकल। १७ मेकोपुकी गेना हना यो

मुने दोक्मल। आन थुं लुक्च लमल। मेकोपुकी  
 मुने दोक्शा, खतम दुम्मल। १८ मेकोपुकीमी इन नें  
 परमपरभु यावे बाक्ब, दे तुइक्तमेकल। गे रागी  
 डा नेल्ल क्येडा ठेयब बाक्कीनी” दे परमपरभु  
 कली ठेयब सेल्ला। होस १२:१६

परमपरभु आ खिं कली दाक्शो

कुम्सो पपाइक्ब कली गितीथ ताप्शा पतीके  
 कोराह आ ती आन कुम्सो। १इतिहास २६:१

१ “मुर नेल्ल आन परमपरभु यावे, इन  
**८४** बाक्तीके गिश रिम्शो बाक्ब। २ गो आं थुं  
 नेल्लेमी परमपरभु यावे आ खिं डा लाडगा लचा  
 दाक्नुड। गो ग्यरशा सोम्शा ब्रांइशा बाक्ब  
 परमपरभु कली कुम्सो पाइनुड। भजन संग्रह  
 ४२:३

३ मिनु चिकबपुकीमी यो इन चदेतीके आ  
 नेक्यामी ग्योत्र सल्शा, आन चाइक्ब पुक्कीन।  
 गे, मुर नेल्ल आन परमपरभु यावे, आं पिप  
 नु आं परमपरभु बाक्कीनी। ४ इन खिंम बाक्चा  
 ताइब आसीक तशो बाक्कीनीम। मेकोपुकीमी गेना  
 हना यो इन कली कुम्सो पा ठेयब सेलीनीम।  
 ठेयब संदा पा। भजन संग्रह ६५:५ ५ गे  
 इन सक्ति ताइब नेल्ल ग्यरसीशो बाक्कीनीम।  
 मेको आन थुंमी सियोन कली मिम्ना मिम्न  
 बाक्कीनीम। ६ मेकोपुकी बाका माइश्शा गोरशो  
 रागी डा दिम र पा लमानु, मेकोपुकीमी मंकर  
 ब्याक्कु बुक्शो रागी सेलीनीम। डांडती रड  
 यिशा, ब्याक्कु देम्ब। ७ मेकोपुकी शुश बाल्यो  
 दुम्नीम। मेकोपुकी परमपरभु आ डांडती सियोनम  
 जाक्कीनीम। ८ परमपरभु यावे, मुर नेल्ल आन  
 परमपरभु, आं पुंडशो लोत्र नेनीन। याक्ब आ  
 परमपरभु आं लोत्र नेनीन! ठेयब संदा पा।  
 ९ परमपरभु, आंइ कली कोत्रब कली कोत्रडीन।  
 इन आंइ कली गेशो पिप कली कोत्रडीन।

१० मिनु हजार का नाक्त ते ते बाक्चा क्येडा  
 काबु नाक्त इन खिंम बाक्चा रिम्शो बाक्ब।  
 इन अरेशो मटीब आन ताम्बुम बाक्चा क्येडा  
 आं परमपरभु आ खिं डा लाप्चो खाल पाइब  
 दुम्चा दाक्नुड। भजन संग्रह २७:४ ११ मारदे  
 हना परमपरभु, परमपरभु यावे नां नु तेक्तीक  
 बाक्ब। परमपरभु यावेम ठेयब दुम्तीक नु मान  
 गेब। मेकोमी ठीक लां खोइक्ब आन कली  
 रिम्शो पाइब। १२ मुर नेल्ल आन परमपरभु यावे,  
 इन कली जिम्मा गेसीशो थमा सुइक्बपुकी  
 ग्यरसीशो बाक्कीनीम” देती।

शुं नाइक्तीक लोत्र

कुम्सो पपाइक्व कली कोराह आ तौ आन कुम्सो ।

१ परमपरभु यावे, गे इन रागी कली शिशी पाइतीनी । याक्व आ रिम्शो दुम्तीक लेंशा सलतीनी । २ गे इन मुर आन ठीक मपशो माफ गतीनी । मेको आन पाप नल्ल सुम्तीनी । ठेयब संदा पा । ३ गे इन गाइक्वा नल्ल साम्तीनी । मिनु चुरचा प्रोइतीनी ।

४ आइ कली पाप र प्रोइब परमपरभु, आइ कली लेंशा डोइती डा खोदंशो सलकी । मिनु इन आइ कली मदाक्तीक समीन । ५ मार, गे गेना हना यो गोपुकी नु गाइक्स डा गाइक्स बाक्नीनी ? गे गोपुकी नु आइ चच युइ आन पाला सम्म गाइक्स डा गाइक्स बाक्नीनी ? ६ मार, गे इन मुर आइ कली गे नु ग्येरसीचा कली लेंशा, मबाक्पाइक्नीनी । ७ परमपरभु यावे, गे इन गेनायो मनुष्य दाक्तीक कांडदीकी । मिनु आइ कली श्येत र प्रोइकी ।

८ परमपरभु, परमपरभु यावेमी मार देबा, आं कली नंपतीन । मेकोमी आ मुर, आ लोत्र टीब नु आंम कली जिम्मा गेंसीशो मुरपुकी नु शुं नाइक्तीक लोत्र पाइब । मेको आन कली लेंशा दूली गाक्वा मगने । यरमीया २९ :११ ; मीका ५ :४ ९ परमपरभु कली मान पा हिंब मुर बरोइचा ताइनीम । मेको आ छुंछुंछुं इं रागीम बाक्ल ।

१० गेना हना यो दाक्तीक नु थमा पा दाक्शा मप्रोइतीक गारनीस । ठीक पतीक नु शुं नाइक्तीक पुक्पु पमुइनीस । ११ थमा पा दाक्शा मप्रोइतीक सप र वाशो खोदंशो पा गरूब । मिनु ठीक पतीकमी सरीड र कोत्रब । १२ परमपरभु यावेमी मार रिम्शो बाक्मे, मेको गेब । मिनु आइ रागीम बाली नाली गुरलपाइक्व । १३ ठीक पतीकमी मेको आ डोइती गाक्शा, आन लां सेल्व ।

श्येत जशोन, पुइशो लोत्र

दाऊदमी परमपरभु कली पुइशो लोत्र ।

१ परमपरभु यावे, आं पुइशो लोत्र नेनीन । ८६ मिनु लोत्र लेतीनी । मारदे हना गो पुरुडग नु श्येत जशो बाक्नुड । २ आं कली साल पा साइक्वा मगेयीनी । मारदे हना गो इन कली

थमा सुइश्शा, इन गेय पाइब नड । गे आं परमपरभु बाक्नीनी । ३ परमपरभु, आं कली शिशी पाइय्यीनी । मारदे हना गो नाक्तर र इन कली बरश्शो बाक्नुड । ४ इन गेय पाइब आ शुं ग्येरपतीन । मारदे हना गो आं शुं परमपरभु, इन कली जिम्मा गनुड । ५ परमपरभु, गे रिम्शो पाइब नु माफ गेब बाक्नीनी । इन कली पुंइब नल्ल आन कली गेना हना यो दाक्नीनी । ६ परमपरभु यावे आं पुंइशो लोत्र नेनीन । मिनु शिशी पाइक्वा कली आं पुंइशो नेनीन । ७ गो श्येत जडानु इन कली पुंइनुड । मिनु गे आं लोत्र लेतीनी । भजन संग्रह ५० :१५

८ परमपरभु, देवी देवता आन दातेमी इन खोदंशो अरु तेकोइ मबाक्नीम । इन पशो गेय खोदंशो पा अरु सुइम मपाइनीम । भजन संग्रह १३५ :५ ; परस्थान १५ :११ ९ परमपरभु, इन सल्लशो रागी रागी डा मुर इन डोइती बाप्शा, इन नें थिशा, इन कली ठेयब सेल्व माल्तीम । १० मारदे हना गे ठेयब बाक्नीनी । मिनु छुक लाक्वा डा गेय पाइनीनी । गे ला परमपरभु बाक्नीनी । ११ परमपरभु यावे, आं कली इन लां खोइक्वा शंदीनी । मिनु गो इन थमा पतीकमी गाक्नुड । आं कली शुं का पा इन कली मान पा हिंब सल्यीनी । यूहन्ना १४ :६ १२ परमपरभु यावे, आं परमपरभु, गो आं शुं नल्लेमी “गे रिम्शो पाइब बाक्नीनी” देनुड । मिनु गो गेना हना यो इन नें ठेयब सेल्वुड । १३ मारदे हना इन गेना हना यो आं कली दाक्तीक ठेयब बाक्व । गे आं कली बेक्शा मुर आन नल्ल क्यडा आगा डा बाक्तीक र प्रोइतीनी । १४ परमपरभु, शिशी मपाइब मुरपुकीमी आं कली खेदा पतीमी । मरिम्शो पाइब आन हुलमी साइक्वा माल्तीमी । मेकोपुकीमी इन कली ममिम्नीम । १५ तन्न परमपरभु, गे दाक्व नु शिशी पाइब परमपरभु बाक्नीनी । रीब पा मगाइक्व, गेना हना यो दाक्शा मप्रोइब बाक्नीनी । भजन संग्रह १०३ :८ ; परस्थान ३४ :६ १६ आं कली कोत्रशा, शिशी पाइय्यीनी । इन गेय पाइब कली इन सक्ति गेने । इन वाइलीम आ तौ कली श्येत र प्रोनीन । १७ गे इन दाक्तीक चिन्ड का गेयीनी । मिनु आं कली काइ मदाक्वपुकी मेको तशा, मुने दाक्मल । मारदे हना परमपरभु यावे, गे आं कली वारच पाइतीनी । मिनु लेम्ताक्यीनी ।

मुर आन नें आ किताबम बरेकशो

कोराह आ तौ आन कुम्सो ।

१ परमपरभुम आ डांडामी आ सहर सेल्लु ।  
**८७** २ परमपरभु यावेमी याकूब आ मुर आन  
 बाक्तीके क्येडा सियान सहर डा गारो डा लाप्चो  
 दाक्ब । ३ परमपरभुम आ सहर आ पर्वम रिम्शो  
 लोत्र पशो बाक्ब । ठेयब संदा पा ।

४ राहाब नु बेबीलोनम आ कली तुइक्नीस ।  
 पलिस्ती आन रागी, टायर नु एथीयोपीया यो  
 मेको नु बाक्नीम । मिनु मेको आन पर्वम “एको  
 नु मेको मेकर जरमेशो नम” देनीम । इजीप्त  
 रागी कली राहाब यो देनीम । भजन संग्रह  
 ६७ : ४-५ ५ सियान आ पर्वम चहिं “मुर नेल्ल  
 मेकर रेन जरमेशो बाक्नीम । मारदे हना नेल्ल  
 क्येडा ठेयबमी मेको कली रिम्शो सेल्ल्या कोवब”  
 देनीम । ६ परमपरभु यावेमी जात जात डा मुर  
 आन नें का का पा आ किताबमी बरेक्ब । मिनु  
 “एको नु मेको सियानमी जरमेशो बाक्ब” दे  
 बरेक्ब । ठेयब संदा पा । ७ कुम्सो पाइब नु  
 सिल पाइबपुकीमी “आंड आसीक नेल्ल सियानम  
 बाक्ब” दे कुम्सो पाइनीम । भजन संग्रह ३६ : १०

“वारच पाइय्यीनी” दे पुंडशो

कुम्सो पपाइक्ब कली महलेथ आ कुम्सो । कोराह  
 आ तौ आन कुम्सो । एजराह आ मुर  
 हेमान आ सेल्ल्यो शंतीक कुम्सो ।

१ इतिहास ६ : १८ १ परमपरभु यावे, आं  
**८८** परमपरभु, गे आं कली श्येत रे परांडब  
 बाक्नीनी । नाक्दो नाक्त गो इन डांडती पुंडशो  
 बाक्नुड । २ आं पुंडशो लोत्र इन डांडती जाक्ल ।  
 आं लोत्र नेनीन ।

३ मारदे हना आं थुं श्येतम बरीशो बाक्ब ।  
 मिनु गो बेक्चा चिक्शो बाक्नुड । ४ गो बेक्शा  
 लाइब मुर नु हिक्सीशो दुम्ती । गो सक्ति  
 मपाइशो मुर सोदंशो दुम्ती । ५ गो बेक्शा  
 मुरपुकी नु तिल्ला पुंडसीशो बाक्नुड । तुरसुम  
 बाक्शो साइक्चा पुंडसीशो मुर सोदंशो दुम्ती ।  
 मोपा इन क्येडा डान बाक्शो इन मफरुक्शो मुर  
 सोदंशो दुम्ती । ६ गे आं कली बेक्शा मुर आन  
 बाक्तीके छिडछिड डा नेल्ल क्येडा आगा डा  
 बाक्तीकेमी वोइक्तीनी । ७ इन गाइक्तीकेमी आं

कली दिप्शो बाक्ब । मिनु इन छ्यालम आं कली  
 सुम्तीनी । ठेयब संदा पा ।

८ गे आं वारच आन कली गो नु गुरुक्चा  
 हिंपाइक्तीनी । गो आं वारच आन कली हिंचा डा  
 दुम्ती । गो चाक्सीशो, श्येत रे बरांडशा, पराक्ने  
 मचानुड । भजन संग्रह ३८ : १२ १ सुर्ता पतीक  
 आं मिक्च बरा बरा दुम्ती । परमपरभु यावे, गो  
 नाक्त कित कित इन कली पुंडना पुंडन बाक्नुड ।  
 मिनु इन नेमी आं गुइ पोक्नुड । १० मार, गे बेक्शो  
 मुर आन कली छुक लाक्चा डा गेय पाइनीनी ?  
 मार, मेको बेक्शो मुरपुकीम बाक्शा, इन कली  
 ठेयब सेल्लनीमी ? ठेयब संदा पा । भजन संग्रह  
 ६ : ६ ; यसैया ३८ : १८

११ मार, गे इन गेना हना यो दाक्तीके आ पर्वम  
 बेक्शो मुर आन बाक्तीकेमी लोत्र पाइनीमी ? इन  
 दाक्शा मपरांडतीके आ पर्वम तुरसुम शंनीमी ?  
 १२ मार, इन छुक लाक्चा डा गेय छिडछिडमी  
 तुइक्नीमी ? इन श्येत रे परांडतीके बेक्शो मुर  
 आन दातेमी तुइक्नीमी डा ?

१३ परमपरभु यावे, गो चहिं सुनी कना इन कली  
 लोत्र पाइनुड । १४ परमपरभु यावे, गे आं कली  
 मारदे परांडयीनी ? मारदे इन कुल खरुइक्तीनी ?  
 १५ गो ठिटा रेन श्येत जशा, बेक्चा चिक्शो  
 बाक्नुड । इन हिंच कांडशामी गो श्येत जशा  
 बाक्नुड । मिनु आं थुं लुकच लशो बाक्ब । १६ गे  
 आं पर्वम गाइक्ताक्नी । इन हिंच कांडशामी आं  
 कली सतम पाक्शो बाक्ब । १७ मेकोपुकीम नाक्त  
 रे ब्याक्कु सोदंशो पा आं एर आंथ नेल्ल हिरशो  
 बाक्नीम । मेकोपुकीम आं कली पुम्शा हिंच  
 कांडताक्यीमी । १८ गे आं कली दाक्ब नु आं वारच  
 आन कली आं कली तशा हिंपाइक्तीनी । मिनु  
 छिडछिड आं नेक्था डा वारच दुम्शो बाक्ब ।

परमपरभुम आ दाक्तीके मपरांडब

एजराह आ मुर एथान आ कुम्सो ।

१ परमपरभु यावे, गो इन गेना हना यो  
**८९** दाक्तीके आ पर्वम कुम्सो पाइनुड । गो  
 नेल्ल पाला डा मुर आन कली इन दाक्तीकेम  
 गेनायो मपरांडब बाक्नीनी, दे शंनुड । २ गे  
 इन दाक्तीके गेना हना यो लीपाइक्चा कली  
 वोइक्तीनी । इन दाक्शा गेनायो मपरांडतीके  
 सरीड सोदंशो ठेयब बाक्ब । ३ गे “गो आं योत्रशो  
 नु कबल पाता । आं गेय पाइब दाऊद नु कसम  
 जाता । मार कसम जाता दंशा हना, यसैया ५५ : ३ ;  
 भजन संग्रह १३२ : ११ ४ गो गेना हना यो इ चच

युद्ध रे पिप का सेल्लुङ। मिनु इ पिप दुम्तीक नल्ल आन पाला सम्म लीपाइक्नुङ” देतीनी। ठेयब संदा पा। २सामुएल ७:१६; पररित २:३०

५ परमपरभु यावे, स्वर्गम बाक्ब नल्लेमी इन छक लाक्वा डा गेय आ पर्वम इन कली ठेयब सल्लोम। इन मुर आन गरुम्तीकमी इन दाक्शा गेनायो मप्रांडतीक आ पर्वम इन कली ठेयब सल्लोम। ६सरीडमी परमपरभु यावे कली सु नु थान् चाम्सीबा डा? मिनु स्वर्गम बाक्ब आन दातेमी सु परमपरभु यावे सोदंशो बाक्बा डा? १राजा २२:१९ ७ आंम मुर आन बुक्तीकमी परमपरभु कली मान पा हिनीम। मेको आ एर आंथ बाक्ब नल्ल आन क्यडा मेको शुश ठेयब नु मान पा हिंचा माल्थो बाक्ब। ८ परमपरभु यावे, मुर नल्ल आन परमपरभु, इन सोदंशो ठेयब सक्ति पाइश्शो सु बाक्बा डा? इन दाक्शा मप्रांडतीक इन एर आंथ बाक्ब। ९गे बारशो समुन्दर कली हुकुम पाइनीनी। मिनु मेको आन छाल बाक्मनु ग नाइक्पाइक्नीनी। भजन संग्रह ६५:५; मत्ती ८:२६ १०गे राहाब कली बेक्शो जन्तु सोदंशो पा साइक्तीनी। इन जोरी सतरु आन कली इन सक्तिमी एर आंथ बरपाइक्तीनी। इजीप्त रागी कली राहाब यो देनीम। भजन संग्रह ८७:४ अय्युब ९:१३; अय्युब २६:१२; यसेया ३०:७; यसेया ५१:९ ११सरीड नु रागी निम्फा इन क बाक्नीस। रागी नु मेकर बाक्शो नल्ल इन सल्लो बाक्नीम। भजन संग्रह २४:१ १२उत्तर नु दक्खिन इन सल्लो बाक्नीस। ताबार नु हेस्मान इन नेम ग्येरशा कुम्सो पाइनीस। १३गे सक्ति पाइश्शो बाक्नीनी। गे बोल्यो नु ठेयब बाक्नीनी। १४ठीक पतीक नु कुल मेकोवथु निसाफ पतीक इन राज्य डा सक्ति बाक्ब। इन दाक्शा गेनायो मप्रांडतीक इन डांडती बाक्ब। १५ इन कली ग्येरशा ठेयब सल्लुपुकी ग्येरसीशो मुर बाक्नीम। मारदे हना मेकोपुकी, परमपरभु यावे, इन डांडती डा छेड्छेड्डी गाक्नीम। १६मेकोपुकी नाक्तर रे इन नेमी ग्येरसीनीम। मिनु इन ठीक पतीकेमी थुं नाइश्शा बाक्नीम। १७मारदे हना गे मेको आन सक्ति गेब बाक्नीनी। मिनु गो इन शिशीमी आंइ पिया पोक्शो बाक्नीकी। १८आंइ तेक्तीक, आंइ पिप इसराएल डा परमपरभु यावे केन बाक्ब।

१९साइ डांडती गे इन कली मप्रांडब मुर आन कली कांडतीक कांडशा, लोत्र पाइतीनी। मिनु गे “गो लडाइ पाइब का कली सक्ति गेता। गो मुर आन दाते रे का कली ठेयब

सेल्ला। १सामुएल १३:१४; १सामुएल १६:१३ २०गो आं गेय पाइब, दाऊद कली थित्ता। गो मेको तारी तेल लुक्ताक्ड। २१मिनु गो मेको कली कोत्रनुङ। मिनु सक्ति गेनुङ। २२आ जोरी सतरुमी मेको कली गेरान मचाप्नीम। परमपरभु आ अरशो मटीबपुकीमी मेको कली दिप्न मचाप्नीम। २३मेको आ जोरी सतरु आन कली मेको आ डांडती खतम पोक्नुङ। मिनु मेको कली काइ मदाक्ब आन कली साइक्नुडमी। २४आं दाक्शा मप्रांडतीक नु आं गेना हना यो दाक्तीक मेको नु बाक्ब। मिनु आं नेमी मेकोमी आ पिया पोक्न चाप्ब। आ सक्ति बारब। २५गो मेको कली समुन्दर नु ठेयब खोला नल्ल कली हुकुम पाइब सेल्लुङ। भजन संग्रह ७२:५ २६मेकोमी आं कली गे आं आफ बाक्नीनी। आं परमपरभु, आं कली श्येत रे परांडब सेरथे फुल्लु बाक्नीनी” देब। २सामुएल ७:१४ २७गो मेको कली आं डांडती जर्मशो तौ सेल्लुङ। रागी डा पिप नल्ल आन पिप सेल्लुङ। २८गो मेको कली गेना हना यो दाक्नुङ। मिनु मेको नु पशो कबल खान्नुङ। २९गो मेको आ चच युइ आन कली गेनायो मग्याम्चा डा पा वोइक्नुङ। मिनु मेको आ सासन पतीक सरीड लीम सम्म बाक्ब। ३०तन्न मेको आ चच युइपुकीमी आं अरशो लोत्र परांडतक्म हना, आं निसाफ पतीक लोत्र मटिम्तेक्म हना, ३१आं पचा देशो, आं फुल्लुमु मुशा बरक्शो लोत्र मपाम्तक्म हना, आं शंशो मटिम्तेक्म हना, ३२गो मेको आन पाप आ पर्वम कोक्की सजाइ गेनुडमी। गो मेको आन ठीक मपशो आ पर्वम तुप्शा सजाइ गेनुडमी। ३३तन्न गो मेको आन कली आं गेना हना यो दाक्तीकम मप्रांडनुङ। आं दाक्शा मप्रांडतीक मेको नु लीब। ३४गो आं कबल नल्ल खान्नुङ। आं डांडती देशो लोत्र थमा पा पाइनुङ। ३५गो आं नेमी काले कसम जाता, गो दाऊद कली जोल मपाइनुङ। ३६मेको आ चच युइ गेना हना यो लीनीम। मिनु मेको आ सासन पतीके आं डांडती नां बाक्म सम्म बाक्ब। भजन संग्रह ७२:१७ ३७तास्ता सोदंशो पा मेको आ सासन पतीके गेना हना यो बाक्ब। सरीड बाक्शो सोदंशो पा गेना हना यो बाक्ब” देतीनी। ठेयब संदा पा उत्पत्ती ९:१३

३८तन्न गे इन तेल लुक्शो कली परांडशो बाक्तीनी। गे इन तेल लुक्शो आ पर्वम शुश गाइक्ताक्नी। ३९गे इन गेय पाइब नु पशो कबल परांडशो बाक्तीनी। गे मेको आ सिरपेच

सपीम ताइश्शा, गरांगरा दिशो सेल्लिनी। ४० आ गारो नेल्ल परेशशा, आ दरवार नेल्ल सतम पोक्तीनी। ४१ मेको लां रे पा लाइब नेल्लेमी मेको आ मार मार रोइश्शा लाइक्त्कम। मेको आ नक्था डा मुरपुकीमी मेको कली शुक्शी पाइक्त्कम। ४२ गे मेको आ ज़ारी सतरु आन कली बाल्या सेल्लिनी। गे मेको आ ज़ारी सतरु नेल्ल आन कली ग्येरपाइश्शा बाक्तीनी। ४३ गे मेको कली बरुपाइक्तीनी। मिनु लडाइमी वारच मपाइक्ती। ४४ गे मेको आ ठेयब दुम्तीक सतम पोक्तीनी। मिनु मेको आ सासन पतीक साम्शा गेतीनी। ४५ मेको आ बरांडतीक नाक्त् इच्का ला सेल्लिनी। गे मेको कली मुनेम सुम्पाइक्तीनी। ठेयब संदा पा।

४६ परमपरभु यावे, गे गेना सम्म स्खुइश्शा बाक्तीनी? इन गाइक्चा गेना सम्म मी खोदंशो पा बराइबा? ४७ परमपरभु, आं बरांडशा बाक्तीक नाक्त् इच्का ला बाक्व। गे मुर नेल्ल आन कली जाम्शा लाइब सेल्लो बाक्तीनी। ४८ मार, मुर गेनाया मबेक्थु, बरांडशा बाक्तीमी? सुम आंम कली बेक्तीक रे परांडने चाप्वा डा? ठेयब संदा पा।

४९ परमपरभु यावे, इन साइ डा गेना हना यो दाक्तीक ते लाक्का? गे दाऊद कली कसम जशा, इन दाक्शा मपरांडतीकमी लोत्र पाइतीनी। ५० परमपरभु यावे, दोपा इन गेय पाइब, गो शुक्शी पा रिश्शा कोवचा पुंडसीडा, मेको मिम्तीन। गो मारदे जात जात डा मुरपुकीमी शुक्शी पाइश्शा फाल्त्वा माल्डा? मेको यो मिम्तीन। भजन संग्रह ४४ : १-२५  
५१ परमपरभु यावे, मारदे इन ज़ारी सतरुमी आं कली शुक्शी पाइय्यीमी? मेकोपुकीमी मारदे इन तेल लुक्शो, आं कली ते ते थक्त्तु, मेक मेक शुक्शी पाइय्यीमी? ५२ परमपरभु यावे गेना हना यो ठेयब बाक्त्। मेको थमा बाक्व, आमन। भजन संग्रह ४१ : १४

### परमपरभु स्खुइसीतीक बाक्व

परमपरभु आ मुर मोसा आ पुंडशो लोत्र।

१ परमपरभु गे नेल्ल पाला सम्म आंइ बाक्तीके दुम्शो बाक्तीनी। २ मिनु पहाड दुम्चा क्येडा डांइती नु रागी सेल्लवा क्येडा डांइती गे गेना हना यो बाक्व परमपरभु बाक्तीनी।

३ गे मुर आन कली लेंशा फुरक दुम्पाइक्तीनी। मिनु गे "मुरपुकी, आं गे लेतीन" देनीनी। भजन संग्रह १४६ : ४ ; उपदेसक १ : ४ ४ हजार का बर्स इन कली सिनाक्त् खोदंशो बाक्व। नाक्दो का इन कली याम का खोदंशो बाक्व। २ पतरुस ३ : ८ ५ गे मुर आन कली फिक्शा, लाइक्तीनी। मुर आन बरांडतीक डांमु तशा खोदंशो बाक्व। मेकोपुकी सुनी नक वाशो घांस खोदंशो बाक्तीम। भजन संग्रह १०२ : १२ ; भजन संग्रह १०३ : १५ ; अय्युब १४ : २ ; यसेया ४० : ६ ; १ पतरुस १ : २४-२५ ६ मेको सुनी गिग दुम्नीम। मिनु नाक्दो सोल सुल बेक्तीम।

७ गो इन गाइश्शोमी सतम दुम्शो बाक्तीकी। मिनु इन चुरशा तशा हिंनीकी। ८ आंइ मरिम्शो पशो इन डांइती वोइश्शा बाक्तीनी। आंइ स्खुइश्शा पशो इन कुल डा छेड्छेड् डा डांइती बाक्व। ९ गो आंइ नाक्त् नेल्ले इन गाइश्शोमी लाक्शो बाक्तीकी। आंइ नाक्त् नेल्ल हुकयी पशो खोदंशो पा लाक्तीम। १० आंइ बरांडतीक ७० बर्स ला बाक्व। बोल पा बरांडतक हना, ८० बर्स सम्म बरांडतीकी। मो हना यो आंइ बरांडतीक नाक्ती नेल्ल श्येत नु मरिम्शो दुम्तीके ला बाक्व। बरांडतीक नाक्ती रीब पा नुप्ब। मिनु गो बेक्शा लाइतीकी। उपदेसक १ : ३

११ इन गाइक्तीक सक्त् सुम तुइक्वा? गो इन गाइक्तीक आ पर्वम इन क्येडा हिंनीकी। १२ मापतीक आंइ बरांडतीक नाक्ती गिश बाक्तीमी मिम्शा, हिक्चा शंदीकी। मिनु गो जोक्व तुइक्व थुं पाइश्शा दुम्कल। भजन संग्रह ३९ : ५-७

१३ परमपरभु यावे, गेना सम्म डोन बाक्तीनी? आंइ गे लेतीन। इन गेय पाइब आंइ कली शिशो पने। १४ सुनी आंइ कली इन गेना हना यो दाक्तीकमी ग्येरपाइक्की। मिनु गो बरांडका सम्म ग्येरशा कुम्सो पा बाक्ने चाक्कल। १५ गे गिश नाक्त् सम्म आंइ कली श्येत गेनी? मिश नाक्त् सम्म आंइ कली ग्येरपाइक्की। गो शुश बर्स श्येत जाइतक। १६ इन गेय पाइबपुकीमी इन गेय तुइक्त्मेक्त्। मिनु मेको आन आल आन कली इन छेड्छेड् डा सक्त् कांइदीन। यसेया ५ : १२ १७ परमपरभु यावे, आंइ परमपरभु, इन शिशो आंइ तार बाक्त्। मिनु आंइ गुइ डा गेय रिम्शो दुम्त्। थमा पा, आंइ पशो नेल्ल रिम्शो सेलीन।

श्रुत रे प्रोइतीक

१ सु नल्ल क्येडा ठेयब आ फाप्तीकम  
**११** बाक्वा नु नल्ल क्येडा सक्ति पाइशो  
 आ नक्था बाक्वा, २ मेकोमी परमपरभु यावे  
 कली “गे आं खरुइक्तीक नु आं बाल्यो दरवार  
 बाक्नीनी। गो आं परमपरभु बाक्नीनी। गो  
 इन कली थमा सुइक्नुड” देब। ३ मेकोमी इ  
 कली चिक्ब ग्याइक्ब मुर आ ब्यारद नु मुर  
 साइक्ब रोइ रे प्रोइब। ४ मेकोमी इ कली आ  
 फरांमी फाप्ब। मिनु गे मेको आ फरां आगामी  
 खरुइशशा बाक्नेव। मेको आ दाक्शा गेनायो  
 मप्रोइतीक इ तेक्तीक नु गारो दुम्ब। ५ मिनु  
 गे नाक्दो डा हिंतीक नु नाक्ती बरशा जाक्ब  
 बरा तशा महिनेव। ६ छिडछिडम जाक्ब मुर  
 साइक्ब रोइ नु नाक्ती याक्सीब रोइ तशा  
 महिनेव। ७ मिनु हजार का जना मुर इ डांइती  
 साइक्वा पुंडसीनीम। मिनु इ ग्युरा गे १० हजार  
 मुर साइक्वा पुंडसाक्म हना यो, गे साइक्वा  
 मपुंडसीनेव। ८ परमपरभु कली मटीबपुकी दोपा  
 क्येक्क लेत्वा पुंडसीनीमी, गे मेको ताइनेव।  
 ९ मारदे हना गे “परमपरभु यावे आं खरुइक्तीक  
 बाक्ब” देते। मिनु गे नल्ल क्येडा ठेयब कली  
 इ बाक्तीक सेल्लतीवी। १० इ कली मारइ मरिम्शो  
 मदुम्ब। इ बाक्तीक आ नक्था मारइ हिंचा  
 डा मदुम्ब। ११ मारदे हना मेकोमी आ स्वर्ग डा  
 गेय पाइब आन कली इ लां नल्लेमी इ कली  
 वारच पपाइक्ब। मती ४ : ६ १२ मेकोपुकीमी इ  
 कली आन गुइ गुइम ताक्शा कुरनीम। इ खोइली  
 फुल्लनुम मथोक्पाइक्वा कली मोदंशो पाइनीम।  
 १३ गे गुप्स नु बीस पाइशो बुस्स दिम्नेव।  
 मेको बाल्यो बाक्तेक्म हना यो, मेको आन कली  
 दिम्शा साइक्नेव। लूका १० : ३९

१४ मिनु परमपरभुमी “मेकोमी आं कली  
 दाक्तीक, गो मेको कली श्रुत रे प्रोइनुड।  
 मेकोमी आं नं तुइक्तीक, गो मेको कली  
 फाप्नुड। १५ मेकोमी आं कली थोइब। मिनु गो  
 आ लोत्र लेत्नुड। मेको श्रुत जवानु, गो मेको  
 नु बाक्नुड। मेको कली श्रुत रे प्रोइशा, मान  
 ताइब सल्लनुड। भजन संग्रह ५० : १५ १६ गो  
 मेको कली शुश बरांइचा गशा, आं प्रोइतीक  
 तपाइक्नुड” दे परमपरभुमी देत। यसेया ५२ : १०

परमपरभु कली पुंडशो

नाइक्तीक नाक्त पतीक कुम्सो।

**१२** परमपरभु यावे कली “गे रिम्शो पाइब  
 बाक्नीनी” देचा रिम्शो बाक्ब। मिनु “इन  
 नं नल्ल क्येडा ठेयब बाक्ब” दे कुम्सो पचा  
 रिम्शो बाक्ब। भजन संग्रह १४७ : १ २ सुनी इन  
 गेना हना यो दाक्तीक नु नाक्दो इन दाक्शा  
 मप्रोइतीक आ पबेम लोत्र पचा रिम्शो बाक्ब।  
 ३ बेन्जो नु तार पाइशशा ठेयब ताप्तीक ताप्शा,  
 बीना आ लायोमी मोदंशो कुम्सो पचा रिम्शो  
 बाक्ब। ४ मिनु गो “परमपरभु यावे, इन पशोमी आं  
 कली ग्येरपाइक्तीनी” दे इन पशो तशा, ग्येरशा  
 कुम्सो पाइनुड। ५ परमपरभु यावे, इन गेय थम  
 ठेयब बाक्नीम। इन मिम्तीके यो थम ठेयब  
 बाक्ब। भजन संग्रह १०४ : २४ ; यसेया ५५ : ९  
 ६ निप्स मपाइशशा मुरपुकीमी मेको तुइक्ने  
 मचाप्नीम। मुर्खपुकीमी मेको रुन्ने मचाप्नीम।  
 ७ मिनु परमपरभु आ अरशा मटीबपुकी घांस  
 खोदंशो पा बारनीम। मरिम्शो पाइबपुकी फू  
 खोदंशो पा बोइक्नीम। नोले मेकोपुकी गेनायो  
 मलीचा डा पा क्याम्चा पुंडसीनीम। ८ तन्न  
 परमपरभु यावे, गे गेना हना यो ठेयब सल्लवा  
 पुंडसीनीनी। ९ परमपरभु यावे, इन जोरी सतरु  
 क्याम्चा पुंडसीनीम। मरिम्शो पाइब नल्ल एर  
 आंथ बराइनीम।

१० गे आं कली ब्याकी डा ब्यफ खोदंशो पा  
 सक्ति गेतीनी। आं कली नल्ल क्येडा रिम्शो  
 तेल लुक्ताक्यीनी। भजन संग्रह २३ : ५ ११ गो  
 आं जोरी सतरु बरुशो तशा ग्येरसीनुड। आं कली  
 मरिम्शो पाइबपुकी सतम दुम्शो लोत्र नंशा,  
 ग्येरसीनुड।

१२ ठीक पाइबपुकी चहिं खजूर रवा खोदंशो पा  
 बारनीम। मेकोपुकी लेबानोन डा लाइशशा रवा  
 खोदंशो पा लाइक्नीम। भजन संग्रह १ : ३ ; भजन  
 संग्रह ५२ : १० १३ मेकोपुकी आंइ परमपरभु यावे  
 आ खिंमी खरुम्शो दुम्शा, आंइ परमपरभु आ  
 लाडगाम बोइक्नीम। १४ मिनु मेकोपुकी शुश बरस  
 दुम्मानु यो, फल सिल्लीम। मेकोपुकी गिग नु नक  
 डा नक लीनीम। १५ मिनु गो “परमपरभु यावे गेना  
 हना यो ठीक पाइब बाक्ब। मेको आं सरथ फुल्लु  
 बाक्ब। मेको नु मारइ मरिम्शो मबाक्ब” देनुड।  
 व्यवस्था ४२ : ४

परमपरभु आ ठेयब दुम्तीक

१परमपरभु यावेमी सासन पाइब।  
**१३** मेको पिप आ वाम ग्योम्सीशो बाक्व।  
 परमपरभु यावेमी आ सक्ति किम्सीशो बाक्व।  
 रागी आ जग बोल्यो बाक्व, मेको गेनायो  
 महिम्सीब। भजन संग्रह ४७:८; भजन संग्रह  
 १६:१०; भजन संग्रह १७:१; भजन संग्रह  
 १८:६; भजन संग्रह १९:१; भजन संग्रह  
 १४६:१०; परस्थान १५:१८ २इन ठेयब निक्तीक  
 साइ डांडती र वोइशो बाक्व। गे साइ रेन  
 बाक्वशो बाक्तीनी। ३परमपरभु यावे, समुन्दर  
 बारशा कुशो बाक्व। मेको आ छाल आ रयक  
 ठेयब दुम्शो बाक्व। ४ठेयब समुन्दर आ रयक  
 नु समुन्दर आ बोल्यो छाल क्यडा डरीम  
 बाक्व। परमपरभु यावे नेल्ल क्यडा ठेयब  
 सक्ति पाइशो बाक्व। ५इन देशो लोत्र गेना  
 हना यो बाक्तीम। परमपरभु यावे, इन खिं गेना  
 हना यो इन सक्तिमी बरीशो बाक्व।

बरोइचा आ पर्वम पुंइशो लोत्र

१परमपरभुमी क्यक्क लेख। परमपरभु  
**१४** यावे, परमपरभु, इन छेडछेड कांडीन।  
 व्यवस्था ३२:३५ २रागी कली निसाफ पाइब,  
 बाक्कीन। मिनु ठेयब लेशो आन कली आन  
 पशो डा क्यक्क लेतीन। उत्पत्ती १८:२५  
 ३परमपरभु यावे, इन अरशो मटीबपुकी गेना  
 सम्म ठेयब लेतीमी ?

४मेकोपुकीम ठेयब लेशो लोत्र ला पाइनीम।  
 मरिम्शो पाइब नेल्लम आन नें बोरपाइक्नीम।  
 ५परमपरभु यावे, मेकोपुकीमी इन मुर आन कली  
 दिम्शा ताइशो पशो बाक्तीम। इन योत्रशो  
 रागी खतम पोक्वशो बाक्तीम। ६मेकोपुकीमी  
 आन वांइश बेक्वशो मीश मुर नु अर्का रागी  
 डा मुर आन कली साइशो बाक्तीम। मिनु  
 रोम रोइक्व आन कली यो साइशो बाक्तीम।  
 ७मिनु मेकोपुकीमी “परमपरभु यावेमी मताइब।  
 याकूब आ परमपरभुमी मतुइक्व” देनीम। भजन  
 संग्रह १०:११

८गे, निप्स मपाइशो मुरपुकी रूपीन। गे,  
 मूर्खपुकी गेना जोक्व तुइक्व दुम्नीनी? ९इन  
 नोफा सेल्बमी मनंबा डा? मिक्व सेल्बमी  
 मताइबा डा? परस्थान ४:११ १०रागी रागी  
 डा मुर आन कली सजाइ गंभमी इन कली  
 सजाइ मगेबा डा? मेकोमी मुर आन कली मारेइ  
 मारेइ तुइक्वाइक्व। ११परमपरभु यावेमी मुर

आन मिम्शो तुइक्व। मेकोमी इं मिम्शो नेल्ल  
 जाम्शा लाइब, दे यो तुइक्व। १कोरिन्थी १:२०

१२परमपरभु यावे, गे सु सु कली सजाइ गेशा,  
 शंदीनी, मेको ग्येरसीशो मुर दुम्नीम। मारदे हना  
 मेको आन कली इन अरशो लोत्र शंतीनी। अय्युब  
 ५:१७ १३इन अरशो मटीब मबक्मा सम्म, गे  
 मेको इन शंशो आन कली श्यत रे नाइक्वा  
 गेनीनी। १४मारदे हना परमपरभु यावेमी आ मुर  
 आन कली मपुरोइब। मिनु आ योत्रशो रागी यो  
 मपुरोइब। यसैया ३७:३३-३५ १५ठीक मुर लेशा  
 ठीक पतीक ताइनीम। बरम्शो थुं पाइशो मुर  
 ठीक लां खोइक्नीम।

१६परमपरभु आ अरशो लोत्र मटीब आन पर्वम  
 सु पान बाक्वा? मरिम्शो पाइब आन पर्वम सु  
 पान बाक्वा? भजन संग्रह ११५:१७ १७परमपरभु  
 यावेम आं कली वारव मपाइशो हना, गो  
 बेक्वशो मुर आन बाक्तीके जाक्दीड वा। १८गो  
 “आं खोइल गेरक्व” देती। मिनु परमपरभु यावे,  
 इन गेना हना यो दाक्तीकेमी तिक्तीनी। १९गो  
 आं थुंमी थाम्पा सुर्ता पाता। इन लेम्शोमी आं  
 थुं नाइसाक्व। २कोरिन्थी १:४-५ २०मार, इन  
 अरशो मटीब हुकुम पाइबपुकी गे नु गारनीमी  
 डा? मेकोपुकीमी इन फुल्लुम मुशा बरक्वशो  
 लोत्र दूली सेल्शो बाक्तीमी। २१मेकोपुकीमी ठीक  
 पाइब आन पर्वम दोपा मरिम्शो पचा, दे लोत्र  
 गारपाइक्नीम। मिनु दोस मताइब आन कली  
 साइक्नीम। २२तन्न परमपरभु यावे आं बोल्यो  
 दरवार नु आं खरुइक्तीक संरथ फुल्लु बाक्व।  
 २३मेकोमी मेको आन मरिम्शो पशो आन पिया  
 तार मोइक्व। मिनु मेको आन अरशो मटितीक  
 मेको आन कली साइक्व। परमपरभु यावे, आंइ  
 परमपरभुमी मेको आन कली खतम पाक्व।

ठेयब सेल्लीक कुम्सो पय

१जाक्कीन, ग्येरसीशो परमपरभु यावे  
**१५** कली कुम्सो पय। इं कली श्यत रे  
 पुरोइब संरथ फुल्लु कली ठेयब संदा पा कुम्सो  
 पय। २“गे रिम्शो पाइब बाक्तीनी” देना देन,  
 मेको आ डांडती लय। कुम्सो पा मेको कली  
 ठेयब सेल्ल्य। ३मारदे हना परमपरभु यावे ठेयब  
 परमपरभु बाक्व। देवी देवता नेल्ल आन ठेयब  
 पिप बाक्व। परस्थान १५:११ ४मिनु रागी डा  
 उइ रे डांडा डा इर सम्म नेल्ल मेको आ गुइम  
 बाक्व। ५समुन्दर नु सोत्रशो रागी नेल्ल मेको  
 आ सेल्शो बाक्व।

६जाककीन, मेको कली बाप्शा ठेयब सल्य।  
इं कली सल्य, परमपरभु यावे आ डांइती पोक्च  
थक्तय। ७मारदे हना मेको इं परमपरभु बाक्ब।  
गो मेको आ योत्रशा भेडा नय। मिनु मुलाक्त मेको  
आ संदा ननीन। भजन संग्रह १००:३; यूहन्ना  
१०:२७-२८

८गपुकी मेरीबाम पशा खोंदंशो पा इन थुं  
खकटा मसलीन। गपुकी गोरशा रागी मास्साह  
माइशशामी बाक्ची ना पशा खोंदंशो मपन।  
हिब्रू ३:७-८; हिब्रू ४:७ ९ परमपरभुमी “इन  
किकी पिपीमी आं पशा गेय नेल्ल ताम्तेकम हना  
यो, मेकोपुकीमी आं कली नाक्शा कोव्रतीमी।  
परस्थान १७:२,७ १०गो ४० बर्स सम्म  
मेकोपुकी नु गाइक्ताक्ड। एको दूली पाइब मुर  
बाक्नीम। आं कली मटीब बाक्नीम। ११मोपतीके  
गो आं गाइक्तीकेमी ‘एको आन कली आं थुं  
नाइक्पाइक्तीके मगेनुड’ दे कसम जाता” दे  
परमपरभुम देत। गन्ती १४:२२-२३; हिब्रू ४:३

परमपरभु रागी नेल्ल डा पिप बाक्ब

१इतिहास १६:२३-३३

१ परमपरभु यावे कली नक कुम्सो का पय।  
**९६** रागी रागी डा मुर नेल्लेमी परमपरभु  
यावे कली कुम्सो पने। २ परमपरभु यावे कली  
कुम्सो पने। आ नें ठेयब सलीन। गे नाक्त कित  
कित मेको मुर आन कली श्यत र परोंइशा आ  
पर्वम रागी रागी डा मुर आन कली शंदीन। ३ रागी  
रागी डा मुर आन दातेमी मेको आ सक्ति आ  
पर्वम लोत्र पने। जात जात डा मुर आन दातेमी  
आ छुक लाक्चा डा गेय आ पर्वम लोत्र पने।  
४ मारदे हना परमपरभु यावे ठेयब बाक्ब। ठेयब  
सल्यशा मान पाइक्चा पुंडसीब बाक्ब। मेको देवी  
देवता नेल्ल आन क्येडा मान पा हिंचा मालशा  
बाक्ब। ५ मारदे हना जात जात डा मुर आन देवी  
देवता शोर गाक्शो मूर्ति ला बाक्नीम। तन्न  
परमपरभु यावेमी सरीड सल्लु। ६ मान ततीके नु  
नेल्ल क्येडा ठेयब दुम्तीके मेको नु बाक्ब। मेको  
आ बाक्तीके सक्ति नु छेड्छेड्डम बरीशा बाक्ब।  
७ गे रागीम बाक्ब सिं सिं डा मुरपुकीमी  
परमपरभु यावे कली “गे सक्ति नु छेड्छेड्ड  
पाइशशा बाक्नीनी” दे ठेयब सलीन। ८ गपुकीमी  
परमपरभु यावे आ नें थिशा, मेको कली “गे  
ठेयब बाक्नीनी” दनीन। चढ्ढतीके चाक्शा, मेको  
आ बाक्तीके डा लाडगाम जाक्कीन। ९ रिम्शो

पतीकेमी ग्योम्सीशा, परमपरभु यावे कली “गे  
ठेयब बाक्नीनी” दे लोत्र पने। रागी डा मुर नेल्ले  
मेको आ डांइती मेको कली मान पा खिरंखिर पने।  
१० गे रागी रागी डा मुर आन दातेमी “परमपरभु  
यावे पिप बाक्ब” दे शंदीन। रागी महिम्सीचा  
डा पा सल्यशा बाक्ब। मेको मयाक्सीब। मेकोमी  
जात जात डा मुर आन कली कुल मकोव्रथु  
निसाफ पाइब। भजन संग्रह ९३:१ ११ सरीड  
नु रागी ग्येरसीसल। समुन्दर नु मेकर बाक्ब  
नेल्ल रयके पामेक्ल। भजन संग्रह ९८:७-  
९; यसैया ४९:१३ १२ रू नु मेकर वाशा नेल्ल  
ग्येरसीमल। मिनु ब्वाकीम बाक्शो रवा नेल्ल  
ग्येरशा, १३ परमपरभु यावे आ डांइती कुम्सो  
पाइनीम। मारदे हना परमपरभु यावे जाक्ब। मेको  
रागी कली निसाफ पथ जाक्ब। मेकोमी रागी  
नेल्ल कली ठीक पतीकेमी निसाफ पाइब। मिनु  
जात जात डा मुर आन कली थमा पा आन कुल  
मकोव्रथु निसाफ पाइब। भजन संग्रह ८२:८;  
पररित १७:३

परमपरभु नेल्ल क्येडा ठेयब बाक्ब

१ परमपरभु यावे पिप बाक्ब। रागी  
**९७** ग्येरसक्ल। डोन डोन डा रागी डा  
मुरपुकी यो ग्येरसीमल। भजन संग्रह ९३:१  
२ मेको आ एर आंथ गोस्स नु ठेयब छिड्छिड्  
बाक्ब। ठीक पतीके नु ठीक निसाफ मेको आ  
सासन पतीके जग बाक्ब। ३ मेको आ डांइडांइती  
मी लशा, आ एर आंथ डा जांरी सतरु नेल्ल आन  
कली दाक्ब। हबकुक् ३:४ ४ मेको आ चिलामी  
रागी नेल्ल हाम्सा दुम्ब। रागी रागी डा मुर  
मेको तशा खिरंखिर पाइनीम। ५ परमपरभु यावे  
आ डांइती डांडा मयीन खोंदंशो पा याइनीम।  
रागी नेल्ल परमपरभु यावे आ डांइती मोदंशो  
दुम्ब। यहासु ३:१३

६ मिनु स्वर्गम मेको आ ठीक पतीके नेल्ल  
कांइब। जात जात डा मुर नेल्लेमी मेको आ  
छेड्छेड्ड ताइनीम। भजन संग्रह ६७:५-६;  
यसैया २४:२१-२२ ७ मूर्ति पूजा पाइब नेल्ल मुने  
तोक्चा पुंडसीनीम। मूर्ति कली थमा सुइक्बपुकी  
मुन दोक्नीम। देवी देवता नेल्ल परमपरभु आ  
डांइती बाप्पीन। येरमीया ४६:२५; हिब्रू १:६

८ परमपरभु यावे आ निसाफ पशा नंशा, सियोन  
नु यहूदा डा सहर नेल्ल ग्येरसीनीम। ९ मारदे  
हना परमपरभु यावे, गे रागी डा नेल्ल क्येडा  
ठेयब बाक्नीनी। देवी देवता नेल्ल आन क्येडा  
गे शुश ठेयब बाक्नीनी। परस्थान १५:११

१० परमपरभु यावेमी मरिम्शो पतीक कली काइ मदाक्व मुर आन कली दाक्व। आ कली थमा सुइक्व आन कली कोव्रब। मेको आन कली आ अरशो मटीब आन गुइ र परांडब। ११ ठीक पाइब आन कली छेडछेड बाक्व। मिनु बरम्शो थुं पाइश्शो मुर आन कली ग्यरतीक बाक्व। १२ ठीक पाइबपुकी परमपरभु यावे नु ग्यरसीन। मेको कली “गे रिम्शो पाइब बाक्नीनी” दनीन।

परमपरभुमी वारच पाइब

कुम्सो का।

१ परमपरभु यावे कली नक कुम्सो का पय। मारदे हना मेकोमी छक लाक्वा डा गेय पाप्तु। मेको आ ठेयब सक्तिमी ग्रात। भजन संग्रह ३३:३; यसैया ५९:१६; यसैया ६३:५ २ परमपरभु यावेमी आ ग्रातीके कांडशा, आ श्यत रे परांडतीके रागी रागी आन डांडती कांडताक्व। ३ मेकोमी इसराएली आन कली आ गेना हना यो दाक्तीके नु आ दाक्शा मपरांडतीके कांडताक्व। रागी नेल्ल डा मुरपुकीमी आंड परमपरभुमे मेको आन कली श्यत रे परांडशो ताम्तेक्म। यसैया ५२:१०

४ रागी रागी डा मुर नेल्ल परमपरभु यावे कली ग्यरसीशा कुम्सो पने। साप्पा ग्यरसीशा मेको कली ठेयब सलीन। ५ गे ठेयब नु आइक्च तार पाइश्शो ताप्तीक ताप्शा परमपरभु यावे कली कुम्सो पा ठेयब सलीन। ६ आंड पिप, परमपरभु यावे आ डांडती ग्यरसीशा तुराही नु ग्राव्र ताप्पीन। भजन संग्रह ९३:१

७ समुन्दर नु मेकर बाक्व नेल्लेमी परमपरभु कली ठेयब सलीन। रागी नु रागीम बाक्व नेल्लेमी यो परमपरभु कली ठेयब सलीन। भजन संग्रह ९६:११-१३ ८ समुन्दर डा छालपुकीमी आन गुइ फरोक्वा माल्नीम। डांडा नेल्ल ग्यरसीशा परमपरभु यावे आ डांडती कालेम कुम्सो पने। ९ मारदे हना परमपरभु यावे रागी कली निसाफ पथ जाक्व। मेकोमी ठीक पा जात जात डा मुर आन कुल मकोव्रथु निसाफ पाइब।

परमपरभु यावे पिप बाक्व

१ परमपरभु यावे पिप बाक्व। जात जात डा मुरपुकी खिरंखिर पामेक्ल। मेको करूब आन तारी बाक्व। रागीम खिरनु कुल। भजन संग्रह ९३:१; भजन संग्रह १८:११ २ परमपरभु यावे सियानम ठेयब बाक्व। जात

जात डा मुर नेल्ल आन क्येडा ठेयब बाक्व। ३ मेको नेल्लेमी इन ठेयब नु हिंचा डा नें कली ठेयब सल्मेक्ल। परमपरभु यावे का ला बाक्व। ४ सक्ति पाइश्शो पिपम, ठीक निसाफ दाक्व, गे कुल मकोव्रथु, याक्व आ रागीमी ठीक पतीके नु ठीक निसाफ वाइक्तीनी। यसैया ९:६ ५ परमपरभु यावे, आंड परमपरभु कली ठेयब सलीन। आ खाइल थक्तीकेमी मान पने। मारदे हना मेको का ला परमपरभु बाक्व। भजन संग्रह १३२:७-८; इतिहास २८:२; बिलाप २:१

६ मोसा नु हारून मेको कली चदेब बाक्ताक्स। परमपरभु यावे कली पुंडशा लोत्र पाइब आन दातेमी सामुएल का यो बाक्त। मेकोपुकीमी परमपरभु यावे कली पुंडशा लोत्र पामेनु, मेकोमी मेको आन कली लोत्र लेश्शो बाक्त। ७ मेकोमी गोस्स के थाम रे पा मेकोपुकी नु लोत्र पशो बाक्त। मेकोपुकीमी मेको आ देशो नु आ फुल्लुम मुशा बरक्शा लोत्र टिशो बाक्तेक्म।

८ परमपरभु यावे, आंड परमपरभु, गे मेको आन कली लोत्र लेश्शो बाक्तीनी। गे मेको आन कली माफ गेब परमपरभु बाक्तीनी। गे मेको आन मरिम्शो पशो आ क्यक्क यो लेश्शो बाक्तीनी। परस्थान ३४:७ ९ परमपरभु यावे, आंड परमपरभु कली ठेयब सलीन। मेको कली आ डांडाम मान पने। मारदे हना परमपरभु यावे, आंड परमपरभु का ला बाक्व।

“रिम्शो पाइब बाक्व” दे पशो कुम्सो

परमपरभु कली “गे रिम्शो पाइब बाक्नीनी” दे चदेतीकेम पशो कुम्सो।

१ रागी रागी डा मुर नेल्ल परमपरभु यावे कली ग्यरसीशा कुम्सो पने। २ ग्यरसीशा परमपरभु यावे कली ठेयब सलीन। गे कुम्सो पना पन आ नेक्था लेने। ३ परमपरभु यावे का ला परमपरभु बाक्व, दे रुपीन। मेकोमी इं कली सेल्शो बाक्त, गो मेको आ मुर बाक्नय। गो मेको आ योव्रतीक डा भेडा बाक्नय। भजन संग्रह ९५:७

४ मिनु “गे रिम्शो पाइब बाक्नीनी” दे आ ठेयब लाप्पो रे ओव्रडीन। आ कली मान पा आ लाङ्गाम ठेयब सेल्तीक कुम्सो पने। मेको कली “गे रिम्शो पाइब बाक्नीनी” दे आ नें कली मान पा ठेयब सलीन। भजन संग्रह १०६:१ ५ मारदे हना परमपरभु यावे रिम्शो पाइब बाक्व। मिनु

आ गेना हना यो दाक्तीक लीब। मिनु आ दाक्शा मप्रांडतीक नेल्ल पाला सम्म बाक्ब।

पिप आ मिम्शो लोत्र

दाऊद आ कुम्सो।

१०१ परमपरभु यावे, गो इन दाक्शा मप्रांडतीक नु इन ठीक निसाफ पतीक आ पर्वम इन कली कुम्सो पाइनुड। २गो दोस मततीक लां शेंसीचा दाक्नुड। गो मंको गेना पनं चानुडा? गो आं खिमी रिम्शो थुं पाइश्शो मुर दुम्शा बाक्चा दाक्नुड। ३गो मारद मरिम्शो मिम्शा कोत्रचा मदाक्नुड। नोले शांडसीब आन पतीक काइ मदाक्नुड। गो मोदंशो मदुम्डल। हितोपदेस २०:२५, २६ ४दूली पतीक थुं आं क्येडा डेन बाक्चा माल्ब। मिनु गो मरिम्शो पतीक यो तुइक्चा मदाक्नुड। ५सु आ नेक्था डा मुर आन पर्वम मरिम्शो लोत्र पाइवा, गो मंको कली खतम सेल्लुड। ठेयब लेश्शो नु बोरशो थुं पाइश्शो मुर आन कली आं नेक्था बाक्चा मगनुड। ६गो रागी डा थमा सुइक्चा पुंडसीब मुर आन कली दाक्शा कोत्रनुड। मिनु गो नु बाक्चा गेनुडमी। सु सु दोस मततीक लां गाक्नीमी, मंको आन कली आं गेय पाइब सेल्लुडमी। हितोपदेस २२:११ ७दूली पाइब आन कली आं खिम बाक्चा मगनुडमी। जोल पाइबपुकी आं डांडती बाक्चा मताइनीम। ८गो सुनी कुस कुस रागीम बाक्ब परमपरभु आ अरशो लोत्र मटीब आन कली खतम सेल्लुडमी। मोपा परमपरभु यावे आ सहरम बाक्ब मरिम्शो पाइब मलीनीम। हितोपदेस २०:२६

श्येत जशा आस पशो

श्येत जाइबमी परमपरभु यावे आ डांडती पुंडशो।

१०२ परमपरभु यावे आं पुंडशो नेनीन। आं डाक्शा पुंडशो इन बाक्तीकम जाक्ल। २गो श्येत जडा नाक्ती इन कुल मखरुइक्तीन। गो बरेडडा नाक्ती आं लोत्र फरा लेत्तीनी।

३मारद हना आं नाक्त कुन बुद पा जाम्नीम। मिनु आं रुश नेल्ल ठेयब मीम नाप्शो सोदंशो पा चाशो बाक्नीम। ४आं थुं घांस सोदंशो पा बेक्ब। मोपतीक गो आं शाब्ले यो जने मचबु। ५हुकयी पा आं कुशुल नेल्ल रुशम क्येप्शो बाक्नीम। ६गो गोरशो रागी डा हुहुचील सोदंशो दुम्शो बाक्नुड। गो बरेश्शो खि आन दातेम

बाक्ब बुक्स सोदंशो दुम्शो बाक्नुड। ७गो इप्ने मचाप्पु, खिं तार आ का ला बाक्शो चिक्ब सोदंशो दुम्शो बाक्नुड। ८नेल्ल नाक्त आं जोरी सतरुमी आं कली शुक्शी पा बाक्नीम। आं कली शुक्शी पाइबपुकीमी आं नं थिशा साराप पाइनीम। ९मारद हना गो शाब्ले सोदंशो पा पुत्तु जाइनुड। मिनु परक्कु व्याइश्शो व्याक्कु तनुड। १०एको नेल्ल इन गाइक्तीकमी दुम्शो बाक्ब। मारद हना गे आं कली क्युकशा, ताइक्ताकयीनी। ११आं बरांडतीक नाक्त पयुक्शा, ताइक्ताकयीनी। मिनु गो घांस सोदंशो पा बेक्शो बाक्नुड। भजन संग्रह १०:५-६

१२परमपरभु यावे, गे गेना हना यो पिप बाक्नीनी। मिनु गे नेल्ल पाला सम्म बाक्नीनी। भजन संग्रह १३५:१३ १३गे बोक्शा, सियोन कली थमा पा शिशी पाइनीनी। मंको कली शिशी पतीक नाक्त जाक्शो बाक्ब। १४मारद हना इन गेय पाइबपुकीमी मेकर डा फुल्लु यो दाक्नीम। मिनु मेकर डा फुरक कली यो शिशी पाइनीम। १५रागी रागी डा मुरपुकी परमपरभु यावे आ नं नेंशा हिंनीम। रागी डा पिप नेल्ले मंको आ सक्ति तशा हिंनीम। १६मारद हना परमपरभु यावेमी सियोन कली लेंशा सेल्ल। मिनु आ छेडछेडमी गरूब। १७मंकोमी श्येत जाइब आन पुंडशो नंब। मिनु आन पुंडशो गेब।

१८एको लोत्र मुल जाक्ब पाला आन कली बरेक्चा माल्ब। मिनु नोले जरमबपुकीमी परमपरभु यावे कली ठेयब सेल्लनीम। १९मारद हना परमपरभु यावेमी इर आ बाक्तीक र कोत्रशो बाक्ब। परमपरभु यावेमी स्वर्ग र कोत्रशो बाक्ब। भजन संग्रह १४:२ २०मंकोमी ग्याइश्शा चोकचा पुंडसीशो आन हुकयी पशो नंब। मिनु साइक्चा पुंडसीब आन कली प्रांडब। २१मोपा “परमपरभु यावे ठेयब बाक्ब” दे सियोन डा मुर आन कली शंदमक्त। मिनु यरूसलेम डा मुरपुकीम मंको कली ठेयब सेल्लेक्त। २२मिनु जात जात नु राज्य राज्य डा मुर बुक्शा, परमपरभु यावे कली ठेयब सेल्लनीम। भजन संग्रह ८७:४; येरमीया ६०:३-१०; लूका १३:२९-३०

२३गो ठिटा बाक्ना बाक्न, परमपरभुमी आं सक्ति क्युम्ताकयी, आं बरांडतीक नाक्त क्युम्ताकयी। २४मिनु गो “आं परमपरभु, आं कली बेक्ची मजाक्थु, मलाइय्यीनी। इन नाक्त नेल्ल पाला सम्म लीनीम” देती। भजन संग्रह ५५:२४

२५ साइ डोंडती गे रागी आ जग सेल्शो बाक्तीनी। मिनु सरीङ इन गुइ डा गेय बाक्व। हिबरू १:१०-१२ २६ मको नेल्ल जाम्शा लाइनीम। तन्न गे गेना हना यो बाक्तीनी। मको रागी नु सरीङ वा खोंदंशो पा माइत दुम्शा जेक्तीम। गे फक्तीक वा फाइश्शो खोंदंशो पा, मको आन कली फाइक्तीनी। मिनु मकोपुकी जाम्शा लाइनीम। २पतरूस ३:१० २७ तन्न गे गेना हना यो खाल का डा बाक्तीनी। मिनु इन नाक्त गेनायो मनुप्तीम। २८ इन गेय पाइब आन चच युइ रिम्शो पा बाक्वा माल्तीम। मिनु आन चच युइ इन डोंडती बाल्यो दुम्शा बाक्तीम।

परमपरभु कली ठेयब सेल्शो

दाऊद आ कुम्सो।

१ आं थुं, परमपरभु यावे कली ठेयब सेलो।  
**१०३** मिनु गो आं थुं नेल्लेमी आ नें ठेयब सेल्लुङ। २ आं थुं, परमपरभु यावे कली ठेयब सेलो। मिनु इ कली रिम्शो पशो नेल्ल मपरंदो। व्यवस्था ४:९ ३ मकोमी इ मरिम्शो पशो नेल्ल क्याम्शा गेशो बाक्व। मिनु इ रोइ नेल्ल सापाइक्व। भजन संग्रह ३२:१ ४ मकोमी इ कली खतम दुम्तीक रे परांडब। इ कली आ गेना हना यो दाक्तीक नु शिशी पतीकमी कोत्रब। ५ मकोमी इ बरांडतीक नाक्त नेल्ल इ माल्शो खाण्शा गेब। मिनु इ बरांडतीक ककाकुली के खोंदंशो पालेंशा ठिट्टा सेल्ब। यसैया ४०:३१ ६ परमपरभु यावेमी दिप्चा पुंडसीशो नेल्ल आन कली वारच पा ठीक निसाफ पाइब। ७ मकोमी मोसा कली आ लां नु इसराएल डा मुर आन कली आ गेय कांडताक्व। परस्थान ३३:१३ ८ परमपरभु यावे शिशी पाइब नु रिम्शो पाइब बाक्व। मको रोब पा मगाइक्थु, आ गेना हना यो दाक्तीक शुश कांडब। भजन संग्रह ८६:१५ ९ मकोमी गेना हना यो “गे दूली पाइतीनी” मदेब। मिनु गेना हना यो मगाइक्व। यसैया ५७:१६ १० मकोमी इ पशो पाप आ पर्वम सजाइ मगेब। मिनु इ मरिम्शो पशो डा क्येक्क मलेण्ब। ११ रागी रे सरीङ दोशो इर बाक्वा, मोशोन आ गेना हना यो दाक्तीक आ कली मान पा हिंब आन कली पशो बाक्व। भजन संग्रह ३६:६; यसैया ५५:८-९ १२ नां दाप्तीक रे नां परतीक दोशो डोन बाक्वा, मोशोन आइ मरिम्शो पशो नेल्ल डोन तिल्ल्यो बाक्व। १३ आफोमी आ तमी तौ आन कली दोदंशो पा शिशी पाइबा, मोदंशो पा परमपरभु यावेमी

आ कली मान पा हिंब आन कली शिशी पशो बाक्व। लूका १५:११-२४ १४ मारदे हना गो दोपा सेल्सीशो बाक्तीकी, मकोमी तुइक्व। मकोमी गो फुरक ला बाक्तीक, दे यो तुइक्व। उत्पत्ती २:७; उत्पत्ती ३:१९

१५ मुर आन बरांडतीक घांस खोंदंशो बाक्व। रूमी बाइश्शो फू खोंदंशो पा बोइक्व। भजन संग्रह ९०:५-६; अय्युब ७:१० १६ मिनु फश पवानु, मको जाम्शा लाइब। मिनु आ बाक्तीक यो मनुइक्व। १७ तन्न परमपरभु यावे आ गेना हना यो दाक्तीक आ कली मान पा हिंब नु गेना हना यो लीब। मिनु आ ठीक पतीक आन तो चच आन पाला सम्म लीब। लूका १:५० १८ सु सुमी कबल पा, आ शेंशो टीनीमी, मकोपुकी नु आ गेना हना यो दाक्तीक लीब।

१९ परमपरभु यावेमी आ ठेयब निक्तीक स्वर्गम वोइश्शो बाक्व। मिनु स्वर्ग नु रागीम बाक्शो नेल्ल कली सासन पाइब। २० परमपरभु यावे आ स्वर्ग डा गेय पाइबपुकी, परमपरभु यावे कली ठेयब सेलीन। गे सक्ति पाइश्शो, आ दंशो टीबपुकी मको कली ठेयब सेलीन। यसैया ६:१-४; भजन संग्रह २९:१; भजन संग्रह १४८ :-; दानीएल ७:१० २१ गे स्वर्ग डा गेय पाइबपुकी परमपरभु यावे कली ठेयब सेलीन। आ गेय पाइब नेल्ल परमपरभु यावे आ दाक्शो पन। २२ परमपरभु यावे आ सासन पतीकमी बाक्शो, आ सेल्शो नेल्लेमी परमपरभु यावे कली ठेयब सेलीन। आं थुं, परमपरभु यावे कली ठेयब सेलो।

परमपरभु ठेयब बाक्व

१ आं थुं, परमपरभु यावे कली ठेयब  
**१०४** सेलो। परमपरभु यावे, आं परमपरभु गे थम ठेयब बाक्तीनी। ठेयब दुम्तीक नु मान ततीक इन के बाक्व। २ गे छेङ्छेङ्क कली वा फक्शो खोंदंशो पा फक्शो बाक्तीनी। मिनु सरीङ कली ताम्बु खोंदंशो पा प्राक्शा कीशो बाक्तीनी। ३ गे इन बाक्तीक डा थाम ब्वाक्कु तारी सेल्शो बाक्तीनी। गे गोस्स कली इन बग्गी सेल्शो बाक्तीनी। मिनु गे फश आ फरां तार डोइश्शो गाक्व बाक्तीनी। उत्पत्ती १:६-८; भजन संग्रह १८:१०-१२ ४ मिनु गे फश कली इन लोत्र चोत्रब नु मी कली इन गेय पाइब सेल्शो बाक्तीनी। हिबरू १:७ ५ रागी गेना यो महिम्सेक्ल, दे आ जग वोइक्तीनी। मत्ती २४:३५; परकाश २१:१ ६ गे मको कली वा बुद पा ब्वाक्कुमी सुम्तीनी। मिनु ब्वाक्कु डांडा तार सम्म जाक्कीश्शो बाक्त।

७ गे हुइक्तीनीनु, मेको परोक्व। इन बुंबु पशो संदामी मेको दोरोर पा लाइब। ८ मेको ब्वाक्कु डांडा ग्येत्य बारशा, दिम मर शाइक्व। मिनु इन देशो बाक्तीक सम्म लाइनीम। ९ मेको लेंशा रागी कली सुम्य मजाक्मल, दे गे सांद सल्टीनी। अय्युब ३८ :८-११ ; हितोपदेश ८ :२९

१० गे दिम मर ब्वाक्कु बुक्तीक सल्टीनी। मिनु मेको डांडा आन दात र शाइश्शा लाइनीम। ११ गे ब्वाकी डा जन्तु नेल्ल आन कली तूचा गेनीनी। ब्वाकी डा गधापुकीमी यो मेकर डा ब्वाक्कु तूशा, बरोइनीम। १२ मेको सोला आन नेक्था चिक्वपुकीमी आन ग्योत्र सल्टीनीम। मिनु राशीम बाक्शा कुम्सो पाइनीम। १३ इन इर डा बाक्तीक रे रउ यिपाइश्शा डांडा आन कली जिप्पाइक्तीनी। इन गेय पशोमी रागी नेल्ल ग्येसीनीम।

१४ गे बी ब्यफ आन कली घांस वापाइक्तीनी। मिनु सप रे मुर आन कली जचा थोत्रक वापाइक्तीनी। १५ मिनु गे मुर आन थुं ग्येरपाइक्वा कली अङ्गुर सिप्पाइक्तीनी। मिनु आन कुल दारपाइक्वा कली तेल नु आन रां बोल्यो सेल्ला कली शोब्ले गेनीनी। १६ परमपरभु यावे आ खरुम्शो लेबानोन डा लाइश्शा रवा शुश ब्वाक्कु ताइब बाक्तीमी। १७ मेकर चिक्वमी आन ग्योत्र सल्टीनीम। मिनु ठेयब बुश चिक्वपुकीमी सला रवाम आन ग्योत्र सल्टीनीम। १८ लाइश्शा डांडापुकी ब्वाकी डा क्यारश आन कली बाक्तीमी। संरथ फुल्लु आइक्च जन्तु आन खरुइक्तीक बाक्तीमी।

१९ मिनु गे बसो नु हिंउद कोइचा कली तास्तु सल्टीनी। नांमी आ दाप्तीक परतीक तुइक्व। भजन संग्रह ७४ :१६ २० गे छिउछिउ सल्टीनी। मिनु नाक्दो दुम्ब। मेना ब्वाकी डा जन्तु गरुनीम। २१ मिनु गुप्स आ चाइक्वपुकीमी सिस्तर माल्शा, गरीशा आन जचा थोत्रक परमपरभु आ गुइ रे पुंइनीम। २२ मिनु नां दाम्बेनु, मेको आन पुक्सीम लशा, खरुइश्शा गोलीनीम। २३ मुरपुकी चहिं आन गेय पथ लाइनीम। मिनु नाक्दो सम्म गेय पाइनीम।

२४ परमपरभु यावे, इन गेय ठेयब नु शुश बाक्तीमी। गे जोक्व तुइक्व दुम्शा, नेल्ल सल्टीनी। रागी नेल्ल इन सल्लो मारइ मारइम बरीशो बाक्व। उत्पत्ती १ :३१ २५ मेकर ठेयब नु बरेम्शो समुन्दर बाक्व। मिनु मेकर हिकने मचाप्चा डा पा ठेयब नु आइक्च जन्तु रमल ग्यमल पा बाक्तीमी। २६ मेकर र जहाजपुकी यो

गाक्तीमी। मिनु गे मेकर ग्यारचा कली लेव्याथन यो सल्टीनी।

२७ मिनु मेको नेल्लेमी “जचा थोत्रक गेकी” दे इन कली कोत्रनीम। भजन संग्रह १४५ :१५-१६ २८ गे मेको आन कली गेनीनु, मेकोपुकीमी सुप्नीम। इन मुठी पराक्तीनु, मेकोपुकी बरोत्रशो नु रिम्शा थोत्रकीमी रूनीम। २९ मिनु इन कुल खरुइक्तीनीनु, मेकोपुकी श्यत जाइनीम। मेको आन सोक्त लाइक्तीनु, मेकोपुकी बक्तीमी। मिनु लेंशा फुरक दुम्नीम। उत्पत्ती ३ :१९ ३० मिनु इन सोक्त साइश्शा, मेको आन कली सल्टीनी। मिनु गे रू आन कली लेंशा सल्टीनी।

३१ परमपरभु यावे आ सक्ति गेना हना यो लीशा बाक्ल। परमपरभु यावे आ गेय तशा, आंमा ग्येरसक्ल। ३२ गे रागी कली कोत्रनीनु, मेको खिरखिर पाइब। गे डांडा कली थिनीनु, कुन गरुब। ३३ गो बरोइडा सम्म परमपरभु यावे कली कुम्सो पना पन बाक्नुड। गो मबेक्डा सम्म आं परमपरभु कली ठेयब सल्ला, कुम्सो पना पन बाक्नुड। ३४ मेकोमी आं मिम्शा दाक्तल। मारदे हना गो परमपरभु यावे कली मिम्शा ग्येसीनुड। ३५ पाप पाइबपुकी रागी रे क्याम्चा पुंइसीमल। मिनु आ अरशो मपाइबपुकी मलीमल। आं थुं परमपरभु यावे कली ठेयब सलो। परमपरभु यावे कली ठेयब सलो।

परमपरभु कली मान पतीक

१०५

१ परमपरभु यावे कली “गे रिम्शा पाइब बाक्तीनी” दे लोत्र पने। जात जात डा मुर आन कली परमपरभु आ पशो तुइक्वतीनी। इतिहास १६ :८-२२ २ मेको कली कुम्सो पने। मेको कली ठेयब सल्टीक कुम्सो पने। मुर आन कली आ पशो छक लाक्चा डा गेय शंदीन। ३ गे परमपरभु आ नें तुइक्तीक ग्येसीन। परमपरभु यावे कली माल्ब आन थुं ग्येसीमल। ४ गे परमपरभु यावे नु आ सक्ति मालीन। गे गेना हना यो मेको आ नेक्था बाक्चा मालीन। ५ गे मेको आ पशो रिम्शा गेय मिम्तीन। आ छक लाक्चा डा गेय नु आ निसाफ पशो मिम्तीन। ६ मेको आ गेय पाइब अबराहाम आ चच गुइ नु याक्व आ तौपुकी, आ योत्रशो नेल्ल मिम्तीन।

७ मेको परमपरभु यावे, आंइ परमपरभु बाक्व। मेको आ निसाफ रागी नेल्ल कली बाक्व। ८ मेकोमी आ पशो कबल गेना हना यो मिम्ब। आ देशो लोत्र हजार हजार पाला सम्म मिम्ब। ब्यवस्था ७ :९ ९ मेकोमी अबराहाम नु मेको

कबल पशो बाक्त। मिनु इसहाक नु यो थोक्शा लोत्र पशो बाक्त। १०मकोमी आ फुल्लुम मुशा बरेक्शो लोत्र याकूब कली गेशो बाक्त। मिनु मेको इसराएल कली गेना हना लीब कबल बाक्ब। ११मकोमी “गो इ कली कनान रागी गेनुड। मेको इन क दुम्ब” देशो बाक्त। उत्पत्ती १२:७ १२मना मेको आन कली हिक्शानु, इच्का खाइ ला बाक्मा बाक्त। मिनु मेकर अर्को रागी डा मुर यो बाक्मा बाक्त। १३मेकोपुकी रागी का रे अर्को रागी नु राज्य का रे अर्को राज्य पा हिरना हिरन बाक्बाक्मा बाक्त। १४परमपरभुमी मेको आन कली सुइमी श्येत गेचा मगेमी बाक्त। मिनु मेको आन परबम पिप आन कली हुइक्तीमी बाक्त। गन्ती २३:७-१० १५मेकोमी “आं तेल लुक्शो आन कली मथिन। आं लोत्र पाइब आन कली मोरेइ मपतीन” दे हुइक्तीमी बाक्त।

१६मिनु परमपरभुमी मेको रागीमी अन्काल सोइश्शा, अन्न नेल्ल खतम सेल्शा, उत्पत्ती ४१:५४ १७मुर का कली मेको आन डांइती सोइक्ता बाक्त। मेको योसेफ वाइल सेल्वा कली लेयचा पुंडसीशो बाक्त। उत्पत्ती ३७:२८ १८मिनु मेको कली आ सोइलीम साडलो पाइश्शा, आ शुरमी फलाम के साडलो पाइक्तमे बाक्त। १९मिनु योसेफ आ लोत्र थमा मदुम सम्म, परमपरभु यावेमी मेको कली वारच पवा बाक्त। २०मिनु पिपमी मुर सोइश्शा, मेको कली परोना बाक्त। जात जात डा मुर आन कली सासन पाइबमी मेको कली परोना बाक्त। उत्पत्ती ४१:१४ २१मिनु मेकोमी योसेफ कली आ दरवार डा ठेयब मुर सेल्वा, आ शोप नेल्ल आन होत्रप सेला बाक्त। २२मिनु आ आइक्च हुकुम पाइब आन कली शेंचा नु खाल्पा आन कली तुइक्ब सेल्वा कली योसेफ कली वोदा बाक्त।

२३मिनु इसराएल डा मुर इजीप्तीमी ओत्रमा बाक्त। मिनु याकूब हाम आ रागीमी बाक्ब दुम्माक्त। उत्पत्ती ४६:१-७ २४मिनु परमपरभु यावेमी आ मुर आन कली शुश साशा बोशा सेल्मी बाक्त। मिनु मेको आन कली आन जोरी सतरु आन क्यडा बोल्थो सेल्मी बाक्त। परस्थान १:७-१२ २५परमपरभुमी इजीप्ती आन थुं इसराएली आन कली काइ मदाक्ब सेल्मी बाक्त। मिनु इसराएली आन कली काइ मरिम्शो पाइब सेल्मी बाक्त।

२६मिनु परमपरभुमी आ योत्रशो गेय पाइब मोसा नु हारून आस कली मेकर सोइक्ता

बाक्त। परस्थान ३:१०; परस्थान ४:१४-१६ २७मेको निक्शीमी हाम आ रागी डा मुर आन दातेमी परमपरभु आ चिन्ड नु छक लाक्चा डा गेय कांइदस बाक्त। परस्थान ७:१२:- २८मेकोमी छिड्छिड् सोइक्ता बाक्त। मिनु मेकर छिड्छिड् दुम्माक्त। तन्न मेकोपुकीमी मेको आ लोत्र मटीम बाक्त। २९मेकोमी मेको आन ब्याक्कु हुश सेलानु, मेकर डा डांइ नेल्ल बेक्मा बाक्त। ३०आन रागीमी करुक्करुपुकी जाक्शा, आन पिप आन बाक्तीक सम्म जाक्दीम्मा बाक्त। ३१परमपरभुमी लोत्र पवानु, आन रागी भुस्ना नु चुरमुमी बरीमा बाक्त। ३२मेकोमी रेड आ पा डा मुप्स यिपदा बाक्त। मिनु मेको रागी नेल्लेमी चिला दाप्पदा बाक्त। ३३मिनु मेकोमी आन अडगुर बोट नु फोत्रशी रवा नेल्ल खतम सेल्शा, रागी नेल्ल डा रवा फस पोक्शा बाक्त। ३४मेकोमी लोत्र पवानु, माले जाक्मा बाक्त। हिक्ने मचाप्चा डा पा माले नु आन चाइक्ब शुश जाक्मा बाक्त। ३५मेकोपुकीमी मेको रागी डा बाक्शा गिग नु फल फुल नेल्ल नेक्गम बाक्त। ३६मिनु मेकोमी आन डांइती थिशो तौ सदा बाक्त। आन डांइती डा बोल डा आल खतम सेला बाक्त।

३७मिनु नोले परमपरभुमी इसराएली आन कली सुन चांदी कुरपाइश्शा मेक रे गरुंडदीमी बाक्त। मिनु मेको रे गरुब नेल्ल बोल्थो बाक्मा बाक्त। परस्थान १२:३५ ३८मिनु इजीप्ती रागी डा मुरपुकी इसराएलीपुकी गरुशा लमानु, शुश ग्यरसामा बाक्त। मारदे हना मेको आन कली तथा शुश हिंशो बाक्मा बाक्त। ३९मिनु परमपरभुमी आ मुर आन कली सुम्चा कली गोस्स सोइक्ता बाक्त। मिनु नाक्दो गाक्चा कली मी के थाम गेमी बाक्त। परस्थान १४:२० ४०मेको आन पुंडतीक मेको आन कली चिक्ब गेमी बाक्त। मिनु सरीड रे जचा थोत्रक यिपदा बाक्त। परस्थान १६:१३-१५ ४१मेकोमी सेरथे फुल्लु रे ब्याक्क बुक्पदा बाक्त। मिनु मेको गारशो रागीमी खोला खोदंशो पा शांडस बाक्त। परस्थान १७:६ ४२मारदे हना परमपरभुमी आ थोक्शा पशो लोत्र नु आ गेय पाइब, अब्राहाम कली मिम्ता बाक्त।

४३मोपा परमपरभुमी आ योत्रशो मुर आन कली ग्यरपाइश्शा गरुंडदीमी बाक्त। मिनु मेकोपुकी कुम्सो पा गरुमा बाक्त। ४४मिनु परमपरभुमी रागी रागी डा मुर आन रागी नु आन शोप मेको आन कली गेमी बाक्त।

१५ मकोपुकीमी परमपरभुमी फुल्लुम मुशा बरकशो लोत्र, आ अरशो लोत्र टीमक्ल, दे मोदंशो पवा बाक्त। परमपरभु यावे कली ठेयब सेलीन।

ठेयब सेल्लिके

१ परमपरभु यावे कली ठेयब सेलीन।  
**१०६** गपुकीमी "गे रिम्शो पाइब बाक्नीनी" दे लोत्र पन। मारदे हना मको रिम्शो पाइब बाक्ब। मिनु आ दाक्तीके गेना हना यो लोब। भजन संग्रह १०० : ४-५ ; परस्थान १०७ : १ ; परस्थान ११८ : १ ; इतिहास १६ : ३४ २ सुमी परमपरभु यावे आ सक्ति पाइशो गेय आ पर्वम दंने चाप्पा डा ? सुमी मको कली ठेयब सेल्लिके नेल्ल दंने चाप्पा डा ? यूहन्ना २१ : २५ ; हिब्रू ११ : ३२ ३ सु सुमी ठीक पा निसाफ पाइनीमी नु गेना हना यो ठीक बाक्नीमी, मको ग्यरसीशो मुर बाक्नीम।

४ परमपरभु यावे, गे इन मुर आन कली शिशी पनी ना, आं कली यो मिम्तीन। मको आन कली परांडनीनु, आं कली यो वारच पन। ५ मिनु मोपा गो इन योत्रशो मुर आन रिम्शो पा बाक्शो तने चाप्नुड। मिनु इन मुर ग्यरसीशा बाक्शो तशा, ग्यरसीनुड। गो इन योत्रशो मुर दुम्शा ग्यरसीनुड।

६ गोपुकी नु आंइ किकी पिपीम पाप पाइतक। गोपुकीमी मरिम्शो पा इन अरशो लोत्र मटिक। दानीएल ९ : ५ ७ इज्जीप्त रागीम बाक्शो आंइ किकी पिपीम इन छुक लाक्चा डा गेय ममिम्शो बाक्तेक्म। मिनु इन शुश गेना हना यो दाक्तीके परंशो बाक्तेक्म। मिनु लल समुन्दरमी नेल्ल क्यडा ठेयब कली गाइशो लोत्र पशो बाक्तेक्म। परस्थान १४ : ११-१२ ८ मोदंशो पांमतेक्म हना यो, परमपरभुमी आ नं आ पर्वम मको आन कली श्यत र परांडशो बाक्त। मोदंशो पा आ ठेयब सक्ति कांडशो बाक्त। ९ मकोमी लल समुन्दर कली हुइक्वानु, सोत्रशो बाक्त। मिनु मको आन कली गोरशो रागी सोदंशो पा, समुन्दर डा तां र सुल्शो बाक्त। १० मिनु मको आन कली आन जोरी सतरु आन गुइ र परांडशो बाक्त। मोपा आ परांडशो मुर दुम्शो बाक्तेक्म। ११ मको व्याक्कुमी आन जोरी सतरु आन कली सुम्शा साइशो, का यो मलीशो बाक्तेक्म। १२ मिनु नोले आ दंशो थमा सुइशो बाक्तेक्म। मिनु परमपरभु कली ठेयब सेल्लिके कुम्सो पशो बाक्तेक्म। परस्थान १५ : २१

१३ तन्न मकोपुकीमी परमपरभु आ पशो रीब पा परंशो बाक्तेक्म। मको आ अर्ती नंचा मविशो बाक्तेक्म। १४ मिनु मकोपुकी गोरशो रागीम बाक्मानु, आन शोत्र रक सुइशो बाक्त। मिनु परमपरभु कली गोरशो रागीम नाक्शा कोत्रशो बाक्तेक्म। गन्ती ११ : ४-६ १५ मिनु परमपरभुमी मको आन पुइशो गशो बाक्त। तन्न मको आन दातेमी बेक्तीक रोइ सोइशो बाक्त।

१६ मिनु मकोपुकीमी परमपरभु यावे र पा योत्रसीशो मोसा नु हारून आस कली गेह पशो बाक्तेक्म। गन्ती १६ : ३-३ १७ मिनु रागी जेशशा, दाथान कली दाक्शो बाक्त। मिनु अबीराम आ हुल कली सुम्शो बाक्त। गन्ती १६ : ३१-३५ १८ मिनु मको आन दातेमी मी गरूशा, परमपरभु आ अरशो मपाइब आन कली ग्राव गरु दाक्शो बाक्त।

१९ मकोपुकीमी होरेब डांडाम बाछा का सेल्शा, मको मूर्ति कली पूजा पशो बाक्तेक्म। परस्थान ३२ : १-६ २० मकोपुकीमी आन मान पशो परमपरभु आ पा डा घांस ब्याइब ब्यफ आ मूर्ति कली ठेयब सेल्शो बाक्तेक्म। रोमी १ : २३ २१ मकोपुकीमी आन कली श्यत र परांडब नु इज्जीप्तम ठेयब गेय पाइब आन परमपरभु कली परंशो बाक्तेक्म। ब्यवस्था ३२ : १८ २२ मकोमी हाम आ रागीमी छुक लाक्चा डा गेय नु लल समुन्दर आ नेक्था शुश हिंचा डा गेय पशो बाक्त। २३ मोपतीक मकोमी "मको आन कली खतम सत्नुड" दे मिम्शो बाक्त। तन्न आ योत्रशो मुर मासामी "मको आन कली मोदंशो मपचा" दे पुंइशो बाक्त। मिनु आ गाइशो नाइशो बाक्त। परस्थान ३२ : ११, ३२ ; ब्यवस्था ९ : २५-२९ ; इज्जीकीएल १३ : ४-५

२४ मिनु नोले मकोपुकीमी परमपरभु आ गेशो रागी मदाक्शो बाक्तेक्म। आ थोक्शा पशो लोत्र थमा मसुइशो बाक्तेक्म। गन्ती १४ : २-४ ; ब्यवस्था ८ : ७-१० २५ मकोपुकीमी आन ताम्बुम गन गन पशो बाक्तेक्म। मिनु परमपरभु यावे आ दंशो मटिशो बाक्तेक्म। २६ मोपतीके मको आन कली "गो इन कली गोरशो रागीम साइक्नुड। २७ मिनु इन चच युइ आन कली रागी रागीम फराइनुड" दे कसम जशो बाक्त।

२८ मिनु मकोपुकीमी पेओर डा बाल कली पूजा पशो बाक्तेक्म। मिनु बेक्शो मुर आन कली चदेशो जशो बाक्तेक्म। गन्ती २५ : ३ २९ मकोपुकीमी आन पतीकेमी परमपरभु कली गाइवपाइशो बाक्तेक्म। मिनु मको आन

दातेम बेक्तीक रोइ गरूशो बाक्त। ३०मिनु फिनेहास बोक्शा परमपरभु कली पुंडशा बाक्त। मिनु मेको मुर बेक्तीक रोइ नांडसीशो बाक्त। गन्ती २५:१२-१३ ३१मेको आ पुंडतीक इसराएलीपुकीमी “फिनेहास ठीक पाइब बाक्ब” दे शुश पाला सम्म मिम्शा बाक्तेकम। ३२मेकोपुकीमी मरीबा डा ब्याक्कु आ नक्था परमपरभु कली गाइक्पाइइशा बाक्तेकम। मोपतीक मेको आन पबेम मोसा कली मरिम्शो दुम्शा बाक्त। गन्ती २०:२-१३ ३३मेकोपुकीमी मोसा कली गाइक्पदमेनु, मासाम मरिम्शो लोत्र पशो बाक्त।

३४ मिनु मेकोपुकीमी परमपरभु यावे आ दंशो खोदंशो पा जात जात डा मुर आन कली मसदमे बाक्त। ब्यवस्था ७:१२; ब्यवस्था १२:२-३; न्यायाधीस १:२८; न्यायाधीस २:२३-३:६ ३५मेकोपुकीमी रागी रागी डा मीश आल आन कली ग्युंबे पामे बाक्त। मिनु रागी रागी डा मुर आन पशो यो पामे बाक्त। ३६मेकोपुकीमी मेको आन मूर्ति आन कली पूजा पामे बाक्त। मिनु मेको आन कली ग्याइल खोदंशो दुम्माक्त। ३७मेकोपुकीमी आंम तमी तौ वोल आन कली चढेमे बाक्त। २राजा २१:६,१६ ३८मेकोपुकीमी आन पाप मपशो तमी तौ आन कली कनानी आन मूर्ति कली चढेशा, आन हुश जारदमे बाक्त। मेको आन हुशमी मेको रागी गरांगरा दिशो दुम्माक्त। ३९मोपा मेको आन गयम पतीक गरांगरा दिशो दुम्शा, तेल्लेम खोदंशो दुम्मा बाक्त।

४०मोपतीक परमपरभु यावे आ मुर नु गाइक्ता बाक्त। आ योत्रशो मुर आन कली तशा गरांगरा दिमाक्त। ४१मिनु मेकोमी मेको आन कली रागी रागी डा मुर आन गुडम गेमी बाक्त। मिनु मेको आन जोरी सतरूम मेको आन कली सासन पामे बाक्त। न्यायाधीस २:१४ ४२मिनु आन जोरी सतरुमी मेको आन कली दिप्शा, आन सक्तिम हुकुम पामे बाक्त। ४३मिनु परमपरभुमी मेको आन कली शुश खेयप परांडमी बाक्त। तन्न मेकोपुकीमी गेनायो परमपरभु कली मटीमे बाक्त। मेको आन मरिम्शो पतीकमी खतम दुम्मा बाक्त। ४४तन्न परमपरभुमी मेको आन डाक्शो नंशा, आन श्येत जशा रे परांडमी बाक्त। ४५मिनु मेकोमी मेको आन कली पशो कबल मिम्ता बाक्त। मिनु मेको आ गेना हना यो शुश दाक्तीक डा शिशी कोंडदीमी बाक्त। ४६मिनु परमपरभुमी इसराएली आन कली सासन पाइब आन शुंमी शिशी पतीक कुर पवा बाक्त।

४७मिनु गे “परमपरभु यावे, आंड परमपरभु, आंड कली परोनीन। मिनु इन कली गे रिम्शा पाइब बाक्नीनी” देचा कली नु इन नें ठेयब संल्शा ग्यरसीचा कली आंड कली रागी रागी रे सुप्तीन। ब्यवस्था ३०:३; १इतिहास १६:३५

४८परमपरभु यावे, इसराएली आन परमपरभु गेना हना यो ठेयब बाक्ल। मिनु मुरपुकीमी भोदंशो दुम्ल। आमन’ दनीन” परमपरभु यावे ठेयब बाक्ब। भजन संग्रह ४१:१४; १इतिहास १६:३६

“गे रिम्शा पाइब बाक्नीनी” दंशो

१गे परमपरभु यावे कली “गे रिम्शा १०७ पाइब बाक्नीनी” दे कुम्सो पने। मारदे हना मेको आ दाक्तीक गेना हना यो लीब। भजन संग्रह १०६:१ २परमपरभु यावेमी श्येत रे परांडचा पुंडसीशोपुकीमी मोपा कुम्सो पचा माल्नीम। ३मेको आन कली रागी रागी रे सुप्ताकमी। पूर्व, पच्छिम, उत्तर, दक्खिन नु ब्याक्कु बुक्तीक रे नु ब्याक्कु शाइक्तीक रे सुप्ताकमी।

४का निक्शी गोरशो रागी मेर हिरशा, मुर बाक्तीक सहर मथिदमे। ५मेकोपुकी जचा त्चा मतथु बेक्चा चिक्ताकमे। ६मोपा श्येत जशा, परमपरभु यावे कली पुंडतेकमे। मिनु मेकोमी मेको आन कली आन श्येत रे परांडतु। ७मेकोमी मेको आन कली पित्थ लांम सुल्तीमी। मिनु मुर बाक्तीक सहरम चाक्दीतीमी। ८मेकोपुकीमी परमपरभु यावे कली “गे रिम्शा पाइब बाक्नीनी” देचा माल्नीम। मारदे हना मेकोमी मुर आन कली गेना हना यो दाक्शा, मेको आन कली वारच पा, छक लाक्चा डा गय पाइब। ९मेकोमी त्तू दाक्ब आन कली त्पाइक्ब। मिनु शोव्रतु बेक्शो आन कली बरोत्रशो जचा थोत्रकमी रूपाइक्ब। लूका १:५३

१०का निक्शी श्येत जशा छिड्छिड्छिम बाक्तेकमे। चोक्चा पुंडसीशोपुकी साडलोम पाइक्चा पुंडसीशा, श्येत जशा बाक्तेकमे। ११मारदे हना मेकोपुकीमी परमपरभु आ लोत्र मटिशो बाक्तेकमे। नेल्लेन क्येडा ठेयब आ अर्ती मननेम। १२मोपतीक मेकोपुकीमी शुश गय पचा माल्तेकमे। मेकोपुकी गोल्तेकमे। तन्न मेको आन कली वारच पाइब सुइ मबाक्म। १३मोपा श्येत जशा, परमपरभु यावे कली पुंडतेकमे। मिनु मेकोमी मेको आन कली आन श्येत रे परांडतु। १४मेकोमी मेको आन कली आन श्येत

नु छिडछिड रे गरुंडताकमी। मिनु मेको आन साडलो परोइकतु। १५ मेकोपुकीमी परमपरभु यावे कली “गे रिम्शो पाइब बाकनीनी” देचा माल्नीम। मारदे हना मेकोमी मुर आन कली गेना हना यो दाकशा, मेको आन कली वारच पा, छक लाकचा डा गेय पाइब। १६ मेकोमी कांसा क लाप्चोपुकी परोत्व। मिनु फलाम के बार जिक्व।

१७ का निक्शो मूर्ख दुश्शा, आम आन मरिम्शो पतीकमी श्यत जास्तकम। १८ मेकोपुकीमी जचा थोत्रक ग्रांगरा दिशा, मारइ जत मदाकम। मिनु बेकचा चिकताकम। १९ मोपा श्यत जशा, परमपरभु यावे कली पुंडितकम। मिनु मेकोमी मेको आन कली आन श्यत रे परांडतु। २० मेकोमी आ लोत्र सोइश्शा, मेको आन कली सापाइकतु। मेको आन कली बेकचा रे परांडतु। २१ मेकोपुकीमी परमपरभु यावे कली “गे रिम्शो पाइब बाकनीनी” देचा माल्नीम। मारदे हना मेकोमी मुर आन कली गेना हना यो दाकशा, मेको आन कली वारच पा, छक लाकचा डा गेय पाइब। २२ मेकोपुकीमी “गे रिम्शो पाइब बाकनीनी” दे चदमकल। मिनु परमपरभु आ पशो नेल्ल ग्येरशा कुम्सो पा शंदमकल।

२३ का निक्शो जहाज डोइश्शा, समुन्दरम लास्तकम। मेकोपुकी ग्याप्च लेयब दुश्शा, ठेयब समुन्दरम गाक्तकम। २४ परमपरभु यावेमी ठेयब समुन्दरम मार मार छक लाकचा डा गेय पवा, मेको ताम्तकम। २५ मिनु मेकोमी अरशा, ठेयब फश गिवार पपाइकतु। मिनु ठेयब समुन्दर आ छाल पोक्तु। २६ मेकोपुकी सरीड सम्म जाकदीत्तकम। मिनु लेशा ठेयब समुन्दरमी दोक्तकम। मिनु मेकोपुकी शुश हिंशा वाम ग्याम दुम्तकम। २७ मिनु मेकोपुकी दुक्शा मुर खोदेशो पा गोल्ला चिकशा गाक्तकम। मिनु मारइ पने मचाप्च दुम्तकम। २८ मोपा श्यत जशा, परमपरभु यावे कली पुंडितकम। मिनु मेकोमी मेको आन कली आन श्यत रे परांडतु। २९ मेकोमी फश गिवार दिक्पाइकतु। मिनु ठेयब समुन्दर आ छाल दिक्तकम। ३० मिनु फश गिवार दिक्मनु, मेकोपुकी ग्येरसाकम। मिनु मेकोमी मेको आन कली आन जहाज नाइक्तीकम चाकदीत्तु। ३१ मेकोपुकीमी परमपरभु यावे कली “गे रिम्शो पाइब बाकनीनी” देचा माल्नीम। मारदे हना मेकोमी मुर आन कली गेना हना यो दाकशा, मेको आन कली वारच पा, छक लाकचा डा गेय पाइब। ३२ मेकोपुकीमी मुर आन गरुम्तीकमी परमपरभु कली ठेयब

सेल्मेकल। खाल्पा आन दातेमी “परमपरभु ठेयब बाकब” देमल।

३३ मेकोमी खोला आन कली गोरशो रागी सेत्व। ब्याक्कु बुक्तीक आन कली सोत्रशो रागी दुम्पाइकब। ३४ मेकोमी गरुत्व रू कली हिक्सी रू सेत्व। मारदे हना मेकर बाकब मुर आ अरशा मटीब बाकनीम। उत्पत्ती १९ :२४-२५ ३५ मेकोमी गोरशो रागी कली दोम्ती बाकशो रागी सेत्व। मिनु थाम्पा सोत्रशो रागीम शुश ब्याक्कु बुक्पाइकब। ३६ मेकर शोत्रतु बेक्शो मुर आन कली बाकचा गेब। मिनु मेकोपुकीमी मेकर बाक्तीक सहर सेल्नीम। ३७ मेकोपुकीमी रूमी वांचेर शोक्नीम। अडगुर खरुम्नीम। मिनु मेको नेल्ल शुश गरुल्नीम। ३८ मेकोपुकी परमपरभु आ आसीक तशा, सोशा बोशा दुम्नीम। मिनु आन बी ब्यफ आन कली यो शुश दुम्पाइकब।

३९ मिनु मेकोपुकी दिप्चा पुंडसीतीके नु श्यत जतीके शुश मलीशो बाक्तकम। ४० मिनु परमपरभुमी मेकर डा हुकुम पाइब आन कली लां मबाक्शो गोरशो रागीम गाक्पाइक्तीमी। अय्युब १२ :२१ ४१ तन्न मेकोमी श्यत जाइब आन कली श्यत रे परांडब। मिनु मेको आन खिं डा मुर आन कली मेडा आन हुल खोदेशो पा शुश सेत्व। ४२ मिनु रिम्शो थुं पाइश्शा मुरपुकी मेको तशा, ग्येरसीनीम। मिनु परमपरभु आ अरशा मटीब कोत्रस डा कोत्रस दुम्शा ब्याक्ने मचाप्नीम। अय्युब २२ :१९-२० ४३ सु जोक्ब तुइकब बाकम, मेकोमी एको लोत्र खबल। मिनु परमपरभु यावे आ गेना हना यो दाक्तीक आ पर्वम मिम्तल।

ठेयब सेल्तीक कुम्सो

दाऊद आ कुम्सो।

१ परमपरभु, गो थमा सुइकब दुम्ती। गो १०८ थमा पा इन नोले खोइकब दुम्ती। गो ताप्तीक ताप्शा कुम्सो पाइनुड। आं थुं मुल संसो! मञ्जन संग्रह ५७ :५-१२ २ ठेयब तार पाइश्शा ताप्तीके नु बीना बोक्कीस। गो सुनी कली संपाइक्नुड। ३ परमपरभु यावे गो जात जात डा मुर आन दातेमी इन कली “गे रिम्शो पाइब बाकनीनी” देनुड। मिनु रागी रागी डा मुर आन दातेमी इन कली ठेयब सेल्शा कुम्सो पाइनुड। ४ मारदे हना इन गेना हना यो दाक्तीक सरीड खोदेशो ठेयब बाकब। मिनु इन दाकशा

मप्रांडितीके गोस्स खोदेशो पा इर डोन लाइब।  
भजन संग्रह ३६:६; भजन संग्रह ५७:११

५ परमपरभु, गे सरीड क्यंडा यो ठेयब  
बाक्नीनी। इन छेड्छेड् रागी नल्ल आन तार  
बाक्ल। ६ मिनु इन सक्तिमी आंड कली वारच  
पने। मिनु आं लोत्र लत्तीनी। इन दाक्शोपुकी  
ब्रांडमल। भजन संग्रह ६:७-१४

७ परमपरभुमी आ बाक्तीक रे "गो ग्यरसीशा  
शेकम कली योक्नुड। मिनु सुक्कोथ डा दिम  
पुक्शा, योक्नुड। ८ गिलाद आं के बाक्ब। मिनु  
मनस्स यो आं केन बाक्ब। एफ्राइम आं फलाम  
के ताकी बाक्ब। यहूदा आं राज दन्ड बाक्ब।  
९ मोआब आं ब्वाक्कु तेम्तीक बोस बाक्ब। गो  
एदोम तार आं जुता ब्वानुड। गो पतिस्ती आन  
कली गराशा, ग्यरशा गरीनुड" दंत।

१० सुम आं कली गारो हिरशो सहर सम्म  
चाक्दीप्वा? सुम आं कली लां कांडशा एदोम  
सम्म चाक्दीप्वा? ११ परमपरभु गे आंड कली  
प्रांडितीनी। मुल गे आंड लडाइ पाइब नु  
मगाक्नीनी। १२ गे आंड जोरी सतरु आन कली  
फरुचा कली वारच पने। मारदे हना मुर आन वारच  
पशो शोर गाक्शो बाक्ब। १३ गो परमपरभु आ  
वारच पशोम ला गरानीकी। मिनु मेकोमी आंड  
जोरी सतरु आन कली दिम्ब।

क्येक्क लेत्वा कली पुंडशो लोत्र

कुम्सो पपाइक्ब कली दाऊद आ कुम्सो।

१०९ १ "परमपरभु, गो इन कली ठेयब  
सल्लुड। गे सिक्सी पा मबाक्कीन।  
२ मारदे हना इन अरेशो मटीब नु जोल  
पाइबपुकीमी आं पर्वम जोल पा लोत्र पाइनीम।  
३ मेकोपुकीमी आं कली काइ मदाक्थु, लोत्र  
पा, आं कली जिचा तोशा मोशा ग्राम्नीम।  
४ मेकोपुकीमी आं दाक्शो आ पा डा, आं  
कली दोस गेनीम। मो हना यो गो मेको आन  
पर्वम पुंडनुड। ५ मोपा मेकोपुकीमी आं रिम्शो  
पाइश्शो आ पा डा मरिम्शो पाइनीम। आं  
दाक्शो आ पा डा आं कली काइ मदाक्नीम।

६ मेकोपुकीमी मेको कली दोस गेचा कली  
परमपरभु आ अरेशो मटीब का वोतीन। मेको  
कली दोस गेचा कली मेको आ ग्युरा गे राप्वा  
माल्ब। मत्ती ५:४३,४४; लुका २३:३४ ७ मिनु  
मेको आ निसाफ दुम्मन, मेको दोस ताइब दुम्ल।  
मिनु मेको आ परमपरभु कली पुंडितीक लोत्र  
पाप दुम्ल। ८ मेको आ ब्रांडितीक नाक्त इच्का

ला दुम्ल। मिनु मेको आ गेय अर्कोम पवल।  
पररित १:२० ९ मेको आ तमी ती रोम रोइक्ब  
दुम्मल। मिनु मेको आ मीश वॉइश बेक्शो  
मीश दुम्ल। १० मिनु आ तमी ती हिरशा पुंडशा  
जाइब दुम्मल। मेको आन बरेशो खिं र यो  
खरचा पुंडसीमल। ११ मेको कली जेर गेबमी मेको  
आ मारइ मारइ नेक्गल। अरु मुर्मी मेको आ  
चम्शो नल्ल रोइक्तमेक्ल। १२ सुइमी मेको कली  
शिशी मकोइदमेक्ल। आ तमी ती आन कली यो  
शिशी मपामेक्ल। १३ मेको आ खिं डा मुर नल्ल  
क्याम्सीमल। मिनु आ तमी ती आन पालाम  
मेको आन नें क्याम्सक्ल। इजीकीएल १८:२०-  
२३ १४ मिनु परमपरभु यावेमी मेको आ किकी  
पिपी आन पशो पाप मिम्वा माल्ब। मेको आ  
ममा आ पशो पाप मक्याम्सेक्ल। परस्थान २०:३  
११ मेको आन पाप गेना हना यो परमपरभु यावे  
आ डांडिती लील। मिनु सुइमी मेको आन कली  
रागीम ममिम्तमेक्ल। १५ मारदे हना मेकोमी काइ  
शिशी मपव। तन्न परुडग, श्येत जाइब नु थुं  
लुक्ब लशो मुर आन कली साइक्वा कली खदा  
पाप्तु। १७ मेकोमी सराप चीले पचा दाक्ताक्ब।  
मिनु मेको सराप चीले रल। मेकोमी आसीक गेचा  
मदाक्त। मोपतीके आसीक मेको रे डोन बाक्ल।  
१८ मेकोमी सराप चीले वा फक्सीशो खोदेशो पा  
फक्साक्ब। सराप आ रांम ब्वाक्कु खोदेशो पा  
बाक्ल। तेल खोदेशो पा मेको आ रुशम बरील।  
गन्ती ५:२४ १९ मेकोमी सराप चीले आ वा  
खोदेशो पा फक्सक्ल। मिनु किष्पुुर खोदेशो पा  
नाक्त कित कित किम्सेक्ल।

२० परमपरभु यावेमी आं कली दोस गेब नु आ  
पर्वम मरिम्शो लोत्र पाइब कली मोदेशो सजाइ  
गेवल। २१ तन्न परमपरभु यावे, परमपरभु, गे  
इन नें आ पर्वम आं कली वारच पाइय्यीनी।  
मारदे हना इन गेना हना यो दाक्तीक ठेयब  
बाक्ब। २२ गो परुडग नु श्येत जाइब दुम्ती।  
मिनु आं थुं खाइश्शो बाक्ब। २३ गो नां लाक्शो  
ना डा वांकु खोदेशो पा जाम्शो बाक्नुड। थुर  
थुर पाइश्शो सल्हा खोदेशो बाक्नुड। २४ गो  
माइजा बाक्डानु, आं खोइली योक्शो बाक्ब।  
मिनु गेयशो बाक्नुड। २५ आं कली दोस गेबपुकी  
आ कली तशा गाइक्नीम। मिनु आन पिया  
हिम्नीम।

२६ परमपरभु यावे, आं परमपरभु, वारच  
पाइय्यीनी। इन गेना हना यो दाक्तीकमी आं  
कली प्रांडितीनी। २७ मेकोपुकीमी "परमपरभु  
यावेम आं कली वारच पाइब" दे तुइक्तमेक्ल।

२८ मेकोपुकीमी सराप चीले पामेकल। तन्न गे आसीक गेने। मेकोपुकी बोक्मानु, मुने दोक्मल। तन्न इन गेय पाइब ग्येरसीब। लुका ६ :२७-२८ २९ आं कली दोस गेब आन कुल मुनेम सुम्सीमल। मिनु आन मुने दोक्तीक फक्तीक वा खोदंशो पा फेक्सीमल। ३० गो परमपरभु यावे कली गे थम रिम्शो पाइब बाक्नीनी' देनुड। शुश मुर आन दातेमी गो मेको कली ठेयब सेल्लुड" देती। ३१ मारदे हना मेको श्येत जाइब आन कली साइक्ब आन गुइ रे परोंइशा वारच पाइब बाक्ब।

परमपरभुम पिप कली अधिकार गेब

दाऊद आ कुम्सो।

**११०** १ परमपरभु यावेमी, आं परमपरभु कली "गे आं ग्युरा गे निस्सो। मिनु गो इ जोरी सतरु आन कली इ खोइल थेक्तीक सेल्लुडमी। मती २२ :४४ ; पररित २ :३४ ; हिबरू १ :१३ ; १ कोरिन्थो १५ :२५ ; फिलिप्पी २ :८-११ ; हिबरू १० :१२-१३

२ परमपरभु यावेमी सियोन रे पा इन सक्ति डा राज दन्ड दिंब। मिनु गे इन जोरी सतरु आन कली सासन पने" देत। भजन संग्रह २ :६ ३ गे लडाइ पनी नाक्ती इन मुर आन थुंम ग्येरशा इन नोले खोइक्नीम। सुनी डा सीत खोदंशो पा इन रागी डा ठिटोपुकी सुम्सीशा इन नेक्था जाक्नीम। ४ मिनु परमपरभु यावेमी "गे मल्कीसंदेक खोदंशो पा गेना हना यो चदेब दुम्नेवे" दे कसम जाप्तु। मेकोमी आ थुं मफाइक्ब। उत्पत्ती १४ :१८-२० ; हिबरू ५ :६,१० ; हिबरू ६ :२० ; हिबरू ७ :१७,२१ ५ परमपरभु इन ग्युरा गे बाक्ब। मेको गाइक्ता नाक्ती पिप आन कली खतम पोक्ब। भजन संग्रह २ :२५,९ ६ मेकोमी रागी रागी डा मुर आन कली निसाफ पाइब। मिनु मेको आन रागी बेक्शो मुरुम पिरंब। मिनु बेक्शो मुर आन पिया रागी मेर फराइब। दानीएल २ :४४ ७ मेकोमी लां आ नेक्था डा सोला डा ब्याक्कु तूब। मोपतीक मेको सक्ति पाइइशो दुम्शा ग्राब।

परमपरभु कली ठेयब सेल्लुक् कुम्सो

**१११** १ परमपरभु यावे कली ठेयब सेल्लुक्। गो रिम्शो थुं पाइइशो मुर आन दातेमी आं थुं नेल्लेमी "परमपरभु, गे रिम्शो पाइब बाक्नीनी" दे गरुम्तीकम देनुड। २ परमपरभु यावे आ गेय थम ठेयब बाक्नीम। सु सुम मेको कली

दाक्नीमी, मेकोपुकीमी मेको शंसीनीम। ३ मेको आ गेय ठेयब नु मान पाइक्चा पुंडसीब बाक्नीम। मिनु परमपरभु आ ठीक पतीक गेना हना यो लीब। ४ मेकोमी आ छेक लाक्चा डा गेय मिम्पाइइशो बाक्ब। परमपरभु यावे दाक्ब नु शिशी पाइब बाक्ब। परस्थान १२ :१-२२ ५ मेकोमी आ कली मान पा हिंब आन कली जच्चा गेब। मिनु आ पशो कबल गेना हना यो मिम्ब। भजन संग्रह १४५ :१५ ६ मेकोमी आ मुर आन कली रागी रागी डा मुर आन शांप गेशा, आ सक्ति कोइशो बाक्ब। ७ मेको आ गेय नेल्ले आ देशो खोदंशो नु ठीक बाक्नीम। आ अरेशा बरक्शो लोत्र नेल्ले थमा सुइक्चा माल्शो बाक्नीम। ८ मेको गेना हना यो लीब बाक्नीम। मुरपुकीमी मेको मप्रांइथु, आन थुं नेल्लेमी टिचा माल्लीम। ९ मेकोमी आ मुर आन कली श्येत रे परोंइतु। मेकोमी आ पशो कबल गेनायो मक्याम्चा कली सेल्लो बाक्त। मेको आ नें का ला मान पा हिंचा डा बाक्ब। १० परमपरभु यावे कली मान पा हिंचा तुइक्ब दुम्चा कली गातीक बाक्ब। मिनु सु सुमी मेको पाइनीमी मेको शुश रुब दुम्नीम। परमपरभु कली ठेयब सेल्लुक् गेना हना यो लीब। हितोपदेश १ :७

दाक्चा मप्रांइब आन ग्येरशो

**११२** १ परमपरभु यावे कली ठेयब सेलीन। सु परमपरभु यावे कली मान पा हिंबा, मेको ग्येरसीशो मुर बाक्ब। मेकोमी परमपरभु आ शंशो शुश दाक्ब। भजन संग्रह १ :२ ; हितोपदेश २० :७ २ मेको आ चच युइ रागीम ठेयब मुर दुम्नीम। रिम्शो थुं पाइइशो मुर आन पाला आसीक राइनीम। ३ मेको आन सिंमी शांप बाक्ब। मेको आन ठीक पतीक गेना हना यो लीब। ४ रिम्शो थुं पाइइशो मुर छिड्छिड्म बाक्तेकम हना यो, छेड्छेड् दुम्ब। मेको मुर आन कली दाक्ब, शिशी पाइब नु ठीक पाइब बाक्नीम। ५ हाइइशो दुम्शा, गेब मुर आन कली रिम्शो दुम्ब। मेकोपुकीमी आन गेय ठीक पतीकमी पाइनीम। ६ ठीक पाइबपुकी गेनायो मप्रांसीनीम। मेको आन कली मिम्तीक गेना हना यो लीब। ७ मेको मरिम्शो लोत्र नेशा, महिनीम। मेको आन थुं नेल्लेमी परमपरभु यावे सक्ति पाइइशो बाक्ब, दे तुइक्नीम। ८ मेको आन थुं ग्येथ लक्च मपथु, महिनीम। मिनु नोले आन जोरी सतरु आन कली बरुशो ताइनीम। भजन संग्रह ११ :८ ९ मेकोपुकीमी हाइइशो थुं पा

परुडग आन कली मार मार गेम्तेकम। मेको आन ठीक पतीके गेना हना यो लीब। मेको मान ताइब बाकनीम। २कोरिन्थी ९:१ १०मिनु परमपरभु आ अंरेशो मटीबपुकीमी मेको नेल्ल तशा आन थुं सुरसीनीम। मेको आन खरुड शप्शा, थाम्पा गाइकनीम। मेको आन मिम्शो गेनायो मजावदीन्ब।

परमपरभु आ मान ततीक

१परमपरभु यावे कली ठेयब सेलीन।  
**११३** परमपरभु यावे आ गेय पाइबपुकी परमपरभु यावे आ नें ठेयब सेलीन। गे “परमपरभु यावे आ नें ठेयब बाकब” देनीन। २परमपरभु यावे आ नें मुल रे गेना हना यो ठेयब सेल्मेकल। ३नां दाप्तीक रे नां परतीक सम्म परमपरभु यावे आ नें ठेयब सेल्त्वा माल्नीम। भजन संग्रह ५०:१ ४परमपरभु यावे रागी रागी डा नेल्ल आन क्येडा ठेयब बाकब। मेको आ छेडछेड स्वर्ग क्येडा यो इर बाकब। ५परमपरभु यावे, आंइ परमपरभु सोदंशो अर्का सु बाकबा डा? सु नेल्ल क्येडा इर निशशा बाकबा डा? परस्थान १५:११; यसेया ५७:१५ ६मेकोमी सरीड नु रागी कोव्रब। ७मेकोमी परुडग आन कली फुरकुम निशशा रे पोक्ब। मिनु श्यत जाइब आन कली ग्रांगरा दितीक रे पोक्ब। १सामुएल २:८; लूका १:४८; उत्पत्ती ४१:४०-४१ ८मेको आन कली आ मुर आन ठेयब मुर नु निप्पाइक्वा कली पोक्ब। ९मिनु मेकोम आल मथीब मीश मुर आन कली ग्यरसीशा ममा सेल्ब। परमपरभु यावे कली ठेयब सेलीन। उत्पत्ती २१:२ १सामुएल १:२०; लूका १:५७-५८

इसराएलीपुकी इजीप्त रे ब्रांडशा

१इसराएली इजीप्त रे ब्रांडशा जाकमानु, याकूब आ सिं डा मुर अर्का जात डा लोत्र ब्याक्तीक रे गुरूशा जाकमानु, परस्थान १२:४१ २यहूदा परमपरभु आ बाक्तीक नु इसराएल आ राज्य दुम्त।

३मोदंशा दुम्शो तशा समुन्दर परोक्त। यर्दन खोला दूली पा शाइक्त। परस्थान १४:२१-२२; यहासु ३:१३,१६ ४डांडा बोका सोदंशा पा परक्तेकम। पहाड भेडा सोदंशा पा परक्तेकम। ५समुन्दर, गे मारदे परोक्डे? यर्दन खोला, मारदे दूली गे शांडसे? यहासु ४:२३-२४ ६डांडा गे मारदे बोका सोदंशा पा परक्नी? पहाड गे मारदे भेडा सोदंशा पा परक्नी? ७रागी, परमपरभु

आ डांडती खिरंखिर पावो। याकूब आ परमपरभु आ डांडती खिरंखिर पावो। परस्थान १९:१८ ८मेकोमी सरथे फुल्लु कली फाइशशा, ब्याक्कु देम्तीक सेल्लु। मिनु शराल फुल्लु फाइशशा, ब्याक्कु बुक्तीक सेल्लु। परस्थान १७:६

परमपरभु यावे ला परमपरभु बाकब

भजन संग्रह १३५:१५-२०

१परमपरभु यावे, आंइ कली ममाइ, इन नें ठेयब सेल्त्वा गेन। इन गेना हना यो दाक्तीक नु दाक्शा मप्रांडतीक आ पर्वम इन नें ठेयब सेल्त्वा माल्शो बाकब। २रागी रागी डा मुरपुकीमी “मेको आन परमपरभु ते बाकम?” दे मारदे हिल्लो पाइनीमी? भजन संग्रह ४२:४

३आंइ परमपरभु स्वर्गम बाकब। मेकोमी मार दाक्ता, मेको पाइब। ४मेको आन मूर्तिपुकी मुर आन गुडम सेल्शो सुन नु चांदी के बाकनीम। ब्यवस्था ४:२८; यसेया ४४:९-२० ५मिनु मेको आन के शोत्र बाकनीम, तन्न ब्याक्न मचाप्नीम। मिक्च बाकनीम, तन्न तने मचाप्नीम। ६मिनु मेको आन के नोफा बाकनीम। तन्न नेने मचाप्नीम। नें बाकनीम, तन्न नामने मचाप्नीम। ७मेको आन के गुड बाकनीम, तन्न सुल्ले मचाप्नीम। खोइल बाकनीम, तन्न गाक्न मचाप्नीम। मेकोपुर्कोमी आन शोत्र रे मारइ संदा गरुंडन मचाप्नीम। ८मेको आन कली सेल्ब यो मोदंशान बाकनीम। मिनु मेको आन कली थमा सुइक्व यो मोदंशान दुम्नीम।

९गे इसराएलीपुकी, परमपरभु यावे कली थमा सुतीन। मेको इन कली वारच पाइब नु तेक्तीक बाकब। १०हारुन आ सिं डा मुरपुकी, परमपरभु यावे कली थमा सुतीन। मेको इन कली वारच पाइब नु तेक्तीक बाकब। ११सु सुम परमपरभु यावे कली मान पा हिंशा, थमा सुइक्वनीमी, मेको आन कली वारच पाइब नु तेक्तीक बाकब।

१२परमपरभु यावमी आंइ कली मिम्ब। मिनु आसीक गेब। मेकोमी इसराएल डा मुर आन कली आसीक गेब। मेकोमी हारुन आ सिं डा मुर आन कली आसीक गेब। १३मेकोमी परमपरभु यावे कली मान पा हिंब आइक्च ठेयब नेल्ल आन कली आसीक गेब।

१४परमपरभु यावमी इन कली नु इन आल आन कली सोशा बोशा दुम्पदल। १५सरीड नु रागी सेल्ब परमपरभु यावमी इन कली आसीक गेवल। भजन संग्रह १३४:३

१६ स्वर्ग परमपरभु यावे केन बाक्व। तन्न रागी चहिं मुर आन कली गेशो बाक्व। १७ बेक्वशो मुर नु बेक्वशो मुर आन बाक्तीकेम लाइबपुकीमी परमपरभु यावे कली ठेयब मसल्नीम। यसेया ३८:१८ १८ तन्न गो दा मुल र गेना हना यो परमपरभु यावे कली ठेयब सल्नीकी। परमपरभु यावे कली ठेयब सलीन।

परमपरभु कली ठेयब सेल्शो

११६ १ गो परमपरभु यावे कली दाक्नुड। मारदे हना मेकोमी आं पुंडशो नु बरशो नेशो बाक्व। २ मेकोमी आं लोत्र नंतु। मोपतीके गो ब्रांडडा सम्म मेको कली पुंडशा लोत्र पाइनुड। ३ गो बेक्वा चिक्वशो बाक्ती। हेररा तुरसुम लाइक्वा पुंडसीशो बाक्ती। सुर्ता पतीके नु हिंतीके थुंम सुम्शो बाक्ती। ४ मेना गो परमपरभु यावे आ नें थोशा “परमपरभु यावे, आं कली ब्रांडचा गेयीनी” दे पुंडता।

५ परमपरभु यावे शिशी पाइब नु ठीक पाइब बाक्व। आंइ परमपरभु शुश दाक्व बाक्व। ६ परमपरभु यावेम आइक्व थुं पाइशो आन कली कोवब। आं थुं लुकच लमनु, मेकोमी आं कली श्यत र परांडती। ७ आं थुं लंशा नांडसो। मारदे हना परमपरभु यावेमी इ कली रिम्शो पाइशो बाक्व। भजन संग्रह ४२:६

८ गो आं सोक्त कली बेक्वा र परांडशो बाक्तीनी। आं कली डाक्तीक नु दाइल पाइक्तीक र परांडतीनी। ९ गो ब्रांडशो मुर आन बाक्तीके रागीमी परमपरभु यावे आ डांडती गाक्नुड। भजन संग्रह १४२:६ १० गो शुश श्यत जशा यो, आं थमा सुइक्तीक मपरोनु। ११ गो सुर्ता पा श्यत जडानु “मुर नल्ले जोल पाइब ला बाक्नीम” देती। रोमी ३:४

१२ परमपरभु यावेमी आं कली गिश रिम्शो पाइय्यी, गो मेको आ पा डा मेको कली मार गेनुडा? १३ गो “गे आं कली श्यत र परांडतीनी” देशा, परमपरभु यावे आ नें थिशा, मेको कली ठेयब सेल्नुड। १४ गो परमपरभु यावे आ डांडती मुर आन दातेमी आं जशो कसम सान्नुड। १५ परमपरभु यावे आ मुर बेक्वा मेको कली थम ठेयब बाक्व। भजन संग्रह ७२:१४ १६ परमपरभु यावे, गो इन गेय पाइब नड। गो इन गेय पाइब मीश मुर आ तौ, इन वाइल नड। गे आं कली बेक्तीक र परांडतीनी। १७ गो इन कली “गे रिम्शो पाइब बाक्नीनी” दे चदेतीक चदेनुड। मिनु परमपरभु यावे, इन नें थिशा, इन कली

ठेयब सेल्नुड। योना २:१० १८ गो परमपरभु यावे आ मुर नल्ले आन डांडती आं जशो कसम सान्नुड। १९ परमपरभु यावे आ सिं डा लाडगा नु यरूसलेमम बाक्वपुकी परमपरभु यावे कली ठेयब सलीन।

परमपरभु कली ठेयब सलीन

११७ १ रागी रागी डा मुर नल्लेम परमपरभु यावे कली ठेयब सलीन। जात जात डा मुर नल्लेम मेको कली मान पन! रोमी १५:३१ २ मारदे हना परमपरभु यावे आ गेना हना यो दाक्तीके नु आ दाक्शा गेनायो मप्रांडतीके ठेयब बाक्व। मिनु आ दाक्शा गेनायो मप्रांडतीके गेना हना यो लीब। मोपतीके परमपरभु यावे कली ठेयब सलीन। प्रस्थान ३४:६

ठेयब सेल्तीक कुम्सो

११८ १ परमपरभु यावे कली “गे रिम्शो पाइब बाक्नीनी” देनीन। मारदे हना मेको रिम्शो पाइब बाक्व। मिनु आ दाक्तीके गेना हना यो लीब। भजन संग्रह १०६:१ २ इसराएलीपुकीमी “मेको आ दाक्तीके गेना हना यो लीब” देमल। ३ हारून आ सिं डा मुरपुकीमी “मेको आ दाक्तीके गेना हना यो लीब” देमल। ४ परमपरभु यावे कली मान पा हिंबपुकीमी “मेको आ दाक्तीके गेना हना यो लीब” देमल।

५ गो श्यत जडानु, परमपरभु यावे कली पुंडता। मिनु मेकोमी आं लोत्र लेक्ताक्यी। मिनु आं कली श्यत र परांडती। ६ परमपरभु यावे गो नु बाक्तीके गो महिनुड। मुरपुकीमी आं कली मार पाइक्न चान्नीमी डा? रोमी ८:३१; भजन संग्रह ५६:५; हिब्रू १३:६ ७ परमपरभु यावे गो नु बाक्शा, आं कली वारच पाइब बाक्व। गो आं कली काइ मदाक्व आन कली गराशा कांडनुडमी। ८ मुर आन कली तशा “मेकोमी वारच पाइनीम” देचा क्येडा परमपरभु यावे नु फाम्सीचा रिम्शो बाक्व। भजन संग्रह १४६:३ ९ मिनु हुकुम पाइब मुर आन कली तशा “मेकोमी वारच पाइनीम” देचा क्येडा परमपरभु यावे नु फाम्सीचा रिम्शो बाक्व। १० रागी रागी डा मुर नल्लेमी आं कली पुम्ताक्यीमी। तन्न गो परमपरभु यावे आ नेंमी नल्ले आन कली खतम पोक्ताक्यी। ११ मेकोपुकीमी आं कली तेइ तेइ र पुम्ताक्यीमी। तन्न गो परमपरभु यावे आ नेंमी नल्ले आन कली खतम पोक्ताक्यी। १२ मेकोपुकीमी आं कली सुरबुम खोदंशो पा

गिल्लीमी। मेकोपुकी चूम बरशा मी सोदंशो पा बरास्तकम। तन्न गो परमपरभु यावे आ नेमी मेको आन कली खतम पोक्ताकमी। १३गो नेप्चा पुंडसीशा, गोल्वा चिकशो नड। तन्न परमपरभु यावेमी वारच पाइक्ती। १४परमपरभु यावे आं बाल नु सक्ति बाक्व। मिनु मेको आं कली श्यत रे परांडव दुमशा बाक्व। परस्थान १५:२ १५ ठीक पाइब आन ताम्बुमी ग्यरशा नु गराशा कुम्सा पशो नंसीब। परमपरभु यावेमी सक्ति पाइइशा गेय पाइब। १६परमपरभु यावेमी “गो गराती” दे आ ग्युरा गुइ पोक्शो बाक्व। परमपरभु यावेमी सक्ति पाइइशा गेय पाइब। १७गो मंबेकनुड, तन्न बरांडशा बाक्शा, परमपरभु यावे आ पशो नेल्ल शंनुडमी। १८परमपरभु यावेमी आं कली शुश सजाइ गेती। तन्न बेक्चा मगेयी। रकोरिन्थी ६:९

१९आं कली परमपरभु यावे आ खिं डा लाप्चो रोककीन। मिनु गो ओव्रशा, परमपरभु यावे कली “गे रिम्शो पाइब बाक्नीनी” देनुड। २०एको परमपरभु यावे आ लाप्चो बाक्व। ठीक पाइबपुकी एको लाप्चो रे ओव्रनीम। यसेया २६:२ २१गे आं पुंडशा नंशा, लोव्र लेत्ताक्यीनी। मोपतीक गो इन कली “गे रिम्शो पाइब बाक्नीनी” देनुड। गे आं कली श्यत रे परांडव दुम्तीनी। २२खिं सेल्बपुकीमी गारो पराव्रडमेनु “एको फुल्लु मगार” दे ताइक्तमे बाक्त। मिनु मेको मगारथु ताइइशा फुल्लु चहिं जग डा सुर फुल्लु दुम्माक्त। यसेया २८:१६; मत्ती २१:४२ २३मेको परमपरभु यावेमी पशो बाक्व। गो मेको तशा, छुक लाक्नीकी। २४परमपरभु यावेमी मुलाक्ती डा नाक्ती सेल्शा बाक्व। गोपुकी कुम्सा पा ग्यरसय।

२५परमपरभु यावे आंइ कली श्यत रे परांडकी। परमपरभु यावे आंइ गेय रिम्शो दुम्त। २६परमपरभु यावे आ नेमी जाक्व आसीक रशो बाक्व। गो परमपरभु यावे आ खिं रे पा इन कली आसीक गेनीकी। मत्ती २१:९; मत्ती २३:३९ २७परमपरभु यावे ला परमपरभु बाक्व। मेकोमी आ छेडछेड आंइ तार दाप्पाइशा बाक्व। रवा आ राशी शशा, ग्यरशा, चढेतीक आ गराव्र ग्योम्दीन। परस्थान २७:१-२ २८गे आं परमपरभु बाक्नीनी। गो इन कली “गे रिम्शो पाइब बाक्नीनी” देनुड। गे आं परमपरभु बाक्नीनी। मिनु गो इन कली मान पा ठेयब सेल्लुड। २९गे परमपरभु यावे कली “गे रिम्शो

पाइब बाक्नीनी” देनीन। मारदे हना मेको रिम्शो पाइब बाक्व। मिनु आ दाक्तीके गेना हना यो लीब। भजन संग्रह १०६:१; भजन संग्रह १०७:१; भजन संग्रह ११८:१; भजन संग्रह १३६:१

परमपरभु आ अरेशो लोव्र ठेयब सेल्शा

एको भजन संग्रह कली सुन के हिबेरू आकछेर यो देनीम। मारदे हना मेको आ टुकरा टुकरा हिबेरू लोव्र डा आल्फाबेट रे पा गोइनीम। डोंइती डा टुकरा आलेफ देसीब, अध्याय नेल्ल आन डोंइती डा हिबेरू आकछेर लोव्रमी आलेफ बाक्व।

आलेफ

१सु सु रिम्शो पाइनीमी नु दोस ११९ मताइब बाक्नीमी, मेको ग्यरसीशा मुर बाक्नीम। मारदे हना मेकोपुकीमी परमपरभु यावे आ अरेशो टिशो बाक्नीम। भजन संग्रह ११२:१-२ २सु सुमी परमपरभु आ देशो मिम्शा पाइनीमी नु आन थुं नेल्लमी मेको कली माल्लीमी, मेकोपुकी ग्यरसीशा मुर बाक्नीम। ३मेको मुरपुकी काइ मरिम्शो मपथु, परमपरभु आ लांम गाक्नीम। ४गे इन बरक्शा अरेशो आंइ कली हांस पा पचा कली गेशो बाक्तीनी। ५गो गेना हना यो इन फुल्लुमु मुशा बरक्शा लोव्र पशा गाकडल। ६गो इन शंतीक नेल्ले हांस पा पशो नड हना, मुने मदोकड वा। ७गो इन निसाफ पतीक लोव्र शंसाक्यी हना, इन कली रिम्शो थुंमी ठेयब सेल्ले चान्नुड। ८गो इन फुल्लुमु मुशा बरक्शा लोव्र टीनुड। आं कली काइ मपरांडयीनी।

बथ

९टिटा वोंइश मुर दोपा हेथे मपथु, आन लांम गाक्ने चान्नीमी? मेको इन लोव्र टिशा ला मो पने चान्नीम। १०गो आं थुं नेल्लेमी इन कली माल्लुड। आं कली इन शंतीके रे डोन लचा मगेयीनी। ११गो मरिम्शो मपडल, दे इन लोव्र आं थुंम वोइइशा बाक्नुड। १२परमपरभु यावे, इन नें ठेयब बाक्व। आं कली इन फुल्लुमु मुशा बरक्शा लोव्र शंदीनी। भजन संग्रह ११९:२६,६४,६८ १३गो इन देशो पतीक लोव्र नेल्ले शंनुडमी। १४गो शुश शांप तशा ग्यरसीशा मुर सोदंशो पा इन देशो लां तशा ग्यरसाक्यी। १५गो इन

बरेकशा अरेशो मिम्ना मिम्न, इन लां कोव्रशा गाकनुड। १६गो इन फुल्लुम मुशा बरेकशो लोव्र तुइइशा, ग्येरसाकयी। इन लोव्र मपरंनुड।

### गिमेल

१७इन गेय पाइब कली रिम्शो पने। मिनु गो इन लोव्र टिशा बरांडइल। १८गं आं कली मिक्च ताइब सल्यीनी। मोपा गो इन अरेशो लोव्र डा छुक लाकचा डा गेय तन चबुल। १९गो रागीम पीना का बाकनुड। गे इन शंतीक लोव्र आं मतुइक्चा डा पा मखरुइक्तीन। भजन संग्रह ३९:३३ २०आं थुं गेना हना यो इन पतीक लोव्र तुइक्चा कली माल्स डा माल्स बाक्ब। २१गे इन शंशो परांडइब टैयब लेशशो नु सराप रशो मुर आन कली हुइक्नीनी। व्यवस्था २७:२६ ; गलाती ३:१० २२गे मेको आन शुक्शी पतीके नु दोस गेतीके आं क्येडा डोन वोतीन। मारदे हना गो इन देशो टीब मुर बाक्ती। २३मिनु सासन पाइबपुकी बुक्शा, आं कली मरिम्शो पाइक्चा कली लोव्र गारपाइक्नीम। मो हना यो गो, इन गेय पाइबमी, इन फुल्लुम मुशा बरेकशो लोव्र मिम्स डा मिम्स बाकनुड। २४ इन देशो लोव्र आं थुं ग्येरपाइक्ब नु आं कली अर्ती गेब बाक्नीम।

### दालेथ

२५आं थुं लुक्च लशो बाक्ब। इन लोव्र पतीकमी आं थुं बारपाइय्यीनी। २६गो इन कली आं पशो तुइक्पाइक्तन्नी। मिनु गे आं लोव्र लेत्ताक्नी। इन फुल्लुम मुशा बरेकशो लोव्र शंदीनी। २७गे इन बरेकशा अरेशो लोव्र रुप्पाइय्यीनी। मिनु गो इन छुक लाकचा डा गेय मिम्स डा मिम्स बाकनुड। २८आं थुं सुर्ता पा लुक्च लत। इन लोव्र पतीकमी आं कली बरांडइचा गेयीनी। २९दूली लां आं क्येडा डोन वोतीन। मिनु गे शिशी पा इन अरेशो लोव्र शंदीनी। भजन संग्रह ११९:३०४,१२८ ३०गो इन कली मपरांडइतीक लां योव्रता। गो इन पतीक लोव्र आं डांडइती वोइक्ता। ३१परमपरभु यावे, गो इन देशो थमा पा पाइनुड। आं कली मुन मदोकपाइय्यीनी। ३२गो इन शंशो पना पन बाक्ती। मिनु गे आं रुप्तीक थुं बारपाइक्नीनी।

### हे

३३परमपरभु यावे, इन फुल्लुम मुशा बरेकशो लोव्र शंदीनी। मिनु गो मेको नोल सम्म मपरांडनुड। ३४गे आं कली रुप्तीक थुं गेयीनी।

मिनु गो इन अरेशो लोव्र आं थुं नेल्लेमी पाइनुड। ३५इन शंतीके लांम गाकपाइय्यीनी। मारदे हना गो मेको कली दाक्नुड। ३६आं थुं कली इन देशो ला मिम्पतीन। शुश क्येट चम्तीके ममिम्पतीन। ३७मरिम्शो थोव्रक मकोव्रपाइय्यीनी। इन दाक्चा डा पा बरांडइचा गेयीनी। ३८गे इन गेय पाइब कली इन थोकशा पशो लोव्र खाप्पीन। इन थोकशा पशो लोव्र इन कली मान पा हिव आन कली बाक्ब। ३९हिचा डा शुक्शी पाइक्चा पुंडसीतीक आं क्येडा डोन वोतीन। मारदे हना इन पतीक लोव्र रिम्शो बाक्नीम। ४०इन बरेकशा अरेशो लोव्र शुश दाक्नुड। इन निसाफ पतीकमी आं कली बरांडइचा गेयीनी।

### वाव

४१परमपरभु यावे, इन गेना हना यो दाक्तीक आं कली दुम्त। इन थोकशा पशो लोव्र खोदेशो पा आं कली श्येत रे परांडयीनी। ४२मिनु गो आं कली शुक्शी पाइब आन कली लोव्र लेन्ने चान्नुड। मारदे हना गो इन लोव्र थमा सुइक्नुड। ४३गे इन थमा लोव्र पचा कली मतेकयीनी। मारदे हना गो इन पतीक लोव्र आस पा बाक्नुड। ४४गो इन अरेशो लोव्र थमा पा गेना हना यो टीनुड। ४५मिनु गो सुइ क्येडा महिंथु बाक्नुड। मारदे हना इन बरेकशा अरेशो लोव्र माल्ता। ४६गो पिप आन डांडइती इन देशो लोव्र आ पर्वम लोव्र पाइनुड। मिनु मुन मदोकनुड। मर्ती १०:१८ ४७गो इन शंतीक तुइइशा ग्येरसीनुड। मारदे हना गो मेको कली दाक्नुड। ४८गो इन शंशो लोव्र टैयब सल्ला दाक्नुड। मोपा इन फुल्लुम मुशा बरेकशो लोव्र मिम्ना मिम्न बाक्नुड।

### चार्यीन

४९इन गेय पाइब कली पशो लोव्र मिम्तीन। आं कली मेको आ लां कोव्रपाइय्यीनी। ५०गो श्येत जडानु, इन थोकशा पशो लोव्रमी आं कली लेम्शा बरांडइचा गेब। ५१टैयब लेशशो मुरुमी आं कली शुश शुक्शी पाइनीम। तन्न गो इन अरेशो लोव्र मपरांडनुड। ५२परमपरभु यावे, गो इन साइ डांडइती डा पतीक लोव्र मिम्शा, आं थुं नाइक्नुड। ५३इन अरेशो लोव्र परांडइब मुर आन पर्वम गो गाइइशा चुरशा बाक्ती। ५४गो ते बाक्ती हना यो, इन फुल्लुम मुशा बरेकशो लोव्र आं कुम्सो दुम्शा बाक्तेकम। ५५परमपरभु यावे, गो नाक्दो इन कली मिम्शा, इन अरेशो लोव्र पाइनुड।

२६गो आसीक राइब तुम्ती। मारदे हना गो इन बरकशा अरेशो लोत्र टिशा बाक्ती।

### हथ

२७ परमपरभु यावे, गे आं परमपरभु बाक्तीनी। गो इन लोत्र टिना टिन बाक्नुड। २८गो आं थुं नल्लेमी इन कली पुइता। इन थोकशा पशो लोत्र सोदंशो पा, आं कली शिशी पाइयीनी। २९गो इन पतीक मिम्शा, इन दंशो लोत्र डा लाम गाक्नुड। ६०गो इन शंतीक रीब पा टीनुड। गो देश मपाइनुड। ६१इन अरेशो लोत्र मटीबपुकीमी आं कली फरंताकयीमी हना यो, गो इन अरेशो लोत्र मपरंनुड। ६२गो नाक्दो बाक्शा, इन निसाफ पतीक लोत्र आ पर्वम इन कली ठेयब सेल्लुड। भजन संग्रह ४२:९ ६३गो इन कली मान पा हिंब नु इन बरकशा अरेशो लोत्र टीब आन वारच नड। ६४ परमपरभु यावे, रागी इन गेना हना यो दाक्तीकमी बरीशो बाक्ब। इन फुल्लुम मुशा, बरकशा लोत्र शंदीनी।

### टथ

६५ परमपरभु यावे, इन लोत्र सोदंशो पा गे इन गेय पाइब कली रिम्शो पाइक्तीनी। ६६आं कली रुब नु तुइक्ब सेलीन। मारदे हना गो इन शंतीक थमा सुइक्नुड। ६७गो श्यत जचा क्येडा डांडती हंथ लां सोइश्शो नड। तन्न मुल इन लोत्र टीनुड। ६८गे रिम्शो पाइब नु दाक्ब बाक्तीनी। मोपतीक आं कली इन फुल्लुम मुशा, बरकशा लोत्र शंदीनी। ६९ठेयब लेश्शो मुरपुकीमी आं पर्वमी जोल पाइनीम। गो चहिं आं थुं नल्लेमी इन बरकशा अरेशो लोत्र पना पन बाक्नुड। ७०मेको आन थुं थोइशो बाक्ब। तन्न गो इन अरेशो लोत्र तुइश्शा ग्यरसीशो बाक्नुड। ७१गे आं कली श्यत जपाइक्तीनी, मेको रिम्शो बाक्त। मोपा इन फुल्लुम मुशा बरकशा लोत्र शंसाकयी। ७२मिनु हजार हजार टुकरा सुन चांदी क्येडा इन अरेशो लोत्र आं कली रिम्शो बाक्ब।

### योध

७३गे आं कली सेल्लीनी। मिनु इन शंशो लोत्र शंसीचा कली रुप्तीक थुं गेयीनी। ७४इन कली मान पा हिंबपुकी आं कली तशा ग्यरसीनीम। मारदे हना गो इन लोत्र डा लां कोवना कोवन्न बाक्नुड। ७५ परमपरभु यावे, इन निसाफ पतीक ठीक बाक्तीनी। गो मेको तुइक्नुड। गे आं

कली इन दाक्शा मपरंइतीकमी श्यत गेतीनी। ७६इन गेय पाइब, आं कली इन गेना हना यो दाक्तीकमी इन थोकशा पशो लोत्र सोदंशो पा लेम्दीनी। ७७गे आं कली शिशी पाइतीनी हना, गो बरांइनुड। मारदे हना इन अरेशो लोत्र तुइश्शा, ग्यरसाकयी। ७८ठेयब लेश्शो मुर मुने दाक्मल। मारदे हना मेकोपुकीमी आं कली मो दिम्ताकयीमी। गो चहिं इन अरेशो बरकशा लोत्र मिम्ना मिम्न बाक्नुड। ७९इन कली मान पा हिंब आं नेक्था जाक्मल। मोपा इन दंशो लोत्र रुम्मक्त। ८०गो इन फुल्लुम मुशा बरकशा लोत्र पशा दोस मतडल। मोपा मुने मदाक्डल।

### काफ

८१गो आं श्यतम इन परांइतीक शुश माल्लुड। मिनु गो इन लोत्र डा लां कोवना कोवन्न बाक्नुड। ८२गो इन थोकशा पशो लोत्र शुश रिम्ना रिम्न बाक्नुड। मिनु “आं कली गेना लेम्दीनी?” दे हिल्लो पाइनुड। ८३मारदे हना गो कुनम वोइश्शो कुशुल के थैलो सोदंशो बाक्नुड। मो हना यो गो इन फुल्लुम मुशा बरकशा लोत्र मपरंदु। ८४गो, इन गेय पाइब, दोशो सम्म फाल्वा माल्लुडा? गे आं कली खेदा पाइब आन कली गेना निसाफ पाइनीनी? ८५ठेयब लेश्शोपुकीमी आं कली खाल्टा दोम्तक्म। मेकोपुकी इन अरेशो काइ मपाइब बाक्तीनी। ८६इन शंतीक नल्ले गेना हना यो लीनीम। मिनु मेकोपुकीमी आं कली मोशा खेदा पाइनीम। आं कली वारच पाइय्यीनी। ८७मेकोपुकीमी आं कली रागी र हररा क्याम्ताकयीमी। गो चहिं इन बरकशा अरेशो लोत्र मपरानु। ८८इन गेना हना यो दाक्तीकमी बरांइपाइय्यीनी। मोपा गो इन दंशो टिना टिन बाक्नुड।

### लामेध

८९ परमपरभु यावे गेना हना यो बाक्ब। इन लोत्र स्वर्गम वोइश्शो बाक्ब। यसेया ४०:८ ९०इन मुर आन कली दाक्शा मपरंइतीके पाला पाला सम्म लीब। गे रागी सेल्ल्शा वोइक्तीनी। मिनु मेको महिम्सीब। ९१इन लोत्र पतीकमी मेको महिम्सीब। मारदे हना नल्लेमी इन लोत्र टीनीम। ९२इन अरेशो लोत्रम आं कली मग्यरपाइश्शो हना, गो आं श्यतम बेक्ड वा। येरमीया १५:१६ ९३गो इन अरेशो बरकशा लोत्र गेनायो मपरंनुड। मारदे हना गे मेको आ पतीकमी आं कली बरांइपाइक्तीनी। ९४गो इन

मुर नड। आं कली परांडयीनी। मारदे हना गो इन बरकशा अरेशो लोत्र माल्ता। १५ इन अरेशो लोत्र मटीबपुकीमी आं कली साइक्वा कली बाप्शो बाकनीमी। गो चहिं इन देशो मिम्शा बाक्नुड। १६ मुरुमी नेल्ल क्येडा रिम्शा मारइ सल्ले मचाप्नीम। गो मेको तुइक्नुड। तन्न इन शंशो लोत्र नेल्ल क्येडा रिम्शा बाक्व।

### मम

१७ गो इन अरेशो लोत्र शुश दाक्नुड। गो नाक्त कित कित मेको आ पर्वम मिम्नुड। भजन संग्रह १:२ १८ गे इन शंशो लोत्रम आं जोरी सतरु आन क्येडा आं कली तुइक्व सल्ले। मारदे हना मेको गेना हना यो गो नु बाक्व। १९ मिनु आं कली शंब आन क्येडा गो जोक्व तुइक्व दुम्ती। मारदे हना इन देशो मिम्ना मिम्न बाक्ती। १०० गो खाल्पा आन क्येडा यो जोक्व तुइक्व दुम्ती। मारदे हना इन बरकशा अरेशो लोत्र टिना टिन बाक्नुड। १०१ गो इन लोत्र टिचा कली मरिम्शो लां मखाइक्थु बाक्नुड। १०२ गो इन देशो पतीक लोत्र रे डोन मलड। मारदे हना गे आं कली शंताक्यीनी। १०३ इन देशो लोत्र बरोत्रशो बाक्व। मेको सुदो क्येडा यो जिजी बाक्व। १०४ इन बरकशा अरेशो लोत्र रे रुप्व दुम्ती। मोपतीक गो दूली पतीक नेल्ल काइ मदाक्नुड। भजन संग्रह ११९:२९

### नुन

१०५ इन लोत्र आं सोइली कली छेडछेड बाक्व, आं लां तचा कली रांको खोदेशो बाक्व। २पतरुस १:१९ १०६ गो इन निसाफ पतीक लोत्र पाइनुड, दे कसम जशा खान्ता। १०७ परमपरभु याव, गो शुश श्येत जाइनुड, इन लोत्रम देशो खोदेशो पा आं कली बरोत्रशा गेयीनी। १०८ परमपरभु याव, गो इन कली ठेयव सल्लो, चढेतीक खोदेशो पा बरने। मिनु आं कली इन पतीक लोत्र शंदीनी। भजन संग्रह १९:१५ १०९ गो गेना हना यो बेक्वा चिकशा बाक्ती। मो हना यो गो इन अरेशो लोत्र मपरंनुड। ११० इन अरेशो लोत्र मटीबपुकीमी आं कली ब्यारद दाइशो बाक्नीम। मो हना यो इन बरकशा अरेशो लोत्र मपरंनुड। १११ इन देशो लोत्र गेना हना यो आं शांप बाक्व। मारदे हना मेकोमी आं थुं शुश ग्येरपाइक्व। ११२ गो इन फुल्लुम मुशा बरकशा लोत्र मबक्का सम्म पाइनुड, दे आं थुं फरंशा बाक्ती।

### सामेख

११३ गो थुं निक्शी पाइशो मुर आन कली काइ मदाक्नुड। मिनु इन अरेशो लोत्र दाक्नुड। भजन संग्रह ३१:७; १राजा १८:२१ ११४ गो आं खरुइक्तीक नु तेक्तीक बाक्नीनी। गो इन लोत्र डा लां कोत्रना कोत्रन बाक्नुड। ११५ गो आं परमपरभु आ शंतीक पन चबुल, गे मरिम्शो पाइबपुकी, आं क्येडा डोन लने। ११६ इन थोक्शा पशा लोत्र खोदेशो पा आं कली बरोत्रशा गेयीनी। मिनु गो इन लां कोत्रशा, मुन मदाक्डल। ११७ आं कली परांडचा कली वारच पाइय्यीनी। गो गेना हना यो इन फुल्लुम मुशा बरकशा लोत्र दाक्नुड। ११८ इन फुल्लुम मुशा बरकशा लोत्र डा लां र हंथे गाक्व नेल्ल आन कली तिल्लीनी। मारदे हना मेको आन लां जोल बाक्त। ११९ रागी डा इन अरेशो मटीब नेल्ल आन कली पुलु खोदेशो पा फिक्तीनी। मोपतीक गो इन देशो लोत्र दाक्नुड। यसैया १:२५ १२० गो इन कली मान पा हिंशा खिरंखिर पाइनुड। मिनु गो इन निसाफ पतीक मिम्शा हिंनुड।

### आयीन

१२१ गो ठीक निसाफ पाता। आं कली दिप्व आन कली जिम्मा मगेयीनी। १२२ इन गेय पाइब कली वारच पा, रिम्शो पने। इन कली मटीबपुकीमी आं कली दिप्वा मगन। १२३ गो इन परांडतीक नु इन ठीक निसाफ पा पशा लोत्र कली शुश कोत्रशा रिम्नुड। १२४ इन गेय पाइब कली इन गेना हना यो दाक्तीकमी वारच पने। मिनु आं कली इन फुल्लुम मुशा बरकशा लोत्र शंदीनी। १२५ गो इन गेय पाइब नड। आं कली रुपतीक थुं गेयीनी। मोपा गो इन देशो रुपने चबुल। १२६ परमपरभु याव, इन गेय पची ना दुम्शो बाक्व। मारदे हना मुरपुकीम इन अरेशो लोत्र मटीम। १२७ गो सुन नु क्येख सुन क्येडा इन शंतीके दाक्नुड। १२८ मोपतीके गो आं लां नेल्लेमी इन बरकशा अरेशो लोत्र मिम्नुड। मिनु दूली लां नेल्ल काइ मदाक्नुड। भजन संग्रह ११९:२९

### प

१२९ इन देशो लोत्र शुश रिम्शो बाक्नीम। मोपतीक गो मेको टिना टिन बाक्नुड। १३० इन लोत्र नंशोन, रुपतीक थुं गेब। मतुइक्व आन कली तुइक्व सल्ले। १३१ गो ब्याक्कु त्तु दाक्शो खोदेशो पा इन शंशो लोत्र माल्ना माल्ना

बाकनुड। १३२ गो आं गो लेशशा शिशी पने। इन नं दाक्व आन कली शिशी पशो खोदंशो पा आं कली यो शिशी पने। १३३ आं कली इन थोक्शा पशो लोत्र डा लां गाक्पाइय्यीनी। मरिम्शो पतीकम आं कली हुकुम पचा मगेन। १३४ आं कली मुर आन दिप्टीक र परांडयीनी। मिनु गो इन बरक्शा अरशो लोत्र पने चबुल। १३५ इन कुल इन गेय पाइब तार नां खोदंशो पा बरपतीन। मिनु इन फुल्लुम मुशा बरक्शा लोत्र आं कली शोदीनी। १३६ गो डाकनुड। मारदे हना मुरपुकीमी इन अरशो लोत्र मटीम।

### चाधे

१३७ परमपरमु यावे, गेरिम्शो पाइब बाकनीनी। मिनु इन पशो निसाफ ठीक बाकनीम। १३८ गे इन देशो लोत्र ठीक निसाफ पतीकमी वोइक्तीनी। गो मेको कली थमा सुइक्तीकी। १३९ गो चुरना चुरन बाकनुड। मारदे हना आं कली खेदा पाइबपुकीमी इन लोत्र परताकम। भजन संग्रह ६९, १०, १४० इन थोक्शा पशो लोत्र शुश रिम्शो बाक्व। मिनु गो, इन गेय पाइबमी मेको दाकनुड। १४१ गो आइक्च बाकनुड। आं कली सुइमी महिक्नीम। मो हना यो गो इन बरक्शा अरशो लोत्र मपरनुड। १४२ इन निसाफ पतीक गेना हना यो ठीक बाक्व। मिनु इन अरशो लोत्र थमा लोत्र बाक्व। १४३ गो हिंती नु श्येत जाइब दुम्ती हना यो, इन शंतीकम आं कली ग्यरपाइक्व। १४४ इन देशो गेना हना यो ठीक बाकनीम। आं कली रुपतीक थुं गतीनी हना, गो बरांडनुड।

### क्वोफ

१४५ गो आं थुं नेल्लेमी इन कली पुंडनुड। परमपरमु यावे आं लोत्र लेतीनी। गो इन फुल्लुम मुशा बरक्शा लोत्र टिना टिन बाकनुड। १४६ गो इन कली “गे आं कली श्येत र परांडयीनी” दे पुंडनुड। मिनु गो इन देशो पाइनुड। १४७ गो नां मदाप्यु बोक्शा, इन कली “वारच पाइय्यीनी” दे पुंडनुड। गो इन लोत्र डा लां कोत्रना कोत्रन बाकनुड। १४८ गो इन थोक्शा पशो लोत्र मिम्चा कली नाक्वो सेना सेन बाक्ती। १४९ इन गेना हना यो दाक्तीकमी आं पुंडशो नेनीन। परमपरमु यावे, इन निसाफ पतीकमी आं कली बरांडचा गेयीनी। १५० आं कली खेदा पाइबपुकी आं कली साइक्चा कली आं नेक्था जाक्नीम। मेकोपुकी इन अरशो लोत्र र डोन बाक्नीम। १५१ तन्न परमपरमु यावे,

गे आं नेक्था बाक्नीनी। इन शंशो लोत्र नेल्ल थमा बाक्व। १५२ गो डांडती र इन देशो लोत्र पदशा, मेको गेना हना यो कली सेल्लो बाक्व, दे तुइक्ताक्व।

### रेश

१५३ आं श्येत जशो कोत्रडीन, गो श्येत जाइनुड। मिनु आं कली परांडयीनी। मारदे हना गो इन अरशो लोत्र मपरंदु। १५४ गो आं निसाफ पाइब दुमीन। मिनु आं कली परांडयीनी। इन थोक्शा पशो लोत्र खोदंशो पा बरांडचा गेयीनी। १५५ इन अरशो लोत्र मटीब आन कली गे श्येत र मपरांडनीनी। मारदे हना मेकोपुकीमी इन फुल्लुम मुशा बरक्शा लोत्र पचा ममलेम। १५६ परमपरमु यावे, इन शिशी ठेयब बाक्व। इन निसाफ पतीक लोत्र खोदंशो पा आं कली बरांडचा गेयीनी। १५७ आं कली खेदा पाइब नु आं जोरी सतरु शुश बाक्नीम। मो हना यो गो इन देशो लोत्र मपरानु। १५८ मेको नोल शांडसीशो आन कली तशा गरांगरा दीती। मारदे हना मेकोपुकीमी इन शंशो टिचा परांडतेक्म। १५९ गो इन बरक्शा अरशो लोत्र दाकनुड, दे मिम्तीन। परमपरमु यावे, इन गेना हना यो दाक्तीकमी आं कली बरांडचा गेयीनी। १६० इन लोत्र नेल्ले थमा बाक्व। मिनु इन निसाफ पतीक लोत्र गेना हना यो ठीक बाक्नीम। यूहन्ना १७, १७

### सिन नु शिन

१६१ ठेयब मुरपुकीमी आं कली बित्चीम खेदा पाइनीमी। तन्न आं थुं इन लोत्र क्यडा हिंब। १६२ गो शुश शांप तशा, ग्यरसीचा क्यडा इन लोत्र तशा ग्यरसाक्यी। १६३ दूली पतीक नु जोल पतीक काइ मदाक्थु, गरांगरा दीनुड। तन्न इन अरशो लोत्र दाकनुड। १६४ गो इन निसाफ पतीक लोत्र आ परबम इन कली नाक्व कित कित ७ खेयप ठेयब सेल्लुड। १६५ इन अरशो लोत्र दाक्वपुकी थुं नाइशशा बाक्चा ताइनीम। मेको आन कली मारदे श्येत मनुम्ब। १६६ परमपरमु यावे, गो इन श्येत र परांडतीक कली रिम्शा बाकनुड। मिनु इन शंशो पाइनुड। १६७ गो इन देशो लोत्र टिना टिन बाक्ती। मिनु गो मेको कली थाम्पा दाकनुड। १६८ इन बरक्शा अरशो लोत्र नु इन देशो लोत्र टिना टिन बाकनुड। मारदे हना आं पशो नेल्ल इन डांडती बाक्नीम।

थाव

१६९ परमपरभु यावे, आं पुंड्रशो लोत्र ननीन ।  
 इन लोत्रम देशो खोदंशो पा आं कली रुष्व थुं  
 गयीनी । १७० आं पुंड्रशो लोत्र ननीन । इन थोक्शा  
 पशो लोत्र खोदंशो पा श्यत रं प्रोइयीनी ।  
 १७१ गं आं कली इन फुल्लुम मुशा, बरक्शा लोत्र  
 शंतावयीनी । मापतीक गो इन कली ठेयब सेल्ना  
 सेल्न बाक्नुड । १७२ गो इन थोक्शा पशो लोत्र  
 आ पर्वम कुम्सो पाइनुड । मारद हना इन शंशो  
 लोत्र नेल्न ठीक बाक्ब । १७३ गं आं कली वारच  
 पाइय्यीनी । मारद हना गो इन बरक्शा अरंशो  
 लोत्र योत्रशा, आं के सेल्तामी । १७४ परमपरभु  
 यावे, गो इन श्यत रं प्रोइतीक कली रिम्नुड ।  
 इन अरंशो लोत्र दाक्शा ग्यरसीनुड । १७५ गं  
 आं कली बरोइचा गयीनी । मिनु गो इन कली  
 ठेयब सेल्नुड । मिनु इन पतीक लोत्रमी आं  
 कली वारच पवल । १७६ गो जाम्शो भेडा खोदंशो  
 पा लां जाम्शो बाक्नुड । इन गेय पाइब, आं  
 कली माल्यीनी । मारद हना गो इन शंशो लोत्र  
 मपरंनुड । यसैया ५३ :६

“वारच पाइय्यीनी” दे पुंड्रशो

लां डा कुम्सो ।

१ गो श्यत जडानु, परमपरभु यावे कली  
**१२०** पुंड्रनुड । मिनु मकोमी आं लोत्र लेष्व ।  
 २ परमपरभु यावे, आं कली जोल पाइब नु लें  
 निकशी पाइशशा मुर रं प्रोइयीनी । ३ मिनु गं  
 जोल पाइब, इ कली मार पचा ? ग लें निकशी  
 पाइशशा मुर इ कली अरु मार पाइक्चा माल्वा ?  
 ४ लडाइ पाइबमी आ हेशशा बरा आप्व । मिनु  
 बरशो कोइला इ तार जुक्पाइक्नीम ।

५ गो श्यत जाइब दुम्ती । गो मेशेक रागीम  
 बाक्चा माल्नुड । केदार आ ताम्बु आन दातेम  
 बाक्चा माल्नुड । ६ गो थुं नाइशशा बाक्चा काइ  
 मदाक्ब आन दातेमी शुश बाक्ती । ७ गो थुं  
 नाइशशा बाक्चा दाक्ब मुर नड । तन्न गो लोत्र  
 पडानु, मेकोपुकी लडाइ पचा कली ठीक दुम्नीम ।  
 रोमी १२ :१६

परमपरभुम वारच पा, श्यत रं प्रोइशो

लां डा कुम्सो ।

**१२१** १ गो डांडा गे कोत्रनुड । आं कली वारच  
 पाइब ते रं जाक्बाक्म ? २ सरीड नु रागी  
 सेल्ब परमपरभु यावमी आं कली वारच पाइब ।

३ मकोमी इ खोइल गेरक्चा मगेब । इ कली  
 कोत्रब गेनायो मइष्व । ४ इस्राएली आन कली  
 वारच पाइब थमा पा गेनायो मनाइसीब, गेनायो  
 मइष्व ।

५ परमपरभु यावे इ कली खाल पाइब बाक्ब ।  
 परमपरभु यावे इ ग्युरा गे डा फाम्सीतीक  
 बाक्ब । ६ मिनु नाक्ती नांम इ कली मनाष्व ।  
 नाक्दो तास्ताम इ कली मारद मरिम्शो पने  
 मचाष्व ।

७ परमपरभु यावेमी इ कली श्यत नेल्न  
 रं प्रोइब । मकोमी इ कली बरोइचा गेब ।  
 गन्ती ६ :२४-२६ ८ परमपरभु यावेमी गे लाडगा  
 सिंडगा पवीनु यो इ कली खाल पाइब । मुल रं  
 गेना हना यो मा पाइब । ब्यवस्था २८ :६

यरूसलेम आ पर्वम पुंड्रशो

लां डा कुम्सो । दाऊद आ कुम्सो ।

**१२२** १ मेकोपुकीमी आं कली “परमपरभु  
 यावे आ सिं लय” दंतक्म । मिनु गो  
 ग्यरसाक्यी । भजन संग्रह २६ :८ ; इजीकीएल  
 ४८ :३५ २ गोपुकीमी “यरूसलेम, इ ठेयब  
 लाप्चोपुकीमी राप्शा बाक्नीकी” दंतक ।

३ यरूसलेम रिम्शो पा सेल्थो सहर बाक्ब ।  
 मेकर सिं नेक्नेक्था बाक्नीम । ४ मिनु इस्राएल  
 आ थर थर डा मुरपुकी परमपरभु यावे आ मुर  
 दुम्तीक मेकर लाइनीम । परमपरभु यावमी  
 इस्राएली आन कली दोपा अरवा, मोपा  
 मेकोपुकीमी मेकर लशा “गे रिम्शो पाइब  
 बाक्नीनी” दे आ नें ठेयब सेल्नीम । ५ मेकर  
 निसाफ पाइब आन नितीक बाक्नीम । मेकर  
 दाऊद आ चच युइ आन नितीके बाक्नीम ।

६ यरूसलेम कली “रिम्शो दुम्त” दे आसीक  
 गेने । मिनु “यरूसलेम, इ कली दाक्बपुकी रिम्शो  
 दुम्मल । जकरिया ४ :७ ७ इ गारो आगामी थुं  
 नाइशशा बाक्तीक दुम्त । इ गारो डा लाइशशा  
 सिंमी मारद श्यत मदुम्त” दनीन । ८ मिनु गो आं  
 लोक्ब नु आं वारच आन पर्वम “इ आगामी थुं  
 नाइशशा बाक्तीक दुम्त । ९ मिनु परमपरभु यावे,

आंइ परमपरभु आ सिं आ पर्वम इन कली रिम्शो दुम्शो तचा दाक्नुङ्ग” दंती ।

“शिशो पने” दे पुंइशो

लां डा कुम्सो ।

**१२३** १इर स्वर्ग डा निक्तीकम बाक्व, गो इन ग कोव्रशा इन कली पुंइनुङ्ग । २दोपा वाइलपुकीम आन होव्रप आन गुइ ग कोव्रनीमी नु वाइलीमपुकीमी आन होव्रपाक्म आन गुइ ग कोव्रनीम, मोपा गोपुकीमी परमपरभु यावे ग कोव्रनीकी । आंइ कली शिशो मपवा सम्म मोपा कोव्रनीकी ।

३परमपरभु यावे, आंइ कली शिशो पने । आंइ कली शिशो पने । मारदे हना गो शुश दिप्वा पुंइसीशो बाक्नीकी । ४ठेयब लेशशोपुकी नु मरिम्शो पाइबपुकीमी आंइ कली महिकथु शुश श्येत गेतीके गो ब्रीताक्क ।

परमपरभु यावेमी वारच पशो

लां डा कुम्सो । दाऊद आ कुम्सो ।

**१२४** १परमपरभु यावे गोपुकी नु मबाक्शो हना, २मुरपुकीमी आंइ कली लडाइ तोव्रमनु, परमपरभु यावे गोपुकी नु मबाक्शो हना, ३मकोपुकीमी आंइ कली तशा गाइक्तमनु, आंइ कली सलीन दाक्गम वा । ४मिनु बारशा जावशा व्याक्कुम आंइ कली योल्द वा । मिनु मेको व्याक्कुम आंइ कली सुम वा । भजन संग्रह ६९ :१६ ; भजन संग्रह ४२ :८ ५मेको बारशा व्याक्कुम आंइ कली मोशा योल्शा लद वा ।

६परमपरभु यावे ठेयब बाक्व । मारदे हना मेकोमी आंइ कली किरम्चा मगेव । ७मिनु गोपुकी सिखारी आन ब्यारद र ब्रांइशो चिक्व खोदंशो पा परोक्तक । मेको ब्यारद ब्रांइक्व । मिनु गोपुकी परोक्तक ।

८सरीङ्ग नु रागी सेल्ब परमपरभु यावेमी आंइ कली वारच पशो बाक्व ।

परमपरभु आ मुर नु बाक्व

लां डा कुम्सो ।

**१२५** १परमपरभु यावे कली थमा सुइक्वपुकी सियोन डांडा खोदंशो बाक्नीमी । मेको याक्ने मचाप्सीब । गेना हना यो बाक्व । २यरूसलेम आ एर ओंथ नेल्ल पहाड बाक्नीम । मिनु मुल र गेना हना यो परमपरभु यावेमी

मेको खोदंशो पा आ मुर आन एर ओंथ बाक्व । ३परमपरभु आ अरंशो मटीब आन हुकुम पतीके ठीक पाइब आन रागीम मदुम्ब । मिनु ला ठीक पाइबपुकीमी दूली मपाइनीम ।

४परमपरभु यावे, रिम्शो पाइब नु रिम्शो थुं पाइशो मुर आन कली रिम्शो पने । ५तन्न परमपरभु यावेमी नाले शॉइसीशा मरिम्शो लां खोइक्व आन कली मरिम्शो पाइशो सतम पोक्व । इसराएलमी थुं नाइशशा बाक्तीक दुम्ल । भजन संग्रह १२८ :६ ; गलाती ६ :१६

“वारच पने” दे पुंइशो

लां डा कुम्सो ।

**१२६** १परमपरभु यावेमी ग्याइशशा लाइक्वा पुंइसीशो आन कली सियोन लेशशा चाक्गानु, गोपुकी डोमु तशो खोदंशो दुम्तक । भजन संग्रह १४ :७ २मिनु गोपुकी शुश ग्येरसीशा रिस्साक्क । थाम्पा ग्येरशा गरीतक । मिनु रागी रागी डा मुरपुकीमी “परमपरभु यावेमी मेको आन कली वारच पा, ठेयब गेय पाप्नु” देमुम्तकम । ३परमपरभु यावेमी आंइ कली थमा वारच पा ठेयब गेय पाप्नु । मिनु गो शुश ग्येरसाक्क ।

४परमपरभु यावे, दोदंशो पा नेगेब रागी डा बारशो खोला शाइशशा लाइनीमी, मोदंशो पा आंइ रिम्शो दुम्तीक लेशशा चाक्कीन । ५मिनु डाक्ना डाक्न शोक्वपुकीमी ग्येरसीशा सुप्नीम । मत्ती ५ :४ ६डाक्ना डाक्न शोक्व लाइनीम । तन्न गरल्शो क्योव्रज चेरब कुरशा, ग्येरसीशा कुम्सो पा सिं लेल्नीम । यसेया ३५ :१०

परमपरभु रिम्शो नाक्त गेब बाक्व

लां डा कुम्सो । सोलोमन आ कुम्सो ।

**१२७** १परमपरभु यावेमी सिं मसेल्शो हना, सिं सेल्ब आन गेय मोशा दुम वा । परमपरभु यावेम सहर खाल मपशो हना, खाल पाइब आन खाल पशो मोशा दुम वा । २गे सुनी कना बोक्शा, नाक्दो सम्म शुश गेय पाइनीनी । मिनु इन शोब्ले सुती पा जाइनीनी । मेको मोशा बाक्व । मारदे हना परमपरभुमी आ दाक्शो मुर आन कली इप्ची ना आन माल्शो गेब । हितोपदेस १० :२२

३तमी तौ परमपरभु यावे आ गेशो बाक्नीम ।  
आलपुकी मेको आ गेशो इनाम बाक्नीम । भजन  
संग्रह १२८ ३-४ ; उत्पत्ती ३० :२ ; उत्पत्ती ३३ :५  
४ मिनु ठिटा ना थिशो तौपुकी लडाइ पाइब आन  
गुडम बाक्शो ब्रा खोदंशो बाक्नीम । ५ सु सु आन  
ब्रा कुरतीक मेकामी बरीशो बाक्नीमी, मेको  
मुर ग्यरसीशो बाक्नीम । मिनु मेकोपुकी ठयब  
लाप्चामी आन जोरी सतरुमी लोत्र पा जिचा  
पोकामेनु, मुने मदाक्नीम ।

परमपरभु आ आसीक

लां डा कुम्सो ।

**१२८** १ परमपरभु यावे कली मान पा हिंबपुकी  
आसीक तशो बाक्नीम । मेकोपुकी  
परमपरभु यावे आ लांम गाक्शो बाक्नीम । २गे  
इ पशो गय र जाइनेवे । गे ग्यरसीशा मारइ  
मारइमी दारनेवे ।

३मिनु इ मीश इ खिमी सिशशो अडगुर बोट  
खोदंशो बाक्ब । इ आल इ खिम तेल रवा आ  
कोच्या दाप्शो खोदंशो बाक्नीम । भजन संग्रह  
१२७ :३ ४ मोपा परमपरभु यावे कली मान पा हिंब  
मुर आसीक ताइब ।

५ परमपरभु यावमी इ कली सियोन र आसीक  
गेब । गे मबेक्थु नाक्त कित कित यरूसलेममी  
रिम्शो दुम्शो ताइनेवे । ६मिनु गे इ चच युइ  
आन कली ताइनेवे । इसराएली आन थुं नाइशशा  
बाक्मल । उत्पत्ती ४८ :११ ; भजन संग्रह १२५ :५

जोरी सतरु आन पर्वम पुंडशो

लां डा कुम्सो ।

**१२९** १ इसराएलमी “मेकोपुकीमी गो ठिटा  
बाक्डा रेन आं कली थाम्पा श्येत  
गेतीमी” दंत । २मिनु लेंशा “मेकोपुकीमी गो ठिटा  
बाक्डा रेन आं कली थाम्पा श्येत गेतीमी ।  
मो हना यो आं क्येडा गुराने मचवेबम । ३व्यफ  
वाक्बपुकीमी आं चीमी वाक्ताक्म । मिनु आं ची  
नेल्ल चत्तेक्म” दंत । यसैया ५१ :२३ ४ परमपरभु  
यावे ठीक पाइब बाक्ब । मेकामी आ अरेशो मटीब  
आन जोरी परोइशशा गेप्तु ।

५ सियोन कली काइ मदाक्बपुकी मुने दोक्शा,  
लेशशा लमल । ६मेकोपुकी सिं तार वाशो घांस

खोदंशो दुम्मल । मेको बारचा क्येडा डांइती  
सोत्रनीम । ७घांस रिक्बपुकीम मेको मुठी का  
यो रिक्ने मचाप्नीम । मुठा फरंबपुकीम मेको  
अडला का यो पिरंन मचाप्नीम । ८मिनु मेको रं  
पा लाइबपुकीमी “गे परमपरभु यावे आ आसीक  
रावो । परमपरभु यावे आ नंम इ कली आसीक  
गनीकी” मर्दनीम । स्थ २ :४

शुश श्येत दुम्ची ना पुंडशो

लां डा कुम्सो ।

**१३०** १ परमपरभु यावे, गो हिंचा डा श्येत  
जडानु, इन कली पुंडनुड । २ परमपरभु  
यावे, आ लोत्र नेनीन । “शिशो पाइय्यीनी” दे आं  
पुंडशो लोत्र इन नोफा दाइक्तीन ।

३ परमपरभु यावे, गे आंइ मरिम्शो पशो  
मिस्ताक्नी हुना, इन डांइती राने चाप्नीमी डा ?  
४ गे माफ गेनीनी । मोपतीक मुर इन कली मान पा  
हिंचा माल्नीम । यसैया ५५ :७ ; रोमी ६ :१-२

५ गो परमपरभु यावे कली रिम्नुड । आं थुं  
नेल्लेमी यो रिम्नुड । मिनु गो इन लोत्र  
आस पाइनुड । यसैया २१ :११ ; लुका १२ :३५-  
३६ ६ नाक्दो खाल पाइबमी गेना नां सोत्रबा, दे  
रिम्शो क्येडा यो, गो आं थुं नेल्लेमी परमपरभु  
कली शुश रिम्नुड । ७ इसराएल, परमपरभु यावे  
कली आस पा बाक्को । मारदे हुना परमपरभु  
यावमी गेना हुना यो दाक्ब । मेको नु मरिम्शो  
पशो र परोइतीक शुश बाक्ब । ८ मिनु मेकामी  
इसराएली आन कली आन मरिम्शो पशो नेल्ल  
र परोइब । मत्ती १ :२१

बेरम्शो थुं पाइशशा मुर ग्यरसीशो

लां डा कुम्सो । दाऊद आ कुम्सो ।

**१३१** १ परमपरभु यावे, गो ठयब मलेशशो  
बाक्नुड । गो मबोरशो बाक्नुड । गो आं  
मचाप्चा डा नु ठयब गेयम मग्योल्नुड । २ मिनु  
आं थुं ग्येत्य लुक्च मपथु, नाइशशा बाक्ब । आं  
थुं आ ममा नु बाक्शो आइक्च आल खोदंशो  
दुम्ब । आं थुं सिक्सी पा बाक्ब आल खोदंशो  
बाक्ब । भजन संग्रह ६२ :२ ३ इसराएल, गे मुल  
र गेना हुना यो परमपरभु यावे कली आस पा  
बाक्को ।

परमपरभु आ सिं आ पर्वम पुंइशो

लां डा कुम्सो ।

**१३२** १परमपरभु यावे दाऊद कली फरुक्कीन । मेको आ श्यत फाल्शो नल्ल मिन्तीन । २मेकोमी परमपरभु यावे आ नंम कसम जशो बाक्त । मिनु याकूब आ नल्ल क्येडा सक्ति पाइशो आ नंम कसम जापु । ३गो आं सिं मओवनुड । मिनु आं ब्राख्येम मइनुड । ४सामुएल ७ :२ ; प्ररित ७ :४६ ५गो निन्दरा मपाइनुड । गो मइनुड । ६मारदे मोदेशो पाइनुड देशा हना, गो याकूब आ नल्ल क्येडा सक्ति पाइशो आ बाक्तीक मथिदु, सम्म मो पाइनुड ।

६गोपुकीमी एफराथाहमी परमपरभु यावे आ कबल पशो सन्दोस आ पर्वम नंतय । मिनु गोपुकीमी मेको यार सहर डा दिमम थित्तय । १सामुएल ७ :१ ; १इतिहास १२ :५-७ गो मेको आ बाक्तीक लय । मिनु मेको आ खोइल थक्तीक आ डांइती बाप्य ।

८परमपरभु यावे बोक्कीन, इन नाइशो बाक्तीक नु इन सक्ति पाइशो कबल पशो सन्दोस बाक्तीकम जाक्कीन । गन्ती १० :३५ ; २इतिहास ६ :४१ ; भजन संग्रह ७८ :६१ ९इन कली चढेबपुकीमी ठीक पतीक वा फेक्शो खोदेशो पा फेक्समल । मिनु इन मुरपुकी ठेयब सेंदा पा ग्येरसमल । १०इन गेय पाइब दाऊद आ पर्वम इन तेल लुकशो कली मपरोनीन ।

११परमपरभु यावेमी दाऊद नु लोत्र पा कसम जशो बाक्त । मेकोमी “गो इ सासन पतीकमी इ ती का वाइक्नुड” दे लोत्र पशो बाक्त । परमपरभु यावेमी आ पशो लोत्र खाप्य । भजन संग्रह ८९ :४-५ ; हिवरू ६ :१७ १२मेकोमी “इ तौपुकीमी आं कबल नु आं देशो पाम्तकम हना, मेको आन तौपुकी यो इ सासन पतीकम सासन पचा ताइनीम” देशो बाक्त ।

१३परमपरभु यावेमी सियोन कली योत्रशो बाक्ब । “आं बाक्तीके मेकेर बाक्ब” दे मिम्शो बाक्ब । भजन संग्रह ६८ :१७ ; भजन संग्रह ७६ :३ १४मिनु परमपरभुमी “एकेर नाइक्नुड । एकेर गेना हना यो बाक्नुड, मारदे हना गो मेको दाक्नुड । १५मिनु गो मेकेर डा मुर आन कली शुश जचा त्चा गशा, आसीक गेनुडमी । परुडग आन कली स्थरी जचा गेनुडमी । १६गो मेकेर डा चढेब आन कली मरिम्शो पतीक रे बरांइतीक

दोदेशो बाक्ब तुइक्पाइक्नुडमी । मेकेर डा थमा सुइक्बपुकी कुम्सो पा ग्येरसीनीम । १७गो मेकेर दाऊद आ सिं डा मुर आन मान बारपाइक्नुड । आं तेल लुकशो मुर कली रिम्शो ती का गेता । १सामुएल २ :१० ; १राजा ११ :३६ १८गो मेको आ जारी सतरु आन कली मुने तोक्नुडमी । मिनु मेको रिम्शो पा सासन पाइब दुम्ब” दे परमपरभुमी देत ।

लोक्बपुकी गारशो

लां डा कुम्सो । दाऊद आ कुम्सो ।

**१३३** १लोक्बपुकी गारशा बाक्ब शुश रिम्शो बाक्ब । उत्पत्ती १२ :८ २मेको पियाम लुकशो शुश क्येट थाप्यो तेल खोदेशो बाक्ब । मेको हारुन आ गल शोकरे रे शाइशो, आ वा सम्म जाक्दीप्य । ३मेको हेरमान डांडा डा सीत सियोन डांडाम यिशो खोदेशो बाक्ब । मेको गेना हना यो बरांइतीक परमपरभु यावे आ आसीक बाक्ब ।

नाक्दो डा कुम्सो

लां डा कुम्सो ।

**१३४** १नाक्दो परमपरभु यावे आ सिंम बाक्शा, परमपरभु यावे आ गेय पाइब नल्लेमी परमपरभु यावे कली ठेयब सेलीन । २मिनु परमपरभु यावे आ सिंमी इन गुइ पोक्शा, परमपरभु यावे कली ठेयब सेलीन । ३सरीड नु रागी सल्व परमपरभु यावेमी सियोन रे इन कली आसीक गवल । भजन संग्रह ११५ :१५

परमपरभु यावे आ ठेयब गेय

**१३५** १परमपरभु यावे कली ठेयब सेलीन । परमपरभु यावे आ नं ठेयब सेलीन । परमपरभु यावे आ गेय पाइबपुकी, मेको कली ठेयब सेलीन । २गे परमपरभु यावे आ सिंमी गेय पाइबपुकी नु आ सिं डा लाडगाम बाक्बपुकी, आंइ परमपरभु कली ठेयब सेलीन । ३परमपरभु यावे कली ठेयब सेलीन । मारदे हना परमपरभु यावे रिम्शो पाइब बाक्ब । मेको कली कुम्सो पने । मारदे हना मेको रिम्शो बाक्ब । ४परमपरभु यावेमी याकूब कली आ मुर दुम्पाइक्चा कली नु इसराएल कली आंम के सल्व कली योत्रशो बाक्ब । परस्थान १९ :५-६

५ परमपरभु यावे थम ठेयब बाक्व। मेको गो तुइक्नुड। मिनु आंइ परमपरभु देवी देवता नेल्ल आन वयंडा ठेयब बाक्व। भजन संग्रह ८६ :८ ६ परमपरभु यावमी सरीड, रागी, समुन्दर नु समुन्दर आ आगामी मार दाक्वा, मेको पाइब। ७ मेकोमी रागी आ सुर सुर र गोस्स पोक्व। मेकोमी चित्ता दाप्पाइश्शा, रउ यिपाइक्व। मिनु मेकोमी आ बाक्तीक र फश पपाइक्व। यरमीया १० :१३ ८ मेकोमी इजीप्त रागीमी मुर नु बी व्यफ, क्यारश भेडा मारइ मारइ आन डांइती जरमशा नेल्ल आन कली साइक्तीमी। परस्थान १२ :२९ ९ मेकोमी इजीप्त रागीमी फाराओ नु आ गेय पाइब मुर नेल्ल आन डांइती चिन्ड नु छक लाक्चा डा गेय कांइताक्व। भजन संग्रह ७८ :४२-५२ १० मेकोमी शुश रागी आन कली खतम पोक्तीमी। मिनु मेकोमी बोल्यो पिप आन कली साइक्तीमी। गन्ती २१ :२१-३५ ११ मेकोमी एमोरी आन पिप सीहोन, बाशान डा पिप ओग नु कनान डा पिप नेल्ल आन कली साइक्तीमी। १२ मिनु मेकोमी मेको आन रागी आ मुर, इसराएली आन कली आन के सल्वा कली गम्तीमी। यहोसु १२ :१-६

१३ परमपरभु यावे इन नें गेना हना यो बाक्व। परमपरभु यावे इन नें गेनायो मक्याम्सीब। भजन संग्रह १०२ :१३ १४ मारदे हना परमपरभु यावमी आ मुर आन कली निसाफ पतीकेमी वारच पाइब। मिनु आ गेय पाइब आन कली शिशी पाइब। व्यवस्था ३२ :३६

१५ रागी रागी डा मुर आन मूर्ति सुन नु चांदी के बाक्नीम। मेको नेल्ले मुर आन सेल्थो ला बाक्नीम। भजन संग्रह ११५ :४-११ १६ मेको आन के शोत्र बाक्व, तन्न मब्वाक्नीम। मिक्व बाक्व, तन्न मताइनीम। १७ नोफा बाक्व, तन्न मननीम। मेकोपुकीमी आन सोक्त कीन मचाप्नीम। १८ मेको आन कली सेल्बपुकी यो मोदंशो दुम्मल। मिनु मेको आन कली थमा सुइक्वपुकी यो मोदंशोन दुम्मल।

१९ इसराएल आ सिं डा मुरपुकी, परमपरभु यावे कली ठेयब सेलीन। हारून आ सिं डा मुरपुकी परमपरभु यावे कली ठेयब सेलीन। २० लेवी आ मुरपुकी, परमपरभु यावे कली ठेयब सेलीन। परमपरभु यावे कली मान पा हिंबपुकी, परमपरभु यावे कली ठेयब सेलीन। २१ सियोन र परमपरभु यावे कली ठेयब सेल्मेक्ल। यरुसलेमम बाक्वपुकीमी परमपरभु यावे कली

ठेयब सेल्मेक्ल। परमपरभु यावे कली ठेयब सेलीन।

परमपरभु आ दाक्तीके लीब

१ परमपरभु यावे कली “गे रिम्शो पाइब १३६ बाक्नीनी” देनीन। मारदे हना मेको रिम्शो पाइब बाक्व। मेको आ दाक्तीके गेना हना यो लीब। भजन संग्रह १०१ :६ २ मिनु देवी देवता आन परमपरभु कली “गे रिम्शो पाइब बाक्नीनी” देनीन। मारदे हना मेको आ दाक्तीके गेना हना यो लीब। ३ मिनु परमपरभु, आन परमपरभु कली “गे रिम्शो पाइब बाक्नीनी” देनीन। मारदे हना मेको आ दाक्तीके गेना हना यो लीब। ४ मेकोमी ला ठेयब छक लाक्चा डा गेय पाइब। मारदे हना मेको आ दाक्तीके गेना हना यो लीब। ५ मेकोमी जोक्व तुइक्व दुम्तीकेमी सरीड सेल्लु। मारदे हना मेको आ दाक्तीके गेना हना यो लीब। ६ मेकोमी ब्वाक्कु तार रागी सेल्लु। मारदे हना मेको आ दाक्तीके गेना हना यो लीब। ७ मेकोमी नां तास्त्ता सेल्लु। मारदे हना मेको आ दाक्तीके गेना हना यो लीब। उत्पत्ती १ :१४-१८ ८ मेकोमी नाक्ती कली नां सेल्लु। मारदे हना मेको आ दाक्तीके गेना हना यो लीब। ९ मेकोमी नाक्दो कली तास्त्ता नु सोरुल सेल्लतीमी। मारदे हना मेको आ दाक्तीके गेना हना यो लीब।

१० मेकोमी इजीप्त रागीमी डांइती जरमशा नेल्ल आन कली साइक्तीमी। मारदे हना मेको आ दाक्तीके गेना हना यो लीब। भजन संग्रह १३५ :८-१२ ११ मेकोमी इसराएली आन कली इजीप्ती आन दात र गरुइशा चाक्तीमी। मारदे हना मेको आ दाक्तीके गेना हना यो लीब। १२ मेकोमी आ ठेयब सक्तीमी मेको आन कली गरुइशा चाक्तीमी। मारदे हना मेको आ दाक्तीके गेना हना यो लीब। १३ मेकोमी लल समुन्दरमी लां सेल्लु। मारदे हना मेको आ दाक्तीके गेना हना यो लीब। १४ मेकोमी इसराएली आन कली मेको लां र पा शोक्पाइक्तीमी। मारदे हना मेको आ दाक्तीके गेना हना यो लीब। १५ मेकोमी फाराओ नु आ लडाइ पाइब आन कली लल समुन्दरमी याल्पाइक्तु। मारदे हना मेको आ दाक्तीके गेना हना यो लीब। १६ मेकोमी आ मुर आन कली गोरशा रागीम लां कांइताक्मी। मारदे हना मेको आ दाक्तीके गेना हना यो लीब। १७ मेकोमी ठेयब पिप आन कली साइक्तीमी। मारदे हना मेको आ दाक्तीके गेना हना यो लीब। गन्ती २१ :२३-३५ १८ मेकोमी सक्त्त पाइश्शा पिप आन कली

साइक्तीमी। मारदे हना मेको आ दाक्तीके गेना हना यो लीब। १९ मेकोमी एमारी आन पिप सीहोन कली साइक्तु। मारदे हना मेको आ दाक्तीके गेना हना यो लीब। २० मेकोमी बाशान डा पिप ओग कली साइक्तु। मारदे हना मेको आ दाक्तीके गेना हना यो लीब। २१ मेकोमी मेको आस रागी आ मुर आन कली योक्शा, गेम्तीमी। मारदे हना मेको आ दाक्तीके गेना हना यो लीब। २२ मेकोमी मेको रागी आ गेय पाइब इसराएली आन कली गेम्तीमी। मारदे हना मेको आ दाक्तीके गेना हना यो लीब।

२३ मेकोमी गो श्येत जकानु, आंइ कली मिस्ताक्व। मारदे हना मेको आ दाक्तीके गेना हना यो लीब। २४ मेकोमी आंइ कली आंइ जोरी सतरु आन गुइ रे परांइतु। मारदे हना मेको आ दाक्तीके गेना हना यो लीब। २५ मेकोमी बरांइब नेल्ल आन कली जचा गेब। मारदे हना मेको आ दाक्तीके गेना हना यो लीब। भजन संग्रह १४५ : १५

२६ स्वर्ग डा परमपरभु कली “गे रिम्शो पाइब बाक्नीनी” देनीन। मारदे हना मेको आ दाक्तीके गेना हना यो लीब।

बेबीलोनम बाक्व आन कुम्सो

**१३७** १ गो बेबीलोन डा खोला आ नेक्था बाक्शा, सियोन कली मिम्शा डाक्तक। २ गोपुकीमी आंइ तार पाइश्शो ताप्तीके मेकर डा रवामी क्युक्तक। ३ मारदे हना आंइ कली ग्याइश्शा लाइक्वपुकीमी मेकर कुम्सो पपाइक्तेक्म। मिनु आंइ कली श्येत गेबपुकीमी ग्येरतीक कुम्सो पपाइक्तेक्म। मेकोपुकीमी आंइ कली “सियोन डा कुम्सो का पने” देतेक्म।

४ गो आंइ मतुइश्शो रागीमी परमपरभु यावे आ कुम्सो दोपा पने चाप्नीकी ? ५ गो यरूसलेम, इ कली परंताक्ड हना, आं ग्युरा गुइ मदुक्व दुम्त। येरमीया ५१ : ५० ६ गो इ कली ममिम्शो नड हना, गो यरूसलेम कली आं नेल्ल क्येडा ठेयब ग्येरतीके बाक्व, दे ममिम्शो नड हना, आं ले आं कुकुम क्येप्लत।

७ परमपरभु यावे, यरूसलेम खतम तुम नाक्ती एदोम डा मुर मार पाम, मेको मिम्तीन। मेकोपुकीमी “एको कली परतीन। जग रेन खतम पोक्कीन” दे वाइ बरेतेक्म। भजन संग्रह ७९ : १२ ; ओबदिया १० : १५ ८ बेबीलोन सहर, गे मुल खतम पोक्चा पुंइसीनवे। गे मार पवी मेको

आ क्येक्क लेप्त्र ग्येरसीशो मुर बाक्व। ९ इन आल आन कली ग्याइश्शा, फुल्लु तार राप्शा साइक्व, ग्येरसीशो बाक्नीम। यसैया १३ : १६ ; रोमी १२ : १९

ठेयब सेल्लिक कुम्सो

दाऊद आ कुम्सो।

**१३८** १ परमपरभु, गो आं थुं नेल्लेमी इन कली ठेयब सेल्लुड। गो देवी देवता आन डांइती इन कली ला ठेयब सेल्लिक कुम्सो पाइनुड। २ गो इन खिं गे बाप्शा, इन कली “गे रिम्शो पाइब बाक्नीनी” देनुड। मारदे हना इन गेना हना यो दाक्तीकेमी दाक्शा मपरांइनीनी। मिनु इन नं नु इन लोत्र नेल्ल आन क्येडा ठेयब बाक्नीम। ३ गो इन कली बरेडडानु, आं लोत्र लेत्ताक्यीनी। गे आं कली महिंवे थुं गेशा, बोल्यो सेल्लिनी।

४ परमपरभु यावे, रागी डा पिप नेल्लेमी इन लोत्र नेतेक्म। मोपतीके मेकोपुकीमी इन कली ठेयब सेल्लेक्व। यसैया २ : ३ ५ मिनु मेकोपुकीमी परमपरभु यावे आ लां आ पर्वम कुम्सो पामक्व। मारदे हना परमपरभु यावे आ सक्ति थम ठेयब बाक्व। ६ परमपरभु यावे नेल्ल क्येडा ठेयब बाक्व हना यो, मेकोमी आइक्व मुर आन कली कोत्रब। तन्न ठेयब लेश्शो मुर आन क्येडा डोन बाक्व।

७ मिनु गो शुश श्येत जाता हना यो, गे आं कली परांइनीनी। गे आं कली तथा आं जोरी सतरु आन गाइश्शो रे परांइनीनी। गे इन सक्तिमी आं कली परांइनीनी। ८ परमपरभु यावमी आं पर्वम आ पचा माल्शो नेल्ल पाइब। परमपरभु यावे इन दाक्तीके गेना हना यो लीब। इन सेल्लो मुर, आं कली मपरांनिन।

परमपरभुम मुर आन थुं तुइक्व

कुम्सो पपाइक्व कली दाऊद आ कुम्सो।

**१३९** १ परमपरभु यावे, गे आं कली नाक्शा तुइश्शो बाक्नीनी। भजन संग्रह ७ : १० ; येरमीया १७ : १० २ गे आं निश्शो बाक्शा तुइश्शो बाक्नीनी। आं मिम्शो नेल्ल तुइक्नीनी। ३ गे आं गाक्शा इप्शा थमा पा तुइक्नीनी। आं पशो नेल्ल गे तुइश्शो बाक्नीनी। ४ परमपरभु यावे, गे आं ब्याक्चा क्येडा डांइती आं लोत्र नेल्ल तुइक्नीनी। ५ गे

आं एर आंथ नेल्ल बाक्शा, इन गुइ आं तार वोइक्तीनी। ६मको तुइक्तीक आं कली थम ठेयब बाक्ब। मिनु गो मको रुन्ने मचाप्नुड।

७ मिनु गो इन सोक्त क्येडा ते लशा खरुइक्ने चाप्नुडा डा? गो इन डांइती रे ते पुरोक्ने चाप्नुडा डा? ८ गो सरीड लती हना यो, गे मक बाक्नीनी। गो बक्शा मुर आन बाक्तीकम आं बाक्तीक सल्ला हना यो, गे मक बाक्नीनी। आमोस १ : २ १ गो नां दाप्तीक सम्म बरशा लती हना यो, शुश डोन समुन्दर तार लती हना यो, योना १ : ३ १ गे मेकर यो आं कली लां कोइनीनी। मिनु गे इन सक्तिमी आं कली वारच पाइनीनी। ११ मिनु गो “छिडछिडम आं कली सुम्शा, आ एर आंथ डा छेडछेड नेल्ल नाक्दो खोदंशो दुम्ल” देती हना यो, अय्युब ३४ : २२ १२ छिडछिड इन कली छिडछिड मडुम्ब। नाक्दो नाक्त खोदंशो पा छेडछेड दुम्ब। मारदे हना छिडछिड इन कली छेडछेड खोदंशो बाक्ब।

१३ मिनु गे आं आगा डा मारइ मारइ सेल्लतीनी। गे आं कली आं ममा आ कोव्रजम सेल्लतीनी। १४ गो इन कली ठेयब सेल्लुड। मारदे हना गे आं कली छक लाक्चा डा नु रिम्शो पा सेल्लतीनी। इन गेय नेल्ल छक लाक्चा डा बाक्नीम। गे आं कली थमा पा तुइश्शो बाक्नीनी। १५ गो खरुइश्शा जोल्ना जोल्न बाक्डानु, गे आं कली तशो बाक्तीनी। मेना गो रागी आगाम जोल्ना जोल्न बाक्शा नड। १६ गे आं मजोल्शो रां तशो बाक्तीनी। मिनु आं कली गेशो ब्रांइतीक नाक्ती नेल्ल इन किताबम बरक्शा बाक्तक्म। मेको दुम्चा क्येडा डांइतीन बरक्शा बाक्त। भजन संग्रह ३१ : १६ १७ परमपरभु, इन मिम्शो आं कली थम ठेयब बाक्ब। इन मिम्तीक शुश बाक्नीमी। भजन संग्रह ४० : ६ १८ गो मेको आन कली हिक्चा माल्शो नड हना, मेको बाल्वा क्येडा यो शुश दुम वा। गो सेसीडानु, गो गे नु बाक्शो बाक्नुड। भजन संग्रह ६३ : ७

१९ परमपरभु, गे इन अरेशो मटीब आन कली साइक्नी हना, रिम्शो दुम वा। हुश खराक्श पोक्ब आं क्येडा डोन लमल। २० मेकोपुकीमी इन पर्वम मरिम्शो लोत्र पाइनीमी। मिनु ठेयब लेश्शा, शुश मरिम्शो पाइब बाक्नीमी। २१ परमपरभु यावे, इन कली काइ मदाक्ब आन कली गो यो काइ मदाक्नुडमी। मिनु गो इन कली मरिम्शो पचा कली बाक्ब आन कली तशा ग्रांगरा दिन्नुडमी। २२ गो मेको आन कली थमा पा काइ मदाक्नुडमी। मिनु गो मेको आन कली

आं जोरी सतरु मिम्नुडमी। २३ परमपरभु, गे आं कली नाक्शा, आं थुं कोव्रयीनी। मिनु आं कली कोव्रशा आं मिम्शो तुइक्तीन। २४ गो आं थुंम इन अरेशो मटितीक बाक्म कां? कोव्रडीन। मिनु गे आं कली गेना हना यो ब्रांइशा बाक्तीक लांम सुल्यीनी।

ब्रांइचा आ पर्वम पुंइशा

कुम्सो पपाइक्ब कली दाऊद आ कुम्सो।

१ परमपरभु यावे, आं कली मरिम्शो १४० पाइब आन गुइ रे पुरांइयीनी। आं कली हुश खराक्श पोक्ब आन गुइ रे पुरांइयीनी। २ मेकोपुकीमी आन थुंमी मरिम्शो पतीक मिम्ना मिम्न बाक्नीम। मिनु जिचा पोक्नीम। ३ मेकोपुकी कोक्चा चिक्शा बुस्स खोदंशो बाक्नीम। मेको आन लोत्र बुस्स आन बीस खोदंशो बाक्ब। ठेयब संदा पा। रोमी ३ : ३३

४ परमपरभु यावे, इन अरेशो मटीब नु हुश खराक्श पोक्ब मुर आं क्येडा डोन वातीन। मेकोपुकीमी आं कली दाइल पपाइक्चा माल्नीम। ५ ठेयब लेश्शो मुरपुकीमी खरुइश्शा आं कली ब्यारद दाइक्ताक्म। डोरी के ब्यारद दाइक्ताक्म। मेकोपुकीमी आं लांमी ब्यारद दाइक्ताक्म। ठेयब संदा पा

६ मिनु गो परमपरभु यावे कली “गे आं परमपरभु बाक्नीनी। परमपरभु यावे, गे आं पुंइशा लोत्र नेनीन। भजन संग्रह २२ : ११ ७ परमपरभु यावे, आं परमपरभु, गे इन सक्तिमी आं कली पुरांइनीनी। लडाइ दुम्मनु, गे आं कली पुरांइनीनी। ८ परमपरभु यावे, इन अरेशो मटीब आन मिम्शो दला दाक्स दुम्चा मगेनं। मो दुम्त हना, मेकोपुकी ठेयब लेत्नीम। ठेयब संदा पा।

९ मेको ठेयब लेश्शोपुकी आं एर आंथ बाक्शो बाक्नीम। मेको आन मरिम्शो पशो आंमा रमल। ठेयब संदा पा। १० गे मेको आन तारी बरशा कोइला मोतीन। मेकोपुकी गेनायो गरुने मचाप्चा पा खाल्टाम बिक्मल। ११ मुर आन पर्वम जोल पाइब रागीम मडुम्मल। हुश खराक्श पोक्बपुकी रीब पा खतम दुम्मल।

१२ परमपरभु यावे, श्येत जशो आन कली वारच पाइब नु परुडग आन कली ठीक निसाफ पाइब बाक्नीनी, दे तुइक्नुड। १३ ठीक पाइबपुकीमी, थमा पा इन नें ठेयब सेल्लनीम। मिनु रिम्शो थुं पाइश्शो मुर इन डांइती बाक्नीम” देती।

“आं कली कोवयीनी” दे पुंडशो

दाऊद आ कुम्सो ।

**१४१** १ परमपरभु यावे, गो इन कली पुंडनुड । मिनु ग रीब पा जाक्कीन । गो इन कली पुंडशा बरुडडानु, आं बरुशो ननीन । २ आं पुंडशो लोत्र इन डांडती धूप खोदंशो दुम्त । मिनु आं गुइ क्युकशो नाकदो डा चदंशो खोदंशो दुम्त । परस्थान ३० :७ ; परस्थान २९ :३९

३ परमपरभु यावे, आं शोत्रमी खाल पाइब का वोतीन । आं कली मरिम्शो लोत्र पचा मगेयीनी । भजन संग्रह ३९ :२ ; याकूब ३ :५-६ ४ आं थुं कली मरिम्शो मिम्चा मगेने । मरिम्शो पाइब नु गारशा, इन मदाकशो गेय पचा मगेने । मिनु गो मेको आन बरोत्रशो जचा थोत्रक जचा मदाकनुड ।

५ ठीक पाइबमी आं कली तुप्यील । मेको आं शिशी बाकब । मेकोमी आं कली हुइक्तील । मेको आं पियाम लुकशो तेल खोदंशो दुम्ब । तन्न इन अरशो मटीब आन तेल आं पियाम मलुम्सेक्ल । मो हना यो गो मेको आन मरिम्शो पशो आ पर्वम पुंडना पुंडन बाक्नुड । लेवी १९ :१७ ; हितोपदेश २७ :५-६ ६ मेको आन निसाफ पाइब रोगु रे तोक्चा पुंडसामानु, मरिम्शो पाइबपुकीमी आं लोत्र “थमा बाक्त” दे रुनीम । ७ दोपा फुल्लु परोल्शा रू मेर फराइनीमी, मोपान मेको आन रुश बक्शो मुर आन बाक्तीकमी बरशो बाक्नीम ।

८ तन्न परमपरभु यावे, आं परमपरभु, गो इन गे कोवनुड । गो गे नु फास्सीनुड । गे आं कली बक्चा मगेयीनी । ९ गे आं कली मेको आन दाइशो ब्यारद रे परोइयीनी । आं कली मरिम्शो पाइब आन दाइशो ब्यारद रे परोइयीनी । १० इन अरशो मटीब नेल्ले आंम आन दाइशो ब्यारदम रेम्मल । गो चहिं मारइ मदुम्थु लाकनुड ।

“श्येत जशोनु, वारच पाइय्यीनी”

शंतीक कुम्सो । पुक्सीम बाक्शा, दाऊद आ सल्ल्शा कुम्सो । १ सामुएल २४ :४

**१४२** १ गो परमपरभु यावे कली वाइ बरनुड । गो परमपरभु यावे कली पुंडनुड । २ आं लोत्र नेल्ले मेको आ डांडती वाइक्नुड । गो मेको कली आं श्येत नेल्ले देनुड । ३ आं थुं लुकच लत हना, गो मार पचा माल्लुडा, गे मेको तुइक्नीनी । मुरपुकीमी आं गाक्तीक लामी ब्यारद दाइक्ताकम । ४ गो आं

ग्युरा गे कोवता, मिनु आं कली मिम्ब सुइ मबाकम । आं कली खरुइक्तीके तेइ मबाकब । सुइमी आं कली वारच मपाइय्यीमी ।

५ परमपरभु यावे गो इन कली बरुत्ताकड । गो “गे आं खरुइक्तीके बाक्नीनी । बरोइशा बाकब आन रागीमी गे आं भाग बाक्नीनी” देती । भजन संग्रह २७ :१३ ६ आं पुंडशो लोत्र ननीन । मारद हना आं थुं शुश लुकच लत । आं कली खदा पाइब रे परोइयीनी । मारद हना मेकोपुकी आं क्यडा बोल्यो बाक्नीम । ७ आं कली आं चोक्सीतीके रे परोइयीनी । मिनु गो इन कली “गे रिम्शो पाइब बाक्नीनी” देने चबुल । मिनु आं कली रिम्शो पशो तशा, ठीक पाइबपुकी आं एर आंथ बाक्शा ग्येरसीनीम ।

श्येत जामेनु, पुंडशो

दाऊद आ कुम्सो ।

**१४३** १ परमपरभु यावे, आं पुंडशो लोत्र ननीन । “गो शिशी तडल” दे इन दाक्शा मपरोइतीकमी आं पुंडशो लोत्र ननीन । मिनु इन ठीक पतीकमी आं लोत्र लेत्तीनी । २ मिनु इन गेय पाइब कली निसाफ पा दोस मगेने । मारद हना बरोइशोपुकी इन डांडती ठीक पाइब सुइ मबाक्नीम । भजन संग्रह १३० :३ ; अय्युब ९ :२ ; रोमी ३ :२०

३ आं जारी सतरुमी आं कली खदा पतीमी । आं कली खपीम खोल्शा, साइक्चा चिक्ताक्यीमी । मेकोपुकीमी आं कली बक्शा मुर आन बाक्तीकम खोदंशो पा छिड्छिडम बाक्पाइक्तीमी । ४ मोपतीक आं थुं लुकच लत । मिनु गो वाम ग्याम दुम्ती ।

५ गो साइ डांडती डा नाक्त मिम्नुड । मिनु इन गेय नेल्ले मिम्ना मिम्न बाक्नुड । इन गुइम पशो नेल्ले मिम्नुड । भजन संग्रह ७७ :६ ६ गो आं गुइ इन गे दिनुड । मिनु कोक्ता रूमी ब्याक्कु माल्ल्शा खोदंशो पा, आं थुंमी इन कली माल्ल्ब । ठयब खदा पा । भजन संग्रह ४२ :२-३

७ परमपरभु यावे, गे आं कली रीब पा लोत्र लेत्तीनी । आं थुं लुकच लशो बाकब । इन कुल आं क्यडा मखरुइक्तीन । मो दुम्त हना, गो बक्शा मुर आन बाक्तीक लाइब मुर खोदंशो दुम्नुड । ८ आं कली सुनी इन गेना हना यो दाक्तीक आ पर्वम नंपाइय्यीनी । मारद हना गो इन कली थमा सुइक्नुड । गो तेको लां गाक्चा माल्लुडा, मेको आं कली शंदीनी । गो इन लां

कोव्रशा बाक्नुड। १ परमपरभु यावे, गे आं कली आं जोरी सतरु रे परांडयीनी। मारदे हना गो इन बाक्तीकमी खरुइक्थ जाक्नुड। १० आं कली इन दाक्शो पचा कली शंदीनी। मारदे हना गे आं परमपरभु बाक्नीनी। इन रिम्शो सोक्तीम आं कली ठीक लाम गाक्पाइय्यीनी।

११ परमपरभु यावे, इन नें आ पर्वम आं कली बरांडचा गयीनी। इन निसाफ पतीकमी आं कली श्यत रे परांडयीनी। १२ इन गेना हना यो दाक्तीकमी आं जोरी सतरु आन कली खतम पोक्कीन। मिनु आं जोरी सतरु नेल्ल आन कली सतीन। मारदे हना गो इन गेय पाइब बाक्नुड।

गराचा कली पुंडशो लोत्र

दाऊद आ कुम्सो।

१ परमपरभु यावे, आं सेरथे फुल्लु, १४४ ठेयब बाक्व। मेकोमी आं कली लडाइ पचा शंब। २ गो आं कली दाक्व, आं दरवार, आं खरुइश्शा बरांडशा बाक्तीक, आं कली श्यत रे परांडब नु आं तेक्तीक बाक्नीनी। गो इन बाक्तीकमी खरुइश्शा बाक्नुड। गे आं कली मुर आन कली सासन पाइब सेल्लनीनी। भजन संग्रह १८:३

३ परमपरभु यावे, मुर आइक्व बाक्तेक्म हना यो, गे मेको आन कली कोव्रनीनी। बेक्शा लाइब मुर मार नमी डा? तन्न गे मेको आन कली मिम्नीनी। ४ मुर कीशो साक्त खोदंशो बाक्नीम। मेको आन बरांडतीक नाक्ती जाम्शा लाइब वांकु खोदंशो बाक्नीम। अय्युब १४:२

५ परमपरभु यावे, इन सरोड रे तोइश्शा यिने। डांडा आन कली थिशा, कुन गरूपतीन। भजन संग्रह १८:१०-१७ ६ चिला दाप्पाइश्शा, मेको एर आंथ बरपतीन। इन बरा आप्शा मेको आन कली खेदा पने। ७ इर रे इन गुइ दिदीन। मिनु आं कली बारशो खोला नु अर्का रागी डा मुर आन गुइ रे परांडयीनी। ८ मेकोपुकीमी जोल नु मरिम्शो ला पाइनीम।

९ परमपरभु, गो इन कली नक कुम्सो का पाइनुड। १० ओटा तार पाइश्शा ताप्तीक ताप्शा, इन कली कुम्सो पाइनुड। भजन संग्रह ३३:३ १० गे पिप आन कली गरापाइक्नीनी। गे इन गेय पाइब दाऊद कली बेक्चारे परांडतीनी। ११ आं कली मुर साइक्व तरवार रे परांडयीनी। अर्का रागी डा मुर आन गुइ रे परांडयीनी। मेकोपुकीमी जोल नु मरिम्शो ला पाइनीम।

१२ मिनु आंइ तौपुकी कोल्मानु, रवा खोदंशो दुम्मल। आंइ तमीपुकी दरवारम बाक्शो मुशो थाम खोदंशो दुम्मल। १३ आंइ अन्न वोइक्तीक शुश खाल डा अन्नमी बरीमल। आंइ भेडा हजार हजार दुम्मल। आंइ भेडा आंइ रूम लाख लाख दुम्मल। १४ आंइ बीपुकी गिक्व दुम्मल। आंइ गारो मबरेल्ल। आंइ कली सुइमी ग्याइश्शा मलदमेक्ल। मिनु आंइ लामो सुइ डाक्शो मनसीब। १५ मोदंशो आसीक ताइब मुर ग्यरसीशो बाक्नीम। सु मुर आन परमपरभु, परमपरभु यावे बाक्वा, मेको ग्यरसीशो मुर बाक्नीम। व्यवस्था ३३:२९

ठेयब सेल्लो क कुम्सो

परमपरभु कली "ठेयब बाक्नीनी"

दंशो दाऊद आ कुम्सो।

१ आं परमपरभु, गे आं पिप बाक्नीनी। १४५ गो इन कली मान पाइनुड। इन नें गेना हना यो ठेयब सेल्लुड। २ गो इन कली नाक्त कित कित ठेयब सेल्लुड। गो इन नें गेना हना यो ठेयब सेल्लुड। ३ परमपरभु यावे ठेयब बाक्व। मेको ठेयब सेल्ला शिरशो बाक्व। मिनु मेको आ ठेयब दुम्तीक सुइमी रुने मचानीम।

४ पाला का डा मुरुम आन नोल डा पाला डा मुर आन कली "इन गेय ठेयब बाक्नीम" द शंचा माल्लीम। मेकोपुकीमी इन सक्ति पाइश्शा गेय आ पर्वम लोत्र पचा माल्लीम। ५ आं पिप, गो इन शुश दारस डा मान ततीक नु इन छुक लाक्चा डा गेय आ पर्वम मिम्ना मिम्न बाक्नुड। भजन संग्रह १९:२-७ ६ मुरपुकीमी इन ठेयब सक्ति आ पर्वम लोत्र पचा माल्लीम। मिनु गो इन ठेयब दुम्तीक आ पर्वम शंनुडमी। ७ मेकोपुकीमी इन शुश रिम्शो पतीक आ पर्वम चाड मानेचा माल्लीम। मिनु इन ठीक पतीक आ पर्वम ठेयब संदा पा कुम्सो पचा माल्लीम।

८ परमपरभु यावे दाक्व नु शिशो पाइब बाक्व। मेको रीब पा मगाइक्व। मिनु मेको आ गेना हना यो दाक्तीक ठेयब बाक्व। परस्थान ३४:६ ९ परमपरभु यावे नेल्ल आन कली रिम्शो पाइब बाक्व। मिनु आ सेल्लो नेल्ल आन कली शिशो पाइब। १० परमपरभु यावे, इन सेल्लो मारइ मारइमी इन कली "गे रिम्शो पाइब बाक्नीनी" दंचा माल्लीम। मिनु इन कली थमा सुइक्वपुकीमी ठेयब सेल्ला माल्लीम। ११ मेकोपुकीमी इन राज्य डा रिम्शो दुम्तीक आ

पर्वम लोत्र पचा माल्नीम । इन सक्ति आ पर्वम लोत्र पचा माल्नीम । १२मकोपुकीमी इन ठेयब सक्ति पाइइशो गेय नु इन राज्य डा दारस आ पर्वम मुर आन कली तुइक्पाइक्का माल्नीम । १३इन राज्य गेना हना यो लीब राज्य बाक्ब । इन सासन पतीक पाला पाला सम्म बाक्ब । परमपरभु यावमी आ देशो नेल्ल पाइब । मिनु आ पशो मारइ मारइ शिशोम पाइब ।

१४ मिनु परमपरभु यावमी गोल्शो नेल्ल आन कली पोक्ब । मेकोमी आन थुं लुकच लशो आन कली आन थुं बारपाइक्ब । भजन संग्रह १४६ : २ १४ मारइ मारइमी इन गे कोत्रनीम । मारद हना गे मेको आन कली आन जची ना जचा थोत्रक गेनीनी । भजन संग्रह १०४ : २७-२८ ; भजन संग्रह १३६ : २५ १६ गे हाइइशो दुम्शा, बरोइब नेल्ल कली रूपाइक्नीनी । १७ परमपरभु यावे नेल्ल ठीक पाइब बाक्ब । मिनु आ गेय नेल्ले शिशोम पाइब । १८ परमपरभु याव आ कली पुंडब नेल्ल आन नक्था बाक्ब । सु सुमी मेको कली थमा पा पुंडनीमी, मेको आन नक्था बाक्ब । १९ मेकोमी आ कली मान पा हिंब नेल्ल आन दाक्शो गेब । मेकोमी मेको आन पुंडशो नेब । मिनु मेको आन कली श्येत रे परांइब । हितोपदेस १० : २४ २० परमपरभु यावम आ कली दाक्ब नेल्ल आन कली कोत्रब । तन्न मेकोमी आ अरेशो मटीब नेल्ल आन कली खतम पोक्ब ।

२१ गो परमपरभु याव कली ठेयब सल्शा, लोत्र पाइनुड । सोक्त पाइइशो नेल्लेमी मेको कली गेना हना यो ठेयब सल्नीम ।

मचाप्व कली वारच पाइइशो

१ परमपरभु यावे कली ठेयब सेलो । आं १४६ थुं, परमपरभु यावे कली ठेयब सेलो । २ गो बरोइडा सम्म परमपरभु यावे कली ठेयब सेल्लुड । गो मबेकडा सम्म आं परमपरभु कली कुम्सो पा ठेयब सेल्लुड । ३ गे रागी डा सासन पाइब मुर आन कली थमा मसुतीन । मारदे हना मेकोपुकीमी अरु आन कली वारच पने मचाप्वनीम । भजन संग्रह ११८ : ८-९ ; येरमीया १७ : ५ ४ मेको आन सोक्त लाइब । मिनु मेकोपुकी खप दुम्नीम । मना मेको आन मिम्शा पशो नेल्ल जाम्शा लाइब । उत्पत्ती ३ : ११ ; उपदेसक ३ : २०

५ याकूब आ परमपरभुम वारच पाइक्का पुंडसीब मुर, ग्यरसीशो बाक्नीम । मेकोपुकीमी परमपरभु यावे, आन परमपरभु आ लां कोत्रशो बाक्नीम । येरमीया १७ : ७ ६ मेको सरीड

नु रागी समुन्दर नु मेकर बाक्ब आन कली सल्ब बाक्ब । मेकोमी आ देशो गेना हना यो पाइब । ७ मेकोमी दिन्चा पुंडसीब आन कली ठीक निसाफ पाइब । शोत्रतु बेक्शो आन कली जचा गेब । परमपरभु यावमी चोक्का पुंडसीशो आन कली परांइब । ८ परमपरभु यावमी मिक्च मताइब आन कली ताइब सल्ब । मिनु आन थुं लुकच लशो मुर आन कली आन थुं बारपाइक्ब । परमपरभु यावमी ठीक पाइब आन कली दाक्ब । भजन संग्रह १४५ : १४ ९ मिनु परमपरभु यावमी अर्को रागी डा मुर आन कली कोत्रब । मेकोमी वांइश बेक्शो मीश मुर नु रोम रोइक्च आन कली यो कोत्रब । तन्न आ अरेशो मटीब आन मिम्शो दुम्चा मगेब । परस्थान २२ : २०-२१ १० परमपरभु यावमी गेना हना यो सासन पाइब । सियोन, इ परमपरभुमी पाला पाला सम्म सासन पाइब । परमपरभु यावे कली ठेयब सेलीन । भजन संग्रह ९३ : १

परमपरभु कली ठेयब सल्शो

१ परमपरभु यावे कली ठेयब सेलीन । १४७ मारदे हना आंइ परमपरभु कली ठेयब सेल्लिक कुम्सो पचा रिम्शो नु शिरशो बाक्ब । भजन संग्रह ९२ : २ २ परमपरभु यावमी यरुसलेम कली सल्ब । मेकोमी इसराएल रे खरशो बरशा बाक्शो मुर आन कली सुप्व । ३ मेकोमी थुं जिक्शो आन कली सापाइक्ब । मिनु मेको आन कली वाम फरंब । यसेया ६१ : १ ४ मेकोमी सोरुल आन कली हिक्शा, का का पा आन नें वोइक्ब । यसेया ४० : २६ ५ आंइ परमपरभु ठेयब बाक्ब । मेको आ सक्ति नेल्ल क्येडा ठेयब बाक्ब । आ रुप्तीक सक्ति सुइम तुइक्ने मचाप्वनीम । लूका १ : ५२ ६ परमपरभु यावम श्येत जाइब आन कली कोत्रब । तन्न आ अरेशो मटीब आन कली खपीम ताइक्ब ।

७ गे परमपरभु यावे कली ठेयब सेल्लिक कुम्सो पने । तार पाइइशो ताप्तीके ताप्शा आंइ परमपरभु कली कुम्सो पा ठेयब सेलीन । ८ मेकोमी सरीड कली गोस्सुम सुम्पाइक्ब । रागी कली रेउ यिपाइक्ब । मिनु डांडाम घांस वापाइक्ब । ९ मेकोमी जन्तु नु बी ब्यफ आन कली थुल्ब । खद आन चाइक्ब आन कली यो जचा गेब । अय्युब ३८ : ४१ १० मेको शारा आन सक्ति तशा मग्यरसीब । मुर आन रीब पा दोरशो मारइ ममिम्ब । ११ तन्न परमपरभु यावमी आ कली मान

पा हिंब नु आ गेना हना यो दाक्तीके कली रिम्ब आन कली दाक्ब ।

१२ यरूसलेम, परमपरभु यावे कली ठेयब सेली । सियोन, इ परमपरभु कली ठेयब सेली । १३ मारद हना मेकोमी इ सहर डा लाप्चोपुकी बोल्यो सल्थो बाक्ब । मिनु इ आगाम बाक्ब आल आन कली आसीक गेब । १४ मेकोमी इ सांदमी लडाइ मदुम्पाइक्ब । मेकोमी इ कली रिम्शा चरबीम रूपाइक्ब ।

१५ मेकोमी आ शंतीक रागीम सोइक्ब । मेको आ लोत्र रीब पा तेइ ते बराइब । अय्युब ३८ : २२-३० १६ मेकोमी ऊन सोदंशो पा फु यिपाइक्ब । मिनु पुतु सोदंशो पा फुरश यिपाइक्ब । १७ मेकोमी फुल्लु सोदंशो पा मुप्स यिपाइक्ब । मेको आ काइश्शो फशेमी सु राने चाप्चा डा ? १८ मेकोमी लोत्र पा फुरश यपाइक्ब । मेकोमी फश पपाइक्ब । मिनु ब्वाक्कु शाइक्पाइक्ब । १९ मेकोमी आ लोत्र याक्ब कली शंब । मिनु इसराएल कली आ फुल्लुमु मुशा बरेक्शो लोत्र नु आ पतीक लोत्र शंब । व्यवस्था ४ : ८ ; पररित १४ : १६ ; रोमी ३ : २२ मेकोमी अर्को रागी डा सुइ मुर आन पर्वम मोदंशो मपावो । मिनु मेकोपुकीमी आ पतीक लोत्र मतुइक्नीम । परमपरभु यावे कली ठेयब सेलीन ।

परमपरभु कली ठेयब सेल्थो

१ परमपरभु यावे कली ठेयब सेलीन । १४८ परमपरभु यावे कली सरीड रं ठेयब सेलीन । इर रं मेको कली ठेयब सेलीन । भजन संग्रह १०३ : २०-२२ २ आ स्वर्ग डा गेय पाइबपुकी, मेको कली ठेयब सेलीन । आ स्वर्गम बाक्ब नल्लेमी मेको कली ठेयब सेलीन । ३ नां नु तास्ना मेको कली ठेयब सेलीस । छुडछुड पाइश्शो सोरुल नल्लेमी मेको कली ठेयब सेलीन । उत्पत्ती १ : १-२७ ४ नल्ल क्यडा इर सरीड नु मेको आ तार बाक्ब ब्वाक्कु नल्लेमी मेको कली ठेयब सेलीन । ५ मेकोपुकीमी परमपरभु यावे कली ठेयब सेल्मेक्ल । मारद हना मेकोमी लोत्र पवानु, मेको दुम्तेक्म । भजन संग्रह ३३ : ९ ६ मेकोमी मेको आन कली गेना हना यो बाक्मल, दे वोइक्तु । मिनु मेकोमी मेको आन कली अरेवानु, आन बाक्तीकेम बाक्शा टिम्तेक्म ।

७ रागी रं पा ब्वाक्कुम बाक्ब ठेयब जन्तु नु शुश लुक्च लशो ब्वाक्कु, परमपरभु यावे कली ठेयब सेलीन । ८ मी नु मुप्स, फुं नु फुरश नु फश गिवावरी आ दंशो टीनीम ।

९ पहाड नु डांडा, फल फुल सिप्च रवा नु लाइश्शो रवा नल्ले, १० ब्वाकी डा जन्तु नु बी ब्यफ नल्ले, आइक्च सर्पीम गरेशा गाक्ब जन्तु नु बरेब चिक्ब नल्ले ११ रागी डा पिपपुकी नु जात जात डा मुर नल्ले, रागी डा सासन नु हुकुम पाइब नल्ले, १२ वोइश आल नु मीश आल, खाल्पा खाल्पी नु आल नल्लेमी परमपरभु यावे कली ठेयब सेलीन । १३ मेको नल्लेमी परमपरभु यावे आ नं ठेयब सेल्मेक्ल । मारद हना मेको आ नं ला ठेयब बाक्ब । मेको आ मान ततीक डा छुडछुड रागी नु सरीड तार बाक्ब । १४ मेकोमी आ मुर आन कली सक्ति पाइश्शो नु ठेयब सेल्लु । आ कली थमा सुइक्ब नल्ले नु आ नेक्था बाक्ब इसराएलीपुकीमी परमपरभु यावे कली ठेयब सेलीन । व्यवस्था ४ : ७-८

परमपरभु कली ठेयब सेल्थो

१ परमपरभु यावे कली ठेयब सेलीन । १४९ परमपरभु यावे कली नक कुम्सो का पन । थमा सुइक्ब आन गरुम्तीकेमी मेको कली ठेयब सेलीन । भजन संग्रह ३३ : ३ २ इसराएल आ कली सेल्ब आ पर्वम ग्येरसक्ल । सियोन डा मुर आन पिप आ पर्वम ग्येरसमल । भजन संग्रह १०० : ३ ; भजन संग्रह ९३ : १ ३ मेकोपुकीमी सिल पना पन मेको आ नं ठेयब सेल्मेक्ल । खेजडी नु बीना ताप्शा, मेको कली कुम्सो पामेक्ल । ४ मारद हना परमपरभु यावे आ मुर आन पर्वम ग्येरसीशो बाक्ब । आइक्च मुर आन कली गरातीकेमी ग्योम्ब । ५ थमा सुइक्बपुकी शुश ग्येरसमल । मिनु आन ब्राख्येमी यो ग्येरशा कुम्सो पामेक्ल ।

६ मेकोपुकीमी परमपरभु कली ठेयब सेल्तीक कुम्सो पामेक्ल । मेको आन गुइमी निम्फा ग क्योरतीक पाइश्शो तरवार बाक्ल । ७ मेकोपुकीमी रागी रागी डा मुर आन कली सजाइ गशा, क्यक्क लेलीम । ८ मिनु मेको आन पिप आन कली साडलो नु मेको आन ठेयब मुर आन कली फलाम के फरंतीकेम फरंने चाप्नीम । ९ मिनु मेकोपुकीमी बरेक्शा अरेशो कोत्रशा, मेको आन कली निसाफ पाइनीम । मेको परमपरभु आ मुर आन रिम्शा बाक्ब । परमपरभु यावे कली ठेयब सेलीन । यसैया ३४ : ३ ; यसैया ६३ : ४-६ ; योएल ४ : २-२४

परमपरभु कली ठेयब सेल्शो

१५० परमपरभु यावे कली ठेयब सेलीन ।  
परमपरभु कली आ बाक्तीकमी ठेयब  
सेलीन । परमपरभु यावे कली आ सरीङ्ङा ठेयब  
बाक्तीकमी ठेयब सेलीन । २ मको कली आ सक्ति  
पाइश्शा गय आ पर्वम ठेयब सेलीन । मको कली  
आ नेल्ल क्यङ्ङा ठेयब दुम्तीक आ पर्वम ठेयब  
सेलीन ।

३ तुराही ताप्शा, मको कली ठेयब सेलीन । तार  
पाइश्शा ताप्तीक नु ठेयब ताप्तीक ताप्शा,

मको कली ठेयब सेलीन । ४ खैजडी ताप्शा, सिल  
पा मको कली ठेयब सेलीन । तार पाइश्शा  
ताप्तीक नु बांसुरी ताप्शा, मको कली ठेयब  
सेलीन । ५ आइक्च बुक्कल ताप्शा, मको कली  
ठेयब सेलीन । ठेयब संदा पा मुख बुक्कल  
ताप्शा, मको कली ठेयब सेलीन । ६ सोक्त  
पाइश्शा नेल्लमी परमपरभु यावे कली ठेयब  
सेलीन । परमपरभु यावे कली ठेयब सेलीन । भजन  
संग्रह ४१ : १४ ; प्रकाश ५ : १३

## हितोपदेश

बरेकब मुरः सोलोमनमी मुर आन देशो लोत्र सुप्या नु आं थुं डा तुइक्तीक लोत्र एको किताबम बरेकशा बाकब। गेना बरेकशाः एको किताब सोलोमान आ सासन पची ना १६५-१२६ बि. सी.म बरेकशा बाकब।

गेना बरेकशाः एको किताब सोलोमन आ सासन पची ना १६५-१२६ बि. सी. बरेकशा बाकब।

मार बरेकशाः

१. सोलोमनम “जोक्ब तुइक्ब थुं मालीन” हितोपदेश १ :- १ :-

२. सोलोमनम “हंथे मगाक्कीन” हितोपदेश १० :- २४ :३४

३. अरु जोक्ब तुइक्बम बरेकशा रिम्शो पतीक लोत्र हितोपदेश २२ :१७-२४ :३४

४. सोलोमनम “मुर आन दातेमी रिम्शो बाक्कीन” हितोपदेश २५ :- २९ :-

५. आगुर नु लेमुएलम “खिं डा मुर ग्यरसीशो दुम्चा माल्नीम” दे बरेकशा बाकब। हितोपदेश ३० :- ३१ :-

हितोपदेश किताब डा शंसीचा माल्शो लोत्रः परमपरभु यावे कली मान पा हिंब मुर जोक्ब तुइक्ब दुम्शा, रिम्शो दुम्नीम।

एको किताब आ शंशो लोत्र

१ एको दाऊद आ तौ इसराएली आन पिप १ सोलोमन आ देशो लोत्र बाकब। १ राजा ५ :१-१२ २ एको किताबम तुइक्तीक नु अर्ती टिचा आ पर्वम शंसीतीक लोत्र बाकब। मेको शंसाक्नी हना, गे रुब नु जोक्ब तुइक्ब दुम्नीनी। ३ मिनु बरेकब मुर आ अर्ती सुमी टीबा, मेकोमी तुइश्शा गेय पने चाप्व। ठीक पतीक, ठीक निसाफ पतीक नु कुल मेकोत्रथु रिम्शो पने चाप्व। ४ मारेइ मजोक्ब आन कली निप्स साप्या गेय पचा शंब। ठिटा आन कली जोक्ब नु होस पाइब सेल्ब। ५ जोक्ब तुइक्ब नेल्लेमी एको लोत्र रिम्शो पा नेबमी तम्शा शुश रुब दुम्नीम। निप्स पाइश्शा मुर जोक्ब दुम्शा, ६ एको दंतीक लोत्र, कथा, जोक्ब तुइक्ब आन लोत्र नु खरुइश्शा लोत्र रुन्नीम। ७ परमपरभु यावे कली मान पा हिंचा तुइक्तीक दुम्चा कली गोतीक बाकब। मूर्खपुकीमी तुइक्तीक नु अर्ती

मदाक्नीम। हितोपदेश ८ :१३ ; हितोपदेश ९ :१० ; अय्युब २८ :२८ ; मजन संगरह १११ :१०

मरिम्शो पाइब नु मगाक्को

८ आं तौ, इ आफ आ अर्ती नेनो। इम्मा आ शंशो मपरोनो। हितोपदेश ६ :२० ; ब्यवस्था २१ :१८-२१ १ मारेइ हना मेको इ पिथा डा ग्याम्तीक नु इ कली सुन के माला नस। १० आं तौ, मरिम्शो पाइब मुरुम इ कली “हंथे पय” दे लोत्र पास्तेकम हना, मेको आन लोत्र मबिस्सो। हितोपदेश १६ :२९ ; ब्यवस्था १३ :७-९ ११ मेकोपुकीमी “पिवो, मुर साइक्चा कली बाप्या बाक्य। रिम्शो पाइब कली बाप्या, १२ मेको कली बेक्शो मुर आन बाक्तीकम सोइक्तय। गो मेको कली ससीन तुरसुम सोइक्तय। १३ मिनु गोपुकीम आ बाक्शो शोप नेल्ल रोइक्नय। मेको रोइश्शोमी आंम आंम खिं पिरनय। १४ गे, गोपुकी नु लते हना, नेल्ल गारशा योक्सय” देतेकम हना यो, १५ आं तौ, गे मेकोपुकी नु मलावो। मेकोपुकी नु मगाक्को। १६ मारेइ हना मेकोपुकी मरिम्शो गेय पचा कली रीब पा दोरनीम। हुश खराक्श पाक्चा कली चुइक्नीम। १७ चिक्बीमी तचा डा पा ब्यारेइ दाइश्शा शोर गाक्शो गेय बाकब। १८ मेको मुरपुकी साइक्चा पुंइसीचा कली बाप्या बाक्नीम। आंमान खतम दुम्चा कली बाप्या बाक्नीम। १९ मुर आन मार मार रोइश्शा, तेल्लीबपुकी मोदंशो पा साइक्चा पुंइसीनीम।

तुइक्तीकमी मुर आन कली अरब

२० लां मेर तुइक्तीक लोत्र नेसीब। सहर मेर आ संदा गरुब। हितोपदेश ८ :१-३ २१ मेको शुश मुर आन देल्लतीक मेर बरेन्ना बरेन्न बाकब। सहर ओत्रतीक ठेयब लाप्वोमी आ लोत्र पाइब। २२ मार लोत्र पाइब देशा हना “गे मारेइ मजोक्बपुकी, गेना सम्म मारेइ मजोक्ब दुम्चा दाक्नीनी ? गे शुक्शी पाइबपुकी, गेना सम्म शुक्शी पचा दाक्नीनी ? गे मूर्खपुकी, गेना सम्म तुइक्तीक कली काइ मदाक्नीनी ? २३ गे आं हुइश्शा लोत्र नेनीन। आं मिम्शा इन कली देनुड। आं लोत्र इन कली तुइक्पाइक्नुड। २४ मिनु गो इन कली बरेत्तुनु, गेपुकीम मननी। गो आं गुइ हामुनु, सुइ मपिनी। यसेया ६५ :२१-२२ २५ आं अर्ती नेल्ल मटितीक, आं हुइश्शा नेचा मदाक्तीक, २६ गो यो गे श्यत जनी ना, रिश्शा बाक्नुड। मिनु गे शुश हिंनिना, गो शुक्शी पाइनुड” दे लोत्र पाइब। ब्यवस्था २८ :६३ २७ शुश हिंतीक

ठेयब फश खोदंशो पा इन तारी जाक्त हना, श्येत फश गिवार खोदंशो पा इन तार जाक्त हना, श्येत नु हिंतीकम इन कली सुम्तु हना, २८मेना आं कली थानीनु, गो इन कली लोत्र मलेत्तुङ्क। गपुकीमी आं कली शुश माल्तीनी हना या, मथित्नीनी। यसेया ५९ : २ ; मीका ३ : ४ २९ मकोपुकीम जाक्तीक कली काइ मदाक्तीक नु परमपरभु याव कली मान मपथु महिंतीक, ३० आं अती मन्तीक, आं हुइश्शो नंचा मदाक्तीक, ३१मकोपुकीमी आन आन पशा मरिम्शो गय आन इनाम तचा माल्तीम। मिनु आन आन मरिम्शो पतीकमी बरीमल। ३२मारदे हना मारइ मजाक्व आन मटितीक साइक्वा पुंडसीनीम। मूर्ख आन मारइ ममिम्तीक खतम दुम्नीम। ३३तन्न सु सुम आं लोत्र नंतीमी, मकोपुकी श्येत मजाइनीमी। महिंथु, रिम्शो दुम्शा बाक्नीमी।

तुइक्तीकमी बेक्तीक रे पराइब

१आं तो, गे आं लोत्र नैनी, आं शंशो इ २ थुंम वोइक्तीवी हना, २गे इ नोफा दाइश्शा, तुइक्तीक लोत्र नंतीवी नु रुप्तीक दाक्तीवी हना, ३गे जाक्तीके तुइक्तीक माल्शा, रुप्तीक कली ठेयब संदा पा पुंडीवी हना, याक्व १ : ५ ४गे मको कली चांदी खोदंशो पा माल्तीवी नु थिम्शा वोइश्शो शांप माल्शा खोदंशो पा दाप्तीवी हना, ५गे परमपरभु याव कली दोपा मान पा हिंचा माल्वा, मको तुइक्क चानेव। मिनु गे परमपरभु कली तुइश्शा शंसीन चानेव। ६मारदे हना परमपरभु याव तुइक्तीक थुं गब बाक्व। आ शोत्र रे जाक्तीक नु रुप्तीक लोत्र गुरूब। दानीएल २ : २०-२३ ७मकोमी रिम्शो थुं पाइश्शा मुर आन कली तुइक्तीक थुं गब। मको दोस मताइब आन कली तक्तीक बाक्व। भजन संगरह ७ : ११ ८परमपरभु यावमी ठीक निसाफ बाक्वा देय मबाक्वा मको कोत्रब। आ लां गाक्व आ मुर आन कली कोत्रब। ९मिनु गे ठीक पतीके नु ठीक निसाफ, कुल मकोत्रथु रिम्शो पतीके नु रिम्शो लां मार बाक्म रुनेव। १०मेना तुइक्तीक इ थुंमी ओत्रब नु इ जाक्तीकमी इ थुं कली ग्यरपाइक्व। ११कोरिन्थी १ : ३० ११मिनु होस पतीकमी इ कली खाल पाइब। रुप्तीकमी इ कली कोत्रब। १२मकोमी इ कली मरिम्शो लां नु दूली लोत्र पाइब मुर रे पराइब। १३मकोपुकी रिम्शो थुं पाइश्शा मुर आन लांम गाक्वा पराइशा, छिङ्छिङ्छिङ्छ लांम गाक्नीमी, १४मकोपुकी थम मरिम्शो पचा कली ग्यरसीनीम। शुश दूली नु

मरिम्शो पतीकमी ग्यरसीनीम। १५मको आन पतीक काइ मरिम्शो बाक्व। हेथे लां गाक्व बाक्नीम।

१६होस पतीक नु रुप्तीकमी इ कली हेथे पाइब मीश मुर नु आ वाल्वा डा लोत्र रे यो पराइब। १७मकोमी आ ग्युंब पशा वीडश कली पराइशा, परमपरभु याव आ डांडी पशा कवल परंताक्व। १८मको आ खिं ओत्रब नल्ल बेक्तीक लां लाइनीम। मको आ खिं डा लां बेक्शा मुर आन बाक्तीक लतीक लां बाक्व। १९मोदंशो मीश मुर आ बाक्तीक लाइबपुकी गेनायो लेन्ने मचान्नीम। मिनु बरांडीतीक लां यो मताइनीम।

२०मोपतीक रिम्शो मुर आन लां गाक्को। ठीक पाइब आन लां गाक्को। २१मारदे हना रिम्शो थुं पाइश्शा मुर रागीम बाक्वा ताइनीम। दोस मताइबपुकी रागीम लीनीम। भजन संगरह ३७ : १ ; मती ५ : ५ २२तन्न परमपरभु याव आ अरेशो मटीबपुकी आन शाक्श रेन रागी रे तुल्वा पुंडसीनीम। थमा मसुइक्वपुकी सुवा खोदंशो पा ताइक्वा पुंडसीनीम। भजन संगरह ३७ : १०

थमा सुइक्वमी आसीक ताइनीम

१आं तो, आं अरेशो मपरंदो। मिनु आं शंशो ३ लोत्र इ थुंमी वोटो। लेवी १८ : ५ २मारदे हना मकोमी इ कली शुश बर्स बरांडीतीक नु थम रिम्शो बाक्वा गेनीस। ३गेना हना यो दाक्शा गेनायो मपरांडथु, बाक्को। मको निक्शी कली माला खोदंशो पा रल्शा, इ थुंम बरक्शो खोदंशो पा वोटो। व्यवस्था ६ : ८ ; यरमीया ३१ : ३३ ४मो पाप्तीवी हना, गे परमपरभु आ आसीक ताइनेव। मुर नल्लेमी इ कली रिम्शो देनीम।

५गे इ थुं नल्लेमी परमपरभु याव आ दंशो मिम्शा, थमा सुतो। इ आंम जाक्शो तुइश्शा थमा मसुतो। ६इ पतीक नल्लेमी “परमपरभु यावमी मार दाक्वा” दे मिम्तो। मो पाप्तीवी हना, परमपरभु यावमी इ कली ठीक लां कांडब। ७गे “गो जाक्व तुइक्व मुर नड” दे ममिम्तो। तन्न परमपरभु याव कली मान पा हिंनो। मरिम्शो पतीक रे डोन बाक्को। यसेया ५ : २१ ८मो पाप्तीवी हना, मको इ रां कली सापाइक्तीक बाक्व। मिनु इ गुइ खोइल बोल्यो दुम्नीम।

९इ शांपामी परमपरभु याव कली मान पावो। मिनु इ बाली नाली रे नल्ले वयडा डांडीती सिश्शांमी आ नें ठेयब सेलो। परस्थान २३ : ११ १०मो पाप्तीवी हना, इ कोठो भकारी अन्नमी शुश

बरीशो बाक्नीम। इ अङ्गुर खराक्तीक अङ्गुर रसम बरीशो बाक्नीम।

११ आं तौ, परमपरभु यावेमी इ कली देशो रिम्शो पावो। आ हुइशो नंशा, मरिम्शो मसुतो। हिबरू १२:५-६; अय्युब ५:१७-१९ १२ मारद हना परमपरभु यावेमी आ दाक्शा मुर आन कली ला हुइक्व। मेकोमी रिम्शो आफोमी आ दाक्शा तौ कली खोदेशो पा सजाइ गेब। १कोरिन्थी ११:३२; प्रकाश ३:१९

तुइक्तीकमी मुर कली रिम्शो सेल्व

१३ तुइक्तीक ताइब नु रुखपुकी ग्येरसीशो मुर बाक्नीम। १४ मारद हना तुइक्तीक चेम्शो चादी क्येडा शुश रिम्शो बाक्व। मिनु आ चेम्शो सुन क्येडा यो शुश क्येट लाइब बाक्व। हितोपदेश ८:१० १५ तुइक्तीक हीरा क्येडा शुश क्येट लाइब बाक्व। इ माल्शो मारइ मारइ नेल्ल मेको क्येडा आइक्व बाक्नीम। १६ मेको आ ग्युरा गुइमी शुश बरोइतीक नाक्त्त बाक्नीम। आ परा गुइमी शोप नु मान ततीक बाक्व। १७ मेको आ लां रिम्शो नु थुं नाइक्तीक बाक्नीम। १८ मेको नु बाक्वपुकी शुश नाक्त्त बरोइनीम। मेको कली मुष्शा बाक्व आन पर्वम मुरपुकीमी “मेकोपुकी ग्येरसीशो मुर बाक्नीम” देनीम। हितोपदेश ११:३०; हितोपदेश १३:१२; हितोपदेश १५:४

१९ परमपरभु यावेमी आ तुइक्तीकमी रागी सेल्लु। आ रुप्तीकमी सरीड वोइक्त्तु। हितोपदेश ८:२२-३१ २० आ जोक्तीकमी व्याक्कु बुक्पाइक्त्तु। मिनु गोस्स र फुरश यिपाइक्त्तु।

२१ आं तौ, आं देशो गेय पचा क्येडा डांइती मिम्शा, गेनाया मपरोनो। ठीक तुइक्तीक नु होस पतीक गे नु बाक्ल। २२ मारद हना मेको इ बरोइतीक नु इ दारस बाक्नीस। २३ मिनु गे इ लांम रिम्शो पा गाक्डे नु इ खोइल दाइल मपाइब। २४ गे निस्सनु, हिंचा ममाल्लेवे। इमेनु बरोव्रशो निन्दरा पाइनेवे। भजन संगरह ३:६ २५ शुश हिंचा डा दुम्मेनु, महिनो। फश पवानु, परमपरभु यावे आ अरशा मटीबपुकी खतम दुस्मानु, ग महिनो। २६ मारद हना परमपरभु यावे गे नु बाक्व, मेकोमी इ खोइल कली रतीक र परोइब। हितोपदेश १०:२९

मुर आन कली वारच पावो देशो

२७ मिनु मुर आन कली गेचा डा गेवो। इ गुइमी बाक्त्त हना, शिम मधुमो। २८ गे नु बाक्त्त हना

“दीसा जाक्को। मिनु गेनन” दे इ नेक्था डा मुर आन कली मदेनो।

२९ इ नेक्था बाक्व कली मरिम्शो पचा ममिम्तो। मारद हना इ कली थमा सुइशशा, इ नेक्था बाक्व। ३० इ कली मारइ मरिम्शो मपथु जिचा मपोक्को। ३१ रोइक्व मुर आ मारइ मारइ तशा, मक्लो। मेको आ लांम काइ मगाक्को। ३२ मरिम्शो दूली पाइब तशा, परमपरभु यावे गरांगरा दीब। रिम्शो थुं पाइशोपुकी चहिं मेको नु बाक्चा ताइनीम। भजन संगरह २५:१४ ३३ परमपरभु यावेमी आ अरशा मटीब आन सिं डा मुर आ सराप राइब। तन्न ठीक पाइब आन सिंम आसीक राइब। ३४ मिनु परमपरभु यावेमी ठेयब लेशशो शुक्शी पाइब मुर आन कली शुक्शी पाइब। बरम्शो थुं पाइशो आन कली चहिं शिशो पाइब। १ पतरुस ५:५ ३५ तुइक्व मुरपुकी मान पाइक्चा पुंइसीनीम। तन्न मटीब मूर्खपुकी मुने दोक्नीम।

तुइक्तीक थुं रिम्शो बाक्व

१ आं तौपुकी, आं अर्ती नेनीन। गे जोक्व  
 ४ तुइक्व दुम्चा कली इन नोफा दाइशशा नेनीन। २ गो इन कली रिम्शो पा अरनुङ्ग। आं शंशो लोव्र मपरोनीन। ३ गो यो आं आफ नु बाक्शो बाक्ती। गो आं ममा आ दाक्शा तौ बाक्ती। ४ मिनु आं आफोमी आं कली “आं लोव्र इ थुंमी वोतो। मिनु आं शंशो टिशा बरोनो। लेवी १८:५ ५ तुइक्तीक मालो नु जाक्व तुइक्व दुमो। आं देशो लोव्र मपरोनो। ६ मेको कली मपरोइतीवी हना, इ कली कोव्रब। मेको कली दाक्ताक्वी हना, इ कली खाल पाइब। ७ तुइक्तीक आ गोतीक मार बाक्त्त देशा हना, तुइक्तीक शुश माल्चा माल्लेवे। मार ताप्तीवी हना यो, नेल्ल क्येडा ठेयब जोक्व तुइक्व दुमो। ८ मेको कली ठेयब सेल्लतीवी हना, इ कली ठेयब सेल्व। ग मेको कली मुप्तीवी हना, इ कली मान ततीक गेब। ९ मेकोमी इ पिया दारशो पा ग्योम्पाइक्व। इ पिया तारी रिम्शो सिरपेच गुक्व” दे शंताक्यी।

तुइक्तीकमी बरोइचा गेब

१० आं तौ, इ नोफा दाइशशा, आं लोव्र नंशा, बरावो। मो पाप्तीवी हना, गे शुश बरोइनेवे। हितोपदेश ३:२ ११ गो इ कली तुइक्तीक लां शंताक्न। गो इ कली रिम्शो थुं डा मुर आन लांम गाक्पाइक्त्तन। १२ गे गाक्डेनु, इ कली सुइम मतेक्नीम। मिनु दारते हना, दाइल मपांइसीनेवे।



बाकनेवै। मेको कली नमो सिमो पा आ डांडती बाप्पो। ४ इप्शा मबाकको। काइ निन्दरा मपावो। ५ किश्श सिखारी आ गुइ रे बरांडेशो नु चिकव ग्याइक्व आ गुइ रे बरेशो खोंदंशो पा, गे यो आम कली परानो।

६गे अत्स, रकमिक्व आन कली कोवडो। आन पशो कोवडो। मिनु जोक्व तुइक्व दुमो। हितापदस १०:४; हितापदस २०:४ ७मेको आन कली अरब, सासन पाइब नु हुकुम पाइब मबाकतकम हना यो, ८मेकोपुकीमी जचा थोत्रक खेक्चा कली सुप्ची ना सुप्नीम। ९गे अत्स, गेना सम्म इप्शा बाकनेवै? गेना निन्दरा रे संसीशा बाकनेवै? १०याम का डा निन्दरा पतीक, याम का डा मुकु जिशा बाक्तीक नु याम का कुचुमी गुइ वोइश्शा, नाइश्शा बाक्तीकीमी, हितापदस २४:३३-३४ ११परुडग दुम्तीक सुइ खोंदंशो पा जाक्व। इन मार मार माल्तीक या कुरशो लडाइ पाइब खोंदंशो पा जाक्व।

१२हिंचा डा मरिम्शो पाइब नु शोर गाक्शो मुर हेंथे लोत्र पा गाक्नीम। हितापदस १०:३१-३२ १३मिक्च रिक्शा, खोइलीमी चाल पा, बरप्चामी यो चाल पाइनीम। हितापदस १०:१० १४मेको आन दूली थुमी मरिम्शो मिम्नीम। मेकोपुकीमी गेना हना यो मुर आन कली जिपाइक्नीम। १५मोपतीक मेको आन मतुइक्चा डा पा मेको आन तार श्यत जाक्व। मिनु मारइ पचा मतथु, खतम दुम्नीम।

१६परमपरभु यावमी ६ ओटा थोत्रक काइ मदाक्व। ७ ओटा थोत्रक पशो तशा गरांगरा दीब। १७मेको मार बाक्नीम दंशा हना, ठयब लेत्तीक, जाल पतीक, दोस मताइब मुर आन कली हुश खराक्श पोक्तीक, १८मरिम्शो पचा कली मिम्ब थुं, मरिम्शो पचा चुइक्तीक, १९जाल पाइब सांकछो बाक्तीक नु वोबु आन दातम जिचा पोक्व काइ मदाक्व। मेको ७ ओटा थोत्रक बाक्नीम।

वोंइश मुर आन कली अर्ती

२०आं तौ, इ आफ आ अरेशो टिवो, इम्मा आ शंशो लोत्र मपरानो। हितापदस १:८ २१मेको गेना हना यो इ थुंम वोतो। मेको कली माला खोंदंशो पा रत्सो। २२मिनु गे ते लेत हना यो, मेकोमी इ कली लां कांडनीस। गे इप्ते हना, मेकोमी इ कली खाल पाइनीस। गे संसेनु, गे नु लोत्र पाइनीस। मजन संगरह ११९:१७२ २३मारदे हना मेको अरेशो बती नु शंशो छेडछेड बाक्नीस। ठीक पचा कली

हुइक्तीके बरांडेचा गेब लां बाक्व। २४मेकोमी हेंथे गाक्व मीश मुर रे डोन बाक्पाइक्नीम। मिनु हेंथे गाक्व ग्युंब पशो मीश मुर आन गरन्देल लोत्र रे डोन बाक्पाइक्नीम। हितापदस २:१६ २५मेको आ दारशो कुल तशा इ थुमी मवलो। मेको आ कोवडोमी इ कली हेंथे मगाक्पदल। २६तेल्लम आ गाल्त्व शोप्ते का डा ला बाक्व। तन्न ग्युंब पशो मीश मुर नु बाक्चा वोंइश मुर आ बरांडेतीक नेल्ल रोइक्व। २७मुरुमी आ कुचुमी मी वोइक्तु हना, आ वा मडुप्चा डा? २८मुर बरेशो कोइला तार गाक्त हना, मेको आ खोइली मचोइवा डा? २९अरु मुर आ मीश नु इक्व मुर मोदंशो दुम्शा, सु मेको मीश मुर कली थीबा, मेको सजाइ मतथु, मबरांडेब। हितापदस ५:८-१४ ३०सुइमी शोवलु बेक्शा, जचा थोत्रक सुइ पाप्तु हना, मेको मुने मदोक्व। ३१तन्न मेको ग्याइक्चा पुंडसाक्व हना, आ सुइ पशो ७ खेयप तेम्शा थाप्चा माल्ब। मेकोमी आ सिं आ शांप नेल्ल थाप्चा माल्ब। परस्थान २१:३७ ३२मोपा मुर आन मीश नु इक्व, निप्स मपाइश्शो मूर्ख बाक्व। मोदंशो पाइबमी आम कली खतम संल्ब। ३३मेको तुप्चा नु मुने तोक्चा पुंडसीब। मेको आ मुने गेनायो मक्याम्सीब। ३४मिनु मेको मीश मुर आ वोंइश शुश गाइक्व। मिनु मेकोमी क्येक्क लेत्ची नाक्ती मेको कली मारइ शिशी मपाइब। ३५मेको कली गिश क्येट गोप्तीवी हना यो, मेकोमी मताक्व।

हेंथे पाइब मीश मुर

१आं तौ, आं लोत्र टिवो। आं शंशो लोत्र इ थुंम वोतो। २गे आं अरेशो मपरताक्वी हना, गे बरांडेनवै। आं शंशो इ मिक्च खोंदंशो पा होस पा वोतो। ३मेको कली इ बरप्चोम फरेदो। इ थुंमी बरक्शा वोतो। ४गे तुइक्तीक कली “आं समी ननी” दनो। मिनु जोक्तीक तुइक्तीक कली “आं नेल्ल क्येडा गारब वारच बाक्नीनी” दे लोत्र पावो। ५मो पाप्तीवी हना, मेकोमी इ कली हेंथे पाइब ग्युंब पशो मीश मुर आ गरन्देल लोत्र रे परोइब।

६मिनु गोमी आं सिं डा झेल रे कांवता। गोमी लां गे कांवता। ७मिनु गो मार ताता दंशा हना, मारइ मजोक्व नु ठिटा आन दातमी निप्स मपाइश्शो ठिटा का कली ताता। ८मेको वोंइश आल लां मेर गाक्शो ताता। मेको हेंथे गाक्व मीश मुर आ सिं गे लना लन पशो ताता। ९गो मेको कली नां रिचावानु, छिडछिड दुम्ची ना

ताता । १० मको मीश मुर मको कली गरुम्चा कली गरुत्त । तेल्लेम खोदंशो पा फेक्शा “मको कली हेंथे खोइक्पाइक्नुड” दे मिम्शो बाक्त्त । ११ मको मीश मुर मारंइ महिंब नु मुने मपाइब बाक्त्त । मको गनायो आ सिंम बाक्त्ता मदाक्त्त । १२ मिनु मको लां एर आंथ, शुश मुर बाक्तीक मरं हिरशा, कुना मर रिम्ना रिम्न बाक्त्त । १३ मिनु मको मीश मुरुमी मको कली ग्याइइशा, पुक्पु पा मुने मपथु १४ “गो मुलाक्ती दुशा बाक्त्ता आ पर्वम चदेतीक चदेचा माल्शो नड । मको आं कसम मुलाक्ती खाप्ता । लेवी ७ :१५-१७ १४ मोपतीक गो इ कली गरुम्थ जाक्ती । गो इ कली शुश माल्शा थित्ता । १६ गो आं बराख्यमी बरखी बराता । मको इजीप्त रागी डा श्यलेम परोवशा बाक्त्त । १७ गो आं बराख्यमी मूर, एलोत्र नु सिन्कौलीमी बरोवशा रिना पपाइक्त्ता । १८ पिवा । गो निक्शी इप्स । नेल्ल नाक्दो काथा ग्येरसीशा इप्स । १९ मारंइ हना आं वोंइश सिंमी मबाक्त्त । मको डोन लत । २० मको शुश क्येट कुरसीशा लत । मोपतीक पूर्न सम्म मजाक्त्त” देत ।

२१ मोपा शुश लेम्शा, मकोमी वोंइश आल कली लाइक्त्तु । आ मिलो शिलो लोत्रमी मको कली हेंथे खोइक्पाइक्त्तु । २२ मिनु मको वोंइश आल मको मीश मुर आ नोले रीब पा खोइक्त्तु । क्योरचा कली सुल्शो ब्यफ खोदंशो पा गाक्त्त । ब्यारदमी रत्त्वा कली परक्शो किश्श खोदंशो पा मको आ नोले लत । २३ मिनु ब्राम खरशा, बक्त्ता सम्म रिम्ब । चिक्त्त ब्यारदम रत्त्वा चिक्त्त खोदंशो पा “बक्त्तुड” दे मतुइक्त्त ।

२४ मुल आं तोपुकी, आं लोत्र नेनीन । इन नोफा दाइइशा, आं लोत्र नेनीन । २५ इन थुं मोदंशो मीश मुर आ लांम लचा मगेने । मको आ हेंथे लां मलने । २६ मकोमी शुश मुर आन कली खतम सेल्लु । आ साइइशा शुश बाक्त्तीम । २७ मको आ सिं बक्त्त मुर आन बाक्तीक लतीक लां खोदंशो बाक्त्त । मको लां बक्तीक कोठा जाक्दोष्व ।

### तुइक्तीक ठेयब बाक्त्त

१ तुइक्तीकेमी लोत्र मपाइबा डा ? रुपतीकेमी  
 ८ ठेयब संदा पा मबरंप्वा डा ? हितोपदेश  
 १ :२०-२३ २ मको लां आ नेक्त्ता डा डांडा तारी नु बरालाम दोक राख् । ३ ठेयब लाप्चो आ नेक्त्ता सहर आ डांइती, मको आ ओवतीकेमी ठेयब संदामी गरीब । ४ मार देशा गरीब देशा हना, मुरपुकी, गो इन कली लोत्र पाइनुड । मुर नेल्ल आन कली लोत्र पाइनुड । ५ मारंइ मजाक्त्तपुकी

होस पतीके शंसीन । निप्स मपाइइशा बाक्तीनी हना, निप्स पाइइशा दुमीन । ६ नेनीन, गो रिम्शो लोत्र पाइनुड । आं लोत्र ठीक बाक्त्त । ७ गो थमा लोत्र ला पाइनुड । परमपरमु यावे आ अंरंशो मटितीक तशा, गो गरांगरा दीनुड । ८ गो ठीक लोत्र ला पाइनुड । दूली नु हेंथे लोत्र मपाइनुड । ९ मिनु मको आं लोत्र रुप्व आन कली मखरुइइशा लोत्र बाक्त्त । जोक्त्त आन कली ठीक लोत्र बाक्त्त । १० चांदी आ पा डा आं अर्ती सुप्तीन । क्येस सुन आ पा डा जोक्त्त थुं मालीन । हितोपदेश ३ :१४ ११ मारंइ हना हीरा क्येडा तुइक्तीक रिम्शो बाक्त्त । इ माल्शो मारंइ मारंइ नेल्ल मको क्येडा आइक्त्त बाक्तीम । १२ गो तुइक्तीक नड । गो होस पतीक नु बाक्त्तुड । गो जोक्त्त नु मिम्ब दुम्नुड । १३ परमपरमु यावे कली मान पा हिंचा, मरिम्शो पचा कली काइ मदाक्त्ता बाक्त्त । फुरती कांइचा, ठेयब लेइशा दुम्चा, मरिम्शो थुं डा गेय पचा नु दूली लोत्र पचा काइ मदाक्त्तुड । १४ अर्ती नु ठीक पा तुइक्तीक गो नु बाक्त्तीस । गो नु जोक्तीक तुइक्तीक नु बोल या बाक्तीम । १५ गो र पा पिपपुकीमी सासन पाइनीम । हुकुम पाइबपुकीमी ठीक पा अंरतीक लोत्र पाइनीम । हितोपदेश १६ :१२ १६ आं पतीकेमी रागी रागी डा हुकुम पाइबमी हुकुम पाइनीम । १७ सुमी आ कली दाक्तीमी, गो या मको आन कली दाक्त्तुड । सुम आं कली शुश माल्तीमी, मकोमी आं कली थित्तीम । १८ शांप नु मान गो नु बाक्तीस । मिनु मनुष्व शांप नु सोशा बोशा ग्येत्थ लतीक गो नु बाक्तीस । १९ सुन नु क्येस सुन क्येडा आं गशा फल रिम्शो बाक्त्त । आं र पा गरुशो मारंइ मारंइ चांदी क्येडा रिम्शो बाक्तीम । २० गो ठीक पतीक लां गाक्त्तुड । ठीक निसाफ पाइनुड । २१ आं कली दाक्त्त आन कली गो शुश शांप गनुड । गो मको आन मार मार वोइक्तीक नेल्ल पिरंशा गेनुड ।

२२ मिनु मकोमी “परमपरमु यावेमी नेल्ल सेल्ला क्येडा डांइती आं कली सेल्लती । अय्युब २८ :२३-२८ २३ नेल्ल क्येडा डांइती डा गो नड । रागी क्येडा डांइती यो गो नड । २४ समुन्दर दुम्चा क्येडा डांइती गो नड । ब्याक्कु बुक्त्ता क्येडा डांइती गो बाक्ती । २५ डांडापुकी दुम्चा क्येडा डांइती नु पहाड दुम्चा क्येडा डांइती गो नड । २६ मकोमी रू नु रागी सेल्ला क्येडा डांइती गो नड । खप सेल्ला क्येडा डांइती गो नड । २७ मकोमी सरीड पराक्त्ता वोइक्त्ती ना गो नड । २८ गोस्स कली सरीडमी वोइक्त्ती ना नु खप आगा डा ब्याक्कु बुक्तीके कली

ठीक पा वोइक्का ना, २९ ठेयव समुन्दर आ शुंडच वोइक्की ना नु रागी आ जग वोइक्की ना गो नड। भजन संग्रह १०४ :९ ३०मेना गो परमपरभु यावे आ नेक्था जोक्व तुइक्व गेय पाइव खादेशा पा बाक्शा नड। मेकोमी नाक्त कित कित आं कली तशा ग्यरसाक्ये। गो यो मेको नु ग्यरसीशा बाक्ती। ३१मिनु आ मुरपुकीम बरीशो रागी तशा ग्यरसाक्यी। गो मुर आन कली तशा ग्यरसाक्यी।

३२आं तौपुकी, मुल आं लोत्र नेनीन। आं कांइशा लां गाक्वपुकी ग्यरसीशा मुर दुम्नीम। ३३आं अर्ती नंशा जोक्व तुइक्व मुर दुमीन। मेको कली मपरोनीन। ३४सुम आं लोत्र नंबा, मेको ग्यरसीशा मुर दुम्ब। मेको मुरुम नाक्त कित कित आं लाप्चो कोत्रशा आं कली रिम्ब। ३५सुम आं कली थिप्वा, मेको बरोइचा ताइव। मिनु परमपरभु यावेमी मेको कली दाक्व। ३६आं कली मथिप्वपुकी चहिं आंम कली खतम सेल्नीम। आं कली काइ मदाक्व नेल्ले बेक्का दाक्नीम” दंत।

#### तुइक्तीके नु मारइ मतुइक्तीके

१ तुइक्तीकेमी आंम सिं सल्शा, ७ ओटा थाम खरुक्तु। २मेकोमी भोज सल्लु अडगुर शांबु बरोत्रपाइश्शा, राडी बरशा, जचा कली ठीक पशो बाक्त। ३आ वाइलीम आन कली “सहर डा डांडा रे मुर आन कली बरेत्तीन” दे सोइक्ताक्व। ४ “मारइ मजोक्व नेल्ले एक जाक्कीन” दंत। निप्स मपाइश्शा आन कली ५ “जाक्कीन, आं शोब्ले जन। आं बरोत्र पा सल्शा शांबु यो तूडीन” दंत। ६क्येख मुर आन लां गाक्का प्रोनीन। मिनु जोक्व तुइक्व आन लां गाक्का, बरोइशा बाक्कीन।

७ सुमी शुक्शी पाइव आन कली “रिम्शो दुमो” देवा, मेको दिप्वा पुंडसीव। सुमी परमपरभु यावे आ अरेशो मटीब आन कली हुइक्वा, मेको मरिम्शो पाइक्का पुंडसीव। ८ सुमी शुक्शी पाइव आन कली हुइक्वा, मेको काइ मदाक्का पुंडसीव। सुमी चहिं जोक्व तुइक्व आन कली हुइक्वा, मेको दाक्का पुंडसीव। ९ जोक्व तुइक्व आन कली अर्ती गेशानु, डांडती क्येडा जोक्व तुइक्व दुम्नीम। ठीक पाइव आन कली शंशानु, मेको क्येडा ठीक पचा शंसीनीम।

१० परमपरभु यावे कली मान पा हिं चा जोक्तीक तुइक्तीक गोतीक बाक्व। मिनु सुमी मेको का ला परमपरभु यावे कली तुइक्वा, मेको रुब दुम्ब। हितोपदेश १ :७ ११ मारदे हना आं पतीकेमी गे शुश

नाक्ती बरोइनेव। इ बरोइतीक शुश बर्स तेम्चा पुंडसीनेव। १२ गे जोक्व तुइक्व दुम्त हना, मेको इ कलीन दुम्ब। गे शुक्शी पाइव दुम्त हना, मेको रे पिशो दास नेल्ले इ केन बाक्व।

१३ मूर्ख मीश मुर शुश रयेक पाइव। मेको मारइ मजोक्व नु मारइ मतुइक्व बाक्व। १४ मेको आ सिं डा लाप्चोमी निप्ब। सहर आ इर डा निक्तीकेमी निप्ब। १५ सु सु आन गेय पा मेको लां गाक्कीमी, मेकोमी मेको आन कली बरप्ब। १६ मिनु “सु सु मारइ मजोक्व बाक्नी, एक जाक्कीन” देव। मिनु मेकोमी निप्स मपाइश्शा आन कली १७ “खुइ पशो व्याक्कु बरोत्रशा बाक्व। मिनु खरुइश्शा जशा जचा थोत्रक यो थाम्पा बरोत्रब” देव। हितोपदेश २० :१७ १८ मिनु मेको लां गाक्व मुरपुकीमी “मेको आ सिं बेक्शो मुर आन बाक्तीके बाक्व” दे मतुइक्नीम। मिनु मेको आ पौनामी आन कली बेक्शो मुर आन बाक्तीकेमी बरेशो बाक्नीम, दे मतुइक्नीम।

#### सोलोमन आ बेक्शो लोत्र

१ जोक्व तुइक्व तौमी आ आफ कली १० ग्यरपाइक्व। तन्न मूर्ख तौमी चहिं आ ममा कली सुर्ता पपाइक्व। २ परमपरभु यावे कली मटिथु, चेम्शो शांप शोर गाक्व। सु ठीक पाइव बाक्मे मेको बेक्तीक रे बरोइव। ३ परमपरभु यावेमी ठीक पाइव मुर आन कली शोत्रलु बेक्पाइश्शा मवोइक्व। तन्न आ अरेशो मटीब आन कली आन जत दाक्शा मगेव। भजन संग्रह ३७ :१९,२५ ४ सु अल्लेस बाक्मे, मेको पूरुडग दुम्ब। शुश गेय पाइव मुर चहिं शांप पाइश्शा दुम्ब। हितोपदेश ६ :६ ५ सु अन्न सुप्ची ना सुप्चा, मेको होस पाइव तौ का बाक्व। अन्न रुप्ची ना इप्ब तौमी आ आफ कली मुने तोक्व। ६ ठीक पाइव मुर आसीक राइनीम। तन्न परमपरभु यावे आ अरेशो मटीब आन कली आन मरिम्शो पशोमी सुम्ब। ७ ठीक पाइव कली मिम्शा आसीक गेव। परमपरभु यावे आ अरेशो मटीब आन नं चहिं जाम्शा लाइव। अग्युब १८ :१७ ; भजन संग्रह ९ :६ ८ जोक्व तुइक्व थुं पाइश्शा मुरुमी शंशो लोत्र टीव। तन्न हेथ लोत्र पाइव मूर्ख खतम दुम्ब। ९ गेना हना यो रिम्शो पाइव मुर कली सुइमी मारइ मपाइनीम। सु चहिं दूली लां गाक्वा, मेको आ पर्वम नेल्लेमी “मरिम्शो पाइव” दे तुइक्नीम। १० मिक्व रिक्वपुकीमी मुर आन कली श्यत गनीम। तन्न सुमी महिथु हुइक्वा मेकोमी

शुं नाइशशा बाक्का गेब। हितोपदेश ६:१२-१३  
 ११ठीक पाइब मुर आन लोत्र पतीकमी बरांडनीम।  
 तन्न परमपरभु यावे आ अरेशो मटीब आंम  
 आन लोत्र पतीकमी खतम दुम्नीम। १२मुर आन  
 कली काइ मदाक्शानु, जिचा बाक्क। मुर आन  
 कली दाक्शानु चहिं, आन मरिम्शो पशा नेल्ल  
 सुम्सीब। १३पतरुस ४:८ १३मिम्ब मुर आन लोत्र  
 रुन्चा डा बाक्क। तन्न ममिम्ब मुरपुकी तुप्चा  
 पुंडसीनीम। १४जोक्क तुइक्क मुर नु जोक्तीक  
 बाक्क। तन्न हेंथ लोत्र पाइब मूर्खमी खतम  
 दुम्तीक चाक्क। १५शांप पाइशशा मुर आन  
 शांप मेको आन बोत्यो दरवार खोंदंशो बाक्क।  
 परुडग मुर आन श्यत दुम्तीकम मेको आन कली  
 खतम सल्ल। हितोपदेश १८:११ १६ठीक पाइब  
 मुर आन गेय पतीकमी बरांडनीम। परमपरभु  
 यावे आ अरेशो मटीब आन चेम्शो नेल्ल  
 मरिम्शो गेय पा नुप्शा लाइब। १७सु सुमी  
 अर्ती टीनीमी, मेको बरांडचा गेब लां गाक्नीम।  
 हुइशशा मनंब चहिं हेंथ लां गाक्नीम। १८सुमी  
 मुर काइ मदाक्का, तन्न “दाक्नुड” देबा, मेको  
 मुर जोल्फ बाक्क। सुम मुर आन पर्वम जोल  
 फराइबा, मेको मूर्ख बाक्क। १९शुश लोत्र पाइब  
 मुरपुकीमी शुश गल्ली पाइनीम। होस पाइब मुर  
 शुश मब्बाक्नीम। २०ठीक पाइब मुर आन लोत्र  
 रिम्शो चांदी खोंदंशो बाक्क। परमपरभु यावे आ  
 अरेशो मटीब आन शुं शोर गाक्शो बाक्क। २१ठीक  
 पाइब मुर आन लोत्रमी शुश मुर आन कली  
 रिम्शो दुम्ब। तन्न मूर्ख आन निप्स मपाइक्तीक  
 बेक्का लाइनीम। २२परमपरभु यावे आ आसीकम  
 मुर आन कली शांप पाइशशा सल्ल। मेकोमी  
 मारइ श्यत मतेम्ब। भजन संगरह १२७:२  
 २३मूर्ख मरिम्शो पचा कली ग्यरसीनीम। रुक्  
 मुर जोक्क तुइक्क गेय तशा ग्यरसीनीम।  
 २४परमपरभु यावे आ अरेशो मटीब मुर आन  
 हिंशोम श्यत जाइनीम। तन्न ठीक पाइब मुर  
 आन दाक्शो ताइनीम। हितोपदेश १:२७; भजन  
 संगरह ३७:४ २५श्यत फश गिवार खोंदंशो पा  
 जाक्मेनु परमपरभु यावे आ अरेशो मटीबपुकी  
 जाम्शा लाइनीम। तन्न ठीक पाइब मुर गेना  
 हना यो बरांडशा बाक्नीम। हितोपदेश १२:७  
 २६दोपा ग्यरशामी खरुइ गिरम्बा नु कुनमी  
 मिक्क दुक्का, मोपा अल्ली पाइब आन होत्रप  
 आन कली दुम्नीम। २७परमपरभु यावे कली मान  
 पा हिंतीकमी बरांडतीक नाक्त् तेम्सीब। तन्न  
 परमपरभु यावे आ अरेशो मटीब आन बरांडतीक  
 नाक्ती खरांडसीब। २८ठीक पाइब आन आस

पतीके तशा ग्यरसीनीम। तन्न परमपरभु यावे  
 आ अरेशो मटीब आन आस पतीक जाम्शा  
 लाइब। भजन संगरह ९:१९; अय्युब ८:१३  
 २९परमपरभु यावे आ लां रिम्शो शुं पाइशशा  
 मुर आन कली खरुइशशा बरांडशा बाक्तीक  
 बाक्क। तन्न मरिम्शो पाइब आन कली मेको  
 लां खतम दुम्तीक बाक्क। ३०ठीक पाइब मुर  
 गेनायो ग्येत्थ लुक्क मदुम्नीम। परमपरभु यावे  
 आ अरेशो मटीबपुकी चहिं रागीमी मलीनीम।  
 हितोपदेश २:२२ ३१ठीक पाइब मुरमी तुइक्तीक  
 लोत्र पाइब। तन्न दूली लोत्र पाइब मुर आ लें  
 फेत्चा पुंडसीब। भजन संगरह ३७:३० ३२ठीक  
 पाइब मुरमी रिम्शो लोत्र पस जोक्क। तन्न  
 परमपरभु यावे आ अरेशो मटीबपुकी दूली ला  
 ब्वाक्स जोक्नीम।

गेब मुरमी तेम्शा गेचा पुंडसीब

१परमपरभु यावेमी जोल पा नाक्तीक तशा,  
**११** गरांगरा दीब। तन्न ठीक नाक्तीक तशा  
 शुश ग्यरसीब। लेवी १९:३५-३६ २ठेयब लेशो  
 मुर मदाक्का पुंडसीब। तन्न तुइक्तीक बरम्शो  
 मुर नु बाक्क। हितोपदेश १६:१८ ३रिम्शो  
 शुं पाइशशा मुर आन कली गेना हना यो  
 आन रिम्शो पतीकमी लां कांडब। तन्न थमा  
 सुइक्का मपुंडसीब मुर आन कली आन मरिम्शो  
 पतीकमी खतम सल्ल। ४गाइशशा नाक्ती शुश  
 शांप शोर गाक्शो दुम्ब। तन्न ठीक पतीकमी  
 बेक्तीक रं परांडब। लूका १२:२०; हितोपदेश  
 १०:२ ५दोस मताइब आन ठीक पतीकमी मेको  
 आन लां थल्ल। तन्न परमपरभु यावे आ अरेशो  
 मटीब आन मटितीकमी खतम दुम्नीम। ६रिम्शो  
 शुं पाइशशा मुर आन ठीक पतीकम बरांडचा  
 ताइनीम। तन्न थमा सुइक्का मपुंडसीब मुर  
 आन मरिम्शो पतीकमी ग्याइक्का पुंडसीनीम।  
 ७परमपरभु यावे आ अरेशो मटीब मुर बेक्मानु,  
 आन आस यो जाम्शा लाइब। मेको आन मिम्शो  
 नेल्ल मदुम्ब। हितोपदेश १०:२८ ८ठीक पाइब  
 मुर हिंचा डा श्यत रे परांडचा पुंडसीनीम।  
 तन्न परमपरभु यावे आ अरेशो मटीबपुकी मेको  
 श्यतमी हुम्सीनीम। ९मरिम्शो मुर आन लोत्रमी  
 आन नेक्का डा मुर आन कली खतम सल्लनीम।  
 तन्न ठीक पाइब मुर मेको आन जोक्तीकमी  
 परांडचा पुंडसीनीम। १०ठीक पाइब मुर आन  
 कली रिम्शो दुम्त हना, सहर डा मुर नेल्ल  
 ग्यरसीनीम। परमपरभु यावे आ अरेशो मटीब  
 खतम दुम्मानु, मुर नेल्ल थाम्पा ग्यरसीनीम।

११ रिम्शो थुं पाइइशो मुर आसीक तामेनु, सहर कली रिम्शो दुम्ब। तन्न परमपरभु यावे आ अरशो मटीब आन लोत्रमी सहर कली मरिम्शो दुम्ब। हितापदेस २८:१२ १२ सुमी अरु मुर आन कली आइक्च सल्वा, मेको निप्स मपाइइशो बाक्व। तन्न निप्स पाइइशो मुर सिक्सी पा बाक्व। भजन संगरह १५:३ १३ लोत्र क्याल्बमी खरुइइशो लोत्र या फराइनीम। तन्न थमा सुइक्चा पुंडसीब मुरुमी मोदंशो लोत्र खराप्शा वोइक्नीम। १४ लां कोइब मबाक्त हना, रागी खतम दुम्ब। तन्न अर्ती गेब शुश बाक्तेकम हना, मेको लोब। १५ अरु मुर आन जमानी बाक्शानु, मरिम्शो दुम्ब। तन्न जमानी मबाक्शो रिम्शो दुम्ब। हितापदेस ६:१-२ १६ रिम्शो थुं पाइइशो मीश मुर कली मान पाइनीम। तन्न मरिम्शो पाइब मीश मुनेमी सुम्सीशो बाक्व। गेय मपाइइब मुर परुडग दुम्ब। तन्न आंट पा गेय पाइबमी क्यट चम्ब। १७ रिम्शो पाइब मुरपुकीमी आंम कली रिम्शो पाइनीम। तन्न मरिम्शो पाइबपुकी श्यत गेंसीनीम। १८ परमपरभु यावे आ अरशो मटीब मुरुमी क्यट चम्ब, तन्न मलीब। तन्न ठीक पाइब मुरुमी इनाम ताइनीम। १९ सु गेना हना यो ठीक पाइब बाक्वा, मेको ब्रांडब। तन्न सु मरिम्शो पचा कली चुइक्वा, मेको बेक्व। हितापदेस १९:२३ २० मरिम्शो थुं परमपरभु यावे कली गरांगरा बाक्व। तन्न दोस मताइब रिम्शो थुं पाइइशो मुर आन लां गाक्शो तशा ग्यरसीब। २१ मरिम्शो पाइब मुर सजाइ मतथु मबरांडनीम। मेको थमा बाक्व। तन्न ठीक पाइब आन चच युइ ब्रांडचा ताइनीम। २२ निप्स मपाइइशो दारशो मीश मुर सुन के मुन्दरी पाइशो पोत्र खोदंशो बाक्व। हितापदेस ३१:३० २३ ठीक पाइब मुर आन दाक्शो थमा पा ताइनीम। परमपरभु यावे आ अरशो मटीबम गाइक्पाइक्नीम। २४ का निक्शी मुरुम शुश गेनीम हना यो, आन शांप मेको क्येडा बारब। का निक्शी चहिं आन गेचा माल्शो मगेथु, परुडग दुम्नीम। मत्तो २५:२९; २कोरिन्थी ९:६ २५ हाइइशो मुरुमी शुश ताइब। सुम अरु आन कली वारच पाइक्वा, मेकोमी आंमा यो वारच पाइक्वा पुंडसीब। २६ अरु आन कली अन्न मगेथु खेक्शा वोइक्व मुर सराप पाइक्वा पुंडसीब। तन्न अन्न लेयब मुर आसीक ताइब। २७ सुम रिम्शो पतीके माल्शा पाइबा, मेकोमी शिशो माल्ब। सुम मरिम्शो पतीके माल्बा, मेको मरिम्शो पाइक्वा पुंडसीब। २८ सुमी आ शांप कली थमा सुइक्वा, मेको रीब पा बेक्व। ठीक

मुर चहिं गिग घांस खोदंशो पा बारशा लाइब। भजन संगरह ५२:९-१० २९ आंम खिं डा मुर आन कली श्यत चाक्वमी मारइ मथरब। मिनु मूसंपुकी जोक्व तुइक्व आन वाइल दुम्नीम। ३० ठीक पाइब मुर आन पतीके ब्रांडचा गेब रवा खोदंशो बाक्व। तन्न हुश खराक्श पोक्वमी मुर आन कली साइक्व। हितापदेस ३:१८ ३१ ठीक पाइब मुरपुकीम रागीम बाक्मानु, आन ठीक पशो डा इनाम ताइनीम। परमपरभु यावे आ अरशो मटीब नु मरिम्शो पाइबपुकीमी यो आन मरिम्शो पशो डा इनाम ताइनीम। १ पतरुस ४:१७-१८

परमपरभु आ अरशो टिचा माल्शो

१२ १ सु सुमी शेंसीतीक दाक्नीमी, मेकोमी जोक्तीक दाक्नीम। सुमी हुइक्तीक काइ मदाक्नीमी, मेको निप्स मपाइइशो बाक्नीम। हितापदेस १३:१; हितापदेस १३:१८ २ परमपरभु यावेमी रिम्शो पाइब मुर आन कली दाक्व। दूली मिम्शा हेंथे पाइब आन कली चहिं दोस गेब। ३ परमपरभु यावे आ अरशो मटीब रिम्शो मबाक्नीम। तन्न ठीक पाइब बोल्यो शाक्श पाइइशो रवा खोदंशो बाक्नीम। ४ रिम्शो मीश आ वांइश आ सिरपेच खोदंशो बाक्व। मुने तोक्व मीश चहिं आ वांइश कली राक्शो रुश खोदंशो बाक्व। हितापदेस ३१:१०-३१ ५ ठीक पाइब मुर आन मिम्शो ठीक बाक्व। तन्न परमपरभु यावे आ अरशो मटीब आन अर्ती चहिं दूली बाक्व। ६ परमपरभु यावे आ अरशो मटीब आन लोत्र मुर साइक्तीक बाक्व। तन्न रिम्शो थुं पाइइशो मुर आन लोत्रमी मेको आन कली प्रांडब। ७ परमपरभु यावे आ अरशो मटीबपुकी बेक्शा जाम्शा लाइनीम। ठीक पाइब नु मेको आन खिं डा मुर नोले सम्म लेनीमी। हितापदेस १०:२५ ८ निप्स पाइइशो मुरपुकी मान ताइनीम। दूली थुं पाइइशो मुर आन कली चहिं महिक्नीम। ९ “ठेयब मुर नड” देखु पा जचा मताइब मुर दुम्बा क्येडा महिक्सीशो दुम्शा, वाइल का बाक्शो रिम्शो बाक्व। १० ठीक पाइब मुरपुकीमी आंम बी व्यफ, क्यारश मेडा आन कली रिम्शो कोत्रनीम। तन्न परमपरभु यावे आ अरशो मटीबपुकीमी शिशो मपाइनीम। परस्थान २३:५ ११ सु सुमी आंम रुम शोक्नीमी, मेकोमी जचा शुश ताइनीम। तन्न सु सुमी शोर गाक्शो लोत्र पा गाक्नीमी, मेको निप्स मपाइइशो बाक्नीम। हितापदेस २८:१९ १२ परमपरभु यावे आ अरशो मटीबपुकी रोइइशो थोवकीम

आस पाइनीम। तन्न ठीक पतीक आ शाकशम फल सिप्पाइक्व। १३मरिम्शो पाइब मुर आंम मरिम्शो लोत्रमी ग्याइक्वा पुंडसीनीम। तन्न ठीक पाइब मुर श्यत रे ब्रांडचा ताइनीम। १४मुरपुकी आंम लोत्रम पतीक मान ताइनीम। मिनु गेय पाइब मुरपुकीमी आन गेय डा इनाम ताइनीमी। हितापदेस १८:२० १५मूर्खपुकी आंम लां नल्ले “ठीक बाक्व” दे मिन्नीम। तन्न जोक्व तुइक्वमी अर्ती नंनीम। १६मूर्खपुकीमी आन गाइक्वा रीब पा कांडनीम। तन्न होस पाइश्शो मुर कली मरिम्शो लोत्र पास्तेक्म हना यो, सिकसी पा बाक्व। १७सुमी थमा लोत्र पाइबा, मेकोमी ठीक पतीक कांडब। तन्न जोल पाइब सांक्छीमी गेना हना यो दूली लोत्र पाइब। १८मुर आन ममिम्थु पशा लोत्रमी तरवार सोदंशो पा थोक्व। तन्न जोक्व तुइक्व मुर आन लोत्रमी सापाइक्व। हितापदेस १३:३ १९थमा लोत्र पाइब मुर गेना हना यो लीनीम। तन्न जोल पाइब मुर याम का ला लीनीम। २०मरिम्शो मिम्ब आन थुंमी जोल ला बाक्व। तन्न थुं नाइक्तीक अर्ती गेब ग्यरशा बाक्नीम। २१ठीक पाइब मुर आन कली श्यत मदुम्ब। तन्न परमपरभु यावे आ अरशा मटीब आन कली श्यतम गिल्शो बाक्नीम। २२परमपरभु यावम जोल पाइब आन कली तशा गरंगरा दीब। जोल मपथु, आ अरशा टीब आन कली तशा ग्यरसीब। २३निप्स पाइश्शो मुरुमी आ तुइश्शो मकांडब। तन्न मूर्खमी मूर्ख लोत्र पाइब। २४शुश गेय पाइब मुर हुकुम पाइब दुम्नीम। तन्न अल्सी पाइब चहिं वाइल दुम्नीम। २५सुती पतीकम मुर आन थुं लुक्व लपाइक्व। तन्न रिम्शो लोत्रमी मेको आन कली ग्यरपाइक्व। हितापदेस १६:२४ २६ठीक पाइबपुकीमी आन वारच आन कली रिम्शो अर्ती गेनीम। तन्न परमपरभु यावे आ अरशा मटीबपुकीमी दूली लां कांडनीम। २७अल्से सिखारीम सिखार मताइनीम। तन्न शुश गेय पतीकमी मुर आन कली शांप पाइश्शो सल्ब। २८ठीक पतीक लांमी ब्रांडतीक बाक्व। मेको लां गाक्वपुकी मबेक्नीम।

ब्रांडचा गेब मार बाक्वा ?

१जोक्व तुइक्व तौमी आ आफ आ शंशो दाक्व। तन्न शक्शी पाइबमी हुइश्शो मनंब। हितापदेस १:८; १२:३ २आन लोत्रम पतीक मुरपुकीम मारंड मारंड रिम्शो ताइनीम। तन्न थमा मसुइक्वा डा मुरपुकी दूली पचा ला

दाक्नीम। ३मिम्शा लोत्र पाइब मुरुम आंम कली ब्रांडपाइक्नीम। तन्न ममिम्थु ब्वाक्वपुकीमी आंम कली खतम सल्लनीम। हितापदेस १२:१८; हितापदेस २१:२३ ४अल्सपुकी वाल्नीमी। मिनु मारंड मताइनीम। तन्न शुश गेय पाइब मुरपुकीमी मारंड मारंड ताइनीम। ५ठीक पाइब मुरुमी जोल मदाक्नीम। तन्न परमपरभु यावे आ अरशा मटीब मुरुमी मुने दाक्वा डा नु दोस तचा डा गेय ला पाइनीम। ६ठीक पतीकमी रिम्शो थुं पाइश्शो मुर आन कली कोत्रब। तन्न परमपरभु यावे आ अरशा मटीब आन पाप पतीकमी मेको आन कली खतम सल्ब। ७का निक्शी मुर परुडग बाक्शा यो “क्यट थीब नड” देखु पाइनीम। का निक्शी मुर चहिं क्यट थीब बाक्शा यो “परुडग नड” देखु पाइनीम। परकाश २:९; परकाश ३:१७ ८शुश शांप बाक्शो मुरुमी आंम कली परांडने चाप्ब। तन्न परुडगपुकी हिंच कांडचा मपुंडसीनीम। ९ठीक पाइब मुर बती सोदंशो छेड्छेड् पा बराइनीम। तन्न परमपरभु यावे आ अरशा मटीब आन बती काप्शा लाइब। अय्युब १८:५-६ १०ठेयब लेश्शो नु सुइ कली ममिम्ब मुर जिचा पोक्व बाक्व। तन्न अर्ती नंब मुर तुइक्तीके नु बाक्व। हितापदेस १:५ ११मरिम्शो पा चेम्शो शांप नुप्शा लाइब। तन्न इक्का इक्का पा चेम्शो शांप बारना बारन लाइब। १२शुश आस पा यो मदुम्त हना, थुं लुक्व लाइब। तन्न आ मिम्शो गाप्त हना, ब्रांडचा गेब रवा बाक्व। १३अर्ती डा लोत्र मदाक्व मुरुम आंम कली श्यत चाक्व। तन्न अरशा टीबपुकीमी इनाम ताइनीम। १४जोक्व तुइक्व मुर आन शंशो ब्रांडचा गेब ब्वाक्कु बुक्तीक सोदंशो बाक्व। मेको रे पा मुर मबेक्नीम। १५रिम्शो मिम्ब मुर कली नल्लेमी दाक्नीम। तन्न खराप मुर आन लां हिंचा डा बाक्व। १६जोक्व तुइक्व मुरुमी निप्स साप्शा नल्ल गेय पाइब। तन्न मूर्खमी आंम मूर्ख दुम्तीक कांडब। १७मरिम्शो लोत्र कुरबमी श्यत चाक्व। तन्न थमा सुइक्वा डा लोत्र कुरब मुरुम थुं नाइक्वा डा लोत्र चाक्व। १८सुमी अर्ती मनंबा, मेको परुडग नु सुइम मदाक्शो मुर दुम्ब। तन्न हुइश्शो नंब मुरुम मान ताइब। १९मुर आंम दाक्शो तामेनु, आन थुं कली रिम्शो दुम्ब। तन्न मूर्खमी आन मरिम्शो पतीक रे लेत्वा मदाक्नीम। २०सु जोक्व तुइक्व नु गाक्वा, मेको जोक्व तुइक्व दुम्ब। तन्न मूर्ख नु गाक्व श्यत जाइब। २१मरिम्शो पाइब आन कली श्यतम सोइक्व। तन्न ठीक पाइब

आ माल्शो मारेइ मारेइ जाकदीन्व । हितोपदेश २८ :८ ; अग्युब २७ :१३-१७ ; उपदेशक २ :२६ २२ रिम्शो मुरुमी आ चच युइ आन कली शॉप हंशा वोइक्व । तन्न मरिम्शो पाइब आन शॉप ठीक पाइबपुकीम ताइनीम । २३ परुडग आन रुमी शुश अन्न खरल्ब । तन्न ठीक मपाइबमी मेको रोइश्शा लाइक्व । हितोपदेश २२ :१५ २४ सुमी आ तो कली शंशा मतुन्वा, मेकोमी आ तो कली मदाक्व । तन्न सुमी आ तो कली दाक्वा, मेकोमी आ तो कली शंब । २५ ठीक पाइबमी स्तुरी जचा ताइनीम । तन्न परमपरमु यावे आ अरेशो मटीब शॉवत्तुन बाक्का माल्नीम ।

ठीक पतीकमी रागी बारपाइक्व ।

१ जोक्व तुइक्व मीश मुरुमी आंम खिं १४ रिम्शो सेल्ब । तन्न मूर्स मीश मुरुमी आ खिं कली आंम गुइमी परन्व । २ सु रिम्शो थुं पाइश्शो मुर बाक्म, मेकोमी परमपरमु यावे कली मान पा हिं । तन्न सु हेंथ गाक्वा, मेको मुरुमी परमपरमु यावे कली मदाक्व । ३ मूर्स आन लोवमी आंम आन कली तेन्व । तन्न जोक्व तुइक्व मुर आन लोवमी मेको आन कली कोव । ४ ब्यफ मबाक्त हना, अन्न वोइक्तीके श्येत्थ बाक्व । तन्न बोल्यो ब्यफ पाइश्शो मुर के शुश अन्न बाक्व । ५ थमा लोव पाइब सांकळ्ळीमी जौल मपाइब । तन्न जौल पाइब सांकळ्ळीमी जौल पना पन बाक्व । परस्थान २० :१६ ; परस्थान २३ :१ ६ शुक्शी पाइबमी तुइक्तीक माल्ना माल्न बाक्त हना यो, मथिन्व । रुन्व मुर मोशा जोक्व दुम्नीम । ७ मूर्सपुकी नु मगाक्को । मारदे हना मेकोपुकी नु जोक्तीक लोव मबाक्व । ८ निप्स पाइश्शो मुर आन तुइक्तीकमी तेको लां गाक्का माल्नीमी तुइक्नीम । तन्न मूर्स आन मूर्स पतीकमी हेंथ लां कांइब । ९ मूर्समी पाप आ पर्वम चदेतीक कली शुक्शी पाइनीम । तन्न रिम्शो थुं पाइश्शो मुरुमी परमपरमु आ दाक्को तशा ग्यरब । १० थुं डा श्येत थुंम ला तुइक्व । मिनु थुं आ ग्यरसीशो थुंमी ला तुइक्व । रोमी १२ :१५ ११ परमपरमु यावे आ अरेशो मटीब आ खिं परत्वा पुंडसीब । तन्न रिम्शो थुं पाइश्शो मुर आन ताम्बु सोशो बोशो दुम्शा लाइब । हितोपदेश १२ :७ १२ मुर आन कली आंम पशो लां ठीक तांडसीब हना यो, नोले मेको बेक्पाइक्व लां बाक्व । १३ मुर आ कुल रिस्साक्व हना यो, आ थुं साइश्शो बाक्ने चान्व । ग्यरसीशो थुं नोले सुतां पाइब बाक्व । १४ दूली पाइब आन दूली पशो

डा ताइनीम । मिनु रिम्शो पाइबमी आन रिम्शो पशो डा ताइनीम । १५ मारेइ मजोक्व मुरुमी मारेइ मारेइ लोव थमा सुइक्व । तन्न निप्स पाइश्शो मुरुमी आन पशो नेल्त मिम्नीम । १६ जोक्वपुकी होस पा मरिम्शो पतीक रे डोन लाइनीम । तन्न मूर्स मारेइ ममिम्शु, होस मपाइब । १७ रीब पा गाइक्व मुरुमी मूर्स गेय पाइब । मिनु मुर आन कली दोपा श्येत गडा, द मिम्ब । मेको सुइम मदाक्का पुंडसीब । १८ मारेइ मजोक्व मूर्स गेयम ग्योम्सीशो बाक्नीम । तन्न निप्स पाइश्शो मुर जोक्तीक सिरपेच गुन्शो खोदंशो बाक्नीम । १९ मरिम्शो पाइब मुरपुकी रिम्शो मुर आन डोंइती बाप्नीम । मिनु परमपरमु यावे आ अरेशो मटीबपुकी ठीक पाइब आन लाप्चोमी बाप्नीम । २० आंम नेक्था डा मुरुमी परुडग कली मदाक्नीम । तन्न शॉप पाइश्शो मुर आन के वारच शुश बाक्नीम । २१ सुम आ नेक्था डा मुर कली दिन्वा, मेकोमी पाप पाइब । तन्न सुमी परुडग आन कली वारच पाइबा, मेको ग्यरसीशो मुर बाक्व । मजन संगरह ४१ :२ २२ मार, मरिम्शो मिम्शा पाइब हेंथ लां मगाक्नीमी, डा ? रिम्शो पचा मिम्शा पाइबमी गेना हना यो दाक्का मपरोइचा पुंडसीनीम । २३ गेय पतीक नेल्तमी दारतीक बाक्व । तन्न लोव पा ला बाक्व मुर परुडग दुम्ब । २४ जोक्व मुर आन तुइक्तीक आन सिरपेच खोदंशो बाक्व । तन्न मूर्स आन पशो आन माला खोदंशो बाक्व । २५ थमा सांकळ्ळीमी मुर आन कली परोइब । तन्न जौल पाइब सांकळ्ळीमी जौल ला पाइब । २६ परमपरमु यावे कली मान पा हिंचा, मेको मुर आ खरुइश्शा बरोइशा बाक्तीक बाक्व । मेको आ आत्पुकीमी यो मेको ताइनीम । हितोपदेश १८ :१० २७ परमपरमु यावे कली मान पा हिंचा ब्याक्कु बुक्तीक खोदंशो पा बरोइतीक बाक्व । मेको रे पा मुरपुकी बेक्पाइक्व आ ब्यारद रे बरोइनीम । २८ पिप आ दारस आ रागी डा शुश मुर बाक्नीम । तन्न मुर नुत्तेक्म हना, हुकुम पाइब जाम्शा लाइब । २९ रीब पा मगाइक्व शुश रुन्व मुर बाक्व । तन्न रीब पा गाइक्व मुर मूर्स दुम्शा लाइब । हितोपदेश १६ :३२ ; हितोपदेश १९ :११ ३० नांडसीशो थुंमी मुर आन कली बरोइचा गब । तन्न गेहेमी मुर आन रुश मुपाइक्व । ३१ सुम परुडग आन कली दिन्वा, मेकोमी परुडग आन कली सेल्ब कली शुक्शी पाइब । तन्न सुमी परुडग आन कली शिशी पाइबा, मेकोमी परमपरमु यावे कली मान पाइब । हितोपदेश १७ :५ ; अग्युब ३१ :३३-३५ ;

मती २५ :४० ३२ परमपरभु यावे आ अरेशो मटीबपुकी मरिम्शो पतीकमी जाम्शा लाइनीम । तन्न ठीक पाइब मुर आम आन गेना हना यो रिम्शो पतीकमी बरोइशा बाक्चा ताइनीम । ३३ रुख मुर नु तुइक्तीक बाक्ब । तन्न मूर्ख आन थुमी तुइक्तीक मथिंसीब । ३४ रागीम ठीक पाइब शुश बाक्तेकम हना, मकोपुकीम मको रागी ठेयब नु रिम्शो सल्लोम । तन्न मरिम्शो पाइब शुश बाक्तेकम हना, मको रागी कली महिक्सीशो सेल्लोम । ३५ पिपमी जोक्शा गेय पाइब कली दाक्ब । तन्न मुने पचा डा गेय पाइबमी पिप आ गाइशो डा सजाइ ताइब । उत्पत्ती ४१ :३७-४०

### हाक्शो कुलम ग्येरपाइक्ब

१५ १ बरोव्रशो पा लोव्र लेशशोनु, गाइक्तीक तेक्ब । तन्न हुइशशा पशो लोव्रमी मुर आन कली गाइक्पाइक्ब । हितोपदेश २५ :१५ ; १४ज्जा १२ :१३-१६ २ जोक्ब तुइक्ब मुरपुकीमी लोव्र पास्तकम हना, नंबपुकी जोक्ब दुम्चा दाक्नीम । तन्न मूर्ख आन लोव्र शोर गाक्शो बाक्ब । ३ परमपरभु यावेमी नेल्ल ताइब । मकोमी रिम्शो पाइब नु मरिम्शो पाइब नेल्ल आन कली ताइब । २इतिहास १६ :९ ४ रिम्शो लोव्र मुर आन कली बरोइचा गेब रवा खोदंशो बाक्ब । तन्न दूली लोव्रमी मुर आन थुं जिक्ब । ५ मूर्खमी आ आम आफ आस शंशो लोव्र मपाइब । तन्न सुमी शंशो नंशा पाइबा, मको होस पाइब बाक्ब । ६ ठीक पाइब मुर आन सिंमी शुश शोप बाक्ब । तन्न परमपरभु यावे आ अरेशो मटीबपुकी श्यत जाइनीम । ७ जोक्ब तुइक्ब मुर आन लोव्रमी जोक्तीक फराइब । मूर्ख आन लोव्र मोदंशो मबाक्ब । ८ परमपरभु यावे आ अरेशो मटीब आन चदंशो तशा, परमपरभु यावे गरांगरा दीब । तन्न रिम्शो थुं पाइशशो मुर आन पुंइशो नंशा ग्येरसीब । हितोपदेश २१ :२७ ; यसैया १ :११,१५ ; हितोपदेश २८ :९ ; लूका १८ :९-१४ ९ परमपरभु यावे आ अरेशो मटीब मुर आन लोव्र परमपरभु यावे कली गरांगरा बाक्ब । तन्न सुमी ठीक पाइबा, मको कली दाक्ब । १० नोले शोइसीशो मुर हिंचा डा सजाइ ताइनीम । तन्न हुइशशा काइ मदाक्ब मुर बेक्चा माल्ब । ११ दोदंशो पा परमपरभु यावेमी बेक्शो मुर आन बाक्तीक नु जाम्शा लतीक तुइक्बा, मोदंशो पा मुर आन थुं कली यो तुइक्ब । अय्युब २६ :६ ; भजन संगरह १३९ :८ ; परकाश ९ :१,११ ; येरमीया १७ :१० १२ मुरुम

शुक्शी पाइब आन कली “मोदंशो मपावो” दे अरेशो काइ मदाक्नीम । मकोपुकी जोक्ब तुइक्ब मुर आन नेक्था मलाइनीम । १३ ग्येरशो थुं पाइशशो मुर आ कुल हाक्सीशो तांइसीब । तन्न सुता पाइब आन थुं लुक्च लाइब । १४ रुख थुं पाइशशो मुरुमी जोक्तीक माल्ब । तन्न मूर्खमी मूर्ख पचा ला दाक्नीम । १५ श्यत जाइब आन नाक्ती मरिम्शो बाक्नीम । तन्न ग्येरसीशो थुं पाइशशो मुर आन नाक्ती नेल्ल चाड खोदंशो बाक्नीम । हितोपदेश १७ :२२ १६ शुश शोप नु मको आ पर्वम श्यत जचा क्यडा इक्का ला शोप बाक्शा परमपरभु यावे कली मान पा हिंचा रिम्शो बाक्ब । १७ काइ मदाक्शो मुर नु बरोव्रशो श्ये खेम जचा क्यडा, दाक्मुशा चूले खेम जशो रिम्शो बाक्ब । १८ शुश गाइक्ब मुरुमी जिचा पोक्ब । तन्न रीब पा मगाइक्ब मुरुमी जितीक तेक्ब । १९ अल्सी आन लां चूम बरीशो बाक्ब । तन्न रिम्शो थुं पाइशशो मुर आन लां थेल्लो बाक्ब । २० जोक्ब तुइक्ब थुं पाइशशो तौमी आ आफ कली ग्येरपाइक्ब । तन्न मूर्ख तौमी चहिं आ ममा कली महिक्ब । हितोपदेश १० :१ २१ निप्स मपाइशशो मुर मूर्ख गेय पचा ग्येरसीनीम । तन्न रुख मुर गेना हना यो आम लांम गाक्नीम । २२ अर्ती मनंथु गेय पाइब आन गेय शोर गाक्शो बाक्ब । तन्न अर्ती गेब शुश बाक्तेकम हना, मको आन गेय रिम्शो दुम्ब । हितोपदेश ११ :१४ २३ मुरुम ठीक पा लोव्र लेन्न चापु हना, ग्येरपाइक्ब । माल्बी ना माल्शो लोव्र पचा, गिश रिम्शो बाक्ब । २४ जोक्ब तुइक्ब मुर बरोइचा गेब ग्येत्थ लां लाइब बाक्नीम । मोपा बेक्शो मुर आन बाक्तीक लतीक लुक्च लां मलाइनीम । २५ परमपरभु यावेमी ठेयब लेशशो मुर आन सिं परशशा गेब । तन्न वांइश बेक्शो मीश मुर आन केरू डा सांद एर आंथ दुम्चा मगेब । २६ परमपरभु यावेमी मरिम्शो मुर आन मिम्शो लोव्र गरांगरा दीब । तन्न रिम्शो मुर आन लोव्र तशा ग्येरसीब । २७ शिममी आम सिं डा मुर आन कली श्येत गेनीम । तन्न घूस मजाइबपुकी बरोइनीम । भजन संगरह १५ :५ २८ ठीक पाइब मुरपुकीमी लोव्र लेत्चा क्यडा डांइती मिन्नीम । तन्न परमपरभु यावे आ अरेशो मटीबपुकीम हेंथे लोव्र पाइनीम । २९ परमपरभु यावे आ अरेशो मटीब आन क्यडा डोन बाक्ब । तन्न ठीक पाइब आन पुंइशो लोव्र नंब । हितोपदेश १५ :२९ ; यूहन्ना ९ :३१ ३० बरशो कुलमी थुं कली ग्येरपाइक्ब । रिम्शो लोव्रमी

रां कली बोल्यो सेल्ब। ३१सुमी रिम्शो अर्ती नंशा पाइबा, मेको जोक्ब तुइक्ब मुर आन दातेम बाक्ब। ३२सुमी रिम्शो अर्ती नंशा मपाइबा, मेकोमी आंम कली यो मदाक्ब। तन्न अर्ती नंबमी आ रुप्तीक बारपाइक्ब। ३३परमपरभु यावे कली मान पा हिंतीक तुइक्तीक कली शंसीतीक बाक्ब। मिनु मान तचा क्येडा डॉइती ब्रम्शो थुं पाइश्शो दुम्चा माल्ब। हितोपदेश १८:१२ ; हितोपदेश २२:४

परमपरभुम मुर आन कली लां कांडब

१६ तन्न लोत्र लेतीक परमपरभु यावे र जाक्ब। २आंमा पशो गय आंमा कली ठीक मिम्सीब। तन्न परमपरभु यावेमी मुर आन थुं नाक्ब। ३इन पशो नेल्ल परमपरभु यावे कली जिम्मा गेन। मिनु इन मिम्शो जाक्दोप्ब। मजन संगरह् ३७:३ ४परमपरभु यावेमी मारइ मारइ नेल्ल गय पचा कली सेल्लु। आ अरशो मटीब कली यो नोले डा श्येत नाक्त कली सेल्लु। रोमी ९:२२ ५परमपरभु यावे ठेयब लेश्शो आन कली तशा गरांगरा दीब। मेकोपुकी सजाइ मतथु मबरांडनीम। ६दाक्शा गेनायो मपरांडतीकेमी मरिम्शो पतीक क्याम्सीब। मिनु सु परमपरभु यावे कली मान पा हिंबा, मेको मरिम्शो र डोन लाइब। ७परमपरभु यावेमी मुर आन पशो तशा ग्येरसाक्ब हना, मेको कली आ ज़ारी सतरु नु यो गारपाइश्शा वोइक्ब। उत्पत्ती ३१:२४ ; उत्पत्ती ३३:४ ८मरिम्शो पा चेम्शो शुश क्यट क्येडा रिम्शो पा चेम्शो इच्का सोइ क्यट ठीक बाक्ब। हितोपदेश १५:१६ ९मुरुमी आंम आ लां आंमान मिम्नीम। तन्न परमपरभु यावेमी मेको आन गाक्तीक लां कांडब। हितोपदेश १९:२१ ; येरमीया १०२३ १०परमपरभु यावेमी पिप कली ब्याक्पाइक्ब। मेकोमी निसाफ पशोनु, दूली निसाफ मपाइब। ११ठीक पा नाक्तीक नु पुक्तीक परमपरभु यावे केन बाक्ब। झोलाम बाक्शो नाक्तीक फुल्लु नेल्ल आ सेल्शो बाक्नीम। हितोपदेश ११:१ १२पिपमी मरिम्शो पाइब आन कली तशा गरांगरा दीब। मारदे हना ठीक पतीकेमी आ राज्य बोल्यो सेल्ब। १३पिपमी ठीक लोत्र पाइब आन कली तशा ग्येरसीब। थमा लोत्र पाइब आन कली दाक्ब। १४पिप गाइक्ताक्ब हना, मुर साइक्ने चाप्ब। रुप्ब मुरुमी आ गाइक्चा नाइक्पाइक्ने चाप्ब। हितोपदेश १९:१२ ; हितोपदेश २०:२ १५पिप

आ कुल हाक्शो बाक्त हना, बरांडचा गेब। मेको आ दाक्शो सोद्वशो रू कली रउ सोदंशो बाक्ब। १६क्येस सुन तचा क्येडा तुइक्तीक तचा रिम्शो बाक्ब। चांदी तचा क्येडा रुप्तीक तचा रिम्शो बाक्ब। १७रिम्शो थुं पाइश्शो मुर मरिम्शो लां र डोन बाक्ब। मिनु मरिम्शो मपथु, होस पा बाक्ब बरांडचा ताइनीम। १८मुर खतम दुम्चा क्येडा डॉइती ठेयब लेन्नीम। नुप्चा क्येडा डॉइती मुर बारनीम। हितोपदेश १८:१२ १९ठेयब लेश्शो आन रोइश्शो थोत्रक योक्सीचा क्येडा ब्रम्शो दुम्शा, श्येत जशो आइक्च मुरपुकी नु बाक्चा रिम्शो बाक्ब। २०सुम शंशो लोत्र नोफा दाइश्शा नंबा, मेको मुर सोशा बोशा ग्येत्य लाइब। सु परमपरभु यावे कली थमा सुइक्बा, मेको ग्येरसीशो बाक्ब। २१जोक्ब तुइक्ब थुं पाइश्शो मुर कली रुप्ब मुर दंनीम। बरोवशो लोत्रम शंतीक कली बारपाइक्ब। २२सु नु तुइक्तीक बाक्बा, मेको बरांडचा गेब ब्याक्कु बुक्तीक सोदंशो बाक्ब। तन्न मूर्ख आन मूर्ख पतीकेमी सजाइ ताइनीम। २३जोक्ब तुइक्ब मुरुमी लोत्र पचा क्येडा डॉइती मिम्नीम। मोपा आन जोक्तीक बारना बारन लाइब। २४बरोवशो लोत्र सुदो सोदंशो बाक्ब। मेकोमी थुं कली बरोवशो नु रां कली बोल्यो सेल्ब। हितोपदेश १२:२५ २५मुरुमी का निक्शी लां रिम्शो बाक्ब, दे मिम्नीम। तन्न नोले मेको लां बक्तीक लां बाक्ब। २६गय पाइब आन कोत्रजमी मेको कली गय पपाइक्ब। मेको आ शात्रलुमी गय पतीक थुं गेब। २७हिंचा डा पा मरिम्शो पाइब मुरुमी मरिम्शो ला मिम्ब। मेको आ लोत्र मी सोदंशो पा बरशो बाक्ब। २८दूली मुरुमी जिचा पोक्ब। मिनु नोफा मुइक्बमी गारशा वारच आन कली फराब। २९हुश खराक्श पोक्ब मुरुमी आ नेक्था डा मुर आन कली यो हंथ पपाइक्ब। मिनु मेको आन कली मरिम्शो लां सोइक्पाइक्ब। ३०मिक्च रिक्बमी दूली गय पचा मिम्शो बाक्नीम। मोदंशो मिम्शा सिक्सी पा बाक्बमी मरिम्शो पचा चिक्शो बाक्ब। ३१बोइश्शो चां मान ततीक सिरपेच सोदंशो बाक्ब। मेको ठीक पाइब मुर आन लांम ला थोसीब। हितोपदेश २०:२९ ३२लडाइ पाइब बोल्यो मुर दुम्चा क्येडा फाल्ब मुर दुम्चा रिम्शो बाक्ब। मिनु सहर कली गराब क्येडा आंम गाइक्चा कली तेक्ब रिम्शो बाक्ब। हितोपदेश १४:२९ ३३मुरुम फेन्टे आप्शा, परमपरभु यावे कली हिल्लो पाइनीम। मिनु परमपरभु यावेमी लोत्र लेप्ब।

## ग्यरशो थुं

१ जिना जिन बरोव्रशो जचा क्येडा सिक्सी  
**१७** पा थुं नाइश्शा पाकतो खमे जचा रिम्शो  
 बाक्व। हितापदेस १५:१७ २ जोक्व तुइक्व  
 वाइलमी आ होव्रप आ मरिम्शो पाइब ती कली  
 अरब। मिनु मेको वाइलमी खिं डा ती खोदंशा पा  
 रू ताइब। ३ सुन चांदी यपाइश्शा नाक्वा कली  
 ग्यांब नु मी माल्ब। तन्न परमपरभु यावेमी मुर  
 आन थुं नाक्व भजन संगरह ६६:३० ४ मरिम्शो  
 पाइब मुरुमी परमपरभु यावे आ अरशो मटीब आ  
 लोत्र नंब। जोल पाइबमी खतम सल्ल्तीक लोत्र  
 नंचा कली नोफा दाइक्व। ५ सुम परुडगा आन  
 कली शुक्शी पाइबा, मेकोमी आ कली सल्व,  
 परमपरभु यावे कली आइक्व सल्व। सु मुर आन  
 कली श्यत जशो तशा ग्यरसीबा, मेको सजाइ  
 मतथु मबरांडब। हितापदेस १४:३१ ६ खाल्पा  
 खाल्पी आन सिरपेच आन चच युइ नमी। मिनु  
 आल आन ग्योम्सीशो आन आम आफ बाक्नीम।  
 ७ मूर्खपुकीमी रिम्शो लोत्र पचा मशिरनीम। मेको  
 क्येडा ठेयब मुरपुकीमी जोल पचा मशिरब।  
 ८ घूस गोबमी आ घूसमी मारइ मारइ पने चाण्व,  
 दे मिम्ब। मेको ते लत हना यो आ दंशो खाण्व।  
 ९ सुमी अरु आन मरिम्शो पशो सुम्बा, मेकोम  
 वारच सल्व। तन्न मुर आन मरिम्शो पशो देना  
 देन बाक्वमी वारच आन कली फराब। १० मूर्ख मुर  
 कली सह खेयप तुण्वा क्येडा जोक्व तुइक्व  
 मुर खेयप का दंशानु रुण्व। ११ मरिम्शो मुरपुकीमी  
 गेना हना यो जिचा पाक्नीम। तन्न मेको कली  
 सजाइ गेचा कली शिशी मपाइब मुर सोइश्शा  
 बाक्व। १२ मूर्ख मुरुमी मूर्ख पवा ना गरुम्चा  
 क्येडा आ चाइक्व रोइसीशो वा कली गरुम्चा  
 रिम्शो बाक्व। १३ सुमी रिम्शो पाइब आन कली  
 मरिम्शो पाइबा, मेको आ खिं र मरिम्शो गेनायो  
 मलाइब। १४ दोपा प्रांडशो ब्वाक्कु बोल पा  
 शाइक्व, मोपा जिचा पाक्तीक बाक्व। मोपतीक  
 जिचा ठेयब दुम्चा क्येडा डाइती मेको कली  
 तेक्कीन। १५ सुमी परमपरभु यावे आ अरशो  
 मटीब आ पर्वम “ठीक पाइब बाक्व” देबा, मिनु  
 ठीक पाइब आ पर्वम “ठीक पाइब मबाक्व”  
 देबा, मेको निम्फा आस कली परमपरभु यावेमी  
 गरांगरा दीब। यसैया ५:२३ १६ मूर्ख आ गुइमी  
 तुइक्तीक थुं ग्याण्वा कली क्येड मारदे माल्वा  
 डा ?। मेको क शंसीतीक थुं मबाक्व। १७ वारचमी  
 गेना हना यो दाक्व। लोकवपुकी चहिं श्यत  
 जशो ना वारच पचा कली जरमेशो बाक्नीम।

१८ सु आ नेक्था डा मुर आ पर्वम जमानी बाक्वा  
 कली सल्ला पाइबा, मेको मरुण्व मुर बाक्व।  
 हितापदेस ६:१५ १९ जिचा दाक्वमी पाप कली  
 यो दाक्व। लाइश्शा लाण्वो सल्वमी मुर आन  
 रुश जिक्पाइक्व। २० मरिम्शो थुं पाइश्शा मुर  
 आन कली मारइम मगाण्व। दूली पा जोल पाइब  
 मुर हिंचा डा श्यत जाइब। २१ मूर्ख तीमी आ  
 आम आफ आस कली सुती पपाइक्व। मूर्ख आ  
 आफ गेनायो ग्यरचा मताइब। २२ ग्यरसीशो  
 थुंमी रां कली सापाइक्व। तन्न लुकच लशो  
 थुंमी मुर कली सोत्रपाइक्व। हितापदेस १५:१३-  
 १५ २३ परमपरभु यावे आ अरशो मटीब मुरुमी  
 निसाफ दूली सल्ला कली खरुइश्शा घूस जाइब।  
 परस्थान २३:८ २४ रुण्व मुरुम आ तुइक्तीक  
 माल्ब। तन्न मूर्खमी रागी आ सुर सम्म कोत्रशो  
 बाक्व। हितापदेस ४:२५ २५ मूर्ख तीमी आ  
 आफ कली सुती पपाइक्व। आ आम कली गेना  
 हना यो डाक्पाइक्व। २६ दोस मताइब मुर कली  
 सजाइ गेचा क्येडा ठेयब मुर आन कली रिम्शो  
 पचा कली तुण्वा मरिम्शो बाक्व। २७ जोक्व थुं  
 पाइश्शा मुर शुश मब्वाक्नीम। रुण्व मुर आन  
 गेय पचा डाइती मिम्शा, बाक्नीम। हितापदेस  
 १०:१९; याक्व १:१९ २८ मूर्ख ब्वालेइ पा बाक्व  
 हना, मूर्ख मुर यो रुण्व मुर खोदंशो तांइसीब।  
 लोत्र मपाम्तेक्म हना निप्स पाइश्शा खोदंशो  
 तांइसीनीम। अग्युब १३:५

## लोत्रमी बेक्तीक नु ब्रांडतीक बाक्व

१ सु मुर र बराशा बाक्वा, मेकोमी आम  
**१८** कली ला रिम्शो पचा दाक्व। मेकोमी  
 रुक्तीक थुं पाइश्शा मुर आन लोत्र काइ  
 मनंब। २ मूर्खमी मारइ लोत्र रुण्वा थुं मपाइब।  
 तन्न “गो जोक्नुड” दे आ मिम्शा लोत्र ला  
 पाइब। ३ परमपरभु यावे आ अरशो मटीक नु  
 महिक्मुतीक यो जाक्व। मिनु मुन दोक्तीक नु  
 मान मततीक यो जाक्व। ४ मुर आन लोत्र शुश  
 लुकच लशो ब्वाक्कु खोदंशो बाक्व। तुइक्तीक  
 शुश ब्वाक्कु बुक्शा गरुशो खोदंशो बाक्व।  
 ५ दोस ताइब आ कुल कोत्रशा, दोस मताइब  
 कली दूली सल्ला, ठीक निसाफ ममाइ। ब्यवस्था  
 १:१७ ६ मूर्ख आ लोत्रमी जिचा पाक्व। मिनु मेको  
 तुण्वा पुंडसीब। ७ मूर्ख आ लोत्र पतीकमी आमान  
 खतम दुम्ब। आ लोत्रमी मेको कली साइक्व।  
 ८ नोफा मुइक्व आन लोत्र शुश बरोव्रशो जचा  
 थोत्रक खोदंशो बाक्व। मेको मुर आन थुं सम्म  
 जाक्दीण्व। हितापदेस २६:२२ १ अल्ल्सी पाइब

मुर हेंथे पाडव आ लोकव बाकव । हितोपदेश १० : ४  
 १० परमपरभु यावे आ नें बोल्यो लाडइशो सिं  
 सोदंशो बाकव । ठीक पाडवपुकी मेकेर दोरशा  
 लशा, बरांडशा बाकनीम । हितोपदेश १४ : २६ ;  
 भजन संगरह ६१ : ४ ११ थीब मुर आन शांप  
 मको आन कली बोल्यो सहर सोदंशो बाकव ।  
 मकोपुकीमी आन शांप कली ठयब गारो सोदंशो  
 मिन्नीम । हितोपदेश १० : १५ १२ खतम दुम्चा  
 क्येडा डांडती मुर ठयब लत्नीम । मान तचा  
 क्येडा डांडती मुर बरंशो दुम्नीम । हितोपदेश  
 १६ : १८ १३ सुमी लोत्र नंचा क्येडा डांडती लोत्र  
 लेन्वा, मेको मूर्ख दुम्तीके मुने दाकव मुर बाकव ।  
 १४ मुर आ थुंमी रां डा रोइ फाल्ने चाप्व । तन्न  
 आ थुं लुकच लत हना, सुम फाल्ने चाप्व  
 डा ? १५ निप्स पाडइशो मुर आ जोक्तीके बारना  
 बारन लाडव । जोक्व तुडक्व मुरुमी मेको क्येडा  
 जोक्चा कली नोफा दाडक्व । १६ सुमी कोसेली  
 गेबा, मेकोमी ठयब मुर नु लोत्र पचा यो ताडव ।  
 उत्पत्ती ४३ : ३१ १७ सुमी जितिकेमी डांडती  
 व्याक्वा, मेको कली नोल डा मुर मव्याक्म सम्म  
 नल्लेमी ठीक मिम्शा थमा सुडक्नीम । १८ फन्टे  
 आप्शोनु, जिचा खेचा देक्व । मिनु ठयब मुर  
 आन जिचा नाडक्पाडक्व । १९ थुं साडक्पाडइशो  
 लोकव कली लेम्चा गारो हिरशो सहर गराचा  
 क्येडा श्यत बाकव । मुर आन जितिके खतीक  
 बोल्यो सिं डा आगलो सोदंशो बाकव । २० मुर  
 आन लोत्रमी बरांडनीम । मेको आन रिम्शो लोत्र  
 पशामी जचा ताडनीम । हितोपदेश १२ : १४ २१ मुर  
 आन लोत्रमी बक्तीक नु बरांडतीक बाकव । तेको  
 कली दाक्नीनी, मेको आ ततीक ताडनीनी ।  
 २२ सुमी मीश ताडवा, मेको कली रिम्शो दुम्ब ।  
 मेको मुर परमपरभु यावे आ दाक्शो मुर दुम्ब ।  
 हितोपदेश १९ : १४ ; हितोपदेश ३१ : १० २३ पुरुडग  
 मुरुमी बरंशो लोत्र पा पुंडनीम । तन्न शुश शांप  
 पाडइशो मुरुमी ठयब लेशो लोत्र लत्नीम ।  
 २४ का निक्शो मुरुमी “वारच नड” दंसु पाडनीम ।  
 तन्न आम लोकव क्येडा थमा पा दाक्व वारच  
 गेना हना यो आ वारच नु काथा बाकव । हितोपदेश  
 १७ : १७

पुरुडग आन कली वारच पावो

११ दली लोत्र पा गाक्व मूर्ख दुम्चा क्येडा  
 पुरुडग नु गेना हना यो रिम्शो पाडव मुर  
 दुम्चा रिम्शो बाकव । हितोपदेश २८ : ६ २गे मार  
 मार माल्नीनी मेको आ पर्वम मतुडक्ताक्नी हना,  
 मेको शार गाक्शो बाकव । सु रीब पा गाक्वा, मेको

आ लां जाम्ब । ३ मुर आन मूर्ख पतीकेमी खतम  
 दुम्नीम । मो हना यो मेकोपुकीमी परमपरभु यावे  
 कली दोस गेनीम । बिलाप ३ : ३९ ४ शुश क्येट  
 बाकव मुर नु शुश वारच बाक्नीम । तन्न पुरुडग  
 आन कली आन बाक्शो वारचमी यो प्रांडनीम ।  
 हितोपदेश १४ : २० ५ जाल पा सांकळी बाकव  
 मुर सजाइ मतथु मबरांडव । मिनु जाल पाडव यु  
 बुडइशा परोक्न मचाप्व । हितोपदेश २१ : २८ ;  
 व्यवस्था १९ : १८-२१ ६ शुश मुरुमी ठयब मुर आन  
 शिशो दाक्नीम । मिनु सुमी अरु कली गेबा, मेको  
 आ वारच शुश बाक्नीम । ७ पुरुडग मुर कली आ  
 लोकवपुकीमी यो पांडनीम । मेको आन क्येडा  
 आ वारचपुकीमी प्रांडनीम । मेकोमी मेको आन  
 कली बरंप्व, तन्न सुडम मनंनीम । ८ सुम आम  
 कली दाक्वा मेकोमी तुडक्तीक माल्व । रुप्व मुर  
 सोशा बोशा ग्येत्थ लाडव । ९ जाल पा सांकळी  
 बाकव मुर सजाइ मतथु मबरांडव । मिनु जाल  
 पाडव मुर खतम दुम्नीम १० मूर्ख मुर क्येट थीब  
 मुर सोदंशो पा बाक्चा मशिरव । मिनु वाडलमी  
 ठयब मुर आन कली हुकुम पचा यो मशिरव ।  
 ११ निप्स पाडइशो मुर आंसां पा गाडक्नीम ।  
 मिनु अरुमी थुं साडक्तीक लोत्र पांम्तेक्म हना  
 यो, मेको सिकसी पा बाक्चा आ मान बाक्व ।  
 हितोपदेश १४ : २९ १२ पिप आ गाडइशो गुप्स  
 आ गरीशो सोदंशो बाक्व । आ दाक्तीक चहिं  
 घांस तार दाक्शो सुनी डा सीत सोदंशो बाक्व ।  
 हितोपदेश १६ : १४-१५ १३ निप्स मपाडइशो ती  
 आ आफ कली श्यत बाक्व । मिनु गेना हना यो  
 जिचा पोक्व मीश, तप तप पा याप्शो व्याक्कु  
 सोदंशो बाक्व । हितोपदेश २७ : १५-१६ १४ सिं  
 नु शांप आम आफ रे तांडसीब । तन्न होस  
 पाडव मीश चहिं परमपरभु यावे रे तांडसीब ।  
 हितोपदेश १८ : २२ १५ अल्सी पतीकेमी निन्दरा  
 पपाडक्व । अल्स शोत्रलुन बाक्चा माल्नीम ।  
 १६ सुमी परमपरभु यावे आ शंशो टीनीमी, मेको  
 बरांडचा ताडनीम । सुमी मटीनीमी मेको बक्चा  
 माल्नीम । हितोपदेश १६ : १७ १७ सुमी पुरुडग  
 कली शिशो पा गेबा, मेकोमी परमपरभु यावे  
 कली गेब । मिनु परमपरभु यावेमी मेको कली  
 नल्ल लेप्व । हितोपदेश १४ : ३१ ; भजन संगरह  
 ४१ : २-४ ; दानीएल ४ : २४ ; मती ५ : ७ ; मती  
 २५ : ४० ; २कोरिन्थी ९ : ६ १६ आस बाक्म सम्म  
 इ ती कली शंशा तुपो । तन्न मेको कली तुप्या  
 मसतो । व्यवस्था २१ : १८-२१ १९ रीब पा शुश  
 चुरव मुर सजाइ ताडव । गे मेको कली तेक्चा  
 माल्तीवी हना, मेको क्येडा शुश गाडक्व ।

२० नोफा दाइशशा अर्ती नंशा, शंतीक टिने। मो पाइतीनी हना, तुइक्तीक पाइशशा मुर दुम्नीनी। ११ मुर आ थुमी शुश मिम्तीक बाक्नीम। तन्न परमपरभु यावे आ मिम्शा ला दुम्ब। हितोपदेश १६:१ २२ शिशो पाइब मुर दुम्चा रिम्शा बाक्ब। जोल पाइब दुम्चा क्येडा परुडग दुम्चा रिम्शा बाक्ब। २३ परमपरभु यावे कली मान पा हिंचा ब्रांडतीक बाक्ब। मो दुम्त हना, गे महिथु, श्येत मजथु बाक्नीनी। २४ अल्सेपुकीमी आन गुइ खमेम खरुम्नीम। तन्न आन गुइ शोत्र सम्म मचाक्नीम। हितोपदेश २६:१५ २५ शुक्शी पाइब आन कली तुप्शानु, मारइ मजाक्बपुकी होस पा बाक्चा शंसीनीम। निप्स पाइशशा मुर कली हुइशशानु, मेको क्येडा जोक्ब दुम्ब। हितोपदेश २१:११ २६ सुमी आ आफ कली श्येत गेवा नु आ आम कली खेरबा, मेको गरांगरा दिशो नु मुने तोक्ब तो बाक्ब। २७ आं तो, गे जोक्ब मुर आन लोत्र रे हेंथ लचा परोनो। मो पाप्तीवी हना गे शंशो लोत्र नंन चाप्नेव। याक्ब १:२२ २० शोर गाक्शा सांकछ्छीमी निसाफ पतीक आ पर्वम शुक्शी पाइब। मेकोमी परमपरभु यावे आ अरेशो मटीब। मरिम्शा पतीक जचा थोत्रक सोदेशो पा दाक्ब। २९ सजाइ शुक्शी पाइब आन कली बाक्ब। तुप्तीक मूर्ख आन ची कली माल्ब। हितोपदेश २६:३

जोल पा नाक्तीक

१ अडगुर शांबुमी हेंथ व्याक्पाइक्ब। २० राकसीमी राम्शो पपाइक्ब। सु मेको तूशा दुक्नीमी, मेको जोक्ब तुइक्ब मदुम्नीम। हितोपदेश २३:२९-३५ ; हितोपदेश ३१:५ ; होस ४:११ २ पिप आन शुश गाइशशा गुप्स आन गरीशो सोदेशो बाक्ब। सुम मेको कली गाइक्पाइक्बा, मेको साइक्चा पुंडसीब। हितोपदेश १६:१४ ३ राम्शो पतीक र डोन बाक्ब मुरुमी मान ताइब। तन्न मूर्ख नेल्ल रीब पा राम्शो पाइब बाक्नीम। ४ ग्यू दुम्तीके अल्सेमी ब्यफ मवाक्ब। मिनु अन्न रिक्ची ना मारइ यो मताइब। हितोपदेश ६:६-११ ; ५ मुर आन थुं डा मिम्शा लुक्च लशो व्याक्कु सोदेशो बाक्ब। तन्न निप्स पाइशशा मुरुमी ला मेको कीशा गरुंडने चाप्ब। ६ शुश मुरुमी “गो रिम्शा मुर नड” दे अरु आन कली तुइक्पाइक्नीम। तन्न थमा सुइक्चा डा मुर सु थिन्ने चाम्सीबा डा? ७ ठीक पाइब मुर गेना हना यो रिम्शा पाइब बाक्ब। मेको आ

आलपुकी ग्येरसीशो बाक्नीम। भजन संगरह ११२:१२ ६ निसाफ पाइब नितीकम निशशा पिपमी कोत्रशा, रिम्शा नु मरिम्शा नेल्ल तिल्व। भजन संगरह १०१:३ १ मिनु सुमी “गो आं थुं रिम्शा सल्ला। आं पाप क्याम्ताक्ड” देंन चाप्चा डा? हितोपदेश ३०:१२ ; अय्युब ४:१७ ; अय्युब ९:२-३ १० जोल पा नाक्तीक नु मगराशो पुक्तीक निम्फा परमपरभु यावे कली गरांगरा बाक्ब। ११ मिनु आन यो आन पतीकमी दोदेशो दुम्नीमी मेको कौंडनीम। ठीक पाइब नु रिम्शा थुं पाइशशा आल बाक्ब, दे तुंडसीब। हितोपदेश २२:६ १२ नंचा कली नोफा नु कोत्रचा कली मिक्च मेको निम्फा परमपरभु यावमी सल्लु। १३ शुश मइप्पो, मारदे हना गे परुडग दुम्नेव। संसीशा बाक्को। मिनु शुश जचा ताइनेव। १४ ग्याप्ब मुरुमी “एको मरिम्शा बाक्ब। मरिम्शा बाक्ब” दे इक्का आइक्ची लशा “गो सस्तो ग्याप्ता” दे आ नें बोरपाइक्ब। १५ शुश सुन नु शुश क्येट लाइब हीरा बाक्नीम। तन्न मेको आन क्येडा जोक्तीक लोत्र पाइब मुर रिम्शा बाक्ब। १६ अर्को रागी डा मुर आ पर्वम जमानी दुम्शो मुर, आ वा रोइशशा लतीन। मुर आ पर्वम जमानी बाक्शो आ मारइ मारइ नेल्ले लतीन। हितोपदेश ६:१-२ ; हितोपदेश २७:१३ १७ सुइ पा जशो शोब्त डांडती शुश बरोत्रब। नोले मेको फुल्लु नाक्शो सोदेशो दुम्ब। हितोपदेश ९:१७ १६ अर्ती नंब मुर आ मिम्शा रिम्शा दुम्ब। जोक्ब तुइक्ब आन लोत्र नंशा ला लडाइ पावो। हितोपदेश २४:६ ११ लोत्र क्याल्ब मुरुमी खरुइशशा पशो लोत्र यो फराइब। मोपतीक शुश लोत्र पाइब मुर नु वारच मदुमो। २० सुम आ आम आफ आस कली सराप पाइबा, मेको आ बती नेल्ल क्येडा छिडछिडमी काप्ब। हितोपदेश ३०:१७ ; परस्थान २१:१७ २१ डांडती रीब पा थरशो रू नोले आसीक मराइब। २२ गे मरिम्शा पाइब कली क्येक्क लेत्तुड मदेनो। परमपरभु यावेमी पाइब, दे रिम्दो। मिनु इ कली वारच पाइब। हितोपदेश २४:२९ ; रोमी १२:१७ २३ जोल पा नाक्तीक तशा परमपरभु यावे गरांगरा दीब। मिनु दूती नाक्तीक ठीक मबाक्नीम। २४ परमपरभु यावेमी मुर आन कली लां कौंडब। सुमी आम लां रुने चाप्चा डा? २५ मुरुमी ममिम्थु “परमपरभु यावे केन बाक्ब” देशा, कसम जचा, थम हिंचा डा बाक्ब। मारदे हना नोले मिम्शा, मार दुम्बा डा? २६ जोक्ब तुइक्ब पिपमी परमपरभु यावे

आ अरेशो मटीब आन कली तिल्व। मिनु मेको आन कली साइक्व। २७ मुर आन थुं परमपरभु यावे आ बती बाक्व। मिनु मेकोमी रां नेल्ल कली कोव्रब। १कोरिन्थी २:११ २८ गेना हना यो दाक्शा गेनायो मपरांडतीकमी पिप कली खाल पाइब। आ ठीक पतीकमी आ सासन पतीक मजांम्ब। हितोपदेश १६:१२ २९ ठिटा आन दारस आन बोल्थो रां बाक्व। मिनु स्वात्पा आन दारस आन बोइशो चां बाक्व। ३० तुप्शो गारमी लेशा मरिम्शो मपपाइक्व। मिनु तुप्शोमी यो मुर आन थुं कली रिम्शो पाइब सत्त्व।

परमपरभु कली टीबम रिम्शो पाइब

२१ १पिप आ थुं परमपरभु यावे आ गुइमी खोला डा ब्याक्कु खोदशो बाक्व। दोथ गे लाइक्वा दाक्ता, मोथ गे लाइक्व। भजन संगरह ३३:१५ २ मुरुमी आंम कली गेना हना यो “ठीक पाता” दे मिन्नीम। तन्न परमपरभु यावेमी मुर आन थुं नाक्व। ३ परमपरभु यावे आ डांडती मार मार च्दश्चा क्येडा ठीक पतीके नु रिम्शो निसाफ पतीके आ दाक्शा बरतीक बाक्व। १सामुएल १५:२२; होसे ६:६ ४ ठेयब लेशो नु बोरशो मुर दुम्बा, परमपरभु यावे आ अरेशो मटीब आन छेड्छेड् बाक्व। मेको पाप बाक्व। ५ शुश गेय पाइब आन मिन्तीकमी सोशा बोशा ग्येत्थ लां खोइक्पाइक्व। तन्न रीब पा ममिम्थु गेय पाइब मुर परुड्ग दुम्ब। ६ जोल पा शुश शांप चेन्तीक फशमी योल्था जाम्शो कुन खोदशो बाक्व। मोदंशो पाइबपुकी साइक्वा पुंडसीनीम। ७ परमपरभु यावे आ अरेशो मटीब आन हुश खराक्श पाक्तीकमी साइक्वा पुंडसीनीम। मारदे हना मेकोपुकीमी मार ठीक बाक्म, मेको पचा मबित्नीम। ८ दोस ताइब मुर आन लां हिरशो बाक्व। दोस मताइब मुर आन पतीक चहिं ठीक बाक्व। ९ गेना हना यो जिचा पोक्व मीश नु ठेयब खिंम बाक्वा क्येडा, तला डा कुना कामी बाक्वा रिम्शो बाक्व। १० परमपरभु यावे आ अरेशो मटीबपुकीमी मरिम्शो ला पचा दाक्नीम। मेकोपुकीमी आन नेक्था डा मुर आन कली यो शिशो मपाइनीम। ११ शुक्शो पाइब कली सजाइ गेशानु, मारइ मजोक्व मुर इक्का जोक्व तुइक्व दुम्नीम। मिनु जोक्व तुइक्व मुर आन कली शेशानु, आन जोक्तीक बारब। हितोपदेश १९:२५ १२ ठीक पाइबमी परमपरभु यावे आ अरेशो मटीब मुर आन खिं कोव्रना कोव्रन बाक्व। मिनु परमपरभुमी आ अरेशो मटीब आन

कली खतम पोक्व। १३ सुमी परुड्ग आन पुंडशो मनंबा, मेकोमी यो पुनानु, सुइमी यो मनंनीम। १४ खरुइशोमी मार मार गेशानु, चुरब मुर यो मचुरनीम। मिनु वा आगामी खरुइशो गेशोमी ठेयब गाइक्तीक तेक्व। १सामुएल २५:१८-३५ १५ निसाफ दुम्मनु ठीक पाइब ग्यरसीनीम। तन्न मरिम्शो पाइबपुकी हिंनीम। १६ सुइ मुर रुप्तीक लां परांडतु हना, मेको बेक्शो मुर आन बाक्तीक लशा नाइक्व। १७ सुम आंम दाक्शा पना पन बाक्वा, मेको परुड्ग दुम्ब। सुमी अड्गुर शांबु नु तेल दाक्वा, मेको मुर यो परुड्ग दुम्ब। हितोपदेश २३:२१ १८ ठीक पाइब आन पा डा परमपरभु यावे आ अरेशो मटीबपुकीमी सजाइ ताइनीम। मिनु गेना हना यो रिम्शो पाइब आन पा डा थमा सुइक्वा मपुंडसीब मुर सजाइ ताइनीम। १९ शुश जिचा पोक्व नु चुरब मीश नु बाक्वा क्येडा गोरशो रागीमी बाक्वा रिम्शो दुम्ब। २० जोक्व तुइक्व मुर आन खिंम शुश क्येड लाइब शांप नु तेल बाक्व। तन्न मूर्खमी आ बाक्शा नेल्ल थुम्ब। २१ सु मुरुमी ठीक पतीके नु शिशो पतीके आ नोले खोइक्वा, मेको बरांडशा, सोशा बोशा दुम्शा मान ताइब दुम्ब। २२ जोक्व तुइक्व मुर कामी बोल्थो लडाइ पाइब आन सहर कली लडाइ तोप्तु। मिनु मेकोमी आन बोल्थो, थमा सुइशो, बरांडशा बाक्तीक सहर गरात। २३ सुमी मिम्शा ठीक लोत्र पाइबा, मेकोमी आंम कली श्यत र परांडब। हितोपदेश १३:३ २४ ठेयब लेशो, बोरशो मुर आ नं शुक्शी पाइब बाक्व। मेकोमी ठेयब लेशो नु बोरशो गेय ला पाइब। २५ अत्स गेय मपतीके बक्नीम। मारदे हना अत्स आन गुइम गेय पन मबिप्ब। हितोपदेश १३:४ २६ नाक्त र अत्समी मारइ मारइ माल्व। तन्न ठीक पाइबमी मखक्थु, गेब। २७ परमपरभु यावे आ अरेशो मटीब आन च्दशो ग्रांगरा दिशो बाक्व। मेकोमी मरिम्शो मिम्शा च्दशो शुश ग्रांगरा बाक्व। हितोपदेश १५:८ २८ जोल पाइब सांकळी जाम्शा लाइनीम। तन्न रिम्शो पा नोफा दाइशो नंब मुर थमा डा सांकळी बाक्व। हितोपदेश १९:५ २९ परमपरभु यावे आ अरेशो मटीब मुर बोल्थो मुर खोदशो पा गाक्नीम। तन्न गेना हना यो रिम्शो थुं पाइशो मुर मिम्ना मिम्न गाक्नीम। ३० मुर आन तुइक्तीक, रुप्तीक अर्ती गेतीक परमपरभु यावे आ डांडती थम आइक्व बाक्व। भजन संगरह ३३:१०-११ ३१ लडाइ पची नाक्त कली

शारा ठीक पशो बाकत । तन्न गरातीक परमपरभु यावे आ गुडमी बाकब । भजन संगरह ३३ :१७

श्येत गोबम श्येत जाइब

१ शुश क्येट शोप क्येडा मान पाइशशो  
**२२** रिम्शो बाकब । सुन चांदी क्येडा दाकचा पुंडसीचा रिम्शो बाकब । उपदेसक ७ :१ २ क्येट थीब नु परुडग मुर के गारतीक का बाकब । मेको मार बाकब दंशा हना, परमपरभु यावमी मेको निम्फा आस कली सल्लु । हितापदेस २९ :१३ ३ निम्फा पाइशशो मुर श्येत जाकचा चिकशो तशा, खरुंडसीनीम । तन्न मारइ मजोक्व मुरुमी मारइ मतुइक्थु श्येत जाइनीम । हितापदेस २७ :१२ ४ बरेशो थुं पाइशशो नु परमपरभु यावे कली मान पा हिंब मुर आन इनाम शोप, मान ततीक नु बरोइतीक बाकब । हितापदेस १५ :३३ ५ दूली पाइब आन लांम चू नु ग्याइल बाकनीम । होस पाइबपुकी मेको आन क्येडा डोन बाकनीम । ६ इ तौ कली गारचा डा पा रिम्शो शंदो । मेकोमी खाल्पा दुम्चा सम्म मेको लां मपरोइब । हितापदेस २० :११ ७ क्येट थीबमी परुडग कली अधिकार पाइब । जेर ताकब मुर जेर गोब आ वाइल बाकब । ८ मुरुमी ठीक मपतीक शोक्तेकम हना, ठेयब श्येत खुनीम । मिनु आ गाइक्तीक आ कोक्क जिक्ब । अय्युब ४ :८ ९ हाइशशो मुरुमी आसीक ताइब । मारद हना मेकोमी आ जचा थोत्रक परुडग नु योक्ब । हितापदेस १९ :१७ १० शुक्शी पाइब कली खरो । मिनु जिचा खेचा नुष्व । जिचा नु तुम्मुचा तेक्सीब । हितापदेस २६ :२० ११ सु रिम्शो थुं नु ठीक लोत्र पचा दाकनीमी, मेको पिप आ वारच दुम्नीम । कलस्सी ४ :६ ; भजन संगरह १०१ :६ १२ परमपरभु यावमी तुइक्व मुर आन कली कोत्रब । तन्न हंथे पाइब आन थमा सुइक्चा मपुंडसीब लोत्र थुम्पाइक्ब । १३ अल्सेमी “लाडगामी गुप्स का बाकब । गो लाडगा लती हना, आं कली साइक्ब” देब । हितापदेस २६ :१३ १४ हंथे गाकब मीश मुर आ लोत्र ठेयब खाल्टा सोदंशो बाकब । परमपरभु यावे आ गाइशशो ताइबपुकी मेको खाल्टाम बिक्नीम । हितापदेस ५ :३ १५ वोंइश आल आन थुंमी मरिम्शो पतीक यो बाकब । तन्न शंशा इक्का तुप्शानु, आ मरिम्शो पतीक परोंइब । हितापदेस १३ :२४ ; हितापदेस २३ :१३-१४ ; हितापदेस २९ :१७ १६ आम कली शोप पाइशशो सल्लु कली परुडग आ थोत्रक

लाइक्चा नु क्येट थीब कली कोसली गचा, मेको निम्फा परुडग दुम्तीक गेय बाकब ।

जोक्ब तुइक्व मुर आ लोत्र

१७ इ नोफा दाइशशा जोक्ब तुइक्व दुम्शा, आं लोत्र नेनो । मिनु आं लोत्र इ थुंम वातो ! हितापदेस २४ :२३ १८ मारद हना मेको लोत्र इ थुंमी वाइक्तीवी हना, इ कली रिम्शो दुम्ब । मिनु गे मेको गेना हना यो शंन चानेवे । १९ गे परमपरभु यावे कली थमा सुतो, दे मुलाक्ती गो इ कली एको लोत्र शंताकड । २० गो इ कली ३० ओटा दंतीक, अर्ती नु जोक्तीक लोत्र मबरक्तु डा ? २१ मारद बरक्ताकड दंशा हना, इ कली मार ठीक बाकबा नु मार थमा बाकबा, दे कांइचा कली बरक्ताकड । मोपा गे इ कली सोइक्ब आन कली थमा लोत्र लेन्ने चानेवे । २२ परुडग आन के मारइ मबाक्ब, दे मेको आन के मारइ मरोइक्तो । मिनु श्येत जाइब कली ठीक निसाफ पावो । परस्थान २३ :६ २३ मारद हना परमपरभु यावमी मेको आन कली वारच पाइब । मेकोमी मेको रोइक्ब आन बरोइतीक रोइक्ब । २४ गाइक्ब मुर नु वारच मदुमो । मिनु शुश चुरब नु मगाक्को । हितापदेस १५ :१८ २५ मेको नु गाक्ते हना, मोदंशान दुम्शा, ग्याइक्चा पुंडसीनेवे । २६ मुर आन जेर आ पर्वम कसम जशा जमानी मबाक्को । हितापदेस ६ :१ २७ मारद हना गे थान्ने मचाप्तीवी हना, इ बराख्य यो रोइक्चा पुंडसीनेवे । २८ इ किंकी पिपीमी वाइशशो सांद डा फुल्लु गेनायो मयाक्तो । हितापदेस २३ :१० ; ब्यवस्था २७ :१७ २९ जोक्ब गेय पाइब आन कली तनी ? मेकोपुकी पिप आन कली गेय पाइब दुम्नीम । मेकोपुकीमी आइक्च मुर आन कली गेय मपाइनीम ।

आल आन कली रिम्शो पा शंदीन

१ सासन पाइब नु जथ बाकडेनु, इ वोंइती  
**२३** मार बाकमे, मेको रिम्शो पा कोत्रडो । २ गे शुश जचा ब्वचा दाक्ताक्वी हना, इ लाकचामी छूरी वोतो । ३ मेको आ बरोत्रशो जचा थोत्रक तशा मवलो । मारद हना मेकोम इ कली खल्लब सल्ल । ४ क्येट थीब मुर सोदंशो दुम्चा कली मिम्शा बोल मपावो । जोक्ब तुइक्व दुम्शा मोदंशो मिम्चा परानो । हितापदेस २८ :२२ ५ मेको याम का तशा नोले, चिकब सोदंशो पा बरशा लाइब । मेको ककाकुली सोदंशो पा सरीड गे बरशा लाइब । ६ शिम आ सिंमी भोज जथ मलावो । मेको

आन बरोव्रशो जचा थोव्रक तशा मवलो । ७ मारदे हना मेकोम इ लाकचामी चाम सोदंशो पा कारब । मेकोमी इ कली जने तुडीने दंत हना यो, मेको आ थुं गे नु मबाक्ब । ८ इ इच्छा जशो नेल्ल मंचा कुइब । मेको कली इ ठेयब सल्ला दंशो लोव्र नेल्ल मोशीन लाइब । ९ मूर्ख आ डांडीती लोव्र मपावो । मारदे हना इ जोक्ब तुइक्ब लोव्र नंशा, शुक्शी ला पाइब । १० ग साइ डांडीती वोइशशो सांद डा फुल्लु मयाक्तो । मिनु रोम रोइक्च आन रू मचाइक्तो । हितोपदेश २२ : २८ ११ मारदे हना मेको आन कली श्येत र परांइब बोल्या बाक्ब । मेकोमी मेको आन पर्वम इ कली श्येत गेब । १२ रिम्शो शंतीक नेनो । जोक्तीक लोव्र नंचा कली इ नोफा दाइक्तो । १३ इ आल आन कली रिम्शो पा शंचा मपरोनो । मेको आन कली सजाइ गेशा तुप्तीवी हना, मेको मबेक्नीम । हितोपदेश २२ : १५ १४ ग मेको कली इच्छा तुप्तीवी हना, मेको आन कली बेक्शो मुर आन बाक्तीक लतीक लां र परांइनेवे । १५ आं तौ, ग जोक्ब तुइक्ब दुम्ते हना, आं थुं यो ग्येरसीब । १६ ग ठीक लोव्र पवीनु, गो आं थुं रन साप्पा ग्येरसीनुड । १७ पापी आन कली गेह मपावो । तन्न नाक्त कित कित परमपरमु यावे कली मान पा हिनो । १८ मो पाप्तीवी हना, इ बरांडतीक नु इ मिम्शो नेल्ल जाक्दीप्व । १९ आं तौ, आं लोव्र नेनो । जोक्ब तुइक्ब दुमो । मिनु इ थुं कली ठीक लांमी ग्येत्थ गाक्पतो । २० शांबु तूब नु शुश श्ये ब्याइबपुकी नु मबाक्को । २१ मारदे हना दुक्ब नु शुश जाइब ब्याइब मुरपुकी पुरुडग दुम्नीम । शुश दुक्शा बाक्तीकमी जेक्शो वा फेक्पाइक्ब । हितोपदेश २१ : १७ २२ इ आफ आ लोव्र नेनो । इ आम खाल्पी दुम्मेनु, मेको कली आइक्च मसलो । हितोपदेश १ : ८ २३ थमा पतीक कली ग्यापो । मेको कली गेनायो मलेयडो । तुइक्तीक, शंतीक नु रुप्तीक ग्यापो । २४ ठीक पाइब तौ तशा, आ आफ ग्येरसीब । जोक्ब तुइक्ब थुं पाइशशो तौ तशा आ आफ शुश ग्येरसीब । हितोपदेश १० : १ २५ इ आम आफ ग्येरसीसल । इ कली थीब गेना हना यो ग्येरशा बाक्ल ।

२६ आं तौ, इ थुं आं कली गेयी । आं पशो कोव्रडा । २७ तेल्लेम मीश मुर ठेयब खाल्ला सोदंशो बाक्ब । ग्युंवे पा यो हंथे पाइब मीश मुर लुक्च लशो इनार सोदंशो बाक्ब । हितोपदेश २२ : १४ ; हितोपदेश ७ : १०-१४ २८ मेको सुइ सोदंशो पा लांमी बाप्पा बाक्ब । मिनु हंथे गाक्ब वोइश मुर शुश सल्ल ।

२९ सु श्येत जाइबा ? सु सुर्ता पाइबा ? सुम राम्शी पोक्बा ? सुम गाली पाइबा ? सु बित्चीम गार दुम्बा ? सु का आ मिक्च लल जिशो बाक्बा ? हितोपदेश २० : १ ; यसेया ५६ : १२ ३० मेको नाक्दो सम्म शुश अडगुर शांबु तूब बाक्नीम । ब्याइशशो अडगुर शांबु तूब बाक्नीम । ३१ ग लल अडगुर शांबु कोव्रस डा कोव्रस मबाक्को । गिश दारशो बाक्म, दे मकोव्रडा । मेको रिम्शो पा कोव्रजम लाइब । ३२ मिनु मेकोमी नाले बुस्सुमी सोदंशो पा कोक्ब । मेको बीस पाइशशो कोक्ब बुस्स सोदंशो बाक्ब । ३३ मिनु इ मिक्चीमी मार मार ताइनेवे । मिनु दूली लोव्र पाइनेवे । ३४ मिनु गे समुन्दर आ दातमी इप्शो सोदंशो दुम्नेवे । पला आ डल तारी इप्शो सोदंशो दुम्नेवे । ३५ मिनु गे मार दंनेवे, दंशा हना “आं कली तुप्तीमी, तन्न मखाइक्ड । तुप्तीमी तन्न मतुइक्तु । मुल गेना संसीशा, लंशा तूनडा ?” दंनेवे ।

रुब मुर बोल्या बाक्नीम

२४ १ मरिम्शो पाइब मुर आन मार मार तशा, गेह मपने । मिनु मेको नु मबाक्कीन । २ मारदे हना मेको आन थुंमी हुश खराक्श पोक्चा ला मिम्नीम । मिनु मेकोपुकीमी मरिम्शो आ पर्वम ला लोव्र पाइनीम ।

३ तुइक्तीकमी सिं सल्लसीब । रुब मुरुमी आ सिं सल्ला रिम्शो पा बाक्ब । ४ जाक्तीकमी मेको सिं डा कोठापुकी शुश क्येट लाइब नु रिम्शो थोव्रकीमी पिरंब । हितोपदेश ३१ : १०-३१ ५ बोल्या लडाइ पाइब आन क्येडा जोक्ब तुइक्ब लडाइ पाइब रिम्शो बाक्नीम । मिनु बोल पाइशशो मुर आन क्येडा जोक्ब तुइक्ब मुरुमी अधिकार ताइब । ६ मारदे हना रिम्शो लां कांडब बाक्त हना, लडाइ पने चान्नीनी । अर्ती गेब शुश बाक्तेक्म हना, लडाइ गरानीनी । हितोपदेश २० : २८ ; हितोपदेश ११ : १४ ७ मूर्खपुकीमी तुइक्तीके रुप्ने मचाप्नीम । मेकोपुकीमी ठेयब लाप्नो डा गरुस्तीकमी लोव्र पने मचाप्नीम ।

८ सुमी काइ मरिम्शो पचा मिम्बा, मेको कली मरिम्शो पाइब दंनीम । ९ मूर्ख गेय पाप बाक्ब । मिनु शुक्शी पाइब कली तशा मुर नेल्ल गरांगरा दीनीम । १० श्येत नाक्ती गोल्चा चिक्ताक्वी हना, इ बोल दोशो बाक्म डा ? ११ मुर कली साइक्चा, दे कीशा लाइशशो ताप्तीवी हना, मेको आन कली परांइथ लावो । मिनु साइक्चा पुंडसीचा चिक्शो कली वारच पावो । भजन संगरह

८२:४ १२मिनु गे “गो मेको मतुइक्कु” दंते हना, थुं नाक्वम इ मरिम्शो पशो तुइक्व। इ कली कोव्रबमी नेल्ल तुइक्व। मेकोमी मुर आ मरिम्शो पशो डा क्यक्क लेप्ब। १३आं ती, सुदो जावो। मारदे हना मेको रिम्शो बाक्व। चाका रे याप्शो सुदो जीजी पा बरोव्रब। १४मार मिम्बा माल्नेव्र दंशा हना, जोक्तीक तुइक्तीक इ थुं कली सुदो सोदंशा जिज्र बाक्व। मेको ताप्तीवी हना, इ कली नोले सम्म रिम्शो दुम्ब। इ मिम्शो जाक्दीप्ब।

१५गे परमपरभु यावे आ अरेशो मटीब ठीक पाइब आन खिं खतम पोक्चा कली बाप्शा मबाक्को। मेको ठीक पाइब आ बाक्तीकमी हुश खराक्श मपोक्को। १६ठीक पाइब मुरपुकी ७ खयप गोल्तेक्म हना यो, लंशा बाक्नीम। तन्न परमपरभु यावे आ अरेशो मटीबपुकी मबाक्चा डा पा गोल्नीम। भजन संगरह ३७:२४ १७ इ जोरी सतरु जाम्शा लाम्तेक्म हना, मग्यरसो। मेकोपुकी दाइल पा थिस्साक्म हना, मरिस्सो। अग्युब ३१:२९ १५गे मेको तशा ग्यरसाक्व हना, परमपरभु यावेमी इ पशो मदाक्व। मिनु इ जोरी सतरु आन पर्वम गाइश्शो नाइश्शा मेको आन कली वारच पाइब।

१९काइ मरिम्शो पाइब आन पर्वम मगाइक्को। परमपरभु यावे आ अरेशो मटीब आन पर्वम गेह मपावो। भजन संगरह ३७:१ २०मारदे हना काइ मरिम्शो पाइब शुश नाक्व मलीनीम। मिनु परमपरभु यावे आ अरेशो मटीब आन बत्ती काप्शा लाइब। हितोपदेश १३:९ २१आं ती, परमपरभु यावे नु पिप कली मान पा हिना। मेको आस कली मटीब नु मगाक्को। १ पतरुस २:१७ २२मारदे हना मेको आस पतीक रे गे मतुइक्कु श्येत जन चान्नेव। मिनु मेको आस खतम पोक्तीक सुम तुइक्वा?

### अरु अर्ती

२३एको लोत्र जोक्व तुइक्व मुर आन दंशो बाक्व। निसाफ पतीकमी कुल कोव्रमुचा मरिम्शो बाक्व। लेवी १९:१५ २४सुमी पाप पाइब कली “गे ठीक पाइब बाक्नीनी” दंबा, जात जात डा मुरपुकीमी मेको कली सराप पाइनीम। रागी रागी डा मुरपुकी मेको आ पर्वम गरांगरा दीनीम। २५तन्न सुमी मरिम्शो पाइब कली अरबा, मेको ग्यरसीनीम। मिनु मेको शुश आसीक ताइनीम। २६थमा लोत्र लेत्वा, मुर कली पुक्पु पशो सोदंशो बाक्व। हितोपदेश १५:२३ २७डांइती इ लाडगा डा गेय थुमा। इ रूमी मार मार शोक्को। मिनु

नोले इ खिं सेलो। २७गे इ नेक्था डा मुरुम मारेइ मपथु, मेको आ पर्वम सांकळी मबाक्को। गे जोल मपावो। परस्थान २०:१६ २९गे “मेकोम आं कली मार पवा, मेको कली यो मोदंशोन पाइनुड। गो मेको कली क्यक्क लेत्नुड” मदनी। हितोपदेश २०:२२ ३०गो अल्स मुर का आ रुरे पा लती। निप्स मपाइश्शो मुर आ अडगुर रुरे पा कोव्रना कोव्रन लती। ३१मिनु गो मार ताता दंशा हना, मेको रू नेल्ल चूम सुम्शो बाक्व। सप नेल्ल चूल वाशो बाक्तेक्म। मिनु रू एर आंथ डा गारो यो बरेशो बाक्व। ३२मिनु गो नेल्ल कोव्रशा, मिम्ताक्क। मिनु शंतीक लोत्र का रुप्ता। मार रुप्ता दंशा हना, ३३याम का डा इप्ना। याम का डा निन्दरा पचा। याम का गुइ फिम्ता पा बाक्चामी हितोपदेश ६:९-११ ३४परुडगा दुम्तीके नु श्येत जतीके या कुरब मुर सोदंशो पा रीब पा मेको मुर तारी जाक्व, दे रुप्ता।

### सोलोमन आ अरु बरक्शो लोत्र

२५ १एको सोलोमन आ अरु दंतीक लोत्र बाक्नीम। मिनु यहूदा डा पिप हिज्कीयाह आ मुरपुकीमी मेको बरक्शो बाक्तेक्म। हितोपदेश १:१; हितोपदेश १०:१ २परमपरभुमी का निक्शी लोत्र खरुइश्शा आ सक्ति कांइब। तन्न पिपमी नेल्ल तुइक्पाइश्शा, आ सक्ति ठेयब सेल्ल। ३सरीड गिश ग्येत्य बाक्वा, रागी गिश लुक्च लाइबा नु पिप आ थुमी मार मिम्बा, मेको सुइमी यो तुइक्न मचाप्नीम। ४चांदी यपाइश्शा, आ कस गरुइताक्म हना, चेम्बमी रिम्शो थोत्रक चेम्ने चाप्ब। ५मोपा पिप आ डांइती रे परमपरभु यावे आ अरेशो मटीब आन कली तिलीन। मिनु पिप आ हुकुम पतीक बोल्थो दुम्ब। हितोपदेश १६:१२ ६पिप आ डांइती आम कली ठेयब मसेलो। मिनु पिप आ ठेयब गेय पाइब आन बाक्तीक लचा ममालो। ७मारदे हना ठेयब आन दातेमी इ कली “याक्सो”, माइक्चा पुंडसीचा क्येडा “एक कुने, निस्सीन” दे बरेशो रिम्शो बाक्व। ८गे मार मरिम्शो ताप्तीवी हना यो, रीब पा निसाफ पतीकमी मलावो। मारदे हना इ नेक्था डा मुरुम इ कली मुने तोक्ते हना, मार पाइनेव। लुका १४:७-११

९गे इ नेक्था डा मुर नु आंमा रीब पा लोत्र पावो। मेको मुर आ मरिम्शो पशो मफरावो। हितोपदेश २०:१९ १०मिनु इ फरशो लोत्र नंबमी इ कली मुने तोक्क। मिनु इ नं गेना हना यो

मरिम्शो लीब। ११रिम्शो गारचा डा लोत्र पशानु, चांदी के थालम वोइश्शो सुन के स्याउ सोदंशो बाकब। हितापदेस १५:२३ १२जोक्व तुइक्व मुर आ हुइक्तीक लोत्र नंब मुर कली सुन के ओंठी नु गहना सोदंशो बाकब। १३थमा लोत्र क्याक्व मुर, आ होत्रप कली हुष्शो नाक्त अन्न रुन्वी ना डा फुं सोदंशो पा रिम्शो बाकब। मेको लोत्रम आ होत्रप आ थुं बारपाइक्व। १४सु मुरुमी मारइ मगथु, गेता, दे ठयब लोत्र पाइबा, मेको मुर रेउ मयिपाइक्व गोस्स नु फश सोदंशो बाकब। १५फाल्तीकमी हुकुम कली बिप्पाइक्व चाप्नीम। बरोत्रशो लोत्रमी रुश जिक्व चाप्ब। हितापदेस १५:३ १६खुदो थितीवी हना, शुश मजावो, इ कली गाप्वा डा पा जावो। मारदे हना शुश जाप्तीवी हना, मेचा कुइक्व। १७इ नेक्था डा मुर आ सिं शुश मलावो। मारदे हना मेकोमी इ कली शुश जाक्शो तशा बरीब। १८आंम नेक्था डा मुर कली जोल पा सांकछी गेब मुर कोक्क तरवार नु हेश्शो बरा सोदंशो बाकब। १९श्यत जशो ना थमा मसुइक्वा डा मुर कली थमा सुइक्वा खाइश्शो खरुइ नु मदुक्व सोइल सोदंशो बाकब। २०सुमी थुं खाइश्शो मुर आन डांइती कुम्सो पाइबा, मेको ग्युमी वा रोइश्शो नु गारमी हिक्सी खरेक्शो सोदंशो बाकब। मिनु वा खरोइक्व तुम्बु नु शी खरोइक्व बुस्स सोदंशो मेको सुर्तो पाइब मुर आ थुं बाकब। २१इ जारी सतरु शोत्रलु बक्तकम हना, मेको आन कली थुलो। तूतू दाक्तेकम हना, मेको आन कली ब्वाक्कु तूचा गेवो। रोमी १२:२० २२मो पाप्तीवी हना, मेको आन पिया तारी बरशो कोइला मोइश्शो सोदंशो दुम्ब। मिनु परमपरभु यावेमी इ कली इनाम गेब। २३उत्तर र पा फशेमी रेउ यिपाइश्शो सोदंशो पा, खरुइश्शो लोत्र फराइबमी मुर आन कुल राव किक्पाइक्व। २४गेना हना यो जिचा पाक्व मीश नु बाक्वा क्येडा सिं आ तला तारी कुना कामी लशा सिकसी पा बाक्वा रिम्शो दुम्ब। २५तूतू दाक्व मुर कली बरोत्रशो ब्वाक्कु सोदंशो पा डोन रागी रे जाक्शो रिम्शो लोत्र बाकब। हितापदेस १५:२५ २६ठीक पाइब मुर परमपरभु यावे आ अरशो मटीब नु गारत हना, मेको हिलोम बुक्शो ब्वाक्कु नु शुश गरांगरा बाक्शो कुवा सोदंशो बाकब। २७शुश खुदो जचा नु आंम कली ठेयब मिम्शा मान पाइक्वा पुंडसीचा, निम्फा मुर कली मरिम्शो बाकब। २८सुमी आंम कली ठीक पा

चलेने मचाप्वा, मेको गारो बरेशशो सहर सोदंशो बाकब। हितापदेस २९:११

मुर आन दाते डा मरिम्शो गेय

१हुष्शो महिनाम फुं नु अन्न रुन्वी ना रेउ  
**२६** यिशा सोदंशो पा मूर्ख आन कली मान पशो मगारचा डा बाक्व। २फुर फुर पा बरब मडंगरा नु हुस्स पा बरब बल्लुम सोदंशो पा मगारचा डा सराप शोर गाक्शो बाक्व। ३शारा कली सिरकाना, गधा कली करली नु मूर्ख आ ची कली कोक्क माल्ब। हितापदेस १९:२९ ४मूर्ख कली मूर्ख सोदंशो पा लोत्र मलत्तो। मो पाप्तीवी हना, ग यो मूर्ख दुम्बेव। ५मूर्ख कली आ मूर्ख सोदंशो पा लोत्र मपाप्तीवी हना, मेकोमी आंम कली निप्स पाइश्शो मिम्सीब। ६सुम मूर्ख कली लोत्र चोत्रथ सोइक्वा, मेकोमी आंम सोइली खरोइश्शो नु हुश खराक्व पोक्शा श्येत जशो सोदंशो बाकब। ७मूर्ख आन देतीक लोत्र खोरन्डे मुर आ सोइल सोदंशो पा शोर गाक्शो बाक्व। ८मूर्ख कली मान पचा, फुल्लु कली श्येलेमी फरंशा आप्वा माल्शो सोदंशो बाक्व। ९शांबु दुक्शो मुर आ गुइमी चू ओत्रशो सोदंशो पा मूर्ख कली देतीक लोत्र बाक्व। १०मूर्ख मुर नु लो गाक्व मुर आन कली गेय पपाइक्वा, हेथ लिबरा आप्शा गार संल्ब मुर सोदंशो बाक्व। ११कुचुममी मेशा लेंशा जशो सोदंशो पा, मूर्ख मुरुमी मूर्ख गेय लेंशा पना पन बाक्व। १२पतरुस २:२२ १२आंम कली “जोक्व तुइक्व मुर नड” दे मिम्ब मुर क्येडा मूर्खन रिम्शो बाक्व। हितापदेस ३:७ १३अल्स मुरुमी “लाड्गामी गुप्स का बाक्व। लो मर गुप्स हिरशा बाक्व” देब। हितापदेस २२:१३ १४लाप्वा रोक्शो चोक्शो सोदंशो पा, अल्स मुर आ बराख्येमी एर आंथ लोकसीशा इप्ब। हितापदेस ६:९-११ १५अल्स मुरुमी आ गुइ खेमम खरुम्ब। मिनु मेको गुइ आ शोत्र सम्म लाइक्वा यो अल्सी पाइब। हितापदेस १९:२४ १६शुश रुष्शा लोत्र लेप्ब ७ जना मुर क्येडा मूर्खेमी आंम कली “रुप्ब जोक्व नड” दे मिम्सीब। १७सु मुर आन जितीक खतीकेम ओत्रबा, मेको लोम गाक्शो कुचुम आ नोफा ग्याइश्शो कीशो सोदंशो बाक्व। १८दोपा निप्स ग्यशा मुरुमी बरशो लिबरा हेथ पा आप्वा, १९मोपा आ नेक्था डा मुर कली जोल पशा नोले “गो इ कली शाक्ता ला” देब। २०शी मबाक्व हना, मी काप्ब। मोदंशो पा नोफा मुइक्व मुर मबाक्व हना, जिचा खेचा मबाक्व। हितापदेस २२:१० २१दोपा मी

मुडकचा कली कोइला नु बरचा कली शी माल्वा, मापा रीब पा गाडकब मुर जिचा पोक्ब बाकब। हितोपदेश १५:१८ २२नाफा मुडकब आन लोत्र शुश बरोत्रशो जचा थोत्रक सोदंशो बाकब। मेको मुर आन थुं सम्म जाकदीपब। हितोपदेश १८:८ २३मरिम्शो थुं डा बरोत्रशो लोत्र खप के बोसुम चांदी खरकशो सोदंशो बाकब। २४जारी सतरुमी शोत्रमी रिम्शो लोत्र पाइनीम। तन्न आन थुंमी मरिम्शो मिन्नीम। मती १२:४५ २५इ जारी सतरुमी गे नु बरोत्रशो लोत्र पाप्नु हना यो, मेको कली थमा मसुतो। मारदे हना मेको आ थुंमी ७ ओटा गरांगरा दिचा डा लोत्र खरुइश्शा बाकनीम। २६सुमी काइ मदाकशो मुर कली “गो इ कली दाक्नुड” दंसु पाइबा, मेको आ दंसु पतीके मुर आन गरुम्तीकेमी गरूब। २७सुमी मुर पिक्चा, दे खाल्टा दोइबा, मेको आंमान बिक्ब। सुमी मुर कली चिप्पाइक्चा, दे फुल्लु लोक्बा, मेको आंमा लोक्सीशा थिश्शा लाइब। भजन संगरह ६:१६; उपदेशक १०:८ २८जोल पाइबमी सु कली जाल पवा, मेको कली काइ मदाकब। मिलो शिलो लोत्र पाइब मुरुमी नेल्ल खतम सल्ब।

आंम कली ठेयब मसेलो

२७ १“दीसा पाइनुड” दे ठेयब लेशो लोत्र मपावो। मारदे हना मेको नाक्त मार दुम्बा गे मतुइक्नवे। याकूब ४:१३,१४ २अरु मुरुमी इ कली ठेयब सल्लेक्ल। गे आंमा आंम कली ठेयब मसेलो। अरु आन शोत्र रे ठेयब देमल, इ आंम शोत्रमी “गो ठेयब नड” मदेनो। ३फुल्लु नु बाल्वा हल्लशो बाकनीम। तन्न मूर्खमी गेशो श्येत मेको निम्फा आस क्यडा हल्लशो बाकब। ४गाइक्चा मरिम्शो बाकब। चुरचा मेको क्यडा मरिम्शो बाकब। रुश पतीके कली सु फाल्ने चाप्रा डा ५खरुइश्शा दाक्चा क्यडा नेल्लेमी तुइक्चा डा पा हुइक्चा रिम्शो बाकब। लेवी १९:१७ ६वारचमी हुइश्शो रिम्शो पचा कली बाकब। तन्न मदाकब मुर आन पुक्पु पाइश्शो हिंचा डा बाकब। भजन संगरह १४१:५; मती २६:४९ ७साप्पा रूशो कोत्रजमी सुदो यो मदाकब। तन्न शोत्रलु बेकशो मुर कली मबरोत्रशो जचा थोत्रक यो बरोत्रब। ८सिं रे डोन लशो मुर ग्योत्र रे डोन बेरशो चिक्ब सोदंशो बाकब। ९बरोत्रशो रिना पाइश्शो तेल नु धूपमी मुर आन थुं ग्येरशो सल्ब। तन्न वारच आ अर्ती मेको क्यडा रिम्शो बाकब। १०इ वारच कली नु

इ आफ आ वारच कली मपरोनो। श्येत जयी ना, इ लोक्ब आ सिं मलावो। मारदे हना डोन बाकशो लोक्ब क्यडा नेक्था बाकब मुर रिम्शो बाकब। हितोपदेश १८:२४ ११आं ती, जोक्ब तुइक्ब दुमा। मिनु गो ग्येरनुड। मापा गो इ पर्वम लोत्र पा आं कली आइक्च सल्ब आन कली लोत्र लेन्न चाप्नुड। १२निप्स पाइश्शो मुर श्येत जाक्चा चिक्शा तशा, खरुइसीनीम। तन्न मारदे मजोक्ब मुरुमी मारदे मतुइक्थु श्येत जाइनीम। हितोपदेश २२:३ १३अर्को रागी डा मुर आन पर्वम जमानी दुश्शो मुर, आ वा रोइश्शा लतीन। मुर आ पर्वम जमानी बाकशो आ मारदे मारदे नेल्ले लतीन। हितोपदेश २०:१६ १४सुमी सुनी कना बोक्शा, आ नेक्था डा मुर कली ठेयब संदामी आसीक पाइबा। मेको आसीक ताइबमी “सराप पाइक्ती” देब। १५गेना हना यो जिचा पोक्ब मीश रेड थिमेनु तप तप पा याप्व ब्याक्कु सोदंशो बाकब। हितोपदेश १९:२३ १६मेको कली अरचा फश गिदार कली नाइक्पाइक्चा सोदंशो नु ग्युरा गुइमी तेल गुप्चा सोदंशो बाकब। १७फलाममी फलाम कली शप्शो सोदंशो पा, मुर कामी अर्का कली शप्व। १८सुमी फोत्रशी रवा खाल पाइबा, मेकोमी फल जचा ताइब। सुम आ होत्रप कली रिम्शो पा कोत्रबा, मेको मान पाइक्चा पुंडसीब। १९दोपा ब्याक्कुम कुल तांडसीबा, मोपा मुर आ थुं दोदंशो बाक्बा, मेको अर्काम तुइक्बा। २०बेकशो मुर आन बाक्तीक नु जाम्शा लतीके गेनायो मरूशो सोदंशो पा, मुर आ मिक्च यो गेनायो मरूब। उपदेशक १:८ २१चांदी यपाइक्चा कली गारचा डा ग्यांब नु सुन यपाइक्चा कली यो गारचा डा ग्यांब माल्शो सोदंशो पा, मुर आ पतीक अर्का मुर आन ठेयब सल्लेक् र पा तुंडसीब। २२मूर्ख कली अन्न नु चुम्लुम वोइश्शा तूलीमी चुशा हना यो, आ मूर्ख पचा गेनायो मगरूब।

२३इ क्यारश भेडा दोदंशो तांडसीनीमी रिम्शो पा कोत्रडो। इ बी ब्यफ आन कली होस पा कोत्रडो। २४मारदे हना शोप गेना हना यो मलीब। सिरपेच यो नेल्ले पाला कली मलीब। २५घांस जाम्शा लाइब। मिनु नक कोच्चा दाप्व। मिनु पहाड रे घांस खुप्नीमी, २६पाठा आ ऊन इन कली वा फेक्चा दुम्ब। बोका लेयशा रू ग्यापने चाप्नीनी। २७क्यारश आ दूध इ कली, इ सिं डा मुर आन कली नु इ गेय पाइब आन कली तूचा गाप्व।

परमपरमु कली टीब ग्येरशो बाक्व

१ परमपरमु यावे आ अरेशो मटीब सुइम  
**२८** संदा मपथु यो परोक्नीम। ठीक पाइवपुकी  
 गुप्स खोदंशो पा महिंथु बाक्नीम। यसेया  
 ५७ :२१ २ रागी डा मुरपुकीमी मरिम्शो पांम्तेक्म  
 हना, हुकुम पाइव शुश दुम्नीम। तन्न निप्स  
 पाइश्शो हुकुम पाइव बाक्त हना, गेना हना  
 यो रिम्शो बाक्व। ३ हुकुम पाइव मुरुमी पूरुङ्ग  
 आन कली दिप्टु हना, मेको बाली नाली बिगरेब  
 ठेयब रउ खोदंशो बाक्व। ४ परमपरमु यावे आ  
 अरेशो परोइवपुकीमी अरु अरेशो मटीब आन  
 कली ठेयब सत्नीम। तन्न परमपरमु यावे आ  
 अरेशो टीब मुरपुकीमी मरिम्शो पाइव आन  
 कली तशा, मेको आन पर्वम सुर्तो पाइनीम।  
 ५ मरिम्शो मुरपुकीमी निसाफ पतीके मार बाक्वा,  
 दे मरुप्नीम। तन्न परमपरमु यावे आ देशो पचा  
 दाक्वपुकीमी नेल्ल रिम्शो पा रुनीम। ६ हेंथे  
 गाक्व, थुं निक्शी पाइश्शो नु शुश क्येट थीब मुर  
 दुम्चा क्येडा रिम्शो थुं पाइश्शो ठीक लां गाक्व  
 पूरुङ्ग मुर दुम्चा रिम्शो बाक्व। हितोपदेश  
 ११ :१ ७ सुमी परमपरमु यावे आ अरेशो टीबा,  
 मेको जोक्व तुइक्व तो बाक्व। सु चहिं शुश  
 जाइव नु दुक्व मुर आ वारच दुम्बा, मेकोमी  
 आ आफ कली मुने तोक्व। ८ सुम आ क्येट मुर  
 कली शुश चाइक्व ताक्चा कली गेबा, मेको आ  
 क्येट पूरुङ्ग आन कली शिशी पाइव मुर कली  
 हक्व। ९ सुमी परमपरमु यावे आ अरेशो लोत्र  
 नंशा मटीबा, मेको आ परमपरमु कली पुइतीक  
 लोत्र यो ग्रांगरा दिशो बाक्व। हितोपदेश  
 १५ :८ १० सुमी रिम्शो थुं पाइश्शो मुर कली  
 मरिम्शो लां हेंथे गाक्पाइक्वा, मेको आंमा दोशो  
 खाल्टामी बिक्व। तन्न दोस मताइवपुकीमी  
 रिम्शो ताइनीम। ११ शांप पाइश्शो मुरुमी आंम  
 कली “गो जोक्व तुइक्व नड” दे मिम्ब। तन्न  
 निप्स पाइश्शो पूरुङ्ग मुरुमी मेको कली दोदंशो  
 बाक्व, दे रिम्शो पा तुइक्व। १२ ठीक पाइवपुकी  
 ग्रामानु, नेल्ल ग्येरसीनीम। तन्न परमपरमु  
 यावे आ अरेशो मटीबपुकी ठेयब दुम्तेक्म हना,  
 मुरपुकी खरुंडसीनीम। हितोपदेश ११ :११ १३ सुमी  
 आंम पशो मरिम्शो पतीके खरुइक्वा, मेको सोशा  
 बोशा महुम्ब। तन्न सुमी आंम पशो मरिम्शो  
 शोत्रबा नु परोइवा, मेको शिशी ताइव। मजन  
 संग्रह ३२ :३-५ ; १५ हन्ना १ :८-९ १४ परमपरमु  
 यावे कली मान पा हिंब मुर गेना हना यो ग्येरशा  
 बाक्चा ताइव। तन्न मरिम्शो थुं पाइश्शो मुर

श्येत जाइनीम। १५ परमपरमु यावे आ अरेशो  
 मटीबमी पूरुङ्ग आन कली सासन पाप्टु हना,  
 मेको गरीब गुप्स नु परेक्शा गराम्ब वां खोदंशो  
 बाक्व। १६ मरुब हुकुम पाइव मरिम्शो दिप्च  
 मुर बाक्व। तन्न जाल पा चम्शो क्येट काइ  
 मदाक्व मुर शुश नाक्ती बरोइव। १७ सुमी मुर  
 साइक्वा, मेको मंबक्म सम्म परोक्शा गाक्चा  
 माल्ब। सुइमी यो मेको कली वारच मपामेक्व।  
 उत्पत्ती ४ :१४ १६ सु गेना हना यो रिम्शो  
 पाइव बाक्वा, मेको रिम्शो बाक्व। तन्न सु लां  
 निक्शी हेंथे पा गाक्वा, मेको कालेम जाम्शा  
 लाइव। १९ सुमी आंम रूमी गेय पाइवा, मेको  
 मुर आ सिंमी शुश अन्न बाक्व। शुश लोत्र पा  
 बाक्व मुर चहिं पूरुङ्ग दुम्शा लाइनीम। २० थमा  
 सुइक्व मुर शुश आसीक ताइनीम। तन्न सुम  
 रीब पा क्येट चम्चा दाक्वा, मेको सजाइ मतथु,  
 मबरोइव। हितोपदेश १३ :११ २१ कुल कोत्रमुचा  
 मरिम्शो बाक्व। तन्न मुरुमी आइक्व शोब्ले  
 तचा कली मरिम्शो पाइनीमी कां। हितोपदेश  
 १८ :५ ; व्यवस्था १ :१७ २२ कुंडद मुर रीब पा  
 क्येट थीब दुम्चा दाक्व। मिनु “नोल थमा पा  
 पूरुङ्ग दुम्नुड” दे मेकोमी ममिम्ब। हितोपदेश  
 २३ :४ ; १ तिमोथी ६ :९ २३ मिलो शिलो पाइव  
 मुर आन क्येडा मुर कली हुइक्व नोले मान  
 पाइक्चा पुंडसीव। २४ सुमी आ आम आफ आस  
 मार मार रोइश्शा “आं शांप बाक्व” देबा,  
 मेको खतम पोक्व आ वारच बाक्व। मत्ती  
 १५ :५ २५ शिम मुरुमी जिचा पोक्व। तन्न सुमी  
 परमपरमु यावे कली थमा सुइक्वा मेको आसीक  
 ताइव। २६ सुमी आंम निप्स कली थमा सुइक्वा,  
 मेको मूर्स बाक्व। तन्न सु तुइक्तीक थुं डा लां  
 गाक्वा, मेको बरोइचा ताइव। हितोपदेश ३ :५-६  
 २७ सुमी पूरुङ्ग कली गेबा, मेको आंमा यो श्येत  
 मजाइव। तन्न सुमी पूरुङ्ग आन पर्वम शिशी  
 मपाइवा, मेको शुश सराप ताइव। २८ परमपरमु  
 यावे आ अरेशो मटीबपुकी ठेयब मुर दुम्तेक्म  
 हना, मुरपुकी खरुंडसीनीम। मिनु मेको बेक्तेक्म  
 हना, ठीक पाइव मुर सोशा बोशा शुश दुम्नीम।

तुप्शो नु हुइश्शोम वारच पाइनीस

१ शुश हुइक्चा पुंडसीशा यो, काइ मटीब  
**२९** दुम्तेक्म हना, मेको आन मतुइक्थु वारच  
 पाइक्चा मपुंडसीथु, खतम दुम्नीम। हितोपदेश  
 १५ :१० २ ठीक पाइवपुकी सासन पाइव दुम्तेक्म  
 हना, मुर नेल्ल ग्येरसीनीम। तन्न परमपरमु  
 यावे आ अरेशो मटीब मुरुमी सासन पाप्टु हना,

मुर श्येत जाइनीम। हितोपदेश ११:१० ३सुमी तुइक्तीक थुं दाक्वा, मेकोमी आ आफ कली ग्यरपाइक्व। तन्न तेल्लेम नु गाक्व मुरुम आ शांप नेल्ल खरब। लुका १५:१३,३० ४पिप आ ठीक पतीकमी आ रागी लीब। तन्न मेकोमी शुश तिरा पोक्तु हना, आ रागी खतम सत्व। ५सुमी आ नेक्था डा मुर कली क्युकशा लोत्र पाइवा, मेकोमी मेको कली ग्याइल दाइशो बाक्व। ६मरिम्शो पाइब मुर आ मरिम्शो पतीकमी श्येत जाइब। ठीक पाइब मुर चहिं शुश ग्यरसीशा कुम्सो पाइनीम। ७ठीक पाइब मुरुम परुडग आन कली दोपा ठीक पचा, दे तुइक्नीम। तन्न परमपरभु यावे आ अरेशो मटीबपुकीमी मारइ मरुनीम। ८शुकशी पाइब मुरपुकीमी सहर खल्वल सेल्नीम। तन्न जोक्व तुइक्व मुरपुकीमी जिचा खेचा तेक्नीम। ९जोक्व तुइक्व मुर मूर्ख नु निसाफ पतीकमी लत हना, मेको मूर्खमी जिचा पोक्शा, रिशशा मगारब। १०हुश खराक्श पोक्व मुरुमी दोस मताइब मुर आन कली काइ मदाक्व। मेकोमी रिम्शो थुं पाइशशो मुर कली साइक्वा माल्व। ११मूर्ख मुरुमी आ गाइक्वा नेल्ल कांडब। जोक्व तुइक्व मुरुम चहिं आ गाइशशो तेक्शा, मकांडब। हितोपदेश १२:२३; हितोपदेश २५:२८ १२सासन पाइबमी जोल लोत्र नंतु हना, मेको आ गेय पाइब नेल्ल परमपरभु यावे आ अरेशो मटीब दुम्नीम। १३परुडग नु मेको आन कली दिष्व आन क थोत्रक का गारशा बाक्व। मेको मार बाक्व देशा हना, परमपरभु यावेमी मेको निम्फा आस कली मिक्व ताइब सल्शो बाक्व। हितोपदेश २२:२; अय्युब ३३:३०; भजन संगरह १३:४ १४परुडग आन कली ठीक पा निसाफ पाइब पिप आ सासन गेना हना यो लीब। हितोपदेश १६:१२ १५वांइश आल आन कली तुप्शा, हुइशानु, जोक्व तुइक्व दुम्नीम। मारइ मशंशो वांइश आलम चहिं आ आम कली मुन तेक्व। हितोपदेश २२:१५; १राजा १:६ १६परमपरभु यावे आ अरेशो मटीब मुरपुकी शुश दुम्तेक्म हना, मरिम्शो पतीक वारशा लाइब। तन्न ठीक पाइबपुकीमे मेको आन खतम दुम्शो ताइनीम। भजन संगरह ३७:३५-३६ १७इ तो कली रिम्शो पा शंदो। मिनु मेकोमी इ थुं नाइक्पाइशशा इ कली ग्यरपाइक्व। हितोपदेश २३:१३ १८परमपरभु यावे आ लोत्र पाइब मुर मबाक्तेक्म हना, मुर नेल्ल हेथ पाइब दुम्नीम। तन्न मेकोपुकीम आन परमपरभु यावे आ अरेशो टिम्तेक्म हना, ग्यरसीशा मुर दुम्नीम। १९इ

गेय पाइब कली लोत्रम ला शंने मचानेवे। मारइ हना मेकोमी इ लोत्र रुप्तु हना यो मटीब। २०ममिम्थु लोत्र पाइब क्येडा मूर्खन रिम्शो बाक्व। उपदेशक १:२; याक्व १:१९ २१इ वाइल कली आल र नम पाइशशा थुल्लतीवी हना, नोले मरिम्शो दुम्ब। २२चुरब मुरुमी राम्शी पाक्व। गाइशशा बाक्व मुरुमी शुश मरिम्शो पपाइक्व। हितोपदेश १५:१८; हितोपदेश २२:२४ २३मुर आन ठेयब लेश्शामी मेको कली आइक्व सत्व। बरम्शो थुं पाइशशो मुर चहिं मान ताइब। २४सुइ नु वारच्यु दुम्ब मुरुमी आंम आ कली मदाक्व। सुइ पचा पुंडसीब मुर आ सराप नंबमी यो मारइ मदेब। लेवी ५:१ २५मुर क्येडा हिंचा व्वारद खोदंशो बाक्व। तन्न परमपरभु यावे कली थमा सुइक्वा ब्रांइतीक बाक्व। मती १०:२८ २६शुश मुरुमी सासन पाइब नु गरुम्चा दाक्नीम। तन्न परमपरभु यावे र मुरपुकीम ठीक निसाफ ताइनीम। २७ठीक पाइबपुकीमी मरिम्शो पाइब तशा गरांगरा दीनीम। तन्न परमपरभु यावे आ अरेशो मटीबपुकीमी ठीक पाइब आन कली तशा गरांगरा दीनीम।

### आगुर आ लोत्र

३० १एको मास्सा डा याक्ह आ तो आगुर आ देशो लोत्र बाक्व। मेकोमी इथीएल नु उकल कली एको लोत्र पाप्तु। मेकोमी “गो परमपरभु कली माल्ना माल्ना बाक्ती, तन्न मथिदु। उत्पत्ती २५:१२-१४ २थमा पा गो मुर आन दातेमी निप्स मपाइशशो मुर दुम्ती। गो नु मुर आन के खोदंशो रुप्तीक मबाक्व। ३गो जोक्व तुइक्व दुम्चा मशंसीड। मिनु का ला बाक्शो परमपरभु यावे कली मतुइक्नुड। ४सु स्वर्ग लशा, लेश्शा यिशा बाक्वा डा? सुम फश कली आ गुइमी ग्याइक्ने चाप्वा डा? सुम समुन्दर डा व्वाक्कु कुम्तो पने चाप्वा डा? सुम रागी आ सुर सेला? मेको आ नें मार बाक्वा? मेको आ तो आ नें मार बाक्वा? गे तुइक्नेवे हना” देनो। अय्युब ३८:२८-३४

५परमपरभु आ लोत्र नेल्ल थमा बाक्व। सु मेकर लशा खरुंडसीबा, मेको कली श्येत र तेक्व। भजन संगरह १२:१७ ६मेको आ लोत्रमी मारइ यो मतेम्दो। तेम्ताक्वी हना, इ कली हुइशशा, गे जोल पाइब मुर दंचा पुंडसीनेवे। व्यवस्था ४:२ ७मिनु “गो इन कली थोत्रक निक्शी पुंडनुड। आं बेक्वा क्येडा डांइती मेको आं कली गर्यीनी। ८हेथ पतीक नु जोल पतीक आं क्येडा डान

वोतीन। आं कली परुडग मसल्यीनी नु शुश क्यट थीब यो मसल्यीनी। आं कली माल्वा डा जचा थोत्रक गयीनी। तिमाथी ६:६-८ १मारद हना गो नु मारइ मारइ बाक्त हना, गो इन कली परंनुडा। मिनु "परमपरभु याव सु बाक्वा ?" दंनुडा कां ? मिनु गो परुडग दुम्ती हना, सुइ पा आं परमपरभु आ नें आइक्च सल्था मुनं तोकनुडा कां ?" दंती। परस्थान ५ : २

१० गय पाइब आ पर्वम आ होत्रप नु मरिम्शो लोत्र मपावो। मो पाप्तीवी हना, मंकोमी इ कली सराप पाइब। मिनु ग श्यत जाइनेव। ११ का निक्शी मुरुमी आन आफ कली सराप पाइनीम। मिनु आन आम कली आसीक मगनीम। १२ का निक्शी मुरुमी आंम कली "गो गेना हना यो रिम्शो पाइब मुर नड" दंतीम। तन्न मेको आन मरिम्शो पशो मक्याम्सीशो बाक्व। हितोपदेश २० : १, १३ का निक्शी मुर ठेयब लेशशो बाक्नीम। मेको शुश बोरशो बाक्नीम। १४ का निक्शी मुर आन खरुड तरवार नु छ्द्री सोदंशो बाक्व। मेकोपुकीमी परुडग आन कली नाक्शा, श्यत जाइब आन कली व्याइनीम।

१५ मिनु याफ आ तमी निक्शी बाक्नीस। मेको निक्शीमी "गयी, गयी" दंतीस। मिनु अरु थोत्रक सां बाक्नीम। मेकोपुकी गेनायो मरुनीम। अर्का ४ ओटा थोत्रक बाक्नीम। मेकोमी गेनायो "मोक्ल" मंदनीम। १६ बक्शो मुर आन बाक्तीक, आल मथीब कोत्रज, व्याक्कु मतशो सोत्रशो रू नु मी, एका ४ ओटा थोत्रकमी गेनायो "गाप्ती" मंदनीम।

१७ आफ कली शुक्शी पाइब नु आम कली मटीब मुर आन मिक्च खदीमी कोक्शा गरुइनीम। मिनु गिदपुकीमी व्याइनीम। हितोपदेश २० : २० १५ थोत्रक सां बाक्नीम। मेको तशा गो छक लाक्ती। ४ ओटा थोत्रक कली यो रुने मचबु। १९ मेको मार बाक्तेक्म दंशा हना, ककाकुली आ सरीडम बरतीक, रांगु मेर बुस्स आन गाक्तीक, ठेयब समुन्दरमी जहाज आन गाक्तीके नु वांइश मुर नु मीश आल आस लां मेको रुने मचबु। २० हंथे गाक्व मीश मुरुमी जाइब। मिनु आ शोत्र शोप्शा "गो मारइ मरिम्शो मपड" दंब।

२१ मिनु थोत्रक सांमी रागी कली खिरखिर पपाइक्नीम। ४ ओटा थोत्रक मेको फाल्ने मचाप्वा डा बाक्नीम। उपदेशक १० : ६-७ २२ मेको ४ ओटा थोत्रक मार बाक्तेक्म दंशा हना, वाइल पिप दुम्शो, मूर्ख जशा ब्जशा रूशो, २३ मरिम्शो मीश आल कली गयुंवे पशो

नु वाइलीम आ होत्रपोक्म आ पा डा मेको खिं डा होत्रपोक्म दुम्शो, एको ४ ओटा फाल्ने मचाप्वा डा थोत्रक बाक्नीम। ब्यवस्था २४ : १-४ २४ रागीम ४ ओटा आइक्च थोत्रक बाक्नीम। तन्न मेकोपुकी थम जोक्व तुइक्व बाक्नीम। २५ रकमिक्च शुश बोल मपाइशो बाक्तेक्म हना यो, आन जचा थोत्रक खुर्नी ना सुप्शा तल्लीम। हितोपदेश ६ : ६-८ २६ ब्विती सोदंशो जन्तु शुश बोल मपाइशो बाक्नीम। मो हना यो मंकोमी आन खिं रांगुम सल्लीम। २७ मिनु माल आन के पिप मबाक्व। मोदंशो बाक्तेक्म हना यो, मेकोपुकी लडाइ पाइब सोदंशो पा तांती खिक्शा गाक्नीम। २८ सोते आन कली गुइम ग्याइक्ने चाम्सीब हना यो, मेकोपुकी पिप आ दरवारमी बाक्नीम। २९ मिनु थोत्रक सां बाक्नीम। मेको ठेयब मुर सोदंशो पा गाक्नीम। मिनु ४ ओटा थोत्रक बाक्नीम। मेको ठेयब लेशशा हिरनीम। ३० मेको मार बाक्नीम दंशा हना, गुप्स, जन्तु नेल्ल आन दातेमी नेल्ल क्यडा बाल्यो बाक्व। मेको सुइ क्यडा महिंब। ३१ ठेयब लेशशा गाक्व भाले, बोका नु आ सेना आन डांइती गाक्व पिप बाक्नीम। ३२ गे मूर्ख दुम्शो, आंम कली ठेयब सेल्लतीवी हना, गे मरिम्शो पचा मिम्शो बाक्ते हना, इ कुल सुम्सो। ३३ मिनु दूध खराक्शोनु नौनी घ्यू गरुब। नें तुप्शानु, हुश यीब। मोपान गाइक्चा बोक्ते हना, राम्शी बोक्व।

लेमुएल आ दंशो लोत्र

३१ १ पिप लेमुएल आ लोत्र। मिनु पिप आ ममामी एका लोत्र पिप कली शंशा बाक्ते। हितोपदेश ३० : १ २ मेकोमी "आं तो, गो इ कली मार दंनुडा डा ? गो इ पर्वम परमपरभु याव कली पुंइता। ३ इ बोल मीश मुर आन कली मगवो। मेको हंथे गाक्वपुकीमी पिप आन कली खतम सेल्लीम। ब्यवस्था १७ : १७ ; १ राजा ११ : १, ४ ४ लेमुएल, पिप कली अडगुर शांबु तूचा मशिरब। मिनु सासन पाइबमी रकसी काइ तूचा महुम्ब। हितोपदेश २० : १ ५ ठेयब मुरपुकी तूशा दुक्तेक्म हना, अरेशो लोत्र परंनीम। मिनु श्यत जाइब आन कली निसाफ पतीकेमी दूती पाइनीम। मेको काइ महुम्ब। ६ खतम दुम्चा चिक्शो मुर आन कली रकसी तूचा गवो। मिनु अडगुर शांबु थुं लुक्च लशो आन कली गवो। ७ मोपा तूशा, मेकोपुकीमी आन परुडग दुम्तीके परंनीम। मिनु आन श्यत ममिम्नीम। ८ व्याक्ने

मचाप्व नु मग्येरसीशो नेल्ल आन पर्वम ठीक निसाफ पावो। अग्युब २४ :१२ १ श्यत जशो नु परुडग आन कली ठीक निसाफ पशा वारच पावो” देमाकत।

### रिम्शो गेय पाइब मीश मुर

१० रिम्शो गेय पाइब मीश आल सुम थिन्ने चाप्वो डा ? मेको हीरा मोती क्यडा शुश क्यट लाइब बाकब। हितोपदेश १८ :२२ ११ मेको आ वांइशमी मेको कली रिम्शो पा थमा सुइकन चाप्व। मिनु आस माल्शो मारइ मारइ गाप्व। १२ मेको बरोइम सम्म आ वांइश कली रिम्शो पाइब। मरिम्शो गेनायो मपाइब। १३ मेकोमी ऊन नु रुवा सुप्ला, पांइशा शुश गेय पाइब। १४ शुश लेयतीक मारइ मारइमी बरीशो जहाज खोदंशो पा मेकोमी खिमी जचा थोत्रक चाकब। १५ मेको सुनी कना बोक्शा मार मार जचा तूचा क्येपाइकब। आ वाइलीम आन कली मार गेय पचा माल्वा, नेल्ल अरब। १६ शुश मिम्शा नोले मेकोमी रू का ग्याप्व। मिनु मेकर आंमा चेम्शो क्येटीमी अडगुर खरुम्ब। १७ मेको आ रिम्शो गेय पतीक आ गुइ बोल्यो बाकनीम। १८ मेकोमी आ लेयतीक थोत्रक रिम्शो पा लेयसीशो ताइब। नाकदो आ बत्ती मकाप्व। १९ मेकोमी प्युरी लाइशा, पांइतो पांइब। आ वा आंमा परोत्रब। २० मेकोमी परुडग आन कली वारच पाइब। मिनु श्यत

जाइब आन कली आन माल्शो गेब। २१ मेको ग्यु पची ना महिंब। मारदे हना आ मुर नेल्लेमी होशो वा फेक्शो बाकनीमी। २२ मेकोमी आ बरतीक रिम्शो पा सल्लब। मेको आ फक्तीक प्याजी रड डा रिम्शो पा किरशो सुती वा क बाकनीम। २३ मेको आ वांइश ठेयब मुर दुम्शा, सहर डा ठेयब लाप्वोमी बाकमनु, रागी डा खाल्पा आन दातमी बाकब। २४ मेकोमी सुती क फक्तीक वा सल्लशा लेयब। किप्शुर यो ग्याप्व लेयब आन कली लेयब। २५ मेको नु सक्ति नु मान ततीक बाकब। मेकोमी दीसा मार दुम्बा, दे रिश्शा सुती मपाइब। २६ मेकोमी लोत्र पवानु, जोक्ब तुइक्ब लोत्र ला पाइब। मिनु मुर आन कली शिशी पचा कली शंब। २७ मेकोमी आ खिं डा मुर आन कली रिम्शो पा कोत्रब। गेय मपथु, हंथे पा मजाइब। २८ मेको आ आलपुकीमी “आंइ आम ग्येरसीशो बाकब” देनीम। आ वांइशमी यो मेको कली मान पाइब। २९ मेकोमी “शुश मीश मुरपुकीमी रिम्शो पाइनीम। मेको आन क्येडा ग रिम्शो पाइब बाकनेवे” देब। ३० मुर आन दारस जोल बाकब। मेको दारस जाम्शा लाइब। तन्न परमपरभु यावे कली मान पा हिंब मीश मुर मान पाइक्चा पुंइसीब। हितोपदेश ११ :२२ ३१ मेको मीश मुर कली आ गेय पा चेम्शो गेवो। सहर डा ठेयब लाप्वोमी मुर नेल्लेमी मेको कली मान पामेकत।

## उपदेसक

बरेकब मुरः सोलोमनम बरेकशो बाकब देसीब ।

गेना बरेकशोः सोलोमनमी एको किताब १३० वि. सी. क्येडा डोंइती, आ सासन पशो थुम्ची ना बरेकशा बाकब, दे मिम्नीम ।

मार बरेकशोः मारेइ मारेइ जाम्शा लाइब । मुर बरोइशो सम्म परमपरमु आ गेशोम ग्येरशा बाकचा माल्व । थमा पा जोक्तीक तुइक्तीक थुं परमपरमु कली मान पा हिंशा आ देशो टिशा पचा माल्व ।

नेल्ल जाम्शा लाइब बाकनीम

१ एको दाऊद आ तौ, यरूसलेम डा पिप आ १ शंशो लोत्र बाकब । २ मेको शंबमी “जाम्शा लाइनीम, मारेइ मारेइ जाम्शा लाइब बाकनीम । जाम्शा लाइनीम, नेल्ल जाम्शा लाइब बाकनीम । ३ मुरुम रागीम श्येत पा गेय पा, मार ताइनीमी डा ? नांम दुष्शा श्येत पा गेय पा, मार दुम्बा डा ? उपदेसक २ : २३ ४ पाला का लाइब । मिनु अर्को पाला जाकब । तन्न रागी गेना हुना यो लीब । भजन संगरह १० : ३ ५ नां दाप्ब । मिनु नां परब । मेको लेंशा आ दाप्तीकेम रीब पा जाकब । ६ फश दक्खिन गे पाइब । मिनु उत्तर गे लाइब । मेको गेना हुना यो आ हिरतीकेम हिरशा लेप्ब । ७ खोला नेल्ल शाइशशा समुन्दरम लाइनीम । तन्न समुन्दर गेनायो मबरीब । खोला ते गे शाइक्नीमी, मेक गेन शाइस डा शाइस बाकनीम । ८ तेकोइ आइदी रे आइक्था सम्म रिम्शो मबाकनीम । सुइमी देशा देन मचाप्नीम । कोत्रशा मिक्च गेनायो मरूब । नेंशा नोफा गेनायो मदाइब । भजन संगरह १० : १० ; हितोपदेस २७ : २० १ मार मार दुम्शो बाकमे, मेको लेंशा दुम्ब । मार पशो बाकमे, मेको लेंशा पांडसीब । रागीम मारेइ नक मबाकनीम” देत । १० मारेइ आ परबम सुइमी “कोत्रडीन, एको नक बाकब” देन चाप्नीमी ? मेको दा डोंइती रेन मेकेर बाकत । मेको साइ डोंइती रेन बाकत । ११ साइ डोंइती डा मुर आन कली सुइम ममिम्नीम । मिनु मुल जाकब मुर कली नोले डा मुरुम यो ममिम्नीम ।

जोक्तीक तुइक्तीक जाम्शा लाइब

१२ गो, एको लोत्र शंबमी यरूसलेममी इसराएल डा पिप दुष्शा सासन पाता । १३ गो आं जोक्तीक

तुइक्तीकेम रागीमी मार मार पांडसीबा, मेको नेल्ल तुइक्चा दाक्ताकड । परमपरमुमी मुर आन कली मोदेंशो तुइक्चा माल्तीक थुं गेशा, श्येत गेप्तु । १४ गो रागीमी पशो गेय नेल्ल ताता । मेको नेल्ल जाम्शा लाइब बाकनीम । मेको फश कली खेदा पशो खोदेंशो बाकब । १५ मार रोम्सीशो बाकबा, मेको कली दिंपाइक्न मचाम्सीब । मबाकशा थोत्रक हिकन मचाम्सीब । उपदेसक ७ : १३

१६ गो आं थुंमी “कोत्रडीन, गो आं क्येडा डोंइती यरूसलेममी सासन पाइब नेल्ल आन क्येडा शुश जोकब तुइक्ब थुं पाइशशा मुर दुम्ती । गो मारेइ मारेइ तशा तुइक्ताकड । १७ गो जोक्तीक तुइक्तीक रुप्चा, बोला दुम्तीक नु मूर्ख दुम्तीक तुइक्चा थुं पाता । तन्न मेको दा फश कली खेदा पशो खोदेंशो ला बाकत, दे तुइक्ताकड । उपदेसक २ : १२ ; उपदेसक ७ : २५ १८ मारेइ हुना शुश जोक्तीक तुइक्तीकेम शुश श्येत जपाइक्ब । गे दोशो जोक्ब तुइक्ब दुम्नीनी, मोशो श्येत जाइनीनी” दे तुइक्ताकड ।

नेल्ल जाम्शा लाइब बाकब

१ मिनु गो आंम कली “मुल गो ग्येरसीनुड । २ मिनु ग्येरसीशो थुं कली कोत्रशा दाक्नुड । तन्न मेको यो जाम्शा लाइब ला बाकत, दे तुइक्ताकड । २ रिस्सीचा यो मूर्ख गेय बाकब । मिनु ग्येरसीशा बाकशानु, मार रिम्शो दुम्बा डा ? ३ गो आंम कली ग्येरपाइक्चा कली इक्का अङ्गुर शांभु तूता । मो पडानु आं थुंम बाकशा जोक्तीक तुइक्तीक मला । मूर्ख आ गेय रुप्चा कली मोदेंशो पाता । मिनु गो मुर आन कली इक्का नाक्त रागीम बरोइचा कली रिम्शो गेय मार बाकबा, दे रुप्चा माल्ता । हितोपदेस ३१ : ४ ४ गो ठेयब गेय पाता । गो आंम कली सिंपुकी सेल्शा, अङ्गुर रू यो सेल्तामी । ५ गो फल फुल रुपुकी नु बाक्तीकपुकी यो सेल्शा मेकेर नेल्ल खाल डा फल फुल रवापुकी खरुत्तामी । ६ रिम्शो पा बारना बारन लशो रवा आन कली ब्वाक्कु लुक्चा कली ठेयब दोम्ती सेल्तामी । ७ गो वाइलीम वाइलपुकी ग्याप्तामी । आं सिंमी जरमेशो वाइलीम वाइल यो बाक्तेकम । गो शुश बी ब्यफ नु क्यारश भेडा थुल्तामी । गो आं क्येडा डोंइती यरूसलेमम बाकब सुइ आन के आं के खोइ बी ब्यफ नु क्यारश भेडा मबाकम । ८ गो आं कली सुन चांदी नु रागी रागी डा पिप रे शुश शांप तेल्लामी । गो कुम्सो पाइब

मीश मुर नु वोंइश मुर वोइक्ताकमी। आंम कली ग्यरपाइक्चा कली शुश मीश चाक्तामी।

१ ग्यरसलेममी आं क्येडा डांइती डा मुर नेल्ल आन क्येडा गो ठेयब दुम्ती। आं जोक्तीक तुइक्तीक गो नुन लीत। १राजा १०:२३ १०गो मार कोव्रचा दाक्डा, मकान कोव्रता। आं दाक्शो नेल्ल पाता। मोपा आं पशो गय नेल्लमी आं थुं कली ग्यरपाइक्त्तु। मेको आ श्यत पा पशो गय र ताता। ११मो हना यो मेको आं पशो गय नेल्ल नु आं मार मार तचा कली श्यत पा पशो गय नेल्ल कोव्रडुनु, मेको नेल्ल जाम्शा लाइब बाक्तेकम। मेको नेल्ल फश कली खेदा पशो खोंदंशो शोर गाक्शो गय ला बाक्तेकम।

तुइक्तीक नु मूर्ख जाम्शा लाइब

१२मिनु गो जोक्तीक तुइक्तीक, निप्स ग्यशो दुम्तीक नु मूर्ख दुम्तीक रुन्वा थुं पाता। पिपम डांइती थुम्शा गेय आ क्येडा नोले जाक्वम मार पन चाप्वा डा? डांइती नेल्ल पशो बाक्त्त। १३मिनु गो मार ताता देशा हना, दोपा छिडछिड क्येडा छेडछेड रिम्शो बाक्वा, मोपान मूर्ख दुम्चा क्येडा जोक्तीक तुइक्तीक रिम्शो बाक्व। १४ रुन्व मुर मारइ मारइ ताइनीम। तन्न मूर्ख चहिं छिडछिडमी गाक्नीम। तन्न नोले मेको नेल्ल खाल का पा लाइनीम। १५ मिनु मूर्ख कली दुम्तीक आं कली यो दुम्ब। गो मारद जोक्व तुइक्व दुम्डा? मिनु गो आंमा कली मेको यो जाम्शा लाइब बाक्व” देती। १६मारद हना जोक्व तुइक्व नु मूर्ख निम्फा आस कली नोले सुइम ममिम्नीम। मेको निम्फा आस कली पुरसीब। जोक्व तुइक्व दोदंशो पा बेक्वा, मूर्ख यो मोदंशो पा बेक्व। भजन संगरह ४९:११ १०मोपतीक गो बरांइचा मदाक्त्तु। मारद हना रागीमी पशो गेय नेल्ल श्यत ला बाक्त्त। मेको नेल्ल जाम्शा लाइब बाक्तेकम। मेको फश कली खेदा पशो खोंदंशो ला बाक्त्त।

गेय पशो नेल्ल जाम्शा लाइब

१८रागीमी आं श्यत पशो गेय नेल्ल आन कली गो काइ मदाक्त्तु। मारद हना मेको गो आं नोले जाक्व आन कली परांइचा माल्लुड। उपदेसक २:२१; भजन संगरह ३९:७ ११मिनु मेको आ नोले जाक्व जोक्व तुइक्व बाक्म कां मूर्ख बाक्म, दोपा तुइक्वा? मो हना यो आ श्यत पा पशो गेय नेल्ल मेको केन दुम्ब। मेको यो जाम्शा लाइब बाक्त्त। २०मिनु आं श्यत पा

मिम्शा पशो गेय नेल्लम आं थुं लुक्च लत। २१मारद हना सुइमी जोक्व तुइक्व दुम्शा शुश गेय पाप्तु हना यो, मेको आ पशो नेल्ल अरु मुर आन कली परांइशा वोइक्चा माल्लु। मेको ताइब मुरुमी मेको आ पर्वम मारइ श्यत मपशो बाक्व। एको यो जाम्शा लाइब नु थम मरिम्शो बाक्व। २२मुरुमी रागीम बाक्वा शुश श्यत गेय पा, मार ताइनीमी डा? २३मेको नाक्त्त किंत्त श्यत जाइनीम। मिनु नाक्दो यो आन थुं नाइक्चा मताइनीम। मेको यो जाम्शा लाइब बाक्व।

२४मुरुमी जचा, त्चा नु आंम गेयमी ग्यरशा बाक्वा क्येडा लाक्शा अरु मारइ रिम्शो मबाक्व। मेको यो परमपरमु र जाक्शो तशो बाक्नुड। उपदेसक ३:१२,२२; उपदेसक ५:१७; उपदेसक ८:१५; उपदेसक ९:७ २५मारद हना परमपरमु र मजाक्त्त हना, सुम जचा नु रिम्शो पा बाक्वा ताइवा डा? २६परमपरमुमी आ दाक्शो मुर कली जोक्तीक तुइक्तीक नु रुष्शा ग्यरतीक थुं गेव। तन्न मरिम्शो पाइब आन कली सुप्तीक नु तेल्लीक गेय पपाइक्व। मिनु नोले मेको नेल्ल आ दाक्शो मुर आन कली गेव। मेको यो जाम्शा लाइब नु फश कली खेदा पशो खोंदंशो ला बाक्व। हितोपदेस १३:२२; हितोपदेस २८:८

मारइ मारइ आन पतीक ना बाक्व

३ १मारइ मारइ के पतीक ना बाक्व। रागीमी मारइ मारइ आन के पतीक ना बाक्व। उपदेसक ८:६; भजन संगरह ३१:१६ २जरमेतीक ना बाक्व। मिनु बेक्तीक ना बाक्व। खरुम्तीक ना बाक्व। मिनु तुल्लतीक ना बाक्व। ३साइक्तीक ना बाक्व। मिनु सापाइक्तीक ना बाक्व। पुरतीक ना बाक्व। मिनु सेल्लतीक ना बाक्व। ४डाक्तीक ना बाक्व। मिनु रिक्तीक ना बाक्व। रोंका पतीक ना बाक्व। मिनु सिल पतीक ना बाक्व। ५फुल्लु फरतीक ना बाक्व। मिनु मेको सुप्तीक ना बाक्व। मुप्तीक ना बाक्व। मिनु ममुप्तीक ना बाक्व। ६माल्लतीक ना बाक्व। मिनु साम्तीक ना बाक्व। वोइक्तीक ना बाक्व। मिनु ताइक्तीक ना बाक्व। ७खाक्तीक ना बाक्व। मिनु फेरतीक ना बाक्व। सिक्सी पा बाक्तीक ना बाक्व। मिनु लोत्र पतीक ना बाक्व। ८दाक्तीक ना बाक्व। मिनु मदाक्तीक ना बाक्व। लडाइ पतीक ना बाक्व। मिनु दुशा बाक्तीक ना बाक्व।

१गेय पाइबमी आन श्यत पा गेय पशो र मार ताइनीमी डा? १०परमपरमुमी मुर नेल्ल आन कली श्यत डा गेय गेप्त्तु। गो मुर मेको

गेय पस डा पस तातामी। ११ मेकोमी मारेइ मारेइ आन कली गारपाइशशा सल्लु। मेकोमी गेना हना यो बरोइशा बाक्तीक मुर आन थुंम वोइक्त्तु। मो हना यो मेकोपुकीमी परमपरभुमी डांडती र नोल्ले सम्म मार पवा, मेको रुन्न मचाप्नीम। उपदेसक ८ :१७ १२ मुर बरोइमा सम्म ग्येरशा नु रिम्शा पा बाक्चा माल्लीम। मेको क्येडा रिम्शा अरु मारेइ यो मबाक्ब, दे तुइक्नुड। उपदेसक २ :२४ १२ परमपरभु आ दाक्शा मार बाक्ब देशा हना, मुर नेल्लेमी जशा, तूशा आन गेयम ग्येरशा बाक्मल, देशो बाक्ब। १४ परमपरभुमी मार पाइबा, मेको गेना हना यो लीब, दे गो तुइशशा बाक्नुड। मेकर मारेइ तेन्ने नु गरुइने मचाप्नीब। मुर नेल्लेमी परमपरभु कली हिंशा मान पामेक्त्त, दे मोदेशो पाप्त्तु। १५ मार बाक्मे, मेको डांडती रेन बाक्त्त। मेको मुल दुम्ब डांडती रेन बाक्त्त। मिनु परमपरभुमी डांडती दुम्शा लेंशा दुम्पाइक्ब।

### रागी डा ठीक निसाफ पतीक

१६ मिनु गो रागीम अर्का का यो ताता। मार ताता देशा हना, ठीक निसाफ पतीक आ पा डा काइ मरिम्शा पतीक बाक्बाक्त्त। ठीक पतीक आ पा डा जोल पतीक बाक्बाक्त्त। १७ गो आं थुंमी “परमपरभुमी ठीक पाइब नु आ अंशो लोत्र मटीब निम्फा आस कली निसाफ पाइब। मारदे हना मेकोमी मारेइ मारेइ नेल्ल कली नु गेय नेल्ल कली आ पतीक ना सल्लु। उपदेसक १२ :१४ १८ गो आं थुंमी मुरपुकी बस्तु भाव खोदेशो नकी, दे तुइक्त्तमेक्त्त, दे परमपरभुमी मेको आन कली नाक्शा कोत्रब” दे यो मिम्ताक्ड। १९ मुर नु बस्तु भाव आन लो खाल का डा बाक्ब। मेको खाल का डा पा बेक्नीम। का दोपा बेक्बा, अर्का यो मोपान बेक्ब। मेको नेल्ल खाल का डा पा सोक्त्त कीनीम। मुर आन ततीके बस्तु भाव आन क्येडा रिम्शा मबाक्ब। मारदे हना नेल्ल जाम्शा लाइब बाक्नीम। भजन संग्रह ४९ :१३,२१ २० मेको नेल्ल बेक्नीम। मारदे हना मेको नेल्ल खप रे दुम्शा नम। मोपतीके मेको नेल्ल लेंशा खप दुम्नीम। २१ मिनु मुर आन सोक्त्त चहिं ग्येत्थ नु बस्तु भाव आन सोक्त्त चहिं खप लुक्च लाइब, दे सुम तुइशशा बाक्बा डा ? २२ मोपतीके मुर नेल्ले आंम गेयमी ग्येरसीशा बाक्कीन। मेको नेल्ल क्येडा रिम्शा बाक्ब। मारदे हना मुरुमी आ नोल्ले मार दुम्बा, दोपा तुइक्ने चाप्वा डा ?

दिप्वा पुंडसीब नु श्येत जाइब

४ मिनु गो रागीम कोवडुनु, मेकर थम मरिम्शा पशा ताता। गो दिप्वा पुंडसीशा आन डाक्शा ताता। मेको आन कली लेम्ब सुइ मबाक्म। मेको मरिम्शा पाइब सक्त्त पाइशशा बाक्त्तमे। दिप्वा पुंडसीब आन कली चहिं लेम्ब सुइ मबाक्म। २ बेक्शा मुर, बरोइशा आन क्येडा ग्येरसीशा बाक्नीम, दे तुइक्ताक्ड। ३ तन्न मेको निम्फा आस क्येडा मुल मजरमेशो मुर ग्येरसीशा बाक्ब। मारदे हना मेकोमी रागीम मरिम्शा दुम्शा मतशा बाक्ब। उपदेसक ६ :३

४ मिनु गो मार ताता देशा हना, मुरपुकी श्येत पा अरु आन कली गेहे पतीके रे जोक्ब दुम्नीम। मेको यो जाम्शा लाइब नु फश कली खेदा पशा खोदेशो ला बाक्ब। ५ मूर्ख मुर फिम्ता पा बाक्ब। मिनु आ खतम दुम्तीक आमान चाक्ब। ६ फश कली खेदा पशा खोदेशो पा, शुश श्येत पा शुश चम्चा क्येडा, थुं नाइशशा इक्का खोइ चम्चा रिम्शा बाक्ब। हितापदेस १५ :१६

७ मिनु गो लेंशा रागीम अरु जाम्शा लाइब थोत्रक तातामी। ८ मेको मार ताता देशा हना तमी तौ नु सुइ लोक्ब मपाइशशा मुर का बाक्त्त। तन्न मेकोमी शुश श्येत पा गेय पाइबाक्त्त। आ गेय गेनायो मथुम्यु, आ शांपोम थुं मनुइबाक्त्त। मिनु काबु मेकोमी आंम कली “गो मारदे मोदेशो श्येत डा गेय पना पन बाक्नुड ? गो मारदे आंम कली मारेइ रिम्शा मपाइनुडा ?” दंत। मेको यो जाम्शा लाइब नु श्येत जतीक ला बाक्ब। ९ मिनु का क्येडा निक्शी दुम्शा रिम्शा बाक्ब। मारदे हना मेकोपुकीमी आंम श्येत पा पशा गेय रे पा रिम्शा ततीक ताइनीम। उत्पत्ती २ :१८ १९ दोकका पा का थिस्साक्ब हना, मेको आ वारचमी मेको कली पोक्ब। तन्न आबी, का ला दुम्शा थिश्शानु, पोक्शा वारच पाइब मबाक्त्त हना, मरिम्शा दुम्ब। ११ मोदेशो पा मुर निक्शी काथा इप्ताक्स हना, मेको निक्शी जेनीस। तन्न का ला इप्शानु, दोपा जेचा डा ? १२ का कली अरुमी फरुइनीम। तन्न निक्शी दुम्ताक्स हना, आंम कली परोइने चाप्नीस। थमा पा पोया सांमी किरशा डोरी रीब पा मबरोइक्ब।

रिम्शा दुम्चा यो जाम्शा लाइब

१३ अर्ती मननेब सुशा मूर्ख पिप क्येडा जोक्ब तुइक्ब परुडग ठिटा का दुम्चा रिम्शा बाक्ब। १४ मेको जेल्लान रे गरुशा पिप दुम्शा बाक्म

कों? मेको परुडग बाक्त हना यो पिप दुम्ने चाप्ब। १५ गो रागी डा मुर नेल्ल मेको पिप आ गेय पाइब ठिटा आ नोले सोइश्शो तातामी। १६ मेकोमी शुश मुर आन कली वारच पाप्तु। तन्न मेको क्येडा नोले जाक्वपुकी मेको तशा मग्यरसम। मेको थमा पा जाम्शा लाइब नु फश कली खेदा पशा खोदंशो बाक्व।

परमपरभु कली मान पा हिनीन

१ परमपरभु आ खिं लनीनु, मूर्ख आन क्योरशा चदंशो चदंशा क्येडा परमपरभु आ लोत्र होस पा नंचा रिम्शो बाक्व। मारदे हना मूर्खमी मरिम्शो पचा ब्रांइस मजोक्नीम। भजन संगरह १५ :१; यसैया ३३ :१४-१६; मत्ती ५ :२३-२४; १सामुएल १५ :२२ रब्बाक्चा कली मचुइक्तीन। परमपरभु आ डांइती रीब पा लोत्र मपन। परमपरभु स्वर्गमी बाक्व। गे चहिं रागीम बाक्नीनी। मोपतीके शुश मब्बाक्कीन। ३ दोपा शुश सुर्ता पतीकेम डोमु ताइनीमी, मोपा मूर्खमी शुश लोत्र पाइब। याक्व १ :१९; मत्ती ६ :१७

४ गे परमपरभु आ डांइती कसम जनीनु, मेको साप्चा कली देश मपने। परमपरभु मूर्ख आन कली तशा मग्यरब। गे इन कसम जशा साप्चीन। व्यवस्था २३ :२२; १सामुएल १ :११,२८; भजन संगरह ५० :१४ ५ कसम जशा मखाप्चा क्येडा, कसम मजशा रिम्शो दुम्ब। ६ इ लोत्रमी इ कली पाप मपपदल। मिनु परमपरभु आ खिं डा लोत्र कुरब कली “आं कबल पशां परंदु बाक्त” मर्दनीन। इ लोत्रमी पतीके परमपरभु गाइश्शा इ गेय नेल्ल खतम पोक्व। ७ शुश लोत्र नु शुश डोमुमी जाम्शा लाइब सल्ल। मोपतीके परमपरभु कली मान पा हिनीन। यरमीया २३ :२७-२८

शांप यो जाम्शा लाइब बाक्व

८ राज्य कामी परुडग आन कली दिप्शो नु मेको आन कली ठीक निसाफ मपशो ताइतीनी हना, छक मलाक्कीन। मारदे हना मेको आन क्येडा अधिकार पाइश्शो का बाक्व। मिनु मेको नेल्ल आन क्येडा टेयब अर्का का बाक्व। परस्थान २३ :६ ९ पिपमी रू डा गेय पाइब आन कली अरशा रिम्शो कोत्रतु हना, मेको रागी रिम्शो दुम्ब।

१० सुमी क्येट दाक्वा, मेको कली क्येटीमी गेनायो मजाक्दीप्ब। सुम शांप दाक्वा, मेको मुर आ चेम्शोमी गेनायो मरुब। मेको यो जाम्शा लाइब बाक्व। हितोपदेस २८ :२२; लुका १२ :१५

११ शांप शुश बारमेनु, मेको जाइबपुकी यो बारनीम। मिनु मेको होत्रप कली कोत्रचा डा लाक्शा, अरु मार रिम्शो दुम्बा डा ?

१२ शुश गेय पाइब मुर दोशो जाप्तु हना यो, निन्दरा पचा दाक्व। तन्न शांप पाइश्शो मुर आ शुश शांपाम पतीके मेको कली निन्दरा मजाक्व।

१३ गो रागीमी थम श्यत लाक्चा डा मरिम्शो पशा का तशा बाक्नुड। मेको मार बाक्व देश हना मुर्मी आंमा खतम दुम्बा कली शांप तेल्लो बाक्व। मत्ती १९ :२२ १४ मेकोमी दोक्का पा आ शांप थुमा नोले, मेको के आल दुम्ब। मेना मेको आ गुइमी मारइ मबाक्व। १५ मुर ममा आ कोत्रजर पा शिशरा जाक्व। मिनु मेको दोपा जाक्मे, मोपान लेशशा लाइब। मेकोमी आ श्यत पा चेम्शो मारइ लाइक्चा मताइब। अय्युब १ :२१; भजन संगरह ४९ :१८; १तिमोथी ६ :१७ १६ एको यो श्यत लाक्चा डा मरिम्शो का बाक्व। मुर दोपा जाक्वा, मोपान लेशशा लाइब। मिनु मेको कली मार रिम्शो दुम्बा डा ? मारदे हना मेको आ पशां श्यत नेल्ल फश खोदंशो दुम्ब। १७ मुर्मी आन ब्रांइतीके नाक्त सम्म श्यत पा जशा तूशा, हिंशा, रोइ पा, सुर्ता पाइनीम।

१८ मिनु गो मार ताता देश हना, परमपरभुमी गेशो एको इक्का नाक्ती ब्रांइतीकेमी रागीम जचा, तूचा नु आंम श्यत पा पशां गेयमी ग्यरसीचा मुर कली रिम्शो बाक्त। मारदे हना मेकोन, मेको आ भाग बाक्व। १९ मेको क्येडा लाक्शा परमपरभुमी मुर आन कली शुश शांप नु रूपुकी गेब। मिनु मेको कली मेको नेल्ल ताक्चा नु आंम गेयमी ग्यरशा बाक्चा गेब। मेको परमपरभु आ गेतीके बाक्व। २० मेकोमी आ ब्रांइतीके नाक्त शुश ममिम्ब। मारदे हना परमपरभुमी मेको कली आ थुमी ग्यरपाइश्शा वोइक्व। भजन संगरह ७३ :२६

परमपरभुमी मारइ मारइ गेब

१ गो रागीमी अर्का मरिम्शो का यो तशा बाक्नुड। मेकोमी मुर आन कली थाम्पा दिप्शो बाक्व। २ परमपरभुमी मुर आन कली शांप, रू नु मान ततीके गेब। मोपा मेको कली आ दाक्शो पचा कली मारइ श्यत मदुम्ब। तन्न परमपरभुम मेको कली मेको ग्यरशा जचा मगेशु, अर्का मुर कली ग्यरशा जचा गेब। मेको यो जाम्शा लाइब बाक्व। ३ सुइ मुर का के सहे का जना आल बाक्शा, मेको शुश बर्स ब्रांइशा यो आ चेम्शो जशा मग्यरसीब, रिम्शो पा थिम्बा यो

मपुंडसीब। मेको क्येडा शाम्शा लशो आल कली रिम्शो बाक्व। उपदेसक ४ :३ ४ शाम्शा लशो आल जाम्शा लचा कली जरमेसीशो बाक्व। मिनु मेको छिडछिडमी जाम्शा लाइब। मिनु छिडछिडमीन मेको आ नें सुम्ब। ५ मेकोम गनायो नां मतशो बाक्व। मेकोम मारइ मजोक्वशो यो बाक्व। मो हना यो मेको मुर क्येडा मेको आल आ नाइश्शा रिम्शो बाक्व। ६ मेको मुर हजार का बसे ब्रांइशा यो आ दाक्वशो पने मचापु हना, मेको मार नाइक्वा ताइवा डा ? मेको नेल्ल मबक्नीमी डा ?

७ मुर आ श्यत पशो नेल्ल आ कोव्रज पिरंचा कली ला बाक्व। मो हना यो मेको आ शोत्रलु बेक्तीक गनायो मनुष्व। उपदेसक १ :८ ८ मूर्ख मुर क्येडा जोक्व तुइक्व मारम रिम्शो बाक्नीमी ? पुरुङ्ग मुर अर्का आन डोंइती रिम्शो पस जोक्वशा, मार ताइवा डा ? ९ मार मार माल्लुङ्, दे शुश मिम्चा क्येडा आ तशोम ग्येरसीशा बाक्वा रिम्शो बाक्व। मेको यो जाम्शा लाइब नु फश कली खेदा पशो खोंदेशो बाक्व।

१० मार बाक्वा, मेको नेल्ल आन नें वोइक्ने थुम्शो बाक्व। मिनु मुर आ थुंम मार बाक्वा, मेको तुइसीब। आंम क्येडा बाल्यो मुर कली सुइमी मारइ देने मचाप्व। अग्युब ९ :२-४,३२ ११ मेको शुश लोत्र पापु हना यो, मेको क्येडा शोर गाक्वशो बाक्व। मिनु तेको रिम्शो बाक्वा ? १२ मुर इच्का नाक्त ब्रांइब बाक्व, मार रिम्शो बाक्म, मेको सुम तुइक्वा डा ? मुर आ नाक्त वांकु खोंदेशो पा लाक्व। मेको बेक्शा लम नोल मार दुम्बा, दे सुम देने चाप्व डा ? १३ इतिहास २९ :१५ ; भजन संगरह १४४ :४

नेल्ल क्येडा ठेयब रुपतीक

१ शुश क्येट लाइब खरक्तीक क्येडा रिम्शो नें ठेयब बाक्व। मिनु जरमेशो नाक्त क्येडा बेक्तीक नाक्त रिम्शो बाक्व। हितोपदेस २२ :१ २ भोज जतीक खिम लचा क्येडा रांका पशो खिम लचा रिम्शो बाक्व। मारदे हना मुर नेल्ल मोदेशो पा लाइनीम। मिनु मुल सम्म ब्रांइशो मुरपुकीमी मेको आ पर्वम मिम्नीम। ३ रित्वा क्येडा सुर्ता पचा रिम्शो बाक्व। मारदे हना सुर्ता पतीकम थुं कली रिम्शो सेल्व। ४ जोक्व तुइक्व मुर आ थुं रांका पतीक खिम बाक्व। तन्न मूर्ख आ थुं आंम दला दाक्स पतीक खिम बाक्व। ५ मूर्ख आ कुम्सो नेंचा क्येडा, जोक्व तुइक्व आ हुइश्शो नेंचा रिम्शो बाक्व। ६ मूर्ख आ रिश्शो, चू चोशानु

बुक्शो मी खोंदेशो बाक्व। मेको यो जाम्शा लाइब बाक्व। ७ थमा पा दिम्बपुकीम जोक्व तुइक्व मुर आन कली मूर्ख सेल्वनीम। घूसमी मुर आन थुं मरिम्शो सेल्व। ८ गय पचा गोशो क्येडा थुम्शो रिम्शो दुम्ब। ठेयब लेश्शो थुं पाइश्शो दुम्चा क्येडा फाल्तीक थुं पाइश्शो दुम्चा रिम्शो बाक्व। ९ रीब पा मगाइक्तो। मारदे हना गाइक्तीक मूर्ख आन थुंम बाक्व। याकूब १ :१९ १० गुपुकीम “डोंइती डा नाक्त, मुल डा नाक्त क्येडा मारदे रिम्शो बाक्मा ?” दे मदनीन। मारदे हना जोक्व तुइक्वपुकीम मोदेशो लोत्र हिल्लो मपाइनीम। ११ जोक्तीक तुइक्तीक किकी पिपी आन गशो शांप खोंदेशो पा रिम्शो बाक्व। मिनु मेकोमी ब्रांइब आन कली रिम्शो पाइब। १२ दोपा क्येटीम मुर आन कली वारच पाइवा, मोपा जोक्तीक तुइक्तीकम यो मुर आन कली वारच पाइब। मिनु जोक्तीक तुइक्तीकमी मुर आन कली ब्रांइचा गेब। हितोपदेस ३ :१-२ १३ परमपरभु आ गय मिम्तीन। मेको आ रोप्यो थोत्रक कली सुमी दिंपाइक्ने चाप्व डा ? उपदेसक १ :१५

१४ नाक्त रिम्शो दुम्मेनु ग्येरसीन। तन्न नाक्त मरिम्शो दुम्मेनु मिम्तीन। मेको निम्फा परमपरभुमी सेल्लो बाक्व। मोपा मुरुमी नोले आंम कली मार दुम्बा, दे मतुइक्नीम।

१५ गो आं इच्का नाक्त ब्रांइतीकमी ठीक पाइब मुर आ ठीक पशोमी खतम दुम्शो नु मरिम्शो मुर आ मरिम्शो पशोमी शुश बसे ब्रांइशो ताता। उपदेसक ८ :१४ ; भजन संगरह ७३ :१२-१४ १६ शुश ठीक पाइब मदुमी। मिनु शुश जोक्व तुइक्व या मदुमी। गे मारदे आंमा खतम सेल्लसीनव ? लूका १८ :११-१२ १७ गे परमपरभु आ अरेशो मटीब नु शुश मूर्ख यो मदुमी। गे मारदे बेक्ची मजाक्थु बेक्चा दाक्नेव ? १८ का कली वोतीन नु अर्का कली यो मपरोनीन। मारदे हना परमपरभु कली मान पा हिंव, मेको नेल्ल रे डोन बाक्नीम।

१९ जोक्तीक तुइक्तीकमी जोक्व तुइक्व मुर कली सहर डा १० जना हुकुम पाइब आन क्येडा यो सक्ति पाइश्शो सेल्व।

२० थमा पा रागीमी मारइ मारइ ठीक पाइब नु गनायो पाप मपाइब सुइ मबाक्नीम। भजन संगरह १४ :३

२१ मुरपुकीमी देशो लोत्र नेल्ल मनेनो। मो पाप्तीवी हना इ वाइलीमी इ कली सराप पशो

नेनेवे । २२ मारदे हना गे गिश खेयप अरु आन कली सराप पची, मेको इ थुंम बाक्व ।

२३ गो मारइ मारइ जोक्तीक तुइक्तीकम नाक्शा कोत्रता । मिनु गो “थमा पा जोक्व तुइक्व दुम्नुड” दंती । तन्न रुन्ने मचबु । २४ शुश डान बाक्व नु शुश तुक्च लशा थोत्रक सुम तुइक्ने चाप्वा डा ? २५ मोपतीक गो जोक्तीक तुइक्तीक नु नेल्ल तुइक्चा थुं पाता । मिनु परमपरभु आ अरेशो मटिचा मूर्ख गय बाक्व । मिनु मूर्ख गेयमी निप्स ग्यशा दुम्शो बाक्व । भजन संगरह १४:१ २६ मेको बैक्तीक क्यडा मरिम्शो ब्यारद दाइशशा खोंदंशो मीश मुर बाक्व । मेको आ थुं थम्तु नु मेको आ गुइ चहिं पाइक्तीक साङलो बाक्व । सुम परमपरभु कली ग्यरपाइक्वा, मेको रे बरोंइब । तन्न मेकोमी पाप पाइब कली चहिं आ ग्याइलीम रेख । हितोपदेस २:१६-२२ २७ शंबमी “गो मार तुइक्तु, मेको नेनीन । गो नेल्ल रिम्शो पा तुइक्चा कली नाक्ताक्ड । २८ गो रिम्शो मुर माल्ला माल्ल बाक्डानु हजार का वांइश मुर आन दातेमी मुर का ला रिम्शो पाइब थित्ता । तन्न मीश मुर आन दातेमी का यो मथिदु । २९ परमपरभुमी मुर आन कली ठीक पाइब सल्लु । तन्न मुरपुकीम आन दाक्शो पाइनीम” दंत । उत्पत्ती १:२७

### पिप आ देशो टिने

१ जोक्व तुइक्व मुर खोंदंशो सु बाक्वा ? एको लोत्र आ अर्थ सुम तुइक्वा डा ? जोक्तीक तुइक्तीकमी मुर आन कुल हाक्शो सल्ल । मिनु मेको आ किक्शो कुल फाइशशा रिम्शो सल्ल ।

२ पिप आ देशो टिवो । मारदे हना गे परमपरभु आ डांइती कसम जाप्तीवी । ३ पिप आ बाक्तीक रे गाक्चा कली मचुइक्तो । गे मरिम्शो मपावो । मारदे हना पिपमी मार पचा दाक्वा, मेको पाइब । ४ पिप आ लोत्रमी सक्ति बाक्व । सुम मेको कली “हजुर, गे मार पनी” दंने चाप्वा ? ५ सुम परमपरभु आ शंशो टीवा, मेको कली मारइ मरिम्शो मदुम्ब । मिनु जोक्व तुइक्व मुरुमी ठीक गेय पची ना गेय पस जोक्व । ६ मुरुमी मार मार पाइनीमी, मेको पतीके ना नु निसाफ पची ना बाक्व । मुर आन मरिम्शो पतीकम मुर आन कली दिप्ब । उपदेसक ३:१ ७ नोल डा लोत्र सुइमी मतुइक्नीम । मोपतीक सुइम मुर आन कली नोल मार दुम्बा, मेको दंने मचाप्नीम । उपदेसक १०:१४ ८ फश कली तेक्शा वोइक्तीक सक्ति सुइ के मबाक्व । मोपान आंम बैक्तीक नाक्व

कली सुइमी तेक्ने मचाक्व । दोपा लडाइ पची ना सुइ सिं लचा मताइनीमी, मोपान मरिम्शो पतीकमी मरिम्शो पाइब कली गेनायो मपरांइब । ९ गो रागीम पशो नेल्ल कोत्रडुनु, नेल्ल ताता । सक्ति पाइशशा मुरुमी अरु आन कली दिप्शा वोइक्नीम ।

### ठीक पाइब नु ठीक मपाइब

१० मिनु गो परमपरभु आ अरेशो मटीब मुर थिम्चा पुंइसीशो ताता । ठीक पाइब चहिं परमपरभु आ सहर रे गरुइचा पुंइसीशो बाक्तेकम । मिनु सहरमी सुइमी मेको आन कली ममिम्बाक्तेकम । मेको यो जाम्शा लाइब बाक्व । ११ मुरुमी मरिम्शो पाप्तु हना, रीब पा सजाइ मताप्तु हना, मेकोमी मरिम्शो पना पन बाक्व । अय्युब ३५:१५-१६ ; मलाकी ३:१४-१५ १२ मरिम्शो पाइब मुर सह का खेयप मरिम्शो पशा यो शुश नाक्व सम्म बरोंइशा बाक्नीम । मो हना यो परमपरभु कली मान पा हिंब नु आ डांइती बाक्व आन कली रिम्शो दुम्ब, द गो तुइक्नुड । भजन संगरह ३७:१८ ; भजन संगरह ७३:१७-२६ १३ तन्न परमपरभु यावे आ अरेशो मटीब आन कली गेनायो रिम्शा मदुम्ब । मिनु शुश बरोंइचा यो मताइनीम । मारदे हना मेकोपुकीमी परमपरभु कली मान पा महिनीम ।

१४ रागीम अर्का जाम्शा लाइब गेय का यो दुम्ना दुम्न बाक्व । ठीक पाइब बाक्नीम । मेकोम परमपरभु आ अरेशो मटीब खोंदंशो पा ताइनीम । मिनु परमपरभु आ अरेशो मटीब बाक्नीम । मेको ठीक पाइब खोंदंशो पा बाक्चा ताइनीम । एको यो जाम्शा लाइब बाक्व । उपदेसक ७:१५ १५ मोपतीक गे ग्यरसीशा बाक्कीन । मारदे हना रागीमी मुर आन कली जचा तूचा नु ग्यरशा बाक्चा डा लाक्शा, अरु मारइ रिम्शो मबाक्व । परमपरभुमी गेशो बरोंइतीकमी गिश श्येत बाक्व हना यो, मेको पने चाप्नीम । उपदेसक २:२४

१६ मिनु गो रागीमी मुरपुकीमी मइप्थु नाक्वो नाक्ती गेय पशो कोत्रचा कली नु जोक्तीक तुइक्तीक मार बाक्मे, मेको तुइक्चा कली आं थुं हिरताक्ड । १७ मिनु परमपरभुमी पशो गेय नेल्ल ताता । रागीम मार दुम्बा, मेको सुइमी तुइक्ने मचाप्नीम । मुरपुकीमी मेको तुइक्चा कली शुश श्येत पाम्तेकम हना यो, मेको नेल्ल रुन्ने मचाप्नीम । तेकोइ जोक्व तुइक्व मुरुमी “गो मेको तुइक्नुड” दंत हना यो, मेकोम थमा पा

मतुइश्शो बाक्व । उपदेसक ३:११ ; यसैया ५५ : ८-९

मुर आन दुम्तीक का बाक्व

१ एको लोत्र नेल्ल रे पा गो मार मिम्ताक्क  
९ दंशा हना, ठीक पाइब नु जोक्व तुइक्व  
आन पतीक मारइ मारइ परमपरभु आ गुइमी  
बाक्वबाक्व । तन्न मुरुमी आंम कली दाक्तीक  
नु काइ मदाक्तीक ताइनीम । तन्न मेको  
मतुइक्वबाक्वम् । २ मारदे हना जाम्शा लतीक नु  
मरिम्शो दुम्तीके मुर नेल्ल आन कली दुम्ब ।  
ठीक पाइब नु परमपरभु आ अरंशो मटीब, रिम्शो  
पाइब नु मरिम्शो पाइब, गरांगरा मदिशो नु  
गरांगरा दिशो, चदेतीक चदेब नु मचदेब, पाप  
पाइब नु मपाइब नु कसम जाइब नु मजाइब,  
नेल्ल नोले खाल का डा पा जाम्शा लाइनीम ।  
उपदेसक २:१४ ; अय्युब ९:२२ ३रागीम  
दुम्तीक गेय नेल्लेमी मरिम्शो पतीक बाक्व ।  
मेको नेल्ल बेक्शा लाइनीम । मुर नेल्ल आन  
थुं मरिम्शो पतीकेमी बरीशो बाक्व । मिनु  
मेकोपुकी बरांडमा सम्म आन थुं हेंथ पतीकेम  
बरीशो बाक्व । मिनु मेको नोले मेको बेक्शोपुकी  
नु बाक्व लाइनीम । उपदेसक ८:११ ४तन्न  
बरांडशा बाक्वपुकी नु बाक्व आन के आस  
बाक्व । बेक्शो गुप्स क्येडा बरांडशा बाक्शो  
कुचुम रिम्शो बाक्व । ५ बरांडशा बाक्शोपुकीम  
“गो बेक्नीकी” दे तुइश्शो बाक्नीम । तन्न  
बेक्शोपुकीम मारइ मतुइक्नीम । मेको आन कली  
मारइ इनाम मबाक्व । मेको आन कली मिम्तीक  
यो जाम्शा लाइब । ६ मेको आन दाक्तीके, काइ  
मदाक्तीक नु गेह पतीक नेल्ल जाम्शा लत ।  
मेकोपुकीम रागीम मार दुम्शो बाक्म, मेको  
मारइ ममिम्नीम ।

७ आंम इ लां गाक्को, इ जतीक थोत्रक ग्येरशा  
जावो । ग्येरशा इ अडगुर शांबु तूडा । मारदे  
हना परमपरभुमी इ पशो गेय दाक्व । उपदेसक  
२:२४ ८गेना हना यो रिम्शो वा फेक्शा  
इ बरोत्रशो तेल खरक्को । १ परमपरभुमी गेशो  
इच्छा नाक्त बरांडशा बाक्तीकेमी आंम दाक्शो  
मीश नु ग्येरशा बाक्को । मारदे हना रागीमी  
इ श्येत पा पशो गेय डा भाग मेको बाक्व ।  
हितापदेस ५:१८-१९ १० इ डांडती मार गेय बाक्म,  
मेको इ सक्ति नेल्लेमी पावो । मारदे हना बेक्शो  
मुर आन बाक्तीकेम मारइ मिम्तीके, जोक्तीके नु  
तुइक्तीक मबाक्व ।

११ गो रागीमी अर्का थोत्रक का यो तशो  
बाक्नुड । रोब पा दोरब मगराब । सक्ति पाइश्शो  
लडाइ पाइबमी लडाइ मगराब । जोक्व तुइक्वमी  
जचा मताइब । शुश निप्स पाइश्शो मुरुमी क्येट  
मचम्ब । जोक्व मुरुमी मान मताइब । तन्न  
नेल्लेमी आन गेय पतीक ना नु रागी दोपा  
बाक्वा, मुर आन गेय दुम्बा देय मदुम्बा मेको  
ताइनीम । हितापदेस १६:९ १२ मिनु हिंचा डा  
श्येत गेना जाक्वा, सुइम मतुइक्नीम । शिशी  
मपाइब आन ग्याइलीम डांड रेशो नु ब्यारदम  
चिक्व रेशो सोदंशो पा मुरपुकी यो ममिम्थु  
हिंचा डा श्येत जशा बेक्नीम ।

जोक्तीक तुइक्तीक ठेयब बाक्व

१३ गो रागीमी जोक्तीक तुइक्तीक का यो  
ताता । मेको थम ठेयब बाक्व । १४ साइ डांडती  
शुश मुर मबाक्शो आइक्व सहर का बाक्व ।  
मिनु मेको कली शुश सक्ति पाइश्शो पिपमी  
लडाइ तोवा बाक्व । मेको सहर कली पुम्शा,  
गारो डाइक्तीक यो सला बाक्व । १५ मेको सहरमी  
जोक्व तुइक्व परुडग मुर का बाक्माक्व । मिनु  
मेकोमी आ जोक्तीक तुइक्तीकेमी मेको सहर  
कली परोना बाक्व । तन्न मेको परुडग मुर  
कली सुइमी ममिम्तमे बाक्व । १६ मिनु गो “सक्ति  
क्येडा जोक्तीक तुइक्तीक ठेयब बाक्व” देती ।  
तन्न मेको परुडग मुर आ जोक्तीक तुइक्तीक  
कली आइक्व मिम्ताक्म । मेको आ लोत्र कली  
सुइमी यो ममिम्तम । १७ ठेयब संदा पा मूर्स  
सासन पाइब आ लोत्र क्येडा, जोक्व तुइक्व आ  
आंसां पा दंशो लोत्र टीनीम । १८ लडाइ पतीक या  
क्येडा जोक्तीक तुइक्तीक रिम्शो बाक्व । तन्न  
पाप पाइब कामी शुश रिम्शो गेय आन कली  
सतम सत्व ।

मूर्स नु जोक्व तुइक्व

१ मिनु दोपा बेक्शो चुरसुमी बरोत्रशो रिना  
१० पाइश्शो खरक्तीक कली राक्पाइक्वा,  
मोपा इच्छा सोइ मूर्स दुम्तीकेमी जोक्तीक  
तुइक्तीक नु मान ततीक नेल्ल सतम पोक्व ।  
२ जोक्व तुइक्व मुर ठीक लांमी गाक्शो बाक्व ।  
तन्न मूर्स मुर दूली लांम गाक्शो बाक्व । ३ मूर्स  
मुर लांम गाक्मनु, मारइ ममिम्ब । मिनु नेल्ल  
आन कली आ मूर्स दुम्तीके कांडब । ४ इ ठेयब  
मुर इ तशा गाइक्ताक्व हना यो, इ गेय पचा  
मपरोना । सिकसी पा बाक्शानु, ठेयब मरिम्शो  
पशो यो जाम्शा लाइब ।

५ गौ रागीमी मरिम्शो का तशो बाक्नुड। मेको ठेयब दूली गेय सासन पाइबम ला पन चाप्व। ६ मूर्ख आन कली ठेयब मुर सेल्नीम। तन्न शांप पाइश्शापुकी आइक्च दुम्शा बाक्नीम। ७ गौ वाइलपुकी चहिं शारा डाइश्शा नु सासन पाइब आ ती चहिं वाइल खोंदंशो पा खोंदलीम गाक्शो तशो बाक्नुड। ८ बिकतीक दोइब मुर मेको आंमान बिकन चाप्व। मिनु गारो पूरप्व कली बुस्सुमी कोकन चाप्व। हितापदेस २६ :२७ १ फुल्लनु खरोइक्च मुर गार दुम्न चाक्व। मिनु शो खरोइक्च मुर आ गेय र श्येत जेन चाप्व। १० खा महेशो बाक्त हना, मेको कली शुश बोल माल्व। तन्न जोक्तीक तुइक्तीकम मेको कली रिम्शो सेल्ब। ११ बुस्स कली लाटा सेल्वा क्येडा डांइती कोक्तु हना, बुस्स चलेब कली मारइ रिम्शो मतुम्ब। बजन संगरह ५८ :५-६

१२ जोक्व तुइक्व मुर ब्वाक्मेनु, मान ताइब। तन्न मूर्ख चहिं आ लोत्रमीन खतम दुम्ब। १३ मेकोमी डांइती मूर्ख लोत्र पाइब। मिनु नाले बौला नु निप्स ग्यशा लोत्र पाइब। १४ मूर्ख मुर ब्वाक्स डा ब्वाक्स पाइब। मार दुम्बा, सुइम मतुइक्नीम। मेको आ नाले मार दुम्बा, मेको सुम देन चाप्व डा ? उपदेसक ५ :२ ; उपदेसक ८ :७ १५ मूर्ख आ श्येत पा पशो गेयमी दाइब। मेकोमी सहर लतीक लां यो मतुइक्व।

१६ आबी, तेको रागी डा पिप आल का बाक्वा, तेको रागी डा सासन पाइबपुकीमी सुनी कना भोज जाइनीमी, मेको रागी खतम दुम्शा लाइब। यसेया ३ :४ ; यसेया ५ :११ १७ तेको रागीमी रिम्शो खिं डा मुर पिप दुम्बा, मेको रागी ग्यरसीशा बाक्व। मेको रागी डा सासन पाइब भोज जची ना जाइनीम। मेकोपुकी दुक्चा कली ममाइ बोल तचा कली जाइनीम। १८ सुइ मुर अल्से बाक्त हना मेको आ खिं बरप्व। मेको फिम्ला पा बाक्त हना, मेको आ खिं याप्व। १९ ग्यरसीचा कली भोज सेल्नीम। मिनु अङ्गुर शांबुमी मुर कली ग्यरपाइक्व। तन्न मेको नेल्ल पचा कली क्येट माल्व। बजन संगरह १०४ :१५ २० इ मिस्तीकेमी यो पिप कली सराप मपावो। शांप पाइश्शा मुर कली इ कोठाम सराप मपावो। मारदे हना सरीड डा चिक्वीम इ लोत्र लद। मिनु बरेशो चिक्वीम इ लोत्र शंद।

मार पचा माल्व

११ इ क्येट डोन सोइक्तो। मिनु शुश नाक्त नाले मेको लंशा ताइनेव। २ गे इं क बाक्शो

क्येट ७, ८ जना आन कली वोइक्चा गेमी। मारदे हना रागीम दोदंशो ठेयब श्येत जाक्वा, मेको गे मतुइक्नेव। ३ गोस्सुम ब्वाक्कु बरीत हना, मेकोमी रागीम रेड यिपाइक्व। रवा दक्खिन गे गोल्ल हना यो, उत्तर गे गोल्ल हना यो, मेको ते गे गोल्ल, मंकरन लीब। ४ फश कली मिम्बमी गनायो मशोक्व। मिनु गोस्स कोत्रबमी गनायो मसुप्व।

५ गे फश ते रे जाक्वा नु ममा आ कोत्रजमी आल दोपा बरोइतीक सोक्त ताइबा, मेको मतुइक्नेव। मोपा मारइ मारइ सेल्ब परमपरभु आ गेय रुने मचानेव। यूहन्ना ३ :८ ; भजन संगरह १३९ :१३ ; उपदेसक ८ :१७ ६ गे सुनी इ वांचर शोक्को। मिनु नाक्वो यो गेय पचा मपरोनो। मारदे हना मुल शोक्शो नु आपो शोक्शो तेको गरल्बा, मतुइक्नेव। निम्फा गरल्लीसी को ? मतुइक्नेव।

ठिटा आन कली अरेशो

७ हास्सो रिम्शो बाक्व। मुरुमी नां कली तचा दाक्व। ८ मुर शुश बर्स बरोइत हना यो, मेको आ बरोइतीकेमी ग्यरसेक्व। तन्न मेकोमी छिडछिड डा नाक्त कली यो मिम्तल। मारदे हना मेको शुश बाक्नीम। मुल दुम्ब मारइ मारइ जाम्शा लाइब बाक्नीम।

९ ए ठिटा मुर, गे ठिटा बाक्डनु ग्यरसो। इ थुमी गे ठिटा बाक्डनु ग्यरपदल। इ तशो नु इ थुमी मिम्शा आस नाले खोतो। तन्न परमपरभुमी मेको नेल्ल तुइश्शा निसाफ पाइब, द मिम्तो। उपदेसक २ :२४ १० मोपतीके सुतो पतीक कली इ थुं रे पा डोन वोतो। मिनु मरिम्शो नेल्ल इ रां रे डोन वोतो। मारदे हना ठिटा दुम्तीके नु बोल यो जाम्शा लाइब बाक्व।

डांइतीन पचा माल्व देशो

१२ इ ठिटा बाक्ना बाक्न इ कली सेल्ब कली मिम्तो। श्येत जतीक नाक्ती नु इ खूशा दुम्तीक बर्स जाक्मेनु “गो मेको नाक्त मदाक्नुड” देंचा क्येडा डांइती मिम्तो। २ नां नु नाक्त डा छेडछेड कली छिडछिडमी सुम्चा क्येडा डांइती, तास्ता नु सोरुल बराबरा दुम्चा क्येडा डांइती नु गोस्सुम रेड यिपाइश्शा लेत्वा क्येडा डांइती ३ खिं खाल पाइबपुकी खिरंखिर पाइनीम। बोल्यो मुरपुकी खूशा दुम्नीम। यात हिल्व मीश मुर शुश मबाक्तीक, आन गेय नाइक्नीम। मिनु झेल रे

कोव्रब आन मिक्च बराबरा दुम्ब । ४मेना लां डा लाप्चो चोक्सीब । यात हिल्शो संदा आइक्च दुम्ना दुम्न लाइब । मुरपुकी चिक्ब आन गरीशो नंशा बोक्नीम । मीश आल आन कुम्सो नेल्ल आइक्च संदा पा नंसीब । ५मुरपुकी लाइशशो खिं डाइक्चा नु लांम श्यत दुम्बा कां, दे हिंनीमी । बदाम बोइशशा सिप्ब । घांस व्याइब माले आ कोव्रजमी गरशा गाक्ब । मारइ ममाल्ब दुम्चा क्येडा डांइती इ कली सेल्ब परमपरभु कली मिम्तो । मारदे हना मुर नेल्ल बेक्नीम । मिनु रोंका पाइब लांम गाक्नीम । ६चांदी के तार बरोल्चा क्येडा डांइती नु सुन के कचौरा बरोल्चा क्येडा डांइती, खप के गर व्याक्कु बुक्तीकेम परोल्चा क्येडा डांइती नु इनार डा गुगील जिक्चा क्येडा डांइती ७खप रे बोक्शो फुरक खपीमीन लेल्चा क्येडा डांइती नु सोक्त गब परमपरभु आ बाक्तीकेम सोक्त लेल्चा क्येडा डांइती परमपरभु कली मिम्तो । उपदेसक ३:२० ; उत्पत्ती ३:१९ ८शंबमी “जाम्शा लाइब ! जाम्शा लाइब ! नेल्ल जाम्शा लाइब बाक्नीम” देब ।

परमपरभु कली मान पा हिनीन

१मेको शंब जोक्ब तुइक्ब मुर ला ममाइ, मेकोमी मुर आन कली जोक्ब तुइक्ब सेल्लु ।

मेकोमी कोव्रशा नाक्शा, दोदंशो लोव्र बाक्बा, दोपा शुश देतीक बरेक्चा माल्बा, मेको शंताक्ब । १०मिनु शंबमी ठीक लोव्र माल्शा गरुंइताक्ब । मिनु मेकोम मार बरेक्ता, मेको ठीक नु थमा बाक्नीम ।

११जोक्ब तुइक्ब आन लोव्र गोठला आन कोक्के सोदंशो बाक्ब । मिनु मेको आन सुप्शो लोव्रपुकी बाल्यो पा थोक्शो कांटी खोदंशो बाक्ब । मेको नेल्ल गोठला का रे पान दुम्शो बाक्ब । यसेया २२:२३ १२ए आं तौ, मेकर तम्शो लोव्र रे होस पा बाक्को । शुश किताब बरेक्तीक गेय गेनायो मनुप्ब । मिनु शुश पढेशोनु रां कली दपाइक्ब । १३नेनो, नेल्ल क्येडा नोले डा लोव्र मार बाक्ब देशा हना, परमपरभु कली मान पा हिनी । मिनु मेको आ शंशो टिवो । मारदे हना मुर नेल्ल आन पचा माल्शो एकोन बाक्ब । ब्यवस्था ६:२ १४मारदे हना परमपरभुमी इं पशो रिम्शो नु मरिम्शो गेय नेल्ल नु स्वरुइशशा पशो नेल्ल निसाफ पाइब । रोमी २:१६ ; २कोरिन्थी ५:१०

## ठेयब कुम्सो

बरेक्ब मुर: एको कुम्सो सोलोमनमी बरेक्शो बाक्ब ।

गना बरेक्शो : सोलोमनमी १५६-१२६ वि. सी. आ सासन पची ना बरेक्शो बाक्त ।

मार बरेक्शो : एको किताबम शुनाम सहर डा गोठाल्नी मीश आल आ कथा बाक्ब । मेको सोलोमन आ दरवार चाक्चा पुंडसीशो बाक्त । तन्न मेकोमी सोलोमन आ शांप नु दारस तशा, यो आ दाक्शो नु ग्युंबे पचा चिकशो गोठला मपरांडथु दाक्ना दाक्न बाक्त । एको किताबम भाग सां बाक्ब:

१. पिप आ दरवारम वोइक्चा पुंडसीशो, ठेयब कुम्सो १ :३-५ मेकर डा मीश आलम पिप आ ठेयब दुम्तीके

कुम्सो पशो, सोलोमनमी शुलामीथ नु लोत्र पशो आ

दाक्शो मुर कली मिम्ना मिम्न बाक्शो,

२. आ दाक्शो गोठला हरा परांडशो, ठेयब कुम्सो ३ :६-८ :४

सोलोमनम शुलामीथ कली ग्युंबे पचा मिम्शो शुलामीथम आ दाक्शो गोठला कली मिम्शो सोलोमन आ नोले डा पशो लोत्र

३. आ गोठला कली मपरांडथु, आ दाक्तीकम गराशो ठेयब कुम्सो ६ :५-८ :१४

शुलामीथ सिं लेइशा, दरवार डा शांप मिम्शो आ दाक्शो गोठलामी शुलामीथ आ सेंदा नेंचा दाक्शो

“पिप ठेयब बाक्ब” दे कुम्सो पशो

१ सोलोमन आ नेल्ल क्येडा ठेयब कुम्सो ।  
२ मेकोमी आं कली पुक्पु पवल । मारदे हना इन दाक्तीके अङ्गुर शांबु क्येडा यो रिम्शो बाक्ब । ३ इन खरेक्तीक तेल बरोत्रशो रिना पाइइशो बाक्ब । इन नें बरोत्रशो रिना पाइइशो तेल मोइइशो खोदंशो बाक्ब । मोपतीके मीश आलपुकीमी इन कली दाक्नीमी । ४ गे आं कली लाइय्यीनी । गो रीब पा लय । पिपमी आं कली आ बाक्तीकम लाइक्ती । गो इन कली तशा ग्येरसीनीकी । गोपुकी अङ्गुर शांबु क्येडा यो, इन दाक्तीक कली ठेयब सेल्लनीकी । मेकोपुकीम गे दारशो दुम्तीके इन कली दाक्नीमी ।

## आं कली आइक्च ममिम्तीन

५ गो क्येर बाक्ती हना यो, दारशो बाक्नुड । ए यरूसेलेम डा तमीपुकी, गो केदार आ ताम्बु नु सोलोमन आ फारतीक वा खोदंशो क्येर बाक्नुड । आं कली आइक्च ममिम्तीन । ६ आं कली क्येर तशा, मकोव्रयीनी । मारदे हना चोक्शो नांमी आं कली क्येर सल्ली । आं ममा आ तोपुकी गो नु गाइक्तीक आं कली अङ्गुर रू कोव्रब सल्लीमी । तन्न गो आंम अङ्गुर रू कली चहिं मकोव्रड्डु । ७ ए आं दाक्शो मुर, इन क्यारश भेडा आन कली ते योव्रनीनी ? मिनु नाक्त मेको ते नाइक्नीमी ? गो मारदे हंथे गाक्ब मीश मुर खोदंशो पा इन वारच आन बगाल आ नेक्था लचा माल्लुडा ?

सोलोमनम शुलामीथ नु लोत्र पशो

८ मीश आल आन दाते डा नेल्ल क्येडा दारशो मीश आल, गे क्यारश भेडा आन गाक्तीक लां खोइइशा, गोठला आन गोठ आ नेक्था इ पाठा आन कली योव्रडे ।

९ आं दाक्शो मीश आल, गो इ कली फाराओ आ बग्गी डा नेल्ल क्येडा दारशो छ्वाउरी शारा नु थाप्शो बाक्नुड । १० गहना पांडसीशो इ चोत्रचो गिश दारशो बाक्ब । सिकरी पांडसीशो इ शुर थम दारशो बाक्ब । ११ गो इ कली सुन नु चांदी खराक्शा सिकरी सेल्लनीकी ।

१२ पिप आ इप्तीकमी बाक्मेनु, आं तेल थम बरोत्रशो रिना पाइक्तु । १३ आं दाक्शो मुर आं कुचु आ दातेम बरोत्रशो रिना पाइब मूरम बरोशो थेली खोदंशो बाक्ब । १४ आं दाक्शो मुर एन-गदी डा अङ्गुर रूमी वाशो हेन्ना फू खोदंशो बाक्ब ।

१५ ए, आं दाक्शो मीश आल गे दारशो बाक्नेव ? शुश दारशो बाक्नेव । इ मिक्च दुकुर के खोदंशो बाक्ब । १६ ए आं दाक्शो मुर, गे यो दारशो बाक्नेव । थमा पा दारशो बाक्नेव । इस बराख्ये गिग बाक्ब । १७ इस सिं डा पैदरा लेबानोन डा लाइइशो रवा के बाक्नीम । सला के फलेकम साप्शो बाक्ब ।

गे अर्को खोदंशो मबाक्नीनी

१ गो शारोन डा गुलाफ नु बेसी डा लिती फू नड । २ चू आन दातेमी लिती फू बोइइशो खोदंशो पा आं मीश आल, अरु मीश आल आन दातेम बाक्ब ।

३ आं वोंइश मुर अरु ठिटा आन दातेमी ब्वाकीम बाक्शो रवा आन दाते डा स्याड

रवा खोदंशो बाक्व। गो मेको आ वांकुम थुं नाइश्शा बाक्नुड। मेको आ फल बरोव्रशो बाक्नीम। ४ मेकोमी आं कली भोज जतीक सिंम लाइक्ती। मेको आ दाक्तीके छ्दर खोदंशो पा कांइताक्यी। ५ आं कली ठीक सल्वा कली सोव्रपाइश्शा अडगुर नु स्याउ गयीनी। मारद हना गो दाक्तीकम थशा बाक्नुड। ठेयब कुम्सो ५ :८ ६ मेको आ परा गुइ आं पिया आगाम बाक्व। मिनु मेको आ ग्युरा गुइमी आं कली मुष्पो बाक्व। ७ मेकोमी “ए, यरूसलेम डा तमीपुकी, गो इन कली, किश्श नु रोकोश आन नमी अरनुड। आंम दाक्चा क्यडा डांइती दाक्तीक कली मपोक्कीन” दंत। ठेयब कुम्सो ८ :३-४

### शुलामीथम आ दाक्शो कली मिम्शो

८ लो आं दाक्शो मुर, आ संदा नेनीन। कोव्रडीन, मेको पहाड मेर परेक्ना परेक्न, डांडा मेर दोरना दोरन जाक्शो बाक्व। ९ आं दाक्शो मुर किश्श नु ठिटा रोकोश खोदंशो बाक्व। कोव्रडीन, मेको आंइ गारो आ नोले राप्शा बाक्शो बाक्व। मेकोमी झेल र आगा कोव्रना कोव्रन बाक्व। मेकोमी झेल आगा र कोव्रना कोव्रन बाक्व। १० आं दाक्शो मुरुमी आं कली “आं नल्ल क्यडा दाक्शो नु आं दारशो मीश आल बोक्को। मिनु गो नु गाक्को” दंत। ठेयब कुम्सो २ :१३ ११ मारद हना मुल हिंउद लाक्तु। मिनु बर्खा यो लाक्न थुस्तु। १२ रागीम फू बोइक्चा गोम्तेक्म। १३ फोव्रशी रवाम फोव्रशी सिन्ना सिन्न बाक्नीम। अडगुर फू बोइक्नीम। मेको बरोव्रशो रिना पाइब। मेकोमी “आं नल्ल क्यडा दाक्शो नु आं दारशो मीश आल बोक्को। मिनु गो नु गाक्को” दंत। ठेयब कुम्सो २ :१०

१४ पहाड मेर डा पोव्रला मेर, सरथ फुल्लु मेर बाक्व आं दाक्शो दुकुर, इ कुल कांइदी। इ संदा नंचा तडल। मारद हना इ संदा रिम्शो बाक्व। मिनु इ कुल दारशो बाक्व। १५ आंइ कली फ्यउर ग्याइश्शा गेकी। मेको आइक्च फ्यउरपुकीम अडगुर रू बिगरेनीम। मारद हना मुल अडगुर बोइक्नीम।

१६ आं दाक्शो वोंइश आल आं केन बाक्व। मिनु गो मेको के बाक्नुड। मेकोमी आ क्यारश भडा लिली फू आन दातम योव्रब। ठेयब कुम्सो २ :१६ १७ ग्यु दुम्चा नु वांकु जाम्शा लचा क्यडा डांइती लेश्शा जाक्कीन। आं दाक्शो वोंइश मुर रांगु मेर बाक्व किश्श नु ठिटा रोकोश खोदंशो दुमीन। ठेयब कुम्सो ४ :६

### आ दाक्शो कली मिम्शो

३ १ गो नाक्दो र आं बराख्यम आं दाक्शो वोंइश मुर कली माल्ता। गो मेको कली बरताक्ड। तन्न मेकोम लोव्र मलेत्ती। ठेयब कुम्सो ५ :६ २ गो बोक्शा, सहर गे लती। मिनु गो आं दाक्शो वोंइश मुर कली सहर नु लां मेर माल्ता। मोपा माल्ना माल्न बाक्ती, तन्न मथिदु। ३ सहर डा खाल पाइबपुकीम थितीमी। मिनु गो “मार, गेपुकीमी आं दाक्शो वोंइश मुर कली थिन्नी ?” दे हिल्लो पाता। ४ मिनु गो मेको आन कली परोइशा इक्का आइक्ची ला जाक्दीश्शा नड। गो आं दाक्शो वोंइश मुर कली थिता। मिनु गो मेको कली आं ममा आ सिं, आं जमेसीशो कोटा मचाक्गु सम्म मेको कली ग्याइश्शा मपरोनु। ठेयब कुम्सो ८ :२ ५ ए यरूसलेम डा तमीपुकी, गो इन कली, किश्श नु रोकोश आन नमी अरनुड आंम दाक्चा क्यडा डांइती दाक्तीक कली मपोक्कीन।

### सोलोमनम ग्युंबे पचा मिम्शो

६ गोरशो रागी रे मार जाक्वा? कुन के थाम खोदंशो तांइसीब। मिनु मेको मुर नु धूप खोदंशो बरोव्रशो रिना पाइब। मेको ग्याप्ब लेयब आन मरुत्ता खोदंशो पा रिना पाइक्तु। ७ कोव्रडीन, एको सोलोमन कली कुरतीक बाक्व। मेको आ एर आंथ ६० जना इसराएल डा बोल्यो लडाइ पाइबम मेको कली खाल पशो बाक्तेक्म। ८ मेको नल्लमी या कुरशो बाक्तेक्म। मेको लडाइ पस जोक्व बाक्तेक्म। नाक्दो लडाइ दुम्मेनु, आन तरवार पिम्सीशो बाक्तेक्म। ९ पिप सोलोमनम आंम कली कुरतीक का सेल्लु। मेको लेवानोन डा लाइश्शा रवा आ शी के सेल्लो बाक्त। १० मेकोमी मेको आ गुइ वोंइक्तीक चांदी के नु आ नोले सुन के सेल्लु। आ नितीक प्याजी रड के बाक्त। यरूसलेम डा तमीपुकीमी, मेको आ आगा शुश क्येट लाइब शीम साप्शो बाक्तेक्म। ११ ए सियोन डा तमीपुकी, लाडगा गरुशा पिने। मिनु पिप सोलोमनम सिरपेच गुक्शो कोव्रडीन। मेको सिरपेच मेको आ ममामी ग्यरसीशा मेको आं ग्युंबे नाक्ती गशो बाक्त।

### सोलोमन शुलामीथ नु लोव्र पशो

४ १ आं दाक्शो मीश आल, गे दारशो बाक्नेवे। २ गे थाम्पा दारशो बाक्नेवे। इ मिक्च इ सुम्तीके आगाम खरुइश्शा दुकुर आ मिक्च

सोदंशो बाक्व । इ चां गिलाद डांडा रे पा बरुष्पो  
क्यारश आन हुल सोदंशो बाक्व । २इ सरुइ चां  
परकशा चिकशा भडा आन हुल सोदंशो बाक्व ।  
मेको नल्ल आन के जौले पाठा बाक्व । नल्ल  
मादंशो बाक्नीम । ठेयब कुम्सो ६ : ५-६ ३इ शुंडच  
लल डारी सोदंशो बाक्व । इ शोत्र थम दारशो  
बाक्व । इ सुम्तीक आगाम इ चोत्रचो चेशशो  
दारीम सोदंशो बाक्नीस । ठेयब कुम्सो ६ : ७ ४इ  
शुर दाऊद आ लाइश्शो सिं सोदंशो बाक्व ।  
मेकर हजार का तेक्तीक क्युक्शो बाक्नीम । मेको  
नल्ल लडाइ पाइब आन तेक्तीक बाक्नीम । ५इ  
दूध निकशी क्यारश पाठा सोदंशो बाक्नीस ।  
मेको लिली फू आन दातेमी जोइब किश्श आ  
जौले पाठा सोदंशो बाक्नीस । ठेयब कुम्सो  
७ : ३ ६ग्यु दुम्चा नु वांकु जाम्शा लचा क्यडा  
डांडती, गो बरोत्रशो रिना पाइब डांडा नु धूप  
बाक्शो डांडा लाइनुड । ठेयब कुम्सो २ : १७ ७आं  
दाक्शो मीश आल गे नल्लेम दारशो बाक्नेवे । इ  
के मारइ मरिम्शो मबाक्व ।

आं दारशो मीश आल, आं ग्युम्ली !

८आं ग्युम्ली, लेबानोन रे पा गो नु गाक्को ।  
लेबानोन रे पा गाक्को । आमाना डांडा रे पा यीवो ।  
सेनीर आ डर नु हेरमोन डांडा रे पा गाक्को । गुप्स  
आन पुक्सी नु जोइ आन बाक्तीक डांडा रे पा  
गाक्को । ९ए आं समी, आं ग्युम्ली, गे आं कली  
कोत्रशा, आं थुं सुइ पाप्तीवी । इ माला के गडा  
कामीन आं थुं सुइ पाप्तीवी । १०ए, आं समी, आं  
ग्युम्ली इ दाक्तीक थम रिम्शो बाक्व । तेकोइ  
अङ्गुर शांबु क्यडा यो, इ दाक्तीक रिम्शो  
बाक्व । मस्तना नल्ल आन क्यडा इ खरक्तीक  
बरोत्रशो रिना पाइश्शो बाक्व । ११इ शोत्र रे फू  
आ रस सोदंशो याक्व । ए आं ग्युम्ली, इ ले  
आगाम दूध नु सुदो बाक्व । इ वा डा बरोत्रशो  
रिना लेबानोन डा रिना सोदंशो बाक्व ।

१२ए आं समी, आं ग्युम्ली, गे चोक्शा  
वोइश्शो रू नु सुशा वोइश्शो व्याक्कु बुक्तीक  
सोदंशो बाक्नेवे । १३इ रू दारीम रू सोदंशो  
बाक्व । मेकर नल्ल क्येडा रिम्शो फल फुल  
बाक्नीम । हेन्ना बुटा नु बरोत्रशो रिना पाइब  
तेल बाक्नीम । १४बरोत्रशो रिना पाइब तेल,  
हाव सुप्तीक, सुप्तीक बोट, सिन्कौली, शुश  
खाल डा बरोत्रशो रिना पाइश्शो धूप रवा, मूर,  
बरोत्रशो रिना पाइश्शो शी के रवा नु नल्ल खाल  
डा बरोत्रशो रिना पाइश्शो मस्तना बाक्नीम ।  
१५मेको रू डा व्याक्कु बुक्तीक बरोत्रशो व्याक्कु

बुक्तीक बाक्व । मिनु लेबानोन रे पा शाइश्शो  
खोला बाक्नीम ।

१६उत्तर डा फश, बोक्को । ए दक्खिन डा फश,  
कुवो । आं रूमी फश पावो । मेको आ बरोत्रशो रिना  
डान सम्म जाक्दोल्ल । आं दाक्शो वोंइश मुर  
आ रूमी जाक्ल । मिनु मेकर डा नल्ल क्येडा  
बरोत्रशो फल जवल ।

१७ए आं समी, आं ग्युम्ली, गो आं फल फुल  
रूमी जाक्ती । गो आं बरोत्रशो रिना पाइश्शो  
मूर नु मस्तना सुप्ताकडमी । गो आं सुरबु चाका  
नु आं सुदो जाइनुड । गो आं अङ्गुर शांबु नु आं  
दूध तनुड । ए वारचपुकी, जने तूडीन । वारचपुकी  
दाक्तीकम दुक्शो सोदंशो दुमीन ।

डामु पा आ गोठला कली माल्शो

२गो गोल्ली, तन्न मइम्ड । नेनीन, आं  
दाक्शो मुरुमी लाप्चो खरोकोल पाप्तु । “आं  
समी, आं दाक्शो मीश आल, आं टुकुर, मारइ  
मारइम रिम्शो बाक्शो मीश आल लाप्चो  
रोक्को । आं पिया सीतम जिश्शो बाक्व । आं  
चां नाक्दो डा सीतम जिश्शो बाक्व” दंत ।  
३गो आं वा परुइक्ने थुम्ता । मिनु मार मेको  
लेंशा फेक्नुडा ? गो आं खोइल चिकने थुम्ता ।  
मिनु मार मुल लेंशा खप दिम्नुडा ? ठेयब  
कुम्सो ३ : १ ४आं दाक्शो वोंइश मुरुमी लाप्चो  
रोक्का कली गुइ पिदानु, मेको तशा आं लुङ्गीर  
परक्त्त । ५मिनु गो आं दाक्शो वोंइश मुर  
कली लाप्चो रोक्का कली बाक्ती । आं गुइ रे  
बरोत्रशो रिना पाइश्शो मूर याप्त्त । मिनु आं  
बुरप्चो रे बरोत्रशो रिना पाइश्शो मूर याप्शा  
आग्लाम लुम्साक्व । ६मिनु गो आं दाक्शो मुर  
कली लाप्चो रोक्का, तन्न मेको गाक्ने थुमा  
बाक्त्त । मेको मेकर मबा । मेको गाक्तीक गो सुर्ता  
पाता । गो मेको कली माल्ता । तन्न मथिदु ।  
गो मेको कली बरत्ताक्ड । तन्न मेकोम लोत्र  
मलेत्ती । ७सहरम हिरशा खाल पाइबपुकीम  
आं कली थित्तीमी । मिनु मेकोपुकीम आं कली  
तुप्शा गारे गार सेल्लतीमी । गारोम बाक्शा  
खाल पाइबपुकीमी आं फेक्शो वा यो रोइश्शो  
लाइक्तेक्म । ८ए यरूसलेम डा तमी “गो इन  
कली शेपुकीम आं दाक्शो मुर कली गरुम्तीनी  
हना, मेका कली इन कली दाक्व मुर दाक्तीकम  
थशो बाक्व’ देनीन” दंत । ठेयब कुम्सो २ : ५

९मिनु मेकोपुकीमी “गे नल्ल क्येडा दारशो  
मीश आल, इ दाक्शो वोंइश मुर दोपा अरु आन  
क्येडा दाक्शो दुम्म ? मारदे मेको इ दाक्शो

वांइश मुर ठेयब दुम्मे ? मारदे आंइ कली मोदंशो पा अरनेव ?" दंतकम ।

१० मिनु १० हजार आन दातेम यो आं दाकशो मुर नेल्ल क्येडा दारशो नु आ कुल हाकसीशो बाकब । ११ मेको आ पिया क्येख सुन के सोदंशो बाकब । मेको आ चां हिरशो नु खद सोदंशो क्यर बाकब । १२ मेको आ मिक्च खोला आ नेकथा बाकब टुकुर आ मिक्च सोदंशो बाकब । मेको दूधमी मुरशा केशो हीरा सोदंशो बाकब । १३ मेको आ चोत्रचो बरोत्रशो रिना पाइब मस्ता सोदंशो बाकब । मेको आ शुइच बरोत्रशो रिना पाइइशो मूर याप्व तिली फू सोदंशो बाकब । १४ मेको आ गुइ हीरा केशो सुन के सोदंशो बाकब । मेको आ रां हात्ती आ दाराम नीलो हीरा क्येप्यो सोदंशो बाकब । १५ मेको आ सोइल क्येख सुन के निक्ती पाइइशो बुश थाम सोदंशो बाकब । मेको कोत्रशोनु, लेबानोन डा लाइइशो रवा सोदंशो पा दारशो बाकब । १६ ए यरूसलेम डा मीश आलपुकी, मेको आ शोत्र बरोत्रशो लोत्रमी बरीशो बाकब । मेको थम दारशो बाकब । मेकोन आं दाकशो वांइश मुर नु आं वारच बाकब ।

१७ नेल्ल क्येडा दारशो मीश आल, इ ६ दाकशो वांइश मुर ते लमे ? गो गारशा मेको कली माल्थ लय ?

२ आं दाकशो वांइश मुर आंम फल फुल रू लत । मेको आ बरोत्रशो रिना पाइइशो मस्ता रू मेर लत । मेको क्यारश भडा योत्रचा कली नु तिली फू सुप्रा कली लत । ३ आं दाकशो वांइश मुर आं केन बाकब । मिनु गो मेको के बाकनुड । मेकोमी आ क्यारश भडा तिली फू आन दातेम योत्रब । ठेयब कुम्सा २ : १६

सोलोमन आ नोले डा लोत्र

४ आं दाकशो मीश आल, गे तिरचा सहर सोदंशो बाकनेव । यरूसलेम सहर सोदंशो रिम्शो तांइसीनेव । गे छेदर क्युकशो लडाइ पाइब सोदंशो सक्ति पाइइशो बाकनेव । ५ इ मिक्चीम आं कली मकोत्रयी । मारदे हना इ मिक्चीम आं कली मार पचा ना मार पचा सेल्व । इ चां गिलाद डांडा रे पा बरुप्यो क्यारश आन हुल सोदंशो बाकब । ६ इ सरुइ ऊन परकशा चिकशा भडा आन हुल सोदंशो बाकनीम । मेको नेल्ल आन के जौले पाठा बाकब । नेल्ल मोदंशो बाकनीम । ठेयब कुम्सा ४ : १-२ ७ इ सुम्तीके आगाम इ चोत्रचो चेशो दारीम सोदंशो बाकनीस । ठेयब कुम्सा ४ : ३ ८ मिनु ६० जना पिपीम बाक्तेकम हना यो,

६० जना नोले चाकशो मीश बाक्तेकम हना यो, नु शुश मीश आल बाक्तेकम हना यो, ९ आं मीश आल, आं टुकुर, आं नेल्ल क्येडा दारशो मीश आल, आ ममामी दाकशो तमी बाकब । आ ममामी "थम दारशो मीश आल बाकब" दंब । मिनु मीश आलपुकीम मेको कली तशा "प्यरसीशो मीश आल बाकब" दंतकम । पिपीम नु नोले चाकशो मीशपुकीम मेको कली ठेयब सल्लकम । १० सुनी सोदंशो पा दारशो, तास्ता सोदंशो पा दाप्यो, नां सोदंशो पा छेउछेउदंशो, हिंचा डा लडाइ पाइब सोदंशो सु बाकब ?

आ मीश आल लशो

११ गो फोरो रवा डा रू मेर दोशो कोच्वा दम्मा, दे कोत्रथ लती । अङ्गुर बोटमी कोच्वा दम्मा कां, दारीम फू बोइइशो बाकमा कां मबाकमा, दे कोत्रथ लती । १२ मिनु गो आं तुइकवा क्येडा डांडती आं मिम्शोमी आं कली आं दाकशो मुर आ नेकथा बग्गीम लाइक्ती ।

१३ शुलामीथ लेइशा पिवो ! लेइशा पिवो ! लेइशा पिवो । मिनु गो इ कली कोत्रने चापकल । गे मारदे शुलामीथ कली लडाइ पाइब आन डांडती सिल पपाइइशो सोदंशो पा कोत्रस डा कोत्रस बाकचा दाकनीनी ?

गे नेल्लेम दारशो बाकनेवे देशो

१ पिप आ तमी, जुत्ता लिक्शो इ सोइल गिश ७ दारशो बाकब । इ करातो थाम्पा मार मार सल्ल जोकबमी सल्लशो सोदंशो बाकब । मेको हीरा सोदंशो बाकब । २ इ सपु कुल कुल देशो बास सोदंशो बाकब । मेकर ब्वाइइशो अङ्गुर शांबुम बरीशो बाकब । इ कोत्रज तिली फूपुकीमी हिरशो पुकशो चरब सोदंशो बाकब । ३ इ दूध किश्श आ जौले पाठा सोदंशो बाकनीस । ठेयब कुम्सा ४ : ३ ४ इ शुर हात्ती आ सरुइ के सल्लशो लाइइशो सिं सोदंशो बाकब । इ मिक्च बाथ-राप्पीम डा लाप्वो आ नेकथा बाकशो हेश्वोन डा दोम्ती सोदंशो बाकनीस । इ नं दमस्कस सहर गे कोत्रशो लेबानोन डा लाइइशो सिं सोदंशो बाकब । ५ इ पिया कारमेल डांडा सोदंशो बाकब । इ चां पिप आ रड सोदंशो बाकब । मोपतीके पिपम इ कली दाकशो बाकब ।

६ आं दाकशो मीश आल, गिश दारशो बाकनेव । गे नेल्ल क्येडा दारशो बाकनेव । ७ इ रां खजूर रवा सोदंशो बाकब । इ दूध अङ्गुर सिश्शो सोदंशो बाकब । ८ मिनु गो "गो खजूर रवा

डोइकनुड। मिनु मेको आ राशी ग्याइकनुड”  
 देती। इ दूध अडगुर सिशो सोदंशो नु इ  
 सास स्याउ आ रिना सोदंशो बाकब। १इ पुक्पु  
 पाइशो बरोव्रशो अडगुर शांबु सोदंशो बाकब।  
 अडगुर शांबु शोत्र नु खरुइ र ओंसां पा शाइशो  
 सोदंशो बाकब। १०गो आं दाकशो मीश आल क  
 नड। मेकोमी आं कलीन मिम्शा बाकब। ११आं  
 दाकशो मुर जाककीन। मिनु रू मर हिरथ लस।  
 मिनु नाकदो गाउं मर बास बाक्स। १२गो सुनी  
 कना अडगुर रू लस। अडगुर कोच्वा दाप्शा फू  
 बोइशो बाकम को? मिनु दारीम फू बोइशो  
 बाकम को। गो मेकर इ कली आं दाकतीक  
 गेनन्नी। १३आल थिपाइकब फलम बरोव्रशो रिना  
 फरशो बाकनीम। नेल्ल खाल डा रिम्शो फल  
 आंइ लाप्चो आ तार बाकनीम। आं दाकशो मुर,  
 नक नु सोत्रशो फल इ कली खेकशा वोइशो  
 बाकनुड।

गो आं दाकशो नु बाकचा दाकनुड

१आं ममामी इ कली दूध तुंडशो आं लोकब  
 नवे हना, इ कली लाङ्गाम गरुमुनु, पुक्पु  
 पड वा। मिनु सुइमी आं कली मरिम्शा मदंम  
 वा। २मिनु गो इ कली आं ममा आ सिं, आं  
 जरमसीशो कोठाम चाकगु वा। मेकर लाइशो  
 बरोव्रशो मार मार सुप्शो दारीम शांबु त्चा गेड  
 वा। मेको आं दारीम र सल्लशो बाकब। ठेयब  
 कुम्सा ३:४ ३मेको आ पेरा गुइ आं पिया आगाम  
 बाकब। मिनु मेको आ ग्युरा गुइमी आं कली  
 मुप्शो बाकब। ४ए यरूसलम डा तमीपुकी, गो  
 इन कली, अरनुड। आंम दाकचा क्येडा डांइती  
 दाकतीक कली मपोककीन। ठेयब कुम्सा २:६-७

आ गोठला कली दाकतीक सक्ति

५आंम दाकशो मुर नु क्येम्सीशा, गोरशो रागी  
 र जाकब सु बाकबा? गो स्याउ रवा आ पुंमी इन  
 कली संताकड। मेकर इन ममामी इन कली कुरतु।  
 मेकर इन कली थिचा कली आल थितीक राइ  
 पाप्तु।

६आं कली इन थुंमी छाप थोकशो सोदंशो पा  
 वोतीन। इन गुइमी यो छाप थोकशो सोदंशो पा

वोतीन। मारदे हना दाकतीके, बेकपाइकब सोदंशो  
 पा सक्ति पाइशो बाकब। मेको आ दाकशो  
 तुरस सोदंशो मटीब नु शुश बरशो मी क्येडा यो  
 शुश बराइब बाकब। मत्ती २२:३०; रोमी ७:२;  
 उत्पत्ती २:२४; मत्ती १९:५-६; एफिसी ५:२८-  
 ३३ ७शुश व्याक्कुमी दाकतीक कली क्याम्न  
 मचाप्ब। बारशो खोलामी यो मेको कली योल्न  
 मचाप्ब। सुइ मुस्मी आंम दाकतीक आ पा डा सिं  
 नु आ शोप नेल्ल गेप्तु हना, मुस्मी मेको कली  
 शुक्शी पाइनीम।

आ सिं लेशो

८इं के आइकच समी का बाकब। मेको आ  
 दूध मुल सम्म मबाकब। मेको कली ग्युंवे पचा  
 कली पुंइथ जाकतेकम हना, गो मार पय? ९मेको  
 गारो सोदंशो बाकत हना, मेको तारी चांदी के  
 दरवार सेल्य वा। मेको लाप्चो सोदंशो बाकशो  
 हना, मेको कली लेबानोन डा लाइशो रवा आ  
 फलेकमी सुशा वोइ वा।

१०गो गारो सोदंशो नड। मिनु आ दूध लाइशो  
 सिं सोदंशो बाकब। मोपतीक गो मेको कली आ  
 थुं नाइकपाइकब दुम्शो बाकनुड। ११सोलोमन के  
 बाल-हामोनमी अडगुर रू का बाकत। मिनु मेकोम  
 आ रू खाल पाइब मुर आन कली गेवा बाकत।  
 मिनु मेको बुम्शा पाइब नेल्लेमी फल फुल आ पा  
 डा हजार का चांदी के शकल थाप्चा माल्बाकमा  
 बाकत। शकल का ११.५ ग्राम चांदी के क्येट  
 बाकब। १२तन्न आं के यो अडगुर रू का बाकब।  
 ए सोलोमन, मेको हजार का चांदी के शकल इन  
 केन बाकत। मिनु सह निकशी शकल चहिं मेको  
 फल फुल खाल पाइब आन के बाकत।

आं कली ला माल्शा बरेत्तो

१३अडगुर रूमी बाकब आं वारचपुकीम इ संदा  
 नंचा दाकनीम। इ संदा आं कली नंपाइय्यी।  
 १४आं दाकशो मुर गे रोब पा मस्ता बाकशो डांडा  
 डा किशशो सोदंशो नु ठिटा रोकोशो सोदंशो दुमो।

## यसैया

बरेकब मुरः एको किताब यसैयामी बरेकशो बाक्त। का निक्शो मुरुम चहिं र अर्का मुर काम बरेकशो बाक्त देनीम। मारदे हना मस्सीह आ पर्वम बरेकशो लोत्र बाकब। तन्न परमपरभु यावे आ सोक्तीम मको लोत्र पपाइकब। मको बरेकब यसैया आमा यो दुम्न चात्र।

गेना बरेकशो : यसैया पिप उजीयाह ७४०-७३९ बि. सी. परमपरभु यावे आ लोत्र पाइब दुम्शा बरेकशो बाक्त। आ नोले डा बरेकस पिप सन्हेरीब आ लडाइ पचा आ पर्वम बाकब। मको ७०१ बि. सी.म बाकशो बाक्त। यसैया ४० बर्स परमपरभु यावे आ लोत्र पाइब बाकशो बाक्त। मेकोमी पिप उज्जीयाह ७६७-७४०/३९ बि. सी., पिप योथाम ७४०/७३९-७३२/३१ बि. सी., पिप आहास ७३२/३१-७१६/१५ बि. सी. नु पिप हिज्कीयाह ७१६/१५-६६७/६६ बि. सी. आन सासन पची ना गय पशो बाक्त।

मारदे बरेकशो : यसैया आ लोत्रः

१. मेना बाकशो मुर आन कली बाक्त। यसैया १ :- ३९ :-

२. मस्सीह, येसु खरीस्त आ पर्वम बाक्त। यसैया ४० :- ५५ :-

३. रागी नेल्ल क्यडा नोले मार दुम्बा मेको आ पर्वम लोत्र। यसैया ५६ :- ६६ :-

### डोंइती डा लोत्र

१ परमपरभुमी आमोज आ तौ यसैया कली काइशो लोत्र एको बाकब। मार लोत्र काइशो बाक्त देशा हना, यहूदा नु यरूसलेम आस पर्वम तशो काइताकब। मेना पिप उज्जीयाह, योथाम, आहाज नु हिज्कीयाहमी सासन पशो बाक्तेकम। २इतिहास २६ : २२

### यहूदाम परमपरभु आ अंरशो मटिशो

२सरीड नु रागीम बाकबपुकी नोफा दाइशशा नेनीन। मारदे हना परमपरभु यावेमी “गो आं आल आन कली थुल्शा, कोल्पाइक्तामी। मेकोपुकीम चहिं आं कली मटीयोमी। ब्यवस्था ३२ : १ ; ब्यवस्था ३२ : ५-६ ३ ब्यफोमी आ होत्रप कली तुइकब। गधामी आ होत्रप आ शुंगु तुइकब। तन्न इसराएल डा मुर मतुइकब बाक्नीम। आं मुर मरुष बाक्नीम।

४ आबी, पापम बरीशो रागी, मुरपुकी मरिम्शो पतीकम बरीशो बाक्नीम। मेको आन आल काइ मरिम्शो पाइब दुम्तेकम। मेकोपुकी शार गाकशो बाक्नीम। परमपरभु यावे कली परांइशो बाक्नीम। इसराएली आन का ला बाकशो परमपरभु आ पर्वम ‘भमाल्नीकी’ देशो बाक्नीम। मेकोपुकी नोले शांइसीशो बाक्नीम।

५ मारदे गो इन कली लेंशा, तुप्चा माल्डा ? मारदे गो डोंइती क्यडा मटीब दुम्नी। इन पिया नेल्ल रोइ पशो सोदंशो बाकब। गे थशो सोदंशो बाक्नीनी। यरमीया २ : ३० ६ पिया र सोइल सम्म तेइ सस मबाकब। राकशो गार नु तुप्चा हुश यिशो गार ला बाक्नीम। मेको नेन मपुकशो, मफरंशो नु तेल मखरेकशो बाक्नीम। ब्यवस्था २८ : ३५

७ इन रागी गोरशो रागी दुम्ब। इन डोंइती इन सहर मीम करोइक्तेकम। इन डोंइती इन रू डा मारदे मारदे अर्का रागी डा मुरपुकीम नेक्तेकम। मिनु मेकोपुकीम इन रागी लडाइम सोदंशो पा गरांगये माग्य सल्लेकम। ८ सियोन आ तमी, यरूसलेम, चहिं अडगुर रू खाल पतीक सिं, बोबीस रू खाल पतीक गोठ नु एर आंथ र जोरी सतरुम पुम्चा पुंइसीशो सहर सोदंशो बाकब” दे लोत्र पाप्तु। ९ मुर नेल्ल आन परमपरभु यावेमी “का निक्शो मुर महंशो हना, गपुकी सोदोम नु गोमाररा सोदंशो दुम्नी वा” देत। उत्पत्ती १९ : २४-२५ ; रोमी ९ : २९

१० सोदोम डा सासन पाइबपुकी, परमपरभु यावे आ लोत्र नेनीन। गोमाररा डा मुरपुकी आंइ परमपरभु आ शंशो लोत्र नेनीन। ११ परमपरभु यावेमी “इन शुश चदेशो आं कली शार गाकशो बाकब। गो चोशा चदेशो सांड नु थुल्शो बस्तु भाव आन बांसोमी रूती। गो ब्यफ, पाठा नु क्यारश आन हुश मदाक्नुड। भजन संग्रह ४० : ७-९ ; हितापदेस १५ : ८ ; यरमीया ६ : २० ; आमोस ५ : २२

१२ गो आं डोंइती जाकशा, मोदंशो चदेचा, दे सुम देम ? आं लाडगा मथेक्तीन। १३ इन चदेतीके मचाक्कीन। इन धूप चदेशो तशा, गो गरांगरा दीती। औसी नु नाइक्तीक नाक्ती डा गरुम्तीके डा मरिम्शो पाइब आन हुल तचा मदाक्नुड। गन्ती १० : १० १४ इन औसी नु अरु चाडपुकी काइ मदाक्नुड। मेको आं थुंम गरांगरा दित्र। मेको आं कली श्येत बाक्नीम। गो फाल्ने मचाप्नुड। १५ इन गुइ क्युकशा, गो नु लोत्र पनीनु, आं कुल खरुइक्नुड। गपुकीम शुश पुंइतीनी हना यो, गो

मनंनुड। मारदे हना इन गुडम हुश खराकश पशो बाकब। हितोपदेस १:२८; हितोपदेस १५:२९; यूहन्ना ९:३१ १६गोपुकी चिकसीन। गरांगरा मदिशो दुमीन। मिनु आं डांडती इन नाक्ती कित कित डा मरिम्शो पतीक परानीन। १७रिम्शो पचा शंसीन। ठीक निसाफ पतीक मालीन। दिप्चा पुंडसीशो आन कली वारच पन। रोम रोइक्च आन कली वारच पन। वॉइश बक्शो मीश मुर आन कली वारच पतीन” दंत। यरमीया ७:५-६

१८मिनु परमपरमु यावेमी “जाक्कीन, गोपुकी बुक्शा, लोत्रसी पय। इन पाप हुश खोदंशो लल बाक्त हना यो, फुं खोदंशो बुश दुम्ब। शुश लल बाक्त हना यो, मेको ऊन खोदंशो बुश दुम्ब। यसैया ४४:२२; मजन संगरह ५१:९ ११ आं लोत्र नंशा टीतीनी हना, एको रागी डा बरोत्रबरोत्रशो थोत्रक जचा ताइनीनी। लेवी २५:१८-१९ २०तन्न आं लोत्र मनंतीनी नु मटीतीनी हना, तरवारम क्योरचा पुंडसीनीनी” द परमपरमु यावेमी दंत। लेवी २६:२५

### खतम दुम्शो सहर

२१परमपरमु यावेमी “आं थमा सुइश्शो सहर दोपा तेल्लेम दुम्म? ठीक निसाफ नु ठीक पतीक मेको नु बाक्त। मुल मेको मुर साइक्ब मुरुम बरीतेक्म। २२इ चांदी पुलु खोदंशो दुम्त। इ बरोत्रशो अडगुर शांबुम ब्वाक्कु ब्वाइक्ताक्म। इजीकीएल २२:१८-२२ २३इ सासन पाइबपुकी मटीब नु सुइ आन वारच दुम्शा, घूस जशा, क्येट ताक्चा दाक्नीम। मेकोपुकीम रोम रोइक्च आन कली ठीक निसाफ मपाइनीम। वॉइश बक्शो मीश मुर आन लोत्र मनंनीम” दंत।

२४मापतीक परमपरमु, मुर नेल्ल आन परमपरमु यावे, इसराएली आन सक्ति पाइश्शो परमपरमु यावेमी “गो आं जोरी सतरु आन तारी आं गाइश्शो मोइश्शा, क्येक्क लेत्नुडमी। २५गो इन पर्वम आं गुड क्युकुनुड। गो इन मरिम्शो पतीक पुलु खोदंशो पा फिक्शा, इन गरांगरा दिशो नेल्ले गरुइनुड। मजन संगरह ११९:१९ २६मिनु गो इ निसाफ पाइब, सासन पाइब नु अर्ती गेब आन कली डांडती डा खोदंशो सल्लुड। नोले इ कली “ठीक पाइब नु परमपरमु कली मपरोइब सहर” दे नें वोइक्नीम। जकरिया ८:३

२७मिनु सियोन ठीक निसाफ पतीकमी पाप रं परांइचा पुंडसीब। सहरम बाक्ब ठीक पतीकमी पाप रं परांइचा पुंडसीनीम। यसैया ४६:३३

२८तन्न परमपरमु यावे आ देशो लोत्र मटीब, मेको कली परांइबपुकी कालेमीन खतम दुम्नीम। परमपरमु यावे कली परांइबपुकी क्याम्चा पुंडसीनीम। २९गे रवा आगाम पूजा पशो आ पर्वम मुन दोक्नीनी। इन दाक्शा यात्रशो रवा रू आ पर्वम शुश मुन दोक्नीनी। यसैया ५७:५; यसैया ६५:३ ३०गे सोत्रशो रवा डा सफा पाइश्शो नु ब्वाक्कु मतशो रू खोदंशो दुम्नीनी। ३१बोल्या मुर झुलो खोदंशो दुम्ब। मेको आ गय मी आ झिल्ला खोदंशो दुम्ब। मेको निम्फा कालेमीन बरसानु, सुइम मकान्नीम” दंत।

### परमपरमु आ नोले डा राज्य

२ १आमोज आ तौ यसैयामी यहूदा नेल्ल नु यरूसलेम आ पर्वम कांइशो नु तशो लोत्र एको बाक्ब। २नोले डा नाक्ती परमपरमु यावे आ खिं सल्लो डांडा, डांडा नेल्ल आन क्येडा लाइश्शो दुम्ब। पहाड नेल्ल आन क्येडा यो लाइश्शो दुम्ब। मिनु रागी रागी डा मुर नेल्ले मेको डांडाम जाक्नीम। मीका ४:१-३; यसैया १९:२३; यरमीया ३:१७ ३रागी रागी डा शुश मुर जाक्शा “जाक्कीन, गोपुकी परमपरमु यावे आ डांडा डोइश्शा, याक्ब आ परमपरमु आ खिं लय। मेकोमी इं कली आ लां शंब। मिनु गोपुकी मेको आ लांम गाक्नय। मारदे हना परमपरमु यावे आ शंशो सियोन डांडा रं नु आ लोत्र यरूसलेम रं नंसीब” दंनीम। व्यवस्था ४:६; यूहन्ना ४:२२ ४मिनु मेकोमी रागी रागी डा नु जात जात डा मुर आन कली निसाफ पाइब। मिनु मेकर डा मुर आन कली अरब। मेकोपुकीमी आन तरवार चम्शा, फाली सल्लोम। आन तूतीक चहिं गुय सल्लोम। रागी का डा मुर अर्को रागी डा मुर नु लडाइ मपाइनीम। लडाइ पचा मशंसीनीम। यसैया ९:४

### मूर्ति पूजा पाइबपुकी

५याक्ब आ खिं डा मुर जाक्कीन। गोपुकी परमपरमु यावे आ छेडछेडम गाक्य। ६याक्ब आ खिं डा मुर, गे इन डांडती डा लां परांइतीनी। गे इन थुं पूब डा मुर आन पतीक गेयम बरीशो बाक्ब। गे पलिस्ती खोदंशो पा लिंक्यु कोत्रब दुम्तीनी। अर्को जात डा मुर नु खाल्साक्नी। ७मेको आन रागी सुन चांदीम बरीशो बाक्ब। मेको आन शांप हिकने मचाप्चा डा बाक्ब। मेको आन रागीमी शुश शारा बाक्नीम। मेको आन बग्गीपुकी हिकने मचाप्चा डा बाक्नीम।

मीका ५:१ ८मेको आन रागी मूर्तिम बरीशो बाक्व। मेकोपुकी आंमा सल्शो मूर्ति आ डांडती बाप्नीम। आंमा गुइमी सल्शो मूर्ति आ डांडती पोक्च थक्नीम। १मोपतीक मुरपुकी बरंमशो सल्त्वा पुंडसीनीम। मुर नेल्ल आइक्च दुम्नीम। गे मेको आन कली माफ मगन। १० परमपरभु यावे आ हिंच कांडतीक नु आ छेडछेड रे पुक्सी आगाम खरुंडसीन। फुरक आगाम खरुंडसीन। ११ मुर नेल्ल आन ठेयब लेशशो आइक्च सल्त्वा पुंडसीनीम। बोरशो मुर नेल्ल बरंमशो सल्त्वा पुंडसीनीम। मेको नाक्ती परमपरभु यावे ला ठेयब दुम्ब। यसैया २:११

ठेयब नेल्ल आइक्च सल्शो

१२ मिनु मुर नेल्ल आन परमपरभु यावेमी काबु नाक्ती ठेयब लेशशो, बोरशो मुर नु “गो ठेयब नड” देब आन कली आइक्च सल्त्वा। येरमीया ४६:१०; इजीकीएल ३०:३; योएल १:१५; आमास ५:१८; सफन्याह १:१४ १३ लवानान डा लाइशशो रवापुकी, बाशान डा बोल्यो रवापुकी, १४ लाइशशो डांडा नेल्ल नु ठेयब पहाड, १५ लाइशशो सिं नु बोल्यो गारो, १६ टारसीस डा जहाज नेल्ल, रिमशो नु शुश क्यट लाइब सल्शो थोत्रकपुकी १७ नु मुर नेल्ल आन ठेयब लेशशो आइक्च सल्त्वा पुंडसीनीम। बोरशो मुर नेल्ल बरंमशो सल्त्वा पुंडसीनीम। मेको नाक्ती परमपरभु यावे ला ठेयब दुम्ब। यसैया २:१ १८ मेना मूर्ति नेल्ल जाम्नीम।

१९ परमपरभु यावेमी शुश रागी डा मुर आन कली हिंच कांडब नु आ छेडछेड डा ठेयब सक्ति जाक्मेनु, गे पुक्सीम नु खपी आगा डा दोडोडगाम ओत्रशा खरुंडसीन। २० मेको नाक्ती मुरपुकीम आन पूजा पचा कली सुन चांदी के सल्शो मूर्ति थाक्यु नु पकातिक्ती आन डांडती ताइक्नीम। यसैया ३१:७ २१ परमपरभु यावे रागी डा मुर आन कली हिंच कांडचा कली जाक्मेनु, मुरपुकी आ हिंच कांडतीक छेडछेड डा ठेयब सक्तिम मतचा डा पा पुक्सी नु सरथे फुल्लु डा कापम खरुंडसीनीम। २ थिस्सलानिकी १:९-१० २२ मोपतीके नेम सास मुइक्चा पुंडसीशो बक्शा लाइब मुर रे डोन लने। मेको मारइ मनम।

यरूसलेम नु यहूदा कली निसाफ

१ मुल परमपरभु, मुर नेल्ल आन परमपरभु यावेमी यहूदा नेल्ल नु यरूसलेम रे मारइ मारइ लाइक्व। मारइ मारइ जचा थोत्रक नु

ब्वाक्कु नेल्ल यो लाइक्व। लेवी २६:२६; इजीकीएल ४:१६ २ मिनु बोल्यो मुर, लडाइ पाइब मुर, निसाफ पाइब, परमपरभु यावे आ लोत्र पाइब, लिंक्यु कोत्रब, खाल्पापुकी, ३ मिनु ५० जना आन कप्तान, मान पाइक्चा पुंडसीब, सल्त्वा गेब, जोक्ब तुइक्व, मन्तर तन्तर पाइब नु नेल्ल क्यडा जोक्ब नेल्ल सहर रे योल्ब। ४ मिनु गो वॉइश आल आन कली मेको आन कली हुकुम पाइनीम। उपदेसक १०:६ ५ मिनु मुरपुकी दिन्चा पुंडसीनीम। दिम्मुइनीम। आन नेक्था डा मुर आन कली दिन्नीम। आलपुकीमी खाल्पी खाल्पा आन कली मान मपाइनीम। महिक्सीशो मुरपुकीमी ठेयब मुर आन कली मान मपाइनीम।

६ मिनु मुर कामी आ सिं डा मुर का कली ग्याइशशा “इ के फेक्तीक वा बाक्व। मोपतीके आंड हुकुम पाइब दुमो। मिनु मेको बरेशशो सिं नेल्ल इ अधिकारम बाक्नीम” देब। ७ तन्न मेको मुरुमी “गो वारच पाइब मनड। आं सिंमी जचा फक्चा थोत्रक मबाक्व। गे आं कली मुर आन कली हुकुम पाइब मसल्यीनी” देब। ८ मिनु यरूसलेम दाइल पांडसीशा गोल्त। यहूदा खतम दुम्त। मारदे हना मेकर डा मुर आन लोत्र नु आन पतीके परमपरभु यावे कली काइ मगारचा डा बाक्त। परमपरभु आंमा मेको आन दातेमी बाक्शा यो, मेकोपुकीम महिथु मरिम्शो पना पन बाक्नीम।

परमपरभुमी निसाफ पशो

९ मेको आन कुलमी आन मरिम्शो पशो तुइक्पाइक्व। सोदाम डा मुर सोदंशो पा मेकोपुकीम आन पाप मखरुइक्थु शोत्रनीम। आबी, मेकोपुकीमी आंम कली ग्याइशशा लाइक्चा पुंडसीब सल्सीनीम। उत्पत्ती १९:५-९ १० दोस मताइब मुर आन कली रिमशो दुम्ब। मारदे हना मेकोमी आ गेय पशो रे जाइब। ११ आबी, दोस ताइब कली हिंचा डा दुम्ब। मारदे हना दोपा मरिम्शो पवा, मोपा आ मरिम्शो पशो ताइब। १२ मिनु वॉइश आलपुकीमी आं मुर आन कली दिन्नीम। मीश मुरपुकीम मेको आन कली हुकुम पाइनीम। आं मुरपुकी, इन ठेयब मुरपुकीम इन कली इली लां खोइक्पाइशशा, हंथे गाक्पाइक्नीम।

१३ परमपरभु यावेमी निसाफ पचा चिक्शो बाक्व। मेकोमी मुर आन कली निसाफ पाइब।

१४ मिनु परमपरभु यावेमी आ मुर आन दाते डा खाल्पापुकी नु हुकुम पाइब आन कली निसाफ पाइब। मेकोमी “ग अडगुर रू नेल्ल आंम के सेल्लनी। पुरुडग आन के रोइशो मार मार इन खिम बाक्नीम। यसेया ५ :७ १४ दोपा गोपुकीमी आं मुर आन कली मो पने चाप्नी? पुरुडग आन कली चिनु पुरुडग सल्लनी” दे परमपरभु, मुर नेल्ल आन परमपरभु यावेमी दंत।

### मीश मुर आन कली दोस गेशो

१६ मिनु परमपरभु यावेमी “मारदे हना सियोन डा तमीपुकी ठयब लेशो बाक्नीम। मेको आन पिया पाक्शा, आन मिक्व हिरशा, कल्लती लिक्शा, गरीपाइशशा गाक्नीम। १ तिमोथी २ :९ १७ मोपतीके गो सियोन डा तमी आन पिया श्येत्थ सेल्शा, आन खरुइशशा कोइशा मुने तोक्नुडमी” दे परमपरभुम दंत।

१८ मेना गो मेको आन खोइली डा पांडतीके, मेको आन सुन फू, सुन के गहना, १९ आन नोफा सुन, चुरा, कुल सुम्तीके, २० कुप्नी, खोइलीम पांडतीके, काम्बरी, बरोव्रशा रिना पाइशशा खरक्तीके नु आन जन्तर, २१ छाप थोक्तीके औंठी नु मुन्दरी, २२ आन शुश क्येट लाइब वा, आ तार फक्तीके वा, सुम्तीके वा, थेली, २३ पाल्लो वा, रिम्शो सुती वा, आन पियाम गुप्तीके वा नु आन सुम्सीतीके वा नेल्ल लाइक्नुड। २४ मिनु “नोले बरोव्रशा रिना पाइशशा, गरांगरा दिशा रिना पाइशशा दुम्ब। काम्बरी किप्तीकेमी, डारी किप्वा माल्लीम। मेको आन रिम्शो सल्लशा चां, श्येत्थ पिया दुम्नीम। आन दारशो शुश क्येट लाइब फक्तीकेमी, रां सुम्चा कली अरन्डी फक्वा माल्लीम। मेको आन दारस नेल्ल लशा, मीम गरोइशशा खोदंशो दुम्शा मुने दोक्नीम। २५ इन वांइश तरवारम साइक्वा पुंइसीनीम। इन लडाइ पाइबपुकी लडाइम बेक्नीम। २६ सहर डा लाप्पो सुती पा रांका पाइनीम। सहर श्येत्थ दुम्शा, खपीम निशो मीश मुर खोदंशो दुम्ब” दे परमपरभु यावेमी दंत।

१ मेना ७ जना मीश मुरपुकीमी वांइश मुर का कली ग्याइशशा “गो आंइ जचा थोत्रक जाइनीकी। आंइ वा फक्नीकी। आंइ कली इन नें गेशा, आंइ मुने साम्शा, आल थिपाइक्की” दंनीम।

### यरूसलेम लेशा रिम्शो दुम्शो

२ मेको नाक्ती परमपरभु यावे आ राशी दारशो नु थम रिम्शो बाक्व। मिनु रागी आ दारसम बरोइशा लीशो इसराएली आन कली आन थुं बारपाइशशा, ग्यरपाइक्व दुम्ब। यरमीया ३३ :१५ ३ मिनु सु सु सियोन नु यरूसलेमम लीशो बाक्मा, मेकोपुकी “परमपरभु के बाक्नीम” दे माइक्नीम। मेको आन नें यरूसलेमम बरोइचा कली बरक्सीशो बाक्नीम। यसेया ६ :१३; परस्थान ३२ :३२; मज्जन संग्रह ६९ :२९; मलाकी ३ :१६ ४ परमपरभु यावेमी सियोन डा तमी नु यरूसलेम डा मुर आन पाप निसाफ पतीके नु क्याम्तीकेमी क्याम्ताक्व हना, ५ मेना परमपरभु यावेमी सियोन डांडाम आ बाक्तीके खिं नु आ मुर गुरुम्तीके सेल्ल। मेकेर नाक्ती गोस्स नु कुन वोइशशा, नाक्दो मी ब्रशो छेड्छेड् वाइक्व। मिनु मेको छेड्छेड्म रागी नेल्ल कली सुम्ब। परस्थान १३ :२१ ६ मेको सुम्तीकेम नाक्ती नांम मनाप्पाइक्तीके, फश गिवार पवानु नु रेड यिमनु, फाम्सीतीके दुम्ब।

### अडगुर रू डा कुम्सो

१ गो आं दाक्शो कली कुम्सो का पाइनुड। ५ आ अडगुर रू आ पर्वम कुम्सो का पाइनुड। आ दाक्शो के अडगुर रू का बाक्व। आ अडगुर रू शुश गुरेल्ब डांडाम बाक्व। यसेया ३ :१४; यरमीया २ :२१; मर्कूस १२ :१-९ ३ मिनु मेकोमी रू दोशा, फुल्लु गुप्शा ताइक्ताक्व। मिनु नेल्ल क्येडा रिम्शो अडगुर बोट खरुम्तु। मेकोमी रू आ दातेमी खाल पतीके खिं का सल्लु। मिनु मेकेर कोल का यो सल्लु। मिनु अडगुर सिख दे आस पात्तु। तन्न ब्याकी डा अडगुर कका सित्क्म।

३ यरूसलेमम बाक्व नु यहूदा डा मुरपुकी, गो नु आं अडगुर रू आंस दातेमी निसाफ पने। ४ आं अडगुर रू कली गो नेल्ल पाता गो मार मपडा डा? गो अडगुर सिख, दे आस पा बाक्ती। तन्न मारदे ब्याकी डा अडगुर कका सिम्मे?

५ मिनु मुल गो आं अडगुर रू कली मार पाइनुडा, इन कली देंनुड। आ थरपु नेल्ल गरुंइनुड। मिनु मार मार ओव्रनीम। आ गारो नेल्ल परेशशा ताइक्नुड। मिनु दिम्शा ताइशशा पाइनीम। ६ गो मेको कली खतम सेल्लुड। मेको कली ममुंइनुड, मरोक्नुड। मिनु चू नु चोंक वाशा, सुम्नीम। गो गोस्स कली “रेड मयिपतो” दे माइक्नुड।

७ मारदे हना मुर नेल्ल आन परमपरभु यावे आ दाक्शो अडगुर रू इसराएल आ खिं डा मुर नु यहूदा डा मुरपुकी बाक्नीम। मिनु मेकोम ठीक निसाफ पतीके रिम्ताक्व। तन्न दूली निसाफ पाम्तेक्म। ठीक पतीके रिम्ताक्व, तन्न मरिम्शो पतीके ला दुम्त।

### मुर आन मरिम्शो पशो

८ आबी, गे शुश खिं नु रू ग्याप्ब। नोले सुइ मुर इ नेक्था मबाक्नीम। मारदे हना रू नु खिं नेल्ल इ के बाक्नीम। व्यवस्था ५:२१ १ मुर नेल्ल आन परमपरभु यावेमी “अमा पा इन खिं नेल्ल बरलीम। मेको बरशशो खिं दारशो नु ठेयब बाक्तेक्म हना यो, मुर मबाक्नीम। १० मिनु ५ बिगा अडगुर रूमी बाथ का अडगुर रस गरूब। मिनु होमेर का वांचेरम एफाह का अन्न गरूब” देत। बाथ का २२ लिटर बाक्ब। होमेर का २२० लिटर बाक्ब। एफाह का २२ लिटर पुक्तीक का बाक्ब।

११ आबी, गे राकसी त्चा कली सुनी कना बोक्बपुकी, नाक्दो सम्म शांबु तूना तून दुक्शा बाक्नीनी। १२ बीना, तार पाइशशो ठेयब ताप्तीके, खैजडी नु बांसुरी नेशा, शांबु दुक्नीनी। तन्न परमपरभु यावे आ पशो परंशा ममिम्नीनी। आ गुइ डा गय मताइनीनी। आमोस ६:५-६; मजन संगरह ४४:२ १३ मोपतीके आं मुर मारइ मतुइक्थु आन रागी र ग्याइशशा लाइक्चा पुंडसीनीम। मेको आन ठेयब मुरपुकी शोत्रलुम बक्नीम। आन हुल शुश ब्याक्कु तूतू दाक्नीम।

१४ बक्शो मुर आन बाक्तीकमे मेको आन कली दाक्चा कली आ शोत्र पाक्शो बाक्ब। मिनु यरूसलेम डा ठेयब मुर नेल्ल नु मेकर रयके पा बाक्ब नेल्ल नरक आ शोत्रम ओत्रनीम। १५ मुरपुकी बाप्शा, बरम्शो दुम्नीम। ठेयब लेशशो मुर आइक्च सेल्चा पुंडसीनीम। १६ तन्न मुर नेल्ल आन परमपरभु यावे ठीक निसाफ पतीकेम ठेयब बाक्ब। मिनु आ का ला बाक्शो परमपरभुम आ ठीक पतीके कांडब। यसेया २:११, १७ १७ मिनु पाठापुकी आंम रागीम सोदंशो पा जाइनीम। अर्को रागी डा मुरपुकीमी शोप नु तीशो मारइ मारइ जाइनीम।

१८ आबी, गे मरिम्शो पतीके कली जोल के डोरीम नु पाप कली ठेयब डोरीम पाइशशा, इन नोले कीनीनी। १९ गुपुकीमी “मेकोम आ गय रीब पा पवल। मिनु गो ताइनय। आंइ तचा डा पा इसराएली आन का ला बाक्शो परमपरभु

आ पचशो दुम्ल” देनीनी। येरमीया १७:१५; २पतरुस ३:४ २० आबी, मरिम्शो कली रिम्शो नु रिम्शो कली मरिम्शो देबपुकी, छिंङछिंङ कली छेङछेङ नु छेङछेङ कली छिंङछिंङ देबपुकी नु कशो कली जिज नु जिज कली कशो देबपुकी श्यत जाइब बाक्नीनी। २१ आबी “भा जाक्ब तुइक्ब नु निप्स पाइशशो नड” देबपुकी श्यत जाइनीनी। हितोपदेस ३:७ रामी १२:१६ २२ गुपुकी शांबु तूचा कली बाल्यो दुम्सु पाइनीनी। राकसी ब्याइक्स जोक्ब बाक्नीनी। २३ गुपुकीम घूस जशा, ठीक मपाइब कली “ठीक पाइब बाक्ब” नु ठीक पाइब कली “ठीक मपाइब बाक्ब” देनीनी। परस्थान २३:५

२४ मोपतीके दोपा मीम टुटा नु सोत्रशो घांस नेक्बा, मोपा मेको आन शाक्श राक्ब। मिनु आन फू फुरक सोदंशो पा बेरशा लाइब। मारदे हना मेकोपुकीमी मुर नेल्ल आन परमपरभु यावे आ लोत्र मटीम। मिनु इसराएली आन का ला बाक्शो परमपरभु आ लोत्र आ परबंम शुक्शी पाम्तेक्म।

२५ मोपतीके परमपरभु यावे आ मुर आन परबंम गाइक्ताक्व। मिनु आ गुइ क्युकशा, मेको आन कली तुप्तु। मिनु डांडापुकी खिरनु कुशा हिम्साक्म। शुश मुर आन बक्शो रां लांमी ताइशशो सोदंशो दुम्तेक्म। मोपा आ गाइक्चा मबक्थु, मुल सम्म आ गुइ क्युकस डा क्युकस बाक्ब। यसेया ९:१; यसेया १६:२०; यसेया १०:४

२६ मेकोमी छेदर क्युकशा डोन रागी डा मुर आन कली बरप्ब। मिनु रागी आ सुर डा मुर आन कली लाप पा बरप्ब। मिनु मेकोपुकी रीब पा जाक्नीम। २७ मिनु मेको आन दातमी सुइ मदाइनीम। दाइल मपांडसीनीम। मगोल्नीम। मिनु मइप्नीम। मेको आन किप्शुर मबरुइक्ब, आन जुता डा डोरी यो मबरोइक्नीम। २८ मेको आन बरा हेशशो बाक्नीम। आन लिबरा आप्चा कली सुक्शो बाक्नीम। आन शारा मी आ झिल्ला सोदंशो बाक्नीम। आन बग्गी आन गुगील फश गिवार सोदंशो बाक्नीम। २९ मेको आन रयके गुप्स आन गरीशो सोदंशो बाक्ब। मेको गुप्स आ चाइक्ब सोदंशो पा डरर डरर पाइनीम। मेको आन सिखार कली सुइम परांइने मचाप्नीम। ३० मेको नाक्ती समुन्दर डा ब्याक्कु गरीशो सोदंशो पा, इसराएल डा मुर आन तारी रयके पाइनीम। सुइम मेकर कोत्रतेक्म हना, छिंङछिंङ नु श्यत ला ताइनीम। गोस्सुमी छेङछेङ कली सुम्ब।

परमपरभुमी यसैया कली बरेशशो

१मिनु पिप उज्जीयाह बैक्शो बर्सम, गो ६ परमपरभु यावे कली इर डा ठेयब निक्तीकमी निश्शो ताता। आ वा आ सुरमी आ सिं नल्ल बरीशो बाक्त्। २इतिहास २६:२२ २मको आ इर गो स्वर्ग डा गेय पाइब सराफ बाक्शो बाक्त्कम। मेको आन के ६, ६ ओटा फरां बाक्त्कम। मिनु फरां निक्शोमी आन कुल सुम्शो बाक्त्कम। फरां निक्शोमी आन सोइली सुम्शो बाक्त्कम, फरां निक्शोमी बरबाक्त्कम। १राजा २२:१९ ३मिनु सराफ कामी अर्का सराफ कली “मुर नल्ल आन परमपरभु यावे का ला ठेयब सक्ति पाइश्शो बाक्ब। रागी नल्ले आ छेडछेडम बरीशो बाक्ब” दंत। परकाश ४:८ ४मको आन व्याक्शो रेयकेमी परमपरभु यावे आ सिं डा जग हिम्सीशा, कुनम बरीत। ५मिनु गो “आबी, मुल बैक्ब दुम्ती। मारदे हना गो मरिम्शो लोत्र पाइब बाक्ती। मिनु मरिम्शो लोत्र पाइब आन दातेमी बाक्शो बाक्नुड। मो हना यो गो मुर नल्ल आन परमपरभु यावे, पिप कली ताता” दंती। परस्थान ३३:२०

६मिनु सराफ का थनारोम चढेतीक डा मी गुष्शा, आं नेक्था जाक्त्। ७मिनु मेकोमी आं शोत्र मीम थिपाइश्शा “मुल एको मीम इ शोत्र थिपु, इ दोस ततीक लोत्र नु इ पाप क्याम्साक्ब” दंत। ८मिनु परमपरभु यावेमी “गो सु कली सोइक्नुडा? आंइ पर्वम सु लाइवा?” दंलात्र पशो नंता। मिनु “गा बाक्ती। आं कली सोइक्तीनी” दंती। ९मिनु आं कली “लावा। मेको मुर आन कली नोफा दाइश्शा नंशा यो, मरुष्व दुमीन। कोत्रशा यो, मतुइक्ब दुमीन” दंनो। मती १३:१०-१५; यूहन्ना १२:४०; पररित २८:२६-२७ १०मको आन थुं सक्टा सेलो। आन नोफा मनंब नु आन मिक्च मताइब सेलो। मोदंशो दुम्शा, मेको आन मिक्च मताइब नु नोफा मनंब दुम्नीम। मोदंशो मदुम्त हना, मेको आं गे लेत्नीम। मिनु गो मेको आन कली सापाइक्चा माल्नुड” दंत। व्यवस्था २९:३; रोमी ११:८ ११मिनु गो “परमपरभु, गेना सम्म मो पचा माल्नुडा?” दंती। मिनु मेकोमी “सहर बरेशशा मुर मबाक्तीके मदुम सम्म, सिं नल्ल श्येत्य नु रागी नल्ल मुर मबाक्शो मदुम सम्म मोदंशो पावो। १२गो मुर आन कली डोन मखेरुमी सम्म नु सहर शुश परांइशो मदुम सम्म मो पचा माल्नुड। १३मिनु १० भागम भाग का मुर लीत्कम हना, मेकोपुकी यो चोचा पुंडसीनीम।

ठेयब नु बोल्यो रवा तिम्शा हना यो, आन ठुटा लीब। मेको लीशो ठुटा आं मुर, इसराएल आ वांचेर बाक्नीम” दंत। आमोस ५:३; यसैया ७:३; यसैया १०:२०-२१

यसैयाम आहाज आ थुं बारपाइश्शो

१आहाज यहूदा डा पिप बाक्त्। मेको योथाम ७ आ तो नु उज्जीयाह आ चच बाक्त्। आहाज आ सासन पची ना अराम डा पिप रसीन नु इसराएल डा पिप रेमाल्याह आ तो पकाह लडाइ पथ यरूसलेम जाक्ताक्स। तन्न ग्रान मचाप्बम। २राजा १६:५ २मिनु मुरपुकीम दाऊद आ सिं डा मुर आहाज कली “अराम डा लडाइ पाइबपुकी एफराइम नु गारशा जाक्त्कम” द शंताक्म। मेको नंशा आहाज नु आ मुर, फशेम रवा हिम्शो सोदंशो पा आन थुं हिम्सीमा बाक्त्। ३मिनु परमपरभु यावेमी यसैया कली “गे नु इ तो शआर-याशुब आहाज कली गरुम्थ लसे। गे मेको कली आइक्था दोम्ती रे व्याक्कु यितीक, वा मुरब आन गेय पतीके डा ठेयब लांम थिल्लीसी। ४मिनु गे मेको कली हौस पा, सिक्सी पा बाक्कीन। महिनीन। इन थुं ग्येत्य लुक्च मपपतीन। मेको कुन पाइब बुल्सी रसीन, अराम नु रेमाल्याह आ तो पकाह, आन गाइश्शो तशा, महिनीन। इन थुं ग्येत्य लुक्च मपपतीन। यसैया ३०:१५; ५मारदे हना अराम, एफराइम आ मुर नु रेमाल्याह आ तो पकाह नु गारशा, इ कली मरिम्शो पचा कली मिम्शो बाक्नीम। ६मेकोपुकीमी गोपुकी यहूदा लशा, यरूसलेम कली पुम्शा, गराशा ताबेल आ तो कली मेकर डा पिप सत्य” दंतक्म। ७मोपतीके परमपरभु, परमपरभु यावेमी मार देब दंशा हना मेको आन मिम्शो मदुम्ब। मो पचा मताइनीम। ८मारदे हना अराम आ पिया दमस्कस बाक्ब। मिनु दमस्कस आ पिया रसीन बाक्ब। मिनु ६५ बसे नोले एफराइम सतम दुम्शा, मलीब। ९एफराइम आ पिया सामरीया बाक्ब। सामरीया आ पिया रेमाल्याह आ तो बाक्ब” गे थमा मसुइक्तीनी हना, थमा पा मलीनीनी”द परमपरभु यावेमी दंत। २इतिहास २०:२०

परमपरभु आ चिन्ड इम्मानुएल

१०मिनु परमपरभु यावेमी लंशा आहाज कली ११ “इन परमपरभु यावे, इन परमपरभु कली चिन्ड का पुंडनीन। उइ बैक्शो मुर आन बाक्तीके रे हना यो, इर सरीड रे हना यो चिन्ड का पुनीन” दंत।

१२ तन्न आहाजमी “गो मपुंडनुड। परमपरभु यावे आ थुं मथाम्नुड” दंत। १३ मिनु यसेयामी “दाऊद आ सिं डा मुर ननीन। मुर आन कली दपाइशो सोदंशो पा, आं परमपरभु कली यो दपाइकनीनी ? १४ मोपतीके परमपरभुमी इन कली चिन्ड का गेब। मेको चिन्ड मार बाक्व दंशा हना, कन्न मीश आलम कोत्रज कुरशा तो का थीब। मेको आ नें इम्मानुएल वोइकनीम। मत्ती १ :२३ १४ मेको दहि नु खुदो जची ना रन रिम्शो पचा नु मरिम्शो मपचा तुइक्व दुम्ब। १५ मिनु मेको वोइश आलम मरिम्शो मपचा, रिम्शो पचा तुइक्वा क्येडा डांइती, इन कली हिंपाइक्व पिप आस रागी श्येत्य दुम्ब। १७ परमपरभु यावेमी अस्सुर डा पिप आ गुड रे इन कली, इन मुर आन कली नु इन सिं डा मुर आन कली हिंचा डा श्येत गेपाइक्व। मोदंशो श्येत एफराइम यहूदा रे बराम रे गेनायो मद्रुम्शो बाक्व” दंत।

### यहूदा कली श्येत गंशो

१८ मेको नाक्ती परमपरभु यावेमी इजीप्त डा नील खोला डा चुरमु नु अस्सुर रागी डा सुरब आन कली लाप पा बरप्ब। १९ मेकोपुकी जाक्शा, बेसीम, रांगु आ कापम, चू बुटा तारी नु बस्तु भाव योवतीके नल्लेम बाक्नीम। २० मेको नाक्ती परमपरभुमी युफरटीस खोला आइक्वी हांबु रे क्येट थाप्शा चाक्शो छराम, अस्सुर डा पिपमी पिया डा चां नु गिरशी परक्पाइक्व। मेको छरामी गाल शोकर यो परक्पाइक्व। २२ राजा १५ :२९ २१ मेना मुर कामी बी का नु भडा निक्शी थुल्व। २२ मिनु शुश दूध चिम्शा दहि जाइब। मारदे हना मेको रागीम लीशो मुर नल्लेमी दहि नु खुदो जाइनीम। २३ मेना हजार का शेकल चांदी लाइब हजार का अडगुर बोट खरुम्शो रूम चू नु चोंक वानीम। शेकल का ११.५ ग्राम डा चांदी के क्येट बाक्व। २४ मोपा चू नु चोंक बाक्तीके, मुरपुकी लिबरा कुरशा मेकर लाइनीम। २५ डांइती डांडा डा दोशा खरुम्शो रुपुकी मेना चू चोंकम सुम्तीके मुरपुकी हिंशा, मेकर मलाइनीम। बी व्यफ नु क्यारश भेडा आन कली दिम्पाइक्वा कली सोइकनीम।

परमपरभु आ लोत्र पाइब आ तो

१ मिनु परमपरभु यावेमी आं कली “गे ठेयब कागज का चाक्को। मिनु रिम्शो पा रुप्वा डा पा ‘माहर-शालाल-हाश-बाज’ बरक्तो” दंत। माहर-शालाल-हाश-बाज आ अर्थ गा पा शुश

रोइक्वा बाक्व। २ मिनु गो जोल मपाइब सांकछी निक्शी चदेब उरीयाह नु येबेरीकीयाह आ तो जकरिया आस कली वोइक्तासी। ३ मिनु गो आं मीश नु बाक्ती। मिनु मेकोमी कोत्रज कुरशा तो का थिपु। मिनु परमपरभु यावेमी आं कली “मेको आ नें माहर-शालाल-हाश-बाज वोतो। ४ मारदे हना मेको आलम आम आफ दंस जोक्वा क्येडा डांइती दमस्कस डा शोप नु सामरीया डा रोइशो नल्ले अस्सुर डा पिपम लाइक्व” दंत। यसेया ७ :१८ ; २२ राजा १६ :९

५ मिनु परमपरभु यावेमी आं कली लेंशा ६ “मेको मुरपुकीम शीलोआ डा रिम्शा ब्याक्कु पुरांइनीम। रसीन नु रमाल्याह आ तो आस क्येडा हिंशा, मेको आस नोल खोइक्तेम। ७ मोपतीके गो यहूदा डा मुर आन कली श्येत गेपाइक्वा कली युफरटीस खोला डा ब्याक्कु खोदंशो पा अस्सुर डा पिप नु आ लडाइ पाइब शुश आन कली चाक्नुडमी। मिनु मेको खोला बारशो खोदंशो पा आ एर आंथ नल्ले सुम्नीम। ८ मिनु मेको बारशा, यहूदा आ शुर सम्म जाक्दीनीम। आ लडाइ पाइबपुकीमी हाम्शो फराम खोदंशो पा इन रागी नल्ले सुम्नीम। तन्न इम्मानुएल, परमपरभु यावे गे नु बाक्व” दंत। इम्मानुएल आ अर्थ “परमपरभु यावे गे नु बाक्व” दंशो बाक्व। यसेया ७ :१४

### यहूदा नु रागी डा मुर आन कली शंशो

१ गे रागी रागी डा मुर गारशा सुर्ता पने। गे सतम दुम्पाइक्वा पुंइसीनीनी। गे डान रागी डा मुर नोफा दाइशशा ननीनि। लडाइ पचा कली किप्शुर किम्सीन। मिनु हिनीन। लडाइ पचा कली ठीक दुमीन। मिनु सुर्ता पने। १० गे सल्ला पा लोत्रसी गारपाइक्वीनी, तन्न मेको शोर गाक्शो दुम्ब। लोत्र पने, तन्न इन लोत्र मगाप्ब। मारदे हना परमपरभु गो नु बाक्व। ११ मिनु परमपरभु यावेमी आं गुड ग्याइशशा आं कली लोत्र पा “गे मेको मुर आन खोदंशो मपावो। मेको आन लांम मगाक्को। १२ मुरपुकीम अरु आन पर्वम खरुइशशा मरिम्शो गय पाइनीम। गे मोदंशो मपने। मेको मार तशा हिंनीमी, गे मेको तशा महिनीन। इन थुं ग्येत्य लुक्व मपपतीन। १३ मुर नल्ले आन परमपरभु यावे ला मिम्शा, मेको क्येडा हिनीन। मेको कली मान पा हिनीन। मत्ती १० :२८ १४ परमपरभु इन कली नल्ले क्येडा डांइती डा मिम्तीके दुम्ब। तन्न इसराएल आ सिं निक्शी डा मुर आन कली दाइल पाइक्तीके

नु लां तेक्तीक फुल्लु दुम्ब। मेको यरूसलेम डा मुर आन कली रप्पाइक्व ब्वारद दुम्ब। रोमी ९ :३३ १५ मिनु मुर शुश दाइल पाइइशा गोल्शा, ब्वारदम रेशशा, ग्याइक्वा पुंडसीनीम।

१६ आं देशो लोत्र आं शंसीब आन कली ला नंपाइक्वा कली छाप थोक्शा, वोतो” दे माइक्ती। दानीएल १२ :४ १७ मिनु गो याकूब आ सिं डा मुर आन क्यडा आ कुल खरुइक्व परमपरभु याव आ लां कोत्रशा, रिम्शा बाक्नुड। १८ मुर नेल्ल आन परमपरभु याव सियोन डाडाम बाक्व। परमपरभु यावमी आं कली नु आं कली गेशो आलपुकी इसराएली आन दातमी चिन्ड नु कांडतीक सेल्ल्तीकी। यसैया ८ :३ ; यसैया ७ :३ ; हिबरू २ :१३ ११ मिनु मुरपुकीमी इ कली “बेक्शो मुर आन कली हिल्लो पावो। लिंक्यु कोत्रब चाक्को। वोल आन कली लोत्र पपतो” दे लोत्र पाइनीम। मेको वोल आन रेयके नंसीब। मिनु मार, सेस मुर आन पर्वम बेक्शो मुर आन कली हिल्लो पचा ? मुरपुकीमी आन परमपरभु कली हिल्लो पचा ममाल्नीमी डा ? २ राजा १ :३ २० गे शंतीक नु अरेशो लोत्र आ पर्वम परमपरभु कली हिल्लो पचा माल्नीनी। अरु लोत्र पाइब मुर काइ मरुख बाक्नीम। २१ मेकोपुकी एको रागीम श्यत जशा, शोत्रलु बेक्शा हिरनीम। मिनु शोत्रलुमी गाइइशा, ग्येत्थ गे कोत्रशा, आन पिप नु परमपरभु कली सराप पाइनीम। २२ मेकोपुकीमी खप गे कोत्रशा, आन पिया सुक्नीम। मिनु मंकर श्यत नु छिडछिड ताइनीम। हिंचा डा श्यत थम क्यर नाक्दो ला ताइनीम। मेको आन दातम छेडछेड मबाक्व। मिनु आन थुं लुक्व लाइब।

### श्यत र परांडशा

१ शुश हिबपुकी नोले छिडछिडम मगाक्नीम। डांडती परमपरभु यावमी जबूलन नु नाप्ताली आस रागी महिक्सीशो सेल्लु। तन्न नोले मेकोमी यर्वन आ आइक्वी हांबु, समुन्दर आ नेक्था डा नु रागी रागी डा मुर आन गालील रागी रिम्शा सेल्लु। मजन संगरह १०७ :१०-१४ ; २ राजा १५ :२९ ; मती ४ :१२-१६ २ छिडछिडम गाक्वपुकीम ठेयब छेडछेड ताइनीम। थम छिडछिड डा रागीम बाक्व आन तार थम छेडछेड दुम्ब। ३ परमपरभु, गे रागी रागी डा मुर आन कली सोशा बोशा दुम्पाइक्तीनी। मेको आन कली थाम्पान ग्येरपाइक्तीनी। मेको आन कली इन डांडती वाली नाली आंइची ना सोदंशो

पा ग्येरपाइक्तीनी। लडाइ गराशा, आन रोइइशा मार मार योक्सीची ना सोदंशो पा ग्येरपाइक्तीनी। ४ मेको आन हेल्शो जुवा, मेको आन बला डा मार नु मेको आन कली दिष्व मुर आन कोक्क जिक्ताक्नी। गे मिदयान रागी डा लडाइम सोदंशो पा मेको आन कली युक्व आन युक्तीक जिक्तीनी। मजन संगरह ८१ :७ ; न्यायाधीस ७ :१४ ; न्यायाधीस १५ :२२ ५ मारद हना लडाइ पाइब आन जुत्ता नु आन फक्तीक वा नेल्ल हुश लुम्सीशो बाक्नीम। मेको मीम चोतीक दुम्नीम। ६ मारद हना आंइ कली आल का थिशो बाक्व। तौ का गेशो बाक्व। मेको आंइ कली रिम्शा पा सासन पाइब दुम्ब। मेको आ नं मार बाक्व देशा हना, छक लाक्वा डा गेय पाइब, जोक्तीक तुइक्तीक अर्ती गेब, सक्ति पाइइशा परमपरभु, गेना हना यो बाक्व आफ नु थुं नाइइशा बाक्वा गेब पिप बाक्व। यसैया २२ :२२ ; मीका ५ :१ ; मीका ४ :३ ७ मेको आ अधिकार गेना हना यो बारब। दाऊद आ राज्य कली गेना हना यो थुं नाइक्तीक दुम्ब। मेको आ राज्य गेना हना यो ठीक निसाफ नु ठीक पतीकेमी बाक्व। मेको मुर नेल्ल आन परमपरभु यावमी पाइब। २ सामुएल ७ :१२-१३ ; लुका १ :३२ ; यसैया ११ :१-५ ; मजन संगरह ७२ :३-४

### परमपरभु इसराएल आ पर्वम गाइइशा

८ परमपरभुमी याकूब कली लोत्र का सोइइशा बाक्व। मेको इसराएल रागी कली दुम्त। ९ मिनु मेको एफराइम नु सामरीयाम बाक्व नेल्लेम तुइक्ताक्म। १० मेकोपुकीमी ठेयब लेशशा “इंटांम सल्लो सिं नेल्ल बरत्तक्म। तन्न गोपुकीम चम्शा फुल्लुम लेशा सेल्ल्तीकी। आइक्व रवा नेल्ल तिम्तक्म। तन्न मंकर ठेयब दुम्ब रवा खरुम्नीकी” देनीम। ११ मोपतीक परमपरभु यावमी मेको आन कली श्यत गेब पोक्व। मिनु मेको आन जोरी सतरु आन कली “गो लडाइ गराणीकी” दे मिम्पाइक्व। १२ मिनु अराम डा मुर नु रसीन पूर्व रे नु पलिस्ती डा मुर पच्छिम रे जाक्शा, मेकोपुकीमी शुश पाक्शो शोत्रमी सोदंशो पा इसराएली आन कली दाक्नीम। मोपा यो परमपरभु आ गाइइशा मनाइक्थु, आ गुड दिस डा दिस बाक्व।

१३ मो हना यो मुर आन कली तुष्व गे मलेम्म। मिनु मेकोपुकीमी मुर नेल्ल आन परमपरभु याव कली ममाल्नीम। यसैया १० :३३ १४ मोपतीक परमपरभु यावमी इसराएल रे पिया नु मीलु

क्योरतु। सज़र खा आ राशी नु बुदी मीलु  
घांस काबुमीन क्योरतु। १५ खाल्पा नु हुकुम  
पाइबपुकी पिया नम। जोल पा परमपरभु यावे  
आ लोत्र पाइबपुकी चहिं मीलु नम। १६ मारद हना  
इसराएल डा मुर आन कली शंबपुकीमी हेंथे लां  
गाकपाइक्तेकम। मिनु आन शंशो नंबपुकी लां  
मतुइक्व दुम्तेकम। १७ मोपतीक परमपरभु यावेम  
मेको आन वोंइश आल आन कली तशा, शिशी  
मपावो। मेको आन रोम रोइक्व नु वोंइश बेकशो  
मीश मुर आन कली तशा यो शिशी मपावो।  
मारद हना मेको नेल्ल परमपरभु आ अरंशो मटीब  
दुम्शा, काइ मरिम्शो पाइब ला बाक्तेकम। मिनु  
नेल्लेमी मरिम्शो लोत्र पाम्तेकम। मोपा यो  
परमपरभु आ गाइश्शो मनाइक्थु, आ गुइ दिस  
डा दिस बाक्त।

१८ परमपरभु यावे आ अरेशो लोत्र मटीब मी  
खोदंशो पा बराइब। मिनु मेकोमी चू नु चोंक  
नेल्ल नेक्व। मिनु मेको ब्वाकीमी कोक्ते बुद पा  
बराइब। आ कुन गोस्स खोदंशो पा रोम्सीशा  
सरीड गे लाइब। १९ मुर नेल्ल आन परमपरभु  
यावे आ गाइश्शोमी रागी नेल्ल गरोइश्शो  
बाक्व। मिनु मुरपुकी चोतीक शी खोदंशो  
दुम्तेकम। सुइम सुइ आन कली वारच मपामे।  
२० मेकोपुकीमी ग्युरा गे डा रोइक्ताकम। तन्न  
शोवतलु बेक्तेकम। आन परा गे डा ब्वाम्तेकम।  
तन्न मरूम। मिनु आंम आन खिं डा मुर आन  
श्य ब्वाम्तेकम। २१ मनस्समी एफराइम कली  
ब्वापु। मिनु एफराइममी मनस्स कली ब्वापु।  
मिनु मेको निक्शी यहूदा नु लडाइ पाम्ताकस।  
मोपा यो परमपरभु आ गाइश्शो मनाइक्थु, आ  
गुइ दिस डा दिस बाक्त।

१ आबी, सु सुमी ठीक मडुम्शो ऐन कानुन  
१० सल्लनीमी, मुर आन कली दिप्वा डा अरेशो  
लोत्र बरक्नीमी, यसेया ५ :८-२३ २ क्येट मर्थीब  
आन कली ठीक निसाफ मपाइनीमी, आन मुर  
आन दाते डा परुडग आन कली ठीक मपाइनीमी,  
मेकोपुकीमी वोंइश बेकशो मीश मुर आन मार  
मार योल्नीमी, रोम रोइक्व आन बाक्शो नेल्ल  
रोइक्नीम। ३ मिनु सजाइ गेतीक नाक्तीमी मार  
पाइनीनी ? डोन र जाक्शो हिं चा डा श्येतमी मार  
पाइनीनी ? “चारच पाइग्यीनी” दे सु आ बाक्तीक  
परोक्नीनी ? इन शोंप ते वोइक्नीनी ? ४ मेको  
नाक्ती पाइश्शो मुर आन दातेमी मबाक्वा  
नु साइक्वा मपुंडसीचा कली ते परोक्नीनी ?  
परमपरभु आ गाइश्शो मनाइक्थु, आ गुइ दिस  
डा दिस बाक्त।

### अस्सुर कली सजाइ

५ आबी, अस्सुर रागी, गे आं गाइक्तीक डा  
कोर्रा, आं गाइक्तीक कोक्के कुरब दुम्ते। यसेया  
१० :१५ ६ गो अस्सुर कली आं कली मटीब  
रागी कली लडाइ पथ सोइक्नुड। अस्सुर कली  
आं कली गाइक्पाइक्व मुर नु सोइक्नुड। मारइ  
मारइ रोइक्पाइक्वा कली सोइक्नुड। मिनु मेको  
आन कली लोम दिम्पाइक्वा कली सोइक्नुड।  
७ तन्न अस्सुरम मेको आ थुंम मवोइक्थु, मोदंशो  
ममिम्त। आ थुंमी खतम पोक्वा नु रागी रागी  
क्याम्चा ला बाक्त। ८ मिनु अस्सुरमी “आं  
कप्तान नेल्ल पिप मनमी डा ? ९ मार, काल्लो  
सहर कारेकीमी खोदंशो ममाइ ? हमाथ, अरपाद  
खोदंशो ममाइ ? मिनु सामरीया दमस्कस खोदंशो  
ममाइ डा ? १० मिनु गो दोपा मूर्तिम बरीशो रागी  
गराडा, मोपा गो मेको आन क्येडा आइक्व  
मूर्ति बाक्शो रागी यरूसलेम नु सामरीया कली  
गरानुड। २ राजा १८ :३२-३५ ११ मिनु गो सामरीया  
नु आ मूर्ति आन कली दोदंशो पडा, मोदंशो  
यरूसलेम नु आ मूर्ति आन कली मपाइनुडा डा ?”  
देत।

१२ मिनु परमपरभुमी सियोन डांडा नु  
यरूसलेमम पशो गेय थुमा नोल मेकोमी अस्सुर  
डा ठेयब लेश्शो नु बोरशो पिप कली सजाइ  
गेब। यसेया ३७ :३६ १३ मारद हना मेकोमी “गो  
आं सक्तिमी पाता। गो आं तुइक्तीक नु रुप्तीक  
थुंमी मोदंशो पाता। गो रागी रागी डा सांद  
याक्ताकड। मेकर डा मुर आन शोंप नु मारइ  
मारइ रोइक्ताकड। गो आं ठेयब सक्तिमी मेको  
आन पिप आन कली लुकच सोइक्ताकडमी।  
१४ मिनु गो परोइशो चिक्व आन ग्योत्र खोदंशो  
पा बाक्तीक नु मुर आन शोंप थित्ता। गो  
चिक्वीम परोइशो ब्वाफु सुप्शो खोदंशो पा,  
रागी रागी कली सुप्ताकड। मिनु फ्रां हिक्शा,  
तेक्व सुइ मबाक्म। मिनु सुइम मारइ मदेम”  
देत।

१५ खा क्येडा खा चलेब ठेयब बाक्वा डा ?।  
आरा क्येडा आरा कोब ठेयब बाक्वा डा ?।  
मोदंशो मडुम्त हना कोक्केमी कोक्के गुप्च कली  
याम्पाइक्वा डा ?। मिनु शीमी शी कली गुने  
चाप्वा डा ?। यसेया १० :५ १६ मोपतीक परमपरभु,  
मुर नेल्ल आन परमपरभु यावेमी अस्सुर डा  
दोम्शो लडाइ पाइब मुर आन कली बेक्तीक रोइ  
सोइक्नुड। मिनु मेको आन रां चोशो खोदंशो पा  
जेश्शा नुप्च। १७ मिनु इसराएली आन छेड्छेड

मी दुम्ब। मिनु आन का ला बाकशो परमपरभु नाप्पाइक्व दुम्ब। मिनु मेकोमी आन चू नु चोंक काबुमी नेक्पाइक्व। ब्यवस्था ४ :२४ १८ मिनु ब्याकी डा दारस नु फल फुल नेल्ले मुर सोदंशो पा सोदना सोदना लाइनीम। मेको आन रां नु थुं निम्फा खतम दुम्नीम। रोइ पाइब मुर ओंखां पा बक्शा लशो सोदंशो पा बक्शा लाइनीम। १९ मिनु मेको आ ब्याकी डा लीशो रवा शुश मबाक्नीम। मेको आल कामी यो हिक्शा बरेकन चाप्ब।

### मुर का निक्शी ला लेत्नीम

२० मिनु मेको नाक्ती इसराएल डा लीशो मुरपुकी नु याकूब आ सिं डा प्रोक्शा बरोइशो मुरपुकी लेशा, आंम कली तुप्ब गे मलाइनीम। तन्न मेकोपुकी थमा पा परमपरभु यावे, इसराएली आन का ला बाकशो परमपरभु आ नाले सोइक्नीम। यसेया ६ :१३; यसेया ७ :३ २१ मिनु का निक्शी याकूब आ मुरपुकी सक्ति पाइइशो परमपरभु गे लेत्नीम। २२ इन इसराएल डा मुर समुन्दर डा बाल्वा सोदंशो पा शुश बाक्तेक्म हना यो, का निक्शी ला लेत्नीम। अरु चहिं नेल्ल साइक्वा पुंडसीनीम। मिनु ठीक पतीक ठेयब दुम्ब। रोमी १ :२७ २३ मारदे हना परमपरभु, मुर नेल्ल आन परमपरभु यावेमी डाइती आ दंशो सोदंशो पा रागी नेल्ल खतम सल्ब। यसेया २८ :२७

२४ मापतीक परमपरभु, मुर नेल्ल आन परमपरभु यावेमी “सियोनम बाक्व, आं मुरपुकी अस्सुर डा मुर क्येडा महिनीन। इन कली इजोप्टम सोदंशो पा कोक्केम तुप्तेक्म हना यो, महिनीन। २५ मारदे हना इच्छा नाले इन पर्वम आं गाइइशो नुप्ब। मिनु अस्सुर डा मुर आन कली गाइइशा साइक्नुडमी” देत। २६ मुर नेल्ल आन परमपरभु यावेमी मेको आन कली कोराम युक्व। मेको ओरव डा सरथ फुल्लु आ नेक्था डा लडाइम मिदयान कली फरुशो सोदंशो दुम्ब। मेकोम इजोप्टम सोदंशो पा आ कोक्के समुन्दर तार दिंब। न्यायाधीस ७ :२५; भजन संगरह ८३ :१०; परस्थान १४ :२६-२७ २७ मेना इन कली गेशो श्येत नुप्ब। मिनु इन शुर डा जुवा दोक्शा जिक्व। २८ इन जोरी सतरु रिम्मोन र जाक्शो आइयाथम जाक्दीत्तेक्म। मिगरोन लशा, मिकमाश सहरम आन मार मार वोइक्नीम। २९ मिनु डांडा रे पा लशा, गिबाम बास बाक्नीम। रामाह हिंशा खिरंखिर पाइब। सावल आ सहर गबा डा मुर प्रोक्नीम।

३० गाल्लीम डा तमीपुकी ठेयब संदा पा गरीडीन। गे लाइशाह डा मुर नेनीन। अनाथोथ डा मुर मेको आन कली लोत्र लेत्नीन। १ सामुएल २५ :४४ ३१ मादमनाह नु गेबीम डा मुर बरोइचा कली प्रोक्नीम। ३२ मेकोपुकी मुलाक्ती नोबम बाक्नीम। मिनु मेकोपुकीमी सियोन डांडा डा तमी नु यरुसलेम आ डांडा गे आन गुइ क्युक्शा, हिंच कोइनीम। १ सामुएल २१ :२

३३ मिनु परमपरभु, मुर नेल्ल आन परमपरभु यावेमी मेको आ राशी हिंचा डा सक्तिम खरोइक्व। नेल्ल क्येडा लाइइशो रवा तिम्ब। ठेयब लेइशो आन कली आइक्व सल्ब। ३४ मेकोमी ब्याकी डा रवा आन कली साम तिम्ब। लेबानोन डा ठेयब लाइइशो रवा नेल्ल दिम्नीम।

### यावे आ सोइइशो पिप

१ येस्से आ ठुटा रे ठोसा का दाप्ब। मेको ११ आ शाक्श रे वाशो राशीम फल फुल सिप्ब। २ मिनु परमपरभु यावे आ सोक्त मेको तारी नाइइशा बाक्व। मेको जोक्व तुइक्व नु रुप्तीक सोक्त बाक्व। अर्ती गेब नु सक्ति गेब सोक्त बाक्व। मेको जोक्तीक तुइक्तीक थुं गेब नु परमपरभु यावे कली मान पा हिंब सोक्त बाक्व। ३ मेको आ दाक्शो परमपरभु यावे कली मान पा हिंचा बाक्व। मेकोमी मुर आन थुं कोत्रशा निसाफ पाइब। सुइ आन लोत्र मनंथु निसाफ पाइब। ४ ठीक पतीकमी पूरुडग आन कली निसाफ पाइब। रागी डा आइक्व नु ठेयब मुर नेल्ल आन कली उइक्थ पा निसाफ पाइब। मिनु रागी डा मुर आन कली आ लोत्रमी तुप्ब। परमपरभु यावे आ ओरेशो लोत्र मटीब आन कली मुइइशा साइक्व। २ थिस्सत्तोनिकी २ :८ ५ मेको आ ठीक पतीक आ किप्शुर किप्शो सोदंशो बाक्व। मेको थमा पा थमा सुइक्तीक आ किप्तीक बाक्व।

६ मेना फर नु पाठा काथा बाक्नीम। जोइ क्यारश आ पाठा नु इप्ब। बाच्छा नु गुप्स आ चाइक्व काथा जोइनीम। आइक्व आलमी मेको आन कली योत्रब। यसेया ६५ :२५ ७ बी नु वां काथा जोइनीम। मेको आन चाइक्वपुकी काथा बाक्नीम। गुप्समी ब्यफ सोदंशो पा नल ब्याइब। ८ मिनु दूध तूब आल बुस्स आन पोत्रलाम ग्यारनीम। दूध परांइशो आलमी बीस पाइइशो बुस्स आन बाक्तीकम गुइ शुइक्नीम। ९ आं डांडामी मारइ श्येत नु खतम

दुम्तीक मबाक्ब। मारदे हना दोदंशो पा ब्वाक्कुम समुन्दर बरीबा, मादंशो पा परमपरभु यावे कली तुइक्तीकम रागी नेल्ल बरीब।

इसराएल नु यहूदा डा लीशो मुर

१०मिनु मेको नाक्ती येस्स आ शाक्श जात जात डा मुर आन कली चिन्ड दुम्ब। मिनु रागी रागी डा मुर नेल्लमी मेको कली हिल्लो पाइनीम। मेको आ बाक्तीके छेड्छेडम बाक्ब। रोमी १५ :३२ ११मेना परमपरभुमी आ लीशो मुर आन कली लंशा परांइशा चाक्ब। मिनु ते रे परांइशा चाक्ब दंशा हना, अस्सुर, इजीप्त, पथरोस, एथीयोपीया, एलाम, शिनार, हमाथ नु समुन्दर आ नेक्था रे परांइशा चाक्ब। इजीकीएल ३७ :२१-२२ १२मेकोमी रागी रागी डा मुर आन कली चिन्ड का वोइक्ब। मिनु इसराएल डा परोक्शो मुर आन कली सुप्ब। यहूदा डा बरशो मुर आन कली यो तेइ तेइ रे सुप्ब। १३एफराइम आ गेहे पतीके जाम्शा लाइब। यहूदा कली श्येत गेब साइक्चा पुंडसीनीम। मेना एफराइममी यहूदा कली गेहे मपाइब। मिनु यहूदामी यो एफराइम कली श्येत मगेब। १४मिनु मेको निक्शो पलिस्ती नु लडाइ पचा कली पच्छिम गे बारनीस। मेकोपुकी गारशा, पूर्व डा मुर आन मारइ मारइ रोइक्नीम। एदामी नु मोआबी आन कली लडाइ तोइनीम। अम्मानीपुकीमी मेको आन दंशो टीनीम। १५मिनु परमपरभु यावमी इजीप्त डा समुन्दर डा ब्वाक्कु नेल्ल सोवपाइक्ब। मेकोमी युफरटीस तारी यो आ गुइ वयुक्शा, मेको रे ७ ओटा सोला सेल्व। मिनु मुरपुकी गाक्शा शोक्शा लाइनीम। १६अस्सुर डा लीशो आ मुर इसराएली आन कली जाक्चा कली ठेयब लां का दुम्ब। मेको लां इसराएली इजीप्त रे गरुशा गाक्शो लां सोदंशो दुम्ब। परस्थान १४ :२९

श्येत रे परांइशोपुकीम कुम्सो पशो

१२ १मेको नाक्ती गेपुकीमी “परमपरभु यावे, गे रिम्शो पाइब बाक्नीनी। गे आंइ पर्वम गाइक्ताक्नी हना यो, इन गाइक्चा नाइक्साक्ब। मुल गे आंइ कली लेम्नीनी। २थमा पा, परमपरभु आं कली पाप रे परांइब बाक्ब। गो मेको कली थमा सुइश्शा महिनुड। मारदे हना परमपरभु यावे आं कली सक्ति नु बोल गेब बाक्ब। मेको आं कली श्येत रे परांइब बाक्ब” दे कुम्सो पाइनीनी। परस्थान १५ :२

३मेको नाक्ती गेपुकी ग्येरशा, पाप रे बरोइतीके इनार रे ब्वाक्कु कीशा पिरनीनी। यसैया ५५ :१ ; जकरिया १३ :१ ४मेको नाक्ती गेपुकीमी “परमपरभु यावमी रिम्शो पाप्नु” दे मुर आन कली देनीन। मेकोपुकी नु लोत्र पने। मेको आ गेय रागी रागी डा मुर आन कली तुइक्पतीन। आ नें नेल्ल क्येडा ठेयब बाक्ब, दे शदीन। १इतिहास १६ :८ ; भजन संगरह १०५ :१ ५ परमपरभु यावे कली ठेयब सेल्लो कुम्सो पने। मारदे हना मेकोमी थम सक्ति पाइश्शो गेय पशो बाक्ब। एको लोत्र रागी नेल्लमी बरपतीन। ६सियोनम बाक्बपुकी ठेयब संदा पा ग्येरशा परमपरभु कली ठेयब सेल्लो कुम्सो पने। मारदे हना इसराएली आन का ला बाक्शो परमपरभु इन दातेमी ठेयब बाक्ब।

बेबीलोन सहर कली निसाफ पशो

यसैया २१ :१-१० ; यसैया ४७ :२ ; येरमीया ५० :५

१आमोज आ ती यसैयामी बेबीलोन आ १३ पर्वम तशो नु तुइश्शो लोत्र एको बाक्ब। येरमीया २३ :३३ २खा मबाक्शो डांडामी छेदर का सुरुक्कीन। मिनु ठेयब संदा पा गुइ हिक्शा, मेको आन कली ठेयब मुर आन लाप्चो रे ओवपतीन। ३परमपरभुमी “गो आं मुर आन कली पोक्शा, आं ग्येरसीशो, बोल्थो लडाइ पाइब मुर आन कली आं गाइश्शो कौइचा कली बरत्ताक्मी” दंत।

४नेनीन, शुश रागी डा मुरपुकी डांडामी रेयके पाइनीम। मेको रेयके शुश राज्य डा सुम्सीशो मुर आन रेयके बाक्ब। मुर नेल्ल आन परमपरभु यावमी ठेयब हुल लडाइ पाइब पोक्ब। ५मेकोपुकी डोन रागी रे जाक्नीम। रागी डा सुर रे पा जाक्नीम। मिनु परमपरभु यावमी गाइश्शा, या शेशा रागी नेल्ल सतम सलपाइक्ब। योएल १ :१५

६ठेयब संदा पा जाक्कीन। मारदे हना परमपरभु यावे आ नाक्त जाक्चशो बाक्ब। नेल्ल क्येडा ठेयब सक्ति पाइश्शो परमपरभु मेको नाक्ती सतम पोक्थ जाक्ब। ७मोपतीके मुर नेल्ल आन थुं लुक्च लशा, मारइ पने मचाप्नीम। ८मिनु मुरपुकी शुश हिंशा, आन थुं लुक्च लशा, शुश सुर्ता पाइनीम। फाल्ने मचाप्चा डा पा खाइश्शा, आल थिचशो मीश मुर सोदंशो पा नकचुर पाइनीम। हिंशा आन कुल कोवमुमानु, बरशो मी सोदंशो तमुइनीम।

१नेनीन, परमपरभु यावे आ नाक्ती हिंचा डा श्येतम जाक्व। आ गाइश्शो चुरशामी रागी नेल्ल मुर मबाक्तीके सेल्ल। मिनु पाप पाइब आन कली क्याम्ब। १०सरीड डा सोरुलपुकीम आन छेडछेड साम्नीम। नां दान्ना दान्ना छिडछिड दुम्ब। तास्ताम छेडछेड मगेब। ११परमपरभुमी “गो रागी कली आ मरिम्शो पशो आ पर्वम सजाइ गनुड। आं अरशो लोत्र मटिथु, मरिम्शो पाइब आन कली सजाइ गनुडमी। मिनु ठेयब लेश्शो आन ठेयब लेत्तीक साम्पाइक्नुडमी। ठेयब श्येत गेशा हुकुम पाइब आन कली बरम्पाइक्नुडमी। १२गो मुर आन कली क्येख सुन क्येडा यो रिम्शो सेल्लुडमी। मेको आन कली ओफीर डा सुन क्येडा रिम्शो सेल्लुडमी। १३मिनु आं गाइक्तीक नाक्ती गो सरीड कली हिम्पाइक्नुड। रागी यो आं गाइश्शोमी आ बाक्तीक र परेक्शा गरूब” दे मुर नेल्ल आन परमपरभु यावेमी देत। १४मुरपुकी खेदा पचा पुंडसीशो किश्श नु गोठला मबाक्शा भेडा खोदंशो दुम्नीम। मेकोपुकी आंम आंम मुर बाक्तीके लाइनीम। आंम आंम रागी मर परोक्नीम। १५खेदा पा थित्त्वा पुंडसीशोपुकी तूशा साइक्चा पुंडसीनीम। मिनु ग्याइक्चा पुंडसीशोपुकी तरवारम क्योरचा पुंडसीनीम। १६आन आल आन कली आन डांडती खपीम राप्शा साइश्शो ताइनीम। मेको आन खिं डा मारइ मारइ योल्नीम। मेको आन मीश बिथोलो पाइनीम। भजन संगरह १३७:८-९ १७मिनु परमपरभुमी “नेनीन, गो मादी आन कली गेपुकी नु लडाइ पपाइक्चा कली पोक्नुडमी। मेकोपुकीमी सुन चांदी ठेयब ममिम्नीम। १८वांइश आल आन कली लिबराम साइक्नीम। आइक्च आल नु ठेयब आल नेल्ल आन कली शिशो मपथु साइक्नीम। १९ठेयब लेश्शो कल्दो आन दाक्शा नु राज्य राज्य डा नेल्ल क्येडा दारशो बेबीलोन कली सोदोम नु गोमोररा खोदंशो सेल्लुड। उत्पत्ती १९:२४-२५ २०मिनु मेको सहरम गनायो लेंशा मुर मबाक्नीम। पाला पाला सम्म मुर मबाक्नीम। मेकर अराबीपुकीम आन ताम्बु मकीनीम। गोठलापुकीमी आन बस्तु भाव मनाइक्पाइक्नीम। २१तन्न मेको ब्वाकी डा जन्तु आन बाक्तीक दुम्ब। मेको आन खिंम बुक्स बरीशो बाक्नीम। मेकर ब्वाकी डा गरीब जन्तु, ठेयब चिक्व बाक्नीम। मिनु ब्वाकी डा क्यारश सिल पाइनीम। यसेया २३:१३ २२मेको आन श्येत्य खिंम फर गरीनीम। आन दारशो

दरवारमी सिवार गरीनीम। मोदंशो दुम्तीक नाक्ती जाक्चशो बाक्व। मुल रीब पा जाक्व” देत।

इसराएली कली ग्येरपाइश्शो

१४ मिनु परमपरभु यावेमी याक्व कली शिशो पा, इसराएल कली योत्रशा लेंशा मेको आन कली आन रागीमी वाइक्व। मिनु अर्का रागी डा मुरपुकी याक्व आ खिं डा मुर नु गारशा बाक्नीम। जकरिया १:१७ २मेना रागी रागी डा मुरपुकीमी इसराएली आन कली आन रागी चोत्रदीनीम। इसराएलीपुकीमी मेको रागी डा मुर आन कली परमपरभु यावे आ रागीमी बाक्शा, आन वाइलीम वाइल सेल्नीम। डांडती आन कली ग्याइश्शा चोक्व आन कली ग्याइश्शा चोक्नीम। मिनु आन कली दिप्ब आन कली हुकुम पाइनीम। यसेया ४९:२२; लेवी २५:२३

बेबीलोन डा पिप साइश्शो

३मिनु परमपरभु यावेमी इन कली श्येत जतीक, खेदा पचा पुंडसीतीक नु शुश गेय पतीक र नाइक्चा गेप्नु हना, ४गेपुकीमी बेबीलोन डा पिप आ पर्वम “मुर आन कली दिप्ब, दोपा थुम्स ? आ श्येत गेशा हुकुम पतीके, दोपा बेक्म ?” दे शुक्शी लोत्र पाइनीनी। ५परमपरभु यावेमी आ अरशो लोत्र मटीब आन कोक्क जिक्तु। मिनु श्येत गेब पिप आ सासन पतीक कोक्क रोइक्ताक्व। ६डांडती मेकोमी गाइश्शा, मुर आन कली तुप्ना तुप्न बाक्त। मेको पिपपुकीमी रागी रागी कली आन गाइक्तीकमी मनाइक्थु खेदा पा श्येत गम्तक्म। ७मुल रागी डा मुर नेल्ल सिक्सी पा नाइश्शा बाक्चा ताइनीम। मिनु ग्येरशा कुम्सो पाइनीम। ८तोत्रशी रवापुकी नु लेबानोन डा लाइश्शो रवापुकीमी यो ग्येरशा “गे खतम दुमे र आंइ कली क्योरख सुइ मजाक्म” देनीम। ९मिनु बेक्शो मुर आन बाक्तीकमी इ जाक्दीश्शो आ पर्वम गरांगये मागये दुम्नीम। रागी डा मुरपुकीमी “इन कली ताक्चा कली बोक्नीम। रागी रागी नु जात जात डा पिप आन कली आन नितीक र पोक्शा राप्पाइक्नीम। १०मेको नेल्लेमी इ कली गे यो आंइ खोदंशो पा सक्ति मपाइश्शो दुमे बाक्त। गे यो आंइ खोदंशो दुम्त। ११इ दारस नु इ ठेयब ताप्तीक नेल्ले यो बेक्शो मुर आन बाक्तीके जाक्तेक्म। लुस्यु इ बराख्ये दुम्नीम। बुस्स इ फक्तीक दुम्ब”। इजीकीएल ३२:१८-१९

१२गे सुनी आ तौ, सुकुर सोरुल, दोपा सरीडर दोकडे? रागी रागी डा मुर आन कली ग्राब, दोपा क्योरचा पुंडसीशा दोकडे?" दंनीम। १३गे इ थुमी "गो स्वर्ग डोइशशा लाइनुड। परमपरभु आ सोरुल आन क्यंडा आइकथा आं नितीक वोइकनुड। मिनु गो उत्तर डा देवी देवता गरुमतीक डांडाम नित्नुड। भजन संगरह ४८:३; इजीकीएल २८:१४ १४गो गोस्स क्यंडा ग्येत्थ डाइशशा लाइनुड। मोपा गो नेल्ल क्यंडा ठेयब नु उइकथ दुम्नुड" दंत। १५तन्न गे बेकशो मुर आन बाक्तीकम तोक्चा पुंडसाक्वे। तुरस क्यंडा यो उइ तोक्चा पुंडसाक्वे। १६इ कली ताइबपुकीमी "मार, मेर मुरुम रागी हिम्पाइशशा, राज्यपुकी खिरंखिर पपदा? १७मेरम रागी नेल्ल गोरशो रागी सल्ला, सहर नेल्ल खतम पोक्गा? चोक्सीशो मुर आन कली आन खिं लेत्वा मगेब मुर मेरन बाक्वा?" दंनीम। १८मिनु रागी नेल्ल डा बेकशो पिपपुकी बेकशो पिप आन कली वोइक्तीकम वोइशशा बाक्नीम। १९तन्न गे सोत्रशो राशी सोदंशो पा इ तुरसर डोन ताइक्चा पुंडसाक्वे। तरवारम तूशा साइशशा मुर बाक्तीक लशो मुरपुकी इ सुमतीक दुम्तेकम। गे बेकशा दिम्शो सोदंशो दुम्त। यसेया ३४:३ २०गे अरु पिप सोदंशो पा थिम्चा मपुंडस। मारदे हना गे इ रागी खतम सल्ला इ मुर आन कली साइक्तीवी। मोपतीक मरिम्शो पाइब आन चच युइ आन नें गनायो ममिम्सीब। २१आन आफ आन मरिम्शो पशो आ पर्वम आन तौ आन कली क्योरचा कली ठीक दुमीन। मुर आन रागी कली आंम के सल्ल नु रागी कली सहरम पिरंब कली बाक्चा मगेन। परस्थान २०:५

२२मुर नेल्ल आन परमपरभु यावेमी "गो बेबीलोन डा मुर आन नें, लीशो नु आन आल नु खिं डा मुर नेल्ल क्याम्नुड। २३गो मेको आन सहर काशशा आन बाक्तीक नु ब्याक्कु देमतीके सल्लनुड। गो मेको आन कली खतम सल्ल ब्राक्सुम फिकनुड" दे मुर नेल्ल आन परमपरभु यावेम दंत।

अस्सुर आ सक्ति नुष्शो

२४मिनु मुर नेल्ल आन परमपरभु यावेमी कसम जशा "थमा पा, आं डांडती मिम्शो सोदंशो पा दुम्पाइकनुड। गो आं देशो पाइनुड। २५गो अस्सुर डा मुर आन कली आं रागीम साइशशा, आं डांडा दिम्पाइकनुडमी। मोपा आं जुवा गरुंडनुड। मिनु आन श्येत आन बला रं

फेत्नुड। २६एको रागी नेल्ल कली दंशो लोत्र बाक्ब। एको रागी रागी नेल्ल तार दिंशो गुइ बाक्ब। २७मारदे हना मुर नेल्ल आन परमपरभु यावेमी मोदंशो पचा कली मिम्शो बाक्ब। सुम मेको कली तक्न चाप्वा डा? आ दिंशो गुइ सुम लेप्पाइकन चाप्वा डा? सुइम मचाप्नीम" दंत।

पलिस्ती आन कली लोत्र पशो

येरमीया ४७ :-

२८मिनु पिप आहाज बेकशो बर्सम परमपरभु यावेमी लोत्र पाप्नु। मार लोत्र पाप्नु दंशो हना, २राजा १६:२० २९ "ए पलिस्तीपुकी, इन कली तुष्व कोक्के जित्त, दे मग्यरसीन। मारदे हना बुस्स आ चच युइ रे बीस पाइशशा बुस्स का गरुब। मेको रे बीस पाइशशा बेरब बुस्स का गरुब। ३०नेल्ल क्यंडा डांडती जरेमेशो, परुडग आन दाते डा मुरुम जचा ताइनीम। मारदे मथीब मुरपुकी यो महिंथु बाक्न चाप्नीम। तन्न इन खिं डा मुर आन कली अन्कालम बेक्पाइकनुड। मिनु इन लीशो मुर आन कली साइकनुड। ३१सहर डा ठेयब लाप्वापुकी, डाक्कीन। सहर नु पलिस्ती नेल्ल हिंशा खिरंखिर पने। मारदे हना उत्तर रे कुन कुशा, ठेयब हुल, नेल्ल काथा जाक्नीम।

३२मिनु रागी रागी डा लोत्र कुरब आन कली मार दंनीनी? परमपरभु यावेमी सियान सल्लु। मिनु आ मुर आन दाते डा क्येट मथीब मेकर रिम्शो पा बाक्नीम" दंत।

मोआबी आन कली श्येत

येरमीया ४८ :- सेफन्याह २:५-११

१५ मिनु परमपरभु यावेम मोआब आ पर्वम यसेया कली "मारदे हना काबु नाक्दोमी आर-मोआब सहर खतम दुम्त। मिनु मोआब गरांग्ये माग्ये दुम्त। काबु नाक्दोमी कीर-मोआब सहर खतम दुम्त। मिनु मोआब गरांग्ये माग्ये दुम्त। २दीबोन डा मुर देवी देवता आन थान लाप्तेकम। डांडा डा थानमी डाक्थ लाप्तेकम। मोआबीपुकीमी नेबो नु मेदेबा सहर आस पर्वम रोंका पाइनीम। मेको नेल्लेम आन चां नु आन गाल शोकर परकशो बाक्नीम। ३मेकोपुकी सहर डा लामी अरन्डी फकशा, खिं तारी नु बजारम गरुमशा रोंका पा डाक्ना डाक्न बाक्नीम। ४हेशबोन नु एलेआले सहर डा मुर वाइ बरंशशा डाक्नीम। मेको आन डाक्शो याहास सम्म नंसीब। मोपतीक मोआब डा लडाइ पाइबपुकी खिरंखिर पा आन

थुं लुकच लाइब। यसेया १६:९-११ ५ आं थुं माआब आ पर्वम वाइ बरेशशा डाकब। मेकर डा मुरपुकी सोआर नु एगलाथ-शलीशीया परोक्नीम। मेकोपुकी डाकना डाकन लुहीथ डा डांडा डाइक्नीम। मेकोपुकीमी हारोनाइम डा लामी खतम दुम्चा आ पर्वम रांका पाइनीम। ६ निमरीम डा ब्याक्कु सोवनीम। घांस नेल्ल सोवनीम, नक खरुश्शा मवानीम। गिगी नेल्ल सोवनीम। ७ मोपतीके मेकोपुकीमी आन लीशो मारइ मारइ लाइश्शा रवा पाइश्शा खोल्सा आइक्की हांबु लाइक्नीम। ८ मारदे हना मोआब रागी नेल्लमी मेको आन डाक्शो नसीब। मेको आन रांका पशो एगलाइम नु बेयर-एलीम सम्म जाक्दीश्शा बाक्ब। ९ मारदे हना दीबोन खोला डा ब्याक्कु हुशेम बरीशो बाक्त्। मोपा यो मेको आन कली चिनु श्येत गेनुड। मोआब र परोक्शा ब्रांडशो नु लीशो मुर आन नोले गुप्स का सोइक्नुड” देत।

मोआबीम “वारच पने” दंशो

१ गेपुकीम सेला सहर र पा सियोन डा तमी  
**१६** आ डांडा डा पिप कली पाठा सोइक्तीन।  
 २ आन ग्योत्र र खरेशो एर ओथ बरशा बरेशो चिक्ब खोदंशो पा मोआब डा तमीपुकी अरनोन खोला आ नेक्था बाक्नीम। ३ गे अर्ती गेशा, ठीक निसाफ पने। नाक्त् बाक्त् हना यो, इन वांकु नाक्दो डा खोदंशो सलीन। गरुंडशो मुर आन कली खरुइक्तीन। परोक्ब आन पर्वम मशंदीन। ४ मोआब र परोक्शो मुर आन कली गेपुकी नु बाक्चा गेने। मेको आन कली साइक्ब र परोइशा, वारच पने। मुर आन कली दिखपुकी मबाक्त्कम हना, खतम दुम्तीके नुप्त हना, श्येत गेबपुकी रागी र फिक्चा पुंडसाक्म हना, ५ गेना हना यो दाक्ब आ नितीके वांडसीब। मेको दाऊद आ ताम्बुम बाक्ब। मिनु मेको नितीकेमी थमा सुइक्चा पुंडसीब ठीक निसाफ पा हुकुम पाइब का निस्सीब। मेकोमी रीब पा कुल मेकोद्रथु, निसाफ पाइब।

६ गो मोआब आ ठेयब लेश्शा पशो लोत्र नंतय। मेको थम ठेयब लेश्शा बाक्ब। मेको आ ठेयब लेत्तीके नु बोरशा लोत्र पतीके फश खोदंशो बाक्ब। ७ मोपतीके मोआबी रांका पामेक्ल। मोआब आ पर्वम रांका पामेक्ल। थाम्पा रांका पने। किर-हारसेथ डा अडगुर शोब्ले आ पर्वम रांका पने।

८ हेश्बोन डा रू खतम दुम्त्कम। सिब्मा डा अडगुर बोट मलीनीम। मेको आ अडगुर शांबुमी रागी रागी डा हुकुम पाइब आन कली दुक्पाइक्त्। मेको आ अडगुर बोट याजेर सम्म लशा, गोरशो रागी सम्म जाक्दीत्त। मेको आन शाक्श बरशा, समुन्दर आ आइक्की हांबु सम्म जाक्दीत्तकम। ९ मोपतीके गो सिब्मा डा अडगुर बोट आ पर्वम याजेर खोदब पा डाक्नुड। गो इस कली आं पूरक्कुम जिप्याइक्नुड। मारदे हना हेश्बोन नु एलेआले, इस अडगुर नु अन्न आइक्की नाक्त् मजाक्ब। यसेया १५:४-९ १० मिनु गरल्शो रू र ग्येरशो संदा मनंसीब। इस अडगुर रूमी ग्येरशा कुम्सो मपाइनीम। सुइमी अडगुर मखराक्नीम। आन ग्येरशा कुम्सो पतीके जाम्त। यरमीया ४८:३३ ११ मोपतीके मोआब आ पर्वम आं थुं डाक्ब। मिनु कीर-हेरेस आ पर्वम आ थुं खाइक्ब। १२ मिनु मोआबी आन देवी देवता बाक्शो डांडा डाइश्शा, शुश परार्थना पाम्त्कम हना यो, मेको शोर गाक्शो दुम्ब।

१३ एको परमपरभु यावेमी मोआब आ पर्वम डांडती दंशो लोत्र बाक्ब। १४ मुल चहिं परमपरभु यावेमी “गाल्च ताइबम आ बर्स हिक्शा खोदंशो पा बर्स सांमी मोआब आ दारस जाम्शा लाइब। मिनु आ ठेयब हुल शुश मलीनीम। मेको आ लीशो मुर शुश मदुम्थु, सक्त् मपाइश्शा दुम्नीम” देत। यसेया २१:१६

दमस्कस नु इसराएल कली श्येत

यरमीया ४९:२३-२७; आमास १:३-५

**१७** १ मिनु परमपरभु यावेम दमस्कस आ पर्वम यसेया कली “दमस्कस सहर खतम दुम्शा मलीब। मेकर बरेशशा खिं ला बाक्नीम। २ आरोएर डा सहरपुकी परोइसीशो दुम्शा, क्यारश भेडा योत्रतीके दुम्ब। मेको काइ महिक्सीशो नाइक्तीके दुम्ब। ३ एफ्राइम डा बोल्यो दरवार नुप्नीम। दमस्कस डा राज्य मलीब। अराम डा लीशो मुरपुकी इसराएली आन जाम्शा छेड्छेड् खोदंशो दुम्नीम” दे मुर नेल्ल आन परमपरभु यावेम देत। २ राजा १६:९

४ मिनु परमपरभु यावेमी “मेको नाक्ती याक्ब आ मुर आन रिम्स नेल्ल लाइब। मेको नेल्ल गेयनीम। ५ मिनु दोदंशो पा चेरब रिक्ब मुरुमी गुइ कामी चेरब ग्याइश्शा, अर्को गुइमी रिक्बा, मादंशो पा रेफाइम डा बेसीम सिला गुप्तीक बाक्ब। ६ तेल रवा हिक्शा गेडा नेल्ल तोक्शा यो का निक्शी लीशो खोदंशो पा, मेको आ डल

नु राशीमी का निक्शी ला लीनीम” दे परमपरभु यावे, इसराएली आन परमपरभुमी दंत ।

७ मको नाक्ती मुरपुकीमी आंम कली सल्ल कली मिन्नीम । मिनु इसराएली आन का ला बाक्शो परमपरभु यावे गे कोव्रनीम । ८ मकोपुकीम आंम आन गुइमी सल्लो दवी देवता आन कली चदचा ममिन्नीम । आंमा आन सल्लो मूर्ति पाइश्शो थाम नु धूप चोतीक कली मकोव्रनीम ।

९ मको नाक्ती आन बोल्यो सहरपुकी हिळ्वी नु एमोरी आन परोइशो सहर खोदंशो दुम्नीम । मको आन सहर इसराएली आन पर्वम परोइशो बाक्तेकम । मकर डा मारइ मारइ नेल्ल खतम दुम्शो बाक्तेकम ।

१० मारदे हना गे इन कली पाप रे परोइब परमपरभु कली परंताकनी । मिनु इन खरुइक्तीक सेरथे फुल्लु कली मफरुक्नी । गे अर्को रागी डा रिम्शो अडगुर खरुस्तीनी । यसेया ६ :२-३ ; व्यवस्था ३२ :१५ ११ गे दारशो बोट खरुस्तीनी हना यो, मिनु आ दीसा सुनी बोइकपाइक्तीनी हना यो, मकर सुप्चा कली मारइ मलीब । श्यत जतीके नु खाइश्शो मसातीके नाक्त मोदंशो दुम्ब ।

शुश रागी डा मुर आन हुल

१२ आबी, शुश रागी डा मुर आन रेयके, समुन्दर डा ब्याक्कु खोदंशो पा नंसीब । आबी, रागी रागी डा मुर आन गरीशो बारशो खाला आ रेयके खोदंशो बाक्ब । १३ रागी रागी डा मुरपुकी ठेयब ब्याक्कु गरीशो खोदंशो पा गरीनीम । तन्न परमपरभुमी मको आन कली हुइक्ब । मिनु मकोपुकी डोन परोक्नीम । मको डांडा डा फश गिवारम बेरपाइश्शो भूस फुरक खोदंशो दुम्नीम । १४ नाक्दो हिंचा डा श्यत जाइनीम । नां सोव्रचा क्येडा डांडती मेको नेल्ल बेक्नीम । आंइ मार मार रोइक्ब नु खुइ पाइबपुकी मोदंशो दुम्नीम । यसेया ३७ :३६

कृश रागी आ पर्वम लोव्र पशो

१ आबी, शुश बेरशो रेयके नंसीशो १८ एथीयोपीया सोला आ आइक्की हांबुम बाक्शो रागी । सफन्याह ३ :१० २गे लोव्र कुरब मुर आन कली रीब पा डांगाम समुन्दरम सोइक्ताकवी । गे लोव्र कुरबपुकी, लाइश्शो मुर नु रीब पा गेय पाइब मुर आन रागी लन । डोन नु नेक्था डा मुर नेल्ल मेको आन कली तशा हिंनीम । मको सक्ति पाइश्शो नु गराब रागी डा

मुर बाक्नीम । आन रागी शुश खोलाम चेशशो बाक्ब ।

३गे रागी रागीम बाक्ब मुरपुकी, रागी नेल्लेम बरोइबपुकी डांडाम छेदर खरुक्शो ताइतीनी हना, कोव्रडीन । तुराही ताप्शो बाक्त हना, नेनीन । ४ मारदे हना परमपरभु यावेमी आं कली “गो आं बाक्तीके रे पा सिक्सी पा कोव्रनुड । नाप्शो नां डा नाक्त खोदंशो नु बाली नाली रिक्की ना हुप्शो नांमी गोस्स का गुरशो खोदंशो पा सिक्सी पा कोव्रशा बाक्नुड । ५ अडगुर मीचा क्येडा डांडती फू बोइश्शा, गेडा सिन्ब, मिनु मीब । मेना मेकोमी अडगुर कली गुयेम मुंइशा, आ बरशो राशी खरोइश्शा ताइक्ब । ६ मिनु डांडा डा ठेयब चिक्ब नु रागी डा जन्तु आन कली ब्बचा गेब । होश दुम्तीके ठेयब चिक्ब मेको तारी निल्लीम । मिनु हिंडम ब्याकी डा जन्तुपुकीम मेको ब्बशा, मेको आ तारी इप्नीम” दंत ।

७ मेना लाइश्शो नु दारशो मुरपुकीमी मुर नेल्ल आन परमपरभु यावे कली मार मार चाक्नीम । मिनु मेको आन कली तशा डोन नु नेक्था डा मुरपुकी हिंनीम । मेकोपुकी सक्ति पाइश्शो नु गराब रागी डा मुर बाक्नीम । मेको आन रागी खोलाम चेशशो बाक्ब । मेको आन मार मार मुर नेल्ल आन परमपरभु यावे आ बाक्तीके सियोन डांडाम चाक्नीम । भजन संगरह ६८ :३७-३२ ; पररित ८ :२७

इजीप्त कली निसाफ पशो

येरमीया ४६ :-; इजीकीएल २९ :-३२ :-

१९ मिनु परमपरभु यावेम इजीप्त आ पर्वम यसेया कली “कोव्रडीन, परमपरभु यावे रीब पा बेरब गोस्सुम इजीप्त रागी जाक्ब । मकर डा मूर्तिपुकी हिंशा खिरंखिर पाइनीम । इजीप्त डा मुर आन थुं लुक्च लाइब । २ गो इजीप्त डा मुर आन कली आंम आंमा लडाइ पपाइक्नुडमी । मोपा मेको आन लोक्ब नु लडाइ पाइनीम । आन नेक्था डा मुर लडाइ पमुइनीम । सहर सहर लडाइ तोमुइनीम । राज्य राज्य लडाइ तोमुइनीम । ३ मिनु इजीप्त डा मुर आन थुं लुक्च लाइब । गो मेको आन मिम्शो खतम सल्लुड । मिनु मेकोपुकीमी आन मूर्ति नु बेक्शो मुर आन सल्ला नंचा माल्लीम । ४ गो इजीप्त डा मुर आन कली शिशो मपथु, सासन पाइब आ गुइमी जिम्मा गेनुडमी । मिनु हिंचा डा पिपमी मेको आन कली सासन पाइब” दे परमपरभु, मुर नेल्ल आन परमपरभु यावेमी दंत ।

५ मिनू नील खोला डा ब्वाक्कु सोव्रना सोव्रन लशा, ब्वाक्कु मबाक्शा दुम्ब। ६ मेकर डा ब्वाक्कु रिना पाइब। मिनू इजीप्त डा नील खोला डा आइक्च खोलापुकी सोव्रशा शुश मलीनीम। ७ नील खोला आ नक्था दिम दुम्शा, मुरपुकीम रू सल्लनीम। तन्न आन शाक्शा मारइ मारइ सोव्रशा, फशम योल्ब। ८ मिनू डांइ साइक्ब मुर नेल्ल रांका पाइनीम। बोल्सी ग्यारबपुकी नु ग्याइल आण्वपुकी “मार पचा, दो पचा” देनीम। ९ श्येल् सेल्ब नु वा प्रोव्रबपुकीम सुर्ता पाइनीम। वा प्रोव्रब हिनीम। १० प्रोव्रना प्रोव्रन बाक्बपुकी राव किक्नीम। मिनू गाल्व ताक्शा गेय पाइबपुकी रांका पाइनीम।

११ सोआन डा ठेयब मुरपुकी मूर्स बाक्नीम। फाराओ कली अर्ती गेबपुकीम दूली अर्ती गनीम। गे दोपा फाराओ कली “गो जोक्ब तुइक्ब नड। गो साइ डांइती डा पिप आ खिं रे पिशो बाक्नुड” देन चाप्नीनी? १२ गे, निप्स पाइशशो मुरपुकी ते बाक्नी? गेपुकीम मुर नेल्ल आन परमपरभु यावेमी इजीप्त कली मार पचशो बाक्म, मको लोव्र पा मुर आन कली तुइक्पतीन। १३ सोआन डा ठेयब मुरपुकी मूर्स दुम्तेक्म। मम्फीस डा ठेयब मुरपुकीम जोल लोव्र कली थमा सुइक्नीम। मिनू मको आन नेल्ल क्येडा ठेयब मुरपुकीमी इजीप्त डा मुर आन कली हेंथे लां खोइक्पाइक्नीम। १४ परमपरभु यावेमी मको आन कली गरांग्ये माग्ये पोक्तीक सोक्तीम पिरंताक्मी। मकोपुकीम इजीप्त रागी कली दुक्शा मुर आन मशो तार गाक्शा खोदंशो सल्लेक्म। १५ इजीप्त रागी कली सुइमी वारच पन मचाप्नीम।

१६ मको नाक्ती इजीप्त डा मुर आन थुं मीश मुर आन थुं खोदंशो दुम्ब। मकोपुकी मुर नेल्ल आन परमपरभु यावेमी आ गुइ क्युक्शा तशा खिरंखिर पा हिनीम। १७ इजीप्त रागी डा मुरपुकी यहूदा डा मुर आन क्येडा हिनीम। मुर नेल्ल आन परमपरभु यावेमी इजीप्त रागी कली मार पचशो बाक्बा, मको लोव्र नंब नेल्ल हिनीम।

रागी सां आन कली आसीक

१८ मिनू मको नाक्त इजीप्त रागी डा ५ ओटा सहरमी कनानी आन लोव्र ब्वाक्नीम। मिनू सहर डा मुरपुकीमी, मुर नेल्ल आन परमपरभु यावे आ नमी कसम जाइनीम। मको सहर का आ नं इर-हेरस बाक्ब। इर-हेरस आ अर्थ नां आ सहर देसीब। यसेया ६५ :१६; यरमीया १२ :१६ १९ मको

नाक्ती इजीप्त रागी आ दातेमी परमपरभु यावे कली चदेतीके का सल्लनीम। मिनू मको आ सांदमी परमपरभु यावे कली थाम का सल्लनीम। लेवी २६ :१ २० मको थाम इजीप्त रागीमी मुर नेल्ल आन परमपरभु यावे कली मिन्तीक चिन्ड का दुम्ब। मारदे हना मकोपुकीमी श्येत गेचा पुंइसीतीक परमपरभु यावे कली “वारच पाइक्की” दे लोव्र पाइनीम। मिनू परमपरभु यावेमी मको आन कली आन श्येत रे प्रोइब का सोइक्ब। मकोमी लडाइ पा मको आन कली श्येत रे प्रोइब। २१ मिनू परमपरभु यावेमी आंम कली इजीप्त डा मुर आन डांइती तुइक्पांइसीब। मिनू मको नाक्त इजीप्त डा मुरपुकीमी परमपरभु यावे कली थमा सुइक्नीम। मिनू मार मार चोशा चदेतीक चदेशा, कबल पा, आन पशो कबल खान्नीम। यसेया ६६ :१९ २२ परमपरभु यावेमी इजीप्त डा मुर आन कली तुण्व। मिनू सापाइक्ब। मिनू मकोपुकी परमपरभु यावे आ नोले सोइक्नीम। मिनू मको आन पुइशो लोव्र नंशा। मको आन कली सापाइक्ब।

२३ मिनू मको नाक्ती इजीप्त रे अस्सुर सम्म ठेयब लां का दुम्ब। मिनू अस्सुर रागी डा मुरपुकी इजीप्त जाक्नीम। इजीप्त डा मुरपुकी अस्सुर लाइनीम। मिनू इजीप्त नु अस्सुर डा मुर गारशा परमपरभु यावे कली ठेयब सल्लनीम।

२४ मिनू मको नाक्ती इजीप्त, अस्सुर नु इसराएल नेल्ल क्येडा नोले डा इसराएल रागी दुम्ब। मको रागी रागी आन दातेमी मको सांफा आसीक ताइब दुम्नीम। ब्यवस्था ४ :२०; रामी १५ :१० २५ मिनू मुर नेल्ल आन परमपरभु यावेमी आसीक गेशा मको आन कली “आं इजीप्त डा मुर, आं सल्लो अस्सुर रागी नु आं योव्रशो इसराएल डा मुरपुकी आसीक रमल” देब।

अस्सुरमी गराशां

२० मिनू अस्सुर डा पिप सारगोन आ सासनमी आ कप्तान लडाइ पथ लशा, अशदोद सहर गरात। २ राजा १८ :१७ २ मेना परमपरभु यावेमी आमोज आ तो यसेया कली “इ फेक्शा अरन्डी नु जुत्ता पस्तो” देत। मिनू मोपा यसेया जुत्ता मलिक्यु, वा मफक्यु, शिशरा गाक्चा गोपु। ३ मिनू परमपरभु यावेमी “आं गेय पाइब यसेया दोपा शिशरा नु जुत्ता मलिक्यु बर्स सां सम्म इजीप्त नु एथीयोपीयाम चिन्ड कांइचा कली गाक्म, ४ मोपा अस्सुर डा पिपमी इजीप्त रागी नु एथीयोपीया डा मुर आन कली

ग्याइश्शा लाइक्व। ठिटा नु स्वशो नल्ल आन कली शिशरा, जुता मलिकपाइक्थु नु देल्लो तपाइश्शा लाइश्शा, इजीप्त कली मुने तोक्व। ५ मिनु सु सुमी 'एथीयोपीया डा मुरुम आंइ कली वारच पाइनीम। इजीप्त बाल्या बाक्व' देनीमी, मको नल्ल मुने दोक्नीम। ६ मिनु मको नाक्ती समुन्दर आ नक्था बाक्व मुरपुकीमी 'कोव्रडीन, डॉइती वारच पा अस्सुर नु लडाइ पन, द ब्रश्शा रागी आस कली अस्सुर डा पिपम ग्याइश्शा लाइक्व। गो मुल दोपा ब्रांइचा' देनीम" दंत।

बेबीलोन आ पर्वम लोत्र पशो

यसैया १३ :-; यसैया १४ :-

२१ मिनु परमपरभु यावेमी समुन्दर आ नक्था डा गोरशो रागी आ पर्वम यसैया कली "नंगबर फश पिना पिन बाक्व। मको गोरशो रागी रे पीब। मको हिंचा डा रागी बाक्व। २ गो हिंचा डा लोत्र का नंता। श्येत गेवपुकीम श्येत ला गेनीम। खतम पोक्वपुकीमी खतम ला पोक्नीमी। एलाम, गे कुवो। गे लशा, मार्दी रागी डा मुर पुम्दीन। गो मको आन हुकयी पचा तेक्नुड" दंत। ३ मोपतीक आं पोक्व खिरंखिर पाइनीम। गो सुत्केरी रोइ पशो आल थिचशो मीश मुर खोदंशो दुम्ती। गो राप्ने मचाप्यु, नंन नु तन मचाप्चा डा श्येत जशो बाक्नुड। ४ गो गरांग्ये माग्ये दुम्शो बाक्नुड। आं दाक्शो हाम्सीमी नाइक्चा मलनुनु, आं कली खिरंखिर पपाइक्ती। ५ मकोपुकीमी जचा कली ठीक सल्लनीम। वा ब्राइनीम। जाइनीम, तूनीम। ए, कप्तानपुकी, बाक्कीन इन तेक्तीक तेल खरेक्तीन। ६ मारद हना परमपरभुमी आं कली "कोव्रब मुर का वोतो। मकोम मार ताइबा, शोत्रडल। ७ मकोमी शारा डोइक्व आन कली जोड जोड पा जाक्ना जाक्न ताइब, गधा डोइक्व नु दलआंठ डोइक्व तापु हना, शुश कोव्रशा, नोफा दाइश्शा ननल" दंत। ८ मिनु कोव्रब मुरुमी गुप्स खोदंशो पा, ठेयब संदा पा "परमपरभु, गो नाक्दो नाक्ती खाल पतीकेमी खाल पा राप्शा बाक्शो बाक्नुड। ९ कोव्रडीन, शारा डोइक्व जोर जोर पा जाक्ना जाक्न बाक्नीम" दंत। मिनु मकोमी "बेबीलोन बरुत। मको आन देवी देवता आन मूर्ति नल्ले खपीम ताइक्चा पुंडसाक्म" दंत। परकाश १८ :२ १० गे आं तुप्शो नु कराप्शो रागी डा मुरपुकी, मुर नल्ल आन परमपरभु यावे, इस्राएली आन परमपरभु रे नंशो लोत्र गो इन कली देती।

एदोम आ पर्वम पशो लोत्र

येरमीया ४९ :७-२२, २८-३३

११ मिनु परमपरभु यावेमी दुमा आ पर्वम यसैया कली व्यवस्था २ :५ १२ गो सडर र संदा का नंता। मको संदामी "ए, खाल पाइब मुर, नाक्दो दोशो दुम्म ? दोशो लीम ? ए, खाल पाइब नाक्दो दोशो दुम्म ? दोशो लीम ?" दंत। मिनु खाल पाइबमी "नां सोत्रब, मिनु नां रिक्व। मारद हिल्लो पचा बाक्त हना, आं बाक्तीक जाक्कीन। मिनु हिल्लो पर्यनी" दंत।

अराब रागी आ पर्वम पशो लोत्र

१३ मिनु परमपरभु यावेमी गोरशो रागी आ यसैया कली "ए, अराब रागी डा मुरपुकी गे अराब डा मुर मबाक्तीकेमी बाक्स बाक्चा माल्लीनी। गे दलआंठ डोइश्शा देदान आ थर डा ग्याप्ब लेयब पिने। १४ तेमा रागी डा मुरपुकी, ब्याक्कु त्तु दाक्व आन कली ब्याक्कु चाक्कीन। पराक्शा जाक्व आन कली शोब्त कुरशा, गरुम्य लने। १५ मारद हना मकोपुकी शोइश्शा तरवार, सुक्शो लिबरा नु ठेयब लडाइ रे ब्रांइशा जाक्शो बाक्नीम" दंत।

१६ मिनु परमपरभुमी आं कली "गाल्व ताइबम आ बर्स हिक्शो खोदंशो पा बर्स का नाले कदार आ दारस नल्ल जाम्ब। यसैया १६ :१४ १७ मिनु कदार डा लडाइ पाइब लिबरा आप्ब मुर का निक्शी ला लीनीम। मारद हना एको परमपरभु यावे, इस्राएली आन परमपरभु आ देशो लोत्र बाक्व" दंत।

यरुसलेम आ पर्वम लोत्र पशो

२२ मिनु परमपरभु यावेमी कांडतीक बेसी आ पर्वम यसैया कली "गे नल्ल मार दुम्नी डा मीन, नल्ल इन खिं तार डॉइसीनी ? २ गो, गरांग्ये माग्ये नु रेयकेम बरीशो सहर, इ बेक्शो मुरपुकी तरवारम क्योरशा साइश्शा मनम। लडाइम साइश्शा यो मनम। ३ इ सासन पाइब कालेम परोक्तेक्म। लिबरा मआप्यु ग्याइक्चा पुंडसाक्म। डॉइती सु सु डोन परोक्तेक्म हना यो, मको कालेम ग्याइक्चा पुंडसाक्म। ४ मोपतीक गो आं कली मकोवरीनी। गो हुइ हुइ पा डाक्नुड। आं कली लेम्चा थुं मपने। मारद हना आं दाक्शो मुर खतम दुम्तेक्म" दंत। येरमीया ८ :२३ ५ मिनु नाक्त काम परमपरभु, मुर नल्ल आन परमपरभु यावेमी कांडतीक बेसीम दिम्शा

ताइश्शा नु गरांग्ये माग्ये पपाइक्व। गारो परश्शा डांडा सम्म “वारच पने” दे वाइ बरेश्शा संदा नेंसीब। ६ एलाममी बरा कुरतीके कुरतु। मुरपुकी बग्गी डांडश्शा गाक्चा गोम्तकम। कीर सहर डा मुरपुकीमी तेक्तीक शोल्तकम। ७ इ रिम्शा बेंसी बग्गीम बरीशा बाक्नीम। शारा डाइक्व सहर डा ठेयब लाप्चो आ डांडती ठीक दुम्शा बाक्नीम। ८ परमपरभुमी यहूदा आ सुम्तीक हुक्तु। मेको नाक्ती गेपुकी पिप आ या वोइक्तीक, ब्वाकी डा खिं मिम्ताक्नी। ९ मिनु गेपुकीमी दाऊद आ सहर डा खिं शुश रेक्शा ताइतीनी। मिनु आइदी दोम्ती डा ब्वाक्कु ताप्तीनी। यसैया ७:३ १० मिनु गे यहूदलेम डा खिं हिक्शा, परश्शा, सहर डा गारो बोल्यो सेल्तीनी। येरमीया ३३:४ ११ मिनु गे सहर डा गारो निक्शी आस दातेमी माइत दोम्ती डा ब्वाक्कु तेम्तीनी। तन्न इन कली मोदेंशो पपाइक्व कली ममिम्तीनी। डांडती रे नेल्ल सेल्ब कली चहिं मान मपनी।

१२ मेको नाक्ती परमपरभु, मुर नेल्ल आन परमपरभु यावेमी डाक्चा, रांका पचा, चां खरोइक्चा नु अरन्डी फेक्पाइक्चा कली इन कली बरेत्ताक्व। आमोस ६:१० १३ तन्न गेपुकीमी ग्यरशा, ब्यफ नु भंडा क्योरशा, ब्यशा, अडगुर शांबु त्शा “लो, जय ब्यय, तूय, मारदे हना दीसा बेक्नय” देतीनी। १४ कोरिन्थी १५:३२ १६ मुर नेल्ल आन परमपरभु यावेमी आं कली “मेको इन मरिम्शा पशो मबक्नी सम्म लीब” दे परमपरभु, मुर नेल्ल आन परमपरभु यावेमी देत।

### एल्याकीम कली योत्रशो

१५ मिनु परमपरभु, मुर नेल्ल आन परमपरभु यावेमी “गे खिं नेल्ल कली कोत्रब शेब्ना आ बाक्तीकम लावो। यसैया ३६:३ १६ मिनु मेको कली गे मार पना पन बाक्नीनी? गे इ के एकेर मार बाक्वा डा। एकेर इ मुर सु बाक्नीमी। मारदे डांडामी तुरस मुपदी? मारदे सेरथे फुल्लु आगाम मुर बाक्तीके सल्ली?” देत १७ परमपरभु यावेमी इन कली एक रे मरिम्शा पा डोन ताइक्व। इन कली बोल्यो पा ग्याइक्व। १८ इ कली हिरशा हुरद आप्शा सोदेंशो पा ठेयब रागीमी ताइक्व। मिनु गे मेक उइ बेक्नेवे। इ दारशो बग्गी यो मेक उइ लीनीम। गे इ होत्रप आ खिं कली मुने तोक्व बाक्नेवे १९ गो इ कली इ गेय रे गर्इशा, आइक्व सेल्लन।

२० मेको नाक्ती गो हिल्कीयाह आ ती आं गेय पाइब एल्याकीम कली बरेत्नुड। २१ मिनु गो मेको कली इ वा फेक्पाइक्नुड। इ किप्शुर किप्पाइक्नुड। मिनु इ अधिकार मेको कली गनुड। मिनु मेको यहूदलेम नु यहूदा डा मुर आन आफ दुम्ब। उत्पत्ती ४५:८ २२ गो दाऊद आ खिं डा सांचो मेको कली गनुड। मेकोमी रोक्व, सुइम मचोक्नीम। मेकोमी चोक्व सुइम मरोक्नीम। परकाश ३:७ २३ मिनु गो मेको कली किला सोदेंशो पा सारो खपीम गर्क्नुड। मेको आ किकी पिपी आन खिं डा मान पाइक्चा पुंइसीब दुम्ब। २४ मिनु आ आफ आ खिं डा ठेयब मुर नु आल चच युइ नेल्ल मेको आ अधिकारम बाक्नीम। खिं डा बास नेल्ल मेको आ अधिकारम बाक्नीम” देत। २५ मेको नाक्ती मुर नेल्ल आन परमपरभु यावेमी “मेको सारो खपीम गर्क्शो किला हिम्पाइक्व। मेको कली क्योरशा ताइक्नीम। मिनु आ पतीक अधिकार नेल्ल जाम्ब” दे परमपरभु यावेमी देत।

टायर आ पर्बम लोत्र पशो

इजीकीएल २६:-२८:-

२३ १ मिनु परमपरभु यावेमी टायर आ पर्बम यसैया कली “गे, टारसीस डा जहाजपुकी रांका पने। मारदे हना टायर खतम दुम्शा बाक्व। मेकर खिं नु जहाज नाइक्तीक मलीब। साइपरस टापु रे जाक्व आन कली नेंपाइश्शा बाक्तेकम। इजीकीएल २७:१२ २९ समुन्दर आ नेक्था बाक्वपुकी रांका पने। गे सीदान डा ग्याप्ब लेयबपुकी इन मुर समुन्दर शोक्साक्म। ३ इन मुर ठेयब ब्वाक्कु शोक्शा, लशो बाक्तेकम। शीहारम शोक्शो अन्न नु नील खोला आ एर आंथ खुप्शा इन ग्याप्तीक लेयतीक बाक्त। मिनु गे रागी रागी डा मुर आन ग्याप्ब लेयब बाक्तीनी। ४ सीदान, गे मुने पावो। मारदे हना समुन्दर डा बोल्यो टायर सहरमी गो सुत्केरी रोइ मपड। गो आल मथिड। गो वांइश आल नु मीश आल आन कली मथुलु देतीनी। ५ इजीप्त रागीम टायर आ पर्बम लोत्र जाक्दीम्मेनु, मेकर डा मुर हिंनीम। ६ गेपुकी टारशीश शोक्शा, लेने। समुन्दर आ नेक्था बाक्व मुरपुकी रांका पने। ७ मार, मेको इन ठेयब सहर बाक्वा डा? मेको साइ डांडती रेन बाक्शो सहर बाक्त। मेकर डा ग्याप्ब लेयब मुरपुकी डोन डोन सम्म लाम्तेकम। ८ सुमी टायर कली मोदेंशो पचा मिम्ता? डांडती टायर सिरपेच योक्व बाक्त। आ ग्याप्ब लेयब मुर पिप आ ती सोदेंशो

बाक्तेकम। आ ग्याप्त्र लेयबपुकी रागीम मान पाइक्चा पुंडसीब बाक्तेकम। १।मिनु मुर नेल्ल आन परमपरभु यावेमी मेको मिम्ताकव। आ शुश दारस आ पर्वम ठेयब लेतीक खतम सल्ल्वा नु आ मान पाइक्चा पुंडसीब आन कली मुनं तोक्चा कली मिम्ताकव। १०।टारशीश डा जहाजपुकी इन रागी लन। मुल र मंकर जहाज नाइक्तीक मबाक्ब। इज्जीकीएल २७:१२ ११।परमपरभु आ गुइ समुन्दर तार दिशा बाक्ब। मिनु राज्य राज्य आन कली हिम्पाइश्शा बाक्ब। परमपरभु यावेमी कनान रागी डा बाल्यो दरवार आन कली खतम सल्ल्वा” दे अरेशो बाक्ब। १२।मिनु मेकोमी “गे दिप्चा पुंडसीशो कन्ने तमी सीदान, मुल र ठेयब लेश्शा मबाक्नेवे। बाक्को, साइपरस टापु गे लावो। गे मंकर यो इ थुं नाइश्शा बाक्चा मताइनेवे” दंत।

१३।कली डा मुर आन रागी कोवडीन। अस्सुरम ममाइ, कल्दीपुकीम सहर नेल्ल मुर मबाक्तीक सल्ल्तेकम। मेको टायर सहर ब्याकी डा जन्तु आन बाक्तीक सल्ल्तेकम। मेको सहर पुम्चा कली लाइश्शा खिं सल्ल्तेकम। सहर डा दरवार परत्तेकम। सहर नेल्ल खतम सल्ल्तेकम। १४।टारशीश डा जहाजपुकी रांका पने। मारदे हना इन बाल्यो दुम्तीक परत्तेकम।

१५।मिनु नोले टायर ७० बर्स, पिप का आ बरांडतीक बर्स खोदंशो, मदुम्म सम्म परंचा पुंडसीब। मिनु मेको ७० बर्स नोले टायर सहर तल्लेम आ कुम्सो दंशो खोदंशो दुम्ब। १६।गे प्रंसीशो तल्लेम, इ बीना रिम्शो पा ताप्शा, सहस्र हिरसो। शुश कुम्सो पावो। मिनु इ कली फरुक्नीमी को ? १७।मिनु ७० बर्स नोले परमपरभु यावेमी टायर सहर कली मिम्ब। मिनु मेकोम लंशा आ तल्लेम पशो डा क्यट ताइब। मिनु मेकोमी तेको तेको रागी डा राज्य डा पिपपुकी नु तल्लेम पाइब। १८।मिनु आ तल्लेम पा चम्शो क्यट परमपरभु यावे के दुम्ब। मेको क्यट महेनीम। आ चम्शो क्यट परमपरभु यावे आ डांइती बाक्ब। मेको क्यट मुर आन कली जचा फेक्चा कली गेनीम।

रागी नेल्ल आन कली निसाफ

२४ १।परमपरभु यावेमी रागी नेल्ल मुर मबाक्तीक सल्ल्ब। नेल्ल श्येत्य सल्ल्ब। रागी कली ग्येत्य लुकच पा मेकर डा मुर नेल्ल आन कली बरपाइक्ब। २।मुर आन कली दोदंशो दुम्बा, चढेब आन कली यो मोदंशो दुम्ब। वाइल

आन कली दोदंशो दुम्बा, आन होवप आन कली यो मोदंशो दुम्ब। वाइलीम आन कली दोदंशो दुम्बा, आन होवपोकम आन कली यो मोदंशो दुम्ब। ग्याप्त्र आन कली दोदंशो दुम्बा, लेयब आन कली यो मोदंशो दुम्ब। जेर थुइक्ब आन कली दोदंशो दुम्बा, जेर गेब आन कली यो मोदंशो दुम्ब। ३।रागी थमा पा श्येत्य नु मुर मबाक्तीक दुम्ब। मारदे हना मेको परमपरभु यावे आ दंशो लोत्र बाक्ब।

४।रागी फू खोदंशो पा सोल सुल बेक्ब। रागी नेल्ल मोदंशो दुम्नीम। रागी डा मान पाइक्चा पुंडसीब नेल्ल बेक्नीम। ५।रागीम बाक्ब मुरपुकीमी रागी कली खतम सल्ल्नीम। मारदे हना मेकोपुकीमी परमपरभु यावे आ अरेशो मटीम। परमपरभु आ फुल्लुम मुशा बरेशो लोत्र कली ममिम्तेम। आ गना हना यो लीब कबल पशो मसबेम। ६।मोपतीक सरापमी रागी कली खतम सल्ल्शो बाक्ब। मिनु मेकर बाक्ब आन पापम पतीक श्येत जाइनीम। का निकशी ला लीनीम। ७।अडगुर शांबु ग्युरब। अडगुर बोट सोवनीम। डांइती ग्येरसीशा बाक्ब मुर नेल्ल हुकयी पाइनीम। ८।बाजा ताप्त्र आन ग्येरशो रयक मनंसीब। ग्येरशो मुर आन संदा मलीब। बीना ताप्त्र आन रयक जाम्ब। ९।मुल र अडगुर शांबु तूडमेनु, कुम्सो मपाइनीम। राकसी तूब आन कली राकसी काइब। १०।मेको गरांग्ये माग्ये सहर खतम दुम्ब। मेको खिं डा लाप्चो नेल्ल चोक्सीशा, सुइ ओव्रन मचान्नीम। ११।तां गाक्ब मुरपुकी अडगुर शांबु मबाक्तीक सुतां पाइनीम। ग्येरसीतीक नेल्ल नुप्ब। रागी डा ग्येरसीतीक जाम्त। १२।सहर मुर मबाक्तीक दुम्शा, आ गारो डा ठेयब लाप्चो बरत्तेकम। १३।मोदंशो रागी नु रागी रागी डा मुर आन कली दुम्चा माल्ब। तेल रवा आन फल थप्शा नु अडगुर संक्शा यो सीला लीशो खोदंशो पा रागी नेल्ल मोदंशो दुम्चा माल्ब।

१४।मिनु मेको लीशो मुरपुकी ग्येरशा ठेयब संदा पा “परमपरभु यावे ठेयब बाक्ब” दे पच्छिम र कुम्सो पाइनीम। १५।मोपतीक पूर्व डा मुर “परमपरभु यावे ठेयब बाक्ब” दे मेको कली ठेयब सलीन। समुन्दर आ नेक्था बाक्ब आन कली “परमपरभु यावे, इसराएली आन परमपरभु आ नं कली मान पने” दंमानु, मेको कली मान पाइनीम। १६।गो रागी आ सुर र परमपरभु कली ठेयब सल्ल्तीक कुम्सो पशो नंतय। ठीक पाइब, परमपरभु कली ठेयब सल्ल्तीक कुम्सो बाक्नीम।

तन्न गो शुश श्येत जाइव दुम्ती। आबी, गो श्येत जाइव दुम्ती। मारदे हना दूली पाइवम, मुल सम्म दूली पाइनीम। मिनु मेको क्येडा यो दूली पाइनीम।

१७गे रागी डा मुरपुकी, इन डांइती शुश हिंचा डा बाक्व। इन डांइती बिकतीक नु ब्यारद बाक्नीम। १८मिनु सु सु शुश हिंचा डा रयक नेंशा परोवनीमी, मेको बिकतीकम बिकनीम। सु सु बिकतीक र गरुनीमी, मेको ब्यारदम रत्नीम। मारदे हना सरीड डा झल रोकसीशो बाक्नीम। मिनु रागी आ जग हिम्सीशो बाक्व। येरमीया ४८:४३-४४; आमोस ५:१९; उत्पती ७:११ ११ मिनु रागी एशशा, बरोल्ब। खिरनुम हिम्सीब। २पतरुस ३:१० २० रागी अडगुर शांबुम दुक्शो मुर सोदंशो पा एर आंथ हिम्सीब। खिरनुम हिम्शो कटेरा सोदंशो पा हिम्सीब। मुर आन हेंथे पतीकेमी मेको मोदंशो सेल्लु। मिनु रागी गेनायो मबोक्वा डा पा गोल्व।

२१मेको नाक्ती परमपरभु यावेमी स्वर्गम बाक्व सक्ति पाइशो आन कली सजाइ गेब। मिनु रागी कली सासन पाइव पिप आन कली सजाइ गेब। दानीएल १०:१३; येरमीया ४६:२५ २२ जेल्खानम सुम्सीशो मुर सोदंशो पा बिकतीकेमी सुम्सीचा पुंडसीनीम। मेको जेल्खानम चोक्वा पुंडसीशा, शुश नाक्त नोले सजाइ ताइनीम। २३मेना तास्ता लल जीव, नां आ छेड्छेड् जाम्ब। मारदे हना मुर नेल्ल आन परमपरभु यावेमी सियान डांडा नु यरूसलमम सासन पाइव। खाल्पा आन डांइती आ छेड्छेड् कोइब।

### ग्येरशा कुम्सो पशो

१ परमपरभु यावे, आं परमपरभु बाक्नीनी।  
**२५** गो इन कली मान पशा, इन नं ठेयब बाक्व, दे कुम्सो पाइनुड। मारदे हना गे छेक लाक्वा डा गेय पाइतीनी। इन डांइती मिम्शो मप्रांडथु, थमा पा थुम्तीनी। २मारदे हना गे सहर कली फुल्लु तेल्तीके सोदंशो सेल्लतीनी। गारो हिरशो सहर कली परतीनी। अर्का रागी डा मुर आन दरवार मुल मली। मिनु मेको गेनाया मसेल्लनीम। ३मोपतीके बोल्यो मुरपुकीम इन कली मान पाइनीम। बोल्यो राज्यपुकी इन क्येडा हिंनीम। ४मारदे हना गे परुडग नु मारदे मथीब आन कली वारच पाइव बाक्तीनी। फश गिवार पवानु, फाम्सीतीक नु नां पवानु, सितल थरतीके बाक्तीनी। मारदे हना मेको शिशो

मपाइक्व आन गाइक्वा, फश गिवार गारोम थोक्सीशो सोदंशो बाक्व। यसेया ४:६ ५ सोव्रशो रागीमी नांम नाप्पाइशो सोदंशो पा, अर्का रागी डा मुर आन रयके पतीके साम्तीनी। नां कली गोस्सुम सुम्शो सोदंशो पा, शिशो मपाइव आन गराशा ग्येरशा पतीके कुम्सो तेक्तीनी।

### परमपरभु आ गेशो भोज

६मिनु मुर नेल्ल आन परमपरभु यावेमी सियान डांडामी रागी नेल्ल डा मुर आन कली थम ठेयब भोज का सेल्ल। बरोव्रशो नु चोक्शो अडगुर शांबु नु बरोव्रशो जचा थोव्रक के भोज गेब। मती २२:२-४ ७ मिनु मेकोमी मेको डांडामी जात जात डा मुर आन थुं डा सुम्तीके हुक्व। रागी रागी डा मुर आन सुम्तीके हुक्व। मेना मेकोमी मुर आन कली मबक्पाइक्व। ५मेना परमपरभु, परमपरभु यावेमी मुर नेल्ल आन परक्कु फिक्व। आ मुर आन कली मदाक्तीके रागी नेल्ल र गरुंडव। मारदे हना परमपरभु यावेमी मेको लोव्र पाप्तु। १कोरिन्थी १५:३५; परकाश ७:१७ १ मिनु मेको नाक्ती मुरपुकीमी “कोव्रडीन, मेको आंइ परमपरभु बाक्व। गो मेको आ लां कोव्रतक। मिनु मेकोम आंइ कली श्येत र परांइतु। मेको आंइ रिम्शा बाक्शो परमपरभु यावे बाक्व। गोपुकी आ परांइशो तशा ग्येरसाक्क। भजन संगरह ४८:१५ १० मारदे हना परमपरभु यावे आ गुइ मेको डांडा तार बाक्व। मिनु मोआब रागी डा मुर आन बाक्तीके दिम्वा पुंडसीनीम। मेको नेल्ल मोव्रल वोइक्तीके सोदंशो पा दिम्वा पुंडसीनीम। ११मिनु दोपा दोम्ती ग्यारब मुरपुकीमी आन गुइ दिनीमी, मोपा मेकोपुकीमी आन गुइ दिनीम। मिनु परमपरभुमी मेको आन ठेयब लेशो नु आन सक्ति आइक्व सेल्ल। १२मिनु आ बोल्यो नु लाइशो गारो परेशा, आइक्व सेल्ला, खप नु उइक्थ सेल्ल। मिनु फुरक दुम्पाइक्व” देनीम।

### परमपरभु आ मुर आन कुम्सो

१मेको नाक्ती यहदा रागी डा मुरपुकीम  
**२६** मार कुम्सो पाइनीम दंशा हना “आंइ सहर बोल्यो बाक्व। परमपरभुमी आंइ कली गराचा गेब। लडाइ पाइव आन कली ओव्रने मचाप्तीके गारो हिरब। २मेको सहर डा गारो डा लाप्चो रोककीन। ठीक पाइव नु परमपरभु यावे कली थमा सुइक्वा मप्रांइव ओव्रने चाप्मकल। भजन संगरह ११८:२० ३गे ग्येत्य लुक्व

मदुम्ब थुं पाइश्शा मुर आन कली थुं नाइक्वा गनीनी। मारदे हना मकोपुकी इन कली थमा सुइक्व बाक्नीम। ४ गे परमपरभु यावे कली गेना हना यो थमा सुतीन। मारदे हना परमपरभु यावे गेना हना यो बाक्व, संरथे फुल्लु का बाक्व। व्यवस्था ३२:४ ५ मारदे हना मकोमी ठेयब लेश्शा मुर बरम्पाइक्तु। आन सहर कली आइक्व सल्था, सर्पीम वोइश्शा, फुरक नु उइक्व सेल्लु। ६ मुरपुकीमी मको कली दिम्नीम। पूरुङ्ग मुरपुकीमी मको कली दिम्नीम। क्येट मथीबम यो मको कली दिम्नीम।

७ ठीक निसाफ पाइब आ लां ग्येत्य बाक्व। गे ठीक पाइब आ लां थेल्लीनी। ८ परमपरभु यावे, गो इन निसाफ पतीके कली रिम्नीकी। आंइ थुं नेल्लेमी इन नें नु इन कली मिम्शा बाक्नीकी। ९ गो नाक्वो इन कली शुश मिम्नुड। गो आं थुंमी इन कली माल्ला माल्ल बाक्नुड। मारदे हना गे रागी डा मुर आन कली निसाफ पाइतीनी हना, रागीम बाक्वपुकीमी ठीक पतीके शंसीनीम। भजन संगरह ६३:७ १० परमपरभु यावे आ अरेशो लोत्र मटीब मुरपुकीमी शिशी ताम्तक्म हना यो, ठीक पतीके मशंसीनीम। मकोपुकीमी ठीक पाइब आन रागीमी दली पाइनीम। मिनु परमपरभु यावे कली मान मपाइनीम। ११ परमपरभु यावे, इन गुइ मको आन पर्वम क्युक्वो बाक्तीनी हना यो, मकोपुकीमी मतुइक्नीम। गे इन मुर आन कली दाक्वो तशा, मकोपुकी मुने दाक्मल। इन जारी सतरु आन कली नेक्व मीमी मको आन कली यो नेक्गल। यसेया ३७:३२ १२ परमपरभु यावे, गे आंइ कली थुं नाइक्वा गनीनी। मारदे हना मार रिम्शो पका, मको नेल्ल इन रे पा पिशा बाक्व। यसेया ९:६ १३ आंइ परमपरभु यावे अरु ठेयब मुरुम आंइ कली हुकुम पाम्तक्म। तन्न गे का ला आंइ कली अरब बाक्नीनी। १४ बक्वो मुर मब्रांइनीम। वांकु मबोक्नीम। मारदे हना गे मको आन कली साइश्शा, मको आन कली मिम्तीक यो क्यास्ताक्नी। १५ तन्न गे रागी डा मुर आन कली सोपाइश्शा बोपाइश्शा शुश सेल्लतीनी। गे मान ताइब बाक्नीनी। गे मको रागी कली ठेयब सेल्लतीनी। १६ परमपरभु यावे, मको मुरपुकीमी श्यत जशा, इन कली माल्तेक्म। इन गेशो सजाइ तशा, आइक्व संदाम इन कली पुंडतेक्म। होसे ५:१५ १७ दोपा आल थिचा चिक्वो मीश मुरुम आ आल थिची ना वाइ बरेश्शा, रोम्सीबा, मोपा परमपरभु यावे, गो इन डांइती बाक्तक। यूहन्ना १७:२१; प्रकाश १२:२ १६ मिनु गोपुकी

यो कोत्रज कुरशा रोम्साक्क। तन्न फश ला थीतक। गोपुकी आंइ रागी कली परांइन मचाक्क। मिनु आल थिशा यो शुश दुम्न मचाक्क। १९ इन बक्वो मुरपुकी लेशा बरांइनीम। आन बक्वो रो संसीनीम। गे फुरकुम बाक्वपुकी, बाक्कीन। ग्यरसीशा कुम्सो पने। मारदे हना इन सुनी डा सीत छुं छुं डम बरशा बाक्व। मिनु रागीमी शुश डांइती बक्वो मुर आन कली गरुंइब। इजीकीएल ३७:१-१४; मती २७:५२-५३

२० आं मुरपुकी जाक्वशा, इन खिं ओत्रडीन। मिनु इन नाले लाप्चो चौक्कीन। गाइक्वा मनुम्स सम्म इक्का नाक्ती खरुंइसीन। मती ६:६ २१ मारदे हना परमपरभु यावे आ बाक्तीके र जाक्व। मिनु रागीम बाक्व मरिम्शो पाइब आन कली सजाइ गेब। मिनु रागी तार देम्शो हुश नु साइश्शा मुर नेल्ल मखरुइक्थु कोइब” दे कुम्सो पाइनीम। उत्पती ४:१०-११; प्रकाश १८:२४

इस्राएल कली श्यत रे परांइशो

२७ १ मको नाक्ती परमपरभु यावेमी आ हिंचा डा, ठेयब नु सक्ति पाइश्शा तरवारमी खेदा पना पने लेव्याथन माइश्शा बुस्स कली सजाइ गेब। गेरेशा गाक्व बुस्स लेव्याथन नु समुन्दरम बाक्व ठेयब जन्तु कली साइक्व। भजन संगरह ७४:१४

अङ्गुर रू आ पर्वम नक कुम्सो

२ मिनु मको नाक्ती “नेल्ल क्यडा रिम्शो अङ्गुर रू का बाक्व” दे कुम्सो पने। यसेया ५:१-७ ३ गो, परमपरभु यावेमी मको कली गेना हना यो कोत्रशा, ब्वाक्कु लुक्नुड। मरिम्शो मदुम्ल, दे गो मको कली नाक्वो नाक्ती कोत्रनुड। ४ गो मगाइक्नुड। चू चौक वाम हना, गो मको आन कली लडाइ तोशा खोदंशो पा, तुल्शा चोडमी वा। ५ मोदंशो मडुम्त हना, मको गो नु गारशा, आं कली वारच सेल्ल। आं कली वारच सेल्ल। ६ मिनु नाले डा नाक्तीमी याक्वम आ शाक्व थोक्व। इस्राएल फू बोइश्शा, नक राशी दाप्ब। मिनु रागी नेल्ल मको आन फल फुलमी बरीब। ७ मार, परमपरभुमी आ कली तुप्ब आन कली तुप्शो खोदंशो पा मको आन कली यो तुप्वा? परमपरभुम आ कली साइक्व आन कली साइश्शा खोदंशो पा मको यो साइक्वा पुंडसमा? येरमीया ३०:११ ८ ग्याइश्शा लाइक्वा पुंडसीशो रागी रे गरुंइशो मुर नु लडाइ पाइतीनी। परमपरभुमी मको आन कली मुइश्शा, पूर्व डा

फश पवानु, ठेयब फश गिवारमी योल्पाइक्व ।  
 १मोपतीक मेको रे पा याक्व आ मुर आन  
 दोस क्याम्सीब । मेको आन पाप पशो आ पर्वम  
 मो पचा पुंडसीशो बाक्त्कम । मेकोमी चढ्तीक  
 डा फुल्लु खरी खोदंशो पा फस सेल्ब । मिनु  
 मूर्ति पाइश्शो थाम नु धूप चोशा चढ्तीक काइ  
 मलीपाइक्व । लेवी २६ :३० १०मारदे हना गारो  
 हिरशो सहर मुर मबाक्तीक दुम्त । मेकर गोरशो  
 रागी खोदंशो पा मुर मबाक्नीम । मेकर बाच्छा  
 जोशा नोइसीनीम । मिनु आ राशी व्याइनीम ।  
 ११मिनु मेको आ राशी सोव्रशा, जिक्नीम । मिनु  
 मीश मुरपुकी जाक्शा, चोचा कली शी खुन्नीम ।  
 मारदे हना मेकोपुकी रुप्तीक मपाइश्शो थर डा  
 मुर बाक्नीम । मोपतीक मेको आन कली सेल्बमी  
 मेको आन कली शिशी मपाइब । येरमीया ४ :२२ ;  
 व्यवस्था ३२ :१८

१२मिनु मेको नाक्ती परमपरभु यावेमी  
 युफरेटीस खोला रे इजीप्त डा व्याक्कु मबाक्शो  
 खोला सम्म अन्न तुक्व । गे इसराएल डा  
 मुरपुकी का का पा खुन्वा पुंडसीनीनी । १३मेको  
 नाक्ती ठेयब तुराही का गरीब । मिनु अस्सुर  
 रागीम जाम्शो नु इजीप्त रागीम खदा पचा  
 पुंडसीशो मुरपुकी जाक्नीम । मिनु यरूसलेम  
 डा परमपरभु यावे आ डोडामी आ कली ठेयब  
 सेल्नीम । यसेया ११ :११-१२ ; योएल ३ :५

### सामरीया कली निसाफ

१आबी, गे एफराइम डा दुक्शो ठेयब  
 २८ लेशशो मुरपुकी, इन दारस फू खोदंशो पा  
 बेक्व । मेकर बरोव्रशो जाइब नु दुक्शो मुर ला  
 बाक्नीम । अडगुर शांबुम मेको आन कली नक्शो  
 बाक्व । २कोव्रडीन, परमपरभु नु बाल्यो नु सक्ति  
 पाइश्शो का बाक्व । मेको मुप्स व्यांडसीशो फश  
 गिवार खोदंशो बाक्व । शुश रउ व्यांडसीशो फश  
 गिवार खोदंशो बाक्व । परमपरभुमी मेको कली  
 रागी तार तोक्व । २राजा १७ :५-६ ३एफराइम  
 डा दुक्शो मुर आन दारशो माला कली दिम्शा  
 ताइश्शा पाइनीम । ४मिनु मेको आ पिया डा  
 दारस, फू खोदंशो पा बेक्व । मेकर बरोव्रशो जाइब  
 ला बाक्नीम । मेको नेल्ल वयडा डोइती मीशो  
 फोव्रशी खोदंशो बाक्नीम । सुम मेको ताइबा,  
 मेकोम सेक्शा व्याइब ।

५मेको नाक्ती मुर नेल्ल आन परमपरभु यावे  
 आ लीशो मुर आन कली छेड्छेड् पा बरशो  
 सिरपेच नु पियाम चुइक्तीक दुम्ब । ६निसाफ  
 पाइब कली ठीक पतीक सोक्त्त दुम्ब । मिनु लडाइ

पाइब आन कली सहर डा लान्चो रे खेरतीक  
 सक्ति गेब दुम्ब ।

### चढेब नु परमपरभु आ लोत्र पाइब

७चढेब नु परमपरभु यावे आ लोत्र पाइबपुकी  
 यो अडगुर शांबुम दुक्नीम । राकसीम दुक्शा,  
 दिङ् दाङ् गोल्वा चिक्शा गाक्शो बाक्नीम ।  
 चढेब नु परमपरभु यावे आ लोत्र पाइबपुकी  
 राकसीम दुक्शा गाक्नीम । अडगुर शांबुम  
 दुक्तीक आन मिम्तीक गरांग्ये माग्ये दुम्त ।  
 मेकोपुकी राकसीम दुक्शा, दिङ् दाङ् गोल्वा  
 चिक्शा गाक्शो बाक्नीम । मेकोपुकीम फश लोत्र  
 ला पाइनीम । मतुइक्थु दूली निसाफ पाइनीम ।  
 ८मेको आन जतीक मर नेल्ले आन मेशोम  
 बरीशो बाक्नीम । नेल्ले गरांग्या दिशो बाक्व ।

९मेकोपुकीमी सु आन कली जोक्तीक  
 तुइक्तीक लोत्र रुप्पाइक्नीमी ? सु कली आन  
 दंशो लोत्र शंनीमी डा ? मेकोपुकीमी नक दूध  
 परोइशो आल आन कली शंचा चिक्त्मे ?  
 १०मेकोपुकीम “परमपरभु आ बरक्शा अरशो  
 पावो कि पावो, पावो कि पावो, पावो कि पावो ।  
 इच्का एकर इच्का मेकर” देंनीमी ।

११थमा पा, मेकोमी अर्का रागी डा मरुन्वा  
 डा लोत्र पा, आ मुर आन कली शंब । व्यवस्था  
 २८ :४९ ; येरमीया ५ :१५ ; १कोरिन्थी १४ :२१  
 १२मिनु परमपरभुमी मेको आन कली “मेको  
 थुं नाइक्तीक बाक्व । गे दशो मुर आन कली  
 नाइक्चा गेन । थुं बारपाइक्तीक एकोन बाक्व”  
 देंत । मो हना यो मेकोपुकीमी मनंथु मटीम । यसेया  
 ३० :१५ ; मत्ती ११ :२८-२९ १३मोपतीक परमपरभु  
 यावे आ लोत्र मेको आन कली यो आन खोदंशो  
 पा मरुन्वा डा लोत्र दुम्ब । मिनु “बरक्शो,  
 अरशो पावो कि पावो, पावो कि पावो, पावो कि  
 पावो । इच्का एकर, इच्का मेकर” दंशो बाक्व ।  
 मिनु मेकोपुकी लशा, नोले गे गोल्शा आन  
 गुइ खोइली जिक्नीम । मिनु ब्यारदम रेशशा,  
 ग्याइक्चा पुंडसीनीम ।

१४मोपतीक गे शुक्शी पाइबपुकी, परमपरभु  
 यावे आ लोत्र नेनीन । गे यरूसलेम डा मुर  
 आन कली हुकुम पाइनीनी । १५मिनु गेपुकीमी  
 “गेपुकीमी बेक्पाइक्व नु कबल पमुशो  
 बाक्नीकी । बेक्शो मुर आन बाक्तीक नु सेल्ला  
 पाइतक । ठेयब श्यत जाक्त्त हना यो, आंइ  
 कली मारइ महुम्ब । मारदे हना जोल पतीके नु  
 गारशा खरुइश्शो बाक्नीकी । दूली पतीकेमी  
 फाम्सीशो बाक्नीकी” देंतीनी । १६मोपतीक

परमपरभु, परमपरभु यावेमी “कोव्रडीन गो सियान डांडाम जग फुल्लु का वोडकुनुड। मेको रिम्शो नु बोल्यो सुर डा फुल्लु बाक्व। मेको शुश क्यट लाइब थम बोल्यो जग डा फुल्लु बाक्व। सु सु मेको कली थमा सुडक्नीमी, मेको आन थुं लुक्च मलाइब। भजन संगरह ११८:२२; एफिसी २:२०; यसेया ७:९ १७गो ठीक निसाफ कली गारो परोवची ना क्युक्तीक डारो खोदंशो सल्लुड। मिनु ठीक पतीक कली घन्टी खोदंशो सल्लुड। मिनु मुप्सीम मेको जोल पा सरुडक्तीक खतम सल्लु। ब्याकुमी फाम्सीतीक योल्ब। १८मना इन बेक्पाइक्व नु पशो कबल नुब्ब। इन बेक्शो मुर आन बाक्तीक नु पशो सल्लु जाम्ब। मिनु मेको हिंचा डा श्यत जतीक जाक्शा, इन कली सुम्ब। १९मेको गिश खेयप जाक्त हना यो, इन कली सुम्ब। मारदे हना मेको सुनी कुस कुस जाक्व। नाक्वो नाक्ती यो जाक्व। मेको लोत्र रुप्वा चहिं शुश हिंचा डा बाक्व। २०मुर दिसामानु ‘इप्तीक आइक्व दुम्ब। फेक्तीक वामी सुम्समानु’ आन रां मसुम्ब” दंत।

२१मारदे हना परमपरभु यावे पेरालीम डांडाम बोक्शो खोदंशो पा बाक्व। मेको गिवोन डा बेसीम गाइश्शो खोदंशो पा गाइक्व। मोपा मेकोम आ गेय पाइब। मेको आ गेय छक लाक्चा डा बाक्व। मिनु मरुप्चा डा बाक्व। २२सामुएल ५:२०; १इतिहास १४:११; १इतिहास १४:१६ २२शुक्शी लोत्र मपन। मो पाइतीनी हना इन कली फुरेशो डारी खोदंसीब। मारदे हना परमपरभु, मुर नेल्ल आन परमपरभु यावेमी “रागी नेल्ल खतम सल्लुड” दंशो नेता। यसेया १०:२२-२३

२३नेनीन, आं लोत्र नेनीन। नोफा दाइश्शा, होस पा बाक्शा आं लोत्र नेनीन। २४मार, शोक्चा कली ब्यफ वाक्व मुरुमी गेना हना यो ब्यफ वाक्वा? मार, गेना हना यो कुटीम दोशा, रू थेल्लीनी? २५डल्ला परोल्ला कली लेडको पशा, सोंप नु मस्ता मशोक्नीमी? चेरब मशोक्नीमी? क्योत्रज रूम क्योत्रज शोक्नीम। मिनु मोत्रल कली भूस फराइनीम। २६मारदे हना आन परमपरभुमी मेको आन कली रिम्शो पा शंताक्व।

२७सोंप कली दांड मपाइनीम। मस्ता कली तूलीमी मतुप्नीम। सोंप कली आइक्व कोक्क नु मस्ता कली सिरकनामी तुप्नीम। २८शोब्ले चोचा कली चेरब हिल्लीम। तन्न मतुप्नीम।

फस सल्ला कली दांड मपाइनीम। २९मेको मोदंशो नेल्ल मुर नेल्ल आन परमपरभु यावेमी शंशो बाक्व। मेको अर्ती गेतीकम छक लाक्चा डा नु तुडक्तीकम नेल्ल क्येडा ठेयब बाक्व।

अरीएल सहर कली श्येत दुम्शो

१आर्बा, अरीएल, अरीएल सहर। दाऊद २९ मेकर बाक्शा बाक्त। गे मेकर बसे बसे बाक्शा, चाड मानन मानन बाक्तीनी। अरीएल चदेतीक बाक्तीक यरुसलेम आ याइनी नें बाक्व। २मो हना यो, गो मेको कली श्येत गेनुड। मेकर डाक्शा, रांका पाइनीम। यरुसलेम आं कली अरीएल का बाक्व। ३गो दाऊदम खोदंशो पा इ कली पुम्पाइक्नुड। गारो डाइक्चा कली लाइश्शो सिं सल्लाइक्नुड। गो मोदंशो गेय शुश पपाइक्नुड। लूका १९:४३ ४गे उइ खप रे लोत्र पाइक्नेव। मिनु फुरक रे पा ब्याक्नेव। इ लोत्र फुरक रे नेंसीब। इ संदा वोल आन संदा खोदंशो पा खप आगा रे गरुब। इ लोत्र फुरक आगा रे पा आइक्व संदा पा नेंसीब।

५तन्न इ जोरी सतरु आन हल फुरक खोदंशो पा शुश दुम्नीम। सक्ति पाइश्शापुकी बेरशो भूस खोदंशो दुम्नीम। मेको नेल्ल याम कामी दुम्ब। ६मिनु मुर नेल्ल आन परमपरभु यावे इ कली गरुम्थ जाक्व। मेको बुंबु, खिरनु ठेयब रेयके नु जाक्व। मेको हिरशो फश गिवार नु ठेयब मी नु जाक्व। ७रागी रागी डा शुश मुरुमी अरीएल नु लडाइ पाइनीम। लडाइ पाइब नेल्लमी मेको आन बोल्यो दरवार पुरश्शा, श्यत गनीम। मेको डामु तशो नु नाक्वो कौडतीक तशो खोदंशो पा दुम्ब। ८दोदंशो पा शोत्रलु बेक्शो मुर आन डामुम जशो ताइनीमी, मिनु संसीमानु शोत्रलुम बाक्नीमी। दोदंशो पा तूतू दाक्व मुरुमी डामुम तूशो ताइनीमी, मिनु संसीमानु आन लाक्चा शोत्रशो बाक्वा, मोदंशो पा सियान डांडा नु लडाइ पाइब रागी रागी डा मुरपुकी दुम्नीम।

परमपरभु यावे आ गेय

९छक लाक्शा कोव्रडीन। मिक्च किरप्शा, मिक्च मताइब दुमीन। दुक्शो दुमीन। तन्न अङ्गुर शांबुम ममाइ। गोल्वा चिक्शा गाक्कोन, तन्न राक्सीम ममाइ। १०मारदे हना परमपरभु यावेमी इन तार शुश निन्दरा पपाइक्व सोक्ती मोइश्शो बाक्व। मेकोमी गे परमपरभु यावे आ लोत्र पाइब इन कली मिक्च मताइब सल्लु। मिनु इन पिया सुम्तु।

११ मेको इन कली कांइशा लोत्र नल्ले, इन कली छाप थोक्शो किताब सोदंशो दुम्त। मेको पढेस जोक्ब कली “पढेवो” दे गेतीनी हना, मेकोमी “गो पढेन मचापनुड, मारदे हना एको छाप थोक्शो किताब बाक्ब” देब। १२ मेको पढेस मजोक्ब कली गशा “एको पढेवो” देतीनी हना, मेकोमी “गो पढेस मजोक्बनुड” देब।

१३ परमपरभु यावेमी “एको मुरपुकी लोत्र पशा आं नक्था जाक्नीम। मिनु आन शोत्रमी आं कली ठेयब सल्लनीम। तन्न आन थुंम चहिं आं क्येडा डोन बाक्नीम। मेको आन आं कली मान पतीक मुर आन शंशो ला बाक्ब। यसैया १ :१५ ; यसैया ५८ :२-३ ; मत्ती १५ :८-९ १४ मोपतीक गो एको मुर आन दातेमी छक लाक्चा डा, हिंचा डा नु मरुप्वा डा गेय पाइनुड। मेको आन जोक्ब तुइक्ब मुर आन तुइक्वतीक जाम्शा लाइब। निप्स खाप्शो गेय पाइब आन निप्स खाप्तीक खरुइक्चा पुंडसीनीम। १ कोरिन्थी १ :१९ ; मत्ती ११ :२५

१४ गे सु सुमी आंमा मिम्शा पशो गेय परमपरभु यावे आ डांइती खरुइक्नीनी नु छिडछिडम गेय पशा, इं कली सुम ताइबा डा ? इं कली सुम तुइक्बा डा ?” देनीनी। भजन संग्रह १० :११ १६ गे दूली पाइबपुकी, खप के ग्यांब सल्लब मुर खप सोदंशो मिम्सीबा ? मिनु सल्लथो थोत्रकमी आ कली सल्लब कली “मेकोम आं कली मसल्लयी” देबा डा ? सल्लसीशामी सल्लब कली “मेको मारइ मरुप्ब बाक्ब” देन चाप्वा ? यसैया ४५ :९

नोले रिम्शो दुम्ब, दे आस पशो

१७ मिनु इच्छा नोले लेबानोन फल फुल रू दुम्ब। फल फुल रू चहिं ब्वाकी सोदंशो दुम्ब। १८ मेको नाक्ती नोफा मनंबपुकी किताब डा लोत्र ननीम। गेना हना यो छिडछिडम बाक्ब, मिक्च मताइबपुकी मिक्च ताइब दुम्नीम। यसैया ३५ :५ ; मत्ती ११ :५ १९ मिनु बरम्शो मुर परमपरभु यावे कली मिम्शा ग्येरसीनीम। मिनु क्येट मथोबपुकी इसराएली आन परमपरभु यावे कली मिम्शा थाम्पा ग्येरसीनीम। २० मारदे हना हिंचा डा मरिम्शो पाइब मतीनीम। शुक्शी पाइबपुकी जाम्शा लाइनीम। मरिम्शो पचा माल्बपुकी साइक्चा पुंडसीनीम। २१ मेकोपुकीमी मुर आन कली निसाफ पतीकमी बरुपाइक्नीम। मिनु ठीक पाइब नु निसाफ पाइब कली ब्यारदम रेप्पाइक्नीम। मारइ मरिम्शो मपाइब कली मोशा दोस गेपाइक्नीम। आमोस ५ :१०

२२ मोपतीक अबराहाम कली परांइब परमपरभु यावेमी याक्ब आ सिं डा मुर आन कली “मुल रे याक्ब आ सिं डा मुर मुन मदोक्नीम। आन कुल ग्येरसीशो तांइसीनीम। २३ मिनु मेकोमी आन आल आन दातेम, आं पशो गेय, ताइनीम। मिनु आं नं ठेयब सल्लनीम। याक्ब आ का ला बाक्शो परमपरभु यावे कली तशा मान पा हिंनीम। इसराएली आन परमपरभु कली तशा मान पा हिंनीम। २४ मिनु काइ मरुप्ब मुरपुकी रुब दुम्नीम। मिनु गन गन पाइबपुकी परमपरभु आ शतीक लोत्र ननीम” देत।

मुरुम इजीप्त कली थमा सुइशो

३० १ मिनु परमपरभु यावेमी “आबी, गे काइ मटीब आलपुकी, गे आंम इन मिम्शो पाइनीनी। तन्न आं देशो मटीनीनी। गे कबल का पाइनीनी। तन्न आं दाक्शो मिम्शो कबल ममाइ। पाप तारी पाप तेम्नीनी। यसैया १ :२ २ मेकोपुकीमी आं अती आ परबम हिल्लो मपथु, इजीप्त रागी लाइनीम। मिनु मेकेर डा पिप फाराओम वारच पपांइसीनीम। मेकोपुकीमी इजीप्त रागीम फाम्सीचा माल्लीम। २ राजा १८ :२१ ३ मिनु फाराओ आ वारच पतीकम इन कली मुने तोक्ब। मिनु इजीप्त रागीम फाम्सीचा माल्तीक इन कली थम आइक्च सल्लब। ४ मिनु इजीप्त डा ठेयब मुरपुकी सोआन नु मेको आन सोइशोपुकी हानस जाक्दीशो बाक्नीम। ५ मेको नल्ल मुने दोक्नीम। मारदे हना इन कली वारच पने मचापथु, शोर गाक्शो दुम्नीम। तन्न इन कली मुने दोक्ब नु शिशो मताइब सल्लनीम।

६ मिनु परमपरभु यावेमी दक्खिन डा नेगेब डा जन्तु आन परबम यसैया कली मेको रागी हिंचा डा नु श्येत डा रागी बाक्ब। मेकेर गुप्सनी नु गरीब गुप्स, बुस्स नु बीस पाइशो बेरब बुस्स बाक्नीम। मिनु मुरपुकीमी आन शांप गथा आन तारी नु शुश क्येट लाइब थोत्रक दलआंठ आन तारी कुरपाइशो गाक्नीम। मेको शोर गाक्शो नु वारच मपाइब आन कली गेचा कली कुरपाइक्नीम। ब्यवस्था ८ :१५ ७ मारदे हना इजीप्त डा मुर आन वारच पतीक शोर गाक्शो नु थमा पा वारच मपतीक बाक्ब। मोपतीक गो मेको कली लोत्र मपाइब, राहाब, दे नं वोइक्ता” देत। भजन संग्रह ८९ :११

## परमपरभु कली मटीबपुकी

८मिनु परमपरभु यावेमी यसैया कली “मुल गे लावो, मेको मुर आन डाँइती आं लोत्र फुल्लु तार बरक्तो। मिनु किताबम बरक्तो। नोले सम्म लील, दे नु गेना हना यो सांकछी दुम्पाइक्वा कली बरक्तो। १. मारदे हना एको मुर काइ मटीब बाकनीम। थमा मसुइक्व आल बाकनीम। मेको आलपुकीमी परमपरभु यावे आ शंतीक लोत्र नेंचा मदाकनीम। १०. मेकोपुकीमी नोले दुम्ब लोत्र ताइब आन कली भतने। मेकोवडीन देनीम। मिनु परमपरभु यावे आ लोत्र पाइब आन कली ठीक पचा आ पर्वम आँइ कली लोत्र मपने। जोल पा हना यो, आँइ दाक्शो लोत्र ला पने। आमोस २ :१२ ११ परमपरभु यावे आलां परोनीन। एर आँथ लने। इसराएली आन का ला बाक्शो परमपरभु आ पर्वम मशंदीन देनीम” देत। १२. मोपतीक इसराएली आन का ला बाक्शो परमपरभुम “मारदे हना गेपुकीमी आं देशो नेंचा मदाकनीनी, मुर आन कली दिप्तीके नु दूली पतीके कली ला थमा सुइकनीनी। मिनु मेको पाइनीनी। १३. मोपा इन मरिम्शो पशो बरत्वा चिक्शो लाइशो गारो खोंदंशो दुम्शो बाक्व। मेको इन मतुइक्थु याम काम बरंख। १४. दोदंशो पा मुरुमी खप के ग्याँब बोल्यो पा परोल्नीमी, मेको के चुप्तु रे मी कोइला गुप्चा नु कुवा रे ब्वाक्कु ताप्चा डा टुकरा का यो मलीबा, मोदंशो पा परोल्वा पुँइसीनीनी” देत।

१५. मिनु परमपरभु, इसराएली आन का ला बाक्शो परमपरभु यावेमी “आं ग लेइशा, सिक्सी पा बाकनी हना, बराँइनी वा। सिक्सी पा बाक्तीनी नु थमा सुइक्तीनी हना, गे बोल्यो दुम्नी वा। तन्न गे मटिनी। यसैया ७ :४ ; परस्थान १४ :१४ १६. गेपुकीमी भमाइ, गो शारा डोइइशा परोक्नीकी” देनीनी मोपतीके गे परोक्चा माल्नीनी” देत। मिनु गेपुकीमी “रीब पा दोरब शारा डोइकनीकी” देनीनी। मोपतीके इन कली खेदा पाइबपुकी यो दोरनीम। १७. मिनु मुर कामी हिंच कोइशामी, हजार का मुर परोक्नीम। ५ जना मुरुम हिंच कोइशामी नल्ल परोक्शा, डाँडा तारी कोक्क का खरुक्शो खोंदंशो पा लीनीनी। डाँडा तार डा छेदर का खोंदंशो पा लीनीनी” देत। ब्यवस्था ३२ :३०

## परमपरभुम सियोन नु कबल पशो

१८. मुल सम्म परमपरभु यावेमी इन कली शिशी पचा कली रिम्ब। इन कली आ दाक्तीक काँइचा कली बाक्व। मारदे हना परमपरभु यावे ठीक निसाफ पाइब परमपरभु बाक्व। सु सुम मेको कली रिम्नीमी, मेको ग्यरसीशो बाकनीम। १९. यरुसलमम बाक्व सियोन डा मुरपुकी, ग लेशा मडाकनीनी। मेकोमी इन बरंइशा नंशा, इन कली थमा पा शिशी पाइब। इन लोत्र नंशा, लोत्र लेख। यसैया ६५ :२४ २० परमपरभुमी इन कली श्यत डा शोव्ले नु श्यत डा ब्वाक्कु गेप्तु हना यो, मुल रे इन कली शंब मखरुंडसीब। गेपुकीमी इन कली शंब कली ताइनीनी। २१. मिनु गेपुकीमी “ग्युरा लां लड कां, परा लां लड” देनीनु, इन नोले लोत्र कामी “लां मेकोन बाक्व, मेको लां गाक्कीन” देशो नेंनीनी। ब्यवस्था ५ :३२ २२. मेना इन मुशा सेल्शो चांदी नु सुनम गिल्शो मूर्तिपुकी गरांगरा दीनीनी। गे मेको आन कली गरांगरा दिचा डा वा खोंदंशो पा ताइकनीनी। मिनु मेको आन कली “डोन लने” दे ताइकनीनी। यसैया २७ :९

२३. मिनु परमपरभुमी इन शोक्शो रू कली रेउ यिपाइइशा, अन्न सिप्पाइक्व। मिनु अन्न गरल्शा, शुश जचा ताइनीनी। मेना इन बी ब्यफ ठेयब दिममी जोइनीम। २४. इन गेय पपाइइशा ब्यफ नु गधापुकीमी ग्योलोम कराष्शा, हिक्सी सुप्शो जचा थोत्रक जाइनीम। २५. आइक्व नु ठेयब डाँडा नेल्ल रे ब्वाक्कु बुक्शा, खोल्सा नु खोला यिशा, ठेयब लडाइ दुम नाक्ती गारो डा लाइइशा खिं यो बरंत्नीम। २६. मिनु तास्तु आ छेड्छेड नां आ छेड्छेड खोंदंशो दुम्ब। नां आ छेड्छेड चहिं ७ आटा नां आ छेड्छेड खोंदंशो दुम्ब। मेको ७ नाक्त डा छेड्छेड दुम्ब। मेना परमपरभु यावेमी आ मुर आन गार फरंब। तुप्शो गार सापाइक्व।

## अस्सुर कली निसाफ पशो

२७. कोवडीन, परमपरभु यावे डोन रे जाक्ना जाक्न बाक्व। आ गाइइशा मी खोंदंशो पा बरशा, शुश कुन गरुब। आ शोत्र चुरचामी बरीशो नु आ ले गराव गरु दाक्व मी खोंदंशो बाक्व। २८. आ सास शुर सम्म खरुम्ब बारशो खोला खोंदंशो बाक्व। मिनु मेकोमी रागी रागी डा मुर आन कली खतम सल्लीक ग्योलोम कराष्शा, आन शोत्रमी हेंथे लां काँइब लगाम पाइक्व।

२९ गेपुकी चाड मानेतीक नाकदोम कुम्सो पशा सोदंशो पा ग्यरसीनीनी। गेपुकी बांसुरी ताप्बपुकी नु परमपरमु यावे, इसराएली आन सरथे फुल्लु आ डांडा लाइब सोदंशो पा ग्यरसीशो मुर बाकनीनी। व्यवस्था १६:१४ ३० मिनु परमपरमु यावेमी आ ठयब संदामी लोत्र पशा नंपाइक्व। मकोमी गाइश्शा चुरशा, आ गुइ याम पाइश्शा, मारइ मारइ नक्व मी बरपाइश्शा, वुंबु पपाइश्शा, रउ नु मुप्स यिपाइश्शा कांडव। ३१ मिनु परमपरमु यावेमी अस्सुर डा मुर आन कली कोककम त्पव। मेको आ संदा नेंशा, अस्सुर डा मुर साप्पान हिनीम। २ राजा १९:३५-३७ ३२ मिनु परमपरमु यावेमी गिश खेयप तुप्बा, मीश खेयप सैजडी नु बीना ताप्शो नेंसीब। परमपरमु आंमा अस्सुर डा मुरपुकी नु लडाइ पाइब। ३३ मारदे हना डांडती रे ठयब चोतीक का सेल्शो बाक्त। मेको थमा पा पिप कली सेल्शो बाक्त। मेको शुश लुक्च लशो नु बरम्शो बाक्त। मेकर मी नु शुश शो बाक्त। परमपरमु यावे आ मुइश्शा गन्धक सोदंशो पा मेको मी बराइब।

परमपरमुमी यरूसलेम कली कोत्रब

३१ १ आबी, इजीप्त रागी कली “वारच पाइक्की” दे लाइबपुकी, मेकोपुकी शारा कली थमा सुइक्व बाकनीम। बग्गी कली थमा सुइक्नीम। मारदे हना मेकर शुश बाकनीम। शारा डाइक्व आन कली थमा सुइक्नीम। मारदे हना मेको शुश बोल्थो बाकनीम। तन्न मेकोपुकीम इसराएली आन का ला बाक्शो परमपरमु यावे कली ममिम्थु, हिल्लो मपाइनीम। यसैया ३०:१-२; भजन संग्रह २०:८ २ मो हना यो परमपरमु तुइक्व बाक्व। मिनु श्येत दुम्पाइक्व। आ मिम्शो पशा, मरिम्शो पाइब आन सिं नु मेको आन कली वारच पाइब नु लडाइ पाइब। आमोस ३:६; गन्ती २३:१९ ३ इजीप्त डा मुर, मुर ला बाकनीम। मेको परमपरमु मनम। आन शारा बेक्व बाकनीम। सोक्त मनम। परमपरमु यावेमी आ गुइ दिदानु, वारच पाइब दाइल पांडसीनीम। मिनु वारच पपाइसीब नेल्ले कालेमी बेक्नीम।

अस्सुर कली निसाफ

४ मिनु परमपरमु यावेमी आं कली “गुप्स कि गुप्स आ चाइक्व आन सिखार तारी डरर डरर पाइनीमी। गोठलापुकीमी मेको आन सिखार

रोइक्वा, दे जाक्तेक्म हना, गुप्स मेको आन गरीशो नेंशा महिनीम। मेको आन पशा रेयकेमी गुप्स आन कली मप्रोक्पाइक्व। मोपा मुर नेल्ल आन परमपरमु यावे सियोन डांडा नु आ आइक्व डांडामी लडाइ पथ यीब। ५ दोपा चिक्वपुकीमी आन चाइक्व आन तार फिल फिल पा कोत्रथ बरनीमी, मोपा मुर नेल्ल आन परमपरमु यावेमी यरूसलेम कली कोत्रथ। मेको कली कोत्रशा, परोइशा, आ नक्था बाक्शा खाल पाइब। मती २३:३७

६ ए इसराएली, गेहेंथ पा शुश डोन लाइबपुकी, परमपरमु गे लतीन। यरमीया ७:३-५ ७ मारदे हना मेको नाक्ती गे नेल्लेमी इन सुन नु चांदी के मूर्ति नेल्ल बरपाइक्नीनी। गे मेको पाप पा इन आंम गुइमी सेल्लतीनी। यसैया २:२० ५ मेना अस्सुर तरवारम साइक्वा पुंडसीब। तन्न मेको तरवार बेक्शा लाइब मुर के ममाइ। मेकोमी नेल्ल आन कली खतम सल्ब। मेको तरवार तशा मुर नेल्ल परोक्नीम। मिनु आन ठिटापुकी वाइल दुम्नीम। यसैया ३७:३६ ९ अस्सुर डा पिप, सरथे फुल्लु सोदंशो बोल्थो बाक्त हना यो, हिंशा परोक्व। आ कप्तान आन छेदर परोइशा परोक्नीम। परमपरमु यावेमी आं चुप्तु सियोनम नु आं मी यरूसलेमम बाक्व” देत। व्यवस्था ३२:३१

नोले डा राज्य

३२ १ कोत्रडीन, नोले ठीक पाइब पिप काम सासन पाइब। ठयब मुर नेल्लेमी ठीक निसाफ पाइनीम। यसैया ३३:१७; यरमीया २३:५ २ मिनु मेको मुर नेल्ल फश र खरुंडसीतीक, रउ यिमनु फाम्सीतीक, सोत्रशो रागीमी ब्वाक्कु यितीके नु थम होश रागीमी ठयब सरथे फुल्लु आ वांकु सोदंशो बाकनीम। ३ कोत्रब मुर आन मिक्व बराबरा मदुम्नीम। नंबपुकीमी नोफा दाइश्शा नेंनीम। ४ रिम्शो पा रुने मचाप्बपुकीमी तुइक्तीक शेंनीम। लेम्से पाइबपुकी रिम्शो पा ब्वाक्ने चान्नीम। यसैया ३५:६ ५ मेना मुरुमी मूर्ख आन कली रिम्शो थुं पाइश्शा मुर मदेनीम। खुइ नु जोल पाइब आन कली हाइश्शा मुर मदेनीम। हितोपदेस २८:१६ ६ मारदे हना मूर्ख मुर मूर्ख लोत्र ला पाइनीम। मेको आन थुंमी मरिम्शो पचा ला मिम्शा बाकनीम। परमपरमु यावे कली मटीनीम। मेको आ पर्वम दूली शेंनीम। शोत्रलु बेक्व आन थुं श्येत्य लीपाइक्नीम। मिनु तूतू दाक्व

आन कली तूचा मगेनीम। ७मोदेशो मरिम्शो पाइब आन गेय मरिम्शो बाक्ब। परमपरभु यावे आ अंरेशो मटीबम “दोपा आं दाक्शो पने चापनुडा?” दे परुडग आन कली जोल पा नु मारइ मथीबम ठीक लोत्र पाम्तकम हना यो, मेको आन कली खतम सल्लनीम। ८तन्न रिम्शो थुं पाइश्शा मुरपुकीमी रिम्शो गेय ला मिम्नीम। मिनु गना हना या रिम्शो गेय पा बाक्नीम।

परमपरभु आ सोक्त जाक्ब

१गे ठेयब लेश्शो मीश मुरपुकी बाक्कीन। मिनु आं लोत्र नेनीन। गे काइ महिंथु बाक्ब तमीपुकी इन नोफा दाइश्शा, आं लोत्र नेनीन। यसेया ३:१६-४:१ १०गे काइ महिंबपुकी बर्स का नोले श्यत जशा खिरंखिर पाइनीनी। मारदे हना अडगुर सेक्चा मताइनीनी। फल फुल मसित्नीम। ११गे ठेयब लेश्शो मीश मुर खिरंखिर पने। गे काइ महिंबपुकी खिरंखिर पा हिनीन। इन वा परुइश्शा अरन्डी फेक्सीन। १२इन रिम्शो रू नु अडगुर बोट आन पर्वम इन कुनु तुप्शा डाक्कीन। १३आं मुर आन रूम चू नु चांक वानीम। ग्येरसीशो मुर आन खिं नु सहर नेल्ल मोदेशो दुम्ब। १४मारदे हना दरवार डा मुर नेल्ल परोक्नीम। शुश मुर बाक्शो सहर श्येत्थ दुम्ब। ओफल माइश्शा ग्येत्थ तुक्च गाक्तीक लां नु मंकर खाल पाइब मुर आन बाक्तीक गेना हना यो पुक्खी दुम्नीम। मंकर ब्वाकी डा गधा ग्येरसीशा बाक्नीम। मिनु क्यारश भेडा आन जोतीक दुम्ब। १५मिनु नोले परमपरभु यावेमी आ सोक्ती ई तार मोइक्ब। मेना मुर मबाक्तीक गोरशो रागी गुरल्थो रू दुम्ब। मिनु मेको गुरल्थो रू ब्वाकी खोदेशो दुम्ब। यसेया ४४:३; यसेया २९:१७

थुं नाइश्शा बाक्तीक राज्य

१६मेना मुर मबाक्तीक रागीमी ठीक निसाफ पाइनीम। ठीक पाइबपुकी गुरल्थो रूमी बाक्नीम। १७ठीक पतीकम थुं नाइक्चा गेब। ठीक पतीक आ सिक्तीक सिक्सी पा बाक्चा नु गेना हना यो थमा सुइक्चा बाक्ब। १८आं मुरपुकी थुं नाइश्शा, महिंथु बाक्तीकम बाक्नीम। लडाइ मदुम्थु, रिम्शा बाक्तीकमी सिक्सी पा बाक्नीम। यरमीया ३३:१६ १९तन्न ब्वाकी नेल्ल जाम्शा लाइब। सहर श्येत्थ दुम्ब। २०ब्वाक्कु आ नेक्था वांचेर शाक्बपुकी

गे ग्येरसीशो मुर बाक्नीनी। गे गधा नु बी ब्यफ आन कली जोथ मो सोइक्ने चाप्नीनी।

सियोन कली खतम पोक्ब रे परोइशो

१आबी, गे खतम पोक्ब, मुल सम्म गे ३३ खतम पोक्चा मपुंइसीशो बाक्नेव। गे रोइक्ब बाक्नेव। तन्न सुइमी मारइ मरोइक्थु, गे खतम पोक्चा पुंइसीनेव। मिनु इ रोइक्चा नुप्त हना, इ मारइ मारइ रोइक्चा पुंइसीनेव। मती ७:२

२परमपरभु यावे, आंइ कली शिशी पाइक्की। गो इन कली रिम्ना रिम्न बाक्नीकी। गे सुनी कुस कुस आंइ सक्ति दुमीन। श्यत जची ना आंइ कली परोइब दुमीन। ३शुश रेयकेनेशा, जात जात डा मुर परोक्नीम। इन सक्ति तशा, रागी रागी डा मुर एर आंथ ब्राइनीम। ४मेकोपुकीमी सल्हा खोदेशो पा शुश मारइ मारइ रोइक्नीम। दोपा सल्हा परेक्शा दोरनीमी, मोपा मुरपुकी परेक्शा रोइक्चा कली दोरनीम। ५परमपरभु यावे मान ताइब बाक्ब। मेको इर, आ बाक्तीकमी बाक्ब। मेकोमी सियोन डा मुर आन कली ठीक निसाफ नु ठीक पतीक पपाइक्ब। ६मिनु सियोन इ नाक्ती नेल्ल रिम्शो दुम्ब। मेना शुश पाप रे परोइतीक, तुइक्तीक नु जोक्तीक गे नु बाक्ब। सियोन डा मुर आन शांप परमपरभु यावे कली मान पा हिंचा बाक्ब।

७नेनीन, मेको आन बोल्यो मुरपुकी लांम गरीनीमी। गारपइक्तीक लोत्र चाक्ब मुर हुइ हुइ पा डाक्नीम। यसेया २९:१ ८ठेयब लां श्येत्थ दुम्शो बाक्नीम। मुर मेको लांम मगाक्नीम। गारपाइक्तीक लोत्र क्याम्सीशो बाक्ब। सांक्छीपुकी महिक्सीब दुम्शो बाक्नीम। आन कसम जशा जाम्त। आन पचा माल्थो गेय मपाइनीम। ९रागी रांका पशा, गोरशो दुम्शो बाक्ब। लेबानोन मुने दोक्शा, बेक्त। शारोन गोरशो रागी खोदेशो दुम्त। बाशान नु कारमेलम आस सफा तोक्नीस।

१०परमपरभु यावेमी “मुल गो बाक्नुडा। गो गेय पचा गोइनुडा। गो मान पाइक्चा पुंइसीनुडा। ११गेपुकीम भूस क कोत्रज कुरशा, पराल थीनीनी। इन सास मी बाक्ब। मेकोमी इन कली दाक्ब। १२मिनु जात जात डा मुर बुलु खोदेशो पा ब्राइनीम। मेकोपुकी क्यारशो चू मीम जेश्शो खोदेशो पा जेत्वा पुंइसीनीम।

१३गे डोन रागी डा मुरपुकी, गो मार पशो बाक्नुडा, मेको नेनीन। गे आं नेक्था बाक्बपुकी

आं सक्ति तुइक्तीन। १४ सियोनम बाक्व पाप पाइबपुकी हिंनीम। परमपरभु यावे आ अरेशो मटीब खिरंखिर पाइनीम। सु खतम पोक्व मी नु बरोइशा बाक्ने चाप्वा ? आंइ दातमी सु गेना हना यो बरशो मी नु बरोइशा बाक्ने चाप्वा ?” दंत। यसेया १०:१७ ; यरमीया २३:२९ १५ सु ठीक पाइबा, रिम्शो थुं डा लोत्र पाइबा, गयी कि गयी, दे क्यट मताक्वा, सुम घूस मजाइबा नु “हुश खराक्श पोक्व” देमानु, मेको आन लोत्र मटीबा नु मरिम्शो पाइब आन पशो काइ तचा मताक्वा। भजन संग्रह १५ :-; भजन संग्रह २४:३-४ १६ मेको इर डा मुर बाक्नीम। मेको आन खरुइसीतीके सरथ फुल्लु के सल्शो दरवार बाक्व। मेकोमी आन जचा थोत्रक ताइनीम। मेको आन व्याक्कु बुक्तीके शुश दुम्ब।

### मान ताइब पिप आ रागी

१७ गेपुकीमी पिप कली आ दारसम ग्योम्सीशा ताइनीनी। मिनु मेकोपुकीमी ठेयब रागी कली ताइनीम। १८ मिनु गेपुकी इन डांइती डा हिंतीके मिम्नीनी। हिक्व मुर ते लमा ? क्यट पोक्व मुर ते लाक्गमे ? मिनु मेको लाइशो खिं हिक्व ते बाक्मा ? १९ गेपुकीम मेको मटीब मुर आन कली मुल रे मताइनीनी। मरुप्वा डा लोत्र पाइब मुर आन कली लेंशा मताइनीनी। यसेया २८:११ ; व्यवस्था २८:४९-५० २० गो आंइ देशो ना डा चाड मानतीक सहर सियोन कली कोवर्डन। गे सिकसी पा बाक्व मुर आन सहर यरुसलेम कली ताइनीनी। यरुसलेम गेनायो मयाक्सीब ताम्बु खोदंशो बाक्व। मेको आ किला गेनायो मतुल्सीब। आ डोरी गेनायो मपरोइसीब। २१ मेकर आंइ मान तशो, परमपरभु यावे गो नु बाक्व। मेकर ठेयब खोला नु नादी बाक्नीम। मेकर दाप्रनोम शाक्तीक डांगा मगाक्नीम। मेकर ठेयब जहाजपुकी यो लने मचाप्नीम। २२ मारदे हना परमपरभु यावे आंइ कली निसाफ पाइब बाक्व। परमपरभु यावे आंइ कली सासन पाइब बाक्व। परमपरभु यावे आंइ पिप बाक्व। मेकोमी आंइ कली श्यत रे परोइब। २३ गे इन जहाज डा डोरी शुंडसीशो बाक्नीम। मुरपुकीम मेको डांगा आ दातम बाक्शो थाम बोल्यो पा राप्पाइशो सेल्ने मचबेम। मेकोपुकीम मेको आ वा क्युक्ने मचबेम। मेना रोइशो मार मार शुश योक्सीनीम। खोइल मदक्वपुकीम यो रोइशो मार मार रे आन भाग ताक्नीम। २४ सियोनम बाक्व सुइमी “गो रोइ पशो बाक्नुड” मंदनीम।

मेकर बाक्व मुर आन मरिम्शो पशो क्याम्चा पुंडसीशो बाक्नीम। जकरिया १२:८

### एदोम कली निसाफ

३४ १ गे रागी रागी डा मुर, आं नेक्था जाक्कीन। जात जात डा मुर नोफा दाइशो ननीन। रागी नु रागीम बाक्शो मारइ मारइम नेन्मेक्ल। २ मारदे हना परमपरभु यावे रागी रागी नेल्त आन पर्वम गाइक्व। मेको आन लडाइ पाइब आन पर्वम चुरब। मेको आन कली क्याम्चा कली साइक्व कली गेशो बाक्व। ३ मेको साइशो मुर आन कली ताइक्नीम। मेको आन रिना कुइब। डांउपुकी मेको आन हुशेम जित्नीम। ४ सरीड डा मारइ मारइ जाम्नीम। सरीड कागज खोदंशो पा ओल्सीब। सोरुत अडगुर बोट आ सोत्रशो सफा नु फोत्रशी खा आ सोत्रशो गेडा खोदंशो दुम्नीम। परकाश ६:१३-१४

५ परमपरभुमी “आं तरवारम सरीडमी गेय थुम्शा नोले, गो एदोम तारी लाइनुड। गो मकर डा मुर आन कली निसाफ पाइनुड” दंत। व्यवस्था ३२:४१-४२ ; यरमीया ४९:७-२२ ६ परमपरभु यावे आ तरवार हुशेम गरुम्शो बाक्व। बांसो लुम्सीशो बाक्व। मेको क्यारश भेडा आन हुश नु बोका आन चिच डा बांसो लुम्सीशो बाक्व। मारदे हना बोजरामी परमपरभु यावमी ठेयब चढतीक गेय पाइब। एदोम रागीमी शुश मुर आन कली साइक्व। यसेया ६३:१ ७ व्याकी डा ब्यफ मुरपुक नु गोल्लीम। बाछापुकी बाल्यो सांढे ब्यफपुक नु गोल्लीम। मेको आन रागी हुशेम जारशो बाक्व। मेकर डा खप बांसोम बरीशो बाक्व।

८ काबु परमपरभु यावे आ क्येक्क लेतीक नाक्त बाक्व। सियोन आ पर्वम ठीक सेल्वा कली क्येक्क लेतीक बर्स का बाक्व। यसेया ६३:४ ९ मेना एदोम डा खोलापुकी अलकतरा दुम्नीम। मिनु आ खप चहिं गन्धक दुम्ब। एदोम रागी बरशो अलकतरा दुम्ब। उत्पत्ती १९:२४ १० मेको नाक्वो नाक्त गेनायो मकाप्व। आ कुन गेना हना यो कुस डा कुस बाक्व। मेको पात्ता पात्ता सम्म गोरशो रागी दुम्शा बाक्व। मेकर रे सुइ मगाक्नीम। मलाकी १:४ ११ तन्न मेकर ठेयब चिक्व नु काइश आन बाक्तीके दुम्ब। मेकर हुहुचील नु खदपुकी बाक्नीम। परमपरभुमी मेको रागी कली गरांग्ये माग्ये सेल्ब। आ ठेयब मुर मार पचा दो पचा दुम्नीम। १२ मेको रागी कली राज्य मंदनीम। मेकर हुकुम

पाइब सुइ मलीम। १३मको आन दरवारम चू वानीम। मेको आन बोल्यो दरवारम चूले नु चोक वानीम। मेकर सिवार नु ठेयब चिक्ब आन बाक्तीक दुम्ब। यसैया १३:२१-२२ १४मेकर वां नु फर गरुनीम। वोल बरम्मुइनीम। ब्वाकी डा वोलम आ वास कली बरम्ब। नाक्दो डा वोल मेकर बास बाक्नीम। १५मेकर बुक्सुम ग्योत्र संल्शा, ब्योफु पा पुक्शा, चाइक्ब गरुइब। मेकर ब्यारद गरुम्शा, निकशी निकशी पा बाक्नीम। १६परमपरमु यावे आ किताबम माल्शा पदेन। मेकर नेल्ल बरक्शो बाक्ब। मेको नेल्ल निकशी निकशी बाक्नीमी। मारदे हना परमपरमु यावेमी लोत्र पा मेको आन कली अरप्टु। आ सोक्तीमी मोदंशो दुम्पाइश्शो बाक्ब। परस्थान ३२:३२ १७परमपरमुमी मेको आन कली मेको रागी पुक्शा योक्शा, गेशो बाक्ब। मेको रागी गेना हना यो मेको आन के दुम्शा, पात्ता पात्ता सम्म मेकर बाक्नीम।

परमपरमु आ मुर ग्यरसीशा

**३५** १मुर मबाक्शो नु ब्वाक्कु मबाक्शो रागी ग्यरसीनीम। गोरशो रागी ग्यरसीशा शुश फू बोइक्पाइक्ब। यसैया ३२:१५ २मिनु मेको थाम्पा बोइश्शा, ग्यरसीशा कुम्सो पना पन बाक्नीम। लेबानोन, आ दारस मेकोम ताइब। कारमेल नु शारोन आन मान ततीक मेको कली गेशो बाक्ब। मेकोपुकीमी परमपरमु यावे आ मान ततीक नु आंइ परमपरमु आ छेड्छेड ताइनीम। ३इन मारइ पन मचाप्ब गुइ बाल्यो सलीन। इन खिरंखिर पाइब पोक्च बाल्यो सलीन। हिब्रू १२:१२ ४हिब थुं पाइश्शो मुर आन कली “इन थुं फरेदीन। महिनीन” दे मतीन। इन परमपरमु एक बाक्ब। मेको क्येक्क लेत्वा कली जाक्ब। परमपरमुमी हिंचा डा सजाइ गेब। मेको जाक्शा इन कली परांइब।

५मेना मिक्च मताइबपुकीमी ताइनीम। नोफा मनेबपुकीमी नेनीम। यसैया २९:१८ ६खोइल मदुक्ब मुर किश्श सोदंशो पा परेक्नीम। म्ब्याक्बपुकीम ग्यरसीशा कुम्सो पाइनीम। मारदे हना मुर मबाक्तीकेम ब्वाक्कु बुक्नीम। गोरशो रागीमी खोला यीनीम। ७मिनु थम होश बाल्वा दोम्ली दुम्ब। सोत्रशो खप र ब्वाक्कु बुक्ब। मिनु सिवार आन बाक्तीकेमी घांस नु बुदी मौलु वानीम। यसैया ४१:१८

८मेकर ठेयब लां का दुम्ब। मेको लां कली “परमपरमु यावे आ लां बाक्ब” दे नें वोइक्नीम।

गरांगरा दिशो मुर मेको लां लचा मताइनीम। परमपरमु आ मुर ला मेको लां लचा ताइनीम। सु सु मेको लां लाइनीमी, मेकोपुकी मूर्ख बाक्तेक्म हना यो, मज्जाम्नीम। यसैया ५६:३-८; यरमीया ३१:८ ९मेकर गुप्स मबाक्नीमी। मुर ब्वाइब जन्तु यो मलाइनीम, मबाक्नीम। तन्न पाप र परांइशो मुर ला मेको लां गाक्नीम। १०परमपरमु यावेमी श्यत र परांइशो मुर ला लेश्शा जाक्नीम। मिनु सियानमी कुम्सो पना पन ओत्रनीम। मेकोपुकी गेना हना यो ग्यरसीशा बाक्नीम। ग्यरसीना सीन बाक्नीम। आन श्यत जशा, हुकयो पतीक लेश्शा मजाक्ब। यसैया ५१:११; परकाश २१:४

सन्हेरीबम यहूदा नु लडाइ पशो

२राजा १८:१३-२राजा

१९:३७; २इतिहास ३२:१-२३

**३६** १पिप हिज्कीयाहम सासनम पवा आ १४ बरसम, अस्सुर डा पिप सन्हेरीबम यहूदा डा गारो हिरशो सहर आन कली लडाइ पा गरात। २मिनु अस्सुर डा पिपम लार्कीश डा राब्शाके माइश्शो, आ कप्तान नु लडाइ पाइब शुश पिप हिज्कीयाह आ बाक्तीक यरुसलेममी सोइक्ताक्ब। मिनु मेको आइक्था दोम्ली डा ब्वाक्कु यितीक वा मुरब आन रू डा लांमी राप्तेक्म। यसैया ७:३ ३मिनु दरवार कोत्रब, हिज्कीयाह आ तौ एल्याकीम, पिप आ बरक्ब शब्ना नु आसाफ आ तौ याआह लाङ्गा गरुशा मेको आन बाक्तीक लाम्तेक्म। यसैया २२:२०

४मिनु राब्शाकमी मेको आन कली “गे हिज्कीयाह कली अस्सुर डा ठेयब पिपमी इन कली मार देत देशा हना, गे मार कली आस पा थमा सुइक्नीनी? ५गे इन फश लोत्रम लडाइ दोपा पचा तुइक्तीक नु लडाइ पतीक सक्ति बाक्बा? गे आं कली मटिथु, सु कली आस पा थमा सुइक्नेवे? ६गे जिक्शो कोक्के सोदंशो इजीप्त कली थमा सुइक्नेवे? सु सु मेको कोक्के तिक्शा गाक्नीमी, मेको आन गुइ थोक्ब। सु सुमी इजीप्त डा पिप फाराओ कली थमा सुइक्नीमी, मेको कोक्केम थोक्शो सोदंशो दुम्नीम। इजीप्त डा फाराओ मोदंशो बाक्ब” दे मतीन। इजीकीएल २९:६-७ ७तन्न गे, आं कली “गोपुकी परमपरमु यावे, आंइ परमपरमु कली थमा सुइक्नीकी” देतीनी हना, हिज्कीयाहमी मेको आ थान नु आ चदेतीकेपुकी मपरंदा डा? मिनु यहूदा नु यरुसलेमम बाक्ब

आन कली 'गे एको चढेतीके आ झंडीती चढेचा माल्नीनी' मंदमे ? २राजा १८ :४ ५गे आं होत्रप, अस्सुर डा पिप नु बाजी पावो। मिनु इ के शारा झंडेकब मुर बाक्तेकम हना, गो इ कली हजार निकशी शारा गनन। १गे बग्गी नु शारा झंडेकब आन पर्वम इजीप्त कली थमा सुइकनेव। गे आं होत्रप आ नेल्ल क्येडा आइकच कप्तान का कली यो खरन मचापनेव। १०मार, गो एको रागी खतम सेल्वा कली परमपरभु यावे कली हिल्लो मपथु, जाकडा डा ? परमपरभु यावेम आं कली 'लावो, मेको रागी कली खतम सलो' दे माइक्ती" देत।

११मिनु एल्याकीम, शेब्ना नु योआहमी मेको राब्शाके कली "इन गेय पाइवपुकी नु अरामी लोत्र ब्याक्कीन। गो मेको लोत्र रुपनीकी। गारोम बाक्ब मुर नेल्ल आन नेचा डा पा यहूदी लोत्र पा मब्याक्कीन" देतेकम। १२तन्न राब्शाकमी "मार, आं होत्रपमी इन होत्रप नु इन कली ला लोत्र पथ सोइक्ती डा ? गारोम बाक्ब मुरपुकीम यो रुपवा माल्नीमी। मारदे हना मेकोपुकीम यो इन खोदेशो पा आन खरी जचा नु आन चारनाक तूचा माल्नीम" देत।

१३नोले मेको राब्शाकमी मुर आन नेक्था राप्शा यहूदी आन लोत्रमी ठेयब संदा पा "अस्सुर डा ठेयब पिप आ लोत्र नेनीन। १४मेकोमी मार देत हना 'हिज्कीयाह आ जोल लोत्र थमा मसुतीन। मेकोम इन कली परांइने मचापव। १५हिज्कीयाहमी इन कली "परमपरभु यावेम इन कली रिम्शा पाइव। परमपरभु यावेमी इन कली थमा पा श्यत रे परांइव। एको सहर अस्सुर डा पिप आ गुइमी मदुम्ब" देशो लोत्र थमा मसुतीन। १६हिज्कीयाह आ लोत्र मनेनीन, मारदे हना अस्सुर डा पिपमी इन कली "गो नु गारीन। मेकर रे गरूशा आं बाक्तीके जाक्कीन। मो पाइतीनी हना, गे नेल्ल इन रु डा अडगुर बोट नु इन फोत्रशी रवा ताइनीनी। मिनु इन आंम कुवा डा ब्याक्कु तूचा ताइनीनी। १७राजा ५ :५ ; मीका ४ :४ १७मिनु नोले गो इन कली आंम रागी खोदेशो अर्को रागी काम लाइकनन्नी। मेको रागीम शुश अन्न नु अडगुर शांबु बाक्ब। मेको शोब्ले नु अडगुर रुम बरीशा रागी बाक्ब" देत। १८हिज्कीयाहमी इन कली "परमपरभु यावेमी इं कली श्यत रे परांइव" देशा, हेथे लां कोइचा मगेने। मार, रागी रागी डा देवी देवता काम यो आन रागी अस्सुर डा पिप आ गुइ परांइने चाप्मे डा ? यसैया ३७ :१२ ११हमाथ नु अरपाद डा देवी

देवता ते लाकगमे ? सफारवाइम डा देवी देवता ते लाकगमे ? मेकोपुकीमी सामरीया कली अस्सुर आ पिप गुइ रे परांइने चाप्मे डा ? २०एको रागी नेल्ले डा तेको देवी देवताम आ रागी आं गुइ रे परांइने चाप्वा डा ? मार, परमपरभु यावेमी यरूसलेम कली आं गुइ रे परांइने चाप्वा डा ?" देत।

११तन्न मेकोपुकी सिक्सी पा बाक्शा, राब्शाके कली कोइ लोत्र मलेत्तम। मारदे हना पिपमी मेको आन कली "लोत्र मलेत्तीन" दे माइशशो बाक्त। २२मिनु दरवार कोत्रब, हिज्कीयाह आ ती, एल्याकीम, बरक्ब शेब्ना नु इतिहास बरक्ब आसाफ आ ती, योआहम आन वा खाक्शा हिज्कीयाह आ झंडीती जाकवा, मेको राब्शाके आ लोत्र नेल्ल शोत्रतेकम।

यरूसलेम कली परांइशा

१मिनु पिप हिज्कीयाहमी मेको लोत्र ३७ नंशा, आ वा खाक्शा, अरन्डी फेक्शा परमपरभु यावे आ खिं लत। २मिनु मेकोमी आ दरवार कोत्रब एल्याकीम, बरक्ब शेब्ना नु चढेब आन दाते डा खुशो आन कली अरन्डी फक्पाइशशा, आमोज आ ती यसैया आ बाक्तीके सोइक्ताक्व। ३मिनु मेकोपुकीमी यसैया कली "हिज्कीयाहमी भुलाक्ती श्यत जतीके, तुप्पांइसीतीके नु शुक्शी पाइक्वा पुंइसीतीके नाक्त बाक्ब। आल थिचशो मीश मुरुमी आल थिचावानु, थिचा कली बोल मबावशा खोदेशो दुम्त। ४इन परमपरभु यावे, इन परमपरभुमी राब्शाके आ लोत्र नेना माइ। अस्सुर डा पिपमी मेको कली गेना हना यो बरांइशा बाक्ब परमपरभु कली शुक्शी पथ सोइक्ताक्व। मेको आ लोत्र नंशा, परमपरभु यावे, इन परमपरभुमी मेको कली सजाइ गेबा को ? मोपतीके लीशा मुर आन पर्वम पुनीन" देत" दे मेकोपुकीमी देतेकम।

५मोपा हिज्कीयाह आ मुरपुकी यसैया आ बाक्तीके जाकमानु, ६यसैयामी मेको आन कली "गेपुकीमी पिप कली परमपरभु यावेम इन कली मार देशो बाक्ब देशा हना, इन नंशा अस्सुर डा पिप आ मुरुमी आं कली शुक्शी पशो लोत्र आ पर्वम महिनीन। ७गो मेको कली हिंब थुं का गेनुड। मिनु हिंचा डा लोत्र नंशा, मेको आ रागी लेशशा लाइव। मिनु गो मेको कली आ रागीम क्योरशा साइक्पाइक्नुड देत" दे मतीन" दे माइक्तीमी।

८मिनु राब्शाके आ पिप बाक्तीके लेम्मेनु “पिपम लाकीश परांडतु” देशो लोत्र नना बाक्त। मिनु लमेनु, अस्सुर डा पिप लिब्ना डा मुर नु लडाइ पना पन बाक्शो थिदा बाक्त। ९अस्सुर डा पिपमी एथीयोपीया डा पिप तिरहाकाह “गे नु लडाइ पथ जाक्ना जाक्न बाक्व” देशो लोत्र नना बाक्त। मिनु मेको लोत्र नंशा, हिज्कीयाह आ बाक्तीकमी आ मुर आन कली लोत्र कुरब पा सोइक्ताक्व। १०मार लात्र सोइक्ताक्व देशा हना, यहूदा डा पिप हिज्कीयाह कली “इन थमा सुइश्शो परमपरभुमी इन कली दूली लां मसोइक्पांडसीन।” यरूसलेम अस्सुर डा पिप आ गुइमी मदुम्ब? दंनीनी। ११गे अस्सुर डा पिपपुकीमी रागी नेल्ल आन कली क्याम्शो, लोत्रनंशा बाक्नीनी। मारगे चहिं ब्रांडनीनी डा? १२आं किकी पिपीम क्याम्शो रागी रागी गोजान, हारान, रेचेफ नु तेलास्सारम बाक्शो एदेन डा मुर आन देवी देवतामी मेको रागी परांडने चाप्म डा? यसेया ३६:१८ १३हमाथ, अरपाद, सफारवाइम, हना नु इव्वाह डा पिपपुकी ते लाक्वम? दे मतीन” दंत।

### हिज्कीयाह आ पुंडशो

१४मिनु हिज्कीयाहमी मेको लोत्र कुरब मुर आन गुइ र मेको चिठी ताक्शा, पढेपु। मिनु मेको चिठी परमपरभु यावे आ सिं लाइश्शा, परमपरभु यावे आ डांडती पराक्शा वोइक्तु। १५मिनु हिज्कीयाहमी परमपरभु यावे कली १६“मुर नेल्ल आन परमपरभु यावे, इसराएली आन परमपरभु, गे करूब आस तार बाक्ब बाक्नीनी। गे ला रागी नेल्ल डा राज्य डा परमपरभु बाक्नीनी। सरीड नु रागी इन सेल्शो बाक्नीस। १७परमपरभु यावे, आं लोत्र नेनीन। परमपरभु यावे, कोत्रडीन। सन्हरीबमी गना हना यो ब्रांडशा बाक्ब परमपरभु, इन कली शुक्शी पथ सोइश्शो लोत्र नेनीन। १८परमपरभु यावे, थमा पा अस्सुर डा पिपपुकीमी रागी रागी नेल्ल क्याम्ताक्म। १९मेको आन देवी देवता मीम हुम्ताक्म। मारदे हना मेकोपुकी मुर आन गुइमी सेल्शो, शी नु फुल्लु के बाक्नीम। मेकोपुकी इन सोदंशो मनम। मोपतीके खतम सेल्त्वा पुंडसाक्म। २०परमपरभु यावे, आंइ परमपरभु, मुल आंइ कली सन्हरीब आ गुइ र परांनीन। रागी नेल्ल डा मुरपुकीमे गे ला परमपरभु यावे बाक्नीनी, “दे तुइक्तमेकल” दे पुंडशा, लोत्र पापु। यसेया ४०:५ ; दानीएल ६:२७

### यसेयामी पिप कली लोत्र पशो

२१नोले आमोज आ तौ यसेयामी हिज्कीयाह कली “परमपरभु यावे, इसराएली आन परमपरभुमी ‘अस्सुर डा पिप सन्हरीब आ पर्वम इ पशो लोत्र गो नंता’ दंत। २२परमपरभु यावेमी सन्हरीब आ पर्वम मार दंत देशा हना ‘सियान डा कन्न तमी इ पर्वम शुक्शी पा रिश्शो बाक्ब। यरूसलेम डा तमीमी इ नोले कोत्रशा, आ पिया हिक्शो बाक्ब।

२३गे सु कली शुक्शी पवी? सु आ पर्वम गे ठेयब लेश्शो लोत्र पवी? गे इसराएली आन का ला बाक्शो परमपरभु आ डांडती ठेयब लेश्शो दुमे? २४मिनु इ सोइश्शो गेय पाइब मुर र पा परमपरभु कली शुक्शी लोत्र पपाइक्तीवी” दंत। मिनु गे “आं शुश बग्गीमी डांडा डांडसाक्यी। लेबानोन नेल्ल डांडसाक्यी। गो मेकेर डा लाइश्शो रवा नु रिश्शो रवा नेल्ले आन कली तिस्तामी। गो नल्ल क्येडा इर नु डोन नु ठेयब ब्वाकी सम्म जाक्दीती। यसेया १४:८

२५गो इनार दाशा ब्वाक्कु तूता। आ खोइलीमी इजीप्त डा ठेयब खोला नेल्ल सोत्रपाइक्ता, दे शुक्शी पपाइक्तीवी।

२६गो आं डांडती मिम्शो, गे मतुइक्ती? आं डांडती मिम्शो गो मुल पाइनुड। गे गारो हिरशो सहर आन कली फुल्लु तेल्लीक सेल्त्वा माल्नेव। २७मेकेर डा मुर आन सक्ति जाम्शा, हिं ब दुम्शा, मुने पा, मारइ पन मचबेम। मेकोपुकी रूडा घांस नु सिं तार वाशो घांस सोदंशो दुम्तक्म। मेको वाचा क्येडा डांडती सोत्रब।

२८गो इ बोक्शो, इ निश्शो नेल्ल तुइक्नुड। इ लशो, पिशो तुइक्नुड। मिनु गे आं पर्वम गाइक्ताक्वी। २९मारदे हना गे आं पर्वम गाइक्तीनु, इ ठेयब लेश्शो नंता। मोपतीके गो इ नंम बोल्सी का ब्वेक्नुड। मिनु इ शोत्रमी लगम पाइश्शा इ जाक्शो लां लेप्पाइश्शा सोइक्नन’ दंत, दे मतीन” दे मुर सोइक्ताक्मी।

३०मिनु परमपरभु यावेमी हिज्कीयाह कली “इ कली एका चिन्ड दुम्ब। मुलाक्त थोचे आंमा वाशो बाली नाली जाइनीनी। माइक्थी आंमा दोक्शा वाशो बाली नाली जाइनीनी। तन्न न्युं चहिं आंमा शोक्शा सुप्तीन। अडगुर खरुम्शा जने। ३१यहूदा आ सिं डा लीशोपुकी लेशा, सोशा बोशा, शोक्श थोक्शा, फल सिन्नीम। शुश दुम्नीम। ३२मारदे हना यरूसलेम र लीशोपुकी लाइनीमी। सियान डांडा र हुल का ब्रांडशापुकी

गुरूनीम। मुर नेल्ल आन परमपरभु यावेमी, गो मेको पाइनुड” दंत। यसैया ९ :६

३३ मोपतीक परमपरभु यावेमी अस्सुर डा पिप आ पर्वम “मेको सहरम मजाक्व। बरा का यो मआप्व। सहर आ डांडती बरा तक्तीक मकुरनीम। सहर ओत्रचा कली गारो डाइक्तीक मसल्लामी। ३४ मेको तेको लां जाक्म, मेको लां लेप्व। सहर मओत्रब। ३५ गो मेको सहर कली आं पर्वम नु आं गेय पाइब दाऊद आ पर्वम आन गुइ रे प्रांडशा, वोइक्नुड” दंत।

३६ मिनु परमपरभु यावे आ स्वर्ग डा गेय पाइब का अस्सुर डा मुर आन बाक्तीकम लशा, लाख का ८५ हजार जना मुर सदा बाक्त। मिनु मुरपुकी सुनी बोक्शा कोत्रडमेनु, बेक्शा मुर ला ताम्तक्म। यसैया १७ :१४ ; यसैया ३१ :८ ३७ गो दुम्मेनु अस्सुर डा पिप सन्हेरीब लेशशा लशा निनवे सहरम बाक्त। ३८ मिनु आ देवता निसरोक आ सिंमी बाप्शा पूजा पना पन बाक्मेनु, आ तो अदराम्मलेक नु शरसेरमी मेको कली तरवारमी क्योरशा साइक्ताक्स। मिनु मेको निक्शी परोक्शा, आरारात रागी लाम्ताक्स। मिनु मेको आ पा डा आ तो एसर-हददोन पिप दुम्त।

### हिज्कीयाह रोइ पशो

२राजा २० :१-११ ; २इतिहास ३२ :२४

३८ १मेना हिज्कीयाह रोइ पा बेक्चा चिक्ता बाक्त। मिनु परमपरभु यावे आ लोत्र पाइब आमोज आ तो, यसैया जाक्शा, पिप कली “परमपरभु यावेमी इन कली भे बेक्नेवे, मब्रांइनेवे। इ खिं नेल्ल ठीक सलो” दंत” द माइक्तु। २मिनु हिज्कीयाहमी, आ कुल गारो गे हिरशा, परमपरभु यावे कली ३ “परमपरभु यावे, गो इन डांडती थमा पा थुं निक्शी मपथु, बाक्ती। मेको मिर्तीने। गो इन डांडती नेल्ल रिम्शो पाता” दंत। मिनु हिज्कीयाह शुश डाक्त। २राजा १८ :२-६

४मिनु परमपरभु यावेमी यसैया कली ५ “हिज्कीयाह आ बाक्तीक लावो। मेको कली परमपरभु यावे, इ किकी दाऊद आ परमपरभुमी इ कली गो इ पुंडशा लोत्र नेंता। इ परक्कु ताता। नेंनो, गो इ बरांडतीक नाक्ती १५ बर्स तम्नुड। ६मिनु गो इ कली नु एको सहर कली अस्सुर डा पिप आ गुइ रे प्रांडनुड। एको सहर कली वारच पाइनुड।

७परमपरभु यावेमी आ देशो पाइब दे इ कली आ गेशो चिन्ड मार बाक्व देशा हना, ८ आहाज आ घरी आ वांकु उइ लने थुम्शो बाक्व। मेको कली परमपरभु यावेमी १० खयप नोले लेप्पाइक्व” द मतो” दंत। मिनु नां आ वांकु लाकने थुम्शा यो, १० खयप नोले लेत्त।

### हिज्कीयाह आ बेक्शा लोत्र

१ यहूदा डा पिप हिज्कीयाह रोइ पा साम नोले आ बेक्शा लोत्र मार बाक्त देशा हना, २ गो थम रिम्शो पा बाकना बाकन, बेक्शा मुर आन बाक्तीक लचा माल्लुड। ३ मिनु गो परमपरभु यावे कली “गो परमपरभु यावे, इन कली बरांडशा मुर आन रागी मताइनुड। गो मुल मुर आन कली मताइनुड। रागीम बाक्व आन कली मताइनुडमी। भजन संगरह २७ :१३ १२ आं बाक्तीक खिं, गोठ खोदेशो पा, परशशा आं रे डोन याक्ताक्म। लोत्र परोत्रबमी वा तोल्शो खोदेशो पा, गो आं बरांडतीक नाक्त तोल्शो बाक्नुड। गो लोत्र रे खोइक्चा पुंडसाक्व। नाक्दो नाक्ती आं कली बेक्पाइक्नीनी” द परमपरभु कली लोत्र पाता। १३ सुनी सम्म आं थुं कली रिम्पाइक्ना पाइक्न बाक्ती। गुप्सम खोदेशो पा आं खोइल जिक्ताक्यीनी। काबु नाक्दो नाक्तीमी गे आं कली खतम पोक्तीनी। १४ गो बेल्लुम नु बोकुला खोदेशो पा गरीती। दुकुर खोदेशो पा रांका पाता। गो शुश ग्येत्थ कोत्रतीक आ मिक्च पारताक्यी। आं थुं लुक्च लत। गो “परमपरभु, गो श्यत जाइनुड। आं कली वारच पाइय्यीनी। १५ तन्न गो मार देनुडा डा? मारदे हना गे आं कली लोत्र पाइतीनी। मोदेशो आंमा पाइतीनी। आं निन्दरा नेल्ल परोक्त। आं थुं लुक्च लत हना यो गो इन कली ठेयब सेल्लुड। १६ परमपरभु, मोदेशो श्यत रे मुर बरांडनीम। आं थुं या मेको रे बरांडब। गे आं कली सापाइशशा, बरांडचा गेतीनी। १७ एको श्यत थमा पा आं कली बरांडचा कली बाक्त। गे आं कली दाक्शा, श्यत रे गरुंडताक्यीनी। मारदे हना गे आं पाप नेल्ल क्याम्ताक्नी। भजन संगरह ३२ :५ ; मीका ७ :१८-१९ १८ बेक्शा मुर आन बाक्तीकमी इन कली ठेयब मसेल्लब। बेक्पाइक्वम इन कली ठेयब सेल्ले मचाप्व। बेक्शा मुरुम इन वारच पाइक्तीक आस मपाइनीम। भजन संगरह ६ :६ ; भजन संगरह ११५ :१७ १९ बरांडशापुकीम ला इन कली भे रिम्शो पाइब बाक्नीनी” दंनीमी। मिनु गो मुलाक्ती मोदेशो पाइनुड। आफपुकीमी गे थमा

सुइक्का माल्शो बाक्नीनी, दे आन आल आन कली शंनीम” दे हिज्कीयाहमी दंत ।

२० परमपरभु यावमी आं कली श्यत रं परांडब । मोपतीक गोपुकीमी तार पाइश्शो ताप्तीक ताप्शा कुम्सा पाइनीकी । गो बरोइका सम्म मोदंशो पाइनीकी । परमपरभु याव आ खिमी कुम्सा पा ताप्शा बाक्नीकी, दे हिज्कीयाहमी बरक्शो बाक्त ।

२१ मिनु यसैयामी “सापाइक्का कली फोवशी रवा आ फल रं सल्शो ओस्ती चाक्शा, एको गार तार खरक्का माल्नीनी” दंत । यसैया ३८:२१-२२, यसैया ३८:६ नु ७ आन दातेमी वोइक्का माल्ब । २२ राजा २०:७-८ मोदंशो बाक्ब । २२ डांडती हिज्कीयाहमी “गो परमपरभु याव आ खिं लचा ताइनुड, देशो चिन्ड, मार दुम्बा डा ?” दे हिल्लो पशो बाक्त ।

बेबीलोन रं मुर जाक्शो

२ राजा २०:१२-१९ ; २इतिहास ३२:२७-३१

३९ १ मना बेबीलोन डा पिप बालादन आ तो मरोदाक-बालादानमी हिज्कीयाह कली चिठी नु कोसली कुर पाइश्शा, मुर आन कली सोइक्का बाक्त । मारदे हना मेकोमी “हिज्कीयाह रोइ पशा, छक लाक्का डा पा सात” देशो लोव्र नेना बाक्त । २ मिनु हिज्कीयाहमी मेको आन कली तशा, ग्यरशा आ शांप वोइक्तीक खिं नेल्ल कोइदा बाक्त । मार कोइदा बाक्त देशा हना, सुन चांदी, मस्तुपुकी, रिम्शो शुश क्यट लाइब थोव्रक, तेल, आ या वोइक्तीक नेल्ल नु आ शांप नेल्ल कोइदा बाक्त । आ खिं नु आ रागीमी मेको आन कली मेकोइशो मारइ मलीमाक्त । ३ मिनु परमपरभु याव आ लोव्र पाइब यसैया, पिप हिज्कीयाह आ बाक्तीक जाक्शा “मेको मुरपुकीम मार दंमा, ते रं जाक्मा ?” दंत । मिनु हिज्कीयाहमी “एकोपुकी डोन रागी बेबीलोन रं जाक्शो नम” दंत । ४ मिनु “मेकोपुकीम इन खिमी मार मार तामे ?” दे हिल्लो पाप्तु । मिनु हिज्कीयाहमी “आं खिमी बाक्शो मारइ मारइ ताप्तेक्म । मेको आन कली मारइ मारइ कोइताक्ड” दंत ।

५ मिनु यसैयामी हिज्कीयाह कली “मुर नेल्ल आन परमपरभु याव आ लोव्र नेनीन ६ इ खिंम बाक्शो, इ किकी पिपीमी तेल्या वोइश्शो मुल सम्म बाक्शो मारइ मारइ काबु बेबीलोन चाक्दीलीम । मारइ मलीनीम” दे परमपरभु यावमी दंत । २ राजा २४:१३ ७ मिनु इ तो कोइ

कोइ आन कली लाइश्शा, बेबीलोन डा पिप आ दरवारमी गेय पाइब सेल्नीम” दंत । ८ मिनु हिज्कीयाहमी यसैया कली “इ देशो परमपरभु याव आ लोव्र रिम्शो बाक्ब” दंत । मारदे हना मेकोम “गो बरोइडा सम्म लडाइ महुम्ब रिम्शो दुम्ब” दे मिम्शो बाक्माक्त ।

इसराएली आन थुं बारपाइश्शो

४० १ इन परमपरभुमी “आं मुर आन कली लेम्दीन, लेम्दीन । २ यरुसलेम कली आ थुं बारपाइक्तीक लोव्र पने । आ श्यत नुप्त । आ मरिम्शो पशो क्याम्शो बाक्ब । मारदे हना परमपरभु याव रं पा आ मरिम्शो पशो आ पर्वम निक्शी ख्यप सजाइ ताप्तु” दंत । होस २:१६ ; यरमीया १६:१८

३ मिनु बरख्व मुर आ सेंदा कामी “मुर मबाक्तीकमी परमपरभु याव आ लां सेलीन । गोरशो रागीमी इं परमपरभु कली लां रिम्शो पा फुल्लु गरोक्शा थलीन । लुका ३:४-६ ; यूहन्ना १:२३ ४ बेसी नेल्ल ग्येत्य पोक्का पुंडसीनीम । डांडा नु पहाड फरम्वा पुंडसीनीम । दिम महुम्शो बाक्तीक दिम दुम्वा माल्ब । फुल्लु बाक्तीक रिम्शो दुम्वा माल्नीम । यसैया ४९:११ ५ मना परमपरभु याव आ छेड्छेड् गरुब । मेको मुर नेल्लेम ताइनीम । मारदे हना परमपरभु यावमी एको लोव्र देशो बाक्ब” दे लोव्र पाप्तु ।

६ मिनु लोव्र पाइब कामी आं कली “शंदो” दंत । मिनु गो “मार शंनुडा ?” दे हिल्लो पाता । मिनु मेकोमी “मुर नेल्ल घांस खोदंशो बाक्नीम । मेको आन दारस नेल्ल रू डा फू खोदंशो बाक्ब । भजन संगरह ९०:५-६ ; याकूब १:१०-११ ७ घांस सोव्रब, मिनु आ फू हेम्ब । मारदे हना परमपरभु यावमी मेको आन कली मुइक्ब । मुर थमा पा घांस खोदंशो बाक्नीम । ८ घांस सोव्रब, आ फू हेम्ब । तन्न आंइ परमपरभु आ लोव्र गेना हना यो लीब” दंत । भजन संगरह ११९:५५ ; लुका २१:३३ ९ “गो ठेयब डांडा डांडसीन । सियोन रिम्शो लोव्र कुरब बाक्ब । ठेयब सेंदा पा शंदो । यरुसलेम रिम्शो लोव्र कुरब बाक्ब । महिथु, ठेयब सेंदा पा शंदो । यहूदा सहर डा मुर आन कली इन परमपरभु एकेर बाक्ब” देनो । १० कोव्रडीन, परमपरभु, परमपरभु याव सक्ति पाइश्शो दुम्शा जाक्ब । मिनु हुकुम पाइब । आ इनाम आ नु बाक्ब । आ गेतीक आ डांडती बाक्ब । यसैया ६२:११ ११ आ बगाल कली गाठलाम खोदंशो पा योव्रब । मेकोमी आ पाठा पाठी आन कली मुप्शा कुरब । दूध तुंडब आन

कली आन चाप्चा डा पा गाक्पाइश्शा सुल्ब ।  
यूहन्ना १० :११

परमपरभु यावे आ पशो

१२सुमी ब्वाक्कु नेल्ल आ योत्तम पुक्का ?  
सुमी सरीड बिक्ताम थाप्ता ? सुमी रागी डा  
फुरक पुक्तीकम पुक्का ? सुमी डांडा आन कली  
नाक्शा, पहाड आन कली नाक्तीक तारी वोदा ?  
१३परमपरभु यावे आ सोक्त कली सुम शंदा ?  
आ कली अर्ती गेब सु बाक्वा ? रोमी ११ :३४ ;  
१कोरिन्थी २ :१६ १४सुम मेको कली मेको नेल्ल  
रुन्ना कली अर्ती गेवा ? सुम मेको कली ठीक  
निसाफ पचा कली शंदा ? १४ रागी रागी डा मुर  
नेल्ले चिरशो गर डा लीशो ब्वाक्कु खोदंशो  
नु नाक्तीकम लीशो फुरक खोदंशो बाक्नीम ।  
टापु आन कली फुरक खोदंशो पा बेरपाइक्व ।  
१६लेबानोन डा ब्वाकी डा शी मी मुइक्वा कली  
मगारब । मेकेर डा जन्तुपुकी चोशा चढेचा कली  
मजावदीत्नीम । १७ रागी रागी डा मुरपुकी मेको  
आ डांडती मारइ मनम । मेको श्येत्थ नु मारइ  
मबाक्शा बाक्नीम, द मिम्ब ।

१८मिनु गे परमपरभु कली सु नु थाप्नीनी ?  
मिनु सु आं नेक्था वोइक्ने चाप्नीनी । यसैया  
४६ :५ ; परस्थान २० :४ ; परेरित १७ :२९ ११मूर्ति  
का ? मूर्ति चेम्बमी मूर्ति कली यपाइक्व । सुन  
चेम्बमी मेको सुनम खरुम्ब । मेको कली चांदी  
के साडली सल्ब । २०का निक्शीमी कोसली गेचा  
कली बोल्या, मराक्वा डा शी योत्रनीम । शी के  
गेय पाइब जोक्व मुर का माल्ब । मिनु मेकोमी  
महिक्सीचा डा पा मूर्ति सल्पाइक्व ।

२१गपुकी मतुइक्तीनी, मनंनी ? डांडती रे इन  
कली मशंदमे ? रागी सल्वा रे गे मरुप्नी ?  
२२एको रागी नेल्ल आन तार बाक्व, मेकोन  
बाक्व । रागीम बाक्वपुकी माले खोदंशो  
बाक्नीम । मेकोमी सरीड कली वा खोदंशो पा  
प्राक्व । मिनु मेको मुर आन कली ताम्बु खोदंशो  
दुम्ब । २३मेकोमी सासन पाइब आन कली शोर  
गाक्शो सेल्ब । हुकुम पाइब जाम्शा लाइनीम ।

२४मेकोपुकी का निक्शी ला शोक्सीशो  
बाक्नीम । का निक्शी ला खरुम्सीशो बाक्नीम ।  
शाक्श थोक्ची ना दुम्मेनु, मेको आन तार  
मुइक्व । मिनु मेको बेक्नीमी । मिनु फश  
गिवारमी पराल खोदंशो पा योल्ब । २५आं  
कली सु नु थाप्नीनी । मिनु गो नु उइक्थ सु  
बाक्वा ?" द का ला बाक्शा परमपरभुम दंत ।  
२६गपुकी ग्येत्थ कोत्रडीन । मेको आन कली

सुम सेला ? मेकोमी शुश राप्पाइश्शा, मेको  
आन कली हिक्व । मेको आन नें थिशा, बेरप्ब ।  
मारद हुना मेको आ ठेयब सक्त्तम पतीक का यो  
मजाप्नीम । मजन संगरह १४७ :४ ; उत्पत्ती  
१ :१४-१८

२७गे मारद ए याक्व, दंनीनी ? इसराएलीपुकी  
“मारद आं लां परमपरभु यावे, आं परमपरभु  
आ डांडती खरुइश्शा बाक्व दंनीनी ? । मारद  
आं कली पशो दूली निसाफ मतुइक्व” दंनीनी ?  
२८मिनु “मार, गे मतुइक्तीनी, मनंनी ? परमपरभु  
यावे गेना हुना यो बाक्व परमपरभु बाक्व । मेको  
रागी रागी कली सल्ब बाक्व । मेको मथाइब  
नु मदाइब । आ तुइक्तीक नेल्ल क्येडा ठेयब  
बाक्व । २९मेकोमी दाइब आन कली बोल गेब ।  
मचाप्ब आन कली सक्त्त गेब । ३०टिटापुकी  
यो दशा थाइनीम । मिनु मचाप्बु गोल्नीम ।  
३१तन्न परमपरभु यावे आ लां कोत्रबपुकी नक  
सक्त्त ताइनीम । ककाकुली खोदंशो पा आन  
फरां पराक्शा बेरशा ग्येत्थ लाइनीम । मेकोपुकी  
दोरशा, मदाइनीम । गाक्शा यो मथाइनीम” दंत ।  
मजन संगरह १०३ :५

परमपरभुमी मुर आन कली बेरश्शो

४१ परमपरभु यावेमी “समुन्दर आ नेक्था  
बाक्व मुरपुकी सिक्सी पा आं लोत्र नेनीन ।  
जात जात डा मुरपुकीम आन सक्त्त लेंशा  
तामेक्व । मिनु मेकोपुकी आं नेक्था जाक्शा,  
लोत्र पामेक्व । गो काथा निसाफ पतीकम बुक्थ ।

२सुमी पूर्व रे आ गेय पचा कली ग्राब का  
कली पोक्का ? मेकोमी रागी रागी डा मुर आन  
कली आ गुइम गेब । मेकोमी पिप आन कली  
दिम्शा, आ त्रवारम मेको आन कली फुरक  
खोदंशो सल्ब । आ लिब्रामी फशम बेरशा  
भूस खोदंशो सल्ब । यसैया ४४ :२८ ; यसैया  
४५ :१,१३ ; यसैया ४८ :१४-१५ ३मेकोमी मेको  
आन कली खेदा पवानु, मारइ मडुम्थु आ खोइत्नीम  
लां कली हेरा मथीनीम । ४मेको सुमी पपाइश्शा  
पवा ? सुम साइ डांडती रे पाला पाला डा मुर  
आन कली बेरत्ता ? गो परमपरभु यावे, नेल्ल  
क्येडा डांडती डा नु नेल्ल क्येडा नोले डा  
नड । यसैया ४४ :६ ; यसैया ४८ :१२ ; परकाश  
१८ :१७ ५समुन्दर आ नेक्था बाक्व मुरपुकी  
मेको तशा, हिंनीम । रागी आ सुर सम्म हिम्सीब ।  
मिनु मेकोपुकी जाक्शा, आं नेक्था पिम्त्तकम ।  
६वारच पमुशा, आन थुं बारपाइक्मुशा ठेयब थुं  
पावो” दंमुइनीम । ७मिनु दारशा थोत्रक सल्ब

जोक्वमी चेम्ब आ थुं बारपाइक्व। घन तुप्बमी चेम्ब आ थुं बारपाइश्शा 'एको रिम्शो दुम्त' दंशा, महिम्सक्ल, दे कांटी थोक्व" दंत।

इसराएली आन कली लोत्र पशो

८मिनु परमपरभु यावेमी "आं गेय पाइब इसराएल, आं योत्रशा याकूब, आं वारच अब्राहाम आ चच युइ बाक्व। यसेया ४२:१९; यसेया ४३:१०; यसेया ४४:१,२१; यसेया ४५:४; भजन संगरह १३५:४; याकूब २:२३ १. इ कली रागी आ सुर र बरताकन। नेल्ल क्यडा डोन र चाक्शा, गो इ कली थं आं गेय पाइब बाक्नेवे" दंती। गो इ कली योत्रता। मिनु गो गे नु बाक्नुड। १०महिनी, मारदे हना गो गे नु बाक्नुड। आइक्च थुं मपावो। मारदे हना गो इ परमपरभु नड। गो इ कली बोल्यो सल्शा, वारच पाइनुड। गो इ कली आं ग्राब ग्युरा गुइमी वारच पाइनुड। यसेया ४३:३

११गे नु गाइक्व नेल्ल मुने दोक्शा, शिशी मताइनीम। इ जोरी सतरु नेल्ल फश सोदंशो दुम्शा, जाम्शा लाइनीम। १२गे मेको आन कली माल्तीवी हना यो, मथिल्लेवे। इ कली लडाइ तोइवपुकी फश सोदंशो दुम्शा, जाम्शा लाइनीम। १३मिनु गो परमपरभु यावे, इ परमपरभुमी इ ग्युरा गुइ ग्याइक्नुड। मिनु गो इ कली 'महिनी' दंशा, वारच पाइनुड।

१४गे महिक्सीशो याकूब महिनी। इक्का ला लीशो इसराएलीपुकी महिनीन। गो इ कली वारच पाइनुड, दे परमपरभु यावेमी दंत। इ कली पाप र परांइब इसराएली आन का ला बाक्शो परमपरभु, गो नड। यसेया ४३:३ १५मुत्त गो इ कली हेल्शो अन्न तुप्तीक सत्नुड। मेको हेश्शा, नक नु खरुइ पाइश्शा बाक्व। गे डांडा आन कली तुप्शा, फस सत्नेवे। पहाड आन कली भूस सोदंशो सत्नेवे। १६गे मेको आन कली हारशा, फशेम योल्पाइक्नेवे। मिनु फश गिवारम मेको आन कली एर आंथ फरशा योल्ब। मेना गे परमपरभु यावे कली तुइश्शा, ग्येरेनेवे। इसराएली आन का ला बाक्शो परमपरभु आ मुर दुम्शा, ग्येरसीनेवे" दंत।

१७मेकोमी लंशा "परुडग नु क्येट मथीबम ब्याक्कु माल्तीम। तन्न मथिल्लेमी। मेकोपुकी तूत दाक्शा, आन लाक्चा सोत्रब। गो, परमपरभु यावेमी, मेको आन लोत्र नंनुड। मिनु गो, इसराएली आन परमपरभुमी मेको आन कली

मपरांइथु, मेको नु बाक्नुड। १८गे गोरशो डांडामी ब्याक्कु गरूपाइक्नुड। बंसीमी ब्याक्कु बुक्पाइक्नुड। गो मुर मबाक्तीकम ब्याक्कु दम्शो नु सोत्रशो रागीम ब्याक्कु बुक्पा गरूपाइक्नुड। यसेया ३५:१,७; यसेया ४३:१९; परस्थान १७:६; भजन संगरह १०७:३५ ११ मुर मबाक्तीकमी लेबानीन डा लाइश्शा रवा वापाइक्नुड। बोल्यो रवा, तेल रवा नु शुश अरु रवा खरून्नुड। गोरशो रागीमी तोत्रशी नु अरु रवा यो खरून्नुड। २०मुर नेल्लमी परमपरभु यावे आ पशो बाक्व, दे तशा, तुइश्शा, मिम्शा रुप्वा माल्तीम। इसराएली आन का ला बाक्शो परमपरभुमी मोदंशो सल्लु" दंत।

मूर्तिमी सक्ति कांइदमक्ल, दंशा

२१परमपरभु यावेमी "इन लोत्र मार बाक्वा, देनीन। थमा बाक्व, दे कांइदीन, दे गो, याकूब आ पिपमी देनुड। २२मेको आन कली चाक्गमक्ल। मिनु मार मार दुम्म, मेको देनीन। डांडती मार दुम्म, मेको लोत्र पने। गे मेको आन कली मिम्शा, नाले मार दुम्बा, तुइक्चा कली शंदीन। यसेया ४३:८,९; यसेया ४४:७ २३नाले मार दुम्बा आंइ कली तुइक्पतीन। मोपा ला गे गेय पने चाप्ब बाक्नीनी, दे तुइक्नीकी। गे रिम्शो पने कि मरिम्शो पने। मोपा गो इन कली तशा तुइश्शा शुश हिंनीकी। २४गे मारइ मननी। इन पशो नेल्ल फश बाक्व। सु सुमी इन कली योत्रनीमी मेकोपुकी ग्रांगरा दिशो बाक्नीम।

२५गे उत्तर र का कली बरताकड। मिनु मेको जाक्त। नां दाप्तीक र आं नंमी लोत्र पाइब बरताकड। मेकोम ठेयब मुर आन तारी खप दिम्शा सोदंशो पा दिम्ब। खप के ग्यांब सत्त्वम दोदंशो पा खप नीबा, मोदंशो पा मेको आन कली नीब। २६सुमी डांडती र आंइ कली तुइक्पदा? मेको गो तुइक्चा माल्तीकी। मिनु सुमी डांडती शंदा? 'मेको ठीक बाक्व' दंने चाप्नीकी। सुइमी मशंदेम, सुइमी लोत्र मपास। मिनु सुइमी इन पशो लोत्र मनेनम। २७मिनु गो डांडती सियोन कली शंताकड। गो यरूसलेम कली ग्येरपाइक्व लोत्र पाइब का सोइक्ताकड। यसेया ५२:७ २८तन्न गो कोत्रङ्गु, सुइ मथिदु। अर्ती गेब सुइ मबाक्म। गो हिल्लो पाता, सुइम लोत्र मलेत्तीनी। २९मेको नेल्ल फश बाक्नीम। आन गेय नेल्ल फश बाक्व। मिनु देवी देवता आन मूर्ति फश बाक्नीम" दंत।

परमपरभु यावे आ गेय पाइब

४२ परमपरभुमी “आं गेय पाइब कली कोव्रडीन। गो मको कली सक्ति गेनुड। आं योत्रशो गेय पाइब तशा, आं थुं ग्यरसीब। गो मको कली आं सोक्तीम पिरंताकड। मकोमी रागी रागी डा मुर आन कली ठीक निसाफ पाइब। यसेया ४९:१-६; यसेया ५०:४-११; यसेया ५२:१३-यसेया ५३:१२; मत्ती १२:१८-२१; मत्ती ३:१७ २मकोमी जिचा मपोक्ब। शुश रेयक मपाइब। लां पित्थ आ संदा मनंसीब। ३मकोमी जिक्चशो किन्दा मजिक्ब, काप्चशो मी यो मकाप्ब। मकोमी थमा पा ठीक निसाफ पाइब। भजन संगरह ३४:१९ ४मकोम रागी नेल्लेम मुर आन कली ठीक निसाफ पतीक लां मकांइदा सम्म ग्युम्शा मगोल्ब। समुन्दर आ नेकथाम बाक्ब मुरपुकी आ शंशो नंचा दाक्शा, मेको कली रिन्नीम” दंत।

५मको परमपरभु, परमपरभु यावे आ लोत्र बाक्ब। मकोमी सरीड कली सल्शा पराक्तु। मिनु रागी खप फराशा, मेकर मार मार वापाइक्तु। मकोमी मेकर बाक्बो मुर आन कली आ बरांडतीक गेब। मेकर बाक्ब आन कली यो आ सोक्त गेब। उत्पत्ती १:- ६मकोमी “गो, परमपरभु यावे नड। गो इ कली आं ठीक पतीकमी बरंताकन। गो इ गुड ग्याइश्शा, इ कली कोव्रशा बाक्नुड। गो मुर आन पा डा इ कली आं कबल खाप्ब सल्लतन। रागी रागी डा मुर आन कली छेडछेड दुम्पाइक्चा कली सोइक्ताकन। यसेया ४९:६,८ ७मारद सोइक्ताकन देशा हना, मिक्च मताइब आन कली तपाइक्चा, जेल्खानम बाक्ब आन कली प्रांडचा नु छिडछिड र गर्इचा कली सोइक्ताकन। यसेया ३५:५; यसेया ४५:१९; भजन संगरह १२६:१-४ ८गो, परमपरभु यावे नड। आं नं मकोन बाक्ब। आं मान ततीक अरु आन कली मगेनुडमी। आं ठेयब दुम्तीक मूर्ति आन कली मगेनुडमी। परस्थान ३:१५; यसेया ४८:११ ९कोव्रडीन, डांडती डा देशो लोत्र दुम्ने थुम्तु। गो दुम्चा क्येडा डांडती नक लोत्र शंनुड। मेको दुम्चा क्येडा डांडती इन कली तुइक्पाइक्नुड” दंत। यसेया ४८:६

रागी डा मुरपुकीम कुम्सो पामेक्ल

१०परमपरभु यावे कली नक कुम्सो का पने। रागी आ सुर डा मुरपुकी परमपरभु यावे

कली कुम्सो पशा ठेयब सलीन। समुन्दर नु समुन्दरम बाक्बपुकी परमपरभु कली ठेयब सलीन। समुन्दर आ नेकथा बाक्ब नेल्लेमी मेको कली ठेयब सलीन। भजन संगरह ३३:३ ११गोरशो रागी नु मेकर डा सहर कुम्सो पने। केदार आ बाक्तीक डा मुर नेल्ले कुम्सो पने। सला डा मुरपुकी ग्यरशा कुम्सो पने। डांडा तार र ठेयब संदा पा गरीडीन। १२मकोपुकीमी परमपरभु यावे कली मान पामेक्ल। मिनु “परमपरभु यावे गिश ठेयब बाक्ब” दे समुन्दर आ नेकथा बाक्ब मुर आन कली शंदमेक्ल। १३परमपरभु यावे बोल्या लडाइ पाइब सोदंशो पा गरूब। लडाइ पाइब सोदंशो पा आ जांब बोक्पाइक्ब। मेको ठेयब रेयक पा गरीब। मिनु आ जोरी सतरु आन कली आ ठेयब सक्ति कांइब।

१४मिनु “गो शुश सिक्सी पा बाक्ती, ब्वालेइ पा आंम कली तेक्शा बाक्ती। मुल आल थिचशो मीश मुर बुदो, वाइ बरेत्नुड। आं सोक्त कीनुड। १५गो डांडा नु पहाड आन कली गोरशो सेल्लुड। गिगी मारइ मारइ सोत्रपाइक्नुड। गो ब्वाक्कु बाक्तीक कली सोत्रशो रागी सल्लुड। दोम्ती सोत्रपाइक्नुड। १६मिनु मिक्च मताइब आन कली आन मतुइश्शा लांमी सुल्लुडमी। आन मतुइश्शा गाक्तीक लांमी गाक्पाइक्नुडमी। मेको आन डांडती बाक्बो छिडछिड कली छेडछेड सल्लुड। मिनु फुल्लु बाक्तीक कली दिम सल्लुड। एको मप्रांडथु पाइनुड। यसेया ४०:४ १७मुशा सल्शा मूर्ति नु चम्शा सल्शा मूर्ति आन कली थमा सुइश्शा गे आं देवी देवता बाक्नीनी” देवपुकी गिम्सीशा, मुन दोक्नीम” दंत।

१८परमपरभु यावेम “गे नोफा मनंबपुकी नेनीन। गे मिक्च मताइबपुकी एक कोव्रडीन। यसेया ४३:८ १९आं गेय पाइब सोदंशो पा मिक्च मताइब सु बाक्नीमी? आं सोइश्शा लोत्र कुरब सोदंशो नोफा मनंब सु बाक्नीमी? सु आं कली जिम्मा गंसीशो सोदंशो मिक्च मताइब बाक्नीमी? सु परमपरभु यावे आ गेय पाइब सोदंशो मिक्च मताइब बाक्नीमी डा? यसेया ४१:८ २०मकोमी शुश मार मार ताइब। तन्न मकोव्रब। मेको नोफा नंब बाक्ब, तन्न मनंब” दंत। यसेया ५३:१

२१परमपरभु यावेमी आ ठीक पतीक तशा, ग्यरसीशो बाक्त। मेकोमी आ शंतीक ठेयब सल्शा नु थम रिम्शो दुम्पाइक्ब। २२तन्न मेको मुरपुकी रोइश्शा नु सुइ पचा पुंडसीशो बाक्नीम।

मको नेल्ल बिकतीकेमी बिकशो नु जेल्खानमी खरुइशो बाक्नीम। मको सिसार सोदेशो दुम्शो बाक्नीम। मको आन कली परांडब सुइ मबाक्व। मको रोइक्चा पुंडसीब दुम्शो बाक्नीम। मिनु “मको आन कली लंशा गेन” देब सुइ मबाक्व। २३ इन दातेमी मको नंशा वारच पाइब, सु बाक्वा ? मुल रे नोफा दाइशशा, होस पा बाक्व, सु बाक्वा ? २४ सुमी याकूब आ मुर आन कली रोइक्व आन गुइमी गेवा ? सुमी इसराएली आन कली सुइ आन गुइमी गेवा ? मको पपाइक्व परमपरभु याव ममाइ ? मकोपुकीम मको कली पाप पास्तकम। मकोपुकी मको आ लांम गाक्ने मबिस्सम नु आ अरशो मटीम। २५ मोपतीके परमपरभु याव मको आन परबम शुश गाइक्ताक्व। मको आन कली लडाइ डा श्यत दुम्पाइक्व। मको आन एर आंथ नेल्ल मी जेत्ताक्व। मो हना यो मकोपुकीमी काइ मरुबेम। मी जेशशा यो आन थुं परमपरभु यावे गे मलेत्तम।

परमपरभुमी पाप रे परांडशो

४३ १ याकूब, इ कली नु इसराएल कली सेल्ब परमपरभु यावेमी “महिनीन। इन कली पाप रे परांडता। गो इन नें थिशा बरती। गे आं मुर बाक्नीनी। २गे ब्वाक्कु शोक्शा, गाक्चा माल्ते हना यो, गो गे नु बाक्नुड। खोला शोक्साक्वे हना यो, मकोम इ कली मयोल्ब। मीम गाक्शा लवनु, मकोम इ कली मज्ज्ब। मको मीम इ कली मदाक्व। परस्थान १४ :२१ ; भजन संग्रह ६६ :१२ ; दानीएल ३ :२५-२७ ३ मारदे हना गो परमपरभु याव, इ परमपरभु नड। गो इसराएली आन का ला बाक्शो परमपरभु नड। गो इ कली पाप रे परांडब नड। गो इजीप्त रागी इ पा डा गेता। मिनु एथीयोपीया नु सेबा रागी इ कली परांडचा कली गेता। यसेया ४१ :१४ ४ मारदे हना गे आं योत्रशो मुर बाक्नीनी। गे मान ताइब दुम्नीनी। गो इन कली दाक्नुड। मोपतीके गो इन पा डा अरु मुर आन कली गेनुड। इन बेक्चा आ पा डा रागी रागी डा मुर आन कली गेतामी। ५ महिनीन, गो गेपुकी नु बाक्नुड। गो इन आल आन कली नां दाप्तीक पूर्व रे चाक्नुड। मिनु नां परतीके पच्छिम रे सुष्शा तेल्लुड। यसेया ११ :११-१६ ; येरमीया ३० :१० ६ गो उत्तर कली “परांडशा सोइक्तीमी” माइक्नुड। दक्खिन कली “भतक्मी” आं तौ आन कली डोन रागी रे चाक्कीन। मिनु आं तमी आन कली रागी आ सुर रे चाक्कीन। ७ आं नंम बरत्चा पुंडसीशो मुर नेल्ल

चाक्कीन। गो मको आन कली आं कली ठेयब सेल्चा कली वोइक्तामी। मको आन कली सेल्ब गो नड। येरमीया १४ :९

८ मको मिक्च बाक्शा यो मताइब, नोफा बाक्शा यो मनंब आन कली गूंइदीन। ९ रागी रागी डा मुर नेल्ल सुम्समल। जात जात डा मुर नेल्ल बुक्मल। मको आन दातेमी सुमी एको लोत्र पवा ? मुल मार दुम्म ? सुम डांइती मको नोले दुम्ब लोत्र पवा ? आ सांकछी बरेशशा, चाक्गल। मिनु मुरमी मको नंशा थमा बाक्व देमल” देत। यसेया ४१ :२२,२६ १० परमपरभु यावेमी “गेपुकी आं सांकछी बाक्नीनी। मिनु गे आं योत्रशो गय पाइब बाक्नीनी। गे आं कली तुइशशा थमा सुइक्व दुम्शो बाक्नीनी। मिनु गो परमपरभु नड, दे रुप्नीनी। आं डांइती सुइ परमपरभु मबा, आं नोले यो सुइ परमपरभु मडुन्नीम। यसेया ४४ :३ ११ गो परमपरभु याव नड। आं क्येडा लाक्शा पाप रे परांडब मबाक्व। यसेया ४५ :२१ ; ब्यवस्था ३२ :३९ १२ इन दातेमी देवी देवता मबाक्थु, गो इन कली शंशा, पाप रे परांडशा, लोत्र नंपाइक्ता। गे आं सांकछी बाक्नीनी। १३ गो परमपरभु नड। नोले सम्म गो मको नड। सुइमी आं गुइ रे परांडने मचाप्ब। गो गय पडानु, सुइमी आं कली तेक्ने मचाप्ब” देत।

१४ मिनु परमपरभु याव, इन कली पाप रे परांडब, इसराएली आन का ला बाक्शो परमपरभुमी “इन पा डा गो बेबीलीन सहर कली लडाइ पाइब सोइक्नुड। मको आन ठेयब लाप्चो डा आगलो जिक्नुड। गो कल्दी आन गरीतीक कली रोंका पपाइक्नुड। १५ गो, इन परमपरभु याव, इन का ला बाक्शो परमपरभु नड। गो इसराएल कली सेल्ब, इन पिप नड” देत। १६ मिनु परमपरभु यावेमी “सुमी समुन्दरमी लां का सेल्बा ? सुमी ठेयब ब्वाक्कुमी गाक्तीक लां सेल्बा डा ? परस्थान १४ :२२ ; यहोसु ३ :१६ १७ सुमी बग्गी नु शारा, लडाइ पाइब नु बोल्थो मुर आन कली मको लांम सोइक्ता ? मकोपुकी गाल्शा, बोक्ने मचाप्नीम। मकोपुकी सल्दो खोदेशो पा ग्याइशशा काप्चा पुंडसीनीम। परस्थान १४ :२३-२८ १५ डांइती डा दुम्शो ममिम्तीन। साइ डांइती मार दुम्म, मको ममिम्तीन। १९ गो नक गय का पचा चिक्शो बाक्नुड। मुल मको दुम्चशो बाक्व। गे मको मतुइक्नीनी ? गो मुर मबाक्तीकेम लां का सेल्लुड। यसेया ४१ :१८ २० मिनु ब्वाकी डा जन्तु, सिवार नु ठेयब चिक्बपुकीमी

आं कली मान पाइनीम। मारदे हना गो मुर मबाक्तीकेमी रउ यिपाइक्नुड। गोरशो रागीमी खोला शाइक्पाइक्नुड। आं योत्रशो मुर आन कली त्चा गेचा, दे गो गोरशो रागीमी खोला शाइक्पाइक्नुड। ११ आं कली ठेयब सल्ला कली मेको मुर आन कली सल्लामी। १५ तरुस २ : १

२२ तन्न याकूब, गे आं कली ठेयब मसली। इसराएल, गे आं नोल खोइक्का आ पर्वम मारइ ममिन्नुड। २३ गे इ भंडा आं कली चोशा मचद्वयी। इ चद्वेशामी आं कली मान मपवी। गो इ कली जचा थोत्रक चद्वेचा माल्लेव, दे श्येत मगेड। धूप चोचा माल्लेव, दे मदेड। यसेया १ : ११-१५ २४ गे आं कली बरोत्रशो रिना पाइब थोत्रक ग्याप्शा मचाक्गी। इ चद्वेशो आन बांसो मगेयी। तन्न इ पाप पतीकेमी गे आं कली श्येत गोप्तीवी। इ मरिम्शो पतीकेमी आं कली श्येत जपाइक्ती। २६ कोरिन्थी ५ : २१

२४ गो नड, इ हेंथे पशो क्याम्नुड। गो मेको आं पर्वम पाइनुड। गो इ पाप लेंशा ममिन्नुड। यसेया ४४ : २२ ; येरमीया ३१ : ३४ २६ आं कली दोस गेयी। निसाफ पथ लय। दोपा गे आं डोंइती ठीक बाक्नेव, मेको लोत्र पावो। २७ इ डोंइती डा किकीम पाप पाप्नु। गे नु गारशा लोत्र पाइबम आं कली मरिम्शा पाम्तक्म। यसेया ४१ : ८ ; उत्पत्ती ३५ : ११-१२ २८ मोपतीके गो आं खिम चद्वेब आन कली गेय पचा मद्दुम्ब' सल्लामी। गो याकूब कली खतम सल्ला। मिनु इसराएल शुक्शो पाइक्का पुंडसीब सल्ला" दे परमपरभुमी देत।

थमा पा इसराएली मुर दुम्शो

४४ १ मिनु "याकूब, आं गेय पाइब, मुल ननो। आं योत्रशो इसराएल, ननो। २ इ कली कोत्रजोम सल्ला, वारच पाइब परमपरभु यावेमी आं गेय पाइब याकूब महिनो। यशुरुन गो इ कली योत्रता। यशुरुन इसराएल आनं का बाक्ब। व्यवस्था ३२ : १५ ३ मारदे हना गो सोत्रशो रागी तारी ब्वाक्कु लुक्नुड। सोत्रशो खपीम खोला शाइक्पाइक्नुड। गो इ चच युड आन तारी आं सोक्त मोइक्नुड। इ आल आन कली आसीक गेनुड"। यसेया ३२ : १५ ; योएल ३ : १ ४ मेकोपुकी घांस खोदेंशो पा शुश बारनीम। ब्वाक्कु आ नेक्था वाशो रवा खोदेंशो दुम्नीम। ५ मिनु कामी 'गो परमपरभु यावे आ मुर नड' देब। अर्कामी 'आ नें याकूब बाक्ब' देब। मिनु अर्कामी 'गो परमपरभु

यावे आ मुर नड' दे आ गुडम बरेक्शा 'आं नें इसराएल बाक्ब' देब" देत।

६ मिनु परमपरभु यावे, इसराएली आन पिप नु मेको आन कली पाप र परांइब, मुर नेल्ल आन परमपरभु यावेमी "गो नेल्ल क्येडा डोंइती नु नेल्ल क्येडा नोल डा नड। गो आं डा लाक्शा, अरु परमपरभु मबाक्नीम। यसेया ४१ : ४ ; यसेया ४३ : ११ ; परकाश १ : १७

७ सु आं खोदेंशो बाक्का ? मेकोमी 'गो परमपरभु खोदेंशो नड' दे उरदी पवल। मेकोमी आं डोंइती देल। सुम साइ डोंइती नोल दुम्तीक लोत्र पवा ? मुल मार दुम्बा ? मेकोमी देल। यसेया ४१ : २२ ; व्यवस्था १८ : २२ ८ गे खिरंखिर पा महिनीन। गो साइ र इन कली मदेडा डा ? गेपुकी आं सांकच्छी बाक्नीनी। गो आं डा लाक्शा अरु परमपरभु बाक्नीमी ? आं क्येडा लाक्शा अरु सेरथे फुल्लु मबाक्ब। गो मेको मतुइक्नुड" देत। १ सामुएल २ : २

मूर्ति शोर गाक्शो बाक्नीम

१ मिनु "मूर्ति सेल्ल नेल्ल फश खोदेंशो बाक्नीम। मेको आन सेल्ला दाक्शो मूर्ति शोर गाक्शो बाक्नीम। मेको आन पर्वम शंबपुकी मिक्च मताइब खोदेंशो दुम्शा, मारइ मतुइक्नीम। मोपतीके मेको मुने दोक्नीम। यसेया ४५ : १६ ; भजन संगरह ११५ : ४-८ ; येरमीया १० : ३-१६ १० सुम यपाइशशा मुशा रिम्शो गेय पने मचाप्ब देवता आ मूर्ति सेल्ला ? ११ मेको आ नोल खोइक्ब नेल्ल मुने दोक्नीम। मेको मूर्ति सेल्ला जोक्ब मुर ला बाक्नीम। मेकोपुकी बुक्शा, राम्मल। गरीचोक पा हिमल। मिनु गना हना यो मुने दोक्मल। यसेया ४२ : १७

१२ तुप्तीलमी मूर्ति चम्ब। मेकोमी मीम गेय पाइब। बोल्यो गुडमी घनमी तुप्शा सेल्ल। मेको शोत्रतु बेक्शा, आ बोल साम्ब। ब्वाक्कु मतूथु, गेय पने मचाप्ब। यसेया ४० : १८-२० १३ शो मुड्वमी शी कली श्येलेम थाप्शा, बरेक्स पा बस्ताम क्योक्शा, लेंशा थाप्शा, कोत्रशा बरेक्स पाइब। मिनु मुर खोदेंशो पा सेल्ल। दारशो मुर खोदेंशो पा सेल्ल। मिनु नोल मन्दोरम निप्पाइक्ब। १४ मेकोमी लेबानान डा लाइशशो रवा तिम्ब। ब्वाकी डा बोल्यो शी के रवा का योत्रशा ब्वाकी डा अरु रवा नु कोल्पाइक्ब। लेबानान डा लाइशशो रवा का खरुम्ब। मेको तारी रेउ यिशा, मेको ठेयब दुम्ब। मिनु मेकोमी सला रवा का खरुम्ब। रउम मेको

कली कोल्पाइक्व। १५ मेको रवा आ शी चोचा कली दुम्ब। मेको शी रे मी मुइश्शा थरब। मेको शी चोशा, शोब्ले चोइब। मेको शी रन मूर्ति यो सल्त्शा, आ डांइती सउ पा बाप्ब। १६ मेकोमी आधा शी चोशा, मेको तार श्ये चोइब। मेको ब्रशा रूशा, मी थरब। मिनु मेकोमी शो हाती, मी थरचा ताता' दंत। १७ मिनु आ लीशो शी र मूर्ति का सल्ब। मिनु मेको आ डांइती बाप्शा पूजा पाइब। मिनु मेको कली "आं कली श्येत रे परांइयीनी। मारदे हना गे आं परमपरमु बाक्नीनी" दे पुइब" दंत।

१८ मेको मुरपुकीमी मारदे मतुइक्व, मरुनीम। मारदे हना मेको मिक्च मताइनीमी। आन थुं मरोक्सीशो बाक्ब। मेकोपुकी मारदे मरुब बाक्नीम। १९ सुइमी मारदे ममिम्ब कामी "गो मेको शी आधा मीम चोता। मेको मी तारी शोब्ले चोशा, श्ये वाल्ला ब्वाता। मुल गो मेको आ लीशो ठुटा रे गरांगरा दिशा मूर्ति सल्त्वा दुम्बा डा? गो मेको आ डांइती बाप्वा दुम्बा डा?" दंब सुइ मबाक्ब। २० सु सुमी पुतु कली सउ पाइनीमी, मेको आन दूली थुमी दूली मिम्पाइश्शो बाक्नीम। मेकोमी आंम कली परांइने मचाप्ब। मिनु "आंइ सल्त्शो मूर्ति जोल बाक्ब" मदनीम।

### इस्राएली आन कली परांइशो

२१ याक्ब गे एको लोत्र मिम्तो। इस्राएल मिम्तो। मारदे हना गे आं गेय पाइब बाक्नेव। गो इ कली सल्त्न, गे आं गेय पाइब बाक्नेव। इस्राएल इ कली मपरंनन। यसेया ४१:८ २२ गो इ पाप गोस्स खोदेशो पा जाम्पाइक्ता। इ हेंथे पशो यो क्याम्ताक्ड। गे आं गे लेतो। मारदे हना गो इ कली पाप रे परांइतन। यसेया ४३:२५

२३ गे सरीड कुम्सा पावो। रागी नल्ल रयेक पा, शुश कुम्सा पने। गे डांडा, ब्वाकी नु रवा नल्लेमी कुम्सा पने। मारदे हना परमपरमु यावेमी याक्ब कली श्येत रे परांइतु। इस्राएल रागीमी आं नें ठेयब सल्त्शो बाक्ब। यसेया ४९:१३; यसेया ५५:१२; भजन संगरह ९६:११-१३

### पिप कोरस कली गोठला वोइश्शो

२४ मिनु परमपरमु यावे, इ कली श्येत रे परांइब, इ कली कोत्रजीम सल्बमी "गो मारदे मारदे सल्ब परमपरमु यावे नड। गो आं कामी सरीड प्राक्ता। रागी वोइक्ता। यसेया ४५:१२

२५ गो जोल पाइब आन नोले दुम्ब लोत्र शोर गाक्शो सल्नुड। लिंक्यु कोत्रब आन निप्स क्यातामी। जोक्ब तुइक्ब आन कली दिप्शा, मेको आन जोक्तीक तुइक्तीक नल्ल मूर्ख सल्ता। यसेया २९:१४ २६ गो आं गेय पाइब आ लोत्र थमा बाक्ब। मिनु आं सोइश्शो लोत्र कुरबम आं देशो पाइब। गो यरूसलेम आ पर्वम 'मकर शुश मुर दुम्नीम' देनुड। मिनु यहूदा डा सहर लेंशा सल्त्वा पुंइसीनीम। मेको आन परश्शो खिं नक सल्नुड। २७ गो शुश लुक्च लशो ब्वाक्कु सोत्रपाइक्नुड। गो इ खोला आन कली सोत्रपाइक्नुड। यहोसु ४:२३ २८ कोरस आं गोठला बाक्ब। मेकोमी आं मिम्शो गेय पाइब। मेकोमी 'यरूसलेम लेंशा सल्त्वा माल्ब' दंब। आं खिं आ पर्वम 'नक जग सल्नुड'" दंत। २इतिहास ३६:२३; एज्रा १:१-४

### परमपरमुमी कोरस कली योत्रशो

४५ १ मिनु परमपरमु यावेमी कोरस कली तेल लुक्शा, आ ग्युरा गुइ ग्याइक्ता बाक्त। मारदे मो पवा बाक्त देशा हना, रागी रागी डा मुर आन कली फरुपाइक्चा, रागी रागी डा पिप आन कली मुने तोक्चा नु आ डांइती लाप्चो रोक्शा, मचोक्चा कली बाक्त। यसेया ४१:२ २ परमपरमु यावेमी मेको कली "गो इ डांइडांइती गाक्नुड। डांडा आन कली दिम सल्नुड। कांसा के लाप्चो जिक्नुड। फलाम के आग्लो जिक्नुड। ३ गो इ कली हिंचा डा छिडछिडम वोइश्शो शोप गनुड। इ कली खरुइश्शा वोइश्शो सुन चांदी गनुड। मिनु गे, परमपरमु यावेमी इ कली नें थिशा बरप्ब, इस्राएली आन परमपरमु, गो नड, दे तुइक्नेव। ४ आं गेय पाइब, याक्ब, आ योत्रशो इस्राएल कली गो इ नें थिशा, बरत्नुड। गो इ कली ठेयब नें गेशा बरत्ताक्ड हना यो, गे आं कली मतुइक्ती। ५ गो परमपरमु यावे नड। गो आं डा लाक्शा सुइ परमपरमु मबाक्ब। गे आं कली मतुइक्ताक्यो हना यो, गो इ कली ठीक सल्त्न। परस्थान २७:३ ६ इ कली मार पचा कली ठीक सल्त्न देशा हना, नां दाप्तीक रे नां परतीक सम्म गो आं डा लाक्शा अरु सुइ परमपरमु मबाक्ब, दे मुर नल्ल आन कली तुइक्पाइक्चा कली ठीक सल्त्न। गो परमपरमु यावे नड, गो आं डा लाक्शा अरु सुइ परमपरमु मबाक्ब। ७ गो छेडछेड नु छिडछिड सल्ब नड। गो थुं नाइक्पाइक्ब नु श्येत जपाइक्ब सल्ब

नङ्। गो, परमपरभु यावेमी, मेको नेल्ल पाइनुङ्।  
आमोस ३:६

८ सरीङ्, रेउ यिपतो। ठीक पतीके रेउ खोदंशो  
पा यिल। रागी रोक्सकल, पाप रे परांडतीके ठोसा  
खोदंशा पा गरूब। मेको ठीक पतीके नु कालेमीन  
कोल्सल। मेको नेल्ल सेल्व, गो, परमपरभु यावे  
नङ्।

९ आबी, सुमी आ कली सेल्व कली दोस गेबा,  
मेको गर आ गम्ट का खोदंशो बाक्व। मार,  
खपीमी खप क ग्यांब सेल्व कली 'मार पवी' ? देबा  
डा ? गयमी गय पाइब कली 'मजोक्व बाक्ते' देबा  
डा ? अय्युब ४०:२; यसैया २९:३६; येरमीया  
१८:६; रोमी ९:२० १० आबी, सुमी आ आफ कली  
'मारदे आं कली सेल्यी' ? मिनु मीश मुर कली 'गे  
मारदे आल थितीक रोइ पाइनेवे ?' देबा। ११ मिनु  
परमपरभु यावे, इसराएली आन का ला बाक्शा  
परमपरभु यावे नु इसराएल कली सेल्वमी, मार  
देब दंशा हना "गे आं कली 'आं आल ते लाइनीनी'  
दे हिल्लो पाइनेवे ? आं गय आ पर्वम आं कली  
अरचा माल्लेवे ? १२ गो रागी नु रागीम बाक्व  
मुर आन कली सेल्ला। गो आं गुइमी सरीङ्  
प्राक्ता। मिनु मेकर मार मार बाक्मा, मेको  
नेल्ल सेल्लामी। यसैया ४४:२४ १३ गो कोरस  
कली ठीक पचा कली पोक्ता। गो मेको आ लां  
नेल्ल दिम सेल्लुङ्। मेकोमी आं सहर सेल्ला  
माल्व। मिनु मेकोमी ग्याइशशा लाइशशा मुर  
आन कली परांडब। मेकोम क्यट नु मारइ कोसली  
मताक्व" दे मुर नेल्ल आन परमपरभु यावेमी  
देत। यसैया ४१:२

परमपरभुम श्येत रे परांडब दंशा

१४ मिनु परमपरभु यावेमी "इजोप्ट डा शोप,  
एथीयोपीया डा मारइ मारइ नु साबा रागी  
डा लाइशशा मुरपुकी इ के दुम्नीम। मेको  
इ नोले खोइक्नीम। मेकोपुकी फरंशो दुम्शा,  
इ गे जाक्शा, इ डांडती बाग्शा थमा पा  
परमपरभु गे नु बाक्व। मेको डा लाक्शा अरु  
सुइ परमपरभु मबाक्व" दे पुंडनीम" देत। १५ थमा  
पा, गे परमपरभु बाक्नीनी। गे खरुंडसीशो  
बाक्नीनी। गे इसराएली आन परमपरभु, श्येत रे  
परांडब बाक्नीनी। रोमी ११:३३; यसैया ४३:३१  
१६ मूर्ति सेल्व नेल्ल मुने दोक्शा, कालेम आन  
कुल राव किक्शा लाइनीम। यसैया ४४:९-  
११ १० तन्न परमपरभु यावेमी इसराएल कली  
श्येत रे परांडब। मेको गेना हना यो लीब श्येत

रे परांडतीकेमी बाक्व। गे गेना हना यो मुने  
मदोक्थु, इन कुल मकिक्पाइक्नीनी।

१८ मिनु परमपरभु यावे सरीङ् नु रागी सेल्व  
बाक्व। मुर मबाक्तीके मसेल्लु, मुर आन कली  
बाक्तीके सेल्लु। मेकोमी "गां परमपरभु यावे  
नङ्। आं डा लाक्शा अरु सुइ परमपरभु मबाक्व।  
१९ गो छिङ्छिङ् डा रागीमी खरुइशशा लोत्र  
मपङ्। गो याक्व आ आल आन कली 'गे आं कली  
सेल्वलेम माल्लेने' मदेङ्। गो, परमपरभु यावेमी  
थमा नु ठीक लोत्र ला पाइनुङ्" देत। यसैया  
४८:३६

मूर्तिम बेबीलोन परांडने मचाप्नीम

२० मिनु परमपरभु यावेमी "गे नेल्ल खुम्सीशा  
बुक्कीन। गे रागी रागी डा लीशो मुर आं  
नक्था जाक्कीन। शी के मूर्ति कुरबपुकी मारइ  
मतुइक्व बाक्नीमी। मेकोपुकीमी आन मूर्ति कली  
पुंडना पुंडन बाक्नीमी। तन्न मेकोपुकीमी श्येत रे  
परांडने मचाप्नीम। २१ इ लोत्र शंशा, लोत्र पावो।  
लोत्र पमुने। साइ डांडती एको लोत्र सुम देमे ?  
सुमी तुइक्पदा ? मेको नोले दुम्ब लोत्र सुम पवा ?  
गो, परमपरभु यावे मनडा डा ? आं डा लाक्शा,  
अरु सुइ परमपरभु मबाक्व। गो ठीक पाइब नु  
श्येत रे परांडब परमपरभु यावे नङ्। आं डा  
लाक्शा, अरु सुइ परमपरभु मबाक्व।

२२ आं गे लेतीन। मिनु पाप रे परांडचा पुंडसीन।  
रागी डा सुर सम्म मो पने। मारदे हना गो  
परमपरभु नङ्। आं डा लाक्शा अरु सुइ परमपरभु  
मबाक्व। २३ गो आं नेमी कसम जाता। गो ठीक  
लोत्र पाता। एको लोत्र मक्व्याम्सीब। मुर नेल्ल  
आं डांडती पोक्च थक्चा माल्लोम। आं नेमी  
कसम जचा माल्लोम। रोमी १४:३१; फिलिप्पी  
२:३०-३१

२४ "परमपरभु यावे ला ठीक पतीके नु सक्ति गेब  
बाक्व" दे कसम जाइनीम। परमपरभु यावे कली  
मटीब नेल्ल आं बाक्तीकेम जाक्शा मुने दोक्चा  
माल्लोम। येरमीया २३:६ २५ इसराएल आ चच  
युइ नेल्लेम "परमपरभु यावेमी इं कली ठीक  
सेल्व। गोपुकी आ मुर दुम्तय" दे ग्येरसीनीम"  
देत। येरमीया ९:२२-२३

बेबीलोन डा मूर्ति खतम दुम्शो

१६ बेल गुर ब्वेत। नेबो दिङ् गोल्त।  
४६ मेको आन मूर्तिपुकी बी ब्यफ आन  
कली कुरपाइक्नीम। इन कुरशो थोत्रक गे दशो  
बी ब्यफ आन कली कुरपाइक्नीनी। येरमीया

५०:२ २मिनु मेकोपुकी कालेम दिङ्ग गोल्शा, गुर व्वेनीम। आन भारी परांइने मचाप्नीम। मिनु आंमा ग्याइश्शा लाइक्चा पुंडसीनीम।

३“थाक्व आ खिं डा मुर, आं लोत्र नेनीन। इसराएल आ खिं डा लीशो मुरपुकी आं लोत्र नेनीन। गे जरमसीनी रे इन कली कुरता। गे कोव्रजीम बाकनी रेन इन कली कुरता। ४गेपुकी खूशा दुम्नी सम्म गो खाल का डा बाक्नुङ्। इन चां बोइक्म सम्म यो इन कली कुरनन्नी। गो इन कली सेल्शा, कुरनुङ्। इन कली कुरशा, पाप रे परांइनन्नी। भजन संगरह ७१:१८

५गेपुकी आं कली सु नु थान्नीनी, सु नु उइक्थ बाक्त देनीनी। आं कली सु खोदंशो बाक्त देनीनी? यसैया ४४:९-२० ६मिनु शुश सुन थीब नु चांदी नाक्वपुकीमी चम्ब कली बरत्नीम। मिनु मेको रे मूर्ति सल्पाइक्नीम। मेको आ डांइती बाप्शा पूजा पाइनीम। ७मिनु मेको कली गुप्शा, बलाम कुरशा, लाइश्शा, आ बाक्तीकम वोदमेनु, मेकर मदुक्थु, मगाक्थु बाक्व। सुइमी मेको आ डांइती जाक्शा “परांइयीनी” दंत हना, मेकोमी लोत्र मलेप्व। सुइ आन कली श्येत रे परांइने मचाप्व” दंत। १राजा १८:२६

#### परमपरभुम आ मिम्शो पाइब

८मिनु “गे हेथ गाक्वपुकी, आं दंशो मिम्तीन। साइ डा लोत्र इन थुम वोतीन। ९साइ डांइती डा माइत लोत्र मिम्तीन। मारदे हना गो परमपरभु नङ्, आं डा लाक्शा, अरु सुइ परमपरभु मबाक्नीम। गो परमपरभु नङ्, आं खोदंशो सुइ मबाक्नीम। यसैया ४४:६ १०गो साइ डांइती रे नोले सम्म मार दुम्म, नेल्ल शंनुङ्। डांइती रे मुल सम्म मदुम्शो यो देनुङ्। मिनु गो आं मिम्शो मफाइक्थु, नेल्ल पाइनुङ्। आ मिम्शो नेल्ल खान्नुङ्। ११गो पूर्ब रे सिखार ग्यारव चिक्व का बरत्नुङ्। मिनु डोन रागी रे आं मिम्शो नेल्ल पाइब मुर का कली बरत्नुङ्। गो आं दंशो लोत्र खान्नुङ्। आं मिम्शो पाइनुङ्। यसैया ४१:२

१२गे सकटा थुं पाइश्शापुकी नेनीन। गे पाप रे परांइतीके रे शुश डोन बाक्नीनी। १३आं पाप रे परांइतीके चाक्नुङ्, मेको डोन मबाक्व। गो इन कली रीब पा पाप रे परांइनुङ्। गो आं पाप रे परांइतीके सियोनम वोइक्नुङ्। इसराएल कली आं छेङ्छेङ् गेनुङ्” दंत।

#### बेबीलोन सहर सतम दुम्शो

१मिनु “गे कन्ने तमी बेबीलोन तोइश्शा ४७ फुरकुम निस्सो। बेबीलोन डा कल्दी आ तमी, ठेयब नितीक मबाक्थु, खपीम निस्सो। मारदे हना मुल रे इन कली “दारशा नु अरु आन क्येडा शुश दाक्शा तमी” मदेनीम। २फस हिल्दो। इ कुल सुम्सीशो वा हाक्सो। इ गुने ग्येथ क्युक्सा फिला कांइशा खोला शोक्सा। ३इ वा हुक्शा, इ शिशरा रों कांइचा माल्नेव। इ मुने दाक्तीक तांइसीब। गो इ कली क्येक्क लेत्नुङ्। गो सुइ कली मपरंइनुङ्मी। नहुम ३:५ ४आंइ कली श्येत रे परांइब, मुर नेल्ल आन परमपरभु यावे, इसराएली आन का ला बाक्शा परमपरभु बाक्व।

५कल्दी आ तमी ब्यालेइ पा छिङ्छिङ्म लशा निस्सो। मारदे हना गे मुल रे राज्यपुकी डा पिपीम माइक्चा मपुंडसीनेव। ६गो आं मुर आन कली तशा गाइश्शा, मेको आन कली “आं मुर मनम” खोदंशो सल्लामी। मना इ गुइमी गेतामी। मिनु गे मेको आन कली काइ शिशी मपदी। खूशा आन कली यो श्येत गेशा, हेल्थो जवा लाप्ताक्वी। जकरिया १:१५ ७मिनु गे “गो गेना हना यो पिपीम बाक्नुङ्” दंत। गे आं मुर आन कली मरिम्शो पाप्तीवी। नोले मार दुम्बा, मेको ममिम्ती।

८मोपतीके गे दला दाक्स पाइब, नेनो। गे रिम्शो पा महिथु बाक्त। इ थुमी “गो ठेयब नङ्, आं क्येडा लाक्शा अरु सुइ मबाक्व। गो वांइश बेक्शा मीश मुर मदुम्नुङ्। आं आल बेक्शा मताइनुङ्” दंत। सफन्याह २:१५; परकाश १८:७ ९वांइश बेक्शा मीश मुर दुम्तीके श्येत नेल्ल ताइनेव। इ आल बेक्शा ताइनेव। नाक्ती का, याम कामीन एको श्येत निक्शी इ कली दुम्नीस। शुश मन्तर तन्तर, ठेयब सक्ति पाइश्शा टुना मुना पाप्तीवी हना यो, मो दुम्शो ताइनेव।

१०गे, परमपरभु यावे आ अरशो मटिथु “आं कली सुइम मताइब” दे हेम्मा पा बाक्शा, मिम्ताक्वी। मिनु इ शुश तुइक्तीके नु जोक्तीकेम इ कली दली लां खोइक्पाइक्तु। इ थुमी “गो नङ्। आं क्येडा लाक्शा अरु सुइ मबाक्नीम” दंत। भजन संगरह १०:११ ११तन्न मुल गे शुश श्येत जाइनेव। इ मन्तर तन्तरमी तिकने मचाप्नेव। गे शुश हिंचा डा श्येत जाइनेव। गे मेको तेकने मचाप्नेव। मुल सम्म मतुइश्शा जाम्तीक नु नुप्तीक इ तारी जाक्व।

१२गे इ टुना मुना नु मन्तर तन्तर शुश पावो । गे आल रन मोदंशो पाप्तीवी । मेको पवीनु, ठीक दुम्बा को ? मेको श्यत मजाकबा को ? दानीएल २:२ १३गे शुश अर्ती नंशा दशो बाकनेव । मिनु कल्दीपुकीमी सरीङ् कोव्रशा, इ कली पाप र परान्मकल । मिनु सारूल कोव्रबमी औसीमी इ कली मार दुम्बा, मेको दमल ।

१४मेकोपुकी टुटा दुम्नीम । मिनु मीम मेको आन कली नकब । आंम मेको मी र परांडसीन मचाप्नीम । मेको मी थरचा डा मदुम्थु, आ डांडती बाकन मचाप्नीम । १५गे नु गेय पाइब मुरपुकी मोदंशो मुर बाकनीमी । गे आल रन मेकोपुकी नु ग्याप्तीक लेयती गेय पाप्तीवी । मेको का का पा आन आंम लां सोइकनीम । मिनु इ कली परांडब सुइ मबाकनीम” दंत ।

परमपरभुम नोल दुम्ब लोव्र शंशो

४८ १मिनु परमपरभु यावेमी “याकूब आ खिं डा मुर, नेनीन । इन कली इसराएल नें वोइश्शो बाकब । गे यहूदा आ चच युइ बाकनीनी । गे परमपरभु यावे आ नें थिशा, कसम जाइनीनी । गे इसराएली आन परमपरभु कली ठेयब सल्लु पाइनीनी । यसैया ५१:१ २मेकोपुकी आंम आंमा गोपुकी परमपरभु आ योव्रशा सहर डा नकी’ दंनीम । इसराएली आन परमपरभु आ पर्वम मेकोम आंइ कली कोव्रब” दे मिम्नीनी । मेको आ नें मुर नल्ल आन परमपरभु यावे बाकब ।

३गे इन कली साइ डांडती डा लोव्र डांडती रन शंताकन्नी । गो लोव्र पा नंपाइकन्नी । नोल गो मेको याम काम पाता । मिनु दुम्तकम । ४गे मटीब बाकनीनी । इन शुर फलाम सोदंशो बाकब । इन कुप्की कांसा सोदंशो बाकब । गो मेको तुइश्शो बाकनुड । ५मोपतीक गो इन कली मेको दुम्चा क्येडा डांडती शंताकन्नी । मिनु गे “मेको आं मूर्तिम पाप्तु । आं मुशा सल्लो मूर्तिम नु आं चम्शा सल्लो मूर्तिमी मेको पाप्तु” दंन मचाप्नी ।

६गे मेको नल्ल नंशो बाकनीनी । मुल गे नल्ल कोव्रडीन । मिनु मेको आ पर्वम लोव्र मपाइनीनी ? मुल रे गो इन कली नक लोव्र नंपाइकन्नी । इन मतुइश्शो सुरुइश्शो लोव्र शंनन्नी । ७मेको डांडती डा ममाइ, गो मेको मुल पाता । डांडती मनंशो ननी । मिनु गेपुकीमी “गो डांडती र तुइश्शो नकी” दंन मचाप्नीनी । ८गे मेको मनंशो मतुइश्शो बाकनीनी । साइ डांडती र नोफा मनंब बाकतीनी । गे जोल पा गेय पाइब बाकनीनी ।

मेको गो तुइक्ताकड । आल रन गे काइ मटीब बाकतीनी, दे तुइक्ताकड ।

९आं नें आ पर्वम आं गाइक्तीक तेकनुड । आं कली ठेयब सल्लतीक, गो इन पर्वम आं गाइक्तीक तेकनुड । इन कली मसाइक्चा कली मो पाइनुड । १०कोव्रडीन, गो इन कली यपाइक्ता, तन्न चांदी सोदंशो पा ममाइ । शुश श्यत जपाइश्शा, नाक्ताकन्नी । ब्यवस्था ४:२० ११गो आं पर्वम पाइनुड । मारदे आं नें ग्रांगरा दिशो सल्लो गेनुडा ? आं छेडछेड नु सक्ति अरु आन कली मगनुडमी । यसैया ४२:८

इसराएल कली पाप र परांडशो

१२याकूब आं लोव्र नेनो । आं बरश्शो इसराएल नेनो । “गो, गो नड । गो नल्ल क्येडा डांडती नु नल्ल क्येडा नोल डा नड । १३गो रागी आ जग वोइक्ता । आं ग्युरा गुइमी सरीङ् पराक्ता । मेको आन कली बरत्तुनु नल्ल गरूशा राप्नीम ।

१४गे नल्ल सुम्सीशा, आं लोव्र नेनीन । मेको आन दातेमी सुम मोदंशो शंदा ? परमपरभु यावेम मेको आन कली दाकब । मिनु मेको बबीलोन आ पर्वम बोकब । कल्दी डा मुर आन कली लडाइ तोइब । यसैया ४१:२ १५गे एको लोव्र पाता । गो मेको कली बरश्शा, चाक्ता । मिनु मेकोमी आं मिम्शो गेय रिम्शो पा पाइब । १६आं नकथा जाक्शा, एको लोव्र नेनीन । गो डांडती र सुरुइश्शो लोव्र काइ मपड । एको गोशा र गो बाक्शा नड । मुल परमपरभु, परमपरभु यावेमी आ साकत गशा, आं कली सोइक्ताक्यी” दंत । यसैया ४५:१९

बबीलोन र गरूडीन दंशो

१७इन कली श्यत र परांडब इसराएली आन का ला बाक्शा परमपरभुमी “गो परमपरभु यावे, इन परमपरभु नड । गो इन कली रिम्शो दुम्चा कली शंनुड । मिनु तेको लां लचा माल्लीनी, मेको कांडनुड । १८गेपुकी आं शंशो टिशो ननी हना, इन सोशा बोशा लतीक ठेयब सोला सोदंशो दुम वा । इन रिम्शो दुम्तीक समुन्दर सोदंशो दुम वा । ब्यवस्था ५:२९ १९मिनु इन आल समुन्दर डा बाल्वा सोदंशो पा शुश दुम वा । मिनु इन चच युइ अन्न सोदंशो पा शुश दुम वा । आन नें गेनायो मक्याम्स वा । मिनु आं डांडती र खतम महुम वा । उत्पत्ती २२:१७

२०बबीलोन र गरूडीन । कल्दी आन रागी र परोक्कीन’ दे ठेयब सेंदा पा नल्ल आन

कली नंपतीन। रागी डा सुर सम्म नंपतीन। गेपुकीमी 'परमपरभु यावेमी आ गेय पाइब याकूब कली पाप रे परांडतु' दे नंपतीन" दंत। येरमीया ५१:६; परकाश १८:४ २१मकोमी मेको आन कली गोरशो रागीम लदानु, मेकोपुकी व्याक्कु तूतू मदाक्म। मारदे हना मेकोमी संरथ फुल्लु रे व्याक्कु बुक्पाइक्कु। संरथ फुल्लु परोलानु, शुश व्याक्कु गुरुत। २२ परमपरभु यावेमी "आं अरशो लोत्र मटीब आन थुं नाइक्का मताइनीम" दंत। यसेया ५७:२१

परमपरभु यावे आ गेय पाइब

यसेया ४२:१-४

४९ १गे समुन्दर आ नेक्था बाक्बपुकी, होस पने। ग डान रागी डा मुरपुकी, होस पने। परमपरभु यावेमी आं कली आ जर्मचा क्येडा डांडती रन बरेशो बाक्त। गो आं ममा आ कोव्रजीम बाक्डानु, मेकोमी आं कली नें गेती। २मकोमी आं शोत्र हेशो तरवार सोदंशो सेल्लु। आं कली आ गुइमी सुम्शा, सरुइक्ताक्यी। मेकोमी आं कली हेशो बरा सोदंशो सल्लाशा, आ बरा कुरतीकम कुर पा सरुइशशा वोइक्ती। हिबेरू ४:१२; परकाश १:१६; यसेया ५१:१६ ३मिनु आं कली "गे आं गेय पाइब बाक्नवे। गे इसराएल नवे। इ पतीकमी आं सक्ति कौडनुड" दंत। ४मिनु गो "गो मो गेय पाता। आं बोल मो खरता। गो मार पचा माल्लुडा। मेको परमपरभु यावे नु बाक्ब। आं परमपरभुमी आं तचा माल्लो गेब" दंती। १कोरिन्थी १५:५८

५मुल परमपरभु यावेम आ गेय पाइब सेल्लती। मिनु गो याकूब कली आ गे लेप्पाइक्का कली नु इसराएल मेको आ नेक्था सुप्शा वोइक्का कली मेकोमी आं कली आं ममा आ कोव्रजीम सेल्लती। मारदे हना गो परमपरभु यावे आ डांडती मान ताइब दुम्ती। आं परमपरभु आं सक्ति दुम्त। ६मिनु मेकोमी "याकूब आ थर डा मुरपुकी नु इसराएल डा लीशो मुर आन कली डांडती डा सोदंशो सेल्ला कली इ कली आइक्क गेय का बाक्ब। गो इ कली रागी रागी डा मुर आन कली छेडछेड दुम्पाइक्कुड। मिनु मेको आं पाप रे परांडतीक रागी डा सुर सम्म बरल" दंत। यसेया ४२:६; यसेया ६०:३; लूका २:१२; पररित १३:४७

७परमपरभु यावेम, इसराएली आन श्येत रे परांडब, इसराएली आन का ला बाक्शो परमपरभु यावेमी कोइ मदाक्शो नु रागी डा मुरुम खंदा

पचा पुंडसीशो नु हुकुम पाइब आन वाइल आन कली "पिपपुकी मेको कली तशा, राप्नीम। हुकुम पाइबम आ दंशो पाइब परमपरभु यावे आ डांडती बाप्नीम। इ कली योत्रब इसराएली आन का ला बाक्शो परमपरभु आ डांडती बाप्नीम" दंत।

इसराएली कली पाप रे परांडब

८मिनु परमपरभु यावेमी "शिशो पतीक नाक्त गो इ लोत्र नंशा, लोत्र लेत्ताक्न। परांडतीक नाक्त गो इ कली वारच पाता। गो इ कली कोव्रशा, आं कबल डा मुर सेल्ला। गो रागी लंशा सेल्ला कली मोदंशो पाता। इन थरशो रू लंशा इन कली गेचा कली मो पाता। भजन संगरह ६९:१४; २कोरिन्थी ६:२; यसेया ४२:६ ९गो जेल्खानम बाक्ब आन कली 'गरुडीन', छिडछिडम बाक्ब आन कली 'छेडछेडम गरुडीन' दंचा कली बरत्ताक्न। मेकोपुकी आं भेडा बाक्नीम। लामी जोचा ताइनीम। गोरशो डांडा मेको आन रिम्शो पा जोतीके बाक्तीक दुम्ब। १०शोत्रलु मबेक्नीम, तूतू मदाक्नीम। नां नु होश फश नु नांमी मेको आन कली मनाप्ब। मारदे हना मेको आन कली शिशो पाइबमी मेको आन कली सुल्ब। परकाश ७:१६ ११मिनु गो आं डांडा नेल्ले लां सेल्लुड। आं ठेयब लां रिम्शो पा सेल्लाइक्नुड। यसेया ४०:४ १२नेनीन, मेकोपुकी डान रे जाक्नीम। मेकोपुकी उत्तर रे पच्छिम रे नु स्येन रागी रे जाक्नीम" दंत। स्येन रागी इजीप्त आ दक्खिनम यहूदी आन बाक्तीक का बाक्ब। मेको कली आस्वान यो देनीम। लूका १३:२९

१३सरीड, ग्यरसीशा कुम्सो पावो। रागी, ग्यरसी। डांडापुकी ग्यरशा, कुम्सो पने। मारदे हना परमपरभु यावेमी आ मुर आन कली लेम्ताक्व। मेकोमी श्येत जाइब आन कली शिशो पाइब। यसेया ४४:२३

सियोन डा शुश मुर

१४तन्न सियोनमी "आं परमपरभु यावे, परमपरभुम आं कली परांडशा परंताक्यी" दंत। १५मिनु परमपरभुम "सुइ मीश मुरुम आ दूध तूब आल कली परंबा डा? आंम आ आल कली शिशो मपाइबा डा? मेकोम आ आल कली परंन चाप्तु हना यो, गो इ कली मपरंनुड। उत्पत्ती २१:१६; १राजा ३:२६; येरमीया ३१:२० १६कोव्रडा, गो इ कली आं गुइमी बरंक्ताक्न। इ गारोपुकी गेना हना यो आं डांडती बाक्नीम।

१७ इ तमी तौ रीब पा जाकनीम। इ कली खतम पोक्व गरुशा लाइनीम” दंत। १८ कोव्रडो, मिक्च हिरशा कोव्रडो। मेको नेल्ल गरुम्शा, इ बाक्तीक जाकनीम। परमपरभु यावेमी “गो ब्रांडशा बाक्शो खोंदंशो पा, ग मेको लेशशा जाक्व आन कली माला खोंदंशो पा रल्सीचा माल्नेव। ग्युम्ली खोंदंशो पा मेकोपुकीमी ग्याम्सीचा माल्नेव। यसेया ६०:४ ११थमा पा इ प्रशशा खिं, मुर मबाक्शो रागी नु इ खतम दुम्शो रागीम मुर मरिक्थरी दुम्नीम। इ जोरी सतर् डॉन लाइनीम। २० इन बराची ना डा जरमेशो आलपुकीमी इ कली ‘एको रागीम आंइ कली मरिक्त, अर्का बाक्तीक रू गेकी’ दंनीम। यसेया ५४:१ २१मिनु गे इ थुमी ‘एको आलपुकी आं कली सुम थिशा गेयी? गो आल मथीब दुम्शो बाक्ती। आं रागी रे ग्याइशशा लाइक्चा पुंडसाक्यी। सुम मेको आन कली थुल्शा कोल्पदा? गो दा आं का ला लीशो बाक्ती। एको ते रे जाक्मा?’ दे मिम्नेव” दंत।

२२ मिनु परमपरभु, परमपरभु यावेमी “गो आं गुइ रागी रागी गे दिनुड। गो जात जात डा मुर आन डांडती आं छेदर खरुक्शा कांडनुड। मिनु मेकोपुकीमी इ तौ आन कली कुनुम मुष्शा नु इ तमी आन कली चीम कुरशा चाक्नीम। यसेया ६०:४ २३मिनु पिपपुकी इ कली कोव्रब आफ नु पिपीमपुकी इ कली दूध तुंडब ममा दुम्नीम। मेकोपुकी इ डांडती बाष्शा, इ फुरक लुम्सीशो खोंइली तुक्नीम। मिनु गो परमपरभु याव नड, दे तुइक्नेव। आं लां रिम्शा बाक्वपुकी मुन मदोक्नीम” दंत। भजन संगरह ७२:९; यसेया ६०:१६

२४ बोल्यो मुर आन रोइशशा सिस्वार सुम रोइक्ने चान्नीमी डा? हिंचा डा पिपम चोक्शो मुर आन कली सुम परांइने चान्नीमी डा? २५ तन्न परमपरभु यावेमी “बोल्यो मुर आन ग्याइशशा मुरपुकी यो लाइक्चा पुंडसीनीम। हिंचा डा पिपम चोक्शोपुकी परांइचा पुंडसीनी। गे नु लडाइ पाइवपुकी नु गो लडाइ पाइनुड। इ आल आन कली गो कोव्रशा परांइनुड। मत्ती १२:२९ २६ इ कली श्यत गेव आन कली आंम आन श्य व्पपाइक्नुड। मेकोपुकी अडगुर शांबुम दुक्शो खोंदंशो पा आंम आन हुशम दुक्नीम। मिनु मुर नेल्लेमी ‘गो इ कली श्यत रे परांइव, इ परमपरभु यावे नड। गो इ कली पाप रे परांइव, याक्व आ सक्ति पाइशशा परमपरभु नड’ दे तुइक्नीम” दंत।

परमपरभुम इसराएली कली हुइशशो

१ मिनु परमपरभु यावेमी “गोम इन ममा ५० कली परांइशा गशा छोड पतर ते बाक्म? गो तेको आं कली जेर गेव कली इन कली लेयन्नी? ममाइ, गे इन पापम पतीक लेयसीशो ननी। इन हेंथ पतीकमी इन ममा परांइचा पुंडसीशो बाक्व। यसेया ५४:६; ब्यवस्था २४:१; यसेया ५२:३ २गो जाक्डानु, मारदे सुइ मबाक्मा? गो ब्रडडानु, मारदे सुइमी लोव्र मलेत्ता? आं गुइ इन कली पाप रे परांइने मचाप्वा डा दुम्शो बाक्म? इन कली परांइने चाप्तीक सक्ति गो नु मबाक्वा? गो हुइक्तनु, समुन्दर सोव्रब। खोलापुकी ब्याक्कु मबाक्शो गोरशो रागी सेल्लुड। ब्याक्कु मबाक्तीके डांडपुकी वेक्शा, राक्शा, रिना पाइनीम। यसेया ५९:१; गन्ती ११:२३; परस्थान १४:२१ ३गो सरीड कली छिडछिडम गिल्शा, अरन्डी फेक्पाइक्नुड” दंत।

परमपरभु आ गेय पाइवमी टिशा

यसेया ४२:१-४

४ परमपरभु, परमपरभु यावेमी आं कली शेंब सेल्लती। गो मचाप्शो मुर आन कली लोव्र पा आन थुं बारपाइक्व दुम्ती। मेकोम आं कली सुनी कुस कुस पोक्व। आं कली शंसीब खोंदंशो पा नाफा दाइशशा नेंब सल्ब। ५ परमपरभु, परमपरभु यावेमी आं कली आ लोव्र नंपाइक्ती। मिनु गो आ लोव्र टिशा, नाल मशांइसीड। भजन संगरह ४०:७ ६गो आं ची तुप्ब आन कली तुप्चा गेतामी। गाल शोकर ब्यिप्ब आन कली चोव्रचो दाइशशा गेतामी। गो शुक्शी पाइक्चा नु तोक्चा पुंडसीतीक रे आं कुल मखरुइक्नु। यूहन्ना १९:१; मत्ती २६:६७-६८

७ तन्न परमपरभु, परमपरभु यावेमी आं कली वारच पाइक्ती। मोपतीके गो शिशी मताइव मदुम्ड। आं कुल शेराल फुल्लु खोंदंशो सेल्ला। गो मुने मदोक्नुड, दे तुइशशा नड। इजीकीएल ३:८-९ ८ “गे रिम्शो पाइव बाक्नेव” देव आं नेक्था बाक्व। गो नु सु लडाइ पाइवा? कालेमी बोक्शा राप्य। दोस गेव, सु बाक्मा? मेको आं डांडती जाक्मल। रोमी ८:३३ ९ परमपरभु, परमपरभु यावेमी आं कली वारच पाइव। आं कली दोस गेव, सु बाक्नीमी? मेको नेल्ले फेक्शो वा खोंदंशो पा माइत दुम्नीम। मिनु तुम्बुम मेको कली नेक्नीम।

१० इन दातेमी परमपरभु यावे कली मान पा हिंब सु बाकनी ? मिनु आं गय पाइब आं देशो टीब सु बाकनी ? मेको छिडछिडम गाकशा, छेडछेड काइ मताइब बाक्त हना यो, परमपरभु यावेम “आं कली श्यत रं परांडब” दे थमा सुइश्शा, आ परमपरभु कली जिम्मा गंसीशा बाकब। ११ गे नल्ल सिं सुइक्व बाकनीनी। कोक्त सुइक्व बाकनीनी। इन सुइश्शा मीम गाकनीन। गे आं गुइ रं मार ताइनीनी ? गे गोल्शा शुश श्यत जाइनीनी।

सियोन आ थुं बारपाइश्शा

५१ १ परमपरभु यावे कली माल्ब नु ठीक पचा दाक्व आन कली “आं लोत्र ननीन। तेको सेरथ फुल्लु रं मुचा पुंडसीशो बाकनी नु तेको खप रं दोशा गरुंडचा पुंडसीनी, मेको कली कोत्रडीन। यसेया ४८:१; व्यवस्था ३३:२८ २ इन किकी पिपी अबराहाम नु इन कली थीब सारा आस कली कोत्रडीन। मारदे हना गो मेको कली आ का बाक्मेनु, बरेत्ताकड। मिनु मेको कली आसीक गशा, आ चच युइ आन कली सोपाइश्शा बोपाइश्शा शुश सल्लाकमी” दंत। यसेया ४१:८; उत्पत्ती १२:१-२ ३ परमपरभु यावेमी सियोन आ थुं बारपाइक्व। आ खतम सेल्शा बाक्तीक नल्ल नक सल्लब। आ मुर मबाक्तीक कली एदन खोदंशो सल्लब। आ गोरशो रागी कली परमपरभु यावे आ रू खोदंशो सल्लब। मेकर शुश ग्यरनीम। “गे रिम्शो पाइब बाकनीनी” दे कुम्सो पशो नसीब। उत्पत्ती २:८

४ मिनु परमपरभुमी “आं मुरपुकी, आं लोत्र ननीन। आं रागी डा मुरपुकी इन नोफा दाइक्तीन। मारदे हना गो आं लोत्र शंनुड। आं ठीक निसाफ जात जात डा मुर आन कली तुइक्पाइक्नुड। मेको आन कली छेडछेड दुम्ब। ५ गो आं ठीक पतीके रीब पा चाक्नुड। गो गराचा चिक्शो बाक्नुड। मिनु गो जात जात डा मुर आन कली निसाफ पाइक्नुड। समुन्दर आ नेक्था बाक्व मुरपुकीम आं लां कोत्रनीम। आं वारच पतीके रिम्नीम। यसेया ४२:४ ६ मिनु सरीड गे कोत्रडीन। खप गे कोत्रडीन। मारदे हना सरीड कुन खोदंशो पा जाम्ब। रागी वा खोदंशो पा जक्व। रागीम बाक्व मुर नल्ल मुम्ना खोदंशो पा बेक्नीम। आं पाप रं परांडतीक चहिं गेना हना यो लीशा बाक्व। आं गरातीक गेनायो मनुष्य। मजन संगरह १०२:२६-२७; मत्ती २४:३५

७ गे ठीक पतीक तुइक्वपुकी आं लोत्र ननीन। आं शंशो थुंमी वोइक्व मुर आं लोत्र ननीन। मुर आन शुक्शी पशो नंशा महिनीन। मेको आन तोक्शा पशो लोत्र नंशा सुर्ता मपने। यसेया मत्ती ५:११ ८ मारदे हना तुम्बुम वा नक्शा खोदंशो पा, मेको आन कली नक्नीम। बुस्सुम ऊन खरोइश्शा खोदंशो पा खरोइक्नीम। आं गराचा चहिं गेना हना यो लीशा बाक्व। आं पाप रं परांडतीक पाला पाला नल्ल आन कली लीब” दंत।

परमपरभु यावे आ गेय

१ परमपरभु यावे संसीन, संसीन। सक्त् पाइश्शा दुमीन। साइ डांडती आइ किकी पिपी आन कली पशो खोदंशो पा, पने। साइ गे राहाब माइश्शा समुन्दर डा जन्तु कली मसाइक्नी डा ? टेयब बुस्स कली मत्तीनी डा ? मजन संगरह ८९:११ १० समुन्दर सोत्रपाइक्व, गे मननी डा ? गे समुन्दर कली चेशशा आ पुंम लां मसेल्नी डा ? इन पाप रं परांडशो, इन मुर आन कली शोक्पाइक्वा कली मोदंशो पाइतीनी। परस्थान १४:२१-२२ ११ परमपरभु यावे आ परांडशोपुकी लेल्नीम। मेकोपुकी कुम्सो पना पन सियोनम जाक्नीम। मिनु गेना हना यो ग्यरशा बाक्नीम। शुश ग्यरतीक, मेको आन श्यत नु हुकरी पतीक जाम्शा लाइब। यसेया ३५:१०

१२ परमपरभुमी “गे इन कली थुं बारपाइक्व नड। गे मुर तशा, मारदे हिंनीनी ? मुरपुकी घांस खोदंशो पा बेक्नीम। मजन संगरह ५६:५; मत्ती १०:२८; यसेया ४०:१,६ १३ गे इन कली सल्लब परमपरभु यावे कली परंताक्नी। मेकोमी सरीड प्राक्त्। रागी आ जग वोइक्त्। इन कली श्यत गब मुर गाइक्त्मेनु, गे नाक्त् कित कित हिंनीनी। मेकोमी इन कली खतम सल्लवा चिक्शो बाक्त्। तन्न मुल आ गाइश्शा ते लाक्वा ? यसेया ४४:२४ १४ मिनु चोक्सीशा गु बाप्शो मुर कली रीब पा परांडनीम। मेकोपुकी मबेक्नीम। गेना हना यो जचा ताइनीम। १५ मारदे हना गो परमपरभु यावे, इन परमपरभु नड। गो समुन्दर डा छाल पोक्नुड। आं नं मुर नल्ल आन परमपरभु यावे बाक्व। येरमीया ३१:३५ १६ गो इ कली आं लोत्र पपाइक्त्। गो इ कली आं गुइ डा वोकुमी सुम्शा वोइक्त्न। सरीड पराक्व नु रागी आ जग वोइक्व गो नड। मिनु सियोन कली “गे आं मुर बाक्नीनी” देशो बाक्नुड” दंत।

दिप्चा पुंडसीशो यरूसलेम बोक्को

१७ यरूसलेम बोक्को। परमपरभु यावे इ पर्वम गाइश्शा, श्यत तूचा गन्तु। ग दिङ् दाङ् गोल्पाइक्व कचौरा तूशा श्यत्थ सल्ल्तीवी। भजन संग्रह ६०:५; भजन संग्रह ७५:९; यरमीया १३:१२-१३; परकाश १६:१९ १९ मको आ थिशा आल आन दातमी, मुर आन कली शंब सुइ मबाक्म। आ कोल्शो आल आन दातमी मको आन कली लां कोंइव सुइ मबाक्म। १९ इ कली श्यत निकशी जाक्ताक्स। मको लां नल्लेम गोल्शो बाक्नीम। डॉइती डा श्यत इन सहर परश्शा, सतम दुम्तीके नु नोले डा श्यत अन्काल नु लडाइम, बेक्तीके बाक्त। सुम इ थुं बारपाइक्वा? २० इ आलपुकी थाम्तेक्म। मको लांम गोल्शो बाक्नीम। मको ब्यारदम रेश्शो रोकेशो खोंदंशो दुम्शो बाक्नीम। परमपरभु यावे आ गाइक्तीके नु हुइक्तीके मोदंशो दुम्शो बाक्नीम। बिलाप २:११,१९

२१ मोपतीके गे गार पाइश्शो मुर ननीन। गे दुक्शो बाक्नीनी, तन्न अङ्गुर शंबुम ममाइ। २२ परमपरभु यावे, इ होत्रप दुम्शा परमपरभुमी “गो आं मुर आन कली वारच पाइव बाक्नुङ। गो इ दिङ् दाङ् गोल्पाइक्व कचौरा इ गुइ रं लाइक्ता। मुल रं गे आं गाइक्तीके कचौरा लेशा तूचा ममाल्लेव। २३ मिनु इ कली श्यत गव आ गुइमी मको कचौरा गेनुङ। डॉइती मकोपुकीमी इ कली लांम बाप्पो। ‘इ तारी गाक्नीक’ दंतक्म। मिनु ग इ ची गाक्तीके लां खोंदंशो सल्ल्तीवी” दंत। भजन संग्रह १२९:३

परमपरभुम सियोन कली बरेश्शो

५२ १ मिनु परमपरभुमी “बोक्को। सियोन बोक्को। सक्ति पाइश्शो दुमो। इ दारशो वा फेक्सो। यरूसलेम, गे परमपरभु यावे आ सहर बाक्नेव। मुल रं खरोइक्तीके चिनु मखरोइश्शो नु गरांगरा दिचा डा मुर मेकर ओवने मचान्नीम। २ यरूसलेम, इ फुरक थुर थुर पांडसो। बोक्को। गे ग्याइश्शा चोक्वा पुंडसीशो सियोन आ तमी, इ शुर डा साङ्लो परुतो” दंत।

३ परमपरभु यावेमी “गे मोशान लेयसाक्नी। मिनु मोशान परांडचा पुंडसीनीनी। यसेया ५०:१ ५ साइ डॉइती आं मुर उइ इजीप्त रागीम अका रागी डा मुर दुम्थ लाम्तेक्म। मिनु अस्सुर डा मुरपुकीमी यो मको आन कली मोशान

श्यत गम्तेक्म” दे परमपरभु, परमपरभु यावेमी दंत। उत्पत्ती ४६:५-६; २ राजा १७:६ ५ मिनु परमपरभु यावेमी “गो मार पाइनुडा डा? आं मुर आन कली मोशान लाइक्तेक्म। मको आन कली हुकुम पाइवपुकीमी ठेयब लेश्शा लोत्र पा नाक्तर आं नं आ पर्वम शुक्शी पाइनीम। इजीकीएल ३६:२० ६ मोपतीके आं मुर आन कली आं नं तुइक्पाइक्नुडमी। काबु नाक्ती मकोपुकीमी ‘गो मको लोत्र पाइव बाक्नुङ’ दे तुइक्वा माल्नीम” दंत।

ग्यरपाइक्व लोत्र

७ डॉडा मेर ग्यरपाइक्व लोत्र शंशा गाक्व आन खोइली शुश रिम्शो बाक्नीम। मकोपुकीमी थुं नाइक्वा आ पर्वम लोत्र शंनीम। मकोपुकी रिम्शो लोत्र पाइव बाक्नीम। पाप रं परांडतीके शंनीम। सियोन कली “इ परमपरभुम सासन पाइव” दंनीम। यसेया ४१:२७; नहुम २:१; रोमी १०:१५ ५ ननीन, इ कली कोत्रब नल्लेमी ठेयब संदा पा ग्यरशा कुम्सो पाइनीम। मारदे हना मकोमी परमपरभु यावे सियोन गे लशा लेश्शा पिशा ताइनीम। यसेया ६२:६; इजीकीएल ३:१७ ९ यरूसलेम डा बरेश्शो खिं ग्यरशा कुम्सो पन। मारदे हना परमपरभु यावेमी आ मुर आन थुं बारपाइक्व। मिनु मकोमी यरूसलेम कली श्यत रं परांडतु। १० परमपरभु यावेमी रागी रागी डा मुर आन डॉइती आ सक्ति कोंइताक्व। मिनु रागी आ सुर सम्म डा मुर नल्लेमी आंइ परमपरभुमी दोपा पाप रं परांडबा, मको ताइनीम।

११ गुरूडीन, गुरूडीन, मेकर रं गुरूडीन। गरांगरा दिशा थोत्रक मथिनं। मको आन दाते रं गुरूडीन। परमपरभु यावे आ खिं डा मार मार कुरवपुकी परमपरभु आ डॉइती जाक्शा, इन कली ठीक सेलीन। १२ मारदे हना गे रीब पा लचा ममाल्नीनी। परोक्शा लचा यो ममाल्नीनी। मारदे हना परमपरभु यावे इन डॉइती गाक्व। मिनु मको इसराएली आन परमपरभुमी इन कली लां कोंइशा सुल्ब। परस्थान १२:११; ब्यवस्था १६:३; परस्थान १३:२१

परमपरभु आ गेय पाइव

यसेया ४२:१-४

१३ कोत्रडीन, आं गेय पाइवम गराना गरान गाक्व। मको मान पा ठेयब सेल्वा पुंडसीशा, थम ठेयब दुम्ब। १४ मिनु शुश मुर मको कली तशा हितेक्म। मारदे हना मको काइ मरिम्शो

तांइसीशो बाक्त। मुर मोदंशो मरिम्शो मतांइसीनीम। आ रां यो मुर आन रां क्येडा मरिम्शो बाक्त। मिनु मेको कली तशा, मुरपुकी हिंतेकम। १५ मिनु मेकोमी रागी रागी डा शुश मुर आन कली छक लाकपाइक्व। मिनु पिपपुकी मेको कली तशा, सिक्सी पा बाक्नीम। मारदे हना मेको आन डांइती गेनायो मशंसीशो ताइनीम। मेको आन मनंशो लोत्र आ पर्वम शुश मिन्चा माल्नीमी। यसेया ६५ :१; रोमी १५ :२१

परमपरभु यावे आ गेय पाइब

**५३** १ आंइनेंशो लोत्र सुम थमा सुदमे डा ? मिनु परमपरभु यावे आ सक्ति सुम तामे डा ? यूहन्ना १२ :३८; रोमी १० :१६; यसेया ५२ :१० २ मेको आ डांइती बिरवा सोदंशो पा कोल्ल। सोदंशो खपीम शाकश सोदंशो पा कोल्ल। मिनु मुरुम मेको कली कोत्रचा थुं मपाम। मेको दारशा नु मान ताइब सोदंशो काइ मतांइसीशो बाक्त। मेको मदारशा ममाल्वा डा मुर सोदंशो बाक्त। यसेया ११ :१ ३ मिनु अरुमी मेको कली गरांगरा दिशा परांइतेकम। मेको श्येत जाइब नु रोइ पाइक्व बाक्त। मेको कली तशा, मुरुम आन कुल खरुइक्ताकम। मेको गरांगरा दिक्वा पुंडसनु, सुइम महिकोम। भजन संगरह २२ :७-८; मर्कूस १ :१२

४ थमा पा मेकोमी आंइ श्येत कुरतु, आंइ रोइ पतीक नेल्ल लाइक्तु। मो हना यो गोपुकीमी मेको कली परमपरभुमी सजाइ गशा, तुप्शा, दिप्शा सोदंशो लाक्ताक। मती ८ :१७ ५ तन्न मेको आंइ हेंथ पतीक आ पर्वम तुप्शा गार सेल्वा पुंडसाक्व। आंइ मरिम्शो पशो आ पर्वम साइक्चा पुंडसाक्व। आंइ कली पाप र परांइचा कली सजाइ तापु। मेको कली तुप्शा गारमी गोपुकी सातक। रोमी ४ :२५; १पतरुस २ :२४ ६ गो नेल्ले भेडा सोदंशो दुम्शा लां साम्तक। गो नेल्ले आंम आंमा लां सोइक्ताक। परमपरभु यावेमी आंइ मरिम्शो पशो नेल्ले मेको आ तारी वोइक्तु। १पतरुस २ :२५; १यूहन्ना ३ :५

७ मिनु मुरपुकीमी मेको कली दिप्शा श्येत गेम्तेकम। मिनु श्येत जशा यो सिक्सी पा मारदे मदे। साइक्चा चिकशो पाठा सोदंशो पा सिक्सी पा बाक्त। मिनु ऊन खरोइक्व आन डांइती बाक्शो भेडा सोदंशो पा सिक्सी पापु। मेको आन कली लोत्र का यो मपव। मर्कूस १४ :६५; यूहन्ना १ :२९; पररित ८ :३२ ८ मिनु मेको कली दूली निसाफ पा साइक्तेकम। नोल मेको

कली मार दुम्बा, सुम मेको मिन्ने चाप्पा डा ? मेको बरांइशो मुर आन बाक्तीक र साइक्चा पुंडसाक्व। मुर आन हेंथ पतीक मेको सजाइ तशा साइक्चा पुंडसाक्व। १ मुरपुकीमी मेको कली परमपरभु यावे आ अरंशो मटीब आन कली थिम्तीकमी थिम्तेकम। आ तुरस क्येट थीब नु बाक्त। मेकोमी गेना हना यो ठीक ला पापु। मिनु जोल मपव हना यो मेको कली मो पाम्तेकम। १पतरुस २ :२२; १यूहन्ना ३ :५

१० परमपरभु यावेमी मेको कली मोदंशो पा तुप्शा, श्येत गेचा दाक्ताक्व। मेकोमी आ रां पाप क्याम्चा कली चदेपु। मो हना यो मेको कली आ आल्ल सोदंशो शुश थमा सुइक्व आन कली ताइब। मिनु शुश नाक्त सम्म बरांइब। मेको आ पतीक नेल्ल परमपरभु यावे आ दाक्शो गेय दुम्ब। लेवी ५ :१५; मती २० :२८; भजन संगरह २० :३१ ११ मेको आ श्येत जशा र मेकोमी छेडछेड ताइब। मेको आ तुइक्तीकमी शुश मुर आन कली ठीक पतीक तुइक्पाइक्व। मेकोमी आन मरिम्शो पशो कुरब। १कोरिन्थी १ :३०; यूहन्ना १ :२९ १२ मोपतीक गो मेको कली ठेयब नु सक्ति पाइइशो नु वोइक्नुड। मेकोमी बोल्यो मुर नु मार मार याक्सीब। मारदे हना मेको साइक्व नु मरिम्शो मुरपुकी नु हिक्सीचा पुंडसाक्व। शुश पापी आन पाप कुरतु। मिनु हेंथ गाक्व मुर आन पर्वम परमपरभु यावे कली पुंडतु। मर्कूस १५ :२८; लुका २२ :३७; लुका २३ :३३-३४

परमपरभुम सियोन कली दाक्शो

**५४** १ मिनु परमपरभु यावेमी "गे आल मथीब मीश मुर, कुम्सो पावो। आल थितीक रोइ गेनायो मपशो मीश मुर, कुम्सो पा ग्यरसो। मारदे हना ग्युंवे पशो मीश मुर आ आल क्येडा, आ का ला बाक्व मीश मुर आ आल शुश दुम्नीम। यसेया ४९ :२०; गलाती ४ :२७ २ इ ताम्बु ठेयब सेलो। इ बाक्तीक डा बरतीक बरावो। शिम मदुमो। इ ताम्बु डा डोरी लाइइशो सेलो। आ किलापुकी रिम्शा पा खरुक्को। ३ मारदे हना गे शुश दुम्शा, ग्युरा पेरा गे बराइनीनी। मिनु इ चच युइमी रागी रागी डा मुर आन कली हुकुम पाइनीम। मिनु मुर मबाक्तीक मुर शुश दुम्शा बरीनीम।

४ गे महिनो। मारदे हना गे मुने मदोक्नेवे। इ थुं लुक्च लचा मगेवो। गे शिशी ताइनेवे। गे इ ठिटी बाक्क ना डा मुने परंनेवे। इ वांइश बेक्शो ना डा श्येत लेंशा ममिन्नेवे। भजन संगरह

२५:१७; येरमीया ५१:५ ५ मारदे हना इ कली सेल्ब इ वोंइश बाक्ब। मेको आ नें मुर नेल्ल आन परमपरभु यावे बाक्ब। इ कली श्येत रं परोंइब इसराएली आन का ला बाक्शो परमपरभु बाक्ब। मेको आ नें रागी नेल्ल डा परमपरभु बाक्ब। ६ मारदे हना परमपरभु यावमी इ कली परोंइसीशो नु थुं लुकच लशो मीश मुर कली खोंदंशो पा बरत्ताक्व। मुल ग ठिटी ना चाक्शा नोलें परोंइशो मीश आल खोंदंशो बाक्नेव। यसेया ५०:१ ७ गो इ कली याम का परोंइतन। तन्न गो इ कली शुश शिशो पा लेंशा सुप्ताक्न। मजन संगरह ३०:६ ५ गो शुश गाइश्शा, याम का आं कुल इ डांडती र खरुइक्ताक्ड। तन्न आं गेना हना यो दाक्तीकमी इ कली शिशो पाइनन” दे इ कली पापर परोंइब परमपरभु यावमी दंत। यसेया ६०:१०; बिलाप ३:३१-३२

९ मिनु लेंशा “मेको आं कली नोआह आ नाक्ती खोंदंशो बाक्ब। दोपा गो नोआह आ पाला डा ब्याक्कुम लेंशा रागी कली मसुम्ब, दे कसम जडा, मोपा गे नु मगाइक्नुड, दे कसम जाता। मिनु गो इ कली महुइक्नुड। उत्पती ९:११-१७ १० डांडापुकी याक्सीनीम, पहाडपुकी हिम्सीनीम। तन्न आं गेना हना यो दाक्तीक इ क्येडा डोन मलाइब। इ थुं नाइक्वा गेब कबल मक्याम्सीब” दे इ कली शिशो पाइब परमपरभु यावमी दंत। इजीकीएल ३७:२६

११ मिनु लेंशा “गे श्येत जाइब, फश गिवारम राप्चा पुंइसीशा, थुं बारपाइक्वा मपुंइसीशा, गो इ गारो बाल्यो सेल्लुड। मिनु इ जग साफीर माइश्शा नीलो हीरा क सेल्लुड। परकाश २१:१८-२१ १२ इ खिं रूबीन माइश्शा लल हीराम सान्नुड। इ सहर डा ठेयब लाप्चो सिसा खोंदंशो हीराम सेल्लुड। इ कली हिरशो गारो नेल्ले हीरा क सेल्लुड” दंत। १३ मिनु परमपरभु यावमी इ तमी तौ नेल्ल आन कली शंब। मेको आन थुं नाइश्शा हेम्मा पा बाक्वा ताइनीम। यूहन्ना ६:४५ १४ मिनु ठीक पतीकमी इ कली बाल्यो सेल्ब। गे श्येत गेब आन क्येडा डोन बाक्नेव। मिनु गे काइ महिनेव। मारदे हना हिंचा डा श्येत इ नेक्था मजाक्ब। १५ मिनु “सुइ इ कली श्येत गेचा कली खुम्साक्म हना, आं पशो ममाइ। सुमी इ कली लडाइ तोइबा, मेको इ परबम साइक्वा पुंइसीनीम। १६ कोवडीन, गो तुप्तीलपुकी सेल्लामी। मेकोपुकीमी मी मुइश्शा, लडाइ पचा कली या सेल्लनीम। गो खतम सेल्बा कली खतम सेल्ब कली यो सेल्ला।

गो मारइ मारइ खतम सेल्ब आन कली यो सेल्लामी। २सामुएल २४:१६ १७ गे नु लडाइ पचा कली सेल्शो यामी मगरानीम। इ कली सुमी निसाफ पची ना दोस गेबा, मेको नेल्ल फरुचा पुंइसीनीम। मोपा गरातीक परमपरभु यावे आं गेय पाइब आन अडस बाक्ब। मेको आं गेशो ठीक पतीक बाक्ब” दे परमपरभु यावमी दंत।

रागी नेल्ल डा मुर आन कली बरेशो

१ मिनु परमपरभु यावमी “तूतू दाक्बपुकी ब्याक्कु बाक्तीकम जाक्कीन। क्यट मथीबपुकी यो जाक्कीन। मिनु ग्याप्शा जने। क्यट मथाप्थु, मोशा अडगुर शांबु नु दूध ग्यापीन। यूहन्ना ७:३७; परकाश २२:१७ २ मारदे जचा महुम्शो थोत्रक कली क्यट थाप्नीनी? मारदे मरुपाइक्ब थोत्रक कली इन चेम्शो क्यट थाप्नीनी? आं लोत्र नोफा दाइश्शा नेनीन। रिम्शो थोत्रक जने। मिनु बरोत्रशो जशा, ग्यरसीने। ३ इन नोफा दाइश्शा, आं गे जाक्कीन। नेंशा, बरांइनीनी। गे बरांइशा बाक्चा कली आं लोत्र नेनीन। मिनु गो गेपुकी नु गेना हना यो लीब कबल का पाइनुड। दाऊद कली खोंदंशो पा इन कली यो गेना हना यो दाक्नुड। २सामुएल ७:२५-१६; येरमीया ३१:३१-३४; पररित १३:३४ ४ नेनीन, गो मेको कली जात जात डा मुर आन कली सांकळी सेल्ला। जात जात डा मुर आन कली ठेयब मुर नु हुकुम पाइब सेल्ला। ५ नेनीन, गे इन मतुइश्शा रागी रागी डा मुर आन कली बरत्नीनी। मिनु इन कली मतुइश्शा रागी रागी डा मुरपुकी इन गे जाक्नीम। परमपरभु यावे, इन परमपरभु, इसराएली आन का ला बाक्शो परमपरभु आ परबम मेकोपुकी जाक्नीम। मारदे हना मेकोमी इन कली आ खोंदंशो रिम्शो पा सेल्शो बाक्त्” दंत।

६ परमपरभु यावे कली मथिन्नी सम्म मालीने। मेको आ नेक्था बाक्मेनु, मेको कली पुनीन। येरमीया २९:१३-१४; आसास ५:४ ७ परमपरभु यावे आ अरेशो मटीबमी आन लां परोन्मेक्ल। मिनु ठीक मपाइबमी आन मरिम्शो मिम्शो परोन्मेक्ल। परमपरभु यावे गे लेम्मल। मिनु मेकोमी मेको आन कली शिशो पाइब। मेकोपुकी आंइ परमपरभु गे लेम्मल। मारदे हना मेकोमी शुश माफ गेब। इजीकीएल १८:२७; इजीकीएल ३३:१; मजन संगरह १३०:४ ५ परमपरभु यावमी “आं मिम्शो इन मिम्शो खोंदंशो ममाइ, इन लां

आं लां सोदंशो ममाइ। रोमी ११:३३ १सरीङ्, रागी क्येडा इर बाक्शो सोदंशो पा आं लां, इन लां क्येडा इर बाक्व। मिनु आं मिम्शो इन मिम्शो, क्येडा इर बाक्व। १०सरीङ् रे रउ नु फुं यिशा, मोशीन मलप्व। मकोमी खप जिप्पाइश्शा बाली नाली गरल्पाइक्व। शोक्व कली वांचेर गंशा, मुर आन कली जचा गेव। ११आ लोत्र यो मोदंशो बाक्व। मको श्यत्थ मलप्व। गो मको कली मार पथ सोइक्तु, मको पाइव। आं दाक्शो थमा पा पाइव। आं मिम्शो पाइव। मत्ती १३:५

१२मिनु गेपुकी ग्येरसीशा लाइनीनी। रिम्शो पा लेत्नीनी। इन डांइती डांडा नु पहाड कुम्सो पाइनीम। मिनु ब्याकी डा रवा नेल्लेमी गुइ फरोक्नीम। यसेया ४४:२३ १३मिनु चू आन पा डा सला रवा नु चूले आन पा डा दारशो आइक्व फू रवा वानीम” दंत। मको परमपरभु यावे कली मिम्तीके नु गेना हना यो मजाथ्यु, चिन्ड का दुम्शा बाक्व। यसेया ४१:१९-२०

नाइक्तीक नाक्ती आसीक ताइनीम

५६ १मिनु परमपरभु यावेमी “ठीक निसाफ पने। मार ठीक बाक्मे मको पने। मारदे हना आं पाप रे परांइतीक रीब पा जाक्व। मेना गो गराब बाक्नुङ्, दे नेल्लेम तुइक्नीम। २सु मको पाइवा, मको ग्येरसीशो मुर दुम्ब। आं नाइक्तीक नाक्ती नाइक्व नु अरु नाक्ती सोदंशो पा गेय मपाइव नु मरिम्शो मपाइव, ग्येरसीशो मुर बाक्व” दंत। यसेया ५८:१३; उत्पत्ती २:२-३; प्रस्थान १६:२३; प्रस्थान २०:५; येरमीया १७:२१-२२

३परमपरभु यावे आ लोत्र टीब अर्का रागी डा मुरुम “परमपरभु यावेमी आं कली आ मुर रे तिल्व” दंचा मगन। मिनु आल मथीबपुकीमी “गो सोत्रशो रवा सोदंशो नकी” दंचा मगन। यसेया १४:१; ब्यवस्था २३:२ ४मारदे हना परमपरभु यावेमी “आल मथीब मुरुमी आं नाइक्तीक नाक्ती नाइश्शा, आं दाक्शो पाम्तेक्म नु आं कबल मपरांइथु बाक्तेक्म हना, ५गो मको आन कली आं खिमी नु आ गारोमी मिम्तीके नु ठेयब नें गेनुङ्मी। आं तमी तौ आन क्येडा मको आन कली रिम्शो नें गेनुङ्मी। मको आन कली गेना हना यो लीब नें गेनुङ्मी। मको आन नें मखरोइसीब दुम्ब।

६मिनु परमपरभु यावे आ नोले सोइक्व, अर्का रागी डा मुरपुकी, सु सुमी आं कली ठेयब

सेल्नीमी, आं कली दाक्नीमी, आं गेय पाइव दुम्नीमी, नाइक्तीक नाक्ती नाइश्शा, अरु नाक्त सोदंशो गेय मपाइनीमी नु आं कबल पना पन बाक्नीमी। ७मको नेल्ल आन कली आं यात्रशो डांडाम चाक्नुङ्मी। आं परार्थना पतीक खिं आंइशा, ग्येरपाइक्नुङ्मी। मको आन चोशा चदंशो नु अरु चदंशो आं कली चदंतीकम ब्राइनुङ्। मारदे हना आं खिं रागी डा मुर नेल्ल आन कली परार्थना पतीक खिं देनीम” दंत। मर्कूस ११:१७ ८मोदंशो लोत्र पाइव परमपरभु, परमपरभु यावेमी खेरशो इसराएली आन कली खुप्व। मिनु “गो मको आन कली अरु खुप्वो मुर नु देल्पाइक्नुङ्। मकोपुकी नु बाक्पाइक्वा कली तम्नुङ्मी” दंत।

कोत्रब आन कली हुइश्शो

९परमपरभु यावेमी “गे जन्तु नेल्ल नु ब्याकीम बाक्व जन्तु नेल्लेम, जाक्शा ब्वन। येरमीया १२:९ १०इसराएली आन कली कोत्रब मुर मिक्व मताइब सोदंशो बाक्नीम। मको मारइ मजोक्व मतुइक्व बाक्नीम। मकोपुकी सिक्सी पा बाक्शा, होक्न मचाप्व कुचुम सोदंशो बाक्नीम। मको डांमु तचा, इप्वा नु निन्दरा पचा ला दाक्नीम। इजीकीएल ३:१७; इजीकीएल ३३:६-९ ११कुचुमपुकी शुश जचा ब्वचा दाक्नीम। गेनायो मरुनीम। मको गोठला यो मोदंशो मरुप्व बाक्नीम। मको नेल्ल आंम आन लां सोइक्व बाक्नीम। मारइ मारइ आंम के सेल्वा दाक्नीम। मको नेल्ल खाल का डा बाक्नीम। येरमीया ६:१३ १२मकोपुकीमी जाक्कीन, अङ्गुर शांबु ग्याप्य। राक्सी तूशा, दुक्व। दीसा यो मुलाक्त डा सोदंशो दुम्ब। मको क्येडा यो रिम्शो दुम्ब देनीम” दंत।

परमपरभु कली मटीबपुकी

५७ १ठीक पाइव बेवनीम। सुइमी मको आन २पर्वम सुर्ता मपाइनीम। परमपरभु यावे कली मपरांइथु, दाक्वपुकी लाइक्वा पुंइसीनीम। मारदे मो पाइनीमी, मको सुइमी मरुप्नीम। ठीक पाइव हिंचा डा श्यत दुम्वा क्येडा डांइती लाइक्वा पुंइसीनीम। मीका ७:२ २मकोपुकी थुं नाइश्शा बाक्तीकम लाइनीम। रिम्शो थुं पाइश्शा मुर आंम आन बाक्तीकम नाइश्शा बाक्नीम। २राजा २२:२०; दानीएल १२:३३

### मूर्ति पूजा पाइबपुकी

३ "तन्न गेपुकी एक जाक्कीन। गे मन्तर तन्तर पाइब आ तमी ती नु हेंथ गाक्ब वांइश मुर नु तेल्लेम आ आलपुकी एक जाक्कीन। होस २:४ ४ गे सुका आ पर्वम शुक्शी लाव्र पनी। सुका आ पर्वम इन शोत्र रोक्नी? मारदे इन लें गरुइनीनी? मार, गे हेंथ पाइब आन तमी ती मननी डा? गे जाल पा थिशो आल बाक्नीनी। २ राजा १६:२-४; येरमीया २:२०, २३, २४ ५ गे ठेयब रवा आन पुमी तेल्लेम खोदंशो पा, मूर्ति पूजा पाइनीनी। गे गिगी रवा नेल्ल आन पुमी मोदंशो पाइनीनी। गे इन आल आन कली खोल्सा नु सरथ फुल्लुमी चढेनीनी। ६ बंसी डा खोला डा रिम्शो फुल्लु इन कली वारच पाइब बाक्नीम। मेको आन कली तूचा थोत्रक चढेतीनी। मिनु अन्न यो चढेतीनी। मार, गो मेको कोव्रशा इन पर्वम सिक्सी पा बाक्नुडा डा? ७ गे लाइशशो नु ठेयब डांडामी इन बराख्ये सेल्लतीनी। गे मेकर चढथ लाइतीनी। ८ मिनु इन लाप्वा डा शीम नु लाप्वा आ नोलेमी इन देवी देवता आन चिन्ड वोइक्तीनी। गे आं कली परांइशा, इन बराख्ये हुक्तीनी। गे मोदंशो पशा, इन बराख्ये ठेयब सल्लतीनी। गे इन पर्वम मेको नु कबल पाइतीनी। गे मेकोपुकी नु बाक्चा दाक्ताक्नी। मिनु मेको आन शिशरा रां कोव्रतीनी। ९ गेपुकी तेल कुरशा मोलक आ बाक्तीक लाइतीनी। बरोव्रशा रिना पाइब तेल शुश सल्लतीनी। गेपुकीमी इन लोत्र कुरब आन कली डोन सम्म सोइक्ताक्नी। बेक्शो मुर आन बाक्तीक सम्म सोइक्ताक्नी। १० गेपुकी इन लाइशशो लां गाक्तीक दाइतीनी। मो हना यो मेको शोर गाक्शो दुम्त मदंनी। गेपुकी नक सक्ति ताइतीनी। मोपतीक मेको आन नोल खोइक्चा मपरांइनी। येरमीया २:२५

११ गे सु क्यडा शुश हिंशा, जाल पनी? मिनु आं कली मफरुक्थु ममिम्तीनी। गो सिक्सी पा बाक्शा, आं मिक्च किरप्ताकड। मिनु गे आं कली तशा महिनी? भजन संग्रह ५०:३१ १२ गो इन ठीक पशा नु इन गेय तुइक्पाइवनन्नी। तन्न मेको इन कली मारइ रिम्शो मदुम्ब। १३ गेपुकी श्यत जशा, थानीनु, इन सुप्शो मूर्तिपुकीम इन कली परोन्मेक्ल। तन्न फशमी मेको आन कली बरपाइशशा योल्ब। मुइशशामी मेको जाम्शा लाइनीम। तन्न सु सु आं गे जाक्शा पुंइसीनीमी, रागी मेको आन क दुम्ब। मिनु आं डांडा मेको आन क दुम्ब" दंत। भजन संग्रह ३७:१-११

### परमपरमुम पाप रे परांइब

१४ मिनु परमपरमुमी "सेलीन, सेलीन। रिम्शो लां सेलीन। आं मुर आन गाक्तीक लां डा दाइल पाइब फुल्लु याक्तीन" दंत। यसेया ४०:३; यसेया ६२:१० १५ मिनु ठेयब नु इर डा, गेना हना यो बाक्ब आ नें का ला बाक्शो परमपरमुमी "गो नेल्ल क्यडा इर डा आं बाक्तीकमी बाक्नुडा। मिनु गो थुं लुकच लशो नु दिप्वा पुंइसीशो मुर नु बाक्नुडा। गो दिप्शो मुर नु आन थुं लुकच लशो आन थुं बारपाइक्चा कली मेकोपुकी नु बाक्नुडा। भजन संग्रह ११३:५-९; यसेया ६६:१-२; भजन संग्रह ५०:१९ १६ मिनु गो गेना हना यो दोस मगेनुडा। गाइक्स डा गाइक्स मबाक्नुडा। मोपा बाक्ती हना, आंम आं सेल्लशो मुर आन थुं थाइब। भजन संग्रह १०३:९ १७ मेको आन परमपरमु यावे आ अरेशो मटिथु, शिम दुम्तीके गाइक्ताकड। गो मेको आन कली तुप्शा थाइशशा गाइक्ताकड। तन्न मेकोपुकी नाले शांइसीशा आंम आन लां लाम्तेक्म। १८ गो मेको आन पशा ताता। तन्न गो मेको आन कली सापाइक्नुडमी। मेको आन कली कुक्शा, आन थुं बारपाइक्नुडमी। मेको आन दात डा रांका पाइब आन कली थुं बारपाइक्तीक लोत्र पाइनुड" दंत। परस्थान १५:२६ ११ मिनु परमपरमु यावेमी "डोन नु नेक्था बाक्ब नेल्ल आन थुं नाइशशा बाक्मल। मिनु गो मेको आन कली सापाइक्नुडमी। गन्ती ६:२६; लूका २:१४; एफिसी २:१७; परस्थान १५:२६-२८; येरमीया १७:१४; यहूदा १:३३; यसेया ४८:२२; हितापदेस २८:१ २० तन्न आं अरेशो लोत्र मटीबपुकी समुन्दर डा फशम क्युकशो समुन्दर डा ब्याक्कु खोदंशो बाक्नीम। गेना हना यो रयक पाइब ब्याक्कु खोदंशो बाक्नीम। मेको ब्याक्कुमी गरांगरा दिचा डा थोत्रक नु हिलो गरुइब" दंत। २१ आं परमपरमुमी "आं अरेशो मटीब आन थुं नाइशशा बाक्चा मताइनीम" दंत।

### माइजा बाक्चा आ पर्वम शंशो

१५ मिनु परमपरमु यावेमी "ठेयब संदा पा गरीडा। तुराही खोदंशो पा ठेयब संदा पावा। आं मुर आन काइ मटिशो नु याक्ब आ खिं डा मुर आन पाप तुइक्पाइक्मी। मीका ३:८ २ मेकोपुकी मटीब बाक्तेक्म हना यो, आं कली नाक्त कित कित माल्लीम। आं लां तुइक्चा दाक्नीम। मेकोपुकी ठीक पाइब रागी डा मुर खोदंशो दुम्शा, आन परमपरमु, आं

ठीक पतीक लोत्र मपरांइशो खोदंशो बाक्नीम । मिनु आं कली ठीक निसाफ पुंडनीम । परमपरभु आ नकथा जाकचा दाक्नीम । यसेया २९ :१३-१४ ३मेकोपुकीमी गो मारद माइजा बाक्का ? गे मताइनीनी । गो मारद आम कली बरंमशो सल्ला ? गे मतुइक्तीनी दंतकम । गे इन माइजा बाक्ची ना इन आम मिमशा पाइनीनी । मिनु इन गेय पाइब नेल्ल आन कली दिप्नीनी । यरमीया १४ :१२ ४गेपुकी जिशा खेशा तुम्मुचा कली ला माइजा बाक्नीनी । इन मुडकीमी तुप्चा कली ला माइजा बाक्नीनी । मोदंशो माइजा बाक्शा, इन संदा इर सम्म मजाकदीप्च । ५ आं योत्रशो माइजा बाक्तीक मोदंशो बाक्वा डा ? मार, आम कली काबु ला बरंमशो सल्ला ? बुदी मीलु घांस गुक्शो खोदंशो पा इन पिषा खुक्शा, अरन्डी फेक्शो नु पुलु तार निश्शो कली माइजा बाक्शो देंनीनी ? मेको परमपरभु यावे आ दाक्शो बाक्व, देंनीनी ? जकरिया ७ :५-६ ; मती ६ :१६-१८

६ आं दाक्शो माइजा बाक्तीक मार बाक्व, दंशा हना, ठीक निसाफ मतशो आन कली परांइचा नु दिप्शा श्यत गेचा पुंडसीशो आन जुवा परुडक्चा बाक्व । ७ आम जचा थोत्रक शोत्रलु बेक्व नु योक्चा, सिं मबाक्शो नु परुडग आन कली इन सिंम बाक्चा गेचा, शिशरा बाक्व आन कली वा फेक्चा गेचा नु इन लोकव आन कली वारच पचा, आं दाक्शो माइजा बाक्तीक बाक्व । व्यवस्था १५ :११ ; इजीकीएल १८ :७ ; मती २५ :३५-३६ ८मा पाइतीनी हना, गे सुनी डा नां दाप्शा खोदंशो दुम्नीनी । मिनु गे रोब पा सानीनी । इन कली वारच पाइब इन डांइती गाक्व । परमपरभु यावे आ छेडछेडमी इन नोल खोइक्व । भजन संगरह ३७ :६ ; यसेया ५२ :१२

९मेना गे पुंडनीनी । मिनु परमपरभु यावेमी लोत्र लेप्च । मिनु गे वारच पनं दे थोइनीनी । मिनु मेकोमी गो एक बाक्ती देब । गे इन दातं रे मरिमशा पतीक जुवा ताइक्ताक्नी हना, बरंप्चो पोक्शा, मरिमशा लोत्र पचा परांइतीनी हना, रिमशा दुम्ब । यसेया ३० :१९ १०गे शोत्रलु बेक्व आन कली इन जचा थोत्रक गेतीनी हना, श्यत जाइब आन माल्शो गेतीनी हना, इन छेडछेड छेडछेडम बराइब । इन नाक्दो डा छेडछेड नाक्ती डा छेडछेड खोदंशो दुम्ब । ११मिनु परमपरभु यावेमी इन कली गेना हना यो लां कोइब । गे श्यत जनी ना इन माल्शो नेल्ल गेब । मिनु इन रुश बोल्यो सल्ल । गे व्याक्कु लाब्बशो फल फुल रू खोदंशो बाक्नीनी ।

गे गेनायो मसोत्रब व्याक्कु बुक्तीक खोदंशो दुम्नीनी । यरमीया ३१ :१२ १२मिनु गे इन साइ डा बरंमशो सिंपुकी लंशा सल्लनीनी । साइ डांइती डा सल्लो जग लंशा वोइक्नीनी । मिनु इन कली गारो सल्ल, सिं सल्ल नु लां लंशा सल्ल, दे नं वोइक्नीम । यसेया ६१ :४

१३गे नाइक्तीक नाक्ती अर्का नाक्त खोदंशो मसल्लतीनी हना, मेको आं नाक्तीमी इन गेय मपाइतीनी हना नु आं योत्रशो नाक्त कली रिमशा नाक्त बाक्व देंतीनी हना, परमपरभु यावे आ नाक्त ठेयब बाक्व देंतीनी हना, गे मेको नाक्ती कली ठेयब सल्ला, इन गेय मपाइतीनी हना, इन दला दाक्स मपाइतीनी हना, यसेया ५६ :२-४ १४गेपुकी परमपरभु यावे कली मिमशा ग्येरसीनी वा । मिनु गो इन माल्शो नेल्ल गेन्नी वा । मिनु गो इन किकी याक्व आ शोप जचा गेनन्नी वा ? दे परमपरभु यावे आ दंशो बाक्व ।

परमपरभुम पाप क्याम्ब

५९ १कोवडीन, परमपरभु यावे आ मुर आन कली पाप रे परांइतीक सन्कि मपाइमशो मदुमशा बाक्व । आ नोफा मथांइशो बाक्व । यसेया ५० :२ २इन मरिमशा पतीकमी इन कली इन परमपरभु रे फराशो बाक्व । इन पाप आ पर्वम इन डांइती रे आ कुल खरुइमशो बाक्व । मोपतीक इन लोत्र मनंब । ३इन गुइ हुश तुम्सीशो बाक्नीम । गे नेल्ल मरिमशा पाइब बाक्नीनी । गे जोल पना पन बाक्तीनी । गे आल आल लोत्र पाइनीनी । यसेया १ :१५ ४सुइमी ठीक निसाफ मपाइनीम । सुइमी ठीक निसाफ पाइक्चा मपुंडसीनी । गे जांमशा लाइब कली थमा सुइमशा, जोल पाइनीनी । मेकोपुकीम हंथे पतीकम बरीशा, मरिमशा पतीक ला थीनीम । भजन संगरह ७ :१५ ५बीस पाइमशा बुस्स आ व्योफु रे चाइक्व पुक्नीम । माखरा आ जाल परोत्रनीम । मेको व्योफु जाइब बेक्नीम । व्योफु दिमशा पुक्तेकम हना, बुस्स गरूब । ६मेको जाल फेक्सीचा नु सुम्सीचा मदुम्ब । मेको आन सल्लो थोत्रकमी आन रां सुम्ने मचाप्नीम । मेको आन गेय मरिमशा पतीक गेय बाक्व । मेको हुश खराक्श पोक्व बाक्नीम । ७मेकोपुकी मरिमशा पचा कली ला दारनीम । दास मताइब आन कली साइक्चा कली चुइक्नीम । मेको आन मिमशा मरिमशा बाक्व । आन लांमी बिगरेतीक नु खतम पोक्तीक बाक्व । रोमी ३ :१५-१७ ; हितोपदस १ :१६ ; यरमीया २ :३४ ८मेकोपुकीम

थुं नाइक्पाइक्तीक आ पर्वम मारेइ मतुइक्नीम । मको आन लांम ठीक निसाफ मबाक्व । मकोपुकी हेंथे लां खोइक्नीम । सु सु मको हेंथे लां गाक्नीमी, मको यो थुं नाइश्शा बाक्चा मताइनीम ।

१ मोपतीक ठीक निसाफ पतीक आंइ क्येडा डोन बाक्व । गो ठीक पतीक मताइनीकी । गोपुकी छेडछेड डा लां कली कोवनीकी, तन्न छिडछिड ला बाक्व । गो नाक्त डा हांम्सो माल्नीकी, तन्न छिडछिड ला बाक्व । १० मिक्च मताइब खोदंशा पा गारो सुल्शा गाक्नीकी । मिक्च मपाइश्शा मुर खोदंशा पा सुल्नीकी । नाक्दो खोदंशा पा नाक्ती यो दाइल पांइसीनीकी । गो बोल्यो मुर आन दातम बेक्शो मुर खोदंशा दुम्तक । ब्यवस्था २८:२९ ११ गो नेल्ल वां खोदंशा पा गरीनीकी । ढुकुर खोदंशा पा रोंका पाइनीकी । गो ठीक निसाफ माल्ना माल्ल बाक्नीकी, तन्न मथिल्लीकी । पाप रे बरांइतीक माल्नीकी, तन्न मेको आंइ क्येडा डोन बाक्व । १२ इन डांइती आंइ हेंथे पशो शुश बाक्व । आंइ पशो पापमी इन कली तुइक्पाइक्व । गो मरिम्शो पाइब बाक्नीकी, दे तुइक्नीकी । आंइ हेंथे पशो थमा पा गोपुकी नु बाक्व । गोपुकी आंइ मरिम्शो पशो तुइक्नीकी । यरमीया १४:७ १३ गोपुकी हेंथे गाक्शा, परमपरमु यावे रे नोले शांइसाक्क । आंइ परमपरमु आ नोले खोइक्चा परांइतक । आंइ लोत्र मुर आन कली दिप्चा नु परमपरमु यावे कली मटिचा डा बाक्व । गोपुकी जाल कली थमा सुइश्शा, बरपाइश्शा बाक्तक । १४ मिनु ठीक निसाफ मबाक्व । ठीक पतीक डोन बाक्व । सुइ सुइमी जाल पाइनीम । मिनु रिम्शो थुं पाइश्शा मुर बाक्ने मचाप्नीम । १५ थमा पतीक तेइ मथिंसीब । रिम्शो पाइब आन मारेइ मारेइ रोइक्चा पुंइसीनीम । मिनु परमपरमु यावेमी मेको ताप्तु । मिनु ठीक निसाफ मबा, दे थम गाइश्शा बाक्त ।

१६ मिनु वारच पाइब सुइ मबाक्शो तशा, छक लाक्त । मोपतीके मेकोमी आंम आ सक्तिम ग्रात । आ ठीक पतीकेम आ कली वारच पाइक्तु । इजीकीएल १३:४-५ १७ मेकोमी ठीक पतीके कांसा के फक्तीक खोदंशा पा फक्शा, पाप रे परांइतीक ताकी खोदंशा पा गुक्साक्व । क्येक्क लेतीक वा खोदंशा पा फक्साक्व । आ थुंमी थमा पा पाइनुड, दे वा खोदंशा पा रुक्साक्व । १८ परमपरमुमी मेको आन पशो खोदंशा पा मेको आन कली क्येक्क लेप्ब । आ जोरी आन कली आ गाइश्शा कोइब । आ सतरु आन कली क्येक्क लेप्ब । समुन्दर

आ नेक्था बाक्व आन कली क्येक्क लेप्ब । १९ मिनु नां परतीकेमी बाक्व मुरपुकीमी परमपरमु यावे कली मान पा हिंनीम । नां दाप्तीक डा मुरपुकी परमपरमु यावे आ छेडछेड तशा, मान पा हिंनीम । मारदे हना मेको परमपरमु यावे बारशा खोला खोदंशा पा जाक्व । मिनु आ फशमी मेको आन कली मुइश्शा खरब ।

२० मिनु सियानम का जाक्व । मिनु मेकर डा मुर आन कली पाप रे परांइब । मेकोमी हेंथे पतीक रे लेप्ब याक्व आ खिं डा मुर आन कली रोमी ११:२६ २१ गो नु पशो कवल मार बाक्त देशा हना, आं सोक्त इन तार बाक्व । गो आं लोत्र इन शोत्रम कुर पाता । मेकर गना हना यो बाक्शा इन आलपुकीम मेको लोत्र पना पन बाक्नीमी । मेको लोत्र गना हना यो इन चच युइम यो पना पन बाक्नीम” दे परमपरमु यावेमी दंत । यरमीया १:९

सियान आ छेडछेड जाक्शो

१ परमपरमुम “बाक्को । मिनु ग्यरसो । ६० मारदे हना इ छेडछेड जाक्शो बाक्व । परमपरमु यावे आ छेडछेड इ तार जाक्शो बाक्व । २ छिडछिडम रागी कली सुम्तु । क्येर नाक्दोमी जात जात डा मुर आन कली सुम्तु । तन्न परमपरमु यावे इ तारी गरूब । आ छेडछेड इ तारी तांइसीब । ३ रागी रागी डा मुरपुकी इ छेडछेडम जाक्नीम । पिपपुकी इ सुनी डा छेडछेडम जाक्नीम । यसेया २:२-३ ; प्रकाश २१:२४

४ इ मिक्च हिरशा, कोत्रडो । इ मुर नेल्ल गरूम्शा, इ बाक्तीक जाक्नीम । इ तौपुकी डोन रागी रे जाक्नीम । इ तमी आन कली मुष्शा कुरशा चाक्नीम । यसेया ४९:१८ ; यसेया ४९:२२ ; यसेया ६६:१२ ५ मेको तशा थाम्पा ग्यरनेव । इ थुं ग्यरसीशा परक्व । मारदे हना समुन्दरम चाक्शो मारेइ मारेइ इ के दुम्ब । रागी रागी डा शांप नेल्ल इ के दुम्नीम । ६ गो शुश दलआंठ ताइनेव । मिदयान नु एफाह डा दलआंठ आन चाइक्वपुकीमी इ रागी बरीनीम । मिनु शबा रे यो चाक्नीम । मेकोपुकीमी सुन नु धूप चाक्शा “परमपरमु यावे ठेयब बाक्व” दे ग्यरशा आं पर्वम शंनीम । भजन संगरह ७२:१० ; मती २:१-११ ७ केदार डा क्यारश भडा नेल्ल इ बाक्तीकमी देल्नीम । नेबायोथ डा सांडपुकीमी इ गेय पाइनीम । मेकोपुकी आं कली चढतीकम

गाररा डा बाक्नीम। मिनू गो आं दारशो खिं ग्योम्नुङ्।

८ ग्योम्नुङ् सोदंशो पा बेरब नु दुकुर आ बाक्तीकम बेरशा लशो सोदंशो पा बेरबपुकी सु बाक्मा? १ समुन्दर आ नेक्था डा मुरपुकीम आं लां कोव्रनीम। डांइती टारसीस डा जहाजम इ आल आन कली डोन रागी र चाक्नीम। मेको आन सुन चांदी यो मेकोपुकी नु बाक्ब। मेको परमपरभु यावे, इ परमपरभु आ नेमी जाक्नीम। इसराएली आन का ला बाक्शो परमपरभु आ पर्वम चाक्ब। मारद हना मेकोमी इन कली दारशो सेल्शो बाक्ब। यसेया ४२:४; यसेया ५५:५ १० मिनू अर्को रागी डा मुरपुकीम इ गारो परोव्रशा हिरनीम। मेको आन पिपपुकीमी इ गय पाइनीम। डांइती गाइशशा, इ कली तुप्तन। तन्न मुल आं दाक्तीकेमी शिशो पाइक्तन। यसेया ५४:८ ११ इ सहर डा गारो डा लाप्चो रोक्स डा रोक्स बाक्नीम। नाक्दो नाक्ती इ लाप्चो मचोक्शो बाक्नीम। मोपा रागी रागी डा मुरपुकीमी आन शांप चाक्नीम। मेको आन पिप आन डांइती गाक्नीम। परकाश २:२५-२६ १२ मिनू तेक तेको रागी नु तेक तेको राज्य डा मुरपुकीमी इ गय मपाइनीमी, मेकोपुकी खतम दुम्नीम। थमा पा क्याम्चा पुंडसीनीम। १३ लेबानान डा दारस इ बाक्तीक चाक्नीम। मेकर डा लाइशशो रवा आन शी आं बाक्तीके दारपाइक्चा कली चाक्नीम। मोपा गो आं बाक्तीके दारपाइक्नुङ्। १४ इ कली दिप्ब आन चच युइ इ बाक्तीकम जाक्शा बाप्नीम। इ कली ग्रांगरा दीब नेल्ल इ खोइलीम बाप्नीम। मिनू मेकोपुकीमी इ कली 'परमपरभु यावे आ सहर नु इसराएली आन का ला बाक्शो परमपरभु आ सियोन' देनीम। यसेया १४:२ १५ डांइती गे परांइचा पुंडसीशो नु काइ मदाक्चा पुंडसीशो बाक्ते। इ रागी र पा सुइ मगाक्बाक्तकम। मुल गो इ कली गेना हना यो मान तपाइशशा, पाला पाला सम्म ग्येरसीतीके सेल्लन। यसेया ४९:१४ १६ गे रागी रागी डा दूध तूनेवे। मिनू गे पिप आन दूध तूनेवे। मिनू गो इ कली श्येत र परांइब बाक्नुङ्। याकूब आ सक्ति पाइशशा परमपरभु इ कली पाप र परांइब बाक्नुङ्, दे तुइक्नेवे। यसेया ४९:२०

१७ मिनू गो कांसा आ पा डा सुन चाक्नुङ्। फलाम आ पा डा चांदी चाक्नुङ्। शी आ पा डा कांसा नु फुल्लु आ पा डा फलाम चाक्नुङ्। मिनू गो थुं नाइक्तीक इ कली कोव्रब सेल्लुङ्। ठीक पतीके इ ठेयब मुर सेल्लुङ्। १८ मो दुम नोले इ

रागीमी हुश खराक्श पोक्शो आ पर्वम मनंसीब। इ सांढम खतम दुम्शो लोव्र मनंसीब। तन्न गे इ गारो कली पाप र परांइतीक नें वोइक्नेवे। गारो डा ठेयब लाप्चो आन कली ठेयब सेल्लुक् नें वोइक्नेवे।

परमपरभु सियोन डा छेङ्छेङ् बाक्ब

१९ मेना इ कली नाक्त डा नां छेङ्छेङ् मदुम्ब। नाक्दो तास्ता हाम्सो मदुम्ब। मारद हना इ परमपरभु इ कली गेना हना यो छेङ्छेङ् बाक्ब। मिनू इ परमपरभु इ दारस बाक्ब। यसेया २४:२३; परकाश २१:२३; परकाश २२:५ २० मिनू मेना र इ नां गेनायो मलाक्ब। मिनू इ तास्ता यो मलाक्ब। मारद हना परमपरभु यावे गेना हना यो इ छेङ्छेङ् बाक्ब। इ रोंका पतीक नाक्ती नुप्त। यूहन्ना ८:१२; याकूब १:१७ २१ इ रागी डा मुर नेल्ल ठीक पाइब दुम्नीम। मेको आन बाक्तीक रागी गेना हना यो आन के दुम्ब। मेकोपुकी आं खरुम्शो बाक्नीम। मेकोपुकी आं सेल्शो मुर दुम्शा, आं कली ठेयब सेल्लनीम। २२ मेको नेल्ल क्येडा महिक्सीशो थर का दुम्नीम। मिनू नेल्ल क्येडा आइक्च मुरपुकी ठेयब रागी बरीशा, सक्ति पाइशशा दुम्नीम। मेना गो, परमपरभु यावेमी मेको रीब पा पाइनुङ्" देत।

सियोन कली श्येत र परांइतीके

६१ १ "परमपरभु, परमपरभु यावे आ सौक्त आं तार बाक्ब। मारद हना परमपरभु यावेमी तेल लुक्ताक्यी। मेकोमी आं कली दिप्शो परुङ्ग मुर आन कली ग्येरपाइक्ब लोव्र नेंपाइक्चा कली, थुं जिक्शो आन कली आन थुं बारपाइक्चा कली, चोक्चा पुंडसीशो मुर आन कली परांइचा कली नु जेल्त्वान बाक्ब आन कली गरुंडचा कली सोइक्ताक्यी। यसेया १:२; मत्ती ११:५; लूका ४:१८-१९ २ मिनू आं कली परमपरभु यावे आ शिशो पाइब बसे नु आंइ परमपरभु आ क्येक्क लेक्तीक नाक्त नु रोंका पाइब आन थुं बारपाइक्तीक नाक्त बाक्ब, दे तुइक्पाइक्चा कली यो सोइक्ताक्यी। लेवी २५:१०,१३; यसेया ६३:४ ३ मेकोमी आं कली सियोनम रोंका पाइब आन कली पुतु आ पा डा दारशो पियाम ग्योम्तीके ग्योम्पाइक्चा कली, हिशक आ पा डा बरोव्रशो रिना पाइब तेल खरेक्चा कली नु आइक्च थुं दुम्तीके आ पा डा ठेयब सेल्लुक् थुं फक्तीक सोदंशो पा फेक्पाइक्चा कली सोइक्ताक्यी। मेको मुर आन

कली 'ठीक पतीके रवा' दे नें वोइक्तेकम। मेको परमपरभु यावे आ खरुम्शो आ दारस कांडतीक बाकनीम। ४ मिनु मेकोपुकीमी साइ डांडती सतम दुम्शो बरशशो माइत सिंपुकी लेंशा सल्लीम। मेकोमी बरशशो सहर लेंशा सल्लीम। मिनु शुश पाला रे मुर मबाक्थु, श्यत्थ दुम्शो सहर लेंशा सल्लीम। यसेया ५८ :१२

५ मिनु अर्का रागी डा मुर जाक्शा, इन क्यारश भेडा यावनीम। मेकोपुकीमी इन रू दोइनीम। इन अङ्गुर बोट मुंडनीम। यसेया ६० :१० ६तन्न इन कली "परमपरभु यावे कली चढेब नम" देनीम। मिनु "आंइ परमपरभु आ गेय पाइब नम" दे यो देनीम। गेपुकीमी रागी रागी डा मुर आन शांप ताइनीनी। मिनु मेको आन शांपाम ग्यरनीनी। परस्थान १९ :६ ; १पतरुस २ :५,९ ७ मारदे हना गे अरु क्यडा निक्शी खेयप मुने दोक्तीनी। मिनु इन कली गरांगरा दित्ताकम। मोपतीके गे इन रागीमी निक्शी खेयप रू ताइनीनी। मिनु गेना हना यो ग्यरसीतीके गे नु बाक्ब।

८ गो, परमपरभु यावेमी, ठीक पतीके दाक्नुड। रोइक्तीक नु हेंथ पतीके गेय काइ मदाक्नुड। गो मेको आन कली थमा पा आन पशो सोदेंशो पा गेनुडमी। गो मेकोपुकी नु गेना हना यो लीब कबल पाइनुड। यसेया ५४ :१० ; यसेया ५५ :३ १ मिनु रागी रागी डा मुरुम मेको आन चच युइ आन कली तुइक्नीम। मिनु जात जात डा मुरुम मेको आन आल आन कली तुइक्नीम। मेको आन कली ताइब नेल्लेमी भंरे परमपरभु यावे रे पा आसीक तशो मुर बाकनीम" देनीम। १० गो परमपरभु यावे कली मिग्शा, ग्यरसीनुड। आं थुं नेल्लेमी आं परमपरभु कली मान पाइनुड। मारदे हना मेकोमी आं कली पापर परांडतीके वा सोदेंशो पा फेकपाइशशा, ठीक पतीकेमी सुम्ती। दोदेंशो पा ग्युम्लेम माहुर चुइक्सीवा नु ग्युम्लेमी ग्योम्सीबा, मोदेंशो पा परमपरभु यावेमी आं कली ग्योम्ताक्यी। मत्ती २२ :११-१२ ११ दोपा रूमी बाली नाली वापाइक्वा नु मेकर वांचेर वापाइक्वा, मोपा परमपरभु, परमपरभु यावेमी ठीक पतीके नु ठेयब सेल्लेतीके रागी रागी डा मुर आन डांडती दुम्पाइक्ब" देत।

सियोन आ नोले डा दारस

६२ १ परमपरभु यावेमी "गो सियोन आ पर्वम सिक्सी पा मबाक्नुड। यरूसलेम आ पर्वम गो मनाइसीनुड। मेको आ ठीक पतीके सुनी डा छेडछेड सोदेंशो पा मगरूम सम्म नु आ पाप

रे परांडचा पुंडसीतीके बरशो तोव्रशी सोदेंशो मदुम सम्म मनाइसीनुड। २ मिनु रागी रागी डा मुरुमी इ ठीक पशो ताइनीम। मिनु पिप नेल्लेमी इ छेडछेड ताइनीमी। मिनु इ कली नक नें थ्रिशा बरल्लेमी। मेको नें परमपरभु यावेमी वोइशशो बाक्ब। यसेया ६५ :१५ ; परकाश २ :१७ ३ गे परमपरभु यावे आ गुइमी दारशा सिरपच का दुम्नेवे। मिनु इ परमपरभु आ गुइमी गे पिपीम आन सुन फू सोदेंशो दुम्नेवे। रतिमोथी ४ :२ ४ मिनु गे मना रे 'ताइक्वा पुंडसीशो' माइक्वा मपुंडसीनेवे। इ रागी मुर मबाक्तीके रागी माइक्वा मपुंडसीब। 'गो इ कली तशा ग्यरसाक्यी' दे नें वोइक्वा पुंडसीनेवे। इ रागी ग्युंबे पशो सोदेंशो दुम्ब। मारदे हना परमपरभु यावे इ कली तशा ग्यरसीब। इ रागी ग्युंबे पशो सोदेंशो दुम्ब। यसेया ५४ :६ ; यसेया ६० :१५ ; होस २ :२१ ५ दोपा ठिटा वोइश मुरुम मोश आल कली ग्युंबे पाइवा, मोपा इ कली सेल्लेमी इ कली ग्युंबे पाइब। मिनु दोपा ग्युम्ले आ ग्युम्ले कली तशा ग्यरसीबा, मोपा परमपरभु इ कली तशा ग्यरसीब। ६ यरूसलेम, गो इ गारो तार खाल पाइब मुर वोइक्ता। मेकोपुकी नाक्दो नाक्ती सिक्सी पा मबाकनीम। परमपरभु यावे कली मिम्पाइक्बपुकी, मनाइसीन" देत। यसेया ५२ :२ ७ परमपरभु यावेमी यरूसलेम कली बोल्यो नु ठेयब मसला सम्म मेको कली यो नाइक्वा मगेन। मिनु रागी नेल्ले डा मुर आन डांडती तुइक्पाइक्वा कली मेको पने। ८ परमपरभु यावेमी आ ग्युरा गुइ क्युक्शा, कसम जापुतु। मार कसम जापुतु देशा हना "मुले रे गो इ अन्न इ जोरी सतरु आन कली जचा मगेनुड। मिनु अर्का रागी डा मुर आन कली इ अङ्गुर शांबु तूचा मगेनुड। मारदे हना गे मेको आ पर्वम शुश श्यत पाप्तीवी। यसेया ६५ :२१-२२ १ सु सुमी अन्न आंइनीमी, मेकोपुकीमी जचा ताइनीम। मिनु आं कली ठेयब सेल्लेमी। मिनु सु सुमी सुप्तीमी, मेकोपुकीमी आं सिं डा लाडगाम तूनीम" दे कसम जापुतु।

१० ओव्रडीन, ठेयब लाप्नो रे ओव्रडीन। मिनु मुर आन गाक्तीके लां थल्ला, सलीन। ठेयब लां रे फुल्लु याक्तीन। जात जात डा मुर आन कली चिन्ड वोतीन। यसेया ५७ :१४ ११ परमपरभु यावेमी रागी आ सुर सम्म डा मुर नेल्ले आन कली "सियोन आ तमी कली 'इ कली पाप रे परांडब जाकना जाकन बाक्ब। इ कली गतीक इनाम मेको नु बाक्ब। मेको इ ततीक

इनाम आ डांडती गाक्व' देशो बाक्व। जकरिया १:१; यसेया ४०:१-१० १२मिनु मेको आन कली 'परमपरभु यावे आ मुर नम। परमपरभु यावे आ पाप र परांडशो मुर नम' दे बरत्नीम। मिनु इ कली 'माल्शा, थिश्शो नु गेनायो मपरांडसीब सहर' माइक्वा पुंडसीनवे' दे कसम जशा, लोत्र पशो बाक्व। यसेया ३५:१०

परमपरभुमी एदोम कली सजाइ गेशो

६३ १एदोम रे सु जाक्ना जाक्न बाक्वा? लल जिशो वा फक्शा, बाजरा र जाक्व सु बाक्म? मेको दारशो वा फक्शा, ठेयब सक्तिमी गाक्व सु बाक्म। "गो ठीक पतीक लोत्र पाइनुड। गो पाप र परांडतीक सक्ति पाइश्शो नड" दंत। यसेया ३४:६

२मिनु गो "इन फक्शो वा मारदे लल जिशो बाक्म? मारदे इन वा अडगुर खराक्व आन के सोदंशो दुम्म?" दंती। परकाश १९:१३ ३मिनु मेकोमी "गो आं कान अडगुर खराक्ता। गो नु जात जात डा मुर सुइ मबाक्म। मिनु गो गाइश्शा, मेको आन कली खराक्ता। चुरशा मेको आन कली दिम्ताकडमी। मेको आन रस आं वाम बरुइसाक्व। मिनु आं वा नेल्ल लल दुम्त। योएल ४:१३; परकाश १४:२० ४मारदे हना आं थुंम क्यक्क लेत्तीक नाक्त बाक्त। मिनु आं मुर आन कली परांडतीके बरस जाक्शो बाक्व। यसेया १३:९; यसेया ३४:१८; यसेया ६१:२ ५ मिनु एर आंथ कोत्रडुनु, वारच पाइब सुइ मबाक्म। मिनु गो नु गेय पाइब सुइ मबाक्म। मोपतीक गो आं सक्तिमी गराती। आं गाइक्तीकमी आं कली वारच पाइक्ती। ६मिनु गो गाइश्शा जात जात डा मुर आन कली दिम्ताकडमी। गो चुरशा मेको आन कली खतम सेल्लामी। गो मेको आन हुश खपीम जारताकड" दंत। यसेया ५१:१७

परमपरभु आ शिशी पशो मिम्शो

७गो परमपरभु यावे आ मुर आन कली शिशी पतीक गेय मिम्नुड। मारदे हना मेको आ पर्वम परमपरभु यावे कली ठेयब सेल्लवा माल्नीकी। मिनु आंड कली मार मार पशो आ पर्वम, इसराएल आ सिं डा मुर आन कली शुश दाक्ताक्व। मिनु मेको आन कली शिशी कांडशा, गेना हना या दाक्शो बाक्त। मोपतीक मेको कली ठेयब सेल्लवा माल्नीकी। ८मेकोमी "मेकोपुकी थमा पा आं मुर बाक्नीम जोल मपाइब आल बाक्नीम" दंत। मोपतीक परमपरभु यावे मेको आन कली श्यत

रे परांडब दुम्त। व्यवस्था ३२:५,२० १मेको आन श्यत तशा, आं सोइश्शो मुर ममाइ, परमपरभु यावे आ स्वर्ग डा गेय पाइब यो ममाइ, परमपरभुमी मेको आन कली परांडतु। आ दाक्तीक नु शिशी पतीकमी मेको आन कली साइ डांडती रे पाप र परांडशा, मेको आन कली मुष्शा, कुरशो बाक्त। परस्थान ३३:१४-१५ १०तन्न मेकोपुकीमी काइ मटिथु, आ सोक्त कली थुं साइक्पाइक्तेक्म। मोपतीक परमपरभु यावे मेको आन जोरी सतरु दुम्शा, आंमा मेकोपुकी नु लडाइ पात्तु। ११मिनु नोल मेकोपुकीमी साइ डांडती डा नाक्ती मिम्ताक्म। मेको आ गेय पाइब मोसा आ पाला ना डा नाक्ती मिम्ताक्म। मिनु मेकोपुकीमी "समुन्दर रे पा गोठला नु आ बगाल गरुइब ते बाक्म? मेको आन कली परमपरभु यावे आ सोक्त वोइक्व, ते बाक्म? परस्थान २:५; गन्ती ११:१७ १२सुमी आ सक्ति पाइश्शो गुइ मोसा आ ग्युरा गे गाक्वा कली वोदा? सुमी आंम कली गेना हना यो आं नें लीपाइक्वा कली समुन्दरम लां सेला? परस्थान १४:२९ १३सुम मेको आन कली समुन्दर आगा डा लां रे पा खुला? मेकोमी गोरशो रागीम शारा आन कली गाक्पाइश्शो सोदंशो पा दाइल मपपाइक्थु, गाक्पाइक्तु। १४बी ब्यफ बेसी बरुष्शो सोदंशो पा परमपरभु यावे आ सोक्तीम मेको आन कली नाइक्पाइक्तु। इन नें ठेयब सेल्लवा कली इन मुर आन कली मोदंशो पा खुल्लतीनी।

१५सरीड डा इन छुडछुड डा बाक्तीक रे उइ कोत्रडीन। इन वारच पचा दाक्तीक नु इन सक्ति ते बाक्म? इन थुं डा आंड कली दाक्तीक नु इन शिशी पतीक ते बाक्म? गो मेको मतक। व्यवस्था २६:१५ १६गे आंड आफ बाक्नीनी। मिनु अब्राहाममी आंड कली मतुइश्शो बाक्त। इसराएलम आंड कली मतव। गे, परमपरभु यावे, आंड आफ, आंड श्यत रे परांडब बाक्नीनी। मेको साइ रे इन नें बाक्व। व्यवस्था ३२:६ १७परमपरभु यावे, गे मारदे आंड कली इन लां रे हेंथे गाक्वा गेकी। गे मारदे आंड कली इन कली मान पा महिंब दुम्चा कली आंड थुं सकटा सेल्लनी? गे इन गेय पाइब आन पर्वम नु इन जात डा मुर आन पर्वम लेतीन। यसेया ५७:१७ १८इन योत्रशो मुरपुकी इक्का नाक्त सम्म ला एको रागीम बाक्वा ताम्तेक्म। तन्न मुल आंड जोरी सतरुमी इन योत्रशो बाक्तीक खतम सेल्लक्म। बजन संगरह ७९:१ १९गोपुकी डांडती रे इन

सासन पशो मुर सोदंशो मदुम्क। इन नेमी बरत्त्वा पुंडसीशो मुर सोदंशो मदुम्क” दंतकम्।

**६४** १ परमपरभु यावे, गे सरीङ् रोक्शा, यिनी हना, रिम्शो दुम वा। इन डांडती डांडा हिम्सीम वा। २ मिनु दोपा मीम सोव्रशा राशी जेन्वा, मिनु ब्याक्कु बरुइवपाइक्वा, मोपा इन जोरी सतरु आन कली इन नं तुइक्पतीन। मिनु रागी रागी डा मुर इन डांडती हिंशा खिरंखिर पाइनीम। ३ मिनु गे आंइ ममिम्शो हिंचा डा ठेयव गेय पाइनीनी। गे यिनीनु, इन डांडती डांडा खिरंखिर पाइनीम। १ कोरिम्शी २:१ ४ सु सुमी मेको कली रिम्नीमी, मेकोमी, मेको आन पर्वम गेय पाइव। मारदे हना साइ डांडती रे गे डा लाक्शा अरु परमपरभु बाक्व, दे सुइम मनंशो नु मतशो बाक्तेक्म। परस्थान ३२:५-१० ५ गे ग्येरशा ठीक पतीके मिम्शा पाइव आन कली वारच पाइव बाक्नीनी। मेको मुरपुकी इन लाम गाक्शा, इन कली मिम्ब बाक्नीम। गे आंइ पाप पशो आ पर्वम गाइक्ताक्नी। मारदे हना गे खरुइसाक्नी। मिनु गो हंथे गाक्तक। ६ गो नेल्ल गरांगरा दिशो मुर सोदंशो दुम्तक। आंइ ठीक पतीके नेल्ल गरांगरा दिशो लुम्सीशो वा सोदंशो दुम्त। गो सफा सोदंशो पा सोल सुल बक्नीकी। आंइ मरिम्शो पशो फश सोदंशो दुम्शा, आंइ कली बरपाइक्व। ७ मिनु इन नं थीव सुइ मबाक्नीमी। इन कली थिचा माल्ब सुइ मबाक्नीम। मारदे हना गे आंइ डांडती रे इन कुल खरुइक्ताक्नी। आंइ मरिम्शो पतीके मतक्नी। यसेया ६३:१६; यसेया ४५:१; बिलाप ४:२; रोमी १:२१ ८ मो हना यो परमपरभु यावे, गे आंइ आफ बाक्नीनी। गो खप नकी, गे खप के ग्यांब सल्ल बाक्नीनी। गो नेल्ल इन सल्लो नकी। ९ परमपरभु यावे, शुश मगाइक्तीन। आंइ मरिम्शो पशो गना हना यो ममिम्तीन। आंइ कली कोव्रडीन, गो नेल्ल इन मुर बाक्नीकी। १० इन योव्रशा सहरपुकी गोरशा रागी दुम्शो बाक्व। सियोन यो गोरशा रागी दुम्शो बाक्व। यरूसलेम मुर मबाक्तीके दुम्शो बाक्व। मजन संगरह २४:७ ११ आंइ योव्रशा नु दारशा, आंइ किकी पिपपुकीमी इन कली ठेयव सल्लो खिं मीम गरोइक्त। आंइ दाक्शा खिं नेल्ले बरेन्ने शुम्तक्म। १२ परमपरभु यावे, गे मेको तशा यो, सिक्सी पा बाक्नीनी? ब्यालेइ पा बाक्शा, आंइ कली सजाइ जपाइक्नीनी ?

परमपरभुमी सजाइ गेशो

**६५** १ परमपरभु यावेमी “गो आं कली मतुइक्व आन कली माल्ब सल्लामी। आं कली ममाल्बमी आं कली थिक्तीमी। आं नं मथीव रागी डा मुर आन कली गो गो एक बाक्ती। गो एक बाक्ती” दे माइक्तामी। रोमी १०:२० २ गो काइ मटीव मुर आन कली नाक्तर आं गुइ हाम्शा वारच पाइक्वा माल्ला। मेकोपुकी आम आन दला दाक्स पा मरिम्शो लो ला सोइक्तेक्म। रोमी १०:२१ ३ मेको मुरपुकीमी आं कली गना हना यो गाइक्पाइक्स डा गाइक्पाइक्स पा फू बारीम चदेनीम। इंटा तारी धूप चोइनीम। ४ मेकोपुकी तुरस आगाम बाक्शा, खरुइसीशा नां सांइताम। मेकोपुकीमी पात्र श्ये ब्याइनीम। आन ग्यांबुम गरांगरा दिशो श्ये क्येनीम। यसेया ६६:१७; लेवी १:७ ५ मेकोपुकीमी गे मेके उइ बाक्कीन। आंइ नेक्था मपिन। मारदे हना इन थिशा मजाइनुड” देनीम। मेकोपुकी आं कली मरिम्शो रिना पाइइशो कुन सोदंशो दुम्शा, गना हना यो बरशा मी बाक्नीमी। ६ कोव्रडीन, आं डांडती मार बरक्शा बाक्त देशा हना गो सिक्सी पा मबाक्नुड। तन्न गो क्यक्क लेत्नुड। गो थमा पा क्यक्क लेत्नुड”। ७ गो इन मरिम्शो पशो नु इन किकी पिपी आन मरिम्शो पशो कालेमी क्यक्क लेत्नुड। मेकोपुकीमी डांडा तार धूप चोशा, आं कली शुक्शी पाइक्तीमी। मिनु गो इन पशो आ क्यक्क लेत्नन्नी” दे परमपरभु यावेमी दंत। मारदे हना मेकोपुकीमी डांडाम धूप चोशा, पहाड मेर आं पर्वम शुक्शी लोव्र पाम्तक्म। मेको आन पशो पाप आन थुकुम पिरंशा क्यक्क लेत्नुडमी। ८ मिनु परमपरभु यावेमी “दोपा अडगुर आगाम रस बाक्वा, मिनु मेको कली मताइक्वा, रस बाक्व” देनीमी, मोपा मबिगरेचा कली आ आगाम आसीक बाक्व। गो मेको आं गेय पाइव आन पर्वम मोदंशो पाइनुड। यसेया ६:१३; उत्पती १८:२६-३२ ९ मिनु गो याकूव आ चच युइ रे जाक्पाइक्नुड। मिनु यहूदा आ थर डा आं डांडा ताइव मुर गरुइनुड। मेको आं योव्रशा मुर आन के दुम्शा, आं गेय पाइव आन बाक्तीके दुम्ब। १० मिनु शारान आं मुर आन क्यारश मेडा योव्रतीके नु आकोर माइइशो दिमम बी ब्यफ जोपाइक्तीके दुम्ब। मेको आं कली माल्ब आन कली दुम्ब। यसेया ३३:१; यहोसु ७:२६ ११ तन्न गे परमपरभु यावे कली परांइवपुकी, आं योव्रशा डांडा परंवपुकी

गाद देवता कली चढेतीक सेल्नीनी। मिनु गे मनी देवी कली ब्वाइशो तृतीक चढेनीनी। १२गो इन कली तरवारम साइवपाइक्का कली जिम्मा गेनन्नी। गे क्योरपांडसीचा कली गुर ब्वेनीनी। मारद हना गो इन कली बरंतुनु, गे आं लोव्र मलत्तेनी। गो लोव्र पडानु, गे मंनेनी। गो आं डांडती मरिम्शो नु आं मदाक्शो गेय ला योव्रशा, पाइतीनी” दंत। यसेया ६६:४ ; येरमीया ७:१३ १३मोपतीक परमपरभु यावेमी “आं गेय पाइवपुकी जचा ताइनीम। गे चहिं शोव्रतु बेक्नीनी। आं गेय पाइव तूचा ताइनीम। गे चहिं तूत दाक्शा बाक्नीनी। आं गेय पाइवपुकी ग्येरनीमी, गे चहिं मुने दोक्नीनी। यसेया ५५:३ १४ आं गेय पाइवपुकी थुंम ग्येरसीशा, कुम्सो पाइनीमी। गेपुकी चहिं श्येत जशा, इन थुं लुक्च लशा खाइशशा, वाइ ब्रेशशा डाक्नीनी। १५ आं योव्रशोपुकीमी सराप पची ना इन नं थीनीम। मिनु नोले गो परमपरभु, परमपरभु यावेमी इन कली साइक्नन्नी। तन्न आं गेय पाइव आन कली नक नं वोइक्नुडमी। यसेया ६२:२ १६ मिनु सु सुम रागीमी आसीक पुंडनीमी, मेकोपुकी थमा सुइक्का पुंडसीव परमपरभु आ नंमी आसीक ताइनीम। मिनु रागीमी सु सुमी कसम जाइनीमी, मेकोपुकीमी थमा सुइक्का पुंडसीव परमपरभु आ नंमी कसम जाइनीमी। मारद हना डांडती डा श्येत नुष्शा, परंने थुम्शो बाक्नीम। मिनु आं डांडती र खरुंडसीशा बाक्नीम। यसेया १९:१८ ; येरमीया ४:२

### नक सरीड नु नक रागी

१७ मिनु गो नक सरीड नु नक रागी सेल्नुड। डांडती डा नेल्ल परंशा, लेशा मारद ममिम्सीव। यसेया ६६:२२ ; २पतरुस ३:१३ ; परकाश २१:३ १८ गेपुकी आं सल्शोमी शुश ग्येरसीन। मारद हना गो यरूसलेम कली कुम्सो पपाइशशा, आ मुर नेल्ल आन कली ग्येरपाइक्नुडमी। यसेया ६६:२२ ; यसेया ३५:१० ; यसेया २५:८ ; परकाश २१:४ १९ गो यरूसलेम तशा ग्येरसीनुड, आं मुर आन कली तशा, आं थुं ग्येरशा परक्व। मेना मेकर डाक्शो नु श्येत जशा डाक्शो मंनेसीव। २० का निक्शी नाक्त ला बरोडब आल मेकर मबाक्नीम। मिनु मेकर सुइ यो खूशो दुम्चा क्येडा डांडती मबक्नीम। सह का बसे बरोडशा बेक्व कली ठिटा देनीम। मिनु सह का बसे मगाप्यु, बेक्व मुर कली सराप रशो मुर का बाक्त देनीम। जकरिया ८:४ २१ मेकोपुकी सिं

सेल्शा, बाक्नीम। मिनु मेकर अडगुर खरुम्शा, ग्येरशा ब्वाइनीम। यसेया ६२:८ २२ आंम आन सेल्शो सिंमी अरु मबाक्नीम। आन खरुम्शो अडगुर अरुम मब्वाइनीम। आं मुरपुकी रवा खोदंशो पा शुश बसे बरोडनीम। आं योव्रशो मुरपुकीम आंम आन गुइ डा गेय ग्येरशा जाइनीम। ब्यवस्था २८:३० ; अय्युब १४:७ २३ मेकोपुकीमी मोशा गेय मपाइनीम। श्येत जपाइक्का कली आल मथीनीम। मारद हना मेकोपुकी परमपरभु यावे आ आसीक ताइव आन आल बाक्नीम। मिनु आन आल मेको नु बाक्नीम। २४ मिनु गो मेको आन पुंडचा क्येडा डांडती, लोव्र लेल्नुडमी। आन लोव्र पन पना नंनुड। यसेया ३०:१९ ; यसेया ५८:९ २५ मेना फर नु पाठा काथ काथा जोइनीसी। गुप्सम चहिं ब्यफोम खोदंशो पा पराल ब्वाइव। बुरसुम खप जाइव। आं योव्रशो डांडामी मारदमी मरिम्शो मपाइनीम” दे परमपरभु यावेमी दंत। यसेया ११:६-९ ; उत्पत्ती ३:१४

### निसाफ पशो

१ मिनु परमपरभु यावेमी “स्वर्ग आं ६६ नित्तीक नु रागी आं खोइल वोइक्तीक बाक्व। गे आं कली खोदंशो सिं सेल्न चाप्नीनी ? तेकर नाइक्नुडा ? १राजा ८:२७ ; बिलाप २:१ ; पररित ४:४९ ; पररित १७:२४ २ मारद मारद आं सेल्शो मनमी डा ? मोपतीक मेको नेल्ल आं के नम” दे परमपरभु यावेम दंत। मिनु लेशा “मो हना यो गो आं लोव्र नंशा, हिंशा, खिरखिर पा श्येत जाइव नु आ थुं जिक्शो मुर आन कली कोव्रनुड।

३ मिनु सुमी ब्यफ साइक्वा, मेको मुर साइक्व खोदंशो बाक्व। सुमी पाठा का चढवा, मेको कुचुम आ शुर जिक्व खोदंशो बाक्व। सुमी अन्न चढवा, मेको पोत्र आ हुश चढव खोदंशो बाक्व। सुमी मिम्शा चढेतीक धूप चोइवा, मेको मूर्ति पूजा पाइव खोदंशो बाक्व। मेको आन दला दाक्स पाइनीमी। आन ग्रांगरा दिशो गेयमी ग्येरसीनीमी। १सामुएल १५:२२-२३ ४ गो मेको आन कली शुक्शी पाइनुड। मिनु आन हिंशो श्येत आन तार मोइक्नुड। मारद हना गो मेको आन कली बरडडानु, लोव्र मलत्तेम। गो लोव्र पाता। तन्न मेकोपुकीम आं लोव्र मनेनेम। आं डांडती मरिम्शो पाम्तेक्म। आं मदाक्शो ला पाम्तेक्म” दंत। यसेया ६५:१२

परमपरमुम सियोन कली ठीक सेल्थो

५ परमपरमु यावे आ लोत्र क्येडा हिंशा, खिरंखिर पाइबपुकीम “आं लोत्र नेनीन। इन लोत्रपुकीमी गपुकी आं मुर दुम्तीक इन कली काइ मदाकथु, तिल्लीम। मकोपुकीमी ‘परमपरमु यावे कली ठेयब सलल। मिनु गो इन ग्येरशा बाकशो तकल’ देनीम। तन्न मकोपुकी मुन दाकनीम। लूका ६:२२

६ नेनीन, सहर र ठेयब रयेक नेंसीब। परमपरमु यावे आ खिर संदा का नेंसीब। मको परमपरमु यावे आ संदा बाकब। आ जोरी सतरु आन कली क्येकक लेत्वा कली ठेयब संदा पा लोत्र पाइब” देतकम।

७ मिनु परमपरमु यावेमी “सियोनमी सुत्केरी रोइ पचा क्येडा डोंइती आल थिप्टु। सुत्केरी रोइ पचा क्येडा डोंइती तौ का थिप्टु। ८ मांदेशो लोत्र सुम नेन्मे, सुम तामे? मार, नाक्त कामी रागी का दुम्बा डा? याम कामी रागी का जरमसीबा डा? सियोनमी सुत्केरी रोइ पचा चिक्तानु, आलपुकी थिप्टु। ९ गो आल थिचा चिक्पाइश्शा डा मीन, थिचा मगेनुडा डा? गो आल थिचा गेबमी, तेक्नुडा डा?” दे इन परमपरमुमी देत। यसेया ३७:३

१० मिनु गे यरूसलेम कली दाकब नेल्लेमी मेको नु ग्येरसीन। गे मेको आ पर्वम रोंका पाइब नेल्ल ग्येरसीन। ११ गेपुकी मेको आ दूध युप्शा, रूशा, इन थुं बारपतीन। मेको आ रिम्स तशा ग्येरसीन। यसेया ६०:१६

१२ मारदे हना परमपरमु यावेमी “गो ठेयब खोला खोंदेशो पा मार मार गेनुड। मिनु बारशो खोला खोंदेशो पा रागी रागी डा मुर आन शोंप गेनुड। मिनु गे जाइनीनी। गेपुकी मुप्शा, कुरचा पुंइसीनीनी। थुकुम ग्यारपाइक्चा पुंइसीनीनी। यसेया ६०:४ १३ दोपा आल आ ममामी आल आ थुं बारपाइक्चा, मोपा गो इन कली इन थुं बारपाइक्चानीनी। गे यरूसलेम सहरमी इन थुं बारपाइक्चा पुंइसीनीनी। बजन संगरह १३३:२

१४ गेपुकी मेको कली तशा, शुश ग्येरशा, इन थुं बारपाइक्चानीनी। गे घांस बारशो खोंदेशो पा बारनीनी” देत। परमपरमु यावेमी आ गय पाइब आन कली वारच पाइब, दे मुर नेल्लेमी तुइक्नीम। मेको आ जोरी सतरु आन पर्वम गाइक्ब। १५ परमपरमु यावे मी नु जाक्ब। आ बग्गीपुकी फश गिवार खोंदेशो पा गाक्नीम। आ गाइश्शो चुरशोमी क्येकक लेत्र। आ

हुइक्तीके हुरुर पा बरशो मी खोंदेशो बाक्ब। बजन संगरह ५०:३; परकाश १९:११-१५ १६ मारदे हना परमपरमु यावेमी मीमी निसाफ पाइब। मुर नेल्ल आन कली आ तरवारम निसाफ पाइब। मिनु परमपरमु यावेमी मोपा साइश्शो शुश दुम्नीम। १७ मिनु “सु सु देवी देवता आन डोंइती जाक्चा कली चोत्रखसीशा, आंम कली ठीक सेल्लनी, फू रू लशा, मेको रू आ दातेमी बाक्ब पोत्र श्ये ब्याइब आ नोले खोंदेशो, मेको यो पोत्र श्ये ब्यशा, गरांगरा दिचा डा थोत्रपुकी नु यिच ब्याइनीमी, मेकोपुकी कालेमी साइक्चा पुंइसीनीम” देत। यसेया ६५:३-५; इजीकीएल ८:११

१८ परमपरमु यावेमी “गो मेको आन पतीके नु आन मिम्तीके तुइक्नुड। मिनु रागी रागी डा मुर नेल्ल नु नेल्ल खाल डा लोत्र पाइब मुर आन कली खुप्टुनुड। मिनु मेको मुर जाक्शा, आं छेड्छेड ताइनीम। १९ मिनु गो मेको आन दातेमी चिन्ड का वोइक्नुड। मिनु मेको आन दाते डा परांइशा आन कली रागी रागीम साइक्नुडमी। गो मेको आन कली टारशीश, पूत नु लूद साइक्नुडमी। लूद डा मुर चहिं लिबरा आष्य बाक्नीम। गो तूबल, यावान नु समुन्दर आ नेक्था डा रागी मर साइक्नुडमी। मेकोपुकीमी आं नें मतुइक्ब आं छेड्छेड मताइब रागी रागी डा मुर आन कली आं पर्वम शंनीम। मत्ती १८:१९ तूबल नु यवान गरीस रागी बाक्ब। २० मिनु इन लोक्ब नेल्ल आन कली रागी रागी रे परमपरमु यावे आ डोंइती चददशो खोंदेशो पा यरूसलेमम चाक्नीम। मेकोपुकी शारा, बग्गी, कुरतीके, गधा नु दलओंटेम डाइक्पाइश्शा, आं योत्रशो डोंडाम चाक्चा पुंइसीनीम। दोपा इसराएलीपुकीमी आन अन्न चददतीके सफा ग्यांबुम परमपरमु यावे आ खिं चाक्नीमी, मोपा मेकोपुकीमी पाइनीम। यसेया ६०:३-७ २१ गो मेको आन दाते रे चदद नु लेवी योत्रनुडमी” दे परमपरमु यावेमी देत।

२२ मिनु “दोपा आं सेल्लो नक सरीड नु नक रागी आं डोंइती गेना हना यो बाक्बा, मोपा इन नें नु इन चच युइ आन नें गेना हना यो लीनीम। यसेया ६५:१७ २३ मिनु नोले ओंसी रे ओंसी सम्म नु नाइक्तीक नाक्ती रे नाइक्तीक नाक्ती सम्म मुर नेल्ल आं कली ठेयब सेल्लवा कली आं डोंइती जाक्नीम। गन्ती १०:१०

२४ मिनु मेकोपुकी गरूशा आं कली काइ मटीब आन बेक्शो रों कोत्रथ लाइनीम। मेको आन लुस्यु मबक्नीम, आन मी यो मकाष्य। मेको मुर नेल्ल

आन कली गरांगरा दितीके दुम्नीम” दे परमपरभु  
यावेमी देंत । मकूस १ :४८

## येरमीया

## येरमीया कली बरेशो

बरैक्व मुरः एको किताब येरमीयाम बरैक्वशो बाक्व। पिप योयाकीमम आ हुकुम पची ना येरमीयामी आ लोत्र नैल्ल आ बरैक्व मुर बारुक कली बरैक्वपाइक्वतु। साइ डांइती रे यहूदी नु खरीस्तीयन नैल्लम मेको किताब येरमीया आ बरैक्वशा बाक्व, दे तुइक्नीम।

गेना बरैक्वशा : मेना अस्सुर रागी खतम दुम्त। मेदी नु कल्दी डा मुरपुकीमी अस्सुर डा ठेयब सहर निनवे कली लडाइ पा गरातक्म। मिनु मेको रागी आस दातेमी योक्साक्स। ६०९-६०६ बि. सी. मर पिप नेबुकदनेसरमी इजीप्त कली लडाइ पा गरात। नोले डांइती डा यहूदी आन कली ग्याइश्शा लाइक्तीके बाक्त। मेको ६०६ बि. सी.म बाक्त। मेको आ नोले डा ग्याइश्शा लाइक्तीके ५९८ बि. सी.म बाक्त। मिनु नैल्ल क्येडा नोले डा ग्याइश्शा लाइक्तीके ५८६ बि. सी.म बाक्त।

मारदे बरैक्वशा : यहूदा डा मुर परमपरभु गे मलेत्तम हना, निसाफ पचा पुंडसीनीम। यरूसलेम सहर फरुचा पुंडसीब। मिनु नोले शुं बारपाइक्तीके लोत्र शुश ताइब। मिनु इसराएली मदुशो अर्का रागी डा मुर यो मेको नक कबल डा शिशी ताइब दुम्ने चाप्नीम।

### येरमीया सु बाक्म

१ एको चदेब हिल्कीयाह आ तौ येरमीया आ लोत्र बाक्व। मेको बन्यामीन आ रागी अनाथोथ सहरम बाक्वशा बाक्त। येरमीया ११:२१; यहोसु २१:१८; ब्यवस्था ३३:३२ २ यहूदा डा आमोन आ तौ पिप योसीयाहम सासन पवा आ १३ बरैमी परमपरभु यावेमी येरमीया कली लोत्र पाप्तु। २राजा २१:२४; २राजा २२:१ ३ मिनु यहूदा डा योसीयाह आ तौ येहो-याकीम आ पाला नैल्ले नु यहूदा डा योसीयाह आ तौ सिदकीयाहम सासन पवा आ ११ बरै डा ५ महिनाम परमपरभु यावेम येरमीया कली लोत्र पना पन बाक्त। मेना यरूसलेम डा मुर ग्याइश्शा लाइक्चा पुंडसीशा बाक्तेक्म। २राजा २३:३४; २राजा २४:१७; २राजा २५:२-२१; येरमीया ३९:९

४ मिनु परमपरभु यावेमी आं कली मार लोत्र पाप्तु देशा हना, ५ “गो इ कली कोत्रजीम जोल्वा क्येडा डांइती तुइक्ताकडा। गो इ कली जरमेचा क्येडा डांइती योत्रशा तिल्लन। मिनु इ कली रागी रागी डा मुर आन कली आं लोत्र पाइब सेल्लन” दंत। यसैया ४९:१; गलाती १:१५

६ मिनु गो “परमपरभु, परमपरभु यावे, गो दोपा ब्वाक्चा माल्लुडा, मजोक्नुडा। गो आलन बाक्नुडा” दंती। परस्थान ४:१०; यसैया ६:५-७ ७ तन्न परमपरभु यावेमी आं कली “गो आल बाक्नुडा मदनो। गो इ कली सु सु आन बाक्तीक सोइक्नना, मेकर लचान माल्लेव। मिनु गो इ कली मार अरडा, मेको देचा माल्लेव। ८ गो मेको आन क्येडा महिनो। मारदे हना गो इ कली परांइचा कली गे नु बाक्नुडा” दे परमपरभु यावेमी दंत। परस्थान ३:१२ ९ मिनु नोले परमपरभु यावेम आ गुइ दिशा, आं शोत्र थिप्तु। मिनु आं कली “मुल आं लोत्र इ शोत्रम कुर पाता। परस्थान ४:१२ १० ननो, मुलाक्ती गो इ कली रागी रागी नु राज्य आन परम लोत्र पाइब सेल्लन। तुल्वा नु परल्वा कली, खतम पोक्चा, गरांग्ये माग्ये पपाइक्चा नु सेल्वा नु खरुम्चा कली वोइक्तन” दंत। येरमीया १८:७-१०

११ मिनु परमपरभु यावेमी आं कली “येरमीया, गे मार, तवी ?” दंत। मिनु गो “दसी बदाम रवा आ राशी का ताता” दंती। १२ मिनु परमपरभु यावेमी “गे ठीक ताप्तीवी। मारदे हना गो आं लोत्र नैल्ल दुम्ल, दे योत्रकी पा बाक्ती” दंत। येरमीया ३१:२८ १३ मिनु परमपरभु यावेमी लेशा आं कली “गे मार, तवी ?” दे हिल्लो पाप्तु। मिनु गो “बरुइश्शा मार, मार बाक्शा ग्यांब का उत्तर रे याक्सीशा यिशो ताता” दंती।

१४ मिनु परमपरभु यावेमी आं कली “उत्तर रे एको रागीम बाक्व मुर नैल्ल आन कली श्येत जाक्व। येरमीया ४:६; येरमीया ६:१,२२; येरमीया १०:२२; येरमीया २५:९; येरमीया ५०:४१ १५ गो उत्तर डा राज्य डा जात जात डा मुर आन कली बरैल्लुडा। मिनु मेको नैल्ल जाक्शा, यरूसलेम डा ठेयब लाप्चो ओत्रतीक लांमी, एर आंथ डा गारो नैल्ल नु यहूदा डा सहर आ डांइती आन पिप आन नितीक वोइक्नीम। मेकोपुकी मेको आन परम लडाइ पचा कली जाक्नीम। १६ मेकोपुकीमी आं कली परांइशा, आं अरेशो मटितीक, गो मेको आन परम आं निसाफ

नंपाइक्नुडमी। मकोपुकीमी अरु देवी देवता आन कली धूप चोम्तकम। मिनु आन गुडमी सेल्शो देवी देवता आन कली पूजा पाम्तेकम। १७ गे चहिं बाक्शा, ठीक दुमो। मिनु गो इ कली मार, मार, अरडा, मको आन कली माइकमी। गे मको आन क्येडा महिनो। मा पाप्तीवी हना, गो इ कली मको आन डांइती हिं पाइक्नन। १८ मुलाक्ती गो इ कली गारो हिरशो बाल्या सहर, फलाम क थाम नु कोसा क थरपु खोदेशो सल्लन। मोपा गे यहूदा डा पिपी, हुकुम पाइबपुकी, चदेबपुकी नु रागी डा मुर नेल्ल आन मरिम्शो पशो आ पवम लोत्र पन चानेवे। यरमीया १५:२०; इजीकीएल ३:८-९ ११ मकोपुकीमी इ कली लडाइ तोडनीम। तन्न इ क्येडा गराने मचाप्नीम। मारदे हना इ कली प्रांडचा कली गो गे नु बाक्नुड” दे परमपरभु यावेमी देत।

### इसराएली आन कली प्रांडशो

१ मिनु परमपरभु यावेमी आं कली २ “लावो, २ परमपरभु यावेमी यरुसलेम कली मार देत देशा हना गे इ ठिटी बाक्ची ना आं कली ग्युम्लीम खोदेशो पा दाक्ताक्यी। गे आं कली मारइ मशाक्शो गोरशो रागीमी आं नोले खोइक्ती। गो मको मिन्नुड। होस २:१६; होस १३:५ ३ इसराएल आंम परमपरभु यावे कली आ का ला बाक्शो ग्युम्ली खोदेशो बाक्त। मको, आ गेय डा डांइती डा फल खोदेशो बाक्त। मको कली नेक्व नेल्ल दोस ताइब दुम्तेकम। मको श्यत जाम्तेकम’ देनो” दे माइक्ती। प्रस्थान २८:३६; आंमोस ६:१; याकूब १:१८

४ गे याकूब आ खिं डा मुर नु इसराएल आ खिं डा मुर नेल्ल, परमपरभु यावे आ लोत्र ननीन। ५ परमपरभु यावेमी मार देत देशा हना “इन किकी पिपीम आं कली मार, दोस गेयीमी ? मारदे आं कली प्रांडशा, डोन लमा ? मकोपुकी शोर गाक्शो मूर्ति आन नोले खोइक्तेकम। मिनु मेको यो शोर गाक्शो दुम्तेकम। मीका ६:३ ६ मकोपुकीमी “आंइ कली इजीप्त रागी रे गरुइब परमपरभु यावे ते बाक्वा ? मेकोमी आंइ कली गोरशो रागीम लां कांइशा गाक्पाइक्तु। मको मुर मबाक्तीक गोरशो रागी नु शुश खाल्टा बाक्शो रागी बाक्त। ब्वाक्कु मबाक्शो नु छिडछिड डा रागी बाक्त। मको सुइ मगाक्तीक नु सुइ मुर मबाक्तीक रागी बाक्त’ देतेकम। व्यवस्था ८:१५ ७ गो इन कली रिम्शो रागीम चाक्तन्नी। मेकर डा फल नु रिम्शो

थोत्रक जपाइक्वा कली चाक्तन्नी। तन्न गेपुकी जाक्शा, आं रागी मरिम्शो सल्लतीनी। आं रागी कली गरांगरा दिशो सल्लतीनी। व्यवस्था १:२५; न्यायाधीस २:१-२ ८ चदेबपुकीम “परमपरभु यावे ते बाक्वा ?” मदंम। आं अरशो लोत्र शंबपुकीम आं कली मतुइक्तीमी। सासन पाइबपुकी आं कली ममिम्थु, हेथ गाक्तेकम। आं लोत्र पाइबपुकीम बाल देवता आ नंम नोले दुम्ब लोत्र पाम्तेकम। मिनु शोर गाक्शो मूर्ति आन नोले खोइक्तेकम” देत।

१ मोपतीक परमपरभु यावेमी “गो इन कली लंशा दोस गेचा माल्लुड। गो इन चच युइ आन कली दोस गेनुड। १० कित्तीम माइशो साइपरस डा समुन्दर आ नेक्था बाक्व आन कली कोत्रडीन। केदारमी क्यारी पाइब मुर सोइशशा कोत्रडीन। मार, मेकर मोदेशो गेय दुम्शो बाक्वा ? ११ मार, तेकोइ रागी डा मुरुम आन देवी देवता फाइशशा बाक्नीमी डा ? मको परमपरभु मनम हना यो, मफाइक्नीम। तन्न आं मुरपुकीम आन ठेयब सक्ति पाइशशा कली शोर गाक्शो मूर्तिपुकी नु फाइक्तेकम। रोमी १:२३ १२ गे सरीडम बाक्बपुकी एको लोत्र नंशा हिंशा, लुक लाक्कीन। मिनु थाम्पा हिंशा थिर थिर पा खिरंखिर पन। १३ मारदे हना आं मुरपुकीम निक्शो खेयप मरिम्शो पाम्तेकम। मकोपुकीमी, बरांडतीक ब्वाक्कु बुक्तीक, आं कली प्रांडतेकम। मिनु आंम कली सोत्रशो रागीमी ब्वाक्कु मदम्तीक इनार दोम्तेकम। यरमीया १७:१३; मजन संगरह ३६:१०; यूहन्ना ७:३८

१४ मार, इसराएल वाइल का बाक्वा ? आ होत्रप आ खिम जरमशो वाइल का बाक्वा डा ? मको मारदे रोइक्वा पुंइसे ? १५ गुप्सपुकी मेको कली तशा गरीनीम। ठेयब संदा पा गरीनीम। मकोपुकीमी आ रागी कली मुर मबाक्तीक सल्लतेकम। मेको आ सहर नेल्ल बरतेकम। मिनु मेकर मुर मबाक्नीम। यरमीया ४:७ १६ मफोस नु ताहपनेस डा मुरपुकीम इन पिया डा सिरपेच पुइक्तेकम। यरमीया ४४:१ १७ इन कली लां कांइब, इन परमपरभु यावे कली प्रांडशा, गे मोदेशो श्यत आंमा इन कली मचाक्नी डा ? १८ गे मारदे इजीप्त रागी लाइनीनी ? नील खोला डा ब्वाक्कु तथ लाइनीनी ? गे अस्सुर रागी लनीनु, मार रिम्शो दुम्बा डा ? गे युफरेटीस खोला डा ब्वाक्कु तथ लाइनीनी ? १९ इन परमपरभु यावे आ अरशो लोत्र मटितीकमी इन कली सजाइ गेब।

इन परांइशामी इन कली हुइक्व। गेपुकीम इन परमपरभु यावे कली परांइशा थम मरिम्शा नु इन थुं कशा दुम्शा बाक्व, दे तुइक्तीन। मिनु आं कली मान पा हिंतीक गे नु मबाक्व” दे परमपरभु, मुर नेल्ल आन परमपरभु यावमी देत।

२० परमपरभु यावमी “साइ डांइती रे गे इ जुवा जिक्तीवी। मिनु इ डारी परांइक्तीवी। मिनु गे ‘गो इ गय मपाइनुड’ देत। गे डांडा नु रवा नेल्ल आन पुंम तेल्लम पाप्तीवी। यसैया ५७:५५; इजीकीएल ६:१३ २१ गो इ कली नेल्ल क्यडा रिम्शा अडगुर बाट खरुम्ता। गे दोपा मरिम्शा दुम्शा ब्वाकी डा अडगुर बाट खोदंशो दुमे? भजन संगरह ८०:९; यसैया ५:१-४ २२ गे इ कली मार, मार, हिक्सी नु शुश साबुनम चिकसाक्व हना यो, इ दोस ततीक लुम्सीशा आं डांइती बाक्व” दे परमपरभु, परमपरभु यावमी देत। २३ मिनु “गे ‘गो गरांगुरा मदिसा नड’ दे दोपा देने चाप्नेवे? गो बाल देवता आ नोले मखोइश्शा बाक्नुड’ दे गे दोपा देने चाप्नेवे? गे बेसीम मार, पवी? मेको मिम्ता। गे थाम्पा एर आंथ दारशा गाक्व दलआंठ बाक्नेवे। २४ गे गारशा रागीम बाक्वा दाक्व, फश नाम्शा गाक्व ब्वाकी डा गधैनी बाक्नेवे। मेको आ डागो माल्तीक सुम तेक्ने चाप्वा डा? सु सुमी मेको कली माल्नीमी, मेको मदाइनीम। मारदे हना ब्वांइसीतीक महिनाम मेको कली थिल्नीम। २५ इ खोइल शिशरा मगाक्को। गे त्तु दाक्शा सिं रे मलावो। तन्न गे ‘एको माशा बाक्व। मारदे हना गो अर्का रागी डा देवता आन कली दाक्ताक्ड। मिनु मेको आन नोले खोइक्नुड’ देत।

२६ दोपा सुइ ग्याइक्वा पुंइसनु, मुने दोक्वा, मोपा इसराएल आ सिं डा मुरपुकी मुने दोक्नीम। मेकोपुकी, आन पिपी, आन ठयब मुरपुकी, आन चदेबपुकी नु मेको आन जोल पा परमपरभु यावे आ लोत्र पाइबपुकी मुने दोक्नीम। २७ मेकोपुकीमी रवा कली गे आं आफ नवे’ मिनु फुल्लु कली गे आं कली जरमेब नवे’ देनीम। मेकोपुकीमी आं कली आन ची हिरशा कांइशा बाक्नीम। आन कुल ममाइ। मो हना यो मेको श्येत जामे नाक्ती जाक्शा ‘आंइ कली परांइकी’ देनीम। यरमीया ७:२४; यरमीया १८:१७; यरमीया ३२:३३ २८ तन्न आंम इन सल्शा देवी देवता ते लाक्गमे? मेकोपुकीमी इन कली परांइने चाप्तेक्म हना, इन श्येत जची ना मेको आन कली जाक्पतीन। मारदे हना यहूदा, गे इ के गिश सहर बाक्मा, मिश देवी देवता

बाक्नीम। ब्यवस्था ३२:३७-३८; न्यायाधीस १०:१४; यरमीया ११:१३

२९ गेपुकीम मारदे आं कली गन गन पाइनीनी? गे नेल्ल आं कली काइ मटीब दुम्शा बाक्नीनी। ३० गो इन आल आन कली माशा तुप्तामी। गो मेको आन कली शंचा दाक्ताक्ड। तन्न मबिस्सम। इन कली सोइश्शा आं लोत्र पाइब इन तरवारमी साइक्वा पुंइसाक्म। गेपुकी गुरु दाक्व गुप्स खोदंशो बाक्नीनी। यसैया १:५; मत्ती ५:१२; मत्ती २२:६; मत्ती २३:३७; मर्कुस १२:५ ३१ मिनु गे, मुल डा पात्ता डा मुरपुकी, परमपरभु यावे आ लोत्र मिम्तीन। मार, गो इसराएली आन कली मुर मबाक्वशा रागी नु थम छिड्छिड्छिडा डा रागी दुम्डा डा? मारदे आं मुरपुकीम ‘गो आंइ कली हिरचा कली सुइम तेक्ने मचाप्वा। गो इन डांइती गेनायो लंशा मजाक्नीकी’ देमा? ३२ मार, मीश आलम आ सुन चांदी नु ग्युम्तीम आ ग्युंब पशा दारशा वा परने चाप्नीमी डा? तन्न आं मुरपुकीम दा आं कली शुश नाक्ती रे परंताक्यीमी।

३३ गे दाक्मुतीक माल्शा गाक्वा कली शुश जोक्व बाक्नेवे? मिनु गे परमपरभु यावे आ अरेशो लोत्र मटीब मीश मुर अरु लां शंशा गाक्पाइक्तीवी। ३४ इ फेक्शा वाम दोस मताइब नु परुडग आन हुश लुम्सीशा बाक्व। मिनु गमी मेको आन कली सिं परांत्शा सिं आव्रशा मथिदी। मेको मोदंशो नेल्ल दुम्ना दुम्न यो, यरमीया २६:२०-२३; परस्थान २३:७ ३५ गे ‘गो दोस मताइब बाक्नुड। मेको थमा पा गो नु मगाइक्व’ देनेवे। मारदे हना गमी ‘गो पाप मपड’ देतीक गो इ कली निसाफ पाइनुड। यसैया ४३:२५-२६ ३६ गे इ गाक्तीक लां फाइक्ना फाइक्न एर आंथ पाइक्नेवे? दोपा अस्सुरम इ कली मुने दोक्पदा। मोपान इजीप्तमी यो इ मुने तोक्व। २ राजा २२:३३-३५; यसैया ३०:३ ३७ गे मेकर रे यो हिंचा डा पा परोक्वा माल्लेवे। मारदे हना परमपरभु यावमी थमा सुइक्वा कली योत्रशा आन कली आ नेक्था मजाक्वा डा पा तिल्लु। मेको आन वारच पतीके इ कली शोर गाक्वा बाक्व” दे परमपरभुम देत।

नाता खरोइश्शा

१ मिनु परमपरभु यावमी “वोंइश मुरुमी आ ३ मीश कली परांइशा, छोड पतर गेपु हना, मेको मीश मुर अर्का वोंइश मुर आ मीश दुम्त हना, मेको वोंइश मुरुम लंशा आ मीश कली

चाकवा कां? मो दुस्त हना मेको रागी गरांगरा दिशा महुम्बा डा? गे चहिं तेल्लेम का सोदंशो पा शुश आन बाक्तीक जाकदीशो बाक्ते। मिनु मार, गे आं गे लेशशा जाकनेवे?" दे परमपरभु यावेमी दंत। ब्यवस्था २४:१-४ २ परमपरभु यावेम "इर कोवडा। गोरशो डांडा मेर कोवडा। गे सु नु मइम? गे मुर मबाक्तीक अराब सोदंशो पा लोमी बाक्शा, गे नु इष्व मुर आन कली रिम्ना रिम्न बाक्ते। गे इ तेल्लेम पतीके नु आं अरेशो मट्टीकीकम मेको रागी गरांगरा दिशा सल्ल्तीवी। होस ४:१३ ३ मोपतीके रउ मयिशा बाक्ते। मिनु बर्खा डा रउ मयी। मो हना यो गे मुने मपाइशो बाकनेवे। गे इ मुनेम लल मजिनवे। येरमीया ३:१९; येरमीया ३१:९; यसैया ६३:१६ ४ मार, गे मुल नक आं कली "आं आफ, आं टिटी रे डा वारच, दंत। ५ मार, मेको गेना हना यो गाइक्स डा गाइक्स बाक्वा डा? मार, इन गाइक्वा गेना हना यो बाक्वा डा? दे आं कली बरत्ते। मिनु गे आंदंशो लोत्र पाइनेवे। तन्न मार मरिम्शो बाक्ते, मेको नेल्ल पाप्तीवी" दे परमपरभु यावेमी दंत।

#### थमा मसुइक्व इसराएली

६योसीयाहम सासन पची ना परमपरभु यावेमी आं कली "थमा सुइक्ने मचाप्व इसराएलम मार, पवा, मतवी? मेकोमी डांडा नेल्ल डाइशशा, गिगी रवा नेल्ल आन पुंम तेल्लेम पाप्तु। येरमीया २:२० ७ मेकोमी मोदंशो नेल्ल पा आं गे लेष्व, दे मिम्ताकड। तन्न मेको मले। मिनु मेको नेल्ल जोल पाइब आ लोक्व यहूदाम ताप्तु। २कोरिन्थी ७:८-९; इजीकीएल २३:२,४१ ८ मेको थमा सुइक्ने मचाप्व इसराएल कली आ शुश तेल्लेम पतीके, गो छ्छाड पत्र गेशा, सोइक्ताकड, दे तुइशशो बाक्ते। मो हना यो आ लोक्व देसु पशो यहूदामी मेको तशा महिथु। मेकोमी यो तेल्लेम पाप्तु। १ इसराएलमी आ तेल्लेम पतीके थम आइक्व मिम्ताकव। मेकोमी फुल्लु नु रवापुकी नु यो लशा तेल्लेम पा रागी गरांगरा दिशा सल्लु। १० मेको नेल्ल दुस्त हना यो, मेको आ लोक्व देसु पशो यहूदा आ थुं नेल्लेमी आं गे मले। आं गे लेशशा सोदंशो ला पसु पाप्तु" दे परमपरभु यावेम दंत।

११ मिनु नोले परमपरभु यावेमी आं कली "थमा सुइक्ने मचाप्व इसराएल, जोल पा मरिम्शो पाइब यहूदा क्यडा ठीक पाइब दुस्त। १२ गे लावो। मिनु एको लोत्र उत्तर गे शंदीमी। थमा

सुइक्ने मचाप्व इसराएल, परमपरभु यावेम लेतो। गो इ कली तशा मगाइक्नुड। मारदे हना गो शिशी पाइब नड। गो गेना हना यो मगाइक्नुड। परस्थान ३४:६; १३ गे गो पापी नड। गो आं परमपरभु यावे कली काइ मटीब दुम्ती। मिनु गिगी रवा नेल्ल आन पुंमी अरु देवी देवता आन कली दाक्ताकड" दंत। मिनु आं दंशो मट्टीवी। इ पाप शोवडा, दे मतो" दंत। १४ मिनु परमपरभु यावेम मेको आन कली "लेतीन। थमा सुइक्ने मचाप्व आलपुकी लेतीन। मारदे हना गो इन होत्रप नड। गो सहर रे मुर का कली नु खिं रे मुर निक्शी आस कली योत्रनुडमी। मिनु इन कली सियोनम चाकनन्नी। यसैया ६:१३

१५ मिनु गो इन कली आं थुं नु गारब गोठलापुकी गेनुड। मिनु मेको जोक्व नु रुष्व दुम्शा, इन कली थुल्लीम। येरमीया २३:३-४; यसैया ४४:२८; इजीकीएल ३४:२३ १६ गे रागीम सोशा बोशा शुश दुम्तीनी हना, मुरपुकीम गेनायो "परमपरभु यावे आ कबल पशो सन्दोस" मदेनीम" दंत। मिनु परमपरभु यावेम "मेकोपुकीमी मेको कली ममिम्नीम। मेको कली सुइमी ममाल्लीम। मेको सोदंशो लंशा अर्का यो मसेल्लनीम। गन्ती १०:३३-३६; २राजा २५:८-९; हिब्रू ४:१४-१६ १७ मना यरूसलेम कली "परमपरभु यावे आ ठेयब निक्तीक" देनीम। मिनु रागी रागी डा मुर नेल्ल मेकर देल्लीम। मुर नेल्ल परमपरभु यावे आ नेक्था यरूसलेमम देल्लीम। मना रे आन थुं डा मरिम्शो लात्र मपाइनीम। परस्थान १७:१६; यसैया २:२-४; मत्ती ४:२ १६ मेको नाक्ती यहूदा आ खिं डा मुर, इसराएल आ खिं डा मुरपुकी नु गारनीम। मिनु मेकोपुकी कालेम उत्तर रे पा इन किकी पिपी आन कली गेशो रागीम जाकनीम। यसैया १:१-१३

१९ मिनु गो इन कली आंम आल आन दातेमी बाक्वा गेनुड। गो इन कली रिम्शो रागी का गेनुड। मेको रागी नेल्ल आन दाते डा नेल्ल क्यडा दारशो रिम्शो रागी बाक्व। मिनु गे आं कली "आं आफ" देनीनी। गे नोले मशोइक्व दुम्तीनी, दे मिम्ताकड। ब्यवस्था ७:६; ब्यवस्था ३२:६; ब्यवस्था ८:७; येरमीया ३:४ २० तन्न दोपा थमा सुइक्ने मचाप्व मीश मुरम आ वांइश कली परोइबा, मोपा गे थमा सुइक्ने मचाप्व, इसराएल, गे आं कली परोइती" दे परमपरभु यावेम दंत।

२१ गोरशो डांडाम वाइ बरेशशो संदा का नंसीब। मेको इसराएल आ आल आन शुश डाक्शो

संदा बाक्व। मारदे हना मेकोपुकी दूली लांम गाक्शो बाक्तेक्म। मेकोपुकीमी परमपरभु यावे, आन परमपरभु कली परंशो बाक्तेक्म। यरमीया ३:२ २२मिनु मेकोमी “थमा सुइक्न मचाप्त्र आलपुकी लेतीन। इन थमा सुइक्न मचाप्तीक सापाइक्नन्नी” दंत। मिनु मेकोपुकीमी “दुम्ब, गो इन ग लेश्शा, जाक्नीकी। मारदे हना गे परमपरभु यावे, आंइ परमपरभु बाक्नीनी। २३थमा पा, पहाड डा देवी देवता आन थान जोल बाक्नीम। डांडा मेर ठेयब चाड सेल्ल्तीक नेल्ल जोल बाक्नीम। थमा पा परमपरभु यावे, आंइ परमपरभु इसराएल कली पाप रे परांइब बाक्व। २४गोपुकी आंइ ठिटा ठिटी रेन मेको मुन तोक्व गयमी आंइ किकी पिपी रे श्येत पा गेय पशो नेल्ल नेक्तु। मेको आन क्यारश भेडा, आन बी ब्यफ नु आन तमी तौ आन कली नेक्तु। २५मुल गो इं मुनेम गरुम्य। मिनु इं दोस ततीकेमी इं कली सुमल। मारदे हना गा परमपरभु यावे, इं परमपरभु कली पाप पाइतय। इं किकी पिपी नु गो इं ठिटा ठिटी रेन मुल सम्म परमपरभु यावे, इं परमपरभु आ देशो मटिंशो बाक्तय” दंतेक्म। यरमीया १४ : ७,२०

परमपरभुमी इसराएल कली बरेशो

४ १परमपरभु यावेम “गे इसराएलीपुकी, आं गे लेश्शा जाक्तीनी हना, गपुकीम इन गरांगरा दिशा थोत्रक आं डांडती रे ताइक्ताक्नी हना, गपुकी हंथ मगाक्व दुम्नीनी। २कसम जची ना गपुकीम परमपरभु यावे बरांइशा बाक्शो खोदेशो पा दे कसम जाइतीनी हना, ग थमा लोत्र पा, ठीक निसाफ पाइब नु रिंश्शा थुं पाइब मुर दुम्तीनी हना, रागी रागी डा मुर परमपरभु आ नं थिंशा आसीक पमुइनीम। मिनु मेकोपुकी आ आल दुम्तीक ग्यरसीनीम” दंत। ब्यवस्था १०:२०; यसैया ६५:१६ ३मिनु परमपरभु यावेमी यहूदा डा मुर नु यरूसलेमम बाक्व आन कली “इन कोक्त रूमी डल्ला थोक्तीन। चू आन दातेमी मशोक्कीन। इज्जीकीएल १०:१२ ४ परमपरभु यावे आ पर्वम खरोइक्तीक चिनु खरोइसीन। तन्न इन थुंम खरोइक्तीक चिनु खरोइसीन। गे यहूदा डा मुरपुकी नु यरूसलेममी बाक्व वांइशमुरपुकी, मो मपाइतीनी हना, इन मरिंश्शा पतीके आं गाइक्चा मी खोदेशो पा बरशा गरुब। मिनु सुइम काप्ने मचाप्चा डा पा मेकोमी जेप्त्र” दंत। यरमीया ९:२५; ब्यवस्था १०:१६; रोमी २:२९; कलस्सी २:११; यरमीया ६:७,२०

उत्तर रे श्येत जाक्शो

५ परमपरभु यावेमी “यहूदामी शंदीन। मिनु यरूसलेमम उरदी पने। गे रागी नेल्लेमी तुराही तपीन। ठेयब संदा पा नेल्ल गरुम्य। मिनु गो ठेयब गारो हिरशो सहरमी प्रोक्य” ६सियोन गे लचा कली छ्दर क्युक्कीन। बरांइचा आ पर्वम देश मपथु रीब पा प्रोकशा लन। मारदे हना गो उत्तर रे ठेयब श्येत नु खतम दुम्तीक चाक्नुड। यरमीया १:१४ ७गुप्स का आ पुक्सी रे गरुशा, जाक्शो बाक्व। रागी रागी कली खतम पोक्व का गरुब। मेको आ बाक्तीक रे गरुशा, इन रागी कली मुर मबाक्तीक सेल्ल। इन सहर डा सिं नेल्ल बरत्नीम। मेकर मुर बाक्ने मचाप्नीम। यरमीया २:१५; यरमीया ५:६; यरमीया २५:३८; यरमीया ४९:१९; यरमीया ५०:४४ ८मोपतीक अरन्डी फेक्शा रोंका पने। मिनु डाक्कीन” दंत। मारदे हना परमपरभु यावे आ हिंचा डा पा गाइश्शा इं रे मयाक्सीशो बाक्व। यरमीया ६:२६

१ मिनु परमपरभु यावेम “मेको नाक्ती पिप नु हुकुम पाइब नेल्ल आन थुं लुक्च लाइब। चद्वेबपुकी हिंशा ग्येत्थ लुक्च दुम्नीम। मिनु परमपरभु यावे आ लोत्र पाइबपुकी गरीचोक पा हिंनीम” दंत। १०मिनु गो “परमपरभु, ए परमपरभु यावे, गो आंइ शुरमी तरवार जाक्मनु यो, गे इन थुं नाइश्शा बाक्कीन” दे ग एको मुर नु यरूसलेम कली मरिंश्शा पा जोल पाइश्शा बाक्तीनी” दंती। यरमीया ६:१४

११ परमपरभुमी “मेना मार लोत्र पाइनीम देशो हना एको मुर नु यरूसलेम कली गोरशो रागी डा डांडा रे होश फश आं पूरुडग मुर आन बाक्तीक जाक्व। तन्न मेको फशम कराप्चा यो मदुम्ब, हारचा यो मदुम्ब। १२मेको फशम मेको पने मचाप्त्र। मारदे हना मेको शुश बोल्यो फश गिवार बाक्व। मिनु गो मेको आन कली निसाफ पतीक लोत्र पाइनुडमी। १३कोत्रडीन, मेको गोस्स खोदेशो पा गाक्शो बाक्व। मेको आ बग्गी फश गिवार खोदेशो पा जाक्नीम। मेको आ शारा ककाकुली आन क्येडा रीब पा दोरनीम। आबी, गो खतम दुम्तय” दे लोत्र पाइनीमी” दंत। १४ मिनु परमपरभु यावेम “ए यरूसलेम, गे पाप रे बरांइचा तचा कली इ थुं इ परमपरभु यावे कली मटितीक रे चिक्सो। गेना सम्म इ मरिंश्शा मिम्तीक इ थुंम बाक्चा गेनेवे? यरमीया ६:८; यसैया १:१४ १५ दान रे संदा कामी एफराइम डांडा रे खतम

दुम्तीक जाक्व'। १६ रागी रागी डा मुर आन कली एको लोत्र पावो। एक जाक्तेक्म। यरूसलेम कली डान रागी र सहर पुम्चा कली लडाइ पाइब जाक्वशो बाक्नीम। मिनु यहूदा डा सहर आन पर्वम लडाइ पा गरीनीमी। १७ मकोपुकी रू खाल पाइक्वपुकी खोदंशो पा, एर आंथ नल्ल हिरशा बाक्वशो बाक्नीम। मारदे हना मंकर डा मुरपुकी आं कली काइ मटीब बाक्नीम" दे परमपरभु यावेमी दंत। यरमीया १:१५; यरमीया ६:३ १६ मिनु परमपरभु यावेमी "इ दूली लो गाक्तीक नु इ पतीक इ कली मोदंशो दुम्शो बाक्त। इ सजाइ मेकोन बाक्व। मेको शुश कशो बाक्व। मिनु मेकोमी इ थुं खाइक्पाइक्तु" दंत।

१९ मिनु गो हिंती, हिंती। गो श्यत जशा हुकयी पाइनुड। आं लुङगीर खाइइशा, तुक तुक पाप्तु। गो सिक्सी पा बाक्ने मचाप्नुड। मारदे हना गो तुराही ताप्शो नेंता। मेको लडाइ डा रयके बाक्व। २० खतम दुम्तीक तार खतम दुम्तीक जाक्व। रागी नल्ल मुर मबाक्तीक दुम्त। आं ताम्बु नु फारतीक वा नल्ल याम काम खतम दुम्तेक्म। २१ गो गेना सम्म लडाइ डा छेदर तचा माल्लुडा? मिनु गेना सम्म तुराही ताप्शो नेंचा माल्लुडा? २२ आं मुर मूर्ख बाक्नीम। मेकोपुकीमी आं कली मतुइक्नीम। मेको निप्स मपाइइशो आल बाक्नीम। मेको आन के रुप्तीक मबाक्व। मेको मरिम्शो पचा कली जाक्व बाक्नीम। तन्न रिम्शो पस मजाक्नीम। यसेया २७:११

२३ मिनु "गो रागी कली कोत्रता। मेको मारइ मबा। मिनु मेकर नल्ल श्यत्थ बाक्त। मिनु सरीड गे कोत्रडुनु, मेकर मारइ छेड्छेड् मबाक्म। उत्पत्ती १:२ २४ मिनु गो डांडा आन कली कोत्रडुनु, मेकोपुकी खिरंखिर पशो बाक्तेक्म। पहाड नल्ल एर आंथ हिम्सीशो बाक्तेक्म। २५ मिनु गो कोत्रडुनु, सुइ मबाक्वशो बाक्त। सरीड डा चिक्व नल्ल बरशा परोक्न थुम्शो बाक्तेक्म। २६ मिनु कोत्रडुनु, रिम्शो खप बाक्वशो रू नल्ल गोरशो रागी दुम्तेक्म। मिनु मेकर डा सहर नल्ल बरेशो बाक्तेक्म। मोदंशो पा परमपरभु यावेमी आ शुश गाइक्तीकेमी पाप्तु" दंती। २७ मिनु परमपरभु यावेम मार, दंत दंशा हना "रागी नल्ल मुर मबाक्तीक दुम्त हना यो, गो मेको नल्ल मक्याम्नुडमी। यरमीया ५:१६; यरमीया १०:२४; यरमीया १६:३-६; आमास १:२६ २६ मोपतीक रागीम रोंका पचा माल्ब। मिनु सरीड छिड्छिड् दुम्चा माल्ब। मारदे हना

गो लोत्र पाता। गो डांडती मिम्ताक्ड। आं थुं मलेप्ब। आं थुं महिरब।

२९ शारा डाइक्वपुकी नु लिबरा आप्व आन संदा नंशा, सहर नल्ल डा मुरपुकी परोक्वशो बाक्नीम। मिनु मेको ब्वाकीम परोक्वशा खरुइक्नीम। का निक्वशी फुल्लु तार डाइइशा लाइनीम। सहर नल्ल परोइशा बाक्नीम। मेकर सुइ मबाक्नीम। ३० गे गोरशो सल्ला पुंइसीशो रागी मार, पना पन बाक्ड? गे लल वाम ग्योम्सीशा, सुन के गहना पांइसीशा, आंम कली ग्योम्सीशा आ अर्थ मार, बाक्वा? गे मारदे गाजल खरंक्सीशा इ मिक्च ठेयब सल्लेव? आंम कली दारशो सल्ला मोशान बाक्व। इ कली दाक्व मुरपुकीम इ कली गरांगरा दिशो बाक्नीम। इ कली साइक्वा माल्शो बाक्नीम। ३१ गो सुत्केरी रोइ पशो मीश मुर आ संदा खोदंशो नेंता। मेको डांडती डा आल थिचा चिक्वशो मीश मुर आ संदा खोदंशो बाक्त। सियान आ तमीमी आ गुइ दिशा आ सास कीशा "आबी, आं कली साइक्व आन डांडती थाइनुड" दंत" दे परमपरभु दंत।

मुर का यो रिम्शो मबाक्नीम दंशो

५ १ परमपरभुमी "यरूसलेम डा लां आ एर आंथ कोत्रशा गाक्को। नल्ल कोत्रशा इ तशो नल्ल बरंक्तो। आ लाडगा मर माल्शा कोत्रडा। मिनु मेकर ठीक गेय पाइब नु थमा लोत्र माल्ब मुर का यो थिचिबी हना, गो यरूसलेम कली माफ गेनुड। उत्पत्ती १६:२२-३२ २ मेकोपुकीमी "परमपरभु यावे बरोइशा बाक्वशो खोदंशो पा" दे कसम जाइनीम। मो हना यो मेकोपुकीमी जोल लोत्र पाइनीम" दंत। यरमीया ४:२ ३ मिनु "परमपरभु यावे, गे थमा लोत्र तचा ममाल्नीनी डा? गे मेको आन कली तुप्तीनी। तन्न मेकोपुकी मखाइक्म। गे मेको आन कली खतम सल्लिनी। तन्न मेकोपुकीमी इन दंशो पचा मबिल्लीम। मेकोपुकीम आन कुल फुल्लु क्येडा यो खकटा सल्लेक्म। मेकोपुकी लेशशा जाक्ने मबिस्सम। यरमीया २:३०; यरमीया ७:२६; यरमीया ९:२; यसेया ४६:४ ४ मेकोपुकी दा परुडगा ला बाक्नीम। मेकोपुकी मूर्ख बाक्नीम। मारदे हना मेकोपुकीम परमपरभु यावे आ लां मतुइक्नीम। आन परमपरभु आ अरंशो मतुइक्नीम। ५ गो शुश क्येट थीब मुर आन बाक्तीक लशा, मेको आन कली लोत्र पाइनुड। मेकोपुकीम थमा पा परमपरभु यावे आ लां, आन परमपरभु आ अरंशो

यो तुइक्नीम” दंती। तन्न मेकोपुकी खाल का डा दुम्शा, जुवा जिक्शो बाक्तेक्म। मिनु डोरी यो परोइशो बाक्तेक्म। यरमीया २ :२०

६ मोपतीक परमपरभुमी “व्वाकी डा गुप्स कामी मेको आन कली ग्राम्शा साइक्व। गोरशो रागी डा फर कामी मेको आन कली खतम सल्ब। जाइ का मेको आन सहर कोव्रना कोव्रन बाक्शो बाक्व। सु मेकेरं गरुबा, मेकोमी मेको कली कराइशशा चोकटा लाम्टा सल्ब। मारदे हना मेकोपुकी शुश हेंथ गाक्व बाक्नीम। मेको आन मटितीक ठयब बाक्व” दंत। यरमीया ४ :१७

७ मिनु परमपरभु यावेम “गो इन कली दोपा माफ गेन चान्नुडा डा ? इन आलपुकीम आं कली पुरांइतेक्म। मिनु परमपरभु आ नंम ममाइ, अर्का देवी देवता आन नंमी कसम जाम्तेक्म। गो मेको आन माल्शो नेल्ल खाप्ता हना यो, मेकोपुकीम तेल्लेम पास्तेक्म। मिनु तेल्लेम आन खिम कराक्थरी चोक्थरी दुस्तेक्म। ८ मेकोपुकी थाम्पा दोम्शा, गेय मपाइब शारा सोदंशो बाक्नीम। मेको आंम नेक्था डा मुर आन मीश आन पर्वम गरीनीम। इर्जीकीएल २२ :११ १ मार, गो एको आ पर्वम मेको आन कली सजाइ मगेनुडमी डा ? मार, गो ओदंशो रागी डा मुर आन कली क्यक्क मलेत्नुडमी ?” दे परमपरभु यावेम दंत। यरमीया ५ :२९ ; यरमीया ९ :८

१० परमपरभु यावेम आं कली “गे मेको आन अडगुर बोट दिम्शा ताइशशा पावो। तन्न नेल्ल श्येत्य मपाक्को। मेको आ राशी इत्तो। मारदे हना मेको परमपरभु यावे आ मुर मनम। ११ मारदे हना इसराएल नु यहूदा डा मुरपुकीम थमा पा पुरांइतीमी” दंत। १२ मेकोपुकीमी परमपरभु यावे आ पर्वम “मेको मतुइक्नीकी। मेकोमी मारइ मपाइब। गो मारइ मरिम्शो मताइनीक। गो लडाइ नु अन्काल मताइनीक। १३ परमपरभु यावे आ लोव्र पाइबपुकी फश बाक्नीम। मारदे हना परमपरभु यावे आ लोव्र मेकोपुकी नु मबा। तन्न मेको लोव्र मेको मो देब आन कली दुम्ब” दंतेक्म।

१४ मोपतीक परमपरभु यावे, मुर नेल्ल आन परमपरभुमी मार दंत दंशा हना “मेकोपुकीमी मोदंशो लोव्र पतीक, गो आं लोव्र इ शात्रम मी सोदंशो सल्लुड। मेको मुर आन कली शी सल्लुड। मिनु मेको मीम नेल्ल आन कली दाक्व सल्लुडमी। १५ ए इसराएल, इन कली खतम सल्लुवा कली डोन रागी डा मुर चाक्नुड। मेको रागी डा मुरपुकी शुश बोल

पाइशशा बाक्नीम। आन रागी साइ डोंइती डा बाक्व। गे मेको मुर आन लोव्र मतुइक्नीनी। गे ब्वाक्शो मरुप्नीनी। यरमीया ६ :२२ ; यसैया २८ :१ १६ मेको आन बरा कुरतीक रोक्शो तुरस खोदंशो बाक्नीम। मेको मुर नेल्ल थम सक्ति पाइशशा लडाइ पाइब बाक्नीम। १७ मेकोपुकीमी इन खुप्शा अन्न नु जचा थाव्रक नेल्ल नेक्नीम। मिनु इन तमी ती नेल्ल आन कली यो लाइक्नीम। मेकोपुकीमी इन क्यारश भंडा नु बी ब्यफ नेल्ल नेक्नीम। मेकोपुकीमी इन अडगुर नु फोव्रशी नेल्ल नेक्नीम। मिनु इन थमा सुइशशा बोल्यो गारो हिरशो सहर नेल्ल तरवारम क्याम्नीम।

१८ मो हना यो, गो मेको नाक्ती इन कली नेल्ल मसाइक्पाइक्नुड। यरमीया ४ :२७ १९ मिनु इन मुरपुकीम “मारदे इं परमपरभु यावे, इं परमपरभुमी इं कली ओदंशो पवा ?” दे हिलो पास्तेक्म हना, गे मेको आन कली गेपुकीम दोपा आं कली पुरांइशा, आंम रागीम अरु देवी देवता आन कली पूजा पनी, मोपा मुल गेपुकीम इन मतुइशशा रागीम अर्का रागी डा मुर आन गेय पाइनीनी’ दंशो बाक्व माइक्मी। यरमीया १६ :१०-१४

२० याक्व आ मुर आन कली एको लोव्र माइक्मी। यहूदामी एको लोव्र ठयब सेंदा पा नेल्ल आन कली नंपाइक्मी। यसैया ६ :९-१० ; मत्ती ८ :१८ २१ गे मुख नु मिम्तीक मपाइशशा मुरपुकी, एको लोव्र नेनीन। इन मिक्वी बाक्व, तन्न मताइनीनी। इन नोफा बाक्व, तन्न मनंनीनी। २२ मार, गे आं कली मान पा हिंचा ममाल्नीनी डा ? गे आं डोंइती खिरखिर मपाइनीनी ? गो समुन्दर आ सांद कली बाल्वा वोइक्ता। आ छाल बाक्तेक्म हना यो, मेको कली खराक्न मचाप्नीम। मेकोपुकी शुश बोल पास्तेक्म हना यो, मेको कली लाक्न मचाप्नीम। ठयब रयके पास्तेक्म हना यो, लाक्न मचाप्नीम। बजन संग्रह १०४ :९ २३ तन्न मेको मुर आन थुं खकटा नु काइ मटीब बाक्व। मेकोपुकी हिरशा लाम्तेक्म। २४ मेकोपुकीमी “गेपुकी परमपरभु यावे, इं परमपरभु कली मान पा हिंच। मेकोमी माल्वी ना रेउ गेब। मेकोम बर्सा नु हिंडद डा रेउ गेब। मिनु अन्न रिक्शा खुप्ची ना डा नाक्ती गेब’ मदंम” दंत। ब्यवस्था ११ :१४ २५ परमपरभु यावेमी “इन मरिम्शो पशोम एको नेल्ल मरिम्शो दुम्त। इन पाप आ पर्वम गे मेको रिम्शो मताइनीनी। यसैया ५९ :२ २६ आं मुर आन दातेमी मरिम्शो पाइब मुर बाक्नीम। मेकोपुकी

चिक्व साइक्व मुर खोदंशो पा, बाप्शा बाक्वशो बाक्नीम। मेकोपुकीम मुर आन कली ग्याइक्वा कली ब्यारद दाइक्नीम। २७ चिक्वीम बरीशो ओगील खोदंशो पा, मेको आन सिं खुइ पशो थोव्रकम बरीशो बाक्व। मोपतीक मेको ठेयब मुर नु शुश क्यट थीब दुम्तकम। २८ मेकोपुकी दोम्शा लल जिशा नु शोप पाइशो दुम्शो बाक्नीम। मेको आन परमपरभु याव आ अरेशो मटितीक कली तेक्तीक मारइ मबाक्व। मेकोपुकीम रोम रोइक्व आन कली रिम्शो दुम्ल, दे मेको आन कली ठीक निसाफ मगनीम। मेकोपुकीमी क्यट मथीब आन कली वारच पा ठीक निसाफ मपाइनीम। परस्थान २२:२१; यसैया १:१७ २९ मार, एको आ पर्वम, गो मेको आन कली सजाइ मगेनुडमी? मिनु गो एको रागीम डा मुर आन कली क्येक्क मलेत्नुडमी? दे परमपरभु यावेमी दंत। यरमीया ५:९

३० मिनु परमपरभु यावेम “एको रागीम गरांगरा दिचा डा नु शुश हिंचा डा श्येत दुम्त। ३१ परमपरभु यावे आ लोव्र पाइबपुकीम जोल पा लोव्र पाइनीम। दोपा परमपरभु यावे आ लोव्र पाइबपुकीम जोल पा लोव्र पाइनीमी, मोपा चढेबपुकीम मुर आन कली हुकुम पाइनीम। मिनु आं मुरपुकी चहिं मोदंशोन दुम्चा दाक्नीम। तन्न नोले डा नाक्ती मार, पाइनीनी?” दंत। इजीकीएल १३:६

### यरूसलेम कली पुम्शो

१ परमपरभु यावेमी “बन्यामीन आ आलपुकी ६ बरोइशा बाक्वा कली यरूसलेम र प्रोक्कीन। तेकोहा सहरमी तुराही ताप्पीन। बेथ-हक्करम तार चिन्ड काइशा वातीन। मारद हना उत्तर र मरिम्शो पतीक नु खतम दुम्तीक यिशा बाक्व। आमास १:१; यरमीया १:१४ २ सियोन सहर दारशो योव्रतीक खोदंशो बाक्व। तन्न सियोन आ तमी क्याम्चा पुंडसीब। ३ गोठला आन हुल सुन्दा मेको नु लडाइ पचा कली जाक्नीम। मेकोपुकीमी आन ताम्बु आ एर ओंथ कीनीम। मिनु नेल्लेम मेको आन हुल योव्रशा खतम सेल्लीम” दंशो बाक्व। यरमीया ४:१७ ४ मिनु मेकोपुकीम “मेको नु लडाइ पचा कली ठीक दुमीन। बाक्कीन। गोपुकीम नाक्त उडक्थ दुम्मेनु, मेको कली लडाइ तोय। नाक्ती लाक्ना लाक्न बाक्व। नाक्दो डा वांकु लाइशो दुम्ना दुम्न बाक्व। ५ बाक्कीन। गो नाक्दो मेको कली लडाइ तोय। मिनु मेको

आ दरवार परेय्य” दंनीम। ६ मुर नेल्ल आन परमपरभु यावेम “मेको आ खोपुकी क्योरशा तिमीन। मिनु यरूसलेम डा गारो डोइक्तीक सेलीन। मेको सहर कली सजाइ गचा माल्ब। मेको सहर मरिम्शो पतीकम बरीशो बाक्व। ७ इनारम दोपा आ ब्याक्कु बारपाइक्वा, मोपा मेकोमी आ परमपरभु याव आ अरेशो मटितीक बारपाइक्व। मेको आ आगाम काइ मरिम्शो पतीक नु मारइ मारइ खतम पोक्तीक आ पर्वम लोव्र नंसीब। मेको आ रोइ नु आ सेल्लो गार गेना हना यो आं डोइती बाक्नीम। ८ गो यरूसलेम, एको इ कली अरेशो मपापतीवी हना, गो इ कली तशा गरांगरा दिशा परांइनुड। गो इ कली गोरशो नु मुर मबाक्वशो सेल्लुड” दंत।

९ मुर नेल्ल आन परमपरभु यावेमी मार दंत, दंशा हना “गो अडगुर रिम्शो पा सिला पशो खोदंशो पा इसराएल डा लीशो मुर आन कली सिला पने। अडगुर सेक्व मुर खोदंशो पा राशी ग्याइशशा, फल सिला पने।

१० गो सु कली लोव्र पा हिंच कांइदु? आं लोव्र सुम नंबा? मेकोपुकीम नंने मचाप्पीम। मेको आन नाफा सुशो बाक्नीम। परमपरभु यावे आ लोव्र आ पर्वम गाइक्नीम। मेको नंचा मदाक्नीम” दंत। यरमीया ४:४; पररित ७:२१ ११ तन्न गो परमपरभु यावे आ गाइक्तीकम बरीशो बाक्नुड। गो मेको हेरा तेक्ने मचाप्नुड। मिनु मेकोमी “मेको लां मर गाक्व आल आन तार मोतो। बुक्शा बाक्वशो टिटा आन तार मोतो। मीश वोंइश निम्फा लाइक्वा पुंडसीनीस। खाल्पा नु सूशो लाइक्वा पुंडसीनीम। १२ मारद हना गो आं गुइ मेको रागीम बाक्व आन तार दिनुड, मेको आन सिं अर्का आन के दुम्नीम। आन रू नु आन मीश यो अरु आन के दुम्नीम” दे परमपरभु यावेम दंत।

१३ परमपरभु यावेमी “नेल्ल क्येडा आइक्व मुर र नेल्ल क्येडा ठेयब सम्म ठीक पा मचम्शो क्यट तचा कली शिम दुम्शो बाक्नीम। परमपरभु यावे आ लोव्र पाइब र चढेब सम्म नेल्ल जोल पाइब दुम्शो बाक्नीम। यरमीया ६:१०-१२; इजीकीएल १३:१०-१६; श्थिस्सलोनिकी ५:३ १४ मेकोपुकीमी आं मुर आन कली ममिम्थु, आन गार सापाइक्खु पशो बाक्नीम। मेकोपुकीमी थुं नाइक्तीक मबाक्व हना यो “नाइसीन, नाइसीन” दंनीम। १५ मेकोपुकीमी मुने दोक्वा डा गेय पाम्तेक्म। गरांगरा दिशो गेय पाम्तेक्म। तन्न मेकोपुकी मुने मदाक्म। मुनेम लल जिचा दंशो मार,

बाक्वा, दे मतुइक्तेम। मोपतीके साइक्चा पुंडसीशो आन दातेमी साइक्चा पुंडसीनीम। गो मेको आन कली सजाइ गडानु, मेको खतम दुम्नीम” दे परमपरभु यावेमी दंत। १६मिनु परमपरभु यावेम मार, दंत दंशा हना “लां बरातीकेम राप्शा कोव्रडीन। माइत लां आ पर्वम हिल्लो पने। मेको रिम्शो लां ते बाक्वा, दे हिल्लो पने। मिनु मेको लांमीन गाक्कीन। मिनु इन थु नाइक्चा ताइनीनी। तन्न मेकोपुकीम ‘गो मेक मगाक्कीकी’ देनीम। मती ११:२९ १७गो इन कली खाल पाइवपुकी योव्रतामी। मिनु गो इन कली ‘तुराही ताप्शा नोफा दाइश्शा नेनीन’ देती। तन्न मेकोपुकीम ‘गो मनंकीकी’ देतेक्म। १६मोपतीके गे रागी रागी डा मुर नेनीन। बुक्तीक डा मुर नेल्लेमी मेको आन कली मार, दुम्बा, दे तुइक्तीन। १९ रागी नेल्ल नेनीन। गो एको मुर आन कली ठेयब श्येत चाक्नुड। मेको श्येत आन पशो आ पा डा बाक्व। मारदे हना मेकोपुकीमी आं पचा दंशो लोव्र मपाम। मिनु आं शंशो लोव्र काइ मटीम। यसैया १:२ २०गो शबा रे चाक्शो धूप ममाल्लुड। डोन रागी रे चाक्शो बिक्च या ममाल्लुड। गो इन चोशा चदंशो मबराइनुड। गो इन क्योरशा चदंशोम मग्यरनुड” दंत। भजन संगरह ४०:७; यसैया १:११-१५ २१मोपतीके परमपरभु यावेम मार, दंत दंशा हना “कोव्रडीन, गो एको मुर आन डांइती दाइल पाइक्तीक थोव्रक वोइक्नुड। मिनु आम आफ, आलपुकी कालेम नु आन नक्था डा मुर नु आन वारच कालेम खतम दुम्नीम” दंत।

२२ परमपरभु यावेमी “कोव्रडीन, उत्तर डा रागी रे हुल का मुर जाक्नीम। रागी आ सुर रे ठेयब रागी डा मुर बारशा जाक्नीम। यरमीया ५:१५; व्यवस्था २८:४९ २३मेकोपुकी लिबरा नु तरवार शंशा ठीक दुम्शो बाक्नीम। मेकोपुकी मरिम्शो पाइव नु काइ शिशी मपाइव बाक्नीम। आन रेयके समुन्दर गरीशो सोदंशो बाक्व। मेकोपुकी शारा डोइश्शा सियोन आ तमी, इ कली लडाइ तोचा कली ठीक दुम्शो बाक्नीम” दंत। यरमीया ५०:४२

२४ गोपुकीम मेको आन पर्वम मारदे मारदे लोव्र नंतक। मिनु आंइ गुइ सोइली योक्त। गो शुश हितक। गो सुल्केरी रोइ पशो मीश मुर सोदंशो दुम्तक। २५ “रू मेर मलने। लां मेर मगाक्कीन। मारदे हना इन जोरी सतरु आन गुइमी तरवार बाक्व। मिनु एर आंथ नेल्ल शुश हित्तीक बाक्व” दंशो नंतक। यरमीया २०:३

२६मिनु “आं श्येत जाइव मुरपुकी अरन्डी फेक्सीन। मिनु इन पिया तारी पुनु फुंडसीन। का ला बाक्शो आल बेक्शो आ पर्वम सोदंशो पा रंका पने। मारदे हना आंइ कली साइक्व याम काम जाक्व” दंत। यरमीया ४:८; आमास ८:१७

२७ परमपरभु यावेमी “गो इ कली आं मुर आन पशो नाक्व नु रिम्शो सल्ब सल्लन। मोपा गे मेको आन पशो तुइश्शा, मार, पाइनीमी, दे नाक्व चानेवे। २८मेको नेल्ल आन थुं खकटा बाक्शा, काइ मटीब बाक्नीम। मेकोपुकी जोल पा सांकछी बाक्व नु गाक्नीमी। मेकोपुकी कांसा नु फलाम सोदंशो खकटा बाक्नीम। मेको नेल्ल मरिम्शो बाक्नीम। इजीकीएल २२:१८ २९मुख्मी यपाइक्चा कली भाटी कीना कीन मी ठेयब सेल्लनीम। तन्न यपाइक्तीक गेय मोशा दुम्त। मारदे हना परमपरभु यावे आ अरेशो मटीब आन कली तिल्शो बाक्नीम। ३०तन्न मेको आन कली मरिम्शो तिल्शो चांदी, दे नं वोइक्नीम। मारदे हना परमपरभु यावेम मेको आन कली तिल्शो बाक्व” दंत। १राजा ९:१७

यरमीया कली लोव्र पपाइश्शो

यरमीया २६ :-

१ परमपरभु यावेम यरमीया कली, २ “गे आं ७ सिं डा लाप्चोम राप्शा गे यहूदा डा मुर नेल्ल परमपरभु यावे आ लोव्र नेनीन। गे परमपरभु यावे कली ठेयब सल्लवा कली एक जाक्व यहूदा डा मुर परमपरभु यावे आ लोव्र नेनीन” देनो” दंत। ३मुर नेल्ल परमपरभु यावे, इसराएली आन परमपरभुमी मार, दंत दंशा हना “इन गाक्तीक लां नु इन पशो नेल्ल रिम्शो सेलीन। मो पाइतीनी हना, गो गेपुकी नु एकेर बाक्नुड। यरमीया १८:११; यरमीया २५:५; यरमीया २६:१३; यसैया १:१६ ४मिनु “एको परमपरभु यावे आ सिं बाक्व। एको परमपरभु यावे आ सिं बाक्व। एको परमपरभु यावे आ सिं बाक्व” दंशो जोल लोव्र थमा मसुतीन।

५ गेपुकीम थमा पा इन गाक्तीक लां नु इन पशो रिम्शो सेल्लतीनी हना, गे थमा पा अरु मुर आन कली ठीक नु रिम्शो पाइतीनी हना, ६ गेपुकीमी अर्का रागी डा मुर आन कली, रोम रोइक्च नु आन वांइश बेक्शो मीश मुर आन कली मदिप्तीनी हना, दोस मताइव मुर आन कली मसाइक्तीनी हना नु आंम इन कली श्येत सल्लवा, दे देवी देवता आन नोले मखाइक्तीनी

हना, यरमीया ५ :२८ ७गो गेपुकी नु एक बाक्नुड। साइ डोंइती इन किकी पिपी आन कली गेशा रागीम गेना हना यो गेपुकी नु बाक्नुड।

८तन्न गेपुकी दा जौल लोत्र कली थमा सुइक्नीनी। मेको नेल्ल मोशा बाक्नीम। १गेपुकीम सुइ पाइनीनी, मुर साइक्नीनी, मुर आन मीश नु इप्नीनी, जौल पा कसम जाइनीनी, बाल देवता कली पूजा पाइनीनी नु इन मतुइशो देवी देवता आन नोल खोइक्नीनी। होस ४ :२ १०मो हना यो आं डोंइती आं नें बाक्शो खिम राष्ठा बाक्नीनी। आं डोंइती राष्ठा थो रिम्शो बाक्नीकी? देनीनी। मेकर रे लेशशा इन गरांगरा दिचा डा गेय लेशा पाइनीनी। ११मार, आं नेमी बाक्शो आं खिं इन डोंइती रोइक्व आन बाक्तीक खिं दुम्म? गो यो इन कली कोवना कोवत्रन बाक्नुड। मती २१ :१३ १२मुल आं बाक्तीक शिलो लने। गो मेकर डोंइती आं नेमी बाक्तीक सेल्शो नड। मिनु गो इसराएल डा मुर आन कली आं अरेशो मटितीक मार पदु? मेकर लशा कोवडीन। यहोसु १८ :१; १सामुएल ४ :४,१२; मजन संगरह ७८ :६० १३मिनु गेपुकीम एको नेल्ल पना पन बाक्नीनु, गो इन कली गेना हना यो लोत्र पाता। तन्न गेपुकीम मननी। गो इन कली बरत्ताक्नी, तन्न गेपुकीम लोत्र मलेत्तीनी। यरमीया २५ :३; यसैया ६५ :१२ १४मोपतीक गो मेको आं नेम सल्शो खिं कली नु इन किकी पिपी नु इन कली गेशा रागी कली शिलो खोदंशो सल्लुड। गो मेको खिं कली थमा सुइक्तीनी। १५ मिनु गो इन कली आं डोंइती रे गरुइनन्नी। गो इन कली, इन लोक्व एफराइम आ आल नेल्ल आन कली खोदंशो पा खरनन्नी” दे परमपरभु यावेमी देत। २राजा १७ :१८,२०,२३

१६परमपरभु यावेम आं कली “गे मेको मुर आन पर्वम मपुनो। मेको मुर आन पर्वम मारइ मपुनो। मेको आन पर्वम आं कली लोत्र मपावो। मारदे हना गो इ पुइशो मननुड। यरमीया ११ :१४; यरमीया १४ :११; यरमीया ३७ :३; यरमीया ४२ :२; परस्थान ३२ :१-११; १सामुएल १२ :२३ १७गे मेको यहूदा डा सहर नु यरुसलेम डा लां मेर पशो मतवी? यरमीया १९ :१३; यरमीया ४४ :१७-१९; यसैया ६ :५,११ १८मेको आन आलपुकीम शो खुनीम। आन आफपुकीम मी सुइक्नीम। मिनु मीश मुरपुकीम सरीड डा पिपीम कली बटुक चोचा कली फस नीनीम। अरु देवी देवता आन कली तूचा थोत्रक चदेनीम। आं कली

गाइक्पाइक्वा कली मो पाइनीम। ११ मिनु मार, मेकोपुकीमी आं कली गाइक्पाइक्वा कली मो पशो मनमी डा? मिनु मार, मेकोपुकीमी श्येत जचा कली मो पशो मनमी डा?” देत २०मोपतीक परमपरभु, परमपरभु यावेम “आं गाइशो नु आं चुरशो मेकर मोइक्वा माल्ब। मुर, बी व्यफ, क्यारश भडा, रू डा रवा नु रागी डा मारइ मारइ आन तारी मोइक्वा माल्ब। मेको मोकप्व मीम नेल्ल दाक्व” दे परमपरभु यावेमी देत।

११मिनु मुर नेल्ल आन परमपरभु यावे, इसराएली आन परमपरभुमी मार देत देशा हना “इन चोशा चदेतीकम क्यारशा चदेतीक तम्दीन। मिनु मेको श्ये व्वने। १सामुएल १५ :२२; मजन संगरह ५० :७-१५; होस ८ :१३; मीका ६ :६-८ २२मारदे हना इन किकी पिपी आन कली इजीप्त रे गरुइशा चाक्शो नाक्ती, गो मेको आन कली चोशा चदेतीक नु क्यारशा चदेतीक आ पर्वम लोत्र मपड। मिनु मेको आन कली मअरडमी। २३तन्न गो मेको आन कली मार अरतीक का गेतामी देशा हना “आं देशो टिन। मिनु गो इन परमपरभु नड। मिनु गे आं मुर दुम्नीनी। गो इन कली तेको लां लचा, दे अरनुडा, मेको लां गाक्कीन। मो पाइतीनी हना, इन कली रिम्शो दुम्ब” देती। यरमीया ११ :४; यरमीया २४ :७; यरमीया ३० :२२; यरमीया ३१ :१,३३; यरमीया ३२ :३८; लेवी २६ :१२; इजीकीएल ११ :२०; इजीकीएल १४ :११; इजीकीएल ३४ :३०; इजीकीएल ३७ :२७ २४तन्न मेकोपुकीमी आं अरेशो मटीम। आं लोत्र मननेम। मेको आन सक्टा थुं डा मरिम्शो पतीकमी आंम दला दाक्स पाम्तेकम। आन ची हिरताकम, आं कुल गे मेकोवयीमी। यरमीया ११ :८; यसैया ६५ :२ २५ इन किकी पिपी इजीप्त रे गरुशा जाक्मा रे मुल सम्म नाक्त कित कित आं गेय पाइब, आं लोत्र पाइब नेल्ल आन कली मेको आन बाक्तीके सोइक्ताक्डमी। यरमीया २५ :४ २६तन्न मेकोपुकीमी आं लोत्र मननेम। आं लोत्रमी आन नोफा मदाइक्तेम। मटीब ला दुम्तेकम। मिनु मेकोपुकीमी आन किकी पिपी आन क्येडा यो शुश मरिम्शो पाम्तेकम। यरमीया १६ :१२

२७मिनु गे मेको आन कली एको लोत्र नेल्ल देचा माल्लेवे। तन्न मेकोपुकीमी इ लोत्र मननीम। गे मेको आन कली बरत्तीनु, यो मेकोपुकीमी इ लोत्र मलेत्तीम। २८गे मेको आन कली एको परमपरभु यावे, आन परमपरभु आ

लोत्र मटीब रागी डा मुर बाकनीम। सजाइ तास्तेकम हना यो, मरुबम। मिनु मेको आ पचा माल्ब देशो मपाम। थमा लोत्र जास्त। मेकोपुकीम जोल ला पाइनीम। यरमीया ५ :१ २९ गे इ चां परेकशा ताइकतो। मिनु गोरशा डांडा मर रांका पा गाक्को। मारदे हना परमपरभु यावेमी आ कली गाइकपाइक्व आन पाला डा मुर आन कली परांइशा तिल्लु देना” देत। मीका १ :३६

मुर साइक्तीक बंसी

३० परमपरभु यावेम “यहूदा डा मुरपुकीम आं डांइती मरिम्शो पशो बाकनीम। मेकोपुकीमी आं नंम सेल्शा खिम आन गरांगरा दिशो थोत्रक वोइक्तेकम। मोपा आं खिं गरांगरा दिशो दुस्त। यरमीया ३४ :३२ ; २ राजा २१ :४-५ ३१ मिनु मेकोपुकीमी तोफथम आन थान सेल्लेकम। मेको हिन्नाम आ तो आ बंसी बाक्व। मेकेर आंम तमी तो आन कली मीम चोशा चदेस्तेकम। गो मोदंशो गेनायो ममिस्तु, मेको आन कली यो मअरडमी। यरमीया १९ :५-७ ; यरमीया ३२ :३६ ; लेवी १८ :२१ ३२ मोपतीक होस पा बाक्कीन। मेको बंसी कली तोफथ नु हिन्नाम आ तो आ बंसी देचा परांइनीम। शुश नाक्त् रिम्चा ममाल्लीनी। तन्न मुर साइक्तीक बंसी, देनं वोइक्नीम। मारदे हना तोफथमी आन बेक्शो मुर मरिक्थरी थिम्नीम। यरमीया १९ :६ ३३ मिनु मेको मुर आन बेक्शो रां सरीड डा चिक्वपुकी नु रागी डा जन्तु आन कली ब्वतीक दुम्ब। मेको आन कली हिंच कांइशा, पराकपाइक्व सुइ मबाक्नीम। यरमीया ९ :२१ ३४ मिनु गो यहूदा डा सहर नु यरूसलेम डा लां र थुं नाइशशा बाक्तीक, ग्यरशो संदा नु ग्युम्वी ग्युम्वे आन संदा क्याम्नुड। मारदे हना रागी मुर मबाक्तीक दुम्ब” दे परमपरभु यावेमी देत। यरमीया १६ :९ ; यरमीया २५ :१० ; यरमीया ३३ :११

“मारइ मारइ मोशा दुम्नीम” देशो

१ परमपरभु यावेम “मेना यहूदा डा पिप आन ८ रुश, सरकार आ गेय पाइब आन रुश, चदेब आन रुश, परमपरभु यावे आ लोत्र पाइब आन रुश नु यरूसलेममी बाक्व मुर आन रुश मेको आन तुरस रे याक्नीम। २ मिनु मेको रुश नेल्ल, नां, तास्त्ला नु सोरुल आन डांइती फरचा माल्लीम। मारदे हना मेको मुरपुकीमी मेको आन कली गेय पा शुश दाक्ताकम। मेको आन नोले खोइक्व

दुस्तेकम। मेको आन कली लां कांइब सेल्शा पूजा पास्तेकम। मेको रुश आन कली सुप्शा थिम्चा मदुम्ब। मेको खप कली मोत्रल दुम्चा माल्लीम। ब्यवस्था ४ :१९ ३ एको मरिम्शो खिं डा तीशो मुर नेल्लमी, ते पराकपाइक्तामी हना यो, मार देनीम देशा हना गो बरांइचा क्येडा यो बेक्चा दाक्नीकी” देनीम” दे मुर नेल्ल आन परमपरभु यावेमी देत।

पाप कली सजाइ

४ गे मेको आन कली परमपरभु यावेमी मार देत, देशा हना “मुरपुकी गोल्लीमी। मिनु मार, मेको लंशा मबाक्नीमी डा ? मिनु सुइ लां जाम्शा ग्युरा पेरा गे लमानु, मेकोपुकी लेशशा मजाक्नीमी डा ? ५ मो हना यो एको मुरपुकी मारदे ची हिरशा गाक्मा ? मारदे मेको नोले शांइसीना सीन बाक्नीमी ? आन मरिम्शो पतीके मपरांइथु, लेशशा जाक्ने मबिल्लीम। ६ गो, आं नोफा दाइशशा नंनुनु, मेकोपुकीम आं कली ठीक लोत्र मपाइनीम। आन मटिशो आ परबम माफ मपुंइनीम। मेकोपुकीमी ‘गो मरिम्शो पाता’ मदेनीम। नेल्ल आन दला दाक्स पाइनीम। मेकोपुकी शारा खोदंशो पा लडाइम दोरनीम। ७ सरीडम बेरब सारसम आ लची ना नु लेत्ची ना तुइक्व। मिनु दुकुर, बेल्लुम नु बोकुला आन लची ना नु लेत्ची ना तुइक्नीम। तन्न आं मुरपुकीमी आंम परमपरभु यावे आ देशो पतीक लोत्र मतुइक्नीम। यसेया १ :३

८ मिनु गेपुकीम दोपा गो जोक्व तुइक्व बाक्नीकी। मिनु परमपरभु यावे आ अरशो लोत्र गो नु बाक्व” देनं चान्नीनी ? थमा पा देशा हना, सास्तरी आन जोल पा बरेक्शोम मेको आन कली जोल सेल्शा बाक्व। सास्तरी बरेक्चा जोक्व मुर बाक्नीम ९ जोक्व तुइक्व मुरपुकी मुने तोक्चा पुंइसीनीम। मेकोपुकी हिनीम। मेकोपुकी लाइक्चा पुंइसीनीम। मारदे हना मेकोपुकी परमपरभु यावे आ लोत्र मटीनीम। मेको आन जोक्तीक तुइक्तीक मार बाक्म माइ ? १० मोपतीके गो मेको आन मीश अरु आन कली नु मेको आन रू लडाइ गराब आन कली गेनुडमी। नेल्ल क्येडा आइक्च मुर रे नेल्ल क्येडा ठेयब सम्म ठीक पा मचेम्शो क्येट तचा कली शिम बाक्नीम। परमपरभु यावे आ लोत्र पाइब रे चदेब सम्म नेल्ल जोल पाइब दुम्शो बाक्नीम। यरमीया ६ :१३-१५ ; यसेया ५६ :११ ११ मेकोपुकीमी आं मुर आन कली ममिम्थु, आन

गार सापाइक्खु पशो बाक्नीम। मेकोपुकीमी थुं नाइक्तीक मबाक्त्त हना यो 'नाइसीन, नाइसीन' दंनीम। १२मेकोपुकीमी मुन दोकचा डा गेय पाम्तेक्कम। गरांगरा दिशो गेय पाम्तेक्कम। तन्न मेकोपुकी मुने मदोक्कम। मुनम लल जिचा दंशो मार, बाक्बा, दे मतुइक्तेम। मोपतीक साइक्चा पुंडसीशो आन दातमी साइक्चा पुंडसीनीम। गो मेको आन कली सजाइ गेनुड। मिनु मेको खतम दुम्नीम" दे परमपरभु यावेमी दंत। १३परमपरभु यावेम "गो, अडगुर सेक्नुड देडानु बोटम अडगुर मबाक्कम। फोत्रशो खाम फोत्रशो मबाक्कम। मेको आन सफा यो सोत्रतेक्कम। मेकोपुकी आं गेशो यो रोइक्चा पुंडसीनीम" दे परमपरभु यावेमी दंत।

१४मुखी "गो मारदे एकेर निश्शा बाक्क्या। मुर आन कली पुक्शा, गो गारो हिरशो सहर आ आगा मेर परोक्क्या। मिनु मेकेरन बेक्क्या। मारदे हना परमपरभु इं परमपरभु यावेम इं कली बेक्पाइक्चा कली साइश्शो बाक्ब। मिनु इं कली बीस व्वाइश्शो व्वाक्कु त्चा गेप्तु। मारदे हना गो परमपरभु यावे कली पाप पाइतय। यरमीया १:१४ १५गोपुकीमी थुं नाइश्शा बाक्तीक आस पाइतय। तन्न मारदे रिम्शो मदुम। साचा आ पर्वम रिम्ताक्क्या। तन्न शुश हिंतीक ला दुम्त" दंतक्कम। यरमीया १४:१९

१६मिनु "दान रे जोरी सतरु आन शारा आन सांव सांव पशो नंसाक्ब। मेको आन शारा आन गरीशो आ पर्वम रागी नल्ल खिरंखिर पाइब। मेकोपुकी रागी नु मेकेर बाक्शा मारदे मारदे, सहर नु मेकेर बाक्ब नल्ल आन कली दाक्चा कली जाक्शा बाक्नीम। यरमीया ४:१५ १७कोत्रडीन, गो इन दातेम बीस पाइश्शो बुस्सपुकी सोइक्नुडमी। मेको बुस्स आन कली मारदे मन्तर तन्तर मराइब। मिनु मेकोपुकीमी इन कली कोक्नीम" दे परमपरभु यावेम दंत।

१६मिनु "गो आं ग्येरसीतीक नल्ल जाम्त। गो आं थुं स्वाइक्ती। यरमीया ४:१९ १९ श्येत जशो आं मुर आन डाक्शो नेनीन। डोन रागी रे नेनीन। मार, परमपरभु यावे सियोनम मबाक्शो बाक्बा डा? मेको आ पिप मेकेर मबाक्शो बाक्बा? मारदे मेकोपुकीमी आं कली आन मूर्ति नु आन शोर गाक्शा अर्का रागी डा देवी देवता आन पर्वम गाइक्पाइय्यीमी? २०बाली नाली रिक्ची ना लाक्तु। बर्सा नुप्त। मो हना यो इं श्येत रे बरोइची ना मजा। २१आं श्येत जशो मुर आ पर्वम गो रोंका पा थुं स्वाइक्ती। २२मिनु गिलादमी

मारदे खरक्तीक मबाक्बा? मार, मेकेर इ कली ओख्ती पाइब मबाक्बा? मारदे आं श्येत जशो मुर मसामा?" दंत। यरमीया ४६:११

परमपरभुमी लोत्र पशो

१परमपरभुमी "आं पिया व्वाक्कु बुक्तीक दुम्शो हना, नु आं मिक्ची परक्कु बुक्तीक दुम्शो हना, गो नाक्दो नाक्ती डाक्ड वा। श्येत जशो साइश्शो आं मुर आन पर्वम डाक्ड वा। यरमीया १३:१७; लूका १९:४१ २गोरशो रागीम मुर आन कली बास बाक्तीक बाक्शो हना, गो आं मुर आन कली परोइशा, मेकेर लशा बाक्ड वा। मिनु मेको आन रे डोन लड वा। मारदे हना मेको नल्ल आन नाता खरोइश्शा अरु नु इक्नीम। मेको नल्ल मरिम्शो हुल का बाक्नीम। ३मेकोपुकीम जोल पस ला जोक्नीम। मोपा जोल पतीकमी रागी डा ठेयब मुर दुम्तेक्कम। थमा लोत्र पतीकमी ममाइ। मेकोपुकी मरिम्शो पशो का रे अर्का मरिम्शो पाइनीम। मिनु आं कली मतुइक्नीम। यरमीया ५:१

४आंम नक्था डा मुरपुकी रे होस पा बाक्कीन। आंम लोक्ब आन कली यो थमा मसुतीन। मारदे हना इन लोक्ब नल्ल मिक्च सिल्ब बाक्नीम। मिनु इन नक्था डा मुरपुकी हिरशा, इन पर्वम जोल पा दोस गेना गन बाक्नीम। यरमीया १२:६; बजन संगरह ४१:१०; मीका ७:५-६ ५मेको नल्लेम आन नक्था डा मुर आन कली जोल पाइनीम। सुइमी थमा लोत्र मपाइनीम। मेकोपुकीम जोल पचा शंसीशो बाक्नीम। मेकोपुकीम मरिम्शो ला पाइनीम। ६मेकेर दिम्मुतीक नु जोल पमुतीक ला बाक्ब। मेकोपुकीमी आं कली तुइक्चा मदक्नीम" दे परमपरभुमी यावे, मुर नल्ल आन परमपरभुमी दंत। ७मोपतीक मुर नल्ल आन परमपरभु यावेम "गो मेको आन कली यपाइश्शा नाक्नुडमी। पाप पाइब आं मुर आन कली गो अरु मार पने चान्नुडा डा? ८मेको आन लें बीस पाइश्शो बरा खोदेशो बाक्ब। मेकोपुकीम जोल लोत्र ला पाइनीम। मुर नल्लेम आन नक्था डा मुर नु रिम्शो लोत्र पखु पाइनीम। तन्न आन थुंमी दोपा मेको कली व्वारद दाइक्चा, दे मिन्नीम। बजन संगरह १२:३ ३मार, मोदेशो पशो आ पर्वम गो मेको आन कली सजाइ मगेनुडमी? ओदेशो रागी डा मुर आन कली गो सजाइ गेचा माल्लुड" दे परमपरभु यावेम दंत। यरमीया ५:९,२९

१०गे डांडा आन पर्वम डाक्शा रोंका पने। मिनु गोरशो रागी डा योत्रतीक आन पर्वम बिलाना पने। मेको गोरशो सत्त्थो बाक्नीम। मेकर सुइ मगाक्नीम। मिनु मेकर बी ब्यफ क्यारश भडा आन गरीशो मनंसीब। सरीड डा चिक्व नु जन्तु नेल्ल परोक्शा ताम्तेक्म। यरमीया ४ :२५ ; यरमीया १२ :४ ११गो यरूसलेम कली खिं बरेशशा देल्लोक् सत्नुड। सिवार आन बाक्तीक सत्नुड। गो यहूदा डा सहर आन कली मुर मबाक्तीक सत्नुडमी। मिनु मेकर सुइ मबाक्नीम। यरमीया २६ :३८

१२मेको लोत्र रुप्ना कली जोक्व तुइक्व सु बाक्वा डा ? परमपरभु यावेम सु कली लोत्र पवा, मेकोमी एको शंन चाप्व। मारदे मेको रागीम बरेशशो खिं ला बाक्नीमी ? मारदे मेको मुर मबाक्तीके खोदंशो दुम्शा, सुइ लने मचाप्वा डा पा, श्येत्य दुम्शा बाक्वा ? लूका १९ :४२ १३मारदे हना मेकोपुकीमी आन डांडती वोइशशो आं अरेशो लोत्र परांडतेक्म। आं दंशो मटिथु आन दला दाक्स पाम्तेक्म। १४मेको आन खकटा थुंमी आन दला दाक्स पा बाल देवता आ नाले खोइक्तेक्म। मेको आन किकी पिपी शंशो लाम गाक्तेक्म। यरमीया ७ :२४ १५मोपतीक परमपरभु यावे, मुर नेल्ल आन परमपरभु, इसराएली आन परमपरभुमी “गो एको मुर आन कली कशो थोत्रक उम्नुडमी। मिनु तूचा कली बीस ब्वाइशशो ब्वाक्कु तूपाइक्नुडमी। यरमीया २३ :१५ ; यरमीया ८ :१४ १६गो मेको आन कली रागी रागी डा मुर आन दातेमी फराइनुडमी। मेकर आन मतुइशशो नु आन किकी पिपी आन मतुइशशो मुर बाक्नीम। मिनु गो मेको आन कली मसदुमी सम्म मेको आन नोनोले तरवार सोइक्नुड” देत। लेवी २६ :३३

१७मिनु मुर नेल्ल आन परमपरभु यावेमी “मुल मिम्तीन। रोंका पाइब मीश मुर आन कली बरेतीन। मेको आन दाते डा नेल्ल क्येडा रोंका पस जोक्व कली बरेत्थ सोइक्तीन” देत १८मेकोपुकीमी “रीब पा जाकमल। मिनु आंइ पर्वम रोंका पामेक्ल। इं मिक्च नेल्ल परेक्कु मदुम सम्म नु इं मिक्च आ पारला रे ब्वाक्कु खोदंशो पा परेक्कु मदोक्म सम्म, मेकोपुकीमी रोंका पामेक्ल। १९सियोन रे रोंका पशो नंसाक्व। गोपुकी सतम दुम्तय। गोपुकी मुनेम सुम्मीशो बाक्नय। गोपुकीमी आंइ रागी परांइचा माल्नीकी। मारदे हना मेकोपुकीमी आंइ खिं परेक्तेक्म” देतेक्म।

२०मिनु गे मीश मुरपुकी परमपरभु यावे आ लोत्र नेनीन। मेको आ लोत्र नंचा कली इन नोफा दाइक्तीन। इन तमी आन कली रोंका पचा शंदीन। आंम नेक्था डा मुर नु रोंका पतीक शंमुने। २१बेक्पाइक्व झेल रे डाइशशा आंइ बाक्तीकम ओत्रत। मेको आंइ आल आन कली लां रे नु आंइ ठिटा आन कली बुक्शा बाक्तीक रे साइक्वा कली जाक्त। २२परमपरभु यावेमी “गो मुर आन कली मोदंशो लोत्र पावो ‘मुर आन बेक्शो रों रूम मोवले खोदंशो पा दाक्नीम। अन्न सुप्ब मुर आन नाले परांइशो अन्न खोदंशो पा, गोत्था लीशो बाक्नीम। मिनु मेको आन कली सुइम सिला मपाइनीम’ दनो” देत। यरमीया ७ :३३ ; यरमीया १४ :१६ ; यरमीया १६ :४ ; यरमीया २५ :३३ ; भजन संग्रह ७९ :२

### मार आ पर्वम नें बोरपाइक्वा

२३परमपरभु यावेम “जोक्व तुइक्व मुरपुकी आन जोक्तीक तुइक्तीक आ पर्वम ठेयब मलेम्मल। सक्ति पाइशशो मुरपुकी आन सक्ति आ पर्वम ठेयब मलेम्मल। शुश शांप पाइशशो मुरपुकी आन शुश शांपोम ठेयब मलेम्मल। २४तन्न सु ठेयब लेत्नीमी, मेकोपुकीमी ‘गो परमपरभु यावे कली तुइक्नुड’ दमल ‘मेको थमा पा परमपरभु यावे बाक्व, दे तुइक्नुड, दे नें बोरपाइक्ने चाप्नीम। परमपरभु यावेमी रागी कली शिशो पाइब, ठीक निसाफ नु ठीक पाइब बाक्व’ दमल। मारदे हना मेको आं दाक्शा बाक्व, दे ग्यरसीनुड” दे परमपरभु यावेम देत। १कोरिन्थी १ :३१ ; २कोरिन्थी १० :१७

### चिनु मखरोइशशो खोदंशो दुम्शा

२५ परमपरभु यावेम “रॉम ला खरोइक्तीक चिनु खरोइशशो मुर आन गरुम्तीक नाक्ती थमा पा जाक्व। २६गो इजीप्त, यहूदा, एदोम, अम्मोन, मोआब नु गोरशो रागीम बाक्व, आन चां एर आंथ खरोइक्व मुर नेल्ल आन कली गरुम्नुड। मारदे हना मेको नेल्ल खरोइक्तीक चिनु मखरोइशशो बाक्नीम। मिनु इसराएल आ खिं डा मुर नेल्ल यो आन थुंम खरोइक्तीक चिनु मखरोइशशो बाक्नीम” देत। लेवी १९ :२७ ; यरमीया ४ :४ ; लेवी २६ :४१ ; व्यवस्था ३० :६

### परमपरभु नु मूर्ति

१गे इसराएल आ खिं डा मुरपुकी, परमपरभु यावेम इन कली मार, दम, मेको नेनीन।

२ परमपरभु यावेम “रागी रागी डा मुर आन पतीक मशंसीने। सरीड डा चिन्ड तशा, महिनीन। रागी रागी डा मुरपुकी मेको तशा हिंनीम। परस्थान २३ :२४ ; २राजा २१ :६ ३ मारदे हना जात जात डा मुर आन पतीक जोल बाक्व। मेकोपुकीमी ब्याकी डा रवा का तिम्नीम। मिनु शी के मार, मार, सल्ब जोक्वमी मुशा मूर्ति सल्नीम। यसेया ४४ :१३-१७ ४ मिनु मुरपुकीमी, मेको कली सुन नु चांदीम गिल्लीम। मिनु मेको महिम्सैक्ल दे घनमी कांटी थोक्नीम। मिनु मेको महिम्सीव। ५ मेको आन मूर्ति वोबीस रुम वोइश्शो खरच खोदंशो बाक्नीम। मेको ब्याक्ने मचान्नीम। मेको आन कली कुरचा माल्लीम। मारदे हना मेकोपुकी गाक्ने मचान्नीम। मेको तशा महिनीन। मारदे हना मेकोपुकीमी मारदे रिम्शा पने मचान्नीम। मारदे रिम्शा यो पने मचान्नीम” देत। भजन संगरह ११५ :७ ; यसेया ४६ :७

६ परमपरभु यावे, इन खोदंशो सुइ मबाक्नीम। गे ठेयब बाक्नीनी। मिनु इन सक्तिमी इन नें ठेयब सल्तीनी। भजन संगरह ८६ :८ ७ गे रागी रागी डा पिप, इन कली सुम मान पा महिनीमी डा ? गे मान पाइक्वा शिरशो बाक्नीनी। रागी रागी डा मुर आन जोक्व तुइक्व नु मेको आन राज्य नल्लेमी इन खोदंशो सुइ मबाक्नीम।

८ मूर्ति आन शंतीक निप्स मपाइश्शो नु मूर्ख लोत्र बाक्व। मेको शी क्यंडा रिम्शा मबाक्व। ९ टारशीश र तुष्शो चांदी चाक्नीम। मिनु उफाज रागी र सुन चाक्नीम। मेको मार मार सल्लस जोक्व नु सुन चम्बपुकी आन गेय बाक्व। मिनु मेको आन कली नीलो नु प्याजी रड डा वा फेक्पाइक्नीम। मेको नेल्ल मार मार सल्लस जोक्व मुर आन गेय बाक्नीम। १० तन्न परमपरभु यावे थमा डा परमपरभु बाक्व। मेको बरोइशा बाक्व परमपरभु नु गेना हना यो लोत्र पिप बाक्व। मेको गाइक्तानु, रागीम खिरनु कुइव। मिनु रागी रागी डा मुरपुकीम मेको आ गाइश्शो फाल्ले मचान्नीम। यरमीया ५ :२

११ गे मेको आन कली “मेको सरीड नु रागी मसल्ब देवी देवता रागी नु सरीड आगा र क्याम्चा पुंडसीनीम। १२ तन्न मेकोमी आ सक्तिमी रागी सल्लु। मेकोमी आ जोक्तीक तुइक्तीकमी रागी रागी कली वोइक्तु। मिनु मेकोमी आ रुप्तीकम सरीड पराक्तु। यरमीया ५१ :१५-१९ १३ मेकोमी लोत्र पवानु, सरीड र रेउ यीव। मेकोमी रागी आ सुर र गोस्स आन कली पोक्व। मेकोमी रेउ नु चिला पपाइक्व।

मिनु फश आ बाक्तीक र फश पपाइक्व। भजन संगरह १३५ :७ १४ मुर नेल्ल निप्स मपाइश्शो नु मारदे मतुइक्व बाक्नीम। सुन चम्ब नेल्ल आन मूर्तिम पतीक मुने दोक्नीम। मेको आन मूर्तिपुकी जोल बाक्नीम। मेको आन क सोक्त मबाक्व। यसेया ४५ :१६ १५ मेको शोर गाक्वा ला बाक्नीम। मुर आन मिम्शा ला बाक्नीम। मेको आन कली सजाइ गशोनु, जाम्नीम। १६ परमपरभु यावे, याक्व आ भाग बाक्व। मेको मारदे मारदे सल्ब बाक्व। मिनु इसराएल मेको आ शोप बाक्व। मेको आ नें मुर नेल्ल आन परमपरभु यावे बाक्व” देनो। ब्यवस्था ३२ :९

### सजाइ जाक्व देश

१७ गे पुम्चा पुंडसीशो सहर इ कुम्तो खप र गुपो। १८ मारदे हना परमपरभु यावेम “गो मेको रागी डा मुर आन कली ताइक्नुडमी। मेको आन कली शुश श्येत गेनुडमी। मिनु मेकोपुकीम तुइक्नीम” देत।

१९ आबी, तन्न आं गार आ पर्वम हिंती। आं गार मसाब। तन्न गो आंम कली “थमा पा, एको आं सजाइ बाक्व। गो एको फाल्ला माल्लुड” देती। २० आं ताम्बु बरत्त। मेको आ डोरी नेल्ल बरोइक्तेक्म। आं आलपुकी गाक्तेक्म। मुल मेकोपुकी मबाक्नीम। मुल आं ताम्बु कीशा गेव नु आं बाक्तीकम फारतीक वा वोइश्शा गेव सुइ मबाक्नीम। २१ गोठलापुकी निप्स मपाइश्शो बाक्नीम। मेकोपुकीमी परमपरभु यावे कली हिल्ला मपाइनीम। मापतीक मेकोपुकी रिम्शा मदुम्नीम। मेको आन वयारश मडा नेल्ल ब्रास्तेक्म। यरमीया २३ :१

२२ रेयंक का जाक्शो बाक्व। मेको नेनीन। उत्तर रागी र ठेयब ग्रांगेय माग्ये दुम्शो बाक्व। मेकोमी यहूदा इन सहरपुकी मुर मबाक्तीक सल्ब। मेको सिवार आन बाक्तीक दुम्नीम। यरमीया १ :१४

### यरमीया आ पुंडशो लोत्र

२३ परमपरभु यावे, मुर आन बरोइतीक आंम आन गुइम मबाक्व, गो मेको तुइक्नुड। बेक्शा लाइव मुरपुकीम आंम लां आंमा सल्ले मचान्नीम। हितापदेस १६ :९ २४ परमपरभु यावे, आं कली रिम्शा सल्ल्यीनी। तन्न ठीक निसाफ पतीकम ला रिम्शा सल्ल्यीनी। इन गाइक्तीकम ममाइ। मो दुम्त हना, गे आं कली साइक्नीनी। यरमीया ३० :११ ; यरमीया ४६ :२८ ; भजन संगरह ६ :२ ; हबकुक १ :१२

२५ इन कली मतुइक्व रागी रागी डा मुर नु इन नें थिचा मदाक्व जात जात डा मुर आन तार इन गाइक्तीक मातीन। मारदे हना मेकोपुकीमी याक्व कली नेक्शा दाक्शा पशा बाक्नीम। मेकोपुकीमी मेको कली थमा पा दाक्शा बाक्नीम। मिनु मेको आ बाक्तीक मुर मबाक्तीक सेल्शा बाक्नीम।

### कबल क्याम्शो

१ परमपरभु यावेम येरमीया कली, २ “गे एको कबल डा लोत्र नेनो। मिनु यहूदा डा मुरपुकी नु यरूसलेममी बाक्व आन कली लोत्र पावो। ३ गे मेको आन कली इस्राएली आन परमपरभु यावेम मार दंत देशा हना, सु सुमी एको कबल मखाप्नीमी, मेको सराप राइनीम। ब्यवस्था २७ :२६ ; ४ गो मेको कबल डा पचा माल्शो गेय इन किकी पिपी आन कली श्येत जतीक इजीप्त रागी रे गरुंडची ना अरेशो नडमी। गो मेको आन कली आं अरेशो यो टिने। इन कली अरेशो लोत्र नेल्ल पा आं मुर दुम्नीनी। मिनु गो इन परमपरभु दुम्नुड। येरमीया ७ :२३ ५ गो इन किकी पिपी आन कली दूध नु सुदो शुश बाक्शा रागी का गेनन्नी, दे कसम जशा सान्नुड। मिनु मेको रागी मुल इन अधिकारम बाक्व देनो” दंत। मिनु गो “परमपरभु यावे, मोदंशो दुम्त” दे लोत्र लेत्ताकड। परस्थान ३ :८

६ मिनु परमपरभु यावेम आं कली “यहूदा डा सहर नेल्लेम नु यरूसलेम डा लां मेर एको कबल डा लोत्र उरदी पा, मेको कबल डा लोत्र नंशा पने। ७ गो इन किकी पिपी आन कली इजीप्त रे परांइशा चाक्वुमी रे मुल सम्म “आं लोत्र टिन” दे अरना अरन बाक्ती। येरमीया २५ :४ ८ तन्न मेकोपुकीमी आन नोफा मदाइक्तेम। आं देशो लोत्र मटीम। मेको आ पा डा मेकोपुकीमी आन खकटा थुमी मरिम्शो पा काइ मटीम। गो मेको आन कली आं कबल डा लोत्र नेल्ल पने, दे अरता। तन्न मेको पने मबिस्सम” दंत। येरमीया ३ :१७ ; येरमीया ७ :२६ ; येरमीया १३ :१० ; येरमीया १८ :१२ ; ब्यवस्था २८ :१५-६८

९ मिनु परमपरभु यावेम आं कली “यहूदा डा मुरपुकी नु यरूसलेममी बाक्वपुकीम मरिम्शो पचा मिम्नीम। १० मेको आन किकी पिपी आन मरिम्शो पतीक गे लेशशा लाम्तेक्म। आं अरेशो मटीम। पाप गे लेशशा लाम्तेक्म। अरु देवी देवता आन कली पूजा पा, मेको आन नोले खोइक्तेक्म। गो मेको आन किकी पिपी नु पशा कबल इस्राएल आ सिं डा मुर नु

यहूदा आ सिं डा मुर नेल्लेमी क्याम्ताक्म” दंत। ११ मोपतीक परमपरभु यावेमी “गो थमा पा, मेको आन कली ठेयब श्येत गनुडमी। मिनु मेको रे परांक्न मचाप्नीम। आं कली पुंडतेक्म हना यो, गो मेको आन लोत्र मनंनुड। भजन संग्रह १८ :४२ ; यसेया १ :१५ ; इजीकीएल ८ :१८ १२ मिनु नोले यहूदा सहर डा मुरपुकी नु यरूसलेममी बाक्व मुरपुकीमी लशा, मेको आन पूजा पशा देवी देवता आन कली पुंडनीम। तन्न मेकोपुकीमी मेको आन कली आन श्येत रे गेनायो मप्रांइनीम। येरमीया २ :२८ ; ब्यवस्था ३२ :३७-३८ १३ यहूदा, इ के दोशो सहर बाक्मा, मोशो इ देवी देवता दुम्तेक्म। यरूसलेममी गिश लां बाक्मा, मीश मुन दोक्तीक बाल देवता कली चदेतीक सेल्लेक्म। १४ येरमीया, गे मेको जात डा मुर आन पर्वम मपुनो। मेको आन पर्वम डाक्शा परार्थना पा मपुनो। मारदे हना मेकोपुकी श्येत जामे ना मेको आन पुंडशा मनंनुड। येरमीया ७ :१६ १५ आं दाक्शा मुरपुकी आं सिं ओत्रचा मार अधिकार बाक्वा? मेको नेल्ल मरिम्शो पाइब बाक्नीम। आं कली चदेशो श्येम इन कली सजाइ गेतीक रे तेक्ने चाप्या डा? मिनु गे ग्यरने चाप्नीनी” दे परमपरभु यावेमी दंत। रोमी ११ :२८ ; होसे ८ :१३ १६ परमपरभु यावेम इन कली रिम्शो फल सिप्व दारशा गिगी तेल रवा, दे नें वोइक्तु। तन्न मेकोम ठेयब फश गिवार पपाइशशा, मेको कली मी सुइक्व। मिनु मेकोम आ राशी आन कली दाक्व। १७ मुर नेल्ल आन परमपरभु यावेम इन कली खरुम्तु। मिनु मेकोमी इन कली मरिम्शो पचशो बाक्व। मारदे हना इस्राएल आ सिं डा मुर नु यहूदा आ सिं डा मुस्म मरिम्शो पाम्तेक्म। परमपरभुमी “मेकोपुकीमी बाल देवता कली मार मार चदेशो आं कली गाइक्पाइक्तीमी” दंत।

### येरमीया कली साइक्वा माल्शो

१८ परमपरभु यावेम आं कली मेको मुरपुकीम मार पचा माल्शो बाक्मा, मेको काइशा तुइक्पाइक्ती। गे आं कली, आन मरिम्शो पचशो कांइताक्थीनी। १९ गो साइक्वा कली लाइशशा मारइ पने मचाप्य पाठा का खोदंशो बाक्ती। मेकोपुकीमी आं पर्वम “एको रवा कली आ फल सुन्दा तिम्य। एको कली ब्रांइशा बाक्व आन रागी रे क्यारशा ताइक्तय। मिनु एको आ नें गेनायो ममिम्सक्ल” देशा मरिम्शो पशा गो मतुइक्तु। यसेया ५३ :७ २० तन्न गे, मुर नेल्ल

आन परमपरभु यावे, ठीक पा निसाफ पाइनीनी । मिनु थुं नु सोक्त नाक्शा कोवनीनी । गेमी मेको आन कली क्येक्क लेश्शो गो कोवचा तडल । मारदे हना गो इन कली आं निसाफ पतीक जिम्मा गेशो बाक्नुड । भजन संगरह ७ : १० ; यरमीया १७ : १० ; यरमीया २० : १२

११ मोपतीक आं कली साइक्चा माल्व अनाथोथ डा मुर आन पर्वम परमपरभु यावम “मेको मुरपुकीम इ कली परमपरभु यावे आनेमी लोव्र मपावो । लोव्र पाप्तीवी हना, गे आंइ गुइ रे बेक्नवे” देनीम । यरमीया १ : १ २२ मोपतीक मुर नेल्ल आन परमपरभु यावम गो मेको आन कली सजाइ गेनुडमी । मेको आन ठिटा मुरपुकी तखारम क्योरशा साइक्चा पुंडसीनीम । मिनु मेको आन तमी तौ चहिं अन्कालम बेक्नीम । २३ मेकोपुकी सुइ मबरांइनीम । मारदे हना मेको आन कली सजाइ गेतीक बर्सम गो अनाथोथ डा मुर आन तार टेयब श्येत चाक्नुड” देशो बाक्व ।

यरमीयामी लोव्र पशो

१ परमपरभु यावे, गो इन कली दोस गेता **१२** हना, गे ठीक पाइब बाक्नीनी । तन्न गो आं निसाफ इन डंडती वोइक्नुड । दोस ताइवपुकी मारदे सोशा बोशा लाइनीमी ? थमा मसुइक्व मुर मारदे रिम्शो दुम्ना दुम्न बाक्नीमी ? भजन संगरह ७३ : ३ २ गो मेको आन कली खरुम्तीनी । मिनु मेकोपुकीमी शाक्श थोक्शा, बारशा, फल गेनीम । मेको आन लोव्रम ला इन नेक्था बाक्नीम । तन्न मेको आन थुंमी इन क्येडा डोन बाक्नीम । ३ गो हना यो परमपरभु यावे, गे आं कली तुइक्नीनी । गे आं कली कोवशा, नाक्नीनी । आं थुं गे नु बाक्व । मेको आन कली साइक्चा कली लाइशो भेडा खोदंशो पा, कीशा लतीन । मिनु साइक्तीक नाक्त कली तिल्शा वोतीन । भजन संगरह १३९ : १ ४ रागीम गेना सम्म रोंका पाइबा ? मिनु रू डा घांस गेना सम्म सोल सुल बेक्नीमी ? मेकर बाक्वपुकीम परमपरभु यावे आ अरेशो लोव्र मट्तीके, मेकर डा जन्तु नु चिक्व नेल्ल बेक्तेक्म । मोपा मेकोपुकीमी “आंइ कली मार, दुम्शो बाक्वा, मेकोमी मारइ मतुइक्व” देनीम । यरमीया ९ : ९

परमपरभुम लोव्र लेश्शो

५ परमपरभु यावेम “गे दोरब मुरपुकी नु दोरते हना, मेकोपुकीमी इ कली दपाइक्तेक्मी हना, गे शारा नु दोपा दोरने चानवे ? गे मारइ

मदुम्तीकेमी गोल्ते हना, यर्दन सोला डा ब्वाकीम मार पाइनेवे ? ६ इ लोक्वपुकी नु इ खिं डा मुरपुकीमी इ कली मरिम्शो पाम्तेक्म हना, मेकोपुकी इ पर्वम टेयब संदा पा रयक पा जाक्नीम । मेकोपुकीमी गे नु रिम्शो लोव्र पाम्तेक्म हना यो, मेको आन कली थमा मसुइक्मी ।

७ गो आं खिं प्रोइता । आं थेरशो रू प्रोइता । मिनु आं दाक्शा कली आ जोरी सतरु आन गुइमी गेता । ८ आ थेरशो रू ब्वाकी डा गुप्स खोदंशो दुम्त । मेको आं कली कोवशा गरीब । मोपतीक गो मेको कली काइ मदाक्नुड । ९ मार, मेको सिवार आं थेरशो रू तशा गेह पाइबा डा ? आं डंडती छिर छिर पाइशो सिखारी चिक्व खोदंशो मदुम डा ? मेको कली अर्को सिखारी चिक्वपुकीम पुम्शा राम्शी तोवमेक्ल । लावो, लशा ब्वाकी डा जन्तु नेल्ल आन कली पुक्मी । मिनु मेको कली व्वापाइक्चा कली चाक्मी । यसैया ५६ : ९ १० शुश गोठलापुकीम आं अडगुर रू खतम सेल्लेक्म । मेकोपुकीमी आं भाग दिम्शा ताइशो पाम्तेक्म । मेकोपुकीमी आं दारशो भाग कली गोरशो रागी खोदंशो पा मुर मबाक्तीक सेल्लेक्म । यरमीया ६ : ३ ११ मेकोपुकीम रागी गोरशो सेल्लेक्म । मेको रागी कली आं डंडती सोव्रशो नु सुइ मबाक्तीक सेल्लेक्म । रागी नेल्ल गोरशो सेल्लेक्म । मिनु सुइ आन थुं मखाइ” देत । १२ गोरशो रागी डा डोडा मर नेल्ल श्येत्य पोक्वपुकी कराक्थरी चोक्थरी पा जाक्शा बाक्नीम । मारदे हना परमपरभु यावे आ तरवारम रागी आ मुर का रे अर्को मुर सम्म क्योरब । मिनु सुइ मबरांइनीम । १३ मेकोपुकीमी चेरब शाक्नीम । मिनु चू सिप्पाइक्नीम । मेकोपुकीमी श्येत पा गेय पाइनीम, तन्न नेल्ल शोर गाक्व । मोपतीक मेको आन खरुम्शा मुने दोक्शा आंमा फाल्मेक्ल । मारदे हना परमपरभु यावे आ टेयब पा गाइशो इन तार जुक्शो बाक्व । होसे ८ : ७

१४ परमपरभु यावेमी आं कली मरिम्शो पाइब आं नेक्था डा मुर आन पर्वम “गो आं मुर इसराएली आन कली गेशो, मेको आन किकी पिपी आन शांप रोइशो बाक्नीम । मोपतीक गो मेको आन कली आन रागी रे तुल्शा ताइक्नुडमी । मिनु गो यहूदा आ खिं डा आ मुर आन कली मेको आन दाते रे तिल्लुडमी । १५ तन्न गो मेको आन कली तुलुमी नोले लेंशा शिशी पाइक्नुडमी । मिनु मेको नेल्ल आन कली आन आन किकी पिपी आन शांप गेशो, आन

रागीम लेंशा चाक्नुडमी। १६मिनु मेकोपुकीमी मोपा बाल आ नॅम कसम जास्तेकम, मोपा आं मुर आन लां थमा पा शंताकम हना, मेकोपुकीम परमपरभु यावे बरांडशा बाक्शो खोंदंशो पा, आं नॅम कसम जाइनीम। आं मुर आन पतीक रिम्शो पा शंसाकम हना, मेकोपुकी आं मुर आन दातेमी बाक्चा ताइनीम। व्यवस्था ६:१८; यरमीया ४:२ १७तन्न तेकोइ जात डा मुरुम मेको लोत्र मनंतकम हना, गो मेको आन कली तुल्शा ताइक्नुडमी” द परमपरभु यावेम देशो बाक्ब।

सुती के धोती

१ परमपरभु यावेम आं कली “लशा सुती के धोती का ग्यापो। मिनु मेको पांडसां। तन्न मेको कली ब्वाक्कुम जित्वा मगेवो” द माइक्ती। २मोपतीके गो परमपरभु यावेम देशो खोंदंशो पा, सुती के धोती का ग्याप्शा पांडसाक्यो। ३मिनु लेंशा परमपरभु यावेम आं कली ४ “बाक्को, इ ग्याप्शा पांडसीशो धोती कुरशा मुल युफरटीस लावो। मिनु सरथे फुल्लु आ आगाम बाक्शो जेश्शो फुल्लुम मेको खरुइश्शा वोतो” द माइक्ती। ५मोपतीक गो परमपरभु यावेम देशो खोंदंशो पा, मेको युफरटीसम खरुइश्शा वोइक्ता। ६मिनु शुश नाक्त नोले परमपरभु यावेम आं कली “बाक्को, युफरटीस लावो। मिनु मेकर गो डांइती इ कली खरुइश्शा वोतो देशो धोती चाक्को” द माइक्ती। ७मिनु गो युफरटीसम लती। मिनु आं खरुइश्शा वोइक्तीक रे मेको धोती दोशा गूरुइताकड। तन्न मेको धोती नल्ल मुक्न थुमा बाक्त। मेको थमा पा, शोर गाक्शो दुम्माक्त।

८मिनु परमपरभु यावेम आं कली मार दंत देशो हना, ९ “आंदंशो पा गो यहूदा आ ठेयब लेत्तीक नु यरूसलेम आ थाम्पा ठेयब लेत्तीक खतम पाक्नुड। १०मेको मरिम्शो पाइब मुरपुकीम आं लोत्र नॅने मबिस्सम। मेकोपुकीमी आन खकटा थुमी आन दला दाक्स पतीकेमी अरु देवी देवता आन कली पूजा पचा कली नु मेको आन गेय पचा कली लाम्तेकम। मिनु मेकोपुकी एको धोती खोंदंशो दुम्नीम। मेको थमा पा शोर गाक्शो बाक्ब। यरमीया ११:८ ११मारदे हना दोपा मुरुम आ धोती रांम पांडसीशो बाक्बा, मोपा गो इसराएल आ खिं डा मुर नल्ल नु यहूदा आ खिं डा मुर नल्ल आन कली आं मुर दुम्मल, दे आं नक्था वोइक्तामी। आं कली मान पामेक्ल, आं कली ठेयब सल्लेक्ल, आं दारसम ग्याम्सीमल,

दे पांडसाक्यो। तन्न मेकोपुकीमी आं देशो लोत्र आन नोफा मदाइक्तेम” द परमपरभु यावेम दंत।

अडगुर शांबुम बरीशो गर

१२ परमपरभु यावे, इसराएली आन परमपरभुमी “गर नल्ल अडगुर शांबुम बरीचा माल्नीम देशो बाक्ब” द माइक्ती। मिनु मेकोपुकीम “गर नल्ल अडगुर शांबुम बरीचा माल्ब, दे गो मतुइक्नीकी डा ?” दंतकम हना, १३गो मेको आन कली परमपरभु यावेम इन कली मार दंत देशो हना “गो एको रागी नल्ल डा मुर आन कली, दाऊद पिप आ बाक्तीकेम बाक्ब पिप आन कली, चदेबपुकी, परमपरभु यावे आ लोत्र पाइबपुकी नु यरूसलेममी बाक्ब नल्ल आन कली दुक्पाइक्नुडमी। यरमीया २५:१५-२८; यसैया ५१:१७ १४गो मुर आन कली जिपाइक्नुडमी। गो आम आफ नु आन तमी तौ आन दातेमी जिपाइक्नुडमी। गो मेको आन कली दाक्शा, शिशी पा साइक्तीक रे आं थुं मलेत्नुड, दे परमपरभु यावेम” दंत। १५नोफा दाइश्शा नॅनीन। ठेयब लेश्शो महुमीन। मारदे हना परमपरभु यावेम लोत्र पाप्तु। १६मिनु “गो परमपरभु यावे, इन परमपरभुम छिंइछिंइ चाक्चा क्येडा डांइती मेको कली ‘ठेयब सर्लीन’। नां रिक्चा क्येडा डांइती डांडा मर इन खोइल दाइल पाइक्चा क्येडा डांइती मेको कली ‘परमपरभु यावे ठेयब बाक्ब’ दर्नीन। गो हाम्सा आस पाइनीनी, तन्न मेकोमी छिंइछिंइ सल्लशा थम क्येर सल्ल। १७तन्न गेपुकीम मेको मनंतीनी हना, गो इन ठेयब लेश्शो आ पतीक, गो आं थुंम सुइ आन मतुइक्चा डा पा डाक्नुड। परमपरभु यावे आ हुल ग्याइश्शा लाइक्चा पुंडसीतीक गो हुइ हुइ पा डाक्नुड। मिनु आं मिक्च रे परेक्कु दाक्ब। यरमीया ८:२३; यरमीया १४:१७; लूका १९:४१

१८पिप नु पिप आ ममा आस कली ‘इन नित्तीक रे उइ तांडसीन। मारदे हना इन पिया रे इन ठेयब दुम्तीक सिरपेच दोक्ब’ माइक्सी” दंत। २राजा २४:१-१६; यसैया ६२:३; बिलाप ५:१६ १९नेगेब रागी डा सहर आन लाप्नो चोकसीनीम। मिनु मेको आन कली रोक्ब सुइ मबाक्नीम। यहूदा डा मुर नल्ल ग्याइश्शा लाइक्चा पुंडसीशो बाक्नीम। मेको आन कली थमा पा ग्याइश्शा लाइक्तेकम।

२०ए यरूसलेम, उत्तर रे जाक्ब जोरी सतर आन कली कोत्रडो। इ कली गेशो बगाल, इ

दारशो भेडा ते बाकनीमी? २१ गमी आंम मुर सेल्वा कली इ लेम्शो मुर आन कली परमपरभु यावेम इ कली हुकुम पाइब सल्ब। मिनु गे मार, दनेव? मार, सुत्करी दुम्चशो मीश मुर खोंदशो पा, इ कली श्यत मदुम्बा डा? २२ “मिनु गे इ थुंम आं कली मारद आंदशो श्यत दुम्म” दनेव। गमी शुश मरिम्शो पतीके इ गुने क्युक्साक्व। मिनु इ रांमी मरिम्शो पाइक्वा पुंडसाक्व। यसैया ४७ :२-३; इजीकीएल १६ :३७ २३ मार, एथीयोपीयामी आ कुशुल डा रड फाइक्ने चाप्वा डा? मार, जोइमी आ चां डा थोप्ना फाइक्ने चाप्वा डा? गे मरिम्शो पचा बानी दुम्तीके रिम्शो पने मचानेव। २४ गो इ कली गोरशो रागी र जाक्शो फशेम योल्शो मूस खोंदशो पा फुराइनन। २५ इ कली वोइश्शो आं गेशो भाग मेकोन बाक्व” दंशो बाक्व। परमपरभु यावेम “गमी आं कली परंशो बाक्नेव। मिनु जौल आन कली थमा सुइश्शो बाक्नेव। २६ गो आंमा इ गुने इ शोत्र सम्मन क्युकनुड। मिनु मोपा इ मुने नेल्ल तांडसीब। २७ गो पहाडीम नु रू मर इ पशो गरांगरा दिशो गेय ताता। इ मुरपुकी नु इप्शो, इ रयेके पशो नु इ मुने मपथु, तेल्लम दुम्शो तशो बाक्नुड। आबी आबी, यरूसलेम गे गरांगरा दिशो दुम्नेव। गेना सम्म मोंदशो बाक्नेव?” दंत।

### रागी नेल्ल सोत्रशो

१ परमपरभु यावेमी रेड मयिचा आ पर्वम यरमीया कली मार, लोत्र पाप्नु दंशा हना, २ “यहूदा रोंका पाइब। मेको आ सहर डा ठेयब लोप्नोपुकी सक्ति मपाइश्शो दुम्शो बाक्नीम। मेकोपुकी रू आ पर्वम सुर्ता पाइनीम। मिनु यरूसलेम आ वाइ बरश्शो सरोड सम्म जाक्दीश्शो बाक्व। ३ मेकर डा ठेयब मुरपुकीम आन वाइल आन कली ब्याक्कु बरथ सोइक्नीम। मिनु मेकोपुकी कुवाम लमानु ब्याक्कु मथिल्लीम। मिनु मेकोपुकी श्येत्थ ग्यांब कुरशा लेश्शा जाक्नीम। मिनु मेकोपुकी मुने दोक्शा मारइ पने मचाप्ब दुम्शा, आमाइ, दे हिंशा आन पिया सुम्सीनीम। ४ रागीम रेड मयितीके रागी नेल्ल सोत्रशा जेशो बाक्व। रू डा गेय पाइबपुकी मारइ पने मचाप्ब दुम्शा, आमाइ, दे आन कुल सुम्सीनीम। योएल १ :११ ५ घांस मबाक्तीक ब्याकी डा किश्शमी यो आ नक जरमेशो पाठा परांडशा गाक्व। ६ ब्याकी डा गधापुकी गोरशो डांडाम राप्शा सिवार खोंदशो पा गरीनीम। गिगी

जोतीक ठाउं मबाक्तीक मेको आन मिक्वी बरा बरा दुम्नीम।

७ मिनु आंइ मरिम्शो पशोम आंइ पर्वम सांकळी गेम्तेक्म हना, परमपरभु यावे, गे इन नें आ पर्वम शिशो पने। मारद हना गो इन कली परांडशा, थम मरिम्शो दुम्तक। गोपुकीम इन पर्वम पाप पशो बाक्तक। दानीएल ९ :४-९ ५ ए इसराएल आ आस पतीक, श्यत जवानु मेको कली परांडब, गे एको रागीम मारद अर्का रागी डा मुर खोंदशो दुम्नीनी? गे मारद नाक्दो का ला बाक्व, लां गाक्व मुर खोंदशो दुम्नीनी? ९ गे मारद इन थुं ग्येत्थ लुक्च दुम्शा बाक्शो मुर खोंदशो दुम्नीनी? मारद परांडने मचाप्ब सक्ति मबाक्शो लडाइ पाइब खोंदशो दुम्नीनी? परमपरभु यावे, गे आंइ दातेम बाक्शो बाक्नीनी। गो इन नेमी बरेल्वा पुंडसीशो बाक्नीकी। आंइ कली मपरोनीन” दंनीम। यरमीया १५ :१६; यसैया ४३ :७

१० परमपरभु यावेमी मेको मुर आन पर्वम “मेकोपुकी थमा पा हिरना हिरन बाक्नीम। हंथे गाक्वा बाक्नीमी। थमा पा ठीक लां मगाक्नीम। मोपतीके परमपरभु यावेम मेको आन कली मबराइब। मुल मेकोमी आन मरिम्शो पशो आ पर्वम मिम्ब। मिनु मेको आन कली आन पाप आ पर्वम सजाइ गव” दंत।

११ मिनु परमपरभु यावेम आं कली “एको जात डा मुर आन कली रिम्शो दुम्पाइक्वा कली मपुनो। यरमीया ११ :१४; यरमीया ७ :१६ १२ मेकोपुकी माइजा बाक्तेक्म हना यो, गो मेको आन पुंडशो मननुड। मेकोपुकीमी चोशा चढतीक, अन्न चढतीके चढेम्तेक्म हना यो, गो मेको आन कली मबराइनुडमी। मेको आ पा डा गो मेको आन कली, तरवार, अन्काल नु बेक्तीक रोइम साइक्नुडमी” दे माइक्ती। यसैया ५८ :३; यरमीया ६ :२०

### परमपरभु आ लोत्र जौल पाइबपुकी

१३ मिनु गो “परमपरभु यावे, कोत्रडीन। इन लोत्र पाइबपुकीम दा मेको आन कली भे तरवारम साइक्वा मपुंडसीनीनी। अन्काल मपाइनीनी। मिनु शुश नाक्ती सम्म एको रागीम थुं नाइश्शा बाक्वा ताइनीनी” दंशो बाक्नीम” दंती। १४ मिनु परमपरभु यावेम आं कली “आं लोत्र पाइबपुकीम दा आं नेम जौल पा लोत्र पशो बाक्नीम। गो मेको आन कली मसाइक्नुमी। गो मेको आन कली लोत्र मपड। मेकोपुकीमी इन कली जौल

पा, लिंक्यु कोवशा, फश लोत्र पाइनीम। आन थुं डा जोल लोत्र पाइनीम। यरमीया २३:२१-२२; यरमीया २७:९, १४, १५; यरमीया २९:८-९; इजीकीएल १३:६ १५ मोपतीक परमपरभु यावम मेको आ लोत्र पाइब आन पर्वम, सुम आ नम लोत्र पाइनीमी, मेको आन कली सोइशो मनड। मो हना यो मेकोपुकीम 'तरवार नु अन्कालम एको रागी कली मताइब' देशो बाकनीम। मुल तरवार नु अन्कालमीन जोल पा आं लोत्र पाइबपुकी साइक्चा पुंडसीनीम। ब्यवस्था १८:२० १६ मिनु जोल पा आं लोत्र नंपाइक्चा पुंडसीबपुकी चहिं तरवार नु अन्कालम पतीक यरूसलेम डा लो मर ताइक्चा पुंडसीनीम। मेको, मेको आन मीश नु मेको आन तमी तौ आन कली थिम्ब सुइ मबाकनीम। मारदे हना गो मेको आन तचा डा श्येत मेको आन तारी मोइक्नुड" दे माइक्ती। यरमीया ९:२१

१७गे मेको आन कली "आं मिक्च रे नाक्दो नाक्ती परक्कु यिशा बाक्ल। मारदे हना आं मुर, ग्युंवे मपशा तमी थाम्पा श्येत जशो बाक्ब। ठयब गार दुम्चा डा पा मेको तुप्चा पुंडसीशो बाक्ब। यरमीया १३:१७ १८ गो मेको रागी लती हना, तरवारम साइक्चा पुंडसीशोपुकी ताइक्नुडमी। गो मंकर डा सहरम ओवती हना, मंकर अन्काल पशो मुरपुकी ताइनुडमी। परमपरभु यावे आ लोत्र पाइबपुकी नु चदेब नेल्ल मारइ मतुइक्थु, आन गय पना पन बाकनीम" दे माइक्ती।

१९मिनु गो "मार, गे यहूदा कली थमा पा परोइन थुम्शो बाकनीनी? मार, गे सियोन कली गुरांगुरा दिशो बाकनीनी? गे आंइ कली मारदे मसापाइक्चा डा पा तुप्ची? गोपुकी थुं नाइशो बाक्तीक आस पाइतक, तन्न मारइ रिम्शो मदुम। सानीकी कां दे आंस पाइतक, तन्न हिंतीक कका जाक्त। यरमीया ८:१५ २० परमपरभु यावे, गोपुकीम इन अरेशो लोत्र मटिशो नु आंइ किकी पिपी आन मरिम्शो पशो शोत्रनीकी। गोपुकीम थमा पा इन डोंइती पाप पशो बाकनीकी। यरमीया ३:२५; मजन संगरह ५१:५-७; मजन संगरह १०६:६ २१ इन नें आ पर्वम आंइ कली शोर गाक्शो ममिम्तीन। गो इन सक्ति पाइशो नितीक कली आइक्च मसेल्पाइक्नीकी। इन पशो कवल मिम्तीन। गे मेको मक्याम्दीन। २२ रागी रागी डा मुर आन देवी देवता आन दाते डा तेकोइमी रेउ यिपाइक्चन चाप्नीमी डा? मार, सरीड आमा रेउ यिपाइक्चन चाप्चा डा? मेको

पाइब गे परमपरभु यावे, आंइ परमपरभु मननी डा? मोपतीक गो इन कली आस पाइनीकी। मारदे हना गे ला एको नेल्ल पने चाप्नीनी" देती।

परमपरभुम लोत्र लेशो

१५ मिनु परमपरभु यावमी आं कली "मोसा नु सामुएलमी आं डोंइती जाक्शा पुंडताक्स हना यो, आं थुं एको जात डा मुर आन गे मलेन्ब। मेको आन कली आं डोंइती रे गरुइदीमी। मेको आन कली लचा गेमी। परस्थान ३२:११; १सामुएल ७:९; इजीकीएल १४:१४ २मिनु मेकोपुकीमी गो ते लाइनीकी? दे इ कली हिल्लो पाम्तेक्म हना, गे मेको आन कली परमपरभु यावमी 'बक्तीक रोइ पा बेक्चा बरक्सीशो बाक्तीनी हना, बेक्तीक गेन लने। तरवारम साइक्चा पुंडसीचा बरक्सीशो बाक्तीनी हना, तरवार गेन लने। शोत्रलुम बेक्चा बरक्सीशो बाक्तीनी हना, शोत्रलुमीन बेक्कीन। ग्याइशो लाइक्चा पुंडसीचा बरक्सीशो बाक्तीनी हना, ग्याइशो लाइक्चा पुंडसीन' दने। यरमीया ४३:११; जकरिया ११:९ ३गो मेको आन कली ४ ओटा साइक्तीक श्येत सोइक्नुडमी। गो साइक्चा कली तरवार, कीशा लाइक्चा कली कुचुम, दान्पाइक्चा कली नु खतम सेल्चा कली सरीड डा चिक्ब नु रागी डा जन्तु सोइक्नुडमी। इजीकीएल १४:२१; यरमीया ७:३३ ४ यहूदा डा पिप हिज्कीयाह आ तौ मनस्सम यरूसलेममी मार पशो बाक्म, मेको आ पर्वम गो मेको कली खतम पोक्नुड। मिनु मेको तशा रागी डा राज्य नेल्लेम 'आबी, आबी' दे हिंनीम। २राजा २१:११-१६; २राजा २३:२६ ५गे यरूसलेम, सुमी इ कली शिशी पाइबा? इ पर्वम सुम रोका पाइबा? गे दोदेशो बाक्नी? दे हिल्लो पचा कली सु दिक्बा? ६गे आं कली परोइशो बाक्नेव। गे नोले शांइसीन सीन बाक्नेव। मोपतीक गो आं गुइ क्युक्शा इ कली साइक्नुड। मुल गो आं गाइशो मतेक्नुड। ७गे मेको आन कली राज्य डा सहर डा ठयब लाप्चोमी ग्योलोम हारशो खोदेशो हारताक्ड। गो आं मुर आन कली शुश श्येत गेशा खतम सेल्ता। मारदे हना मेको आन मरिम्शो पतीक रे मलेम्म। मती ३:१२ ८मेको आन वांइश बेक्शो मीश मुरपुकी समुन्दर डा बाल्वा क्येडा शुश दुम्तेक्म। नाक्ती उइक्थ दुम्मनु, तौ नु आन ममा आन पर्वम साइक्च का चाक्नुड। गो कालेम मेको आन तार सुर्ता पतीक नु गरीचोक पा हिंतीक चाक्नुड। ९मिनु ७

जना बेकशो तौ आन ममा थत। नाक्ती बाक्ना बाक्न मेको आ नां लाक्तु। मिनु मेको मुने दोक्शा शुक्शी पाइक्चा पुंडसाक्व। मेको क्येडा यो ब्रांडशो आन कली आन जोरी सतरुम तरवारम क्योरपाइश्शा, साइवपाइक्नुडमी” दे परमपरभु यावेम दंत। आमास ८:१

१० आं ममा, मारदे आं कली जरमेनी। गो आं कली रागी नल्लेम सुइ सुइम जिचा पोक्शा, गो नु सुइ मडुइनीम। गो मेको आन कली ना जेर गशा बाक्नुडा, ना मेको आन रे जेर जशो बाक्नुडा। मो हना यो मुर नेल्लेम आं कली सराप पाइनीम। यरमीया २०:१४ ११ परमपरभु यावेम आं कली “थमा पा, गो इ कली रिम्शो पा, प्रांडनन। गो थमा पा श्यत नु मरिम्शो दुम्मेनु इ जोरी सतरु आन कली, इ गेय पपाइक्नुडमी। १२ मार, मुरुमी उत्तर डा फलाम नु कांसा जिक्ने चाप्रा डा ? १३ इन पापम पतीके इन रागी नेल्लेम इन शोप नु इन मारेइ मारेइ गो मोशान रोइश्शो मार मार खोदंशो पा योक्शा गेनुडमी। यरमीया १७:३ १४ गो इन कली आंम इन मतुइश्शो रागीम इन जोरी सतरु आन वाइल सेल्लुड। मारदे हना आं गाइश्शोम मी का जेप्व। मेको गेना हना यो बरशा बाक्व” दे परमपरभु यावेमी दंत। १५ मिनु गो “परमपरभु यावे, ग नेल्ल तुइश्शो बाक्नीनी। आं कली मिम्तीन। मिनु आं कली कोवर्डिन। आं कली श्यत गेब आन कली क्येक्क लेत्तीन। ग मेको आन पर्वम शुश फाल्शा बाक्नीनी। आं कली मसाइय्यीनी। गो इन पर्वम शुक्शी पाइक्चा पुंडसाक्वी, ग मेको तुइक्नीनी। १६ इन लोव्र बाक्त हना, गो नोफा दाइश्शा नंता। मेको आं कली ग्येरतीक नु आं थुं कली नाइक्पाइक्व दुम्त। मारदे हना परमपरभु यावे, मुर नेल्ल आन परमपरभु, गो इन क नड। ब्यवस्था ८:३; ब्यवस्था ३२:४६-४७; इजीकीएल ३:१-३; प्रकाश १०:८-९ १७ गो दला दाक्स पा बाक्व आन हुलम गेनायो मलड। गो मेकोपुकी नु मग्येरसीड। गो आं कान बाक्ती। मारदे हना इन गुइ आं तार बाक्त। मिनु गे आं कली गाइक्तीकेम पिरंशो बाक्तीनी। १८ आं श्यत जतीक मारदे मनुम्मे ? मिनु आं गार मारदे मसाब दुम्मे ? गे आं कली मरिम्शो नु ब्वाक्कु मबाक्शा खोला खोदंशो दुम्तीनी” दंती।

१९ मोपतीके परमपरभु यावेम “गे थमा पा लेत्ते हना, गो इ कली लेंशा बराइनुड। गे आं डांडती रपो। रिम्शो लोव्र ला पाप्तीवी हना नु फश लोव्र मपाप्तीवी हना, गे आं लोव्र पाइब दुम्नेव।

मिनु एको मुरपुकी इ गे लेत्तीम। तन्न गे मेको आन ग मलतो। २० गो इ कली, एको मुर आन डांडती कांसा के बोल्यो गारो सल्लन। मेकोपुकीमी इ कली लडाइ तोइनीम। तन्न इ क्येडा मगरानीम। मारदे हना गो इ कली प्रांडचा कली नु वारच पाइक्चा कली गे नु बाक्नुड। यरमीया १:१८-१९ २१ गो इ कली आं अरशा मटीब आन गुइ र प्रांडनन। मिनु शिशी मपाइक्व आन गुइ र या प्रांडनन” दे परमपरभु यावेमी दंत।

### परमपरभुम निसाफ पशो

१ मिनु परमपरभु यावेमी आं कली मार दंत १६ दंशा हना २ “गेमी एको रागीम ग्युंवे पचा नु तमी तौ थिचा मडुम्नेव” दंत। ३ मारदे हना एको रागीम जरमेशो तमी तौपुकी नु आन आंम आफ आन पर्वम परमपरभु यावेम ४ “मेकोपुकी मसाब रोइम बेक्नीम। मेको आन पर्वम सुइम रोंका मपाइनीम। मेको आन कली सुइम मथिम्नीम। मेकोपुकी खपीम मोव्रल खोदंशो पा बाक्नीम। मेको तरवार नु अन्कालम बेक्नीम। आन बेक्शो रों सरीड डा चिक्व नु रागी डा जन्तु आन ब्वतीक थोव्रक दुम्नीम” दंत। यरमीया ९:२१

५ मारदे हना परमपरभु यावेम “गे मुर बेक्शो खिमी रोंका पथ नु रोंका पाइब आन कली लेम्थ मलावो। मारदे हना गो मेको जात डा मुर रे थुं नाइक्तीक, गेना हना यो दाक्तीक नु शिशी पतीके लाइक्न थुम्ता। ६ एको रागीम आइक्व नु ठेयब नेल्ल बेक्नीम। मेको आन कली सुइम मथिम्नीम। मेको आन पर्वम सुइम रोंका मपाइनीम। आंम रों रिक्सीब नु चां प्रक्व सुइ मबाक्नीम। यरमीया ४१:५; यरमीया ४७:५; यरमीया ४८:३७८; लेवी १९:२७-२८; ब्यवस्था १४:१ ७ मिनु बेक्व आन पर्वम रोंका पाइब नु आम आफ आस कली लेम्चा कली सुइम तूचा थोव्रक मगनीम। ८ गो भोज पशो खिम मओव्रडो। मिनु मेकोपुकी नु जचा तूचा कली मनिस्सो। ९ मारदे हना मुर नेल्ल आन परमपरभु यावे, इसराएली आन परमपरभुमी “गो एको रागी रे इन पालाम, इन डांडती रे थुं नाइश्शा बाक्तीक, ग्येरशो संदा नु ग्युम्ती ग्युम्ले आस संदा क्याम्नुड”। यरमीया ७:३४ १० मिनु गे एको मुर आन कली एको लोव्र नेल्ल देननु, मेकोपुकीमी इ कली “मारदे परमपरभु यावेम आंइ कली ओदंशो ठेयब मरिम्शो दुम्तीक दंमे ? आंइ मरिम्शो पशो मार बाक्वा ? गो परमपरभु यावे, आंइ परमपरभु कली मार पाप पका डा ?” दंतीम।

यरमीया ५ :११ ११ मिनु गे मको आन कली इन किकी पिपीमी आं कली परांडशा, देवी देवता आन नोले खोइइशा, मेको आन कली पूजा पा ठेयब सल्लेक्म। मोपा आं कली परांडशा आं अरशो मपाम। १२ गेपुकीमी इन किकी पिपी आन क्येडा शुश मरिम्शा पाइतीनी। ननीन, गे एंकर बाक्ब नल्लमी इन खकटा थुमी इन दला दाक्स पाइनीनी। मिनु गे आं लोत्र नेचा मदाकनीनी। यरमीया ७ :२६ १३ मोपतीक गो इन कली इन मतुइइशो रागी नु इन किकी पिपी आन मतुइइशो रागीम ताइकनन्नी। मिनु गेपुकीम मेकर नाकदो नाक्ती देवी देवता आन कली पूजा पाइनीनी। मारदे हना गो इन कली शिशी मपाइनुड' देनो" दे परमपरभुमी आं कली दंत। व्यवस्था २८ :६४

१४ मिनु परमपरभु यावेमी "परमपरभु यावे बरांडशा बाक्शो नु मुर आन कली इजीप्त रागी रे गरुइशा एक चाक्शो खोदंशो पा मदेतीक नाक्ती थमा पा जाकनीम। १५ तन्न मार देनीम दंशा हना, मेकोपुकीमी "परमपरभु यावे बरांडशा बाक्शो नु इसराएली आन कली उत्तर डा रागी नु तेको तेको रागी रे चाक्शो खोदंशो पा" देनीम। मारदे हना गो मेको आन कली आन किकी पिपी आन कली गेशो रागीम चाक्नुडमी। यरमीया २३ :७-८ १६ मुल गो शुश ग्याइल आण्व आन कली बरंशा सोइक्नुडमी। मिनु मेकोपुकीमी मेको आन कली ग्याइक्नीम। नोले गो लंशा शुश सिखारी आन कली बरंशा सोइक्नुडमी। मिनु मेकोपुकीमी, मेको आन कली तेकोइ डांडा नु तेकोइ पहाड नु सरथ फुल्लु डा काक्प रे माल्शा गरुइनीम। १७ मारदे हना गो मेको आन लां नल्ल तुइक्नुड। मेको आं डांडती मखरुइइशा बाक्नीम। मेको आन मरिम्शा पशो यो आं डांडती मखरुइइशा बाक्ब। अय्युब ३४ :२१ १८ गो मेको आन मरिम्शा पशो नु आन पाप आ पर्वम मेको आन कली निक्शी ख्यप सजाइ गेनुडमी। मारदे हना मेकोपुकीमी सोक्ती मपाइइशो मूर्तिपुकीम आं रागी गरांगरा दिशो सल्लेक्म। मिनु आं थरशो रू आन गरांगरा दिशो देवी देवताम पिरंताक्म" दंत। यसेया ४० :२ ११ मिनु मेकोपुकीमी "परमपरभु यावे, गे आं सक्ति नु आं खरुइइशा, बरांडशा बाक्तीक बाक्नीनी। गे श्यत जची ना आं खरुइक्तीक बाक्नीनी। रागी रागी डा मुर रागी डा सुर रे इन डांडती जाक्नीम। मिनु मेकोपुकीमी "आंइ किकी पिपी आन देवी देवता जाल ला बाक्तेक्म। मेको शोर

गाक्शो बाक्तेक्म। भजन संगरह ३६ :७ २० मार, बेक्शा लाइब मुरपुकीम आंम देवी देवता सल्ले चाप्नीमी डा ? तन्न मेकोपुकी देवी देवता मनम' देनीम। २१ मोपतीक गो मेको आन कली थमा पा रुपाइक्नुडमी। गो मेको आन कली आं सक्ति नु आं ठेयब दुम्तीक आ पर्वम शंनुडमी। मिनु मेकोपुकीमी आं नें यावे बाक्ब, दे तुइक्नीम" दे परमपरभु यावेमी दंत। परस्थान ३ :१२

पाप रे परांडतीक नु निसाफ

१ परमपरभु यावेमी "यहूदा आ पाप फलाम १७ के मुतीकम मुशा बरंक्शो बाक्ब। मेको हीरा पाइइशो मुतीकमी आन थुं नु आन चदेतीक डा गरोत्रपुकीम मुशा बरंक्शो बाक्ब। २ राजा २३ :४-१८ २ मेको आन आलपुकीमी यो आन चदेतीक नु आन मूर्ति पाइइशो थाम आन कली मिम्नीम। मेको नल्ल गिगी रवा आन पुंम नु लाइइशो पहाड तार बाक्तेक्म। ३ मेको डांडा तार नु रूम बाक्तेक्म। मिनु इन रागी डा शांप नु इन रिम्शो मारइ मारइ थोत्रक नल्ल इन पाप पतीकम रोइक्पाइक्नुड। यरमीया १५ :१३ ४ इन पाप पतीकम गो इन कली गेशो, इन थरशो रू साम्नीनी। मिनु गो इन कली इन मतुइइशो रागीम इन जोरी सतरु आन वाइल दुम्पाइकनन्नी। मारदे हना आं गाइक्तीक मी बरशो खोदंशो बाक्ब। मिनु मेको गेना हना यो बरस डा बरस बाक्ब" दंत।

५ परमपरभु यावेम मार दंत दंशा हना "सु सुमी मुर आन कली थमा सुइक्नीमी, मेको सराप राइनीम। आन रां डा सक्तिम थमा सुइक्ब यो सराप राइनीम। मारदे हना मेको आन थुं परमपरभु यावे रे डोन लशो बाक्ब। भजन संगरह ११८ :८ ; भजन संगरह १४६ :३ ; २इतिहास ३२ :८ ६ मेको गोरशो रागी डा पोथरा रवा खोदंशो बाक्नीम। मेकोमी रिम्शो दुम्मेनु यो, मारइ मताइनीम। मेको मुर मबाक्तीक रागी डा नल्ल क्येडा सोत्रशो सपीम नु हिक्सी बाक्शो रागीम बाक्नीम। यरमीया ४८ :६

७ परमपरभु यावे कली थमा सुइक्ब मुर आसीक रशो बाक्नीम। मेकोपुकीम परमपरभु यावे कली आस पशो बाक्नीम। भजन संगरह १४६ :५ ८ मेको ब्याक्कु आ नेक्था खरुशो रवा खोदंशो बाक्नीम। मेकोमी आन शाक्श खोला आ सुर सम्म चाक्दीलीम। मेको हुपतानु, महिनीम। मेको आन सफापुकी गेना हना यो गिगी बाक्नीम। नां पवानु मेको मारइ सुर्ता

मपाइनीम। मेको गेना हना यो फल सिप्त्र बाक्नीम” दंत। बज्जन संगरह १:३

१ मुर आन थुं नेल्ल क्येडा जौल पाइब बाक्ब। गेना हना यो दूली पाइब बाक्ब। मेको कली सुम रुन् चप्पा डा ? १ सामुएल १६ :७ ; बज्जन संगरह ७ :१० ; हितोपदस १५ :११ ; रोमी २ :६ १० गो, परमपरभु यावेमी मुर आन कली नाक्नुड। आन थुंम मार बाक्म, मेको कोव्रनुड। आन गाकशो लों नु आन पशो कोव्रशा, इनाम गनुडमी।

११ मुर, ओम आ मपशो व्बोफु पुप्त्र क्येन्ने खोदंशा बाक्ब। मेकोमी हेंथ पा शोप चम्ब। मेको आ ब्रांइतीक नाक्ती उइक्थ दुम्मन, मेको आ शोपोम मेको मुर कली परांइब। मिनु आ बेक्ची ना मेको कली मूर्स मिस्सीब। लूका १२ :२०

१२ डांइती रे मान तशा बाक्शो इन सक्ति पाइशो निक्तीक आंइ ब्रांइशा बाक्तीक बाक्ब। यरमीया ३ :१७ १३ गे इसराएली आन आस पशो परमपरभु यावे, इन कली परांइब नेल्ल मुने दोक्नीम। इन कली परांइशा गाक्ब मुर नेल्ल फुरकुम नें बरक्शो खोदंशा ला बाक्नीम। मारदे हना मेकोपुकीमी गेना हना यो ब्रांइचा गेब व्वाक्कु, परमपरभु यावे कली परांइशा बाक्नीम। यरमीया २ :१३

### यरमीया आ पुंडशो

१४ मिनु गो “परमपरभु यावे आं कली सापाइय्यीनी। मिनु गो सानुड। आं कली परांइयीनी। मिनु गो ब्रांइनुड। मारदे हना गे आं सक्ति बाक्नीनी। परस्थान १५ :२६ ; बज्जन संगरह ६ :३ १५ मेकोपुकीमी आं कली ‘परमपरभु यावे आ लोव्र ते बाक्म ? मुल मेको नेल्ल गाप्ल’ दंतक्म। बज्जन संगरह ५ :१९ १६ तन्न गो इन गोठला दुम्तीक रे मपरोक्ड। गे तुइक्नीनी। गो नोले डा नाक्ती सुर्ता पचा ममाल्नुड, दे मिम्शा बाक्नुड। गो मार देडा, मेको इन डांइती बाक्ब। १७ गे आं कली हिंपाइक्ब मदुमीन। गो सतम दुम्चा डा नाक्ती गेन आं खरुंडसीतीक बाक्नीनी। १८ आं कली खेदा पाइब आन कली मुने तोक्कीन। तन्न आं कली चहिं मुने मतोक्यीनी। मेकोपुकी हिंमल। तन्न आं कली चहिं हिंतीक रे परांइयीनी। मेको आन ठेयब श्यत डा नाक्त चाक्कीन। मेको आन कली निक्शी खेयप डा श्यतम सतीन” दंती। बज्जन संगरह ३५ :४

### नाइक्तीक नाक्त आ पर्वम लोव्र

१९ परमपरभु यावेम आं कली “गे मुर आन ओव्रतीक ठेयब लाप्चो आ नेक्था रपो। मेको लाप्चो रे यहूदा डा पिप लाडगा खिंडगा पाइब। यरूसलेम डा गारो डा लाप्चो नेल्ल आन डांइती लशा रपो। नेहंम्याह १३ :१५ -२२ २० मिनु मेको आन कली ‘एको ठेयब लाप्चो रे पा आगा ओव्रब यहूदा डा पिप, मेकर डा मुर नेल्ल नु यरूसलेममी बाक्ब मुर नेल्ल परमपरभु यावे आ लोव्र नेनीन’ दंती” ११ परमपरभु यावेमी “गपुकी होस पा बाक्कीन। मिनु गे नाइक्तीक नाक्त ठेयब लाप्चो आगाम मारइ भारी मकुरीन। यरूसलेम डा गारो डा ठेयब लाप्चो रे पा आगा मारइ मआंइदीन। परस्थान २० :८-१० २२ गेपुकी नाइक्तीक नाक्ती इन खिं रे भारी मकुरीन। मेको नाक्ती मारइ गेय मपने। गो इन किकी पिपी आन कली शंशो खोदंशा पा नाइक्तीक नाक्त कली अरु नाक्ती खोदंशा मपने। मारदे हना मेको आं नाक्त बाक्ब” दंती। यसेया ५६ :२ २३ तन्न मेकोपुकीमी मनंनम। आन नोफा मदाइक्तेम। मिनु मेको आन थुं खकटा दुम्तीक मटीमे नु शंशा नेंन मबिस्सम। यरमीया ११ :८ २४ तन्न गेपुकीमी आं लोव्र नेंतीनी हना, नाइक्तीक नाक्ती सहर नु ठेयब लाप्चो रे मारइ भारी आगा मआंइताक्नी हना नु नाइक्तीक नाक्त आं नाक्त मिम्शा, मारइ गेय मपाइतीनी हना, २५ दाऊद आ निक्तीकम निप्त्र पिप, आन गेय पाइब मुरपुकी एको सहर डा ठेयब लाप्चो रे शाराम कीशो बग्गीम डोइशशा ओव्रनीम। यहूदा डा मुर नु यरूसलेममी बाक्ब जाक्नीम। मिनु एको सहरमी गेना हना यो मुर शुश बाक्नीम। यरमीया २२ :४ २६ मिनु यहूदा डा सहर रे नु यरूसलेम आ एर आंथ डा गाउं रे, बन्यामीन आ रागी रे, शेफलाह डा दिम रे, पहाड रे नु नगेब रे चोशा चदेतीक, क्यारशा चदेतीक, अन्न चदेतीक, धूप चदेतीक नु गे रिम्शो पाइब बाक्नीनी” दे चदेतीक चाक्शा, परमपरभु यावे आ खिंम जाक्नीम। २७ तन्न गेपुकीमी आं लोव्र मनंतीनी हना, नाइक्तीक नाक्ती आं नाक्त बाक्ब, दे ममिम्ताक्नी हना नु नाइक्तीक नाक्त भारी कुरशा यरूसलेम डा ठेयब लाप्चो आगा ओव्रतीनी हना, आं दंशो मबिस्साक्नी हना, गो यरूसलेम डा ठेयब लाप्चोमी गेनायो मकाप्त्र मी जेल्लुड। मिनु मेकोमी यरूसलेम डा दरवार दाक्ब” दे परमपरभु यावेमी दंत। इजीकीएल २० :१२-१३

खप के ग्यांब सल्ब

१ परमपरभु यावेमी आं कली मार लोत्र  
**१८** पाप्नु देशा हना २मकोमी “उइ खप के  
 ग्यांब सल्ब आ खिं लावो। मिनु गो इ कली आं  
 लोत्र नंपाइक्नुड” दंत। ३मोपतीके गो उइ खप के  
 ग्यांब सल्ब आ खिं लती। मिनु मेकर मकोमी  
 आ गुगील हिरशा गेय पाप्नु। ४मिनु मेको आ  
 सल्शा खप के ग्यांब आ गुइम वारसाक्व। मिनु  
 मकोमी मेको खप के आ दाक्शा अर्का ग्यांब का  
 सल्लु।

५ मिनु परमपरभु यावेमी आं कली ६ “इसराएल  
 आ खिं डा मुर, एको खप के ग्यांब सल्बमी  
 खोदंशो पा गो इन कली पाइक्न मचाप्नुडा  
 डा? इसराएल आ खिं डा मुर, मेको खप के  
 ग्यांब सल्ब आ गुइम खप बाक्शो खोदंशो पा,  
 गे यो आं गुइम खप खोदंशो बाक्नीनी। यसैया  
 ४५ :१; रोमी ९ :२१ ७गो याम कामीन तेकोइ  
 रागी, तेकोइ राज्य आन कली तुल्शा ताइश्शा,  
 जिक्शा खतम सल्लुड। गो मेको पने चाप्नुड।  
 यरमीया १ :१० ८तन्न मेको आ देशो रागी डा  
 मुर आन मरिम्शो पतीके रे आं गे लेक्तेक्म  
 हना, गो आं मिम्शो मेको आन कली ठेयब  
 श्यत गेतीके रे फाइक्नुड। श्यत मगेनुडमी।  
 यरमीया २६ :३; इजीकीएल ३३ :११; जोना ३ :१०  
 ९मिनु अर्का याम काम गो तेकोइ रागी, तेकोइ  
 राज्य आन कली सल्शा वोइक्न चाप्नुड।  
 १०तन्न मेकोपुकीम आं लोत्र मनंथु, आं डांइती  
 मरिम्शो पाप्तेक्म हना, गो मेको आन कली  
 रिम्शो मसल्लुडमी। ११मोपतीके गे यहूदा डा मुर  
 आन कली नु यरूसलेममी बाक्ब मुर आन कली  
 परमपरभु यावेम इन कली मार दंत देशा हना  
 नेनीन, गो इन कली मरिम्शो पाइनुड। गो इन  
 कली श्यत गेनुड। मोपतीके गे इन मरिम्शो लां रे  
 लेतीन। मिनु इन लां नु इन पतीके रिम्शो सलीन  
 देनो। यरमीया ७ :३ १२तन्न मेकोपुकीमी ‘मो  
 पचा मोशा बाक्ब। गो आंइ मिम्शो पाइनीकी।  
 गो आंइ थुं सक्टा सल्लीकी, दे लोत्र लेत्ताक्म’  
 देनीम” दंत। यरमीया ६ :६; यरमीया ११ :८

१३मोपतीके परमपरभु यावेम “रागी रागी डा  
 मुर आन दातेम लशा हिल्लो पावो। ओदंशो  
 लोत्र सुम नेशो बाक्नीमी? ग्युंब मपशो मीश  
 आल इसराएलम थम गरांगरा दिशा गेय पशो  
 बाक्ब। १४मार, लेबानोन डा फुं सिरियोन रांगु  
 आ काक्प रे जाम्बा?। मार, आ बुक्तीके पहाड  
 रे गरूशा यिशो खोला डा शाइश्शो ब्वाक्कु

सोत्रबा डा?। १५तन्न आं मुरपुकीम आं कली  
 परंताक्म। मेकोपुकीमी शोर गाक्शो मूर्ति आन  
 कली चोशा चढ्ढ्मेक्म। मेको माइत लांम  
 दाइल पपांइसाक्म। मिनु मेकोपुकी मेको माइत  
 ठेयब लां परांइशा, आइक्ब लां मर गाक्तेक्म।  
 १६मेकोपुकीम आन रागी हिंचा डा सल्लेक्म।  
 मिनु मेको रागी गेना हना यो शुक्शी पतीके  
 दुम्त। मेकर रे सु सु गाक्मा मेको गरीचाक  
 पा हिंनीम। मिनु ‘आबी, आबी’ देनीम। यरमीया  
 १९ :८ १७गो मेको आन कली पूर्ब डा फशेम  
 खोदंशो पा आन जोरी सतरु आन डांइती एर आंथ  
 बरपाइक्नुडमी। मेको आन हिंचा डा नाक्ती गो  
 मेको आन कली आं ची कांइनुडमी। आं कुल  
 मकांइनुडमी” दंत। यरमीया २ :२७

१८मिनु मेकोपुकीम “मुल गोपुकीम यरमीया  
 कली दोस गेय। मारदे हना चढ्ढ आन शंशो  
 लोत्र मग्याम्ब। जोक्ब तुइक्ब आन अर्ती यो  
 मग्याम्ब। मिनु परमपरभु यावे आ लोत्र पाइब  
 आन देशो लोत्र यो मजाम्ब। मोपतीके मुल गो  
 यरमीया कली दोस गेय। मिनु मेको आ देशो  
 तेकोइ लोत्र मनंय” दंतेक्म।

१९मिनु यरमीयामी “परमपरभु यावे आं लोत्र  
 नेनीन। आं कली दोस गेबपुकीम मार देनीमी,  
 मेको नेनीन। २०मार, रिम्शो आ पा डा मरिम्शो  
 पांइसीबा डा? मो हना यो आं कली खाल्टा  
 दोशो बाक्तेक्म। गो मेको आन पर्वम पुंइना  
 पुंइन बाक्ती, मेको मिम्तीन। मेको आन कली  
 वारच पचा कली नु इन गाइश्शा तेक्चा कली  
 पुंइता। २१मोपतीके मेको आन आल आन कली  
 अन्काल पपतीन। मेको आन कली तरवारम  
 साइक्पतीन। मेको आन मीश आल मबाक्शो नु  
 आन वांइश बेक्शो मीश मुर दुम्मल। मेको आन  
 वांइश मुर बेक्तीके रोइम बेक्मल। मेको आन  
 ठिटा वांइश मुरपुकी लडाइम तरवारम साइक्चा  
 पुंइसमल। २२गमी मेको आन कली आन मतुइक्थु  
 साइक्ब चाक्नीनु, मेको आन खिं रे डाक्शा  
 बरश्शा नंसेक्त। मारदे हना मेकोपुकीमी आं  
 कली ग्याइक्चा कली खाल्टा दोशो बाक्तेक्म।  
 मिनु आं खोइल फिरम्चा कली खरुइश्शा ब्यारद  
 दाइश्शा बाक्तेक्म। २३मिनु परमपरभु यावे, आं  
 कली साइक्चा माल्शो नु मरिम्शो पाइब नेल्ल  
 आन कली तुइक्ताक्नी। मेको आन मरिम्शो  
 पशो माफ मगेन। इन डांइती रे मेको आन पाप  
 मतिलीन। मेको इन डांइती दाइल पांइसीमल। गे  
 गाइक्तीनीनु, मेको आन कली मार पचा माल्बा,  
 मेको पने” दंत। मत्ती ६ :१५

बरोल्लो गर

१९ परमपरभु यावेमी “लशा खप के ग्यांब सत्व रे ब्याक्कु कुर पतीक ग्यांब का ग्यापा। मिनु का निकशी मुर आन दाते डा खाल्पा नु का निकशी चढेब आन कली लाइक्मी। २मिनु ग हिन्नीम आ ती आ बंसीम बाक्शो गम्टे लाप्चोम लावो। गो इ कली मार शंदु, मेको लोत्र मेकर ठेयब संदा पा नेपाइक्मी। यरमीया ७ :३१ ३यहूदा डा पिप नु यरूसलेमम बाक्ब मुरपुकी परमपरभु यावे आ लोत्र नेनीन। मुर नेल्ल आन परमपरभु यावे, इसराएली आन परमपरभुमी आं लोत्र नेनीन। गो एको रागीम थम मरिम्शो दुम्पाइक्नुड” मेको आ पर्वम लोत्र नंब नेल्ल आन नोफा दाइक्नीम। २राजा २१ :१२ ४मेको मुरपुकीमी आं कली परांडतीमी। मिनु एकर अर्का रागी डा देवी देवता आन कली चढेशा, एको रागी गरांगरा दिशो सेल्लेक्म। मेको देवी देवता आन किकी पिपी नु यहूदा डा पिपम यो मतुइश्शो बाक्तेक्म। मिनु मेकोपुकीम रागी कली दास मताइब आन हुशम पिरंताक्म। ५मेकोपुकीमी आंम आल आन कली बाल देवता कली मीम चोशा चढेचा कली डांडाम थान सेल्ला सेल्ल बाक्तेक्म। मेको मो पन, दे गो मअरंडमी। गो मेको मशंदुमी। मोदंशो गेनायो ममिम्तु। यरमीया ७ :३१-३३ ; लेवी १८ :२१ ६मोपतीक हास पा बाक्कीन। मेको बंसी कली तोफथ नु हिन्नीम आ ती आ बंसी, दे वोइश्शो नं परांडनीम। मेको शुश नाक्त रिम्चा ममाल्लीनी। तन्न मेको कली मुर साइक्तीक बंसी, दे नं वोइक्नीम। यरमीया ७ :३२ ७गो एको रागीमी यहूदा नु यरूसलेम आस मिम्शो मदुम्पाइक्नुड। गो मेको आन कली आन जोरी सतरु आन डांडती तरवारम साइक्पाइक्नुडमी। सु सुम मेको आन कली साइक्चा दाक्नीमी, मेको आन गुडम गेनुडमी। आन बक्शो रां चहिं सरीड डा चिक्ब नु रागीम बाक्ब ब्याकी डा जन्तु आन कली ब्वचा गेनुडमी। ८मिनु गो मेको सहर कली हिंचा डा सेल्लुड। मिनु मेको सहर गेना हना यो शुकशी पतीक दुम्ब। मेकर रे सु सु गाक्मा, मेको गरीचोक पा हिंनीम। मिनु आ सतम दुम्तीके आ पर्वम आबी, आबी दंनीम। यरमीया १८ :१६ ९मेको आन कली आन तमी ती आन श्ये ब्वपाइक्नुडमी। सहर पुम्तीक मुर नेल्ल आन नेक्था डा मुर आन श्ये ब्वाइनीम। आन जोरी सतरु नु मेको आन

कली साइक्चा माल्ब आन गेशो श्येतम मोदंशो पाइनीम। लेवी २६ :२९ ; ब्यवस्था २८ :५३

१०मिनु नोले गे मेको ब्याक्कु कुर पतीक खप के ग्यांब, गे नु लाइब आन डांडती परालो। ११मिनु गे मेको आन कली मुर नेल्ल आन परमपरभु यावेमी दोपा खप के ग्यांब सत्व आ ग्यांब गेनायो मबोइसीचा डा पा बरोल्म, मोपा गो मेको मुर आन कली नु एको सहर आन कली पराल्लुड। तोफथमी मुर थिम्तीक मनुम्म सम्म बक्शो मुर थिम्नीम। यसेया ३० :१२-१४ ; यरमीया ७ :३२ १२गो एको सहर नु एकर बाक्ब मुर आन कली मो पाइक्नुडमी। गो एको सहर कली तोफथ सोदंशो सेल्लुड। १३यरूसलेम डा सिंपुकी नु यहूदा डा पिप आन सिंपुकी तोफथ सोदंशो पा गरांगरा दिचा डा दुम्नीम। तेको तेको सिं तारी सरीड डा नां, तास्ता नु सोरुल आन कली चढेशा, अरु देवी देवता आन कली तूचा थोत्रक चढेम, मेको सिं नेल्ल गरांगरा दिचा डा दुम्नीम’ दंनो” दे परमपरभु यावेमी दंत। यरमीया ३२ :२९ ; २राजा २३ :१२ ; सफन्याह १ :३

१४मिनु परमपरभु यावेमी यरमीया कली लोत्र पथ, तोफथ सोइक्ताक्व। मिनु यरमीया मेकर रे जाक्शा, परमपरभु यावे आ सिं डा लाडगाम बाक्शा, मुर नेल्ल आन कली १५मुर नेल्ल आन परमपरभु यावे, इसराएली आन परमपरभुमी मार दंत दंशा हना “गो एको सहर नु आ नेक्था डा सहर डा मुर नेल्ल आन कली आं डांडती दंशो ठेयब श्येत जपाइक्नुडमी। मारदे हना मेको आन थुं सकटा बाक्ब। मिनु आं लोत्र नंचा मदाक्नीम” दे माइक्तीमी।

यरमीया नु चढेब पशहुर

१मिनु इम्मर आ ती चढेब पशहुर परमपरभु २० यावे आ सिंम गेय पाइब आन ठेयब मुर बाक्त। मेकोमी यरमीया आ लोत्र पशो नंतु। २मिनु पशहुरमी परमपरभु यावे आ लोत्र पाइब यरमीया कली तुप्तु। मिनु परमपरभु यावे आ सिंम बाक्शो बेन्यामीन आ इर तला डा लाप्चोम बाक्शो ठंडरो थोक्ताक्व। पररित १६ :२४ ३मिनु आ दीसा पशहुरमी यरमीया कली ठंडरो रे गरुंडदानु, यरमीयामी मेको कली “परमपरभु यावेम इ नं पशहुर मवाइक्थु एर आंथ नेल्ल रे हिंतीक” दे इ नं वोइक्तु। यरमीया २० :१० ; यरमीया ६ :२५ ; यरमीया ४६ :५ ; यरमीया ४९ :२९ ; बजन संगरह ३१ :१४ ४मारदे हना परमपरभु यावेमी गो इ कली नु इ वारच नेल्ल

आन कली शुश हिंचा डा सल्लुङ्। मेकोपुकी इ डांइती आन जोरी सतरु आन तरवारम साइक्चा पुंडसीनीम। गो यहूदा नु मेको आ मुर नेल्ल आन कली बेबीलोन डा पिप आ गुइम गनुडमी। मेकोमी मेको आन कली ग्याइश्शा बेबीलोन लाइक्व। मिनु तरवारम साइक्व। ५ गो एको सहर डा शांप नेल्ल, आ चेम्शो क्यट नेल्ल, आ शुश क्यट लाइब थोत्रक नेल्ल नु यहूदा डा पिप आन शांप नेल्ल आन जोरी सतरु आन कली गनुडमी। मेकोपुकीमी आन मारइ मारइ रोइश्शा, मेको आन कली ग्याइश्शा बेबीलोन लाइक्नीम। यहासु ३९ :६ ६ पशहुर, गे नु इ खिम बाक्व नेल्ल ग्याइक्चा पुंडसीशा बेबीलोनम लाइनीनी। गे बेबीलोन लशा, मेकर बेक्नीनी। इन कली मेकर थिम्नीम। गे परमपरभु आ लोत्र दूती सल्ल्या, शंताक्वी। इ लोत्र नंब इ वारच नेल्ल इ खोदंशो पा थिम्चा पुंडसीनीम” दंत।

यरमीयाम उजुर पशो

७ मिनु यरमीयाम “परमपरभु यावे, गे आं कली लेम्शा, इन लोत्र पाइब सल्लतीनी। मिनु गो इन लेम्शो लोत्र नेशा बिस्साक्वी। इन सक्तिमी आं कली गरातीनी। मुल नाक्त रेन मुरुम आं कली शुक्शी पाइनीम। मुर नेल्लेमी आं कली शुक्शी पाइनीमी। यरमीया १ :५-७ ८ गो लोत्र पची ना ठेयब संदा पा लोत्र पचा माल्लुङ्। गो हुश खराक्व बाक्चा नु खतम दुम्चा आ पर्वम ला गरीनुङ्। परमपरभु यावे आ लोत्र नाक्त रेन आं कली शुक्शी पाइक्तीक नु मरिम्शा पाइक्तीक दुम्त। ९ गो मेको आ पर्वम लोत्र मपाइनुङ्। आ नें थिशा लेंशा लोत्र मपाइनुङ् दंती हना यो, आ थुमी बरशो मी खोदंशो दुम्त। आं रुशपुकीम तेक्शा वोदुनु, मी खोदंशो दुम्त। गो मेको कली तेक्शा दती। गो थमा पा, मेको कली तेक्ने मचाप्नुङ्। १० करिन्थी ९ :१६ १० गो शुश मुरपुकीम नोफा मुइक्मुशा लोत्र पशो नंता। मेकोपुकीमी “एर आंथ नेल्ल हिंचा डा श्येत बाक्व। यरमीया कली दोस गेय। मेको आ पर्वम उजुर पय” दंतीनीम। आं नेक्था डा वारच नेल्लेमी ‘गेना दाइल पांडसीबा’ दे आं कली कोत्रनीम। मिनु लेंशा ‘गो मेको आ पर्वम लोत्र पा मेको कली गराने चाप्नीकी। गो मेको क्येडा गराशा क्येक्क लेत्नय’ दंतेक्म” दंत। यरमीया २० :३ ; यरमीया १८ :१८ ११ तन्न परमपरभु यावे बोल्यो लडाइ पाइब का खोदंशो पा गो नु बाक्व। मोपतीके आं कली संदा पाइबपुकी दाइल पांडसीशा, गोल्लीम। मिनु

मेकोपुकीम आं कली मगरानीम। मेको थाम्पा मुने दोक्नीम। मारदे हना मेको आन मरिम्शो पशो गेनायो मपरंसीब। यरमीया १ :८,१९ १२ मुर नेल्ल आन परमपरभु यावे, गे ठीक पाइब आन कली नाक्शा कोत्रनीनी। गे मुर आन थुं नु आन मिम्तीक कोत्रनीनी। आं कली मेको आन कली क्येक्क लेश्शा तचा गेयीनी। मारदे हना गो आं निसाफ पतीक इन कली जिम्मा गता। यरमीया ११ :२०

१३ मिनु “परमपरभु यावे कली कुम्सो पने। परमपरभु यावे ठेयब बाक्व” दे कुम्सो पने। मेकोमी क्येट मथीब आन कली मरिम्शो पाइब आन गुइर परांइतु।

१४ गो आं जरमशो नाक्त सराप रल। आं ममाम आं कली जरमशो नाक्त आसीक मतवल। यरमीया १५ :१० ; अय्युब ३ :३-११ ; अय्युब १० :१८ १५ आं आफ कली “इ के आल का जरमसाक्व। ती का जरमसाक्व” दे लोत्र शंब सराप रल। मेकोमी आं आफ कली गेरपाइक्तु। १६ परमपरभु यावेमी मेको मुर कली शिशी मपथु, मेको मुर खतम पोक्शो सहर खोदंशो दुम्त। मेकोमी सुनी डाक्शो बरेशो नु नाक्ती लडाइ डा तुराही ताप्शो नेनल। उत्पती १९ :२४-२८ १७ मारदे हना मेकोमी आं कली आं ममा आ कोत्रज उइ मसाइय्यी। मो दुम्शो हना, आं ममा, आं तुरस दुम वा। मिनु आ कोत्रज गेना हना यो ठेयब दुम वा। १८ गो मारदे कोत्रज र गरुडा ? गो शुश गेय नु सुतां पचा कली जरमसाक्वी। मिनु नाक्त कित कित मुने दोक्चा कली जरमसाक्वी।

पिप सिदकीयाह आ पुंडशो मनंशो

१ मिनु पिप सिदकीयाहम माल्कीयाह आ २१ ती पशहुर नु मासयाह आ ती चद्वेब सफन्याह आस कली लोत्र कुर पा यरमीया आ बाक्तीकेम सोइक्ताक्सी। मेना परमपरभु यावेमी यरमीया कली लोत्र पाप्नु। यरमीया ३९ :१-१० ; यरमीया २९ :२५-२६ ; यरमीया ३७ :३ ; यरमीया ५२ :२४ २ मेको निक्शीमी “हजुर, परमपरभु यावे कली आंइ पर्वम हिल्लो पने। मारदे हना बेबीलोन डा पिप नेबुकदरसरमी आंइ कली लडाइ तान तान बाक्व। साइ डांइती शुश खेयप पशो खोदंशो पा परमपरभु यावेमी आंइ पर्वम ल्ळक लाक्चा डा गेय पाइबा को ? मिनु मोपा मेकोपुकी आंइ रे पा लेश्शा लाइनीमी कां ?” दंताक्स। ३ मिनु यरमीयामी मेको आस कली ४ “परमपरभु यावे, इसराएली आन परमपरभुमी मार लोत्र पाप्नु

देशा हना, गे सिदकीयाह कली भारो आ लाडगाम बाक्शो इन कली पुम्ब बेबीलोन डा पिप नु कल्दी नु लडाइ पशो इन गुइ डा यापुकी इन गे लेप्पाइक्नुड। मिनु गो मेको आन कली सुप्शा, एको सहर आगाम आइनुडमी। ५ गो आं दिंशो गुइ, सक्ति नु आं थाम्पा गाइश्शा, चुरशा नु ग्युशरा बोक्शा, गे नु लडाइ पाइनुड। ६ गो एको सहरम बाक्ब मुर नु बस्तु भाव नल्ल आन कली साइक्नुडमी। मिनु मेकोपुकी ठेयब बेक्तीक रोइम बेक्नीम' दंत, द मतीस। ७ मिनु नोल परमपरमु यावेमी गो यहूदा डा पिप सिदकीयाह, मेको आ गेय पाइबपुकी नु मेको सहर डा बेक्तीक रोइ, तरवार नु अन्काल र बरांइशो मुर आन कली बेबीलोन डा पिप नेबुकदरसर आ गुइम गेनुडमी। गो मेको आन कली साइक्चा माल्व आन जोरी सतरु आन गुइम जिम्मा गेनुडमी। मिनु मेकोमी मेको आन कली तरवारम साइक्पाइक्ब। मेकोमी मेको आन कली शिशी मपथु, मपरांइब नु दाक्तीके मकांइथु, साइक्पाइक्ब' मतीस" द माइक्तीम्सी।

८ मेकोमी "गेमी मेको मुर आन कली 'परमपरमु यावेमी "गो इन डांइती बरांइशा बाक्तीक नु बेक्तीक लां वोइक्ता। ब्यवस्था ३०:१५ ९ मेको सहरम बाक्ब मुर तरवार, अन्काल नु मुर बेक्तीक रोइम बेक्चा माल्नीम। तन्न सु लाडगा गरूशा, इन कली पुम्ब कल्दी आन कली जिम्मा गंसीबा, मेको बरांइब। मेकोम आ सोक्त ला परांइब। यरमीया ३८:२ १० गो एको सहर कली थमा पा क्याम्नुड। रिम्शो पचा कली ममिम्नुड। एको सहर बेबीलोन डा पिप आ गुइम गेनुड। मेकोमी एको सहर कली मीम करोइक्ब" दंत' दनो" दंत। यरमीया ३४:२

११ परमपरमु यावेम "यहूदा डा पिप आ खिं डा मुर आन कली "परमपरमु यावे आ लोत्र नेनीन। १२ गो दाऊद आ खिं डा मुर सुनी कुस कुस ठीक निसाफ पने। रोइक्चा पुंइसीशो आन कली मरिम्शो पाइब आन गुइ र परोनीन। मो मपाइतीनी हना, इन मरिम्शो पतीके आं गाइक्तीके मी सोदंशो पा बराइब। मेको सुइम काप्न मचाप्पा डा पा बराइब। यरमीया २२:३ ; यरमीया ७:२० १३ एको दिंमम बाक्बपुकी रांगु तार सल्लशो सहर गो इन कली लडाइ तोइनुड। गे आंइ कली जाक्शा, सुम लडाइ तोइबा डा ? "आंइ खरुइक्तीके सु ओवने चाप्पा डा ? आंइ बाक्तीकेम सु ओवने चाप्पा डा ?" दंनीनी। १४ गो इन कली इन पशो सोदंशो पा कोत्रशा, सजाइ

गेनन्नी। गो इन ब्वाकीम मी सुइक्नुड। मिनु मेकोमी इन एर आंथ बाक्शो मारइ मारइ नेक्ब, द परमपरमु यावेमी दंत' दनो" दंत। गलाती ६:७ ; इजीकीएल २१:३

पिप शाल्लतुम येहो-याकीम नु कोन्याह

१ परमपरमु यावेम "उइ यहूदा डा पिप २२ आ दरवारम लशा, मेकर मार लोत्र पचा माल्लव देशा हना, २ दाऊद आ नित्तीकेम निप्ब, यहूदा डा पिप, इन गेय पाइबपुकी नु मेको ठेयब लाप्पो र ओवबपुकी परमपरमु यावे आ लोत्र नेनीन। ३ परमपरमु यावेमी मार दंत देशा हना "गे ठीक निसाफ पने। ठीक गेय पने। रोइक्चा पुंइसीशो आन कली मरिम्शो पाइब आन गुइ र परोनीन। अर्को रागी डा मुर, रोम रोइक्च नु आन वांइश बेक्शो मीश मुर आन कली मरिम्शो मपने। मिनु एको रागीम मारइ दोस मताइब आन हुश मशाइक्पतीन। यरमीया २१:१२ ४ मारदे हना गेपुकीम थमा पा एको आं लोत्र पाइतीनी हना, एको दरवार डा ठेयब लाप्पो र पा ओवशा, दाऊद आ नित्तीकेम निप्ब पिप गेना हना यो बाक्ब। मेको बग्गी नु शाराम जाक्शा, मेको आ गेय पाइब मुरपुकी नु अरु मुरपुकी नु ओवब"। यरमीया १७:२३ ५ तन्न गेपुकीम एको आं लोत्र मपाइतीनी हना, परमपरमु यावेम "गो आं नेमी कसम जशा, एको दरवार क्याम्नुड" द मतो" दंत। १ राजा ९:८ ६ मारदे हना यहूदा डा पिप आ दरवार आ पर्वम परमपरमु यावेमी "गे आं कली गिलाद नु लेबानोन डा डांडा सोदंशो बाक्नव। गो इ कली गोरशो रागी नु मुर मबाक्शो सहर सोदंशो संल्लुड, द कसम जाता। ७ गो इ कली या कुरशा, सतम सल्ल आन कली ठीक पाइनुड। मेकोपुकीम इ नल्ल क्येडा रिम्शो लाइश्शा लेबानोन डा रवा तिम्नीम। मिनु मीम हुम्नीम। ८ मिनु शुश रागी रागी डा मुरपुकी एको सहर र पा लाइनीम। मिनु मेको नेल्लेमी "परमपरमु यावेम, मारदे एको ठेयब सहर कली ओदंशो पवा ?" दंमुइनीम। ९ मिनु मेको आन कली "मारदे हना मेकोपुकीमी परमपरमु यावे, आन परमपरमु आ कबल पशो परांइशा, देवी देवता आन कली पूजा पा, मेको आन कली गेय पाम्तेकम' देशा लोत्र लेत्वा पुंइसीनी" दंनीम। १० बेक्शा लशो आन पर्वम मडाक्कीन। मेको आन पर्वम रांका मपने। मेको क्येडा यो ग्याइश्शा लाइश्शो मुर आन पर्वम डाक्कीन। मारदे हना मेको गेनायो मलेप्ब। मेकोमी आ रागी गेनायो मताइब। २ राजा २३:२९-३४

पिप शाल्लुम आ पर्वम लोत्र

११ परमपरभु यावेम यहूदा डा पिप योसीयाह आ तौ शाल्लुम आ पर्वम लोत्र पाइब। मेको आ आफ आ पा डा यहूदा डा पिप दुम्त। मिनु मुल मेको एक र लत। मेको एक लेइशा मजावब। शाल्लुम कली योआहास यो देनीम। १इतिहास ३:१५; २इतिहास ३६:१-४ १२ मेको कली तेको रागीम ग्याइइशा लदम। मेको मेक उइ बेवब। मेकोमी एको रागी लेशा गेनायो मताइब। १३ “आबी, आबी, सुमी पाप पतीकमी आ सिं सल्वा, सुम आ सिं डा आइकथा डा कोठा ठीक मपतीकमी सल्वा, मेकोमी आ नेकथा डा मुर आन कली मोशा गेय पपाइकब। मिनु मेको आन कली आन गेय पशो डा गाल्व मगेब। २राजा २४:१४; मीका ३:१०; लेवी १९:१३; याकूब ५:४ १४ मेकोमी ‘गो आं कली तला तार शुश ठेयब कोठा पाइइशो सिं का सेल्लुड’ देब। मेकोमी झेलपुकी सल्ब। मेको कली लेबानोन डा लाइइशो रवा आ शीम क्येप्या, मेको कली लल रड खरकब। १४ मार, गे पिप नवे? मारदे हना गे गारो नेल्ल बाल्यो शीम क्येपनेवे? इ आफ नु जचा तुचा थोत्रक बाक्त। मेकोमी ठीक निसाफ नु ठीक गेय पाप्तु। मिनु मेको कली रिम्शोन दुम्त। १६ मेकोमी परुडग नु मारइ मथीब आन कली ठीक निसाफ पाप्तु। मिनु मेको कली रिम्शोन दुम्त। मेको आं कली तुइकब मुरुम पाइनीम” दे परमपरभु यावेम देत। १७ तन्न इ मिक्च नु इ थुंम ठीक पा मचेम्शो क्येप ला बाकब। गे दोस मताइब आन हुश शाइकपाइकनेवे। गे मुर आन कली दिप्या हुश खराकश पोक्नेवे। मरिम्शो पचा नु रोइकचा ला दाकनेवे। १८ मोपतीक परमपरभु यावेम “यहूदा डा पिप योसीयाह आ तौ येहो-याकीम आ पर्वम ‘आबी, मुरपुकीमी मेको आ पर्वम रांका पची ना आं लोक्ब, आबी, आ समी मदेनीम’ मेको आ पर्वम मडाकनीम। मिनु ‘आबी, आं परभु, आबी, मान ताइब पिप’ दे मेको आ पर्वम मडाकनीमी। २राजा २३:३४ १९ मेको कली गधा का थिम्शो खोदंशो पा, कीशा लाइइशा यरूसलेम डा ठेयब लाप्वो आ डंडती गरुंडशा ताइकनीम” देत। यरमीया ३६:३०

२० लेबानोनम लशा ठेयब सेंदा पा गरीडो। इ सेंदा बाशानम नेपाइकमी। अबारीम पहाड रे ठेयब सेंदा पा गरीडो। मारदे हना इ दाकशो मुर नेल्ल बेक्तकम। २१ गे रिम्शो पा बाकडेनु, गो

इ कली लोत्र पाता। तन्न गे “गो मेको मननेनुड” देत। गे ठिटा बाकडे ना रेन मोदंशो बाक्त। गे आं दंशो मटिवी। २२ इ गोठला नेल्ल आन कली फशम बेर पाइइशा योल्ब। मिनु इ वारच नेल्ल ग्याइइशा लाइकचा पुइसीनीम। मना गे इ मरिम्शो गेयम पतीक मुने दोकशा, आमाइ, मेको श्येत नेल्ल परमपरभु यावे आ अरशो मटितीक दुम्शो बाकब। २३ लेबानोनम बाक्ब मुर, लेबानोन डा लाइइशो रवा आन दातमी सिं सल्ब मुरपुकी, श्येत नु सुत्करी रोइ पशो खोदंशो दुम्तीनी हना, दोपा हुकयो पाइनीमी।

२४ परमपरभु यावेम “गो दोपा बरांइशा बाकडा, मोपा यहूदा डा पिप येहो-याकीम आ तौ कोन्याह माइइशो येहो-याकीम कली गे आं ग्युरा गुइ डा छाप थोक्तीक औंठी नवे हना, गो इ कली गरुंडशा ताइकतन वा। कोन्याह कली योयाकीम यो देनीम। २राजा २४:८-१६; यरमीया २४:१ २४ गो इ कली साइकचा माल्व मुर आन गुइम गेनन। गे मेको आन कली तशा हिंनेवे। गो इ कली मेको बेबीलोन डा पिप नेबुकदरसर नु कल्दी आन गुइम गेनन। २६ गो गे नु इ कली जरमेब इ ममा इस कली अर्का रागीम ताइकनन्सी। मिनु गे निम्फा मेकर बेकनीसी। २७ तन्न मेको आस लेत्वा माल्थो रागीम, लेत्वा मताइनीस। २८ मार, एको कोन्याह माइइशो मुर सुइम मदाकशा बरांल्थो ग्यांब खोदंशो बाकचा डा? मेको मोदंशो ग्यांब कली सुइम ममाल्नीम। मोपतीक मेको नु मेको आ आल आन मतुइइशो रागीम ताइकचा पुइसीनीमी?” देत। कोन्याह माइइशो येहो-याकीम आ तौ कली येकोन्याह यो देनीम। यरमीया २४:१ २९ ए रागी, रागी डा मुर नेल्ल, परमपरभु यावे आ लोत्र नेनीन। ३० परमपरभु यावेमी “मेको मुर आ ने क्याम्सीब, दे बेरकशा वोतो। मेको मुर बाक्म सम्म मारइ पने मचाप्व। मेको आल मपाइइशो मुर दुम्ब। मारदे हना मेको के तेकोइ मुर रिम्शो मदुम्नीम। मेको आ चच युइ दाऊद आ नितीकम नित्वा मताइनीम। मेकोपुकीमी यहूदा आ नितीकम निइशा हुकुम पचा मताइनीम” देत। १इतिहास ३:१७-२४

मरिम्शो गोठला आन पर्वम लोत्र

१ परमपरभु यावेमी “आबी, गे आं मेडा आन २३ कली एर आंथ बरपाइकब गोठला” देत। इजीकीएल १४ :-; यरमीया १०:२१; जकरिया

११ :५ २मोपतीके परमपरभु यावे, इसराएली आन परमपरभुमी आ मुर आन कली योत्रब गोठला आन पर्वम “गोपुकीम आं बगाल आन कली फराइतीनी। मिनु मेको आन कली खरतीनी। मेको आन कली मकोवनी। मोपतीके गो इन मरिम्शो पशो आ पर्वम कोत्रनुड। इन कली सजाइ गनुड” दे परमपरभु यावेमी दंत। ३परमपरभु यावेमी “गो आं लोशो बगाल नेल्ल आन कली इन खरशो रागी रे सुप्शा लेशशा, आन बगालम चाकनुडमी। मिनु मेकोपुकी मेकर सोशा बोशा शुश दुम्नीम। ४गो मेको आन कली योत्रब गोठलापुकी वोइकनुडमी। मिनु मेको आन कली योत्रनीम। मेना मेडा महिनीम। सुर्ता मपाइनीम। मेको आन दाते डा का यो मजास्नीम” दे परमपरभु यावेमी दंत। यरमीया ३ :१५

५ परमपरभु यावेम “गो दाऊद आ मुर रे ठीक पाइब राशी का वापाइकनुड। मेको नाक्त थमा पा जाकना जाकन बाकब। पिप कामी आ जोक्तीक तुइक्तीकेम सासन पाइब। मिनु मेकोमी आ रागीमी ठीक निसाफ नु ठीक गेय पाइब। जकरिया ३ :८ ; यसैया ३२ :१ ६मकोम सासन पवा ना यहूदा श्येत रे परांडचा पुंडसीब। मिनु इसराएल मारइ मदुम्बु बाकब। मेको आ नेम मेकोपुकी तुइक्चा पुंडसीनीमी। मेको आ ने “परमपरभु यावे आंइ कली ठीक पाइब बाकब” देनीम” दंत। ब्यवस्था ३३ :२८ ; यरमीया ३३ :१६ ; यसैया ४५ :२४

७ मिनु परमपरभु यावेमी “परमपरभु यावे ब्रांडशा बाकशो खोदंशो नु मुर आन कली इजीपत रागी रे गरुंडशा एक चाकशो मदेतीक नाक्ती थमा पा जाकनीम। ८तन्न मार देनीम देशा हना, मेकोपुकीमी “परमपरभु यावे ब्रांडशा बाकशो खोदंशो नु इसराएली आन चच युइ आन कली उत्तर डा रागी नु तेको तेको रागी रे चाकशो” देनीम। मारदे हना मेको आन रागीम बाकचा ताइनीम” दंत। यरमीया १६ :१४-१५

दूली लोत्र पाइब

इजीकीएल १३ :२-१६

९ परमपरभु यावेम आ लोत्र पाइब आन पर्वम लोत्र पशो बाकब। मेको नेशा आं थुं जिक्त। आं रुश नेल्ल खिरखिर पाइनीम। गो दुक्शो मुर खोदंशो दुम्ती। गो अङ्गुर शांबु शुश तृशा दुक्शो खोदंशो दुम्ती। गो परमपरभु यावे आ पर्वम नु आ लोत्र आ पर्वम मोदंशो दुम्ती। १० मारदे हना एको रागी तेल्लेम पतीकेम बरीशो बाकब। सराप रतीक, रागीम रांका पाइब। मुर मबाक्तीक

बस्तु योत्रतीके सोत्रतेकम। परमपरभु यावे आ लोत्र पाइब आन पतीके काइ मरिम्शो बाकब। आन सक्ति दूली पा चलेनीम। यरमीया १२ :४ ११ परमपरभु यावेमी “आं लोत्र पाइब नु चद्वेब नेल्ल आं कली ममानंब दुम्तेकम। मेकोपुकीमी आं खिमी यो आं अरशो लोत्र मटीनीम। यरमीया ५ :३१ ११मोपतीके मेको आन लां छिडछिड दुम्शा गेरकब दुम्ब। मिनु मेकोपुकी मेकर गाकमानु, गेरकशा गोल्नीम। मारदे हना गो मेको आन कली सजाइ ततीक बर्सम ठेयब श्येत गनुड। यरमीया १३ :१६ ; बजन संगरह ३५ :६ १३गो सामरीया डा आं लोत्र पाइब आन दातेमी गरांगरा दिशा गेय ताता। मेकोपुकीमी बाल देवता आ नेम नोले दुम्ब लोत्र पाम्तेकम। मिनु आं मुर इसराएली आन कली हेंथे लां खोइकपाइक्तेकम। ब्यवस्था १८ :२०-२२ ; यसैया १ :१० ; इजीकीएल १३ :२३ १४ तन्न यरूसलेम डा आं लोत्र पाइब आन दातेम सामरीया क्येडा यो गरांगरा दिचा डा गेय ताता। मेकोपुकीम तेल्लेम पशा जोल ला पाइनीम। मरिम्शो पाइब आन कली बोल्या सल्लनीम। मोपतीके सुइ मुर परमपरभु यावे आ अरशो मटितीके रे मलेलनीम। मेको नेल्ल आं कली सोदोम खोदंशो नु यरूसलेम डा मुरपुकी चहिं गोमोररा खोदंशो दुम्तेकम” दे परमपरभु यावेमी दंत। १२ मोपतीके मुर नेल्ल आन परमपरभु यावेम आ लोत्र पाइब आन पर्वम “गो मेको आन कली कशो थोत्रक उम्नुडमी। मिनु तृचा कली बीस ब्याइशशो ब्याक्कु तृचा गनुडमी। मारदे हना यरूसलेम डा परमपरभु यावे आ लोत्र पाइब रेन रागी नेल्लेम परमपरभु यावे कली थमा मसुइशशो बाकनीम” दंत। यरमीया ९ :१५

१६ मुर नेल्ल आन परमपरभु यावेम “गोपुकी आं लोत्र पाइब आन लोत्र मननीन। मेकोपुकीमी जोल लोत्र पा इन कली हेंथे गाकपाइकनीम। परमपरभु यावे आ लोत्र ममाइ, तन्न आन थुंम मिम्शो लोत्र नु आन डोमु तशो ना डा लोत्र शनीम। आन सकटा थुं कली खोइशशा गाकब आन कली गो ठेयब श्येत मताइनीनी” देनीम। यरमीया ६ :१३-१४ ; यरमीया १४ :१४ १० मेकोपुकीम आं लोत्र मदाकब आन कली गना हना यो “परमपरभु यावे इन कली थुं नाइशशा बाक्तीक दुम्ब” देनीम। मिनु मेकोपुकीम मटिथु आन थुं डा मिम्शोम गाकब आन कली “इन कली मारइ हिंचा डा श्येत मदुम्ब” देनीम। १८ तन्न सु परमपरभु यावे आ लोत्र नंचा नु रुप्चा कली मेको आ अर्ती गतीकेम

बाक्ब' दंनीम। गो मोदंशो लोत्र पाइब आन कली काइ मदाक्नुड। ३२कोत्रडीन, मेकोपुकी जोल पा डोमु डा लोत्र पाइब बाक्नीम। गो मोदंशो पा आं लोत्र पाइब आन कली काइ मदाक्नुड। मेको आन जोल शंतीकमी आं मुर आन कली हंथ लां खोइक्पाइक्नीम। मेकोपुकी काइ महिंब बाक्नीम। गो मेको आन कली मसाइक्तुमी। गो मेको आन कली मयात्रडुमी। मोपतीक मेको आन लोत्र मुर आन कली शोर गाक्शो बाक्ब" दे परमपरभु यावेमी दंत। यरमीया १४:१४

### जोल पाइब आन लोत्र

३३मिनु मुर का, आं लोत्र पाइब का कि चढेब काम इ कली "परमपरभु यावे आ दंशो श्येत लोत्र मार बाक्बा?" दे इ कली हिल्लो पाप्नु हना, गे मेको कली "मेको श्येत गे बाक्नीनी" देनो। मिनु परमपरभु यावेमी "गो इन कली ताइक्नन्नी, दंत, माइक्मी" दंत। २राजा ९:२५; यसेया १३:१ ३४ परमपरभु यावेम "तेकोइ आं लोत्र पाइब, तेकोइ चढेब नु अरु सुइमी 'एको परमपरभु यावे आ दंशो श्येत बाक्ब' दंतेक्म हना, गो मेको आन कली नु मेको आन खिं डा मुर आन कली सजाइ गनुडमी" दंत, दे माइक्मी। ३५ मिनु इन दातेम अर्का कली "परमपरभु यावेम मार लोत्र पवा? दे हिल्लो पचा माल्नीनी। ३६ तन्न गे लेंशा "परमपरभु यावे आ दंशो श्येत लोत्र बाक्ब' मदेनीन। मारदे हना मुर नेल्ल आन पशा लोत्र श्येत दुम्ब। मोपा गपुकीम बरांइशा बाक्ब परमपरभु, मुर नेल्ल आन परमपरभु यावे, इ परमपरभु आ लोत्र दूली सल्लनीनी। ३७ मिनु गे आं लोत्र पाइब नेल्ल आन कली "परमपरभु यावेम इन कली मार, लोत्र लेत्ता? परमपरभु यावेम मार लोत्र पवा?" दे हिल्लो पचा माल्नेव। ३८ तन्न गेपुकीमी 'एको परमपरभु यावे आ दंशो श्येत डा लोत्र बाक्ब' दंनीनी। मोपतीके परमपरभु यावेमी 'मारदे हना गे परमपरभु यावे आ दंशो श्येत डा लोत्र बाक्ब' दंतीनी। तन्न गो इन कली 'एको परमपरभु यावे आ दंशो श्येत बाक्ब, मदेनीन' दंती। ३९ मोपतीके गो थमा पा इन कली क्युक्शा, आं डोंइती रे ताइक्नुड। इन कली नु इन किकी पिपी आन कली गेशो सहर पोक्शा ताइक्नुड। ४० मिनु गो इन कली गेना हना यो शिशी मपथु, गेना हना यो मुने दोक्पाइक्नन्नी। मेको गेना यो मपरसीब" दे परमपरभु यावेमी दंत। यरमीया २०:११

२३ परमपरभु यावेम "मार, गो नेक्था डा ला परमपरभु यावे नडा डा? डोन डा चहिं परमपरभु मनडा डा? २४ मिनु मुर आं डोंइती रे खरुइइशा बाक्ने चाप्नीमी डा? मिनु गो मेको आन कली तने मचाप्नुडमी डा? मार, सरीड नु रागी निम्फा कली गो पिरंने मचाप्नुडा डा?" दे परमपरभु यावेमी दंत। बजन संग्रह १३९:१७-१६ २५ मिनु मेकोमी "गो आं नेमी जोल पाइब आन लोत्र नंता। गो डोमु ताता। गो डोमु ताता। २६ गेना सम्म मोदंशो दुम्बा? मेको आं लोत्र पाइब आन थुं गेना आं गे लेप्बा? मेको जोल पाइब आंम थुं डा दूली लोत्र पाइबपुकी गेना आं गे लेत्नीमी। २७ मेकोपुकीमी आन डोमु आन पर्वम लोत्र पा आं नें परंपाइक्का माल्नीम। आन किकी पिपी खोदंशो पा आं नें आ पा डा बाल आ नें ठेयब सेल्शा, आन डोमु डा लोत्र शंमुत्तक्म। न्यायाधीस ३:१७ २८ सुइ आं लोत्र पाइबम डोमु ताप्नु हना, आ डोमु शोत्रडल। तन्न सुइ नु आं लोत्र बाक्त हना, मेकोमी थमा पा आं लोत्र शंदल। पराल नु चरब मगारनीस" दंत। २९ परमपरभु यावेमी "मार, आं लोत्र मी खोदंशो मबाक्बा डा? मेको सेरथे फुल्लु कली परोल्ब घन खोदंशो मबाक्बा डा?" दे परमपरभु यावेमी दंत। हिब्रू ४:१२ ३० मिनु परमपरभु यावेमी "कोत्रडीन, गो मेको आन कली दंशो लोत्र खोदंशो पा, मेकोपुकीमी अरु आन कली दंशो आं लोत्र आंम के सेल्शा, सुइ पा शंनीम। मोदंशो पा आं लोत्र पाइब आन कली काइ मदाक्नुड। ३१ कोत्रडीन, मेकोपुकीमी आंम थुं डा लोत्र पशा "परमपरभु यावे आ लोत्र

रिम्शो नु मरिम्शो फोव्रशी गेडा

२४ १ बेबीलोन डा पिप नेबुकदरसरमी यहूदा डा पिप यहो-याकीम आ तौ यकोन्याह, यहूदा डा पिप आ गेय पाइब, मार मार सल्स जोक्व नु तुप्तील आन कली यरूसलेमम ग्याइश्शा बेबीलोन लदा बाक्त। मेको नोले परमपरभु यावेमी आं कली आ सिं आ डाइती डालो निकशी फोव्रशी गेडा कांडताक्यी। यहो-याकीम आ नं २राजा २४:६ योयाकीन बाक्व। तन्न यरमीया किताबम २२:२४ आ नं कोन्याह बाक्व। मिनु यरमीया २४:१ यकोन्याह यो देनीम। २राजा २४:१४-१६ २मिनु डालो कामी डाइती डा थम रिम्शो मीशो फोव्रशी गेडा बाक्तेकम। तन्न अर्का डालोम काइ मरिम्शो फोव्रशी गेडा बाक्तेकम। मेको जचा यो मडुम्चा डा थम मरिम्शो बाक्तेकम। ३मिनु परमपरभु यावेम आं कली “यरमीया गे मार, तवी” दे माइक्ती। मिनु गो “फोव्रशी गेडा तातामी। थम रिम्शो फोव्रशी गेडा नु थम मरिम्शो फोव्रशी गेडा बाक्तेकम। मेको मरिम्शो फोव्रशी गेडा जचा यो मडुम्चा डा बाक्नीम” देती।

४ मिनु परमपरभु यावेमी आं कली इजीकीएल ११:१४-२१ ५ परमपरभु यावे, इसराएली आन परमपरभुमी “मेको रिम्शो फोव्रशी गेडा सोदंशो पा, गो यहूदा रे बेबीलोन रागीम ग्याइश्शा लाइक्चा पुंडसीशो आन कली मिम्नुड। गो मेको आन कली एंकर रे कल्दी आन रागीम सोइक्ताकड। ६ गो मेको आन कली रिम्शो दुम्पाइक्चा कली कोव्रनुड। मिनु गो मेको आन कली एको रागीम लेश्शा चाक्नुडमी। गो मेको आन थुं बारपाइक्नुडमी। आन थुं लुक्च मलपाइक्नुडमी। गो मेको आन कली खरुम्नुडमी। मतुल्लुडमी। यरमीया १:१०; यरमीया ३१:२८ ७ मिनु गो मेको आन कली “गो परमपरभु यावे नड” दे आं कली तुइक्तीक थुं गेनुडमी। मेकोपुकी आं मुर दुम्नीम। मिनु गो मेको आन परमपरभु दुम्नुड। मारदे हना मेको आन थुं नेल्लेमी आं गे लेत्नीम। यरमीया ३१:३३-३४; यरमीया ७:२३

८ तन्न गो मेको जचान मडुम्चा डा काइ मदारशो फोव्रशी गेडा सोदंशो पा यहूदा डा पिप सिदकीयाह, मेको आ सरकार डा गेय पाइब, यरूसलेम डा लीशो मुरपुकी नु इजीप्त रागीमी बाक्व आन कली मरिम्शो पाइनुड। २राजा २४:१७-२०; ब्यवस्था २:३१; यरमीया २९:१६-

१९ १ गो मेको आन कली रागी डा राज्य नेल्लेमी शुश हिंचा डा नु काइ मरिम्शो सेल्लुड। मेको आन कली शिशो मताइब, शुक्शी लोव्र नु सराप पाइक्चा पुंडसीब सेल्लुडमी। मेको आन कली खरशो रागी नेल्लेम मादंशो पाइनुडमी। १राजा ९:७ १० गो मेको आन कली तरवार, अन्काल नु मुर बेक्तीक रोइ सोइक्नुड। मेको आन कली नु आन किकी पिपी आन कली गेशो रागी रे मेको नेल्ले मबक्मा सम्म मो पाइनुड” दे परमपरभु यावेमी देत।

ग्याइश्शा लाइक्चा पुंडसीब

२५ १ मिनु परमपरभु यावेमी यरमीया कली यहूदा डा मुर आन पर्वम लोव्र पाप्नु। मेना यहूदा डा पिप योसीयाह आ तौ यहो-याकीमपिप दुम्शो ४ बर्स दुम्मेनु, बेबीलोन डा पिप नेबुकदरसर पिप दुम्शो बर्स का दुम्शो बाक्त। यरमीया ३६:१ २ मिनु परमपरभु यावे आ लोव्र पाइब यरमीयामी यहूदा डा मुर नेल्ले नु यरूसलेममी बाक्व मुर नेल्ले आन कली मेको लोव्र पाप्नु। ३ यहूदा डा पिप आमोन आ तौ योसीयाह पिप दुम्शो १३ बर्स रे मुल २३ बर्स सम्म परमपरभु यावेमी आं कली लोव्र पना पन बाक्त। मिनु गो मेको लोव्र इन कली शंस डा शंस बाक्शो बाक्ती। तन्न गेपुकीम इन नोफा मदाइक्तीनी। यरमीया १:२; यरमीया ३६:२ ४ मिनु परमपरभु यावेम आ लोव्र पाइब आन कली मादं लोव्र पथ सोइक्स डा सोइक्स पाप्नु हना यो, गेपुकीम मेको आन लोव्र मनंनी। इन नोफा मदाइक्तीनी। यरमीया ७:२५-२६; यरमीया ११:७; यरमीया २६:५; यरमीया २८:८; यरमीया २९:१९; यरमीया ४४:४; २इतिहास ३६:१५-१६ ५ मेकोमी “गे नेल्ले इन मरिम्शो पशो नु परमपरभु यावे आ अरशो मटितीके रे लेतीन। मिनु परमपरभु यावेम इन कली नु इन किकी पिपी आन कली गेना हना यो कली गेशो रागीम बाक्चा ताइनीनी। यरमीया ७:३ ६ अर्का रागी डा देवी देवता आन कली पूजा पशा, टेयब सेल्ल्वा कली मेको आन नोले मखोतीन। इन गुइम सेल्ल्शोमी आं कली मगाइक्पाइय्यीनी। मिनु गो इन कली मारेइ श्येत मंगेनुड” दंशो बाक्त। ७ परमपरभु यावेमी “तन्न गेपुकीम आं लोव्रमी नोफा मदाइक्तीनी। इन गुइम सेल्ल्शोमी आं कली गाइक्पाइक्तीनी। मिनु गेपुकी आंमान सजाइ ताइब सेल्ल्शीशो बाक्नीनी” देत।

८मोपतीके मुर नेल्ल आन परमपरभु यावेमी “मारदे हना गपुकीम आं लोत्र मटिनी । १ गो उत्तर डा जात नेल्ल नु आं गय पाइब बेबीलोन डा पिप नेबुकदरसर कली बरेशशा चाक्नुडमी । गो मको आन कली एको रागी डा मुर नु एर आंथ डा जात नेल्ल आन पर्वम चाक्नुडमी । मिनु गो मको नेल्ल आन कली साइक्पाइक्नुडमी । गो मको आन कली शुश हिंचा डा, शुक्शी पाइक्चा पुंडसीब नु शिशी मताइब सल्लुडमी । दानीएल ३:३१-३३ १०मिनु गो मको आन रे थु नाइशशा बाक्तीक, ग्यरशा संदा नु ग्युस्ती ग्युस्ते आन संदा क्याम्नुड । यात गरीशो नु बत्ती आ हाम्सो नेल्ल योल्नुड । यरमीया ७:३४ ११ एको रागी डा सिं नेल्ल बरेशशा नु मुर मबाक्शो दुम्नीम । मिनु एको जात डा मुरपुकी ७० बर्स सम्म बेबीलोन डा पिप आ वाइल दुम्नीम । २इतिहास ३६:२१ ; यरमीया २९:१० ; एजरा १:१-२ १२तन्न ७० बर्स गाम नोले, गो बेबीलोन डा पिप नु कल्दी आन रागी कली मको आन मरिम्शो पशो डा सजाइ गेनुड । मको आन रागी गेना हना यो मुर मबाक्तीके सेल्लुडमी” दे परमपरभु यावेमी दंत । १३ परमपरभु यावेमी “मको रागी कली आं देशो लोत्र नेल्ल, एको किताबम बरेशशा लोत्र नु आं लोत्र पाइब यरमीयामी रागी रागी नेल्ल डा मुर आन कली पशो नोले दुम्ब लोत्र नेल्ल मको रागीम माइक्नुड । १४ मिनु रागी रागी डा मुर नु ठेयब पिपमी यहूदा डा मुर आन कली वाइल सेल्लुमी । गो मको आन पशो नु आन गुडमी सल्लो कोत्रशा, मको आन कली क्यक्क लेल्लुडमी” दंत । यरमीया २७:७

### परमपरभु आ गाइशशा कचौरा

१२ मिनु परमपरभु यावे, इसराएली आन परमपरभुमी आं कली “आं गुइ रे आं गाइशशामी बरीशो अडगुर शांबु बाक्शो कचौरा ताक्को । मिनु इ कली सोइशशा रागी रागी डा मुर नेल्ल आन कली तूपाइक्मी । यरमीया ५१:७ ; यसैया ५१:१७ ; परकाश १४:१० १६ मकोपुकीमी मको तूशा, दिड दाड गोल्शा, मारइ मिम्ने मचाप्नीम । मारदे हना गो मको आन दातेमी तरवार सोइक्नुड” दंत ।

१७ मोपतीके गो मको कचौरा परमपरभु यावे आ गुइ रे ताक्ता । मिनु गो परमपरभु यावेमी सोइशशा रागी नेल्ल नु मुर नेल्ल आन कली तूपाइक्तामी । १८ मिनु मुलाक्ती तशो सोदंशो पा यरूसलेम नु यहूदा डा सहर नेल्ल आन कली

श्येत्य नु मुर मबाक्तीके सेलो । मेकर डा पिप नु आन सरकार आ गेय पाइब मुर सतम दुम्नीम । मको सहर शुक्शी पाइक्चा नु सराप पाइक्चा पुंडसीब दुम्त । १९ मको परांइशा यो इजीप्ट डा पिप फाराओ, मको आ गेय पाइब मुर नेल्ले, मको आ सरकार डा मुरपुकी नु मको आ मुर नेल्ल आन कली, २० मेकर बाक्ब अर्का रागी डा मुर नेल्ल, ऊज रागी डा पिप नेल्ले, पलिस्ती आन पिप नेल्ले, अश्कलोन, गाजा, एकरोन नु अश्दोद सहरम लीशा बाक्शो मुर नेल्ल आन कली, २१ एदाम, मोआब नु अम्मोन डा मुर नेल्ल आन कली, २२ टायर नु सीदोन डा पिप नेल्ले, समुन्दर आइक्वी हांबु डा पिप नेल्ल आन कली, २३ देवान, तेमा, बूज नु आन चां एर आंथ खरोइक्ब नेल्ल आन कली, यरमीया ९:२५ २४ अराब रागी डा पिप नेल्ल, गोरशो रागीम बाक्ब अर्का रागी डा मुर आन पिप नेल्ल आन कली, २५ जिमरी डा पिप, एलाम डा पिप नु मादी डा पिप नेल्ल आन कली, २६ मिनु उत्तर गे आ नेक्था नु डोन बाक्ब पिप नेल्ल आन कली का का पा तूपाइक्तामी । मिनु नोले अर्का रागीम बाक्शो राज्य नेल्ल डा मुर आन कली तूपाइक्तामी । मिनु मको नेल्ल आन नोले शशाक डा पिपमी या मको तूचा माल्ब । शशाक बेबीलोन आ अर्का नें बाक्ब । यरमीया ५१:४१

२७ मिनु नोले गे मको आन कली “मुर नेल्ल आन परमपरभु यावे, इसराएली आन परमपरभुमी मार दंत देशो हना गे मको तूशा दुक्शा मने । मिनु गेना यो मबाक्चा डा पा गोलोन । गो इन दातेम सोइशशा तरवार आ पर्वम मो दुम्ब दे माइक्मी ।

२८ तन्न मकोपुकीमी इ गुइ रे मको कचौरा तूने मबिस्साक्म हना, गे मको आन कली मुर नेल्ल आन परमपरभु यावेमी गेपुकीम मको तूचान माल्लीनी” देशो बाक्ब” दे माइक्मी । २९ मकोमी “कोत्रडीन, मुल गो आं नम वाइशशा सहर कली श्येत गेचा चिक्शो बाक्नुड । मिनु मार, गेपुकी चहिं सजाइ मतथु बरोइनीनी डा ? इन कली सजाइ मगेथु मपरांइसीब । मारदे हना गो रागीम बाक्ब मुर नेल्ल आन पर्वम तरवार का ठीक पशो बाक्ती, दे मुर नेल्ल आन परमपरभु यावेमी दंत” दे माइक्मी । इजीकीएल ९:६ ; १पतरुस ४:१७ ; यरमीया ४९:१२ ३० परमपरभु यावेमी “मुल गे मको नेल्ल आन पर्वम एको आं लोत्र पावो । मको आन कली “परमपरभु यावे इर आ बाक्तीक रे ब्याक्ब । आ बाक्तीक रे आ संदा गरुंडब । मिनु आंम रागी आ पर्वम मको ठेयब

संदा पा ब्वाक्ब। रागीम बाक्ब नेल्ल आन पर्वम अङ्गुर खराक्ब सोदंशो पा ग्रीब। होस ११:१०; योएल ४:१६; आमोस १:२ ३१मेको रयक पा, थोप्ता दाइश्शो, रागी डा सुर सम्म नंसीब। मारदे हना परमपरभु यावेम रागी रागी आन कली दोस गेब। मिनु मेकोमी मुर नेल्ल आन कली निसाफ पाइब। मिनु दोस ताइब तरवारम क्योरचा पुंडसीनीम' दे माइक्मी" दंत। ३२मुर नेल्ल आन परमपरभु यावेमी "कोवडीन शुश श्येत दुम्तीक रागी का रे अर्को रागी सम्म बरना बरन लाइब। रागी आ सुर रे हिंचा डा फश गिवार जाकना जाकन बाक्ब" दंत। ३३मेको नाक्ती परमपरभु यावे आ साइश्शोपुकी रागी आ सुर का रे अर्को सुर सम्म बाक्नीम। मेको आन पर्वम सुइ रोंका मपाइनीम। मेको बेक्शो मुर आन कली सुइमी सुप्शा मथिम्नीम। मेको आन कली सुइम मथिम्नीम। मेकोपुकी खपीम मोव्रल सोदंशो दुम्नीम। यरमीया ९:२१ ३४गे गोठलापुकी रोंका पने। मिनु वाइ बरेश्शा डाक्कीन। गे मेको बगाल डा लां कोंडबपुकी पुलुम दिड दाड गोलीन। मारदे हना इन कली क्योरशा साइक्तीक नाक्त जाक्शो बाक्ब। गेपुकी गोलीनी। मिनु शुश क्येट लाइब ग्यांब सोदंशो पा परोल्वा पुंडसीनीनी। यरमीया २३:१ ३१गोठला आन कली परोक्तीक तेइ मबाक्ब। बगाल डा लां कोंडब आन बरांडतीक लां तेइ मबाक्ब। ३६गोठला आन डाक्शो नेनीन। बगाल आन कली लां कोंडब आन हिंमा क्यम्स पशो नेनीन। मारदे हना परमपरभु यावेम मेको आन बस्तु योव्रतीक क्याम्वा चिक्शो बाक्ब। ३७परमपरभु यावे आ ठेयब पा गाइश्शाम मेको रिम्शो बस्तु योव्रतीक सतम दुम्नीम। ३८गुप्सम सोदंशो पा मेकोमी आ बाक्तीक परांडतु। मारदे हना मेको आन रागी साइक्ब तरवार नु परमपरभु आ गाइक्तीक आ पर्वम मुर मबाक्तीक दुम्त। यरमीया ४:७

यरमीया कली हिंच कोंडशो

यरमीया ७ :-

२६ १यहूदा डा पिप योसीयाह आ ती येहो-याकीममी सासन पवा आ डांडती डा बरसम परमपरभु यावेमी आं कली लोव्र पाप्तु। २राजा २३:३४-३७ २परमपरभु यावेमी मार दंत, दंशा हना "आं सिं डा लाङ्गाम रपो। मिनु आं कली ठेयब सेल्त्वा कली जाक्ब यहूदा सहर डा मुर नेल्ल आन कली गो इ कली दंशो लोव्र नेल्ल

मेको आन कली देनो। लोव्र का यो मफेवो। ३मिनु मेको नंशा, मेको नेल्ल आन मरिम्शो लां र लेल्नीमी, कां ? मिनु मेको आन मरिम्शो पशो आ पर्वम मेको आन कली ठेयब श्येत चाक्तीक रे आं थुं फाइक्नुडा, कां ? गो मेको आन तार चाक्चशो सतम दुम्तीक मचाक्नुडा, कां ? यरमीया १८:८; यरमीया ३६:३ ४गेमी मेको आन कली "परमपरभु यावेम आं लोव्र मार बाक्ब दंशा हना, गे आं लोव्र पशो नोफा दाइश्शा मनंतीनी हना, गो इन डांडती वोइश्शो आं अरेशो मपाइतीनी हना, ५गो गेना हना यो इन बाक्तीकम सोइश्शो आं गेय पाइब, आं लोव्र पाइब आन लोव्र नोफा दाइश्शा मनंतीनी हना, गेपुकीम मेको रिम्शो पा मनंशो बाक्तीनी हना, यरमीया २५:४ ६गो मेको सिं कली शिलो सोदंशो सेल्नुड। मिनु मेको सहर कली रागी नेल्ल डा मुर नेल्ल आन दातेमी सराप राइब सेल्नुड" देना" दंत। २राजा २५:९; यरमीया ७:१२

७मिनु चदेबपुकी, परमपरभु यावे आ लोव्र पाइबपुकी नु मुर नेल्लमी परमपरभु यावे आ सिंम यरमीयामी दंशो लोव्र नंतकम। ८मिनु परमपरभु यावे आ अरेशो लोव्र नेल्ल, यरमीयाम मुर नेल्ल आन कली नंपाइक्ने थुमा चोटी चदेबपुकी, परमपरभु यावे आ लोव्र पाइबपुकी नु मुर नेल्लम मेको कली ग्याइश्शा "गे साइक्चान पुंडसीनेवे। ९गे मारदे परमपरभु यावे आ नंम लोव्र पा 'एको सिं शिलो सोदंशो दुम्ब। मिनु एको सहर चहिं श्येत्य नु मुर मबाक्तीक दुम्ब' दन" दंशा, परमपरभु यावे आ सिंम यरमीया आ एर आंथ मरिक्थरी पा मुर दल्लकम।

१०मिनु यहूदा डा सरकार आ गेय पाइब मुरपुकीम मेको लोव्र नंशा, मेकोपुकी पिप आ सिं र परमपरभु यावे आ सिंम जाक्तेकम। मिनु परमपरभु यावे आ सिं डा नक लाप्नो आ डांडती बाक्तेकम। ११मिनु चदेबपुकी नु परमपरभु यावे आ लोव्र पाइबपुकीम, सरकार आ गेय पाइब मुरपुकी नु मुर नेल्ल आन कली "एको मुर कली साइक्चान माल्ब। मारदे हना एकोमी एको सहर आ पर्वम मरिम्शो पा परमपरभु यावे आ लोव्र पाप्तु। मेको गेपुकीम आंमा यो नंतीनी" दंतकम। पररित ६:१३

१२मिनु यरमीयामी सरकार आ गेय पाइब नु अरु मुर नेल्ल आन कली "परमपरभु यावेम आं कली एको सिं नु एको सहर आ पर्वम इन नंशो लोव्र पचा कली सोइश्शो बाक्ब। १३मुल गेपुकीम इन पतीक नु इन गेय रिम्शो सेलीन।

मिनु आंम परमपरभु यावे, इन परमपरभु आ अरंशो टिने। मिनु परमपरभु यावेम इन कली खतम पोक्तीक रे आ थुं लेन्त्र। यरमीया ७:३ १४ गो इन गुइम बाक्शो बाक्नुड। इन कली मार रिम्शो नु ठीक दुम्बा, मको पाइय्योनी। १५ तन्न गे एको तुइक्तीन। गेपुकीम आं कली साइक्तीनी हना, आंम इन तारी, एको सहर तारी नु एकर बाक्ब आन तारी दोस मताइब मुर का आ हृश साइक्पाइश्शो दोस चाक्नीनी। मारदे हना परमपरभु यावेम इन कली एको लोत्र नेल्ल नंपाइक्चा कली आं कली सोइश्शो बाक्त्” दंत। परस्थान २३:७; मत्ती २७:४,२५

१६ मिनु सरकार आ गेय पाइब मुर नु अरु मुर नेल्लेम, चदेबपुकी नु परमपरभु यावे आ लोत्र पाइब आन कली “एको मुर साइक्चा पुंइसीचा डा मुर ममाइ। एको मुरम इं कली परमपरभु यावे, इं परमपरभु आ नंम एको लोत्र नंपाइक्त्” दंतक्म। १७ मिनु मेको रागी डा शंब खात्या का निक्शो बाक्शा, मको देल्शा बाक्शो मुर आन कली १६ “यहूदा डा पिप हिज्कीयाह आ पालाम मारशथ डा मीकाहम परमपरभु यावे आ लोत्र पशो बाक्त्। मेकोमी यहूदा डा मुर नेल्ल आन कली ‘मुर नेल्ल आन परमपरभु यावेम सियान कली रू खोदंशो पा वाक्सीब। यरूसलेम चहिं फुल्लु तेल्शो खोदंशो दुम्ब। परमपरभु यावे आ खिं चहिं र्वापुकी वाशा सुम्शो डांडा खोदंशो दुम्ब’ दंशो बाक्त्” दंतक्म। मीका १:१; मीका ३:१२; यरमीया ९:१० ११ मिनु मेकोपुकीमी “मार, यहूदा डा पिप हिज्कीयाह नु यहूदा डा अरु सुइ मुरम मेको कली सदम डा? मिनु मार, परमपरभु यावे क्येडा हिंशा हिज्कीयाहम मेको आ शिशो ममला डा? मिनु परमपरभु यावेम मेको आन तार चाक्चशो खतम पोक्तीक रे आ थुं मलेत्ता डा? तन्न गोपुकीम आंम इं तार ठेयब खतम दुम्तीक चाक्चा चिक्शो बाक्त्तय” दंतक्म। यरमीया १६:८

२० मेकोपुकी नु अर्का मुर का यो बाक्त्। मेकोमी परमपरभु यावे आ नंमी लोत्र पाप्त्। मेको किरयथ-यारीमम बाक्ब शमायाह आ ती उरीयाह बाक्त्। मेकोमी यो मेको रागी नु मेको सहर आस पर्वम यरमीयामी खोदंशो पा परमपरभु यावेम मरिम्शो पचशा आ पर्वम लोत्र पाप्त्। यहोसु १:२९ २१ मिनु पिप यहो-याकीम नु मेको आ ठेयब मुरपुकी, आ कप्तान नेल्लेम उरीयाह आ पशो लोत्र नंतक्म। मिनु पिपम मेको कली साइक्चा माल्लु। तन्न मेको लोत्र नंशा उरीयाह हिंत।

मिनु परोक्शा इजीप्त् रागी लत। २२ मो हना यो यहो-याकीममी आकबोर आ ती एल्नाथान नु मेको नु अर्का मुरपुकी इजीप्त् रागीम सोइक्ताक्व। २३ मिनु मेकोपुकीमी उरीयाह कली इजीप्त् रे चाक्त्क्म। मिनु पिप यहो-याकीम आ डांइती राप्पाइक्त्क्म। मिनु पिपम मेको कली साइक्चा कली तरवार आप्पाइक्त्। मिनु मेको आ बक्शो रां आइक्च आइक्च मुर आन कली ताइक्तीकम ताइक्पाइक्त्।

२४ तन्न शाफान आ ती अहीकामम मुल यो यरमीया आ पोन बोक्शा लोत्र पाप्त्। मोपतीक यरमीया साइक्पांइसीचा कली मुर आन गुइम जिम्मा गेचा मपुंइस। २२ राजा २२:१२

यहूदामी नेबुकदनेसर आ गेय पशो

२७ यहूदा डा पिप योसीयाह आ ती सिदकीयाहम सासन पवा आ डांइती डा बसंम परमपरभु यावेम आं कली लोत्र पाप्त्। २२ राजा २४:१७-१८ २ परमपरभु यावेमी मार लोत्र पाप्त् दंशा हना “कुशुल के डोरी नु थरपु डा शी के जुवा का सेलो। मिनु मेको इ शुर्म लाम्सो। यरमीया २६:१० ३ मिनु यहूदा डा पिप सिदकीयाह आ बाक्तीके यरूसलेममी जाक्ब लोत्र कुरब आन कली एदोम, मोआब, अम्मोन, टायर नु सीदोन डा पिप आन बाक्तीकम मेको लोत्र सोइक्तीमी। यरमीया २५:२१-२२ ४ मेको आन होत्रप आन कली एको लोत्र पा ‘मुर नेल्ल आन परमपरभु यावे इसराएली आन परमपरभुम गेपुकीम इन होत्रप आन कली ५ एको रागी, एको रागीम बाक्ब मुरपुकी, बस्तु भाव नु जन्तु नेल्ल आन कली आं ठेयब सक्ति नु आं बोलम सेल्शो नड। मिनु गो सु कली गचा दाक्नुड, मेको कली गेनुड। यरमीया १२:१७ ६ मुल गेपुकी नु इन रागी नेल्ल आं गेय पाइब बेबीलोन डा पिप नेबुकदनेसर आ गुइम गेता। ब्वाकी डा जन्तु आन कली यो सासन पाइब सेल्ता। यरमीया २५:९; यसेया ४५:१६; इजीकीएल २६:७; दानीएल २:३८ ७ मेको आंम इन रागी आ रिम्शो दुम्ची मजाक्म सम्म रागी रागी नेल्ल डा मुरपुकीम मेको आ ती नु मेको आ चच आन गेय पचा माल्लीम। मेको नोले शुश रागी नु ठेयब पिपपुकीमी मेको कली आन वाइल सेल्नीम।

८ तन्न तेकोइ रागी तेकोइ राज्य नु पिपम बेबीलोन डा पिप नेबुकदनेसर आ वाइल दुम्चा नु मेको आ जुवा आन शुर्म वोइक्ने मबिस्साक्म

हना, गो मेको रागी डा मुर आन कली तरवार, अन्काल नु मुर बेक्तीक रोइम सजाइ गेनुडमी। गो मेको आन कली मसाइक्पदुमी सम्म मो पाइनुड' दे परमपरभु यावेम दंत। १ मोपतीक गेपुकी 'बेबीलोन डा पिप आ वाइल दुम्बा माल्नीनी' दंब, इन नाले दुम्ब लोत्र पाइबपुकी, लिंक्यु कोत्रबपुकी, डोमु डा लोत्र शंबपुकी, टुना मुना नु मन्तर तन्तर पाइक्ब आन लोत्र मनेनीन। यरमीया १४ :१३-१४ १० मारदे हना मेकोपुकीमी इन कली देशो नाले दुम्ब लोत्र जोल बाक्ब। मेको लोत्र पतीक इन रागी रे डान खरचा पुंडसीनीनी। गो इन कली खरनुड। मिनु गेपुकी बेक्नीनी। ११ तन्न तेको रागी आ शुर बेबीलोन डा पिप आ जुवा आगाम वोइक्बा, मेको आ वाइल दुम्बा, मेको रागी डा मुर आन कली गो आन रागीमीन दोचा कोक्चा नु बाक्चा गेनुडमी" दे परमपरभु यावेम दंत।

१२ मिनु गो मेको लोत्र यहूदा डा पिप सिदकीयाह कली देती। मेको कली "बेबीलोन डा पिप आ जुवा इन शुरम वोतीन। मिनु मेको नु मेको आ मुर आन वाइल दुमीन। मिनु गे बरांडनीनी। १३ परमपरभु यावेम बेबीलोन डा पिप आ वाइल मदुम्ब, रागी डा मुर आन कली गे तरवार, अन्काल नु मुर बेक्तीक रोइम बेक्चा माल्नीनी। मारदे गे नु इन मुर बेक्चा दाक्नीनी? १४ गेपुकीम 'बेबीलोन डा पिप आ वाइल दुम्बा ममाल्नीनी दंब जोल पा परमपरभु यावे आ लोत्र पाइब आन लोत्र मनेनीन। मारदे हना मेकोपुकीमी इन कली जोल पना पन बाक्नीम' देनीनी। यरमीया १४ :१४ ११ परमपरभु यावेम गो मेको आन कली मसाइक्तुमी। तन्न मेकोपुकीम आं नेंम जोल पा लोत्र पाइनीम। मेको आन लोत्र नेतीनी हना, गो इन कली एको रागी रे खरनन्नी। मिनु गे बेक्नीनी। गेपुकी नु इन कली जोल पा लोत्र पाइब मो 'दुम्नीनी' देती" दंत।

१६ मिनु गो चदेब नु मेको मुर नेल्ल आन कली "परमपरभु यावेमी 'गेपुकी इन कली जोल पा आं लोत्र पाइब आन लोत्र मनेनीन। मेकोपुकीमी परमपरभु यावे आ सिं डा ग्यांब नु बोसपुकी रोब पा बेबीलोन रे चाक्सीब' देनीम। मेकोपुकीमी इन कली जोल पा नाले दुम्ब लोत्र पाइनीम। यरमीया २८ :३; २इतिहास ३६ :१० १० मेको आन लोत्र मनेनीन। बेबीलोन डा पिप आ वाइल दुमीन। मिनु गेपुकी बरांडनीनी। मारदे गेपुकीम एको सहर कली मुर मबाक्तीक दुम्पाइक्नीनी ?

१६ मेकोपुकी थमा पा परमपरभु यावे आ लोत्र पाइब बाक्तेक्म हना नु मेकोपुकी नु परमपरभु यावे आ लोत्र बाक्त हना, परमपरभु यावे आ सिंम बाक्शा, यहूदा डा पिप आ सिंम बाक्शा नु यरूसलेममी बाक्शा मार मार बेबीलोन मलदमक्त, दे मुर नेल्ल आन परमपरभु यावे कली पुन्मक्त। ११ मारदे हना मुर नेल्ल आन परमपरभु यावेमी थाम, कांसा क ठयब चिक्तीक बोस, मेको आ कांसा क निक्तीक नु सहरम लीशा बोस आन पर्वम लोत्र पाप्तु। १२ राजा ७ :१५-३९; २२ राजा २५ :१३-१७ २० मेको बेबीलोन डा पिप नेबुकदनसरमी यहूदा डा पिप यहो-याकीम आ ती येकोन्याह माइश्शा येकोन्याह नु यहूदा नु यरूसलेम डा ठयब मुर नेल्ल आन कली यरूसलेम रे ग्याइश्शा लदमेनु, मेको बोस मलद। यहो-याकीम आ नें २२ राजा २४ :६ योयाकीन बाक्ब। तन्न यरमीया किताबम २२ :२४ आ नें कोन्याह बाक्ब। मिनु यरमीया २४ :१ येकोन्याह यो देनीम। २१ मिनु मुर नेल्ल आन परमपरभु यावे, इसराएली आन परमपरभुमी 'आं सिंमी लीशा बोसपुकी, यहूदा डा पिप आ दरवारमी वोइश्शा बोसपुकी नु यरूसलेममी परांडशा ग्यांबपुकी बाक्नीम। २२ मेको नेल्ल आन कली बेबीलोनम चाक्नीनीम। मिनु गो मेको आन पर्वम मेकोवडु सम्म मेको मकेर बाक्चा माल्नीम' देशो बाक्ब। मिनु 'गो मेको आन कली लेशा लेशशा चाक्नुडमी। मिनु लेशा आन बाक्तीकमी वोइक्नुडमी' दे परमपरभु यावेमी दंत" दे माइक्ती। एजरा १ :१,११

हनन्याहम जोल पशो

२८ १ मेको बर्समीन यहूदा डा पिप सिदकीयाहम सासन पशो ४ बर्स ५ महिनाम गिबोनम बाक्ब अज्जुर आ ती परमपरभु यावे आ लोत्र पाइब हनान्याहम परमपरभु यावे आ सिंम चदेब नु मुर नेल्ल आन डांडती लोत्र पा, आं कली २इतिहास १ :३,१३ २ "मुर नेल्ल आन परमपरभु यावे, इसराएली आन परमपरभुमी गो बेबीलोन डा पिप आ जुवा जिक्ता। ३ बेबीलोन डा पिप नेबुकदनसरमी आं सिं डा मार मार नु ग्यांब एकर रे बेबीलोनम लाइश्शा बाक्म, मेको नेल्ल बर्स निक्शी क्येडा डांडती गो लेशशा एक चाक्नुडमी। यरमीया २७ :१६ ४ मिनु गो यहूदा डा पिप यहो-याकीम आ ती येकोन्याह नु यहूदा रे ग्याइश्शा लाइक्चा पुंडसीशा नेल्ल आन कली

बेबीलोन र चाक्नुडमी। मारदे हना गो बेबीलोन डा पिप आ जुवा जिक्शा गेनुड” दे परमपरभु यावेमी दंत। यरमीया २७:२०

५ मिनु नोले परमपरभु यावे आ लोत्र पाइब यरमीयाम परमपरभु यावे आ खिम राप्शा बाक्शो चढेब नु मुर नेल्ल आन डांडती मेको परमपरभु यावे आ लोत्र पाइब हनान्याह कली ६ “आमेन, परमपरभु यावेम मो पवल। परमपरभु यावेमी इ पशो लोत्र खबल। परमपरभु यावे आ खिं डा मार मार ग्याबपुकी नु ग्याइइशा लाइक्चा पुंडसीशो नेल्ल आन कली बेबीलोन र लेइशा चाकगल। ७ तन्न इ डांडती नु मुर नेल्ल आन डांडती नंचा डा पा आं देशो लोत्र नेनो। ८ गे नु गो इस डांडती जाक्ब साइ डा परमपरभु यावे आ लोत्र पाइबपुकीमी शुश रागी नु ठेयब राज्य आन पर्वम लडाइ, अन्काल नु मुर बेक्तीक रोइ आन पर्वम लोत्र पामे बाक्त। ९ तेको परमपरभु यावे आ लोत्र पाइबम थुं नाइइशा बाक्तीक आ पर्वम लोत्र पवा, मेको आ लोत्र गाप्त हना ला, मेको थमा पा परमपरभु यावेम सोइइशा आ लोत्र पाइब बाक्ब, दे तुंडसीब” दे माइक्तु। ब्यवस्था १८:२१-२२

१० मिनु नोले परमपरभु यावे आ लोत्र पाइब हनान्याहम परमपरभु यावे आ लोत्र पाइब यरमीया आ शुर र मेको जुवा शोल्शा जिक्तु। ११ मिनु हनान्याहम मुर नेल्ल आन डांडती “परमपरभु यावेमी मार दंत देशा हना थो मोपा बर्स निक्शो क्यडा डांडती रागी रागी डा मुर नेल्ल आन शुर र बेबीलोन डा पिप नेबुकदनेसर आ जुवा जिक्शा गेनुड” दंत। मेना परमपरभु यावे आ लोत्र पाइब यरमीया आ लां खोइक्तु। यरमीया २९:१०

१२ मिनु परमपरभु यावे आ लोत्र पाइब हनान्याहम, परमपरभु यावे आ लोत्र पाइब यरमीया आ शुर डा जुवा जिक्शा गेवा आ इक्का नोले परमपरभु यावेम यरमीया कली लोत्र पाप्तु। १३ मार लोत्र पाप्तु देशा हना “लशा, हनान्याह कली परमपरभु यावेमी इ कली मार दंत देशा हना थो शी के जुवा जिक्तीवी। तन्न गो मेको आ पा डा फलाम के जुवा चाक्नुड” देशो बाक्ब मतो” दंत। १४ मिनु मुर नेल्ल आन परमपरभु यावे, इसराएली आन परमपरभुमी “बेबीलोन डा पिप नेबुकदनेसर आ वाइलीम वाइल दुम्पाइक्चा कली गो रागी नेल्ल डा मुर नेल्ल आन शुरम फलाम के जुवा लाप्नुडमी। थमा पा, मेको आ वाइलीम वाइल दुन्मीम। गो व्वाकी डा जन्तु आन कली यो आ सासनमी

गेतामी, देशो बाक्ब, देनो” दंत। ब्यवस्था २८:४८; यरमीया २७:६ १५ मिनु परमपरभु यावे आ लोत्र पाइब यरमीयाम, परमपरभु यावे आ लोत्र पाइब हनान्याह कली “ए हनान्याह, नेनो। परमपरभु यावेमी इ कली मसोइक्त। मिनु गे एको मुर आन कली जोल लोत्र पा थमा सुइक्पाइइशा बाक्नेव। १६ मापतीके परमपरभु यावेम थो इ कली एको रागी र तिल्ला चिक्शा बाक्नुड। गे एको बर्सम बेक्नेव। मारदे हना गे परमपरभु यावे कली काइ मटिथु जोल लोत्र पाप्तीवी” दंत” दंत।

१७ मिनु मेको बर्स डा ७ महिनाम जोल पा परमपरभु यावे आ लोत्र पाइब हनान्याह बेक्त।

### यरमीया आ बरक्स

१ परमपरभु यावे आ लोत्र पाइब २९ यरमीयामी, यरूसलेम डा ग्याइइशा लाइक्चा पुंडसीशो आन दाते डा बरांडशा लीशो साल्पा आन कली एको चिठी बरक्शा सोइक्ताक्व। बेबीलोन डा पिप नेबुकदनेसरम यरूसलेम र चढेब, परमपरभु यावे आ लोत्र पाइब नु मुर नेल्ल आन कली ग्याइइशा बेबीलोन लाइइशा बाक्त। २ पिप येकोन्याह आ ममा, दरवार डा ठेयब मुरपुकी, यहूदा नु यरूसलेम डा सरकार आ गेय पाइब, रिम्शा पा मारइ मारइ सेल्स जोल्ब मुर नु तुप्तीलपुकी यरूसलेम र ग्याइइशा लाइक्चा पुंडसीमा नोले मेको चिठी बरक्शा बाक्ब। यही-याकीम आ नें २ राजा २४:६ योयाकीन बाक्ब। तन्न यरमीया २२:२४ आ नें कोन्याह बाक्ब। मिनु यरमीया २४:१ येकोन्याह यो देनीम। २ राजा २४:१४-१५ ३ मेकोमी मेको चिठी शाफान आ तौ एलासाह नु हिल्कीयाह आ तौ गेमारायाह आस गुइम सोइक्ताक्व। मेको यहूदा डा पिप सिदकीयाहम पिप नेबुकदनेसर कली गेन, दे बेबीलोनम सोइइशा बाक्त। मेको चिठीम मार बरक्शा बाक्त देशा हना, ४ मुर नेल्ल आन परमपरभु यावे, इसराएली आन परमपरभुमी मार बरक्पाइइशा बाक्त, देशा हना “यरूसलेम र बेबीलोनम ग्याइइशा लाइक्चा पुंडसीशो नेल्ल आन कली ५ गेपुकी मेकेर खिं सेल्शा बाक्कीन। रूम मार मार शाक्शा जेन। ६ ग्युंबे पा, तमी तौ थिने। इन तौ आन कली चाइमी चाक्कीन। इन तमी आन कली ग्युंबे पा गेने। मिनु मेकोपुकीमी तमी तौ थीमेक्ल। मेकेर गेपुकी सोशा बोशा शुश दुमीन। जाम्शा मलने। ७ गो इन कली

ग्याइश्शा लाइक्पाइश्शाो सहर कली रिम्शो मिम्तीन। मिनु मेको आ पर्वम परमपरभु यावे कली पुनीन। मारदे हना मेको कली रिम्शो दुम्चा इन कली यो रिम्शो दुम्चा बाक्व” देशो बाक्त। ८.मुर नल्ल आन परमपरभु यावे, इसराएली आन परमपरभुमी “इन दातेम बाक्व परमपरभु यावे आ लोत्र पाइवपुकी नु लिंक्यु कोत्रवपुकीम इन कली जाल पा थमा मसुइक्पदमक्क। आन डोम डो लोत्र मननीन। यरमीया १४:१४ १.मेकोपुकीमी जाल पा आं नमी नोले दुम्ब लोत्र पाइनीम। मेको आन कली गो मसोइक्तुमी” दे परमपरभु यावेम देशो बाक्व।

१०.परमपरभु यावेमी “बेबीलोनम मो पशो ७० बर्स गाम नोले गो इन बाक्तीक जाक्नुड। मिनु इन कली एको रागीम लेश्शा चाक्नुड, दे आं शिशी पा देशो लोत्र खान्नुड। यरमीया २५:११-१३ ११.मारदे हना गो इन पर्वम शुश मिम्शो बाक्नुड। गो मेको मिम्शो तुइक्नुड। आं मिम्शो इन कली रिम्शो दुम्चा कली बाक्व। मरिम्शो दुम्पाइक्चा कली ममाइ। १२.गेपुकीम आं नेक्था जाक्शा पुंइनीनु, गो इन पुंइशो ननुड। १३.गेपुकीम इन थुं नल्लेमी आं कली माल्तीनी हना, थिल्लीनी। यरमीया ३०:३ ; व्यवस्था ४ :२९ ; यसैया ५५ :६ १४.मिनु गो इन कली थिप्पाइसीनुड। इन जाम्शो शोप इन कली गेनुड। गो इन कली ग्याइश्शा लाइक्पाइश्शाो रागी नल्ल रं खुन्नुड। तेको रागी रं इन कली ग्याइक्पदु, मेको रागीमी लेश्शा चाक्नन्नी” देत। यरमीया ३०:३ ; यरमीया ३३ :२६

१५.गेपुकीम “परमपरभु यावेम आंइ पर्वम बेबीलोनमी आ लोत्र पाइवपुकी योत्रतु” देतीनी। १६.परमपरभु यावेमी दाऊद आ नितीकम निष्प पिप नु एको सहरम बाक्व मुर नल्ल, इन नेक्था डा मुरपुकी नु ग्याइश्शा लाइक्चा मपुंइसीशो आन पर्वम मार देत देशो हना, १७.मुर नल्ल आन परमपरभु यावेमी “गो मेको आन पर्वम तरवार, अन्काल नु मुर बेक्तीक रोइ सोइक्नुड। मिनु गो मेको आन कली राक्शो फोत्रशी गेडा खोदेशो सल्लुडमी। मिनु मेको थाम्पा राक्शा व्चचा मडुम्चा डा बाक्नीम। यरमीया २४:८-१० १८.गो मेको आन कली तरवार, अन्काल नु बेक्चा डा रोइमी खदा पाइनुडमी। मिनु गो मेको आन कली राज्य नेल्लेमी शुश हिंचा डा सल्लुडमी। मेकोपुकी आं खरशो रागी नल्ल आन दातेमी, सराप पाइक्तीक, शुश हिंतीक, शुक्शी पाइक्तीक नु मुने तोक्तीक सल्लुडमी।

व्यवस्था २८:३७ १९.मारदे हना मेकोपुकीमी आं लोत्र मननेम। गो आं गेय नु आं लोत्र पाइव आन कली सोइक्ना सोइक्न बाक्ती हना यो मेको आन लोत्र मननेम” दे परमपरभु यावेमी देत। यरमीया २५:४ २०.मोपतीक गे यरूसलेम रं बेबीलोनम सोइश्शा ग्याइश्शा लाइक्चा पुंइसीशो मुल परमपरभु यावे आ लोत्र ननीन। २१.मुर नल्ल आन परमपरभु यावे, इसराएली आन परमपरभुमी “कोलायाह आ तो आहाव नु मासयाह आ तो सिदकीयाहम आं नमी जाल पास्ताक्स। गो मेको आस कली बेबीलोन डा पिप नेबुकदनेसर आ गुइमी गेनुडसी। मिनु मेकोमी इन डांइती मेको आस कली साइक्व। २२.मेको आस पतीकेन यहूदा रं बेबीलोनम ग्याइश्शा लाइक्चा पुंइसीशो आन दातेमी सराप पाइनीम। परमपरभु यावेम इ कली सिदकीयाह नु आहाव आस कली खोदेशो सेलल। बेबीलोन डा पिप नेबुकदनेसरमी मेको आस कली मीम हुम्शो बाक्त” देनीम। २३.मारदे हना मेको निक्शीमी इसराएलम थम गरांगरा दिशो गेय पशो बाक्ताक्स। मेको निक्शी आस नेक्था डा मुर आन मीश नु इप्शो बाक्ताक्स। मिनु मेकोम आं मअरेशो लोत्र पास्ताक्स। गो मेको नल्ल तुइक्नुड। मिनु गो मेको आ सांक्छी बाक्नुड” दे परमपरभु यावेम देत।

### शेमायाह कली लोत्र सोइश्शा

२४.मिनु गे नेहेलाम डा शेमायाह कली २५ “मुर नल्ल आन परमपरभु यावे, इसराएली आन परमपरभुमी गो इ नमी यरूसलेम डा मुर नल्ल आन कली, मासयाह, चदेब आ तो सफन्याह नु अरु चदेब नल्ल आन कली चिठी बरक्ताक्वी। गे सफन्याह कली यरमीया २१:१ २६.परमपरभु यावेम इ कली चदेब यहो-यादा आ पा डा चदेब सल्लु” मोपतीक गे परमपरभु यावे आ सिं डा ठेयब मुर दुम्शा, मेको जिम्मा ताक्नेवे। गे मेकेर आन निष्प गराइश्शा नु जाल पा परमपरभु यावे आ लोत्र पसु पाइव आन कली ठंडरो थोक्शा, आन शुरम फलाम क्युक्शा वोतो। यहो-यादा कली या-यादा यो बरक्शो बाक्व। इजीकीएल १:७ ; यरमीया २०:२ २७.मिनु गे “इन दाते डा परमपरभु यावे आ लोत्र पसु पाइव अनाथोथ डा यरमीया कली मारदे महुइक्तीनी?” २८.मेकोमी बेबीलोनम आंइ कली आदेशो लोत्र सोइक्ताक्व। गे शुश बर्स मेकेर बाक्चा माल्लीनी। मोपतीक

खिं सेल्शा बाक्कीन । मिनु रुम मार मार शोकशा जने” दे बरेक्शो बाक्त ।

२९ मिनु चद्वेब सफन्याहम मेको चिठी पद्वेशा परमपरभु यावे आ लोत्र पाइब यरमीया कली नंपाइवक्तु । ३० मिनु मना परमपरभु यावेम यरमीया कली लोत्र पाप्तु । ३१ नेहलात डा शमायाह आ पर्वम मार लोत्र पाप्तु दंशा हना “ग्याइश्शा लाइक्चा पुंडसीशो नल्ल आन कली एको लोत्र सोइवक्तो । शमायाहम इन कली नोले दुम्ब लोत्र पाप्तु । तन्न गो मेको कली मसोइवक्तु । मेकोमी आं लोत्र पा, इन कली जोल लोत्रमी थमा सुइवपाइवक्तु । ३२ मोपतीक गो नेहलात डा शमायाह नु मेको आ चच युइ आन कली सजाइ गेनुडमी । मेको आ मुर सुइमी आं मुर रिम्शो दुम्शो तचा मताइनीम । मारदे हना मेकोमी आं कली मटिथु आं पर्वम दूली लोत्र पाप्तु” दे परमपरभु यावेमी यरमीया कली देत ।

इसराएल कली लेंशा सेल्शो

३० १ मिनु परमपरभु यावेम यरमीया कली लोत्र पाप्तु । २ परमपरभु यावे, इसराएली आन परमपरभुमी यरमीया कली मार लोत्र पाप्तु दंशा हना “गो इ कली दंशो लोत्र नेल्ल किताबमी बरेक्तो । ३ आं मुर इसराएली नु यहूदा डा मुर आन थुं लेशशा नाइक्चा गेतीक नाक्त थमा पा जाक्व । मिनु गो मेको आन किकी पिपी आन कली गशो रागीम लेंशा लाइक्नुडमी । मिनु मेकोपुकीमी मेको रागी आंम के सल्लीम” देत । यरमीया २९ : १४

४ इसराएल नु यहूदा आस पर्वम परमपरभु यावे आ लोत्र मार बाक्त दंशा हना ५ “शुश हिंब नु गरीब आन सेंदा नेंसीब । थुं नाइश्शा बाक्तीक जाम्त । ६ मार, वांइश मुरुम आल थिने चाप्नीमी डा ? दे हिल्लो पने । मारदे वांइश मुर नेल्ल सुत्केरी रोइ पशो खोदंशो पा आन गुइम आन करातो दिप्शो ताइनुडमी ? मारदे मुर नेल्ल आन कुल बुश दुम्शो बाक्नीमी ? ७ आबी, मेको नाक्त दोदंशो हिंचा डा नाक्त दुम्बा । मेको नाक्ती खोदंशो अर्का तेकोइ नाक्ती मदुम्नीम । मेको नाक्ती याक्व कली शुश हिंचा डा श्यत जतीक नाक्ती दुम्ब । तन्न मेको श्यत रे परांइचा पुंडसीब” देत । योएल २ : ११ ; सफन्याह १ : १४-१५

८ मुर नेल्ल आन परमपरभु यावेमी “गो मेको नाक्ती मेको आन बला रे जुवा जिक्नुड । मिनु गो मेको आन कली फरंशो रे परांइनुडमी । मिनु

अर्का रागी डा मुरपुकीम मेको आन कली गेनायो वाइल मसल्लीम । यरमीया २३ : ५ ; यरमीया २७ : १२ ; इजीकीएल ३४ : २३ ; होस ३ : ५ ९ तन्न मेकोपुकीम परमपरभु यावे, आन परमपरभु, आं कली नु आं सेल्शो पिप दाऊद आ गय पाइनीम । १० ग आं गय पाइब याक्व महिनो । ग इसराएल सुर्ता मपावा । गो इ कली डोन रागी रे चाक्नुड । इ आल आन कली ग्याइश्शा लाइश्शा रागी रे परांइशा चाक्नुड । याक्व कली लेंशा थुं नाइश्शा, हेम्मा पा बाक्तीक दुम्ब । मेको कली सुइम हिंच कोइने मचाप्नीम । यरमीया ४६ : २७ ; यसैया ४३ : ५-६ ११ मारदे हना गो इ कली परांइचा कली गे नु बाक्नुड । इन कली फरशा वोइश्शा रागी रागी डा मुर नेल्ल आन कली साइक्नुडमी । तन्न गो इ कली गेनायो मक्याम्नुड । गो इ कली ठीक सजाइ गेनुड । गो इ कली थमा पा सजाइ मगथु, मपरांइनुड” दे परमपरभु यावेमी देत । यरमीया १० : २४ ; व्यवस्था ८ : ५

१२ मिनु परमपरभु यावेम “इ गार मसाब । मेको मरिम्शो बाक्व । यरमीया १५ : १८ १३ सुइ इ पोन मबोक्व । इ गार सापाइक्तीक ओरुली मबाक्व । इ कली सापाइक्तीक मारइ मबाक्व । १४ इ वारच नेल्लेम इ कली परंने थुम्तेक्म । मेकोपुकीमी इ कली गेनायो ममिन्नीम । गो इ ठेयब दोस तशो नु इ शुश पाप आ पर्वम पतीक जोरी सतरुम खोदंशो पा तुप्तन । मिनु शिशी मपाइक्वम खोदंशो पा गो इ कली सजाइ गतन । १५ मारदे गे इ मसाब गार आ पर्वम वाइ बरेश्शा डाक्नेवे ? इ खाइश्शा मसाब । मारदे हना इ दोस तशो नु इ शुश पाप पशो आ पर्वम गो इ कली मा पाइश्शा बाक्नुड । १६ मोपतीक गे इ कली दाक्व नेल्ल दाक्चा पुंडसीनीम । इ जोरी सतरु नेल्ल ग्याइश्शा लाइक्चा पुंडसीनीम । इ कली रोइक्वपुकी रोइक्चा पुंडसीनीम । इ कली सतम पोक्व आन कली गो सतम पोक्नुडमी । यसैया ३३ : १ ; इजीकीएल ३९ : १० १७ गो इ कली लेंशा डांइती डा खोदंशो मारइ मदुम्शो सेल्नुड । मिनु इ गारपुकी सापाइक्नुडमी । मारदे हना इ कली “परांइचा पुंडसीशो नु सुइम मिम्चा मपुंडसीशो सियान” देनमी” दे परमपरभु यावेमी देत । यरमीया ३३ : ६ ; यसैया ५७ : १८-१९

१८ परमपरभु यावेमी “गो याक्व आ ताम्बु डा शांप लेंशा गेनुड । मिनु मेको आ बाक्तीक रागी कली शिशी पाइनुड । मेको सहर डा बरेश्शा नेल्ल आ डांडामी लेंशा सल्लीब । मिनु आ

दरवार लेंशा डांडती डा आ बाक्तीकमी सल्लसीब । १९मेकर गे रिम्शो पाइब बाक्तीनी' दे कुम्सो पशो नु थुं नाइश्शा बाक्शो ग्येरशा संदा नेंसीब । गो मेको आन कली शुश सल्लुडमी । मिनु मेकोपुकी इच्का का ला मदुम्नीम । गो मेको आन कली मान ताइब सल्लुडमी । मिनु मेको आन कली सुइम शुक्शी मपाइनीम । २०मेको आन आलपुकी डांडती डा खोदंशान दुम्नीम । मिनु मेको आन गरुम्तीक आं डांडती बाक्ब । मेको आन कली दिष्व नल्ल आन कली गो सजाइ गेनुडमी । २१मेको आन कली हुकुम पाइब मेको आन दाते डा का दुम्ब । मेको आन कली सासन पाइब आंम आन मुर बाक्ब । गो मेको कली आं नेक्था चाक्नुड । मिनु मेको आं नेक्था जाक्ब । मारदे हना आं नेक्था आंमा सु जाक्बा डा ?" दे परमपरभु यावेमी दंत । यरमीया ३०:१९ २२ परमपरभु यावेम "गे आं मुर दुम्नीनी । मिनु गो इन परमपरभु दुम्नुड" दंत । यरमीया ७:२३

२३नेनीन, परमपरभु यावे आ गाइश्शोम फश गिवार बोक्ब । मेको आ अंरेशो मटीब आन पियाम जुक्ब । यरमीया २३:१९-२० २४ परमपरभु यावे आ थुंम मिम्शो मगाम्म सम्म मेको आ चुरशो मनाइसीब । गेपुकीमी नोले डा नाक्ती मेको रुन्नीनी ।

परमपरभुम इसराएल कली दाक्शो

३१ १परमपरभु यावेमी "गो इसराएली आन खिं नल्ल डा मुर आन परमपरभु दुम्नुड । मिनु मेकोपुकी आं मुर दुम्नीम" देशा बाक्ब । यरमीया ७:२३ २परमपरभु यावेमी "तरवार र बरांइशो मुरपुकीम गोरशा रागीम शिशी ताम्तेक्म । इसराएल कली नाइकपाइक्वा दाक्ताक्ब हना, ३परमपरभु यावे डोन आ बाक्तीक र जाक्ब । मिनु मेकोमी 'गो इ कली गेना हना यो लीब दाक्तीकम दाक्ताक्न । मोपतीक गो इ कली दाक्वा मप्रांइनुड । ४गो इ कली लेंशा सल्लुड । गे लेंशा सल्ल्वा पुंडसीनेवे । मिनु गे कन्ने मीश आल, इसराएल, ग लेंशा इ खैजडी शेशा, ग्येरसीशोपुकी नु सिल पथ लाइनेवे । ५गे सामरीया डा डांडा मर लेंशा अडगुर खरुम्नेवे । मेको रू डा गय पाइबपुकीम खरुम्नीम । मिनु मेको आ फल जशा ग्येरसीनीम । ६मेना एफराइम पहाड डा खाल पाइबपुकीम जाक्कीन, गोपुकी सियोनम बाक्ब परमपरभु यावे, इ परमपरभु आ बाक्तीक लय' दे बरतीक नाक्त जाक्ब" दंत ।

७ परमपरभु यावेमी "याक्व आ पर्वम ग्येरशा ठेयब संदा पा कुम्सो पने । मिनु रागी रागी डा नल्ल क्येडा ठेयब रागी आ पर्वम ठेयब संदा पा गरीडीन । मिनु परमपरभु यावेम आ मुर आन कली श्यत र परांइतु । इसराएल डा लीशा आन कली परांइतु । ८नेनीन, गो मेको आन कली उत्तर डा रागी र चाक्नुडमी । मिनु गो मेको आन कली रागी डा सुर र सुन्नुडमी । मेकोपुकी आन दातेमी मिक्च मताइब, गुइ खोइल मदुक्ब, कोव्रज कुरशो मीश मुर नु सुत्करी रोइ पशो मीश मुर यो बाक्नीम । मेको आन ठेयब हुल लेशशा एकर जाक्वा माल्नीम । यसैया ३५:८-१० ; इजीकीएल ३४:१६ १मेकोपुकी डाक्न डाक्न जाक्नीम । गो मेको आन कली शिशी पा लेशशा चाक्नुडमी । गो मेको आन कली खोला आ नेक्था गाक्पाइक्नुडमी । दाइल मपांइसीचा डा पित्थ लांम सुल्लुडमी । मारदे हना गो इसराएल आ आफ दुम्शो बाक्नुड । मिनु एफराइम आं डांडती जरमशो ती बाक्ब ।

१०गे रागी रागी डा मुरपुकी, परमपरभु यावे आ लोव्र नेनीन । डोन डा समुन्दर आ नेक्था डा रागी नल्ल आन कली नंपतीन । मेको आन कली 'इसराएल कली बरपाइक्वम मेको आन कली गरुम्पाइक्ब । मिनु गोठलाम आन बगाल आन कली खाल पशो खोदंशो पा, मेकोमी इसराएली आन कली कोव्रब' दंत । ११मारदे हना परमपरभु यावेम याक्व आ मुर आन कली परांइतु । मिनु मेकोम आन कली आन क्येडा बोल्यो मुर आन गुइ र परांइतु । १२मेकोपुकी जाक्वा इर सियोनम ठेयब संदा पा कुम्सो पाइनीम । मेकोपुकीम परमपरभु यावे आ रिम्शो पशो आ पर्वम ग्येरनीम । अन्न, अडगुर शांबु नु तेल तशा, क्यारश भंडा आन पाठा नु बी ब्यफ आन कली तशा ग्येरनीम । मेको ब्वाक्कुम जिश्शो फल फुल रू खोदंशो दुम्नीम । मेकोपुकी लेंशा गेनायो सुर्ता मपाइनीम । यरमीया ५८:३ १३मेना ठिटी मीश मुर ग्येरशा सिल पाइनीम । ठिटा नु खाल्पा ग्येरनीम । गो मेको आन रांका पतीक ग्येरतीकम फाइक्नुड । गो मेको आन थुं बार पाइश्शा, सुर्ता पतीक आ पा डा ग्येरतीक थुं गेनुडमी । १४गो चढेब आन कली शुश गेशा रूपाइक्नुडमी । मिनु आं मुरपुकी आं शुश गेशोम रूशा ग्येरनीम" दे परमपरभु यावेम दंत ।

१५ परमपरभु यावेम "रामाम संदा का नेंसाक्ब । मेको रांका पशो नु हिशक पा डाक्शो बाक्ब । राहल आ आल आन पर्वम डाक्ब । मेको लेम्शोन,

मबिस्स। मारदे हना मेको आ आल बेक्तेक्म”  
 दंत। उत्पत्ती ३५ :१६-२० ; १सामुएल १० :२ ; मती  
 २ :१८ १६ परमपरभु यावेमी “डाक्चा नाइक्तीन।  
 इन मिक्च रं परक्कु मतोक्कीन। मारदे हना  
 इन गेय डा इनाम ताइनीनी। मेको आन जोरी  
 सतरु आन रागी रं लेशशा जाक्नीम। १७ नोले इन  
 रिम्शो दुम्तीक लां कोवनीनी। इन तमी ती आंम  
 आन रागीम लेशशा जाक्नीम” दंत।

१८ परमपरभु यावेम “गो एफराइम आ डाक्शा  
 पुंडशो नंता” दंत। मिनु एफराइममी “गो आं कली  
 शंताक्यीनी। गो इन शंशा रुप्ता। गो मटीब  
 बोहार सोदंशो बाक्ती। आं कली लेत्वा गेयीनी।  
 गो लेत्वा ताइनुड। मारदे हना गे परमपरभु  
 यावे, गे आं परमपरभु बाक्नीनी। १९ गो नोले  
 शांडसीशा, इन गे लेती। आं हंथ पशो तुइक्तु  
 नोले आं कुचु तुप्ता। गो मुन दोक्ती। मारदे  
 हना गो आं ठिटा ना डा पाप कुरशो बाक्ती” दे  
 डाक्शा दंत। २० मिनु “मार, एफराइम आं दाक्शो  
 ती ममाइ डा ? मेको आ परबम गो मयुरनुडा ?  
 गो मेको कली हुइक्ताकड हना यो, मेको कली  
 मिम्ना मिम्न बाक्ती। मोपतीके गो मेको कली  
 मुल सम्म दाक्नुड। गो मेको कली थमा पा  
 शिशी पाइक्नुड” दे परमपरभु यावेम दंत। यसैया  
 ४९ :१५ ; होस ११ :८

२१ लां तुइक्तीक चिन्ड वोतो। लां कांडतीक  
 थाम खरुक्को। गे तेको ठेयब लां रं लाइनवे,  
 मेको लां रिम्शो पा मिम्तो। गे कन्न मीश आल  
 इसराएल, लेतो। इ सहरम लेतो। २२ गे काइ मटीब  
 तमी, गे गना सम्म रिम्नवे ? मारदे हना परमपरभु  
 यावेम मेको रागी डा मुर आन पशो नक सल्लु।  
 मेको मीश मुरुम वोइश मुर कली दाक्ब।

२३ मुर नेल्ल आन परमपरभु यावे, इसराएली  
 आन परमपरभुमी “गो मेको आन शांप लेशशा  
 गेता हना, मेकोपुकीमी लेशा यहूदा रागी नु मेको  
 आ सहरपुकीम गे ठीक पाइब नु परमपरभु यावे  
 आ डांडा, परमपरभु यावेमी इ कली आसीक गवल्  
 देनीम। जकरिया ८ :३ २४ यहूदा नु मेको आ सहर  
 नेल्ले काथा बाक्नीम। रू डा गेय पाइब नु आन  
 बगाल नु हिरब गोठला नेल्ल काथा बाक्नीम।  
 २४ गो दशो आन कली लेशा बोल्यो सल्लुडमी।  
 मिनु थशो आन कली लेशा बोल गेनुडमी”  
 दंत। २६ गो ओशोमीन संसाक्यी। मिनु एर आंथ  
 कोवशा, गो रिम्शो पा इप्ती, दे तुइक्ताकड।  
 २७ मिनु परमपरभु यावेमी “गो इसराएल आ सिं  
 डा मुर, यहूदा आ सिं डा मुर नु क्यारश मेडा,  
 बी ब्यफ आन कली सोशा बोशा दुम्पाइक्तीक

नाक्त थमा पा चाक्नुड। २८ गो दोपा मेको  
 आन कली तुल्वा, परत्वा, ताइक्चा नु खतम  
 पोक्चा कली मरिम्शो पडा, मोपा गो मेको  
 आन कली सल्लवा नु खरुक्चा कली कोवनुड।  
 यरमीया १ :१० २९ मेको नाक्ती मुरपुकीम लेशा  
 ‘आम आफोम ग्युरशो अडगुर ब्याम्तक्म। मिनु  
 आन आल आन खरुइ गिरम्तक्म’ मदेनीम।  
 इजीकीएल १८ :२ ; परस्थान २० :५ ; बिलाना  
 ५ :७ ३० तन्न मुर नेल्ल आन पाप आ परबम  
 बेक्नीम। सुम ग्युरशो अडगुर ब्याइबा, मेको आ  
 खरुइ गिरम्ब” दंत।

३१ परमपरभु यावेमी “गो इसराएल आ सिं डा  
 मुर नु यहूदा आ सिं डा मुर नु नक कबल का  
 पाइनुड। मेको नाक्ती थमा पा जाक्ना जाक्न  
 बाक्नीम। हिब्रू ८ :५-१२ ३२ मेको कबल मेको  
 आन किकी पिपी आन कली इजीप्त रं गुरुइची  
 ना पशो कबल सोदंशो ममाइ। गो मेको आन  
 वोइश सोदंशो बाक्ती हना यो, मेकोपुकीमी मेको  
 कबल मखबेम। ३३ तन्न इसराएल आ सिं डा  
 मुर नोले डा नाक्ती डा कबल मार बाक्त देशा  
 हना, गो आं अरशो मेको आन थुम वोइक्नुड।  
 मिनु आन थुम मेको बरेक्शा गेनुडमी। मिनु गो  
 मेको आन परमपरभु दुम्नुड। मिनु मेकोपुकी आं  
 मुर दुम्नीम। इजीकीएल ११ :१९ ; हिब्रू १० :१६-  
 १७ ; यरमीया ७ :२३ ३४ मेना रं परमपरभु यावे  
 कली तुइक्तीन, दे मुर कामी अर्का कली मशंनीम।  
 मारदे हना आइक्च रं ठेयब नेल्लेम आं कली  
 तुइक्नीम। गो मेको आन मरिम्शो पशो माफ  
 गेनुडमी। मिनु लेशा गेनायो मेको आन पाप  
 ममिम्नुड” दे परमपरभु यावेमी दंत। यरमीया  
 ३३ :८ ; यसैया ४३ :२५ ; रोमी ११ :२६-२७

३४ मेको परमपरभु यावेम नाक्ती हाम्सो  
 सल्लवा कली नां वोइक्तु। मिनु तास्ता आ लां  
 कांडताक्व। नाक्ते हाम्सो सल्लवा कली सोरुल  
 वोइक्तु। मेकोमी समुन्दर आ छाल पोक्चा  
 कली शाक्तु। मेको आ नं मुर नेल्ल आन  
 परमपरभु यावे बाक्ब। ३६ मिनु परमपरभु यावेमी  
 “आं डांडती नां, तास्ता नु सोरुल जाम्तेक्म  
 हना ला, इसराएली यो आं डांडती रागी का  
 मदुम्नीम” दंत। यरमीया ३३ :२५ ; रोमी ११ :१

३७ परमपरभु यावेमी “सरीड कली पुक्न जाप्त  
 हना, रागी आ जग माल्शा गुरुइन चाम्साक्व  
 हना, ला गो इसराएल आ आल आन कली  
 तिल्लुडमी” दंत।

३८ परमपरभु यावेम “हानानेल आ लाइशो  
 सिं रं मुर डा ठेयब लाप्नो सम्म आं नंम लेशा

सहर सेल्ल्तीक नाक्ती थमा पा जाक्ना जाक्न बाक्नीम। ३९ पुक्तीक डोरी मेको रे पा गारेब डा डांडा सम्म जाक्दीप्व। मिनु मेको रे हिरशा गोआह सम्म जाक्दीप्व। ४० बक्शो मुर आन बंसी नल्ल पुनु ताइक्तीक दिंम नु किदरोन कोल्सा सम्म डा रू नल्ल नु शारा लाप्वो डा कुना सम्म परमपरभु यावे के दुम्ब। मिनु मेको गनायो तुल्शा खतम मपोक्सीब” दंत।

यरमीयामी रू ग्याप्शो

३२ १ परमपरभु यावेम यरमीया कली लोत्र पाप्तु। मेना यहूदा डा पिप सिदकीयाहम सासन पशो १० बर्स दुम्मनु, नेबुकदरसर आ सासन पशो १६ बर्स दुम्शो बाक्त। २ मेना बेबीलोन डा पिप आ लडाइ पाइबपुकीम यरूसलेम पुस्ताक्म। परमपरभु यावे आ लोत्र पाइब यरमीया चहिं यहूदा डा पिप आ दरवार खाल पाइब मुर आ जेल्खानम बाक्त। मेको यहूदा डा पिप आ लाडगाम बाक्त। २ राजा २५ :१-२ ३ यहूदा डा पिप सिदकीयाहम मेको कली मंकर चोक्शो बाक्त। मिनु मेकोमी “गे मारदे मोदंशो पा परमपरभु यावे आ लोत्र पाइनेवे? परमपरभु यावेमी गो एको सहर बेबीलोन डा पिप आ गुइम गेचशो बाक्नुड। मिनु मेकोमी एको आम के सल्ब। यरमीया २१ :७; यरमीया ३४ :२ ४ यहूदा डा पिप सिदकीयाह कल्दी आन गुइ र मबरोइब। मेको थमा पा बेबीलोन डा पिप आ गुइम गेचा पुंइसीब। मिनु मेको नु कोत्रमुशा, लोत्र पाइब। ५ मेकोमी सिदकीयाह कली बेबीलोन लाइक्ब। मिनु गो मेको कली मकोवड्डु सम्म मंकर बाक्ब। गे कल्दी नु लडाइ पाप्तीवी हना मगरानेवे दे परमपरभु यावे आ लोत्र पवी” दंशा चोक्शो बाक्त। यरमीया ५२ :३१

६ मिनु यरमीयामी परमपरभु यावेम आं कली लोत्र पाप्तु। मार लोत्र पाप्तु दंशा हना, ७ “इ बकान्छा शाल्लुम आ तो हनामेल इ बाक्तीक जाक्शा, इ कली अनाथोथम बाक्शो आं रू ग्यापीन। मारदे हना ग्याप्चा अधिकार इन के बाक्ब” देब” दंत। लेवी २५ :२५ ; रूथ ४ :३-४ ८ मिनु नोले परमपरभु यावेम दंशा खोदंशो पा आं बकान्छा आ तो हनामेल पिप आ सिं खाल पाइब आन लाडगा जाक्शा, मेकोमी “बन्यामीन आ रागी अनाथोथम बाक्शो आं रू ग्यापीन। मेको ग्याप्चा अधिकार इन केन बाक्ब। मोपतीके गे मेको ग्याप्सीन” दंत। मिनु गो एको परमपरभु यावे आ लोत्र बाक्माक्त, दे तुइक्ताक्ड।

१ मोपतीके गो आं बकान्छा आ तो हनामेल आ अनाथोथम बाक्शो रू ग्याप्ता। मिनु गो मेको कली चांदी के १७ शंकल नाक्शा गता। शंकल का ११.५ ग्राम डा चांदी के क्यंट बाक्ब। १० मिनु गो कागज बरक्शा, छाप थोक्शा सांकछीपुकी वोइइशा चांदी के शंकल नाक्शा गता। ११ मिनु गो आं रू ग्याप्शो बरक्शो छाप थोक्शो कागज ताक्ता। छाप थोक्शो नु छाप मथोक्शो कागज यो ताक्ता। १२ मिनु गो मेको रू ग्याप्शो बरक्शो कागज आं बकान्छा आ तो हनामेलम आ डांडती, सांकछी नु पिप कली खाल पाइब आ लाडगाम बाक्शा यहूदी आन डांडती माहसेयाह आ चच, नेरीयाह आ तो बारुक कली गता। मेको सांकछी नल्ल आन नं यो कागजम बरक्शो बाक्तेक्म। १३ गो मेको नल्ल आन डांडती बारुक कली १४ “मुर नल्ल आन परमपरभु यावे, इसराएली आन परमपरभुमी मार दंत दंशा हना, मेको शुश नाक्त सम्म लील, दे मेको रू ग्याप्शो कागज, छाप थोक्शो नु मथोक्शो, निम्फा खप के ग्यांब कामी कुर पावा” दंत। १५ मारदे हना मुर नल्ल आन परमपरभु यावे, इसराएली आन परमपरभुमी “मेको रागीमी सिं, रू नु अडगुर रू ग्याप्नीम” दंत। यरमीया ३२ :१५

१६ मिनु गो नेरीयाह आ तो बारुक कली मेको रू ग्याप्शो कागज गडा नोले, गो परमपरभु यावे कली एको लोत्र पा १७ “परमपरभु, परमपरभु यावे, इन ठेयब सक्ति नु दिंशो गुइम गे सरीड नु रागी सेल्ल्तीनी। इन कली मारदे गय मचाप्व डा मबाक्ब। यरमीया २७ :५ ; उत्पत्ती १६ :३४ ; लूका १ :३७ १६ हजार हजार पाला सम्म इन गना हना यो दाक्तीक कांडनीनी। तन्न आम आफ आन हंथे पशो आन नोले जाक्ब आन आल आन कली रपाइक्नीनी। गे ठेयब नु सक्ति पाइइशो परमपरभु बाक्नीनी। इन नं मुर नल्ल आन परमपरभु यावे बाक्ब। परस्थान २० :५-६ १९ इन अती ठेयब नु इन गेय नल्ल क्येडा सक्ति पाइइशो बाक्नीम। मुर आन पशो मारदे मारदे इन डांडती तचा डा पा बाक्नीम। गे मुर नल्ल आन कली कोत्रनीनी। गे नल्ल आन लो नु आन पशो तशा इनाम गेनीनी। रोमी २ :६ २० गे इजीप्त रागीमी चिन्ड नु छुक लाक्चा डा गेय कांडताक्नी। मिनु मुल सम्म इसराएल नु मुर नल्ल आन दातेमी इन नं ठेयब सेल्ल्तीनी। २१ गे इन मुर इसराएली आन कली इजीप्त रे चिन्ड नु छुक लाक्चा डा गेय इन सक्ति नु बोल नु शुश हिंचा डा श्यत कांडशा गरुंडताक्नी। २२ मिनु गे

मेको आन किकी पिपी आन कली कसम जशा, मेको दूध नु खुदो शुश बाक्शो रागी गेतीनी। २३ मिनु मेकोपुकी ओव्रशा, मेको रागी आन के सल्लेक्म। तन्न मेकोपुकीमी इन देशो, इन अरशो नु मार पचा माल्वा शंशो मबिस्सम। गे मेको आन कली पन देशा शंशो लोव्र मेकोपुकीमी मटीम। मोपतीके गे एको ठेयब श्यत नल्ल मेको आन तार चाक्तीनी। २४ कोवडीन, एको सहर आन के सल्ला कली नु गारा डोइक्चा कली लो सल्ला कली मार मार तल्लेक्म। मेको सहर कली तखार, अन्काल नु मुर बेक्तीक रोइम पतीके, मेको लडाइ तोइब कल्दी आन गुइम दुम्त। गे मार देनी, मेको दुम्त। गे आंमा ताइनीनी। २५ मो हना यो परमपरभु, परमपरभु यावे, गे आं कली 'एको सहर कल्दी आन गुइम दुम्त हना यो, क्येट गेशा, सांकळी आन कली बरशशा, रू ग्यापो' देतीनी" दे येरमीया देत।

२६ मिनु परमपरभु यावेम येरमीया कली लोव्र पाप्नु। २७ मार, लोव्र पाप्नु देशा हना "गो परमपरभु यावे, बरांइशो नल्ल आन परमपरभु नड। मार, तेकोइ गेय आं पन मचाप्वा डा बाक्वा डा?" देत। गन्ती १६:२२; येरमीया ३२:१७ २६ मोपतीके परमपरभु यावेमी "गो एको सहर कल्दी आन गुइ नु बेबीलोन डा पिप नेबुकदरसर आ गुइम गेचा चिकताक्ड। मिनु मेकोमी एको सहर गराब। २९ एको सहर कली लडाइ तोइब कल्दी जावशा मी सुइक्नीम। तेको खिं तारी आं कली गाइक्पाइक्चा कली बाल देवता कली चदेम नु देवी देवता आन कली तूचा थोव्रक चदेशा लुक्तम, मेको नल्ल करोइक्नीम। येरमीया १७:१३ ३० मारदे हना इसराएल डा मुर नु यहूदा डा मुरुम आन ठिट्टा रेन आं डांइती मरिम्शा गेय डा लाक्शा अरु मारइ मपामे। थमा पा इसराएल डा मुरपुकीम आन गुइ डा गेयम आं कली गाइक्पाइक्चा डा लाक्शा, अरु मारइ मपामे। ३१ एको सहर सेल्ले नाक्त रे मुल सम्म आं कली गाइक्पाइक्शा, चुरपाइक्शा पतीमी। मोपा गो एको कली आं डांइती रे तिल्लुड। ३२ मेको इसराएल नु यहूदा डा मुरपुकीमी आं कली गाइक्पाइक्चा कली आन मरिम्शा पशो आन परबम पाइनुड। मेको आन पिप, आन सरकार डा गेय पाइब, आन चदेब, आं लोव्र पाइबपुकी, यहूदा डा मुरपुकी नु यरुसलेममी बाक्वपुकी नल्लेम मोदेशो पास्तक्म। ३३ मेकोपुकीमी आं कली आन ची हिरशा कांइशो बाक्नीम। आन कुल ममाइ। गो मेको आन कली शंना शंन बाक्ती

हना यो, मनेनम रिम्शा पचा कली ममिम्तेम। येरमीया २:२७ ३४ मेकोपुकीमी आं नें वोइश्शो खिम आन गरांगरा दिशो देवी देवता वोइक्तेक्म। मिनु आं खिं कली गरांगरा दिशो सल्लेक्म। ३५ मेकोपुकीम हिन्नीम आ तौ आ बेसीम बाल देवता आन थान सल्लेक्म। मिनु मेकोपुकीमी मकर आन तमी तौ आन कली मालेक कली चोशा चदेम्तेक्म। गो मेको आन कली मेको मअरडमी। गो मेको गेनायो ममिम्तु। मोदेशो गरांगरा दिशो गेय पशा, यहूदा डा मुर आन कली पाप पपाइक्तेक्म" देत। येरमीया ७:३१; येरमीया १९:५; इजीकीएल २०:२५-२६

३६ मोपतीके परमपरभु यावे, इसराएली आन परमपरभुमी "गेपुकीमी एको सहर आ परबम 'तखार, अन्काल नु मुर बेक्तीक रोइम बेबीलोन डा पिप आ गुइम गेशो बाक्व' देनीनी। ३७ कोवडीन, गो मेको आन कली आं गाइश्शो, चुरशो नु ठेयब ग्युशरा बोक्तीकेमी तेको रागीम खरुमी, मेको रागी नल्ल रे गरुम्पाइक्नुडमी। गो मेको आन कली लेशा एको रागीम लेशशा चाक्नुडमी। मिनु मेको आन कली रिम्शा पा मारइ मदुम्पु बाक्पाइक्नुडमी। ब्यवस्था ३०:३ २६ मिनु मेकोपुकी आं मुर दुम्नीम। मिनु गो मेको आन परमपरभु दुम्नुड। येरमीया ७:२३ ३९ गो मेको आन कली थुं का दुम्तीक नु गाक्तीक लो का गेनुडमी। मेकोपुकी गेना हना यो आं कली मान पा हिंनीम। मेको आंम आन कली नु आन आल आन कली रिम्शा दुम्ब। इजीकीएल ३६:२७ ४० गो मेकोपुकी नु गेना हना यो लोब कबल का पाइनुड। गो मेको आन कली रिम्शा पचा कली गेनायो मप्रांइनुड। मिनु गो मेको आन थुंमी आं कली मान पा हिंतीक वोइक्नुड। मोपा मेकोपुकीम आं कली मप्रांइनीम। येरमीया ३१:३१-३४ ४१ गो मेको आन कली रिम्शा पना पन ग्यरसीनुड। मिनु थमा पा गो आं थुं नु आं सोक्त नल्लेम मेको आन कली एको रागीम वोइक्नुडमी" देत। ब्यवस्था २६:६३; आमोस ९:१५

४२ परमपरभु यावेमी "मोपा गो एको मुर आन कली आं पा शुश श्यत गेडा, मोपा गो मुल आं देशो रिम्शा पतीक नल्लेम, मेको आन कली रिम्शा पाइक्नुडमी। ४३ एको रागीम रू ग्याप्नीम। मेको आ परबम गेपुकीम 'एको मुर नु बस्तु भाव मारइ मबाक्शा रागी बाक्व' मारदे हना एको कल्दी आन गुइम गेशो बाक्व' देनीनी। ४४ मेकोपुकीम क्यटीम रू ग्याप्नीम।

मेको आन नें बरक्शो ग्याप्शो कागज, सांकळी वोइश्शा, छाप थोक्नीम। मादेशो बेन्यामीन आ रागी, यरूसलेम आ एर अंध, यहूदा डा सहरम, पहाडीम, शफलाहम नु नंगवम मादेशो पाइनीम। मारदे हना गो मेको आन शांप लेश्शा गनुड” दे परमपरभु यावम देत। यरमीया ३२ :१५ ; यरमीया २९ :१४,३०

“यरूसलेम लेशा सेल्लुड” देशो

**३३** १ परमपरभु यावमी यरमीया कली पिप आ दरवार खाल पाइब मुर आ जेतखानम बाकमनु निक्शी खेयप लोत्र पाप्तु। यरमीया ३२ :२ २ मिनु रागी सेल्व परमपरभु यावमी लोत्र पाप्तु। मेको रागी बोल्यो सेल्व आं नें याव बाक्ब। ३ मेकोमी “आं कली बरती। मिनु गो इ कली लोत्र लेल्लुड। मिनु गो इ मतुइश्शा ठेयब नु खरुइश्शा थोत्रक शंनुड” देत। ४ इसराएली आन परमपरभु यावमी “एको सहर डा खिं नु यहूदा डा पिप आन खिं परेशा, कल्दी नु लडाइ पचा कली सहर आगा र यो गारो डोइक्तीक लां सेल्लोम। यसैया २२ :१० ५ कल्दी सहर ओत्रशा लडाइ पाइनीम। मेकोपुकीमी मेको खिं कली बेक्शो मुर आन रांमी पिरंनीम। गो आं गाइश्शा नु चुरशोम साइश्शा मुर आन बेक्शो रांम पिरंनीम। मारदे हना आं अरेशो लोत्र मटीब आन पतीके एको सहर र आं कुल खरुइक्ताकड। ६ गो आं मुर आन कली सापाइक्नुडमी। मिनु गो मेको आन कली सापाइश्शा, आन माल्शो गेशा मारइ मदुम्यु रिम्शो पा बाक्चा गनुडमी। यरमीया ३० :१७ ७ गो यहूदा नु इसराएल डा मुर आन शांप लेश्शा गनुडमी। मिनु मेको आन कली डांइती डा खोदेशो सेल्लुडमी। यरमीया २९ :१४ ; यरमीया २४ :६ ८ गो आं पर्वम पशो आन हंथ पतीके नु पाप नेल्ल र मेको आन कली ठीक सेल्लुडमी। मिनु गो मेको आन हंथ पशो नु पाप पशो माफ गनुडमी। यरमीया ३१ :३४ ; यरमीया ५० :२० ९ मिनु एको सहर आं डांइती ग्येरपाइक्तीक, ठेयब सेल्लोके नु आं कली मान पतीके दुम्ब। मिनु रागी रागी डा मुरुम गो इसराएली आन कली मार मार रिम्शो पशो नंनीम। मिनु मेको आन कली रिम्शो नु आन माल्शो क्येडा शुश गेशो तशा आं पर्वम हिंशा खिरंखिर पाइनीम” देत।

१० परमपरभु यावमी “मेको सहर आ पर्वम गेपुकीम “एको मुर नु बस्तु भाव मारइ मबाक्शो रागी बाक्ब। यहूदा डा सहर नु यरूसलेम डा

लां गाक्ब मुर नु बस्तु भाव, जन्तु मबाक्शु, श्येत्य दुम्शो बाक्ब। मेको मारइ मबाक्शो सहरम लेशा, यरमीया ३२ :४३ ११ थुं नाइश्शा बाक्तीक, ग्येरशो संदा, ग्युम्ली ग्युम्ले आन संदा, कुम्सो पशो संदा नु परमपरभु याव आ खिंम, गे रिम्शो पाइब बाक्नीनी” देशा संदा लेशा नंसीब। मुर नेल्ल आन परमपरभु याव कली “परमपरभु याव, गे शिशी पाइब बाक्नीनी” देनीन। मारदे हना मेको रिम्शो पाइब बाक्ब। मेको आ दाक्तीक गेना हना यो बाक्ब। गो रागी डा मुर आन कली डांइती डा खोदेशो पा थुं नाइक्चा गनुड” दे परमपरभु यावम देत। यरमीया ७ :३४ ; एजरा ३ :११ ; बजन संगरह १०६ :१

१२ मुर नेल्ल आन परमपरभु यावमी “मुर नु क्यारश भेडा, बी ब्यफ मबाक्शो रागीम लेशा सहर नेल्लेमी गोठला आन क्यारश भेडा नाइक्तीक नु योत्रतीक दुम्ब। १३ मिनु पहाड डा सहर, शफलाह, नेगेब बेन्यामीन आ रागी यरूसलेम आ एर अंध नु यहूदा डा सहरम गोठलापुकीमी क्यारश भेडा लेशा हिक्शा आंइनीम” दे परमपरभु यावम देत। यरमीया ३२ :४४

दाऊद नु लेवी कली पशो कबल

१४ परमपरभु यावम “इसराएल आ खिं डा मुर नु यहूदा आ खिं डा मुर आन कली आं थोक्शा पशो लोत्र खाप्तीक नाक्त थमा पा जाक्ना जाक्न बाक्नीम। यरमीया २३ :५-६ ; जकरिया ३ :८ १५ मेको नाक्ती, मेना गो दाऊद आ खिं र ठीक पाइब राशी का दाप्पाइक्नुड। मिनु मेकोमी रागीम ठीक निसाफ नु ठीक गेय पाइब। १६ मेको नाक्ती यहूदा श्येत र परांइचा पुंइसीब। मिनु यरूसलेम मारइ मदुम्यु बाक्ब। मिनु मेको आ नें आंइ कली ठीक सेल्व परमपरभु याव” देनीम। ब्यवस्था ३३ :२८

१७ मारदे हना परमपरभु यावम “गेना हना यो दाऊद आ खिं डा मुर का इसराएलमी पिप दुम्ब। २ सामुएल ७ :१२-१३ ; शरजा १ :५ ; मजन संगरह ८९ :३० १८ गेना हना यो लेवी आ थर डा चदेब का आं डांइती चोशा चदेचा कली, अन्न चदेचा कली नु क्यारशा चदेचा कली बाक्ब” देत। गन्ती २५ :१२-१३ ; नेहम्याह १३ :२९

१९ परमपरभु यावम यरमीया कली लोत्र पाप्तु। २० मार, लोत्र पाप्तु देशा हना “गेपुकीमी गो नु नाक्दो पशो कबल नु नाक्त पशो कबल क्याम्न चाप्तीनी हना, नाक्दो नु नाक्ती आं देशो ना

मदुम्तेकम हना, यरमीया ३१:३५-३६; उत्पत्ती ८:२२ २१ला आं गेय पाइब दाऊद नु आ तौ का पिप दुम्ब, देशो कबल क्याम्ने चाप्नीनी। मिनु गो आं लेवी थर डा मुर चढेब नु पशो कबल यो क्याम्ने चाप्नीनी। गन्ती २५:१२-१३; हिब्रू १:११-१४ २२दोपा सरीड डा सोरुल हिकने मचाप्वा डा बाक्नीमी नु समुन्दर डा बाल्वा पुक्ने मचाप्वा डा बाक्बा, मोपा गो आं गेय पाइब दाऊद आ चच युइ नु आं कली गेय पाइब लेवी आ थर डा मुर आन कली सोपाइइशा बोपाइइशा शुश सल्लुडमी” दंत। उत्पत्ती १५:५

२३ परमपरभु यावेम यरमीया कली लोत्र पाप्नु। २४ मार लोत्र पाप्नु देशा हना “मेको मुरपुकी मार, देना देन बाक्मा, मार, गो मन्नी? मेकोपुकीमी परमपरभु यावे आ योत्रशो सिं निक्शी डा मुर आन कली परांइशा तिल्लो बाक्ब” देतेकम। मो देतीके मेको मुरपुकीमी आं मुर आन कली आइक्च सेल्शा, मुल र रागी का यो मनम, दे मिन्नीम” दंत। २५ परमपरभु यावेमी “गो नाक्दो नु नाक्त नु आं कबल मपाता हना, सरीड, रागीम आं देशो मपास्तेकम हना, २६ गो याकूब आ आल नु आं गेय पाइब दाऊद आ चच युइ आन कली तिल्लुडमी। मोपा मेको अब्राहाम, इसहाक नु याकूब आन मुर आन कली पिप दुम्चा कली मयोत्रनुडमी। तन्न गो मेको डांइती खोदेशो पा, मेको आन थुं नाइक्चा गेनुडमी। मिनु मेको आन कली शिशी पाइनुडमी” दंत।

सिदकीयाह कली हिंच कोइशो

३४ १ परमपरभु यावेम यरमीया कली बेबीलोन डा पिप नेबुकदरसर, मेको आ लडाइ पाइब नेल्ल, रागी डा राज्य नेल्ल नु मेको आ सासन पशो रागी डा मुर नेल्लेम यरूसलेम नु आ एर आंथ डा सहर नेल्ल आन कली लडाइ तोम्तेकम। मेना इसराएली आन परमपरभु यावेमी यरमीया आं कली लोत्र पाप्नु। यरमीया ५२:४; २राजा २५:१-२ २ मिनु परमपरभु यावे, इसराएली आन परमपरभुमी आं कली “यहूदा डा पिप सिदकीयाह आ बाक्तीक लावो। मिनु मेको कली परमपरभु यावेमी गो एको सहर बेबीलोन डा पिप आ गुइम गेनुड। मिनु मेकोमी एको सहर कली मीम करोइक्ब। यरमीया २१:१० ३गे मेको आ गुइ रे बरोइचा मताइनेवे। गे थमा पा ग्याइक्चा पुंइसीशा मेको आ गुइम दुम्नेवे। गे बेबीलोन डा पिप

कली तशा, मेको नु कोत्रमुशा लोत्र पाइनेवे” दे बेबीलोन लचा माल्लेवे” दंत। यरमीया ३२:४ ४मो हना यो ए यहूदा डा पिप सिदकीयाह, परमपरभु यावे आ लोत्र नैनीन “गे तरवारम साइक्चा मपुंइसीनीनी। यरमीया ५२:११ ५ग इन थुं नाइइशा बक्नीनी। मिनु दोपा इन किकी पिपी इन डांइती डा पिप आन कली मुरपुकीमी बरोत्रशो रिना पाइब थोत्रक चोशा थिम्म, मोपा मेकोपुकीमी इन कली यो थिम्मोम। इन पर्वम आंइ परभु” दे रोका पाइनीम। गो मेको लोत्र पाता, दे नेल्लेम नंचा डा पा देनो” दे परमपरभु यावेमी दंत। २इतिहास १६:१४; यरमीया २२:१६

६ मिनु यरमीयामी मेको लोत्र नेल्ल यरूसलेममी यहूदा डा पिप सिदकीयाह कली दंत। ७ बेबीलोन डा पिप आ लडाइ पाइब मुरपुकी यरूसलेम नु यहूदा डा अरु सहर नु लडाइ पना पन बाक्शो बाक्तेकम। लाकीश नु आजका नु यो मेकोपुकीमी लडाइ पचा मपरांइशो बाक्तेकम। मेको यहूदा डा गारो हिरशो सहर निक्शी ला लीशो बाक्ताकस।

वाइल आन कली परांइतीक बर्स

८ मेना परमपरभु यावेम यरमीया कली लोत्र पाप्नु। मेना यहूदा डा पिप सिदकीयाहम यरूसलेम डा मुर नेल्ल नु वाइलीम वाइल नेल्ल आन कली परांइचा माल्लीम, दे कबल पशो बाक्त। यरमीया ३४:१४ १मेना मुर नेल्लेम आंम हिब्रू वाइलीम वाइल आन कली परांइचा माल्लेकम। सुइम यो आंम हिब्रू लोक्ब आन कली वाइलीम वाइल सल्ल्वा मदुम। १० मिनु मेको लोत्र टीब ठेयब मुर नु कबल टीब मुर नेल्लेमी आंम आन वाइलीम वाइल आन कली परांइचा नु लेंशा अर्का वाइलीम वाइल मवाइक्चा नम, देशो बिस्साकम। मिनु मेकोपुकी गारशा, मेको आन कली परांइतेकम। ११ मिनु नोले लेंशा मेकोपुकीमी आन थुं लेइशा आन परांइशो वाइलीम वाइल आन कली लेंशा चाक्शा वाइलीम वाइल सेल्लेकम। १२ मिनु परमपरभु यावेम यरमीया कली लोत्र पाप्नु। १३ मार, लोत्र पाप्नु देशा हना “परमपरभु यावे, इसराएली आन परमपरभुमी गो मेको आन किकी पिपी आन कली इजीप्त रागी डा वाइलीम वाइल दुम्तीक सिं रे परांइशा चाक्तामी। मिनु गो मेकोपुकी नु कबल पाता। १४ तेकोइ ७ बर्सम इन कली लेयसीशो मुर इन

हिब्रू लोकबम इन कली ६ बर्स गेय पवा नोले, ७ बर्सम मेको कली परांडचा माल्ब' देती। तन्न इन किकी पिपीम आं लोत्र मटीम। आन नोफान मदाइक्तेम। परस्थान २१:२; लेवी २५:३९-४१; व्यवस्था १५:१२ १५ गपुकीम चहिं नक माफ पुंडशा आं डांडती नल्ल आन कली परांडचा नम, देशा लोत्र ठीक पाइतीनी। मिनु गेपुकीमी आं नं बाक्तीक सिंम आं डांडती कबल का पाइतीनी। लेवी २५:१० १६ तन्न नोले इन थुं फाइश्शा आं नं गरांगरा दिशो सल्लतीनी। गे नल्लेम इन डांडती परांडशा वाइलीम वाइल आन कली लेशशा चाक्तीनी, देशो बाक्त्" देत। १७ मोपतीके परमपरभु यावेमी "गेपुकीम आं देशो मटिनी। मिनु आंम रागी डा आंम नेक्था डा मुर नु आंम वारच आन कली वाइलीम वाइल दुक्तीक रे मपरांडनी। मोपतीके गो मुल इन कली परांडनन्नी। गो इन कली तरवार, मुर बेक्तीक रोड नु अन्कालम साइक्पाइक्चा कली परांडनन्नी। गो इन कली राज्य नल्लेम शुश हिंचा डा सल्लन्नी। १८ आं कबल क्याम्ब नु आं डांडती पशो कबल डा पतीके मपाइब मुर आन कली बाछा खोदेशो सल्लुडमी। मेको कली फेके निक्शी सल्लेक्म। मिनु मेको आ दाते रे गाक्तेक्म। १९ मिनु मेको बाछा आ फेके निक्शी आस दाते रे गाक्ब यहूदा नु यरूसलेम डा सरकार आ गेय पाइब, दरवार डा ठेयब मुरपुकी, चदबपुकी नु रागी डा मुर नल्ल २० आन जोरी सतरु आन गुइम नु आन कली साइक्चा माल्ब आन गुइम गेचा पुंडसीनीम। मेको आन बेक्शो रां सरीड डा चिक्ब नु रागी डा जन्तु आन ब्वतीक दुम्ब। यरमीया ७:३३ २१ यहूदा डा पिप सिदकीयाह नु मेको आ सरकार डा गेय पाइब आन कली साइक्चा माल्ब, आन जोरी सतरु आन गुइम नु बेबीलोन डा पिप आ लडाइ पाइब आन गुइम गेनुडमी। मेको लडाइ पाइबपुकी इन रे लेशशा लशो बाक्तेक्म" देत। यरमीया ३७:५ २२ परमपरभु यावेमी "गो मेको आन कली अरेनुडमी। मिनु गो मेको आन कली एको सहरमी लेशशा चाक्नुडमी। मेकोपुकीमी एको सहर नु लडाइ पा गराणीम। मिनु एको कली करोइक्नीम। मिनु गो यहूदा डा सहर कली मुर मबाक्शो सल्लुड" देत। यरमीया ३७:८

यरमीया नु रेकाबी

३५ १ यहूदा डा पिप यासीयाह आ तौ येहो-याकीमम सासन पवा ना परमपरभु यावेम

यरमीया कली लोत्र पाप्नु। २ राजा २३:३४ २ मार, लोत्र पाप्नु देशा हना "गे रेकाबी आन सिं लशा, मेकोपुकी नु लोत्र पावो। मेको आन कली परमपरभु यावे आ सिं डा कोठा कामी आंडदीमी। मिनु मेको आन कली अडगुर शांबु खरतीमी" देत। १ इतिहास २:५५ ३ मोपतीक गो हाबासीन्याह आ तौ यरमीया, आ तौ याज्न्याह नु मेको आ लोकबपुकी, मेको आ तौ नल्ल नु रेकाबी आन सिं डा मुर नल्ल आन कली लाइक्तामी। ४ मिनु गो मेको आन कली परमपरभु यावे आ सिंम परमपरभु आ मुर हानान आ तौ आन कोठाम चाक्तामी। हानान परमपरभु आ मुर यिग्दाल्याह आ तौ बाक्त्। मेको कोठा चहिं ठेयब मुर आन कोठा आ नेक्था बाक्त्। मेको शाल्लुम आ तौ लाप्चो खाल पाइब, मासयाह आ कोठा आ तार बाक्त्। ५ मेको नोले गो अडगुर शांबु आ गर नु बोटकोपुकी रेकाबी आन डांडती वोइक्ता। मिनु मेको आन कली "अडगुर शांबु तूडीन" दे माइक्तामी। ६ तन्न मेकोपुकीमी "गो अडगुर शांबु मत्नीकी। मारदे हना रेकाब आ तौ आंड किकी योनादाबम आंड कली गेपुकी नु इन आलपुकीम गेनायो अडगुर शांबु मत्नीकी। २ राजा १०:१५ ७ मेको परांडशा यो गेपुकीम गेनायो सिं मसलीन। वांचेर मशोक्कीन। अडगुर मखरुमीन। गेपुकीम मोदेशो गेय गेनायो मपन। तन्न इन बाक्शो रागीम शुश सम्म बरांडमल, दे गेना हना यो ताम्बुपुकीम बाक्शा हिरशा गाक्कीन" दे शंशो बाक्त्। ८ मिनु गो आंड किकी रेकाब आ तौ योनादाब आ शंशो नल्ल पाइतक। गोपुकी आंमा नु आंड मीशपुकी नु आंड तमी तौ नल्लेम गेनायो अडगुर शांबु मत्क। ९ गो बाक्चा कली सिं यो मसल्लोकी। अडगुर रू, अरु रू नु वांचेर गोपुकी नु मबाक्ब। १० गो ताम्बुम बाक्शा, आंड किकी योनादाबम शंशो नल्ल पाइतक। ११ तन्न बेबीलोन डा पिप नेबुकदरसरमी एको रागी कली लडाइ तोप्नु। मिनु गोपुकीम 'कल्दी नु अरामी आन लडाइ पाइबपुकी रे परोक्चा कली यरूसलेम लय' देतक। मोपतीके गो यरूसलेममी बाक्शो बाक्नीकी" देतकम।

१२ मिनु नोले परमपरभु यावेम यरमीया कली लोत्र पाप्नु। १३ मुर नल्ल आन परमपरभु यावे, इसराएली आन परमपरभुमी मार लोत्र पाप्नु देशा हना "गे यहूदा डा मुर नु यरूसलेममी बाक्ब आन कली लशा 'मार, गे आं देशो मपाइनीनी? मिनु आं लोत्र मटीनीनी?' देत" दे माइक्मी। १४ परमपरभु यावेमी "मार, रेकाब आ

तौ योनादाबम आ चच युइ आन कली गेपुकीम अङ्गुर शांबु मत्तुडीन' दे शंशो लोत्र मेकोपुकी टीनीमी। मोपतीके मेकोपुकीमी मुल सम्म अङ्गुर शांबु मत्तुनीम। मारदे हना मेकोपुकीमी आन किर्की पिपीम शंशो टिशा बाक्नीम। तन्न गो इन कली लोत्र पना पन बाक्ती। मो हना यो गेपुकीम आं लोत्र मटिनी। यरमीया २५ :४ १५ गो इन कली आं गय नु आं लोत्र पाइब आन कली सोइकना सोइकन बाक्ती। मेकोपुकीमी इन कली गे नेल्ल इन मरिश्शो लां रे लेतीन। मिनु इन मरिश्शो गय रिश्शो सलीन। मिनु देवी देवता आन कली पूजा पचा नु आन नोल खोइकचा परोनीन। मिनु गे इन किर्की पिपी आन कली गेशो रागीम बाक्चा ताइनीनी' देती। तन्न गेपुकीम आं देशो लोत्र मनंनी नु मटिनी। मत्ती २३ :३७ १६ रेकाब आ तौ योनादाब आ चच युइमी आन किर्की पिपीमी अरेशो टीनीम। तन्न एको मुरपुकीम आं देशो मटिशा बाक्नीम" देत। १७ मोपतीके मुर नेल्ल आन परमपरभु यावे, इसराएली आन परमपरभुमी "ननीन, गो यहूदा नु यरूसलेमम बाक्ब मुर आन कली आं देशो ठेयब श्यत नेल्ल चाक्नुड। मारदे हना गो मेको आन कली लोत्र पाता, तन्न मेकोपुकीमी मनंनम। गो मेको आन कली बरत्ताकडमी, तन्न मेकोपुकीमी लोत्र मलेत्तीमी" देत। यरमीया ७ :१३-१५

१८ मिनु यरमीयामी रेकाबी आन चच युइ आन कली "मुर नेल्ल आन परमपरभु यावे, इसराएली आन परमपरभुमी गेपुकीम इन किर्की योनादाब आ देशो टिना टिन नु मेको आ शंशो नेल्ल नु इन कली अरेशो नेल्ल पाइतीनी। १९ मोपतीके रेकाब आ तौ योनादाब आ चच युइ का गेना हना यो आं डोइती बाक्चा ताइब" दे मुर नेल्ल आन परमपरभु यावे, इसराएली आन परमपरभुम देत।

येहो-याकीमम तोल्शा कागज चोशो

**३६** यहूदा डा पिप योसीयाह आ तौ येहो-याकीममी सासन पवा आ ४ बर्सम परमपरभु यावेम यरमीया कली लोत्र पाप्तु। यरमीया २५ :१ २ मार लोत्र पाप्तु देशा हना "गो योसीयाहम सासन पवा रे मुल सम्म इ कली इसराएल, यहूदा नु रागी नेल्ल डा मुर आन पर्वम देशो लोत्र नेल्ल कागजम बरक्ती। यरमीया २५ :३ ३ मो दुम्मेनु, गो मेको आन कली गेचशो ठेयब श्यत दुम्तीक आ पर्वम यहूदा डा मुरपुकीम तुइश्शा, आन मरिश्शो पतीक

रे लेत्तीमी कां? मिनु गो मेको आन मरिश्शो पशो नु आन पाप पशो क्याम्शा गेनुडमी" देत। यरमीया २६ :३

४ मिनु यरमीयामी नरीयाह आ तौ बारुक कली बरप्पाइक्तु। मिनु बारुकम यरमीयामी बरक्पाइश्शो परमपरभु यावेम देशो लोत्र नेल्ल कागजम बरक्ताक्व। यरमीया ३२ :१२ ; यरमीया ४५ :१ ५ मिनु यरमीयामी बारुक कली "गो परमपरभु यावे आ सिं लन मचाप्नुड। ६ मोपतीके गे तेकोइ माइजा बाक्तीक नाक्त परमपरभु यावे आ सिं लशा, आं इ कली बरक्पाइश्शो कागजम बाक्शो लोत्र मुरपुकीम नंचा डा पा पदशा नंपाइक्मी। यहूदा डा सहर रे जाक्शो मुर नेल्लेम नंचा डा पा पदशा नंपाइक्मी। ७ मो दुम्मेनु मेकोपुकीमी आन पुंइशो लोत्र परमपरभु यावे आ नेक्था चाक्नीमी, कां? मिनु मेको नेल्लेम आन मरिश्शो लां परोइनीमी, कां? मारदे हना परमपरभु यावेम आ मुर आन पर्वम गाइश्शा चुरशा देशो लोत्र ठेयब बाक्ब" देत। ८ मिनु नरीयाह आ तौ बारुकम परमपरभु यावे आ लोत्र पाइब यरमीया आ देशो नेल्ल पाप्तु। मेकोमी मेको परमपरभु यावे आ लोत्र बरक्शो कागज परमपरभु यावे आ सिंम पदशा नंपाइक्तीमी।

९ यहूदा डा पिप योसीयाह आ तौ येहो-याकीम आ सासन पशो ५ बर्स ९ महिनाम यरूसलेममी बाक्शो मुर नेल्ल नु यहूदा डा सहर रे जाक्शो मुर आन कली यरूसलेमम परमपरभु यावे आ डोइती नेल्ल आन कली नंपाइश्शा माइजा बाक्तीक लोत्र पाप्तेक्म। १० मिनु बारुकमी यरमीया आ बरक्पाइश्शो लोत्र परमपरभु यावे आ सिंम मुर नेल्लेमी नंचा डा पा पदप्तु। मेकोमी मेको लोत्र बरक्ब शाफान आ तौ गेमारयाह आ बाक्तीक परमपरभु यावे आ सिं डा नक लाप्चो आ नेक्था डा कोठाम बाक्शा, पदप्तु। २ राजा २२ :३

११ मिनु गेमारयाह आ तौ शाफान आ चच मीकायामी मेको कागजम बरक्शो परमपरभु यावे आ लोत्र नेल्ल नंतु। १२ मिनु मेको तोइश्शा, पिप आ सिंम बरक्ब आ बाक्तीके ओत्रदीत्त। मेकेर ठेयब मुर नेल्ल बाक्तेक्म। मेकेर सु सु बाक्तेक्म देशा हना, बरक्ब एली-शामा, शेमायाह आ तौ देलायाह, आकबोर आ तौ एल्नाथान, शाफान आ तौ गेमारयाह नु हनान्याह आ तौ सिदकीयाह बाक्तेक्म। यरमीया २६ :२२ १३ मिनु मीकायामी बारुकम मुर नेल्लेम नंचा डा पा पदशा लोत्र नेल्ल नंतु। मिनु मेको लोत्र नेल्ल मेको आन

कली शंताकमी। १४ मिनु ठेयब मुर नेल्ल गारशा, नेथन्याह आ तौ शेलम्याह आ चच कृशी आ युइ यहूदी कली “लशा, नेरीयाह आ तौ बारुक कली मुर आन कली पढेशा नंपाइश्शो कागज कुरशा एक जावको मतो” दे सोइक्ताकम। मोपतीक गेदाल्याह आ तौ बारुक मको कुरशा, आन बाक्तीक जावत। २२ राजा २२ :११ १४ मिनु मेकोपुकीमी मको कली “निश्शा, मको आंइ कली पढेशा नंपाइक्की” दंतकम। मोपतीक बारुकम मेको आन कली, मेको पढेशा नंपाइक्तीमी। १६ मिनु मेकोपुकीमी मको पढेशो नेल्ल नंशा हिंशा आन कुल कोत्रमुक्ताकम। मिनु मेकोपुकीमी बारुक कली “गोपुकीम एको लोत्र नेल्ल पिप कली नंपाइक्का माल्नीकी” दंतकम। १७ मिनु मेकोपुकीमी बारुक कली “गे एको लोत्र नेल्ल दोपा बरक्ती ? आंइ कली शेंदीकी। येरमीयामी इ कली बरक्पदा ?” दे हिल्लो पाम्तेकम। १८ मिनु बारुकम “मेकोमी आं कली एको लोत्र नेल्ल बरक्पाइक्ती। मिनु गो एको कागज मसीम बरक्ताकड” दे माइक्तीमी। १९ मिनु मेको ठेयब मुरपुकीम बारुक कली “गे नु येरमीया निम्फा लशा, खरंडसीस। गे निक्शी ते बाक्सी, दे सुइम मतुइक्तामेक्ल” दे माइक्तेकम। येरमीया २५ :८-११ ; येरमीया ७ :२० ; येरमीया ९ :९-१०

२० मिनु मेकोपुकीमी मेको कागज बरक्ब एली-शामा आ कोठाम वोइश्शा, पिप आ बाक्तीक लशा, पिप कली मेको लोत्र नेल्ल शंताकम। २१ मिनु पिपमी मेको कली “कागज चाक्को” दे यहूदी कली सोइक्ताकव। मिनु मेकोमी बरक्ब एली-शामा आ कोठा रे गरुइशा चाक्तु। मिनु यहूदीम पिप नु पिप आ नेक्था बाक्ब ठेयब मुर आन कली मेको पढेशा नंपाइक्तु। २२ मेना मेको बर्स डा ९ महिना बाक्तीक, पिप हिंउदम बाक्तीक, खिम बाक्शो बाक्त। मेको आ डांइती मी बरशो बाक्त। २३ मिनु यहूदीम सां नु ४ हरप पढेन थुमानु, पिपम कागज खरोइक्तीकम खरोइश्शा, मीम हुम्ताकव। मेको तोल्शो कागज नेल्ल मनुम्म सम्म पिपम मो पना पन बाक्त। २४ पिप नु मेको आ गेय पाइबपुकी मेको लोत्र नंशा महिम। मेकोपुकीमी आन वा यो मखाकगम। २५ एल्लान, देलायाह नु गेमारयाहम पिप कली “मेको कागज मचोने” दे पुन्नेनु यो, पिपमी मेको आन लोत्र मनन। २६ मेको आ पा डा पिपमी आ तौ येराहमेले, अजरीएल आ तौ सेरायाह नु अब्देल आ तौ शेलम्याह आन कली मेको बरक्ब बारुक नु परमपरभु यावे आ

लोत्र पाइब येरमीया कली फेरंशा चाक्का नस, दे हुकुम गेम्तीमी। तन्न परमपरभु यावेम मेको आस कली खरुइक्के थुम्शो बाक्त।

२७ मिनु येरमीयामी बरक्पाइश्शो बारुकम बरक्शो मेको तोल्शो कागज पिपम चोने थुमा नोले, परमपरभु यावेमी येरमीया कली २८ “अर्को कागज काम यहूदा डा पिप यहो-याकीममी चोशा डांइती डा कागजम बाक्शो लोत्र नेल्ल लेशा बरक्ता” दंत। २९ मिनु गे यहूदा डा पिप यहो-याकीम आ परबम परमपरभु यावेम “गे मेको तोल्शो कागज चोप्तीवी। मिनु गे बारुक कली गे मारदे बेबीलोन डा पिप थमा पा जाक्शा, एको रागी श्यत्थ पोक्ब। मिनु मेकोमी मुर नु बस्तु भाव नेल्ल आन कली साइक्ब, दे कागजम बरक्ती ?” दंत। ३० मोपतीके परमपरभु यावेमी यहूदा डा पिप यहो-याकीम आ परबम “मुल रे दोऊद आ निक्तीकम मेको आ चच युइ तेकोइ मन्त्लीम। मेको पिप आ बेक्शो रां नाक्त नांम नु नाक्को फुरशेम जिप्पाइक्का डा पा तांइसीब। येरमीया २२ :३० ; येरमीया २२ :१९ ३१ गो मेको कली, मेको आ आल आन कली नु आ गेय पाइब आन कली आन मरिम्शो पशो आ परबम सजाइ गेनुडमी। गो मेको आन कली, यरुसलेममी बाक्ब आन कली नु यहूदामी बाक्ब नेल्ल आन कली आं देशो ठेयब श्यत नेल्ल गेनुड। मारदे हना मेकोपुकीमी आं देशो लोत्र मननम” दंत।

३२ मिनु येरमीयामी अर्को कागज का चाक्शा नेरीयाह आ तौ बरक्ब बारुक कली गोप्तु। मिनु मेकोमी येरमीयाम देशो खोदेशो पा यहूदा डा पिप यहो-याकीममी मीम चोशा कागज डा लोत्र नेल्ल मेको कागजम बरक्ताकव। मिनु येरमीयामी अरु शुश लोत्र यो मेकर तेम्ताकव।

येरमीया कली चोक्शा

३७ १ बेबीलोन डा पिप नेबुकदरसरमी योसीयाह आ तौ सिदकीयाह कली यहूदा डा पिप सेल्शो बाक्त। मिनु यहो-याकीम आ तौ कोन्याह आ पा डा मेकोमी सासन पचा गोप्तु। यहो-याकीम आ अर्को नं कोन्याह बाक्ब। २२ राजा २४ :१७ २ मिनु मेको, मेको आ गेय पाइबपुकी नु मेको रागी डा मुर नेल्लेम परमपरभु यावे आ लोत्र पाइब येरमीया आ देशो परमपरभु यावे आ लोत्र मननम।

३ मो हना यो पिप सिदकीयाहम शेलम्याह आ तौ यहूकल नु मासेयाह आ तौ चदेब सफन्याह

आस कली परमपरभु यावे आ लोत्र पाइब यरमीया आ बाक्तीकेम “आंइ पर्वम इं परमपरभु यावे नु पुंडशा गेने” देथ, मुर सोइक्ताक्व। यरमीया ७:१६; यरमीया ४२:२ ४मेना सम्म यरमीया मुर आन दातमी एर आंथ गाक्ना गाक्न बाक्त। मारदे हना मना सम्म मचोक्सीशो बाक्त। ४मेना फाराओ आ लडाइ पाइबपुकी इजीप्त रे जाक्शो बाक्तेक्म। मिनु कल्दी डा मुरपुकीमी यरूसलेम कली एर आंथ नेल्ल रे पुम्शा लोत्र नंतेक्म। मिनु मेकोपुकी यरूसलेम रे नोले शांडसाक्म।

६मिनु परमपरभु यावेम यरमीया कली लोत्र पापु। ७मार लोत्र पापु देशा हना “परमपरभु यावे, इसराएली आन परमपरभुमी थहदा डा पिपम आं कली हिल्लो पथ इ बाक्तीक सोइक्ताक्व। मेको कली इ कली वारच पाइक्थ जाक्ब फाराओ आ लडाइ पाइब आन रागी इजीप्त लेश्शा लाइनीम, दे मतो। ८मिनु कल्दी लेश्शा जाक्नीम। मिनु एको सहर कली लडाइ तोइनीम। मिनु मेकोपुकीमी एको सहर गराशा, मीम करोइक्नीम” देशो बाक्ब, देत, मतो” देत। यरमीया ३४:२२ १ परमपरभु यावेमी “गेपुकीमी कल्दीम थमा पा आंइ कली लडाइ तोइनीम, दे मिम्तीन। मारदे हना मो पाइनीम। १०गेपुकी नु लडाइ पाइब कल्दी नेल्ल आन कली गे गरातीनी हना, मेको आन गार दुम्शोपुकी ला आन ताम्बुम लीतेक्म हना यो, मेकोपुकी जाक्शा एको सहर कली मी सुइक्नीम” देत।

११फाराओ आ लडाइ पाइबपुकीम पतीक कल्दी यरूसलेम रे नोले शांडसीची ना १२यरमीया आं रू डा भाग ताक्चा कली यरूसलेम रे गरूशा बेन्यामीन आ रागी गे लचा गोपु। यरमीया ३२:८-९ १३मिनु मेको बेन्यामीन लापुचोमी जाक्दीम्मनु, हनान्याह आ चच शेलम्याह आ ती खाल पाइब आन ठेयब मुर इरीयाहम यरमीया कली ग्याइश्शा “गे परोक्शा कल्दी आन बाक्तीकेम लशो बाक्नेवे” देत। १४मिनु यरमीयामी “एको लोत्र थमा ममाइ। गो कल्दी आन बाक्तीके परोक्शा लशो मनड” देत। तन्न इरीयाहम मेको आ लोत्र मनेन। मिनु मेकोमी यरमीया कली ग्याइश्शा ठेयब मुर आन बाक्तीके चाक्तु। १५मिनु मेकोपुकी यरमीया तशा गाइक्ताक्म। मिनु मेको कली तुप्शा, बरेक्ब योनाथन आ खिम चोक्शा वोइक्तेक्म। मारदे हना मेको खि जेल्खान सेल्शो बाक्तेक्म। यरमीया

२०:२ १६मेकोपुकीमी यरमीया कली जेल्खानम चोक्तेक्म। मिनु यरमीया थम छिड्छिड्म शुश नाक्त सम्म बाक्त।

१७मिनु पिप सिदकीयाहम मेको कली गरुंडथ सोइक्ताक्व। मिनु मेको कली दरवारम चाक्शा सुइम मतुइक्चा डा पा “मार, परमपरभु यावे रे पा मारइ लोत्र बाक्म?” दे हिल्लो पापु। मिनु यरमीयामी “आं, बाक्ब। गे बेबीलोन डा पिप आ गुइम गचा पुंडसीनीनी, देशो बाक्ब” देत। १८मिनु यरमीयामी पिप सिदकीयाह कली “गो इन कली, इन गेय पाइब ठेयब मुर आन कली नु एको मुर आन कली मार पडा डा? गे मारदे आं कली जेल्खानम चोक्तीनी? १९इन कली नु एको रागी कली लडाइ तोचा कली बेबीलोन डा पिप मजाक्ब, दे इन कली देब, परमपरभु यावे आ लोत्र पाइबपुकी ते बाक्मा? २०तन्न मुल आं परभु, पिप गो इन कली पुंडनुड। आं पुंडशा लोत्र ननीन। आं देचा माल्शा लोत्र इन डांइती देचा तडल। गो आं कली बरेक्ब योनाथन आ खिम मसोइक्तीनी। मो दुम्त हना, गो मेकेर बेक्नुड” देत। २१मिनु पिप सिदकीयाह आ हुकुममी यरमीया पिप आ दरवार खाल पाइब मुर आ जेल्खानम वोइक्चा पुंडसाक्व। मिनु सहर डा शोब्ले चोतीक रे मनुम्म सम्म, नाक्त कित कित मेको कली शोब्ले चाक्शा गम्तेक्म। मोपा यरमीया पिप आ दरवार खाल पाइब आ जेल्खान डा लाडगाम बाक्त। यरमीया ३२:२

यरमीया कली इनारमी तोक्शो

३८ १मिनु मत्तान आ ती शेफत्याह, पशहुर आ ती गदाल्याह, शेलम्याह आ ती युक्ल नु माल्कीयाह आ ती पशहुरमी यरमीयामी मुर नेल्ल आन कली देशो लोत्र नंतेक्म। मेको आ लोत्र मार बाक्त देशा हना, यरमीया २१:१ २ परमपरभु यावेम “सु सु एको सहरमी बाक्नीमी, मेकोपुकी तरवार, अन्काल नु मुर बेक्तीक रोइम बेक्नीम। तन्न सु सु गुइ पाक्शा, कल्दी आन बाक्तीके जाक्दील्नीमी, मेकोपुकी चहिं बरांडनीम। मेको आन गिम परांडशा लडाइ रे बरांडनीम” देशो बाक्त। यरमीया २१:९ ३मिनु परमपरभु यावेमी “एको सहर थमा पा बेबीलोन डा पिप आ लडाइ पाइब आन गुइम दुम्ब। मिनु मेकोपुकीमी एको सहर आन के सल्नीम” देत, दे यरमीयाम देशो बाक्त। ४मिनु ठेयब मुरपुकीम पिप कली “एको मुर कली साइक्चा माल्ब। मारदे हना एकोमी आदेशो लोत्र पा, एको सहरमी

लीशो लडाइ पाइब नु मुर नेल्ल आन थुं लुकच लपाइश्शो बाक्व। एको मुरुम मुर आन कली रिम्शो ममाइ मरिम्शो पचा दाक्व” दंतेक्म। ५मिनु पिप सिदकीयाहम “मेको इन गुइमीन बाक्व। गो इन कली मारइ पन मचापुनुड” दे माइक्तीमी। ६मोपतीक मेकोपुकीमी येरमीया कली लाइश्शा, पिप आ ती माल्कीयाह आ इनारम तोक्तेक्म। मेको इनार पिप आ दरवार खाल पाइब आ लाङ्गाम बाक्व। मिनु मेकर डोरीम फरंशा इनारम तोक्तेक्म। मेको इनारमी व्याक्कु मबाक्माक्व। हिलो ला बाक्माक्व। मिनु येरमीया मेको हिलोम गरुम्त।

७मेकर पिप आ सिंम गय पाइब एबद-मलेक ने पाइश्शो मुर का बाक्व। मेको एथीयोपीया डा बाक्व। मेकोमी येरमीया कली इनारम तोक्शो नेंतु। मेना पिप बेन्यामीन लापचोमी बाक्शो बाक्व। येरमीया ३९:१५-१८ ८मिनु एबद-मलेक पिप आ सिं रे लशा पिप कली ९“आं परभु, आं पिप, एको मुरपुकीम परमपरभु यावे आ लोत्र पाइब येरमीया कली इनारम तोक्शा मरिम्शो पाम्तेक्म। सहरम शोब्ले नुम नोले मेको मेकर शोत्रलुम बेक्व” दंत। १०मिनु पिपम कूशी, एथीयोपीया डा एबद-मलेक कली “एक रे मुर सां आन कली लाइश्शा, मेको परमपरभु यावे आ लोत्र पाइब येरमीया कली बेक्वा क्येडा डांइती इनार र गरुइदीन” दे अरपुतु। का निक्शी मुरुमी ३० जना मुर बरंशो बाक्व। ११मोपतीक एबद-मलेकमे मेको मुर आन कली लाइक्व। मिनु पिप आ सिं डा मार मार वोइक्तीक आगा डा कोठाम लत। मिनु मेकर रे माइत जेक्शो वासी गरुइताक्व। मिनु मेकोमी येरमीया कली मेको वासी डोरीम फरंशा तोक्तु। १२मिनु एथीयोपीया डा एबद-मलेकमी येरमीया कली “इ बला आगा नु डोरी आन दातेमी एको माइत जेक्शो वासी वोतो” दंत। मिनु येरमीयामी मो पापुतु। १३मिनु मेकोपुकीमी डोरीम येरमीया कली इनार र गरुइताक्मे। मेको नोले येरमीया पिप आ दरवार खाल पाइब मुर आ जेल्लवान डा लाङ्गाम बाक्व।

सिदकीयाहम लेंशा हिल्लो पशो

१४ मिनु पिप सिदकीयाहम परमपरभु यावे आ लोत्र पाइब येरमीया कली बरेल्य सोइक्ताक्व। मिनु परमपरभु यावे आ सिं डा निक्शी लापचो नोले डा ठेयब लापचो आ डांइती चाक्पाइक्तीमी। मिनु पिपम येरमीया कली “गो

इ कली लोत्र का निक्शी हिल्लो पाइनुड। आं डांइती गे मारइ लोत्र मखरुइक्तो” दे माइक्तु। १५ मिनु येरमीयामी सिदकीयाह कली “गो इन कली लोत्र पाता हना, गे आं कली साइक्नीनी। गो इन कली अर्ती गेतन्नी हना, गे मेको मनंनीनी” दंत। १६मिनु पिप सिदकीयाहम सुइ आन मतुइक्चा डा पा, येरमीया नु कसम जशा “परमपरभु यावे बरांइशा बाक्शो खांदशो पा, गो इ कली सोक्त गेपुतु। गो मेको आ नेमी कसम जशा देनुड। गो इ कली मसाइक्नुड। गो इ कली साइक्चा माल्ब मुर आन गुइम मगेनन” दंत। येरमीया ३८ :४-५

१७ मिनु येरमीयामी सिदकीयाह कली “मुर नेल्ल आन परमपरभु यावे, इसराएली आन परमपरभुमी गे बेबीलोन डा पिप आ ठेयब मुर आन कली आंमान जिम्मा गेसाक्नी हना, इन सोक्त बरांइब। मिनु एको सहर करोइक्चा मपुंडसीब। मिनु इन सिं डा मुरपुकी यो बरांइनीमी। १८तन्न गे आंमान बेबीलोन डा पिप आ ठेयब मुर आन गुइम जिम्मा मगेसाक्नी हना, एको सहर कल्दी आन गुइम गंसीब। मिनु मेकोपुकीमी एको कली करोइक्नीम। मिनु गे मेको आन गुइ र मबरांइनीनी” दंशो बाक्व” दंत। १९ मिनु पिप सिदकीयाहम येरमीया कली “कल्दी आन बाक्तीकमे परोक्शा लशो यहूदीपुकी तशा, गो हिंशो बाक्नुड। मारदे हना कल्दीपुकीम आं कली मेको आन गुइम जिम्मा गतीमी हना, मेकोपुकीमी आं कली मरिम्शो पाइक्नीम” दंत। २०मिनु येरमीयामी “मेकोपुकीमी इन कली मेको आन गुइम जिम्मा मगेनीम। गो इन कली देशो परमपरभु यावे आ लोत्र टिन। मिनु इन कली रिम्शो दुम्ब। इन सोक्ती यो बरांइब। २१तन्न गे मेको आन गुइम जिम्मा गंसीन मबिस्साक्नी हना, परमपरभु यावेम आं कली कांइशो एकोन बाक्व। २२यहूदा डा पिप आ दरवारम पुरांइसीशो मीश मुर नेल्ल बेबीलोन डा पिप आ ठेयब मुर आन बाक्तीके लाइक्नीम। मिनु मेको मीश मुरपुकीम इन कली ‘इन थमा सुइश्शो इन वारचपुकीम इन कली जोल पाम्तेक्म। मुल इन खाइली हिलोम गरुम्शो बाक्व। इन वारचपुकीम इन कली पुरांइशो बाक्नीम’ दंनीम। २३इन मीशपुकी नु इन आल नेल्ल कल्दी आन बाक्तीक चाक्दीलीमी। गे आंमा यो कल्दी आन गुइ र बरांइचा मताइनीनी। बेबीलोन डा पिपम इन कली गयाइक्व। मिनु एको सहर चहिं

करोइकनीम, देशो बाक्ब” दंत। येरमीया ३२ :४ ; येरमीया ३४ :३

२४ मिनु सिदकीयाहम येरमीया कली “एको लोव्रसी पशो सुइम मतुइक्तमेकल। मो मदुम्त हना, गे साइक्चा पुंडसीनवे। २५ गो गे नु लोव्र पशो ठेयब मुरपुकीम तुइक्ताकम हना, मिनु इ बाक्तीक जाक्शा “पिप कली मार, दंनो ? मिनु पिपम मार, दंम ? आंइ र मारइ लोव्र मखरुइक्तीन। मो पाइतीनी हना गो इन कली साइक्नीकी, दे इ कली हिल्लो पांम्तेकम हना, २६ गमी मेको आन कली “गो आं कली साइक्चा कली योनाथन आ खिम मसोइक्तीनी” दे गो पिप नु लोव्र का ला पाता” दनो” दे माइक्तु। २७ मिनु ठेयब मुर नेल्ल येरमीया आ बाक्तीक जाक्शा, हिल्लो पांम्तेकम। मिनु मेकोमी पिपम देशो खोदंशो पा, मेको आन कली माइक्तीमी। मोपतीके मेकोपुकीमी मेको कली अरु मारइ हिल्लो मपामे। मारदे हना पिप नु येरमीया आस दातेम पशो लोव्र सुइम मतुइक्तम। २८ मिनु यरूसलेम गरातीक नाक्त सम्म येरमीया पिप आ दरवार खाल पाइब मुर आ लाडगा डा जेल्खानम बाक्शो बाक्त। येरमीया ३७ :२१

यरूसलेम क्याम्चा पुंडसीशो

३९ १ यहूदा डा पिप सिदकीयाहम सासन पवा आ ९ बर्स १० महिनाम बेबीलोन डा पिप नेबुकदरसर नु मेको आ लडाइ पाइब नेल्ल जाक्शा, यरूसलेम कली लडाइ तोशा एर ओंथ नेल्ल र पुम्ताकम। येरमीया ५२ :४-१६ ; २ राजा २५ :१-१२ २ मिनु सिदकीयाहम सासन पशो ११ बर्स ४ महिना ९ नाक्ती मेको सहर डा गारो परइशा ओव्रतेकम। ३ मिनु यरूसलेम गराशा, बेबीलोन डा पिप आ ठेयब मुर नेल्ल जाक्शा दाते डा लाप्यामी बाक्तेकम। नेरगल-शरसर, साम्मार-नेवा, सारसेकीम नेल्ल क्येडा ठेयब निसाफ पाइब नेरगल-शरसर नु बेबीलोन डा पिप आ ठेयब गेय पाइब मुर नेल्ल जाक्शा बाक्तेकम। ४ मिनु यहूदा डा पिप सिदकीयाह नु आ लडाइ पाइब नेल्लेम मेको आन कली तांम्तेकम। मिनु मेकोपुकी गारो निक्शी आस दातेम बाक्शा लाप्या, पिप आ फल फुल रू र पा नाक्दान सहर र परोक्शा, अराबाह गे लांम्तेकम। ५ तन्न कल्दी आन लडाइ पाइबपुकीम मेको आन कली खेदा पांम्तेकम। मिनु सिदकीयाह कली यरीको डा दिमम थितेकम। मिनु मेकोपुकीमी मेको कली ग्याइइशा, हमाथ रागी डा रिब्ना देशो सहरमी

बेबीलोन डा पिप नेबुकदरसर आ बाक्तीक चाक्दीतेकम। मिनु मेकोमी सिदकीयाह कली सजाइ गतीक दंत। ६ मेको रिब्नामी बेबीलोन डा पिपम सिदकीयाह आ तो आन कली आ डांइतीन साइक्तीमी। मिनु यहूदा डा ठेयब मुर आन कली यो साइक्तीमी। ७ मेकोमी सिदकीयाह आ मिक्ची फेताक्व। मिनु बेबीलोन लाइक्चा कली साडलोमी फरंपाइक्तु। ८ कल्दीपुकीम पिप आ दरवार नु मुर आन खिम मी सुइक्ताकम। मिनु यरूसलेम डा गारो परतेकम। ९ मिनु पिप कली कोव्रब आन कप्तानम नेबुजरादानमी सहरमी परांइचा पुंडसीशो लीशो मुरपुकी, मेको आन बाक्तीक परोक्शा जाक्ब नु अरु लीशो मुर आन कली फरंशा बेबीलोन लाइक्तीमी। १० तन्न पिप कली कोव्रब आन कप्तान नेबुजरादानमी मारइ मपाइइशो परुडगा आन कली यहूदा रागीमी परांइशा वोइक्तीमी। मिनु मेको आन कली मेकोमी अडगुर रू नु अरु रूपुकी गेम्तीमी।

११ मिनु बेबीलोन डा पिप नेबुकदरसरमी आ कली कोव्रब आन कप्तान नेबुजरादान कली येरमीया आ पर्वम १२ “मेको कली लाइइशा, रिम्शो पा कोव्रशा वोतीन। मेको कली मारइ मरिम्शो मपावो। मेकोमी इ कली देशो खोदंशो पा, गे मेको कली पावो” दे माइक्तु। येरमीया ४० :४ १३ मोपतीके पिप कली कोव्रब आन कप्तान नेबुजरादान, नेल्ल क्येडा ठेयब मुर नेबुशाज्बान, निसाफ पाइब ठेयब मुर नेरगल-शरसर नु बेबीलोन डा पिप आ अरु ठेयब मुरपुकीम १४ मुर सोइइशा, येरमीया कली जेल्खान डा लाडगा र चाक्पाइक्तेकम। मेको कली आ खिम लाइक्तीक जिम्मा शाफान आ चच अहीकाम आ तो गेदाल्याह कली गेम्तेकम। मोपा येरमीया आ मुरपुकी नु बाक्त। येरमीया ३८ :२८ ; येरमीया ४० :५-६, १४-१६

१५ मिनु येरमीया जेल्खान डा लाडगांम बाक्मेनु, परमपरभु यावेम येरमीया ३८ :७ १६ मार, लोव्र पशो बाक्त देशो हना “लशा, कूशी एथीयोपीया डा मुर एबेद-मेलेक कली मुर नेल्ल आन परमपरभु यावे, इसराएली आन परमपरभुमी रिम्शो पा ममाइ, तन्न श्येत गेशा, एको सहर आ पर्वम गो मार पाइनुड देशो बाक्डा, मेको खाप्या चिक्शो बाक्नुड। मेको इ डांइतीन मेको नाक्ती दुम्ब। १७ तन्न गो इ कली मेको नाक्ती परांइनन। मिनु गे तेको मुर आन क्येडा हिंनवे मेको आन गुइम मदुम्नवे” दंत मतो। १८ परमपरभु यावेमी गो इ कली थमा

पा परांडनन । गे तरवारम साइक्चा मपुंडसीनेवे । गे लडाइ रे इ गिंग परांडशा पराक्नेवे । मारदे हना गे आं कली थमा सुइशशो बाक्नेवे देशो बाक्ब' दे मतो" दे परमपरभु यावेमी देत ।

### यरमीया कली परांडशा

१० १मिनु पिप कली कोव्रब आन कप्तान नेबुजरादानमी, यरमीया कली साडलोमी फरंशा यरूसलेम नु यहूदा डा फरंशा मुरपुकी नु बेबीलोन लाइक्चा चिक्शा थिदा बाक्त । मिनु यरमीयामी रामाह परोना नोले परमपरभु यावेमी मेको कली लोत्र पाप्नु । यरमीया ३९ :११-१४ २मिनु पिप कली कोव्रब आन कप्तानमी यरमीया कली थिश्शा, मेको कली "परमपरभु यावे, इ परमपरभुम एको रागीम ठेयब श्यत गेतीक आ पर्वम लोत्र पशो बाक्त । ३मुल परमपरभु यावेम एको रागी क्यास्ताक्व । मिनु मेकोमी आ देशो खोदेशो पाप्नु । मारदे हना गेपुकीम परमपरभु यावे कली पाप पाइतीनी । मिनु मेको आ देशो मटिनी । मोपतीके इन कली आदेशो दुम्त । ४तन्न मुलाक्ती गो इ गुइ डा साडलो परुइक्ताक्न । गे गो नु बेबीलोन लचा दाक्नेवे हना, गाक्को । गो इ कली रिम्शो पा कोव्रनुड । तन्न गे गो नु बेबीलोन लल मदाक्ते हना, बाक्को । कोव्रडां, एको रागी नेल्ल इ डांइती बाक्ब । गे ते लल दाक्नेवे, मेक लने चान्वे" दे माइक्तु । यरमीया ३९ :१२ ५मो हना यो यरमीया लचा चिक्तानु नेबुजरादानमी लेश्शा कोव्रशा "शाफान आ ती अहीकाम आ चच गेदाल्याह आ बाक्तीक लावो । मेको कली बेबीलोन डा पिपम यहूदा राज्य डा हुकुम पाइब सल्शा बाक्ब । मेकर मेको नु अरु मुरपुकी नु बाक्को । गे ते लत दाक्डे, मेक लावो" माइक्तु । मिनु मेको पिप कली कोव्रब कप्तानमी मेको कली जचा थोत्रक नु अरु कोसलीपुकी गेप्नु । मिनु मेको कली परांडतु । यरमीया ३९ :१४ ६मोपतीके यरमीया अहीकाम आ ती गेदाल्याह आ बाक्तीके मिस्या सहर लत । मिनु मेको नु रागीम परांडशा वोइशशो मुरपुकी नु बाक्त ।

### गेदाल्याह यहूदाम हुकुम पशो

७मिनु लडाइ पाइब आन ठेयब मुर नेल्ल नु आन मुरपुकीमी "बेबीलोन डा पिपमी अहीकाम आ ती गेदाल्याह कली मेको रागी डा हुकुम पाइब सल्लु । मिनु मेको रागी डा नेल्ल आन क्यडा परुडग मीश मुर, आल नु परुडग मुर

आन कली फरंशा बेबीलोन मलाइशशो मेको गेदाल्याह नु बाक्नीम" देशो नंतक्म । २राजा २५ :२२-२४ ५मिनु मेको नेल्ल मिस्या सहरम गेदाल्याह आ बाक्तीकम लाम्तक्म । नेथन्याह आ ती इश्माएल, कारआह आ ती योहानान नु योनाथन, तन्हूमथ आ ती सरयाह, नतोफाह आ मुर एफाइ आ तीपुकी, माकाथी आ ती यज्न्याह नु मेको आन मुर नेल्ल लाम्तक्म । यरमीया ४१ :१,११ १मिनु शाफान आ चच अहीकाम आ ती गेदाल्याहम मेकोपुकी नु मेको आन मुर नु कसम जशा "कल्दी आन गेय पचा कली महिनीन । रागीम बाक्शा बेबीलोन डा पिप आ गेय पने । मिनु इन कली रिम्शो दुम्ब । १०गो इं बाक्तीक जाक्ब कल्दी आन डांइती इन ठेयब मुर दुम्शा लोत्र पचा कली मिस्या सहरमी बाक्नुड । गेपुकीम चहिं अडगुर, बर्खाम सिप्ब फल फुल नु तेल इन ग्यांबुम वोतीन । मिनु इन योव्रशो सहरमी बाक्कीन" दे माइक्तीमी । ११मिनु मोआब, अम्मोन, एदोम नु अर्को रागीपुकीम बाक्ब यहूदी नेल्लेम मेको लोत्र नंतक्म । बेबीलोन डा पिपम का निक्शी मुर आन कली यहूदामी परांडशा वोइशशो बाक्ब, दे नंतक्म । मिनु शाफान आ चच अहीकाम आ ती गेदाल्याह कली मेकर डा हुकुम पाइब सल्शा वोइशशो बाक्ब, दे यो नंतक्म । १२मिनु नोले यहूदी नेल्ल ते ते बरशा बाक्मा, मेक मेकर लेश्शा, यहूदा रागी मिस्याम गेदाल्याह आ बाक्तीकम जाक्तक्म । मिनु मेकोपुकीम शुश फल फुल नु अडगुर नु पोव्रशी सुप्ताक्म ।

१३मिनु कारआह आ ती योहानान नु गाउं गाउंम बाक्शो लडाइ पाइब मुर आन ठेयब मुर गेदाल्याह आ बाक्तीक मिस्याम जाक्तक्म । १४मिनु मेको कली "अम्मोनी आन पिप बालीसमी नेथन्याह आ ती इश्माएल कली इन कली साइक्चा कली सोइशशो बाक्ब, दे तुइक्नीनी ?" देतेक्म । तन्न अहीकाम आ ती गेदाल्याहम मेको आन लोत्र थमा मसुद । १५मिनु कारआह आ ती योहानानम मिस्याम गेदाल्याह कली "सुइम मतुइक्चा डा पा नेथन्याह आ ती इश्माएल कली साइक्चा कली आं कली हुकुम गेयीनी । एको लोत्र सुइम मतुइक्नीम । इन एर आंथ नेल्ल देल्शो यहूदी आन कली बरपाइक्चा कली नु यहूदामी लोशो आन कली साइक्चा कली मेकोमी मारदे इन कली साइक्चा मला ?" देत । १६तन्न अहीकाम आ ती गेदाल्याहम कारआह आ ती योहानान कली "गे मोदेशो गेय मपावो । मारदे

हना इश्माएल आ पर्वम इ पशो लोत्र थमा ममाइ”  
दे माइवतु।

गेदाल्याह कली साइश्शो

२राजा २५ :२५

४१ १मिनु मेको ७ महिनाम पिप आ खिं  
डा मुर एली-शामा आ चच नथन्याह  
आ तौ इश्माएल नु पिप आ नेल्ल क्यडा  
ठयब गेय पाइब अरु १० जना मुर मिस्या  
सहरम अहीकाम आ तौ गेदाल्याह आ बाक्तीक  
जाक्तेकम। मेको नेल्ल मेकर काथा शोब्ल जन  
जन बाक्तेकम। यरमीया ४० :५ २मेना नथन्याह  
आ तौ इश्माएल नु मेको १० जना मुर बोक्शा,  
बेबीलोन डा पिपम हुकुम पाइब सेल्शा वोइश्शो  
शाफान आ चच अहीकाम आ तौ गेदाल्याह  
कली तरवारम क्योरशा साइक्तेकम। यरमीया  
४० :५ ३मिनु इश्माएलमी मिस्याम गेदाल्याह  
नु बाक्शो यहूदी नेल्ल नु मेकर बाक्शो लडाइ  
पाइब कल्दी आन कली यो साइक्तीमी।

४ मिनु मुरपुकीमी गेदाल्याह साइश्शो लोत्र  
तुइक्चा क्यडा डांडती आ दीसा सुनी, ५ शेकेम,  
शिलो नु सामरीया रे आन गाल शोकरे परेक्शो,  
आन वा खाक्शो नु आन रां चेश्शो ८० जना  
मुरपुकी परमपरमु यावे आ खिम अन्न चढेचा  
कली नु धूप चोचा कली जाक्तेकम। यरमीया  
१६ :६ ६नथन्याह आ तौ इश्माएल मिस्या रे  
डाक्ना डाक्न, मेको आन कली गरुम्थ जाक्त।  
मिनु मेको आन कली गरुम्शा मेकोमी “अहीकाम  
आ तौ गेदाल्याह आ बाक्तीक जाक्तीकन” देत।  
७ मिनु मेकोपुकी सहर आ आगा आव्रतेकम। मिनु  
नथन्याह आ तौ इश्माएल नु मेको आ मुरपुकीम  
मेको आन कली साइक्तेकम। मिनु मेको आन  
बेक्शो रां इनार काम ताइक्ताकम। ८तन्न मेको  
आन दाते डा १० जना मुरपुकीम इश्माएल कली  
“आंइ कली मसाइक्की। गोपुकी नु रू कामी  
खरुइश्शा, वोइश्शो चेरब क्योत्रजी तेल नु खुदो  
बाक्नीम” देतेकम। मोपतीके मेकोमी मेको आन  
कली परोइतीमी। मेको आन कली अरु नु मसद।

९ मेको इनारम इश्माएलमी मुर आन कली  
साइश्शा ताइश्शो बाक्त। मेको इनार पिप  
आसाम इसराएल डा पिप बाशा क्येडा हिंशा  
बरांइचा कली दोशो बाक्त। नथन्याह आ तौ  
इश्माएलमी मेको इनार आ साइश्शो मुरपुकीम  
पिरंताक्व। १०राजा १५ :१६-२४ १०मेको नोले  
इश्माएलमी, मिस्याम बाक्शो लीशो मुर नेल्ल,  
पिप आ तमीपुकी नु अरु मुर नेल्ल आन कली

ग्याइक्ताकमी। मेको आन कली पिप कली कोत्रब  
आन कप्तान नेबुजरादानमी अहीकाम आ तौ  
गेदाल्याह आ गुडम गेशो बाक्त। मिनु नथन्याह  
आ तौ इश्माएलम मेको नेल्ल आन कली  
ग्याइश्शा खोला आइक्की हांबु अम्मानी आन  
रागीम लाइक्चा कली गाक्त।

११ मिनु कारआह आ तौ योहानान नु मेको नु  
बाक्शा लडाइ पाइब आन ठयब मुर नेल्लेम  
नथन्याह आ तौ इश्माएलमी मरिम्शो पशो  
नेल्ल नंतकम। यरमीया ४० :५,१३-१६ १२मिनु  
मेको नेल्लेम आन मुर नेल्ल आन कली  
लाइश्शा नथन्याह आ तौ इश्माएल नु लडाइ  
पथ गाक्तेकम। मिनु मेकोपुकीमी मेको कली  
गिबान डा ठयब दोम्ती आ नेक्था थितेकम।  
२सामुएल २ :१३ १३मिनु इश्माएलम ग्याइश्शा  
लाइश्शा मेको नु बाक्शो मुरपुकीम, कारआह  
आ तौ योहानान नु मेको नु बाक्शो लडाइ  
पाइब आन ठयब मुर नेल्ल आन कली तशा,  
ग्यरसाकम। १४ मिनु इश्माएलमी मिस्या रे  
ग्याइश्शा लाइश्शा मुर नेल्ल कारआह आ  
तौ योहानान आ बाक्तीक लेश्शा जाक्तेकम।  
१५ तन्न नथन्याह आ तौ इश्माएल नु ८ जना  
अरु मुर योहानान रे परोक्शा अम्मानी आन रागी  
लाम्तकम।

१६ मिनु अहीकाम आ तौ गेदाल्याह कली सदमे  
नोले, नथन्याह आ तौ इश्माएलमी गिबान रे  
चाक्शो बरांइशो आन कली लडाइ पाइबपुकी,  
मीश मुरपुकी, आलपुकी नु दरवारम गेय पाइब मुर  
आन कली, कारआह आ तौ योहानान नु मेको नु  
बाक्शा लडाइ पाइब आन ठयब मुरपुकीम गिबान  
रे लेत्ताकम। १७ मिनु मेकोपुकी इजीप्त लचा  
कली मिम्शा बथलेहम डा गरुथ-किम्हामम बास  
बाक्तेकम। २सामुएल १९ :३८ ; यरमीया ४३ :७  
१८ मेकोपुकी कल्दी आन क्येडा हिंशो बाक्तेकम।  
मारदे हना बेबीलोन डा पिपमी मेको रागी कली  
योत्रशा वोइश्शो हुकुम पाइब अहीकाम आ तौ  
गेदाल्याह कली नथन्याह आ तौ इश्माएलमी  
साइश्शो बाक्त।

इजीप्त लशो

४२ १मिनु लडाइ पाइब आन ठयब मुर  
नेल्ले, कारआह आ तौ योहानान,  
होशयाह आ तौ येज्न्याह नु आइक्च ठयब  
मुर नेल्ले येज्न्याह कली अजारयाह यो  
बरक्नीम। २परमपरमु यावे आ लोत्र पाइब  
यरमीया आ बाक्तीक जाक्तेकम। मिनु मेको

कली “गो आंइ पुंडशो नेनीन। मिनु परमपरभु यावे, इन परमपरभु कली आंइ पर्वम नु लीशो मुर नेल्ल आन पर्वम पुनीन। मारदे हना शुश मुर रे का निक्शी ला लीतक। मेको गे आंमा ताइतीनी। येरमीया ३७:३ ३मिनु परमपरभु यावे, इन परमपरभुम गो ते लचा माल्नीकी, मार पचा माल्नीकी, मेको कांडदल, दे पुनीन” दंतम्। ४मिनु परमपरभु यावे आ लोत्र पाइब येरमीयामी मेको आन कली “दुम्ब। गो इन पर्वम इन दंशो खोदंशो पा परमपरभु यावे इन परमपरभु कली पुंडनुड। मिनु परमपरभु यावेम मार दंम, मेको नेल्ल इन कली शेनुड। गो इन कांडती मारदे लोत्र मखरुइकनुड” दंत। ५मिनु मेकोपुकीमी येरमीया कली “परमपरभु यावे, इन परमपरभुमी कांडशो नु आंइ कली दंशो लोत्र गोपुकीम मपाइतक हना, परमपरभु यावे आंइ पर्वम थमा नु ठीक लोत्र पाइब सांकळी दुम्त। ६मेको रिम्शो दुम्त कि मरिम्शो दुम्त। गो परमपरभु यावे, इं परमपरभु आ बाक्तीक इन कली साइक्ताक्क। गोपुकीम मेको आ अरेशो टीनीकी। मिनु परमपरभु यावे, इं परमपरभु आ लोत्र टितीक, गो आंइ कली रिम्शो दुम्त” दंतम्।

७मिनु १० नाक्त नोले परमपरभु यावेम येरमीया कली लोत्र पाप्तु। ८मिनु येरमीयामी कारआह आ ती योहानान नु मेको नु बाक्शो लडाइ पाइब आन ठयब मुर नेल्ल, आइक्की नु ठयब मुर नेल्ल आन कली बरंत्ताक्मी। ९मिनु येरमीयामी मेको आन कली “गे आं कली परमपरभु यावे, इसराएली आन परमपरभु आ कांडती पुंडथ साइक्ताक्कीनी। १०मिनु परमपरभु यावेमी इन कली एको रागीमीन बाक्तीनी हना, गो इन कली रिम्शो सेल्लन्नी, मपरत्लन्नी। गो इन कली खस्नन्नी, मतुल्लन्नी। मारदे हना गो इन कली खतम पोक्शो आ पर्वम आं थुं खाइशो बाक्नुड। येरमीया १:१० ११मुल गे बेबीलोन डा पिप क्येडा महिनीन। मारदे हना गो इन कली मेको आ गुड रे परांडचा नु श्येत मगोपाइक्का कली गोपुकी नु बाक्शो बाक्नुड। १२गो इन कली शिशी पाइक्नन्नी। मिनु मेकोमी इन कली शिशी पा इन बाक्शो रागीमीन वोइक्ब’ दंशो बाक्ब। १३तन्न गोपुकीम परमपरभु यावे, इन परमपरभु आ लोत्र मटीतीनी हना ‘गोपुकी एको रागीम मबाक्नीकी’ दंतीनी हना, येरमीया २९:१७-१८ १४गोपुकी इजीप्त लशा बाक्नीकी। मारदे हना मेकर लडाइ मतांडसीब, तुराही ताप्शो संदा

मनंसीब, शोब्ले जचा मतथु शोत्रलुम मबेक्सीब। गो मेकेन बाक्नीकी दंतीनी हना, १५यहूदा डा लीशोपुकी, परमपरभु यावे आ लोत्र नेनीन। मुर नेल्ल आन परमपरभु यावे, इसराएली आन परमपरभुम गोपुकी इजीप्त लशा मेकर बाक्का कली थमा पा मिम्शो बाक्तीनी हना, १६तेको तरवार रे पा गे हिंशा परोक्शो बाक्नी, मेको तरवारमी इन कली इजीप्तमी साइक्ब। मिनु तेको अन्काल रे पा, गे हिंशा बाक्नी, मेको इजीप्तमी इन नोनोले जाक्ब। मिनु गे मेकर बेक्नीनी। १७सु सु इजीप्त लशा बाक्नीमी, मेको नेल्ल तरवार, अन्काल नु मुर बेक्ती रोइम बेक्नीम। गो इन कली खतम पाक्तीक रे का यो मबरोंडनीनी’ दंशो बाक्ब” दंत।

१८मुर नेल्ल आन परमपरभु यावे, इसराएली आन परमपरभुम “दोपा आं गाइशो नु चुरशो यरूसलेमम बाक्ब मुर आन तार मांडसे, मापान गोपुकी इजीप्त लाइतीनी हना, आं चुरतीक इन तार मांडसीब। इन श्येत जशो तशा मुर हिंनीम। गोपुकी सराप राइब नु शुक्शी पाइक्का पुंडसीब दुम्नीनी। गोपुकीम लंशा एको रागी गनायो कोत्रचा मताइनीनी” दंशो बाक्ब। येरमीया २५:१; येरमीया ४४:१२ १९ए यहूदा डा लीशोपुकी, परमपरभु यावेमी इन कली “गोपुकी इजीप्त मलन, दंशो लोत्र तुइशशा वोतीन। मुलाक्ती गो इन कली हिंच कांडशा लोत्र पाता। २०गोपुकीम ठयब मरिम्शो का पाइतीनी। गोपुकीम आं कली परमपरभु यावे, इन परमपरभु आ कांडती परमपरभु यावेम, आंइ परमपरभु मार देबा, मेको नेल्ल आंइ कली शंदीकी। मिनु गो मेको नेल्ल पाइनीकी दंतीनी। २१मुलाक्ती गो मेको नेल्ल इन कली शेताक्नी। परमपरभु यावे, इन परमपरभुम मार देचा, दे साइक्ती, मेको लोत्र इन कली दंती, तन्न मुल सम्म मटिशो बाक्नीनी। २२मोपतीक मुल एको लोत्र थमा पा तुइशशा वोतीन। इन बाक्का कली लचा दाक्शो रागीमीन गोपुकी तरवार, अन्काल नु मुर बेक्तीक रोइम बेक्नीनी दंशो बाक्ब” दंत।

येरमीया इजीप्त लाइक्का पुंडसीशो

४३ १मिनु येरमीयामी परमपरभु यावे, आन परमपरभु आ पशो लोत्र नेल्ल मेको आन कली दंन थुम्तु। परमपरभु यावे, आन परमपरभुमी येरमीया कली मेको आन कली मेको लोत्र पथ साइशो बाक्त। २मिनु होशयाह आ ती अजारयाह कारआह आ ती योहानान नु मटीब

मुर नेल्लेम येरमीया कली “गे जोल पाइतीनी । गेपुकी इजीप्तम बाक्थ लचा महुम्नीनी दैचा कली परमपरभु यावे, आंइ परमपरभुमी इन कली सोइइशो ममाइ । येरमीया ४२ :१९ ३तन्न कल्दीपुकीम आंइ कली सदमेकल कि ग्याइइशा बबीलोनमी लदमेकल, दे मिग्शा, नरीयाह आ तो बारुकमी इन कली आंइ पर्वम मरिग्शा पचा कली क्युकुशा बाक्ब” दैतेकम । येरमीया ३६ :३२ ४मोपतीक कारआह आ तो योहानान, लडाइ पाइब आन ठेयब मुर नेल्ले नु अरु मुर नेल्लेम यहूदामी बाक्चा माल्ब, देशो परमपरभु यावे आ लोत्र मटीम । ५मेको आ पा डा कारआह आ तो योहानान नु लडाइ पाइब आन ठेयब मुर नेल्लेम यहूदामी बाक्शो मुर नेल्ल आन कली, जात जात डा मुर आन दातेम बरशा लेंशा यहूदामी बाक्थ जाक्शो मुर नेल्ल आन कली खुग्शा लाइक्तेकम । ६मेकोपुकीम पिप कली कोत्रब आन कप्तान नेबुजरादानमी शाफान आ चच अहीकाम आ तो गदाल्याह आ गुइम गेशो, मीश मुरपुकी, वांइश मुरपुकी, आल बरेप्वपुकी, पिप आ तमीपुकी, येरमीया नु नरीयाह आ तो बारुक कली यो लाइक्तेकम । ७मोपा परमपरभु यावे आ अरेशो मटिथु, मेकोपुकी इजीप्त लाम्तेकम । मिनु ताहपनेसम जाक्दीतेकम । येरमीया ४२ :१४-१७ ; २राजा २५ :२६

८मिनु परमपरभु यावेम ताहपनेसम येरमीया कली लोत्र पाप्तु । ९मार लोत्र पाप्तु दंशा हना “इ गुइमी ठेयब ठेयब फुल्लु क्युकको । मिनु यहूदीपुकीम कोत्रना कोत्रन बाक्मानु, ताहपनेसम बाक्शो फाराओ, आ दरवार डा आगा ओवतीक लोमी खरुइइशा थिग्शा वोतो । १०मिनु मेको आन कली मुर नेल्ल आन परमपरभु यावे, इसराएली आन परमपरभुमी गो आं गेय पाइब बबीलोन डा पिप नेबुकदरसर कली बरेत्नुड । मिनु आं खरुइइशा वाइइशा एको फुल्लु तार गो मेको आ नितीके सल्लुड । मेकोमी मेको तार आ बाक्तीक ताम्बु कीब । येरमीया २५ :९ ११मेको जाक्शा इजीप्त कली लडाइ तोइब । मिनु बेक्तीक रोइम बेक्चा बरेक्शो, बेक्तीक रोइ पा बेक्नीम । ग्याइइशा लाइक्चा पुंडसीचा बरेक्शो, ग्याइइशा लाइक्चा पुंडसीनीम । मिनु तरवारम साइक्चा पुंडसीचा बरेक्शो, तरवार साइक्चा पुंडसीनीम । येरमीया १५ :२ १२मेकोमी इजीप्त डा मूर्ति आन खिम मी सुइक्ब । मेकोमी मेको आन खिम आन कली करोइक्ब । मिनु मेको देवी देवता आन कली लाइक्ब । मिनु

गोठलापुकीम दोपा आन वा रे नेक्स गुप्नीमी, मोपा मेकोमी इजीप्त रागी डा मूर्ति आन कली गुग्शा ताइब । मिनु मारइ महुम्थु आ रागी लेप्व । येरमीया ४६ :२५ १३मेकोमी इजीप्त डा हेल्योपारीस सहरम बाक्शो नां आ मूर्ति बाक्शो थामपुकी परेप्व । मिनु इजीप्त डा देवी देवता आन खिम मी सुइक्ब” दंशा बाक्ब” दैत ।

मूर्ति पूजा पतीके जाग्शो

४४ १परमपरभु यावेमी येरमीया कली इजीप्त मिग्दोल, ताहपनेस, मम्फीस नु पथरोस रागीम बाक्ब यहूदी नेल्ल आन पर्वम लोत्र पाप्तु । येरमीया ४३ :७ २मुर नेल्ल आन परमपरभु यावे, इसराएली आन परमपरभुमी मार लोत्र पाप्तु दंशा हना “गो यरुसलेम नु यहूदा डा सहर नेल्ल आन कली शुश श्यत गता । गेपुकीमी मेको आंमा ताइतीनी । मेको सहर कोत्रडीन । मुर मबाक्तीके श्यथ्य दुग्शा बाक्नीम । ३मारदे मोदंशा दुग्ता दंशा हना, मंकर डा मुरुमी आं अरेशो मटिथु, गाइक्पाइक्तीमी । मेकोपुकीमी देवी देवता आन कली चदेशा मेको आन नोले खोइक्तेकम । डांइती मेकोपुकी, गेपुकी नु इन किकी पिपीमी यो मेको आन कली मतुइइशो बाक्तेकम । ४मो हना यो गो आं गेय पाइब आं लोत्र पाइब आन कली मेको आन बाक्तीके सोइक्ना सोइक्न ‘गो इन कली मेको आं काइ मदाक्शो गरांगरा दिशा गेय मपन’ दंपाइक्तामी । येरमीया २५ :४ ५तन्न मेकोपुकीमी मननेम । आन नोफान मदाइक्तेम । मेको आं अरेशो मटितीक रे मलम्म । मेकोपुकीमी देवी देवता आन कली चदेचा मपुरोनेम । ६मोपतीके गो यहूदा डा सहर नु यरुसलेम डा लोत्र आं शुश गाइइशो नु चुरशो मोइक्ता । मिनु मेको सहर बरेक्शो नु मुर मबाक्तीके दुग्तेकम । मुलाक्ती मोदंशा बाक्ब” दैत । ७मिनु मुल मुर नेल्ल आन परमपरभु यावे, इसराएली आन परमपरभुमी “मारदे गेपुकीम आंम इन कली मोदंशा श्यत गेनीनी ? यहूदा आ दाते रे मीश मुर, वांइश मुर, आल नु दूध त्व आल नेल्ल आन कली तिलपाइइशा, सुइ इन कली मलीपाइक्नी । येरमीया ४२ :२२ ८मारदे गेपुकीमी इन गेयमी आं कली गाइक्पाइक्नीनी ? मारदे गे इजीप्तमी बाक्शा, देवी देवता आन कली चदेशा आं कली गाइक्पाइक्नीनी ? गेपुकी क्याम्चा पुंडसीशा, रागी डा मुर नेल्ल आन दातेमी सराप चीले राइब नु शुक्शी पाइक्चा

पुंडसीब दुम्नीनी। १गे इन किकी पिपी आन मरिम्शो पशो परंदीनी? यहूदा डा पिप नु आन पिपीम आन मरिम्शो पशो, इन आम मरिम्शो पशो, इन मीशमी यहूदा रागीम नु यरूसलेम डा लामि मरिम्शो पशो परंदीनी? यरमीया ७:१७-१८ १मुल सम्म मेकोपुकीमी आम कली बरम्शो मसल्सम। आं कली मान पा महिम। गो आं अरशो नु आं फुल्लुम मुशा बरक्शो लोत्र इन डाइती नु इन किकी पिपी आन डाइती वोइक्ता। मिनु मेको, गोपुकी नु इन किकी पिपीमी मटिनी” दंत।

११मोपतीके मुर नेल्ल आन परमपरभु यावे, इसराएली आन परमपरभुमी “गो इन कली ठेयब श्यत गशा, यहूदा डा मुर नेल्ल आन कली क्याम्नुड। आमोस ९:४ १इज्जीप्त लशा बाक्चा कली मिम्ब यहूदा डा लीशो मुर नेल्ल थमा पा जाम्शा लाइनीम। मेको नेल्ल इज्जीप्तमी साइक्चा पुंडसीनीमी। तरवार नु अन्कालमी बेक्नीम। ठेयब नु आइक्च नेल्ल तरवार नु अन्कालमी बेक्नीम। इन श्यत जशो तशा मुर हिनीम। गोपुकी सराप राइब नु शुक्शो पाइक्चा पुंडसीब दुम्नीनी। यरमीया ४२:१४-१७ १३गो दोपा यरूसलेम कली तरवार, अन्काल नु मुर बेक्तीक रोइम सजाइ गेडा, मोपा इज्जीप्तम बाक्ब आन कली यो सजाइ गेनुडमी। १४मोपा इज्जीप्तम बाक्शो यहूदा डा लीशो मुर सुइ प्रोक्चा मताइनीम। सुइ मबरांइनीम। मिनु सुइ यहूदा रागी लेत्वा मताइनीम। मो हना यो मकर बाक्चा कली लचा दाक्नीम। डाइती प्रोक्शा लशो का निक्शो ला लेत्वा ताइनीमी” दंत।

१२मिनु आन मीशम देवी देवता आन कली चढेशो तुइक्ब वोइश मुर नेल्ल, ठेयब हुल मीश मुर नु इज्जीप्त रागी डा पथरोस रागीमी बाक्ब नेल्लमी यरमीया कली यसैया ११:३ १६“गे परमपरभु यावे आ नेमी आंइ कली पशो लोत्र गो मन्नीकी। १७मेको आ पा डा आंइ कसम जशो खान्नीकी। गोपुकी सरीड डा पिपीम कली चढेशा, मेको कली तूचा थोत्रक लुक्नीकी। गोपुकी, आंइ किकी पिपी, आंइ पिपीपुकी नु आंइ ठेयब मुरपुकीम यहूदा डा सहर नु यरूसलेम डा लाम मादेशो पाम्तेक्म। मेना गोपुकी शुश जचा ताइतक। मिनु आंइ माल्शो क्यडा शुश तशा, श्यत मजक। यरमीया ७:१७-१८; होस २:१७ १८तन्न गोपुकीम सरीड डा पिपीम कली चढेशा परांइशो रे नु तूचा थोत्रक लुक्चा परांइशो रे मारइ मतक। तरवार नु अन्कालम जाम्ना

जाम्न लाइतक” दंतक्म। १९मिनु मीश मुरपुकीम “गो थमा पा सरीड डा पिपीम कली चढेशा देन बाक्नीकी। मिनु मेको कली तूचा थोत्रक लुक्नीकी। आंइ वोइशम वारच मपथु, मेको कली बटुक चोका नु तूचा थोत्रक लुक्ताका डा ?” द लोत्र पाम्तेक्म। गन्ती ११:१३

२०मिनु यरमीयामी आ कली लोत्र लेख वोइश मुर नु मीश मुर नेल्ल आन कली २१“गोपुकी, इन किकी पिपी, इन पिप, इन ठेयब नु एको रागी डा मुरपुकीम यहूदा डा सहर नु यरूसलेम डा लाम चढेशो परमपरभु यावेम मतुइक्वा डा ? मार, मेकोमी ममिम्ता डा ? २२परमपरभु यावेम इन मरिम्शो पशो नु इन पशो गरांगरा दिशो गेय तशा फाल्ले मचब। मोपतीके इन रागी श्यत्थ नु मुर मबाक्तीके दुम्त। सराप चीले रशा, मुर मबाक्शो रागी दुम्त। मेको मुल सम्म मोदेशान बाक्ब। २३इन चोशा चढेतीके, इन परमपरभु यावे कली पाप पशो, आ देशो मटिशो नु आ अरशो, आ फुल्लुम मुशा बरक्शो लोत्र नु आ शंशो मटितीके इन कली ठेयब श्यत दुम्त। मेको आ पर्वम श्यत जाइनीनी” द माइक्तीमी।

२४मिनु यरमीयामी मेको मुर नेल्ल नु मीश मुर नेल्ल आन कली “गे इज्जीप्तम बाक्ब यहूदा डा मुर नेल्ल परमपरभु यावे आ लोत्र नेनीन। २५मुर नेल्ल आन परमपरभु यावे, इसराएली आन परमपरभुमी गे नु इन मीश, इन देशो, गोपुकीमी आंइ कसम जशो खान्नीकी। गो सरीड डा पिपीम कली धूप चढेशा, मेको कली तूचा थोत्रक लुक्नीकी” द इन कसम जशो थमा पा सर्पीन। २६मोपतीके गे इज्जीप्तम बाक्ब यहूदी नेल्ल परमपरभु यावे आ लोत्र नेनीन। परमपरभु यावेमी गो आं ठेयब नेमी कसम जाइनुड। मुल मेको इज्जीप्त रागीम बाक्ब यहूदा डा मुर आन शोत्र र परमपरभु, परमपरभु यावे बरांइशा बाक्शो खोदेशो पा” द दंतीकमी आं नं गेनायो मदनीम। २७मारदे हना गो मेको आन कली रिम्शो पचा कली ममाइ, मरिम्शो पचा कली कोवना कोवन बाक्नुड। इज्जीप्तम बाक्ब यहूदी नेल्ल मनुम्मा सम्म तरवार नु अन्कालम बेक्नीम। आमोस ९:४ २८तरवार र बरांइशोपुकी इज्जीप्त रे यहूदा रागीमी का निक्शो ला लेत्वा ताइनीम। मिनु इज्जीप्तम बाक्ब यहूदा डा मुर नेल्लेमी “आं देशो थमा बाक्म देय मेको आन लोत्र थमा बाक्ब” द नोले तुइक्नीम” दंत। २९मिनु परमपरभु यावेम “आं देशो थमा पा पाइनुड। मेको आ चिन्ड मार बाक्ब देशा हना, गो इन कली मेको रागीमी

सजाइ गेनुड। मेको नोले गो आ देशो पाइनुड, दे इन कली तुइक्तीके बाक्ब” देत। ३० परमपरभु यावेम “गो इजीप्त डा पिप फाराओ होफरा कली आ जोरी सतरु नु मेको कली साइक्चा माल्ब आन गुइमी गेनुड। दोपा गो यहूदा डा पिप सिदकीयाह कली आ जोरी सतरु बेबीलोन डा पिप नेबुकदरसर आ गुइमी गेडा, मोपा इजीप्त डा पिप कली साइक्ब आन गुइमी गेनुड” दे परमपरभु यावेमी देत। इजीकीएल २९ :१९

बारुक कली अरेशो

४५ यहूदा डा पिप योसीयाह आ तौ यहो-याकीममी सासन पवा आ ४ बरसम नेरीयाह आ तौ बारुकमी परमपरभु यावे आ लोत्र पाइब यरमीया आ बरेकपाइश्शो लोत्र कागजम बरेकना बरेकन बाक्मेनु, यरमीयामी बारुक कली यरमीया ३६ :४ २ परमपरभु यावे, इसराएली आन परमपरभुमी इ कली मार देब देशा हना, ३गे “आबी, आबी, आं कली मार दुम्बा। परमपरभु यावेमी आं श्येतम सुर्ता पतीक तेम्ताक्ब। गो हुकयी पना पन दती। गो तेइ नाइक्चा मतड” देत। ४गे मेको कली “परमपरभु यावेमी आं डोंइती सेल्शा मुल परत्नुड। गो मार खरुमु मेको नेल्ल तुल्शा ताइक्नुड। मेको रागी नेल्ल कली दुम्ब। ५मिनु गे आंम इ कली मारइ मारइ ठेयब थोत्रक माल्लेव ? गे मेको ममालो। मारदे हना गो मुर नेल्ल आन कली ठेयब श्येत जपाइक्नुडमी। तन्न गे ते लाइनव, मेके गो इ कली लडाइ र बरोइचा गेनुड” दे परमपरभु यावेमी बारुक आ पर्वम देत। यरमीया ३९ :३८ ; यरमीया ४३ :४-६

इजीप्त रागी आ पर्वम शंशो

यरमीया ४६ :-; यरमीया ५१ :-; यसेया १९ :-; इजीकीएल २९ :- ३२ :-

४६ १ परमपरभु यावेम रागी रागी आन पर्वम आ लोत्र पाइब यरमीया कली लोत्र पाप्तु। २मार लोत्र पाप्तु देशा हना “इजीप्त रागी आ पर्वम, इजीप्त डा पिप फाराओ नेको आ लडाइ पाइबपुकी युफरटीस खोला आ नेक्था कारकमीश सहरमी बाक्शो बाक्तेक्म। यहूदा डा पिप योसीयाह आ तौ यहो-याकीममी सासन पवा आ ४ बरसम बेबीलोन डा पिप नेबुकदनेसरमी लडाइ तोशा गरात। २राजा २३ :२९ ३आइक्च नु ठेयब तेक्तीक ठीक पने। लडाइ पचा कली डोंइती बारीन। ४ शराम लगम पाइक्तीन। शारा

डोंइसीन। कांसा के ताकी गुक्शा इन तृतीक शप्पीन। इन कांसा के फक्तीक फक्सीन। ५गो मारदे मेको आन कली हिंशो तडमी ? मेकोपुकी नोले शांडसीशा बाक्नीम। मेको आन लडाइ पाइबपुकी आन थुं लुक्च लत। मेकोपुकी रीब पा पराक्तेक्म। मेकोपुकीमी नोले लेशशा मेकोवनीम। तेइ तेइ हिंतीकेइ हिंतीक बाक्ब” दे परमपरभु यावेम देत। यरमीया २० :३

६ परमपरभु यावेमी “रीब पा पराक्ब यो परोक्न मचाप्नीम। लडाइ पाइबपुकी यो बरोइचा मताइनीम। मेकोपुकी उत्तर गे डा युफरटीस खोला दाइल पाइसीशा गोल्नीम।

७ एको नीले खोला खोदंशो पा बारशा जाक्ब, अरु ठेयब खोला बोक्शा कुशो खोदंशो पा जाक्ब, सु बाक्मे ? ८ इजीप्त रागी नीले खोला खोदंशो पा बारशा जाक्ब। ठेयब खोला बोक्शा कुशो खोदंशो पा जाक्ब। मेकोमी आं कली बारशा रागी कली सुम्चा गेने। सहर नु मेकर डा मुर आन कली साइक्चा गयीनी। ९ शारापुकी दोरशा डोंइती लने। बग्गी सुल्बपुकी थाम्पा दोरपतीन। लडाइ पाइबपुकी बारीन। कुश एथीयोपीया नु पूत डा मुरपुकीमी तेक्तीक कुरनीम। लुद डा मुरपुकीमी लिबरा आप्नीम। १० मेको नाक्ती परमपरभु, मुर नेल्ल आन परमपरभु यावे आ नाक्ते बाक्ब। मेको क्यक्क लेक्तीक नाक्ती बाक्ब। आंम जोरी सतरु आन कली क्यक्क लेक्तीक नाक्ती बाक्ब। मुरुम तरवारम साइक्नीम। तरवार हुश तूशा, आ तूत दाक्शो रूब। मारदे हना मुर नेल्ल आन परमपरभु यावेमी उत्तर गे डा रागीमी, युफरटीस खोला आ नेक्था क्योरशा चदेब। यसेया २ :१२ ; ब्यवस्था ३२ :४१-४२ ११गे कन्न मीश आले इजीप्त, इर गिलादम लशा खरक्तीके चाक्को। गे शोर गाक्शो शुश खाल डा ओरुती खरक्साक्ब। तन्न गे मसानव। यरमीया ८ :२२ १२ रागी रागी डा मुरपुकीम इ मुने दोक्शो लोत्र नंतेक्म। इ वाइ बरेशशाम रागी नेल्ल बरीब। मारदे हना लडाइ पाइब, लडाइ पाइब नु थोक्मुइनीम। मिनु मेको नेल्ल कालेमी गोल्नीम” दे परमपरभु यावेमी देत। १३ परमपरभु यावेम बेबीलोन डा पिप नेबुकदरसरम इजीप्त कली लडाइ तोथ जाक्चा आ पर्वम यरमीया कली लोत्र पाप्तु। १४ मार लोत्र पाप्तु देशा हना “इजीप्तमी एको लोत्र नंपतो। मिगदोलमी एको लोत्र नंपतो। मम्फीस नु ताहपनेसमी यो एको लोत्र नंपतो। गे नेल्ल ठीक दुम्शा आंम आंम राप्तीकम

रपीन। मारदे हना तरवारम इन एर ओंथ नेल्ल साइक्तु। १५ मारदे इ बोल्यो लडाइ पाइब परोक्नीमी। मारदे बाक्शा मराप्नीमी? मारदे हना परमपरभु यावेम मेको आन कली साइक्तु। १६ इ लडाइ पाइबपुकी थोक्मुशा गाल्नीम। मिनु मेकोपुकीमी 'लो, ई मुर आन बाक्तीक लय। ई जरमशा रागी लेइशा लय' दे साइक्व तरवार आ पर्वम मो दंसुइनीम। १७ इजीप्त डा पिप फाराओ कली फश लोत्र पाइब, दे नो वोतीन। मेकोम आ गेय पतीक नाक्ती साम्तु" दंत।

१८ परमपरभु, पिपमी "आं बरोइशा बाक्शा खोदंशो पा" दंत। मेको पिप आ नं मुर नेल्ल आन परमपरभु यावे बाक्व। पहाड आन दाते डा ताबोर पहाड खोदंशो पा का जाक्व। मेको समुन्दर आ नेक्था डा कारमेल खोदंशो पा जाक्व। १९ गे इजीप्त डा दारशो तमी ग्याइइशा लाइक्वा पुंडसीचा कली इ मार मार कुम्लो पावो। मारदे हना मेम्फोस श्येत्य दुम्ब। मेको सिं नेल्ल बरइशा, मुर मबाक्तीक दुम्ब।

२० इजीप्त रागी दारशो मगिक्शा बी का खोदंशो बाक्व। तन्न उत्तर रे डांस का जाक्व। २१ मेको आ गाल्व ताक्शा लडाइ पाइबपुकी यो दोम्शो बाळ्हा खोदंशो बाक्नीम। मेको यो नेल्ल हिरशा लशा काथा परोक्तेक्म। मेको राष्ठा मदिकनीम। मारदे हना मेको आन हिंचा डा श्येत जतीक नाक्ती जाक्शा बाक्व। मेको आन सजाइ तची ना जाक्वत।

२२ मेकोमी गरशा गाक्शा, परोक्शा बुस्सुम खोदंशो पा रयके पाइब। मारदे हना आ जोरी सतरु डाइती बारशा, खा कुरशा रवा तिम्ब मुर खोदंशो पा जाक्नीम। २३ परमपरभु यावेमी "मेकोपुकीमी आ ब्याकी नेल्ल तिम्चा माल्नीम। मारदे हना हिक्ने मचाप्वा डा बाक्नीम। मेकोपुकी सल्हा क्यडा शुश बाक्नीम" दंत। २४ मिनु इजीप्त आ तमी मुन तोक्चा पुंडसीब। मेको उत्तर रे जाक्व मुर आन गुइम जिम्मा गेचा पुंडसीब।

२५ मुर नेल्ल आन परमपरभु यावे, इस्राएली आन परमपरभुम "गो थेबेस सहर डा आमोन फाराओ, इजीप्त रागी नु आ देवी देवता नु आ पिप आन कली सजाइ गेनुड। गो फाराओ नु मेको आ सक्ति कली थमा सुइक्व नेल्ल आन कली सजाइ गेनुड। यरमीया ४३:१२-१३; यसैया २४:२१ २६ गो मेको आन कली साइक्वा माल्व बेबीलोन डा पिप नेबुकदरसर नु आ लडाइ पाइब आन ठेयब मुर आन गुइमी गेनुडमी। मेको नोले इजीप्त रागी डाइती डा खोदंशो पा मुर बाक्तीक

रागी दुम्ब" दे परमपरभु यावेम दंत। इजीकीएल २९:१४

२७ मेकोमी "आं गेय पाइब याक्व, गे महिनो। इस्राएल गे सुर्ता मपावो। गो इ कली डोन रागी रे परोइनुड। इ चच युइ आन कली ग्याइइशा लाइइशा, वाइइशा रागी रे परोइशा चाक्नुडमी। याक्व लेंशा श्येत मजथु, थुं नाइइशा बाक्व। मिनु मेको कली सुइम हिंच मकाइनीम। यरमीया ३०:१० २६ आं गेय पाइब याक्व गे महिनो। मारदे हना गो गे नु बाक्शा बाक्नुड। गो इ कली तको रागी डा मुर आन दातेमी बरपदु, मेको रागी डा मुर नेल्ल आन कली क्याम्नुडमी। तन्न गो इ कली मक्याम्नुड। गो इ कली ठीक सजाइ गेनुड। गो इ कली सजाइ मगेथु मपरोइनुड" दंत। यरमीया १०:२४; यरमीया ३०:११

पलिस्ती आन पर्वम दंशो लोत्र

यसैया १४:२९-३२; इजीकीएल २५:१५-१७

४७ १ फाराओमी गाजा कली लडाइ तोचा क्यडा डाइती, पलिस्ती आन पर्वम परमपरभु यावेम आ लोत्र पाइब यरमीया कली लोत्र पाप्तु। २ परमपरभु यावेमी मार लोत्र पाप्तु दंशा हना "कोत्रडीन उत्तर रे ब्याक्कु बारशा यिशा बाक्व। मेकोमी रागी नु मेकर बाक्शा मारइ मारइ आन कली सुम्ब। सहरपुकी नु मेकर बाक्शा नेल्ल आन कली खरुम्ब। मिनु मुर नेल्ल वाइ बरन्नीम। मेको रागीम बाक्व मुर नेल्ल डाक्नीम। ३ परक्शा दोरशा गाक्व शारा आन खोइली आ रयके नु जोरी सतरु आन बग्गी आन रयकेमी आफपुकीम आन आल आन कली वारच पाइक्वा कली मलेत्नीम। मेको आन गुइ तिकने मचाप्व दुम्शा ग्युक्शा बाक्नीम। ४ मारदे हना पलिस्ती नेल्ल आन कली सतम पोक्शा साइक्तीक नाक्ती जाक्शा बाक्व। टायर नु सीदोन आस कली वारच पाइक्ने चाप्व नेल्ल बेक्नीम। मारदे हना परमपरभु यावेम पलिस्ती आन कली साइक्वा चिक्शा बाक्व। काफतोर डा टापु आ शुंडचीमे रे जाक्शा तीशो नेल्ल आन कली साइक्वा चिक्शा बाक्व। आमोस १:६-७; सफन्याह २:४; जकरिया ९:५; यूहन्ना १:२२; यरमीया १६:६; यरमीया ४८:३७; आमोस ९:७ ५ गाजांम रोंका पचा कली आ चां परेक्शा बाक्व। अश्कलोन सतम दुम्शा, सिकसी पाइब। गे लीशो अनाकीमपुकी गेना सम्म इन रों चेंडसीनीनी?" दंशो बाक्व।

६ “परमपरभु यावे आ तरवार, गे गरीचा गेना नाइकनेवे? इन तरवार खोतम पिप्तीन। गे नाइश्शा सिक्सी पा बाक्कीन। ७ गे दोपा सिक्सी पा बाक्ने चान्नीनी? मारदे हना परमपरभु यावेमी मको कली अरशो बाक्ब। मकोमी मको कली अश्कलोन नु समुन्दर आ शुंइच डा रागी आन कली गय पचा कली अरशो बाक्ब?” दैत।

मोआब आ पर्वम लोत्र

यसैया १५ :-; यसैया १६ :-; इजीकीएल

२५ :-११; आमोस २ :-१-३; सफन्याह २ :-५-११

१ मुर नेल्ल आन परमपरभु यावे, **४८** इसराएली आन परमपरभुमी मोआब आ पर्वम मार लोत्र पात्तु देशा हना “नेबो सहर मुर मबाक्तीके दुम्ब। किरयथ-थाइम मुने दोक्ब। मेको बरुत। मेको आ बोल्यो दरवार नेल्ल मुने तोक्शा परेशा ताइक्चा पुंडसाक्म। २ मुल रे मोआब कली ठेयब मसेल्नीम। मुरपुकीम ह्शबोनम लोत्र गारपाइक्तेक्म। मेकोपुकीमी ‘जाक्कीन, गो मेको कली रागी का मदुम्चा डा सल्य। ए मादमन सहर, इ कली या सिक्सी पपाइक्नीम। इ कली तरवार शशा खदा पाइनीम’ दैतेक्म।

३ नेनीन, होरोनाइम रे वाइ बरेशा नंसीब। खतम दुम्तीके नु क्याम्तीके आ पर्वम डाक्शो नंसीब। ४ मोआब आ आलपुकीमी ‘मोआब खतम पोक्चा पुंडसाक्व’ दे वाइ बरेशा डाक्नीम। ५ मेकोपुकी लुहीथ डा ग्येत्थ लांमी हिशक पा डाक्ना डाक्न डाइक्नीम। मारदे हना होरोनाइम डा लुक्च लतीक लांमी श्यत जशा डाक्शो नंसीब। ६ प्रोक्कीन, आंम कली प्रोइचा कली दोरीन। गोरशो रागी डा गधा खोदशो दुमीन। यरमीया १७:६ ७ गेपुकीम इन गय नु इन शोपोम थमा सुइक्तीनी। गेपुकी यो ग्याइश्शा लाइक्चा पुंडसीनीनी। केमोश देवता आ चद्वेब नु आ नोले खोइक्ब मुरपुकी नु ग्याइश्शा लाइक्चा पुंडसीब। गन्ती २१:२९; न्यायाधीस ११:२४; १२ राजा ११:७ ८ खतम पोक्ब सहर नेल्लेम जाक्ब। मिनु सहर का यो मप्रोइसीब। बेसी क्याम्सीब। मिनु दिंम खतम दुम्ब। परमपरभु यावे आ देशो मोदशो बाक्त।

१ मोआब कली फरां गेन। मारदे हना मेको थमा पा बरुइब। मेको आ सहर श्येत्थ दुम्शा, मुर मबाक्तीके दुम्नीम” दैत।

१० सु सुमी परमपरभु यावे आ गेय देश पा पाइनीमी, मेको सराप राइनीम। आंम तरवार

कली ह्श खराक्श पोक्तीके रे तेक्ब सराप राइनीमी। ११ मोआब आ ठिटा रेन नाइसीशा बाक्शो बाक्ब। मेको गरमी कुर पा वोइश्शो अडगुर शांबु खोदशो बाक्ब। मेको ग्यांब का रे अर्का ग्यांबुम मलेशो बाक्ब। मेको ग्याइश्शा लाइक्चा मपुंडसीशा बाक्ब। मोपतीके मेको डांइती डा खोदशोन बाक्ब। मेको आ बरोव्रशो रिना मजाम्शो बाक्ब। सफन्याह १:१२

१२ मोपतीके परमपरभु यावेमी “गो गर रे मोइक्ब आन कली मेको आ बाक्तीके सोइक्नुडमी। मिनु मेकोपुकीमी मेको मोइश्शा, गर श्येत्थ सल्शा प्रोल्नीम। मेको नाक्त थमा पा जाक्ना जाक्न बाक्ब। १३ दोपा इसराएल आ मुर आंम थमा सुइश्शो बेथल रे पा मुने तोक्चा पुंडसमा, मोपा मोआब यो केमोश रे पा मुने तोक्चा पुंडसीब।

१४ गेपुकीम ‘गोपुकी बोल्यो नु सक्ति पाइश्शो लडाइ पाइब बाक्नीकी’ दे दोपा देन चान्नीनी? १५ मोआब नु आ सहर आन कली खतम पोक्ब जाक्त। मेको आ नेल्ल क्येडा रिम्शो ठिटा मुर नेल्ल साइक्चा पुंडसीचा कली लाम्तेक्म” दे पिपम दैत। मेको आ नं मुर नेल्ल आन परमपरभु यावे बाक्ब। १६ मेकोमी “हिंचा डा श्यत जतीक नाक्ती मोआब आ नेक्था जाक्शो बाक्ब। मेको आ श्यत जतीके रीब पा जाक्ब। १७ मेको आ एर आंथ बाक्ब नेल्ल नु मेको आ पशो तुइक्ब नेल्ल मेको आ पर्वम रोंका पने। मिनु ‘दोपा सक्ति पाइश्शो राज्य क्याम्चा पुंडसं। पिप आ कोक्क दोपा जिक्म’ देनीन।

१८ ए दीबोन डा तमी, गे ठेयब निक्तीके रे तोइश्शा, सोव्रशो रागीम निस्सी। मारदे हना मोआब कली खतम पोक्ब इ कली लडाइ तोचा कली जाक्त। मेकोमी इ गारो हिरशो सहर नेल्ल खतम पोक्तु। १९ आरोएर सहरम बाक्बपुकी लांमी राप्शा कोव्रडीन। प्रोक्शो वांइश मुर नु मीश मुर आन कली ‘मार, दुम्स’ दे हिल्लो पने। २० मोआब बरुत। मेको मुने दोक्त। रोंका पा डाक्कीन। ‘मोआब मुर मबाक्तीके दुम्स’ दे अरनोन खोला आ शुंइचीम लशा देनीन। २१ डांडा तार डा दिंमम निसाफ पतीके नाक्ती जाक्शो बाक्ब। होलोन, याहसाह नु मेफा-आथ, २२ दीबोन, नेबो नु बेथ-दिब्लाथाइम आन तारी, २३ किरयथ-थाइम बेथ-गामुल नु बेथ-मेओन, २४ केरयोथ, बोजरा नु मोआब आ नेक्था नु डोन डा सहर नेल्ल आन तारी निसाफ पतीके जाक्शो बाक्ब। २५ मोआब आ गरोव्र खरोइक्साक्व। मिनु मेको आ गुइ

जिक्त” दे परमपरभु यावेमी दंत। २६मिनु लेंशा “मको कली दुक्पतीन। मारदे हना मेको ठेयब लेश्शो बाक्व। मोआब आ मेशामी दिङ् दाङ् गोल्ल। मिनु मेको शुक्शी पाइक्चा पुंडसीब दुम्त। येरमीया २५ :१५ २७मार, गे इसराएल कली शुक्शी पशो मनवे? मेको सुइ आन दातेमी ग्याइक्चा पुंडस डा, मेको आ परबम लोत्र पामनु, इ पिया हिक्शा शुक्शी पवी ?

२८मोआबम बाक्वपुकी, इन सहर पुराइशा, फुल्लु मेर लशा बाक्कीन। रांगु डा दोडाङ्गा आ शोत्रम ग्यात्र सत्व दुकुर खोदंशो दुमीन। २९गो मोआब आ ठेयब लेश्शो आ परबम लोत्र नंतक। मेको आ ठेयब दुम्तीक, बोरतीक, ठेयब लेतीक नु थुं डा ठेयब दुम्तीक आ परबम नंतक। ३०गो मेको आ ठेयब लेश्शो तुइक्नुङ्। तन्न मेको आ ठेयब लेश्शो मारइ मबाक्व। मिनु मेको आ गेय जाम्शा लाइब बाक्व। ३१मोपतीक गो मोआब आ परबम रोंका पाइनुङ्। गो मोआब नेल्ल आन परबम डाक्नुङ्। गो कीर-हेरस डा मुर आन परबम हिशेक पाइनुङ्। ३२गो याजेर डाक्शो क्यडा इ परबम शुश डाक्नुङ्। ए सिब्बा डा अङ्गुर बोटपुकी, इन राशी समुन्दर आ आइक्ची हांबु जाक्दीत्तकम। मेकोपुकी याजेर डा समुन्दर सम्म जाक्दीत्तकम। इ मीशो फल फुल नु इ अङ्गुर खतम पोक्व जाक्तेकम। ३३मोआब डा फल फुल रू र ग्यरतीक नु थुं नाइश्शा बाक्तीक जाम्ने थुम्तु। गो अङ्गुर खराक्तीक तेक्ता। सुइमी ग्यरशा गरीशा, मखराक्नीम। मेको आन वाइ बरेश्शो ग्यरशा वाइ बरेश्शो ममाइ।

३४हेश्वोन नु एलेआले वाइ बरत्नीस। मेको याहास सम्म नंसीब। सोआर र हारोनाइम, एगलाथ-शलीशीया सम्म वाइ बरेश्शो नंसीब। मारदे हना निमरीम डा व्याक्कु यो सोत्रन थुम्शो बाक्व। ३५गो मोआब कली खतम सेल्लुङ्। डांडा डा थानम चढेब नु देवी देवता आन कली धूप चोइब आन कली खतम सेल्लुङ्मी” दे परमपरभु यावेमी दंत। ३६मिनु परमपरभु यावेमी “मोपतीक आं थुं बांसुरीम खोदंशो पा मोआब आ परबम रोंका पाइब। आं थुं कीर-हेरस डा मुर आन परबम बांसुरीम खोदंशो पा रोंका पाइब। मेको आन चम्शो शांप नेल्ल जाम्त। यसेया १५ :७

३७मेको नेल्लेम आन चां परेक्शो बाक्नीम। मिनु आन गल शोकरं यो खरोइश्शो बाक्नीम। मेको नेल्ल आन गुइ चेश्शो बाक्नीम। मिनु आन करातो भाङ्गरामी गिल्सीशो बाक्नीम।

येरमीया १६ :६ ३८मोआबी आन खिं तारी नू लां मेर रोंका पशो डा लाक्शा अर्का मारइ मनंसीब। मारदे हना गो मोआब कली सुइम ममाल्त्वा डा ग्यांब खोदंशो पा परोल्ला” दे परमपरभु यावेमी दंत। ३९मेको दोपा बरोल्म, मोपा रोंका पाइनीम। मोआब दोपा मुने दोक्शा आ कुल खरुइक्ता, मोपा मोआब आ एर आंथ बाक्व नेल्लेम मेको आन परबम शुक्शी पा हिंशा कोत्रचा डा दुम्शो बाक्व। ४०मिनु परमपरभु यावेमी “कोत्रडीन, मेको ककाकुली खोदंशो पा जुक्व। मेको आ फरों हाम्शा, मोआब तारी जुक्व। येरमीया ४९ :२२ ४१करयोथ नु अरु सहर बरुइनीम। आन जोरी सतरुमी मेको आन हिरशो सहर आन के सेल्लनीम। मेको नाक्ती मोआब डा लडाइ पाइब आन थुं सुत्केरी रोइ पशो मीश मुर आन थुं खोदंशो दुम्नीम। ४२मोआब रागी को दुम्शा मलीचा डा पा खतम दुम्त। मारदे हना मेको परमपरभु यावे आ डांइती ठेयब लेश्शो बाक्व। ४३मोआबम बाक्वपुकी इन डांइती हिंचा डा बिकतीक नु ब्यारद बाक्नीम। यसेया २४ :१७-१८ ४४हिंचा डा श्येत र परोक्व बिकतीकेम बिकनीम। मिनु बिकतीक र डाइश्शा गरूब ब्यारदम रत्त्वा पुंडसीनीम। मारदे हना गो मोआब कली आ सजाइ गेतीक बरसम मोदंशो पाइनुङ्” दे परमपरभु यावेमी दंत।

४५परमपरभु यावेमी “परोक्वपुकी हेश्वोन आ वांकुमी दिक्नीम। मारदे हना हेश्वोन र मी का गरूत। सीहोन आ खिं र मी गरूत। मेकोमी मोआब आ कुप्फ नु जीब नु मरिम्शो पाइब आन पिया जेप्व। गन्ती २१ :२८-२९ ४६आबी, आबी, मोआब, केमाश देवता आ मुर बेक्तेकम। इ तीपुकी ग्याइश्शा लाइक्चा पुंडसाक्म। इ तमी ग्याइश्शा लाइक्चा पुंडसाक्म। ४७मो हना यो गो नोले डा नाक्ती मोआब आ शांप लेश्शा गेनुङ्। मोपा मोआब आ निसाफ नुत्त” दे परमपरभु यावेमी दंत।

अम्मोन आ परबम लोत्र

इजीकीएल २५ :३-७ ; आमोस

१ :१३-१५ ; सफन्याह २ :८-११

४९ १अम्मोनी आन परबम परमपरभु यावेमी “मार, इसराएल आ तीपुकी मबाक्नीमी ? मार, मेको आ हक ताइब सुइ मबाक्नीमी ? मारदे मिल्कोम देवता आ मुरपुकीमी गाद आ बाक्तीक आन के सेल्मे ? मिनु मारदे मिल्कोम आ मुर सहरम बाक्थ लमा ?” दंत। मिल्कोम देवता

मोलेक यो देनीम । १राजा ११:५ २मोपतीक परमपरभु यावेमी “गो अम्मोनी आन रब्बाह कली लडाइ डा तुराही ताप्शो नंपाइक्नुड। मेको श्यत्थ डांडा सोदंशो दुम्ब। मिनु मेको आ एर आंथ डा गाउं मीम कराइक्चा पुंडसीनीम। मेना इसराएलमी आ कली रोइक्ब आन कली रोइक्ब” दे परमपरभु यावेमी दंत ।

३परमपरभु यावेमी “हश्बान रोका पावो। मारदे हना ए सहर सतम पाक्शो बाक्ब। गे रब्बाह डा तमी, वाइ बरेशशा डाक्कीन। भाडगारा फंसीशा रोका पने। वाम ग्याम दुम्शा एर आंथ दोरोन। मारदे हना मिल्कोम, आ चदबपुकी नु आ नोले सोइक्ब ग्याइशशा लाइक्चा पुंडसाक्म। ४गे मारदे इ सक्तिम ठेयब लेशशा बाक्नेवे ? इ सक्ति ग्युम्ब। गे हंथ गाक्ब तमी, गे इ शांप कली थमा सुइशशा ‘सुमी आं कली लडाइ तोइबा डा’ देनेवे। ५गो परमपरभु, मुर नेल्ल आन परमपरभु यावे नड। गो इ नेक्था बाक्ब मुर र हिंतीक श्यत गेपाइक्नुड। गे नेल्ल एर आंथ फरचा पुंडसीनीनी। मिनु परोक्शो आन कली सुव्र सुइ मबाक्नीम। ६मो हना यो गो नोले अम्मोनी आन शांप लेशशा गेनुड” दे परमपरभु यावेमी दंत। यरमीया ४८:४७

एदोम आ पर्वम लोत्र

यसेया २१:११ ; यसेया ३४:५-१५ ;

इजीकीएल २५:१२-१४ ; आमोस १:११-१२

७मुर नेल्ल आन परमपरभु यावेमी एदोम आ पर्वम “मुल तेमान सहरम तुइक्तीक मबाक्बा डा ? मार, रुब मुर आन अर्ती जाम्शा लमे ? मार, मेको आन रुप्तीक योल्मे ? ८ए देदानम बाक्बपुकी, लेशशा परोक्कीन। लुक्च लने। मारदे हना गो एसाव कली सजाइ गेची ना मेको कली हिंचा डा श्यत गेनुड। ९अडगुर सेक्बपुकी इ बाक्तीक जाक्तेक्म हना, मार, मेकोपुकीम अरु सीला गुप्तीक मप्रांडनीमी डा ? मार, नाक्दो सुइ जाक्शो नम हना, मेकोपुकीमी आन कली माल्शो थोत्रक ला मलाइक्नीमी डा ? १०तन्न गो एसाव कली शिशरा सेल्ला। गो मेको आ सरुइक्तीक नेल्ल तांडसीतीक सेल्ला। मिनु मेको सरुइक्चा मताइब। मेको आ आल, आ सिं डा मुर, आ नेक्था बाक्ब नु आंमा यो मली। ११इ रोम रोइक्च आन कली परांडशा वोतो। गो मेको आन कली कोव्रनुडमी। मिनु वांडश बेक्शो मीश मुरपुकीमी यो आं कली थमा सुइक्चा तामेक्ल” दंत ।

१२परमपरभु यावेमी “श्यत डा कचौरा त्चा ममाल्शोमी यो मेको त्चा माल्ताक्ब हना, मार, गे सजाइ मतथु बरांडचा ताइनेवे ? गे सजाइ त्चा माल्नेवे। गे मेको त्चा माल्नेवे। यरमीया २५:१५,२८,२९ ; भजन संगरह १३७:१७ १३मारदे हना बोजरा बरेशशा हिंचा डा, शुक्शी पाइक्चा पुंडसीब, श्यत्थ नु सराप पाइक्तीक दुम्ब, दे आं नेम कसम जाता। मिनु आ सहर नेल्ल गेना हना यो कली बरेशशा लीनीम” दंत। १४गो परमपरभु यावे आ लोत्र कुरब र पा लोत्र का नंता। लोत्र कुरब का रागी रागी डा मुर आन पर्वम सोइशशा बाक्ब। मेकोमी “लडाइ तोचा कली बुक्कीन। लडाइ पचा कली सासीन” दंत। १५परमपरभु यावेम “मुल गो इ कली रागी रागी आन दाते डा नेल्ल क्येडा आइक्च सेल्लन। मुरपुकीमी इ कली महिकनीम। १६गे सरथ फुल्लु आ पुक्सीम बाक्नेवे। इ हिंच कांडतीके नु इ थुं डा ठेयब लेक्तीकीमी इ कली जोल पास्ताक्स। गे डांडा डा बाक्तीक आंम क सेल्ल्तीवी। गेमी इ बाक्तीक ककाकुली आ ग्योत्र सोदंशो पा इर सेल्ल्तीवी हना यो, गा इ कली मेकर र उइ तोक्नन” दे परमपरभु यावेम दंशो बाक्ब। १७परमपरभु यावेम “एदोम थम हिंचा डा दुम्ब। सु सु मेकर लाइनीमी, मेको एदोम आ शुश श्यत तशा हिंनीमी। मिनु शुक्शी पाइनीम। १८दोपा सोदोम, गोमाररा नु मेको आस एर आंथ डा सहर नेल्ल श्यत्थ दुम्मा, मोपा मेकर सुइ मलीनीम। सुइ मबाक्नीम। यरमीया ५०:४० ; यसेया १:९ १९यर्देन आ नेक्था डा ठेयब ब्वाकी र बस्तु भाव योत्रतीकम गुप्स जाक्शो सोदंशो पा गो एदोम कली याम कामी मेको आ रागी र गरुइनुड। गो सु कली सासन पचा कली योत्रडु, मेको कली गेनुड। आं सोदंशो सु बाक्बा ? आं कली सुम अरने चाप्बा डा ? तेको गोठला आं डांडती रान्ने चाप्बा डा ?” दे परमपरभु यावेमी दंत यरमीया ५०:४४-४६ २०मोपतीक परमपरभु यावेम एदोम आ पर्वम पचा चिक्शो गेय नु तेमान सहरम बाक्ब आन पर्वम मेको आ मिम्शा दोदंशो बाक्बा, मेको नेनीन। थमा पा बगाल डा आइक्च कीशा लाइक्चा पुंडसीनीम। मेको आन पतीके आन योत्रतीक सतम दुम्ब। २१मेको आन गोल्शो रयकेमी रागी खिरंखिर पाइब। मेको आन वाइ बरेशशा लल समुन्दर सम्म नंसीब। २२कोव्रडीन, मेको ककाकुली सोदंशो पा बरेशा जाक्ब। मिनु मेको जुक्शा बोजरा तार मेको आ फरां हाम्ब। मेको नाक्ती एदोम डा लडाइ पाइब

आन थुं सुत्केरी रोइ पशो मीश मुर आन थुं  
सोदंशो दुम्ब। यरमीया ४८:४०

दमस्कस आ पर्वम लोत्र

यसैया १७:१-३; आमोस १:३-५

२३ परमपरभु यावेमी दमस्कस आ पर्वम  
“हमाथ नु अरपाद वाम ग्याम दुम्शो बाक्नीस।  
मारद हना मेको निक्शामी मरिम्शो लोत्र  
नंताक्स। मेको हिंशा आस थुं ग्येत्थ लुक्च  
दुम्शो बाक्नीस। मिनु समुन्दर खोदंशो पा  
सिक्सी पा बाक्ने मचाक्नीस। २४ दमस्कस  
मचाप्त्र दुम्शो बाक्ब। मेको प्रोक्त। मेको शुश  
हिंब। मेको सुत्केरी रोइ पशो मीश मुर खोदंशो  
पा सुर्ता पा हिंब। २५ दोपा मेको नं चलेशो  
सहर प्रोइचा पुंइसे? मेको सहर डा मुर शुश  
ग्येरसाक्म। २६ मुल मेको आ ठिटा मुरपुकी लां  
मेर गोल्लीम। मिनु मेको नाक्ती मेको आ लडाइ  
पाइब नेल्ल खतम दुम्नीम। २७ गो दमस्कस डा  
गारोपुकीम मी सुइक्नुडमी। मेकोमी बेन-हादाद  
आ गारो हिरशो सहर खतम सल्ब” द मुर नेल्ल  
आन परमपरभु यावेम दंत।

केदार नु हासोर आस पर्वम लोत्र

२६ बेबीलोन डा पिप नेबुकदरसरम केदार नु  
हासोर आस कली गरात। एको केदार नु हासोर  
आस पर्वम पशो लोत्र बाक्ब। मिनु परमपरभु  
यावेमी “बोक्कीन। केदार मर लन। पूर्ब डा  
मुर आन कली खतम पोक्कीन। यसैया २१:१६-  
१७; यहासु ११:१० २९ मेको आन ताम्बु, मेको  
आन क्यारश भडा, मेको आन वासी नु आन  
मारइ मारइ लतीन। आन दलओठ रोइश्शा आंम  
के सल्ल्सीन। मिनु मुरपुकीम एर ओंथ नेल्ल  
हिंचा डा श्येत बाक्ब” द गरीचा माल्लीम।  
यरमीया २०:३ ३० ए, हासोरम बाक्बपुकी, रोब  
पा प्रोक्कीन। लुक्च लशा सरुइश्शा बाक्कीन।  
बेबीलोन डा पिप नेबुकदरसरमी इन कली  
मरिम्शो पचा मिम्शो बाक्ब। मेकोम इन कली  
मरिम्शो पचा कली गेय का पशो बाक्ब” द  
परमपरभु यावेमी दंत। ३१ मिनु “बेबीलोन डा  
पिप नेबुकदरसरमी इन कली श्येत गेचा मिम्ब।  
इन कली मरिम्शो पचा मिम्ताक्व। बोक्कीन,  
थुं नाइश्शा रिम्शो पा बाक्ब मुर गे बारीन।  
मेको रागी डा मुर आन के ठेयब लाप्चो नु  
चोक्तीक मबाक्नीम। मेको रागी डा मुर अरु  
क्येडा डोन बाक्नीम। ३२ मेको आन दलओठ  
रोइक्चा पुंइसीनीम। आन बी व्यफ यो रोइक्चा

पुंइसीनीम। मेको चां परेक्शो मुर आन कली तेइ  
तेइ बरपाइक्नुडमी। मिनु मेको आन कली हिंचा  
डा श्येत गेनुड। यरमीया २५:२३ ३३ हासोर  
सिवार आन बाक्तीक दुम्ब। मेको गेना हना  
यो कली मुर मबाक्तीक रागी दुम्ब। मेकर सुइ  
मबाक्नीम, मेकर सुइ मुर बाक्थ मलाइनीम” द  
परमपरभु यावेम दंत। यरमीया ४९:१३

एलाम आ पर्वम लोत्र

३४ यहूदा डा पिप सिदकीयाहम सासन पचा  
गोवा नो परमपरभु यावेम आ लोत्र पाइब  
यरमीया कली एलाम आ पर्वम लोत्र पाप्नु।  
यरमीया २५:२५ ३४ मुर नेल्ल आन परमपरभु  
यावेम मार लोत्र पाप्नु दंशा हना “गो एलाम  
आ लिबरा जिक्नुड। मेको आन लिबरा आन  
ठेयब सक्ति बाक्ब। यसैया २२:६ ३६ गो एलाम  
डा मुर आन कली सरीड आ एर ओंथ नेल्ल रे  
फश गिवार पपाइश्शा एर ओंथ बरपाइक्नुडमी।  
एलाम डा ग्याइश्शा लाइक्चा पुंइसीशो नेल्ल  
रागी रागीम बराइनीम। ३७ मेको एलाम डा  
मुर आन कली, आन जोरी सतुरु नु मेको आन  
कली साइक्चा माल्ब आन डांइती शुश हिंब  
सल्लुडमी। गो मेको आन कली ठेयब श्येत  
गेनुड। गो मेको आन कली साइक्ने मथुमु सम्म  
मेको आन नोल तरवार सोइक्नुड। इज्जीकीएल  
३२:२४ ३६ गो आं निक्तीक एलामम सल्लुड।  
मिनु मेकर डा पिपी नु मेको आन ठेयब मुर आन  
कली साइक्नुडमी” द परमपरभु यावेमी दंत।  
३९ परमपरभु यावेमी “मो हना यो गो मुल नोल  
डा नाक्ती एलाम डा मुर आन शांप लेश्शा  
गेनुडमी” द परमपरभु यावेमी दंत।

बेबीलोन आ पर्वम लोत्र

यसैया १३ :-; यसैया १४ :-

५० १ परमपरभु यावेम बेबीलोन नु कल्दी आन  
रागी आ पर्वम यरमीया कली लोत्र पाप्नु।  
यसैया ४६:१ २ मार लोत्र पाप्नु दंशा हना “रागी  
रागी डा मुर आन दातेमी एको लोत्र नंपतो।  
छेदर पोक्शा नेल्ल आन कली नंपाइश्शा ठेयब  
संदा पा देनो। लोत्र का यो मखरुइक्तो। बेबीलोन  
बरुत। बेल देवता मुने दोक्त। मेरोदक देवता  
सुर्ता पाइब। मेको आन मूर्ति मुने दोक्नीम। मेको  
सुर्ता पाइनीम। बेल बेबीलोन सहर डा देवता  
बाक्ब। ३ उत्तर रे रागी का डा मुरपुकीम मेको  
कली लडाइ तोइनीम। मिनु मेको आ रागी श्येत्थ

सेल्मीम। मेकेर सुइ मबाक्नीम। मुर नु जन्तु नेल्ल परोक्नीम।

४ मेको नाक्ती इसराएल डा मुरपुकी नु यहूदा डा मुरपुकी काथा डाक्ना डाक्न परमपरभु यावे, आन परमपरभु कली माल्थ गाक्नीम। यरमीया ३१:९ ५ मेकोपुकीमी 'सियोन ग लतीक लां ते बाक्बा?' दे हिल्लो पाइनीम। मिनु 'इन गाक्शो लोन बाक्ब' देनीम। मेकोपुकीमी गना हना यो लीब मपरतीके कबल पा परमपरभु यावे कली जिम्मा गंसीनीम। यरमीया ३२:४० ६ आं मुरपुकी जाम्शो भेडा खोदंशो बाक्तेक्म। मेको आन गोठलापुकीम मेको आन कली हेंथ गाक्पाइश्शो बाक्तेक्म। मिनु मेको आन कली डांडा मेर हिरपाइश्शो बाक्तेक्म। मेकोपुकी डांडा पहाड सम्म हिरसाक्म। मिनु आन गोठ परंताक्म। यरमीया २३:१ ७ मेको आन कली थिप्बपुकीम मेको आन कली नेक्तेक्म। मिनु मेको आन जोरी सतरुमी गो दोसी मनकी। मारदे हना मेकोपुकीमी परमपरभु यावे कली पाप पाप्तेक्म। मेको आन ठीक पा जोतीके नु आन किकी पिपी आन आस पशो, परमपरभु यावे बाक्तेक्म।

८ बेबीलोन र परोक्कीन। कल्दी आन रागी परोनीन। मिनु क्यारश भेडा आन कली लां कांडब बोका खोदंशो दुमीन। यरमीया ५१:६; यसेया ४८:२० ९ मारदे हना गो उत्तर र ठेयब रागी रागी डा लडाइ पाइब आन कली बेबीलोन आ पर्वम क्युक्शो बाक्नुड। मेकोपुकी लडाइ पचा कली सासीनीम। मिनु मेको कली लडाइ तोइनीम। मेको आन बरा थाम्पा लडाइ पस जोक्ब मुर खोदंशो बाक्नीम। मेकोपुकी मोशा मलन्नीम। १० मोपा कल्दी रागी रोइक्चा पुंडसीब। मिनु मेको कली रोइक्ब नेल्ल रूनीम" दे परमपरभु यावेम देत।

११ परमपरभु यावेम "ग ग्यरसीनीनी। शुश ग्यरसीन। ग आं शांप रोइक्ब बाक्नीनी। दांड पाइब मगिक्शा बी खोदंशो पा परनीनी। ग शारा खोदंशो पा गरीनीनी। १२ इन ममा थाम्पा मुने दोक्ब। इन कली जरमेब शिशी मताइब। मेको इन रागी रागी आन दातेमी नेल्ल क्येडा आइक्ब दुम्ब। मेको मुर मबाक्तीके सोत्रशो रागी नु गोरशो रागी दुम्ब। १३ परमपरभु यावे आ चुरतीकेमी मेकेर सुइ मबाक्नीम। मेको थम श्यत्थ रागी दुम्ब। बेबीलोन र पा गाक्ब मेको तशा हिंनीम। मिनु मेको आ श्यत तशा शुक्शी पाइनीम। यरमीया ५१:३७ १४ गे लिबरा आप्बपुकी, बेबीलोन आ एर आंथ इन बाक्तीकेम राप्शा बाक्कीन। बरा कली का यो महेक्थु

आप्पीन। मारदे हना मेकोमी परमपरभु यावे कली पाप पाप्तु। १५ मेको आ एर आंथ नेल्ल बाक्शा, ठेयब संदा पा गरीडीन। मेको इन कली जिम्मा गंसीब। मेको आ बोल्यो दरवार एत्तेक्म। मेको आ गारो परंत्वा पुंडसीशा दोक्तेक्म। मारदे हना मेको परमपरभु यावे आ क्येक्क लेश्शो बाक्ब। मेको कली क्येक्क लेत्तीन। मेकोमी अरु आन कली पाइश्शो खोदंशो पा मेको कली यो पतीन। प्रकाश १८:६ १६ गे बेबीलोनम वांचर शोक्ब आन कली खरीन। मीशो अन्न रिक्ब आन कली खरीन। खतम पोक्ब तरवारम पतीक नेल्ल आन कली आन आन खिं डा मुर आन बाक्तीके लेश्शा लचा गेने। मेको नेल्ल आन आन रागी परोक्चा माल्नीम।

१७ इसराएल गुप्सपुकीम खेदा पा एर आंथ बरपाइश्शो भेडा खोदंशो दुम्शो बाक्ब। मेको कली डांडती अस्सुर डा पिपम दाक्तु। मिनु नेल्ल क्येडा नोले बेबीलोन डा पिप नेबुकदरसरमी मेको आ रुश नेल्ल नेक्तु" देत। १८ मोपतीके मुर नेल्ल आन परमपरभु यावे, इसराएली आन परमपरभुमी "गो बेबीलोन डा पिप नु मेको आ रागी कली अस्सुर डा पिप कली सजाइ गेशो खोदंशो पा, सजाइ गेनुड। २ राजा १९:३५ १९ गो इसराएल कली आं कली योवतीकेम लेश्शा चाक्नुड। मिनु मेको कारमेल नु बाशान मेर जोइब। एफराइम नु गिलाद डा पहाड मेर मेको आ शोवतु बंक्शो रूब। २० मेको नाक्ती इसराएल आ मरिम्शो पशो माल्था कोत्रशा हना यो, मथिसीब। यहूदा आ पाप माल्था हना यो, मथिसीब। मारदे हना गो आं प्रांइशा वोइश्शो लीशो आन कली आन पाप माफ गेतामी। यरमीया ३३:१७-८

२१ मेराथाइम रागी कली लडाइ तोने। पेकोद आ मुर आन कली लडाइ तोने। मिनु नेल्ल खतम पोक्कीन। गो इन कली अरेशो खोदंशो पा, नेल्ल पने" दे परमपरभु यावेमी देत। २२ लडाइ डा रेयके नु ठेयब खतम दुम्तीके आन नेक्था बाक्ब। २३ दोपा रागी नेल्ल डा घन जिक्शा फस दुम्मे, मोपा बेबीलोन रागी रागी आन दातेमी शुश हिं चा डा दुम्ब। यरमीया ५१:२० २४ बेबीलोन, गो इ कली ब्यारद का दाइक्ताक्ड। गे मतुइक्थु ग्याइक्चा पुंडसीनेवे। मिनु इ कली थिश्शा, ग्याइक्चा ताइतक। मारदे हना गे परमपरभु यावे कली मरिम्शो पशो बाक्ते। २५ परमपरभु यावेम आ या वोइक्तीक खिं रोक्तु। मिनु आ चुरशो डा या गरुंइताक्ब। मारदे हना मुर नेल्ल आन

परमपरभु यावेमी कल्दी आन रागीम गेय का पचा माल्ब। २६ मेको आ एर ओंथ नेल्ल रे लडाइ पथ जावकीन। मेको आ अन्न वोइक्तीक सिं रोक्कीन। मेको कली अन्न खोदंशो पा तेलीन। मेको कली मारइ मलीशा खतम सलीन। मेको क मारइ मलील। २७ मेको आ सांढे ब्यफ नेल्ल सतीन। मेको आन कली क्यारचा कली लतीन। आबी, आबी, मेको आन नाक्ती जावत। मेको आन कली सजाइ गतीक नाक्ती जावत।

२८ मिनु परमपरभुमी “ननीन, बेबीलोन रे प्रोक्व मुर नु मेकर बाक्व अर्को रागी रे प्रोक्वशो मुरुम सियोनम परमपरभु यावे, आंइ परमपरभुमी क्यक्क लेख। आ सिं आ पर्वम क्यक्क लेख” दे नेल्लेम नंचा डा पा शंनीम।

२९ बेबीलोनो आन कली लिबरा आखपुकी बरतीन। लिबरा आख नेल्ल आन कली बरतीन। मेको आ एर ओंथ नेल्ल ताम्बु कीशा मुर आन कली तेक्कीन। मेकर रे सुइ बरोइचा मतामेक्ल। मेको आ पशो खोदंशो पा मेको कली क्यक्क लेतीन। मेकोमी पशो खोदंशो पा, मेको कली यो पतीन। मारदे हना मेकोमी इसराएली आन का ला बाक्वशो परमपरभु यावे कली शुक्शी पाप्तु। यरमीया ५०:१५ ३० मोपतीक मेको आ ठिटा मुरपुकी लां मेर गोलीनीम। मिनु मेको आ लडाइ पाइब नेल्ल खतम दुम्नीम” दे परमपरभु यावेम देत।

३१ परमपरभु, मुर नेल्ल आन परमपरभु यावेमी “गो इ कली ठेयब लेशशो दुम्तीक काइ मदाक्नुड। इ नाक्ती जावत। इ कली सजाइ गतीक नाक्ती जावत। ३२ ठेयब लेशशो मुर दाइल पा गोल्ब। मेको कली पोक्व सुइ मबाक्नीम। मिनु गो मेको आ सहरम मी सुइक्नुड। मेको मीम मेको आ एर ओंथ बाक्व नेल्ल आन कली दाक्व” देत।

३३ मुर नेल्ल आन परमपरभु यावेमी “इसराएल डा मुर नु यहूदा डा मुर श्येत गेचा नु दिप्चा पुइसीनीम। मेको आन कली ग्याइशशा लाइक्वपुकीम मेको आन कली लचा मगेनीम। ३४ मो हना यो मेको आन कली श्येत रे परोइब सक्ति पाइशशो बाक्व। मेको आ नें मुर नेल्ल आन परमपरभु यावे बाक्व। मेकोमी मेको आन कली आ सक्तिमी थमा पा वारच पाइब। मिनु रागी कली रिम्शो दुम्पाइक्ने चाख। तन्न बेबीलोनम बाक्व आन कली चहिं थुं नाइक्वा मगेब” दे परमपरभु यावेमी देत।

३५ मिनु परमपरभु यावेमी “कल्दी आन कली तरवार का जावत। बेबीलोनम बाक्व नेल्ल आन कली, आन ठेयब मुर आन कली नु आन जोक्व तुइक्व मुर आन कली यो तरवार जावत। ३६ मेको आ जादू कली यो तरवार का जावत। मोपतीक मेकोपुकी मूर्ख दुम्नीम। मेको आ लडाइ पाइब आन कली यो तरवार का जावत। मिनु मेको खतम दुम्नीम। ३७ मेको आ शारा, आ बग्गी नु मेको आन दातेम बाक्व अर्को रागी डा लडाइ पाइब आन कली साइक्वा कली तरवार जावत। मोपतीक मेकोपुकी मीश मुर खोदंशो दुम्नीम। मेको आ शांप नेल्ल आन कली तरवार जावत। मेको नेल्ल रोइक्तीक दुम्ब। यरमीया ५१:३० ३५ मेको आ ब्वाक्कु सोत्रचा कली काइ रेड मयी। मारदे हना मेको शुश मूर्ति आन रागी बाक्व। मिनु मेको आ देवी देवता आन पर्वम निप्स ग्राइशशा खोदंशो दुम्ब।

३९ मोपतीक बेबीलोन सहरम ब्वाकी डा जन्तु नु फरपुकी बाक्नीम। मिनु मेकर ठेयब चिक्व बास बाक्नीम। मेकर मुल लेशा नेल्ल पाला सम्म मुर मबाक्नीम। ४० मिनु सोदोम, गोमोररा नु मेको आस एर ओंथ डा गाउं आन कली लोक्वशो खोदंशो पा बेबीलोन सहरमी सुइ मबाक्नीम। मेकर मुर मबाक्तीक दुम्ब” दे परमपरभु यावेमी देत। यरमीया ४९:१८; उत्पत्ती १९:२४-२५

४१ कोत्रडीन, मुरपुकी उत्तर रे जाक्ना जाक्न बाक्नीम। शुश जात डा नु शुश पिप आन जांब बोक्वशा डोन रागी रे जाक्नीम। यरमीया १:१४ ४२ मेकोपुकी लिबरा नु तूतीक कुरशो, थम मरिम्शो पाइब नु शिशो मपाइक्व बाक्नीम। मेको आन रयक समुन्दर ग्रीशो खोदंशो बाक्व। मेकोपुकी शारा डोइशशा जाक्नीम। मेको लडाइ तोचा कली आन बाक्तीकेम राप्नीम। बेबीलोन आ तमी, इ कली लडाइ तोचा कली जाक्नीम। यरमीया ६:२३ ४३ मिनु बेबीलोन डा पिपम मेको आन पर्वम लोत्र नंतु। मिनु आ थुं लुक्च लत। मेको सुत्केरी रोइ पशो मीश मुर खोदंशो पा सुर्तो पा हिंत।

४४ यर्दन आ नेक्था डा ठेयब ब्वाकी रे बस्तु योत्रतीकेम गुप्स जाक्वशो खोदंशो पा गो मेको कली याम कामी मेको आ रागी रे गरुंइनुड। गो सु कली सासन पचा कली योत्रडु, मेको कली गेनुड। आं खोदंशो सु बाक्वा? आं कली सुम अरेन चाखा डा? तेको गोठला आं डांइती राप्ने चाखा डा? यरमीया ४९:१९ ४५ मोपतीक परमपरभु यावेम बेबीलोन आ पर्वम

पचा चिक्शो गेय नु कल्दी रागी डा मुर आन  
पर्वम मिम्शा दोदंशो बाक्ब, मेको नेनीन। थमा  
पा लाइक्चा पुंडसीनीम। बेबीलोन डा परुडग  
मुर आन कली यो कीशा लाइक्चा पुंडसीनीम।  
मेको आन बाक्तीक मेको तशा हिंब। ४६ बेबीलोन  
कली गरामानु, मेको आन रयकम रागी खिरखिर  
पाइब। मेको आन वाइ बरशशा रागी रागी डा मुर  
आन दातेमी नंसीब।

### बेबीलोन खतम दुम्शा

५१ १मिनु परमपरभु यावेमी “गो बेबीलोन नु  
लेब-कमाइ डा मुर आन पर्वम खतम सल्ब  
फश गिवार कली सोइक्नुड। खतम सल्ब फश  
गिवार कली यो खतम सल्ब सोक्त देसीब।  
२गो बेबीलोन कली कराप्ब मुर सोइक्नुडमी।  
मेकोपुकीम बेबीलोन आ श्येत जतीक नाक्ती आ  
एर आंथ नेल्ल रे जाक्शा, मेको आ रागी श्येत्य  
सल्लीम। यरमीया १५ :७ ३लिबरा आप्बम आ  
लिबरामी बरा मचुइक्तल। मिनु लडाइ पाइबमी  
आ लडाइ डा वा मफक्सेक्ल। मेको आ ठिटा  
मुर आन कली मपरोनीन। मेको आ लडाइ पाइब  
नेल्ल आन कली सतीन। ४मेकोपुकी कल्दी आन  
रागीम साइक्चा पुंडसीनीम। मेकोपुकी आ लां  
मेर गार दुम्शा गोल्लीम। ५मिनु इसराएल नु  
यहूदा परमपरभु, मुर नेल्ल आन परमपरभु यावे रं  
मपरोइसीशो बाक्ब। मेको आन रागी इसराएली  
आन का ला बाक्शो परमपरभु यावे कली पापम  
बरीशो बाक्ब। यसैया ५४ :४ ; यरमीया ५० :२९

६बेबीलोन आ दात र परोक्कीन। मुर नेल्ल  
आंम आंम गिम परोइचा कली परोक्कीन।  
मेको आ दोसम पतीकम गे मबेक्कीन। मारदे  
हना मेको परमपरभु यावे आ क्येक्क लेत्तीक  
नाक्ती बाक्ब। मेकोमी मेको कली आ तचा  
माल्शो सजाइ गेब। यरमीया ५० :५ ; परकाश  
१८ :४ ७बेबीलोन परमपरभु यावे आ गुडम  
सुन के कचौरा का बाक्त। मेकोमी रागी नेल्ल  
डा मुर आन कली दुक्पाइक्तु। रागी रागी  
डा मुरपुकीम मेको आ अडगुर शांबु तूतेक्म।  
मोपतीके मेको रागी डा मुर निप्स ग्यशो  
दुक्तेक्म। परकाश १७ :४ ; यरमीया २५ :१५ ;  
परकाश १८ :३ ८बेबीलोन याम कामी गोल्त।  
मिनु टुकरा टुकरा सल्वा पुंडसाक्व। मेको आ  
पर्वम रांका पने। मेको आ गराम खरेक्चा कली  
खरेक्तीक चाक्कीन। मो पशानु, मेको साबा  
को। यसैया २१ :९ ९गोपुकीम बेबीलोन कली  
सापाइय्य वा। तन्न मेको मसाब। गो मेको कली

परोइतक। मिनु आंम आंम रागी लेत्तक। मारदे  
हना मेको आ निसाफ पशो सजाइ स्वर्ग सम्म  
जाक्दीशशो बाक्ब। मेको सरीड सम्म बाक्शो  
बाक्ब। १०परमपरभु यावेमी आंइ ठीक पतीक  
कांइताक्व। जाक्कीन, मिनु इ परमपरभु यावेमी  
मार पवा, मेको सियानमी नंपाइशशा दैय।

११इन बरा शर्पीन। मिनु बरा कुरतीक  
पिरंदीन। परमपरभु यावेम मादी आन पिप कली  
लडाइ पपाइक्तु। मारदे हना मेकोमी बेबीलोन  
कली खतम सल्वा कली मिस्ताक्व। मेको आ  
सिं आ पर्वम क्येक्क लेत्तीक बाक्ब। यसैया  
१३ :१७ ; यरमीया ५० :२८ १२बेबीलोन डा गारो  
आ डांइती छेदर खरुक्कीन। शुश कोत्रब वोतीन।  
खाल पाइब वोतीन। बाप्ब आन कली ठीक पा  
वोतीन। परमपरभु यावेमी बेबीलोन डा मुर आन  
पर्वम आ मिम्शा पाप्तु। १३गे शुश व्याक्कु आ  
नेक्था बाक्नेवे। इ शोप शुश बाक्नीम। मुल  
इ नाक्ती जाक्त। इ बरोइतीक नाक्त नुप्त।  
परकाश १७ :१ १४मुर नेल्ल आन परमपरभु  
यावेम आ नंम कसम जाप्तु। गो थमा पा सल्हा  
खोदंशो पा लडाइ पाइब मुर जाक्पाइशशा, इ  
रागी पिरंनुडमी। मिनु मेकोपुकीमी इ क्येडा  
गराशो आ पर्वम ठेयब संदा पा रयके पाइनीम।

१५मेकोमी रागी कली आ सक्तम सल्लु।  
मेकोमी आ तुइक्तीकम रागी कली वोइक्तु।  
मेकोमी आ रुप्तीकम सरीड पराक्तु। यरमीया  
१० :१२-१६ १६मेकोमी लोत्र पवानु, सरीडमी रंड  
यिशा, गरड गुरुड पाइब। मेकोमी रागी आ  
सुर र गोस्स पाक्ब। रंड नु काथ काथा चिला  
दाप्पाइक्व। मिनु फश आ बाक्तीक र गुरुंडशा,  
फश पपाइक्व। बजन संगरह १३५ :७ १७मुर  
नेल्ल मूर्ख नु मजोक्ब मतुइक्व बाक्नीम। सुन  
चेम्ब नेल्ल आन मूर्तिम पतीक मुने दाक्नीम।  
मारदे हना मेको आन सल्शो मूर्ति सोक्त  
मपाइशशो जोल बाक्नीम। १८मेको शोर गाक्शो  
बाक्नीम। मेको मुर आन मिम्शा ला बाक्नीम।  
मेको आन कली सजाइ गेशोनु, मेकोपुकी खतम  
दुम्नीम। १९ परमपरभु यावे मेको खोदंशो ममाइ।  
परमपरभु यावे याक्व आ भाग बाक्ब। मेको आन  
खोदंशो ममाइ। मारदे हना परमपरभु यावे मारइ  
मारइ सल्ब बाक्ब। मिनु इसराएली मेको आ मुर  
बाक्नीम। मेको आ नंम मुर नेल्ल आन यावे बाक्ब।

२०बेबीलोन, गे लडाइ पचा कली आं तुप्तीक नु  
लडाइ पतीक या बाक्नेवे। गो इ र पा रागी रागी  
डा मुर आन कली तुप्तामी। गो इ र पा राज्य  
आन कली खतम पोक्तामी। यरमीया ५० :२३

२१ गो इ रे पा शारा नु शारा डाइक्व आन कली तुप्तामी। गो इ रे पा बग्गी नु बग्गी चलेब आन कली तुप्तामी। २२ गो इ रे पा वांइश मुर नु मीश मुर आन कली तुप्तामी। गो इ रे पा खुशा नु ठिटा आन कली तुप्तामी। गो इ रे पा ठिटी नु ठिटा आन कली तुप्तामी। २३ गो इ रे पा गोठला नु मंको आ बगाल कली तुप्तामी। गो इ रे पा रू दोइब नु आन व्यफ आन कली तुप्तामी। गो इ रे पा सरकार आ गेय पाइब नु हुकुम पाइब आन कली तुप्तामी। २४ गो इ डाइती बेबीलोन नु कल्दी रागीम बाक्व मुर नल्लेम सियोनम मरिश्शो पशो आ पर्वम क्येक्क लेत्नुड” दे परमपरभु यावेम देत। यरमीया ५० :२९ ; अय्युब १ :१७

२५ परमपरभु यावेमी “गे मारइ मारइ आन कली साइक्व डांडा, गो इ कली काइ मदाक्नुड। गे रागी नल्ल खतम सेल्लेवे। गो आं गुइ दिशा, इ कली रांगु रे उइ तोक्नन। मिनु कोक्त जेशशो डांडा सेल्लन। २६ खिं डा सुर वाइक्वा कली इ रे पा फुल्लु का यो मलाइक्नीम। जग वोइक्वा कली यो इ फुल्लु मलाइक्नीम। तन्न गे गेना हना यो कली श्येत्थ रागी दुम्चा माल्लेवे” दे परमपरभु यावेम देत।

२७ मिनु परमपरभु यावेमी “गे रागीम छेदर का खरुक्कीन। रागी रागी आन दातेमी तुराही तपीन। मंको नु लडाइ पचा कली रागी रागी डा मुर आन कली ठीक सेलीन। राज्य आन कली बेबीलोन नु लडाइ पचा कली पोक्कीन। आरारात, मिन्नी नु अश्कनजमी बेबीलोन नु लडाइ पाइब आन ठेयब मुर का योत्रडीन। सल्हा आन हुल खोदंशो पा शुश शारा चाक्कीन। यसेया १३ :३ उत्पत्ती १० :३ २६ मंको नु लडाइ पचा कली रागी रागी डा मुर आन कली पोक्कीन। मादी आन पिप, मंको आन हुकुम पाइब, मंको आन ठेयब मुर नु मंको आन हुकुम पशो रागी नल्ल डा मुर आन कली पोक्कीन” देत। २९ खिरनु कुशा रागी खिरंखिर पाइब। मारदे हना परमपरभु यावेम बेबीलोन कली श्येत्थ नु मुर मबाक्तीक सेल्लुड देशो लोत्र गाप्ब। ३० बेबीलोन डा लडाइ पाइबपुकीम लडाइ पचा परांइतेक्म। मंको आन बोल्यो दरवारम बाक्नीम। मंको आन सक्ति जाम्त। मंकोपुकी मीश मुर खोदंशो दुम्तेक्म। मंको आन सिंम मी सुइक्न थुम्तेक्म। मंको आन लाप्चो डा आग्लो जिक्शो बाक्नीम। यरमीया ५० :३७ ३१ लोत्र कुरबम अर्का लोत्र कुरब आन कली लांम गरुन्नीम। मंकोपुकीमी बेबीलोन डा पिप कली “मंको सहर नल्ल गरातेक्म। ३२ मिनु

खोला शोक्तीक गरातेक्म। जोरी सतरु आन कली ओत्रचा मगेचा कली सेल्लो तेक्तीक नेल्ल मी सुइक्ताक्म। मिनु लडाइ पाइबपुकी शुश हिंशा वाम ग्याम दुम्तेक्म” देशो पिप कली लोत्र नंपाइक्नीम। ३३ मिनु मुर नल्ल आन परमपरभु यावे, इसराएली आन परमपरभुमी “बेबीलोन आ तमी दांइ पतीक खला का खोदंशो दुम्ब। मंको दिप्चा पुंइसीब। इच्का नोले रिक्ची नाक्ती रीब पा जाक्व” देत।

३४ सियोनमी “बेबीलोन डा पिप नेबुकदरसरमी आं कली दाक्ती। आं कली खतम सेल्ली। आं कली श्येत्थ गर खोदंशो सेल्ली। आं कली अजीडगरम खोदंशो पा दाक्ती। मिनु बरोत्रशो जचा थोत्रकम खोदंशो पा आ कोत्रज पिरंताक्व। मिनु नोले आं कली ताइक्ताक्थी। ३५ आं मुर आन कली साइशो आ पर्वम बेबीलोन क्येक्क लेत्वा पुंइसीब” देत। सियोन डा यरुसलेममी “कल्दी रागीम बाक्व मुरपुकीम आं हुश आ क्येक्क लेत्वा पुंइसीनीम” देचा माल्लीम” देत। ३६ मोपतीक परमपरभु यावेमी “गे इ पो न बोक्नुड। गो इ कली गेशो श्यत आ क्येक्क लेत्नुड। गो मंको आ समुन्दर सोत्रपाइक्नुड। आ व्याक्कु बुक्तीक यो सोत्रपाइक्नुड। ३७ मिनु बेबीलोन खिं बरेशशा देल्लो, सिवार आन बाक्तीक, हिंचा डा नु शुक्शी पाइक्वा पुंइसीतीक नु मुर मबाक्तीक दुम्ब। यरमीया ५० :१३

३८ मंकेर डा मुर नल्ल गुप्स खोदंशो पा गरीनीम। मंकोपुकी गुप्स आन चाइक्व खोदंशो पा डरर डरर पाइनीम। ३९ नोले मंकोपुकी बोक्शा, मार मार माल्लेनु, गो मंको आन कली तूतीक खेरत्नुड। मिनु गो मंको आन कली रिशशा ग्यारशा मपाम सम्म दुक्पाइक्नुडमी। मिनु गेना हना यो कली इप्नीम। मिनु गेनायो मसंसीनीम” दे परमपरभु यावेमी देत। ४० मिनु परमपरभु यावेमी “गे मंको आन कली क्योरचा कली कीशा लाइशो पाठा, सांड नु क्यारश खोदंशो पा चाक्नुडमी।

४१ शेशाक सहर कली दोपा ग्राने चाप्मे? रागी नल्ल डा ठेयब नु दारशो सहर बरुत। बेबीलोन दोपा रागी रागी आन दातेमी शुश हिंचा डा दुम्मे? शेशाक बेबीलोन कली अरु नं का बाक्व। यरमीया २५ :२६ ४२ समुन्दर डाइशो बेबीलोन कली सुम्तु। समुन्दर आ गरीशो छालम मंको कली सुम्तु। ४३ मंको आ सहरपुकी हिंचा डा दुम्तेक्म। सोत्रशो, गोरशो

नु मुर मबाक्तीक दुम्तेक्म। मेको रे पा सुइ मगावनीम। ४४ गो बेबीलोन डा बेल देवता कली सजाइ गेनुड। मिनु आ दाक्शो थोत्रक मेपाइक्नुड। मुल रागी रागी डा मुर मेकर चोक्थरी कराक्थरी पा मलाइक्नीम। बेबीलोन आ गारो बरत। यरमीया ५०:२; यसैया ४६:१

४५ आं मुरपुकी मेकर रे गरुशा पिन। गे नल्ल बरोइचा कली परोक्कीन। परमपरभु यावे आ ठेयब पा गाइश्शो रे परोक्कीन। ४६ रागीम मारइ रेयके नंनीनु, इन थुं ग्येत्थ लुक्च मदुमीन। महिनीन। एको बरसम खाल का डा रेयके नु अर्का बरसम अर्का खाल डा रेयके नंसीब। मेको रागीम हुश खराक्श पोक्शोन, सासन पाइब कामी अर्का सासन पाइब कली जिचा तोशो रेयके बाक्ब।

४७ गो बेबीलोन डा मूर्ति आन कली सजाइ गेनुडमी। मेको आ रागी नल्ल मुने दोक्नीम। मिनु मेको आ मुर नल्ल मेको आ दातेमी साइक्चा पुंडसीनीम। मोदेशो नाक्ती थमा पा जाक्ब। ४८ मिनु नोले सरीड, रागी नु मेकर बाक्ब नल्लमी बेबीलोन बरुशो आ परबम ग्येरशा वाइ बरत्नीम। मारदे हना मेको आन कली क्येक्क लेख उत्तर रे जाक्नीम” दे परमपरभु यावेम देत। परकाश १८:२० ४९ परमपरभु यावेमी “इसराएली आन कली साइक्तीक बेबीलोन बरुचा माल्ब। बेबीलोनम रागी डा मुर आन कली साइक्तीक बेबीलोन यो साइक्चा पुंडसीब।

५० गो तरवार रे बरोइशा परोक्कीन। देश मपन। डोन रागीम बाक्शा, परमपरभु यावे कली मिन्तीन। यरूसलेम इन थुंम दोतीन” देत। भजन संग्रह १३७:५ ५१ मेकोपुकीमी “आंइ कली शुक्शी पाइश्शो नंशा, गो मुने दोक्तक। गो आंइ कुल सुम्तक। मारदे हना परमपरभु यावे आ खिम अर्का रागी डा मुर जाक्शा आव्रतेक्म” देतेक्म।

५२ परमपरभु यावेमी “गो मेको आ रागी नल्लेमी आन मूर्ति आन कली सजाइ गेनुडमी। मिनु मेकर गार दुम्शो मुर हुकयी पाइनीम। मेको नाक्ती थमा पा जाक्ब। ५३ बेबीलोन इर सरीड सम्म बोक्त हना यो, आ इर डा सहर बोल्या सेल्लु हना यो, गो मेको कली खतम सेल्बपुकी सोइक्नुडमी” दे परमपरभु यावेमी देत। उत्पत्ती ११:४; यसैया १४:३३

५४ परमपरभु यावेम “बेबीलोन रे वाइ बरेश्शो संदा नंसीब। कल्दी डा मुर आन रागी रे मारइ मारइ परेश्शो रेयके नंसीब। ५५ परमपरभु यावेम बेबीलोन कली श्येत्थ सेल्ब। मिनु मेको आ ठेयब संदा सिक्सी पपाइक्ब। मेको आ छाल

समुन्दर सोदेशो पा रेयके पाइब। ५६ बेबीलोन कली खतम पोक्ब जाक्ब। बेबीलोन डा लडाइ पाइबपुकी ग्याइक्चा पुंडसीनीम। मेको आन लिबरा जिक्नीम। मारदे हना परमपरभु यावे क्येक्क लेख बाक्ब। मेकोमी आ पशो आ पा डा नल्ल गेब। व्यवस्था ३२:३९-४१ ५७ गो मेको आ सरकार डा गेय पाइब, जोक्ब तुइक्ब, मेको आ हुकुम पाइब, नु आ लडाइ पाइब नल्ल आन कली दुक्पाइक्नुडमी। मिनु मेकोपुकी गेना हना यो कली इप्नीम। लंशा मबाक्नीम” दे पिपम देत। मेको पिप आ नें मुर नल्ल आन परमपरभु यावे बाक्ब।

५८ मुर नल्ल आन परमपरभु यावेम “बेबीलोन डा बरम्शो गारो दिम दुम्ब। मिनु मेको आ लाइश्शो ठेयब लाप्चोपुकी मीम नेक्ब। मुरपुकी मोशा गेय पाइनीम। रागी रागी डा मुर आन श्येत पा पशो गेय नल्ल मी कली ला दुम्ब” दे परमपरभु यावेमी देत। हबकुक २:१३

५९ परमपरभु यावे आ लोत्र पाइब यरमीयामी माहसयाह आ चच नरीयाह आ तौ सरयाह पिप आ गेय पाइब कली अरप्टु। मिनु मेको यहूदा डा पिप सिदकीयाहम सासन पवा आ ४ बरसम पिप नु बेबीलोन लशो बाक्त। यरमीया ३६:४ ६० यरमीयामी बेबीलोनम जाक्चा चिक्शो श्येत आ परबम डा लोत्र कागज काम बरेक्ताक्ब। बेबीलोन आ परबम नल्ल बरेक्ताक्ब। यरमीया ५०:१-५०:५६ ६१ मिनु यरमीयाम सरयाह कली “गे बेबीलोनम जाक्दीननु, एको लोत्र नल्ल पढेवो। ६२ परमपरभु यावे, ग एको रागी कली खतम पोक्नुड” देतीनी। एकर मुर नु बी व्यफ, क्यारश भेडा, मारइ बास मबाक्चा डा पा श्येत्थ रागी सेल्लुड। एको गेना हना यो मुर मबाक्तीक दुम्ब” देतीनी” देनो। ६३ मोपा एको कागज पढेन थुम्शा, फुल्लु काम फरंशा युफरटीस खोताम ताइक्तो। परकाश १८:२१ ६४ मिनु “कागज ब्याक्कुम गरुम्शो सोदेशो पा बेबीलोन आं चाक्शो श्येत आ परबम गरुम्ब। मेको गेनायो गरुने मचाप्य, देचा माल्लेवे” देत। मोपा यरमीया आ लोत्र नुप्त।

यरूसलेम खतम दुम्शो

यरमीया ३९:१-१०; २राजा

२४:१८-२५-७; २ईतिहास ३६:११-२१

१ सिदकीयाह पिप दुम्मेनु, २१ बरस दुम्शो बाक्त। मिनु मेकोम यरूसलेममी ११ बरस सासन पाप्टु। मेको आ ममा आ नें

हामुतल बाक्त। मेको लिब्ना डा येरमीया आ तमी बाक्त। २मिनु मेकोम येहो-याकीममी सोदंशो पा परमपरभु यावे आ डांइती मार मरिम्शो बाक्म, मेको पाप्नु। ३मिनु यरूसलेम नु यहूदा डा मुरपुकीमी परमपरभु यावे कली शुश गाइक्पाइक्तेक्म। मोपतीक मेकोमी मेको आन कली आ डांइती रे तिल्लु। मिनु बेबीलोन डा पिप सिदकीयाहम कली मटीव। ४सिदकीयाहम सासन पवा आ ९ बर्स, १० महिना, १० नाक्त बेबीलोन डा पिप नेबुकदरसरमी आ लडाइ पाइब नेल्ल कुरशा, यरूसलेम नु लडाइ पथ जाक्त। मिनु मेकोपुकीमी सहर आ लाङगा रे पुम्ताक्म। सहर डा गारो डोइक्चा कली एर आंथ डोइक्तीक सेल्लेक्म। ५मोपा पिप सिदकीयाहम सासन पवा आ ११ बर्सम सहर आ एर आंथ नेल्ल रे पुम्ताक्म। ६मिनु ४ महिना डा ९ नाक्ती सहरम थम ठेयब अन्काल दुस्त। मिनु मेको सहर आ आगामी ज्चा कली मारेइ मवा। ७मिनु सहर डा गारो परेक्तेक्म। मिनु लडाइ पाइब नेल्ल परोक्तेक्म। कल्दी डा मुरपुकी सहर आ एर आंथ बाक्तेक्म। मो हना यो मेकोपुकी पिप आ फल फुल रू डा गारो निक्शी आस दाते डा लाप्नो रे पा गरूशा परोक्तेक्म। मिनु मेकोपुकी अराबाह रागी गे लाम्तेक्म। ८तन्न कल्दी डा लडाइ पाइबपुकीम पिप सिदकीयाह कली खंदा पाम्तेक्म। मिनु मेको कली यरीको डा दिमम थित्तेक्म। मेको आ लडाइ पाइब नेल्ल बरशा एर आंथ दुम्तेक्म। ९मिनु मेको ग्याइक्चा पुंइसाक्व। मिनु मेकोपुकीमी पिप कली हमाथ रागी डा रिब्तामी बेबीलोन डा पिप आ डांइती चाक्तेक्म। मिनु मेकर बेबीलोन डा पिपमी मेको कली आ सजाइ नेपाइक्तु। १०मेको रिब्तामी बेबीलोन डा पिपमी सिदकीयाह आ तौ आन कली मेको आ डांइतीन साइक्तीमी। मिनु यहूदा डा ठेयब मुर नेल्ल आन कली यो रिब्ताम साइक्तीमी। ११मिनु मेकोमी पिप सिदकीयाह आ मिक्च फेक्ताक्व। मिनु मेको कली कांसा के साङलोमी पाइक्ताक्म। मिनु मेको कली बेबीलोनमी लाइश्शा मवेक्म सम्म चोक्शा वोइक्तु। येरमीया ३२:५

१२बेबीलोन डा पिप नेबुकदरसरमी सासन पवा आ १९ बर्स ५ महिना १० नाक्ती पिप कली खाल पाइब आन कप्तान नेबुजरादान यरूसलेममी जाक्त। १३मिनु मेकोमी परमपरभु यावे आ सिं, पिप आ दरवार नु यरूसलेम डा सिं नेल्लेम मी सुइक्ताक्व। मेकोमी ठेयब सिं नेल्लेम मी सुइक्ताक्व। १४मिनु पिप कली

खाल पाइब आन कप्तान नु बाक्शो कल्दी डा लडाइ पाइब नेल्लेम यरूसलेम आ एर आंथ बाक्शो गारो नेल्ल परेक्तेक्म। १५मिनु पिप कली खाल पाइब आन कप्तान नेबुजरादानमी नेल्ल आन क्यंडा पुरुङग, सहरम परांइशा वोइश्शो मुरपुकी बेबीलोन डा पिप आ बाक्तीक परोक्शा जाक्दीश्शा मुरपुकी नु लीशो मार, मार, सल्ल जोक्ब मुर आन कली ग्याइश्शा लाइक्तीमी। १६तन्न पिप कली खाल पाइब आन कप्तान नेबुजरादानमी रागी डा अङ्गुर रू नु अरु रूम गेय पचा कली, थम पुरुङग आन कली ला परांइशा वोइक्तीमी।

१७कल्दीपुकीम परमपरभु यावे आ सिंम बाक्शो कांसा के थामपुकी, कांसा के ठेयब चिक्तीक बोस, मेको आ कांसा के निक्तीक लाइक्तेक्म। कल्दीपुकीमी मेको नेल्ल परोल्शा, बेबीलोन लाइक्तेक्म। येरमीया २७:१९-२२; १राजा ७:१५-३९; २राजा २५:१३-१७ १८मेकोपुकीमी बोसपुकी, बेल्चापुकी, सल्लो खरोइक्तीक कांइची, अरु बोसपुकी, डाडु नु कांसा के बोस नेल्ल नु चढेचा कली माल्शा मारइ मारइ लाइक्तेक्म। १९पिप कली खाल पाइब आन कप्तानम सुन नु चांदीम सेल्शो आइक्च लोटापुकी, कोइला कुर पतीक, बोसपुकी, बत्ती दातीकपुकी, डाडु, तूचा थोव्रक चढेशोनु माल्तीक बोसपुकी नेल्ल लाइक्तु। १राजा ७:१५-३७ २०पिप सोलांमनम परमपरभु यावे आ सिं कली सेल्पाइश्शा ठेयब थाम निक्शी, कांसा के ठेयब चिक्तीक बोस मेको आगाम बाक्शो १२ ओटा कांसा के ब्यफ नु मेको आगाम बाक्शो निक्तीक बाक्तेक्म। मेको आन कांसा नाक्न मचाप्नवा डा शुश बाक्त। २१मेको थाम निम्फा १८, १८ कुबीत लाइश्शो, १२, १२ कुबीत बरम्शो नु आस थांइशो ४, ४ अङ्गुल बाक्ताक्स। मिनु आस आगा चहिं श्येत्थ बाक्ताक्स। कुबीत का ०.५ मिटर सोदंशो बाक्ब। २२मेको आ तार कांसा के पिया पाइश्शो बाक्त। मेको आ पिया कांसा के जाली नु दारीम आ बुटामी एर आंथ नेल्ल हिरशो बाक्त। मिनु अकां थाम यो डांइती डा सोदंशो पा सेल्शो बाक्त। २३मेको आस एर आंथ नेल्ल १६ ओटा दारीम बाक्तेक्म। मेको आस एर आंथ नेल्ल डा जाली कली हिरशो दारीम संह का बाक्तेक्म।

२४मिनु पिप कली खाल पाइब आन कप्तानमी ठेयब चढेब सरयाह, मेको आ नोले डा चढेब

सेफन्याह नु लाप्चो खाल पाइब सां आन कली ग्याइश्शा लाइक्तीमी । २५ मिनु मेकोमी सहरम मेना सम्म लीशो लडाइ पाइब आन कली कोत्रब कप्तान का नु पिप कली अर्ती गेब ७ जना मुर आन कली ग्याइश्शा लाइक्तीमी । मेको रागीम लडाइ पाइब आन कली पुक्ब आन कप्तान आ बरक्ब मुर नु सहरमी थिश्शो अरु ६० जना वॉइश मुर आन कली यो ग्याइश्शा लाइक्तीमी । २६ मिनु मेको पिप कली खाल पाइब कप्तान नेबुजरादानमी मेको आन कली लाइश्शा रिब्नामी बेबीलोन डा पिप आ बाक्तीकम चाक्तीमी । २७ मिनु बेबीलोन डा पिपम मेको आन कली हमाथ रागी रिब्ना सहरम साइक्तु । मोपा मेकोपुकी यहूदा आ रागी रे ग्याइश्शा लाइक्चा पुंडसाक्म ।

२८ मिनु नेबुकदरेसरमी सासन पवा आ ७ बर्सम ग्याइश्शा लाइश्शो मुरपुकी हिक्शोनु, हजार सां २३ जना यहूदी बाक्तेक्म । २९ मेकोमी सासन पवा आ १८ बर्सम यरूसलेम रे ८ सह ३२ जना आन कली ग्याइश्शा लाइक्तु । ३० मेकोम सासन

पशो २३ बर्स दुम्मेनु, पिप कली खाल पाइब आन कप्तान नेबुजरादानमी ७ सह ४५ जना यहूदी आन कली ग्याइश्शा लाइक्तीमी । मिनु मेको मुर नेल्ल पा ४ हजार ६ सह जना बाक्तेक्म ।

येहो-याकीन कली परोइशो

२राजा २५ :२७-३०

३१ यहूदा डा पिप येहो-याकीन कली ग्याइश्शा लाइश्शा ३७ बर्समी एवील-मरोदक बेबीलोन डा पिप दुम्त । मेको आ सासन पशो १२ महिना २५ नाक्ती दुम्मेनु, मेकोमी यहूदा डा पिप येहो-याकीन कली चोक्तीक रे परोइपाइक्तु । ३२ मेकोमी मेको नु रिम्शो पा लोत्र पा बेबीलोनम आं नु बाक्शो पिप नेल्ल आन क्येडा ठेयब सेल्शा, मेको कली मान गेशा वोइक्तु । ३३ मोपा येहो-याकीनमी आ जेल्स्वानम फेक्तीक वा परुइश्शा, आ लीशो नाक्ती नेल्ल पिप नु जशा बाक्शा पाप्तु । ३४ बेबीलोन डा पिपमी येहो-याकीन कली नाक्त कित कित मेको मबेक्म सम्म आ माल्थो मारइ मारइ गोप्तु ।

## बिलाप

बरेकब मुरः एको किताब येरमीयामी बरेकशो बाकब ।

गना बरेकशो : एको किताब ५८७-५८६ वि. सी. परमपरभु यावे आ खिं नु यरूसलेम खतम दुम नोले बरेकशो बाकब ।

मारदे बरेकशो : येरमीया आ सेल्शो बिलाप ५ ओटा कुम्सो बाकनीम । मेको कुम्सोपुकीम मार लोत्र बाकब दंशा हना :

१. डांडती डा लोत्र यरूसलेम सहर वांडश बकशो मीश खोदंशा दुम्शो बाकब ।

२. आ नोले डा लोत्र परमपरभु यावे आ निसाफ पचा आ पर्वम बाकब ।

३. नोले डा लोत्र बरेकबमी आंम आ पर्वम बरेकब ।

४. नोले डा लोत्र लेंशा ठेयब श्येत आ पर्वम बाकब ।

५. मिनु नेल्ल क्येडा नोले डा लोत्र “परमपरभु, गे लेत्वा गयीनी” दे पुंडतीक बाकब ।

यरूसलेममी “वारच पने” दे पुंडशो

१मेको सहरम गिश श्येत्य दुम्म । डांडती मंकर शुश मुर बाकतेकम । मेको आ वांडश बकशो मीश मुर खोदंशा दुम्त । मेको डांडती रागी रागी आन दातेमी ठेयब बाकत । मेको रागी पिप आ तमी खोदंशा बाकत । मुल मेको सहर वाइल खोदंशा दुम्त । येरमीया ५१:५ २मेको नाकदो हिशक पा डाकब । आ परकक यिना यिन बाकनीम । मेको आ दाकशो मुर आन दाते डा सुइम मेको कली आ थुं बारपाइक्का डा लोत्र मपाइनीम । आ वारच नेल्लेम मेको कली प्रांडतेकम । मुल मेको आ जोरी सतरु दुम्तेकम । भजन संगरह ६९:२१ ३यहूदा श्येत जशा, ग्याइशशा लाइक्का पुंडसाकव । मुल श्येत पा गेय पाइब दुम्त । मुल मेको रागी रागी डा मुर आन दातेमी बाकब । नाइक्का कली बाकतीक मबा । आ कली खेदा पाइबपुकीमी मेको कली श्येतमी ग्याइशशा लाइक्तेकम । ४सियोन लतीक लां रोंका पाइनीम । मारदे हना सुइमी चाड मानेचा कली मेकर रे मगाकनीम । सहर डा ठेयब लाप्चो नेल्ल श्येत्य बाकनीम । आ चंदेबपुकी हुकयी पाइनीम । आ मीश आल्ल सुर्ता पाइनीम । मिनु सहरम श्येत जशा बाकब । ५मेको आ जोरी सतरु आ होत्रप दुम्तेकम । मेको आन

माल्शो शुश ताइनीम । मारदे हना परमपरभु यावेमी मेको आ शुश हेंथ पशो तशा, यरूसलेम कली श्येत गेपुतु । मेको आ आल ग्याइशशा लाइक्का पुंडसीशा, आन जोरी सतरु आन डांडती लाम्तेकम । ६सियोन आ तमी रे पा आ मान पचा पुंडसीतीक नेल्ल लने थुम्तु । आ पिप आ तीपुकी जातीकम थिशशा रोंकाश खोदंशा दुम्तेकम । मेको बोल मपाइशशा दुम्शा, आन कली खेदा पाइब आन डांडती परीकना परीकन बाकनीम ।

७यरूसलेममी ठेयब श्येत जतीक नु सुर्ता पतीक नाकती जाकचा क्येडा डांडती आंम के बाकशो शोंप नेल्ल मिम्ब । मेको आ मुर आन जोरी सतरु आन गुइमी गेचा पुंडसीची ना सुइमी मेको कली वारच मपाम । आ जोरी सतरुम मेको आ श्येत तशा शुक्शी पाम्तेकम । ८यरूसलेममी ठेयब पाप पापुतु । मोपतीके मेको शुक्शी पाइक्का पुंडसाकव । डांडती मेको कली मान पाइब नेल्ले मुल महिकनीम । मारदे हना मेकोपुकीमी मेको कली शिशरा ताम्तेकम । मेको आंमान हुकयी पा आ कुल खरुइक्क । ९मेको आ गरांगरा दितीके आ गुनमी केम्साकव । मेकोमी नोले डा नाकत ममिम्त । मेको आ तशो श्येत हिंचा डा बाकत । आ थुं बारपाइक्क सुइ मबाकम । मेकोमी “परमपरभु यावे, आं श्येत कोत्रडीन । आं जोरी सतरुमी आं कली गरातेकम ।

१०आ जोरी सतरुमी आ शोंप नेल्ल रोइक्ताकयीमी । गे मेको आन कली इन बाकतीक खिम ओत्रचा मगतीनी हना यो, यरूसलेममी रागी रागी डा मुर इन खिं ओत्रचा ताम्तेकम । येरमीया ५२:१७-१९ ; ब्यवस्था २३:४ ११मेको आ मुर नेल्ल हुकयी पा, अन्न माल्ला माल्ल गाकनीम । लेंशा बोल्यो दुम्चा कली आन शोंप लेयनीम । परमपरभु यावे, मुल आं कली कोत्रडीन । गो महिकसीशा दुम्ती” देती ।

१२गे एको लां रे पा लाइब तशा, आन पर्वम मारदे ममिम्नीनी ? एर ओथ नेल्ल कोत्रडीन । आं श्येत क्येडा यो अरु हिंचा डा श्येत बाकबा ? परमपरभु यावेमी आ शुश गाइक्तीकेमी आं कली मेको श्येत गती । १३मेकोमी इर रे मी सोइक्ताकव । मिनु आं रुश आगा ओत्रपाइक्ती । आं खोइल कली ग्याइल दाइशशा रप्पाइक्ती । आं कली आ डांडती रे तिल्ली । मेकोमी नेल्ल नाकत आं कली मुर मबाक्तीके नु बोल मपाइशशा सेल्लती । १४मेकोमी आं हेंथ पतीके जुवा खोदंशो सेल्लु । मिनु मेको आ गुइमी फरंसाकव । मेको आं बला

तारी शुश हेल्शो बाक्व। मोपा आं बोल ग्युम्त। मिनु परमपरभुमी आं कली आं गराने मचाप्वा डा मुर आन गुइमी गेती। १५ परमपरभुमी आं दाते डा लडाइ पाइब नल्ल आन कली प्रॉइतु। मुल मेकोमी आं कली वारच मपथु, आ ठिटा वॉइश मुर नल्ल आन कली साइक्तु। परमपरभुम अडगुर खराक्शो खोंदंशो पा यहूदा डा कन्न मीश आल, यरूसलेम कली खराक्शो बाक्व। यसेया ६३:३ १६ गी मार कली डाक्नुडा, मार कली आं परक्क यीनीम देशा हना, आं कली लेम्ब नु आं थुं बारपाइक्व आ क्यडा डोन बाक्नीम। आं आल लेने थुम्तक्म। मारदे हना आं जोरी सतरु आं क्यडा बोल्यो बाक्तेक्म।

१७ सियोनमी पुंडचा कली आ गुइ दिताक्व। तन्न आ थुं बारपाइक्व सुइ मबाक्म। परमपरभु यावेमी “याकूब आ नेक्था डा मुर आ जोरी सतरु दुम्चा माल्नीम” दे अरपु। मिनु मेको आन दातेम यरूसलेम गरांगरा दिचा डा दुम्त। यरमीया १:८

१८ परमपरभु यावे ठीक पाइब बाक्व। मारदे हना गो आ लोव्र काइ मटीब दुम्ती। तन्न गे जात जात डा मुर नल्ल नेनीन। आं श्येत कोव्रडीन। आं मीश आल नु ठिटा वॉइश आल नल्ल ग्याइशशा लाइक्चा पुंडसाक्म। यरमीया ३:४२; यरमीया ५:१६ ११ गी आं दाक्शो मुर आन कली बरंत्ताक्व। तन्न मेकोपुकीमी आं कली प्रॉइतीमी। आं चद्वेब नु खाल्पा आन बोल लेप्पाइक्चा कली जचा थोव्रक माल्न माल्ना सहरम बेक्तेक्म। २० “परमपरभु यावे कोव्रडीन, गो शुश श्येत जाता। गो इन देशो मटीब दुम्तीक आं थुं चोती। आं थुं साप्पा सेक्बर पाइब। लाडगाम तरवारमी साइक्व। मिनु खिं आगाम बेक्तीक बाक्व। २१ मुरपुकीमी आं हुकयी पशो नंतेक्म। आं कली थुं बारपाइक्व सुइ मबाक्नीम। आं जोरी सतरु नल्लेमी आं श्येत जशा आ पर्वम नंतेक्म। आं कली मोदंशो दुम्शो तशा ग्येरसाक्म। गे इन देशो नाक्त जाक्ल। मेकोपुकी यो आं खोंदंशो पा श्येत जामेक्ल। यरमीया ४:२१ २२ मेको आन मरिम्शो पशो नल्ल इन डोंइती बाक्ल। मिनु गे आं हंथे पशो आ पर्वम आं कली पशो खोंदंशो पा मेको आन कली यो पतीन। गो शुश हुकयी पाइक्नुडा। आं थुं लुकच लत” दंत।

## सियोन सुर्ता पशो

१ परमपरभु गाइशशा, सियोन आ तमी कली २ मुनं तोक्तु। इसराएल आ दारस कली सरीड रे पा रागीमी तोक्तु। आ गाइशशा नाक्ती आंम खोइल वाइक्तीक सियोन कली यो परंताक्व। भजन संगरह १३२:७-८ २ परमपरभुमी शिशी मपथु याकूब आ बाक्तीक नल्ल खतम सल्लु। मोपा चुरशा यहूदा आ तमी आ गारो हिरशा सहर नल्ल खतम सल्लु। मेकोमी मेको राज्य नु आ सासन पाइब आन कली मान मताइब, आइक्च सल्लु। ३ मेकोमी शुश चुरशा, इसराएल डा सक्ति नल्ल खतम सल्लु। मेकोमी आ जोरी सतरु आन डोंइती सियोन कली वारच पचा प्रॉइतु। मेको याकूब आ बाक्तीक आ एर आंथ नल्ल गराव गरु दाक्व मी खोंदंशो दुम्त। ४ परमपरभुमी सियोन आ जोरी सतरु खोंदंशो दुम्शा, आ लिबरा कीतु। आ जोरी सतरु खोंदंशो दुम्त। आंइ दाक्शो नल्ल आन कली साइक्तु। परमपरभुमी आ चुरशा मी खोंदंशो पा सियोन आ तमी आ ताम्बु तारी मोइक्तु। ५ मुल परमपरभु सियोन आ जोरी सतरु खोंदंशो दुम्त। मेकोमी इसराएल कली खतम सल्लु। आ दरवार नल्ल आन कली खतम पोक्तु। आ गारो डा लाइशशा खिं नल्ल प्रंतु। मिनु यहूदा आ तमी कली शुश रोंका नु हिशक पपाइक्तु। ६ मेकोमी आंम ताम्बु कली रू डा कटेरा खोंदंशो पा प्रंतु। मेकोमी आ बाक्तीक खतम सल्लु। परमपरभु यावेमी सियोनम चाड नु नाइक्तीक नाक्ती मानतीक प्रॉइतु। आ शुश गाइशशोम पिप नु चद्वेब नल्ल आन कली मुनं तोक्तु। अय्युब २:१३; यरमीया ५:१२ ७ परमपरभुम आंम कली चद्वेतीक नु आ बाक्तीक निम्फा प्रॉइतु। मेको आन दरवार डा गारो जोरी सतरु आन गुइमी गेपु। मोपा मेकोपुकीमी परमपरभु यावे आ खिंमी चाड डा नाक्त खोंदंशो पा रयके पाम्तेक्म। ८ परमपरभु यावेमी सियोन आ तमी आ गारो प्रत्त्वा कली मिम्ताक्व। मेको आ तारी पुक्तीक कीतु। मेकोमी खतम सेल्ला कली आ गुइ मतेक्म। मेकोमी गारो नु आ बोल्यो सेल्ल्तीक निक्शी कली रोंका पपाइक्तु। मिनु मेको कालेक्म बरंत्ताक्स। २ राजा २१:१३ ९ मेको आ ठेयब लाप्पो स्वपीम दोक्तेक्म। मेकोमी आ आगलो जिक्शा खतम पोक्तु। मेकर डा पिप नु आन ती नल्ल रागी रागी डा मुर आन दातेमी बाक्नीम। मेकर लां कांइब परमपरभु यावे आ अरेशो मबाक्व। मिनु

परमपरभु यावे आ लोत्र पाइबपुकीमी परमपरभु यावे रे पा मारइ लोत्र मताइनीम। १० सियोन डा खाल्पा खपीम निश्शा, सिक्सी पा बाक्नीम। मेकोपुकीमी आन पियामी फुरक फुंडसीनीम। मिनु भाडगरा फक्शा बाक्नीम। यरूसलेम डा मीश आलपुकीमी आन पिया खप सम्म बाप्पाइश्शो बाक्नीम। ११ गो डाक्ना डाक्न बाक्नुड। आं थुं चोइब। आं थुं खाइब। मारदे हना आं मुर खतम दुस्तकम। आल नु दूध तूब आलपुकी सहर डा लॉम शोत्रलु बेक्नीम। १२ मेकोपुकीमी आन ममा आन कली “जचा तूचा थोत्रक ते बाक्म” दे हिल्लो पाइनीम। मेकोपुकी सहर डा लॉम गार दुश्शो लडाइ पाइब सोदंशो पा थाइनीम। मिनु आन ममा आन थुकुम बेक्नीम। १३ ए यरूसलेम आ तमी, गो इ पर्वम मार दंडा ? गो इ कली मार नु थाप्तु ? ए सियोन आ कन्ने तमी इ थुं बारपाइक्का कली इ कली मार नु थाप्तु ? इ श्यत समुन्दर सोदंशो पा ठेयब बाक्ब। सुइम इ कली सापाइक्क मचब। १४ इ परमपरभु यावे आ लोत्र पाइब आन लोत्र नेल्ल जोल नु शोर गाक्शा बाक्तेक्म। मेकोपुकीमी इ कली रिम्शो दुम्ल, दे इ मरिम्शो पशो आ पर्वम लोत्र मपाम। तन्न मेकोपुकीमी इ पर्वम पशो लोत्र नेल्ल जोल नु दूली लां कांडब बाक्त। यरमीया १४ :१४-१६ ; यरमीया २३ :१६-२२ १५ इ नेक्था रे पा लाइब नेल्लेमी इ कली तथा शुक्शी पाइनीम। यरूसलेम आ तमी तथा शुक्शी पा आन पिया हिम्नीम। मेकोपुकीमी “एको सहर कली नेल्ल क्यडा दारशो नु रागी डा नेल्ल क्यडा दाक्शा सहर दंनीमी, ममाइ डा ?” दंनीम। भजन संगरह ४८ :३ ; इजीकीएल १६ :१४ १६ इ जोरी सतरु नेल्लेमी इ पर्वम मरिम्शो लोत्र पा शुक्शी पाइनीम। मेकोपुकीमी आन गाइक्तीकमी “गो मेको कली खतम सेल्लक। एको नाक्ती कोत्रचा कली रिम्ताक्क। मुल गो ताइतक” दंनीम। १७ परमपरभु यावेमी मार मिम्ता नु डांइती मार पाइनुड दंम, मेको पाप्तु। साइ डांइती हिंच कांडशा दंशो लोत्र मुल पाप्तु। मेकोमी शिशी मपथु, नेल्ल खतम सेल्लु। मिनु इ जोरी सतरु आन कली इ पर्वम ग्यरपाइक्तु। इ जोरी सतरु आन सक्ति ठेयब सेल्लु। १८ ग सियोन आ तमी, आ गारो परमपरभु कली ठेयब संदा पा पुनो। इ परक्क खोला सोदंशो पा नाक्दो नाक्त यिपतो। याम का यो मनाइसो। शुश डाक्को। १९ बोक्को। नाक्दो डाक्शा पुनो। खाल पाइब आन गेय पची ना यो मो पावो। इ थुं डा श्यत परमपरभु आ डांइती ब्याक्कु सोदंशो पा लुक्तो।

लांमी बाक्ब इ शोत्रलु बेक्शो आल आन पर्वम इ गुइ परमपरभु गे पोक्शा पुनो।

२० “परमपरभु यावे कोत्रडीन। गे सु कली ओदंशो पा श्यत गेनी। मार मीश मुरपुकीमी आंम आल आन कली ब्वचा माल्नीमी ? मार इन कली चदब नु इन लोत्र पाइबपुकी इन बाक्तीकमी साइक्का पुंडसीचा माल्नीमी ? ब्यवस्था २८ :२३-२७ ; यरमीया १९ :९ २१ ठिटा नु खाल्पापुकी लॉम गोल्थो बाक्नीम। आ ठिटी मीश मुर नु ठिटा वीइश मुर तरवारमी साइक्का पुंडसाक्म। गे इन गाइश्शो नाक्ती मेको आन कली शिशी मपाइक्थु साइक्तीनी। २२ गे एर आंथ डा आं जोरी सतरु आन कली चाड मानंचा कली सोदंशो पा बरत्ताक्नी। परमपरभु यावे आ गाइश्शो नाक्तीमी सुइ मुर प्रोक्शा बरांडचा मताइनीम। गो आं थिशो नु कोल्पाइश्शो आल आन कली आं जोरी सतरुमी साइक्तेक्म” देती।

मुर आन पर्वम रॉका पशो

३ १ परमपरभु आ चुरशोमी आं कली कोक्केम तुप्ती। २ मेकोमी आं कली खेदा पा छिडछिड रे छिडछिडमी गाक्पाइक्ती। ३ मेकोमी नाक्त कित कित आं कली श्यत गेना गेन बाक्ब।

४ आं रॉ नु कुशुल नेल्ल सोत्रपाइक्ती। मिनु आं रुश जिक्तु। ५ मेकोमी आं कली सुर्ता पतीक नु श्यत जतीकम पुम्शा गिल्पाइक्ती। ६ मेकोमी साइ नेसी डा बक्शा मुर आन कली सोदंशो पा आं कली छिडछिडमी बाक्पाइक्ती।

७ मेकोमी आं कली प्रोक्क मचबल, दे चोक्ती। आं कली हल्थो साडलोमी पाइक्ताक्यी। ८ गो “वारच पाइय्यीनी” दे शुश बरती। तन्न आं बरश्शो नेशा यो सिक्सी पा बाक्त। भजन संगरह २२ :३ ; भजन संगरह ६९ :४ ९ मेकोमी आं लां ठेयब फुल्लुमी तेक्तु। मिनु आं लां हिरशो सेल्लु।

१० मेको गराम्चा कली बाप्शा बाक्शो वां सोदंशो बाक्ब। मिनु सरुइश्शा बाप्शा बाक्शो गुप्स सोदंशो बाक्ब। ११ मेकोमी आं कली आं लां रे पा लाइश्शा, बेदर किदर पोक्ती। मेकोमी आं कली सुइ मपाइश्शो सेल्लती। १२ मेकोमी आ लिबरा कीशा, आं कली आप्ती। १३ मेको आ बरामी आं लुडगीर खिरत्ताक्यी। १४ आं मुर नेल्ले आं पर्वम रिन्नीम। मेकोपुकी नाक्त कित कित आं पर्वम शुक्शी पा कुम्सो पाइनीम। अय्युब ३० :९ १५ मेकोमी आं थुं खाइक्पाइश्शा, आं कली कशो तूचा थोत्रक तूपाइक्ती।

१६मकोमी ओं कली फुल्लु जपाइश्शा, पुलुमी निप्पाइक्ती। १७गो थुं नाइश्शा बाक्चा मताइक्नुड। ग्यरशा बाक्चा मार बाक्म, मेको परंताक्ड। १८मोपतीके गो “आं दारस नेल्ल जाम्शा लत। गो परमपरभु यावे र ताइनुड, दे आस पशो यो नेल्ल जाम्शा लत” देती।

१९आं श्यत आ पर्वम मिम्तीके नु आं खिं मबाक्तीके खाइल सोदंशो पा कशा दुम्ती। २०गो मेको गेना हना यो मिम्नुड। मोपतीके आं थुं लुकच लत। २१तन्न गो परमपरभु आ लोत्र फरुक्शा, आ लोत्र कोव्रनुड। २२परमपरभु यावे आ गेना हना यो दाक्तीके गनायो मनुष्व। आ शिशो गेनायो मनुष्व। नेहम्याह ९ :३१

२३मेको सुनी कुस कुस नक दुम्शो बाक्ब। इन देशो गेना हना यो थमा बाक्ब। २४आं थुंमी “परमपरभु यावे आं भाग बाक्ब। मोपतीके गो मेको कली आस पाइनुड” देती। भजन संगरह १६ :५ ; भजन संगरह ३ :२६ २५ परमपरभु यावेमी आ कली रिम्ब आन कली रिम्शो पाइब। सुमी मेको कली माल्नीमी, मेको आन कली रिम्शो पाइब। २६सिक्सी पा परमपरभु यावे आ श्यत रे परांइतीके रिम्बा रिम्शो दुम्ब। रोमी ८ :२५ २७ ठिटा बाक्शो ना आंम जुवा कुरचा रिम्शो दुम्ब। २८परमपरभुमी मुर कली आ का ला सिक्सी पा बाक्चा गेप्तु हना, मेको कली रिम्शो दुम्ब। २९मुरुमी आ शोत्र खपीम वोदल। मोपा मेको के आस बाक्बा कां ? ३०मेको आ चोत्रचो राप्चा गेशा, शुश शुक्शी पाइक्चा पुइसीब दुम्ब। मत्ती ५ :३९

३१परमपरभुमी मुर आन कली आ डोंइती रे गेना हना यो मतिल्ल। यसैया ५४ :८ ३२मेकोमी श्यत गेप्तु हना यो, लेशा शिशो पाइब। मेको आ गेना हना यो दाक्तीके थम ठेयब बाक्ब। ३३मारदे हना मेकोमी सुइ मुर आन कली श्यत गेचा मदाक्ब।

३४रागी डा जेल्लानम चोक्चा पुइसीशो नेल्ल आन कली सोइलीमी दिम्नीम। ३५नेल्ल क्येडा ठेयब आ डोंइती मुर आन कली ठीक निसाफ मगेथु, दूली पाइनीम। ३६मुर आन कली दूली निसाफ पाइनीम। परमपरभुमी मेको नेल्ल मताइबा डा ?

३७परमपरभुम मअरशो गेय सुमी अरने नु पपाइक्ने चाप्चा डा ? यसैया ४५ :७ ; आमास ३ :६ ३८मार नेल्ल क्येडा ठेयब आ शोत्र रे रिम्शो नु मरिम्शो लोत्र मगरूबा डा ? ३९मारदे

मुरुमी आंम पाप आन पर्वम सजाइ तामेनु, गन गन पाइनीमी ?

४०गो आंम कली नाक्शा कोव्रशा, परमपरभु यावे गे लेलय। ४१गो आंइ थुं नु गुइ स्वर्ग डा परमपरभु गे पोक्क्य। ४२गोपुकीमी हंश्रे गाक्शा, इन देशो काइ मटिक। मिनु गे आंइ कली माफ मगेनी। भजन संगरह १०६ :६

४३गे चुरशा आंइ कली खेदा पाइतीनी। काइ शिशो मपथु साइक्तीनी। ४४आंइ पुइशो इन बाक्तीके मजाक्चा डा पा, गे गोस्सुमी गिल्साक्नी। ४५गे आंइ कली शुश जात डा मुर आन दातेमी गरांगरा दिशो सल्लतीनी।

४६आंइ जोरी सतरू नेल्लेम आन शोत्र रोक्शा शुक्शी पास्तेक्म। ४७शुश हिंचा डा मरिम्शो दुम्तीके आंइ तार जाक्त। ४८आं मुर नेल्ल सतम दुम्शो तशा, गो शुश डाक्ती।

४९गो डाक्स डा डाक्स बाक्नुड। नाइक्चा मताइनुड। ५०परमपरभु यावेमी स्वर्ग रे पा उइ मकोत्रडा सम्म मो पाइनुड। भजन संगरह १०२ :२०-२१ ५१आं सहर डा मीश आल आन कली मरिम्शो दुम्शो तशा आं थुं साइक्ती।

५२आं जोरी सतरूमी आं कली मोशीन चिक्ब कली सोदंशो पा सिखार ग्यारतेक्म। ५३मेकोपुकीमी आं कली ससीन खाल्टामी ताइक्ताक्कीमी। आं कली फुल्लुमी यो आप्तीमी। ५४व्याक्कुम आं पिया सम्म सुम्ती। मिनु गो “मुल आं बरांइस ओशान बाक्माक्त।

५५परमपरभु यावे, शुश लुकच लशो खाल्टा रे पा गो इन नं थोत्रता। ५६गे आं थोशो लोत्र नेतीनी। आं कली परांइचा कली आ थोशो लोत्र नेनीन। इन नोफा मसुन। तन्न आं कली श्यत रे परानीन। ५७गो इन कली थोडानु, गे आं नेक्था जाक्तीनी। मिनु आं कली ‘महिना’ देतीनी। ५८परमपरभु गे आं कली वारच पाइक्तीनी। मिनु बेक्चा रे परांइतीनी। ५९परमपरभु यावे, गे आं कली पशो मरिम्शो नेल्ल ताइतीनी। आं कली निसाफ गेयीनी। ६०मेकोपुकीमी आं कली मरिम्शो पचा कली सल्लता पशो नेल्ल ताइनीनी।

६१परमपरभु यावे, गे मेको आन आं कली हिंच कांइशा पशो लोत्र नेल्ल नेतीनी। ६२मेकोपुकी नेल्ल नाक्त आं पर्वम खरुइश्शा लोत्र पा, नोफा मुइक्मुस्तेक्म। ६३मेकोपुकी निस्सामानु, बोक्मानु, आं पर्वम शुक्शी पा कुम्सो पाइनीम। येरमीया ३ :१४

६४परमपरभु यावे, मेको आन पशो कोव्रशा, मेको आन कली क्येक्क लेतीन। येरमीया

१:२१; भजन संग्रह १३७ :८; १पतरुस २:२३; १पतरुस ३:१ ६५ मेको आन थुं सुम्शा गन। इन सराप मेको आन कली रल। ६६ मेको आन कली गाइश्शा खदा पन। परमपरभु याव, सरीड आगा र मेको आन कली खतम पोक्कीन” देती।

### सियोन कली सजाइ

४ १ सुनमी आं दारस नेल्ल साम्तु। क्येख सुन मदारशो दुस्त। शुश क्येट लाइब हीरा नेल्ल लां मेर फराइसीशो बाक्नीम। २ सियोन आ दाक्शो आलपुकी, डांडती सुन खोदंशो मिम्शो बाक्तेक्म। मुल खप के ग्यांख खोदंशो दुस्तेक्म। ३ सिवारंम आन चाइक्व आन कली दूध तुंडनीम। तन्न आं मुरपुकी काइ मरिम्शो दुस्तेक्म। मेकोपुकी गोरशो रागीम बाक्व ठेयब चिक्व खोदंशो दुस्तेक्म। अय्युब ३०:१४-१६ ४ दूध तूब आल आन लं शुश तूतू दाक्शा, आन कुकुमी खोक्ताक्व। आलपुकीमी जचा थोत्रक पुंडनीम। तन्न सुइमी मेको आन कली मारइ मगनीम। ५ बरोत्रशो बरोत्रशो जाइबपुकी मुल लां मेर बेक्नीम। दारशो वासी फेक्शा कोल्शो मुल पुलु ताइक्तीकेम बाक्नीम। ६ मारदे हना आं मुर आन कली गेशो सजाइ सोदोम कली गेशो सजाइ क्येडा ठेयब बाक्व। मेको कली याम कामीन लोकचा पुंडसाक्व। उत्पत्ती १८:२०; उत्पत्ती १९:२४-२५

७ मेकर पिप आ तोपुकी फुं नु दूध क्येडा बुश बाक्तेक्म। मेको आन रां मानीक हीरा क्येडा लल बाक्तेक्म। मेको आन चां नीर हीरा खोदंशो बाक्तेक्म। ८ मुल मेको आन रां कुकी क्येडा क्येर दुस्तेक्म। मेको आन कली लां मेर यो सुइमी मतुइक्नीम। मेको आन कुशुल रुशम केप्शो बाक्व। मेकोपुकी शी खोदंशो पा सोत्रशो बाक्नीम। ९ जचा मतथु शोत्रलु पा बेक्वपुकी क्येडा तरवारमी क्योरशा साइक्चा पुंडसीबपुकी ग्येरसीशो बाक्नीम। १० रु डा फल मथित्यु, मेकोपुकी सोत्रशा लाइनीम। ११ बरंम्शो थुं पाइश्शो मीश मुरपुकीमी आंम आन आल क्येम्तेक्म। मेको आन जचा थोत्रक दुस्त। गो आ मुर आन कली खतम सेल्लतीके मोदंशो दुस्त। येरमीया २:२० ११ परमपरभु यावमी आ चुरशो नेल्ल कांडताक्व। मेकोमी आ हिंचा डा पा गाइश्शो नेल्ल कांडताक्व। मोपा सियोनम मी सुइक्ताक्व। मिनु मेकर डा जग नेल्ल दाक्तु।

१२ आ जोरी सतरु यरूसलेम डा ठेयब लाप्चो र पा ओवनीम, दंशो रागी नेल्ल डा पिप

नु मेकर बाक्व मुर सुइमी यो थमा सुइक्ने मचबेम। १३ परमपरभु याव आ लोत्र पाइब आन पाप नु चद्वेब आन मरिम्शो पशो आन पर्वम मो दुम्शो बाक्व। मेकोपुकीमी सहर आ दातेम ठीक पाइब मुर आन कली हुश खराक्व पोक्तेक्म। १४ मेकोपुकी मिक्व मताइब खोदंशो पा लां मेर हिरसाक्म। मेकोपुकी हुश लुम्सीशो बाक्तेक्म। मेको आन वा सुइम मथिचा डा बाक्व। १५ मुरपुकीमी मेको आन कली “लनं, ए गरांगरा दिशो मुर आंइ कली मथिनं” दे गरीनीम। मोपतीके मेकोपुकी परोक्व नु हिरब मुर दुस्तेक्म। रागी रागी डा मुरपुकीमी “मुल मेको गोपुकी नु बाक्चा मताइनीम” देतेक्म। लेवी १३:४५ १६ परमपरभु यावमी मेको आन कली मोपा बरपाइक्तीमी। मुल लंशा मेको आन कली शिशो मपाइक्व। सुइमी चद्वेब आन कली मान मपामे। खाल्पा आन कली यो महिक्गेम। येरमीया २:६; येरमीया ५:१२; लेवी १९:३२

१७ वारच पाइब जाक्वा, कां दंशा लां कोत्रशा मिक्व चोप्तु। रागी कामी आंइ कली वारच पाइबा कां, दे कोत्रशा बाक्तेक्म। तन्न मेकोमी आंइ कली परोइने मचब। १८ मुरपुकीम आंइ नोले खोइक्तेक्म। मोपतीके गा आंइ लांमी गाक्ने मचाप्क। आंइ बेक्तीक नाक्ती जाक्व। आंइ नाक्व नुप्शो बाक्तेक्म। गो बेक्चा चिक्तेक्म। १९ आंइ कली खेदा पाइबपुकी सरीडम बरब ककाकुली क्येडा यो रीब पा जाक्तेक्म। मेकोपुकीमी आंइ कली पहाडम खेदा पास्तेक्म। गोरशो रागीमी बाप्शा बाक्तेक्म। २० मेकोपुकीमी परमपरभु याव आ तेल लुक्शो, आंइ कली बरोइचा गेब कली ग्याइक्ताक्म। मेको आ पर्वम गोपुकीमी “मेको आ वांकुम रागी रागी डा मुर आन दातेम बाक्नीकी” दे मिम्शो नकी। २१ एदोम आ तमी ग्येरसा। गे ऊज रागीम बाक्नेवे। तन्न गे यो मेको श्यत डा कचौरा तूचा माल्लेवे। गे दुक्नेवे। मिनु जिशरा सेल्लसीनेवे। येरमीया ३:६४; भजन संग्रह १३७ :७; येरमीया २५:१५,२१ २२ सियोन आ तमी इ हंथे गाक्शो डा सजाइ नुप्त। मेकोमी इ कली ग्याइश्शा लाइश्शा रागी र गरुडब। तन्न एदोम आ तमी, इ हंथे गाक्शो डा सजाइ ताइनेवे। मेकोमी इ पाप कांडब। यसैया ४०:२; यसैया ३४ :८-१०; इजीकीएल ३५:१४-१५

शिशी पन, दे प्रार्थना पशो

१ मिनू “परमपरभु यावे, गो आंइ कली मार  
 ५ दुम्शा बाक्वा, मेको मिम्तीन। आंइ कली  
 मरिम्शा पशो कोवडीन। २ आंइ थरशो रू अर्का  
 रागी डा मुर आन के दुम्त। आंइ खिं यो अर्का  
 रागी डा मुर आन के दुम्तकम। ३ गोपुकी रोम  
 रोइक्च दुम्तक। आंइ ममा वोंइश बेक्शो  
 मीश मुर खोंदशो दुम्तकम। ४ गोपुकीमी तूचा  
 व्याक्कु यो ग्याप्चा माल्नीकी। शी यो  
 ग्याप्चा माल्नीकी। ५ गोपुकी जुवा लाप्शो  
 खोंदशो पा आंइ कली खेदा पाइनीम। गोपुकी  
 दशो बाक्नीकी। तन्न नाइक्चा मताइनीकी।  
 परस्थान २० : ५ ; येरमीया ३१ : २९, ६ गो इजीप्त  
 नु अस्सुर रागी नु जचा थोत्रक तचा कली  
 सल्ला पाइतक। ७ आंइ किकी पिपीमी पाप  
 पांतेकम। मिनू बेक्तेकम। गोपुकी मेको आन  
 हेंथे पशो राइतक। ८ वाइलपुकीमी आंइ कली  
 हुकुम पाइनीम। आंइ कली मेको आन गुइ रे पा  
 पुरांइब सुइ मबाक्नीम। ९ गोपुकीमी आंइ जचा  
 थोत्रक बेक्चा डा गोरशो रागीम लशा, चाक्चा  
 माल्नीकी। १० गो शोत्रलु बेक्तीक आंइ कुशुल  
 चुप्नु खोंदशो पा होश दुम्त। ११ सियोनम मीश  
 मुर आन कली बिथोलो पाइनीम। यहूदा सहरम  
 कन्न मीश आल आन कली बिथोलो पाइनीम।

१२ मेकोपुकीमी सासन पाइब आन कली क्युक्शा  
 साइक्तेकम। खाल्पा आन कली मान मपामे।  
 २ राजा २५ : १९-२१ १३ ठिटापुकीमी श्येत पा यात  
 हिल्वा माल्नीम। वोंइश आलपुकीमी शी कुरशा  
 गोल्वा चिक्शा गाक्नीम। १४ खाल्पापुकी  
 सहर डा ठेयब लाप्चोमी गरुम्शा बाक्चा  
 पुरांइतेकम। मिनू ठिटापुकीमी बाजा ताप्चा  
 पुरांइतेकम। १५ आंइ थुं रे पा ग्येरशा बाक्तीक  
 जांम्त। गो आंइ सिल पतीक नेल्ल रोंका पतीक  
 दुम्त। १६ सिरपेच आंइ पिया रे दोक्त। आबी, गो  
 पाप पाइतक। येरमीया १३ : १८, १७ मोपतीक आंइ  
 थुं खाइक्ते। मिनू आंइ मिक्च ब्रा ब्रा दुम्त।  
 १८ सियोन डांडाम श्येत दुम्त। मेको सिवार  
 आन बाक्तीक दुम्त। १९ तन्न गे, परमपरभु  
 यावे गेना हना यो सासन पाइनीनी। इन सासन  
 पतीक नेल्ल पाला सम्म लीब। २० गे मारदे  
 आंइ कली परंदीनी ? गे मारदे आंइ कली इश डा  
 नाक्त सम्म पुरांइनी ? २१ परमपरभु यावे, आंइ  
 कली इन गे लेप्पाइक्की। मिनू गो थमा पा इन  
 गे लेत्नीकी। आंइ नाक्त डांइती डा खोंदशो  
 सेलीन। मजन संगरह १२६ : २२ गे आंइ कली  
 थमा पा मपुरांइशो बाक्तीनी हना नु आंइ तशा  
 शुश मगाइशो बाक्तीनी हना, मोदंशो दुम्त”  
 दे पुंइतक।

## इजीकीएल

बरकब मुर: साइ रे एको किताब इजीकीएल आ बरकशा बाकब देनीम।

गना बरकशा : ६२० रे ६०० बि. सी. आस दातेम बरकशा बाकब।

मार बरकशा :

१. परमपरभुमी यरूसलेम खतम दुम्चा क्यडा डाईती लोत्र पशो इजीकीएल १ :- २४ :-

२. परमपरभुमी यरूसलेम आ नकथा डा रागी आन पर्वम लोत्र पशो इजीकीएल २५ :- ३२ :-

३. परमपरभुमी यरूसलेम खतम दुम नोल लेम्शा लोत्र पशो इजीकीएल ३३ :- ४८ :-

इजीकीएलम छेडछेड तशो

इजीकीएल १० :-

१ मिनू ३० बर्स डा ४ महिना डा ५ नाक्ती ग्याइश्शा लाइक्चा पुंडसीशोपुकी नु गो केबार सोला आ नकथा बाकशा नड। मिनू मना सरीड रोक्साक्व। मिनू गो परमपरभु आ काइशो तातामी। इजीकीएल १ :३ ; इजीकीएल ३ :२३ ; इजीकीएल १० :१५,२०,२२ ; इजीकीएल ४३ :३ २मको महिना डा ५ नाक्ती पिप यहो-याकीन ग्याइश्शा लाइक्चा पुंडसीशो ५ बर्स दुम्शो बाक्त। २राजा २४ :१५ ३मिनू परमपरभु यावमी बूजी आ तो चदब इजीकीएल, आ कली लोत्र पाप्तु। मना गो कल्दी आन रागी, केबार सोला आ नकथाम बाक्ती। मना परमपरभु यावमी आ कली थिती। इजीकीएल ३ :२२-२३ ; इजीकीएल ८ :१ ; इजीकीएल ३३ :२२ ; इजीकीएल ३७ :१ ; इजीकीएल ४० :१

४ मिनू गो कोत्रडुनु, उत्तर रे फश गिवार यिशो ताता। ठयब छेडछेड पाइश्शा गोस्स ताता। मेको आ दाते रे चिला दाप्शो सोदंशो पा आ एर आंथ नल्ल छेडछेड दुम्शो बाक्त। मिनू चिला सोदंशो पा एर आंथ दोरत। मिनू मेको मी आगा रे कांसा सोदंशो जिल जिल पा बरशो तांडसाक्व। परकाश ४ :- ५ मिनू मेको आ दातेमी ४ ओटा सोक्त पाइश्शापुकी तांडसाक्व। मेको मार सोदंशो तांडसाक्व देशा हना, ६मको आन के ४, ४ ओटा कुल नु ४, ४ ओटा फरां बाक्तेक्व। ७मको आन सोइल दिंसीशो बाक्तेक्व। बाछा आन गंच सोदंशो बाक्तेक्व। मेको आन सोइल सुइश्शा कांसा सोदंशो पा टल्केशो बाक्तेक्व। ८मको आन फरां आगा एर आंथ नल्ल मुर

आन गुइ सोदंशो बाक्तेक्व। मेको ४ ओटा सोक्त पाइश्शा आन कुल नु आन फरां दोदंशो बाक्तेक्व देशा हना, ९मको आन फरां थिमुशो बाक्तेक्व। मेकोपुकी तेइ लमानु डाईती गे पा गाक्बाक्तेक्व। आन कुल एर आंथ महिरथु ग्येत्थ गाक्बाक्तेक्व। १०मको आन कुल दोदंशो बाक्तेक्व देशा हना, मेको नल्ल का का पा ४ ओटा कुल बाक्तेक्व। डाईती डा कुल मुर आ कुल सोदंशो बाक्त। आ ग्युरा गे डा कुल गुप्स आ कुल सोदंशो बाक्त। परा गे डा कुल व्यफ के सोदंशो बाक्त। मिनू आन नोल गे डा कुल ककाकुली के सोदंशो बाक्त। ११मको आन कुल मोदंशो बाक्तेक्व। मेको आन फरां इर गे पराकशा बाक्तेक्व। मेको आन फरां निकशीमी अर्का आन फरांम थिमुशो बाक्तेक्व। मिनू फरां निकशीमी आन आन रां सुम्सीशो बाक्तेक्व। १२मको नल्ल ग्येत्थ डाईती गे गाक्बाक्तेक्व। सोक्त ते ते लेम, मेक मेक लाइबाक्तेक्व। मेको आन कुल महिरथु गाक्बाक्तेक्व। १३मको सोक्त पाइश्शा आन दातेमी बरशो कोइला सोदंशो बाक्त। मेको एर आंथ गाक्शा तोत्रशी सोदंशो तांडसीबाक्त। मेको मी थम छेडछेड पा बरशो बाक्त। मिनू मेको रे चिला दाप्वाक्त। १४मको सोक्त पाइश्शापुकी चिला आप्शो सोदंशो पा एर आंथ बरबाक्तेक्व।

१५ मिनू गो मेको सोक्त पाइश्शापुकी कोत्रडुनु, मेको ४ ओटा सोक्त पाइश्शा आन नकथा खपीम गुगील तातामी। मेको नल्ल आन गुगील का का बाक्त। १६मको गुगील दोदंशो बाक्तेक्व देशा हना, मेको जिल जिल पाइब पीत मनी माइश्शा हीरा सोदंशो बाक्तेक्व। मेको गुगील आगाम अर्का गुगील बाक्तेक्व। १७मकोपुकी गाक्मानु, तेइ महिरथु गाक्बाक्तेक्व। मेको सोक्त ते ते गाक्म, मेको गुगील मेक मेक गाक्बाक्तेक्व। १८मको गुगील लाइश्शा नु हिंचा डा बाक्तेक्व। मिनू मेको कली कोत्रडुनु, नल्ल मिक्ची मिक्च पाइश्शा बाक्तेक्व। १९ मिनू मेको सोक्त पाइश्शापुकी गाक्मानु, मेको ग्येत्थ क्युक्सीमानु, मेको गुगील यो ग्येत्थ क्युक्सीबाक्तेक्व। २० मिनू सोक्त ते ते गाक्म, मेको सोक्त पाइश्शापुकी यो मेक मेक गाक्बाक्तेक्व। मिनू मेको गुगील मेकोपुकी नु बोक्बाक्तेक्व। मारद हना मेको सोक्त पाइश्शा आन सोक्त मेको गुगीलम बाक्त। २१मको सोक्त पाइश्शापुकी गाक्मानु, मेकोपुकी यो गाक्बाक्तेक्व। मेको दिक्मानु, मेकोपुकी यो

दिक्वाक्तेक्म। मेको रागी रे क्युक्समानु, मेको गुगील क्युक्सीबाक्तेक्म। मारदे हना मेको सोक्त पाइश्शो आन सोक्त मेको गुगीलम बाक्त।

२२ मेको सोक्त पाइश्शो आन पिया इर गे जिल जिल सिसा खोदंशो बाक्तीक बाक्त। २३ मेको बाक्तीक आ दी गे आन फरां हाम्शो बाक्तेक्म। मेकोपुकी थिमुशो बाक्तेक्म। मेको सोक्त पाइश्शो आन फरां निक्शोम आन रां सुम्शो बाक्तेक्म। २४ मेको गाक्मानु, गो मेको आन फरां आन रयक, ठेयब समुन्दर आ रयक खोदंशो नेता। मेको रयक नेल्ल क्यंडा सक्ति पाइश्शो बुंबु पाइब नु लडाइ पाइब आन गरांग्य माग्य पोक्शो रयक खोदंशो नेता। मेको सोक्त पाइश्शोपुकी राम्मानु, आन फरां लुक्च तोक्बाक्तेक्म। २५ मेको आन फरां लुक्च तोक्शा दिक्मानु, मेको आन पिया इर गे बाक्तीक रे संदा का गरूत। मेको सोक्त पाइश्शोपुकी राम्मानु, आन फरां लुक्च तोक्बाक्तेक्म।

२६ मेको आन पिया इर गे बाक्तीकमी ठेयब निक्तीक का खोदंशो बाक्त। मेको कोव्रडुनु नीर हीरा खोदंशो तांडसाक्व। मिनु मेको ठेयब निक्तीकम निष्व आ रां मुर आ खोदंशो बाक्त। परस्थान २४ : १० ; परकाश ४ : २-३ ; यसैया ६ : १ २७ मिनु मेको आ करातो डा ग्येत्थ बरशां जिलजिल पाइश्शो कांसा चुप्तुम बरशां मी खोदंशो ताता। आ करातो डा लुक्चु मी खोदंशो पा बरशा शुश छेड्छेड् बाक्त। २६ रेड थिमनु, गोस्सुम वाक्श दाप्शो खोदंशो पा, मेको आ एर आंथ नेल्ल छेड्छेड् बाक्त। मेको परमपरभु याव आ छेड्छेड् बाक्त। मिनु गो मेको तशा, सुम्की पा बाप्ती। मिनु मुर व्याक्शो खोदंशो संदा नेता। इजीकीएल ३ : २३ ; इजीकीएल ८ : ४ ; इजीकीएल १ : ३ ; इजीकीएल १० : ४, १८ ; इजीकीएल ११ : २३ ; इजीकीएल ४३ : ४ ; इजीकीएल ४४ : ४

### इजीकीएल कली बरेशा

१ मिनु मेकोमी आं कली “ए मुर, बोक्शा रपो। २ मिनु गो गे नु लोत्र पाइनुड” दंत। २ मिनु आं कली लोत्र पवानु, परमपरभु याव आ सोक्त आं आगाम ओव्रशा, आं कली राप्पाइक्ती। मिनु आं कली लोत्र पशां नेता। ३ मिनु मेकोमी आं कली “ए मुर, गो इ कली इसराएल जात डा मुर आन बाक्तीक सोइक्नन। मटीब रागी डा मुर आन बाक्तीक सोइक्नन। मेकोपुकीम आं कली मटिशो बाक्नीम। मेको आन किकी पिपी नु मेकोपुकीम मुल सम्म हेंथ पा आं कली मटिशो

बाक्नीम। ४ मेको आन चच युइ आं कली मटीब नु खकटा थुं पाइश्शो बाक्नीम। गो इ कली मेको आन बाक्तीक सोइक्नन। मिनु गे मेको आन कली “परमपरभु, परमपरभु यावमी इन कली लोत्र पाइब” दंत। ५ मेकोपुकीम नेन्मेक्ल कि मनेन्मेक्ल, मेकोपुकी नु लोत्र पावो। मारदे हना मेको मटीब आन सिं डा मुर बाक्नीम। मिनु मेको आन दातम परमपरभु याव आ लोत्र पाइब मुर का बाक्माक्त, दे तुइक्नीम। इजीकीएल २ : १७ ; इजीकीएल ५ : ११, २७ ६ मिनु गे मेकोपुकी नु मेको आन लोत्र नंशा महिनो। गे इ एर आंथ चू नु चोक बाक्तेक्म नु गे बिच्छो आन दातम बाक्ते हना यो, महिनो। मेकोपुकीम मार दंतक्म हना यो, मेको आन लोत्र क्यंडा महिनो। मेको आन कोव्रशोम ग्येत्थ लुक्च मदुमो। मारदे हना मेको मटीब आन सिं डा मुर बाक्नीम। येरमीया १ : ८ ७ गे मेको आन कली आं लोत्र पचा माल्नेव। मेकोपुकीम नेन्मेक्ल कि मनेन्मेक्ल। मारदे हना मेकोपुकी मटीब आन सिं डा मुर बाक्नीम।

८ तन्न गे आं लोत्र नेनो। गे मेको मटीब आन सिं डा मुर खोदंशो मदुमो। इ शोत्र पाक्को। मिनु गो मार गेना, मेको जावो” दंत। ९ मिनु गो कोव्रडुनु, गुइ का आं गे दिंशो ताता। मेकेर बरक्शा ओल्शो कागज का बाक्त। परकाश १० : ८ १० मिनु मेकोम, मेको आं डांइती पराक्शा कांइताक्यी। मेको आ डांइती नु नोले, निम्फा पट्टी बरक्शा बाक्त। मेकेर हिशक पतीक, रांका पतीक नु आबी आबी, दे हिंतीक लोत्र बरक्शा बाक्त।

### इजीकीएलमी कागज जशा

१ मिनु मेकोमी आं कली “ए मुर, मेको इ डांइती ३ बाक्शा ओल्शो कागज जावो। मिनु लशा इसराएल आ सिं डा मुर आन कली लोत्र पावो” दंत। येरमीया १५ : १६ ; येरमीया १ : ९ ; परकाश १० : ९-११ २ मोपतीक गो आं शोत्र पाक्ता। मिनु मेकोमी मेको ओल्शो कागज आं कली जचा गती। ३ मिनु मेकोमी आं कली “ए मुर, आं गेशो ओल्शो कागज जावो। मिनु इ कोव्रज पिरंदो” दंत। मोपतीक गो मेको जाता। मिनु मेको आं शोत्रम खुदो खोदंशो पा जिज दुम्त। भजन संगरह ११९ : १०३

४ मिनु मेकोमी आं कली “ए मुर, इसराएली आन सिं लावो। मिनु मेको आन कली आं देशो लोत्र नेल्ल नंपाइक्मी। ५ मारदे हना गो इ कली मतुइक्चा डा नु मरुप्चा डा लोत्र व्याक्व मुर

आन बाक्तीक मसोइकतन। तन्न इसराएली आन सिं डा मुर आन बाक्तीक सोइक्तावन। ६गो इ कली मतुइक्का डा नु मरुप्चा डा लोत्र ब्याक्ब मुर आन दातेमी, मरुप्ब लोत्र पाइब मुर आन बाक्तीक मसोइकतन। गो इ कली मोदंशो मुर आन बाक्तीक साइश्शो नड हना, मेकोपुकीम इ लोत्र ननेम वा। ७तन्न इसराएली आन सिं डा मुरम् इ लोत्र मननीम। मारदे हना मेकोपुकीम आं लोत्र नंचा मदाक्नीम। इसराएली आन सिं डा मुर नेल्ले काइ मटीब नु खकटा थुं पाइश्शो बाक्नीम। ८गो इ कुल मेको आन कुल क्यडा बोल्यो सेल्ला। इ थुं मेको आन थुं क्यडा बोल्यो सेल्ला। यसैया ५० :७ ; येरमीया १ :१८ १गो इ थुं बोल्यो फुल्लु क्यडा बोल्यो चकमक खोदंशो सेल्ला। गे मेको आन क्यडा महिनो। मेको आन कोव्रशोम ग्येत्थ लुक्च मदुमो। मारदे हना मेको मटीब आन सिं डा मुर बाक्नीम” दंत। १०मिनु मेकोम आं कली “ए मुर, गो इ कली दंशो लोत्र नेल्ल इ थुंम वातो। मिनु ननो। ११मिनु मेको ग्याइश्शा लाइक्का पुंडसीशा इ मुर आन बाक्तीक लावो। मिनु मेको आन कली लोत्र पावो। “परमपरभु यावेमी इन कली लोत्र पाप्नु’ दनो। मेकोपुकीम ननेन्मक्ल कि मनेन्मक्ल” दंत। इजीकीएल २ :५,७

इजीकीएल खाल पाइब दुम्शो

इजीकीएल ३३ :१-९

१२मिनु परमपरभु यावे आ सोक्तीम आं कली इर क्युक्ती। मिनु गो “परमपरभु यावे आ छुडछुड ठेयब बाक्ब” दंशो नंता। मिनु गो आं नोले गे ठेयब रयक पशो नंता। इजीकीएल १ :२८ १३मेको रयक सोक्त पाइश्शो आन फरां थिमुशो रयक मेको आन नेक्था डा गुगील र गुरूशो रयक नु खिरनु कुशो रयक बाक्त। १४मिनु सोक्तीम आं कली क्युक्था लाइक्ती। मिनु गो कशो थुं दुम्शा, गाइश्शा लती। मेना परमपरभु यावे आ बोल्यो गुडम आं कली दिप्ती। १५मिनु गो मेको केबार खोला आ नेक्था बाक्ब रागो र ग्याइश्शा लाइक्का पुंडसीशा आन बाक्तीक तेल-अबीब सहरम जाक्ती। मिनु गो ७ नाक्ती सम्म मेको आन दातेम बिरथरी बाक्ती।

१६मिनु ७ नाक्त नोले परमपरभु यावेमी आं कली लोत्र पाप्नु। १७मार लोत्र पाप्नु दंशा हना “ए मुर, गो इ कली इसराएली आन सिं डा मुर आन कली खाल पाइब सेल्लन। गे आं दंशो लोत्र नंतीवी हना, मेको आन कली आं लोत्र र

पा हिंच कांडीमी। इजीकीएल ३३ :७ ; यसैया ५२ :८ ; हिवरू १३ :१७ १८ मिनु गो आं अरेशो लोत्र मटीब मुर का कली गे थमा पा इ मटितीक आ पर्वम बेक्नवे’ दे माइक्नुड। मिनु गे मेको कली बरोइचा कली हिंच मकांडताक्वी हना, मेको आं अरेशो मटीब आ मरिम्शा पशो आ पर्वम बेक्ब। मेको मुर आ हुश आ क्यक्क इ र पा ताक्नुड। इजीकीएल १४ :१० ११तन्न गे मेको आं अरेशो लोत्र मटीब मुर कली हिंच कांडताक्वी हना, नु मेको मुर आं अरेशो लोत्र मपतीक रे मलत हना, मेको आं अरेशो मटिशो नु आ मरिम्शा पशो आ पर्वम बेक्ब। तन्न गे बरोइनेवे। २०मिनु ठीक पाइब मुर काम आ ठीक पतीकर लेश्शा मरिम्शा पाप्नु हना, गो मेको आ डांडती दाइल पाइक्तीक फुल्लु वाइक्ता हना, मेको बेक्ब। गे मेको कली हिंच मकांडतीक, मेको आ पापम पतीक बेक्ब। मेको आ डांडती ठीक पशो मारदे ममिम्सीब। मिनु गो मेको आ हुश आ क्यक्क इ र पा ताक्नुड। इजीकीएल १८ :२४ २१तन्न गे मेको ठीक पाइब मुर कली “पाप मपावो” दे हिंच कांडताक्वी हना नु मेकोमी पाप मपाप्नु हना, मेको थमा पा बरोइब। मारदे हना मेकोम हिंच कांडशो टिशो बाक्ब। मिनु गे बरोइनेवे” दंत।

२२मेना परमपरभु यावे आ गुडम आं कली थिती। मेकोमी आं कली “बाक्को, बेसीम लावो। मिनु गो मेकर गे नु लोत्र पाइनुड” दंत। इजीकीएल १ :३ २३मोपतीक गो बाक्था बेसीम लती। मिनु गो केबार खोला आ नेक्थाम तशो परमपरभु यावे आ छुडछुड मेकर यो बाक्त। मिनु गो खुम्की पा बाप्ती। इजीकीएल १ :२८ २९मिनु सोक्त आं थुंम आव्रत। मिनु मेकोम आं कली राप्पाइक्ती। मिनु आं कली लोत्र पा “लावो, इ सिं लशा, लाप्चो चोक्था बाक्को। इजीकीएल २ :२ २५ए मुर, मेकोपुकीम इ कली डोरीम फरनीम। मिनु गे फरंचा पुंडसीशा, मुर आन दातेम लचा मताइनेवे। २६मिनु गो इ लें इ कुकुम खोक्पाइक्नुड। मिनु गे मब्याक्ब दुम्शा, मेको आन कली हुइक्न मचानेवे। मारदे हना मेकोपुकी मटीब आन सिं डा मुर बाक्नीम। २७तन्न गो, गे नु लोत्र पडानु, इ कली ब्याक्न चाप्ब सेल्लन। मिनु गे मेको आन कली “परमपरभु, परमपरभु यावेमी इन कली लोत्र पाइब। नने दाक्बम नेन्मक्ल। नने मदाक्बमी मनेन्मक्ल” दनो। मारदे हना मेकोपुकी मटीब मुर आन सिं डा मुर बाक्नीम” दंत।

यरूसलेम आ पर्वम लोत्र

४ मिनु परमपरभु यावेमी “ए मुर, गे इंटा का चाक्शा इ डांइती वोतो। मिनु मेको तारी यरूसलेम सहर आ नकसा सलो। २ मिनु मेको कली पुम्शो कांडो। मेको आ एर आंथ लडाइ पचा कली लाइश्शो खिं सलो। मिनु मेको आ गारो डोइक्चा कली खप तेला। एर आंथ लडाइ पाइब आन बाक्तीक सलो। मिनु आ एर आंथ मेको गारो परत्वा कली मुडा ठीक सलो। ३ मिनु नोले फलाम के ग्यांब का चाक्शा, सहर नु इ दातेम फलाम के गारो सोदंशो पा वोतो। मिनु गे सहर गे कोव्रडो। मिनु मेको सहर कली पुम्शो सेल्शा कांडो। शुश पुम्शो कांडो। मेको इसराएली आन खिं डा मुर आन कली चिन्ड का दुम्ब।

४ मिनु नोले गे पेरा गे हिरशा इपो। मिनु इसराएली आन खिं डा मुर आन सजाइ ततीक इ तार वोतो। गे गिश नाक्ती सम्म मेको गे हिरशा बाक्नेवे, मिश नाक्ती सम्म मेको आन सजाइ ततीक कुरचा माल्नेवे। ५ मारदे हना गो इ कली गिश नाक्ती मोपा बाक्चा माल्नेवे, मेको देंनुड। मेको सहे सां ९० नाक्ती दुम्चा माल्बे। नाक्ती का के बर्स का बाक्बे। मोपा गे इसराएली आन खिं डा मुर आन सजाइ कुरचा माल्नेवे। ६ मिनु मेको नाक्ती नेल्ल नुम नोले, लंशा ग्युरा गे हिरशा इपो। मिनु मेना यहदा आ खिं डा मुर आन सजाइ कुरचा माल्नेवे। मिनु मेको आ पर्वम गो इ कली ४० नाक्ती बाक्पाइक्नुड। नाक्ती का के बर्स का बाक्बे। ७ मिनु गे पुम्शो यरूसलेम गे कोव्रशा, इ गुइ डा वा तिल्शा, मेको सहर आ पर्वम नोले दुम्तीक लोत्र पावो। ८ कोव्रडो, गो इ कली डोरीम फरंशा वोइक्नन। मोपा गे एको पुम्तीक नाक्ती नुप्चा क्येडा डांइती एर आंथ लोकसीन मचाप्नेवे।

९ मिनु मेको चेरब, क्योव्रज, सिबी, दाल, चिरस नु उवा चाक्शा ग्यांब काम कुर पा इ कली शोब्ले चांडिसो। गे मेको सहे सां ९० नाक्ती सम्म मलोक्सीथु बाक्डेनु, मेको जचा माल्नेवे। १० इ नाक्ती डा जचा थोत्रक नाक्शा २० शेकल डा दुम्चा माल्बे। गे गेना हना यो गो देंडा ना जचा माल्नेवे। शेकल का ११.५ गराम चांदी के क्येट बाक्बे। ११ गे त्चा कली ब्याक्कु यो पुक्चा माल्नेवे। हिन का ६ भाग डा भाग का त्चा माल्नेवे। मेको गेना त्चा माल्नेवे, इ कली देंनुड। हिन का ४ लिटर सोदंशो बाक्बे। १२ गे

क्योव्रज के बटुक सोदंशो सेल्शा जावो। गे मुर आन डांइती मुर आन खरी चोशा, मेको चोचा माल्नेवे” दंत। १३ मिनु परमपरभु यावेमी “मोपा इसराएल डा मुर आन शोब्ले जचा माल्नीम। गो मेको आन कली रागी रागी डा मुर आन बाक्तीक खेरनुडमी। मेको आन दातेम मोदंशो गरांगरा दिशो शोब्ले जचा माल्नीम” दंत। हास ९ :३ १४ मिनु गो “परमपरभु, परमपरभु यावे, गो आल रेन मोदंशो गरांगरा दिशो मदुम्शो नड। गो गेनायो आंमा बक्शो नु ब्याकी डा जन्तुम साइश्शो श्ये मब्बड। गरांगरा दिशो गेनायो मजड” दंती। परस्थान २२ :३० ; पररित १० :१४ १५ मिनु मेकोम आं कली “दुम्ब, गो इ कली मुर आन खरी आ पा डा, इ शोब्ले चोचा कली गोवर गेनुड” दंत।

१६ मिनु मेकोमी आं कली “ए मुर, गो यरूसलेम रे अन्न तेक्नुड। मेकोपुकीम हिंशा शोब्ले नाक्ना नाक्न जाइनीम। मिनु पुक्ना पुक्न सुर्तो पन पन ब्याक्कु तनीम। इजीकीएल ५ :१६ ; लवी २६ :२६ १० मेकोपुकीम शोब्ले नु ब्याक्कु मताइनीम। मुर काम अर्का कली तवानु गरीचोक पा हिंनीम। मिनु मेकोपुकी सजाइ ततीक सोव्रना सोव्रन लाइनीम” दंत।

यरूसलेमम सजाइ तशो

५ मिनु मेकोमी “ए मुर, हेश्शो तरवार का शवा। मिनु मेकोम चां परक्बे आन छुरा सोदंशो पा इ चां नु इ गत शोकर परक्को। मिनु मेको नाक्चा कली नाक्तीक चाक्को। मिनु मेको चां आन कली भाग सां पा योक्को। २ मिनु मेको चां के भाग का सहर पुम्चा नुप्ची ना सहरम चोवो। मिनु अर्का भाग तरवारम सहर आ एर आंथ फरावो। मिनु नोले डा भाग फशम बेरपतो। मारदे हना गो मेको आन कली तरवारम खेदा पाइनुडमी। इजीकीएल ५ :२ ३ तन्न गे मेको चां इच्का इ वाम तोल्शा वोइक्मी। ४ मिनु मेको रे यो इच्का गरुइशा मीम चोवो। मेको रे पा इसराएल डा खिं नेल्लेम मी का बरशा गरुब” दंत।

५ मिनु परमपरभु यावेमी “यरूसलेम एको बाक्बे। गो मेको कली रागी रागी आन दातेम वोइक्ता। मेको आ एर आंथ नेल्ल रागी बाक्नीम। ६ तन्न मेकोम आं निसाफ पतीक लोत्र नु आं फुल्लुम मुशा बरक्शो लोत्र मटीव। आ एर आंथ बाक्शो रागी रागी नु जात जात डा मुर आन क्येडा यो आं निसाफ पतीक लोत्र नु

आं फुल्लुम मुशा बरकशो लोत्र मटीब बाक्व”  
 दंत । ७ मोपतीक परमपरभु यावमी “ग इ एर आंथ  
 रागी रागी डा मुर आन क्येडा मरिम्शा पाइब  
 बाक्नेव । ग आं फुल्लुम मुशा बरकशो लोत्र नु  
 आं निसाफ पतीक लोत्र मेको आन क्येडा मटीब  
 बाक्नेव । तन्न इ एर आंथ डा मुर आ निसाफ  
 पतीक लोत्र पाइनेव । ८ गो इ कली आंमा सजाइ  
 गेनुड । गो रागी रागी डा मुर आन डांइती इ  
 कली निसाफ पाइनुड । ९ गो इ गरांगरा दिशा मूर्ति  
 आन कली पूजा पतीक गो इ कली डांइती गेनायो  
 मगेशो सजाइ गेनन । मिनु नोले मोदेशो सजाइ  
 मगेनन । १० थमा पा, इ दातेमी आम आफोम आन  
 आल आन कली ब्याइनीम । मिनु आलम यो आन  
 आंम आफ आन कली ब्याइनीम । गो इ कली  
 सजाइ गेनन । मिनु इ लीशो मुर आन कली फशम  
 एर आंथ बेरपाइक्नुडमी । व्यवस्था २८ : २३-  
 २५ ११ मोपतीक परमपरभु, परमपरभु यावमी  
 गो बरांइशा बाक्शो खोदेशो पा, मो पाइनुड ।  
 मारदे हना इ मूर्ति नु इ गरांगरा दिशा गेयम आं  
 बाक्तीक गरांगरा दिशा सेल्लतीक, गो इ कली  
 खतम सेल्लुड । गो इ कली शिशी मपथु सुइ  
 आन कली बरांइचा मगेनुड । इजीकीएल ७ : ४ ;  
 इजीकीएल ८ : ७-१८ १२ इ दातेमी, भाग सांम भाग  
 का मुर बक्तीक रोइम नु अन्कालम बक्नीम ।  
 मिनु अर्का भाग तरवारम बक्नीम । मिनु नोले डा  
 भाग फशम ते ते फराइनुडमी । मिनु गो मेको आन  
 कली तरवारम खेदा पाइनुडमी । इजीकीएल ५ : २

१३ मिनु गो गाइक्ना गाइक्न, मेको आन कली  
 आं चुरशा कांइशा, आं थुं नाइक्पाइक्नुड । मिनु  
 गो, परमपरभु यावमी आं रुश पतीकमी मेको  
 आन कली लोत्र पाता, दे तुइक्नीम । इजीकीएल  
 १६ : ४२ १४ गो इ कली श्येत्य सेल्लुड । गे रागी  
 रागी डा मुर आन दातेम नु इ नेक्था र पा लाइब  
 नेल्ल आन डांइती इ कली शुक्शी पाइक्चा  
 पुंइसीब सेल्लन । व्यवस्था २८ : ३७ ; येरमीया  
 २४ : ९ १५ गो आं गाइक्तीक नु चुरतीकम इ  
 कली निसाफ पाइनुड । मिनु गे शुक्शी पाइक्चा  
 पुंइसीतीके, मुने दोक्तीके नु हिंच कांइतीके नु  
 शुश हिंचा डा दुम्नेव । गो परमपरभु यावमी,  
 एको लोत्र देती । १६ मिनु गो इ कली साइक्ब  
 अन्काल नु खतम दुम्तीके बरा खोदेशो पा  
 सोइक्नुड, साइक्ब नु खतम दुम्तीके चाक्नुड ।  
 मिनु मेको क्येडा अन्काल दुम्पाइक्नुड । गो  
 इ अन्न नेल्ल तेक्शा, व्यवस्था ३२ : २३-२४ ;  
 इजीकीएल ४ : १६ १७ गो इ दातेमी अन्काल

नु ब्याकी डा जन्तुपुकी सोइक्ताक्ड हना,  
 मेकोपुकीम इ आल रोइक्नीम । इ दातेम मुर  
 बक्तीक रोइ नु हुश खराक्श पोक्तीक दुम्शा  
 बाक्ब । मिनु गो इ कली तरवारम साइक्नुड” गो  
 परमपरभु यावमी, एको देती” दंत ।

इसराएली आन थान खतम सेल्लशो

१ मिनु परमपरभु यावमी आं कली लोत्र पाप्नु ।  
 २ मार लोत्र पाप्नु देशा हना “ए मुर, ग  
 इसराएल डा पहाड ग कोत्रशा, मेको आन पर्वम  
 नोले दुम्ब लोत्र पावो । इजीकीएल ३६ : १ ; मीका  
 ६ : १ ३ गे “ए इसराएल डा पहाड परमपरभु,  
 परमपरभु याव आ लोत्र नेनीन । पहाड नु डांडा  
 खोल्सा नु बेसी आन कली परमपरभु यावमी,  
 गो इन तार तरवार का चाक्नुड । मिनु गो इन  
 डांडा डा थान आन कली खतम पोक्नुडमी ।  
 ४ इन थान श्येत्य दुम्नीम । मिनु इन धूप चोतीक  
 बरोल्नीम । मिनु गो इन साइशो मुर आन  
 कली आन मूर्ति आन डांइती ताइक्नुडमी । लेवी  
 २६ : ३० ५ गो इसराएल डा मुर आन बक्शो  
 रां मेको आन मूर्ति आन डांइती वोइक्नुड ।  
 मिनु इन रुश इन चढ़ेतीक आन डांइती एर  
 आंथ फराइनुडमी । २ राजा २३ : २४ ६ गेपुकी ते  
 बाक्तीनी हना यो, इन सहर श्येत्य दुम्नीम ।  
 इन डांडा डा थान नेल्ल खतम दुम्नीम । मोपा  
 इन चढ़ेतीक श्येत्य दुम्शा नु इन मूर्ति बरोल्शा  
 खतम दुम्नीम । इन धूप चोतीक जिक्नीम नु इन  
 गेय जाम्शा लाइब । ७ इन दातेमी मुर साइक्चा  
 पुंइसीशा गोल्नीम । मिनु गेपुकीमी गो परमपरभु  
 याव नड, दे तुइक्नीनी ।

८ तन्न गो ग इन दाते डा का निकशी आन  
 कली बरांइचा गेनुडमी । रागी रागी आन दाते  
 डा का निकशी साइक्चा मपुंइसीनीम । मेकोपुकी  
 रागी रागीम बरशा लाइनीम । यसैया ६ : १३  
 ९ मिनु मोदेशो रागी रागीम बरांइशा लीशोपुकी  
 ग्याइशशा लाइक्चा पुंइसीशो रागीम आं कली  
 मिम्नीम । मिनु मेकोपुकीम आन दला दाक्स  
 पशा, आं रे दिल्शा लशा, आन मूर्ति आन  
 नोले खोइक्नीम । मेको आन पशो मरिम्शा नु  
 गरांगरा दिशा गेयम आंमा मुने दोक्नीम । १० मिनु  
 मेकोपुकीम गो परमपरभु याव नड, दे तुइक्नीम”  
 देंचा माल्लेव । गो मेको आन कली मोदेशो श्येत  
 मोशा मगेडमी” दंत ।

११ मिनु परमपरभु, परमपरभु यावमी “इन गुइ  
 पोक्नीन । मिनु इन खोइल थाइक्तीन । इसराएल  
 आ खिं डा मुर आन गरांगरा दिशा गेय आ पर्वम

‘आबी आबी’ देनीन । मारदे हना मेकोपुकी तरवार, अन्काल नु मुर बेक्तीक रोइम बेक्नीम । १२ मेको डान बाक्वपुकी मुर बेक्तीक रोइम बेक्नीम । मिनु मेको आन नक्था बाक्वपुकी तरवारम साइक्चा पुंडसीनीम । मिनु लीशो परांडचा पुंडसीशोपुकी अन्कालम बेक्नीम । मोपा गो आं गाइश्शो मेको आन तार माइक्नुड । १३ मेको आन साइश्शो मुर आन मूर्ति आन दाते आन चढ्तीक आन एर आंथ बाक्नीम । नेल्ल डांडा डा थानम, नेल्ल पहाडम, नेल्ल रवा आन पुम, शुश गिग रवा आन पुंम, नु मूर्ति आन कली धूप चातीक नेल्लम मोदंशो बाक्व । १४ राजा १४ : २३ १४ गो आं गुइ मेको आन पर्वम क्युक्नुड । मिनु आन रागी र श्येत्थ नु मुर मबाक्तीक सेल्लुड । मेको गोरशो रागी र रिब्ना सम्म मोदंशो पाइनुड । मेना मेकोपुकीमी गो परमपरभु यावे नड, दे तुइक्नीम” दंत । २ राजा २५ : २१

इस्राएल आ खतम दुस्तीक जाक्व

७ १ मिनु परमपरभु यावेमी आं कली लोत्र पाप्तु । २ मार लोत्र पाप्तु दंशा हना “ए मुर, परमपरभु यावेमी इस्राएल रागी कली मार देब दंशा हना ‘रागी नुप्तीक, एर आंथ डा सुर नेल्लम जाक्व । ३ मुल गे नुनवे । गो इ कली तशा गाइक्ताक्ड । गो इ पशो खोदंशो पा इ कली निसाफ पाइक्नुड । गो इ कली इ मूर्ति पूजा पशो आन पर्वम सजाइ गेनुड । ४ गो इ कली शिशी मपथु, सुइ आन कली बरांडचा मगेनुड । गो इ कली इ गय आ पर्वम नु इ मूर्ति पूजा आ पर्वम सजाइ गेनुड । मिनु गे, गो परमपरभु यावे नड, दे तुइक्नेव” दंत । इजीकीएल ५ : ११ ; इजीकीएल ८ : १८ ; इजीकीएल ९ : १० ५ परमपरभु, परमपरभु यावेमी “हिंचा डा श्येत, आ तार हिंचा डा श्येत दुम्ब । कोत्रडा, मेको जाक्व । ६ नुप्तीक नाक्ती जाक्व । मेको इन पर्वम बोक्शा जाक्व । ७ गे रागीम बाक्व इन खतम दुस्तीक जाक्व । नुप्तीक नाक्ती जाक्शा, इन नक्था बाक्व । डांडापुकीम कुम्सो पतीके ममाइ, गरांग्ये माग्ये दुम्शो बाक्व । ८ मुल गो रीव पा गाइक्नुड । मिनु आं चुरशो इ तार मोइक्नुड । गो इ पशो खोदंशो पा इ कली निसाफ पाइनुड । मिनु इ मूर्ति पूजा पशो नेल्ल आन पर्वम सजाइ गेनन । ९ गो इ कली शिशी मपथु, सुइ आन कली बरांडचा मगेनुड । गो इ कली इ पशो खोदंशो पा सजाइ गेनुड । इ मूर्ति पूजा पशो इ दातेम बाक्व । मिनु गो इ कली तुप्त्र, परमपरभु यावे नड, दे तुइक्नेव ।

१० मेको नाक्ती मुल बाक्व । इ खतम दुस्तीके जाक्ना जाक्न बाक्व । कोक्के आ कोच्चा दाप्त । ठेयब लेत्तीक फू खोदंशो पा बोइक्त । यसेया २ : १२ ११ हुश खराक्श पोक्तीक परमपरभु यावे आ अरंशो मटीब आन कोक्के दुम्त । मेको आन दाते डा मारइ मलीब । मेको आन बाक्शो मारइ मारइ, आन शोप नु आन ठेयब दुस्तीक मारइ मलीब । १२ मेको खतम दुस्तीक जाक्चा चिक्शो बाक्व । ग्याप्बपुकी मग्येरसमल । लेयबपुकी रोंका मपामेक्ल । मारदे हना मेको नेल्लम परमपरभु आ गाइश्शो ताइनीम । १३ मारदे हना मेको बरांडम सम्म लेयचा मताइब । मारदे हना मेको तशो नेल्ल आन कली दुम्ब । मिनु आन मरिम्शो पतीके नेल्ल बेक्नीम । १४ मेकोपुकीम गरोत्र ताप्शा, मारइ मारइ ठीक पास्तेक्म हना यो, का यो लडाइ पथ मलाइनीम । मारदे हना आं गाइश्शो मेको नेल्ल आन तार जुक्शो बाक्व । १५ लाडगाम तरवारम साइक्व । आगाम मुर बेक्तीक रोइ नु अन्कालम बेक्नीम । मिनु रूम बाक्व आन कली तरवारम साइक्व । सहरम बाक्व अन्काल नु मुर बेक्तीक रोइम साइक्चा पुंडसीनीम । १६ मिनु बरांडशा परोक्शो नेल्ल बेसी डा टुकुर खोदंशो पा पहाडम बाक्नीम । मेको आन मरिम्शो पशो आ पर्वम रोंका पा बाक्नीम । १७ मुर आन गुइ नेल्ल सक्ति मपाइश्शो दुम्नीम । आन पोक्च बोल मपाइश्शो दुम्नीम । यसेया १३ : ७ १८ मेकोपुकीम अरन्डी फक्चा माल्नीम । शुश हिंतीकमी मेको आन कली सुम्ब । मेको नेल्ल आन कुल मुनम सुम्सीचा माल्नीम । मेको नेल्ल आन पिया परक्सीचा माल्नीम । यरमीया ४८ : ३७ १९ मेकोपुकीम आन चांदी लोम ताइक्चा माल्नीम । मिनु आन सुन गरांगरा दिशो थोत्रक खोदंशो दुम्चा माल्व । मेको आन सुन चांदीम परमपरभु यावे आ गाइश्शो नाक्ती मेको आन कली परांइन मचाप्ब । मेको आन सुन चांदीम आन शोत्रलु साइक्न मचाप्ब । मेकोमी आन कोत्रज पिरने मचाप्नीम । मारदे हना मेको आन कली मरिम्शो पपाइक्व मेकोन बाक्त । हितोपदेस ११ : ४ ; सफन्याह १ : १८ २० मारदे हना आन दारशो गहनामी ठेयब लश्शा, आन गरांगरा दिशो मूर्ति सेल्लेक्म । मोपतीके गो मेको आन सुन चांदी मेको आन कली गरांगरा दिशो सेल्लुड । २१ गो मेको नेल्ल अर्को रागी डा मुर आन कली रोइक्पाइक्नुडमी । गो रागीम बाक्व परमपरभु यावे आ अरंशो मटीब आन कली रोइक्पाइक्नुड । मिनु मेकोपुकीम मेको गरांगरा दिशो सेल्लनीम ।

२२ गो आं कुल मेको आन रे खरुइक्नुड। मिनु मेकोपुकीम आं दाक्शो बाक्तीके गरांगरा दिशो सल्लीम। हुश खराक्श पोक्वपुकी मेकर ओव्रशा, गरांगरा दिशो सल्लीम। २३ साङ्लो का सलीन। मारदे हना रागी हुश खराक्शम बरीशो बाक्व। मिनु सहर हुश खराक्श पोक्वपुकीम बरीशो बाक्व। २४ गो रागी रागी डा नल्ल आन क्येडा मरिम्शो पाइब मुर आन कली मेको आन सिं रोइक्पाइक्नुड। गो बोल्यो मुर आन ठेयब लेतीक नुपाइक्नुड। मिनु मेको आन चोवखो बाक्तीक गरांगरा दिशो दुम्नीम। २५ शुश श्येत जाक्मेनु, मेकोपुकीम थुं नाइशशा बाक्वा माल्लीम। तन्न मथिल्लीम। २६ हिंचा डा श्येत क्येडा हिंचा डा श्येत जाक्व। हिंचा डा लोव्र क्येडा हिंचा डा लोव्र नंसीब। मेकोपुकीम परमपरभु यावे आ लोव्र पाइबपुकी रे 'मुल मार दुम्बा' दे तुइक्वा माल्लीम। चढेवपुकीमी मुर आन कली मशनीम। खाल्या आन अर्ती गेतीक जाम्शा लने थुम्शो बाक्व। २७ पिपम रांका पाइब। पिप आ ती आन थुं लुक्च लाइब। रागी डा मुर आन गुइ खिरंखिर पाइनीम। मेको आन पशो खोदंशो पन, गो मेकोपुकी नु पाइनुड। गो मेको आन पशो कोव्रशा, मेको आन कली निसाफ पाइनुड। गो मेको आन आंम कानुन आ पर्वम निसाफ पाइनुड। मिनु मेकोपुकीमी गो परमपरभु यावे नड, दे तुइक्नीम" दंत।

परमपरभु आ सिंम मूर्ति पूजा पशो

१ मिनु ग्याइशशा लाइक्वा पुंडसीशो ६ बर्स डा ६ महिना डा ५ नाक्त गो आं सिंम बाक्शो नड। मना यहूदा डा खाल्यापुकी आं डांइती बाक्शो बाक्तेक्म। मिनु मेकर बाक्शोनु, परमपरभु, परमपरभु यावेमी आं कली थिती। इजीकीएल १४ : २ मिनु गो कोव्रङ्गनु, मुर खोदंशो का ताता। मिनु मेको आ करातो डा लुक्चु बरशो मी खोदंशो नु आ करातो डा ग्यत्थ जिलजिल पा टल्केशो कांसा खोदंशो बाक्त। इजीकीएल १ : २७ ; इजीकीएल १ : ४ ३ मेकोम आ गुइ दिशा आं चाम ग्याइशशा छुल पोक्ती। मिनु सोक्तीम आं कली सरीड नु रागी आस दातेम लाइक्ती। मिनु परमपरभु यावे आ सोक्तीम आं कली यरुसलेमम लाइक्ती। मेकोमी आं कली परमपरभु यावे आ सिं डा उत्तर गे डा आगा डा लाङगा आ ओव्रतीकम चाक्ती। मेकर रुश पपाइक्व मूर्ति आन बाक्तीक बाक्त। मेकोमी रुश पपाइक्वबाक्त। इजीकीएल ३ : १२ ४ मिनु

इसराएली आन परमपरभु यावे आ छेङ्छेङ्ग मकेर बाक्त। गो मेको मोदंशो छेङ्छेङ्ग डांइती बंसीम कांइतीकेम ताता।

५ मिनु परमपरभु यावेमी आं कली "ए मुर, मुल गे उत्तर गे कोव्रङ्ग" दंत। मिनु गो उत्तर गे कोव्रङ्गनु, चढतीक आ उत्तर गे डा लाप्चोम मेको रुश पपाइक्व आ मूर्ति ताता। ६ मिनु मेकोमी आं कली "ए मुर, मेको आन पशो तवी ? मार पन पन बाक्मा, गे मेको तवी ? इसराएली आन सिं डा मुरपुकीम आं कली आं बाक्तीक रे खरचा कली मेको गरांगरा दिशो गय पना पन बाक्नीम। तन्न गे मेको क्येडा यो शुश गरांगरा दिशो गय ताइनवे" दंत।

७ मिनु मेकोम आं कली लाङगा डा ओव्रतीकम चाक्ती। मिनु गो मेकर डा गारोम पोव्रला का ताता। ८ मिनु मेकोम आं कली "ए मुर, मेको गारो डा पोव्रला परतो" दे माइक्ती। मिनु गो मेको गारो डा पोव्रला परता। मिनु मेकर ओव्रतीक का बाक्त। ९ मिनु मेकोम आं कली "आगा ओव्रशा, मेकोपुकीम पशो थम मरिम्शो नु गरांगरा दिशो गय कोव्रङ्ग" दंत। १० मोपतीक गो आगा ओव्रशा कोव्रता। मिनु एर ओंथ नेल्ल गारोमी नेल्ल खाल डा गरशा गाक्व जन्तु, गरांगरा दिशो जन्तु, इसराएली आन सिं डा मूर्ति नेल्ल मेकर बरक्स पा सल्लो ताता। रोमी १ : २३ ११ मिनु मेको आन डांइती इसराएल डा ७० जना खाल्या राप्शो बाक्तेक्म। मिनु शाफान आ ती याज्न्याह मेको आन दातेम राप्शो बाक्त। मेको नेल्ल आन गुइम आन आन थनोरो बाक्तेक्म। मिनु धूप चोशो आ बरोव्रशो रिना इर गे बोक्शो बाक्त। परस्थान २४ : १ ; गन्ती ११ : १६ ; लूका १० : १७ ; यसैया ६६ : १७ १२ नोले मेकोमी आं कली "ए मुर, इसराएल आ सिं डा खाल्या छिङ्छिङ्गम मार पाइनीमी, मेको आन आन मूर्ति कोठाम मार पना पन बाक्मा, तवी ? मेकोपुकीम "परमपरभु यावेमी आंइ कली मताइब। परमपरभु यावेमी एको रागी परांइने थुम्शो बाक्व" देशो बाक्नीम" दंत। इजीकीएल ९ : ९ १३ मिनु लेंशा मेकोम आं कली "गे मेको क्येडा यो शुश गरांगरा दिशो गय पना पन बाक्शो ताइनवे" दंत।

१४ नोले मेकोमी आं कली परमपरभु यावे आ सिं डा उत्तर गे डा ओव्रतीकम चाक्ती। मिनु गो मेकर तम्मुज देवता आ पर्वम डाक्शो मीश मुरपुकी तातामी। १५ मिनु परमपरभुमी आं कली "ए मुर, गे मेको तवी ? गे मेको क्येडा यो शुश गरांगरा दिशो गय ताइनवे" दंत।

१६ मिनु मेकोम आं कली परमपरभु यावे आ सिं डा आगा डा लाडगा चाकदीत्ती। मिनु मेकेर परमपरभु यावे आ सिं नु चढेतीक आस दातेम २५ जना खोइ वॉइश मुर बाक्तेकम। मेकोपुकीम आन ची परमपरभु यावे आ सिं गे हिरशा बाक्तेकम। आन कुल चहिं पूर्ब गे कोव्रशा नां आ डांइती बाप्शो बाक्तेकम। व्यवस्था ४ :१९; व्यवस्था १७ :३; २राजा २३ :५,११; यरमीया ८ :२ १७ मिनु मेकोम आं कली “ए मुर, गे मेको तवी? मार, यहूदा आ सिं डा मुर आन गरांगरा दिशा गेय एकेर पचा माल्नीमी? मार, मेकोपुकीम रागी कली हुश खराकश पोक्तीकम पिरंशा, आं कली मेको क्यडा गाइक्पाइक्चा माल्नीमी? कोव्रडा, मेको आन नंम राशी वोइक्नीम। आन नंम राशी वोइक्तीक थम मरिम्शो पतीके बाक्ब। १५ मोपतीके गो मेको आन कली आं गाइक्तीकम गेय पाइनुड। गो मेको आन कली शिशी मपथु, सुइ आन कली बरांइचा मगेनुड। मेकोपुकीम ठेयब संदा पा पुंइशा गरीतेकम हना यो, मेको आन लोव्र मनंनुड” दंत। इजीकीएल ७ :४; यसैया १ :३५

#### यरूसलेम खतम दुम्शो

१ मिनु परमपरभुमी ठेयब संदा पा “सहर डा सजाइ गब मुर आन नेक्था जाक्कीन। इन साइक्तीक या कुरशा जाक्कीन” दे गरीत। २ मिनु गो ६ जना वॉइश मुर आइक्था डा उत्तर गे डा लाप्चो र जाक्शो ताता। मेको नल्लेमी साइक्चा कली या कुरशो बाक्तेकम। मेको आन दातेमी बुश सुती वा फेक्शो बरक्तीक कुरशो मुर का बाक्त। मेकोपुकी आगा ओव्रशा कांसा क चढेतीक आ नेक्था राप्तेकम। इजीकीएल १० :२; दानीएल १० :५

३ मेना इसराएली आन परमपरभु आ छेड्छेड् करुब आन दाते र इर गे याक्सीशा परमपरभु यावे आ सिं आ लाप्चोम जाक्दीन्ने थुम्शो बाक्त। मिनु मेकोमी मेको सुती के वा फेक्शो बरक्तीक कुरशो मुर कली ४ “यरूसलेम सहर आ एर ओथ नल्ल हिरशा मेकेर पशो मूर्ति पूजा नल्ल आन पर्वम सुर्ता नु रोंका पाइब मुर नल्ल आन कुप्फीम चिन्ड का वोतो” दे माइक्तु। परकाश ७ :३ ५ मिनु मेकोमी आं नंचा डा पा अरु आन कली “गपुकी मेको आ नोले लशा, सहर एर ओथ गाक्शा मुर आन कली सतीन। मेको आन कली शिशी मपथु, सुइ आन कली बरांइचा मगेने। ६ सूशो, ठिटा ठिटी, मीश मुर नु

आल बरेप्च नल्ल आन कली सतीन। तन्न आन कुप्फीम मेको चिन्ड पाइइशा आन कली मथिने। आं बाक्तीक रे मेको मो पचा गगेने” दे माइक्तीमी। मिनु मेकोपुकीम मेको परमपरभु यावे आ सिं आ डांइती बाक्शो खाल्पा आन रेन मो पचा गोम्तेकम। यरमीया २५ :२९ ७ मिनु मेकोमी मेको आन कली “आं सिं गरांगरा दिशा सतीन। साइइशा मुर आन कली लाडगाम पिरंदीन, लन” दे माइक्तीमी। मोपतीक मेकोपुकी सहरम लशा, मुर आन कली साइक्तेकम। ८ मेकोपुकीम साइक्ना साइक्न लाम्तेकम। गो चहिं ओं का ला बाक्ती। मिनु गो सुम्की पा बाप्शा ठेयब संदा पा “परमपरभु, परमपरभु यावे, इन गाइइशा यरूसलेम कली मोइक्नीनु, इसराएल डा लीशो नल्ल आन कली यो साइक्नीनी?” दंती। इजीकीएल ११ :३३ १ मिनु मेकोमी आं कली “इसराएल नु यहूदा डा मुर आन सिं डा मुर आन दोस थम ठेयब बाक्ब। रागी नल्ल हुश खराकशम बरीशो बाक्ब। मिनु सहर दूती पतीकम बरीशो बाक्ब। मारदे हना मेकोपुकीम “परमपरभु यावेमी एको रागी परांइशो बाक्ब। मिनु परमपरभु यावेमी मारइ मताइब” दंतीम। इजीकीएल ८ :३२ १० मोपतीक गो मेको आन कली शिशी मपथु सुइ आन कली बरांइचा मगेनुड। मेको आन पशो खोदंशो पा सजाइ गनुडमी” दंत। इजीकीएल ७ :४

११ मिनु मेको सुती वा फेक्शो बरक्तीक कुरशो मुरम “गो इन अरशो खोदंशो पाता” दंत।

#### परमपरभु आ छेड्छेड्

#### इजीकीएल १ :४-२८

१ मिनु कोव्रडुनु, मेको करुब आन पिया आन १० तारी डा बाक्तीक आ इर नीर माइइशा हीरा खोदंशो बाक्त। मेको ठेयब नितीक का खोदंशो बाक्त। २ मिनु परमपरभु यावेमी मेको सुती के वा फेक्शो मुर कली “करुब आन दी ग बाक्शो गुगील आन दातेम लावो। मिनु मेको करुब आन दातेम बाक्शो मी आ कोइला हुइइशा, सहर आन तार फरावो” दे माइक्तु। मिनु आं कोव्रना कोव्रन, मेको आगा ओव्रत। इजीकीएल १ :२; परकाश ८ :५ ३ मिनु मेको मुर आगा ओव्रमनु, करुब परमपरभु यावे आ सिं आ दक्खिन गे बाक्तेकम। मिनु गोस्स काम परमपरभु यावे आ सिं डा आगा डा लाडगा बरीत। ४ मिनु परमपरभु यावे आ छेड्छेड् करुब आन रे परमपरभु यावे आ सिं आ लाप्चो गे

लत। मिनू गोस्सुम सिं बरीत। मिनू आ लाङ्गा परमपरभु यावे आ छेङ्छेङ्ङ डा हाम्सोम बरीत। इजीकीएल १:२८; परस्थान ४०:३४; यसेया ६:४ ५ मको करूब आन फरां आन रयंक लाङ्गा सम्म नंसी बाक्त। मको परमपरभु यावे ब्याक्शो खोदंशो पा नंसी बाक्त।

६ मिनू परमपरभु यावेमी मको सुती के वा फेक्शो मुर कली "मको गुगील आन दातेम लशा करूब आन दाते डा मी पितो" दे अरवानु, मको गुगील आ नेक्था राप्त। ७ मिनू करूब काम आ गुइ करूब आन बाक्तीक डा मी ग दिताक्व। मिनू मकोमी मी आ कोइला हुइश्शा, मको सुती के वा फेक्सीशो मुर आ गुइम कुर पाप्तु। मिनू मको मी कुरशा लाङ्गा गस्त।

### परमपरभु आ छेङ्छेङ्ङ लशा

८ मको करूब आन फरां आगाम मुर आन गुइ खोदंशो तांडसाक्व। ९ मिनू कोव्रडनु, मेकर ४ ओटा गुगील करूब आन नेक्था बाक्तेक्म। करूब का आ नेक्था गुगील का बाक्त। मको गुगीलपुकी टल्केशो पित मनी माइश्शा हीरा खोदंशो बाक्तेक्म। १० मिनू मको गुगील नेल्ल खाल का डा बाक्तेक्म। गुगील का आगाम अर्का गुगील बाक्शो खोदंशो तांडसाक्म। ११ मकोपुकी गाक्मानु, तेइ महिरथु ग्येत्य गे उत्तर, दक्खिन, पूर्व नु पच्छिम गे गाक्बाक्तेक्म। मको डांडती डा गुगील ते ते लम, अर्का यो मक मक गे लाइबाक्तेक्म। १२ मको आन रां नेल्ल, मको आन ची, मको आन गुइ, फरां नु मको ४ ओटा करूब आन गुगील नेल्ल मिक्ची मिक्च पाइश्शो बाक्तेक्म। १३ गो मको आन कली "गय पाइब गुगील" दंशो नंता। १४ मको करूब नेल्ल आन के ४ ओटा कुल बाक्तेक्म। डांडती डा कुल करूब के, मको आ नोले डा कुल मुर के, मको आ नोले डा कुल गुप्स के नु नेल्ल क्येडा नोले डा कुल ककोकुली के खोदंशो बाक्तेक्म। इजीकीएल १:१० १५ मिनू मको करूबपुकी इर गे लास्तेक्म। मको डांडती डा सोक्त पाइश्शोपुकी बाक्तेक्म। डांडती गो मको आन कली केबार खोला आ नेक्था तशो नड्डी। इजीकीएल १:१ १६ मिनू मको करूब गाक्मानु, मको गुगील आन नेक्था गाक्बाक्तेक्म। करूब इर लचा कली आन फरां ग्येत्य क्युकगमेनु, मको आन नेक्था बाक्शो गुगील महिरथु, गाक्बाक्तेक्म। इजीकीएल १:१९ १७ मिनू मको करूब दिक्मानु, मको गुगील यो दिक्बाक्तेक्म। मको करूब इर गे बोक्मानु मको

गुगील यो मको नु बोक्बाक्तेक्म। मारदे हना मको सोक्त पाइश्शा आन सोक्त मको गुगीलमीन बाक्त।

१८ मिनू परमपरभु यावे आ छेङ्छेङ्ङ आ सिं डा लाप्नो रे गरूशा, करूब आन तार गे दिक्त। इजीकीएल १:२८ १९ मिनू मको करूबम आन आन फरां क्युक्तेक्म। मिनू आं डांडती खप रे इर गे लास्तेक्म। मिनू मको लमानु, मको गुगील यो मको नु इर गे लास्तेक्म। मिनू मकोपुकी परमपरभु यावे आ सिं आ पूर्व गे डा लाप्नो आ नेक्था दिक्तेक्म। मिनू इसराएल डा परमपरभु आ छेङ्छेङ्ङ मको आन तार गे बाक्त।

२० मको केबार खोला आ नेक्था इसराएली आन परमपरभु आ आगाम बाक्शो आं तशो सोक्त पाइश्शा बाक्तेक्म। मिनू गो मको करूब बाक्मा बाक्त, दे तुइक्ताक्ड। २१ मको नेल्ल आन के ४ ओटा कुल नु ४ ओटा फरां बाक्तेक्म। मिनू मको आन फरां आगाम मुर आन गुइ खोदंशो बाक्तेक्म। २२ मको आन कुल केबार खोला आ नेक्था आं तशो सोक्त पाइश्शा आन कुल खोदंशो बाक्तेक्म। मकोपुकी तेइ लमानु, डांडती गे पा गाक्बाक्तेक्म।

### ठेयब मुर आन कली सजाइ

१ मिनू सोक्तीम आं कली क्युकशा, ११ परमपरभु यावे आ सिं डा पूर्व गे डा लाप्नोम चाक्ती। मको पूर्व गे कोव्रशो बाक्त। मिनू मको आगा ओव्रतीकमी २५ जना मुर बाक्तेक्म। गो मको आन दातेम इसराएल डा ठेयब मुर अज्जुर आ ती याजन्याह नु बंनयाह आ ती पलात्याह आस कली यो तातासी। इजीकीएल ३:१२ २ मिनू परमपरभु यावेमी आं कली "ए मुर, मकोपुकीम एको सहरम मरिम्शो पचा कली नु परमपरभु यावे आ अरंशो लोत्र मटिचा कली अर्ती गशा शंशो बाक्तेक्म। ३ मकोपुकीम सिं सेल्लिक नाक्ती रीब पा मजाक्वा को? एको सहर कराइ खोदंशो बाक्व। मिनू गो चहिं श्य बाक्नय" देंनीम। इजीकीएल २४:३-१४ ४ मोपतीके ए मुर, मको आन परबम नोले दुम्ब लोत्र पावो। आं दंशो लोत्र पावो" देंत।

५ मिनू परमपरभु यावे आ सोक्त आं तार जाक्त। मिनू मकोम आं कली "परमपरभु यावेमी 'ए इसराएल आ सिं डा मुर, गे मार मिम्शो बाक्नीनी, गो मको नेल्ल तुइक्नुड'। ६ गोपुकीम एको सहरम शुश मुर आन कली साइश्शा, आ

लां नेल्ल बक्शो मुरुम पिरंपाइक्तीनी' दंत ।  
 ७ मोपतीक परमपरभु, परमपरभु यावेमी 'गे सहरम साइशशा इन ताइशशा मुर श्य बाक्नीम । मिनु एको सहर कराइ बाक्ब । तन्न गो इन कली सहर रं गुरुंडनुड । ८ गेपुकी तरवार तशा हिंतीनी । तन्न गो इन पर्वम तरवार चाक्शा साइक्पाइक्नन्नी । ९ गो इन कली सहर रं गुरुंडनन्नी । मिनु अर्का रागी डा मुर आन गुडम गेनन्नी । मिनु इन कली निसाफ पाइक्नुड । १० गेपुकी तरवार साइक्चा पुंडसीशा गोल्नीनी । गो इन कली इसराएल आ सांढम निसाफ पाइक्नुड । मिनु गेपुकीम गान परमपरभु यावे नड, दे तुइक्नीनी । ११ राजा २५ :२०-२१ ११ एको सहर इन कली कराइ मदुम्ब । मिनु गे मको कराइ डा श्य मदुम्नीनी । गो इन कली इसराएल आ सांढम निसाफ पाइक्नुड । १२ मेना गेपुकीम गो परमपरभु यावे नड, दे तुइक्नीनी । गेपुकीम आं फुल्लु मुशा बरेक्शो लोत्र मटिनी । आं निसाफ पतीक लोत्र यो मटिनी । तन्न गे इन एर ओथ बाक्ब रागी रागी डा मुर आन पतीक लोत्र पाइतीनी" दे परमपरभु यावेमी दंत ।

१३ गो परमपरभु यावे आ लोत्र पना पन बाक्डानु, बेनायाह आ तौ पेलात्याह बेक्त् । मिनु गो सुम्की पा बाप्शा ठेयब संदा पा "परमपरभु, परमपरभु यावे, मार, गे इसराएल डा लीशो नेल्ल आन कली साइक्नीनी ?" दंती । इजीकीएल १ : ८

ग्याइक्चा पुंडसीशो आन कली लोत्र

१४ मिनु परमपरभु यावेमी आं कली लोत्र पाप्नु । १५ मार लोत्र पाप्नु दंशा हना "ए मुर, इ लोक्बपुकी, इ सिं डा मुर, ग्याइशशा लाइक्चा पुंडसीशो इ लोक्बपुकी, इसराएल आ सिं डा मुर नेल्ल आन पर्वम यरूसलेमम बाक्ब मुरपुकीमी 'मकोपुकी परमपरभु यावे रं डान लाम्तकम । मोपा एको रागी इ कली अधिकार पचा कली गेशो बाक्त्' दंशा बाक्तेकम" दंत । १६ मोपतीक परमपरभु, परमपरभु यावेमी "गो मको आन कली डान रागी रागी डा मुर आन दातेम सोइक्ताक्डमी । गो मको आन कली राज्य राज्य आन दातेमी फरात हना यो, इक्का नाक्ती सम्म मको आन परमपरभु दुम्ती । इजीकीएल ६ : ८-१० ११ मोपतीक गे मको आन कली 'गो इन कली जात जात डा मुर आन दाते रं सुप्नन्नी । मिनु बरशा लशो रागी नेल्ले रं पा सुप्नन्नी । मिनु गो इन कली इसराएल रागी गेनन्नी । येरमीया

२४ : ५-६ ; येरमीया २९ : २४ १८ मिनु मकोपुकी लेशशा जाक्शा, मेकर डा गरांगरा दिशो थोत्रक नु मूर्ति नेल्ल गुरुंडशा ताइक्नीम । १९ मिनु गो मको आन कली थुं का डा दुम्पाइक्नुडमी । मिनु मको आन आगामी नक सोक्त् का कुरपाइनुड । मिनु गो मको आन फुल्लु खोदंशा थुं गुरुंडशा, श्य क थुं कुरपाइनुडमी । इजीकीएल ३६ : २६ ; येरमीया २४ : ७ २० मिनु मकोपुकीमी आं फुल्लुम मुशा बरेक्शो लोत्र पशा, आं निसाफ पतीक लोत्र टीनीम । मिनु मकोपुकी आं मुर दुम्नीम । मिनु गो मको आन परमपरभु दुम्नुड । इजीकीएल १४ : ११ ; येरमीया ७ : २३ २१ तन्न मको आन गरांगरा दिशो मारइ मारइ मूर्ति आन नोले खोइक्ब आन कली आन पशो नेल्ल आन पियामीन मोइक्नुडमी, दे परमपरभु, परमपरभु यावेमी दंत' दे मतो" दंत ।

परमपरभु आ छेड्छेड् इर गे लशो

२२ मिनु नोले आ नेक्था गुगील बाक्शो करुबमी आन फरां पराक्तेकम । मना इसराएली आन परमपरभु आ छेड्छेड् मको आन तार बाक्त् । इजीकीएल १ : २८ २३ मिनु परमपरभु यावे आ छेड्छेड् सहर आ दाते रं क्युक्सीशा इर गे लत । मिनु सहर डा पूर्व गे बाक्शो पहाड तार दिक्त् । २४ मिनु परमपरभु यावे आ सोक्तीम आं कली इर क्युक्ती । मिनु कौइतीक कौइशामी आं कली कल्दी रागीम ग्याइशशा लाइक्चा पुंडसीशो आन बाक्तीकम चाक्कीती । मिनु नोले मको कौइतीक आं रं इर गे लाक्त् । इजीकीएल ३ : १२ २५ मिनु गो ग्याइशशा लाइक्चा पुंडसीशो आन कली परमपरभु यावे आ लोत्र नेल्ल शंताक्डमी ।

ग्याइशशा लाइक्चा पुंडसीशो लेशशो

१ परमपरभु यावेमी आं कली लोत्र पाप्नु ।  
 १२ २ मार लोत्र पाप्नु दंशा हना "ए मुर, गे काइ मटीब सिं डा मुर आन दातेम बाक्शो बाक्नेवे । मको आन के मिक्च बाक्त् हना यो, मताइनीम । मको आन के नोफा बाक्त् हना यो, मनंनीम । येरमीया ५ : २१ ३ मारदे हना मकोपुकी मटीब मुर आन सिं डा बाक्नीम । मोपतीक गे रागी रं ग्याइशशा लाइक्चा पुंडसीशो मुर खोदंशा पा इ कुम्लो सिक्सा । मिनु नाक्तीन मको आन डांइती इ बाक्तीक रं ग्याइशशा लाइक्चा पुंडसीशो खोदंशा पा अर्को ठाउं लावो । मकोपुकी मटीब सिं डा मुर बाक्तेकम हना यो, रुन्नीमी कां ? ४ गे ग्याइशशा लाइक्चा पुंडसीशो दुम्चा

कली, मेको आन डोंइती नाकतीन इ मार मार फरंदो। मिनु मेको आन डोंइती रे ग्याइश्शा लाइक्चा पुंडसीशो मुर खोंदेशो पा नाकदो लावो। ५ मेकोपुकीम तचा डा पा गारोम पोत्रला खिरतो। मिनु इ कुम्तो मेकर र पा खरीडो। ६ मेकोपुकीम कोवन कोवन गो इ कुम्तो इ बलाम कुरो। मिनु नो रिक्मनु कुरशा गाक्को। रागी मतचा डा पा इ कुल सुम्सा। मारदे हना गो इ कली इसराएल आ खिं डा मुर आन पर्वम चिन्ड का सत्त्शो बाक्नुड” दंत। इजीकीएल २४ :२४,२७

७ गो मेको आ अरंशो खोंदेशो पाता। मिनु ग्याइश्शा लाइक्चा पुंडसीशो दुम्चा कली नाकतीन आं कुम्तो फरंशा गरुंडताक्ड। मिनु नाकदो गारोम पोत्रला खिरता। मिनु मेको आन तन तना आं कुम्तो बलाम कुरशा नाकदो गाक्ती।

८ मिनु आ सुनी परमपरभु यावेमी आं कली लोत्र पाप्तु। ९ मार लोत्र पाप्तु देशा हना “ए मुर, मार, मेको इसराएल डा मटीब खिं डा मुरपुकीम गो मार पवी” दे इ कली हिल्लो मपाम?” दंत। १० मेको आन कली “परमपरभु, परमपरभु यावेमी मार दंत देशा हना एको लोत्र यरूसलेम डा सासन पाइब नु इसराएल डा मुर नेल्ल आन पर्वम बाक्ब” दे माइक्मी। ११ मेको आन कली गो गो इन कली चिन्ड का दुम्ती। गो मार पडा, मेको आन कली पाइनीमी। मेकोपुकी रागी र ग्याइश्शा लाइक्चा पुंडसीनीम” दंत। १२ मेको आन दातेम बाक्शो सासन पाइबमी नाकदो आ बलाम मार मार कुरशा गाक्ब। मिनु लाडगा गुरूचा कली गारोम पोत्रला खिराब। मिनु मेकोम आ रागी मेकोत्रचा कली आ कुल सुम्ब। २ राजा २५ :४ १३ गो मेको आ तार आं ग्याइल आप्नुड। मिनु मेको आं ग्याइलीम बिक्ब। मिनु गो मेको कली कल्दी आन रागी बेबीलोनम चाक्नुड। तन्न मेकोम, मेको रागी मताइब। मिनु मेकरन बेक्ब। इजीकीएल १७ :२० ; येरमीया ३९ :७ १४ मेको आ एर आंथ बाक्ब आ गेय पाइबपुकी नु आ लडाइ पाइब नेल्ल आन कली फशेम एर आंथ बरपाइक्नुडमी। मिनु तरवार शोइश्शा खेदा पाइनुडमी। १५ मिनु गो मेको आन कली रागी रागी डा मुर आन दातेम फराइनुडमी। राज्य राज्यम एर आंथ बरपाइक्नुडमी। मिनु मेकोपुकीम गोन परमपरभु यावे नड, दे तुइक्नीम। १६ तन्न गो मेको आन दाते डा का निक्शी आन कली तरवार, अन्काल नु मुर बेक्तीक रोइ रे परांइनुडमी। मिनु मेकोपुकी ते ते बाक्नीमी, मेक मेक डा रागी रागी डा

मुर आन दातेम आन गरांगरा दिशो गेय पशो आ पर्वम बिल्वीम ला मो पका बाक्त दैमल। मिनु मेकोपुकीम गोन परमपरभु यावे नड, दे तुइक्नीम” दे परमपरभुम दंत। इजीकीएल ६ :८

### इजीकीएल चिन्ड दुम्शो

१७ मिनु लेंशा परमपरभु यावेम आं कली लोत्र पाप्तु। १८ मार लोत्र पाप्तु देशा हना “ए मुर, गो इ जचा थोत्रक जवीनु खिरंखिर पा जावो। मिनु ब्याक्कु तूडीनु, हिंशा गिक गिक पा खिरंखिर पा तूडो। १९ मिनु रागी डा मुर नु यरूसलेम नु इसराएल रागीम बाक्ब मुर आन कली परमपरभु, परमपरभु यावेमी मेको आन जचा थोत्रक हिंशा जाइनीम। मिनु सुर्ता पा ब्याक्कु तूनीम। मारदे हना मेकर बाक्ब आन मरिम्शो पतीके, मेको रागी नु मेकर बाक्शो मारइ मारइ गोरशो सेल्लुड। २० मुर बाक्शो सहर नेल्ल श्येत्थ दुम्नीम। मिनु रागी नुष्व। मिनु गपुकीम गो परमपरभु यावे नड, दे तुइक्नीमी” देशा बाक्ब” दंत।

२१ मिनु लेंशा परमपरभु यावेमी आं कली लोत्र पाप्तु। २२ “ए मुर, इसराएल रागी आ पर्वम मार लोत्र बाक्ब? नाक्ती लाक्ना लाक्न बाक्नीम। मिनु परमपरभु यावे आ कांइतीके मखानीम। २३ परतूस ३ :४ २३ मोपतीके मेको आन कली परमपरभु, परमपरभु यावेमी, गो मेको मो दंतीके लोत्र आ अर्थ साम्नुड। मिनु मेकोपुकीम इसराएलम मेको दंतीके लोत्र गेनायो मदनीम” दे माइक्मी। मेको आन कली नाक्त नेक्थान जाक्शो बाक्नीम। कांइतीके नेल्ल गाब्व। हबकुक २ :३ २४ मारदे हना मुल लेंशा गेनायो इसराएली आन दातेम जाल पा कांइतीके नु लेम्शा लिंक्नु कोत्रब मदुम्नीम। २५ मारदे हना गो, परमपरभु यावे आं देशो लोत्र पशा, खान्नुड। मेको देश मपाइब रोब पा दुम्ब। ए मटीब खिं डा मुर, इन पालामीन गो आं देशो लोत्र खान्नुड” दे परमपरभु, परमपरभु यावेमी देशो बाक्ब” दंत।

२६ मिनु लेंशा परमपरभु यावेमी आं कली लोत्र पाप्तु। २७ मेकोमी “ए मुर, इसराएल आ खिं डा मुरपुकी, मेको आ कांइतीकेमी कांइशो लोत्र शुश बर्स नोले ला दुम्ब। मेको नोले दुम्ब लोत्र बाक्ब। २८ मोपतीके मेको आन कली परमपरभु, परमपरभु यावेमी आ देशो लोत्र खान्नुड। लोत्र का यो मजाम्ब। मार देबा, मेको पाइब” दे माइक्मी, दे परमपरभु, परमपरभु यावेमी” दंत।

जोल पा परमपरभु आ लोत्र पाइब

१३ १ परमपरभु यावेमी आं कली लोत्र पाप्तु । २ मार, लोत्र पाप्तु देशा हना “ए मुर, इसराएल डा आं लोत्र पाइब आन कली नु आंम आन मिम्शा लोत्र पाइब आन कली “परमपरभु यावे आ लोत्र नेनीन” देनो । ३ मेको निप्स मपाइश्शो आं लोत्र पाइब आन कली “आबी, मेको आंमा आन थुं डा लोत्र, आं कांइतीक मतथु, लोत्र पाइनीम । येरमीया १४:१४ ४ ए इसराएल, जोल पा आं लोत्र पाइब बरश्शो खिम बाक्ब सिवार खोदंशो बाक्नीम । ५ ग बरश्शो गारो लेंशा मसेली । ग इसराएल कली वारच मपनी । मोपतीक परमपरभु यावे, आं नाक्त मेको बरुइनीम” देत । यसैया २:१२ ६ मेको आन तशो लोत्र जोल बाक्शा, आन लिंक्यु कोवतीक जोल बाक्ब । मेकोपुकीम “परमपरभु यावेमी देशो बाक्ब” देनीम । तन्न मेको परमपरभु यावेमी सोइश्शो मनम । मो हना यो मेकोम आन लोत्र गाप्त, दे आस पाइनीम । इजीकीएल २२:२८ ; येरमीया ५:३१ ७ गपुकीम जोल पा कांइतीक तशा, लिंक्यु कोवशा, जोल लोत्र ला पाइब दुम्तीनी । तन्न गो इन कली काइ लोत्र मपथु, गपुकीमी “परमपरभु यावे आ लोत्र बाक्ब देतीनी” दे माइक्मी” देत ।

८ मोपतीक परमपरभु, परमपरभु यावेमी “गपुकीम फश लोत्र पा, जोल पा कांइतीक आ पर्वम लोत्र पतीक, गो इन कली मरिम्शो पाइनुड । ९ मेको दूली पा कांइतीक लोत्र पाइब आन पर्वम नु जोल पा लिंक्यु कोवब आन पर्वम, गो आं गुइ इन ग क्युक्नुड । मेकोपुकी आं मुर आन दातमी बाक्चा मताइनीम । मेको आन नें इसराएली आन खिं डा मुर आन नें बरक्तीकम बरक्चा मताइनीम । मेकोपुकी इसराएल रागीम ओवचा मताइनीम । मिनु गपुकीम गोन परमपरभु यावे नड, दे तुइक्नीनी, देशो बाक्ब” दे माइक्मी” देत । इजीकीएल १४:२ १० थमा पा, मेकोपुकीम आं मुर आन कली दूली लां खोइक्पाइश्शा, थुं नाइक्तीक मबाक्थु, यो “थुं नाइश्शा बाक्कीन” देनीम । मिनु मुरपुकीम बरत्चा चिक्शो गारो परोवनीमी, मेको जोल पा लोत्र पाइबम बुलु बरुइश्शा सुम्नीम । येरमीया ६:१४ ११ ग मेको बुलु बरुइक्ब आन कली “थाम्पा ठेयब रेउ यीब । मिनु ठेयब मुप्स यीनीम । मिनु फश गिवार जाक्ब । १२ मिनु मेको गारो बरंप्ब । मार, मुरपुकीम इन

कली गे इन बरुइश्शो बुलु ते लाक्गा, दे हिल्लो मपाइनीमी ? देशो बाक्ब” दे माइक्मी” देत । १३ मोपतीक परमपरभु, परमपरभु यावेमी “गो आं गाइश्शोम थम हिंचा डा फश गिवार पपाइक्नुड । मिनु आं चुरशोम खतम पोक्चा कली रेउ नु मुप्स जाक्ब । १४ मिनु मेकोमी इन बुलु बरुइश्शो गारो नेल्ल बरंप्पाइक्ब । आ जग यो ताइसीब । मेको परदुनु, ग गारो आगाम बेक्नीनी । मिनु गपुकीम “गोन परमपरभु यावे नड” दे तुइक्नीनी । १५ मोपा गो आं गाइश्शो मेको गारो नु मेको बुलु बरुइक्ब आन तारी मोइक्नुड । मिनु गो इन कली “मुल मेको गारो मबा, मेको आन कली बुलु बरुइक्ब यो मबाक्म” देनुड । १६ इसराएल डा मेको जोल पा परमपरभु यावे आ लोत्र पाइबपुकीम यरूसलेम आ पर्वम लोत्र पाम्तेकम । मिनु मेकर थुं नाइश्शा बाक्तीक मदुम्थु यो “थुं नाइश्शा बाक्तीक ताइतक” देतेकम । १७ मेकोमी “मुल ए मुर, इ मुर आन तमी आन कली हुइक्तो । मेकोपुकीम आन थुंम मिम्शा लोत्र पाइनीम । गे परमपरभु यावे आ लोत्र मेको आन कली पावो” देत । १८ “आबी आबी, गुइ कली फरंतीक सेल्व मीश मुर आन कली श्यत बाक्ब । मुर आन कली साइक्चा कली लाइश्शो कोवशा, कुल सुम्तीक वा सेल्व मीश मुर आन पर्वम आबी आबी । मार, गपुकीम आं मुर आन कली साइक्नीनी ? मिनु गे बरंइचा ताइनीनी डा ? मताइनीनी । १९ मुठी का निक्शी क्योवज, नु टुकरा का निक्शी शोब्ले आ पर्वम साइक्चा ममाल्शो मुर आन कली साइक्तीनी । मिनु बरंइचा मगचा माल्शो मुर आन कली बरंइचा गतीनी । मिनु आं मुर आन कली जोल पा मोदंशो पाइतीनी” दे परमपरभु, परमपरभु यावेमी मेको आन कली माइक्मी” देत ।

२० मोपतीक परमपरभु, परमपरभु यावेमी “गो इन फरंतीक आ पर्वम इन कली मरिम्शो पाइनुड । गो इन गुइ रे चिक्ब खोदंशो पा साइक्चा चिक्शो मुर आन कली इन गुइ रे परंइनुड । २१ गो मेको आन कुल सुम्तीक वा शोल्शा, आं मुर आन कली परंइनुडमी । मेकोपुकी मुल रे इन गुइ डा सिखार मदुम्नीम । मिनु गपुकीम गोन परमपरभु यावे नड, दे तुइक्नीनी । २२ मारदे हना ग जोल पा दोस गशा ठीक पाइब मुर आन कली आन थुं लुक्च लपाइक्तीनी । गो मोदंशो मपड । मिनु आं अरशो लोत्र मटीब आन कली टीब मदुमीन, देशो बरंइचा मगनी । येरमीया २३:१४ २३ मोपतीक

गेपुकीम मुल रे जोल पा कांडतीक मताइनीनी । गे लिंक्यु मकोवनीनी । गो आं मुर आन कली इन गुइ रे परांडनुडमी । मिनु गेपुकीम गोन परमपरभु यावे नड, दे तुइकनीनी” दे परमपरभुम देत ।

मूर्ति पूजा पाइब आन कली दोस

१४ १इसराएल डा खाल्पा का निक्शी जाकशा, आं डांडती निस्साकम । इजीकीएल २०:१ २मिनु मेना परमपरभु यावेमी आं कली लोत्र पाप्नु । ३मार लोत्र पाप्नु देशा हना “ए मुर, एको खाल्पापुकीम आन मूर्ति आन आन थुंम वोइश्शो बाक्तेकम । मिनु मरिम्शो पा दाइल पांडसीतीक फुल्लु यो आन डांडती वोइश्शो बाक्तीम । मार, आन हिल्लो पशो लोत्र गो लेत्वा माल्लुडा, डा ? ४मोपतीके गे मेको आन कली “परमपरभु, परमपरभु यावेमी इसराएल आ सिं डा मुर सुइमी मूर्ति आन थुंम वोइश्शा, आन मरिम्शो पा दाइल पांडसीतीक फुल्लु, आन डांडती वोइश्शा, आं लोत्र पाइब आन बाक्तीक जाक्तेकम हना, गो, परमपरभु यावेमी, मेको आन थुंम मूर्ति वोइश्शा जाकशा मुर आन कली लोत्र लेत्नुडमी । ५मिनु मेको मूर्तिम पतीके इसराएल आ सिं डा मुरपुकीम आं कली परांडतेकम । मो हना यो आन थुंम फाइश्शा, आं गे लेत्ने चाप्नुडा, कां ?”

६मोपतीके इसराएल आ सिं डा मुर आन कली “परमपरभु, परमपरभु यावेमी इन ग्रांगरा दिशो गेय नेल्ल परांडशा, इन मूर्ति रे पा लेश्शा आं गे जाक्कीन” देशो बाक्ब, दे माइक्मी । ७इसराएल आ सिं डा मुर सुइ नु मेकर बाक्ब अर्को रागी डा मुर सुइमी आं कली परांडशा, मूर्ति आन थुंम वोइश्शा, आन मरिम्शो पा दाइल पांडसीतीक फुल्लु आन डांडती वोइश्शा, आं लोत्र पाइब आन बाक्तीक जाक्तेकम हना, गो, परमपरभु यावेमी, मेको आन थुंम मूर्ति वोइश्शा जाकशा मुर आन कली लोत्र लेत्नुडमी । ८गो मेको आन कली सजाइ गेनुडमी । मिनु गो मेको मुर कली कांडतीक नु शुक्शी पाइक्तीक सेल्लुड । गो मेको कली आं मुर आन दाते रे तिल्लुड । मिनु गोन परमपरभु यावे नड, दे तुइक्का माल्लीनी ।

९मिनु सुइ परमपरभु यावे आ लोत्र पाइबम आ लोत्र मार बाक्बा, दे हिल्लो पाइब आन कली आंमा थुंम मिम्शा लोत्र पाप्नु हना, गो मेको कली मोदंशो पपाइक्ता । मिनु गो मेको कली आं गुइ दिशा, सजाइ गेशा आं मुर इसराएली आन दाते रे क्याम्नुड । १०राजा २२:२०-२३ १०मेको

निम्फाम आस मरिम्शो पशो आ पर्वम सजाइ ताइनीस । आं लोत्र पाइब नु आं लोत्र हिल्लो पाइब, निम्फा आस सजाइ उइक्थ उइक्थ दुम्ब । इजीकीएल ३:१७-२० ११मिनु इसराएल आ सिं डा मुर गेनायो आं रे पा बरलेशा मलाइनीम । मिनु मकोपुकीम गेनायो हंथ पा आंम कली ग्रांगरा दिशा मसेल्सीनीम । मिनु मकोपुकी आं मुर दुम्नीम । गो मेको आन परमपरभु दुम्नुड, दे परमपरभु, परमपरभु यावेमी देशो बाक्ब” देत । इजीकीएल ११:२०

परमपरभुम गेशो सजाइ ठीक बाक्ब

१२मिनु परमपरभु यावेमी आं कली लोत्र पाप्नु । १३मार लोत्र पाप्नु देशा हना “ए मुर, तेकोइ रागी डा मुर आन थुंम फाइश्शा आं कली परांडशा अर्को आ नोले सोइक्तेकम हना, गो मेको आन पर्वम आं गुइ दिशा आन जचा थोत्रक खतम पोक्नुड । अन्काल चाकशा, मेकर डा मुर नु बी ब्यफ, क्यारश मेडा नेल्ल आन कली साइक्नुडमी । इजीकीएल ४:१६ १४मेकर नोआह, दानीएल नु अय्युब सांफा बाक्तेकम हना यो, मेकोम आन ठीक पतीकम आंमा ला बरांडचा ताम वा, दे परमपरभु, परमपरभु यावेमी देशो बाक्ब” देत । येरमीया १५:१ १५गो मोदंशो रागी कली खतम सेल्लुवा कली ब्याकी डा जन्तु सोइक्ताकडमी हना, जन्तुपुकीम पतीके मेको रागी रे सुइ एर आंथ पन मचाप्तेकम हना, १६मिनु मेको मुर सां मेकर बाक्तेकम हना, गो आं बरांडशा बाक्शो सोदंशो पा, मेकोम आन तमी तौ आन कली परांडने मचबेम वा । मेकोपुकी आंमा ला बरांडम वा । मिनु मेको रागी गोरशो रागी दुम वा । १७मिनु परमपरभु, परमपरभु यावेमी “गो रागी आ पर्वम तरवार सोइश्शा, मेको तरवार कली मुर नु बी ब्यफ, क्यारश मेडा नेल्ल साइक्मी” देती हना, १८मिनु मेको मुर सां मेकर बाक्तेकम हना यो, गो आं बरांडशा बाक्शो सोदंशो पा मेकोम आन तमी तौ आन कली परांडने मचबेम वा । मेकोपुकी आंमा ला बरांडम वा । १९मिनु गो मेको रागीम मुर बेक्तीक रोइ सोइश्शा, हुश खराक्श पोक्शा, मेकर डा मुर नु बी ब्यफ, क्यारश मेडा साइश्शा आं गाइश्शा मोइक्ता हना, २०मिनु मेकर नोआह, दानीएल नु अय्युब बाक्तेकम हना यो, गो आं बरांडशा बाक्शो सोदंशो पा मेकोम आन तमी तौ आन कली परांडने मचबेम वा । मेको आन ठीक पतीकम आंमा ला बरांडम वा” देत ।

२१ परमपरभु, परमपरभु यावेमी “गो यरूसलेमम आं ४ ओटा हिंचा डा श्यत तरवार, अन्काल, ब्वाकी डा जन्तुपुकी नु मुर बेक्तीक रोइ सोइश्शा मंकेर डा मुर नु बी व्यफ, क्यारश भेडा आन कली साइक्तामी हना, सुइ मब्रांडम वा। इजीकीएल ५ :१७; लेवी २६ :१६-२५; येरमीया १५ :३; परकाश ६ :८ २२मो हना यो मुर आन दात डा का निक्शी ब्रांडशा बाक्नीम। मंको आं तमी तौ गुरूशा इ बाक्तीक जाक्नीम। मिनु गे मंको आन मिम्शो नु आन पशो ताइनवे। मिनु गो यरूसलेम कली श्यत गेशो नु क्याम्शो आ पर्वम इ थुं नाइक्नेवे। २३मंको आन मिम्शो नु आन पशो तशा, मंकोपुकीम इ थुं नाइक्पाइक्नीम। मिनु गो मंकेर मार मार पडा, मंको नेल्ल मोशीन मपड, दे तुइक्नेवे” दे परमपरभु, परमपरभु यावेमी देत।

शोर गाक्शो अडगुर बोट

१५ मिनु परमपरभु यावेमी आं कली लोत्र पाप्तु। २मार लोत्र पाप्तु दंशा हना “ए मुर, मार, ब्वाकीम बाक्ब अडगुर बोट आ शी ब्वाकी डा अरु तेकोइ रवा आन शी क्येडा रिम्शो बाक्वा डा ? येरमीया २ :२१ ३मंको रे मारइ थोत्रक सेल्वा दुम्बा डा ? मुरपुकीम मार मार क्युक्चा कली मंको के कोडग सल्लीमी डा ? ४मंको मीम चोइनीम। मंको मीम आ सुर निक्शी नेक्शा, आ दात डा कोइला दुम्शा लीमनु, मार दुम्बा डा ? यूहन्ना १५ :६ ५मंको सेसीन बाक्मनु ला यो मारइ मडुस्त हना, मीम नेक्शा क्यर दुम्मेनु, मारइ दुम्बा, डा ?” दंशो बाक्ब।

६मोपतीक परमपरभु, परमपरभु यावेमी “दोपा ब्वाकी डा रवा आन दाते डा अडगुर बोट कली मीम चोचा कली गेडा, मोपा गो यरूसलेम डा मुर आन कली यो पाइक्नुडमी। ७गो मंको आन कली सजाइ गेनुड। मंकोपुकी मी र ब्रांडतेकम हना यो, मीम मंको आन कली दाक्ब। गो मंको आन कली सजाइ गेडानु, गोन परमपरभु यावे नड, दे तुइक्चा माल्लीनी। ८मिनु आन थुं फाइश्शा अरु आन नोले सोइक्तीके मंको आन रागी मुर मबाक्तीके सेल्लुड” दे परमपरभु, परमपरभु यावेमी देत।

यरूसलेम तेल्लेम सोदंशो दुम्शो

इजीकीएल २३ :-

१ परमपरभु यावेमी आं कली लोत्र पाप्तु। २मार लोत्र पाप्तु दंशा हना “ए मुर,

यरूसलेम कली मूर्ति पूजा पचा मडुम्ब, दे तुइक्पतो। ३मिनु मंको कली परमपरभु, परमपरभु यावेमी यरूसलेम कली “इ गोतीके नु इ जरमेतीक रागी कनानी आन रागी बाक्ब। इ आफ एमोरी का बाक्त। इ ममा हिंती बाक्त। ४गे जरमेसनु सुइम इ सपु मखरोदम। इ कली ब्वाक्कुम मचिक्तेम। सुइम इ रोम हिक्सी मखरक्तेम। इ कली सुइम वाम मगिलम। ५सुइम मंको नेल्ल पचा कली इ कली शिशी मकाइदम। तन्न गे जरमेसनु, इ कली रूम ताइक्ताकम। मारदे हना इ कली ग्रांगरा दित्ताकम।

६मिनु गो इ नेक्शा रे पा लडानु, इ कली हुश लुम्सीशा बाक्शो ताइतन। मिनु गे मोपा लुम्सीशा बाक्डेनु, गो इ कली रू डा बाट सोदंशो पा कोल्शा, ब्रांडशा, बाक्को देती। ७मिनु गे कोल्शा टेयब दुम्ते। मिनु इ कुनु कोल्शा इ चां लाइश्शा दुम्त। तन्न गे वा मफक्शो शिशरा बाक्त।

८गो लंशा इ नेक्शा रे पा लडानु, गे ग्युंबे पची ना दुम्शो बाक्ते। मिनु गो आं वा आ सुरमी इ शिशरा रां सुम्ता। गो गे नु कबल का पाता। मिनु गे आं के दुम्ते। रूथ ३ :१; परस्थान १९ :५ ९नोले गो इ कली ब्वाक्कुम चिक्शा इ हुश नेल्ले चिक्ताकन। मिनु इ कली तेल खरक्ताकन। १०नोले गो इ कली बुटा आप्शो वाम ग्याम्ताकन। मिनु इ सोइलीम रिम्शो कुशुल के जुत्ता लिक्ताकन। गो इ कली रिम्शो पा किरशो सुती श्यले के वा फक्ताकन। मिनु शुश क्येट लाइब वाम इ कली ग्याम्ताकन। ११गो इ कली गहना पाइताकन। इ गुइम चुरा लिक्ताकन। इ शुरम सुन के माला रल्लताकन। १२गो इ नेम मुन्दरी लिक्ताकन। मिनु इ नोफाम माडवडी क्युक्ताकन। इ पियाम दारशो सुन फू चुइक्ताकन। १३मोपा गे सुन चांदीम ग्याम्साक्व। इ वा रिम्शो पा किरशो सुती श्यले के वा, शुश क्येट लाइब वा नु बुटा आप्शो दारशो वा दुम्तेकम। इ जचा थोत्रक रिम्शो फस, सुदो नु रिम्शो तेल बाक्तेकम। गे थम दारशो दुम्शा कोल्ले। मिनु गे पिपीम दुम्चा शिरते। १४गे दारशो दुम्तीक इ नें रागी रागी डा मुर आन दातेम बरत। मारदे हना इ दारस मारइ मडुम्शो रिम्शो बाक्त। मंको नेल्ल आं इ कली गेशो ग्याम्तीके रे मोदंशो दुम्त, दे परमपरभु, परमपरभु यावेमी दंशो बाक्ब” देत।

१५ मिनु परमपरभुमी “तन्न गे इ दारसम थमा सुइक्तीवी। मिनु गे इ नें चेम्शा तेल्लेम का

दुम्ते। इ नेक्था रे पा लाइब सु बाक्तेक्म हना यो, गे मेको नु तेल्लेम पाप्तीवी। येरमीया २:२० १६गे इ वा रे लाइश्शा, इ कली दारशो थान सेल्लीवी। मिनु मेकर गे तेल्लेम पाप्तीवी। मेको मोदंशो डांडती गनायो मदुम्ब। १७गो इ कली गंशा दारशो गहना लाइश्शा, मेको आं सुन चांदी के बाक्तेक्म। मिनु मेको रे वॉइश मुर मूर्ति सेल्साक्वे। मिनु मेको नु तेल्लेम पाप्तीवी। हास ८:४ १६गे इ बुटा आप्शो वा लाइश्शा, मेको आन कली सुम्तीवी। मिनु गे आं तेल नु धूस मेको आन डांडती चढेप्तीवी। १९गो इ कली जचा थोत्रक यो गेतन। गो इ कली रिम्शो फस, खुदो नु रिम्शो तेल जचा गेतन। तन्न गे मेको जचा थोत्रक मेको आन डांडती बरोत्रशो रिना पपाइक्चा कली चढेप्तीवी। मोदंशो दुम्त। २०मिनु गे आं कली थिशो तमी तौ आन कली लाइश्शा, मूर्ति आन कली जचा थोत्रक सेल्शा क्योरशा चढेप्तीवी। मार इ तेल्लेम पशोमीन मगाम डा? इजीकीएल २०:२६; इजीकीएल २३:३७; व्यवस्था १२:३१; २राजा १६:३; येरमीया ७:३१ २१गे आं आल आन कली क्योरशा, मूर्ति आन कली चढेप्तीवी। २२मिनु इ मूर्ति पूजा नु इ तेल्लेम पशो नल्लेम ठिटी दुम्शो डा नाक्त ममिम्ती। मेना गे वा मफक्सीशो शिशरा नु हुश लुम्सीशो बाक्ते।

२३इ आं अरशो मटिशो आ पर्वम परमपरभु, परमपरभु यावेमी इ पर्वम 'आबी आबी' दंत। येरमीया ११:१३ २४गे इ कली चोक चोकम मूर्ति पूजा पतीके सेल्साक्वे। २५मिनु गे लां गूरुम्तीक नल्लेम इ कली लाइश्शा बाक्तीक सेल्शा, इ दारसम तेल्लेम पाप्तीवी। मिनु मेको रे पा लाइब नल्ले आन कली गे इ रां गंशा इ तेल्लेम पतीक बारपाइक्तीवी। २६गे इ माल्शो, इ नेक्था बाक्ब इजीप्ता डा मुर नु तेल्लेम पाप्तीवी। मोपा इ तेल्लेम पतीक बारपाइश्शा, आं कली थाम्पा गाइक्पाइक्ती। २७मोपतीके गो इ कली सजाइ गेतन। गो इ कली शुश जचा थोत्रक मगेथु, इ जोरी सतरु आन गुडम गेतन। गो इ कली पलिस्ती आन दाक्शो सिखार दुम्पाइक्चा कली गेतामी। पलिस्ती आन तमीपुकी इ मरिम्शो पशो तशा मुने पाम्तेक्म। २८गे अस्सुर डा मुर नु यो तेल्लेम पाप्तीवी। मारदे हना गे मोपा मरूशो बाक्ते। तेल्लेम पशा नोले यो मरूडे। इजीकीएल २३:१२ २९गे मार मार ग्याप्ब लेयब रागी कल्दी

नु यो इ तेल्लेम पतीक बारपाइक्तीवी। मेको मो पशा यो मरूडे" दंत।

३०मिनु परमपरभु, परमपरभु यावेमी "गे मोदंशो पचा कली इ थुंम दोदंशो पा रोइ पचा माल्दा? गे एको गेय नल्ले मुने मपाइश्शा तेल्लेममी खोदंशो पा पाप्तीवी। ३१गे गूरुम्तीक लां नल्ले नु इ चोक चोकम इ लाइश्शा बाक्तीक सेल्लीवी। तन्न गे तेल्लेम खोदंशो मदुमे। मारदे हना गे इ गाल्व मताक्गी। ३२गे हेंथ पाइब मीश, इ वॉइश आ पा डा अर्को नु बाक्नेवे। ३३मुरपुकीम तेल्लेम नल्ले आन कली गाल्व गेनीम। तन्न गे चहिं दूली पा इ कली दाक्ब आन कली कका गाल्व गोप्तीवी। गे मेको आन कली एर आंथ नल्ले रे चाक्शा, गे नु इप्पाइक्चा कली धूस गोप्तीवी। ३४मोपा गे इ तेल्लेम पतीकेम अरु मीश मुर खोदंशो मदुमे। इ कली सुडम मयोत्रडेम। मोपतीके गे गाल्व गोप्तीवी। गे इ गाल्व मतगी। मोपा गे अरु तेल्लेम खोदंशो मदुमे" दंत।

३५मोपतीके ए तेल्लेम, परमपरभु यावे आ लोत्रनेनो। ३६परमपरभु, परमपरभु यावेमी "मारदे हना माल्तीके थम ठेयब बाक्ते, इ तेल्लेम पचा कली इ कली माल्शो मुर आन कली इ शिशरा रां कोइताक्वी। मेको नल्ले इ गरांगरा दिशो मूर्ति नु इ आल आन हुश जारशो आ पर्वम बाक्ब। ३७मोपतीके गो इ तेल्लेम पशो नु ग्यरसीशा बाक्शो इ दाक्शो मुर नल्ले आन कली इ एर आंथ रे सुप्नुडमी। इ कली दाक्ब नु मदाक्ब नल्ले आन कली सुप्नुडमी। गो मेको नल्ले एर आं रे सुप्नुडमी। मिनु गो मेको आन डांडती इ कली शिशरा सेल्लेन। येरमीया १३:२२ ३५गो इ कली हेंथ गाक्ब हुश खराक्श पाक्ब मीश मुर खोदंशो पा आं निसाफ पतीके लोत्र कोत्रशा निसाफ पाइनुड। गो आं गाइश्शा नु रुश पशोमी सजाइ गेनुड। लेवी २:१० ३१मिनु गो इ कली इ मदाक्शो मुर आन गुडम जिम्मा गेनुड। मिनु मेकोपुकीम इ लाइश्शा बाक्तीके नु लां डा बाक्तीके परत्नीम। मेकोपुकीमी इ वा परुइश्शा इ दारशो थोत्रक रोइश्शा, इ कली शिशरा सेल्शा परांडनीम। ३८मेकोपुकीम इ कली गरांगये मागये पाक्ब मुरपुकी चाक्नीम। मिनु फुल्लु आप्नीम। मिनु इ कली आन तरवारम चक्शा चोकटा लाम्टा सेल्लनीम। व्यवस्था २२:२३-२४ ४१मेकोपुकीम इ सिंम मी सुडक्नीम। मिनु शुश मीश मुर आन डांडती इ कली सजाइ गेनीम। गो इ तेल्लेम पतीके तक्नुड। मिनु इ

मुर आन कली गाल्व गेतीक तेक्नुड। २राजा २५ :९ ४२मिनु आं गाइश्शो नु आं रुश पशो, इ र डोन नाइक्पाइक्नुड। मिनु गो सिकसी पा बाक्शा मगाइक्नुड। ४३मारदे हना गे इ ठिटी बाक्ड ना डा नाक्त ममिम्ती। तन्न एको गेय नेल्लेमी आं कली गाइक्पाइक्ती। मोपतीके गो इ पशो इ पियामीन मोइक्ता। गे इ अरु गरांगरा दिशा गेय नेल्ले परांइशा यो इ पतीक नेल्ले मरिम्शो सेल्शा, इ गेय मतम्दी डा ? गे मूर्ति पूजा पाइब क्येडा मरिम्शो पाइब मनवे डा ?” दंत। ४४मेकोम “कथा पाइब नेल्लेम इ पर्वम कथा पा दोदेशो ममा मोदेशो तमी” देनीम। ४५ गे इ ममा आ तमी बाक्नेवे। मेकोम आ वांइश नु आ आल आन कली परांइतु। मिनु गे इ दिदी आ लोक्ब यो बाक्नेवे। मेकोम आ वांइश नु आ आल आन कली परांइतु। इ ममा हिती का बाक्ब। इ आफ एमोरी का बाक्ब। इजीकीएल १६ :३ ४६मिनु इ दिदी सामरीया बाक्ब। मेको इ उत्तर गे आ तमीपुकी नु बाक्शो बाक्त। इ लोक्ब नु आ तमी चहिं दक्खिन गे सोदोम सहरम बाक्नीम। मेको आ तमीपुकी नु बाक्शो बाक्ब। ४७गे मेको आन गाक्शो लाम ला मगाक्ड। मिनु मेको आन मूर्ति पूजा पशो आ नोले यो सोइक्तीवी। मिनु इच्का नाक्तीमीन इ पतीक नेल्लेम मेको आन क्येडा यो शुश मरिम्शो पाप्तीवी” दंत। ४८परमपरभु, परमपरभु यावेमी “गो आं बरांइशा बाक्शो खोदेशो पा, इ लोक्ब सोदोम नु मेको आ तमीपुकीम इ मरिम्शो पशो खोदेशो गनायो मपाम। मती १० :१५ ४९ इ लोक्ब सोदोम आ दोस मार बाक्त देशो हना, मेको नु आ तमीपुकी ठेयब लेश्शा, शुश जशा ब्वशा, शांप पाइश्शा दुम्शा बाक्तेक्म। मेकोपुकीम पुरुडग नु मारइ मथीब आन कली वारच मपदेम। ५०मेकोपुकी ठेयब लेश्शा, आं डांइती गरांगरा दिशा गेय पास्तेक्म। मोपतीके गो मोदेशो तशा मेको आन कली तिल्लामी। उत्पत्ती १९ :२४ ५१सामरीयामी इ पशो पाप क्येडा उइक्थ यो मपावो। गे मेको आन क्येडा शुश मूर्ति पूजा पाप्तीवी। मिनु गे इ पशो गेय नेल्ले र पा, इ लोक्ब आस कली ठीक पाइब तांइसीब खोदेशो सेल्शो बाक्नेवे। येरमीया ३ :११ ५२गे इ मरिम्शो पशो रावो। मारदे हना गे इ लोक्ब आस कली इ क्येडा आइक्च सजाइ ताइब सेल्लेवी। मारदे हना गे मेको आस पाप पशो क्येडा इ पशो मूर्ति पूजा शुश बाक्त। गे इ क्येडा मेको आस कली ठीक पाइब खोदेशो सेल्लेवी। मोपतीक

मुने पावो, इ मरिम्शो पशो राव। मारदे हना गे इ लोक्ब आस कली ठीक पाइब खोदेशो सेल्शो बाक्ते।

परमपरभुमी आ मुर आन कली बाक्ब

५३मिनु गो सोदोम नु आ तमी आन कली रिम्शो दुम्तीक नाक्ती लेश्शा गेनुडमी। मिनु सामरीया नु आ तमी आन कली यो मोदेशो पाइनुड। मिनु इ रिम्शो दुम्तीक नाक्ती यो लेश्शा गेनन। ब्यवस्था ३० :३ ५४मोपा गे इ मरिम्शो पशो राइनेवे। मिनु इ पशो नेल्ले आन पर्वम गे मुने दोक्चा माल्लेवे। मिनु मेको आस कली थुं नाइक्तीके दुम्नेवे। ५५ इ लोक्ब सोदोम नु आ तमीपुकी डांइती डा खोदेशो पा रिम्शो दुम्नीम। मिनु सामरीया नु आ तमीपुकी यो डांइती डा खोदेशो पा रिम्शो दुम्नीम। मिनु गे नु इ तमीपुकी यो डांइती डा खोदेशो पा रिम्शो दुम्नीमी। ५६डांइती इ ठेयब लेक्तीक नाक्ती गे इ लोक्ब सोदोम आ पर्वम शुक्शी मपवी डा ? ५७मेना मेकोपुकीम इ परमपरभु यावे आ अरशो मटिशो मतुइश्शा बाक्तेक्म। मुल अराम डा तमीपुकीमी इ कली शुक्शी पाइनीम। मेको आ नेक्था डा मुर, पलिस्ती आ तमीपुकीमी नु एर आंथ डा मुर नेल्लेमी शुक्शी पा आइक्च मिम्नीम। अराम आ तमी एदोम यो बाक्ब। ५८गे इ मुने दोक्चा डा गेय नु इ मूर्ति पूजा पशो डा सजाइ तचा माल्लेवे” इ परमपरभु यावेमी दंत।

गेना हना यो लीब कबल

५९परमपरभु, परमपरभु यावेमी “गे इ पशो खोदेशो पा गो इ कली पाइनुड। गे आं कसम जशा ममिम्ती। इस पशो कबल यो क्यास्ताक्वी। ६०मो हना यो गो इ ठिटी बाक्ड नाक्त डा गे नु पशो कबल मिम्नुड। गो गे नु गेना हना यो लीब कबल पाइनुड। लेवी २६ :४५ ; होस २ :१७ ; इजीकीएल ३७ :२६ ; येरमीया ३१ :३१-३४ ६१मेना गे इ पशो नेल्ले मिम्शा, मुने दोक्शा, इ लोक्ब आस कली बराइनेवे। गो मेको आस कली इ तमी खोदेशो पा गेनन। तन्न मेको गे नु पशो कबलम पतीके पशो ममाइ। इजीकीएल २० :४३ ६२मिनु गो गे नु ग्येत्थ लुक्च मपाइब कबल पाइनुड। मिनु गे गान परमपरभु यावे नड, दे तुइक्नेवे। ६३मिनु गे इ डांइती पशो मिम्शा मुने दोक्नेवे। गो इ पशो गेय नेल्ले आन पर्वम माफ गेनन। मिनु गे इ मुने आ पर्वम गे ठेयब लेश्शा लोत्र पने मचान्नेवे”

दे परमपरभु, परमपरभु यावेमी दंत। इजीकीएल  
३६ :३१-३२

अडगुर बोट नु ककाकुली आस कथा

१७ मिनु परमपरभु यावेमी आं कली लोव्र पाप्तु। २मार लोव्र पाप्तु हना “ए मुर, कथा का दनो। गे इसराएल आ सिं डा मुर आन कली लोव्र पावो। ३मिनु परमपरभु यावेमी मेको आन कली लाइश्शा, ठेयब फरां पाइश्शा ठेयब ककाकुली का बाक्त। मेको आ शुश ओफला शुश रड डा बाक्तेकम। मेको लेबानोनम जाक्शा, लाइश्शा खा आ डर परोइक्तु। ४मेकोमी मेको खा आ डर लाइश्शा, ग्याप्तोके लेयतीक रागीम चाक्दीत्तु। मिनु मेको ग्याप्ब लेयब आन सहर काम खरुम्तु। इजीकीएल १६ :२९ ५मिनु नोले मेकोमी रागी डा वांचेर लाइश्शा, रिम्शा खपीम खरुम्तु। मेकोम मेको वांचेर शुश ब्वाक्कु बाक्तीकम खरुम्तु। ६मिनु मेको वाशा एर ओंथ नेल्ल गे बराइब लहारा का दुम्त। मिनु मेको आ राशी मेको ककाकुली गे लेक्तेकम। तन्न मेको आ शाक्श चहिं आगामीन लीतेकम। मोपा मेको लहारा का दुम्त। मिनु मेको आ राशी दाप्तेकम। मिनु मेकेर रे शुश सफा गरुतेकम। इजीकीएल १९ :१०

७मिनु मेकेर अर्का ठेयब फरां पाइश्शा नु शुश ओफला पाइश्शा ठेयब ककाकुली का बाक्त। मिनु मेको लहाराम आ शाक्श मेको गे बरपाइक्तु। ब्वाक्कु तचा कली मेको आ राशी यो मेको ककाकुली गे बरपाइक्तु। मेको डांडती डा खरुम्तीके रे याक्शो बाक्त। ८मेको के राशी दाम्मल। फल सिम्मल। मिनु मेको रिम्शा लहारा का दुम्त, दे शुश ब्वाक्कु बाक्शो नु रिम्शा खपीम खरुम्शा बाक्त” देशो बाक्ब। ९मिनु परमपरभु, परमपरभु यावेमी “मार, मेको गरल्बा डा ? मार, मेको आ शाक्श तुल्चा मपुंडसीबा डा ? मिनु मेको आ फल मसोव्रनीमी डा ? मिनु मेको मबक्बा डा ? मेको आ नक वाशो कोच्चा नेल्ल बेक्नीम। मेको आ शाक्श तुल्चा कली शुश बोल्यो गुड नु शुश मुर ममाल्लीम। १०मेको कली याक्शा ला हना यो मेको गरल्बा डा ? पूर्व डा फशेम आबानु मेको नेल्ल मसोव्रबा डा ? रिम्शा खपीम खरुम्शा बाक्त हना यो, फशेम आबानु मेको मसोव्रबा ?” दे मेको आन कली दंचा माल्नेवे” दंत।

कथा आ अर्थ शंशो

११मिनु परमपरभु यावेमी आं कली लोव्र पाप्तु। १२मार लोव्र पाप्तु दंशा हना “एको मटीब सिं डा मुर आन कली ‘एको लोव्र आ अर्थ मार बाक्बा, मेको मतुइक्नीनी ?” दे हिल्लो पामी। मेको आन कली बेबीलोन डा पिप यरूसलेमम जाक्त। मिनु मेकोमी यरूसलेम डा पिप नु आ ठेयब गेय पाइब आन कली बेबीलोनम लाइक्तीमी। २राजा २४ :१०,१५,१६ १३मिनु मेकोम पिप आ सिं डा मुर का कली लाइश्शा, कसम जेपाइश्शा, मेको नु कबल का पाप्तु। मिनु मेकोमी मेको रागी डा ठेयब मुर आन कली लाइक्तु। २राजा २४ :१७ ; २इतिहास ३६ :१३ १४मेको रागी बोल्यो मडुम्त। लंशा बोकने मचबल नु मेकोम आ पशो कबल ला खाने चाप्शा बाक्ल, दे मोदंशो पाप्तु” दंत। १५तन्न यरूसलेम डा पिपमी मेको बेबीलोन डा पिप कली मटिथु, इजीप्त रागीम शारा नु ठेयब हुल का लडाइ पाइब गेयीनी, दे मुर सोइक्ताक्व। मार, मेको कली रिम्शा दुम्बा डा ? मार मोदंशो गेय पाइब मुर बरांइने चाप्बा डा ? कबल पशो परांइशा यो, मेको बरांइने चाप्बा डा ?” दंत। १६परमपरभु, परमपरभु यावेमी “गो आं बरांइशा बाक्शो सोदंशो पा, मेकोमी मेको कली पिप संल्ब पिप नु जशो कसम परंशा, आ पशो कबल परांइशा, बेबीलोन डा पिप आ बाक्तीक सहरम बेक्ब। १७फाराओ आ सक्ति पाइश्शा लडाइ पाइब नु मेको आ मार मारमी मेको कली वारच पने मचाप्नीम। यरूसलेम कली पुम्ची ना नु गारो डाइक्तीक संल्शा शुश मुर साइक्ची ना वारच मपाइब। १८मारदे हना मेकोम आ जशो कसम ममिम्थु, आ पशो कबल परांइशा, संल्ला पा यो, मोदंशो मरिम्शा पतीके मेको बरांइने मचाप्ब” दंशो बाक्ब। १९मोपतीके परमपरभु, परमपरभु यावेमी “गो आं बरांइशा बाक्शो सोदंशो पा, मेकोम आ कसम जशो परंशा, आं कबल परांइशा नेल्ल मेको आ पियामीन मोइक्नुड। २०गो आं ग्याइल मेको तार ब्वारनुड। मिनु मेको आं ग्याइलीम रेप्ब। मिनु गो मेको कली बेबीलोनम चाक्नुड। मिनु मेकोम आं थुं फाइक्तीके गो मेको कली निसाफ पाइनुड। इजीकीएल १२ :१३ १४मेको आ परोक्शा लशा लडाइ पाइब नेल्ल तरवारम साइक्चा पुंडसीनीम। मिनु बरांइशा नेल्ल एर ओंथ बराइनीम। मिनु गो परमपरभु यावेमीन एको लोव्र पशो नड, दे तुइक्नीनी” दंशो बाक्ब।

२२ परमपरभु, परमपरभु यावेमी “गो लेबानोन डा लाइशशा रवा आ डर डा आइक्च राशी का परोइशशा लाइक्नुड। मिनु गो मेको कली नेल्ल क्येडा लाइशशा डोंडाम खरुन्नुड। यसेया ११ :१ २३ गो मेको इसराएल डा लाइशशा पहाड मर खरुन्नुड। मिनु मेकोम शुश राशी दाप्पाइशशा फल सिप्पाइशशा, थम दारशा लेबानोन डा लाइशशा रवा का दुम्ब। मिनु नेल्ल खाल डा चिक्व आ राशीम बाक्नीम। मिनु मेकर ठेयव चिक्वपुकीम ग्योत्र सेल्शा, मेको आ वांकुम बाक्नीम। इजीकीएल २० :४० ; १सामुएल २ :१०८ २४ मिनु रू डा रवा नेल्लेम गो, परमपरभु यावे नड, दे तुइक्चा माल्नीम। गो लाइशशा रवा आन कली आइक्च सेल्लुड। आइक्च रवा आन कली लाइशशा सेल्लुड। गो गिगी रवा आन कली सोत्रपाइक्नुड। मिनु सोत्रशो रवा आन कली गिगी दुम्पाइक्नुड। गो, परमपरभु यावेमी एको लोत्र पाता। मिनु गो एको थमा पा पाइनुड” देत।

बेक्चा नु ब्रांइचा आंम गुइम बाक्व

**१८** १ परमपरभु यावेमी आं कली लोत्र पाप्तु। २ मार लोत्र पाप्तु दंशा हना “इसराएल रागी आ पर्वम लंशा पशो कथा आ अर्थ मार बाक्वा, दे मिम्नीनी? ‘आम आफोम ग्युरशो अडगुर ब्यामतेक्म हना, आन आल आन खरुइ गिरम्बा डा?’” दे हिल्लो पाप्तु। यरमीया ३१ :२९ ३ लंशा परमपरभु, परमपरभु यावेमी “गो आं ब्रांइशा बाक्शा खोंदंशो पा, मुल र गपुकीम एको कथा इसराएलम लंशा काइ मदेनीन। ४ मारदे हना ब्रांइशा बाक्व नेल्ल आं केन नम, दे तुइक्चा माल्नीनी। आम आफ नु आल नेल्ल आं केन नम। सुम पाप पाइवा, मेको ला बेक्व।

५ ठीक पाइव मुर का बाक्त हना, आं अरेशो टीब नु रिम्शो पाइव। ६ मेको डोंडा मेर मजाइव नु इसराएल आ खिं डा मुर आन मूर्ति आन कली पूजा मपाइव, मेको आ नेक्था डा मुर आन मीश नु मइप्व, रां बरोल्शो मीश मुर नु मइप्व। लेवी १८ :१९ ; लेवी १८ :२० ७ मेकोम सुइ आन कली मदिप्व, जाकटी वोइशशा मार मार लेशशा गेब, मेकोम सुइ मपाइव, शोत्रलु बेक्शा आन कली आ जचा थोत्रक गेब। मिनु शिशरा बाक्शा आन कली वा फेक्पाइक्व। ब्यवस्था २४ :१०-१३ ; यसेया ५८ :१७ ८ मेकोम जेर गेशा चाइक्व मताक्व, मेको मरिम्शो पतीक र डोन बाक्व

नु मुर आन दातेम कुल मकोत्रथु ठीक निसाफ पाइव। परस्थान २२ :२४ ; मजन संगरह १५ :५ ९ मेकोम आं फुल्लुम मुशा बरेक्शा लोत्र नु आं निसाफ पतीक लोत्र थुं मफाइक्थु पाइव। मोदंशो मुर ठीक पाइव मुर बाक्व। मिनु मेको थमा पा ब्रांइचा माल्ब” दे परमपरभु, परमपरभु यावेमी दंशा बाक्व।

१० मिनु “मेको मुर के तो का बाक्व। मेकोम हुश खराक्व पोक्व नु मुर आन कली साइक्व, ११ मेको आ आफोम मपशो गेय नेल्ल मेकोम पाइव, मेकोमी डोंडा मेर जाइव, मेको आ नेक्था डा मुर आन मीश नु इप्व। १२ परुडग नु मारइ मथीब आन कली दिप्व, मुर आन मार मार रोइक्व। जाकटी वोइशशा थोत्रक मलेप्व, मूर्ति आन कली पूजा पाइव नु ग्रांगरा दिशा गेय पाइव। १३ मेकोम आ चाइक्व ताक्शा ला जेर गेब, मार मोदंशो मुर ब्रांइचा ताइवा डा ? मेको ब्रांइचा मताइव। मोदंशो ग्रांगरा दिशा गेय नेल्ल पतीके, मेको थमा पा बेक्चान माल्ब। मेको आ हुश आ दोस मेको आंमा राइव।

१४ तन्न मेको मुर आ तोमी आ आफोम पशो पाप नेल्ल ताइव। मेको नेल्ल तशा, मोदंशो गेय मपाइव। ब्यवस्था २४ :१६ १५ मेकोम डोंडा मेर मजाइव। इसराएल आ खिं डा मुर आन मूर्ति आन कली पूजा मपाइव, मेको आ नेक्था डा मुर आन मीश नु मइप्व। १६ मेकोम सुइ आन कली मरिम्शो मपाइव, मेकोमी जाकटी मताक्व। मेकोम सुइ के मारइ मराइक्व। तन्न शोत्रलु बेक्शा आन कली आ जचा थोत्रक गेब। शिशरा बाक्शा आन कली वा फेक्पाइक्व। १७ मेको मरिम्शो पतीक र डोन बाक्व, जेर गेशा आ चाइक्व मताक्व। मेकोम आं निसाफ पतीक लोत्र नेल्ल पाइव। मिनु आं फुल्लुम मुशा बरेक्शा लोत्र नेल्ल खान्ब। मेको मुर आ आफ आ मरिम्शो पशो आ पर्वम बेक्चा ममाल्ब। मेको थमा पा ब्रांइव। १८ तन्न मेको आ आफोम चहिं आ दला दाक्स पशा, आ लोक्व आन कली रोइक्ताक्व। आ मुर आन दातेम मरिम्शो पाप्तु। मेको आ मरिम्शो पशो आ पर्वम बेक्व।

१९ मो हना यो गपुकीम मारदे आ आफ आ मरिम्शो पशो आ तोम कुरचा ममाल्दा ? दंनीनी। आ तोम आं अरेशो टिशा, ठीक गेय पशो बाक्व, मेकोम आं फुल्लुम मुशा बरेक्शा लोत्र हास पा टिशा बाक्व। मापतीक मेको थमा पा ब्रांइव। परस्थान २० :५ २० सुम पाप पाइवा, मेको ला बेक्व। आलमी आ आम आफ आस मरिम्शो

पशो आ पर्वम श्येत जचा ममाल्ब। आ आम आफोम यो आस आल आन मरिम्शो पशो आ पर्वम श्येत जचा ममाल्नीस। ठीक पाइब आ ठीक पशो आ कली दुम्ब। मिनु परमपरभु याव आ अरशो मटीबमी आ मटिशो आ कलीन दुम्ब। २२राजा १४:६

२१तन्न परमपरभु याव आ अरशो लोत्र मटीब मुर कामी आ पशो पाप नेल्ल परांइशा, आ फुल्लनुम मुशा बरेकशो लोत्र नेल्ल पापु हना, आ अरशो नु ठीक गय पापु हना, मेको थमा पा बरांइब। मेको मबेक्ब। इजीकीएल ३३:१०-२० २२मेको आ हेंथ पशो आ पर्वम लेशा ममिम्सीब। मेको आ ठीक पतीकम बरांइब। यसेया ४३:२५ २३मार, गो आ अरशो लोत्र मटीब मुर बेकमनु ग्येरनुडा डा? मेको क्येडा यो गो मेको आन मरिम्शो पशो परांइशा बरांइशा बाक्शो तचा मदाक्नुडा डा? श्रुतिमोथी २:४ २४तन्न ठीक पाइब मुरुम आ ठीक पतीक परांइशा, मरिम्शो पापु हना, आ अरशो लोत्र मटीबपुकीम खोदंशो पा गरांगरा दिशो गय पापु हना, मार मेको बरांइबा डा? मेको आ डांइती पशो ठीक गय मारइ ममिम्सीब। मेको आ मरिम्शो पशो नु आ पाप आ पर्वम बेक्चा माल्ब। इजीकीएल ३:२०

२५मो हना यो गेपुकीम 'परमपरभु आ पशो ठीक मबाक्ब' दनीनी। इसराएल आ सिं डा मुर नेनीन, मार, आ पशो ठीक मबाक्बा डा? मार, इन पशो कका ठीक बाक्बा डा? २६ठीक पाइब मुरुम आ ठीक पतीक परांइशा मरिम्शो पापु हना, मेको आ ठीक मपतीकम बेक्ब। मेको आ मरिम्शो पशो आ पर्वम बेक्चा माल्ब। २७तन्न परमपरभु याव आ अरशो मटीब मुरुम आ मटितीक परांइशा, आ अरशो ठीक गय पापु हना, मेको बरांइब। २८मारदे हना मेकोम मिम्शा, आ पशो मरिम्शो नेल्ल र लेत्त हना, मेको थमा पा बरांइब। मेको बेक्चा ममाल्ब। २९मो हना यो इसराएल आ सिं डा मुरपुकीमी 'परमपरभु याव आ पशो ठीक मबाक्ब' दनीम। ए इसराएल आ सिं डा मुर, मार, आ पशो ठीक मबाक्बा डा? मार, इन पशो कका ठीक बाक्बा डा?

३०मोपतीके ए इसराएल आ सिं डा मुर, गो नेल्ल इन कली इन पशो कोत्रशा निसाफ पाइनुडा। मिनु इन हेंथ पशो नेल्ल र लेतीन। मो मपाइतीनी हना, इन मरिम्शो पशोम इन कली साइक्ब। ३१गे इन आ कली हेंथ पशो नेल्ल परांइशा, गे नक थुं नु नक सोक्ती ताक्कीन। ए इसराएल आ सिं डा मुर, गे मारदे बेक्चा

दाक्नीनी? इजीकीएल ११:११ ३२मारदे हना गो सुइ मुर बेक्शोम मग्येरसीनुडा। मरिम्शो पतीकर लेशशा, बरांइशा बाक्कीन" दे परमपरभु, परमपरभु यावमी दैत।

रोंका पतीक कुम्सो

१गे इसराएल डा पिप आ सिं डा मुर ११ आन पर्वम रोंका पने। २इ ममा गुप्स आन दातेम ठेयब छाउरी गुप्स दुम्शा बाक्त। मेको आ चाइक्ब आन कली कोल्पाइक्ना पाइक्न ठिटा गुप्स आन दातेम गोल्शा बाक्बाक्त। उत्पती ४९:१ ३मिनु मेकोम आ चाइक्ब आन दाते डा का कली कोल्पाइक्शा, ठेयब सेल्लु। मिनु मेको ठेयब बोल्यो ठिटा गुप्स का दुम्त। मेकोम सिखार पचा शंसाक्ब। मिनु मुर आन कली ब्वापु। ४मिनु रागी रागी डा मुरपुकीम मेको आ पर्वम लोत्र नंतेक्म। मिनु मेकोपुकीम मेको कली बिक्तीकम पिक्शा ग्याइक्ताक्म। मिनु मुरपुकीम मेको कली कांडगुम कीशा, इजीप्त रागी लाइक्तेक्म। २२राजा २३:३१-३३; येरमीया २२:११-१२ ५मिनु मेको छाउरी गुप्सम आ दंशो मद्दुम्शा नु आ मिम्शा मगाप्शो तशा, आ चाइक्ब आन दाते डा का कली यावतु। मिनु मेको कली बोल्यो ठिटा गुप्स का सेल्लु। २२राजा २४:६,८,९ ६मिनु मेको गुप्स आन दातेम एर आंथ पचा गोपु। मारदे हना मेको ठेयब नु बोल्यो ठिटा गुप्स दुम्शा बाक्त। मिनु मेकोम सिखार पचा शंसाक्ब। मिनु मुर आन कली ब्वापु। ७मेकोम मुर आन बोल्यो दरवार परतु। मिनु मेको आन सहर खतम सेल्लु। मेको आ डारशो नंशा, रागी नु मेकर बाक्ब नेल्ल हितेक्म। ८मिनु आ एर आंथ डा रागी रागी र मुरपुकी जाक्तेक्म। मिनु मेको कली ब्वाएद दाइक्ताक्म। मेको कली बिक्तीकम पिक्शा ग्याइक्ताक्म। ९मिनु मेकोपुकीम मेको कली कांडगुम कीशा ग्याइक्शा खोरम चोक्तेक्म। मिनु बेबीलोन डा पिप आ बाक्तीकम लाइक्तेक्म। मेकोपुकीम इसराएल डा डांडा मेर आ सेंदा गेनायो मनसेक्ल, दे मेको कली चोक्शा वोइक्तेक्म। २२राजा २४:१५ १०इ ममा ब्वाक्कु आ नेक्था खरुम्शो अडगुर बोट खोदंशो बाक्त। शुश ब्वाक्कु बाक्तीक, मेको शुश राशी पाइक्शा शुश गेडा सिशशो बाक्त। इजीकीएल १७:६ ११मेको आ बोल्यो राशी का पिप आन हुकुम पतीक कोक्के दुम्चा डा बाक्त। मेको शुश राशी आन दातेमी लाइक्शा

नु कोल्शा दुम्शा, शुश राशी दाप्पाइश्शा लत। १२तन्न मेको गाइश्शा चुरशा तुल्वा पुंडसाकव। मिनु खपीम ताइक्चा पुंडसाकव। मिनु पूर्व डा फशम मेको कली सोत्रपाइक्तु। मिनु मेको आ गंडा नल्ल हम्तेक्म। आ बोल्यो राशी सोत्रशा, मेको कली मीम नक्तु। १३मिनु मुल मेको सोत्रशा ब्वाक्कु मबाक्शो गोरशा रागीम खरुम्चा पुंडसाकव। १४ मिनु मेको आ ठेयब राशी रे मी गस्तु। मिनु मेको आ फल नु आ आइक्च राशी नल्ल नक्तु। मोपा मेकर हुकुम पतीक कोक्के दुम्चा डा बोल्यो राशी का या मली। मिनु एको रांका पतीक कुम्सो नल्लेम तुइश्शा, पना पन बाक्तेक्म।

### इसराएली हेंथे गाक्शो

१ मिनु ७ बर्स डा ५ महिना डा १० नाक्ती  
**२०** इसराएल डा खाल्पापुकी परमपरभु यावे कली हिल्लो पचा कली जाक्शा आं डांइती बाक्तेक्म। इजीकीएल १४:१ २मेना परमपरभु यावेमी आं कली लोत्र पाप्तु। ३मेकोमी “ए मुर, इसराएल डा खाल्पा आन कली लोत्र पावो। गो, परमपरभु, परमपरभु यावेमी, मारदे गेपुकी आं कली हिल्लो पथ जाक्नी? गो आं बरांइशा बाक्शो सोदंशो पा, इन कली लोत्र मल्लेक्नुड। इजीकीएल १४:३ ४ए मुर, गे मेको आन कली निसाफ पाइनेव? गे मेको आन कली निसाफ पाइनेव? मो हना मेको आन किकी पिपी आन गरांगरा दिशो गय आन पर्वम मेको आन कली तुइक्पतो। इजीकीएल २२:२; इजीकीएल २३:३६ ५ गो इसराएल कली योत्रडु नाक्ती याकूब आ खिं डा आ चच युइ नु कसम जाता। इजीपत रागीमी गो मेको आन दातेम तुइक्पाइसाकयी। मेको आन कली गो परमपरभु यावे, इन परमपरभु नड, दे कसम जाता। परस्थान ६:३७-८ ६ गो मेको नाक्ती मेको आन कली इजीपत रे गर्इइशा, आन माल्यो रागीम चाक्नुडमी। मेको रागीम दूध नु खुदो शाइश्शा बाक्व। मिनु मेको रागी, रागी नेल्ल आन क्येडा रिम्शो बाक्व, दे कसम जशा देशो नड। परस्थान ३:२८ ७ मिनु गो मेको आन कली इन कोत्रत दाक्शो गरांगरा दित्वा डा थोत्रक ताइक्तीन। गे आंम कली इजीपत डा मूर्तिपुकीम गरांगरा दिशो मसल्ल्सीन। गो परमपरभु यावे, इन परमपरभु नड। यहासु २४:१४,२३ ८ तन्न मेकोपुकीमी आं कली मटिथु, आं लोत्र मनेनेम। सुइम आन कोत्रत दाक्शो गरांगरा दित्वा डा थोत्रक

मताइक्तेक्म। सुइमी इजीपत डा मूर्तिपुकी यो मपरनेम। मिनु गे इजीपत रागीम बाक्नीनु, आं गाइश्शा नल्ले इन तारी मोइक्नुड, दे मिम्ताक्ड। ९ तन्न गो आं नें रागी रागी डा मुर आन डांइती मरिम्शो मडुम्त, दे गो इन कली इजीपत रागी रे गर्इइताक्ड। इन बाक्शो रागी डा मुर आन कली यो आं नें तुइक्पाइक्ताक्मी। इजीकीएल २०:१४; इजीकीएल ३६:२१-२२; परस्थान ३२:१२ १० मोपतीक गो मेको आन कली इजीपत रागी रे गर्इइशा गोरशा रागीम चाक्तामी। ११ गो मेको आन कली आं फुल्लुम मुशा बरक्शो लोत्र तुइक्पाइक्तामी। मिनु आं निसाफ पतीक लोत्र कांइताक्डमी। सुम मेको टिशा पाइबा, मेको बरांइब। लेवी १८:५; लूका १०:२८ १२ मेको बरांइशा मेको आन कली नाइक्तीक नाक्त गेतामी। मेको गो नु मेको आन दातेमी चिन्ड का बाक्व। मिनु गो, परमपरभु यावेमी मेको आन कली आं मुर सेल्लाक्मी, दे तुइक्तामेक्ल। परस्थान ३१:१३-१७ १३ तन्न इसराएल आ खिं डा मुरपुकीमी गोरशा रागीम आं कली मटीयोमी। मेकोपुकीम आं फुल्लुम मुशा बरक्शो लोत्र नु आं निसाफ पतीक लोत्र मपाम। मेको टिशा पाइब मुर मेको रे बरांइनीम। मेकोपुकीमी आं नाइक्तीक नाक्त गरांगरा दिशो सेल्लेक्म। मिनु गो एको गोरशा रागीमीन आं चुरशा मोइश्शा मेको आन कली साइक्नुडमी, दे मिम्ताक्ड। परस्थान ३२:१०-१२ १४ मिनु गो रागी डा मुर आन डांइती मेको आन कली इजीपत रागी रे गर्इइताक्ड। गो आं नें मेको रागी रागी डा मुर आन डांइती मरिम्शो मडुम्त, दे मोदंशो पाता। १५ मिनु गो मेको आन कली गोरशा रागीमी गो इन कली गेशो, दूध नु खुदो शुश बाक्शो नेल्ल क्येडा दारशा रागीमी मलाइक्नुड, दे कसम जाता। गन्ती १४:३० १६ मारदे हना मेकोपुकीम आं निसाफ पतीक लोत्र होस पा मपाम। मिनु फुल्लुम मुशा बरक्शो लोत्र मटीम। मिनु आं नाइक्तीक नाक्ती गरांगरा दिशो सेल्लेक्म। मारदे हना मेको आन थुं आन मूर्ति गे हिरशा बाक्तेक्म। १७ मो हना यो गो मेको आन कली शिशो पा, गोरशा रागीम मसदुमी। मेको आन कली मक्याम्दुमी।

१८ गो गोरशा रागीम मेको आन आल आन कली गे इन आम आफ आन शंशो फुल्लुम मुशा बरक्शो लोत्र मटिने। मेको आन निसाफ पतीक मपने। मेको आन मूर्तिम आंम इन कली गरांगरा दिशो मसल्ल्सीन। १९ गो परमपरभु यावे,

इन परमपरभु नड। गेपुकीम आं फुल्लुम मुशा बरक्शो लोव्र टिशा, आं निसाफ पतीक लोव्र होस पा पने। २० आं नाइक्तीक नाक्ती गेय मपने। मिनु मेको गे नु गो इं दातेम चिन्ड दुम्ल। मिनु गेपुकीम गो परमपरभु यावे, इन परमपरभु नड, दे तुइक्नीनी” देती। २१ तन्न मेको आलपुकी आं कली मटीब दुम्लेकम। मेकोपुकीम आं फुल्लुम मुशा बरक्शो लोव्रम मटीम। मिनु आं निसाफ पतीक लोव्र होस पा मपाम। मेको टिशा पाइब मुर मेको रे बरांडनीम। मेकोपुकीम आं नाइक्तीक नाक्ती गरांगरा दिशा सेल्लेकम। मिनु एको गोरशो रागीमीन आं चुरशो आन तारी मोइश्शा, मेको आं गाइश्शा पशो गेय कांडनुड। २२ तन्न गो आं गुइ तेक्ता। मिनु गो रागी डा मुर आन डांडती मेको आन कली इजीप्त रागी रे गरुंडताकड। गो आं ने मेको रागी रागी डा मुर आन डांडती मरिम्शो मदुम्ल, दे मोदेशो पाता। २३ मेको परांडशा यो, गो गोरशो रागीम मेको आन कली गो इन कली रागी रागी डा मुर आन दातेम एर आंथ बरपाइक्नुडमी। मिनु राज्य राज्यम एर आंथ बरपाइक्नुडमी, दे कसम जाता। लेवी २६:३३ २४ मारदे हना मेकोपुकीम आं निसाफ पतीक लोव्र मपामे। मिनु आं फुल्लुम मुशा बरक्शो लोव्र मटीम। आं नाइक्तीक नाक्ती गरांगरा दिशा सेल्लेकम। मिनु मेकोम आन किकी पिप आन मूर्ति पूजा पाम्तेकम। २५ गो मेको आन कली फुल्लुम मुशा बरक्शो मरिम्शो लोव्र यो गतामी। मिनु आं निसाफ पतीक लोव्रम यो मेकोपुकी बरांडन मचाप्राक्तेकम। २६ गो मेको आन कली आन चदेशो रे पा गरांगरा दिशा दुम्ला गतामी। आन डांडती जरमेशो मारइ मारइ आन रे आं कली चदेचा आ पर्वम मेको आन कली गरांगरा दिशा दुम्पाइक्तामी। मेकोपुकी हिंशा ग्येत्थ लुकच दुम्ल, दे मो पाता। मिनु मेकोपुकीम गो परमपरभु यावे नड, दे तुइक्तेमकल, दे मो पाता” देत। इजीकीएल १६:२०; परस्थान १३:२,१३; परस्थान २२:२८

२७ मोपतीक ए मुर, इसराएल आ सिं डा मुरपुकी नु लोव्र पावो। मिनु मेको आन कली “परमपरभु, परमपरभु यावेमी इन कली मार देत देशा हना, इन किकी पिपीम आं कली जाल पा शुक्शो पाइक्तीमी। २८ गो कसम जशा मेको आन कली गेनुड देशो रागीम चाक्तामी। मेकोपुकीम मेकर लाइश्शा डांडा नु शुश सफा पाइश्शा रवा ताम्तेकम। मेकर आन मार मार चदेम्लेकम। आं कली गाइक्पाइक्चा कली आन पोक्शो

मार मार चदेम्लेकम। मेकर आन बरोव्रशो रिना पाइश्शा धूप चोशा, आन तूचा थोव्रक चदेतीक चदेम्लेकम। २९ मिनु गो मेको आन कली गे इन लशो लाइश्शा डांडा मार बाक्बा? दे हिल्लो पातामी। मुल सम्म यो मेको ठाउं आ नं बामाह देसीब” दे परमपरभु यावेमी देत। बामाह देशो लाइश्शा डांडा डा थान रुसीब।

परमपरभु आ मुर आन कली पतीक

३० मोपतीक परमपरभु, परमपरभु यावेमी इसराएल आ सिं डा मुर आन कली “गो यो इन किकी पिपी आन सोदेशो पा इन कली गरांगरा दिशा सेल्लेनीनी? मिनु मेको आन गरांगरा दिशा मूर्ति आन नोले सोइक्नीनी? ३१ गेपुकीम मेको आन कली चदेनीनी। गे इन आल आन कली चोशा चदेनीनी। मिनु मुलाक्ती सम्म यो गे इन मूर्ति पूजा पतीकेम आंम इन कली गरांगरा दिशा सेल्लेनीनी बाक्नीनी। ए इसराएल आ सिं डा मुरपुकी, गो बरांडशा बाक्शो सोदेशो पा, गे आं कली हिल्लो पचा मताइनीनी” दे परमपरभु, परमपरभु यावेमी देत।

३२ मिनु परमपरभुमी “इन थुम गेपुकी अर्का रागी डा मुर नु अर्का जात डा मुर सोदेशो दुम्ला दाक्नीक देतीनी। गेपुकीमी ‘रागी डा जात जात डा मुर सोदेशो पा शी नु फुल्लु आन कली पूजा पाइब बाक्नीकी’ देतीनी। तन्न इन मिग्शो गनाया मजाक्दीष्व” देत। परस्थान २३:२४

३३ परमपरभु, परमपरभु यावेमी “गो बरांडशा बाक्शो सोदेशो पा, सक्ति पाइश्शा गुइ दिशा चुरशा गो इन कली सासन पाइनुड। ३४ गो इन कली सक्ति पाइश्शा गुइ दिशा चुरशा इन बरशा बाक्शो रागी रागी डा मुर आन दाते रे गरुंडशा चाक्नन्नी। मिनु गे इन बरशो रागी रे इन कली गरुम्पाइक्नन्नी। ३५ गो इन कली रागी रागी डा मुर आन गोरशो रागीम चाक्नन्नी। मिनु मेकर इन कली निसाफ पाइनुड। होस रे १६ ३६ डांडती गो दोपा इजीप्त डा गोरशो रागीम इन किकी पिपी आन कली निसाफ पडा, मोपा इन कली यो निसाफ पाइनुड। गन्ती १४:२२-२३ ३७ गो इन कली हिक्शा आं कबल पपाइक्नन्नी। लेवी २७:३२; यरमीया ३३:१३ ३८ इन दाते डा आं कली मटीब नु मरिम्शो पाइब आन कली तिल्लुडमी। गो मेको आन कली अर्का रागी डा मुर दुम्ला बाक्शो रागी रे गरुंडनुडमी। तन्न मेको इसराएल रागी ओव्रचा मताइनीम। मिनु गेपुकीम गो परमपरभु यावे नड,

दे तुइक्नीनी । ३१ ए इसराएल आ सिं डा मुरपुकी, परमपरभु यावेमी इन कली लन। गे आं दंशो टिचा मदाक्नीनी हना, मुल रे गे नेल्लेम इन इन मूर्ति आन कली पूजा पने। तन्न इन मूर्ति पूजा पतीकमी आं नं कली गेनायो ग्रांगरा दिशो मसलीन ।

४० मारदे हना आं डांडा, इसराएल डा डांडामी इसराएल आ सिं डा मुर नेल्लेम आं कली ठयब सल्लीम। मिनु गो मंकर मको आन कली ब्राइनडमी। गो मंकर इन गेशो, इन गेशो नेल्ल वयडा रिमशो थोवक नु इन चदशो नेल्ल ताकनुड। इजीकीएल १७:२३ ४१ गो इन कली रागी रागी डा मुर आन दाते रे गरुइशा नु इन कली इन बरशो रागी रे सुपशा, ब्रावशो रिना पाइशो धूप खोदशो पा ब्राइनन्नी। मिनु रागी रागी डा मुर आन डांडती आं कली तुइकपांडसीनुड। ४२ मिनु गो इन किकी पिपी आन कली गनुड दंशो इसराएल रागीम इन कली चाकनन्नी। मना गेपुकीम गो परमपरभु यावे नड, दे तुइक्नीनी। ४३ मंकर गे इन कली ग्रांगरा दिशो सत्व थोवक नु मरिमशो गय नेल्ल मिन्नीनी। मिनु इन पशो मरिमशो गय नेल्ल आन पर्वम मिमशा आम इन कली ग्रांगरा दीनीनी। इजीकीएल ३६:३१-३२ ४४ ए इसराएल आ सिं डा मुरपुकी, गे इन मरिमशो पतीक नु इन हेंथ पशोम ममाइ, तन्न आं नं आ पर्वम गो इन कली रिमशो पाइनुड। मिनु गेपुकीम गोन परमपरभु यावे नड, दे तुइक्नीनी” दनो” दे परमपरभु, परमपरभु यावेमी दंत।

#### दक्खिन आ पर्वम लोव

४५ परमपरभु यावेमी आं कली लोव पापु। ४६ मार लोव पापु दंशा हना “ए मुर, दक्खिन गे कोवशा दक्खिन आ पर्वम आं लोव पावो। मेको दक्खिन नेगब डा ब्याकी आ पर्वम आं लोव पावो। ४७ नेगब डा ब्याकी कली ‘परमपरभु यावे आ लोव नेनो। परमपरभु, परमपरभु यावेमी गो इ कली मी सुइक्का चिक्का वाकनुड। मिनु इ गिगी रवा नु सोवशो रवा आन कली मेकोम नेक्व। मेको आ बरशो मकाप्व। मिनु मेकोम पतीक दक्खिन रे उत्तर सम्म डा नेल्ल आन कुल किक्व। ४८ मिनु मुर नेल्लेमी गो, परमपरभु यावेमी मेको जेत्ताकड, दे तुइक्नीम। मेको काप्व मडुम्ब’ दनो” दंत। ४९ मिनु गो “परमपरभु, परमपरभु यावे, मेकोपुकीम आं पर्वम ‘मेकोमी कथा ला दंशो बाक्व, ममाइ डा ?’ दंनीम” दंती।

#### परमपरभुम आ तरवार हेरशो सत्वशो

१ परमपरभु यावेमी आं कली लोव पापु। २ मार लोव पापु दंशा हना “ए मुर, यरूसलेम गे कोवशा, आं बाक्तीक आ पर्वम आं लोव पावो। इसराएल रागी आ पर्वम आं लोव पावो। ३ मिनु इसराएल डा स्वाल्पा आन कली परमपरभु यावेमी मार लोव पापु दंशा हना ‘गो बारशा, आं तरवार खोत रे शोइशशा, इन दाते डा ठीक पाइव नु आं अरशा लोव मटीब नेल्ल आन कली साइक्नुडमी। ४ मिनु गो इन दाते डा ठीक पाइव नु आं अरशा लोव मटीब नेल्ल आन कली साइक्नुडमी। मोपतीक दक्खिन रे उत्तर सम्म डा मुर नेल्ल आन पर्वम आं तरवार खोत रे गरुशो बाक्व। ५ मिनु मुर नेल्लेम गो, परमपरभु यावेमीन आं तरवार शोइशशा बाक्नुड’ दे तुइक्नीम। मेको लंशा मपिम्सीब। ६ मोपतीक ए मुर, हुकयी पावो। जिक्को थुंम थम श्येत जशा, मेको आन डांडती हुकयी पावो। ७ मिनु मेकोपुकीम इ कली ‘गे मारदे हुकयी पवी’ दंतेक्म हना, मेको आन कली ‘लोव नेतीक हुकयी पाता। मुर नेल्ल आन थुं बेक्का लाइव। आन गुइ योक्व। आन थुं गयत्थ लुक्क दुम्ब। मिनु मुर नेल्ल आन पोक्क बोल मपाइशशा दुम्ब। मेको नाक्ती जाक्का जाक्क बाक्व। मेको थमा पा दुम्ब, दे परमपरभु यावेमी दंशो बाक्व’ दे माइक्मी” दे परमपरभु यावेमी दंत। इजीकीएल ७:१७

८ परमपरभु यावेमी आं कली लोव पापु।

९ मार लोव पापु दंशा हना “ए मुर, परमपरभु यावे आ लोव पा, परमपरभु यावेमी ‘तरवार का, तरवार का शपशा, हेरशो सत्वशो बाक्व। मेको टल्केशो बाक्व। १० मेको मुर साइक्का कली शपशा बाक्व। चिला दापशा खोदशो पा टल्केपपाइक्का कली शपशा बाक्व। दोपा ग्येरसीने चाप्नीनी? आं मुरपुकीम आं सजाइ गेतीके ममिस्तेक्म। ११ तरवार टल्केपपाइक्का कली गेशो बाक्व। मिनु गुइम शशा, मेको शपशा टल्केपपाइशशा बाक्व। मेको साइक्व कली गेशो बाक्व। १२ ए मुर, डाक्शा रांका पावो। मारदे हना मेकोम आं मुर आन कली साइक्व। मेकोम इसराएल डा पिप आ सिं डा मुर नेल्ल आन कली साइक्व। मेको नु आं मुरपुकी यो तरवारम साइक्का पुंडसीनीम। मोपतीक गे इ कुचु तुपो। १३ गे आं गेशो सजाइ ममिम्थु, मेको श्येत मजाक्व, दे मिन्नीनी’ दनो” दे परमपरभु यावेमी

दंत। यसैया १:५ १४ मिनु परमपरभुमी “ए मुर, आं लोत्र पावो। तरवारम ख्यप निक्शी ख्यप सां सम्म क्योरब। मेको तरवार मारइ मारइ आन कली साइक्चा कली बाक्ब। मेको बोल्यो पा क्योरचा कली बाक्ब। मेकोम एर ओंथ नल्ल रे क्योरब। १५ मोपतीक थुं लुकच लाइनीम। मिनु शुश गोल्नीम। मेको आन ठेयब लाप्चो नल्लेमी हुश खराक्श पोक्चा कली तरवार वोइश्शो बाक्ती। मेको चिला दाप्शा खोदेशो पा साइक्चा कली शेषो बाक्ब। १६ तरवार, परा गे क्योरो। ग्युरा गे क्योरो। तेइ तेइ लावो। १७ मिनु गो यो साइक्ना साइक्न लाइनुड। मिनु आं चुरशो नाइक्नुड। गो, परमपरभु यावेमीन लोत्र पाता” दंत।

१८ परमपरभु यावेमी आं कली लोत्र पाप्तु। १९ मार लोत्र पाप्तु देशा हना “ए मुर, बेबीलोन डा पिप आ तरवार चाक्चा कली लां निक्शी योत्रडो। मेको लां निक्शी रागी का रे जाक्चा माल्नीस। सहर गे लतीक लां आस डोंइती लां कांइतीक का वातो। २० मेको तरवार जाक्चा कली अम्मोनी आन रब्बाह सहर, यहूदा नु गारो हिरशो यरूसलेम कली लां सलीन। २१ मारदे हना बेबीलोन डा पिप मेको लां निक्शी गरुम्तीकम राख्ब। तेको लां लचा, दे मेकोमी लिंक्यु कोत्रब, बरा कली हिम्पाइक्ब। आ खिं डा मूर्ति आन कली हिल्लो पा आ आइदी कोत्रब। २२ मेको आ ग्युरा गुइम यरूसलेम कली बाजी दुम्त। मेकर गारो डाइक्चा कली शी फुल्लु तल्था, लडाइ पचा कली, गरीचा कली ठेयब लाप्चो गे शी फुल्लु तल्था सहर पुम्चा कली, लाइश्शो खिं सल्ल्वा माल्नीम। इजीकीएल ४:२ २३ तन्न यरूसलेम डा मुर आन कली मेको लिंक्यु कोत्रतीक दूली बाक्त, दे मिम्नीम। मारदे हना मोदेशो मदुम्ब, दे कसम जशो लोत्र नेशो बाक्तेक्म। तन्न परमपरभुम मेको आन मरिम्शो पशो मिम्पाइक्ब। मिनु मेको आन कली ग्याइक्पाइक्ब।

२४ मोपतीक परमपरभु, परमपरभु यावेमी मारदे हना इन मरिम्शो पशो मिम्पाइक्तीनी। इन हेंथे पशो नल्ल तुइक्नीम। इन पशो पाप नल्ल तांइसीब। गे ग्याइश्शो लाइक्चा पुंइसीनीनी। २५ गे काइ मरिम्शो नु आं अरेशो लोत्र मटीब इस्राएल डा सासन पाइब इ नाक्त जाक्त। इ नोले डा सजाइ ततीक नाक्त जाक्त। २६ मेको आ पिया रे गुप्तीक पुतीन। मेको आ सिरपेच पुतीन। मुल दुम्शो खोदेशो पा, लेंशा मदुम्ब।

आइक्च आन कली ठेयब सलीन। मिनु ठेयब आन कली आइक्च सलीन। परस्थान २८:४ ; लुका १८:१४ २७ मारइ मारइ बरेशो बाक्ब। मेको गो पाता। मेको मोदेशो गेनायो मदुम्शो बाक्त। मेको सासन पचा कली शिरशो दुम्शा जाक्त हना, मेको कली गेनुड” दंत। उत्पत्ती ४९:१०

२८ ए मुर, गे चहिं आं लोत्र पावो। गो, परमपरभु, परमपरभु यावेमी अम्मोनी नु मेको आन शुक्शी पशो आ परबम मार देनुड देशा हना “साइक्चा कली तरवार शोइश्शो बाक्ब। साइक्चा कली शेषा टल्केशो बाक्ब। मेको चिला खोदेशो पा दाख्ब बाक्ब। इजीकीएल २५:२-७ २९ इन परबम जोल पा कांइतीक ताम्तेक्म। इन परबम दूली पा लिंक्यु कोत्रतेक्म। मेको मरिम्शो पाइब नु परमपरभु यावे आ अरेशो लोत्र मटीब नु साइक्चा पुंइसीनीम। मेको आन नाक्त जाक्शा मुर आन कली मोदेशो पशो बाक्ब। मेको आन नोले डा सजाइ ततीक नाक्त जाक्शो बाक्ब। ३० मेको तरवार आ खोतम पिप्तीन। गो इन कली इन जरेमशो रागीम निसाफ पाइनुड। ३१ गो आं गाइश्शो इन तार मोइक्नुड। आं चुरशो मी मुइश्शो खोदेशो पा गो इन तारी मोइक्नुड। गो इन कली साइक्चा कली हुश खराक्श पोक्ब नु सांइस जोक्ब आन गुइम जिम्मा गेनन्नी। ३२ गे मी कली शी दुम्नीनी। इन हुश खपीम शाइक्ब। इन कली लेंशा गेनायो ममिम्नीम। मारदे हना गो, परमपरभु यावेमी एको लोत्र पाता” दंत।

यरूसलेम आ पाप नु सजाइ

२२ १ परमपरभु यावेमी आं कली लोत्र पाप्तु। २ मार लोत्र पाप्तु देशा हना “ए मुर, मार गे मेको निसाफ पाइनेव ? गे मेको हुश खराक्श पोक्ब सहर कली निसाफ पाइनेव ? मो हना मेको आ गरांगरा दिशो गेय नल्ल आन परबम मेको कली शंदो। इजीकीएल २४:६ ; इजीकीएल २०:४ ३गे मेको कली “परमपरभु, परमपरभु यावेमी इ परबम मार दंत देशा हना “ए सहर, गे इ दातेमी हुश खराक्श पोक्तीवी। इ खतम दुम्तीक नाक्त जाक्त। गे मूर्ति सल्ल्सीशा, गरांगरा दिशो दुम्ते। ४ गे हुश शाइक्पाइश्शा, दोस तशो बाक्नेव। गे इ सल्ल्शा देवी देवता रे पा गरांगरा दिशो दुम्नेव। इ निसाफ नाक्त जाक्त। मिनु इ बर्स नुष्शो बाक्नीम। मोपतीक गो इ कली रागी रागी डा मुर आन दातेम शिशी मताइब नु शुक्शी पाइक्तीक मुर सल्लन। २ राजा २१:१६ ;

इजीकीएल ५ :१५ ५ ए, हिक्वा मपुंडसीशो नु गरांग्ये माग्येम बरीशो सहर, इ नेक्था नु डोन बाक्व मुरपुकीम इ कली शुक्शी पाइनीम ।

६मेकर बाक्वशो इसराएल डा पिप आ तौ नेल्लेम आन सक्कितम हुश खराक्वश पोक्वशो बाक्तेक्म । ७मिनु मंकरन आल आन आम आफ तशा महिकनीम । मंकरन अर्का रागी डा मुर आन कली दिन्नीम । मिनु राम रोइक्व नु आन वाइश बेक्वशो मीश मुर आन कली मरिम्शो पाइनीम । प्रस्थान २२ :२०-२१ ८गो आं थोत्रक आन कली आइक्व मिम्शा, आं नाइक्तीक नाक्त कली गरांगरा दिशो सल्ल्तीवी । ९मेकर मुर आन पर्वम जोल लोत्र पा साइक्पाइक्व मुर बाक्नीम । मिनु डांडा डा थानम चदेशो मार मार जाइव मुर यो बाक्नीम । मेकोपुकीम थम मरिम्शो गेय पाइनीम । १०मेकर मुरपुकी आन आफ आन मीश नु इन्नीम । मेकर मुरपुकी रां बरोल्शो मीश मुर नु इन्नीम । लेवी १८ :७-८ ; लेवी १८ :१९ ११मेकर मुरुम आन नेक्था डा मुर आन मीश नु इप्शा गरांगरा दिशो गेय पाइनीम । मिनु का निकशीमी आन चाइमी कली बिथोलो पाइनीम । का निकशीमी आंम आफ आ तमी कली बिथोलो पाइनीम । लेवी १८ :२० ; लेवी १८ :१५ ; लेवी १८ :९ १२मेकर मुरपुकीम मुर साइक्वा कली घृस ताक्नीम । गे मुर आन कली जेर गेशा आ चाइक्व के यो चाइक्व ताक्नेवे । आंम नेक्था डा मुर आन कली दिप्शा आंम कली रिम्शो दुम्तीक गेय पाइनेवे । गे आं कली परंताक्यी” ’ दे परमपरभु, परमपरभु यावेमी” दंत । प्रस्थान २२ :२४

१३मिनु मेकोमी “गे जोल पा मरिम्शो पा क्यट चम्शो तशा नु इ दातेम मुर साइश्शा हुश खराक्वश पोक्वशो आ पर्वम गो छक लाक्शा थाम्पा गरांगरा दीती । १४गो तेको नाक्ती इ कली निसाफ पाइनुडा, मेको नाक्ती गे इ सक्कित महिकसीथु बाक्वा डा ? मार इ गुइ बोल्यो लीनीमी डा ? गो, परमपरभु यावेमी मेको लोत्र पाता । गो मेको पाइनुडा । १५गो इ कली रागी रागी डा मुर आन दातेम एर आंथ फराइनन । मिनु राज्य राज्यम बरपाइक्वनन । मिनु गो इ आगाम दुम्शो गरांगरा दिशो गेय नेल्ल क्याम्नुडा । १६मिनु गे रागी रागी डा मुर आन डांडती महिकसीशो दुम्नेवे । मिनु गोन परमपरभु यावे नड, दे तुइक्नेवे” दे परमपरभु यावेमी दंत ।

### परमपरभुमी यपाइक्व

१७परमपरभु यावेमी आं कली लोत्र पाप्नु । १८मार लोत्र पाप्नु देशा हना “ए मुर, इसराएल आ खिं डा मुरपुकी आं पर्वम कस खोदंशो दुम्शो बाक्नीम । मेको नेल्ल मार मार यपाइक्तीकम बाक्वशा तांबा, टिन, फलाम नु सिसारं गुरूशो कस खोदंशो दुम्शो बाक्नीम । मेकोपुकी कस खोदंशो ला बाक्नीम । यसेया १ :२२-२५ ; यरमीया ६ :२८ १९मोपतीक परमपरभु, परमपरभु यावेमी गे नेल्ल कस खोदंशो दुम्तीक गो इन कली यरूसलेममी पुक्नन्नी । २०मिनु मुरपुकीम मी फरशा यपाइक्वा कली दोपा चांदी, तांबा, फलाम सिसा नु टिन यपाइक्तीकम कुर पाइनीमी, मोपा गो यो आं गाइश्शो नु चुरशोम इन कली पुक्नन्नी । मिनु कुर पा यपाइक्नन्नी । २१गो इन कली पुक्शा, आं चुरशो मी खोदंशो पा इन तार मोइक्नुडा । मिनु गे मेकर याइनीनी । २२दोपा चांदी यपाइक्तीकम यपाइक्नीमी, मोपा गो इन कली यपाइक्नुडा । मिनु गेपुकीम गो परमपरभु यावेमीन आं चुरशो इन तार मोइक्ता, दे तुइक्नीनी” दंत ।

### इसराएल डा ठेयव मुर आन पाप

२३मिनु परमपरभु यावेमी आं कली लोत्र पाप्नु । २४मार लोत्र पाप्नु देशा हना “ए मुर, एको रागी कली गे आं गाइक्तीक नाक्त रउम मशक्वशो, गरांगरा दिशो रागी बाक्नेवे । २५मेकर बाक्व पिप आ तौ आन सिखार ग्याइश्शो डरर डरर पाइव गुप्स खोदंशो बाक्नीम । मेकोपुकीम मुर आन कली नेक्तेक्म । शोप नु शुश क्यट लाइव, मार मार रोइक्ताक्म । मिनु मेको आन दाते डा शुश मीश मुर आन कली वाइश बेक्वशो मीश मुर सल्ल्तेक्म । इजीकीएल ३४ :३,८ ; सफन्याह ३ :३ ; मजन संगरह १४ :४ २६मेको आ चदेबपुकीम आं शंशो लोत्र परांइतेक्म । आं थोत्रकपुकी गरांगरा दिशो सल्ल्तेक्म । मेकोपुकीम आं मार मार मुर आन थोत्रक खोदंशो सल्ल्तेक्म । मेकोपुकीमी मार गरांगरा दिशो नु मार गरांगरा मदिशो बाक्नीमी, मेको मशंदेम । मेकोपुकीम आं नाइक्तीक नाक्त परंताक्म । मोपा गो मेको आन दातेम महिकसीशो दुम्शो बाक्नुडा । सफन्याह ३ :४ ; इजीकीएल ४४ :२३ ; मती २३ :२५ ; लेवी १० :१० २७मेकर बाक्व आन ठेयव मुर नेल्ल फर खोदंशो बाक्नीम । मेकोपुकीम सिखार ग्यारनीम । मुर आन कली साइक्नीम नु क्यट तचा कली

मुर आन कली खतम सेल्नीम। २६ मेको आं लोत्र पाइबपुकीम 'गो कांडतीक ताता' देसु पा, जोल पा शंनीम। मेको आन पशो मरिम्शो नेल्ल बुलु बरुइशशो खोंदंशो पा सुम्नीम। मेकोपुकीम गो मारइ मदंधु 'परमपरभु, परमपरभु यावेमी आं दंत' दे फश लोत्र पाइनीम। २७ मिनु मेको रागी डा मुरपुकीम गेन कि गेन, दे क्यट लाइक्नीम। मेकोपुकीमी मार मार रोइक्नीम। मेकोपुकीम परुडग नु मारइ मथीब आन कली दिन्नीम। मिनु अको रागी डा मुर आन कली दला दाक्स पाइनीम। २८ मिनु गो मेको आन दातेम गारो परोत्रशा गेब नु रागी मक्याम्दुल, दे रागी आ पर्वम आं डांडती रात्र मुर का माल्ता, तन्न मथिदु। इजीकीएल १३:२३ ३१ मोपतीक गो आ गाइशशो मेको आन तार मोइक्नुड। आं चुरशो मीमी मेको आन कली खतम सेल्नुडमी" दे परमपरभु, परमपरभु यावेमी दंत। इजीकीएल २१:३६

### मरिम्शो पाइब वोबु निक्शी

१ परमपरभु यावेमी आं कली लोत्र पाप्तु।  
**२३** २ मार लोत्र पाप्तु दंशा हना "ए मुर, रागी काम मीश मुर निक्शी बाक्ताक्स। मेको ममा का आ तमी बाक्ताक्स। ३ मेको निक्शी इजीप्त रागीम तेल्लेम दुम्ताक्स। मेको निक्शी ठिटी दुम्सानु, तेल्लेम पचा गोम्ताक्स। मेको रागीम मेको आस कुचु थिम्तक्म। मिनु मेको निक्शी कन्न बाक्सानु, आस दूध थिचा पुंडसाक्स। ४ मिनु दिदी आ नं ओहोला नु आ लाक्ब आ नं ओहोलीबा बाक्त। मेको निक्शी आं के दुम्शो बाक्ताक्स। मिनु मेको निक्शीमी तमी तो थिम्ताक्स। मेको आस नं आ अर्थ मार बाक्त दंशा हना, ओहोला सामरीया नु ओहोलीबा यरूसलेम बाक्त।

५ मिनु ओहोला आं के दुम्शा, यो तेल्लेम पाप्तु। मेकोमी अस्सुर डा लडाइ पाइब आन कली खोइक्तु। ६ मेको नीलो वा फेक्शो लडाइ पाइबपुकी, हुकुम पाइबपुकी, लडाइ पाइब आन कप्तानपुकी, मेको नेल्ल दारशो ठिटा शारा डोइशशा गाक्बपुकी बाक्तेक्म। ७ मेकोमी मेको आन कली दाक्शा, मेकोपुकी नु तेल्लेम पाप्तु। मेको अस्सुर डा योत्रशो नु दारशो मुर बाक्तेक्म। मिनु मेकोपुकी नु इप्शा, मेको आ माल्शो वांडश मुर आन मूर्ति नेल्लेम आंम कली ग्रांगरा दिशो सेल्साक्व। ८ मेकोम इजीप्त

रागीम पशो तेल्लेम गेय मपरोन। मारदे हना मेको ठिटी बाक्मेनु, मुरपुकी मेको नु इप्तेक्म। मिनु मेकोपुकीमी आ कुचु थिम्तेक्म। मिनु आन दाक्शो मेको नु पाम्तेक्म। २ राजा १७:४ १ मोपतीक गो मेको कली आ दाक्शो अस्सुर डा मुर आन गुइम गेता। मेको, मेकोपुकी नु दाक्मुशो बाक्त। १० मिनु मेकोपुकीमी मेको कली शिशरा सेल्तेक्म। मिनु मेको आ तमी तो आन कली ग्याइक्ताक्म। मिनु मेको कली तरवारम साइक्तेक्म। मेकोम सजाइ ताप्तु। मेको मीश मुर आन दातेम शुक्शी पाइक्चा पुंडसीब दुम्त।

११ मिनु मेको आ लाक्ब ओहोलीबामी मेको ताप्तु। तन्न मेकोम आ तेल्लेम पतीक नु खोइक्तीकम आ दिदी क्येडा यो लाक्तु। १२ मेको यो अस्सुर डा मुर आन कली हुकुम पाइब, कप्तान, या कुरशा लडाइ पाइब नु शारा डोइक्ब बाक्तेक्म। मेको दारशो ठिटा आन नोल खोइक्तु। १३ मिनु गो मेको यो ग्रांगरा दिशो दुम्शो ताता। मेको निम्फा लां कामीन गाक्ताक्स। १४ तन्न मेकोम आ तेल्लेम पतीक डांडती क्येडा शश बारपाइक्तु। मेकोम गारोम मुशा सेल्शो वांडश मुर आन नकसा ताप्तु। मेको लल रडम सेल्शो कल्दी आन नकसा बाक्तेक्म। १५ आन करातोम किप्शुर कियप्शो नु आन पियाम रोम्सीशो फेटा रुक्शो, नेल्ल ठयब मुर खोंदंशो तांडसीशो बाक्तेक्म। मेको बेबीलोनम बाक्शो कल्दी डा मुर बाक्तेक्म। १६ मिनु मेकोम मेको आन कली तशा, मेको आन कली दाक्शा कल्दी रागीम लोत्र कुरब मुर सोइक्ताक्व। १७ मिनु बेबीलोन डा मुरपुकी मेको आ बाक्तीकम मेको नु इप्थ जाक्तेक्म। मिनु आन दाक्तीकम मेको कली ग्रांगरा दिशो सेल्तेक्म। मिनु मेकोपुकी रे ग्रांगरा दिशो दुम नोल, मेको आन क्येडा रूशा, आ थुं लेक्ताक्व। १८ मोपा मेकोम नेल्लेम तचा डा पा तेल्लेम पा, आ शिशरा रं नेल्ल आन कली कांडताक्व। मिनु गो मेको आ दिदी कली खोंदंशो पा, मेको कली यो ग्रांगरा दिशो परोइता। १९ मो हना यो मेकोम इजीप्त रागीम ठिटी बाक्म ना डा तेल्लेम पशो मिम्शा आ तेल्लेम पतीक शश बारपाइक्तु। २० मेको मेकेर डा आ माल्शो मुर आन कली दाक्ताक्मी। मेको आन माल्शो मुरपुकी गधा नु शारा खोंदंशो बाक्तेक्म। २१ मो हना यो गे इजीप्त रागीम इ कुचु थिशा इ ठिटी ना डा मरिम्शो पशो नाक्ती मिम्ताक्वी" दंत।

### ओहोलीबामी सजाइ तशो

२२ मोपतीक ए ओहोलीबा, परमपरभु, परमपरभु यावेमी “डांडती गो इ कली सजाइ गनुड। मिनु इ कली दाकशा, बरीशो मुर आन कली सजाइ गनुड। मिनु मको मुर आन कली इ पर्वम एर आंथ र पावनुड। २३ मको बबीलोन डा मुर नु कल्दी डा मुर नल्ले, पकोद, शाआ नु कोआ डा मुर, अस्सुर डा मुर नल्ले, मको नु बाकशो दारशो ठिटा, हुकुम पाइब, कप्तान नु लडाइ पाइब, मको नल्ले नु शारा डाइकब नल्ले आन कली इ पर्वम पावनुडमी। २४ मकोपुकी गे नु लडाइ पचा कली उत्तर रे पा बग्गी नु शुश लडाइ पाइब नु जाकनीम। मकोपुकीमी ठेयब नु आइकच तेक्तीक कुरशा, फलाम के गुक्तीक गुकशा, इ कली पुस्नीम। मिनु गो इ कली सजाइ गपाइकचा कली मको आन गुडम गेनन। मिनु मकोम आन कानुन कोदशा इ कली सजाइ गनीम। २५ गो आं गाइश्शामी इ कली सजाइ गपाइकनुड। मिनु मकोपुकी गे नु गाइश्शा चुरशा इ कली खतम पावनीम। मिनु मकोपुकीम इ नें नु इ नोफा खरोइकनीम। मिनु इ लीशो मुर तरवारम साइकचा पुंडसीनीम। मकोपुकीम इ तमी तौ आन कली ग्याइश्शा लाइकनीम। इ लीशो मुर मीम दुष्शा बकनीम। २६ मकोपुकीम इ वा परुइश्शा शिशरा सल्लनीम। मिनु इ दारशो गहनापुकी रोइश्शा लाइकनीम। २७ मोपा गो इ इजीप्त रागीम गोशो तल्लेम पतीक थुम्पाइकनुड। गे मको आन कली ममाल्यु, इजीप्त रागी कली ममिम्नवे” दे परमपरभु यावेमी दंत। २८ मिनु परमपरभु, परमपरभु यावेमी “गो इ कली इ काइ मदाकशा मुर आन गुडमी गनुड। गे डांडती मको आन क्येडा रूशा, इ थुं लेश्शो बाक्ते। २९ मिनु मकोपुकीमी इ काइ मदाकशा गेय पाइनीम। इ गेय पा तशो मारइ मारइ योल्शा, इ कली शिशरा सल्ला परांडनीम। मिनु शिशरा दुक्तीक इ तल्लेम पशो नल्ले तुंडसीब। इ गरांगरा दिशो पशा, तल्लेम पतीक गे मादेशो दुम्नवे। ३० मारदे हना गे रागी रागी नु तल्लेम पा, गे मको आन मूर्ति रे पा गरांगरा दिशो सल्लाकवे। ३१ गे इ लोकब खादेशो पाप्तीवी। मोपतीक गो मको कली गेशो श्येत इ कली गेनन” दे परमपरभु यावेमी दंत ३२ परमपरभु, परमपरभु यावेमी “गे इ लोकब आ कचौरा त्चा माल्ले। मको ठेयब श्येत जतीक बाक्ब। गे फाल्ले मचाप्चा डा शुक्शी पाइकचा पुंडसीब दुम्नवे। मारदे हना इ श्येत

ठेयब दुम्ब। ३३ गे दुक्शो दुम्शा सुर्ता पतीकमी बरीनेवे। मको इ लोकब सामरीया आ कचौरा शुश हिंतीक नु मुर मबाक्तीक बाक्ब। यसेया ५१ :१७ ३४ मिनु इ लोकब खादेशो दुम्नवे, गे मको श्येत्य मदुम सम्म तूनवे। मिनु मको कचौरा आ टुकरा नाकनेवे। मिनु गे इ दूध रल्ले। मारदे हना गो एको लोत्र पाता” दे परमपरभु, परमपरभु यावेम दंत। ३४ मोपतीक परमपरभु, परमपरभु यावेमी “गे आं कली परंताकवी। मिनु आं कली परांडती। मोपतीक गे इ गरांगरा दिशो गेय नु तल्लेम पशो आ पर्वम सजाइ ताइकनेवे” दंत। यरमीया २ :३२

### वोबु निम्फामी सजाइ तशो

३६ मिनु परमपरभु यावेमी आं कली “ए मुर, गे ओहोला नु ओहोलीबा आस कली निसाफ पाइनेवे? मो हना मको निक्शी आस पशो गरांगरा दिशो गेय आन पर्वम मको आस कली तुइकपतो। इजीकीएल २० :४ इजीकीएल २० :४ ३७ मारदे हना मको निक्शीम हंथे पास्ताक्स। मिनु मको आस गुडम हुश खराकश पोक्ताक्स। मकोमी आस मूर्ति नु हंथे पास्ताक्स। मको निक्शीम आं कली जरमशो आस तमी तौ आन कली, मूर्ति आन कली ब्वा गेचा कली क्योरशा चदम्ताक्स। इजीकीएल १६ :२० ३८ मको निक्शीम आं कली मार पास्ताक्स देशा हना, आं बाक्तीक गरांगरा दिशो सल्लाकस। मिनु आं नाइक्तीक नाक्ते कली अर्का नाक्ते खादेशो पा सल्लाकस। इजीकीएल ८ :५-१८ ३९ तेको नाक्ती मको आस आल आन कली मूर्ति आन कली क्योरशा चदम्स, मको नाक्तीन आं बाक्तीकम ओव्रताक्स। मिनु गरांगरा दिशो सल्लाकस। मको निक्शीम आं खिम मादेशो गेय पास्ताक्स।

४० मको निक्शीम डोन डा मुर आन कली लोत्र कुरब मुर सोइश्शा, बरत्ताक्स। मिनु मकोपुकी जाक्तेकम। मिनु गे मको आन पर्वम चिक्शा शोप्शा इ मिक्चीम गाजल खरेक्साकवे। मिनु गहना पांडशा आंम कली ग्योम्साकवे। ४१ गे आंम दारशो खाटम बाक्ते। मिनु मको आ डांडती आं धूप नु तेल वोइक्तीवी। ४२ मिनु सहरम ठेयब ग्यरसीशा रयक दुम्त। मिनु गारशो रागी रे चाकशो दुक्शो मुरपुकीमी मेकर डा मीश मुर आन कली चुरा लिक्ताकम। मिनु आन पियाम दारशो सुन फू चुइक्ताकम।

४३ मिनु गारशो रागी रे जाकशो मुरपुकी मको तल्लेम पचा रूशो मीश मुर नु इप्तेकम।

४४ मारदे हना मेकोपुकी तेल्लेम का नु इप्शो खोदंशो पा इप्तेकम। ओहोला नु ओहोलीबा नु इप्शो मुर खोदंशो पा जाक्तेकम। ४५ तन्न ठीक निसाफ पाइवम मेको आस कली 'नाता खरोइक्व, हुश खराक्श पोक्शो आ पर्वम दोस ताइनीस' मारदे हना मेकोम हंथ पा आस गुइम मुर साइइशो हुश बाक्व" दंत। इजीकीएल १६:३८, ४०

४६ मिनु परमपरभु, परमपरभु यावमी "मेको आस पर्वम ग्रांग्य माग्य पोक्व हुल का पोक्कीन। मिनु मेको आस कली शुश हिंपाइइशा मारदे मारदे रोइइशा लतीन। ४७ मिनु मेको ग्रांग्य माग्य पोक्व हुलपुकीम मेको आस कली फुल्लु आप्नीम। मिनु तरवारम क्योरशा साइक्नीम। मिनु मेकोपुकीम मेको आस तमी तौ आन कली साइक्नीम। मिनु मेको आन खिम मी सुइक्नीम। ४८ मोपा गो रागीम मेको ग्रांगरा दिशो गेय थुम्पाइक्नुड। एको इ खोदंशो मपामेकल। मीश मुर नेल्ल आन कली हिंच कोइतीक दुम्ब। ४९ ग इ ग्रांगरा दिशो गेय आ पर्वम सजाइ ताइनेवे। मिनु इ मूर्ति पूजा पशो पाप राइनेवे। मिनु गोन परमपरभु यावे नड, दे तुइक्नेवे" दंत।

यरूसलेम खिया जोशो ग्यांब दुम्शो

२४ १ मिनु ग्याइइशा लाइक्वा पुंडसीशो आ १ बर्से डा १० महिना डा १० नाक्ती परमपरभु यावमी आं कली लोत्र पाप्तु। २ राजा २५ १ २ मार लोत्र पाप्तु दंशा हना "ए मुर, मुलाक्ती तंको बर्से नु तंको नाक्ती बाक्वा, मेको बरक्शा वोतो। मारदे हना मुलाक्ती बंबोतान डा पिपम यरूसलेम कली पुम्शो बाक्व। ३ एको मटीब खिं डा मुर आन कली, एको कथा नंपाइक्मी। परमपरभु, परमपरभु यावमी मार देब दंशा हना 'मी तार ग्यांब कादीन। मिनु मेकर ब्याक्कु लुक्तीन। इजीकीएल ११:३ ४ मिनु मेकर श्ये कुर पने। रिम्शो रिम्शो श्ये, आ फिल्ला डा नु कुथरु डा श्ये कुर पने। रिम्शो रुशम पिरंदीन। ५ बगाल डा नेल्ल क्येडा रिम्शो क्यारश भेडा योत्रशा चाक्कीन। मेको आ आगाम शी परोत्रडीन। मिनु मेकर बरुइक्पाइइशा रुश क्येने" दंत।

६ मोपतीके 'आबी आबी, एको हुश खराक्श पोक्व सहर, मेको आ खिया ग्यांब आगाम बाक्व। मेको आ खिया मेकर रे मलशो बाक्व। मेको कली फन्टे मआप्थु, श्येथ पोक्कीन। इजीकीएल २२:२; नहुम ३:१ ७ मारदे हना

मेको आ हुश शाइक्पाइइशो मेको आ दातेमीन बाक्व। मेकोम मेको हुश श्येथ फुल्लु तार शाइक्पाइइशो बाक्व। मिनु खपीम मसुम्शो बाक्व। ८ गो चुरशा क्येक्क लेत्वा कली, मेको आ शाइक्पाइइशो हुश मसुमल, दे श्येथ फुल्लु तार शाइक्पाइक्ता" दे परमपरभु, परमपरभु यावमी दंत। ९ मिनु 'आबी आबी, मेको हुश खराक्श पोक्व सहर, गो यो शी शुश तेल्लुड। १० मोपतीके शी तेल्ला मी सुइक्तीन। मस्त्ता सुप्शा रिम्शो पा बरुइक्पाइइशा श्ये क्येने। मिनु रुश नेल्ल किक्मल। ११ मेको नोले मेको ग्यांब श्येथ सेल्ला मी तार कादीन। मिनु मेको होल। मिनु मेको आ तांबा लल दुम्ल। मेको आ आगा डा ग्रांगरा दिशो नु खिया यशा लल। मिनु मीम नेक्कल। १२ आं सुर्ता पशो नेल्ल मोशीन दुम्त। मेको आ थोइशा खिया मीम यो मला। १३ मिनु गो इ कली इ ग्रांगरा दिशो गेय रे गरुइशा ग्रांगरा मदिशो सेल्ला माल्ता। तन्न गे ग्रांगरा मदिशो मदुम। मोपतीके गो गेना सम्म आं गाइइशो नेल्ल इ तार मोइइशा, आं थुं मनाइक्पाइक्नुडा, मना सम्म गे ग्रांगरा मदिशो सेल्ला मपुंडसीनेवे। इजीकीएल ५:१३ १४ गो, परमपरभु यावमी एको लोत्र पाता। गो आं गेय पतीके नाक्ती जाक्शो बाक्व। गो नोले मशांडसीनुड। गो इ कली सुर्ता मपथु, शिशी मपाइक्नुड। इ पशो खोदंशो पा इ कली निसाफ पाइनुड" दे परमपरभु, परमपरभु यावमी दंत। यरमीया १३:१४

इजीकीएल आ मीश बेक्शो

१५ परमपरभु यावमी आं कली लोत्र पाप्तु। १६ मार लोत्र पाप्तु दंशा हना "ए मुर, गो याम काम इ नेल्ल क्येडा दाक्शो मुर लाइक्वा चिक्शो बाक्नुड। मो हना यो गे रंका मपावो। मडाक्को। मिनु इ मिक्चर परक्कु यो मतोक्को। १७ सिक्सी पा बाक्शा हुकयी पावो। बेक्शो मुर आ पर्वम रंका मपावो। इ पियाम फेटा रुक्सा। खोइलीम जुत्ता लिक्सा। इ कुल मसुम्सो। मलामी आन जचा थोत्रक मजावो" दंत। मीका ३:१७; होसे ९:४ १५ मोपतीके गो मेको लोत्र सुनी कना मुर आन कली माइक्तामी। मिनु मेको नाक्दो आं मीश बेक्व। मिनु आ दीसा सुनी गो मार माइक्वा पुंडसीशो बाक्वा, मेकोन पाता।

१९ मिनु मुरपुकीम आं कली "एको आ अर्थ मार बाक्वा? मार गे आइ कली मशनीनी?" दंतकम। २० मिनु गो मेको आन कली "परमपरभु यावमी

आं कली लोत्र पाप्तु। ११मार लोत्र पाप्तु देशा हना 'इसराएल आ सिं डा मुर आन नेल्ल क्येडा दाक्शो, इन सक्ति, इन कोव्रत दाक्शो नु थुंम दाक्शो आं बाक्तीक गो गरांगरा दिशो सल्लुड। मिनु इन परांडशा वोइशो इन तमी तौ तरवारम साइक्चा पुंडसीनीम २२मिनु आं पशो खोदंशा पा गेपुकीम यो पचा माल्लीनी। गे इन कुल मसुमीन। मिनु मलामी आन जचा थोत्रक मजने। २३गे इन फटा रुक्चा माल्लीनी। मिनु इन जुत्ता लिक्चा माल्लीनी। गेपुकीम रोंका मपने। मडाक्कीन, तन्न इन मरिम्शो पतीकम इन रां सोत्रशा लाइनीम। मिनु इन दातेम हुकयी पचा माल्लीनी। ब्यवस्था २६:३१-४० २४मोपा इजीकीएल गे इन कली चिन्ड का दुम्ब। मेकोम पशो खोदंशा पा गे यो पचा माल्लीनी। मिनु एको लोत्र गाम्मेनु, गोन परमपरभु, परमपरभु यावे नड, दे तुइक्नीनी' देशो बाक्ब" दंत। इजीकीएल १२:६,११

२५मिनु "ए मुर, मेको नाक्ती गो मेको आन खरुइशशा बाक्तीक, आन नेल्ल क्येडा दाक्शो, आन सक्ति, आन कोव्रत दाक्शो नु आन थुंम दाक्शो नु आन तमी तौ नेल्ल आन कली लाइनुडमी। २६मेको नाक्ती परोक्शो मुर का इ बाक्तीक जाक्शा इ कली एको लोत्र नेल्ल नेंपाइक्ब। इजीकीएल ३३:२१ २७मेना गे ब्वाक्ने चाप्नेव। मिनु गे मेको नु लोत्र पाइनेव। मिनु गे सिक्सी पा मबाक्नेव। मोपा गे मेको आन कली चिन्ड का दुम्नेव। मिनु मेकोपुकीम गोन परमपरभु यावे नड, दे तुइक्नीम" दंत।

अम्मोनी आन कली लोत्र पशो

२५ १परमपरभु यावेमी आं कली लोत्र पाप्तु। २मार लोत्र पाप्तु देशा हना "ए मुर, अम्मोनी गे कोव्रशा, मेको आन पर्वम आं लोत्र पावो। ३अम्मोनी आन कली परमपरभु यावे आ लोत्र नेनीन। परमपरभु, परमपरभु यावेमी इन कली मार देब देशा हना, आं बाक्तीक गरांगरा दिशो सल्लेनु, इसराएल रागी मुर मबाक्तीके सल्लेनु नु यहूदा आ सिं डा मुर ग्याइशशा लाइक्चा पुंडसमानु, गेपुकी ग्येरसाक्नी। इजीकीएल ३६:२; बिलाप २:१६ ४मोपतीक गो इन कली पूर्व डा मुर आन कली गेनन्नी। मिनु मेकोपुकीम इन दातेम आन लडाइ पाइब आन बाक्तीक सल्लनीम। मिनु इन दातेमीन आन ताम्बु कीनीम। मेकोपुकीम इन फल फुल जाइनीम। मिनु इन दूध त्नीम। ५गो रब्बाह सहर

कली दलओठ जोतीक नु अम्मोन कली क्यारश भेडा आन गोठ सल्लुड। मेना गेपुकीम गोन परमपरभु यावे नड, दे तुइक्नीनी" दंत। ६मारदे हना परमपरभु यावेमी "गेपुकी इसराएल रागी आ पर्वम इन गुइ फरोक्शा, खाइल थाइशशा बाक्तीनी। मिनु इन थुंम ईख कुरशो नेल्ल गरुइशा ग्येरसाक्नी। ७मोपतीक गो आं गुइ गे इन पर्वम क्युकनुड। मिनु गो इन कली रागी रागी डा मुर आन गुइम गेनुड। मिनु गो जात जात डा मुर आन दाते रे इन नें क्याम्नुड। मिनु गो इन कली रागी नेल्ल रे क्याम्नुड। गो इन कली खतम पोक्नेन्नी। मेना गेपुकीम गोन परमपरभु यावे नड, दे तुइक्नीनी" दंत।

मोआबी आन कली लोत्र पशो

८मिनु परमपरभु, परमपरभु यावेमी "मारदे हना मोआब रागीम यहूदा आ सिं दा अर्का जात डा मुर आन सिं खोदंशा दुम्शो बाक्ब। यसेया १५ :- ; १६ :-; येरमीया ४८ :- ९मोपतीक गो मोआब रागी डा सांद डा सहर रे गोशा बथ-येशीमोथ, बाल-मओन नु किरयथ-थाइम रागी रोक्सीशो सल्लुड। १०गो मोआबी, अम्मोनी नु पूर्व डा मुर आन गुइम गेनुडमी। मिनु रागी रागी डा मुर आन दातेम अम्मोन कली सुइम ममिम्नीम। ११मिनु गो मोआब कली निसाफ पा सजाइ गेनुड। मेना मेकोपुकीम गोन परमपरभु यावे नड, दे तुइक्नीम' देशो बाक्ब" दंत।

एदोमी आन कली लोत्र पशो

१२परमपरभु, परमपरभु यावेमी "एदोम रागीम यहूदा आ सिं डा मुर आन कली क्येक्क लेत्ताक्ब। मोपतीक मेको थाम्पा दोस ताइब दुम्त। इजीकीएल ३५ :-; येरमीया ४९: ७-२२; आमोस १:११-१२; ओबदिया १ :-; भजन संग्रह १३७: ७ १३गो आं गुइ एदोम आ पर्वम क्युकनुड। मिनु मेकेर डा मुर नु बी ब्यफ, क्यारश भेडा नेल्ल आन कली साइक्नुडमी। मिनु गो मेको कली मुर मबाक्तीके सल्लुड। मिनु तेमान रे देदान सम्म डा मुर नेल्ल तरवारम साइक्चा पुंडसीनीम। १४गो आं मुर इसराएल रे पा एदोम कली क्येक्क लेत्नुड। मिनु मेकोपुकीम आं गाइशशा नु आं चुरशो खोदंशा पा एदोम कली पाइक्नीम। मिनु मेकोपुकीम आं गाइशशा नु चुरशो खोदंशा पा क्येक्क लेत्नीम। मिनु मेकोपुकीमी परमपरभु, परमपरभु यावेमी क्येक्क लेशशा बाक्ब, दे तुइक्नीम" दंत।

पलिस्ती आन कली लोत्र पशो

१५ परमपरभु, परमपरभु, यावेमी “मारदे हना पलिस्तीपुकीम गेना हना यो जोरी सतरु दुम्शा, क्येकक लेत्ताकम। आन थुंम ईस कुरशा, क्येकक लेश्शा खतम सल्लेकम। यसेया १४ :२९-३२ ; येरमीया ४७ :-; आमास १ :६-८ ; सफन्याह २ :४-५ १६ मोपतीक गो पलिस्ती आन पर्वम आं गुइ क्युकनुड। मिनु गो केरथी आन कली साइक्नुडमी। मिनु समुन्दर आ नेक्था डा बाक्तीक नेल्ल खतम सल्लेकनुड। १७ गो मेको आन कली आं चुरशोम ठेयब सजाइ गेशा थाम्पा क्येकक लेत्तुडमी। मिनु गो मेको आन कली क्येकक लेत्तुनु, मेकोपुकीम गोन परमपरभु यावे नड, दे तुइक्नीम, देशो बाक्व” दंत।

टायर सहर कली निसाफ पशो

आमास १ :९-१० ; यसेया २३ :-

१ मिनु ग्याइश्शा लाइक्वा पुंडसीशो ११  
२६ बर्स डा महिना डा डांडती डा नाक्ती परमपरभु यावेमी आं कली लोत्र पाप्तु। २ मार लोत्र पाप्तु देशा हना “ए मुर, यरूसलेम श्येत जशो तशा, टायर सहर ग्यरसीशो बाक्त। मेकोमी “आं डांडती ठेयब लाप्चो बरेशो बाक्व। मेको लाप्चो आं कली रोक्सीशो बाक्व। मुल मेको जाम्शा लत। मुल आं कली रिम्शो दुम्ब” दंत। इजीकीएल २५ :३ ३ मोपतीक परमपरभु, परमपरभु यावेमी “कोत्रडा, ए टायर सहर गो इ कली सजाइ गेनुड। इ कली समुन्दरम आ छ्त्राल पोक्शो खोदेशो पा गो शुश रागी डा मुर इ पर्वम पोक्नुडमी। ४ मेकोपुकीम टायर डा गारो परत्नीम। मिनु मेको आ लाइश्शा सिं खोल्नीम। गो मेको आ खप खोरशा श्येत्य फुल्लु खोदेशो सल्लेकनुड। ५ टायर सहर समुन्दर आ दातेम ग्याइल आप्तीक दुम्बा माल्व, दे गो, परमपरभु, परमपरभु यावेमी एको लोत्र पाता। मेको सहर रागी रागी डा मुर आन रोइक्तीक दुम्ब। ६ मिनु मेको आ एर ओथ डा सहर डा मुर तरवारम साइक्वा पुंडसीनीम। मेना मेकोपुकीम गोन परमपरभु यावे नड, दे तुइक्नीम” दंत।

७ मिनु परमपरभु, परमपरभु यावेमी “गो उत्तर रे बेबीलोन डा पिप नेबुकदनेसर कली शारा, बग्गी, शारा डोइक्व लडाइ पाइब नु ठेयब हल बोल्यो लडाइ पाइब, टायर नु लडाइ पपाइक्थ चाक्नुड। येरमीया २७ :६ ; दानीएल २ :३७ ८ मिनु एर ओथ डा सहर डा मुर नेल्ल

तरवारम साइक्वा पुंडसीनीम। मेको बेबीलोन डा लडाइ पाइबपुकीमी सहर कली पुम्नीम। गारो डोइक्तीक सल्लनीम। मिनु तेक्तीक कुरशो शुश लडाइ पाइब इ गे बारनीम। ९ मिनु पिप नेबुकदनेसरमी मुडाम गारो बरंप्ब आन कली अरब। मिनु इ लाइश्शा सिं आ खापुकीम परत्नीम। १० मेको आन शुश शाराम पोक्शो फुरकुम इ कली सुम्ब। शारा डोइक्व नु बग्गी आन गुगील आन रयकेम इ गारो हिम्पाइक्व। नेबुकदनेसर इ लाप्चो रे ओत्रमनु, परेशो गारोम हिरशो सहर खोदेशो पा ओत्रव। ११ मेको आ शारा आन गेचम इ सहर डा लां नेल्ल दिम्शा ताइश्शा पाइनीम। मिनु मेकोमी इ मुर आन कली तरवारम साइक्व। मिनु इ बोल्यो थाम खपीम गोल्नीम। १२ मेकोपुकीम इ शांप रोइश्शा योल्नीम। इ लेयचा कली वोइश्शा थोत्रक रोइश्शा लाइक्नीम। मेकोपुकीम इ गारो नु इ दारदारशो सिं परेशो खतम पोक्नीम। मिनु इ फुल्लु, सिं सल्लेक शी नु खप समुन्दरम ताइक्नीम। १३ गो इ कुम्सो थुम्पाइक्नुड। इ बीना ताप्शो लेशा मनसीब। आमास ५ :२३ १४ गो इ कली श्येत्य फुल्लु सल्लेकनुड। गे ग्याइल आप्तीक दुम्नेवे। इ कली लेशा गेनायो मसल्लनीम। मारदे हना गो, परमपरभु यावेमी एको लोत्र पाता” दे परमपरभु, परमपरभु यावेमी दंत।

१५ परमपरभु, परमपरभु यावेमी टायर सहर कली “लडाइ पा, गार दुम्शा आन हुकयी पशो इ गोल्लो रयकेम समुन्दर आ नेक्था डा सहर आन कली हिम्पाइक्व। १६ मेना समुन्दर आ नेक्था डा सहर आन कली सासन पाइब आन ठेयब निक्तीक रे बोक्शा तोइश्शा, बुटा आप्शो वा परुइक्नीम। मेकोपुकी हिंशा खिरखिर पशा, खपीम निश्शा, हिम्सीनीम। मिनु इ कली तशा हिंनीम। १७ मिनु मेकोपुकीम सहर आ पर्वम रोका पाइनीम। मिनु सहर कली गे समुन्दर रे क्याम्चा पुंडसाक्व। ए दारशो सहर, गे नु इ मुरपुकी समुन्दर डा सक्ति पाइश्शा बाक्तीनी। मकर बाक्व नेल्ल आन कली गे हिंपाइश्शा थिर थिर पपाइश्शा बाक्ते। १८ मुल गे जाम्शा लवे नाक्ती समुन्दर आ नेक्था डा रागी डा मुरपुकी खिरखिर पाइनीम। इ गोल्लो लेशो खतम दुम्शा तशा समुन्दर आ नेक्था डा रागी हिंनीम” दंत।

१९ मिनु परमपरभु, परमपरभु यावेमी “गो इ कली श्येत्य सहर का सल्लेकनुड। गो इ कली मुर मबाक्शो सहर खोदेशो दुम्पाइक्नुड। मिनु गो इ कली समुन्दर डा ब्वाक्कुम सुम्पाइक्नुड।

२० गे इ कली बेकशा लशो मुर नु साइ डांडती बेकशा मुर आन बाक्तीके उइ ताकनन। गो इ कली उइ डा रागीम साइ नेसी बरशशो सिं आन दातेमी बाकपाइकनुड। गे नरक लाइब नु बाकनेव। मिनु गे बरांडशा बाकब आन बाक्तीकम बाकचा मताइनव। यसैया १४ : ११, १५ ; एफिसी ४ : १ ; १पतरूस ३ : ११ २१ गो इ जाम्तीक हिंचा डा सल्लनुड। मिनु गे जाम्शा लाइनव। इ कली माल्नीम, तन्न सुइम मथित्नीम” दे परमपरभु यावेमी दंत।

टायर सहर आ पर्वम रोंका पशो

यसैया २३ :-

१ परमपरभु यावेमी आं कली लोत्र पाप्तु।  
**२७** २ मार लोत्र पाप्तु देशा हना “ए मुर, टायर सहर आ पर्वम रोंका पावो। मेको समुन्दर आ ओत्रतीक बाकब। मेको टायर सहर शुश मुर आन ग्याप्तीक लेयतीक बाकब। मिनु परमपरभु, परमपरभु यावेमी ए टायर, गे गो नेल्ल क्येडा दारशो बाकनुड” दंत। होसे १ : १३ ४ इ सांड समुन्दर आ आगाम बाक्त। इ कली सेल्वपुकीमी नेल्ल आन क्येडा दारशो पा सल्लती। ५ मेकोपुकीम इ डांगा नेल्ल सेनीर डा शी के सल्लेकम। आ दाते डा थाम लेबानोन डा लाइशशो रवा आ शी के सल्लेकम। व्यवस्था ३ : ८-९ ६ मेकोपुकीम इ व्याक्क शाक्तीक बाशान डा बोल्यो शी के सल्लेकम। इ थक्का गाक्तीक साइपरस डा समुन्दर आ शुंडच रे चाकशो तोव्रशी रवा आ शी के सल्लशा हात्ती आ दारा के बुटा आप्शा सल्लेकम। ७ इ जहाज डा वापुकी इजीप्त रागी डा दारशो बुटा आप्शा सल्लशो रिम्शा किरशो सुती वा के बाक्तेकम। मेको इ छेदर दुम्शो बाक्तेकम। मेको एलीशाह रागी डा समुन्दर आ शुंडच डा नीलो नु प्याजी रड डा चाकशो बाक्त। उत्पत्ती १० : ४ ८ सीदान नु अरवाद डा मुरपुकी इ जहाजम गेय पाइब बाक्तेकम। टायर, इन जोक्ब तुइक्ब मेकर बाक्तेकम। सेमर सहर डा मुर इ जहाज चलेब बाक्तेकम। ९ गेबाल डा खाल्या नु दारशो थोत्रक सल्लस जोक्ब तुइक्ब इ आगाम बाक्तेकम। मेकोपुकी जहाज डा बिगेशो मार मार सेल्व बाक्तेकम। जहाज नु आ गेय पाइब नेल्ल इ आगाम बाक्तेकम। मेकोपुकीमी लेयतीक नु ग्याप्तीक गेय यो पाप्तेकम। यहोसु १३ : ५ ; १राजा ५ : ३२ १० पारसी, लुद नु पृत रागी डा मुरपुकी इ लडाइ पाइब बाक्तेकम। मेकोपुकी

बोल्यो लडाइ पाइब बाक्तेकम। मेको आन तेक्तीक नु ताकी इ आगामीन क्युकशा इ दारस बारपाइक्तेकम। ११ अरवाद नु हेलक डा मुरपुकी इ गारो आ एर ओथ खाल पाइब बाक्तेकम। गमाद डा मुरपुकी इ लाइशशो सिं खाल पाइब बाक्तेकम। मेकोपुकीम आन तेक्तीक नु बरा कुरतीक इ एर ओथ डा गारोम क्युकबाक्तेकम। मिनु मापा इ दारस बारपाइक्तेकम।

१२ गे नु शुश शोप नु शुश मार मार बाक्तीक टारशीश डा मुरपुकीम गे नु ग्याप्तीक लेयतीक गेय पा चांटी, फलाम, टिन नु सिसा चाकशा फाइक्तेकम। १३ यावान तुबल नु मंशेक डा मुरपुकीम गे नु ग्याप्तीक लेयतीक गेय पाप्तेकम। मेकोपुकीम वाइलीम वाइल नु कांसा के ग्यांब चाकशा इ मार मार नु फाइक्तेकम। इजीकीएल ३८ : २ १४ मिनु बेथ-तोगारमाह डा मुरपुकीम शारा, लडाइ पाइब शारा नु खच्चर चाकशा इ मार मार नु फाइक्तेकम। १५ रोडोस डा मुरपुकीम गे नु ग्याप्तीक लेयतीक गेय पाप्तेकम। मिनु समुन्दर आ नेक्था डा शुश रागी इ मार मार ग्याप्ब लेयब दुम्तेकम। मेकोपुकीम इ कली हात्ती आ दारा नु शुश क्येट लाइब क्येर शी चाकशा इ मार मार नु फाइक्तेकम। १६ इ शुश मार मार बाक्तीक एदोम डा मुरपुकीमी गे नु ग्याप्तीक लेयतीक गेय पाप्तेकम। मेकोपुकीम फिरोजा माइशशो हीरा, प्याजी रड नुष्शा परोव्रशो वा, बुटा आप्शा वा, रिम्शा किरशो सुती वा, लल मूगा नु हीरा चाकशा इ मार मार नु फाइक्तेकम। १७ यहूदा नु इसराएल डा मुरपुकीम गे नु ग्याप्तीक लेयतीक गेय पाप्तेकम। मेकोपुकीम मिन्नीथ डा चेरब, फोव्रशी रवा आन फल, खुदो, तेल नु खरक्तीक चाकशा इ मार मार नु फाइक्तेकम। १८ मिनु इ शुश मार मार बाक्तीक नु इ शुश शोप बाक्तीक दमस्कस डा मुरपुकीम गे नु मार मार ग्याप्तीक लेयतीक गेय पाप्तेकम। मेकोपुकीम हेलबोन डा अडगुर शांबु नु बुश ऊन चाकशा इ मार मार नु फाइक्तेकम। १९ उजाल डा वेदान नु यावान डा मुरपुकीम गे नु ग्याप्तीक लेयतीक गेय पाप्तेकम। मेकोपुकीम चेम्शो फलाम, सिन्कोली नु बच चाकशा इ मार मार नु फाइक्तेकम। २० देदान डा मुरपुकीम शारा आ लगम कली जीन वा चाकशा इ मार मार नु फाइक्तेकम। २१ अराब रागी नु केदार डा पिप आन ती नेल्ल इ मार मार ग्याप्ब मुर बाक्तेकम। मेकोपुकीम भेडा पाठा, सांड, क्यारश

चाकशा इ मार मार नु फाइक्तेकम। २२शेबा नु रामाह डा ग्याप्त्र लेयब मुरपुकीम गे नु ग्याप्तीक लेयतीक गेय पाम्तेकम। मेकोपुकीम सुप्तीक, नेल्ल खाल डा हीरा नु सुन चाकशा इ मार मार नु फाइक्तेकम। उत्पती १०:७ २३हारान, कन्नेह, एदन, शेबा, अशशुर नु किल्मद डा ग्याप्त्र लेयबपुकीम गे नु ग्याप्तीक लेयतीक गेय पाम्तेकम। २४मेकोपुकीमी दारशो वा, नीलो श्येलेम परोवशो वा, बुटा आप्शो वा, शुश रड पाइशो गलेचा चाकशा, इ मार मार नु फाइक्तेकम। २५टारसीस डा जहाजपुकीम इ ग्याप्तीक लेयतीक गेय पाम्तेकम। गे हेल्शो ग्याप्तीक लेयतीक मार मारमी बरीशो समुन्दरम बाक्ते। २६मिनु इ कली शाकबपुकीमी इ कली समुन्दर आ दातेम लाइक्तेकम। तन्न पूर्व डा फशम इ कली समुन्दर आ दातेमीन खतम पोक्तु। २७मिनु इ खतम दुम्तीक नाक्ती इ शांप, इ ग्याप्तीक लेयतीक मार मार, इ गेय पाइब, इ कली चलेब, इ जहाज कली सेल्ब, इ ग्याप्त्र लेयब, इ लडाइ पाइब नु गे नु बाक्ब मुर नेल्ले समुन्दर आ दातेमी गरुशा खतम दुम्नीम। २८मेको इ जहाज चलेब आन वाइ बरशोम रागी खिरंखिर पाइब। २९मिनु ब्वाक्कु शाकब नेल्ले आन जहाज परांडशा परोक्नीम। मिनु जहाजम गेय पाइब नु चलेबपुकी समुन्दर आ नेक्थाम राप्नीम। ३०मिनु मेकोपुकी इ पर्वम ठेयब संदा पा रांका पा डाक्नीम। आन पियाम फुरक फुंडसीनीम। मिनु पुलुम लोकसीनीम। ३१गे इ पतीक मेकोपुकीम आन पिया डा चां परक्नीम। मिनु अरन्डी फेक्सीनीम। मिनु इ पर्वम आन थुं कशो दुम्शा डाक्नीम। शुश रांका पाइनीम। ३२मेकोपुकीम इ पर्वम रांका पा बिलाना पतीक कुम्सो पाइनीम 'समुन्दर आ दातेमी टायर खोदंशो पा अर्का तेको सहर खतम दुम्शो बाक्मे' दे रांका पाइनीम। ३३समुन्दरम इ ग्याप्तीक लेयतीक मार मार चाक्मेनु, गे शुश मुर आन कली आन थुं ग्येरपाइक्तीवी गे इ शुश शांप नु इ ग्याप्तीक लेयतीक मार मारम रागी डा पिप आन कली शांप पाइशो सेल्ल्तीवी। ३४मुल समुन्दरम खरुम्चा पुंडसाक्वे। इ ग्याप्तीक लेयतीक मार मार नु इ मुर नेल्ल गे नु गरुक्तेकम। ३५मिनु समुन्दर आ नेक्थाम बाक्ब नेल्ल इ कली तशा हिंशो बाक्नीम। मेको आन पिप थाम्पा हिंशा खिरंखिर पाइनीम। मेको आन कुल हिंशा किकपाइशो बाक्नीम। ३६मिनु रागी रागी डा ग्याप्तीक लेयतीक गेय पाइबपुकीम

इ कली शुक्शी पाइनीम। इ हिंचा डा नुप्तीक नाक्ते जाकशो बाक्ते" देत। इजीकीएल २८:१९

टायर डा पिप कली निसाफ पशो

१परमपरमु यावेमी आं कली लोत्र पाप्नु।  
**२८** २मार लोत्र पाप्नु दंशा हना "ए मुर, टायर डा पिप आ ती कली परमपरमु, परमपरमु यावेमी गे इ थुं डा ठेयब लेक्तीकम, गो परमपरमु नड। गो समुन्दर आ दातेम देवी देवता आन बाक्तीकम बाक्नुड" देत। तन्न गे मुर ला बाक्नेवे। परमपरमु मनवे। गे ठेयब लेशशा, इ थुंम 'परमपरमु खोदंशो जोक्ब तुइक्ब बाक्नुड' दे मिम्साक्वे। यसैया ३१:३; दानीएल ५:२०; पररित १२:२३ ३गे दानीएल क्यडा यो जोक्ब तुइक्ब बाक्नेवे। मारइ खरुइक्तीक लोत्र इ रे मखरुइसीशो बाक्ब। इजीकीएल १४:१४; दानीएल १:१७ ४गे इ रुप्तीक थुं नु मिम्तीकम शुश शांप चम्शो बाक्नेवे। मिनु गे इ मार मार वोइक्तीकम सुन नु चांदी तेल्लो बाक्नेवे। ५गे इ रुप्तीक थुंम ग्याप्तीक लेयतीक गेय पा इ शांप बारपाइशो बाक्नेवे। मिनु इ शांपोम पतीक गे बारशा ठेयब लेशशा बाक्नेवे, दंशो बाक्ब" देत। ६मोपतीक परमपरमु, परमपरमु यावेमी "गे आंम इ कली परमपरमु खोदंशो सुंडसीनेवे। ७मोपतीक गो रागी रागी डा नेल्ल क्यडा मरिम्शो पाइब मुर आन कली चाक्नुड। मिनु मेकोमी आन तरवार इ दारस नु इ जोक्ब तुइक्ब थुं आ पर्वम शोइक्नीम। मिनु इ दारस गरांगरा दिशा सेल्ल्नीम। ८मेकोपुकीम इ कली तुरसुम चाक्दीत्नीम। मिनु गे समुन्दर आ दातेम हिंचा डा दुम्शा बेक्नेवे। इजीकीएल २६:२० ९मिनु मार, इ कली साइक्ब आन डांडती गे मुर दुम्शा यो 'गो देवता का नड' देनेवे डा? 'इ कली साइक्ब आन गुडमी बाक्शा यो मोदंशो लोत्र पाइनेवे? १०गे अर्का रागी डा मुर आन गुडम खरोइक्तीक चिनु मखरोइशो मुर खोदंशो पा बेक्चा माल्लेवे' दे गो, परमपरमु, परमपरमु यावेमी लोत्र पाता" देत।

११परमपरमु यावेमी लेशा आं कली लोत्र पाप्नु। १२मार लोत्र पाप्नु दंशा हना "ए मुर, टायर डा पिप आ पर्वम रांका पावो। मिनु मेको कली परमपरमु, परमपरमु यावेमी इ कली 'गे रिम्शो पा थोक्शो छाप खोदंशो बाक्ते। मिनु रुप्तीक थुंम बरीशो नु थम दारशो बाक्ते। इजीकीएल २७:२ १३गे परमपरमु आ रू एदनम खोदंशो बाक्ते। गे हीराम ग्याम्सीशो बाक्ते। लल मानीक, हाव

पुशपराज, बुश नु नीलो पन्ना, पीतमनी, लल रङ्ग डा ओनीक्स, नीलो बिलौरा, बुश नीर, लल फिरोजा नु गिगी बैरूज माइशशा हीराम ग्याम्सीशा बाक्त। मिनु मेको हीरा ग्याइक्तीक नु आप्तीक सुन के बाक्तकम। गे दुम नाक्तीन मेको नेल्ल ठीक पशा बाक्तकम। परस्थान २८:१७-२०; इजीकीएल ३१:८-९; उत्पत्ती २:८ १४ गो तेल लुक्शा करूब इ कली खाल पाइब सल्ला। गे आं डांडाम बाक्शा नव। गे मी बरशा फुल्लु आन दातेम गाक्बाक्त। १५गे सल्ला पुंडस नाक्तर दोस मताइब बाक्त। तन्न नील मरिम्शा पाइब दुम्शा, बाक्त। १६मिनु इ एर आंथ नेल्ल डा ग्याप्तीक लेयतीक आ पर्वम हुश खराक्श पोक्शा, पाप पाप्तीवी। मोपतीक गो इ कली ताइक्तीक थोत्रक खोदंशा पा आं डांडा रे ताइक्ताकङ्ग। मिनु इ कली खाल पाइब करूबम इ कली मी बरशा फुल्लु आन दाते रे खरते। १७गे इ दारसम पतीक इ थुं ठेयब लेशशा बोरत। इ शुश शांप दुम्तीक इ जाक्ब तुइक्ब थुं मरिम्शा सेल्लतीवी। मोपतीक गो इ कली खपीम ताइक्ताकन। मिनु इ कली पिप आन डांडती शुक्शी पतीक सेल्लतन। १८गे इ शुश मरिम्शा पशा नु इ जोल पा ग्याप्तीक लेयतीकम इ आं कली ठेयब सेल्लतीक गरांगरा दिशा सेल्लतीवी। मोपतीक गो इ आगा रे मी का गरुंडताकङ्ग। मिनु मेकोमी इ कली नेक्तु। मिनु गो इ कली मुर आन डांडती पुत्तु सेल्लतन। १९मिनु इ कली तुइक्ब मुर नेल्ल इ कली तशा हितकम। गे हिंचा डा दुम्शा बेक्त। मिनु गे गना हना यो बेक्शा लाइनव देना” दंत। इजीकीएल २७:३६

### सीदोन सहर कली निसाफ पशा

२०परमपरभु यावमी आं कली लोत्र पाप्तु। २१मार लोत्र पाप्तु देशा हना “ए मुर, सीदोन गे कोत्रडा। मिनु मेको आ पर्वम आं लोत्र पावो। यसैया २३:२-४ २२परमपरभु, परमपरभु यावमी ए सीदोन, गो इ कली सजाइ गेनुङ्ग। गो इ दातेमी आं सक्ति कांडेनुङ्ग। गो इ दातेमी आं सक्ति कांडशा, निसाफ पाता हना, मेकोपुकीमी गोन परमपरभु यावे नङ्ग” दे तुइक्नीम २३गो मेको आ आगाम मुर बेक्तीक रोइ का सोइक्नुङ्ग। मिनु मेको आ लां मेर हुश शाइक्पाइक्नुङ्ग। मेको आन दाते डा मुर तेइ तेइ तरवारम साइक्चा पुंडसीनीम। मिनु मेकोपुकीम गोन परमपरभु यावे नङ्ग” दे तुइक्नीम।

### इसराएली आन रागी लेल्नीम

२४इसराएल आ सिं डा मुर नु मेकी आन नेक्था डा मुर आन दातेमी मुल श्यत गेब मुर मुल मबाक्नीम। मेकोपुकीम गोन परमपरभु, परमपरभु यावे नङ्ग” दे तुइक्नीम” देशा बाक्ब। २५परमपरभु, परमपरभु यावमी “गो इसराएल आ सिं डा मुर आन कली मेको आन बरशा बाक्शा रागी रागी डा मुर आन दाते रे गरूम्पाइक्नुङ्गमी। मिनु गो परमपरभु यावे नङ्ग, दे रागी रागी डा मुर आन डांडती तुइक्पांडसीनुङ्ग। मेना मेकोपुकी आं गेय पाइब याक्ब कली गेशा रागीम बाक्चा ताइनीम। २६मेकोपुकी मेकर मारइ मडुम्थु बाक्नीम। मेकोपुकीम सिं सेल्लनीम। मिनु अङ्गुर खरुम्नीम। मिनु गो मेको आन कली तशा, गरांगरा दीब नेल्ल आन कली सजाइ गेनुङ्गमी। गो मेको आन नेक्था बाक्ब मेको आन कली मदाक्ब आन कली निसाफ पडानु, मेकोपुकी रिम्शा पा बाक्नीम। मिनु मेकोपुकीम गोन परमपरभु यावे, आन परमपरभु नङ्ग” दे तुइक्नीम” दंत।

### इजीप्त कली निसाफ पशा

यसैया १९ :-; यसैया २० :-; येरमीया ४६ :-

२९ १मिनु ग्याइशशा लाइक्चा पुंडसीशा १० बर्स डा १० महिना डा १२ नाक्तर परमपरभु यावमी आं कली लोत्र पाप्तु। २मार लोत्र पाप्तु देशा हना “ए मुर, गे इजीप्त डा पिप फाराओ गे कोत्रडा। मेको आ पर्वम नु इजीप्त रागी नेल्ल आन पर्वम आं लोत्र पावो। ३मिनु परमपरभु, परमपरभु यावमी मेको कली “ए इजीप्त डा पिप फाराओ, गो इ कली सजाइ गेनुङ्ग। गे खोला आन दातेम बाक्ब समुन्दर डा ठेयब जन्तु खोदंशा बाक्नव। मिनु नील खोला आं केन बाक्ब। मेको आं सेल्लशा बाक्ब” दंत। इजीकीएल ३२:२ ४गो इ शांपम बोल्सी ब्वेक्नुङ्ग। मिनु गो इ खोला डा डांड इ कल्लापुकीमीन क्यप्याइक्नुङ्गमी। गो खोला डा डांड इ कल्लाम क्यप्याइशशा, इ कली खोला रे कोशा गरुंडनन। ५मिनु गो इ कली नु इ खोला डा डांड नेल्ल आन कली गोरशा रागीम ताइक्नन्नी। मिनु गे दिमम गोल्नव। इन कली सुइम सुप्शा मथिम्नीम। गो इ कली रागी डा जन्तु नु सरीङ्ग डा चिक्ब आन कली ब्वचा कली गेनुङ्ग। ६मेना इजीप्त रागीम बाक्ब नेल्लेम गोन परमपरभु यावे नङ्ग, दे तुइक्नीम। गे इसराएल आ सिं डा मुर आन कली

बुद्धी मीलतु के कोक्के सोदंशो दुम्शो बावनेवे।  
२राजा १८ : २१ ७ मिनु मेकोपुकीम इ कली गुडम  
ग्याइक्तमेनु, गे जिक्बाक्ते। मिनु मेकोपुकीमी इ  
कली तिक्सीमानु, गे जिक्शा, मेको आन खोइल  
रोप्पाइक्बाक्ते” दंत।

५ मोपतीके परमपरभु, परमपरभु यावेमी “गो इ  
पर्वम तरवार सोइक्नुडं। गो इ मुर नु इ बी व्यफ,  
क्यारश मंडा नेल्ल आन कली साइक्नुडमी।  
१ मिनु इजीप्त रागी मुर मबाक्तीके नु गोरशो  
रागी दुम्ब। मेना मेकोपुकीम गोन परमपरभु  
यावे नड, दे तुइक्नीम। गे नील खोला ओं केन  
बाक्ब। गो मेको सेल्ला” दंत। १० मोपतीके गो इ  
पर्वम नु इ खोला आन पर्वम बोक्नुडं। मिनु गो  
मिगदोल रे स्येन सम्म नु एथीयोपीया रागी आ  
सांद सम्म इजीप्त रागी कली गोरशो नु मुर  
मबाक्तीके सेल्लुडं। इजीकीएल ३० : ६ ११ मेकर  
सुइ मुर नु जन्तु मगाक्नीम। मेकर ४० बर्स  
सम्म सुइ मबाक्नीम। गन्ती १४ : ३३-३४ १२ गो  
इजीप्त रागी कली मुर मबाक्शो रागी आन  
दातेमी मेको क्येडा मुर मबाक्शो रागी सेल्लुडं।  
मिनु मेको आ सहरपुकीम ४० बर्स सम्म मुर  
मबाक्नीम। मिनु गो इजीप्त रागी डा मुर आन  
कली रागी रागी नु राज्य राज्य डा मुर आन  
दातेम बरपाइक्नुडमी” दंत।

१३ मो हना यो परमपरभु, परमपरभु यावेमी  
“मेको ४० बर्स नोले गो इजीप्त डा मुर आन कली  
मेको आन बरशा बाक्तीके रागी रागी डा मुर  
आन दाते रे खुन्नुडमी। १४ गो मेको आन कली  
लेशा रिम्शो पाइनुडं। मिनु मेको आन कली आन  
किकी पिपी आन रागी पथरोसम चाक्नुडमी।  
मिनु मेको मेकर महिक्सीशो आइक्च राज्य का  
दुम्शा बाक्ब। पथरोस रागी इजीप्त डा दक्खिन  
बाक्ते। १५ मेको राज्य नेल्ल आन दातेमी नेल्ल  
क्येडा आइक्च राज्य दुम्ब। मेको अर्का रागी  
आन क्येडा गेनायो ठेयब मदुम्ब। गो मेको  
कली थम आइक्च सेल्लुडं। मिनु मेकोम गेनायो  
अर्का रागी रागी आन कली सासन मपाइब।  
१६ मिनु इसराएल आ खिं डा मुरपुकीमी इजीप्त  
रागी कली लेशा गेनायो थमा मसुइक्नीम।  
तन्न इसराएलम इजीप्त कली वारच पाइक्की  
दे पुंइथ लेशा आन पाप मिम्पाइक्नीम। मेना  
मेकोपुकीम गोन परमपरभु, परमपरभु यावे नड,  
दे तुइक्नीम” देशो बाक्ब।

इजीप्त रागी नेबुकदनेसर के दुम्शो

१७ मिनु ग्याइइशा लाइक्चा पुंइसीशो २७ बर्स  
डा डांइती डा महिना डा डांइती डा नाक्ती  
परमपरभु यावेमी ओं कली लोत्र पाप्नु। १८ मार  
लोत्र पाप्नु देशा हना “ए मुर, बेबीलोन डा  
पिप नेबुकदरसरम टायर कली लडाइ पाइब आन  
कली शुश श्येत पपाइक्तु। मिनु मुर नेल्ल  
आन पिया डा चां दुल्ल। आन बला खोरसीशा,  
गार दुम्त। मो हना यो टायर आ पर्वम पशो  
गेय आ पर्वम मेको नु मेको आ लडाइ पाइबम  
मारेइ मताम। १९ मोपतीके परमपरभु, परमपरभु  
यावेमी गो इजीप्त रागी कली बेबीलोन डा पिप  
नेबुकदरसर आ गुडम गेनुडं” दंत। मिनु मेकोम  
मेको आ शांप नेल्ल लाइक्ब। मेकोम मारेइ मारेइ  
रोइइशा, मेको रागी कली श्येत्थ पोक्ब। मिनु  
मेको आ रोइइशा शांप मेको आ लडाइ पाइब  
आन गाल्ल्व दुम्ब। २० गो मेको आ पशो गेय  
आ पर्वम इजीप्त रागी कली मेको आ गाल्ल्व  
सेल्ला गेता। मारेइ हना मेकोपुकीम ओं पर्वम  
शुश गेय पाप्तेक्म। इजीकीएल ३० : २४ २१ मेको  
नाक्ती गो इसराएल आ खिं डा मुर रे गरोत्र का  
वापाइक्नुडं। मिनु गो इ कली मेको आन दातेमी  
व्वाक्पाइक्नन। मेना मेकोपुकीम गोन परमपरभु  
यावे नड, दे तुइक्नीम” दंत।

इजीप्त रागीम सजाइ तशो

१ परमपरभु यावेमी ओं कली लोत्र पाप्नु।  
३० २ परमपरभु, परमपरभु यावेमी मार लोत्र  
पाप्नु देशा हना “ए मुर, ओं लोत्र पावो। मेको  
नाक्ते आ पर्वम रोका पावो। ३ मारेदे हना मेको  
नाक्ते नेक्थान जाक्ना जाक्न बाक्ब। परमपरभु  
यावे आ नाक्ते नेक्थान जाक्शो बाक्ब। मेको  
गोस्सुम सुम्शो नाक्ते बाक्ब। मेको रागी रागी  
डा मुर आन कली हिंचा डा नाक्ते दुम्ब। योएल  
१ : १५ ; सेफन्याह १ : १४ ४ इजीप्त रागी तार  
तरवार का जाक्ब। मिनु एथीयोपीया रागीम यो  
श्येत दुम्ब। इजीप्त रागीम साइक्चा पुंइसीशो  
मुरपुकी खपीम गोल्नीम। मिनु मेको रागी डा  
शांप लाइक्नीम। मिनु मेको आ जग परेल्लीम।  
५ एथीयोपीया, पूत, लूद नु अराब रागी नेल्ल  
नु लिबीया नु अर्का आ नक्था डा रागी डा  
मुर तरवारम साइक्चा पुंइसीनीम” दंत। येरमीया  
४६ : ९

६ मिनु परमपरभु यावेमी “मेको इजीप्त रागी  
कली वारच पतीके क्याम्चा पुंइसीनीम। मेको आ

ठेयब लेशशो जाम्ब। मिग्दोल रे स्येने सम्म बाक्व मुर नेल्ल तरवारम साइक्चा पुंडसीनीम। इजीकीएल २९:१० ७ मेकोपुकी मुर मबाक्शो रागी आन दातेम मुर मबाक्तीक दुम्नीम। मिनु मेको आन सहर बरेशशा, मुर मबाक्तीक सहर आन दातेम बरेशशा सहर दुम्नीम। ८ गो इजीप्त रागीम मी सुइशशा, मेको आ वारच नेल्ल फस सेल्लुङ। मेना मेकोपुकीम गोन परमपरभु यावे नङ, दे तुइक्नीम। ९ मेको नाक्ती लोत्र कुरब मुर जहाजम डोइक्पा सोइक्नुङ। मेको आन थुं नाइशशा बाक्शो एथीयोपीया डा मुर आन कली हिंच कांइचा कली लोत्र साइक्नुङ। इजीप्त रागी आ नुप्ची नाक्ती मेकोपुकी शुश हिंनीम। मेको नाक्त थमा पा जाक्व” देत। यसैया २०:३-४

१० परमपरभु, परमपरभु यावेमी “गो बेबीलोन डा पिप नेबुकदरेसर आ गुइ रे पा इजीप्त रागी डा लडाइ पाइब आन कली साइक्नुङमी। ११ नेबुकदरेसर नु आ लडाइ पाइब रागी डा नेल्ल क्येडा मरिम्शो पाइब बाक्नीम। मेको आन कली खतम सेल्वा कली चाक्नुङमी। मेकोम आन तरवार इजीप्त रागी आ पर्वम शोइक्नीम। मिनु साइशशा मुरपुकीम रागी बरीनीम। इजीकीएल २८:१७ १२ गो नील खोला डा बराशो ब्वाक्कु सोत्रपाइक्नुङ। मेको रागी कली मरिम्शो पाइब आन गुइम लेयनुङ। गो मेको रागी नु मेकेर बाक्शो मारइ मारइ आन कली अर्का रागी डा मुर आन गुइ रे खतम पोक्नुङ। गो, परमपरभु यावेमी एको लोत्र पाता” देत। यसैया १९:५

१३ मिनु परमपरभु, परमपरभु यावेमी “गो देवी देवता आन कली खतम पोक्नुङमी। मिनु मेम्फीसम बाक्शो देवी देवता आन कली खतम पोक्नुङमी। इजीप्त रागीम गेनायो सासन पाइब मदुम्नीम। मोपा गो इजीप्त रागी डा मुर आन कली हिंतीक थुं गेनुङमी। मेम्फीस सहर कली नोफ यो देनीम १४ गो पथरोस कली मुर मबाक्तीके सेल्लुङ। सोआन सहरम मी सुइक्नुङ। गो थेबेस सहर कली निसाफ पा सजाइ गेनुङ। नहुम ३:८-९ १५ गो इजीप्त रागी डा बोल्यो दरवार पेलुसीयम तार आं गाइशशा मोइक्नुङ। मिनु थेबेस सहर डा शांप नेल्ल खतम पोक्नुङ। १६ गो इजीप्त रागी कली मी सुइक्नुङ। मिनु पेलुसीयम श्येत जशा ग्येत्य लुकच दुम्ब। थेबेस सहर डा गारो बरत्नीम। मेम्फीस सहरम चहिं नाक्ती लडाइ दुम्ब। १७ आन नु पी-बेसथ डा ठिटापुकी तरवारम

साइक्चा पुंडसीनीम। मिनु मेको सहर डा मुर ग्याइशशा लाइक्चा पुंडसीनीम। १८ मेको नाक्त तेहाफ-नेहेस सहर छिङछिङ दुम्ब। गो मेकेर इजीप्त रागी आ जुवा जिक्नुङ। मिनु मेको आ ठेयब लेशशो क्याम्नुङ। गोस्सुमी मेको सहर कली सुम्ब। मिनु मेको आ एर आंथ डा सहर डा मुर ग्याइशशा लाइक्चा पुंडसीनीम। यरमीया ४३:१ ११ मोपा गो इजीप्त रागी कली निसाफ पा सजाइ गेनुङ। मिनु मेकोपुकीम गोन परमपरभु यावे नङ, दे तुइक्नीम” देत।

### इजीप्त डा पिप आ सक्ति जाम्शो

२० मिनु ग्याइशशा लाइक्चा पुंडसीशो ११ बर्स डा डांइती डा महिना डा ७ नाक्ती परमपरभु यावेमी आं कली लोत्र पाप्नु। २१ मार लोत्र पाप्नु देशा हुना “ए मुर, गो इजीप्त रागी डा पिप फाराओ आ गुइ जिक्शा गेता। मेको साचा कली मारइ मफरंसीशो बाक्व। मोपा बोल्यो मदुम्ब। तरवार चलन मचाप्ब। २२ मोपतीके परमपरभु, परमपरभु यावेमी गो इजीप्त रागी डा पिप फाराओ कली लोत्र का पाइनुङ। गो मेको आ गुइ निम्फा जिक्नुङ। आ बोल्यो गुइ नु आ डांइती जिक्शो गुइ जिक्नुङ। आ गुइ रे तरवार तोक्नुङ। २३ गो इजीप्त डा मुर आन कली रागी रागी डा मुर आन दातेम फराइनुङमी। मिनु मेको आन कली रागी रागीम बरपाइक्नुङमी। २४ गो बेबीलोन डा पिप आ गुइ सक्ति पाइशशा सेल्लुङ। मिनु आं तरवार मेको कली गेनुङ। तन्न गो फाराओ आ गुइ जिक्नुङ। मिनु मेको, मेको आ डांइती बेक्चा डा पा गार दुम्शो मुर खोदेशो पा, नक्सुर पाइब। इजीकीएल २९:२० २५ गो बेबीलोन डा पिप आ गुइ सक्ति पाइशशा सेल्लुङ। तन्न फाराओ आ गुइ सक्ति मपाइशशा दुम्ब। गो बेबीलोन डा पिप कली आं तरवार गेनुङ। मिनु मेकोमी इजीप्त रागी आ पर्वम हिरब। मेना मेकोपुकीम गोन परमपरभु यावे नङ, दे तुइक्नीम। २६ गो इजीप्ती आन कली रागी रागी डा मुर आन दातेम फराइनुङमी। मिनु मेको आन कली रागी रागीम बरपाइक्नुङमी। मेना मेकोपुकीम गोन परमपरभु यावे नङ, दे तुइक्नीम” देत।

### लाइशशा रवा आ चिन्ड

१ मिनु ग्याइशशा लाइक्चा पुंडसीशो ११ बर्स डा महिना सां डा डांइती डा नाक्ती, परमपरभु यावेमी आं कली लोत्र पाप्नु। २ मार

लोत्र पाप्तु देशा हना “ए मुर, इजीप्त डा पिप फाराओ नु मेको आ लडाइ पाइब आन कली इन ठेयब दुम्तीक सु नु थान्ने चाम्सीबा ? ३ अस्सुर रागी कली मिम्तीन। मेको लेबानोन डा लाइशशो रवा खोदंशो बाक्त। मेको आ दारशो राशीम ब्याकी आन कली सुम्शो बाक्त। मेको आ डर लाइशशो दुम्शा गोस्स सम्म जाक्दीशशो बाक्त। ४ मिनु मेको कली ब्याक्कुम जिशशा कोल्पाइक्तु। ब्याक्कुम मेको कली लाइशशो सेल्लु। मेको आ एर आंथ डा खोलापुकीम मेको कली जिप्पाइक्तकम। मिनु मेको सोलाम दिम डा रवा नेल्ल आन कली जिप्पाइक्तु। ५ मोपा मेको दिम डा रवा नेल्ल आन क्येडा लाइशशो दुम्त। शुश ब्याक्कु बाक्तीक मेको आ राशी शुश दुम्तकम। मिनु शुश ब्याक्कु रे मेको कोल्ल। ६ सरीड डा चिक्वपुकीम मेको आ राशीम आन ग्योत्र सेल्लेकम। मेको आ राशी आगाम ब्याकी डा जन्तु नेल्लेम आन चाइक्व जरमेत्तकम। मिनु मेको आ वांकु आगाम रागी रागी डा मुर जाक्शा बाक्तेकम। ७ मेको एर आंथ बरशा लाइशशो राशी पाइशशो दारशो रवा का दुम्त। मारदे हना मेको आ शाक्श शुश ब्याक्कु बाक्तीकम बाक्तेकम। ८ परमपरभु आ रू डा लाइशशो रवापुकीम यो मेको कली गराने मचबेम। तेकोइ तोत्रशो रवापुकीम यो मेको आन राशी कली गराने मचबेम। परमपरभु आ रू डा तेकोइ रवा मेको खोइ दारशो मबाक्म। ९ गो मेको कली एर आंथ लशा राशीपुकीम ग्योम्शा, दारशो सेल्ला। मिनु परमपरभु आ रू एदेन डा रवा नेल्लेम मेको कली गेह पाम्तकम” दनो” दैत।

१० मोपतीक परमपरभु, परमपरभु यावेमी “मेको मिश लाइशशो दुम्तीक नु मेको आ डरम आ राशी आन कली गोस्स आन दाते र खिरशशा लपाइक्तीक आ लाइशशोम मेको ठेयब लेत्त। ११ मोपतीक गो मेको कली रागी रागी डा सासन पाइब आ गुडम गेता। मिनु मेको लाइशशो रवाम दोपा आं अरेशो मटिवा, मोपा सजाइ ताप्तु। गो मेको कली तिल्ला। १२ मिनु अर्का रागी डा थम मरिम्शो मुरपुकीम मेको कली तिम्शा परांइतेकम। मेको आ राशीपुकी बेसी नेल्ल नु पहाड मेर गोल्शा बाक्तेकम। मिनु मेको आ ठेयब राशी रागी डा खोला नेल्लेम जिक्शा लीतेकम। मिनु रागी डा मुर नेल्ले मेको आ वांकु रे गरूशा मेको कली परांइतेकम। १३ मिनु मेको दिम्शो रवाम सरीड डा चिक्व नेल्ल बाक्तेकम। मिनु मेको आ राशी आगाम ब्याकी

डा जन्तु नेल्ल जाक्शा बाक्तेकम। १४ मोदंशो दुम्तीके ब्याक्कु आ नेक्था वाशो रवा मेको मिश लाइशशो पा मेकोलीम। मिनु आन डर गोस्स सम्म मजाक्दीलीम। मारदे हना मेको नेल्ल बेक्चा माल्लीम। नेल्ल मुर खोदंशो पा बेक्चा माल्लीम। बेक्शो मुर आन बाक्तीक तुरसुम लाइनीम” दैत।

१५ परमपरभु, परमपरभु यावेमी “गो मेको लेबानोन डा ठेयब रवा कली बेक्शो मुर आन बाक्तीकम तोक्नुड। मेको नाक्ती समुन्दर रोंका पा खोला मशाइक्नीम। ब्याक्कु बुक्तीक सोवनीम। मिनु गो लेबानोन डा रवा आन कली रोंका पपाइक्नुड। मिनु ब्याकी डा रवा नेल्ल खिरखिर पा हिम्पाइक्नुडमी। १६ गो मेको कली तुरस नु बेक्शो मुर आ बाक्तीक सोइशशा, रागी रागी आन कली आ गोल्शो रयेक्मी हिम्पाइक्नुड। मिनु एदेन डा रवा नेल्ले, लेबानोन डा नेल्ले क्येडा दारशो रवा नु शुश ब्याक्कु तशो रवा नेल्लेमी रागी आगाम आन थुं नाइक्ताकम। इजीकीएल २८:८ १७ मेको तरवारम साइक्चा पुंइसीशो नु मेको रागी कली वारच पा अर्का रागी डा मुर आ वांकुम बाक्व नेल्ल बेक्शो मुर आन बाक्तीक लाम्तकम।

१८ एदेन डा रवा आन दाते डा तेको रवा इ खोदंशो पा सक्ति पाइशशो नु ठेयब बाक्वा डा ? मो हना यो गे यो एदेन डा रवापुकी नुन रागी आगा तोक्चा पुंइसीनेव। गे खरोइक्तीक चिनु मखरोइशशो तरवारम साइक्चा पुंइसीशो आन दातेमी बाक्नेव। मेकोपुकी फाराओ नु मेको आ लडाइ पाइब बाक्नीम, दनो” दे परमपरभु, परमपरभु यावेमी दैत।

फाराओ आ पर्वम रोंका पशो

३२ १ मिनु ग्याइशशा लाइक्चा पुंइसीशो १२ बरस डा १२ महिना डा डांइती डा नाक्त परमपरभु यावेमी आं कली लोत्र पाप्तु। २ मार लोत्र पाप्तु देशा हना “ए मुर, इजीप्त डा पिप फाराओ आ पर्वम रोंका पावो। मिनु मेको कली गे रागी रागी डा मुर आन दातेम गुप्स का खोदंशो मिम्साक्व। गे समुन्दर डा ठेयब जन्तु का खोदंशो बाक्ते। गे खोला डा ब्याक्कुम एर आंथ पर्वीनु ब्याक्कु कली पोक्ना पोक्न नु खोइलीम ब्याक्कु कली खराक्ना खराक्न गाक्बाक्ते। मिनु खोला कली गरांगरा दिशो सेल्लाक्ते” दनो” दैत। इजीकीएल २९:३ ३ मिनु परमपरभु यावेमी “गो मुर आन ठेयब हुल चाक्नुड। मिनु आं ग्याइल

इ तार ब्यारनुड। मेकोपुकीम आं ग्याइलीम इ कली कीशा रागीम गरुंडनीम। इजीकीएल १२:१३ ४ मिनु गो इ कली सपीम ताइकनन। गो इ कली रागीम नपशा सोइकनन। गो सरीड डा चिक्ब नल्ल आन कली इ तार जुक्पाइक्नुडमी। मिनु गो रागी डा जन्तु नल्ल आन कली इ श्ये प्रोइक्पाइक्नुडमी। इजीकीएल २९:५ ५ गो इ श्ये डांडा मर फराइनुड। मिनु इ बेक्शो रांम बेसी नल्ल पिरंनुड। ६ मिनु गो इ हुशेम रागी जिप्पाइक्नुड। डांडा सम्म जिप्पाइक्नुड। मिनु खोत्सा नल्ल इ श्येम पिरंनुड। ७ गो इ कली क्याम्दुनु, सरीड नल्ल सुम्नुड। मिनु सोरुल आन कली छिडछिड सेल्लुडमी। गो नां कली गोस्सुम सुम्नुड। मिनु तास्ताम हाम्सो मगेब। यसैया १३:१० ६ गो सरीड डा छेडछेड नल्ल आन कली इ तार छिडछिड सेल्लुडमी। मिनु गो इ रागी छिडछिड सेल्लुड” दे परमपरभु यावेमी देत। ९ मिनु “गो इ कली रागी रागी डा मुर आन दाते, इ मतुइशो रागीम ग्याइशशा लाइक्पाइकनन। गो शुश मुर आन थुं ग्येत्य तुक्च पपाइक्नुड। १० गो शुश मुर आन कली इ कली तशा हिंब सेल्लुडमी। मेको आन पिप इ कली तशा शुश हिंनीम। गो आं तरवार मेको आन डांइती हिरदुनु, मेको पिपपुकी बेक्चा कली हिंशा खिरंखिर पस डा पस बाक्नीम। इ बेक्तीक नाक्ती मेको नल्ल बेक्चा कली खिरंखिर पना पन बाक्नीम” देत। ११ मारदे हना परमपरभु, परमपरभु यावेमी “बबीलोन डा पिप आ तरवारम इ तार जाक्ब। १२ गो थम सक्ति पाइशो मुर आन तरवार र इ लडाइ पाइब आन कली साइक्पाइक्नुडमी। मेको सक्ति पाइशो मुर रागी नल्ल डा मुर आन क्येडा मरिम्शो पाइब बाक्नीम। मेकोपुकीम इजीप्त रागी आ ठेयब लेशो खतम पाक्नीम। मिनु मेको आ लडाइ पाइब नल्ल आन कली साइक्नीम। १३ गो मेको आ शुश ब्याक्कु बाक्तीक आ नेक्था योत्रशो बी ब्यफ, क्यारश भेडा नल्ल आन कली साइक्नुडमी। मिनु मुर नु बी ब्यफोम, मेको ब्याक्कु मदिम्नीम। १४ मिनु नोले गो मेको ब्याक्कु रिम्शो सेल्लुड। मिनु मेको आ खोलापुकी तेल खोदंशो पा साइक्पाइक्नुडमी” दे परमपरभु, परमपरभु यावेमी देत। १५ मेकोम “गो इजीप्त रागी कली मुर मबाक्शो रागी सेलुनु, मेको रागी श्येत्य दुम्मेनु, मेकर बाक्ब नल्ल आन कली सदुमीनु, मेकोपुकीम गो न परमपरभु यावे नड, दे तुइक्नीम। १६ मेको रांका पतीक

कुम्सो का बाक्ब। मेकोन पचा माल्नीम। रागी रागी डा मीश मुरपुकीम एको कुम्सो पचा माल्नीम। मेकोपुकीम इजीप्त रागी नु मेको आ लडाइ पाइब नल्ल आन पर्वम एको कुम्सो पचा माल्नीम” दे परमपरभु, परमपरभु यावेमी देत।

### बेक्शो मुर आन बाक्तीक

१७ मिनु ग्याइशशा लाइक्चा पुंडसीशो १२ बर्स डा डांइती डा महिना डा १५ नाक्त परमपरभु यावेमी आं कली लोत्र पात्तु। १६ मार लोत्र पात्तु दंशा हना “ए मुर, इजीप्त रागी डा लडाइ पाइब आन पर्वम रांका पावो। मिनु मेको आन कली तुरसुम सोइक्तो। मिनु इजीप्त नु सक्ति पाइशो रागी रागी डा मुर आन तमी आन कली बेक्शो मुर आन बाक्तीक सोइक्तो। तुरसुम लाइबपुकी नु सोइक्तो। इजीकीएल ३१:१६ ११ मार, ग अर्का जात आन क्येडा शुश शिशो ताइब बाक्नेवे डा? उइ लावो। मिनु खरोइक्तीक चिनु मखरोइशोपुकी नु गोल्शा बाक्को। यसैया १४:११,१५ २० मेकोपुकी तरवारम साइशो आन दातम गोल्नीम। इजीप्त तरवारम साइक्चा पुंडसीचा कली गेशो बाक्ब। आ लडाइ पाइब नु आ शोप निम्फा लतीन। २१ मिनु ठेयब सक्ति पाइशोपुकी नु आन वारच पाइबपुकीमी बेक्शो मुर आन बाक्तीकम “मेकोपुकी उइ यिशो बाक्नीम। मेको गोल्शा बाक्नीम। खरोइक्तीक चिनु मखरोइशोपुकी तरवारम साइक्चा पुंडसीशो बाक्नीम” देनीम।

२२ अस्सुर नु आ मुर नल्ल मेकर बाक्नीम। आ लडाइ पाइब नल्ल आ तुरस आ एर आंथ बाक्नीम। मेको नल्ल तरवारम साइक्चा पुंडसीशो बाक्नीम। २३ मेको आन तुरस बेक्शो मुर आन बाक्तीक क्येडा दी गो वोइशो बाक्ब। मेको आ लडाइ पाइबपुकी मेको आ तुरस आ एर आंथ बाक्नीम। मेको नल्ल तरवारम साइक्चा पुंडसीशो बाक्नीम। मेकोम बरोइशा बाक्ब आन रागीम मुर आन कली शुश हिंपाइशो बाक्तेकम।

२४ एलाम मेकर बाक्ब। आ लडाइ पाइब नल्ल आ तुरस आ एर आंथ बाक्नीम। मेको नल्ल तरवारम क्यारशा साइक्चा पुंडसीशो बाक्नीम। मेकोपुकी खरोइक्तीक चिनु मखरोइक्थु, उइ बेक्शो मुर आन बाक्तीक लाम्तेकम। मेकोम बरोइशा बाक्ब आन रागीम मुर आन कली शुश हिंपाइशो बाक्तेकम। मेकोपुकी बेक्शो मुर आन बाक्तीकम लशो खोदंशो पा मुने दोक्नीम।

येरमीया ४९ :३७ २५ मेकोपुकीमी एलाम कली आ साइश्शो लडाइ पाइब आन दातेमी तुरस सेल्शो बाक्नीम। आ लडाइ पाइब आन तुरस मेको आ एर आंथ बाक्नीम। मेको नेल्ल खरोइक्तीक चिनु मखरोइक्थु तरवारम साइक्चा पुंडसीशो बाक्नीम। मारदे हना मेकोम बरांडशा बाक्ब आन रागीम मुर आन कली शुश हिंपाइश्शो बाक्तेक्म। मेकोपुकी बेक्शा मुर आन बाक्तीक लाइब खोदंशो पा मुने दोक्नीम। मेको साइक्चा पुंडसीशो मुर आन दातेमी बाक्नीम।

२६ मेशक, तूबल नु आस शुश मुर मेकर बाक्नीम। आस मुर आस तुरस आस एर आंथ बाक्नीम। मेको नेल्ल खरोइक्तीक चिनु मखरोइक्थु तरवारम साइक्चा पुंडसीशो बाक्नीम। मारदे हना मेकोम बरांडशा बाक्ब आन रागीम मुर आन कली शुश हिंपाइश्शो बाक्तेक्म। इजीकीएल २७ :१३; इजीकीएल ३६ :२ २७ मेकोपुकी साइ डोंदती साइश्शो अरु लडाइ पाइब नु मबाक्नीम। मिनु मेको आन या सुन्दा बेक्शा मुर आन बाक्तीकम लशो बाक्नीम। मेको आन तरवार आन पिया आगाम वोइश्शो बाक्ब। मिनु आन तेक्तीक आन रुश तार वोइश्शो बाक्नीम। मारदे हना मेको लडाइ पाइबम बरांडशा बाक्ब आन रागी डा मुर आन कली शुश हिंपाइक्तेक्म। २६ इजीप्ट गे यो खतम दुम्शा खरोइक्तीक चिनु मखरोइक्थु तरवारम साइक्चा पुंडसीशा गोल्ला माल्नेव।

२९ एदोम मेकर बाक्ब। मेको आ पिप नु आ ती नेल्ल मेकर बाक्शो बाक्नीम। मेको आन के सक्ति बाक्त् हना यो, मेको तरवारम साइक्चा पुंडसीशा गोल्ला बाक्शो बाक्नीम। मेकोपुकी खरोइक्तीक चिनु मखरोइश्शो नु तुरसुम गोल्ला बाक्नीम। इजीकीएल २५ :१२-१४

३० उत्तर रागी डा सासन पाइब नु सीदोन डा मुर नेल्ल मेकर बाक्नीम। मेको आन सक्तिम मुर नेल्ल आन कली शुश हिंपाइक्तेक्म। मोपतीके मेकोपुकी तरवारम साइक्चा पुंडसीशो मुरपुकी नु मुने दोक्शा उइ लाप्तेक्म। मेकोपुकी खरोइक्तीक चिनु मखरोइक्थु तरवारम साइक्चा पुंडसीशो नु मुने दोक्शा तुरसुम बाक्शो बाक्नीम। इजीकीएल २६ :२१-२३

३१ फाराओमी मेको कली तशा, आ लडाइ पाइब नेल्ल तरवारम साइक्चा पुंडसीशो तुइश्शा, आ थुं नाइक्ब। ३२ मारदे हना मेकोमी बरांडशा बाक्ब आन रागी डा मुर आन कली शुश हिंपाइक्त्।

मोपतीके फाराओ खरोइक्तीक चिनु मखरोइक्थु तरवारम साइश्शो मुर आन दातेमी बाक्ब” दे परमपरमु, परमपरमु यावेमी दंत।

इजीकीएल खाल पाइब दुम्शो

इजीकीएल ३ :१६-२१

३३ १ परमपरमु यावेमी आं कली लोत्र पाप्नु। २ मार लोत्र पाप्नु दंशा हना “ए मुर, इ मुर आन कली गो रागी का कली तरवार चाक्ता हना, मेको रागी डा मुरपुकीम आन रागी डा मुर का कली आन कली खाल पाइब का योत्रशा वोइक्नीम, ३ मिनु मेकोम आ रागीम तरवार कुरशा आ जोरी सतरु जाक्शो तशा, आ मुर आन कली तुइक्पाइक्चा कली तुराही ताप्ब। ४ मिनु सुम मेको तुराही ताप्शो नंशा मटीबा, मेको तरवारम साइक्चा पुंडसाक्ब हना, मेको आ हुश आ दोस आंमा राइब। ५ मेकोम तुराही ताप्शो नंशा यो, मटितीके, मेको आ हुश आ दोस आंमा राइब। तन्न मेकोम टिशो हना, बरांड वा। ६ तन्न मेको खाल पाइबम तरवार कुरशा लडाइ पाइब जाक्शो तशा यो, मुर आन कली नंपाइक्चा कली तुराही मताप्नु नु तरवार जाक्शा सुइ मुर का कली साइक्त् हना, मेको मुर आ मरिम्शा पशो आ परबम बेक्ब। तन्न गो मेको खाल पाइब कली मेको आ हुश आ क्येक्क ताक्नुड।

७ ए मुर, गो इ कली इसराएल आ सिं डा मुर आन कली खाल पाइब सल्लतान। मोपतीक गना इ कली लोत्र पडा, मना गे मेको आन कली मेको आं लोत्र नंशा, हास पा बाक्कीन” दंशा माल्नेव। हिब्रू १३ :१७ ५ मिनु गो आं अरेशो मटीब मुर आन कली “ए आं अरेशो मटीब मुरपुकी गे थमा पा बेक्नीनी” देनुड, मिनु गे मेको आं अरेशो लोत्र मटीब मुर आन कली “इन मरिम्शो पशो परोनीन” दे महिंपाइक्तीवी हना, मेको मरिम्शो पाइब मुर आन मरिम्शो पशो आ परबम बेक्नीम। तन्न गो मेको आन हुश आ क्येक्क इ रे पा ताक्नुड। ९ तन्न गे मेको परमपरमु यावे आं अरेशो लोत्र मटीब आन कली इन मटितीके परोनीन, दे हिंच कांइताक्वी हना, मिनु मेकोपुकीम आं अरेशो लोत्र मटिम्तेक्म हना, मेको आन मटिशो आ परबम बेक्नीम। मिनु गे आंम कली परांडनेव” दंत।

परमपरमुम निसाफ पाइब

इजीकीएल १६ :२१-३२

१० मेकोम “ए मुर, गे इसराएल आ सिं डा मुर आन कली गोपुकीम आंइ हंथ पशो नु पाप

पशोम दिप्त्वा पुंडसीशो बाक्नीकी। मिनु मेको आ पर्वम आंड बोल नुम्ना नुम्न लशो बाक्व। गो दोपा बरांडनीकी? दंनीनी” दनो। ११ मोपतीक गे मेको आन कली परमपरभु, परमपरभु यावमी “गो आ बरांडशा बाक्शो खोदंशो पा आं अरशो लोत्र मटीब मुर बेक्मानु मग्यरसीनुड। तन्न मेकोपुकीम आं अरशो लोत्र टिशा बरांडमल। गे इन मरिम्शो लोत्र लेतीन। ए इसराएल आ खिंडा मुरपुकी, गे मारद बेक्चा दाक्नीनी? ब्यवस्था ३२ :४०; यसेया ५५ :७; योएल २ :१२-१३ ११ मिनु ए मुर, गे इ मुर आन कली ठीक पाइब मुर हेंथ गाक्त हना, आ डांडती ठीक पशोमी मेको कली परांडने मचाप्ब। डांडती आं अरशो मटीब मुर, ठीक पाइब दुम्त हना, आं डांडती मटिशो आ पर्वम मबक्व। मिनु ठीक पाइब मुरुम पाप पाप्तु हना, मेको आ डांडती ठीक पशो आ पर्वम बरांडचा मताइब। इजीकीएल ३ :२० १३ गो मेको ठीक पाइब मुर कली गे थमा पा बरांडनेवे” दंडानु, मेकोम आ ठीक पतीकम थमा सुइश्शा, मरिम्शा पाप्तु हना, मेको आ डांडती ठीक पशो मारद ममिम्सीब। मेको आ मरिम्शो पशो आ पर्वम बेक्व। १४ तन्न गो मेको आं अरशो लोत्र मटीब मुर कली गे थमा पा बेक्नेवे” दंती हना, मेकोम आ पाप पतीक परांडशा आं अरशो नु ठीक पाप्तु हना, १५ मिनु मेकोम आ जाकटी वोइश्शो थोत्रक लेत्ताक्व हना, आ रोइश्शो थोत्रक लेश्शा गेप्तु हना, बरांडचा कली आं फुल्लुम मुशा बरेक्शो लोत्र पशा, मरिम्शो मचाप्तु हना, मेको थमा पा बरांडब। मेको मबक्व। ब्यवस्था २४ :१०-१३; इजीकीएल १८ :७; लूका १९ :८ १६ मेको आ पशो तंकोइ पाप ममिम्सीब। मेकोमी आं अरशो लोत्र नु ठीक गेय पाप्तु। मेको थमा पा बरांडब।

१७ मो हना यो इ मुरपुकीम “परमपरभु आ पशो ठीक मबाक्व” दंनीम। तन्न थमा पा, मेको आन पशो कका ठीक मबाक्व। १८ सुइ ठीक पाइब मुरुम मेको आ ठीक पतीक परांडशा, मरिम्शो पाप्तु हना, मेको आ मरिम्शो पशो आ पर्वम बेक्व। १९ मिनु सुइ आं अरशो लोत्र मटीब मुरुम आं अरशो लोत्र मटितीक परांडशा, आं अरशो नु ठीक पाप्तु हना, मेको मो पशो आ पर्वम बरांडब। २० मो हना यो गे “परमपरभु आ पशो ठीक मबाक्व” दंनीनी। ए इसराएल आ खिंडा मुर, गो इन कली इन पशो खोदंशो पा निसाफ पाइनुड” दंत।

### यरूसलेम बरुशो

२१ गो आंड ग्याइश्शा लाइक्चा पुंडसीशो १२ बर्स डा १० महिना ५ नाक्त दुम्मेनु, यरूसलेम रे पराक्शा जाक्शो मुर का आं बाक्तीकम जाक्शा “आंड सहर बरुत” दंत। इजीकीएल १ :२; इजीकीएल २४ :२६; २राजा २५ :२-४ २२ मेको मुर जाक्चा क्यडा डांडती नाक्दो परमपरभु याव आ गुइम आं कली थिशो बाक्त। मिनु सुनी मेको मुर जाक्चा क्यडा डांडती आं कली ब्वाक्व सल्ले थुम्शो बाक्त। मोपा गो ब्वाक्व दुम्ती।

### लीशो मुर आन पाप

२३ मिनु परमपरभु यावमी आं कली लोत्र पाप्तु। २४ मार लोत्र पाप्तु देशा हना “ए मुर, इसराएल रागीम बाक्शो मेको बरेशो खिम बाक्व मुरपुकीम “अबराहाम दा मुर का ला बाक्त। मो हना यो मेको रागी मेको के दुम्त। तन्न गो शुश बाक्नय। मेको रागी थमा पा इं कली गेशो बाक्व” दंनीम। यसेया ५१ :२ २५ मोपतीक गे मेको आन कली “परमपरभु, परमपरभु यावमी इन कली गेपुकी हुश सुन्दा श्ये ब्वाइनीनी। गे इन मूर्ति पूजा पाइनीनी। गेपुकीम हुश खराक्व पोक्नीनी। मिनु मार, एको रागी इन के दुम्बा डा? १ सामुएल १४ :३२-३४ २६ गे इन तरवार कली थमा सुइक्नीनी। गेपुकीम मूर्ति पूजा पाइनीनी। गे नेल्लेम इन नेक्था डा मुर आन मीश कली गरांगरा दिशो सल्लनीनी। मिनु मार, एको रागी इन के दुम्बा डा?” दंती” दंत। इजीकीएल ११ :१४-२१ २७ मिनु गे मेको आन कली “परमपरभु, परमपरभु यावमी गो आं बरांडशा बाक्शो खोदंशो पा बरेशो खिम बाक्वपुकी तरवारम साइक्चा पुंडसीनीम। मिनु गो दिमम बाक्व आन कली ब्वाकी डा जन्तु आन कली ब्वाचा गेनुडमी। बोल्यो दरवार नु पुक्खीम बाक्वपुकी मुर बेक्तीक रोइम बेक्नीम। २८ गो मेको रागी कली मुर मबाक्शो नु श्येत्थ सल्लनुड। मिनु मेको आ ठयब लेतीक जाम्ब। मिनु इसराएल डा डांडाम सुइ एर आंथ पने मचाप्त्वा डा पा मुर मबाक्तीक दुम्ब। २९ गो मेको आन मूर्ति पूजा पशो आन पर्वम मेको रागी कली मुर मबाक्शो नु श्येत्थ सल्लनुड। मेना मेकोपुकीम गोन परमपरभु यावे नड, देतुइक्नीम” दंशो बाक्व” दंत।

३० मेकोम “ए मुर, इ पर्वम बुक्शो मुरपुकी काथा बुक्शा, गारो नु खिंडा लाप्चोम राप्शा

जाककीन परमपरभु यावे आ लोत्र मार बाकमे नंय' देमुइनीम। ३१ मकोपुकीम आं मुर सोदेशो पा इ बाक्तीक जाकशा इ डांडती निल्लीम। मिनु इ लोत्र नोफा दाइशशा नंनीम। तन्न मकोम इ लोत्र मटीनीम। मकोम रिम्शा लोत्र पसु पा, आन थुम चहिं दोपा क्यट चम्चा, दे मिम्नीम। यसेया ५३:१ ३२ मकोपुकीम इ कली तशा रिम्शा ताप्तीक ताश्शा, रिम्शा संदामी रिम्शा कुम्सा पाइब मुर का बाकब, दे मिम्नीम। इ देशो नंनीम, तन्न मपाइनीम। ३३ मको नल्ल थमा दुम्ब। मको थमा पा थमा दुम्ब। मना मकोपुकीम आन दातेम परमपरभु यावे आ लोत्र पाइब का जाकशो बाकमाक्त, दे तुइकनीम” देत। इजीकीएल २:५

इसराएली आन मरिम्शा गोठलापुकी

इजीकीएल ३७:२४-२८

३४ १ परमपरभु यावेमी आं कली लोत्र पाप्तु। २ मार लोत्र पाप्तु देशा हना “ए मुर, इसराएल डा गोठला आन कली आं लोत्र पावो। परमपरभु, परमपरभु यावेमी इन कली मार देब देशा हना इसराएल डा गोठलापुकी गे आंमा जशा ब्यशा बाक्तीनी। मार, गोठलापुकीम भेडा आन कली रिम्शा पा कोत्रचा ममाल्नीमी डा? येरमीया २३:१-४ ३गे दोम्शा बांसो ब्याइनीनी। मिनु ऊन के वा फेकनीनी। मिनु दोम्शा भेडा आन कली क्योरनीनी। तन्न गे भेडा आन कली रिम्शा पा मकोवनीनी। ४ गपुकीम मचाप्शो आन कली बाल्यो मसल्लनी। रोइ पशो आन कली मसापाइकनी। गार दुम्शा आन कली आन गारमी ओस्ती मखरक्तीनी। गपुकीम लां जाम्शो आन कली माल्थ लशा मल्लनीनी। गे जाम्शो आन कली ममाल्यु, मरिम्शा पा सासन पशो बाक्तीनी। जकरिया ११:१५-१६; यूहन्ना १०:११ ५ मोपतीक मकोपुकी ब्रास्तकम। मारद हना मको आन के गोठला मबाकम। मको मोपा बरशा ब्याकी डा जन्तु आन जचा थोत्रक दुम्तकम” दे ६ आं भेडा लां परंशा, पहाड मर नु लाइशशा डांडा मर हिरसाकम। आं भेडा रागी नल्लेम ब्रास्तकम। मिनु सुइम मको आन कली ममलेम। मको आन पर्वम हिल्लो यो मपाम” देशो बाकब। मती १:३६

७ मोपतीक ए गोठलापुकी परमपरभु यावे आ लोत्र ननीन। ८ परमपरभु, परमपरभु यावेमी “गो आं बरांडशा बाकशो सोदेशो पा, आं भेडा सिखार दुम्तकम। गोठला मबाक्तीक ब्याकी डा जन्तु आन जचा थोत्रक दुम्तकम। मिनु

आं गोठलापुकीम आं भेडा आन कली ममलेम। तन्न आंम कली ला कोत्रसाकम। आं भेडा आन कली चहिं मकोवडेम। ९ मोपतीक गे गोठलापुकी परमपरभु यावे आ लोत्र ननीन। १० परमपरभु, परमपरभु यावेमी इन कली “गो गोठला आन पर्वम लोत्र का पाइनुड। गो आं भेडा मको आन गुइ रं गरुंडनुड। मको आन कली आं भेडा योवतीक रं गरुंडनुड। मिनु मकोपुकीम जशा ब्यशा दोम्चा मताइनीम। गो आं भेडा मको गोठला आन शोत्र रं परांडनुडमी। मोपा आं भेडापुकी मको आन ब्यचा थोत्रक मडुम्नीम” देत। येरमीया २३:२

इसराएली आन रिम्शा गोठला

११ मिनु परमपरभु, परमपरभु यावेमी “मुल गो आंमान आं भेडा आन कली माल्थ लाइनुड। गो मको आन कली कोत्रनुड। येरमीया २३:२ १२ दोपा गोठलापुकीमी एर ओंथ बरशो क्यारश भेडा आन दातेमी आंम क्यारश भेडा माल्थ लाइनुड। क्येर गोस्सुम सुम्शो नाक्त ते ते बरशो आं भेडा आन कली श्येत रं परांडनुडमी। लुका १५:४ १३ गो मको आन कली रागी रागी डा मुर आन दाते रं गरुंडशा, आंम आन रागीम चाक्नुडमी। गो मको आन कली इसराएल डा पहाड मर, मको आ सोला आ नेकथा नु मुर बाकशो रागी मर योवनुडमी। १४ गो मको आन कली रिम्शा पा योवनुडमी। मिनु इसराएल डा पहाड मको आन योवतीक दुम्ब। मकोपुकी रिम्शा घांस बाक्तीकम गोल्था बाक्नीम। मिनु इसराएल डा पहाड मको आन रिम्शा पा जोतीक दुम्ब। मजन संगरह २३:२ १५ गो आंमान आं भेडा आन कली कोत्रनुड। मिनु मको आन कली नाइक्का गनुडमी। १६ गो जाम्शो आन कली माल्थुडमी। हंथे गाकशो आन कली माल्था थिश्शा चाक्नुडमी। गो गार दुम्शा आन कली ओस्ती खरक्नुडमी। मचाप्शो आन कली बाल्यो सेल्लुडमी। तन्न गो दोम्शा नु सक्ति पाइशशा आन कली साइक्नुडमी। गो मको आन कली ठीक पा योवनुडमी” देत।

१७ मिनु परमपरभु, परमपरभु यावेमी “ए गे आं क्यारश भेडा, गो भेडा नु भेडा आन दातेमी निसाफ पाइनुड। गो सांड नु क्यारश आन दातेम निसाफ पाइनुड। मती २५:३२ १८ मार, रिम्शा जोतीकम जोशा यो, गे इन कली मगाम्म? गे मारद लीशा जोतीक कली

इन सोइलीम दिम्नीनी? मार, रिम्शो सिक्स व्याक्कु त्वा यो, लीशो कली इन सोइलीम हिलो सेल्वा माल्लीनी? ११ मार, आं भेडा, इन दिम्शो जोतीकम जोचा माल्लीमी? इन सोइलीम हिलो सेल्वा व्याक्कु त्वा माल्लीमी?" दंत।

२० मोपतीक परमपरभु, परमपरभु यावेमी मेको आन कली "गो आंमान दोम्शो नु ग्यंशो भेडा आन दातम निसाफ पाइनुड। २१ मारदे हना गेपुकीम दा ग्यंशो आन कली इन फिलाम नु बलाम नेम्ना नेम्न नु मचाप्शो आन कली खरुना खरुन एर आंथ बरपाइक्नीनी। २२ गो आं क्यारश भेडा नेल्ल आन कली परांइनुडमी। मिनु मेको मुल र रोइक्चा मपुंडसीनीम। मिनु गो भेडा आन दातेम निसाफ पाइनुड।

२३ गो मेको आन कली गोठला का वोइक्नुड। आं गेय पाइब दाऊद कली वोइक्नुड। मिनु मेकोम मेको आन कली कोवब। मेको आन कली योवशा मेको आन गोठला दुम्ब। इजीकीएल ३७:२४; येरमीया ३०:९; होस ३:५; यूहन्ना १०:१४-१६ २४ मिनु गो, परमपरभु यावे मेको आन परमपरभु दुम्नुड। मिनु आं गेय पाइब दाऊद चहिं मेको आन दातेम सासन पाइब दुम्ब। गो, परमपरभु यावेमी एको लोव्र पाता" दंत।

२४ मेकोमी "गो मेकोपुकी नु थुं नाइश्शा बाक्तीक कबल का पाइनुड। मिनु गो रागी कली व्याकी डा जन्तु र परांइनुड। मिनु मेकोपुकी महिंथु थुं नाइश्शा गोरशो रागी नु व्याकीम इन्वा ताइनीम। इजीकीएल ३७:२६; लेवी २६:६; होस २:२० २६ गो मेको आन कली नु आं डांडा आ एर आंथ नेल्ल डा रागी कली अरु आन कली आसीक गेब सल्लुडमी। गो रउ यिची ना मेको आन कली रउ यिपाइक्नुड। मेको रउ आसीक खोदंशो पा यीब। लेवी २६:४ २७ मिनु रूम बाक्शो रवाम फल सिल्लीमी। खपीम मारइ मारइ गरल्लीम। मिनु मुरपुकी आंम रूमी रिम्शो बाक्ने चाप्नीम। गो मेको आन जुवा जिक्शा, मेको आन कली वाइल सेल्ब आन गुड र परांइनुडमी। मेना गोन परमपरभु यावे नड, दे तुइक्नीम। २८ मिनु रागी रागी डा मुरपुकीमी मेको आन कली रोइक्ने मचाप्नीम। व्याकी डा जन्तुपुकीम यो मेको आन कली मव्याइनीम। मेकोपुकी रिम्शो बाक्नीमी। मिनु सुइम मेको आन कली महिंपाइक्नीम। येरमीया ३०:१० २९ गो मेको आन कली शुश अन्न गरल्लीक रू गेनुडमी। मोपा मेकोपुकी रागीम लेंशा गेनायो शोवतु मबक्नीम। मिनु रागी रागी डा मुर

आन शुक्शी पाइश्शा फाल्वा ममाल्लीम। इजीकीएल ३६:३० ३० मिनु मुरपुकीमी गो, परमपरभु यावे मेको आन परमपरभु नड, दे तुइक्नीम। गो मेकोपुकी नु बाक्नुड, दे तुइक्नीम। मिनु मेकोपुकीम इसराएल आ खिं डा मुर आं मुर नम, दे तुइक्नीम। इजीकीएल ११:२० ३१ गो आं भेडा खोदंशो ननी। आं योवतीक डा भेडा बाक्नीनी। मिनु गो इन परमपरभु नड" दे परमपरभु, परमपरभु यावेमी दंत। भजन संग्रह १००:३

एदोम गोरशो रागी दुम्बशो

१ मिनु परमपरभु यावेमी आं कली लोव्र ३५ पाप्तु। २ मार लोव्र पाप्तु दंशा हना "ए मुर, गे सइर पहाड गे कोवडो। मिनु मेको कली आं लोव्र पावो। इजीकीएल २५:१२-१४ ३ परमपरभु, परमपरभु यावेमी 'ए सइर पहाड, गो इ कली लोव्र का पचा माल्लुड। आं गुड इ गे क्युक्नुड। मिनु इ कली मुर मबाक्तीक नु श्येत्थ सल्लन। ४ गो इ सहर परल्लुड। मिनु गे मुर मबाक्तीक दुम्नेवे। मिनु गोन परमपरभु यावे नड, दे तुइक्नेवे। ५ गे साइ इसराएल कली ईख कुरतीवी। मिनु इसराएली आन श्येत जची ना नु आन नोले डा सजाइ तची ना तरवारम क्योरचा कली जिम्मा गेप्तीवी। भजन संग्रह १३७:७ ६ मोपतीक परमपरभु, परमपरभु यावेमी, गो आं बरोइशा बाक्शो खोदंशो पा, गो इ कली हुश खराक्श पोक्ब आन गुइमी जिम्मा गेनन। मारदे हना गे हुश खराक्श पोक्चा दाक्तावी। हुश खराक्श पोक्तीकम इ कली सदा पाइब। ७ गो सइर पहाड कली श्येत्थ नु मुर मबाक्शो पहाड सल्लुड। मेको र पा एर आंथ पाइब नेल्ल आन कली खतम सल्लुडमी। ८ गो इ पहाड नेल्ल साइश्शा मुरपुकीम पिरंनुड। तरवारम साइश्शापुकी इ डांडा मेर, इ बंसी मेर नु इ खोल्सा मेर गोल्लीम। ९ गो इ कली गेना हना यो कली श्येत्थ सल्लन। इ सहर मुर मबाक्तीक दुम्नीम। मिनु गोन परमपरभु यावे नड, दे तुइक्नेवे।

१० गो परमपरभु यावे मेक बाक्ती हना यो, गे 'मेको रागी निक्शी नु राज्य निक्शी आं के दुम्ब। मिनु गो मेको आन कली हुकुम पाइनुड" दंत। ११ मोपतीके परमपरभु, परमपरभु यावेमी गो आं बरोइशा बाक्शो खोदंशो पा गे इ गाइश्शा नु गेहे पतीक कांडताक्यो। मारदे हना गे इसराएल कली काइ मदाक्ती। गो इ कली मोदंशोन पाइनुड। गो इ कली निसाफ पडनु, इन दातेमी आं कली

तुइकपाइक्नुड। १२ मिनु गे गो परमपरभु यावे नड, दे तुइक्नेवे। मिनु गो इसराएल डा पहाड आन पर्वम इ शुक्शी पा पशो लोत्र नेल्ल नंता। गे मार दंते देशा हना इसराएल डा पहाड नेल्ल मुर मबाक्तीक दुम्शा बाक्नीम। मिनु मेको आं कली गेशा बाक्व' दंत। १३गे आं कली ठयब लेशशा कोइताक्थी। मिनु गे आं पर्वम शुश मरिम्शो लोत्र पाप्तीवी। गा मेको नेल्ल नंता। १४ रागी नेल्ल ग्येरसीशा बाक्मानु, गो इ कली चहिं मुर मबाक्तीक रागी सल्लुड। १५ मारदे हना गे इसराएल मुर मबाक्तीक दुम्मेनु, आं क दुम्त, दे ग्येरसीशा बाक्ते। मोपतीक, गो यो इ कली मोदंशोन पाइनुड। गे सेडर पहाड नु एदोम नेल्ल मुर मबाक्तीक दुम्नीनी। मिनु गोन परमपरभु यावे नड, दे तुइक्नीनी" दंत।

इसराएली आन रागी लेत्नीम

३६ १ परमपरभु यावेमी "ए मुर, इसराएल डा पहाड आन कली आं लोत्र पावो। मेको आन कली ए इसराएल डा पहाड, परमपरभु यावे आ लोत्र नेनीन। इजीकीएल ६:२ २ मिनु परमपरभु, परमपरभु यावेमी इन जोरी सतरुपुकीमी 'मुल मेको माइत पहाड नेल्ल ई के दुम्तेक्म' दंतेक्म। इजीकीएल २५:३ ३ मोपतीक आं लोत्र पावो, परमपरभु, परमपरभु यावेमी 'मारदे हना मेकोपुकीम इन कली नेल्ल मुर मबाक्तीक सल्ला, एर आंथ र श्यत गम्तेक्म। मिनु गे रागी रागी डा लीशो मुर आन रागी दुम्तीनी। मिनु गे मुर आन दातम शुक्शी पाइक्तीक दुम्शा बाक्तीनी। ४ मोपतीक गे इसराएल डा पहाडपुकी, परमपरभु, परमपरभु यावे आ लोत्र नेनीन। परमपरभु यावेमी डांडा, पहाड, खोल्ला, बेंसी, बरेशशा सहर नु मुर मबाक्शो सहर गे इन कली इन एर आंथ बाक्शो मुरपुकीमी रोइक्ताक्म। मिनु रिशशा इन कली आइक्च सेल्लेक्म। ५ मोपतीक परमपरभु, परमपरभु यावे आं लोत्र नेनीन। गो थाम्पा रुश पा, अका रागी नु एदोम रागी नेल्ल आन कली लोत्र पाइनुड। मारदे हना मेकोपुकीम आन थुं नेल्लेम ग्येरसीशा आं रागी आन के सेल्लेक्म। मारदे हना रिम्शा योत्रतीक जोतीक बाक्शा, मेको आंम कली रोइसाक्म" दंत। इजीकीएल ३५:१५ ६ मोपतीक इसराएल रागी आ पर्वम आं लोत्र पावो। मिनु डांडा, पहाड, खोल्ला नु बेंसी आन कली परमपरभु, परमपरभु यावेमी 'गे रुश पा शुश चुरशा लोत्र पाइनुड। गेपुकीम

रागी रागी डा मुर आन शुक्शी पशो फाल्ला माल्तीनी" दंत। ७ मोपतीक परमपरभु, परमपरभु यावेमी 'गे गे इन एर आंथ बाक्व रागी रागी डा मुरपुकीम यो शुक्शी पाइक्चा पुंडसीनीम' दे कसम जाइनुड।

८ तन्न गे इसराएल डा डांडापुकी, गेपुकीम चहिं इन राशी डोन सम्म हाम्शा, आं मुर इसराएली आन कली फल सिप्पाइक्नीनी। मारदे हना मेकोपुकी रोब पा आन खिं लेत्नीम। ९ कोत्रडीन मुल गो इन कली कोत्रनुड। गो इन गे लेशशा, इन कली दोपाइशशा, वांचर शोकपाइक्नुड। १० गो इ मुर आन कली सोपाइशशा बोपाइशशा शुश सेल्लुड। इसराएल आ खिं डा मुर नेल्ल आन कली मोदंशो पाइनुड। मिनु सहरम लेशा मुर बाक्नीम। मिनु बरेशशा खिं नेल्ल लेशा सेल्लेक्म। ११ गो इन मुर नु इन बी व्यफ, क्यारश भेडा शुश सेल्लुडमी। मिनु मेको शुश दुम्शा, शुश गिक्नीम। गो डांडती डा खोदंशो पा इन बाक्तीकम मुर बाक्पाइक्नुडमी। मिनु गो इन कली डांडती डा क्यडा रिम्शा पाइनुड। मिनु गोन परमपरभु यावे नड, दे तुइक्नीनी। लेवी २६:९ १२ गो आं मुर इसराएली आन कली इ तार गाक्पाइक्नुड। गे मेको आन के दुम्नीनी। मिनु गे मेको आन शांप दुम्नीनी। गेपुकीम गेनायो मेको आन तमी तो रोइशशा मलाइक्नीनी" दंत। १३ मिनु परमपरभु, परमपरभु यावेमी "मुरपुकीम इन पर्वम गे मुर व्वाइनीनी। मिनु आंम इन रागी डा आल आन कली साइक्नीनी" देशा बाक्नीम" दंत। १४ मोपतीक परमपरभु, परमपरभु यावेमी "गेपुकीम मुल रे लेशा गेनायो मुर मव्वाइनीनी। मिनु आंम रागी डा तमी तो मसाइक्नीनी। १५ गो रागी रागी डा मुरपुकीम इन कली शुक्शी पचा मगेनन्नी। मिनु मुरपुकीम इन कली दिप्शो फाल्ला ममाल्तीनी। मिनु इन रागी डा मुर आन कली दाइल मपपाइक्नीनी" दे परमपरभु, परमपरभु यावेमी दंत।

मुरुम परमपरभु आ सोक्त ताइनीम

१६ मिनु लेशा परमपरभु यावेमी आं कली लोत्र पाप्तु। १७ मार लोत्र पाप्तु देशा हना "ए मुर, इसराएली आंम आन रागीमी बाक्शो बाक्मानु, मेकोपुकीम मेको रागी कली आन पतीक नु आन गेयम गरांगरा दिशा सेल्लेक्म। मेको आन मरिम्शो पशो मीश मुर आ रां बरोल्थो गरांगरा खोदंशो बाक्ते। मेकोपुकीम रागीम हुश

शाइकपाइक्तीक नु आन मूर्तिम मेको रागी ग्रांगरा दिशो सेल्लेक्म। मेको आन पतीके आं डोंडती रां बरोल्थो मीश मुर खोंदंशो ग्रांगरा बाक्त। लेवी १८:२४-२५ १८ मारदे हना मेकोपुकी हुश खराक्श पोक्तीक नु मूर्ति र पा मेको रागी ग्रांगरा दिशो सल्लेक्मी गो आं चुरशो मेको आन तारी मोइक्ता। १९ गो मेको आन कली रागी रागी डा मुर आन दातेम बुरपाइक्तामी। मिनु मेकोपुकी राज्य राज्यम एर आंथ दुम्शो बुरास्तक्म। गो मेको आन पतीके नु मेको आन गेय खोंदंशो पा निसाफ पाता। २० मिनु मेकोपुकी रागी रागी डा मुर आन दातेम जाक्शा, आं नें मरिम्शो सेल्लेक्म। मारदे हना मेको आन पर्वम 'एकोपुकी दा परमपरभु याव आ मुर नम। मो हना यो आन रागी प्रोंइचा माल्लेक्म' देतेक्म। यसेया ५२:२ २१ तन्न गो आं का ला बाक्शो नें आ पर्वम मिम्ताक्ड। मेको आं नें रागी रागी डा मुर आन दातेम मरिम्शो सेल्थो बाक्तेक्म" देत। इजीकीएल २०:१९

२२ परमपरभु, परमपरभु यावेमी "भोपतीके इसराएल आ सिं डा मुर आन कली 'ए इसराएल आ सिं डा मुर, गो इन पर्वम एको गेय मपाइनुड। तन्न गो आं नें आ पर्वम गेय पाइनुड। गे इन लतीके रागी रागी डा मुर आन दातेम आं नें मरिम्शो सल्लेक्मी। यसेया ४८:११; यरमीया १४:१७ २३ गो आं ठेयब नें लेंशा रिम्शो सेल्लेक्ड। मेको रागी डा मुर आन दातेम मरिम्शो सेल्थो बाक्त। मिनु रागी रागी डा मुरपुकीम गान परमपरभु, परमपरभु याव नड, दे तुइक्नीम। मती ६:१; इजीकीएल ३७:२८ २४ गो इन कली रागी रागी डा मुर आन दाते रं गरुंइनुड। मिनु राज्य नेल्ल रं इन कली सुष्ठा, इन आंम रागीम चाक्नुड। २५ गो इन तार रिम्शो व्याक्कु बरुइक्नुड। मिनु गे इन ग्रांगरा दिशो गेय नु इन मूर्ति पूजा पतीके ताइश्शा रिम्शो दुन्नीनी। इन ग्रांगरा दिशो दुम्शो नेल्ल रं ग्रांगरा मदिशो सेल्लेक्मी। जकरिया १३:१; हिब्रू १०:२२ २६ गो इन कली नक थुं का गनुड। मिनु गो इन थुंम नक सोक्त का कुर पाइनुड। गो इन आगा रं फुल्लु के थुं गरुइशा, मेको आ पा डा श्य के थुं कुर पाइनुड। इजीकीएल ११:१९-२०; यरमीया ३१:३३ २७ गो आं सोक्ती इन आगाम वोइक्नुड। मिनु आं फुल्लुम मुशा बरक्शो लोत्र नु आं निसाफ पतीके लोत्र होस पा पाइब सेल्लेक्ड। इजीकीएल ३९:२९; यसेया ४४:३; इजीकीएल ३७:२४ २८ मना गेपुकी

गो इन किकी पिपी आन कली गेशो रागीम बाक्नीनी। मिनु गे आं मुर दुम्नीनी। मिनु गो इन परमपरभु दुम्नुड। इजीकीएल ११:२० २९ गो गे इन कली ग्रांगरा दितीक रं प्रोंइनुन्नी। गो शुश अन्नं गेरुल्पाइक्नुड। मिनु गो गे इन कली अन्काल मपपाइक्नुड। ३० गो रवा आन फल नु रू डा मारइ मारइ आन कली शुश सेल्लेक्ड। मोपा गेपुकी गेनायो रागी रागी डा मुर आन दातेम अन्काल पा मुन मदोक्नीनी। इजीकीएल ३४:२९; योएल २:१९ ३१ मना गे इन मरिम्शो पशो गेय नु मरिम्शो पशो आ पर्वम मिम्नीनी। मिनु गे इन मरिम्शो पशो नु मूर्ति पूजा पतीके आन आन पर्वम आंमान ग्रांगरा दीसीनीनी। इजीकीएल २०:४३ ३२ गो इन पर्वम एको गेय पशो मनड। मेको तुइक्चा माल्लीनी। ए इसराएल आ सिं डा मुर इन पशो गेयम पतीके मुने दोक्शा सुर्ता पन" देत।

३३ परमपरभु, परमपरभु यावेमी "मेको नाक्ती गो इन कली इन मरिम्शो पशो नेल्ल रं लेंशा रिम्शो सेल्लेक्ड। गो इन सहर आन कली लेंशा मुर बाक्तीक सेल्लेक्ड। मिनु बरेशो नेल्ल लेंशा सेल्पाइक्नुड। ३४ लां गाक्ब मुरपुकीमी इन मशोक्शो रू तचा क्येडा डोंडती मकर मार मार शोक्चा कली लेंशा दोइनीम। ३५ मिनु मेकोपुकीम 'एको श्येत्थ रू एदन आ फल फुल रू खोंदंशो दुम्शो बाक्ब। एको श्येत्थ दुम्शो मुर मबाक्शो नु बरेशो सहर मुल मुरपुकीम बरीशा गारो हिरशो बाक्नीम' देनीम। ३६ मना इन एर आंथ लीशो रागी डा मुरपुकीम परमपरभु यावेमी मेको बरेशो सहर कली लेंशा सेल्लेक्ड। मिनु श्येत्थ दुम्शो रागीम लेंशा मार मार वापाइक्नु, दे तुइक्नीम। गो परमपरभु यावेमी मेको पाता। गो मेको यो पाइनुड" देत। इजीकीएल १७:२४; यरमीया १:१०; यरमीया १८:१७-८

३७ मिनु परमपरभु, परमपरभु यावेमी "गो इसराएल आ सिं डा मुर आन पुंइशो नंशा, मेको आन मुर आन कली क्यारश भेडा खोंदंशो पा शुश सेल्लेक्डमी। मीका २:१२ ३६ गो मेको आन कली यरूसलेम डा चाडम चदेतीक भेडा खोंदंशो पा शुश सेल्लेक्डमी। मोपा सहर लेंशा शुश मुरपुकीम बरीनीम। मिनु मेकोपुकीम गान परमपरभु यावे नड, दे तुइक्नीम" देत।

सोत्रशो रश बाक्शो बेंसी

१ परमपरभु यावेमी आं कली थिती। मिनु ३७ परमपरभु यावे आ सोक्तीम आं कली

बंसी आ दातेमी चाकती। मेको बंसी रुशइ रुशम बरीशो बाकत। इजीकीएल १:३ २मकोम आं कली मेको रुश बाक्तीकेम एर आंथ पपाइक्ती। मेको बंसीम शुश रुश बाक्तेकम। मेको थाम्पा सोव्रशा बाक्तेकम। ३मिनु मेकोम आं कली “ए मुर, मार, एको रुश लेंशा बरांइने चाप्नीमी डा ?” दंत। मिनु गो “परमपरभु, परमपरभु यावे, गे ला मेको तुइक्नीनी” दंती। ४मिनु मेकोम आं कली “एको रुश आन कली आं लोव्र पा ‘ए सोव्रशा रुश परमपरभु यावे आ लोव्र ननीन’ दनो” दंत। ५मिनु परमपरभु, परमपरभु यावेमी “मेको रुश आन कली गो इन आगाम सोक्त ओव्रपाइक्नुड। मिनु गे बरांइनीनी। भजन संग्रह १०४:३० ६गो इन कली नारीम बोइक्नन्नी। इन श्ये वापाइक्नुड, कुशुलम गिल्नन्नी। मिनु गो इन आगाम सोक्त कुर पाइक्नुड। मिनु गे बरांइनीनी। मिनु गेपुकीम गान परमपरभु यावे नड, दे तुइक्नीनी” दंत। यसैया २६:१९

७मोपतीके गो मेकोमी दंशा खोदंशा पा परमपरभु यावे आ लोव्र पाता। मिनु गो मेको परमपरभु यावे आ लोव्र पन पन बाक्डानु, मेकर करक कुरूक पशो नंता। मिनु मेको रुशपुकी का नु अर्का बांडसीचा गोस्तकम। ८मिनु गो आं कोव्रन कोव्रना मेको आन नारी बांडसीशा, श्ये गूरुत। मिनु मेको कुशुलम गिल्साकम। तन्न मेकोपुकी नु सोक्त मबा। ९मिनु मेकोमी आं कली “ए मुर, सोक्त कली आं लोव्र पावो। गे मुर, आं लोव्र पावो। मेको आन कली परमपरभु, परमपरभु यावेमी ‘ए सोक्त, पूर्व, पच्छिम, उत्तर दक्खिन र जाक्कीन। मिनु एको बक्शा आन कली मुइक्तीन। मिनु बरांइमल’ दनो” दंत। १०मिनु गो परमपरभु यावे आ अरशा पाता। मिनु मेको बरांइतीके सोक्त मेको आन आगाम ओव्रत। मिनु मेकोपुकी बरांइशा राप्तेकम। मिनु थम ठेयब हुल का दुम्त।

११मिनु मेकोम आं कली “ए मुर, एको रुश नेल्ल इसराएल आ सिं डा मुर बाक्नीम। मेकोपुकीम ‘आंइ रुश नेल्ल सोव्रन थुस्तेकम। मिनु आंइ आस नेल्ल जास्त। गो थमा पा ताइक्चा पुंडसाक्क’ दंतेकम। इजीकीएल ३७:१ १२मोपतीके मेको नेल्ल आन कली आं लोव्र पा गो, परमपरभु, परमपरभु यावेमी तुरस रोक्शा, इन कली गरुंडनुड। आं मुरपुकी, गो इन कली लेंशा इसराएल रागीम चाक्नन्नी। १३ए आं मुरपुकी, गो इन तुरस रोक्शा गरुंडनुड, गेपुकीम गान परमपरभु यावे नड, दे तुइक्नीनी। १४गो

आं सोक्त इन कली कुर पाइक्नन्नी। मिनु गे बरांइनीनी। मिनु गो इन कली आंम इन रुम बाक्पाइक्नुड। मिनु गेपुकीम गो परमपरभु यावेमीन एको लोव्र पाता। मिनु मेको पाइनुड, दे तुइक्नीनी’ दनो” दे परमपरभु, यावेमी दंत।

यहूदा नु इसराएल रागी का दुम्शा

१५ परमपरभु यावेमी आं कली लोव्र पाप्नु। १६मार लोव्र पाप्नु दंशा हना “ए मुर, कोक्क का चाक्शा ‘यहूदा नु इसराएल डा मुर’ दे बरक्तो। मिनु नोल अर्का कोक्के का चाक्शा ‘योसफ, एफराइम नु मेको नु बाक्ब इसराएल आ सिं नेल्ल’ दे बरक्तो। १७मिनु मेको निम्फा फिरपशा कान सेल्ली। मोपा मेको इ गुइम कोक्के कान दुम्ब। १८मिनु इ मुरपुकीम इ कली ‘मेको आ अर्थ मार बाक्बा गे आंइ कली मशंनीनी?’ दे हिल्लो पाइनीम। १९गे मेको आन कली परमपरभु, परमपरभु यावेमी गो एफराइम आ गुइम बाक्शा योसफ आ कोक्के, इसराएली आन थर डा यहूदा आ कोक्के नु फिरप्नुड। मोपा गो मेको आस कली कोक्के कान सेल्लुड। मिनु मेको आं गुइम कान दुम्नीस। २०मिनु मेको इन बरक्शा कोक्के इन डांइती इन गुइम ग्याइशशा बाक्नीस” दंत। २१मना परमपरभु, परमपरभु यावेमी मेको आन कली “इसराएल डा मुर तेको तेको रागीम लमा, गो मेको आन कली रागी नेल्ल र खुनुडमी। मिनु मेको आन कली आंम आन रागीम चाक्नुडमी। यसैया ११:१२-१३ २२गो मेको आन कली इसराएल रागी डा पहाडम रागी कान सेल्लुडमी। मिनु मेको नेल्ल आन के पिप कान दुम्ब। मिनु गनायो रागी निक्शी मदुम्नीस। मिनु राज्य निक्शी मदुम्नीस। इजीकीएल ३४:२३; यरमीया ३:१८; होस २:२ २३मिनु मेकोपुकीम लेंशा गनायो आन मूर्ति नु अरु गरांगरा दिशो थोव्रक नु हंथे मपाइनीम। मारदे हना गो मेको आन कली नेल्ल आन हंथे पतीके र परांइनुडमी। मिनु मेको आन कली आं मुर सेल्लुडमी। मिनु मेकोपुकी आं मुर दुम्नीम। मिनु गो मेको आन परमपरभु दुम्नुड। इजीकीएल ११:२०

२४आं गेय पाइब दाऊद मेको आन पिप दुम्ब। मिनु मेको आन गोठला कान दुम्ब। मिनु मेकोपुकीम आं निसाफ पतीके लोव्र टीनीम। मिनु मेकोपुकीम आं फुल्लुम मुशा बरक्शा लोव्र होस पा पाइनीम। इजीकीएल ३४:२३; इजीकीएल ३६:२७ २५मिनु मेकोपुकी आं गेय

पाइब याकब कली गेशो रागीम बाक्नीम। मेकर आन किकी पिपी बाक्शो बाक्तेकम। मिनु मेकर मेको आन आल, चच युइ गेना हना यो बाक्नीम। मिनु आं गेय पाइब दाऊद गेना हना यो मेको आन कली सासन पाइब दुम्ब। लुका १:३२-३३ २६ गो मेकोपुकी नु थुं नाइशशा बाक्तीक कबल का पाइनुड। मेको गेना हना यो लीब कबल बाक्ब। गो मेको आन कली आसीक गेशा शुश दुम्पाइक्नुडमी। मिनु गो मेको आन दातेम गेना हना यो कली आं बाक्तीक सेल्नुड। प्रस्थान २५:५; इजीकीएल ३४:२५; यसेया ५४:३० २७ आं बाक्तीक मेकोपुकी नुन दुम्ब। मिनु गो मेको आन परमपरभु दुम्नुड। मिनु मेकोपुकी आं मुर दुम्नीम। इजीकीएल ११:२० २५ मेना रागी रागी डा मुरपुकीम गो, परमपरभु यावेमीन इसराएली आन कली आं मुर सेल्ता। मिनु आं बाक्तीक मेको आन दातेम गेना हना यो बाक्ब, दे यो तुइक्नीम” दे परमपरभु यावेमी देत। इजीकीएल ३६:२३

### गोग आ पर्वम लोत्र पशो

१ परमपरभु यावेमी आं कली लोत्र पाप्तु।  
**३८** २ मार लोत्र पाप्तु देशा हना “ए मुर, मागोग रागी डा ठेयब मुर, गोग आ बाक्तीक लावो। मेशक नु तूबल डा सासन पाइब कली आं लोत्र पावो। इजीकीएल ३१:६; इजीकीएल २७:१३; इजीकीएल ३२:२६; उत्पत्ती १०:२ ३ मिनु परमपरभु, परमपरभु यावेमी मेको कली ए मेशक नु तूबल डा सासन पाइब गोग, गो इ कली लोत्र का पाइनुड। ४ गो इ कली हिरनुड। गो इ शांपिम बाल्सी ब्येक्नुड। गो इ कली, इ लडाइ पाइब नेल्ल, इ शारा नु इ शारा डोइक्ब, या कुरब नेल्ल आन गरुंडनुड। ठेयब नु आइक्च तेक्तीक कुरब, आन तरवार शशा बाक्नीम। ५ पारसी, एथीयोपीया नु पूत डा मुरपुकी, मेकोपुकी नु बाक्नीम। मिनु मेको नेल्लेम आन तेक्तीक शशशा, लडाइ डा ताकी गुक्शो बाक्नीम। ६ गोमेर नु आ लडाइ पाइब नेल्ल, उत्तर डा बेथ-तोगारमाह नु आ लडाइ पाइब नेल्ले शुश मुरपुकी गे नु बाक्शो बाक्नीम। इजीकीएल २७:१४

७ गो सासीशा बाक्को। मिनु गे नु गारशा लडाइ पचा कली जाक्शो लडाइ पाइब नेल्ल आन कली सासीशा बाक्पतो। मिनु गे मेको नेल्ल आन ठेयब मुर दुम्शा, सासीशा बाक्को। ८ शुश नाक्त नोले लडाइ पचा कली इन कली

बरेल्नीम। गेपुकीम लडाइम श्येत्य दुम्शा लेंशा सेल्शो रागी कली लडाइ तोइनीनी। मेको मुर शुश रागी रे खुष्शा, इसराएल डा पहाडम चाक्शो बाक्नीम। मेकर शुश बर्स रे मुर मबाक्म। मेकोपुकी रागी रागी रे चाक्शो बाक्तेकम। मिनु मुल मेको नेल्ल मारइ मद्दुम्थु रिम्शो पा बाक्शो बाक्नीम। १ गे फश गिवार खोदेशो पा बारचा माल्लेवे। २ गो गोस्स खोदेशो पा मेको रागी कली सुम्चा माल्लेवे। गे नु इ लडाइ पाइब नेल्ल नु गे नु बाक्ब नेल्लेम मोदेशो पचा माल्लेनी” देना” देत।

१० परमपरभु, परमपरभु यावेमी “मेको नाक्ती इ थुंम मार मार मिम्नेवे। मिनु गे थम मरिम्शो पचा मिम्नेवे। ११ मिनु गेम गो गारो महिरशो सहर कली लडाइ तोइनुड। गो सिक्सी पा रिम्शो पा गारो महिरशो, ठेयब लाप्चो मपाइशो नु आगलो मपाइशो सहरम बाक्ब मुर आन रागी कली लडाइ तोइनुड। १२ मुल गो मेको रागी डा मार मार रोइशशा लाइक्चा कली लडाइ पाइनुड। मेकोपुकी श्येत्य दुम्शो रागीम लेंशा खुम्सीशा बाक्शा बाक्तेकम। मेकोपुकीम शुश बी ब्यफ, क्यारश भंडा थुल्शा शांप चेम्शा रागी आ दातेम बाक्शो बाक्नीम” देते। न्यायाधीस १:३७ १३ शबा नु देदान, टारशीश डा ग्याप्च लेयबपुकी नु मेको आन ठिटा लडाइ पाइब नेल्लेम इ कली ‘मार, गे रोइक्थ जाक्शो नवे? मार गे रोइशशा मार मार तचा कली, सुन चांदी लाइक्चा कली, बी ब्यफ, क्यारश भंडा नु शुश मार मार रोइक्चा कली, जाक्नी?” देशा बाक्नीम।

१४ मोपतीक “ए मुर, गोग कली आं लोत्र पावो। मेको कली ‘परमपरभु, परमपरभु यावेमी इ कली आं मुर इसराएली मारइ मद्दुम्थु रिम्शो पा बाक्मानु, गे मेक मलाइनेवे? १५ डोन इ बाक्तीक उत्तर रागी रे ठेयब हुल, सक्ति पाइशो लडाइ पाइब नु शुश जात डा मुर शारा डोइशशा, गो नु जाक्नीम। १६ गे आं मुर इसराएली नु लडाइ पचा कली रागी कली सुम्ब गोस्स खोदेशो पा जाक्नेवे। ए गोग, नोले डा नाक्ती गो इ कली आं रागी नु लडाइ पपाइक्नुड। रागी रागी डा मुरुम आं कली तुइक्तेमक्ल, दे मोदेशो पाइनुड। मेको रागी रागी डा मुर आन डोइती गो का ला परमपरभु यावे नड” दे कांइनुड” देत। १७ मिनु परमपरभु, परमपरभु यावेमी “साइ आं गेय पाइब, इसराएल डा आं लोत्र पाइबम इ पर्वम लोत्र मपामे डा? मेना मेकोपुकीम शुश बर्स सम्म गो

इ कली इसराएली नु लडाइ पथ सोइक्नुड' दे आं लोत्र पाम्तेक्म" देत। सफन्याह ३ : ८

### गोग कली सजाइ गेशो

१८ परमपरभु यावेमी "मको नाक्ते मार दुम्ब देशा हना, गोगम इसराएल कली लडाइ तोइब। मिनु गो थाम्पा चुरनुड। १९ मको नाक्ती गो आं जांब बाक्शा, गाइशो चुरशोम इसराएल रागीम ठेयब खिरनु कुइब। २० मको नाक्ती समुन्दर डा डाइ, सरीड डा चिक्ब, रागी डा जन्तु, खपीम गरशा गाक्ब जन्तु नेल्ल नु रागी डा मुर नेल्ल आं डाइती खिरखिर पाइनीम। पहाड नेल्ल बरत्नीम, रांगु नेल्ल दोक्नीम। मिनु गारो नेल्ल गोल्नीम। २१ गो आं पहाड नेल्लेम गोग आ परबम तरवार का क्युक्नुड। मिनु मेको आ मुर नेल्लेम आन तरवार आन लोक्ब आन परबम शोइक्नीम। परकाश २० : ८-९, २२ गो मुर बेक्तीक रोइम नु हुश स्राक्श पोक्तीकम मको कली निसाफ पाइनुड। गो मेको आ लडाइ पाइब आन तार, मेको नु बाक्शो जात जात डा मुर आन हुल तार थम हिंचा डा रउ, मुप्स, मी नु गन्धक यिपाइक्नुड। २३ मोपा गो आं ठेयब दुम्तीक नु गो आं बाक्शो परमपरभु बाक्नुड, दे कोइनुडमी। मिनु शुश रागी डा मुर आन डाइती आं कली तुइक्पाइसीनुड। मेना मेकोपुकीम गोन परमपरभु यावे नड, दे तुइक्नीम" देत।

### गोग नु आ लडाइ पाइबपुकी बरुशो

३९ १ मिनु परमपरभु यावेमी आं कली "ए मुर, गोग आ मुर आन कली आं लोत्र पावो। मिनु परमपरभु, परमपरभु यावेमी इ कली 'गो इ कली लोत्र का पचा माल्लुड। गे मेशक नु तूबल डा सासन पाइब बाक्नेव। इजीकीएल ३८ : २ २ गो इ कली हिरशा, ग्येत्थ गे सोइक्नन। गो इ कली डोन उत्तर र इसराएल डा पहाड गे सोइक्नन। ३ गो इ पेरा गुइम बाक्शो लिबरा तुप्शा तोक्नुड। मिनु इ ग्युरा गुइम बाक्शो बरा तोक्नुड। ४ गो इसराएल डा पहाडमीन साइक्चा पुंडसीनेवे। इ लडाइ पाइब नेल्ल नु गे नु बाक्शो मुर नेल्ल मेकर साइक्चा पुंडसीनीम। गो इ कली चिक्ब नु ब्याकी डा जन्तु आन व्यतीक सल्लुड। ५ गे दिमम गोल्नेवे। मारदे हना गो एको लोत्र पाता" देत। ६ गो मागोग डा मुर नु समुन्दर आ नेक्था रिम्शो पा बाक्शो आन तार मी सोइक्नुड। मिनु मेकोपुकीम गोन परमपरभु यावे नड, दे तुइक्नीम।

७ गो आं ने आं मुर इसराएली आन दातेम तुइक्पाइक्नुडमी। मिनु आं ने कली मरिम्शो सल्ल्वा मगनुड। मिनु रागी रागी डा मुरपुकीम गोन परमपरभु यावे, इसराएली आन बाक्शो परमपरभु नड, दे तुइक्नीम। ८ मको थमा पा दुम्ब। मको थमा पा जाक्ब। आं देशो नाक्ती मकोन बाक्ब" दे परमपरभु, परमपरभु यावेमी देत। ९ मिनु परमपरभु यावेमी "ले इसराएल डा सहरम बाक्ब मुरपुकीमी या, आइक्ब नु ठेयब तेक्तीक, लिबरा नु बरा, कोक्के नु तूतीक नेल्ल सुप्शा चोइनीम। मेकोपुकीमी मेको ७ बर्स सम्म चोइनीम। यसेया ९ : ४ १० मेकोपुकीम रू र शी सुप्शा ममाल्नीम। ब्याकी डा रवा तिम्बा ममाल्नीम। मारदे हना मेकोपुकीम मेको यामीन आन मी मुइक्नीम। मेकोपुकीम आन मार मार गरुइशा लाइक्ब आन के मार मार गरुइशा चाक्नीम। आन कली रोइक्ब आन कली रोइक्नीम" दे परमपरभु, परमपरभु यावेमी देत। येरमीया ३० : १६

### गोग कली थिम्शो

११ मिनु परमपरभु यावेमी "मेको नाक्ती गो गोग आ मुर आन कली इसराएल रागीम तुरस का गेनुड। मेको इसराएल डा समुन्दर आ पूर्व गे मुर आन लतीक बेसी डा लांम बाक्ब। मेकर गोग आ लडाइ पाइब नु मेको आन कली वारच पाइब हुल नेल्ल थिम्बा पुंडसीनीम। मोपतीक मेको बाक्तीक कली हामान-गोग आ बेसी देनीम। १२ इसराएल आ खिं डा मुरपुकीम मेको आन कली ७ महिना सम्म थिम्ना थिम्न बाक्नीम। मिनु मोपा रागी कली गरांगरा मदिशो सल्लनीम। १३ मिनु रागी डा मुर नेल्लेमी मेको आन कली थिम्नीम। गो आं सक्ति कोइदु नाक्ती मेको आन कली ठेयब मिम्तीक का दुम्ब। १४ मेको रागी गरांगरा मदिशो सल्ल्वा कली मुर वोइक्नीम। मेकोपुकीम नाक्ते कित कित कोत्रशा माल्शा, थिम्शा थिम्नीम। मिनु आन माल्तीक गेय ७ महिना सम्म पचा माल्नीम। १५ मेकोपुकी रागी आ एर आंथ नेल्ल लमानु, सुइमी मुर आन रुश का थित्तेक्म हना, मेकर चिन्ड वोइक्चा माल्बाक्तेक्म। मिनु तुरस दोइबपुकीम मेको कली हामान-गोग डा बेसीम लाइशशा, थिम्बाक्तेक्म। १६ मेकर हामोनाह देशो सहर का यो बाक्ब। मोपा मेकोपुकीम रागी कली गरांगरा मदिशो सल्लनीम" दे परमपरभु यावेम

दंत । हामीनाह आ अर्थ "ठयब हुल" देशो बाक्ब ।

१७ मिनु परमपरमु, परमपरमु यावेमी "ए मुर, नेल्ल खाल डा चिक्ब नु ब्याकी डा जन्तु नेल्ल आन कली 'एर आंथ नेल्ल रे जाक्कीन । गो इसराएल डा पहाडम इन कली ठयब चढतीक भोज का सेल्लुड । गेपुकीम मेकर श्य ब्याइनीनी । मिनु हुश तूनीनी । परकाश १९:१७-१८, १८ गेपुकीम शुश सक्ति पाइइशा मुर आन श्य ब्याइनीनी । मिनु रागी डा पिप आन सासन पाइब, बाशान डा सांड, पाठा, बोका नु ब्यफ आन हुश तूनीनी । १९ गो इन कली चढतीक भोज का गेडानु, गे रूथरी बांसी ब्यन चान्नीनी । गे मदकुनी सम्म हुश तून चान्नीनी । २० गेपुकी आं भोजम शारा, बर्गी डोइक्ब, सक्ति पाइइशा मुर नु नेल्ल खाल डा लडाइ पाइब ब्यशा रूनीनी" दे परमपरमु, परमपरमु यावेमी दंत ।

इसराएल लेंशा रागी का दुम्शो

२१ मिनु परमपरमु, परमपरमु यावेमी "गो रागी रागी डा मुर आन डांडती आं सक्ति कांडनुड । मिनु रागी रागी नेल्लेम आं निसाफ पशो ताइनीम । आं सजाइ गेशो ताइनीम । २२ मिनु मेको नाक्त रे इसराएल आ सिं डा मुरपुकीम गोन परमपरमु यावे, मेको आन परमपरमु नड, दे तुइक्नीम । २३ मिनु रागी रागी डा मुरपुकीम इसराएल आ सिं डा मुर आन मरिम्शो पतीक ग्याइइशा लाइक्चा पुंडसीशो बाक्तेकम, दे तुइक्नीम । मारद हना मेकोपुकीम आं कली मरिम्शो पाम्तेकम । मोपतीक गो आं कुल मेको आन रे सरुइक्ताक्ड । मिनु मेको आन कली आन जोरी सतरु आन गुइम गेतामी । मिनु मेको नेल्ल तरवारम साइक्चा पुंडसाकम । यसेया २४:८, २४ मेको आन गरांगरा दिशो नु आन हंथ पशो आ पर्वम गो मेको आन कली सजाइ गेतामी । मिनु गो आं कुल मेको आन रे सरुइक्ताक्ड" दंत ।

२४ मोपतीके परमपरमु, परमपरमु यावेमी "गो याक्ब आ सिं डा मुर आन कली डांडती डा सोदेशो पा रिम्शो सेल्लुड । मिनु इसराएल आ सिं डा मुर नेल्ल आन कली शिशो पाइक्नुडमी । गो आं का ला बाक्शो नें आ पर्वम रुश पाइनुड । २६ मेकोपुकी रिम्शो पा महिंथु आन रागीम बाक्ची ना, आन मुने नु आं कली मरिम्शो पशो नेल्ल परेनीम । २७ मिनु गो मेको आन कली रागी रागी डा मुर आन दाते रे चाक्नुडमी । मिनु मेको आन कली आन जोरी सतरु आन रागी

रे सुप्नुडमी । मिनु गो शुश रागी डा मुर आन डांडती मेको आन रे पा गो का ला परमपरमु नड, दे कांडनुडमी । २८ मेना मेकोपुकीम गोन परमपरमु यावे, आन परमपरमु नड, दे तुइक्नीम । मारद हना गो मेको आन कली रागी रागी डा मुर आन दातेम ग्याइइशा लाइक्पाइक्तामी । मिनु का यो मजाम्चा डा पा सुप्शा आन रागीम चाक्नुडमी । २९ मुल रे गो आं कुल मेको आन डांडती रे गनायो मसरुइक्नुड । मारद हना गो आं सोक्त इसराएल आ सिं डा मुर आन तार मोइक्नुड" दे परमपरमु, परमपरमु यावेमी दंत । इजीकीएल ३६:२६-२७ ; योएल ३:१

परमपरमु आ सिं कली कांडिशो

१ गोपुकी ग्याइइशा लाइक्चा पुंडसीशो  
 ४० २५ बर्स दुम्मेनु, डांडती डा महिना डा १० नाक्त बाक्त । मेना यरूसलेम सहर फरुचा पुंडसीशो १४ बर्स दुम्शो बाक्त । मेको नाक्तीन परमपरमु यावेमी आं कली थिती । मिनु मेकोम आं कली मेकर लाइक्ती । इजीकीएल १:३ २ परमपरमुमी आ कांडतीकम आं कली इसराएल रागी लाइक्ती । मिनु आं कली थम ठयब लाइइशा डांडा काम वोइक्ती । मेको आ दक्खिन गे सहर का सोदेशो तांडसीशो बाक्त । जकरिया १४:१० ३ मिनु मेकोम आं कली मेकर लदानु, गो मेकर मुर का ताता । मेकर कांसा सोदेशो टल्कशो मुर का बाक्त । मेको आ गुइम सुती के डोरी नु पुक्तीक कोक्क का बाक्त । मेको ठयब लाप्चो आ नेक्था राप्शो बाक्त । इजीकीएल ४७:३ ; जकरिया २:५ परकाश २१:१५ ४ मिनु मेकोम आं कली "ए मुर, कोत्रडा । मिनु नोफा दाइइशा नेंनो । गो इ कली मार मार कांडक्नुडा, मेको रिम्शो पा कोत्रशा, इ थुंम वोतो । मारद हना गे मो पचा कली एक चाक्शा बाक्ते । मिनु गे मार ताइक्नेव, मेको नेल्ल इसराएल आ सिं डा मुर आन कली शंदीमी" दंत ।

पूर्व डा ठयब लाप्चो

५ मिनु गो मेकर परमपरमु यावे आ सिं आ एर आंथ नेल्ल हिरशो गारो का ताता । मिनु मेको मुर आ गुइम बाक्शो पुक्तीक कोक्क ६ ठयब कुबीत लाइइशा बाक्त । मिनु मेकोम गारो पुक्गानु, ३ कुबीत ग्येत्थ नु ६ कुबीत थांडिशो बाक्त । ठयब कुबीत ०.५ मिटर बाक्ब । १ राजा ६ :- ६ मिनु मेको नोले लेंशा पूर्व गे डा ठयब लाप्चोम लत । मिनु मेको आ थंका

रे पा डोइश्शा लाप्चो ओव्रतीक पिंडी पुक्तु । मिनु मेको पुक्तीक कोक्क का लाइश्शा बाक्त । पुक्तीक कोक्क ३.२५ मिटर लाइश्शा बाक्व । ७मंकर बाक्तीक कोठा बाक्तेक्म । मेको नेल्ल पुक्तीक कोक्क का बरंश्शा नु पुक्तीक कोक्क का लाइश्शा बाक्तेक्म । मेको कोठा आन दातेम गय पतीक कोठा बाक्तेक्म । मिनु आन दाते डा बाक्तीक ५ कुबीत बरंश्शा बाक्त । मिनु परमपरभु यावे आ सिं डा पिंडी डा लाप्चो लतीक लां पुक्तीक कोक्क का बरंश्शा बाक्त । कुबीत का आधा मिटर बाक्व । ८मिनु मेकोमी ठेयब लाप्चो आ आगा डा पिंडी पुक्गानु, मेको पुक्तीक कोक्क का लाइश्शा बाक्त । ९मिनु मेको लतीक लां डा पिंडी पुक्गानु, ८ कुबीत लाइश्शा बाक्त । मेको आ थाम कुबीत निक्शी थान्दो बाक्तेक्म । मेको लाप्चो आ पिंडी चहिं परमपरभु यावे आ सिं गे बाक्त । १०मिनु पूर्ब डा लाप्चो आ एर गे नु ओंथ गे सां सां गेय पतीक कोठा बाक्तेक्म । मेको सांफान उइक्थ उइक्थ बाक्तेक्म । मेको एर नु ओंथ बाक्शा थाम उइक्थ उइक्थ बाक्तेक्म । ११मिनु नोले मेकोमी लाप्चो ओव्रतीक आ बरंश्शा पुक्तु । मेको १० कुबीत बरंश्शा बाक्त । मेको लाप्चो नेल्ल १३ कुबीत लाइश्शा बाक्त । १२ गेय पतीक कोठा आन डाइती आ दी गे कुबीत का डा आइक्च गारो बाक्तेक्म । कोठा नेल्ल ६ कुबीत लाइश्शा नु ६ कुबीत बरंश्शा बाक्तेक्म । १३मिनु नोले मेकोमी गेय पतीक कोठा का डा लाप्चो र अर्का गेय पतीक कोठा सम्म पुक्गानु, गारो का र अर्का गारो सम्म २५ कुबीत बाक्त । १४मिनु साप्शो लतीक लां २० कुबीत बरंश्शा बाक्त । थाम आ नेक्था र लाङगा लतीक लां यो बाक्त । १५ मिनु ओव्रतीक लाप्चो डा सिं नेल्ल लाप्चो र लाङगा लतीक लां डा पिंडी सम्म ५० कुबीत लाइश्शा बाक्त । १६ गेय पतीक कोठा थाम आ नेक्था डा झेल डा गारो आ आइक्थ मेरे थरपु हिरशो बाक्तेक्म । एर ओंथ हिरशो साप्शो लतीक लां नेल्ल झेल बाक्तेक्म । मिनु पिंडीम यो मोदंशो झेल बाक्तेक्म । मेको थामपुकीम खजूर रवा आ बुटा आप्शो बाक्तेक्म ।

लाङगा गे डा अर्का लाङगा

१७मिनु मेकोमी आं कली परमपरभु यावे आ सिं डा लाङगा गे डा अर्का लाङगाम चाक्ती । मेकर कोठा बाक्तेक्म । लाङगा आ एर ओंथ

फुल्लु बरंशा बाक्तेक्म । मिनु मेको फुल्लु बरंशा खपीम ३० ओटा कोठा बाक्तेक्म । १८मको फुल्लु बरंशा लां ओव्रतीक लाप्चो आ नेक्था बाक्त । मिनु मेको लाप्चो सम्म बाक्त । मेको उइ डा फुल्लु बरंशा लां बाक्त । १९मिनु मेकोम आइदी डा लाप्चो आ आगा गे लाङगा डा बरंश्शा पुक्गानु, मेको सहं का कुबीत बाक्त ।

उत्तर गे डा ठेयब लाप्चो

२०मिनु मेकोम उत्तर गे डा परमपरभु यावे आ सिं डा लाङगा गे डा लाङगा आ लाइश्शा नु आ बरंश्शा पुक्तु । २१मिनु मेकर अर्का ठेयब लाप्चो सोदंशो एर ओंथ कोठा सां सां बाक्तेक्म । मेको आ थाम नु आ पिंडी डाइती डा लाप्चो सोदंशो बाक्तेक्म । मेको आ लाइश्शा ५० कुबीत नु आ बरंश्शा २५ कुबीत बाक्त । कुबीत का ०.५ मिटर बाक्व । २२मको आ झेल, आ पिंडी नु मेको खजूर रवा आ बुटा आप्शो थाम नु पूर्ब गे कोव्रशो लाप्चो नेल्ल अर्का सोदंशो बाक्तेक्म । मेकर लचा कली ७ ओटा थंका बाक्तेक्म । मिनु मेको पिंडी आगाम बाक्त । २३पूर्ब डा ठेयब लाप्चो आ डाइती गे परमपरभु यावे आ सिं डा लाङगाम लाप्चो का बाक्त । उत्तर डा ठेयब लाप्चो आ डाइती गे यो परमपरभु यावे आ सिं डा लाङगाम लाप्चो का बाक्त । मेको लाप्चो र अर्का लाप्चो सम्म पुक्गानु, सहं का कुबीत लाइश्शा बाक्त । कुबीत का ०.५ मिटर बाक्व ।

दक्खिन गे डा ठेयब लाप्चो

२४मिनु मेकोम आं कली दक्खिन गे लाइक्ती । मिनु मेकर ठेयब लाप्चो का बाक्त । मिनु मेकोम आ थामपुकी नु आ पिंडी पुक्तु । मिनु मेकोपुकी यो अर्का ठेयब लाप्चो सोदंशो पा उइक्थ उइक्थ बाक्तेक्म । २५मिनु मेकर एर ओंथ नेल्ल नु पिंडीम झेल बाक्तेक्म । मेको अर्का ठेयब लाप्चो सोदंशो बाक्तेक्म । मेकोपुकी ५० कुबीत लाइश्शा नु २५ कुबीत बरंश्शा बाक्तेक्म । २६मंकर लतीक ७ ओटा थंका बाक्तेक्म । मेको आ पिंडी आगा गे बाक्त । निम्फा पटटी थाम बाक्तेक्म । मिनु थाम खजूर रवा आ बुटा आप्शो बाक्तेक्म । २७मको आ आगा डा लाङगाम यो दक्खिन गे लाप्चो का बाक्त । मेकोम मेको लाप्चो र ठेयब लाप्चो सम्म पुक्गानु, मेको सहं का कुबीत बाक्त ।

### आगा डा लाङगा डा लाप्चो

२८ मिनु मेकोम आं कली दक्खिन गे डा ठेयब लाप्चो र पा आगा डा लाङगाम चाक्ती। मिनु मेकोम दक्खिन डा लाप्चो पुक्तु। मिनु मेको ठेयब लाप्चो यो अर्का ठेयब लाप्चो सोदंशान बाक्त। २९ मेको आ कोठा, आ थाम नु आ पिंडी अर्का सोदंशो बाक्तेक्म। मेको आ पिंडी आ एर आंथ नेल्ल झेल बाक्तेक्म। मेको ५० कुबीत लाइशो नु २५ कुबीत बरंशो बाक्त। ३० मेको एर आंथ नेल्ल पिंडी बाक्तेक्म। मेको २५ कुबीत लाइशो नु २५ कुबीत बरंशो बाक्तेक्म। कुबीत का ०.५ मिटर बाक्ब। ३१ मेको आ पिंडी लाङगा गे कोव्रशो बाक्त। मिनु मेको आ थामपुकीम खजूर रवा आ बुटा आप्शो बाक्तेक्म। मिनु मेको लचा कली ८ ओटा थंका बाक्तेक्म।

### आगा लाङगा डा पूर्व डा लाप्चो

३२ मिनु मेकोम आं कली पूर्व गे डा आगा डा लाङगाम चाक्ती। मिनु मेको आ ओव्रतीक लाप्चो पुक्तु। मिनु मेको अर्का ठेयब लाप्चो सोदंशो बाक्त। ३३ मेको आ कोठा, आ थाम नु आ पिंडी अर्का सोदंशो बाक्तेक्म। मेको आ पिंडी आ एर आंथ नेल्ल झेल बाक्तेक्म। मेको ५० कुबीत लाइशो नु २५ कुबीत बरंशो बाक्त। ३४ मेको आ पिंडी लाङगा गे कोव्रशो बाक्त। मिनु मेको आ थामपुकीम खजूर रवा आ बुटा आप्शो बाक्तेक्म। मिनु मेको लचा कली ८ ओटा थंका बाक्तेक्म।

### आगा लाङगा डा उत्तर डा लाप्चो

३५ मिनु मेकोम आं कली उत्तर गे डा ठेयब लाप्चो र पा आगा डा लाङगाम चाक्ती। मिनु मेको ठेयब लाप्चो यो अर्का ठेयब लाप्चो सोदंशान बाक्त। ३६ मेको आ कोठा, आ थाम नु आ पिंडी अरु सोदंशो बाक्तेक्म। मेको आ पिंडी आ एर आंथ नेल्ल झेल बाक्तेक्म। मेको ५० कुबीत लाइशो नु २५ कुबीत बरंशो बाक्त। ३७ मेको आ पिंडी लाङगा गे कोव्रशो बाक्त। मिनु मेको आ थामपुकीम खजूर रवा आ बुटा आप्शो बाक्तेक्म। मिनु मेको लचा कली ८ ओटा थंका बाक्तेक्म।

### चोशा चढ़ेतीक श्ये वयतीक कोठा

३८ पिंडी आ नेक्था लाप्चो पाइशो कोठा का बाक्त। मेको चोशा चढ़ेतीक व्याकुम

मुरबाक्तेक्म। ३९ आगा ओव्रतीक लाप्चो आ पिंडीम का पटटी गे टेबल निक्शी बाक्ताक्स। अर्का पटटी गे यो टेबल निक्शी बाक्ताक्स। मेको चोशा चढ़ेतीक, पाप आ पर्वम चढ़ेतीक नु दोस आ पर्वम चढ़ेतीक क्योरचा माल्बाक्तेक्म। ४० पूर्व डा ओव्रतीक लां डा पिंडी आ डांइती टेबल निक्शी बाक्ताक्स। मिनु अर्का पटटी डा पिंडी आ डांइती यो टेबल निक्शी बाक्ताक्स। ४१ मोपा आगा ओव्रतीक का पटटी ४ ओटा टेबल नु अर्का पटटी ४ ओटा टेबल बाक्तेक्म। मिनु नेल्ल पा ८ ओटा टेबल बाक्तेक्म। मेको टेबल तार चढ़ेतीक क्योरचा माल्तेक्म। ४२ मेको यो चोशा चढ़ेतीक कली चेशो फुल्लु के ४ ओटा टेबल बाक्तेक्म। मेको कुबीत का नु आधा लाइशो नु कुबीत का नु आधा बरंशो बाक्तेक्म। मेको कुबीत का ग्यत्थ लाइशो बाक्तेक्म। मेको आन तारी चोशा चढ़ेतीक नु अरु चढ़ेतीक क्योरचा कली मार मार माल्मा, मेको नेल्ल बाक्त। कुबीत का आधा मिटर सोदंशो बाक्ब। ४३ मिनु श्ये क्युक्तीक अङ्गुल का बरंशो ओव्रतीक आ एर आंथ क्युक्ती बाक्तेक्म। मेको चढ़ेतीक श्ये वोइक्चा कली टेबल बाक्तेक्म।

### चढ़ेब आन कोठा

४४ मिनु आगा डा ठेयब लाप्चो आ लाङगा गे कोठा निक्शी बाक्ताक्स। कोठा का उत्तर गे डा ठेयब लाप्चो आ लाङगाम बाक्त। मेको दक्खिन गे कोव्रशो बाक्त। अर्का कोठा दक्खिन डा ठेयब लाप्चो आ लाङगा गे बाक्त। मेको उत्तर गे कोव्रशो बाक्त। ४५ मिनु मेकोम आं कली “एको दक्खिन गे कोव्रशो कोठा चढ़ेब आन कली बाक्ब। मेको परमपरभु यावे आ सिंम गय पाइब आन के बाक्ब। ४६ मिनु मेको उत्तर गे कोव्रशो कोठा चहिं मेको चढ़ेतीकम गय पाइब आन कली बाक्ब। मेको सादोक आ चच युइ बाक्नीम। मेको लेवी आन दाते डा मेकोपुकी ला परमपरभु यावे आ डांइती जाक्ने चाप्नीम” दंत। इजीकीएल ४३ :१९ ; इजीकीएल ४४ :१५ ; इजीकीएल ४८ :११ ; १ राजा १ :८,३९ ; १ इतिहास ५ :३४-४१ ४७ मिनु मेकोम मेको लाङगा पुक्तु। मेको सह का कुबीत लाइशो नु सह का कुबीत बरंशो बाक्त। मेको ४ पाटे बाक्त। मिनु मेको चढ़ेतीक परमपरभु यावे आ सिं आ डांइती बाक्त। इजीकीएल ४३ :१३

परमपरभु यावे आ सिं

४८ मिनु मेकोम आं कली परमपरभु यावे आ सिं डा पिंडीम चाकती। मिनु मेकोम पिंडी डा थामपुकी पुक्तु। मेको निम्फा गे ५ कुबीत बरम्शो बाक्तेकम। आगा ओव्रतीक ठेयब लाप्चो ३ कुबीत बरम्शो बाक्तेकम। मिनु मेको आ आगा डा गारो ३ कुबीत बरम्शो बाक्ताकस। ४९ मेको पिंडी २० कुबीत लाइशो नु १२ कुबीत बरम्शो बाक्तेकम। मेकर लचा कली १० ओटा थंका बाक्तेकम। मिनु निम्फा गे थाम का का बाक्तेकम। ११राजा ७ :२१

परमपरभु आ सिं पुकगानु

४१ १ मिनु नोले मेकोम आं कली परमपरभु यावे आ सिं आ नेकथा चाकती। मिनु मेको आ लाप्चो निक्शी पटटी डा थाम पुक्तु। मेको ६ कुबीत बरम्शो बाक्तेकम। कुबीत का ०.५ मिटर बाक्ब। २ आगा ओव्रतीक १० कुबीत बरम्शो बाक्तेकम। मिनु मेको आ एर ओंथ गे डा गारो निक्शी ५ कुबीत बरम्शो बाक्ताकस। मिनु मेकोम परमपरभु यावे आ सिं पुकगानु, मेको ४० कुबीत लाइशो नु २० कुबीत बरम्शो बाक्तेकम। ३ मिनु मेको आगा डा कोठा ओव्रत। मिनु मेको आ आगा ओव्रतीक लाप्चो डा थाम पुकगानु, मेको कुबीत निक्शी बरम्शो बाक्ताकस। मेको आगा ओव्रतीक ६ कुबीत बरम्शो बाक्तेकम। मेको आगा ओव्रतीक आ एर ओंथ डा गारो निम्फा ७ कुबीत बरम्शो बाक्ताकस। ४ मिनु मेकोम आगा डा कोठा पुकगानु, आ लाइशो २० कुबीत नु आ बरम्शो २० कुबीत बाक्तेकम। मिनु मेकोमी आं कली “एको चहिं नेल्ले क्येडा चोव्रसो बाक्तीक बाक्ब” देत।

गारोम सेल्शो कोठापुकी

५ मिनु नोले मेकोम परमपरभु यावे आ सिं डा गारो पुक्तु। मेको ६ कुबीत थांडशो बाक्तेकम। मिनु मेको सिं आ लाडगा डा कोठा ४ कुबीत बरम्शो बाक्तेकम। मेको सिं आ एर ओंथ नेल्ले मोदंशो पा सेल्शो बाक्तेकम। ६ मेको लाडगा डा कोठा तला सां पा सेल्शो बाक्तेकम। का आ तारी अर्का पा सेल्शो बाक्तेकम। मिनु मेको तला नेल्लेमी ३०, ३० कोठा बाक्तेकम। मिनु मेको परमपरभु यावे आ सिं आ एर ओंथ नेल्ले डा गारोम कोठा तिक्का कली तिक्तीक सेल्शो बाक्तेकम। मेको तिक्कोपुकी परमपरभु यावे आ सिं आ आगा मओव्रचा डा पा सेल्शो बाक्तेकम।

७ मिनु परमपरभु यावे आ सिं आ एर ओंथ डा कोठा ओव्रतीक लां आगा डा तला क्येडा आ तार डा तला ठेयब बाक्तेकम। मुरपुकी उइ रे इर सम्म लचा कली दाते डा लतीक रे लचा माल्बाक्तेकम। मेकर एर ओंथ करसी सेल्शो बाक्तेकम। ८ मेको नोले गो परमपरभु यावे आ सिं आ एर ओंथ नेल्ले रे पा पटी सेल्शो बाक्तेकम। मेको लाडगा डा कोठा आन जग ६ कुबीत ग्येत्थ लाइशो बाक्तेकम। ९ मेको कोठा आन लाडगा गे डा गारो ५ कुबीत बरम्शो बाक्तेकम। मेको परमपरभु यावे आ सिं डा कोठा इजीकीएल ४२:१-३ १० नु गारो डा कोठा आन दातेमी २० कुबीत बरम्शो लां बाक्तेकम। मेको सिं नेल्ले एर ओंथ मोदंशो बाक्तेकम। ११ मेको कोठा आन ओव्रतीक बरम्शो लां आगाम लाम्तेकम। लाप्चो का उत्तर गे बाक्तेकम, अर्का दक्खिन गे बाक्तेकम। मेको आन दाते डा श्येत्थ लां ५ कुबीत बरम्शो बाक्तेकम। जग आ एर ओंथ नेल्ले ५ कुबीत बरम्शो बाक्तेकम।

१२ मेको परमपरभु यावे आ सिं आ लाडगा गे हिरशो पच्छिम गे डा सिं ७० कुबीत बरम्शो बाक्तेकम। मेको सिं आ एर ओंथ डा गारो ५ कुबीत थांडशो बाक्तेकम। मिनु मेको आ लाइशो ९० कुबीत बाक्तेकम। कुबीत का ०.५ मिटर बाक्ब।

१३ मिनु परमपरभु यावे आ सिं पुकगानु, मेको सहं का कुबीत लाइशो नु सहं का कुबीत बरम्शो बाक्तेकम। आ आगा डा लाडगा नु सिं आ गारो नु मेको आ गारो सहं का कुबीत बरम्शो बाक्तेकम। १४ परमपरभु यावे आ सिं आ पूर्व गे डा लाडगा यो सहं का कुबीत बाक्तेकम।

१५ मिनु नोले मेकोमी परमपरभु यावे आ सिं डा लाडगा पच्छिम गे पुकगानु, निम्फा पटटी डा लतीक लां सहं का कुबीत बाक्तेकम। मिनु परमपरभु यावे आ सिं, आ चोव्रसो बाक्तीक नु आ डांडती डा पिंडी डा गारो नेल्ले शीम क्येष्शो बाक्तेकम। १६ मिनु मेको सांफा आन एर ओंथ नेल्ले गे झेल बाक्तेकम। लाप्चो गे कोव्रचा कली नेल्ले शीम क्येष्शो बाक्तेकम। उइ सप रे झेल सम्म शीम क्येष्शो बाक्तेकम। १७ लाप्चो आ इर गे, चोव्रसो बाक्तीक नु परमपरभु यावे आ बाक्तीक आगाम लतीक लाप्चोम फारतीक वा बाक्तेकम। मिनु सिं आ एर ओंथ डा गारो, चोव्रसो बाक्तीक नु सिं डा ठेयब कोठा नेल्ले बुटा आप्शो बाक्तेकम। १८ मेकर करुब नु सजूर रवा आन बुटा आप्शो बाक्तेकम। मेको करुब का सजूर रवा का नु करुब का पा आप्शो बाक्तेकम। मेको करुब नेल्ले आन के कुल निक्शी बाक्तेकम। १९ मेको करुब आ मुर

आ कुल खजूर रवा का गे कोव्रशो, नु अर्का ठिटा गुप्स आ कुल खोदंशो अर्का खजूर रवा गे कोव्रशो बाक्त। मेको परमपरभु यावे आ सिं डा गारो नल्लेम मुशा बुटा आप्शो बाक्तेकम। २० उइ खपर लाप्चो इर सम्म करुब नु खजूर रवा आन बुटा मुशा आप्शो बाक्तेकम।

२१ परमपरभु यावे आ सिं डा ओव्रतीक डा लाप्चो डा शी दारपाइक्का कली ४ ओटा खरोप्शो बाक्त। मिनु चोव्रखो बाक्तीक आ डांइती यो मेको खोदंशो पा बाक्त। मिनु लाङगा डा चोव्रखो बाक्तीक ओव्रतीक लाप्चो डा शी नल्ल उदक्थ उदक्थ पा ४ पाट बाक्तेकम। मिनु थम चोव्रखो बाक्तीक आ डांइती गे डा लाप्चो डा शी यो मोदंशोन बाक्तेकम। परस्थान २५ :२३-३०; परस्थान ४० :२२-२३ २२ मंकर शी के चदेतीक का बाक्त। मेको कुबीत सां ग्येथ लाइशशो, कुबीत निक्शी पित्थ लाइशशो नु कुबीत निक्शी बरंमशो बाक्त। मेको आ सुर, मेको आ तार नु आ एर ओंथ नल्ल शी के बाक्त। मिनु मेकोमी आं कली “एको टेबल परमपरभु यावे आ डांइती बाक्ब” दंत। २३ परमपरभु यावे आ सिं नु आ चोव्रखो बाक्तीक निक्शी के लाप्चो निक्शी बाक्तेकम। २४ मेको लाप्चो आन के चोक्तीक निक्शी पाइशशो बाक्तेकम। २५ मिनु परमपरभु यावे आ सिं डा लाप्चोम गारो डा खोदंशो पा करुब नु खजूर रवा आन बुटा मुशो बाक्तेकम। पिंडी आ डांइतीम शी के खाट बाक्शो बाक्त। २६ पिंडी डा गारो आ निम्फा पटटी खजूर रवा आ बुटा मुशा आप्शो बाक्तेकम।

### चदेब आन कोठा

४२ १ मिनु मेकोमी आं कली लाङगा गे डा लाङगा उत्तर गे चाक्ती। मिनु मेकोमी आं कली परमपरभु यावे आ सिं नु उत्तर गे डा सिं आ आइक्ची डा कोठा गे लाइक्ती। इजीकीएल ४० :१७; इजीकीएल ४१ :९, १०, १३ २ मेको सिं उत्तर गे सहं का कुबीत लाइशशो नु ५० कुबीत बरंमशो बाक्त। कुबीत का ०.५ मिटर बाक्ब। ३ आगा डा लाङगा २० कुबीत बाक्त। लाङगा गे डा लाङगा डा फुल्लु बरंशो लां गे कोव्रशो कोठा तारी अर्का तला सां बाक्तेकम। ४ कोठा आन डांइती आन आगा गे १० कुबीत बरंमशो नु सहं का कुबीत लाइशशो लां का बाक्त। मेको आन लाप्चो उत्तर गे कोव्रशो बाक्तेकम। कुबीत का ०.५ मिटर बाक्ब। ५ आ तार डा कोठा ठेयब लां बाक्तीक आगा नु दाते डा कोठा आन

क्येडा आइक्च बाक्तेकम। ६ मारदे हना मेको तला सां बाक्तेकम। मेको आन के लाङगा डा थाम खोदंशो पा थाम मबाक्म। मोपतीक आइदी डा नु दाते डा कोठा आन क्येडा, मेको आ तार डा कोठा आइक्च बाक्तेकम। ७ मंकर कोठा आन डांइती गारो का बाक्त। मेको गारो ५० कुबीत लाइशशो बाक्त। ८ लाङगा गे डा लाङगा डा कोठा आन लहर ५० कुबीत लाइशशो बाक्त। तन्न परमपरभु यावे आ सिं आ आइक्था डा सहं का कुबीत लाइशशो बाक्त। ९ पूर्ब रे आगा डा कोठापुकी ओव्रचा कली लां का बाक्त। मोपा लाङगा गे डा लाङगा ओव्रन चाप्शो बाक्तेकम। १० मेको लां आ बरंमशो गारो सम्म थिशो बाक्त। परमपरभु यावे आ सिं आ आइक्ची दक्खिन गे यो कोठा बाक्तेकम। ११ मेको आन डांइती गाक्तीक लां का बाक्त। मेको कोठा उत्तर डा खोदंशो बाक्तेकम। मेको आन खोदंशो लाइशशो नु बरंमशो बाक्तेकम। लाङगा लतीके लाप्चो नु मेको आ एर ओंथ नल्ल खाल का डा बाक्तेकम। १२ दक्खिन डा कोठा ओव्रतीक लां आ डांइती अर्का लां बराशो बाक्त। मेको लां पूर्ब गे लत।

१३ मिनु मेकोमी आं कली “परमपरभु यावे आ सिं डा श्येथ बाक्तीक आइक्ची उत्तर गे नु दक्खिन गे डा कोठापुकी चदेब आन कोठा बाक्नीम। मंकर परमपरभु यावे आ डांइती बाक्शो चदेबपुकीमी नल्ल क्येडा चोव्रखो चदेबो ब्याइनीम। मंकर नल्ल क्येडा चोव्रखो चदेबो, अन्न चदेबो, पाप आ पर्बंम चदेबो नु दोस आ पर्बंम चदेबो वोइक्नीम। मारदे हना मेको चोव्रखो बाक्तीक बाक्ब। १४ मिनु चदेबपुकी चोव्रखो बाक्तीकम ओव्रमानु, आन फक्शो गय पतीक वा मपरइक्थु, लाङगा गरुचा मदुम्नीम। मारदे हना मेको चोव्रखो वा बाक्नीम। मेकोपुकी मुर आन दातेम लचा क्येडा डांइती अर्का वा फक्का माल्नीम” दंत। इजीकीएल ४४ :१९

### परमपरभु आ सिं पुक्शो

१५ मिनु मेकोम परमपरभु यावे आ सिं आगा पुक्ने थुन्तु। मिनु आं कली पूर्ब डा लाप्चो रे पा लाङगा गरुइताक्थी। मिनु परमपरभु यावे आ सिं आ एर ओंथ लाङगा गे डा लाङगा नल्ल पुक्तु। १६ मेकोमी आ पुक्तीकम पूर्ब गे पुक्तु। मेको ५ सहं कुबीत बाक्त। १७ मिनु मेकोम आ पुक्तीकमी उत्तर गे पुक्तु। मेको यो ५ सहं कुबीत बाक्त। १८ मिनु मेकोम आ पुक्तीकमी दक्खिन गे पुक्तु। मेको यो ५ सहं कुबीत बाक्त। १९ मिनु

मेकोम आ पुक्तीकमी पच्छिम गे पुक्तु। मेको यो ५ सह कुबीत बाक्त। २० मोपा मेकोमी पूर्व, उत्तर, दक्खिन नु पच्छिम नेल्ल पुक्तु। मेको आ एर आंथ गारो का बाक्त। मेको ५ सह कुबीत लाइशो नु ५ सह कुबीत बरम्शो बाक्त। परमपरभु याव आ बाक्तीक नु मुर आन बाक्तीक तिल्ला कली मांदेशो पशो बाक्त।

परमपरभु आ छेडछेड लेशो

४३ १ मिनु मेकोमी आं कली पूर्व डा लाप्नो आ नेक्था चाक्ती। २ मिनु इसराएली आन परमपरभु आ छेडछेड पूर्व र जाक्त। मेको आ रयक ठेयब समुन्दर आ रयक सोदेशो नंसाक्व। मिनु रागी नेल्ल मेको आ छेडछेडम हाम्सो दुम्त। इजीकीएल १:२८ ३ मेको आं डांइती तशो परमपरभु यावमी सहर कली खतम सेल्वी ना जाक्मनु, कांइतीक सोदेशो बाक्त। मेको केबार खोला आ नेक्थाम तशो कांइतीक सोदेशो बाक्त। मिनु गो सुम्की पा बाप्ती। इजीकीएल ८:११ :-; इजीकीएल १:- ४ मिनु परमपरभु याव आ छेडछेड मेको पूर्व डा लाप्नो र पा आ खिं आव्रत। इजीकीएल १०:१९ ५ मिनु सोक्तीम आं कली क्युक्शा, आगा डा लाङ्गाम आंइताक्यी। मिनु परमपरभु याव आ खिं छेडछेडम बरीत। इजीकीएल १:२८; परस्थान ४०:३४; १ राजा ८:१०-११

६ मिनु मेको मुर आं नेक्था राप्शा बाक्मनु, गो परमपरभु याव आ खिं र आं कली लोत्र पशो नंता। ७ मार लोत्र पाप्तु देशो हना “ए मुर, एको दा आं ठेयब निक्तीक बाक्व। मिनु एको आं खोइल नाइक्तीक यो बाक्व। गो इसराएल डा मुर आन दातेम गेना हना यो बाक्नुड। मुल र इसराएल आ खिं डा मुरुम आं नं कली मरिम्शो मसल्लीम। मेको नु आन पिपम आन मूर्ति पूजा नु आन बेक्शो पिप आन पर्वम पतीक आं नं मरिम्शो मसल्लीम। मजन संगरह १३२:७-८ ८ मेकोपुकीम आं खिं आ नेक्था आन खिं सेल्लेक्म। आं लाप्नो आ डांइती आन लाप्नो सेल्लेक्म। मिनु गो नु मेको आन दातेमी गारो का ला लीत। मिनु मेको आन गरांगरा दिशो गेयम, आं नं गरांगरा दिशो सेल्लेक्म। मोपतीक गो गाइशो मेको आन कली साइक्तामी। इजीकीएल ८:७-१८ ९ मुल मेकोपुकीम आन मूर्ति पूजा पतीक परोन्मेक्ल। मेको आन बेक्शो पिप आन पर्वम पतीक परोन्मेक्ल। मिनु गो मेको आन दातेमी गेना हना यो बाक्नुड।

१० ए मुर, इसराएल आ खिं डा मुर आन कली आं खिं आ पर्वम शंदीमी। मिनु मेको दोपा सेल्सीशो बाक्म, मेको पुक्पतो। मिनु मेको आन मरिम्शो पशो आ पर्वम मुन दोक्मल। इजीकीएल ३६:३२ ११ मिनु मेकोपुकीम आन पशो आ पर्वम मुन पाम्तेक्म हना, मेको आन कली आं खिं दोपा सेल्सीशो बाक्म, मेको तुइक्पतो। मेको आ लाङ्गा लतीक, खिंङ्गा आव्रतीक, मेको दोदेशो तांइसीबा, आं दोशो पतीक लोत्र, आं अरशो लोत्र नु शंतीक नेल्ल मेको आन डांइती बरक्तो। मोपा मेको नेल्ल अरशो होस पा टीब दुम्मल। १२ परमपरभु याव आ खिं आ पर्वम आ अरशो लोत्र मार बाक्त देशो हना, मेको डांडा आ एर आंथ नेल्ल आं के बाक्तीक बाक्व। मेको परमपरभु याव आ खिं आ पर्वम आ अरशो लोत्र बाक्व” दंत।

चढ़तीक

१३ चढ़तीक गिश ठेयब बाक्त देशो हना, मेको नेल्ल पा कुबीतम पुक्शोन, कुबीत का नु गुइ का बरम्शो बाक्त। मेको आ एर आंथ दोशो जग कुबीत का लुक्च नु कुबीत का बरम्शो बाक्त। मिनु आ एर आंथ नेल्ल डा सुर बिक्ता का बरम्शो बाक्त। मिनु मेको चढ़तीक आ राप्तीके दोदेशो बाक्त देशो हना, कुबीत का ०.५ मिटर बाक्व। इजीकीएल ४०:४७; परस्थान ४७:१-८ १४ मेको चढ़तीक खपीम बाक्शो जगर र आइदी डा सुर सम्म कुबीत निक्शी लाइशो नु कुबीत का बरम्शो बाक्त। मेको आ आइक्च सुर र ठेयब सुर सम्म ४ कुबीत लाइशो नु कुबीत का बरम्शो बाक्त। १५ मिनु मेको चढ़शो चोतीक ४ कुबीत ग्येथ लाइशो बाक्त। मेकर र मेको आ ४ सुर र ४ आटा गरोत्र सेल्शो बाक्तेक्म। १६ मेको चढ़शो थोत्रक चोतीक १२ कुबीत लाइशो नु १२ कुबीत बरम्शो, ४ पाट बाक्त। १७ मेको चढ़तीक आ ठेयब सुर १४ कुबीत लाइशो नु १४ कुबीत बरम्शो बाक्त। मेको ४ पाट बाक्त। मेको आ सुर एर आंथ आधा कुबीत बाक्त। मिनु आ एर आंथ दोशो जग कुबीत का बरम्शो बाक्त। मेको चढ़तीक आ करसी पूर्व गे कोत्रशो बाक्त।

चढ़तीक गेय पचा गोशो

१८ मिनु मेकोम आं कली “ए मुर, परमपरभु, परमपरभु यावमी मेको चढ़तीक सेल्ल थुम्शो नाक्ती चोशा चढ़तीके चढ़ेचा नु हुश बरुइक्चा कली मेको चढ़तीके आ पर्वम पचा माल्थो गेय मार बाक्त देशो हना, १९ गोपुकीम आं कली

चढ़ेब सादोक आ सिं डा लेवी आन कली पाप आ पर्वम चढ़ेचा कली बोहोर का गेचा माल्नीनी। मेकोपुकी आं गेय पचा कली आं नेकथा जाकनीम' दे परमपरभु, परमपरभु यावेमी देशो बाकब। इजीकीएल ४०:४६; लेवी ४:१-१२ २०मेकोपुकीमी मेको आ हुश इच्का चाकशा चढ़ेतीक आ ४ ओटा गरोव्र नु आइकथा डा सुर आन ४ कुना नल्लेम खरक्तमकल। मोपा गे चढ़ेतीक गरांगरा मदिशो सेल्शा पाप क्याम्तीक गेय पचा माल्नीनी। २१मिनु नोले गेपुकीम मेको पाप आ पर्वम चढ़ेशो बोहोर चाकशा, परमपरभु यावे आ सिं डा देशो बाक्तीकम चोन।

२२मिनु गेपुकीम आ दीसा नाक्ती मारइ मडुम्शो बोका का पाप आ पर्वम चढ़ेन। गेपुकीम बोहोर चढ़ेशोम चढ़ेतीक गरांगरा मदिशो सेल्शो खोदेशो पा मेकोम यो चढ़ेतीक कली गरांगरा मदिशो सेलल। २३मिनु गेपुकीम चढ़ेतीक नेल्ल गरांगरा मदिशो सेल्ल थुम्तीनी हना, मारइ मडुम्शो बोहोर का नु बगाल रे मारइ मडुम्शो सांड का चढ़ेन। २४गेपुकीम मेको आस कली परमपरभु यावे आ डांडेती वोइकचा माल्नीनी। मिनु चढ़ेबपुकीम मेको तारी हिकसी वोइश्शा, परमपरभु यावे आ डांडेती चोशा चढ़ेतीक सेल्शा चढ़ेचा माल्नीम। २५गेपुकीम पाप आ पर्वम चढ़ेचा कली ७ नाक्त सम्म नाक्त कित कित क्यारश का, बोहोर का नु बगाल रे मारइ मडुम्शो सांड का चाकचा माल्नीनी। २६मिनु मेकोपुकी ७ नाक्त सम्म चढ़ेतीक कली पाप क्याम्तीक गेय पचा नु गरांगरा मदिशो सेल्शा माल्नीम। मो पशा मेको चढ़ेतीक चढ़ेचा कली जिम्मा गेचा माल्नीम। २७मिनु मेको नाक्त नुम्मेनु, ८ नाक्त रे चढ़ेबपुकीम इन चोशा चढ़ेतीक नु दुशा बाकचा आ पर्वम चढ़ेतीक चढ़ेचा माल्नीम। मिनु गो इन कली बराइनुड" दे परमपरभु, परमपरभु यावेमी दंत।

चोक्शो पूर्व डा ठेयब लाप्चो

४४ १मिनु नोले मेकोमी आं कली परमपरभु यावे आ सिं डा पूर्व गे कोव्रशो लाडगा गे डा लाप्चोम चाक्ती। मिनु मेको चोक्शो बाक्त। इजीकीएल ४३:४ २मिनु परमपरभु यावेमी आं कली "एको लाप्चो चोक्स डा चोक्स बाकचा माल्ब। एको रोक्चा मडुम्ब। मेकेर रे सुइ ओव्रचा मताइनीम। मारदे हना परमपरभु यावे, इसराएली आन परमपरभु एकर रे ओव्रशो बाकब। मोपतीके एको चोक्स डा चोक्स बाकचा

माल्ब। इजीकीएल ४६:२ ३सासन पाइब ला एको लाप्चो आगा डा बाक्तीक परमपरभु यावे आ डांडेती जचा कली लने चाप्ब। मेको एको लाप्चो आ पिंडी रे ओव्रचा माल्ब। मिनु मेको खाल का डा लां रे लेत्चा माल्ब" दंत।

सासन पाइब, लेवी नु चढ़ेब

४ मिनु नोले मेकोमी आं कली उत्तर गे डा ठेयब लाप्चो रे पा परमपरभु यावे आ सिं आ डांडेती चाक्ती। मिनु मेको कोव्रडनु, परमपरभु यावे आ छेडछेडम मेको आ सिं बरीशो बाक्त। मिनु गो खुम्की पा बाप्ती। ५मिनु परमपरभु यावेम आं कली "ए मुर, आं नेकथा जाकशा, कोव्रडां। आं सिं आ पर्वम पचा माल्शो गेय नु मेको आ पर्वम अरेशो लोव्र नेल्ल इ नोफा दाइश्शा रिम्शो पा नेनो। सु सु आं सिं ओव्रचा ताइनीमी नु सु सु मताइनीम, दे रिम्शो पा कोव्रशा अरवो। ६मेको मटीब मुर, इसराएल आ सिं डा मुर आन कली परमपरभु, परमपरभु यावेमी इन कली 'ए इसराएल आ सिं डा मुरपुकी, गे इन गरांगरा दिशो गेय नेल्ल परोनीन। ७गेपुकी आं कली आं जचा थोव्रक बांसा नु हुश चढ़ेची ना आन थुं नु रोम खरोइक्तीक चिनु मखरोइश्शा अर्का रागी डा मुर आन कली आं बाक्तीकम ओव्रचा गेतीनी। मोपा गे आं सिं, मुर आ सिं खोदेशो सेल्तीनी। मिनु इन गरांगरा दिशो गेयम आं कबल परांडेतीनी। यसेया ५२:१; यरमीया ९:२५ ८गेपुकीम आं कली चढ़ेशो आ पर्वम हास मपनी। आं बाक्तीकम इन गेय पचा कली गे अर्का रागी डा मुर आन कली वोइश्शा आं सिं कोव्रब सेल्तीनी" दंत।

९मिनु परमपरभु, परमपरभु यावेमी "इसराएली आन दातम बाकशो अर्का रागी डा आन थुं नु रोम खरोइक्तीक चिनु मखरोइश्शा मुर आं बाक्तीकम ओव्रचा मताइनीम। १०तन्न इसराएली हंथ गाकमानु, लेवीपुकी हंथ गाकशा, आं कली प्राइशा, आन मूर्ति कली पूजा पशो बाक्तेकम। मेकोपुकीम आन पाप आ सजाइ तचा माल्नीम। ११मिनु मेको लेवीपुकी आं बाक्तीकम गेय पचा माल्नीम। मिनु आं सिं डा लाप्चो खाल पाइब दुम्चा माल्नीम। मिनु आं सिंम गेय पचा माल्नीम। मेकोपुकीम मुर आन पर्वम चोशा चढ़ेतीक क्योरचा माल्नीम। मेकोपुकीम मुर आन कली वारच पा गेय पचा माल्नीम। १२तन्न लेवीपुकीम मुर आन कली आन मूर्ति पूजा पतीकम वारच पाम्तेकम। मोपा मेकोपुकी इसराएल आ सिं डा मुर आन कली मरिम्शो

पपाइक्तेकम। मोपतीके मेकोपुकी सजाइ तचा माल्नीम, दे कसम जाता। १३ मेकोपुकी चढ़ेब आ गेय पचा कली आं नेकथा जाक्चा मताइनीम। मेकोपुकी तेकोइ आं कली चढ़ेशो आ नेकथा जाक्चा मताइनीम। मारदे हना मेको चढ़ेशो नेल्ल क्येडा चोत्रखो बाक्व। तन्न मेको मुने दोक्चा माल्नीम। मिनु मेकोपुकीम आन मूर्ति पूजा पशो डा सजाइ तचा माल्नीम। १४ मो हना यो गो मेको आन कली आं खिं कली कोत्रशा नु मार मार पचा माल्शो गेय पपाइक्नुड।

### चढ़ेब आन गेय

१५ तन्न चढ़ेब लेवी आ थर डा सादोक आ चच युइ, इसराएली आं रे हंथ गाक्तेकम हना यो, मेकोपुकीम आं खिं डा पचा माल्शो गेय रिम्शो पा कोत्रतेकम। मेकोपुकी आं गेय पचा कली आं नेकथा जाक्चा ताइनीम। मेकोपुकी आं डांइती बांसो नु हुश चढ़ेथ जाक्चा ताइनीम। इजीकीएल ४०:४६ १६ मेकोपुकी ला आं बाक्तीकम ओत्रने चाप्नीम। मिनु आं टेबल आ नेकथा जाक्शा, आं गेय पचा ताइनीम। १७ मेकोपुकी आगा डा लाडगा डा लाप्चो रे ओत्रमानु, सुती के वा फेक्शो बाक्चा माल्नीम। मेकोपुकीम आगा डा लाडगा डा लाप्चो नु आं खिं आगाम गेय पामेनु, ऊन के मारइ वा फेक्चा मडुम्नीम। लेवी १६:४ १८ मेकोपुकीम पियाम सुती के गुप्तीक गुप्चा माल्नीम। मिनु सुती के आगाम फक्तीक वा फेक्चा माल्नीम। मेकोपुकीम गत शाइक्व तेकोइ वा फेक्चा मडुम्नीम। १९ मेकोपुकी लाडगा गे डा लाडगा, मुर आन बाक्तीक लमानु, आगाम गेय पामेनु, फेक्शो वा परुइक्चा माल्नीम। मिनु मेको चोत्रखो कोठाम वोइश्शा, अर्का वा फेक्चा माल्नीम। मोपा परमपरभु आ थोत्रक नु मुर आ थोत्रक मखाल्दमेक्त। इजीकीएल ४२:१४ २० मेकोपुकीम आन चां परेक्चा मडुम्नीम। मेको शुश लाइश्शो दुम्चा गेचा यो मडुम्ब। मेकोपुकीम आन चां खरोइक्चा ला दुम्नीम। लेवी १९:२७ २१ चढ़ेबपुकीम आगा डा लाडगा लमानु, अडगुर शांबु त्चा मडुम्नीम। लेवी १०:९ २२ मेको चढ़ेबपुकीमी आन वांइश बेक्शो नु परांइचा पुंइसीशो मीश मुर ग्युंवे पचा मडुम्नीम। मेकोपुकीम इसराएल आ खिं मुर रे जरमेशो कन्ने मीश आल नु आन वांइश बेक्शो चढ़ेब आन मीश कली ला ग्युंवे पने चाप्नीम। २३ मेकोपुकीम आं मुर आन कली आं

मार मार नु मुर आन मार मार खाल का डा मबाक्नीम, दे शंचा माल्नीम। मिनु मेको आन कली गरांगरा दिशो नु मदिशो थोत्रक खाल का डा मबाक्नीम, दे कोइचा माल्नीम। इजीकीएल २२:२६; लेवी १०:१० २४ मारइ जितीक खतीक दुम्मनु, चढ़ेबपुकीमीन निसाफ पाइब आन गेय पचा माल्नीम। मिनु आं निसाफ पतीक लोत्र खोदेशो पा मेकोपुकीम निसाफ पचा माल्नीम। मेकोपुकीम चाड मानचा आ पर्वम आं अरेशो नु आं फुल्लनुम मुशा बरक्शो लोत्र खोदेशो पा पचा माल्नीम। मेकोपुकीम आं नाइक्तीक नाक्ती मानचा माल्नीम। ब्यवस्था १७:८-९ २५ मेकोपुकीम बेक्शो मुर आ नेकथा लशा, आंम कली गरांगरा दिशो सल्लीचा मडुम्नीम। मो हना यो आन आम आफ, तमी तौ, आन लोकब नु ग्युंवे मपशो आंम समी आन बेक्शो रां आ नेकथा लशा गरांगरा दिशो दुम्ने चाप्नीम। गन्ती १९:११; लेवी २१:१-४ २६ मिनु मेको गरांगरा मदिशो दुम्मा नोले, ७ नाक्त सम्म रिम्चा माल्नीम। २७ मेकोपुकी आं खिं डा आगा डा लाडगाम गेय पचा कली ओत्रतीक नाक्त मेकोपुकीमी पाप आ पर्वम चढ़ेचा माल्नीम” दे परमपरभु, परमपरभु यावेमी देत।

२८ मिनु परमपरभुमी “चढ़ेब आन शांप गो नड। मेको आन कली इसराएलम रू गेचा मडुम्ब। गो मेको आन शांप नड। गन्ती १८:२० २९ मेकोपुकीम अन्न चढ़ेशो, पाप आ पर्वम चढ़ेशो नु दोस आ पर्वम चढ़ेशो जेचा माल्नीम। इसराएलम परमपरभु यावे कली गेचा माल्शो थोत्रक नेल्ल मेको आन के दुम्ब। गन्ती १८:१४ २० डांइती मीशो फल आन नेल्ल क्येडा रिम्शो फल नु इन चढ़ेशो मारइ मारइ नेल्ल चढ़ेब आन केन दुम्ब। गे इन खिम आसीक तचा कली इन निशो फस नेल्ल क्येडा डांइती डा डल्ला यो चढ़ेब आन कली गेचा माल्नीमी। परस्थान २५:२; गन्ती १५:२०; नेहम्याह १०:३८ ३१ चढ़ेबपुकीम आंमा बेक्शो चिक्व नु वी ब्यफ, क्यारश मडा कि जन्तुपुकीम साइश्शो, मारइ ब्यचा मडुम्नीम” दे परमपरभु यावेमी देत। लेवी २२:८

### परमपरभु कली रू गेशो

४५ १ मिनु गेपुकीम आंम इन शांप सेल्वा कली रागी योक्शा गेनीनु, मेको रे परमपरभु यावे कली १५ हजार कुबीत लाइश्शो नु २० हजार कुबीत बरमेशो रू का तिल्ला

माल्नीनी। मिनु मेको रू नेल्ल परमपरभु यावे केन दुम्ब। कुबीत का ०.५ मिटर बाक्ब। २मेको रे पा ५ हजार कुबीत लाइशो नु ५ हजार कुबीत बरंशो रू का परमपरभु यावे आ बाक्तीक दुम्ब। मेको आ एर आंथ नल्ल ५० कुबीत बरंशो श्यत्थ लां बाक्चा माल्ब। ३मिनु मेको परमपरभु यावे आ बाक्तीकम २५ हजार कुबीत लाइशो नु १० हजार कुबीत बरंशो पुक्चा माल्नीनी। मेकर परमपरभु यावे आ सिं डा नल्ल क्यडा चोत्रखो बाक्तीक दुम्चा माल्ब। ४मेको बाक्तीक चहिं परमपरभु यावे क बाक्ब। मेको परमपरभु यावे आ सिंम गेय पाइब नु परमपरभु आ नेक्था जाक्ब आन सिं कली नु परमपरभु यावे आ सिं कली दुम्ब। ५मेको अर्का २५ हजार कुबीत लाइशो नु १० हजार कुबीत बरंशो रू का परमपरभु यावे आ सिंम गेय पाइब लेवी आन के दुम्ब। मेको आन बाक्तीक सहर कली दुम्ब।

६गेपुकीम परमपरभु आ रू परांडशा अर्का ५ हजार कुबीत बरंशो नु २५ हजार कुबीत लाइशो रू का सहर कली वाइक्चा माल्नीनी। मेको इसराएल डा मुर नेल्ल आन कली दुम्ब। इजीकीएल ४८:१५-२०

#### सासन पाइब आन भाग

७मेको परमपरभु यावे आ रू आ निम्फा पट्टी सासन पाइब आन के दुम्ब। मेको आ नेक्था डा सहर डा रू आन पूर्व गे नु पच्छिम गे सासन पाइब आन के दुम्ब। मेको थर का डा रू खोदंशो पा लाइशो दुम्ब। मेको पच्छिम डा सांद रे पूर्व डा सांद सम्म दुम्ब। इजीकीएल ४८:२१-२२ ८मेको रू चहिं इसराएलम सासन पाइब आन रू दुम्ब। मिनु मुल रे आं सासन पाइबपुकीम आं मुर आन कली दिप्चा मदुम्नीम। तन्न मेकोपुकीम इसराएल आ सिं डा मुर आन कली, मेको आन थर थर खोदंशो पा आन रू आन के दुम्ब, दे रोडक्चा मताइनीम। इजीकीएल ४६:१८

९मिनु परमपरभु, परमपरभु यावेमी “ए इसराएल डा सासन पाइबपुकी। गेपुकीम हूश खराक्श पोक्तीनी। दिप्चा परोनीन। गेपुकीम थम रिंशो नु ठीक गेय पने। आं मुर आन कली आन सिं रू रे मखेरीन। १राजा १२:४,११; १राजा २१; येरमीया २१:११-१२; मीका ३:१-३

१०गेपुकीम ठीक नाक्तीक नु पुक्तीकपुकी चलेचा माल्नीनी। लेवी १९:३६; ब्यवस्था २५:१५ ११एफाह नु बाथ माइशो पुक्तीक खाल का डा दुम्चा माल्नीम। होमेर का १० बाथ दुम्चा

माल्ब। मिनु १० एफाह यो होमेर का बाक्ब। होमेर चहिं थाप्तीक दुम्चा माल्ब। एफाह का २२ लिटर रिक्ब ठेयब अन्न पुक्तीक बोस बाक्ब। बाथ का २२ लिटर रिक्ब बोस बाक्ब। होमेर का २२० लिटर रिक्ब बोस ताप्तीक बाक्ब। १२शंकल का २० गराह दुम्चा माल्ब। २० शंकल, २५ शंकल नु १५ शंकल नेल्ल पा मीना का दुम्चा माल्ब” दंत। शंकल का ११.५ ग्राम बाक्ब। गराह का ०.६ ग्राम बाक्ब। मीना का ६०० ग्राम खोदंशो बाक्ब।

#### सासन पाइब आन चढ़ेचा माल्शो

१३मिनु परमपरभु यावेमी “गेपुकीम चढ़ेचा माल्शो अन्न गिश बाक्ब दंशा हना, होमेर का का चेरब रे एफाह डा भाग डा भाग का चढ़ेचा माल्नीनी। होमेर का का क्योत्रज रे एफाह डा ६ भाग डा भाग का चढ़ेचा माल्नीनी। १४गेपुकीम चढ़ेचा माल्शो तेल कोर का बाथ डा १० भाग डा भाग का बाक्ब। मेको ४ माना खोदंशो बाक्ब। कोर नु होमेर उडक्थ उडक्थ बाक्नीम। मिनु होमेर का क १० बाथ बाक्नीम। कोर नु होमेर खाल का डा २२० लिटर बाक्ब। बाथ का एफाह का खोदंशो बाक्ब, मेको २२ लिटर बाक्ब। १५गेपुकीम सहं निक्शी भेडा रे का चढ़ेचा माल्नीनी। मेको इसराएली आन योत्रतीक रे चाक्चा माल्नीनी। मेको अन्न चढ़ेचो, चोशा चढ़ेचो नु दुशा बाक्चा आ पर्वम चढ़ेचो बाक्ब। मेको पाप क्याम्चा कली बाक्ब” दे परमपरभु यावेमी दंत। १६मिनु मेकोमी लेंशा “इसराएल डा मुर नेल्लेमी मेको सासन पाइब कली मोदंशो गचा माल्नीम। १७तन्न सासन पाइबमी मेको चोशा चढ़ेतीक, अन्न चढ़ेतीक नु तूचा थोत्रक चढ़ेतीक आं दंशो चाडम चढ़ेचा माल्ब। मेकोमी औंसी, नाइक्तीक नाक्ती नु इसराएल आ सिं डा मुर आन चाड नेल्लेमी चढ़ेचा माल्ब। मेकोमी पाप आ पर्वम चढ़ेतीक, अन्न चढ़ेतीक, चोशा चढ़ेतीक नु दुशा बाक्चा आ पर्वम चढ़ेतीक इसराएली आन पाप क्याम्चा कली चाक्चा माल्ब” दे परमपरभु यावेमी दंत। २सामुएल ६:१७-१८

#### परमपरभु आ चाडपुकी

१८मिनु परमपरभु, परमपरभु यावेमी “डोंइती डा महिना नु डोंइती डा नाक्त, गेपुकीम मोरइ मदुंशो बोहार का चाक्शा, परमपरभु यावे आ बाक्तीक गरांगरा मदिशो सल्ला माल्नीनी।

१९ मिनु चढ़ेबमी पाप आ पर्वम चढ़ेशो आ हुश इच्छा लाइशशा, परमपरभु यावे आ खिं डा लाप्चो डा शीमी, चढ़ेतीक आ ४ कुना नु आ सुर नल्लेम नु आगा लाङगा डा लाप्चो डा शीमी बरुइक्का माल्ब। २० मिनु सुइम ममिम्थु मतुइक्थु पाप पशा बाक्क हना, महिना डा ७ नाक्क गपुकीम मो पचा माल्लीनी। मोपा गे परमपरभु यावे आ खिं कली यो पाप क्याम्तीक गेय पचा माल्लीनी। लेवी ४ :२२ ; लेवी ५ :१७-१८

२१ मिनु डांडती डा महिना डा १४ नाक्ती गपुकीम पास्सा चाड मानचा माल्लीनी। मेना गे ७ नाक्क सम्म बोख ओस्ती मसुप्शो शोब्ले जचा माल्लीनी। २२ मेको नाक्क सासन पाइबमी आंम कली नु रागी डा मुर नेल्ल आन कली पाप आ पर्वम बोहोर का चढ़ेचा माल्ब। २३ मिनु मेकोमी मेको चाड डा ७ नाक्क नेल्लेम मारेइ मदुम्शो ७ ओटा बोहोर नु ७ ओटा सांड नाक्क कित कित चोशा चढ़ेचा माल्ब। मिनु चाड डा नाक्क कित कित पाप आ पर्वम बोका का का यो चढ़ेचा माल्ब। गन्ती २८ :१७-२५ २४ मेको बोहोर का नु एफाह का अन्न चढ़ेचा माल्ब। सांड का नु एफाह का अन्न चढ़ेचा माल्ब। मिनु मेको का का पा, एफाह का कली हिन का तेल चढ़ेचा माल्ब। एफाह का २२ लिटर पुक्तीक बाक्ब। हिन का ४ लिटर बाक्ब। इजीकीएल ४६ :५ ; गन्ती १५ :४-१२ २५ मेकोम ७ महिना डा १५ नाक्क रे मेको ७ नाक्क डा चाड सम्म मेको मोदंशो चढ़ेचा माल्ब। मेको पाप आ पर्वम चढ़ेतीक, चोशा चढ़ेतीक नु अन्न चढ़ेतीक बाक्ब। मेको नु तेल यो चढ़ेचा माल्ब” दंत। लेवी २३ :३४

नाक्क कित कित डा चढ़ेतीक

४६ १ मिनु परमपरभु, परमपरभु यावेमी “मेको आगा लाङगा डा पूर्व गे कोत्रशो ठेयब लाप्चो मेको गेय पतीक ६ नाक्क चोक्शा वोइक्का माल्लीम। तन्न नाइक्तीक नाक्क नु औसी नाक्क रोक्का माल्लीम। २ सासन पाइब मेको पिंडी रे लाङगा डा लाप्चो रे पा ओत्रचा माल्ब। मिनु लाप्चो आ नेक्था राप्शा बाक्का माल्ब। मिनु चढ़ेबपुकीम सासन पाइब आ चोशा चढ़ेतीक नु दुशा बाक्तीक आ पर्वम चढ़ेतीक चढ़ेचा माल्लीम। मिनु सासन पाइबमी लाप्चो आ नेक्था राप्शा, सुम्की पा परमपरभु यावे कली ठेयब सल्ला माल्ब। मिनु नोले मेको

लाङगा रे गरूचा माल्ब। तन्न मेको लाप्चो नां मरिक्क सम्म रोक्क डा रोक्क बाक्का माल्ब। इजीकीएल ४४ :३ ३ मिनु रागी डा मुरपुकीम मेको ठेयब लाप्चो आ नेक्था नाइक्तीक नाक्ती नु औसी नाक्ती सुम्की पा बाप्चा माल्लीम। ४ मेको सासन पाइबमी परमपरभु यावे कली नाइक्तीक नाक्ती मार चढ़ेचा माल्ब दंशा हना, चोशा चढ़ेचा कली मारेइ मदुम्शो ६ ओटा पाठा नु सांड का चढ़ेचा माल्ब। गन्ती २८ :९-१० ५ मेको जचा थोत्रक चढ़ेचा कली सांड नु एफाह का अन्न चढ़ेचा माल्ब। मिनु पाठा नु अन्न गिश चढ़ेचा दाक्बा, मिश चढ़ेने चाप्ब। मिनु एफाह का का अन्न कली तेल चढ़ेचा माल्ब। एफाह का २२ लिटर पुक्तीक बाक्ब। हिन का ४ लिटर सोदंशो बाक्ब। इजीकीएल ४५ :२४ ६ मिनु मेकोम औसी नाक्क कली मार चढ़ेचा माल्ब दंशा हना, मारेइ मदुम्शो बोहोर का ६ ओटा पाठा नु सांड का चढ़ेचा माल्ब। ७ मिनु जचा थोत्रक चढ़ेचा कली बोहोर नु एफाह का अन्न नु सांड नु एफाह का अन्न चढ़ेचा माल्ब। मिनु पाठा नु अन्न गिश चढ़ेचा दाक्बा, मिश चढ़ेने चाप्ब। मिनु एफाह का का अन्न कली हिन का का तेल चढ़ेचा माल्ब। ८ मिनु सासन पाइब ओत्रमनु, मेको ठेयब लाप्चो डा पिंडी रे पा ओत्रचा माल्ब। नोले मेको आ ओत्रशो लां रन लाङगा गरूचा माल्ब।

सासन पाइब आन चढ़ेशो

१ मिनु रागी डा मुरपुकी दंशो नाक्क डा चाडम परमपरभु यावे कली ठेयब सल्ला कली आ डांडती जाक्कम हना, मेको उत्तर डा ठेयब लाप्चो रे ओत्रचा माल्लीम। नोले दक्खिन डा ठेयब लाप्चो रे पा गरूचा माल्लीम। सु चहिं दक्खिन डा ठेयब लाप्चो रे ओत्रनीमी, मेकोपुकी उत्तर डा ठेयब लाप्चो रे गरूचा माल्लीम। मेकोपुकी आगा ओत्रशो ठेयब लाप्चो रे लाङगा गरूचा मदुम्नीम। आन ओत्रशो लाप्चो रे गरूचा मदुम्नीम। ग्येत्थ पा अर्का ठेयब लाप्चो रे पा गरूचा माल्लीम। १० मेकोपुकी ओत्रमानु, सासन पाइब मेको नु ओत्रचा माल्ब। मिनु मेकोपुकी लाङगा गरूमानु, मेको यो गरूचा माल्ब।

११ मिनु चाडपुकी नु दंशो नाक्क कली जचा थोत्रक चढ़ेचा कली बोहोर नु एफाह का अन्न नु सांड नु एफाह का अन्न चढ़ेचा माल्ब। मिनु पाठा नु अन्न गिश चढ़ेचा दाक्बा, मिश चढ़ेने चाप्ब। मिनु एफाह का का अन्न कली हिन का का तेल चढ़ेचा माल्ब। एफाह का

२२ लिटर पुकतीक बाक्ब। मेको ५ पाथी आधा सोदंशो बाक्ब। १२ मिनु सासन पाइबमी परमपरभु यावे कली आ थुम ग्यरशा चढ़तीक चढ़चा दाक्ताक्ब हना, चोशा चढ़तीक कि दुशा बाक्तीक आ पर्वम चढ़तीक चढ़चा दाक्ताक्ब हना, मेको ओव्रचा कली पूर्व डा ठयब लाप्चो रोक्शा गेचा माल्नीम। मिनु मेकोमी आ चोशा चढ़तीक नु दुशा बाक्चा आ पर्वम चढ़तीक, नाइक्तीक नाक्ती चढ़शो सोदंशो पा चढ़चा माल्ब। मिनु नोले मेको लाङगा लचा माल्ब। मिनु लम नोले मेको ठयब लाप्चो चोक्चा माल्नीम।

१३ मेकोमी परमपरभु यावे कली नाक्त कित कित मारइ मडुम्शो बस का गाप्शो पाठा का का सुनी कुस कुस चोशा चढ़चा कली गेचा माल्ब। परस्थान २८ :३८-४२; गन्ती २८ :३ १४ मेको नु सुनी कुस कुस चढ़तीक नु एफाह डा ६ भाग डा भाग का अन्न, हिन का डा ३ भाग डा भाग का तेल रिम्शो फस ब्वाइक्चा कली चढ़चा माल्ब। एको परमपरभु यावे कली अन्न चढ़तीक बाक्ब। मिनु मेको गेना हना यो परमपरभु यावे कली अन्न चढ़तीक बाक्ब। एफाह का २२ लिटर पुकतीक बाक्ब। हिन का ४ लिटर सोदंशो बाक्ब। १५ मिनु मेको पाठा, अन्न चढ़तीक नु तेल सुनी कुस कुस चाक्शा, चोशा चढ़चा माल्ब” दंशो बाक्ब।

सासन पाइब आ थेरशो रू

१६ मिनु परमपरभु, परमपरभु यावमी “सासन पाइबमी आ तो का कली आ शॉप र रू गप्नु हना, मेको आ तो चच युइ आन क दुम्त। १७ तन्न मेकोम आ थेरशो रू र आ गेय पाइब कली गप्नु हना, मेको परांडतीक बस सम्म ला मेको गेय पाइब आ शॉप दुम्ब। नोले मेको लेंशा सासन पाइब केन दुम्ब। आ तो कली गेशो रू चहिं मेको केन दुम्शा लीब। लेवी २५ :१०; येरमीया ३४ :८ १५ सासन पाइबमी मुर आन थेरशो रू र गुरुंइशा आ शॉप सेल्ले मचाप्ब। मेकोम आ तो आन कली रू गेचा दाक्ब हना, आ शॉप र गेचा माल्ब। मोपा सुइ आं मुर रू रोइक्चा मपुंडसीनीम” दंत। इजीकीएल ४५ :८-९

चढ़शो श्ये क्यतीक कोठा

१९ मिनु नोले मेकोमी आं कली उत्तर गे डा ठयब लाप्चो डा ओव्रतीक आ नेक्था र पा, चढ़ब आन कली तिल्शा वोइश्शो कोठाम लाइक्ती। मिनु मेकर बाक्तीक आ पच्छिम गे बाक्तीक का

ताता। २० मिनु मेकोम आं कली “एकेर चढ़बपुकीम दोस आ पर्वम चढ़तीक नु पाप आ पर्वम चढ़तीक आन श्ये लोप्नीम। मिनु चढ़शो अन्न के मार मार चोइनीम। मोपा मेकोपुकीम चढ़शो थोव्रक लाङगा गे डा लाङगाम मगुरुंइनीम। मारदे हना मुर आन कली मरिम्शो मडुम्त” दंत।

२१ मिनु नोले मेकोमी आं कली लाङगा गे डा लाङगा डा ४ सुर कौइताक्यी। २२ मेको लाङगा गे डा लाङगा डा ४ सुरम ४ ओटा आइक्च लाङगा बाक्तेकम। मेको नल्ल खाल का डा ४० कुबीत लाइश्शो नु ३० कुबीत बरम्शो बाक्तेकम। २३ मेको नल्ल आन एर ओथ गारो हिरशो बाक्तेकम। मेको ४ ओटा लाङगामी आन सुर सुरम लहर पा चुप्नु बाक्तेकम। २४ मिनु मेकोमी आं कली “एको क्यतीक बाक्नीम। एकेर परमपरभु यावे आ खिम गेय पाइबपुकीमी मुर आन चढ़शो मार मार लोप्नीम” दंत।

परमपरभु आ खिं र गुरूशो खोला

४७ १ मिनु नोले मेकोमी आं कली परमपरभु यावे आ खिं आ ओव्रतीक लाप्चोम लेशशा चाक्ती। मिनु गो मेको लाप्चो आ थंका र ब्वाक्कु यिशा, पूर्व गे शाइश्शो ताता। मारदे हना मेको परमपरभु यावे आ खिं पूर्व गे कोव्रशो बाक्त। मिनु मेको ब्वाक्कु परमपरभु यावे आ खिं आ दक्खिन चढ़तीक आ दक्खिन र शाइश्शो बाक्त। उत्पत्ती २ :१०-१४; योएल ४ :१८; परकाश २२ :१ २ नोले मेकोमी आं कली उत्तर गे डा ठयब लाप्चो र पा लाङगा गुरुंइताक्यी। मिनु पूर्व गे लेशशो लाङगा डा लाप्चो र पा हिरशा चाक्ती। मेको ब्वाक्कु दक्खिन गे शाइश्शो बाक्त।

३ मिनु मेको पुक्तीक डारी का शेशा पूर्व गे लत। मिनु मेकोम हजार का कुबीत पुक्तु। मिनु नोले मेकोमी आं कली ब्वाक्कु शोक्पाइक्ती। मेको ब्वाक्कु दिम्ता सम्म जाक्शो बाक्त। कुबीत का ०.५ मिटर बाक्ब। इजीकीएल ४० :३ ४ मिनु लेंशा अर्का हजार का कुबीत पुक्तु। मिनु मेको ब्वाक्कुम शोक्पाइक्ती। मेको ब्वाक्कु पोक्च सम्म जाक्शो बाक्त। मिनु मेकोम लेंशा अर्का हजार का कुबीत पुक्तु। मिनु मेकोमी आं कली मेको ब्वाक्कुम शोक्पाइक्ती। मेको ब्वाक्कु करातो सम्म जाक्शो बाक्त। ५ मिनु मेकोम लेंशा अर्का हजार का कुबीत पुक्तु। मिनु गो मेको खोला शोक्ने मचबु। मारदे हना ब्वाक्कु बारशो बाक्त। मेको दोम्ती ग्यारचा डा दुम्शो बाक्त हना यो, शोक्ने मचाप्चा डा बाक्त। ६ मिनु

मेकोम आं कली “ए मुर, गे एको तवी” दंत। मिनु लेंशा खोला आ नेकथा लेप्पाइक्ती। ७ मिनु गो मेकर जाकडानु, मेको समुन्दर आ आंथ हांबु नु आइक्ची हांबु नल्ल शुश खा तातामी। ८ मिनु मेकोम आं कली “एको ब्वाक्कु पूर्व रागी गे लशा, उइ अराबाह गे लशा बाक्ब। मिनु मेको हिक्सी समुन्दरम ब्वाइसीब। मिनु मेकर डा ब्वाक्कु रिम्शा दुम्ब। ९ मेको ब्वाक्कु शाइक्तीकमी शुश खाल डा जन्तु बाक्नीम। मेकर हिक्ने मचाप्वा डा पा, डाइ बाक्नीम। मारदे हना मेको ब्वाक्कु मेकर जाकदीशो बाक्ब। मेको ब्वाक्कु रिम्शा दुम्तीक मेकर मारइ मारइ बराइनीम। प्रस्थान १५ :२३ १० मेको आ एर आंथ नेल्लेम ग्याइल आप्पुकी राप्नीम। एन-गेदी रे एन-एग्लै सम्म ग्याइल आप्तीक दुम्नीम। मेकर ठयब समुन्दर खोदंशो पा शुश खाल डा डाइ बाक्नीम। ११ तन्न मेको समुन्दर आ सिम नु हिलो बाक्तीक डा ब्वाक्कु रिम्शा मदुम्ब। मेको हिक्सी गंइचा कली बाक्नीम। १२ मेको समुन्दर आ एर आंथ नेल्ल शुश खाल डा फल फुल खा वानीम। मेको आन सफा मसोवनीम। मेको आन फल गेनायो मनुप्नीम। मेको महिना महिनाम सिल्लीम। मारदे हना मेको आन कली माल्शो ब्वाक्कु परमपरभु यावे आ बाक्तीक रे लशो बाक्ब। मेको आन फल रूचा कली नु मेको आन सफा सापाइक्चा कली दुम्नीम” दंत। यसेया ३२ :१५ ; प्रकाश २२ :२

### इसराएल रागी डा सांद

१३ मिनु परमपरभु, परमपरभु यावेमी “इसराएल डा सांद आगा डा १२ थर आन थरशो रू दोपा योक्चा माल्लीनी देशा हना, योसफ कली भाग निकशी गेचा माल्लीनी। उत्पत्ती ४८ :५ ; यहासु १७ :१७ १४ मेको लीशो रागी इन दातेम उइक्थ उइक्थ पा योक्चा माल्लीनी। मिनु गो इन किकी पिपी आन कली गेनुड, देकसम जतीक मेको रागी इन शांप दुम्ब। उत्पत्ती १२ :७

१५ मेको रागी आ सांद ते बाक्चा माल्लीम देशा हना, उत्तर गे डा सांद ठयब समुन्दर रे ह्थोन डा लां, लेबो-हमाथ रे सदाद सम्म दुम्चा माल्ब। गन्ती ३४ :२-१२ १६ मेको सांद बरोथाह नु सिबरेम सम्म दुम्चा माल्ब। मेको दमस्कस नु हमाथ आस दातेम बाक्शो बाक्नीस। मेको सांद हासर-हात्तीकान सम्म जाकदीप्ब। मेको हौरान डा सांद आ नेकथा बाक्ब। १७ मिनु ठयब समुन्दर रे हासर-एनोन सम्म बाक्ब। मेको

दमस्कस आ उत्तर गे बाक्ब। मेको आ उत्तर गे हमाथ आ सांद बाक्ब। मेको उत्तर डा सांद बाक्ब।

१८ पूर्व गे डा सांद हौरान नु दमस्कस आस दातेम, यर्दन खोला आ नेकथा गिलाद नु इसराएल रागी आस दातेमी बाक्ब। मेको पूर्व डा समुन्दर नु तामार सम्म बाक्ब। मेको पूर्व डा सांद बाक्ब।

१९ दक्खिन गे डा सांद तामार रे मेरीबाथ-कादश डा ब्वाक्कु बाक्तीक सम्म दुम्चा माल्ब। मिनु मेकर रे इजीप्त डा खोल्सा रे ठयब समुन्दर सम्म जाकदीप्ब। मेको दक्खिन डा सांद बाक्ब। गन्ती २० :१३ ; गन्ती ३४ :५

२० पच्छिम गे डा सांद ठयब समुन्दर लेबो-हमाथ आ डाइती सम्म दुम्चा माल्ब। मेको पच्छिम डा सांद बाक्ब।

२१ गे मेको रागी इन दातेम इसराएल आ थर डा मुर आन कली योक्शा गेचा माल्लीनी। २२ गेपुकीम आंम इन थरशो रू वोइक्चा माल्लीनी। इन दातेमी बाक्ब तमी ती थिशो अर्का रागी डा मुर आन कली यो आन भाग योक्शा, गेचा माल्लीनी। गेपुकीम मेको आन कली इसराएल रागीम जरमेशो आंम रागी डा मुर खोदंशो मिम्चा माल्लीनी। मिनु गेपुकी नु इसराएल आ थर आन दातेम मेकोपुकीम आन थरशो रू तचा माल्लीम। लेवी १९ :३३-३४ २३ मेको अर्का रागी डा मुरपुकी तेंको थर डा बाक्तीकम बाक्नीमी, मेकर मेको आन कली आन थरशो रू गेचा माल्लीनी” दे परमपरभु, परमपरभु यावेम दंत।

### इसराएली आन कली रागी योक्शो

४८ १ मिनु “मेको आन थर आन नें मार बाक्नीम देशा हना, उत्तर गे डा सांद ह्थोन डा लां रे पा लेबो-हमाथ रे हासर-एनोन सम्म बाक्ब। हासर-एनोन दमस्कस आ सांदम बाक्ब। मिनु हमाथ मेको आ उत्तर गे बाक्ब। मिनु मेको पूर्व रे पच्छिम सम्म बाक्ब। मेको दान आ थरशो रू दुम्ब। इजीकीएल ४७ :१५-१७ २ मिनु पूर्व रे पच्छिम दान आ सांद थिशो रू आशेर आ थरशो रू दुम्ब। ३ मिनु पूर्व रे पच्छिम आशेर आ सांद थिशो रू नाप्ताली आ थरशो रू दुम्ब। ४ मिनु पूर्व रे पच्छिम नाप्ताली आ सांद थिशो रू मनस्स आ थरशो रू दुम्ब। ५ मिनु पूर्व रे पच्छिम मनस्स आ सांद थिशो रू एफराइम आ थरशो रू दुम्ब। ६ मिनु पूर्व रे पच्छिम एफराइम आ सांद थिशो रू रूबन आ थरशो रू दुम्ब। ७ मिनु पूर्व रे

पच्छिम रुबेन आ सांद थिशो रू यहूदा आ थेरशो रू दुम्ब।

८मिनु पूर्व रे पच्छिम गे यहूदा आ सांद सम्म थिशो भाग का तिल्वा माल्नीनी। मेको २५ हजार कुबीत बरम्शो नु आ लाइशो पूर्व रे पच्छिम सम्म थर थर आन कली गेशो थेरशो रू खोदशा लाइशो दुम्चा माल्ब। मिनु परमपरभु याव आ बाक्तीक मेको आ दातम दुम्चा माल्ब। कुबीत का ०.५ मिटर बाक्ब। इजीकीएल ४५:१-८ ९ परमपरभु याव कली गेशो तिल्शो भाग चहिं २५ हजार कुबीत लाइशो नु २० हजार कुबीत बरम्शो दुम्चा माल्ब। १०मिनु मेको परमपरभु याव कली गेशो तिल्शो भाग चढेब आन कली दुम्ब। मेको भाग उत्तर गे २५ हजार कुबीत लाइशो, पच्छिम गे १० हजार कुबीत बरम्शो, पूर्व गे १० हजार कुबीत बरम्शो नु दक्खिन गे २५ हजार कुबीत लाइशो दुम्चा माल्ब। मिनु परमपरभु याव आ बाक्तीक मेको आ दातम दुम्चा माल्ब। ११मिनु मेको परमपरभु याव कली चढेब आन भाग दुम्चा माल्ब। आं गेय पाइब सादोक आ चच युड आन के दुम्ब। मेकोपुकी इसराएली नु लेवीपुकी हेंथे गाक्तेक्म हना यो, मेकोपुकी हेंथे मगाक्थु, आं गेय पाम्तेक्म। इजीकीएल ४०:४६ १२मिनु मेको आन कली परमपरभु याव कली तिल्शो रागी रे आन भाग दुम्ब। मेको आन नेल्ल क्येडा चोव्रखा बाक्तीक भाग, लेवी आन थेरशो रू थिशो बाक्ब। १३ चढेब आन थेरशो रू आ नेक्था लेवी आन थेरशो रू दुम्चा माल्ब। मेको २५ हजार कुबीत लाइशो नु २० हजार कुबीत बरम्शो दुम्चा माल्ब। मेको आ लाइशो नेल्ल २५ हजार कुबीत नु आ बरम्शो नेल्ल १० हजार कुबीत दुम्चा माल्ब। १४मिनु मेकोपुकीमी मेको थेरशो रू लेयचा नु फाइक्चा मदुम्नीम। मेको रू नेल्ल क्येडा रिम्शो बाक्ब। मिनु मेको सुड आन कली गेने मचाप्नीम। मारदे हना मेको परमपरभु याव आ रू बाक्ब।

१५मिनु मेको लीशो ५ हजार कुबीत बरम्शो नु २५ हजार कुबीत लाइशो रू सहर कली बाक्ब। मेको मुर बाक्तीक नु सहर आ दात डा रू दुम्चा माल्ब। १६मेको लीशो रू उत्तर गे ४ हजार ५ सह कुबीत, दक्खिन गे ४ हजार ५ सह कुबीत, पूर्व गे ४ हजार ५ सह कुबीत नु पच्छिम गे ४ हजार ५ सह कुबीत दुम्चा माल्ब। परकाश २१:१६ १७मिनु मेको सहर डा रू दुम्चा माल्ब। मिनु मेको लीशो सहर डा रू उत्तर गे सह निकशी

५० कुबीत, दक्खिन गे सह निकशी ५० कुबीत, पूर्व गे सह निकशी ५० कुबीत नु पच्छिम गे सह निकशी ५० कुबीत दुम्चा माल्ब। १८मेको परमपरभु याव आ बाक्तीक आ सांद थिशो लीशो रू पूर्व गे १० हजार कुबीत नु पच्छिम गे १० हजार कुबीत दुम्चा माल्ब। मेको परमपरभु याव आ सिं आ का पटटी गे बाक्चा माल्ब। मकर सहरम गेय पाइब आन कली जचा थोव्रक लेयतीक दुम्चा माल्ब। १९सहरम गेय पाइब इसराएल आ थर डा मुर नेल्लेमी मेकर बाक्शा, गेय पाइनीम। २०गेपुकीमी तिल्शो बाक्तीक रू नेल्ल २५ हजार कुबीत बरम्शो नु २५ हजार कुबीत लाइशो दुम्चा माल्ब। मेको ४ पाटे दुम्ब। मेको परमपरभु आ भाग नु सहर डा बाक्तीक बाक्ब।

२१मेको परमपरभु याव आ भाग नु सहर डा का पटटी गे लीत हना, सासन पाइब के दुम्चा माल्ब। मेको पूर्व गे परमपरभु याव कली तिल्शो २५ हजार कुबीत पूर्व डा सांद गे नु पच्छिम गे बाक्शा २५ हजार कुबीत पच्छिम डा सांद गे बाक्ब। मेको आ लाइशो थर थर आन रू रू गे लाइब। मेको सासन पाइब के दुम्ब। मिनु परमपरभु याव आ सिं मेको आ दातम बाक्ब। इजीकीएल ४५:१७ २२मिनु लेवी आन रू नु सहर डा रू आन दातमी मेको सासन पाइब आन रू बाक्ब। यहूदा नु बेन्यामीन आस दातमी बाक्शा रू या सासन पाइब आन के बाक्ब।

अरु थर आन थेरशो रू

२३मिनु लीशो थर आन कली पूर्व रे पच्छिम सम्म बेन्यामीन आ थेरशो रू, २४ पूर्व रे पच्छिम सम्म बेन्यामीन आ सांद थिशो सिमियोन आ थेरशो रू, २५ पूर्व रे पच्छिम सम्म सिमियोन आ सांद थिशो इस्साकार आ थेरशो रू, २६ पूर्व रे पच्छिम सम्म इस्साकार आ सांद थिशो जबूलून आ थेरशो रू, २७ पूर्व रे पच्छिम सम्म जबूलून आ सांद थिशो गाद आ थेरशो रू, २८मिनु दक्खिन गे गाद आ थेरशो रू डा सांद तामार रे मरीबाथ-कादेश डा ब्याक्कु बाक्तीक सम्म नु इजीप्त डा खोल्सा आ नेक्था रे पा ठेयब समुन्दर सम्म दुम्चा माल्ब। इजीकीएल ४७:१९ २९गेपुकीम मेको रागी डा रू इसराएल आ थर डा मुर आन कली आन थेरशो रू दुम्पाइशो योक्शा गेचा माल्नीनी। मिनु मेकोन मेको आन भाग दुम्ब” दे परमपरभु, परमपरभु यावमी दंत।

### यरूसलेम सहर डा ठेयब लाप्चो

३० परमपरभु यावेमी “सहर डा गारो र लाडगा गृहीक ते दुम्चा माल्नीम देशा हुना, उत्तर गे डा गारो पुक्शा ४ हजार ५ सह कुबीत लाइशो दुम्चा माल्ब। कुबीत का ०.५ मिटर बाक्ब। ३१ ठेयब लाप्चो आन न इस्राएल आ थर आन नें खोदेशो दुम्चा माल्नीम। उत्तर गे डा गारो डा ठेयब लाप्चो सां, रूबेन आ लाप्चो, यहूदा आ लाप्चो नु लेवी आ लाप्चो दुम्नीम। ३२ मिनु पूर्व गे डा गारो ४ हजार ५ सह कुबीत लाइशो दुम्चा माल्ब। पूर्व गे डा गारो डा ठेयब लाप्चो सां, योसेफ आ लाप्चो, बेन्यामीन आ लाप्चो नु दान आ लाप्चो दुम्नीम। ३३ मेको दक्खिन गे

डा गारो ४ हजार ५ सह कुबीत लाइशो दुम्चा माल्ब। दक्खिन गे डा गारो डा ठेयब लाप्चो सां, सिमियान आ लाप्चो, इस्साकार आ लाप्चो नु जबूलून आ लाप्चो दुम्नीम। ३४ मेको पच्छिम गे डा गारो ४ हजार ५ सह कुबीत लाइशो दुम्चा माल्ब। पच्छिम गे डा गारो डा ठेयब लाप्चो सां, गाद आ लाप्चो, आशर आ लाप्चो नु नाप्ताली आ लाप्चो दुम्नीम। ३५ मिनु सहर आ एर ओथ हिरशो गारो १८ हजार कुबीत दुम्ब। मेना र मेको सहर आ नें “परमपरभु यावे मेकर बाक्ब” देशो नें वोइक्चा माल्ब” द परमपरभु यावेमी देत। इजीकीएल ४३ :७ ; यसैया ६० :१४ ; प्रकाश २१ :३

## दानीएल

बरकब मुर: दानीएल यरूसलेम सहरम जरमेशो बाक्त। मेको रिम्शो पिप योसीयाहम सासन पवा ना कोल्लत। दानीएलमी परमपरभु यावे आ लोत्र पाइब यरमीया नु सफन्याह आस लोत्र नंशो बाक्त। मेको २० बर्स सोदेशो दुम्मनु, आ वारच नु ग्याइश्शा बेबीलोन रागी लाइक्चा पुंडसीशो बाक्त। माइत किताबपुकीमी एको किताब बरकब दानीएल बाकब, दे नल्लेम बरकशो बाक्नीम। एको किताब डा लोत्र कोइ हिबरू नु कोइ आरामेइक लोत्रमी बरकशो बाकब। दानीएलमी मुर कली बरकपाइश्शा बाक्म को आंमा बरकशो बाक्म मेको मतुंडसीब।

गेना बरकशो: दानीएल नेबुकदनेसर पिप दुम्शो ६०४-५६१ बि. सी. रे कोरस पिप दुम्शो बर्स सां सम्म बाकशो बाक्त। मेको बेबीलोनम बाक्की ना ७० बर्स सोदेशो दुम्शो बाक्त। एको किताब ६०६-५३५ बि. सी.म बरकशो बाक्त।

मार बरकशो: दानीएलमी पिप आन राज्य नु परमपरभु यावे आ राज्य कांडचा कली बरकशो बाक्त।

परमपरभु यावेमी सु सु कली रागी कली सासन पाइब सल्ला दाक्बा, मेको पाइब।

१. दानीएल नु आ वारच आन पर्वम लोत्र बाकब। दानीएल १:६ :-

२. दानीएल कली कांडशो आ पर्वम लोत्र बाकब। दानीएल ७:१२ :-

### दानीएल बेबीलोनम बाकशो

१. यहूदा रागीमी येहो-याकीम पिप दुम्शो बर्स १ सां दुम्शो बाक्माक्त। मेना बेबीलोन डा पिप नेबुकदनेसर जाक्शा, यरूसलेम सहर कली पुम्ताक्म। २. राजा २४:१-२ ३. मिनु परमपरभुमी यहूदा डा पिप येहो-याकीम कली बरुपाइक्तु। मिनु परमपरभुमी आ सिं डा बोस का निक्शो यो मेको कली गोत्तु। मिनु नेबुकदनेसरमी मेको बोसपुकी शिनार रागीमी लाइश्शा, आ देवता आ सिं डा मार मार शोप वोइक्तीक कोठाम वोइक्तु। शिनार रागी बेबीलोन रागी बाकब। उत्पत्ती ११:२ ३. मिनु पिपमी आ दरवार डा ठेयब गय पाइब अश्पनास कली "ग्याइश्शा लाइक्चा पुंडसीशो इसराएली, पिप आ सिं डा नु ठेयब मुर आन सिं डा मुर आन कली योत्रशा एक चाक्को। २. राजा २०:१८ ४. गे ठिटा वांइश

मुर, मोरेइ मदुम्शो रिम्शो रां पाइश्शा, दारशो, शुश निप्स पाइश्शा, जोक्ब तुइक्ब, रुप्तीके थुं पाइश्शा नु पिप आ दरवारमी गय पने चाप्ब आन कली योत्रडा" दे अरवा बाक्त। मिनु मेको आन कली कल्दी आन बरक्स नु लोत्र शंचा माल्बाक्माक्त। ५. मिनु पिपमी "मेको आन कली पिप आ सिं डा जचा थोत्रक नु अङ्गुर शोबु गेचा माल्ब" दे अरशा बाक्माक्त। मिनु मेको आन कली बर्स सां सम्म शंशा, पिप आ खिम गय पपाइक्चा कली चाक्चा माल्बाक्माक्त। ६. मिनु मेको योत्रचा पुंडसीशो आन दातेमी यहूदा आ थर डा दानीएल, हनान्याह, मीशाएल नु अजारयाह बाक्तेक्म। ७. मिनु दरवार डा ठेयब गय पाइबमी मेको आन नं फाइश्शा, दानीएल कली बेल्ल-शजर, हनान्याह कली शदरक, मीशाएल कली मेशक नु अजारयाह कली अबेद-नेगो वोदा बाक्त।

८. मिनु दानीएलमी पिप आ गेशो जचा नु त्चा थोत्रक जशा त्शा आंम कली गरांगरा दिशो मसल्लसीनुड, दे मिम्ता बाक्त। मोपतीके दानीएलमी पिप आ ठेयब गय पाइब कली "आं कली मोदेशो जचा त्चा गेशो, गरांगरा दिशो दुम्चा मगेयीनी" दे पुंडतु। लेवी ११:- ९. मिनु परमपरभुमी पिप आ ठेयब गय पाइब आ थुंमी दानीएल कली शिशो पा दाक्तीकमी पिरंदा बाक्त। उत्पत्ती ३१:२१ १०. मिनु पिप आ ठेयब गय पाइबमी दानीएल कली "गो आं परभु, आं पिप नु शुश हिंनुड। मेकोमी इन कली मार मार जचा त्चा थोत्रक गेचा, दे अरशा बाक्त। मेकोमी इन वारच क्येडा इन कली गयशो ताप्तु हना, आं कली साइक्ब" देत। ११. मिनु नोले दानीएलमी पिपमी आ दरवार डा ठेयब गय पाइब आन कली कोत्रब मुर कली, आंम आ पर्वम नु हनान्याह, मीशाएल नु अजारयाह आन पर्वम लोत्र पाप्तु। १२. मिनु दानीएलमी "गे इन गय पाइब आंइ कली १० नाक्त सम्म कोत्रडीन। जचा कली गिग साइ नु त्चा कली ब्वाक्कु ला गेकी। १३. मिनु नोले गो आंइ कली पिप आ गेशो, आ सिं डा जचा थोत्रक जाइब त्बपुकी नु थाप्शा कोत्रकी। मिनु दोदेशो ताइनीनी मादेशो पाइक्की" दे माइक्तु। १४. मिनु कोत्रबमी मेको लोत्र बिश्शा, १० नाक्त सम्म आन देशो सोदेशो पाप्तु। १५. मिनु १० नाक्त जाक्दोम्मेनु, पिप आ गेशो जचा थोत्रक जाइब ठिटा नेल्ल आन क्येडा दानीएल नु आ वारच रिम्शो नु दोम्शो तांइसाक्म। १६. मोपतीके मेको कोत्रबमी मेको आन कली गेचा देशो पिप

आ जचा तूचा थोत्रक परांडशा, गिग खाइ ला गम्तीमी । १७ मिनू परमपरभुमी मेको ४ जना आन कली नेल्ल बरक्तीकेमी नु तुइक्तीकेमी जोक्ब तुइक्ब सला बाक्त । मिनू दानीएल कली मार पचा, दे ततीक नु डोमु रुप्तीक थुं यो गप्तु । इर्जीकीएल २८ :३

दानीएल नु आ वारच योत्रसीशो

१८ मिनू पिप आ देशो नाक्ती आ दरवार डा ठेयब गेय पाइबमी मेको टिटा नेल्ल आन कली पिप नेबुकदनेसर आ डोंडती राप्पाइक्तीमी । १९ मिनू पिपमी मेकोपुकी नु लोत्र पाप्तु । मिनू दानीएल, हनान्याह, मीशाएल नु अजारयाह खोदंशो जोक्ब तुइक्ब आ रागीमी अरु सुइ मथिद । मोपतीके मेको ४ जना पिप आ दरवारम गेय पचा कली योत्रचा पुंडसाकम । २० मिनू पिपमी आ माल्शो रुप्तीके नु तुइक्तीके आ पर्वम हिल्लो पवानु, आ रागी डा जाद्र नु मन्तर तन्तर पाइब नेल्ल आन वयेडा मेको ४ जना आन कली १० खेयप शुश जोक्ब तुइक्ब ताप्तु । २१ मिनू दानीएलमी पिप कोरस आ सासन पशो आ डोंडती डा बर्स सम्म मेकर गेय पाप्तु । एजरा १ :३

पिप नेबुकदनेसरमी डोमु तशो

१ मिनू पिप नेबुकदनेसर आ सासन पशो बर्स निक्शो जाक्दीम्मनु, मेको पिपमी डोमु का तवा बाक्त । मिनू डोमु तशा नोले मेको मार पड, दो पड दुम्शा, आं थुं ग्येत्य लुक्ब दुम्शा, लेंशा इप्ने मचबा बाक्त । २ मिनू मेको पिपमी आ डोमु मार बाकम, दे तुइक्चा कली “जाद्र, मन्तर तन्तर पाइब, टुना मुना पाइब नु सोरुल कोत्रब कल्दी आन कली चाक्चा माल्नीनी” दे हुकुम पाप्तु । मिनू मेकोपुकी पिप आ डोंडती जाक्शा राप्तेकम । यसैया ४७ :१२-१३ ३ मिनू पिपमी मेको आन कली “गो डोमु का ताता । मेको तशा, आं थुं ग्येत्य लुक्ब दुम्त” देत । ४ मिनू सोरुल कोत्रब कल्दीपुकीमी आरामेइक लोत्र पा पिप कली “पिप, शुश ब्रांडशा बाक्कीन । इन वाइल आन कली इन तशो डोमु शोत्रडीन । मिनू गो, इन वाइलपुकीमी, मेको रे मार रुम्सीबा मेको शंनीकी” देतेकम । ५ मिनू पिपमी सोरुल कोत्रब कल्दी आन कली “गो मेको आ पर्वम हुकुम पाता । गेपुकीमी आं डोमु नु मेको रे मार रुम्सीबा, मेको शोत्रने मचाप्तीनी हना, इन गुइ खोइल खरोइश्शा, साइक्नन्नी । मिनू इन सिं परेशशा गेनन्नी । ६ तन्न आं तशो डोमु नु मेको रे मार

रुम्सीबा, मेको शोत्रतीनी हना, गो इन कली मार मार रिम्शो थोत्रक, इनाम नु ठेयब मान गेनुड । मोपतीक आं तशो डोमु शोत्रशा, मेको रे मार रुम्सीबा, शंदीनी” दे माइक्तीमी । ७ मिनू मेकोपुकीमी लेंशा पिप कली “पिपमी इन वाइल, आंइ कली डोंडती इन तशो डोमु शोत्रडीन । मिनू नोले गोपुकीमी मेको रे मार रुम्सीबा इन कली शंनीकी” देतेकम । ८ मिनू पिपमी “गो थमा पा तुइक्नुड, गेपुकीमी आं कली क्योल्नीनी । मारद हना इन कली साइक्तीक हुकुम थमा बाक्ब । ९ गेपुकीमी आं कली आं तशो डोमु शोत्रने मचाप्तीनी हना, गे साइक्चा पुंडसीनीनी । गे आं कली जोल पा, शंसु पतीक आ पर्वम गारशो बाक्नीनी । मोपतीक आं कली आं तशो डोमु मशोत्रतीनी हना, आ अर्थ मार बाक्वा, दे शंन मचाप्तीनी, दे तुइक्नुड” दे माइक्तीमी । १० मिनू सोरुल कोत्रब कल्दीपुकीमी पिप कली “एको रागी नेल्लेमी पिप आ हिल्लो पशो लोत्र शोत्रने चाप्ब सुइ मबाक्नीम । ठेयब नु सक्ति पाइश्शो पिपमी जाद्र, मन्तर तन्तर पाइब नु सोरुल कोत्रब कल्दी आन कली सुइम मोदंशो लोत्र गेनायो हिल्लो मपाम । ११ पिपमी हिल्लो पशो लोत्र सुइमी शोत्रने मचाप्चा डा बाक्ब । देवी देवतामी ला तुइक्पाइक्ने चाप्नीम । तन्न मेको देवी देवता मुर आन दातमी मबाक्नीम” देतेकम । १२ मिनू मेको लोत्र नेंशा, पिप शुश गाइश्शा, बेबीलोन रागीम बाक्ब जोक्ब तुइक्ब नेल्ल आन कली साइक्चा नम, दे हुकुम पाप्तु । १३ मिनू पिपमी जोक्ब तुइक्ब मुर नेल्ल आन कली साइक्चा माल्ब देशो लोत्र बरक्शा गरुइताक्व । मिनू मेको देशो खोदंशो पा दानीएल नु आ वारच आन कली यो साइक्चा कली माल्तेकम ।

दानीएल नु आ वारच साइक्चशो

१४ मिनू दानीएलमी मेको नेंशा, शुश मिम्शा, पिप आ साइक्तीक गेय पाइब अरयोक नु लोत्र पाप्तु । मेको बेबीलोन डा जोक्ब तुइक्ब मुर आन कली साइक्चा कली लशो बाक्त । दानीएल १ :२० १५ मिनू दानीएलमी मेको पिप आ गेय पाइब कली “मारदे पिप आ हुकुम मोदंशो रीब पा पचा माल्नीमी ? दे हिल्लो पाप्तु । मिनू अरयोक्मी दानीएल कली नेल्ल शंताक्व । १६ मिनू मेको तुइक्ता नोले दानीएल पिप आ बाक्तीकेम लशा इक्का नाक्त रिम्दीन । मिनू गो मेको डोमु नु मेको आ अर्थ इन कली शोत्रनन्नी” दे पुंडतु ।

### दानीएल नु आ वारचपुकी

१७ मिनु नोले दानीएल आ सिं लशा, आ वारच हुनान्याह, मीशाएल नु अजारयाह आन कली मेको लोत्र नंपाइवतु। १८ दानीएलमी मेको आन कली “गोपुकी नु बेबीलोन डा जोक्व तुइक्व नेल्ल साइक्चा मपुंडसीचा कली स्वर्ग डा परमपरभु कली मेको खरुइश्शो डोमु तुइक्पाइसीचा कली आ शिशो पुइय” दंत। १९ मिनु मेको नाक्दो परमपरभुमी दानीएल कली कांडतीकमी मेको खरुइश्शो डोमु नु आ अर्थ कांडताक्व। मिनु दानीएलमी स्वर्ग डा परमपरभु कली २० “परमपरभु, इन नं गेना हना यो ठेयब बाक्व। मारदे हना सक्ति नु जोक्व तुइक्व थुं इन केन बाक्व। २१ गे हिउंद नु बर्खा फाइक्व, पिप आन कली वोइक्व नु तिल्व बाक्नीनी। गे जोक्व तुइक्व आन कली तुइक्तीक थुं गेनीनी। मिनु रुब थुं पाइश्शो मुर आन कली जोक्तीक थुं गेनीनी। दानीएल ४ :१४,२२,२९ २२ गे ठेयब नु खरुइश्शो लोत्र तुइक्पाइक्नीनी। छिड्छिड्म बाक्शो मारइ मारइ नेल्ल तुइक्नीनी। मारदे हना गे छेड्छेड्म बाक्नीनी। २३ आं किकी पिपी आन परमपरभु, गो इन कली गे रिम्शो पाइब बाक्नीनी। गे नेल्ल क्येडा ठेयब बाक्नीनी। मारदे हना गे आं कली तुइक्तीक थुं नु सक्ति गतीनी। मिनु आंइ पुंडेशो नेल्ल गतीनी। पिप आ तुइक्चा माल्शो नेल्ल आंइ कली तुइक्पाइक्तीनी” द परमपरभु कली ठेयब सल्शा, दंत।

### दानीएल पिप आ बाक्तीक लशो

२४ मिनु दानीएल बेबीलोन रागी डा जोक्व तुइक्व मुर नेल्ल आन कली साइक्चा, दे योत्रचा पुंडसीशो मुर अरयोक् आ बाक्तीकमी लशा, मेको कली “बेबीलोन रागी डा जोक्व तुइक्व मुर आन कली मसतीन। आं कली पिप आ डांडती चाक्दीय्यीनी। मिनु गो पिप कली आ डोमु शोत्रनुड। मिनु मेको र मार रुम्सीबा नेल्ल शंनुड” दंत। २५ मिनु अरयोक्मी दानीएल कली दोरार पा पिप आ डांडती चाक्दीश्शा, पिप कली “गो यहूदा रागी र ग्याइश्शा चाक्चा पुंडसीशो मुर आन दातेमी इन डोमु आ अर्थ शोत्रने चाप्ब मुर का थित्ता” दंत। २६ मिनु पिपमी बेल्ल-शजर नं वोइश्शो दानीएल कली “गे आं तशो डोमु शोत्रशा, मेको आ अर्थ मार बाक्वा मेको शंनं चान्नेव?” दे हिल्लो पाप्तु। २७ मिनु

दानीएलमी पिप कली “पिप, इन हिल्लो पशो खरुइश्शो लोत्र जोक्व तुइक्व, मन्तर तन्तर पाइब जादू नु चिन्ड आ अर्थ तुइक्व सुइमी यो दंनं मचाप्नीम। २८ तन्न स्वर्गमी परमपरभु का बाक्व। मेकोमी खरुइश्शो लोत्र कांडव। मिनु मेकोमी पिप नेबुकदनसर, इन कली रागी नुप्वी ना मार दुम्बा, दे कांडेशो बाक्व। मिनु इन इप्वी ना तशो डोमु मार बाक्त देशा हना, उत्पत्ती ४१ :१६ २९ गे इन इप्वी ना नोले मार दुम्बा ? दे मिम्ताक्नी। मिनु नोले मार दुम्बा, दे कांडेवमी मेको इन कली तुइक्पाइक्तु। ३० गो मुर नेल्ल आन क्येडा शुश रुने मचाप्नुड। तन्न इन डोमु आ अर्थ तुइक्पाइक्चा नु इन थुं डा लोत्र रुपाइक्चा कली परमपरभुमी मेको आं कली तुइक्पाइश्शो बाक्त। उत्पत्ती ४१ :३९

### पिप आ तशो डोमु

३१ हनुर, गे कोत्रशा बाक्नीनु, इन डांडती ठेयब मूर्ति का राप्शो ताइतीनी। मेको मूर्ति थम ठेयब नु थाम्पान टल्केशो बाक्त। मिनु इन डांडती शुश हिंचा डा मूर्ति का राप्शो ताइतीनी। ३२ मेको आ पिया क्येख सुन के बाक्त। आ कुनु नु गुइ चांदी के नु आ कोत्रज नु फिला कांसा के बाक्तेक्म। ३३ मेको आ पोक्च फलाम के बाक्त। मिनु आ खोइली फलाम नु खप व्वाइसीशो बाक्त। ३४ गे मेको कली कोत्रशा बाक्नीनु, फुल्लु का यित। तन्न मेको फुल्लु मुर आन गुइम मखरोइश्शो बाक्त। मेकोमी मूर्ति आ फलाम नु खप व्वाइसीशो खोइलीमी खराप्तु। मिनु मेको मूर्ति कली परोल्शा, रोब चिब सल्लु ३५ मिनु मेको फलाम, खप, कांसा, चांदी नु सुन नेल्ल बरोल चित्त दुम्तेक्म। मिनु फशमी खला डा भूस हुरशा लाइश्शो खोदंशो पा मारइ मवोइक्थु, ग्यो फिक्शा योल्लाक्व। मिनु मेको मूर्ति कली खरशो फुल्लु बारना बारन लशा, ठेयब डांडा दुम्शा, रागी नेल्ल बरीत।

### डोमु आ अर्थ

३६ इन तशो डोमु एकोन बाक्त। मुल पिप इन कली मेको डोमु आ अर्थ शंनुड। ३७ हनुर, गे पिप आन पिप बाक्नीनी। स्वर्ग डा परमपरभुमी इन कली राज्य, सक्ति, अधिकार नु शुश मान गेशो बाक्व। इर्जीकीएल २६ :७ ३५ मिनु मेकोमी तेइ तेइ बाक्व मुर, व्वाकी डा जन्तु नु सरीड्म बेरब चिक्व नेल्ल आन कली इन कली गेशो बाक्व। मिनु गे मेको नेल्ल आन कली सासन पाइनीनी।

गे मेको मूर्ति आ सुन के पिया बाकनीनी। येरमीया २७ :६ ; येरमीया २८ :३४ ३९ मिनु इन नोले इन क्येडा ग्युम्शा राज्य का जाकब। मिनु मेको आ नोले डा अरु कांसा के खोदंशो राज्य का जाकब। मिनु मेकोमी रागी नल्ल आन कली अधिकार पाइब। १० मिनु मेको आ नोले फलाम खोदंशो बोल्यो अर्को राज्य का जाकब। दोपा फलाममी मारइ मारइ रोबल चिबल सल्ला, मोपान मेको राज्यमी अर्को राज्य नल्ल आन कली बरोले चीले पा तेइ तेइ फराइब। ११ मिनु इन तशो फलाम नु खप ब्वाइसीशो खोइली नु बरेप्चोपुकी खोदंशो पा बराशो राज्य का यो जाकब। तन्न मेको राज्य फलाम खोदंशो इच्का बोल्यो बाकब। मेको फलाम खप ब्वाइसीशो बाकत हना यो, मेको फलाम खोदंशो पा इच्का बोल्यो बाकब। १२ मिनु खोइली डा बरेप्चोपुकी फलाम नु खप ब्वाइसीशो बुद पा मेको राज्य सक्ति पाइशो बोल्यो नु सक्ति मपाइशो बाकब। १३ इन तशो फलाम नु खप ब्वाइसीशो खोदंशो पा मेको राज्य डा मुरपुकी ग्युंब पा ब्वाइसीनीम। मिनु फलाम नु खप मगारशो बुद पा मेको राज्य यो का दुम्शा, लीने मचापब। १४ मेको पिप आन पालामी स्वर्ग डा परमपरभुमी अर्को राज्य का सल्ल। मेको राज्य गेनायो बरोल चिल मदुम्ब। मेको राज्य डा मुर खाल का डा बाकनीम। मेकोमी अरु राज्य नल्ल आन कली रोब चिब पा थुम्पाइकब। तन्न मेको आ राज्य गेना हना यो लीब। दानीएल १४ :२७ ; यसैया ९ :६ ; १कोरिन्थी १५ :२४ ; परकाश ११ :१५ १५ मिनु गे दोदंशो पा मुरुमी मखरोइकथु डांडा र फुल्लु का यिशो ताइतीनी। मिनु मेकोम फलाम, कांसा, खप चांदी नु सुन नल्ल कली रोबल चिबल पोक्गा, मोदंशो पा ठेयब परमपरभुमी नोले मार दुम्बा” दे पिप, इन कली कांडंशो बाकब। एको डोमु नु आ अर्थ यो थमा बाकब” देत।

### दानीएलमी मान तशो

१६ मिनु पिप नेबुकदनेसरमी सुम्की पा दानीएल आ डांडती बाप्शा, मेको कली ठेयब सल्लु। मिनु “दानीएल कली अन्न नु धूप चढ़ेचा” दे हुकुम पाप्लु। १७ मिनु पिपमी दानीएल कली “थमान, इन परमपरभु देवी देवता आन परमपरभु नु पिप आन परमपरभु बाकब। मिनु खरुइशो लोत्र तुइकपाइकब बाकब। मोपतीक गे एको खरुइशो लोत्र रुप्पाइकने चापतीनी”

देत। दानीएल ३ :२९ ; यहोसु २ :३१ ; भजन संगरह ८६ :८ ; यसैया ४२ :८ १८ मिनु पिपमी दानीएल आ मान बारपाइकतु। मिनु शुश शोप गप्लु। मिनु बेबीलोन रागी नल्ल कली हुकुम पाइब नु जाकब तुइकब मुर नल्ल आन ठेयब मुर सल्लु। १९ मिनु दानीएलमी “शदरक, मशक नु अबंद-नगो आन कली बेबीलोन रागी डा सासन पतीक गय गेचा” दे पिप नु लोत्र पा पुंडतु। दानीएल चहि पिप आ दरवारमीन बाकत। दानीएल ३ :१२

### नेबुकदनेसर आ सुन के मूर्ति

३ १ मिनु पिप नेबुकदनेसरमी सुन के मूर्ति का सल्लु। मेको मूर्ति ६० कुबीत ग्येत्थ लाइशो नु ६ कुबीत पित्थ बरेम्शा बाकत। मिनु मेको कली बेबीलोन डा दुरा माइशो दिममी राप्पाइशो वोइकतु। कुबीत का आधा मिटर खोदंशो बाकब। २ मिनु पिप नेबुकदनेसरमी मेको मूर्ति सल्ले थुम्शा, पूजा गातीक नाकत मानेचा कली पारसी रागी डा हुकुम पाइब नल्ल, अर्ती गेब, क्येट कोत्रशा हिक्ब, निसाफ पाइब, लल पिया आन ठेयब मुर नु सरकार डा अधिकार ताइब नल्ल आन कली बरेताकब। ३ मिनु मेको पारसी रागी डा हुकुम पाइब नल्ल, अर्ती गेब, क्येट कोत्रशा हिक्ब, निसाफ पाइब, लल पिया आन ठेयब मुर नु सरकार डा अधिकार ताइब नल्ल पिप नेबुकदनेसर आ राप्पाइशो मूर्ति कली पूजा गातीक नाकती बुकतकम। मिनु मेकोपुकी मेको मूर्ति आ डांडती राप्शा बाकमानु, ४ लोत्र पाइब मुर कामी ठेयब संदा पा “ननीन, जात जात डा, रागी रागी डा नु आम आम लोत्र पाइब मुर नल्ल, इन कली अरेतीक लोत्र का बाकब। ५ गे गरोत्र, मुराली, ठेयब नु आइकच तार पाइशो नु मार मार तापतीक ताप्शो ननीनु, पिप नेबुकदनेसरमी राप्पाइशो सुन के मूर्ति आ डांडती सुम्की पा बाप्शा, सउ पचा माल्नीनी। ६ मिनु सु सुमी मोदंशो मपाइनीमी, मेको ठेयब मी बरतीकेमी हुम्चा पुंडसीनीम” दे ठेयब संदामी तुइकपाइशो देत। ७ मोपतीक मुर नल्लेमी गरोत्र, मुराली, तार पाइशो ठेयब, आइकच नु मार मार तापतीक ताप्शो नन्मे चाटीन नेबुकदनेसर आ राप्पाइशो सुन के मूर्ति आ डांडती जात जात डा, रागी रागी डा नु आम आम लोत्र पाइब मुर नल्लेमी सुम्की पा बाप्शा सउ पाम्तकम।

### यहूदी आन कली दोस गेशो

८मिनु मेना कल्दी का निक्शी पिप आ बाक्तीकमी जाक्शा, यहूदी आन पर्वम लोत्र पा मेको आन कली दोस गम्तकम। १मिनु मेकोपुकीमी पिप नेबुकदनेसर कली “पिप, गे गेना हना यो बरोइशा बाक्कीन। १०हनुर, गे डोंइती ‘सुइ सुइमी गरोत्र, मुराली, ठेयब नु आइक्च तार पाइश्शा नु मार मार ताप्तीक ताप्शा नंनीनु, सुन के मूर्ति आ डोंइती सुम्की पा बाप्शा, सउ पचा माल्नीम। दानीएल ६:१३ ११मिनु सु सुमी सुम्की पा सउ मपाइनीमी, मेको ठेयब मी बरतीकमी हुम्चा पुंडसीनीम” दे हुकुम पाइतीनी। १२मिनु इन वोइश्शा बेबीलोन रागी कली सासन पाइब का निक्शी यहूदी बाक्नीमी। मेको आन नें शदरक, मेशक नु अबेद-नेगो बाक्ब। मेकोपुकी इन कली काइ मटीब बाक्नीम। मिनु इन देवी देवता आन कली पूजा मपाइनीम। मिनु इन राप्पाइश्शा सुन के मूर्ति आ डोंइती यो सुम्की पा बाप्शा सउ मपाम” दंतकम। १३मिनु मेको नंशा, पिप नेबुकदनेसर शुश गाइश्शा, चुरशा “शदरक, मेशक नु अबेद-नेगो आन कली आं डोंइती चाक्कीन” दे हुकुम पाप्तु। मिनु मेको आन कली चाक्शा, पिप आ डोंइती राप्पाइक्तेकम। १४मिनु नेबुकदनेसरमी मेको आन कली “शदरक, मेशक, नु अबेद-नेगो, गेपुकीमी आं देवी देवता आन कली सउ मपाइनीनी ? मिनु आं सल्शा सुन के मूर्ति कली यो सउ मपनी देशो लोत्र थमा बाक्बा ? १५ गेपुकीमी मुल गरोत्र, मुराली, ठेयब नु आइक्च तार पाइश्शा नु मार मार ताप्तीक ताप्शा नंनीनु, आं सल्शा मूर्ति आ डोंइती सुम्की पा बाप्शा, सउ पाइतीनी हना, मेको इन कली रिम्शा दुम्ब। तन्न सुम्की पा बाप्शा, सउ मपाइतीनी हना, इन कली ठेयब मी बरतीकमी बो हुम्चा पुंडसीनीनी। मिनु इन कली आं गुइ रे तेको परमपरमुम परांडबाक्म ?” दे माइक्तीमी। परस्थान ५ : २ ; २राजा १८ : ३५ १६मिनु शदरक, मेशक नु अबेद-नेगोमी पिप कली “हनुर, पिप नेबुकदनेसर, गो मेको आ पर्वम इन कली मारइ लोत्र पचा ममाल्नीकी। १७गो आंइ परमपरमु कली ठेयब सल्नीकी। मेकोमी आंइ कली मेको ठेयब मी बरतीकेर परांडने चाप्बा कां, मचाप्बा। तन्न इन गुइ रे परोनल। ब्यवस्था ४ : २० ; मजन संगरह ६६ : १२ १८तन्न आंइ कली मपरांडतु हना यो, हनुर, इन कली एको लोत्र तुइक्पाइक्चा दाक्नीकी गोपुकी इन देवी देवता आन कली सउ

मपाइनीकी। मिनु इन राप्पाइश्शा सुन के मूर्ति आ डोंइती सुम्की पा मबाप्नीकी” दंतकम” दे पिप कली माइक्तेकम। परस्थान २० : ३-५

### दानीएल आ वारच मीम हुम्शो

११मिनु मेको नंशा नेबुकदनेसर शदरक, मेशक नु अबेद-नेगो आन कली तशा, थाम्पान गाइश्शा, आ कुल राव किनपाइक्तु। मिनु मेकोमी “बरशा मी कली डोंइती क्यडा ७ खेयप नाप्शा सल्वा माल्ब” दे हुकुम पाप्तु। २०मिनु मेकोमी आ लडाइ पाइब आन नेल्ल क्यडा बोल्यो मुर आन कली “शदरक, मेशक नु अबेद-नेगो आन कली फरंशा, मेको ठेयब मी बरतीकमी हुम्चा” दे हुकुम पाप्तु। २१मिनु मेकोपुकीमी मेको आन कली आन फक्शो वा नु ताकी सुन्दा फरंशा, ठेयब मी बरतीकमी हुम्ताकम। २२मारदे हना पिपमी “रीब पा पने” दे हुकुम पाप्तु। मिनु मेको मीम शदरक, मेशक नु अबेद-नेगो आन कली हुम्थ लाइक्ब आन कली गुरु दाक्तु। २३मिनु मेको शदरक, मेशक नु अबेद-नेगो सांफा फरंसीशा, ठेयब मी बरतीकमी दाक्तेकम।

### परमपरमु नु मीम काथा बाक्शो

२४मिनु पिप नेबुकदनेसर थाम्पान छ्क लाक्शा, छ्कल बाक्शा, आ अर्ती गेब आन कली “गोपुकीमी मुर सां आन कली फरंशा, मीम हुम्शा मनकी डा ?” दे हिल्लो पाप्तु। मिनु मेकोपुकीमी “हुम्ताक्क, हनुर” देशा, लोत्र लेत्ताकम। २५मिनु पिपमी मेको आन कली “तन्न कोवडीन, मफरंसीशा ४ जना मुर मी बरतीकमी एर आंथ हिरना हिरन बाक्नीम। मीम मेको आन कली मडुप्शा तांडसीनीम। मिनु का आ कुल देवी देवता आस तौ आ कुल खादेशो तांडसाक्ब” दंत। यसैया ४३ : २ २६मिनु पिप नेबुकदनेसर मेको ठेयब मी बरतीके आ लाप्बो आ नेक्था लशा, मेकोमी “शदरक, मेशक नु अबेद-नेगो नेल्ल क्येडा ठेयब परमपरमु आ मुर गरुशा, एक पिन” दे बरत्ताकमी। मिनु शदरक, मेशक नु अबेद-नेगो मेको मी रे गरुत्कम। २७मिनु मेको पारसी रागी डा हुकुम पाइब नेल्ल नु पिप कली अर्ती गेब नेल्ल बुक्शा “मीम एको सां आन कली मारइ मपव। आन चां यो मगरांडेशो बाक्त। मिनु आन वा यो मगरांडेक्थु, मी आ रिना यो मबाक्शो बाक्त” दंतकम। हिबरू ११ : ३३-३४ २८मिनु

नेबुकदनेसरमी “शदरक, मेशक नु अबेद-नेगो आन परमपरभु नेल्ल क्येडा ठेयब बाक्व। मेकोमी आ स्वर्ग डा गेय पाइब सोइश्शा, आ कली थमा सुइक्व आन कली परांडतु। मारद हना मेकोपुकीमी पिप, आं देशो मबित्थु, साइक्वा पुंडसीब दुम्शा यो, आंम परमपरभु कली डा लावशा, अर्को तेकोइ देवी देवता आन डांडती बाप्शा सउ मपाम। दानीएल ६:२३ २९ मोपतीक गो “जात जात डा, रागी रागी डा नु आंम आंम लोत्र पाइब मुर नेल्ल, सु सुमी शदरक, मेशक नु अबेद-नेगो आन परमपरभु आ पर्वम मरिम्शा लोत्र पा शुक्शी पाइनीमी, मेको आन गुइ खोइल खरोइश्शा साइक्वा पुंडसीनीम। मिनु मेको आन सिं यो परेशशा गेचा पुंडसीनीम” दे हुकुम पाइनुड। मारद हना मेको आन परमपरभु का ला बाक्व। देवी देवताम मोदंशो पा परांडने मचाप्नीम” देत। दानीएल २:४७ ३० मिनु पिपमी शदरक, मेशक नु अबेद-नेगो आन कली बबीलोन रागी डा डांडती क्येडा ठेयब मुर सेल्लु।

पिपमी लेंशा डोमु तशो

४ १ मिनु पिप नेबुकदनेसरमी जात जात नु रागी रागी डा आंम आंम लोत्र पाइब नेल्ल आन कली “गे थुं नाइश्शा बाक्कीन। दानीएल ६:२५ २ नेल्ल क्येडा ठेयब परमपरभुमी आं कली चिन्ड नु छुक लाक्वा डा गेय कांडताक्यी। मिनु मेको लोत्र इन कली शंचा रिम्शा लाक्ती। ३ मेको आ कांडशा चिन्ड गिश ठेयब बाक्नीमी। मिनु आ छुक लाक्वा डा गेय गिश सक्ति पाइश्शा बाक्नीमी। आ राज्य गेना हना यो लीब। मिनु आ अधिकार यो गेना हना यो लीब। दानीएल २:४४; दानीएल ४:३१; दानीएल ६:२७; दानीएल ७:१४,२७; भजन संगरह १४५:३३ ४ गो, नेबुकदनेसर, आं सिंमी मारइ मारइमी गाप्शा, आं दरवारमी थुं नाइश्शा बाक्शो नड। ५ मिनु गो आं दरवारम बाक्डानु, डोमु का ताता। मेको तशा, थाम्पा हिंती। आं थुंमी मार मार मिम्शा, मेको कांडतीक तशा, खिरंखिर पाता। ६ मिनु गो बबीलोन रागी डा जोक्व तुइक्व मुर नेल्ल आन कली “आं डोमु रे मार रुम्सीबा”? मेको तुइक्पाइसीचा कली आं बाक्तीकेमी बरेत्ताकडमी। ७ मिनु जादू, मन्तर तन्तर पाइब, सोरुल कोत्रब कल्दी नु चिन्ड आ अर्थ तुइक्व जाक्तेकम। मिनु गो मेको आन कली ‘गो डोमु का ताता’ दे शोत्रता। तन्न मेकोपुकीमी

आं कली आं डोमु रे मार रुम्सीबा, मेको शंने मचबेम। ८ मिनु नेल्ल क्येडा नोले दानीएल आं डांडती जाक्त। मेको आ नें आं देवता आ नें सोदंशो पा बेल्ल-शजर बाक्त। मिनु मेको आ आगाम नेल्ल क्येडा ठेयब देवता आ सोक्त बाक्त। मिनु मेको कली गो डोमु का ताता” दे शोत्रता। दानीएल ५:११,१४ १ मिनु गो मेको कली “बेल्ल-शजर, जादू पाइब आन ठेयब मुर, इ आगाम नेल्ल क्येडा ठेयब देवी देवता आन सोक्त बाक्त। मिनु खरुइश्शा लोत्र मारइ मारइ शंने चाप्ब बाक्नेव। मोपतीक आं तशो डोमु आ कांडतीक देनो। मिनु मेको रे मार रुम्सीबा शंदी” दे माइक्ता।

१० गो इप्शा बाक्डानु, डोमु का ताता। मेको दादंशो बाक्त देशा हना, रागी आ दातेमी सरीड थिचशा थम लाइश्शा रवा का बाक्त। ११ मिनु मेको रवा थम लाइश्शा बाक्त। मेको रवा ठेयब नु बोल्यो दुम्त। आ डरीमी सरीड थिप्तु। मिनु मेको रवा रागी रागी रे तांडसीबाक्त। १२ मेको आ सफा थम दारशा बाक्तेकम। मिनु मेको रवाम शुश फल सिश्शा बाक्त। मिनु मेको रे नेल्लमी जाइबाक्तेकम। मिनु जन्तु मेको रवा आ पुंमी बाक्बाक्तेकम। मिनु चिक्व आ राशीम ग्योत्र सल्बाक्तेकम। मिनु बरांडशा बाक्व नेल्लमी मेकर रे जचा ताइबाक्तेकम। १३ मिनु कांडतीक कोत्रना कोत्रन बाक्डानु, स्वर्ग डा कोत्रब इर रे यिशा ताता। १४ मेकोमी ठेयब शंदा पा “एको रवा कली तिमीन। आ राशी नेल्ल क्योरीन, आ सफा हमीन। मिनु आ फल फरशा गेने। मिनु जन्तु आन कली आ पुं रे परोक्पतीन। मिनु चिक्व आन कली मेको आ राशी रे खरीन। १५ तन्न मेको आ ठुटा नु शाक्श सपीम लीचा माल्नीम। मेको फलाम नु कांसा के पातामी फरंशा, सपीमी लीचा माल्नीम। मिनु नाक्दो यिशा सीतमी जिश्शा बाक्त। मिनु मेको जन्तुपुकी नु बाक्त। जन्तु सोदंशो पा घांसम बाक्वा माल्दल। १६ मेको ७ बर्स मोदंशो दुम्चा माल्ब। मिनु मेको मुर आ थुं फांडसीशा, जन्तु आन थुं सोदंशो दुम्ब। १७ स्वर्ग डा कोत्रबपुकीमी नेल्ल क्येडा ठेयब परमपरभुमी राज्य नेल्ल कली सासन पाइब। मेकोमी आ दाक्शो मुर कली सासन पतीक गेय गेब। मेको नेल्ल क्येडा बरंशो मुर आ गुइमी गेब। मेको मुर नेल्लेमी तुइक्वा माल्नीम” दे लोत्र पाक्तेकम। दानीएल २:२१

### दानीएलमी डोमु आ अर्थ शंशो

१८ मोपा गो पिप, नेबुकदनेसरमी डोमु का ताता। मुल बेल्ल-शजर, गे एको डोमु रे मार रुम्सीबा, मेको शंदी। आं राज्यम बाक्व जाक्व तुइक्व नल्लेमी मेको शंन मचबेम। गे चहिं मेको शंन चापनवे। मारदे हना इ आगाम ठेयब देवता आ सोक्त बाक्व” दे माइक्ता।

१९ मिनु मेको नंशा, बेल्ल-शजर माइश्शो दानीएल आ थुं लुक्व लत। आ मिम्तीकमी मेको कली शुश हिं पाइक्व। मिनु गो, पिपमी मेको कली “बेल्ल-शजर, आं डोमु नु मेको आ रुपतीकमी इ कली हिं पाइक्वा मगेवा” देती। मिनु दानीएलमी “हजुर, आं पिप, एको डोमु इन जोरी सतरु आन कली दुम्त। मिनु मेको आ रुपतीक लोत्र इन जोरी सतरुम राम हना, दुम वा। २० इन डोमुम तशो रवा ठेयब नु बोल्या दुम्शा, आ डरीमी सरीड थिप्टु। मिनु मेको रवा कली रागी रागी रे तांडसीबाक्त। इजीकीएल ३१:३-१४ २१ मेको आ सफा थम दारशो बाक्तेक्म। मेको रवाम शुश फल सिश्शो बाक्त। मिनु मेको रे नल्लेमी जाइबाक्तेक्म। मिनु जन्तुपुकी मेको रवा आ पुंमी बाक्बाक्तेक्म। मिनु चिक्व आ राशीम बास बाक्बाक्तेक्म। २२ हजुर, पिप, गे मेको रवा बाक्नीनी। गे ठेयब नु सक्ति पाइश्शो दुम्तीनी। इन सक्ति बारशा, सरीड सम्म जाक्दीश्शो बाक्त। मिनु इन अधिकार बारशा, रागी नल्ल आन कली हुकुम पाइतीनी। २३ हजुर, पिप, गे स्वर्ग डा कोत्रब यिशा ताइतीनी। मिनु मेकोमी एको रवा कली तिमीन। सतम पोक्कीन। तन्न मेको आ टुटा नु शाक्श खपीम लीचा माल्नीम। मेको फलाम नु कांसा के पातामी फरंशा, खपीमी लीचा माल्नीनी। मिनु नाक्दो यिशा सीतमी जिश्शा बाक्ल। मिनु मेको जन्तुपुकी नु बाक्ल। ७ बर्स मलाक्गा सम्म मोदंशो दुम्चा माल्व” देत। २४ मिनु हजुर, पिप, मेको डोमु डा रुपतीक नु इन पर्वम नल्ल क्येडा ठेयब परमपरभु आ हुकुम मार बाक्त देशा हना, २५ गे मुर आन बाक्तीके रे खरचा पुंडसीनीनी। मिनु गे जन्तुपुकी नु बाक्नीनी। बी ब्यफोमी सोदंशो पा घांस ब्वाइनीनी। मिनु नाक्दो डा सीतम जिल्लीनी। मिनु ७ बर्स सम्म मोदंशो दुम्नीनी। नल्ल क्येडा ठेयब परमपरभुमी मुर आन राज्यम सासन पाइब। मिनु परमपरभुमी मेको राज्य आ दाक्शो मुर आ गुइमी गेब, दे इन कली तुइक्वपाइक्वा कली मोदंशो पाप्टु। २६ मिनु रवा

आ टुटा नु शाक्श खप उइ परांडचा देशो हुकुम दुम्त। मिनु मेको रे मार रुम्सीब देशा हना, स्वर्ग डा परमपरभु नल्ल आन कली सासन पाइब बाक्व, दे रुम्नी नोले इन राज्य लंशा ताइनीनी। २७ हजुर पिप, मोपतीक आं गेशो अर्ती इन कली दुम्त। इन पाप कली ठीक पतीकमी क्याम्दीन। मिनु इन मरिम्शा पशो, श्यत जाइब आन कली शिशी पतीकमी क्याम्दीन। मो पाइतीनी हना, इन रिम्शो बाक्तीक शुश नाक्त सम्म लीब” देत। हितापदेस १९:३७; मती ५:७

### पिप आ डोमु गाप्शो

२८ मिनु पिप नेबुकदनेसरमी दोदंशो डोमु तवा, मोदंशोन दुम्त। २९ मिनु १२ महिना नोले मेको पिप बेबीलोन आ दरवार आ कौसीमी हिरना हिरन बाक्शा, ३० मेकोमी “मार, एको बेबीलोन थम रिम्शो मबाक्वा डा? गो एको आं ठेयब सक्तिमी आं शुश शांप वोइश्शा, बाक्वा कली सेल्ला” देत। हितापदेस १६:१८ ३१ मिनु पिपमी मेको लोत्र देमनु, स्वर्ग रे संदा कामी “पिप नेबुकदनेसर इ कली मार लोत्र देशो बाक्त देशा हना, एको राज्य इ गुइ रे रोइक्ने थुम्शो बाक्व। ३२ गे मुर आन बाक्तीक रे खरचा पुंडसीनेवे। मिनु गे जन्तुपुकी नु बाक्नेवे। बी ब्यफोमी सोदंशो पा घांस ब्वाइनेवे। मिनु नाक्दो डा सीतम जिल्लेवे। मिनु ७ बर्स सम्म मोदंशो दुम्नेवे। नल्ल क्येडा ठेयब परमपरभुमी मुर आन राज्य कली सासन पाइब। मिनु परमपरभुमी मेको राज्य आ दाक्शो मुर आ गुइमी गेब, दे इन कली तुइक्वपाइक्वा कली मोदंशो पाइब” देत। दानीएल ५:२१ ३३ मिनु मेको लोत्र पशो नना चोटीन नेबुकदनेसर थमा पा मोदंशो दुम्त। मेको मुर आन दाते रे खरचा पुंडसाक्व। मिनु बी ब्यफाम सोदंशो पा घांस ब्वाचा गोप्टु। मिनु मेको आ रां नाक्दो डा सीतमी जित्त। मिनु मेको आ चां ककाकुली आ ओफला सोदंशो पा लाइश्शो नु आ गेय चिक्व आ नडग्रा सोदंशो दुम्त।

### पिपमी परमपरभु कली मान पशो

३४ मिनु पिपमी “मेको देशो नल्ल जाक्दीम नोले, गो आं पिया पोक्शा सरीड गे कोत्रता। मिनु आं निप्स लंशा रिम्शो दुम्त। मिनु गो नल्ल क्येडा ठेयब नु गेना हना यो बरांडशा बाक्व परमपरभु कली ठेयब सेल्ला, मान पाता। मेको आ सासन पतीक गेना हना यो लीब। मेको आ राज्य पाला पाला सम्म लीब। दानीएल ३:३३

३५ रागी डा मुरपुकी नेल्ल मेको आ डोंइती मारेइ मबाकनीम। मकोमी स्वर्ग डा गेय पाइब नु रागी डा मुर आन कली मार पचा दाक्वा, मेकोन पने चाप्व। सुइमी मेको कली तेकने मचापनीम। मिनु सुइमी गे मार पनी? दने मचापनीम। यसेया ४०:१७; अय्युब ९:१२ ३६मेना आं निप्स लेशा रिम्शो दुम्त। मिनु आं राज्य डा छेडछेड आं कली लेचाकयी। आं कली अर्ती गेब नु आं ठेयब गेय पाइबपुकी आं कली गरुम्थ जाक्तेकम। मिनु गो लेशा पिप दुम्ती। मिनु गो डोंइती क्येडा शुश सक्ति नु मान ताता। ३७मुल गो, नेबुकदनेसरमी 'स्वर्ग डा पिप ठेयब बाक्व' दे मान पाइनुड। मारदे हना आ पशो नेल्ल थमा बाक्व। आ पतीके नेल्ल ठीक बाक्नीम। मेकोमी ठेयब लेशो मुर आन कली बरम्शो सेल्ने चाप्व" दे पिपमी दंत। लूका १:२१; लूका १८:१४

पिप बेल-शजर आ भोज

१ मिनु पिप बेल-शजरमी आ राज्य डा ठेयब अधिकार ताइब हजार का मुर आन कली भोज का सेल्लु। मिनु मेकोमी मेको आन डोंइती अडगुर शांबु त्तु। २ मिनु मेको पिप शांबुमी दुक्शा "आं आफ नेबुकदनेसरमी यरूसलेम सहर डा परमपरमु आ खिं रे चाक्शा सुन नु चांदी के बासपुकी एक चाक्कीन। गो, आं राज्य डा ठेयब अधिकार ताइबपुकी, आं ग्युंब पशो मीशपुकी नु आं अरु चाक्शा मीशपुकी गारशा, मेको बासम तूनीकी" दंत। दानीएल १:२; २इतिहास ३६:१०; एजरा १:७-११ ३ मिनु परमपरमु आ खिं यरूसलेम रे चाक्शा सुन नु चांदी के बासपुकी मेकर चाक्तेकम। मिनु पिप, आ राज्य डा ठेयब अधिकार ताइबपुकी, आ ग्युंब पशो मीशपुकी नु आं अरु चाक्शा मीशपुकी गारशा, मेको बासम तूतेकम। ४ मिनु मेकोपुकीमी अडगुर शांबु तूशा, सुन, चांदी, कांसा, फलाम, शी नु फुल्लु के सेल्शो देवी देवता आन कली सेउ पाम्तेकम।

५ मिनु मेना मुर आ गुइ का फोगरुशा, बती आ नेक्था दरवार डा सिन्शो गारोमी बरक्ताक्व। मिनु पिपमी मेको गुइमी बरक्ना बरक्न पशो ताप्तु। ६ मिनु मेको तशा, पिप आ कुल लल गिग दुम्शा, शुश हिंत। आ खोइल खिरखिर पा आ पोक्च थाक्सीशा, खोइल ललाक लुलुक दुम्त। ७ मिनु पिपमी "बेबीलोन रागी डा मन्तर तन्तर पाइब, सोरुल कोत्रब कल्दी नु चिन्ड आ अर्थ जोक्व चाक्कीन" दे हुकुम पाप्तु। मिनु पिपमी मेको बेबीलोन रागी डा जोक्व तुइक्व

आन कली "सुमी एको बरक्शा पदशा, आं अर्थ आं कली शंने चाप्व, मेको प्याजी रड डा वा फेक्पाइशशा, सुन के माला रेल्ला पुंडसीब। मिनु गो नु आं राज्य डा ठेयब गेय पाइब आ नोले डा हुकुम पाइब सेल्लुड" दंत। ८ मिनु पिप आ जोक्व तुइक्व मुर नेल्ल दरवारम जाक्तेकम। तन्न मेकोपुकीमी मेको बरक्स पदने मचबम। मिनु मार रुम्सीबा, मेको यो दने मचबम। ९ मिनु पिप बेल-शजर शुश हिंशा, आ कुल लल गिगी जीत। मिनु आ राज्य डा ठेयब अधिकार ताइबपुकी मार पचा ना, मार पचा दुम्तेकम। १० मिनु पिपमीमी पिप नु आ राज्य डा ठेयब अधिकार ताइबपुकी लोत्र पशो नेशा, भोज जतीक कोठामी ओवत। मिनु मेकोमी "पिप, गे मेना हना यो बरांइशा बाक्कीन। गे हिंशा इन थुं ग्येत्थ लुक्च मपन। इन कुल लल गिगी मडुम्पतीन। ११ इन राज्यमी ठेयब देवता आन सोक्त पाइशशा मुर का बाक्व। इन आफ आ पालामी मेको नु देवी देवता के सोदंशा पा सोक्त आ मिम्शो रुप्तीक तुइक्तीक नु जोक्व तुइक्व थुं बाक्त। मोपतीक इन आफ पिप नेबुकदनेसर मी मेको कली जादू, मन्तर तन्तर पाइब, सोरुल कोत्रब कल्दी नु चिन्ड आ अर्थ जोक्व आन ठेयब मुर सेल्शो बाक्त। दानीएल ४:५; दानीएल २:४८ १२ मिनु पिपमी मेको कली बेल-शजर, दे नो वीडशशा बाक्त। मारदे हना मेको बेल-शजर माइशशा दानीएल तुइक्तीक नु डोमु आ अर्थ शंतीक, खरुइशशा लोत्र तुइक्व नु मारइ मारइ ठेयब श्यत रे गरुंइने चाप्व बाक्व। मिनु मुल मेको दानीएल कली बरथ सोइक्तीन। मिनु मेकोमी मेको बरक्स पदशा, रुप्याइक्न चाप्व" दंत। दानीएल १:१७

१३ मिनु नोले दानीएल कली पिप आ डोंइती चाक्तेकम। मिनु पिपमी दानीएल कली "गे दानीएल नवे? आं आफोमी इ कली चाक्डे? गे यहूदा रागी रे ग्याइशशा चाक्का पुंडसीशो नवे? १४ गो इ आगाम ठेयब देवता आन मिम्शो तुइक्तीक, रुप्तीक नु शुश जोक्व तुइक्व थुं बाक्व, दंशो लोत्र नंता। १५ गो एको बरक्स पदशा मार रुम्सीबा, आं कली दंमल, दे शुश जोक्व तुइक्व नु मन्तर तन्तर पाइब आन कली एक चाक्पाइक्ता, तन्न मेकोपुकीमी एको बरक्स आ अर्थ शंने मचबम। १६ मिनु गे एको चिन्ड आ अर्थ मार रुम्सीबा, दे शंने चाप्व नु मारइ मारइ श्यत रे गरुंइने चाप्व बाक्नेवे, दंशो लोत्र नंता। मिनु मुल एको बरक्स पदशा, मार रुम्सीबा मेको आं कली शंने चाप्वीवी हना, गे प्याजी रड डा वा

फेकपाइश्शा, सुन के माला रेल्वा पुंडसीनेवे। मिनु गे आं राज्य डा आं क्येडा नु आं ठेयब गेय पाइब आ नोले डा ठेयब हुकुम पाइब दुम्नेवे” दंत।

### बरेक्स आ अर्थ शेंशो

१७ मिनु दानीएलमी पिप कली “इन कोसली आमान वॉइसीन। मिनु अरु सुइ आन कली गेने। तन्न गो एको बरेक्स पदेशा, मार रुम्सीबा इन कली शंनन्नी। १६ हजुर, नेल्ल क्येडा ठेयब परमपरभुमी इन आफ पिप नेबुकदनेसर कली राज्य, ठेयब दुम्तीके, मान ततीके नु शुश शॉप गेशो बाक्त। दानीएल २:३७ १९ मोपा परमपरभुमी मेको कली ठेयब दुम्तीके गेतीके जात जात नु रागी रागी डा आंम आंम लोत्र पाइब मुर नेल्ल मेको क्येडा हिंशा, खिरंखिर पांमतेकम। मिनु मेकोमी सु कली साइक्चा दाक्ता, मेको कली साइक्चु। सु कली बरॉइचा गेचा दाक्ता, मेको कली बरॉइचा गेपु। मिनु मान बारपाइक्चा दाक्शो कली मान बारपाइक्चु। सु कली दिप्चा दाक्ता, मेको कली दिप्चु। २० तन्न मेको ठेयब लेतीके नु आ थुं खकटा दुम्पाइक्तीके पिप आ नित्तीके रे खरचा नु आ छेडछेड रोइक्चा पुंडसाक्व। २१ मिनु मुर आन बाक्तीके रे खरचा पुंडसीशा, आ थुं जन्तु आन थुं खॉदेशो दुम्त। मेको ब्याकी डा गधा नु बाक्शा, ब्यफोम खॉदेशो पा घांस ब्यशो बाक्त। मिनु मेको नाक्दो डा सीतमी जित्त। नेल्ल क्येडा ठेयब परमपरभु मुर आन राज्य कली सासन पाइब बाक्ब नु मेको राज्य आ दाक्शो मुर आन गुइमी गेब, दे तुइक्पाइक्चा कली मोदेशो दुम्शा बाक्त। दानीएल ४:२९ २२ मिनु गे, मेको आ तौ, बेल-शजरमी, मेको लोत्र नेल्ल तुइश्शा यो, इन थुं मबरेम्पाइक्नी। २३ गो स्वर्ग डा परमपरभु क्येडा ठेयब नड’ दे आंम कली ठेयब सेल्लतीनी। मिनु गे परमपरभु आ खिं डा बोसपुकी चाक्पाइश्शा, गे नु इन राज्यम अधिकार ताइब, इन ग्युंवे पशो मोशपुकी नु इन अरु चाक्शो मोशपुकीमी मेको बोसम अडगुर शांबु तूतीनी। मिनु सुन, चांदी, कांसा, फलाम, शी नु फुल्लु के सेल्लो मिक्च मताइब, मनंब, मरुब्य देवी देवता आन कली सेज पाइतीनी। तन्न इन कली बरॉइतीके सोक्त गेब नु इन लां कांइब परमपरभु कली मान मपनी। २४ मोपतीके मेकोमी मेको गुइ सोइश्शा, मेको बरेक्स बरेक्पाइक्चु। २५ मिनु मेको बरेक्शो मार बाक्ब देशा हना

‘मेने मेने टेकेल परेस’ दे बरेक्शो बाक्ब। यसेया ४७:११ २६ मेको आ अर्थ मार बाक्ब देशा हना, मेने आ अर्थ ‘परमपरभुमी इन सासन पतीके नाक्त हिक्शा, थुम्तु’ देशो बाक्ब। २७ टेकेल आ अर्थ ‘गे नाक्तीकेम नाक्चा पुंडसीशा, सोपी दुम्तीनी’ देशो बाक्ब। २८ परेस आ अर्थ, इन राज्य निकशी दुम्शा, मादी नु पारसी आन कली गेशो बाक्ब, देशो रुम्सीब। मेको आ अर्थ एको बाक्ब” दे दानीएलमी दंत। २९ मिनु पिप बेल-शजरमी “दानीएल कली प्याजी वा फेक्तीन। सुन के माला रेल्लेन। मिनु मुर नेल्ल आन कली ‘मेको राज्य डा पिप, आं क्येडा नु आं ठेयब गेय पाइब क्येडा नोले डा हुकुम पाइब बाक्ब’ दे मुर नेल्ल आन कली शंदीन” दंत। दानीएल २:२८ ; उत्पत्ती ४१:४२-४३

३० मिनु मेको नाक्दोन कल्दी आन पिप बेल-शजर साइक्चा पुंडसाक्व। ३१ मिनु मादी रागी डा पिप दारामी राज्य तापु। मेना पिप दारा ६२ बर्स दुम्शा बाक्माक्त। दानीएल ९:१ ; यसेया १३:१७

### दानीएल रिम्शो पाइब दुम्शो

१ पिप दारामी आ राज्य कली सहे का २०  
**६** जना हुकुम पाइब मुर वॉइश्शा बाक्त। मेको पारसी रागीमी बराशा बाक्शो बाक्तेकम। दानीएल ५:१२ २ मिनु पिप दाराम मारंड मजाम्त, दे मेको नेल्ल आन कली ठेयब कोत्रब मुर सां वॉइश्शा बाक्त। मिनु मेको सां आन दातेमी का दानीएल बाक्त। मेको हुकुम पाइबपुकीमी ठेयब कोत्रब मुर सां आन कली रागीम मार दुम्म, मेको शोत्रचा माल्थो बाक्तेकम। ३ मिनु दानीएल अरु ठेयब कोत्रब मुर नु पारसी रागी डा सहे का २० जना हुकुम पाइब नेल्ल आन दातेमी नेल्ल आन क्येडा निप्स पाइश्शा नु रिम्शो थुं पाइश्शा बाक्त। मोपतीके पिपमी “गो मेको कली रागी नेल्ल कली हुकुम पाइब सेल्लुड” दे मिम्ता बाक्त। ४ मिनु मेको ठेयब कोत्रब मुर नु सहे का २० जना पारसी रागी कली हुकुम पाइबपुकीमी गेह पा दानीएल कली दोस गेचा, दे क्यारी पचा गोत्रमे बाक्त। तन्न मरिम्शो नु दोस गेतीके मारंड मथिदमे बाक्त। मारदे हना दानीएल रिम्शो, मारंड दोस मपाइश्शा गेय पाइब मुर बाक्त। ५ मिनु मेकोपुकीमी “दानीएल कली आ परमपरभु आ अरेशो लोत्र थमा सुइक्तीके क्येडा लाक्शा, अरु मारंडमी यो दोस गेने मचापन्य” देमुमा

बाक्त । ६ मिनु मेको ठेयब कोत्रब निक्शी नु पारसी रागी कली हुकुम पाइब नेल्ल लोत्रसी पा गारशा, पिप आ दरवारमी जाक्शा पिप कली “हजुर, पिप दारा, गे गेना हना यो बरांडशा बाक्कीन । ७ गो इन राज्य डा ठेयब कोत्रब, आइक्च नु ठेयब हुकुम पाइब, अर्ती गेब नु इन रागी डा ठेयब मुर नेल्ल नु गारशा, गे पिपमी, कानुन का सल्ला माल्नीनी । मार कानुन सल्ला माल्नीनी देशा हना, मुल ३० नाक्त सम्म इन क्येडा लाक्शा, सुइ मुरपुकीम आंम देवी देवता नु मुर आन कली मारइ पुंडेन मचान्नीम । इन क्येडा लाक्शा अरु सुइ कली पुंडेक्क हना, मेको मुर गुप्स वोइक्तीकेमी ताइक्का पुंडेसीब, दे बरक्शा छाप थोक्शा वोतीन । ८ हजुर पिप, मोपा कानुन का सेलीन । मिनु छाप थोक्तीन । मादी नु पारसी आन कानुन मफांडसीब” देमा बाक्त । एस्तर १:१९ ; एस्तर ८:८ १ मिनु पिप दारामी मेको कानुन बरक्का छाप थोक्शा गरुंडताक्व ।

दानीएल ग्याइक्का पुंडेसीशो

१० मिनु दानीएलमी पिप दारामी मोपा बरक्का छाप थोक्शा गरुंडशा तुइइशा, यरूसलेम गे कोत्रशा सल्ला सिं आ तला तारी लशा, पोक्च थक्शा आ परमपरभु कली परार्थना पाप्तु । मोपा नाक्त कित कित सां खेयप पार्थना पाप्तु । मिनु डांडती खोदेशो पा परमपरभु कली ठेयब सल्ला । ११ राजा ८:४८ ११ मिनु दानीएल कली गेहे पाइबपुकी मेकर जाक्शा, दानीएलमी परार्थना पा आ परमपरभु कली ठेयब सल्ला पुंडेशा थित्तेक्म । १२ मिनु नोले मेकोपुकी पिप आ दरवार लशा, मेको बरक्शा कानुन आ पर्वम “हजुर पिप, गे ३० नाक्त सम्म सुइमी इन क्येडा लाक्शा, अरु देवी देवता नु मुर आन कली मारइ यो मपुंडेका, मो पाप्तेक्म हना, मेको आन कली गुप्स वोइक्तीकेमी पिक्का, दे कानुन सेल्ली ममाइ ?” देतेक्म । मिनु पिपमी “एको लोत्र थमा बाक्ब । मादी नु पारसी आन कानुन गेनायो मफांडसीब” दे लोत्र पाप्तु । दानीएल ३:१० १३ मिनु मेकोपुकीमी पिप कली “आ रागी रे ग्याइइशा चाक्का पुंडेसीशो यहूदी दानीएलमी इन लोत्र लाक्शा, इन गरुंडशा कानुन मटीव । मेकोमी नाक्त कित कित खेयप सां परार्थना पा पुंडेब” देतेक्म । १४ मिनु पिपमी मेको लोत्र नंशा, आ थुं शुश लुक्च लत । मिनु दानीएल कली “दोपा परांडनुडा ?” दे नां मलाक्का सम्म शुश मिम्शा बाक्माक्त । १५ मेको दानीएल कली

गेहे पाइबपुकी पिप आ डांडती जाक्शा “हजुर पिप, मादी नु पारसी आन पिपमी हुकुम पशा नु छाप थोक्शा कानुन मफांडसीब, दे एको लोत्र तुइक्कीनी” देतेक्म ।

दानीएल कली गुप्स खोरम तोक्शा

१६ मिनु नोले पिपमी “दानीएल कली चाक्कीन । मिनु गुप्स आन कली वोइक्तीकेमी तोक्कीन” दे हुकुम पाप्तु । मिनु मेकोपुकीम दानीएल कली गुप्स आन बाक्तीकेम तोक्तेक्म । मिनु पिपमी दानीएल कली “इ मपरांडेथु, ठेयब सल्ला परमपरभुमी इ कली परानल” देत । दानीएल ३:१२ १७ मिनु नोले गेय पाइबपुकीमी फुल्लु का चाक्शा, मेको गुप्स बाक्तीक आ ओवतीक चोक्तेक्म । सुइमी दानीएल कली मारइ पने मचामेकल, दे पिपमी आ छाप पाइइशा ओठीम थोक्शा, आ राज्य डा ठेयब अधिकार ताइब आन छाप यो थोक्पाइक्तु । १८ मिनु पिप आ दरवारम लेइशा लशा, मेको नाक्को माइजा बाक्शा, मारइ जका थोत्रक आ बाक्तीकेम मचाक्पद । मिनु मइथु, नां सांडताक्व ।

परमपरभुम दानीएल कली परांडशा

१९ मिनु पिप नां मसोथु, सुनी कना बोक्शा, मेको गुप्स आन कली वोइक्तीकेम दोरशा लत । २० मिनु गुप्स आन बाक्तीक आ नेक्था जाक्दीइशा, शुश हिंशा दानीएल कली “दानीएल, बरांडशा बाक्ब परमपरभु आ गेय पाइब, इ गेना हना यो ठेयब सल्ला सेल्ल बाक्शा परमपरभुमी इ कली गुप्स रे पराना ?” दे हिल्लो पा बरक्ताक्व । दानीएल ३:१७ २१ मिनु दानीएलमी पिप कली “हजुर पिप, गे गेना हना यो बरांडशा बाक्कीन । २२ आं परमपरभुमी आ स्वर्ग डा गेय पाइब सोइइशा, आं कली मारइ मपाइक्पाइक्का कली गुप्स आन शोत्र चोक्पाइक्तु । मारदे हना आं दोस मबा । हजुर पिप, इन डांडती यो मारइ मरिम्शो मपड” देत । दानीएल ३:२८ ; भजन संगरह २२:२२ ; हिवरू ११:३३ २३ मिनु पिप थाम्पा ग्येरसीशा “दानीएल कली गुप्स वोइक्तीके रे गरुंडदीन” दे हुकुम पाप्तु । मिनु दानीएल कली कीशा गरुंडताक्म । मिनु मेको मारइ मडुम्शो बाक्त । मारदे हना मेकोमी आ परमपरभु कली थमा सुइइशा बाक्त । २४ मिनु पिपमी “दानीएल कली दोस गेब, आन मीश नु आन तमी ती नेल्ल आन कली गुप्स वोइक्तीकेमी तोक्कीन” दे हुकुम

पाप्तु। मिनु मेको आन कली मेकेर तोक्तेकम। मिनु मेकोपुकी गुप्स आन बाक्तीक मजावदीत्यु, गुप्सपुकी परक्शा गराग्शा मेको आन रुश का यो मवोइक्थु नक्तेकम।

पिपम परमपरभु कली मान पशो

२५ मिनु नोले पिप दारामी जात जात नु रागी रागी डा आंम आंम लोत्र पाइब नेल्ल आन कली “ग थुं नाइग्शा बाक्कीन। दानीएल ४ :१ २६ आं राज्य डा मुर नेल्लेमी दानीएल आ परमपरभु कली मान पा हिंचा माल्नीम। मारदे हना मेको गेना हना यो बरांइशा बाक्ब परमपरभु बाक्ब। मेको आ राज्य गेना हना यो लीब। मिनु आ अधिकार गेनायो मनुष्व। २७ मेकोमी आ मुर आन कली परांइशा, श्यत रे गरंडेन चाप्ब। मेको सरीड नु रागीमी चिन्ड नु छक लाक्चा डा गेय पाइब बाक्ब। मेकोमी दानीएल कली गुप्स आन सक्ति रे परांइतु” दे हुकुम पा बरक्ताक्ब। २८ मिनु दानीएल पिप दारा नु पारसी आन पिप कोरस आस पालामी शुश मान तशा, सक्ति पाइग्शा दुम्त।

दानीएलमी कांइतीके तशो

दानीएल २ :-

१ मिनु बेबीलोन डा बल-शजर पिप दुग्शा  
७ कांइती डा बर्समी दानीएल इम्मनु, डोमु पा, कांइतीक का ताप्तु। मिनु मेकोमी आ तशो डोमु बरक्ताक्ब। दानीएल ५ :१ २ मिनु दानीएलमी गो, दानीएल, इग्शा डोमु पा, कांइतीक का ताता, सरीड पूर्ब, पच्छिम, उत्तर, दक्खिन रे फश पा ठेयब समुन्दर कली छाल पोक्पाइग्शा ताता। ३ मिनु समुन्दर रे ४ ओटा ठेयब जन्तु गस्तेकम। मेको दोदेशो तांइसाक्म देशा हना, परकाश १३ :१-२ ४ मेको कांइती डा जन्तु गुप्स सोदेशो बाक्शा, ककाकुली आ फरां सोदेशो फरां पाइग्शा बाक्त। मिनु गो कोत्रशा बाक्डानु, मेको आ फरां तुल्वा पुंडसाक्ब। मिनु मेको खप रे बोक्पाइग्शा, मुर सोदेशो पा आ सोइल निक्शीमी राप्पाइक्चा पुंडसाक्ब। मिनु मेकोमी मुर आ थुं ताप्तु। ५ मिनु मेको आ नोले अर्का जन्तु का गस्त। मेको वां सोदेशो बाक्त। मेकोमी का पटटी रे बोक्शा, जेरी सां आ शोत्रम काम्शा बाक्त। मिनु मेको कली “बोक्को, श्य शुश ब्यावो” देशो नंता। ६ मिनु गो कोत्रशा बाक्डानु, नोले अर्का जन्तु का गस्त। मेको जोइ सोदेशो बाक्त। मेको आ चीमी ४ ओटा चिक्ब आ फरां सोदेशो फरां बाक्तेकम। मिनु मेको क ४

ओटा पिया बाक्तेकम। मिनु मेकोमी सासन पतीक अधिकार ताप्तु। ७ मिनु नोले गो नाक्दो डा कांइतीकमी नेल्ल क्येडा नोले डा जन्तु गरुशो ताता। मेको शुश हिंचा डा, अर्का आन क्येडा बोल्थो बाक्त। मेको क फलाम के ठेयब खरुड बाक्तेकम। मिनु श्य ब्यना ब्यन बाक्शा, लीशो श्य आ खोइलीमी दिम्ताक्ब। मेको कांइती डा जन्तु आन सोदेशो मबा। मारदे हना मेको क १० ओटा गरोत्र बाक्तेकम। ८ मिनु गो मेको गरोत्र आन कली रिग्शा पा कोत्रडनु, मेको आन दातेमी अर्का आइक्च गरोत्र का गरुशो ताता। मेको आइक्च गरोत्र कली बाक्तीक गचा कली कांइती डा गरोत्र सां आन शाक्श सुन्दा एत्तेकम। मेको नक गरुशो गरोत्रमी मिक्च बाक्तेकम। मेको मुर आ मिक्च सोदेशो बाक्तेकम। मिनु मेको के ठेयब लेग्शा लोत्र पाइब शोत्र का बाक्त। दानीएल ११ :३६ १ मिनु गो कोत्रना कोत्रन बाक्डानु, पिप आन शुश नितीक वोइग्शा ताता। मिनु मेको शुश बर्स दुग्शा का ठेयब नितीकमी निस्साक्ब। मेको आ वा फुं सोदेशो बुश बाक्त। मिनु आ पिया डा चां रिग्शा ऊन सोदेशो पा बुश बाक्त। मिनु मेको आ ठेयब नितीके ठेयब बरशा मी सोदेशो बाक्त। मेको ठेयब नितीक आ गुगीलपुकी बाक्तेकम। मेको के यो थम ठेयब मी सोदेशो बाक्तेकम। इजीकीएल १ :२६ ; परकाश ४ :२ ; भजन संगरह ९० :२ १० मिनु मेको शुश बर्स दुग्शा का आ कांइती रे मी क खोला सोदेशो पा गस्त। मिनु हजार हजार आ स्वर्ग डा गेय पाइबमी मेको कली गेय पास्तेकम। मिनु १०, १० हजार मेको आ कांइती बाक्तेकम। मिनु मेको निसाफ पचा कली निस्साक्म। मिनु किताबपुकी पराक्शा वोइक्तेकम। परकाश ५ :११ ; भजन संगरह ६९ :२९ ; परकाश २० :१२ ११ मिनु गो मेको ठेयब लेग्शा लोत्र पाइब गरोत्र कली कोत्रना कोत्रन बाक्ती। मिनु गो कोत्रना कोत्रन बाक्डानु, मेको जन्तु कली साइक्तेकम। मिनु मेको आ रो खतम सेल्शा, ठेयब मीमी हुम्ताक्म। परकाश ११ :२० १२ मिनु लीशो जन्तु आन सासन पतीक अधिकार रोइक्चा पुंडसाक्म। तन्न मेको आन कली इक्का नोले सम्म बरांइचा गस्तेकम। दानीएल २ :२१ १३ मिनु नोले गो नाक्दो डा कांइतीकमी मुर सोदेशो का ताता। मेको गोस्सुम गिल्सीशा पिना पिन पशो ताता। मिनु मेको कली शुश बर्स दुग्शा का आ कांइती राप्पाइग्शा ताता। लुका २१ :२७ ; परकाश १ :१३ ; परकाश १४ :१४ १४ मिनु मेको कली सासन पतीक

अधिकार, मान ततीक नु पिप सल्ला राज्य गेशो ताता। मिनु जात जात नु रागी रागी डा आंम आंम लोत्र पाइब मुर नेल्लेमी मेको कली गेय पशो ताता। आ सासन पतीके अधिकार गेना हना यो लीबाक्त। आ पिप दुम्शो राज्य गेनायो खतम मदुम्बाक्त।

१५ मिनु गो, दानीएल, मेको कांडतीके तशा, आं थुं लुकच लत। मिनु गो हिंती।

१६ मिनु गो मेकर राप्शा बाक्ब का कली “एको लोत्र रे मार रुस्सीबा?” दे हिल्लो पाता। मिनु मेकोमी “गो इ कली नेल्ल रुप्पाइकनुड। १७ मेको ४ ओटा ठेयब जन्तु रागी डा ४ जना पिप बाक्नीम। १८ तन्न मेको नेल्ल क्येडा ठेयब आ मुरपुकीम मेको राज्य ताक्शा, गेनायो मनुप्वा डा पा, गेना हना यो सासन पाइनीम” दंत।

१९ मिनु गो मेको नेल्ल आन क्येडा नोले डा जन्तु रे मार रुस्सीबा, दे रुप्वा थुं पाता। मेको अरु जन्तु खोदेशो मबा। मेको थम हिंचा डा बाक्त। मेको आ खरुइ फलाम के नु नडगरा कांसा के बाक्तेकम। मेकोमी मारइ मारइ ब्यशा नाक्शा, लीशो श्य चहिं आ सोइलीम दिम्ताक्व। दानीएल ७ :७ २० मिनु मेको आ पियामी बाक्शो १० ओटा गरोत्र नु अर्का गरोत्र का आ पर्वम रुप्वा थुं पाता। मेको गरोत्र का गरुमेनु, डांडती डा गरोत्र सां एत्तेकम। मेको गरुशो गरोत्र के मिक्च नु ठेयब लेशो लोत्र पतीक शोत्र बाक्त। मिनु मेको अरु गरोत्र आन क्येडा ठेयब बाक्त। मेको आ पर्वम यो रुप्वा थुं पाता। २१ मिनु गो कोव्रना कोव्रन बाक्डानु, मेको गरोत्रमी नेल्ल क्येडा ठेयब आ मुर नु लडाइ पा गरात। परकाश १३ :७ २२ मिनु मेको शुश बर्स दुम्शो का मजाकम सम्म लडाइ गराना गरान बाक्त। मिनु नेल्ल क्येडा ठेयबमी आ मुर आन कली निसाफ पतीक अधिकार गप्तु। मेना नेल्ल क्येडा ठेयब आ मुरुम मेको राज्य आंम के सल्लेकम। २३ मिनु आं कली रुप्पाइक्बमी नेल्ल आन क्येडा नोले डा जन्तु “रागीमी मेको नेल्ल आन क्येडा नोले डा जन्तु राज्य का बाक्ब। मेको अरु राज्य खोदेशो मबाक्ब। मिनु मेकोमी रागी नेल्ल आन कली गरु दाक्ब। आ सोइलीमी दिम्शा नेल्ल आन कली रोबल चिबल पोक्ब। २४ मिनु मेको १० ओटा गरोत्र आ अर्थ मार बाक्ब देशा हना, मेको राज्य रे १० जना पिप गरुनीम। मिनु मेको आन नोले अर्का पिप का गरुब। मेको डांडती डा पिप खोदेशो मदुम्ब। मिनु मेकोमी पिप सां आन कली फरुइक्ब। परकाश १७ :१२ २५ मिनु

मेकोमी नेल्ल क्येडा ठेयब आ पर्वम मरिम्शो लोत्र पा, नेल्ल क्येडा ठेयब आ मुर आन कली यो खतम सल्ल। मिनु मेकोमी परमपरभु आ देशो चाड नु आ अरेशो लोत्र कली फाइक्वा दाक्ब। मिनु परमपरभु आ मुर आन पाला का, पाला निक्शी नु आधा पाला मेको आ अधिकारमी गचा पुंडसीनीमी। परकाश १३ :५-६ ; दानीएल १२ :७ २६ मिनु नोले निसाफ पची ना जाक्ब। मेको आ सासन पतीक अधिकार लेशा गेनायो मतचा डा पा आ गुइ रे रोइक्नीम। मिनु मेको कली साइशशा खतम पोक्नीम। २७ मिनु राज्य, सासन पतीक अधिकार नु राज्य नेल्ल आन ठेयब दुम्तीके नेल्ल क्येडा ठेयब आ मुर आन कली गचा पुंडसीनीम। मेको आन राज्य गेना हना यो लीब राज्य दुम्ब। मिनु सक्ति पाइशशो नेल्लेमी मेको आगेय पा, मेको कली टीनीम” दंत। २८ मेको आं डोमु तशो आ लोत्र बाक्ब। गो दानीएल, एको मिम्शा थाम्पा हिंती। मिनु आं कुल क्येर दुम्त। मिनु गो एको लोत्र नेल्ल आं थुंम वोइक्ता। दानीएल ८ :१८ ; दानीएल १० :८,१६-१८

#### सांड नु बोका कांडशो

१ मिनु बेल-शजर पिप दुम्शो बर्स सां ८ जाक्दीमेनु, गो, दानीएलमी लेशा कांडतीके ताता। दानीएल ७ :१ २ मिनु मेको कांडतीकेमी गो एलाम रागी डा सुसा माइशशो ठेयब सहर डा उलाइ खोला आ नेक्था बाक्शो बाक्ती। ३ मिनु गो कोव्रशा बाक्डानु, गरोत्र निक्शी पाइशशो सांड का ताता। मेको आ गरोत्र निम्फा दुइशशो बाक्ताक्स। का चहिं अर्का क्येडा दुइशशो बाक्त। मेको दुइशशो गरोत्र नोले गरुशो बाक्त। ४ मिनु गो मेको सांडम पच्छिम, उत्तर नु दक्खिन ग खरुना खरुन पशो ताता। अरु जन्तु नेल्ल मेको आ डांडती राप्ने मचाप्वाक्तेकम। मिनु सुइमी मेको आ सक्ति रे पुरांइने मचाप्वाक्तेकम। मेकोमी आ दाक्शो पशा, आ सक्ति बारत। दानीएल ८ :४ ५ मिनु गो मेको कोव्रशा बाक्डानु, पच्छिम रे बोका का फो गरुत। मेकोमी आ खोइल खप मथिथु, रागी नेल्ल लाक्तु। मिनु मेको बोका आ मिक्च आस दातेमी गरोत्र का बाक्त। दानीएल ८ :२१ ६ मिनु मेको बोका मेको खोला आ नेक्था बाक्शो गरोत्र निक्शी पाइशशो सांड आ बाक्तीक जाक्त। मिनु मेको सांड कली खरुचा, दे शुश बोल पा दोरत। ७ मिनु गो मेको सांड ग दोरशो ताता। मेको थाम्पा गाइशशा, मेको सांड कली खरुचा,

आ गरोव निम्फा जिक्ताक्व। मेको सांड बोल मपाइश्शो दुम्शा, मेको बोका कली मारइ पने मचब। मेको बोकामी मेको सांड कली खपीम तोक्शा, आ खोइलीमी दिम्ताक्व। मिनु सुइमी मेको सांड कली बोका आ सक्ति र प्रांइन मचबम। ८ मिनु नोले मेको बोकामी ठेयब सक्ति ताप्तु। मिनु मेको नेल्ल क्येडा सक्ति पाइश्शो दुम्तीक मेको आ दुइश्शो गरोव जिक्त। मिनु मेको जिक्शा गरोव आ पा डा अर्का ४ ओटा गरोव रागी आ पूर्व, पच्छिम, उत्तर, दक्खिन गे हिरशा गरुतकम। दानीएल ११:४

१ मिनु मेको ४ ओटा गरोव आन दाते डा का र अर्का इम्वीली गरोव का गरुत। मिनु मेको नक गरुशो गरोव दक्खिन, पूर्व गे नु दारशो रागी गे कोवशा थाम्पा ठेयब दुम्शा कोल्ल। दानीएल ७:८ १० मिनु मेको कोल्ला, स्वर्ग डा लडाइ पाइब आन हुल बाक्तीक सम्म जाक्तीश्शा, लडाइ पाइब का निक्शी नु सोरुल का निक्शी आन कली तोक्शा खोइलीमी दिम्ताक्व। ११ मेकोमी लडाइ पाइब आन नेल्ल क्येडा ठेयब कली यो ठेयब लेश्शो लोव पा, नाक्त कित कित डा चोशा चढ़तीक रोइश्शा, परमपरभु यावे आ बाक्तीके सिं परेशशा गप्तु। दानीएल ९:२७ १२ मिनु आ परमपरभु कली काइ मटितीकमी नाक्त कित कित डा चढ़तीक मचढ़ेचा डा पा गेय पाइब वोइक्त्तु। मिनु मेकोमी थमा पा शंतीक कली खतम पोक्शा, आ मरिम्शो पतीक चहिं बारना बारन लपाइक्त्तु। १३ मिनु नोले गो स्वर्गम बाक्ब कामी लोव पशा नंता। मिनु अरु स्वर्गम बाक्बमी मेको कली “नाक्त कित कित डा चोशा चढ़तीक रोइक्तीक, आ मरिम्शो पतीकमी परमपरभु आ सिं श्येत्य नु खतम सेल्वीक नु परमपरभु आ लडाइ पाइब आन कली खोइलीमी दिम्शा, कांडतीक गेना नुप्रा ?” द हिल्लो पशा नंता। १४ मिनु अर्कामी आं कली “हजार निक्शी सहे सां नाक्दो नाक्त सम्म मांदेशो दुम्ब। मिनु नोले परमपरभु आ सिं लेशा सेल्वीम” दंत।

परमपरभुमी कांडेशो आ अर्थ शेशो

११ गो, दानीएलमी, एको कांडतीक रे मार रुम्सीबा, दे तुइक्चा माल्ला। मिनु वांइश मुर खोदेशो का आं डांइती गरुशा, दोक राप्शा ताता। १६ मिनु गो उलाइ खोला रे “गाबरीएल, एको मुर कली एको कांडतीक रे मार रुम्सीबा, मेको शंदो” देशो मुर आ सेंदा का नंता। दानीएल

८:२; दानीएल ९:२१; लुका १:१९,२६ १७ मिनु मेको परमपरभु यावे आ स्वर्ग डा गेय पाइब आं राप्शा बाक्तीके आं नेक्था जाक्त। मिनु गो थाम्पा हिंशा सुम्की पा बाप्ती। मिनु मेकोमी आं कली “ए मुर, एको कांडतीक नेल्ल क्येडा नोले डा नाक्त आ पर्वम बाक्ब, दे रुपा” दंत। प्रकाश १०:६ १६ मिनु मेकोमी आं कली लोव पवानु, गो खपीमी दिङ गोल्शा बाप्शा, थशा खोदेशो दुम्ती। मिनु मेकोमी आं कली थिशा, पोक्शा रोप्पाइक्ती। ११ मिनु मेकोमी “गो इ कली नोले डा गाइक्तीक नाक्ती मार दुम्बा, तुइक्पाइक्कन। मारदे हना एको कांडतीक नेल्ल क्येडा नोले डा नाक्त कली बाक्ब। २० इ तशो गरोव निक्शी पाइश्शो सांड मादी नु पारसी रागी डा पिप बाक्तीस। २१ मिनु मेको बोका चहिं गरीस रागी डा पिप बाक्ब। मेको आ मिक्च आन दाते डा ठेयब गरोव, मेकर डा नेल्ल क्येडा डांइती डा पिप बाक्ब। दानीएल ११:३ २२ मिनु गे मेको गरोव जिक्शा मेको आ पा डा ४ ओटा गरोव गरुशो ताप्तीवी। मेको आ रागी ४ ओटा राज्य दुम्नीम। तन्न मेकोपुकी डांइती डा राज्य खोदेशो सक्ति पाइश्शो मदुम्नीम। २३ मिनु मेको आन सासन पतीक अधिकार नुप्ची ना मेको आन मरिम्शो पतीकम बरीतीक खकटा थुं पाइश्शो, शुश मरिम्शो पाइब पिप का जाक्ब। दानीएल ११:२१ २४ मेको शुश बाल्यो दुम्ब। मिनु मेकोमी मारइ मारइ खतम पोक्ब। आ पतीक मारइ मारइमी ग्राब। मिनु मेकोमी सक्ति पाइश्शो मुर नु थमा सुइक्ब आन कली खतम पोक्ब। २५ मेको आ निप्समी मुरुम मतुइक्चा डा पा जोल पतीकमी ग्राब। मिनु आम थुमी गो नेल्ल क्येडा ठेयब नड’ दे मिम्शा, शुश मुर आन कली साइक्ब। मिनु मेकोमी पिप आन पिप कली यो मरिम्शो पा बाक्ब। मिनु मेको खतम सेल्व्वा पुंडसीब। तन्न मुर आन गुइ र ममाइ। २६ मिनु मेको इ कली कांडेशो नाक्दो नाक्त आ पर्वम कांडतीके कांडेशो थमा बाक्ब। तन्न गे एको कांडतीके कली इ थुमी खरुइश्शा वोइक्चा माल्लेवे। मारदे हना एको शुश नोले दुम्ब लोव बाक्ब” दे माइक्ती। दानीएल ८:१४; दानीएल १२:४

२७ मिनु नोले गो, दानीएल, काइ सोक्त मपाइश्शा खोदेशो दुम्ती। मिनु का निक्शी नाक्त रोइ पा बाक्ती। मिनु नोले बोक्शा, पिप आ गेय पथ लती। मिनु मेको आं तशो कांडतीके

आ पर्वम हिंती। मारदे हना मेको कोंडतीक रुख सुइ मबाक्व।

दानीएलम परमपरभु कली पुंडशो

१ मिनु पिप अहासूरस आ ती दारा डोंडती  
 १ डा बर्समी कल्दी रागी डा पिप दुम्त। पिप दारा मादी जात डा बाक्माक्त। दानीएल ६ : १  
 २ मिनु पिप दारा आ सासन पशो डोंडती डा बर्समी गो, दानीएलमी परमपरभु यावमी आ लोत्र पाइब यरमीया कली बरकपाइश्शो लोत्र डा किताब पदशा, यरूसलेम स्वतम दुम्चा कली ७० बर्स लोनीम, दे रुप्ता। यरमीया २५ : ११-१२ ; यरमीया २९ : १० ३ मिनु गो माइजा बाक्शा, अरन्डी फक्शा नु पुलु मांडसीशा परमपरभु, आं होत्रप कली लोत्र पा पुंडशा, मार लोत्र लेप्चा, दे रिम्शा बाक्ती। ४ मिनु गो परमपरभु यावे, आं परमपरभु कली लोत्र पा, गो मार मार मरिम्शो पडा, मेको नेल्ल शोत्रशा “परमपरभु, गे ठेयब नु हिंचा डा परमपरभु बाक्नीनी। गे इन कली दाक्व नु इन शंशो लोत्र टीब आन कली गेना हना यो दाक्नीनी। मिनु इन कबल मपरांडनीनी। यरमीया १४ : ७ ; ब्यवस्था ७ : ९ ; नेहम्याह १ : ५ ५ गोपुकीमी पाप पशा, मरिम्शो पाइतक। मिनु इन अरशो मटिथु नु इन कली गन गन पा, इन शंशो नु निसाफ पतीके लोत्र परांडतक। ६ गोपुकीमी इन गेय पाइब, इन लोत्र पाइब आन लोत्र मनंक। मेकोपुकीमी इन नेमी आंइ पिप, आंइ ठेयब मुर, आंइ किकी पिपी नु आंइ रागी डा मुर नेल्ल आन कली लोत्र पास्तकम। ७ परमपरभु, गे ठीक पाइब बाक्नीनी। गो चहिं मुने दाक्शा बाक्नीकी। मुलाक्ती यहूदा डा मुर, यरूसलेममी बाक्व, इसराएली नेल्ल आन नक्था नु डोन रागीम खरचा पुंडसीशो मुर नेल्ल इन कली परांडशो आ पर्वम दोस ताइब दुम्तेकम। ८ परमपरभु यावे, आंइ पिपपुकी, आंइ ठेयब मुरपुकी, आंइ किकी पिपी नु गो नेल्लेमी इन डोंडती पाप पाइतक। एजरा ९ : ७ ; यसेया ४३ : २७ ९ गोपुकी इन देशो गन गन पा मटीतक हना यो, परमपरभु, आंइ होत्रप, गे शिशी पाइब नु पाप क्याम्ब बाक्नीनी। भजन संगरह १३० : ४ १० गोपुकीमी परमपरभु यावे, आंइ परमपरभु कली मटीब बाक्तेक। इन लोत्र पाइबपुकीमी इन अरशो लोत्र आंइ कली नंपाइश्शो बाक्तेकम। तन्न गो मपक। ११ इसराएली नेल्लेमी इन क्येडा डोन लशा, इन अरशो मटिथु, इन देशो मपामे। मोपतीक गो इन गेय पाइब मोसामी

बरक्शा इन अरशो लोत्रमी सराप नु कसम आंइ तारी मोइक्चा पुंडसीशो बाक्नीक। मारदे हना गोपुकीमी इन कली पाप पाइतक। लेवी २६ : १४-३९ ; ब्यवस्था २६ : १५-६६ १२ मिनु गे आंइ पर्वम नु आंइ निसाफ पाइब आन पर्वम इन देशो लोत्र खाप्तीनी। यरूसलेम कली गशो खोंदशो श्यत रागी नेल्ल आन कली गेनायो मदुम्शो बाक्त। १३ मोसामी इन अरशो लोत्रम मेको कली मटीब श्यत जाइनीम” दे बरक्शा खोंदशो पा, मेको श्यत नेल्ल आंइ कली दुम्त। मिनु गोपुकीमी परमपरभु यावे, आंइ परमपरभु कली “इन थमा लोत्र कली रुप्तीक थुं गेकी” दे मपुंडक। मिनु आंइ मरिम्शो पशो मपरांडक। इन कली दाक्शा मपरांडतीक ममिम्तक। १४ मोपतीक परमपरभु यावमी आंइ कली गेतीक, मेको ठेयब श्यत तेक्तु। थमा पा परमपरभु यावे, आंइ परमपरभु आ पशो नेल्ल ठीक बाक्व। मारदे हना गोपुकीमी आ देशो मपक। १५ मिनु परमपरभु यावे, आंइ परमपरभु गे इन मुर आन कली इजीप्त रागी रे गरुंडशा चाक्तीनी। मेको इन सक्ति नु इन ठेयब नें आ पर्वम मोदंशो पाइतीनी। गोपुकी पाप पा, इन अरशो लोत्र मटीब दुम्तक। १६ परमपरभु, इन ठीक पतीकमी इन सहर यरूसलेम नु इन योत्रशो डांडा आ पर्वम मगाइक्तीन, मचुरीन। आंइ पशो पाप नु आंइ किकी पिप आन मरिम्शो पशो आ पर्वम यरूसलेम नु इन योत्रशो मुर आन नक्था बाक्व मुर रे पा शुक्शी पाइक्चा पुंडसीब दुम्तेकम। १७ मोपतीक आंइ परमपरभु, इन गेय पाइब, आं देशो नु पुंडशा लोत्र नेनीन। मिनु इन नें आ पर्वम इन बरक्शा बाक्तीक कली लेशा शिशी पा कोत्रडीन। १८ आं परमपरभु इन नोफा दाइश्शा नेनीन। मिनु आंइ कली दुम्शो श्यत नु इन नेंम सेल्लशो सहर यरूसलेम कली कोत्रडीन। आंइ ठीक पतीक आ पर्वम ममाइ, तन्न इन शुश शिशी पतीक आ पर्वम पुंडनीकी। १९ आं परमपरभु, नेनीन। परमपरभु, आंइ पाप क्याम्दीन। परमपरभु, नेनीन। मिनु इन नें आ पर्वम मरिम्थु गेय पन। मारदे हना इन सहर नु इन मुर इन नें रे बरेत्त्वा पुंडसीशो बाक्नीम” दे गो दानीएलमी परमपरभु कली देंती। यरमीया १४ : ९

गाब्रीएल शंथ जाक्शो

२० मिनु गो मो देशो परमपरभु यावे, आं परमपरभु आ डोंडती लोत्र पना पन, परार्थना पा, आं पाप नु आं मुर इसराएली आन पशो पाप

नेल्ल शोत्रशा, आं परमपरभु आ डांडा, आ मुर आन पर्वम पुंडना पुंडन, बाकडानु, २१ परार्थना पना पन, गो आं डांडीती आं कांडीतीकमी तशो मुर गाबरीएल बरशा आं नकथा जाकत। मेना नाकदो डा चढची ना जाकशा बाकत। दानीएल ८:१६ २२ मिनु मेकोमी आं कली “दानीएल, मुल गो इ कली जाकतीक तुडकतीक नु रुप्तीक थुं गथ जाकती। २३ मिनु ग गना पुंडचा गोवी, मेना गो लोत्र का नेता। मिनु गो इ कली मेको लोत्र शंथ जाकती। मारदे हना ग शुश दाकचा पुंडसीशा मुर बाकनेवे। मेको लोत्र मिग्शा, मेको कांडीतीक रुपो।

२४ इ मुर नु परमपरभु आ सहर ७० हप्ता सम्म श्येत जचा माल्नीम। मिनु म नोले मरिग्शा नु पाप पतीक नुष्व। मेना अरशा मटितीक क्याम्तीक गेय पशो बाकब। मिनु ठीक पतीक गेना हना यो लोब। मिनु मेको कांडीतीक नु परमपरभु यावे आ लोत्र पाडब कली छाप थोकशा नोले परमपरभु आ बाकतीक लेंशा सेल्शा तेल खरकनीम। २५ मोपतीक यरूसलेम लेंशा सेल्तीक लोत्र तेल लुकशो पिप मजाकम सम्म ७ हप्ता बाकनीम। मिनु ६२ हप्ता लां नु खिं आ एर आंथ लेंशा सेल्वा कली माल्व, दे रुग्शा तुडकतो। मेना श्येत जतीक ना बाकब। २६ मिनु ६२ हप्ता नोले मेको तेल लुकशो का मारइ मडुम्यु यो तिल्वा पुंडसीब। मिनु मेको जाकचा चिकशो पिप आ लडाइ पाडब नु जाकशा, मेको सहर नु परमपरभु यावे आ बाकतीक खतम पोक्ब। मिनु मेको आ नुप्ची ना ठेयब भोल यिशा, नोले सम्म लडाइ दुम्ब। डांडीती मोदंशो खतम दुम्तीक श्येत आ पर्वम देशो बाकब। यसेया २८:२२; लूका २१:२३-२४ २७ मेकोमी हप्ता का सम्म शुश मुर नु कबल पाडब। मिनु आधा हप्तामी चढतीक नेल्ल तेक्ब। मिनु मेकोमी चढतीक आ पा डा शुश गरांगरा दिचा डा गेय पाडब। मेको कली खतम सेल्तीक लोत्र मगूसम सम्म मोदंशो पाडब” देत। दानीएल ८:११; दानीएल ११:३१; दानीएल १२:११; मत्ती २४:१५; यसेया १०:२२-२३

दानीएलम नोले डा कांडीतीक तशो

१० मिनु पारसी रागी डा कोरस पिप दुग्शा बर्स सां दुग्मेनु, परमपरभुमी बेल्ल-शजर माइग्शा दानीएल कली लोत्र का तुडकपाडकतु। मेको लोत्र थमा बाकत। ठेयब श्येत आ पर्वम बाकत। मेको दानीएलमी मेको कांडीतीक तशा, रुप्तीक थुं यो ताप्तु। दानीएल १:२१; दानीएल

१:१७ २ मेना गो, दानीएल, हप्ता सां सम्म रोंका पाता। ३ मेको हप्ता सां सम्म गो बरोत्रशा मारइ जचा थोत्रक मजड। श्ये मब्वड। अडगुर शांबु यो मत्तुड। मिनु तेल यो मखरकसीड। ४ मिनु डांडीती डा महिना डा २४ नाकत टाइग्रीस माइग्शा ठेयब खोला आ नकथा राग्शा बाकती। ५ मिनु गो इर ग कोत्रडनु, सुती वा फकशो मुर का ताता। मेकोमी थम रिग्शा ओफीर डा सुन के किप्शुर किग्शा बाकत। दानीएल ८:१५; दानीएल १२:६; इजीकीएल १:२; प्रकाश १:१३-१५ ६ मिनु मेको आ रां बरील माइग्शा हीरा खोदंशो बाकत। आ कुल चिला खोदंशो बाकत। आ मिक्च बरशा तोत्रशा खोदंशो बाकत। मेको आ गुइ खोडली थाम्पा सुइग्शा कांसा खोदंशो पा टल्केशो बाकतेकम। मेको आ सेंदा शुश मुर आन लोत्र पशो खोदंशो नंसाकब। इजीकीएल १:२७-२८ ७ गो, दानीएलमी मेको कांडीतीक ताता। गो नु बाकब मुर सुइमी मताम। तन्न मेकोपुकी हिंशा खिरंखिर पा परोकशा खरंडसाकम। ८ मिनु मेको ठेयब कांडीतीक तचा कली गो का ला बाकती। मिनु मारइ पने मचाप्ब दुम्ती। मिनु आं कुल बेक्चा चिकशो मुर के खोदंशो दुग्शा, मारइ बोल मपाइग्शा दुम्ती। ९ मिनु नोले मेकोमी लोत्र पशो नेता। मिनु मेको लोत्र नेंनु चोटीन, गो खपीमी दिड गोल्शा, थती।

१० मिनु गुइ काम आं कली थिती। मिनु गो गुइ नु पोक्च थकशा, बाकती। ११ मिनु मेकोमी आं कली “दानीएल, ग शुश दाकचा पुंडसीशा मुर बाकनेवे। आं देशो लोत्र नोफा दाइग्शा नना। बोक्शा बाकको। मारदे हना गो इ बाकतीकमी सोडकचा पुंडसीशा बाकनुड” दे माइकती। मिनु मेकोमी लोत्र पवानु, गो आ डांडीती खिरंखिर पा राग्ती। १२ मिनु मेकोमी आं कली “दानीएल, महिंनो, ग रुग्शा माल्शा डांडीती डा नाकती रे इ परमपरभु आ डांडीती आंम कली बरग्शा सेल्साकब, इ पुंडशो नंतीक गो एक जाकती। १३ तन्न पारसी राज्य कली कोत्रब सैतान आ गेय पाडबमी गो नु २१ नाकत सम्म लडाइ पा तेकती। मिनु परमपरभु यावे आ स्वर्ग डा ठेयब गेय पाडब मिकाएल जाकशा, आं कली वारच पाडकती। मिनु गो जाकचा ताता। यसेया २४:२१ १४ नोले डा नाकत इ मुर आन कली मार दुग्बा, दे गो इ कली रुग्पाइकथ जाकती। मारदे हना इ तशो कांडीतीक क्येडा नोले डा नाकत कली अर्का कांडीतीक का यो बाकब” दे माइकती।

१५ मिनु मेकोमी आं कली लोत्र पवानु, गो आं पिया सुक्शा मारइ लोत्र पने मचाप्व दुम्शा बाक्ती। १६ मो दुम्मेनु, मुर खोंदंशो काम आं शोत्र थिप्टु। मिनु गो लोत्र पने चाप्टा। मिनु गो आं डोंइती राप्शा बाक्ब कली “आं परभु, एको कोंइतीक आ पर्वम खाइक्ती। मिनु आं क मारइ बाल मली। यसैया ६ :७ ; यरमीया १ :९ १७ गो, इन वाइलम, गे नु दोपा लोत्र पने चाप्टुडा ? मारद हना गो खिरंखिर पा, आं बाल नेल्ल लशा, आ सोक्त हररा मली” देती।

१६ मिनु मेको मुर खोंदंशोमी आं कली लेंशा थिशा, बाल्यो सेल्लती। दानीएल ८ :१८ १९ मिनु मेकोमी आं कली “नेल्ल क्येडा दाक्चा पुंडसीशो, महिनो। इ कली मारइ मदुम्ब। बाल्यो नु महिब दुमी” दे माइक्ती। मेकोमी गो नु लोत्र पवा नोले, गो बाल्यो दुस्ती। मिनु गो “आं परभु, लोत्र पने। मारदे हना गे आं कली बाल्यो सेल्लतीनी” देती। परकाश १ :१७ २० मिनु मेकोमी “गो इ बाक्तीकम मारदे जाक्डा, तुइक्नेव ? गो पारसी राज्य कली कोत्रब सैतान आ गेय पाइब नु लडाइ पचा कली लेत्वा माल्लुडा। गो गराडा नोले गरीस रागी डा सैतान आ गेय पाइब जाक्ब। २१ मिनु गो थमा लोत्र डा किताबमी मार बरक्शो बाक्म, मेको इ कली शोत्रथ जाक्ती। मेकेर मिकाएल क्येडा लाक्शा, अरु वारच पाइब सैतान आ गेय पाइब नु लडाइ पचा कली सुइ मबाक्नीम। परमपरभु यावे आ स्वर्ग डा गेय पाइब, मिकाएल चहिं इस्राएली इन कली कोत्रब बाक्ब।

**११** १ गो दारा मारदी डा पिप दुम्शो डोंइती डा बर्समी मिकाएल कली वारच पाइक्चा नु अरु रे पा प्रोंइचा कली बाक्ती” देत।

लडाइ आ पर्वम नोले दुम्ब लोत्र

२ मेकोमी लेंशा परमपरभु यावे आ स्वर्ग डा गेय पाइबमी “मुल गो इ कली मेको थमा लोत्र पाइनुडा। पिप दारा आ नोले पारसी रागीमी पिप सां दुम्नीम। मिनु मेको सांमी नोले जाक्ब पिप मेको डोंइती डा सां आन क्येडा शुश शोंप पाइश्शा दुम्ब। मिनु मेको पिपमी आ शोंपोमी आ सक्ति बारपाइक्ना पाइक्न लशा, रागी नेल्ल आन कली गरीस राज्य नु लडाइ पचा कली पोक्ब। दानीएल १० :२१ ३ मिनु नोले शुश लडाइ पाइब पिप का जाक्ब। मेकोमी शुश रागी कली सासन पाइब। मिनु मेकोमी मार दाक्बा, मेको पाइब। दानीएल ८ :२१ ४ मिनु आ सक्ति

बारना बारन लंमेनु, आ राज्य पूर्व पच्छिम, उत्तर दक्खिन गे योक्सीब। मोपा योक्सीशा, आ तौ चचपुकीम मारइ मताइनीम। मिनु मेको खोंदंशो पा सुइमी लेंशा सासन मपाइनीम। मारदे हना मेको आ राज्य नेल्ल खतम दुम्मेनु, अरु आन कली दुम्ब। दानीएल ८ :८,२२ ५ मिनु नोले दक्खिन डा पिप शुश सक्ति पाइश्शा दुम्ब। तन्न आ कप्तान आन दाते डा का मेको पिप क्येडा बाल्यो दुम्ब। मिनु मेकोमी पिप आ शुश रागी रोइश्शा, हुकुम पाइब। ६ मिनु बर्स का निक्शी नोले मेको निक्शी गारशा, दक्खिन डा पिपम आ तमी मेको उत्तर डा पिप कली ग्युबे पा गेब। तन्न मेको आ सक्ति मलीब। मिनु मेको आ तौ चच यो मलीनीम। मेको पिप आ तमी, आ गेय पाइब, आ आल नु मेको कली दाक्ब नेल्ल खतम पोक्चा पुंडसीनीम। ७ मिनु नोले मेको पिप आ तमी आ खिं डा मुर का गरुब। मेकोमी उत्तर डा पिप नु मेको आ मुर नु लडाइ पा, आ गारो हिरशो सहर नु दरवार आत्रनीम। मिनु मेकेर लडाइ पा गरानीम। ८ मेकोमी मेको आन देवी देवता आन मूर्तिपुकी नु सुन चांदी के बोसपुकी रोइश्शा, इजोप्ट रागीमी लाइक्ब। मिनु मे नोले उत्तर डा पिप नु बर्स का निक्शी सम्म लडाइ मपाइब। ९ मिनु नोले उत्तर डा पिपमी दक्खिन डा पिप कली लडाइ तोइब। तन्न मेको आंम आ रागीमी लेंशा लाइब।

१० मिनु मेको उत्तर डा पिप आ तौपुकीमी शुश लडाइ पाइब मुर खुप्नीम। मिनु मेको तेक्न मचाप्व डा भोल बुद पा गारना गारन लाइनीम। मेको लेंशा गारो हिरशो सहर डा दरवार सम्म लाइनीम। ११ मिनु दक्खिन डा पिप गाइश्शा, उत्तर डा पिप नु लडाइ पचा कली बाक्ब। उत्तर डा पिपमी चहिं लडाइ पचा कली शुश लडाइ पाइब आन कली सुप्व। तन्न मेको आन जोरी सतरु रे पा बरुइनीम। १२ मिनु उत्तर डा लडाइ पाइब ग्याइक्चा पुंडसीमानु, दक्खिन डा पिप ठेयब लेंशा हजार हजार मुर आन कली साइक्ब। तन्न मोदंशो पशा यो, बरुना बरुन लाइब। १३ मिनु उत्तर डा पिपमी डोंइती क्येडा शुश लडाइ पाइब सुप्व। मिनु बर्स का निक्शी नोले लडाइ पचा कली शुश या कुरशा शुश लडाइ पाइब नु बारब। १४ मेना शुश रागी डा मुरपुकी यो दक्खिन डा पिप नु लडाइ पचा कली बाक्नीम। मिनु आ मुर आन दाते डा रोइक्ब नु साइक्ब यो बाक्नीम, दे कोंइतीक कोंइशा गाप्वचा कली बाक्ब। तन्न मेकोपुकी मगरानीम। १५ मिनु नोले

उत्तर डा पिप जाकशा, दक्खिन डा राज्य इन गारो हिरशो सहर पुम्शा, आंम के सत्त्व। दक्खिन डा लडाइ पाइब बरुइनीम। मिनु मेको आन नेल्ल क्येडा बोल्यो लडाइ पाइब आन सक्ति यो जाम्शा लाइब। १६ मिनु उत्तर डा पिपम मार पचा दाक्वा, मेको पाइब। मिनु सुइमी मेको कली तेक्ने मचाप्नीम। मिनु मेकोम नेल्ल क्येडा दारशो रागी आंम के सत्त्वा, मारइ मारइ खतम सत्त्व। दानीएल ८ : ९ १७ मेकोमी कबल पा गो दक्खिन डा पिप आ राज्य नेल्ल आंम के सत्त्वुडमी दे मिम्ब। मिनु मेको कली खतम सत्त्वा कली गारचा देखु पा, आ तमी कली ग्युंवे पा गेब। तन्न मेको आ मिम्शो खोदंशो मदुम्ब। १८ मिनु नोले मेकोमी समुन्दर आ नेक्था बाकशो रागी नु लडाइ पा, शुश रागी आंम के सत्त्व। तन्न आ लडाइ पाइब आन ठेयब मुर कामी मेको आ ठेयब लेशशो थुं थमा पा खतम पोक्शा गेब। १९ मिनु नोले मेको पिप आ रागी डा दरवारम लेत्वा थुं पाइब, तन्न साइक्चा पुंडसीब।

२० मिनु मेको आ नोले अर्का मुर का पिप दुम्ब। मेकोमी आ राज्य कली शांप लेत्वा कली ठेयब मुर का कली तिरो पोक्थ सोइक्ब। तन्न इच्का नाक्त् नोले मेको पिप यो गाइक्चा मपुंडसीथु, लडाइ मपथु, बेक्ब। २१ मिनु मेको पिप आ नोले मारइ मान मपाइशशो मुर का जाकशा, सुइमी मतुइक्चा डा पा, रिम्शो लोत्र पसु पा मेको राज्य आंम के सत्त्व। दानीएल ८ : २३-२४ २२ मिनु मेको आ सक्ति बारना बारन लशा, नेल्ल आन कली गराब। मेकोमी परमपरभु यावे आ कबल पशो का कली यो खतम पोक्ब। २३ मिनु मेकोमी लोत्र गारपाइशशा दुशा बाकशो देखु पा, जोल पाइब। मिनु आ मुर का निक्शी ला बाक्तेक्म हना यो, मेको सक्ति पाइशशो दुम्ब। २४ मिनु सुइमी मारइ मतुइक्थु, मेको नेल्ल क्येडा शांप पाइशशो रागी लशा, लडाइ तोइब। मेकोम आ किकी पिपीपुकीम गेनायो मपशो गेय पाइब। आ नोले खोइक्ब आन कली आ रोइशशो शांप नु रू योत्रशा गेब। मेकोमी अरु गारो हिरशो सहर आन कली दोपा गराचा, दे मिम्शा बाक्ब। तन्न मोदंशो मिम्शो नाक्त् का निक्शी कली ला दुम्ब। २५ मिनु उत्तर डा पिपमी आ बोल्यो लडाइ पाइब आन कली लाइशशा, आ सक्ति नेल्लेमी दक्खिन डा पिप नु लडाइ पाइब। मिनु दक्खिन डा पिपमी यो ठेयब हिकने मचाप्ना डा लडाइ पाइब लाइशशा, मेको नु लडाइ पाइब। तन्न

मेको पिप बरुइब। मारदे हना आ मुरुमी मेको कली जोल पा मगरापाइक्नीम। २६ मोदंशो पाइब आ नु जाइब बाक्नीम। मिनु मेको आ लडाइ पाइब बराशा, शुश साइक्चा पुंडसीनीम। २७ मेको पिप निक्शी मरिम्शो थुं पाइशशो बाक्नीस। काथा जाम्ताक्स हना यो, जोल पमुइनीस। तन्न मेको रे मारइ रिम्शो मदुम्ब। मारदे हना नोले डा नाक्त् मजाक्शा बाक्ब। २८ मिनु उत्तर डा पिप शुश शांप लाइशशा, आ रागी लेशशा लाइब। तन्न मेकोमी परमपरभु यावे आ कबल पशो आ पर्वम शुश गाइशशा बाक्ब। मिनु मेको पिपमी मार दाक्ता, मेको पाइब। मिनु आ रागीम लेशशा लाइब।

२९ मिनु डांइती देशो नाक्त् गाम्मेनु, मेको उत्तर डा पिप लेशा दक्खिन डा पिप नु लडाइ पथ लाइब। तन्न डांइती डा खोदंशो पा गरागे मचाप्ब। ३० कितीम रे पा मेको नु लडाइ पचा कली जहाजपुकी जाक्नीम। मिनु मेको पिप आ थुं तुक्च लशा, आ रागी लेप्ब। मेकोमी परमपरभु यावे आ कबल पशो आ पर्वम गाइशशा, थमा सुइक्ब आन कली खेदा पाइब। मिनु परमपरभु यावे आ कबल परांइशो मुर नु गारब। ३१ मिनु मेको पिप आ सोइशशा लडाइ पाइबपुकीमी परमपरभु यावे आ खिं नु दरवार कली गरांगरा दिशो सत्त्नीम। मिनु मेकोपुकीमी नाक्त् कित कित चोशा चंदेतीक गेय तेक्नीम। मिनु मेकर गरांगरा दिचा डा मार मार थोत्रक वोइक्नीम। दानीएल ९ : २७ ३२ मिनु मेको पिपमी परमपरभु यावे आ कबल पशो मटीब मुर आन कली जोल पा आ नोले खोइक्ब सत्त्व। तन्न आन परमपरभु कली तुइक्ब मुरपुकी बोल्यो दुम्शा, मेको कबल काइ मपरोइनीम। ३३ मिनु मेको आन दाते डा जोक्ब तुइक्बपुकीमी शुश मुर आन कली रुब सत्त्नीम। मोपतीके नाक्त् का निक्शी सम्म मेको तरवारम क्योरचा, मीम हुम्चा, ग्याइशशा चोक्चा नु आन मार मार रोइक्चा पुंडसीनीम। ३४ मिनु मोदंशो दुम्मेनु, इच्का वारच पाइक्चा पुंडसीनीम। मिनु शुश मुर मेको आन नोले खोइक्नीम। तन्न थुं पाइशशा मुर ला मेको आन नोले खोइक्नीम। ३५ मिनु मुरुम जोक्ब तुइक्ब आन कली मोदंशो खेदा पतीक रागीम नोले डा नाक्ती सम्म मेको आन कली सुन खोदंशो पा यपाइक्चा, नाक्चा नु रिम्शो दुम्पाइक्चा कली बाक्ब। मेको मुल सम्म मजाक्शा बाक्ब।

### ठेयब लेश्शो पिप

३६ पिपमी मार दाक्वा, मेको पाइब। मिनु मेकोमी देवी देवता नेल्ल आन क्येडा ठेयब नड' देब। मिनु परमपरभु नेल्ल आन क्येडा ठेयब परमपरभु आ पर्वम गेनायो मनंसीशो मरिम्शो लोत्र पाइब। मेको आ नोले डा नाक्त मजाकम सम्म आ माल्शो ताइब। परमपरभुमी मेको कली सजाइ मगेवा सम्म मोदंशो दुम्ब। मारदे हना परमपरभुमी मार पचा मिम्बा, मेको पाइब। २थिस्सलोनिकी २:४ ; दानीएल ७:८,२५ ; परकाश १३:५-६ ३७ मिनु मेको पिपमी आ किकी पिपी आन देवी देवता आन कली सेउ मपाइब। मिनु मीश मुर आन दाक्शो देवी देवता आन कली यो सेउ मपाइब। मारदे हना गो देवी देवता नेल्ल आन क्येडा ठेयब नड' दे मिम्सीब। इजीकीएल ८:१४ ३८ तन्न बोल्यो दरवार डा देवता कली सेउ पाइब। आ किकी पिपीमी मेको कली मतुइश्शो बाक्तकम। मेको आन कली सुन, चांदी, हीरा नु शुश क्यट लाइब थोत्रक गेशा ठेयब सेल्व। ३९ मेकोमी अर्का रागी डा देवी देवता आन कली सेउ पशा, नेल्ल क्येडा बोल्यो दरवार कली गराब। सुमी मेको कली मान पाइबा, मेको शुश शांप पाइश्शो दुम्ब। मिनु मेको आन कली रू शुश गेशा, शुश मुर आन कली हुकुम पाइब सेल्व।

४० मिनु नोले डा नाक्ती दक्खिन डा पिपमी मेको कली लडाइ तोइब। मिनु उत्तर डा पिपमी फश गिवार खोदंशो पा मेको नु लडाइ पाइब। मेकोमी बग्गी, शारा डोइक्व नु लडाइ पाइब जहाज शुश चाक्शा लडाइ पाइब। ४१ मिनु मेको रागी रागी नु लडाइ पा, ठेयब खोला खोदंशो पा बारब। मिनु मेको दारशो रागी ओत्रशा, हजार हजार मुर आन कली साइक्व। तन्न एदोम, मोआब रागी नु अम्मोनी आन रागी डा नेल्ल क्येडा ठेयब बाक्तीके मेको आ गुइमी मदुम्नीम। दानीएल ११:३६ ४२ मेकोमी रागी रागी आन कली गराना गरान लाइब। मिनु इजीप्त रागी कली यो गराब। ४३ मिनु मेकोमी इजीप्त डा सुन चांदी नु शांप नेल्ल आम के सेल्व। लिबीया नु एथीयापीया डा मुर आ गेय पाइब दुम्नीम। ४४ मिनु मेकोमी पूर्व नु उत्तर रे जाक्शो लडाइ पतीक लोत्र नंशा, मेको शुश गाइश्शा, मुर आन कली शुश साइश्शा, रागी नेल्ल रोबल चिबल पोक्व। ४५ मिनु मेकोमी ठेयब समुन्दर नु नेल्ल क्येडा दारशो परमपरभु आ सहर डा डांडा आस

दातेमी आ बाक्तीक ताम्बु कीब। मो पाप्तु हना यो, मेको बेक्व। सुइमी मेको कली वारच मपाइनीम" दे स्वर्ग डा गेय पाइबम देत।

### बेक्शो मुर संसीशो

१ मिनु परमपरभु यावे आ स्वर्ग डा गेय १२ पाइबमी "भेना नेल्ल क्येडा ठेयब स्वर्ग डा गेय पाइब मिकाएल जाक्व। मिनु मेकोमी इ रागी डा मुर आन कली कोत्रब। मना रागी दुम नोले गेनायो मदुम्शो श्यत जाक्व। तन्न इ मुर श्यत रे बरोइचा पुंइसीनीम। सु सु आन नें किताबम बरक्शो बाक्म, मेको बरोइचा ताइनीम। दानीएल १०:१३ ; परकाश १२:७ ; मत्ती २४:२१ ; दानीएल ७:१० २ मिनु खपीमी बेक्शा इश्शो नेल्ल बोक्नीम। का निक्शो गेना हना यो बरोइचा कली बोक्नीम। का निक्शो चहिं गेना हना यो शुश मुन दोक्वा कली बोक्नीम। यूहन्ना ५:२९ ३ मिनु जोक्व तुइक्वपुकी सरीड डा छेड्छेड खोदंशो दुम्नीम। मिनु सु सुमी मुर आन कली ठीक लोमी गाक्पदम, मेकोपुकी गेना हना यो सोरुल आ छेड्छेड खोदंशो दुम्नीम। दानीएल ११:३३ ; हितोपदस ४:१८ ; मत्ती १३:४३

४ तन्न गे दानीएलमी, एको लोत्र सुइ आन कली मदनी। एको नोले डा नाक्त कली बरक्शो किताब मपराक्थु, छाप थोक्शा वोतो। नोले डा नाक्तीम शुश मुर आन थुं मनाइक्थु, थमा लोत्र माल्शा शुश तुइक्व दुम्नीम" देत। परकाश १०:४

### नोले डा नाक्त

५ मिनु गो, दानीएलमी, अर्का मुर निक्शो तातासी। का खोला आ ओथ हांबु नु अर्का खोला आ आइक्ची हांबुम बाक्ताक्स। ६ मिनु कामी सुती वा फेक्शा आइक्ची हांबुम बाक्व कली "एको लोत्र गाप्चा कली गिश नाक्त बाक्नीमी ?" दे हिल्लो पाप्तु। ७ मिनु मेको आइक्ची हांबु बाक्व बुश सुती वा फेक्शोमी आ गुइ निम्का सरीड ग पोक्तु। मिनु गेना हना यो बरोइशा बाक्व आ नें थिशा कसम जशो नेंता। मिनु मेकोमी "एको पाला का बाक्शो ना, पाला निक्शी बाक्शो ना नु आधा पाला बाक्शो ना कली दुम्ब। मिनु परमपरभु यावे आ मुर आन कली श्यत जची ना नुम्मेनु, मेको दंशा लोत्र नेल्ल गाप्च" दे गेना हना यो बरोइशा बाक्व आ नेंमी कसम जाप्तु। दानीएल ७:२५ ; परकाश १०:५-६ ८ गो मेको लोत्र नेंता, तन्न मरबु। मोपतीक

गो “आं परभु, एको नेल्ल रे मार दुम्बा?”  
 दे हिल्लो पाता। ९मिनु मेकोमी “दानीएल, गे  
 इ लां खीतो। मारदे हना एको लोत्र नोले डा  
 नाक्त सम्म खरुइश्शा छाप थोक्शा वोइक्चा  
 माल्ब। १०मिनु शुश मुर नाक्चा, रिम्शो सत्त्वा  
 नु सुन यपाइश्शा खोदंशो पा रिम्शो सत्त्वा  
 पुंइसीनीम। तन्न परमपरभु कली मटीब, मटिना  
 टिन बाक्शा, मारइ मरुप्नीम। तन्न जाक्ब  
 तुइक्बपुकीमी एको लोत्र रुप्नीम। ११मिनु नाक्त

कित कित डा चोशा चढ्देतीक चढ्देचा नाइक्तमे  
 नोले नु ग्रांगरा दिशो थोत्रक चढ्देमे सम्म हजार  
 का, सहं निकशी ९७ नाक्त दुम्नीम। दानीएल  
 १:२७ १२सु सु हजार का सहं सां ३५ नाक्त  
 सम्म फाल्शा बाक्नीमी, मेको ग्यरसीशा मुर  
 बाक्नीम। १३तन्न ग, दानीएल, इ लां लशा, थुं  
 नाइसो। मिनु नोले डा नाक्ती इ इनाम तचा कली  
 बेक्चार संचा पुंइसीनेव” देत।

## हास

बरकब मुरः एको किताब हासमी बरकशा बाकब । हास आ अर्थ “परमपरभु, वारच पाइय्योनी” देशो बाकब ।

गना बरकशा : हासमी परमपरभु यावे आ लोत्र इसराएल डा उत्तर रागी डा पिप योआश आ तो यरोबाम आ सासन ७८२-७५३ वि. सी. र हिज्कीयाह आ सासन ७२९/७१६-६८६ वि. सी. सम्म पशो बाकत । मेना परमपरभु यावे आ लोत्र पाइब आमोस, यसैया नु मीका यो बाकमा बाकत । गोत्य माइशशा ठेयब जोकब तुइकब मुर कामी “मको किताब ८०० वि. सी.म हिबरू लोत्र रे पा बरकशा बाकब” दे बरकशा बाकब ।

मार बरकशा :

१. हास आ ग्युबे इसराएली आन परमपरभु यावे कली परांडशा कांडचा कली बाकब ।

२. परमपरभुमी इसराएली आन कली दाकशा, मप्रांडतीक आ कांडतीक यो बाकब । हास १ : ३ :-

३. चढेब नु पिप आन कली मरिम्शा पचा कली दोस गतीके यो बाकब । हास ४ : १० :-

४. नोले परमपरभु आ शिशो कांडतीक बाकब । हास ११ : १४ :-

कांडती डा लोत्र

१ परमपरभु यावेमी बेयरी आ तो हास नु १ लोत्र पाप्तु । मेना यहूदा डा पिप उज्जीयाह, योथाम, आहाज नु हिज्कीयाह बाकतकम । मिनु इसराएल डा पिप योआश आ तो यरोबाम बाकत । यसैया १ : १ ; २राजा १४ : २३ ; आमोस १ : १

नोले शांडसीतीक आ चिन्ड

२ मिनु परमपरभु यावेमी हासे नु लोत्र पचा गोप्तु । मकोमी हास कली “लावो, मिनु तेल्लेम मीश मुर कली ग्युबे पावो । मिनु मेको नु आल थिवो । मारदे हना एको रागी परमपरभु यावे कली परांडशा, तेल्लेम सोदंशा दुम्शा बाकब” दंत । हास ३ : ३ ; ब्यवस्था २३ : ३८ ३ मिनु हास लशा दिब्लेम आ तमी गोमर कली ग्युबे पाप्तु । मिनु मेको मीशमी आल कुरशा, तो का थिप्तु ।

४ मिनु परमपरभु यावेमी हास कली “मको तो आ नें यज्जरल वोतो । मारदे हना गो रीब पा यहू आ खिं कली यज्जरलमी पशो हुश सराकश आ

पर्वम क्येकक लेल्लुड । मिनु इसराएल राज्य खतम पोक्नुड । २राजा १० : १-१४ ५ गो मेको नाक्ती इसराएल कली यज्जरल डा दिममी खतम सेल्लुड” दंत ।

६ मिनु गोमरमी लेंशा आल कुरशा, तमी का थिप्तु । मिनु परमपरभुमी हास कली “मको आ नें लो-रूहामा वोतो । मारदे हना गो इसराएल कली लेंशा शिशो मपाइनुड । मिनु मेको आन पाप मक्याम्नुड । हास २ : ३, २५ ७ मिनु गो यहूदा आ खिं कली शिशो कांडनुड । मिनु मेको आन कली जोरी सतरु आन गुइ र पा परांडनुड । लिबरा, तरवार नु लडाइ पाइब शारा नु शारा डोइकवपुकी रे ममाइ, तन्न गो मेको आन कली आमान परांडनुडमी” दे परमपरभु यावे, आन परमपरभुमी दंत । लो-रूहामा आ अर्थ “मदाक्नुड” देशो बाकब ।

८ मिनु गोमरमी लो-रूहामा कली दूध तुंडचा परोना नोले, आल कुरशा, अर्का तो का थिप्तु । ९ मिनु परमपरभुमी हास कली “मको आ नें लो-अम्मी वोतो । मारदे हना गेपुकी आं मुर मननी । गो इन परमपरभु मनड । लो-अम्मी आ अर्थ ‘गे आं मुर मनवे नु गो इ परमपरभु मनड’ देशो बाकब ।

१० इसराएलीपुकी समुन्दर डा बाल्वा सोदंशा पा शुश दुम्नीम । मिनु सुइमी मेको आन कली पुक्ने नु हिक्ने मचान्नीम । ते मेको आन कली ‘गेपुकी आं मुर मननी’ देशो बाकम मेकर मेको आन कली ‘गेना हना यो बरांडशा बाकब परमपरभु आ मुर’ देनीम । उत्पती २२ : १७ ; रोमी ९ : २६ ११ मिनु यहूदा आ मुर नु इसराएल आ मुर लेंशा गारशा का दुम्नीम । मिनु मेकोपुकीमी मुर का कली सासन पाइब सेल्लनीम । मिनु मेको रागी रे गरूनीम । मारदे हना यज्जरल आ नाक्त ठेयब दुम्ब” दंत । यसैया ११ : ११-१३ ; येरमीया ३ : ३८ ; इजीकीएल ३७ : २२

लेंशा रिम्शा पशा

१ मिनु परमपरभुमी ‘गेपुकी आंम लोकब आन २ कली ‘गे आं मुर बाक्नीनी’ देनीन । मिनु इन समी आन कली ‘आं दाकशा समी’ देनीन । हास १ : १९ ; हास १ : ६ २ इन ममा कली हुइक्तीन । मेको कली शुश हुइक्तीन । मारदे हना मेको आं मीश मबाकब । मिनु गो मेको आ वांडश मनड । मेकोमी आ मिक्च वांडश मुर गे हिरचा परोनल । मिनु आ दूध आस दाते डा नाता खरोइशशा, गरांगरा दिशा गेय परोनल । इजीकीएल १६ : २३ ; ३ मो मपाप्तु हना, गो मेको आ वा परुइशशा, मेको

जरमेशो नाक्ती खोदंशो पा शिशुरा पोक्नुड। गो मको कली गोरशो रागी खोदंशो सल्लुड। सोत्रशो रागी खोदंशो पा ब्वाक्कु मबाक्शो सल्लुड।

परमपरभु रे नोले शोइसीशो

४ गो मको आ तमी तौ आन कली आं दाक्स मकोइक्नुड। मारदे हना मकोपुकी तल्लेम पा थिशा आल बाक्नीम। ५ मको आन ममा जोल पा अर्का मुर नु गाक्त। मको आन कली मुन पा थिशा बाक्त। मकोमी गो आं कली दाक्ब वांइश खोइक्नुड। मिनु मकोमी आं कली जचा तूचा, ऊन नु सुती वा, तेल नु अडगुर शांबु गव' दंत। यरमीया ४४:१७ ६ मोपतीक गो मको आ लां चूमी तेक्नुड। मको आ लांम गारो सल्लशा, आ लां तेक्शा वोइक्नुड। मिनु मकोमी तेइ लां मताइब। ७ मकोमी आ दाक्शा मुर आन कली माल्थ लाइब। तन्न मको आन कली ग्याइक्ने मचाप्ब। मकोमी आ दाक्शो मुर आन कली कोत्रब। तन्न मथिप्ब। मिनु मकोमी 'मुल गो डॉइती डा खोदंशो पा आं वांइश आ बाक्तीक लाइनुड। मारदे हना गो मुल क्येडा मेना ठीक बाक्ती' दंत। ८ गो मको कली अन्न, नक अडगुर शांबु नु तेल गेता हना यो मकोमी मतुइक्त। गोम मको कली सुन चांदीम ग्योम्ताक्ड। तन्न मकोमी आं गेशो नेल्ल बाल देवता कली गप्तु। व्यवस्था ७:१२-१३

९ मोपतीक बाली मीमेनु नु नक अडगुर शांबु बाक्मेनु, मको गो लांइसीनुड। मिनु मकोमी फेक्शो आं ऊन नु सुती वा यो लांइसीनुड। १० गो मको आ दाक्शो मुर आन डॉइती मको कली शिशुरा पा आ मुन कोइक्नुड। मिनु सुइमी यो मको कली आं गुइ रे मलाइक्नीम। यरमीया १३:२२ ११ गो मको आ चाड नेल्ले मानेचा मगेनुड। मको आ बर्स बर्स डा चाडपुकी नु औंसी डा चाड, मको आ नाइक्तीक नाक्तपुकी नु मको आ अरु चाड नेल्ल मानेचा मगेनुड। १२ गो मको आ अडगुर बोटपुकी नु फोत्रशी खापुकी खतम सल्लुड। मको आ पर्वम मकोमी 'एको आं तल्लेम पशा डा गाल्व नमी' देशो बाक्त। गो मको खा रे ठेयब ब्वाकी सल्लुड। मिनु ब्वाकी डा जन्तुपुकीमी मको ब्वाइनीम। १३ गो मको कली बाल देवता कली धूप चोशो नाक्ती सजाइ गेनुड। मको नाक्त मको ग्योम्सीशा वांइश खोइक्तु। आं कली चहिं परंताक्यी।

१४ मोपतीक मुल गो मको कली लेम्शा, गोरशो रागीमी लाइक्नुड। मिनु मको नु आ दाक्शो लोत्र

पाइनुड। यसैया ४०:२ १५ मेकर गो मको कली आ अडगुर रू लेग्शा गेनुड। गो आकोर माइग्शो दिम कली चहिं आस पतीक रागी सल्लुड। मेकर मकोमी आ ठिटी बाक्ची ना डा खोदंशो नु इजीप्त रागी रे जाक्शो खोदंशो पा कुम्सा पाइब" दंत। यहासु ७:२४-२६

परमपरभुमी लेंशा दाक्ब

१६ मिनु परमपरभु यावेमी "मको नाक्त गे आं कली आं वांइश" दनेव। मिनु 'आं बाल देवता' मदनेव। यसैया ५४:५ १७ गो बाल देवता आन नें यो मको आ शोत्र रे गरुंडेनुड। मिनु लेंशा मकोमी मको आन नें गेनायो मथोइब। १८ गो मको नाक्त मकोपुकी, ब्वाकी डा जन्तुपुकी, सरीड डा चिक्बपुकी नु खपीम गरेशा गाक्ब जन्तुपुकी नु कबल का पाइनुड। मिनु मको रागी डा मुरपुकीमी मेना रे लिबरा, तरवार नु लडाइ मताइनीम। मिनु मुर नेल्ल हेम्म पा बाक्चा ताइनीम। उत्पती ९:१-१०; इजीकीएल ३४:२५ १९ गो इ कली गेना हना यो आं मीश सल्लन। गो इ कली थमा पा दाक्शा शिशो पा नु ठीक पा आं मीश सल्लन। परकाश १९:१७ २० गो इ कली मपरोइथु आं मीश सल्लन। मिनु परमपरभु यावे कली रिम्शो पा तुइक्नेव" दे परमपरभु यावेमी दंत। यरमीया ३१:३४ २१ परमपरभु यावेमी "मको नाक्त गो सरीड कली लोत्र लेल्लुड। सरीडमी रागी कली लोत्र लेप्ब। २२ मिनु रागीमी अन्न, नक अडगुर शांबु नु तेलमी यजरल कली लोत्र लेल्लनीम। २३ गो मको कली आं पर्वम आं रागीमी बाक्पाइक्नुड। गो मको कली 'मदाक्नुड' देशो कली आं शिशो कोइनुड। मिनु गो 'गेपुकी आं मुर मननी' देशो नड। मुल गो 'आं मुर ननी' देनुड। मिनु मकोपुकीमी आं कली 'गे आंइ परमपरभु बाक्नीनी' दनीम" दे परमपरभुमी दंत। होस १:६; होस १:९; रोमी ९:२५; १पतरुस २:१०

इसराएलम शिशो तशो

३ मिनु परमपरभु यावेमी आं कली "इ मीशेमी अर्का वांइश खोइग्शा, इ कली परोइतु हना यो, मुल लशा, इ मीश कली लेंशा इ दाक्तीक कांइदा। इसराएलीपुकीमी अर्का देवी देवता आन कली दाक्शा आन चददशो थोत्रक जचा दाक्ताक्म हना यो, परमपरभु यावेमी इसराएली आन कली दाक्ब" दंत। होस १:२ २ मोपतीक गो मको मुर कली १५ शकल चांदी, होमर का नु लेतक का क्योत्रज गेशा आं मीश लेंशा ग्याप्ता। शकल

का ११:५ गराम चांदी के क्येद बाकब। होमर का २२० लिटर बाकब। लेतेक का ११० लिटर बाकब। ३मिनु गोमी आं मीश कली “गे मुल शुश नाक्त सम्म गो नु बाकचा माल्नेवे। गे मुल तेल्लेम मपावो। अरु वोंइश मखातो। गो गे नु बाकनुड” देती। ४मारदे हना इसराएलीपुकी शुश नाक्त सम्म पिप नु सासन पाइब मबाकथु, बाकचा माल्नीम। मेकोपुकीमी चढ़ेचा कली मिम्तीक फुल्लु, एफोद माइश्शा चढ़ेब आ पांडीतीक वा नु आन खिं डा मूर्ति यो मताइनीम। २इतिहास १५:३ ५मिनु नोले डा नाक्तीमी इसराएलीपुकी लेश्शा, परमपरभु यावे, आन परमपरभु कली नु आन पिप दाऊद कली माल्नीम। मेकोपुकी खिरंखिर पा आन परमपरभु यावे गे लेश्शा, आसीक ताइनीम। येरमीया ३०:९; इजीकीएल ३४:२३-२४

### चढ़ेबपुकीमी मरिम्शो पशो

४ गे इसराएली, परमपरभु यावे आ लोत्र नेनीन। मारदे हना परमपरभु यावेमी रागीम बाकब इन कली दोस गेब। मार दोस गेब देशा हना “एको रागी डा मुरुमी आं कली परांडतीमी, आं कली मदाकथु, आं कली मटीनीम। २एकर कसम जचा, जील पचा, मुर साइकचा, सुइ पचा नु तेल्लेम पचा डा लाकशा, अर्का मारदे मबाकब। नेल्लेमी मरिम्शो ला पाइनीम। मेकोपुकीम मुर साइश्शा, हुश खराकश पोक्नीम। ३मोपतीक एको रागीमी रोंका पाइब। एकर बाकब नेल्ले आंखां पा जाम्शा लाइनीम। बस्तु भाव, चिकब नु समुन्दर डा डांड बेकशा, जाम्शा लाइनीम।

४तन्न सुइमी सुइ कली दोस मगमेकल। मुरुमी मुर आन कली ‘मरिम्शो पाइतीनी’ मदेमल। मारदे हना गो गे चढ़ेबपुकी नु लोत्र का पचा माल्लुड। ५गेपुकी काबु नाक्ती खतम दुम्नीनी। मिनु आं लोत्र पाइबपुकी यो गेपुकी नु काथा खतम दुम्नीम। मोपतीक गो इन खिं डा मुर नेल्ले गे नु खतम सेल्लुडमी। ६आं मुर मारदे मतुइक्तीक खतम दुम्नीम। मारदे हना गेपुकीमी तुइक्तीक कली ताइक्ताक्नी। मोपतीक गो यो इन कली आं कली चढ़ेब दुम्तीक रे ताइक्नन्नी। मारदे हना गेपुकीमी इन परमपरभु, आं अरेशो लोत्र कली क्यारी मपनी। मोपतीक गो यो इन आल आन कली क्यारी मपाइनुड। ७चढ़ेबपुकी दोशो बारमा, मोशोन आं कली मरिम्शो पाम्तेकम। मेको आन ठेयब दुम्तीक ताइश्शा, मुने दोक्तीक गेय

पाम्तेकम। ८मेकोपुकी आं मुर आन पाप आ पर्वम चढ़ेशो व्यशा दोम्नीम। मिनु मुरपुकीम पाप पशो दाक्नीम। लेवी ४:१३-२१, २७-३५; लेवी ६:१९ १मिनु मुरपुकी दोदेशो बाकमा, मोदेशो चढ़ेबपुकी बाक्नीम। गो मुरपुकी नु चढ़ेब नेल्ले आन कली सजाइ गनुड। मेकोपुकीमी दोदेशो पाम, मोदेशोन सजाइ गनुड। १०मेकोपुकीमी जाइनीम व्याइनीम, तन्न मरुनीम। मेकोपुकीमी तेल्लेम पशा, सोशा बोशा मलाइनीम। मारदे हना मेकोपुकीमी तेल्लेम पचा कली परमपरभु यावे कली परांडतेकम।

### इसराएली आन मूर्ति पूजा

११माइत अङ्गुर शांबु नु नक अङ्गुर शांबुम मुर आन रुप्तीक कली साम्ब। १२आं मुरपुकीमी शो के मूर्ति कली हिल्लो पाइनीम। मिनु मेकोपुकीमी कोक्केमी साहीत कोत्रनीम। मारदे हना तेल्लेम पतीक थुमी मेको आन कली हेंथ गाकपाइश्शा बाकब। मेकोपुकीमी तेल्लेम पचा कली परमपरभु कली परांडतेकम। येरमीया २:२७; होस ५:४ १३मेकोपुकीमी डांडामी चढ़ेनीम। मिनु पहाडमी तुल्ल, पिपल नु सेकल खा आन वांकुम धूप चोइनीम। मोपतीक इन तमी तेल्लेम दुम्नीम। मिनु इन चाइमीपुकी अरु आन वोंइश नु बाक्नीम। इजीकीएल ६:१३ १४गो इन तमी आन तेल्लेम पशो नु इन चाइमी अरु आन वोंइश नु बाकशो आ पर्वम सजाइ मगनुड। मारदे हना मेको वोंइश मुर यो सुइ मबाक्तीकमी तेल्लेम नु लेशा देवी देवता आन कली चढ़ेनीम। मोदेशो मरुख मुरपुकी जाम्शा लाइनीम। होस १:२

१५गे इसराएलीपुकी, तेल्लेम पाइतीनी हना यो, यहूदा डा मुर आन कली हेंथ मगाकपतीन। गेपुकी गिल्यालमी नु बेथ-आवेनमी मदन। मिनु “परमपरभु यावे बरांइशा बाकशो खोदेशो पा” दे कसम मजने” दे परमपरभुमी देत। आमोस ५:५; होस १०:५; आमोस ८:१४ १६इसराएलीपुकी मटीब बी खोदेशो बाक्नीम। दोपा परमपरभु यावेमी भेडा कली योत्रशा खोदेशो पा योत्रन चाकबा? १७एफराइम मूर्ति आन वारच दुम्शो बाकब। मोपतीक मेको कली परोनीन। १८मेकोपुकीमी शांबु थुम्शा यो तेल्लेम पना पन बाक्नीम। मेको आन सासन पाइब यो मुने दोक्नीम। १९ठेयब फश गिवार पशा, मेको आन कली योल्ब। मिनु मेको आन चढ़ेशो आ पर्वम मुने दोक्नीम।

चढेब आन कली सजाइ

१ मिनू परमपरभुमी “चढेबपुकी, एको लोत्र ननीन। इसराएलीपुकी इन नोफा दाइशशा ननीन। पिप आ खिं डा मुरपुकी, ननीन। एको निसाफ इन मरिम्शो पशा आ पर्वम बाकब। गपुकी मिस्या सहरमी दाइशशा ब्यारद नु ताबार सहरमी बरशो ग्याइल खोदंशो दुम्शो बाकनीनी। २ मकोपुकीमी शित्तीममी मुर बिकशा बक्तीक सल्लेक्म। गो मको नेल्ल आन कली सजाइ गेनुड।

इसराएलीपुकीमी सजाइ तशा

३ गो एफराइम आ पर्वम नेल्ल तुइक्नुड। मिनू इसराएल यो गो नु खरुइक्ने मचाप्व। एफराइम, गे तेल्लेम पतीकमी गरुम्शो बाकनेवे। इसराएल गुरांगरा दिचा डा दुम्शो बाकब। होस १:२; होस ६:१० ४ मको आन गय आ पर्वम आन परमपरभु गे लल्ले मचान्नीम। तेल्लेम पचा मको आन थुमी बाकब। मिनू मकोपुकीमी परमपरभु यावे कली मतुइक्नीम। होस ४:१२ ५ इसराएली आन ठेयब लत्तीकमी मरिम्शो पाइब बाकनीम, दे आन सांक्छी बाकब। एफराइम डा मुरपुकी आंम पाप पतीकमी खतम दुम्नीम। यहूदा डा मुरपुकी यो मकोपुकी नु खतम दुम्नीम। ६ मिनू मको आन क्यारश भडा नु बी ब्यफ लाइशशा, परमपरभु यावे कली माल्थ लाइनीमी। तन्न मकोपुकीमी मको कली मथिल्लीम। मारंद हना मको आन क्येडा डोन लत। यसेया १:११-१५ ७ मकोपुकी परमपरभु यावे र नोले शांडसीशो बाकनीम। मकोपुकीमी हंथ पा आल थिशा बाकनीम। मको आन औसी डा चाडमी आन बाली नाली नु मको आन कली खतम सल्ले। होस २:१३

थर निक्शी आस कली सजाइ

८ गिबामी तुराही नु रामाह सहरमी गुरोत्र ताप्पीन। बेथ-आवेनमी लडाइ डा तुराही ताप्पीन। बेन्यामीन डा मुरपुकी डांडती बारीन। २ राजा १५:३७; यसेया ७:१-९; होस ४:१५ १ सजाइ डा नाक्ती एफराइम गोरशो रागी खोदंशो दुम्ब। मुल मार मार दुम्बा, मको इसराएली आन कली देने थुम्ता। १० यहूदा थर डा ठेयब मुरपुकी सांद डा फुल्लु याकब खोदंशो दुम्तेक्म। गो आं गाइक्तीक मको आन तारी ब्याक्कु खोदंशो पा मोइक्नुडमी। ब्यवस्था १९:१४ ११ एफराइम डा मुरपुकी सजाइ तशा,

आन थुं लुक्च लत। मारंद हना मकोपुकी जाम्शा लाइब मूर्ति आन नोले खोइक्तेक्म। १२ मिनू गो एफराइम डा मुर आन कली तुम्ब नु यहूदा डा मुर आन कली राक्शो खोदंशो दुम्शो बाक्नुड।

१३ एफराइम नु यहूदामी आस श्यत तुइक्तेस नोले, एफराइममी अस्सुर डा ठेयब पिप कली ‘वारच पने’ दे पुंइथ मुर सोइक्ताक्व। तन्न मकोमी इ कली वारच पने मचाप्व। होस ७:११; होस १०:६; होस १२:२ १४ मारंद हना गो एफराइम कली गुप्स खोदंशो नु यहूदा कली ठिटा गुप्स खोदंशो दुम्शो बाक्नुड। गो मको आन कली खतम सल्ले, आं लो खोइक्नुड। गो मको आन कली कुरशा लाइक्नुड। मिनू मको आन कली आं र रोइक्ने मचान्नीम। होस १३:७; होस ६:१

१५ मिनू गो आं बाक्तीकमी लेशशा बाक्नुड। मकोपुकीमी आन मरिम्शो पशा तुइशशा, आं कली ममाल्मे सम्म बाक्नुड। मिनू मकोपुकीमी शुश श्यत जशा, आं कली माल्लीम” दे परमपरभुमी देत। यसेया २६:१६

परमपरभु गे लेशशा, कुम्सो पशा

१ मिनू मार लोत्र पाइनीम दंशा हना “पिन, ६ गोपुकी परमपरभु यावे गे लेय्य। मकोमी आंइ कली टुकरा टुकरा पशा बाक्त। मिनू आंइ कली सापाइक्व। मकोमी आंइ कली तुप्तु। मिनू मकोमी आंइ कली आस्ती पाइक्व। होस ५:१४ २ नाक्त निक्शी नोले परमपरभुमी आंइ कली लेशा ब्रांइचा गेब। मिनू नाक्त सां नोले आंइ कली आ डांडती राप्पाइक्व। मिनू मोपा गोपुकी मको आ डांडती ब्रांइनीकी। ब्यवस्था ३२:३९ ३ गोपुकी परमपरभु यावे कली तुइशशा, ठेयब सल्ले। मको कली शुश तुइशशा मान पय। मको नां दाप्शो बुद पा जाक्व। हिउद डा रउ खोदंशो पा जाक्व। बर्सा डा रू कली रिम्शो पा जिप्व रउ खोदंशो पा जाक्व” दे लोत्र पाम्तेक्म।

४ मिनू परमपरभुमी “एफराइम, गो इ कली मार पड ? यहूदा इ कली मार पड ? इस दाक्चा सुनी डा गोस्स खोदंशो नु रीब पा जाम्शा लाइब सीत खोदंशो बाक्व। होस ७:१६ ५ मोपतीक गो इस कली आं लोत्र पाइब र पा टुकरा टुकरा पाता। आं लोत्रमी इस कली साइक्ता। आं निसाफ इस तारी चिला आप्शो खोदंशो बाक्व। येरमीया २३:२९ ६ मारंद हना गो क्यारशा चढेशो क्येडा दाक्मुतीक दाक्नुड। मिनू चोशा चढेशो क्येडा आं कली तुइशशा ठेयब सल्ले

दाक्नुड। १सामुएल १५ :२२ ; हितोपदेस २१ :३ ;  
मती १ :१३ ; १२ :७

### रागीम मरिश्शो पशो

७मकोपुकीमी आदम सहर डा मुर खोदंशो पा गो नु पशो कबल परांइतकम। मकोपुकीमी आं कली थमा मसुइक्थु परांइतकम। यहासु ३ :१६ ८ गिलाद मरिश्शा मुर आन सहर बाक्व। मको सहर डा लो हुशम खरुश्शा खोइल आ छापम बरीशो बाक्त। १दोपा रोइक्वपुकी बाप्शा बाक्नीमी, मोपा चद्वेबपुकी यो बुक्शा बाक्शो बाक्नीमी। मकोपुकीमी शकम लतीक लांमी मुर साइक्नीमी। मकोपुकीमी ठेयब मुने डा गेय पाइनीमी। १०गो इसराएली आन खिंमी हिंचा डा गेय का ताता। एफराइममी तेल्लेम पना पन नु इसराएल गरांगरा दिक्वा डा दुश्शो बाक्त। होस ५ :३ ११ यहुदा, इ कली यो सजाइ गेतीक नाक्त जाक्व” दे परमपरभुमी दंत।

१“गो इसराएल डा मुर आन कली ७ सापाइक्वा मिस्ताक्ड हना, एफराइम आ मरिश्शो पशो नु सामरीया आ पाप तांइसीब। मकोपुकी जोल पना पन बाक्नीमी। सुइपुकी खिं ओव्रशा सुइ पाइनीमी। रोइक्वपुकीमी लांमी मुर आन कली रोइक्नीमी। योएल ४ :१ २गो मको आन मरिश्शो पशो नेल्ल तुइश्शा मिन्नुड। मकोपुकीमी मतुइक्नीमी। मकोपुकीमी मरिश्शो ला पाइनीमी। मिनु मको आन पाप गेना हना यो आं डांइती बाक्नीमी” दंत।

### नक पिप साइश्शो

३परमपरभुमी “मको आन मरिश्शो पशोमी पिप कली ग्येरपाइक्नीमी। मिनु आन जोल पतीकमी सासन पाइब आन कली ग्येरपाइक्नीमी। ४मको नेल्ल तेल्लेम बाक्नीमी। मकोपुकी शोब्ले चोचा कली होइश्शो चुप्तु खोदंशो बाक्नीमी। मको शोब्ले चोइबमी फस निवा रे मबोरम सम्म मी थुक्वा ममाल्ब। ५आंइ पिप आ भोजम आ सासन पाइब अडगुर शांबु तूशा दुक्नीमी। मिनु पिपमी शुक्शी पाइबपुकी नु गुइ गारपाइक्व। ६मको शुक्शी पाइब आन थुं मी खोदंशो पा बरशो बाक्व। मकोपुकी नमी सिमो पा पिप आ नेक्था जाक्नीमी। मको आन थुंम बाक्शो पतीक नेल्ल नाक्दो मी पुश्शो खोदंशो पा बाक्व। मिनु मको सुनी ठेयब मी खोदंशो पा बराइब। ७मको नेल्ले मी खोदंशो पा बरशो बाक्नीमी। मिनु आन सासन

पाइब आन कली साइक्नीमी। मको आन पिप नेल्ल आन कली साइक्तकम। मिनु मेकर डा सुइमी यो आं कली मथोइनीमी” दंत।

### इजीप्ट कली बरेशशो

८“एफराइम थर डा मुरपुकी रागी डा मुर नु ब्वाइसीनीमी। एफराइम मलोक्शो शोब्ले खोदंशो बाक्व। १अर्का रागी डा मुरपुकीमी मको आ बोल नुप्पाइक्नीमी। तन्न मकोमी मतुइक्व। मको आ चां का निक्शी बोइश्शो बाक्व। तन्न मकोमी मतुइक्व। १०इसराएल आ ठेयब लेत्तीकमी ‘मरिश्शो पाइब बाक्व’ दे आन सांकछी बाक्व। तन्न मकोपुकी परमपरभु यावे, आन परमपरभु गे मलेत्नीमी। मिनु मको कली ममाल्नीमी” दंत।

११“एफराइम निप्स मपाइश्शो ढुकुर खोदंशो बाक्व। मको कली निप्स मपाइश्शो आन कली खोदंशो पा जोल पने चाम्सीब। मुल मकोपुकीमी इजीप्ट रागी कली ‘वारच पने’ दे बरत्नीमी। इक्का नाले मकोपुकीमी अस्सुर रागी कली बरत्नीमी। होस ५ :१३ १२मिनु मकोपुकी लची ना, गो मको आन तारी आं ग्याइल ब्यारनुड। गो मको आन कली सरीड डा चिक्व आन कली खोदंशो पा उइ तोक्नुडमी। गो मको आन मरिश्शो पतीक कली सजाइ गेनुड। १३आबी आबी, मकोपुकी गो रे पा डोन लाम्तकम। मकोपुकी खतम दुम्मल। मारदे हना मकोपुकी आं कली मटीब दुश्शो बाक्नीमी। गो मको आन कली श्यत रे परांइचा दाक्नुड। तन्न मकोपुकीमी आं पर्वम जोल पाइनीमी। भजन संग्रह ८१ :१४-१५

१४मकोपुकीमी आन थुं नेल्लेमी आं कली मबरत्नीमी। तन्न आन बराख्येमी रोंका पाइनीमी। अन्न नु नक अडगुर शांबु आ पर्वम बुक्नीमी। तन्न आं रे पा आन कुल हिरनीमी। १५गो मको आन कली शंशा, बाल्यो सल्ला। तन्न मकोपुकीमी आं कली मरिश्शो पचा मिन्नीमी। १६मको नेल्ल क्येडा ठेयब गे मलेत्नीमी। मकोपुकी जिक्शो लिबरा खोदंशो बाक्नीमी। मको आन ठेयब मुर आन मरिश्शो पशो लोत्र आ पर्वम तरवारमी साइक्वा पुंइसीनीमी। इजीप्ट रागीमी मको आन पर्वम शुक्शी पाइनीमी” दंत। भजन संग्रह ७८ :५७

### इसराएलीपुकीम सजाइ तशो

१मिनु “तुराही तापो। ककाकुली का परमपरभु ८ यावे आ खिं तारी बरना बरन बाक्व। मारदे

हना मुरपुकीमी आं पशो कबल परांइतेकम। आं अरशो लोत्र मटीम। यसैया ५८:३; व्यवस्था २८:४९; होस ६:७ २मिनु इसराएलमी आं कली 'आंइ परमपरभु, गो इन कली तुइकनीकी' दे दैनीम। ३तन्न इसराएलीपुकीमी रिम्शो पचा परांइतेकम। मिनु जोरी सतरु काम मेको कली खंदा पाइब। ४मेकोपुकीमी आं कली हिल्लो मपथु पिप योत्रनीम। मेकोपुकीमी गो आं मंदथु सासन पाइबपुकी योत्रनीम। मेकोपुकीमी खतम दुम्चा कली आन सुन चांदी रे पा आम कली मूर्ति सल्लनीम। २राजा १५:१०,१४,२५,३० ५सामरीया डा मुरपुकी, इन बाछा आ मूर्ति ताइकतीन। गो मेकोपुकी नु गाइशो बाक्नुड। गेना सम्म मेकोपुकी आं मुर दुम्चा मदाकनीमी? परस्थान ३२:२०; १राजा १२:२८ ६मेको बाछा इसराएल रागी रे चाकशो बाक्त। मूर्ति सेल्लम मेको कली सेल्लु। मेको परमपरभु मबाक्ब। काबु नाक्ती मेको सामरीया डा बाछा टुकरा टुकरा दुम्ब।

७मेकोपुकीमी फश शाकनीम। मिनु ठेयब फश गिवार सुनीम। मेको आन चेरब बोटमी बाला मबाक्नीम। मिनु मेकोपुकीमी फस सेल्ले मचाप्नीम। आन बाला बाक्तेकम हना यो, रागी रागी डा मुरपुकीमी मेको सुष्णा जाइनीम। यरमीया १२:१३ ८इसराएल खतम पोक्चा पुंइसाक्ब। मुल मेकोपुकी रागी रागी डा मुर आन दातमी शोर गाक्शो मुर खोदंशो दुम्शो बाक्नीम। यरमीया २२:२८ ९ब्याकी डा गधा हेंथ गाक्शो खोदंशो पा मेकोपुकी अस्सुरमी लाम्तेकम। एफराइम डा मुरपुकी आम कली दाक्बपुकी कली लेयसीशो बाक्नीम। होस ५:१३ १०मेकोपुकी आम कली लेयसाक्ब हना यो, मुल गो मेको आन कली खुप्नुडमी। मिनु मेकोपुकी सक्ति पाइशो पिप आ गुइ रे क्याम्चा पुंइसीनीम।

११एफराइममी आ पाप पतीक चढेतीक शुश सेल्लु। मेको चढेतीके शुश सेल्लतीके मेको कली पाप दुम्शो बाक्ब। १२मिनु गो मेको आन कली आ अरशो शुश बरक्ताकड। तन्न मेकोपुकीमी आं लोत्र थमा मसुदेम। १३मेकोपुकीमी आं कली चढेनीम। मिनु श्य ब्वाइनीम। तन्न परमपरभु यावे मेकोपुकी नु मग्यरसीशो बाक्ब। मुल परमपरभु यावेमी मेको आन मरिम्शो पशो मिम्शा, मेको आन कली सजाइ गेब। मिनु मेकोपुकी इजीप्त रागीमी लेशशा लाइनीम। १४इसराएलीपुकीमी आम कली सेल्ल कली परंशा, ठेयब दरवार सेल्लो बाक्नीम। यहूदा

डा मुरपुकीमी शुश सहर एर ओंथ गारो सेल्लो बाक्नीम। तन्न गो मेको आन सहरमी मी सुइशशा दरवार नेल्ल करोइक्नुड" दे परमपरभुम दंत। यरमीया १७:२७; आमोस २:५

होसमी लोत्र पशो

१इसराएली, मग्यरसीन। अर्को रागी रागी डा मुर खोदंशो पा, सोम्शा मग्यरसीन। मारदे हना गो इन परमपरभु क्येडा नोले शोइसाक्नी। गो अन्न आंइतीक चाडमी तेल्लम पशो आ परबम क्येड ताक्चा दाक्नीनी। होस १:२ २मुल अन्न आ खला डा अन्नम नु अडगुर कोल डा अडगुर शांबुम मुर आन कली मरुपाइक्ब। नक अडगुर शांबु मेको आन कली मजाक्दीप्ब। ३मेकोपुकी परमपरभु यावे आ रागीमी बाक्चा मताइनीम। एफराइम इजीप्त रागीमी लेशशा लाइब। मिनु मेकोपुकीमी अस्सुरमी गरांगरा दिचा डा थोत्रकी जाइनीम। होस ८:१३

४मेकोपुकीमी परमपरभु यावे कली अडगुर शांबु चढेनीम। क्योरशा चढेतीक मचढेनीम। आन जचा थोत्रक मोन खेम खोदंशो पा जाइनीम। मेको जाइब नेल्ल गरांगरा दिशो दुम्नीम। मेको आन जचा थोत्रकीम मेको आन शोत्रलु साइक्चा ला दुम्ब। परमपरभु यावे आ खिमी चाक्ने मचाप्नीम।

५गपुकी इन ठेयब चाड नु परमपरभु आ चाडमी मार पाइनीनी? ६मेकोपुकी खतम दुम्चा कली परोक्तेकम हना यो, इजीप्त रागीमी मेको आन कली सुप्ब। मिनु मम्फीस डा मुरपुकीमी मेको आन कली थिम्नीम। मेको आन चांदी क सेल्लो थोत्रकपुकी चू नु चांकम सुम्ब। मिनु आन ताम्बुमी चू वानीम। होस १०:८

७मिनु सजाइ गेतीक नाक्त जाक्शो बाक्ब। क्येक्क लेतीक नाक्त यो जाक्शो बाक्ब। इसराएल डा मुरपुकीमी मेको तुइक्नीम। परमपरभु यावे आ लोत्र पाइब गुक्शो खोदंशो पा बाक्नीम। मेकोपुकी गशो दुत्तेकम। मारदे हना इन मरिम्शो पचा नु मदाक्चा आ परबम मोदंशो दुम्त। ८परमपरभु यावेमी आ लोत्र पाइब कली एफराइम कली कोत्रब सेल्लु। मेको आ लां नेल्लेमी चिक्ब रतीक ब्यारद खोदंशो बाक्नीम। आ परमपरभु आ खिमी यो मेको कली काइ मदाक्नीम। ९गिवा डा नाक्त खोदंशो पा मेकोपुकी काइ मरिम्शो गेय पाम्तेकम। परमपरभु यावेमी मेको आन मरिम्शो पशो

मिम्शा सजाइ गेब। होस १०:१; न्यायाधीस ११:२२-३०; न्यायाधीस २०:१३

डोंडती नु नोले डा इसराएल

१० दोंदंशो पा गोरशो रागीमी अङ्गुर थित्नीमी, मोदंशो पा गो इसराएल कली थित्ता। फोत्रशी रवामी नेल्ल क्येडा डोंडती डा फोत्रशी फल सिश्शो सोदंशो पा गो इन किकी पिपी आन कली थित्तामी। तन्न मेकोपुकी बाल-पेओर गे लास्तेक्म। मिनु मेकोपुकी ओम कली बाल कली जिम्मा गेसाक्म। मिनु मेको आन दाक्शो मूर्ति सोदंशो पा गरांगरा दित्वा डा दुस्तेक्म। व्यवस्था ३२:१०; गन्ती २५:३ ११ एफराइम आ सक्ति चिक्व सोदंशो पा बेरशा लाइब। मेको आन दातेमी सुइ यो आल थीब मडुम्नीम। १२ मेकोपुकीमी आल थिशा कोल्पाइक्तेक्म हना यो, गो का सम्म यो मपरांडथु लाइक्नुड। मिनु गो मेको आन कली परांडशा डोन लाइक्नुड। मिनु मेको आन कली ठेयब श्येत दुम्ब। १३ एफराइम आ तौपुकी साइक्चा पुंडसीनीम। एफराइममी आ तौ आन कली क्योरचा कली लाइक्चा माल्ब। इजीकीएल २७:३ १४ परमपरभु यावे, गो मेको आन कली मार गेनीनी? मेको आन आल शाम्सेक्ल। मिनु मेको आन दूध सोत्रल। १५ मेको आन मरिम्शो पतीक नेल्ल गित्वाल्म पाम्तेक्म। मक रे गो मेको आन कली तशा गरांगरा दिचा गोत्रता। मेको आन काइ मरिम्शो पतीक, गो आं खिं रे खरनुडमी। मेको आन ठेयब मुर नेल्ल मटीब बाक्नीम। १६ एफराइम आप्चा पुंडसीशो बाक्ब। मेको आन शाक्श सोत्रशो बाक्ब। मेकोपुकी मसित्नीम। मेकोपुकीमी आल थिम्तेक्म हना यो, गो मेको आन दाक्शो आल आन कली साइक्नुड। १७ आं परमपरभुमी मेको आन कली परांडब। मारदे हना मेकोपुकीमी आ दंशो मटीम। मोपतीके मेकोपुकी रागी रागी डा मुर आन दातेमी हिरशा गाक्ब दुम्नीम।

चढ़ेनीम तन्न दूली पाइनीम

१ डोंडती इसराएल बराक्शो नु शुश फल सिख अङ्गुर बोट का बाक्त। मिनु इसराएल डा मुरपुकी शुश क्येट थीब दुस्तेक्म। मिनु मोपा मेकोपुकीमी फुल्लु के चढ़ेतीक यो शुश सल्लेक्म। मिनु मेको रागीमी दोशो क्येट चेम्म, मोशोन मे कोपुकीमी आन थाम डा मूर्ति दारपाइक्तेक्म। येरमीया २:२१; लेवी २६:१

२ मेको आन थुं दूली बाक्ब। मुल मेकोपुकीमी आन मरिम्शो पशो आ सजाइ तचा माल्नीम। परमपरभुमी मेको आन चढ़ेतीक नु आन खरुक्शो फुल्लु परख। मेको आन थाम डा मूर्ति यो सतम सल्लब।

श्येत जशा, थुं लेश्शो

३ मिनु मुल मेकोपुकीमी “गो परमपरभु यावे कली मान पा महितीक गो आइ के पिप मबाक्ब। मिनु पिप बाक्त हना यो मेकोमी आइ कली मार पने चाप्चा डा?” दंनीम। ४ मेकोपुकीमी शुश फश लोत्र पाइनीम। मार फश लोत्र पाइनीम दंशा हना, जोल पा कसम जशा कबल पाइनीम। मोपतीके वाक्शो स्मी ओशर पाइश्शो सुवा वाशो सोदंशो पा मुददा बारनीम।

मूर्ति पूजा पचा थुम्शो

५ सामरीयामी बाक्ब मुरपुकी बेथ-आवेन डा बाछा आ मूर्ति आ पर्वम हिनीम। डोंडती मेको मूर्ति आ दारस तशा, ग्येरसीशो मुरपुकी मेको आ पर्वम रांका पाइनीम। चढ़ेबपुकी यो मेको आ पर्वम रांका पाइनीम। मारदे हना मेको मूर्ति डोन लाइक्सीशो बाक्ब। होस ४:१५ ६ मेको मूर्ति कली अस्सुर लाइक्नीम। मिनु ठेयब पिप कली सोइक्नीम। एफराइम मुने दोक्ब, इसराएल चहिं आ मिम्शो आ पर्वम मुने दोक्ब। होस ५:१३

७ सामरीया डा पिप ब्याक्कुम बाक्शो जिक्शो राशी सोदंशो पा योल्सीब। ८ मिनु आन मरिम्शो पतीक मूर्ति बाक्शो आवेन डोंडा सतम पाक्नीम। मेको इसराएल डा मुर आन पाप पशो बाक्ब। मेको आन फुल्लु के चढ़ेतीकमी चुं नु चोक वाशा सुम्नीम। मिनु मेकोपुकीमी पहाड कली “आइ कली सुम्की” दे डोंडा कली “आइ तारी दोक्कीन” दंनीम। होस ९:६; लुका २३:३०; परकाश ६:१६

९ गे इसराएलीपुकीमी गिबा आ नाक्त रे पाप पाइतीनी। मिनु मुल सम्म पाप पना पन बाक्नीनी। गिबा डा मरिम्शो पाइब मुर आन कली मार, लडाइमी मसदमे डा? होस ९:१ १० गो गेना दाक्नुडा, मेना मेको आन कली सजाइ गेनुड। मेको आन साप्पा मरिम्शो पशो आ पर्वम रागी रागी डा मुर आन हुलमी मेको आन कली फरंशा लाइक्नीम।

आन दला दाक्स पशो

११ मिनु एफराइम मगिक्शो बी का सोदंशो बाक्ब। मिनु दांइ पशानु, मेको ग्येरसीब।

मोपतीक मेको आ दारशो बलामी गो जुवा लान्नुड। गो एफराइम कली दौरपाइक्नुड। यहूदामी ब्यफ वाक्चा माल्ब। मिनु याकूबमी डल्ला परांल्वा माल्ब। १२ठीक पतीक शाक्कीन। मिनु मप्रांइचा डा दाक्तीक अन्न खोदंशो पा सुप्तीन। गे इन मवाक्शो रू वाक्तीन। मारदे हना इन परमपरभु यावे कली माल्बी नाक्त जाक्त। मिनु मेको जाक्शा, गे इन कली पाप रे प्रांइब। येरमीया ४ :३; यसैया ५५ :६

१३तन्न गेपुकी परमपरभु यावेमी अरेशो मटितीकम गरुम्शा बाक्तीनी। मिनु ठीक मदुम्तीक सुप्शा बाक्तीनी। गेपुकी जाल आ फल जाइब बाक्तीनी। मारदे हना गे आंम बोल नु इन लडाइ पाइब आन कली थमा सुइक्तीनी। अय्युब ४ :८; १४मोपतीक इन मुर आन कली लडाइ तोइनीम। मिनु शात्मनमी बथ-आरबेल कली खतम पोक्शो खोदंशो पा इन दरवार नेल्ल खतम पोक्शा गेनीम। मेना आल नु आ ममा कली यो साइक्नीम। १४मारदे हना इन मरिम्शो पतीक मोदंशो ठेयब बाक्ब। मोपतीक मोदंशो दुम्ब। मेको नाक्त सुनी नां दाम चोटीन इसराएल डा पिप आन कली खतम पोक्नीम।

परमपरभुमी इसराएल कली दाक्शो

११मिनु परमपरभुमी "इसराएल आल बाक्मनु, गो मेको कली दाक्ताक्ड। मिनु गो आं ती कली इजीप्त रागी रे बरताक्ड। ब्यवस्था ७ :८; प्रस्थान ४ :२२-२३; मत्ती २ :१५ २मिनु गो दोशो इसराएली आन कली बरतु, मोशान आं क्येडा डान लाम्तेकम। मेकोपुकीमी बाल देवता कली चढ्मेकम। मिनु मूर्ति आन कली धूप चोम्तेकम।

३एफराइम कली गुइ ग्याइश्शा गाक्चा शंब गो नड। गो मेको आन कली आल आन कली खोदंशो पा कुरता। तन्न गो मेको आन कली सापाइक्ता हना यो, मेकोपुकीमी मतुइक्तेम। ४गोमी मेको आन कली मुर आन शिशी पशो खोदंशो पा सुल्ताक्मी। गो मेको आन कली शुश दाक्ताक्ड। गो मेको आन बलामी लाम्सीशो जुवा गरुंडशा गतामी। गो मेको आन डांइती बाप्शा, मेको आन कली थुल्तामी।

५मार, मेकोपुकी इजीप्त रागी लेत्वा माल्नीमी? मिनु अस्सुर मेको आन पिप दुम्चा माल्ब। मारदे हना मेकोपुकी आं गे लेत्वा मबिस्सम। ६मेको आन सहरपुकीमी लडाइ

दुम्नीम। मिनु मेको आन लाप्चो डा थाम मीम दुम्नीम। मेको आन मिम्शो नेल्ल खतम दुम्नीम। ७आं मुरपुकी गेना हना यो, आं क्येडा डान लाइनीम। मोपतीक मेकोपुकीमी जुवा कुरशो खोदंशो पा श्यत जचा माल्नीम। मिनु सुइमी मेको आन कली आन श्यतर मप्रांइब।

५एफराइम, गो इ कली दोपा प्रांइने चान्नुडा? इसराएल, गो इ कली दोपा इ जारी सतरु आन गुइमी गेन चान्नुडा डा? गो इ कली दोपा अदमाह कली पाइश्शा खोदंशो पाइनुडा डा? गो इ कली दोपा सेबोयीम खोदंशो सल्लुडा डा? मुल आं थुं फांइसाक्ब। गो गाइक्चा रे लेश्शा, शिशी पाइब दुम्ती। ब्यवस्था २९ :२२; येरमीया ३१ :२० १गो आं ग्याइश्शा कुरशा मगाक्नुड। गो एफराइम कली लेशा खतम मपाइनुड। मारदे हना गो परमपरभु नड। गो मुर मनड। गो इन दातेमी नेल्ल क्येडा सक्ति पाइश्शा दुम्शा, गाइश्शा मजाक्नुड। १०मेकोपुकी परमपरभु यावे आ नोले खोइक्नीम। मेको चहिं गुप्स खोदंशो पा गरीब। मिनु मोपा गरीमनु, आ आलपुकी पच्छिम रे पा खिरंखिर पना पन जाक्नीम। येरमीया २५ :३०; होस २ :१ ११मेकोपुकी इजीप्त रागी रे चिक्ब खोदंशो पा बरशा जाक्नीम। अस्सुर रे पा टुकुर खोदंशो पा खिरंखिर पना पन जाक्नीम। गो मेको आन कली आन सिंमी बाक्चा गेनुड" दे परमपरभु यावेमी दंत। १२एफराइममी आं कली जाल पना पन बाक्ब। मिनु इसराएलीमी यो खाल का डा पा आं कली जाल पाइनीम। मिनु यहूदा आ का ला परमपरभु आ नोले खोइक्चा कली थुं निक्शी पशो बाक्ब। तन्न मेकोमी मेको आन कली दाक्शा मप्रांइब।

इसराएलीम पाप पशो

१२ १एफराइममी आं कली लोत्र पाइब। मेकोमी नेल्ल नाक्त पूर्ब डा फश कली खेदा पाइब। मेकोमी जाल नु हुश खराक्श पोक्चा बारपाइक्ब। मेको अस्सुर नु गारब। मिनु इजीप्त रागी कली तेल सोइक्ब। होस ५ :१३

२परमपरभु यावेमी यहूदा आ मरिम्शो पशो डा सजाइ गप्तु। मेकोमी याकूब आ मरिम्शो पशो आ परबम सजाइ गेब। मेकोपुकीमी दोदंशो पामे, मोदंशो पा सजाइ गेब। ३मेकोमी आ ममा आ कांक्जीम आ लोक्ब आ गंगेर ग्याइक्ताक्ब। मिनु ठेयब दुम्शा, परमपरभु यावे नु राम्शी पाप्तु। उत्पत्ती २५ :२२,२६; उत्पत्ती ३२ :२५-

२९ ४ मेको परमपरभु आ स्वर्ग डा गेय पाइब नु राम्शी पा गरात। मेकोमी डाकशा “शिशी पाइय्गी” दे पुंडतु। मेकोमी परमपरभु कली बथेल सहरमी गरुमानु, परमपरभुमी मेको नु लोत्र पाप्तु। उत्पत्ती ३५ :१५ ५ मिनु परमपरभु यावे, मुर नल्ल आन परमपरभु आ नं यावे बाकब। भजन संग्रह ८३ :१९ ६ मिनु मेकोमी “गे परमपरभु गे लेत्वा माल्नेवे। गे दाक्चा नु ठीक पचा मपुरोनीन। परमपरभु यावे कली रिम्शा बाक्कीन” देत।

७ मिनु जोल पा नाक्तीक चलेब ग्याच्व लेयब मुरुमी जोल पचा दाक्नीम। ८ एफराइममी “गो शुश क्येट थीब दुम्ती। गो शांप पाइश्शो बाक्नुड। आं शुश क्येट चेम्तीक गे पाप पाप्तीवी” दे दोस गेने मचान्नीम” देत। प्रकाश ३ :१७ ९ मिनु “गो परमपरभु यावे, इन परमपरभु नड। गो इन कली इजीप्त रागी र चाक्शो नड। गो डांइती डा चाड नाक्ती खोदेशो पा इन कली लेंशा इन ताम्बुमी बाक्चा गेनुड” देत। होस १३ :४

१० मिनु मेकोमी “गो नोले दुम्ब लोत्र पाइबपुकी नु लोत्र पाता। गो मेको आन कली कांइतीक कांइताक्ड। गो मेको आन कली कथा शंपाइक्ता। ११ गिलाद मरिम्शो पाइब बाक्ब। मेको आ मुरपुकी शोर गाक्शो बाक्नीम। मेकोपुकीमी गिल्गालमी ब्यफ चदंम्तेक्म हना, आन फुल्लु के चदंतीक बरश्शा, फुल्लु देल्शा खोदेशो दुम्ब। होस ६ :८ ; होस ९ :१५ १२ मिनु याक्ब पराक्शा, अराम रागीमी लत। मेकर इसराएलमी मीश चाक्चा आ पबंम गेय पाप्तु। मेकोम मेकर भेडा योत्रतु। उत्पत्ती २७ :४३ ; उत्पत्ती २८ :५ ; उत्पत्ती २९ :२० १३ मिनु परमपरभु यावेमी आ लोत्र पाइब आ पतीक इसराएली आन कली इजीप्त रागी र गरुंडताक्व। मिनु आ लोत्र पाइब र पा मेको आन कली कोत्रतु। प्रस्थान ३ :१० १४ तन्न एफराइममी परमपरभु कली चुरपाइश्शो बाक्ब। मोपतीके परमपरभुमी आ पशो हुश खराक्श पोक्तीके आ पबंम सजाइ गेब। मेकोमी दोदेशो पवा, मोदेशो पा क्येक्क लेत्वा पुंडसीब” दे परमपरभुम देत।

परमपरभु इसराएल नु गाइश्शो

१३ मिनु परमपरभुमी “एफराइममी लोत्र पवानु, मुरपुकी खिरंखिर पाम्तेक्म। इसराएलमी मेको कली मान पाम्तेक्म। तन्न

मेको बाल देवता कली पूजा पतीके बेक्त। २ मिनु मुल मेको क्येडा शुश पाप पाइनीम। मेकोपुकीमी आंम कली चांदी के मूर्ति सेल्नीम। मेको मूर्ति नेल्ल मुरुमी सेल्शा बाक्नीम। मिनु मुरुमी मेको आन कली चदंन। बाछ्छा कली पुक्पु पनं देनीम। यसेया ४४ :१० ३ मोपतीके मेकोपुकी सुनी डा गोस्स, सुनी डा जाम्शा लाइब सीत, फशमी योल्ब खला डा भूस नु झेल र पा गरुब कुन खोदेशो दुम्नीम” देत। होस ६ :४ ; भजन संग्रह १ :४

४ मिनु “गो परमपरभु यावे, इन परमपरभु नड। गो इन कली इजीप्त रागी र गरुंडताक्ड। गो गो आं डा लाक्शा अरु परमपरभु मतुइक्नीनी। मिनु गो आं डा लाक्शा अरुमी पाप र परांइने मचान्नीम। ५ मिनु गो गोरशो रागी नु शुश सोत्रशो रागीमी इन कली कोत्रता। होस ९ :१० ६ गो मेको आन कली रूपाइक्ता। मिनु मेकोपुकी ठेयब लेश्शा, आं कली परंताक्म। ब्यवस्था ३२ :१५ ७ मोपतीके गो मेको आन कली गुप्स खोदेशो पा नु जोइ खोदेशो पा आन लांम बाप्शा बाक्नुड। होस ५ :१४ ८ चाइक्ब रॉइसीशो वां खोदेशो पा मेको आन कली ग्याइश्शा आन रां चेल्लुड। मिनु गुप्सुमी खोदेशो पा मेको आन कली ब्वाइनुड। मिनु ब्वाकी डा जन्तुमी साइश्शो खोदेशो पा साइक्नुड।

९ इसराएलीपुकी, गो इन कली खतम सेल्लुड। इन कली सुम वारच पाइबा? यरमीया २ :१७ १० इन कली परांइने चाच्व ते बाक्मा? इन कली वारच पाइब सासन पाइब, ते लाक्गम? मेको आ पबंम गेपुकीमी गो आंइ कली पिप नु सासन पाइब गेकी? देतीनी। १ सामुएल ८ :५-९ ११ मोपतीके गो गाइश्शा इन कली पिप का गेता। मिनु गो चुरशा मेको कली पोक्शा लाइक्ता।

१२ एफराइम आ पाप खरुइश्शा वोइश्शो बाक्ब। मेको आ पापपुकी बरक्शा वोइश्शो बाक्नीम। १३ मीश मुर आल थितीक रोइ पशो खोदेशो पा मेको कली श्येत दुम्ब। तन्न मेको मारइ यो मतुइक्ब आल खोदेशो बाक्ब। मेको दूली पा जरमशो बाक्ब।

१४ गो मेको आन कली तुरस र परांइनुडा डा? गो मेको आन कली बेक्चा र पा परांइनुडा डा? साइक्ब, इ साइक्तीक ते बाक्बा? तुरस, इ खतम सेल्लुकीक ते बाक्बा? गो शिशी मपाइनुड। २ तिमोथी १ :१० ; प्रकाश २० :१४ ; १ कोरिन्थी १५ :५४-५५

१५ मेको आ लोकब आन दातेमी रिम्शो दुम्शा सोशा बोशा लत हना यो, गो मेको कली शिशी मपाइनुड। परमपरभु यावे रे पा पूर्व डा फश गोरशो रागी रे पा जाक्ब। मिनु आ व्याक्कु बुक्तीक सोत्रब। मेको आ इनार यो सोत्रनीम। मोपा मेको आ शुश क्येट लाइब मारइ मारइ नल्ल नुप्नीम। १६ सामरीया डा मुरपुकीमी आन पाप पशो डा श्यत जचा माल्नीम। मारदे हना मेकोपुकीम आंम परमपरभु कली मटीम। मेकोपुकी तरवारमी साइक्चा पुंडसीनीम। मेको आन आलपुकी खर्पीमी ताइश्शा साइक्चा पुंडसीनीम। मेको आन कोत्रज कुरशो मीश मुर आन कोत्रज चेत्चा पुंडसीनीम” दंत। २ राजा १५ :१६

परमपरभु गे लेत्तीन, दे बरेश्शो

१४ १गे इसराएली, परमपरभु यावे, इन परमपरभु गे लेश्शा जाक्कीन। मारदे हना गे इन मरिम्शो पतीके रे खतम दुम्तीनी। २ परमपरभु आ लोत्र मेको कली देशा, परमपरभु यावे गे लेत्तीन। मिनु गेपुकीमी मेको कली “आंइ पाप नेल्ल क्याम्दीन! आंइ कली शिशी पा बरने। गो इन नें ठेयब सल्लीकी। हिब्रू १३ :१५ ३ अस्सुर डा मुरपुकीमी आंइ कली परांइने मचाप्नीम। गोपुकी लडाइ पथ शारा डाइश्शा मगाक्कीकी। मिनु गो आंम सल्ल्शा थोत्रक कली

“इं परमपरभु” दे गेनायो मदेनीकी। मारदे हना रोम रोइक्चपुकीमी इन शिशी ताइनीम” दे परमपरभु कली देनीन।

४ मिनु परमपरभुमी “गो इन नोले शांडसीशो माफ गेनुड। गो इन कली शुश शिशी पा दाक्नुड। मारदे हना मुल इन कली तशा मगाइक्नुड। ५ गो इसराएल कली सीत खोदेशो दुम्नुड। मेको तिली फू खोदेशो पा बोइक्ब। लेबानोन डा लाइश्शा रवा खोदेशो पा मेकोमी शाक्श थोक्ब। ६ मेको आ राशी लाइश्शा दुम्नीम। मेको आ दारस तेल रवा खोदेशो दुम्ब। मेको आ बरोत्रशो रिना लेबानोन डा लाइश्शा रवा खोदेशो दुम्ब। ७ मुरपुकी लेशा मेको आं वांकुमी बाक्नीम। मेकोपुकीमी लेशा अन्न खरुम्नीम। मिनु अडगुर खोदेशो पा बोइक्नीम। मिनु मेको आन नें लेबानोन डा अडगुर शांबु खोदेशो पा ठेयब दुम्ब। ८ एफराइम डा मुरपुकी, मूर्तिपुकी नु गो आं के मार गेय बाक्बा डा ? गो इन कली लोत्र लेत्नुड। मिनु इन कली कोत्रनुड। गो तोत्रशी रवा खोदेशो पा गिग बाक्नुड। इ फल फुल सित्त्वा आं सक्ति रे जाक्ब। ९ सु जोक्ब तुइक्ब बाक्बा, मेकोमी एको लोत्र तुइक्तल। सु के रुक् थुं बाक्म, मेकोमी एको लोत्र रुबल। परमपरभु यावे आ लां ठीक बाक्नीम। मिनु ठीक पाइबपुकी मेको आ लांमी गाक्नीम। तन्न आ देशो मटीबपुकी मेको आ लांमी दाइल पाइसीनीम” दे परमपरभुम दंत।

## योएल

बरेकब मुर: योएल आ नें आ अर्थ “परमपरभु यावे, परमपरभु बाकब” देशो बाकब। मेको आ आफ पथुएल आ पर्वम मारइ मतुंडसीब। योएलम यहूदा राज्यमी परमपरभु आ लोत्र पशो बाकत।

गना बरेकशो: मुर काम अथाल्याहम आंम कली पिपीम सल्लसनु, पिप आ तो योआश चढेब येहो-यादाम परमपरभु आ सिंम खरुइशशा वोइशशा ना, ८०० बि. सी.म खोदेशो एको किताब बरेकशो बाकब, दे मिन्नीम।

मार बरेकशो: मालेपुकीमी इसराएल रागी कली निक्शी खेयप रागी नेल्ल खतम सेल्लेकम। रउ मयितीके परमपरभु यावे आ गेशो सजाइ बाकत। मोपतीके योएलम मुर आन कली परमपरभु यावे गे लेतीन। परमपरभु यावेम आ गे लेशशा मुर आन कली माफ गब। योएल २:३३ आन साम्शो नेल्ल लेख। योएल २:२५ योएलमी “इसराएली ला ममाइ, अर्का रागी डा मुरपुकीमी यो, परमपरभु यावे आ श्येत र प्राइशो तने चान्नीम” देशो बाकब।

### सल्हा मालेमी श्येत गेशो

१ परमपरभु यावेमी पथुएल आ तो योएल कली देशो लोत्र एको बाकब। २ मिनु मेको लोत्र मार बाकत देशा हना “गे खाल्पापुकी, एको लोत्र नेनीन। रागीम बाकब मुर नेल्ल इन नोफा दाइशशा नेनीन। मार, इन बरोइतीके नाक्ती नु इन किर्की पिपी आन बरोइतीके नाक्तीम ओदेशो दुम्शो बाकम? ३ गे एको लोत्र इन तमी तो आन कली देनीन। मिनु इन तमी तोपुकीमी आन तमी तो आन कली देपतीन। मिनु मेकोपुकीमी आन चच युइ आन कली देमल। ४ घांस खरोइशशा व्याइब मालेपुकीमी मार मार परोन्म, मेको लेस्वा मालेपुकीमी नेक्तेकम। मिनु लेस्वा मालेपुकीमी मार मार परोन्म, मेको तोडले मालेपुकीमी नेक्तेकम। मिनु तोडले मालेपुकीमी मार मार परोन्म, मेको सल्हा मालेपुकीमी नेक्तेकम। योएल २:२५ ५ मिनु गे दुक्शा बाकबपुकी संसीशा, डाक्कीन। मिनु अडगुर शांबु तूशा दुक्ब नेल्ल नक अडगुर शांबु आ पर्वम रांका पने। मारदे हना मेको इन शोत्र र रांडसीशो बाकब। ६ ठेयब रागी डा मुरपुकी आं रागीम ओव्रतेकम। मेको सक्ति पाइशशा नु हिक्ने मचाप्चा डा पा शुश बाक्नीम। मेको आ खरुइ

गुप्स आन खरुइ खोदेशो बाक्नीम। मिनु मेको आन लाइशशा खरुइ, छाउरी गुप्स आ खरुइ खोदेशो बाक्नीम। योएल २:२ ७ मेकोपुकीमी आं अडगुर रू खतम पोक्शा, आं फोत्रशी रवा नेल्ल तिम्शा चेतकेम। मेकोपुकीमी मेको आन कोक्ते नेल्ल थुरशा, ताइक्ताकम। मेको आन राशी नेल्ल बुश दुम्तेकम।

८ मिनु कन्न मीश आलमी अरन्डी फेक्शा, आ ग्युंबे पचशा वोइश आल आ पर्वम दोपा रांका पाइबा, मोपा रांका पने। ९ अन्न चढेतीके नु तूचा थोत्रक चढेतीके परमपरभु यावे आ सिंमी चढेचा देक्शा बाकब। परमपरभु यावे आ डांडती गेय पाइब चढेबपुकी रांका पाइनीम। योएल २:१४ १० मिनु रू नेल्ल श्येत्थ दुम्शो बाक्नीम। खप रांका पाइब। मारदे हना अन्न नेल्ल खतम दुम्शो बाकब। अडगुर आ रस सोव्रत। तेल रवा आन फल सोव्रतेकम।

११ गे रूम गेय पाइबपुकी सुर्ता पने। अडगुर खरुम्बपुकी रांका पने। क्योत्रज चरेब आ पर्वम यो रांका पने। मारदे हना बाली नाली खतम दुम्शो बाक्नीम। १२ अडगुर बोट सोल सुल बेक्तेकम। फोत्रशी रवा यो सोव्रतेकम। अनार, खजूर, स्याउ रवा नु रू डा रवा नेल्ल सोव्रतेकम। थमा पा, मुर आन दातेमी मुर आन ग्येरतीक थुं यो मेको खोदेशो पा नुष्शो बाकब।

१३ चढेबपुकी, सुर्ता पा अरन्डी फेक्शा रांका पने। चढेतीकेमी गेय पाइबपुकी रांका पने। आं परमपरभु आ गेय पाइबपुकी, नाक्को यो सुर्ता पा अरन्डी फेक्शा बाक्कीन। मारदे हना इन परमपरभु आ सिंमी अन्न चढेतीके नु तूचा थोत्रक चढेतीके दक्शा बाकब।

१४ मिनु माइजा बाक्का कली मुर आन कली खुप्तीन। परमपरभु यावे आ सिंम रागीम बाकब मुर नेल्ल बुक्शा, खाल्पा आन कली बरेतीन। गे खाल्पा नु मुर आन कली परमपरभु यावे, इन परमपरभु आ सिंम पुक्कीन। मिनु परमपरभु यावे कली ठेयब सेदा पा ‘वारच पाइक्की’ दे पुनीन” देत। भजन संगरह १०४:१०,११; योएल २:१५

### योएलमी रांका पशो

१५ मिनु योएलमी “परमपरभु यावे आ जाक्का चिक्शा नाक्त आ पर्वम आबी आबी, मारदे हना मुल मेको नाक्त जाक्ब। नेल्ल क्येडा सक्ति पाइशशा खतम पोक्तीके जाक्ब। योएल २:१; यसैया १३:६ १६ मार, ई जचा थोत्रक ई डांडती र मरोइक्स डा? मार, ग्येरशा सोम्शा बाक्तीके

आंइ परमपरभु आ सिं रे मयोल्म डा ? ब्यवस्था १६ :३१

१७ वांचेर नेल्ल सप आगाम सोत्रशा रोम्शा लीतेकम। अन्न वोइक्तीक सिं बरेशो बाक्नीम। अन्न वोइक्तीक श्येत्य दुम्तेकम। मारदे हना अन्न मदुम। १८ मिनु बस्तु भाव रोंका पाइनीमी। बी ब्यफ जोतीक मबाक्तीक हिरना हिरना बाक्नीम। क्यारश भडा आन हुल यो श्यत जशो बाक्नीम।

१९ परमपरभु यावे, गो इन कली वाइ बरेशशा थोइनुड। मारदे हना बी ब्यफ नु क्यारश भडा आन जोतीक मीम नेक्शो बाक्ब। मिनु मीम रू डा खा नेल्ल नेक्शो बाक्ब। योएल २ :३ २० मिनु व्याकी डा जन्तुपुकीमी यो इन कली थोशा बाक्नीम। मारदे हना खोला सोत्रशो बाक्नीम। मिनु मीम गोरशो रागी डा बस्तु भाव योवतीक डा घांस नेल्ल नेक्शो बाक्ब” देत। भजन संग्रह १०४ :१०-११

परमपरभुम निसाफ पचा चिक्शो

१ सियानमी तुराही ताप्पीन। आं डांडामी शुश  
२ गरीब ताप्तीक गरोत्र ताप्पीन। रागीम बाक्ब मुर नेल्ल गिक गिक पा खिरंखिर पामेकल। मारदे हना परमपरभु यावे आ जाक्शो नाक्त् नेक्था जाक्शो बाक्ब। मेको जाक्चा चिक्शो बाक्ब। योएल १ :१५ २ मेको नाक्ती छिडछिड नु हिंचा डा बाक्ब। मेको थम ठेयब गोस्स नु छिडछिडमी सुम्शो बाक्ब। मिनु ठेयब सक्ति पाइश्शो लडाइ पाइब आन हुलमी डांडा आन कली क्यार गोस्सुम सुम्शो खोदंशो पा सुम्शो बाक्नीम। मेको मोदंशो डांडती गेनायो मदुम्शो बाक्त्। मिनु नोले डा मुर आन पालाम यो मोदंशो गेनायो मदुम्ब। योएल १ :६ ; परस्थान १० :१३-१५

३ मेको आन डांडडांडती मीम मारइ मारइ नेक्ब। मिनु मेको आन नोनोले मी ब्राइब। मेको आन डांडती रूपुकी एदेन डा फल फुल रू खोदंशो बाक्नीम। मेको आन नोले गोरशो रागी खोदंशो दुम्नीम। मेकोपुकी रे मारइ मबरोइनीम। योएल १ :१९

४ मेको आन कुल शारा आन कुल खोदंशो बाक्नीम। लडाइ पाइब शारा डोइक्ब खोदंशो पा बारनीम। ५ मेकोपुकी बग्गी दोरशो रयक खोदंशो पा पहाड तार दोरनीम। मीम आइक्च शी दाक्शो खोदंशो पा रयक पाइनीम। मेकोपुकी

सक्ति पाइश्शो लडाइ पाइब आन हुलमी लडाइ पचा चिक्शो खोदंशो बाक्नीम।

६ मिनु जात जात डा मुर मेको आन कली तशा हिंशा, आन कुल राव किक्पाइक्नीम। ७ मेकोपुकी लडाइ पाइबपुकी खोदंशो पा बारशा, गारो डांडसीनीम। मेको का का पा आन गाक्शो लां मपरोइथु, आन लांम गाक्नीम। ८ मेकोपुकी मचुमुथु गाक्शा, लां का खोइक्नीम। मिनु या कुरशा आन जोरी सतरू आन हुलम ओत्रनीम। मिनु सुइमी मेको आन कली तक्न मचाप्नीम। ९ मेकोपुकी सहर कली लडाइ तोचा कली गारो तार दोरनीम। मेकोपुकी सिं डा झेल रे सुइ खोदंशो पा ओत्रनीम।

१० मिनु मेको आन डांडती रागीम खिरनु कुइब। सरीड हिम्सीब। नां नु तास्त्वा छिडछिड दुम्नीस। मिनु सोरुलमी आन हाम्सो मकांडनीम। योएल ३ :४ ; यसैया १३ :१० ११ मिनु परमपरभु यावे आ लडाइ पाइब आन डांडती ठेयब संवा पा लोत्र पाइब। मेको आ लडाइ पाइब सक्ति पाइश्शो नु शुश बाक्नीम। मिनु मेको आ देशो टीब हिकने मचाप्वा डा बाक्नीम। परमपरभु यावे आ निसाफ पतीक नाक्ती ठेयब नु थम हिंचा डा बाक्ब। मेको सुम फाल्ले चाप्नीमी डा ?

परमपरभुमी “आं गे लेतीन” दंशो

१२ परमपरभु यावेमी “इन थुं नेल्लमी आं गे लेतीन। गे माइजा बाक्शा, डाक्शा नु रोंका पा आं गे लेतीन। इजीकीएल ३३ :११ १३ गे रोंका पा इन वा मखाक्कीन। इन थुं खाक्कीन। गेपुकी परमपरभु यावे, इन परमपरभु गे लेतीन। मारदे हना मेकोमी शिशो पा दाक्ब। मेको रीब पा मगाइक्ब। गेना हना यो दाक्ब नु रीब पा सजाइ मगब बाक्ब। परस्थान ३४ :६ १९ मिनु परमपरभु यावेमी आ थुं लेश्शा, सजाइ मगंथु, आसीक गंवा कों ? मेको सुम तुइक्वा डा ? मिनु गेपुकीम परमपरभु यावे, इन परमपरभु कली अन्न चढेतीक नु तूचा थोत्रक चढेतीक चढेन। योना ३ :९

१५ सियानमी तुराही ताप्पीन। माइजा बाक्चा कली मुर आन कली सुप्तीन। मिनु चाड मानेचा कली मुर आन कली बरतीन। योएल १ :१४ १६ मुर नेल्ल आन कली सुप्तीन। बुक्शो मुर नेल्ल आन कली परमपरभु यावे आ डांडती ठीक सेलीन। खाल्पा आन कली सुप्तीन। आल आन कली सुप्तीन। दूध तूब आल आन कली

यो सुप्रीन। ग्युम्ने आ कोठा रे गरूळ। मिनु ग्युम्नी आ बाक्तीक रे जाक्ल।

१७ परमपरभु यावे आ डांडती गेय पाइब चढेवपुकी परमपरभु यावे आ सिं डा पिंडी नु चढतीक आ दातेम डाकमल” देत। मेकोपुकीमी “परमपरभु यावे इन मुर आन कली सजाइ मगन। रागी रागी डा मुर आन डांडती इन मुर आन कली शुक्शी नु तोक्शा लोत्र पाइक्तीक दुम्चा मगन। मिनु जात जात डा मुरपुकीमी भार, मेको आन परमपरभु ते बाक्म ? देचा मतामेक्ल” देतेकम। भजन संग्रह ७९:३०

परमपरभुमी लोत्र लेशशा

१६ मिनु परमपरभु यावेमी आ रागी आ पर्वम रुश पा, आ मुर आन कली शिशी पाप्नु। १९ मिनु परमपरभु यावेमी आ मुर आन कली मिम्शा “गो इन कली अन्न, अडगुर शांबु नु तेल सोइवनन्नी। मिनु गे रूनीनी। मिनु गो इन कली रागी रागी डा मुर आन दातेमी गनायो शुक्शी पाइक्तीक दुम्चा मगनन्नी। योएल २६ :२७

२० गो उत्तर रे जाक्शा लडाइ पाइब आन कली इन क्येडा डोन खेरनुडमी। गो मेको आन कली कोक्त। मुल गोरशा रागीमी खेरनुडमी। मेको आन डांडती डा हुल आन कली पूर्व डा समुन्दर गे नु मेको आन नोले डा हुल आन कली पच्छिम डा समुन्दर गे खेरनुडमी। मिनु मेको आन राक्शा रिना इर गे लाइब” दे परमपरभुमी देत। मेकोमी थमा पा ठेयब गेय पशो बाक्ब।

२१ रागी डा मुर महिनीन। गे ग्येरशा सोम्सीशा बाक्कीन। परमपरभु यावेमी ठेयब गेय पशो बाक्ब। २२ गे व्वाकी डा जन्तु महिनीन। मारदे हना गोरशा रागी डा योत्रतीक गिगी दुम्शा बाक्ब। खाम फल सित्नीम। फोत्रशी खा नु अडगुर आ बोटीमी शुश फल सित्नीम।

२३ गे सियोन डा मुरपुकी ग्येरसीन। गेपुकी परमपरभु यावे, इन परमपरभु आ पर्वम शुश ग्येरसीन। मारदे हना मेकोमी आ ठीक पतीकम इन कली डांडती डा रेउ गेशो बाक्त। मेकोमी इन कली शुश रेउ गेशो बाक्त। डांडती नु नोले डा रेउ डांडती खोदेशो पा गेशो बाक्त। येरमीया ५ :२४ २४ मिनु खलापुकी अन्नमी बरीनीम। गरपुकी नक अडगुर शांबु नु तेलम बरीशा क्युप्नीम।

२४ परमपरभु यावेमी “गो इन कली लेस्वा माले, तोडले माले, सल्हा माले नु घांस खरोइश्शा व्वाइब माले आन नेक्शा नेल्ल

लेशशा गेनन्नी। मेको आं सोइश्शा लडाइ पाइबपुकी बाक्तेकम। गो मेको आन कली इन दातेमी सोइक्ताकडमी। योएल १ :४

२६ मिनु गे शुश जचा तशा रूनीनी। मिनु इन पर्वम छक लाक्चा डा गेय पाइब परमपरभु यावे, इन परमपरभु आ नें ठेयब सत्त्वा माल्नीनी। मिनु आं मुरपुकी लेशा गनायो मुने मदाक्नीम। व्यवस्था ८ :१० २७ गो इसराएली आन दातेमी बाक्शा बाक्नुड। गो परमपरभु यावे, इन परमपरभु नड। आं क्येडा लाक्शा, अर्का परमपरभु मबाक्ब, दे गे तुइक्चा माल्नीनी। मिनु आं मुरपुकी लेशा गनायो मुने मदाक्नीम।

परमपरभु आ सोक्त मोइक्तीक

पररित २ :१६-२१

२६ मिनु नोले गो आं सोक्त मुर नेल्ल आन तार मोइक्नुड। मिनु इन तमी तोपुकीमी आं लोत्र पाइनीम। इन खाल्पापुकीमी डोमु ताइनीम। मिनु इन वांइश आलपुकीमी आं कांइशा ताइनीम। गन्ती ११ :२९ ; यसेया ४४ :३ ; इर्जीकीएल ३९ :२९ ; तीतस ३ :५-६ २९ मेको नाक्ती गो वाइलीम वाइल आन तारी यो आं सोक्त मोइक्नुड।

३० गो सरीड नु रागीम चिन्ड कांइनुडमी। हुश, मी नु कुन के थाम कांइनुडमी। होस ७ :१ ३१ परमपरभु यावे आ ठेयब हिंचा डा नाक्त जाक्चा क्येडा डांडती नां छिड्छिड् दुम्ब। मिनु तास्त्ना हुश दुम्ब” देशो बाक्ब। योएल २ :२:१०,११ ; मत्ती २४ :२९ ; परकाश ६ :१२ ३२ मना परमपरभु यावे आ नें थाइब नेल्ल बरोइचा ताइनीम। मारदे हना परमपरभु यावेमी देशो खोदेशो पा सियोन डांडा नु यरूसलेममी परमपरभु यावेमी बरेशोपुकी बरोइचा ताइनीम। मिनु मेको प्रांइशा आन दातेमी परमपरभु यावे आ योत्रशा मुर बाक्नीम। रोमी १० :१३ ; ओबदिया १७

मुर आन कली निसाफ पशो

१ परमपरभु यावेमी “मेको नाक्ती गो यहूदा ३ नु यरूसलेम आस रिम्शा दुम्तीक नाक्ती लेशशा चाक्नुड। होस ७ :१ २ मिनु गो रागी रागी डा मुर नेल्ल आन कली खुप्शा, येहो-शाफात आ दिममी चाक्नुडमी। मिनु मेकेर मेको आन कली निसाफ पाइनुड। मारदे हना मेकोपुकीमी आं मुर आन कली रागी रागी डा मुर आन दातेमी बरपाइक्तेकम। मिनु आं रागी भाग भाग

सेल्लेकम । ३ मेकोपुकीमी आं मुर आन पर्वम फेन्टे ग्यारतेकम । मिनु वॉइश आल लेयशा, तेल्लेम नु लाम्तेकम । मीश आल आन कली लेयशा, अङ्गुर शांबु तूतेकम ।

४ टायर, सीदान नु पलिस्ती आन रागी डा मुरपुकी आं कली मार पाइनीनी डा ? मार, आं पशो आ पर्वम आं कली क्येकक लेत्नीनी ? गपुकीमी आं कली क्येकक लेत्तानी हना, गो मेको रीब पा इन पिया तार मोइक्नुड । ५ मारदे हना गे आं सुन, चांदी नु थम रिम्शो थोत्रक नेल्ल इन दरवारम लाइक्तीनी । ६ मिनु गे यहूदा नु यरूसलेम डा मुर आन कली मेको आन रागी र लाइशशा, गरीस डा मुर आन कली लेयतीनी । ७ मुल गो मेको आन कली लेयशो रागी र गरुइशशा, चाक्नुडमी । मिनु गो इन श्येत गेशो लेंशा इन पिया तार मोइक्नुड । ८ मुल गो इन तमी तौ आन कली यहूदा डा मुर आन कली लेयनुडमी । मिनु मेकोपुकीमी मेको आन कली डोन साबा रागी डा मुर आन कली लेयनीम” दे परमपरभु यावेमी देशो बाक्व ।

१ मिनु परमपरभुमी “एको लोत्र रागी रागी डा मुर आन दातेम नंपतीन । लडाइ पचा कली ठीक दुमीन । लडाइ पाइब आन कली बरतीन । बुक्तीक आ नेक्था जाक्चा माल्नीम । १० गे इन फाली शाल्शा, तुप्शा तरवार सेलीन । मिनु इन गुये तुप्शा, तूतीक भाला सेलीन । मिनु गे हिंब मुरपुकीमी ‘गो बोल्यो लडाइ पाइब नकी’ दर्नीन । यसेया २ : ४

११ एर आंथ बाक्शो रागी रागी डा मुर नेल्ल रीब पा जाक्कीन । गे नेल्ल मेकर खुम्सीन । परमपरभु यावे, इन बोल्यो लडाइ पाइब आन कली उइ यितान । १२ मिनु रागी रागी डा मुर नेल्ल जांब बोक्शा, खुम्सीशा येहो-शाफात आ दिममी लमल । मारदे हना गो एर आंथ डा रागी डा मुर नेल्ल आन कली निसाफ पाइनुड ।

१३ मिनु इन गुयेमी रिक्चा ठीक दुमीन । मारदे हना बाली नाली खुप्ची जाक्शो बाक्व । मिनु ओत्रशा अङ्गुर खराक्कीन । मारदे हना कोल

बरीशो बाक्व । गर बरीशा क्युप्शो बाक्नीम । मेको खोदेशो पा आन मरिम्शो पशो शुश दुम्त । परकाश १४ : १५ ; यसेया ६३ : ३, ६ ; परकाश १४ : १८

१४ मिनु निसाफ पतीक दिममी शुश मुर जाक्स डा जाक्स बाक्नीम । मारदे हना मेको दिममी परमपरभु यावे आ निसाफ पतीक नाक्ती जाक्चा चिक्शो बाक्व । १५ नां नु तास्तुल छिड्छिड् दुम्नीस । मिनु सौरुलपुकीमी आन छुड्छुड् मकांइनीम” देत । योएल २ : १० ; योएल ३ : ४

१६ परमपरभु यावेम सियोन र ठेयब संदा पा लोत्र पाइब । यरूसलेम रे पा आ संदा नंपाइक्व । सरीड नु रागी खिरंखिर पाइनीस । तन्न परमपरभु यावे आ मुर आन कली खरुइशशा बाक्तीक नु इस्राएल डा मुर आन कली बोल्यो ब्रांइशा बाक्तीक दरवार दुम्ब । आमोस १ : २

परमपरभु सियोनम बाक्व

१७ “गो, परमपरभु यावे, इन परमपरभु आं डांडा सियोनम बाक्नुड, दे ग तुइक्नीनी । मिनु यरूसलेम आं क दुम्ब । मिनु रागी रागी डा मुर मेको सहर डा लां रे पा मलाक्नीम । इजीकीएल ३४ : ३०

१८ मेको नाक्ती डांडाम शुश अङ्गुर सिल्लीम । मिनु पहाडम दूध शुश बाक्व । यहूदा डा सोला नेल्लेमी ब्वाक्कु शाइक्नीम । मिनु परमपरभु यावे आ खिं रे पा ब्वाक्कु बुक्तीक शिक्तीम डा दिम जिप्पाइक्व । आमोस १ : १३ ; इजीकीएल ४७ : १

१९ मिनु यहूदा डा दोस मताइब मुर आन कली मरिम्शो पतीक नु हुश खराक्श पोक्तीक इजीप्त रागी मुर मबाक्तीक दुम्ब । मिनु एदोम चहिं कोक्त रागी दुम्ब । २० तन्न यहूदा रागीम गेना हना यो मुर बाक्नीम । मिनु यरूसलेम नेल्ल पाला डा मुर आन कली दुम्ब । ओबदिया १० :- २१ गो मेको आन हुश खराक्श पोक्शो क्येकक लेत्नुडमी । मिनु आन पाप मक्याम्नुड” दे परमपरभुमी देत । परमपरभु यावे सियोनम बाक्व । ब्यवस्था ३२ : ४३ ; इजीकीएल ४८ : ३५

## आमोस

बरेकब मुर: आमोस आ नें आ अर्थ “कुरब मुर” बाकब। एको किताब मेकोमीन बरेकशा बाकब। आमोस ७:८; आमोस ८:१-२

गेना बरेकशा: आमोस यहूदा रागी डा बाक्त हना यो, उत्तर रागी, इसराएल डा मुर आन कली “हास पा बाकनीन” दंत। परमपरभु यावेमी मेको कली सोइशशा बाक्त। मेकोमी यहूदा डा पिप उज्जीयाह ७९२-७४० बि. सी. नु इसराएल, उत्तर रागी डा पिप यरोबाम ७९३-७५३ बि. सी. क्येडा डाइती बरेकशा बाक्त। मेको उत्तर रागी रे खरचा पुंडसे नोले बरेकशा बाकब, देनीम।

मारदे बरेकशा: आमोसमी मुर आन मरिम्शो पतीके आ पर्वम बरेकशा बाकब। मेना शोंप पाइशशा वांइश मुर नु मीश मुर आन शुश जचा तुचा, दली निसाफ पचा नु परुडग आन कली दिपचा आ पर्वम बरेकशा बाकब। आमोसमी मेको आन कली हिंचा डा सजाइ ताइनीम, दे बरेकशा बाकब। मिनु मेको सजाइ मार बाकब, दे यो बरेकशा बाकब। तन्न नोले श्यत रे परांइतीक आ पर्वम यो बरेकशा बाकब। आमोस ४:१; ६:४-६ आमोस ७:१-९; आमोस ८:१-१४; आमोस ९:१-६; आमोस ९:७-१५

### सजाइ ताइब रागी

१ एको आमोस आ लोत्र बाकब। आमोस तेकोहा १ सहरमी बाकब गोठला आन दांत डा का बाक्त। परमपरभु यावेमी मेको कली इसराएल आ पर्वम लोत्र कांइताकब। मेना यहूदा डा पिप उज्जीयाह नु इसराएल डा पिप योआश आ ती यरोबाम बाक्ताक्स। एको खरनु कुचा क्येडा बर्स निकशी डाइती डा लोत्र बाकब। आमोस ७:१४; २राजा १५:१; जकरिया १४:५; २राजा १४:२३ २मिनु मेकोमी “परमपरभु यावे सियोन रे ठेयब संदा पा गरीब। मेकोम यरूसलेम रे पा ठेयब संदाम लोत्र पाइब। गोठला आन बी व्यफ आन जोतीक रू नेल्ल सोत्रब। मिनु कारमेल डांडा आ डर यो सोत्रब” दंत। यरमीया २५:३०; योएल ४:१६

### दमस्कस कली सजाइ गेशो

३मिनु परमपरभु यावेमी मार दंत देशा हना “गो दमस्कस आ ३ खेयप नु ४ खेयप मरिम्शो पशो आ पर्वम ततीक सजाइ मतेकनुड। मारदे

हना मेकोपुकीमी गिलाद डा मुर आन कली फलाम के खरुइ पाइशशा दांदी दांइ पांमतेकम। यसैया १७:१-३ ४मोपतीके गो हजाएल आ सिंमी मी सुइकनुड। मेकोमी बन-हादाद आ बोल्यो दरवार नेल्ल खतम पोक्ब। ५गो दमस्कस डा ठेयब लापचो डा आगलो जिक्नुड। मिनु आवेन माइशशा दिमम बाकब मुर नेल्ल आन कली नु बेथ-एदेन डा पिप कली क्याम्नुडमी। अराम डा मुर आन कली ग्याइकपाइशशा कीर सहरमी लाइकपाइकनुडमी” दे परमपरभु यावेमी दंत। २राजा १६:९

### गाजा कली सजाइ गेशो

६मिनु परमपरभु यावेमी “गो गाजा आ ३ खेयप नु ४ खेयप मरिम्शो पशो आ पर्वम ततीके सजाइ मतेकनुड। मारदे हना मेकोमी शुश मुर आन कली ग्याइशशा लाइशशा एदोम आ गुइमी लेयतु। २इतिहास २१:१६-१७; २इतिहास २८:१८; यरमीया ४७:१ ७मोपतीके गो गाजा डा गारोम मी सुइकनुड। मेकोमी मेको आ बोल्यो दरवार खतम पोक्ब। ८गो अशदोद सहरम बाकब मुर आन कली नु अशकलोन डा पिप कली क्याम्नुडमी। गो एकरोन कली युक्नुड। मिनु लीशो पलिस्ती नेल्ल जाग्शा लाइनीम” दे परमपरभु यावेमी दंत।

### टायर कली सजाइ गेशो

१ मिनु परमपरभु यावेमी “गो टायर आ ३ खेयप नु ४ खेयप मरिम्शा पशो आ पर्वम ततीके सजाइ मतेकनुड। मारदे हना मेकोमी शुश मुर आन कली एदोम आ गुइमी गेपु। मिनु आम लोक्ब आन दांतम पशो कबल परंताकब। यसैया २३:१; योएल ४:४; १राजा ५:२६ १०मोपतीके गो टायर डा गारोम मी सुइकनुड। मिनु मेकोमी मेको आ बोल्यो दरवार खतम पोक्ब” दे परमपरभु यावेमी दंत।

### एदोम कली सजाइ गेशो

११ मिनु परमपरभु यावेम “गो एदोम आ ३ खेयप नु ४ खेयप मरिम्शा पशो आ पर्वम ततीके सजाइ मतेकनुड। मारदे हना मेकोमी शिशो मपथु, आ लोक्ब आन कली तरवार शशा, खेदा पापु। मेको आ गाइशशा गेना हना यो लीशा, ईस् कुरशा बाक्त। ओबदिया १०:१; व्यवस्था २३:८; यरमीया ४९:७ १२मोपतीके गो तेमानम मी

सुइक्नुड। मेकोमी बोजरा डा बोल्यो दरवार खतम पोक्ब” दे परमपरभु यावेमी देत।

### अम्मोन कली सजाइ गेशो

१३मिनु परमपरभु यावेमी “गो अम्मोन आ ३ खेयप नु ४ खेयप मरिम्शा पशो आ पर्वम ततीक सजाइ मतक्नुड। मारदे हना मेकोपुकीम गिलाद डा आल कुरशा मीश मुर आन कोव्रज तरवारम चेतकम। मेको आन रागी ठेयब सल्वा कली मो पाम्तकम। येरमीया ४९:१-६ १४मोपतीक गो रब्बाह डा गारोम मी सुइक्नुड। मेकोम आन बोल्यो दरवार खतम पोक्ब। मिनु लडाइ पाइबपुकी शुश रयेक पा, फश गिवार सोदंशो पा जाक्शा, मेको आन कली खतम पोक्नीम। १५मेकेर डा पिप नु मेको आ ठेयब गेय पाइब मुर नेल्ल ग्याइश्शा लाइक्वा पुंडसीनीम” दे परमपरभु यावेमी देत।

### मोआब कली सजाइ गेशो

१ परमपरभु यावेमी “गो मोआब आ ३ खेयप २ नु ४ खेयप मरिम्शा पशो आ पर्वम ततीक सजाइ मतक्नुड। मारदे हना मेकोमी एदोम डा पिप आन रुश चोप्तु। यसैया १५ :-; येरमीया ४८ :- २मोपतीक गो मोआब रागीम मी सुइक्नुड। मेकोमी गारो हिरशो केरयोथ डा बोल्यो दरवार खतम पोक्ब। मिनु मोआब डा मुर लडाइ, शुश रयेक नु तुराही गरीशोम बक्नीम। ३गो मेको आ सासन पाइब नु मेको आ ठेयब गेय पाइब नेल्ल आन कली मेको नु काथा साइक्नुडमी” दे परमपरभु यावेमी देत। गन्ती २४:१७

### यहूदा कली सजाइ गेशो

४ मिनु परमपरभु यावेमी “गो यहूदा आ ३ खेयप नु ४ खेयप मरिम्शा पशो आ पर्वम ततीक सजाइ मतक्नुड। मारदे हना मेकोपुकीमी परमपरभु यावे आ अरशो लोत्र मटीम। आ फुल्लुम मुशा बरेक्शो लोत्र मपाम। मेकोपुकीम आन किकी पिपीम सोदंशो पा जोल लोत्र थमा सुइश्शा हेंथे गाक्तेकम। ५मोपतीक गो यहूदा रागीम मी सुइक्नुड। मेकोमी यहूसलेम डा बोल्यो दरवार खतम पोक्ब” दे परमपरभु यावेमी देत। होस ८:१४

### इस्राएल कली सजाइ गेशो

६मिनु परमपरभु यावेमी “गो इस्राएल आ ३ खेयप नु ४ खेयप मरिम्शा पशो आ पर्वम ततीक सजाइ मतक्नुड। मारदे हना मेकोपुकीमी ठीक पाइब आन कली चांदी के क्यटीम नु मारइ मथीब आन कली जोर का चपल ताक्शा लेयतेकम। आमोस ८:६ ७मिनु पुरुडगा आन पिया फुरकुम सोल्शा दिम्नीम। श्यत जाइब आन कली नेप्शा गरुइनीम। पोबु निम्फा मीश आल का नु बाक्शा, आं नं गरांगरा दिशो सेल्नीम। आमोस ८:४ ८मेको आन देवता थानम जाकटी वोइश्शो वा तार बाक्शा, सजाइ आ पा डा थाप्शा क्यटीम, अडगुर शांबु ग्याप्शा तूनीम। परस्थान २२:२५

९गो मेको आन डोंडती रे एमोरी आन कली साइक्तामी। मेकोपुकी लेबानोन डा लाइश्शो रवा सोदंशो लाइश्शो नु बोल्यो बाक्तेकम। गो मेको आन इर डा फल नु उइ आगा डा शाक्श नेल्ल खतम सल्ला। गन्ती २१:२१-२८ १०मिनु गो इन कली एमोरी आन रागी गचा कली इजीप्त रागी रे गरुइशा ४० बर्स सम्म गोरशो रागीमी लां कांइशा गाक्पाइक्तन्नी। ११गो इन वांइश आल आन दाते डा का निक्शी आन कली आं लोत्र पाइब सल्वा कली कोल्पाइक्तामी। इन ती आन दाते डा का निक्शी आन कली नाजिरी दुम्पाइक्वा कली कोल्पाइक्तामी। ए इस्राएल डा मुरपुकी, मार एको लोत्र थमा ममाइ डा ?” दे परमपरभु यावेमी देत। गन्ती ६:२-१३

१२मिनु परमपरभु यावेमी “तन्न गे मेको नाजिरी दुम्शा मुर आन कली अडगुर शांबु तूपाइक्तीनी। आं लोत्र पाइब आन कली “परमपरभु यावे आ लोत्र मपने” दे माइक्तीनी। आमोस ७:१३,१६; येरमीया ११:२१

१३मोपतीक गे इन बाक्तीकमी बाक्शा, इन कली बाला सुन्दा नलम बरीशो बग्गी दोपा हिम्बा, मोपा हिम्पाइक्नन्नी। १४थाम्पा दोरबपुकी प्रोक्वा मताइनीम। मिनु बोल्यो मुर आन बोल जाम्शा लाइब। सक्ति पाइश्शोपुकीम यो आंम कली प्रोइने मचाप्नीम। १५लिबरा आन्वपुकी राने मचाप्नीम। फेरर पा दोरबपुकीमी यो आंम कली प्रोइने मचाप्नीम। मिनु शारा डोइक्वपुकीम यो आंम कली प्रोइने मचाप्नीम। १६मेको नाक्त नेल्ल क्येडा सक्ति पाइश्शो आन दाते

डा ठेयब थुं पाइइशोपुकी शिशरा परोवनीम” दे परमपरभु यावेमी दैत ।

### इसराएल कली सजाइ

३ इसराएल डा मुरपुकी, परमपरभु यावेमी इन पर्वम लोत्र का पाप्तु । मेको लोत्र ननीन । मेकोमी “एको लोत्र इजीप्त रागी र आं चाकशो खिं डा मुर नेल्ल आन पर्वम बाकब । २ रागी डा खिं खिं डा मुर नेल्ल र गो इन कली ला योवतन्नी । मोपतीक गो इन मरिम्शो पशो आ पर्वम सजाइ गनुडा । व्यवस्था ४ :३४ ३मार, मुर निकशी मगारसा सम्म काथ काथा गाकनीसी डा ? ४मार, सिखार मथितु हना, ब्वाकीम गुप्स गरीबा डा ? मार, गुप्स आ चाइकबम मारइ मथित्यु मेको आ पुकसीमी डरर डरर पाइबा डा ? ५मार, खपीम ब्यारद मदाइकथु, चिकब रेखा डा ? मार, ग्याइकचा कली मारइ मवाकथु, थेम्नु खप रेग्येत्य बोकनीमी डा ? ६मार, तेकोइ सहरमी तुराही ताप्शोनु, मुर महिनीमी डा ? मार, सहरम श्यत दुम्मेनु, मेको परमपरभु यावे आ सोइइशो ममाइ डा ? यसेया ४५ :७ ; बिलाप ३ :३७ ७थमा पा, परमपरभु यावेमी आ लोत्र पाइब आन कली मंदंथु, मारइ मपाइब । उत्पत्ती १८ :१७ ८ गुप्स गरीशो नंशा, सु महिंबा ? परमपरभु यावे ब्वाकमेनु, सुम आ लोत्र मपाइबा डा ?

### सामरीया कली सजाइ

१ अशदोद डा बोल्यो दरवार नु इजीप्त रागी डा बोल्यो दरवार डा मुर आन कली गपुकी सामरीया डा पहाडमी बुकनीन । मिनु मेको सहरम दुम्शो ठेयब रेयके नु मुर आन कली श्यत गेशा, दिप्शो कोव्रडीन दे मुर आन कली देनीन । १० मेकोपुकी ठीक गेय पस मजोवनीम । हुश खराकश पोवशा नु मार मार रोइइशा सुइ पशो आन बोल्यो दरवारम सेकशा वोइकनीम” दे परमपरभु यावेमी दैत । ११ मोपतीक परमपरभु यावेमी “इ जोरी सतरुमी इ रागी पुम्नीम । मेकोपुकीमी लडाइ तोवमेनु, गो बरुइनीनी । मेकोमी इ बोल्यो दरवार नेल्ल रोइकनीम” दे परमपरभु यावेमी दैत । १२ मिनु परमपरभु यावेमी “दोपा गोठलामी गुप्स आ शोत्र र मडा आ सोइल निकशी कि नाफा आ टुकरा का ला हना यो रोइकबा, मोपा सामरीयाम नितीक आ कुना नु खाटम बाकशा यो इसराएल डा मुर परोइचा पुंडसीनीम” दैत ।

१३ मुर नेल्ल आन परमपरभु यावेमी “ननीन, याकूब आ खिं डा मुर आन पर्वम सांकळी गेन । १४ गो तेको नाक्त इसराएल कली आ मरिम्शो पशो आ पर्वम सजाइ गनुडा, मेको नाक्त गो बथल डा चढतीक कली यो सजाइ गनुडा । मिनु चढतीक डा गोव्रपुकी बल्शा खपीम दाकनीम । १५ गो हिंउदमी बाकतीक खिं नु हुप्शामी बाकतीक खिं निम्फा परत्नुडा । मिनु हात्ती आ दाराम दारशो सेल्शा खिं बरत्नीम । मिनु ठेयब खिंपुकी यो खतम सेल्नुडा” दे परमपरभु यावेमी दैत । १६ राजा २२ :३१ ; मजन संगरह ४५ :९

### परमपरभु गे मलेइशो

४ १ सामरीया डा डांडाम बाकब, बाशान डा बी सोदंशो दोम्शो मीश मुर, गो पुरुडग आन कली दिप्नीनी । मारइ मथीब आन कली फस पोवनीनी । मिनु इन वोंइश आन कली “आंइ कली तूचा कली मार मार चाकनीन” देनीनी । २ परमपरभु यावेमी आ नंम कसम जशो बाकब । मेकोमी “ननीन, इन कली कांडगुम कीशा लाइकनीम । इन तीशो आन कली बाल्सीमी ब्वकशा लाइकतीक नाक्त जाकब । ३गे नेल्ल का का पा एर आंथ मेकोव्रथु, गारो आ पोवला र पा लाइनीनी । मिनु गो हारमोन मेर ताइकचा पुंडसीनीनी” दे परमपरभु यावेमी दैत । हारमोन हिबरू लोत्र मार बाकब, दे मतुइकनीम । ४ मिनु परमपरभु यावेमी “बथल सहरम लशा, मरिम्शो पन । गिल्यालमी लशा, मेको क्येडा यो शुश मरिम्शो पन । सुनी कुस कुस इन चढतीक चाकनीन । नाक्त सां सांमी इन १० भाग डा भाग का चाकनीन । होस १२ :१२ ; व्यवस्था १४ :२८ ५ आं कली गो इसराएल डा मुर, रिम्शो पाइब बाकनीनी” दे बारब आस्ती सुप्शो शोब्ले चढपने । मिनु थुंम ग्यरशा चढतीक आ पर्वम ठेयब लोत्र पना पन गाकनीन । मारदे हना गो मोदंशो पचा दाकनीनी” दे परमपरभु यावेमी दैत । लेवी २ :११

६ मिनु परमपरभु यावेमी “इन कली, सहर नेल्लेमी श्येत्य कोव्रज नु शोब्ले जचा मतशो सेल्लन्नी । मो हना यो गपुकी आं गो मलेन्नी” दे परमपरभु यावेमी दैत ।

७ मिनु “गो इन अन्न सुप्वा क्येडा महिना सां डांइती रउ मयिपदु । गो सहर का कली रउ यिपाइक्ता, अर्को सहर कली मयिपदु । मिनु रू कामी रउ यिपाइक्ता, अर्को रूम मयिपदु । मिनु मेको सोव्रत । १६ राजा १७ :१ ८ मोपतीक मुरपुकी

सहर सहर रे ब्वाक्कु तूचा कली सहर काम जावतेकम। तन्न रूथरी तूचा मताम। मो हना यो गेपुकी आं गे मलेन्नी” दे परमपरभु यावेमी दंत।

१ मिनू परमपरभु यावेमी “गो इन फल फुल रूनु अडगुर रूम सोवतीक नु बुक्खी डाइक्तीक रोइ सोइक्ताकड। सल्हा मालमी इन फोव्रशी रवा नु तेल रवा आन कली नेक्पाइक्तामी। मो हना यो गेपुकी आं गे मलेन्नी। हाग्गे १:११; योएल १:४ १० गो इन दातेम इजीप्त रागी कली खोदंशो पा बेक्चा डा रोइ सोइक्ताकड। गो इन ठिटा आन कली तरवारमी क्योरशा साइक्पाइक्तामी। इन शारा रोइक्पाइक्तामी। इन बाक्तीक डा मरिम्शो रिना इन नं आगाम पिरंताकड। मो हना यो गेपुकी आं गे मलेन्नी” दे परमपरभु यावेमी दंत। परस्थान ९:३

११ मिनू परमपरभु यावेमी “गो इन दाते डा का निक्शी आन कली सोदोम नु गोमोररा कली खोदंशो पा खतम सेल्ला। गे वरशो मी रे पा गरुंडशो बुल्सी खोदंशो बाक्तीनी। मो हना यो गेपुकी आं गे मलेन्नी” दे परमपरभु यावेमी दंत। उत्पत्ती ११:२४-२५; जकरिया ३:२ १२ मोपतीक परमपरभु यावेमी “ए इसराएल डा मुरपुकी, गो इन कली मार पाइनुड दंशा हना, गे इन परमपरभु, आं कली गरुम्चा माल्लीनी। १३ सुमी डोंडा आन कली सला, मेकोमी फश यो सल्लशो बाक्व। मेकोमी मुर आन कली आ मिम्शो तुइक्पाइक्व। मेकोमी सुनी कली छिड्छिड् सल्ल। मिनू रागी डा लाइशो डोंडा मर गाक्व। मेको आ नं मुर नेल्ल आन परमपरभु यावे बाक्व” दंत। मीका १:३

इसराएली आन पर्वम रोंका पशो

१ मिनू आमोसमी “ए इसराएल आ सिं डा मुरपुकी, इन पर्वम आं रोंका पशो नेनीन। २ आं मीश आल इसराएल लेंशा गेनायो मबोक्चा डा पा गोल्त। मेको आ रागीमीन परांडचा पुंडसीशो बाक्व। मेको कली पोक्व सुइ मबाक्नीम” दंत। ३ मिनू परमपरभु यावेमी “तेकाइ सहर रे इसराएल आ पर्वम हजार का जना मुर गरूतेकम हना, सह का जना ला लीनीम। सह का जना गरूतेकम हना, १० जना मुर ला लीनीम” दंत।

दिप्व आन पर्वम लोत्र पशो

४ मिनू परमपरभु यावेमी इसराएल आ सिं डा मुर आन कली “आं कली मालीन। मिनू बरोनीन। ५ बेथल कली ममालीन। मिनू गिल्वाल मलने।

बेयर-शेबामी मगाक्कीन। मारदे हना गिल्वाल डा मुर थमा पा ग्याइशशा लाइक्चा पुंडसीनीम। मिनू बेथल खतम दुम्ब। आमोस ४:४; हांस ४:१५

६ परमपरभु यावे कली मालीन। मिनू बरांडचा ताइनीनी। मो मपाइतीनी हना, मेको मी खोदंशो पा गाइशशा योसफ आ सिं मी सुइक्व। बेथल कली खतम पोक्व। मेको मी कली काप्व सुइ मबाक्नीम। आमोस ६:१२; यसेया ५:२० ७ गेपुकी ठीक निसाफ कली दूली सल्लनीनी। ठीक पतीक कली खतम सल्लनीनी। ८ सोरुल आन कली सल्ल, हिंचा डा छिड्छिड् रे सुनी डा हाम्सो सल्ल, नाक्ती कली छिड्छिड् सल्ल नु समुन्दर डा ब्वाक्कु कली बरशशा रागीमी मोइक्व। आं नं परमपरभु यावे बाक्व। अय्युब ३६:३१; आमोस ९:६ ९ मेकोमी बोल्यो आन कली रीब पा खतम सल्ल। मिनू आन बोल्यो दरवार खतम दुम्नीम।

१० मेकोपुकीम निसाफ पतीक लाप्चोम निशशा अरब कली काइ मदाक्नीम। मिनू थमा लोत्र पाइब आन कली गरांगरा दिन्नीम। यसेया २९:२१ ११ मारदे हना गे परुडग आन कली दिन्नीनी। मेको आन कली गेन कि गेन, दे शुश अन्न थाप्पाइक्नीनी। गे खरोइशो फुल्लु के सिं सल्लनीनी। तन्न मेकर बाक्चा मताइनीनी। रिम्शो अडगुर रू सल्लनीनी। तन्न अडगुर शांबु तूचा मताइनीनी। सफन्याह १:१३ १२ मारदे हना गो इन शुश मरिम्शा पशो तुइक्नुड। गो इन पाप गिश ठयब बाक्वा, मेको तुइक्नुड। गे ठीक पाइब आन कली श्येत गेनीनी। घूस ताक्नीनी। निसाफ पतीकमी मारंड मथीब आन कली नेप्शा गरुंडनीनी। १३ मोपतीक निप्स पाइशशा मुर सिक्सी पा बाक्नीम। मारदे हना इसराएलम काइ मरिम्शो दुम्शो बाक्व।

१४ गे बरांडशा बाक्चा कली रिम्शो पचा मालीन। मरिम्शो पचा ममालीन। मिनू मुर नेल्ल आन परमपरभु यावे गे नु बाक्व। १५ मरिम्शो पतीक कली काइ मदाक्तीन। रिम्शो पतीक कली दाक्तीन। ठयब लाप्चोमी ठीक निसाफ पने। मिनू मुर नेल्ल आन परमपरभु यावेमी योसफ आ लीशो मुर आन कली शिशी पाइबा कां?” दे परमपरभु यावेमी दंत। भजन संग्रह ३४:१५; रोमी १२:९

१६ मोपतीक मुर नेल्ल आन परमपरभु यावेमी “लां डा मुर नेल्ल डाक्शा, रोंका पचा माल्लीम। आबी आबी, दंचा माल्लीम। रूम गेय पाइब आन

कली रोंका पचा कली बरतीन। रोंका पस जोक्ब आन कली यो बरतीन। १७ अडगुर रू नेल्लेमी रोंका पचा माल्नीम। मारदे हना गो इन दाते र पा गाकशा लाइनुड” दे परमपरभु यावेमी दंत।

परमपरभु आ निसाफ पतीक नाक्त

१८ मिनु परमपरभु यावेमी “मारदे गे परमपरभु यावे आ नाक्त जाकशा दाकनीनी? मारदे परमपरभु यावे आ निसाफ पतीक नाक्त माल्नीनी? मेको नाक्त छिडछिड दुम्ब, छेडछेड मडुम्ब। योएल २:११ ११ मेको नाक्ती मुर का गुप्स रे प्रोकशा, वां कली गरुम्शो खोदंशो बाक्ब। सिं लशा बाक्चा कली आ गुइ गारोम वोदानु, बुस्सुम कोकशा खोदंशो दुम्ब। २० परमपरभु यावे आ नाक्त छिडछिड दुम्ब। छेडछेड मडुम्ब। मेको छिडछिडमी छेडछेड काइ मबाक्ब।

२१ गो इन चाड नु इन गरुम्तीक आन कली काइ मदाक्नुड। यसैया १:११-१५ २२ गे आं कली चोशा चढ़तीक नु अन्न चढ़तीक चढ़तीनी हना यो, गो मेको मबराइनुड। मिनु इन नेल्ल क्येडा दोम्शो बस्तु दुशा बाक्चा आ पर्वम चढ़ेशो यो मेकोवनुड। मीका ६:६-७ २३ इन कुम्सो आन रयके आं क्येडा डोन वोतीन। इन तार पाइश्शो ठेयब ताप्तीक ताप्शो नंचा मदाक्नुड। २४ तन्न ठीक निसाफ पतीक व्याक्क खोदंशो पा शाइक्पतीन। ठीक पतीक गेनायो मसोवब खोला खोदंशो पा शाइक्पतीन।

२५ गे इस्राएल आ सिं डा मुरपुकी गोरशो रागीमी ४० बर्स गाकनीनु, आं कली चढ़नी डा? येरमीया ७:२२-२४; प्रेरित ७:४२-४३ २६ गेपुकीमी इन पिप देवता साकुथ नु इन सोरुल देवता काइवान आस कली कुरशा लतीन। मेको आंमा इन कली सल्लो मूर्ति बाकनीसी। २७ मोपतीके गो इन कली ग्याइश्शा, दमस्कस क्येडा डोन लाइक्पाइक्नन्नी” दे परमपरभु यावेम दंत। मेको आ नें मुर नेल्ल आन परमपरभु यावे बाक्ब।

ठेयब लेशशो आन कली हुइश्शो

१ मिनु “आबी, सियोन डा ठेयब मुर, ६ मेकोपुकीमी सामरीया डा डांडामी ‘गो रिम्शो बाकनीकी’ दे मिम्नीम। इस्राएल डा मुरपुकीमी मेको आन कली थमा सुइश्शा, जाकनीम। २ गे आइक्ची हांबु काल्नेह सहर लशा, कोवर्डेन। मिनु मेकर रे ठेयब हमाथ

रागी लन। मेको नोले पलिस्ती आन गाथ सहरमी लने। इन राज्य मेको आन राज्य क्येडा रिम्शो बाक्चा डा? मार, मेको इन रागी मेको आन रागी क्येडा ठेयब बाक्चा डा? उत्पत्ती १०:१० ३ गे ‘श्यत जतीक नाक्त मजाक्ब’ दे मिम्नीनी। मिनु गे हुश खराक्श पोक्ब सासन पाइब चाकनीनी। मज्जन संगरह १०:५

४ आबी, मेको हात्ती आ दारा क सल्लो खाटमी इनीमी। आन इप्तीकमी गोल्शा बाकनीमी। मेकोपुकीम क्यारश भेडा आन पाठा नु गोठ डा बाछा व्याइनीमी। ५ मेकोपुकीम हेंथ कुम्सो पा तार पाइश्शो ठेयब ताप्तीक ताप्नीमी। मिनु ‘गो दाऊद खोदंशो पा ताप्तीक सल्लुड’ दे मिम्नीम। यसैया ५:१२ ६ मेकोपुकीम डाक्काम अडगुर शांबु तनीमी। नेल्ल क्येडा रिम्शो तेल खेरकसीनीमी। तन्न योसेफ आ सिं डा मुरुम श्यत जामेनु, सुर्ता मपाइनीम। ७ मोपतीके मेको नेल्ल क्येडा डांडती ग्याइश्शा लाइक्चा पुंइसीनीम। मोपा मेको आन चाड पतीक, ग्येरशा बाक्तीक नाक्त नुप्ब” दंत।

इस्राएल डा मुर आन ठेयब लेशशो

८ परमपरभु यावेमी आ नेंमी कसम जशो बाक्ब। मिनु मुर नेल्ल आन परमपरभु यावेमी “गो याक्ब आ ठेयब लेशशो तशा गरांगरा दीनुड। मेको आ बोल्यो दरवार आन कली काइ मदाक्नुड। गो एको सहर नु आ मार मार नेल्ल आन जारी सतरु आन गुइमी गेनुडमी” दंशो बाक्ब।

९ सिं काम १० जना मुर लीतेक्म हना यो, मेको नेल्ल बेक्नीम। १० मिनु सिं डा मुर कामी मेको आन बेक्शो रां चोइब, सिं आगा रे बेक्शो मुर गरुइक्चा कली जाकशा, मेकर खरुइक्ब का कली “गेपुकी नु अरु सुइ बाकनीमी?” दे हिल्लो पाइब। मिनु मेकोमी “मबाक्ब” दंब। मिनु सिं डा मुरुमी “सिक्सी पावो। गोपुकीमी परमपरभु यावे आ नें थिचा मडुम्ब” दंब। आमोस ८:३ ११ मारदे हना परमपरभु यावेमी हुकुम पाइब। मिनु ठेयब सिं कली परप्ब। मिनु आइक्च सिं यो परप्ब। १२ मेकोमी “मार, शारा रांगुम दोरनीमी डा? मार, मेकर ब्यफ वाकनीमी डा? तन्न गेपुकीम ठीक निसाफ कली दूली सल्लोनी। ठीक पतीक कली कशो सल्लोनी। आमोस ५:७ १३ गेपुकी लो-देवार सहर आ पर्वम ग्येरसाकनी। मिनु ‘मार, गोपुकीमी इं सक्तिम कारनाइम सहर मगरास डा?’ दंनीनी। १४ ए इस्राएल आ सिं डा मुरपुकी, गो इन पर्वम

रागी का डा मुर आन कली पोक्नुडमी। मिनु मेकोपुकीमी इन कली लेबो-हमाथ र अराबाह डा खोला सम्म श्यत गेशा खंदा पाइनीम” दे मुर नेल्ल आन परमपरभु यावेमी दंत।

सल्हा माले कांडशो

१ परमपरभु यावेमी आं कली मार कांडताक्यी  
 ७ देशा हना, पिप आ बाली नाली खुप्न थुम्शा, अर्का बाली वामानु, मेकोम मारइ मारइ नेक्ब सल्हा माले आन कली ठोक पशो ताता। २ मिनु मेकोपुकीमी रू डा घांस नेल्ल नेकगमे नोले गो “परमपरभु यावे माफ गेयीनी। याकूब आ रागी दोपा बरोडने चात्रा डा? मारदे हना मेको थम आइक्च बाक्ब” देती। ३ मिनु परमपरभु यावेमी “मेको मोदेशो मदुम्ब” दंत।

मी कांडशो

४ मिनु परमपरभु यावेमी आं कली मार कांडताक्यी देशा हना परमपरभु यावेमी आं कली बरशो मी का कांडताक्यी। मिनु मेको मीम ठयब समुन्दर कली सोत्रपाइक्तु। मिनु रागी कली यो नेक्तु। उत्पती ७ : ११ ५ मिनु गो “परमपरभु यावे नाइक्तीन, दे गो इन कली पुंडनुड। याकूब आ रागी दोपा बरोडने चात्रा डा? मारदे हना मेको थम आइक्च बाक्ब” देती। ६ मिनु परमपरभु यावेमी “मोदेशो यो मदुम्ब” दंत।

गारो परोव्रतीक घन्टी कांडशो

७ मिनु परमपरभु यावेमी आं कली मार कांडताक्यी देशा हना, परमपरभु यावे गारो काम गारो परोव्रतीक घन्टी शशा, राप्शो बाक्त। ८ मिनु परमपरभु यावेमी आं कली “आमोस गे मार तवी?” दे हिल्लो पाप्तु। मिनु गो “गारो परोव्रतीक घन्टी का ताता” देती। मिनु परमपरभुमी “कोव्रडो, गो आं मुर इसराएली आन दातेमी गारो परोव्रतीक घन्टी का क्युक्नुड। मिनु मुल गो मेको आन नेक्था बाक्शा, मार पाइक्बक्मा, कोव्रनुडमी। यसैया ३४ : ११; आमोस ८ : २ १ इसहाक आ डांडा डा थान खतम दुम्नीम। मिनु इसराएल डा थान नेल्ल बरशशा जाम्शा लाइनीम। मिनु गो तरवार शशा यरोबाम आ खिं डा मुर साइक्चा कली बोक्शा लाइनुड” दंत।

आमोस नु अमस्याह

१० मिनु बेथेल डा चंदेब अमस्याहमी इसराएल डा पिप यरोबाम कली “इसराएल आ खिं डा मुर आन दातेमी इसराएलम बाक्ब आमोसमी इन पर्वम मरिम्शो पाइब। एको रागीमी मेको आ लोत्र फाल्ले मचात्र। ११ आमोसमी यरोबाम तरवारम साइक्चा पुंडसीब। मिनु इसराएल डा मुर आन रागी र ग्याइशशा लाइक्चा पुंडसीनीम” देशो बाक्ब” दे आमोसमी दंत। १२ मिनु अमस्याहमी आमोस कली “ए, परमपरभु यावे आ लोत्र पाइब, गे एकर परोक्शा यहूदा रागी लावो। मिनु मेकर क्यट चम्शा शोब्ले ग्याप्शा जशा, परमपरभु यावे आ लोत्र पावो। १३ सामुएल ९ : १ १३ बेथेलमी लंशा गेनायो परमपरभु यावे आ लोत्र मपावो। मारदे हना मेको पिप आ देवी देवता थान नु राज्य डा पूजा पतीके बाक्ब” दंत। १४ राजा १२ : २८-२९ १४ मिनु आमोसमी अमस्याह कली “गो परमपरभु यावे आ लोत्र पाइब मनड। मिनु परमपरभु यावे आ लोत्र पाइब आ तो यो मनड। गो दा गोठला का नु फोव्रशी खा कोव्रब मुर नड। १५ मिनु परमपरभु यावेमी आं कली क्यारश भेडा योव्रतीक र बरेत्ताक्यी। मिनु मेकोमी आं कली ‘लावो। आं मुर इसराएली आन कली आं लोत्र शंदीमी’ दे माइक्ती। १६ मोपतीक मुल परमपरभु यावे आ लोत्र नेनीन। गे आं कली ‘इसराएल आ पर्वम परमपरभु यावे आ लोत्र मपावो। मिनु इसहाक आ खिं डा मुर आन पर्वम लोत्र मपावो’ देतीनी। आमोस २ : १२ १७ मोपतीक परमपरभु यावेमी इ कली ‘इ मीश सहरम तेल्लेम का दुम्ब। इ तमी तो नेल्ल तरवारमी क्यारचा पुंडसीनीम। मिनु इ रागी पुक्शा योक्सीनीम। गे चहिं गरांगरा दिशा रागी काम बेक्नव। मिनु इसराएल थमा पा आ रागी र ग्याइशशा लाइक्चा पुंडसीब” दे आमोसमी अमस्याह कली दंत।

मीशो फोव्रशीम बरीशो डालो

१ मिनु परमपरभु यावेमी आं कली मीशो  
 ८ फोव्रशीम बरीशो डालो का कांडताक्यी। २ मिनु मेकोमी आं कली “आमोस, गे मार तवी?” दे हिल्लो पती। मिनु गो “मीशो फोव्रशीम बरीशो डालो का ताता” देती। मिनु परमपरभु यावेमी आं कली “आं मुर, इसराएली आन नाक्त गाप्त। मुल गो मेको आन नेक्था बाक्शा, मार मार पाइनीमी, मेको कोव्रनुडमी। आमोस ७ : ८ ३ मेको नाक्ती दरवारम कुम्सो पाइब आन कुम्सो रांका

पतीके दुम्नीम” दे परमपरभु यावेमी दंत। मिनु मेकोमी “बक्शो मुर शुश बाक्नीम। लाडगाम गुरुइशा ताइक्नीम। ग सिक्सी पावो” दंत। आमोस ६ :१०

### इस्राएल खतम दुम्शो

४ मिनु परमपरभु यावेमी “गे मारइ मथीब आन कली दिम्बपुकी नु रागी डा परुडग आन कली खतम सल्बपुकी, नेनीन। आमोस २ :११ ५ गेपुकीमी “ओसी गना लाक्बा डा ? गो अन्न लेयचा ताइनीकी। नाइक्तीक नाक्त गेना लाक्बा डा ? गो चेरब लेयचा ताइनीकी। गो एफाह आइक्च सल्शा, शेकल कली हेल्शो सल्शा नु दूली पा नाक्शा, शुश क्येट चम्नीकी” देनीनी। एफाह का २२ लिटर लाइब पुक्तीक बाक्ब। शेकल का ११.५ गराम डा क्येट बाक्ब। नेहम्याह १३ :१५ ६ गेपुकीम “परुडग आन कली चांदीम ग्याप्नीकी। मारइ मथीब आन कली जोर का चपलमी ग्याप्नीकी। मिनु मकराप्शो चेरब लेयनीकी” देनीनी” दंत। आमोस २ :६

७ परमपरभु यावेमी याक्ब आ सोशो बोशो मिम्शा, कसम जाप्तु। मार कसम जाप्तु देशा हना “गो मेको आन पशो गेनायो मपरनुड। ८ मार, मेको आ पतीके रागी खिरंखिर मपाइबा डा ? मेकर बाक्ब नेल्लेमी रोंका मपाइनीमी डा ? रागी नेल्ल नील खोला खोंदेशो पा बारनीम। इजीप्त रागी डा नील खोला बारशा ग्युम्शो खोंदेशो पा नुप्शा लाइनीम। आमोस १ :५

१ गो मेको नाक्ती नां कली नाक्ती उइक्थ दुम्मेनु, लाक्पाइक्नुड। मिनु नाक्त बाक्ना बाक्न नां रिक्पाइक्नुड। येरमीया १५ :९ १० गो इन चाड कली रोंका पतीक सल्लुड। इन कुम्सो नेल्ल आन कली डाक्तीक सल्लुड। गो नेल्ल इन कली अरन्डी फेक्पाइश्शा चां परक्पाइक्नुड। गो आम का ला बाक्शो तौ आ पर्वम रोंका पशो खोंदेशो दुम्पाइक्नुड। मेको चाड नुप्पतीक नाक्त कशो नाक्त दुम्ब” देशो बाक्ब। येरमीया ६ :२६

११ मिनु परमपरभु यावेमी “गोम अन्काल सोइक्ची ना, थमा पा श्येत जतीक नाक्त जाक्ब। मेको अन्काल जचा नु त्चा के अन्काल ममाइ, तन्न परमपरभु यावे आ लोत्र नेतीक अन्काल बाक्ब। १ सामुएल ३ :१ १२ मुरपुकी परमपरभु यावे आ लोत्र माल्शा, समुन्दर का रे अर्का समुन्दर सम्म लाइनीम। उत्तर रे पूर्व सम्म

लाइनीम। मेकोपुकी एर ओंथ गाक्शा, परमपरभु यावे आ लोत्र माल्नीमी। तन्न मथिल्लीम।

१३ मेको नाक्ती दारशो मीश आल नु बोल्यो वोंइश आल ब्याक्कु त्चा मतथु, थाइनीम। १४ सु सु सामरीया डा देवता अशीमाह आ नंमी कसम जशा “ए दान, इ देवता बरांइशा बाक्शो खोंदेशो पा” नु “बयर-शबा डा देवता बरांइशा बाक्शो खोंदेशो पा” देशा कसम जाइब नेल्ल गेनायो मबोक्चा डा पा गोल्लीम” दे परमपरभु यावेमी दंत। न्यायाधीस १८ :३०

### नोल डा दुम्तीक कांइशो

१ गो परमपरभु कली चढेतीक आ नेक्था १ राप्शो ताता। मिनु मेकोमी आं कली “लाप्चो डा शी शुश हिम्पाइक्चा कली थाम आन डर तुपो। मिनु बरेशशा मुर नेल्ल आन पिया तार दोक्नीम। मिनु बरांइशा लीशो आन कली तरवारमी क्योरनुडमी। मेको आन दाते डा का यो परोक्चा मताइनीम। का यो बरांइचा मताइनीम।

२ मेकोपुकी बक्शो मुर आन बाक्तीक लाम्तक्म हना यो, मेकर रे कीशा गुरुइनुड। मिनु मेकोपुकी इर सरीड गे डोइश्शा लाम्तक्म हना यो, गो मेको आन कली ग्याइश्शा लुक्च फुरुनुडमी। अय्युब २६ :६ ; भजन संगरह १३९ :८ ३ मेकोपुकी कारमेल डांडामी खुरुइसाक्म हना यो, गो मेको आन कली माल्शा, ग्याइश्शा चाक्नुडमी। मेकोपुकी आं क्यडा खुरुइश्शा समुन्दर आगाम लाम्तक्म हना यो, समुन्दरम बाक्ब बुस्स कली “मेको आन कली कोक्मी” दे अरनुड। मिनु मेकोमी मेको आन कली कोक्ब। ४ मेको आन जोरी सतरु आन डांडती ग्याइश्शा लाइक्चा पुइसाक्म हना यो, गो मेको आन कली क्योरशा साइक्चा कली तरवार कली अरनुड। मिनु मेकोमी साइक्ब। गो मेको आन कली रिम्शो पचा कली ममाइ, तन्न मरिम्शो पचा कली कोत्रनुडमी” दंत।

५ मिनु मुर नेल्ल आन परमपरभु यावेमी रागी कली थिप्तु हना, रागी याइब। मिनु मेकर बाक्ब नेल्ल रोंका पाइनीम। मिनु रागी नेल्ल नील खोला खोंदेशो पा बारब। मिनु इजीप्त डा नील खोला खोंदेशो पा सोत्रब। आमोस ८ :८ ६ मेकोमी स्वर्गम आ बाक्तीक सल्ब। मिनु रागीमी मेको आ जग वोइक्ब। समुन्दर डा ब्याक्कु कली बरेशशा, रागीम मोइक्ब। मेको आ नं परमपरभु यावे बाक्ब। भजन संगरह १०४ :३ ; आमोस ५ :८

७ मिनू परमपरभु यावेमी इसराएल डा मुर आन कली “गो आं कली एथीयोपीया डा मुर सोदंशो बावनीनी। गो इसराएली आन कली इजीप्त रागी रे, पतिस्ती आन कली काफ्तोर रागी रे नु अरामी आन कली कीर रागी रे गरुंडशा चावशो मनडमी डा ?” देशो बावब। व्यवस्था ७ :७ ; येरमीया ४७ :४ ८ परमपरभु यावेमी शुश पाप पाइब राज्य कली कोवनो कोवन बावब। मेकोमी “गो मेको आन कली रागी रे क्याम्नुड। मो हना यो गो याकूब आ सिं कली चहिं नल्ल मक्याम्नुड” दे परमपरभु यावेमी दंत।

९ परमपरभु यावेमी “गो मार हुकुम पाइनुडमी देशा हना, इसराएल आ सिं डा मुर आन कली जात नल्ल डा मुर आन दातमी ग्योलोमी मार मार कराप्शो सोदंशो पा, करानुडमी। मिनू इम्चीली फुल्लु का यो खपीम मदोवब। १० मेकोपुकीम ‘हिंचा डा श्येत आंड तारी मजावब। इं कली मेकोम मथिप्व’ दे पाप पाइब, आं मुर नल्ल तरवारमी साइक्चा पुंडसीनीम” दंत। आमोस ६ :३

इसराएल कली लेंशा सेल्शो

११ परमपरभु यावे, इन परमपरभुमी “गो मेको नाक्त दाऊद आ बरेशशो सिं आन कली लेंशा

सेल्लुड। मिनू मेको आ बरेशशो गारो आ पोवला सुइनुड। मिनू मोपा नल्ल साइ डांडती डा खादंशो सेल्लुड। १ राजा १२ :१९ ; पररित १५ :१६-१७ १२ मिनू मेकोपुकीम एदोम डा लीशो नु आं नं पाइशो जात जात डा मुर नल्ल आन क दुम्नीम” दे मोदंशो पाइब परमपरभु यावेमी दंत।

१३ मिनू परमपरभु यावेमी “मेको नाक्त थमा पा जावब। बाली नाली खुप्वमी ब्यफ वावब कली गरुम्ब। मिनू वांचेर ब्यारबमी अडगुर स्खुम्ब कली गरुम्ब। डांडा रे पा नक अडगुर रस याप्व। मिनू डांडा नल्ल अन्न बाला सिल्लीम। लेवी २६ :५ ; योएल ४ :१८ १४ गो आं मुर इसराएली आन कली आन मार मार लेशशा गनुडमी। मिनू मेको आन बरेशशो सहर कली लेंशा सेल्शा, मेकेर बावनीम। मेकोपुकीम अडगुर स्खुम्शा, अडगुर शांबु तूनीम। मेकोपुकीम फल फुल स्खुम्शा, मेको आन फल जाइनीम। व्यवस्था ३० :३ ; यसैया ६५ :२१ १५ गो मेको आन कली गेनायो मखेरपांडसीचा डा पा आन रागीमी वोइक्नुड। आं गेशो रागी रे मेको आन कली सुइमी गरुंइने मचाप्नीम, दे इन परमपरभु यावेमी देशो बावब” दंत।

## ओबदिया

बरेकब मुर: ओबदिया आ अर्थ "परमपरभु यावे आ गेय पाइब" बाकब। एको किताब सुम बरेकशो मेको मतुइसाकब हना यो, जोकब तुइकब शुशमी एको किताब ओबदिया आमा बरेकशो बाकब, दे मिन्नीम।

गेना बरेकशो: बेबीलोन डा पिप नेबुकदनेसरम ५८:७ वि. सी. यरूसलेम सहर कली गराशा खतम सल्था, पिप दाऊद आ सासनमी दिष्ठा एसाव आ चच युइमी एदोममी बेबीलोन डा लडाइ पाइब आन कली ग्येरशा वारच पशो बाक्तेकम।

मारदे बरेकशो: साइ नेसी रे एदोम डा मुर यहूदी आन जोरी सतरु बाकशो बाक्तेकम। गन्ती २०:१४-२१ ओबदियामी एदोम डा मुर नेल्ल क्याम्चा पुइसीनीम, दे लोत्र पशो बाक्त। तन्न परमपरभुमी शुश खेयप मटीब इसराएली आन कली शिशो पा दाकब, दे यो बरेकशो बाकब। एको किताबम परमपरभु यावे आ निसाफ पतीक नाक्त आ परबम बरेकशो बाकब।

परमपरभुम ओबदिया कली कौइशो

येरमीया ४९:७-२२

१ परमपरभु यावेमी ओबदिया कली कौइशो लोत्र मार बाक्त देशा हना, परमपरभु, परमपरभु यावेमी एदोम आ परबम लोत्र पाप्तु। गोपुकीमी परमपरभु यावे रे लोत्र का नंतक। मेकाम रागी रागीम लोत्र कुरब मुर का साइक्ताकब। मेकोमी "बाक्कीन। गो मेको नु लडाइ पथ लय। २ गो इ कली रागी रागी डा मुर आन दातेम नेल्ल क्येडा आइकच सल्लुड। मिनु गे महिकसीशो दुम्नवे। ३ इ थुं डा ठयब लेत्तीकमी इ कली जाल पाइइशा बाकब। इ सहर ठयब फुल्लु तार सल्थो बाकब। गे डांडा तार बाक्नेवे। गे इ थुंमी "आं कली सुम उइ तोक्ने चाप्या डा?" दे मिन्नेवे। गन्ती २४:२१ ४ तन्न गे ककाकुली सोदंशो पा इर सरीड मेर बरते हना यो, सोरुल आन दातेम इ ग्योत्र सल्लेवी हना यो, गो इ कली मेक रे तोक्नन" दे परमपरभु यावेम देत।

५ मिनु सुइपुकी इ बाक्तीक जाक्तेकम हना, नाकदो रोइकबपुकी इ बाक्तीक जाक्तेकम हना, गे दोदंशो पा खतम दुम्नवे? मेकोपुकीम आन कली माल्थो सोइ ला रोइइशा मलाइक्नीमी डा? अङ्गुर संकबपुकी इ बाक्तीक जाकशा

संक्तेकम हना, मेकोपुकीमी इक्का अङ्गुर मपुरांडनीमी डा? ६ तन्न एसाव आ शांप दोपा रोइसीबा? मेको आ खरुइइशा वोइइशा शांप दोपा माल्था गरुंडनीमी? ७ इ नेक्या डा रागी डा मुरपुकीमी इ कली जाल पाम्तकम। मेकोपुकीम इ कली खंदा पा खरशा इ सांद सम्म चाक्तेकम। इ वारचपुकीमी इ कली दिष्ठा श्यत गनीम। इ थुल्था मुरपुकीमी इ कली ब्यारद दाइक्नीम। तन्न गे मारइ मतुइक्नेवे। ८ परमपरभु यावेमी "गो मेको नाक्त एदोम डा जोकब तुइकब मुर आन कली खतम सल्लुड। एसाव आ डांडाम बाकब रुख मुर आन कली साइक्नुडमी। ९ गे तेमान, इ लडाइ पाइबपुकी फराचा पुइसीनीम। एसाव आ डांडाम बाकब मुर नेल्ल क्योरशा साइक्चा पुइसीनीम। आमास १:१२ १० गे इ लोकब याकूब कली हुश खराकश पाकशो आ परबम इ कली मुनेम सुम्ब। मिनु गे गेना हना यो कली जाम्शा लाइनेवे। योएल ४:१९ ११ मेको नाक्त गे डोन राष्ठा बाक्त। मेको नाक्त अर्का रागी डा मुरपुकीमी मेको आ शांप नेल्ल रोइइशा लाइक्तेकम। अर्का रागी डा मुर मेको आ लाप्वो रे ओवतेकम। मिनु यरूसलेम आ परबम फेन्ट आप्तकम। गे यो मेकोपुकी सोदंशो का बाक्त। भजन संगरह १३७:७ १२ तन्न गे इ लोकब श्यत जवानु, मेको कली मदिष्ठा माल्थो नवे। यहूदा डा मुर खतम दुम्मा नाक्त गे मग्येरसीचा माल्थो नवे। मेकोपुकी श्यत जाम नाक्ती गे ठयब लेइशा लोत्र मपचा माल्थो नवे। १३ आं मुर हिंचा डा श्यत जाम नाक्त, गे मेको आन लाप्वो रे मओवचा माल्थो नवे। यहूदा डा मुर खतम दुम्मा नाक्ती, गे मेको मरिम्शो पाइबपुकी नु मगारचा माल्थो नवे। मेको हिंचा डा श्यत जाम नाक्ती गे मेको आन शांप रोइइशा मलाइक्चा माल्थो नवे। १४ मेको आ पुरोक्शा लशो मुर आन कली साइक्चा कली लां गरुत्तीकमी बाष्ठा बाक्चा मडुम्शो नवे। मेको बरांडशा पुरोक्शो आन कली मग्याइक्चा माल्थो नवे। १५ परमपरभु यावे आ निसाफ पतीक नाक्त रागी रागी डा मुर नेल्ल आन नेक्या जाकशो बाकब। गे दोदंशो पशो नवे, इ कली मोदंशोन पांडसीब। इ पशो गेय नेल्ल इ पियामीन मांडसीब। योएल १:१५; येरमीया ५०:१५,२९ १६ गे दोपा आं डांडाम त्डी, मोपा इ एर आंथ बाकब रागी रागी डा मुरुम गेना हना यो तूनीम। मिनु गेनायो मबाकशो सोदंशो

दुम्नीम। येरमीया २५ :१५ १७ तन्न सियोन  
 डांडाम चहिं प्रोक्शो मुरपुकी जावनीम। मेको  
 परमपरभु यावे आ डांडा बाक्ब। मिनु याकूब आ  
 खिमी डांडती आंम कली अधिकार पाइब आन  
 कली अधिकार पाइनीम। योएल ३ :५ ; योएल  
 ४ :१७ १८ याकूब आ खिं मी दुम्ब। योसफ आ  
 खिं बरशो मी दुम्ब। एसाव आ खिं चहिं नल  
 खोदेशो दुम्ब। मेकोपुकीमी मेको कली मीम  
 हुम्शा, खतम पोक्नीम। मिनु एसाव आ खिं  
 डा मुर सुइ मबरोइनीम” दे परमपरभु यावेमी  
 देत। जकरिया १२ :६ १९ नेगेब डा मुरपुकीमी  
 एसाव आ डांडा आन के सल्नीम। शफलाह  
 डा मुरपुकीम पलिस्ती आन रागी आन के

सल्नीम। मेकोपुकीमी एफराइम नु सामरीया डा  
 रू आन के सल्नीम। मिनु बेन्यामीनम चहिं  
 गिलाद आंम के सल्ब। १ राजा १६ :२४ २७ मिनु  
 ग्याइश्शा लाइक्चा पुंइसीशो हालाहम बाक्शो  
 इसराएलीपुकीमी फोनीचीआ र चारफाथ सम्म  
 डा रागी आन के सल्नीम। मिनु यरूसलेम  
 र ग्याइश्शा लाइक्चा पुंइसीशो सेफाराद  
 सहरम बाक्शो मुरपुकीम नेगेब डा सहर आन  
 के सल्नीम। २१ बरोइशोपुकी सियोन डांडा  
 डाइश्शा कुइनीम। मिनु एसाव आ डांडा कली  
 सासन पाइनीम। मिनु मेको राज्य परमपरभु  
 यावे के दुम्ब।

## योना

बरेक्ब मुर: एको किताब सुम बरेक्शो बाक्बा, मेको आ पर्वम तेइ मबरेक्शो बाक्ब। तन्न योना आ शंसीबपुकीमी योना आ बरेक्शो वाइश्शो रे एको किताब गरुइशो बाक्ब, दे मिन्नीम।

गना बरेक्शो: इस्राएल डा पिप यरोबाम ८:२५-७:८ वि. सी. आ पालाम योना बाक्त। २राजा १४:२५ मेना आमोस नु होसमी यो परमपरभु यावे आ लोत्र पशो बाक्ताक्स। एको किताब योना बेक्म नाले बरेक्शो बाक्ब।

मार बरेक्शो: परमपरभु यावेमी इस्राएली मडुमशो, अर्को रागी डा मुर आन कली इस्राएली आन कली खोदेशो पा दाक्ब। येसुमी यो योना आ सांकछी गेब। मत्ती १२:३८-४१; लूका ११:२९-३२

### परमपरभुमी योना कली सोइश्शो

१ परमपरभु यावेमी अमीत्ते आ तौ योना कली १ मार लोत्र पवा बाक्त देशा हना, २राजा १४:२५ २ "गे छुल बोक्शा, निनवे माइश्शो ठेयब सहरम लावो। मिनु मेकर डा मुर आन मरिम्शो पशो आ पर्वम शंदीमी। मारदे हना गो मेको आन मरिम्शो पशो नेल्ल ताता" दे मदा बाक्त।

### योना परमपरभु रे प्रोक्शो

३ तन्न योना परमपरभु यावे आ डांडती रे लशा, निनवे मलयु, टारशीश ग प्रोक्चा गोवा बाक्त। मिनु योप्पा सहरम थिशा, टारशीश लाइब डांगा का थिश्शा, क्यट थाप्शा, परमपरभु यावे आ डांडती रे प्रोक्शा, डांगाम डांडिस बाक्त। भजन संग्रह १३९:७,९,१० ४ मिनु परमपरभु यावेमी समुन्दरमी ठेयब फश पपदा बाक्त। मोपा ठेयब फश गिवारम पतीके मेको डांगा जिक्चा चिक्ता बाक्त। ५ मिनु डांगाम गय पाइबपुकी हिंशा, आन देवी देवता आन नें थिशा, बरेम्मा बाक्त। मिनु डांगा सोपी पचा कली मेको आन बाक्शो मारइ मारइ समुन्दरमी ताइक्तमे बाक्त। योना चहिं डांगा आ आइदी तला लशा, इप्शो बाक्माक्त। ६ मिनु डांगा चलेबमी योना आ इप्तीकेम लशा "गिश डा इमे। बोक्को, इ परमपरभु कली थोवो। मेको परमपरभु इं कली खतम दुम्चा रे परांडबा, कां" देमाक्त। ७ मिनु डांगाम गय पाइबपुकीमी "सुम पतीके ओदेंब श्यत दुम्माइ, तुइक्चा कली चिडगा कोत्रचा" देमुशा, चिडगा

कोत्रडमे बाक्त। चिडगा कोत्रडमेनु, योना आ नंम गरूमाक्त। हितोपदेस १६:३३

८ मिनु डांगाम गय पाइबपुकीमी योना कली "गो मारदे ओदेंब श्यत जया? इ गय मार में? गे ते रे पिवे? तको रागी डा नवे? मार थर डा मुर नवे?" दे हिल्लो पाम बाक्त। ९ मिनु योनामी "गो हिबेरू नड। रागी नु समुन्दर संल्ब, सरीड डा परमपरभु यावे कली थमा सुइक्ब नड" देमाक्त। उत्पत्ती १:९-१० १० मिनु मेको मुरपुकी डांडती क्यडा हिंशा योना कली "गे मारदे ओपा प्रोक्ड?" दे हिल्लो पाम बाक्त। मारदे हना योनामी मेको आन कली "गो परमपरभु यावे आ डांडती रे प्रोक्ती" देशो बाक्माक्त। ११ मिनु मेकोपुकीमी योना कली "फश गिवार नाइक्पाइक्चा कली मार पचा माल्लीकी?" दे हिल्लो पाम बाक्त। मारदे हना फश गिवार पतीके ब्वाक्कु बारना बारन लमाक्त। १२ मिनु योनामी "आं कली समुन्दरमी ताइक्ताक्यीनी हना, फश गिवार नाइक्ब। एको फश गिवार आं पतीके पशो बाक्ब, दे गो तुइक्नुड" देमाक्त। १३ मिनु मेको मुरपुकीमी लंशा डांगा रागीम चाक्चा कली शुश खीयेमे बाक्त। तन्न मचाप्मे बाक्त। मारदे हना फश गिवार शुश बारशो बाक्माक्त। १४ मिनु मेकोपुकीमी परमपरभु यावे कली "परमपरभु यावे, एको मुर आ पर्वम गोपुकी बेक्चा ममाल्लकल। एको मुर आ दोस मतकल। मारदे हना परमपरभु यावे, इन दाक्शो यो मोदेशान बाक्त" देमा बाक्त। १५ मिनु योना कली समुन्दरमी ताइक्तमे बाक्त। मिनु फश गिवार नु ब्वाक्कु खरा दिम्शा, नाइस बाक्त। १६ मिनु मेको मुरपुकी परमपरभु यावे कली मान पा हिंशा, मेको कली चदशा "आ देशो नेल्ल टीनीकी" दे परमपरभु यावे कली कसम जामे बाक्त। १७ मिनु परमपरभु यावेमी योना कली दाक्पाइक्चा कली ठेयब डांड का सोइक्ता बाक्त। मेको डांडमी योना कली गरू दाक्गानु, योना सां नाक्दो नाक्ती आ कोत्रजीम बाक्माक्त। मत्ती १२:४०; मत्ती १६:४

### योनाम परमपरभु कली लोत्र पशो

१ मिनु योनामी डांड आ कोत्रजे रे पा परमपरभु २ यावे कली लोत्र पवा बाक्त। २ मिनु मेकोमी परमपरभु यावे, आ परमपरभु कली "गो आं श्यत जतीके रे लोत्र पाता। मिनु आं कली लोत्र लेत्ताक्यीनी। गो बेक्शो मुर आन बाक्तीके रे बरती। मिनु गे आं संदा नेंतीनी। भजन

संग्रह १२०:१ ३गे आं कली समुन्दर आगाम ताइक्ताकयीनी। आं एर आंथ ब्वाक्कु ला बाक्शो बाक्त। ब्वाक्कुमी आं कली गिल्था, आ छाल आं तारी रे लाम्तेक्म। भजन संग्रह ४२:८ ४गोमी इन क्येडा डोन दुम्शा, इन योत्रशो खिं मुल गेनायो मताइनुड' दे मिम्ताकड। भजन संग्रह ३१:२२ ५आं एर आंथ ब्वाक्कु बाक्तीक, हेरा बक्ती। गो ब्वाक्कु आगाम बाक्डानु, आं पिया लेउम सुम्शो बाक्त। भजन संग्रह १८:५ ; भजन संग्रह ६९:२ ६मिनु गो समुन्दर आगा क्येडा यो लुक्च गरुस्ती। गो गेनायो मगरूचा डा पा गरुस्ती। तन्न परमपरभु यावे, आं परमपरभु गे आं कली बेक्चा रे परांडतीनी। भजन संग्रह १०३:४ ७आं थुं लुक्च लशा, गो परमपरभु यावे, इन कली मिम्शा, इन कली लोत्र पाता। मिनु इन बाक्तीके रे आं लोत्र नेंतीनी। भजन संग्रह १४२:३-४ ८जाम्शा लाइब मूर्ति कली थमा सुइक्वपुकीमी इन शिशो मताइनीम। भजन संग्रह ३१:१७ ९गो चहिं 'गे रिम्शो पाइब बाक्नीनी' देशा, इन कली ठेयब सेल्लुड। गो इन कली देशो लोत्र खानुड। परमपरभु यावे, गे मुर आन कली श्यत रे परांडब बाक्नीनी" दे लोत्र पवा बाक्त। भजन संग्रह ५०:१४ ; भजन संग्रह ११६:१७-१८

१०मिनु परमपरभु यावेमी डांड कली "योना कली ब्वाक्कु रे गरुंडशा रागीम तेवा" दे अरवा बाक्त। मिनु डांडमी मेको कली ब्वाक्कु रे गरुंडशा, रागीमी तेवा बाक्त।

### लेंशा योना कली शंथ सोइश्शो

१मिनु परमपरभु यावेमी लेंशा योना कली लोत्र पवा बाक्त। योना १:२ २मिनु मेकोमी "गे बाक्को, निनवे माइश्शो ठेयब सहर लावो। गो इ कली मार शंनुडा, मेको मेकर डा मुर आन कली शंदीमी" दे मदा बाक्त।

३मिनु परमपरभु यावे आ लोत्र टिशा, योना निनवे गे लचा गोवा बाक्त। निनवे थम ठेयब सहर बाक्माक्त। मेको निनवे सहर सुर का रे अर्का सुर जाक्दीत्वा कली नाक्त सां माल्बाक्माक्त। योना ४:११ ४मिनु योनामी निनवे सहर ओत्रशा, नाक्त का गाक्शा, मुर आन कली "४० नाक्त नोले एको सहर खतम दुम्ब" दे ठेयब संदामी शंदा बाक्त।

५मिनु मेको नेंशा निनवे डा मुरपुकीमी परमपरभु आ लोत्र थमा बाक्ब, दे थमा सुदमे बाक्त। मेकोपुकीमी "निनवे सहर डा आइक्च नु

ठेयब मुर आन मरिम्शो पतीक रे लेत्तेक्म, दे कांडचा कली नेल्ल माइजा बाक्शा, अरन्डी फेक्सीन" दे नेल्ल आन कली नेंपदमे बाक्त। मत्ती १२:४१; योएल १:१४ ६मिनु निनवे डा पिपमी यो मेको लोत्र नना बाक्त। मेको आ ठेयब नितीक रे बाक्शा, पिप आ फेक्तीक वा परुइश्शा, अरन्डी फेक्शा, पुलु तारी निस्स बाक्त। ७मिनु पिप नु आ मुरपुकीमी निनवे डा मुर आन कली "मुरपुकी नु बस्तु भावमी मारइ मजामेक्ल, मतूडमेक्ल। बी ब्यफ, क्यारश भेडा आन कली यो मयोत्रडमेक्ल, ब्वाक्कु मतुइदमेक्ल। ८मुरपुकीम अरन्डी सुम्सीशा, बी ब्यफ, क्यारश भेडा यो सुम्चा माल्नीम। मिनु मेकोपुकीमी परमपरभु कली ठेयब संदाम पुंडचा माल्नीम। मिनु नेल्ल आन मरिम्शो लां नु आन मरिम्शो पशो रे लेत्त्वा माल्नीम। ९परमपरभु आ शुश गाइक्तीक रे लेत्त्वा, कां? मेकोमी आंइ कली मसाइक्वा, कां? सुम तुइक्वा, डा?" देमा बाक्त। योएल २:१४ १०मिनु परमपरभुमी मेको मुर आन पशो नु आन मरिम्शो लां रे लेश्शो तशा "आं डांडती पाइनुड देशो, मुल मपाइनुड" दे मिम्ता बाक्त। मिनु परमपरभुमी आ डांडती मिम्शो मपवा बाक्त। यरमीया १८:१७-८

### योना परमपरभु नु गाइश्शो

१मिनु परमपरभुमी मुर आन कली खतम मपशा तशा, योना चुरशा, शुश गाइक्ता बाक्त। मिनु परमपरभु यावे कली २"परमपरभु यावे, आं रागीम बाक्डानु, गो एको तुइश्शो नड। मोपतीके गो टारशीश गे प्रोक्शा नड। गे नेल्ल कली शिशो पाइब नु दाक्ब परमपरभु ननी। इन गाइक्चा रीब पा मबाक्ब। इन शिशो ठेयब बाक्ब। इन थुं श्यत गेचा बाक्त हना यो, इन थुं लेश्शा, मेको आन कली मारइ मपाइनीनी, दे गो तुइश्शो नड। प्रस्थान ३४:६ ३मुल परमपरभु यावे, आं कली साइय्यीनी। मारदे हना गो बरोइचा क्येडा बेक्चा दाक्नुड" दे परमपरभु यावे नु लोत्र पवा बाक्त। १राजा ११:४ ४मिनु परमपरभु यावेमी "इ गाइश्शो ठीक ममाइ" दे मदा बाक्त। ५मिनु योना सहर रे लशा, पूर्व गे डा डांडामी निस्से बाक्त। मेकर गोठ का सेल्शा बाक्शो बाक्माक्त। मेकर फाम्सीशा निश्शा "मेको सहरमी मार दुम्बा" दे कोत्रशा, रिम्दा बाक्त।

६मिनु परमपरभु, परमपरभु यावेमी योना कली नां फाम्सीशा बाक्ल, श्यत मजवल, दे छुक

लाकचा डा पा आइक्च रवा का आ बाक्तीकेमी वापदा बाक्त। मिनु योना मेको रवा तशा, शुश ग्येरसे बाक्त। ७ तन्न आ दीसा सुनी कना परमपरभुमी खोकला का सोइक्ता बाक्त। मेकोमी मेको आइक्च रवा आ शाक्श खरोदा बाक्त। मिनु रवा सोल बेक्माक्त। ८ मिनु नां दाम्मनु, परमपरभुमी योना आ बाक्तीकेम पूर्व र होश फश सोइक्ता बाक्त। मिनु नांमी योना आ पिया नाप्शा, योना ओले पते दुम्शा, गोल्माक्त। मिनु योनामी “ब्रांइचा क्येडा बेक्चा दाक्नुड” देमाक्त।

परमपरभु आ शिशो

९ मिनु परमपरभुमी योना कली “गे मेको रवा आ पर्वम गाइक्चा, ठोक दुम्बा डा ?” दे लोत्र पवानु,

मेकोमी “गो मबेक्डा सम्म गाइक्नुड” दे लोत्र लेत्ता बाक्त। १० मिनु परमपरभु यावेमी “गे इ मखरुम्शा, मकोल्पाइश्शो, नाक्दो कामी वाशा, आ दीसा नाक्दो सोल बेक्शो रवा कली शिशो पाइनेवे। ११ मिनु गो मेको ठयब सहर निनेवे आ पर्वम शिशो मपाइनुडा डा ? मकेर आन ग्युरा पेरा गुइ मतुइक्च लाख का २० हजार क्येडा शुश मुर नु बी ब्यफ, क्यारश भडा या बाक्नीमी। गो मेको आन कली शिशो पाइनुड” देमाक्त।

## मीका

बरेकब मुर: मीका इसराएल डा दक्खिन हेबरोन नु गाजा सहर आस दाते मोरेशथ डा मुर बाक्त। मेको आ नें आ अर्थे “परमपरभु यावे खांदेशो सुइ मबाकब” देशो बाकब। मीका आमोस खांदेशो पा रू डा गेय पाइब बाक्त। मेको अस्सुर डा लडाइ पाइब आन डाइती रे प्रोक्शा, यरूसलेम सहरम परमपरभु यावे आ लोत्र पशो बाक्त। एको किताब मीकामी बरेकशो बाक्त।

गेना बरेकशो: मीकामी ७२०-७२३ वि. सी.म परमपरभु यावे आ लोत्र पशो बाक्त। मेकोमी सामरीया खतम दुम्चा क्येडा डाइती मेको आ पर्वम परमपरभु आ लोत्र पशो बाक्त। मीका १:६ हिज्कीयाह पिप दुम्शो ६ बर्स दुम्ची ना ७२२ वि. सी. सामरीया खतम दुम्शो आ पर्वम चहिं मीकामी मारेइ मबरेकशो बाक्त। मोपतीके मेकोमी एको किताब ७२२ वि. सी. क्येडा डाइती बरेकशो बाक्त।

मार बरेकशो: परमपरभुमी थुं नाइक्चा गेब। इसराएल नु रागी रागी डा मुर नल्ल आन कली मस्तीह सोइक्ब। मेकोमी आ गे जाक्ब मुर आन कली श्येत रे परांडब।

सामरीया नु यरूसलेम कली निसाफ

१ परमपरभु यावमी मोरेशथ डा मीकाह कली लोत्र पाप्तु। मेना यहूदा रागीमी योथाम पिप बाक्त। मेको आ नोले आहाज नु मेको आ नोले हिज्कीयाह पिप दुम्ताक्स। मिनु मेको परमपरभु यावे आ लोत्र नु आ कांइतीके सामरीया नु यरूसलेम आस पर्वम बाक्त। यरमीया २६:१८; यसैया १:१

२ मिनु परमपरभु यावमी मार कांइशो नु देशो बाक्त देशा हना “जात जात डा मुर, गे नल्लमी नोफा दाइक्तीन। रागी नु मेकर बाक्ब नल्लमी नेनीन। परमपरभु, परमपरभु यावे आ बाक्तीके रे पा इन मरिम्शो पशो आ पर्वम सांकछी दुम्ब। ३ लो कोवडीन, परमपरभु यावे आ बाक्तीके रे जाक्ना जाक्न बाक्ब। मेको यीब नु रागी डा लाइशो डांडाम गाक्ब। आमोस ४:१३ ४मी आ नेक्था मयीन यशो खांदेशो पा, लुक्च लतीकेमी ब्वाक्कु शाइशो खांदेशो पा, मेको आ थक्शो डांडापुकी याइनीम। मिनु दिंमपुकी बरोल्लीम। ४ मेको नल्ल याक्ब आ मरिम्शो पशो नु इसराएल डा मुर आन पाप आ पर्वम दुम्शो

बाक्ब। याक्ब आ मरिम्शो पशो मार बाक्ब? मेको सामरीया ममाइ डा? यहूदा डा लाइशो डांडा मार बाक्ब? मार, मेको यरूसलेम ममाइ डा? यरमीया २३:१३-१४ ६ मोपतीके गो सामरीया कली फुल्लु तल्लतीक सल्लुडा। मेको अडगुर खरुम्तीके रू दुम्ने चाप्ब। गो मेकर डा फुल्लु दिंम ताइक्नुडा। मिनु मेको आ खिं परेशा, आ जग गरुइनुडा। १ राजा १६:२४; होस १४:१ ७ मिनु मेको आ मूर्ति नल्ल परोल्वा पुइसीनीम। मेको आ गेय पा चम्शो क्येट नल्ल मीम हुम्चा पुइसीब। गो मेको आ मूर्ति नल्ल खतम पोक्नुडा। मारदे हना मेको नल्ल तल्लेम पा चम्शो क्येट खांदेशो पा खुप्शो बाक्नीम। मोपतीके मेको तल्लेम पा चम्शो क्येट खांदेशो पा जाम्शा लाइनीम” दंत। होस २:७,१४

यहूदा सहर कली श्येत दुम्ब

५ मिनु गो मेको आ पर्वम रोंका पा डाक्ना डाक्न बाक्नुडा। श्येत्य खोइल नु भेतर गाक्नुडा। गो सिवार खांदेशो पा गरीनुडा। मिनु बुक्स खांदेशो पा गरीनुडा। १ मारदे हना मेको आ गार मसाब। मेको यहूदा सम्म जाक्शो बाक्ब। मेको आं मुर आन बाक्तीके यरूसलेम सहर डा ठेयब लाप्चो सम्म जाक्दीशो बाक्ब। १० एको लोत्र गाथ सहरम मनपतीन। मिनु डाक्सीन मडाक्कीन। बेथ-लेआफरामी इन पियाम फुरक फुइसीन। २ सामुएल १:२० ११ शाफीर सहर डा मुरपुकी, भेतर दुम्शा, मुन दोक्शा इन लां लने। सानान सहर डा मुरपुकी लाडगा मगरूनीम। बेथ-एचलम डा मुर रोंका पाइनीम। मुल रे इ कली वारच पाइब मबाक्नीम। १२ मिनु मारोथ सहर डा मुरपुकीम हिना हिंन रिम्शो दुम्तीके रिम्ना रिम्न बाक्नीम। परमपरभु यावे रे हिंचा डा श्येत यित। मिनु मेको यरूसलेम डा ठेयब लाप्चो सम्म जाक्शो बाक्त। १३ लाकीश सहर डा मुरपुकी, शारा आन कली बग्गीम फरेशा लने। गे सियोन सहर डा मुर आन कली पाप पपाइक्तीनी। मिनु मेको कली पाप पपाइक्ब, गे बाक्नीनी। इसराएल आ मरिम्शो पतीके इन दातेम थीसीब। १४ मोपतीके गे मोरेशथ-गाथ सहर कली आ गाक्ची ना डा कोसली गेचा माल्लीनी। अकजीब सहर डा मुर इसराएली आन पिप आन कली ब्वाक्कु मबाक्तीकेम ब्वाक्कु बुक्शो खांदेशो बाक्नीम। १५ मिनु मारेशा सहर डा मुरपुकी, गो इन कली गरापाइक्चा कली मुर का चाक्नुडा। मेको

इस्राएल डा मान ततीके अदुल्लाम सम्म जाक्व। १६ मिनू इन दाक्शो आल आन पर्वम इन चां परक्कीन। चां नेल्ल परक्शा, गिदद सोदंशो दुमीन। मारंद हना इन आल नेल्ल ग्याइश्शा, मुर आन रागीम लाइक्चा पुंडसाक्म।

मरिम्शो ठेयब मुर आन पर्वम लोत्र

१ आबी आबी, सु सुम आन बराख्येम गोल्शा  
२ पाप नु मरिम्शो पचा ला मिम्नीमी। मिनू नां सौत्रम चोटीन मेको आन मिम्शो पाइनीम। मारंद हना मेको पने चाप्ब बाक्नीम। २ मेकोपुकीम रिम्शो रू तशा वाल्शा, रोइक्नीम। रिम्शो खिं रोइक्नीम। मोपा मेकोपुकीमी मुर आन खिं नु आन थरशो रू आंम के सल्लनीम। व्यवस्था ५ : २१ ; हितोपदेस २४ : १५ ; यसैया ५ : ८ ३ मोपतीके परमपरभु यावेमी मार दंत देशा हना “गो मेको आन खिं डा मुर आन कली श्येत गेनुड। मेको रे आंम कली परांडने मचाप्नीम। ठेयब लेश्शा गाक्ने मचाप्नीम। मारंद हना मेको थम श्येत जतीक नाक्त बाक्व। आमोस ५ : १३ ४ मेको नाक्ती मुरपुकीमी इन पर्वम शुक्शी पा कुम्सो पाइनीम। मिनू इन पर्वम रोंका पा डाक्नीम। मिनू मुरपुकीमी गोपुकी थमा पा खतम दुम्तक। आंइ मुर आन थरशो रू अर्का मुरुम लाइक्नीम। आंइ रू आंइ जोरी सतरु आन दातेमी याक्सीनीम “दंनीम” दंत। ५ मोपतीक गेपुकी परमपरभु यावे आ मुर आन याक्शा रू रोइक्चा मताइनीनी। ६ मेकोपुकीम “परमपरभु यावे आ लोत्र मपन” दंनीम। तन्न लोत्र पाइनीम। मिनू मेकोपुकीमी “मोदंशो श्येत आंइ कली मदुम्ब” दंनीम। आमोस ७ : १६ ७ याक्ब आ खिं डा मुरपुकी, मोदंशो दंचा दुम्बा ? मार, परमपरभु यावे आ फाल्तीक सक्त्त नुम्मे डा ? मेकोमी मोदंशो पाइबा डा ? परमपरभु यावेमी रिम्शो पाइब आन कली रिम्शो लोत्र मपाइबा डा ? आमोस ६ : ३ ८ तन्न गे आं मुर आन डांडती जोरी सतरु खोदंशो दुम्शा बाक्नीनी। रिम्शो पाइब मुर आन फेक्तीक रोइश्शा लाइक्नीनी। लडाइ मदुम्शो बाक्व, दे इन कली थमा सुइश्शा गाक्व आन कली मोदंशो पाइनीनी। ९ गेपुकीम आं मुर आन मीश आन कली आन दारशा खिं रे गरुंडनीनी। मेको आन आलपुकी रे आं गेशो आसीक गेना हना यो कली रोइश्शा लाइक्नीनी। १० बोक्शा लने। मारंद हना एकर इन नाइक्तीक ममाइ। मारंद हना एको गरांगरा दितीकमी मुर आन कली मरिम्शो सल्ल। मेको मारइ पने

मचाप्वा डा पा खतम सेल्शो बाक्व। ११ तेकोइ मुरुमी जोल पा दूली लोत्र पशा “गो इ कली अडगुर शांबु तूचा नु रकसी तूचा आ पर्वम लोत्र पाइनुड” दंत हना, मेको मुर मेको आन कली गारचा डा लोत्र पाइब बाक्व।

श्येत रे परांडशो

१२ परमपरभुमी “याक्ब गो थमा पा नेल्ल इन कली सुप्शा पुक्नन्नी। गो इस्राएलम लीशो आन कली थमा पा सुप्नुडमी। गो मेको आन कली मेडा बगालम वोइश्शा खोदंशो पा नु योत्रतीकम योत्रशो खोदंशो पा वोइक्नुड। मिनू मेकर शुश मुर दुम्नीम। यरमीया ३१ : १० ; इजीकीएल ३६ : ३७ ; यसैया ५२ : १२ १३ लां कोइब मेको आन डांडती गाक्व। मेकोपुकी लाप्चो रे पा गरुशा गाक्नीम। मेको आन पिप मेको आन डांडती गाक्व। परमपरभु यावे मेको आन डांडडांडती बाक्व” दंत।

ठेयब मुर आन कली हुइश्शो

१ मिनू गो “गे, याक्ब आ ठेयब मुरपुकी नु  
३ इस्राएली आन खिं डा हुकुम पाइबपुकी, इन नोफा दाइश्शा नेनीन। ग ठीक निसाफ तुइक्चा ममाल्नीनी डा ? यरमीया ५ : ५ २ गेपुकी रिम्शो पचा काइ मदाक्नीनी। मिनू मरिम्शो पतीक दाक्नीनी। गेपुकीमी आं मुर आन कुशुल उक्नीनी। मिनू मेको आन रुश रे आन श्य रिक्नीनी। ३ गेपुकीमी आं मुर आन श्य व्याइतीनी। मेको आन कुशुल उक्तीनी। मिनू रुश टुकरा टुकरा पा जिक्तीनी। मिनू बासुम क्यतीक श्य खोदंशो पा मेको आन कली टुकरा टुकरा पा चक्तीनी” दंती। भजन संग्रह १४ : ४ ४ मिनू मेकोपुकीमी परमपरभु यावे कली पुंडनीम। तन्न मेकोमी मेको आन पुंडशो लोत्र मलप्व। आ अरशो मटितीक मेकोमी मेको आन क्येडा आ कुल खरुइक्व। हितोपदेस १ : २८ ; इजीकीएल ८ : १८

५ मिनू परमपरभु यावेमी आ लोत्र पाइब आन पर्वम मार दंत देशा हना “सुम आं मुर आन कली दूली लांम गाक्पाइक्वा ? आं लोत्र पाइबपुकीमी, सुमी मेको आन कली जचा गेमनु ‘रिम्शो दुम्ब’ दंनीम। तन्न मेको आन कली जचा मगेमनु, मेको आन कली लडाइ तोचा कली ठीक दुम्नीम। ६ मोपतीक इन कली मारइ मततीक नाक्दो दुम्ब। परमपरभु रे मारइ मतुइक्चा डा पा छिड्छिड् दुम्नीनी। आं लोत्र पाइब आन कली नां रिक्व।

मिनु नाक्त मेको आन कली छिडछिड दुम्ब ।  
 ७ कांडतीक ताइबपुकी शिशी मताइनीम । टुना  
 मुना पाइबपुकी मुन दोक्नीम । मेको आन शोत्र  
 सुम्सीचा माल्नीम । मारदे हना परमपरभुमी मेको  
 आन कली लोत्र मलेप्व । आमांस ८:१२ ८ तन्न  
 गो सक्ति पाइइशो बाक्नुड । गो परमपरभु यावे  
 आ साक्ती, ठीक निसाफ पतीक नु आ सक्तिम  
 बरीशो बाक्नुड । गो याकूब आ हेंथ पशो नु  
 इस्राएल डा मुर आन पाप शेंचा कली मोदंशो  
 दुम्शो बाक्नुड । यसैया ५८:१ १ याकूब आ सिं  
 डा ठेयब मुरपुकी नु इस्राएल डा सिं सिं डा  
 हुकुम पाइबपुकी एको लोत्र ननीन । गपुकीमी  
 ठीक निसाफ पतीक कली गरांगरा दीनीनी । मिनु  
 ठीक लोत्र नेल्ल दूली सेल्नीनी । १० गपुकीमी  
 हुश शाइकपाइइशा सियोन कली सेल्नीनी । मिनु  
 यरूसलेम कली मरिम्शो पतीकेम सेल्नीनी ।  
 ह्वकुक २:१२ ११ मेकर डा ठेयब मुरपुकीमी घूस  
 जशा निसाफ पाइनीम । मेकर डा चढेबपुकीम  
 शंशो डा क्येट ताक्नीम । परमपरभु यावे आ  
 लोत्र पाइबपुकी क्येट तचा कली नोले दुम्ब  
 लोत्र पाइनीम । मो हना यो मेकोपुकीमी 'परमपरभु  
 यावे आंइ दातेमी बाक्ब । गो श्यत मजाइनीकी'  
 दंनीम । यरमीया ७:४ १२ मोपा इन पतीके सियोन  
 वाक्शो रू दुम्ब । यरूसलेम बरंशो सिं डा  
 फुल्लु देल्तीक दुम्ब । परमपरभु यावे आ सिं डा  
 डांडा ब्याकी दुम्शो बाक्ब" दंत । भजन संगरह  
 ७९:१ ; यरमीया ९:१० ; यरमीया २६:१८

#### परमपरभु आ डांडा

४ १ मिनु नोले डांडा नेल्ल आन क्येडा  
 परमपरभु यावे आ सिं बाक्शो डांडा  
 लाइइशो दुम्ब । मिनु मेको नेल्ल आन क्येडा  
 ग्येत्थ लाइब बाक्ब । मिनु शुश मुर मेकर  
 लाइनीम । यसैया २:२-४ २ मिनु रागी रागी डा  
 मुरपुकी मेकर जाक्शा, मेकोपुकीमी "जाक्कीन ।  
 गोपुकी परमपरभु यावे आ डांडा लय । याकूब  
 आ परमपरभु आ सिं लय । मेकोम इं कली  
 आ लां कांडब । मिनु गोपुकी मेको आ लांम  
 गाक्ने चाप्यल । मारदे हना शंतीके सियोन रे नु  
 परमपरभु यावे आ लोत्र यरूसलेम रे गरूब"  
 दंत । लूका २४:४७ ३ मेकोमी शुश जात डा मुर  
 आन दातेमी निसाफ पाइब । मिनु डोन बाक्शो  
 बोल्यो रागी रागी डा मुर आन कली निसाफ  
 पाइब । मिनु मेकोपुकीमी आन तरवार चेम्शा,  
 फाली सेल्नीम । आन त्तीक भाला चेम्शा गुय  
 सेल्नीम । मिनु रागी रागी डा मुर आन दातेमी

लडाइ मपाइनीम । मेकोपुकीमी गेनायो लडाइ  
 मशंसीनीम । ४ तन्न मुर नेल्ल आन अडगुर  
 नु फोत्रशी खा आन पुंम नित्नीम । मिनु मेको  
 आन कली सुइमी हिंच मेकोइनीम । मारदे हना  
 मुर नेल्ल आन परमपरभु यावेमी लोत्र पशो  
 बाक्ब । १ राजा ५:५ ; जकरिया ३:३० ५ मिनु  
 "जात जात डा मुर नेल्ल आन देवी देवता आन  
 नेम गाक्नीम । तन्न गोपुकी चहिं गेना हना यो  
 परमपरभु यावे, इं परमपरभु आ नेम गाक्नय"  
 दंतकम ।

#### परमपरभु आ मुरपुकीम शिशी ताइनीम

६ परमपरभु यावेमी मार दंत देशा हना "मेको  
 नाक्ती गो सोइल मदुक्ब आन कली सुन्नुडमी ।  
 मिनु गो खेरशो नु श्यत जशो आन कली  
 सुन्नुडमी । यरमीया ३१:८ ; व्यवस्था ३०:४  
 ७ मिनु खोइल मदुक्ब आन कली लीशो मुर आन  
 दातेम वोइक्नुड । खेरचा पुंडसीशो आन कली  
 बोल्यो रागी डा मुर सेल्नुडमी । मिनु परमपरभु  
 यावेमी मेको आन कली सियोन डांडा र गेना हना  
 यो कली सासन पाइब ।

८ आं बगाल बाक्तीक डांडा, सियोन आ तमी  
 इ सांद मिग्दाल-एदर सहर सम्म जाक्दीप्व । गे  
 डांडती डा राज्य लेंशा ताइनेवे । यरूसलेम डा  
 तमीम आ राज्य लेंशा ताइब ।

१ मुल गे मारदे वाइ बरंशशा गरीनेवे ? मार  
 इ पिप मबाक्बा डा ? इ अर्ती गेब जाम्शा  
 लमा ? मिनु मारदे आल थितीक रोइ पशो मीश  
 मुर खोदंशो पा वाइ बरंत्नेवे ? यरमीया ८:१९  
 १० सियोन आ तमी, आल थितीक रोइ पशो मीश  
 मुर खोदंशो पा वाइ बरंशशा गरीडो । मारदे  
 हना मुल गे एको सहर परांडचा माल्नेवे । मिनु  
 सिं मबाक्तीकेमी बाक्तीक सेल्ना माल्नेवे ।  
 गे बेबीलोनम लचा माल्नेवे । मिनु मेकर रे  
 परांडचा पुंडसीनेवे । मेकर परमपरभु यावेमी  
 इ कली इ जोरी सतरु आन गुइ रे परांडब ।  
 ११ मुल शुश रागी रागी डा मुर इ पर्वम दूती  
 पा बाक्शा 'सियोन गरांगरा दिशो दुम्त । गो  
 मेको कली कोत्रना कोत्रन बाक्चा तांडसेकल'  
 दंनीम" दंत । १२ तन्न मेकोपुकीमी परमपरभु  
 यावे आ मिम्शा मतुइक्नीम । मेकोपुकीमी आ  
 पचा चिक्शो मतुइक्नीम । परमपरभुमी मेको  
 आन कली खला डा अन्न सुप्शो सादंशो पा  
 सुप्ताक्ब । १३ सियोन आ तमी बाक्शा, अन्न  
 तुपो । मारदे हना गो इ गरीत्र फलाम के सेल्नुड ।  
 गो इ गंगर कांसा के सेल्नुड । मिनु गे शुश जात

जात डा मुर आन कली फस पोक्नेवे। मेको आन रोइश्शो परमपरभु यावे कली गनेवे। मिनु मेको आन शां प रागी नल्ल डा परमपरभु यावे कली चढनेवे।

बेथलेहम रे सासन पाइब का जाक्व

१गे गारो हिरशो सहर बाक्नेवे। लडाइ पाइबपुकीमी इ कली पुम्नीम। मिनु इसराएल कली सासन पाइब कली कोक्कम चोत्रचाम तुप्नीम। उत्पत्ती ३५:१९; मत्ती २:५-६; यूहन्ना १:१-२

२तन्न ग बेथलेहम एफराथाह, गे यहूदा डा सहर आन दाते डा आइक्व बाक्ते हना यो, इ रे पा आं पा डा इसराएल कली हुकुम पाइब का जाक्व। मेको साइ डाइती रेन बाक्शो बाक्ते। यसैया ४:१७; यसैया ११:१२

३मिनु परमपरभु यावेमी इसराएली आन कली काइ मकोत्रब। मिनु मीश मुरुमी आल थिवा नोले ला कोत्रब। मेना लीशो मुरपुकी इसराएल डा मुर नु गारशा, लेत्वा पुंडसीनीम। इज्जीकीएल ३४:२३ ४ मिनु मेकोमी परमपरभु यावे आ सक्तिमी आ बगाल आन कली योत्रब। मिनु मेकोमी आ परमपरभु यावे आ ठेयब नेमी आ गय पाइब। मिनु मेकोपुकी रिम्शो पा बाक्नीम। मारदे हना मेको रागी डा सुर सम्म नल्ल क्येडा ठेयब दुम्ब। यसैया ९:५; एफिसी २:१४ ५ मिनु मेकोमी थुं नाइक्वा गब। मिनु अस्सुर डा मुर इं रागी ओत्रशा लडाइ पचा गोम्तेक्म हना, गापुकीमी ७ जना गोठला नु ८ जना हुकुम पाइब वोइक्नीकी।

६मेकोपुकीमी अस्सुर रागी कली तरवारम हुकुम पाइनीम। निमरोद रागी कली शोइश्शो तरवारमी हुकुम पाइनीम। मिनु मेकोपुकीमी इं कली “अस्सुरी इं रागी ओत्रतेक्म हना यो, इं कली परांइनीम। इ रागी डा सांदम जाक्तेक्म हना यो, इं कली परांइनीम” दैनीम। भजन संग्रह ११०:३

७याक्व आ लीशो मुर शुश आन दातेम परमपरभु यावे रे जाक्शो सीत नु घांस तार जुक्शो रउ सोदंशो दुम्नीम। मेकोमी “सुइ मुरुम वारच पाइनीमी कां” दे मकोत्रनीम। मिनु मुर आन आस मपाइनीम। ८याक्व आ लीशो मुर शुश आन दातेमी ब्वाकी डा गुप्स सोदंशो दुम्नीम। मेकोपुकी मेडा गोठम बाक्शो गुप्स आ चाइक्व सोदंशो दुम्नीम। गुप्स मेकर लाम्तेक्म हना, साइश्शा ब्वाइनीम। मिनु सुइमी मेको आन कली परांइने मचान्नीम। ९ मिनु परमपरभु

यावेमी “गे इन गुइ इन जोरी सतरु क्येडा बोल्यो दुम्शा गराानी। मिनु इन जोरी सतरु नल्ल खतम दुम्नीम। जकरिया ९:१०

१०मेको नाक्ती गो इन शारा इन दाते रे खतम पोक्नुड। इन बग्गी परश्शा गेनुड। ११गो इन रागी डा सहर नल्ल खतम पोक्नुड। गो इन बोल्यो दरवार नल्ल परत्नुड। १२गो इन टुना मुना पशो आ पर्वम इन कली खतम पोक्नुड। मिनु इन दातेमी साहीत कोत्रब आन कली बाक्चा मगेनुड। जकरिया १३:२ १३गो इन दाते डा मूर्ति नल्ल खतम पोक्नुड। इन पूजा पचा कली खरुक्शो फुल्लु खतम पोक्नुड। मिनु इन गुइमी सल्लो थोत्रक आन डाइती मचान्नीनी। १४गो इन दाते डा मूर्ति पाइश्शो थाम तुल्ला बेरपाइक्नुड। मिनु इन सहर आन कली परत्नुड। १५गो गाइश्शा चुरशा रागी रागी डा मटीब मुर आन कली क्येक्क लेत्नुडमी” दैत।

परमपरभु पाप आ पर्वम गाइश्शो

१परमपरभु यावेमी मार देवा, इन नोफा ६ दाइश्शा ननीन “बाक्कीन। मिनु पहाड आन डाइती इन देचा माल्लो लोत्र शोत्रडीन। मिनु डांडापुकीमी इन लोत्र नेन्मेक्ल। इज्जीकीएल ६:२ २गे डांडापुकी नु गेना हना यो लीब रागी डा जग, परमपरभु यावेमी दोपा निसाफ पाइबा, मेको ननीन। मारदे हना मेकोमी आ मुर आन कली निसाफ पचा चिक्शो बाक्व। आ दास गंशो नोफा दाइश्शा ननीन। मारदे हना आ मुर आन कली मेको के लोत्र बाक्व। मेकोम इसराएल कली निसाफ पाइब।

३आं मुरपुकी गो इन कली मार पडा? गो इन कली मार श्येत गडा? आं कली देनीन। येरमीया २:५ ४गो इन कली इज्जीप्ते रे एक चाक्तेन्नी। मिनु इन वाइलीम वाइल दुम्शो रागी रे परांइतेन्नी। इन कली लां कांइचा कली मोसा, हारुन नु मिरयाम आन कली सोइक्ताक्डमी। परस्थान १५:२० ५आं मुरपुकी, मोआब डा पिप बालाकम मार सल्ला पशो बाक्मे, मेको मिम्तीन। बेओर आ तौ बालाममी मेको कली मार लोत्र लेत्ता, मेको मिम्तीन। शित्तीम रे गिल्याल सम्म डा लामी गाक्शानु, मार मार दुम्मे, मेको मिम्तीन। मिनु परमपरभु यावेमी इन कली दोपा परांइशो बाक्म, मेको तुइक्नीनी” दैत। गन्ती २२:२४ -: यहासु २:१; यहासु ४:१९

६गो मार कुरशा परमपरभु यावे आ डाइती जाक्डा? मार चाक्शा, इर डा परमपरभु आ

डॉइती बाम्डा? मार चोशा चंदेतीक चाकशा, आ डॉइती जाकडा? मेको आ डॉइती बर्स का दुम्शो ब्यफ चाकशा, जाकडा? भजन संगरह ५०:८-१३; आमोस ५:२२ ७ परमपरभु यावे हजार हजार सांड तशा ग्येरबा? मार १० हजार तेल क खोला तशा ग्येरबा डा? गो आं पाप आ पर्वम आं डॉइती जरमशा तो गचा माल्नुडा? मिनु आं थुं डा पाप आ पर्वम आं डॉइती माल्नुडा? ८ परमपरभु यावेमी इन कली, गे बकशा लाइब मुर, इन कली मार रिम्शो बाकम नु मार पचा माल्नीनी, मेको देशो बाकब। मार देशो बाकब देशा हना, गे ठीक निसाफ पन, शिशी पतीक कली दाकतीन। मिनु इन परमपरभु आ डॉइती बरम्शो दुम्शा गाकतीन। ब्यवस्था १०:१२; १सामुएल १५:२२

### यरूसलेम कली दोस गेशो

१ परमपरभु यावेमी सहर कली “आं कली मान पा हिंचा इन कली श्येत रे परांडतीक दुम्ब। गे थर डा मुर नु सहर डा गरुम्तीक डा मुर आन लोव ननीन। १०गा मेको आ अरेशो मटीब आ सिं डा मरिम्शो पा चेम्शो शांप परंदु? इन आइक्च सेल्शो सराप रशो पुक्तीक परंदु? लेवी १९:३५ ११मार गो इन मरिम्शो नाक्तीक नु जाल पा नाक्तीक ढक के थेलो वोइक्च कली दोस मताइब सलु? हितोपदेस २०:१० १२मेको आ शांप पाइशो मुरपुकी हुश खराकश पोक्तीकम बरीशो बाक्नीम। मेको सहर डा मुरपुकी जाल पाइनीम। मेको आन शोत्र जाल पतीकमी बरीशो बाकब। १३मोपतीक गो इ कली खतम पोक्चा गोशो बाक्नुडा। गो इ कली इ पाप आ पर्वम श्येत्य पोक्नुडा। १४गे जचा थोत्रक जाइनेव, तन्न मरुनेव। मिनु इ कोत्रज शोत्रतु बेक्शान बाकब। गे खक्चा दा खक्नेव, तन्न उप्शा वोइक्ने मचापनेव। गे मार खक्नेव, मेको नेल्ल लडाइम खतम दुम्ब। १५गे मार मार शोक्चा दा शोक्नेव। तन्न खुप्चा मताइनेव। तेल रवा आ फल खराक्चा दा खराक्नेव, तन्न इ रांम तेल खरक्चा मताइनेव। गे अडगुर खराक्चा दा खराक्नेव, तन्न अडगुर शांबु त्चा मताइनेव। ब्यवस्था २८:३८-४०; आमोस ५:११ १६गे ओमरी आ अरेशो लोत्र पाप्तीवी। मिनु आहाब आ सिं डा मुर आन पशो नेल्ल पाप्तीवी। मिनु मेको आन गेशो अर्ती टिप्तीवी। मोपतीके गो इ कली खतम पोक्नुडा। मिनु इ मुर आन कली शुक्शी पतीक सेल्नुडा। गे आं मुर आन गाइशो

ताइनेवे” दे बरन्न बरन्न बाक्ब। १राजा १६:२९-३३

### इसराएल कली श्येत दुम्शो

१गो दोदेशो पा श्येत जशो बाक्नुडा? गो ७ फल सिशशा नाल, अडगुर रू डा सिला माल्नी नाले मारइ जचा मताइनुडा। आं माल्शो डॉइती मीशो फोत्रशी यो मबाक्ब। भजन संगरह १२:२; यसेया ५७:१ २थमा सुइक्चा पुइसीब मुर रागी रे जाम्शा लाम्तेक्म। मिनु गेना हना यो रिम्शो पाइब मुर मलीशो बाक्नीम। मुर नेल्ल मुर साइक्चा कली बाप्शा बाक्शो बाक्नीम। मुर नेल्लेमी ब्यारद दाइशशा आंम लोक्ब कली साइक्चा माल्शो बाक्नीम। ३मेकोपुकी मरिम्शो पचा कली जोक्ब बाक्नीम। आन ठेयब मुर नु निसाफ पाइबपुकीमी घूस जाइनीम। सक्ति पाइशोपुकीमी मार मिस्तम मेकोन पाइनीम। मोपा ठीक पतीके कली दूली सेल्नीम। ४मेको आन दाते डा नेल्ल क्येडा रिम्शो मुर चू रवा खोदेशो बाक्ब। मेको आन दाते डा गेना हना यो रिम्शो पाइब थरपु हिरशो चू खोदेशो बाक्ब। इन खाल पाइब आन नाक्त जाक्शो बाक्ब। मेको नाक्ती इन कली कोत्रबमी इन कली गरुम्थ जाक्ब। मुल मेको आन कली खतम सेल्तीक नाक्त जाक्ब। ५इन वारच कली थमा मसुतीन। इन दाक्शो मुर कली थमा मसुतीन। गे नु काथा इप्शो मीश नु यो होस पा लोत्र पन। यरमीया ९:३-४ ६मारद हना तीमी आ आफ कली मरिम्शो पाइब। तीमी आ ममा आ पर्वम दूली पाइब दुम्ब। चाइमीम आ शिमी आ पर्वम मरिम्शो पाइब। आंम सिं डा मुर इन जोरी सतरु दुम्नीम। मती १०:३५-३६ ७तन्न गो परमपरभु यावे गे कोत्रनुडा। गो आं कली श्येत रे परांडब परमपरभु कली रिम्नुडा। आं परमपरभुमी आं पुंइशो नंब।

### परमपरभुमी श्येत रे परांडब

८मिनु “आं जोरी सतरु आं कली शुक्शी पा मग्यरसीन। गो गोल्ती हना यो, बाक्नुडा। गो छिडछिडम बाक्ती हना यो, परमपरभु यावे आं छेडछेड बाक्ब। ओबदिया १:१२; भजन संगरह २७:१ १आं कली निसाफ पा वारच मपवा सम्म गो परमपरभु यावे आ गाइशो फाल्वा माल्नुडा। मारद हना गो मेको कली पाप पाता। मेकोमी आं कली आ शिशी तपाइक्चा कली छेडछेडम गरुंडब। यरमीया १४:७ १०मेना आं

जोरी सतरुम मेको ताइनीम । मिनु मुने दोक्नीम । मारदे हना मेकोपुकीमी डांइती परमपरभु यावे, इ परमपरभु ते बाक्म ? देशो बाक्तेक्म । गो मेको आन खतम दुम्शो ताइनुड । मुल यो मेकोपुकी लां डा हिला खोदंशो पा दिम्बा पुंडसीशो बाक्नीम । भजन संगरह ७९ :१०

११गे इन गारो लेशा सेल्टीक नाक्त नु इन सांदपुकी डोन डोन सम्म चाक्दीक्तीक नाक्त जाक्शो बाक्ब । १२मेको नाक्त अस्सुर नु इजीप्त रे शुश मुर जाक्नीम । इजीप्त रे युफरटीस सम्म, समुन्दर रे समुन्दर सम्म नु पहाड रे पहाड सम्म डा शुश मुर इन बाक्तीक जाक्नीम । १३तन्न रागी रागी नेल्ल श्येत्थ दुम्नीम । मुर आन मरिम्शो पशो आ पर्वम मोदंशो दुम्ब” दंत ।

परमपरभुम इसराएल कली शिशी पाइब

१४गे इन मुर आन कली कोक्केम योत्रडीन । मेको व्वाकीम बाक्शो बगाल इन के बाक्ब । मेको रिम्शो बाक्तीकेम बाक्नीम । मेको आन कली डांइती डा खोदंशो पा बाशान नु गिलादमी जोचा गेन । मीका ५ :३ ; येरमीया ५० :१९ १५गेपुकी इजीप्त रे गरुशो नाक्त खोदंशो पा गो इन कली छक लाक्वा डा गेय कोइनुड । १६मेको रागी

रागी डा मुरपुकी शुश सक्ति पाइशो बाक्तेक्म हना यो, मेको तशा, मुने दोक्नीम । मेकोपुकीम आन गुडम आन कुल सुम्सीनीम । मिनु मेको आन नाफा लाटा दुम्ब । १७मेकोपुकीम बुस्स खोदंशो नु खपीम गरशा गाक्ब जन्तु खोदंशो पा, खप तुक्नीम । मेको आन बाल्यो दरवार रे हिंशा खिरंखिर पा गरुनीम । मेकोपुकी हिंशा परमपरभु यावे, आंइ परमपरभु गे लत्नीम । मिनु मेकोपुकीमी इन कली मान पा हिंनीम । भजन संगरह ७२ :९ १५ इन खोदंशो परमपरभु अर्को सु बाक्बा डा ? गे ठीक मपशो क्याम्ब बाक्नीनी । इन लीशो मुर आन मरिम्शो पतीक माफ गेनीनी । गे गेना हना यो गाइक्स डा गाइक्स मबाक्नीनी । तन्न शिशी पचा कली ग्येरशा बाक्नीनी । भजन संगरह १०३ :३,८-१३ १९मेकोमी आंइ कली लेशा शिशी पाइब । मेकोमी आंइ पाप कली दिम्ब । गे आंइ पाप शुश लुक्च लशो समुन्दरमी ताइक्नीनी । २०गे याक्ब कली इन थमा सुइक्तीके कोइनीनी । मिनु अबराहाम कली दाक्शा मपरांइतीके कोइताक्नी । गे साइ डांइती आंइ किकी पिप आन कली कसम जशा लोत्र गेशो बाक्तीनी । उत्पत्ती २८ :१३-१५ ; उत्पत्ती २२ :१६-१८ ; लूका १ :७३

## नहुम

बरेकब मुरः एको किताब परमपरभु यावे आ लोत्र पाइब नहुममी बरेकशो बाकब ।

गेना बरेकशो : ६६३-६७६ वि. सी. मर नहुम आ बाकची ना बरेकशो बाकब ।

मारदे बरेकशो : एको किताब योना आ बरेकशो किताब खोदशो पा निनवे सहर आ पर्वम ला परमपरभु यावे आ लोत्र बाकब ।

१. निनवे सहर निसाफ पाइकचा पुंडसीब

२. निनवे सहर लडाइम फरुचा नु नल्ल रोडकचा पुंडसीब

३. निनवे सहर डा मुर आन मरिम्शो पशो

परमपरभु निनवे सहर तशा गाडशो

१ एको निनवे सहर आ पर्वम परमपरभु यावे आ पशो लोत्र बाकब । एको एल्कोश डा नहुममी तशा बरेकशो लोत्र बाकब । मेकोमी मार बरेकशो बाकब देशा हना, २ परमपरभु यावे रुश पाइब नु क्येकक लेख परमपरभु बाकब । परमपरभु यावेमी आ जोरी सतरु आन कली क्येकक लेख । मेको आन कली तशा गाडकब । परमपरभु यावेमी आ जोरी सतरु आन कली क्येकक लेखशा, मेको आन कली तशा शुश चुरब । परस्थान २० :५ ; व्यवस्था ४ :२४ ३ परमपरभु यावे ओंसां ओंसां पा गाडकब । तन्न मेको ठेयब सक्ति पाइशो बाकब । मिनु परमपरभु यावेमी दोस ताइब आन कली सजाइ मगथु मपरोडब । मेको आ लां फश गिवारम बाकब । मिनु गोस्स मेको आ खोइल डा फुरक बाकनीम । परस्थान ३४ :६-७ ४ मेकोमी ठेयब समुन्दर कली हुइकतानु, सोत्रब । मेकोमी खोला नल्ल आन कली सोत्रपाइकब । बाशान डा बी व्यफ योत्रतीके नु कारमेल पहाड डा मारइ मारइ सोल सुल बेकनीम । लेबानोन डा फू यो सोल सुल बेकनीम । ५ मेको आ डोंडती डोंडा नल्ल खिरंखिर पाइनीम । मिनु पहाड दिम दुम्नीम । रागी नु रागीम बाकब नल्ल हिम्सीनीम । भजन संगरह १७ :५

६ परमपरभु यावे गाडकतानु, मेको आ डोंडती सु राने चाप्या डा ? मेको आ चुरशो सुम फाल्ले चाप्या डा ? मेको आ गाडशो मी खोदशो पा ब्राइब । मिनु मेकोमी सरथे फुल्लु आन कली परोल्ब । ७ परमपरभु यावे रिम्शो पाइब बाकब । मेको श्येत जशो नाकती सरुइशो बरोडशा बाकतीक बाकब । सु मेकर परोकशा लाइबा,

मेको सरुइशो बाकचा ताइब । व्यवस्था ४ :३१ ; भजन संगरह १ :६ ८ मेकोमी बारशो व्याककुमी निनवे कली खतम सेल्ब । मेकोमी आ जोरी सतरु आन कली खरशा छिडछिडमी सोइकब । ९ गे मारदे परमपरभु यावे कली मरिम्शो पचा कली लोत्र गारपाइकनीनी ? मेकोमी इन कली खतम पोक्ब । गे मेको आ पर्वम मरिम्शो पचा कली निक्शो ख्यप बाकन मचाप्नीनी । १० आ जोरी सतरु चूम रशो खोदशो पा रशो बाकनीम । मिनु दुक्शो मुर खोदशो पा दुक्नीम । मिनु सोत्रशो नल खोदशो पा मीम नेक्चा पुंडसीनीम । ११ निनवे, परमपरभु यावे कली मरिम्शो पचा कली लोत्र गारपाइकब नु काइ मरिम्शो सल्ला पाइब इ दाते रे गरुशो बाकनीम ।

१२ परमपरभु यावे आ लोत्र मार बाकब देशा हना “मेको थम सक्ति पाइशो नु शुश मुर बाकतेकम हना यो, साइशो क्याम्चा पुंडसीनीम । यहूदा, गो इ कली श्येत गेतन हना यो, मुल इ कली श्येत मगनन । १३ मिनु मुल गो इ कली श्येत गेबपुकी रे परोडनुड । मिनु इ कली फरंशो डोरी परोडनुड” दे परमपरभु यावेमी देशो बाकब ।

१४ निनवे, परमपरभु यावेमी इ पर्वम लोत्र का अरेशो बाकब । मेकोमी मार अरेशो बाकब देशा हना “मुल रे इ नें वोइकब मुर सुइ मलीनीम । गो इ परमपरभु आ खिं रे इ मुशा सल्लो मूर्ति नु चेम्शा सल्लो मूर्ति गरुडनुड । गो इ कली तुरस ठीक सल्लुड । मारदे हना गे काइ मरिम्शो पाइब बाकनेवे” दे अरेशो बाकब ।

१५ कोत्रडीन, रिम्शो लोत्र पाइब का पहाडम गाकब । मेकोम थुं नाइक्तीक लोत्र शेंब । यहूदा डा मुरपुकी, इन चाड मानन । इन कसम जशो सर्पीन । मारदे हना काइ मरिम्शो पाइब इन बाकतीकमी लेंशा मजाकनीम । मेको नल्ल क्याम्चा पुंडसाकम ।

निनवे जाम्शा लाइब

१ निनवे, इ कली खतम सेल्ब जाकशो बाकब । २ इ बोल्यो दरवार खाल पावो । इ लां रिम्शो पा कोत्रडो । इ किष्चुर किम्सो । इ बोल नल्ल गरुडदो । यसैया ५२ :७ ; नहुम १ :११

३ मारदे हना परमपरभु यावेमी याकब आ मान ततीके लेखशा गेब । मिनु इसराएल आ मान ततीके यो लेखशा गेब । मरिम्शो पाइबपुकी इ रागी लेंशा मओत्रनीम । मेकोपुकी खतम सल्ला पुंडसीशो बाकनीम ।

३मेको आ लडाइ पाइब आन तेक्तीक लल बाक्नीम। मिनु मेकोपुकीम लल वा फेक्शो बाक्नीम। मेको लडाइ पथ लची नाक्ती, आन बग्गी डा फलाम टल्केसीब। मेको आन तूतीक शशा हिरनीम। ४मेको आन बग्गीपुकी शुश दारनीम। मेको सहर आ एर आंथ शुश हिरशा गाक्नीम। मेको ताव्रशी खोंदंशो तांडसीनीम। चिला दाप्शो खोंदंशो पा गरूनीम। ५मेकोमी आ लडाइ पाइब आन कप्तान आन कली ब्रप्व। मेकोपुकी दाइल पा आ डांडती जाक्नीम। मिनु रीब पा सहर डा गारो गे दारनीम। मेकर आन फाम्सीतीक सल्शो बाक्ब। ६व्वाक्कु बारशा यीब। मिनु दरवार खिरंखिर पाइब। ७मेको सहर डा पिपीम कली ग्याइश्शा, आ वा परुइश्शा लाइक्नीम। मेको आ वाइलीम नेल्ल ग्याइश्शा डोन लाइक्चा पुंडसीनीम। मिनु मेकोपुकी कुचु तुप्शा टुकुर खोंदंशो पा रोंका पा डाक्नीम। ८निनवे व्वाक्कु शाइक्ना शाइक्न लाइब दोम्ली खोंदंशो बाक्ब। मिनु “रिम्दो रिम्दो” दे बरेश्शोनु यो, सुइमी लेश्शा मकोव्रनीम। ९मेको आ सुन नु चांदी रोइक्तीन। आ शांप हिव्ने मचाप्वा डा पा शुश बाक्नीम। शुश क्येट लाइब मारइ मारइ बाक्ब।

१०मेको सहर मारइ मारइ रोइश्शा श्येत्य नु खतम पोक्चा पुंडसीशो बाक्ब। मिनु मुर आन शुं लुकच लाइब, आन पोक्च खिरंखिर पाइनीम। मिनु आन ची यो खिरंखिर पशो बाक्नीम। मेको आन कुल बेक्शो मुर आन कुल खोंदंशो दुम्नीम। ११निनवे सहर डा गुप्स खोंदंशो ठेयब मुर आ दरवार मार दुम्न? मेको आ गाक्तीक नु आ तमी तौ आन बाक्तीक मार दुम्न? आ आल मेकर बाक्शो बाक्तेक्म। मिनु सुइमी मेको आन कली श्येत मगोम। यसैया १३:७-८, १२गुप्स खोंदंशो ठेयब मुरुमी आ तमी तौ आन कली शुश मार मार सुप्शो बाक्त। आ मीश कली मारइ मारइ चाक्शो बाक्त। आ दरवार शांपोम पिरंशो बाक्त। आ पुक्सी मार मार साइश्शा चाक्शा पिरंशो बाक्ब। १३मिनु मुर नेल्ल आन परमपरभु यावेमी “गो इ कली काइ मदाक्थु, इ पर्वम बाक्ती। गो इ बग्गी चोशा गेनन। मिनु गुप्स आ चाइक्ब खोंदंशो इ तमी तौ तरवारमी साइक्चा पुंडसीनीम। इ रोइश्शो, इ साइश्शो रागी रं गरुंडनुड। मिनु इ लोत्र कुरब मुर आन संदा मनंसीब” दंशो बाक्ब।

### निनवे कली सजाइ

३ मिनु निनवे, गे हुश खराक्श पोक्ब सहर बाक्नवे। इ दातम शुश जोल पतीक बाक्ब। ग रोइश्शा थोवकीम बरीशो बाक्नवे। इ दातमी रोइक्तीक गेनायो मनुप्व। इजीकीएल ६:२,९, २मेकर युक्शो रयक, गुगील आन रयक, शारा आन परक्शो रयक नु बग्गी आन दारशो रयक नंसीशो बाक्ब। ३शारा डाइक्ब दोरोर पा गाक्नीम। आन टल्केशो तरवार शशा, आन तूतीक झिल्ल्शील पा कांडनीम। बेक्शो मुर शुश बाक्नीम। हिव्ने मचाप्वा डा पा साइश्शो मुर बाक्नीम। मुर शोल्मो पा साइश्शो बाक्नीम। मुरपुकी बेक्शो मुर तार दाइल पांडसीन सीन गाक्नीम। ४मेको तेल्लेम खोंदंशो सहरम हिव्ने मचाप्वा डा पा मरिम्शो पतीकमी रागी रागी डा मुर आन कली आ खोंदंशो पपाइक्तीमी। रिम्शो मीश मुर नड, दंसु पा, आ टुना मुना पतीकमी जात जात डा मुर आन कली द्रती लां खोंदक्पाइक्तीमी। ५मिनु मुर नेल्ल आन परमपरभु यावेमी “गो इ कली काइ मदाक्थु, इ पर्वम बाक्ती। गो इ गुने इ कुल सम्म क्युकनुड। मिनु रागी रागी डा मुर आन कली इ भतरं रों कांडनुडमी। राज्य राज्य डा मुर आन कली इ मुने दक्तीक कांडनुडमी। यसैया ४७:३ ६गो गरंगरा दिशो थोवक इ तारी ताइश्शा, इ कली थम मरिम्शो पाइनुड। मिनु इ कली तशा मुर हिंतीक सल्लुड। ७मिनु इ कली ताइब नेल्ल इ क्यडा हिंशा, नोले शांडसीनीम। मिनु मेकोपुकीम निनवे खतम दुम्त। मेको आ पर्वम सु रोंका पाइबा डा? गो इ कली लेम्ब मुर त थिन्नं चान्नया डा? दंनीम।

### निनवे आ खतम दुम्तीक

८मार, गे थवेस सहर क्यडा यो रिम्शो बाक्नवे? मेको सहर नील खोला आ नेक्था बाक्शो बाक्ब। आ एर आंथ नेल्ल व्वाक्कु बाक्ब। मिनु मेको व्वाक्कुमी मेको कली खाल पशो बाक्ब। मेको व्वाक्कु गारो खोंदंशो बाक्ब। येरमीया ४६:२५ १एथीयोपीया रागी मेको आ सक्ति बाक्त। इजीप्ट गेना हना यो आ सक्ति बाक्त। पूत नु लिबीया डा मुर मेको कली वारच पाइब बाक्तेक्म।

१०मो हना यो मेको ग्याइश्शा गरुंड्चा पुंडसाक्ब। मेको आ आलपुकी लांम ताइश्शा साइक्चा पुंडसाक्म। आ ठेयब मुर आन कली

बाजी आप्शा लाइक्तेकम। मिनु मेको आन नल्ल क्येडा ठेयब मुर नल्ल साङलोमी फरंचा पुंडसाकम। योएल ४ :३ ११गे यो दुक्शो दुम्नवे। मिनु खरुइक्थ लाइनवे। मिनु इ जोरी सतरु र पा ब्रांडचा कली खरुंडसीतीक माल्नेवे। यरमीया २५ :१५ १२इ बाल्यो दरवार नल्ल फोत्रशी रवा आ डांडती मीशा गडा खोदंशो बाक्नीम। मेको रवा हिम्शानु, मेको ब्याइब आन शोत्रमी दोक्नीम। १३इ लडाइ पाइब आन कली कोत्रडा। मेको मीश मुर खोदंशो बाक्नीम। इ रागी डा ठेयब लाप्चो इ जोरी सतरु आन कली रोक्सीशो बाक्नीम। लाप्चो आन आग्लो नल्ल मीम नेक्शो बाक्नीम।

१४गे पुम्चा पुंडसीनेवे। मेको नाक्ती कली ब्याक्कु पिरंशा वातो। इ गारो बाल्यो सेलो। हिलो निशा, इंटो सेलो। १५मेकर इ कली मीम दाक्ब। तरवारमी इ कली साइक्ब। मिनु मालेपुकीम मार मार नेक्शो खोदंशो पा इ कली नेक्ब। गे माले खोदंशो पा सोशो बोशो दुमीन।

मिनु घांस ब्याइब माले खोदंशो पा सोशा बोशा शुश दुमीन। योएल १ :४ १६गे सरीङ डा सोरुल क्येडा इ ग्याप्ब लेयब मुर शुश सेल्लीवी। मेको माले खोदंशो पा आन कुशुल ताइश्शा बरनीम। १७इ कली खाल पाइब घांस ब्याइब माले खोदंशो बाक्नीम। मिनु इ सरकार डा ठेयब मुर माले आन हुल खोदंशो बाक्नीम। मेको ग्यू दुम्मेनु, गारो तार बाक्नीम। मिनु नां पवानु, मेको नल्ल बरशा लाइनीम। मेको ते लाइनीमी, सुइमी मतुइक्नीम।

१८अस्सुर डा पिप, इ गाठलापुकी इप्शो बाक्नीम। इ ठेयब मुरपुकी नाइश्शा गोल्शा बाक्शो बाक्नीम। इ मुर नल्ल डांडाम बरशो बाक्नीम। मिनु मेको आन कली सुप्ब सुइ मबाक्नीम। १९इ गार कली मारइम यो सापाइक्ने मजाप्ब। इ गार बेक्चा डा बाक्ब। मिनु इ पर्वम लोव नेब मुर नल्ल शुश हिंनीमी। मारदे हना इ गेनायो मनुप्ब मरिम्शो पतीकेमी सुइ ब्रांडने मचाप्शो बाक्तेकम” दंत।

## हबकुक

बरेक्ब मुरः एको किताब हबकुकमी बरेक्शो बाक्ब। हबकुक आ अर्थ “मुप्ब मुर”, “शुश दाक्ब मुर” बाक्ब। मेको परमपरभु यावे आ लोत्र पाइब बाक्त।

गेना बरेक्शोः कल्दी आन लडाइ पाइबपुकी ६०५ वि. सी.म निनवे गराशा, बारना बारन लशो बाक्तेकम। हबकुक १:६ हबकुकम एको किताब यहूदा डा पिप यासीयाह आ पाला ६३९-६०९ वि. सी.म नु यहूदा डा पिप यायाकीम ६०९-५९८ वि. सी.म आस सासन पचा क्येडा डोंइती बरेक्शो बाक्त। हबकुक येरमीया आ लोत्र पची ना यो बाक्शो बाक्त।

मारदे बरेक्शोः परमपरभु यावेमी इसराएली आन कली निसाफ पाइब। इसराएली आन कली श्येत गेब सजाइ गेचा पुंडसीनीम। ठीक पाइब आन थमा सुइक्तीके ब्रांडनीम।

मरिम्शो दुम्तीक आ पर्वम लोत्र

१ एको परमपरभु यावे आ लोत्र पाइब हबकुकमी परमपरभु यावे रे पा नोले दुम्ब ततीक तशो बाक्ब। २मिनु हबकुकमी “परमपरभु यावे, गो गेना सम्म इन कली चारच पन” दे पुंडनुडा ? गे काइ मनेनीनी ? हुश खराक्श पोक्नीम” दे थोडनुड। तन्न गे काइ मप्रांडनीनी। ३गे मारदे आं कली मरिम्शो पशो तपाइक्नीनी ? गे मारदे आं कली श्येत जशो तपाइक्नीनी ? खतम सेल्ल्तीक नु जिचा पोक्तीक आं डोंइती बाक्नीस। तेइ तेइ राम्शी पचा नु जिचा ला पोक्नीम। ४मिनु इन अरशो मपाइनीम। ठीक पाइबपुकीमी गान मचान्नीम। इन अरशो मटीबपुकीमी ठीक पाइब आन कली पुम्नीम। मिनु निसाफ पतीके दूती दुम्ब” देती।

कल्दी आन पर्वम लोत्र पशो

५ मिनु परमपरभुमी आं कली “रागी रागी डा मुर आन कली कोत्रडो। मेको आन कली कोत्रशा, गे छुक लाक्नेवे। मारदे हना इन ब्रांडतीक नाक्तीमी गेय का पशो बाक्ब। मेको इ कली देतेकम हना यो, गे मेको थमा मसुइक्नेवे। पररित १३:४१ ६गो कल्दी डा मुर आन कली पोक्नुडमी। मेको हिंचा डा नु शिशी मपाइक्ब बाक्नीम। मेकोपुकीमी रागी नेल्ल कली गराशा, मुर आन खिं नु बाक्तीक रोइक्नीम। ७मेकोपुकी

श्येत गेब नु शुश हिंचा डा बाक्नीम। मिनु ‘मार ठीक निसाफ पतीके बाक्बा ? सु मान ताइब बाक्बा’ दे आंमान देनीम। ८मेको आन शारा जोइ आन क्येडा रीब पा दोरब बाक्नीम। मिनु नाक्दो गरूब फर खोंदेशो पा साइक्ब बाक्नीम। मेको आन शारा बारनीम। मेको आन शारा डाइक्ब डोन रागी रे जाक्नीम। ककाकुली खोंदेशो पा बरशा, रीब पा सिखार ग्याइक्नीम। सफन्याह ३:३ ९मेकोपुकी डोंइती बारशा, हुश खराक्श पोक्चा कली जाक्नीम। मिनु मुर आन कली बाल्वा खोंदेशो हिक्ने मचान्वा डा पा शुश ग्याइश्शा, खुन्नीम। १०मिनु पिप आन पर्वम शुक्शी पाइनीम। हुकुम पाइब आन पर्वम तोक्शो लोत्र पा रेल्लीम। मेकोपुकीमी बोल्यो दरवार आन पर्वम ‘गो गुरानय’ दे खप तेल्शा डोइश्शा लशा, आंम के सेल्ल्तीम। ११मेको फश खोंदेशो पा गाक्नीम। मिनु पाप पा दोस ताइब दुम्नीम। मेकोपुकीमी आंम सक्त्त कली ला थमा सुइक्नीम” देत।

हबकुकम परमपरभु कली पुंडशो

१२मिनु हबकुकमी “परमपरभु यावे, आं परमपरभु, गे का ला आं परमपरभु बाक्नीनी। गो मबेक्नीकी। परमपरभु यावे, गे मेको आन कली निसाफ पचा कली योत्रतीनी। गे, आं सरथ फुल्लु, गे मेको आन कली सजाइ गेचा कली वोइक्तीनी। येरमीया १०:२४ १३गे मरिम्शो पशो काइ तने मचान्नीनी। मरिम्शो पशो फाल्ल मचान्नीनी। मोदेशो बाक्त हना यो, थम मरिम्शो पाइब आन कली तशा, मारदे मारदे मदेनीनी ? इन अरशा मटीबपुकीमी आंम क्येडा ठीक पाइब मुर आन कली सदमनु, गे मारदे सिक्सी पा बाक्नीनी ? १४गे मुर आन कली समुन्दर डा डांइ खोंदेशो सेल्ल्तीनी। सासन पाइब मबाक्शो गेशा गाक्ब आइक्च जन्तु खोंदेशो सेल्ल्तीनी।

१५मिनु आन जोरी सतरुमी नेल्ल आन कली बाल्सीमी खोंदेशो पा रेल्लीम। मेको आन कली ग्याइलीम पिक्शा, गरुंडनीम। आन ग्याइक्तीकमी खुन्नीम। मिनु डांइ रेशो खोंदेशो पा ग्येशो बाक्नीम। १६मोपतीके मेकोपुकीमी आन ग्याइल कली क्योरशा चढ़ेनीम। आन ग्याइक्तीक कली चोशा चढ़ेनीम। मारदे हना मेको ग्याइल नु ग्याइक्तीक रे पा शुश तशा, बरोत्रशो जाइनीम। १७मार, मेकोपुकीमी आन ग्याइलीम रन्ना

रन्न, रागी रागी डा मुर आन कली शिशी मपथु, खतम सेल्ना सेल्न बाक्वा गेनीनी ?" दे हबकुकमी परमपरभु कली दंत ।

### परमपरभुमी लोत्र लेशशो

१गो नेल्ल तचा डा पा राप्शा बाक्नुड ।  
२ गो गारो डाइशशा कोत्रनुड । मिनु परमपरभु यावेमी आं कली मार देबा, मेको नेल्ल तशा नंशा बाक्नुड । आं कली मारइ लोत्र लेप्वा कां, दे रिम्नुड । यसैया २१:८, २मिनु नोले परमपरभु यावेमी आं कली "गे इ तशा नंशा बरक्तो । रिम्शा पा रुप्वा डा पा फुल्लु तार बरक्तो । मिनु सु मेकर लाइबा, मेकोम रीब पा पढेन चाप्त्र । यसैया ३०:८ ; परकाश १:११,१९, ३मारदे हना इ तशा आं देशो नाक्ती जाक्व । मेको दीसा नित्थी मदुम्त हना यो, मेको कली रिम्शा बाक्को । मेको थमा पा दुम्ब । देश मपाइब । इजीकीएल १२:२३ ; २ पत्रुस ३:९, ४गे ठेयब लेशशो कली कोत्रडा । मेको आ थुं मरिम्शा बाक्व । तन्न ठीक पाइब आं कली थमा सुइशशा बरांडब । ५मिनु शुश शांप कली थमा सुइक्वा दूली बाक्व । ठेयब लेशशो मुर मलीब । मेको आ शांत्र तुरस खोदंशो पा पाक्शा बाक्व । बेक्पाइक्व खोदंशो पा गेनायो मरूब । रागी रागी डा मुर नेल्ल आन कली सुप्शा आमं के सल्व" दंत ।

### मुर आन कली दिप्त्र कली हुइशशो

६मिनु "मुर नेल्लेमी मोदंशो मुर आ पर्वम मुने तोक्चा डा लोत्र पाइनीम । मेको आ पर्वम शुक्शी लोत्र पा, आबी आबी, गे अरु मुर आन शांप आमं कली तेल्लीवी । गे गेना सम्म अरु मुरुमी इ कली गेशो क्यट आमं कली वोइक्नेवे ? ७मार, इ कली जेर गेबपुकी कालमीन मबाक्नीमी डा ? मेकोपुकी संसीशा इ कली महिंपाइक्नीमी डा ? मेना गे श्येत जाइब दुम्नेवे । ८मारदे हना गे रागी रागी डा शुश मुर आन शांप रोइक्ताक्नी । मुल चहिं इ साइक्तीक रे बरांडशोपुकीमी इ के बाक्शो नेल्ल रोइक्नीम । गे मुर आन कली हुश खराक्श पोक्तीवी । गे रागी, सहरपुकी नु मेकर बाक्व मुर नेल्ल आन कली खतम सल्लेवी" दंत । हबकुक २:१७

९ "आबी आबी, गे मरिम्शा पा क्यट चेम्नेवे । मोपा इ सिं डा मुर आन कली खतम सेल्नेवे । तन्न गे "श्येत मजाइनुड" दे इ सिं इर सेल्लेवी । १०गेम शुश जात जात डा मुर साइक्तीक, इ सिं डा मुर आन कली मुने तोक्शा, साइक्वा

पुंडसीनेवे । ११गारो डा फुल्लुमी इ पर्वम चारच पने' दे गरीनीम । मिनु थाम आ तार डा शीमी मेको कली लोत्र लेप्व" दंत । लुका १९:४०

१२ "आबी आबी, गे हुश खराक्श पोक्तीकमी, सहर का सल्लेवी । गे ठीक मपतीकमी सहर आ जग वोइक्व बाक्नेवे । येरमीया २२:१३ ; मीका ३:१०, १३जात जात डा मुर आन गेय नेल्ल मी कली ला दुम्ब । रागी रागी डा मुरपुकी मलीचा डा गेय पचा कली सोम्सीनीमी, दे मुर नेल्ल आन परमपरभु यावे आ देशो मबाक्वा डा ? येरमीया ५१:५८, १४तन्न रागी नेल्ल परमपरभु यावे आ सक्ति डा तुइक्तीकम बरीशा बाक्व । ब्याक्कुमी समुन्दर बरीशा खोदंशो पा बरीशा बाक्व" दंत । यसैया ११:९

१५ "आबी आबी, गे इ नेक्था बाक्व मुर आन कली मुने तोक्चा कली इ दुक्तीक थोत्रक तुंडशा दुक्पाइक्नेवे । १६गे ठेयब दुम्चा क्येडा शुश मुने दोक्नेवे । मुल इ पालो जाक्त । गे यो तूशा, दुक्शा दाइल पांडसा । परमपरभु यावेमी आ ग्युरा गुइ डा कचोरा इ कली गेब । मिनु इ ठेयब दुम्तीक मुने दोक्व । येरमीया २५:१५,२६, १७गे लेबानोन डा ठेयब रवा नेल्ल तिम्तीवी । मेकर डा ब्याकी डा जन्तु नेल्ल आन कली मरिम्शा पाप्तीवी । मेको इ मरिम्शा पतीक क्येक्क लेत्वा पुंडसीब दुम्नेवे । मारदे हना गे मुर आन कली हुश खराक्श पोक्तीवी । मिनु रागी, सहरपुकी नु मेकर बाक्व मुर नेल्ल आन कली खतम सल्लेवी" दंत ।

### मूर्तिम मारइ पने मचाप्नीम

१८मिनु "मूर्तिम मार गेय पने चाप्वा डा ? मुर आ चेम्शा मूर्ति जोल ला बाक्व । मारदे हना मेको चेम्बमी आमं चेम्शा मूर्ति कली थमा सुइक्व । तन्न मेको मूर्ति ब्याक्ने मचाप्त्र । यसैया ४४:१०-२०, १९आबी आबी, गे शी कली 'संसा' दे ब्याक्ने मचाप्त्र फुल्लु कली 'बाक्को' दनेवे । मार, मेकोमी मुर कली शंन चाप्वा ? मेको सुन चांदीमी गिल्शो बाक्त । तन्न मेको नु काइ बरांडतीक सोक्त मबाक्व । भजन संगरह ११५:४-८, २०मिनु परमपरभु यावे आमं आ बाक्तीकमी बाक्व । रागी नेल्ल मेको आ डांडती मान पा सिक्सी पवल" दंत । भजन संगरह ११:११ ; भजन संगरह ७६:९ ; जकरिया २:१७ ; पररित ८:३

### हबकुक ग्येरसीशो

१ परमपरभु यावे आ लोत्र पाइब हबकुकमी  
३ परमपरभु यावे कली लोत्र पा कुम्सो पा ठेयब

संल्लु । २ “परमपरभु यावे, गो इन पशो नेल्ल नंता । परमपरभु यावे, गो इन पशो तशा, इन कली ठेयब संल्लुड । आइ बरॉइतीक नाक्तीमी मेको लेंशा कांडीनी । मेको तुइक्पतीनी । गे गाइक्ताक्ती हना, यो इन शिशी मिम्तीनी । ३ परमपरभु तेमान रे पा जाक्त । मेको का ला परमपरभु पारान डांडा रे जाक्त । ठेयब संदा पा आ ठेयब दुम्तीकमी सरीड सुम्शा बाक्त । आ मान ततीकम रागी नल्ल बरॉशा बाक्त । व्यवस्था ३३ :२

४ मेको आ छेडछेडनां दाप्शा खोंदंशो बाक्त । आ गुड रे पा चयरं गुरूशो बाक्त । मेकर आ सक्ति खरुइश्शा बाक्व । ५ आ डांडती मुर आन कली साइक्तीक रोइ लत । आ नाले मुर बक्तीक रोइम खोंदक्तु । ६ मेको गाक्शा नाइश्शा, रागी हिम्पाइक्तु । मेकोमी कोवडानु, रागी रागी डा मुर आन कली खिरंखिर पपाइक्तु । गेना हना यो बाक्व डांडा बरेंतीम । मेको गेना हना यो लीब पहाड नेल्ल यशा खोंदंशो पा दिम दुम्तेक्म । मेकोमी साइ डांडती रे मोदंशो पशो बाक्त । भजन संगरह १०४ :३२ ७ गो कुशन रागी डा ताम्बुमी बाक्व आन कली श्येत जशो ताता । मिदयान डा ताम्बु आन सुम्तीके हिम्साक्म । ८ परमपरभु यावे, गे खोलापुकी नु गाइक्तीनी ? गे ठेयब समुन्दर आ पर्वम चुरनी ? इन शारा नु बग्गी आन कली लां कांडशा गरातीनी । ९ गे इन लिबरा गरुइताक्ती । गे इन बरा ते देनी मेक लत । गे खोला शाइक्तीकमी रागी कली चत्तीनी । १० मिनु डांडापुकी इन कली तशा रोम्सीनीम । ठेयब रउ यित । ठेयब समुन्दर आ रयक नंसाक्व । भजन संगरह ७७ :१७ ११ इन आप्शा बरा जिल पा बरशा बरमनु, इन तृतीक जिल्मील पवानु, नां मसोत्र । मिनु तास्त्ना सरीडम नांडसाक्व । यहासु

१० :१३ १२ गे गाइश्शा रागी तार गाक्तीनी । चुरशा रागी रागी डा मुर आन कली दिप्शा साइक्तीनी । १३ गे इन आंम योव्रशो मुर आन कली परॉइचा, दे जाक्तीनी । इन तेल लुक्शो मुर कली परॉइथ्र जाक्तीनी । तन्न गे इन अरंशो मटीब रागी डा ठेयब मुर आ खिं तला तारी रे जग सम्म परंतीनी । भजन संगरह १८ :८, १६ १४ मिनु गे मेको आ लडाइ पाइब आन बराम आन पिया खिरंतीनी । मेकोपुकी खरुइश्शा बाक्व पूरुडग मुर आन कली साइक्चा थुं पा फश गिवार खोंदंशो पा जाक्शो बाक्तेक्म । १५ गे ठेयब समुन्दरमी आन शारा ओव्रपाइश्शा, ठेयब ब्वाक्कु नेल्ल शाक्पाइक्तीनी । परस्थान १४ :२६-२९

१६ गो इन संदा नंनुनु, खिरंखिर पाता । आं शोत्र यो खिरंखिर पात्तु । आं रुश आगा नेल्ल मुक्ताक्म । खोइल खिरंखिर पात्तु । मो हना यो आंड कली मरिम्शा पाइब मुर आन कली श्येत दुम नाक्ती कली रिम्शा बाक्ती ।

१७ फोव्रशी रवा मबोइक्व । अडगुर बोट मसिप्ब । तेल खाम फल काइ मसिप्ब । रूमी अन्न मसिप्ब । गोठीम बी ब्यफ नु क्यारश भेडा मबाक्त हना यो, १८ गो परमपरभु यावे कली तुइश्शा ग्यरसीनुड । मिनु आं कली श्येत रे परॉइब परमपरभु कली ठेयब संल्लुशा ग्यरसीनुड । यसेया ६१ :१० १९ परमपरभु यावे, आं परमपरभु आं सक्ति बाक्व । मेकोमी आं खोइल किश्श आ खोइल खोंदंशो संल्लुब । मेकोमी आं कली ठेयब लाइश्शा डांडामी लतीक सक्ति गेब” दे कुम्सा पात्तु ।

मेको कुम्सा शंब कली तार पाइश्शा ताप्तीक ताप्शा, मेको कुम्सा पपाइक्चा माल्ब । भजन संगरह १८ :३४

## सेफन्याह

बरेकब मुर: एको किताब सेफन्याहमी बरेकशो बाकब। मेको मुर आ पर्वम शुश मतुंडसीब। मेको हिज्कीयाह आ युइ बाकब। मेको हिज्कीयाह पिप हिज्कीयाह यो दुम्न चापब। एको किताब आइकच बाकत हना यो, खरीस्त आ पर्वम शुश लोत्र बाकब।

गेना बरेकशा : पिप योसीयाहम सासन पची ना ६४१-६१० बि. सी. मेर सेफन्याहमी एको किताब बरेकशो बाकत। अरेशो किताब थित्चा क्येडा डांडती एको किताब बरेकशो बाकत, दे मिम्नीम।

मार बरेकशा :

१. परमपरभु यावे आ निसाफ पतीक नाक्त जाकब। सेफन्याह १ :१-४

२. निसाफ पशा मार कली बाकबा ? सेफन्याह १ :५-१८

३. अर्को रागीम यो निसाफ ताइनीम। सेफन्याह २ :१-३ :५

४. नोल डा रिम्शो दुम्तीक जाकब। सेफन्याह २ :३ :-

### डांडती डा लोत्र

१ यहूदा डा पिप आमोन आ तौ योसीयाहमी सासन पवा ना परमपरभु यावेमी सेफन्याह कली लोत्र पाप्तु। सेफन्याह आ आफ कृशी बाकमाक्त। कृशी आ आफ गदाल्याह बाकमाक्त। गदाल्याह आ आफ अमारयाह बाकमाक्त। मिनु अमारयाह आ आफ हिज्कीयाह बाकमाक्त। यरमीया १ :२

नेल्ल खतम दुम्तीक नाक्त जाकब

२ परमपरभु यावेमी मार लोत्र पाप्तु देशा हना "गो रागी नेल्ल डा मारइ मारइ खतम सेल्लुड। ३ मुर नु बी व्यफ, क्यारश भेडा, जन्तु नेल्ल आन कली खतम सेल्लुड। सरीड डा चिकब, समुन्दर डा डांड नेल्ल आन कली साइकनुडमी। रागी डा मुर नेल्ल आन कली खतम सेल्लुड। परमपरभु यावे आ अरेशो मटीब आन कली दाइल पपाइकनुड। गो मुर नेल्ल आन कली रागी नेल्ल रे क्याम्नुड। मत्ती १३ :४१

यहूदा डा मुर आन कली हुइशशो

४ गो यहूदा रागी नु यरूसलेममी बाकब मुर नेल्ल आन पर्वम आं गुइ क्युकनुड। मिनु मेकर बाल देवता कली पूजा पतीक नु मेको कली चद्वेब

आन नें मलीचा डा पा क्याम्नुड। २ राजा २३ :५ ; होसे १० :५ ५ सिं तार बाकशा, नां तास्ला नु सोरुल आन डांडती बापब, परमपरभु यावे आ डांडती बापशा आ नें थिशा कसम जाइब। मोलेक आ नें यो थिशा कसम जाइब। यरमीया १९ :३ ; यरमीया ४९ :१ ६ गो, परमपरभु यावे, आं कली ममाल्यु, मपुंडथु आं नोल खोइकचा पुरांइशा, नोल शोइसीब आन कली खतम पोकनुडमी।

७ परमपरभु, परमपरभु यावे आ डांडती सिक्सी पने। मारदे हना परमपरभु यावे आ नाक्त जाकचा चिकशा बाकब। परमपरभु यावेमी चद्वेतीक चाड का ठीक पाप्तु। परमपरभु यावेमी आ बरेशशो मुर आन कली ठीक सेल्लतीमी। हबकुक २ :२० ८ परमपरभु यावे आ चद्वेतीक नाक्त गो सरकार आ ठेयब मुर, पिप आ तौपुकी नु अर्को रागी डा मुर आन वा फेकब नेल्ल आन कली सजाइ गेनुडमी। हबकुक २ :२० ९ मेको नाक्त सु सु लाप्वो रे ओत्रनीमी, मेको आन कली सजाइ गेनुड। मारदे हना मेकोपुकीमी आन होत्रप आ सिं तुम्मुचा, जिचा खेचा नु जोल पतीकमी पिरनीम" दंत।

१० मिनु परमपरभु यावेमी "मेको नाक्त डांड लाप्वो रे ठेयब संदा पा डाकशा, नक सहर रे रोंका पशा नु डांडा रे पा ठेयब रेयके पशा नेंसीब। ११ गे माकतेशम बाकबपुकी रोंका पने। मारदे हना ग्याप्व लेयब नेल्ल खतम दुम्तकम। चांदी नाकब नेल्ल क्याम्चा पुइसाकम। माकतेश यरूसलेम सहर डा बजार का बाकत। १२ मना गो यरूसलेममी बती दाशा मुर आन कली मालशा, सजाइ गेनुड। मारदे हना मेकोपुकीमी अलसी पा आन थुमी 'परमपरभु यावेमी रिम्शो नु मरिम्शो मारइ यो मपाइब' दे मिम्नीम। १३ मेको आन शोप नेल्ल रोइकचा पुइसीनीम। मेको आन सिं बरेल्लनीम। मेकोपुकीमी सिं सेल्लेकम हना यो, मेकर बाकचा मताइनीम। मेकोपुकीम अडगुर खरुम्तेकम हना यो, अडगुर शांबु तूचा मताइनीम। ब्यवस्था २८ :३०,३९ ; आमोस ५ :११

परमपरभु आ ठेयब नाक्त

१४ परमपरभु यावे आ ठेयब नाक्त जाकचा चिकशा बाकब। मेको रीब पा जाकब। नोफा दाइशशा नेनीन। परमपरभु यावे आ ठेयब नाक्त, श्येत डा नाक्त बाकब। लडाइ पाइबपुकी थम ठेयब संदा पा गरीनीम। योएल १ :१५ १५ मेको नाक्त गाइकचा डा नाक्त दुम्ब। श्येत नु

हिंचा डा नाक्त दुम्ब। नेल्ल बरेतीक नु खतम दुम्तीक नाक्त दुम्ब। मेको नाक्त छिडछिड नु हिंचा डा दुम्ब। गोस्सुम गिल्शा नु शुश छिडछिड डा नाक्त दुम्ब। १६ गारोम हिरशो सहरपुकी नु गारो डा कुनाम बाक्शो लाइशशो सिं आन कली लडाइ तोचा कली तुराही ताप्शो नु लडाइ डा रयके पशो नंसीब। यरमीया ३० :७ १७ गो मुर आन कली शुश श्येत गनुड। मिनु मेको मिक्च मताइब खोदंशो पा गान्नीम। मारद हना मेकोपुकीम परमपरभु यावे आ डांडती पाप पास्तकम। मेको आन हुश फुरक खोदंशो नु श्ये खरी खोदंशो पा ताइक्नीम। १८ परमपरभु यावे गाइक्ची नाक्ती मेको आन चांदीमी मप्रांडब। मेको आन सुनमी यो मेको आन कली प्रांडने मचाप्ब। मेको आ मी खोदंशो पा गाइक्तीकमी रागी नेल्ल करोइक्ब। मेकोमी रागीम बाक्ब नेल्ल आन कली थम मरिम्शो पा साइशशा क्याम्ब” दे परमपरभु यावेमी दंत। इजीकीएल ७ :१९

#### पलिस्ती आन कली लोत्र

२ मिनु मेकोमी “गे मुने मपाइशशो रागी डा मुर, ग नेल्ल काथा बुक्कीन।

२ इन नाक्त फशम बरशो भूस खोदंशो पा लाक्नीम। आ योत्रशो नाक्त जाक्चा, परमपरभु यावे आ शुश गाइशशो इन तार जुक्चा नु परमपरभु यावे आ गाइशशो नाक्त जाक्चा क्यडा डांडती, ३ गे रागी डा परमपरभु यावे आ डांडती ठीक पाइब नु बरम्शो मुरपुकी परमपरभु यावे कली मालीन। ग ठीक पाइब नु बरम्शो थुं पाइशशो दुम्चा मालीन। मिनु परमपरभु यावेमी आ गाइशशो नाक्त इन कली खरुइक्बा को? आमोस ५ :१५ ४ गाजा मुर मबाक्थु, श्येत्य दुम्ब। अशकलोन नेल्ल बरशशा खतम दुम्शा प्रांडसीब। नाक्ती उइक्थ दुम्मेनु अशदोद डा मुर खरचा पुंडसीनीम। एक्रोन चहिं तुल्वा पुंडसीब।

५ आबी आबी, समुन्दर आ शुंगीम बाक्ब केरथी जात डा मुर परमपरभु यावे आ लोत्र इन कली गे पलिस्ती आन रागी बाक्ब, कनानी, इ कली सुइ मुर मबाक्चा डा पा खतम सेल्लुड” दंत। १ सामुएल ३० :१४ ; यरमीया ४७ :- ६ केरथी आन बाक्तीक समुन्दर आ शुंगी डा रागी बी ब्यफ, क्यारश भडा योत्रतीक दुम्ब। भडा गोटला आन बाक्तीक दुम्ब। मेको आन भडा मेकर वोइक्नीम। ७ मेको समुन्दर आ शुंगी डा

रागी यहूदा आ सिं डा लीशो मुर आन के दुम्ब। मेकोपुकीमी मेकर आन बी ब्यफ, क्यारश भडा योत्रनीम। नाक्दो मेकोपुकी अशकलोन आ सिंपुकीम इप्नीम। मारद हना परमपरभु यावे, आन परमपरभुमी मेको आन कली कोत्रब। मिनु मेको आन कली डांडती खोदंशो पा रिम्शा पा बाक्चा गेब” दंत। सफन्याह ३ :२०

#### मोआबी नु अम्मोनी आन लोत्र

६ मिनु “गो मोआब नु अम्मोनी आन शुक्शी पशो नंता। मेकोपुकीमी आं मुर आन कली मरिम्शो पास्तकम। मेको आन रागी कली खतम पोक्नीक” दे हिंच कोइताकम। यरमीया ४६ :-; यरमीया ४९ :१-६ १ मोपतीके मुर नेल्ल आन परमपरभु यावे, इसराएली आन परमपरभुमी गो बरोइशा बाक्शो खोदंशो पा, मोआब सोदोम खोदंशो नु अम्मोन गोमोररा खोदंशो दुम्ब। मेको आन बाक्तीके चूले वाशो नु हिक्सी खाल्टा बाक्शो रागी दुम्ब। मेको गना हना यो मुर मबाक्तीक रागी दुम्ब। आं लीशो मुरपुकीमी मेको आन मार मार रोइक्नीम। मिनु आं रागी डा बरोइशो मुरपुकीमी मेकर हुकुम पाइनीम। उत्पती १९ :२४-२५ १० मेको आन ठेयब लेशशो आ पा डा मोदंशो ताइनीम। मारद हना मेकोपुकीमी मुर नेल्ल आन परमपरभु यावे आ मुर आन कली शुक्शी पा आंम कली ठेयब सल्शा बाक्नीम। ११ परमपरभु यावेमी मेको आन कली थम मरिम्शो पाइब। रागी डा देवी देवता नेल्ल आन कली खतम पोक्ब। नेल्ल आन बाक्तीकमी बाक्शा, मेको आ डांडती बाप्चा माल्नीम। रागी रागी समुन्दर आ सुंगी नु टापु डा मुर नेल्ल परमपरभु यावे आ डांडती बान्नीम” दंत।

#### एथीयोपीया नु अस्सुर कली लोत्र

१२ गे एथीयोपीया डा मुर यो आं तरवारमी साइक्चा पुंडसीनीनी” दे परमपरभु यावेमी दंत। इजीकीएल ३० :९ १३ मेकोमी उत्तर गे आ गुइ दिशा अस्सुर कली खतम पोक्ब। निनवे कली कोक्त नु गोरशो रागी खोदंशो सल्ब। नहुम १ :१

१४ मेकर बी ब्यफ नु ब्याकी डा जन्तु नेल्ल इप्नीम। गोरशो रागी डा बुक्स नु गरीब बुक्सपुकीम मेको आन थाम तारी ग्योत्र सेल्लीम। बुक्स झेल रे पा गरीनीम। खदपुकी लाप्चोम गरीनीम। मिनु दारपाइक्चा कली क्येप्शो शी नेल्ल लां र तांडसीब। यसेया

१३ :२१ ; यसैया ३४ :११ १५ मेको महिंथु थुं नाइश्शा बाक्व सहर मबाक्वा डा ? मेकोमी आंम कली “गो गोन नड। आं क्येडा लाक्शा अरु सुइ मबाक्नीम” दंत। मेको मुल दोदंशो पा बरंशो दुम्म ? मेको ब्वाकी डा जन्तु आन बाक्तीक दुम्त। मेको लां र पा गाक्व नल्ल मेको तशा आबी, दे हिंशा खिरंखिर पाइनीम। यसैया ४७ :८

यरूसलेम आ नोले डा नाक्व

३ मेकोमी “आं दंशो गेनायो मटीब, गरांगरा दिंचा डा नु मुर आन कली दिंच सहर बाक्व। २ मेकोमी सुइ आन दंशो मटीब। रिम्शो पचा कली हुइश्शो लोत्र मनंब। मेकोमी परमपरभु यावे कली थमा मसुइक्थु, आ परमपरभु आ नेक्था मजाक्व।

३ मेको सहर डा सरकार डा ठेयब मुर गरीब गुप्स खोदंशो बाक्नीम। मेको आ निसाफ पाइब नाक्वो गाक्शा, सुनी सम्म मारइ महेंब फर नम। इजीकीएल २२ :२७ ४ मेको आ परमपरभु यावे आ लोत्र पाइबपुकी हेंथ पाइब नु थमा मसुइक्वा डा मुर बाक्नीम। मेको आ चढेबपुकीमी परमपरभु यावे आ खिं गरांगरा दिंशो सेल्नीम। मेकोपुकीम परमपरभु यावे आ अरेशो लोत्र हेंथ सेल्लेक्म। मीका ३ :११ ५ मेको आन दातेम बाक्व परमपरभु यावे ठीक पाइब बाक्व। मेकोमी मारइ मरिम्शो मपाइब। मेकोमी सुनी कुस कुस निसाफ पाइब। त्कोइ सुनी मपरांइब। तन्न ठीक मपाइबपुकी मुन दोक्शा लल मजिनीम।

६ गो रागी रागी डा मुर आन कली खतम पोक्ता। मेको आन ब्रांइशा बाक्तीक खिं परंशो गेता। मेको आन लां नल्ल श्येत्थ सेल्ला। मेकर रे सुइ मगाक्नीम। मेको आन सहरपुकी श्येत्थ बाक्नीम। मेकर सुइ मुर मबाक्नीम। ७ मो पडा नोले मेको सहर डा मुरपुकी आं कली तशा मान पा हिंनीम। आं दंशो पाइनीम, दे मिम्ताड। तन्न मेकोपुकीमी डांइती क्येडा मरिम्शो गेय पाम्तेक्म” दंत।

८ परमपरभु यावेमी “मोपतीके लोत्र पचा कली गो मजाक्वा सम्म आं कली रिम्शा बाक्कीन। गो रागी रागी डा मुर आन कली खुन्नुड। गो राज्य राज्य डा मुर आन कली गरुम्पाइक्नुड। मेको आन तारी आं गाइश्शो मोइक्नुड। मारदे हुना आं मी खोदंशो पा गाइश्शोमी रागी रागी नल्ल गरोइश्शा खतम दुम्नीम। योएल ४ :२ ; मजन संगरह ७९ :६

१ मेना जात जात डा मुर आन कली रिम्शो लोत्र पाइब सेल्लुड। मिनु मेको नल्लेमी परमपरभु यावे कली पुंइशा ठेयब सेल्लेक्ल। मेको नल्ल गारशा आ गय पामेक्ल। १० मिनु आं नें ठेयब सेल्ल एथोयापीया डा खोला आइक्वी हाम डा बरशा बाक्शा आं मुरपुकीमी आं कली चढतीक थोत्रक चाक्नीम। मजन संगरह ६८ :३२ ; यसैया १८ :१ ; पररित ८ :२७

११ मेको नाक्व आं कली मटिशा आ पर्वम गे मुने दोक्वा ममाल्नीनी। मेना इ दाते डा ठेयब लेश्शो मुर आन कली गरुइनुडमी। आं डांइमी गे लेंशा ठेयब लेश्शो मदुम्नंब। १२ गो इ दातेमी बरंशो नु परुडग मुर लीचा गेनुडमी। मेकोपुकीम “परमपरभु यावे आंइ कली वारच पाइब बाक्व” दे थमा सुइक्नीम। इजीकीएल ६ :८ १३ इसराएल डा तीशोपुकीमी लेंशा दूती मपाइनीम। मेकोपुकीमी जोल मपाइनीम। हेंथ लोत्र मपाइनीम। मेकोपुकी जशा तशा गोल्शा बाक्नीम। सुइम मेको आन कली हिं च मकांइनीम।

१४ सियोन आ तमी, ठेयब संदा पा कुम्सो पावा। इसराएल, ठेयब संदा पा गरीडो। यरूसलेम आ तमी इ थुं नल्लेम ग्यरशा सोम्शा बाक्को। १५ परमपरभु यावेमी इ सजाइ क्याम्शा गेशो बाक्व। मेकोमी इ जोरी सतरु आन कली सोइश्शो बाक्व। इसराएली आन पिप, परमपरभु यावे गे नु बाक्व। मुल डा मेरे ग त्कोइ श्येत रे हिंचा ममाल्नेंब। जकरिया १ :१ १६ मेको नाक्व यरूसलेम कली सियोन डा मुर महिनीन। गे शुश गेय पने। १७ परमपरभु यावे, इन परमपरभु इन दातेमी बाक्व। मेको बोत्यो बाक्शा, श्येत रे परांइब बाक्व। मेको इन कली तशा, शुश ग्यरशा बाक्व। मेकोमी आ दाक्तीकमी इन कली नक मुर सेल्लेब। मेकोमी इन कली तशा ग्यरशा कुम्सो पाइब। यसैया ६२ :५ १८ चाडमी ग्यरशा खोदंशो पा कुम्सो पाइब। आन क्येडा डोन बाक्व आन कली खुन्नुड। मेको इन मुर नम। आं पर्वम शुक्शी पाइक्वा पुंइसीनीम। १९ मेना गो इन कली दिंच आन कली सजाइ गेनुड। गो खोइल मदुक्व आन कली श्येत रे परांइनुड। मिनु बरशा बाक्शा आन कली खुन्नुडमी। मेको आन कली मुने तोक्शा रागीम आं पा डा मान ताइब सेल्लुडमी। मीका ४ :७ २० मेना गो इन कली सुप्शा चाक्नन्नी। मारदे हुना गो इन कली रागी नल्ल डा मुर आन दातेमी ठेयब सेल्ला, मान

ताइब्र सेल्लन्नी। मिनू गो नेल्ल आन तचा बाक्चा गेनन्नी” दे परमपरभु यावेसी देत।  
 डा पा इन कली डांइती खोदंशो पा रिम्शो पा सेफन्याह २ :७ ; येरमीया २९ :१४

## हाग्गे

बरेक्ब मुरः एको किताब हाग्गेमी बरेक्शो बाक्ब। मेकोमी यहूदीपुकी ग्याइश्शा लाइश्शा, यरूसलेम लेश्शा जंकरिया नु परमपरभु यावे आ सिं लेंशा सल्त्वा गेय पशो बाक्त।

गेना बरेक्शोः यहूदी ग्याइश्शा लाइश्शा यरूसलेम लेश्शा १६ बर्स नोल ५२० बि. सी.मी परमपरभु यावे आ सिं सल्त्वा कली जग वोइश्शाो बाक्तेक्म। मेको आ डोंइती नु सल्त्वी ना हाग्गेमी एको लोत्र पा बरेक्शो बाक्त।

मारदे बरेक्शोः परमपरभु यावे आ सिं लेंशा सल्त्वा माल्नीम। मोपतीके हाग्गे आ शंचा माल्शो लोत्र “गो श्येत जाइनीकी। मोपतीके परमपरभु यावे आ सिं सल्त्वा कली मारेइ गेने मचाप्नीकी” देनीनी। तन्न “मारदे मगेनीनी, मोपतीके श्येत जाइनीनी” देब।

परमपरभु आ सिं सेलीन, दे अरेशो

१ पिप दाराम सासन पशो बर्स निकशी, ६ महिना १ डा डोंइती डा नाक्त परमपरभु यावेमी आ लोत्र पाइब हाग्गे कली लोत्र पाप्तु। मेको लोत्र यहूदा रागीम हुकुम पाइब जेरुब-बाबेल नु नेल्ल क्येडा ठेयब चढेब यहोसु आस कली बाक्त। जेरुब-बाबेल शाल्तीएल आ ती बाक्त। यहोसु चहिं यहो-सादाक आ ती बाक्त। एजरा ४ :२४ ; एजरा ५ :१ ; एजरा ५ :२ २मिनु हाग्गेमी “मुर नेल्ल आन परमपरभु यावेमी मार देत देशा हना एको मुरपुकीमी परमपरभु यावे आ सिं मुल लेंशा सल्त्वी मजाकशो बाक्ब देनीम” देत। ३मिनु हाग्गेमी परमपरभु यावे आ लोत्र पा “परमपरभु यावेमी मार देब देशा हना ४ आं सिं बरेक्शा खतम दुम्शो बाक्ब। गे चहिं दारशो शी क्येपशो सिंम बाक्चा रिम्शो दुम्बा डा ? देशो बाक्ब” देत। २सामुएल ७ :२ ५ मिनु मुर नेल्ल आन परमपरभु यावेमी “गे दोदेशो बाक्नीनी, मिम्तीन। ६गे शुश शोक्तीनी, तन्न इच्का ला खुप्ताक्नी। गे जाइनीनी, तन्न मरूनीनी। गे तूनीनी, तन्न इन तूत् दाक्तीके मबेक्ब। गे फक्नीनी, तन्न इन रां महांइब। गे शुश गेय पा क्येट चेम्नीनी, तन्न होइश्शा थैलीम कुर पा वोइक्नीनी” देत। ब्यवस्था २८ :३८

७ मिनु मुर नेल्ल आन परमपरभु यावेमी मार देत देशा हना “गे दोदेशो बाक्नी, मिम्तीन। ८ डोंडा मेर डोंइश्शा शी यितीन। मिनु आं

सिं सेलीन। मिनु गो मेको तशा, ग्येरशा बाक्ने चबुल। मोपा मुरपुकीम आं कली ठेयब सल्यीमील। ९गे शुश आस पाइतीनी, तन्न इच्का ला ताइतीनी। मिनु गे सिंमी मार चाक्नी, गो मेको कली मुइश्शा बरपाइक्ता। गो मारदे मोदेशो पाता देशा हना, आं सिं बरन्ने शुम्शो बाक्ब। गे चहिं आंम सिं कली ला मिम्नीनी। १०मोपतीके सरीङ्गर सीत यिचा परोंइतु। मिनु रूमी मारेइ मारेइ वाचा परोंइशो बाक्ब। ११राजा १७ :१ ११मिनु गो रू नु डोंडा तार रेड मयिपद्दु। अन्न, अङ्गुर, तेल नु रूम सिष्व मारेइ मारेइ मसिप्पद्दु। मुर नु रागीम बरोंइशो नेल्ल आन कली श्येत जपाइक्ता। मुर आन गेय नेल्ल शोर गाक्शो सल्त्वा” देत। हाग्गे २ :१७ ; आमोस ४ :९

१२मिनु शाल्तीएल आ ती जेरुब-बाबेल नु यहो-सादाक आ ती, नेल्ल क्येडा ठेयब चढेब यहोसु नु लीशो मुर नेल्लेमी परमपरभु यावे आन परमपरभु आ लोत्र टिम्तेक्म। मिनु परमपरभु यावे आन परमपरभु आ देशो नु आ लोत्र पाइब हाग्गे आ देशो लोत्र टिम्तेक्म। मिनु मुरपुकी परमपरभु यावे कली मान पा हितेक्म। १३मिनु परमपरभु यावे आ सोइश्शा लोत्र पाइब हाग्गेमी “परमपरभु यावेमी मुर आन कली गो गपुकी नु बाक्नुड” देशो बाक्ब” देत। मलाकी २ :७ १४मिनु परमपरभु यावेमी शाल्तीएल आ ती, यहूदा रागीम हुकुम पाइब, जेरुब-बाबेल नु यहो-सादाक आ ती, नेल्ल क्येडा ठेयब चढेब, यहोसु नु लीशो मुर आन थुं कली जांब पोक्ताक्ब। मिनु मेकोपुकीमी मुर नेल्ल आन परमपरभु यावे, आ सिं सल्त्वा गोम्तेक्म। १५मिनु मेकोपुकीमी पिप दाराम सासन पशो बर्स निकशी, ६ महिना, २४ नाक्तीमी परमपरभु यावे आ सिं सल्त्वा गोम्तेक्म।

परमपरभु आ सिं लेंशा सल्त्शा

१ पिप दारामी सासन पशो बर्स निकशी, ७ महिना २१ नाक्तीम परमपरभु यावे आन परमपरभुमी हाग्गे कली लोत्र पाप्तु। मार लोत्र पाप्तु देशा हना, २ “गे शाल्तीएल आ ती यहूदा रागीम हुकुम पाइब, जेरुब-बाबेल नु यहो-सादाक आ ती नेल्ल क्येडा ठेयब चढेब यहोसु नु लीशो मुर आन कली ३ इन दाते डा सु सुमी परमपरभु यावे आ डोंइती डा सिं आ दारस तनी ? मुल एको सिं दोदेशो तांइसीबा ? मार, एको मदारशो तांइसीबा ? दे हिल्लो पावो” देत। एजरा ३ :१२

४ मिनु मुर नेल्ल आन परमपरभु यावेमी “जेरूब-बाबेल, महिनो। यही-सादाक आ तौ नेल्ल क्येडा ठेयब चढेब यहाँसु गे यो महिनो। मिनु मेकर डा मुर नेल्ल महिनीन। गेय पचा गोन। मारदे हना गो गेपुकी नु बाकनुड। ५ गेपुकी इज्जीप्त रागी रे पा गरूशा पिनीनु, गेपुकी नु कबल का पाता। आं सोक्त गेपुकी नु बाकब, दे कबल पाता। मोपतीक महिनीन” दे मुर नेल्ल आन परमपरभु यावेमी देत। प्रस्थान १९ :५ ; जकरिया ४ :६ ६ मिनु मुर नेल्ल आन परमपरभु यावेमी “मुल इच्का नोले गो लेशा सरीड, रागी, समुन्दर नु गोरशो रागी कली हिम्नुड। हिबेरू १२ :२६ ७ गो रागी रागी डा मुर आन कली हिम्नुड। मिनु रागी रागी डा शोप नेल्ल एकर चाकनीम। मिनु गो एको खिं कली आं दारसीम पिरनुड। ८ सुन चांदी नेल्ल आं के बाकब। ९ मोपतीके एको खिं आ मुल डा दारस क्येडा नोले डा दारस शुश रिम्शो दुम्बा। मिनु एकर आसीक शुश गेनुडमी” दे मुर नेल्ल आन परमपरभु यावेमी देत।

#### परमपरभुम आसीक गेशो

१० पिप दारामी सासन पशो बर्स निक्शी ९ महिना २४ नाक्तीमी परमपरभु यावेमी आ लोत्र पाइब हाग्वे कली लोत्र पाप्तु। ११ मिनु हाग्वेमी “मुर नेल्ल आन परमपरभु यावेमी मार देत देशा हना “चढेबपुकीम मार देबाकमा, दे हिल्लो पावो” देत। १२ मिनु हग्गाइम “सुइ मुरुमी किप्शुरम पोल्टो पा चढेशो श्ये कुरशो बाकत हना नु मेको आ किप्शुर आ सुरमी शोब्त, खाइ, अडगुर शांनु, तेल नु अरु मारइ जचा थोत्रक थिप्तु हना, मेको चोत्रखो दुम्नीमी?” दे हिल्लो पाप्तु। मिनु चढेबपुकीम “मदुम्नीम” देतकम। १३ मिनु हाग्वेमी “बकशा मुर थिशा, गरांगरा दिशा दुम्शो मुरुम मारइ थोत्रक थिप्तु हना, मेको थोत्रक गरांगरा दिशा दुम्बा?” दे हिल्लो पाप्तु। मिनु चढेबपुकीमी “मेको गरांगरा दिशा दुम्ब” देतकम। लेवी ५ :२ ; गन्ती १९ :२२ १४ मिनु हाग्वेमी “परमपरभु यावेमी मार देब देशा हना “आं डोंडती बाकशा एको रागी डा मुरपुकी मोदंशोन बाकनीम। मेकोपुकीम मार मार पाइनीमी, मार मार चढेनीमी मेको नेल्ल गरांगरा दिशा बाकब” देशा बाकब” देत। एजरा ४ :१-३

#### मुर आन थुं बारपाइशो

१५ मिनु परमपरभुमी “गे मुलाकत डा मेरे मार दुम्बा, मेको रिम्शो पा मिम्तीन। परमपरभु यावे आ खिं सल्लथानु, फुल्लु तार फुल्लु वोइशशा गारो परोत्रचा क्येडा डोंडती दोदंशो बाकम, मेको मिम्तीन। १६ गे दोदंशो बाकनी? गे २० सआह बाकब, दे मिम्ताकनी हना, मेकर १० सआह ला बाकब। अडगुर खराकशा, ५० गर रस ताप्नुड, दे मिम्ताकनी हना, २० गर ला दुम्बा। सआह का ७ लिटर खोंदंशो बाकब। गर कली हिन यो देनीम। हिन का ६,५ लिटर बाकब। हाग्वे १ :१६ १७ गो इन कली नु इन रूम खरुम्शो मारइ मारइ खतम सेल्ला। मेको सोत्रपाइकब रोइ, बुखी डाइक्तीक रोइ नु मुप्सीम खतम सेल्ला। मो हना यो गे आं गे मलन्नी। हाग्वे १ :११ १५ मुल ९ महिना २४ नाक्ती, परमपरभु यावे आ खिं डा जग वोइशशा नाकत रे मार दुम्बा, मेको कोत्रडीन। १९ मार, गे नु वांचेर बाकम? अडगुर बोट, फोत्रशी रवा, अनार नु तेल रवामी मुल सम्म फल मसिश्शो बाकमा? मुलाकत डा मेरे गो इन कली आसीक गेनन्नी” दे परमपरभु यावेमी देत।

#### परमपरभु आ लोत्र

२० मिनु ९ महिना डा २४ नाक्ती परमपरभु यावेमी लेशा हाग्वे कली लोत्र पाप्तु। २१ मार लोत्र पाप्तु देशा हना “गे यहूदा रागीम हुकुम पाइब जेरूब-बाबेल कली शो सरीड नु रागी हिम्चा चिकशा बाकनुड। २२ गो पिप आन राज्य खतम पाकनुड। गो रागी रागी डा राज्य थुम्पाइकचा चिकशा बाकनुड। गो बग्गी नु बग्गी डाइकब आन कली थिप्पाइकनुडमी। शारा नु शारा डाइकबपुकी आंम लोक्ब आन तरवारम क्योरचा पुंडसीनीम” देनो” देत। २३ मिनु मुर नेल्ल आन परमपरभु यावेमी “मेको नाकत शाल्तीएल आ तौ, आं गेय पाइब, जेरूब-बाबेल गो इ कली छाप पाइशशा ओंठी खोंदंशो सेल्लन। मारदे हना गो इ कली थोत्रशा बाकनुड” दे मुर नेल्ल आन परमपरभु यावेमी देत। जकरिया ४ :६-७

## जकरिया

बरकब मुर: जकरिया बरक्याह आ तौ, इददो आ चच बाक्त। इददो चदब आ खिं डा ठयब मुर बाक्त। जकरिया यहदीपुकी ग्याइशशा लाइक्वा पुंडसीमानु, बबीलानम जरमशा बाक्त। डांडती यरूसलेम लेख चदब आन दातेमी मेको यो बाक्त। एको किताब बरकब परमपरभु यावे आ लोत्र पाइब जकरिया बाक्व।

गना बरकशा: ५२०-५१८ बि. सी. पिप दाराम सासन पशा बर्स निकशी दुम्मेनु, परमपरभु यावे आ लोत्र पाइब जकरियामी गय पशा बाक्त। मेना परमपरभु यावे आ लोत्र पाइब हागगैम यो लोत्र पशा बाक्त।

मार बरकशा: जकरियामी मुर आन शुश श्येत जची ना मेको आन कली थुं बारपाइक्तीक लोत्र पवा बाक्त। मेकोमी मस्सीह जाक्व, दे परमपरभु यावे आ लोत्र बरकशा बाक्व। मस्सीह आ पर्वम:

१. मस्सीह गधा आ चाइक्व डोइशशा यरूसलेम ओत्रब जकरिया १:९; मत्ती २१:५

२. मस्सीह ३० ओटा चांदी के शेकेलम लेयचा पुंडसीब जकरिया ११:१२; मत्ती २६:१५

३. मेको क्येटीमी मार पाइनीम जकरिया ११:३३; मत्ती २७:१-१०

४. मस्सीह बरकशा जकरिया ११:३; १३:७; यूहन्ना १०:११-१८

५. थमा सुइक्व बरशा जकरिया १३:७; मत्ती २६:३१; जकरिया १२:३०; यूहन्ना ११:३७

परमपरभु गे लेतीन, दे अरेशो

१ पिप दारामी सासन पशा बर्स का ८ महिना दुम्मेनु, परमपरभु यावेमी इददो आ चच, बरक्याह आ तौ परमपरभु यावे आ लोत्र पाइब जकरिया कली लोत्र पाप्तु। परमपरभु यावेमी मार लोत्र पाप्तु देशा हना, एजरा ५:१२ “परमपरभु यावे इन किकी पिपी आन पर्वम शुश गाइक्ताक्व। ३मोपतीके मुर नेल्ल आन परमपरभु यावेमी मुर आन कली मार देत देशा हना आं गे लेतीन। मिनु गो इन कली कोत्रनुड। मलाकी ३:७; याकूब ४:८ ४ साइ डा आं लोत्र पाइबपुकीमी इन किकी पिपी आन कली लोत्र पाप्तेक्म। मेकोपुकीमी मुर नेल्ल आन परमपरभु यावेमी इन कली मार लोत्र पाप्तु देशा हना इन मरिम्शा लां रे नु इन मरिम्शा पतीके रे परमपरभु आ लां गे लेतीन, दे लोत्र पाप्तेक्म। तन्न इन

किकी पिपीमी आं लोत्र मनेथु मटीम। गेपुकी मेको आन खोदंशो मपने। येरमीया ३:१२; इजीकीएल ३३:११ ५ इन किकी पिपी ते बाक्नीमी? आं लोत्र पाइबपुकी गेना हना यो बरांडशा बाक्नीमी डा? ६ तन्न गो आं गेय पाइब, आं लोत्र पाइब आन कली पशा लोत्र नु आं फुल्लुम मुशा बरकशा लोत्र इन किकी पिपी आन पाला रे मुल सम्म मबाक्म डा? मिनु मेकोपुकी परमपरभु यावे गे लेत्वा माल्शा, मेकोपुकीमी ‘मुर नेल्ल आन परमपरभु यावेमी आइ मरिम्शा लां नु आइ मरिम्शा पशा आ पर्वम आ देशो खोदंशो पा पाप्तु’ देतेक्म” दे मुर नेल्ल आन परमपरभु यावेमी देत।

लल शारा डोइक्व

७ मिनु पिप दारामी सासन पशा बर्स निकशी, शेबात माइशशा ११ महिना डा २४ नाक्ती इददो आ चच, बरक्याह आ तौ जकरिया, परमपरभु यावे आ लोत्र पाइब आ बाक्तीकेमी परमपरभु यावे आ लोत्र जाक्त। ८ मिनु जकरियामी “गो नाक्दो लल शारा डोइक्व का गाक्शा ताता। मेको दिममी बाक्शा मूर रवा आन दातेमी दिक्शा राप्शा बाक्शा बाक्त। मिनु मेको आ नोले अरु लल, खाइरो नु बुश शारापुकी राप्शा बाक्तेक्म। जकरिया ६:१-८ १ मिनु गो नु लोत्र पाइब, परमपरभु यावे आ स्वर्ग डा गेय पाइब कली ‘आं परभु, मेको मार कली नमी?’ दे हिल्लो पाता। मिनु मेकोमी ‘एको मार कली नमी, दे गो इ कली कौइनन’ देत। १० मिनु नोले मूर रवा आन दातेमी राप्शा बाक्व मुरुमी लोत्र लेशशा ‘परमपरभु यावेमी एको आन कली रागी नेल्ल हिरशा कोत्रचा कली सोइक्ताक्व’ देत। ११ मिनु नोले शारा डोइक्वपुकीमी मूर रवा आन दातेमी बाक्व परमपरभु यावे आ स्वर्ग डा गेय पाइब कली ‘गो रागी नेल्ल हिरशा कोत्रतक। मिनु रागी नेल्ल डा मुर सिक्सी पा नाइशशा बाक्शा बाक्तेक्म’ देतेक्म। १२ मिनु परमपरभु यावे आ स्वर्ग डा गेय पाइबमी ‘मुर नेल्ल आन परमपरभु यावे, गे गेना सम्म यरूसलेम नु यहूदा सहर डा मुर आन कली शिशी मपाइनीनी? गे मेको आन कली मुल रे ७० बर्स सम्म गाइक्ना गाइक्न बाक्शा बाक्तीनी” देत। भजन संगरह १०२:१४; दानीएल ६:२ १३ मिनु परमपरभु यावेमी गो नु लोत्र पाइब, आ स्वर्ग डा गेय पाइब कली रिम्शा नु थुं बारपाइक्तीक लोत्र पाप्तु। १४ मिनु स्वर्ग डा गेय पाइबमी आं कली “परमपरभु आ लोत्र नेल्ल

आन कली नंपतो। मिनु मुर नेल्ल आन परमपरभु यावेमी गो यरूसलेम नु सियान कली शुश रुश पशो बाक्नुड। १५ रिम्शो पा बाक्व रागी रागी डा मुर आन कली तथा शुश गाइशो बाक्नुड। गो डांइती इच्का ला गाइक्ताक्ड। मिनु मुरपुकीमी तेम्शा मरिम्शो पचा गोम्तेक्म' दंत। यरमीया ४७:६ १६मोपतीक परमपरभु यावेमी मार दंत, देशा हना 'गो शिशो पा यरूसलेम लेती। मेकर आं सिं' लेंशा सेल्वा माल्नीम। मिनु यरूसलेम नेल्लेमी पुक्तीक डोरी कीचा माल्नीम' दे मुर नेल्ल आन परमपरभु यावेमी दंत। जकरिया ८:३ १७मिनु मुर नेल्ल आन परमपरभु यावेमी मार दंत, देशा हना 'आं सहरपुकी लेंशा शुश सोशो बोशो दुम्चा माल्नीम। परमपरभु यावेमी सियान कली लेम्शा शिशो पाइव। मिनु यरूसलेम कली योत्रब'" दंत। यसेया ४०:१-२; यसेया १४:१

#### ४ ओटा गरोत्र नु ४ जना तुप्तील

१८मिनु इर गे कोत्रडुनु, ४ ओटा गरोत्र ताता। १९मिनु गो नु लोत्र पाइव, स्वर्ग डा गेय पाइव कली "एको मार में?" दे हिल्लो पाता। मिनु मेकोमी "एको गरोत्रपुकीमी यहूदा, इसराएल नु यरूसलेम डा मुर आन कली एर आंथ फरास्तेक्म" दंत। २०मिनु नोले परमपरभु यावेमी आं कली ४ जना तुप्तील कांइताक्यी। २१मिनु गो "एको मार पचा कली जाक्मा?" दे हिल्लो पाता। मिनु मेकोमी "मेको गरोत्रपुकीमी यहूदा कली मबोक्चा डा पा खोल्शो बाक्तेक्म। मिनु मेको तुप्तीलपुकी रागी रागी डा मुर आन कली ब्रपाइक्व गरोत्र सोदंशो ठेयव हुकुम पाइव मुर आन कली श्यत गशा साइक्चा कली जाक्शो बाक्तेक्म। मारदे हना मेकोपुकीमी यहूदा डा मुर आन कली फरना फरन बाक्तेक्म" दंत।

#### पुक्तीक डोरी

१मिनु गो इर कोत्रडुनु, पुक्तीक डोरी शेशो २ मुर का आं डांइती राष्शो ताता। इजीकीएल ४०:३ २मिनु गो मेको कली "गे ते गाक्नी?" दे हिल्लो पाता। मिनु मेकोमी आं कली "यरूसलेम पुक्शा, मेको दोशो दुइशो नु दोशो ब्रम्शो बाक्मे, मेको कोत्रथ लती" दे माइक्ती।

३मिनु मेको गो नु लोत्र पाइव, स्वर्ग डा गेय पाइव जाक्त। मिनु अर्का स्वर्ग डा गेय पाइव मेको कली गरुम्थ जाक्त। इजीकीएल ३८:११ ४मिनु मेकोमी "दोरशा लशा मेको ठिटा कली यरूसलेममी लेंशा शुश मुर बाक्चा माल्नीम।

मुर नु बी ब्यफ, क्यारश भेडा शुश दुम्तीके यरूसलेम गारो मपाइशो गाउं सोदंशो दुम्ब। ५मिनु गो मेको आ एर आंथ मी क गारो दुम्नुड। मिनु गो मेको आ आगा डा छेड्छेड् दुम्नुड' दे परमपरभु यावेमी दंत, दनो" दंत। जकरिया ९:८

#### इसराएली लेशशा जाक्चा माल्शो

६परमपरभु यावेमी "जाक्कीन जाक्कीन, उत्तर डा रागी र प्रोक्शा जाक्कीन। मारदे हना गो इन कली एर आंथ डा फशमी सोदंशो पा फराता" दे परमपरभु यावेमी दंत। ७मेकोमी आं कली "आबी, सियान, ग बबीलोन डा मुर आन दाते र बोक्शा, प्रोक्कीन। ८मारदे हना मुर नेल्ल आन परमपरभु यावेमी इन कली रोइक्व रागी रागी डा मुर आन परम मार दंत देशा हना 'सुमी इन कली थीवा, मेकोमी आं मिक्च आ किरक्बील थीव' दंत। ब्यवस्था ३२:१० ९मुल नेनीन, गो आं गुड मेको आन परम क्युक्नुड। मिनु मेको आन वाइलमी मेको आन कली रोइक्नीम। मिनु गेपुकीमी मुर नेल्ल आन परमपरभु यावेमी आं कली सोइशो बाक्व, दे तुइक्नीनी। ब्यवस्था ३२:१० १०सियान आ तमी, ग्यरशा सोम्शा कुम्सो पावो। मारदे हना गो इन दातेमी बाक्थ जाक्नुड। ११मेको नाक्त शुश रागी डा मुरपुकी परमपरभु यावे नु गारचा कली जाक्नीम। मेको नाक्ती मेको आं मुर दुम्नीम। मिनु गो गे इन दातेमी बाक्नुड। मिनु गेपुकीमी मुर नेल्ल आन परमपरभु यावेमी आं कली इन कली लोत्र पथ सोइशो बाक्व, दे तुइक्नीनी" दे परमपरभु यावेमी दंत। यसेया ११:१० १२परमपरभु यावेमी यहूदा रागी कली आ क सेल्व। मिनु यरूसलेम कली लेंशा योत्रब। जकरिया १:१७ १३रागी डा मुर नेल्ल परमपरभु यावे आ डांइती सिक्सी पा बाक्कीन। मारदे हना मेको आ बाक्तीक र पा गरुशा जाक्शो बाक्व। हबकुक २:२०

#### नेल्ल क्येडा ठेयव चदेब यहोसु

१मिनु परमपरभु यावे आ स्वर्ग डा गेय ३ पाइवमी नेल्ल क्येडा ठेयव चदेब यहोसु कांइताक्यी। मेको परमपरभु यावे आ स्वर्ग डा गेय पाइव आ डांइती राष्शो बाक्त। मिनु सैतान मेको कली दोस गेचा कली आ ग्युरा गे राष्शो बाक्त। हाग्गे १:१; अय्युब १:१; परकाश १२:१० २मिनु परमपरभु यावेमी सैतान कली "सैतान, परमपरभु यावेमी इ कली हुइक्व। यरूसलेम कली योत्रब परमपरभु यावेमी इ कली

हुइक्व। मार, एको मुर मी रे पा गरुंडशो बुल्सी सोदंशो ममाइ डा ?” दंत। यहूदा :९ ३यहोसु गरांगरा दिशो लुम्सीशो वा फेक्शा, स्वर्ग डा गेय पाइब आ डांडती राष्ठा बाक्त। ४मिनु मको स्वर्ग डा गेय पाइबमी आ डांडती बाक्व आन कली “मको आ गरांगरा दिशो लुम्सीशो वा फेक्शा” दंत। मिनु मकोमी यहोसु कली “गो इ मरिम्शो पशो नल्ल क्याम्ताकड। गो इ कली रिम्शो वा फेक्शन” दंत। यसेया ६ :७ ; यसेया ६१ :३ ५ मिनु गो “मको आ पियामी रिम्शो गुप्तीक का गुप्तीन” दंती। मिनु मकोपुकीमी मको कली रिम्शो गुप्तीक गुप्शा, रिम्शो वा फेक्ताकम। मिनु परमपरभु यावे आ स्वर्ग डा गेय पाइब आ नेक्था राष्ठा बाक्त। परस्थान २८ :३९

६मिनु नोले परमपरभु यावे आ स्वर्ग डा गेय पाइबमी यहोसु कली ७ “मुर नेल्ल आन परमपरभु यावेमी मार दंत दंशा हना गे आं लांमी गाक्त नु इ कली दंशो लोत्र टिप्तीवी हना, गे आं सिं नु आं लाडगा नेल्ल कोत्रब दुम्नेव। मिनु एकर राष्ठा बाक्व आन दातेमी आं डांडती जाक्ने चाप्नेव। ८ यहोसु, नेल्ल क्येडा ठेयब चढेव नु इ नेक्था बाक्व इ सोदंशो गेय पाइबपुकी नोफा दाइशशा नेनीन। गो नोले आं गेय पाइब, राशी माइशशा चाक्नुड, मकोपुकी मको आ पर्वम चिन्ड बाक्नीम। यसेया ८ :१८ ; जकरिया ६ :१२ ; यरमीया २३ :५ ; यरमीया ३३ :१५ १ मारद हना गो यहोसु आ डांडती फुल्लु का वोइक्ता। मको आ तारी ७ ओटा मिक्व बाक्नीम। मिनु गो फुल्लु तारी मको आ बरक्स मुशा बरक्नुड। मिनु गो काबुमीन मको रागी डा मुर आन दोस नेल्ल क्याम्नुड। परस्थान ३९ :६-७ ; जकरिया ४ :१० ; परकाश ५ :६ १० मको नाक्ती गे नेल्लेमी आंम आंमा बरम्मुशा अडगुर नु फोत्रशी आ पुंमी ग्येरशा गरुम्नीनी” दे मुर नेल्ल आन परमपरभु यावेमी दंत” दंत। १ राजा ५ :५ ; मीका ४ :४

### सुन के बत्ती दातीक

१ मिनु गो नु लोत्र पाइब, स्वर्ग डा गेय पाइब लंशा जाक्त। मकोमी आं कली मुर कली निन्दरा रे पा पोक्शा सोदंशो पा संपाइक्ती। २ मिनु मकोमी आं कली “गे मार तवी ?” दे हिल्लो पती। मिनु गो “सुन के बत्ती दातीक ताता। मको आ तारी बास का बाक्त। मको तारी ७ ओटा बत्ती बाक्तेकम। मको बत्ती नेल्लेमी दातीक सल्लो वोइशशा बाक्तेकम। यरमीया १ :११-१३ ; आमोस

८ :२ ; परस्थान २५ :३१-४० ३ मिनु मको आ नेक्था तेल रवा निकशी, का ग्युरा गे नु का परा गे बाक्ताक्स” दंती। ४ मिनु गो नु लोत्र पाइब, परमपरभु यावे आ स्वर्ग डा गेय पाइब कली “आं परभु, मको मार नसी ?” दे हिल्लो पाता। ५ मिनु मको गो नु लोत्र पाइब, परमपरभु यावे आ स्वर्ग डा गेय पाइबमी “मको मार नसी, गे मतुइक्नेव ?” दंत। मिनु गो “आं परभु, मतुइक्नुड” दंती। ६ मिनु मकोमी आं कली “एको परमपरभु यावेमी जेरुब-बाबल कली पशो लोत्र बाक्व। बोलम ममाइ, सक्तिमी यो ममाइ, तन्न आं सोक्तीमी पाइनुड” दे मुर नेल्ल आन परमपरभु यावेमी दंत। ७ ठेयब डाडा गे मार नवे डा ? जेरुब-बाबल आ डांडती गे दिम दुम्चा माल्लेव। मकोमी परमपरभु यावे आ सिं डा नोले डा फुल्लु वोदानु, मुर नेल्लेमी ठेयब संदा पा रिम्शो दुम्त, रिम्शो दुम्त” दे ठेयब संदा पा दंतीम” दंत। मज्जन संगरह १२२ :६

८ मिनु परमपरभु यावेमी आं कली लोत्र पाप्तु। मार लोत्र पाप्तु दंशा हना ९ “जेरुब-बाबलमी एको परमपरभु यावे आ सिं डा जग फुल्लु वोइशशा बाक्व। मिनु मकोमीन मको सिं सल्ले थुम्ब। मिनु मुर नेल्ल आन परमपरभु यावेमी आं कली इन कली लोत्र पथ सोइशशा बाक्व, दे तुइक्नीनी” दंती। एजरा ३ :८ ; एजरा ६ :१४-१६ ; जकरिया २ :१३,१५ १० मिनु “सु आइक्व गेय गोशो नाक्ती आइक्व सल्ले ? नोले मकोपुकीमी जेरुब-बाबल आ गुइमी गारो थाप्तीक श्यल्ल तशा, ग्येरसीनीम। हाग्गे २ :३ ; जकरिया ४ :७ मको फुल्लु डा ७ ओटा मिक्व परमपरभु यावे आ मिक्व बाक्नीम। मको मिक्वीमी रागी नेल्ल कोत्रशो बाक्नीम” दे परमपरभु आ लोत्र बाक्व।

### तेल रवा निकशी

११ मिनु नोले गो मको कली “एको बत्ती दातीक आ ग्युरा नु परा गे बाक्शा तेल रवा निकशी मार मं ?” दे हिल्लो पाता। १२ मिनु लंशा मको कली “मको सुन के तेल लुक्तीके निकशीमी तेल लुक्ना लुक्न पशो, एको तेल रवा निकशी आस राशी मार मं ?” दे हिल्लो पाता। १३ मिनु मकोमी “एको मार बाक्वा, दे मतुइक्नेव ?” दे हिल्लो पती। मिनु गो “आं परभु, मतुइक्नुड” दंती। १४ मिनु मकोमी “मको रागी नेल्ल डा परमपरभु यावे आ डांडती राष्ठा कली तेल लुक्चा पुंडसीशो बाक्नीसी” दंत। जकरिया ६ :५ ; परकाश ११ :४

## तोल्शा पराक्शो बरक्स

१ मिनु गो इर गे कोव्रडुनु, पराक्सीशो बरक्स का बरशा ताता। २ मिनु मकोमी आं कली “गे मार तवी ?” दे हिल्लो पती। मिनु गो “२० कुबीत लाइशो नु १० कुबीत बरम्शो तोल्शो पराक्सीशो बरक्स बरशा ताता” देती। कुबीत का ०.५ मिटर बाक्ब। ३ मिनु नोले मकोमी आं कली “एको रागी नेल्ल कली जाक्चशा सराप बाक्ब। मको तोल्शा पराक्शो बरक्स निम्फा गे बरक्सीशो बाक्ब। का गे सुइ आन पर्वम बरक्सीशो बाक्ब। मारदे हना मको मुल सम्म सजाइ मतशो बाक्तेक्म। अर्का गे जोल पा कसम जाइब आन पर्वम बरक्सीशो बाक्ब। मारदे हना मको यो मुल सम्म सजाइ मतशो बाक्तेक्म” देत। ४ मिनु मुर नेल्ल आन परमपरभु यावेमी “गो मको बरक्स सोइक्ताक्ड। मिनु मको सुइ नु आं नमी जोल पा सांकछी बाक्ब आन सिंमी ओत्रब। मंकर बाक्शा, सिं खतम सेल्शा, शी फुल्लु का यो मलीपाइक्ब” देत।

## डालोम निश्शो मीश मुर

५ मिनु गो नु लोत्र पाइब, स्वर्ग डा गेय पाइबमी आं नेक्था जाक्शा “हरी इर कोव्रडा। मार गरूम ?” देत। ६ मिनु गो “मिरी मार में ?” दे हिल्लो पाता। मिनु मकोमी “मंकर डालो का गरूम” देत। मिनु मकोमी “एको रागी नेल्ल डा मुर आन दोस बाक्ब” देत। ७ नोले हेल्शो सिसा के सुम्तीक रोक्साक्ब। मिनु मको डालोम मीश मुर का निश्शा बाक्शो ताता। ८ मिनु मकोमी “परमपरभु यावे आ अरेशो मटितीक एकोन बाक्ब” देत। मिनु मकोमी मको मीश मुर कली डालो आगा नप्शा, हेल्शो सिसा के सुम्तीकमी सुम्तु। ९ मिनु इर कोव्रडुनु, मीश मुर निक्शो पिशा तातासी। मको आस फरांमी फश बाक्त। मको आस फरां सारस के खोदंशो बाक्त। मको निक्शीमी मको डालो कली सरीड नु रागी आस दातेमी क्युक्शा लाइक्ताक्स। १० मिनु गो नु लोत्र पाइब, स्वर्ग डा गेय पाइब कली “मको निक्शीमी मको डालो ते लत्से ?” दे हिल्लो पाता। उत्पती ११:२ ११ मिनु मकोमी “बबीलोन डा शिनार माइक्तीकमी मको कली सिं का सेल्वा चिक्शो बाक्ब। मिनु सेल्वा थुम्मे नोले मको डालो कली मंकर आ बाक्तीकम वोइक्नीम” दे माइक्ती।

## ४ ओटा बग्गी

१ मिनु गो लंशा इर गे कोव्रडुनु आं डोंइती ६ डांडा आस दाते रे ४ ओटा बग्गी यिशा तातामी। मको डांडा कांसा के बाक्ताक्स। परकाश ६:१-८; जकरिया १:८ २ डांइती डा बग्गी लल शारापुकीमी कीशो बाक्तेक्म। मको आ नोले डा बग्गी क्येर शारापुकीमी कीशो बाक्तेक्म। ३ मको आ नोले डा बग्गी बुश शारापुकीमी कीशो बाक्तेक्म। मिनु नेल्ल क्येडा नोले डा बग्गी पाङ्गर शारापुकीमी कीशो बाक्तेक्म। परकाश ६:१-८; जकरिया १:८ ४ मिनु गो नु लोत्र पाइब, स्वर्ग डा गेय पाइब कली “आं परभु, एको मार नमी ?” दे हिल्लो पाता।

५ मिनु मको परमपरभु यावे आ स्वर्ग डा गेय पाइबमी आं कली “एको स्वर्ग डा ४ ओटा फश नम। एको गरूशा लचा कली रागी नेल्ल डा परमपरभु यावे आ डांइती जाक्तेक्म। जकरिया ४:१४ ६ क्येर शारा पाइशो बग्गी उत्तर रागी गे लाइब। बुश शारा पाइशो बग्गी पच्छिम रागी गे लाइब। पाङ्गर शारा पाइशो बग्गी दक्खिन रागी गे लाइब” देत। ७ मको शारा गरूशा रागी कोव्रथ लचा कली चुइशो बाक्तेक्म। मिनु मकोमी “रागी नेल्ल कोव्रथ लने” दे अरप्टु। मिनु मकोपुकी रागी कोव्रथ लाम्तेक्म। जकरिया १:१० ८ मिनु नोले मकोमी ठेयब संदा पा आं कली “कोव्रडा, मको उत्तर रागी गे लाइबमी आं सोक्त नाइवपाइक्तेक्म” देत।

## यहोसु आ सिरपेच

१ मिनु परमपरभु यावेमी आं कली लोत्र पाप्टु। १० मार लोत्र पाप्टु देशा हना “ग्याइशो लाइक्का पुंडसीशो बबीलोन रे जाक्शो हेल्वाइ तोबीयाह नु यदायाह रे सुन चांदी पोक्को। मिनु मको नाक्ती सेफन्याह आ तौ योसीयाह आ सिं लावो। ११ मको सुन नु चांदी रे पा सिरपेच का सेलो। मिनु मको सिरपेच लाइशो, यहो-सादाक आ तौ नेल्ल क्येडा ठेयब चढेब यहोसु आ पियामी गुप्टो। जकरिया ३:८ १२ मिनु मको कली मुर नेल्ल आन परमपरभु यावेमी मार देत देशा हना मंकर मुर का बाक्ब। मको आ नं राशी बाक्ब। मको राशी आ बाक्तीकमी बारशा, परमपरभु यावे आ सिं सेल्वा माल्ब। १३ मकोमीन परमपरभु यावे आ सिं सेल्वा माल्ब। मको पिप आ मान तशा, शुश ग्योम्सीशो बाक्ब। मको आ ठेयब निक्तीकमी निश्शा

सासन पाइब। मेको आ नितीकेमी आ ग्युरा गे चढेब का बाक्ब। मेको निक्शी दुशा गारशा गेय पाइनीसी। भजन संगरह ११०:४ १४ मिनु मेको सिरपच हल्दाइ, तोबीयाह, यदायाह नु सफन्याह आ तो योसीयाह मिम्शा, परमपरभु यावे आ खिमी वोइक्चा माल्नीम। ११ शुश डोन बाक्ब मुरपुकी या परमपरभु यावे आ खिं सत्त्वा कली वारच पथ जाकनीम। मिनु गपुकीमी मुर नेल्ल आन परमपरभु यावेमी आं कली इन कली लोत्र आन परमपरभु यावेमी आं कली इन कली लोत्र पथ सोइश्शो बाक्ब, दे तुइक्नीनी। गे इन थुं नल्लेमी परमपरभु यावे, इन परमपरभु आ देशो टीतीनी हना, मादेशो दुम्ब” देत। यसैया ६०:१०

माइजा बाक्चा आ पर्वम लोत्र

१पिप दारामी सासन पशो ४ बर्स, किस्लेव ७ माइश्शो ९ महिना ४ नाक्त परमपरभु यावेमी जकरिया कली लोत्र पाप्तु। २मार लोत्र पाप्तु देशा हना “बथेल डा मुरपुकीमी शरसर, रगेम-मेलेक नु मेकर डा मुर आन कली परमपरभु यावे आ शिशो पुंडचा कली सोइश्शो बाक्तेक्म। ३मिनु मुर नेल्ल आन परमपरभु यावे आ खिमी चढेब नु परमपरभु यावे आ लोत्र पाइब आन कली गपुकी मुल सम्म शुश बर्स डोंइती रे पशो सोदेशो पा ५ महिनामी रोंका पा माइजा बाक्चा माल्नीकी डा ? दे हिल्लो पचा कली सोइश्शो बाक्तेक्म” देत। जकरिया ८:१९; २राजा २५:८-९; येरमीया ५२:१२-१३

४मिनु मुर नेल्ल आन परमपरभु यावेमी मार देत देशा हना ५ “रागी डा मुर नेल्ल नु चढेब आन कली गपुकीमी मेको ७० बर्स डा ५ नु ७ महिनामी रोंका पा माइजा बाक्तीनी। मार गे मेको आं पर्वम पनी डा ? यसैया ५८:५ ६मिनु गे जशा, व्जशा तूतीनी हना, गे आंम इन पर्वम मपाइनीनी डा ? देनो” देत।

इसराएली आन कली निसाफ

७परमपरभुमी “यरूसलेममी शुश मुर बाक्शा, एर आंथ डा सहर नेल्ल रिम्शो नु सोशो बोशो बाक्मेनु, नेगेब नु पच्छिम डा शफलाह नेल्ल रिम्शो पा बाक्मानु, डोंइती डा आं लोत्र पाइबपुकीमी मुर आन कली देशो परमपरभु यावे आ पशो लोत्र एकोन ममाइ डा ?” देत।

८मिनु परमपरभु यावेमी लेंशा जकरिया कली लोत्र पाप्तु। ९मिनु मुर नेल्ल आन परमपरभु यावेमी मार लोत्र पाप्तु देशा हना “ठीक पा

निसाफ पने, दाक्मुने नु शिशो पमुने, मीका ६:८ १०वांइश बेक्शो मीश मुर, रोम रोइक्च, अर्को रागी डा मुर नु परुडग आन कली मदिपीन। मरिम्शो पमुचा ममिम्तीन। परस्थान २२:२०-२१ ११तन्न मेकोपुकीमी एको लोत्र मननेम। काइ मटीब दुम्शा, आन नोफा सुम्तक्म। १२मेकोपुकीमी परमपरभु यावे आ अरेशा नु आ लोत्र मनंचा डा पा आन थुं खकटा सल्लेक्म। डोंइती मुर नेल्ल आन परमपरभु यावेमी आ सोक्त रे पा आ अरेशो लोत्र नु मुर आन कली पतीक लोत्र पथ आ लोत्र पाइब आन कली सोइश्शो बाक्त। मोपतीक मुर नेल्ल आन परमपरभु यावे शुश गाइश्शो बाक्ब। यसैया ४८:४ १३दोपा मेकोपुकीमी आं लोत्र मननेम, मोपा गो यो मेको आन पुंडशो लोत्र मनंचुड। १४मिनु गो मेको आन कली फश गिवारमी सोदेशो पा आन मतुइश्शो रागी रागीम फरातामी। मोपतीक आन परांइशो रागी मुर मबाक्शा दुम्त। मेकर सुइ मलम। मोदेशो पा रिम्शो रागी खतम दुम्त” दे मुर नेल्ल आन परमपरभु यावेमी देत।

परमपरभुमी आ मुर सुष्शो

१मिनु मुर नेल्ल आन परमपरभु यावेमी ८ आं कली लोत्र पाप्तु। २मेकोमी मार लोत्र पाप्तु देशा हना “गो सियान आ पर्वम शुश रुश पाइनुड। गो मेको आ पर्वम थाम्पा रुश पा गाइश्शो बाक्नुड” दे परमपरभु यावेमी देत। जकरिया १:१४ ३परमपरभु यावेमी “गो सियानमी जाक्शा, यरूसलेम आ दातेमी बाक्नुड। मिनु यरूसलेम थमा सुइक्चा पुंडसीब सहर दुम्ब। मिनु मुर नेल्ल आन परमपरभु यावे आ डोंडा आंम आ बाक्तीक डोंडा दुम्ब” देत। जकरिया १:१६; यसैया १:२१,२६; भजन संगरह २:६ ४मिनु मुर नेल्ल आन परमपरभु यावेमी “सूशो सूशोम यरूसलेम डा लांम निल्लीम। शुश बर्स दुम्तीके कोक्के तिक्शा बाक्नीम। यसैया ६५:२० ५सहर डा लांमी ग्यारब मीश आल नु वॉइश आलम बरीशो बाक्नीम” देत। ६मुर नेल्ल आन परमपरभु यावेमी “मेको लीशो मुरपुकीमी मेको थमा सुइक्च मचाप्तेक्म हना या, गो मोदेशो पने मचाप्नुडा डा ?” देत। लुका १:३७ ७मुर नेल्ल आन परमपरभु यावेमी मार देत देशा हना “गो आं मुर आन कली पूर्व डा रागी नु पच्छिम डा रागी रे पा परांइनुडमी। ८मिनु गो मेको आन कली यरूसलेममी बाक्पाइक्चा कली चाक्नुडमी। मेकोपुकी आं मुर दुम्नीम। मिनु गो

मेको आन परमपरभु दुम्नुड। गो मेको आन कली दाक्चा मपरांइथु, ठीक पाइनुड” दंत। येरमीया २४:१७

१ मुर नेल्ल आन परमपरभु यावेमी मार दंत देशा हना “गोपुकी शुश गेय पने। डांइती गे आं लोत्र पाइवपुकीम लोत्र पशा नंतीनी। मेकोपुकी मुर नेल्ल आन परमपरभु यावे आं खिं लेशा सल्वी ना डा जग वोइक्ची ना बाक्तेकम। यसेया ३५:३ १०मेको क्येडा डांइती मुर आन कली गाल्व मगेमे। बी ब्यफ, क्यारश भेडा आन कली क्यट यो मगेमे। मेको आन जोरी सतरुमी पतीक आन गेय पथ लने मचाप्शो बाक्तेकम। मारदे हना गो मुर आन कली साइक्मुपाइक्तामी। ११तन्न मुल रे एको लीशो आन कली डांइती डा खोदेशो मपाइक्नुडमी” दे मुर नेल्ल आन परमपरभु यावेमी दंत। १२मेकोमी “मुल थुं नाइक्तीक दुम्शो बाक्व। अडगुर आ बोटमी रिम्शो फल सिम्ब। रूमी अन्न खरेल्व। सरीड रे सीत यीव। गो मेको नेल्ल लीशो आं मुर आन कली गेनुडमी। १३यहूदा नु इसराएल डा मुरपुकी गे रागी रागी डा मुर आन दातेमी सराप रशो बाक्तीनी। दोपा गेपुकी सराप रनी, मोपा आसीक ताइव दुम्नीनी। महिनीन, बोल्यो दुमीन” दंत। उत्पत्ती १२:२

१४ मिनु मुर नेल्ल आन परमपरभु यावेमी “गो मोपा इन किकी पिपी आन कली आं कली गाइक्पाइक्तीक श्येत गतामी। मिनु गो शिशो मपड। १५ गो मुल यरूसलम नु यहूदा डा मुर आन कली रिम्शा पाइनुड। गपुकी महिनीन। १६ गेपुकीमी मार पचा माल्नीनी देशा हना, गे इन दातेमी थमा लोत्र ला पमुने। इन ठेयब लाप्चोमी जिचा मबोक्चा डा पा थमा नु ठीक निसाफ पने। एफिसी ४:३५ १७ इन दातेमी थुंम मिम्शा, मरिम्शा मपमुने। जोल पा कसम मजने। मारदे हना मेको नेल्ल गो गरांगरा दीनुड” दे परमपरभु यावेमी दंत। जकरिया ७:१० १५ मुर नेल्ल आन परमपरभु यावेमी आं कली लोत्र पाप्तु। १६ मिनु मेकोमी मार दंत देशा हना “४ महिना डा माइजा बाक्तीक, ५, ७ नु १० महिना डा माइजा बाक्तीक, मुल रे यहूदा डा मुर ग्यरशा सोम्शा पतीक नाक्त दुम्चा माल्नीम। मेको ग्यरशा बाक्तीक चाड दुम्चा माल्नीम। मोपतीक गे थमा लोत्र पचा नु थुं नाइक्चा दाक्तीन” दे मुर नेल्ल आन परमपरभु यावेमी दंत। जकरिया ७:३,५

परमपरभुम श्येत रे प्रांइव

२० मुर नेल्ल आन परमपरभु यावेमी “शुश सहर डा मुर तेम्शा जाक्नीम। २१ सहर का डा मुरपुकीम अर्का सहर डा मुर आन कली “परमपरभु यावे आ शिशो पुंइथ नु मुर नेल्ल आन परमपरभु यावे कली माल्थ लने। गो आंमा यो लाइक्नीकी” देनीम। २२ शुश मुर नु बोल्यो रागी डा मुरपुकी मुर नेल्ल आन परमपरभु यावे कली माल्थ, यरूसलम सहरम जाक्नीम। मेकोपुकीमी परमपरभु यावे आ शिशो पुंइनीम” दंत। २३ मुर नेल्ल आन परमपरभु यावेमी मार दंत देशा हना “मेको नाक्ती रागी रागी डा आन आन लोत्र ब्याक्व १० जना मुरपुकीमी यहूदा का आ वा ग्याइश्शा गो गे नु लाइक्नीकी। मारदे हना परमपरभु यावे गेपुकी नु बाक्व देशो नेशो बाक्नीकी देनीम” दे परमपरभुमी दंत।

परमपरभु आ लोत्र

१ परमपरभु यावेम हदराक रागी नु दमस्कस सहर आस पर्वम लोत्र का पशो बाक्त। मारदे हना इसराएल डा थर नेल्ल नु अर्का रागी डा मुर यो परमपरभु यावे केन बाक्नीम। यसेया १७:- २ शुश जोक्व तुइक्व बाक्तेकम हना यो, हमाथ, टायर नु सीदोन सहर आन पर्वम परमपरभु यावेमी लोत्र पशो बाक्व। यसेया २३:-; येरमीया ४७:४; इजीकीएल २६:-; इजीकीएल २८:- ३ टायरमी आंम पर्वम बोल्यो दरवार का सेल्लो बाक्व। मेकोमी फुरक खोदेशो पा चांदी नु लो मर डा हिलो खोदेशो पा सुन तेल्लो बाक्व। ४ तन्न परमपरभुमी मेको आ बाक्शो मारइ मारइ रोइक्व। मेको आ शोप नेल्ल समुन्दरमी ताइश्शा गेव। मिनु मेको मीम गराइश्शा, खतम दुम्नीम। ५ मिनु अश्कलोन मेको तशा हिंब। गाजा हिंशा खिरखिर पाइव, एकरोन शुश सुर्ता पा आ आस पशो जाम्शा लाइव। गाजा डा पिप जाम्शा लाइव। अश्कलोनमी मुर मबाक्तीक दुम्ब। येरमीया ४७:- ६ अश्दाद सहरमी खाल्सीशो मुरपुकी बाक्नीम। मिनु गो पलिस्ती आन ठेयब लेतीक खतम पा गेनुड। ब्यवस्था २३:३ ७ गो मेको आन शोत्र रे पा हुश नु मेको आन खरूड रे गरांगरा दिचा डा थोत्रक गरुंडनुड। लीशो मुरपुकी आंइ परमपरभु आ मुर दुम्नीम। मेकोपुकी यहूदा आ थर डा मुर खोदेशो दुम्नीम। एकरोन डा मुर चहिं यवुसी खोदेशो दुम्नीम। उत्पत्ती १:४; यहोसु १५:६३;

२सामुएल २४ :१८ ६मिनु नोले गो आं सिं कली आंमा खाल पाइब खोदंशो बाक्नुड। मोपा सुइ मुर एर ओंथ गाकने मचाप्नीम। सुइमी आं मुर आन कली लडाइ मतोइनीम। मारदे हना मुल गो आंमान मेको आन कली कोव्रनुड। जकरिया २ :९

### सियोन डा पिप जाक्शो

१सियोन आ तमी, साप्पा ग्येरसो। यरूसलेम आ तमी ग्येरशा ठेयब संदा पा गरीडो। मारदे हना इ पिप इ बाक्तीकमी जाक्ना जाक्न बाक्ब। मेको गराशा ग्येरसीशा जाक्ब। मेको बरंशो बाक्ब। मेको गधा तार डोइश्शा जाक्ब। गधा आ चाइक्ब तार डोइश्शा जाक्ब। सफन्याह ३ :१४ ; मत्ती २१ :५ १०गो एफराइम रे पा बगीपुकी नु यरूसलेम रे पा लडाइ पाइब शारा लाइक्नुड। लडाइ पाइब आन लिबरा जिक्ब। मेकोमी रागी रागी डा मुर आन कली थुं नाइश्शा बाक्चा गेब। मेकोमी समुन्दर का रे अर्का समुन्दर सम्म नु युफरेटीस खोला रे रागी डा मुर सम्म सासन पाइब। मीका ५ :९

११गे नु पशो आं हुश आ कबलम पतीक इ चोक्चा पुंडसीशो मुर आन कली ब्याक्कु मबाक्शो खाल्टा रे गरुंइनुडमी। परस्थान २४ :८ ; उत्पत्ती ३७ :२४ १२आस पा बाक्शो चोक्चा पुंडसीशो मुरपुकी इन बोल्यो बरांइशा बाक्तीक लेश्शा लने। गो इन कली इन साम्शो क्यडा निक्शो खयप खोइ शुश गेनुड। जकरिया १० :९ ; यसेया ६१ :७ १३गो यहूदा कली आं लिबरा सुक्शो खोदंशो पा सुक्नुड। गो एफराइम कली मेको आ ब्रा खोदंशो सेल्लुड। सियोन, इ ती आन कली गो गरीस रागी आ ती आन पर्वम क्युक्नुड। मिनु गो इ कली बोल्यो लडाइ पाइब आ तरवार खोदंशो सेल्लुड। १४मिनु नोले परमपरभु यावे इन क्यडा इर गरुब। मेको आ ब्रा चिला आप्शो खोदंशो पा बेरनीम। परमपरभु, परमपरभु यावेमी तुराही ताप्ब। मिनु दक्खिन डा फश गिवारम गाक्शा लाइब। १५मुर नेल्ल आन परमपरभु यावेमी मेको आन कली राइश्शा परांइब। मेकोमी आन जोरी सतरु आन कली खतम पोक्ब। मेकोपुकीमी आन हुश अडगुर शांबु खोदंशो पा तनीम। मेकोपुकी चढेतीक डा हुश कुर पतीक बोस खोदंशो पा बरीशो बाक्नीम। चढेतीक आ एर ओंथ कुना कुना मेर फरशो हुश खोदंशो बाक्नीम।

१६मेको नाक्ती परमपरभु यावे, आन परमपरभुमी मेको आन कली श्यत रे परांइब।

मारदे हना मेकोपुकी आ बगाल खोदंशो बाक्नीम। मेको सिरपेच डा हीरा खोदंशो पा बराइनीम। मेकोपुकी परमपरभु यावे, आन परमपरभु आ रागीम हीरा खोदंशो पा बराइनीम। १७मेको आ दाक्तीक नु आ शिशो पतीक थम ठेयब बाक्ब। वॉइश आल गरल्ल्शो अन्न खोदंशो पा शुश दुम्नीम। मीश आल नक अडगुर शांबु खोदंशो पा दारशो दुम्नीम।

### परमपरभु यावे कली पुनीन

१परमपरभु यावे कली नोले डा रेड पुनीन। १० परमपरभु यावे गोस्स नु फश सेल्ल बाक्ब। मिनु इन कली नु रू नेल्ल आन कली रेड यिपाइक्ब। २सिं डा देवी देवतामी फश लोत्र पाइनीम। लिंक्यु कोत्रबपुकीमी जोल तशा, डोमु डोशा, हंथ लोत्र पाइनीम। मिनु मुर आन कली फश लोत्र पा लेम्नीम। मोपतीक मुरपुकी गोठला मबाक्शो भेडा खोदंशो पा श्यत जशा परोक्नीम। मत्ती ९ :३७

### परमपरभुम आ मुर बोल्यो सेल्ल

३मिनु परमपरभु यावेमी “गो गोठला आन कली तशा शुश गाइश्शा बाक्नुड। मारदे हना मुर नेल्ल आन परमपरभु यावेमी आ बगाल, यहूदा आ मुर आन कली कोत्रब। मेकोमी आ मुर आन कली लडाइ पा गेनायो मरुब शारा खोदंशो सेल्ल। जकरिया ११ :५ ४मिनु यहूदा रे मुर डा फुल्लु, ताम्बु कीतीक किला, लडाइ पाइब आन लिबरा नु कप्तान नेल्ल गरुनीम। यरमीया ३० :२१ ५मिनु मेको नेल्ल लडाइम बाक्शो लडाइ पाइब खोदंशो बाक्नीम। मेकोपुकीम आन जोरी सतरु लो डा हिलोम खोल्शा दिम्नीम। परमपरभु यावे मेकोपुकी नु बाक्तीक मेकोपुकीमी लडाइ पाइनीम। शारा डोइक्ब आन कली मुने तोक्नीम।

६गो यहूदा आ सिं डा मुर आन कली बोल्यो सेल्लुड। योसफ आ सिं डा मुर आन कली श्यत रे परांइनुड। मेको आन कली डोंइती डा खोदंशो सेल्लुड। मारदे हना गो मेको आन कली शिशो पाइनुड। मेकोपुकी गेनायो मतिल्शो खोदंशो दुम्नीम। मारदे हना गो परमपरभु यावे, मेको आन परमपरभु नड। गो मेको आन कली लोत्र लेल्लुडमी। ७मिनु एफराइम आ सिं डा मुर लडाइ पाइब खोदंशो पा बोल्यो दुम्नीम। अडगुर शांबु तशो खोदंशो पा ग्येरसीनीम। आन आलपुकीम मेको तशा शुश ग्येरसीनीम।

मकोपुकीमी 'गो परमपरभु यावे आ मुर नय' दे शुश ग्यरसीनीम।

८ गो आं मुर आन कली बरेशशा, सुप्नुड। मारदे हना गो मको आन कली श्यत र परांइता। मिनु मकोपुकी डॉइती डा खोदंशो पा सोशा बाशा, शुश दुम्नीम। ९ गो मको आन कली रागी रागीम फराता हना यो, मकोपुकीमी डॉन रागीम बाक्शा, आं कली मिम्नीम। मिनु मको आन आत कोल्पाइश्शा आन रागीम लेत्नीम। यसेया ६६ :१९ ; यरमीया ५१ :५० १० गो मको आन कली इजीप्ट रागी र आन आंम रागीम लेप्पाइक्नुड। गो मको आन कली अस्सुर र गर्इंशा, गित्ताद नु लेबानोनम चाक्नुड। नोल मकर शुश मुर दुम्तीक बाक्तीक मबाक्ब। ११ मकोपुकी समुन्दर डा ठेयब ब्वाक्कु खोदंशो श्यत जाइनीम। तन्न गो समुन्दर डा छाल थुम्पाइक्नुड। मिनु नील खोला सोत्रपाइक्नुड। अस्सुर आ ठेयब लेशशा जाम्ब। मिनु इजीप्ट डा राज्य थुम्सीब। १२ गो मको आन कली परमपरभु यावे कली थमा सुइक्तीकम बोल्यो सल्लुड। मिनु मकोपुकी मको आं नंम गाक्नीम” दे परमपरभु यावेमी दंत।

इसराएली आन मरिश्शो गोठला

११ लेबानोन, मीम इ लाइश्शो रवा आन कली नक्पाइक्चा कली इ लाप्नोपुकी रोक्को। २ तोत्रशी रवा रोंका पन। मारदे हना लेबानोन डा लाइश्शो रवा गोल्तक्म। मको दारशो रवा खतम दुम्तक्म। बाशान डा बोल्यो शी क रवा रोंका पन। मारदे हना ठेयब ब्वाकी नल्ल क्योत्रशो बाक्ब। ३ गोठला आन रोंका पशो नेनीन। मको आन रिश्शो योत्रतीक खतम दुम्शो बाक्ब। गुप्स आन गरीशो नेनीन। यदन डा ब्वाकी नल्ल खतम दुम्शो बाक्ब।

रिश्शो नु मरिश्शो गोठला

४ परमपरभु यावे, आं परमपरभुमी “क्योरचा पुंडसीब भंडा आन कली योत्रडो। ५ मको ग्याप्नपुकीमी भंडा क्योरशा सजाइ मतथु ब्रांडशा लाइनीम। मिनु मको आन कली लेयबपुकीमी ‘परमपरभु ठेयब बाक्ब। मारदे हना गो शांप पाइश्शो दुम्तक’ देनीम। मिनु मको भंडा आन गोठलामी मको आन कली शिशी मपाइनीम। यरमीया २३ :-; इजीकीएल १३ :-; इजीकीएल ३४ :- ६ मुल र गो रागी डा मुर आन कली शिशी मपाइनुड” दे परमपरभु यावेमी दंत। मिनु परमपरभुमी “गो नल्ल आन कली

आन नेक्था डा मुर आन गुइमी नु आन पिप आन गुइमी गेनुड। मिनु मकोपुकीमी रागी कली खतम सल्लीम। मको आन गुइ र सुइ आन कली मप्रांइनुडमी।

७ मापतीक क्योरचा चिक्शो भंडा लेयब आन पा डा गो गोठला दुम्ती। गो कोक्क निक्शी ग्याइक्ताक्ड। मिनु गो का कली शिशी पतीक नु अर्का कली थुं का दुम्तीक नें वोइक्ता। मिनु गो भंडा आन कली योत्रतामी। ८ गो महिना कामी गोठला सां आन कली खरतामी। गो मको आन गेय तशा बरीशा, फाल्ले मचाप्शो बाक्ती। ९ मिनु गो मको आन कली ‘गो इन गोठला दुम्ने मचानुड। बेक्शा लाइबपुकी बेक्मल। खतम दुम्शा लाइबपुकी खतम दुम्मल। लीशोपुकीम आन श्ये ब्वमुमल” देती। यरमीया १५ :२ १० मिनु गो आं शिशी नें पाइश्शो कोक्के जिक्ता। मिनु गो मुर नु पशो कबल क्याम्ताक्ड। जात जात नेल्ल डा मुरपुकी नु फरेशो कबल क्याम्ताक्ड, दे मको कोक्के जिक्ता। ११ मको कबल मको नाक्ती क्याम्ताक्ड। भंडा लेयबपुकीमी आं कली कोत्रना कोत्रन बाक्तेक्म। मकोपुकीमी एको परमपरभु यावे आ लोत्र बाक्माक्त, दे तुइक्ताक्म। जकरिया ११ :७ १२ मिनु गो मको आन कली “गो ठीक लाक्तीनी हना, आं गाल्व गयीनी। ममाइ हना वांइसीन” देती। मिनु मकोपुकीमी आं कली ३० चांदी क शकल गम्तक्म। शकल का ११.५ ग्राम चांदी क क्यट बाक्ब। मती २६ :१५ १३ मिनु परमपरभु यावेमी आं कली “मको क्यट लाइश्शा, खप क ग्यांब सल्ल आ डॉइती ब्वारदो। मको मिश डा क्यट आं पर्वम कुर पाम्तक्म” देत। मिनु गो मको ३० चांदी क शकल लाइश्शा, परमपरभु यावे आ शांप वोइक्तीकमी यपाइक्ब आ डॉइती ब्वारताक्ड। मती २७ :५-१० १४ मिनु नोल गो थुं का दुम्तीक नें वोइश्शो कोक्के जिक्ता। मो पा गो यहूदा नु इसराएल आस कली खिं का डा दुम्तीक र फराताक्ड। इजीकीएल ३७ :२२

१५ मिनु परमपरभु यावेमी आं कली “गो लेशा शोर गाक्शो गोठला खोदंशो दुमो। १६ मारदे हना मुल गो मको रागीमी गोठला का सल्लुड। मकोमी बेक्शा लाइब आन कली मकोत्रब। बरशा गाक्शो आन कली मसुत्रब। रोइ पशो आन कली मसापाइक्ब नु रिश्शो भंडा आन कली मयोत्रब। तन्न मकोमी दोम्शो भंडा आन श्ये ब्वशा, आन गंगरं यो चेशशा ब्वाइब। १७ आबी आबी, शोर गाक्शो गोठला। मकोमी बगाल परांइब।

तरवारमी आ ग्युरा गुइ नु आ ग्युरा मिक्च कली आबल। मिनु मेको आ ग्युरा गुइ नेल्ल सोव्रल। आ ग्युरा मिक्च बुक्शा मताइब दुम्ल” दंत।

इस्राएल आ पर्वम लोव्र पशो

१ परमपरभु यावेमी इसराएल आ पर्वम पशो लाव्र एको बाक्ब। सरीङ नु रागी संत्व नु मुर आन कली सोक्त गेब परमपरभु यावेमी मार दंत दंशा हना २ “गो यरूसलेम कली आ एर आंथ रागी डा मुर आन गाइक्तीक सेल्ला चिकशा बाक्नुङ। मुरपुकीमी यरूसलेम पुम्नीम। यहूदा यो श्येत जाइब। यसैया ५१:१७; यरमीया २५:१५-२९ ३ मेको नाक्ती गो रागी डा मुर नेल्ल आन कली यरूसलेम हेल्थो फुल्लु सेल्लुङ। तेको रागी डा मुरुमी क्युकचा लोक्चा माल्नीमी, मेकोपुकी शुश साइक्पाइसीनीम। मिनु रागी रागी डा मुर नेल्ल सुम्सीशा यरूसलेममी लडाइ पथ जाक्नीम। जकरिया १४:३; योएल ४:१२ ४ मेको नाक्ती गो शारा नेल्ल आन कली शुश हिंपाइक्नुङ। मिनु शारा डाइक्ब आन कली निप्स ग्यशा सेल्लुङ। गो यहूदा आ सिं डा मुर आन कली कोव्रनुङ। मिनु आन जोरी सतरु आन शारा मिक्च मताइब सेल्लुङ।

५ मिनु यहूदा आ सिं सिं डा मुरपुकीमी आंम आंम थुमी यरूसलेम डा मुरपुकी बाल्यो बाक्नीम। मारद हना मुर नेल्ल आन परमपरभु यावे, मेको आन परमपरभुमी मेको आन कली सक्त्त पाइश्शो संत्व” दंनीम। ६ मेको नाक्ती गो यहूदा आ सिं सिं डा मुर आन कली शी तारी वोइश्शो बरुइश्शो बोस नु शी आन दातेमी बरशा तोव्रशी सोदंशो सेल्लुङ। मिनु मेकोपुकीमी ग्युरा नु पारा गे बाक्ब नु पुम्ब मुर नेल्ल आन कली साइक्नीम। तन्न यरूसलेम आ बाक्तीक उइ बाक्शा, लंशा मेकर मुर बाक्नीम। ओबदिया १८ :-

७ मिनु परमपरभु यावेमी डाइती यहूदा डा मुर आन कली श्येत रे परांइब। मोपा दाऊद आ सिं डा मान ततीके नु यरूसलेममी बाक्ब मुर आन मान ततीके यहूदा आन क्येडा शुश मदुम्ल” दंत।

८ मेको नाक्ती परमपरभु यावेमी यरूसलेममी बाक्ब मुर आन कली वारच पाइब। मेकर बाक्ब नेल्ल क्येडा मचाप्प दाऊद सोदंशो बाक्नीम। मिनु दाऊद आ सिं डा मुर परमपरभु सोदंशो बाक्नीम। मिनु परमपरभु यावे आ स्वर्ग डा गेय

पाइब मेको आन डाइती गाक्ब। यसैया ३३:२४ ९ मिनु “मेको नाक्ती गो यरूसलेम कली लडाइ तोथ जाक्ब रागी रागी डा मुर आन कली सतम सेल्लुङ” दंत।

साइश्शो आ पर्वम रोंका पशो

परकाश २०:९

१० मिनु परमपरभुमी “गो दाऊद आ सिं डा मुर नु यरूसलेममी बाक्ब मुर आन तारी शिशी पतीक नु पुइतीक लोव्र पतीक सोक्त मोइक्नुङ। मो दुम्मनु, आ साइश्शो आन कली तशा, मेको आन पर्वम आन का ला तो आन पर्वम रोंका पशो सोदंशो पा, रोंका पाइनीम। मेको आन पर्वम, आन डाइती जरमेशो तो आन पर्वम सोदंशो पा डाक्नीम। योएल ३:१; यहून्ना १९:३७; परकाश १:७ ११ मेको नाक्ती मेगोददो डा बेसीमी हूदाद-रिम्मोनमी रोंका पशो सोदंशो पा यरूसलेममी ठेयब रोंका पाइनीम। २ राजा ५:१८ १२ रागी नेल्ल डा मुरपुकी रोंका पचा माल्नीम। सिं सिं डा मुरपुकीमी रोंका पचा माल्नीम। दाऊद आ सिं डा वोइश मुरपुकीमी रोंका पचा माल्नीम। मिनु मेको आन मीश आन दातेमी रोंका पचा माल्नीम। नाथान आ सिं डा वोइश मुरपुकीमी रोंका पचा माल्नीम। मिनु मेको आन मीश आन दातेमी रोंका पचा माल्नीम। १३ लेवी आ सिं डा वोइश मुरपुकीमी रोंका पचा माल्नीम। मिनु मेको आन मीश आन दातेमी रोंका पचा माल्नीम। शिमइ आ सिं डा वोइश मुरपुकीमी रोंका पचा माल्नीम। मिनु मेको आन मीश आन दातेमी रोंका पचा माल्नीम। १४ लीशो सिं डा वोइश मुर नेल्लेमी रोंका पचा माल्नीम। मिनु मेको आन मीश आन दातेमी रोंका पचा माल्नीम” दंत।

मूर्ति नु जोल पाइब

१३ मेको नाक्ती दाऊद आ सिं नु यरूसलेममी बाक्ब मुर आन पाप नु आन मरिम्शो पशो क्याम्चा कली ब्वाक्कु बुक्तीके का बुक्शा गरुब। यसैया १२:३; यसैया ५५:१ २ मुर नेल्ल आन परमपरभु यावेमी मार दंत दंशा हना मेको नाक्ती “गो रागी रे मूर्ति आन नें क्याम्नुङ। मिनु सुइमी मेको आन कली ममिम्नीम। मिनु गो मेको रागी रे जोल पा नोले दुम्ब लोव्र पाइब नु गरंगरा दिशो वोल आन कली गरुइशा खेरनुङ। मीका ५:१२; यरमीया २९:८-९ ३ मिनु लंशा सुइमी जोल पा नोले दुम्तीक लोव्र पाप्टु हना,

मेको कली थीब आ आम आफोमी मेको कली गे बक्चा माल्नेवे। मारदे हना गे परमपरभु यावे आ नमी जोल लोत्र पाप्तीवी' देनीस। मिनु मेकोमी जोल पा नोले दुम्ब लोत्र पवानु, आ आम आफोमी मेको कली साइकनीस। ब्यवस्था १३:६ ४ मेको नाकती नोले दुम्ब लोत्र पाइब नेल्ल आंम तशो नु आंम लोत्र आ पर्वम मुने पाइनीम। मेकोपुकीमी दलओठ आ चों क परोवशा वा मफकनीम। ५ तन्न मेकोपुकीमी 'गो दा नोले दुम्ब लोत्र पाइब मनड। गो रू डा गेय पाइब बाकनुड। मारदे हना गो ठिटा बाकडा रन रू डा गेय पा जशा बरोइती' देनीम। ६ सुइमी मेको कली 'इ रां डा गार मार नमी ? दे हिल्लो पाप्तेकम हना, एको आं वारच आ सिमी दुम्शो गार नम' देब।

### नाकशा लीशो परमपरभु आ मुर

७ मिनु मुर नेल्ल आन परमपरभु यावेमी मार देत देशा हना 'तरवार, आं गोठला आ पर्वम बोक्को। नेल्ल क्येडा आं नेकथा डा मुर आन पर्वम बोक्को। गोठला कली तुपो। मिनु मडापुकी बरमल। मिनु गो आं गुइ आइकच गोठला आन पर्वम क्युकनुड। मती २६:३१ एको रागी डा मुर भाग सांमी भाग निकशी साइकचा पुंडसीनीम। मिनु भाग का बरोइचा ताइनीम। यसैया ६:१३ १ मिनु मेको लीशो भाग आन कली गो मीम कुरपाइनुडमी। चांदी याप्पाइशो खोदंशो पा याप्पाइकनुडमी। मिनु सुन नाकशा खोदंशो पा नाकनुडमी। मिनु मेकोपुकीमी आं कली थोइनीम। मिनु गो मेको आन कली लोत्र लेत्नुडमी। मेकोपुकी आं मुर नम' देनुड। मिनु मेकोपुकीमी 'परमपरभु यावे, आंइ परमपरभु बाकब' देनीम" दे परमपरभु यावेमी देत। होस २:२५

### परमपरभु यावे आ नाकती

१ परमपरभु यावे आ नाकत का जाकब। १४ मेना इन के रोइशशा लाइशशा थोत्रक इन दातेमीन योक्सीनीनी। यसैया ३९:६ २ गो रागी रागी डा मुर नेल्ल आन कली यरूसलेम नु लडाइ पपाइकचा कली पुकनुडमी। मिनु सहर मेको आन के दुम्ब। मेको आन सिं डा मारइ मारइ रोइकनीम। मिनु मीश मुर आन कली बिथोलो पाइनीम। सहर डा उइकथ मुर ग्याइशशा लाइकचा पुंडसीनीम। लीशो मेको सहर उइ बाकनीम। ३ मिनु नोले परमपरभु यावेमी मेको रागी रागी डा मुर नु लडाइ पाइब। मुरुमी लडाइ पशो खोदंशो पा लडाइ पाइब। जकरिया

१२:३; यसैया ४२:१३; परकाश १९:१९ ४ मेको नाकत आ खोइलीमी यरूसलेम आ डांडती पूर्व गे बाकशो जेतून डांडा कली थकब। मिनु जेतून डांडा आ पूर्व रे पच्छिम सम्म ठेयब पा जेब। मिनु डांडा उइकथ उत्तर गे नु उइकथ दक्खिन गे दुम्शा बाकब। मिनु दातेमी ठेयब बंसी का दुम्ब। ५ गेपुकी परमपरभु यावे आ डांडा डा बंसी रे पा परोकचा माल्नीनी। मेको आस दाते डा बंसी आसाल सम्म जाकदीशशा बाकब। गेपुकी यहूदा डा पिप उज्जीयाह आ पालामी कुशा खिरनुमी मुरपुकी परोकशो खोदंशो पा परोकनीनी। मिनु नोले परमपरभु यावे, आं परमपरभु आ मुर नेल्ल नु यीब। आमांस १:१

६ मेको नाकत नां नु तास्लाम छेडछेड मगेनीस। ग्यू यो मदुम्ब। ७ मिनु गेना हना यो नाकत बाकब। मारदे हना नाकतो दुम्ची ना छेडछेड बाकब। परमपरभु यावेमी मेको नेल्ल तुइकब। मर्कूस १३:३२

८ मेको नाकत यरूसलेम रे पा बरोइचा गेब ब्याक्कु शाइशशा यीब। मिनु मेको उइकथ पूर्व डा समुन्दर गे नु उइकथ पच्छिम डा समुन्दर गे शाइकब। मेको होशो नु सिक्शो नेल्ल नाकत शाइकब। इजीकीएल ४७:१-८

९ परमपरभु यावे रागी नेल्ल डा पिप दुम्ब। मेको नाकत परमपरभु यावे का ला बाकब। आ नं यो का ला बाकब। भजन संग्रह ९७:१; परकाश ११:१५

१० मिनु रागी नेल्ल दिम दुम्ब। मेको गेबा रे पा यरूसलेम आ दक्खिन डा रिम्मान सम्म दिम दुम्ब। तन्न यरूसलेम बेन्यामीन लाप्चो रे, माइत लाप्चो लाकशा, सुर डा लाप्चो सम्म नु हानानेल माइशशा लाइशशा सिं रे पिप आ अङ्गुर खराकतीक सम्म बाकब। मिनु यरूसलेम आ इर डा बाकतीकम बाकब। यहोसु १५:३२; येरमीया ३१:३८ ११ मिनु यरूसलेममी मुरपुकी बाकनीमी। मिनु मेको गेनायो लेशा सतम मसल्लनीम। यरूसलेम मारइ मदुम्यु बाकब। परकाश २२:३; येरमीया ३३:१६

१२ परमपरभु यावेमी यरूसलेम कली लडाइ तोइब आन कली मार बक्तीक रोइ पपाइकब देशा हना, मुर गाकना गाकना आन श्ये राकतीके, आन मिक्च आन बाकतीकेम राकतीके नु आन लें आन शोत्रमी राकतीके रोइ पपाइकब। १३ मेको नाकती परमपरभु यावे रे पा मुर शुश हिंनीम। मेको नेल्लमी आन नेकथा डा मुर आन गुइ ग्याइकनीम। मिनु नोले राम्शी पाकनीम।

१४ यहूदा आ मुरपुकीमी यो यरूसलेममी लडाइ पाइनीम। मिनु रागी रागी डा मुर आन शांप सुप्नीम। मार सुप्नीम देशा हना, सुन चांदी नु वासी शुश सुप्शा तेल्लीम। १५ मको आन बाक्तीकम बाक्शो शारा, खच्चर, दलआंठ, गधा नु मंकर मार मार बी ब्यफ क्यारश भडा बाक्मा, मको नेल्ल मुर कली साइक्ब रोइ पाइनीम।

१६ मिनु यरूसलेम कली लडाइ तोइब रागी रागी डा मुर आन दात डा सु सु ब्रांइशा लीमा, मकोपुकी बर्स बर्समी यरूसलेम लशा पिप नु मुर नेल्ल आन परमपरभु यावे कली मान पा ठयब सेल्वा माल्लीम। मकोपुकीमी गोठ सेल्शा मानेतीक चाड मानेचा कली यरूसलेम लचा माल्लीम। जकरिया १४ :९ १७ मिनु तेको रागी नु खिं डा मुर नु पिप, मुर नेल्ल आन परमपरभु यावे कली मान पा ठयब सेल्वा कली यरूसलेम मलाम्तेकम हना, मको आन कली रउ मर्याब। १८ मिनु इजीप्त रागी डा मुरपुकी गोठ सेल्शा मानेतीक चाड मानेचा कली यरूसलेम

मलाम्तेकम हना, मकोपुकी यो अर्का रागी डा मुर सोदेशो पा परमपरभु यावेमी गेशो श्येत जाइनीम। १९ इजीप्त रागी नु रागी नेल्ल डा मुर सु मको गोठ सेल्शा मानेतीक चाड मानेथ मलाइनीमी, मको मोदेशो सजाइ ताइनीम।

२० मको नाक्ती शारा आन किडगोम यो “परमपरभु यावे कली ला बाक्नीम” दे मुशा बरक्शो बाक्ब। मिनु परमपरभु यावे आ खिं डा क्येतीक ग्यांबपुकी, चदेतीक आ डांइती बाक्शो ग्यांब सोदेशो पा “परमपरभु यावे कन बाक्नीम” दे बरक्शो बाक्ब। परस्थान २८ :३६ २१ मिनु यरूसलेम नु यहूदामी बाक्शो क्येतीक ग्यांब नेल्ल मुर नेल्ल आन परमपरभु यावे कली ला बाक्नीम। सु सुमी चदेनीमी, मकोपुकीम मको ग्यांबुम आन चदेशो श्ये लोप्ने चाप्नीम। मिनु मको नाक्ते रे मुर नेल्ल आन परमपरभु यावे आ खिंमी ग्याप्ब लेयब मुर का यो मबाक्नीम। परकाश २१ :२६-२७ ; मती २१ :१२

## मलाकी

बरकब मुरः हिबरू लोत्रमी मलाकी आ अर्थ "आं लोत्र कुरब" बाकब। साइ डांइती डा थमा सुइक्व हिरानिमुस शुश बरकब मुर का बाक्त। मकोमी "आं लोत्र कुरब" नें पाइश्शा, परमपरभु याव आ खिं लेंशा सल्ब, जोक्ब तुइक्व एज्जरा आ खरुइश्शा नें बाक्ब, देब। मुरपुकीम चहिं मको दुम्ने मचाप्ब देशो बाक्तेक्म।

गना बरकशाः नेहम्याहमी इसराएली आन पर्वम बरकशा नु मलाकी किताबम बरकशा लोत्र शुश गारब। इसराएली ग्याइश्शा लाइक्वा पुइसीमा नोले लेश्शा यरूसलेमम बाक्शो बाक्तेक्म। शुश मुरुमी अर्का रागी डा मीश चाक्शो बाक्तेक्म। मेना ४३२ बि. सी. बाक्शो बाक्त।

मार बरकशाः

१. मुर आन थमा सुइक्वा गाम्त। मलाकी २ : ५ ; नेहम्याह १३ : २९

२. अर्का रागी डा मीश आल कली चाक्शो बाक्तेक्म। मलाकी २ : ११-१२ ; नेहम्याह १३ : २३-२५

३. १० भाग मगेब दुम्शो बाक्तेक्म। मलाकी ३ : ५-१० ; नेहम्याह १३ : १० मको नेल्ल तशा यो, परमपरभु यावमी "गो इन कली दाक्नुड। आं गे लेत्तीन। गो इन कली आसीक गेनुड" दे लोत्र कुरब का सोइश्शा बाक्त।

परमपरभुम इसराएली आन कली दाक्शो

१ मलाकीमी इसराएली आन कली परमपरभु याव आ पशा लोत्र देत। २ परमपरभु यावमी "गो इन कली दाक्ताक्ड। गेपुकीमी चहिं 'दोपा आंइ कली दाक्तीनी डा ? मार, एसाव याक्ब आ लोक्ब ममाइ डा ?' देनीनी। मिनु परमपरभु यावमी गो याक्ब कली शुश दाक्ताक्ड। उत्पत्ती २५ : २३ ; रोमी ९ : १३ अतन्न एसाव कली काइ मदाक्तु। मोपतीक मेको आ बाक्तीक पहाड कली गोरशो रागी सेल्ला। आ थेरशो रू सिवार आन बाक्तीक दुम्पाइक्ता" देत। यसैया ३४ : १३ ४ मिनु एदोम डा मुरपुकीमी "गेपुकी बरुइसाक्व हना यो, गो लेंशा मको बरश्शा नेल्ल सल्लीकी" देतेक्म। मुर नेल्ल आन परमपरभु यावमी "मेकोपुकीमी सेल्लेक्म हना यो, गो परेत्नुड। मिनु अरु मुरपुकीमी मेको आ पर्वम 'एको ठीक मपाइब रागी का बाक्ब। परमपरभु याव मेको

रागी तशा, गेना हना यो गाइक्ब" देनीम। ५ गेपुकीमी मेको नेल्ल तशा "तेइ तेइ रागी डा मुरपुकीमी परमपरभु याव कली ठेयब सल्लीम" दे लोत्र पाइनीनी।

गरांगरा दिचा डा थोत्रक चदेशो

६ मिनु मुर नेल्ल आन परमपरभु यावमी आ नें आइक्व सल्ब चदेब आन कली "तेपुकीमी आन आफ कली मान पाइनीम। मिनु गेय पाइबपुकीमी आन होत्रप कली यो मान पाइनीम। गो इन आफ नड हना, मारदे आं कली मान मपाइनीनी ? गो इन होत्रप नड हना, मारदे आं कली मान पा महिनीनी ?" देत। मिनु गेपुकीमी "गो दोपा इन नें आइक्व सेल्का ?" देतीनी। परस्थान २० : १२ ७ परमपरभुमी "गेपुकी आं कली गरांगरा दिचा डा थोत्रक आं चदेतीकमी चदेनीनी। मिनु गेपुकीमी 'दोपा इन कली गरांगरा दिपाइक्का ?' दे लोत्र पाइनीनी। परमपरभु याव आ टेबल कली मारदे खोइ मलाक्नीनी। ८ गेपुकीमी मिक्क मताइब बस्तु चदेथ चाक्नीनी। मिनु मेको दूली मबाक्ब देनीनी। खोइल मदुक्ब नु रोइ पशा बस्तु चदेचा दूली मबाक्ब देनीनी। मिनु इन रागी डा ठेयब मुर कली मोदेशो गेनीनु, मार, मेको ग्यरशा ताक्शा, इन कली दाक्बा डा ?" दे मुर नेल्ल आन परमपरभु यावमी देत। लवी २२ : २०, २३

९ मिनु "परमपरभु आंइ कली शिशी पन" दे पुनीन। "गेपुकीमी मोदेशो मरिम्शा थोत्रक चदेशो मरिम्शा पाइतीनी। मिनु इन कली दोपा शिशी पाइनुडा ?" दे मुर नेल्ल आन परमपरभु यावमी देत। १० मिनु लेंशा "गेपुकीमी आं चदेतीकमी मो मी मुइक्वा क्येडा का लेंशा लाप्चो चाक्नी हना, रिम्शा दुम वा। गो इन कली तशा मग्यरसीशो बाक्नुड। मिनु इन चदेशो यो मताक्नुड" दे मुर नेल्ल आन परमपरभु यावमी देत। मलाकी २ : १३ ; यसैया १ : १३ ११ "नां दाप्तीक रे नां पेरतीक सम्म रागी रागी डा मुर आन दातेमी आं नें ठेयब बाक्ब। रागी नेल्ल डा मुरपुकीमी आं कली धूप चोशा, रिम्शा थोत्रक चदेनीम। मारदे हना रागी रागी डा मुर आन दातेमी आं नें ठेयब बाक्ब" दे मुर नेल्ल आन परमपरभु यावमी देत। यसैया ६० : १-७ १२ मिनु "गेपुकीमी 'परमपरभु आ टेबल गरांगरा दिचा डा बाक्ब, मेक बाक्शो थोत्रक यो ठीक दुम्चा ममाल्ब' दे आं नें कली आइक्व सल्लीनी। १३ मिनु गेपुकीमी 'एको गिश श्यत बाक्बा' दे आं कली चदेतीक आ पर्वम इन नें करुनीनी। गेपुकीमी रोइश्शा

बस्तु चाकनीनी। सोडल मदुक्व नु रोड पशो बस्तु चढ्थ चाकनीनी। मार, गो इन चढ्थो ग्यरशा ताक्वा माल्लुडा डा ?” दे परमपरभु यावेमी दंत। १४ “सु सुमी आंम बस्तु आन बगाल र पा रिम्शो बस्तु चढ्नुड” दनीमी, तन्न नाले मरिम्शो चढ्नीमी, मको जाल पाइब सराप राइनीम। मारदे हना गो ठयब पिप नड। आं नें रागी रागी नेल्ल डा मुर आन दातेमी हिंचा डा बाक्व” दे मुर नेल्ल आन परमपरभु यावेमी दंत। लेवी २२ :१९

### चढ्थ आन कली अरेशो

२ १ मिनु मुर नेल्ल आन परमपरभु यावेमी “गे चढ्थपुकी, एको शंशो लोत्र इन कली बाक्व। २ गो इन नोफा मदाइक्ताकनी नु आं नें कली मान पचा कली ममिम्ताकनी हना, गो इन कली सराप पाइनन्नी। इन कली गेशो आसीक सराप दुम्ब। मारदे हना गे काइ मटीब बाकनीनी। गो थमा पा इन आसीक कली सराप सेल्लुड। व्यवस्था २८ :१५ ३ गो इन पतीके इन आल आन कली हुइक्नुड। इन चढ्थो बस्तु आन गा क्यो डा ग्रांगरा इन कुलम देप्नुड। मिनु इन कली आं डांइती रे तिल्लुड।

४ गो लेवी नु पशो कबल गेना हना यो लील, दे इन कली मको शंतीक सोइक्ताकड। ५ आं पशो कबल ब्रांइतीक नु थुं नाइक्तीक कबल बाक्व। गो मको कबल आं कली मान पा हिल, दे गता। मकोमी आं कली मान पा आं नें थिचा शुश हिल। ६ मकोमी रिम्शो शंतीक लोत्र पात्तु। गेनायो दूली मशंद। थम रिम्शो नु ठीक पतीकमी गो नु गाक्त। मिनु मकोमी ठीक मपाइब शुश मुर आन कली आन मरिम्शो पतीक रे लेप्पाइक्तु।

७ चढ्थपुकीमी तुइक्तीक लोत्र होस पा पचा माल्नीम। मिनु मुरपुकीमी मको आन शंशो नेंचा माल्नीम। मारदे हना चढ्थपुकी मुर नेल्ल आन परमपरभु यावे आ सोइश्शो लोत्र पाइब बाकनीम। व्यवस्था ३३ :१०; हाग्गे १ :३३ ८ गेपुकी चहिं आं लां परांइशा, हेंथे गाक्तीनी। इन दूली शंतीकमी गे शुश मुर आन कली हेंथे गाक्व सेल्लतीनी। गेपुकीमी लेवी नु पशो कबल खतम सेल्लतीनी” दे मुर नेल्ल आन परमपरभु यावेमी दंत। ९ परमपरभुमी “मोपतीक गो इन कली मुर नेल्ल आन डांइती आइक्च नु महिक्सीशो सल्ला। मारदे हना गेपुकीमी आं लां परांइतीनी। आं शंशो लोत्र मटिथु, कुल कोत्रमुशा हुकुम पाइतीनी” दंत।

### यहूदा आ मरिम्शो पशो

१० मार, गो नेल्ल ई आफ कान ममाइ डा ? मार, परमपरभु कामीन ई कली मसला डा ? मारदे गोपुकीमी कामी अर्का कली थमा मसुइक्थु, ई किकी पिपी आन कली गेशो कबल खरोइक्नया ? मलाकी १ :६ ; अय्युब ३१ :१५ ; एफिसी ४ :६

११ यहूदामी आं कली परांइती। मिनु इसराएल नु यरूसलेममी ग्रांगरा दित्वा डा गय दुम्शो बाक्व। मारदे हना यहूदामी परमपरभु यावे आ दाक्शो बाक्तीक ग्रांगरा दिशो सल्लु। दोपा मोदंशो सल्लु दंशा हना, आंम ती आन कली देवी देवता आन कली ठयब सेल्ल मुर आन तमी चाक्तु। एजरा ९ :२ १२ परमपरभु यावेमी मोदंशो पाइब मुर आन कली याक्व आ मुर आन बाक्तीक ताम्बु रे तिल्लु। मिनु मेकोपुकीम मुर नेल्ल आन परमपरभु यावे कली गेनायो चढ्थ मताइनीम।

१३ गेपुकीमी अर्का मार पाइनीनी दंशा हना, परमपरभु यावे आ चढ्थीक आ नेक्था डाक्शा, रोंका पा इन परक्कुमी जिल्लीनी। मारदे हना इन चढ्थो ग्यरशा मबराइब। मलाकी १ :१० १४ मिनु गेपुकीमी “मारदे मबराइबा” ? दे हिल्लो पाइनीनी। मारदे हना गे इन ठिटा बाक्ची ना डा मीश परांइतीनी। मको आ पर्वम परमपरभु यावे सांकळी बाक्व। मको इ वारच इ मीश बाक्व, इ कबल पा चाक्शो मीश बाक्व।

१५ परमपरभुम मको निक्शी आस कली कान मसला डा ? मको आस सोक्त नु गिम परमपरभु यावे क बाक्नीस। मारदे मको निक्शी आस कली कान सल्लु दंशा हना, आस आल परमपरभु आ मुर दुम्मल, दे कान सल्लु। मोपतीक गेपुकी आंम थुं आ पर्वम होस पा, सुइमी आंम ठिटा बाक्ची ना डा मीश कली मप्रांनीन। १६ मारदे हना परमपरभु यावे, इसराएली आन परमपरभुमी गो मीश, वांइश कली परांइब मुर काइ मदाक्नुड। आन जिशा मदाक्नुड। मोपतीक इन थुं फरेदीन। इन मीश मप्रांइब दुमीन। व्यवस्था २४ :१

### परमपरभु आ निसाफ पतीक नाक्त

१७ गो इन लोत्रमी परमपरभु यावे कली बरीपाइक्तीनी। मोपा यो गेपुकीमी “गोपुकीमी मार लोत्रमी इन कली बरीपाइक्का ?” देतीनी। गेपुकीमी “दूली लोत्र पा मरिम्शो गय पाइब नेल्ल परमपरभु यावे आ डांइती ठीक बाक्नीम। मिनु मको, मको आन कली तशा ग्यरसीशो

बाकब” दे “निसाफ पाइब परमपरभु ते बाकबा डा ?” दे यो दंनीनी । मलाकी ३ :१३-१४

३ १ परमपरभुमी “नीनीन, गो आं लोत्र पाइब आं डांइती सोइक्नुड । मेकोमी आं डांइती आं लां सल्ला माल्ब । इन माल्शो परभु रीब पा आ खिम जाकब । मेको इन माल्शो कबल डा लोत्र चोक्ब बाकब । गे मेको कली शुश दाकनीनी” दे मुर नल्ल आन परमपरभु यावेमी देत । मत्ती ११ :१० ; मर्कस १ :२ ; लूका १ :१७ २ मिनु मेकोमी “तन्न आ जाकची नाकत सु फाल्ले चाप्या डा ? आ गुरूची ना सु राष्ठा बाकन चाप्या डा ? मारदे हना मेको तुप्तीलमी मुइश्शो मी नु वा मुरब आ वा बुश सल्लिक सोदंशो बाकब । यसेया १ :२५ ३ मेको चांदी यपाइश्शा रिम्शो सल्ल सोदंशो पा निसाफ पाइब बाकब । लेवी आ चच युइ आन कली सुन चांदी सोदंशो पा यपाइश्शा रिम्शो सल्ल । नोले मेकोपुकीमी परमपरभु यावे कली ठीक पा चढेनीम । जकरिया १३ :२ ४ मेना परमपरभु यावेमी यहूदा नु यरूसलेममी चढेशो साइ डांइती डा सोदंशो पा बराइब” देत ।

५ तन्न मेको क्यडा डांइती “गो निसाफ पचा कली इन बाक्तीकमी जाक्नुड । गो टुना मुना पाइबपुकी, मुर आन मीश वांइश नु इप्बपुकी, जोल पा कसम जाइबपुकी, गेय पाइब आन कली गाल्ल मगेबपुकी, वांइश बेक्शो मीश मुर, रोम रोइक्च, नु अर्का रागी डा मुर आन कली निसाफ पा मगेबपुकी नु आं क्यडा महिब नल्ल आन कली निसाफ पथ जाक्नुड” दे मुर नल्ल आन परमपरभु यावेमी देत ।

गेचा माल्शो १० भाग

६ मिनु मेकोमी “गो, परमपरभु यावे, गेनायो मफांडसीनुड । मोपतीक गे याकूब आ चच युइ मुल सम्म बरोइशो बाक्नीनी । ७ इन किकी पिपी आन बाक्ची ना र आं फुल्लुम मुशा बरेक्शो लोत्र मटिथु, हेंथे लां सोइक्तीनी । आं गे लेतीन । मिनु गो इन गे लेत्नुड” दे मुर नल्ल आन परमपरभु यावेमी देत । तन्न गेपुकीमी “गो दोपा लेत्त्वा ?” देतीनी । जकरिया १ :३ ८ परमपरभुमी “मार, मुरपुकीमी परमपरभु आ मार मार सुइ पने चाप्नीमी डा ? तन्न गेपुकीमी आं के सुइ पशो बाक्नीनी । मो हना यो गेपुकीमी गोपुकीमी इन के मार सुइ पका डा ?” देतीनी । इन १० भाग डा भाग का नु मार मार चढेतीकमी सुइ पशो बाक्नीनी । परस्थान २५ :२ ९ गे सराप रशो

दुम्तीनी । मारदे हना गे आं मार मार सुइ पाइब बाक्नीनी । गे इसराएल नु मुर नेल्लेमी आं कली रोइक्ताक्यीनी । हाग्गे १ :५-६ १० गे नेल्लेमी इन १० भाग डा भाग का वोइक्तीकमी चाक्कीन । मिनु आं खिमी जचा थोत्रक बाकल । मोपा आं कली नाकशा, कोत्रडीन । गो स्वर्ग डा लाप्वा रोक्शा, इन कली शुश आसीक गेबाकडा, को, मगेबाकडा” दे मुर नल्ल आन परमपरभु यावेमी देत । ११ मिनु “गो इन रू डा बाली नाली खतम मसल्ला डा पा माले आन कली हुइक्नुडमी । इन रूम बाक्शो अडगुर सिश्शा गरल्लोम” दे मुर नल्ल आन परमपरभु यावेमी देत । योएल १ :४

परमपरभुमी शिशी पाइब देशो

१२ मिनु “रागी रागी डा मुर नेल्लेमी इन परबम “आसीक रशा, ग्येरशो मुर बाक्नीमी” देतीनी । मारदे हना इन रागी थम आसीक रशो रागी दुम्ब” दे मुर नल्ल आन परमपरभु यावेमी देत ।

१३ मिनु परमपरभु यावेमी “गे आं परबम मरिम्शो लोत्र पाइतीनी हना यो ‘इन कली मार मरिम्शो लोत्र पका डा ?’ देतीनी । १४ गेपुकीमी “परमपरभु आ गेय पचा, मोशीन बाकब । आ शेशो लोत्र पचा नु बेक्शो मुर आ परबम रांका पशो सोदंशो पा मुर नल्ल आन परमपरभु यावे आ डांइती रांका पचा, मोशा बाकब । भजन संगरह ७३ :१३-१४ ; जकरिया ७ :३,५ १५ मुल गो ठेयब लेश्शो मुर आन कली रिम्शो मुर बाक्नीम, देनीकी । मारदे हना मरिम्शो पाइबपुकी दारनीम । परमपरभु कली मरिम्शो पाइब बरोइशा बाक्नीम” देतीनी” देत ।

१६ मिनु परमपरभु यावे क्यडा हिब आन दातेमी लोत्र पाम्तेकम । मिनु परमपरभु यावेमी नोफा दाइश्शा, मेको आन लोत्र नंतु । मिनु आ डांइती आ कली मान पा हिब, आ नें ठेयब सल्ल आन परबम मिम्तीक किताब बरेक्शो बाकत । १७ मिनु मुर नेल्ल आन परमपरभु यावेमी “मेको आं मुर दुम्नीम । आं निसाफ पतीक नाकत आं नेक्था डा मुर दुम्नीम । दोपा मुरुमी आंम कली गेय पाइब तौ कली शिशी पा वोइक्बा, मोपा गो मेको आन कली शिशी पा वोइक्नुड । परस्थान १९ :५ १८ मेको नाकत ठीक पाइब नु परमपरभु आ अरेशो मटीब खाल का डा मदुम्नीम । मेको ताइनीनी । परमपरभु कली गेय पाइब नु गेय मपाइब खाल का डा मदुम्नीम । मेको यो ताइनीनी” देत ।

परमपरभु यावे आ नाक्त

४ १ मुर नेल्ल आन परमपरभु यावेमी “आं निसाफ पतीक नाक्ती जाक्ब। मेको ठेयब मी खोदंशो पा बरशो बाक्ब। मना ठेयब लेशो नु मरिम्शो पाइब नेल्ल सोव्रशो ठुटा खोदंशो बाक्नीम। मेको नाक्ती मीम मेको आन कली नेक्ब। मिनु मेको आन शाक्श नु राशी या मलीब। रतन्न गे आं नं कली मान पाइब, इन डोंइती आं ठीक पतीक नां खोदंशो पा दाप्ब। इन रोइ या सानीनी। गे गोठ रे पा गरूशो बाच्छा खोदंशो पा परक्ना परक्न दोरनीनी। लूका १:७८ ३ मिनु गेपुकीमी आं अरशो लोव्र मटीब आन कली इन खोइलीमी दिम्नीनी। आं निसाफ पतीक नाक्ती मेको इन खोइलीम दिम्शा, पुलु खोदंशो सेल्वा

पुंइसीनीमी” दे मुर नेल्ल आन परमपरभु यावेमी दंत।

४ परमपरभुमी “आं वाइल मोसामी इन कली गेशो आं अरशो लोव्र मिम्तीन। गो मेको फुल्लुम मुशा बरक्शो लोव्र नु आं दंशो ठीक पतीक लोव्र होरब डोंडामी इसराएली नेल्ल आन कली अरचा कली गता। ५ ननीन, आं ठेयब नु हिंचा डा नाक्त जाक्चा क्येडा डोंइती आं लोव्र पाइब एलीया कली इन बाक्तीकम सोइक्नुडं। मत्ती ११:१४; १७:११-१३; योएल ३:४ ६ मिनु मेकोमी आम आफ आस थुं आस आल गे नु आल आन थुं आम आफ गे लेप्पाइक्ब। मोदंशो मदुम्त हना, गो रागी कली सराप पाइक्नुडं” दे परमपरभु यावेमी दंत। लूका १:१७

## मत्ती

बरेकब मुरः एको किताब मत्ती आ बरेकशो बाकब। मत्ती शंसीब आन दात डा का बाकत। मेको कली अल्फयस आ ती लेवी यो दंतकम। तन्न थमा सुदा नोले मत्ती नं वोइकतु।

गेना बरेकशोः मत्ती आ बरेकशो ग्येरपाइकब लोत्र यरूसलेम खतम सल्ला क्यडा डोंइती बरेकने थुम्शो बाकत। एको ५८ ए. डी. हिब्रू लोत्रमी बरेकशो बाकत। नोले यहूदी नल्ल बरातकम। मिनु मत्ती मेको आन कली शंचा कली लत। मेना ग्रीक लोत्र पाइबमी यो एको लोत्र रुप्चा दाकशो बाकतकम। मोपतीके मेकोमी आ बरेकशो ग्येरपाइकब लोत्र लंशा ग्रीक लोत्रम बरेकशो बाकत, दे मिम्नीम। मत्ती आ बरेकशो ग्येरपाइकब लोत्रम डोंइती नु नोले दुम्शो लोत्र इच्छा साल्ला बरेकशो बाकब।

मारदे बरेकशोः यसु खरीस्त पिप बाकब। परमपरभु यावे आ राज्य आ पर्वम लोत्र पाइब।

यसु आ किकी पिपी

लूका ३:२३-२८

१ अबराहाम आ ती, पिप दाऊद आ ती, यसु खरीस्त आ किकी पिपी आन नं एको बाकनीम। १इतिहास १७:११; उत्पत्ती २२:१८

२ यसु खरीस्त आ किकी पिपी सु सु बाकमा बाकत देशा हना, डोंइती अबराहाम बाकमाकत। अबराहाममी इसहाक थिमाकत। इसहाकमी याकूब थिमाकत। याकूबमी यहूदा नु आ वोबु थीमी बाकत। उत्पत्ती २१:३,१२; उत्पत्ती २५:२६; उत्पत्ती २९:३५; उत्पत्ती ४९:१० ३ यहूदामी तामार र परस नु जेरह ती निकशी थिम्सी बाकत। परसमी हेसरोन थिमाकत। हेसरोनमी अराम थिमाकत। रुथ ४:१८-२२; उत्पत्ती ३८:२९-३० ४ अराममी अम्मीनादाब थिमाकत। अम्मीनादाबमी नहशोन थिमाकत। नहशोनमी साल्मोन थिमाकत। ५ साल्मोनमी राहाब माइशशो मीश र बोआज थिमाकत। बोआजमी रुथ माइशशो मीश र ओबेद थिमाकत। ओबेदमी येस्स थिमाकत। येस्समी दाऊद थिमाकत। दाऊद चहिं पिप दुम्माकत। यहोसु २:१; रुथ ४:१३-१७ ६ पिप दाऊदमी उरीयाह आ मीश चाकशा, सोलोमन थिमाकत। २सामुएल १२:२४ ७ सोलोमनमी र्हाबाम थिमाकत। र्हाबाममी

अबीयाह थिमाकत। अबीयाहमी आसा थिमाकत। १इतिहास ३:१०-१६ ८ आसामी यहो-शाफात थिमाकत। यहो-शाफातमी योराम थिमाकत। मिनु योराममी उज्जीयाह थिमाकत। ९ उज्जीयाहमी योथाम थिमाकत। योथाममी आहाज थिमाकत। आहाजमी हिज्कीयाह थिमाकत। १० हिज्कीयाहमी मनस्स थिमाकत। मनस्समी आमोन थिमाकत। आमोनमी योसीयाह थिमाकत। ११ योसीयाहमी येकोन्याह नु आ लोक्ब थीमी बाकत। येकोन्याह आ पालामी बेबीलोन डा मुरपुकीमी यहूदी आन कली लडाइ पा ग्याइशशा बेबीलोन चाकदीत्मे बाकत। २राजा २५:१७,१९,२१

१२ बेबीलोन चाकदीत्मे आ नोले येकोन्याहमी शाल्तीएल थिम्माकत। शाल्तीएलमी जेरूब-बाबेल थिमाकत। १३ जेरूब-बाबेलमी अबीउद थिमाकत। अबीउदमी एल्याकीम थिमाकत। एल्याकीममी आजोर थिमाकत। १४ आजोरमी सादोक थिमाकत। सादोकमी अकीम थिमाकत। अकीममी एलीउद थिमाकत। १५ एलीउदमी एलाजर थिमाकत। एलाजरमी मात्थान थिमाकत। मात्थानमी याकूब थिमाकत। १६ मिनु याकूबमी योसेफ थिमाकत। योसेफ मरीयम आ वोंइश बाकमाकत। मरीयममी यसु थिमाकत। यसु कली खरीस्त देमा बाकत। लूका १:२७

१७ अबराहाम र पा दाऊद सम्म १४ पाला दुम्मा बाकत। मिनु दाऊद पिप र पा बेबीलोन चाकदीत्वी सम्म १४ पाला दुम्मा बाकत। बेबीलोन चाकदीशशो र खरीस्त जर्मसेनु १४ पाला दुम्मा बाकत।

यसु जर्मेशो

१८ यसु खरीस्त जर्मेशा कली दोदंशो दुम्माकत देशा हना, मरीयम योसेफ कली गंशा लोत्र खरीडकेन थुम्शो बाकमाकत। मिनु योसेफमी मरीयम कली ग्युंवे पा आ खिं लाइक्चा क्यडा डोंइती मरीयम आल कुरशो बाकमाकत। मेको आल चहिं मुर आ आल ममाइ। परमपरभु यावे आ सोक्त र पा दुम्शो बाकमाकत। लूका १:३५ १९ मिनु योसेफमी “मरीयम आल कुरशो बाकमाकत” दे तुइशशा “मुल परांइचा दुम्ती” दे मिम्ता बाकत। योसेफ रिम्शो मुर बाकमाकत। मोपतीके “मरीयम कली मुने मतोक्चा” दे मिम्शो बाकमाकत। २० मिनु “गो परांइचा दुम्ती” दे मिम्ना मिम्न

बाक्मेनु, काबु डोमु तवा बाक्त। मिनु डोमु तवानु, परमपरभु याव आ स्वर्ग डा गेय पाइबमी “दाऊद आ ती योसफ ननो। मरीयम कली पराइनुड, दे ममिम्तो। महिंथु इ खिं लाइश्शा वॉइसो। आ कोत्रजम बाक्शा चहिं परमपरभु याव आ सोक्त के बाक्त। ११ नोले तो का थीब। मेको कली यसु नं वोतो। मारदे हना मेकोमी आ मुर आन कली पाप र पराइब” दे तुइक्पदा बाक्त। लूका २:२१; पररित ४:१२; भजन संगरह १३०:८, २२ मेको मो दुश्शोमी परमपरभु यावमी साइ नेसी आ लोत्र पाइब पपाइश्शा लोत्र खात्ताक्व। साइ नेसी परमपरभु याव आ लोत्र पाइबमी २३ “ननीन, कन्ने मीश आलमी कोत्रज कुरशा, तो का थीब। मेको आल आ नं इम्मानुएल वोइक्नीम। इम्मानुएल देशो “परमपरभु याव गोपुकी नु बाक्शा बाक्व” दे रुसीब” दे बरक्शा बाक्व। यसैया ७:१४ २४ योसफ निन्दरा र संसीशा बाक्शा, परमपरभु याव आ स्वर्ग डा गेय पाइब आ लोत्र टिशा, मरीयम कली आ खिं लदा बाक्त। २५ मरीयम नु मइथ्यु, तो का थिमाक्त। मिनु मेको कली यसु नं वोदा बाक्त।

सोरुल कोत्रशा, जोक्व तुइक्व जाक्शा

१ यसु यहूदीया रागी डा बेथलेहेम सहरमी  
२ जरमेस बाक्त। मेना मेकर हरोद पिप बाक्माक्त। मिनु यसु जरमेसनु, सोरुल कोत्रशा, जोक्व तुइक्व नां दाप्तीक र यरुसलेममी जाक्मा बाक्त। लूका २:१-७ २ मिनु यरुसलेममी जाक्शा “यहूदी आन पिप ते जरमेस? मारदे हना गोपुकीमी पूब डा रागीम आ सोरुल ताइतक। मिनु गो मेको कली ठेयब सलथ जाक्तक। ते बाक्मा?” देमा बाक्त। गन्ती २४:१७ ३ मिनु पिप हरोद नु यरुसलेममी बाक्वपुकीमी मेको आन लोत्र नंशा, आन थुं ग्येत्थ लुक्च दुम्मा बाक्त। ४ मिनु हरोदमी ठेयब चदेब नु सास्तरी आन कली खुष्शा “खरीस्त ते जरमेसीबा?” दे हिल्लो पामी बाक्त। सास्तरी यहूदी आन कली परमपरभु याव आ अरेशो लोत्र शंब बाक्शा बाक्तेक्म। ५ मिनु मेकोपुकीमी “यहूदीया डा बेथलेहेम सहरमी जरमेसीब। मारदे हना परमपरभु याव आ लोत्र पाइबमी मीका ५:१; यहून्ना ७:४२ ६ ए यहूदीया डा बेथलेहेम सहर, यहूदीया डा सहर नेल्ल क्येडा आइक्च

महिकसीशो सहर मनवे। मारदे हना इंसराएली आन कली सासन पाइब बेथलेहेममी जरमेसीब” दे बरक्शा बाक्व” दे शंदमे बाक्त। मीका ५:२

७ मिनु हरोदमी मेको आन लोत्र नंशा सुइमी मतुइक्थु, नां दाप्तीक र जाक्शा सोरुल कोत्रब आन कली बरतीमी बाक्त। मिनु मेको सोरुल गना गरूम, दे रुबा बाक्त। ८ मिनु “लो, मुल बेथलेहेम सहर लन। मेकर जाक्दीश्शा, मेको आल मालीन। मिनु थिश्शा आं कली यो शंदीन। गो यो लशा ठेयब सल्लुड” दे सोइक्तीमी बाक्त।

९ मिनु मेकोपुकीमी पिप आ लोत्र नंशा, आन लां खोदम बाक्त। मिनु नां दाप्तीकमी तशा सोरुलमी आन कली लां काइदीमी बाक्त। लां काइना काइन नक थिशो आल बाक्तीक आ सोरुल खरा दिक्माक्त। १० सोरुल खरा दिक्शो तशा, शुश ग्येरशा आल आ बाक्तीकमी ओत्रमा बाक्त। ११ मिनु ओत्रशा, आल नु आल आ ममा मरीयम कली तामे बाक्त। मिनु आन पोक्च थेक्शा आल कली ठेयब सेल्मे बाक्त। मिनु आन कुरशो थेलो पराक्शा, सुन धूप नु बरोत्रशा रिना पाइब थोत्रक गरुंडशा खरेत्तम बाक्त। भजन संगरह ७२:१०,१५; यसैया ६०:६ १२ आल कली गरुन्ने थुम्शा, आन रागी लेत्वी ना परमपरभु यावमी डोमुमी “पिप हरोद कली लंशा मगरुमीन” दे तुइक्पाइक्मी बाक्त। मिनु यरुसलेम लतीक लां हरशा, आन रागी लेम्मा बाक्त।

इजीप्त रागी लशा

१३ मेकोपुकी लमा नोले काबु योसफमी डोमुमी परमपरभु याव आ स्वर्ग डा गेय पाइब का फो गरुशो तवा बाक्त। मेकोमी “मोबु आस कली लाइश्शा, एकर र परोक्शा, इजीप्त रागी जाक्दीश्शा, लेत्तीन मदेड सम्म बाक्कीन। मारदे हना पिप हरोदमी आल कली साइक्चा, दे माल्वा चिक्ताक्व” दे मदा बाक्त। १४ मिनु योसफमी निन्दरा र संसीशा छुल बाक्शा, मोबु आस कली लाइश्शा मेको, नाक्दोन इजीप्त परोक्मा बाक्त। १५ मिनु इजीप्त रागीमी जाक्दीश्शा, पिप हरोद मबेक्म सम्म मेकर बाक्मा बाक्त। मो दुश्शोमी परमपरभु याव आ लोत्र थमा दुम्माक्त। साइ नेसी परमपरभु यावमी आ लोत्र पाइब र पा “इजीप्त र लेत्तो, दे आं ती कली बरत्ताक्ड” दे देशो बाक्माक्त। होसे ११:१

### पिपमी आल आन कली साइक्पाइश्शो

१६ पिप हेरोदमी मार पवा बाक्त देशा हना "मेको सोरुल कोव्रशा जोक्व तुइक्वपुकीमी जील पाइयोमी बाक्त" दे तुइश्शा चुरमाक्त। मिनु आन देशो लोव्रमी "पिप मना जरमसीब" दे मिम्शा, मेको पिप दुम्ब आल कली थिन्न मचाप्तीके बथलेहेम सहर एर ओथ गाउं डा बर्स निकशी मलाक्शो वॉइश आल नल्ल आन कली माल्ना माल्न साइक्पाइक्मी बाक्त। १७ मो पवानु, परमपरभु यावे आ लोव्र थमा दुम्माक्त। साइ नेसी परमपरभु यावेमी आ लोव्र पाइब येरमीया रे पा १८ "रामाह सहरमी रोंका पा डाक्शो नंसीब। राहेलमी डाकना डाकन बाक्व। सुइमी लेम्ने मचान्नीम। मारदे हना आ आल साइक्चा पुंडसाक्म" देमाक्त। येरमीया ३१:१५ ; उत्पत्ती ३५:१९

### इज्जीप्त लां लेश्शो

१९ मिनु नोले पिप हेरोद बेक्माक्त। मिनु काबु इज्जीप्त रागीम बाक्शो यासफ डोमु तवानु, परमपरभु यावे आ स्वर्ग डा गय पाइबमी २० "मोबु आस कली लाइश्शा, इसराएल लेश्शा लावो। आल कली साइक्चा माल्बपुकी बेक्तेक्म" देमाक्त। परस्थान ४:१९ २१ मिनु यासफमी मोबु आस कली इसराएल लेत्ता बाक्त। २२ मिनु लेश्शा जाक्दीश्शा, यहूदीया रागीमी हेरोद आ ती अरकीलाउस पिप दुम्शो बाक्त देशो नंशा, यहूदीया रागीमी बाक्चा हिंमाक्त। मिनु लेशा डोमुमी "यहूदीयामी मबाक्कीन। गालील रागी लशा बाक्कीन" दे माइक्चा पुंडसे बाक्त। मिनु गालील रागी लमा बाक्त। २३ मिनु गालील डा नासरथ सहरमी जाक्दीश्शा बाक्मा बाक्त। मारदे हना साइ नेसी परमपरभु यावे आ लोव्र पाइब आन लोव्र थमा दुम्बा माल्बाक्माक्त। मेकोपुकीमी "मेको कली नासरी देनीम" देशो बाक्मा बाक्व। लूका २:३९ ; यहून्ना १:४६

### ब्याक्कुमी खरुम्शा गरुंडब यहून्ना

मर्कूस १:२-८ ; लूका ३:१-१८

३ १ मेना ब्याक्कुमी खरुम्शा गरुंडब यहून्ना यहूदीया डा गोरशो रागीम बाक्शा लूका १:१३ २ "इन थुं परमपरभु यावे गे लेत्तीन। मारदे हना स्वर्ग डा राज्य जाक्चशो बाक्व" दे मुर आन कली शंन शंन बाक्माक्त। मत्ती ४:१७ ;

रोमी १२:२ ३ साइ नेसी परमपरभु यावे आ लोव्र पाइब यसैयामी "गोरशो रागीमी संदा कामी ओदंशो नंसीब 'परभु आ लां सेलीने। आ गाक्तीके फुल्लु गरोक्शा थलीने' देशो नंसीब" देशो बाक्माक्त। मेको लोव्र पाइब यहून्ना बाक्माक्त। यसैया ४०:३ ; यहून्ना १:२३ ४ यहून्नामी दलओंठ आ चां के परोव्रशा वा फक्बाक्माक्त, कुशुल के पटी किष्वाक्माक्त। मिनु सल्हा ब्यशा, रोंका सुदो जशा बाक्बाक्माक्त। २ राजा १:८ ५ मिनु गोरशो रागीम बाक्मेनु, यरूसलेम सहर नु यहूदीया रागी डा गाउं सहर डा मुर नेल्ल जाक्शा देल्मा बाक्त। यर्दन खोला आ नेक्था डा मुरपुकी यो शुश जाक्शा देल्मा बाक्त। ६ यहून्ना आ लोव्र नंशा, शुश मुरमी आन मरिम्शो पशो शोव्रडमे बाक्त। मो पा शोव्रब आन कली यहून्नामी यर्दन खोलामी खरुम्शा गरुंडदीमी बाक्त।

७ मिनु यहून्नामी फरिसी नु सदुकी शुश जाक्शो तशा, मेको आन कली "गे बुस्स आ खलकपुकी, सुमी परमपरभु यावे आ सजाइ रे बरोइचा तांडसीब, द शंदीनी ? फरिसी रिती थीती सेल्शा, रिम्शो पचा कली कोव्रब यो बाक्शो बाक्तेक्म। सदुकी यहूदी आन सरकार डा हुल 'मुर मसंसीनीम' दे थमा सुइक्व बाक्शो बाक्तेक्म। मत्ती २३:३३ ८ परमपरभु यावे गे इन थुं लेश्शो तचा डा पा फल सिप्पा कांडीने। ९ अबराहाम ईं आफ बाक्व, दे शोर गाक्शा मबाक्कीन। मारदे हना परमपरभु यावेमी एको फुल्लु रे अबराहाम कली आल सेल्ल चप्ब, दे तुइक्तीन। यहून्ना ८:३३,३९ ; रोमी २:२८:२९ ; रोमी ४:१२ १० तिम्चा, दे रवा आ पुंमी खा वॉइश्शा बाक्व। फल मसिप्ब रवा का का पा तिम्शा मीमी चोचा पुंडसीनीम, दे तुइक्तीन। लूका १३:६-९ ११ इन थुं लेत्चा कली इन कली ब्याक्कुम खरुम्शा गरुंडनन्नी। गो ब्याक्कुम खरुम्शा गरुंडब ला नड। आं नोले जाक्व चहिं आं क्येडा शुश सक्ति पाइश्शो टेयब बाक्व। गो मेको आ जुत्ता गुप्शा कुरचा लायो मशिरनुड। मेकोमी इन कली परमपरभु यावे आ सोक्तीमी खरुम्ब, मीमी यो हुम्ब। यहून्ना १:२६,२७,३३ ; पररित १:५ ; पररित २:३-४ १२ आ गुइमी ग्याल बाक्व। मेकोमी लाडगामी हाम्शो चेरब हुरशा, भूस नु गेडा तिल्व। गेडा कोठामी कुर पा वॉइक्व। भूस चहिं गेनायो मकाप्ब मीमी चोइब" दे माइक्मी बाक्त। मत्ती १३:३०

येसु ब्वाक्कुम खरुम्शा गरुंडशो

मर्कूस १ : ९-११ ; लूका

३ : २१-२२ ; यूहन्ना १ : ३२-३४

१३मिनु काबु येसु गालील रागी रे यूहन्ना नु ब्वाक्कुम खरुम्शा गरुंडसीथ यर्दन खोला यूहन्ना आ बाक्तीकमी जाक्माक्त। १४मिनु यूहन्नामी "गामी आ कली कका ब्वाक्कुम खरुम्शा गरुंडचा गारब। मिनु मार आं गे पीनीनी ?" दैमाक्त। यूहन्ना १३ : ६ १५ मिनु येसुमी "मुल आन पय। मारदे हना रिम्शो पतीक नल्ल पचा माल्णय" दैमाक्त। मिनु यूहन्नामी "लो, मो हना" दैशा, येसु कली ब्वाक्कुम खरुम्शा गरुंडदा बाक्त। १६मिनु ब्वाक्कु रे गरुम्शा, खोला रे कुसानु, मार दुम्माक्त दैशा हना, येसुमी स्वर्ग रोक्सीशा, परमपरभु यावे आ सोक्ती परवा खोदैशो दुम्शा, यिशा आ रांमी जुक्चशो तवा बाक्त। यसेया ११ : २ १७मिनु सरीड रे "एको आं दाक्शो ती बाक्ब। एको कली तशा थाम्पा ग्यरसीनुड" दैशा संदा गरुम्माक्त। मत्ती १७ : ५ ; यसेया ४२ : १

येसु थाम्चा पुंडसीशो

मर्कूस १ : १२-१३ ; लूका ४ : १-१३

४ १मिनु नोले सैतान रे पा थुं थाम्चा पुंडसीचा कली परमपरभु यावे आ सोक्तीमी येसु कली गोरशा रागीमी चाक्दीदा बाक्त। हिब्रू ४ : १५ ; २मिनु येसु ४० नाक्दो नाक्त मजथु बाक्माक्त। मिनु ४० नाक्त जाक्दीम्मनु, शोत्रलु बक्माक्त। प्रस्थान ३४ : २८ ; १राजा १९ : ८ ३मिनु सैतानमी येसु कली "मार, गे परमपरभु यावे आ ती नवे हना, एको फुल्लु आन कली शोब्ले दुमीन दैशा शोब्ले सलो" दैमाक्त। उत्पत्ती ३ : १-७ ४मिनु येसुमी "परमपरभु यावे आ लोत्रमी 'मुर जशा ला मब्रांइनीम, परमपरभु यावे आ दैशा लोत्रमी यो ब्रांइनीम' दे बरेक्शो बाक्त" दे लोत्र लेत्ता बाक्त। व्यवस्था ८ : ३

५ मिनु नोले सैतानमी येसु कली यरुसलेम सहर लाइइशा, परमपरभु यावे आ खिं डा नल्ल क्येडा तारी लदा बाक्त। ६मेकर बाक्सानु, सैतानमी "मार, गे परमपरभु यावे आ ती नवे हना, एकर रे परेक्को। मारदे हना परमपरभु यावे आ बरेक्पाइइशा लोत्रमी 'परमपरभु यावेमी आ स्वर्ग डा गेय पाइब आन कली सोइइशा, इ कली आन गुइम ताक्शा खपीम नाइक्पाइक्ब। इ सोइल फुल्लु कामी यो मथोक्ब' बरेक्शो

बाक्ब" दैमाक्त। भजन संग्रह ९१ : ११, १२ ७मिनु येसुमी "परमपरभु यावेमी बरेक्पाइइशा लोत्रमी 'परमपरभु यावे कली थुं मथाम्चा' दे यो बरेक्शो" दैमाक्त। व्यवस्था ६ : १६

८मिनु नोले सैतानमी येसु कली ठेयब लाइइशा डांडा तारी लदा बाक्त। मेकर चाक्दीइशा, रागी डा नल्ल राज्यपुकी नु आन दारस कोइदा बाक्त। ९मिनु "गे पोक्च थक्शा, आं कली संउ पाप्तीवी हना, एको नल्ल गेनन" दैमाक्त। मत्ती १६ : २६ १०मिनु येसुमी "लावो, सैतान। मारदे हना 'परमपरभु यावे कली ला संउ पावो। मिनु ठेयब सलो' दैशा बरेक्शो बाक्ब" दैमाक्त। व्यवस्था ६ : १३ ११मिनु सैतानमी येसु कली प्रांइशा लमाक्त। मिनु मार दुम्माक्त दैशा हना, परमपरभु यावे आ स्वर्ग डा गेय पाइबपुकी जाक्शा, येसु कली गेय पामे बाक्त। यूहन्ना १ : ५१ ; हिब्रू १ : ६, १४

येसुमी शेंचा गोशा

मर्कूस १ : १४-१५ ; लूका ४ : १४-१५

१२मिनु नोले येसुमी "यूहन्ना कली ग्याइइशा चोक्तेक्म" दैशा लोत्र नैशा, यहूदीया रागी रे लशा, गालील रागी जाक्दीम्माक्त। मत्ती १४ : ३ १३मिनु नासरथ रे लशा डा मिन, जब्रूलन नु नाप्ताली रागी डा समुन्दर आ नेक्था डा कापरनाउम सहरम जाक्दीइशा बाक्माक्त। १४मादैशो पा साइ नेसी परमपरभु यावे आ लोत्र पाइब यसेया आ लोत्र थमा दुम्माक्त। यसेयामी १५ "जब्रूलन, नाप्ताली रागी, समुन्दर आ एर आंथ रागी, यर्दन खोला आइक्वी हांबु नु अर्को जात डा गालील रागीमी बाक्बपुकी, १६डांइती छिड्छिड्म बाक्बपुकीमी मुल ठेयब छेड्छेड् ताम्तेक्म। बक्चा डा रागी नु हिंशा बक्चा डा रागीम बाक्ब आन कली छेड्छेड् दुम्त" दे बरेक्शो बाक्त। यसेया ८ : २३ ; यसेया ९ : १ ; यूहन्ना ८ : १२

१७ येसुमी मुर आन कली "इन थुं परमपरभु यावे गे लेत्तीन। मारदे हना स्वर्ग डा राज्य जाक्चशो बाक्ब" दे शेंचा गोवा बाक्त। मत्ती ३ : २

येसुम शेंसीबपुकी योत्रशो

मर्कूस १ : १६-२० ; लूका ५ : १-११ ; यूहन्ना १ : ३५-५१

१८मिनु काबु गालील डा समुन्दर आ नेक्था गाक्मेनु, माझी वोबु निकशीम एर आंथ ग्याइल आप्शा, डांइ रेन्ना रेन्न बाक्शा ताम्सी बाक्त। मेको निकशी आस नें का पतरुस माइइशा सिमोन

बाक्माक्त, का अन्दरीयास बाक्माक्त। ११ मिनु येसुमी “आं नोले खोइय्नीसी। मिनु मुर आन कली रेण्व सल्लन्सी” दे बरतीम्सी बाक्त। मती २८:१९-२० मिनु ग्याइल थु था परांइशा, येसु आ नोले खोदस बाक्त। मती १९:२७

२१ मिनु मंकर र लशा हिरसमानु, येसुमी जब्दी नु आ तौ याकूब नु यूहन्ना पाबु आन कली तामी बाक्त। मेको सांफा डोंगाम बाक्शा गाक्शा, ग्याइल परोत्रना परोत्रन बाक्मा बाक्त। मिनु येसुमी वोबु आस कली बरतीम्सी बाक्त। २२ मिनु आस गेय परांइशा, येसु आ नोले खोदस बाक्त।

येसुम रोइ पाइब सापाइश्शो

मर्कूस १:३९; मर्कूस ३:७-१२; लूका ४:४४; लूका ६:१७-१९

२३ मिनु गालील रागी तेइ तेइ हिरना हिरन लमानु, येसुमी गुरुम्तीक सिंमी स्वर्ग डा राज्य डा ग्यरपाइक्व लोत्र शंना शंन नु रोइ पशो नु रोइमी गुरशो मुर नेल्ल आन कली सापाइक्ना पाइक्न गाक्बाक्माक्त। २४ मिनु सिरीया रागी नेल्ल मेको आ पर्वम लोत्र बरम्माक्त। मिनु रोइ पशो मुर नेल्ल आन कली येसु आ बाक्तीकमी चाक्स डा चाक्स पाइबाक्मा बाक्त। वोल्मी तशो, वोल्मी सुम्शो नु गुइ खोइल मडुक्व मुर चाक्गमे बाक्त। मिनु येसुमी मेको नेल्ल आन कली सापाइक्मी बाक्त। मर्कूस ६:५५ २५ मिनु गालील, डंकापोलीस, यरूसलेम, यहूदीया रागी नु यर्दन खोला आइक्ची हांबु डा शुश मुरुमी येसु आ नोले खोदस बाक्त।

डांडाम शंशो लोत्र

लूका ६:२०-४९

१ मिनु येसुमी शुश मुर आ नोले खोइश्शो तशा, डांडा डाइश्शा निस्स बाक्त। मिनु मेकेर आ शंसीबपुकी यो जाक्मा बाक्त। २ मिनु मेकेर जाक्शो आन कली ठेयब खेदा पा शंना शंन बाक्माक्त।

आसीक राइब सु बाक्नीम ?

मिनु येसुमी ३ “महिकसीशो मुरपुकी आसीक राइनीम। मारदे हना स्वर्ग डा राज्य मेको आन केन बाक्व। यसैया ५७:१५ ४ आन थुं साइश्शोपुकी आसीक राइनीम। मारदे हना आन थुं नाइक्वा ताइनीम। भजन संगरह

१२६:५; परकाश ७:१७ ५ बरेम्शोपुकी आसीक राइनीम। मारदे हना रागी आन केन दुम्ब। मती ११:२९; भजन संगरह ३७:११ ६ठीक पशो तचा दाक्वपुकी आसीक राइनीम। मारदे हना आन दाक्शो ताइनीम। लूका १८:९-१४; यूहन्ना ६:३५ ७ शिशो पाइबपुकी आसीक राइनीम। मारदे हना आं यो शिशो ताइनीम। मती २५:३५-४६; याकूब २:१३ ८ आन पाप क्याम्चा पुंइसीशा, रिम्शो थुं दुम्शोपुकी आसीक राइनीम। मारदे हना परमपरभु यावे कली ताइनीम। भजन संगरह २४:३-५; भजन संगरह ५१:१२-१३; १ यूहन्ना २:२-३ १ दुशा गारशा बाक्वपुकी आसीक राइनीम। मारदे हना परमपरभु यावे आ तमी तौ देंचा पुंइसीनीम। हिब्रू १२:१४ १० ठीक पशा यो खेदा पचा पुंइसीबपुकी आसीक राइनीम। मारदे हना स्वर्ग डा राज्य मेको आन केन बाक्व। १ पतरुस ३:१४ ११ आं पर्वम मुरपुकीमी इन कली हेला पा, खेदा पा, जोल पा, मरिम्शो लोत्र पाम्तक्म हना यो, आसीक राइनीमी। मती १०:२२; पररित ५:४१; १ पतरुस ४:१४ १२ ग्यरसीने। मारदे हना स्वर्गमी इन कली ठेयब इनाम वोइश्शो बाक्व। साइ नेसी रे मुल सम्म परमपरभु यावे आ लोत्र पाइब आन कली खेदा पा श्यत गेस डा गेस पाम्तक्म। हिब्रू ११:३३-३८; याकूब ५:१०

रागी डा हिक्सी

१३ गे रागी डा हिक्सी ननी। हिक्सी आ डाम्चा जाम्त हना, मारइ काम मलाण्व। लांमी ताइश्शा मुर गाक्मानु, दिम्शा खराक्वा पुंइसीब। मर्कूस ९:५०; लूका १४:३४-३५

रागी डा छेड्छेड

१४ गे रागी डा छेड्छेड ननी। डांडामी सेल्शो सहर मारइमी मफारसीब। यूहन्ना ८:१२ १५ सुइमी बती दाशा, पाथीम गुण्शा मवोइक्नीम। सिं आगा नेल्ल छेड्छेड पा तचा डा पा वोइक्नीम। मर्कूस ४:२१; लूका ८:१६ १६ मेको बरशो बती खोदेशो पा गमी इन रिम्शो गेय रे पा इन छेड्छेड मुर आन कली कांडदीने। मिनु इन रिम्शो पशो तशा, स्वर्गमी बाक्व इन आफ कली ठेयब सुइश्शा मान पाइनीम। फिलिप्पी २:१४-१५; यूहन्ना १५:८; एफिपी ५:८-९

### यसुमी नु अरेशो लोत्र

१७ परमपरभु यावे आ अरेशो लोत्र नु परमपरभु यावे आ लोत्र पाइबपुकीमी बरेकशो लोत्र क्याम्ब, दे ममिन्तीने। क्याम्बा कली ममाइ, नेल्ल पचा कली जाकती। मती ३:१५; रोमी ३:३१; रोमी १०:४; १यूहन्ना २:१७ १८ नोफा दाइश्शा नेनीन, सरीङ नु रागी मग्याम्म सम्म परमपरभु यावे आ लोत्र का यो मग्याम्ब। नेल्ल थमा दुम्ब। लूका १६:१७ १९ सुमी परमपरभु यावे आ अरेशो लोत्र के लोत्र का मपाइबा, मुर आन कली मो पचा शंबा, मेको मुर स्वर्ग डा राज्यमी नेल्ल क्येडा आइक्च दुम्ब। सुमी लोत्र का यो मप्रांडथु, नेल्ल पशा डा मिन, मुर आन कली शंबा, मेको चहिं स्वर्ग डा राज्यमी ठेयब दुम्ब। याकूब २:१०

२० सास्त्री नु फरिसी आन पशो क्येडा गेरिम्शो ठीक गेय मपाइतीनी हना, गेपुकी यो स्वर्ग डा राज्य ओत्रचा मताइनीनी, दे इन कली दनुङ। मती २३:२-३३

### साइक्चा मदुम्ब, दे शेशो

२१ साइ नेसी इं किकी पिपी आन कली भुर कली मसाइक्चा। सुइमी अरु कली साइक्चु हना, मेको सजाइ गेचा पुंडसीब' दे देशो लोत्र बाक्ब, दे तुइक्नीनी। परस्थान २०:१३, परस्थान २१:१२ २२ गोमी चहिं इन कली मार दनुङ देशा हना, सु मुर नु ईख पा बराशा बाक्बा, मेको सजाइ गेचा पुंडसीब। सुमी अर्का कली मरिम्शा लोत्र पाइबा, मेको कछ्डी पचा पुंडसीब। सुमी अर्का कली 'ए मूर्ख' देबा, मेको नरक डा मीम हुम्चा पुंडसीब। १यूहन्ना ३:१५

२३ मोपतीक गे परमपरभु यावे कली मार मार चढेचा सादीनीनु, सुइ गेपुकी नु गाइश्शा, चुरशो फरुक्तीनी हना, २४ चढेचा क्येडा डांइती मेको आन कली गरुम्शा, दुशा गारशा ला चढेने। मर्कूस ११:२५

२५ इन कली मरिम्शो पाइब नु लांमी बाक्नीनुन, गारीने। मारदे हना मेकोमी इन कली अडडाम लाइश्शा, निसाफ पाइब आ डांइती चाक्दीप्य। मिनू निसाफ पाइबमी पुलीस आन गुइमी गेब। मिनू पुलीसम जेल्खानम चोक्नीम। मती १८:२३-३५; लूका १२:५८-५९ २६ नोफा दाइश्शा नेनीने, इन कली नोले डा क्वदरन्स मथाप्पाइक्थु मप्रांडनीम। क्वदरन्स नेल्ल क्येडा आइक्च क्येड बाक्त।

### मीश वॉइश आस नाता मखरोइक्चा

२७ ग्युंब पशापुकी आन मीश वॉइश नाता बराचा मदुम्ब देशो बाक्ब, दे तुइक्नीनी। परस्थान २०:१४ २८ गो मार दनुङ देशा हना, ग्युंब पशा मुरुमी अर्का मीश मुर तशा वाल्त हना, आ थुमी मीश वॉइश आस नाता खरोइक्ब। २सामुएल ११:२; अय्युब ३१:१; २पतरुस २:१४ २९ इ ग्युरा मिक्चीमी इ कली पाप पपाइक्चु हना, फेशशा ताइक्ती। मारदे हना रॉ नेल्ल नरकम खरुम्चा पुंडसीचा क्येडा रॉ डा मिक्च का जाम्शा लशो रिम्शो दुम्ब। मती १८:८-९; मर्कूस ९:४७; कलस्सी ३:५ ३० इ ग्युरा गुइमी इ कली पाप पपाइक्चु हना, खरोइश्शा ताइक्ती। मारदे हना रॉ नेल्ल नरकम खरुम्चा पुंडसीचा क्येडा रॉ डा गुइ का जाम्शा लशो रिम्शो दुम्ब।

३१ सु आ मीश नु बराबा, मेकोमी छोड पतर बरेकशा गेचा माल्ब, दे यो देशो बाक्ब। ब्यवस्था २४:१; मती १९:३-९; मर्कूस १०:४-१२ ३२ गोमी मार दनुङ देशा हना, सुमी आ मीश आं नु फराशा सोइक्बा, मेकोमी आ मीश कली मीश वॉइश आस नाता खरोइक्पाइक्ब। मीश मुरुमी आ वॉइश बाक्ना बाक्न अर्का वॉइश मुर नु मरिम्शो गेय पाप्नु हना, मोदेशो मीश मुर कली प्रांडचा दुम्ब। सुमी छोड पतर गेचा पुंडसीशो मीश मुर ग्युंब पाइबा, मेकोमी यो मीश वॉइश आस नाता खरोइक्ब। लूका १६:१८; १कोरिन्थी ७:१०-११

### कसम मजचा

३३ साइ नेसी इं किकी पिपी आन कली 'जोल पा कसम मजचा। परमपरभु यावे कली मार मार गेनुङ, पाइनुङ, दे कसम जाइतीनी हना, मेकोन गेचा पचा माल्नीनी' दे देशो बाक्ब, दे यो तुइक्नीनी। लेवी १९:१२; गन्ती ३०:३ ३४ गोमी मार दनुङ देशा हना, कसम का यो मजने। सरीङ आ नेमी कसम मजने। मारदे हना सरीङ परमपरभु यावे आ निक्तीक बाक्ब। मती २३:१६-२३२; यसेया ६६:१ ३५ रागी आ नेमी यो कसम मजने। मारदे हना रागी परमपरभु यावे आ खोइल थक्तीक बाक्ब। यरुसलेम सहर आ नेमी यो कसम मजने। मारदे हना यरुसलेम नेल्ल क्येडा ठेयब पिप आ सहर बाक्ब। मजने संगरह ४८:३ ३६ इन पिया थिशा यो कसम मजने। मारदे हना चां का यो बुश के क्येर, क्येर के बुश सेल्ने मचाप्नीनी। ३७ इन देशो लोत्र चहिं 'दुम्ब हना

दुम्ब, मदुम्ब हना मदुम्ब' दनीने। मेको क्येडा लाकशो लोत्र चहिं मरिम्शो लां रे पीब। याकूब ५:१२

### क्येकक मलेत्वा

३८ सुइमी इन मिक्च पुक्ताकम हना, मेको आन कली यो मिक्च पुक्तीन। सुइमी इन खरुइ जिक्ताकम हना, मेको आन कली यो खरुइ जिक्तीन' देशो बाकब, दे तुइक्नीनी। प्रस्थान २१:२४ ३१ गो मार दनुड देशा हना, सुइमी इन कली मरिम्शो पाक्तेकम हना यो, मेको आन कली आन क्येकक मलेत्तीन। इन ग्युरा चोत्रचो राक्तेकम हना, परा यो राप्चा गेने। बिलाप ३:३०; यूहन्ना १८:२२-२३; रोमी १२:१९,२१; १पतरूस २:२०-२३ १० इन कली मुददान कोप्शा, अडडाम लाइशशा, इन फेकशो वा लाइक्चा माल्तेकम हना, इन बरखी यो गेशा सोइक्तीन। १कोरिन्थी ६:७; हिब्रू १०:३४ ११ इन कली आधा कोस सम्म लचा, दे डिपी पाक्तेकम हना, कोस का सम्म यो लेने। १२ इन के मारइ थोत्रक पुंडतेकम हना, आन पुंडशो गेने, जेर पुंडतेकम हना यो, मगनीकी, दे श्येत्थी मसोइक्तीन।

### जोरी सतरु आन कली यो दाक्चा

१३ पैपुकी नु बाकब मुर आन कली दाक्तीने। जोरी सतरु आन कली चहिं मदाक्तीने' देशो बाकब, दे तुइक्नीनी। लेवी १९:१८ १४ गोमी इन कली मार दनुड देशा हना, जोरी सतरु आन कली दाक्तीन। इन कली हला पा खेदा पाइब आन परमपरभु यावे कली पुनीन। प्रस्थान २३:४-५; लूका ६:२७-२८; रोमी १२:१४,२०; लूका २३:३४; प्रेरित ७:५९; लूका ६:२७-२८ १५ मो पाइतीनी हना, इन स्वर्ग डा आफ आ तमी तौ नकी, दे कांडनीनी। स्वर्गम बाकब आफोमी रिम्शो मरिम्शो पाइब नेल्ल आन कली नां दाप्पाइक्ब। नेल्ल आन कली रेउ यिपाइक्ब। एफिसी ५:१ १६ इन कली दाक्ब आन कली ला दाक्ताक्नी हना, मार इनाम ताइनीनी डा? तिरो पोक्बपुकीमी यो मो मपाइनीम डा? १७ इन जात, थर डा मुर आन कली ला मान पा सत्ताक्नी हना, मार इनाम ताइनीनी डा? परमपरभु कली मतुइक्बपुकीमी मसम्मइनीमी डा? १८ मोपतीक दोपा इन स्वर्ग डा आफोमी रिम्शो पाइबा, मोपा गे यो रिम्शो पने। लेवी १९:२

### मथीब आन कली शिशी पचा

१ होस पांडसीने, मुर आन डांडती कांडचा ६ कली परुडग आन कली शिशी मपने। मारदे हना मोदंशो पाइब आन कली स्वर्गम बाकब इन आफोमी इनाम मगेब।

२ श्येत जाइब, मथीब आन कली मारइ गेनीनु, इन डांडती तुराही मतापीन। कपटीपुकीमी गरुम्तीक सिंमी, लामी मुर आन कली आन रिम्शो पतीक कांडशा ठेयब सल्पाइसीनीम। नोफा दाइशशा नेनीन, मेको आन तचा डा इनाम मारइ मलीब। १कोरिन्थी १३:३ ३ श्येत जाइब, मथीब आन कली मारइ गेनीनु, इन ग्युरा गुइमी गेशो, परा गुइ कली यो मतुइक्पाइक्थु गेने। मत्ती २५:३७-४०; रोमी १२:८ ४ मोदंशो पा इन गेशो खरुइशशोम बाकब। मिनु खरुइशशो यो नेल्ल तुइक्ब इन आफोमी इन कली इनाम गेब।

### परार्थना पचा शंशो

५ परमपरभु यावे कली परार्थना पनीनु, कपटीपुकीमी पशो सोदंशो पा मपने। मेकोपुकीमी गरुम्तीक सिंमी, लामी मुर आन कुल राप्शा कोत्रपांडसीशा, परार्थना पाइनीम। नोफा दाइशशा नेनीन, मेको आन तचा डा इनाम मारइ मबाकब। ६ गे चहिं परमपरभु यावे कली परार्थना पनीनु, इन सिं ओत्रशा, लाप्चो चोक्शा, सुइ आन मतुइक्थु, खरुइशशामी बाकब इन आफ कली परार्थना पने। मिनु खरुइशशो यो नेल्ल तुइक्ब इन आफोमी इन कली इनाम गेब। ७ परमपरभु यावे कली परार्थना पनीनु, अर्का रागी डा मुरपुकीमी सोदंशो पा हेंथ शुश लोत्र मपने। मारदे हना शुश लोत्र पशामी आन पुंडशो ताइनीम, दे मिम्नीम। यसैया १:१५ ८ मेको आन पशो सोदंशो मपने। मारदे हना पुंडचा क्येडा डांडती इन आफोमी इन माल्शो तुइशशो बाकब। ९ आंद परार्थना पने 'स्वर्गम बाकब आंड आफ, इन नें ठेयब बाक्ल। लूका ११:२-४; इजीकीएल ३६:२३ १० इन राज्य जाक्ल। स्वर्गमी इन दाक्शो सोदंशो पा रागीमी यो मोदंशोन दुम्ता। लूका २२:४२ ११ काबु नाक्त डा जचा थोत्रक मुलाक्ती आंड कली गेने। १२ आंड मरिम्शो पशो क्याम्शा गेने। मारदे हना गो यो आंड कली मरिम्शो पाइब आन कली माफ गेतक। मत्ती १८:२१-३५ १३ सैतानमी आंड थुं हिरपाइक्चा मगेने। आंड कली सैतान रे परानीन। मारदे हना राज्य, सक्ति नु छेड्छेड

गेना हना यो इन के नम' आमन। यूहन्ना १७:१५ ; १कोरिन्थी १०:१३ ; १इतिहास २९:११-१३ १४ इन कली मरिम्शा पाइब आन कली माफ गेतीनी हना, स्वर्गमी बाक्ब इन आफोमी यो इन कली माफ गेब। मर्कूस ११:२५ १४ माफ मगतीनी हना, इन आफोमी यो इन कली माफ मगब।

### बर्त बाक्चा शंशो

१६ बर्त बाक्नीनु, राव कीशो कुल मसलीने। कपटीपुकीमी आइ बर्त बाक्शो ताइसक्त, दे आन कुल राव कीपा काइनीम। नोफा दाइश्शा नेनीने, मको आन तचा डा इनाम मारइ मबाक्ब। यसेया ५८:५-६ १७ गेपुकी चहिं बर्त बाक्नीनु, चांमी तेल खरकशा, कुल चिकशा, इन बुं जिप्शा बाक्कीने। १८ मो पाइतीनी हना, इन बर्त बाक्शो खरुइश्शामी बाक्ब। मिनु खरुइश्शो यो नेल्ल तुइक्ब इन आफोमी इन कली इनाम गेब।

### इन थुं शांप गे महिरदीने

१९ एको रागीमी शांप सुष्शा, खेक्शा मवोतीने। मारदे हना बुस्सुम खरोइक्ब, खिया जोइब, सुइपुकीमी सुइ पाइनीम। २० स्वर्गमी इन शांप वातीने। मकर बुस्सुम मखरोइक्ब, खिया मजोइब, सुइपुकीमी यो सुइ मपाइनीम। मत्ती १९:२१ ; लूका १२:३३-३४ ; कलस्सी ३:१-२ २१ तेकर इन शांप बाक्बा, मकरन इन थुं यो तीशा बाक्ब।

२२ इन मिक्च रां डा छेइछेइ बाक्ब। मिक्च बराबरा मदुम्शो बाक्त हना, इन रां नेल्ल छेइछेइ बाक्ब। लूका ११:३४-३६ २३ मिक्च बराबरा दुम्शो बाक्त हना, इन रां नेल्ल छेइछेइ दुम्ब। इन रां डा छेइछेइ नेल्ल छेइछेइ दुम्त हना, शुश छेइछेइ दुम्ब। यूहन्ना ११:१०

२४ सुइमी होत्रप निक्शी आस गेय पने मचाप्व। मारदे हना का कली मदाक्ब, का कली दाक्ब। का कली मान पा टीब, का कली मान मपथु मटीब। परमपरभु यावे नु शांप निम्फा आस कली गेय पने मचाप्वनीनी। लूका १६:१३ ; याकूब ४:४ २५ मोपतीके गो 'मार जचा, मार तचा, मार फेक्चा' दे ममिम्तीने। मारदे हना जचा तचा क्यडा बरोइचा ठेयब बाक्ब। फक्तीक क्यडा रां ठेयब बाक्ब। लूका १२:२२-३१ ; फिलिप्पी ४:६ ; १पतरुस ५:७ २६ सरीडमी बरब चिकब आन कली कोत्रशा मिम्तीने। मकोपुकीमी वांचर मशाक्नीम,

अन्न मसुप्नीम, भकारीमी मवोइक्नीम। स्वर्गम बाक्ब इन आफोमी मको आन कली थुल्शो बाक्ब। मको आन क्यडा शुश ठेयब मननी डा ? मत्ती १०:२९-३१ ; लूका १२:६-७ २७ गेपुकीमी सुर्ता पा, इन रां हात का लाइश्शा सल्ले चाप्वनीनी डा ? २८ मार फेक्चा, दे मारदे मिम्तीनी ? लिली फू कली कोत्रशा मिम्तीने। गिश बाइश्शा रिम्शा तांइसीनीमी। श्यत पा गेय मपाइनीम। पांइती मपांइनीम। २९ पिप सोलोमन आ दारस नेल्ल कांइताक्ब हना यो, लिली फू सोदंशो रिम्शा ग्याम्सीशो मबाक्ब। १राजा १० :- ३० परमपरभु यावेमी चीबर बाइश्शा, हेम्शा चोचा पुंइसीब फू, घांस आन कली लायो मिश रिम्शा ग्याम्ताक्ब हना, गे थमा पा थमा सुइक्ने मचाप्वपुकी इन कली मफेक्पाइक्बा डा ? ३१ मोपतीके मार जचा, मार तचा, मार फेक्चा, दे ममिम्तीने। ३२ मारदे हना अर्का रागी डा मुरपुकीमी ला मोदंशो मिम्तीने। इन स्वर्ग डा आफोमी इन माल्लो नेल्ल तुइक्ब। ३३ कांइती परमपरभु यावे आ राज्य नु आ ठीक पतीके मिम्शा मालीने। मिनु जचा तचा फेक्चा यो ताइनीनी। रोमी १४:१७ ; १राजा ३:१३-१४ ; मजन संगरह ३७:४,२५ ३४ मोपतीके दीसा मार दुम्बा, दे सुर्ता मपने। मारदे हना दीसा डा श्यत दीसान दुम्ब। मुलाकती डा श्यतम दीसा डा श्यत मतम्दीने। परस्थान १६:१९

### नाकमुचा आ पर्वम शंशो

१ मुर आन कली मनाक्तीने। मुर आन कली नाक्ताक्नी हना, इन कली यो नाक्नीम। रोमी २:१ ; १कोरिन्थी ४:५ २ दोपा नाक्तीनी, मोपा नाक्चा पुंइसीनीनी। दोपा पुक्शा गेनीनी, मोपान पुक्शा ताइनीनी। यसेया ३३:१ ; मर्कूस ४:२४ ३ मारदे इन लोकब आ मिक्चीम बाक्शो कसीङगर ताइनीनी। मिनु इन मिक्चीम बाक्शो मुदा चहिं मताइनीनी ? ४ इन मिक्चीम मुदा बाक्त हना, दोपा इन लोकब कली 'इ मिक्चीम बाक्शो कसीङगर फेत्नुड' देने चाप्वनीनी डा ? ५ कपटी, कांइती इन मिक्चीम बाक्शो मुदा फेत्तीने। मिनु ला मिक्च ठीक ताइब दुम्शा, इन लोकब आ मिक्चीम बाक्शो कसीङगर फेत्तीने।

६ हेथ थिपाइक्चा मदुम्शो थोत्रक कुनुम कली मगेने, पोत्र आन कांइती इन मोती मब्यारदीने। मारदे हना दिम्नीम। मिनु बिर लेश्शा इन कली गराम्थ पीनीम। मत्ती १०:११ ; लूका २३:९

परमपरभुमी इन पुंडशो नंब

लूका ११ : २-१३

७ परमपरभु यावे कली पुनीनि। मिनु इन पुंडशो ताइनीनी। मालीनि, मिनु इन माल्थो थिन्नीनी। बाक्नी ? दे लाप्नो खरोकोल पने। मिनु गे ओव्रचा ताइनीनी। मर्कूस ११ : २४ ; यूहन्ना १४ : १३ ; यरमीया २९ : १३-१४ ८ मोपतीक सुम पुंडबा, मेकोमी आ पुंडशो ताइब। सुम माल्बा, मेकोमी आ माल्थो थिन्ब। सुम ओव्रडा ? दे लाप्नो खरोकोल पाइबा, मेको ओव्रचा ताइब। ९ गे नु बाक्ब सुइ इन तीमी 'शोप्ने जाइनुड' दे पुंडतु हना, शोप्ने आ पा डा फुल्लु जचा गनीनी डा ? १० 'डांड ब्वाइनुड' दे पुंडतु हना, डांड आ पा डा बुस्स ब्वाचा गनीनी डा ? ११ गेपुकी मरिम्शो बाक्तीनी हना यो, इन तमी तो आन कली रिम्शो थोव्रक गेस जोक्नीनी। इन पशो क्येडा स्वर्गमी बाक्ब इन आफोमी आ कली पुंडब आन कली रिम्शो थोव्रक मगेब डा ?

परमपरभु आ दाक्शो पचा

१२ गमी दोदेशो पपांडसीचा दाक्नीनी, गे यो मुर आन कली मोदेशो पने। मारदे हना परमपरभु यावे आ अरशो लोव्र नु परमपरभु यावे आ लोव्र पाइब आन शंतीक लोव्र मेकोन बाक्ब। मती २२ : ३६-४० ; रोमी १३ : ८-१० ; गलाती ५ : १४

१३ आइक्च लाप्नो रे ओव्रडीनि। मारदे हना जाम्शा लतीक लाप्नो ठेयब नु लां बरम्शो नु ग्युष्शो बाक्ब। मोपतीक शुश मुर मेकर गाक्नीम। लूका १३ : २४ १४ गना हना यो ब्रांडतीक लतीक डा लाप्नो आइक्च नु आ लां गाक्चा श्येत बाक्ब। मेको लां थिन्बपुकी का निक्शी ला बाक्नीम। मती १९ : २४ ; पररित १४ : २२ १५ होस पांडसीनि। मारदे हना परमपरभु यावे आ लोव्र दूली शंबपुकी बाक्नीम। मेकोपुकी भेडा खोदेशो तांडसीनीमी। मेको आन थुं चहिं फर के खोदेशो बाक्नीम। मती २४ : ४, ५, २४ ; २कोरिन्थी ११ : १३-१५ १६ मेको आन पशो गेय तशा, रिम्शो नम, दे मरिम्शो नम रुम्सीब। चू खामी अडगुर सिन्बा डा ? सिजंडो आ बोटमी फोव्रशो सिन्बा डा ? १७ रिम्शो फल खामी बरोव्रशो फल सिन्ब, मरिम्शो फल खामी मबरोव्रशो फल सिन्ब। मती १२ : ३३ १८ रिम्शो फल खामी मबरोव्रशो फल मसिन्ब। मरिम्शो फल खामी यो बरोव्रशो फल मसिन्ब। १९ मरिम्शो फल सिन्ब खा कली तिम्शा

शी चोइनीम। मती ३ : १० ; यूहन्ना १५ : २, ६ २० मोपतीके मेको आन सिम्शो फल तशा, रिम्शो नमी, दे मरिम्शो नमी तुइक्नीनी।

२१ आं कली परभु, परभु देशा ला स्वर्ग डा राज्य ओव्रचा मताइनीम। स्वर्गमी बाक्ब आ आफ आ दाक्शो पाइबपुकी ला ओव्रचा ताइनीम। रोमी २ : १३ ; याकूब १ : २२ २२ मेको नाक्त शुशमी आं कली हे परभु, हे परभु, गोपुकीमी इन नमी नाले दुम्ब लोव्र मपका डा ? इन नमी वोल आन कली मखेरका डा ? चिन्ड नु छ्क लक्का डा गेय मपका डा ? देनीम। लूका १३ : २५-२७ ; यरमीया २७ : १५ २३ मोदेश आन कली 'शो इन कली गेनायो मतुइक्तन्नी। ए मरिम्शो पाइबपुकी, डोन लेने' दे हुइक्नुडमी। मती २५ : १२ ; रतिमोथी २ : १९

नंशो लोव्र पचान माल्ब

२४ सुमी आं लोव्र नंशा, आं देशो पवा, मेको निप्स खाप्शा, सिं सेल्ब खोदेशो बाक्त। मेकोमी आ सिं सेरथे फुल्लु तारी सल्लु। २५ मिनु ठेयब रेड यिशा, भोल यिशा, फशमी हुरदानु, मेको सिं मबरो। मारदे हना सेरथे फुल्लु तारी सल्लो बाक्त। २६ सुमी आं लोव्र नंशा, आं देशो मपवा, मेको शोर गाक्शो मुर खोदेशो बाक्त। मेकोमी आ सिं बाल्वामी सल्लु। २७ मिनु ठेयब रेड यिशा, भोल यिशा, फश पवानु, मेको सिं बरम्शो याल्ल। मिनु मेको क ठेयब खती दुम्त" दे येसुमी शंदीमी बाक्त।

२८ येसुमी शंन थुमानु, मेकर देल्थो शुश मुरुमी आ शंशा आ पर्वम छ्क लक्का बाक्त। पररित २ : १२ २९ मारदे हना सास्तरीपुकीमी शंशा खोदेशो ममाइ, तन्न सक्ति पाइशशो मुर बुदी शंदा बाक्त। यूहन्ना ७ : १६-४६

कोर पाइब कली सापाइशशो

मर्कूस १ : ४०-४४ ; लूका ५ : १२-१४

१ मिनु येसु डांडा रे लेशशा यिमेनु, शुश मुरुमी आ नाले खोदमे बाक्त। २ मिनु मार दुम्माक्त देशा हना, कोर पाइब का जाक्शा, येसु आ डांडती आ पोक्च थेक्शा "परभु, सापाइक्चा दाक्ताक्नी हना, आं कली सापाइक्ने चान्नीनी" देमाक्त। ३ मिनु येसुमी आ गुइ दिंशा, कोर पाइब कली थिशा "गा सापाइक्चा दाक्नुड" देमेनु, बरा सामाक्त। ४ मिनु येसुमी "सुइ कली मशाव्रचा, चदेब आ डांडती लशा, इ साशो रां कांडदो। मिनु मासामी मार चदेचा माल्ब देशो बाक्मे, मेको

चंदेशा, सामाक्त, दे तुइक्पतो” दे मदा बाक्त।  
मर्कूस ८ :३० ; लेवी १४ :२-३२

कप्तान आ गेय पाइब सापाइश्शो

लूका ७ :१-१० ; यूहन्ना ४ :४६-५३

५मिनु कापेरनाउम सहर लेश्शा जाक्मेनु, कप्तान का यसु कली गरुमथ पिमाक्त। ६मिनु “परभु, आं गेय पाइब रोइमी गुरशा, आ गुइ खोइल मदुक्ब दुम्शा, गोल्शा बाक्शो बाक्ब” दे शोत्रडा बाक्त। ७मिनु यसुमी “इन खिंमीन पिशा सापाइक्नुड” दे मदानु ८ “परभु, श्येत मपने, गो इन कली आं खिं ओइचा माशरनुड। लोत्र ला देनीने। मिनु आं गेय पाइब साब। ९मारदे हना अधिकार तचा दा गो यो अधिकार तशो नड, अधिकार पाइनुड, अधिकारमीन बाक्नुड। गोमी सिपाही का कली ‘लावो’ दे सोइक्तनु, लाइब। का कली ‘पिवो’ दे बरेतनु, पीब। आं वाइल कली ‘एको गेय पावो’ दे मदनु, पाइब” देमाक्त। १०यसुमी मोदंशो नंशा, आ नोले खोइक्ब आन कली “ओहो, नोफा दाइश्शा नेनीने, एको कप्तान सोदंशो थमा सुइक्ब इं इसराएल जात डा मुर सुइ मतडमी। मर्कूस ६ :६ ; लूका १८ :३ ११गो मार देनुड दंशा हना, नां दाप्तीक नु नां परतीकरे शुश मुर जाक्नीम। मिनु स्वर्ग डा राज्यमी ओत्रशा, इं किर्की पिपी अबराहाम, इसहाक नु याक्ब नु काथा बाक्नीम। लूका १३ :२८-२९ १२एको राज्य डा मुरपुकी चहिं तिल्शा, छिड्छिड्मी सोइक्चा पुंडसीनीम। मेकर मुरपुकी आन खरुइ शप्शा डाक्नीम” देमाक्त। १३मिनु यसुमी कप्तान कली “इन खिं लेने, इन थमा सुइश्शो सोदंशो दुम्त” दे सोइक्ता बाक्त। मो देम रे आ गेय पाइब यो सामाक्त। मत्ती ९ :२९ ; मत्ती १५ :२८

पतरुस आ खिंमी

मर्कूस १ :२९-३४ ; लूका ४ :३८-४१

१४मिनु यसु पतरुस आ खिं जाक्दीश्शा ओत्रमेनु, पतरुस आ शिमी जरो पा गोल्शो तवा बाक्त। १५कोरिन्थी ९ :५ १५मिनु आ गुइ थिवानु, जरोम थु परोना बाक्त। मिनु छुल बाक्शा, यसु कली जचा त्चा गेवा बाक्त।

१६में नाक्दो वोल्मी सुम्शो शुश मुर आन कली चाक्गमे बाक्त। मिनु वोल् आन कली लोत्र रे खेरमी बाक्त। रोइ पाइब नेल्ल आन कली सापाइक्मी बाक्त। १७मो पवानु, साइ नेसी यसेयामी दंशो लोत्र “मिकोमी आंइ गुरपाइक्ब

रोइ लाइक्तु। आंइ रोइ नेल्ल कुरतु” दंशो लोत्र थमा दुम्माक्त। यसेया ५३ :४

निकशी थुं मपथु, यसु कली खोइक्चा

लूका ९ :२७-६०

१८मिनु यसुमी शुश मुर देल्शो तशा “एकर रे लशा, समुन्दर शोक्शा आइक्ची हांबु लय” देमाक्त। १९मिनु सास्त्री कामी यसु कली “शंब, तेक तेक लनी, मेक मेक गो यो लाइनुड” देमाक्त। २०मिनु यसुमी “फयाउरे आन बाक्तीक ढाडोडगा बाक्ब। चिक्ब आन बाक्तीक ग्योत्र बाक्ब। रागीम जरमशो के बाक्तीक मबाक्ब” देमाक्त। २१कोरिन्थी ८ :९ २१मिनु यसु आ नोले खोइक्ब मुर कामी “परभु, डांइती लशा, आं आफ कली थिम्चा गेयीनी” देमाक्त। मत्ती १० :३७ २२मिनु यसुमी “आं नोले खोइय्यी। बेक्शा मुरुमी बेक्शा कली थिम्मेक्ल” दे मदा बाक्त।

फश गिवार तेक्शो

मर्कूस ४ :३५-४१ ; लूका ८ :२२-२५

२३मिनु समुन्दर शोक्सीचा कली डांगाम डांइसनु, आ शंसीबपुकीमी आ नोले सोदमे बाक्त। २४मिनु शोक्समानु, ठेयब फश गिवार पतीके डांगाम ब्वाक्कु ओत्रशा गरुन्चामे बाक्त। यसु चहिं इप्शा बाक्माक्त। २५मिनु शंसीबपुकीमी हिंशा यसु कल पाक्शा “परभु, गो नेल्ल गरुम्शा बेक्चांइलय, हे” दे वाइ बरम्मा बाक्त। २६मिनु यसुमी “मारदे हिंनी ? ग थमा पा थमा सुइक्ने मचाप्वपुकी” दंशा बोक्शा, फश नु समुन्दर आस कली हुइक्ता बाक्त। मिनु सिकसी पाम्से बाक्त। भजन संग्रह ८९ :१० ; प्ररित २७ :२२,३४ २७मोदेब पशो तशा “ओहो, एको मुर सु बाक्म माइ ? फश नु समुन्दरमी यो आ लोत्र टीबाक्ताक्से” देमुमा बाक्त।

वोल आन कली खेरशो

मर्कूस ५ :१-१७ ; लूका ८ :३६-३७

२८मिनु आइक्ची हांबु शोक्सीशा, गदरीनी आन रागी जाक्दीम्मा बाक्त। मेकर लाम गाक्मानु, वोल्म गपाइश्शो मुर निकशी गरुम्मे बाक्त। मको निकशी चहिं बेक्शा मुर वोइक्तीके पुक्खीम बाक्शा, लां गाक्ब आन कली बाप्शा, श्येत गेशा सुइ आन कली लचा मगेबाक्सा बाक्त। २९मिनु मार दुम्माक्त दंशा हना, मको निकशीमी “परमपरभु यावे आ ती, गे नु गोपुकी

मार पमुइया डा ? आंड कली श्येत गेची मजाकथु, मुल कना श्येत गेथ जाकनी ?" दे गरीसा बाक्त। लूका ४ : ४१ ; २पतरुस २ : ४ ; याकूब २ : १९ ३० मंकेर आ नेकथा डा डांडामी शुश पात्र जोन जान बाकशो बाकमा बाक्त। ३१ मिनू वालपुकीमी "आंड कली खरनीनी हना, मंर पात्र आन रांमी आत्रचा गेकी" दे पुन्म बाक्त। ३२ मिनू येसुमी "लने" दे सोइक्तीमी बाक्त। मिनू मुर र गरुशा, पात्रमी आत्रदीम्मा बाक्त। मिनू पात्र नेल्ल गशा, डांडा र यिना यिन समुन्दरम पूरकना पूरकन गरुम्शा बेकमा बाक्त। ३३ पात्र यात्रबपुकीमी मो दुम्शा तशा, प्रोक्शा सहरम जाकदीशशा, मेको वालम सुम्शा आस कली मार दुम्म, मेको नेल्ल शोत्रडमे बाक्त। ३४ मिनू सहर डा मुर नेल्ल येसु कली कोत्रथ जाकमा बाक्त। मिनू "आंड रागी र लने" दे पुन्मे बाक्त।

गुइ खोइल मदुक्व कली सापाइशशो

मर्कूस २ : १-१२ ; लूका ५ : १७-२६

१ मिनू येसु मंकेर र लशा, डांगामी डोइशशा समुन्दर शोक्शा, आ सहरमी जाकमाक्त। मत्ती ४ : १३ २ मिनू मार दुम्माक्त देशा हना, आ गुइ खोइल मदुक्व मुर का कली आ बराख्यमी कुरशा चाकगम बाक्त। मिनू येसुमी "मेको मुर कली चाक्वपुकीमी थमा सुइक्यीमी बाक्त" दे तुइशशा, मेको गुइ खोइल मदुक्व कली "आं ती, इ पाप क्याम्साक्व। मिनू इ थुं बारपतो" दे मदा बाक्त। परस्थान ३४ : ६-७ ; मज्जन संगरह १०३ : ३ ३ सास्तरी का निक्शीमी "इ पाप क्याम्साक्व" देशो नंशा "मेकोमी परमपरभु यावे कली शुक्शी पाइबाकमाक्त" दे मिस्तम बाक्त। मत्ती २६ : ६५ ४ मिनू येसुमी मेको आन मिम्शा तुइशशा, मेको आन कली "मारदे मरिम्शा मिम्तीनी ? यूहन्ना २ : २५ ५ 'इ पाप क्याम्साक्व' देचा देय 'छुल बोक्शा एर आंथ हिरशा कांडदो' देचा तेको सज्जो बाक्वा ? ६ रागीमी जरमेशोमी पाप क्याम्चा अधिकार तशो बाकमाक्त, दे गेपुकीमी यो तुइक्तीनील" देशा, गुइ खोइल मदुक्व कली "छुल बोक्शा, इ बराख्य कुरशा सिं लेतो" दे मदा बाक्त। यूहन्ना १७ : २ ७ मिनू मेको छुल बोक्शा, आ सिं लेम्माक्त। ८ मोदंब दुम्शा तशा, मंकेर देल्थोपुकी हिंमा बाक्त। मिनू मुर आन कली मोदंशो अधिकार गेब परमपरभु कली ठेयब सुइशशा मान पामे बाक्त।

मत्ती कली गरुम्शा

मर्कूस २ : १३-१७ ; लूका ५ : २७-३२

१ मिनू येसु मंकेर र लमेनु, मत्ती माइशशो तिरो पोक्व मुर का आ अडडाम बाकशो ताप्तु। मिनू येसुमी "आं नोले खोइय्यी" दे मदानु, मेको छुल बोक्शा, येसु आ नोले खोइक्कु। मत्ती १० : ३ १० मिनू येसु नु आ शंसीबपुकी खिंमी जना जन बाकमानु, तिरो पोक्व नु पापीपुकी शुश यो मेकोपुकी नु काथा जाम्तेक्म। ११ मिनू फरिसीपुकीमी मेको नेल्ल आन कली काथा बाकशा जशो तशा, येसु आ शंसीब आन कली "मारदे इन शंबमी तिरो पोक्व नु पापीपुकी नु काथा बाकशा जाइबा ?" देतेक्म। १२ येसुमी मेको आन देशो नंशा "रोइ मपशो मुर सापाइक्व ममाल्नीम। रोइ पशो मुर चहिं सापाइक्व माल्नीम। इजीकीएल ३४ : १६ १३ चढतीक ममाइ, तन्न शिशो पशो तचा दाक्नुड, दे देशो आ अर्थ मार बाकम, दे शंसीन। ठीक पाइब आन कली बरत्थ जाकशो मनड। पापी आन कली बरत्थ जाकशो नड" दे माइक्तीमी। होस ६ : ६ ; मत्ती १२ : ७ ; १सामुएल १५ : २२ ; मत्ती १८ : ११

माइत नु नक मगारब

मर्कूस २ : १८-२२ ; लूका ५ : ३३-३८

१४ मिनू यूहन्ना आ शंसीबपुकी जाकशा, येसु कली "मारदे गो नु फरिसीपुकी शुश बर्त बाक्नीकी, इन शंसीबपुकी चहिं बर्त मबाक्नीमी ?" दे हिल्लो पाम्तेक्म। लूका १८ : १२ १५ मिनू येसुमी "जन्तीपुकी ग्युम्ले नु काथा बाकमानु, हिशक पा डाक्नीमी डा ? काबु ग्युम्ले नु फराचा पुंइसीनीम। मिनू मेना बर्त बाक्नीम। यूहन्ना ३ : २९ १६ सुइमी माइत वामी नक वा कशा मफरनीम। फरतेक्म हना, नक वा चुप्शा, माइत वा कली साक्शा, डांडती डा गाक्शा क्येडा ठेयब सेल्व। रोमी ७ : ६ १७ सुइमी माइत कुशुल के थैलोमी नक अडगुर शांबु कुर मपाइनीम। कुर पाम्तेक्म हना, शांबु बोरशा, थैलो साक्शा, क्युप्ब। नक शांबु कली नक थैलोमी कुर पचा माल्व। मोपा कुर पशोनु, थैलो मगाक्वा, शांबु यो मक्युप्ब" दे शंताक्मी।

बेक्शा आल कली संपाइशशो

मर्कूस ५ : २१-४३ ; लूका ८ : ४०-५६

१८ मोदंशो शंन शंन बाकमेनु, मंकेर डा गरुम्तीक सिं डा ठेयब मुर का जाकशा, पोक्व

थेक्शा बाप्शा “आं तमी बेक्त। गे आं तमी तारी इन गुड वोइक्तीनी हना, बरांडब” दे सेउ पाप्तु। १९ मिनु येसु नु आ शंसीबपुकी मेको आ खिं लाम्तेक्म। २० मिनु मार दुम्त देशा हना, लना लन बाक्मानु, १२ बर्से डाईती रे हुश याप्शा रोइ पशा मीश मुर कामी मेको आन नाले खाइश्शा, येसु आ फक्शा वा थिवा बाक्त। २१ मारदे हना “आ फक्शा वा थिवा ताता हना, सानुड” दे थमा सुइश्शा बाक्माक्त। मत्ती १:४:३६ २२ मिनु येसुमी फिर लेश्शा कोवशा, मेको मीश मुर कली तशा “आं तमी, इ थुं बारपतो। इ थमा सुइश्शामी सात” दे माइक्तु। मो देमनु, आ रोइ बरा सामाक्त।

२३ मिनु ठेयब मुर आ खिं जाक्दीम्मानु, येसुमी शुश मुर देल्शा बाजा ताप्शा, रोंका पा डाकना डाकन बाक्शा ताप्तु। २४ मिनु मेको आन कली “कतीने। एको आल बेक्शा ममाइ, इप्शा बाक्व” दे माइक्तीमी। मेकोपुकीमी “मबाक्शा लोत्र पाइबाक्त” दे शुक्शी पास्तेक्म। यूहन्ना ११:११,१४,२५ २५ मेको आन कली सोइश्शा, खिं आव्रत। मिनु आल आ गुड ग्याइक्तानु, छुल बोक्त। २६ मिनु मेको लोत्र मेको रागी नेल्लम बरम्माक्त।

मिक्च मताइब आस कली सापाइश्शा

२७ मिनु येसु मेकर रे लमेनु, मिक्च मताइब निक्शीमी “ए दाऊद पिप आ तौ, आंस कली शिशी पाइस्की” दे रेयक पा वाइ बरश्शा, आ नाले खाइक्ताक्स। मत्ती २०:३० २८ मिनु खिं आव्रमेनु, मेको निक्शी यो आव्रताक्स। मिनु येसुमी “गो इस कली सापाइक्न चान्नेसी, दे थमा सुइक्नीसी?” देमनु “थमा सुइक्नस्कु, परमु” देताक्स। पररित १:४:९ २९ मिनु येसुमी आस मिक्च थिशा “इस थमा सुइश्शा बुदो दुम्त” देत। मत्ती ८:१३ ३० मिनु मिक्च ताइब दुम्ताक्स। मिनु “एको लोत्र सुइ कली मशोत्रडीसे” दे सोइक्ताक्सी। मत्ती ८:४ ३१ तन्न मेको निक्शीमी चहिं आस रागी डा मुर नेल्ल आन कली येसु आ पशा तुइक्पदसे बाक्त।

वोलम सुम्शो लाटा कली सापाइश्शा

३२ मिनु येसु नु आ शंसीबपुकी मेको खिं रे गरूशा लमानु, मार दुम्त देशा हना, वोलमी सुम्शो लाटा का चाक्तेक्म। ३३ मिनु येसुमी वोल कली गरूइताक्व। मिनु मेको मुरुमी लोत्र

पाप्तु। मिनु मेकर बाक्बपुकीमी छुक लाक्शा “इ इसराएलमी ओदेशो दुम्शो गेनायो मतशो नय” देमुम्तक्म। ३४ फरिसीपुकीमी चहिं “वोल आन पिप आ नें थिशा, वोल आन कली गरूइबाक्त” देतेक्म। मत्ती १२:२४-३२

बाली नाली रुप्वापुकी माल्शो

३५ येसु गालील रागी डा सहर गाउं नेल्ल हिरना हिरन गरुम्तीक खिमी मुर आन कली स्वर्ग डा राज्य डा लोत्र शेंना शेंन, रोइमी गुरशो नु रोइ पशा मुर नेल्ल आन कली सापाइक्ना पाइक्न गाक्त। ३६ शुश मुर आन कली तशा, शिशी पाइक्तीमी। मारदे हना गोठला मबाक्शा भेडापुकी सोदेशो पा दशो बाक्मा बाक्त। १:राजा २२:१७; इजीकीएल ३४:५; मर्कूस ६:३४ ३७ मिनु आ शंसीब आन कली “बाली नाली रुप्वा माल्शो शुश बाक्व। रुप्व मुर चहिं का निक्शी ला बाक्नीम। ३८ मोपतीके “रुप्वा कली मुर योत्रशा सोइक्तीने” दे बाली नाली आ परमपरमु कली पुनीने” दे माइक्तीमी। लूका १०:२

शंसीब आन कली बरश्शा

मर्कूस ६:७; मर्कूस ३:३३-१९;

लूका ९:१; लूका ६:१२-१६

१ मिनु आ शंसीब १२ जना आन कली १० सुप्शा, वोल आन कली गरूइशा, खरतीक, रोइमी गुरशो नु रोइ पाइब आन कली सापाइक्तीक अधिकार गेम्तीमी। २ मोदेशो अधिकार ताइब आन कली “सोइश्शापुकी” दे यो देसीब। मेकोपुकी सु सु बाक्तेक्म देशा हना, पतरूस माइश्शा सिमोन नु आ दाग्यु अन्दरीयास, जब्दी आ तौ याकूब नु यूहन्ना, मर्कूस ३:१६-१९; लूका ६:१४-१६; पररित १:१३ ३ फिलीप नु बारथोलोमाइ, थोमास, तिरो पाक्व मत्ती, अल्फयस आ तौ याकूब, थदेयस, ४ कनानी सिमोन नु इस्कारीयोत डा यहूदा बाक्तेक्म। मेको यहूदा नाले येसु कली साइक्चा, दे माल्ब आन कली वारच पाइब दुम्बाक्माक्त।

शंसीब आन कली सोइश्शा

मर्कूस ६:७-१३; लूका ९:२-६

५ येसुमी आ १२ जना शंसीब आन कली सोइश्शा, मेको आन कली “अर्का जात डा मुर आन रागी मलने। सामरीया डा मुरपुकी आन रागी यो मलने। ६ तन्न गोठला मबाक्शा,

लां जाम्शा भेडा खोदंशा, इं इसराएली आन बाक्तीके लने। मत्ती १५:२४; पररित १३:४६ ७ स्वर्ग डा राज्य जाक्चशा बाक्त' दे शंदीने। लूका १०:१-१२; मत्ती ४:१७ ८ रोड पाइब आन कली सापतीन। बेक्शा मुर आन कली संपतीन। कोर पाइब आन कली सापतीन। वोल आन कली गरुइशा खरीन। मेको नेल्ल मोशा ताइतीनी। मिनू माशा गेने। मर्कूस १६:१७ १ सुन चांदी तांबा का यो मकुरीन। पररित २०:३३ १० लां कली फेक्तीक वा, जुता जोड निकशी, झाला नु कोक्क मकुरीन। मारद हना गेय पाइबपुकीमी जचा गेचा पुंडसीनीम। गन्ती १८:३१; १कोरिन्थी ९:१४; १तिमोथी ५:१८

११ सहर गाउं तेइ जाक्दीन्नीनु, रिम्शो थुं पाइश्शा मुर आ सिं हिल्लो पा बाक्थ लने। मिनू बास गम्तेक्म हना, गाक्ची मजाक्म सम्म बाक्कीन। १२ मिनू सिं ओव्रनीनु 'परमपरमु यावेमी इन कली रिम्शो पवल' दे आसीक गेने। १३ मेको सिंमी रिम्शो थुं पाइश्शा मुर बाक्तेक्म हना, आसीक रशा, आन थुं नाइक्चा ताइनीमी। मोदंशा मुर मबाक्तेक्म हना चहिं मेको आन रचा डा आसीक गे राइनीनी। १४ मुरपुकीमी इन लोव्र मनंथु, बास मगेम्तेक्म हना, इन खोइल डा फुरक थुर थुर पाइश्शा गाक्कीन। पररित १३:५१ १५ नोफा दाइश्शा नेनीन, निसाफ पची नाक्त् सोदोम नु गोमोररा सहर निकशीमी बाक्ब मुर आन क्येडा इन लोव्र मनंब मटीबपुकीमी शुश सजाइ ताइनीम। उत्पत्ती १९:१-२९

थमा सुइक्बपुकी खेदा पचा पुंडसीनीम

मर्कूस १३:९-१३; लूका २१:१२-१७

१६ भेडा आन कली फर आन दातेम सोइश्शा खोदंशा पा सोइक्नन्नी। बुस्स खोदंशा पा निप्स पाइश्शा दुमीन। मिनू परवा खोदंशा दुम्शा, सुइ कली मरिम्शो मपने। लूका १०:३; रोमी १६:१९; एफिसी ५:१५ १७ होस पा गाक्कीन। मारद हना मेको फरपुकीमी इन कली सभा कछ्डीम वोइक्नीम। गरुम्तीक सिंमी लाइश्शा युक्नीम। पररित ५:४०; २कोरिन्थी ११:२४ १५ इन कली श्येत गेबपुकी नु अर्का रागी डा मुर आन डांडती सांकछ्डी दुम्चा कली ठेयब मुर नु पिप आन डांडती राप्पाइक्नीम। पररित २५:२३; पररित २७:२४ १९ इन कली मोपा राप्पदमनु, मार लोव्र पका? मार देका? देसुर्ता मपने। मार देचा माल्बा, मेको लोव्र तुइक्पाइक्चा पुंडसीनीनी। परस्थान ४:१२; लूका १२:११-१२; पररित ४:८ २० मारद

हना गे इन थुं र पिशा लोव्र मपाइनीनी, तन्न इन आफ आ सोक्तीमी इन शोव्र रे पा लोव्र पाइब। १कोरिन्थी २:४ २१ लोकबमी आ लोकब कली साइक्पाइक्चा गेब। आफोमी तमी ती आन कली नु तमी तीपुकीमी यो आम आफ कली मरिम्शो पा साइक्पाइक्नीम। मीका ७:६ २२ आं नं आ पर्वम नेल्लेमी इन कली मदाक्नीम। तन्न सु सुमी चहिं नोले सम्म फाल्शा बाक्नीमी, मेकापुकी परमपरमु यावे नु बरोइशा बाक्चा ताइनीमी। २तिमोथी २:१२; मत्ती २४:९-१३ २३ सहर कामी खेदा पाम्तेक्म हना, प्रोक्शा अर्का सहरमी जाक्दीश्शा बाक्कीन। नोफा दाइश्शा नेनीन, रागीम जरमेशो मजाक्म सम्म इसराएल डा सहर नेल्ल हिरशा मगरुम्नीनी। पररित ८:१; मत्ती १६:२८

श्येत गेब आन कली तशा महिंचा

२४ शंब क्येडा शंसीब नु होव्रप क्येडा गेय पाइब ठेयब मनमी। लूका ६:४०; यूहन्ना १३:१६; यूहन्ना १५:२० २५ शंब नु शंसीब, होव्रप नु आ गेय पाइब कांडचीक दुम्न चाप्नीम। सिं डा ठेयब मुर कली बेल्लीबुल, दे शुक्शी पाइक्तेक्म हना, आ सिं डा मुर आन कली शुक्शी मपाइनीमी डा? मत्ती १२:२४ २६ मोपतीक मेको आन कली तशा महिनीन। मुल सम्म सुम्शा वोइश्शा नोले नेल्ल हाक्सीशा तांडसीब। मुल खरुइश्शा वोइश्शा नोले तुंडसीब। लूका १२:२-९; मर्कूस ४:२२; लूका ८:१७ २७ गोमी इन कली छिड्छिड्डीमी माइश्शा लोव्र छेड्छेड्डीमी मतीन। इन कली नोफाम देशा लोव्र नोले ठेयब सेंदा पा नंपतीन। २८ इन रां कली साइक्ने चाप्ब। तन्न इन सोक्ती कली साइक्ने मचाप्बपुकी आन कली तशा महिनीन। रां नु सोक्त् निम्फा नरकमी खतम पने चाप्ब कली तशा चहिं हिनीन। हिब्रू १०:३१; याकूब ४:१२

२९ अस्सारीयोन कामी भंगेरा निकशी मग्याम्सीबा डा? मो हना यो इन आफोमी मदंथु, का यो सपीम मदोक्ब। ३० इन पिया डा चां का का पा हिक्शा, गिश बाक्मा, दे तुइश्शा बाक्ब। अस्सारीयोन का आइक्च तांबा के क्येट बाक्त्। पररित २७:३४ ३१ मोपतीके महिनीन। गे भंगेरा क्येडा शुश हिक्सीशा बाक्नीनी। मत्ती ६:२६

३२ सुमी मुर आन कली 'थेसु आ मुर नड' देबा, गो यो स्वर्गम बाक्ब आं आफ कली 'एको आं मुर बाक्ब' देनुड। परकाश ३:५ ३३ सुमी चहिं मुर आन कली 'थेसु सु में? मतुइक्नुड' देबा, गो

यो स्वर्गम बाक्व आं आफ कली भिको कली मतुइक्नुडं देनुड। मर्कूस ८ :३८ ; लूका ९ :२६ ; रतिमाथी २ :१२

येसु आ पर्वम मुर बरानीम, दे शंशो

३४ रागीमी नेल्ल आन कली गारपाइक्थ जावशा बाक्व, दे आं पर्वम ममिम्तीन। दुपाइक्चा कली ममाइ, तन्न तरवार ग्यारपाइक्थ जावती। लूका १२ :२१-२३ ; मीका ७ :६ ३४ मारदे हना आ पर्वम ती नु आफ, तमी नु ममा, चाइमी नु शिमी जिमुशा बरानीम। ३६ मोदेशो पा आंम खिं डा मुर जोरी सतरु दुन्नीम। ३७ आं क्येडा आन आम आफ कली दाक्वपुकी आं नोले सोइक्चा मशिरनीम। आं क्येडा आन तमी ती आन कली दाक्वपुकी यो आं नोले सोइक्चा मशिरनीम। व्यवस्था १३ :७-१२ ; व्यवस्था ३३ :९ ; लूका १४ :२६-२७ ३८ सुमी आं नोले सोइक्चा, श्यत फाल्ले मचाप्या, मेको आं नोले सोइक्चा मशिरव। मत्ती १६ :२४-२५ ३९ आंम कली परांइचा दाक्व जाम्शा लाइव। आं पर्वम जाम्शा लाइव चहिं बरांइचा ताइव। लूका ९ :२४ ; यूहन्ना १३ :२० ; गलाती ४ :१४

रिम्शो पाइवमी इनाम ताइव

४० इन कली बराइवमी आं कली बराइव। मिनु आं कली बराइवमी आं कली सोइक्व कली यो बराइव। ४१ परमपरभु यावे आ लोत्र पाइव बाक्माक्त, दे मिम्शा, परमपरभु यावे आ लोत्र पाइव कली बरापु हना, परमपरभु यावे आ लोत्र पाइव आ तचा डा इनाम मेकोम ताइव। ठीक पाइव मुर बाक्माक्त, दे मिम्शा, ठीक पाइव मुर कली बरापु हना, ठीक पाइव आ तचा डा इनाम मेकोम ताइव। १२ राजा १७ :८-२४ ४२ नोफा दाइक्चा नेनीन, सुमी महिक्सीशो मुर का कली 'एको यो शंसीब का बाक्माक्त' दे मिम्शा, लोटा का व्याक्कु तचा गेवा, मेकोमी दोपा यो आ तचा डा इनाम मसाम्ब" दे शंताक्मी। मत्ती २५ :४० ; मर्कूस ९ :४१

शंसीब आन कली शंथ सोइक्शो

लूका ७ :१८-२३

११ आ १२ जना शंसीब आन कली मेको लोत्र शंने थुम्शा, येसु मेकर रे लशा, सहर सहरम हिरशा, शंना शंन गाक्त। २ मिनु येसु शंना शंन गाक्मेनु, यूहन्ना जेल्खानमी बाक्माक्त। मिनु

खरीस्तमी पशो गय आ पर्वम नेशा, आ शंसीब आन कली मत्ती १४ :३ ३ "गे जाक्चा माल्थो बाक्नीनी देय अर्को कली लां कोत्रका?" दे हिल्लो पथ सोइक्तीमी बाक्त। मत्ती ३ :११ ; मलाकी ३ :१ ४ मिनु मेकोपुकी जावशा, हिल्लो पामेनु, येसुमी "गे मार मार नंनी, मार मार तनी, यूहन्ना कली मतीन ५ 'मिक्व मताइवपुकीमी मिक्व ताइबाक्तेक्म, खोइल मदुक्वपुकी गाक्वाक्तेक्म, कोर पाइव साबाक्तेक्म, नोफा मनंबपुकी नंबाक्तेक्म, बेक्शो मुर बेक्शो र संसीशा बरांइबाक्तेक्म। महिक्सीशो मुरपुकीम ग्यारपाइक्व लोत्र नंबाक्तेक्म" यसैया ३५ :५-६ ; यसैया ६१ :१ ६ सु सुमी आं कली तशा थुं मखाइक्पाइक्नीम, मेकोपुकी ग्यारसमल, दे मतीन" दे लेक्शा सोइक्ताक्मी। मत्ती १३ :५७ ; मत्ती २६ :३१

यूहन्ना आ पर्वम शंशो

लूका ७ :२४-३५

७ मिनु मेकोपुकी लमा नोले, येसुमी मुर आन कली यूहन्ना आ पर्वम "साइ गोरशो रागीमी मार कोत्रथ लनी ? फशेम हिम्शो किन्दा कोत्रथ लनी ? मत्ती ३ :१५ ८ मिनु मार कोत्रथ लनी ? दारशो वा फेक्शो मुर तांइसीबा कां, दे कोत्रथ लनी ? नेनीन, दारशो वा फेक्व पिप आन खिंमी बाक्नीम। ९ गेपुकी मार कोत्रथ लनी, मिनु ? परमपरभु यावे आ लोत्र पाइव तांइसीबा कां, दे कोत्रथ लनी ? ग नेल्ल आन क्येडा ठेयब परमपरभु यावे आ लोत्र पाइव ताइतीनी, दे इन कली देनुड। लूका १ :७६ ; लूका २० :६ १० परमपरभु यावेमी बरक्पाइक्शो लोत्रमी मेको आ पर्वम मार बरक्शो बाक्व देशा हना 'गो आं लोत्र कुरव इ डांइडांइती सोइक्नुड। मेकोमी इ लां ठीक सेल्व" दे बरक्शो बाक्व। मलाकी ३ :१

११ नोफा दाइक्चा नेनीन, रागी नेल्लेमी व्याक्कुम खरुम्शा गरुंइव यूहन्ना सोदेशो ठेयब सुइ मबाक्व। स्वर्ग डा राज्यमी चहिं नेल्ल क्येडा यो आइक्व यूहन्ना क्येडा ठेयब बाक्व। मत्ती १३ :१७ १२ यूहन्नामी मुर आन कली शंशा, व्याक्कुम खरुम्शा गरुंइदा रे मुल सम्म स्वर्ग डा राज्य ओत्रशा, आन के सेल्व्वा, दे दाम पा मुना मुन बाक्नीम। लूका १६ :१६ १३ साइ नेसी परमपरभु यावे आ लोत्र पाइव नेल्लेमी नोले दुम्ब लोत्र पा यूहन्ना आ पर्वम बरक्शो बाक्तेक्म। १४ जाक्चा माल्थो एलीया सु बाक्वा, दे तुइक्चा दाक्ताक्नी हना, मेको

यूहन्नान बाक्व। मती १७:१०-३०; मलाकी ३:२३ १५ सु नोफा पाइश्शो बाक्म, मेकोमी नॅनल।

१६ सिनाक्त मुलाक्त डा मुर दोदंशो बाक्नीम देशा हना, बजारमी ग्यारव आलपुकीम १७ ताप्तीक ताप्कानु, गे सिल मपनी, रांका पा डाक्कानु, गे मडाक्नी' दे बरम्मूशो खोदंशो बाक्नीम। यूहन्ना ५:३५ १८ मारदे हना यूहन्नामी बते बाक्शा, शांबु राकसी मतूडानु, वोलम सुम्शो मुर बाक्माक्त दॅनीम। मती ३:४ ११ रागीम जर्मशोमी चहिं जचा तूचा थोत्रक नल्ल जाइव तूव। मेको कली तशा 'थोकर, शांबु राकसीमी दुक्व, तिरो पोक्व नु पापी आन वारच बाक्माक्त' दॅनीम। मेको क दोशो तुइक्तीक बाक्म, मेको आ गेय रे पा तुइसीव" दे यसुमी मुर आन कली शंताक्मी। मती ९:१०-१५; यूहन्ना २:२; १कोरिन्थी १:२४-३०

गालील डा सहर सजाइ ताइनीम

लूका १०:१३-१५

२० यसुमी शुश छक लाक्वा डा गेय नु चिन्ड कोइशा यो सहर डा मुरपुकी आन थुं परमपरभु यावे गे मलत्तम। मोपतीक ओदं हुइक्ताक्मी २१ "ए खोराजीन, ए बेथसेदा, गेमी तशो छक लाक्वा डा गेय नु चिन्ड टायर नु सीदोन डा मुरपुकीमी तशो नम हना, साइ कना भाडरा फक्शा, पुतु खरंक्सीशा, आन थुं परमपरभु यावे गे लत्तम वा। जोना ३:६ २२ निसाफ पची नाक्त गेपुकी टायर नु सीदोन डा मुर आन क्येडा शुश सजाइ ताइनीनी, दे इन कली दॅनुड।। २३ ए कापेरनाउम, मार गे स्वर्ग सम्म क्युक्सीनेवे डा ? नरकम तोक्का पुइसीनेवे। मारदे हना गेमी तशो छक लाक्वा डा गेय नु चिन्ड सोदोम डा मुरपुकीमी तशो नम हना, आन थुं परमपरभु यावे गे लेशशा सजाइ रे बरोडचा ताम वा, मिनु सहर मुल सम्म ली वा। मती ४:१३; मती ८:५; मती ९:१; यसेया १४:१३,१५ २४ निसाफ पची नाक्त सोदोम डा मुर आन क्येडा कापेरनाउम सहर डा मुरपुकीमी शुश सजाइ ताइनीम, दे इन कली दॅनुड" दे हुइक्ताक्मी। मती १०:१५

यसुमी मुर आन कली बरेशशो

२५ काबु यसुमी "आं आफ, सरीड नु रागी डा परमपरभु, गे नल्ल क्येडा ठेयव ननी। गे शुश रिम्शो पाइतीनी। जोक्व तुइक्व नड, दे मिम्ब आन कली इन लोत्र मरुप्तीक थुं गेतीनी।

मजोक्व मतुइक्व आन कली रुप्तीक थुं गेतीनी। यसेया २९:१४; लूका १०:२१-२२; यूहन्ना १७:२५; १कोरिन्थी १:२८-२९ २६ आं आफ, गे मोदंशो पचा दाक्ताक्नी। २७ आं आफोमी मारइ मारइ तुइक्पाइक्ती। सुइमी आं कली, आ तौ कली मतुइक्नीम। आं आफोमी ला तुइक्व। सुइमी आं आफ कली मतुइक्नीम। आ तौमी ला तुइक्व। मिनु तौमी सु सु आन कली योत्रडमी, मेको आन कली आ आफ आ पर्वम तुइक्पाइक्व। मती २८:१८; यूहन्ना ३:३५; यूहन्ना १७:२; फिलिप्पी २:९

२८ गे श्यत जशो नु भारीम चिप्वा पुंइसीशोपुकी, आं गे जाक्कोन। मिनु नाइक्का गनन्नी। मती १२:२०; मती २३:४; यरमीया ३१:२५ २९ आं जवा लाम्सीशा, गो नु शंसीन। मारदे हना गो शिशो पाइव नु बरेशशो थुं डा नड। मिनु गे इन थुं नाइक्का ताइनीनी। यसेया २८:१२; यरमीया ६:१६ ३० आं जवा ग्युप्वा डा बाक्व। आं भारी कुन चाप्वा डा बाक्व" दंत। लूका ११:४६; १५ यूहन्ना ५:३

नाइक्तीक नाक्त डा लोत्र

मर्कस २:२३-२८; लूका ६:१५

१२ १ काबु नाइक्तीक नाक्त यसु नु आ शंसीवपुकी चेरव रू डा लां लना लन बाक्मानु, शंसीवपुकी शोत्रलु बेक्शा, चेरव बाला शोइश्शा नोक्शा जाम्तक्म। ब्यवस्था २३:२६ २ फरिसीपुकीमी मेको आन मो पशो तशा, यसु कली "कोत्रडीन, इन शंसीवपुकीमी नाइक्तीक नाक्तीम पचा मदुम्शो गेय पाम्तक्म" दंतक्म। प्रस्थान २०:१० ३ मिनु यसुमी मो दंव आन कली "दाऊद नु आ वारचपुकी शोत्रलु बेक्मानु, मार पाम, दे परमपरभु यावेमी बरंक्पाइश्शो लोत्र मपदॅनी ? १सामुएल २१:७ ४ दोपा दाऊदमी परमपरभु यावे आ खिंमी ओवशा, परमपरभु यावे कली चदंशो शोब्ले शोल्शा योक्शा जामे ? मेको चदंशो शोब्ले चदंबपुकीमी ला जचा दुम्बाक्माक्त। अरु मुरपुकीमी जचा मदुम्ब बाक्माक्त। लेवी २४:९ ५ नाइक्तीक नाक्त चदंबपुकीमी परमपरभु यावे आ खिंमी चदॅनीम। मेकोपुकीमी गेय पाइनीम। मेकोपुकी चहिं दोस गेचा मपुंइसीनीम। परमपरभु यावेमी बरंक्पाइश्शो एको लोत्र यो मपदॅनी ? ६ एकेर परमपरभु यावे आ खिं क्येडा ठेयव मुर का बाक्व, दे इन कली दॅनुड।। ७ "चदॅतीक ममाइ, शिशो पशो तचा दाक्नुड" दंशो परमपरभु यावे

आ लोत्र आ अर्थ रुपतीनी हना, दोस गेचा मपुंडरीब आन कली दोस मगेनी वा। होसे ६:६; मत्ती १:१३ ८ रागीमी जरमेशो चहिं नाइक्तीक नाक्त मार पचा, मार मपचा अधिकार पाइब बाक्व” दे माइक्तीमी।

नाइक्तीक नाक्त सापाइश्शो

मर्कूस ३:१-६; लूका ६:६-११

१ मिनू येसु मेकर र लशा, मेको आन गरुम्तीक खिमी जाक्दीश्शा ओव्रत। १० मिनू मेकर गुइ सोव्रशो मुर का बाक्त। मेकोपुकीमी येसु कली दोस गेचा माल्शो बाक्मा बाक्त। मोपतीके “नाइक्तीक नाक्त सापाइक्तीक गेय पचा दुम्बा?” दे हिल्लो पखु पा योव्रकी पाम्तेक्म। ११ मिनू येसुमी “सुइ इन के कांडचीक भेडा नाइक्तीक नाक्त खाल्टाम बिक्त हना, मेको कली कीशा मगरुंडनीनी डा? लूका १४:३-५ १२ भेडा का क्येडा मुर टेयब ममाइ डा? मोपतीके नाइक्तीक नाक्त मुर आन कली शिशी पा रिम्शो पचा इं कानुन डा लोत्र नु गारब” दे माइक्तीमी। १३ मिनू गुइ सोव्रशो मुर कली “इ गुइ दिंदो” दे माइक्तीक। मिनू मेकोमी गुइ दिसनु, बरा साशा, अर्का गुइ सोदंशो दुम्त। १४ मिनू फरिसीपुकीमी मेकर र गरुशा खुम्सीशा “मेको कली दोपा साइक्चा ताइनया?” दे लोत्रसी पाम्तेक्म। ग्रहन्ना ५:१६

परमपरभु आ गेय पाइब

मर्कूस ३:७-१२; लूका ६:१७-१९

१५ मिनू येसुमी मेको आन लोत्र पशो तुइश्शा, मेकर र गाक्त। मिनू शुश मुरुमी आ नोले खोइक्तेक्म। मेकोपुकी रोइ पाइबपुकी यो बाक्तेक्म। मेको नल्ल आन कली सापाइक्तीमी। १६ सापाइश्शा “सुइ कली मतुइक्पाइग्र्यीनी” दे माइश्शा सोइक्ताक्मी। मत्ती ८:४ १७ मोदंशो पा साइ नेसी परमपरभु यावे आ लोत्र पाइब यसेयामी देशो लोत्र थमा दुम्पाइक्तु। १८ यसेयामी मार देशो बाक्त देशो हना “आं गेय पाइब कली कोव्रडीन। एको कली योव्रता। मिनू एको कली दाक्नुड। एको कली तशा शुश ग्यरसीनुड। आं सोक्तीम पिरंशा, अर्का रागी डा मुर आन कली दोपा ठीक दुम्चा, दे तुइक्पपाइक्व। पररित ३:१३,२६; मत्ती ३:१७ १९ मेकोमी जिचा मपोक्व। शुश रयके मपाइब। लां पित्थ आ संदा मनंसीब। २० जिक्चशो किन्दा मजिक्व, काप्चशो मी मकाप्च। ठीक पतीकेमी

मगराम सम्म मोदंशो पना पन बाक्त। २१ अर्का रागी डा मुरपुकीमी मेको आ नेमी आस पा बाक्नीम” दे बरक्शो बाक्व। यसेया ४२:१-४

वोल गरुंडतीक अधिकार कांडिशो

मर्कूस ३:२२-२७; लूका ११:१४-२३

२२ मिनू मिक्च मताइब, नोफा मनंब, मब्याक्व वोलम तशो मुर का चाक्तेक्म। मिनू येसुमी मेको कली सापाइक्तु। मिनू मिक्च ताप्तु, लोत्र यो पाप्तु। २३ मेकर दल्शोपुकीमी “आहो, एकोन दाऊद आ तो बाक्म कोर में?” देमुम्तेक्म। मत्ती २१:९; ग्रहन्ना ७:४२ २४ फरिसीपुकीमी चहिं मेको आन देशो नंशा “वोल आन पिप बेल्लजीबुल आ सक्तिम कका वोल आन कली गरुंडशा खरबाक्माक्त” दे मिम्शा लोत्र पामे बाक्त। २५ मिनू येसुमी मेको आन मिम्शा लोत्र पशो तुइश्शा, मेको आन कली “राज्य का डा मुरपुकी जिशा बराशा गाक्तेक्म हना, राज्य जाम्शा लाइब। सहर का डा मुरपुकी जिशा बराशा गाक्तेक्म हना, सहर नुप्च। खिं का डा मुरपुकी यो जिम्तेक्म हना, मेको खिं मलीब। मत्ती ९:३४ २६ सैतानमी सैतान कली खरतु हना, मेकोपुकी बरानीम। मिनू आ राज्य दोपा लीबा डा? २७ गो बेल्लजीबुल आ सक्तिम वोल आन कली खरतामी हना, इन तौपुकीमी सु आ सक्तिम खरमे? मेकोपुकीमी गे इन कली निसाफ पाइनीम। २८ गोमी परमपरभु आ सोक्तीमी वोल आन कली खरनुड हना, परमपरभु यावे आ राज्य जाक्शो बाक्माक्त, दे तुइक्तीन। १५ ग्रहन्ना ३:८ २९ ननीन, बाल्यो मुर आ खिं सुइ पाइबमी डांडती मेको खिं डा मुर कली ग्याइश्शा फरंशा मवोइक्तु हना, आ खिं डा मारइ मारइ दोपा लाइक्ने चाप्चा डा? पाइश्शा नोले ला मेको आ खिं डा मारइ मारइ लाइक्ने चाप्च। मत्ती ४:१-११; यसेया ४९:२४ ३० गो नु मगारब आं जोरी सतरु दुम्नीम। गो नु गारशा मखुप्चमी आं खुप्शो यो फरंशा ताइक्व। मर्कूस ९:४० ३१ मोपतीके गो इन कली मार देनुड देशो हना, मुरपुकीमी पाप पा, परमपरभु यावे कली शुक्शी लोत्र पाम्तेक्म हना, माफ गेचा पुंडसीनीम। परमपरभु यावे आ सोक्त आ पर्वम शुक्शी लोत्र पशो पाप चहिं मक्याम्सीब, दे इन कली देनुड। मर्कूस ३:२८-३०; लूका १२:१०; १५ ग्रहन्ना ५:१६; हिब्रू ६:४-६; हिब्रू १०:२६ ३२ रागीमी जरमेशो आ पर्वम शुक्शी लोत्र पाम्तेक्म हना, माफ ताइनीम। तन्न सुमी परमपरभु यावे आ सोक्त

आ पर्वम शुक्शी लोत्र पाइबा, मेको आ पाप मुल मक्याम्सीब, बेक्शा लशा नोले यो मक्याम्सीब, गेना हना यो लीब। १३:३३

बरोत्रशो नु मबरोत्रशो फल रवा

लूका ६ : ४३-४५

३३ बरोत्रशो फल सिख्ब रवा खरुम्तीनी हना, बरोत्रशो फल सिख्ब। मबरोत्रशो फल सिख्ब रवा खरुम्तीनी हना, मबरोत्रशो फल सिख्ब। फल थाम्शा रिम्शो रवा बाक्म, दे मरिम्शो रवा बाक्म मेको तुंडसीब। मत्ती ७ : १६-१८, ३४ ए बुस्स आ खलकपुकी, गे मरिम्शो थुं पाइश्शो ननी। मिनु इन शोत्र र दोपा रिम्शो लोत्र गरूबा डा ? थुं मारम बरोशो बाक्म, मेकोन लोत्र पा गरूब। मत्ती ३ : ७ ३५ रिम्शो थुं पाइश्शो मुरुमी रिम्शो लोत्र पाइब। मरिम्शो थुं पाइश्शो मुरुमी मरिम्शो लोत्र पाइब। ३६ निसाफ पची नाक्त मुर नेल्लेमी आन हेंथे पशो लोत्र का का पा शोत्रचा माल्नीम, दे इन कली देनुड। याक्ब ३ : ६ ; यहूदा १५ ३७ मोपतीके होस पा बाक्कीन। मारदे हना इन पशो लोत्रमीन दोस गेचा नु ठीक सुइक्चा पुंडसीनीनी” दे माइक्तीमी।

चिन्ड कोत्रकोत्र दाक्शा

मर्कूस ८ : ११-१२ ; लूका ११ : २९-३२

३८ मिनु सास्तरी नु फरिसी का निक्शीमी “शंब हजुर, चिन्ड का कोइदीकी” दंतक्म। ३९ मिनु यसुमी “मरिम्शो थुं पाइश्शो नु थमा मसुइक्बपुकीमी चिन्ड कोत्रकोत्र दाक्नीम। मेको आन कली परमपरभु यावे आ लोत्र पाइब योना आ चिन्ड डा लाक्शा मारइ चिन्ड मेकोइनुडमी। ४० योना नाक्त सां सम्म डाइ आ कोत्रजम बाक्शो सोदंशो पा, रागीम जरमेशो यो नाक्त सां सम्म रागी आ कोत्रजम बाक्ब। योना २ : १ ; एफिसी ४ : ९ ; १पतरूस ३ : १९ ४१ निसाफ पची नाक्तीम निनवे सहर डा मुरपुकी बाक्शा, एको पाला डा आन कली दोसी सुइक्नीम। मारदे हना मेकोपुकीमी योना आ लोत्र नेंशा, आन थुं परमपरभु यावे गे लेत्ताक्म। नेनीन, एकेर का योना क्यडा ठेयब बाक्ब। जोना ३ : ५ ४२ निसाफ पची नाक्त लुकच रागी डा पिपीम बाक्शा, एको पाला डा मुर आन कली दोसी सुइक्ब। मारदे हना मेकोमी डान र कुशा, पिप सालोमनमी दोदंशो निप्स पा हुकुम पवा, दे कोत्रथ जाक्माक्त। नेनीन, एकेर सालोमन क्यडा ठेयब का बाक्ब। १३ राजा १० : १-१०

वोल गरूशा लशा यो लेन्ने चाख्ब

लूका ११ : २४-२६

४३ मुर र वोल कली गरूइशा खरमेनु, गरांगरा दिचा डा वोल गरूशा लशा, ब्वाक्कु मबाक्तीकमी नाइक्तीक माल्थ गाक्ब। माल्था यो नाइक्तीक मथीब। ४४ मिनु “डाइती आ बाक्तीकमीन लेत्नुड” दे लेश्शा जाक्ब। मिनु लेश्शा जाक्मेनु, बाक्तीक फिक्शा, सिल्शा श्येत्थ वोइश्शो थिख्ब। ४५ मिनु आ क्यडा गरांगरा दिचा डा ७ ओटा वोल आन कली माल्थ लशा चाक्ब। मिनु ओत्रशा बाक्नीम। मिनु डाइती क्यडा मेको मुर शुश मरिम्शो दुम्ब। एको मरिम्शो पाला कली मोदंशो दुम्ब” दे माइक्तीमी। २पतरूस २ : २०

येसु आ खिं डा मुर

मर्कूस ३ : ३१-३५ ; लूका ८ : १९-२१

४६ येसुमी मेको लोत्र पना पन बाक्मेनु, आ ममा नु आ लोक्बपुकी गरुम्थ जाक्मा बाक्त। मत्ती १३ : ५६ ४७ मिनु मुर कामी “इन ममा नु लोक्बपुकी गरुम्थ जाक्तेक्म” दंत। ४८ मिनु येसुमी मा देब कली “आं ममा नु आं लोक्बपुकी सु नमी ?” मत्ती १० : ३७ ; लूका २ : ४९ ४९ दंशा, आ गुइ आ शंसीबपुकी गे शुक्शा “कोत्रडीन, एकोपुकी आं ममा नु आं लोक्बपुकी नम। हिबेरू २ : ११ ५० मारदे हना स्वर्गम बाक्ब आं आफ आ दाक्शो पाइबपुकीन आं ममा नु लोक्बपुकी नम” दंत। रोमी ८ : २९

वांचेर शोक्शो कथा

मर्कूस ४ : १-९ ; लूका ८ : ४-८

१३ १ मेको नाक्त येसु खिं र गाक्शा, समुन्दर आ नेक्था लशा निस्साक्ब। २ मिनु शुश मुर जाक्शा देल्लेक्म। मिनु येसुमी शुश मुर आन कली देल्शो तशा, डांगा डाइश्शा निस्साक्ब। मुरपुकी चहिं समुन्दर आ नेक्था बाक्तेक्म। ३ मिनु कथा सल्शा, शुश लोत्र शंताक्मी। कथा का आं दंत “मुर कामी वांचेर शोक्थ लमाक्त। ४ मिनु ब्यारानु, गेडा का निक्शी लांमी जुक्तमे बाक्त। मिनु चिक्बीम गुष्शा जामे बाक्त। ५ का निक्शी ग्याडगरो ठाउंमी जुक्तमे बाक्त। मिनु शुश खप मबाक्तीके जिव जाव वामा बाक्त। ६ तन्न नां पवानु, सोल सुल बेक्मा बाक्त। मारदे हना शाक्श मपाइश्शो बाक्मा बाक्त। ७ का निक्शी चू घारीमी जुक्तमे बाक्त। मिनु चूम

सुम्शा, वाचा मगेवा बाक्त। ८मिनु का निकशी रिम्शा खपीम जुक्तम बाक्त। मिनु वाशा शुश गरल्था, गेडा का के सह का, ६०, ३० सिम्मा बाक्त। ९सु नोफा पाइश्शो बाक्त, मेकोमी नंनल” दंत।

कथा सेल्था शंशो आ पर्वम

मर्कूस ४ :१०-१२ ; लूका ८ :९-१०

१०मिनु शंसीबपुकीमी येसु कली “मारदे कथा सेल्था, मुर आन कली शंनीनी?” द हिल्लो पास्तैकम। ११मिनु येसुमी “इन कली स्वर्ग डा राज्य आ पर्वम खरुइश्शो लोत्र रुत्तीक थुं गेशो बाक्त। तन्न मेको आन कली मगेमी बाक्त। १२कोरिन्थी २ :१० १२थीबमी तेम्शा गेचा पुंडसीब, मिनु शुश दुम्ब। मथीब चहिं बाक्शो यो रोइक्चा पुंडसीब। हितोपदेस ९ :९ ; मत्ती २५ :२८-२९ ; मर्कूस ४ :२४ ; लूका ८ :१८ १३कथा सेल्था शंनुडमी। मारदे हना कोत्रशा यो मताइनीम। नंशा यो मरुनीम। यूहन्ना १६ :२५ ; ब्यवस्था २९ :३ १४साइ नेसी यसेयामी देशो नोले दुम्ब लोत्र मुल थमा दुम्ब। मार बरेक्शो बाक्त देशो हना नंचा दा नंनीनी, तन्न दोपा यो मरुनीनी। कोत्रचा दा कोत्रनीनी, तन्न दोपा यो मताइनीनी। १५मेको मुर आन थुं ग्याम्शो बाक्नीम। आन नोफा थोइशो बाक्नीम। आन मिक्च किरप्शो बाक्नीम। मोदेशो मपशो नम हना, आन मिक्चीम ताम वा, नोफाम नंनम वा, थुमी रुबम वा, मिनु आं गे लेम्म वा, मिनु गो सापदुमी वा” द बरेक्शो बाक्त। यसेया ६ :९-१० ; यूहन्ना ९ :३९ १६गेपुकी चहिं ग्येरसीन। इन मिक्च नु नोफा मेको आन के खोदेशो ममाइ। मिक्चीम ताइनीनी, नोफाम नंनीनी। लूका १० :२३-२४ १७नोफा दाइश्शा नंनीन, गेमी मुल तशा नंशो साइनेसीर परमपरमु यावे आ लोत्र पाइबपुकीमी तचा नंचा दाक्बाक्मा बाक्त। तन्न तचा नंचा मतामे बाक्त। १५पतरूस १ :१०

वांचेर शोक्शो कथा आ अर्थ शंशो

मर्कूस ४ :१३-२० ; लूका ८ :११-१५

१८वांचेर ब्यारशा कथा आ अर्थ शंनन्नी, १९सुमी परमपरमु यावे आ राज्य डा लोत्र नंशा मरुबा, मेको लांमी जुक्शो वांचेर खोदेशो बाक्ब। सैतानमी आ रुप्शो क्याम्शा गेब। २०ग्याडगरो खपीम शोक्शो खोदेशो बाक्त हना, देशो चोटी बिश्शा ग्येरसीब। २१तन्न शाक्श थोक्चा मतथु शुश मलीब। परमपरमु यावे आ लोत्र आ पर्वम

श्येत जाप्तु हना, थु परोइशा गाक्ब। २२चू घारीम जुक्शा सुम्शा खोदेशो बाक्त हना, लोत्र नंब। तन्न दोपा ठेयब दुम्नुडा? दोपा क्येट चेमु? द मिग्शा, आ थमा सुइक्तीके देक्ब। मिनु नंशो लोत्रमी फल मसिन्ब। मत्ती ६ :१९-३४ ; १३मोथी ६ :९ २३सुमी नंशा रुप्चा, मेको चहिं रिम्शा खपीम जुक्शो वांचेर खोदेशो शुश गरल्था, गेडा का के सह का, ६०, ३० सम्म सिन्ब” द शंताकमी।

सुवा नु चेरब शोक्शो कथा

२४मिनु अर्का कथा ओदं शंताकमी “स्वर्ग डा राज्य ओदेशो बाक्ब, मुर कामी आ रूमी रिम्शो वांचेर शोक्शा बाक्त। २५मिनु नाक्दो इम्मनु, आ जोरी सतरुमी मेको तारी सुवा ब्यारशा गेवा बाक्त। २६मिनु वांचेर वामेनु, सुवा यो वामाक्त। २७मिनु गेय पाइबपुकीमी सुवा वाशो तशा, रू आ धनी कली रिम्शा वांचेर शोक्नी ममाइ? मिनु सुवा दोपा वामा? देमा बाक्त। २८मिनु रू धनीमी “आं जोरी सतरुमी ब्यारा बाक्त” देमाक्त। “मो हना मेको सुवा तुल्था ताइक्तका? मार देनीनी?” देमानु २९तुल्था मद्दुम्ब। सुवा तुल्लीनी हना, चेरब यो दुल्ब। ३०मोपतीक रिक्ची मजाक्म सम्म बाक्त। रुप्ची जाक्मेनु, आं गेय पाइब आन कली डांइती सुवा रिक्शा फरंशा चोचा कली तिल्था वोतीन। मिनु चेरब रिक्शा तुप्शा आं भकारीम कुर पा वोतीन, दे माइक्नुडमी” देमाक्त” द शंताकमी। मत्ती ३ :१२ ; मत्ती १५ :३ ; प्रकाश १४ :१५

तारी शोक्शो कथा

मर्कूस ४ :३०-३२ ; लूका १३ :१८-१९

३१येसुमी “स्वर्ग डा राज्य ओदेशो यो बाक्ब, मुर कामी आ रूमी तारी शोक्शा बाक्त। ३२वांचेर नेल्ल क्येडा आइक्च गेडा तारी गेडा बाक्माक्त हना यो, वाशा ठेयब रवा दुम्माक्त। मेको रवामी चिक्वीम ग्योत्र सेल्था बाक्मा बाक्त” दे अर्का कथा का शंताकमी।

बोरपाइक्ब ओस्ती कथा

३३मिनु येसुमी “स्वर्ग डा राज्य ओदेशो बाक्ब, मोश मुर कामी पाथी सां फसमी बोरपाइक्ब ओस्ती सुप्शा, फस नेल्ल मबोरम सम्म सुम्शा वोदा बाक्त” दे अर्का कथा का शंताकमी। लूका १३ :२०-२१

३४ येसुमी मेको लोत्र नेल्ल कथा सेल्शा शंताकमी। कथा मसैल्थु मारइ लोत्र मशंदीमी। मर्कूस ४:३३-३४ ३४ मारदे हना साइ नेसी परमपरभु यावे आ लोत्र पाइबमी देशो लोत्र मुल थमा दुम्ब, दे कथा र पा शंताकमी। मेको साइ बरकशा लोत्र चहिं मार बाकब देशा हना “सरीङ्गनु रागी सेल्शा र मुल सम्म खरुइशा लोत्र कथा सेल्शा नंपाइवकुडमी” दे बरकशा बाकत। भजन संग्रह ७८:२

चेरब शोकशा कथा आ अर्थ शंशो

३६ मिनू येसु मुर आन कली परोइशा, खिं लेत। मिनू आ शंसीबपुकीमी “रूमी वाशो सुवा आ कथा आ अर्थ शंदीकी” देतेकम। ३७ मिनू येसुमी “रिम्शो वांचेर शोकब देशो रागीम जरमशो बाकब। ३८ रू देशो रागी बाकब। रिम्शो वांचेर देशो राज्य डा सन्तान नमी। सुवा देशो सैतान आ सन्तान नम। १कोरिन्थी ३:९; यूहन्ना ८:४४ ३९ सुवा ब्यारब सैतान बाकब। रुप्वी नाकत चहिं निसाफ पची नाकत बाकब। गेय पाइबपुकी परमपरभु यावे आ गेय पाइब नम। ४० सुवा सुष्शा, मीम चोशा सोदेशो पा निसाफ पची नाकत मार दुम्ब देशा हना, मोदेशोन दुम्ब। ४१ रागीम जरमशामी परमपरभु यावे आ गेय पाइब आन कली सोइकब। मिनू मेकोपुकीमी आ राज्य र पाप पपाइकब नु पाप पाइब नेल्ल आन कली सुष्शा, मत्ती २४:३१ ४२ ठेयब मीम हुम्नीम। मंकर मुरपुकी आन खरुइ शष्शा डाकनीम। ४३ परमपरभु यावे आ डाइती ठीक दुम्शापुकी चहिं आं आफ आ राज्यमी नां सोदेशो छुडछुडम ग्यरशा बाकचा ताइनीम। सु नोफा पाइशा बाकमे, मेकोमी ननल। दानीएल १२:३

रूमी थिम्शो शांप

४४ स्वर्ग डा राज्य ओदेशो यो बाकब, रू कामी शांप थिम्शा वोइशा बाकमाकत। मिनू काबु मुर कामी मेको शांप थिदा बाकत। मिनू थम ग्यरसीशा, लेशा थिम्शा वोइशा, आइकके बाकशो नेल्ल लेशा, मेको रू ग्यबा बाकत। मत्ती १९:२९; लूका १४:३३; फिलिप्पी ३:७

शुश क्येट लाइब मोती

४५ स्वर्ग डा राज्य ओदेशो यो बाकब, मोती ग्याप्ब लेयब कामी रिम्शो मोती ग्याप्नुड, दे मिम्शा, माल्ला माल्न गाकमाकत। ४६ मिनू

काबु शुश क्येट लाइब मोती तवा बाकत। मिनू आइकके बाकशो नेल्ल लेयशा, मेको ग्यबा बाकत।

डाइ रेशो कथा

४७ स्वर्ग डा राज्य ओदेशो यो बाकब, समुन्दरमी डाइ रत्चा कली ग्याइल आप्शो बाकमाकत। मेको आप्शो ग्याइलीम शुश थरी डा डाइ ओत्रमा बाकत। मत्ती २२:९-१० ४८ मिनू बरीमिनू, माझीपुकीम ग्याइल कीशा समुन्दर र गरुइदम बाकत। गरुइशा ब्वचा डा डाइ वोदमे बाकत, मब्वचा डा डाइ ताइकतमे बाकत। ४९ निसाफ पची नाकत मोदेशोन दुम्ब। परमपरभु यावे आ गेय पाइबपुकी जाकशा, ठीक पाइब आन दाते र पापी आन कली योत्रशा गरुइशा, मत्ती २५:३२ ५० ठेयब मीम हुम्नीम। मेकर मुरपुकी आन खरुइ शष्शा डाकनीम।

५१ आं शंतीक लोत्र नेल्ल रूमी?” दे हिल्लो पवानु “रुप्तक” देतेकम। ५२ मिनू येसुमी “स्वर्ग डा राज्य आ पर्वम शंसीशो जोकब तुइकब दुम्शो मुर खिं डा होत्रप सोदेशो बाकब। मेकोमी आ भकारी र माइत नु नक थोत्रक शोल्ले चाप्ब” देत।

नासरथ सहरम येसु कली मबरशो

मर्कूस ६:१-६; लूका ४:१६-३०

५३ मिनू येसुमी मेको लोत्र शंन थुम्शा, मेकर र लेत। ५४ मिनू लशा, आ बाकशो सहरम जाकदीशा, गरुम्तीक खिंमी शंताकब। शंदानु, आ लोत्र नंबपुकीमी छुक लाकशा “आमाइ, एकोमी ओदेशो लोत्र दोपा जोक्या? सु आ सक्तिमी छुक लाकचा डा गेय पवा? ५५ शी के सत्व आ तौ ममाइ डा? आ ममा मरीयम ममाइ डा? आ लोकब याकूब, योसफ, सिमोन, यहूदा मनमी डा? ५६ आ समीपुकी गोपुकी नु बाकब मनमी डा? मिनू मोदेशो आन तौमी दोपा जोकशा ठेयब दुम्मा?” दे आन थुं मनुशो लोत्र पसुमा बाकत। यूहन्ना ६:४२; यूहन्ना ७:५५, ५२ ५७ मिनू येसुमी मेको आन थुं मनुशो तुइशा, मेको आन कली “तेइ तेइ परमपरभु यावे आ लोत्र पाइब आन कली ठेयब सुइशा मान पाइनीम। आंम रागी, आंम खिंमी चहिं महिकनीम” दे माइकतीमी। यूहन्ना ४:४४ ५८ मेकर छुक लाकचा डा गेय का निकशी ला पाप्नु। मारदे हना मेकोपुकीमी थमा मसुदम।

### यूहन्ना कली साइश्शा

१ येसुमी छक लाक्का डा गेय पा शेंना शंन गाकमनु, आ पशो नु आ शंशो पिप हेरोदमी नंना बाक्त। मेको पिप हेरोद चहिं मेको रागी डा ४ भागमी भाग का डा पिप बाक्माक्त। मोपतीक भाग का डा आन पिप, दे नें वोइश्शा बाक्माक्त। २मिनु पिप हेरोदमी येसु आ पशो नु शंशो नेंशा, आ गेय पाइब आन कली “मेको ब्वाक्कुम खरुम्शा गरुइब यूहन्ना बेक्शो रे संसे बाक्त। मिनु शुश सकित पाइश्शा, छक लाक्का डा गेय पाइबाक्माक्त” देमाक्त। ३यूहन्ना बेक्शो रे संसे बाक्त, देशो दोपा देशा हना, हेरोदमी आ लोक्ब फिलीप आ मीश आ परबम यूहन्ना कली जेल्खानमी चोक्शो बाक्माक्त। मत्ती ११:२ ४मारदे हना यूहन्नामी हेरोद कली “इन लोक्ब आ मीश चाक्का मदुम्ब” दे माइश्शा बाक्माक्त। प्रस्थान २०:१४ ५मो देतीके यूहन्ना कली साइक्का माल्शो बाक्माक्त। तन्न मुर आन कली तशा हिंमाक्त। मारदे हना मुरपुकीमी यूहन्ना परमपरभु यावे आ लोत्र पाइब बाक्ब, दे थमा सुइश्शा बाक्सा बाक्त। मत्ती २१:२६

६मिनु पिप हेरोद आ जरमेशो नाक्त जाक्माक्त। मिनु हेरोदनी आ तमीमी हेरोद आ भोजमी जाक्ब आन दातेमी सिल पशा, हेरोद कली ग्यरपदा बाक्त। ७मेको कली सिल पशो तशा, हेरोद थाम्पा ग्यरशा, कसम जशा “भार पुइतीवी हना यो, गो गनन” दे मदा बाक्त। ८मिनु मीश आल आ ममामी “ब्वाक्कुम खरुम्शा गरुइब यूहन्ना आ पिया क्योरशा, थालम कुर पा गेयीनी” दे पुंइपदा बाक्त। ९मिनु हेरोदमी मेको लोत्र नेंशा, आ थुं मनुमाक्त। तन्न भोजमी जाक्ब आन कुल कसम जशा लोत्र गेतीक मगेनन देने मचबा बाक्त। १०मिनु आ सिपाही आन कली जेल्खानमी सोइश्शा, यूहन्ना कली क्योरपा, ११आ पिया थालम कुर पा चाक्का गेपदा बाक्त। मिनु मीश आलम मेको थाल ताक्का लाइश्शा, आ आम्मा कली गेवा बाक्त। १२मिनु यूहन्ना आ शेंसीबपुकीमी जेल्खानमी लशा, आ लास लाइश्शा, थिम्मे बाक्त। मिनु येसु आ बाक्तीके जाक्शा, मो दुम्शो नेल्ल शोत्रतेक्म।

### ५ हजार मुर आन कली थुल्शो

मर्कूस ६:३१-४४; लूका

९:१०-१७; यूहन्ना ६:१-१३

१३मिनु येसुमी मेको लोत्र नेंशा डोंगा डोइश्शा, सुइ मबाक्तीकम लत। मिनु सहर डा शुश मुरुमी येसु लाम्माक्त देशो नेंशा, समुन्दर हिरशा, आइक्ची हांबु जाक्दीम्मा बाक्त। १४मिनु येसु डोंगा रे तोइश्शा, शुश मुर देल्शो तशा, मेको आन कली शिशो पा रोइ पाइब आन कली सापाइक्तीमी।

१५मिनु नां रिक्चावानु, आ शेंसीबपुकीमी “एको मारइ मबाक्तीकम मार जाइनीमी? देल्शो मुर आन कली लचा गेने। गाउं गाउं लशा, ग्याप्शा जामेक्ल” देतेक्म। १६मिनु येसुमी “लचा ममाल्नीम। गेपुकीमी एको आन कली जचा गेने” देत। १७“गापुकी नु ५ ओटा शोब्ले नु डोंइ निक्शी डा लाक्का मारइ मबा” देमानु १८“लो, मेको शोब्ले नु डोंइ गेयीनी” देत। १९मिनु मुर आन कली “निस्सीने” दे माइश्शा, मेको शोब्ले नु डोंइ शशा, सरीड गे कोवशा “गे रिम्शो पाइब बाक्नीनी” देशा शोब्ले नु डोंइ आ शेंसीब आन कली योक्शा गेपाइक्तीमी। २०मिनु नेल्लेमी रूथरी जाम्तेक्म। जशा हेंशो १२ डालो सुप्ताक्म। २१राजा ४:४४ २१जाइबपुकी चहिं आलपुकी नु मीश मुर आन कली परांइशा, वोंइश मुर ला ५ हजार खाइ बाक्तेक्म।

### येसु ब्वाक्कु तारी गाक्शो

२२मिनु येसुमी शेंसीब आन कली “आं डोंइती लेने, गो मुर आन कली सोइश्शा पीनुड” दे डोंगामी डोंइक्पा सोइक्ताक्मी। २३मिनु मुर आन कली सोइश्शा, परार्थना पथ डोंडाम डोंइसे बाक्त। नां रिक्मेनु यो मेकेरन आ कांइचीक बाक्माक्त। लूका ६:१२; लूका ९:१६ २४शेंसीबपुकी चहिं समुन्दर आ दातेम जाक्दीश्शा, फश नु छालमी तेक्शा, श्येत जाम्तेक्म। २५मिनु नां सोत्रचावानु, येसु ब्वाक्कु तारी गाक्का गाक्न पिशो ताम्तेक्म। २६मोपा पिशो तशा “आमाइ, वोल पित” दे हिंशा वाइ बरम्मानु, २७येसुमी “थुं बारपतीने। गो नड, महिनीन” देत। लूका २४:३७

२८मिनु पतरुसमी “परभु, गेन ननी हना, आं कली यो ब्वाक्कु तारी गाक्शा, इन गे पिचा कली बरत्तीनी” देत। २९मिनु येसुमी “पिवो” दे बरत्तानु, पतरुस डोंगा रे तोइश्शा, ब्वाक्कु

तारी गाकशा येसु गे लत। ३० मिनु फश गिवार पशो तशा हिंशा, गरुम्चा माल्लु। मिनु “परभु परांडयीनी” दे वाइ बरत्त। ३१ मिनु येसुमी फि ग्याइश्शा कीशा “ए, गे थमा पा थमा सुइकन मचाप्व, मार दल्गीर पवी ?” दे माइश्शा, ३२ डांगा डांडसाक्स। मिनु फश यो दिक्त। ३३ डांगाम बाकबपुकीम येसु आ डांडती बाप्शा “थमान, परमपरभु यावे आ ती बाकनी बाक्त” देशा संउ पाम्तकम। मती १६ :१६ ; यूहन्ना १ :४९

मुर आन कली सापाइश्शो

मर्कूस ६ :५३-५६

३४ मिनु समुन्दर शोक्शा, गेनेसरथ रागीम जाकदीत्तकम। ३५ मेकर जाकदीम्मानु, मुरपुकीमी येसु जाकमाक्त, दे तुइश्शा “रोइ पाइब आन कली चाकनीन, है” देशा डा मीन आन रागीम नंपाइकमुमा बाक्त। ३६ मिनु रोइ पाइब आन कली चाकगामेनु, मेकोपुकीमी “परभु, इन फेक्शो वा थिचा गेकी” दे पुंडत्तकम। मिनु सु सुमी थीम, मेकोपुकी सातेकम। मती ९ :२१ ; लूका ६ :३९

गरांगरा दिचा आ पर्वम शंशो

मर्कूस ७ :१-१३

१ मिनु फरिसी नु सास्तरीपुकी यरूसलेम रे येसु कली गरुम्थ जाकशा २ “इन शंसीबपुकीमी जाकब तुइक्ब खाल्पा आन रिती थिती मारद मपाइनीमी ? जचा डांडती गुइ चिकचा माल्शो। मारद मचिकनीमी” देमानु, लूका ११ :३८ ३येसुमी “गेपुकीमी मारद इन पतीक पाइनीनी ? परमपरभु यावेमी अरेशो लोत्र चहिं मपाइनीनी। ४ परमपरभु यावेमी अरेशो लोत्र का आम आफ आस कली मान पचा” मिनु ‘सु सुमी आम आफ आस कली सराप पाइनीमी, मेकोपुकी साइक्चा पुंडसीनीम’ दे बरक्शो बाकब। परस्थान २० :३२ ; परस्थान २१ :१७ ५ गेपुकीमी चहिं ‘सु सुमी आम आफ कली गेचा माल्शो थोत्रक परमपरभु यावे आ सिं लाइश्शा गेने थुम्तक’ देनीम। मेकोपुकीमी आम आफ कली मान पचा ममाल्नीम, दे शंनीनी। हितोपदेस २६ :२४ ; १तिमोथी ५ :८ ६ मोदेशो पा इन रिती थिती सल्शा, परमपरभु यावेमी अरेशो लोत्र क्याम्नीनी। ७ ए कपटीपुकी, यसैयामी इन कली गारचा डा लोत्र पा ८ मेकोपुकीमी शोत्र नु लोत्रम ठेयब सल्नीमी। आन थुंमी चहिं आं कली मदाकनीम। ९ आं कली मान पसु पशो सोदेशो

पा आन सल्शो शंतीक लोत्र परमपरभु यावेमी अरेशो लोत्र बाकब, दे मुर आन कली शंनीम’ दे बरक्शो बाक्त” दे माइक्तीमी। यसैया २९ :३३

१० मिनु येसुमी मुर आन कली बरश्शा “नंशा रुपीन, ११ शोत्र आगा ओत्रब थोत्रकीमी मुर कली गरांगरा मसल्ब। शोत्र रे गरुशोमी चहिं मुर कली गरांगरा सल्ब” दे शंताकमी। पररित १० :१५ ; १तिमोथी ४ :४ ; तीतस १ :१५ १२ मिनु शंसीबपुकीमी येसु कली “शंब, इन देशो नंशा, फरिसीपुकी आन थुं मनुम दे तुइक्तीनी ?” देतेकम। १३ मिनु येसुमी “स्वर्ग डा आं आफोमी मखरुम्शोपुकी तुल्शा ताइक्चा पुंडसीनीम। पररित ५ :३८ १४ मेकोपुकीमी मोरइ पामेकल। मिक्च मताइब लां कांडब नम। मिक्च मताइबमी मिक्च मताइब कली कीशा लां कांडताक्ब हना, निम्फा खाल्टाम बिक्नीस” देत। मती २३ :२४ ; लूका ६ :३९ ; रोमी २ :१९ १५ मिनु पतरुसमी “थमा, इच्ची ना मुर आन कली पशो लोत्र आ अर्थ मार में ?” दे हिल्लो पवानु १६ “ए, गेपुकी यो आं लोत्र मरुम्ब बाकनीनी ? १७ शोत्र आगा ओत्रब थोत्रक कोत्रज जाकदीश्शा, खरी दुम्शा लाइब, दे मतुइक्नीनी ? १८ शोत्र रे गरुशो चहिं थुं रे गरुशो बाकब। मेकोमी मुर कली गरांगरा सल्ब। १९ मुर आन थुंमी मार मरिम्शो मिम्नीम देशा हना, मुर साइक्चा, मुर आन मीश लाइक्चा, तेल्लेम पचा, खुइ पचा, जोल पा सांकळी बाक्चा, मुर आन पर्वम मरिम्शो लोत्र पचा, दे मिम्नीम। मेको चहिं शोत्र रे गरुशो, उत्पत्ती ८ :२१ २० मुर आन कली गरांगरा सल्ब। गुइ मचिकथु जशोमी चहिं मारइ मपाइब” दे शंताकमी।

कनानी रागी डा मीश मुर

मर्कूस ७ :२४-३०

२१ मिनु येसु मेकर रे लशा, टायर नु सीदोन सहर आ नेक्था जाकदीत्त। २२ मिनु मार दुम्त देशा हना, कनानी रागी डा मीश मुर का जाकशा “दाऊद आ तौ, परभु, शिशी पाइय्यीनी। आं तमी कली वोल्म सुम्शा शुश श्येत गेपु। वोल् कली खेरशा सापतीन” दे डाकन डाकन पुंडतु। २३ मिनु येसु सिक्सी पा बाक्त। मिनु शंसीबपुकीमी “एको मीश मुरुम रेयके पना पन इं नोल खोइश्शा पिन पिन बाकब। एको कली सोइक्तीन” देतेकम। २४ मिनु येसुमी “लां जाम्शो मेडा खोदेशो दुम्शो इं इसराएल डा मुर आन कली ला वारच पथ, सांडसीशो नड” देत। मती १० :५-६ ; रोमी १५ :८ २५ मीश मुरुम चहिं येसु आ डांडती पोक्च

थेकशा “परभु, आं कली वारच पर्यानी” दे सेउ पाप्नु। २६ मिनू येसुमी “आल आन कली वोइशशो शोब्ले लाइशशा, कुचुम कली गेचा मदुम” दंमेनु २७ “परभु, मेको थमा बाक्त हना, होव्रपमी हेंशा ताइशशा थोव्रक कुचुममी जचा ताइनीम” दंत। २८ मिनू येसुमी “ओहा, मेकामी थमा पा थमा सुइय्यी बाक्त। मोपतीके इ पुंइशो जाकदील” दे माइक्तु। मो दंमेनु, आ तमी बरा सामाक्त। मत्ती ८:११-१३

### रोइ पाइब आन कली सापाइशशो

२९ मिनू येसु मेकर रे लशा, गालील समुन्दर आ नेकथा जाकदीशशा, डांडा का डोइशशा निस्साक्व। ३० मिनू शुश मुरुमी गुइ खोइल मदुक्व, कूंजी कुंजे, मिक्च मताइब, नोफा मनंब, लोव्र मपाइब नु मार मार रोइ पाइबपुकी चाकशा, आ डांडती तेल्तेक्म। मिनू मेको नेल्ल आन कली सापाइक्तीमी। ३१ मिनू शुश मुर आन कली साशो तशा “लाटापुकी लोव्र पाइबाक्तेक्म, कूंजी कुंजे साबाक्तेक्म, खोइल मदुक्व गाक्वाक्तेक्म, मिक्च मताइब मुल मिक्च ताइब दुम्बाक्तेक्म” दे छ्क लाकशा, इसराएली आन परमपरभु यावे कली ठेयब सल्शा मान पाम्तेक्म। मर्कूस ७:३७

### ४ हजार मुर आन कली थुल्थो

मर्कूस ८:१-१०

३२ मिनू येसुमी आ शंसीब आन कली ब्रेशशा “एको शुश मुर आन कली शिशो पाइनुडमी। मारदे हना नाक्त सां सम्म गो नु काथा बाक्तेक्म। मिनू आन के जचा मारइ मबा। जचा मगेथु, आन खिं सोइक्चा मदाक्नुड। सोइक्ताकडमी हना, लामो बंक्नीम” दे माइक्तीमी। मत्ती १४:१३-२१ ३३ मिनू मेकोपुकीमी “गोरशो रागी मारइ मबाक्तीकेमी इशका मुर आन कली मार जचा गेचा नमी डा ?” दंतेक्म। ३४ मिनू येसुमी “शोब्ले दोशो कुरनी ?” दंत। मिनू “शोब्ले ७ ओटा नु आइक्च डांड का निक्शी” दंतेक्म। ३५ मिनू मुर आन कली निप्पाइशशा, ३६ मेको ७ ओटा शोब्ले नु डांड शशा “गे रिम्शो पाइब बाक्नीनी” दे शोब्ले जिक्शा, शंसीब आन कली गेशा योक्पाइक्तीमी। ३७ मिनू नेल्लेमी स्थरी जाम्तेक्म। जशा हेंशो ७ डालो सुप्ताक्म। ३८ जाइबपुकी चहिं मीश मुर नु आलपुकी परांइशा, ४ हजार बाक्तेक्म। ३९ मिनू मुर नेल्ल

आन कली सोइशशा, आ शंसीबपुकी नु काथा डांगा डोइशशा समुन्दर शोक्शा, माग्दाला रागीमी जाकदीत्तेक्म।

### चिन्ड कोव्रकोव्र दाक्शो

मर्कूस ८:११-१२; लूका १२:५४-५६

१ मिनू फरिसी नु सदुकीपुकी जाकशा, येसु आ थुं थाम्चा कली “स्वर्ग डा चिन्ड का कांइदीकी” दंतेक्म। मत्ती १२:३८ २ मिनू येसुमी मेको आन कली “नां परचावानु दीसा हाक्व। मारदे हना सरीड लल जिशो बाक्व’ देनीनी। ३ मिनू नां दाम्मेनु भुलाक्त फश गिवार पाइब। मारदे हना गोस्सुम सुम्शा, सरीड लल जिशो बाक्व’ देनीनी। सरीड कोव्रशा हाक्वा, दे रेउ थीबा देने चाप्नीनी। तन्न मुल मार दुम्चशो बाक्वा मेको आ चिन्ड मरुप्नीनी। मत्ती ११:४ ४ मरिम्शो पाइब नु देवी देवता नु परमपरभु यावे खाल्व पालाम चिन्ड कोव्रकोव्र दाक्नीम। मेको आन कली योना आ चिन्ड डा लाकशा मारइ चिन्ड मकांइनुडमी” दंशा, मेको आन कली परांइशा गाक्त। मत्ती १२:३१-४०

### लोव्र नंशा होस पांइसीने

मर्कूस ८:१४-२१

५ मिनू समुन्दर शोक्शा, आइक्ची हांबु जाकदीम्मानु, शंसीबपुकीमी “ला, शोब्ले कुरचा परंस बाक्त” दे ति फरुक्शा दंमुम्तेक्म। ६ मिनू येसुमी “फरिसी नु सदुकी आन शोब्लेमी सुप्शो बारपाइक्व ओस्ती रे होस पांइसीने” दे माइक्तीमी। लूका १२:१ ७ मिनू “शोब्ले कुरचा परंदया बाक्त, दे तुइशशा, मो दंम कां” दंमुम्तेक्म। ८ मिनू येसुमी मेको आन लोव्र तुइशशा “ए, गे थमा पा थमा सुइक्ने मचाप्वपुकी, शोब्ले मबा, दे मारदे शुश लोव्र पमुनी ? १ मुल यो मारइ मरुप्नीनी ? २ ओटा शोब्लेमी ५ हजार मुर आन कली स्थरी जचा गेशा, गिश डालो हंम ? मत्ती १४:१७-२१ १० मिनू ७ ओटा शोब्लेमी ४ हजार मुर आन कली जचा गेशा, दोशो हंम, दे ममिम्नीनी ? मत्ती १५:३४-३५ ११ फरिसी नु सदुकी आन शोब्लेमी सुप्शो बारपाइक्व ओस्ती रे होस पांइसीने दंशा चहिं शोब्ले आ पर्वम शंशो ममाइ। मुल यो मरुप्नीनी ?” दे माइक्तीमी, १२ “गे फरिसी नु सदुकी आन शंतीक लोव्र नंशा, होस पांइसीने, दे शंशो बाक्माक्त” दे रुत्तेक्म।

पतरुसम “खरीस्त ननी” देशो

मर्कूस ८ :२७-३० ; लूका ९ :१८-२१

१३ मिनु सिजरिया फिलिपी रागीम जाकदीशशा, यसुमी आ शंसीब आन कली “मुरपुकीमी रागीम जरमेशो आ पर्वम मार देनीमी ?” दे हिल्लो पवानु १४ “का निक्शीमी ‘ब्याक्कुम खरुम्शा गरुडब यूहन्ना बाक्माक्त’ देनीमी। का निक्शीमी ‘एलीया बाक्माक्त’ का निक्शीमी ‘यरमीया बाक्म को, परमपरभु यावे आ लोत्र पाइब अर्का का बाक्म को’ देनीम” देतकम। मती १४ :२ ; मती १७ :३० ; लूका ७ :१६ १५ मिनु यसुमी “गेपुकी चहिं आं कली सु सुइकयीनी ?” देमेनु, १६ सिमोन पतरुसमी “बरोइशा बाक्ब परमपरभु यावे आ तो खरीस्त बाक्नीनी” देत। यूहन्ना ६ :६९ १७ मिनु यसुमी पतरुस कली “योना आ तो सिमोन, ग्यरसा। मारदे हना इ देशो लोत्र मुरुमी शंशो ममाइ। स्वर्गम बाक्ब आं आफोमी इ कली रुपाइक्तु। मती ११ :२७ ; गलाती १ :१५-१६ १८ गे पतरुस नवे, एको सरथ फुल्लु तारी आं खिं सेल्लुड। नरकमी मेको कली गराने मचाप्व। यूहन्ना १ :४२ ; एफिसी २ :२० १९ गो स्वर्ग डा राज्य आ सांचो गनन। एको रागीम मार कली फरंनवे, स्वर्गमी यो फरंशो बाक्नीम। एको रागीमी मार कली परांडनवे, स्वर्गमी यो परांडशो बाक्नीम” दे माइक्तु। मती १८ :१८ २० मिनु आ शंसीब आन कली “खरीस्त एकान बाक्माक्त दे सुइ आन कली मशोत्रडीन” दे माइक्तीमी। मती १७ :९

यसु श्येत जचा माल्व, दे शंशो

मर्कूस ८ :३१-३३ ; लूका ९ :२२

२१ मेना रे यसुमी आ शंसीब आन कली “यरुसलेम लशा, जोक्ब तुइक्ब साल्पा, ठेयब चढेब नु सास्त्रीपुकी रे पा शुश श्येत जशा साइक्चा पुंडसीनुड। मिनु बक्शा आ नित्य नाक्त संसीनुड” दे शंचा गोपुतु। मती १२ :४० ; यूहन्ना २ :२९ २२ मिनु काबु लंशा शंदानु, पतरुसमी यसु कली आइक्ची बरेशशा लाइशशा “परमपरभु यावमी इन कली शिशो पवल। परभु, इन देशो सोदंशो गेनायो महुम्ल” देमाक्त। २३ मिनु यसुमी नोले हिरशा पतरुस कली कोत्रशा “ए सैतान, इ कुल मकोइदी। मारदे हना आं लां तेक्ब बाक्डे बाक्त। गे परमपरभु यावे आ मिम्शो मपथु, मुरुमी मिम्शो लोत्र कका पाप्टीवी” दे हुइक्ताक्व।

यसु आ नोले खोइक्बपुकी

मर्कूस ८ :३४-९ :१ ; लूका ९ :२३-२७

२४ मिनु यसुमी आ शंसीब आन कली “सुमी आं नोले खोइक्चा थुं पाइबा, मेकोमी आंम दला दाक्स पचा परांडशा, श्येत जचा महिंथु, आ नोले खोइय्यील। मती १० :३८-३९ ; १ पतरुस २ :२१ २५ आ गिम परांडचा दाक्बमी मेको साम्ब। आं पर्वम आ गिम साम्बमी आ गिम परांडब। परकाश १२ :११ २६ रागी नेल्ल आंम के सल्ला, आ गिम चहिं खतम दुम्त हना, मार रिम्शो दुम्म डा ? खतम दुम्शो गिम मार गेशा लेन्न चाप्रा डा ? लूका १२ :२० ; भजन संग्रह ४९ :९ २७ रागीम जरमेशो आ आफ आ दारसमी परमपरभु यावे आ स्वर्ग डा गेय पाइबपुकी नु जाक्ब। मिनु मुर आन गेशो पशो कोत्रशा, आन गेशो का का पा लेशशा गेब। रोमी २ :६ २८ नोफा दाइशशा नेनीने, मुल गो नु काथा बाक्ब का निक्शीमी रागीम जरमेशो आ राज्य जाक्शो मतथु मबक्नीम” दे शंताक्मी। मती १० :२३

यसुमी रां फाइशशा कांडशो

मर्कूस ९ :२-१३ ; लूका ९ :२८-३६

१७ १ मिनु ६ नाक्त नोले यसुमी पतरुस, याक्ब नु आ लोक्ब यूहन्ना सां आन कली सुइ मबाक्तीक लाइशशा डांडामी लदा बाक्त। मती २६ :३७ ; मर्कूस ५ :३७ ; मर्कूस १३ :३ ; मर्कूस १४ :३३ ; लूका ८ :५१ २ मिनु मेको आन डांडती यसु फांडसेनु, मेकोपुकीमी आ कुल नां खोदंशो नु आ फक्शो वा बुबु पा जिलील पा बुश दुम्शो ताम बाक्त। २ पतरुस १ :१६-१८ ; परकाश १ :१६ ३ मिनु मोसा नु एलीया जाक्शा, यसु नु लोत्रसी पशो तामे बाक्त। ४ मिनु पतरुसमी यसु कली “हे परभु, इं कली एकर बाक्चा रिम्शो दुम्ब। गे दाक्नीनी हना, बाक्तीके सां सेल्लुड। इन कली का, मोसा कली का नु एलीया कली का सेल्लुड” देमाक्त। ५ मोदंशो लोत्र पना पन बाक्मेनु, जिलील पा बुश तांडसीशो गोस्सुमी नेल्ल आन कली गिल्ली बाक्त। मिनु गोस्स आगा रे “एको आं दाक्शो तो बाक्ब। एको कली तशा ग्यरसाकयी। आ लोत्र नेनीने” देशो संदा नेन्मे बाक्त। मती १ :१७ ६ मोदंशो नंशा, शंसीबपुकी हिंशा सुम्की पा बाम्मा बाक्त। ७ मिनु यसुमी मेको आन कली गुइमी थिशा “बोक्कीन, महिनीन” दे माइक्मी बाक्त। ८ मिनु बोक्शा कोत्रडमेनु, यसु कली ला तामे बाक्त।

१ मिनू डांडा रे बरुम्मानु, येसुमी “रागीम जरमेशो बक्शो र मसेस सम्म इन तशो सुइ आन कली मशेदीन” दे माइक्मी बाक्त। मत्ती १६:२० १० मिनू शंसीबपुकीमी “सास्तरीपुकीमी ‘डांडती एलीया जाक्चा माल्व’ दे शंनीम ममाइ ? मारदे मोदं शंनीमी ?” दे हिल्लो पामनु मत्ती ११:१४ ११ “थमान, एलीया डांडती जाक्शा, नेल्ल ठीक संल्म। १२ तन्न एलीया डांडती जाक्त। आ जाक्मेनु, सास्तरीपुकीमी तुइक्तेम। मिनू मेको कली मार पचा दाक्तेम, मेकोन पाम्तेक्म। मोदंशो पा रागीम जरमेशोमी यो आन गुइ र पा श्यत गेचा पुंडसीब, दे गो इन कली देनुड” देमाक्त। मत्ती १४:९-१० १३ मिनू “व्याक्कुम खरुम्शा गरुइब यूहन्ना आ पर्वम लोव्र दंशो बाक्माक्त” दे रुम् बाक्त। लूका १:१७

येसुमी वोल कली खेरशो

मर्कूस ९:१४-२९; लूका ९:३७-४२

१४ मिनू येसु नु आ शंसीब सां शुश मुर देल्शा बाक्तीकेमी जाक्मानु, मुर का येसु आ डांडती जाक्शा, पाक्च थक्शा सज पा १५ “ह परमु, आं तौ कली शिशी पा सापतीन। आं तौ छार रोइ पा मीम दुप्पाइसीशा व्याक्कुम गरुम्पाइसीशा, शुश श्यत जना जन बाक्ब। १६ इन शंसीब आन कली सापतीन देडानु, सापाइक्ने मचबेम” दे माइक्तु। १७ मिनू येसुमी “गे थमा पा थमा मसुइक्ब नु मटीबपुकी, गेना सम्म गेपुकी नु बाक्नुडा ? ओदंशो इन पशो गेना सम्म फाल्शा बाक्नुडा डा ? रोइ पाइब कली चाक्कीन” देत। १८ मिनू चाक्मेनु, येसुमी वोल कली हुइश्शा खेरतु। मिनू आल बरा सात। १९ मिनू मुर गाक्मा नोल शंसीबपुकीमी येसु कली “मारदे गो मेको वोल कली खरने मचाप्का ?” दे हिल्लो पामनु, २० येसुमी “थमा पा थमा सुइक्ने मचाप्बपुकी, नोफा दाइश्शा नेनीन, रायो गेडा सोइ ला थमा सुइक्तीनी हना, इन पने मचाप्चा डा मारेइ मलीब। एको डांडा याक्सो देनीनु, एको डांडा यो याक्सीशा लाइब। मत्ती २१:२१; लूका १७:६; १कोरिन्थी १३:२ २१ ओदंशो वोल खेरचा कली चहिं बर्त बाक्शा, परार्थना पा ला गरुइने चाम्सीब” दे माइक्तीमी।

येसु श्यत जचा माल्व, दे लेशा शंशो

मर्कूस ९:३०-३२; लूका ९:४३-४५

२२ मिनू गालील रागीम बाक्मानु, येसुमी “रागीम जरमेशोमी मुर आन गुइमी गेशा

साइक्चा पुंडसीब। मत्ती १६:२१; मत्ती २०:१८-१९ २३ मिनू बेक्शो आ नित्य नाक्त बेक्शो र संसीब” देमेनु, शंसीब आन थुं थाम्पान साइक्मा बाक्त।

गरुम्तीक खिं डा तिरा

२४ मिनू नोल कोपरनाउम सहर जाक्दीम्मानु, गरुम्तीक खिं डा तिरा पाक्बपुकीमी पतरुस कली “इन कली शंबमी तिरा मथाप्चा ?” देमानु परस्थान ३०:३३; २राजा १२:५-६ २५ “थाप्ब” देमाक्त। मिनू खिं लेशशा जाक्मेनु, येसुमी पतरुस कली “ए सिमोन, पिपपुकीमी तिरा पाक्पदमेनु, आन तौ आन के यो पाक्नीमी देय अर्का रागी डा मुर आन के ला पाक्नीमी, मार देनेवे ?” दे हिल्लो पाप्नु। २६ पतरुसम “अर्को रागी डा मुर आन के ला पाक्नीम” देत। “लो, मो हना तोपुकीमी तिरा थाप्चा ममाल्बाक्मा बाक्त। २७ मोदंशो बाक्त हना यो, मेको आन थुं नुपाइक्चा कली तिरा थाप्तेस। गे समुन्दरमी लशा, बोल्सी ग्यारशा, नेल्ल क्येडा डांडती रेशशा डांड आ शोव्र पाक्को। आ शोव्र आगामी स्तातेर का थिल्लेवे। मेको लाइश्शा, इस तिरा थाप्तो” दे माइश्शा सोइक्ताक्व। स्तातेर का ४ देनार बाक्ब। गरीक क्येट बाक्ब।

नेल्ल क्येडा ठेयब सु बाक्ब

मर्कूस ९:३३-३७; लूका ९:४६-४८

१ मिनू काबु शंसीबपुकीमी येसु कली १८ “स्वर्ग डा राज्यमी नेल्ल क्येडा ठेयब सु बाक्बा ?” दे हिल्लो पाम्तेक्म। २ मिनू येसुमी आल का कली बरेशशा, आन दातेमी राप्पाइश्शा ३ “नोफा दाइश्शा नेनीन, गेपुकीमी दोपा ठेयब दुम्चा, दे मिम्चा परांइशा, आल खोदंशो मदुम्तीनी हना, स्वर्ग डा राज्य दोपा यो ओव्रचा मताइनीनी। मत्ती १९:१४ ४ एको आल खोदंशो बरेशशापुकी स्वर्ग डा राज्यमी नेल्ल क्येडा ठेयब बाक्नीम। ५ येसुमी आं नेम ओदंशो आल कली बराइबा, मेकोमी आं कली बराइब। मत्ती १०:४०

पाप पपाइक्चा आ पर्वम शंशो

मर्कूस ९:४२-४७; लूका १७:१-२

६ येसुमी आं कली थमा सुइक्ब आल कली पाप पपाइक्बा, मेको आ शुरम यात क्युक्शा, समुन्दरमी खरुम्शा साइक्चा अरु सजाइ क्येडा रिम्शो बाक्ब। लूका १७:१-२ ७ पाप

पपाइक्व आन पर्वम, आबी आबी। एको रागीमी पाप पपाइक्व शुश जाकनीम। तन्न सुमी अरु आन कली पाप पपाइक्वा, मेको आन कली आबी आबी। ८इ गुइ खोइलीमी इ कली पाप पपाइक्वु हना, खरोइशशा ताइक्तो। मारदे हना गुइ खोइल निम्फा बाक्शा, नरकम खरुम्चा पुंडसीचा क्यंडा डुंडे खोरन्ड दुम्शा, स्वर्ग डा राज्यम ओव्रचा तचा रिम्शो दुम्ब। मत्ती ५ :२९-३० ९इ मिक्चीमी इ कली पाप पपाइक्वु हना, मिक्च फेशशा ताइक्तो। मारदे हना मिक्च निम्फा पाइशशा, नरकम खरुम्चा पुंडसीचा क्यंडा काना दुम्शा, स्वर्ग डा राज्यमी ओव्रचा तचा रिम्शो दुम्ब।

जाम्शो भेडा माल्थ लशो

लूका १५ :४-७

१०होस पांडसीन, आल आन कली आइक्व मसलीन। नोफा दाइशशा नेनीन, आल आन कली कोव्रब परमपरभु यावे आ स्वर्ग डा गेय पाइबपुकी स्वर्गम बाक्व आं आफ आ खोइती बाक्नीम। ११रागीम जरमेशो जाम्शो आन कली माल्थ जाक्शो बाक्व। हिब्रू १ :१४ १२मुर का के सहे का भेडामी का जाम्त हना, मेकोमी १९ भेडा आन कली परांडशा वोइशशा, जाम्शो का कली मथिदा सम्म माल्ना माल्ल मगाक्वा डा ? १३नोफा दाइशशा नेनीन, थिदानु, मजाम्शो १९ भेडा क्यंडा मेको थिशो का आ पर्वम शुश ग्यरसीब। १४मेको बुदी स्वर्ग डा इन आफोमी आइक्व का यो मजाम्मत, दे मिम्ब।

माफ गेचा

१५इ लोकबमी इ कली मरिम्शो पाप्नु हना, गे निक्शी बाक्सीनु, एको ओदंशो मरिम्शो पाप्तीवी, दे तुइक्पतो। इ लोव्र बीसाक्व हना, मेको कली आम के सत्नेवे। लेवी १९ :१७ ; लूका १७ :३ ; गलाती ६ :१ १६इ लोव्र मबिस्साक्व हना चहिं, मुर निक्शी सां दुम्शा लशा, सांकछी वोइशशा लोव्र पावो। व्यवस्था १९ :१५ १७मेको आन लोव्र यो मबिस्साक्व हना, मुर पुक्शा लोव्र पावो। मिनु मेको आन लोव्र यो मबिस्साक्व हना, अर्का रागी डा मुर खोदंशो बाक्माक्त, दे तिल्शा सोइक्तो। १कारिन्थी ५ :१३ ; २ थिस्सलोनिकी ३ :६ ; तीतस ३ :१० १८नोफा दाइशशा नेनीन, रागीमी मार पाइशशा वोइक्नीनी, मेको स्वर्गम यो पाइशशा बाक्व। रागीमी मार परांडनीनी, मेको स्वर्गम यो परांडशा बाक्व। मत्ती १६ :१९ ;

यूहन्ना २० :२३ १९मिनु रागीमी मुर निक्शी गारशा, थुं का पा मारदे पुंडताक्स हना, स्वर्गमी बाक्व आं आफ रे पा आस पुंडशो ताइनीस, दे इन कली दैनुड। मर्कुस ११ :२४ ; मत्ती २८ :२० २०मारदे हना तेकर आं नमी निक्शी सां सुम्सीनीमी, मेकर गो यो बाक्नुड" दे येसुमी दैत।

२१मिनु पतरुसमी "परभु, आं लोकबमी आं कली मरिम्शो पना पन बाक्त हना, गिश खेयप सम्म माफ गेचा माल्नुडा ? मार ७ खेयप सम्म गेचा माल्नुडा ?" दैमनु, २२येसुमी "गो माइकनन, ७ खेयप ला ममाइ। ७ कली ७० खेयप हिक्शो क्यंडा यो शुश माफ गेचा माल्नेवे। उत्पती ४ :२४ ; लूका १७ :४ ; एफिसी ४ :३२

२३मोपतीके स्वर्ग डा राज्य ओदंशो बाक्व, पिप कामी आं जेर लाइब आन के हिसाब ताक्चा, दे मिम्ता बाक्त। २४मिनु हिसाब ताक्गानु, मुर कामी १० हजार टलेन्ट शुश जेर थुइशशा बाक्माक्त। टालेन्ट का ६ हजार दराक्म कि ३४ किलो खोदंशो बाक्त। २५मिनु मेको जेर थाम्ने मचवानु, पिपीमी 'गे, गे नु बाक्शो थोवकी, इ सिं रु, इ मीश तमी तो, लेयशा, जेर थाप्ती' दे मदा बाक्त। नेहम्याह ५ :५ २६मो दैमनु 'हे पिप, गो इच्छीन थाम्ने मचाप्नुड। दीसा नित्थी दोपा हना यो थाप्नुड' दे सुम्की पा बाप्शा सेउ पवा बाक्त। २७मिनु पिपमी शिशी पा 'इ लाइशशा जेर मुलाक्त डा मरे थाप्वा ममाल्नेवे। एको हिसाब नल्ल क्याम्शा गेनन' दे आ जेर नल्ल क्याम्दा बाक्त। २८मेको जेर क्याम्चा पुंडसीब मेकर रे लशा, आ वारच का कली गरुमा बाक्त। मेको आ वारचमी मेको के सहे का दनार जेर लाइशशा बाक्माक्त। मिनु गरुम्सानु, ग्याइशशा आ करोक्करो निष्शा 'साइ लाइशशा क्येट मुलेन थाप्ती' दे मपरोना बाक्त। दनार का रोमी आन चांदी के क्येट बाक्त। गरीक लोव्रमी दराक्मे दंशो बाक्त। २९मिनु मेकोमी 'ए वारच, मुल मचाप्नुड, दीसा नित्थी दोपा हना यो, थाप्नुड' दे सुम्की पा बाप्शा सेउ पवानु ३० 'मुलाक्त मथाप्ताक्यो हना, इ कली परांडसीन मपरांडनन' दे लाइशशा, जेर नल्ल थाम्ने मथुमा सम्म जेल्वानम चोक्पा वोदा बाक्त। ३१मोपा चोक्पाइशशा तशा, आ वारचपुकीमी आन थुं खाइशशा, पिप कली मेको लोव्र नल्ल तुइक्पदम बाक्त। ३२मिनु पिपीमी चोक्पाइक्व कली बरेशशा 'हिंचा डा बाक्डे बाक्त। गेम आं कली सुम्की पा बाप्शा सेउ

पापतीवी। मिनु गो इ जेर नेल्ल क्याम्शा गेतन। लूका ६:३६ ३३ दोपा इ कली शिशी पाइना, मोपा गेमी यो इ वारच कली पचा ममाल्लेव डा ?" दे गाइश्शा मदा बाक्त। १५ हन्ना ४:११ ३४ मिनु मेको आ जेर नेल्ल मथाप्ता सम्म जेल्खान डा पुरीस आन गुइमी जिम्मा गेवा बाक्त। मत्ती ५:२६ ३४ मोपतीक होस पांडसीन। मारदे हना इन लोकब कली इन थुं गा रे पा माफ मगतीनी हना, स्वर्गम बाक्व आं आफामी यो इन कली मोदेशान पाइव" दे शंताकमी। मत्ती ६:१४-१५ ; याकूब २:१३

१९ मिनु यसुमी मोदे शंने थुम्शा, गालील रागी परांइशा, यर्दन खोला शोक्शा, यहूदीया रागीम जाकदीत्त। २ मिनु शुश मुर आ नोले खोइश्शा लाम्तेकम। मिनु यसुमी रोइ पाइव आन कली सापाइकना पाइवन गाक्त।

मीश वांइश आस पर्वम शंशो

मर्कूस १०:१-१२

३ कावु फरिसीपुकी जाक्शा, यसु आ थुं थाम्चा कली "आन मीश आन कली मारइ दोस गेशा परांइचा तांडसीबा ?" दे हिल्लो पाम्तेकम। ४ मिनु यसुमी "नेल्ल क्याडा डांडती परमपरभु यावमी वांइश मुर नु मीश मुर सेल्लतीम्सी। उत्पत्ती १:२७ ५ मेको लोत्र मपदनी ?" मुरुमी आम आफ परांइशा, आ मीश नु गारशा बाक्व। मिनु मेको निकशी रां का दुम्नीस" दे बरकशो बाक्व। उत्पत्ती २:२४ ६ मोपतीक वांइश मीश निकशी मनसी। निम्फा का नस, दे बरकशो बाक्व। परमपरभु यावमी कांडचीक सेल्शा मुरुमी मफरादमेक्ल" दे माइक्तीमी। १ कोरिन्थी ७:१०-११ ; उत्पत्ती २:२४ ७ मिनु फरिसीपुकीमी "मो हना मारदे मोसामी छोड पत्र गेशा, मीश परांइन चाम्सीब" दे मुर आन कली शंदा ?" देमानु, मत्ती ५:३१ ८ यसुमी "मुरपुकीमी शिशी मपाइनीम, दे तुइश्शा, परमपरभु यावमी मोदेशो पा इन मीश परांइचा गेपु। तन्न डांडती रे मोदेशो मबाक्शो बाक्त। ९ सुमी आ मीश परांइशा, अर्का चाक्वा, मेकोमी वांइश मीश आस नाता फराब। मीश मुर आ वांइश बाक्ना बाक्न अर्का वांइश खोइक्तु हना चहिं, मोदेशो मीश कली परांइचा दुम्ब। सुमी छोड पत्र गेचा पुंडसीशो मीश मुर कली ग्युंब पाइवा, मेकोमी यो वांइश मीश आस नाता फराब, दे इन कली देनुड" दे माइक्तीमी। मत्ती ५:३२ ; लूका १६:१८

१० मिनु यसु आ शंसीबपुकीमी आ लोत्र नंशा "मोदेशो बाक्त हना, ग्युंबे मपचा रिम्शो बाक्माक्त" देतेकम। ११ मिनु यसुमी "का निकशी आन कली ला एको लोत्र रुपतीक थुं गेशो बाक्व। शुशमी मरुनीम। १ कोरिन्थी ७:७ १२ मुरपुकी मारदे ग्युंब मपाइनीम देशा हना, का निकशी जरमेस रे ग्युंब पा, आल थिचा मगारचा डा बाक्नीम। का निकशी आन कली मुरुमी आल मथीब सेल्शा बाक्नीम। का निकशी चहिं स्वर्ग डा राज्य आ पर्वम ग्युंबे मपथु बाक्नीम। मोपतीक सु सु आन कली रुपतीक थुं गेशो बाक्म, मेकोपुकीमी रुपमेक्ल" दे शंताकमी।

आल आन कली आसीक गेशो

मर्कूस १०:१३-१६ ; लूका १९:१५-१७

१३ मिनु मुरपुकीमी आल आन तारी आ गुइ चाक्शा परार्थना पवल, दे आल चाक्शामेनु, शंसीबपुकीमी "आल मचाक्कीन" दे हुइक्ताकम। १४ मिनु यसुमी "आल आन कली आं बाक्तीक जाक्चा गेन। मारदे हना स्वर्ग डा राज्य मेको आन केन बाक्व" देत। मत्ती १८:२-३ १५ मिनु आल आन तारी आ गुइ वांइश्शा परार्थना पाइक्तीमी। मिनु मेकर रे गाक्त।

शांप पाइश्शा आन पर्वम शंशो

मर्कूस १०:१७-२७ ; लूका १८:१८-२७

१६ मिनु मुर का जाक्शा, मेकोमी यसु कली "शंब, गना हना यो परमपरभु याव नु बाक्चा तचा कली रिम्शो पा मार पचा माल्लुडा ?" देमेनु, १७ यसुमी "रिम्शो पचा आ पर्वम मारदे हिल्लो पवी ? रिम्शो पाइव का ला बाक्व। गना हना यो मेको नु बरांइशा बाक्चा थुं पापतीवी हना, मेको रिम्शो पाइव आ देशो लोत्र टिचा माल्लेव" देमेनु १८ "लोत्र शुश बाक्नीम। तेक तेको लोत्र टिचा माल्लुडा ?" देत। मिनु यसुमी "मसाइक्चा, मीश वांइश आस नाता मफराचा, खुइ मपचा, जोल मपथु सांकछी बाक्चा। १९ आम आफ आस कली मान पा आस लोत्र टिचा। मिनु इ कली दाक्शो खोदेशो पा इ नेक्था बाक्व आन कली दाक्तो" देत। परस्थान २०:१२-१६, लेवी १९:१८ २० मिनु मेको टिटामी "इन देशो नेल्ल पना पन बाक्ती। में डा लाक्शा मार पचा माल्लुडा ?" देमेनु, २१ यसुमी "मेको डा लाक्शा पचा दाक्तावी हना, लशा इ शांप नेल्ल लेयशा, जचा फेक्चा मताइव आन कली याक्शा गेमी। मिनु लेश्शा, आं नोले खोइय्यी। मो पापतीवी हना, इ कली

स्वर्गम शांप वोइशो बाक्व” दैत। मती ६ :२० ; लूका १२ :३३ २२ मिनु मेको ठिटामी एको लोत्र नंशा, आ कुल राव कीपाइशो गाक्त। मारदे हना शुश शांप पाइशो मुर बाक्माक्त। मजन संगरह ६२ :११

२३ मिनु यसुमी आ शंसीब आन कली “नोफा दाइशो ननीन, शुश शांप पाइशो मुर स्वर्ग डा राज्य हेरा ओत्रचा मताइनीम। २४ मिनु शांप पाइशो मुर परमपरभु यावे आ राज्यमी ओत्रन चाप्वा क्यडा दलओठ लुजे आ पोलामी गरीन चाप्व, दे लेशा इन कली देनुड” दैत। २५ मिनु आ शंसीबपुकीमी छक लाकशा “मो हना सु ओत्रचा ताइनीमी डा ?” दैतेकम। २६ मिनु यसुमी मेको आन कुल गे कोत्रशा “मुरपुकीमी पने मचाप्नीम। तन्न परमपरभु यावेमी पने चाप्व। मारदे हना परमपरभु यावेमी मारेइ मारेइ पने चाप्व” दे माइक्तीमी। अग्र्युब ४२ :२

येसु कली सोइक्व आन तशो

मर्कूस १० :२८-३१ ; लूका १८ :२८-३०

२७ मिनु पतरुसमी “गोपुकीमी मारेइ मारेइ परोइशा, इन नोले सोइक्तक। मिनु गो मार ताइनीकी” देमनु, मती ४ :२०-२२ २८ यसुमी “नोफा दाइशो ननीन, मार ताइनीकी देशा हना, परमपरभु यावेमी सल्यो नक सरीड नु रागीमी दुमशा, रागीम जरमेशो पिप दुमनेनु, आ कली सोइक्वपुकी १२ ओटा ठेयब नितीकम निशशा, ई इस्राएल डा १२ थर आन कली निसाफ पाइब दुम्नीनी। लूका २२ :३० ; प्रकाश ३ :२१ ; १कोरिन्थी ६ :२ २९ सुमी आं नं आ पर्वम आ खिं, आ लोक्व, दिदी बहिनी, आम आफ, तमी ती, आ नु बाक्शो नेल्ल परोइबा, मेकोमी आ परोइशो क्यडा शुश ताइब। मिनु गेना हना यो परमपरभु यावे नु बाक्चा ताइब। ३० डांइती दुमशोपुकी नोले दुम्नीम। नोले दुमशोपुकी डांइती दुम्नीम।

डांइती नु नोले दुमशो

१ स्वर्ग डा राज्य ओदेशो बाक्व, खिं का डा २० होत्रप सुनी कना बाक्शा, आ अडगुर रूमी गेय पाइब आन कली बरल्य लमाक्त। २ काबु डा गाल्व देनार का गेनन्नी, दे गारपाइशो, अडगुर रूमी सोइक्तीमी बाक्त। ३ मिनु सुनी १ बजे गे बजार लशा डा मिन, गेय मथिप्व मुर आन कली तशा, ४ मेको आन कली गे यो लशा, आं अडगुर रूमी गेय पने। इन गेय पशो डा गाल्व गारपा गेनन्नी” दे सोइक्तीमी बाक्त।

५ मिनु मोपान १२ बजे नु ३ बजे यो अरु आन कली बरशशा, गेय पथ सोइक्तीमी बाक्त। ६ मिनु क्यारश चोक्वी सम्म यो गेय मथिप्व आन कली तशा गे सुनी रे मार गुइ फरेशा बाक्नी” दे हिल्लो पवा बाक्त। ७ मिनु मेकोपुकीमी ‘सुइमी गेय मगेम। मिनु गो मार पाइनीकी ?’ देमानु गे यो लशा, आं अडगुर रूमी गेय पने” दे माइक्ती बाक्त।

८ मिनु नां रिक्शा गेय परोन्मे नोले, होत्रपमी आ क्यट योक्व मुर कली गेय पाइब आन कली बरशशा, आन गाल्व योक्शा गेमी। नेल्ल क्यडा नोले जाक्शो आन कली डांइती योक्शा गेमी” देमाक्त। ९ मिनु क्यारश चोक्वी ना जाक्शो आन कली डांइती बरशशा, काबु डा गाल्व देनार का का गेमी बाक्त। १० मिनु सुनी कना रे गेय पाइबपुकीमी जाक्शा ‘एको आन क्येडा शुश ताइनीकी’ दे मिस्तमे बाक्त। तन्न नेल्लेमी देनार का का ला तामे बाक्त। ११ मिनु ताक्शा, मेको आन थुं मनुथु, होत्रप कली १२ नेल्ल क्येडा नोले जाक्वपुकीमी इक्का ला गेय पास्तेकम। गोपुकी सुनी रे गेय पा नांम दुप्शा चोशा श्यत पा गेय पाइतक। तन्न आंइ कली उइक्थ उइक्थ गाल्व गतीनी” दे गाइशो देमा बाक्त। १३ मिनु होत्रपमी मो देब का कली ‘आं वारच, इ कली मार मरिम्शो पडा ? काबु डा गाल्व देनार का कली बिस्स ममाइ डा ? १४ देनार का ताक्शा लावो। नोले जाक्व कली यो इ कली गशो खांदेशो पा गेचा दाक्ताकड। १५ आंम आं क बाक्शो आं दाक्शो पा योक्चा मताइनुडा डा ? अरु आन कली शिशो पशो तशा, इ कुप्फीम मी बरवे ?’ दे मदा बाक्त। रोमी ९ :१६,२१ १६ मोदेशो पान, नोले दुम्बपुकी डांइती दुम्नीम, डांइती दुम्बपुकी नोले दुम्नीम” दे शंताक्मी।

येसुमी श्येत जचा माल्व, दे शंशो

मर्कूस १० :३२-३४ ; लूका १८ :३१-३३

१७ मिनु येसु यरुसलेम डा लां सोइशशा गाक्मेनु, आ शंसीब १२ जना आन कली सुइ मबाक्तीकम लाइशशा १८ “मुल यरुसलेम लाइनय। मिनु रागीम जरमेशो ठेयब चदेब नु सास्तरी आन गुइमी जिम्मा गेचा पुंइसीब। मिनु मेकोपुकीमी दोस गेशा, साइक्वा डा सजाइ गेनीम। यहन्ना २ :१३ ; मती १६ :२१ ; मती १७ :२२-२३ १९ शुक्शी पा युक्शा, शीम केप्शा कांटी थोक्शा, क्याइशशा साइक्व अर्का जात

डा मुर आन गुडमी गेनीम। बेक्शो आ नित्य नाक्त बेक्शो रे संसीब” दे माइक्तीमी।

ठेयब दुम्चा कली गेय पचा माल्ब

मर्कूस १० :३६-४५

२० मिनू काबु जब्दी तौ आस ममामी आ तौ आस कली चाक्शा, येसु कली सेउ पाप्तु। मत्ती १० :२ २१ मिनू येसुमी “मार पुंडनेव ?” देमनु “ह शंब, गे इन राज्यम आं तौ आस कली का इन ग्युरा, का इन पेरा गे बाक्चा गेचा कली मुल हुकुम दुम्त” दे पुंडतु। मत्ती ११ :२८ २२ मिनू येसुमी आ तौ आस गे हिरशा “इस पुंडशा मार बाक्म, दे मरुनीसी। गोमी तूचशा कचौरा तून चापनीसी ?” देमनु “चापनस्कु” देताक्स। मत्ती २६ :३९ २३ मिनू येसुमी “थमा आं कचौराम तूनीसी। तन्न आं ग्युरा पेरा गे बाक्चा गेचा आं गुडमी ममाइ। आं आफोमी योव्रशो आन कली बाक्ब” दे माइक्तीम्सी। पररित १२ :२ ; प्रकाश १ :९

२४ मिनू शंसीब १० जनामी मेको आस कली मो देशो नंशा “एको निक्शी दोदेशो बाक्सा, है” दे आन थुं मनुम। लूका २२ :२४-२७ २५ मिनू येसुमी नेल्ल आन कली सुप्शा “अर्का रागी कली हुकुम पाइबपुकीमी मुर आन कली दिप्शा वोइश्शा, हुकुम पाइनीम, दे तुइक्नीनी। २६ गेपुकी इन दातेमी मोदेशो पचा मदुम्ब। इन दातेमी ठेयब दुम्चा माल्बम नेल्ल आन गेय पाइब दुम्चा माल्ब। मत्ती २३ :११ ; १ कारिन्थी ९ :१९ २७ इन दातेमी नेल्ल क्यडा डाइती दुम्चा माल्बम नेल्ल आन वाइल दुम्चा माल्ब। मर्कूस ९ :३५ २८ रागीम जरमेशो मान पपाइसीचा कली जाक्शो ममाइ। तन्न गेय पथ नु शुश मुर आन कली प्राइचा कली आ गिंम सोइक्थ जाक्शो बाक्ब” दे माइक्तीमी। फिलिप्पी २ :७ ; १ पतरूस १ :१८-१९

मिक्च मताइबम तशो

मर्कूस १० :४६-५२ ; लूका १८ :३५-४३

२९ मिनू काबु यरीको सहर रे गाक्मानु, शुश मुरुमी येसु आ नोले सोइक्तेक्म। ३० मिनू लामी बाक्शा, मिक्च मताइब निक्शीमी येसु एको लां पित देशो नंशा “ह परभु, दाऊद आ तौ, गो आंस कली शिशी पाइस्की” दे वाइ बेरताक्स। ३१ येसु नु काथा गाक्बपुकीमी “रयंक मपसे” दे हुइक्तेमनु, डाइती क्यडा वाइ बेरशा “परभु, दाऊद आ तौ, गो आंस कली शिशी पाइस्की”

दे बेरताक्स। ३२ मिनू येसु खरा दिक्शा, मेको आस कली बेरशा “इस कली मार पडा, मार पुंडसी ?” देमनु ३३ “परभु, आंस कली मिक्च ताइब सलीन” दे पुंडताक्स। ३४ मिनू येसुमी मेको आस कली शिशी पा आस मिक्च थिवानु, मिक्च ताइब दुम्शा, येसु आ नोले सोइक्ताक्स।

येसु मान पचा पुंडसीशो

मर्कूस ११ :१-१० ; लूका

११ :२९-३८ ; यूहन्ना १२ :१२-१९

१ मिनू यरूसलेम आ नेक्शा जैतून डांडा डा बथफाग माइश्शा गाउं जाक्दीतेक्म। २ मिनू येसुमी आ शंसीब निक्शी आस कली “मेर गाउं लस। मेकर जाक्दीश्शा, गधा नु आ चाइक्ब पाइश्शा वोइश्शा थिल्लीसी। मेको निक्शी प्राइशा चाक्कीसे। ३ मुरपुकीमी एको गधा मारदे लाइक्सी ?” देतेक्म हना “परभु मेको कली माल्ताक्ब” देसीनु, लाइक्चा गेनीम” दे सोइक्ताक्सी। मत्ती २६ :१८ ४ मोदेशो दुम्चा माल्ब। मारदे हना साइ नसी परमपरभु यावे आ लोत्र पाइबमी ५ “सियोन डा तमी कली ओदं तुइक्पतीन। कोवर्डोन, इन पिप बेरमशो दुम्शा, गधा गधैनी आ चाइक्ब डाइश्शा, इन बाक्तीक गे पिन पिन बाक्ब” दे बेरक्शो बाक्ब। जकरिया ९ :९ ६ मेको निक्शी लशा, येसु आ देशो सोदेशो पाम्स बाक्त। ७ मिनू गधा नु आ चाइक्ब चाक्शा, आन वासी गधा तारी बरास्तेक्म। मिनू येसु डाइसाक्ब। ८ मिनू येसु आ नोले सोइक्बपुकीमी आन फक्तीक वा लामी बरास्तेक्म। खजूर खा आ राशी जिक्शा, लामी बरशा दारशो सल्लेक्म। २ राजा ९ :१३ ९ मिनू आ डाइती नोले गाक्बपुकीमी “दाऊद आ तौ कली होसन्ना, परमपरभु यावे आ नेमी जाक्ब कली जाइ, गे ठेयब बाक्नीनी” दे रयंक पा ठेयब सेल्ला सेल्ला गाक्तेक्म। भजन संग्रह ११८ :२५-२६ १० मिनू यरूसलेम सहर ओव्रमनु, मेकर बाक्बपुकीमी “मेको सु बाक्म, माइ” दे लोत्र पमुस्तेक्म। ११ मिनू येसु नु काथा गाक्बपुकीमी “गालील रागी डा नासरथ रे जाक्शो परमपरभु यावे आ लोत्र पाइब येसु एको बाक्ब” देतेक्म।

ग्याप्ब लेयब आन कली खरशो

मर्कूस ११ :१५-१९ ; लूका

११ :४५-४८ ; यूहन्ना २ :१३-१६

१२ मिनू येसु परमपरभु यावे आ खिं ओव्रत। मेकर ग्याप्ब लेयब क्यट फाइक्ब आन कली

खेरतीमी। क्येट फाइक्व आन टेबल नु टुकुर लेयब आन नितीके खोलशा गम्तीमी। १३ मिनु “आं सिं आं कली मान पतीके बाक्व” दे बरकशा बाक्व। गेपुकीमी चहिं सुइ आन बाक्तीक पुक्खी सल्लतीनी” दे हुइक्ताकमी। यसेया ५६ :७, यरमीया ७ :११

आलपुकीम येसु कली मान पशा

१४ मिनु मिक्व मताइब नु खोरन्डेपुकी जाक्तेकम। मिनु येसुमी मेको आन कली सापाइक्तीमी। १५ मिनु ठेयब चढेब नु सास्तरीपुकीमी येसुमी छक लाक्वा डा गेय पशा नु आलपुकीमी “दाऊद आ तौ कली होसन्ना” दे शुश रयके पा येसु कली ठेयब सुइश्शा मान पशा तशा, होसन्ना आ देशो “परमपरभु वारच पने” बाक्व। १६ येसु कली “मेकोपुकीमी मार देबाक्मा मननीनी?” दे गाइश्शा देतेकम। मिनु येसुमी “नेता। ‘आइक्व आल नु बुकलु आलपुकीमी इन कली ठेयब सल्पांडसाक्नी” दे बरकशा लोत्र मपढेनी?” दे माइक्तीमी। भजन संग्रह ८ :२ १७ मिनु मेको आन कली परांडशा, सहर र गुरूशा, बथानी जाक्दीश्शा बास बाक्व।

सिश्शा फोत्रशी रवा

मर्कूस ११ :१२-१४, २०-२४

१८ आ दीसा सुनी यरूसलेम लेम्मनु, शोत्रलु बेक्माक्त। १९ मिनु लां नेकथामी फोत्रशी रवा का तशा, फोत्रशी सिश्शा बाक्म को, दे कोत्रडानु, सफा ला तापु। सफा ला तशा “मुल डा मर गेनायो मसिष्व रवा दुमो” दे माइक्तु। मिनु रवा साव सोत्रत। लूका १३ :६ २० मिनु शंसीबपुकीमी रवा सोत्रशा तशा “रवा दोपा साव सोत्रम” दे छक लाक्तेकम। २१ मिनु येसुमी “नोफा दाइश्शा नेनीन, दल्गीर मपथु थमा सुइक्तीनी हना, फोत्रशी रवा कली पशा सोदेशो पचा ला ममाइ, डांडा कली एकेर रे समुन्दरमी याक्सा देतीनी हना, मेको डांडा यो याक्सीशा लाइब। मती १७ :२० २२ थमा सुइश्शा परार्थना पा पुंडतीनी हना, इन पुंडशो ताइनीनी” दे माइक्तीमी।

येसु आ अधिकार तेरे जाक्वा ?

मर्कूस ११ :२७-३३ ; लूका २० :१-८

२३ मिनु परमपरभु यावे आ सिं ओत्रशा, मुर आन कली शंन शंन बाक्मेनु, ठेयब चढेब नु जोक्व तुइक्व खालपापुकी जाक्शा “तेको अधिकारमी

मोदेशो पवी ? एको अधिकार सुमी गेवे ?” देतेकम। यूहन्ना २ :१८ ; पररित ४ :७ २४ मिनु येसुमी “गो इन कली लोत्र का हिल्लो पाइनुड। गेम आं लोत्र लेत्ताक्नी हना, तेको अधिकारमी एको गेय पडा, दे शंनन्नी। २५ यूहन्नामी मुर आन कली ब्वाक्कुम खरुम्शा गरुंडतीक अधिकार स्वर्ग र तवा, दे मुरपुकी र तवा ?” दे हिल्लो पाम्तीमी। मिनु लोत्रसी पमुशा “स्वर्ग र तवा बाक्त देतय हना, मो हना यूहन्ना आ लोत्र मारदे थमा मसुइक्नी देब। २६ मुरपुकी र तवा बाक्त देयानु, मुरपुकीमी इं लोत्र मनथु मटीनीम। मारदे हना मुरपुकीमी यूहन्ना परमपरभु यावे आ लोत्र पाइब बाक्त, दे थमा सुइश्शा बाक्नीम” देमुम्तेकम। मती १४ :५ २७ मोपतीके “मतुइक्नीकी” देतेकम। मिनु येसुमी “मो हना तेको अधिकारमी एको गेय पडा, गो यो मशंनन्नी।

येसु कली गेरपाइक्व

२८ अर्का लोत्र का नंशा मिम्तीनि। मुर का के तौ निक्खी बाक्सा बाक्त। मिनु काबु आफोमी आ जेठा कली “आं तौ, मुलाक्ती अडगुर रूमी गेय पथ लावो” देमाक्त। २९ मिनु जेठामी ‘गो मलाइनुड’ देमाक्त। नोले आ थुं लेश्शा लमाक्त। ३० मिनु आफोमी कान्छा कली यो ‘आं तौ, मुलाक्ती अडगुर रूमी गेय पथ लावो’ देमाक्त। मेकोमी ‘दुम्ब, गो लाइनुड’ देमाक्त। तन्न मलमाक्त। मती ७ :२१ ३१ आस आफ आ दाक्शो सुमी पवा ? जेठामी पवा, दे कान्छामी पवा ?” दे माइक्तीनी “जेठामी पवा बाक्त” देतेकम। मिनु येसुमी मेको आन कली “नोफा दाइश्शा नेनीन, इन क्येडा डांडती तिरो पोक्व नु तल्लेम पाइबपुकी परमपरभु यावे आ राज्य ओत्रचा ताइनीम। लूका १८ :९-१४ ३२ मारदे हना यूहन्नामी ठीक लां कांइशा यो गेपुकीमी थमा सुइश्शा, इन थुं परमपरभु यावे गे मलेतीनी। मेकोपुकीमी चहिं यूहन्ना कली थमा सुइश्शा, आन थुं परमपरभु यावे गे लेत्ताक्म” देत। लूका ७ :२९

मरिम्शो बुम्था पाइब

मर्कूस १२ :१-२ ; लूका २० :९-१९

३३ मिनु येसुमी “लो, अर्का कथा का नेनीन। मुर कामी अडगुर खरुम्शा, थारपु हिरशा, अडगुर खराक्तीक नु वोइक्तीक सल्ला, बुम्था पाइब माल्ला, मेको आन कली गेशा वोइश्शा, अर्का रागी लमाक्त। यसेया ५ :१-२ ३४ अडगुर मोशा

सेक्वी जाक्मेनु, आ गेय पाइब आन कली आ भाग पोक्थ सोइक्तीमी बाक्त। ३५ मिनु गेय पाइबपुकी जाक्कीम्मानु, बुम्था पाइबपुकीमी का कली तुप्प बाक्त, का कली सदमे बाक्त, का कली फुल्लु आप्शा खरमे बाक्त। ३६ मिनु डांडती सोइश्शा क्यडा शुश आन कली सोइक्तीमी बाक्त। मको आन कली यो में मोदंशान पाम बाक्त। ३७ मिनु 'आं तो कली टीनीम को' द मिम्शा, आ तो कली सोइक्ता बाक्त। ३८ मिनु बुम्था पाइबपुकीमी आ तो कली पिशो तशा 'एको अडस ताइब बाक्व। लो साइक्चा। मिनु रू, अडगुर नेल्ल इं केन दुम्ब' दंशा गारमा बाक्त। मत्ती २६:३-५; यूहन्ना १:११ ३९ मिनु फि ग्याइश्शा, रू र गुरुंइशा, सदमे बाक्त। ४० मो पाइब आन कली रू होत्रप लेश्शा जाक्शा, मार पाइबा?' दंमेनु ४१ "मोदंशो मरिम्शो पाइब आन कली साइक्पाइक्व। आ रू चहिं सुमी अडगुर मीमेनु, पोक्थ जाक्व आन कली गेब, मेको आन कली गेब" दंतेक्म। ४२ मिनु येसुमी "ओदंशो बरक्शो लोत्र मपदेनी? 'सिं सेल्वपुकीमी गारो परोडमेनु, एको फुल्लु मगार, द ताइक्तमे बाक्त। मको मगारथु ताइश्शा फुल्लु चहिं सुर डा सुर फुल्लु दुम्माक्त। परमपरभु यावेमी मोदंशो पशो बाक्त। मिनु मको इं दातेमी छक लाक्चा डा बाक्व" द बरक्शो बाक्व। मजन संगरह ११८:२२-२३; परेरित ४:११; १पतरुस २:४-८ ४३ मोपतीक परमपरभु यावे आ राज्य इन गुइ रे रोइक्चा पुंडसीनीनी। मिनु फल सिप्व अको जात डा मुर आन कली गेब, द माइक्तीमी। ४४ सुमी एको फुल्लुम दाल पांडसीशा राम्सीबा, मेको फस दुम्ब। एको फुल्लुमी सु कली चिप्वा, मेको चिम्सीशा बेक्व" दंत। ४५ मिनु ठेयब चदेब नु फरिसीपुकीमी येसुमी दंशो कथापुकी नंशा "एह, इं कली कका दंशो बाक्माक्त" द रुप्मे बाक्त। ४६ मिनु ग्याइक्पाइक्चा माल्मे बाक्त। तन्न येसु कली "परमपरभु यावे आ लोत्र पाइब बाक्व" दंब आन कली तशा, हिंमा बाक्त।

पिप आ ग्युंबम बरेश्शा

लूका १४:१६-२४

२२ १ मिनु येसुमी लंशा कथापुकी सेल्शा, मुर आन कली शंन शंन २ "स्वर्ग डा राज्य ओदंशो बाक्व, पिप कामी आ तो आ ग्युंब पा भोज पचवा बाक्त। यूहन्ना ३:२१ ३ मिनु आ गेय पाइब आन कली निम्तो ताइब आन कली बरेंत्थ सोइक्तीमी बाक्त। तन्न निम्तो ताइबपुकी

लचा थुं मपामे बाक्त। ४ मिनु लंशा अरु गेय पाइब आन कली 'नेनीने, गा जचा थोत्रकी सेल्शा ठीक पाता। लो, जथ जाक्कीन, द मतीन' द बरेंत्थ सोइक्तीमी बाक्त। ५ तन्न बरेंत्चा पुंडसीब नेल्लेमी ग्युंब जथ लचा थुं मपथु, का आ रूमी गेय पथ लमाक्त, का ग्याप्तीक लेयतीक गेय पथ लमाक्त। ६ लीशोपुकीमी बरेंत्थ जाक्व आन कली शुक्शी पा ग्याइश्शा तुप्शा सदमे बाक्त। मत्ती २१:३५ ७ मिनु पिपमी मोदंशो दुम्शो तुइश्शा चुरशा, आ सिपाही आन कली 'लेन, मुर साइक्व आन कली साइश्शा, आन सहर गाउं कराइश्शा गेन' द सोइक्तीमी बाक्त। मत्ती २४:२ ८ मिनु आ गेय पाइब आन कली "आं तो आ ग्युंब भोज ठीक सेल्ला। बरेश्शोपुकी चहिं भोजम जाक्चा मशिरसीशो बाक्मा बाक्त। ९ मोपतीके मुल लां पित्थ लशा, सु सु आन कली थिन्नी, मको आन कली चाक्कीन' द सोइक्तीमी बाक्त। मत्ती १३:४७ १० मिनु मेकोपुकीमी लां पित्थ लशा, रिम्शो मरिम्शो दादंशो मुर थिदम, मोदंशो नेल्ल आन कली सुप्शा चाक्गम बाक्त। मिनु ग्युंबे सिं पौनापुकीम बरीमाक्त। ११ मिनु पिपमी "आं पौना दोपा बाक्मा, दोशो जाक्मा" द कोत्रथ जाक्मेनु, ग्युंबे भोज डा वा मफक्शो मुर का तवा बाक्त। परकाश १९:८ १२ मिनु 'ए वारच, ग्युंबे भोज डा वा मफक्थु, दोपा एकर ओत्रड?' दंमेनु, सिक्सी पा मारइ दंने मचवा बाक्त। १३ मिनु पिपमी आ गेय पाइब आन कली 'एको आ गुइ खोइल फरंशा गरुंइशा, छिडछिडमी ताइक्तीन। मकर मुरपुकी आन खरुइ शप्शा डाक्नीम' १४ बरेंत्चा पुंडसीशो मुर शुश बाक्नीम, योत्रशा चहिं का निक्शी ला बाक्नीम" द येसुमी शंताक्मी।

तिरो थाप्चा देय मथाप्चा

मर्कुस १२:१३-१७; लूका २०:२०-२६

१५ मिनु फरिसीपुकीमी "एको कली दोपा आंम आ लोत्र खराइक्पपाइश्शा दोस गेच" द लोत्रसी पमुमा बाक्त। १६ मिनु आन शंसीब नु हेरोद आ वारच आन कली येसु आ बाक्तीके आं माइक्थ सोइक्तीमी बाक्त "हू शंब, गे थमा पाइब ननी। मुर आन कुल मकोत्रथु सुइ नु महिंथु, परमपरभु यावे आ लोत्र थमा पा शंनीनी, द तुइक्नीक। यूहन्ना ३:२ १७ मिनु लोत्र का शंदीकी, शंब हजुर, मार लोत्र दंशा हुना, सिजर सरकार कली तिरो थाप्चा माल्व, द मथाप्थु यो दुम्बा?" द हिल्लो पखु पा, लोत्र खराइक्पपाइक्चा

माल्तेक्म। १८ मिनू येसुमी मेको आन मरिम्शो मिम्शो तुइश्शा “ए कपटीपुकी, मारदे आं थुं थाम्नीनी ? १९ तिरो थाप्तीक क्यट का कांडनीनी” दंमनु, देनार का कांडताकम। २० मिनू “एको सु आ नंमी खरोइश्शा बाक्म ?” दंमनु २१ “सिजर आ नंमी खरोइश्शा बाक्त, हजुर” दंतक्म। मिनू येसुमी “लो मा हना, सिजर आ थोत्रक सिजर कली गेन। परमपरभु याव आ थोत्रक परमपरभु याव कली गेन” दंमनु, रोमी १३ : १, १७ २२ मेकोपुकी छक लाकशा, फरा फरु लेश्शा गाक्तेक्म।

बेक्शो रे संसीचा आ पर्वम शंशो

मर्कूस १२ : १८-२७ ; लूका २० : २७-४०

२३ मिनू सद्दुकीपुकी जाक्तेक्म। सद्दुकीपुकीमी बेक्शो र मसंसीब, दे शंनीम। मिनू येसु आ बाक्तीक जाकशा पररित ४ : २ ; पररित २१ : ६-८ २४ “हे शंब, मोसामी बेक्शो लोत्रमी भुर कामी आल मथिथु बेक्त हना, आ लोक्बमी आ भोग्यु वॉइसीशा, आ दाग्यु आ पा डा सन्तान मजाम्मल, तमी तौ थिवल’ दे बेक्शो बाक्ब। व्यवस्था २५ : ५-६ २५ सिं कामी ७ जना लोक्ब बाक्तेक्म। मिनू डांडती जरमेशोमी ग्युंब पाप्तु। २६ मिनू आल मथिथु बेक्त। मिनू माइलामी आ भोग्यु वॉइसाक्ब। मिनू मेको यो आल मथिथु बेक्त। मिनू साइलामी आ भोग्यु वॉइश्शा, मेको यो आल मथिथु बेक्त। मोदंशो पा ६ जनामीन आन भोग्यु वॉइश्शा, आल मथिथु बेक्तेक्म। २७ मिनू नोले मेको मीश मुर यो बेक्त। २८ मुर बेक्शो र संसीशा ब्रांडमानु, मेको ७ जना वॉइश आन मीश दुम्शो मीश मुर तेको आ मीश दुम्बा ?” दे हिल्लो पाप्तेक्म। २९ मिनू येसुमी “गे दूली मिम्नीनी। मारदे हना परमपरभु याव आ लोत्र मरुनीनी, परमपरभु याव आ सकित यो मतुइक्नीनी। ३० बेक्शो र संसीशा ब्रांडमानु, मुरुमी ग्युंब मपाइनीम। स्वर्गम बाक्ब परमपरभु याव आ गय पाइब सोदंशो बाक्नीम। ३१ बेक्शो र संशा ब्रांडचा देशो मार बाक्ब देशा हना, ३२ परमपरभु यावेमी भो अबराहाम आ परमपरभु यावे, इसहाक आ परमपरभु यावे, याकूब आ परमपरभु यावे नड’ दे बेक्शो बाक्ब। मेको लोत्र मपदनी ? परमपरभु याव बेक्शो मुर आन परमपरभु याव ममाइ। ब्रांडशो आन परमपरभु यावे बाक्ब” दे माइक्तीमी। परस्थान ३ : ६ ३३ मिनू मेकेर देल्शोपुकीमी येसु आ लोत्र नंशा छक लाक्तेक्म।

नेल्ल क्यडा ठयब अरेशो लोत्र

मर्कूस १२ : २८-३१ ; लूका १० : २५-२८

३४ मिनू फरिसीपुकीमी “सदुकी आन कली लेन्न मचाप्चा डा लोत्र पाइमी बाक्त” देशो नंशा, सुम्सीशा जाक्तेक्म। ३५ आन दाते डा आरेशो लोत्र जोक्ब तुइक्ब कामी येसु कली ३६ “हे शंब, परमपरभु याव आ अरेशो लोत्र डा तेको नेल्ल क्यडा तुइक्चा माल्शो बाक्बा ?” दे आ थुं थाम्चा कली हिल्लो पाप्तु। ३७ मिनू येसुमी “गेपुकी परमपरभु याव, इन परमपरभु कली इन थुं नेल्लेमी, इन सोक्त नेल्लेमी नु इन बोल नेल्लेमी दाक्चा माल्नीनी” व्यवस्था ६ : ५ ३५ मेको नेल्ल क्यडा ठयब नु तुइक्चा माल्शो अरेशो लोत्र बाक्ब। ३९ मिनू आ नोले डा लोत्र “आंम इ कली दाक्शो सोदंशो पा, इ नेक्था बाक्ब कली यो दाक्तो” देशो बाक्ब। लेवी ११ : १८ ४० एको अरेशो लोत्र निकशीमी परमपरभु याव आ अरेशो लोत्र नु आ लोत्र पाइब आन लोत्र नेल्ल खाप्शो बाक्ब” दे येसुमी माइक्तीमी। रोमी १३ : ९-१०

खरीस्त सु आ तौ बाक्बा ?

मर्कूस १२ : ३५-३७ ; लूका २० : ४१-४४

४१ काबु फरिसीपुकी सुम्समानु, येसुमी मेको आन कली ४२ “खरीस्त आ पर्वम मार मिम्नीनी ? मेको सु आ तौ सुइक्नीनी ?” दे हिल्लो पाप्तु। मिनू “दाऊद आ तौ” दंतक्म। यसेया ११ : १ ; यूहन्ना ७ : ४२ ४३ मिनू येसुमी “मो हना मारदे परमपरभु यावे आ सोक्त रे पा दाऊदमी मेको कली परभु देबा ? ४४ “परमपरभु यावेमी आं परभु कली “इ जोरी सतरु आन कली इ सोइल आगाम मवोदुमी सम्म आं ग्युरा गे बाक्को” देशो” बेक्शो बाक्ब। भजन संगरह ११० : १ ; मती २६ : ६ ४ ४५ दाऊदमी मेको कली “परभु” देब। मिनू दोपा आ तौ दुम्मे ?” दे माइक्तीमी। ४६ मिनू सुइमी लोत्र का यो लेन्न मचबेम। में डा मेर हिंशा, लोत्र हिल्लो पचा यो परांडतेक्म।

कपटी आन कली हुइश्शा

मर्कूस १२ : ३८-४० ; लूका २० : ४५-४७ ; लूका ११ : ३९-५२

२३ १ मिनू येसुमी मेकेर देल्शो शुश मुर नु आ शंसीब आन कली शंना शंन २ “सास्तरी नु फरिसीपुकी इं किकी पिपी मोसा आ पा डा दुम्शो बाक्नीम। ३ मेको आन शंशो टिन, तन्न

आन पशो खोदंशो मपने। मारदे हना मेकोपुकीमी दंनीम, तन्न मपाइनीम। मलाकी २ :७-८; रोमी २ :२१-२३ ४हेल्शो भारी सेल्शा, मुर आन कली कुरपाइक्नीम। मेकोपुकीम चहिं बरप्यो कामी यो नेप्शा मगनीम। मत्ती ११ :२८-३०; पररित १५ :१०,२८ ५मार मार पामेनु, मुर आन डांइती ला पाइनीम। ठेयब टालामी परमपरभु यावेमी अरशो लोत्र बरक्शा आन फक्शा वामी कपनीमी। मिनु आन वामी लाइश्शो झुम्का क्युक्सीनीम। मत्ती ६ :१; गन्ती १५ :३८-३९ ६भोजमी नु गूर्स्तीक खिमी मान पचा पुंडसीतीकमी नित्वा दाक्नीम। लूका १४ :७ ७लां बजारमी गाक्मानु, मान पा सेउ पा शंब, हजुर" देपांडसीचा दाक्नीम। ८गे इन कली सुइमी शंब हजुर मदेमल। मारदे हना इन कली शंब का ला बाक्व। गे नेल्ल वोबु ननी। ९एको रागीमी सुइ आन कली आफ मदेनीने। मारदे हना इन आफ का ला स्वर्गम बाक्व। १०गे इन कली सुइमी होत्रप मदेमल। मारदे हना इन होत्रप का ला खरीस्त बाक्व। ११इन दातेमी नेल्ल क्येडा ठेयब सु बाक्म, मेको इन गेय पाइब दुम्ब। मत्ती २० :२६-२७ १२ठेयब सुंडसीब हिक्चा मपुंडसीब। महिक्सीशो चहिं मान पाइक्चा पुंडसीब। अग्युब २२ :२९; हितोपदेस २९ :२३; इजीकीएल २१ :३१; लूका १८ :१४; १पतरुस ५ :५

१३सास्तरी नु फरिसीपुकी, गे कपटी, इन कली तशा थुं खाइक्ती। मारदे हना स्वर्ग डा राज्य ओव्रतीक लां तकनीनी। गे मओव्रनीनी, मिनु अरु आन कली यो ओव्रचा मगनीनी। १४सास्तरी नु फरिसीपुकी, गे कपटी, इन कली तशा थुं खाइक्ती। मारदे हना दुइश्शो प्रार्थना पा कांडसु पा वोंइश बेक्शा मीश मुर आन शांप नेल्ल नेक्शा गेनीनी। मोपतीके अरु आन क्येडा शुश सजाइ ताइनीनी। १५सास्तरी नु फरिसीपुकी, गे कपटी, इन कली तशा थुं खाइक्ती। मारदे हना इन खोदंशो पा यहूदी धर्म पाइब का सेल्वा कली रागी नेल्ल हिरशा गाक्नीनी। मिनु इन लोत्र टीब सेल्शा, इन क्येडा शुश सजाइ तपाइश्शा, नरक सोइक्नीनी।

१६मिक्च मताइब दुम्शा यो लां कांडसु पाइब, इन कली तशा थुं खाइक्ती। मारदे हना परमपरभु यावे आ खिं थिशा कसम जशामी मारइ लोत्र मथोक्सीब, खिं डा सुन थिशा चहिं लोत्र थोक्सीब, दे शंनीनी। मत्ती ५ :३४-३७; मत्ती १५ :१४ १७मिक्च मपाइश्शो मूर्खपुकी, सुन ठेयब मिम्सीबा, दे सुनमी ग्योम्सीशो खिं

ठेयब मिम्सीबा? १८चदतीके थिशा, कसम जशामी लोत्र मथोक्सीब, चदंशो थोत्रकी थिशा कसम जशामी चहिं लोत्र थोक्सीब, दे यो शंनीनी। १९मिक्च मपाइश्शापुकी, चदंशो ठेयब मिम्सीबा, दे चदतीक ठेयब मिम्सीबा? २०चदतीक थिशा कसम जाइबमी चदतीक नु चदंशो थोत्रकी थिशा कसम जशो बाक्व। २१परमपरभु यावे आ खिं थिशा कसम जाइबमी परमपरभु यावे आ खिं नु मेकर बाक्व परमपरभु यावे कली थिशा कसम जशो बाक्व। २२स्वर्ग कोव्रशा कसम जाइबमी परमपरभु यावे आ नित्तीक नु मेकर निष्व कली कोव्रशा, कसम जशो बाक्व, दे रुपीने।

२३सास्तरी नु फरिसीपुकी, गे कपटी, इन कली तशा थुं खाइक्ती। मारदे हना मसला खोरसानी डा १० भागमी भाग का परमपरभु यावे कली चदनीनी। तन्न परमपरभु यावे आ अरशो तुइक्चा माल्शो ठीक निसाफ पतीके, मुर आन कली थिशी पतीके नु परमपरभु यावे कली थमा सुइक्तीक लोत्र ममिम्नीनी। एको गेय पचा माल्शो ननी, मिनु इन पशो यो मपरांडचा माल्शो ननी। लेवी २७ :३०; लूका १८ :१२; मीका ६ :८ २४मिक्च मताइब दुम्शा यो लां कांडसु पाइबपुकी, त्चा ब्वाक्कुमी रकमिक्च ओव्रशा बाक्व हना, तिल्शा तूनीनी। दलओठ खोदंशो ठेयब जन्तु ओव्रशा बाक्व हना, गरु दाक्नीनी। २५सास्तरी नु फरिसीपुकी, गे कपटी, इन कली तशा थुं खाइक्ती। मारदे हना बोस आ तार ला सुइश्शा खोदंशो पा गेपुकी लाङगा र रिम्शो तांडसीनीनी। तन्न इन आगामी सुइ नु गरांगरा दिचा डा गेय पतीकमी बरीशो बाक्नीनी। मर्कुस ७ :४,८ २६ए मिक्च मपाइश्शा फरिसीपुकी, डांइती बोस आगा सुइक्तीने। मिनु आ तारी यो रिम्शो तांडसक्ल। यहन्ना ९ :४०; तीतस १ :१५

२७सास्तरी नु फरिसीपुकी, गे कपटी, इन कली तशा थुं खाइक्ती। मारदे हना बुलु बरुइश्शा दारपाइश्शो तुरस खोदंशो ननी। मेको आ तारी दारशो तांडसीब, तन्न आगाम रुश राक्शा, रिना पाइश्शा गरांगरा दिचा डा बाक्व। २८खोदंशो पा गेपुकी यो मुर आन डांइती धर्मी तांडसीनीनी, तन्न इन थुं कपट नु पापम बरीशो बाक्नीनी।

२९सास्तरी नु फरिसीपुकी, गे कपटी, इन कली तशा थुं खाइक्ती। मारदे हना बेक्शा लशो परमपरभु यावे आ लोत्र पाइब नु ठीक पाइब आन तुरस दारशो सेल्नीनी। ३०मिनु ई किरी

पिपी आन पालामी गो यो बाक्शो नक हना, मेको आन परमपरभु यावे आन कली साइक्पाइक्चा मगेक वा' देनीनी। ३१ मो' देशोमी 'साइ नेसी परमपरभु यावे आ लोत्र पाइब आन कली साइक्ब आन चच युइ गो नकी' दे तुइक्पांडसीनीनी। येरमीया २६ :२०-२३; मत्ती ५ :१२; पररित ७ :५२ ३२ इन किर्की पिपीम पचा मजाक्दीश्शा पाप गेपुकीमी खपीन। ३३ गे बीख पाइश्शा बुस्स आ खलकपुकी, नरक लतीक सजाइ रे दोपा ब्रांडनीनी डा? ३४ मोपतीक गो इन बाक्तीक परमपरभु यावे आ लोत्र पाइब, जाक्ब तुइक्ब मुर नु परमपरभु यावे आ लोत्र शंब सोइक्नुडमी। का निकशी आन कली साइक्नीनी, का निकशी आन कली शीमी क्याइश्शा साइक्नीनी, का निकशी आन कली गुरुस्तीक सिंमी लाइश्शा, कोरामी युक्नीनी, मिनु तेइ बाक्चा मगेथु, खेदा पा खरनीनी। ३५ मेको मोपा खेदा पा साइश्शा पाप नेल्ल इन कली राइब। साइ नेसी रिम्शो पाइब हाबील साइश्शा रे बेरक्याह आ तो जकरिया साइश्शा सम्म डा आन हुशमी लां मताइनीनी। जकरिया कली परमपरभु यावे आ सिंमी चढेतीक आ डांडती साइश्शा बाक्मा बाक्त। उत्पत्ती ४ :८; २इतिहास २४ :२०-२१ ३६ नोफा दाइश्शा नेनीने, मेको पाप एको पाला डा मुर आन कली राइब। लूका १३ :३४-३५ ३७ ए यरूसलेम, यरूसलेम, परमपरभु यावे आ लोत्र पाइब आन कली साइक्तीवी। इ कली शंथ साइश्शा आन कली फुल्लु करोमताक्वी। पाथीमी आ चितोली आन कली आ फरा आगामी पुष्ठा खोंदेशो पा, गो शुश खेयप इ आल आन कली पुष्ठा माल्ता, गे चहिं मबिस्स। ३८ मिनु मार दुम्ब देशा हना, इ सिं बरश्शा, मारइ मलीब। येरमीया २२ :५; भजन संग्रह ६९ :२६; १ राजा ९ :७-८ ३९ गो माइक्नन 'परमपरभु यावे आ नेमी जाक्ब कली आसीक रले' दे मान मपवी सम्म आं कली लेशा मताइनेवे' देत। मत्ती २१ :९; मत्ती २६ :६४

परमपरभु आ सिं मलीब

मर्कूस १३ :१-२; लूका २१ :७-१९

२४ मिनु येसु परमपरभु यावे आ सिं रे गरूशा लमेनु, आ शंसीबपुकीमी "एको सिं दोमो कोल्पा गिश दारपाइश्शा सल्शो बाक्माक्त" देतक्म। २ मिनु येसुमी "मुल ओमो ठेयब नु दारपा सल्शो ताइतीनी। नोफा दाइश्शा नेनीने, नोले बरश्शा, फुल्लु का यो खरोष्ठा मलीब" देत। लूका १९ :४४

श्येत दुम्बशो बाक्ब

३ मिनु जैतुन डांडामी जाक्दीश्शा बाक्मेनु, आ शंसीबपुकी यो जाक्शा "एको इन देशो लोत्र गना दुम्बा? इन जाक्ची ना डा चिन्ड मार तांडसीनीमी? मिनु रागी नुप्चवा बाक्त, दे दोपा तुंडसीबा?" दे हिल्लो पाम्तेक्म। पररित १ :६-८ ४ मिनु येसुमी "सुइमी इन थुं मक्यामेकल, दे हास पा बाक्कीन। ५ मारदे हना शुश मुरपुकीमी आं ने बरशा 'गो खरीस्त नड' देशा, मुर आन थुं क्यानीम। यूहन्ना ५ :४३; १ यूहन्ना २ :१८ ६ लडाइ दुम्शो लडाइ डा लोत्र शुश नेनीनी। मेको लोत्र नेशा महिनीन। मोदेशो दुम्बा माल्ब, रागी नुप्चा चहिं इच्ची मजा। ७ मारदे हना डांडती जात जात नु राज्य राज्यमी लडाइ पाइनीम। रागी रागीमी अन्काल दुम्ब, एर आंथ खिरनु कुइब। ८ मो दुम्मेनु, श्येत दुम्बा गोवा बाक्त, दे तुंडसीब।

आं मुर आइक्ब सेल्वा पुंडसीनीम

१ इन कली खेदा पा शुश श्येत गेनीम, साइक्नीम। नेल्ल जात डा मुरपुकीमी आं पर्वम इन कली मदाक्थु आइक्ब सेल्नीम। मत्ती १० :२१-२२; यूहन्ना १६ :२ १० मिनु शुशमी थमा सुइक्चा परोइनीम। खेदा पाइब आन कली वारच पाइनीम। वारच आन दातेमी काइ मदाक्मुइनीम। ११ परमपरभु यावे आ लोत्र दूली शंबपुकी शुश बोक्शा, दूली पा शंशा, शुश मुर आन थुं क्याशा गेनीम। मिनु परमपरभु यावे आ राज्य डा लां परोइपाइक्नीम। २ पतरूस २ :१; १ यूहन्ना ४ :१ १२ पाप पचा शुश बारतीक शुशमी वारच पमुचा, दाक्मुचा परोइनीम। २ तिमार्थी ३ :१-५ १३ सु सु चहिं नेल्ल क्येडा नोले सम्म थमा सुइक्चा मपरोइथु बाक्नीमी, मेकोपुकी श्येत जचा रे ब्रांडशा, गना हना यो परमपरभु यावे नु बाक्चा ताइनीम। मत्ती १० :२२; परकाश १३ :१० १४ परमपरभु यावे आ राज्य आ पर्वम चहिं नेल्ल रागी डा मुर आन कली तुइक्पांडसीब। मारदे हना नेल्लेमी तुइक्चा माल्नीम। मिनु नोले रागी नुप्ची जाक्ब।

श्येत शुश नाक्त मलीब

मर्कूस १३ :१४-२३; लूका २१ :२०-२४

१५ परमपरभु यावे आ सिं गरंगरा सेल्नीम, दे परमपरभु यावे आ लोत्र पाइब दानीएलमी बरक्शा लोत्र थमा दुम्शो तनीनु 'पढेबपुकीमी

रुमेकल' दानीएल ९:२७, दानीएल ११:३१  
 १६यहूदीया रागीमी बाकबपुकी डांडा ग्यत्थ  
 परोकमल। १७बारदलीम बाकबमी 'सिं ओव्रशा,  
 मारइ लाइक्चा ताइनुड' दे ममिम्तमेकल,  
 तन्न दिव दाव परेकशा परोकमल। लूका  
 १७:३१ १८रुमी गेय पाइबपुकीमी 'फेक्तीक का  
 लाइक्नीकी' दे सिं लेशशा मलमल, तन्न आन  
 गेय थु था परोइशा परोकमल। लूका २३:२९  
 १९आल कुरशो नु दूध तूब आल पाइइशा  
 मीश मुर अरु क्यडा शुश श्येत जाइनीम।  
 २०नाइक्तीक नाक्त नु हिउंदमी मोदंशो  
 श्येत मदुम्त, दे परमपरभु यावे कली पुनीन।  
 २१परमपरभु यावेमी रागी सेला रे मुल सम्म  
 सुइमी मतुइइशा श्येत जाइनीम। मोदंशो  
 श्येत जचा लेंशा गेनायो मदुम्ब। दानीएल  
 १२:१ २२मोदंशो श्येत जतीक नाक्त शुश  
 नाक्त दुम्त हना, सुइ मबरोइनीम वा। तन्न आ  
 योव्रशो आन पर्वम परमपरभु यावेमी मेको श्येत  
 शुश नाक्त लीचा मगेब।

'खरीस्त जाक्त' देब बाकनीम

२३मिनु मुरपुकीमी 'खरीस्त एंकर जाक्त,  
 मेरेक बाकब, कोव्रथ गाक्कीन' देतेकम हना,  
 थमा मसुतीन। २४मारदे हना शुशमी 'गो खरीस्त  
 नड' दे जोल पा गाक्नीम। 'परमपरभु यावे आ  
 लोव्र पाइब नकी' दे जोल पाइबपुकीमी चिन्ड  
 नु छक लाक्चा डा गेय कांडनीम। मो पशामी  
 परमपरभु यावे आ योव्रशा आन कली यो लां  
 परोइपाइक्चा माल्नीम। ब्यवस्था १३:२-४ ;  
 २थिस्सलोनिकी २:८-९ ; प्रकाश १३:१३  
 २५मेको नेल्ल दुम्चा डाइतीन गो इन कली  
 नेल्ल शेंशा तुइक्पाइक्तन्नी। २६मेकोपुकीमी  
 'सुइ मबाक्तीक गोरशो रागीमी खरीस्त  
 बाकब' देतेकम हना, थमा सुइइशा कोव्रथ  
 मलने। 'सिं आगा डा कोठामी खरीस्त बाकब'  
 देतेकम हना, थमा मसुतीन। लूका १७:२३-२४  
 २७नां दाप्तीकेमी चिला पवानु, छेडछेड पा  
 नां परतीकेमी सम्म तांडसीशा सोदंशो पा,  
 रागीम जरमेशो आ जाक्ची ना दुम्ब। २८सिनु  
 बाक्तीकेमी गिद्ध आंमा बेरशा जाक्नीम। लूका  
 १७:३७ ; प्रकाश १९:१७-१८

येसु लेंशा यीब

मर्कूस १३:२४-२७ ; लूका २१:२५-२८

२९रागीम मोदंशो श्येत दुम्ने नुम चोटी,  
 सरीडमी चिन्ड तांडसीनीम। नां आ छेडछेड

जाम्शा, जिक रिक्शो तांडसीब। तास्ना आ  
 हाम्सा यो जाम्ब, सोरुल खपीम दोक्नीम।  
 सरीड डा सक्ति हिम्सीनीम। यसैया १३:१० ;  
 पररित ६:१२-१३ ; २पतरुस ३:१० ३०मिनु  
 सरीडमी रागीम जरमेशो आ चिन्ड तांडसीब।  
 मिनु नेल्ल जात डा मुरपुकी डाक्नीम। रागीम  
 जरमेशो कली गोस्स तारी बाक्शा, सक्ति नु  
 ठेयब छेडछेडमी यिशा ताइनीम। प्रकाश  
 १:७ ; मत्ती २६:६४ ; दानीएल ७:१३-१४ ;  
 प्रकाश १९:११-१३ ३१मिनु रागीम जरमेशोमी  
 परमपरभु यावे आ स्वर्ग डा गेय पाइब आन  
 कली तुराही ताप्पा, रागी तेइ तेइ रे परमपरभु  
 यावे आ योव्रशो नेल्ल आन कली सुप्शा चाक्थ  
 सोइक्ब। ३२फोव्रशी रवा कोव्रशा शंसीन।  
 फोव्रशी रवा आ कोच्चा दाप्शा कुशो तनीनु,  
 बर्सा ओव्रमाक्त, दे तुइक्नीनी। ३३आं दंशो लोव्र  
 थमा दुम्शो तनीनु, आ जाक्ची जाक्माक्त, दे  
 तुइक्नीनी। ३४नोफा दाइइशा नेनीन, एको जात  
 मनुष्यु, आं दंशो थमा दुम्ब। ३५सरीड नु रागी  
 नेल्ल जाम्शा लाइनीम, आं लोव्र चहिं गेना  
 हना यो लीब। मत्ती ५:१८ ; यसैया ५१:६

सासीशा बाक्चा माल्ब

३६मोदंशो गेना दुम्बा, सुइमी मतुइक्नीम।  
 परमपरभु यावे आ स्वर्ग डा गेय पाइबपुकीमी  
 यो मतुइक्नीम। तौमी यो मतुइक्ब। आफोमी  
 ला तुइक्ब। पररित १:७ ३७रागीम जरमेशो  
 जाक्मनु, मुरपुकीमी नोआह आ पालामी  
 पशो सोदंशो पाइनीम। लूका १७:२६-२७ ;  
 उत्पत्ती ६:९-७,२३ ३८नोआह आ ठेयब डांगा  
 मओव्रम सम्म मुरपुकीमी जना जन, तूना तून,  
 ग्युंब पना पन नु ग्युंब पाइसीन सीन बाक्शो  
 बाक्मा बाक्त। ३९नेल्ल आन कली ब्याक्कुमी  
 मयोल्दा सम्म मारइ मतुइइशा बाक्मा बाक्त।  
 रागीमी जरमेशो आ जाक्ची नाक्त यो मोदंशो  
 दुम्ब। ४०वांइश मुर निक्शी रुमी बाक्नीसी,  
 का लाइक्चा पुंडसीब, का परोइशा वोइक्चा  
 पुंडसीब। ४१मीश मुर निक्शी यात हिल्ला  
 हिल्ल बाक्नीसी, का लाइक्चा पुंडसीब, का  
 परोइशा वोइक्चा पुंडसीब। लूका १७:३५  
 ४२इन परभु गेना जाक्बा, दे मतुइक्नीनी।  
 मोपतीक गेना हना यो सासीशा बाक्कीन।  
 मत्ती २५:१३ ४३सिं डा मुरुमी 'आपो नाक्दो  
 सुइपुकी सुइ पथ जाक्नीम' दे तुइक्ताक्ब हना,  
 मेको नाक्दो मइप्यु बाक्शा, सुइ पचा मगेन  
 वा। थिस्सलोनिकी ५:२ ४४गेना हना यो

सासीशा बाक्कीन। मारदे हना रागीम जरमेशो इन मतुइक्थु जाक्व।

होव्रप लेश्शा जाक्व

लूका १२ :४१-४६

४५ होव्रपमी आ खिं कोव्रब कली जची जाक्मेनु, जचा गचा, दे अरशा वोइक्चा पुंडसीशा खोदंशो रिम्शो थुं पाइश्शा गय पाइब सु बाक्वा ? ४६ आ होव्रप लेश्शा जाक्शा, आ गय पाइबमी आ देशो टिशा पशो तशा 'रिम्शो' पाप्तीवी देब। ४७ नोफा दाइश्शा नेनीन, होव्रपमी आइक्क बाक्शो नेल्ल मेको आ गुइमी जिम्मा गेब। मत्ती २५ :२१-२३ ४८ मरिम्शो थुं पाइश्शा गय पाइबमी चहिं आ होव्रप लम नोले 'इच्ची ना मजाक्व' दे मिम्शा, २पल्स ३ :४ ४९ अरु गय पाइब आन कली जिचा पोक्शा, श्येत गेशा तुप्शा, शांबु राकसी दुक्व नु काथा बाक्शा पाइब। ५० आ मरिम्शो मतुइश्शा नाक्त् खिं डा होव्रप लेश्शा जाक्व। ५१ मिनु मेको कली तुप्शा, फस सल्शा कपटीपुकी नु काथा वोइक्व। मकर मुरपुकी आन खरुइ शप्शा डाक्नीम।

निप्स पाइश्शा मीश आल

२५ १ स्वर्ग डा राज्य ओदंशो दुम्ब, १० जना मीश आलमी तेल बत्ती कुरशा, ग्युम्ले गरुम्य लाइनीम। लूका १२ :३५-३६ ; परकाश १९ :७ २५ जना निप्स पाइश्शा बाक्नीम। ५ जना चहिं निप्स मपाइश्शा बाक्नीम। ३ निप्स मपाइश्शापुकीमी बत्ती कुरशा तेल मकुरनीम। ४ निप्स पाइश्शापुकीमी चहिं तेल यो कुरनीम। ५ मिनु ग्युम्ले जाक्ची जाक्शा यो मजाक्मेनु, नेल्ल मुकु जिशा इप्नीम।

६ मिनु १२ बजे नाक्दो 'ग्युम्ले जाक्त्, गरुम्य लन' देशा बरेशो नेनीम। ७ मिनु छुल छाल बाक्शा, आन बत्ती का का पा जेल्लीम। ८ मिनु निप्स मपाइश्शापुकीमी निप्स पाइश्शा आन कली 'आइ बत्ती काप्वा चिक्ताक्म, इच्ची खोइ तेल आइ कली यो गेचा नकी' दे पुंडनीम। ९ तन्न निप्स पाइश्शापुकीमी 'गो आइ कुरशा तेलमी गो नेल्ल इं बत्ती आन कली मजाक्दोप्व। पसल लशा ग्याप्शा, चाक्शा दाडीन' देनीम। १० मिनु मेकोपुकी तेल ग्याप्य लमानु, ग्युम्ले जाक्व। मिनु लचा कली सासीशा बाक्व आन कली ग्युंबे भोज खिंमी ओइशा, लाप्चो चोक्नीम। लूका १३ :२५

११ मिनु नोले तेल ग्याप्य लाइबपुकी यो जाक्शा 'परभु, लाप्चो रोक्शा गेचा नकी' देनीम। १२ मिनु परभुमी 'नोफा दाइश्शा नेनीन, गो इन कली मतुइक्नन्नी। सु ननी ?' देब। मत्ती ७ :२३ १३ मेको खोदंशो पा इन परभु गेना जाक्व, दे मतुइक्नीनी। मोपतीक गेना हना यो सासीशा बाक्कीन। मत्ती २४ :४२-४४

होव्रप लेश्शा हिसाब पाइब

लूका १९ :१२-२७

१४ ओदंशो यो दुम्ब, मुर कामी 'रागी हिरथ लाइनुड' दे थुं पशा, लचा डाइती आ गय पाइब आन कली बरेशा, आ शांप आन गुइमी गेब। १५ आन पने चाप्वा डा गय तुइश्शा, का कली ५ टलेन्ट, का कली टलेन्ट निक्शी, का कली टलेन्ट का योक्शा गेशा वोइश्शा लाइब। रोमी १२ :६

१६ होव्रप गाक्म चोटी ५ टलेन्ट ताक्वमी ग्याप्तीक लेयतीक पचा गोइब। मिनु मोपा का डा निक्शी सल्ब। १७ टलेन्ट निक्शी ताक्वमी यो में मोपा का डा निक्शी सल्ब। १८ टलेन्ट का ताक्वमी चहिं आ होव्रप आ शांप लाइश्शा थिम्शा खरुइश्शा वोइक्व। टलेन्ट का नेल्ल क्येडा ठेयब क्येड बाक्व।

१९ मिनु शुश बर्स नोले होव्रप लेश्शा जाक्व। मिनु आ गय पाइब आन कली बरेशा 'दोशा दोशा सल्नी, काइदीनी' दे का का पा हिल्लो पाइब। २० मिनु ५ टलेन्ट ताक्वमी आ डाइती जाक्शा 'हजुर, ५ टलेन्ट गेतीनी। मिनु मार मार पा गो अर्का ५ टलेन्ट सल्ता। मुल १० दुम्त्' देमेनु, २१ आ होव्रपमी 'रिम्शो पाप्तीवी। थमा सुइक्चा पुंडसीशा बाक्ते। इच्ची खोइ तशोमी शुश सल्शा, रिम्शो गय पाप्तीवी। मोपतीक शुश अधिकार गेनन। ग्यरसीशा बाक्स' देब। मत्ती २४ :४५-४७ २२ मिनु टलेन्ट निक्शी ताक्वमी जाक्शा 'हजुर, टलेन्ट निक्शी गेतीनी। मिनु मार मार पशा, अर्का टलेन्ट निक्शी सल्ता। मुल ४ दुम्त्' देमेनु, २३ मेको कली यो 'रिम्शो पाप्तीवी। इच्ची खोइ तशोमी शुश सल्शा, रिम्शो गय पाप्तीवी। थमा सुइक्चा पुंडसीशा बाक्ते। मोपतीक शुश अधिकार गेनन। ग्यरसीशा बाक्स' देब।

२४ मिनु टलेन्ट का ताक्व जाक्शा 'हजुर, गे शिशी मपाइनीनी। मशोक्शा रिक्नीनी, मकराप्शा सुप्नीनी, दे तुइश्शा नड। २५ मोपतीक गो हिंती। मिनु इन टलेन्ट ताक्शा,

मारदे मपथु, थिम्शा खरुइशशा वोइक्ता। मुल फेशशा चाक्ता। लतीन' देब। २६ मिनु आ होत्रपमी 'भरिम्शा थुं पाइशशा अल्से, गोमी मशोक्शो रिक्नुड, मकराप्शो खुन्नुड, दे तुइशशा नवे हना, एको आं गेशा टलेन्ट का लाइशशा, अरु आन कली गेशा, आ चाइक्व पपाइक्वा ममाल्नेवे डा? २७ मो पशा नवे हना, आं टलेन्ट क्येडा यो आ चाइक्व ताक्चा तड वा। २८ एको टलेन्ट ताक्शा, ५ टलेन्टमी १० टलेन्ट सल्वा कली तेम्शा गेचा' २९ मारदे हना शुश थीव आन कली तेम्शा, शुश बारपा गेचा पुंइसीनीम। इच्ची खोइ थीव आन इच्ची खोइ यो रोइक्चा पुंइसीनीम। मती १३:१२; हितोपदेस ११:२४-२५ ३० एको काम मलाप्शो अल्से कली गरुइशशा, लाडगा डा छिडछिडमी ताइक्तीने। मेकर मुरपुकी आन खरुइ शप्शा डाक्नीम।

नेल्ल निसाफ पचा पुंइसीनीम

३१ रागीम जरमेशो परमपरभु यावे आ स्वर्ग डा गेय पाइबपुकी नु आ छेडछेडमी जाक्शा, आ ठेयब नितीकम निस्सीब। मती १६:२७; परकाश २०:११-१३ ३२ मिनु आ डांइती नेल्ल रागी डा मुर सुम्सीनीम। गोठलामी भेडा नु क्यारश आन कली ग्युरा नु परा गे तिलशा खोदंशो पा रोमी १४:१०; मती १३:४९ ३३ पिपमी भेडा आन कली ग्युरा गे क्यारश आन कली परा गे वोइक्व। इजीकीएल ३४:१७

३४ मिनु पिपमी आ ग्युरा गे राप्शो आन कली 'आं आफ आ आसीक तशोपुकी, आं नेकथान जाक्कीने। रागी सल्वा डांइती एको राज्य इन कली सल्वा वोइशशा बाक्त। मुल बाक्कीने। ३५ मारदे हना गेपुकीमी गो जचा मतथु बाक्डानु, जचा गेतीनी। तूतू दाक्डानु, तूचा गेतीनी। इन मतुइशशा मुर इन सिं जाक्डानु, बाक्चा गेतीनी। यसैया ५८:७ ३६ फेक्चा मतडानु, फेक्चा गेतीनी। रोइ पडानु, कोवतीनी। जल्खानमी चोक्शा वोइय्यीमीनु, गरुमथ जाक्तीनी' देब। ३७ मिनु मेकोपुकीमी 'परभु, इन कली गेना जचा मतनीनु, जचा गेका, तूचा मतनीनु तूचा गेका, ३८ मतुइशशा बाक्नीनु, बाक्चा गेका, फेक्चा मतनीनु, फेक्चा गेका, ३९ गेना इन कली रोइ पशा नु जल्खानमी चोक्सीनीनु, गरुमथ जाक्का डा?' देनीम। ४० मिनु पिपमी 'नोफा दाइशशा नेनीने, आं

लोक्व नेल्ल क्येडा महिक्सीशो आन कली मार मार गेतीनी, मेको आं कली गेशो ननी' देब। मती १०:४२; हितोपदेस १९:१७; हिब्रू २:११

४१ मिनु आ परा गे राप्शो आन कली हिरशा 'सराप तशोपुकी, गो नु मबाक्कीने। सेतान नु आ गेय पाइब आन कली गेनायो मकाप्व मी वोइशशा बाक्व। मेकर लने। परकाश २०:१०,१५ ४२ मारदे हना गो जचा मतडानु, जचा मगेयीनी। तूतू दाक्डानु, तूचा मगेयीनी। ४३ इन मतुइशशा मुर इन सिंमी जाक्डानु, बाक्चा मगेयीनी। फेक्चा मतडानु, फेक्चा मगेयीनी। रोइ पडानु, जल्खानमी चोक्शा वोइय्यीमीनु, गरुमथ मजाक्नी' देब। ४४ मिनु मेकोपुकीमी यो लोत्र लेशशा 'परभु, गेना इन कली जचा मतशो, तूचा मतशो, बास माल्शा गाक्शो, फेक्चा मतशो, रोइ पा बाक्शो, जल्खानमी चोक्शा वोइशशा तका नु वारच मपका डा?' देनीम। ४५ मिनु पिपमी मेको आन कली 'नोफा दाइशशा नेनीने, महिक्शो आइक्व मुर आन कली मार मार वारच मपनीनु, मेको आं कली यो मपनी' देब।

४६ मिनु मेकोपुकी गेना हना यो सजाइ ततीकमी लाइनीम। परमपरभु आ डांइती ठीक दुम्शोपुकी चहिं गेना हना यो परमपरभु यावे नु बाक्चा ततीकमी लाइनीम' दे शंताकमी। यूहन्ना ५:२९; याक्व २:१३

येसु कली साइक्चा माल्शो

मकूस १४:-१६:- लूका २२:-

२४:- यूहन्ना १५:- २१:-

१ मिनु येसुमी लोत्र नेल्ल शेन थुम्शा, २६ आ शंसीब आन कली २ "नित्थ नाक्त पास्सा चाड बाक्व, दे तुइक्नीनी। मिनु रागीम जरमेशोमी शीमी कप्शा कांटी थोक्शा क्येइशशा साइक्चा कली जिम्मा गेचा पुंइसीब" देत। परस्थान १२:१-२०; मती २०:१८

३ मेना नेल्ल क्येडा ठेयब चदेब काइयाफास आ सिंमी ठेयब चदेब नु जोक्व तुइक्व खाल्पापुकी सुम्सीमा बाक्त। लूका ३:१-२ ४ मेकोपुकीमी "मुर आन मतुइक्थु येसु कली दोपा ग्याइशशा साइक्पाइक्चा" दे सल्ला पामेनु ५ "पास्सा नाक्त साइक्पाइक्चा मदुम्ब। मारदे हना मुरपुकीमी जिचा पोक्नीम" देसुमा बाक्त।

येसु कली बरोव्रशो तेल खरकशो  
लूका ७ :३६-४० ; यूहन्ना १२ :१-८

६ काबु येसु नु आ शंसीबपुकी बथानी डा कोर पशो सिमान आ खिमी खम जना जन बाक्मानु, ७ मीश मुर कामी बरोव्रशो रिना पाइब शुश क्यट लाइब तेल कुरशा जाकशा, मेको तेल येसु आ पियामी लुक्ताकव। ८ मिनु येसु कली तेल लुकशो तशा, आ शंसीबपुकीमी “ओदेशो तेल मारदे मो पवा ? ९ लेयशा हना, शुश क्यट पी वा। मिनु श्येत जशो आन कली योक्शा, वारच पन जाम वा” दे आन थुं मनुमा बाक्त। १० मिनु येसुमी मेको आन थुं मनुशा तुइश्शा “एको मीश मुर कली मारदे आ थुं साइकपाइक्नीनी ? आं कली थम रिश्शो पाइक्ती। ११ श्येत जशो मुर गेना हना यो थित्नीनी, आं कली चहिं मथित्नीनी। व्यवस्था १५ :११ १२ एको तेल लुकशोमी आं रां थिम्चा कली साशो दुम्त। १३ नोफा दाइश्शा नेनीने, रागीमी तेक तेक आं लोव्र नेपाइक्नीमी, मेक मेक एको मीश मुर आ पशो आ पर्वम यो लोव्र पाइनीम” देत।

यहूदा आ पशो

१४ मिनु इस्कारीयोत डा यहूदा येसु आ शंसीब का ठेयब चढेब आन कली गरुम्य लशा १५ “येसु कली इन गुइमी ग्याइकपाइक्ता हना, दोशो गनीनी” दंमेनु, ३० टुकरा चांदी गेम बाक्त। यूहन्ना ११ :५७ ; जकरिया ११ :१२ १६ मिनु मेको चांदी ताकगार “गेना नु दोपा ग्याइक्चा वारच पदुमी” दे योव्रकी पना पन गाक्माक्त।

पास्सा चाड डा भोज

यूहन्ना १३ :२१-२६

१७ मिनु बोरेब ओस्ती मसुप्शो शोब्ले जची नाक्त येसु आ शंसीबपुकीमी “पास्सा मानेचा कली ते साचा, मार दंनीनी” दे हिल्लो पाम्तेकम। परस्थान १२ :१८-२० १८ येसुमी “सहर लशा, आं कली तुइक्व मुर कली गरुम्या शंबमी आं कली दुम्चा माल्शो मुल दुम्चाप्टु। मोपतीके इन खिमी बास गेशा, आं शंसीब नु काथा बाक्शा, पास्सा मानेचा गेयी, दे पुंड्य सोइक्ताककी” दे मतीन” दे सोइक्ताकमी। मती २१ :३ ११ मिनु शंसीबपुकीमी येसु आ देशो खोदेशो पा पास्सा मानेचा कली नेल्ल साताकम।

२० मिनु नां रिक्मेनु, येसु आ शंसीबपुकी नु काथा जचा कली निस्साकव। २१ मिनु जना जन

बाक्मानु, येसुमी “नोफा दाइश्शा नेनीने, मुल एक बाक्व कामी आं कली ग्याइक्व आन वारच पाइब दुम्ब” देत। २२ मिनु नेल्लेमी शुश मरिम्शो लाकशा “हे परभु, मेको वारच पाइब गो दुम्नुडा ?” दे का का पा हिल्लो पाम्तेकम। २३ मिनु येसुमी “गो नु कालेम शोब्ले शक्कुम तेप्बमी आं कली ग्याइक्पाइक्चा वारच पाइब। २४ रागीम जरेमेशो आ पर्वमी बरकशो साइ नेसी डा लोव्र नेल्ल थमा दुम्चा माल्ब। मो दुम्चा माल्शो बाक्त हना यो, ग्याइक्पाइक्चा वारच पाइब कली थमा मरिम्शो दुम्ब। मोदेशो पाइब मुर मजरमेशो हना, मेको कली रिम्शो दुम्ब वा” देत। लूका १७ :१-२ २५ मिनु ग्याइक्चा वारच पाइब यहूदामी यो “शंब, मेको गो दुम्नुडा ?” दंमेनु “आंमा तुइक्नेव” दे माइक्तु।

२६ मिनु जना जन बाक्मानु, येसुमी आ गुइमी शोब्ले शशा “गे रिम्शो पाइब बाक्नीनी” दे परार्थना पशा जिक्शा, शंसीब आन कली योक्शा “दाइसीने, ताकशा जने। एको आं रां बाक्व” देत। १कोरिन्थी १० :१६ ; १कोरिन्थी ११ :२३-२५ २७ मिनु कचौरा शशा “गे रिम्शो पाइब बाक्नीनी” दे परार्थना पशा, मेको आन कली त्चा गेशा “गे नेल्लेमी त्कीने। २८ एको आं हुश बाक्व। आं हुशमी परमपरभु यावे आ नक कबल खाप्ता। आं हुश जारशामी शुश मुर आन पाप क्याम्सीब। परस्थान २४ :८ ; यरमीया ३१ :३१ ; हिब्रू ९ :१५-१६ २९ मुल डा मंर एको अडगुर रस मतनुड, नोले नेल्ल नक दुम्शा, आं आफ आ राज्यमी गोपुकी नु काथा बाक्शा ला तनुड, दे इन कली दंनुड” दे माइक्तीमी। भजन संगरह ११३ :११५ :-

नेल्लेमी परांइनीम, दे शंशो

३० मिनु कुम्सो का पशा डा मीन, मेकर र गाक्शा, जैतून डांडा ग्येत्थ लाम्तेकम। ३१ मिनु येसुमी “आपो नाकदो गे नेल्लेमी आं कली तशा, इन थुं ग्याइक्नीनी। मारदे हना साइ नेसी ओदं बरकशो बाक्व। गो गोठला कली तुप्शा करेक्नुड। मिनु भेडापुकी प्रोक्शा साव सुव बराइनीम” दे बरकशो लोव्र थमा दुम्ब। जकरिया १३ :७ ; यूहन्ना १६ :३२ ३२ नोले गो बरकशो र संपाइक्चा पुंडसीशा, इन डांडती गालील रागीमी जाकदीत्नुड” देत। मती २८ :७ ३३ मिनु पतरुसमी “मेको नेल्लेमी इन कली परांइशा प्रोक्तेकम हना यो, गो मपरांइनेनी” दंमेनु, ३४ येसुमी “नोफा दाइश्शा नेनी, आपो नाकदो माले गरीचा डांडती खेयप सां सम्म

मेको कली मतुइकनुड, सु बाकमे?" दे आं पर्वम देनवे" दंत। यहून्ना १३:३८ ३५ मिनु पतरुसमी "मपरांइनन्नी। गे नु काथा बाकशा, साइकचा पुंडसाकड हना यो, गेनायो मपरांइनन्नी" दे लोत्र थोक्शा दंत। मिनु शंसीब नेल्लेमी यो मान दंतकम।

### गेथ्समनेमी परार्थना पशा

३६ मिनु गेथ्समनेमी जाकदीतेकम। मिनु येसुमी "लो, एक बाककीन, गो इच्का आइकची लशा, परार्थना पशा लेशशा पीनुड" दंत। ३७ पतरुस नु जब्दी आ तौ निकशी, सां आन कली इच्ची आइकची लाइकतु। मेना येसु आ थुं शुश साइशो बाकमाकत। मती १७:१; हिब्रू ५:७ ३५ मिनु सां आन कली "आं थुं शुश साइशो, बेक्का डा दुम्ती। मुल एकेर मइथु गो नु काथा बाककीन" दंमाकत। यहून्ना १२:२७ ३९ मिनु इच्का डांडती लशा, सुम्की पा खपीम बाप्शा "आं आफ, दुम्ब हना, एको कचौरा आं कली मत्पाइकथु सोइकतीन। तन्न आं दाकशा मडुम्त, इन दाकशान दुम्त" दे परार्थना पशा, लेशशा जाकमाकत। यहून्ना १८:११; यहून्ना ६:३८; हिब्रू ५:८ ४० मिनु लेशशा जाकमेनु, सांफा आन कली इष्शा तामी बाकत। मिनु पतरुस कली "छिन का यो मइथु, बाकन मचाप्नी? लो, संसीन। ४१ थुं थाम्चा पुंडसीनीनु, पाप मपय, दे परार्थना पन। थुंमी पाइनुड चाप्नुड देब, तन्न रांमी फाल्ले मचाप्न" दंमाकत। एफिसी ६:१८; हिब्रू २:१८ ४२ मिनु लेशा इच्का आइकची लशा "आं आफ, गोमी एको मत्थु सोइकचा मडुम्बाकत हना, इन दाकशा दुम्त" दे परार्थना पवा बाकत। ४३ मिनु लेशशा जाकमेनु, निन्दरामी दुक्शा बाकशा तामी बाकत। ४४ मिनु मेको आन कली निन्दरामी दुक्शा तशा, लेशा लशा डांडती डा पशा सोदंब पा परार्थना पवा बाकत। २कोरिन्थी १३:८ ४५ मिनु लेशशा, शंसीब आन बाकतीकेमी जाकशा, मेको आन कली "इन दशो सानी, दे मुल यो इष्शा बाकनी? तुइकतीन, रागीम जरमेशो पापी आन गुडमी गेचा पुंडसीचा चिकताकव। ४६ बाककीन, लय। आं कली ग्याइकपाइकचा कली वारच पाइब जाकचाप्नु" दंत।

### येसु ग्याइकचा पुंडसीशो

४७ मो दंमेनु, आ शंसीब यहूदामी ठेयब चढेब नु जोक्ब तुइक्ब सालपापुकीमी सोइशो हुलमी

तरवार कोक्के कुरशा, येसु कली ग्याइकथ चाकतीमी। ४८ यहूदामी "सु कली पुक्पु पडु, मेको कली ग्याइकचा" दे ग्याइकथ जाकब आन कली तुइकपाइशो बाकमाकत। ४९ मिनु यहूदामी जाकशा, येसु कली "रब्बी" दे बे मुष्शा पुक्पु पाइकतु। ५० मिनु येसुमी "आं वारच, मार पथ जाकड लो पावा" दंत। मिनु ग्याइकथ जाकबपुकीमी येसु कली ग्याइकताकम। ५१ मिनु येसु नु काथा बाकब कामी तरवार गिर शोइशो, ठेयब चढेब आ गेय पाइब का आ नोफा दि खरोइकतु। ५२ मिनु येसुमी "इ तरवार पिप्तो। मारदे हना तरवारम साइकब, तरवारमी साइकचा पुंडसीब। उत्पती ९:६ ५३ आं आफ कली आफ, इन स्वर्ग डा गेय पाइब हजार हजार आन कली सोइशशा, आं कली वारच पा परांइपाइय्यीनी" दे पुंडता हना, गिश हना यो सोइशशा, आं कली परांइपाइकब, दे मतुइकनीनी १२ खेयप ६ हजार स्वर्ग डा गेय पाइब बरेक्शा बाकब। मती ४:११ ५४ मोदं पुंडता हना, साइ नेसी डा लोत्र दोपा थमा दुम्न चाप्ना डा?" दे माइकतु। ५५ मिनु येसुमी हुल आन कली "तरवार कोक्के कुरशा, सुइ पाइब कली ग्याइकथ जाकशा सोदंब पा आं कली ग्याइकथ जाकनी? नाकत कित कित परमपरभु यावे आ खिंमी मुर आन दातेमी शंना शंन बाकडानु, मग्याइकतीनी। ५६ परमपरभु यावे आ लोत्र पाइब आन बरेक्शा लोत्र नेल्ल थमा दुम्चा माल्ब, मोपतीक आं कली ओदंशा दुम्चा माल्ब" दे माइकतीमी। मिनु आ शंसीबपुकी येसु कली परांइशा, साव सुव बराशा पराकतेकम।

### येसु ठेयब चढेब आ डांडती

५७ मिनु येसु कली ग्याइकबपुकीमी मेकेर रे लाइशशा, नेल्ल क्येडा ठेयब चढेब काइयाफास आ खिंमी चाकदीत्मे बाकत। मेकेर सास्तरी नु जोक्ब तुइक्ब सालपा नेल्ल सुम्सीशा बाकशा बाकमा बाकत। ५८ पतरुस यो आन नोनोले सोइशशा, मेकेर जाकदीम्माकत। मिनु लाडगा ओत्रशा, नेल्ल क्येडा ठेयब चढेब आ गेय पाइबपुकी नु काथा बाकशा, मिनु गेपुकी परमपरभु यावे, इन परमपरभु कली इन थुं नेल्लेमी, इन सोकत नेल्लेमी नु इन बाल नेल्लेमी दाक्का माल्नीनी। कली मार पाइनीमी, मार देनीमी, दे कोत्रशा बाकमाकत। ५९ मिनु ठेयब चढेब नु जोक्ब तुइक्ब सालपापुकी मार पामे बाकत दंशा हना, कळ्डी वोइशशा, जोल पा दोस गेचा माल्मे बाकत। मारदे हना येसु कली

साइक्पाइक्चा माल्शो बाक्मा बाक्त। ६० मिनू सांकळीपुकी शुश चाक्शा यो, मेको आन लोत्र मगारमाक्त। मोपतीके दोसी सेल्ल मचाप्वमे बाक्त। नोले सांकळी निकशी आस लोत्र ६१ “एको ग्याइश्शो मुरुमी साबर मार दंत दंशा हना “परमपरभु याव आ खिं प्रश्शा, नाक्त सांमी नक सेल्लुड” दंत” दंसा बाक्त। पररित ६:१४; यूहन्ना २:१९-२१ ६२ मिनू नेल्ल क्येडा ठेयब चढेबमी बाक्शा, येसु आ डांइती राप्शा “मेको निकशीमी इ पर्वम दंशा लोत्र नंशा, मार दंनेव?” दंमनु, येसुमी मारइ मदंमाक्त। ६३ मिनू नेल्ल क्येडा ठेयब चढेबमी “बरांइशा बाक्ब परमपरभु याव आ नंमी हिल्लो पाइनन, गे परमपरभु याव आ तो खरीस्त नवे, दे मनवे?” दंमनु, मत्ती २७:१२; यूहन्ना १०:२४ ६४ येसुमी “गे आंमा देतीनी। मुल डा मेर रागीम जरेमेशो कली नेल्ल सक्ति पाइश्शो आ ग्युरामी बाक्शो ताइनीनी। गोस्स तारी बाक्शा, यिना यिन पशो ताइनीनी, दे गो इन कली दंनुड” दे मदा बाक्त। भजन संगरह ११०:१; मत्ती १६:२७; मत्ती २४:३०; दानीएल ७:१३ ६५ मिनू नेल्ल क्येडा ठेयब चढेबमी आ फेक्शो वा साक्शा “ये, परमपरभु याव कली शुक्शी लोत्र पाइबाक्त। मार सांकळी लोत्र माल्दा डा? आ शुक्शी पशो लोत्र गे नेल्लेमी नंशा, सांकळी दुम्तीनी। लेवी २४:१६; यूहन्ना १०:३३; यूहन्ना १९:७ ६६ मार पय, मिनू?” दंमनु “साइक्चा पुंडसीब” दंमा बाक्त। ६७ मिनू साइक्चा पुंडसीब दंमानु, का निकशीमी आ कुल तोक्तमे बाक्त, का निकशीमी तुप्मे बाक्त, का निकशीमी चोत्रचो राप्शा यसेया ५०:६ ६८ “ए खरीस्त, सुमी राम्म, लो देन” दे शुक्शी पा मरिम्शो पदम बाक्त।

### पतरुसमी “मतुइक्नुड” दंशा

६९ मेना पतरुस लाङ्गामी बाक्माक्त। मिनू गेय पाइब मीश मुर कामी “गे यो गालील डा येसु नु काथा गाक्ब का नवे” दंमनु, ७० मेकर बाक्ब नेल्लेमी नंशा डा पा “इ दंशा मरुवु। मार लोत्र पवी?” दंमाक्त। ७१ मिनू लाङ्गामी गरुमेनु, मेकर गेय पाइब मीश मुर कामी “नासरथ डा येसु नु काथा गाक्ब का एको यो बाक्माक्त” दे मेकर बाक्ब आन कली दंमाक्त। ७२ मिनू पतरुसमी “मेको मुर कली मतुइक्नुड” दे कसम जशा आ लोत्र थोक्शा दंमाक्त। ७३ मिनू मेको एर आंथ बाक्बपुकी जाक्शा, पतरुस कली “गे यो काथा गाक्ब का बाक्ड बाक्त। इ ब्वाक्स नंशा,

गालील डा बाक्ड बाक्त, दे तुंडसीब” दे मदमे बाक्त। ७४ मिनू पतरुसमी “जाल पाता हना, परमपरभु यावेमी सजाइ गेयील, एको मुर कली तुंडसीन मतुइक्नुड” दे कसम जशा, आ लोत्र थोक्शा दंमाक्त। मो दंमनु, भाले गरीमाक्त। ७५ मिनू पतरुसमी “भाले गरीचा डांइतीन सां खयप सम्म मेको मुर कली मतुइक्नुड, दंनेव” दे येसुमी दंशा ति फरुक्गा बाक्त। मिनू गरुशा शुश डाक्माक्त।

१ मिनू नां सोत्रमेनु, ठेयब चढेब नु २७ जोक्ब तुइक्ब साल्पापुकीमी येसु कली साइक्पाइक्चान, दे सल्ला पाम बाक्त। २ मिनू फरंशा लाइश्शा, पिनातस, सरकार डा ठेयब मुर आ गुइमी जिम्मा गेमे बाक्त।

### यहूदा ग्युकशा बेक्शो

३ ग्याइक्पाइक्चा वारच पाइब यहूदामी येसु कली साइक्चा, दे उजुर पास्तेकम दंशा नंशा “मरिम्शो पडा बाक्त। मार पचा डा मुल” दे ठेयब चढेब नु जोक्ब तुइक्ब साल्पा आन कली परमपरभु याव आ खिंमी गरुम्थ लशा मत्ती २६:१५ ४ “रिम्शो मुर कली ग्याइक्पाइक्चा वारच पा पाप पाता” दंमनु “गोपुकीमी मार पाइनीकी? गे आंमा तुइक्तो” दंमा बाक्त। ५ मिनू चांदी मेको आन डांइती ताइश्शा, मेकर र फो गरुशा लशा, ग्युकशा बेक्माक्त। पररित १:१८-१९

### हुशेम ग्याप्शो रू

६ ठेयब चढेबपुकीमी मेको ताइश्शा चांदी गुप्शा “परमपरभु याव कली चढेब क्येड नु काथा वोइक्चा मदुम्ब। मारदे हना हुश के दाम बाक्ब” दे ब्यवस्था २३:१९ ७ सल्ला पशा, खप के ग्यांब सेल्व आ रू का ग्याप्मे बाक्त। मेको रू यहूदी धर्म मपाइब यरुसलेममी बेक्शो मुर आन कली थिम्तीके पाम बाक्त। ८ मेको रू कली मुल सम्म “हुश रू” दंसीब। ९ मोदंशा आन पशोमी साइ नेसी परमपरभु याव आ लोत्र पाइब येरमीयामी बरक्शो लोत्र थमा दुस्त। आ बरक्शो लोत्र चहिं ओदंशा बाक्ब “इसरएल आ खिं डा मुरपुकीमी एको मुर आ मोल ३० टुकरा चांदी डा बाक्ल देतेकम। १० मिनू ३० टुकरा चांदी लाइश्शा, खप के ग्यांब सेल्व आ रू ग्याप्तेकम, दे परमपरभु यावेमी लोत्र पपाइक्ती” दे बरक्शो बाक्ब। येरमीया ३२:९, जकरिया ११:१२-१३

येसु पिलातस आ डोंइती राप्शो

११ येसु सरकार डा ठेयब मुर आ डोंइती राम्मनु, मेकोमी “यहूदी आन पिप नव?” दे हिल्लो पवानु “गे आंमा दंतीनी” देमाक्त। १२ मिनु ठेयब चढेब नु जोक्व तुइक्व खाल्पापुकीमी शुश दोस गेमेनु, ब्यलेइ पा बाक्माक्त। मत्ती २६:६३; यसैया ५३:७ १३ मिनु पिलातसमी येसु कली “एकोपुकीमी इ कली शुश दोस गेशा, लोत्र पशो मननी?” देमेनु, १४ लोत्र का यो मलत्ता बाक्त। मिनु सरकार डा ठेयब मुर आ छक लाक्माक्त। यूहन्ना १९:९

१२ पास्सा नाक्त सरकार डा ठेयब मुर आन दाक्शो मुर का कली जेल्खान रे परोइतीक पशो बाक्माक्त। १६ बारब्बा माइश्शो मरिश्शो पाइब मुर का चोक्सीशो बाक्माक्त। १७ मिनु सरकार डा ठेयब मुरुमी “बारब्बा कली परोइचा, दे खरीस्त देशो येसु कली परोइचा? तेको कली परोइचा?” दे हिल्लो पामी बाक्त। १८ मारदे हना आन थु चोशा, येसु कली ग्याइक्पदमे बाक्त, दे तुइक्ता बाक्त, मापतीक येसु कली परोइचा माला बाक्त। यूहन्ना १२:१९

१९ मिनु निसाफ पचा कली बाक्मेनु, आ मीशमी “मेको सुइ कली मरिश्शो मपाइब कली मारइ मपतीने। मारदे हना मुलाक्दो इम्डानु, मेको आ पर्वमे गो शुश श्यत जचा डा डोमु ताता” दे शोत्रथ सोइक्ता बाक्त। २० तन्न ठेयब चढेब नु जोक्व तुइक्व खाल्पापुकीमी मुर आन कली हुल पाक्शा “बारब्बा कली परोइचा, येसु कली साइक्चा” दे रेयके पा पुंडपदमे बाक्त। २१ मिनु पिलातसमी “मुल सु कली परोइचा?” देमेनु “बारब्बा कली परोइचा, सरकार” देमा बाक्त। २२ मिनु पिलातसमी “खरीस्त देशो येसु कली मार पदु, मिनु?” देमेनु “शीमी केष्णा कांटी थोक्शा क्याइश्शा साइक्चा माल्व, सरकार” देमा बाक्त। २३ मिनु “मार मरिश्शो पवा, मार दोस गेचा” देमेनु “शीमी केष्णा कांटी थोक्शा क्याइश्शा साइक्चा माल्व” दे रेयके पामे बाक्त। २४ मुरपुकीमी मोदेशो रेयके पा परेक्शो तशा “मुल येसु कली परोइने मचबु” दे मिश्शा “एको सुइ कली मरिश्शो मपाइब आ हुश इन गुइमी ला लुम्सेकल, आं गुइमी मलुम्सेकल” देशो, नेल्ल आन कुल आ गुइ चिक्शा कांइदीमी बाक्त। ब्यवस्था २१:६ २१ मिनु हुलपुकीमी “आंइ कली नु आंइ चच युइ आन कली लुम्सेकल” दे रेयके पामे बाक्त। पररित ५:२८ २६ मिनु

बारब्बा कली परोइशा सोइक्ता बाक्त। येसु कली कोराम युक्पाइश्शा शीमी केष्णा कांटी थोक्शा क्याइश्शा साइक्चा कली आ सिपाही आन गुइमी जिम्मा गेमी बाक्त।

येसु कली क्याइश्शा साइश्शा

२७ मिनु सिपाहीपुकीमी येसु कली हेरोद आ दरवार डा सिपाही बाक्तीकमी चाक्दीश्शा, आन पल्टन नेल्ल सुप्शा, शुक्शी पदमे बाक्त। २८ आ फेक्शो वा परुइश्शा, लल वा फेक्पा २९ चू के सिरपच सल्लशा, आ पियामी गुप्पा, सुन के कोक्के, दे किन्दा आ ग्युरा गुइमी शपदमे बाक्त। मिनु आ डोंइती आन पोक्व थक्शा “ह यहूदी आन पिप, सेउ ताक्कीन” दे शुक्शी पा सेउ पदमे बाक्त। ३० मिनु आ कुलम तोक्तमे बाक्त। मेको किन्दा रोइश्शा, आ पियामी तेत्मे बाक्त। यसैया ५०:६ ३१ मिनु शुक्शी पने थुम्शा, लल वा परुइश्शा, आंमा आ वा फेक्पा शीमी केष्णा कांटी थोक्शा क्याइश्शा साइक्चा कली लदमे बाक्त। ३२ मिनु लना लन पामेनु, साइरेनी डा सिमोन ने पाइश्शा मुर का गरुम्म बाक्त। मिनु मेको कली येसु कली क्याइक्तीक शी “लो, कुर कि कुर” दे कुरपदमे बाक्त।

३३ मिनु गाल्गथा माइक्तीकमी चाक्दीत्मे बाक्त। गाल्गथा कली खप्पर यो दंसीब। ३४ मिनु ग्युरशो अङ्गुर शांबु खाइल ब्याइश्शा तृतीक सल्लशा, तूचा गेमेनु, येसुमी थाम्शा डा मिन, तने मबिस्स बाक्त। भजन संगरह ६९:२२ ३५ मिनु शीमी केष्णा कांटी थोक्शा क्याइश्शा, फेन्ट ग्यारशा आ वासी योक्सीशा, यूहन्ना १९:२४ ३६ खाल पा बाक्मा बाक्त। ३७ “यहूदी आन पिप येसु” दे आ कली दोस गेशा बरेक्शो आ पिया तार एर शीमी केक्तमे बाक्त। ३८ मिनु सुइ निक्शी आस कली यो आ कली सोदेशो पा आ ग्युरा नु परा गे क्युकगमे बाक्त। ३९ मिनु कोत्रब मुर शुश जाक्शा, आन पिया हिम्शा भजन संगरह २२:८ ४० “परमपरभु यावे आ खिं परेश्शा, सां नाक्तीमी नक सल्लुड देते। सोइ मिनु, सल्ले चवी? थमान परमपरभु यावे आ तो नव हना, शीमी केष्णा कांटी थोक्शा क्याइश्शा रे बरोइशा यीवा” दे शुक्शी पामे बाक्त। मत्ती २६:६१; यूहन्ना २:१९ ४१ ठेयब चढेब, सास्तरी नु जोक्व तुइक्व खाल्पापुकीमी यो ४२ “शुश आन कली श्यत रे परोइना परोइने गाक्बाक्माक्त। आंमा आ कली चहिं परोइने मचाप्बाक्माक्त। इ इसराएल डा पिप बाक्व, मापतीक शीमी केष्णा कांटी थोक्शा

क्याइश्शो रे बरांडल। बरांडने चाफ्तु हना, गो आ लोत्र नेल्ल थमा सुइक्कनय। ४३ परमपरभु यावे कली थमा सुइक्कबाक्माक्त। मोपतीके परमपरभु यावेमी एको कली दाक्ताक्व हना, एको श्यंत रे परानल। 'परमपरभु यावे आ तौ नड' दंत, मोपतीके परमपरभु यावे आ दाक्शो बाक्माक्त" दे शुक्शी पामे बाक्त। भजन संग्रह २२:९ ४४ आ ग्युरा नु परा ग क्युकशो सुइ निक्शीमी यो मादंशो पान शुक्शी पदस बाक्त।

### येसु बेक्शो

४५ मिनु नाक्ती १२ बजे रे ३ बजे सम्म नेल्ल रागोमी नां रिक्शो खोदंशो पा छिड्छिड् दुम्त। ४६३ बजे गे येसुमी "एली, एली, लामा आसवथानी" दे वाइ बरम्माक्त। आ दंशो मार रुम्सीब दंशा हना "परमपरभु यावे, आं परमपरभु, आं कली मारदे परांडयीनी" दंशो रुम्सीब। भजन संग्रह २२:२ ४७ एर ओथ बाक्वपुकीमी मो दंशा वाइ बरेशशो नंशा "एलीया कली बरत्ताक्व" दंमुमा बाक्त। ४८ मिनु कामी रुवामी ग्युरशो तृतीके नुष्शा, कोक्कम फरंशा, युप्वा गेचवा बाक्त। भजन संग्रह ६९:२२ ४९ मिनु मेकर बाक्वपुकीमी "कते, वारच पाइक्थ एलीया जाक्वा कां, कोत्रय" दंमा बाक्त। ५० मिनु येसुमी लंशा वाइ बरेशशा, आ सोक्त परांना बाक्त।

### येसु बेक्मे नोले चिन्ड गरूशा

५१ मिनु बेक्म चोटी मार दुम्माक्त दंशा हना, परमपरभु यावे आ खिं डा आगा डा कोठामी बारशो वा इर रे उइ सम्म उइक्थ पा जेर गाक्माक्त। खिरनु कुशा, परस्थान २६:३१-३३; २इतिहास ३:१४ ५२ सरथ फुल्लु नेल्ल एशशा बरोल्मा बाक्त। लास थिम्तीक यो एशशा बरोल्मा बाक्त। मिनु परमपरभु यावे कली थमा सुइश्शा बेक्शोपुकी संसमा बाक्त। ५३ येसु संसीशा नोले मेकोपुकी लास वोइक्तीके रे गरूशा, सहर जाक्दीश्शा, शुश मुर आन कली तपांडसाक्म।

५४ येसु कली खाल पाइब कप्तान नु सिपाहीपुकीमी खिरनु कुशा नु मोपा हिंचा डा गेय दुम्शो तशा, शुश हिंशा "एको परमपरभु यावे आ तौ बाक्माक्त" दंमुमा बाक्त।

५५ गालील रे यरूसलेम सम्म येसु कली वारच पना पन काथा गाक्व मीश मुरपुकीमी डोन रे कोत्रशा बाक्मा बाक्त। लुका ८:२-३ ५६ मोपा कोत्रब का माग्दाला डा मरीयम बाक्माक्त। का

याक्व नु योसेफ आस ममा मरीयम बाक्माक्त। का जब्दी आ तौ निक्शी आस ममा बाक्माक्त।

### येसु आ लास पुक्सीमी वोइश्शो

५७ मिनु नां रिक्मेनु, येसु आ नोले खोइक्व अरीमाथीया डा योसेफ माइश्शा शांप पाइश्शा मुर कामी पिलातस कली गरूम्थ लशा, ब्यवस्था २१:२२,२३ ५८ "येसु आ बेक्शो रां लाइक्चा गयीनी" दे पुना बाक्त। मिनु पिलातसमी लाइक्चा गेवा बाक्त। ५९ मिनु योसेफमी लास बुश नक वामी गिल्शा, ६० आंम आ लास वोइक्तीके सेल्शो रांगु डा पुक्सीम ओइशा वोदा बाक्त। मिनु पुक्सी कली टेयब फुल्लुमी सुशा वोइश्शा गाक्माक्त। ६१ माग्दाला डा मरीयम नु अर्का मरीयममी योसेफ आ नोले खोइश्शा लशा, लास वोइक्तीके पुक्सी आ डांडती बाक्सा बाक्त।

### फुल्लुम लाहा छाप थोक्शो

६२ मेको नेल्ल दुम्शो आ दीसा टेयब चढेब नु फरिसीपुकीमी पिलातस कली गरूम्थ लशा मर्कूस १५:४२ ६३ "सरकार, एको नेल्ल आन थुं कयाल्पाइक्व मबेक्थु बाक्मेनु, मार दंत दंशा हना 'आं बेक्शो नित्य नाक्त बेक्शो रे संपांडसीचा पुंडसीनुड' दंशो फरुक्तक। मत्ती २०:१९ ६४ मोपतीके मेको आ लास वोइक्तीकेमी सां नाक्त सम्म खाल पाइब वोइक्चा माल्ब। मारद हना मेको आ नोले खोइक्वपुकीमी आ लास सुइ पा लाइश्शा, मुर आन कली बेक्शो रे संसाक्व' दंशेना शंन गाक्तेक्म हना, डांडती रे पशां क्येडा शुश जोल गरूब" दे पुन्म बाक्त। ६५ मिनु पिलातसमी "तो, सिपाही आन कली सोइक्नुडमी। गेपुकी यो चाप्नी सम्म कोत्रडीन" दंशा, आन दंशा बिश्शा सोइक्तीमी बाक्त। ६६ मिनु सिपाहीपुकी नु लशा, मेक जाक्दीश्शा, सुशो फुल्लुमी लाहा छाप थोक्शा, खाल पा बाक्मा बाक्त।

### येसु बेक्शो रे संसीशा तपांडसीशा

मर्कूस १६:३-१०; लूका

२४:१-१०; यूहन्ना २०:१-१८

१ मिनु नाइक्तीक नाक्त सां लाक्शा, २८ हप्ता डा डांडती नाक्त नां सोत्रसोत्रमी माग्दाला डा मरीयम नु अर्का मरीयम येसु आ लास वोइक्तीके कोत्रथ लसा बाक्त। पररित २०:१७; १कोरिन्थी १६:२; परकाश १:१० २ मिनु

जाकदीस्सानु, ठेयब खिरनु कुमाक्त। मारदे हना परमपरभु यावे आ स्वर्ग डा गेय पाइब का यिशा, सुशा ठेयब फुल्लु तिल्ला, मेको आ तारी निस्से बाक्त। ३मेको आ कुल चिला पशा खोदंशो नु आ वा बुबु पा छेडछेड तांडसे बाक्त। मत्ती १७:२; परंरित १:१० ४मेको कली तशा, मेकर खाल पाइब सिपाहीपुकी हिंशा खिरंखिर पा थशा गोल्ला बाक्त। ५मिनु परमपरभु यावे आ स्वर्ग डा गेय पाइबमी मीश मुर आस कली “महिनीस। गे शीमी क्याइशशा साइशशा येसु कली माल्थ पिंसी ममाइ? ६मुल एक मबा। मारदे हना डांडती दंशा खोदंशो पा बंक्शा रे संचा पुंडसाक्व। परभु कली वोइक्तीके कोवडीसे। मत्ती १२:४०; मत्ती १६:२१; मत्ती १७:२३; मत्ती २०:१९ ७मुल एक रे फरा लेशशा लशा, आ शंसीब आन कली “परभु बेक्शा रे संचा पुंडसे बाक्त। इन डांडती लशा, गालील जाकदीप्व। मिनु गे मेकर गरुम्चा ताइनीनी” दे शोत्रथ लसे। इस कली तुइक्पाइक्तन्सी, मिनु मपरंदीसे” दे सोइक्तीम्सी बाक्त। मत्ती २६:३२ ८मिनु मेकर रे गरुशा, हिंसा यो बाक्त, ग्यरसीसा यो बाक्त। मिनु गुरुर पा दोरशा, मेको लोत्र शंचा, दे आ शंसीब आन कली गरुम्थ लसा बाक्त।

९मिनु दोरना दोरन लसानु, मार दुम्माक्त दंशा हना, येसुमी मेको आस कली गरुम्सी बाक्त। मिनु “आसीक रसील” दे सत्तीम्सीनु, आ नेक्था जाक्शा बाप्शा, आ खोइल थिशा मान पदस बाक्त। १०मिनु येसुमी “महिनीस। येसु कली गरुम्थ गालील लन, दे आ लोक्ब आन कली शोत्रथ लसे” दे सोइक्तीम्सी बाक्त। हिब्रू २:११

खाल पाइबपुकीम घूस जशा

११मेको निक्शी दोरना दोरन लसानु, सिपाही का निक्शी सहरमी जाकदीशशा, ठेयब चढेब आन

कली मेकर मार दुम्मे, मेको नेल्ल शोत्रडमे बाक्त। १२मिनु ठेयब चढेब नु जोक्ब तुइक्ब खाल्पापुकी सुम्सीशा “मुल मार पय?” दे लोत्रसी पमुमा बाक्त। मिनु सिपाही आन कली शुश क्यट गेशा १३“लो, मुर आन कली मार दंचा दंशा हना, नाक्दो इफ्कानु, आ शंसीबपुकी जाक्शा, लास सुइ पाम बाक्त, दे लोत्र फरन। मत्ती २७:६४ १४सरकार डा ठेयब मुरुमी नंतु हना, नेल्ल गारपाइक्नीकी, इन कली मारइ मदुम्ब” देमा बाक्त। १५मिनु सिपाहीपुकीमी क्यट ताक्शा लशा, मेको मादंशा लोत्र तेइ तेइ फराम बाक्त। मुल सम्म यहूदी आन दातमी एको लोत्र लीशा बाक्ब।

येसु आ लोत्र नेल्ल कली शंदीन

१६येसु आ शंसीब ११ जना चहिं येसुमी तुइक्पाइशशा गालील डा डांडामी जाकदीक्तेक्म। १७मिनु येसु कली तामेनु, मान पास्तेक्म। का निक्शीमी चहिं दल्गीर पाम बाक्त। १८मिनु येसु नेल्ल आन नेक्था जाक्शा “स्वर्ग नु रागी डा अधिकार नेल्ल आं कली गेशो बाक्ब। मत्ती ११:२७; एफिसी १:२०-२२ १९मोपतीके रागीम नेल्ल हिरशा, नेल्ल जात, थर डा मुर आन कली आं पर्वमी शंशा, आं नोले खोइक्ब शंसीब सलीन। आं आफ, परमपरभु यावे, आ तौ नु परमपरभु यावे आ सोक्त आन नंमी मेको आन कली ब्वाक्कुम खरुम्शा गरुइदीन। मत्ती २४:१४; मर्कुस १६:१५-१६; २कोरिन्थी ५:२० २०मिनु गोमी इन कली मार मार शंदन्नी, मेको नेल्ल मेको आन कली शंशा पपतीन। ननीन, रागी मनुप्ची सम्म गो गेनायो गेपुक नु बाक्नुड” देत। मत्ती १६:२०

## मर्कूस

बरेक्ब मुर: एको किताब बरेक्ब मुर मर्कूस बाक्व। मेकोमी आंम आ पर्वम मर्कूस १४ :५१-५२ बरेक्शा बाक्व। मेको आ यहूदी नें यहून्ना बाक्त, मेको आ रोमी नें चहिं मर्कूस बाक्त। मर्कूस बारनाबास आ याच बाक्त। मेको पावल नु बारनाबास काथा लेमा बाक्त। तन्न मेको आस कली परोइश्शा, यरूसलेम लेम्माक्त। पररित १३ :५, १३ नोल पवलम मेको आ पर्वम रिम्शो लोत्र पवा बाक्त। मेको कली लेंशा, रोम सहरम वारच पचा कली बरेक्शा बाक्त। रतिमोथी ४ :११ मर्कूसमी पतरस कली वारच पा, आ शंतीक लोत्र रोमी लोत्रम सेला बाक्त। मिनु मेको लोत्र मसाम्चा कली नेल्ल बरेक्ता बाक्त।

गेना बरेक्शा : मर्कूस ६३-६४ ए. डी. रोम सहर जाक्माक्त। मेना थमा सुइक्व आन कली रोम डा सिजर नेरो आ पतीकमी खंदा पचा गोत्रम बाक्त। मिनु मेको किताब ६४-६५ ए. डी. मेर सोदंशो बरेक्शा बाक्व। तन्न ७० ए. डी. क्येडा डांडती दुम्चा माल्ताक्व। मारदे हना यरूसलेम सहर कली खतम सेल्लिक आ पर्वम मारदे मबरेक्शा बाक्त।

मारदे बरेक्शा : मर्कूसमी आ किताबम येसु आ पशो छ्क लाक्वा डा गेय आ पर्वम शुश बरेक्ताक्व। मेको पतरस आ शंतीक लोत्र र बाक्व। येसु आ गेय डा नेल्ल क्येडा ठेयब लोत्र बाक्नीम। येसु परमपरभु यावे आ गेय पाइब दुम्तीक किताब नेल्लेम कांडेशो बाक्व, देशो बाक्व। मर्कूस १० :४५

व्वाक्कुम खरुम्शा गरुंडब यहून्ना

मत्ती ३ :१-१२ ; लूका ३ :१-१८ ; यहून्ना १ :११-२७

१ एको परमपरभु यावे आ तौ येसु खरीस्त आ पर्वम बरेक्शा ग्येरपाइक्व लोत्र बाक्व। मेको लोत्र दोदंशो पा गोइब देशा हना, २ परमपरभु यावे आ लोत्र पाइब यसैयामी बरेक्शा लोत्रमी मार बरेक्शा बाक्त देशा हना “नैनी, इ डांडती आं लोत्र पाइब सोइक्नुड। मेकोमी इ लां थेल्व। मत्ती ११ :१० ३ गोरशो रागीमी संदा कामी “परभु आ लां थेलीन। आ गाक्तीके लां फुल्लु गरोक्शा थेलीन” देशो नैसीब” दे बरेक्शा बाक्व। मत्ताकी ३ :१ ; यसैया ४० :३ ४ व्वाक्कुम खरुम्शा गरुंडब यहून्ना गोरशो रागीम गरुशा, मुर आन कली “इन पाप क्याम्चा कली इन थुं

परमपरभु यावे गे लेत्तीने। आंइ थुं लेत्ताक्क दे कांडचा कली व्वाक्कुम खरुम्शा गरुंडपांडसीने” दे लोत्र पाइक्वाक्माक्त। ५ मिनु यहूदीया रागी नु यरूसलेम सहर डा मुर नेल्ल मेकर जाक्शा, आन पाप शोत्रशा, यहून्ना र पा यर्दन खोलांम खरुम्शा गरुंडचा पुंडसमा बाक्त।

६ यहून्नामी दलआंठ आ चां के परोत्रशा वा फक्वाक्माक्त। कुशुल के किष्पुर किष्वाक्माक्त। मिनु सल्हा माले व्बशा नु रोका सुदो जशा बाक्वाक्माक्त। ७ मिनु मुर आन कली “आं नोल जाक्व आं क्येडा सक्ति पाइश्शा बाक्व। गो मेको आ डांडती बाप्शा, आ जुत्ता पूइक्वा लायो मशिरनुड। ८ गो इन कली व्वाक्कुम खरुम्शा गरुंडताक्नी। मेकोमी चहिं इन कली परमपरभु यावे आ सोक्तीमी खरुम्ब” दे मुर आन कली शंना शंन बाक्वाक्माक्त।

येसु व्वाक्कुम खरुम्शा गरुंडचा पुंडसीशो

मत्ती ३ :१३-४ :११ ; लूका ३ :२१-२२ ;

लूका ४ :१-१३ ; यहून्ना १ :३२-३४

१ मेना येसु गालील रागी डा नासरथ सहर र गाक्शा, यहून्ना आ बाक्तीकमी जाक्माक्त। मिनु यहून्ना र पा यर्दन खोलामी व्वाक्कुम खरुम्शा गरुंडपांडस बाक्त। लूका २ :५१ १० मिनु व्वाक्कुमी गरुम्शा गरुमेनु, सरीड रोक्सीशा, परमपरभु यावे आ सोक्त पक्वा सोदंशो पा यिशा, आ तारी जुक्शो तवा बाक्त। ११ मिनु सरीड र “आं दाक्शो तौ नवें। इ कली तशा थाम्पा ग्येरसीनुड” देशो संदा नैस बाक्त। मर्कूस ९ :७

येसु थुं थाम्चा पुंडसीशो

१२ मिनु नोल परमपरभु यावे आ सोक्तीमी येसु कली गोरशो रागीम लदा बाक्त। १३ मिनु गोरशो रागीम ४० नाक्त सम्म बाक्माक्त। मेकर बाक्मेनु, सैतान र पा थुं थाम्चा पुंडसे बाक्त। मेको गोरशो रागी डा जन्तुपुकी नु बाक्माक्त। परमपरभु यावे आ स्वर्ग डा गेय पाइबपुकीमी मेको कली वारच पाम बाक्त।

येसुम परमपरभु आ लोत्र नंपाइश्शा

१४ यहून्ना जेल्खानमी चोक्वा पुंडसे नोल, येसुमी गालील रागीमी परमपरभु यावे आ ग्येरपाइक्व लोत्र नंपाइक्ना पाइक्न गाक्माक्त। १५ मेकोमी “परमपरभु यावे आ देशो नाक्त जाक्त। आ राज्य इन नक्था जाक्शो बाक्व। इन थुं परमपरभु यावे गे लेशशा, आ

ग्येरपाइक्व लोत्र थमा सुतीने" दे नंपाइक्ना पाइक्न गाक्माक्त। गलाती ४ : ४

येसुमी शंसीब आन कली बरेश्शो

मत्ती ४ : १८-२२ ; लूका

५ : १-११ ; यूहन्ना १ : ३५-५१

१६मिनु येसु गालील समुन्दर आ नेक्था हिरसेनु, सिमान नु आ लाक्व अन्दरीयास ग्याइल आप्शा, डांड रेन्ना रेन्न बाक्शो तवा बाक्त। मेको निकशी डांड रेन्ब बाक्सा बाक्त। १७मिनु येसुमी मेको आस कली "आं नोले खोइय्यीसी। मिनु मुर आन कली रेन्ब सेल्लन्सी" दे माइक्सी बाक्त। १८मिनु ग्याइल थु था परांडशा, आ नोले खोइशा गाक्सा बाक्त।

१९मिनु इच्ची आइक्वी लशा, जब्दी आ ती निकशी याक्व नु यूहन्ना वोबु आस कली डांगाम बाक्शा, गाक्शो ग्याइल परोत्रना परोत्रन पशो ताम्सी बाक्त। २०मिनु मेको आस कली यो बरत्तीम्सी बाक्त। मिनु आस आफ जब्दी नु गेय पाइब आन कली परांडशा, आ नोले खोदस बाक्त।

वोल कली गरुंडशा

मत्ती ८ : १४-१७ ; लूका ४ : ३१-४४

२१मिनु कापरनाउम सहरम जाक्दीम्मा बाक्त। मिनु नाइक्तीक नाक्त येसुमी गरुम्तीक खिं लशा, मुर आन कली शंदीमी बाक्त। २२मेको आ शंशा नंशा, नेल्ल छक लाक्मा बाक्त। मारदे हना सास्तरी आन लोत्र खोदंशो ममाइ। अधिकार पाइशा लोत्र पा शंदीमी बाक्त। सास्तरी यहूदी आन कली परमपरभु यावे आ अरेशो लोत्र शंब बाक्शो बाक्तेक्म। मत्ती ७ : २८-२९ २३मिनु मेको गरुम्तीक खिंमी गरांगरा दिचा डा वोलमी सुम्शो मुर का बाक्माक्त। २४मिनु मेको वाइ बरेश्शा "ए नासरथ डा येसु, मार पमुया डा? आंड कली खतम पोक्थ जाक्नी? गो इन कली तुइक्नीकी। गे परमपरभु यावे आ योत्रशो ननी" देमा बाक्त। मर्कूस ५ : ७ २५मिनु येसुमी वोल कली "सिक्सी पावो। मिनु गरूडो" दे हुइक्ता बाक्त। मर्कूस ९ : २६ २६मिनु गरांगरा दिचा डा वोलमी मुर कली दिड खोल्शा, वाइ बरेश्शा गरूमाक्त। २७मोदुम्शो तशा, मुरपुकी छक लाक्शा "मार बाक्म माइ? नक शंतीक लोत्र बाक्म कोर में? अधिकार पाइशा लोत्र पवानु, गरांगरा दिचा डा वोलम लायो टीबाक्तेक्म"

देमुमा बाक्त। २८मिनु गालील रागीमी तेइ तेइ येसु आ परबंम लोत्र बरना बरन लमाक्त।

रोइ पाइब आन कली सापाइशो

२९मिनु वोल कली गरुंडशा, येसु गरुम्तीक खिं र सिमान नु अन्दरीयास वोबु आस खिंम जाक्दीम्माक्त। मिनु याक्व नु यहन्ना यो येसु नु काथा बाक्सा बाक्त। ३०मिनु जाक्दीम्मानु, सिमान आ शिमी जरो पा गोल्शो बाक्माक्त। मिनु येसु कली तुइक्पदम बाक्त। ३१मिनु येसु मेको आ नेक्था लशा, आ गुइ ग्याइशा पोक्सा बाक्त। मोपा पोक्गानु, जरो जाम्माक्त। मिनु सेस दुम्शा, मेको आन कली मान पा थुल्मी बाक्त।

३२मिनु नां रिक्मेनु, मेको सहर डा मुरपुकीमी रोइ पशो नु वोलम सुम्शो मुर नेल्ल आन कली चाक्म बाक्त। ३३सहर डा मुर नेल्ल खिं डा लाप्नो आ डांडती सुम्समा बाक्त। ३४मिनु येसुमी रोइ पशो शुश मुर आन कली सापदा बाक्त। मिनु शुश वोल आन कली हुइशा खेरमी बाक्त। वोल आन कली लोत्र पचा मगेवा बाक्त। मारदे हना वोलपुकीमी येसु कली तुइशा बाक्तेक्म। परेरित १६ : १७-१८

३५आ दीसा सुनी नां मसोत्रथु, येसु बाक्शा मेकर र गाक्शा, सुइ मबाक्तीकमी जाक्दीशा, परार्थना पवा बाक्त। मत्ती १४ : २३ ; मत्ती २६ : २६ ; लूका ५ : १६ ; लूका ११ : १ ३६मिनु सिमान नु मेको नु बाक्वपुकीमी येसु कली माल्म बाक्त। ३७मिनु गरुम्शा, येसु कली "मुर नेल्लमी इन कली माल्शो बाक्नीम" दे मदम बाक्त। ३८मिनु येसुमी "मेकर र लशा, एर आंथ गाउं सहर हिरशा लय। मारदे हना मेकर यो शंथ जाक्ती" देमाक्त। ३९मिनु गालील रागी नेल्ल हिरशा, गरुम्तीक खिंमी शंबाक्माक्त। वोल आन कली खरबाक्माक्त।

कोर पाइब कली सापाइशो

मत्ती ८ : २-४ ; लूका ५ : १२-१६

४०मिनु कोर पाइब का जाक्शा, येसु आ डांडती आ पोक्व थक्शा "सापाइक्वा दाक्ताक्नी हना, आं कली सापाइक्ने चाप्नीनी" दे सेउ पशा पुना बाक्त। ४१मिनु येसुमी शिशी पा आ गुइ दिशा, कोर पाइब कली थिशा "गो सापाइक्वा दाक्नुड। साडो" देमाक्त। ४२मो देमेनु, कोर सामाक्त। ४३मिनु येसुमी "सुइ कली मशंदो। मर्कूस ३ : १२ ४४चद्वेब आ डांडती लशा, इ

साशो रां कांडदो। मिनु मुर नेल्ल आन कली गो साती" दे तुइक्पाइक्वा कली मोसाम दंशो खोदंशो पा चंदेवो" दे माइश्शा सोइक्ता बाक्त। मर्कस ७:३६; लेवी १४:२-३२ ४५ मिनु साशो मुर मंकर लशा, दोपा साम, मेको लोत्र तइ तइ बरपदा बाक्त। मोदंशो लोत्र बरतीक येसु सहर सहरमी गाक्ने मचवा बाक्त। मोपतीक शुश मुर मबाक्तीकमी बाक्माक्त। तन्न मुरपुकी तइ तइ र जाक्वाक्मा बाक्त।

गुइ खोइली मदुक्व कली सापाइश्शो

मत्ती १:१-८; लूका ५:१७-२६; यूहन्ना १:१९-२७

१ नाक्त का निक्शी नोले कापरनाउम २ लेम्माक्त। मिनु मुरपुकीमी "येसु खिमी बाक्व" दे तुइक्तमे बाक्त। २ मिनु मंकर शुश मुर खुम्सीशा, लाप्चोमी यो मुरपुकी देल्मा बाक्त। मिनु येसुमी मेको आन कली परमपरभु यावे आ लोत्र शंदीमी बाक्त। ३ मिनु ४ जना मुरपुकीमी गुइ खोइल मदुक्व मुर का कुरशा चाक्गमे बाक्त। ४ शुश मुर देल्तीक येसु आ डांडती चाक्दीन्ने मचाप्म बाक्त। मिनु खिं डाइश्शा, फुल्लु याक्शा, आंडतीके सल्मे बाक्त। मिनु गुइ खोइल मदुक्व कली कुरशो बराख्ये एर आंथ डोरीम पाइश्शा, आंसां पा येसु आ डांडती तोकगमे बाक्त। ५ मिनु येसुमी मेको आन कली मो पशो तशा, थमा सुइय्यीमी बाक्त, दे तुइक्ता बाक्त। मिनु गुइ खोइली मदुक्व कली "आं तो, इ पाप क्याम्साक्व" देमाक्त। ६ मंकर सास्तरीपुकी यो बाक्शो बाक्मा बाक्त। ७ मेकोपुकीमी येसु आ लोत्र नंशा, आन थुमी "दोदंशो लोत्र पवा? परमपरभु यावे कली शुक्शी पाइबाक्त। सुमी पाप क्याम्न चाप्वा डा?" दे मिम्तमे बाक्त। मजन संगरह १३०:४; यसैया ४:३,२५ ८ मिनु येसुमी आन मिम्शो तुइश्शा, मेको आन कली "मारदे मोदंशो मिम्तीनी? ९ गुइ खोइल मदुक्व कली 'इ पाप क्याम्साक्व' देचा देय छुल बाक्शा, इ बराख्ये कुरशा, एर आंथ हिरशा कांडदो" देचा, तेको सक्ति कांडतीक लोत्र बाक्वा? १० रागीमी जरमशोमी पाप क्याम्चा अधिकार तशो बाक्व, दे गपुकीमी यो तुइक्ताक्नी" देमाक्त। मिनु गुइ खोइली मदुक्व कली ११ "छुल बाक्शा, इ बराख्ये कुरशा, इ खिं लेतो" दे मदा बाक्त। १२ मिनु नेल्ल आन डांडती मेको बाक्शा, आ बराख्ये जो गुप्शा कुरशा, गाक्माक्त। मिनु नेल्लेमी छक लाक्शा "आदंशो छक लाक्वा

डा गेय मुल सम्म गेनायो मतशो नय" दंशा, परमपरभु यावे कली ठेयब सल्मे बाक्त।

लेवी कली बरेशो

मत्ती ९:९-१३; लूका ५:२७-३२

१३ मिनु येसु मंकर र लशा, लंशा समुन्दर आ नेक्था बाक्माक्त। मिनु मंकर शुश मुर देल्मा बाक्त। मिनु येसुमी मेको आन कली शंदीमी बाक्त। १४ मिनु मंकर र लशा, तिरो पोक्व अल्फयस आ तो लेवी कली तिरो पोक्तीकमी बाक्शो तशा "आं नोले खोइय्यी" दे बरता बाक्त। मिनु मेको बाक्शा, आ नोले खोदा बाक्त। १५ मिनु लेवी आ खिंमी जना जन बाक्मानु, तिरो पोक्व नु पापी शुश नु काथा जामे बाक्त। मारदे हना शुशमी येसु आ नोले खोदमे बाक्त। १६ मिनु फरिसी आन दाते डा सास्तरीपुकीमी येसु कली पापी नु तिरो पोक्वपुकी नु काथा बाक्शा जशो तशा, येसु आ शंसीब आन कली "मारदे तिरो पोक्वपुकी, पापीपुकी नु काथा बाक्शा जाइबा?" देमा बाक्त। १७ मिनु येसुमी मेको आन लोत्र नंशा, मो देब आन कली "रोइ मपशो मुर डाक्टर ममाल्नीम। रोइ पशो मुर ला डाक्टर माल्नीम। ठीक पाइब कली ममाइ, पापी आन कली बरत्थ जाक्शो नड" दे माइक्मी बाक्त।

माइजा बाक्चा

मत्ती ९:१४-१७; लूका ५:३३-३८

१५ यूहन्ना आ शंसीबपुकी नु फरिसीपुकी माइजा बाक्बाक्मा बाक्त। मिनु मुरपुकीमी येसु आ नेक्था जाक्शा "यूहन्ना आ शंसीबपुकी नु फरिसी आन शंसीबपुकी माइजा बाक्नीम। इन शंसीबपुकी चहिं माइजा मबाक्नीम। मारदे मो पशो नमी?" दे हिल्लो पामे बाक्त। फरिसी रिती थिती सल्शा, रिम्शो पचा कली कोत्रब यो बाक्शो बाक्तेक्म। १६ मिनु मोदं हिल्लो पाइब आन कली येसुमी "जन्तीपुकी ग्युम्ते नु बाक्मानु, माइजा बाक्ने मचाप्नीम। १७ काबु चहिं ग्युम्ते नु फराचा पुंडसीनीम। मिनु माइजा बाक्नीम। १८ सुइमी माइत वामी नक वा क्येप्शा मफरनीम। फरतेक्म हना, नक वा चुप्शा, माइत वा कली खाक्शा, डांडती डा गाक्शो क्येडा ठेयब सल्ब। मारदे हना माइत नु नक मगरब। १९ सुइमी माइत कुशुल के थैलोमी नक अडगुर शांबु कुर मपाइनीम। कुर पाम्तेक्म हना, नक अडगुर शांबु बोरशा, थैलो खाक्शा क्युप्ब।

थैलो यो गाक्व। नक शांबु नक थैलोमी ला गारब” दे शंदीमी बाक्त।

नाइक्तीक नाक्त आ पर्वम लोत्र

मत्ती १२:१-८; लूका ६:१-५

२३मिनु काबु नाइक्तीक नाक्त यसु नु आ शंसीबपुकी चरब रू लां गाक्मा बाक्त। मिनु गाक्मानु, शंसीबपुकीमी चरब बाला शोइक्चा गोत्रम बाक्त। २४मिनु फरिसीपुकीमी यसु कली “कोवर्ड्डीन, नाइक्तीक नाक्तीमी पचा मदुम्ब गेय मारदे पाइनीमी?” दे मदम बाक्त। २५ मिनु यसुमी “दाऊद नु आ वारचपुकी शोत्रलु बेक्मानु, दाऊदमी मार पवा, मेको बरक्शो लोत्र गेनायो मपदेनी? २६ठेयब चदेब अबोयाथार आ पालामी दाऊद परमपरभु यावे आ खिं ओत्रशा, परमपरभु यावे कली चदेशो शोत्रे शोल्शा जशा, आ वारच आन कली यो जचा गेवा बाक्त, दे मपदेनी? मेको शोत्रे चदेबपुकीमी ला जाइबाक्मा बाक्त। अर्का मुरपुकीमी जचा मदुम्ब बाक्माक्त। १सामुएल २१:७; लेवी २४:९ २७नाइक्तीक नाक्त मुर आन कली वोइश्शो बाक्व। मुरपुकी नाइक्तीक नाक्त कली ममाइ। परस्थान २०:१० २८मोपतीक रागीम जरमेशो दा नाइक्तीक नाक्त मार पचा, मार मपचा मेको अधिकार पाइब बाक्व” दे शंदीमी बाक्त।

नाइक्तीक नाक्त आ पर्वम लोत्र

मत्ती १२:९-१४; लूका ६:६-११

३ १मिनु यसु गरुम्तीक खिं लेशा ओत्रमाक्त। मेकर गुइ सोत्रशो मुर का बाक्माक्त। २मिनु फरिसी नु सास्त्रीपुकीमी “नाइक्तीक नाक्ती सापाइक्तीक गेय पाइबा कां” दे योत्रकी पा कोवर्ड्डीम बाक्त, मारदे हना दोस गेचा माल्शो बाक्मा बाक्त। ३मिनु यसुमी गुइ सोत्रशो मुर कली “एक पिबो” दे मदा बाक्त। ४मिनु योत्रकी पा कोवर्ड्डी आन कली “नाइक्तीक नाक्त शिशी पचा देय मरिम्शो गेय पचा? बरांड्डी गेचा देय साइक्चा? तेको लोत्र अरतीक लोत्र नु गारबा?” दे हिल्लो पवानु, सिक्सी पामे बाक्त। ५मिनु सिक्सी पा बाक्शो तशा, आ थुं खाइश्शा गाइश्शा, मेको आन कली का का पा कोवर्ड्डी, गुइ सोत्रशो कली “इ गुइ दिंदो” दे मदा बाक्त। मिनु मेकोमी गुइ दिसनु सामाक्त। ६मिनु फरिसीपुकी गरुशा, हरोदी आन कली शो शु सुष्णा “मेको

कली दोपा साइक्चा ताइनय” दे लोत्रसी पामे बाक्त।

मुर आन कली सापाइश्शो

मत्ती १२:१५-१६; लूका ६:१७-१९

७मिनु नाले यसु नु आ शंसीबपुकी सहर रे गाक्शा, गालील डा समुन्दर आ नेक्था जाक्दीम्मा बाक्त। शुश मुरमी आन नाले खोदमे बाक्त। मेको खोइक्वपुकी त त डा बाक्मा बाक्त देशा हना, गालील नु यहूदीया रागी डा, मत्ती ४:२५ ५यरुसलेम सहर डा, इदुमेआ रागी डा, यर्दन खोला आइक्ची हांबु डा टायर नु सीदोन सहर डा बाक्मा बाक्त। मेकोपुकीमी यसु आ पशा गेय आ पर्वम शुश लोत्र नंशा जाक्मा बाक्त। ९मिनु यसुमी आ शंसीब आन कली “डांगा का चाक्शा वोतीन” देमाक्त। मारदे हना शुश मुरपुकीमी नेष्शा चुशा, यसु आ नेक्था जाक्चा बाल पामे बाक्त। १०यसुमी रोइ पाइब शुश आन कली सापदा बाक्त। रोइ पाइबपुकीमी “थिचा तडल” दे आ नेक्था जाक्मा बाक्त। ११गरांगरा दिचा डा वोल्पुकीमी यसु कली तशा, पोक्च थेक्शा “परमपरभु यावे आ तौ ननी” दे वाइ बरम्मा बाक्त। लूका ४:४१ १२मिनु यसुमी “एको लोत्र मवरपाइक्चा” दे माइक्मी बाक्त। मर्कस १:४३-४४

१२ जना शंसीबपुकी वोइश्शो

मत्ती १०:१-४; लूका ६:१२-१६

१३काबु यसु डांडा डांडिस बाक्त। मिनु सु सु आन कली योत्रडा, मेको आन कली आ नेक्था बरत्ता बाक्त। मिनु मेको बरश्शोपुकी जाक्मा बाक्त। १४आं नु काथा बाक्चा कली नु शंथ सोइक्चा कली १५वोल खरतीक अधिकार तशा बाक्मल, दे १२ जना आन कली वोइक्मी बाक्त। १६मेको १२ जना आन नें सिमोन आ याइनी नें पतरुस वोदा बाक्त। १७जब्दी आ तौ याक्व नु आ लोक्व यहून्ना, मेको आस कली बोअनेरगेस नें वोदा बाक्त। बोअनेरगेस देशो “बुबु आ तौ नस” दे रुस्सीब। लूका ९:५४ १८मिनु अन्दरीयास, फिलीप, बारथोत्तोमाइ, मत्ती, थोमास, अल्फयस आ तौ याक्व, थदेयस, सिमोन कनानी १९नु यहूदा इस्कारीयोती बाक्मा बाक्त। यहूदा चहिं नाले यसु कली साइक्व आन कली लां कांडेब दुम्माक्त।

येसु नु आ सिं डा मुर

२०मिनु लेंशा शुश मुर सुम्समानु, येसु नु आ शंसीबपुकी जचा कली यो नाइक्चा मताम बाक्त। २१मिनु येसु आ सिं डा मुरपुकीमी मेको नंशा “आ निप्स ग्यशा दुम्माक्त, दोपा यो सिं लाइक्चा” दे बरथ लमा बाक्त। मर्कस ६:४ ; यूहन्ना ७:५ ; यूहन्ना ८:८

येसु नु वोलपुकी

मत्ती १२:२४-३२ ; लूका ११:१४-२३

२२यूरूसलेम रे यिशा सास्तरीपुकीमी “बेल्जीबुलमी सुम्शा बाक्माक्त। वोल आन पिप आ सक्तिमी वोल आन कली खेरबाक्माक्त” देमा बाक्त। मत्ती ९:३४ २३मिनु येसुमी मेको आन कली आ नेक्था बरेशशा, कथा सेल्शा “सैतानमी सैतान कली खरने चाप्चा डा ? २४राज्य का डा मुरपुकी जिशा बराशा गाक्तेक्म हना, मेको राज्य जाम्शा लाइब। २५सिं का डा मुरपुकी जिम्तेक्म हना, मेको सिं मलीब। २६सैतान आ राज्यम जिशा बरातेक्म हना, आ राज्य नुष्शा लाइब। २७बोल्यो मुर आ सिंम सुइ सुइ पथ ओत्रने मचाप्नीम। बोल्यो मुर कली फरेशा पाइशशा वोइशशा ला, आ मारइ मारइ सुइ पने चाम्सीब। २८नोफा दाइशशा नेनीन, मुरपुकीमी पाप पाम्तेक्म हना यो, आन पशा पाप क्याम्चा ताइनीम। मरिम्शा लोत्र पाम्तेक्म हना यो, मेको पाप यो क्याम्चा ताइनीम। २९तन्न परमपरभु यावे आ सोक्त आ पर्वम मरिम्शा लोत्र पशा पाप चहिं मक्याम्सीब। मोदेशो लोत्र पाइब आ पाप गेना हना यो लीब” देमाक्त। हिब्रू ६:४-६ ३०मारदे हना मेकोपुकीमी येसु आ पर्वम “येसु गरांगरा दिचा डा वोलम सुम्शा बाक्माक्त” देशो बाक्मा बाक्त। यूहन्ना १०:२०

येसु आ सिं डा मुर जाक्शो

मत्ती १२:४६-५० ; लूका ८:१९-२१

३१मिनु येसु आ ममा नु आ लोकबपुकी आ बाक्तीक लाङ्गामी जाक्मा बाक्त। मिनु “गो गरुम्थ जाक्तक” दे तुइक्पाइक्थ मुर सोइक्तमे बाक्त। ३२मेकोपुकी जाक्मानु, शुश मुर सुम्सीशा, येसु आ नेक्था बाक्शो बाक्मा बाक्त। मिनु मेको नेक्था बाक्बपुकीमी “इन

ममा नु इन लोकबम लोकब लाङ्गाम जाक्शा, इन कली बरेत्ताक्मे” दे मदमे बाक्त। ३३मिनु येसुमी “आं ममा नु आं लोकबपुकी सु नमी ?” देशो, ३४आ नेक्था निशशा बाक्ब आन कली कोत्रशा “एकर बाक्ब आं ममा नु आ लोकबपुकी नम। ३५परमपरभु यावे आ दाक्शो पाइबपुकी आं लोकब नु आं ममा नम” देमाक्त।

वांचेर शोक्शो कथा

मत्ती १३:१-९ ; लूका ८:४-८

४ १मिनु समुन्दर आ नेक्था लशा, मेकर बाक्शा, लेंशा शेंचा गोवा बाक्त। मेकर शुश मुर सुम्सीशा बाक्मा बाक्त। आं चहिं डोंगा काम डाइशशा बाक्शो बाक्माक्त। आ लोत्र नेबपुकी समुन्दर आ नेक्था बाक्मा बाक्त। २मिनु कथा सेल्शा, शुश लोत्र शेंदा बाक्त।

३मिनु शंना शंन “नेनीन, मुर का वांचेर शोक्थ लमाक्त। ४मिनु व्वारानु, गेडा का निक्शी लांमी जुक्तमे बाक्त। मिनु चिक्वीमी गुष्शा जामे बाक्त। ५गेडा का निक्शी ग्याङ्गरो खपीमी जुक्तमे बाक्त। मिनु शुश खप मबाक्तीक थ थु बुक्शा, जिव जाव वामा बाक्त। ६तन्न नां पवानु, सोल सुल बेक्मा बाक्त, मारदे हना शाक्श थोक्चा मतथु सोत्रमा बाक्त। ७का निक्शी चू आ दातेमी जुक्तमे बाक्त। मिनु चूमी सुम्शा, बारचा मगेवा बाक्त। मिनु मसिम्माक्त। ८का निक्शी चहिं रिम्शो खपीम जुक्तमे बाक्त। मिनु वाशा बारशा, शुश गेरल्शा, गेडा का क ३०, ६०, सहं का सम्म सिम्मा बाक्त” दे शेंदीमी बाक्त। ९मिनु “सु के नेब नोफा बाक्मे, मेकोमी नंनल” देमाक्त।

वांचेर शोक्शो कथा आ अर्थ

मत्ती १३:१०-१७ ; लूका ८:९-१०

१०मिनु आ लोत्र नेबपुकी गाक्मा नोले, येसु नु गाक्ब नु आ १२ जना शंसीबपुकीमी कथा सेल्शा शंशा लोत्र आ पर्वम हिल्लो पामे बाक्त। ११मिनु येसुमी “परमपरभु यावे आ राज्य दोदेशो बाक्ब दे इन कली रुप्तीक थुं गेशो बाक्त। लाङ्गाम बाक्ब आन कली चहिं कथा सेल्शा शंनुडमी। १२मारदे हना आन मिक्वीमी कोत्रनीम, तन्न मताइनीम। आन नोफामी नेनीम तन्न मरुप्नीम। कोत्रशा रुप्तेक्म हना, आन थुं लेशशा, आन पाप क्याम्चा ताम वा” देमाक्त। यसैया ६:९-१०

## वांचेर शोक्व आ पर्वम शंशो

मत्ती १३ :१८-२३ ; लूका ८ :११-१५

१३ मिनू येसुमी “मेको कथा आ अर्थ मरुनी ? मेको लायो मरुनी हना, अरु कथा डा शंतीक दोपा रुने चापनीनी ? १४ वांचेर शोक्वमी परमपरभु यावे आ लोत्र शोक्व। १५ लांमी शोक्वशा दोदंशो बाकनीम देशा हना, लोत्र नेन्मनु, सेतानमी आन थुमी रुशो लोत्र योल्ब। १६ ग्याङ्गरो खपीम शोक्वशा खोदंशोपुकीमी लोत्र नंशा, बिश्शा ग्येरसीनीम। १७ तन्न शोक्व शोक्वा मतथु, शुश मलीनीम। लोत्र आ पर्वम श्येत गेचा पुंडसाकम हना, थु परांइशा गाकनीम। १८ आ दातेमी जुक्वशा खोदंशोपुकीमी लोत्र नंनीम। १९ तन्न दोपा ठेयब दुम्नुडा ? दोपा क्येट चेमु ? दोपा मारेइ मारेइ ताइनुडा ? दे मिम्शा, आ थुमी तेक्व। मिनू आ नंशा लोत्रमी फल मसिन्व। २० रिम्शो खपीम शोक्वशा खोदंशोपुकीमी चहिं परमपरभु यावे आ लोत्र नंशा, आन थुमी वोइक्नीम। मिनू गेडा का के ३०, ६० सहे का गेडा सम्म सिश्शा गरलीनीम” दे शंदीमी बाक्त।

## परमपरभु आ राज्य आ पर्वम शंशो

लूका ८ :१६-१८

२१ मिनू येसुमी “मार, बत्ती पार्थीमी गुप्शा वोइक्वा कली, खाट आगामी वोइक्वा कली दानीमी डा ? मफारथु वोइक्नीमी, ममाइ डा ? मत्ती ५ :१५ २२ खरुइश्शा मखरुइक्सीब, सुम्शा वोइश्शा यो हाक्सीब। मत्ती १० :२६-२७ ; लूका १२ :२ २३ सुइ के नेब नोफा बाक्त हना, नंनल” देमाक्त।

२४ मिनू येसुमी “गे मार नंनी, मेको नोफा दाइश्शा नंनीन। दोपा नाक्शा गनीनी, मोपा नाक्वा पुंडसीनीनी। मत्ती ७ :२ २५ मारदे हना थोब तेम्शा गेचा पुंडसीब, मथीबमी चहिं आइक्के बाक्वशो यो रोइक्वा पुंडसीब” दे शंदीमी बाक्त। मत्ती १३ :१२-१३

२६ मिनू “परमपरभु यावे आ राज्य ओदंशो बाक्व, मुर कामी आ रूमी वांचेर शोक्व। २७ मिनू नाक्वो इन्व, सुनी बोक्व। शोक्वशा वांचेर दोपा वाबा, दे मारेइ मतुइक्व। याकूब ५ :७ २८ रू आंमा मेको वापाइक्व। वाशा, बाला गरूशा, आख सिन्व। २९ तन्न मीमेनु, रिक्व। मारदे हना रिक्वी जाक्वशा बाक्व” देमाक्त।

## तोरी वांचेर

मत्ती १३ :३१-३२ ; लूका १३ :१८-१९

३० मिनू “परमपरभु यावे आ राज्य मार नु गारबा ? दोदंशो कथा सल्शा रुप्पाइक्वन्नी ? ३१ वांचेर नेल्ल आन क्येडा आइक्व तोरी गेडा बाक्व। ३२ तोरी गेडा वाशा, शुश राशी पाइश्शा गिग घांस आन क्येडा ठेयब रवा दुम्ब। मेको खामी चिक्वीमी ग्योत्र सल्शा, फाम्सीशा बाक्वे चापनीम। परमपरभु यावे आ राज्य मेको खोदंशो न बाक्व” दे शंदीमी बाक्त।

३३ मुरपुकीमी रुने चाप्मेक्व, दे शुश कथा सल्शा, परमपरभु यावे आ लोत्र शंन शंन बाक्माक्त। ३४ कथा मसेल्यु, लोत्र मपाइक्वाक्व। आ शंसीब आन कली मेको कथा आन अर्थ यो नेल्ल रुप्पाइक्वाक्व।

## फश गिवार तेक्वशो

मत्ती ८ :२३-२७ ; लूका ८ :२२-२५

३५ मोपा शंन थुम्शा डा मिन, नां रिक्मेनु, येसुमी आ शंसीब आन कली “समुन्दर शोक्वशा, आइक्वी हांबु जाक्वीय्य” देमाक्त। ३६ मिनू देल्शो मुरपुकी नु बराशा, डोंगा का डोइश्शा, लमा बाक्त। अरु डोंगा का निक्वी यो लमा बाक्त। ३७ मिनू लमानु, ठेयब फश गिवार पचा गोवा बाक्त। फश गिवार पवानु, ब्वाक्कु डोंगामी ओत्रशा, गरुम्चवा बाक्त। ३८ येसु चहिं पिया थोइसीशा इश्शा निन्दरा पवा बाक्त। शंसीबपुकीमी “ए शंब, गो नेल्ल ब्वाक्कुमी गरुम्शा बक्चोइतय दे ममिम्तीनी ?” देशा संदमे बाक्त। ३९ मिनू येसु बोक्वशा, फश गिवार कली हुइश्शा, समुन्दर कली “ब्वालेइ पावो, मदुक्को” देमेनु, फश गिवार खरा दिक्माक्त। मिनू सिक्सी दुम्माक्त। ४० मिनू शंसीब आन कली “मारदे हिंनी ? आं कली थमा मसुइक्नीनी ?” देमाक्त। ४१ मेकोपुकी चहिं छक लाक्वशा, शुश हिंशा “फश नु ब्वाक्कुमी यो आ लोत्र टीबाक्ताक्से। एको सु बाक्म माइ ?” दे लोत्र पमुमा बाक्त।

## वोल आन कली पोत्रम ओत्रचा गेशो

मत्ती ८ :२८-३४ ; लूका ८ :२६-३९

१ मिनू आइक्वी हांबु गेरासीनी आन २ रागी जाक्वीम्मा बाक्त। २ मिनू डोंगा रें तोइसीशा, येसुमी बक्वशा मुर थिम्तीके रें पिशो गरंगरा दिचा डा वोलमी बरीशो मुर

का कली गरुमा बाक्त। ३मेको मुर बेक्शा मुर थिम्तीकेमी बाक्बाक्माक्त। सुइमी मेको कली खिमी वोइक्न मचाप्मे बाक्त। ४आ गुइ खोइली फरंशा, साडलोमी पाइइशा वोदमनु यो, साडलो परोइइशा परोक्बाक्माक्त। सुइमी मेको कली गराशा तेक्ने मचाप्वाक्मा बाक्त। ५नाक्दो नाक्ती बेक्शा मुर थिम्तीक नु डोंडामी हिरशा, वाइ बरंशा, फुल्लुमी थोक्सीशा, तेस्सीशा, गार सेल्सी बाक्माक्त। ६मेको मुरुमी येसु कली डोन रे तशा, दोरशा पिशा, सउ पवा बाक्त। ७मिनु ठेयब संदामी गरीशा “परमपरभु यावे, नेल्ल क्येडा ठेयब आ तौ, गो निक्शी मार पमुसा डा ? परमपरभु आ नें थिशा, श्येत मगेयीनी दे पुंडनन्नी” देमाक्त। मर्कूस १:२४ ८मारदे हना येसुमी वोल् कली “ए गरांगरा दिचा डा वोल्, एको मुर रे गरूडो” दे माइइशा बाक्माक्त। ९मिनु “श्येत मगेयीनी, दे पुंडनन्नी” देमेनु, येसुमी “इ नें मार में ?” दे हिल्लो पवा बाक्त। मिनु मेकोमी “आं नें फौज बाक्व, मारदे हना गो शुश बाक्नीकी” देमाक्त। १०मिनु “आंइ कली एको रागी रे मखरचा नकी” दे पुना बाक्त। ११मेको डोंडामी शुश पोत्र जोन जोन बाक्शा बाक्मा बाक्त। १२मोपतीके वोल्पुकीमी “मेको पोत्र गे लशा, आन रांमी ओत्रचा गेकी” दे पुन्म बाक्त। १३मिनु येसुमी लशा, ओत्रचा गेमी बाक्त। मिनु गरांगरा दिचा डा वोल्पुकी मुर रे गरूशा लशा, पोत्र आन रांमी ओत्रमा बाक्त। मिनु मेको हजार निक्शी पोत्रपुकी रांगु रे थिना यिन, समुन्दरमी गरूशा बेक्मा बाक्त।

१४पोत्र योत्रवपुकीमी मो दुम्शा तशा, परोक्शा, सहर नु मेको रागीमी लोत्र बरपदम बाक्त। मिनु मुरपुकीमी “मार दुम्म ? दो दुम्म ?” दे तुइक्थ जाक्मा बाक्त। १५मिनु येसु आ नेक्था जाक्शा, डोंइती वोल्मी बरीशा मुर वा फेक्शा, साशा, येसु नु निश्शा तामे बाक्त। मेको कली साशा तशा, हिंमा बाक्त। १६मिनु आन मिक्चीमी तशा तुइक्वपुकीमी नक् जाक्शा मुर आन कली मार मार दुम्म, मेको नेल्ल शोत्रडम बाक्त। १७मिनु मुरपुकीमी येसु कली “आंइ रागी रे गरूशा लने” देमा बाक्त।

१८मिनु येसु डोंगामी डोंइसेनु, डोंइती वोल्म बरीशा मुरुमी “गे नु बाक्चा गेयीनी” दे पुना बाक्त। १९मिनु येसुमी चहिं बाक्चा मगेथु “इ खिं लेइशा लशा, इ मुर आन कली परभुमी इ कली दोदंशो रिम्शो पवा, गिश शिशी कांइदा तुइक्वतो” दे आ खिं सोइक्ता बाक्त। २०मिनु

लशा, आ खिमी ला ममाइ, डेकापोलीस रागी नेल्ल हिरशा, येसुमी दोदंशो रिम्शो पवा शुश मुर आन कली तुइक्वदा बाक्त। मिनु नेंबपुकीमी “गिश रिम्शो दुम्माक्त” दे छुक लाक्मा बाक्त। मर्कूस ७:३१

याइरस आ तमी

मत्ती ९:१८-२६ ; लूका ८:४०-५६

२१मिनु येसु डोंगा डोइइशा, समुन्दर शोक्शा, आइक्ची हांबु जाक्दीइशा, समुन्दर आ नेक्था बाक्माक्त। मिनु शुश मुर देल्मा बाक्त। २२मिनु याइरस नें पाइइशा गरुम्तीक खिं डा ठेयब मुर का जाक्शा, येसु कली तशा, आ डोंइती बाप्शा, आ पोक्च थक्शा २३“आं तमी बेक्चा चिक्ताक्व। आं खिं लशा, इन गुइ आं आल आ तार वोतीने। मिनु आ रोइ साशा बरांइब” दे पुना बाक्त। २४मिनु येसु मेको नु लमाक्त।

मिनु शुश मुर मेको आ नोले खोइइशा, हुल पा कराक्शा लमा बाक्त। २५मेको शुश मुर आन दातेमी १२ बर्स डोंइती रे हुश याप्शा रोइ पाइब मीश मुर का यो बाक्माक्त। २६शुश डाक्टर आन कली कांइशा यो, आ रोइ मसाशा बाक्माक्त। डाक्टर आन गुइ रे पा शुश श्येत जशा बाक्माक्त। आ रोइ चहिं मसाथु, डोंइती क्येडा सारो दुम्शो बाक्माक्त। आ बाक्शा मारइ मारइ यो नुष्शो बाक्माक्त। २७मेको मीश मुरुमी “मेको येसु माइइशा मुरुमी रोइ पशा आन कली सापाइक्ने चाप्व” दंशो लोत्र नंशो बाक्माक्त। मिनु शुश मुर आन दातेमी ओत्रशा, नोले रे पा येसु आ फेक्शा वा थिवा बाक्त। २८मारदे हना “आ फेक्शा वा थिचा ला ताता हना यो, सानुड” दे मिम्शा बाक्माक्त। २९मिनु थिवानु, आ हुश याप्वा देक्माक्त। मिनु साडा बाक्त दे तुइक्ता बाक्त। ३०येसुमी आइक्के सापाइक्तीक सक्ति गरूशा तुइइशा, फिर लेइशा कोत्रशा “सुम आं फेक्शा वा थिवा ?” दे हिल्लो पवा बाक्त। लूका ६:१९ ३१मिनु शंसीबपुकीमी “मिश डा मुरुमी इन कली नेप्नीम। मिनु गे “सुम थियी” देनीनी ?” देमा बाक्त। ३२येसुमी चहिं एर ओंथ नेल्ल मिक्च हिरशा, सुम थियी दे तुइक्का मला बाक्त। ३३मिनु मीश मुरुमी हिंशा खिरखिर पा पिशा, येसु आ डोंइती बाप्शा, पोक्च थक्शा, लोत्र नेल्ल शोत्रडा बाक्त। ३४मिनु येसुमी “आं तमी, गेथमा सुइक्तीवी, मिनु इ रोइ साते। इ थुं नाइइशा बाक्को। मुल सास डा सास बाक्को” दंशा डा मिन सोइक्ता बाक्त।

३५ मोपा येसुमी मीश मुर नु लोत्र पवानु, याइरस आ सिं रे जाकशो मुरपुकीमी याइरस कली “इ तमी बक्त। शंब कली मारदे श्येत गचा” दे मदम बाक्त। ३६ येसुमी मेको आन देशो मनंसु पा, याइरस कली “महिनी। थमा सुइकना सुइकन बाकको” देमाक्त। ३७ मिनु आ नोले खोइकब आन कली लचा मगेथु, पतरूस, याकूब नु आ लोकब यूहन्ना आन कली ला काथा लदा बाक्त। मत्ती ११:१ ३६ मिनु जाकदीशशा, रोंका पा डाकब मुर शुश तवा बाक्त। ३९ मिनु सिं ओत्रशा, डाकब आन कली “मारदे रोंका पा डाकनीनी? मेको आल बेकशा ममाइ, इशशा बाकशा बाकब” देमाक्त। यूहन्ना ११:११ ४० मिनु मेकोपुकीमी आ देशो थमा मसुदम बाक्त। “हत्ते, दोदंशो लोत्र पवा” देमानु, येसुमी मेको आन कली गरुंडदीमी बाक्त। मिनु आल आ आंम आफ नु आ शेंसीब आन कली आल आ बाक्तीके ओइवा बाक्त। ४१ मिनु आल आ गुइ ग्याइशशा “तालीता कूमी” देमाक्त। मेको लोत्र आ अर्थ “ए आल, बाकको” देशो रुम्सीब। लूका ७:१४; पररित ९:४० ४२ मिनु आल छुल बाकशा, एर ओंथ हिरस बाक्त। मेको आल १२ बर्स डा बाक्माक्त। मिनु मेकेर बाकबपुकी मोदंशो दुम्शो तशा, थाम्पा छक लाक्मा बाक्त। ४३ मिनु येसुमी “सुइ आन कली मशंचा। आल कली जचा गस” दे आम आफ आस कली देमाक्त।

मुरपुकीम येसु कली थमा मसुइशशा

मत्ती १३:५३-५८; लूका ४:१६-३०

१ मिनु मेकेर रे लशा, आ बाक्तीक सहरमी **६** जाकदीम्माक्त। आ शेंसीबपुकी यो खोइशशा लमा बाक्त। २ मिनु नाइक्तीक नाक्त गरुम्तीक सिं लशा, मुर आन कली शंचा गोवा बाक्त। मिनु आ शेंशो नेब शुशमी छक लाक्शा “मेकोमी ओदंशो शंचा ते रे शंस माइ? ओदंशो निप्स पाइशशा लोत्र पचा दोपा जोकगा? मेको आ गुइ रे दोदंशो सक्ति पाइशशा गेय दुम्मे? यूहन्ना ७:१५ ३१ शी मुइब ममाइ डा? मरीयम आ तौ ममाइ डा? याकूब, योसेस, यहूदा नु सिमोन आन लोकब ममाइ डा? आ लोकबपुकी गोपुकी नु मबाक्नीमी डा?” दे आन थुं मनुशो लोत्र पसुमा बाक्त। यूहन्ना ६:४२ ४ मिनु येसुम मो देब आन कली “तेइ तेइ परमपरभु यावे आ लोत्र पाइब आन कली ठेयब सेल्शा मान पाइनीम। आंम रागी डा नु आंम जात डा, आंम सिं डा मुरपुकीमी चहिं महिकनीम” दे माइकमी बाक्त। ५ मिनु का निक्शी रोइ पशो मुर आन

कली आ गुइम थिशा सापाइक्चा डा लाक्शा, अरु सक्ति पाइशशा गेय कोइने मचबा बाक्त। ६ मिनु “थमा मसुइश्यामी बाक्त” दे तुइशशा, छक लाक्माक्त। मिनु एर ओंथ डा गाउं गाउंमी हिरशा, शंन शंन गाक्माक्त।

शेंसीब आन कली सोइशशा

मत्ती १०:१:५; लूका ९:१-६

७ मिनु काबु आ १२ जना शेंसीब आन कली बरशशा, निनिक्शी पा शंथ सोइक्चा गोवा बाक्त। शेंसीब आन कली वोल खरतीक सक्ति गेवा बाक्त। लूका १०:१ ८ मिनु “जचा थोत्रक, क्येट, झोला मारइ मलाइक्चा। कोकके कुरशा, ९ जुत्ता लिक्शा, फक्तीक वा का ला फक्शा गाक्कीन। १० गाउं सहर जाकदीशशा, सिं कामी ओत्रशा, बास बाक्कीन। मेको गाउं सहर रे गाक्की मजाकम सम्म बाक्कीन। सिं सिं याक्शा मबाक्कीन। ११ इन कली बाक्चा मगेथु इन शेंशो लोत्र यो मनंतकम हना, इन खोइली डा फुरक थुर थुर पाइशशा गाक्कीन। इन मो पशोमी मेको आन कली चिन्ड दुम्ब” दे माइशशा सोइक्तीमी बाक्त। १२ मिनु शेंसीबपुकी लशा, मुर आन कली “इन थुं परमपरभु यावे गे लेत्तीन” दे नंपाइकना पाइकन गाक्मा बाक्त। १३ मिनु वोल आन कली गरुंडशा खरबाक्मा बाक्त। रोइ पशो मुर आन कली तेल खरक्शा, परार्थना पा सापाइक्चाक्मा बाक्त। याकूब ५:१४-१४

यूहन्ना कली साइशशा

मत्ती १४:१-१२; लूका ९:१७-९; लूका ३:१९-२०

१४ मिनु हेरोद पिपमी मेको लोत्र नंना बाक्त। मारदे हना येसु आ नें तेइ तेइ बरशा बाक्माक्त। का निक्शी मुरपुकीमी “ब्याक्कुमी खरुशा गरुंडब यूहन्ना बेकशा रे संचा पुंइस बाक्त। मोपतीक सक्ति पाइशशा गेय पाइबाक्माक्त” देबाक्मा बाक्त। १५ का निक्शीमी “एलीया बाक्माक्त” देबाक्मा बाक्त। का निक्शीमी “साइ डा परमपरभु यावे आ लोत्र पाइब आन दाते डा का, माइ” देबाक्मा बाक्त। १६ हेरोद पिपमी मोदंशो लोत्र नंशा “गो आ पिया क्योरपाइशशा यूहन्ना बेकशा रे संचा पुंइस बाक्त” देमाक्त। १७ हेरोदमी हेरोदनी कली ग्येरपाइशशा, यूहन्ना कली ग्याइक्पाइशशा, जेल्खानमी चोकपाइशशा वोइशशा बाक्माक्त। मारदे हना हेरोदमी आ लोकब फिलीप आ मीश लाइशशा बाक्माक्त। १८ मिनु यूहन्नामी हेरोद कली “इन लोकब आ

मीश लाइक्चा मदुम्ब” दे माइश्शो बाक्माक्त। परस्थान २०:१४; लेवी १८:१६ १९:मादेशो आ पर्वम हेरोद आ मीशमी चुरशा, यूहन्ना कली साइक्पाइक्चा माल्शो बाक्माक्त। २०:तन्न साइक्पाइक्चन मचाप्शो बाक्माक्त। मारदे हना हेरोद पिपमी “यूहन्ना ठीक पाइब नु रिम्शो थुं पाइश्शो मुर बाक्ब” दे तुइश्शा, यूहन्ना क्यथ हिं बाक्माक्त। मोपतीक साइक्चा मगथु वोइश्शो बाक्माक्त। मिनु यूहन्ना आ लोत्र ननं दाक्शा, आ थुं ग्येथ्य लुक्च दुम्शा, नोफा दाइश्शा नंबाक्माक्त।

२१:काबु मार दुम्माक्त देशा हना, पिप आ जरमेशो नाक्ती मिम्चा कली हेरोद पिपमी आ दरवार डा गेय पाइब, सरकार डा गेय पाइब नु गालील डा ठेयब मुर नेल्ल आन कली बरेशशा, ठेयब भोज का गेवा बाक्त। २२:मिनु हेरोदनी आ तमीमी सिल कोइदा बाक्त। मिनु हेरोद नु मेकेर खुम्सीशा बाक्बमी मेको सिल पशा तशा, शुश दाक्शा, नेल्ल ग्येरसमा बाक्त। मिनु पिपमी मेको मीश आल कली “इ दाक्शो पुनो। गो मेको गेनन” देमाक्त। २३:मिनु लोत्र थोक्शा “मार पुंडतीवी हना यो, इ पुंडशो नेल्ल गेनन। राज्य उइक्थ उइक्थ पा योक्शा यो गेनन” दे कसम जशा, लोत्र गेवा बाक्त। एस्तर ५:३-६ २४:मिनु मीश आल गरुशा, आ ममा कली “मार पुनु माइ” दे हिल्लो पवानु, आ ममामी “व्वाक्कुम खरुम्शा गरुइब यूहन्ना आ पिया गेचा नड, दे पुनो” देमाक्त। २५:मिनु मीश आल फरा लेश्शा, आव्रशा पिप कली “व्वाक्कुम खरुम्शा गरुइब यूहन्ना आ पिया थालमी कुर पा गयीनी” दे पुना बाक्त। २६:मेको आ पुंडशो नेशा, पिप आ थुं शुश खाइक्माक्त। तन्न मेकेर बाक्ब आन कुल कसम जशा डा मिन “इ पुंडशो गेनन” देतीक “मगेनन” देन मचबा बाक्त। २७:मोपतीक सिपाइ का कली “लशा, यूहन्ना आ पिया क्योरशा चाक्को” दे सोइक्ता बाक्त। २८:मिनु आ पिया थालम कुर पा चाक्शा, मीश आल कली गेवा बाक्त। मिनु मीश आलमी आ ममा कली गेवा बाक्त। २९:मिनु यूहन्ना आ शंसीबपुकीमी “यूहन्ना साइक्चा पुंडस बाक्त” देशो नेशा, जेल्सानमी लशा, आ बक्शो रां लाइश्शा, थिम्म बाक्त।

शुश मुर आन कली रूथरी थुल्शो

मत्ती १४:१३-२१; लूका

९:१०-१७; यूहन्ना ६:१-१३

३०:येसु आ सोइश्शोपुकी लशा शंशा, लेश्शा जाक्मा बाक्त। मिनु मार पाम, मार शंदम, मेको लोत्र येसु कली शोत्रडम बाक्त। लूका ९:१०; लूका १०:१७ ३१:मिनु येसुमी “मुर मबाक्तीक लशा नाइसय” देमाक्त, मारदे हना शुश मुर गरुम्थ जाक्बाक्मा बाक्त। मिनु येसु नु आ शंसीबपुकीमी जचा कली यो नाइक्चा मताम बाक्त।

३२:मिनु डोंगा डोइश्शा, समुन्दर शोक्शा लमा बाक्त। मुर मबाक्तीक जाक्दोश्शा, नाइक्चा, दे थुं पाम बाक्त। ३३:तन्न शुश मुरुमी येसु नु आ शंसीब आन कली लशो तुइश्शा, डोंगाम डोइश्शो तशा, आइक्वी हांबु ग लमा बाक्त दे तुइश्शा, समुन्दर हिरशा, दोरशा जाक्दोम्मा बाक्त। ३४:मिनु येसु डोंगा रे तोइसीशा, शुश मुर देल्शा बाक्शो तशा, शिशी पवा बाक्त। मारदे हना मेको आन कली गोठला मपाइश्शा भेडा सोदेशो दुम्शो तामी बाक्त। मिनु शुश लोत्र शंचा गोवा बाक्त। मत्ती ९:३६

३५:मिनु शंस डा शंस पवानु, नां रिक्चवा बाक्त। मिनु शंसीबपुकीमी येसु कली “मुर मबाक्तीक बाक्ब, नां रिक्चापुतु। ३६:एको देल्शो मुर आन कली सोइक्चा। मारदे हना गाउं सहर लशा, आंम कली जचा थोत्रक ग्याभक्ल” दे मदमेनु, मर्कस ८:१-९ ३७:येसुमी “गोपुकीमी एको आन कली जचा गेन” दे माइक्मी बाक्त। मिनु शंसीबपुकीमी “गोपुकी लशा, सहं निक्शी देनार खोइ डा शोब्ले ग्याप्शा, चाक्शा, थुल्चा देनी?” दे हिल्लो पामेनु, देनार का नाक्त का डा गाल्च बाक्त। मेको रोम डा चांदी के क्येट बाक्त। ३८:“शोब्ले दोशो कुरनी? कोत्रथ लेन” देमाक्त। मिनु कोत्रशा “शोब्ले ५ ओटा नु डांइ निक्शी बाक्त” देमा बाक्त। ३९:मिनु येसुमी मुर आन कली गिग घांस बाक्तीक दिममी “लस्कर पा निप्पतीन” दे माइक्मी बाक्त। ४०:मिनु सहे, सहे नु ५०, ५० डा लस्कर पा निस्समा बाक्त। ४१:मिनु येसुमी शोब्ले नु डांइ शशा, सरीड गे कोत्रशा “परमपरभु गे रिम्शो पाइब बाक्नीनी” देशा, शोब्ले जिकशा, निप्पाइश्शो मुर आन कली “योक्शा गेने” दे आ शंसीब आन कली गेवा बाक्त। डांइ यो योक्पाइक्मी बाक्त। मर्कस ७:३४ ४२:मिनु नेल्लमी रूथरी जामे बाक्त। ४३:मिनु जशा, हंशो शोब्ले नु डांइ गुप्मेनु, १२

डालो बरीमाक्त। ४४ जाइबपुकी वांइश मुर ला ५ हजार बाक्मा बाक्त।

येसु ब्वाक्कु तार गाक्शो

मत्ती १४ :२२-३३ ; यूहन्ना ६ :१५-२१

४५ मिनु येसुमी आ शंसीब आन कली “आं डोंइती लशा, समुन्दर शोक्शा, बथसैदा सहरमी जाकदीतीन” द डोंगामी डोंइक्पाइश्शा, सोइक्तीमी बाक्त। ४६ मिनु नोले पुराथेना पथ डोंडा डोंइस बाक्त। ४७ मिनु नां रिक्मेनु, डोंगा समुन्दरमी बाक्माक्त। येसु चहिं डोंडाम बाक्माक्त। ४८ मिनु येसुमी आ शंसीबपुकीमी श्येत जामे बाक्त, दे तुइक्ता बाक्त। मारदे हना फशमी डोंगा तेक्पा बाक्त। मिनु नां सोत्रचावानु, येसु ब्वाक्कु तारी गाक्शा पिमाक्त। ४९ “मेको आन कली दाम पाइक्नुड” दे मिम्शा, पेट्चावानु, शंसीबपुकीमी येसु कली ब्वाक्कु तारी गाक्शा तशा, वोले दाप्शा, हिंशा वाइ बरम्मा बाक्त। ५० मारदे हना नेल्लेमी तामे बाक्त। मिनु शुश हिंमा बाक्त। मिनु येसुमी मेको आन कली सेशशा “महिनीन, गा नड, इन थुं बारपतीन” देमाक्त। ५१ मिनु डोंगा डोंइस बाक्त। मिनु फश गिवार दिक्माक्त। मिनु शंसीबपुकी थाम्पा छ्क लाक्मा बाक्त। मर्कस ४ :३९ ५२ दोपा शोब्ले बारपदा, दे मारैइ ममिम्शा बाक्मा बाक्त। मारदे हना रुप्चा थुं मपाइबाक्मा बाक्त। मर्कस ८ :१७

रोइ पाइब आन कली सापाइश्शो

मत्ती १४ :३४-३६

५३ मिनु समुन्दर शोक्शा, गेनेसरथ जाकदीम्मा बाक्त। ५४ मिनु डोंगा र तोइसामानु, मुरपुकीमी येसु बाक्ब दे तुइक्तेम बाक्त। ५५ मिनु येसु ते ते लेमे, मेक मेक दोरशा लशा, रोइ पशो आन कली कुरशा, आ नेक्था चाक्मे बाक्त। ५६ येसु गाउं सहर ते ते लेमे, मेक मेक रोइ पशो आन कली चाक्बाक्मा बाक्त। मिनु येसु कली “इन फेक्शो वा थिचा गेयीनी” द पुंइबाक्मा बाक्त। मिनु सु सुमी आ फेक्शो वा थोमे, मेकोपुकी साबाक्मा बाक्त। मर्कस ५ :२७-२८ ; पररित ५ :१५ ; पररित १९ :११-१२

साइ डा पतीके आ पर्वम शंशो

मत्ती १५ :१-२०

१ फरिसीपुकी नु सास्त्री का निकशी  
७ यरूसलेम र यिशा, येसु आ बाक्तीकम

जाक्मा बाक्त। २ मिनु काथा बाक्मानु, येसु आ शंसीबपुकीमी गुइ मचिक्थु जशा तामे बाक्त। ३ फरिसी नु यहूदी नेल्लेमी गुइ मचिक्थु मजाइनीम। आन जोक्ब तुइक्ब खाल्पापुकीमी वोइश्शो पतीके नेल्ले पाइनीम। ४ बजार लशा लेश्शा, खिं जाक्शा, चोत्रखंसीशा ला जाइनीम। कचोरा, लोटा, गागरी, नितीक नेल्ले चोत्रखंचा माल्ब। मेको मोदेशो पतीके शुश पाइनीम। मत्ती २३ :२५ ५ मोपतीके येसु आ शंसीबपुकीमी गुइ मचिक्थु जशा तशा, येसु कली “इन शंसीबपुकीमी किंको पिपीमी वोइश्शो रिती थिती मारदे मपाइनीमी ? मचोत्रखंसीथु गुइ मचिक्थु जाइबाक्तेकम” दे मदमे बाक्त। ६ मिनु येसुमी मेको आन कली “गे कपटीपुकी, यसैयामी पशो नोले दुम्ब लोत्र इन कली गारमाक्त। मार बरक्शो बाक्त देशा हना मेकोपुकीमी शोत्र र पा ला आं कली मान पाइनीम। आन थुंमी चहिं मदाक्नीम, आं देशो यो मपाइनीम। यसैया २९ :१३ ७ आं कली सेउ पसु पा, परमपरभु यावे आ लोत्र बाक्त, दे शंनीमी, तन्न मुरुमी मिम्शा ला शंनीम” दे बरक्शो बाक्त। यसैया २९ :१३ ८ परमपरभु यावे आ अरेशो लोत्र परांइशा, मुरुमी वोइश्शो पतीके पाइनीमी” दे माइक्मी बाक्त। ९ मिनु लोत्र वोइश्शा “गिश जोक्ब तुइक्ब ननी। परमपरभु यावे आ देशो शंचा परांइशा, आंम सल्थो इन पतीके ला शंनीनी। १० मोसामी बरक्शो लोत्र का ‘आम आफ आस कली मान पचा’ मिनु लोत्र का ‘सु सुमी आम आफ आस कली मरिम्शा लोत्र पाम, मेकोपुकी साइक्वा पुंइसमले’ दे बरक्शो बाक्त। परस्थान २० :१२ ; परस्थान २१ :१७ ११ गेपुकीमी चहिं सुमी आम आफ आस कली ‘इन कली गेचा माल्थो थोत्रक लाइश्शा, कुरबन कली गेता’ दे माइक्बा, मेकोमी आम आफ आस कली मारैइ गेचा ममाल्ब दे शंनीनी। ‘कुरबन गेता’ देशो चहिं ‘परमपरभु कली गेता’ देशो रुम्सीब। १२ मोपा इन शंतीके लोत्रमी आम आफ आस कली वारच पचा तेक्नीनी। १३ इन वोइश्शो रिती थितीमी परमपरभु यावे आ देशो टिचा परांइपाइक्नीनी। मिनु मोदेशो कपटी गेय शुश पाइनीनी” दे हुइक्तीमी बाक्त।

गरांगरा दिशो सेल्ब थोत्रक

१४ मिनु येसुमी मुर आन कली लेशा बरेशशा “गे नेल्लेमी नोफा दाइश्शा नंशा रुपीन। १५ लाडगार ओत्रशो थोत्रकीमी मुर कली गरांगरा

दिशा सेल्ले मचाप्व। मुर रे गरूशो थोवकीमी चहिं मुर कली गरांगरा दिशा सेल्ले। पररित १०:१४-१५ १६ सु के नंब नोफा बाकमे, मेकोमी नंनल” दे शंदीमी बाक्त। मर्कस ४:२३ १७ मिनु मुर आन कली परांडशा, सिं ओवमनु, आ शंसीबपुकीमी “इन शंशा लोव्र थमा पा मार रुमीबा?” दे हिल्लो पामे बाक्त। १८ मिनु येसुमी “मार, ग यो एको लोव्र मरुनी ? लाडगा र ओवशा थोवकीमी मुर कली गरांगरा दिशा सेल्ले मचाप्व, १९ मारदे हना मुर आ थुमी मओवब। आ कोव्रजीम ओवशा गिरशा, कयी लां पा गरूब, दे मतुइकनीनी ?” दे शंदीमी बाक्त। मो देशामी जचा थोवक नेल्ले गरांगरा मबाकनीम, दे शंदा बाक्त। २० मिनु मेकोमी “मुर र मार गरूबा, मेकोमी मुर कली गरांगरा दिशा सेल्ले। २१ मुर आ थुं रे दोदेशो गरांगरा दितीके गरूब देशा हना, तल्लेम पचा, सुइ पचा, साइक्चा, २२ ग्युंवे पशो मुर अर्का नु इपचा, शिम पचा, जोल पचा, गेहे पचा, नं तोक्चा, ठेयब लेत्चा, ममिथ्यु गेय पचा। २३ मोदेशो पतीके मुर आ थुंम बाक्ब। मेको गरूशा, मुर कली गरांगरा दिशा सेल्ले” दे शंदीमी बाक्त।

सुरोफोनीसीया डा मीश मुर

मत्ती १५ :२१-२८

२४ मिनु बाक्शा, मेकर रे टायर नु सीदोन गे लशा, सिं का ओव्रमाक्त। सुइमी मतुइकतमक्ल देत हना यो, खरुइशा बाकने मचबा बाक्त। २५ मिनु गरांगरा दिचा डा वोलम सुमशो आइक्च आल आ ममामी “येसु जाक्माक्त” देशो नंशा, येसु आ बाक्तीके जाक्दीम्माक्त। २६ मेको मीश मुर अर्का रागी डा, सुरोफोनीसीयामी जरमेशो डा बाक्माक्त। मिनु मेको जाक्शा, येसु आ डांडती सुम्की पा बापशा “आं तमी रे वोल गरूइदीने” दे पुना बाक्त। २७ मिनु येसुमी “डांडती आल आन कली थुल्ला माल्ले। आल आन कली गेचा माल्लेशो शोब्ले कुचुम आन कली गेचा मदुम्ब” दे मदा बाक्त। २८ मिनु मेको मीश मुरुमी “मदुम्ब, परसु, तन्न कुचुमपुकीमी यो आलपुकीमी तोक्शा शोब्ले जचा ताइनीम” देमाक्त। २९ मिनु येसुमी “इ मो देतीके इ पुंडशा गेतन। वोल इ तमी रे गरूत” दे मदा बाक्त। ३० मिनु आ सिं लेशा जाक्मनु, वोल गरूशा, आल सस दुमशा इपशो बाक्माक्त।

नोफा मनंब कली सापाइशा

३१ मिनु टायर रे लेशा, सीदोन नु डेकापोलीस सहर दात लां पा लशा, गालील डा समुन्दर जाक्दीम्माक्त। मत्ती १५ :२९-३१; मर्कस ५ :२० ३२ मिनु नोफा मनंब मुर का चाक्शा “एको तार इन गुइ वीतीने” दे पुन्म बाक्त। ३३ मिनु येसुमी मेको नोफा मनंब कली हुल रे फराशा लदा बाक्त। मिनु आ बरपचा मुर आ नोफामी ओइशा, थुथु पा तोक्शा, नाक्चुकीमी आ ले थिशा, ३४ सरीड गे कोव्रशा, लाइशा सोक्त कीशा “हुफाता” दे मदा बाक्त। मेको चहिं “रोक्सा” देशो रुमीबा। ३५ मिनु आ नोफा रोक्सीशा, नोफा नंब दुम्माक्त। आ ले लोकसीशा, लोव्र पाइब दुम्माक्त। ३६ मिनु “सुइ आन कली मशंदीने” दे माइक्मी बाक्त। मशंदीने माइक्मी बाक्त हना यो, मेकोपुकीमी तेइ तेइ शंन शंन गाक्मा बाक्त। मर्कस १ :४३-४५ ३७ मिनु आ लोव्र नंबपुकी थाम्पा छक लाक्शा “मेकोमी नेल्ले रिमशो सेल्लेबाक्त। नोफा मनंब आन कली नोफा नंब सेल्लेबाक्त। लोव्र पस मजोक्ब आन कली लोव्र पाइब सेल्लेबाक्त” देमा बाक्त।

४ हजार मुर आन कली थुल्लेशो

मत्ती १५ :३२-३९

१ मिनु लंशा शुश मुर देलशा बाक्शा बाक्मा ८ बाक्त। मेकोपुकी नु मारइ जचा थोवक मबाक्माक्त। मिनु येसुमी आ शंसीब आन कली बरशा २ “एको आन कली शिशी पातामी। मारदे हना सांबर नाक्त रे मुल सम्म गो नु काथा बाक्शा, मारइ जचा मताम। मर्कस ६ :३४-४४ ३ जचा मगथु आन सिं सिं सोइक्ताकडमी हना, लांमी गाक्ना गाक्न थाइनीम। का निक्शी शुश डोन रे जाक्शा बाक्नीम” देमाक्त। ४ मिनु शंसीबपुकीमी “ओदेशो गोरशो रागीमी इश डा मुर आन कली शोब्ले गेशा, दोपा रूपाइक्चा डा ?” देमा बाक्त। ५ मिनु येसुमी “शोब्ले दोशो कुरनी ?” दे हिल्लो पवानु “७ ओटा” देमा बाक्त। ६ मिनु मुर आन कली “निस्सीन” दे दिममी निप्पपाइक्मी बाक्त। मिनु मेको ७ ओटा शोब्ले शशा, परमपरभु कली “गे रिमशो पाइब बाक्नीनी” देशा, शोब्ले जिक्शा, शंसीब आन कली गेशा, योक्पदा बाक्त। मिनु मेकोपुकीमी मुर आन कली गेमे बाक्त। ७ आइक्च डांड का निक्शी यो बाक्माक्त। मेको डांड यो शशा “गे रिमशो पाइब बाक्नीनी” देशा “योक्कीन”

दे गेमी बाक्त। ८ मिनु मुरपुकीमी स्थरी जामे बाक्त। जशा लीशो गुप्शा, ७ डालो पिरंडमे बाक्त। ९ जाइवपुकी ४ हजार खोइ बाक्मा बाक्त। मिनु येसुमी मुर आन कली आन खिं खिं सोइक्ता बाक्त। १० मिनु छुल छाल बाक्शा, आ शंसीबपुकी नु डोंगा डोइश्शा, दल्मानुथा रागी जाक्दीम्मा बाक्त।

फरिसीमी चिन्ड कोत्रचा माल्शो

मत्ती १६:३-४

११ मिनु फरिसी जाक्शा, येसु आ थुं थाम्चा कली “सरीड डा चिन्ड का कोंइदीकी” देमा बाक्त। यूहन्ना ६:३० १२ मिनु येसुमी लाइश्शो सोक्त कीशा “सिनाक्त मुलाक्त डा मुरपुकीमी मारदे चिन्ड कोत्रचा माल्सीमी? नोफा दाइश्शा नेनीन, चिन्ड का यो मकोइनन्नी” देमाक्त। १३ मिनु मेको आन कली प्रोइशा, डोंगा डोइश्शा, समुन्दर शोक्शा, आइक्की हांबु जाक्दीम्मा बाक्त।

फरिसी आन बोरब ओरुत्ती

मत्ती १६:५-१२

१४ शंसीबपुकीमी शोब्ले लाइक्चा परंशो बाक्मा बाक्त। डोंगाम शोब्ले का ला लीशो बाक्माक्त। १५ मिनु येसुमी आ शंसीब आन कली “नेनीन, फरिसीपुकी नु पिप हरोद आन बोरपाइक्व ओरुत्ती क्यडा होस पांडसीन” दे माइक्मी बाक्त। लूका १२:१; मर्कूस ३:६ १६ मिनु “शोब्ले कुरचा परंदमे बाक्त, दे तुइश्शा, मो दंम कों?” देमुमा बाक्त। १७ मिनु येसुमी आन लोत्र तुइश्शा “शोब्ले मबा दे मारदे शुश लोत्र पाइनीनी? गे मुल यो मारइ मरुन्नीनी? ममिन्नीनी? तुइक्चा यो ममाल्नीनी? मर्कूस ६:५२ १८ मिक्च पाइश्शो बाक्तीनी हना यो, मताइनीनी? नोफा पाइश्शो बाक्तीनी हना यो, मनंनीनी? मुल यो मारइ मिन्ने मचाप्नीनी? मत्ती ११:१३, १६ ११ गोम ५ ओटा शोब्ले जिक्शा योक्शा, ५ हजार मुर आन कली थुलुनु, जशा लीशो गिश डालो पिरंदीनी?” देमेनु “१२ डालो” देमा बाक्त। मर्कूस ६:४१-४४ २० “मिनु ७ ओटा शोब्लेमी ४ हजार मुर आन कली थुलुनु, जशा लीशो गिश डालो पिरंदीनी?” देमेनु “७ डालो” देमा बाक्त। मर्कूस ८:८-९ २१ मिनु “मुल यो मारइ मरुन्नी?” देमाक्त।

मिक्च मताइब कली सापाइश्शो

२२ येसु नु आ शंसीबपुकी बेथसेदा जाक्दीम्मा बाक्त। मिनु मुरपुकीमी मिक्च मताइब का चाक्शा “मको कली थिन” दे पुन्ने बाक्त। मर्कूस ६:५६ २३ मिनु येसुमी मिक्च मताइब कली गुइमी ग्याइश्शा डा मिन, कीशा गाउंर गरुइशा लदा बाक्त। मिनु आ मिक्चीम थुथु पा तोक्शा, आ गुइ आ तारी वोइश्शा “मुल मार मार तवी?” दे हिल्लो पवा बाक्त। यूहन्ना ९:६ २४ मिनु मेकोमी इर गे कोत्रशा “मुरपुकी गाक्शा ताता, तन्न मेको मुरपुकी रवा खोदंशो तांडसाक्म” देमाक्त। २५ मिनु लेंशा आ गुइ आ मिक्च तारी वोदा बाक्त। मिनु मेकोमी कोत्रस डा कोत्रस पा तवा बाक्त। २६ मिनु येसुमी “गाउं हेरशा, इ खिं लावो” दे सोइक्ता बाक्त।

सरीस्तमी श्येत जचा माल्व, दे शंशो

मत्ती १६:१३-२०; लूका

९:१८-२१; यूहन्ना ६:६७-६९

२७ येसु नु आ शंसीबपुकी सिजरिया फिलिप्पी गे लमा बाक्त। मिनु लांमी गाक्मानु, येसुमी “मुरपुकीमी आं पर्वम मार देनीमी?” दे हिल्लो पवानु, २८ “का निक्शीमी ब्वाक्कुम खरुश्शा गरुइब यूहन्ना बाक्माक्त” देनीम। का निक्शीमी “एलीया बाक्माक्त” देनीम। का निक्शीमी “परमपरभु याव आ लोत्र पाइब का बाक्माक्त” देनीम” दे मदम बाक्त। मर्कूस ६:१५ २९ मिनु येसुमी “गेपुकी चहिं आं कली सु सुइय्नीनी?” दे हिल्लो पवानु, पतरुसमी “गे सरीस्त बाक्नीनी” देमाक्त। ३० मिनु आ शंसीब आन कली “एको सरीस्त बाक्ब, दे सुइ आन कली मशंदीन” दे माइक्मी बाक्त। मर्कूस ९:९

साइक्चा पुंडसीचा आ पर्वम शंशो

मत्ती १६:२१-२३; लूका ९:२२

३१ मिनु येसुमी आ शंसीब आन कली “रागीम जरमेशोमी शुश श्येत जचा माल्व। जोक्ब तुइक्ब साल्पा, ठेयब चदेब नु सास्तरीपुकीमी मको कली मबराइनीम, साइक्पाइक्नीम। मिनु बेक्शा आ नित्थ नाक्ती संसीब” दे लोत्र मखरुइक्थु शंदीमी बाक्त। मर्कूस ४:३१; मर्कूस १०:३२-३४ ३२ मिनु पतरुसमी येसु कली एर आइक्की लाइश्शा, हुइक्ता बाक्त। ३३ मिनु येसु हिरशा, अर्का शंसीबपुकी गे कोत्रशा “ए सैतान, इ कुल मकोइदी। परमपरभु याव आ मिम्शो ममाइ,

मुर आन देशो नंबाक्ते” दे पतरुस कली हुइक्ता बाक्त ।

दोपा खरीस्त आ नोले खोइक्चा

मत्ती १६ :२४-२६ ; लूका ९ :२३-२७

३४ मिनू आ शंसीबपुकी नु मेकर दल्शो आन कली बरशशा “सुमी आं नोले खोइक्चा थुं पाइबा, मेकोमी आंम दला दाक्स पचा परांइशा, श्येत जचा महिंथु, आं नोले खोइय्यील । ३५ सुमी आंम कली परांइचा माल्बा, मेको जांमशा लाइब । सुमी आं पर्वम नु परमपरभु यावे आ लोत्र आ पर्वम आंम कली जिम्मा गबा, मेको बरांइब । मत्ती १० :१९ ३६ रागी नेल्ल आंम के सल्ले चाप्व, तन्न बेक्त हना, मेको मार रिंमशो दुम्बा डा ? ३७ मारदे हना गे मार गेशा बरांइने चाप्वीनी डा ? ३८ सुमी हंथे गाक्ब नु पाप पाइब आन पालामी आं पर्वम नु आं लोत्र आ पर्वम मुर आन कली देंचा मुने पाइबा, मेको आ पर्वम रागीम जरमशोमी यो आ आफ आ छेड्छेड् नु आ स्वर्ग डा गेय पाइबपुकी नु जाक्मनु मेको कली तशा मुने पाइब” दे माइक्मी बाक्त । मत्ती १० :३३

१ मिनू “नोफा दाइशशा नेनीने, मुल गो नु काथा बाक्शो का निक्शीमी परमपरभु यावे आ राज्य सक्ति पाइशशा जाक्शो मतामे सम्म मबक्नीम” देमाक्त ।

येसु आ रां फाइशशा

मत्ती १७ :१-१३ ; लूका ९ :२८-३६

२ मिनू ६ नाक्त नोले येसुमी पतरुस, याक्ब नु यूहन्ना, सां आन कली सुइ मबाक्तीक डांडामी लदा बाक्त । मिनू मेको आन डांडती येसु फांडसे बाक्त । ३ दोपा फांडसे बाक्त देशा हना, आ फेक्शो वा बुबु पा जिलील बुश दुम्शो तामे बाक्त । मोदंशो बुश सुइमी सल्ले मचाप्वीम । ४ मिनू एलीया नु मोसा गरूशो तामे बाक्त । मेको निक्शीमी येसु नु लोत्रसी पासे बाक्त । ५ मिनू पतरुसमी येसु कली “ए शंब, इं कली एकर बाक्चा रिंमशा दुम्ब । बाक्तीके सां सेल्य । इन कली का, मोसा कली का नु एलीया कली का सेल्य” देमाक्त । ६ मारदे हना मार देंचा दे मतुइक्ता बाक्त । मिनू शुश हिंमा बाक्त । ७ मिनू गोस्सुमी नेल्ल आन कली गिल्मी बाक्त । गोस्स आगा रे संदा का गरूशा “एको आं दाक्शो तौ बाक्ब । आ लोत्र नेनीने” देशो नेन्मे बाक्त । मर्कस १ :११ ; २ पतरुस १ :१७ ८ मिनू एर ओथ कोत्रडमनु, येसु ला तामे बाक्त ।

९ मिनू डांडा रे बरुम्मानु, येसुमी “रागीम जरमेशो बेक्शो रे संचा मपुंडसे सम्म इन तशो सुइ आन कली मशंदीने” दे माइक्मी बाक्त । मर्कस ८ :३० १० मिनू मोदंशो दुम्शो सुइ आन कली मशंदीने बाक्त । “बेक्शो रे संचा पुंडसीचा देशो मार बाक्म माइ” दे हिल्लो पमुमा बाक्त । ११ मिनू आ शंसीबपुकीमी येसु कली “डांडती एलीया जाक्चा माल्ब, दे सास्तरिपुकीम शंनीम । मारदे मोदं शंनीमी ?” दे हिल्लो पामेनु, १२ येसुमी “एलीया डांडती जाक्शा, नेल्ल ठीक सेल्ल । मिनू रागीम जरमेशो श्येत जाइब नु महिक्सीशो दुम्ब, दे बरक्शो बाक्बा, ममाइ डा ? मलाकी ३ :१३ ; यसैया ५३ :३-५ १३ एलीया डांडती जाक्त । मिनू आ पर्वम डांडती बरक्शो सोदंशो दुम्शा, मेको कली मार पचा दाक्तमे, मेको पास्तेक्म” दे शंदीमी बाक्त । मत्ती ११ :१४ ; १ राजा १९ :२-१०

वोलम तशो आल सापाइशशा

मत्ती १७ :१४-२० ; लूका ९ :३७-४२

१४ मिनू अरु शंसीब आन बाक्तीकीमी लेशशा जाक्शा, शुश मुर दल्शो नु सास्तरिपुकीमी लीशो शंसीब आन कली लोत्र हिल्लो पशो तामे बाक्त । १५ मिनू दल्शो मुरपुकीमी येसु कली तशा, छुक लाक्शा, दारशा पिशा, येसु कली सेउ पदमे बाक्त । १६ मिनू येसुमी “मेकोपुकी नु मार लोत्रसी पनी” दे हिल्लो पवानु, १७ दल्शो मुर आन दाते डा कामी “ए शंब, आं तौ एक चाक्ता, मारदे हना वोलमी तशा, लाटा दुम्शो बाक्ब । १८ वोलमी सुमानु, गोल्ब । आ शोत्र रे बोग्यो गरुंडब । आ खरुइ शप्व । मिनू आ रां मदुक्ब दुम्ब । इन शंसीब आन कली ‘वोल गरुंडदीन’ दे पुंडता, तन्न वोल गरुंडने मचबेम” देमाक्त । १९ मिनू येसुमी “गे थमा पा थमा मसुइक्बपुकी, गेना सम्म गेपुकी नु बाक्नुडा डा ? ओदंशो इन पशो गेना सम्म फाल्शा बाक्नुडा डा ? रोइ पाइब कली चाक्कीन” दे माइक्मी बाक्त । २० मिनू वांडश आल कली येसु आ डांडती चाक्मे बाक्त । मिनू वोलमी येसु कली तवानु, आल तिड गोल्शा, रोम्सीशा, आ शोत्र रे बोग्यो गरुंडदा बाक्त । २१ मिनू येसुमी आ आफ कली “गेना रे ओदंशो दुम्शो ?” दे हिल्लो पवानु, आ आफोमी “आइक्च रेन, २२ एको वोलमी साइक्चा कली मीमी दुप्पदानु, ब्वाक्कुमी गरुम्पदानु, शुश ख्यप हेर हेरा बेक्त । गे मारइ पने चाप्वीनी हना, शिशी पा एको श्येत जचा रे परांडयीकी” देमाक्त । २३ मिनू

येसुमी “गे मारेइ पने चापनीनी कां देनीनी। तन्न सु सुमी गेन चापनीनी देशा, थमा सुइक्कीमी, मेकोपुकीमी आन पुंडशा ताइनीम” देमाक्त। २४ मिनु आल आ आफोमी “थमा सुइक्ता, आं थमा मसुइक्व थुं कली थमा सुइक्पतीन” दे थुं खाइइशा, डाक्शा देमाक्त। २५ मिनु येसुमी शुश मुर आन कली एर आंथ र जाक्शा तशा, गरांगरा दिचा डा वोल कली “गे लाटा नु नोफा मनंब वोल, गेनायो लेशा मओव्रचा डा पा गरूशा लावो” दे हुइइशा, खरा बाक्त। २६ मिनु वोल वाइ बरेशशा, आल कली रोप्पाइइशा गरूमाक्त। मिनु आल बेक्शा खोदंशा दुम्माक्त। मुरपुकीमी “बक्त” देमा बाक्त। मर्कस १:२६ २७ मिनु येसुमी आल आ गुइ ग्याइइशा पोक्मानु, राम्माक्त।

२८ मिनु येसु नु आ शंसीवपुकी सिं लमा बाक्त। मिनु शंसीवपुकीमी “मारदे मेको वोल कली गरुइने मचाप्का?” दे हिल्लो पामे बाक्त। २९ मिनु येसुमी “ओदेशो वोल कली परार्थना पशा ला गरुइने चाम्सीब” दे माइक्की बाक्त।

रागीम जरमेशो श्येत जचा माल्शो

मत्ती १७:२२-२७; लूका ९:४३-४५

३० मिनु मेकोपुकीमी “इं गाक्शा सुइम मतुइक्तमक्ल” दे गालील लां पा गाक्मा बाक्त। ३१ मारदे हना आ शंसीब आन कली “रागीम जरमेशो दा मुर आन गुइमी गेशा, साइक्चा पुंडसीशा, आ नित्थ नाक्ती बेक्शा र संसीब” दे शंचा दाक्ता बाक्त। मर्कस ८:३१; मर्कस १०:३२-३४ ३२ शंसीवपुकीमी चहिं आ शंशा मरुप्म बाक्त। मिनु हिल्लो पचा यो हिंमा बाक्त। लूका १८:३-४

नेल्ल क्येडा ठेयब सु बाक्वा

मत्ती १८:१-५; लूका ९:४६-४८

३३ मिनु कोपरनाउम जाक्दीम्मा बाक्त। मिनु सिं का ओव्रशा, येसुमी आ शंसीब आन कली “लांमी गाक्यानु, मार लोव्रसी पनी?” दे हिल्लो पवा बाक्त। ३४ तन्न मेकोपुकी सिक्सी पामे बाक्त, मारदे हना लांमी गाक्मानु “नेल्ल क्येडा ठेयब सु बाक्वा माइ?” दे लोव्र पशो बाक्मा बाक्त। ३५ मिनु निश्शा, शंसीब आन कली आ नेक्था बरेशशा “नेल्ल क्येडा डांइती दुम्चा कली नेल्ल क्येडा नोले दुम्शा, नेल्ल आन गेय पाइब दुम्चा माल्ब” देमाक्त। मर्कस १०:४३-४४; मत्ती २९:११; लूका २२:२६-२७ ३६ मिनु आल का आन दातमी चाक्शा, आल कली मुष्शा

३७ “सुमी आं नंमी ओदेशो आल कली बराइबा, मेकोमी आं कली बराइब। आं कली बराइबमी आं कली ममाइ, तन्न आं कली सोइक्व कली यो बराइब” दे माइक्की बाक्त। मत्ती १०:४०

रिम्शो पचा मतेक्वा

लूका ९:४९-५०

३८ यूहन्नामी येसु कली “ए शंब, गोपुकी नु मगाक्व मुर कामी इन नें थिशा, वोल आन कली खरेशा ताइतक। मिनु मो पचा मदुम्ब, दे माइक्तक” देमाक्त। गन्ती १०:२७-२८ ३९ मिनु येसुमी “मदुम्ब, दे मदेचा, मारदे हना आं नें थिशा, ठेयब गेय पाइबमी आं पर्वम लोव्र मक्याल्ब। ४० इं कली मरिम्शो मपाइब मेको इं मुरुन बाक्व। मत्ती १२:३०; लूका ११:२३ ४१ नोफा दाइइशा नेनीन, सुमी आं नें थिशा, खरीस्त आ मुर नम देशा, इन कली लोटा का व्याक्कु तुचा गेबा, मेकोमी दोपा यो आ इनाम ताइब। मत्ती १०:४२

थमा सुइक्का मतेक्वा

मत्ती १८:६-९; लूका १७:१-२

४२ सुमी आं कली थमा सुइक्व आइक्व आल आ थमा सुइक्तीक क्याल्बा, मेको कली आ शुरम यात क्युक्शा, समुन्दरमी ताइइशा साइक्चा रिम्शो बाक्व। ४३ गुइमी तेक्तु हना, मेको गुइ खरोतो। मारदे हना निम्फा गुइ पाइइशा दुम्शा, गेनायो मकाप्ब नरक डा मीम ओव्रचा क्येडा, डुंड दुम्शा, परमपरभु यावे आ राज्यमी ओव्रचा तचा रिम्शो बाक्व। मत्ती ५:३० ४४ नरकमी बाक्व आन लुस्यु मबेक्नीम, मी यो मकाप्ब। ४५ इ खोइलीमी तेक्तु हना, मेको खरोतो। मारदे हना खोइली निम्फा पाइइशा दुम्शा नरकम ओव्रचा क्येडा, खोरन्ड दुम्शा, परमपरभु यावे आ राज्यमी ओव्रचा तचा रिम्शो बाक्व। ४६ नरकमी बाक्व आन लुस्यु मबेक्नीम, मी यो मकाप्ब। ४७ इ मिक्चीमी तेक्तु हना, मेको मिक्च फेशशा ताइक्तो। मारदे हना मिक्च निम्फा पाइइशा दुम्शा, नरकम ओव्रचा क्येडा, काना दुम्शा, परमपरभु यावे आ राज्यमी ओव्रचा तचा रिम्शो बाक्व। मत्ती ५:२९ ४८ नरकमी बाक्व आन लुस्यु मबेक्नीम, मी यो मकाप्ब। यसैया ६६:२४

४९ नेल्ल मीम याक्पाइक्चा पुंडसीनीम। मारदे चढेमेनु, हिक्सी सुष्शा चढेनीम। लेवी २:१३; गन्ती १८:१९ ५० हिक्सी डाम्ताक्व हना, बरोव्रब। हिक्सी आ डाम्तीक जाम्त हना, मारम

डाम्पाइक्वा डा ? हिकसी डाम्शो दुमीन। मिनु दुशा बाक्कीन” दे शंदीमी बाक्त। मत्ती ५ :३३ ; लूका १४ :१४ ; कलस्ती ४ :६

१० मिनु मंकर रे लशा, यहूदीया रागी नु यर्दन खोला आइक्की हांनु जाक्कीम्मा बाक्त। मिनु लंशा शुश मुर दल्मा बाक्त। मिनु तेइ तेइ गाक्शा, दोपा शंदा, मोपा मंको आन कली यो शंदा बाक्त।

वांइश मीश आस नाता

मत्ती १९ :१-९

२ मिनु फरिसीपुकी जाक्शा, आ थुं थाम्वा कली “मीश कली परांइचा दुम्बा देय मदुम्बा ?” दे हिल्लो पामे बाक्त। ३ मिनु येसुमी “मोसामी इन कली मार पन देमे ?” देमेनु ४ “छोड पत्र बरेक्शा, सोइक्वा दुम्ब देत” देमा बाक्त। ब्यवस्था २४ :१ ; मत्ती ५ :३१-३२ ५ मिनु येसुमी “मुरपुकीमी शिशो मपाइनीम, दे तुइइशा, मांदेशो पचा गेवा बाक्त। ६ नेल्ल क्येडा डांइती परमपरभु यावेमी वांइश मुर नु मीश मुर सेल्ल्तीम्सी। उत्पत्ती १ :२७ ७ मोपतीके मुरुमी आम आफ परांइशा, आ मीश नु गारशा बाक्व। उत्पत्ती २ :२४ ८ मिनु मेको निक्शी रां का दुम्नीस। मोपतीके वांइश मीश निक्शी मनसी, निम्फा का नस। ९ परमपरभु यावेमी कांइचीक सेल्ल्थो आस कली मुरुमी मफरादमेकल” दे माइक्की बाक्त।

१० मिनु खिंमी बाक्मेनु, आ शंसीबपुकीमी “इन शंशो मार रुम्सीबा” दे हिल्लो पामे बाक्त। ११ मिनु येसुमी “सुमी आ मीश परांइशा, अर्को चाक्वा, मेकोमी वांइश मीश आस नाता खरोइक्व। लूका १६ :१८ ; १कोरिन्थी ७ :१८-११ १२ मीश मुरुमी आ वांइश परांइशा, अर्को खोइक्वतु हना, मेकोमी यो वांइश मीश आस नाता खरोइक्व” देमाक्त।

येसु नु आलपुकी

मत्ती १९ :१३-१५ ; लूका १८ :१५-१७

१३ मिनु येसुमी आ गुइ आल आन तारी वोदल दे आलपुकी चाक्मे बाक्त। मिनु शंसीबपुकीमी आल चाक्व आन कली “मचाक्कीन” दे हुइक्तमे बाक्त। १४ मिनु येसुमी मेको तशा, आ थुं मनुथु, हुइक्व आन कली “आल आन कली आं बाक्तीक जाक्वा गेने, मतेक्कीन। मारदे हना परमपरभु यावे आ राज्य आल आन केन बाक्व। १५ नोफा दाइइशा नेनीने, मुरपुकीमी आल आन थुं डा

मिम्शो सोदेशो पा ममिम्ताक्म हना, परमपरभु यावे आ राज्यमी ओत्रचा मताइनीम” दे माइक्की बाक्त। १६ मिनु आल आन कली मुष्ठा, आ गुइ आन तारी वोइइशा, आसीक गमी बाक्त।

शांप आ पर्वम लोत्र

मत्ती १९ :१-९

१७ मिनु मेकर रे लेमेनु, मुर का दोरशा पिशा, येसु आ डांइती पोक्च थक्शा बाप्शा “शंब, गे रिम्शो ननी। गेना हना यो बरांइशा बाक्वा कली मार पचा माल्लुडा ?” दे हिल्लो पवा बाक्त। १८ मिनु येसुमी “मारदे आं कली रिम्शो मुर दे माइय्यी ? सुइ रिम्शो मनमी। परमपरभु यावे ला रिम्शो बाक्व। १९ परमपरभु यावे आ अरेशो लोत्र तुइक्नेवे। मसाइक्वा, वांइश मीश आस नाता मखरोइक्वा, सुइ मपचा, सांकछी बाक्शोनु, जोल मपचा, हिंच कांइशा मारइ मरोइक्वा, आम आफ आस कली मान पचा, दे बरेक्शा बाक्व” दे मदा बाक्त। परस्थान २० :१२-१७ २० मिनु मेकोमी “गो आल रेन मेको नेल्ल पन पन बाक्ती” देमेनु, २१ येसुमी मेको आ कुल शिरशा कोत्रशा, मेको कली दाक्शा “का चहिं मपवी। लशा, इ शांप नेल्ल लेयशा, जचा फेक्वा मताइब आन कली योक्शा गमी। मिनु लेइशा, आं नोले खोइय्यी। मिनु इ शांप स्वर्गमी बाक्व” देमाक्त। मर्कस ८ :३४ ; मत्ती १० :३८ २२ मेको लोत्र नंशा, आ कुल राव किक्पाइइशा, आ थुं खाइइशा, गाक्माक्त। मारदे हना मेको शुश शांप पाइइशा मुर बाक्माक्त।

२३ मिनु येसुमी एर ओंथ कोत्रशा, आ शंसीब आन कली “शुश शांप पाइइशा मुर परमपरभु यावे आ राज्य ओत्रचा गिश श्यत बाक्वा” देमाक्त। २४ मेको लोत्र नंशा, शंसीबपुकी छक लाक्मा बाक्त। मिनु येसुमी लोत्र थोक्शा “आलपुकी, आन शांपोम थमा सुइक्व आन कली परमपरभु यावे आ राज्य ओत्रचा शुश श्यत दुम्ब। २५ शांप पाइइशा मुर परमपरभु यावे आ राज्य ओत्रने चाप्वा क्येडा, दलओठ लजे आ पोलाम गरीने चाप्व” देमाक्त। २६ मिनु शंसीबपुकी थाम्पा छक लाक्शा “मो हना, सु ओत्रचा ताइबा डा ?” देमुमा बाक्त। २७ मिनु येसुमी आन कुल गे कोत्रशा “मुरपुकीमी पन मचाप्नीम। तन्न परमपरभु यावेमी पने चाप्व, मारदे हना परमपरभु यावेमी मारइ मारइ पने चाप्व” दे माइक्की बाक्त।

येसु आ नोले खोइक्व आन इनाम

मत्ती १९ :२७-३० ; लूका १८ :२८-३०

२८ पतरुसमी येसु कली “गे मारइ मारइ परांइशा, इन नोले खोइक्वक” दंमनु, २९ येसुमी “नोफा दाइश्शा नेनीन, सुमी आं पर्वम नु ग्यरपाइक्व लात्र आ पर्वम आ खिं, लाक्वम लोकव, आम आफ, तमी तौ नु रू परांइबा, ३० मेकोमी खदा पा श्येत जचा पुंइसाक्व हना यो, मुल आ परांइशा क्यडा शुश खिं, लाक्वम लोकव, आम आफ, तमी तौ नु रू ताइब। मिनु नोले गेना हना यो परमपरभु यावे नु बाक्चा ताइब। ३१ डोंइती दुम्शोपुकी नोले दुम्नीम। नोले दुम्शोपुकी डोंइती दुम्नीम” द शंदीमी बाक्त।

रागीम जरमेशो साइक्चा पुंइसीब देशो

मत्ती २१ :१७-१९ ; लूका १८ :३१-३४

३२ मिनु यरूसलेम डा लां खोइश्शा गाक्मानु, येसु नेल्ल आन डोंइती गाक्माक्त। आ नोले खोइक्वपुकी छक लाक्शा हिंमा बाक्त। मिनु १२ जना शंसीब आन कली लेंशा आ नेक्था बरश्शा, आ कली मार दुम्बा दे तुइक्पाइक्चा गोवा बाक्त। मर्कस ९ :११ ३३ मिनु “मुल यरूसलेम लाइनय। मिनु रागीम जरमेशो ठेयब चढेब नु सास्तरी आन गुइमी गेचा पुंइसीब। मिनु मेकोपुकीमी दोस गशा, साइक्चा माल्ब, द अर्का जात डा मुर आन गुइमी गेनीम। ३४ मिनु मेकोपुकीमी शुक्शी पशा, आ कुलमी तोक्शा युक्नीम। मिनु साइक्नीम। मिनु बक्शा आ नित्थ नाक्ती बक्शा र संसीब” द तुइक्पाइक्ची बाक्त।

ठेयब सु बाक्चा ?

मत्ती २० :२०-२८

३५ मिनु जब्दी आ तौ याक्व नु यूहन्ना येसु आ नेक्था जाक्शा “ए शंब, मार पुंइस्कु, मेको तस्कुल” दे पुन्से बाक्त। ३६ मिनु येसुमी “मार पुंइनीसी ?” द हिल्लो पवानु, ३७ मेको निकशीमी “गे सक्ति पाइश्शा दुम्शा, हुकुम पाइब दुम्नीनु, का इन ग्युरा, का इन परा गे बाक्चा गेचा नस्कु” द पुन्से बाक्त। ३८ तन्न येसुमी “गे मार पुंइसी, मेको मरुप्नीसी। आं तूचा माल्शो कचौरा तून चाप्नीसी ? आं बुद पा श्येतम खरुम्चा पुंइसीने चाप्नीसी ?” दंमनु मर्कस १४ :३६ ; लूका १२ :५० ३९ “चाप्नस्कु” दंसा बाक्त। मिनु येसुमी “आं तूचा माल्शो कचौरा यो तूनीसी। आं बुद

पा श्येतम खरुम्चा यो पुंइसीनीसी। पररित १२ :२ ४० तन्न आं ग्युरा परा गे बाक्चा गेचा चहिं आं गुइमी ममाइ। परमपरभु यावेमी योत्रचा पुंइसीशो मुर ला मेकर बाक्चा ताइनीम” द माइक्सी बाक्त।

४१ मिनु शंसीब १० जनामी मेको आस कली मोदंशा पुंइशो तशा “याक्व नु यूहन्ना मोदंशा बाक्सा” द आन थुं मनुथु, लात्र पसुमा बाक्त। लूका २२ :२५-२७ ४२ मिनु येसुमी नेल्ल आन कली खुप्शा “अर्का जात डा मुर आन कली हुकुम पाइनुड, दे मिम्बपुकीमी मुर आन कली दिप्शा वोइश्शा, हुकुम पाइनीम, दे तुइक्नीनी। ४३ तन्न इन दातेमी मोदंशा पचा मदुम्ब। सुमी ठेयब दुम्बा दाक्चा, मेको नेल्ल आन गय पाइब दुम्बा माल्ब। ४४ सु नेल्ल क्येडा डोंइती दुम्बा दाक्चा, मेको नेल्ल आन वाइल दुम्बा माल्ब। मर्कस ९ :३५ ; १ पतरुस ५ :३ ४५ मारदे हना रागीम जरमेशो यो मान पपांइसीचा कली ममाइ, तन्न वारच पथ नु शुश मुर आन कली परांइचा कली आ गिंम गथ जाक्शा बाक्त” द माइक्मी बाक्त।

मिक्च मताइब बारतीमे

मत्ती २० :२९-३४ ; लूका १८ :३५-४३

४६ मिनु यरीको सहरमी जाक्दीम्मा बाक्त। मिनु यरीको र लशा, येसु नु आ शंसीब आन नोले खोइश्शा, शुश मुर गाक्मानु, तिमि आ तौ मिक्च मताइब पुंइब बारतीमे मेको लां उइ बाक्शा बाक्माक्त। ४७ मिनु बारतीमेमी नासरथ डा येसु एको लां पिना पिन बाक्त दंशा नेशा “ए येसु, दाऊद आ तौ, शिशी पाइय्यीनी” दे वाइ बरत्त्वा गोवा बाक्त। ४८ मिनु शुशमी “सिक्सी पावो” दे हुइक्तेम बाक्त। आं चहिं डोंइती क्येडा शुश वाइ बरश्शा “दाऊद आ तौ, शिशी पाइय्यीनी” दे बरम्माक्त। ४९ मिनु येसु खरा दिक्शा “मेको कली एके बरतीन” दंमाक्त। मिनु मिक्च मताइब कली “ठेयब थुं पावो। मिनु बोक्को। मारदे हना इ कली बरत्ताक्व” दे मदम बाक्त। ५० मिनु आ बरखी ताइश्शा, छुल बोक्शा, येसु आ डोंइती जाक्माक्त। ५१ मिनु येसुमी “इ कली मार पड, मार पुंइनेव ?” दे हिल्लो पवा बाक्त। मिनु मिक्च मताइबमी “ए शंब, मिक्च ताइब सेल्यीनी” दे पुना बाक्त। ५२ मिनु येसुमी “साशा लावो। इ थमा सुइश्शामी साते” दंमदानु, बरा साशा मिक्च ताइब दुम्शा, येसु आ नोले खोदा बाक्त।

येसु यरूसलेमम जाकदीशशा

मत्ती २१:१-११; लूका

१९:२९-४०; यूहन्ना १२:१२-१९

११ मिनु यरूसलेम आ नेकथा जैतून डांडा बथफागे नु बेथानी जाकदीम्मा बाक्त। २ मिनु येसुमी आ शंसीब निक्शी आस कली "मेर गाउं लसे। मिनु गाउं ओवसीनु, सुइ मडाइशशा गधा आ चाइक्व पाइशशा, वोइशशा थित्नीसी। ३ मेको चाकसीस। मुरपुकीमी "मारदे लाइकसी?" देतम्म हना "परभु कली माल्ताक्व। नोले लेशशा सोइक्व" देसीनु, लाइक्वा गनीम" दे सोइक्तीम्सी बाक्त।

४ मिनु मेको निक्शी लशा, मेक जाकदीशशा, लांमी लाप्नो आ डांडीती पाइशशा गधा आ चाइक्व थित्स बाक्त। मिनु परोन्स बाक्त। ५ मेकर बाक्व मुरपुकीमी "मारदे परांडसी?" देमा बाक्त। ६ मिनु येसुमी देशो सोदंशो पा, लोव्र लेत्स बाक्त। मिनु लाइक्वा गमे बाक्त। ७ मिनु गधा आ चाइक्व चाकसे बाक्त। मिनु आन वासी बरामे बाक्त। मिनु येसु डांडसे बाक्त।

८ मिनु शुशमी आन बरसी लांमी बरामे बाक्त। अरुमी एर ओथ डा राशी जिक्शा, लांमी बरामे बाक्त। ९ डांडीती नोले गाक्वपुकीमी "होसन्ना, परभु आ नेमी जाक्व ठेयब दुम्त। होसन्ना आ देशो "परमपरभु वारच पने" बाक्व। भजन संगरह ११८:२५-२६ १० मुल जाक्वशो ई किर्की पिपी दाऊद आ राज्य कली जाइ। परमपरभु कली होसन्ना" दे रेयक पा ठेयब सत्त्ना सत्त्न गाक्वा बाक्त।

११ मिनु यरूसलेम जाकदीशा, परमपरभु यावे आ सिं ओव्रमाक्त। मिनु एर ओथ मारइ मारइ कोव्रशा, आ शंसीब १२ जना नु बेथानी लेम्माक्त। मारदे हना नां रिक्वशो बाक्माक्त।

फल मसिश्शो फोव्रशी रवा

मत्ती २१:१२-२२; लूका

१९:४५-४८; यूहन्ना २:१३-१६

१२ आ दीसा बेथानी रे पिशा, लांमी गाक्मानु, येसु शोव्रतु बेक्माक्त। १३ मिनु इच्ची आइक्था सफा पाइशशा फोव्रशी रवा तशा, फोव्रशी सिश्शा बाक्म को दे कोव्रथ लमाक्त। मिनु जाकदीशशा कोव्रडानु, सफा ला तवा बाक्त। मारदे हना सित्वी मजाक्वशो बाक्माक्त। १४ मिनु "मुल डा मेरे सुइमी इ फल जचा मतामेकल"

दे मदा बाक्त। आ शंसीबपुकीमी मो देशो नेन्मे बाक्त।

ग्याप्व लेयब आन कली खेरशो

१५ मिनु यरूसलेम जाकदीम्मा बाक्त। जाकदीशशा येसु परमपरभु यावे आ सिं ओव्रशा, मेकर ग्याप्व लेयब आन कली खेरचा गोवा बाक्त। क्येट फाइक्व आन क्येट वोइक्तीक नु टुकुर लेयब आन निक्तीक खोल्शा गमी बाक्त। १६ मिनु सुइ कली मारइ यो चाक्शा लेयचा मगथु, १७ "जात जात डा मुरपुकीमी एकेर परार्थना पामेक्त दे आं सिं वोइशशा बाक्त दे बरक्शो बाक्वा, ममाइ डा? गोपुकीमी चहिं सुइपुकीमी सुइ पा चाक्शा आन बाक्तीक पुक्सी सल्टीनी" दे हुइक्तीमी बाक्त। यसेया ५६:१७; येरमीया ७:११ १८ मिनु फरिसी नु सास्तरीपुकीमी मेको नंशा, दोपा साइक्वा दे लां कोव्रडमे बाक्त। तन्न येसु कली तशा, हिंमा बाक्त। मारदे हना मुर नेल्लमी आ शंशा नंशा, छक लाक्वाक्मा बाक्त। १९ मिनु नां रिक्वावानु, येसु नु आ शंसीबपुकी सहर रे लेम्मा बाक्त।

दल्वीर मपथु, परार्थना पचा

२० मिनु सुनी लां गाक्मानु, फोव्रशी रवा आ डर रे पुं सम्म सोव्रशा तामे बाक्त। २१ मिनु पतरुसमी ति फरुक्शा, येसु कली "ए शंब, कोव्रडीन, इन सराप पशो फोव्रशी रवा सोव्रमाक्त" देमाक्त। २२ मिनु येसुमी मेको आन कली "परमपरभु यावे कली थमा सुतीन। २३ नोफा दाइशशा नेनीन, सुमी आं देशो थमा दुम्ब, दे दल्वीर मपथु, मेको डांडा कली "एकेर रे समुन्दरमी याक्सी" देत हना, मेको आ थमा सुइशशामी डांडा याक्सीशा लाइब। मर्कस ९:२३; मत्ती १७:२० २४ मोपतीके "आं पुंडशो ताइनुड" दे थमा सुइशशा, परार्थना पा पुंडतीनी हना, इन पुंडशो ताइनीनी। मत्ती ७:१७; यूहन्ना १४:१३; १५ यूहन्ना ५:१४-१५ २५ परार्थना पा बाक्नीनु, सुइ नु चुरशो बाक्तीनी हना, मेको कली माफ गने। मिनु स्वर्गम बाक्व इन आफोमी यो इन मरिश्शो पशो क्याग्शा माफ गेब। २६ माफ मगतीनी हना, स्वर्गम बाक्व इन आफोमी यो इन कली माफ मगेब" दे शंदीमी बाक्त।

अधिकार आ पर्वमे हिल्लो पशो

मत्ती २१:२३-२७; लूका २०:१-८

२७ मिनु यरूसलेममी जाकदीम्मा बाक्त। मिनु येसु परमपरभु यावे आ सिंमी हिरसेनु,

ठैयब चदेब, सास्तरी नु जोक्ब तुइक्ब खाल्पापुकी जाक्शा २८ “तको अधिकारमी मोदंशो पवी ? मो पचा, दे सुमी अधिकार गेवे ?” देमा बाक्त। २९ मिनु येसुमी “गो इन कली लोत्र का हिल्लो पाइनुड, मेको लोत्र लेतीनि। मिनु तको अधिकारमी एको गेय पडा शंनन्नी। ३० यूहन्नामी मुर आन कली ब्वाक्कुमी खरुम्शा गूइतीक अधिकार स्वर्ग रे तवा देय मुर रे तवा ? लो देनीन” दे माइक्मीनु, ३१ मेकोपुकीमी “स्वर्ग रे तवा बाक्त देतय हना, मो हना यूहन्ना आ लोत्र मारदे थमा मसुइक्नी देब। ३२ मुर रे तवा बाक्त देचा यो दापा देय” दे लोत्रसी पमुमा बाक्त। मोदंशो देचा हिंमा बाक्त। मारदे हना मुर नेल्लेमी यूहन्ना थमान परमपरभु यावे आ लोत्र पाइब बाक्ब, दे थमा सुइश्शा बाक्मा बाक्त। लूका ७ :२९-३० ३३ मोपतीके “मतुइक्नीकी” देमानु, येसुमी “मो हना तेको अधिकारमी एको गेय पडा दे गो यो मशंनन्नी” दे माइक्मी बाक्त।

मरिम्शा बुम्था पाइब आन कथा

मत्ती २१ :३३-४६ ; लूका २० :९-१९

१२ १ मिनु येसुमी कथा सेल्शा, शेंचा गोवा बाक्त। मिनु “मुर कामी अडगुर खरुम्शा, थारपु हिरशा, अडगुर खराक्तीक खाल्टा दोशा, धन्सार सेल्शा, बुम्था पाइब माल्शा, मेको आन कली गेशा वोइश्शा, अर्का रागी लमाक्त। यसेया ५ :१-२ २ मिनु अडगुर मीशा, सेक्ची जाक्मनु, आ गेय पाइब का कली आ भाग पाक्थ सोइक्ता बाक्त। ३ मिनु मेको जाक्दीम्मनु, बुम्था पाइबपुकीमी मेको कली तुप्शा, श्येत्थ गुइ सोइक्तमे बाक्त। ४ मिनु लेंशा गेय पाइब का कली सोइक्ता बाक्त। मेको कली यो जिचा तोशा, पिया परोल्शा, गार सेल्शा सोइक्तमे बाक्त। २इतिहास ३६ :१६ ५ मिनु लेंशा का कली सोइक्तानु, मेको कली सदमे बाक्त। मोदं शुश खेयप गेय पाइब आन कली सोइक्तानु, का निक्शी आन कली तुप्मे बाक्त। का निक्शी आन कली सदमे बाक्त।

६ मिनु सोइक्ने चाप्चा डा का ला लीमाक्त। मेको आ दाक्शा तौ बाक्माक्त। मिनु “आं तौ आ देशो टीनीम” दे मिम्शा, आ तौ कली सोइक्ता बाक्त। ७ मिनु बुम्था पाइबपुकीमी “एको दा अडस ताइब बाक्त। लो साइक्चा। मिनु आ अडस नेल्ल ई केन दुम्ब” देमुशा गारमा बाक्त।

८ मिनु ग्याइश्शा, साइश्शा, रू रे लाइश्शा ताइक्तमे बाक्त। हिवरू १३ :१२

९ मोदंशो दुम्त हना, रू आ होत्रपम मार पाइबा ? जाक्शा, मेको बुम्था पाइब आन कली साइक्ब। मिनु आ रू अरु आन कली गब। १० खिं सेल्बपुकीमी गारो परोत्रडमनु, एको फुल्लु मगार, दे ताइक्तमे बाक्त। मेको मगारथु ताइश्शा फुल्लु चहिं सुर डा सुर फुल्लु दुम्माक्त” दे बरक्शा लोत्र मपदनी ? ११ मेको नेल्ल परभुमी पशा बाक्त। मिनु “ओहो, गिश रिम्शा दुम्मा। एको छ्क लाक्चा डा बाक्ब” दे बरक्शा बाक्ब” दे माइक्मी बाक्त। मजन संगरह ११८ :२२-२३ १२ मिनु “एको कथा ई कली कका देमाक्त” दे रुप्शा, ग्याइक्पाइक्चा माल्मे बाक्त। तन्न शुश मुर देल्थो तशा हिंशा, ब्राशा लमा बाक्त।

तिरो थाप्चा देय मथाप्चा ?

मत्ती २२ :१५-२२ ; लूका २० :२०-२६

१३ मिनु येसु कली लोत्र खराइक्पाइक्चा दे फरिसी नु हेरोदी का निक्शी येसु आ बाक्तीके सोइक्तमे बाक्त। १४ मिनु मेको सोइश्शापुकी जाक्शा, येसु कली “शंब, गे थमा पाइब ननी। मुर आन कुल मेकोत्रथु सुइ तशा महिंथु, परमपरभु यावे आ लोत्र थमा पा शंनीनी, दे तुइक्नीकी। सिजर सरकार कली तिरो थाप्चान माल्ब देय मथाप्चु यो दुम्बा ? १५ गोपुकीमी थाप्चा देय मथाप्चा ? मार देनीनी” दे हिल्लो पसु पा लोत्र खराइक्पाइक्चा माल्मे बाक्त। मिनु येसुमी मेको आन पचा माल्थो तुइश्शा, मेको आन कली “मारदे आं थुं थाम्नीनी ? देनार का कांइदीनी” देमाक्त। देनार का नाक्त का डा गाल्ब बाक्त। मेको रोम डा चादी के क्यट बाक्त। १६ मिनु देनार का कांइदमे बाक्त। मिनु येसुमी “एको सु आ नंमी खरोइश्शा बाक्मे ?” देमेनु “सिजर आ नंमी खरोइश्शा बाक्त” देमा बाक्त। १७ मिनु येसुमी “सिजर आ मार मार बाक्मा, मेको सिजर कली गेने। परमपरभु यावे आ मार मार बाक्मा, मेको परमपरभु यावे कली गेने” दे माइक्मी बाक्त। मिनु नेल्ल छ्क लाक्मा बाक्त। रोमी १३ :१७

बक्शो रे संसीचा आ पर्वम शेंशो

मत्ती २२ :२३-३३ ; लूका २० :२७-३८

१८ मिनु सदुकीपुकी जाक्मा बाक्त। सदुकीपुकीमी बक्शो रे मसंसीब दे शंनीम। मिनु येसु आ बाक्तीके जाक्शा १९ “ए शंब, मोसामी

बरेकशो लोत्रमी सुइ आ लोकब आल मथियु बेक्त हना, मेकोमी आ भोग्यु वॉइसीशा, आ लोकब आ खिं डा मुर मजाम्मल, दे तमी तौ थिवल' दे बरेकशो बाक्त। व्यवस्था २५:५-६ २० मिनु खिं कामी ७ जना लोकब बाक्मा बाक्त। डांइती जेठामी मीश चाकगा बाक्त। मिनु आल मथियु बेक्माक्त। २१ मिनु माइलामी आ भोग्यु वॉइस बाक्त। मिनु आ यो आल मथियु बेक्माक्त। मिनु साइलामी वॉइस बाक्त। मेको यो आल मथियु बेक्माक्त। २२ मोदंशो पा ७ जनान आल मथियु, बेक्मा बाक्त। मिनु नोले मेको मीश मुर यो बेक्माक्त। २३ मुर बेकशो र संसीशा ब्रांडमानु, मेको ७ जना वॉइश आन मीश दुम्शो मीश मुर तेको आ मीश दुम्बा ?" दे हिल्लो पामे बाक्त। २४ मिनु येसुमी "गे परमपरभु यावे आ लोत्र मरुनीनी। परमपरभु यावे आ सक्ति यो मतुइक्नीनी। मोपतीके दूली मिम्नीनी, ममाइ ? २५ बेकशो र संसीशा ब्रांडमानु, मुरपुकीमी ग्युंभ मपाइनीम, स्वर्गम बाक्ब परमपरभु यावे आ गय पाइबपुकी खोदंशो दुम्नीम। २६ बेकशो र संसीचा आ पर्वम परमपरभु यावेमी मोसा कली मी बरशो रवा आ नेक्था गरुम्शा अबराहाम आ परमपरभु यावे, इसहाक आ परमपरभु यावे नु याकूब आ परमपरभु यावे गो नड" दे मदा बाक्त दे मोसामी बरेकशो किताबमी बरेकशो बाक्ब। मेको लोत्र मपढनी ? परस्थान ३:६ २७ परमपरभु यावे बेकशो मुर आन परमपरभु ममाइ, ब्रांडशो आन परमपरभु यावे बाक्ब। गे दूली मिम्बाक्नी बाक्त" दे माइक्मी बाक्त।

नेल्ल क्येडा तुइक्चा माल्थो लोत्र

मत्ती २२:३५-४०; लूका १०:२५-२६

२० मिनु सास्तरी कामी सदुकीपुकीमी येसु नु लोत्र पशो नंशा, येसुमी मेको आन लोत्र लेन्ने चाप्राक्त, दे रुष्शा डा मिन, येसु आ नेक्था जाक्शा "ए शंब, परमपरभु यावे आ अरेशो लोत्र तेको नेल्ल क्येडा डांइती डा बाक्बा ?" दे हिल्लो पवा बाक्त। २१ मिनु येसुमी "नेल्ल क्येडा डांइती डा लोत्र एकोन बाक्ब 'ए इसराएल नेनो, इ परमपरभु यावे का बाक्ब। ३० थुं का पा, सोक्त का पा, मिम्तीके नु सक्ति नेल्लमी परमपरभु यावे, इ परमपरभु कली दाक्तो' दंशो एको लोत्र नेल्ल क्येडा डांइती डा बाक्ब। व्यवस्था ६:४-५ ३१ मिनु आ नोले डा ठेयब लोत्र

'आंम इ कली दाक्शो खोदंशो पा इ नेक्था बाक्ब आन कली यो दाक्तो' दंशो बाक्ब। एको लोत्र निक्शी क्येडा ठेयब लोत्र मबाक्ब" देमाक्त। लेवी १९:१८ ३२ मिनु सास्तरीमी "शंब, गे थमान ठीक लोत्र पाइतीनी। परमपरभु यावे कानाइ बाक्ब। आ डा लाक्शा सुइ मबाक्ब। लूका २०:३९-४० ३३ मिनु थुं का पा, रुप्तीक नु सक्ति नेल्लमी परमपरभु यावे कली दाक्चा, आंम कली दाक्शो खोदंशो पा इ नेक्था बाक्ब आन कली दाक्चा, दंशो लोत्र नेल्ल क्येडा ठेयब बाक्त। मारइ मारइ क्योरशा चदेशो क्येडा मेको लोत्र टिशा पचा रिम्शो बाक्ब" देमाक्त। १सामुएल १५:२२; होस ६:६; मत्ती ९:१३ ३४ मिनु येसुमी "एकोमी निप्स खाप्यो लोत्र पाइबाक्त" दे रुष्शा "गे परमपरभु यावे आ राज्य रे डोन मबाक्नी बाक्त" दे मदा बाक्त। में डा मेरे हिंशा, सुइमी लोत्र हिल्लो मपामे बाक्त। प्ररित २६:२७-२९

खरीस्त सु का आ तौ बाक्बा ?

मत्ती २२:४१-४६; लूका २०:४१-४४

३५ मिनु येसुमी परमपरभु यावे आ खिंमी शंना शंन बाक्मनु "खरीस्त दाऊद आ तौ बाक्माक्त, दे सास्तरीपुकीमी दोपा शंने चाप्नीमी डा ? यसैया ११:१; ग्रहन्ना ७:४२; रोमी १:३ ३६ दाऊदमी परमपरभु यावे आ सोक्त र पा 'परभुमी आं परभु कली इ जोरी सतरु आन कली इ खोइली आगाम मवादुमी सम्म आं ग्युरा गे बाक्को' दंत। भजन संग्रह ११०:१; २सामुएल २३:२ ३७ दाऊदमी मेको कली परभु देब। मिनु दोपा आ तौ दुम्ने चाप्या डा ?" दे शंदा बाक्त। शुश मुरुमी आ शंशो लोत्र नंचा दाक्तमे बाक्त।

सास्तरी आन कली हुइश्शो

मत्ती २५:५-१४; लूका २०:४५-४७

३६ मिनु शंना शंन "सास्तरी आन लोत्र क्येडा होस पाइसीने। मेकोपुकीमी लाइश्शो कोट फकशा गाक्चा दाक्नीम। बजारमी हिरशा, मान पपांइसीचा दाक्नीम। ३१ गरुम्तीक खिंमी ठेयब निक्तीकेमी नित्वा दाक्नीम। भोजमी मान पपांइसीचा डा निक्तीकेमी नित्वा दाक्नीम। ४० वॉइश बेकशो मीश मुर आन शांप नेल्ल नेक्शा गेशा, दुइश्शो दुइश्शो परार्थना पा कांइसु पाइनीम। मोदंशो पाइबपुकीमी अरु आन क्येडा शुश सजाइ ताइनीम" देमाक्त। याकूब १:२७

पुरुडग मीश मुरु आ चददेशो क्यट

लूका २१ :१-४

४१ मिनु येसुमी क्यट चददेशो एर निश्शा, शुश मुरुमी क्यट चददेशो कोत्रना कोत्रन बाक्माक्त। क्यट थीब शुशमी शुश क्यट चददेशो बाक्त। २राजा १२ :१० ४२ मिनु आ वोंइश बक्शो मारइ मथीब पुरुडग मीश मुरु का जाक्शा, लेप्तान निकशो चददेशो बाक्त। लेप्तान का नेल्ल क्यड आइक्च तांबा के क्यट बाक्त। ४३ मिनु येसुमी आ शंसीब आन कली बरेशशा “नोफा दाइशशा नेनीन, नेल्लेमी चददेशो क्यड मको पुरुडग मीश मुरुमी शुश चददेशो। ४४ आ जशा बरोंइतीक क्यट नेल्ल गोप्तु। अरुमी चहिं आन गाप्शो र गेम्तेकम” देमाक्त।

“परमपरभु आ सिं मलीब” देशो

मत्ती २४ :- लूका २१ :५-३६ ; लूका १७ :२३-३७

१ मिनु येसु परमपरभु यावे आ सिं र गरुमेनु, १३ आ शंसीब कामी “ए शंब, कोत्रडीन, एको सिं ठेयब फुल्लु के सल्शा, दामो कोल्शो गिश दारशो तांडसाक्व” देमाक्त। २ मिनु येसुमी “मुल ओमो ठेयब दारशो सल्शा सिं ताप्तीवी। तन्न नोले बरेशशा, फुल्लु का यो खरोप्शा मलीब” देमाक्त।

श्येत दुम्चा गोइब

३ मिनु परमपरभु यावे आ सिं तांडसीचा डा पा जैतून डांडामी निस्सनु, पतरुस, याकूब, यूहन्ना नु अन्दरीयास जाक्शा, मत्ती १७ :१ ४ यसु कली “एको इन देशो लोत्र गेना दुम्बा? एको नेल्ल दुम्चापु, दे तुइक्पाइक्चा डा चिन्ड दोपा तांडसीनीमी? शंदीकी” देमा बाक्त। ५ मिनु येसुमी “सुइमी इं थुं मक्यामेक्त, दे होस पा बाक्कीन। ६ शुश मुरुमी आं नें बरेशशा ‘गो एको नड’ देशा, मुर आन थुं क्यडक्कीन। यूहन्ना ८ :४९ ७ शुश लडाइ दुम्शो लोत्र नेनीनु, महिनीन। मोदेशो दुम्चान माल्ब। रागी नुप्ची चहिं मजा। ८ रागी नुप्चा क्यड डांडती जात जात नु राज्य राज्यमी लडाइ पमुइनीम। रागी रागीमी खिरनु कुइब। अन्काल दुम्ब। मो दुम्मेनु, श्येत दुम्चा गावा बाक्त, दे तुंडसीब।

थमा सुइक्ब ग्याइक्चा पुंडसीनीम

९ आंम इन कली मिम्शा होस पा बाक्कीन। कळ्डी वोइक्चा पुंडसीनीनी। गरुमीकी खिमी

तुप्चा पुंडसीनीनी। आं नें आ पर्वम हुकुम पाइब नु पिप आन डांडती राप्पाइक्चा पुंडसीशा, सांकळ्डी दुम्चा माल्नीनी। १० मोदेशो दुम्चा क्यड डांडती रागी नेल्ल डा मुर आन कली ग्येरपाइक्ब लोत्र नंपाइक्बेन थुम्शा दुम्चा माल्ब। मर्कस १६ :१५ ११ मिनु इन कली ठेयब मुर आन डांडती राप्पदमेनु, मार लोत्र पय, मार दंय? दे हिंशा, मिम्स डा मिम्स मबाक्कीन। इन कली दोदेशो लोत्र पचा गेशो बाक्म, मोदेशो लोत्र पने। मारदे हना गे लोत्र मपाइनीनी, परमपरभु यावे आ साक्तीम इन कली लोत्र पपाइक्ब।

१२ लोक्बमी आ लोक्ब कली साइक्पाइक्चा गेब। आफोमी तौ कली साइक्पाइक्ब। मिनु तमी तौपुकीमी आम आफ आस कली ग्याइक्पाइक्चा साइक्पाइक्कीन। १३ आं नें आ पर्वम सुइम इन कली मदाक्कीन। सु सु चहिं नेल्ल क्यड नोले सम्म थमा सुइक्चा मपरांडथु बाक्कीनी, मकोपुकी श्येत जचा र बरोंइशा, गेना हना यो परमपरभु यावे नु बाक्चा ताइनीम। यूहन्ना १५ :१८,२१

मुल सम्म मदुम्शो श्येत दुम्ब

१४ परमपरभु यावे आ सिं गेनायो मदुम्चा डा पा बिथोलो दुम्मेनु, मको मुल पद्वेबपुकीमी रुम्मेक्त, यहूदीया रागीम बाक्बपुकी डांडा ग्येथ परोक्मल। दानीएल ९ :२७ ; दानीएल ११ :३१ ; दानीएल ११ :३१ १५ बारदालीम बाक्बपुकीमी ‘ताइशशा, सिं आव्रशा मारइ लाइक्चा ताइनुड’ दे ममिम्मेक्त, दिव दाव पुरक्शा परोक्मल। १६ रूमी गय पाइबपुकीमी ‘फक्तीक का लाइक्नुड’ देशा, सिं मलेम्मल। तन्न आन गय थु था पुरोंइशा परोक्मल। १७ कोत्रज कुरशो नु दूध तूब आल पाइशशा मीश मुर अरु क्यड शुश श्येत जाइनीम। १८ हिउंदमी मोदेशो श्येत मदुम्ब, दे परमपरभु यावे कली पुनीन। १९ परमपरभु यावेमी रागी सेला र मुल सम्म सुइमी मतुइशशा श्येत दुम्ब। मोदेशो श्येत लंशा गेनायो मपीब। दानीएल १२ :१ २० परसुमी मोदेशो श्येत जतीक नाक्त शुश वोइशशा हना, सुइ बरोंइने मचाप्नीम। तन्न आ योत्रशा आन पर्वम परसुमी मको श्येत शुश नाक्ती लीचा मगेब।

२१ मिनु मुरपुकीमी ‘खरीस्त एकर जाक्त, मेरेक बाक्ब, लो कोत्रडीन’ देतेक्म हना, थमा मसुतीन। २२ शुशमी ‘गो खरीस्त नड’ दे जोल पा गाक्कीन। ‘परमपरभु यावे आ लोत्र पाइब नकी’

दे जोल पाइबपुकीमी चिन्ड नु छ्क लाक्वा डा गेय पा कांडनीम। मेकोपुकीमी परमपरभु यावे आ योत्रशा आन कली यो लां परांडपाइक्वा माल्नीम। २३मेको दुम्बा डांडतीन नेल्ल शंशा तुइक्पाइक्त्तन्नी। एको लोत्र मिम्शा मपरंथु बाक्कीन।

### रागीम जरमेशो जाक्व

२४रागीमी मोदेशो ठेयब श्येत नुम्मेनु, सरीडमी चिन्ड तांडसीनीम। नां आ छ्कडछ्कड जाम्शा, जिक रिक्शा दुम्ब। तास्ना आ हाम्सो यो जाम्ब। २५सोरुल खपीम दोक्नीम। सरीडमी बाक्शो सक्तिपुकी हिम्सीनीम। हिबरू १२:२६ २६मिनु मुरपुकीमी रागीम जरमेशो कली गोस्सुमी गिल्सीशा, शुश सक्ति पाइश्शा, यिना यिन पशो ताइनीम। दानीएल ७:१३ २७मिनु रागीम जरमेशोमी परमपरभु यावे आ गेय पाइब आन कली रागी तेइ तेइ र परमपरभु यावे आ योत्रशो नेल्ल आन कली सुप्शा चाक्थ सोइक्व। मत्ती १३:४१

२८फोत्रशी रवा कोच्चा दाप्शा कुशो तनीनु, बर्खा जाक्माक्त्त दे तुइक्नीनी। २९आं देशो लोत्र थमा दुम्शो तनीनु, आं जाक्ची जाक्माक्त्त दे तुइक्नीनी। ३०नोफा दाइश्शा नेनीन, एको जात डा मुर मनुप्यु, आं देशो थमा दुम्ब। ३१सरीड नु रागी नेल्ल जाम्शा लाइनीम, आं लोत्र चहिं गेना हना यो मजांथु लीब।

३२मोदेशो गेना दुम्ब, दे सुइमी मतुइक्नीम। परमपरभु यावे आ स्वर्ग डा गेय पाइबपुकीमी यो मतुइक्नीम। तोमी लायो मतुइक्व। आं आफोमी ला तुइक्व।

### सासीशा बाक्चा माल्ब

३३मोदेशो गेना दुम्बा मतुइक्नीनी। मोपतीक सासीशा बाक्कीन। लूका १२:३५-४०; लूका २१:३६ ३६दोदेशो दुम्ब देशा हना, मुर का तेइ तेइ हिरथ लमेनु, लचा डांडती आ गेय पाइब आन कली का का पा आन गेय योक्शा, लाप्चो खाल पाइब कली गेना हना यो लां कोत्रशा बाक्को' दे माइश्शा लाइब। ३४आं खिं डा परभु गेना लेश्शा जाक्वा, दे मतुइक्नीनी। नां रिक्शा जाक्वा कां? नाक्दो जाक्वा कां? भाले गरीची ना जाक्वा कां? सुनी जाक्वा कां दे मारेइ मतुइक्नीनी। मेको इन मतुइक्थु जाक्व। लूका १२:३६ ३६इन मतुइक्थु जाक्मनु, इन कली इप्शो मथिदल। ३७मोपतीक लां कोत्रशा सासीशा बाक्कीन दे माइक्त्तन्नी।

मोदेशो नेल्ल आन कली माइक्नुडमी" दे शंदीमी बाक्त्त।

येसु कली साइक्वा माल्शो

मत्ती २६ :- २८ :-; लूका  
२२ :- २४ :-; यूहन्ना १८ :- २१ :-

१४

१मिनु बोरब ओख्ती मसुप्शो शोब्त जतीक पास्सा चाड आ निकशी नाक्ती डांडती ठेयब चदेब नु सास्तरीपुकीमी "येसु कली दोपा मुर आन मतुइक्थु ग्याइश्शा, साइक्पाइक्चा" दे लोत्रसी पमुमानु २"चाड नाक्ती मदुम्ब, मुरपुकीमी मरिम्शो पाइनीम" देमुमा बाक्त्त।

येसु तेल खरक्चा पुंडसीशो

३येसु बेथानीमी कोर पाइब सिमोन आ खिंमी खमे जना जन बाक्मेनु, मीश मुर कामी शुश क्येट लाइब बरोत्रशा रिना पाइश्शा तेल कुरशा जाक्शा, मेको तेल येसु आ पियामी तुक्ता बाक्त्त। ४मिनु मेकर बाक्व का निकशीमी "आदेशो तेल मारदे एकोमी ओपा ताइक्ता? ५लेयड हना, सह सां देनार क्येडा शुश ताक्शा, श्येत जाइब आन कली योक्शा, वारच पने चाम्स वा" दे आन थुं मनुथु, मीश मुर कली हुइक्त्तमे बाक्त्त। देनार का नाक्त्त का डा गाल्व बाक्त्त। मेको रोम डा चांदी के क्येट बाक्त्त। ६मिनु येसुमी "भहुइक्तीन, मारदे आ थुं साइक्पाइक्की? आं कली रिम्शो पाइक्ती। ७श्येत जशो मुर गेना हना यो थित्नीनी, मिनु शिशी पाइक्चा दाक्ताक्नी हना, गेना हना यो पाइक्ने चाप्नीनी। आं कली चहिं नोले मथित्नीनी। व्यवस्था १५:११ ८आ चाप्शो पाप्नु। बेक्चा क्येडा डांडती आं रां थिम्चा कली तेल खरक्ताक्व। ९नोफा दाइश्शा नेनीन, रागीम ते ते आं लोत्र नंपाइक्नीमी, मेक मेक एको आ पशो आ पर्वम यो लोत्र पाइनीम" देमाक्त्त।

इस्कारीयोत डा यहूदा आ पशो

१०इस्कारीयोत डा यहूदा येसु आ शंसीब कामी ठेयब चदेब आन कली "येसु कली ग्याइक्चा वारच पाइनन्नी" दे लोत्र पथ लमाक्त्त। मिनु मेकोपुकीमी आ देशो नंशा, ग्येरशा "लो, रिम्शान दुम्त्त। क्येट गेनीकी" देमा बाक्त्त। ११मे डा मेरे "गेना नु दोपा ग्याइक्चा वारच पदुमी" दे योत्रकी पना पन गाक्माक्त्त।

पास्सा चाड डा भोज

१२ बोरब ओरुती मसुप्शो शोब्ले जतीक चाड आ डांडती डा नाक्ती पास्सा डा पाठा क्योरशा व्याइनीम। मिनु यसु आ शंसीबपुकीमी “पास्सा मानेचा कली ते लशा साचा? मार देनीनी?” दे हिल्लो पामे बाक्त। १३ मिनु यसुमी शंसीब निक्शो आस कली “सहर लस। मिनु गाग्री कुरशो मुर का कली गरुन्नीसी। मेको आ नोले खातीसे। १४ मिनु मेको तेको खि ओत्रबा, मे यो ओत्रडीसे। मिनु खि डा मुर कली शंबमी सोइइशा नस्कु। शंबमी आ शंसीबपुकी नु काथा बाक्शा, पास्सा ते मानेचा? दे हिल्लो पथ सोइइक्ताक्सकी” दे मतीसे। मर्कस ११:३ १४ मो माइक्सीनु, मेकोमी इस कली तला तारी टेयब कोठा का कोइब। मेको कोठामी गुन्दरी पीरा बरशा वोइइशा थिल्लीसी। मिनु मेकेरन साचा” दे सोइइक्तीम्सी बाक्त। १६ मिनु मेको निक्शो लशा, सहर जाक्दीइशा, यसुमी दोदंशो देम, मोदंशो थित्से बाक्त। मिनु पास्सा चाड डा भोज सादसे बाक्त।

१७ मिनु नां रिक्मेनु, यसु नु आ १२ जना शंसीब सुम्समा बाक्त। १८ मिनु जना जन बाक्मानु, यसुमी “नोफा दाइइशा ननीन। मुल एक बाक्ब काम आं कली ग्याइक्ब आन कली वारच पाइब। मुल गो नु काथा जना जन बाक्ब” देमाक्त। यूहन्ना १३:२१-२६ १९ मिनु नेल्लेमी शुश मरिम्शो लाक्शा “ए परभु, मेको वारच पाइब गो दुम्नुडा को?” दे का का पा हिल्लो पामे बाक्त। २० मिनु यसुमी “१२ जना शंसीब इन दाते डा का बाक्ब। गो नु काथा शोब्ले शेक्कुम तेब्वमी आं कली ग्याइक्पाइक्चा वारच पाइब। २१ मारदे हना रागीम जरमेशो आ पर्वम बरक्शा लोत्र नेल्ले थमा दुम्बा माल्ब। मेको बेक्चा माल्ब। मो हना यो रागीम जरमेशो कली ग्याइक्पाइक्चा वारच पाइब कली शुश मरिम्शो दुम्ब। मो दंशो पाइब मुर मजरमेस हना, मेको कली रिम्शो दुम्ब वा” दे माइक्मी बाक्त।

२२ मिनु जना जन बाक्मानु, शोब्ले शेशा “गे रिम्शा पाइब बाक्नीनी” दे परार्थना पशा जिक्शा, आ शंसीब आन कली योक्शा “दाइसीने, एको आं रां बाक्ब” देमाक्त। १कोरिन्थी ११:२३-२५ २३ मिनु कचौरा शशा “गे रिम्शो पाइब बाक्नीनी” दे परार्थना पा, मेको आन कली त्चा गेमी बाक्त। मिनु नेल्लेमी त्चडे बाक्त। २४ मिनु “एको आं हुश बाक्ब। आं हुशमी परमपरभु याव

आ गेशो नक लोत्र खाप्ता। आं हुश जारशोमी शुश मुर आन पाप क्याम्सीब। परस्थान २४:८; हिब्रू ९:१५-१६ २४ नोफा दाइइशा ननीन, मुल डा मरे एको अडगुर रे सत्त्थो त्तीके मत्तनुड। नोले नेल्ले नक दुम्शा, परमपरभु याव आ राज्यमी बाक्शा त्तनुड” दे माइक्मी बाक्त। २६ मिनु कुम्सो पा बाक्शा, जैतून डाडा ग्यत्थ लमा बाक्त। भजन संगरह ११३:- ११८:-

पतरुसमी “गेनायो मपरोइनन्नी” दंशो

२७ मिनु लना लन बाक्मानु, यसुमी “गे नेल्लेमी इन थुं ग्यशा, आं कली परोइनीनी। मारदे हना ओदे बरक्शा लोत्र थमा दुम्ब गो गोठला कली तुप्शा खरनुड। मिनु मंडापुकी परोक्शा, साव सुव बराइनीम” दंशो बाक्ब। जकरिया १३:७; यूहन्ना १६:३२ २८ नोले गो बेक्शा रे संचा पुंडसीशा, इन डांडती गालील रागी जाक्दीत्तनुड” देमाक्त। मर्कस १६:७ २९ मिनु पतरुसमी “मेको नेल्लेमी इन कली परोइशा परोक्त्तम हना यो, गो मपरोइनन्नी” देमेनु, यूहन्ना १३:३८ ३० यसुमी “नोफा दाइइशा ननीन, मे नाक्दान भाले खयप निक्शो मगरीथु, खयप सां सम्म मेको कली मतुइक्नुड, सु बाक्म” दे आं पर्वम देनेवे” दे मदा बाक्त। ३१ मिनु पतरुसमी “मदेनुड, गे नु काथा बाक्शा, साइक्चा पुंडसाक्की हना यो, मोदंशो गेनायो मदेनुड” दे लोत्र थोक्शा देमाक्त। आ शंसीब नेल्लेमी यो मो देमा बाक्त।

गेथ्सेमनेमी परार्थना पशा

३२ मिनु गेथ्सेमने जाक्दीम्मा बाक्त। मिनु यसुमी “लो, एक बाक्कीन। गो इच्ची आइक्था लशा, परार्थना पाइनुड” दंशो, ३३ पतरुस, याक्ब नु यूहन्ना सां आन कली आइक्था लाइइशा लमाक्त। यसु आ थुं शुश साइक्माक्त। मती १७:१ ३४ मिनु सां आन कली “आं थुं शुश साइइशा, बेक्चा डा दुम्ती। मइप्यु गो नु काथा बाक्कीन” दे माइक्मी बाक्त। यूहन्ना १२:२७ ३५ मिनु इक्का डांडती लशा, खपीम बाप्शा “दुम्त हना, मुल दुम्बशो श्यत मदुम्त” दे परार्थना पवा बाक्त। ३६ मिनु “आब्बा, आं आफ, गे मारइ मारइ पने चाप्नीनी। एको कचौरा आं कली मत्पाइक्थु लतीने। तन्न आं दाक्शो मदुम्त। इन दाक्शोन दुम्त” दे परार्थना पशा, लेइशा जाक्माक्त। यसुमी आइक्च आल खादंशो पा आ आफ कली आब्बा देत। ३७ लेइशा

जाकमेनु, सांफा आन कली इप्शो तामी बाक्त । मिनु पतरुस कली “ए सिमोन, इमे? छिन का यो मइप्थु बाक्ने मचबी? मर्कुस १०:३८ ३८ थुं थाम्चा पुंडसेनु, पाप मपड, दे मइप्थु बाकशा प्रार्थना पावो। थुंमी पाडनुड, चानुड देब, तन्न रांमी फाल्ने मचाप्त्र” दे मदा बाक्त । ३९ मिनु लेंशा इच्का आइक्था लशा, डांइती प्रार्थना पशो खोदेंशो पा, प्रार्थना पवा बाक्त । ४० मिनु लेंशा लेशशा जाकशा, निन्दरामी दुक्शा बाकशा तामी बाक्त । मेकोपुकीमी मार देंचा, दे मारइ मतुइक्तमे बाक्त । ४१ मिनु लेंशा प्रार्थना पथ लशा, लेशशा जाकशा, मेको आन कली “गे मुल सम्म इप्शा बाक्नीनी? मुल गाप्त्र । रागीम जरमेशो पापी आन गुडमी गेचा पुंडसीचा चिक्ताक्व । ४२ लो बोक्कीन, लय । आं कली ग्याइक्चा वारच पाइब जाक्चाप्तु” दे माइक्मी बाक्त ।

### येसु ग्याइक्चा पुंडसीशो

४३ मो माइक्मीनु, आ शंसीब यहूदामी ठेयब चदेब, सास्तरी नु जोक्व तुइक्व खालपापुकीमी सोइश्शो तरवार कोक्क कुरब हुल, येसु कली ग्याइक्थ चाक्का बाक्त । ४४ यहूदामी “सु कली पुक्पु पदु, मेको कली ग्याइश्शा लतीने” दे ग्याइक्थ जाक्व आन कली तुइक्पाइश्शो बाक्माक्त । ४५ मिनु जाक्मानु, यहूदा येसु आ नक्था लशा “रब्बी” दे ब मुप्शा, पुक्पु पवा बाक्त । हिब्रू लोव्रमी ठेयब शंब कली रब्बी देनीम । ४६ मिनु ग्याइक्थ जाक्वपुकीमी येसु कली ग्याइक्तमे बाक्त । ४७ मिनु येसु नु काथा बाक्व कामी तरवार गिर शाइश्शा, ठेयब चदेब आ वाइल का आ नोफा दि खरोदा बाक्त । ४८ मिनु येसुमी आ कली ग्याइक्व हुल आन कली “तरवार कोक्क कुरशा, खुइ पाइब कली ग्याइक्थ जाक्शो खोदेंशो पा आं कली ग्याइक्थ जाक्नी? ४९ नाक्त कित कित परमपरभु यावे आ सिंमी गेपुकी नु काथा बाक्शा, शंना शंन बाक्डानु, मग्याइक्तीनी । तन्न परमपरभु यावेमी बरक्पाइश्शो लोव्र थमा दुम्चा कली आदेंशो दुम्त” दे माइक्मी बाक्त । ५० मिनु आ शंसीबपुकी येसु कली थुं था परांइशा, साव सुव बरशा परोक्मा बाक्त । ५१ मिनु येसु कली ग्याइश्शा फरेंशा लदमेनु, ठिटा का आन नोले खोदा बाक्त । मेको ठिटाम वा का ला गिल्सीशो बाक्माक्त । ५२ मारदे हना मेको कली

ग्याइक्तमेनु, आ फक्शो वा परांइशा, शिशरा परोक्शो बाक्माक्त । आमोस २:१६

### येसु कली चदेब आ डांइती चाक्शो

५३ मिनु येसु कली नेल्ल क्येडा ठेयब चदेब आ डांइती चाक्दीत्म बाक्त । मेकर ठेयब चदेब, जोक्व तुइक्व खालपा नु सास्तरीपुकी सुम्सीशा बाक्शो बाक्मा बाक्त । ५४ पतरुस मेको आन नोनोले खोइश्शा लशा, नेल्ल क्येडा ठेयब चदेब आ लाडगा जाक्दीम्माक्त । मेकर सिपाइपुकी नु काथा मी थरशा बाक्माक्त ।

५५ ठेयब चदेब नु मेकर बाक्व नेल्लेमी मार पामे बाक्त देशा हना, जोल पा दोस गेशा, येसु कली साइक्पाइक्चा माल्मे बाक्त । तन्न दोस गेने मचाप्त्रे बाक्त । ५६ शुश मुरुमी जोल पा सांकछी गेमे बाक्त, तन्न आन लोव्र मगारमाक्त । ५७ सांकछी का निक्शी बोक्शा “एको ग्याइश्शो मुरुमी सावेर मार देशो नंतक देशा हना ५८ एको गुडमी सेल्शो परमपरभु यावे आ सिं परेशशा, नाक्त सांमी अर्का सेल्नुड । मेको चहिं गुडमी सेल्शो ममाइ देशो नंतक” देमा बाक्त । यहून्ना २:१९-२१ ५९ मो देमा बाक्त हना यो, आन लोव्र मगारमाक्त । ६० मिनु नेल्ल क्येडा ठेयब चदेब बोक्शा, आन दातमी राप्शा, येसु कली “एकोपुकीमी देशो लोव्र नेंशा, मार देनवे?” दे हिल्लो पवा बाक्त । मर्कुस १५:५ ; यसेया ५३:७ ६१ मिनु येसु सिक्सी पा बाक्शा, लोव्र का यो मलेत्ता बाक्त । मिनु नेल्ल क्येडा ठेयब चदेबमी “गे नेल्ल क्येडा मान ताइब परमपरभु यावे आ तो खरीस्त नवे?” दे हिल्लो पवानु, ६२ येसुमी “गो नड । गे रागीम जरमेशो कली नेल्ल सक्ति पाइश्शो आ ग्युरा गे बाक्शो ताइनीनी । गोस्सुमी गिल्सीशा जाक्ना जाक्न पशो ताइनीनी” दे मदा बाक्त । भजन संग्रह ११०:१ ; दानीएल ७:१३-१४ ६३ मिनु नेल्ल क्येडा ठेयब चदेबमी आंम आ फक्शो वा साक्शा “परमपरभु यावे कली शुक्शी लोव्र पाइबाक्त । ६४ मार सांकछी माल्दा डा? आ शुक्शी पशो लोव्र गे नेल्लेमी नेंशा, सांकछी दुम्तीनी । एको कली मार पाइक्चा? मार देनीनी?” दे माइक्मीनु, नेल्लेमी “साइक्चा माल्ब” देमा बाक्त । यहून्ना १९:७ ६५ मिनु साइक्चा माल्ब देशा डा मिन, का निक्शीमी आ कुलम तोक्तमे बाक्त । का निक्शीमी आ मिक्च सुम्शा, तुप्शा “सुमी तुमे? लो देन” दे शुक्शी पामे बाक्त ।

मिनु सिपाइ आन गुडमी गेमे बाक्त। मेकोपुकीमी तुप्ना तुप्न लदमे बाक्त।

पतरुसम “मेको कली मतुइक्नुड” देशो

६६ आगाम मोदेशो दुम्मेनु, पतरुस लाङ्गामी बाक्माक्त। मिनु गय पाइब मीश मुर कामी जावशा, ६७ पतरुस कली मी थरशा तशा, शिरशा कोवशा “गे यो मेको नासरथ डा यसु नु काथा गाक्ब का बाक्ड बाक्त” देमाक्त। ६८ मिनु पतरुसमी “इ देशो मरुबु। मारइ मतुइक्नुड” देमाक्त। मिनु गरुशा, ठेयब लाप्वा डा लो जाक्दीम्माक्त। ६९ मिनु मेको गय पाइब मीश मुरुमी पतरुस कली लंशा तशा, मेकर बाक्ब आन कली “मेर यो मेको नु गाक्ब का बाक्त” देमनु, ७० पतरुसमी “गो मनड, मेको कली मतुइक्नुड” देमाक्त। मिनु छिन्न का नोले मेकर बाक्बपुकीमी यो “गे मेको नु काथा गाक्ब का बाक्डे बाक्त, मारदे हना गालील डा बाक्डे बाक्त, दे तुंडसीब” देमानु, ७१ पतरुसमी “जोल पाता हना, यावेमी सजाइ गयील, इन देशो मुर कली तुंडसीन मतुइक्नुड” दे कसम जशा, आ लोत्र थोक्शा देमाक्त। ७२ मो देम चोटी भाले खेयप निक्शी गरीमाक्त। मिनु पतरुसमी “भाले खेयप निक्शी मगरीथु, खेयप सां सम्म मेको कली मतुइक्नुड, सु बाक्म ? देनेवे” दे यसुमी देशो लोत्र ति फरुक्गा बाक्त। मिनु आ पशो मिम्शा डाक्माक्त।

पिलातस आ डांडती राप्पाइश्शो

१ मिनु नां सोत्रमेनु, ठेयब चदेब, जोक्ब तुइक्बखाल्पा नु सास्तीरुपीकी, सभाम बाक्ब नल्ल सुम्सीशा, सल्ला पामे बाक्त। मिनु येसु कली फरंशा लाइश्शा, पिलातस आ गुडमी गेमे बाक्त। २ मिनु पिलातसमी येसु कली “गे यहूदी आन पिप नवे?” दे हिल्लो पवानु “गे आंमा देतीनी” दे लोत्र लेत्ता बाक्त। ३ ठेयब चदेबपुकीमी शुश दोस गेमे बाक्त। ४ मिनु पिलातसमी येसु कली “इ कली शुश दोस गम्तेक्म। गे मेको आन कली मारइ लोत्र मलेत्तेवे?” दे हिल्लो पवा बाक्त। ५ मिनु येसुमी लोत्र का यो मलेत्ता बाक्त। मिनु पिलातस छक् लाक्माक्त। मर्कुस १४:६१; यसैया ५३:७

६ पास्सा नाक्ती पिलातसमी मुरपुकीमी परांडचा, दे पुंडशो जेल्खानमी चोक्सीशो मुर का कली परांडबाक्माक्त। ७ सरकार कली मरिम्शो पा जेल्खानमी चोक्चा पुंडसीशो मुर आन दांते डा बारब्बा माइश्शो का बाक्माक्त।

मेकोमी मुर साइश्शो बाक्माक्त। ८ मिनु मुरपुकीमी पिलातस कली “साइ रे डा पशो खांदशो पा मुर का कली परानीन” दे पुन्मे बाक्त। ९ मिनु पिलातसमी “यहूदी, इन पिप परांडचा दे पुंडनी?” दे हिल्लो पवा बाक्त। १० मारदे हना ठेयब चदेबपुकीमी थुं चाशा, येसु कली ग्याइक्पदमे बाक्त दे रुष्शा, परांडचा माल्शो बाक्माक्त। यहून्ना ११:४८ ११ तन्न ठेयब चदेबपुकीमी मुर आन कली हुल पोक्शा “मेको कली मपरांडचा, बारब्बा कली परांडचा, सरकार” दे पुंडपदमे बाक्त। १२ मिनु पिलातसमी “गपुकीमी यहूदी आन पिप देशो मुर कली मार पदु मिनु?” दे हिल्लो पवानु १३ “मेको कली शीमी क्येष्शा कांटी थोक्शा क्याइक्चा माल्ब” दे रेयके पचा गोत्रमे बाक्त। १४ मिनु पिलातसमी “मार मरिम्शो पवा, मार दोस गेचा” देमनु “शीमी क्येष्शा कांटी थोक्शा क्याइक्चा माल्ब” दे शुश रेयके पामे बाक्त। १५ मिनु पिलातसमी “हुल आन दाक्शा पचा” दे मिम्शा, बारब्बा कली परांडपदा बाक्त। येसु कली चहिं युक्पाइश्शा, शीमी क्येष्शा कांटी थोक्शा क्याइक्चा कली सिपाइ आन गुडमी गेवा बाक्त।

येसु कली शीमी क्येष्शा क्याइश्शो

१६ मिनु सिपाइपुकीमी येसु कली दरवार डा सिपाइ आन बाक्तीक चाक्दीश्शा, आन पल्टन नल्ल सुष्शा डा मिन, १७ आ फेक्शो वा परुइश्शा, पिप आन फेक्तीक रड पाइश्शो वा फेक्पाइश्शा, चू के सिरपच सल्ला, आ पियाम गुप्तमे बाक्त। १८ मिनु “यहूदी आन पिप, संउ ताक्कीन” दे संउ पखु पामे बाक्त। १९ मिनु रेक्के के कोक्केमी आ पिया तेत्मे बाक्त। आ कुल तोक्तेमे बाक्त। मिनु आ डांडती पोक्च थक्शा बाप्शा, ठेयब सल्लु पामे बाक्त। २० मिनु शुक्शी पचा रुशा, वा परुइश्शा, आंम आ वा फेक्पाइश्शा, गरुइशा, शीमी क्येष्शा कांटी थोक्शा क्याइक्चा कली लदमे बाक्त।

२१ मिनु लना लन बाक्मानु, आ गाउं रे पिशो साइरनी डा सिमोन गरुम्मे बाक्त। मेको सिमोन अलेकजन्डर नु रुफुस आस आफ बाक्माक्त। मेको कली गरुम्शा, येसु कली क्येप्तीक शी “लो, कुर कि कुर” दे कुरपदमे बाक्त। रोमी १६:३३

२२ मिनु येसु कली गोल्वाथामी चाक्दीत्मे बाक्त। गोल्वाथा कली खप्परे यो देसीब। २३ मिनु अडगुर शांबुमी मुरे माइश्शो तेल कुर पशो तूतीक गेमेनु, येसुमी तून मबिस्स बाक्त। २४ मिनु

शीमी क्येप्शा कांटी थोकशा क्यदमे बाक्त। क्याइश्शा डा मिन, सुमी ताइबा, दे तुइक्चा कली वा वोइश्शा फन्ट आप्मे बाक्त। भजन संग्रह २२:१८ २५ शीमी क्यदमेनु, सुनी डा ९ बजेशो बाक्माक्त। २६ “यहूदी आन पिप” दे दोस गंशा, बरक्शा बरक्स यो क्येप्शा बाक्माक्त। २७ सुइ निक्शी आस कली यो का आ ग्युरा गे, का आ परा गे क्याइश्शा वादमे बाक्त। २८ मो पशामी “भरिम्शो पाइब सुइश्शा, भरिम्शो पाइब नु काथा वोइक्चा पुंडसीब” दे परमपरभु यावेमी बरक्पाइश्शा लोत्र थमा दुम्माक्त। यसैया ५३:१२

२९ मेकर कोत्रब शुश मुर बाक्मा बाक्त। मेकोपुकीम आन पिया हिम्शा “परमपरभु यावे आ खिं परेश्शा, नाक्त सांमी नक सेल्लुड, देते। सोइ मिन, सेल्ले चबी? मर्कस १४:२८ ३० शीमी क्येप्शा र परांडसीशा तांडसो” दे शुक्शी पामे बाक्त। ३१ ठेयब चढेब नु सास्तरीपुकीमी यो शुक्शी पा “शुश मुर आन कली श्येत र परांडना परांडन गाक्बाक्त, आंम कली चहिं परांडसीने मचाप्बाक्त। ३२ इसराएल डा पिप, खरीस्तमी शीमी क्येप्शा र परांडसेक्ल। परांडसीशा ताइतय हना, थमा सुइक्नय” देमुमा बाक्त। आ ग्युरा नु परा गे वोइश्शा निक्शीमी यो शुक्शी पदस बाक्त। मत्ती १६:१४

३३ मिनु नाक्त १२ बजे नां जिक् रिक्शा, ३ बजे सम्म रागी नल्ल छिड्छिड् दुम्माक्त। ३४ मिन ३ बजे गे येसुमी “एली, एली, लामा असाप्यानी” दे वाइ बरम्माक्त। आ देशो मार रुम्सीब देशा हना “आं परमपरभु, आं परमपरभु, मारदे परांडयीनी?” देशो रुम्सीब। भजन संग्रह २२:२ ३५ एर आंथ बाक्बपुकीमी मो देशा वाइ बरेशशा नंशा “नेनीन, एलीया कली बरत्ताक्व” देमुमा बाक्त। ३६ मिनु का दोरशा लशा, रुवामी ग्युराशो तूचा थोत्रक नुप्शा, कोक्केमी लिक्शा युप्वा गेशा “एलीया जाक्शा, परांडबा को? लो, कोत्रब” देमाक्त। ३७ मिनु येसु लंशा काले वाइ बरेशशा, नोले सोक्त कीशा बेक्माक्त। परस्थान २६:३१-३३; २इतिहास ३:१४ ३८ मिनु बेक्म नोले मार दुम्माक्त देशा हना, परमपरभु यावे आ खिं आगा डा कोठामी बारशा वा इर र उइ सम्म उइक्थ पा जेर गाक्माक्त। ३९ मिनु येसु आ डांडती राप्शा बाक्शो कप्तानमी येसु वाइ बरेशशा, नोले सोक्त कीशा बेक्शो तशा “थमा पा, एको मुर परमपरभु यावे आ तौ बाक्माक्त” देमाक्त।

४० येसु बेक्मेनु, शुश मीश मुरपुकीमी डोन र कोत्रशा बाक्मा बाक्त। मोदेशो कोत्रब का माग्दाला डा मरीयम बाक्माक्त। का याक्ब नु योसस आस ममा मरीयम बाक्माक्त। का सालोमे बाक्माक्त। ४१ मेकोपुकी गालील र यरूसलेम सम्म काथा गाक्शा, येसु कली वारच पना पन बाक्शा बाक्मा बाक्त। अरु यो काथा गाक्शा, यरूसलेम जाक्दीश्शा बाक्मा बाक्त। लूका ८:२-३

येसु आ रां पुक्खीमी वोइश्शा

४२ येसु बेक्ची नाक्त चहिं नाइक्तीक नाक्त आ डांडती नाक्त बाक्माक्त। मिनु नां रिक्मेनु, मार दुम्माक्त देशा हना, ४३ अरीमाथीया डा योसफ माइश्शा, सभामी बाक्ब आन दाते डा हिक्सीशो मुर का बाक्माक्त। मेको परमपरभु यावे आ राज्य तांडसेक्ल, दे आस पा बाक्शा बाक्माक्त। मेको मुरुमी महिंथु, पिलातस कली गरुमथ लशा “येसु आ बेक्शो रां लाइक्चा गेयीनी” दे पुना बाक्त। ४४ मिनु पिलातसमी बेक्म को? मबक्म दे मारइ मतुइक्थु कप्तान कली बरेशशा “मेको येसु माइश्शा बेक्मे?” दे हिल्लो पवा बाक्त। ४५ मिनु कप्तानमी “बेक्त” देमेनु, लाइक्चा गेवा बाक्त। ४६ मिनु योसफमी बुश वा ग्याप्शा चाक्शा, येसु आ बेक्शो रां र कांटी उइश्शा शोल्शा, बुश वामी गिल्शा लाइश्शा, पुक्खी कामी आंइशा वोदा बाक्त। मेको पुक्खी बेक्शो मुर वोइक्चा कली फुल्लु मुशा, लाप्वा पाइश्शा सल्शा वोइश्शा बाक्माक्त। मिनु बेक्शो मुर आंइशा वोइश्शा, फुल्लुमी चोक्शा वोदा बाक्त। ४७ मोपा वोइश्शा माग्दाला डा मरीयम नु योसस आ ममा मरीयममी ताम्स बाक्त।

येसु बेक्शो र संसाक्व, दे नंपाइश्शा

मत्ती २८:१-१०; लूका

२४:१-१२; यूहन्ना २०:१-१०

१६ मिनु नाइक्तीक नाक्त नोले माग्दाला डा मरीयम, याक्ब आ ममा मरीयम नु सालोमेमी बेक्शो मुर आ रांम खरक्चा कली खरक्तीक ग्याप्मे बाक्त। २ मिनु हप्ता डा डांडती नाक्त सुनी कना बोक्शा, नां सोत्रमेनु, पुक्खी गे लमा बाक्त। ३ मिनु लमा लमा “फुल्लु सुमी याक्शा गेवा?” देमुमा बाक्त। ४ मिनु जाक्दीश्शा कोत्रडमेनु, फुल्लु याक्ने थुम्शो तामे बाक्त। मेको फुल्लु शुश ठेयब बाक्माक्त।

५ मिनू पुक्की ओवशा कोवडमेनु, बुश वा फेकशो ठिटा का ग्युरा गे निश्शो तशा छक लाकमा बाक्त। ६ मिनू मेको ठिटामी “मार छक लाकनी ? शीमी क्यप्शा कांटी थोक्शा क्याइश्शो नासरथ डा यसु कली माल्थ जाकनी ममाइ ? आ बेक्शो रां वोइक्तीक कोवड्डीन, मबाक्व। बेक्शो र संसाक्व। ७ मुल लशा, पतरूस, शंसीब नल्ल आन कली नु इन डोंइती तुइक्पाइश्शो खोदेशो पा, इन डोंइती गालील जाक्दीप्व। मंकर गुरूचा ताइनीनी, दे शोव्रथ लन” दे माइक्मी बाक्त। मर्कस १४ :२८, ८ मिनू मीश मुरपुकी छक लाक्शा, हिशा खिरंखिर पा फो फु गरूशा परोक्मा बाक्त। मिनू सुइ कली मारइ मदंमा बाक्त। मारदे हना क्युल हिंशो बाक्मा बाक्त।

येसुमी आंम कली तपांडसीशो

लूका २४ :३६-४९ ; यूहन्ना २० :१९-२३

१ हप्ता डा डोंइती नाक्ती सुनी कना येसु बेक्शो र संसीशा, ७ ओटा वोल गरुंडचा पुंडसीशो माग्दाला डा मरीयम कली तपांडसे बाक्त। लूका ८ :२ ; यूहन्ना २० :१-१८, १० मरीयममी येसु कली तशा, लशा, डोंइती येसु नु काथा गाक्व मुल आन थुं साइश्शा बाक्व आन कली “गो येसु कली बेक्शो र संसीशा बरांडशो ताता” दे शोव्रडा बाक्त। ११ मेकोपुकीमी मरीयम आ लोव्र थमा मसुदमे बाक्त।

१२ नोले येसु कली थमा सुइक्व निक्शी आस गाउं लसानु, लांमी येसुमी तपांडसे बाक्त। लूका २४ :३३-३५ १३ मेको निक्शी फरा फरु लेश्शा जाक्शा, अरु आन कली “येसु कली ताइतस्कु” देसा बाक्त। मिनू मेको आस लोव्र यो थमा मसुदमे बाक्त।

१४ मिनू नोले आ शंसीब ११ जनामी समे जना जन बाक्मानु, येसुमी मेको आन कली तपांडसे

बाक्त। मिनू “मुल सम्म रुप्वा थुं मपनी ? मुल यो थमा मसुइय्यीनी ?” दे हुइक्तीमी बाक्त। मारदे हना “बेक्शो र संसीशा बरांडशो आंइ मिक्कीमी ताइतक” देब आन लोव्र थमा मसुइश्शो बाक्मा बाक्त। १४ कारिन्थी १५ :५

येसु आ नोले डा लोव्र

१५ मिनू येसुमी आ शंसीब ११ जना आन कली “रागी नल्ल हिरशा, ग्यरपाइक्व लोव्र नल्ल आन कली नंपतीन। मर्कस १३ :१० ; मत्ती २८ :१६-२० १६ सुमी थमा सुइश्शा, ब्वाक्कुमी खरुम्शा गरुंडचा पुंडसीबा, मेको बरांडचा ताइब। सुमी चहिं थमा मसुइक्वा, मेको सजाइ गेचा पुंडसीब। पररित २ :३८ ; पररित १६ :३१-३३ १७ थमा सुइक्वपुकी दोदेशो सक्ति पाइश्शो दुम्नीम देशा हना, आं नं थिशा वोल आन कली गरुंडशा खरनीम। परमपरसु यावे आ सोक्तीमी पपाइश्शो लोव्र ब्वाक्नीम। पररित १६ :१८ ; पररित १० :४६ ; पररित १९ :६ १८ बुस्स ग्याइक्ताक्म हना यो, ओश्यर तूतक्म हना यो, मेको आन कली मारइ मदुम्ब। रोइ पाइब आन तारी गुइ चाक्शा परार्थना पामेनु, सानीम” दे माइक्मी बाक्त। लूका १० :१९ ; पररित २८ :३-६ ; याक्व ५ :१४-१५

१९ मेको लोव्र नल्ल थुम्शा नोले परभु येसु स्वर्ग लाइक्चा पुंडसे बाक्त। मिनू परमपरभु यावे आ ग्युरा गे निस्से बाक्त। पररित १ :२ ; भजन संग्रह ११० :१ ; पररित ७ :५५ २० मिनू येसु कली थमा सुइक्वपुकी लशा, ग्यरपाइक्व लोव्र तेइ तेइ नंपाइक्ना पाइक्न गाक्मा बाक्त। परभु यो मेकोपुकी नु काथा बाक्शा, चिन्ड कांइना कांइन मेको आन लोव्र थमा बाक्व देबाक्माक्त। पररित १४ :३ ; हिब्रू २ :४

## लूका

बरेक्ब मुर: नेल्ल क्येडा डोंडती डा थमा सुइक्ब नु नोले थमा सुइक्ब आन इतिहास बरेक्ब यरोम नु यूसेवियसमी एको किताब लूकाम बरेक्शा बाक्ब, दे तुइक्तस बाक्त। लूकामी प्रेरित किताब यो बरेक्शा बाक्ब। परमपरभु यावे आ लोत्रमी लूका आ पर्वम सां खेयप लोत्र पशो बाक्ब। कलस्सी ४:१४; फिलेमोन:२४; तिमोथी ४:११ लूकामी, इस्राएली मदुम्शो, पावल नु गेय पवा बाक्त। मेको शुश शेंसीशो मुर बाक्माक्त।

गेना बरेक्शा: एको किताब गेना बरेक्शा बाक्ब ठीक पा मतुइक्नीम। तन्न ६०-८५ ए. डी. मेर दुम्चा माल्ब। लूका आ बरेक्शा क्येडा डोंडती अर्को ग्येरपाइक्तीक लोत्र बरेक्ने थुम्शो बाक्तेक्म। लूका १:१

मारदे बरेक्शा: लूकामी थियोफोलस माइश्शो टेयब मुर कली येसु खरीस्त आ इतिहास नु आ शेंशा नेल्ल बरेक्शा बाक्ब। येसु आ किकी पिपी आदम सम्म डा लोत्र बरेक्शा बाक्ब। एको किताब यहूदी आन कली ला ममाइ, रागी नेल्ल डा मुर आन कली ग्येरपाइक्ब लोत्र बाक्ब। येसु नेल्ल मुर, परुडग नु श्येत जाइब आन कली यो पाप रे प्रोइब बाक्ब।

### डोंडती डा लोत्र

१माननीय थियोफोलस, इं रागीम मार १ मार दुम्म, मेको आ पर्वम शुश लोत्र बरशा बाक्माक्त। २डोंडती रे मेको ताइब नु तुइक्बपुकीमी मेको आन तशा, तुइश्शो लोत्र तइ तइ नेपाइश्शो बाक्मा बाक्त। १यूहन्ना १:१-४ ३गामी ताइब तुइक्ब आन देशो नंशा, बरेक्ब आन बरेक्शा पदशा “थमान बाक्माक्त” देती। मिनु गो यो बरेक्तु देशा, एको लोत्र का का पा इन कली बरेक्ताक्नी। प्रेरित १:१; कलस्सी ४:१४ ४लोत्र का निक्शी डोंडती नेनी माइ। एको आं बरेक्शा यो पदतीनी हना, गेमी यो “थमा बाक्माक्त” दे थमा सुइक्नीनी।

### जकरिया योत्रसीशो

५यहूदीया रागीम हेरोद पिप आ पालामी अबीयाह आ हुल डा जकरिया नें पाइश्शो चदेब का बाक्माक्त। आ मीश हारून आ खिं डा चदेब आ तमी बाक्माक्त। आ नें एलीशीबा बाक्माक्त। १इतिहास २४:१०,१९ ६मेको निक्शी

परमपरभु यावे आ डोंडती ठीक पाइब बाक्सा बाक्त। परमपरभु यावे आ अरेशो लोत्र नु पतीके लोत्र नेल्ल टिशा, दोस मताइब दुम्शा बाक्शा बाक्सा बाक्त। ७मेको निक्शी खाल्पी खाल्पा दुम्शो बाक्ताक्स हना यो, आल मथिशो बाक्सा बाक्त। मारदे हना एलीशीबा आल मथीब मीश मुर बाक्माक्त।

८मिनु मार दुम्माक्त देशा हना, चदेब आ गेय पचा कली अबीयाह आ हुल आन पालो जाक्माक्त। मिनु जकरिया यरूसलेम लमाक्त। मिनु मेकर जाक्दीश्शा, परमपरभु यावे आ खिंमी गेय पवा बाक्त। ९मिनु धूप चोचा कली चदेब योत्रचा माल्बाक्माक्त। मिनु चदेबपुकीमी यहूदी आन पतीके धूप चोइब मुर योत्रचा कली भोट तोक्गमे बाक्त। मिनु भोट तोक्गमेनु, जकरिया योत्रसे बाक्त। मिनु जकरियाम परमपरभु यावे आ खिंमी धूप चोचा माल्दा बाक्त। परस्थान ३०:१७ १०मिनु धूप चोची ना मुर नेल्ल लाड्गाम रिम्शा, परमपरभु यावे कली पुंडना पुंडन बाक्मा बाक्त।

### “तौ का थीनेवे” देशो

११मिनु आगामी चहिं मार दुम्माक्त देशा हना, परमपरभु आ स्वर्ग डा गेय पाइब का फो गरुशा, धूप चोतीके आ ग्युरा गे राप्शा, जकरिया कली तपांडिस बाक्त। १२मिनु जकरियामी मेको कली तशा, थाम्पा हिंमाक्त। १३मिनु परमपरभु यावे आ स्वर्ग डा गेय पाइबमी “जकरिया महिनो। परमपरभु यावमी इ पुंडशो गब। इ मीश एलीशीबाम तौ का थीब। मिनु गे मेको आ नें यूहन्ना वोतो। १४मेको आल थिशो तशा, गे ग्येरसीनेवे। शुश मुर मेको आल आ पर्वम ग्येरसीनीम। १५मारदे हना मेको परमपरभु आ डोंडती टेयब दुम्ब। मेकोमी शांभु राक्सी मतूब। मेको कोत्रजम बाक्मेनुन, परमपरभु यावे आ सोक्तीम बरीशो बाक्ब। न्यायाधीस १३:४-५ १६मेकोमी शुश इस्राएली आन थुं परमपरभु, आन परमपरभु यावे गे लेप्पाइक्ब। १७मिनु मेकोमी एलीया आ सोक्त नु सक्ति तशा, आम आफ आ थुं आन तमी तौ गे लेप्पाइक्ब। मिनु मटीब आन कली ठीक पतीक लां जोक्ब तुइक्ब सेल्ब। मिनु मोपा मुर आन कली परभु नु गरुम्पाइक्चा कली ठीक सेल्ब” देमाक्त। मलाकी ३:१,२३,२४; मत्ती १७:११-१३ १८मिनु जकरियाम परमपरभु यावे आ स्वर्ग डा गेय पाइब कली “गो खाल्पा दुम्ती, आं मीश खाल्पी दुम्त। आल थीनस्कु, दे दोपा थमा सुइक्चा डा ?” देमाक्त। उत्पत्ती १८:११ १९मिनु

“गो परमपरभु यावे आ स्वर्ग डा गेय पाइब गाबरीएल नड्ड। गो परमपरभु यावे आ डांडती बाक्नुड। परमपरभु यावेमी इ कली ग्येरपाइक्व लोत्र नंपाइक्व सोइक्ताकयी। दानीएल ८:१६ २० तन्न गे आं देशो लोत्र थमा मसुदी। मोपतीक आं देशो लोत्र नल्ल मडुम सम्म गे इ संदा सोत्रशा ब्याक्ने मचाप्ब दुम्नेवे” दंमाक्त।

२१ जकरिया आगाम बाक्मेनु, शुश मुर लाडगाम देल्शा “ना रन आगा ओत्रशो मार पवा माइ, काइ मगरू” देशा रिम्दमे बाक्त। २२ मिनु नोले जकरिया गरूशा “लोत्र पड” दंमेनु, काइ लोत्र पने मचाबा बाक्त। मिनु गुइ चाल पवा बाक्त। मिनु लाडगाम बाक्वपुकीमी “मेकोम परमपरभु यावे कली गरूमा बाक्त” दे तुइक्तमे बाक्त। २३ मिनु अबीयाह आ हल डा पालो नुप्शा, जकरिया आ खिं लेम्माक्त।

२४ मिनु आ मीशम कोत्रज कुरा बाक्त। मिनु ५ महिना सम्म सुइ आन कली मतुइक्पाइक्थु, खिं डा खिं बाक्माक्त। २५ मिनु “मुरपुकीमी आं कली आल मथीब, दे महिक्गेम। मुल परमपरभुमी आं कली हिक्पाइक्वा कली शिशो पतीकेमी आल थीब दुम्पाइक्ती” दंमाक्त। उत्पत्ती ३०:२३

येसु जरमेसीब, दे तुइक्पाइक्थो

२६ एलीशीबामी आल कुरशो ६ महिना दुम्मेनु, परमपरभु यावे आ स्वर्ग डा गेय पाइब गाबरीएल गालील रागी डा नासरथ सहर सोइक्वा पुंडस बाक्त। २७ मेकर मरीयम नं पाइक्थो मीश आल का बाक्माक्त। मरीयम दाऊद आ थर डा योसेफ माइक्थो वोंडश मुर नु ग्युंवे पचशो बाक्माक्त। मत्ती १:१६-१८ २८ गाबरीएल मरीयम आ बाक्तीक जाक्शा, मरीयम कली “परमपरभु गे नु बाक्व। इ कली दाक्शा, आसीक गेते” दे सउ पवा बाक्त। २९ मिनु मरीयममी परमपरभु यावे आ स्वर्ग डा गेय पाइब कली तशा, आ लोत्र नंशा छक लाक्शा “मार लोत्र माइ” दे मिम्ता बाक्त। ३० मिनु गाबरीएलमी “ए मरीयम, महिनी। परमपरभु यावेमी इ कली दाक्शा योत्रते। ३१ गे मुल कोत्रज कुरशा, तौ का थीनेवे। मिनु इ तौ कली येसु नं वातो। यसैया ७:१४; मत्ती १:२१-२३ ३२ मेको ठेयब दुम्ब। मेको कली नल्ल क्येडा ठेयब आ तौ दंनीम। मिनु परमपरभु, परमपरभु यावेमी मेको कली आ किकी पिपी दाऊद आ ठेयब नितीके गेब। यसैया १:६ ३३ मिनु मेको याक्व आ खिं डा मुर, यहूदी आन पिप दुम्शा, हुकुम पाइब। मिनु आ राज्य गेनायो मनुप्ब”

दंमाक्त। ३४ मरीयममी मेको लोत्र नंशा “गो मुल सम्म ग्युंवे मपशो बाक्नुड। गो वोंडश मुर नु मइम्ड। इन देशो दोपा दुम्ने चाप्वा डा?” दे हिल्लो पवानु ३५ “परमपरभु यावे आ सोक्तीमी इ कली सुम्ब। मिनु नल्ल क्येडा ठेयब आ सक्ति ताइनवे। मोपतीके इ आल परमपरभु यावे के बाक्व। मेको कली परमपरभु यावे आ तौ दंनीम। मत्ती १:१८-२० ३६ इ थर डा एलीशीबा कली यो मार दुम्त देशा हना, आल मथीब खाल्पी बाक्त हना यो, मुल कोत्रज कुरशो ६ महिना दुम्त। ३७ मारदे हना परमपरभु यावेमी पने मचाप्शो मारइ मबाक्व” दंमाक्त। उत्पत्ती १८:१४ ३८ मिनु मरीयममी “गो परमपरभु आ वाइलीम दुम्ती। मिनु इन देशो बुद पा आ दाक्शो पपाइय्यील” दंमाक्त। मिनु परमपरभु यावे आ स्वर्ग डा गेय पाइब लेक्शा लमाक्त।

मरीयमम एलीशीबा गरूम्शो

३९ मिनु नोले मरीयम यहूदीया रागी डा पहाडी सहर कामी बाक्शो एलीशीबा कली गरूम्थ लमाक्त। ४० मिनु जकरिया आ खिं ओत्रशा, एलीशीबा कली सउ पवा बाक्त। ४१ मरीयम आ सउ ताक्गानु, एलीशीबा आ कोत्रज डा आल परक्माक्त। मिनु परमपरभु यावे आ सोक्तीमी एलीशीबा कली पिरंदा बाक्त। ४२ मिनु ठेयब संदा पा मरीयम कली “मीश मुर नल्ल आन दातेमी गे आसीक ताइब बाक्नेवे। इ कोत्रज डा आल आसीक ताइब बाक्व। ४३ आं परभु आ ममा दोपा आं खिंमी आं कली गरूम्थ जाक्नी? ४४ गो इ सउ ताक्गानु, आं कोत्रज डा आल ग्येरशा परक्त। ४५ गे परमपरभु आ लोत्र नंशा, आ देशो गेना हना यो जाक्दीप्ब, दे थमा सुइक्तीनी। परमपरभु यावेम इन कली आसीक गवल” दंमाक्त। लूका ११:२७-२८

परमपरभु कली ठेयब सत्थो

४६ मिनु मरीयममी “आं थुमी परमपरभु कली ठेयब सत्नुड। १ सामुएल २:१-१० ४७ मारदे हना मेको आं कली श्येत र परांडब, परमपरभु बाक्व। गो ग्येरसीनुड। ४८ गो महिक्सीशो आइक्व नड्ड। तन्न परमपरभु यावेमी आं कली हिक्ती। मुल डा मेर जात नल्ल डा मुरपुकीमी आं कली आसीक गेनीम। ४९ मारदे हना सक्ति पाइक्थोमी आं कली थम रिम्शो पाइक्ती। परमपरभु यावे आ नं का ला बाक्व। ५० सु सुम मेको कली मान पा हिंनीमी, मेको आन कली शिशो पाइब।

भजन संगरह १०३:१३,१७ ११मेकोमी सक्ति काँइताक्व। मिनु ठेयब लेश्शो आन कली आन मिम्शा हिंतीक मेको आन कली गेब। उत्पत्ती ११:८ १२हुकुम पाइब आन सासन पशो रोइश्शा, महिकसीशो आन कली ठेयब सल्लु। भजन संगरह १४७:६ १३शात्रलु बेक्शो आन कली जचा गेब। शोप पाइश्शा आन कली श्येत्थ गुइ सोइक्व। भजन संगरह ३४:११; भजन संगरह १०७:९ १४मेकोमी आ शिशी काँइशा, आ वाइल इसराएल कली वारच पाप्तु। १४मेकोमी ई किकी पिपी, अबराहाम नु आ चच युइ आन कली गेना हना या शिशी पचा कली मिस्ताक्व” दे मरीयममी परमपरभु यावे कली मान पा देमाक्व। उत्पत्ती १७:७; उत्पत्ती १८:१८ १६मिनु मरीयम एलीशीबा आ सिंमी महिना सां सम्म बाक्शा, आ सिं लेम्माक्व।

### यूहन्ना जरमेशो

१७ मिनु डोंइती देशो बुद पा एलीशीबामी तो का थिमाक्व। १८ आ एर आंथ बाक्व नु आ सिं डा मुर नेल्लेमी “परमपरभुमी मेको कली शिशी पा, तो थीब सल्लु” देशो नंशा, नेल्ल मेको नु ग्येरसमा बाक्व।

१९ मिनु आल ८ नाक्व दुम्मेनु, जकरिया आ सिंमी मुर देल्शा, खरोइक्तीक चिनु खरोइश्शा, आल आ नं वोइक्चामेनु, नेल्लेमी “आ आफ आ नं खोदेशान वोइक्चा” देमा बाक्व। उत्पत्ती १७:१२ ६०तन्न आल आ ममामी “मदुम्ब, एको आ नं यूहन्ना वोइक्चा माल्ब” देमाक्व। ६१मिनु मुरपुकीमी “मुल सम्म इन सिं डा सुइ मुखमी मोदेशो नं मवोदम” देमा बाक्व। ६२मिनु नोले “आ आफ कली हिल्लो पय” दे जकरिया कली हिल्लो पामेनु, ६३जकरियाम बरक्तीक का पितीन, दे चाल पा “आं तो आ नं यूहन्ना वोतीन” दे बरक्ता बाक्व। मिनु नेल्ले छुक लाक्मा बाक्व। ६४मेना जकरिया आ संदा गिरश्शा, व्याक्ने चाप्ब दुम्शा, परमपरभु यावे कली ठेयब सेला बाक्व। ६५मिनु लोत्र पाइब दुम्त देशो नंशा, मुर नेल्ले छुक लाक्शा हिंमा बाक्व। मिनु मेको लोत्र यहूदीया डा पहाड नल्ले बरमाक्व। ६६नेबपुकीमी मेको लोत्र आन थुंमी वोइश्शा “मेको आल नोले दोदेशो दुम्बा?” देमुमा बाक्व। मारदे हना परमपरभु मेको आल नु बाक्माक्व।

### जकरियाम परमपरभु कली ठेयब सल्लो

६७ आल आ आफ जकरियामी परमपरभु यावे आ सोक्तीम बरीशा, परमपरभु यावे आ लोत्र पवा बाक्व। ६८मेकोमी “परमपरभु, इसराएली आन परमपरभु यावे ठेयब बाक्व। मारदे हना इसराएल डा मुर ई कली शिशी पा पाप र पराँइब सोइक्चाप्तु। लूका ७:१६ ६९मेकोमी आ गय पाइब दाऊद आ सिं डा मुर र ई कली सक्ति पाइश्शा पाप र पराँइब सोइक्ताक्व। ७०साइ नेसी परमपरभु यावेमी आ लोत्र पाइब आन कली मेको इसराएल कली पाप र पराँइब आ पर्वम लोत्र पपदा बाक्व। मिनु मेको लोत्र पाइबपुकीमी मार देमा बाक्व देशा हना ७१“परमपरभु यावेमी गो इसराएल डा मुर आँइ कली आँइ जोरी सतरु आन गुइ र नु आँइ कली काइ मदाक्व र पराँइब” देमा बाक्व। ७२“परमपरभु यावेमी आँइ किकी पिपी आन कली शिशी पाइनुड” दे आ पशो कबल मिस्ताक्व। उत्पत्ती १७:७ ७३मोदेशो पा शिशी पाइनुड, दे ई किकी पिपी अबराहाम नु कसम जशा लोत्र थोक्ता बाक्व। मार लोत्र थोक्शो बाक्व देशा हना उत्पत्ती २२:१६-१८; मीका ७:२० ७४गो ई जोरी सतरु आन गुइ र पराँइचा पुँइसीनय। मिनु गो महिथु परमपरभु यावे कली ठेयब सल्ले चापनय। ७५ आ मुर दुम्शा, बराँइका सम्म ठीक गेय पा बाक्ने चाप्यल” दे परमपरभु यावे आ लोत्र पाइबमी देमा बाक्व। तीतसर १२-१४ ७६मिनु जकरियामी आ तो कली गे नल्ले क्येडा ठेयब आ लोत्र पाइब” देनीमी। मारदे हना गे परभु आ डोंइती गाक्शा, मेको आ लां सल्लेव। मलाकी ३:१ ७७गे मेको आ मुर आन कली आन पाप क्याम्सीशा, पाप र बराँइशो मुर दुमीन, दे शंनेव। येरमीया ३१:३४ ७८आँइ परमपरभु यावेमी ई कली दाक्शा, शिशी पा, रुपतीक थु सुनी डा छेडछेड सोदेशो पा इंतार मोइक्ताक्व। यसेया ६०:१-२ ७९मिनु मेको बेक्पाइक्व आ छेडछेडम बाक्व आन कली हाम्सो दुम्ब। मिनु मेकोमी आँइ कली थुं नाइश्शा बाक्तीकम खुल्ब” देमाक्व। यसेया ९:१

८० मिनु यूहन्ना कोल्शा, परमपरभु यावे आ सोक्तीम बोल्यो दुम्शा, सिं र गाक्शा, मुर मबाक्तीक गोरशो रागीमी जाक्दीश्शा, इसराएल डा मुर आन कली परमपरभु यावे आ लोत्र मशंदीमी सम्म मेकर बाक्माक्व। मत्ती ३:१

### येसु जरमेशो

१मिनु मेना सिजर अगस्टसमी “रागी नेल्ल  
२ डा मुर आन नें बरक्शा हिक्चा नमी”  
दे हुकुम पवा बाक्त। २मादेशो नें बरक्तीक  
डॉइती गेनायो मपशो बाक्मा बाक्त। मुल  
पामनु, सिरीया रागीम क्वीरीनीयसम सासन  
पशो बाक्माक्त। ३मिनु मुर नेल्ल आन नें  
बरक्पाइक्चा कली आन थर डा सोतीक बोतीक  
गाउं गाउं सहर सहरम जाकदीम्मा बाक्त।  
४योसफ पिप दाऊद आ सिं डा बाक्माक्त।  
पिप दाऊद आ सिं डा मुर आन सोतीक बोतीक  
बेथलेहम सहर बाक्माक्त। मोपतीक योसफ आ  
मीश मरीयम कली लाइश्शा, गालील रागी डा  
नासरथ सहर रे यहूदीया रागी डा बेथलेहम  
सहर लमाक्त। ५मोपा आस नें बरक्पाइक्च  
लसानु, मरीयम कोव्रज कुरशो बाक्माक्त। ६मिनु  
बेथलेहम सहरम जाकदीम्मा नोले मरीयम आल  
थितीक रोइ पवा बाक्त। ७मेकर बास बाक्तीक  
सिं मथित्यु, गोठ कामी बास बाक्सा बाक्त। मिनु  
गोठम बाक्सानु, मरीयममी तो का थिशा, वाम  
गिल्शा, शंगुम इप्पदा बाक्त। मत्ती १ :२५

### गोठलापुकी जाक्शो

८मेकर गोठलापुकी बाक्मा बाक्त। मेकोपुकी  
नाकदो रूम बाक्शा, आन मेडा खाल पशो बाक्मा  
बाक्त। ९मिनु परमपरभु यावे आ स्वर्ग डा गेय  
पाइब का गोठला आन बाक्तीकम फो गरूमाक्त।  
मिनु परमपरभु आ छेड्छेड्डीमी मेको गोठला आन  
एर आंथ ठेयब हाम्सा सला बाक्त। मेको तशा  
गोठलापुकी शुश हिंमा बाक्त। १०तन्न परमपरभु  
यावे आ स्वर्ग डा गेय पाइबमी “महिनीन। गो  
इन कली नु मुर नेल्ल आन कली ग्यरपाइक्ब  
लोत्र नेंपाइक्च जाक्ती। ११एको ग्यरपाइक्ब  
लोत्र दोदेशो बाक्ब देशा हना, मुलाकदो पिप  
दाऊद आ सहरम आल का जरमेशाक्व। मेको  
नक जरमेशो आल पाप रे परांडब, परभु येसु  
खरीस्त बाक्ब। १२आं लोत्र थमा बाक्ब, दे दोपा  
तुइक्नीनी देशा हना, गे मेको नक जरमेशो आल  
कली वाम गिल्शा, शंगुम इप्पाइश्शा थित्नीनी”  
देमाक्त। १३मिनु सरीड रे परमपरभु यावे आ  
स्वर्ग डा गेय पाइब शुश फो फु गरूशा, परमपरभु  
यावे कली ठेयब सेल्शा भजन संगरह १०३ :२०-२१  
१४ “नेल्ल क्येडा इर डा परमपरभु यावे नेल्ल  
क्येडा ठेयब बाक्ब। आ दाक्शो मुर आन कली

थुं नाइश्शा बाक्चा गेब” दे कुम्सो पामे बाक्त।  
लूका १९ :३८ ; गन्ती ६ :२६ ; एफिसी २ :१४,१७

१५मिनु परमपरभु यावे आ स्वर्ग डा गेय  
पाइब सरीड गे लश्शा लमा बाक्त। मिनु  
गोठलापुकीमी “बेथलेहम सहर लय। एको  
परमपरभुमी तुइक्पाइश्शा लोत्र कोव्रथ लय”  
देमुमा बाक्त। १६मिनु दोरशा जाकदीश्शा  
कोव्रडमनु, मरीयम नु योसफ थित्म बाक्त।  
मेकर नक थिशा आल यो शंगुम इप्पाइश्शा  
ताम बाक्त। १७मेको नेल्ल तशा, आल आ पर्वम  
नेंशो लोत्र शुश मुर आन कली तुइक्पदम बाक्त।  
१८मिनु आन लोत्र नेंब नेल्ल छेक लाक्मा  
बाक्त। १९तन्न मरीयममी गोठला आन लोत्र  
नेंशा, आ थुमी वोदा बाक्त। २०गोठलापुकीमी  
आन तशो नु आन नेंशो आ पर्वम परमपरभु यावे  
कली ठेयब सेल्शा सेल्ल लेम्मा बाक्त।

### येसु नें वोइश्शा

२१मिनु आल जरमसे आ ८ नाक्ती खरोइक्तीक  
चिनु खरोदम बाक्त। मिनु आ नें येसु वोदमे  
बाक्त। मारदे हना परमपरभु यावे आ स्वर्ग डा  
गेय पाइबमी “मेको आ नें येसु वोइक्चा” दे आ  
कोव्रज कुरचा क्येडा डॉइती मरीयम कली देशो  
बाक्माक्त। लूका १ :५९ ; उत्पत्ती १७ :१२ ; लूका  
१ :३१

### येसु परमपरभु आ सिं लाइश्शा

२२मिनु चोत्रखेतीक नाक्त जाक्मनु, मासामी  
बरक्शा लोत्र टिशा, यरूसलेम सहर जाकदीश्शा,  
आल कली परमपरभु यावे आ सिं लाइश्शा  
“परमपरभु यावे केन दुम्त” देशा, परवा आ  
चाइक्ब निकशी चदेम्स बाक्त। लेवी १२ :१-४ ;  
गन्ती १८ :१५ २३मारदे हना परमपरभुम अरशो  
लोत्रमी “डॉइती थिशा वोइश आल परमपरभु  
यावे के बाक्ब” दे बरक्शा बाक्ब। परस्थान  
१३ :२,१५ २४ परमपरभु आ अरशो लोत्रमी आम्मा  
चोत्रखेचा कली “परवा आ चाइक्ब निकशी  
चदेचा माल्ब” दे बरक्शा बाक्ब। लेवी १२ :६-८

२५यरूसलेममी सिमियोन माइश्शा मुर का  
बाक्माक्त। मेको ठीक पाइब नु परमपरभु यावे  
कली मान पा हिंब बाक्माक्त। परमपरभु यावे आ  
सोक्तीम बरीशा “परमपरभु यावेमी इसराएल  
डा मुर आन कली पाप रे परांडब का सोइक्ब”  
दे लां कोव्रशा बाक्शो बाक्माक्त। उत्पत्ती  
४९ :१८ २६ परमपरभु यावे आ सोक्तीमी मेको  
कली “इ मंबक्थु, परभु, पाप रे परांडब खरीस्त

गरुम्पाइकनन” देशो बाकमाक्त। २७ मिनु परमपरभु यावे आ सोकतीमी मेको कली “मुल परमपरभु यावे आ खिं लावो” देतीक लशा, परमपरभु यावे आ खिं जाकदीम्माक्त। मिनु मरीयम नु योसफमी आल कली परमपरभु यावे आ बरकपाइशो लोत्रमी मार पचा देशो बाकम, मेको पचा कली चाकशो तवा बाक्त। २८ मिनु सिमियोनमी आल कली लाइशशा, परमपरभु यावे कली ठेयब सेल्शा २९ “परमपरभु, इन देशो जाकदीत। मुल इन वाइल थुं नाइशशा बेकन चाण्व। ३० मारदे हना इन सोइशशा पाप र परांडब कली आं मिक्वीम ताता। ३१ मेको कली रागी रागी डा मुर नेल्ल आन पर्वम सोइक्ताकनी। ३२ अर्को जात डा मुर आन कली छेडछेड दुम्शा, मेको आन कली रुतीक थुं गेचा कली सोइक्ताकनी। गो इसराएली आंइ कली थम रिम्शो दुम्त” देमाक्त। यसैया ४९ : ६

३३ मिनु आल आ आम आफोमी “मार, मिश रिम्शो लोत्र पवा” दे छक लाकसा बाक्त। ३४ मिनु सिमियोनम मेको आस कली आसीक गेशा, मरीयम कली “एको आल इसराएली आन दातेमी लां कांडशा मुर आन कली फराब। का निक्शी खतम दुम्नीम, का निक्शी रिम्शो दुम्नीम। मिनु शुश मुरुमी एको कली मदाकनीम। लूका २० : १७-१८ ; पररित २८ : २२ ; १कोरिन्थी १ : २३ ३५ मोपा मुर आन थुंम मिम्शो तुंडसीब। मिनु तरवार कामी इ थुं थोक्व” देमाक्त। यूहन्ना १९ : २५

३६ यरूसलेममी आन्ना माइशशा परमपरभु यावे आ लोत्र पाइब खाल्पी का बाकमाक्त। मेको आशेर आ थर डा फनुएल आ तमी बाकमाक्त। मेको ग्युंबे पशो आ ७ बर्सम आ वोंइश बेकशो बाकमाक्त। ३७ मिनु आ वोंइश बेकम नोले शुश बर्स बरांडशा, ८४ बर्स दुम्माक्त। मेकोमी परमपरभु यावे आ खिं मपरांडथु, नाकदो नाक्ती मेकर माइजा बाकशा परार्थना पा, परमपरभु यावे कली ठेयब सेल्ला सेल्न बाकबाकमाक्त। १तिमोथी ५ : ५ ३८ मिनु मरीयम नु योसफमी आल मेकर लदसेनु, मेको खाल्पी गरुम्से बाक्त। मिनु खाल्पीमी आल कली तशा, परमपरभु यावे कली ठेयब सेला बाक्त। मिनु “परमपरभु यावेमी पाप र परांडब सोइक्व” दे आस पा बाक्व यरूसलेम डा मुर आन कली मेको आल आ पर्वम लोत्र पा नंपाइकमी बाक्त।

३९ मिनु परमपरभु आ अरेशो पचा माल्शो गेय नेल्ल थुम्शा, आल कली लाइशशा, गालील रागी डा नासरथ सहरम लेस्सा बाक्त। ४० मिनु

नोले आल कोल्शा, जोक्व तुइक्व दुम्माक्त। मारदे हना परमपरभु यावेमी दाक्शा मेको कली आसीक गवा बाक्त।

येसु परमपरभु आ खिंमी बाकशो

४१ येसु आ आम आफ बर्स बर्समी पास्सा चाड मानथ यरूसलेम लाइबाकसा बाक्त। ब्यवस्था १६ : १-८ ४२ मिनु येसु १२ बर्स जाकदीम नोले पास्सा मानथ लमानु, मार दुम्माक्त देशा हना, ४३ पास्सा थुम्शा खिं लेम्मानु, आम आफोम मतुइक्थु, येसु मेकरन लीमाक्त। तन्न आ आम आफोमी मतुइसे बाक्त। परस्थान १२ : १८ ४४ मेको नाक्त का डा लां गाक्सानु, येसु आ वारच नु लत, दे मिम्से बाक्त। मिनु वाच नु बाकशो मतथु, येसु कली माल्वा गोम्स बाक्त। नाक्त का डा लां ३०-४० किलो मिटर बाक्व। ४५ मिनु माल्से माल्से तेइ मथित्से बाक्त। मिनु लेशशा माल्ना माल्न यरूसलेम जाकशा यो मथित्से बाक्त। ४६ नाकदो नाक्ती सां सम्म माल्ना माल्न गाक्सा नोले परमपरभु यावे आ खिंम थित्से बाक्त। मेको परमपरभु यावे आ लोत्र शंबपुकी नु बाकशा, आन लोत्र नंशा, मेको आन कली लोत्र हिल्लो पना पन बाकशो ताम्से बाक्त। ४७ मेको आ लोत्र नंब नेल्लमी “शुश जोक्व तुइक्व आल बाकमाक्त” दे छक लाकसा बाक्त। ४८ आ आम आफोम मेको कली तशा, थाम्पा छक लाकसा बाक्त। मिनु आ ममामी “आं तो, ग मारदे आंस कली मोदेशो श्यत गस्की ? इ आफ नु गो इ कली ते लाकगा ?” दे शुश हिंशा माल्तास्कु” देमाक्त। ४९ मिनु येसुमी “मारदे माल्तीसी ? गो आं आफ आ खिंमी बाक्चा माल्नुड, दे मतुइक्तीसी ?” देमाक्त। यूहन्ना २ : १६ ५० तन्न मेको आ लोत्र मरुप्से बाक्त। ५१ मिनु येसु आ आम आफ नु लेशशा, नासरथ आ खिं लमाक्त। में डा मेर आ आम आफ आस लोत्र टिशा बाकमाक्त। आ ममामी मेको मोदेशो दुम्शो नेल्ल शुश मिम्शा थुंम वोदा बाक्त। ५२ येसु कोल्शा बारशा, शुश जोक्व तुइक्व दुम्माक्त। परमपरभु यावेमी मेको कली दाक्ता बाक्त। मुरपुकीमी यो दाक्तमे बाक्त। १सामुएल २ : २६

बाक्कुम खरुम्शा गरुंडब यूहन्ना

मती ३ : १-१२ ; मर्कूस १ : १-८

३ १ सजर तिबेरीयुस आ हुकुम पशो १५ बर्स दुम्मनु, इसराएल रागीम सासन पाइब सु

सु बाक्मा बाक्त देशा हना, यहूदीया रागीम पन्तीयस पिलातस, गालील रागीम हेरोद, इतुरीया नु तराकोनीतीस रागीम हेरोद आ लोकब फिलीप नु अबीलने रागीम तुसानीयस बाक्मा बाक्त। २यरूसलेममी नेल्ल क्येडा ठेयब चढब हन्नास नु काइयाफास बाक्सा बाक्त। जकरिया आ ती यहून्ना गोरशा रागी मुर मबाक्तीकमी बाक्शा बाक्माक्त। मिनु परमपरभु यावमी यहून्ना कली लोत्र पवा बाक्त। इजीकीएल १:३; होस १:१ ३मिनु यहून्ना यर्दन खोला आ नक्था जाक्दीश्शा, एर आथ परमपरभु यावे आ लोत्र शंना शंन गाक्माक्त। मिनु शंना शंन मुर आन कली “इन थुं परमपरभु यावे गे लेश्शा, ब्वाक्कुम खरुश्शा गरुंडचा पुंडसीन। मिनु परमपरभु यावमी इन पाप क्याम्शा गेब” दे शंदीमी बाक्त। ४साइ नेसी परमपरभु यावे आ लोत्र पाइब यसेयामी “गोरशा रागीमी संदा का नंसीब। मेकोमी मार देब देशा हना, परभु आ लां सलीने। आ गाक्तीकम फुल्लु गरोक्शा थलीने। यसेया ४०:३-५ ५बंसी नेल्ल पिरंचा पुंडसीनीम। डांडा नेल्ल दिम सल्ला पुंडसीनीम। हिरशा लां नेल्ले सोव्रजो सल्ला पुंडसीनीम। मरिम्शा लां नेल्ले रिम्शा सल्ला पुंडसीनीम। ६मिनु मुर नेल्लेमी परमपरभु यावमी दोपा पाप र परांडबा मेको तुइक्नीम” दे बरंक्शा बाक्माक्त। यसेया ४०:३-५

७मिनु शुश मुर यहून्ना आ बाक्तीकमी ब्वाक्कुम खरुश्शा गरुंडपांडसीचा कली जाक्मा बाक्त। मिनु यहून्नामी मेको आन कली “गे बुस्स आ खलकपुकी, परमपरभु यावे आ सजाइ र ब्रांडचा ताइनीनी, दे सुम शंदा? ८इन थुं परमपरभु यावे गे लेश्शा, रिम्शा फल सिश्शा खोदेशो गेय कांडदीन। गे “इं किकी पिपी अब्राहाम बाक्ब” दे मिम्शा, देश पा मबाक्कीन। मारदे हना गो इन कली “परमपरभु यावमी एको फुल्लु र अब्राहाम आ चच युइ सल्ले चाप्व” देनुड। ९तिम्चा, दे रवा आन पुमी खा वोइश्शा बाक्ब। रिम्शा फल मसिप्व रवा का का पा तिम्शा, मीम चोचा पुंडसीनीम, दे तुइक्तीन” दे माइक्मी बाक्त।

१०मिनु मुरपुकीमी “मुल मार पक?” दे हिल्लो पामे बाक्त। ११मिनु यहून्नामी “सु के फेक्तीक वा निक्शी बाक्मे, मेकोमी फेक्तीक का मबाक्शा कली गेचा माल्ब। सु के जचा

थोत्रक बाक्मे, मेकोमी जचा मताइब कली गेचा माल्ब” देमाक्त। १२तिरो पोक्बपुकी यो जाक्शा यहून्ना कली “शंब, गो मार पक?” दे हिल्लो पामे बाक्त। १३मिनु मेकोमी “सरकारम ताक्चा देशो क्येडा शुश मताक्चा” देमाक्त। १४का निक्शी सिपाइपुकी यो जाक्शा “मिनु गो मार पक?” दे हिल्लो पामे बाक्त। मिनु मेको आन कली “सुइ आन कली हिंम हिंम पा जोल पा दोस गेशा आन मारइ मारइ मरोइक्तीन। इन गेय र पा तशो क्येटम इन थुं नुशा बाक्कीन” दे माइक्मी बाक्त।

१५मिनु यहून्ना आ लोत्र नंबपुकीमी “एको मुर सु माइ? खरीस्त कोर में?” दे शुश मिम्तमे बाक्त। १६यहून्नामी मेको नेल्ल आन कली “गो इन कली ब्वाक्कुम खरुश्शा गरुंडनन्नी। आं नोले जाक्ब चहिं आं क्येडा ठेयब बाक्ब। गो मेको आ डांडती बाप्शा, आ जुत्ता परुइक्चा लायो मशिरनुड। मेकोमी इन कली परमपरभु यावे आ सोक्ती नु मीम खरुम्ब। १७लाडगाम हाम्शा चेरब हुरशा, भूस नु गेडा तिल्ला कली मेको आ गुइमी ग्योल बाक्ब। गेडा कोटोम कुर पा वोइक्ब। भूस चहिं गेनायो मकाप्व मीम हुम्ब” दे माइक्मी बाक्त। १८मोदेशो लोत्र पा अर्ती गेशा, रिम्शा लोत्र शंदीमी बाक्त। १९मेकोमी सासन पाइब हेरोद आ लोकब आ मीश चाक्चा आ पर्वम दोस गेवा बाक्त। मोपतीक मेकोमी यहून्ना कली जेल्खानमी चोक्पदा बाक्त। मत्ती १४:३-४; मर्कुस ६:१७-१८ २०हेरोद कली मार दोस गेवा बाक्त देशा हना “इन लोकब आ मीश चाक्शा, पात्क पाइतीनी। अरु पाप यो शुश पाइतीनी” दे हुइश्शा बाक्माक्त।

येसु ब्वाक्कुम खरुम्पांडसीशा

मत्ती ३:१३-१७; मर्कुस १:९-११

२१मिनु यहून्ना चोक्सीचा क्येडा डांडती शुश मुर आन कली ब्वाक्कुम खरुश्शा गरुंडदा बाक्त। काबु येसु यो जाक्शा, ब्वाक्कुम खरुश्शा गरुंडचा पुंडस बाक्त। मिनु ब्वाक्कु र गुरुशा, परार्थना पना पन बाक्मेनु, सरीड रोक्स बाक्त। २२मिनु सरीड रे परमपरभु यावे आ सोक्त परवा खोदेशो पा यिशा, येसु आ तारी जुक्ता बाक्त। मिनु सरीड रे “आं दाक्शा तो नवे। इ कली तशा थाम्पा ग्येरसीनुड” देशो संदा नंसे बाक्त। यहून्ना १:३२; लूका ९:३५

## येसु आ किर्की पिपी

मत्ती १:१-१७

२३ मिनू येसुमी मुर आन कली परमपरभु यावे आ लोत्र शंका गोवानु, ३० बर्स दुमशो बाक्माक्त। मुरपुकीमी आ आफ योसफ बाक्व, दे मिन्तम बाक्त। योसफ हेली आ तौ बाक्माक्त। लूका ४:२२ २४ हेली मात्थात आ तौ बाक्माक्त। मात्थात लेवी आ तौ बाक्माक्त। लेवी मेल्की आ तौ बाक्माक्त। मेल्की यान्नाइ आ तौ बाक्माक्त। यान्नाइ योसफ आ तौ बाक्माक्त। २५ योसफ मत्थाथीयास आ तौ बाक्माक्त। मत्थाथीयास आमोस आ तौ बाक्माक्त। आमोस नाहुम आ तौ बाक्माक्त। नाहुम एस्ली आ तौ बाक्माक्त। एस्ली नग्गे आ तौ बाक्माक्त। २६ नग्गे माथ आ तौ बाक्माक्त। माथ मत्थाथीयास आ तौ बाक्माक्त। मत्थाथीयास सेमेइन आ तौ बाक्माक्त। सेमेइन योसेक आ तौ बाक्माक्त। योसेक योदा आ तौ बाक्माक्त। २७ योदा योआनान आ तौ बाक्माक्त। योआनान रसा आ तौ बाक्माक्त। रसा जेरुब-बाबेल आ तौ बाक्माक्त। जेरुब-बाबेल शाल्तीएल आ तौ बाक्माक्त। शाल्तीएल नेरी आ तौ बाक्माक्त। २८ नेरी मेल्की आ तौ बाक्माक्त। मेल्की अददी आ तौ बाक्माक्त। अददी कोसाम आ तौ बाक्माक्त। कोसाम एल्मादम आ तौ बाक्माक्त। एल्मादम एर आ तौ बाक्माक्त। २९ एर यहोसु आ तौ बाक्माक्त। यहोसु एलीएजर आ तौ बाक्माक्त। एलीएजर योरोम आ तौ बाक्माक्त। योरोम मात्थात आ तौ बाक्माक्त। मात्थात लेवी आ तौ बाक्माक्त। ३० लेवी सिमियान आ तौ बाक्माक्त। सिमियान यहूदा आ तौ बाक्माक्त। यहूदा योसफ आ तौ बाक्माक्त। योसफ योनाम आ तौ बाक्माक्त। योनाम एल्याकीम आ तौ बाक्माक्त। ३१ एल्याकीम मेलेया आ तौ बाक्माक्त। मेलेया मेन्ना आ तौ बाक्माक्त। मेन्ना मात्ताथा आ तौ बाक्माक्त। मात्ताथा नाथान आ तौ बाक्माक्त। नाथान दाऊद आ तौ बाक्माक्त। ३२ रसामुएल ५:१४ ३२ दाऊद येस्से आ तौ बाक्माक्त। येस्से ओबेद आ तौ बाक्माक्त। ओबेद बोआज आ तौ बाक्माक्त। बोआज साल्मोन आ तौ बाक्माक्त। साल्मोन नहशोन आ तौ बाक्माक्त। रूथ ४:१७-२२ ३३ नहशोन अम्मोनादाब आ तौ बाक्माक्त। अम्मोनादाब आदमीन आ तौ बाक्माक्त। आदमीन अरनी आ

तौ बाक्माक्त। अरनी हेसरोन आ तौ बाक्माक्त। हेसरोन परेस आ तौ बाक्माक्त। परेस यहूदा आ तौ बाक्माक्त। उत्पत्ती ५:१-३२; उत्पत्ती ११:१०-२६; उत्पत्ती २१:२-३; उत्पत्ती २९:३५ ३४ यहूदा याकूब आ तौ बाक्माक्त। याकूब इसहाक आ तौ बाक्माक्त। इसहाक अबराहाम आ तौ बाक्माक्त। अबराहाम तेराह आ तौ बाक्माक्त। तेराह नाहोर आ तौ बाक्माक्त। ३५ नाहोर सरूग आ तौ बाक्माक्त। सरूग रेऊ आ तौ बाक्माक्त। रेऊ पेलग आ तौ बाक्माक्त। पेलग एबर आ तौ बाक्माक्त। एबर शेलाह आ तौ बाक्माक्त। ३६ शेलाह केनान आ तौ बाक्माक्त। केनान अरपक्शाद आ तौ बाक्माक्त। अरपक्शाद शेम आ तौ बाक्माक्त। शेम नोआह आ तौ बाक्माक्त। नोआह लमेक आ तौ बाक्माक्त। ३७ लमेक मेथुसेलाह आ तौ बाक्माक्त। मेथुसेलाह हनोक आ तौ बाक्माक्त। हनोक यरेद आ तौ बाक्माक्त। यरेद मा-हालालेल आ तौ बाक्माक्त। मा-हालालेल केनान आ तौ बाक्माक्त। ३८ केनान एनोश आ तौ बाक्माक्त। एनोश सेथ आ तौ बाक्माक्त। सेथ आदम आ तौ बाक्माक्त। आदम चहि परमपरभु यावे आ सेल्शो बाक्माक्त।

## येसु नाक्चा पुंडसीशो

१ येसु परमपरभु यावे आ सोक्तीम बरीशा, ४ यदेन सोला र लशा, परमपरभु यावे आ सोक्तीमी गोरशो रागीमी चाक्दीत्वा पुंडिस बाक्त। २ मिनू ४० नाक्ती गोरशो रागीम सैतान रे पा थुं नाक्चा पुंडिस बाक्त। मेको ४० नाक्त सम्म मारइ मज्जथु बाक्शो बाक्माक्त। मिनू नोले शुश शोत्रलु बाक्माक्त। ३ मिनू सैतानमी “मार, ग परमपरभु आ तौ नवे हना, एको फुल्लु कली ‘शोब्त दुमो’ देन” देमाक्त। ४ मिनू येसुमी “परमपरभु यावेम बरेक्पाइशो लोत्रमी ‘मुर जशा ला मबरांइनीम’ दे बरेक्शो बाक्व” देमाक्त। व्यवस्था ८:३ ५ मिनू नोले सैतानमी येसु कली इर लाइशशा, याम कामीन रागी नेल्ल कांडशा ६ “रागी, रागीमी बाक्शो नेल्ल शांप आं के नम। रागी नेल्ल आन कली हुकुम पाइब यो गो नड। गो मेको इ कली गेनुड। मारदे हना सु कली गेचा दाक्तु, मेको कली गेने चाणुड। ७ गे आं डांडती बाप्शा, आं कली ठेयब सेल्लतीवी हना, मेको नेल्ल इ कली गेनन” देमाक्त। ८ मिनू येसुमी “परमपरभु यावे आ लोत्रमी ‘परमपरभु यावे कली ला ठेयब सेलो। मेको कली ला गेय

पावो' दे बरकशा बाक्व" देमाक्त। व्यवस्था ६:३३

९मिनु नोले सैतानमी येसु कली यरूसलेम लाइइशा, परमपरभु यावे आ सिं डा नेल्ल क्यडा तारी लदा बाक्त। मिनु "मार, गे परमपरभु यावे आ ती नवे हना, एकर रे परक्को। १०मारदे हना 'इ कली कोवचा कली आ स्वर्ग डा गेय पाइब आन कली सोइक्व'। ११मिनु मेकोपुकीमी इ कली आन गुइम ताक्शा, खपीम नाइक्पाइक्नीम। इ खोइल फुल्लु कामी यो मथोक्व' दे बरकशा बाक्व" देमाक्त। भजन संगरह ११:११,१२ १२मिनु येसुमी "परमपरभु, इन परमपरभु यावे कली थुं मनाक्चा, दे यो देशो बाक्व" देमाक्त। व्यवस्था ६:१६ १३मिनु सैतानमी नेल्ल नाक्ने थुमा नोले, मुल अको खेयप नाक्नुड, दे मिम्शा येसु कली पराइशा मेक रे गाक्माक्त। हिब्रू ४:१५

येसुमी गालील रागीम शंशो

मत्ती ४:१२-१७; मर्कूस १:१४-१५

१४मिनु नोले, येसु परमपरभु यावे आ सोक्त आ सक्तिम गालील रागी लेम्माक्त। मेकर एर ओथ येसु आ पर्वम शुश लोव बरशो बाक्माक्त। १५मेकोमी आन गरुम्तीक सिं सिंमी शंन शंन गाक्मेनु, आ लोव नंब नेल्लमी "रिम्शो लोव पाइक्बाक्त" दे ठेयब सेल्म बाक्त।

येसुमी नासरथ सहरम लोव पशो

मत्ती १३:५३-५५; मर्कूस ६:१-६

१६मोपा हिरना हिरन गाक्मेनु, काबु आ कोल्ल्तीक नासरथ सहरम जाक्दीम्माक्त। आल रेन नाइक्तीक नाक्ती गरुम्तीक सिं लशो खोदंशो पा, गरुम्तीक सिं लशा, परमपरभु यावे आ लोव पदचा कली राम्माक्त। १७मिनु गरुम्तीक सिं डा गेय पाइबमी मेको कली यसैया आ बरकशा किताब गेवा बाक्त। मिनु किताब पराक्शा कोवशा यसैया ६१:१-२ १५"परमपरभु यावे आ सोक्त आं तार बाक्व। मारदे हना परमपरभु यावेमी तेल लुक्ताक्यी। मेकोमी आं कली दिष्शो परुडग मूर आन कली गेरपाइक्व लोव नंपाइक्चा कली, ग्याइइशा चोक्चा पुंडसीशो मूर आन कली परांइचा कली, मिक्च मताइब आन कली तपाइक्चा नु श्येत जाइब आन कली श्येत रे परांइशा, रिम्शो पा बाक्चा गेचा कली सोइक्ताक्यी। यसैया ४२:१७ १९ परमपरभु यावे आ शिशी पतीक बर्स आ पर्वम

शंचा कली सोइक्ताक्यी" दे पदेशा नंपाइक्मी बाक्त। लेवी २५:१० २०मिनु किताब गिल्शा, गरुम्तीक सिं डा गेय पाइब कली गेशा, निस्स बाक्त। मिनु नेल्लमी येसु कली मिक्च मयाक्थु कोवस डा कोवस पाम बाक्त। २१मिनु येसुमी "एको इन नंशा लोव मुलाक्त गाप्त" देमाक्त। २२नंबपुकीमी मेको आ पर्वम रिम्शो लोव पाम बाक्त। येसु आ रिम्शो लोव नंशा छुक लाक्शा "एको योसफ आ ती ममाइ डा ?" देमुमा बाक्त। लूका ३:२३ २३मिनु येसुमी मेको आन कली "गे इच्ची ना आं कली 'मुर आन कली सापाइक्व, गे इ कली यो सापतो' देतीक लोव देनीनी। मिनु 'गे कोपरनाउम सहरम चिन्ड नु छुक लाक्चा डा गेय पशो नंतक। मुल इ कोल्ल्तीक सहरम, एकर यो मोदंशो पावो' दे आं कली देनीनी" देमाक्त। २४मिनु येसुमी "थमा पा, मुरपुकीमी परमपरभु यावे आ लोव पाइब आन कली आंम आन बाक्तीक सहरम काइ महिक्नीम। यूहन्ना ४:४४ २५थमा लोव मार बाक्त दंशा हना, एलीया आ पालाम इसराएल रागीम शुश वांइश बक्शा मीश मुर बाक्शा बाक्तेक्म। मना बर्स सां ६ महिना सम्म रेउ मथिमाक्त। मिनु रागी नेल्ल डा मुरपुकीमी जचा मतामे बाक्त। १राजा १७:१,९-२४ २६तन्न परमपरभु यावेमी एलीया कली मेको आन बाक्तीक मसोइक्त। तन्न सीदोन रागी डा सारप्ता सहरम बाक्व वांइश बक्शा मीश मुर का कली ला श्येत रे परांइथ सोइक्ता बाक्त। सारप्ता सहर कली हिब्रू लोवमी चारफाथ देनीम। २७एलीशा आ पालामी यो इसराएल रागीमी शुश कोवत्र पाइब मुर बाक्मा बाक्त। सुइ मसामा बाक्त। सिरीया डा नामान माइइशो मुर ला सापाइक्चा पुंडसे बाक्त" दे येसुमी माइक्मी बाक्त। २राजा ५:१-१४ २५गरुम्तीक सिंम बाक्शा मुर नेल्लम मेको लोव नंशा चुरमा बाक्त। २९मिनु छुल छाल बाक्शा, येसु कली आन गरुम्तीक सिं नु सहर रे गरुइशा, डांडा तार सेल्शो सहर डा रांगु रे तोक्चा, दे लदमे बाक्त। ३०तन्न येसु मेको आन दाते रे गरुशा गाक्माक्त।

येसु कोपरनाउम जाक्दीइशो

मत्ती ८:१४-१७; मर्कूस १:२१-३९

३१मिनु नोले गालील रागी डा कोपरनाउम सहर बरुम्माक्त। मिनु नाइक्तीक नाक्ती गरुम्तीक सिं लशा, मुर आन कली शंदा बाक्त। ३२मिनु आ शंशो नंशा छुक लाक्मा

बाक्त। मारदे हना आ लोत्र अधिकार पाइशशो बाक्माक्त। मत्ती ७ :२८-२९ ; यूहन्ना ७ :४६ ३३ मेको गरुम्तीक खिंमी गरांगरा दिचा डा वोल आ साक्तीम सुम्शो मुर का बाक्माक्त। मेकोमी वाइ बरेशशा ३४ “ओहो, नासरथ डा येसु, मार पमुया डा ? आंइ कली साइक्थ जाक्नी ? इन कली तुइक्ताक्क। गे परमपरभु यावे आ योत्रशो ननी” देमाक्त। ३५ मिनु येसुमी वोल कली “रयक मपथु, गरूडो” दे हुइक्ता बाक्त। मिनु वोलमी मुर कली श्येत मगथु, दिङ खोल्शा वोइशशा गरूमाक्त। ३६ मो दुम्शो तशा, मुरपुकी छ्क लाक्शा “मार लोत्र बाक्म माइ ? मारदे हना अधिकार नु सक्ति पाइशशो लोत्र पवानु, वोलपुकी गरूबाक्तेक्म” देमुमा बाक्त। ३७ मिनु मेको रागी नेल्ल येसु आ पवम लोत्र बरना बरन लमाक्त।

३८ मिनु येसु गरुम्तीक खिं रे गाक्शा, सिमोन आ खिं जाक्दोम्माक्त। सिमोन आ शिमी शुश जरो पा रोइ पा गोल्लो बाक्माक्त। मिनु खिं डा मुरुमी येसु कली “सापतीन” दे पुन्मे बाक्त। ३९ मिनु येसु मेको आ नेक्था राप्शा, जरो कली हुइक्ता बाक्त। मिनु हुइक्तानु, जरो जाम्माक्त। मिनु साशा छ्कल बोक्शा, येसु नु आ वारच आन कली जचा गेमी बाक्त।

४० मिनु नां रिक्मेनु, शुश रोइ पाइब आन कली चाक्ममे बाक्त। मिनु येसुमी रोइ पाइब आन कली आ गुइ आन तारी चाक्शा, नेल्ल आन कली सापाइक्मी बाक्त। ४१ शुश मुर रे वोल गरूइदा बाक्त। वोल आन कली गरूइदानु, मेकोपुकीमी “परमपरभु यावे आ तो ननी” दे गरीमा बाक्त। तन्न येसुमी मेको आन कली लोत्र पचा मगथु, हुइक्तीमी बाक्त। मारदे हना मेकोपुकीमी “खरीस्त बाक्ब” दे डांइती रे तुइशशो बाक्मा बाक्त। मत्ती ८ :२९ ; मर्कूस ३ :११-१२

४२ मिनु आ दीसा सुनी येसु मेकर रे गाक्शा, मुर मबाक्तीकेम जाक्दोम्माक्त। मिनु मुरपुकीमी “ते लमे ?” दे माल्शा, आ बाक्तीकेम जाक्दोम्मा बाक्त। मिनु “आंइ कली प्रांइशा मगाक्कीन। आंइ सहरम बाक्कीन” देमा बाक्त। ४३ मिनु येसुमी “अर्का सहर लचा माल्लुङ। मारदे हना गो मेकर डा मुर आन कली यो परमपरभु यावे आ राज्य डा लोत्र पचा माल्लुङ। गो मेको गेय पचा कली सोइशशो नङ” देमाक्त। ४४ मिनु रागी नेल्ल हिरना हिरन यहूदीया डा गरुम्तीक खिं खिंमी शंना शंन गाक्माक्त। मत्ती ४ :२३

डांइती डा शंसीब योत्रशो

मत्ती ४ :१८-२२ ; मर्कूस १ :१६-२०

१ मिनु काबु येसुमी गेनेसरथ समुन्दर आ ५ नेक्था जाक्दोशशा, मुर आन कली परमपरभु यावे आ लोत्र शंदोमी बाक्त। मुरपुकीमी येसु कली डो डा चूम बाक्त। २ मिनु समुन्दर आ शुइचम डांगा निक्शी तवा बाक्त। डांइ रेण्वपुकी डांगा रे तोइशशा आन ग्याइली मुरना मुरन बाक्मा बाक्त। ३ मिनु डांगा का डांइस बाक्त। मेको डांगा सिमोन क बाक्माक्त। मिनु येसुमी सिमोन कली “डांगा इक्का आइक्की लतो” दे मदा बाक्त। मिनु मोपा डांगाम बाक्शा मुर आन कली शंदोमी बाक्त।

४ मिनु शंन थुम्शा, सिमोन कली “व्वाक्कु आ दातेम जाक्दोशशा, डांइ रेत्वा कली ग्याइली आपो” देमाक्त। यूहन्ना २१ :६ ५ मिनु सिमोनमी “शंब, नाक्दो रे श्येत पा ग्याइली आपना आपन बाक्तक। डांइ का यो मेर। मुल गे आपो” देतीनी हना, गो आपनुङ” देमाक्त। ६ मिनु ग्याइली आवानु, शुश डांइ रेण्शा, ग्याइल गाक्चा गोवा बाक्त। ७ मिनु ग्याइली गाक्थरी पा डांइ रेण्शो तशा, आ वारच आस कली “ए, एक जाक्शा, वारच पसे” दे बरेशशा, डांगा निम्फा डांइम पिरंदमे बाक्त। मिनु डांगा हेल्शा, व्वाक्कुम गरूच्चा चिक्ता बाक्त। ८ मिनु सिमोन पतरुसमी मो दुम्शो तशा, येसु आ डांइती पोक्च थक्शा बाप्शा “परभु, गो पापी मुर नङ। गे नु काथा बाक्चा मशिरनुङ” देमाक्त। लूका १८ :१३ १ मारदे हना सिमोन नु मेको नु बाक्ब नेल्ल मिश डा डांइ रेण्शो तशा, छ्क लाक्मा बाक्त। १० जब्दी आ तो याक्ब नु यूहन्ना यो छ्क लाक्सा बाक्त। मिनु येसुमी सिमोन कली “महिनी। मुल डा मेर मुर रेण्व दुम्नेव” दे मदा बाक्त। ११ मिनु डांगा गरूइशा, तोइशशा, सिमोन, याक्ब नु यूहन्ना सांफामी आन गेय नेल्ल प्रांइशा, येसु आ नोले खोइशशा, आ शंसीब दुम्मा बाक्त।

कोत्रर पाइब कली सापाइशशो

मत्ती ८ :१-४ ; मर्कूस १ :४०-४५

१२ मिनु काबु येसु आ शंसीबपुकी नु सहर कामी बाक्मेनु, कोत्रर पाइब मुर का कली गरूमा बाक्त। मिनु मेको कोत्रर पाइबमी येसु कली तशा, आ डांइती बाप्शा “परभु, सापाइक्चा दाक्ताक्नी हना, आ कली सापाइक्ने चाप्नीनी” देमाक्त।

१३ मिनू येसुमी कोव्र पाइब कली थिशा “गो सापाइक्चा दाक्नुड” दंमेनु, मेको कोव्र पशो मुर सामाक्त। १४ मिनू येसुमी “एको लोत्र सुइ कली मंदंचा। चढेब आ डांडती लशा, इ साशो रां कांडो। मिनू मोसामी मार चढेचा माल्व देशो बाक्म, मेको चढेशा, साती, दे तुइक्पतो” दे माइश्शा, सोइक्ता बाक्त। लेवी १४ :२-३२ १५ सुइ कली मंदंचा देशो बाक्त हना यो, शुश मुख्मी येसु आ पर्वम लोत्र पाम बाक्त। रागी नल्लेम मेको लोत्र बरमाक्त। येसु आ लोत्र नंचा कली नु रोइ रे साचा कली शुश मुर येसु आ बाक्तीकेम जाक्मा बाक्त। १६ तन्न येसु मेकोपुकी नु बराशा, सुइ मबाक्तीकेम लशा, परमपरभु यावे कली प्रार्थना पवा बाक्त। मर्कूस १ :३५

गुइ खोइल मदुक्ब कली सापाइश्शा

मत्ती ९ :१-८ ; मर्कूस २ :१-१२

१७ काबु येसुमी शंना शंन बाक्मेनु, गालील रागी, यहूदीया रागी, नु यरूसलेम सहर रे जाक्शो फरिसी नु अरेशो लोत्र शंबपुकी देल्शा, येसु आ नेक्था निस्समा बाक्त। परमपरभु आ सापाइक्तीक सक्ति येसु नु बाक्माक्त। १८ मना मुरपुकीमी आ गुइ खोइल मदुक्ब मुर का कली बराख्येम कुरशा चाक्म बाक्त। चाक्बपुकीम मेको कली येसु आ डांडती चाक्दीत्वा, दे मिम्तमे बाक्त। १९ तन्न शुश मुर देल्लतीक येसु आ नेक्था चाक्दीन्ने मचांम बाक्त। मिनू खिं डाइश्शा, साप्शो फुल्लु याक्शा, रोइ पाइब आ बराख्ये आ एर आंथ डारीम फरेशा, मेको कली आंखां पा तोक्शा, येसु आ डांडती वोदमे बाक्त। २० मिनू येसुमी मेको आन थमा सुइक्शो तुइश्शा, मेको कली “आं वारच, इ पाप क्याम्शा गेतन” दे मदा बाक्त। २१ मिनू फरिसी नु सास्तरीपुकीमी “ओदंशो शुक्शो लोत्र पाइब सु बाक्म ? परमपरभु यावेमी ला पाप क्याम्ने चाप्ब” दे मिम्तमे बाक्त। फरिसी रिती थिती सेल्शा, रिम्शो पचा कली कोव्रब यो बाक्शो बाक्तेक्म। सास्तरी यहूदी आन कली परमपरभु यावे आ अरेशो लोत्र शंब बाक्शो बाक्तेक्म। लूका ७ :४९ ; भजन संग्रह १३० :४ ; यसेया ४३ :२५ २२ मिनू येसुमी मेको आन मिम्शो तुइश्शा, मेको आन कली “भारदे इन थुंम मोदंशो मिम्तीनी ? २३ इ पाप क्याम्शा गेतन दंचा देय छुल बोक्शा, एर आंथ हिरशा कांडो दंचा तको रिम्शो बाक्बा ? २४ रागीम जरमेशोमी, पाप क्याम्चा

कली अधिकार तशो बाक्ब, दे गेपुकीमी यो तुइक्तीन” दे गुइ खोइल मदुक्ब कली “छुल बोक्शा, इ बराख्ये कुरशा, इ खिं लावो” दे मदा बाक्त। यहून्ना ५ :३६ २५ मो दंमेनु, मेको मुर छुल बोक्शा, आ बराख्ये कुरशा, परमपरभु यावे कली ठयब सल्ला सल्ल आ खिं लमाक्त। २६ मेको चिन्ड तशा, मुर नल्ले छक लाक्शा, परमपरभु यावे कली ठयब सल्ला, मान पा हिंशा “डांडती गनायो मतशो ताइतय” दंमुमा बाक्त।

लेवी कली बरेशो

मत्ती ९ :१-१३ ; मर्कूस २ :१३-१७

२७ मिनू मेकेर रे लशा, येसुमी तिरो पोक्ब लेवी नें पाइश्शा मुर का आ गेय पतीकेमी बाक्शो तशा “आं नोल खोइय्यी” दे मदा बाक्त। २८ मिनू मेकोमी आ गेय प्रांइशा, येसु आ नोले खोदा बाक्त।

२९ मिनू लेवीमी येसु कली मान पा थुल्ला, दे जचा त्वा सेला बाक्त। मिनू मेको नु तिरो पोक्ब, आ वारच नु अरु मुर यो जथ बाक्मा बाक्त। लूका १५ :१ ३० मिनू फरिसी नु सास्तरीपुकीमी मेको आन कली काथा बाक्शो तशा, आन थुंमनुथु येसु आ शंसीब आन कली “भारदे गे तिरो पोक्ब नु पापीपुकी नु काथा बाक्शा जाइनीनी ?” दंमा बाक्त। ३१ मिनू येसुमी मेको आन लोत्र तुइश्शा “रोइ मपाइब आन कली डाक्टर ममाल्नीम। तन्न रोइ पाइब आन कली डाक्टर माल्नीम। ३२ ठीक पाइब आन कली बरंत्थ जाक्शो मनड। तन्न पापी आन कली ‘इन थुं परमपरभु यावे गे लेत्तीन’ दे बरंत्थ जाक्शो नड” दे माइक्मी बाक्त।

माइजा बाक्चा आ पर्वम शंशो

मत्ती ९ :१४-१७ ; मर्कूस २ :१८-२२

३३ मिनू मेकोपुकीमी “यहून्ना आ शंसीबपुकी नु फरिसी आन शंसीबपुकी शुश माइजा बाक्शा, प्रार्थना पाइनीम। तन्न इन शंसीबपुकी माइजा मबाक्थु, जाइनीम तूनीम” दंमा बाक्त। ३४ मिनू येसुमी मेको आन कली “ग्युम्ले नु काथा बाक्मानु, जन्ती आन कली माइजा बाक्पाइक्ने चाप्नीनी डा ? ३५ काबु ग्युम्ले लाइक्चा पुंडसीब। मेना माइजा बाक्नीम” दे माइक्मी बाक्त। ३६ मिनू येसुमी मेको आन कली “सुइमी नक वा खाक्शा, माइत वाम मक्येप्नीम। मो पाम्तेक्म हना, नक वा मरिम्शो दुम्बा ममाइ ? नक वा माइत वा तार क्येप्चा मगरब। ३७ सुइमी

माइत कुशुल के थेलोमी नक अङ्गुर शांबु कुर मपाइनीम। कुर पांत्वेक हना, नक अङ्गुर शांबु बोरशा थेलो बुक्ब। मिनु अङ्गुर शांबु क्युप्ब। मेको थेलो यो खतम दुम्ब। ३८ नक शांबु नक थेलोमी कुर पचा माल्ब। ३९ कशो शांबु तूशा बानी दुम्शामी जीजी शांबु मदाकनीम, मेकोमी 'कशो ला ब्राव्रव' देब" दे कथा का देमाकत।

### नाइक्तीक नाक्ती

मती १२ :१-८ ; मर्कूस २ :२३-२८

१ मिनु काबु नाइक्तीक नाक्ती येसु नु आ ६ शंसीबपुकी चेरब रू लां र पा गाकमानु, शंसीबपुकीमी चेरब बाला शोइश्शा, नोकशा जामे बाकत। लूका १३ :१०-१७ ; लूका १४ :१-६ २ मिनु फरिसीपुकीमी मेको आन कली चेरब जशो तशा "नाइक्तीक नाक्ती पचा मदुम्ब गेय, मारदे पाइनीमी?" दे आन थुं मनुथु लोत्र पामे बाकत। ३ मिनु येसुमी "दाऊद नु आ वारचपुकी शोत्रनु बेकमानु, मार पामे, परमपरभु यावेमी बरेकपाइश्शा लोत्र मपदेनी? १ सामुएल २१ :७ ४ दोपा दाऊदमी परमपरभु यावे आ खिमी ओव्रशा, परमपरभु यावे आ डांडती कांडतीक शोब्ले शोल्शा योक्शा जामे? मेको शोब्ले चढेबपुकीम ला जाइनीमी, ममाइ? अरु मुरपुकीमी जचा मदुम्बा, ममाइ डा?" दे माइक्मी बाकत। लेवी २४ :९ ५ मिनु येसुमी "रागीम जरमेशो दा नाइक्तीक नाक्ती मार पचा, मार मपचा मेको नेल्ल देब बाक्ब" देमाकत।

गुइ सोत्रशो कली सापाइश्शो

मती १२ :९-१४ ; मर्कूस ३ :१-६

६ मिनु अर्को नाइक्तीक नाक्ती येसुम गुरुतीक खिमी शंदानु, मेकेर आ ग्युरा गुइ सोत्रशो मुर का बाकमाकत। ७ मिनु सास्तरी नु फरिसीपुकीमी "नाइक्तीक नाक्ती सापाइक्चा गेय पाइबा को?" दे योत्रकी पा कोत्रडमे बाकत। मारदे हना येसु कली दोस गेचा माल्शो बाकमा बाकत। ८ मिनु येसुमी मेको आन मिम्शो तुइश्शा, आ गुइ सोत्रशो मुर कली "एक पिशा, राष्शा बाक्को" दे मदा बाकत। मिनु मेको छुल बोक्शा राम्माकत। ९ मिनु येसुमी योत्रकी पाइब आन कली "लोत्र का हिल्लो पाइनन्नी, नाइक्तीक नाक्ती शिशी पचा देय मरिम्शो गेय पचा? ब्रांडचा गेचा देय बेक्चा गेचा? अरेशो लोत्रम मार देबा?" दे हिल्लो पवा बाकत। १० मिनु मेकेर बाक्ब आन कली मिक्च मयाक्थु,

कोत्रशा, गुइ सोत्रशो कली "इ गुइ दिंदो" दे मदा बाकत। मिनु मेकोमी गुइ दिसनु, सामाकत। ११ मिनु योत्रकी पाइबपुकी चुरशा "मेको कली मार पय?" दे लोत्र पमुमा बाकत।

येसुमी आ १२ जना शंसीब योत्रशो

मती १० :१-४ ; मर्कूस ३ :१३-१९

१२ काबु येसु डांडा का डोइश्शा, नाकदो र परमपरभु यावे कली प्रार्थना पवा बाकत। मर्कूस १ :३५ १३ मिनु आ दोसा नां सोत्रशा, आ नोले खोइक्ब आन कली गरुम्शा, १२ जना आन कली योत्रमी बाकत। योत्रशा आन कली "साइश्शो" दे नं वोदा बाकत। मती १० :२-४ ; पररित १ :१३ १४ मेको १२ जना सु सु बाकमा बाकत देशा हना, सिमोन, मेको कली पतरुस यो देनीम। सिमोन आ लोक्ब अन्दरीयास, याकूब, यूहन्ना, फिलीप, बारथोलोमाइ, १२ मती, थोमास, अल्फयस आ तो याकूब, सिमोन, मेको कली कनानी यो देनीम, १६ याकूब आ तो यहूदा नु इस्कारीयात डा यहूदा बाकमा बाकत। इस्कारीयात डा यहूदा चहिं नोले येसु कली साइक्चा, दे माल्ब आन कली वारच पाइब दुम्बाकमाकत।

दिमम शुश मुर सापाइश्शो

१७ मेको मुर आन कली योत्रशा, डांडा र यिमा बाकत। मिनु ठेयब दिमम जाकदीश्शा बाकमानु, येसु आ लोत्र नंथ एर आंथ र शुश मुर सुम्सीशा देल्मा बाकत। मेकोपुकी यहूदीया रागी, यरूसलेम सहर, टायर नु सीदान सहर एर आंथ र जाक्शो बाकमा बाकत। १८ का निक्शी येसु आ लोत्र नंथ जाकमा बाकत। का निक्शी आन रोइ सापाइसीथ जाकमा बाकत। मिनु वोल्म तशो मुरपुकी यो जाक्शा, सामा बाकत। १९ रोइ पाइबपुकीमी येसु कली थिचा माल्मे बाकत। मारदे हना येसु आ सक्तिम मेको नेल्ल आन रोइ साबाकमा बाकत।

ग्येरसीने, दे शंशो

मर्कूस ५ :३-१२

२० मिनु येसुमी शंसीब आन कली कोत्रशा "गे परुडग मुर, ग्येरसीने। मारदे हना परमपरभु यावे आ राज्य इन के बाक्ब। याकूब २ :५ २१ मुल जचा मतथु बाक्बपुकी, ग्येरसीने, मारदे हना परमपरभु यावेमी इन कली स्थरी जचा गेब। मुल श्यत जशा, डाक्न डाक्न बाक्शोपुकी, ग्येरसीने। मारदे हना नोले ग्येरसीशा बाक्चा

ताइनीनी। परकाश ७ :१६-१७ २२ मुरुमी इन कली आं पर्वम काइ मदाक्थु, खरशा हेला पामेनु, रागीम जरमेशो आ पर्वम इन कली दिमिनु, गे शुश ग्यरसीन। यहन्ना १५ :१८-१९ २३ मेको नाक्ती थाम्पा ग्यरसीन। मारदे हना परमपरभु यावेमी इन कली स्वर्गम इनाम गेव। इन कली श्यत गेव आन किर्की पिपीमी साइ र परमपरभु यावे आ लोत्र पाइब आन कली यो सदा पा श्यत गेशो बाक्तेकम।

### हिनीन, दे शंशो

२४ गे शुश शोप पाइइशोपुकी, हिनीन। मारदे हना इन तशो रिम्शो नेल्ल थुम्तीनी। मत्ती १९ :२३ ; याकूब ५ :१ २५ मुल शुश जचा ताइबपुकी, हिनीन। मारदे हना नोले जचा मतथु शोव्रलु बेक्नीनी। मुल रिश्शा बाक्बपुकी, हिनीन। मारदे हना नोले डाक्शा रंका पचा माल्नीनी। २६ मुल मुरपुकी रे पा मान पाइक्चा पुंडसीशोपुकी, हिनीन। मारदे हना इन किर्की पिपीमी यो जोल पा परमपरभु यावे आ लोत्र पाइब आन कली मो पाइक्बाक्तेकम” देत।

### इन कली मदाक्ब कली दाक्तीन

मत्ती ५ :३९-४८

२७ मिनु “आं लोत्र नंबपुकी, नोफा दाइइशा नेनीन, इन जोरी सतरु आन कली दाक्तीन। इन कली काइ मदाक्ब आन कली दाक्तीन। २८ इन कली सराप चीत्त पाइब आन कली आसीक गेने। इन कली शुक्शो पाइब आन पर्वम परमपरभु यावे कली पुंडदीन। १ कोरिन्थी ४ :१२ २९ इन चोत्रचो का राप्ब आन कली अर्का चोत्रचो यो राप्चा गेने। इन दौरा लाइक्ब आन कली मोटो यो पूइइशा गेने। ३० सुइमी गे नु बाक्शो थोत्रकी पुंडतु हना, गेने। सुइमी गे नु बाक्शो थोत्रकी लाइक्तु हना, पितो, दे मपुनीन। ३१ गेमी दोदंशो पचा पुंडसीचा दाक्नीनी, गे यो मुर आन कली मोदंशो पन। मत्ती ७ :१२

३२ इन कली दाक्ब आन कली ला दाक्ताक्नी हना, मार रिम्शो पनी डा ? पापीपुकीमी यो आंम कली दाक्ब कली दाक्नीम। ३३ इन कली रिम्शो पाइब आन कली ला रिम्शो पाइतीनी हना, मार रिम्शो पनी डा ? पापीपुकीमी यो रिम्शो पाइब कली रिम्शो पाइनीम। ३४ इन कली थाम्ने चाप्ब आन कली ला जेर गेतीनी हना, मार रिम्शो पनी डा ? पापीपुकीमी यो लेंशा ताक्चा कली मोदंशो पाइनीम। ब्यवस्था १५ :५-८ ३५ इन जोरी सतरु

आन कली दाक्तीन। वारच पने। लेंशा ताक्चा ममिम्थु जेर गेने। मो पाइतीनी हना, गे ठेयब इनाम ताइनीनी। मिनु नेल्ल क्येडा ठेयब आ मुर दुम्नीनी। मारदे हना ‘रिम्शो पाइतीनी’ मदेव नु आ अरेशो मदीब आन कली रिम्शो पाइब। ३६ दोपा इन आफोमी शिशो पवा, मापा गपुकीमी यो शिशो पन” देमाक्त।

### मुर आन कली मनाक्चा

मत्ती ७ :१-५

३७ मिनु येसुमी “मुर आन कली मनाक्तीन। मिनु इन कली मनाक्नीम। दोस मगेने। मिनु गे यो दोस मताइनीनी। माफ गेने, मिनु गे यो माफ गेचा पुंडसीनीनी। मत्ती ६ :१४ ३८ अरु आन कली मार मार माल्मा, मेको गेने। हाइइशो दुम्शा गेतीनी हना, गे यो क्युप्चा डा पा पिरंशा ताइनीनी। दोपा पुक्शा गेनी, मोपा पुक्शा ताइनीनी” दे शंदीमी बाक्त। मर्कूस ४ :२४

३९ मिनु येसुमी कथा सेल्शा “मिक्च मताइबमी मिक्च मताइब कली लां कोंडेने चाप्ब डा ? लांमी खाल्टा बाक्त हना, निम्फा खाल्टाम मबिक्नीसी डा ? मत्ती १५ :१४ ४० शंब क्येडा शंसीब ठेयब मनम। तन्न शंसीबमी शुश शंसीशा आ शंब सोदंशो दुम्ब। मत्ती १० :२४-२५ ; यहन्ना १५ :२० ४१ मारदे इन लोक्ब आ मिक्चीम बाक्शो कसीडगर ताइनीनी। मिनु इन मिक्चीम बाक्शो मुदा चहिं मताइनीनी ? ४२ इन मिक्चीम मुदा बाक्त हना, दोपा इन लोक्ब कली ‘आं लोक्ब, इ मिक्चीम बाक्शो कसीडगर फेत्नुड’ देन चाप्नीनी डा ? गे कपटी, डांइती इन मिक्चीम बाक्शो मुदा फेत्तीन। मिनु मिक्च ठीक ताइब दुम्शा ला, इन लोक्ब आ मिक्चीम बाक्शो कसीडगर फेन्ने चाप्नीनी।

### रिम्शो खाम रिम्शो फल सिप्ब

मत्ती १२ :३३-३५

४३ रिम्शो फल खाम मरिम्शो फल मसिप्ब। मरिम्शो खामी यो रिम्शो फल मसिप्ब। मत्ती ७ :१६-१८ ४४ फल थाम्शा, रिम्शो खा नु मरिम्शो खा तुंडसीब। चू बोटमी फोत्रशी मसिप्ब। खरुमीच आ बोटमी अडगुर मसिप्ब।

४५ रिम्शो थुं पाइइशो मुरुमी रिम्शो पाइब। पापम बरीशो थुं पाइइशो मुरुमी चहिं मरिम्शो पाइब। मुर आन थुंमी मार बाक्म, मेको आन लोत्र

नंशा रिम्शा देय मरिम्शा मेको तुंडसीब। मारदे हना थुंम मार बाक्मे, मेको शोत्र रे गरूब।

खिं रे पा शंतीक

४६ मारदे आं कली परभु, परभु, देंनीनी। तन्न आं दंशा मटीनीनी? मलाकी १:६; मत्ती ७:२१ ४७ सुम आं लोत्र नंशा टीबा, मेको दोदंशा मुर दुम्बा, मेको गो इन कली माइक्नन्नी। ४८ मेकोमी खिं सेलानु, जग दोशा, संरथे फुल्लु तारी सेल्व। मिनु रंड यिशा भोल यिमनु, मेको खिं मबरूब। मारदे हना जग बोल्यो पा सेल्लो बाक्ब। ४९ सुमी आं लोत्र नंशा मपाइबा, मेकोमी खिं सेलानु, जग मदोथु सेल्व। मिनु रंड यिमनु, मेको खिं नल्ल बरशशा भोलम योत्व” दे शंदीमी बाक्त।

कप्तान आ गेय पाइब सापाइशशा

मत्ती ८:५-१३; यूहन्ना ४:४६-५३

१ मिनु लोत्र शंन थुम्शा, मेकर रे लशा, कापरनाउम सहरम जाक्दीम्माक्त। २ मेकर रोमी कप्तान का बाक्माक्त। मेको आ दाक्शा वाइल का रोइ पा बेक्चशा बाक्माक्त। ३ मिनु मेको कप्तानमी येसु आ पर्वम लोत्र पशा नंशा, यहूदी आन जोक्ब तुइक्ब साल्पा आन कली येसु बरथ सोइक्तीमी बाक्त। मेको आन कली “येसु एक पिशा, “आं वाइल कली सापतीन” दे पुनीन” देमाक्त। ४ मिनु मेकोपुकी येसु आ बाक्तीकम जाक्शा, येसु कली “मेको कप्तान कली वारच पचा कली शिरशा बाक्ब। ५ मारदे हना मेकोमी यहूदी इं कली दाक्ब। मिनु इं गरुम्तीक खिं यो सेल्लपाइक्तु” दे येसु कली देमा बाक्त। ६ मिनु येसु मेकोपुकी नु लमाक्त। मिनु कप्तान आ खिं आ नेक्था जाक्दीम्मनु, कप्तानमी आ वारच आन कली येसु कली लोत्र पथ सोइक्ता बाक्त। मेकोपुकीमी येसु कली “परभु, श्येत मपने। गो इन कली आं खिम आंइचा मशिरनुड। ७ मोपतीके गो इन कली गरुम्थ मपिड। ग सापाइक्तीक लोत्र का ला पने। मिनु आं वाइल साब। ८ गो यो अधिकार पाइशशा मुर बाक्नुड। लडाइ पाइबपुकीम आं कली टीनीम। गो का कली ‘लावो’ देती हना, मेको लाइब। मिनु अर्का कली ‘पिवो’ देती हना, पीब। आं वाइल कली ‘मेको गेय पावो’ देती हना, मेकोमी पाइब” दे माइक्थ सोइक्ता बाक्त। ९ मिनु येसुमी मेको लोत्र नंशा छक लाक्माक्त। मिनु आ नोले खोइक्ब आन कली हिरशा कोत्रशा “गो इसराएली आन दातेमी

मेको कप्तान खोदंशा थमा सुइक्ब मुर सुइ मतडमी” देमाक्त। १० मिनु मेको सोइशशा मुर खिं लेशशा जाक्मानु, वाइल सान थुम्शा तामे बाक्त।

बेक्शा मुर कली संपाइशशा

११ इक्का नाक्त नोले येसु नाइन सहर गे लमाक्त। आ शंसीबपुकी नु शुश मुर यो मेको नु लमा बाक्त। १२ मिनु सहर डा ठेयब लाप्चो आ नेक्था जाक्दीम्मानु, मुरपुकीमी बेक्शा मुर का कुरशा पिशा तामे बाक्त। मेको वांइश बेक्शा मीश मुर आ कांइचीक ती बाक्माक्त। मेको मीश मुर नु सहर डा शुश मुर मलामी लशा बाक्मा बाक्त। १३ मिनु येसुमी मेको कली तशा, शिशी पा “मडाक्को” देमाक्त। १४ मिनु बेक्शा मुर कुरशा पला थिवानु, कुरबपुकी खरा दिक्मा बाक्त। मिनु मेकोमी “ए ठिट्टा, गो इ कली संसीशा बोक्को देनुड” देमाक्त। मर्कूस ५:४१ १५ मिनु बेक्शा मुर बोक्शा निशशा, लोत्र पचा गोवा बाक्त। मोपा संपाइशशा, आ ममा कली गोवा बाक्त। १६ राजा १७:२३; २२ राजा ४:३६ १६ मिनु मुरपुकी मोदंशा दुम्शा तशा, हिंमा बाक्त। मिनु मेकोपुकीमी परमपरभु यावे कली ठेयब सेल्लशा “इं दातेमी परमपरभु यावे आ लोत्र पा छक लाक्का डा गेय पाइब का गरुमाक्त। परमपरभु यावेम इं कली थमा पा शिशी पाइक्बाक्त” देमा बाक्त। मत्ती १६:१४; लूका १:६८ १७ मिनु यहूदीयानु एर आंथ डा रागी नल्लेमी मेको लोत्र बरमाक्त।

यूहन्नामी दल्गीर पशा

मत्ती ११:२-६

१८ मिनु यूहन्ना आ शंसीबपुकीमी यो मेको लोत्र नंशा, यूहन्ना कली शंदमे बाक्त। मिनु यूहन्नामी आ शंसीब निक्शी आस कली बरशशा १९ “जाक्का माल्शा गेन ननी देय अर्का आ लां कोत्रक? दे परभु कली हिल्लो पथ लसे” दे सोइक्तीम्सी बाक्त। २० मिनु मेको निक्शी येसु आ बाक्तीके जाक्शा “ब्जाक्कुम खरुम्शा गरुंबव यूहन्नामी सोइशशा मुर नस्कु। जाक्का माल्शा गेन ननी देय अर्का आ लां कोत्रक? दे हिल्लो पथ सोइक्ताक्की” देसा बाक्त। २१ मेको निक्शी जाक्सानु, येसुमी शुश रोइ पाइब मुर आन कली सापाइक्ना पाइक्न बाक्शा बाक्माक्त। बेक्का डा रोइ पशा, वोलम सुम्शा मुर आन वोल खेरना खेरन बाक्माक्त। मिक्च मताइब आन कली

मिक्च तपाइक्ना पाइक्न बाक्माक्त। २२ मिनु येसुमी यूहन्ना आ शंसीब आस कली “मार मार तसी, मार मार नंसी, मेको नेल्ल यूहन्ना कली मतीस। मिक्च मताइब मिक्च ताइबाक्तेक्म। खोइल मदुक्ब गाक्बाक्तेक्म। कोत्र पाइब साबाक्तेक्म। नोफा मनंबम नंबाक्तेक्म। बक्शा मुर बक्शा र संसीशा ब्रांडबाक्तेक्म। मिनु महिक्सीशा मुरपुकी ग्यरपाइक्ब लोत्र नंपांडसीबाक्तेक्म। २३ सु सुमी आ कली तशा, आन थु मखाइक्पाइक्नीमी, दल्गीर मपाइनीमी, मेको ग्यरसमल, दे मतीस” दे सोइक्तीम्सी बाक्त।

यूहन्ना आ पर्वम शंशो

मती ११ :७-१९

२४ मिनु यूहन्नामी सोइश्शो मुर गाक्सा नोले, येसुमी मुर आन कली यूहन्ना आ पर्वम “साइ गोरशो रागीमी मार कोत्रथ लनी? फेशम हिम्शो किन्दा कोत्रथ लनी? २५ दारशो वा फेक्शो मुर तांडसीबा कां, दे कोत्रथ लनी? दारदारशो वा फेक्शो नु शांप पाइश्शो मुर पिप आन बाक्तीकमी बाक्नीम। २६ मार कोत्रथ लनी, मिनु? परमपरभु यावे आ लोत्र पाइब तांडसीबा कां, दे कोत्रथ लनी? गे परमपरभु यावे आ लोत्र पाइब नेल्ल आन क्यंडा ठेयब मुर ताइतीनी। लूका १ :७६ २७ परमपरभु यावेमी बरंक्पाइश्शो लोत्रमी मेको आ पर्वम गो आं लोत्र कुरब इ डांडडांइती सोइक्नुड। मेकोमी इ लां ठीक सत्व” दे बरंक्शो बाक्ब। मलाकी ३ :१ २८ रागी नेल्लेम यूहन्ना खोदंशो ठेयब सुइ मबाक्ब। परमपरभु यावे आ राज्यमी नेल्ल क्यंडा आइक्च चहिं यूहन्ना क्यंडा ठेयब बाक्ब” दे शंदीमी बाक्त। लूका १ :१५ २९ आ लोत्र नंबपुकी नु तिरो पोक्ब का निक्शीमी डांडती यूहन्ना आ लोत्र नंशा “परमपरभु यावे आ दंशो ठीक बाक्माक्त” दे मिम्ता बाक्त। मारदे हना मेको ब्वाक्कुम खरुम्शा गरुंडपांडसीशो बाक्मा बाक्त। लूका ३ :७,१२ ; मती २१ :३२ ३० फरिसी नु सास्तरीपुकीमी चहिं यूहन्ना आ लोत्र नंशा “ब्वाक्कुम मखरुम्पांडसीनीकी” दे परमपरभु यावे कली थमा मसुइक्थु बाक्मा बाक्त। मेकोपुकीमी परमपरभु आ पावा, दे दंशो लोत्र मपामे बाक्त। पररित १३ :४६ ३१ मेको आन कली येसुमी “एको पाला डा मुर दोदंशो नु सु खोदंशो नमी? ३२ मेकोपुकी बजारम बाक्ब आलपुकी खोदंशो बाक्नीमी। हुल कामी अर्का हुल कली गो बासुरी

ताप्कानु, गे सिल मपनी। गो हिशेक पा डाक्कानु, गे मडाक्नी” दे बरंम्मुइनीम। ३३ यूहन्नामी माइजा बाक्शा, शांबु राकसी मतूडानु “वोलम सुम्शो बाक्माक्त” दे मरिम्शो सुइक्तीनी। मती ३ :४ ३४ रागीम जरमशामी चहिं जचा तूचा थोत्रकी नेल्ल जाइब तूब। मेको कली तशा “धोकर, शांबु राकसीमी दुक्ब, क्यट पोक्ब नु पापी आन वारच बाक्माक्त” दंशा, मरिम्शो सुइक्तीनी। लूका १५ :२ ३५ परमपरभु यावे आ तुइक्तीक आ नाले खोइक्बम ला तुइक्ने चान्नीम” दे माइक्मी बाक्त। १ कोरिन्थी १ :२४-३०

येसुमी फरिसी आ खिम जशा

३६ काबु फरिसी कामी येसु कली खमे जथ बरंत्ता बाक्त। मिनु येसु मेको आ खिम लशा, खमे जचा कली निस्स बाक्त। लूका ११ :३ ३७ मिनु सहर डा मीश मुर का यो बाक्माक्त। मेको तेल्लेम बाक्माक्त। मेकोमी येसु मेको फरिसी आ खिमी जाक्शो बाक्ब, दे नंशा, बरोत्रशो रिना पाइश्शो तेल कुरशा, जाक्माक्त। मर्कूस १४ :३ ३५ मेको येसु आ खोइलीम बाक्शा डाक्माक्त। मिनु आ परंक्कुम येसु आ खोइल जिप्पाइश्शा, आ चांमी फिक्गा बाक्त। मिनु आ खोइल पुक्पु पा मेको तेल खरंक्ता बाक्त। ३९ मिनु फरिसीमी मो पशो तशा “येसु परमपरभु यावे आ लोत्र पाइब बाक्त हना, आ कली थीब मीश मुर दोदंशो बाक्म, दे तुइक्त्त वा। मारदे हना पापी बाक्ब” दे मिम्ता बाक्त। ४० मिनु येसुमी फरिसी कली “ए सिमान, गो इ कली लोत्र का पाइनुड” दंमाक्त। मिनु मेकोमी “शंब, मार दंनीनी?” दंमेनु ४१ येसुमी “साइ होत्रप का के जेर लाइक्ब मुर निक्शो बाक्सा बाक्त। कामी ५ सह दनार जेर थुइश्शो बाक्माक्त। कामी ५० दनार जेर थुइश्शो बाक्माक्त। इस्राएल डा क्यट दनार का नाक्त का डा गाल्च बाक्त। ४२ मिनु निम्फामी थान्ने मचाप्सेनु, होत्रपमी निम्फा आस कली परांडीदोम्सी बाक्त। मुल तेकोमी होत्रप कली शुश दाक्वा?” दे हिल्लो पवा बाक्त। ४३ मिनु सिमानमी “शुश जेर थुइश्शोमी शुश दाक्ब, दे मिम्ताक्ड” दंमाक्त। मिनु येसुमी “ठीक दंते” दंशा, ४४ मीश मुर कली कोत्रशा, सिमान कली “एको मीश मुर कली तवी? गो इ खिमी जाक्कानु, आं खोइल चिक्चा कली ब्वाक्कु मगेथी। एकोमी दा आं खोइल आ परंक्कुम जिप्पाइश्शा, आ चांमी फिक्त्त।

उत्पत्ती १८ :४ ४५ गो जाकडानु, आं कली मुष्शा पुक्पु मपाइय्यी। एकोमी दा इ सिंम बाकडा रे आं खोइल पुक्पु पना पन बाकब। रोमी १६ :१६ ४६ गमी आं पियाम तेल मखरक्ती। एकोमी दा आं खोइलीम तेल खरक्ताक्यी। ४७ मापतीके एको के शुश पाप नेल्ल क्याम्साकव। मारदे हना एकोमी शुश आ दाक्तीके कांइताकव। सु के पाप इच्का ला क्याम्स, मेकोमी इच्का ला दाकब” दे मदा बाकत। ४८ मिनु मीश मुर कली “इ पाप क्याम्साकव” दे मदा बाकत। ४९ मिनु येसु नु काथा जाइबपुकीमी “पाप क्याम्ने चाप्व, एको सु बाकम माइ ?” देमुमा बाकत। लूका ५ :२१ ५० मिनु येसुमी मीश मुर कली “इ थमा सुइइशामी पाप रे बरोइते। इ थुं नाइइशा ग्यरशा बाकको” देशा सोइक्ता बाकत। लूका ८ :४८ ; लूका १७ :१९ ; लूका १८ :४२

येसु नु गाकशा, वारच पाइबपुकी

१ मिनु नाकत का निक्शी नोले येसु सहर सहर, ८ गाउं गाउं हिरशा, परमपरभु यावे आ राज्य डा ग्यरपाइक्व लोत्र शंना शंन गाकमाकत। मेको नु आ १२ जना शंसीब यो बाकमा बाकत। २ मेको नु मीश मुर का निक्शी यो बाकमा बाकत। मेको वोल गरुंइशो नु रोइ रे साशो बाकमा बाकत। मेको आन दातेमी माग्दाला डा मरीयम बाकमाकत। येसुमी मेको रे पा ७ ओटा वोल गरुंइशो बाकमाकत। ग्रहन्ना २० :१,११-१८ ३का हरोद आ गय पाइब कृजा आ मीश योअन्ना बाकमाकत। का सुसन्ना बाकमाकत। मिनु अरु मीश मुरपुकी यो बाकमा बाकत। मेको मीश मुरपुकीमी आन बाकशो थोत्रक रे येसु नु आ शंसीब आन कली मार मार मात्मा, मेको गशा, वारच पाइक्वाकमा बाकत। मर्कूस १५ :४०-४१

वांचेर शोकशो कथा

मत्ती १३ :१-९ ; मर्कूस ४ :१-९

४ मिनु सहर सहर, गाउं गाउं रे शुश मुर जाकशा, येसु आ बाक्तीकेम देल्मानु, मेकोमी कथा सेल्शा शंदीमी बाकत ५ “मुर का वांचेर शोकथ लमाकत। मिनु ब्यारानु, गेडा का निक्शी लांमी जुक्तमे बाकत। मिनु मुर गाकमानु, दिम्दमे बाकत। मिनु चिकबीम गुष्शा जामे बाकत। ६ का निक्शी ग्याङ्गरो खपम जुक्तमे बाकत। मिनु वामा चोटी सिक्शो नु खप मतथु सोत्रशा बेकमा बाकत। ७ का निक्शी चू घारीम जुक्तमे बाकत। मिनु चूम सुम्शा, कोल्चा मगवा बाकत। ८ मिनु

का निक्शी रिम्शो खपीम जुक्शा वामा बाकत। मिनु शुश गरल्था, गेडा का के सहे का गेडा सिम्मा बाकत” दे शंशा ठेयब संदा पा “सु के नोफा बाकम, मेकोमी नेनल” देमाकत।

कथा आ अर्थ हिल्लो पशो

मत्ती १३ :१०-१७ ; मर्कूस ४ :१०-१२

१ मिनु नोले आ शंसीबपुकीमी “एको कथा आ अर्थ मार बाकबा ?” दे हिल्लो पामेनु, १० येसुमी “इन कली परमपरभु यावे आ राज्य आ पबंम खरुइइशो लोत्र रुपतीक थुं गेशो बाकब। अरु आन कली चहिं कथा सेल्शा शंनुडमी। मिनु कोत्रशा यो मतामेकल, नंशा यो मरुमेकल। यसैया ६ :९-१०

कथा आ अर्थ शंशो

मत्ती १३ :१८-२३ ; मर्कूस ४ :१३-२०

११ आं देशो कथा आ अर्थ मार बाकब देशा हना, मेको वांचेर परमपरभु यावे आ लोत्र बाकब। १२ लांमी जुक्शो गेडा देशा मुरपुकीमी परमपरभु यावे आ लोत्र नंनीम। तन्न सैतानमी मेको लोत्र परंपाइक्व। मोपा थमा मसुइक्नीम। मिनु पाप रे बरोइचा मताइनीम। १३ ग्याङ्गरो खपीम जुक्शो देशो मुरपुकीमी परमपरभु यावे आ लोत्र नंशा, बिइशा ग्यरसीनीम। तन्न शाकश थोक्चा मतथु शुश मलीथु, थुं थाम्चा पुंइसमानु, थमा सुइक्चा परांइनीम। १४ चू घारीम जुक्शो देशो मुरपुकीमी परमपरभु यावे आ लोत्र नंशा, थुंम वोइक्नीम। तन्न नोले भार जचा, मार फेक्चा, दोपा शोप पाइइशो दुम्चा ? दोपा गय मपथु ग्यरशा बाक्चा तचा” दे मिम्शा, परमपरभु यावे आ लोत्र कली सिक्चा मगेनीम। १५ रिम्शो खपीम जुक्शो देशो मुरपुकीमी परमपरभु यावे आ लोत्र नंशा, आन रिम्शा थुंमी वोइइशा, मिम्शा बाकमानु, मेको लोत्र आन थुंमी सिक्चा। पररित १६ :१४

बत्ती आ पबंम शंशो

मर्कूस ४ :२१-२५

१६ सुइमी बत्ती दाशा सुम्शा मवोइक्नीम। खाट आगाम यो मखरुइक्नीम। खिं ओत्रब आन कली हाम्सो दुम्ल, दे नेल्लेम ततीकम वोइक्नीम। मत्ती ५ :१५ १७ मुल खरुइइशो मारुइ मारुइ नेल्ल नोले तांइसीब। खरुइइशो लोत्र बाकत हना यो, नोले नेल्लेम तुइक्नीम। मत्ती १० :२६ ; १कोरिन्थी ४ :५ १८ होस पा, रिम्शा पा

नेनीन। मारदे हना रुष्वमी तेम्शा रुप्याइक्चा पुंडसीब, मरुष्वम चहिं इक्का सोइ रुषो यो, रोइश्शा लाइक्चा पुंडसीब” दे शंदीमी बाक्त। मत्ती २५ :२९

येसु आ सिं डा मुर

मत्ती १२ :४६-५० ; मर्कूस ३ :३१-३५

१९ काबु येसु आ ममा नु आ लोकब जाक्मा बाक्त। तन्न शुश मुर दल्लीक येसु कली गुरूचा मताम बाक्त। २० मिनु मुर कामी “इन ममा नु इन लोकब इन कली गुरूथ जाक्शा, लाङ्गाम रिम्शा बाक्नीम” देमाक्त। २१ मिनु येसुमी “परमपरभु यावे आ लोत्र नंशा, टीबपुकी कका थमा डा आ ममा नु लोकब नम” दे माइक्मी बाक्त।

फश गिवार तेक्शो

मत्ती ८ :२३-२७ ; मर्कूस ४ :३५-४१

२२ काबु येसु नु आ शंसीबपुकी डांगाम डोइश्शा “समुन्दर शोक्शा, आइक्ची हांबु लय” दे लचा गोत्रमे बाक्त। २३ मिनु मोपा लमानु, येसु निन्दरा पवा बाक्त। मिनु फश गिवार पचा गोवा बाक्त। मिनु डांगामी ब्वाक्कु ओत्रशा, डांगा गुरूचवा बाक्त। २४ मोपतीक शंसीबपुकीम येसु कली पोक्शा “शंब, शंब! मुल बक्चांइतय, हे” दे हिंशा खिरंखिर पा देमा बाक्त। मिनु येसु बोक्शा, फश गिवार नु छाल कली हुइक्ता बाक्त। मिनु फश गिवार नाइश्शा ब्वाक्कु यो खरा दिक्माक्त। मिनु सिक्सी दुम्माक्त। २५ मिनु शंसीब आन कली “इन थमा सुइक्तीक ते लम?” देमाक्त। मेकोपुकी चहिं हिंशा, छुक लाक्शा “फश गिवार नु ब्वाक्कुमी यो आ लोत्र टीबाक्तेकम, एको सु बाक्म माइ?” दे लोत्र पमुमा बाक्त।

फौज माइश्शा वोल् कली गुरूइशो

मत्ती ८ :२८-३४ ; मर्कूस ५ :१-२०

२६ मिनु समुन्दर शोक्शा, गेरासीनी आन रागी जाक्दीम्मा बाक्त। गेरासीनी आन रागी चहिं गालील रागी क्येडा आइक्ची हांबुम बाक्माक्त। २७ मिनु जाक्दीश्शा, डांगा रे तांडसामानु, वोल्म सुम्शो मुर का सहर रे पिशा, येसु आ डांडती जाक्माक्त। मेको मुर वोल्म सुमा रे शिशरा गाक्शा, सिंमी मबाक्थु, बक्शो मुर वोइक्तीकेमी बाक्शो बाक्माक्त।

मोपा बाक्शो शुश बर्स दुम्शो बाक्माक्त। २८ मेकोमी येसु कली तशा, वाइ बरेशशा, आ डांडती बाप्शा, ठेयब संदा पा “येसु, नेल्ल क्येडा ठेयब, आ तौ, गो मार पमुया डा? श्यत मगयीनी, दे सउ पाइनन्नी” देमाक्त। २९ मारदे हना येसुमी गरांगरा दिचा डा वोल् कली “गुरूडा” दे माइश्शा बाक्माक्त। डांडती शुश खेयप वोल्म मेको मुर कली सुमानु, मुरपुकीमी साड्लोम पाइश्शा चोक्शा वोइश्शा बाक्मा बाक्त। तन्न वोल्म साड्लो पुरूइक्पाइश्शा, गोरशो रागीम चाक्दीश्शा बाक्माक्त। ३० मिनु मेको येसु आ डांडती बाप्शा बाक्मेनु, येसुमी वोल् कली “इ नं मारम?” दे हिल्लो पवानु, मेकोमी “फौज” देमाक्त। मारदे हना मेको मुर आ रांमी शुश वोल् ओत्रशो बाक्मा बाक्त। ३१ मिनु वोल्पुकीम “आइ कली नरकम मसोइक्तीकी” दे पुन्मे बाक्त।

३२ मेको डांडामी शुश पोत्र जोना जोन बाक्शो बाक्मा बाक्त। मिनु वोल्पुकीमी “मेको पोत्र आन रांम ओत्रचा गकी” दे पुन्मे बाक्त। मिनु येसुमी ओत्रचा गमी बाक्त। ३३ मिनु वोल्पुकी मुर रे गुरूशा, पोत्रमी ओत्रमानु, पोत्र नेल्ल गशा रांगु रे दोरशा थिश्शा समुन्दरम परेक्ना परेक्न बेक्मा बाक्त।

३४ मिनु पोत्र योत्रबपुकीमी मो दुम्शो तशा परोक्शा, सहर नु सहर आ एर आंथ नेल्ल मेको लोत्र शोत्रडम बाक्त। ३५ मिनु मुरपुकी मार दुम्म, दे कोत्रथ जाक्मा बाक्त। मिनु येसु आ नेक्था वोल् गुरूशो मुर वा फक्शा, आ गशा थुं साशा, येसु नु निश्शा तशा, हिंमा बाक्त। ३६ वोल्म सुम्शो मुर दोपा साम, मेको ताइबपुकीमी जाक्ब आन कली मार मार दुम्म, मेको नेल्ल शंदमे बाक्त। ३७ मिनु गेरासीन रागीम बाक्बपुकीमी येसु कली “आइ रागीम मबाक्कीन, लने” दे पुन्मे बाक्त। मारदे हना थाम्पा हिंमा बाक्त। मिनु येसु डांगा डोइश्शा लेम्माक्त। ३८ मिनु डांगा डोइश्शा लचावानु, वोल् गुरूइचा पुइसीशो मुरूमी “गे नु लचा गयीनी” दे पुना बाक्त। ३९ तन्न येसुमी “इ सिंम लशा, इ मुर आन कली परमपरभु यावेमी इ कली दोदेशो रिम्शो पवा, मेको तुइक्पतो” दे सोइक्ता बाक्त। मिनु मेको लशा, आ सिंमी ला ममाइ, सहर डा मुर नेल्ल आन कली येसुमी दोदेशो रिम्शो पवा, मेको तुइक्पदा बाक्त।

याइरस आ तमी साशो

मत्ती ९ :१८-२६ ; मर्कूस ५ :२१-४३

४० मिनू येसु लेइशा जाकमनु, शुश मुरुमी येसु कली रिम्शा बाकशो बाकमा बाक्त। ४१ मिनू मंकर याइरस माइइशा गरुमतीक खिं डा ठेयब मुर का येसु आ डांडती पोक्च थकशा बाप्शा “आं तमी बेक्चा चिक्ताक्व। आं खिं लय” दे सज पा पुना बाक्त। ४२ मंको के १२ बर्स जाकदीइशो तमी का ला बाकमाक्त। मिनू मंको रोइ पा बेक्चशो बाकमाक्त। मिनू येसु लमनु, हुल डा मुरपुकीमी येसु कली डी डा चूम बाक्त।

४३ मंको हुलमी १२ बर्स रे हुश याप्शा रोइ पशो मीश मुर का बाकमाक्त। मंकोमी ओस्ती पा आ बाकशो नेल्ल थुम्शो बाकमाक्त। तन्न सुइमी मेको कली आ रोइ सापाइक्ने मचाप्शो बाकमा बाक्त। ४४ मिनू मेकोमी येसु आ नोले जाकशा, येसु आ फेक्शो वा थिवा बाक्त। मिनू आ हुश याप्चा दिक्माक्त। ४५ मिनू येसुमी “सुमी थियी?” दे हिल्लो पवानु, नेल्लेमी “गो मथिड, गो मथिड” देमा बाक्त। मिनू पतरुसमी “शंब, मुरपुकीमी हुल पा नेम्मुइनीम, चुमुइनीम। मिनू मार पचा?” देमाक्त। ४६ येसुमी चहिं “मुर कामी आं कली थिती। मारदे हना आं सक्ति लशो तुइक्ताक्ड” देमाक्त। ४७ मिनू मेको मीश मुरुमी खरुइक्ने मचाप्नुड, दे मिम्शा हिंशा खिरंखिर पना पन येसु आ डांडती बाम्माक्त। मिनू मंकोमी येसु कली मारदे थिवा चाटीन दोपा साम, मंको लोत्र नेल्ल मुर आन डांडती शोत्रडा बाक्त। ४८ मिनू येसुमी “आं तमी, इ थमा सुइइशोमी साते। इ थुं नाइइशा लावो” दे सोइक्ता बाक्त। लूका ७ :५०

४९ येसुमी मेको मीश मुर नु लोत्र पवानु, याइरस आ खिं डा मुर का जाकशा, याइरस कली “शंब कली श्येत मगेने। इन तमी बेक्त” देमाक्त। ५० येसुमी मेको मुर आ लोत्र नंशा, याइरस कली “महिनो। थमा सुइक्ना सुइक्न बाक्को। इ तमी साब” देमाक्त। ५१ मिनू खिंमी जाकदीइशा, येसुमी पतरुस, याकूब, यूहन्ना नु आल आ आम आफ आन कली ला लाइइशा आगा ओत्रमा बाक्त। मत्ती १७ :१ ५२ मंकर बाक्ब नेल्ल हिंशेक पा डाकशो बाकमा बाक्त। मिनू येसुमी मेको आन कली “मडाक्कीन, आल मंबक्शो बाक्ब। मेको इप्शो बाक्ब” देमाक्त। लूका ७ :३३ ५३ मंकर बाक्बपुकीमी आल बेक्ने

थुम्शो बाक्ब, दे तुइइशा “एको मार लोत्र पवा?” दे शुक्शी पामे बाक्त। ५४ मिनू येसुमी आल कली गुइम ग्याइइशा “ए आल, संसो” देमाक्त। ५५ मो मदानु आ सोक्त लेइशा छुल बोक्माक्त। मिनू येसुमी “मंको आल कली इक्का जचा गंन” दे माइक्मी बाक्त। ५६ मंको तशा, आल आ आम आफ छुक लाक्सा बाक्त। मिनू येसुमी “एको लोत्र सुइ आन कली मशंदोस” दे माइक्सी बाक्त। लूका ५ :१४ ; मर्कूस ७ :३६

शंसीब आन कली सोइइशो

मत्ती १० :१,५-१४ ; मर्कूस ६ :७-१३

१ मिनू काबु येसुमी आ १२ जना शंसीब आन कली सुप्शा, वाल आन कली गरुइतीक नु रोइ पशो मुर आन कली सापाइक्ती सक्ति नु अधिकार गमी बाक्त। लूका १० :१-१२ २ मिनू मेको आन कली परमपरभु यावे आ राज्य डा लोत्र शंथ नु रोइ पाइब आन कली सापाइक्थ सोइक्तीमी बाक्त। ३ मिनू लचामेनु, येसुमी मेको आन कली “कोक्क, झोला, जचा थोत्रक, क्येट मारइ मलाइक्चा। फेक्तीक यो मकुरसीचा। ४ मिनू तेको खिंमी ओत्रनी, मंको खिंमी गाक्ची मजाक्म सम्म बाक्कीन। ५ दोकका पा मुरपुकीमी इन कली बाक्चा मगंमतेक्म हना, मंको सहर रे गाक्ची ना इन खोइल डा फुरकु थुर थुर पा ताइइशा गाक्कीन। मंको, मेको आन पर्वम चिन्ड दुम्ब” दे माइइशा सोइक्तीमी बाक्त। ६ मिनू लशा, गाउं गाउं, सहर सहरम परमपरभु यावे आ राज्य आ पर्वम शंना शंन, रोइ पाइब आन कली सापाइक्ना पाइक्न हिरसमा बाक्त।

हेरोदमी येसु कली गरुम्चा दाकशो

मत्ती १४ :१-२ ; मर्कूस ६ :१४-१६

७ मिनू सासन पाइब हेरोदमी मेको लोत्र नेल्ल नंशा, छुक लाक्माक्त। मारदे हना मुर का निकशीमी “ब्याक्कुम खरुम्शा गरुइब यूहन्ना बेक्शो रे संसे बाक्त” देबाक्मा बाक्त। ८ का निकशीमी “एको एलीया बाक्माक्त थां का” देबाक्मा बाक्त। का निकशीमी “साइ डा परमपरभु यावे आ लोत्र पाइब का बेक्शो रे संसे बाक्त” देमा बाक्त। ९ मिनू हेरोदमी “गो यूहन्ना आ पिया क्योरपाइक्ता। तन्न एको सु का आ पर्वम लोत्र नंनु?” दे मेको कली गरुम्चा दाक्ता बाक्त। लूका २१ :८

येसुम ५ हजार आन कली थुत्थो

मत्ती १४ :३३-२१ ; मर्कुस  
६ :३१-४४ ; यूहन्ना ६ :१-१३

१० मिनु येसु आ सोइशशोपुकी येसु आ बाक्तीक लेम्मा बाक्त। मिनु मार मार पाम, दो दो पाम, मेको नेल्ल शोत्रडम बाक्त। मिनु येसुमी मेको आन कली बथसेदा सहरम लाइक्मी बाक्त। ११ मिनु मुरपुकीम “येसु नु आ शंसीब मेक लाम्तकम” दे तुइशशा, आन नोले खोइशशा लशा थित्त बाक्त। मिनु येसुमी मेको आन कली बाक्चा गेशा, परमपरभु यावे आ राज्य डा लोत्र शंशा, रोइ पाइब आन कली सापाइक्मी बाक्त।

१२ मिनु नां रिक्चावानु, आ १२ जना शंसीबपुकीम “मुर आन कली सोइक्तीन। मिनु मेकोपुकी गाउं मेर लशा, जचा तूचा ताइनीम, बास यो थिल्लीम। मारदे हना एकर सुइ मुर मबाक्नीम” दे मदमे बाक्त। १३ मिनु येसुमी “गेपुकीमी एको आन कली जचा गेने” दे माइक्मी बाक्त। मिनु शंसीबपुकीमी “इं के ५ ओटा शोब्ले नु डांइ निकशी ला बाक्ब। सहर लशा, जचा थोत्रक ग्याप्शा नेल्ल आन कली थुत्त्वा देनी?” देमा बाक्त। १४ मेकेर देल्लो वांइश मुर ला ५ हजार बाक्मा बाक्त। मिनु येसुमी शंसीब आन कली “मुर आन कली ५०, ५० जना पा निप्पतीन” देमाक्त। १५ मिनु मेकोपुकीमी निप्पदम बाक्त। १६ मिनु येसुमी ५ ओटा शोब्ले नु डांइ निकशी शशा, सरीड गे काव्रशा “गे रिम्शो पाइब बाक्नीनी” दे आसीक गेशा जिक्शा, शंसीब आन कली योक्चा गमी बाक्त। १७ मिनु नेल्लेमी रूथरी जामे बाक्त। जशा हेंशो सुप्तमेनु, १२ डालो दुम्माक्त।

पतरुसमी “खरीस्त ननी” देशो

मत्ती १६ :३३-१९ ; मर्कुस  
८ :२७-२९ ; यूहन्ना ६ :६७-६९

१८ मिनु काबु आ शंसीबपुकी नु बाक्शा परार्थना पा, येसुमी “मुरपुकीमी आं पर्वम मार देनीमी?” दे हिल्लो पवा बाक्त। १९ मिनु मेकोपुकीमी “का निकशीमी ब्वाक्कुम खरुम्शा गरुंडब यूहन्ना, का निकशीमी एलोया, का निकशीमी साइ नेसी डा परमपरभु यावे आ लोत्र पाइब का बेक्शो रे संसे बाक्त देनीम” देमा बाक्त। लूका ९ :- ८ २० मिनु येसुमी “गेपुकी चहिं आं कली सु मिम्नीनी?” देमेनु, पतरुसमी “गे परमपरभु यावे आ सोइशशो खरीस्त ननी” देमाक्त। २१ मिनु

येसुमी “एको लोत्र सुइ आन कली मशंदीने” दे अरमी बाक्त।

खरीस्तम “श्येत जचा माल्लुड” देशो

मत्ती १६ :२०-२१ ; मर्कुस ८ :३०-३१

२२ येसुमी “रागीम जरमेशामी शुश श्येत जचा माल्लु। जोक्ब तुइक्ब खाल्पापुकी, ठेयब चदेबपुकी नु सास्तरीपुकीमी मेको कली मबरथु साइक्पाइक्नीम। मिनु बेक्शो आ नित्य नाक्ती संसीब” दे शंदीमी बाक्त। लूका ९ :४४-४५ ; लूका १८ :३१-३४

आ नोले खोइक्ब “श्येत जाइनीम” देशो

मत्ती १६ :२४-२८ ; मर्कुस ८ :३४-९-१

२३ मिनु येसुमी मेको आन कली “सुमी आं नोले खोइक्चा थुं पाइबा, मेकोमी आम दला दाक्स पचा परांइशा, नाक्त कित कित श्येत जचा महिंथु, आं नोले खोइय्यील। २४ सुमी आंम गिंम परांइचा माल्वा, मेको आ गिंम योल्ब। आं पर्वम आ गिंम सोइक्बमी आ गिंम परांइब। लूका १७ :२३ ; मत्ती १० :३९ ; यूहन्ना १२ :२५ २५ रागी नेल्ल आंम के सल्ल्या, आ थुं खतम दुम्त हना, मार रिम्शो दुम्बा डा ? २६ सुमी आं पर्वम नु आं लोत्र आं पर्वम देंचा कली मुने पाइबा, मेको आ पर्वम रागीम जरमेशामी, आ आफ आ छेड्छेड्डी, परमपरभु यावे आ स्वर्ग डा गेय पाइबपुकी नु जाक्मनु “मेको कली मतुइक्नुड, सु बाक्म ?” देब। मत्ती १० :३३ ; २तिमोथी १ :८ २७ गो इन कली थमा लोत्र पाइनुड मुल गो नु काथा बाक्ब का निकशीमी परमपरभु यावे आ राज्य मतथु मबक्नीम” दे माइक्मी बाक्त।

येसुमी आ रां फाइशशा तपांइसीशो

मत्ती १७ :१-८ ; मर्कुस ९ :२-८

२८ मेको लोत्र पशो हप्ता का नोले, येसुमी पतरुस, यूहन्ना नु याक्ब सां आन कली परार्थना पथ डांइम लाइक्मी बाक्त। २९ मिनु येसुमी परार्थना पवानु, फांइसीशा आ कुल बुबु देशो नु आ फेक्शो वा यो बुबु पा तांइसे बाक्त। ३० मिनु मुर निकशी, मोसा नु एनीया गरुशा, येसु नु लोत्र पशो तामे बाक्त। ३१ मेको यो छेड्छेड्डी गिल्लीशा येसु नु लोत्रसी पामे बाक्त। मेकोपुकीम यरुसलेमम दोपा श्येत जशा, बेक्चा मेको आ पर्वम लोत्र पामे बाक्त। ३२ मेको सांफा मोदेशो लोत्र पामेनु, पतरुस, यूहन्ना नु याक्ब मारंइ मतुइक्चा डा पा निन्दरा पामे

बाक्त। तन्न मेको आ डांडती येसु नु मुर निक्शी राप्शा तामे बाक्त। येसु आ छेड्छेड्म मेको निक्शी नु बाक्शा तामे बाक्त। ३३ मिनू मोसा नु एलीया गाक्चाम्सेनु, पतरुसमी येसु कली “शंब, ई कली एकर बाक्चा रिम्शा दुम्ब। बाक्तीक सां सल्ल्नीकी। का इन कली, का मोसा कली, का एलीया कली” दंमाक्त। मोपा ब्वाक्शा आंमान मतुइक्ता बाक्त। ३४ मिनू पतरुसमी लोत्र पवानु, सरीड र गोस्स यिशा, मेको आन कली सुम्मी बाक्त। मेको गोस्सुम गिल्मीनु, हिंमा बाक्त। ३५ मिनू गोस्स आगा र सेंदा का “एको आं योत्रशा ती बाक्ब। मेको आ लोत्र नेनीन” दंशो नेन्म बाक्त। लूका ३:२२; मजन संगरह २:७; व्यवस्था १८:१५ ३६ मिनू मेको लोत्र नेन्मनु, येसु का ला तामे बाक्त। मिनू मेको आन तशा नु नंशा शुश नाक्ती सम्म सुइ आन कली मशंथु, सिक्सी पा थुंमी वोदमे बाक्त।

वोलमी सुम्शा आल कली सापाइश्शा

मत्ती १७:१४-२१; मर्कूस ९:१४-२९

३७ मो दुम्मे आ दीसा डांडा र यिशा, शुश मुर नु गुरुशा देल्मा बाक्त। ३८ मेकर मुर का जाक्शा ठेयब सेंदा पा “हे शंब, आं ती कली वारच पने। मारदे हना आं ती का ला बाक्ब। ३९ मेको कली वोलम हो हु सुमानु, वाइ बरेश्शा, शोत्र र बोग्यो गुरुइशा, खिरंखिर पना पन मोल मोल थाइब। ४० गो इन शंसीब आन कली ‘वोल गुरुइदीन’ दे पुंइता। तन्न गुरुइने मचबम” दंमाक्त। ४१ मिनू येसुमी “गे थमा पा थमा मसुइक्ब नु दूली पाइब, गेना सम्म इन पशा फाल्शा बाक्नुडा डा ? इ ती एक चाक्को” दे मदा बाक्त। ४२ मिनू चाक्गानु, वोलम मेको वॉइश आल कली खोल्शा रोप्स पा, शोत्र र बोग्यो गुरुइपदा बाक्त। मिनू येसुमी गुरांगरा दिचा डा वोल कली हुइश्शा, वॉइश आल कली सापाइश्शा, आ आफ कली गेवा बाक्त। लूका ७:१५

रागीम जरमेशो श्येत जचा माल्ब दंशो

मत्ती १:२२-२३; मर्कूस ९:३०-३२

४३ मिनू मुर नेल्लेमी परमपरभु यावे आ गेय तशा छक लाक्शा “परमपरभु यावे ठेयब बाक्ब” दे लोत्र पामे बाक्त। मिनू मुर नेल्लेमी येसु आ पशा तशा छक लाक्मानु, येसुमी आ शंसीब आन कली ४४ “नोफा दाइश्शा नेनीन। आं दंशो लोत्र थुंमी वीतीन। रागीम जरमेशो दा मुर आन गुइमी गेशा साइक्चा पुंइसीब” दंमाक्त। लूका ९:२२;

लूका १८:३१-३४ ४५ तन्न मेकोपुकीमी मेको लोत्र काइ मरुप्मे बाक्त। मारदे हना मेको आन कली मेको लोत्र रुप्चा कली थुं मगेशा बाक्माक्त। येसु कली “एको लोत्र मार में?” दे हिल्लो पचा यो हिंमा बाक्त। लूका २४:४५

“ठेयब सु बाक्या माइ?” दंशो

मत्ती १८:१-५; मर्कूस ९:३३-३७

४६ काबु शंसीबपुकीमी “गो ई १२ जनामी नेल्ल क्येडा ठेयब सु बाक्या माइ?” दे लोत्र पमुमा बाक्त। ४७ येसुमी मेको आन मिम्शा तुइश्शा, आल का कली आ नेक्था वोइश्शा ४८ “सुमी एको आल कली आं नेमी बराइबा, मेकोमी आं कली बराइब। मिनू सुमी आं कली बराइबा, मेकोमी आं कली सोइक्ब कली यो बराइब। गे इन दातेमी सु नेल्ल क्येडा आइक्च सुइसीबा, मेको नेल्ल क्येडा ठेयब दुम्ब” दे शंदीमी बाक्त। मत्ती १०:४०

छक लाक्चा गेय पाइब का

मर्कूस ९:३८-४०

४९ मिनू यूहन्नामी “शंब, ई नोले मखोइक्ब मुरुमी इन नं थिशा, वोल आन कली खरशा ताइतक। मिनू मो पचा मदुम्ब, दे माइक्तक। मारदे हना मेको ई नोले खोइश्शा मगाक्ब” दे मदा बाक्त। ५० मिनू येसुमी “मोदंचा मदुम्ब, मारदे हना ई कली मरिम्शा मपाइब ई मुरुन बाक्ब” दे शेंदा बाक्त। लूका ११:२३; फिलिप्पी १:१८

बास मगेशा पुंइसीशा

५१ मिनू येसुमी परमपरभु यावे आ बाक्तीक लची नाक्त आं नेक्था जाक्शा तुइश्शा, यरुसलेम लचा थुं पवा बाक्त। मर्कूस १०:३२ ५२ मिनू सामरीया रागी डा गाउं आ नेक्था जाक्दीश्शा, मुर का निक्शी आन कली “आं डांडती लशा, नेल्ल ठीक पने” दे सोइक्तीमी बाक्त। मिनू मेको सामरीया डा मुर आन गाउंमी ओत्रमा बाक्त। ५३ तन्न मुरपुकीम बाक्चा गेने मबिस्समा बाक्त। मारदे हना येसुमी “यरुसलेम लाइनुड” दंशो बाक्माक्त। मिनू सोइश्शा मुरपुकी लेश्शा जाक्शा “बास मगेशीकी, देतेक्म” दे येसु कली मदमे बाक्त। यूहन्ना ४:१ ५४ मिनू आ शंसीब याक्ब नु यूहन्नामी मेको लोत्र नंशा, येसु कली “परभु, मेको गाउं डा मुर आन कली परमपरभु यावे कली पुंइशा, सरीड र

मी तोक्पाइश्शा, सतम पपाइय्य?" दे हिल्लो पाम्स बाक्त। २ राजा १:१०-१२ २५ तन्न येसुमी मेको आस गे हिरशा हुइक्तीम्सी बाक्त। २६ मिनु बास बाक्थ अर्का गाउं लमा बाक्त।

आ नोले खोइक्चा कली सु शिरबा ?

मत्ती ८:१९-२२

२७ मिनु लांमी गाकमानु, मुर कामी येसु कली "परभु, गो इन नोले खोइक्चा दाक्नुड" देमाक्त। २८ मिनु येसुमी "सिवार आन बाक्तीक दोडोडगा बाक्ब, चिक्ब आन बाक्तीक ग्योत्र बाक्ब। तन्न रागीम जरमेशो के आ बाक्तीक सिं मबाक्ब" देमाक्त।

२९ नोले येसुमी अर्का मुर का कली "आं नोले खोइय्यी" दे मदानु, मेकोमी "डॉइती लशा, आं आफ कली थिम्वा गेयीनी" देमाक्त। ३० मिनु येसुमी मेको कली "बेक्शो मुरुमी बेक्शो कली थिम्मेक्ल। गे चहिं परमपरभु यावे आ राज्य डा लोत्र नंपाइक्थ लावो" दे मदा बाक्त। ३१ अर्का मुरुमी "परभु, गो इन नोले खोइक्चा दुम्ती, तन्न डॉइती आं सिं डा मुर आन कली तुइक्पाइक्थ लचा गेयीनी" देमनु, १ राजा १९:२० ३२ येसुमी "ब्यफ वाक्बमी वाक्तानु, आ नोले हिरशा मबाक्ब। नोले हिरशा कोव्रना कोव्रन वाक्ब मुर चहिं परमपरभु यावे आ राज्य डा गेय पचा मशिरब" देमाक्त। फिलिप्पी ३:१३

शंसीब आन कली शंथ सोइश्शा

मत्ती १०:७-१६

१ मिनु नोले परभुमी ७० जना अरु शंसीब आन कली योत्रशा, डॉइती आ लशा सहर गाउंमी निकनिकशो पा सोइक्तीमी बाक्त। का निकशो किताबम ७२ देनीम। लूका ६:१३-१६; लूका ९:१; मर्कस ६:७ २ मिनु गाक्चामेनु, मेको आन कली "बाली नाली रुप्चा शुश बाक्ब। रुप्च मुर चहिं का निकशो ला बाक्नीम। मोपतीके 'बाली रुप्चा कली मुर योत्रशा सोइक्तीने' दे बाली नाली आ परमपरभु कली पुनीने। मत्ती ९:३७-३८; यूहन्ना ४:३५ ३ मिनु गे लने। भेडा पाठा आन कली फर आन दातमी सोइश्शा खोदंशो पा सोइक्तान्नी। ४ लनीनु, क्येट, झोला, जुत्ता मकुरथु लने। लांमी मुर आन कली गरुम्तीनी हना, लोत्र मपने। लूका ९:३-५; २ राजा ४:२९ ५ मुर आन सिंमी जाक्दीश्शा ओव्रनीनु, मेको सिं डा मुर आन कली 'थुं नाइश्शा बाक्कीने' दे आसीक गेने। यूहन्ना

२०:१९ ६ मेको सिंमी थुं नाइक्चा ताइब का बाक्त हना, इन थुं नाइक्तीक आसीक मेकोम राइब। तन्न मबाक्ब हना, मेको थुं नाइक्तीक आसीक गे राइनीनी। ७ मुरपुकीम बास गम्तेक्म हना, गाक्ची मजाक्म सम्म मंकरन बाक्कीन। सिं सिं याक्शा मबाक्कीन। इन कली मार जचा तूचा गेम, मेको जन तूडीन। मारदे हना गेय पाइबपुकीमी आन गाल्व तचा माल्नीम। ८ सहरम जाक्दीन्नीनु, मुरपुकीम इन कली बरशा, बास गेशा थुल्लेक्म हना, मार जचा गेम, मेको जन। ९ राइ पाइब आन कली सापतीन। मिनु मुर आन कली 'परमपरभु यावे आ राज्य इन नेक्था जाक्शा बाक्ब' दे नपतीन। १० तन्न मुरपुकीमी इन कली मबरास्तेक्म हना, सहर डा लांमी गाक्नीनु, ११ 'आंइ खोइलीम क्येप्शो इन सहर डा फुरक यो फिक्नीकी। मो हना यो परमपरभु यावे आ राज्य इन नेक्था जाक्शो बाक्ब, दे तुइक्तीन। १२ परमपरभु यावे आ ठेयब निसाफ पची ना गे इन क्येडा सादोम सहरम शिशो ताइब, देनीन।' उत्पत्ती १९:१-२९

गालील डा सहर आ पर्वम लोत्र

मत्ती ११:२०-२४

१३ ए खोराजीन, ए बेथसैदा, इन तशो चिन्ड नु छक लाक्चा डा गेय टायर नु सीदोन डा मुरपुकीमी तशो नम हना, भाडरा फेक्शा, पुलुम निश्शा आन थुं परमपरभु यावे गे लेत्तम वा। १४ ठेयब निसाफ पची नाक्ती टायर नु सीदोन डा मुर आन क्येडा गे शुश सजाइ ताइनीनी। १५ ए कापरनाउम, मार गे स्वर्ग सम्म क्युक्सीनेवे डा ? ममाइ, बेक्शो आन बाक्तीक तोक्चा पुंइसीनेवे।

१६ सुमी इन शंशो नेना, मेकोमी आं शंशो नेब। सुमी इन कली मबराइब, मेकोमी आं कली मबराइब। आं कली मबराइबमी आं कली सोइक्ब कली यो मबराइब" दे माइश्शा सोइक्तीमी बाक्त। मत्ती १०:४०; यूहन्ना ५:२३

येसुमी ग्येरसीन देशो

मत्ती ११:२५-२७

१७ मिनु मेको ७० जना लशा शंने थुम्शा, येसु आ बाक्तीके लेश्शा जाक्मा बाक्त। मिनु जाक्शा, येसु कली "परभु, इन ने थिशा, हुइश्शानु वोल्म यो टिशा पराक्बाक्तेक्म" दे थाम्पा ग्येरसीशा मदम बाक्त। ७२ जना शंसीब यो देनीम। १८ मिनु येसुमी "सरीड र चिला आप्शो खोदंशो पा गो सेतान कली दोक्शो

ताता। यूहन्ना १२:३१; परकाश १२:८-९, १९ गे बुस्स नु बिच्छी दिम्ताकनी हना यो, इन कली मकोदनीम। मारइ पने मचाप्नीम। मोदंशो पा सैतानमी इन कली मारइ पने मचाप्ब। सुइमी यो इन कली मारइ पने मचाप्ब। भजन संगरह ११:१३; मर्कूस १६:१८, २० वालम इन देशो टीनीम, दे तुइकनीनी। मको आ पर्वम ग्यरसीन। तन्न 'परमपरभु याव आ मुर दुम्शा, ईने परमपरभु याव नु बरोइचा ताइब आन किताबम बरकसाकव' दे तुइइशा थाम्पा ग्यरसीन" दे माइकमी बाक्त। प्रस्थान ३२:३२; यसेया ४:३; फिलिप्पी ४:३; परकाश ३:५

२१ मिनु येसु परमपरभु याव आ सोकतीम पतीक ग्यरशा "आं आफ, सरीङ नु रागी डा परमपरभु, गे नेल्ल क्येडा ठेयब ननी। गे शुश रिम्शो पाइतीनी। जोक्ब तुइक्ब नङ, दे मिम्ब आन कली इन लोव्र रुपतीक थुं मगनी। मजोक्ब मतुइक्ब आन कली रुपतीक थुं गेतीनी। गे मोदंशो पचा दाक्ताकनी। १कोरिन्थी २:७, २२ आं आफोमी आं कली नेल्ल कली अधिकार पतीक सक्ति गेती। तन्न सुइमी आ ती सु बाक्वा, मतुइकनीम, आं आफोमी ला तुइक्ब। सुइमी आं आफ कली मतुइकनीम। आ तीमी ला तुइक्ब। मिनु तीमी सु सु आन थुंम तुइक्तीक वोइक्वा, मकोपुकीमी यो तुइकनीम" देमाक्त।

२३ मिनु आ शंसीब गे हिरशा, मको आन कली "सुम इन खोदंशो पा ताइनीमी, मकोपुकी ग्यरसीमल। मत्ती १३:१६-१७, २४ मारद हना इन तशा नंशो साइ नसी र परमपरभु याव आ लोव्र पाइब नु पिपीपुकीमी तचा नंचा दाक्ताकम। तन्न तचा नंचा मताम" दे माइकमी बाक्त। १पत्रूस १:१०

इ नेक्था डा मुर सु बाक्वा, दे शंशो

२५ मिनु येसुमी मुर आन कली शंदानु, सास्तरी का बोक्शा, येसु आ थुं थाम्शा "हे शंब, गो गेना हना यो बरोइशा बाक्वा कली मार पचा माल्लुडा?" दे हिल्लो पवा बाक्त। मत्ती २२:३५-४०; मर्कूस १२:२८-३४; लूका १८:३८-२०, २६ मिनु येसुमी "परमपरभु याव आ अरेशो लोव्रमी मार बरकशो बाक्म? मेको मपदेनी?" देमनु, २७ मकोमी "इ थुं नेल्लेमी, इ रां नेल्लेमी नु इ सक्ति नेल्लेमी परमपरभु, इ परमपरभु याव कली दाक्तो। मिनु आंम कली दाक्शा खोदंशो पा इ नेक्था बाक्ब आन कली यो दाक्तो, दे बरकशो बाक्ब" देमाक्त। व्यवस्था ६:५;

लेवी १९:१८, २८ मिनु येसुमी "ठीक देते। मेको इ देशो खोदंशो पाप्तीवी हना, गेना हना यो बरोइशा बाक्वा ताइनेवे" देमाक्त। लेवी १८:५; मत्ती १९:१७, २९ मिनु आंम कली ठीक सल्ला, मकोमी "आं नेक्था डा मुर सु बाक्नीमी, गो मतुइकनुङ" देमाक्त। ३० मिनु येसुमी "मुर का यरूसलेम रे यिशा, यरीको सहर डा लां खोदा बाक्त। मिनु लमनु, सुइपुकीमी लांम बाप्शा, मको कली तुप्शा, थपाइइशा, आ बाक्शो मारइ मारइ नेल्ल रोइइशा, परोक्मा बाक्त। ३१ इच्छा नोले मेको लां पा चद्वेब का पिशा, मेको तुप्शा बेक्चशो मुर कली तशा, हेरशा लाक्वा बाक्त। ३२ मिनु इच्छा नोले लेवी आ थर डा मुर का यो मेको लां रे पिमाक्त। मेकोमी यो मेको बेक्चशो मुर कली तशा, हेरशा लाक्वा बाक्त। ३३ मिनु नोले सामरीया रागी डा मुर का पिमाक्त। मेकोमी बेक्चशो मुर कली तशा शिशी पवा बाक्त। ३४ तुप्शो मुर आ गारमी तेल नु ओख्ती खरकशा वाम फरंशा, आ गधा तारी डोइक्पाइइशा, होटेल सम्म लाइइशा, बास पुंइशा, जचा बाक्वा गेवा बाक्त। ३५ आ दीसा नाक्ती गाक्वा क्येडा डोइती निम्फा आस जशो नु बास डा नेल्ल थाम्पा, होटेल दाइक्ब कली क्येट गशा वोइइशा मेको तुप्चा पुंइसीशो मुर कली रिम्शो पा कोव्रडीन। मसाम सम्म वारच पने। गो लेङङानु, मजाकदीइशा क्येट नेल्ल थाम्पन्नी" दे लोव्र गार पा लमाक्त। ३६ मेको लां गाक्ब सांमी सु चहिं तुप्शा रोइक्वा पुंइसीशो मुर आ नेक्था डा मुर दुम्मे?" दे हिल्लो पवा बाक्त। ३७ मिनु सास्तरीमी "शिशी पाइब मुर थमा पा आ नेक्था डा मुर बाक्त" देमाक्त। मिनु येसुमी "मेको आ खोदंशो पावो" दे माइइशा सोइक्ता बाक्त। यूहन्ना १३:१७

मरीयम नु मारथा आस सिंम बाक्शा

३८ मिनु येसु नु आ शंसीबपुकी यरूसलेम डा लां रे गाक्मानु, गाउं कामी जाक्दीम्मा बाक्त। मेकेर मारथा नं पाइइशा मीश मुर कामी येसु कली मान पा बास गेवा बाक्त। यूहन्ना ११:३, ३९ मारथा आ लोक्ब मरीयम येसु आ खोइल आ नेक्था बाक्शा आ शंशो नंना बाक्त। ४० मारथामी शुश गेय पा श्यत पशा "परभु, आं लोक्बमी आं कली काइ वारच मपाइब। गे मोदंशो तशा यो मारइ मदनी? मेको कली 'बोक्शा, इ लोक्ब कली वारच पतो' दे मतीन" देमाक्त। ४१ मिनु येसुमी मारथा कली "मारथा, आं लोव्र ननो। इ थुंमी ग्येत्थ

लुकच मिम्शा, पीर पाइबाक्ते। १२तन्न थोत्रक का ला माल्ब। मरीयममी रिम्शो थोत्रक योत्रतु। मेको सुइम लाइक्ने मचाप्नीम” दे मदा बाक्त। मरीयम ६:३३

परार्थना पचा आ पर्वम शंशो

मत्ती ६ :९-१३

११ काबु येसुमी परार्थना पचा बाक्त। मिनु परार्थना पने थुमानु, आ शंसीब कामी “हे परभु, यूहन्नामी दोपा आ शंसीब आन कली परार्थना पचा शंदा, मोपा आइ कली यो शंदीकी” देमाक्त। २मिनु येसुम “परमपरभु यावे कली परार्थना पनीनु “आ आफ, इन नं का ला ठेयब बाक्त। इन राज्य जाकल। ३नाक्त कित कित डा आइ जचा थोत्रक गेकी। ४आइ मरिम्शो पशो क्याम्शा गेकी। मारदे हना गो यो आइ कली मरिम्शो पाइब आन कली का का पा माफ गेनीकी। सैतानमी आइ थुं थाम्चा मगेने” दे परार्थना पने” दे शंदीमी बाक्त।

परमपरभुम शिशी पाइब, दे शंशो

मत्ती ७ :७-११

५ मिनु येसुमी “सुइमी नाक्दो इप्शो वारच कली पोक्शा ‘ए वारचै, शोब्ने सांगेयी। ६ वारच का डोन रे जाक्त। मेको कली थुलु दंडानु, गो नु मारइ जचा थोत्रक मबा। ७ मोपतीक जचा थोत्रक गेचा नड’ दे पुंडतु हना, वारचम लाप्चो मरोक्थु, सिं आगा रे रयक मपावो। लाप्चो चोक्ता। आल इत्केम। संसीनीम। बोक्शा, इ पुंडशो गेने मचाप्नुड’ दंत हना, ८तन्न मेकोमी पुंडस डा पुंडस बाक्त हना, मेको मगेनुड’ देब मरुमी वारच, दे ला ममाइ डिपी पतीक मेको कली आ पुंडशो गेब।

९ परमपरभु यावे कली पुनीने। मिनु इन पुंडशो ताइनीनी। मालीने। मिनु इन माल्शो थित्नीनी। ‘बाक्नी?’ दे लाप्चो खरोकोल पने। मो पाइतीनी हना ओवचा ताइनीनी। १० मोपतीके सुम पुंडबा, मेकोमी आ पुंडशो ताइब। सुम माल्बा, मेकोमी आ माल्शो थिप्ब। सुम ओवनुड, दे लाप्चो खरोकोल पाइबा, मेको ओवचा ताइब। लूका १३:२५ ११तमी आ आफ कली ‘डांड ब्याइनुड’ दे पुंडतु हना, मार, आ आफोमी डांड, दे बुस्स ब्यचा गेबा डा? मत्ती ७:९ १२ ब्योफु जाइनुड’ दे पुंडतु हना, ब्योफु, दे बिच्छी ब्यचा गेबा डा? १३ग, मरिम्शो पाइब बाक्तीनी हना यो, इन आल आन कली रिम्शो थोत्रक गेने चान्नीनी, इन पशो क्यडा स्वर्गम बाक्ब इन आफोमी आ तमी तौ

आन कली आन पुंडशो गेब। मेकोपुकीमी ‘इन सोक्त गेकी’ दे पुंडतकम हना, आ सोक्त यो गेब” दे शंदीमी बाक्त।

वोल गरुंडचा आ पर्वम शंशो

मत्ती १२ :२२-३०; मर्कूस ३ :२२-२७

१४ मिनु काबु येसुमी लाटा वोलम थिशी मुर का कली गरुमा बाक्त। मिनु लाटा वोल कली गरुंडशा खरा बाक्त। वोल गरुम नोल मेकोमी लोत्र पने चबा बाक्त। मेकोमी लोत्र पशो नंशा, मुर नेल्ले छुक लाम्मा बाक्त। १५ मिनु का निक्शीमी चहिं “वोल आन पिप बेल्लीबुल आ सक्तिम वोल आन कली गरुंडशा खरबाक्माक्त” देमा बाक्त। १६ का निक्शीमी येसु कली थुं कोत्रचा कली चिन्ड कांडपाइक्चा माल्मे बाक्त। मर्कूस ८:११ १७ येसुमी मुर आन थुं डा लोत्र नेल्ले तुइश्शा, मेको आन कली “राज्य का डा मुर जिशा बराशा गाक्तेकम हना, राज्य जाम्शा लाइब। सिं का डा मुरपुकी जिशा बराशा गाक्तेकम हना, मेको सिं मलोब। १८ सैतान आ राज्य डा सक्ति बरात हना, रीब पा आ राज्य जाम्शा मलाइबा डा? बिल्लीबुल आ सक्तिम वोल आन कली खरबाक्माक्त” देतीनी। १९ गो बिल्लीबुल आ सक्तिम वोल आन कली खरतामी हना, इन तोपुकीमी सुका आ सक्तिम खरनीमी? इन तोपुकीमी इन कली निसाफ पाइनीम। २० गोमी परमपरभु यावे आ सक्तिम वोल आन कली खरता हना, परमपरभु यावे आ राज्य जाक्शो बाक्माक्त, दे तुइक्तीने। परस्थान ८:१५ २१ बोल्यो मुर कामी या शंशा आ दरवार खाल पाप्तु हना, आ शोप सुइमी सुइ पने मचाप्नीम। २२तन्न मेको क्येडा यो बोल्यो अर्का का जाक्त हना ला, मेको आ या नेल्ले रोइश्शा, गराशा, शोप नेल्ले आम के सल्ले। कलस्सी २:१५ १५ यूहन्ना ४:४ २३ गो नु मगरब आं जोरी सतर दुम्नीम। गो नु मसुखपुकीमी आं सुप्शो यो फराइनीम। लूका ९:५०

वोल लेश्शा जाक्ब, दे शंशो

मत्ती १२ :४३-४५

२४ गरांगरा दिचा डा वोल मुर रे गरुशा लशा, ब्याक्कु मबाक्तीकेम नाइक्तीक माल्ब। मिनु नाइक्तीक मथित्तु हना ‘डांडती आं बाक्तीकमीने लेत्नुड’ दे लेप्ब। २५ मिनु लेश्शा जाकमनु, आ डांडती बाक्तीक फिक्शा सिल्त्शा वोइश्शा ताइब। मिनु आ क्येडा गरांगरा दिचा

डा ७ ओटा वोल आन कली माल्थ लशा चाक्व ।  
मिनु ओत्रशा बाक्नीम । २६मिनु डांडती क्येडा  
मेको मुर शुश मरिम्शो दुम्ब ” दे शंदीमी बाक्त ।  
यूहन्ना ५ :१४

परमपरभु कली टीब आसीक राइब ।

२७ येसुमी मेको लोत्र पवानु, मीश मुर  
कामी ठेयब संदा पा “इन कली थिशा थुत्सा  
कोल्पाइक्व ममा आसीक रशा मुर बाक्माक्त”  
दे येसु कली ठेयब सेला बाक्त । लूका १ :२८ :४८  
२८ मिनु येसुमी “ओ ममा क्येडा परमपरभु यावे  
आ लोत्र नंशा, थुंमी वोइशशा पाइबपुकी आसीक  
राइब नम” देमाक्त । लूका ८ :१५ :२१

चिन्ड कोत्रकोत्र दाक्वपुकी

मत्ती १२ :३८-४२

२९ येसु आ लोत्र नंबपुकी बारना बारन लशा,  
शुश दुम्मा नोले येसुमी “सिनाक्त मुलाक्त डा  
मुर थम मरिम्शो बाक्नीम । मारदे हना चिन्ड ला  
कोत्रकोत्र दाक्नीम । मेको आन कली योना आ  
चिन्ड डा लाक्शा, मारदे चिन्ड मकांडनुडमी ।  
लूका ११ :१६ ३० निनवे सहर डा मुर आन कली  
योना आ चिन्ड खोदंशा पा, रागीम जरमेशो  
सिनाक्त मुलाक्त डा मुर आन कली चिन्ड  
दुम्ब । ३१ निसाफ पची नाक्त दक्खिन रागी डा  
पिपीममी बाक्शा, एको पाला डा मुर आन कली  
दास ताइब सल्ब । मारदे हना मेकोमी डान रागी  
रे पिप सालोमन आ जोक्तीक तुइक्तीक नंचा  
कली जाक्त । नेनीन, एकर सालोमन क्येडा यो  
ठेयब का बाक्व । १ राजा १० :१ ३२ निसाफ पची  
नाक्ती निनवे सहर डा मुरपुकी बाक्शा, एको  
पाला डा मुर आन कली दास ताइब सल्नीम ।  
मारदे हना मेकोपुकीमी योना आ लोत्र नंशा, आन  
थुं परमपरभु यावे गे लेत्ताक्म । नेनीन, एकर  
योना क्येडा यो ठेयब का बाक्व । योना ३ :५

इन रां छेड्छेड् दुम्बा माल्थ

मत्ती ५ :१५ ; मत्ती ६ :२२-२३

३३ बत्ती दाशा, सुइमी खरुइशशा सुम्शा  
मवोइक्नीम । खिं ओत्रब आन कली हाम्सो  
दुम्ब, दे नेल्लेम ततीकम वोइक्नीम । लूका  
८ :१६ ३४ इन मिक्च इन रां डा छेड्छेड् बाक्व ।  
गे हेंथ मेकोवतीनी हना, इन रां नेल्ले छेड्छेड्  
दुम्ब । गे मरिम्शो कोत्रचा दाक्ताक्नी हना,  
इन रां नेल्ले छिड्छिड् बाक्व । ३५ मोपतीक  
हास पांडसीने, इन रां डा छेड्छेड् छिड्छिड्

मदुम्ब । ३६ मिनु इन रां छिड्छिड् मदुम्बु,  
छेड्छेड्म बरीशो बाक्त हना, बत्ती दाशा  
खोदंशा पा तांडसीनीनी” दे शंदीमी बाक्त ।

फरिसी नु सास्त्री कली हुइशशा

मत्ती २३ :१-३६

३७ काबु येसु फरिसी आ खिंमी खेम जथ  
लमेनु, आ गुइ मचिक्सीथु निस्स बाक्त । लूका  
७ :३६ ; लूका १४ :१ ३८ मिनु फरिसीमी येसु  
कली गुइ मचिक्थु जचशो तशा छेक लाक्माक्त ।  
मत्ती १५ :२ ३१ मिनु परभु येसुमी मेको कली  
“गे फरिसीपुकी बोस शक्तीनीनु, आ तार ला  
शक्नीनी । आगा मशक्नीनी । मेको खोदंशा  
पा इन थुंमी रोइक्तीक नु परमपरभु कली  
मटितीकमी बरीशो बाक्व । ४० गे मूर्खपुकी, सुमी  
आ लाडगा डा सेला, आगा डा यो मेकोम सल्थो  
ममाइ डा ? ४१ गे आगा डा थोत्रक मथीब आन  
कली गेने । मिनु इन कली नेल्ल रिम्शो दुम्ब ।

४२ तन्न आबी, फरिसीपुकी, गे खतम  
बाक्नीनी । मारदे हना सुप्तीक के १० भाग डा  
भाग का परमपरभु यावे कली गेनीनी । तन्न गे  
मुर आन कली ठीक निसाफ मपथु, परमपरभु  
यावे कली मदाक्नीनी । गे डांडती नु नोले  
डा निम्फा पचा माल्नीनी । यूहन्ना ५ :४२  
४३ आबी, फरिसीपुकी, गे खतम बाक्नीनी ।  
मारदे हना गरुत्तीक खिंमी मान तशा ठेयब  
मुर आन निक्तीकमी नित्वा दाक्नीनी ।  
बजारमी गाक्नीनु, मुरपुकीमी मान पा संउ पशा  
ताक्चा दाक्नीनी । लूका १४ :७ ४४ आबी,  
फरिसीपुकी, गे खतम बाक्नीनी । मारदे हना गे  
मततीक तुरस खोदंशा बाक्नीनी । मुरपुकीमी  
मेको कली मतुइक्थु, दिम्शा गाक्नीमी”  
देत । ४५ मिनु सास्त्री कामी “शंब हजुर, इन  
हुइशशा फरिसी आन कली ला ममाइ । आइ  
कली यो हुइक्ताक्नी” देमनु, ४६ येसुमी “आबी,  
सास्त्रीपुकी गे यो खतम बाक्नीनी । मारदे  
हना हल्थो भारी सेल्शा, मुर आन कली  
कुरपाइक्नीनी । गे चिं हें बरेप्चो कामी यो नेष्शा  
वारच मपाइनीनी । ४७ आबी, गे खतम बाक्नीनी ।  
मारदे हना इन किकी पिपीपुकीमी परमपरभु यावे  
आ लोत्र पाइब आन कली साइक्तेक्म । मिनु  
गे मेको आन तुरस सेल्तीनी । पररित ७ :५२  
४८ मोपा इन किकी पिपी नु गारशा दुम्तीनी ।  
मेको आन पशा ठीक बाक्माक्त, दे आन पशा  
खोदंशा पाइब दुम्तीनी । मारदे हना इन किकी  
पिपीपुकीमी परमपरभु यावे आ लोत्र पाइब आन

कली साइकना साइकन बाक्तेकमे। गेपुकीमी चहिं तुरस सेल्ला सेल्लन बाक्तीनी। ४९ साइनेसी परमपरभु यावे आ तुइक्तीक पाइइशोमी गो आं लोत्र शंब मुर साइकनुडमी। मेको आं सोइइशो मुर का निकशी आन कली संदा पा श्यत गेनीम, का निकशी आन कली साइकनीम' देशो बाक्त। ५० साइ डांडती रे मुल सम्म परमपरभु यावे आ लोत्र पाइब शुश आन कली साइइशो क्येकको एको पाला डा मुर आन रे ताकसीब। ५१ डांडती साइइशो हाबील बाक्त। नेल्ल क्येडा नोले साइइशो जकरिया बाक्त। मेको कली परमपरभु यावे कली चढतीक नु आ सिं आस दातेम साइइशो बाक्त। मेको नेल्ल आन कली मोपा साइक्तीक सिनाक्ती मुलाक्ती डा मुर दोस गेने पुंडसीशा सजाइ ताइनीम। ५२ आबी, सास्तरीपुकी, गे खतम बाक्तीनी। मारदे हना गे जोक्तीक तुइक्तीक सांचो ताक्तीनी, तन्न मेकेर मओत्रनी। मिनु ओत्रचा दाक्व आन कली यो ओत्रचा मगेनी" दे हुइक्तीमी बाक्त।

५३ मिनु येसु फरिसी आ सिं रे गाकचवानु, सास्तरी नु फरिसीपुकी गाइइशा, शुश लोत्र हिल्लो पा आ थुं थाम्म बाक्त। ५४ मारदे हना आ लोत्र खराइकपाइइशा, दोस गेचा माल्म बाक्त। लूका २० :२०

परमपरभु कली थमा सुइकचा माल्म

मत्ती १० :२६-३३

१२ १ मिनु हजार, हजार मुर सुम्सीशा, नेम्मुशा, चुमुशा, येसु आ लोत्र नेथ जाक्मा बाक्त। मिनु येसुमी आ शंसीब आन कली "फरिसी आन बारपाइक्तीक ओस्ती रे होस पा बाक्कीन। मेको आन जोल पा शंतीक बाक्व। मत्ती १६ :६; मर्कूस ८ :१५ २ सुम्शा वोइइशो नोले नेल्ल हाक्सीशा तांडसीब। खरइइशा वोइइशो लोत्र नेल्ल नोले तुंडसीब। लूका ८ :१७ ३ मोपतीक इन छिड्छिड्छिम बाक्शा पशो लोत्र नोले छेड्छेड्छिम नेसीब। मुल इन सिंमी बाक्शा, नोफाम मुइक्मुशा पशो लोत्र नोले ठेयब संदा पा देनीम। ४ आं वारचपुकी, इन रां कली साइकने चाप्वपुकी तशा महिनीन। मारदे हना साइकने थुम्शा, नोले मारइ पने मचाप्नीम। ५ तन्न परमपरभु यावे कली मान पा हिनीन। मारदे हना मुर आन कली साइइशा, नाराक सोइक्तीक सक्ति मेको नु बाक्व। मोपतीक मेको कली तशा मान पा हिनीन। हिबरू १२ :२९ ६ आस्सारीयोन

निकशीम ५ ओटा भंगेरा मग्याम्सीबा डा? मो हना यो परमपरभु यावेमी मेको आन कली कोत्रशो बाक्व। आस्सारीयोन का नेल्ल क्येडा आइक्च तांबा के क्येट बाक्त। ७ मेको आन कली ला ममाइ। इन पिया डा चां का का पा हिक्शा, गिश बाक्मा, दे तुइइशो बाक्व। मोपतीक महिनीन। गे भंगेरा क्येडा शुश हिक्सीशा बाक्तीनी। लूका २१ :१८ ८ सुमी मुर आन कली 'गो येसु आ मुर नड' देबा, रागीम जरमेशोमी यो मेको आ परबम परमपरभु यावे आ स्वर्ग डा गेय पाइब आन डांडती 'मेको आं मुर बाक्व' देबा। ९ सुमी चहिं मुर आन कली 'येसु सु बाक्मे? मतुइकनुड' देबा, मेको आ परबम परमपरभु यावे आ स्वर्ग डा गेय पाइब आन डांडती 'मेको कली मतुइकनुड' देबा। लूका ९ :२६; १ सामुएल २ :३० १० सु सुमी रागीम जरमेशो आ परबम शुक्शी पामे, मेको का का पा माफ ताइनीम। सु सुमी चहिं परमपरभु यावे आ सोक्त आ परबम शुक्शी लोत्र पामे, मेको आन पाप गेनायो मक्याम्सीब। मत्ती १२ :३२; मर्कूस ३ :२८-२९

११ इन कली आन गरुम्तीक सिं डा ठेयब मुर नु हुकुम पाइब आन डांडती लाइइशा राप्पदमेनु 'मुल मार देचा, मार लोत्र लेत्वा' दे सुर्ता मपने। १२ मोपा राप्पदमेनु, परमपरभु यावे आ सोक्तीमी इन कली मार देचा दो देचा तुइक्पाइइशा देपाइक्व" दे शंदीमी बाक्त।

शांप गे थुं महिरचा, दे शंशो

१३ मिनु काबु आ लोत्र नेथ शुश मुर सुम्समानु, मुर कामी "शंब, आं लोक्व कली आं तचा डा अडस योक्शा गेवो, दे मतीन" दे पुना बाक्त। १४ मिनु येसुमी "मार गो इस अडस योक्व नडा डा? मनड" देमाक्त। १५ मिनु नोले मुर आन कली "नेनीन, होस पा बाक्कीन। शिंम मदुमीन। मारदे हना शुश शांप बाक्शा ला ब्रांइशा बाक्चा मतांडसीब" देमाक्त। उपदेसक ५ :९; १ तिमोथी ६ :९-१०

शांप पाइइशो मूर्ख

१६ मिनु कथा सेल्शा "शांप पाइइशो मुर का आ बाली नाली शुश गरेल्माक्त। १७ मिनु मेकोमी शुश गरेल्शो तशा 'मुल अन्न वोइक्तीक सिं मजाक्दीप्व। १८ मोपतीक सिं परइशा अन्न वोइक्तीक ठेयब सिं सेल्शा, बाक्शो अन्न नेल्ल मेकेर उन्नुड'। १९ मिनु मेकोमी 'शुश

बर्स कली जाकदीप्व। शुश शांप गे नु बाकव। मोपतीके जशा तूशा ग्येरशा बाकको' दे आम थुं कली देमाक्त। भजन संगरह ४९:१-२० २० मिनु परमपरभु यावेमी मेको कली गे मूर्ख नवे। मारदे हना मुलाकदो बेक्नेवे। मिनु इ खुष्शा उष्शो शांप सुम जाइवा ?' दे मदा बाक्त। २१ परमपरभु यावे कली ममिम्यु, शांप ला मिम्ब मुर नेल्ल मोदंशो दुम्नीम" दे शंदीमी बाक्त। मती ६:२०

सुर्ता मपचा, दे शंशो

मती ६:२५-३३

२२ मिनु आ शंसीब आन कली "मार जचा, मार फेक्चा, दे सुर्ता मपने। २३ मारदे हना जचा क्येडा बरोइचा ठेयब बाकव। फेक्चा क्येडा इन रां ठेयब मिस्तीने। २४ सद आन कली कोवडीने। मेकोपुकीमी मशोकनीम, मारइ मरुनीम मसुपनीम। आन अन्न वोइक्तीक खिं यो मबाकव। तन्न परमपरभु यावेमी मेको आन कली कोवशा थुल्व। मिनु गे मेको चिक्व आन क्येडा हिक्सीशो मबाकनीनी डा? २५ मार, गेपुकीमी सुर्ता पा इन बरोइतीक नाक्त बारपाइक्ने चापनीनी डा? २६ मोदंशो लायो मचापतीनी हना, मारदे अरु थोवक आन कली सुर्ता पाइनीनी? २७ लिली फू कली कोवशा मिस्तीने। गिश रिम्शो तांडसीनीमी। श्येत पा गेय मपाइनीम। पांडतो मपांडनीम। पिप सोलासन गिश ग्याम्साक्व हना यो, मेको लिली फू खोइ दारशो मदुम्माक्त। २८ परमपरभु यावेमी मेको घांस रिम्शो पा ग्याम्साक्व बाक्त हना यो, याम का बाकचा गेब। नोले मेको घांस मीम हुम्चा पुंडसीब। घांस कली लायो गिश रिम्शो पा ग्याम्साक्व हना, गे रिम्शो पा थमा सुइक्ने मचाप्व इन कली मग्याम्बा डा?

२९ मार जचा मार तूचा, दे थुमी सुर्ता मपने। ३० रागी रागी डा मुर नेल्लेमी मोदंशो मिम्नीम। इन आफ, परमपरभु यावेमी इन माल्शो नेल्ल तुइक्व। ३१ मोपतीके मोदंशो मिम्चा पुरांइशा, परमपरभु यावे आ राज्य मालीने। मिनु मारइ मारइ यो ताइनीनी।

३२ गे आइक्व बगाल, महिनीने। मारदे हना इन आफोमी इन कली आ राज्यम वोइक्चा दाक्व। लूका २२:२९ ३३ इन के बाकशो लेयशा, मथीब आन कली योक्शा गेने। मो पनीनु, स्वर्गम इन शांप लीब। मिनु मेको मोपा वोइइशा शांप सुइमी सुइ पने मचापनीम, खिया मजोइब मराक्व,

गेनायो मजाम्ब। लूका १८:२२ ३४ तेकर इन शांप बाकवा, मेकरन इन थुं यो लीशा बाकव।

सासीशा बाककीन, दे शंशो

मती २४:४३-५१

३५ बती दाशा वा फेक्शा सासीशा बाककीन। परस्थान १२:११; १पतरुस १:१३; मती २५:१-१३ ३६ होवप ग्युंब भोज जथ लमेनु, आ गेय पाइबपुकीमी 'इ होवप लेइशा जाक्व। मोपतीक लेइशा मजाम्ब सम्म मइप्यु बाक्य, दे रिम्नीम। मिनु होवप जाक्शा, लाप्वो खरोकोल पदानु, गु रोक्शा ओवचा गेनीम। परकाश ३:२० ३७ मोदंशो गेय पाइब आसीक ताइब बाकनीम। होवप लेइशा जाक्मेनु, आ गेय पाइब आन कली मइप्यु रिम्शा बाकशो थित्तु हना, आ होवप थाम्पा ग्येरसीशा, मेको आन कली निप्पाइइशा थुल्व। ३८ होवप नाक्दो नाक्ती गेना हना यो लेइशा जाक्मेनु, आ गेय पाइब मइप्यु बाक्तेक्म हना, मेको मुर रिम्शो दुम्शा आसीक ताइनीम'। ३९ नेनीने, खिं डा मुरुमी 'भुल सुइ जाक्नीम' दे तुइइशा नम हना, मेकोम खिं मपुरांइथु मइप्यु बाकशा, सुइ पचा मगेम वा। ४० थिस्सलानिकी ५:२ ४० मोदंशो पा गे यो मइप्यु सासीशा बाककीन। मारदे हना रागीम जरमेशो इन मतुइक्थु जाक्व" दे शंदीमी बाक्त।

४१ मिनु पतरुसमी "परभु, एको लोव गो आइ कली ला शंदीनी देय मुर नेल्ल आन कली शंदीनी?" दे हिल्लो पवानु, ४२ परभुमी "होवपमी आ खिं कोवब कली जची जाक्मेनु जचा गेचा, दे अरशा वोइक्चा पुंडसीब। मेको खोदंशो निप्स पाइइशा थमा सुइक्चा पुंडसीशा गेय पाइब सु बाकवा? ४३ आ होवप लेइशा जाक्मेनु, आ गेय पाइबमी आ अरेशो गेय पना पन बाकशो थित्तु हना, मेको गेय पाइब आसीक राइब दुम्ब। ४४ नोफा दाइइशा नेनीने, मेको होवपमी आ बाकशो मारइ मारइ मेको गेय पाइब कली जिम्मा गेब। ४५ तन्न मेको गेय पाइबमी 'आं होवप इक्का नोले जाक्व' दे मिम्शा, मेकोमी गेय पाइब वांइशा मुर, मीश मुर आन कली तुष्शा श्येत गेशा, जशा तूशा, दुक्शा पाप्टु हना, ४६ आ ममिम्यो मतुइइशा नाक्त आ होवप लेइशा जाक्व। मिनु मेकोमी मेको गेय पाइब कली सजाइ गेशा, मरिम्यो गेय पाइबपुकी नु काथा वोइक्व। ४७ मिनु होवप आ दंशो रुष्शा यो मतुइइशा खोदंशो पा मेको आ दंशो मटीब गेय पाइब शुश तुप्चा पुंडसीब। याक्व ४:१७ ४८ होवप

आ देशो मतुइक्थु, मरिम्शो पाप्तु हना, इच्का ला तुप्चा पुंडसीब। सुमी शुश रुप्शा तुइश्शो बाक्म, मेकोम शुश जिम्मा बराइबा। मिनु सुमी शुश जिम्मा बराइबा, मेको शुश जिम्मा वारी दुम्ब” द शंदीमी बाक्त।

फराचा कली जाक्ती

मत्ती १० :३४-३६

१९ मिनु येसुमी शेंना शेंन “गो एको रागीम मी जेत्य जाक्शो नड। एको मी आं क्येडा डोंइती जेशो हना, रिम्शा दुम वा। २० गो श्येत का जचा माल्नुड। मेको बेक्चा डा श्येत मजडा सम्म परमपरभु यावेम गेशो गेय पाइनुड। लूका १६ :३१ ; मत्ती २० :२२ ; मत्ती २६ :३६ २१ गो रागीमी नेल्ल आन कली गारपाइक्थ जाक्शो बाक्नुड, दे मिम्नीनी ? तन्न गो इन कली फराथ कका जाक्ती। २२ सिं कामी ५ जना मुर बाक्तेकम हना, मेको ५ जना बरानीम। सांमी थमा सुइक्नीम, निक्शीमी थमा मसुइक्नीसी। निक्शीम थमा सुइक्नीसी, सांमी थमा मसुइक्नीम। २३ आफोमी थमा सुइक्ब, आ तौमी थमा मसुइक्ब। मिनु आफ कली आइक्च सेल्ब। तौमी थमा सुइक्ब, आ आफोम थमा मसुइक्ब। मिनु आ तौ कली आइक्च सेल्ब। ममामी थमा सुइक्ब, तमीमी थमा मसुइक्ब। तमीमी थमा सुइक्ब, ममामी थमा मसुइक्ब। शिमीमी थमा सुइक्ब, चाइमीमी थमा मसुइक्ब। चाइमीमी थमा सुइक्ब, शिमीमी थमा मसुइक्ब। मोपा थुं का पा बाक्न मचाप्नीम” द शंदीमी बाक्त।

२४ मिनु मेकेर सुम्सीशो शुश मुर आन कली “नां परतीकम गोस्स गरुमेनु, ‘इच्ची नां रउ यीब’ देनीनी। मिनु रउ यीब। मत्ती १६ :२-३ २५ दक्खिन रागी र फश पवानु ‘मुलाक्ती हुप्ब’ देनीनी। मिनु हुप्ब। २६ गे कपटीपुकी, सरीड, रागी कोवशा, मुल मार दुम्बा, दे तुइक्नीनी। मुल मार दुम्चशो बाक्मे, मेको चहिं मारदे मरुनीनी ? २७ तेको गेय पशामी रिम्शा दुम्बा, तेको गेय पशामी मरिम्शो दुम्बा, मेको मिम्ने मचाप्नीनी ? २८ इन कली दोस गेमनु, दुशा बाक्कीन। मारदे हना इन कली दोस गेशा, निसाफ पाइब आ डोंइती लाइक्तेकम हना, मेकोमी इन कली लल पिया आन गुइमी जिम्मा गेशा, जेल्खानम चोक्पाइक्नीम। मत्ती ५ :२५-२६ २९ नोफा दाइश्शा नेनीन, मेकोम इन कली नोले डा लेप्तोन सम्म मथाप्पाइक्थु मप्रांडनीम” द माइक्मी बाक्त। लेप्तोन का

नेल्ल क्येडा आइक्च रोमी आन तांबा के क्येड बाक्ब।

इन थुं परमपरभु गे लेत्तीन, दे शंशो

१३

१ मोपा शंदीमीनु, आ लोव्र नंब का निक्शीमी “साइ गालील रागी डा मुरपुकीमी मारइ मारइ क्योरशा जारदमेनु, पिलातसमी सिपाइ सोइश्शा, मेको जारब आन कली क्योरपाइश्शा, मेको आन जारशो हुश नु ब्वाइक्ताक्ब” देमा बाक्त। २ मिनु येसुमी मेको आन कली “मोपा साइक्चा पुंडसीब आन कली रागी डा मुर क्येडा मरिम्शो बाक्मा बाक्त, दे मिम्नीनी ? ममाइ, मेको इन सोदंशोन नम। यूहन्ना ९ :२ ३ इन थुं परमपरभु यावे गे मलेत्ताक्नी हना, गे यो मादंशो पा बेक्नीनी। ४ सिलोआमी नेल्ल क्येडा लाइश्शा सिं बरुमेनु, १६ जना चिप्शा बेक्मा बाक्त। मोपा बेक्शोपुकी यरूसलेम सहरम बाक्ब नेल्ल आन क्येडा मरिम्शो बाक्मा बाक्त, दे मिम्नीनी ? ममाइ, मेको इन सोदंशोन नम। ५ इन थुं परमपरभु यावे गे मलेत्ताक्नी हना, गे यो मादंशो पा बेक्नीनी” दे माइक्मी बाक्त।

६ मिनु कथा सेल्शा “मुर कामी पोवर्शो रवा का खरुमा बाक्त। मिनु फल सित्ची ना, सिदा कां, दे कोवथ लमाक्त। मिनु कोवडानु दा, काइ मसिश्शो बाक्माक्त। मत्ती २१ :१९ ७ मोपा मसिश्शो तशा, आ गेय पाइब कली ‘एको रवा फल मसिप्ब। गो बर्स बर्सम ख्यप सां कोवथ जाक्डानु, काइ मसिश्शो बाक्त। एको रवामी रू ला नेक्तु। मोपतीके एको कली तिम्शा ताइक्ती’ देमदा बाक्त। ८ आ गेय पाइबमी चहिं ‘आं होव्रप, मुल बाक्त। बर्स का सम्म आ पुं मर दोशा, मोल कुर पाइनुड। ९ पतरुस ३ :९,१५ ९ मिनु सित्त हना, बाक्त। मसित्त हना, तिम्शा ताइक्चा’ देमाक्त” द शंदीमी बाक्त। लूका ३ :९

कूजी कली सापाइश्शा

१० काषु नाइक्तीक नाक्ती गरुस्तीक सिंमी मुर आन कली शंदीमी बाक्त। लूका ६ :६-११ ११ मेकेर वोल्म तशा, १६ बर्स कूजी दुम्शो मीश का मुर बाक्माक्त। मेको गुर व्जशो बाक्माक्त। रिम्शा पा राप्ने मचाप्बाक्माक्त। १२ मिनु येसुमी मेको मीश मुर कली तशा “एक पिवा” द बरत्ता बाक्त। मिनु पिमेनु “आं तमी, कूजी दुम्शो रे परोइतन” देशा आ गुइ मेको तारी वोदा बाक्त। १३ मोपा वोदानु, साशा राम्माक्त। मिनु ग्यरशा परमपरभु यावे कली ठेयब सला बाक्त।

१४ मिनु गरुम्तीक खिं डा ठेयब मुरुमी नाइक्तीक नाक्ती सापाइश्शो तशा, आ थुं मनुमाक्त। मिनु आ थुं मनुथु, मेकर बाक्ब आन कली “साता कामी ६ नाक्त गेय पचा माल्ब। काबु नाइक्चा माल्ब। मिनु नाइक्तीक नाक्ती गेय पचा मडुम्ब। मोपतीक इन रोइ सापाइक्चा कली नाइक्तीक नाक्ती गेनायो मजाक्कीन। अरु नाक्त जाक्कीन” दे हुइक्तीमी बाक्त। प्रस्थान २०:९-१० १५ मिनु परमुमी हुइक्ब मुर कली “ए कपटी, गे नाइक्तीक नाक्ती इन व्यफ नु गधा आन कली परांइशा, ब्वाक्कु मतूपाइक्कीनी डा ? लूका १४:५ १६ एको मीश मुर अब्राहाम आ तमी बाक्ब। सैतानमी एको कली १८ बर्स सम्म रोइम गुरपाइश्शा वोइश्शो बाक्त। मिनु एको कली नाइक्तीक नाक्ती मपरांइचा ? मसापाइक्चा ?” दे हुइक्ता बाक्त। लूका १९:९ १७ मोदेशो लोत्र पवानु, आ कली मरिम्शा देब मुर मुने दोक्माक्त। मेकर बाक्ब मुर नेल्ल येसु आ पशा रिम्शो गेय तशा, थाम्पा ग्यरसमा बाक्त।

परमपरमु आ राज्य आ पर्वम शंशो

मती १३:३१-३३ ; मर्कूस ४:३०-३२

१८ मिनु मेकोमी “परमपरमु यावे आ राज्य दोदेशो बाक्ब देशा हना, १९ मुर कामी आ रूमी तोरी शोक्या बाक्त। मिनु वाशा ठेयब रवा दुम्माक्त। मको रवाम चिक्बपुकीमी ग्यात्र सल्लम बाक्त।

२० मिनु परमपरमु यावे आ राज्य दोदेशो बाक्ब देशा हना, २१ मीश मुर कामी सआह सां फसीम बोरपाइक्ब ओस्ती सुप्ताक्ब। मिनु मको फस नेल्ल बोरत” दे शंदीमी बाक्त। सआह का १३ लिटर गारचा डा पुक्तीक बाक्ब। अरु बरक्तीकमी चहिं ७ लिटर पुक्तीक बाक्ब, दे बरक्शो बाक्त। सआह सां ३९ लिटर कि २१ लिटर पुक्तीक बाक्ब।

आइक्च लाप्चो आ पर्वम शंशो

२२ येसु गाउं सहर ते ते जाक्दीम्म, मेक मेक शंना शंन यरूसलेम गे लमाक्त। २३ मिनु मुर कामी “शंभ हनुर, परमपरमु यावे आ राज्य ओत्रचा ताइबपुकी का निकशी ला बाक्नीमी ?” दे हिल्लो पवा बाक्त २४ मिनु येसुमी “आइक्च लाप्चो र ओत्रचा मालो। मेकर र शुश मुर ओत्रचा दाक्नीम, तन्न ओत्रने मचान्नीम। मती ७:१३-१४ २५ मारदे हना खिं डा मुरुमी लाप्चो चोक्ब।

मिनु जाक्शोपुकी लाङ्गाम राप्शा ओत्रचा गेकी, परमु” दे बरेल्लनी। तन्न खिं डा मुरुमी “इन कली मतुइक्नन्नी, ते र जाक्शो ननी ?” देब। मती २५:११-१२ २६ मिनु गेपुकीमी हनुर, गे नु काथा खम जाइब नकी। आंइ गाउं सहर सहरमी शंदीनीनु, गो इन लोत्र नंतक” देनीनी। मती ७:२२-२३ २७ तन्न मेकोमी इन कली ओत्रचा मगेथु ते र जाक्नी मतुइक्नुड। मरिम्शो पाइबपुकी आं र पा डोन लेने” दे खरब। २८ मोदेशो पा खरचा पुंइसीशा, डाक्शा इन खरुइ शेन्नीनी। मारदे हना ई किकी पिपी अब्राहाम, इसहाक, याकूब नु परमपरमु यावे आ लोत्र पाइब नेल्ल आन कली परमपरमु यावे आ राज्यम ओत्रशा, बाक्शो ताइनीनी। गे चहिं खरचा पुंइसीनीनी। मती ८:११-१२ २९ मुरपुकी पूर्व पच्छिम उत्तर दक्खिन र जाक्शा, परमपरमु यावे आ राज्यम ओत्रशा भोज जशा बाक्शो ताइनीनी। लूका १४:१५ ३० नेल्ल आन क्येडा नोले दुम्शोपुकी डांइती दुम्नीम। मिनु नेल्ल आन क्येडा डांइती दुम्शोपुकी नोले दुम्नीम” दे शंदीमी बाक्त।

हेरोदम येसु कली साइक्चा माल्शो

३१ येसुमी शंना शंन बाक्मेनु, फरिसीपुकी जाक्शा, येसु कली “पिप हेरोदम इन कली ग्याइश्शा साइक्चा माल्शो बाक्ब। मोपतीक एक र रीब पा लेने” देथ जाक्मा बाक्त। ३२ मिनु येसुमी “लशा, मेको फ्याउर कली भुलाक्ती नु दीसा वोल आन कली खरनुडमी। रोइ पशा मुर आन कली सापाइक्नुडमी। मिनु नित्थ नाक्ती आं गेय थुम्नुड। ३३ भुलाक्ती, दीसा नु नित्थ नाक्ती यरूसलेम मेर गाक्नुड। मारदे हना परमपरमु यावे आ लोत्र पाइबपुकी साइ रन यरूसलेम सहरम ला खतम दुम्नीम” देनीन” दे सोइक्तीमी बाक्त।

यरूसलेम मिम्शा, येसु आ थुं साइश्शो

मती २३:३७-३९

३४ मिनु यरूसलेम कली “ए यरूसलेम, यरूसलेम, परमपरमु यावे आ लोत्र पाइब आन कली साइक्तीवी। इ कली शंथ सोइश्शो आन कली फुल्लु करोम्ताक्वी। पोत्रथीमी आ चितोली आन कली पुप्शो खोदेशो पा, गो शुश खेयप इ आल आन कली पुप्चा माल्ती, गे चहिं मबिस्स। मती २३:३७-३९ ; लूका १९:४१-४४ ३५ मुल इ खिं बरेश्शा मारदे मलीब। “परमु आ नमी जाक्ब ठेयब बाक्ब” मदेने सम्म गे आं

कली मताइनेवे” देमाक्त। येरमीया २२:५, मजन संगरह ६९:२७; मजन संगरह ११८:२६

### नाइक्तीक नाक्ती सापाइश्शो

१मिनु काबु नाइक्तीक नाक्ती मार १४ दुम्माक्त दंशा हना, येसु फरिसी आ खिंमी खम जथ लमाक्त। मिनु फरिसीपुकीम “मार पाइबा, मार शंबा” दे योत्रकी पा बाक्मा बाक्त। लूका ६:६-११; लूका ११:३७ २मिनु मेकर शुश ब्याक्कुम बरीशा होम्शो रोइ पशो मुर का बाक्माक्त। ३मिनु मेको रोइ पशो मुर येसु आ डांडती बाक्मनु, येसुमी सास्तरी नु फरिसी आन कली “नाइक्तीक नाक्ती सापाइक्चा दुम्बा, दे मडुम्बा?” दे हिल्लो पामी बाक्त। ४मेकोपुकीमी आ लोत्र मलेत्थु ब्यालेइ पा बाक्मा बाक्त। मिनु येसुमी रोइ पाइब कली थिशा, सापाइश्शा, आ खिं सोइक्ता बाक्त। ५मिनु मेको योत्रकी पाइब आन कली “नाइक्तीक नाक्ती इन ब्यफ, इन गधा का इनारम बिक्त हना, मगरुंडनीनी डा?” दे हुइक्तीमी बाक्त। लूका १३:१५; मत्ती १२:११ ६मिनु मारइ लोत्र लेन्ने मचाप्म बाक्त।

### लोत्र खराइक्पाइश्शो

७मिनु मेकर खम जथ जाक्शो शुशमी ठेयब लेश्शा, ठेयब मुर आन निक्तीकमी नित्चा माल्शो तशा मत्ती २३:६ ८“जन्ती लनीनु, सम्दी निक्तीकमी मनिसीन। हितोपदस २५:६-७ ९मारदे हना सम्दी जाक्मनु, खिं डा मुरुमी इन कली पाक्शा याक्पाइक्ब। मिनु सम्दी निक्तीकमी सम्दी कली निप्पाइक्ब। इन कली चहिं वाइलपुकी नु निप्पाइक्ब। मिनु मुने दाक्नीनी। १०जन्ती लनीनु, वाइल आन निक्तीकम निसीन। मिनु खिं डा मुरुमी इन कली वाइल नु निश्शो तशा “ए जन्तीपुकी, एक पिने” दे बरेशशा, इन कली मान पा ठेयब मुर नु निप्पाइक्ब। मिनु मेकर बाक्बपुकीमी यो इन कली मान पाइनीम। ११मारदे हना ठेयब सुंडसीब कली मुरपुकीमी महिक्थु मान मपाइनीमी। ठेयब मसुंडसीब कली चहिं मुरपुकीमी ठेयब सेल्शा, मान पाइनीम” दे शंदीमी बाक्त। लूका १८:१४; मत्ती २३:१२; याक्ब ४:६,१०

१२मिनु खम जथ बरेश कली “गे जचा त्चा सेल्शा मान पा गवीनु, आंम मुर वारचपुकी नु शांप पाइश्शो मुर आन कली मबरीतीमी। मारदे हना इ कली यो लंशा बरेशशा मान पा जचा

गेशा, इ देदेड लेत्नीम। १३भोज पवीनु, परुडग आन कली कूजी कुंजे, नु मिक्च मताइब आन कली बरतीमी। ब्यवस्था १४:२९ १४मिनु मेकोपुकीमी इ देदेड लेन्ने मचाप्नीम। तन्न परमपरमु यावेमी निसाफ पची ना इ पशो नल्ले ताइनेवे” देमाक्त। १५कोरिन्थी १५:२३; पररित २४:१५

### ठेयब भोज

मत्ती २२:१-१०

१५मिनु मेकर बाक्ब कामी येसु आ लोत्र नंशा “सु परमपरमु यावे आ राज्यम ओत्रशा, जचा खरत्चा पुंडसीबा, मेको ग्यरसेक्ल” देमाक्त। लूका १३:२९ १६मो देब कली येसुमी “मुर कामी ठेयब भोज का गेचा कली, शुश मुर आन कली बरत्ता बाक्त। १७मिनु जचा त्चा सेल्शा, आ गेय पाइब का कली “जचा त्चा ठोक पाता। मुल जथ पिने” दे बरत्थ सोइक्ता बाक्त। १८मिनु गेय पाइब लशा, खिं कामी जाक्दीश्शा “लो जथ पिने” देमनु “गे रू ग्याप्ता। मुलाक्ती कोत्रथ लड देती। मिनु पिचा मताइनुड, देत, देनो” देमाक्त। १९मिनु अर्का आ खिंमी जाक्दीम्मनु “गे ५ हाल ब्यफ ग्याप्ता। मिनु मुलाक्ता ब्याक्शा, कोत्रथ लाइनुड। मोपतीके गो पिचा मताइनुड, देत, देनो” देमाक्त। २०मिनु अर्का खिं लमनु, मेकोमी “गे ग्युंब पाता। मिनु गो पिचा मताइनुड” देमाक्त। का का पा “पिचा मताइनुड” दे मेको गेय पाइब कली लोत्र लेत्म बाक्त। १५कोरिन्थी ७:३३ २१मिनु गेय पाइबमी मेको लोत्र नल्ल आ होत्रप कली शंदा बाक्त। मिनु मेको गाइश्शा “मो हना गे सहर मर हिरशा लावा। मिनु परुडग, कूजी कुंजे, मिक्च मताइब नु गुइ सोइल मदक्ब आन कली सुप्शा चाक्मी” दे सोइक्ता बाक्त। २२मिनु बरत्थ लशा चाक्शा, आ होत्रप कली “इन देशो नल्ल पाता, चिनु निक्तीकम मुर मबरीम” देमाक्त। २३मिनु होत्रपमी “निक्तीक मबरीम सम्म मुर आन कली “जाक्कीन है, जाक्कीन” दे बरेशशा चाक्मी। मिनु आं खिं बरील। २४डांडती आं बरेशशा सुइमी मारइ यो जचा थोत्रक थाम्चा मतामक्ल” देमाक्त।

### येसु आ नोले दोपा सोइक्चा

२५येसु गाक्मेनु, शुश मुरुमी आ नोले सोदमे बाक्त। मिनु येसुमी मेको आन कली कोत्रशा २६“सु सु गो नु बाक्चा दाक्नीमी, मेकोपुकीमी आम आफ, आंम मीश, आंम वांइश, तमी ती,

लोक्वपुकी नु आंम कली यो ममिम्थु, आं नोले सोइय्यीमील। मारदे हना मेको मिम्बपुकीमी आं नोले सोइक्ने मचाप्नीम। लूका १८:२९-३०; ब्यवस्था ३३:९; १कोरिन्थी ७:२९ २७ सु सुमी आन श्यत कुरशा, आं कली मसोइक्नीमी, मेको आं शंसीब दुम्ने मचाप्नीम। लूका ९:२३ २८ मार, गपुकीमी लाइशो सिं सत्त्वा क्येडा डाइती, सत्त्न थुम्चा कली क्येड जाक्दीन्वा देय मजाक्दीन्वा, दे हिसाब मपाइनीनी डा? २९ हिसाब मपथु सत्त्वा गोशा, सिं सत्त्न मथुम्थु क्येड नुत्त हना ३० आ क्येड मजाक्दीन्वु, मार सत्त्वा गोवा? दे शुक्शी पाइक्चा पुंडसीशा मुने दोक्सीब। ३१ पिप काम आ बाक्शो १० हजार लडाइ पाइब लाइशशा, २० हजार लडाइ पाइब बाक्शो पिप नु लडाइ पचा थुं पाप्तु हना, मेकोमी गुराने चान्नुडा देय मचाप्नुडा, दे ममिम्बा डा? ३२ गुराने मचाप्नुडा, दे मिम्ताक्व हना, डोन बाक्मानु 'दुशा बाक्थ' दे लोत्रसी पचा कली आ मुर सोइक्व। ३३ मोदेशो पा गे यो आं नोले सोइक्चा क्येडा डाइती 'सोइक्ने चान्नुडा देय मचाप्नुडा' दे मिम्तीने। गे नु बाक्शो मारइ ममिम्थु, आं नोले सोइय्यीनी। ममिम्थु मचाप्नीनी हना, आं शंसीब दुम्ने मचाप्नीनी। लूका ९:६२

३४ हिक्सीम बरोत्रपाइक्व। तन्न आ डाम्चा जाम्त हना, मारम मेको कली डाम्पाइक्चा। मती ५:३३; मर्कुस ९:५० ३५ मेको ना रू कली दुम्बा, ना मुर कली दुम्बा। मोपतीक मुस्म मेको कली ताइक्नीम। सु क नोफा बाक्म, मेकोमी नेनल" दे शंदीमी बाक्त।

“जाम्शो थिश्शा ग्येरसमल” दे शंशो

१५ १ मिनु शुश तिरो पोक्व नु पापीपुकी येसु आ लोत्र नंथ जाक्मा बाक्त। २ मिनु फरिसी नु सास्त्रीपुकीमी तिरो पोक्व नु पापी शुश येसु नु काथा बाक्शा जशो तशा “मेको मुरुमी पापी आन कली ब्राइब। पापीपुकी नु काथा बाक्शा, खमे जाइब” दे आन थुं मनुथु, लोत्र पामे बाक्त। लूका ५:३०; लूका १९:७ ३ मिनु येसुमी मेको आन थुं मनुशो तुइक्ता बाक्त।

जाम्शो भेडा आ कथा

४ मिनु “मुर कामी सहे का भेडा थुल्शा, मेको आन कली योत्रडानु, भेडा का जाम्त हना, मार, मेकोमी लीशो १९ भेडा आन कली परांइशा, जाम्शो कली माल्थ मलाइबा डा? मथिदा सम्म

माल्ना माल्ना गाक्व। मती १८:१२-१४; लूका १९:१०; इजीकीएल ३४:१२; यूहन्ना १०:३१-३२ ५ मिनु मेको जाम्शो भेडा का कली थिश्शा, ग्येरसीशा, बलाम लाष्शा, आ सिं चाक्व। ६ मिनु आ वारच आन कली “आं जाम्शो भेडा थिश्शा चाक्ता। मोपतीके नेल्ल ग्येरसय” देब। ७ मारदे हना १९ परमपरभु यावे गे लेत्वा ममाल्थो रिम्शो पाइब आन क्येडा पापी कामी पाप पचा परांइशो तशा, स्वर्गम बाक्वपुकी ग्येरसीनीम” दे शंताक्मी।

जाम्शो क्येड आ कथा

८ मिनु “मार, मीश मुर कामी १० ओटा दराकमे वोइशशोमी का जाम्त हना, बती दाशा, सिं गा, कुना लाङगा नेल्ल हिरशा, मथिदा सम्म ममाल्बा डा? दराकमे ग्रीक लोत्र बाक्व। मेको देनार का सोदेशो नाक्त का डा गाल्च बाक्त। देनार चहिं रोमी लोत्र बाक्व। ९ मिनु थिश्शा आ वारच आन कली नु आ नेक्था डा मुर आन कली बरेशशा “आं के जाम्शो दराकमे का माल्था थित्ता। मुल ग्येरसाक्थी” देब। १० मोपा पापी मुर कामी पाप पचा परांइशा, आ थुं परमपरभु यावे गे लेत्ताक्व हना, परमपरभु यावे आ स्वर्ग डा गेय पाइबपुकी ग्येरसीनीम” दे माइक्मी बाक्त।

जाम्शो ती आ कथा

११ मिनु लोत्र बोइशशा “मुर का के ती निक्शी बाक्सा बाक्त। १२ मिनु काबु कान्छा तीमी “आं आफ अडस योक्शा गयी” देमाक्त। मिनु आफोमी जेठा नु कान्छा आस कली अडस योक्शा, गेम्सी बाक्त। १३ मिनु कान्छामी इक्का नाक्त नोले आ अडस नेल्ल सुष्शा, क्येड नेल्ल कुरशा गाक्माक्त। मिनु जशा, तूशा, तेल्लेम पा, जवा ग्यारशा, क्येड नेल्ल थुमा बाक्त। हितोपदेस २९:३ १४ मिनु मेको रागीमी अन्काल दुम्माक्त। मिनु कान्छामी श्येत जवा बाक्त। १५ मिनु मेको रागी डा मुर का आ सिंमी गेय पवा बाक्त। मिनु मेको मुरुमी कान्छा कली पोत्र योत्रब सेला बाक्त। १६ मिनु जचा मतथु, शोत्रलु बेक्शा, पोत्र कली जचा गेशो थोत्रकी यो जङ सोदेशो दुम्माक्त। तन्न सुइमी मारइ जचा मगेमे बाक्त। हितोपदेस २३:२१ १७ मिनु शुश श्येत जशा “आं आफ आ सिंमी गेय पाइबपुकीमी रूथरी जाइनीम। हेथरी दुम्ब। गो चहिं शोत्रलुम बेक्चता। १८ मुल गो आं आफ आ सिं लेत्नुड। मिनु आं आफ कली “गो परमपरभु यावे आ

दंशो मटिऊ। इन दंशो यो मटिऊ। भजन संगरह ५१:६; येरमीया ३:१२-१३ १९ मुल इन तौ दंचा मशिरनुड। मोपतीके इन गेय पाइब का सेल्यीनी” दे माइकनुड’ दे मिम्ता बाकत। २० मिनु आ आफ आ सिं लेम्माकत। मिनु आ आफ आ सिं जाकदीत्वावानु, आ आफोमी कान्छा कली पिशो तशा, शिशो पा दोरशा लशा मुप्या पुक्पु पदा बाकत। २१ मिनु मेकोमी ‘आं आफ, गो परमपरभु यावे आ दंशो मटिऊ। इन दंशो यो मटिऊ। मोपा मटितीके पापम गरुम्ती। इन तौ दंचा मशिरनुड’ देमाकत। २२ मिनु आफोमी गेय पाइब आन कली नेल्ल क्येडा दारशा फक्तीक वा गरुडशा, आं तौ कली फक्तीने। आ गुडमी ओंठी लिक्तीने। जुत्ता मुइक्पतीने। २३ मिनु दोम्शो बाछा क्योरशा, क्येशा जचा तूचा सेल्शा, नेल्ल ग्येरसय। २४ मारदे हना आं बेकशा तौ सेस दुम्त। आं जाम्शो तौ थित्ता’ देमाकत। मिनु जशा तूशा नेल्ले ग्येरसमा बाकत। एफिसी २:५

२५ मेकोपुकी ग्येरसीशा बाकमानु, जेठा तौ रूमी गेय पथ लशो बाकमानु। मिनु लेशशा सिं आ नेकथा जाकमेनु, शुश मुर सुम्सीशा सिल पा, जशा तूशा ग्येरसीशा बाकशा तवा बाकत। २६ मिनु गेय पाइब का कली ‘इं सिंमी मार दुम्मे?’ दे हिल्लो पवानु, २७ मेकोमी ‘इन लोकब जाकत। मिनु इन आफोमी जाकशा तशा, ग्येरसीशा, दोम्शो बाछा क्योरपाइकतु’ देमाकत। २८ मिनु मेको नेल्ल नंशा ‘सिं मओव्रनुड’ दे चुरशा बाकमानु। मत्ती २०:१५ २९ मिनु आफोमी लेम्शा ‘ओव्रडा, गे यो ग्येरसा’ देमेनु भार ग्येरसीनुडा, गो शुश बर्स एको सिं डा गेय पना पन बाकती। इन लोव्र नेल्ल टिशा बाकती। गेना हना यो रिम्शो ला पाता। तन्न आं वारचपुकी नु बाकशा ग्येरसीचा कली बाका का यो मगनी। ३० इन तौ कान्छामी इं सिं डा बाकशा नेल्ल लाइशशा, तेल्लेम पा थुम्तु। मोदंशो मुर लेशशा जाकमेनु, दोम्शो बाछा क्योरतीनी। मिनु मचुरनुडा डा?’ देमाकत। ३१ मिनु आफोमी ‘आं तौ, गे गो नु काथा बाकते। आं मार मार बाकमा, मेको नेल्ल इ के नमी। ३२ इ लोकब चहिं बेकशा रे बरोइत। जाम्शो रे थिस्साक्व। मोपतीके गो नेल्ल ग्येरसय’ देमाकत’ दे येसुमी शंदीमी बाकत।

थुं का पा परमपरभु कली ठेयब सेल्लोने

१६ १ काबु येसुमी आ शंसीब आन कली “क्येट थोब मुर कामी आ मार मार बाकमा,

मेको नेल्ल हिसाब पाइब का कली जिम्मा गेशा वोइशशा बाकमानु। मिनु काबु मुरपुकीमी ‘हजुर, इन हिसाब पाइबमी क्येट मारइ मारइ हंथ पा थुम्तु’ दे शंदमे बाकत। २ मिनु क्येट थोबमी आ हिसाब पाइब कली बरेशशा ‘गेमी आं क्येट थुम्शा गयी बाकत। डांइती रे डा दोशा चमी दोशा थुमी, लो, नेल्ल कांइदी। मुल डा मरे इ कली मवोइकनन’ दे मदा बाकत। ३ मिनु मेकोमी ‘आं गेय रोइशशा सोइक्ताकयी। मुल गेय मताइनुड। कोदाली दोने यो मचानुड। पुंइशा जचा कली यो मुने पाइनुड। ४ मुल मार पचा माल्लनुडा। गो मेको तुइकनुड। मुर आन सिं लडानु आं कली दोपा लोव्र पाइनीमी, मेको यो तुइकनुड’ दे मिम्ता बाकत। ५ मिनु मेकोमी आ होव्रप आ जेर लाइब आन कली का का पा बरेशशा, डांइती जाकब कली ‘गे दोशो, मार लदी?’ दे हिल्लो पवा बाकत। ६ मिनु मेकोमी ‘सहे का बाथ जचा तेल लाइशशा नड’ देमेनु ‘लो, नक कागज का सेल्स। मिनु जोल पा ५० बाथ ला बरक्ताक्स’ देमाकत। बाथ का २२ लिटर खोदंशो बाकब। ७ मिनु अर्का कली ‘गे दोशो मार लदी’ दे हिल्लो पवानु, ‘सहे का कोर चेरब लाइशशा नड’ देमेनु ‘लो, नक कागज सेल्शा, जोल पा ८० कोर बरक्तास’ दे नक कागज का सेल्स बाकत। कोर का २२० लिटर बाकब। ८ मिनु जेर लाइब नेल्ल आन के नक कागज सेल्शा, होव्रप कली कांइदा बाकत। मिनु मेकोमी कोव्रशा ‘गे मेको आन कली वारच सेल्शा, निप्स पाइशशा गेय पा कांइताकयी’ देमाकत। रागीमी थमा सुइक्व क्येडा थमा मसुइक्वपुकीमी निप्स पाइशशा गेय पाइनीम। एफिसी ५:८-९ ९ मोपतीके गे यो निप्स पाइशशा गेय पा वारचपुकी सेलीने। इन शांप क्येट मारइ मारइ यो मथोब आन कली शिशो पा गतीनी हना, परमपरभु यावेमी इन पशो खोदंशो पा गेब’ देमाकत। लूका १४:१४; मत्ती ६:२०; मत्ती १९:२१

थुं निकशी पाइशशा मदुमीन

१० मिनु लेशा “सुमी थम आइक्व गेय कली रिम्शो पा पाइबा, मेकोमी ठेयब गेय यो रिम्शो पा पाइब। सुम आइक्व गेय, दे मरिम्शो पा पाइबा, मेकोमी ठेयब गेय यो मरिम्शो पा पाइब। लूका १९:११ ११ मोपतीके गे रागी डा क्येट आ पर्वम जोल पाइब दुम्तीनी हना, स्वर्ग डा शांप दोपा ताइब दुम्ने चान्नीनी? १२ गे अर्का मुर आन थोवक आ पर्वम जोल पाइतीनी हना, आंमा इन

शांप इन कली सुम गेबा डा ? १३ गेय पाइब कामी होत्रप निकशी आस गेय पने मचाप्व। मारदे हना का आ दंशो टिप्टु हना, अर्का कली मटीब दुम्ब। का कली दाक्ताक्व हना, अर्का कली चहिं काइ मदाक्व। मोपतीके गे यो परमपरभु यावे नु शांप निकशी आस नोले खोइक्ने मचाप्वनीनी” दे यसुमी शंदीमी बाक्त। मत्ती ६ :२४

फरिसी आन कली हुइश्शो

१४ फरिसीपुकीमी क्येट नु शांप दाक्ताक्वमा बाक्त। मिनु यसु आ लोत्र नंशा गाइश्शा, शुक्शी पाम बाक्त। १५ मिनु यसुमी “मुर आन कली ‘शो ठीक नकी’ दंसु पा काइनीनी। मिनु मुरपुकीमी इन कली टेयब सेल्नीम। परमपरभु यावेमी चहिं इन मिश्शो नेल्ले तुइक्व। मुर आन दातेमी हिक्सीशो नेल्ले परमपरभु यावे आ डाइती थम आइक्व दुम्नीम। लूका १८ :९-१४

साइ बरक्शो लोत्र आ परबंम शंशो

१६ साइ डाइती रे परमपरभु यावे आ अरेशो लोत्र नु आ लोत्र पाइब आन बरक्शो यूहन्ना आ पाला सम्म शंताक्व। यूहन्ना जाक्व रे परमपरभु यावे आ राज्य डा लोत्र नंपाइक्नीम। मिनु शुश मुरुमी मेको लोत्र नंशा, थमा सुइश्शा, परमपरभु यावे आ राज्यम ओत्रचा बोल पाइनीम। मत्ती ११ :१२-१३ १७ परमपरभु यावेमी बरक्पाइश्शो लोत्र का यो मग्याम्ब। मेको ग्याम्बा क्येडा सरीड नु रागी ग्याम्ब। मत्ती ५ :१८ ; मत्ती १९ :९

१८ सुमी आ मीश कली परोइशा, अर्का मीश चाक्वा, मेकोमी मीश वोंइश आस नाता खरोइश्शा, हंथ पाइब। सुमी आ वोंइश नु बराशा गाक्शो मीश चाक्वा, मेकोमी यो वोंइश मीश आस नाता खरोइश्शा, हंथ पाइब।

शांप पाइश्शो मुर नु लाजरस

१९ शुश शांप पाइश्शो मुर का बाक्ताक्व। मेको रिश्शो रिश्शो फेक्शा, बरोत्रबरोत्रशो जशा बाक्ताक्वमाक्त। २० आ सिं डा लाङ्गाम चहिं जचा मतथु, श्येत जशो लाजरस माइश्शो मुर का गोल्शा बाक्ताक्वमाक्त। मेको रोइ पा आ रां नेल्ले गार गरूशा राक्शो बाक्ताक्व। २१ मेको शांप पाइश्शो मुरुम आ जशो रे खपीम दोक्शो जचा ताइनुडा कां, दे आस पा कोत्रशा बाक्ताक्वमाक्त। आ गार कुनुमपुकीमी तुक्वाक्वमा बाक्त। २२ मिनु लाजरस शुश श्येत

जशा बेक्ताक्व। मिनु परमपरभु यावे आ स्वर्ग डा गेय पाइबमी अबराहाम आ थुकुमी वोदमे बाक्त। मेको नोले शांप पाइश्शो मुर यो बेक्शा थिम्बा पुंडिस बाक्त। २३ मेको शांप पाइश्शो मुर बेक्शो मुर आन बाक्तीक जाक्दीम्माक्त। मिनु शुश श्येत जशा, डोन रे कोत्रडानु, लाजरस कली अबराहाम आ थुकुम बाक्शो तवा बाक्त। २४ मिनु टेयब संदा पा ‘ए, आं आफ अबराहाम, शिशो पाइय्यीनी। मारदे हना गो मीम दुप्शा, आं शोत्र सोत्रशा बेक्चता। लाजरस कली आ बरप्वो ब्याक्कु खरूम्शा, ब्याक्कु तोक्पाइक्व सोइक्तीने’ दे बरम्माक्त। २५ तन्न अबराहाममी ‘डाइती थम रिश्शो पा बाक्ते। लाजरस चहिं शुश श्येत जशा बाक्त। मुल चहिं लाजरस आ थुं नाइक्वा ताप्टु, गे चहिं श्येत जशा बाक्नेवे। लूका ६ :२४ २६ मोशो ला ममाइ। परमपरभु यावे आ राज्य डा मुर नरक मलाइनीम। मिनु नरक डा मुर यो परमपरभु यावे आ राज्यम ओत्रचा मलाइनीम’ दंमाक्त। २७ मिनु मेकोमी ‘आं आफ, सेउ पाइननी, सिंमी आं क ५ जना लोकव बाक्नीम। २८ मेको आन कली “इन लोकव बेक्शा, नरक लशा श्येत जशा बाक्त। आ पशो खोदंशो मपने। मो पाइतीनी हना, आ खोदंशो दुम्नी” दे माइक्व, लाजरस कली सोइक्तीने’ दे सेउ पवा बाक्त। २९ मिनु अबराहाममी ‘परमपरभु यावेमी मोसा कली बरक्पाइश्शो लोत्र नु परमपरभु यावे आ लोत्र पाइब आन बरक्पाइश्शो लोत्र मेकोपुकी नु बाक्नीम। मेको पदशा नेन्मेक्ल’ दंमेनु, रतिमोथी ३ :१६ ३० भमाइ, आ आफ, बेक्शो रे संसीशो मुर सोइक्ताक्वी हना ला, मेको आ लोत्र नंशा टिशा, पाप पचा परोइशा, आन थुं परमपरभु यावे गे लेत्नीम’ दे सेउ पवा बाक्त। ३१ मिनु अबराहाममी ‘ममाइ, परमपरभु यावे आ बरक्पाइश्शो लोत्र मटिम्तक्व हना, बेक्शो रे संसीशो मुर तशा यो थमा मसुइक्नीम’ दंमाक्त” दे यसुमी शंदीमी बाक्त।

पाप पपाइक्व बोक्नीम, दे शंशो

मत्ती १८ :६-७ ; मत्ती १५ :२१-२२ ; मर्कूस ९ :४२

१७ काबु येसुमी आ शंसीब आन कली “मुरपुकीमी पाप पपाइश्शा दाइल पाइक्वा गोइनीम। तन्न सुइमी अरु आन कली दाइल मपपदल, मारदे हना दाइल पपाइक्व कली शुश मरिश्शो दुम्ब। मत्ती १८ :६-७ २ मेको आ शुरमी यात क्युक्शा, समुन्दरमी खरूम्शा साइक्वा अरु सजाइ क्येडा रिश्शो दुम्ब।

३ इन कली का का पा शंनन्नी। मिनु नेनीन। इ लोकबमी पाप पापु हना, मेको कली 'मो मपचा' दे अर्ती गेवो। इ अर्ती नंशा माफ पुंडतु हना, माफ गेवो। मत्ती १८ :१५ ४ काबुम ७ खंयप पाप पशा, ७ खंयप माफ पुंडतु जाकत हना यो, ७ खंयप माफ गेवो" दे शंदीमी बाकत। मत्ती १८ :२१-२२

थमा सुइक्तीक बारपाइक्चा, दे पुंडशो

५ मिनु शंसीबपुकीमी येसु कली "परभु, आंइ थमा सुइक्तीक थुं बारपा गकी" दे पुन्म बाकत। ६ मिनु परभुमी "रायो गेडा खोइ ला थमा सुइक्तीनी हना, इन पने मचाप्चा डा मारइ मलीब। एको रवा कली 'शाकश सुन्दा दुल्शा समुन्दरम याक्सो' देनीनु, एको रवा यो याक्सीब।

गेय पाइबम गाल्व ला ताइब, दे शंशो

७ नेनीन, मिनु मिस्तीन। इन गेय पाइब कामी व्यफ वाकशा, कि बी योत्रशा, खिं लेशशा जाकमेनु, खमे खरेत्तीनी डा? ममाइ। ८ गेमी 'लो, मी मुइशशा, खमे क्येशा थुल्यी। मिनु गे यो जावा' देनीनी। ९ गेय पाइबमी अरशो गेय पवानु, आ ठेयब मुरुमी सेवासी गेबा डा? १० गेपुकी गेय पाइब ननी। परमपरभु यावेम इन कली आ गेय पाइब सल्शा, गेय पपाइक्तु। मिनु एको गेय पशा 'परमपरभु यावे आ देशो पाइतय। तन्न सेवासी गेने मपुंडसय। मारदे हना आ वोइशशा मुर नय' दे मिस्तीन" दे शंदीमी बाकत। ११ कारिन्थी १ :१६

कोत्रर पाइब आन कली सापाइशशा

११ मिनु यरूसलेम डा लां खोइशशा, गालीत नु सामरीया रागी आन दाते डा लां लमा बाकत। लूका १ :५१; लूका १३ :२२ १२ मिनु काबु गाउं का जाकदीम्मानु, १० जना कोत्रर पशा मुरपुकीमी "येसु पीब" देशो नंशा, लां कोत्रशा बाकमा बाकत। लेवी १३ :४५-४६ १३ मिनु मेकोपुकीमी "येसु, शंब, आंइ कली शिशी पाइक्की" दे सेउ पा बरेम्मा बाकत। १४ मिनु येसुमी मेको आन कली तशा "गेपुकी, चढेब आ डांडती लशा, इन साशो रां कांडदीन" दे सोइक्तीमी बाकत। मिनु लना लन लांमीन आन कोत्रर सामा बाकत। लूका ५ :१४ १५ कामी आ रां साशो तशा, फरा लेशशा परमपरभु यावे कली ठेयब सेला बाकत। १६ मिनु दोरशा पिशा, येसु आ डांडती बाप्शा सुम्की पा "परभु, गे आं कली रिम्शो पाइतीनी" दे सेउ पवा बाकत। मेको सामरीया डा मुर बाकमाकत। १७ मिनु येसुमी "१० जना आन कली सापदुमी

ममाइ डा? अरु ९ जना ते लाग्मे? १८ मेको सामरीया डा मुर ला परमपरभु यावे कली ठेयब सल्शा 'गे रिम्शो पाइब बाक्तीनी' देथ जाकमे?" देमाकत। १९ मिनु "गे रिम्शो पाइब बाक्तीनी" देथ जाकब कली "इ पिया पाक्को। आं कली थमा सुइक्तीवी। मापतीक साते" देशो सोइक्ता बाकत। लूका ७ :५०

परमपरभु आ राज्य आ पर्वम शंशो

मत्ती २४ :- मर्कस १३ :-

२० मिनु फरिसीपुकीमी येसु कली "परमपरभु यावे आ राज्य जाकचशो गेना तांडसीबा, दोपा तांडसीबा?" दे हिल्लो पामे बाकत। मिनु येसुमी "परमपरभु यावे आ राज्य मिक्तीम तचा डा पा मतपांडसीब। यूहन्ना १८ :३६ २१ एक जाकत, मेरेक जाकत, दे मदेनीम। नेनीन, परमपरभु यावे आ राज्य जाकने थुम्शा, गेपुकी नु बाकत" दे शंदीमी बाकत।

२२ मिनु आ शंसीब आन कली नोले दुम्ब लोत्र पा "दोपा मुल रागीम जरमेशो नु काथा बाक्चा तनी, मोपा नोले चिनु काथा बाक्चा दाक्तीनी। तन्न काथा बाक्चा मताइनीनी। २३ मिनु मुरपुकीमी 'परमपरभु यावे आ सोइशशा हुकुम पाइब एक जाकत, मेरेक जाकत, इरी जाकत, उयु जाकत, कोत्रथ लय' देमानु, मेको थमा मसुइक्थु, मेको आन नोले मखोतीन। लूका २१ :८ २४ रागीम जरमेशोमी चिन्ड कांडशा तपांडसेनु, चिला पवानु, चिलाम नां दाप्तीक र नां परतीक सम्म थिशो तांडसीशा बाक्ब। २५ मोपा तपांडसीचा क्येडा डांडती शुश श्येत जचा माल्व। मारदे हना एको पाला डा मुरपुकीमी आं कली मबरथु, आं लोत्र मनेनीम, थमा मसुइक्तीम। लूका १ :२२ २६ रागीम जरमेशो जाकमेनु, मुरपुकीमी नोआह आ पालामी पशो खोदंशा पाइनीम। २७ नोआह ठेयब डांगाम मओत्रम सम्म मुरपुकी जशा तूशा, ग्युंब पशा, ग्युंब पांडसीशा बाकमा बाकत। मिनु रउ थिशा मुर नेल्ल बेकमा बाकत। २८ लोत आ पालामी यो मोदंशा दुम्माकत। मुरपुकीमी जचा फेक्चा, ग्याप्चा लेयचा, खरुम्शा मीमेनु रिक्चा नु मार मार सेल्वा मिम्तम बाकत। उत्पत्ती १९ :१५, २४-२५ २९ काबु चहिं लोत सोदोम परांडशा परोकमेनु, परमपरभु यावमी सरीडरमी नु बारुक तोक्पदा बाकत। मिनु सोदोम सहरम बाक्ब नेल्ल बेकमा बाकत। ३० रागीम जरमेशो जाकशा तपांडसेनु, नोआह नु लोत आस पालाम

दुम्शा खोदंशो दुम्ब। ३१में नाक्ती बारदलीम बाक्बमी सिं गाम मार मार बाक्मा, मेको बरदीचा ममालीन। रुमी गेय पाइब सिं मलेतीन। ३२लोत आ मीश दोपा बक्म, मेको मिम्तीने। उत्पत्ती १९:२६ ३३ आ गिंम परांडचा माल्ब के आ गिंम योल्ब। आ गिंम सोइक्बमी आ गिंम परांडब। लूका ९:२४ ३४ मिनु मुर निक्शी बराख्य कामी इन्शो बाक्नीस। का लाइक्चा पुंडसीब, का परांडशा वोइक्चा पुंडसीब, का परांडशा यात हिल्शा बाक्नीस। का लाइक्चा पुंडसीब, का परांडशा वोइक्चा पुंडसीब, ३६ वांइश मुर निक्शी रुम गेय पा बाक्नीस। का लाइक्चा पुंडसीब, का परांडशा वोइक्चा पुंडसीब, दे इन कली दंनुड” दे शंदीमी बाक्त। मत्ती २४:४० ३७ मिनु आ शंसीबपुकीमी “परमु, इन दंशो तेकेर दुम्बा?” दे हिल्लो पामेनु “तेकेर सिनु बाक्म, मेकेरन गिद हिरसीनीम” देमाक्त।

पुंडचा मपरांडचा, दे शंशो

१ मिनु येसुमी आ शंसीब आन कली १८ “परमपरमु यावे कली पुंडचा नु गे रिम्शा पाइब बाक्नीनी” देचा गनायो मपरांडचा” दे रुप्पाइक्चा कली कथा सेला बाक्त। श्थिस्सलोनिकी ५:१७ २ मिनु मेकोमी “सहर कामी निसाफ पाइब का बाक्माक्त। मेको सुइ नु महिंब बाक्माक्त। परमपरमु यावे कली ममिम्थु, मुर आन लोत्र यो मनंथु, आ थुमी मार पिमे में ला पाइबाक्माक्त। ३ मेको सहरमी आ वांइश बंक्शो मीश मुर का बाक्माक्त। मेको मीश मुर मेको निसाफ पाइब आ बाक्तीक जाक्ना जाक्न आ कली दोस गेब आन कली सजाइ गेशा, आ कली ग्रापाइय्यीनी” देबाक्माक्त। ४ शुश नाक्ती सम्म निसाफ पाइबमी मेको कली आ पुंडशो मगेवा बाक्त। ५ काबु चहिं “परमपरमु यावे कली मान पा महिंथु, मुर आन लोत्र यो मनंथु, आ थुमी मार पिमे में ला पा बाक्ती। तन्न मेको मीश मुरुम नाक्त कित कित जाक्शा, श्येत गेती। मुल आ लोत्र नंचा बरीताकड, नंने यो मदाकड। आ दंशो मपाता हना, जाक्स डा जाक्स पाइब। मोपतीके मेको आ दंशो मपथु मपरांडनुड” दे मिम्ता बाक्त। लूका ११:७-८ ६ मेको निसाफ पाइब आ मिम्शा मिम्तीने। ७ मारदे हना निसाफ पाइब आ पशो खोदंशो पा परमपरमु यावेमी आ योत्रशो आन कली आन पुंडशो मगेवा डा ? मेकोपुकीमी नाक्त कित कित पुंडचा मपरांडथु बाक्नीम। मुल मगेप्टु हना, काबु डा काबु गेब।

मिनु गरापाइक्ब। ८ रागीम जरमेशो तपांडसेनु, थमा सुइशशा, परमपरमु यावे कली पुंडशा गे रिम्शा पाइब बाक्नीनी” देस डा देस बाक्शोपुकी ताइबा का ?” दे येसुमी देमाक्त।

ठेयब मसुंडसीचा, दे शंशो

१ काबु येसुमी अरु आन कली महिंथु, ठेयब सुंडसीशा आन कली लोत्र पवा बाक्त। मेकोपुकीमी “गो आम पचा माल्थो पा ठीक दुम्तक” दे मिम्शा बाक्मा बाक्त। रोमी १०:३ १० मोदंशो ठेयब सुंडसीब आन कली “मुर निक्शी परमपरमु यावे आ सिंमी परमपरमु यावे कली प्रार्थना पथ लसा बाक्त। का फरिसी बाक्माक्त, का तिरो पोक्ब बाक्माक्त। ११ फरिसीमी मुर नेल्ल आन कली तपांडसीशा, चढेतीक आ नक्था राप्शा “परमपरमु यावे, गे रिम्शा पाइब बाक्नीनी। मारदे हना गो अरु मुर खोदंशो पा मुर आन मार मार रोइक्ब मनड। गो जोल पाइब यो मनड। मीश वांइश आस नाता खरोइक्ब मनड। मेरे तिरो पोक्ब खोदंशो पापी मनड। यसेया ५८:२-३ १२ साता कामी खेयप निक्शी माइजा बाक्नुड। क्येट ताक्गुनु, १० भाग डा भाग का योक्शा गेनुड” दे प्रार्थना पवा बाक्त। मत्ती २३:२३ १३ तिरो पोक्ब चहिं हार बाक्शा, शुर सुक्शा “परमपरमु यावे, गो पापी नड। शिशो पाइय्यीनी” दे प्रार्थना पवा बाक्त। भजन संगरह ५१:१३, १९ १४ परमपरमु यावमी मेको कली आ पाप क्याम्शा, ठीक दुम्पाइक्तु। मिनु ठीक दुम्शा, आ सिं लेत्त। फरिसी चहिं पाप क्याम्चा मतव। मारदे हना सुमी ठेयब सुंडसीबा, मेको महिक्शो दुम्ब। ठेयब मसुंडसीब कली चहिं परमपरमु यावमी ठेयब सेल्ब” दे येसुमी माइक्मी बाक्त। मत्ती २१:३१; लूका १४:११; मत्ती २३:१२

आल आन कली आसीक गेशो

१५ मिनु मुरपुकीमी येसुमी आल आन कली थिवल, दे चाक्मेनु, शंसीबपुकीमी आल चाक्ब आन कली हुइक्तमे बाक्त। १६ तन्न येसुमी मेको आन कली बरशशा “आल आन कली आं बाक्तीक चाक्चा मतक्कीन। मारदे हना परमपरमु यावे आ राज्य आल आन केन बाक्ब। १७ नोफा दाइशशा नेनीन, मुरपुकीमी आल आन थुं डा मिम्शा खोदंशो पा ममिम्ताक्म हना, परमपरमु यावे आ राज्यम ओत्रचा मताइनीम” दे माइक्मी बाक्त।

शांप आ पर्वम लोत्र

मत्ती १९ :१६-२६ ; मर्कूस १० :१७-२७

१८ मिनु ठेयब मुर कामी येसु कली “गे रिम्शो शंब बाकनीनी। गना हना यो बरांडशा बाक्चा कली मार पचा माल्लुडा ?” दे हिल्लो पवानु, लुका १० :२५-२८ १९ येसुमी “मारदे आं कली रिम्शो मुर, दे माइय्यीनी ? सुइ रिम्शो मनमी। परमपरभु यावे ला रिम्शो बाक्ब। २० परमपरभु यावेम बरंकपाइश्शो लोत्र तुइकनीनी वोंइश मीश आस नाता मखरोइक्चा, मसाइक्चा, खुइ मपचा, सांकछी बाक्शोनु जाल मपचा, आम आफ आस कली मान पचा” दे मदा बाक्त। परस्थान २० :१२-१६ २१ मिनु मेकोमी “आल रेन मोदंशो पा पिशा नड” देमाक्त। २२ मिनु येसुमी “नेल्ल पाप्तीवी, का चहिं मपवी। इ शांप नल्ल लेयशा, क्येट मथीब आन कली योक्शा गोमी। मिनु आं नोले खोइय्यी। मिनु इ शांप स्वर्गम बाक्ब” देमाक्त। मत्ती ६ :२० २३ मिनु येसु आ लोत्र नंशा, आ थुं साइक्माक्त। मारदे हना मेको शुश शांप पाइश्शो मुर बाक्माक्त। २४ येसुमी मेको आ थुं साइश्शो तुइश्शो, मिक्च मयाक्थु कोत्रशा “शुश शांप पाइश्शो मुर परमपरभु यावे आ राज्य ओत्रचा गिश श्यत बाक्मे। लुका १९ :९ २५ शांप पाइश्शो मुर परमपरभु यावे आ राज्य ओत्रने चाप्चा क्येडा दालओठ लुजे आ पोलाम गरीने चाप्ब” देमाक्त। २६ येसु आ लोत्र नंबपुकीमी “मो हना सु ओत्रचा ताइबा डा ?” देमा बाक्त। २७ मिनु येसुमी “मुर आन पने मचाप्शो परमपरभु यावेमी पने चाप्ब” दे माइक्मी बाक्त।

नेल्ल परांडबम मार ताइनीमी

मत्ती १९ :२७-३० ; मर्कूस १० :२८-३१

२८ मिनु पतरुसमी “गोपुकी आंइ खिं परांडशा, इन नोले खोइक्तक” देमाक्त। २९ मिनु येसुमी “नोफा दाइश्शो नेनीने, सुमी आ खिं, आ मीश, आ वोंइश, आ लोकबपुकी, आम आफ, तमी तौ नु मारेइ मारेइ नेल्ल परमपरभु यावे आ राज्य आ पर्वम परांडबा, मेकोमी मुल एको रागीम बाक्मेनुन आ परांडशो क्येडा शुश ताइब। ३० मोशा ला ममाइ, नोले गेना हना या परमपरभु यावे नु बाक्चा ताइब” देमाक्त।

रागीम जरमेशोम साइक्चा पुंडसीब

मत्ती २० :१७-१९ ; मर्कूस १० :३२-३४

३१ मिनु येसुमी आ १२ जना शंसीब आन कली “नेनीने, मुल यरूसलेम लाइनय। मेकर जाक्दीश्शो नोले रागीम जरमेशो आ पर्वम साइ परमपरभु यावे आ लोत्र पाइबपुकीम बरंकशा लोत्र नल्ल थमा दुम्ब। ३२ रागीम जरमेशो अर्का जात डा मुर आन गुइमी गेचा पुंडसीब। मिनु मेकोपुकीमी शुक्शी पा, मेको आ कुलुम तोक्नीम। ३३ मिनु युक्शा, हुश यिपाइक्नीम। मिनु नोले साइक्नीम। साइश्शो आ नित्थ नाक्त बेक्शो रे संसीब” दे शंदीमी बाक्त। ३४ आ लोत्र नंशा, मारेइ मरुप्म बाक्त। मारदे हना खरुइश्शो लोत्र बाक्माक्त।

मिक्च मताइब कली सापाइश्शो

मत्ती २० :२९-३४ ; मर्कूस १० :४६-५२

३५ मिनु यरीको सहर आ नेक्था जाक्दीम्मानु, लांमी मिक्च मताइब पुंडब मुर का बाक्माक्त। ३६ मेको मिक्च मताइबमी शुश मुर लोत्रसी पा पिशा नंशा “सु ननी ? ते लनी ? मार माल्ली ?” दे हिल्लो पवानु ३७ “नासरथ डा येसु एको लां पित” देमा बाक्त। ३८ मिनु मिक्च मताइबमी “हे येसु, दाऊद आ तौ, शिशो पाइय्यी” दे बरंम्माक्त। ३९ मिनु येसु आ डांडती गाक्बपुकीमी “सिक्सी पावो” दे हुइक्तम बाक्त। आं चहिं वाइ बरंश्शा “दाऊद आ तौ, शिशो पाइय्यी” देमाक्त। ४० मिनु येसु खरा दिक्शा “मेरे मिक्च मताइब कली एक चाक्कीन” देमाक्त। मिनु चाक्कमेनु ४१ “इ कली मार पड ? मार पुइनेवे ?” दे हिल्लो पवानु “परभु, मिक्च ताइब सत्यीनी” दे पुना बाक्त। ४२ मिनु “इ मिक्च साल। इ थमा सुइश्शोमी साते” दे मदा बाक्त। ४३ मो मदानु, आ मिक्च बरा साशा, मिक्च ताइब दुम्शा, येसु आ नोले खोइश्शो, परमपरभु यावे कली मान पवा बाक्त। मेको कली मिक्च ताइब दुम्शो तशा, मुर नेल्लेमी यो परमपरभु यावे कली ठेयब सेल्म बाक्त।

तिरो पोक्ब जक्के

१९ मिनु यरीको सहरम जाक्दीश्शा, बास मबाक्चा, दे गाक्मा बाक्त। २ मेको सहरमी जक्के ने पाइश्शो शुश शांप पाइश्शो तिरो पोक्ब ठेयब मुर का बाक्माक्त। ३ मेकोमी “इ सहरम येसु जाक्ब” देशो नंशा “गो कोत्रथ

लाइनुड” दे मिम्ता बाक्त। सहर डा मुरपुकी यो “यसु कली कोव्रचा” दे लॉमी रिम्शा, आ लॉ कोव्रशा बाक्मा बाक्त। ४ जक्के अरु आन क्येडा आइक्च बाक्माक्त। मिनु शुश मुरुमी लॉमी रिम्शा फारशा तशा, मको आन डांडती लशा, रवा का डाइशशा कोव्रडा बाक्त। ५ मिनु यसु मको लॉ पिमनु, जक्के कली रवाम डाइशशा बाक्शा तशा “ए जक्के, फरु तोंइसो। मारदे हना मुलाक्दो इ खिंमी बास बाक्नुड” देमाक्त। ६ मिनु जक्के फरु तोंइसीशा, ग्यरसीशा आ खिं लाइशशा, बास बाक्चा गेवा बाक्त। ७ मकोमी मोदंशो पशो तशा, मेकर बाक्बपुकीमी “मको पापी आ खिंम ओव्रशा बास बाक्त” दे आन थुं मनुथु, लोव्र पामे बाक्त। लूका १५:२ ८ मिनु जक्केमी परभु कली खिंम आंइशा “हे परभु, आं शांप क्यट नेल्ल उइक्थ पा योक्शा, मथीब आन कली गेनुडमी। सु सु कली हिम हिम पा मार मार ताक्गु, मको आन कली ४ खेयप तेम्शा लेशशा गेनुडमी” देमाक्त। परस्थान २१:३७; इजीकीएल ३३:१४-१६ ९ मिनु यसुमी “थमा पा इ खिंमी बास बाक्शा रिम्शा दुम्त। मारदे हना गे पाप रे बरांडत। इं किकी पिपी अबराहाम आ तौ बाक्ड बाक्त। लूका १३:१६ १० रागीम जरमेशो लॉ साम्शो आन कली लॉ कांइथ जाक्त” देमाक्त। लूका ५:३२; इजीकीएल ३४:१६; श्तिमाथी १:१५

ठेयब मुर लेशशा जाक्ब, दे शंशो

मती २५:१४-३०

११ मिनु यरूसलेम आ नेक्था जाक्दीम्मा बाक्त। मिनु शुश मुरुमी “यरूसलेम जाक्दीशशा नोले यसु पिप दुम्ब। मिनु परमपरभु यावे आ राज्य पशो तोंइसीब” दे मिम्शो बाक्मा बाक्त। यसुमी मको आन मिम्शो तुइशशा कथा सल्ला १२ “खेयप का ठेयब मुर का पिप रे सासन पतीक ताक्चा कली डोन रागी लचा चिक्शो बाक्माक्त। १३ मिनु मकोमी थो शुश नाक्ती खिंम मबाक्नुड” दे तुइशशा, लचा डांडती आ गेय पाइब १० जना मुर आन कली बरेशशा, का का पा मीना का का गेशा ‘एको क्यटम खलो पने। नोले जाक्डानु, लेशशा गेयीनी’ दे गाक्माक्त। मीना का १०० देनार बाक्ब। देनार का नाक्त का डा गाल्च बाक्माक्त। देनार रोमी आन चांदी के क्यट बाक्माक्त। मती २०:२ १४ मको मुर गाक्म नोले मको रागी डा मुरपुकीमी ‘मको मुर आंइ कली सासन पाइब मडुम्त’ दे लोव्र कुरब मुर मको पिप आ

बाक्तीक सोइक्तमे बाक्त। मारदे हना मको कली मदाक्बाक्मा बाक्त। यहन्ना १:११ १५ मो हना यो मकोमी सासन पतीक अधिकार ताक्शा, खिं लेम्माक्त। मिनु जाक्शा, आ गेय पाइब आन कली बरेशशा, आ डांडती राप्पाइशशा ‘आं गेशो क्यटमी मार पनी? गिश सल्ली?’ दे हिल्ला पवा बाक्त। १६ मिनु डांडती डा जाक्शा ‘आं होव्रप, इन गेशो क्यटमी, मार मार ग्याप्शा लेयशा, अर्का १० मीना चम्ता’ देमाक्त। १७ गे रिम्शा गेय पाइब बाक्त, आइक्च गेयमी रिम्शा पाप्तीवी। मोपतीक १० ओटा सहर कली अधिकार पाइब सल्लन’ देमाक्त। लूका १६:१० १८ मिनु मको नोले अर्का जाक्शा ‘आं होव्रप, इन गेशो क्यटमी ग्याप्शा लेयशा, अर्का ५ मीना चम्ता’ देमाक्त। १९ मिनु मकोमी ‘इ कली यो ५ ओटा सहर कली अधिकार पाइब सल्लन’ देमाक्त। २० मिनु मको आ नोले अर्का जाक्शा ‘आं होव्रप, इन क्यट एकर बाक्त। गो मको वाम गिल्शा खरुइशशा वोइक्ता। २१ गो इन क्येडा हिंती। मारदे हना गे हिंचा डा होव्रप बाक्नीनी। इन मगेशो थोव्रक ताक्नीनी। इन मशोक्शो खुप्नीनी’ देमाक्त। २२ मिनु ठेयब मुरुमी ‘थो इ लोव्रम इ कली निसाफ पाइनुड। आं दंशो मटीब गेय पाइब बाक्नेवे। मार मगेडा, मको ताक्नुड। मार मशोक्गु, मको खुप्नुड। गो मरिम्शो मुर नडा दे गे तुइशशान नवे? २३ गे मारदे मको क्यट वोइक्तीक खिंमी मवादी? गो मको आ चाइक्ब तड वा’ देमाक्त। २४ मिनु मेकर बाक्ब आन कली ‘मको आ क्यट रोइशशा १० मीना चम्ब कली गेने’ देमाक्त। २५ मिनु मुरपुकीमी ‘हजुर, मको नु १० मीना सुन बाक्ब’ देमा बाक्त। २६ मिनु मकोमी ‘सु नु बाक्म, मको तेम्शा गेचा पुंइसीब। सु नु मबाक्म, मको के बाक्शो यो रोइक्चा पुंइसीब। लूका ८:१८; मती १३:१२ २७ तन्न आं कली मटीब आं जोरी सतरु आन कली चहिं ग्याइशशा चाक्शा आं डांडती क्योरशा सतीन’ देमाक्त” दे शेंदीमी बाक्त।

येसु यरूसलेम जाक्दीशशा

मती २१:१-११; मर्कुस

११:१-१०; यहन्ना १२:१२-१६

२८ मिनु मको लोव्र नेल्ल शंन थुम्शा, यरूसलेम मेर लमा बाक्त। २९ मिनु जैतून डांडा जाक्दीम्मा बाक्त। मको डांडा आ आइदी बेथफागे नु बेथानी गाउं निक्शो बाक्सा बाक्त। ३० मको गाउं आ नेक्था जाक्दीशशा, येसुमी

आ शंसीब निक्शी आस कली “भेर गाउं लसे। मिनु गाउं ओत्रसीनु, सुइमी मडोइइशा गधा आ चाइक्व का पाइइशा थिन्नीसी। मेको कली परांइशा चाक्कीसे। ३१ मुरपुकीमी “भारदे परांइशा लाइक्सी?” दे हिल्लो पाम्त्कम हना “परभु कली माल्ताक्व” दे मतीसे” दे माइइशा, सोइक्तीम्सी बाक्त। ३२ मिनु लसानु, यंसुमी दंशो खोदंशो पा गधा पाइइशा वाइइशा थिन्स बाक्त। ३३ मिनु परोन्सनु, गधा आ होत्रपमी “गधा मारदे परांइसी?” दे हिल्लो पवा बाक्त। ३४ मिनु मेको निक्शीमी “परभु कली माल्ताक्व” देसा बाक्त। ३५ मिनु लाइइशा यंसु आ बाक्तीकम चाक्कीसे बाक्त। मिनु यंसु आ शंसीबपुकीमी गधा तारी आन वा बरशा, यंसु कली डोइक्वपदमे बाक्त।

३६ मिनु गाक्मा बाक्त। मिनु मुरपुकीमी आन फेक्शो वा लांमी बरामे बाक्त। ३७ मेको जैतून डांडा लाक्शा बरुम्मा बाक्त। यंसुमी शुश छ्क लाक्का डा गेय पतीके मुर नेल्ल थाम्पा ग्यरशा, कुम्सो पा परमपरभु यावे कली ठेयब सल्ला सल्ल, ३८ “परमपरभु यावे आ नंमी जाक्व पिप ठेयब बाक्व। सरीडम यो ग्यरसमल। इर डा नेल्ल रिम्शो दुम्ल” दे रयेके पामे बाक्त। मजन संगरह ११८:२६; लूका २:१४ ३९ मेकर फरिसी का निक्शी यो बाक्मा बाक्त। मेकोपुकीमी यंसु कली “इन शंसीब आन कली हुइक्तीन” देमा बाक्त। ४० तन्न यंसुमी “एकोपुकीमी सिक्सी पाम्त्कम हना, फुल्लुमी यो रयेक पचा गोइनीम” देमाक्त।

४१ मिनु यरुसलेम सहर आ नेक्था जाक्शा, सहर ताइसन, यंसु मेको सहर आ पर्वम डाक्शा ४२ “थुं नाइक्तीक ते र जाक्वा, दे तुइक्ती हना दुम वा। तन्न मुल मेको इ डांइती र खरुइइशा बाक्व। लूका १३:३४; मत्ती १३:१३,१४ ४३ नोले इ जोरी सतर बाक्शा, इ कली एर आंथ र पुम्शा, तेइ लचा मगेथु, गारो डाइक्नीम। ४४ मेकोपुकीमी इ कली नु इ आल आन कली खपीम राप्नीम। मेकर फुल्लु का सम्म खरोप्शा मलीनीम। मारदे हना ग इ कली गरुम्थ जाक्व कली मतुइक्ती” देमाक्त। लूका २१:६

यरुसलेम सहरम बाक्शा, शंशो

मत्ती २१:१२-१६; मर्कूस

११:१५-१८; यूहन्ना २:३२-३६

४५ मिनु यंसु सहरम जाक्दीइशा, परमपरभु यावे आ सिं लमाक्त। मिनु मार मार लेयब आन कली खरा बाक्त। ४६ मिनु यंसुमी मेको आन कली “परमपरभु यावे आ लोत्रमी आं सिं

आं कली परार्थना पचा कली बाक्व” दे बरेक्शो बाक्व। तन्न गेपुकीमी चहिं सुइ आन बाक्तीक पुक्खी सल्लतीनी” दे हुइइशा खरमी बाक्त। यसेया ५६:७; यरमीया ७:११ ४७ मिनु यंसुमी परमपरभु यावे आ सिंमी बाक्शा, नाक्त कित कित मुर आन कली शंदीमी बाक्त। ठेयब चदेब, सास्तरी नु ठेयब मुरपुकीमी यंसु कली साइक्वा माल्म बाक्त। ४८ तन्न मेकोपुकीमी यंसु कली मारइ दोस गेने मन्नापमे बाक्त। मारदे हना मुर नेल्लमी यंसु आ शंशो थाम्पा नोफा दाइइशा नंन्मे बाक्त।

“इ कली सुम अधिकार गेवे?”

मत्ती २१:२३-२७; मर्कूस ११:२७-३३

१ मिनु काबु यंसुमी परमपरभु यावे २० आ सिंमी बाक्शा, मुर आन कली ग्यरपाइक्तीक लोत्र शंना शंन बाक्मेनु, २ ठेयब चदेब, सास्तरी नु जोक्व तुइक्व खाल्पापुकीमी “तेको अधिकारमी मोदंशो पवी? इ कली अधिकार गेब सु बाक्वा, लो देन” देमा बाक्त। ३ मिनु यंसुमी “गो इन कली लोत्र का हिल्लो पाइनुड। मिनु आं हिल्लो पशो लोत्र लेत्तीने। ४ यूहन्नामी मुर आन कली ब्वाक्कुम खरुम्शा गरुइतीक अधिकार स्वर्ग र तवा देय मुरपुकी र तवा?” दे हिल्लो पामी बाक्त। ५ मिनु मेकोपुकीमी “स्वर्ग र तवा बाक्त दंतय हना, मो हना यूहन्ना आ लोत्र मारदे थमा मसुइक्नी? देब। लूका ७:२९-३० ६ मुरपुकी र तवा बाक्त दंतय हना, एकर बाक्वपुकीमी इ कली फुल्लु आप्शा साइक्नीम। मारदे हना यूहन्ना परमपरभु यावे आ लोत्र पाइब बाक्त, दे थमा सुइक्व बाक्नीम” दे शुश मिम्शा लोत्रसी पामे बाक्त। ७ मिनु शुश मिम्शा “यूहन्ना कली अधिकार सुमी गेवा सुम? गो मतुइक्नीकी” देमा बाक्त। ८ मिनु यंसुमी “मो हना तेको अधिकारमी एको गेय पडा, गो यो मशंनन्नी” दे माइक्मी बाक्त।

मरिम्शो बुम्था पाइबपुकी

मत्ती २१:३३-४६; मर्कूस १२:१-१२

९ मिनु मुर आन कली कथा सल्ला “मुर कामी ठेयब रूमी अडगुर खरुमा बाक्त। मिनु नोले गो रागी हिरथ लाइनुड” दे मिम्शा, आ रू बुम्था पाइब आन कली गेशा वोदा बाक्त। मिनु लशा, शुश नाक्त मलेम्माक्त। १० अडगुर मीशा संक्की जाक्मेनु, होत्रपमी आ गेय पाइब

का कली 'अङ्गुर याकशा चाकको' दे बरथ सोइक्ता बाक्त। मिनु गय पाइब जाकदीम्मनु, बुम्था पाइबपुकीमी तुप्शा, श्यत्थ सोइक्तम बाक्त। २इतिहास ३६:१५-१६ ११मिनु लेंशा अर्का गय पाइब का कली सोइक्ता बाक्त। मेको कली तुप्शा मुने तोक्शा, श्यत्थ सोइक्तम बाक्त। १२मोपा यो लेंशा गय पाइब का कली सोइक्ता बाक्त। मेको कली यो हुश यिथरी तुप्शा खरम बाक्त। १३मिनु नोले 'भार पड ? मुल आ दाकशो तो कली सोइक्नुड। मेको कली तशा मान पाइनीमी को ?' दे मिम्ता बाक्त। मिनु आ तो कली सोइक्ता बाक्त। १४मिनु बुम्था पाइबपुकीमी आ तो कली पिशो तशा 'एको हक ताइब बाक्व। लो, साइय्य। मिनु रू, अङ्गुर नेल्ल इं केन दुम्ब' देशा गारमा बाक्त। १५मिनु रू रे गरुइशा सदमे बाक्त। रू आ होत्रपमी मोदेशो पाइब आन कली मार पाइबा ? १६ जाकशा मेको बुम्था पाइब आन कली साइक्व। मिनु आ रू अरु आन कली गेब" दे शंदीमी बाक्त। आ लोत्र नेंबपुकीमी मेको कथा नेंशा "मोदेशो मदुम्त" देमा बाक्त। १७मिनु येसुमी आ लोत्र नेंब आन कली मिक्च मयाक्थु कोवशा "परमपरभु यावेमी बरेक्पाइशो एको लोत्र रे मार रुम्सीबा, लो देनीन 'सिं सल्बपुकीमी गारो परोवडमनु, एको फुल्लु मगार' दे ताइक्तमे बाक्त। मेको मगारथु ताइशो फुल्लु चहिं सुर डा सुर फुल्लु दुम्माक्त। भजन संगरह ११८:२२ १८सु मेको फुल्लु तारी थिप्वा, मेको खतम दुम्ब। मेको फुल्लुम सु कली चिप्ता, मेको फस दुम्ब" दे शंदीमी बाक्त। दानीएल २:३४,३५,४४,४५ ११मिनु टेयब चढेब नु सास्तरीपुकीमी "इं कली कका एको कथा देमाक्त" दे रुप्शा चुरशा, येसु कली ग्याइक्पाइक्चा माल्मे बाक्त। तन्न शुश मुरुमी आ लोत्र नेंशा तशा हिंमा बाक्त। लूका ११:४८

तिरो आ परबम लोत्र पशो

मत्ती २२:१५-२२; मर्कूस १२:१३-१७

२०सास्तरी नु टेयब चढेबपुकीमी मुर योत्रशा, येसु आ थुं नाक्शा, आ लोत्र सुइ पथ सोइक्तम बाक्त। मारदे हना दोस गेशा हुकुम पाइब आ गुइमी गेचा माल्शो बाक्मा बाक्त। मेको सोइशोपुकीमी येसु आ लोत्र नेंशा, थमा सुइशो सोदेशो पसु पामे बाक्त। लूका ११:५४; लूका २३:२ २१मिनु मिलो शिलो पा "शेंब, गे रिम्शा शंनीनी। सुइ कली तशा महिंथु, मुर आन

कुल मकोवथु, परमपरभु यावे आ लोत्र थमा पा शंनीनी। मुल लोत्र का शंदीकी, २२मार लोत्र देशा हना, पिप सिजर कली तिरो थाप्चा माल्बा देय मथाप्यु यो दुम्बा ?" दे हिल्लो पसु पा, लोत्र खराइक्पाइक्चा माल्मे बाक्त। २३मिनु येसुमी मेको आन थुं डा लोत्र तुइशशा २४ "दनार का कोइदीनी। एको सु का आ नेंमी खरोइशो बाक्म ?" देमेनु "सिजर आ नेंमी खरोइशो बाक्त, हजुर" देमा बाक्त। दनार का चांदी क क्येट बाक्त। मेको नाक्त का डा गाल्त्व बाक्त। २५मिनु परभु येसुमी "मो हना पिप सिजर आ मार मार बाक्म, मेको सिजर कली गेने। परमपरभु यावे आ मार मार बाक्म, मेको परमपरभु यावे कली गेने" देमाक्त। रोमी १३:१,७ २६मिनु मेकेर देल्शो मुर आन डोंइती आ लोत्र खराइक्पाइशो मारइ दोस गेने मचाप्मे बाक्त। आ लोत्र लेशो नेंशा छ्क लाक्शा सिक्सी पामे बाक्त।

बेक्शो रे संसीचा आ परबम शंशो

मत्ती २२:२३-३३,४६; मर्कूस १२:१८-२७,३४

२७मिनु सदुकीपुकी जाक्मा बाक्त। सदुकीपुकीमी "मुर बेक्शो रे मसेसीनीम" दे शेंबाक्मा बाक्त। २८मेको जाक्वपुकीमी येसु कली "शेंब, मोसामी बेक्शो लोत्रमी 'मुर का आल मथिथु बेक्त हना, आ लोक्वमी आ भोग्यु वांइसीशा, आ दाग्यु आ पा डा सिं डा मुर मजाम्मल, दे तमी तो थिल' दे बेक्शो बाक्व। व्यवस्था २५:५-६ २९साइ ७ जना लोक्व बाक्मा बाक्त। मिनु जेटाम ग्युंवे पवा बाक्त। मिनु आल मथिथु बेक्माक्त। ३०मिनु माइलामी आ भोग्यु वांइस बाक्त। मिनु मेको यो आल मथिथु बेक्माक्त। ३१मिनु साइलाम आ भोग्यु वांइस बाक्त। मेको यो आल मथिथु बेक्माक्त। मोदेशो पा ६ जनामी आन भोग्यु वांइसीशा, आल मथिथु बेक्मा बाक्त। ३२नोल मेको मीश मुर यो बेक्माक्त। ३३मुर बेक्शो रे संसीशा बरोइमानु, मेको ७ जना वांइश आन मीश दुम्शो मीश मुर तेको आ मीश दुम्बा ?" दे हिल्लो पामे बाक्त। ३४मिनु येसुमी मेको आन कली "एको रागीमी बाक्मानु, मुरपुकीमी ग्युंवे पांइसीनीम। ग्युंवे पा गेनीम। ३५तन्न बेक्शो रे संसीशा परमपरभु यावे नु बाक्चा शिरशोपुकी ग्युंवे मपांइसीनीम, ग्युंवे पा यो मगेनीम। ३६मेकोपुकी गेनायो मबेक्व दुम्शो बाक्नीम। बेक्शो रे संसीशा, परमपरभु यावे आ स्वर्ग डा गय पाइबपुकी सोदेशो दुम्नीम।

मकोपुकी परमपरभु यावे आ तमी तौ बाक्नीम ।  
 १५ हन्ना ३:१-२ ३७ बेक्शो रे संसीशा बरोडचा  
 तांडसीब, दे ई किकी पिपी मोसामी अरु आन  
 कली तुडवपदा बाक्त । दोपा तुडवपदा बाक्त  
 देशा हना, परमपरभुमी मासा कली मी बरशो  
 बुटा रे तपांडसन, मासामी परमपरभु यावे कली  
 गे अबराहाम, इसहाक नु याकूब आ परमपरभु  
 यावे ननी' दे बरत्ता बाक्त । परस्थान ३:६  
 ३० परमपरभु यावे बेक्शो मुर आन परमपरभु  
 ममाइ । बरोडशो आन परमपरभु यावे बाक्ब ।  
 मारदे हना परमपरभु यावे आ डोंडती नेल्ल  
 बरोडशो बाक्नीम" देमाक्त । रोमी १४:८  
 ३१ मिनु सास्तरी का निक्शीमी "शंब, गे  
 रिम्शो शंताक्नी" देमा बाक्त । ४० मारदे हना  
 सदुकीपुकीमी लंशा हिल्लो पचा हिंशा सिक्सी  
 पामे बाक्त ।

खरीस्त सुका आ तौ बाक्वा ?

मत्ती २२:४१-४४ ; मर्कूस १२:३५-३७

४१ मिनु येसुमी मेकर बाक्ब आन कली  
 "खरीस्त दाऊद आ तौ बाक्ब, दे दोपा दंनीमी ?  
 ४२ मारदे हना दाऊद आ बरक्शो भजन संगरह  
 माइशो कुम्सो किताबम ४३ परभुमी आ परभु  
 कली इ जोरी सतरु आन कली इ खोइल थक्तीक  
 मसंतु सम्म आं ग्युरा गे बाक्को" दे बरक्ताक्ब ।  
 भजन संगरह ११०:१ ४४ दाऊदमी मको कली  
 'परभु' देब । मिनु दोपा आ तौ दुम्म ? ला, दनीन"  
 देमाक्त ।

"सास्तरी खोदंशो मपने" दे शंशो

मत्ती २३:५-५

४५ मेकर बाक्ब शुश मुरुमी येसु आ लोत्र  
 नेन्मे बाक्त । मिनु येसुमी आ शंसीब आन कली  
 ४६ "लाइशो वा फेक्शा एर आंथ गाक्ब, बजार  
 मेर गाक्मानु, सेउ ताक्चा दाक्ब, गरुस्तीक सिं  
 लशा, ठेयब निक्तीकेम नित्वा दाक्ब नु भोजमी  
 लशा, मान ताइब आन निक्तीकेम नित्वा माल्ब,  
 सास्तरी आन कली तशा होस पा बाक्कीन । लूका  
 ११:४३ ४७ मकोपुकीमी वांडश बेक्शो मीश मुर  
 आन सिं रोइक्नीमी, दुइशो परार्थना पा कांडसु  
 पाइनीम । मोदंशो पाइबपुकी अरु आन क्येडा  
 शुश सजाइ ताइनीम" देमाक्त ।

भटी चढेचा आ पर्वम शंशो

मर्कूस १२:४१-४४

१ मिनु नोले येसुमी शोप पाइशो  
 २१ मुरपुकीमी भटी चढेशो तवा बाक्त ।  
 २ आ वांडश बेक्शो मारइ मथीब परुडग मीश  
 मुरुमी जाक्शा, लेप्तान निक्शी चढेशो या तवा  
 बाक्त । लेप्तान (ग्रीक लोत्र) नेल्ल क्येडा  
 आइक्ब तांबा के क्येड बाक्त । ३ मिनु येसुमी  
 "नोफा दाइशशा ननीन, नेल्लमी चढेशो क्येडा  
 एको परुडग मीश मुरुमी शुश चढेपु । ४ मारदे  
 हना आ बाक्शो नेल्ल गेपु । अरुमी चहिं आन  
 गाप्शो रे गेम्तेकम" देमाक्त । २ कोरिन्थी ८:१२

परमपरभु आ सिं मलीब

मत्ती २४:१-३६ ; मर्कूस १३:१-३२

५ काबु मुरपुकीमी "परमपरभु यावे आ सिं ठेयब  
 नु दारशो सेल्शो बाक्त" देमा बाक्त । ६ मिनु  
 येसुमी "एको सिं मुल ठेयब नु दारशो सेल्शो  
 ताइतीनी । नोले नेल्ल बरेशशा, फुल्लु का यो  
 खरोप्शा मलीब" देमाक्त । लूका १९:४४

श्येत डा चिन्ड

७ मिनु मुरपुकीमी "शंब, इन देशो लोत्र गेना  
 दुम्बा ? मको दुम्चशो चिन्ड दोपा तांडसीबा ?" दे  
 हिल्लो पामे बाक्त । ८ मिनु येसुमी "सुइमी इन  
 थुं मक्याल्मकल, दे होस पा बाक्कीन । मारदे हना  
 शुश मुरपुकीमी आं नें बरशा थो मको नड । गो  
 मको नड देतीक नाक्त नेक्था जाक्शा बाक्ब' दे  
 शंनीम । मो देब आन लोत्र थमा मसुइक्थु, आन  
 नोले मखोतीन । ९ लडाइ दुम्शो, जुलुस बाक्शो  
 लोत्र शुश ननीनी । मको लोत्र नंशा महिनीन ।  
 मोदंशो दुम्चा माल्ब । मिनु इक्का नोले ला  
 रागी नुप्ची नाक्त जाक्ब" देमाक्त । १० मिनु  
 लोत्र बोइशशा "जात जात नु राज्य राज्य लडाइ  
 पाइनीम । ११ ठेयब खिरनु कुइब । रागी रागीमी  
 ठेयब अन्काल दुम्ब । शुश मुर रोइ पा बेक्नीम ।  
 हिंचा डा श्येत जाक्नीम । सरीडम ठेयब चिन्ड  
 तांडसीनीम ।

थमा सुइक्ब श्येत जाइनीम

१२ मो दुम्चा क्येडा डोंडती थमा सुइक्ब इन  
 कली खेदा पा ग्याइक्नीमी । मिनु ग्याइशशा,  
 आन गरुस्तीक सिंम लाइशशा दोस गेशा,  
 जेल्खानमी चोक्नीम । आं नें आ पर्वम ठेयब मुर  
 नु पिप आन डोंडती चाक्दीशशा, राप्पाइक्चा

पुंडसीनीनी। मत्ती १०:१८-२२,३० १३मोपा राप्पाइक्का पुंडसीनीनु, सांकळी का दुम्नीनी। १४ ठेयब मुर आन डांडीती मार देचा ? दे गेनायो पीर मपाइनुड, दे इन थुं फरंशा बाक्कीन। लुका १२:११ १४ मारदे हना मोपा राप्पदमनु, इन जोरी सतरुमी लेन्ने मचाप्पा डा लोत्र इन शोत्र र पपाइक्कन्नी। इन कली ठीक लोत्र पपाइक्कुड। मिनु मकोपुकीमी इन लोत्र खरोइक्के मचाप्पीम। प्ररित ६:१०

१६ इन आम आफ्र, लोकवपुकीमी, इन जात डा मुर, इन वारचपुकीमी इन कली दोस गेशा, खदा पा ग्याइक्काइशशा, चोक्पाइक्कीम। का निकशी आन कली साइक्पाइक्कीम। १७ मुरपुकी नेल्लेमी आं नं आ पर्वम इन कली काइ मदाक्कीम। १८ तन्न इन पिया डा चां का यो महम्ब। लुका १२:७ १९ मोपतीके थमा सुइक्का मप्रानीन। मिनु ला गे बरोइक्का ताइनीनी। हिब्रू १०:३६

‘यरूसलेम जाम्शा लाइब’ देशो

२० यरूसलेम सहर आ एर आंथ लडाइ पाइबपुकीमी पुम्शो ताइतीनी हना भुल सहर खतम दुम्बी नाक्त जाक्काक्त’ दे तुइक्कीन। २१ मोपतीके यहूदीया रागीम बाक्वपुकी डांडा ग्येत्थ परोक्कमल। सहरम बाक्वपुकी सहर परोइशा परोक्कमल। सहर एर आंथ रू मर बाक्वपुकी सहर मओत्रमल। २२ परमपरभु यावे आ लोत्रमी एको आदेशो दुम्ब, दे बरक्शो बाक्व। एको बरक्शो नेल्ल थमा दुम्शा, सहर खतम दुम्ब। व्यवस्था ३२:३५ २३ मना आल कुरशो नु दूध तूब आल पाइशशा मीश मुर आन कली श्यत दुम्ब। मारदे हना रागीमी शुश श्यत दुम्शा, मेको मुरपुकीमी परमपरभु यावे आ गाइशशा ताइनीम। २४ कोइ तरवारम बक्कीमी। कोइ ग्याइशशा अर्का रागीम लाइक्का पुंडसीनीम। मिनु आन नाक्त मजाक्कीम सम्म अर्का जात डा मुरपुकीमी यरूसलेम कली दिप्शा वोइक्कीम। यसेया ६३:१८; प्रकाश ११:२; रोमी ११:२५

चिन्ड ताइसीब, दे शंशो

२५ मिनु सरीड नु रागीमी चिन्ड ताइसीनीम। सरीडमी नां, तास्ला नु सोरुल मार मार ताइसीब। रागीम समुन्दरमी ठेयब ब्याक्कु बरुइशशा, मुर नेल्ल आन कली हिंपाइक्क। प्रकाश ६:१२-१३ २६ मुरपुकी सरीड नु रागी कोत्रशा, हिंशा थाइनीम। मारदे हना सरीड डा

सक्ति हिम्सीनीम। २७ मिनु रागीम जरमेशो कली गोस्स तारी बाक्शा, सक्ति नु ठेयब छेड्छेड्डी यिशो ताइनीम। दानीएल ७:१३ २८ मेको चिन्डपुकी दुम्शो तनीनु, इन पिया पोक्शा, ठेयब थुं पा ग्यरसीन। मारदे हना श्यत र परोइब इन नेक्था जाक्शा बाक्व” दे शंदीमी बाक्त। फिलिप्पी ४:४,५

२९ मिनु कथा सल्शा “फोत्रशी रवा नु अरु रवा कोत्रडीन। ३० कोच्चा दाप्शा कुशो तशा, रउ यिची ना जाक्का चिक्शो बाक्त, दे तुइक्कीनी। ३१ आं देशो लोत्र थमा दुम्शो तनीनु, परमपरभु यावे आ राज्य इन नेक्था जाक्काक्त, दे तुइक्कीनी। ३२ नोफा दाइशशा नेनीन, एको मुरपुकी मनुशु, आं देशो नेल्ल थमा दुम्ब। ३३ सरीड नु रागी नेल्ल जाम्शा लाइनीम। तन्न आं लोत्र चहिं गेनायो मजाम्ब। ३४ आं देशो मपरंथु होस पा बाक्कीन। शांबु राक्सी दुक्शा मबाक्कीन। मार जचा मार फेक्का, दो पचा, दे शुश ममिस्तीन। मारदे हना आं देशो लोत्र इन मतुइक्कु दुम्ब। मर्कुस ४:१९; श्थिस्सलोनीकी ५:३ ३५ मेको मोदेशो श्यत नेल्ल रागीम दुम्ब। ३६ मोपतीके आं देशो मिम्शा बाक्कीन। परमपरभु यावे कली श्यत नेल्ल फाल्शा, थमा सुइक्कीक सक्ति गेकी। मिनु रागीम जरमेशो जाक्कमनु, सासीशा गरुम्चा तकल’ दे पुइना पुइन बाक्कीन” दे अर्ती गेमी बाक्त।

नाक्त कित कित शंशो

३७ मिनु येसुमी नाक्त मुर आन कली शंना शंन नाक्को चहिं जेतून डांडाम लशा इप्वाक्काक्त। ३८ शुश मुरुमी नाक्त कित कित सुनी कना बाक्शा, परमपरभु यावे आ सिं लशा, येसु आ लोत्र नंबाक्का बाक्त।

येसु कली साइक्का, दे लोत्र पशो

मत्ती २६ :- २८ :-; मर्कुस १४ :-

१६ :-; यहून्ना १८ :- २१ :-

२२ मिनु बोरब ओरुती मसुप्शो शोब्ने जतीक पास्सा चाड जाक्कशो बाक्काक्त। २ मिनु ठेयब चदेब नु सास्त्रीपुकीमी “येसु कली दोपा ग्याइशशा साइक्का ?” दे लोत्र पमुशा, साइक्का माल्मे बाक्त। तन्न शुश मुरुमी येसु आ लोत्र नंशो तशा, हिंमा बाक्त। लुका २०:१९

३ मिनु सैतान इस्कारीयोत डा यहूदा आ थुंम ओत्रमाक्त। मेको शंसीब आन दांत डा का बाक्काक्त। यहून्ना १३:२,२७ ४ मिनु मेको ठेयब

चंदेब नु ठेयब मुर आन कली गरुम्य लशा “येसु ग्याइक्पाइक्चा कली वारच पाइनन्नी” दे माइक्मी बाक्त। ५ मिनु मेकोपुकीमी ग्येरशा “दुम्ब, ग्याइक्चा वारच पाप्तीवी हना, क्यट गेनीकी” देमा बाक्त। ६मे डा मेरं यहूदामी “सुइमी मतुइक्थु, दोपा ग्याइक्पदु ?” दे मिम्शा बाक्माक्त।

### पास्सा चाड डा भोज

७ मिनु बोख ओस्ती मसुप्शो शोब्ले जची चाड जाक्माक्त। मेको नाक्ती पाठा का क्योरचा माल्बाक्माक्त। परस्थान १२:१८-२० ८ मिनु येसुमी पतरुस नु यहून्ना आस कली “पास्सा चाड डा भोज साथ लसे” दे माइक्सी बाक्त। ९ मिनु मेको निक्शीमी “ते लशा साचा ?” दे हिल्लो पास्से बाक्त। १० मिनु येसुमी “नेनीसे, मुल सहर लसे। सहरम जाक्दोस्सीनु, गागरी कुरशा ब्याक्कु दिथ पिशो मुर का गरुम्नीसी। ११ मेको आ नाले खोइश्शा, तेको खिं ओव्रबा, मेको खिं ओव्रडीसे। मिनु खिं डा मुर कली शंबमी सोइश्शा नस्कु। शंबमी, आ शंसीबपुकी नु काथा बाक्शा, पास्सा ते मानेचा ? दे हिल्लो पथ सोइक्ताक्स्की” दे मतीसे। १२ मो माइक्सीनु, मेकोमी इस कली तला तारी ठेयब कोठा का काइब। मेको कोठामी गुन्दरी पीरा बरशा वोइश्शा थित्नीसी। मिनु मेकरन साचा” दे सोइक्तीम्सी बाक्त। १३ मिनु लसानु, येसुमी दोदंशो देम, मोदंशो थित्से बाक्त। मिनु पास्सा चाड डा भोज सादसे बाक्त। लूका ११:३२

१४ मिनु भोज जचा कली येसु नु आ शंसीबपुकी जथ निस्समा बाक्त। १५ मिनु जचामेनु, येसुमी “गो श्येत गेचा पुइसीचा क्यडा डाइती गेपुकी नु काथा बाक्शा, एको पास्सा मानेशा जत दाक्ती। १६ मारदे हना परमपरभु यावे आ राज्य पशो मताइसे सम्म लेशा गेपुकी नु काथा बाक्शा, पास्सा मानेचा मताइनुड” देमाक्त। लूका १३:२९ १७ मिनु कचौरा शेशा “गे रिम्शो पाइब बाक्नीनी” दे परार्थना पशा “ताक्शा, का का पा तूडीन। १८ मुल डा मेरं एको अडगुर रस मतनुड। परमपरभु यावेमी राज्य पशो ताइसे नाले ला तनुड, दे इन कली देनुड” देमाक्त। १९ मिनु शोब्ले शेशा “गे रिम्शो पाइब बाक्नीनी” दे परार्थना पा, जिक्शा योक्शा “एको आं रां बाक्ब। इन कली गेतन्नी। आं कली मिम्शा जने” दे शोब्ले जपाइक्मी बाक्त। १९:२३-२५ २० मिनु जशा, कचौरा शेशा “एको तूनीनु, आं

हुश चंदेशो मिम्तीनि। आं हुशमी परमपरभु यावे आ गेशो नक कवल खाप्ता। आं हुश जारशामी शुश मुर आन पाप क्याम्सीब। २१ नेनीने, आं कली ग्याइक्ब आन कली वारच पाइब का गोपुकी नु काथा बाक्शा बाक्ब। यहून्ना १३:२१-२२ २२ रागीम जरमेशो कली साइ मोदंशो दुम्चा माल्ब दंशो लोत्र नेल्ल थमा दुम्चा माल्ल हना यो, ग्याइक्ब आन कली वारच पाइब कली शुश मरिम्शा दुम्ब” देमाक्त। २३ मिनु शंसीबपुकीमी येसु आ लोत्र नेशा “मोदंशो पाइब सु बाक्म माइ ?” दे लोत्रसी पमुचा गोत्रम बाक्त।

### नेल्ल क्येडा ठेयब सु बाक्या माइ ?

२४ मिनु लोत्रसी पस डा पस बाक्मानु “गो इं दातेम नेल्ल क्येडा ठेयब सु बाक्या माइ ?” दे जिचा पोकमे बाक्त। मती २०:२५-२८ ; मर्कुस १०:४२-४५ ; लूका ९:४६ २५ मिनु येसुमी “अर्को रागी डा पिपपुकीमी इन कली हुकुम पाइनीम। मिनु मुरपुकीमी मेको आन कली मान पा ठेयब सेल्नीम। २६ गेपुकी चहिं मेको आन पशो सोदंशो पा ठेयब दुम्चा ममालीन। नेल्ल क्येडा ठेयबमी आइक्च सुंइसीशा, नेल्ल आन कली वारच पवल। २७ मान पा खमे योक्गमेनु, जाइब मुर आन कली मान पा ठेयब सेल्नीम। खरेप्व मुर चहिं आइक्च दुम्ब। गो इन कली खरेप्व मुर सोदंशो दुम्शा गय पाता। यहून्ना १३:४:१४ २८ आं कली थुं थाम्मेनु, वारच पाइब गे ननी। यहून्ना ६:६७-६८ २९ आं आफोमी आ राज्यमी हुकुम पाइब सेल्ती। मिनु गो इन कली काथा वोइश्शा, हुकुम पाइब सेल्नन्नी। ३० आं राज्यमी गो नु काथा बाक्शा, जचा तूचा ताइनीनी। मिनु इं इस्राएल डा १२ थर आन कली निसाफ पाइनीनी” दे माइक्मी बाक्त। मती १९:२८

### पतरुस कली लोत्र पशो

३१ मिनु परभुमी सिमोन पतरुस कली “ए सिमोन, ननो। सेतानमी गे इ कली चेरब सोदंशो पा कराप्चा गेयीनी, दे पुंइशो बाक्ब। २कोरिन्थी २:११ ३२ गो चहिं इ पर्वम परमपरभु यावे कली “पतरुस कली थमा सुइक्चा परांइपाइक्चा मगने” दे पुंइता। गे नाले थमा पा इ थुं परमपरभु यावे गे लेशा थमा सुइक्नेवे। मिनु थमा सुइक्ब आन कली थमा सुइक्चा मपरोनीन” दे आन थुं बारपतो” दे अर्ती गेवा बाक्त। यहून्ना १७:११,१५ ३३ मिनु पतरुसमी “परभु, इन कली जेल्खानम चोक्तकम हना, गो यो चोक्सीनुड। इन कली

साइक्लेकम हना, इन कली मपरोइथु, गो यो साइक्चा पुंडसीनुड” देमाक्त। ३४ मिनू येसुमी “पतरुस, दीसा सुनी भाले गरीचा क्येडा डांडती खेयप सां ‘गो मेको कली मतुइक्नुड, सु बाक्म ?’ दंनव” देमाक्त।

### “होस पांडसीने” देशो

३५ मिनू शंसीब नेल्ल आन कली “गोमी इन कली क्येट, झोला, जुता, मारइ मकुरथु, परमपरभु यावे आ राज्य डा लोत्र शंथ सोइक्तन्नीनु, जचा फेक्चा मतनी डा ?” देमेनु “मार माल्का, मेको नेल्ल थित्तक, ताइतक” देमा बाक्त। लूका १:३; लूका १०:४ ३६ मिनू येसुमी “मुल क्येट बाक्त हना, क्येट कुरीन। झोला बाक्त हना, झोला कुरीन। तरवार मबाक्त हना, फेक्शो वा लेयशा यो ग्याप्शा कुरचा माल्ब। ३७ आं पर्वम बरेक्पाइइशा लोत्र नेल्ल थमा दुम्चापु। मार बरेक्शो बाक्व देशा हना ‘मरिम्शो पाइब सुइइशा, दोस गेनीम’ दे बरेक्शो बाक्व। आं पर्वम बरेक्शो लोत्र नेल्ल थमा दुम्चा माल्ब” देमाक्त। यसेया ५३:१२ ३६ मिनू शंसीबपुकीमी “परभु, गोपुकी नु तरवार निकशी बाक्त” देमानु “भोशा बाक्त हना दुम्त, लो गाक्व” देमाक्त।

### येसुमी प्रार्थना पशो

३९ मिनू मेकर रे गाक्शा, डांडती डा सोदंशो पा जैतून डांडा जाक्दीम्मानु। आ शंसीबपुकीमी आ नोले खोदम बाक्त। ४० मिनू मेकर जाक्दीम्मानु, येसुमी आ शंसीब आन कली “थुं थाम्चा पुंडसीनीनु, पाप मपय, दे प्रार्थना पने” दे माइक्मी बाक्त। ४१ मिनू आन बाक्तीक आ ता एर लशा, पोक्च थक्शा ४२ “आं आफ, इन दाक्शो बाक्त हना, एको कचौरा आं कली मतूपाइक्थु लतीन। तन्न आं पुंडशो मदुम्त, इन दाक्शो दुम्त” दे पुना बाक्त। मत्ती ६:१० ४३ मिनू परमपरभु यावे आ स्वर्ग डा गेय पाइब का गरूशा, येसु कली बोल गेवा बाक्त। ४४ मिनू लेशा आ थुं साइइशा पुना बाक्त। आ थुं साइइशा पुनानु, आ पस्ना हुश सोदंशो दुम्शा खपीम दोक्माक्त। ४५ मिनू लेशा शंसीब आन बाक्तीकम जाक्मेनु, मेको आन कली यो आन थुं साइइशा इप्शा बाक्शो थिम्मी बाक्त। ४६ मिनू “मारदे इम्नी ? बोक्कीन, थुं थाम्चा पुंडसीनीनु, पाप मपय, दे प्रार्थना पने” दे पोक्मी बाक्त।

### येसु ग्याइक्चा पुंडसीशो

४७ मिनू शुश मुर फो फु गरूमा बाक्त। मेको आन कली येसु आ शंसीब यहूदामी लां कांडशा चाक्शो बाक्माक्त। मिनू जाक्शा, यहूदामी येसु कली पुक्पु पचा कली आ डांडती जाक्माक्त। ४८ तन्न येसुमी “यहूदा, गे रागीम जरमशो कली वारच दुम्सु पा पुक्पु पा ग्याइक्पाइक्नव ?” देमाक्त। ४९ मिनू शंसीबपुकीमी “ग्याइक्थ जाक्मा बाक्त” दे तुइइशा “परभु, एको आन कली तरवारम क्योरशा खेदा पचा ?” देमानु ५० कामी तरवार गिर शोइइशा, ठेयब चदेब आ गेय पाइब आ ग्युरा नोफा खरोदा बाक्त। ५१ येसुमी मेको खरोइइशा तशा “दुम्त मपने” दे नोफा सस सेला बाक्त।

५२ मिनू येसुमी मेकर जाक्शो ठेयब चदेब, परमपरभु यावे आ खिं डा ठेयब मुर नु जोक्व तुइक्व खाल्पा आन कली “तरवार कोक्के कुरशा, सुइ पाइब कली ग्याइक्थ जाक्शो सोदंशो पा आं कली ग्याइक्थ जाक्नी ? ५३ नाक्त कित कित परमपरभु यावे आ खिंमी गेपुकी नु काथा बाक्जानु, मग्याइक्तीनी। मुल चहिं छिडछिड डा सक्ति नु इन पालो जाक्त” दे माइक्मी बाक्त। यहून्ना ७:३०; यहून्ना ८:२०

### पतरुसमी “मतुइक्नुड” देशो

५४ मिनू येसु कली ग्याइइशा लाइइशा, नेल्ल क्येडा ठेयब चदेब आ खिंमी आइदम बाक्त। पतरुस यो डोन रे कोत्रना कोत्रन लमाक्त। ५५ मेको खिं डा लाडगाम मुर सुम्सीशा, मी थेरशा बाक्मा बाक्त। पतरुस जाक्दीइशा, मेकोपुकी नु मी थेरशा बाक्माक्त। ५६ मिनू मेकर गेय पाइब मीश मुर कामी पतरुस कली मी थेरशा तशा, मिक्च मयाक्थु कोत्रशा “एको मुर मेर नु काथा गाक्व का बाक्त, है” देमेनु ५७ “मार लोत्र पवी ? गो येसु कली मतुइक्नुड, सु बाक्म ?” देमाक्त। ५८ मिनू याम का नोले मेकर बाक्व कामी “मेर नु काथा गाक्व का गे नवे” देमेनु “हत्तै गो मनड” देमाक्त। ५९ मिनू घन्टा का नोले अर्कामी यो “मेर नु काथा गाक्व का एकोन बाक्व। मारदे हना एको यो गालील डा बाक्व” देमाक्त। ६० मिनू पतरुसमी “गो इ देशो मरुबु” देमाक्त। मो देमेनुन, भाले गरीमाक्त। ६१ मिनू परभुमी पतरुस गे हिरशा, मिक्च मयाक्थु कोत्रडा बाक्त। मिनू पतरुसमी “सुनी कना भाले गरीचा डांडती खेयप सां ‘मेको कली मतुइक्नुड, सु बाक्म’ दंनव” देशो

परभु आ लोत्र ति फरुक्का बाक्त। ६२ मिनु गरूशा शुश डाक्माक्त। भजन संगरह ५१:१९

येसु शुक्शी पाइक्का पुंडसीशो

६३ चढेब आ खिमी चहिं मार पामे बाक्त देशा हना, येसु कली आ मिक्चीम वाम फरंशा तुप्शा ६४ “इ कली सुमी तुप्म ? लो देन” दे तुप्स डा तुप्स पामे बाक्त। ६५ तुप्स डा तुप्स पा, तोक्शा लोत्र पा शुश श्यत गेम बाक्त।

येसु कली राप्पाइशो

६६ मिनु सुनी जोक्ब तुइक्ब खाल्पापुकीमी ठेयब चढेब नु सास्त्री आन कली खुप्शा कच्छडी बाक्मा बाक्त। मिनु येसु कली मंकर चाक्शा राप्पवमे बाक्त। ६७ मिनु “गे खरीस्त नवे हना, खरीस्त नड देनो” देमा बाक्त। यूहन्ना ३:१२ ६८ मिनु येसुमी “गो खरीस्त नड देती हना, गे थमा मसुइक्नीनी। इन कली लोत्र का हिल्लो पाता हना, आं लोत्र मलेत्नीनी। ६९ तन्न लोत्र का भुल रागीम जरमेशो परमपरभु यावे आ ग्युरा गे बाक्का ताइब” दे माइक्मी बाक्त। भजन संगरह १००:१ ७० मिनु मेकोपुकीमी “मो हना गे परमपरभु यावे आ तो नवे ?” देमानु “परमपरभु यावे आ तो नवे, दे गेन देतीनी” देमाक्त। ७१ मिनु मेकोपुकीमी “मार सांक्छी माल्दा डा ? आ देशो नंतय। आंम आ देशोमी दोस ताइब दुम्त” देमुमा बाक्त।

पिलातस आ डांडती राप्पाइशो

२३ १ मिनु मंकर रे येसु कली पिलातस आ डांडती चाक्दीत्म बाक्त। २ मिनु पिलातस आ डांडती राप्पाइशो “हजुर, एको मुरुमी मुर आन थुं क्याल्ब। सिजर कली ममानेचा। तिरो थाप्पा ममाल्ब। गो खरीस्त नड। मिनु गोन पिप नड” दे शंन शंन गाक्त” दे दोस गेम बाक्त। पररित २४:५ ; लूका २०:२५ ३ मिनु पिलातसमी येसु कली “यहूदी आन पिप नवे ?” दे हिल्लो पवानु “गे आंमा देतीनी” दे लोत्र लेत्ता बाक्त। ४ मिनु पिलातसमी ठेयब चढेब नु येसु कली चाक्ब आन कली “एको दोस तच्चा डा मुर मतड, रिम्शो मुर ताता” देमाक्त। ५ मिनु मेकोपुकीमी “एकोमी गालील रागी नु यहूदीया रागी नल्ल हिरशा, एक यो जाक्शा, मुर आन कली ‘पिप कली ममानेन। आं कली मानेन’ दे आन थुं क्याल्तीमी। मिनु गाउं सहरमी पिप आ पर्वम दूली लोत्र पचा गोम्तेक्म” दे दोस गेशा लोत्र थोक्शा देमा बाक्त। ६ मिनु पिलातसमी

येसु गालील डा बाक्माक्त, दे तुइक्ता बाक्त। ७ गालील डा हुकुम पाइब हेरोद बाक्माक्त। मेना हेरोद नाक्त का निक्शी कली यरूसलेम जाक्शा बाक्माक्त। मोपतीक मंकर सोइक्ता बाक्त। लूका ३:१

८ मिनु हेरोदमी येसु कली तशा, ग्येरसे बाक्त। मारद हना शुश नाक्त रे गरुम गरुम दाक्शा बाक्माक्त। मुर आन कली सापाइशो, चिन्ड कांइशो शुश लोत्र नंशा “मारइ छ्क लाक्का डा गय कांइबा को” दे मिम्शो बाक्माक्त। लूका ९:१ ९ मिनु हेरोदमी शुश लोत्र हिल्लो पवा बाक्त। तन्न येसुमी लोत्र का यो मलेत्ता बाक्त। १० ठेयब चढेब नु सास्त्रीपुकीमी शुश दोस गेम बाक्त। ११ मिनु हेरोद नु आ सिपाइपुकीमी येसु कली शुक्शी पा पिपी आ वा फेक्पा “लो, मुल पिप दुम्त” दे पिलातस आ बाक्तीकेमी लेशशा सोइक्तेम बाक्त। १२ डांडती हेरोद नु पिलातस जोरी सतरु खोदेशो दुम्शो बाक्सा बाक्त। मेको नाक्त रे वारच्यु दुम्सा बाक्त।

१३ मिनु पिलातसमी येसु कली पिप आ वा फेक्पा लेशशा चाक्शा तशा, ठेयब चढेब, ठेयब मुर नु शुश मुर आन कली खुप्शा १४ “एको मुरुमी ‘पिपममानेचा’ दे शंन शंन गाक्ब दे दोस गेतीनी। गो चहिं दोस गरुंइन मचबु। १५ हेरोदमी यो आ दोस थिन्ने मचाप्यु, लेशशा सोइक्ताक्ब। साइक्का पुंडसीब मारइ दोस मथिदु। १६ मोपतीक इक्का सजाइ गेशा, सोइक्का दुम्ती” देमाक्त। १७ पास्सा नाक्ती जेल्खानमी चोक्सीशो मुर का परांइचा माल्बाक्माक्त। १८ मिनु पिलातसमी येसु कली परांइशा सोइक्का देमेनु, मंकर बाक्बपुकीमी “परांइचा मदुम्ब। मुर का परांइचा देतीनी हना, बारब्बा कली परांइशा सोइक्तीन। एको कली चहिं साइक्कान माल्ब” दे गुइ मुठी पा पोक्शा, रयके पामे बाक्त। १९ बारब्बा चहिं डांडती मरिम्शो गय पा, सहरम हुल पोक्शा, मुर का कली साइशशा, जेल्खानमी चोक्सीशो बाक्माक्त। २० पिलातसमी सुम्सीशो मुर आन कली लंशा लोत्र पशा, येसु कली परांइचा बोल पवा बाक्त। २१ तन्न मेकोपुकीमी शुश रयके पा “शीम कप्शा कांटी थोक्शा क्याइशशा सतीने” दे वाइ बरेशशा, रयके पामे बाक्त। २२ मिनु पिलातसमी लंशा “मार मरिम्शो पवा ? मार दोस गेचा ? साइक्का डा दोस मारइ मतड। तुप्पाइशशा, परांइशा सोइक्नुड” देमाक्त। २३ मिनु मेकोपुकीमी “बरांइचा मगेचा, सरकार, बरांइचा मगेचा। शीम कप्शा कांटी

थोक्शा क्याइश्शा साइक्चा माल्ब” दे वाइ बरस्स डा बरस्स बाक्मा बाक्त। २४ मिनू पिलातसमी मेको आन कली सिक्सी पपाइक्ने मचाप्रीके “मो हना, लो, सतीन” दे आन पुंडशो पचा गर्मी बाक्त। २५ डांडती मरिम्शो गेय पा, मुर साइश्शा चोक्सीशो बारब्बा कली प्रोइपाइश्शा साइक्ता बाक्त। येसु कली आन पुंडशो खोदंशो पा शीम केषा कांटी थोक्शा क्याइश्शा साइक्चा कली गेवा बाक्त।

### येसु साइक्चा पुंडसीशो

२६ मिनू सिपाइपुकीमी येसु कली लदमे बाक्त। सहर रे गरुइदमेनु, आ रू रे पिशो साइरनी डा सिमोन कली ग्याइश्शा, येसु कली क्याइक्तीक शी कुरपा, येसु आ नोनोले खोइक्पाइश्शा लदमे बाक्त।

२७ शुश मुरुमी मेको आन नोले खोदमे बाक्त। मीश मुरपुकी डाक्शा रोंका पना पन गाक्मा बाक्त। २८ मोपा डाक्शा खोदमेनु, येसुमी आ नोले लेशशा कोवशा, डाक्ब मीश मुर आन कली “ए यरूसलेम डा तमीपुकी, आं कली तशा, मडाक्कीन। तन्न इन तमी तौ नु आंमा इन कली मिम्शा डाक्कीन। २९ मारदे हना काबु एको सहर डा मुर शुश श्यत जाइनीम। मोपा श्यत जाक्मेनु, आल मथीब नु दूध मतुंडब मीश मुर ग्यरसीनीम। मारदे हना शुश श्यत दुम्ब। लूका २१:२३ ३० मिनू मेकोमी रोंगु कली ‘बरश्शा चिष्शा, आंइ कली सुम्शा खरुइक्तीकी’ दे पुंडनीम। होस १०:८; प्रकाश ६:१६; प्रकाश ९:६ ३१क्येस शी लाइ यो चोवमेनु, सोवशो शी मार लोबा डा ?” दे माइक्मी बाक्त। भजन संगरह २२:१९; १पतरुस ४:१७

३२ येसु कली लदमेनु, सुइ निक्शी आस कली यो साइक्च लदमे बाक्त। ३३ मिनू खप्पर माइक्तीकेमी चाक्दीश्शा, मेको सांफा आन कली शी का का तारी इप्पा गुइ खोइलीम कांटी थोक्शा, शी पोक्शा, येसु आ ग्युरा गे का, आ परा गे का क्याइश्शा वोदमे बाक्त। ३४ मिनू क्यदमेनु, येसुमी “आं आफ, एको आन कली माफ गेन। मारदे हना एकोपुकीम मारइ मतुइश्शा बाक्नीम” दे पुना बाक्त। सिपाइपुकीमी फन्टे ग्यारशा, आ वा योक्समा बाक्त। यसैया ५३:१२; परेरित ७:१६; परेरित ३:१७; भजन संगरह २२:१९ ३५ मुर शुश मेकर कोवना कोवन बाक्शो बाक्मा बाक्त। ठेयब मुरपुकीमी “एकोमी शुश मुर आन कली श्यत रे परांइना परांइन

गाक्बाक्माक्त। परमपरभु यावे आ योवशो खरीस्त बाक्त हना, मुल आंमा परांइसकल” दे शुक्शी पामे बाक्त। ३६ सिपाइपुकीमी ग्युरशो थोक्च तुंडशा ३७ “गे यहूदी आन पिप नवे हना, मेकर बरांइशा लावो” दे शुक्शी पामे बाक्त। ३८ येसु कली क्याइश्शा शीमी “यहूदी आन पिप बाक्ब” दे बरक्शा वोदमे बाक्त। ३९ येसु नु काथा क्याइश्शा सुइ कामी यो शुक्शी पा “खरीस्त मनवे डा ? लो, मुल बरोनो। मिनू आंस कली यो परांइस्की” देमाक्त। ४० मो देमनु, अर्कोमी “गे यो परमपरभु यावे कली तशा महिनेवे ? गो सांफा कांडचीक सजाइ ताइतय। ४१ गो सजाइ जचा माल्शो नस। मारदे हना सुइ पाइतस। एको मुरुमी चहिं मारइ मरिम्शो मपावो” दे हुइक्ता बाक्त। ४२ मिनू मेकोमी “येसु, गे परमपरभु यावे आ राज्यमी हुकुम पचा गानीनु, आं कली यो मिस्तीन” देमनु, मत्ती २०:२१ ४३ येसुमी “नोफा दाइश्शा नेनो, मुलाक्ती गे गो नु काथा दुम्शा, परमपरभु यावे नु बाक्चा ताइनेवे” दे मदा बाक्त। २कोरिन्थी १२:४

४४ मिनू नाक्ती १२ बजेसे बाक्त। मिनू घन्टा सां सम्म रागी नेल्ल छिड्छिड् दुम्माक्त। ४५ मारदे हना नां आ छेड्छेड् जाम्माक्त। मिनू परमपरभु यावे आ सिं आगा डा कोठामी फारशो वा उइक्थ पा जेरर गाक्माक्त। परस्थान २६:३१-३३; २इतिहास ३:१४

४६ मिनू येसुमी “आं आफ, आं सोक्त इन गुइमी गतन्नी” दे वाइ बरश्शा, आ सोक्त पराना बाक्त। भजन संगरह ३१:६; परेरित ७:५८ ४७ मेकर बाक्ब कप्तानमी मो दुम्शो तशा “थमा पा, एको मुरुमी मरिम्शो गेय मपशो बाक्माक्त” देशा, परमपरभु यावे कली ठेयब सला बाक्त। ४८ मेकर कोवच जाक्बपुकीमी मो दुम्शो तशा “आहो, गो मरिम्शो गेय पया बाक्त” दे रुष्शा, आन कुचु तुष्शा, डाक्शा आन सिं सिं लेम्मा बाक्त। ४९ गालील रागी रे यरूसलेम सम्म येसु नु काथा गाक्शो मीश मुर नु आ वारचपुकीमी डोन रे कोवशा, मोदंशो दुम्शो नेल्ल तामे बाक्त। लूका ८:२-३

### येसु आ बेक्शो रां पुक्सीम वोइश्शा

५० यहूदीया रागी अरीमाथीया सहर डा योसेफ ने पाइश्शा ठेयब मुर का बाक्माक्त। मेको मुर यरूसलेम “येसु कली साइक्चा” दे लोवसी पामेनु, मबिश्शा बाक्माक्त। ५१ मेको रिम्शो थुं पाइश्शा बाक्माक्त। मेकोमी “परमपरभु यावे

आ राज्य पशो तांडसकल" दे थमा सुइइशा, आस पा बाकशो बाकमाक्त। लूका २:२५,३८ २२मिनु मेको लशा, पिलातस कली "येसु आ रां लाइक्चा गेयीनी" दे पुंडदा बाक्त। २३मिनु पिलातसमी "त्तो, लतो" देमनु, शी र शोल्शा, बुश वाम गिल्शा लाइइशा, पुक्खी कामी आइशा वोदा बाक्त। डांइती मेको पुक्खीमी सुइ मवोइइशा बाकमाक्त। २४ सुकरबार नाकनाकदो ६ बज क्येडा डांइती मेकर चाकदीइशा वोदा बाक्त। मारदे हना ६ बजे र नाइक्तीक नाक्त गोइबाकमाक्त। २५ गालील र येसु नु काथा गाकब मीश मुरपुकीमी योसफमी येसु आ रां लाइइशा तशा "ते वोइक्वा?" दे कोव्रशो बाकमा बाक्त। २६मिनु वोइक्तीक तुइइशा, सहर लेइशा लशा, रां मराकब ओख्ती ग्याप्शा चाकशा, साशा खिम वोदमे बाक्त। मिनु आ दीसा नाइक्तीक नाक्त दुस्तीक गेय मपथु, नाइइशा बाकमा बाक्त। परस्थान २०:१०

पुक्खी श्येत्य तशा, छक लाकशो

मत्ती २८:१-१०; मर्कूस १६:१-८; यूहन्ना २०:१-१०

२४ मिनु आ दीसा सुनी कना बोक्शा, मराकब ओख्ती लाइइशा, पुक्खीमी जाकदीम्मा बाक्त। २मिनु पुक्खी सुशो फुल्लु रोक्शो तशा, ३ओव्रशा कोव्रडमनु, येसु आ रां मबाकमाक्त। ४मिनु मबाकशो तशा "आंदेशो मार दुम्मे?" दे छक लाकमानु, झिल झिल पाइइशा वा फेक्शो मुर निक्खी फो फु गरुशो ताम बाक्त। ५मेको आस कली तशा, हिंशा कोव्रने मचाप्यु, सुक्की पा बाग्मा बाक्त। ६मिनु मेको निक्खीमी "मारदे संस मुर कली बेक्शो मुर वोइक्तीकमी माल्नीनी? एकर मबा, संसीचा पुंडसाक्व। गालील रागीम काथा बाकनीनु, इन कली मार शंदा, मेको ममिम्तीनी? ७'रागीम जरमेशो पापी आन गुइमी जिम्मा गेने पुंडसीशा, शीम क्याइइशा कांटी थोक्शा साइक्चा पुंडसीब। मिनु बेक्शो आ नित्य नाक्ती बेक्शो र संसीब' दे शशा परंदीनी डा?" देसा बाक्त। लूका ९:२२ ८मिनु येसु आ लोव्र ति फरुकमे बाक्त। ९मिनु मेकर र लशा, येसु आ शंसीब ११ जना नु आ वारच नेल्ल आन कली तुइक्पदमे बाक्त। १०मेको मो दुम्शो ताइब मीश मुर सु सु बाग्मा बाक्त देशा हना, माग्दाला डा मरीयम, योअन्ना नु याकूब आ ममा मरीयम बाग्मा बाक्त। मेको आन वारच का निक्खी यो बाग्मा बाक्त। लूका ८:२-३

११ येसु आ शंसीबपुकीमी मीश मुर आन लोव्र नंशा "एको मीश मुर आन लोव्र बाक्व" दे थमा मसुदमे बाक्त। १२पतरुस चहिं दोरशा, कोव्रथ जाकदीम्माक्त। जाकदीइशा बाप्शा कोव्रडानु, बुश वा डा लाकशा मारइ मतवा बाक्त। मिनु छक लाकशा आ खिं लेम्माक्त। यूहन्ना २०:६-१०

येसु कली एम्माउस डा लाम तशो

मर्कूस १६:१२-१३

१३मेको नाक्ती येसु आ वारच निक्खी यरूसलेम र गाकशा, एम्माउस माइइशा गाउं डा लां खोदस बाक्त। एम्माउस गाउं यरूसलेम र ६० स्तादीयोन डोन बाक्माक्त। स्तादीयोन का १८५ मिटर खोदंशो बाक्व। १४मिनु गाकना गाकन बाकसानु, ओदंशो मार दुम्मे, दे लोव्रसी पमुसा बाक्त। १५मिनु गाक्स डा गाक्स लोव्र पाम्सनु, येसु पिशा, गरुम्शा, काथा गाक्मा बाक्त। १६काथा गाकशा यो, येसु, दे मतुइक्तस बाक्त। मारदे हना येसुमी आस कली मतुइक्पांडस बाक्त। १७मिनु येसुमी "नाप्खे मार लोव्र पसी?" दे हिल्लो पवा बाक्त। १८मिनु खरा दिक्शा आस थुं खाइक्सा बाक्त। मिनु कलेओपास माइइशामी "यरूसलेममी मार दुम्मे, दे गमी ला मतुइक्तीनी?" देमनु, १९येसुमी "मार दुम" देमाक्त। मिनु मेको निक्खीमी "मार दुम्मे देशा हना, नासरथ डा येसुमी परमपरभु याव आ लोव्र पवानु, शुश चिन्ड कांइताक्व। परमपरभु याव नु मुर नेल्ल आन डांइती मोदंशो पाप्नु। मत्ती २१:११ २०तन्न इं टेयब चदेब नु टेयब मुरपुकीमी दोस गेशा 'साइक्चा पुंडसीब' दे शीम क्यप्शा कांटी थोक्शा क्याइइशा साइक्पाइक्तेक्म। २१मेको 'परमपरभु याव आ सोइइशा इं इसराएली कली प्रांडब बाक्व' दे थमा सुइइशा, आस पा बाक्तस्कु। आ बेक्शो नाक्त सां दुम्त। पररित १:१६ २२मुल सुनी गोपुकी नु बाकशो मीश मुरपुकीमी आंस वारच नु गो नेल्ल आंइ थुं क्याल्तीकी। २३मारदे हना सुनी कना येसु आ रां वोइक्तीक पुक्खीम लमानु, येसु आ रां मथिक्क। तन्न परमपरभु याव आ स्वर्ग डा गेय पाइब निक्खी गरुशा 'येसु ब्रांडत, देताक्स' दे लेइशा पिशा लोव्र पाप्तेक्म। २४मिनु आंस वारच का निक्खी यो लशा, कोव्रशा लेइशा जाकशा 'मीश मुर आन लोव्र थमा बाक्त' देतेक्म। तन्न मुल सम्म सुइमी

येसु कली मताम” देसा बाक्त। २५ मिनु येसुमी  
 “गे मरुण्व नसी। साइ नेसी परमपरभु यावे आ  
 लोत्र पाइब आन देशो लोत्र रुणा थमा सुइक्ने  
 मचाप्नीसी? लूका १:२२ २६ खरीस्त श्यत  
 जशा, सक्ति पाइशशा दुम्शा, राज्य पचा  
 ताइब देशो लोत्र मुल यो मरुणीसी?” देसाक्त।  
 २७ साइ नेसी मोसा नु परमपरभु यावे आ लोत्र  
 पाइबपुकीमी खरीस्त आ पर्वम मार मार बरकशो  
 बाक्मा, मेको नेल्ल शेंदीम्सी बाक्त। व्यवस्था  
 १६:१५; भजन संग्रह २२:१; यसेया ५२:१३-५३  
 २६ मिनु आस गाउं जाक्दीशशा, येसुमी “लो,  
 बाक्कीस, गो लाइनुड” देसाक्त। उत्पत्ती  
 १९:१५,२४,२५ २९ मेको निकशीमी “मुल नां  
 रिक्शा ते लाइनीनी? मुलाक्दो काथा बाक्य”  
 देसा बाक्त। मिनु येसुमी “मो हना दुम्ब, नां यो  
 रिक्त” देसाक्त। न्यायाधीस १९:९

३० मिनु स्वमे क्येशा, शोब्ले चोने थुम्शा  
 जचामेनु, येसुमी शोब्ले शशा, परमपरभु  
 यावे कली “गे रिम्शा पाइब बाक्नीनी” देशा,  
 जिक्शा योक्शा बाक्त। लूका १:१६; लूका  
 २२:१९ ३१ मिनु मो पा तुइक्पांडसेनु “येसु कका  
 बाक्माक्त” दे तुइक्तसे बाक्त। तुइक्तसे चोटी  
 येसु यो जाम्माक्त। ३२ मिनु मेको निकशीमी  
 “मेकोमी लाम गो निकशी नु लोत्र पवानु,  
 परमपरभु यावे आ लोत्र शंदानु, इस थुं रोमी  
 नाम तशा खोदेशो मदुम्सा डा?” देमुसा बाक्त।  
 उत्पत्ती १९:२६ ३३ मिनु मेको रीब पा लेशशा,  
 यरूसलेम लसा बाक्त। यरूसलेमम जाक्दीशशा,  
 येसु आ शेंसीब ११ जना नु मेको नु काथा  
 बाक्बपुकी खुम्सीशा बाक्शा गूरुम्स बाक्त।  
 लूका १:२४ ३४ मेकोपुकीमी यो “परभु, थमा पा  
 बरकशो र संसाक्व। मिनु सिमोन पतरुस कली  
 तपांडसाक्व” देसा बाक्त। १कोरिन्थी १५:४-५  
 ३५ मिनु मेको निकशीमी लां गाक्सानु, मार मार  
 दुम्मे, आस सिं जाक्दीशशा मार दुम्मे, मेको  
 नेल्ल तुइक्पदसे बाक्त। मिनु “शोब्ले योक्शा  
 जचशोनु कका येसु बाक्माक्त, दे तुइक्तस्कु”  
 देसा बाक्त।

### येसुमी तपांडसीशा

३६ मिनु मोपा लोत्रसी पामेनु, येसुमी आंम  
 कली तपांडसे बाक्त। मर्कूस १६:१४-१९; यूहन्ना  
 २०:१९-२३; परेरित १:१-१४; १कोरिन्थी १५:५  
 ३७ मिनु “वोल कोर मे” दे थाम्पा हिंमा बाक्त।  
 मत्ती १४:२६ ३६ मिनु येसुमी “मारदे आं कली  
 तशा ‘वोल कोर मे?’ दे हिंनी? वोल मनडा।

वोल के श्ये रुश मबाक्व। ३९ आं कली थिशा  
 कोत्रयीनी। ४० आं गुइ सोइलीमी कांटी थोक्शो  
 गार कोत्रडीने” देमेनु, कोत्रडमे बाक्त। यूहन्ना  
 २०:२० ४१ मिनु छुक लाक्शा “येसु बाक्म कां,  
 मबाक्म” दे दल्गीर पामे बाक्त। हिंमा यो  
 बाक्त। ग्येरसमा यो बाक्त। मिनु येसुमी मेको  
 आन कली दल्गीर पशा तशा “एक मारइ जचा  
 थोत्रकी बाक्म कां” दे पुना बाक्त। ४२ मिनु  
 वाल्शा डांड का गेमे बाक्त। यूहन्ना २१:५,१०;  
 परेरित १०:४१ ४३ मिनु मेको डांड ताक्शा, नेल्ल  
 आन तचा डा पा व्यव बाक्त।

### “साइ बरकशो लोत्र थमा दुम्ब” दे शंशा

४४ मिनु येसुमी आ शेंसीब आन कली “गो  
 गे नु बाक्की ना आ देशो मोसा आ अरेशो  
 लोत्र, परमपरभु यावे आ लोत्र पाइब आन  
 बरकशो नु भजन संग्रह आं पर्वम बरकशो लोत्र  
 नेल्ल गाप्वा माल्व, दे इन कली लोत्र पाता”  
 देसाक्त। लूका १६:३१-३३; लूका २४:२६-२७;  
 लूका १६:३१ ४५ मिनु नोले येसुमी परमपरभु  
 यावे आ बरकपाइशशा लोत्र रुणा कली रुप्तीक  
 थुं गेमी बाक्त। लूका १:४५; यूहन्ना १२:१६  
 ४६ मिनु मार बरकपाइक्मी बाक्त देशा हना  
 “खरीस्त श्यत जशा, साइक्वा पुंडसीशा आ  
 नित्थ नाक्ती बरकशो र संसीचा माल्व। हासे  
 ६:२ ४७ मिनु यरूसलेम र पा रागी नेल्ल डा  
 मुर आन कली ‘गे इन थुं परमपरभु यावे गे  
 लेत्वा माल्वीनी। मिनु येसु खरीस्त आ नंमी  
 पाप क्याम्चा तांडसीब’ दे नेपाइक्वा माल्व”  
 देसाक्त। परेरित २:३६ परेरित १७:३० ४६ मिनु  
 मेकोमी “गे मेको नेल्ल तशा, साकच्छी दुम्तीनी।  
 ४९ नेनीने, गो आं आफोम ‘सक्ति गनुड’ देशो  
 सक्ति इन कली सोइक्नुड। तन्न इर डा सक्ति  
 मतनी सम्म यरूसलेममी रिम्शा बाक्कीन”  
 दे माइक्मी बाक्त। यूहन्ना १५:२६; यूहन्ना  
 १६:७; परेरित २:१-४

### येसु परमपरभु आ बाक्तीक लशा

५० मिनु नोले मेको आन कली यरूसलेम  
 र लाइशशा, बथानी गाउं जाक्दीशशा, आ  
 गुइ पोक्शा मेको आन कली आसीक गेमी  
 बाक्त। ५१ आसीक गेना गेन बाक्मेनु, सरीड गे  
 लाइक्वा पुंडसे बाक्त। ५२ मिनु शेंसीबपुकीमी  
 आन पोक्च थेक्शा, येसु कली ठेयब सल्शा,  
 थाम्पा ग्येरसीशा यरूसलेम लेम्मा बाक्त।

५३ मिननु परमपरभु यावे आ खिंम बावना बावन  
परमपरभु यावे कली मान पा ठेयब सेल्मे बावत ।

## ग्रहन्ना

बरेकब मुरः एको किताब येसु आ शेंसीब ग्रहन्नामी बरेकशा बाकब। मेको जब्दी आ ती याकूब आ लोकब बाकब। ग्रहन्नामी एको किताब आं नें मबरकशा बाक्त हना यो “येसु आ दाकशा शेंसीब” दे आंम आ पर्वम बरेकशा बाकब, दे नेल्लेम तुइइशा बाकनीम। ग्रहन्नामी “येसुमी दाकशा शेंसीब” दे आंम कली खरुइइशा नें वाइइशा बाकब। ग्रहन्ना १३:२३; ग्रहन्ना १९:२६; ग्रहन्ना २०:२; ग्रहन्ना २१:७,२०,२४

गना बरेकशाः ग्रहन्ना खाल्पा दुम्शा एफिसस सहरम बाकशा बाक्त। मेना ८५-९८ ए. डी. मेर एको किताब बरेकशा बाकब।

मार बरेकशाः

१. येसु मुर दुम्शा ग्रहन्ना १ :-
२. येसु रागीम बाकशा ग्रहन्ना २ :- १२ :-
३. येसु नु आ शेंसीब ग्रहन्ना १३ :- १७ :-
४. येसु श्यत जशा ग्रहन्ना १८ :- १९ :-
५. येसु बेकशा संसीशा ग्रहन्ना २० :- २१ :- २२ :- २३ :-

येसु खरीस्त रागीम जाकशा

१ नेल्ले क्यंडा डोंडती लोत्र माइइशा का बाक्त। मेको लोत्र माइइशा परमपरभु यावे नु बाकशा, मेको नु उइक्थी बाक्त। ग्रहन्ना १७:५; उत्पत्ती १:३; १ग्रहन्ना १:१२; परकाश १९:३३ २मिनु मेको रागी सल्ला क्यंडा डोंडती रे परमपरभु यावे नु काथा बाकशा बाक्त। ३परमपरभु यावेमी मेको कली नेल्ले सल्लाइइशा बाक्त। मार मार सल्ला बाकमे, मेको नेल्ले आ सल्ला बाक्त। १कोरिन्थी ८:६; कलस्सी १:१६; हिवरू १:२ ४मेको नु बरोडतीक सोक्त बाकशा बाक्त। मिनु मेको बरोडतीक सोकती मुर आन कली छेडछेड बाक्त। ग्रहन्ना ८:१२ ५मेको छेडछेड छिडछिडमी ब्राइब। मिनु छिडछिडमी छेडछेड कली काप्ने मन्नाप्व। ग्रहन्ना ३:१९

६मिनु परमपरभु यावे आ सोइइशा मुर का बाक्त। मेको आ नें ग्रहन्ना बाक्त। मत्ती ३:३; मर्कूस १:४ ७ग्रहन्नामी छेडछेड माइइशा सु बाकमे, दे शंथ जाक्त। ग्रहन्नामी “मुर नेल्लेमी लोत्र माइइशा कली थमा सुइक्ब दुम्मल” दे शंताक्व। पररित १९:४ ८ग्रहन्ना छेडछेड माइइशा ममाइ, छेडछेड आ पर्वम शंब ला

बाक्त। ९मिनु छेडछेड माइइशामी रागीमी बाकशा मुर नेल्ले आन कली रूप थुं गेचा कली रागीमी जाक्त। १०मिनु रागीमी जाकमेनु, आ सल्ला मुरपुकीमी मेको कली “आंइ कली सल्ले बाकब” दे मतुइक्तम। ११आंम रागी जाकमेनु, आंम सल्ला मुरपुकीमी मेको कली मबराम। भजन संगरह २४:१ १२सु सुमी चहिं बराम नु थमा सुदमे, मेको आन कली परमपरभु यावे आ तमी ती दुम्चा गेप्तु। गलाती ३:२६ १३ठेयब जातमी जरमतीक, मुर आन दाकशामी जरमतीक नु मुर आन थुंमी मिम्शामी ममाइ तन्न परमपरभु यावे आ पतीक ला आ तमी ती दुम्ने चाप्नीम। ग्रहन्ना ३:५-६

१४मिनु लोत्र माइइशा मुर दुम्शा, गोपुकी नु बाकशा बाक्त। मेको शिशी पाइब नु परमपरभु यावे आ लां कांइब बाक्त। गोपुकीमी “परमपरभु यावे आ कांइचीक ती बाकब” दे तुइइशा, मेको कली परमपरभु यावे आ छेडछेड, आ शिशी नु आ थमा पतीकमी बरीशा ताइतक। श्तिमोथी ३:१६; परस्थान ३३:१८; यसेया ६०:१; २पतरूस १:१६-१७ १५ग्रहन्नामी मेको आ पर्वम “मेको आं नोले जाक्त हना यो, आं क्यंडा ठेयब बाकब। मिनु आं क्यंडा डोंडती यो बाकशा बाक्त” देत। १६आ शिशी पतीक गो शुश शिशी तना तन बाक्तक। ग्रहन्ना ३:३४; कलस्सी १:१९ १७मोसामी परमपरभु यावे आ अंरशा लोत्र गेप्तु। तन्न शिशी पाइब नु परमपरभु यावे आ थमा लां कांइब येसु खरीस्त रे बाकब। रोमी १०:४ १८मुरपुकीमी परमपरभु यावे कली गनाया मताम। तन्न परमपरभु यावे नु बाकब आ कांइचीक तीमी मुर आन कली परमपरभु यावे कली तुइक्पाइक्तु। ग्रहन्ना ६:४६; मत्ती ११:२७

ग्रहन्नामी येसु खरीस्त आ पर्वम शेंशा

मत्ती ३:१-१२; मर्कूस १:१-८; लूका ३:१-१८

१९मिनु यरूसलेम सहर डा यहुदीपुकीमी चढेब नु लेवी आ थर डा मुर आन कली ग्रहन्ना नु गरुथ सोइक्ताक्म। मिनु मेकोपुकीमी ग्रहन्ना कली “गे सु ननी?” दे हिल्लो पाम्तक्म। २०ग्रहन्नामी जाल मपथु, ठीक लोत्र पशा “गो परमपरभु यावे आ सोइइशा खरीस्त मनड” देत। २१मेकोपुकीमी “मिनु, गे एलीया ननी?” दे हिल्लो पाम्तक्म। मिनु ग्रहन्नामी “गो मेको यो मनड” देत। मिनु मेकोपुकीमी लेंशा “गे परमपरभु यावे आ लोत्र पाइब ननी?” दे हिल्लो

पांतेकम। मिनू मेकोमी “गो मेको यो मनड” दंत। मलाकी ३ :२३ ; मत्ती १७ :१०-१३ ; व्यवस्था १८ :१५ २२ मिनू नोले मेकोपुकीमी “मिनू, गे सु ननी ? आंइ कली सोइक्व आन कली मार माइक्वा, गे इन पर्वम मार देंनीनी ?” द हिल्लो पांतेकम। २३ मिनू यूहन्नामी “परमपरभु याव आ लोत्र पाइब यसेया आ देशा खोंदेशा पा गा गोरशो रागीमी बाकशा, परभु आ लों रिम्शो गरोकशा थेलीन” द लोत्र पाइब नड” दंत। यसेया ४० :३

२४ मिनू हिल्लो पाइब का निक्शी फरिसी आन सोइश्शो बाक्तेकम। फरिसी रिती थिती सत्त्वा, रिम्शो पचा कली कोव्रब यो बाकशा बाक्तेकम। २५ मिनू यूहन्ना कली “गे खरीस्त मननी हना, एलीया मननी हना, परमपरभु याव आ लोत्र पाइब यो मननी हना, मारदे मुर आन कली ब्वाक्कुमी खरुम्शा गरुंडतीक गेय पाइनीनी ?” द हिल्लो पांतेकम। २६ मिनू यूहन्नामी “इन दातेमी मुर का बाकशो बाक्व, मेको कली गे मतुइक्वीनी। लूका १७ :२१ २७ आं नोले जाकशो बाक्व हना यो, गो मेको आ जुत्ता परुइक्वा यो मशिरनुड” दंत। २८ मेना यूहन्नामी यर्दन सोला आइक्वी हांबु बथानी गाउंमी मुर आन कली ब्वाक्कुमी खरुम्शा गरुंडतीक गेय पना पन बाक्व।

ब्वाक्कुम खरुम्ब यूहन्ना आ पर्वम लोत्र

मत्ती ३ :३३-१७ ; मर्कूस १ :९-११ ; लूका ३ :२१-२२

२९ आ दीसा यूहन्नामी येसु कली आ बाक्तीक गे पिना पिन पशो तशा “परमपरभु याव आ पाठा मेकोन बाक्व। मेकोमी रागी नल्ल डा मुर आन मरिम्शो पशो क्याम्ब। यसेया ५३ :७ ३० गो मेको आ पर्वम मार लोत्र पाता देशा हना, मेको मुर आं क्यडा नोले जाक्व हना यो, आं क्यडा ठयब बाक्व। मिनू आं क्यडा डांइती यो बाकशो बाक्व। ३१ डांइती गो यो मेको कली मतुइक्व बाक्ती। तन्न गो मुल इसराएल डा मुर आन कली मेको आ पर्वम तुइक्पाइक्वा कली ब्वाक्कुमी खरुम्शा गरुंडतीक गेय पथ जाक्ती” द यूहन्नामी मुर आन कली दंत। ३२ यूहन्नामी “गो परमपरभु याव आ सोक्त कली परवा बुदी सरीड र बरशा, येसु आ तारी जुक्शो ताता। ३३ डांइती गो यो मेको कली मतुइक्व बाक्ती। मिनू आं कली ब्वाक्कुमी खरुम्शा गरुंडतीक गेय पथ सोइक्वमी तिका मुर तारी गेमी आं सोक्त जुक्शो ताइनेवे, मेको आं सोक्तीम खरुम्ब बाक्व” द परमपरभु यावमी माइक्ती। ३४ मिनू गो मेको नल्ल ताता। परमपरभु याव आ तौ मेकोन

बाक्व, दे तुइश्शा, इन कली तुइक्पाइक्वन्नी” द यूहन्नामी दंत।

येसु खरीस्त आ शंसीबपुकी

३५ मिनू आ नित्थ नाक्व यूहन्ना आ शंसीब निक्शी नु बाक्माक्व। ३६ मिनू यूहन्नामी येसु कली हिरशा गाकशो तशा “कोव्रडीस, मेरेन परमपरभु याव आ पाठा बाक्व” दंत। ३७ मिनू मेको शंसीब निक्शीमी यूहन्ना आ लोत्र नंशा, येसु आ नोले खोइक्ताक्स। ३८ मिनू येसुमी लेशशा कोव्रडानु, मेको आस कली सोइश्शो तशा “गे मार माल्सी ?” द हिल्लो पांत्तु। मिनू मेको निक्शीमी “शंब, गे ते बाक्नीनी ?” द हिल्लो पांत्ताक्स। ३९ मिनू येसुमी “गो नु पिशा, कोव्रडीस” दंत। मिनू मेको निक्शी आ बाक्तीक कोव्रथ लांम्ताक्स। मिनू मेको नाक्व येसु नु बाक्ताक्स। मारदे हना मेना ४ बजे खोंदेशो दुम्शो बाक्व। ४० यूहन्ना आ लोत्र नंशा, येसु आ नोले खोइक्व का अन्दरीयास बाक्व। अन्दरीयास सिमान पतरुस आ लोक्व बाक्व। मत्ती ४ :१८-२० ४१ मिनू मेकर र लशा, अन्दरीयासमी सिमान कली गरुम्शा “गो निक्शीमी मस्सीह कली गरुम्तस्कु” दंत। मस्सीह चहिं खरीस्त, दे रुम्सीब। मस्सीह आ देशो “परमपरभु यावमी मेको कली तेल लुक्शो बाक्व” बाक्व। ४२ मिनू अन्दरीयासमी सिमान पतरुस कली येसु नु गरुम्पाइक्वतु। येसुमी मेको कली तशा “गे योआन्नस आ तौ सिमान नवे। इ नें कफास देवा माल्ब” दंत। कफास देशो फुल्लतु बाक्व। ग्रीक लोत्रमी पतरुस बाक्व।

४३ मिनू आ सांबु नाक्ती येसुमी “गालील रागी लाइनुड” दंत। मिनू मेकर लशा फिलीप कली गरुम्तु। मिनू फिलीप कली “आं नोले खोइय्यी” दंत। ४४ मेको फिलीप अन्दरीयास नु पतरुस खोंदेशो पा बेथसेदा सहर डा बाक्माक्व। ४५ मिनू फिलीपमी नथानेल माइश्शो मुर कली गरुम्शा, मेको कली “मोसामी नु परमपरभु याव आ लोत्र पाइबपुकीमी यो परमपरभु याव आ सोइश्शो का आ पर्वम बरकशो बाक्तेकम। मिनू गोपुकीमी मेको कली गरुम्तक। मेको नासरथ सहर डा योसफ आ तौ येसु बाक्माक्व” द नथानेल कली दंत। यसेया ५३ :२ ; व्यवस्था १८ :१८ ; येरमीया २३ :५ ; इजीकीएल ३४ :२३ ४६ मिनू नथानेलमी चहिं “नासरथ सहर र सु रिम्शो मुर जाक्ने चाप्रा डा ?” द फिलीप कली दंत। मिनू फिलीपमी “लो, कोव्रडो” दंत। यूहन्ना ७ :४१ ४७ मिनू

यसुमी नथानेल कली आ बाक्तीक जाक्शो तशा, नथानेल आ पर्वम “काइ जोल मपाइब नु रिम्शो गेय पाइब इसराएली का बाक्ब” दंत। १८ मिनु नथानेलमी यसु कली “गे आं कली दोपा तुइक्तीमी?” द हिल्ला पाप्तु। यसुमी “फिलीपमी इ कली गुरूचा डॉइती गो इ कली फोत्रशी रवा आ पुंमी निश्शा ताता” दंत। १९ मिनु नथानेलमी “शेब, गे परमपरभु यावे आ तो ननी। गे इसराएल डा मुर आन पिप ननी” दंत। यूहन्ना ६:६९; भजन संगरह २:७; येरमीया २३:५; मत्ती १४:३३; मत्ती १६:३६ ५० मिनु यसुमी लेशा “गो फोत्रशी रवा आ पुंमी इ कली ताता देशो आ पर्वम गे थमा सुइक्तीवी। गे मेको क्येडा ठेयब गेय पशा ताइनेव” द माइक्तु। २१ मिनु लोत्र बोइश्शा “नोफा दाइश्शा नेनीन, गेपुकीमी सरीङ्ग रोक्शो ताइनीनी। मिनु परमपरभु यावे आ स्वर्ग डा गेय पाइबपुकी रागीमी जरमेशो आ तार जुक्शो नु स्वर्ग गे लेशा लशा ताइनीनी” द माइक्तीमी। उत्पत्ती २८:१२; मत्ती ४:११

डॉइती डा छक लाक्चा डा गेय

१ आ सांबु नाक्ती गालील रागी डा काना २ सहरमी ग्युंबे का बाक्शो बाक्त। मिनु यसु आ ममा यो मेकर लशो बाक्त। २ यसु नु आ शंसीब आन कली यो बरेशशो बाक्तेकम। ३ मिनु अङ्गुर शांबु नुम्मनु, यसु आ ममामी यसु कली “अङ्गुर शांबु नुप्त” दंत। ४ मिनु यसुमी आ ममा कली “गो मार पचा माल्लुडा, आं कली मंदनीन। मुल सम्म आं पची मजा” द माइक्तु। ५ मिनु आ ममामी गेय पाइब आन कली “एकोमी मार देम, मोदेशो पने” द माइक्तीमी। ६ मिनु मेकर फुल्लु के मुशो ६ ओटा गर वोइश्शा बाक्तेकम। यहूदी आन रिती थितीमी मुर आन कली चिकचा, दे वोइश्शा बाक्तेकम। मेको गर कामी २, ३ ठेयब पुक्तीक सोदेशो ब्याक्कु रिक्ब। मंतरतस माइश्शा ठेयब पुक्तीक का ३९ लिटर सोदेशो बाक्ब। मर्कूस ७:३-४ ७ मिनु यसुमी गेय पाइब आन कली “गर नेल्ल ब्याक्कुमी पिरंदीन” दंत। मिनु मेकोपुकीमी गर नेल्ल ब्याक्कुमी पिरंताकम। ८ मिनु “जचा योक्ब आन ठेयब मुर कली एको थाम्चा गेने” द माइक्तीमी। मिनु मेकोपुकीमी आ देशो सोदेशो पांतेकम। ९ मेको ठेयब मुरुमी मेको अङ्गुर शांबु दुम्शो ब्याक्कु थाम्शा कोत्रडानु, जिजी कका पा बरोत्रशो बाक्माक्त। मेकोमी मेको अङ्गुर शांबु ते र चाक्शो मतुइक्त। गेय पाइबपुकीमी ला तुइश्शा बाक्तेकम। मिनु मेको ठेयब मुरुमी

ग्युम्ने कली बरेशशा १० “मुर नेल्लेमी डॉइती बरोत्रशो अङ्गुर शांबु योक्नीम। तशा रोइदमे नोले मबरोत्रशो योक्नीम। गे चहिं मुल सम्म बरोत्रशो अङ्गुर शांबु खक्शा वोइश्शा बाक्ते” द माइक्तु। ११ मेको यसु आ डॉइती डा छक लाक्चा डा गेय बाक्त। मेको डॉइती पशा छक लाक्चा डा गेय गालील रागी डा काना माइश्शा सहरमी पशा बाक्त। मोपा मुर आन कली आ सन्त काइशो बाक्त। मेको तशा आ शंसीबपुकीमी यसु कली परमपरभु यावे आ तो बाक्त, दे थमा सुदम बाक्त। यूहन्ना १:१४

१२ मिनु नोले यसु, आ ममा, आ लोक्बपुकी नु आ शंसीबपुकी नु कापरनाउम सहरमी यिशा, मेकर इक्का नाक्त सम्म बाक्मा बाक्त। यूहन्ना ७:३; मत्ती १३:५५

येसु परमपरभु आ सिं लशो

मत्ती २१:१२-१७; मर्कूस  
११:१५-१९; लूका १९:४५-४८

१३ मिनु यहूदी आन पास्सा चाड जाक्चशो बाक्त। मोपतीक येसु यरूसलेम सहर लत। यूहन्ना ५:१; यूहन्ना ७:१०; मत्ती २०:१८; मर्कूस ११:१; लूका १९:२८ १४ परमपरभु यावे आ सिं जाक्दीम्मनु, मेकर ब्यफ लेयबपुकी, भडा लेयबपुकी, परवा लेयबपुकी नु क्येट फाइक्ब नेल्लेमी आन गेय पना पन बाक्शो ताप्तु। १५ मिनु यसुमी पले डोरी के युक्तीक सल्ला, भडा, ब्यफ लेयबपुकी नु क्येट फाइक्ब आन कली परमपरभु यावे आ सिं र खरतीमी। क्येट फाइक्ब आन क्येट वोइक्तीक सोल्ला, क्येट नेल्ल फरास्तीमी। १६ मिनु यसुमी परवा लेयब आन कली “एको नेल्ल लतीन। आं आफ आ सिं कली ग्याप्तीक लेयतीक सिं मसेलीन” द माइक्तीमी। १७ मिनु परमपरभु यावे आ लोत्रमी “इन सिं कली थमा पा दाक्नुड। मेको दाक्तीक मी सोदेशो पा आं थुम चोइब” दे बरेशशो बाक्ब, दे आ शंसीबपुकीमी फरुक्तेकम। भजन संगरह ६९:९ १५ मिनु यहूदीपुकीमी यसु कली “इ के मो पचा डा अधिकार बाक्ब, दे आंइ कली मार चिन्ड कांइने चानेव?” देमानु, मत्ती २१:२३ १९ यसुमी “परमपरभु यावे आ सिं परतीन। गो नाक्त सांमी लेशा सेल्ले थुम्नुड” दे माइक्तीमी। मत्ती २६:६१; मत्ती २७:४० २० मिनु यहूदीपुकीमी “परमपरभु यावे आ सिं सेल्ला कली ४६ बर्स माल्शो बाक्त। दोपा नाक्त सांमी सेल्ले चानेव डा?” दतेकम। २१ यसुमी आ रां आ पर्वम लोत्र

पाप्तु। आ रां परमपरभु यावे आ खिं बाक्व। १कोरिन्थी ६:१९ २२मिनु नोले परमपरभु यावेमी यसु कली बेक्शो रं संदानु, आ शंसीबपुकीमी डांइती आ रां आ पर्वम पशो लोत्र फरुक्तेकम। मिनु परमपरभु यावेमी बरंक्पाइशो लोत्र नु यसु आ देशो लोत्र थमा सुइक्तेकम। होस ६:२

२३मिनु यसु पास्सा चाडम यरूसलेममी बाक्शा, छक लाक्वा डा गेय पवानु, मेको तशा, शुश मुरपुकीमी “परमपरभु यावे आ ती बाक्त” दे थमा सुइक्तेकम। २४यसुमी चहिं मेको आन कली थमा मसुद। २५मारदे हना मुर नेल्ल आन कली तुइशशा, आन पर्वम लोत्र नंचा ममाल्द। आन थुंमी मार बाक्म, मेको नेल्ल तुइशशा बाक्त। मर्कूस २:८

परमपरभु आ राज्य आ पर्वम शंशो

३ १मिनु फरिसी आन हुल डा यहूदी आन ठेयब मुर का बाक्त। मेको आ नं निकोदमस बाक्त। यूहन्ना ७:२०; यूहन्ना १९:३९ २मिनु नाक्दो मेको मुर यसु आ बाक्तीक जाक्शा, यसु कली “शंब, ग परमपरभु यावे आ सोइशशा शंब ननी, दे तुइक्नीकी। मारदे हना परमपरभु यावे आ सोइशशामी ला गे इन सोदंशो पा छक लाक्वा डा गेय पने चाप्ब” दंत। ३मिनु यसुमी “नोफा दाइशशा थमा लोत्र नेनीन, मुर लंशा, इर रं नक पा मजरमेसाक्व हना, परमपरभु यावे आ राज्य तने मचाप्ब” दंत। १पतरूस १:२३ ४मिनु निकोदमसमी “कोल्शो मुर दोपा लंशा जरमेन चाप्बा डा? मेको लंशा, आ ममा आ कोत्रज ओव्रशा, जरमेन चाप्बा डा?” दे हिल्लो पाप्तु। ५मिनु यसुमी “नोफा दाइशशा थमा लोत्र नेनीन, व्याक्कु रे नु परमपरभु यावे आ सोक्तरं जरमेशो मुरपुकी ला परमपरभु यावे आ राज्य ओव्रने चाप्नीम। इजीकीएल ३६:२५-२७; मत्ती ३:११; तीतस ३:५ ६मुर आ रां रं जरमेशो मुरपुकी रागी कली ला गारनीम। परमपरभु यावे आ सोक्तरं जरमेशो मुरपुकी चहिं परमपरभु यावे आ राज्य कली गारनीम। यूहन्ना १:१३; रोमी ८:५-९ ७मुर लंशा जरमेचा माल्ब, दे आं लोत्र नंशा छक मलाक्कीन। ८फश ते रं जाक्व, ते लाइवा मतुइसीब। आ रेयके नंशा यो ते रं गरूबा, ते ते लाइवा, मतुइसीब। परमपरभु यावे आ सोक्तरं जरमेशो मुर मेको सोदंशा बाक्नीम” दंत। ९मिनु निकोदमसमी “इन दंशो दोपा दुम्ने चाप्बा डा?” दे हिल्लो पाप्तु। १०मिनु यसुमी “गे इसराएली आन कली शंब दुम्शा यो,

एको लोत्र मतुइक्नीनी? ११नोफा दाइशशा थमा लोत्र नेनीन, गो आंइ तुइशशा लोत्र पाइनीकी। आंइ तशो यो शंनीकी। गे चहिं आंइ शंशो थमा मसुइक्नीनी। १२गो इन कली रागी डा लोत्र पडानु, गे थमा मसुइक्नीनी। मिनु गो स्वर्ग डा लोत्र पाता हना, गे दोपा थमा सुइक्ने चाप्नीनी? १३मुर परमपरभु यावे आ बाक्तीकम मलम। स्वर्ग रं जाक्शो रागीमी जरमेशो ला परमपरभु यावे आ बाक्तीकमी बाक्शो बाक्त। १४मोसा गोरशो रागीम बाक्मेनु, कांसा के बुस्स संल्शा, मेको कली क्युकशा वोदा बाक्त। गोपा रागीम जरमेशो यो क्युकचा पुंइसीब। गन्ती २१:८-९ १५मारदे क्युकचा पुंइसीब दंशा हना, सुमी मेको कली थमा सुइक्वा, मेको गेना हना यो बरांइशा बाक्वा ताइब” दंत। १६परमपरभु यावेमी रागी डा मुर आन कली शुश दाक्ताक्व। मोपतीके आ कांइचीक ती रागीमी सोइक्ताक्व। सु सुमी मेको कली थमा सुइक्नीमी, मेकोपुकी नरक मलाइनीम। तन्न गेना हना यो परमपरभु यावे नु बाक्वा ताइनीम। रोमी ५:८; रोमी ८:३२; १यूहन्ना ४:९ १७परमपरभु यावेमी रागी डा मुर आन कली निसाफ पा नरकमी वोइक्वा, दे आ ती मसोइक्त। तन्न रागी डा मुर आन कली नरक रं परांइचा कली सोइक्ताक्व। लुका १९:१० १८सुमी परमपरभु यावे आ ती कली थमा सुइक्वा, मेको स्वर्गमी निसाफ पचा मपुंइसीब। सुमी चहिं थमा मसुइक्वा, मेको डांइती रंन निसाफ पा सजाइ तचा पुंइसीब दुम्शा बाक्व। मारदे हना मेकोमी परमपरभु यावे आ कांइचीक तीमी पाप रं परांइब, दे थमा मसुइशशा बाक्व। यूहन्ना ५:२४ १९मिनु निसाफ दोदंशो बाक्व दंशा हना, छेड्छेड् माइशशा रागीम जाक्त। मुरपुकीमी छेड्छेड् क्येडा छिड्छिड् कली शुश दाक्ताक्म। मारदे हना आन पशो गेय मरिम्शो बाक्त। यूहन्ना १:५,९-११ २०सुमी मरिम्शो गेय पाइवा, मेकोम छेड्छेड् कली काइ मदाक्व। आ गेय मतांइसेकल, दे छेड्छेड्मी मलाइब। एफिसी ५:१३ २१सुमी चहिं थमा पा रिम्शो गेय पाइवा, मेको छेड्छेड्मी लाइब। मारदे हना आ रिम्शो गेय परमपरभु यावे कली टिशो नेल्ल तांइसक्ल, दे छेड्छेड्मी लाइब। १यूहन्ना १:६-७

यूहन्नामी यसु आ पर्वम शंशो

२२मिनु नोले यसु नु आ शंसीबपुकी यहूदीया रागी लाम्तकम। मेकर आ शंसीबपुकी नु बाक्शा,

ब्याक्कुमी खरुम्शा गरुंडतीक गेय पाम्तेक्म। यूहन्ना ४:१-२ २३ यूहन्नामी यो सालीम सहर आ नेक्था एनान बाक्तीक डा शुश ब्याक्कु बाक्तीकमी ब्याक्कुमी खरुम्शा गरुंडतीक गेय पशो बाक्त। शुश मुर जाक्शा, ब्याक्कुम खरुम्शा गरुंडचा पुंडसाक्म। २४ मना यूहन्ना जेल्खानम चोक्चा मपुंडसीशो बाक्त। मकूस १:१४

२५ मिनु यूहन्ना आ शंसीबपुकीमी “दोपा पाप क्याम्सीबा?” दे यहूदी का नु लोत्र पाम्तेक्म। २६ मिनु यूहन्ना कली गरुम्शा “शंब, मेको यर्दन खोला आइक्वी हांबुम गे नु बाक्ब, इन तुइक्पाइश्शो परमपरभु यावे आ तौम ब्याक्कुमी खरुम्शा गरुंडतीक गेय पाइब। मिनु मुर नल्ल मेकर लाइनीम” दे यूहन्ना कली दंतेक्म। यूहन्ना १:२६-३४ २७ मिनु यूहन्नामी “परमपरभु यावमी गेशो गेय डा लाक्शा, सुइमी मारइ गेय पने मचाप्नीम। हिबरू ५:४ २८ गे आं कली तुइक्नीनी। गो खरीस्त मनड। तन्न गो खरीस्त आ डांडती शंचा कली सांडसीशो नड, दे आं शंशो लोत्र तुइक्नीनी। यूहन्ना १:२०,२३,२७ २९ ग्युम्लेमी ग्युम्ली कली चाक्शो तशा, आ लोत्र नंशा, आ वारच ग्येरसीब। मोपतीक गो थमा पा ग्येरसीनुड। मत्ती ९:१५ ३० मेको ठेयब दुम्चा माल्ब। गो चहिं आइक्च दुम्चा माल्नुड।

३१ मेको स्वर्ग रे जाक्ब नल्ल क्येडा ठेयब बाक्ब। रागी रे दुम्शो चहिं रागी डा मुर बाक्ब। रागी डा मुर आन पर्वम ला तुइश्शा लोत्र पाइब। स्वर्ग रे जाक्शा चहिं नल्ल आन क्येडा ठेयब बाक्ब। यूहन्ना ८:२३ ३२ मिनु आ तशो नु आ नेशो आ पर्वम लोत्र पाइब। तन्न सुइमी आ देशो लोत्र थमा मसुइक्नीम। ३३ सु सुमी आ देशो थमा सुइक्नीम, मेकोपुकीमी परमपरभु यावमी डांडती देशो लोत्र थमा बाक्ब” दे तुइश्शा गेय पाइनीम। ३४ परमपरभु यावे आ सोइश्शामी परमपरभु यावे आ लोत्र पाइब। मेकोमी परमपरभु यावे आ सोक्तीमी बरीतीके आ लोत्र पाइब। यूहन्ना १:१६ ३५ आफोमी आ तौ कली दाक्शा, मेको कली नल्ल क्येडा ठेयब अधिकार गेपु। यूहन्ना ५:२०; मत्ती ११:२७ ३६ सुमी आ तौ आ देशो थमा सुइक्वा, मेको गेना हना यो बरांडशा बाक्चा ताइब। सुम चहिं आ देशो मटीबा, मेको गेना हना यो बरांडशा बाक्चा मतथु, परमपरभु यावे आ गाइश्शो ताइब” दे यूहन्नामी शंताक्व।

येसुमी सामरी आन कली शंशो

१ फरिसीपुकीम “परभु येसुमी यूहन्ना क्येडा  
 ४ शुश शंसीब सल्था नु ब्याक्कुमी खरुम्शा गरुंडतीक गेय पाइब” दे तुइश्शा बाक्तेक्म। मेकोन येसुमी तुइक्ताक्व। यूहन्ना ३:२२-२६ २ मेको गेय येसुमी आंमा मपथु, आ डांडती डा शंशो १२ जना शंसीब आन कली पपाइक्तु। ३ मिनु आ शंसीबपुकी नु यहूदीया रागी रे पा, गालील रागी गे लाम्तेक्म। ४ मिनु लमानु, सामरीया रागी जाक्दीत्तेक्म। ५ सामरीया रागीमी गाक्शा, सीकार सहर जाक्दीत्तेक्म। सीकार सहर आ नेक्था याक्ब आ रू बाक्त। मेको रू आ तौ योसफ आ थरशो रू बाक्त। उत्पत्ती ४८:२२; यहोसु २४:३३ ६ मेकर याक्ब आ दोशो इनार यो बाक्त। मिनु येसु मेकर जाक्दीश्शा, दशा, इनार तारी नांडसाक्व। मेना १२ बजे खोदेशो दुम्शो बाक्त। ७ मेना सामरीया डा मीश मुर का ब्याक्कु दिथ जाक्त। मिनु येसुमी मेको मीश मुर कली “ब्याक्कु त्चा गयी” दे पुंडतु। ८ मेना आ शंसीबपुकी जचा थोत्रक ग्याप्य सहर लशो बाक्तेक्म। ९ मिनु मीश मुरुमी “गे यहूदी ननी। गो चहिं सामरीया डा नड। मिनु आं गुइ रे दोपा ब्याक्कु त्चा पुंडनीनी?” दे येसु कली मदा बाक्त। मारदे हना सामरी डा मुर आन थिशो ब्याक्कु यहूदीपुकीमी मतबाक्मा बाक्त। सामरीया डा मुरपुकी आइक्च जात डा मुर नम। लूका ९:५२-५३ १० मिनु येसुमी मेको मीश मुर कली “परमपरभु यावमी इ कली मार गचा दाक्ब, दे तुइक्ताक्वी हना, नु ब्याक्कु पुंडब, आं कली, सु बाक्नुड, दे तुइक्ताक्वी हना, आं कली ‘ब्याक्कु गयी’ दे पुंडदी वा। मिनु बरांडचा गेब ब्याक्कु गेन वा” दे मदा बाक्त। यूहन्ना ७:३८-३९ ११ मिनु मीश मुरुमी “परभु, एको इनार दुइश्शा बाक्ब। इन के ब्याक्कु गरुंडतीक मबा। ते रे बरांडचा गेब ब्याक्कु गनीनी? १२ आंइ किकी पिप याक्ब क्येडा गे ठेयब ननी डा? याक्बमी आंइ कली एको इनार गेशो बाक्माक्त। एकर डा ब्याक्कु आंमा यो तूडा बाक्त। आ तोपुकी नु आ बी ब्यफपुकीमी यो एको ब्याक्कु तूडमे बाक्त, दे मतुइक्नीनी?” दंत। १३ मिनु येसुमी “सुमी एको ब्याक्कु त्वा, मेकोमी लेशा तूत दाक्ब। यूहन्ना ६:५८ १४ तन्न सुमी आं गेशो ब्याक्कु त्वा, मेकोमी लेशा तूत मदाक्ब। आं गेशो ब्याक्कु मुर आगामी बुक्शो खोदेशो पा बारशा, गेना हना यो बरांडशा बाक्चा गेब” दंत। यूहन्ना

६:३५; यूहन्ना ७:३८-३९; भजन संग्रह ३६:१०  
१५ मिनु मीश मुरुमी “परभु, मेको ब्याक्कु गयीनी।  
मिनु त्तु मदाकडल। ब्याक्कु दिथ पिचा यो  
ममालडल” दंत।

१६ मिनु येसुमी “इ वॉइश बरशशा चाक्को”  
दंत। १७ मिनु मीश मुरुमी “आं वॉइश मबाक्ब”  
दंत। येसुमी “गे इ क वॉइश मबाक्ब, दे थमा  
लोत्र पाप्तीवी। १८ इ क ५ जना वॉइश बाक्तेक्म।  
मुल गे नु बाक्ब चहिं इ वॉइश ममाइ। इ  
लोत्र थमा बाक्ब” दंत। १९ मिनु “परभु, गे  
परमपरभु यावे आ लोत्र पाइब का बाक्ती बाक्त।  
मोपतीक आं मारइ मारइ तुइक्ताक्नी। २० आंइ  
किकी पिपीमी मेको डांडामी परमपरभु यावे कली  
ठेयब सल्था बाक्तेक्म। गे यहूदीपुकीमी चहिं  
‘यहूसलेम सहरमी परमपरभु यावे कली ठेयब  
सेल्वा माल्ब’ दे दंनीनी” दंत। व्यवस्था १२:५;  
भजन संग्रह १२२:- २१ मिनु येसुमी मेको मीश  
मुर कली “इच्छा नोले गे इं आफ कली मेको  
डांडामी नु यहूसलेममी ठेयब मसेल्नीनी। गे आं  
देशो लोत्र थमा सुतो। २२ गे परमपरभु यावे कली  
मतुइक्थु ठेयब सल्नीनी। गो चहिं परमपरभु  
यावे कली तुइशशा ठेयब सेल्नीकी। मारदे हना  
पाप रे परांडब यहूदी आन दाते रे जाक्ब। २ राजा  
१७:२९-४१; यसेया २:३ २३ मिनु मुल नु नोले  
थमा पा आं आफ कली ठेयब सल्बपुकीमी आ  
साक्त आ पतीकमी थमा पा ठेयब सल्नीमी।  
आं आफामी मोदेशो मुर माल्ब। २४ परमपरभु  
यावे साक्त बाक्ब। मिनु सुम मेको कली ठेयब  
सेल्नीमी, मेकोपुकीमी आ साक्त पतीकमी थमा  
पा ठेयब सेल्वा माल्नीम” दंत। २ कोरिन्थी  
३:१७; रोमी १२:१ २५ मिनु मीश मुरुमी “मस्सीह  
जाक्ब, दे तुइक्नुड। मेको कली खरीस्त यो  
दंनीमी। मेको जाक्शा, आंइ कली नेल्ल शंब”  
दंत। यूहन्ना १:४१ २६ मिनु येसुमी “गे नु लोत्र  
पाइब, गो मेको नड” दंत।

२७ मेना येसु आ शंसीब जाक्तेक्म।  
मेकोपुकीमी मेको कली सामरीया डा मीश  
मुर नु लोत्र पशो तशा, छुक लाक्तेक्म। तन्न  
सुइमी “मारदे गे मेको नु लोत्र पाइनीनी? मार  
माल्नीनी?” दे हिल्लो मपाम। २८ मिनु मीश  
मुरुमी आ गर परांडशा, सहर लत। मिनु सहर  
जाक्दीशशा, सहर डा मुर आन कली २९ “मुर  
का कली कोव्रथ पिने। मेकोमी आं पशो नेल्ल  
तुइशशा गो नु लोत्र पाप्तु। मेको खरीस्त  
बाक्म, कां?” दे मुर आन कली माइक्मी बाक्त।

३० मिनु सहर डा मुर नेल्ल येसु कली कोव्रथ  
जाक्तेक्म।

३१ मिनु आ शंसीबपुकीमी “शंब, लो जने”  
दंतेक्म। ३२ तन्न येसुमी “इन मतुइशशा जचा  
थोत्रक गो नु बाक्ब” दंत। ३३ मिनु शंसीबपुकीमी  
“सुइमी जचा थोत्रक चाक्शा, गेम कां”  
दंमुम्तेक्म। ३४ येसुमी मेको आन कली “आं जचा  
थोत्रक मार बाक्ब देशा हना, आं कली सोइक्ब  
आ दाक्शा पचा नु आ देशो गय थुम्चा। मेको  
आं क जचा थोत्रक बाक्ब। यूहन्ना ६:३८;  
यूहन्ना १७:४ ३४ गेपुकीमी ४ महिना नोले  
बाली नाली रुप्नी जाक्ब” दंनीनी। गो चहिं  
रू कोव्रडीन, हो हो पा मीशा, रुप्नी जाक्शा  
बाक्ब। मती ९:३७ ३६ रुप्नी गाल्ब ताइब।  
मेकोमी गेना हना यो बरांडशा बाक्चा कली  
मुर आन कली चाक्ब। मिनु शोक्ब नु रिक्ब  
नेल्ल कालेम ग्येरसीनीम। ३७ मारदे हना ‘का  
निक्शीमी शोक्नीम, का निक्शीमी रुप्नीम’  
देशो लोत्र थमा बाक्ब, दे तुइसीब। ३८ मिनु गो  
इन कली इन मशोक्शा रुप्थ सोइक्नन्नी।  
अर्कामी शोक्तीक गेय पाम्तेक्म। गे चहिं मेको  
आन शोक्शा रुप्नीनी” दंत।

३९ मेको मीश मुरुमी सामरीया डा सीकार  
सहर डा मुर आन कली “आं पशो गेय नेल्ल  
माइक्ती” देशो नेंशा, सामरीया डा मुर शुशमी  
“मेकोन परमपरभु यावे आ सोइशशा खरीस्त  
बाक्त” दे थमा सुदम बाक्त। ४० मिनु सामरीया  
डा मुरपुकीमी येसु आ बाक्तीक जाक्शा “गो नु  
काथा बाक्कीन” दे पुंडतेक्म। मोपतीक येसु नाक्त  
निक्शी सम्म मेको नु बाक्त। ४१ मिनु येसु आ  
शंतीक लोत्र नेंशा, डाइती क्येडा शुश मुरपुकीमी  
थमा सुइक्तेक्म। ४२ मेकोपुकीमी मीश मुर कली  
“इ दंतीक गो थमा मसुइक्नीकी। तन्न आ शंशो  
आंमा नंतक। रागी डा मुर आन कली पाप रे  
परांडब एकोन बाक्त, दे रुष्ठा तुइक्ताक्क”  
दंतेक्म। प्ररित ८:५-८

येसुमी आल कली सापाइशशा

मती ८:५-१३; लूका ७:१-१०

४३ मिनु नाक्त निक्शी बाक्शा, येसु मेकर रे  
गालील रागी गे लत। मती ४:१२ ४४ येसुमी  
“आंम रागी डा मुरपुकीमी परमपरभु यावे आ  
लोत्र पाइब कली काइ महिक्नीम” दंत। मती  
१३:५७ ४५ मिनु गालील रागी जाक्मेनु, गालील  
डा मुरपुकीमी मेको कली बराम्तेक्म। मारदे  
हना मेकोपुकीमी यो पास्सा नाक्त यहूसलेममी

बाक्शा, येसु आ पशो नल्ल तशो बाक्तेक्म।  
यूहन्ना २:२३

१६ मिनू येसु डांडती ब्वाक्कु रे अडगुर शांबु  
सेल्लिक गालील रागी डा काना सहरमी जाक्शो  
बाक्त। मिनू कापेरनाउम सहरमी पिप आ गेय  
पाइब कप्तान का बाक्शो बाक्त। मेको आ तौ  
रोइ पशो बाक्माक्त। यूहन्ना २:१,९ १७ मेको  
कप्तानमी “येसु यहूदीया रे गालील रागीमी  
जाक्त” दे नंशा, येसु कली गरुम्थ जाक्त। मिनू  
मेकोमी येसु कली “आं तौ बेक्चा चिकताक्व,  
सापतीन” देत। १८ मिनू येसुमी “गे चिन्ड नु छक  
लाक्चा डा गेय मताइतीनी हना, आं कली थमा  
मसुइक्नीनी” देत। यूहन्ना २:१८; १कोरिन्थी  
१:२२ १९ कप्तानमी “परभु, आं तौ मबक्थु, आं  
सिं जाक्कीन” दे पुंडतु। २० मिनू येसुमी “इन सिं  
लने, मारदे हना इन तौ साशा बरोइब” देशा  
सोइक्ताक्व। मिनू येसु आ देशो थमा सुइइशा,  
आ सिं लेशशा लत। २१ मिनू लना लन बाक्मेनु,  
आ गेय पाइबपुकीमी लांमी गरुम्था “इन तौ  
सात” दे शोत्रडम बाक्त। २२ मिनू “गना रे आं  
तौ साचा गोवा?” दे हिल्लो पवानु “सिनाक्त  
छकाल रे जरो शिक उइक्ताक्व” देमा बाक्त।  
२३ मेको आल आ आफोमी “इन तौ साशा बरोइब”  
दे येसुमी देमेनु, सामाक्त, दे तुइक्ता बाक्त।  
मिनू मेको नु आ सिं डा मुर नल्लेमी थमा  
सुदमे बाक्त। २४ येसुमी यहूदीया रे गालील रागी  
जाक्शा, संयप निक्शो डा आ पशो छक लाक्चा  
डा गेय एको बाक्ब। यूहन्ना २:११

येसुमी सोइल मदुक्ब सापाइइशा

१ यरूसलेममी यहूदी आन के चाड का  
बाक्त। मिनू येसु यरूसलेम लत। यूहन्ना  
२:१३ २ यरूसलेम सहर कली गारोमी हिरशो  
बाक्ब। मेको गारोमी लाप्चोपुकी बाक्नीम।  
मेको गारो डा ठेयब लाप्चो का कली भेडा  
लाप्चो देनीम। मेको आ नेक्थामी हिब्रू लोत्रमी  
बेथेस्टा माइइशा दोम्ली का बाक्ब। मेको  
दोम्ली बाक्तीकमी ५ ओटा पाटी सिं बाक्नीम।  
नेहम्याह ३:१ ३ मेको सिं आगामी शुश रोइ  
पाइब, मिक्च मताइब, गुइ सोइल मदुक्ब, रां  
सोत्रशो रोइ पाइबपुकी बाक्शो बाक्तेक्म। मेको  
मुरपुकी दोम्ली डा ब्वाक्कु गेना हिम्सीब, दे  
कोत्रचा कली बाक्शो बाक्मा बाक्त। ४ मारदे  
हना परमपरभु यावे आ स्वर्ग डा गेय पाइबमी  
यिशा, दोम्ली डा ब्वाक्कु कली हिम्बाक्माक्त।  
मिनू ब्वाक्कु हिम्सनु, नल्ल क्यडा डांडती

दोम्लीम गरुम्ब आ रोइ साबाक्माक्त। ५ मिनू  
मेकेर ३८ बर्स सम्म रोइ पशो मुर का बाक्त।  
६ मिनू येसुमी मेको कली तशा “मेको मुर शुश बर्स  
रोइ पशो बाक्त” दे तुइइशा “गे साचा दाक्नवे?”  
दे हिल्लो पाप्तु। ७ मेको रोइ पाइबमी “परभु,  
ब्वाक्कु हिम्सनु, आं कली दोम्लीमी खरुम्ब मुर  
सुइ मपिदु। मिनू गो हना यो ‘लड’ देडानु, मुर  
का आं डांडती ब्वाक्कुमी गरुम्ब” देत। ८ मिनू  
येसुमी “बाक्को, इ बराख्ये कुरशा गाक्को” दे  
माइक्तु। ९ मो देशानु, मेको मुर आ रोइ साशा,  
छुल बाक्त। मिनू आ बराख्ये कुरशा गाक्त।  
मिनू मेको सापाइइशा नाक्त चहिं नाइक्तीक  
नाक्त बाक्त। १० मोपतीक यहूदीपुकीमी साशो  
मुर कली “मुलाक्त नाइक्तीक नाक्त बाक्ब। इ  
बराख्ये कुरचा मदुम्ब, दे मतुइक्ती?” देतेक्म।  
परस्थान २०:१०; येरमीया १७:२१-२२ ११ मिनू  
मेकोमी “आं कली सापाइक्ब मुरुमी ‘इ बराख्ये  
कुरशा गाक्को’ दे माइक्ती” देत। १२ मेकोपुकीमी  
“इ बराख्ये कुरशा गाक्को देब मुर सु बाक्म?” दे  
हिल्लो पाप्तेक्म। १३ मिनू मेकोमी “मतुइक्नुड”  
देत। मारदे हना दोम्ली बाक्तीकमी मुरपुकीमी  
पुम्दमेनु, येसु मेकेर रे गाक्ने थुम्शो बाक्त।  
१४ मिनू नोले येसुमी मेको साशा मुर कली  
परमपरभु यावे आ सिंमी गरुम्तु। मिनू “गे सात।  
मेको क्यडा ठेयब रोइ मपचा कली ग लेशा  
पाप मपावो” दे माइक्तु। यूहन्ना ८:११ १५ मिनू  
साशो मुरुमी यहूदी आन कली गरुम्थ लशा  
“आं कली सापाइक्ब दा येसु बाक्माक्त” दे  
माइक्ती बाक्त। १६ सापाइक्ची गेय नाइक्तीक  
नाक्ती पतीक यहूदीपुकीमी येसु कली श्यत  
गचा गोम्तेक्म। मत्ती १२:१४ १७ मिनू येसुमी  
मेको आन कली “आं आफ मुल सम्म गेय  
पना पन बाक्ब। गो यो गेय पाइनुड” देत।  
यूहन्ना ९:४ १५ आ लोत्र नंशा, यहूदीपुकीमी  
येसु कली साइक्चा माल्तेक्म। मारदे हना  
नाइक्तीक नाक्ती गेय मपतीक क्याम्चा ला  
ममाइ “परमपरभु यावे नु उइक्थ बाक्नुड।  
परमपरभु यावे आं आफ बाक्ब” दे देशोमी,  
मेकोपुकीमी येसु कली साइक्चा माल्तेक्म।  
यूहन्ना ७:३०; यूहन्ना १०:३३

येसुमी यहूदी आन कली शंशो

१९ मिनू येसुमी यहूदी आन कली “नोफा  
दाइइशा ननीन, आं आफोमी मार पाइबा, आ  
तौमी मेको मतवा सम्म मारइ पने मचाप्ब।  
मिनू आफोमी दोदेशो पाइबा, तौमी मोदेशान

पाइब। यूहन्ना ३:११,३२ २० मारदे हना आं आफोमी आ तौ कली दाक्व। मिनु आ पशो गय नेल्ल आ तौ कली कांडब। मिनु आं आफोमी मुल सम्म पपाइश्शो गय क्यडा नोले ठयब गय कांडपाइक्व। मेको गय तशा गेपुकी छक लाकनीनी। ३:३५ २१ मिनु आं आफोमी बेक्शो आन कली दोपा संबा, मोपा आ तोमी यो सु कली बेक्शो र संचा दाक्वा, मेको कली संपाइक्व। दानीएल ७:१३-१४; पररित १०:४२ २२ आं आफोमी मुर आन कली निसाफ मपाइब। तन्न नेल्ल निसाफ पचा डा गय आ तौ कली पपाइक्व। २३ मो दुम्मेनु, आं आफ कली मान पाइबपुकीमी आ तौ कली यो आफ कली खोदंशो पा मान पाइनीम। सुमी तौ कली मान मपाइबा, मेकोमी तौ कली सोइक्व आं आफ कली यो मान मपाइब। फिलिप्पी २:१०-११; १ यूहन्ना २:२३ २४ नोफा दाइश्शा नेनीन, सुमी आं लोत्र नंबा नु आं कली सोइक्व आं आफ परमपरभु यावे कली थमा सुइक्वा, मेको गेना हना यो बरोइशा बाक्वा ताइब। सजाइ मताइब। मारदे हना बेक्शो र गेना हना यो बरोइशा बाक्वा ताइब। यूहन्ना ३:१६-१८ २५ नोफा दाइश्शा नेनीन, बेक्शो मुरपुकीमी मुल परमपरभु यावे आ तौ आ संदा नेनीम। सुमी नंबा, मेको गेना हना यो बरोइशा बाक्वा ताइब। एफिसी २:५-६ २६ परमपरभु यावे नु बरोइतीक सांक्त बाक्व। मिनु आ तौ कली यो मोदंशो बरोइतीक सांक्ती गशा बाक्त। यूहन्ना १:१-४ २७ मिनु आ तौ कली निसाफ पतीक अधिकार गेन्तु। मारदे हना आ तौ रागीमी जरमसीशो बाक्व। दानीएल ७:१३-१४ २८ आं दंशो आ पर्वम छक मलाक्कीन। मारदे हना इच्छा नोल तुरसुमी बाक्शो बेक्शो मुर नेल्लेमी रागीमी जरमशो आ संदा नेनीम। २९ डांडती रिम्शो पाइबपुकी गेना हना यो बरोइशा बाक्वा कली संसीनीम। मरिम्शो पाइबपुकी चहिं सजाइ तचा कली संसीनीम। दानीएल १२:२; मत्ती २५:४६; २ कोरिन्थी ५:१०

३० मिनु गो आंम अधिकारमी मारदे पने मचाप्नुड। गो दोदंशो नेंनुड, मोदंशो पा निसाफ पाइनुड। आं निसाफ चहिं ठीक बाक्व। मारदे हना आं दाक्शो मपथु, आं कली सोइक्व आ दंशो पाइनुड। यूहन्ना ६:३८

येसु सु बाक्म, दंशो सांक्छी

३१ गो आं पर्वम लोत्र पाता हना, मेको लोत्र थमा बाक्व, दे थमा मसुइक्नीनी। ३२ आं पर्वम अर्कोमी

लोत्र पाइब, गो मेको तुइक्नुड। ३३ मेको लोत्र दंब चहिं यूहन्ना बाक्व। ग मेको कली 'गे सु ननी?' दे हिल्लो पथ सोइक्ताक्नी। मिनु यूहन्नामी आं पर्वम थमा पा शंताक्व। ३४ आं पर्वम शंशो चहिं मुरुमी शंतीक ममाइ। पाप पशो आ पर्वम सजाइ र बरोनीन, दे इन कली दंनुड। ३५ यूहन्ना छुडछुड पा बरशो बत्ती खोदंशो बाक्त। ग मेको आ हाम्सामी ग्येरशा बाक्वा दाक्ताक्नी। ३६ मिनु यूहन्नामी आं पर्वम शंशो ठयब बाक्त हना यो, आं पर्वम मेको क्यडा ठयब सांक्छी का बाक्व। आं सांक्छी मार बाक्व दंशा हना, आं आफोमी आं कली पपाइश्शो गय बाक्व। मेको आं पशो गेयमी 'परमपरभु यावेमी आं कली सोइक्ताक्व' दे इन कली शंब। यूहन्ना ३:२; यूहन्ना १०:२५,३८ ३७ आं कली सोइक्व आं आफ आं सांक्छी बाक्व। गेपुकीमी आं आफ आ संदा गेनायो मननी। मेको कली गेनायो मतनी। मत्ती ३:१७ ३८ आं आफ आ लोत्र इन थुमी मबा। मोपतीक गेपुकीमी आं आफोमी सोइश्शो कली थमा मसुइक्नीनी। ३९ ग परमपरभु यावे आ लोत्र शंसीन सीन बाक्नीनी। मारदे हना मो पशानु, बरोइशा बाक्वा तांडसीब, दे मिम्नीनी। मिनु परमपरभु यावे आ लोत्रमी आं पर्वम बरक्शो बाक्त। लुका २४:२७,४४; २ तिमोथी ३:१५-१७ ४० गे चहिं बरोइचा तकल, दे आं गे मपीनीनी।

४१ गो मुर आन ठयब सल्ल्तीक मबराइनुड। ४२ मिनु परमपरभु यावेमी गशा दाक्तीक गेपुकी नु मबाक्व, दे गो तुइक्नुड। ४३ गो आं आफ आ नेमी जाक्ती। तन्न गेपुकीमी आं कली मबरनी। सुइ मुर आंम आ नेमी जाक्त हना, मेको कली चहिं बराइनीनी। मत्ती २४:५ ४४ मोपा गे ठयब सल्ल्मुइनीनी। तन्न का ला परमपरभु यावेमी इन कली 'रिम्शो ननी' दंचा मपुइसीनीनी। आं कली दोपा थमा सुइक्ने चाप्नीनी डा? यूहन्ना १२:४२-४३; १ थिस्सलोनिकी २:६ ४५ गो परमपरभु यावे आ डांडती इन कली दोस गेनन्नी, दे ममिम्तीन। गे मोसामी बरक्शो लोत्रमी आस पाइनीनी। तन्न मेको मोसा आ बरक्शो लोत्रमी इन कली दोस गेब। ब्यवस्था ३१:२४-२७ ४६ गे मोसा आ लोत्र थमा सुइक्नी हना, आं कली यो थमा सुइक्नी वा। मारदे हना आं पर्वम बरक्शो बाक्त। उत्पत्ती ३:१५; उत्पत्ती ४९:१०; ब्यवस्था १८:१५ ४७ तन्न गे मोसा आ बरक्शो लोत्र ठीक पा थमा मसुइक्नीनी। मिनु आं लोत्र दोपा थमा सुइक्ने

चाप्नीनी डा ?” दे येसुमी यहूदी आन कली दंत । लूका १६ :३१

शुश मुर आन कली थुत्थो

मत्ती १४ :१३-२१ ; मर्कूस

६ :३०-४४ ; लूका ९ :१०-१७

१मिनु नाले येसु गालील डा समुन्दर  
**६** आइक्वी हाबु लत । गालील डा समुन्दर  
 कली तिबरीयास समुन्दर यो दनीम । २मिनु शुश  
 मुरपुकीमी येसु आ नाले खोइक्तेकम । मारद हना  
 येसुमी छक लाक्का डा गेय पा, रोइ पाइब आन  
 कली सापाइश्शा तशो बाक्तेकम । ३मिनु येसु  
 आ शंसीबपुकी नु आइक्था डांङा गे डोइश्शा,  
 तशो बाक्तेकम । ४मेना यहूदी आन पास्सा  
 चाड जाक्कशो बाक्त । मोपतीके शुश मुर लांम  
 गाक्कशो बाक्तीक येसु आ नेक्था जाक्तेकम ।  
 यूहन्ना २ :१६ ; यूहन्ना ११ :२५ ५येसुमी  
 शुश मुर जाक्कशो तशा, फिलीप कली “शोब्ले  
 गयाप्शा, नेल्ल आन कली दोपा थुत्त्वा ?” दे  
 हिल्लो पाप्नु । ६येसुमी चहिं “आं कली थमा  
 सुइक्का को, मसुइक्का” दे फिलीप आ थुं कोव्रचा  
 कली मोदंशो दंत । येसुमी “गो छक लाक्का डा  
 गेय पाइनुड” दे तुइक्ताक्व । ७मिनु फिलीपमी  
 “मेको मुरपुकीमी इक्का ला जांमतेकम हना,  
 सह निक्शी दनारमी यो मेको आन कली शोब्ले  
 गयाप्चा कली मजाक्कीप्ब” दंत । मेना दनार का  
 काबु डा गेय आ गाल्व बाक्त । ८मिनु सिमान  
 पतरुस आ लोक्व अन्दरीयासमी येसु कली  
 ९ “एकर वॉइश आल का बाक्व । मेको नु ५ ओटा  
 क्योव्रज के शोब्ले नु डांइ निक्शी बाक्व । एको  
 इश डा मुर आन कली ओशोमी मार गाप्चा डा ?”  
 दंत । १०मिनु येसुमी “मुर आन कली निप्पतीन”  
 दंत । मेकर रिम्शा दिम का बाक्त । मिनु मुरपुकी  
 नेल्ल निस्साकम । आल नु मीश मुर परोइशा, ५  
 हजार खोइ वॉइश मुर बाक्तेकम । ११येसुमी मेको  
 शोब्ले ताक्का “गे रिम्शा पाइब बाक्नीनी” दे  
 परमपरभु यावे कली ठेयब सेल्शा, मुर आन  
 कली शोब्ले योक्पाइक्तीमी । मोदंशो पा डांइ  
 यो योक्पाइक्तीमी । मिनु मुरपुकीमी दोशो  
 जचा व्चचा दाक्का, मोशोन गेपाइक्तीमी ।  
 १२मिनु मुर नेल्लेमी रूथरी जामे नाले, येसुमी  
 आ शंसीब आन कली “एर आंथ दोशो शोब्ले  
 लीशो बाक्के, मेको नेल्ले खुत्तीन” दंत । १३मिनु  
 गुप्शा, १२ डालो पिरंताकम । मेको लीशो गुप्शा  
 शोब्ले डांइती डा ५ ओटा रे दुम्शा बाक्तेकम ।  
 १४मिनु मुरपुकीमी येसु आ पशो छक लाक्का

डा गेय तशा “रागीमी जाक्व परमपरभु यावे आ  
 लोव्र पाइब एकोन बाक्त” दंतकम । व्यवस्था  
 १८ :१५ १५ मिनु येसुमी “आं कली गयाइश्शा,  
 पिप सेल्नीमी” दे तुइश्शा, आ का ला डांङा  
 डांइसाक्व । यूहन्ना १८ :३६

येसु ब्वाक्कु तार गाक्कशो

मत्ती १४ :२२-२३ ; मर्कूस ६ :४५-५२

१६मिनु नां रिक्चावानु, येसु आ शंसीबपुकी  
 गालील डा समुन्दर आ नेक्था जाक्कशा,  
 १७डांगामी डाइश्शा, समुन्दर शोक्का,  
 कापरनाउम सहर गे लचा गोमतेकम । मेना नां  
 रिक्कशो बाक्त । येसु चहिं लेश्शा मजाक्कशो  
 बाक्त । १८मिनु ठेयब फश गिवार पा समुन्दर डा  
 ब्वाक्कु शुश मुइश्शा, डांगा कली हिम्पाइक्तु ।  
 १९मिनु येसु आ शंसीबपुकी डांगा डाइश्शा,  
 २५ कि ३० स्तादीयोन खोदंशो जाक्दीम्मानु,  
 येसु कली समुन्दर डा ब्वाक्कु तार गाक्का  
 गाक्क आन डांगा गे पिशो तामतेकम । मिनु मेको  
 कली तशा “सु बाक्क” दे हित्तेकम । स्तादीयोन  
 का १८५ मिटर खोदंशो बाक्व । २०मिनु  
 येसुमी “गो नड, महिनीन” दे माइक्तीमी ।  
 २१मिनु ग्यरसीशा, येसु कली डांगामी  
 डाइक्पाइक्तेकम । मिनु डांगामी डाइक्पाइश्शा,  
 कापरनाउम जाक्दीक्तेकम ।

येसु ब्रांइचा गेब शोब्ले बाक्व

२२मिनु आ दीसा नाक्त शोब्ले जाइब  
 मुरपुकी मेक उइ बाक्कशो बाक्तेकम । सिनाक्ती  
 समुन्दर आ नेक्था डांगा का ला बाक्त । मिनु  
 येसु आ शंसीबपुकीमी मेको डांगा लाइश्शा,  
 कापरनाउम गे लामतेकम, दे तुइक्ताकम । येसु  
 चहिं आ शंसीबपुकी नु डांगामी मला, दे यो  
 तुइक्ताकम । २३तिबरीयास सहर रे डांगापुकी  
 परभुमी परमपरभु यावे कली “गे रिम्शा पाइब  
 बाक्नीनी” दंशा शोब्ले योक्तीक दिम आ  
 नेक्था जाक्तेकम । २४मिनु मुरपुकीमी येसु नु  
 आ शंसीबपुकी मेकर मबाक्कशो तशा, डांगा  
 डाइश्शा, कापरनाउम गे लशा, येसु कली  
 माल्तेकम । २५मिनु मेकर जाक्दीश्शा, येसु कली  
 थित्तेकम । मिनु मेकोपुकीमी “शंब, एकर गेना  
 जाक्की ?” दे हिल्लो पाप्तेकम । २६येसुमी  
 “नोफा दाइश्शा नेनीन, आं छक लाक्का डा  
 गेय आ पर्वम ममाइ, तन्न शोब्ले जशा स्तीके  
 आं कली माल्तीनी । २७राक्का डा जचा थोव्रक  
 कली श्यत मपने । मराक्का डा जचा थोव्रक

कली चहिं गेय पने। मराकचा डा जचा थोत्रक मार बाक्म दंशा हना, गेना हना यो बरांडशा बाक्चा बाक्ब। रागीमी जरमेशोमी इन कली मेको जचा थोत्रक गेब। मारदे हना आ आफोमी रागीम जरमेशो कली आ छाप थोक्ताक्व” दे येसुमी शंताक्व। यूहन्ना ५ :३६ २८ मिनु येसु कली “परमपरभु यावे आ दंशो पचा कली मार गेय पचा माल्नीकी?” दे हिल्लो पाम्तक्म। २९ मिनु येसुमी “मेको परमपरभु यावे आ गेय बाक्ब। गेपुकी परमपरभु यावे आ सोइश्शो कली थमा सुइक्चा, परमपरभु यावे आ गेय बाक्ब” दे माइक्तीमी। ३० मिनु मेकोपुकीमी लंशा येसु कली “गे परमपरभु यावे आ तो ननी, दे कांडचा कली मार छुक लाक्चा डा गेय पाइनीनी? ३१ आंइ किकी पिपीमी गोरशो रागीमी मन्ना शोब्ले जशो बाक्तेक्म। मेको आन कली सरीड रे शोब्ले गेम्तीमी” दे बरेक्शो बाक्त” देतेक्म। मजन संगरह ७८ :२४; परस्थान १६ :१३-१५ ३२ मिनु येसुमी “नोफा दाइश्शा नेनीन, मासामी इन कली स्वर्ग रे शोब्ले गेशो ममाइ, तन्न आं आफोमी इन कली थमा पा स्वर्ग रे शोब्ले गेब। ३३ मारदे हना परमपरभु यावेमी गेशो शोब्ले स्वर्ग रे यीब। मेकोमी रागी डा मुर आन कली गेना हना यो परमपरभु यावे नु बरांडचा गेब” दे माइक्तीमी। ३४ मिनु मेकोपुकीमी “परभु, मेको शोब्ले गेना हना यो गकी” दे पुंडतेक्म।

३५ मिनु येसुमी “गेना हना यो परमपरभु यावे नु बरांडचा गेब शोब्ले गो नड। सु सु आं गे पीनीमी, मेको शोब्ले लु मबक्नीम। मिनु आं कली थमा सुइक्बपुकी गेनायो तू मदाक्नीम। यूहन्ना ४ :१४; यूहन्ना ७ :३७ ३६ गेपुकीमी चहिं आं कली तशो बाक्तीनी हना यो, थमा मसुइक्नीनी। ३७ मिनु आं आफोमी आं कली गेशो मुरपुकी आं गे पीनीम। आं गे पीब आन कली गेनायो मतिल्लुडमी। मती ११ :२८ ३८ मारदे हना गो आं दाक्शो गेय पथ ममाइ, तन्न आं कली सोइक्ब आ दाक्शो गेय पचा कली स्वर्ग रे जाक्शो नड। यूहन्ना ४ :३४ ३९ मिनु आं कली सोइक्ब आ दाक्शो मार बाक्ब दंशा हना, आं कली गेशो मुर का यो मसाम्चा, नु नोले डा नाक्तीमी मेको आन कली संपाइक्चा बाक्ब। यूहन्ना १० :२८-२९; यूहन्ना १७ :१२ ४० मिनु सु सुमी परमपरभु यावे आ तो, दे आं कली तुइक्नीमी नु थमा सुइक्नीम। मेको आन कली नोले डा नाक्तीमी संपाइश्शा, गेना हना यो बरांडशा बाक्चा गेनुडमी। आं आफ

आ दाक्शो गेय मेकोन बाक्त” दे यहूदी आन कली शंताक्व। यूहन्ना ५ :२९; यूहन्ना ११ :२४

४१ मिनु यहूदीपुकीमी येसु आ लोत्र नंशा गन गन पाम्तक्म। मारदे हना येसुमी “गो स्वर्ग रे यिशा शोब्ले नड” दंशो बाक्त। ४२ मिनु मेकोपुकीमी “मार, एको योसफ आ तो येसु ममाइ? मेको आ आम आफ कली गो तुइक्नीकी” देतेक्म। मिनु मेकोमी “गो स्वर्ग रे जाक्शो नड” दे दोपा दंने चाप्चा डा?” दे गन गन पाम्तक्म। लूका ४ :२२ ४३ मिनु येसुमी मेको आन कली “गेन गन मपने। ४४ आं कली सोइक्ब आं आफोमी आं कली गेशो मुर ला आं गे पिन चान्नीम। अरु चहिं मचाप्नीम। आं कली गेशो मुर आन कली नोले डा नाक्ती सेनुडमी। ४५ मिनु परमपरभु यावे आ लोत्र पाइब आन किताबमी ‘परमपरभु यावेमी नेल्ल आन कली शंभ’ दे बरेक्शो बाक्त। तेकोमी आं आफ आ लोत्र नंशा शंसीबा, मेको आं गे पीब। यसेया ५४ :१३ ४६ सुइमी आं आफ कली मतामे। परमपरभु यावे रे यीबमी ला आफ कली तशो बाक्त। यूहन्ना १ :१८ ४७ मिनु नोफा दाइश्शा नेनीन, सुमी थमा सुइक्बा, मेको गेना हना यो बरांडशा बाक्चा ताइब। यूहन्ना ३ :१६ ४८ मिनु गो बरांडचा गेब शोब्ले नड। यूहन्ना ६ :३५ ४९ इन किकी पिपीमी गोरशो रागीमी मन्ना शोब्ले जचा ताम्तेक्म हना यो, बाक्तेक्म। १ कोरिन्थी १० :३-५ ५० तन्न मुरपुकीमी स्वर्ग रे यिशा शोब्ले कली जाम्तेक्म हना, मबक्थु बरांडशा बाक्नीम। ५१ गो स्वर्ग रे यिशा बरांडतीक शोब्ले नड। सुमी मेको शोब्ले जाइबा, मेको गेना हना यो परमपरभु यावे नु बाक्शा बरांडब। मिनु रागी डा मुर आन कली बरांडपाइक्चा, दे मार शोब्ले गेनुड दंशा हना, आं गेशो शोब्ले आं रां बाक्ब” दे शंताक्व। मर्कूस १४ :२२

५२ मिनु यहूदीपुकीमी “एको मुरुमी आंइ कली दोपा आ रां ब्चचा गेने चाप्चा?” दे लोत्र पा जिम्तेक्म। ५३ मिनु येसुमी “नोफा दाइश्शा नेनीन, गे रागीमी जरमेशो आं रां मब्वाइतीनी हना, नु आं हुश मत्तीनी हना, गेना हना यो परमपरभु नु बरांडशा बाक्चा गेब सोक्त गे नु मबाक्ब। ५४ सु सुमी आं रां ब्वाइनीमी नु आं हुश तूनीमी, मेको गेना हना यो बरांडशा बाक्चा ताइनीम। मारदे हना गो मेको कली नोले डा नाक्ती संपाइक्नुडमी। मती २६ :२६-२८ ५५ आं रां थमा जचा थोत्रक बाक्ब। आं हुश यो थम तूचा थोत्रक बाक्ब। ५६ सुमी आं रां ब्वाइबा नु आं

हुश त्वा, मेको आं आगाम बाक्व । मिनु गो मेको आ आगाम बाक्नुड । यूहन्ना १५ :४ ; १५यूहन्ना ३:२४ २७ दोपा बरांइशा बाक्व आं आफोमी आं कली सोइइशा बरांइपाइय्गी, मोपा आं रां व्याइव यो गो र पा बरांइचा ताइव । २८ मेको स्वर्ग र यिशो शाब्ले बाक्व । इन किकी पिपीमी शाब्ले जशा बक्तेक्म । गो मेको खांदेशो शाब्ले मगनुड । सुमी चहिं आं शाब्ले जाइवा, मेको गेना हना या बरांइशा बाक्व” दंत । १९ मेको लोत्र येसुमी कापरनाउम सहर डा गरुस्तीक खिमी यहूदी आन कली शंताक्व ।

गेना हना यो बरांइचा गेब लोत्र

६० मिनु मेको लोत्र नंशा, येसु आ शंसीबपुकी शुशेमी “एको आं शंशो कका पा कशो लोत्र बाक्त । सु नने चाप्या डा ?” दंमुस्तेक्म । ६१ येसुमी चहिं “आं शंसीबपुकीमी आं लोत्र आ पर्वम गन गन पास्तेक्म” दे तुइइशा, मेको आन कली “मार, आं पशो लोत्र नंशा, चुरशा आं कली परांइनीनी ? ६२ मिनु रागीमी जमशा आ डांइती डा बाक्तीकमी लशशा ताइतीनी हना, मार मिम्नीनी ? लुका २४ :२०-२१ ६३ परमपरभु यावे आ सोक्त बरांइचा गेब बाक्व । मुरुम चहिं मारइ पने मचापनीम । आं देशो लोत्र परमपरभु यावे आ सोक्ती डा बरांइचा गेब लोत्र बाक्व । ६४ तन्न गे का निक्शी आं कली थमा मसुइक्व बाक्नीनी” दंत । मारद हना येसुमी डांइती र आ कली थमा मसुइक्व सु सु नमी, दे तुइइशा बाक्त । मिनु येसु आ शंसीब का येसु कली साइक्व आन कली वारच पाइव दुम्ब, दे यो तुइइशा बाक्त । ६५ मिनु येसुमी “आं आफोमी आं कली गेशो मुर ला आं ग पिन चानीम, दे डांइती र माइक्तन्नी” दंत ।

६६ मिनु मोदंशो शंशो आ पर्वम शुशेमी येसु आ नोले सोइक्चा परांइतेक्म । ६७ मिनु येसुमी आ १२ जना शंसीब आन कली “गेपुकी यो लाइनीनी ?” दे हिल्लो पास्तीमी । ६८ मिनु सिमोन पतरुसमी “परभु, गो सु का आ नोल सोइक्नीकी ? गे गेना हना यो बरांइशा बाक्चा डा लोत्र पाइनीनी । ६९ गे परमपरभु यावेमी योत्रशा सोइइशा ननी, दे तुइइशा थमा सुइक्नीकी” दंत । मत्ती १६ :१६ ७० मिनु येसुमी “गो गे १२ जना इन कली योत्रतन्नी । तन्न इन दातेमी सेतान का बाक्व” दंत । ७१ येसुमी मेको लोत्र इस्कारीयोत डा सिमोन आ ती यहूदा आ पर्वम देशो बाक्त । मारद हना यहूदा मेको १२

जना आन दाते डा का दुम्शा यो येसु कली साइक्व आन कली वारच पाइव दुम्त ।

बाली आंइतीक चाडम लशो

१ मिनु नोले येसु गालील रागीमी हिरना ७ हिरन बाक्त । मारद हना यहूदीपुकीमी येसु कली साइक्चा माल्तीक यहूदीया रागीमी लचा मदाक्शो बाक्माक्त । यूहन्ना ४ :४३ २ मिनु यहूदी आन बाली आंइतीक चाड जाक्चशो बाक्त । लेवी २३ :३४-३६ ३ मिनु आ लोक्वपुकीमी येसु कली “इ शंसीब आन कली इ गेय कांइचा कली यहूदीया रागी लावो । यूहन्ना २ :१२ ; मत्ती १२ :४६ ; पररित १ :१४ ४ मुरपुकीमी इ कली तुइक्पांइसीचा दाक्नेवे हना, खरुइइशा गेय मपावो । इ पशो गेय मुर आन कली कांइदीमी” दंतेक्म । ५ मारद हना आ लोक्वपुकीमी यो येसु कली थमा मसुइक्वाक्तेक्म । ६ मिनु येसुमी आ लोक्व आन कली “मुल सम्म आं लची मजा । गेपुकी लने चानीनी । यूहन्ना २ :४ ७ रागी डा मुरपुकीमी इन कली श्यत मगेनीम । आं कली चहिं श्यत गेनीम । मारद हना गो मेको आन कली ‘आन पशो गेय मरिम्शो बाक्व’ दे कांइनुडमी । यूहन्ना १५ :१८ ८ गे लने, गो मुल मलाइनुड । मुल आं लची मजा” दे माइक्तीमी । ९ मो देशो येसु गालील रागीमी बाक्त ।

१० मिनु येसु आ लोक्वपुकी चाड मानेथ लास्तेक्म । मिनु नोले येसु यो मुर आन मतचा डा पा यरुसलम लत । यूहन्ना २ :१३ ११ मिनु चाडमी यहूदीपुकीमी येसु कली माल्शा “मेको ते बाक्म” दे हिल्लो पास्तेक्म । १२ मिनु मुरपुकीमी येसु आ पर्वम शुश खरुइइशा लोत्र पमुस्तेक्म । का निक्शीमी “रिम्शो मुर बाक्व” दंतेक्म । का निक्शीमी चहिं “ममाइ, मुर आन कली हंथे गाक्पाइक्व बाक्व” दंतेक्म । १३ नेल्लेमी यहूदी आन वयेडा हिंशा, खरुइइशा लोत्र पास्तेक्म । यूहन्ना ९ :२२ ; यूहन्ना १२ :४२ ; यूहन्ना १९ :३८

येसु चाडम बाक्शो

१४ मिनु बाली आंइतीक चाड डा नाक्त का येसुमी परमपरभु यावे आ खिमी लशा, मुर आन कली शंताक्व । १५ मिनु यहूदीपुकीमी ल्क लाक्शा “मेको गेनायो मशंसीशा मुरुम यो दोपा इश डा जोक्गा ?” दंमुस्तेक्म । मत्ती १३ :२६ १६ मिनु येसुमी मेको आन कली “आं शंतीक आं

के ममाइ, तन्न आं कली सोइक्व के बाक्व । १७ सु मुरुमी परमपरभु यावे आ दाक्वशो पाइबा, मकोमी आं शंतीके लोत्र परमपरभु यावे के बाक्व कां, आम के बाक्व, दे तुइक्व । १८ सुम चहिं आम लोत्र शंबा, मकोमी आम कली ठेयब सल्वा दाक्व । आं कली सोइक्व परमपरभु यावे कली ठेयब सल्वा दाक्व चहिं थमा पा काइ पाप मपाइब बाक्व । यूहन्ना ५ : ४१, ४५

१९ मोसामी इन कली परमपरभु यावे आ अरशो लोत्र गेशो बाक्त । मिनु गेपुकी मारदे मेको मपाइनीनी ? मारदे आं कली साइक्वा माल्नीनी ?” देत । रोमी २ : १७-२४ ; यूहन्ना ५ : १६-१८ २० मिनु मुरपुकीमी “सुमी इन कली साइक्वा माल्वा ? वोल्मी इन कली सुमशो बाक्तीके भे आं कली साइक्वा माल्तीनी” दे देनीनी” देतेक्म । यूहन्ना १० : २० २१ येसुमी “गो गेय का पाता । गे मेको तशा, छक लाक्तीनी । यूहन्ना ५ : १६ २२ मोसामी इन कली खरोइक्तीक चिनु खरोइक्वा माल्वा” दे अरशो लोत्र गेशो बाक्त । मेको मोसा आ अरशो ममाइ, इं किकी पिपी आन अरशो बाक्त । मिनु गेपुकीमी नाइक्तीक नाक्त खरोइक्तीक चिनु खरोइक्तीनी । उत्पती १७ : १०-१२ ; लेवी १२ : ३ २३ मोसा आ गेशो अरशो लोत्र टिचा कली नाइक्तीक नाक्त यो खरोइक्तीक चिनु खरोइक्तीनी । गो चहिं मुर का आ रां नेल्ल सापदनु, गेपुकी मारदे गाइक्तीनी ? २४ कुल कोव्रशा, निसाफ मपन । तन्न कुल मकोव्रथु निसाफ पन” दे माइक्तीमी ।

२५ मिनु येरूसलेम डा मुर का निक्शीमी “मुरुमी मेको कली साइक्वा माल्वा ममाइ ? २६ मिनु एकेर बाक्शा, मुर नेल्ल आन कली शंब । मेको कली मारदे मदेनीमी । मिनु ठेयब मुरपुकीमी “एको खरीस्त बाक्त” दे थमा पा तुइक्ताक्म ? २७ गोपुकीमी चहिं मेको मुर ते र जाक्म, दे तुइक्तीकी । तन्न खरीस्त जाक्त हना, ते र जाक्वा, दे सुइमी मतुइक्तीमी” दे देमुस्तेक्म । हिब्रू ७ : ३ २८ मोपतीके येसुमी परमपरभु यावे आ खिमी मुर आन कली ठेयब संदा पा “गेपुकीमी आं कली तुइक्तीनी । मिनु गो ते डा नड, मेको यो तुइक्तीनी ? आंमा मिमशा मजाक्ड । तन्न आं कली सोइक्व थमा पा परमपरभु यावे बाक्व । मिनु गेपुकीमी मेको कली मतुइक्तीनी । २९ गो चहिं मेको कली तुइक्नुड । मारदे हना गो मेको आ बाक्तीक रे जाक्शो नड । मेकोम आं कली सोइक्ताक्ती” दे शंताक्मी । मत्ती ११ : २७ ३० मिनु

यहूदीपुकीमी येसु कली ग्याइक्वा माल्तेक्म । तन्न सुइमी मग्याइक्तेम । मारदे हना येसु कली ग्याइक्ती ना मजाक्शो बाक्त । यूहन्ना ८ : २० ; लुका २३ : ५२ ३१ मिनु शुश मुरपुकीमी मेको कली थमा सुइक्तेक्म । मेकोपुकीमी “खरीस्त अर्का बाक्त हना, मेकोमी एको क्यडा शुश छक लाक्वा डा गेय पन चाप्वा डा ?” देतेक्म ।

३२ मिनु फरिसीपुकीमी मुर आन पशो लोत्र नंशा, ठेयब चढब नु फरिसीपुकीमी “येसु कली ग्याइक्वा” दे पिप आ गेय पाइब ठेयब मुर आन कली सोइक्ताक्म । ३३ मिनु येसुमी “गो गेपुकी नु इक्का नाक्ती सम्म बाक्नुड । मिनु नोले आं कली सोइक्व आ बाक्तीकेमी लाइनुड । यूहन्ना १३ : ३३ ३४ मेना गेपुकीमी आं कली माल्तीनी । तन्न मथिल्तीनी । गे आं बाक्तीकेमी जाक्ने मचान्तीनी” दे माइक्तीमी । यूहन्ना ८ : २१ ३५ मिनु यहूदीपुकीमी “एको ते लचा चिक्शो बाक्मे ? मिनु गोपुकीमी एको कली मथिल्तीकी ? गरीस डा मुर आन बाक्तीक लशा, मेकेर बरशा बाक्शो यहूदी आन कली ममाइ, तन्न गरीस डा मुर आन कली शंचा दाक्वा, कां ? ३६ आ देशो गेपुकीमी आं कली माल्तीनी, तन्न मथिल्तीनी” मिनु “आं बाक्तीकेमी जाक्ने मचान्तीनी” दे एको दोदेशो लोत्र पवा ?” देमुस्तेक्म ।

यहूदीपुकी येसु आ पर्वम बराशो

३७ मिनु बाली आइतीक चाड नुप्ची नाक्त नेल्ल क्यडा ठेयब नाक्ती बाक्त । मेना येसुमी मुर आन कली “सु सुमी तूतू दाक्तीमी, मेको आं गे पिशा तूडमेक्त । लेवी २३ : ३६ ; यूहन्ना ४ : १० ; यसेया ५५ : १ ; परकाश २२ : १७ ३८ सु सुमी आं कली थमा सुइक्तीमी, मेको आन रां रे बराइचा गेब ब्वाक्कु बुक्व, दे परमपरभु यावे आ लोत्रमी बरक्शा बाक्व” दे शंताक्मी । यसेया ५८ : ११ ; येरमीया ३१ : ३२ ३९ मेको आ शंशो दोदेशो रुस्सीब देशा हना, येसुमी परमपरभु यावे आ सोक्त आ पर्वम शंशो बाक्त । येसु कली थमा सुइक्वपुकीमी मेको सोक्त कली तचशो बाक्तेक्म । तन्न मेना सम्म परमपरभु यावे आ सोक्त थमा सुइक्व आन कली मगेशो बाक्त । मारदे हना येसु आ आफ आ छेडछेडम लाइक्वा मपुंडसीशो बाक्त । यूहन्ना १६ : १७

४० मिनु येसु आ शंशो नंशा, मुर का निक्शीमी “एकोन थमा परमपरभु यावे आ लोत्र पाइब बाक्व” देतेक्म । यूहन्ना ६ : १४ ४१ का निक्शीमी “एकोन खरीस्त बाक्त” देतेक्म । का

निकशीमी “खरीस्त गालील रागी रे जाकवा डा? यूहन्ना १:४६ ४२ परमपरभु यावे आ लोव्रमी ‘खरीस्त दाऊद आ खिं डा मुर रे नु दाऊद आ गाउं बथलेहम रे जाकव’ मदेम डा?” दंतकम। मत्ती २२:४२; मीका ५:१; मत्ती २:५-६ ४३ मादुम्तीक मुरपुकी येसु आ पर्वम बरातेकम। यूहन्ना ९:१६ ४४ मिनू का निकशीमी येसु कली ग्याइक्वा माल्तेकम। तन्न सुइमी मेको कली मग्याइक्तेम।

४५ मिनू मेको पिप आ गेय पाइब ठेयब मुरपुकी ठेयब चढेब नु फरिसी आन बाक्तीक लेम्मा बाक्त। मिनू मेको आन कली “मारदे मेको कली मचाकनी?” दे हिल्लो पामनु, ४६ “मेको मुरुम शंशो खोदंशो पा सुइमी गेनायो मशंदेम” देमा बाक्त। मत्ती ७:२८-२९ ४७ मिनू फरिसीपुकीमी “इन कली यो हेंथे खोइक्पदा? ४८ ठेयब मुरपुकी नु फरिसीपुकीमी यो मेको कली थमा सुदम? ४९ तन्न परमपरभु यावे आ अरेशो लोव्र मजोक्वपुकी सराप रशो बाक्तीम” दे हुइक्तेम बाक्त।

५० मिनू डांडती येसु आ बाक्तीक जाकशो फरिसी आन हुल डा निकोदेमस माइशशो मुरुमी यूहन्ना ३:१-२ ५१ “आंइ ऐन कानुनमी मुर आ पशो नेंशा ला निसाफ पाइनीम, ममाइ?” दंत। व्यवस्था १:१६ ५२ मेकोपुकीमी “गे यो गालील रागी डा नवे? परमपरभु यावे आ लोव्र बरंक्शो किताब पढशा कोव्रडो। गालील रे सुइ परमपरभु यावे आ लोव्र पाइब मगरूब, दे मतुइक्नेवे?” देमा बाक्त। ५३ मिनू नेल्ल छुल छाल बाक्शा, खिं लमा बाक्त।

फरिसीपुकीमी येसु आ थुं थाम्शा

५१ मिनू मेको नेल्ल खिं लमानु, येसु चहिं जैतून डांडा डांडसाक्व। २ आ दीसा सुनी कना यिशा, परमपरभु यावे आ खिं लत। मिनू मुर नेल्ल येसु आ नेक्था जाक्तेकम। मिनू येसुमी निशशा, मुर आन कली शंताक्मी। ३ मिनू सास्तरी नु फरिसीपुकीमी येसु आ बाक्तीकेमी मीश मुर का चाक्तेकम। मेको मीश मुर ग्युंवे पशा यो अरु वांइश नु इपशा बाक्माक्त। मेको कली मुर आन दातेमी राप्पाइक्तेकम। सास्तरी यहूदी आन कली परमपरभु यावे आ अरेशो लोव्र शंब बाक्शो बाक्तेकम। ४ मिनू येसु कली “शंब, एको मीश मुर ग्युंवे पशो बाक्त हना यो, अरु आ वांइश नु इपशा बाक्शो थित्त्वा पुंडसाक्व ५ मिनू परमपरभु यावे आ अरेशो लोव्रमी मोसामी

‘मांदंशो पाइब कली फुल्लु आप्शा साइक्वा’ दे आंइ कली अरेशो बाक्त। गे मार देनीनी?” दे हिल्लो पाम्तेकम। लेवी २०:१० ६ मेकोपुकीमी येसु आ थुं थाम्शा, दोस गेचा कली मो दंतकम। मिनू येसुमी बाप्शा, फुरक शाक्शा बरंक्ताक्व। ७ मेकोपुकीमी “एको मीश मुर कली मार पचा?” दे हिल्लो पना पन बाक्तेकम। येसुमी चहिं राप्शा, मेको आन कली “गेनायो पाप मपाइबमी डांडती फुल्लु आबल” दंत। रोमी २:१ ८ मिनू लेंशा बाप्शा, फुरक शाक्शा बरंक्ताक्व। ९ मिनू येसु आ लोव्र नेंशा, दोस गेब मुर जाक्व तुइक्व खाल्पा रे का का पा नेल्ल लाम्तेकम। मिनू येसु नु मेको मीश मुर ला लीताक्स। १० येसुमी नेल्ल लशो तशा, मीश मुर कली “इ कली चाक्वपुकी ते लमा? इ कली साइक्व सुइ मलीमा?” दे हिल्लो पवानु ११ “परभु, सुइ मलीम” दंत। मिनू येसुमी “गो यो इ कली मसाइक्नुड। लावो, मिनू लेंशा पाप मपावो” दंशा सोइक्ताक्व। यूहन्ना ५:१४

येसु रागी डा छेडछेड

१२ मिनू येसुमी लेंशा फरिसी आन कली “गो रागी कली छेडछेड नड। आं नोले खोइक्वपुकी गेनायो छिडछिडमी मगाकनीम। बरांडतीक छेडछेड ताइनीम” दंत। यूहन्ना १:५:९; यसेया ४९:६; यसेया ६०:२०; मत्ती ५:१४-१६ १३ मिनू फरिसीपुकीमी येसु कली “गे इ पर्वम आंमा लोव्र पाइनेवे। मापतीक इ लोव्र थमा ममाइ” दंतकम। १४ मिनू येसुमी मेको आन कली “गो आं पर्वम आंमा लोव्र पाता हना यो, आं लोव्र थमा बाक्व। मारदे हना ते रे जाकडा, ते लाइनुडा, मेको तुइक्नुड। गेपुकी चहिं गो ते रे जाकडा, ते लाइनुडा मतुइक्नीनी। यूहन्ना ५:३१; यूहन्ना ७:२८ १५ मिनू गेपुकी मुर आन कुल कोव्रशा निसाफ पाइनीनी। गो चहिं सुइ आन कली निसाफ मपाइनुड। यूहन्ना ३:१७ १६ गो निसाफ पाता हना यो, आं निसाफ ठीक बाक्व। मारदे हना गो का ला दुम्शा निसाफ मपाइनुड। गो नु आं कली सोइक्व आं आफोमी निसाफ पाइब। १७ इन ऐन कानुनमी यो ‘मुर निकशी आस दंशो नेंशो लोव्र थमा दुम्ब’ दे बरंक्सीशो बाक्व। व्यवस्था १९:१५ १८ गो आं पर्वम लोव्र पाइनुड। मिनू आं कली सोइक्व आं आफोमी आं पर्वम लोव्र पाइब” दे माइक्तीमी। १९ मिनू मेकोपुकीमी येसु कली “इ आफ ते बाक्वा?” दे हिल्लो पाम्तेकम। येसुमी “गेपुकीमी आं कली मतुइक्नीनी। आं आफ कली यो मतुइक्नीनी। आं कली तुइक्तीनी हना, आं

आफ कली यो तुइक्तीनी वा” दे माइक्तीमी । यूहन्ना १४ :७ २० येसुमी परमपरभु यावे आ सिं डा शांप वोइक्तीक कोठा आ डाइती बाक्शा, मोदंशो शंशो बाक्त । परमपरभु यावे आ सिंमी बाक्शा शंशा यो, सुइमी मग्याइक्तेम । मारदे हना मेको कली ग्याइक्ती ना मजाक्शा बाक्त । यूहन्ना ७ :३०

आ आफोमी येसु कली सोइश्शो

२१ मिनु येसुमी लेंशा यहूदी आन कली “गो लाइनुड, गे चहिं आं कली माल्नीनी । मिनु मरिम्शा पतीकमी गरुम्शा बेक्नीनी । गे आं लतीकमी जाक्ने मचाप्नीनी” दंत । यूहन्ना ७ :३४-३५ ; यूहन्ना १३ :३३ २२ मिनु यहूदीपुकीमी “एकोमी आंम कली सांडसीबा, को ? मारदे आं लतीकमी जाक्ने मचाप्नीनी” देबा” देमुक्तेकम । २३ मिनु येसुमी मेको आन कली “गेपुकी उइ डा ननी । गो चहिं इर डा नड । गेपुकी रागी डा ननी । गो चहिं रागी डा मनड । यूहन्ना ३ :३१ २४ मोपतीक गो इन कली गे इन मरिम्शा पतीकमी गरुम्शा बेक्नीनी” दंती । गेपुकीमी ‘गो मरिम्शा गेय रे परांडब ननी’ दे आं कली थमा मसुइक्तीनी हना, इन मरिम्शा पतीकमी गरुम्शा बेक्नीनी” दंत । यसेया ४३ :१० २५ मिनु यहूदीपुकीमी “गे सु नवे” दे हिल्लो पाम्तकम । येसुमी मेको आन कली “गो इन कली डाइती रे मार दंडा ? मारदे गो गेपुकी नु लोत्र पडा ? २६ गो इन पर्वम शुश लोत्र पचा नु शुश निसाफ पचा माल्नुड । आं कली सोइक्व आं आफ आ लोत्र थमा लोत्र बाक्व । मेको आ लोत्र नंशा, रागी डा मुर आन कली शंनुड” दंत । २७ मिनु येसुमी आ आफ आ पर्वम लोत्र पात्तु, दे मेकोपुकीमी मरुबम । २८ येसुमी “गेपुकी रागीमी जरमशा कली क्युक्तीनु, गो सु नडा, दे तुइक्तीनी । मिनु गो आंमा मिम्शा मारदे मपाइनुड । तन्न आं आफोमी आं कली दोदंशो शंदा, मोदंशो लोत्र इन कली शंनुड । यूहन्ना ३ :१४ ; यूहन्ना १२ :३२ २९ मिनु आं कली सोइक्व गो नु बाक्व । आं कली गेनायो मपरांडब । मारदे हना गो आ दाक्शा गेय ला पाइनुड” दे मुर आन कली दंत ।

थमा पा परांडशो मुर

३० एको लोत्र नंशा, शुश मुरुमी येसु कली थमा सुइक्तेकम । ३१ मिनु येसुमी आ कली थमा सुइक्व यहूदी आन कली “गेपुकी आं दंशो पना

पन बाक्तीनी हना, थमा पा आं शंसीब ननी । यूहन्ना १५ :७ ३२ थमा माइश्शो सु बाक्म, दे तुइक्तीनी । मिनु थमा माइश्शोमी इन कली परांडब” दे येसुमी दंत । ३३ मेकोपुकीमी “गो अबराहाम आ चच युइ नकी । मुल सम्म गो सुइ आन वाइलीम वाइल मडुम्शा बाक्तेक । मारदे थमा माइश्शोमी इन कली परांडब’दंतीनी ?” दे हिल्लो पाम्तकम । मती ३ :१ ३४ येसुमी “नोफा दाइश्शा ननीन, सु सुमी पाप पाइनीमी, मेको पाप आ वाइलीम वाइल बाक्नीम । ३५ वाइलीम वाइल सिं डा मुर मबाक्नीम, तो चहिं सिं डा मुर बाक्व । ३६ मिनु तौमी इन कली परांडब तु हना, गेपुकी थमा पा परांडसीशो मुर दुम्नीनी” दंत । रोमी ६ :१६,१८,२२

अबराहाम आ आल नु सैतान आ आल

३७ मिनु येसुमी “गेपुकी अबराहाम आ चच युइ ननी, दे गो तुइक्नुड । मोपा यो गे आं कली साइक्वा माल्नीनी । मारदे हना आं लोत्र नंशा यो, थमा मसुइक्तीनी । ३८ गो आं आफ आ पशो तशा, शंनुड । गेपुकीमी चहिं इन आफ आ दंशो नंशा, मार मार पाइनीनी” दे माइक्तीमी ।

३९ मेकोपुकीमी “गो आंइ आफ अबराहाम बाक्व” देमानु, येसुमी “गेपुकी अबराहाम आ चच युइ ननी हना, अबराहाम आ पशो गेय सोदंशो पनी वा । ४० गो परमपरभु यावेमी दंशो नंशा, इन कली शंथ जाक्शा बाक्ती हना यो, गेपुकीम आं कली साइक्वा माल्नीनी । अबराहाममी इन सोदंशो गेय गेनायो मपव । ४१ गेपुकीमी चहिं इन आफ आ पशो गेय सोदंशो पाइनीनी” दे माइक्तीमी । मेकोपुकीमी “गेपुकी मुर आन तो मनकी । गोपुकी आंइ के आफ का बाक्व । मेको चहिं परमपरभु यावे बाक्व” दंतकम । ४२ मिनु येसुमी “परमपरभु यावे इन आफ बाक्त हना, गेपुकी आं कली दाक्तीनी वा । मारदे हना गो परमपरभु यावे रे रागीमी जाक्ती । गो आंमा जाक्शा मनड । तन्न आं आफोमी सोइक्ताक्यी । ४३ आं दंशो लोत्र मारदे मरुप्तीनी ? गे आं लोत्र नंशा, फाल्ने मचाप्नीनी । १ कोरिन्थी २ :१४ ४४ इन आफ सैतान बाक्व । मिनु गे इन आफ आ दाक्शा पचा दाक्तीनी । मेको चहिं डाइती रे मुर आन कली साइक्व नु जोल पाइब बाक्त । मारदे हना मेको नु थमा दंशो बाक्सीन मबा । मोपतीक जोल ला पाइब । मेको जोल पना पन बाक्व । जोल आ आफ बाक्त । १ यूहन्ना ३८ :१० ; उत्पत्ती ३ :४,१९ ४५ गे आं कली थमा मसुइक्तीनी । मारदे

हना गो थमा लोत्र पाइनुड। १६ गेपुकीमी आं कली गे मरिम्शो पाइब नवे' दे दोसी सल्ले चापनीनी डा? गो थमा लोत्र पाता हना, मारदे आं कली थमा मसुइकनीनी? २कोरिन्थी ५ :२१; १पत्रुस २:२२; १यूहन्ना ३:५; हिब्रू ४:१५ ४७ सु चहिं परमपरभु यावे रे जाकबा, मेको परमपरभु यावे आ लोत्र नंब। गेपुकी परमपरभु यावे रे मजाकनी। मोपतीक परमपरभु यावे आ लोत्र नंब मचापनीनी' दे माइक्तीमी। यूहन्ना १८:३७

४८ मिनु यहूदीपुकीमी 'गे सामरीया डा बाक्ते। गे वोल्मी सुम्शा बाक्ते, दे थमा लोत्र मपका डा?' दंतकम। यूहन्ना ७:२० ४९ येसुमी 'आं कली वोल्मी मसुम्थी। गो आं आफ कली मान पाइनुड। गे चहिं आं कली मान मपथु आइक्च सेल्लीनी। ५० गो आंम कली ठेयब मसल्सीनुड। आं कली ठेयब सेल्ब का बाक्ब। मेको ठीक निसाफ पाइब यो बाक्ब' दंत। ५१ मिनु येसुमी 'नोफा दाइश्शा नेनीन, सुमी आं देशो लोत्र टीबा, मेको गेनायो मबेक्ब' दंत। यूहन्ना ६:४०, ४७ ५२ मिनु यहूदीपुकीमी 'गे वोल्मी सुम्शा बाक्ते, दे गो मुल तुइक्ताक्क। अबराहाम नु परमपरभु यावे आ लोत्र पाइबपुकी बेक्तेकम। गे चहिं 'सुमी आं देशो टीबा, मेको गेनायो मबेक्ब' दंत। ५३ आंइ किकी पिपी अबराहाम बेक्माक्ते। गे मेको क्येडा ठेयब नवे? मिनु परमपरभु यावे आ लोत्र पाइब यो बेक्मा बाक्ते। गे सु नवे डा?' दंतकम। ५४ येसुमी 'गे ठेयब सल्लसाक्यी हना, गो ठेयब मदुम्नुड। आं आफोमी चहिं आं कली ठेयब सेल्ब। गे आं आफ कली 'आंइ परमपरभु यावे' देनीनी। यसैया ६३:१६ ५५ गेपुकीमी मेको कली मतुइकनीनी। तन्न गो तुइक्नुड। गो 'मेको कली मतुइक्नुड' देती हना, इन खोदेशो जाल पाइब दुम्नुड। तन्न गो मेको कली तुइक्नुड। मिनु आ शेशो पाइनुड। यूहन्ना ७:२८-२९ ५६ इन किकी पिपी अबराहाममी आं नाक्ते जाकशो तचा दाकशो बाक्माक्ते। मिनु आं जाकशो तशा ग्येरसाक्व' दे येसुमी दंत। ५७ मिनु यहूदीपुकीमी 'गे मुल सम्म ५० बर्स मजाकदीश्शा बाक्ते। मिनु अबराहाम कली तशो बाक्नेवे डा?' दंतकम। ५८ मिनु येसुमी 'नोफा दाइश्शा नेनीन, गो अबराहाम क्येडा डांइती रे बाक्शो नड' दंत। यूहन्ना १:१२ ५९ मिनु यहूदीपुकीमी 'फुल्लु आप्शा साइक्का' दे फुल्लु गुप्तेकम। तन्न येसु खरंडसाक्व। मिनु परमपरभु यावे आ सिं रे गरूशा गाक्ते। यूहन्ना १०:३१

मिक्च मताइब कली सापाइश्शो

१ मिनु येसु लना लन बाक्मेनु, जरमेशो रेन १ मिक्च मताइब मुर का गरुम्तु। २ मिनु आ शंसीबपुकीमी येसु कली 'शंब, मारदे मेको मिक्च मताइब जरमेशो बाक्मे? मेकोमी पाप पवा देय आ आम आफोमी पाप पाम्स?' दे हिल्लो पाम्तेकम। लूका १३:२ ३ मिनु येसुमी 'एको मुरुमी पाप पशो ममाइ, आ आम आफोमी यो मपाम्स। तन्न परमपरभु यावे आ गेय कांइचा कली एको मिक्च मताइब दुम्शा जरमेशो बाक्ते। यूहन्ना ११:४ ४ मिनु गोपुकीमी आं कली साइक्ब आ गेय नाक्ती पचा माल्लय। नां रिक्मेनु, सुइमी गेय पने मचापनीम। यूहन्ना ५:१७; येरमीया १३:१६ ५ गो रागीमी बाक्डानु, रागी कली छेडछेड नड' दंत। यूहन्ना ८:१२; यूहन्ना १२:१५ ६ मो देशा येसुमी खपीमी तोक्शा, नाक्नुक नु खप निशा, मेको मुर आ मिक्चीमी खरक्ताक्व। मर्कूस ८:२३ ७ मिनु मिक्च मताइब कली 'सिलोआ डा दोम्तीम लशा चिक्सा' दे माइक्ते। सिलोआ देशो चहिं साइश्शो, दे रुम्सीब। मिनु मेको लशा चिक्से बाक्ते। मिनु मिक्च ताइब दुम्शा, लेशशा जाक्ते।

सापाइश्शो मुर नु यहूदीपुकी

८ मिनु आ गाउं डा मुर नु मिक्च मताइब पुंइब मुर दे तुइक्बपुकीमी 'मिक्च मताइब पुंइब एको ममाइ डा?' दंतकम। ९ का निक्शीमी 'मेकोन बाक्ते' दंतकम। का निक्शीमी चहिं 'ममाइ, मेको खोदेशो बाक्ते' दंतकम। आ चहिं 'गो मेकोन नड, शां' दंत। १० मुरपुकीमी 'दोपा मिक्च ताइब दुम, मिनु?' दे हिल्लो पाम्तेकम। ११ मेकोमी 'येसु माइश्शोमी खप निशा, आं मिक्चीम खरक्ताक्यी। मिनु 'सिलोआ डा दोम्तीम लशा चिक्सा' दे माइक्ती। मिनु गो दोम्ती लशा चिक्सीडानु, मिक्च ताइब दुम्ती' दे माइक्तीमी। १२ मिनु 'येसु माइश्शो ते बाक्मे' दे हिल्लो पामेनु 'डाद, ते लमे, गो मतुइक्नुड' दे माइक्तीमी।

१३ मिनु आ मिक्च साशो मुर कली फरिसी आन बाक्तीक चाक्दीत्तेकम। १४ येसुमी खप निशा, आ मिक्चीमी खरक्शा सापाइश्शो नाक्ते चहिं नाइक्तीक नाक्ते बाक्ते। १५ मोपतीके फरिसीपुकीमी यो लेशा मेको कली 'दोपा मिक्च ताइब दुम?' दे हिल्लो पाम्तेकम।

मिनु “खप निशा, आं मिक्चीमी खरेक्ताक्यी। मिनु गो चिक्शा, मुल मिक्च ताइब दुम्ती” दे माइक्तीमी। १६ फरिसी का निकशीमी “परमपरभु यावे आ सोइश्शो ममाइ। मारदे हना नाइक्तीक नाक्त ममानब” दंतैकम। का निकशीमी चहिं “पापी मुरुमी दोपा आदंशो छक लाक्चा डा गेय पने चाप्या डा ?” दंतैकम। मिनु मकोपुकी बरातेकम। १७ मिनु फरिसीपुकीमी लेंशा आ मिक्च साशो कली “मिनु इ कली मिक्च ताइब सेल्ब आ पर्बम मार दंनेवे ?” दे हिल्लो पांस्तेकम। मिनु मकोमी “परमपरभु यावे आ लोत्र पाइब बाक्त” दंतै।

१८ यहूदीपुकीमी “मेको मुर डोंइती मिक्च मताइब बाक्त” दे थमा मसुदम। मोपतीके मेको आ आम आफ आस कली बरातेकम। १९ मिनु मेको आस कली “एको इस तो ममाइ ? डोंइती मिक्च मताइब जरमसाक्व दंतीसी ? मुल दोपा तने चबा ?” दे हिल्लो पांस्तेकम। २० मिनु आम आफोमी “आंस तो बाक्व। मिनु मिक्च मताइब जरमसाक्व। २१ मुल दोपा मिक्च ताइब दुम्म, गो मतुइक्नस्कु। सुम ताइब सेला, मेको यो मतुइक्नस्कु। आ कली हिल्लो पने। आल ममाइ, आमान दंने चाप्य” दंताकस। २२ आ आम आफोमी यहूदी आन क्येडा हिंशा मो दंताकस। मारदे हिंसा दंशा हना, यहूदीपुकीमी “सुम सापाइक्व कली खरीस्त दे थमा सुइक्वा, मेको कली यहूदी आन गरुम्तीक खिं र तिल्ला” दे सल्ला पशो बाक्तेकम। यूहन्ना ७ :१३ ; यूहन्ना १२ :४२ २३ मोपतीके “आल ममाइ। आ कली हिल्लो पने” दंशो बाक्ताकस।

२४ मिनु मिक्च ताइब दुम्शो कली लेंशा बरेशशा “परमपरभु यावे कली मान पावो। इ कली मिक्च तपाइक्व पापी बाक्माक्त, दे तुइक्नीकी” दंतैकम। २५ आ मिक्च साशो मुरुमी “मेको पापी बाक्म कां, मबाक्म, गो मतुइक्नुडं। डोंइती मिक्च मताइब बाक्ती, मुल ताइब दुम्ती, मेको ला तुइक्नुडं” दे माइक्तीमी। २६ मिनु मकोपुकीमी “मेकोमी इ कली मार पवा ? दोपा इ मिक्च ताइब सेला ?” दे हिल्लो पामेनु २७ “गो ना कना माइक्तन्नी। गेपुकी चहिं मंनंनीनी। मारदे लेंशा नंचा दाक्नीनी ? गेपुकी यो मेको आ शंसीब दुम्चा दाक्नीनी ?” दे माइक्तीमी। २८ मिनु “गे मेको आ शंसीब नवे। गोपुकी चहिं मोसा आ शंसीब नकी। २९ परमपरभु यावेमी मोसा कली लोत्र पशो बाक्त, दे तुइक्नीकी। तन्न मेको मुर ते र जाक्म, दे गो मतुइक्नीकी” दे

हुइक्ताकम। ३० मिनु आ मिक्च साशो मुरुमी “गो इन कली तशा, छक लाक्ती। आं मिक्च सापाइक्तु हना यो, मेको ते र जाक्म, दे गेपुकीमी मतुइक्नीनी ? ३१ परमपरभु यावेमी पापी आन लोत्र मंनंब, दे गोपुकीमी तुइक्नय। तन्न सुमी परमपरभु यावे कली मान पशा, आ दाक्शा पाइबा, परमपरभु यावेमी मेको कली आ पुइशो गेब। भजन संग्रह ६६ :१८ ; यसेया १ :१५ ; हितोपदेस १५ :२९ ३२ मिनु रागी सल्ला गोशो र जरमेशो र मिक्च मताइब मुर मिक्च ताइब सेल्शा, दे गेनायो मंनय। ३३ मेको परमपरभु यावे आ सोइश्शो मबाक्त हना, छक लाक्चा डा गेय पने मचाप्य वा” दंतै। ३४ मिनु “गे पापी जरमेशो बाक्ते। आंइ कली मार शंनेवे ?” दे हुइश्शा, मेको कली गरुंइताकम।

### सापाइश्शो मुर नु येसु

३५ मिनु येसुमी मेको कली यहूदी आन गरुम्तीक खिं र तिल्लेकम दंशो नेंशा, मेको कली गरुम्शा “गे रागीमी जरमेशो कली थमा सुइक्नेवे ?” दे हिल्लो पापु। ३६ मेकोमी “परभु, मेको सु बाक्म, गो मेको कली थमा सुइक्नुडं” दंतै। ३७ मिनु येसुमी “गे मेको कली तशा बाक्ते। गे नु लोत्र पाइब मेकोन बाक्ते” दंमेनु, यूहन्ना ४ :२६ ३८ “परभु, गो थमा सुइक्नुडं” दंशा, पोक्च थक्शा, येसु कली ठेयब सल्लु। ३९ येसुमी “गो निसाफ पचा कली रागीमी जाक्ती। मिक्च मताइबपुकीमी तामेक्त। मिक्च ताइब चहिं मताइब दुम्मल” दंतै। मती १३ :११-१५ ४० येसु आ नक्था बाक्व फरिसी का निकशीमी आ लोत्र नेंशा, येसु कली “गोपुकी मिक्च मताइब दुम्नीकी ?” दंमानु, ४१ येसुमी “गेपुकी मिक्च मताइब नकी दंतीनी हना, पाप मरनी वा। तन्न गोपुकी मिक्च ताइब नकी दंतीनी। मोपतीके पाप राइनीनी” दे माइक्तीमी। यूहन्ना १५ :२२

### रिम्शो भेडा गोठला

१ मिनु येसुमी लेंशा मेको आन कली “नोफा १० दाइश्शा ननीन, सु सु भेडा गोठ आ लाप्यो र मओवनीमी। बार र डोइश्शा ओवनीमी, मेकोपुकी सुइ नु रोइक्व नम। २ सु लाप्यो र ओवबा, मेको भेडा गोठला बाक्व। ३ गोठला जाक्मनु, लाप्यो खाल पाइबमी मेको कली लाप्यो रोक्व। भेडापुकीमी गोठला आ संदा नंनीम। गोठलामी आम भेडा आन नें थिशा बरेशशा, गोठ रं गरुंइब। ४ मिनु नेल्ल आन कली

गुरुंइशा, भेडा आन डांडती गाक्व। भेडापुकीमी गोठला आ नोले खोइक्नीम। मारदे हना आ संदा तुइक्नीम। ५ संदा मतुइश्शा मुर आ नोले मखोइक्नीम। मेको कली तशा परोक्नीम। मारदे हना आ संदा मतुइक्नीम” दे यसुमी शंताक्मी। ६ यसुमी मुर आन कली मेको कथा शंशा बाक्त। तन्न मार लोत्र शंशा बाक्म, मेकोपुकीमी मरुष्शो बाक्तेक्म।

७ यसुमी लेंशा मेको आन कली “नोफा दाइश्शा ननीन, गो भेडा गोठ डा लाप्चो नड। ८ सु सु आं डांडती जाक्मा, मेको नेल्ल सुइ नु रोइक्व नम। मिनु भेडापुकीमी मेको आन लोत्र मटीनीमी। ९ गो लाप्चो नड। सु सु मेको लाप्चो रे ओवनीमी, मेकोपुकी श्यत रे बरांइनीम। मिनु रिम्शो घांस बाक्तीकमी लशा, जोचा ताइनीम। यूहन्ना १४ :६ १० सुइमी दा सुइ पथ, साइक्थ नु परत्य ला जाक्व। गो चहिं भेडा आन कली बरांइचा गेशा, ग्यरसीशा बाक्मल, दे जाक्ती” दे शंताक्व।

११ मिनु यसुमी “गो रिम्शो गोठला नड। रिम्शो गोठला भेडा आन पा डा साइक्चा पुंडसीब। भजन संग्रह २३ :-; यसैया ४० :११; इजीकीएल ३४ :११-२३; यूहन्ना १५ :१३; हिब्रू १३ :२० १२ मिनु सिं डा गोठला मबाक्थु, वोइश्शा गोठला बाक्त हना, मेकोमी भेडापुकी रिम्शो पा मकोव्रब। मारदे हना मेको आ भेडा मनमी। फर पिशा तशा, भेडा आन कली परोइशा, परोक्व। फरमी चहिं भेडा आन कली ग्याइश्शा साव सुव ब्रपाइक्व। १३ मिनु मेको वोइश्शा गोठला परोक्व। मारदे हना भेडा आइक्के मनम, मोपतीक रिम्शो पा मकोव्रब। १४ गो रिम्शो गोठला नड। दोपा गो आं भेडा आन कली तुइक्नुडमी, मोपा मेकोपुकीमी आं कली तुइक्नीम। रतिमोथी २ :१९ १५ दोपा आं आफोमी आं कली तुइक्वा, मोपा गो आं आफ कली तुइक्नुड। मिनु भेडा आन पा डा गो साइक्चा पुंडसीनुड। १६ मेको गोठ डा ला मसाइ, अरु गोठ डा भेडा यो आं के बाक्नीमी। गो मेको आन कली यो चाक्चा माल्लनुड। मेकोपुकीमी आं संदा नेंशा, आं कली टीनीमी। मोपा गोठला का नु बगाल का दुम्ब। यूहन्ना ११ :५२; परेरित १० :३४-३५ १७ मेको आन साइक्चा पुंडसीचा डा गो साइक्चा पुंडसीनुड। मोपतीक आं आफोमी आं कली दाक्व, मिनु आं कली बेक्शो रे संब। १८ गो साइक्चा मपुंडसाक्यी हना, सुइमी आं कली साइक्ने मचाप्नीम। गो आं के साइक्चा पुंडसीतीक अधिकार बाक्व।

मिनु बेक्शो रे संसीचा अधिकार यो बाक्व। मेको अधिकार निम्फा आं आफोमी गती” दे शंताक्व। यूहन्ना ५ :२६

१९ यसु आ लोत्र नेंशा, यहूदीपुकी लेंशा बरातेक्म। यूहन्ना ७ :४३; यूहन्ना ९ :१६ २० शुश यहूदीपुकीमी “एको वोलमी सुम्शा गशा बाक्त। मारदे आ लोत्र ननीनी?” देतेक्म। यूहन्ना ७ :२०; मर्कुस ३ :२१ २१ का निक्शोमी चहिं “एको आ लोत्र वोलमी सुम्शा मुर आ पशो खोदेशो मनसीब। वोलमी मिक्च मताइब मुर आ मिक्च तपाइक्ने चाप्चा डा?” देतेक्म।

यहूदीपुकीम यसु कली संदा पशो

२२ मिनु यरूसलेममी परमपरभु यावे आ सिं डा डांडती ओवतीक चाड जाक्शो बाक्त। २३ मिनु मेको हिउंदम बाक्त। मिनु यसु परमपरभु यावे आ सिं डा पिप सोलोमन आ सल्लो लाडगामी हिरना हिरन बाक्त। परेरित ३ :११ २४ यहूदीपुकी यसु आ एर ओथ दल्ला “गना आंइ कली ठोक लोत्र पाइनीनी? गे खरीस्त ननी हना, लोत्र महिरथु, थमा पा देनीन” देतेक्म। २५ यसुमी “गो इन कली देती। तन्न गेपुकीमी थमा मसुइक्नी। गो आं आफ आ गेय पाइनुड। मेको गेयमी ‘गो परमपरभु यावे आ सोइश्शा नड’ दे इन कली तुइक्पाइक्व। यूहन्ना ५ :३६ २६ गेपुकीमी चहिं आं कली थमा मसुइक्नीनी। मारदे हना गे आं गोठ डा भेडा मननी। यूहन्ना ८ :४५-४७ २७ गो आं भेडा आन कली तुइक्नुडमी। मिनु मेकोपुकीमी आं संदा नेंशा आं नोले खोइक्नीमी। भजन संग्रह १५ :७ २८ गो मेको आन कली परमपरभु यावे नु गना हना यो बरांइशा बाक्चा गेनुडमी। मेको नरकम मलाइनीम। सुइमी आं गुइ रे रोइश्शा, लाइक्ने मचाप्नीम। २९ आं आफोमी मेको आन कली गती। आं आफ नेल्ल क्येडा ठेयब सक्ति पाइश्शा बाक्व। मोपतीक आं आफ आ गुइ रे सुइमी रोइक्ने मचाप्नीम। ३० गो नु आं आफ उइक्थ उइक्थ नस्कु” देत।

यसु कली दोस गेशो

३१ मिनु यहूदीपुकीमी लेंशा यसु कली साइक्चा, दे फुल्लु गुतेक्म। यूहन्ना ८ :४९ ३२ मिनु यसुमी “गो इन कली आं आफोमी पशो रिम्शो गेय कांइताक्नी। तेको गेय आ पर्वम आं कली फुल्लु आप्शा साइक्चा माल्ली?” देत। ३३ यहूदीपुकीमी “रिम्शो गेय पतीक आ पर्वम इ कली फुल्लु मचाप्नीकी। तन्न परमपरभु यावे

आ पर्वम मरिश्शा लोत्र पतीके इ कली फुल्लु आप्चाइतक। गे मुर दुम्शा यो, परमपरभु यावे नु उइक्थ नड् दनेव” दैतेकम। मत्ती १:३; मत्ती २६:६५; यूहन्ना ५:१८ ३४ येसुमी “परमपरभु यावे आ लोत्र बरक्शा किताबमी भे नैल्ल परमपरभु यावे आ तमी ती ननी” मदेबा डा ? भजन संग्रह ८२:६ ३४ परमपरभु यावेमी आ लोत्र नंब आन कली आ तमी ती दैव। मिनु मेको किताब डा लोत्र मक्याम्सीब। मत्ती ५:१७ ३६ परमपरभु यावेमी आ कली रागीमी सोइक्चा कली ठीक सेल्लु। गेपुकीमी चहिं “परमपरभु यावे आ पर्वम मरिश्शा लोत्र दनेव” दैनीनी। मारदे हना गो परमपरभु यावे आ ती नड् दैती। यूहन्ना ५:१७-२० ३७ गो आं आफ आ गेय मपाता हना, आं कली थमा मसुतीन। ३८ तन्न गो आं आफ आ गेय पाइनुड हना, गेपुकी आं कली थमा मसुइक्नीनी। आं पशो गेय परमपरभु यावे के बाक्त, दे थमा सुतीन। मिनु गो आं आफ नु बाक्नुड। आं आफ गो नु बाक्व, दे रुपीन” दे येसुमी यहूदी आन कली माइक्तीमी। ३९ मेकोपुकीमी येसु कली ग्याइक्चा माल्तेकम। तन्न मेको आन दाते र गरुशा गाक्त। यूहन्ना ८:५९; लूका ४:३०

४० येसु लंशा यदेन सोला आइक्ची हांबु लशा बाक्माक्त। डांडती मेकर यूहन्नामी ब्याक्कुमी खरुम्शा गरुइतीक गेय पशो बाक्माक्त। यूहन्ना १:२८ ४१ आ नेक्था जाक्शा, शुश मुरपुकीमी “यूहन्नामी छक लाक्चा डा गेय मपव। तन्न मेको मुर आ पर्वम मार मार दैम, मेको नैल्ल थमा बाक्माक्त” दैमुम्तेकम। ४२ मिनु शुश मुरुमी येसु कली थमा सुइक्तेकम।

येसुमी लाजरस कली संशो

१ बेथानी गाउंमी लाजरस माइश्शो रोइ ११ पशो मुर का बाक्त। मेको क समी निकशी बाक्शो बाक्ताक्स। मेको आस नें मरीयम नु मारथा बाक्ताक्स। लूका १०:३८-३९ २ मरीयम सु बाक्त देशा हना, येसु आ सोइलीमी बरोत्रशो रिना पाइश्शो तेल खरक्शा, आ चांमी फिक्व बाक्त। मेको आस लोक्व लाजरस रोइ पशो बाक्त। यूहन्ना १२:३ ३ मिनु मेको समी निकशीमी मुर का कली येसु आ बाक्तीक सोइश्शा “परभु, इन दाक्शो वारच रोइ पाप्तु” दे येसु कली बरेप्पत्से बाक्त। ४ मिनु येसुमी “मेको रोइ बेक्चा डा रोइ ममाइ, तन्न परमपरभु यावे आ सक्ति कांइचा कली बाक्व। मिनु मुरपुकीमी मेको रोइ आ पर्वम परमपरभु यावे

आ ती कली ठेयब सेल्नीमी” दैत। यूहन्ना १:३ ५ येसुमी मारथा नु मरीयम वोबु नु आस लोक्व लाजरस आन कली दाक्शो बाक्माक्त। ६ मोपतीक लाजरस रोइ पाप्तु देशो नंशा, आन बाक्तीक लचा, नाक्त निकशी सम्म रिम्ताक्व।

७ मिनु नोले येसुमी आ शंसीब आन कली “लो, लंशा यहूदीया रागी लय” दैत। ८ आ शंसीबपुकीमी “शंब, यहूदीपुकीमी इन कली फुल्लु आप्शा हेरा साइक्तेकम। मिनु गो मुल लंशा मेकर लचा दाक्नीनी?” दे हिल्लो पाम्तेकम। यूहन्ना १०:३१ ९ मिनु येसुमी “काबु नाक्तीम १२ घन्टा बाक्वा, ममाइ ? सु सु चहिं नाक्ती गाक्नीमी, मेको दाइल मपांडसीनीम, मारदे हना छेड्छेड्डीमी लां ताइनीम। यूहन्ना ९:४-५ १० सु सु चहिं नाक्वो गाक्नीमी, मेकोपुकी दाइल पांडसीनीम, मारदे हना मेको छेड्छेड्डीमी मबाक्नीम” दैत। यूहन्ना १२:३५ ११ मो देशा आ शंसीब आन कली “इ वारच लाजरस इप्त। गो चहिं मेको कली सेनुड” दैत। मत्ती ९:२४ १२ आ शंसीबपुकीमी “परभु, इप्त हना, आ रोइ साब” दैतेकम। १३ येसुमी चहिं लाजरस आ बेक्चा आ पर्वम लोत्र पशो बाक्त। आ शंसीबपुकीमी “नाइक्चा कली इप्त” दे मिम्ताकम। १४ मिनु येसुमी लोत्र महिरथु “लाजरस बेक्ने थुम्तु। १५ गो मेकर मबाक्ड। मोपतीक गो ग्यरसीनुड। मारदे हना गेपुकीमी थमा सुइक्न चाप्नीनी। मुल गापुकी बेथानी लय” दैत। १६ आ याइनी नें जौल, थोमास माइश्शो शंसीब का बाक्त। मेकोमी अरु शंसीब आन कली “गापुकी यो मेको नु बेक्थ लय” दैत। यूहन्ना २०:२४-२८

लाजरस कली संपाइश्शो

१७ मिनु येसु बेथानी जाक्दीम्मेनु, मेकर डा मुरपुकीमी “लाजरस बेक्शो ४ नाक्त दुम्त। मेको कली बेक्शो मुर वोइक्तीक कोठामी वोइक्तेकम” दे येसु कली दैतेकम। १८ बेथानी गाउं येरुसलेम आ नेक्था बाक्शो बाक्व। बेथानी र येरुसलेम सम्म १५ स्तादीयोन डा लां बाक्व। स्तादीयोन का १८५ मिटर बाक्व। १९ मिनु येरुसलेम डा शुश यहूदीपुकीमी मारथा नु मरीयम आस लोक्व बेक्शो आ पर्वमी “सुती मपाप्सेक्ल” दे लेम्चा कली जाक्मा बाक्त। २० मिनु मारथामी “येसु पिन पिन बाक्व” देशो नंशा, येसु कली गरुम्थ जाक्त। मरीयम चहिं खिमीन बाक्माक्त। २१ मिनु मारथामी येसु कली “परभु, एक बाक्शो ननी हना,

आंस लोकब मबे वा। २२तन्न मुल यो परमपरभु यावे कली पुंडतीनी हना, परमपरभु यावेमी इन पुंडशा गेब, दे तुइक्नुड” दे माइक्तु। २३मिनु येसुमी “इ लोकब संसीब” देत। यूहन्ना ५ :२८-२९; यूहन्ना ६ :४०; मती २२ :२३-३३ २४ मिनु मारथामी “नाले डा नाक्ती आंस लोकब संसीब दे गो तुइक्नुड” देत। २५ मिनु येसुमी “गो संपाइक्ब नु ब्रांडपाइक्ब नड। आं कली थमा सुइक्ब बेक्तेकम हना यो, संसीनीम। २६सु ब्रांडबा, मिनु आं कली थमा सुइक्बा, मेको गनायो मबेक्ब। एको लोत्र थमा सुइक्नेवे?” दे हिल्लो पाप्तु। यूहन्ना ८ :५१ २७मिनु मारथामी “परभु, ग रागीमी जाक्शो परमपरभु यावे आ तौ, खरोस्त ननी, दे गो थमा सुइक्नुड” देत। मती १६ :१६

२८मोदंशा मारथा सिं लेशशा, मरीयम कली “शंब जाक्शो बाक्त। मिनु इ कली बरेत्ताक्व” दे मुर आन मनंचा डा पा मदा बाक्त। २९मिनु मरीयम मेको नंशा, छुल बोक्शा, येसु कली गरुम्य लमाक्त। ३०मना येसु मारथा गरुम्यतीक उइ बाक्शो बाक्त। आस गाउं मजाकदीशो बाक्माक्त। ३१मिनु मरीयम आ सिंम लेम्य जाक्ब यहूदीपुकीमी मरीयम कली छुल बोक्शा लशा तशा, आ नोले खोदमे बाक्त। मारदे हना मेकोपुकीमी “मरीयम तुरसुम डाक्थ लाइबा, को” दे मिम्शो बाक्मा बाक्त। ३२मिनु मरीयम येसु आ बाक्तीक जाक्दीशशा, येसु आ खोइलीम बाप्शा “परभु, एक बाक्शो ननी हना, आंस लोकब मबे वा” देत। ३३मिनु येसुमी मेको कली नु मे नु जाक्शो यहूदी आन कली डाक्शो तशा, येसु आ थुं खाइक्त। यूहन्ना १३ :२१ ३४मिनु “गे मेको कली ते वोइक्नी?” दे हिल्लो पवानु “परभु, कोत्रथ पिने” देतेकम। ३५मिनु येसु यो डाक्त। ३६यहूदीपुकीमी येसु कली डाक्शो तशा “कोत्रडीन, येसुमी मेको कली यो शुश दाक्शो बाक्माक्त” देतेकम। ३७का निक्शीमी “मिक्च मताइब मुर सापाइक्बमी मेको कली बेक्चा मगेथु, सापाइक्ने मारदे मचाप्वा?” देमुस्तेकम। यूहन्ना ९ :७

३८मिनु येसु आ थुं लेंशा खाइशशा, बेक्शो मुर वोइक्तीक कोठा आ नेक्था जाक्दीत्त। मेको पुक्खी खोदंशा बाक्त। मेको पुक्खी चोक्चा, दे आ डांडती फुल्लु का थारशो बाक्त। मती २७ :६० ३९मिनु येसुमी “फुल्लु तिलीन” देत। मिनु बेक्शो मुर आ समी मारथामी “परभु, मुल दा एको रिना पाइब। मारदे हना आ बेक्शो ४ नाक्ती

दुम्त” देत। ४०मिनु येसुमी “गे थमा सुइक्तीवी हना, गे परमपरभु यावे आ सक्त्त ताइनेवे, दे इ कली ममाइक्ना डा?” देत। ४१मिनु मुरपुकीमी पुक्खी आ डांडती थारशो फुल्लु तिल्लेकम। मिनु येसुमी सरीड ग कोत्रशा “आं आफ, गे आं लोत्र नंतीनी, गो ग्येरसाक्यी। ४२गे आं दंशा गना हना यो नंतीनी, दे तुइक्नुड। मिनु आं एर आंथ बाक्शो मुरपुकीमी गमी आं कली सोइशशा ननी, दे थमा सुइक्पाइक्चा कली एको लोत्र पाता” देत। यूहन्ना १२ :३० ४३मिनु मो दंशा, ठेयब संदा पा येसुमी “ए, लाजरस, गरूडो” दे बरेत्ताक्व। ४४मिनु मेको डांडती बेक्शो मुर येसु आ बरेशो नंशा, आ गुइ खोइल आ रो नेल्ल वामी गिल्लीशा गरूत। आ कुल यो रुमातमी फरंशो तशा, येसुमी “गिल्लो वासी प्रुइशशा, लचा गेने” दे मुर आन कली माइक्तीमी।

येसु कली साइक्चा मात्शो

४५मरीयम कली लेम्य जाक्शो शुश यहूदीमी मो दुम्शा तशा, येसु कली थमा सुइक्तेकम। ४६का निक्शी चहिं फरिसी आन कली गरुम्य लशा, येसु आ पशो शोत्रडम बाक्त। ४७मो दुम्शा ठेयब चदेब नु फरिसीपुकी बुक्शा “मुल मार पय? मारदे हना मेको मुरुमी शुश छक लाक्चा डा गेय पाइबाक्त। मती २६ :३-४ ४८मेको कली मो पचा गतय हना, नेल्लमी मेको कली थमा सुइक्नीम। मिनु रामीपुकीमी परमपरभु यावे आ सिं नु इसराएल रागी निम्फा खतम सल्लनीम” दे लोत्र पामे बाक्त। ४९मेकोपुकी नु काइयाफास माइशशा मुर का बाक्माक्त। मेको बसे डा नेल्ल क्येडा ठेयब चदेब बाक्माक्त। ५०मिनु मेकोमी “गे मारदे मतुइक्नीनी। गो नेल्ल रागी खतम दुम्चा क्येडा, मुर का कली साइक्चा रिम्शो बाक्ब” देमाक्त। यूहन्ना १८ :१४ ५१काइयाफासमी आंम मिम्शो मदे, तन्न मेको बसे डा नेल्ल क्येडा ठेयब चदेब दुम्शा “इसराएल रागी डा मुर आन पा डा येसु साइक्चा पुंडसीब” दे नोले दुम्ब लोत्र पशो बाक्त। ५२इसराएल रागी डा मुर आन कली ला ममाइ, तन्न बरशा बाक्शो परमपरभु यावे आ तमी तौ नेल्ल आन कली काथा दुम्पाइक्चा, दे येसु साइक्चा पुंडसीब दुम्त। यूहन्ना ७ :३५; यूहन्ना १० :१६; १यूहन्ना २ :२ ५३मिनु मेको नाक्ते रे येसु कली दोपा साइक्चा, दे सल्ला पामे बाक्त।

१४ मोपतीक येसु यहूदीपुकी नु मबाकथु, गोरशो रागी आ नेकथान एफराइम सहर लत। मिनु मेकर आ शंसीबपुकी नु बाक्त। २सामुएल १३ :२३

१५ मिनु यहूदी आन पास्सा चाड जाकचशो बाक्त। पहाड डा शुश मुरपुकी आंम कली ठीक संल्वा, दे पास्सा चाड आ डांडती यरूसलेम लाइबाकमा बाक्त। २इतिहास ३० :१७-१८ १६ मेकर जाकदीशशा, परमपरभु यावे आ खिमी बाकशा “गे मार मिन्नीनी ? येसु पास्सा चाडम जाकबा देय मजाकबा” दे हिल्लो पमुशा, येसु कली माल्मे बाक्त। १७ मिनु ठेयब चढेब नु फरिसीपुकीमी “सुमी येसु ते बाकबा, दे तुइक्ता, मेकोमी आंड कली यो तुइक्पदल” दे मुर आन कली देशो बाकमा बाक्त। मोपा येसु कली ग्याइक्चा माल्मे बाक्त।

मरीयममी येसु कली तेल खरेकशो

१२ यहूदी आन पास्सा चाड जाकचा ६ नाक्त डांडती येसु बेथानी गांउ जाकदीत। मेकर येसुमी लाजरस कली बेकशो र संपाइशशो बाक्त। यूहन्ना ११ :१,४३ २लाजरस आ खिमी येसु नु आ शंसीब आन कली थुल्वा ठीक पशा बाक्तेकम। मारथामी जचा थोत्रक योक्तु। लाजरस येसु नु काथा बाकशो बाक्त। ३मिनु मरीयममी मार पाप्तु देशो हना, लितरा का शुश क्येट लाइक्ब बरोत्रशो रिना पाइशशो तेल येसु आ खोइलीमी खरेक्ताक्व। मिनु आ चांमी फिक्ताक्व। मो पशा खिं गा नेल्ल बरोत्रशो रिना पपाइक्तु। लितरा का ३२७ ग्राम खोदेशो बाक्ब। लुका ७ :३८ ४मेकर येसु आ शंसीब इस्कारीयोत डा यहूदा यो बाक्त। मेको नोल येसु कली साइक्ब आन कली वारच पाइब दुम्बाकमाक्त। ५मेकोमी “मारदे सह सां देनारमी मेको तेल लेयशा, परुडग आन कली मयोक्गा ?” दे लोत्र पाप्तु। देनार का नाक्त का डा गाल्व बाक्त। ६यहूदामी परुडग आन कली शिशी पा मिम्शा ममाइ, तन्न क्येट कुरशा, क्येट सुइ पना पन बाक्बाकमाक्त। यूहन्ना १३ :२९ ७ मिनु येसुमी यहूदा कली “मरीयममी आं बेक्चा डांडती तेल खरेक्ताक्यी। एको कली श्यत मगवो। ८परुडगपुकी दा गेपुकी नु गेना हना यो बाक्नीम। गो चहिं गेपुकी नु शुश नाक्त मबाक्नुड” दे माइक्तु।

९ मिनु शुश यहूदीपुकीमी येसु मेकर बाक्त, दे तुइशशा, येसु आ पर्वम ला ममाइ, येसुमी बेक्शो र संपाइशशो लाजरस कली यो कोत्रचा, दे

जाक्तेकम। १० ठेयब चढेबपुकीमी “लाजरस कली यो साइक्चा” दे सल्ला पामे बाक्त। ११ मारदे हना मेको आ पर्वम शुशमी यहूदी आन शंतीक पराइशा, येसु कली थमा सुइक्तेकम।

येसु यरूसलेम सहर ओत्रशो

मती २१ :१-११ ; मर्कस ११ :१-१० ; लुका १९ :२९-४०

१२ मिनु आ दीसा शुश मुरुमी “येसु पास्सा नाक्त यरूसलेममी जाक्ब” देशो नेन्म बाक्त। १३ मिनु खजूर खा आ सफा शशा, येसु कली गरुथ जाक्तेकम। मेकोपुकीमी “हासन्ना, परमपरभु आ नेमी जाक्ब इसराएली आन पिप आसीक रशो बाक्ब” दे ग्यरशा, गरीना गरीन येसु कली गरुथ जाक्तेकम। होसन्ना आ देशो “परमपरभु वारच पने” बाक्ब। भजन संगरह ११८ :२५-२६ १४ मिनु येसुमी गधा आ चाइक्ब का डांडसाक्व। परमपरभु यावे आ बरेक्पाइशशो किताबमी १५ “सियोन डा मुर, महिनीन। कोत्रडीन, इन पिप गधा डाइशशा पिना पिन बाक्ब” दे बरेक्शो बाक्त। जकरिया ९ :९ १६ येसु आ शंसीबपुकीमी डांडती मेको लोत्र मरुष्शो बाक्तेकम। तन्न येसु स्वर्ग लशा नोल ला “मेको लोत्र येसु आ पर्वम बरेक्शो बाक्माक्त। दोदेशो बरेक्शो बाक्म, मोदेशो दुम्त” दे रुष्शो बाक्तेकम। १७ मेको “होसन्ना” दे गरीबपुकी सु बाक्मा बाक्त देशो हना, येसुमी लाजरस बेक्शो र संपाइशशो ताइब बाक्मा बाक्त। मिनु मेकोपुकीमी मुर आन कली लाजरस संसीशो आ पर्वमी तुइक्पाइक्तेकम। १८ मोपतीक मेकोपुकी येसु कली गरुथ जाक्तेकम। १९ मिनु फरिसीपुकीमी “गोपुकी मारइ पने मचान्य। कोत्रडीन, मुर नेल्ल मेको आ नोल खोइक्नीम” देमुम्तेकम। यूहन्ना ११ :४८

गरीस डा मुर येसु कली गरुथ जाकशा

२० मिनु पास्सा नाक्ती परमपरभु यावे कली मान पचा कली का निक्शी गरीस रागी डा मुर यो जाकशो बाक्तेकम। २१ मेकोपुकी फिलीप माइशशो शंसीब नु लोत्र पचा कली जाक्तेकम। फिलीप चहिं गालील रागी डा बेथसेदा सहर डा बाक्त। मिनु मेको गरीस रागी डा मुरपुकीमी “परभु, गोपुकी येसु कली गरुथ्चा दाक्नीकी” देतेकम। यूहन्ना १ :४४ २२ फिलीपमी मेको आन लोत्र नशा, अन्दरीयास कली माइक्तु। मिनु अन्दरीयास नु फिलीपमी येसु कली “गरीस रागी डा मुरपुकी इन कली गरुथ जाक्तेकम”

दे माइक्ताक्स। २३मिनु येसुमी “मुल रागीमी जरमेशो परमपरभु याव आ बाक्तीक लाइब। मिनु ठेयब सल्त्वा पुंडसीब। २४नोफा दाइशशा ननीन, चेरब गडा खपीमी शोकशा मराक्त हना, मको मोशा लीब। तन्न शोकशा राक्त हना, शुश गृल्लब। रोमी १४:९; १कोरिन्थी १५:३६ २५सुमी आंम दला दाक्स पाइबा, मको गना हना यो ब्रांइशा बाक्चा मताइब। सुमी चहिं रागीमी बाक्शा, आंम कली ममिम्थु, परमपरभु याव आ देशो टीबा, मको गना हना यो ब्रांइशा बाक्चा ताइब। मत्ती १०:३९; मत्ती १६:२५; लूका १७:३३ २६सुमी आं गेय पाइबा, आं देशो यो पचा माल्वा, मको आं बाक्तीकमी बाक्चा ताइब। आं आफोमी आं गेय पाइब आन कली ठेयब सल्ब” दंत। यूहन्ना १७:२४

येसुम आ बेक्चा आ पर्वम शंशो

२७मिनु येसुमी “मुल आं थुं साइक्ती। गो मार देनुडा, आफ, आं कली मोपा साइक्चा रे परांइयी, दे पुंडनुडा डा? गो साइक्चा पुंडसीचा कली रागीमी जाक्ती। मत्ती २६:३८ २८आं आफ, इन सक्ति कांइदीन” दे येसुमी दंत। मिनु सरीड रे “गो आं सक्ति कांइताकड। लेंशा चिनु कांइनुड” देशो संदा का नेंसाक्व। यूहन्ना १३:३१; मत्ती ३:१७; मत्ती १७:५ २९मिनु मंकर बाक्शा मुरपुकीमी मको संदा नेंशा “बुबु पाप्तु” दंतक्म। का निक्शीमी “परमपरभु याव आ स्वर्ग डा गेय पाइब कामी मको कली लोत्र पाप्तु” दंतक्म। ३०मिनु येसुमी “मको लोत्र आं कली देशो ममाइ, इन कली देशो बाक्ब। यूहन्ना ११:४२ ३१मुल रागी नेल्ल डा मुर आन कली निसाफ पची नाक्त जाक्त। मुल रागी कली हुकुम पाइब कली तिल्लीम। यूहन्ना १४:३०; यूहन्ना १६:११; लूका १०:१८ ३२गो क्युक्शा साइक्चा पुंडसीशा, मुर नेल्ल आन कली आं गे कीनुडमी” दंत। यूहन्ना ८:२८ ३३येसुमी दोपा साइक्चा पुंडसीचा चिक्शा बाक्नुड, दे तुइक्पाइक्चा कली मो दंत। ३४मिनु मुरपुकीमी येसु कली “परमपरभु याव आ लोत्र बरक्शा किताबमी खरीस्त गनाया मबक्थु बाक्ब” देशो नंतक। गे चहिं “रागीमी जरमेशा क्युक्शा साइक्चा पुंडसीब” देनीनी। मिनु मको रागीमी जरमेशा चहिं सु बाक्म?” दे हिल्लो पाम्तेक्म। भजन संग्रह ११०:४; दानीएल ७:१४ ३५मिनु येसुमी मको मुर आन कली “मको छेड्छेड् माइशशा का गेपुकी नु इक्का नाक्त

सम्म बाक्ब। छेड्छेड् बाक्म सम्म गाक्कीन। छेड्छेड्मी मगाक्तीनी हना, छिड्छिड्मी गाक्चा माल्लीनी। सु छिड्छिड्मी गाक्बा, मको ते लाइबा मतुइक्ब। ३६छेड्छेड् माइशशा का बाक्म सम्म मको कली थमा सुतीन। मो पाइतीनी हना, छेड्छेड् माइशशा आ तमी तौ दुम्नीनी” दंत। मिनु येसुमी मको लोत्र पशा, मंकर र गाक्शा खरुंडसाक्व। एफिसी ५:२८

यसैयाम यहूदी आन पर्वम बरक्शा

३७मिनु येसुमी मुर आन डांइती शुश छक लाक्चा डा गेय पाप्तु हना यो, मकोपुकीम येसु कली थमा मसुदेम। ३८मोपा यसैया माइशशा परमपरभु याव आ लोत्र पाइब आ बरक्शा लोत्र थमा दुम्त। मार बरक्शा बाक्त देशा हना “परभु, आंइ देशो लोत्र सुम थमा सुदा डा? इन पशा गेय सुम तुइक्ता डा?” दे बरक्शा बाक्त यसैया ५३:१ ३९मोपतीके सुइमी थमा सुइक्ने मचबेम। यसैया ६:९,१० ४०मिनु यसैयामी “परमपरभु यावमी मको आन कली मिक्च मताइब सल्लतीमी। मोपा परमपरभु याव कली मतुइक्नीम। मको आन कली मटीब सल्लतीमी। मोपा मकोपुकीमी परमपरभु याव आ लोत्र रुम्ने मचबेम। मिनु परमपरभु याव कली ‘आं कली सापतीन’ दे मपुंडनीम” दे यो यसैयामी बरक्शा बाक्त। मत्ती १३:१४-१५ ४१मारदे हना यसैयामी येसु खरीस्त आ छेड्छेड् डा सक्ति ततीक येसु आ पर्वम लोत्र पशा बरक्शा बाक्त। यसैया ६:१ ४२ठेयब मुर शुशमी येसु कली थमा सुइक्तेक्म। मकोपुकीमी “फरिसीपुकीमी आंइ कली यहूदी आन गरुम्तीक खिं र तिल्लीम” दे हिंशा, अरु आन कली “गो थमा सुइक्ब दुम्तक” दे मदंम। यूहन्ना ९:२२ ४३मारदे हना मकोपुकीमी “आंइ पर्वमी मुरपुकीमी मार देनीमी” दे परमपरभु याव क्येडा मुरपुकी तशा हिंतेक्म। यूहन्ना ५:४४

येसुम परमपरभु आ शंशो ला पाइब

४४मिनु येसुमी ठेयब संदा पशा “आं कली थमा सुइक्बमी आन थमा सुइशशा आं कली ला ममाइ, तन्न आं कली सोइक्ब कली यो थमा सुइशशा नम। ४५मिनु सुम आं कली ताइबा, मकोमी आं कली सोइक्ब कली यो ताइब। यूहन्ना १४:९ ४६रागी डा मुर आन कली परमपरभु याव आ पर्वम तुइक्पाइक्चा कली गो रागी कली छेड्छेड् दुम्शा जाक्ती। मोपतीक सुम आं कली थमा सुइक्बा, मको छिड्छिड्मी मबाक्ब। ४७मिनु

सु सुमी आं देशो लोत्र नंशा यो मपाइनीमी, गा मको आन कली निसाफ मपाइनुड। मारदे हना गो रागी डा मुर आन कली निसाफ पचा कली जाकशो मनड। तन्न रागी डा मुर आन कली पाप र परांइचा कली जाकशो नड। यूहन्ना ३:१७; लूका ९:५६ ६८ सुम आं कली मबरथु, आं देशो लोत्र मपाइबा, मको कली निसाफ पाइब का बाकब। मको निसाफ पाइब सु बाकब देशा हना, आं देशो लोत्र बाकब। एको लोत्रमी मको कली नोले डा नाक्ती निसाफ पाइब। ४९ आं कली सोइकब आं आफोमी गो मार देचा नु शंचा माल्लनुडा, मको नेल्ल माइक्ती। मोपतीके मको आं लोत्र ममाइ। आं आफ आ लोत्र बाकब। ५० मको आ देशो लोत्र मार बाकब देशा हना, गना हना यो ब्रांइशा बाकचा गेब लोत्र बाकब। मको आं आफोमी आं कली देशो लोत्र बाकब। मोपतीके आं पशो लोत्र आं आफोमी आं कली डांइती देशो लोत्र बाकब” दे येसुमी मुर आन कली माइक्तीमी।

येसुम आ शंसीब आन खोइल चिकशा

१३ येसुमी पास्सा चाड डांइती “मुल रागी र आं आफ आ बाक्तीक लची नाक्त जाक्त” दे तुइक्ताक्व। मिनु येसुमी नेल्ल क्यडा नोले डा नाक्त सम्म रागीमी बाकशो आ मुर आन कली दाकशो बाक्त। यूहन्ना ७:३०; यूहन्ना १७:१ २ मिनु येसु नु आ शंसीबपुकी नाक्दो डा खम जना जन बाकशो बाक्तेकम। आ शंसीब सिमान आ तो इस्कारीयोती डा यहूदा यो बाकशो बाक्त। सैतानमी “येसु कली साइक्चा माल्ब आन कली वारच पावो” दे यहूदा कली मिम्पाइश्शो बाक्त। लूका २२:३ ३ मिनु येसुमी “आं आफोमी आं कली नेल्ल सक्ति गती। गो परमपरभु यावे र जाकशो नड। मिनु परमपरभु यावे आ बाक्तीके लेत्नुड” दे तुइश्शा, यूहन्ना ३:३५; यूहन्ना १६:२८ ४ येसु बाकशा, आ तार फकशा रिम्शो वा परुइश्शा, वा कामी गिल्साक्व। ५ मिनु चिकतीकेमी व्याक्कु कुर पा, आ शंसीब आन खोइल चिकताक्मी। चिकशा डा मिन आ गिल्सीशो वाम फिकताक्मी। ६ मिनु सिमान पतरुस आ पालो जाक्मनु, मकोमी येसु कली “परभु, गेमी आं खोइल चिकचा दुम्बा डा ?” देत। ७ मिनु येसुमी “मुल आं पशो मरुनेवे। गे नोले ला रुनेवे” देत। ८ पतरुसमी “गो आं खोइल चिकचा काइ मगनुड” देत। मिनु येसुमी “गो इ खोइल मचिकताकन हना, गे आं मुर मनवे” दे माइक्तु। ९ मिनु सिमान पतरुसमी “परभु, आं

खोइल ला ममाइ, आं गुइ पिया यो चिकतीनी” देत। १० येसुमी “चिकशा मुर आन कली लंशा चिकचा ममाल्ब। खोइल ला चिकचा माल्ब। खोइल चिकशानु, नेल्ल रिम्शो दुम्ब। गेपुकी चिकसीशो दुम्तीनी। काइ मचिकसीशो गेपुकी नु का बाकब” देत। यूहन्ना १५:३ ११ येसुमी आ कली साइक्ब आन कली वारच पाइब कली तुइश्शा मो देत।

१२ मिनु येसुमी आन खोइल चिकने थुम्शा, आ डांइती परुइश्शा फक्तीक फकशा, आ बाक्तीक लत। मिनु शंसीब आन कली “इन कली पशो गेय आ अर्थ मार बाकबा, गे तुइक्तीनी ? १३ गेपुकीमी आं कली शंब नु परभु देनीनी। मको ठीक देतीनी। मारदे हना गो मकोन नड। मती २८:८, १७ १४ गो परभु नु शंब दुम्शा यो इन खोइल चिकताक्नी। गेपुकीमी यो इन खोइल चिकमुचा माल्तीनी। लूका २२:२७ १५ गो इन खोइल चिकताक्नी। मिनु गेपुकी आं खोदेशो पने। फिलिप्पी: १ पतरुस २:२१ १६ मिनु नोफा दाइश्शा नेनीन, सिं डा होत्रप क्यडा वाइल ठेयब ममाइ। मिनु सोइश्शो मुर सोइक्ब क्यडा ठेयब यो ममाइ। १७ गेपुकी आं देशो लोत्र तुइश्शा पाइतीनी हना, गे आसीक रशा ग्येरसीशो मुर दुम्तीनी” दे येसुमी देत। मती ७:२४

यहूदा आ पर्वम लोत्र पशो

मती २६:२१-२५; मर्कूस

१४:१८-२१; लूका २२:२१-२३

१८ मिनु येसुमी “गो नेल्ल इन पर्वम लोत्र मपाइनुड। आं योत्रशा आन कली तुइक्नुड। परमपरभु यावे आ बरक्पाइश्शो लोत्रमी मार बरक्शा बाकब देशा हना “आं शोब्त जाइबमी आं कली साइक्चा कली आ खोइल क्युक्तु” दे बरक्शा बाकब। मुल मोदेशो दुम्चा चिकताक्व। भजन संगरह ४१:९ ११ मोदेशो दुम्चा डांइती तुइक्पाइक्तीनी। मिनु मो दुम्मनु, गो मकोन बाकडा बाक्त, दे तुइक्तीनी। मिनु आं कली थमा सुइक्तीनी। २० नोफा दाइश्शा नेनीन। सुमी आं साइश्शा कली बराइबा, मकोमी आं कली बराइब। मिनु सुमी आं कली बराइबा, मकोमी आं कली सोइक्ब कली यो बराइब” देत। मती १०:४० २१ मिनु येसुमी मको लोत्र पशा आ थुं खाइक्त। मिनु “नोफा दाइश्शा नेनीन। गेपुकी नु का बाकब। मकोमी आं कली साइक्ब आन कली वारच पाइब” दे आ थुं खाइश्शा देत। यूहन्ना १२:२७ २२ मिनु येसु आ शंसीबपुकीमी “सु आ

पर्वम देशो बाक्मै?" दे मतुइक्थु कोवमुम्तेक्म । २३ येसु आ नल्ल क्येडा दाक्शो शंसीब येसु आ नक्था बाक्त । यूहन्ना १९:२६ ; यूहन्ना २०:२ ; यूहन्ना २१:२० २४ मिनु सिमान पतरुसमी मेको कली "सु आ पर्वम लोत्र पवा, हिल्लो पावो । मिनु आइ कली देना" देत । २५ मिनु येसु आ नक्था बाक्शो शंसीबमी "परभु, मेको सु बाक्म?" दे येसु कली हिल्लो पाप्तु । २६ मिनु येसुमी "गो एको शोब्ले शक्कुमी तेप्शा सु कली जचा गेडा, मेकोन बाक्व" देशा, येसुमी शोब्ले शक्कुमी तेप्शा, सिमान आ तो इस्कारीयात डा यहूदा कली गेत्तु । २७ यहूदामी शोब्ले ताक्तु । मेना सैतान आ थुंमी ओव्रत । मिनु येसुमी यहूदा कली "इ मिम्शो पावो" देत । २८ शंसीबपुकीमी येसुमी यहूदा कली मारदे मोदंशो देमे, दे मतुइक्तेम । २९ का निक्शोमी "यहूदामी क्येट आ थैली कुरशो बाक्व । मिनु येसुमी मेको कली पास्सा नाक्त कली 'मार मार माल्ण्या, मेको ग्याथ्र लावो, दे मदा कां, परुडग आन कली क्येट योक्शा गेवो' दे मदा कां?" दे मिम्ताक्म । ३० यहूदा शोब्ले ताक्शा, छुल बोक्शा लत । मेना छिड्छिड् दुम्शो बाक्त ।

येसुम नक अरेशो लोत्र शंशो

यूहन्ना १३:३१-१६:३३

३१ मिनु यहूदा लम नोले येसुमी "मुल रागीमी जरमशोमी सक्ति ताप्तु । मिनु मुरपुकीमी रागीमी जरमेशो आ पतीक तशा, परमपरभु याव कली ठेयब सल्लनीमी । यूहन्ना १२:२३,२८ ३२ मिनु परमपरभु यावमी रागीमी जरमेशो कली आम आ सक्ति गेशा, ठेयब सल्ल । एको मुल दुम्चा चिक्शो बाक्त । यूहन्ना १७:१-५ ३३ आं आइक्च आलपुकी, गो इन कली शुश दाक्ताक्ड हना यो, गो गपुकी नु शुश बाक्चा मताइनुड । गपुकी आं कली माल्लीनी । मिनु गो यहूदी आन कली 'आं लतीकमी गेपुकी जाक्ने मचाप्नीनी' देशो सोदंशो, गो इन कली यो मो देनुड । यूहन्ना ८:२१ ३४ मिनु इन कली नक अरेशो लोत्र का पाइनुड । मार लोत्र पाइनुड देशा हना, गेपुकी दाक्मुने । गोम इन कली दाक्शो सोदंशो पा गेपुकी या दाक्मुने । यूहन्ना १५:१२,१३,१७ ३३ दाक्मुशो तशा, मुर नल्लेमी 'गेपुकी आं शंसीब ननी' दे तुइक्नीम" दे येसुमी देत ।

येसुम पतरुस कली लोत्र पशो

मती २६:३३-३५ ; मर्कूस

१४:२९-३१ ; लूका २२:३१-३४

३६ मिनु सिमान पतरुसमी येसु कली "परभु, ते लाइनीनी?" दे हिल्लो पाप्तु । येसुमी "गो ते लाइनुडा, मुल गे आं नोले खोइक्ने मचाप्नेव । तन्न नोले खोइक्नेव" देत । यूहन्ना २१:१८-१९ ३७ मिनु पतरुसमी "परभु, मारदे इन कली मुल नोले खोइक्ने मचाप्नुडा डा ? इन साइक्चा पुंइसीचा डा साइक्चा पुंइसाक्ड हना यो, गो बेक्नुड" देत । ३८ मिनु येसुमी "मार आं साइक्चा पुंइसीचा डा साइक्चा पुंइसीनेव ? इ नोफा दाइशशा नेनो, माले गरीचा क्येडा डांइती गेमी खेयप सां आं कली मतुइक्नुड, दे देनेव" दे माइक्तु ।

येसु परमपरभु नु गर्म्पाइक्व लां बाक्व

१ मिनु येसुमी आ शंसीब आन कली "इन थुं १४ ग्येथ लक्च मपने । परमपरभु याव कली थमा सुतीन । आं कली यो थमा सुइय्यीनी । २ आं आफ बाक्तीकम शुश मुर आन कली बाक्तीक सल्लो बाक्नीम । मोपतीक इन बाक्तीक ठीक पथ लाइनुड । ३ मिनु इन बाक्तीक ठीक पशा, लंशा जाक्शा आं बाक्तीक लाइक्ननी । मिनु गो नु काथा बाक्नीनी । यूहन्ना १२:२६ ; यूहन्ना १७:२४ ४ मिनु आं लतीक लां तुइक्नीनी" देत । ५ मिनु थोमासमी येसु कली "परभु, गे ते लाइनीनी ? गो मतुइक्नीकी । मिनु लां दोपा तुइक्नीकी?" देत । ६ मिनु येसुमी "गो थमा नु ब्रांइचा गेव लां नड । सुइ आन पतीक गेना हना यो आं आफ नु बाक्चा मताइनीम । तन्न आं पतीक रे ला गेना हना यो परमपरभु याव नु बाक्चा ताइनीम । यूहन्ना १०:१ ; मती ११:२७ ; रोमी ५:१-२ ; हिब्रू १०:२० ७ गेपुकी आं कली तुइक्ताक्नी हना, आं आफ कली यो तुइक्नीनी । मुल रे गेपुकी आं आफ कली तुइशशा ताइनीनी" देत ।

८ मिनु फिलीपमी "परभु, इन आफ आंइ कली कांइदीन । मिनु ग्येरनीकी" देत । ९ मिनु येसुमी "गो नु शुश बाक्शा यो, गे आं कली मतुइक्नेव, फिलीप ? सुमी आं कली तयी, मेकोमी आं आफ कली यो ताप्तु । मारदे 'इन आफ कांइदीन' देनेव ? यूहन्ना १२:४५ ; हिब्रू १:३ १० गो आं आफ आगामी बाक्नुड । मिनु आं आफ आं आगामी बाक्व, दे थमा मसुइक्नेव ? आं देशो लोत्र आं

के ममाइ, आं आफ आ लोत्र बाक्व। आं आगामी बाक्शा आं आफोमी गय पाइव। यूहन्ना १२:४९, ११गो आं आफ आ आगामी बाक्नुड। आं आफ आं आगामी बाक्व, दे थमा सुतीन। आं लोत्र नंशा, थमा सुइक्वने मचाप्नीनी हना, आं पशो तशा थमा सुतीन। यूहन्ना १०:२५,२६, १२मिनु नोफा दाइश्शा नेनीन, सुमी आं कली थमा सुइक्वा, मेकोमी आं पशो गय या पाइव। मिनु आं क्येडा ठेयब गय पाइव। मारदे हना गो आं आफ आ बाक्तीक लाइनुड। मत्ती २८:१९, ११मिनु गेपुकी आं नेमी मार मार पुंइनीनु, गो गेनन्नी। गो इन पुंइशो गेशा, गो, आं पतीक आं आफ आ सक्ति कांइनुड। यूहन्ना १५:७; यूहन्ना १६:२४; मर्कूस ११:२४; १यूहन्ना ५:१४-१५ आं नेमी मार मार पुंइनीनी, गो मेको गेनन्नी।

परमपरभु आ सोक्त आ पर्वम शंशो

१२गेपुकी आं कली दाक्ताक्नी हना, आं अरेशो पाइनीनी। यूहन्ना १५:१०; १यूहन्ना ५:३, १६गेपुकी नु काथा बाक्शा, वारच पाइव का सोइक्वा, दे आं आफ कली पुंइनुड। मेको गेपुकी नु गेना हना यो मपरांइथु बाक्व। यूहन्ना १५:२६; यूहन्ना १६:७, १७मेको वारच पाइव थमा डा सोक्त बाक्व। आं कली थमा मसुइक्वपुकीमी मेको सोक्त ताक्न मचाप्नीम। मारदे हना मेकोपुकीमी मेको सोक्त कली मतुइक्नीम। गेपुकी चहिं मेको कली तुइक्नीनी। मारदे हना मेको गेपुकी नु बाक्व। मिनु इन आगामी बाक्व। यूहन्ना १६:१३

१८गो इन कली राम रोइक्व सोदंशो पा मयोइक्नन्नी। इन बाक्तीक जाक्नुड। १९इच्का नोले थमा मसुइक्वपुकीमी आं कली लेशा मताइनीम। गेपुकीमी चहिं आं कली ताइनीनी। मारदे हना गो बरांइनुड। मिनु गेपुकी यो बरांइनीनी। यूहन्ना २०:२०, २०मिनु आं आफ आ आगाम बाक्नुड। गेपुकी आं आगामी बाक्नीनी। मिनु गो इन आगामी बाक्नुड, दे मेना रुष्शा तुइक्नीनी। २१सुमी आं अरेशो तुइश्शा पाइवा, मेकोमी आं कली दाक्व। सुमी आं कली दाक्वा, आं आफोमी मेको कली यो दाक्व। मिनु गो मेको कली दाक्शा, आं कली तुइक्पांइसीनुड” दे येसुमी दंत। १यूहन्ना ५:३; यूहन्ना १६:२७, २२मिनु यहूदामी, इस्कारीयोत डा यहूदा चहिं ममाइ, येसु कली “परभु, गे आंइ कली तुइक्पांइसीनीनी। थमा मसुइक्व आन कली चहिं मतुइक्पांइसीनीनी, दोपा रुसीबा

डा ?” दे हिल्लो पाप्नु। २३मिनु येसुमी “सुमी आं कली दाक्वा, मेकोम आं दंशो लोत्र पाइव। आं आफोमी मेको कली दाक्व। मिनु गो नु आं आफ मेको नु बाक्नस्कु। हितोपदेस ८:१७; एफिसी ३:१७, २४आं कली मदाक्वमी चहिं आं दंशो लोत्र यो मपाइव। आं दंशो लोत्र आं के ममाइ, आं कली सोइक्व आं आफ के बाक्व। यूहन्ना ७:१६-१७

२५गेपुकी नु बाक्शा, एको लोत्र पाता। २६आं नेमी आं आफोमी इन कली वारच पाइव आ सोक्त सोइक्व। मेको सोक्तीमी इन कली मारदे मारदे शंब नु आं दंशो लोत्र नेल्ल फरुकपाइक्व।

येसु आ गेशो थुं नाइक्तीक

२७गो आं थुं नाइश्शो सोदंशो पा इन थुं नाइक्पाइक्नन्नी। मुरुमी पशो सोदंशो ममाइ, इन थुं ग्येत्थ लुकच मपने। महिनीन। यूहन्ना १६:३३; फिलिप्पी ४:७, २८गो लाइनुड। मिनु लेशा जाक्नुड” दे आं दंशो नेतीनी। गेपुकी आं कली दाक्ताक्नीनी हना, ग्येरसीनी वा। मारदे हना गो आं आफ आ बाक्तीक लाइनुड। आं आफ चहिं आं क्येडा ठेयब बाक्व। २९नेल्ल दुम्चा क्येडा डांइती शंताक्नी। मेको दुम्मनु, गेपुकी थमा सुइक्व दुम्नीनी। ३०मुल डा मेर शुश मशंनन्नी। मारदे हना रागी डा मुर आन कली हुकुम पाइव जाक्व। मेकोमी आं कली गराने मचाप्व। यूहन्ना १२:३१; एफिसी २:२, ३१गो आं आफ आ दंशो पाइनुड। मो पडानु, गो आं आफ कली दाक्नुड, दे रागी रागी डा मुरपुकीमी तुइक्तमेक्ल। लो बोक्कीन, गाक्व” दंत। यूहन्ना १०:१८

थमा डा अडगुर बोट

१५ मिनु येसुमी “गो थमा डा अडगुर बोट नड। आं आफ चहिं अडगुर कली कोत्रब बाक्व। भजन संगरह ८०:९-१२; यसेया ५:१-७; येरमीया २:२१, २आं आफोमी फल मसिप्व राशी आन कली खरोइश्शा ताइक्व। फल सिप्व राशी कली मेको क्येडा शुश फल सिप्पाइक्वा, दे मुंइशा वोइक्व। यूहन्ना १३:१०; १पतरुस १:२३, ३गेपुकी आं दंशो लोत्र टितीक मुंइसीशो राशी सोदंशो दुम्तीनी। ४गेपुकी आं आगामी बाक्कीन। मिनु गो इन आगामी बाक्नुड। राशी बोटमी मबाक्त हना, मेको राशी फल सिन्ने मचाप्व। मोपतीके गेपुकी यो आं आगामी मबाक्तीनी हना, फल सिन्ने मचाप्नीनी। ५गो

अङ्गुर बोट नङ्ग। गेपुकी चहिं राशी ननी। सु आं आगाम बाक्वा, गो मको आ आगामी बाक्नुङ्ग। मिनु मेकोमी शुश फल सिन्ध। तन्न गो र डोन बाक्तीनी हना, मारइ पने मचाप्नीनी। २कोरिन्थी २:५-६ ६सु चहिं आं आगामी मबाक्वा, मेको खरोइश्शा ताइश्शा राशी खांदंशो पा सोव्रब। मिनु मुरपुकीमी मांदंशो राशी कली खुप्शा मीम चौइनीम। ७गेपुकी आं आगामी बाक्शा नु आं लोत्र इन आगामी बाक्त् हना, इन दाक्शा पुनीन। मिनु इन पुंडंशो ताइनीनी। मर्कूस ११:२४ ५गेपुकी आं शंसीब दुम्शा, शुश फल सिन्ध दुम्तीनी हना, आं आफ आ सक्ति कांइनीनी। मोपा गेपुकी आं शंसीब दुम्तीनी। मती ५:१६

### दाक्मुचा माल्ब, दे शंशो

१आं आफोमी आं कली दाक्ब। मिनु आं आफोमी आं कली दाक्शो खांदंभ पा, गो इन कली दाक्ताक्नी। गेपुकी यो 'गो इन कली दाक्नुङ्ग' दे तुइश्शा बाक्कीन। १०दोपा गो आं आफोमी दंशो लोत्र टिशा, आं आफ नु दाक्मुइनस्कु, मोपा गेपुकी यो आं दंशो लोत्र टीतीनी हना, गो नु दाक्मुशा बाक्नय। ११इन कली एको लोत्र मारदे पाता दंशा हना, आं ग्यरशो थुं इन थुंमी लील। मिनु इन थुं ग्यरसीशा बाक्त्, दे एको लोत्र पाता। यूहन्ना १७:३३

१२गो इन कली दाक्शो खांदंशो पा गेपुकी यो दाक्मुने, दे आं अरशा बाक्ब। यूहन्ना १३:३४ १३सु आ वारच आ पर्वम साइक्वा पुंडसीबा, मेको नेल्ल क्येडा ठेयब दाक्ब वारच बाक्ब। यूहन्ना १०:११; १यूहन्ना ३:१६ १४गेपुकी आं दंशो पना पन बाक्तीनी हना, आं वारच ननी। यूहन्ना ८:३१; मती १२:५० १५मुल र गो इन कली वाइल मदेनुङ्ग। मारदे हना वाइल आ ठेयब मुरुमी मार गेय पचशो बाक्म, मेको वाइलम मतुइक्ब। गो चहिं इन कली आं आफ आ दंशो नेल्ल शंताक्नी। मोपतीके इन कली वारच देनुङ्ग। १६गेपुकीमी आं कली मयोत्रयीनी। तन्न गेपुकी लशा फल सिश्शा, इन सिश्शो फल लील, दे गो इन कली योत्रतन्नी। मिनु गेपुकीमी आं आफ कली आं नेमी इन दाक्शो पुंडनीनु, आं आफोमी इन कली गेवल, दे वोइक्तन्नी। १७गो इन कली 'दाक्मुने' दे माइक्तन्नी" देत।

### थमा सुइक्ब श्येत जाइनीम

१८मिनु "रागी डा मुरपुकीमी इन कली मदाक्नीमी। इन कली मदाक्चा क्येडा डांइती

आं कली मदाक्नीम, दे तुइक्नीनी। यूहन्ना ७:७ ११गेपुकी रागी डा मुर खांदंशो बाक्तीनी हना, रागी डा मुरपुकीमी इन कली दाक्नीमी। तन्न गे रागी डा मुर मननी। गो इन कली रागी डा मुरपुकी र योत्रतन्नी। मोपतीके रागी डा मुरपुकीमी इन कली मदाक्नीम। यूहन्ना १७:१४; १यूहन्ना ४:४-५ २०मिनु डांइती गो इन कली 'होत्रप क्येडा वाइली ठेयब ममाइ' देती। मिनु आं दंशो मिम्तीन। मुरपुकीमी आं कली श्येत गेतीमी हना, इन कली यो श्येत गेनीमी। मुरपुकीमी दोपा आं दंशो लोत्र नेशा टीम, मोपा इन दंशो लोत्र यो टीनीम। यूहन्ना १३:१६; मती १०:२४-२५ २१मुरपुकीमी आं नोले सोइक्ब इन कली श्येत गेनीम। मारदे हना आं कली सोइक्ब कली मतुइक्नीम। यूहन्ना १६:३ २२गो रागीमी जाक्शा, मेको मुर आन कली शंताक्नीमी। आं लोत्र तुइश्शा यो मटीम। मोपतीके मेकोपुकी पाप राइनीमी। यूहन्ना ९:४१ २३सुमी आं कली मदाक्वा, मेकोमी आं आफ कली यो मदाक्ब। लुका १०:३६ २४गो मुर आन कली छक लाक्वा डा गेय कांइताक्नीमी। आं क्येडा डांइती सुइमी आं खांदंशो गेय मकांइदे। मेको गेय कांइशा यो मुरपुकीमी आं आफ नु गो निम्फा आंस कली मदाक्नीम। २५परमपरभु यावेमी बरक्पाइश्शो लोत्र थमा दुम्चा कली आं कली मदाक्नीम। मार बरक्पाइश्शो बाक्त् दंशा हना 'मेकोपुकीमी आं कली मोशा यो मदाक्नीम' दे बरक्शा बाक्त्। भजन संग्रह ६९:४

२६मिनु वारच पाइब का जाक्ब। गो मेको कली आफ आ बाक्तीक र सोइक्नुङ्ग। मेको परमपरभु यावे र जाक्शो थमा डा सोक्त् बाक्ब। मेकोमी आं पर्वम शंभ। यूहन्ना १४:१६,२६; लुका २४:४९ २७मिनु गेपुकी यो आं सांक्छी दुम्शा, मुर आन कली आं पर्वम शंनीनी। मारदे हना गेपुकी डांइती र गो नु बाक्शो ननी" देत। पररित १:८,२१-२२; पररित ५:३२

१६ मिनु येसुमी "गो एको लोत्र नेल्ल मारदे शंताक्नी दंशा हना, थमा सुइक्तीक र नोले मशांइसीन, दे शंताक्नी। २मुरपुकीमी इन कली गरुम्तीक सिं र तिल्लीम। थमा, इक्का नोले इन कली साइक्बपुकीमी 'गो परमपरभु यावे आ दाक्शो पना पन बाक्ती' दे मिम्नीम। मती १०:१७,२२; मती २४:९ ३मोदंशो पाइनीम। मारदे हना आं आफ नु आं कली मतुइक्नीम। यूहन्ना १५:२३ ४मिनु गो मेको नेल्ल इन कली

शंताकन्नी । आं देशो दुम्मनु, गो इन कली डांइती देशो मिम्तीन । डांइती गो एको लोत्र इन कली मंनपाइकन्नी । मारदे हना गेपुकी नु काथा बाक्ती ।

परमपरभु आ सोक्त आ गेय

५ मुल चहिं आं कली रागीमी सोइक्व आ बाक्तीकमी लाइनुड । गो लती हना यो, गेपुकी सुइमी 'त लाइनीनी ?' दे हिल्ला मपाइनीनी । ६ तन्न आं देशो नंशा, इन थुं खाइक्व । ७ नोफा दाइश्शा ननीन, आं लशो इन कली रिम्शो दुम्ब । गो मलती हना, थमा सुइक्व आन कली वारच पाइब मजाक्व । गो लती हना, मेको कली सोइक्नुड । यूहन्ना १४ :१६,२६ ८ मिनु मेको जावशा, रागी डा मुर आन कली पाप आ पर्वम नु परमपरभु यावे आ डांइती मार ठीक बाक्व नु परमपरभु यावे आ निसाफ पतीक दोदेशो बाक्वा, दे शंब । ९ मेको आन पाप मार बाक्व देशा हना, आं कली थमा मसुइश्शो बाक्नीम । यूहन्ना १५ :२२,२४ १० परमपरभु यावे आ डांइती ठीक दुम्शा बाक्वा आ पर्वम मार शंब देशा हना, गो आं आफ आ बाक्तीक लाइनुड । गो दुम्तीक गेपुकीमी आं कली मताइनीनी, दे शंब । पररित ५ :३१ ; रोमी ४ :२५ ११ मिनु निसाफ पचा आ पर्वम मार शंब देशा हना, परमपरभु यावेमी रागी डा मुर आन कली हुकुम पाइब सैतान कली निसाफ पन थुम्तु, दे शंब । यूहन्ना १२ :३१

१२ मिनु इन कली शंतीक लोत्र शुश लीब । तन्न मुल फाल्न मचापनीनी । १३ कोरिन्थी ३ :१ १३ मिनु थमा डा सोक्त जाक्शा, इन कली थमा लां कोइशा शंब । मेकोमी आंम मिम्शो मशंब । तन्न मार मार नंबा, मेकोन शंब । नोले मार मार दुम्बा, मेको यो शंब । यूहन्ना १४ :२६ ; १ यूहन्ना २ :२७ १४ आं सक्ति कोइब । गो मार देनुडा, मेको इन कली शंब । १५ आं आफ आ सक्ति नु आं सक्ति कान बाक्व । आं आफ नु मार मार बाक्मे, मेको आं के नम । मिनु परमपरभु यावे आ सोक्तीमी आं लोत्र नंशा, इन कली शंब । यूहन्ना ३ :३५ ; यूहन्ना १७ :१०

“परमपरभु आ बाक्तीक लाइनुड” देशो

१६ इच्का नाक्त नोले आं कली मताइनीनी । मिनु इच्का नोले ताइनीनी” दे यसुमी आ शंसीब आन कली माइक्तीमी । यूहन्ना १४ :१९ १७ आ शंसीब का निक्शीमी “इच्का नाक्त नोले आं कली मताइनीनी । मिनु लंशा इच्का नाक्त नोले ताइनीनी । मिनु गो आं आफ आ बाक्तीक

लाइनुड देत । एको लोत्र मार में” देमुम्तेक्म । १८ मिनु “इच्का नोले नाक्त देशो लोत्र, मार में, आ देशो लोत्र मरुबय” देमुम्तेक्म । १९ मिनु येसुमी आ कली हिल्लो पाइनीमी, दे तुइक्ताक्व । मिनु मेको आन कली “इच्का नाक्त नोले आं कली मताइनीनी । मिनु लंशा इच्का नाक्त नोले ताइनीनी देशो लोत्र आ पर्वम मार लोत्र पमुनी ? २० नोफा दाइश्शा ननीन, गेपुकी डाक्शा, हिशक पाइनीनी । रागी डा मुरपुकी चहिं ग्येरसीनीम । इन थुं खाइश्शो बाक्नीनी । तन्न थुं खाइश्शो साशा ग्येरनीनी । मर्कस १६ :१० २१ मीश मुरुमी आल थिचावानु “आं थिचो जाक्व” दे हिंशा, श्यत जाइब । तन्न आल थिशा “आल का जरमेसाक्व” दे ग्येरसीब । आ डांइती डा हिंशो नु श्यत ममिम्ब । यसैया २६ :१७ २२ मिनु मेको सोदेशो पा गेपुकी मुल थुं खाइश्शो बाक्नीनी । तन्न गो इन कली लंशा तडानु, गेपुकी थमा पा ग्येरसीनीनी । मिनु इन ग्येरसीशा सुइमी क्याम्ने मचापनीम । २३ मेना गेपुकी आं कली मारइ हिल्लो मपाइनीनी । नोफा दाइश्शा ननीन, गो आं नेमी आं आफ कली मार मार पुंइनीनु, आं आफोमी इन कली गेब । यूहन्ना १४ :१३-१४ २४ मुल सम्म गेपुकीमी आं नेमी मारइ मपुंइनी । पुनीन, मिनु इन पुंइशो ताइनीनी । मेको तशा, गेपुकी थमा पा ग्येरसीनीनी ।

२५ गो इन कली कथा सोदेशो पा शंताकन्नी । नोले कथा पा मशंनन्नी । मेना आं आफ आ पर्वम मारइ मखरुइक्थु शंनन्नी । यूहन्ना १५ :११ २६ आं नेमी पुंइनीनी । मिनु गो “आं आफ कली इन पर्वम पुंइनुड” दे इन कली मंदेनुड । २७ आं आफोमी इन कली दाक्व । मारदे हना आं कली दाक्ताकनी । गो आं परमपरभु यावे र जाक्शो नड, दे थमा सुइक्तीनी । यूहन्ना १४ :२१ २८ गो आं आफ र रागीमी जाक्ती । लंशा रागी र पा, आं आफ आ बाक्तीक लाइनुड” देत ।

२९ मिनु आ शंसीबपुकीमी येसु कली “मुल गो कथा पा मशंथु, मारइ मखरुइक्थु शंनीनी । ३० गो नेल्ल तुइक्तीनी, दे गोपुकी मुल तुइक्ताक्व । मोपतीक इन कली शंब ममात्ब । गो परमपरभु यावे आ बाक्तीक र थिशा ननी, दे थमा सुइक्ताक” देतेक्म । ३१ मिनु येसुमी “मार, गो मुल थमा सुइक्तीनी, मिनु ? ३२ नोले नेल्ल बराशा, इन खिं खिं लशा, आं कली परांइनीनी । मिनु गो का ला बाक्नुड । तन्न गो का ला मडुम्नुड । मारदे हना आं आफ गो नु बाक्व । जकरिया १३ :७ ; मत्ती २६ :३१ ३३ आं कली मिम्शा इन थुं नाइश्शा

बाक्कीन, दे एको लोत्र शंताकन्नी। गेपुकी रागीम बाक्शा, श्यत जाइनीनी। तन्न थुं बारपाइशशा ग्यरसीनि। गो रागी कली गराती” दंत। यूहन्ना १४ :२७ ; रोमी ५ :१ ; १यूहन्ना ५ :४

येसुम आ आफ कली पुंडशो लोत्र

१मिनु येसुमी मेको लोत्र पने थुम्शा, सरीङ्ग गे कोत्रशा “आं आफ, आं लची जाक्त, इन सक्ति गेयीनी। मिनु गो इन सक्ति कांडनुङ्ग। २गे आं कली मुर नेल्ल आन कली अधिकार पचा गेतीनी। मिनु आं कली गेशो मुर नेल्ल आन कली गेना हना या बरांडशा बाक्चा गेनुङ्गमी। मत्ती ११ :२७ ३गेना हना यो गे नु बरांडशा बाक्चा मार बाक्ब दंशा हना, सुमी इन कली गे ला थमा परमपरभु यावे बाक्नीनी नु गो, इन सोइशशा येसु खरीस्त नङ्ग, दे तुइक्नीमी, मेको ला गेना हना यो गे नु बरांडशा बाक्चा ताइनीम। १यूहन्ना ५ :२० ४ रागीम बाक्शा, इन पपाइशशा गय थुम्शा, इन सक्ति कांडताकडमी। ५ आं आफ, रागी सेल्त्वा क्यडा डांडती गे नु इन छेङ्गछेङ्गमी बाक्ती। मुल लंशा इन बाक्तीक जाक्चा चिक्ताकड। डांडती डा सोदंशो पा गे नु इन छेङ्गछेङ्गमी बाक्चा गेयीनी। यूहन्ना १ :१ ; फिलिप्पी २ :६

६गेमी रागी रे परांडशा मुरपुकी गेतीनी। मेको आन कली इन नं तुइक्पाइक्तामी। मेको मुरपुकी इन के बाक्तेक्म। मिनु गे आं कली गेतीनी। मेकोपुकीमी इन लोत्र टिना टिन बाक्नीम। ७गे आं कली मार मार गेनी, मेको नेल्ल इन के बाक्ब, दे मेकोपुकीमी मुल तुइक्नीम। ८गे आं कली शंताक्यीनी। मिनु इन शंशो लोत्र मेको आन कली शंताकडमी। मिनु थमा सुइक्तेक्म। गो इन बाक्तीक रे जाक्शा नङ्ग, दे थमा पा तुइक्नीम। मेकोपुकीमी आं कली सोइक्ब, गे ननी, दे थमा सुइक्तेक्म। यूहन्ना १६ :३० ९मिनु गो मेको आन पर्वमी इन कली पुंडनुङ्ग। रागी डा मुर आन पर्वम मपुंडनुङ्ग। आं कली गेशो मुर आन पर्वम पुंडनुङ्ग। मारद हना मेकोपुकी इन के नम। यूहन्ना ६ :३७,४४ १० आं मुर नेल्ल इन के नम। इन के आं के नम। मेकोपुकीमी आं सक्ति कांडनीम। यूहन्ना १६ :१५ ११मुल गो रागीमी शुश नाक्त मबाक्नुङ्ग। गे का ला बाक्शो आं आफ, इन बाक्तीक जाक्चशो बाक्नुङ्ग। तन्न मेकोपुकी रागीमी बाक्नीम। आं आफ, आं कली गेशो मुर इन नं डा सक्तिमी रिम्शो कोत्रशा वोतीन। दोपा गो गे नु थुं का डा बाक्डा, मोपा मेकोपुकी यो थुं का दुम्शा बाक्मल, दे सक्ति गेने।

१२गो आं कली गेशो मुरपुकी नु बाक्डानु, इन नं डा सक्तिमी रिम्शो कोत्रशा वाइक्तामी। सुइ मजाम्म। इन बरक्पाइशशा लोत्र थमा दुम्चा, दे का चहिं जाम्शा, नरक लाइब दुम्त। यूहन्ना ६ :३९ ; भजन संगरह ४१ :१० १३मुल गो इन बाक्तीक जाक्चशो बाक्नुङ्ग। इन लोत्र रागीमी शंताकडमी। मारद शंताकडमी दंशा हना, आं ग्यरशा सोदंशो पा मेको यो ग्यरसीशा बाक्मल, दे शंताकडमी। यूहन्ना १५ :११ १४गो मेको आन कली इन दंशो लोत्र शंताकडमी। मिनु रागी डा मुरपुकीमी मेको आन कली श्यत गम्तेक्म। मारद हना रागी डा मनम। गो यो रागी डा मनङ्ग। यूहन्ना १५ :१९ १५मेको आन कली रागी रे परोनीन, दे इन कली मपुंडनुङ्ग। तन्न मेको आन कली सेतान रे परोनीन, दे पुंडनुङ्ग। मत्ती ६ :१३ ; रथिस्सलोनिकी ३ :३ १६गो रागी डा मनङ्ग। मिनु आं सोदंशो पा मेकोपुकी यो रागी डा मनम। १७मेको आन कली इन थमा पतीकमी खरुमीन। इन थमा पतीक चहिं इन लोत्र बाक्ब। भजन संगरह ११० :१६० १६गेमी आं कली रागीमी सोइशशा सोदंशो पा, गो यो मेको आन कली रागी रागीम सोइक्ताकडमी। यूहन्ना २० :३१ १९मेको आन पर्वम गो इन कली जिम्मा गेसीनुङ्ग। मेकोपुकी यो थमा पतीकमी खरुम्शो मुर दुम्शा बाक्मल। हिब्रू १० :१०

२०गो मेको आन पर्वम ला इन कली मपुंडनुङ्ग। तन्न मेको आन शंशो लोत्र रे आं कली थमा सुइक्ब दुम्ब आन पर्वम यो पुंडनुङ्ग। रोमी १० :१७ २१मार पुंडनुङ्ग दंशा हना, मेको नेल्ल थुं का डा दुम्मल। आं आफ, गे आं आगामी बाक्शो नु गो इन आगामी बाक्शो सोदंशो पा मेकोपुकी इस आगामी बाक्मल, दे पुंडनुङ्ग। मो दुम्त हना, रागी डा मुरपुकीमी गेमी आं कली सोइक्ताकनी, दे थमा सुइक्नीम। गलाती ३ :२६ २२गेमी आं कली गेशो सक्ति मेको आन कली गेतामी। मारद गेतामी दंशा हना, गो निक्शी थुं का डा दुम्शो सोदंशो पा, मेकोपुकी यो गे नु थुं का डा दुम्मल, दे मेको सक्ति गेतामी। पररित ४ :३२ २३गो मेको आन आगामी बाक्नुङ्ग। गे आं आगामी बाक्नीनी। मो पा बाक्शानु, मेकोपुकी गे नु गो सोदंशो पा का दुम्नीम। मो दुम्शा तशा, रागी डा मुरपुकीमी गे आं कली सोइक्ताकनी। मिनु गेमी आं कली दाक्ताक्यीनी। मोपा गेमी आं कली दाक्शो बुदी मेको आन कली यो दाक्ताकनी, दे तुइक्तेक्मल। १कोरिन्थी ६ :१७ २४ आं आफ, आं कली गेशो मुरपुकी गो नु काथा बाक्मल, दे

पुंडुनुड। गे रागी सल्वा डोंइती आं कली दाक्शा, इन सक्ति आं कली गेतीनी। मिनु मेकोपुकीमी यो आं सक्ति तामक्ल। यूहन्ना १२:२६; हितोपदेश ८:२२-३१

२५ आं आफ, गे नेल्ल रिम्शा नु ठीक पाइब बाक्नीम। रागी डा मुरपुकीमी इन कली मतुइक्नीम। गा चहिं इन कली तुइक्नुड। मिनु आं शंसीबपुकीमी ग आं कली साइक्ताक्थीनी, दे तुइक्नीम। २६ गो मेको आन कली इन नें तुइक्पाइक्तामी। मिनु लेंशा तुइक्पाइक्नुडमी। मारदे इन नें तुइक्पाइक्नुडमी देशा हना, गेमी आं कली दाक्शा सोदंशा पा इन दाक्तीक मेको आन आगामी बाक्ल। मिनु गो मेको नु आन आगाम बाक्डल” दे येसुमी परमपरभु यावे कली पुंडुनु।

यहूदीपुकीमी येसु कली ग्याइश्शा

यूहन्ना १३ :-; मत्ती २६ :-२८ :-; मर्कूस

१४ :-१६ :-; लूका २२ :-२४ :-

१ मिनु येसुमी परमपरभु यावे नु मेको लोत्र पने थुम्शा, आ शंसीबपुकी नु किदरोन खोल्सा आइक्ची हांबु लाम्तेक्म। मेकर फल फुल खा बाक्शा रिम्शा बाक्तीक बाक्ल। मिनु येसु आ शंसीबपुकी नु मेकर ओव्रतेक्म। २ डोंइती मेकर येसु आ शंसीबपुकी नु शुश गरुम्तीक बाक्ल। मोपतीक येसु कली ग्याइक्व आन कली वारच पाइब यहूदामी यो “मेकर लाइनीम” दे तुइश्शा बाक्ल। लूका २१:३७ ३ मिनु यहूदामी ठेयब चदेब नु फरिसी आन साइश्शा सिपाहीपुकी नु सिपाही आन ठेयब मुर आन कली येसु नु आ शंसीब आन बाक्तीक चाक्तु। मेकोपुकी तोव्रशी नु लालटिन दाशा, या कुरशा जाक्तेक्म। ४ मिनु येसुमी “आं कली ग्याइक्थ जाक्तेक्म” दे तुइश्शा, मेको आन नेक्था लशा “सु कली माल्नी?” दे हिल्लो पाप्तु। ५ मिनु मेकोपुकीमी “नासरथ डा येसु कली माल्क” देतेक्म। मिनु येसुमी “गो नड” दे माइक्तीमी। येसु कली साइक्व आन कली वारच पाइब यहूदा येसु कली ग्याइक्थ जाक्व नु बाक्ल। ६ मिनु येसुमी “गो नड” देमेनु, मेको नेल्ल नोले ग दिल्शा गोल्तेक्म। ७ मिनु येसुमी लेंशा “सु कली माल्नी?” दे हिल्लो पवानु “नासरथ डा येसु कली माल्क” देतेक्म। ८ मिनु येसुमी “गो नड, देती। आं कली माल्तीनी हना, अरु आन कली लचा गेने” दे माइक्तीमी। ९ डोंइती येसुमी परमपरभु यावेमी गेशो मुर आन पर्वम “गो इन

गेशो मुर सुइ मसाम्नुडमी” देशो लोत्र थमा दुम्चा कली मेको लोत्र पाप्तु। यूहन्ना १७:१२ १० सिमोन पतरुसमी तरवार कुरशा बाक्ल। मिनु मेकोमी तरवार गिर शाइश्शा, ठेयब चदेब आ वाइल आ नोफा दी खरोइक्तु। मेको वाइली आ नें माल्कस बाक्ल। ११ येसुमी “इ या खोतीमी पिप्तो। गो आं आफामी देशो श्यत मजडल, दे मिम्नीनी? गो मेको श्यत जचा माल्नुड” देत।

येसु हन्नास नु काइयाफास आस डोंइती

१२ मिनु सिपाहीपुकी, आन कप्तान नु यहूदी आन ठेयब मुरपुकीमी येसु कली ग्याइश्शा फरंताक्म। १३ मेको बर्स डा नेल्ल क्येडा ठेयब चदेब काइयाफास माइश्शा बाक्माक्ल। मेको आ शिउ हन्नास माइश्शा बाक्माक्ल। मिनु ग्याइक्वपुकीमी येसु कली डोंइती हन्नास आ बाक्तीकेम लाइक्तेक्म। १४ डोंइती काइयाफासमी यहूदी आन कली “मुर नेल्ल आन साइक्चा डा मुर का कली साइक्चा रिम्शा दुम्ब” देशो बाक्माक्ल। लूका ३:१-२; यूहन्ना ११:४९-५०

येसुम पतरुस आ पर्वम देशो थमा दुम्शा

१५ मिनु सिमोन पतरुस येसु आ नोले खोइक्तु। अर्का शंसीब कामी यो नोले खोइक्तु। नेल्ल क्येडा ठेयब चदेबमी मेको अर्का शंसीब कली तुइश्शा बाक्ल। मोपतीक मेको शंसीब यो येसु नु नेल्ल क्येडा ठेयब चदेब आ खिं डा लाडगामी ओव्रत। १६ पतरुस चहिं लाप्चो उइ बाक्माक्ल। नेल्ल क्येडा ठेयब चदेब कली तुइक्व अर्का शंसीबमी लाप्चो कोव्रब मीश मुर कली लोत्र पशा गरुत। पतरुस कली खिं डा लाडगामी ओइताक्व। १७ लाप्चो कोव्रब मीश मुरुमी पतरुस कली तशा “गे यो मेको मुर आ शंसीब का मनवे डा?” देमेनु, पतरुसमी “गो मनड” देत १८ ग्यू पशा बाक्ल। मोपतीके वाइलपुकी नु मेकर बाक्व मुरपुकीमी मी मुइश्शा, एर ओथ बाक्शा, मी थेरना थेरन बाक्तेक्म। पतरुस यो मी थेरशा बाक्ल।

१९ मेना नेल्ल क्येडा ठेयब चदेबमी येसु कली “इ शंसीब आन कली मार शंनेवे?” दे हिल्लो पाप्तु। २० मिनु येसुमी “गो मुर नेल्ल आन कली लोत्र पाता। गरुम्तीक खिंमी नु परमपरभु यावे आ खिंमी शुश यहूदी गरुम्तीकमी शंताक्डमी। खरुइश्शा मारइ लोत्र मपड। यूहन्ना ७:१४,२६ २१ मारदे हिल्लो पयीनी? आं शंशो लोत्र नंब आन

कली हिल्लो पने। मेकोपुकीमी आं शंशो लोत्र तुइक्तीम” दंत। २२ मिनु मो दंमेनु, येसु आ नेक्था बाक्ब मुरुमी येसु कली चोत्रचो राप्शा “गे नेल्ल क्येडा ठेयब चढेब कली मोदंशो लोत्र पाइनेवे?” दे हुइक्ताक्व। २३ येसुमी “गो मरिम्शो लोत्र पाता हना, आं कली दनो। तन्न गो ठीक लोत्र पाता हना, मारदे राप्थी?” दंत। २४ मिनु हन्नासमी येसु कली फरंशो मपरुइक्थु, नेल्ल क्येडा ठेयब चढेब काइयाफास आ बाक्तीकमी सोइक्ताक्व।

२५ मेना सिमोन पतरुसमी थरना थरन बाक्शो बाक्त। मिनु मेकर बाक्बपुकीमी पतरुस कली “गे यो मेको मुर आ शंसीब का मनवे डा?” दंमानु “गो मनड” दंत। २६ मेकर नेल्ल क्येडा ठेयब चढेब आ वाइल का यो बाक्त। पतरुसमी नोफा क्योरशो मुर आ सिं डा मुर का बाक्त। मेकोमी पतरुस कली “गो इ कली मेको मुर नु फल फुल रूमी ताइतन, शां” दंत। २७ मिनु पतरुसमी लंशा “गो मनड” दंत। मो दंमेनु, माले गरीत।

येसुम पिलातस नु लोत्र पशो

२८ मिनु नोले मेको ग्याइक्बपुकीमी येसु कली काइयाफास आ बाक्तीक र पिलातस आ सिं गे लाइक्तेक्म। मेना नां सोत्रचशो बाक्माक्त। मिनु मेकोपुकी पास्सा चाड डा भोज जचा कली ठीक दुम्शा बाक्शो बाक्तेक्म। मोपतीके मेकोपुकी पिलातस रोमी दुम्शो आ पर्वम मथिचा डा बाक्त, दे आ सिं आगा मओत्रम। २९ मो दुम्तीक पिलातस लाडगा गरूशा, मेको आन कली “एको मुर कली मार दोस गेनीनी?” दे हिल्लो पाप्तु। ३० मिनु मेकोपुकीमी “एको मुर मरिम्शो मबाक्शो हना, गोपुकीमी एको कली ग्याइश्शा, इन बाक्तीकमी मारदे चाक्नीकी डा?” दंतेक्म। ३१ मिनु पिलातसमी “एको कली लतीन। मिनु इन एन कानुनमी बरक्शो कोत्रशा, निसाफ पने” दे माइक्तीमी। मिनु मेको यहूदीपुकीमी पिलातस कली “गो आंइ कली सुइ मुर साइक्चा मगारब” दंतेक्म। यूहन्ना १९:६-७ ३२ येसुमी आ डोंइती देशो लोत्र “दोपा बेक्चा माल्लुडा” देशो, थमा दुम्चा कली मोदंशो दुम्त। यूहन्ना १२:३२-३३; मती २०:१९

३३ मिनु पिलातस आ सिं ओत्रशा, येसु कली आगामी बरश्शा “गे यहूदी आन पिप ननी?” दे हिल्लो पाप्तु। ३४ येसुमी “गे आंमा मिम्शा मो दंनी देय मुरुमी दंमा?” दे हिल्लो पाप्तु। ३५ मिनु पिलातसमी “गो यहूदी मनड। इन रागी डा मुरपुकी नु ठेयब चढेबपुकीमी इन कली निसाफ

पचा कली आं कली जिम्मा गेतीमी। गे मार पनी?” दे हिल्लो पाप्तु। ३६ येसुमी “गो एको रागी डा पिप मनड। गो रागी डा पिप नड हना, आं वारचपुकीमी राम्शी तोशा, ओपा यहूदीपुकीमी आं कली मग्याइक्थीमी वा। तन्न गो एको रागी डा पिप मनड” दे येसुमी दंत। ३७ पिलातसमी “मिनु गे पिपन ननी?” दे हिल्लो पाप्तु। मिनु येसुमी “गो पिप नड, दे गे आंमा देतीनी। मिनु थमा मार बाक्बा, दे कांइचा कली रागीम जरमेशा जाक्ती। सु थमामी बाक्बा, मेकोमी आं सेंदा नंब” दंत। १तिमोथी ६:१३ ३८ मिनु पिलातसमी “थमा मारमं?” दंत। मिनु मेको दंम नोले पिलातस लंशा लाडगा गरूशा, यहूदी आन कली “एको मुर मरिम्शो पाइब, दे मसुइक्नुड। ३९ मिनु पास्सा चाडमी मुर का परांइतीकमी गो एको यहूदी आन पिप परांइशा सोइक्नुड। गेपुकी मार देनीनी?” दे हिल्लो पाप्तीमी। ४० मेकोपुकीमी चहिं “एको कली मपरांइचा। तन्न बारब्बा कली परांइचा” दे गरीतेक्म। बारब्बा चहिं सुइ बाक्माक्त।

“येसु कली साइक्चा” दे गरीशो

१ मिनु पिलातसमी येसु कली युक्पाइक्नु। २ आ सिपाहीपुकीमी चू के सिरपंच सेल्शा, येसु आ पियामी गुप्ताक्म। मिनु येसु कली पिप आ फक्तीक वा फक्ताक्म। ३ मिनु आ नेक्था जाक्शा “जय, यहूदी आन पिप” दंशा, आ चोत्रचो राप्तेक्म। ४ मिनु पिलातस लंशा, सिं र गरूशा, लाडगामी रिम्शा बाक्शो आन कली “कोत्रडीन, गो एको कली गरुंइशा, गेपुकी नु गरुम्पाइक्नुड। मारदे हना मरिम्शो पाइब मसुइक्नुड, दे तुइक्तीन” दे माइक्तीमी। ५ मिनु येसु चू के सिरपंच गुप्शा, पिप आ फक्तीक वा फक्शा गरुत। पिलातसमी “लो, एको मुर कली कोत्रडीन” दंत। ६ मिनु ठेयब चढेब नु यहूदी आन ठेयब मुरपुकीमी “शीमी कांटी थोक्शा क्याइश्शा सतीन। शीमी कांटी थोक्शा क्याइश्शा सतीन” देना देन गरीतेक्म। मिनु पिलातसमी “गो एको कली मरिम्शो पाइब मसुइक्नुड। मोपतीके गेपुकी एको कली लाइश्शा, शीमी कांटी थोक्शा क्याइश्शा सतीन” दे माइक्तीमी। ७ यहूदीपुकीमी “आंइ एन कानुन बाक्ब। मिनु मेको एन कानुनमी बरक्शो सोदंशो पा एको मुर बेक्चा माल्ब। मारदे हना एकोमी आंमा कली परमपरभु यावे आ तौ सेल्सीशो बाक्त” दंतेक्म। यूहन्ना १०:३३; लेवी २४:१६

८मिनु पिलातसमी मोदेशो नंशा, डांडती क्येडा हित। ९मिनु यसु कली लंशा खिं ओइशा “गे ते रे जाकशा ननी?” दे हिल्लो पाप्तु। मिनु येसुमी मांड लोत्र मलेत्त। १०मोपतीक पिलातसमी “गे आं कली लोत्र मपाइनीनी? इन कली परांडशा सोइक्चा नु शीमी कांटी थोक्शा क्याइश्शा साइक्चा गो नु निम्फा अधिकार बाक्ब, दे मतुइक्नीनी?” दे माइक्तु। ११मिनु येसुमी “इन के अधिकार बाक्ब। इन कली गेशो अधिकार चहिं इर रे गेशो बाक्ब। मोपतीक इन मरिम्शो पशो क्येडा आं कली साइक्चा कली वारच पाइब आ मरिम्शो पशो ठयब बाक्ब” देत। १२मिनु येसु आ लोत्र नंशा नोले पिलातसमी येसु कली परांडशा सोइक्चा माल्तु। तन्न मेको यहूदीपुकीमी पिलातस कली “गे एको कली परांडशा साइक्ताकनी हुना, गे रोमी आन पिप सिजर आ वारच मननी। मिनु सुमी ‘गो पिप नड’ देबा, मेको सिजर आ जोरी सतरु दुम्ब” देतेकम। पररित १७ :७

येसु कली यहूदी आन गुइमी गेशो

१३मिनु यहूदी आन लोत्र नंशा, पिलातसमी येसु कली खिं रे गरुंडताक्व। मिनु पिलातस निसाफ पाइब आ नितीकमी निस्साक्व। मेको निसाफ नितीक आ खपीमी फुल्लु बरशो बाक्तेकम। मेको कली हिबरू लोत्रमी गाब्बाथा देनीम। १४मेना नां सोक्चा चिक्शा बाक्त। मेको नाक्ती चहिं पास्सा चाड डा भोज सातीक नाक्ती बाक्त। मिनु पिलातसमी यहूदी आन कली “इन पिप कली कोत्रडीन” देत। १५मिनु यहूदीपुकीमी “सतीन, सतीन, एको कली शीमी क्येष्शा कांटी थोक्तीन” दे गरीतेकम। पिलातसमी “गो इन पिप कली शीमी क्येष्शा कांटी थोक्नुडा डा?” दे माइक्तीमी। मिनु ठयब चद्वेबपुकीमी “गो आंइ के सिजर का ला पिप बाक्ब” देतेकम। यूहन्ना १५ :३७ १६पिलातसमी “येसु कली शीमी क्येष्शा कांटी थोक्तीन” दे मेको आन कली जिम्मा गोप्तु।

येसु कली शीम क्येष्शा कांटी थोक्शा

१७मिनु नोले यहूदीपुकीमी येसु कली लाइक्तेकम। मिनु आ कली कांटी थोक्शा क्याइश्शा साइक्तीक शी आंमा कुरपाइश्शा, खप्पर माइक्तीकमी लाइक्तेकम। हिबरू लोत्रमी मेको कली गोल्वाथा देनीम। १८मेकर जाक्दीश्शा, येसु कली शीमी क्येष्शा कांटी थोक्ताकम। मोदेशो पा मुर निकशी आस कली

यो शीमी क्येष्शा कांटी थोक्ताकम। मिनु येसु कली कांटी थोक्शा शी मेको आस दातेमी खरुक्तेकम। १९मिनु पिलातसमी “नासरथ डा येसु, यहूदी आन पिप” दे बरेक्स बरेक्शा, येसु आ शीमी क्येष्शा वोइक्तु। २०येसु कली साइक्तीक ठाउं यरूसलेम सहर आ नक्था बाक्त। मिनु शुश यहूदीपुकीमी मेको बरेक्शा बरेक्स पदम्तेकम। मेको बरेक्स चहिं हिबरू, रोमी नु गरीक लोत्रमी बरेक्शा बाक्त। २१मिनु यहूदी आन ठयब चद्वेबपुकीमी पिलातस कली “यहूदी आन पिप ममाइ, तन्न गो यहूदी आन पिप नड” देत, दे बरेक्तीन” दे माइक्तेकम। २२मिनु पिलातसमी “गो मार बरेक्तु, मेकोन ठीक बरेक्ताकड” दे माइक्तीमी। २३सिपाहीपुकीमी येसु कली कांटी थोक्शा शी खरुक्ने थुम्शा, येसु आ वासी ४ जना सिपाहीपुकीमी उइक्थ उइक्थ पा योक्सकम। येसु आ तारी फेक्तीक वा उइ रे इर सम्म परात्रशा मफेरशो थम रिम्शो वा का बाक्त। २४मोपतीक मेकोपुकीमी “एको चहिं मखाक्य। तन्न बाजी ग्यारय। मिनु सुम गराबा, मेकोमी ताइब” देसुम्तेकम। मो पामनु “आं वासी योक्सीनीम। आं तारी फेक्तीक वा कली ‘सुम ताइबा?’ दे बाजी ग्यारनीम” दे बरेक्शा लोत्र थमा दुम्त। भजन संगरह २२ :१८ २५मिनु सिपाहीपुकीमी मो पामनु, येसु आ ममा येसु आ शी आ नक्था बाक्त। क्लोपास आ मीश मरीयम नु माग्दाला डा मरीयम यो मेकर बाक्ताकस। मिनु येसु आ नेल्ल क्येडा दाक्शा शंसीब यो मेकर बाक्त। २६मिनु येसुमी आ ममा कली “आं ममा, मेको कली इ तो मिम्तो” दे माइक्तु। यूहन्ना १३ :२३ २७मिनु आ शंसीब कली “गामी यो इम्मा खोदेशो मिम्तो” दे माइक्तु। मेना रे मेको शंसीबमी येसु आ ममा कली आ ममा मिम्शा, आ खिम वोइक्तु।

येसु बरेक्चा आ पर्वम बरेक्शा लोत्र

२८मिनु नोले येसुमी “आं गेय पचा नुप्त” दे तुइक्ताक्व। मिनु परमपरसु यावे आ बरेक्पाइश्शा लोत्र थमा दुम्चा कली येसुमी “गो तूत दाक्ती” देत। भजन संगरह २२ :१५ २९मिनु मेकर गर का ग्युरशो तूचा थोत्रक वोइश्शा बाक्त। मेकोपुकीमी कोक्कमी वा खोदेशो फरेशा, मेको ग्युरशो तूचा थोत्रकीमी खरुम्शा, येसु कली गुप्पाइक्तेकम। भजन संगरह ६९ :२१ ३०मिनु येसुमी गुप्शा “मुल थुम्ता” देत। मिनु आ पिया खुक्शा बक्त।

३१ मेको पास्सा चाड मानेचा कली सातीक नाक्त बाक्त। मोपतीके बेक्शो रां शीमी मबाकमल, दे यहूदीपुकीमी पिलातस कली “मेको आन खोइल जिक्शा साइशशा, शी र शोलशा लदमकल” दंतकम। मारदे हना मेको पास्सा आ डांडती डा ठेयब नाक्त बाक्त। ब्यवस्था २१:२३ ३२ मोदुम्तीक सिपाहीपुकीमी कांटी थोक्शो येसु आ ग्युरा नु परा ग डा निम्फा आस कली खोइल जिक्ताकम। ३३ मिनु येसु आ क्युक्तीकमी जाकमानु, येसु कली बेक्शो ताम्तेकम। मिनु येसु आ खोइल मजिकंगम। ३४ सिपाही कामी येसु आ कोव्रखामी भालामी तूताकव। मिनु तूदानु, हुश नु ब्याक्कु यित। ३५ मेको नेल्ल ताइबमी मेको दुम्शो आ पर्वम सांकळी बाक्शा, थमा लोत्र पाइब। गोपुकी यो थमा सुतीन दे मेकोमी थमा लोत्र पाइब। ३६ परमपरमु यावे आ बरेकपाइशशा लोत्र थमा दुम्चा कली मोदेशो दुम्त। लोत्र कामी “मेको आ रुश का यो मजिकनीम” दे बरेकपाइशशा बाक्त। परस्थान १२:४६ ३७ मिनु लोत्र कामी “मेको तूबपुकीमी आंम तूशो मुर कली कोव्रनीम” दे बरेकपाइशशा बाक्त। जकरिया १२:१०; प्रकाश १:७

येसु आ बेक्शो रां वोइशशा

३८ अरीमाथीया गाउं डा योसफ माइशशा मुर का बाक्त। मेको यहूदी आन कली तशा हिंशा खरुइशशा, येसु आ शंसीब दुम्शो बाक्त। मेकोमी पिलातस कली “येसु आ बेक्शो रां लाइक्चा गयीनी” दे पुना बाक्त। मिनु पिलातसमी लाइक्चा गेवा बाक्त। मिनु योसफ येसु आ बेक्शो रां बरथ जाक्त। यूहन्ना ७:१३ ३९ डांडती येसु नु लोत्र पचा कली नाक्दो जाक्शो निकोदमसमी येसु आ बेक्शो रां गिल्वा, दे सह का लितरा मूर नु एलोत्र माइशशा के सेल्शो बरोत्रशो रिना पाइब थोत्रक चाक्शा जाक्त। लितरा का ३२७ ग्राम बाक्व। यूहन्ना ३:२ ४० मिनु येसु आ बेक्शो रां लाइशशा, बरोत्रशो रिना पाइब थोत्रक नु वामी गिल्लेकम। मेकोन यहूदी आन के बेक्शा मुर आन कली पतीक बाक्व। ४१ येसु कली शीमी कांटी थोक्तीक आ नेक्था फल फल रू का बाक्त। मेको रूमी बेक्शो मुर कली वोइक्तीक नक पुक्सी का सेल्शो बाक्त। मेकर सुइ मवोइशशा बाक्त। ४२ मेको नाक्त यहूदी आन पास्सा मानेचा कली सातीक

नाक्त बाक्त। मोपतीक येसु कली नेल्ल क्येडा नेक्था डा पुक्सीमी वोइक्तेकम।

येसु संशो

मत्ती २८:१-१०; मर्कूस १६:१-८; लूका २१:१-१२

१ मिनु साता डा डांडती नाक्त नां २० मसोव्रथु, माग्दाला डा मरीयम बेक्शो मुर वोइक्तीक पुक्सी जाक्दीम्मनु, पुक्सी कली सुशो ठेयब फुल्लु तिल्शो तवा बाक्त। २ मिनु फुल्लु तिल्शो तशा, दोरशा लशा, सिमोन पतरुस नु येसु आ दाक्शो शंसीब आस बाक्तीक जाक्त। मिनु “परमु कली बेक्शो मुर वोइक्तीक पुक्सी र लदमे बाक्त। ते वोदमे?” दे हिल्लो पाप्तु। यूहन्ना १३:२३ ३ मिनु पतरुस नु अर्का शंसीब बेक्शो मुर वोइक्तीक पुक्सी कोव्रथ लाम्ताक्से। ४ निम्फा दोरताक्स। मिनु अर्का शंसीबमी पतरुस कली दाम पाप्तु। दाम पशा, डांडती बेक्शो मुर वोइक्तीक पुक्सी जाक्दीत। ५ मिनु सुम बाप्शा पुक्सी आगा कोव्रतु। मेकर येसु कली गिल्शो वा ला तशा, आगा मओत्र। ६ सिमोन पतरुस जाक्शा, पुक्सी गरु ओत्रशा कोव्रडानु, येसु कली गिल्शो वा ताप्तु। ७ मिनु पियामी फरंशो रूमाल मुक्शा, तिल्शा वोइशशा ताप्तु। यूहन्ना ११:४४ ८ नोले डांडती जाक्व अर्का शंसीब यो ओत्रत। मिनु मेको वा तशा थमा सुइक्तु। ९ मारदे हना मुल सम्म मेकोपुकीमी येसु बेक्शो र शंसीबा माल्ब, दे बरेकपाइशशा लोत्र मतुइशशा बाक्तेकम। भजन संगरह १६:१०; लूका २४:२५-२७; प्रेरित २:२४-३२; १ कोरिन्थी १५:४ १० मिनु नोल मेको शंसीब निक्शो खिलेताक्स।

येसुमी तपांडसीशा

११ मरीयम डाक्ना डाक्न पुक्सी आ नेक्था बाक्शो बाक्माक्त। डाक्ना डाक्न सुम बाप्शा, पुक्सी आगामी कोव्रडानु, १२ बुश वा फेक्शो परमपरमु यावे आ स्वर्ग डा गेय पाइब निक्शी आस कली तवा बाक्त। मेको निक्शी येसु आ बेक्शो रां वोइक्तीकमी का पिया गे का खोइल गे निशशा ताम्सी बाक्त। १३ मिनु मेको निक्शीमी मरीयम कली “गे मारदे डाक्नवे?” दे हिल्लो पाम्से बाक्त। मिनु मरीयममी “मेकोपुकीमी आं परमु कली लदमे बाक्त। मिनु ते वोदमे मतुइक्नुड” दे माइक्सी बाक्त। १४ मो देशा मरीयममी फिर लेशशा कोव्रडानु, येसु कली राप्शा बाक्शो तवा बाक्त। मेको येसु बाक्व,

दे मतुइक्ता बाक्त। १५ मिनु येसुमी “गे मारदे जाक्नेव? सु कली मली?” दे हिल्लो पवा बाक्त। मरीयममी “मेको फल फुल रुमी गेय पाइब मुर बाक्ताक्त” दाप्शा, मेको कली “हजुर, गे मेको बक्शा रां कली एक रे लाइक्तीनी हना, ते वोइक्ती, आं कली दर्नीने। गो मेको कली लाइक्नुड” दे मदा बाक्त। १६ मिनु येसुमी मरीयम कली “मरीयम” देमनु, मरीयममी फिर लेइशा, हिब्रू लोवमी “राब्बानी” देमाक्त। हिब्रू लोवमी राब्बानी देशो “शेब” बाक्व। १७ मिनु येसुमी “मग्याइक्ती। मारदे हना मुल सम्म आं आफ आ बाक्तीक मलड। आं लोकव आन बाक्तीक लशा, मेको आन कली गो इं आफ, परमपरमु यावे आ बाक्तीक लाइक्नुड” गे मेको आन कली शंदो” दे माइक्तु। हिब्रू २ :११-१२ १५ मिनु माग्दाला डा मरीयम शंसीब आन बाक्तीकमी लशा “गो परमु कली ताता” देत। येसु आ देशो लोव यो तुइक्पाइक्तीमी।

येसुम शंसीब आन कली तपांडसीशो

मर्कूस १६ :१४-१५ ; लूका २४ :३६-४९

१९ मेको साता डा डांडती नाक्त नां रिक्चावानु, येसु आ शंसीबपुकी यहूदी आन क्येडा हिंशा, लाप्चो चोक्शा, सिं गाम बाक्तेक्म। मिनु येसु मेको आन बाक्तीकमी जाक्शा “थुं नाइइशा बाक्कीन” देत। २० मो देशा मेको आन कली आ गुइ नु आ कोव्रखा कांडदानु, आ शंसीबपुकी परमु कली तशा ग्येरसाक्म। १ यूहन्ना १ :३ २१ मिनु लेंशा येसुमी मेको आन कली “इन थुं नाइइशा बाक्कीन। आं आफोमी दोपा सोइक्ती, मोपा गो इन कली यो सोइक्ताक्नन्नी” दे माइक्तीमी। यूहन्ना १७ :१५ २२ मो देशा येसुमी मेको आन कली मुइइशा “परमपरमु यावे आ सोक्त ताक्कीन। २३ गेपुकीमी सु सु कली माफ गेनीनी, मेकोम माफ ताइनीम। सु सु कली माफ मगेनीनी, मेको आन पाप लीब” देत। मत्ती १५ :१५

थोमास कली थमा सुइक्पाइइशा

२४ मिनु येसु आ शंसीब १२ जना आन दाते डा का जौले माइइशा थोमास येसु जाक्मनु, मेकर मबाक्शा बाक्त। यूहन्ना ११ :१६ ; यूहन्ना १४ :५ २५ अरु शंसीबपुकीमी “परमु कली ताइतक” दे थोमास कली देमानु “येसु आ गुइमी कांटी थोक्शा गार मतडा सम्म, मेको गारमी आं बरप्चो

मलिकथु नु आ कोव्रखा डा गारमी मथिडा सम्म, गो थमा मसुइक्नुड” देत। यूहन्ना १९ :३४

२६ मिनु मेको मो दुम्शो साता का नोले येसु आ शंसीबपुकी लेंशा सिं आगाम बाक्तेक्म। मना थोमास यो मेकोपुकी नु काथा बाक्शा बाक्त। लाप्चो चोक्शा, आगाम बाक्मानु, येसु मेको आन बाक्तीकमी जाक्शा “थुं नाइइशा बाक्कीन” देत। २७ मिनु येसुमी थोमास कली “आं गुइ डा गारमी इ बरप्चो लिक्शा, कोव्रडा। मिनु इ गुइमी आं कोव्रखा डा गार थिवा। गे थमा मसुइक्व मदुमो। तन्न थमा सुइक्व दुमो” दे माइक्तु। २८ थोमासमी “आं परमु, आं परमपरमु यावे” देत। यूहन्ना १ :१ २९ मिनु येसुमी “गे आं कली तशा थमा सुइक्तीवी। सुमी आं कली मतथु, थमा सुइक्वा, मेको शुश ग्येरसीशो मुर बाक्व” देत। १ पत्रुस १ :५ ; हिब्रू ११ :३

एको किताब मारदे बरक्शा बाक्म

३० मिनु येसुमी आ शंसीब नु बाक्शा, शुश अरु छक लाक्वा डा गेय पाप्नु। मेको गेयपुकी एको किताबमी मबरक्शा बाक्नीम। ३१ मिनु मेको बरक्शा छक लाक्वा डा गेयपुकी मारदे बरक्शा बाक्नीम देशा हना, गेपुकीमी “येसु खरीस्त, परमपरमु यावे आ तौ बाक्व” दे थमा सुइक्ने चापीन। मिनु थमा सुइइशा, आ नंमी गना हना यो बरोइशा बाक्वा ताइनीनी, दे बरक्शा बाक्व। १ यूहन्ना ५ :१३

येसुम गालील रागीम तपांडसीशो

२१ १ मिनु नोले येसु तिबरीयास डा समुन्दर आ नक्थामी आ शंसीब आन कली लेंशा तपांडसाक्व। दोपा तपांडसाक्व देशा हना, २ सिमोन पत्रुस, जौले माइइशा थोमास, गालील डा काना सहर डा नथानेल, जब्दी आ तौ निक्शी नु येसु आ शंसीब अर्का निक्शी काथा बाक्तेक्म। यूहन्ना १४ :५ ३ मिनु सिमोन पत्रुसमी मेको आन कली “गो डाइ रेत्य लाइक्नुड” देत। मिनु “गो यो गे नु लाइनीकी” देतेक्म। मिनु लशा, डांगा डोइइशा, डाइ रेत्य लाप्तेक्म। तन्न मेको नाक्वो डाइ का यो मरम्म। ४ मिनु सुनी नां सोव्रची ना येसु समुन्दर आ नक्थामी बाक्शा बाक्त। आ शंसीबपुकीमी येसु बाक्ताक्त, दे मतुइक्तेम। यूहन्ना २० :१४ ; लूका २४ :१६ ५ मिनु येसुमी “ए आलपुकी, डाइ बाक्म कां?” दे बरइशा, हिल्लो पाप्नु। मिनु “मबा” दे लोव लेताक्म। लूका २४ :४१

६मिनु येसुमी “इन ग्याइल डांगा आ ग्युरा गे आपीन। मेकेर रेल्लीनी” दे माइक्तीमी। मिनु आ देशो खांदेशो पा ग्याइल आप्तेकम। मिनु आन ग्याइली गरुंडने मचाप्चा डा पा शुश डाइ रतेकम। लूका ५ :४-७ ७मोदंशो तशा, येसु आ नेल्ल क्यडा दाकशो शंसीबमी पतरुस कली “परभु बाक्व” दे माइक्तु। मिनु सिमान पतरुसमी “परभु बाक्व” देशो नंशा, आ डाइती परुइशो वा लेशा फेकसाकव। मिनु व्याक्कुमी प्रेक्त। यूहन्ना १३:२३ ५मिनु अरु शंसीबपुकीमी डांगामी बाकशा, ग्याइल कीना कीन पिम्तेकम। ग्याइल बरीशो बाक्त। मेकोपुकी समुन्दरमी सह निकशी गज खांदेशो डोन जाकदीशो बाक्तेकम।

१ मिनु मेकोपुकीमी डांगा रे गरुशा, डाइ नु शोब्ले मीमी चाशा, वोइशो ताम्तेकम। १० मिनु येसुमी “इन रेशो डाइ का निकशी पितीन” दे माइक्तीमी। ११ येसु आ देशो टिशा, सिमान पतरुस डांगामी डाइशो, ग्याइल कली कीशा, व्याक्कु रे गरुंडताकव। मेको ग्याइलीमी सह का ५३ ओटा ठेयब ठेयब डाइ बाक्तेकम। मिशा डा डाइ बाकशा यो मेको ग्याइली मगाकमाक्त। १२ मिनु येसुमी “निस्सीन जने वने” दे माइक्तीमी। मिनु शंसीबपुकीमी “गे सु ननी?” दे हिल्लो मपाम। “परभु बाक्व” दे तुइक्ताकम। १३ मिनु येसुमी शोब्ले लाइशो, आ शंसीब आन कली शोब्ले नु डाइ योक्शा गंतीमी। यूहन्ना ६ :११ १४मो दुम्मनु, येसु संसीशो नाल आ शंसीब आन कली खयप सां तपाइसाकव।

येसुमी पतरुस कली लोत्र पशो

१५ मिनु जने थुम्शा, येसुमी सिमान पतरुस कली “योआन्नेस आ ती सिमान, गे आं कली एको आन क्यडा दाकनेवे?” दे हिल्लो पाप्तु। मिनु पतरुसमी “दाकनन्नी, परभु, गे तुइक्नीनी” दे माइक्तु। मिनु येसुमी “आं पाठा आन कली थुल्मी” देत। यूहन्ना १ :४२ १६ मिनु येसुमी लेशा पतरुस कली “योआन्नेस आ ती सिमान, गे आं कली दाकनेवे” दे हिल्लो पाप्तु। मिनु पतरुसमी “दाकनन्नी, परभु, गे तुइक्नीनी” दे माइक्तु। मिनु येसुमी “आं भेडा आन कली कोत्रमी” देत।

१५ पतरुस ५ :२,४ १७ लेशा येसुमी “योआन्नेस आ ती सिमान, गे आं कली दाकनेवे?” दे हिल्लो पाप्तु। मिनु येसुमी खयप सां “आं कली दाकनेवे?” दे हिल्लो पशो नंशा, पतरुस आ थुं खाइक्त। मिनु “परभु, गे नेल्ल तुइक्नीनी। गो इन कली दाकनन्नी, दे तुइक्नीनी” दे माइक्तु। मिनु येसुमी “आं भेडा आन कली योत्रमी। यूहन्ना १३ :३८ ; यूहन्ना १६ :३० १५ नोफा दाइशो ननी, गे ठिटा बाकडेनु, किप्शुर किम्सीशा, इ दाकशो लां खाइक्तीवी। खाल्पा दुमनु, इ गुइ हाम्नेवे। मिनु अर्कीमी इ कली किप्शुर किम्सा, इ मदाकशो लां लाइक्व” दे माइक्तु। १९ येसुमी पतरुस दोपा परमपरभु यावे आ सक्ति काइशा, साइक्चा पुंइसीबा, दे मोदंशा देत। मिनु येसुमी “आं नोले खाइय्यी” देत। यूहन्ना १३ :३६

२० मिनु पतरुसमी येसु आ नोले खाइशो, फिर लेशो कोत्रडानु, येसु आ दाकशो शंसीब आस नोले खाइशो ताप्तु। मेको शंसीब सु बाक्त देशो हना, डाइती नाकवो डा खमे जनी ना येसु नु बाकशा बाक्त। मेको “परभु, इन कली साइक्व आन कली वारच पाइब सु मे?” दे हिल्लो पाइब बाक्त। यूहन्ना १३ :२३-२५ २१ मिनु पतरुसमी मेको कली तशा “परभु, मेको कली मार दुम्बा?” दे हिल्लो पाप्तु। २२ मिनु येसुमी “गो लेशा मजाकडा सम्म मेकीमी रिम्शा बाक्चा माल्व, दे मिम्ताकड हना यो, इ कली मार दुम्बा डा? गे आं नोले खाइय्यी” दे माइक्तु। २३ मिनु थमा सुइक्वपुकीमी मेको येसु आ दाकशो शंसीब आ पर्वम “मेको शंसीब मबक्व” दे लोत्र पमुम्तेकम। तन्न येसुमी “मेको मबक्व” देशो ममाइ, तन्न “गो मजाकडा सम्म मेको रिम्शा बाक्त को मबाक्त, इ कली मार दुम्बा डा” दे माइशो बाक्त।

२४ येसुमी “एको मबक्व” देशो शंसीब सु बाक्त देशो हना, एको किताब बरक्व बाक्त। मिनु मेको आ बरक्वशो नेल्ल थमा बाक्व, दे तुइक्नीकी। यूहन्ना १५ :२७ २५ येसुमी मेको किताबमी बरक्वशो पशो गेय ला ममाइ, तन्न अरु शुश गेय यो पाइबाक्त। आ पशो गेय नेल्ल बरक्ताकव हना, मेको किताबपुकी वोइक्चा कली रागीमी यो मरिक्व, दे मिम्नुड। यूहन्ना २० :३० ; भजन संग्रह १०६ :२

## पररित

बररकब मुर: एको कितार लूकाम बररकशो बाकब। लूका यहूदी मबाकथु यो, पावल नु गेय पवा बाकत। पररित १६:१०-१७; पररित २०:५-१५; पररित २१:१-१८ नु पररित २७:१-२८:१६ एको कितारबमी शुश खयप “गोपुकी” बररकशो बाकब। मोपतीके लूका पावल नु काथा बाकशो तुंडसीब। लूका डक्टर बाकत। कलस्सी ४:१४

गना बररकशो: एको कितार गना बररकशो बाकम, मेको रिम्शो पा मतुंडसीब। तन्न पावल रोम सहरम चोक्का पुंडसीशो बर्स निक्कीशो दुम्शो नोले ६३-६४ ए. डी. एको कितार बररकशो बाकचा माल्ब। एको कितार मथुम्शो कितार का बाकत। मारदे हना लूका ते लमे, सुइमी मतुंडकनीम। ६४ ए. डी.मी रोम सहरम ठेयब मी सुइक्तीके नु थमा सुइक्क आन कली खेदा पतीके लूका बेकम को, परोकम को मारइ मतुंडसीब।

मार बररकशो: लूका, यहूदी मुर मबाकब। आ बररकशो “लूका ग्यरपाइक्तीक” लोव्रमी अर्का रागी डा मुर येसु खरीस्त आ पतीकमी पाप रे बरांडचा ताइनीम, दे शुश बररकशो बाकब। येसु खरीस्त आ सोइश्शो आन पशो गेय नु परमपरभु यावे आ सोक्त आ गेय आ पर्वम शुश बररकशो बाकब।

येसु स्वर्ग लाइक्का पुंडसीशो

१ आं दाक्कशो थियोफीलस, गो डांडती डा १ कितारबमी परमपरभु यावे आ बाक्तीक लाइक्का मपुंडस सम्म येसुमी मार पवा, मार शंदा, मेको नेल्ल बररकशा, तुइक्पाइक्क थुम्तन्नी। लूका १:३ येसुमी शंसीब आन कली याव्रशा, मेको याव्रशो आन कली सोइश्शोपुकी नें वोइश्शो बाक्माकत। मेको सोइश्शो आन कली परमपरभु यावे आ सोक्त रे पा मार शंका, मार पचा, नेल्ल शंका शंन वोइक्की बाकत। मत्ती २८:१-२० मेको आन कली शंशो मार बाक्माकत दंशा हना, येसु श्यत जशा साइक्का पुंडसीशा, बेक्का, बेक्का रे संपाइक्का पुंडसीशा, ४० नाक्त सम्म आ सोइश्शो आन कली तपाइसीन सीन परमपरभु यावे आ राज्य डा लोव्र शंका शंन बाक्माकत। ४ मोदंशो पा काथा बाकशा, मेको आन कली “परमपरभु यावेमी आ दंशो लोव्र मखबा सम्म यरूसलेम सहरमीन बाक्कीन। लूका २४:४९; यहून्ना

१५:२६ ५ इन कली डांडती मार मार दंडा, मेको लंशा देनुड यहून्नामी मुर आन कली ब्वाक्कुम सुम्शा गरुंडताक्क। इन कली चहिं परमपरभु यावेमी आ सोक्तीम खरुम्ब। मेको दुम्चा कली शुश नाक्त मलीशो बाकब” दे शंदीमी बाकत। मत्ती ३:११

६ मिनु येसु नु आ सोइश्शोपुकी बुक्का बाक्मानु, मेकोपुकीमी येसु कली “परभु, गे इसरएल कली मुल लंशा आंम राज्य सल्लनी?” दे हिल्लो पाम बाकत। लूका १९:११; लूका २४:२१ ७ मिनु येसुमी “राज्य सल्लवा आं आफ आ गुइमी बाकब। मिनु गना सल्लवा दाक्का, मना सल्लव। मेको तुइक्का यो ममाल्लीनी। मत्ती २४:३६ ८ मार चहिं तुइक्का माल्लीनी दंशा हना, परमपरभु यावे आ सोक्त आ सक्ति ताइनीनी। सक्ति तशा यरूसलेम, यहूदीया, सामरीया नु रागी नेल्लेमी हिरशा, आं लोव्र शंशा, आं सांकळी दुम्नीनी” दे माइक्की बाकत। लूका २४:४८; पररित ८:१ ९ मिनु मोदंशो लोव्र पा, मेको आन तना तन ग्येत्थ ग्युक्का, गोस्सुमी गिल्लीशा सरीड ग्येत्थ लमाकत। मिनु नोले मेकोपुकीमी मतामे बाकत। मर्कुस १६:१९; लूका २४:५१ १० मोपा यो सरीड गे कोव्रना कोव्रन बाक्मानु, बुश वा फक्को मुर निक्की फो फु गरुशा, आन डांडती राष्शो ताम बाकत। लूका २४:४ ११ मिनु मेको निक्कीमी “ए गालील डा मुर, मार सरीड गे कोव्रना कोव्रन बाक्की? येसु इन बाक्तीके रे परमपरभु यावे आ बाक्तीके लाइक्का पुइसाक्क। दोपा लशो तनी, मोपा काबु लेश्शा यीब, दे तुइक्कीन” देसा बाकत। लूका २१:२७ १२ मिनु मेकोपुकी जैतून डांडा रे यरूसलेम लेम्मा बाकत। मेको लो चहिं नाइक्तीक नाक्त गाक्का दुम्तीक लो बाक्माकत।

१३ मिनु यरूसलेम सहरम जाक्का डा मीन, सिं का डा तला तारी ओव्रशा बाक्का बाकत। मोपा बाक्कपुकी सु सु बाक्का बाकत दंशा हना, पतरुस, यहून्ना, याकूब, अन्दरीयास, फिलीप, थोमास, बारथोलोमाइ, मत्ती, अल्फयस आ तौ याकूब, सिमान, मेको कली कनानी यो दंसीब नु याकूब आ तौ यहूदा बाक्का बाकत। लूका ६:१३-१६ १४ मेकोपुकी नु मीश मुरपुकी, येसु आ ममा मरीयम नु येसु आ लोकबपुकी यो बाक्का बाकत। मेको नेल्ल थुं का डा दुम्शा, नाक्त कित कित परमपरभु यावे कली ठेयब सल्लवा सल्लव, पुंडना पुंडन बाक्काक्का बाकत। यहून्ना ७:३

## सोइश्शो का तेम्शो

१५ मिनु काबु नाक्त पतरुस थमा सुइक्व सहे का २० जना मुर आन दातेमी बाक्मा बाक्त। यूहन्ना २१:१५-१९ १६ मिनु पतरुस मेको आन दातेमी राप्शा, मेको आन कली "आं लाक्वपुकी, नेनीन, यसु कली ग्याइक्व आन कली लां कांइब यहूदा आ पर्वम लोत्र का निक्शी पाइनुड। साइ परमपरभु यावे आ सोक्तीमी पिप दाऊद कली मार बरक्पाइश्शो बाक्म, मेको नेल्ल थमा दुम्चा माल्ब। मिनु मुल थमा दुम्त। भजन संग्रह ४१:१० १७ यहूदा १२ जना शंसीब आइं दाते डा वारच का बाक्त। मेको कली यो परभुमी गेय का पपाइक्वा कली योत्रशा बाक्त। १५ मेकोमी येसु कली ग्याइक्व आन कली लां कांइशा, वारच पा क्येट ताक्गा बाक्त। मिनु मेको क्येटमी रू ग्यबा बाक्त। मोपा मरिम्शो गेय पतीके क्यूली पा दोक्शा, आ कोद्रज बरोल्शा आ कयी गरूशा बेक्माक्त। मती २७:३-१० १९ मेको आ मरिम्शो पशो यरूसलेम सहरमी बाक्व नेल्लेमी तुइक्ताक्म। मिनु मेको रू कली आन लोत्र र पा आखेल्दामा, दे नें वोइक्तेक्म। आखेल्दामा देशो "हुश आ रू" रुम्सीब। २० साइ पिप दाऊदमी बरक्शा लोत्रमी मार बरक्शा बाक्व देशा हना मेको आ खिं बरक्शा बाक्त, मेकर सुइ बाक्चा मतामेक्त, आ पशो गेय अर्का मुरुमी पवल दे बरक्शा बाक्व। भजन संग्रह ६९:२५-२६; भजन संग्रह १०९:८

२१ मुल यहूदा आ पा डा मुर का योत्रचा माल्ब। दोदेशो मुर माल्ब देशा हना, यूहन्नामी मुर आन कली ब्वाक्कुमी खरूम्शा गरुइशा नाक्त र येसु परमपरभु यावे आ बाक्तीक लाइक्वा मपुइस सम्म, परभु येसु नु काथा बाक्व, काथा गाक्व, काथा जाइब मुर का माल्ब। यूहन्ना १५:२७ २२ मेको मुरुम "यसु बेक्शा, संसीशा ताता" देने चाप्वा माल्ब" दे माइक्मी बाक्त। २३ मिनु आ लोत्र नेशा बिश्शा, आन दाते र योत्रशा, मुर निक्शी आस कली नेल्ल आन डांइती राप्पदम बाक्त। मेको आस नें का के योसफ बारसाबास, आ याइनी नें चहिं युस्तस बाक्माक्त। का के चहिं मत्तीयस बाक्माक्त। २४ मिनु मेकोपुकीमी "परमपरभु, गे मुर नेल्ल आन थुं तुइक्नीनी। मोपतीके एको निक्शीमी तेको कली योत्रनीनी, आंइ कली तुइक्पतीने। पररित ६:६ २५ मिनु मेको यहूदा आ पा डा सोइश्शो का दुम्त" दे परार्थना पामे बाक्त। २६ मिनु भोट तोक्गमेनु बाक्त।

भोट तोक्गमेनु, मत्तीयस गुरामाक्त। मोपा मत्तीयस यो सोइश्शो का दुम्शा तेम्सीशा, १२ जना सोइश्शो दुम्मा बाक्त। हितोपदेस १६:३३; निसाफ पाइब २१:१७

## परमपरभु आ सोक्तीमी पिरंचा पुंइसीशा

१ मिनु पेन्तीकोस नाक्त थमा सुइक्व आन २ गरूम्तीकेमी दल्मा बाक्त। लेवी २३:१५-२१ २ मिनु सरीड र हुरुर पा फश खोदेशो फो गरूशा, आन बाक्तीक पिरंशा थुरशा रयक पवा बाक्त। ३ मिनु बरशा मी खोदेशो तांइसीशा परमपरभु यावे आ सोक्त का का पा आन तारी जुक्ता बाक्त। मती ३:११ ४ मिनु परमपरभु यावे आ सोक्तीमी सोइश्शो आन कली पिरंशा, मेको आन कली आन मतुइश्शो लोत्र पपाइक्मी बाक्त। पररित ४:३१; पररित १०:४४-४६ ५ यरूसलेममी परमपरभु यावे कली मान पा हिंब, रागी नेल्ल र जाक्शा यहूदी बाक्मा बाक्त। पररित १३:२६ ६ मिनु मेकोपुकीमी मेको रयक नेशा, खुम्सीमा बाक्त। मिनु मेकर आन लोत्र कका ब्वाक्शा नेशा छक लाक्मा बाक्त। ७ मिनु छक लाक्शा "मेकोपुकी गालील डा मुर मनमी डा ? तन्न ई लोत्र कका ब्वाक्तेक्म। ८ गालील डा मुरपुकीमी दोपा ई लोत्र नेल्ल ब्वाक्स जोक्गमे माइ ?" देमुमा बाक्त। ९ मो दुम्शो ताइबपुकी ते ते डा बाक्मा बाक्त देशा हना, पारथेस, मेदी, एलाम, मसोपाटामीया, यहूदीया, कापाडासीया, पोन्टस, एसीया, १० फिरगीया, पाम्फोलीया, इजीप्त, लिबीया नु साइरनी एर आंथ, राम, करंट नु अरब रागी र जाक्शा यहूदी नु यहूदी दुम्शोपुकी बाक्मा बाक्त। ११ मेकोपुकीमी "गो नेल्लेमी परमपरभु यावे आ पशो छक लाक्चा डा गेय आ पर्वम आंइ लोत्र पशो नंतय। १२ मोपा मेको नंबपुकीमी 'मार बाक्म माइ, मार दुम्बा' देमुमा बाक्त। १३ का निक्शीमी चहिं 'शांबु दुक्शो बाक्तेक्म'" दे शुक्शी पामे बाक्त।

## साइ डा लोत्र थमा दुम्शो

१४ मिनु पतरुसमी सोइश्शोपुकी नु राप्शा, मुर आन कली "इं यहूदी नु यरूसलेममी बाक्वपुकी, आं लोत्र रुप्चा कली नोफा दाइश्शा नेनीन। १५ इन मिम्शा खोदेब पा एकोपुकी दुक्शो मनमी। मुल सुनी डा १ बजेशो बाक्व, दे तुइक्तीने। भजन संग्रह १६:८-११ १६ मार रुपीन देशा हना, साइ परमपरभु यावे आ लोत्र पाइब योएलमी बरक्शा लोत्र मुल थमा दुम्त, दे रुपीने। साइ

डा लोत्रम मार बरकशो बाक्त, देशा हना योएल ३:१-५ १७ परमपरभु यावेमी रागी नुप्ची नाक्त मुर नेल्ल आन कली आं सोक्तीम पिरंनुडमी। मिनु इन तमी तौपुकीमी आं लोत्र पाइनीम। ठिटापुकीमी आं कांडशा ताइनीमी, खाल्पापुकीमी डामु ताइनीमी। १८ आं वाइलीम वाइल आन कली यो आं सोक्तीम पिरंनुडमी। मिनु मंकापुकीमी यो आं लात्र पाइनीम। १९ मंको ठयब नाक्त जाकचा क्यडा डांडती गो सरीड नु रागीमी चिन्ड नु छक लाकचा डा गेय कांडनुड। हुश यिपाइकनुड, मी बरपाइकनुड नु ठयब कुन गरुशो तपाइकनुड। २० नो छिडछिड दुम्ब। तास्तला हुश खोदंशो लल दुम्शो तांडसीब। मंको परभु आ ठयब नाक्त आ क्यडा डांडती मोदंशो दुम्ब। २१ मिनु सु सुमी परभु आ नें थिशा परांडयीकी, दे बरम्मा, मंकापुकी पाप रे परांडचा पुंडसीनीम' दे परमपरभु यावेम देशो बाक्व। योएल २:२७-३२

२२ मोपतीक इसराएल डा लोक्वपुकी, आं लोत्र नेनीन। परमपरभुमी नासरथ डा यसु कली योत्रशा, सक्ति पाइशो गेय, चिन्ड नु छक लाकचा डा गेय इन दातमी कांडपाइकतु। मंको गे यो तशो तुइशो बाक्नीनी। २३ गेपुकीमी यसु कली अरेशो मटीब आन गुडम गेशा, शीम केषा कांटी थोक्शा क्याइशो साइकपाइक्तीनी। डांडती रे परमपरभु यावेमी मोदंशो दुम्चा माल्ब, दे मिम्शा, इन कली मो पचा गेशो बाक्माक्त, दे रुपीन। पररित ४:२८ २५ गेपुकीमी साइकपाइक्तीनी हना यो, परमपरभुमी यसु कली बक्शा रे संताक्व। मारदे हना आ गना हना यो बरोडशा बाक्व परमपरभु बाक्व। २४ मिनु पिप दाऊदमी यसु आ पर्वम परभु गेना हना यो आं ग्युरा गे बाक्व, दे तुइशो महिनुड। भजन संगरह १६:८-११ २६ गो ग्यरसीशा परभु कली ठयब सल्शा कुम्सो पाइनुड। मारदे हना परभु नु काथा बाक्शा, गेना हना यो बरोडचा ताइनुड। २७ बक्शा आं रां राक्शा लचा मगेब, दे तुइकनुड। २८ परमपरभुमी बरोडतीक लां कांडताक्यी। मिनु गेना हना यो परभु नु ग्यरसीशा बाक्नुड' दे यसु आ पर्वम बरकशो बाक्त। भजन संगरह १६:८-१० २९ आं लोक्वपुकी, इं किर्की पिपी दाऊद आ पर्वम का का पा देने चानुड। दाऊद बक्माक्त। मिनु लाइशो थिम्ने थुम्मे बाक्त। तेकेर थिम्मे गोपुकीमी मुल यो तुइकनय। १ राजा २:१० ३० परमपरभु यावेमी आ लोत्र पाइब

दाऊद कली 'इ चच युइ रे पिप का सेल्लुड' दे लोत्र गेशो तुइशो बाक्त। ३१ मिनु दाऊदमी परमपरभु यावे आ लोत्र पाइब दुम्तीक, मंको यसु, मस्सीह आ पर्वम लोत्र पाप्तु, दे तुइशो बाक्माक्त। मिनु मंकामी 'मंको बक्शा मुर आन बाक्तीकम मलीब। आ रां मराक्वा' देशो बाक्माक्त। २ सामुएल ७:१२-१३; भजन संगरह ८९:४-५ ३२ परमपरभु यावेमी यसु कली बक्शा रे संताक्व। मंको गो आंइ मिक्चीमी ताइतक। ३३ मिनु यसु परमपरभु यावे आ ग्युरा गे बाक्शा, आ आफ रे परमपरभु यावे आ साक्त ताक्शा, आंइ तारी मोइक्तु। मिनु मार मार नेंनी, मार मार तनी, मंको नेल्ल परमपरभु यावे आ सोक्तीम पपाइशो बाक्माक्त, दे तुइक्तीने। यूहन्ना १५:२६ ३४ पिप दाऊद सरीड ग्येत्य क्युकचा मतवा। तन्न दाऊदमी 'परभुमी आं परभु कली, आं ग्युरा गे बाक्को। भजन संगरह ११०:१ ३४ इ जारी सतरु आन कली इ खोइल आगाम मवोदुमी सम्म आं ग्युरा गे बाक्को' दे बरकशो बाक्त। मंको लोत्र दाऊद आ पर्वम ममाइ। यसु आ पर्वम बरकशो बाक्व, दे रुपीन। ३६ मोपतीक इसराएली नेल्लमी मार तुइक्चा माल्नीनी देशा हना, गेपुकीमी शीम केषा कांटी थोक्शा साइकपाइशो यसु कली परमपरभु यावेमी परभु नु खरीस्त सेल्लु' दे माइक्की बाक्त। खरीस्त आ देशो मस्सीह बाक्व। पररित ५:३१

३७ मिनु आ लोत्र नंब आन थुं खाइक्माक्त। मिनु पतरुस नु सोइशो आन कली "गो मार पक मिनु?" दे हिल्लो पामेनु, पररित १६:३०; लूका ३:१० ३८ पतरुसमी "इन थुं परमपरभु यावे गे लेशो, यसु कली थमा सुइशो, आ नेंमी ब्वाक्कुम खरुम्शा गरुंडपांडसीन। मिनु इन पाप क्याम्चा पुंडसीनीनी। परमपरभु यावे आ सोक्तीम पिरंचा यो पुंडसीनीनी। पररित ३:१७-१९; लूका २४:४७ ३९ मारदे हना परमपरभु यावे आ गेशो लोत्र इन कली, इन तमी तौ चच युइ आन कली नु डोन रागीम बाक्व आन कली गेशो बाक्त। मिनु परमपरभु आंइ परमपरभु यावेमी सु सु कली बरशो बाक्म, मंको आन कली गेशो बाक्त" दे शंदीमी बाक्त। योएल ३:५ ४० मिनु पतरुसमी शुश शंशा "थमा मसुइक्व मदुमीन। मरिम्शो पाइब रे डोन बाक्कीन" दे शुश अर्ती गेशो माइक्की बाक्त। मती १७:१७; फिलिप्पी २:१५ ४१ मिनु शुश मुरुमी पतरुस आ देशो बिशशा, खरीस्त कली थमा सुइशो, ब्वाक्कुम खरुम्शा गरुंडचा पुंडसमा बाक्त।

मोपा व्याक्कुम खरुम्शा गरुंडचा पुंडसीबपुकी हजार सां सोइ दुम्मा बाक्त। मोपा थमा सुइक्व नु तेम्समा बाक्त। १२मिनु नेल्ल काथा बाक्शा, सोइश्शोपुकीमी शंशो लोत्र शंसीशा, परभु भोज जशा, परार्थना पना पन बाक्बाक्कमा बाक्त। पररित २०:१७

### थुं का डा दुम्शा बाक्शा

१३मिनु सोइश्शोपुकीमी परमपरभु यावे आ सोक्त रे पा शुश चिन्ड नु छक लाक्का डा गेय कोइना कोइन बाक्बाक्कमा बाक्त। मुरपुकीमी मेको आन कली मोदेशो पशो तशा छक लाक्का हिंबाक्कमा बाक्त। १४थमा सुइक्व नेल्ल थुं का दुम्शा, आन के बाक्शा मोरइ मोरइ नेल्ल इं के बाक्व, दे मिम्बाक्कमा बाक्त। पररित ४:३२-३५ १५रू, मोरइ लेयडमेनु, सु सु आन कली माल्मा, मेको आन कली योक्शा क्येट गेशा वारच पाइबाक्कमा बाक्त। १६मिनु नाक्त कित कित परमपरभु यावे आ खिंमी गरुम्शा शंसीबाक्कमा बाक्त। खिं खिं हिरशा, परभु भोज जाइबाक्कमा बाक्त। हाइश्शो थुं डा दुम्शा, जचा त्चा योक्शा, ग्यरसीशा दुम्शा, १७परमपरभु यावे कली ठेयब सेल्ला सेल्ल बाक्बाक्कमा बाक्त। मुरपुकीमी मेको आन कली मोदेशो पशो तशा, रिम्शो मिम्बाक्कमा बाक्त। परभुमी नाक्त कित कित येसु कली थमा सुइक्व तेम्ना तेम्न बारपाइक्की बाक्त। पररित ४:४; पररित ५:१४; पररित ६:१७; पररित ११:२१; पररित १४:१

### सोइली महुक्व कली सापाइश्शो

१मिनु काबु पतरुस नु यूहन्ना ३ बजे डा ३ परार्थना पची ना परमपरभु यावे आ खिंमी जाक्सा बाक्त। २मेकर जरमसे रेन सोइल महुक्व मुर का बाक्कमाक्त। मेको कली नाक्त कित कित कुरशा चाक्शा, खिं ओवब आन कली पुंडदीमील, दे “रिम्शो लाप्चो” नें पाइश्शो लाप्चो आ डांइती वोइक्वाक्कमा बाक्त। ३मिनु मेको पुंडब मुरुमी पतरुस नु यूहन्ना आस कली ओवत्रशा तशा, मोरइ गनीसी कां, दे पुना बाक्त। ४मिनु पतरुस नु यूहन्नामी पुंडब कली कोव्रशा, पतरुसमी “ओथ कोव्रस्की” देमाक्त। ५मिनु पुंडबमी मार गेयीसी, दे आस पा कोव्रसी बाक्त। ६मिनु पतरुसमी “गो नु सुन चांदी मबा। मार बाक्के, मेकोन गेनन। तन्न आं के मार मेकोन गेनन। नासरथ डा येसु खरीस्त आ

नमी बोक्शा एर ओथ हिरसो” देशा, ७पुंडब आ ग्युरा गुइ ग्याइश्शा कीशा छुल पोक्शा राप्पदा बाक्त। राप्पदानु, आ सोइल डा बांइसे नेल्ल दुक्व दुम्शा, ८दिव दाव परक्शा, एर ओथ गाक्व दुम्माक्त। गाक्व दुम्शा परमपरभु यावे कली ठेयब सेल्ला, कुम्सो पना पन, परक्ना परक्न पतरुस नु यूहन्ना नु काथा गाक्शा, परमपरभु यावे आ खिं ओवत्रमाक्त। ९मिनु मेकर बाक्वपुकीमी मेको पुंडब कली साशा, परमपरभु यावे कली ठेयब सेल्ला गाक्शा तशा, १०“रिम्शो लाप्चो आ डांइती बाक्व सोइल महुक्व दोपा साशा ओं पा गाक्के” दे छक लाक्का बाक्त। ११पुंडबमी पतरुस नु यूहन्ना कली काइ मप्रांइथु काथा गाक्शा, पिप सोलोमन नें वोइश्शो थाम पाइश्शो बाक्तीके जाक्कीम्मा बाक्त। मिनु एर ओथ डा मुर दोरशा जाक्शा पुम्दमे बाक्त। पररित ५:१२; यूहन्ना १०:२३

१२मिनु मोपा पुम्शा तशा, पतरुसमी “इ इसराएलीपुकी, एको मुर साशा तशा छक लाक्तीनी। मिनु गा आंस सक्तिम सापाइश्शो बाक्कमाक्त, फस्तस दे मिम्तीनी? आंस सक्तिम सापाइश्शो ममाइ। १३इ किकी पिपी अबराहाम, इसहाक नु याक्व आन परमपरभु यावेमी आ गेय पाइब येसु कली ठेयब सेल्लु। गेपुकी चहिं मेको कली ग्याइक्पाइक्तीनी। पिलातसमी मेको कली प्रांइचा थुं पवानु यो, गे मबिस्सीनी। १४तन्न गेपुकीमी परमपरभु यावे आ योव्रशा नु ठीक पाइब कली तिल्लीनी। मुर साइक्व कली प्रांइशा सोइक्का कली पुंडतीनी। मत्ती २७:२०-२१ १५मिनु गे ब्रांइचा गब कली साइक्तीनी। परमपरभु यावेमी चहिं बेक्शा रे संताक्व। गो मेको तशा, सांकळी दुम्ताक्क। १६परमपरभु आ सक्ति येसु नु बाक्व। मिनु येसु आ नें थिशा थमा सुइश्शा, सक्ति पाइश्शो गेय पचा तांडसीब, दे थमा सुइक्कीकी। मिनु आंइ कली थमा सुइश्शा तशा, परमपरभुमी एको मुर कली सापाइश्शा कांइताक्व। मिनु साशा सेस दुम्शो ताइतीनी।

१७आं लोकवपुकी, इन ठेयब मुरपुकी नु गे नेल्लेमी येसु कली महुक्व, साइक्पाइक्तीनी, दे तुइक्नुड। लूका २३:३४ १८साइ डांइती रे परमपरभुमी यावे आ लोत्र पाइबपुकी रे ‘खरीस्त श्यत जशा साइक्का पुंडसीब’ दे लोत्र पाइक्वाक्कमाक्त। परमपरभु यावेमी मेको लोत्र खाप्शो बाक्त। लूका २४:४४ १९मुल चहिं इन थुं परमपरभु यावे गे लेश्शा, खरीस्त कली थमा सुतीन। मिनु मेकोमी इन पाप क्याम्ब। पररित

२:३८ २०मिनु मेकोमी इन कली रिम्शो बाक्चा गेब। मिनु परमपरभु यावेमी पाप रं परांडब, येसु खरीस्त इन बाक्तीक सोइक्व। मिनु इन थुं नाइक्पाइक्व। २१तन्न परमपरभु यावे आ लोत्र पाइबपुकीमी साइ रं मार मार देमा, मेको लोत्र थमा मदुम सम्म येसु खरीस्त परमपरभु यावे नु स्वर्गम बाक्व। २२साइ नेसी परमपरभु यावे आ लोत्र पाइब मोसामी 'परमपरभु, इन परमपरभु यावेमी आ कली योत्रशो खोदेशो पा आ लोत्र पाइब इन मुर आन दाते रं योत्रशा, इन कली वारच पाइब नु लो कोइब सत्व। मोपा योत्रशोमी इन कली मार मार शंबा, मेको आ लोत्र नंशा टिन। व्यवस्था १८:१५,१९ २३सु सुमी आ लोत्र मटीम, मेकोपुकी जाम्शा लाइनीम' दे देशो बाक्त। २४मोसामी देशो लोत्र ला ममाइ। परमपरभु यावे आ लोत्र पाइब सामुएल नु अरु शुशेमी मोसामी देशो खोदेशो लोत्र पाम बाक्त। २५इन किकी पिपी अबराहाम आ खिं डा मुर नमी। परमपरभु यावेमी अबराहाम कली 'गे इ खिं डा मुर रं पा रागी डा मुर नेल्लेमी आसीक राइनीम' दे कबल पशो बाक्माक्त। उत्पत्ती २२:१८ २६मोपतीक परमपरभु यावेमी आगेय पाइब येसु कली डांडती इन बाक्तीकम सोइक्ताक्व। मारदे हना इन कली आसीक गेशा, इन मरिम्शो गेय रं लेत्चा, दे मोदेशो पात्तु, दे रुपीन' दे शंदीमी बाक्त। पररित १३:४६

### कळ्डीम राप्पाइक्चा पुंडसीशो

४ मिनु पतरुस नु यूहन्नामी मोदेशो शंना शंन बाक्सानु, चदेबपुकी, परमपरभु यावे आ खिं डा ठेयब मुर नु सदुकीपुकी जाक्मा बाक्त। लुका २७:४:५२ २मिनु "येसु बेक्शो रं संसाक्व। मिनु मुर नेल्ले यो बेक्शो रं संसीनीम" दे शंशा नंशा, थुं मनुमा बाक्त। पररित २३:८ ३मिनु पतरुस नु यूहन्ना आस कली ग्याइक्पाइक्शा "मुल नां रिक्त। मोपतीक कळ्डीम दीसा बाक्चा" दे मेको नाक्दो जेल्खानमी चोक्पदमे बाक्त। ४पतरुस नु यूहन्ना आस शंशा लोत्र नंशा, थमा सुइक्व ५ हज्जार जना जाक्दीशो बाक्मा बाक्त। पररित २:४७

५मिनु आ दीसा कळ्डीम बाक्चा कली यरुसलेम डा हुकुम पाइब, जोक्व तुइक्व खाल्पापुकी नु सास्तरी नेल्ले बुक्मा बाक्त। ६मना ठेयब चदेब हन्नास बाक्माक्त। डांडती डा ठेयब चदेब काइयाफास, यूहन्ना नु अलेकजन्डर बाक्मा बाक्त। ठेयब चदेब आन

खिं डा मुर यो शुश जाक्शो बाक्मा बाक्त। लुका ३:१-२ ७मेको नेल्ले खुम्सीशा बाक्मानु, पतरुस नु यूहन्ना आस कली जेल्खान रं गरुंडपाइक्शा, आन बाक्तीक चाक्पाइक्शा आन डांडती राप्पदम बाक्त। मिनु "मेको खोइल मदुक्व मुर कली सु आ सक्तीमी, सु आ नं बरशा सापांडसी, लो दनीस" दे हिल्लो पाम बाक्त। मत्ती २१:२३

८मिनु पतरुस परमपरभु यावे आ सोक्तीमी बरीशा, मेको आन कली "इ इस्राएल डा हुकुम पाइब नु खाल्पापुकी, आं लोत्र ननीन। मत्ती १०:१९-२० ९मेको खोइल मदुक्व कली खोइल सापाइक्शा, रिम्शो गेय पाइत्स्कु। दोपा सापांडस्कु, दे तुइक्चा दाक्नीनी हना, शंनन्नी। १०गे ला ममाइ, तन्न इ इस्राएल डा मुर नेल्लेमी रुप्चा माल्लीम। मेको खोइल मदुक्व मुर नासरथ डा येसु खरीस्त आ नं बरशा साशा गाक्ने चाप्प दुम्माक्त, दे रुपीन। मेको नासरथ डा येसु खरीस्त कली गेपुकीमी शीमी केप्शा कांटी थोक्शा क्याइक्पाइक्शा साइक्पाइक्तीनी। तन्न परमपरभु यावेमी मेको कली बेक्शो रं संताक्व। पररित ३:६:१३-१६ ११खिं सत्वपुकीमी गारो परोत्रडमनु, एको फुल्लु मगार, दे ताइक्तमे बाक्त। मेको मगारथु, ताइक्शा फुल्लु चहिं सुर डा जग फुल्लु दुम्माक्त, दे बरक्शा लोत्र, मेको येसु आ पर्वम बरक्शा बाक्व, दे रुपीन। मत्ती २१:४२; भजन संगरह ११८:२२ ११मुर आन कली श्यत नु पाप रं परांडब येसु खरीस्त का ला बाक्व। परमपरभुमी येसु खरीस्त कली अधिकार गेशा, मुर नेल्ले आन क्येडा ठेयब सत्वु। मिनु आ नमी ला बरोइचा तांडसीब, दे तुइक्तीन" दे माइक्मी बाक्त। पररित १०:४३; मत्ती १:२१

१२पतरुस नु यूहन्ना शुश मशंसीशो बाक्ताक्स हना यो, जोक्व तुइक्व खोदेशो पा महिंथु, ठेयब थुं पा लोत्र पाम्स बाक्त। मेको लोत्र नंशा, कळ्डी पाइबपुकी छक लाक्मा बाक्त। मिनु मेको निक्शी थमा पा येसु नु काथा गाक्व काथा बाक्व बाक्सा बाक्त, दे तुइक्तमे बाक्त। १४सापाइक्चा पुंडसीशो मुर पतरुस नु यूहन्ना नु काथा राप्शा बाक्शो तशा, जोल पाम्स बाक्त देशा, आस लोत्र जोल सल्ले मचाप्पु, मारइ देने मचाप्मे बाक्त। पररित ३:८-९ ११मिनु पतरुस, यूहन्ना नु साशा मुर सांफा आन कली गरुंडशा वाइक्शा "मुल मार पया" दे लोत्रसी पचा गोत्रमे बाक्त। १६मिनु लोत्रसी पा "खोइल

मदुक्क कली सापाइशशा मेको निक्शीमी ठेयब छक लाक्का डा गेय कांडताक्स। ई यरूसलेममी बाक्बपुकीमी थमा लोत्र बाक्माक्त, दे नेल्लेमी तुइक्नीमी। मिनु गोपुकीमी थमा ममाइ देने मचापनय। यूहन्ना ११:४७ १७तन्न मोदंशो लेंशा मदुम्त, दे मेको आस कली मार पचा दंशा हना, मुल डा मेर यसु आ नं सुइ कली मतुइक्पाइक्का नमी, आ नं बरशा सुइ कली मसापाइक्का नम, दे माइक्का नसी” दे सल्ला पामे बाक्त। १८मिनु पतरुस नु यूहन्ना आस कली खिम ओइशा “हरकादे, मुल डा मेर यसु आ नं मबरचा। सुइ मुर आन कली मशंचा। मतुइक्पाइक्का नम” देमा बाक्त। १९ मिनु पतरुस नु यूहन्नामी “परमपरमु यावे आ दंशो टिचा दय इन दंशो टिचा? एको निक्शीमी परमपरमु यावेमी तेको पचा देबा, दे आंमा मिस्तीने। परंरित ५:२८-२९ २०गो निक्शी चहिं आंस मिक्चीम तशो नु आंस नोफामी नेंशो लोत्र मदेंथु मचापनस्कु। मेको रुपीन” देसा बाक्त। २१ मिनु मेको आस दोस थिन्ने मचापतीके मेकोपुकीमी “हरकादे, मुल डा मेर मोदंशो गेय मपस” दे हिंच कांडशा, लोत्र थोक्शा, सोइक्तमे बाक्त। शुश मुरुमी आस पशो छक लाक्का डा गेय तशा, परमपरमु कली ठेयब सेल्ला सेल्ल बाक्बाक्का बाक्त। २२साशो मुर चहिं ४० बर्स लाक्शो बाक्माक्त। मोपतीके मेको कली साशो तशा, नेल्ल छक लाक्का बाक्त।

परमपरमु कली ठेयब सेल्लो

२३ मिनु पतरुस नु यूहन्ना प्रोइचा पुंडसीशा, वारच आन कली गूरुथ लसा बाक्त। मिनु सु सुमी मार मार पवा, मार मार देमा, मेको नेल्ल शोत्रडस बाक्त। २४ मिनु आस लोत्र नेंशा, नेल्ल थुं का पा परमपरमु यावे कली ठेयब सेल्लशा “परमपरमु यावे, नेल्ल आन कली सासन पाइब, गे सरीड, रागी, समुन्दर नेल्ल सेल्लतीनी। मिनु मेकेर बाक्शो मारइ मारइ सेल्लतीनी। मिनु मेको आन कली कोत्रनीनी। २५ साइ इन लोत्र पाइब किकी पिपी, आंड आफ दाऊद कली इन सोक्त रे पा अर्का रागी डा मुरपुकी मारदे गाइक्नीमी, मारदे चुरनीमी? मुरपुकीमी मारदे शोर गाक्शा दूती मिन्नीमी? २६ परमपरमु यावे नु आ तेल लुक्शो, खरीस्त आस जोरी सतरु दुम्शा, रागी डा पिपपुकी नु हुकुम पाइबपुकी थुं का दुम्शा बुक्नीम” देपाइक्तीनी। भजन संगरह २:१-२ २७मोपा साइ इन पपाइशशा लोत्र सिनाक्त मुलाक्त गाम्ना गाम्न पित। मारदे हना

इन सोइशशा, इन गेय पाइब येसु, आ जोरी सतरु आंड मिक्चीमी ताइतक। पिप हेरोद का, पन्तीयस पिलातस का, अर्का रागी डा मुर नु इसराएल डा मुर नेल्ल गारशा, आंड सहरमी बुक्शो ताइतक। लूका २३:१२ २८मेकोपुकीमी इन दंशो डा लाक्शा मारइ पने मचबेम। इन दंशो ला पने चापत्कम। परंरित २:२३ २९ परमपरमु, मेकोपुकीमी हिंच कांडताक्स हना यो, महिंथु ठेयब थुं पा इन लोत्र शंतीक सक्ति तकल, दे पुंडनीकी। एफिसी ६:१९ ३० परमपरमु यावे, इन गेय पाइब येसु आ नं बरशा, सापाइक्तीक गेय, छक लाक्का डा गेय नु चिन्ड कांडेन चापत्कल, दे पुंडनीकी” दे परमु कली ठेयब सेल्लशा पुन्मे बाक्त। ३१मोदंशो प्रार्थना पने थुम्मे चोटोन खिरनु कुशो सोदंशो पा आन बुक्शा बाक्तीके एर आंथ नेल्ल हिम्स बाक्त। मिनु नेल्ले परमपरमु यावे आ सोक्तीम पिरंचा पुंडसमा बाक्त। मिनु महिंथु ठेयब थुं पा परमपरमु आ लोत्र शंता शंन गाक्बाक्का बाक्त।

थमा सुइक्क नेल्ल थुं का डा दुम्शो

३२ मिनु थमा सुइक्क आन थुं नेल्ल कांडचीक दुम्शा, मेकोपुकी नु बाक्शो मारइ मारइ नेल्ल ई के मिम्बाक्का बाक्त। सुइमी यो आं के, ई के मदंबाक्का बाक्त। परंरित २:४४ ३३ मिनु येसु आ सोइशशापुकीमी सक्ति पाइशशा लोत्र पा परमु येसु बक्शो र संचा पुंडसाक्क, दे नंपाइक्बाक्का बाक्त। मेको नेल्ल शुश आसीक तामे बाक्त। परंरित २:४७ ३४ मोपतीक श्यत जाइब का यो मबाक्का बाक्त। मारदे हना रू खिं थीबपुकीमी रू खिं का निक्शी लेयशा, क्यट चाक्शा, परंरित २:४५ ३५ मेको १२ जना सोइशशा आन कली गेंशा, सु सु कली मात्मा, मेको आन कली योक्शा गेंचा नमी, दे गेबाक्का बाक्त। मिनु मेकोपुकीमी योक्बाक्का बाक्त। ३६ मोदंशो गेब का चहिं योसेफ माइशशा मुर का बाक्माक्त। मेको योसेफ साइपरस रागीमी जरमेशो लेवी आ थर डा बाक्माक्त। सोइशशापुकीमी योसेफ आ याइनी नें बारनाबास वोइशशा बाक्का बाक्त। बारनाबास दंशो “आन थुं ग्येत्थ लुक्च दुम्शो मुर आन कली आन थुं नाइक्पाइक्क” दे रुम्सीब। परंरित ११:२२-२६; परंरित १२:२५; परंरित १५:२; गलाती २:१कलस्सी ४:१० ३७ मेको बारनाबासमी रू का लेयशा क्यट चाक्शा, सोइशशा आन गुइमी गेवा बाक्त।

### हनानीया नु सफीरा

१मिनु हनानीया नु आ मीश सफीरामी यो  
 ५ आस रू का लेयडस बाक्त। २मिनु क्यट  
 ताकशा, इच्का गो वॉइसीस, लीशो चहिं नेल्ल  
 ओशो ला, दे सोइश्शो आन कली गेचा, दे लोव्रसी  
 गारपदस बाक्त। मिनु मोपा मेको लीशो क्यट  
 हनानीयामी चोव्रदीम्माक्त। पररित ६:३४-३७  
 ३मिनु सोइश्शो आन बाक्तीक जाक्दीश्शा,  
 क्यट गवानु, पतरुसमी “हनानीया, मारदे गे इ थुंम  
 सैतान ओव्रचा गेशा, परमपरभु यावे आ साक्त  
 कली जोल पवी ? रू लेयशो क्यट नेल्ल ओशो ला  
 बाक्ब, दे मारदे इच्का स्रुइश्शा वोदी ? ४मेको  
 रू मलेयसी नु इस केन बाक्त। लेयसी नोले  
 मेक रे जाक्शो क्यट यो इस केन बाक्त। मिनु  
 मारदे जोल पसी ? गे आंइ कली जोल मपसी,  
 तन्न परमपरभु यावे कली जोल पाइतीसी” दे  
 मदा बाक्त। ५मिनु हनानीयामी पतरुस आ देशो  
 नेंशा, दिड गोल्शा बेक्माक्त। मिनु मुरपुकीमी  
 मेको लोव्र नेंशा, शुश हिंमा बाक्त। ६मेकर  
 सुम्सीशो ठिटापुकीमी आ बेक्शो रां लाइश्शा  
 थिम्म बाक्त।

७मिनु हररा घन्टा सां नोले हनानीया आ  
 मीशमी आ वॉइश बेक्त, दे मतुइक्थु, मेकर  
 जाक्माक्त। ८मिनु पतरुसमी “इस रू ओशामीन  
 लेयसी ? लो, देनो” देमेनु “ओशामीन लेयतस्कु”  
 देमाक्त। ९मिनु पतरुसमी “गे निकशी गारशा,  
 मोदंशो पा परमपरभु यावे आ साक्त कली जोल  
 पचा दुम्बा ? इ वॉइश कली थिम्थ लाइबपुकी  
 लेश्शा जाक्चाम्तक्म। इच्ची ना इ कली यो  
 लाइश्शा थिम्नीम” देमेनु, मीश मुर यो दिड  
 गोल्शा बेक्माक्त। १०मिनु ठिटापुकी जाक्शा  
 कोव्रडमेनु, सफीरा यो बेक्शो तामे बाक्त। मिनु  
 लाइश्शा आ वॉइश थिम्तीक आ नेक्था थिम्म  
 बाक्त। ११मिनु थमा सुइश्शा बुक्बपुकी नु मेको  
 लोव्र नेंब नेल्लेमी “मो देशो हंथ पा जोल पचा  
 मदुम्बाक्माक्त” दे तुइश्शा, शुश हिंमा बाक्त।

### सोइश्शोपुकीमी गेय पशो

१२मिनु सोइश्शोपुकीमी मुर आन दातेमी शुश  
 चिन्ड नु छक लाक्चा डा गेय पाम्तक्म। मेको  
 नेल्ल सालोमन नें वॉइश्शो थाम पाइश्शो ठेयब  
 कोठाम बाक्बाक्मा बाक्त। पररित ३:११ १३थमा  
 मसुइक्बपुकी मेकोपुकी नु काथा गाक्चा बाक्चा  
 हिंशा, मेको आन कली ठेयब सेल्शा, आन पर्वम  
 रिम्शो लोव्र ला पाइबाक्मा बाक्त। १४मिनु

वॉइश मुर नु मीश मुर शुशमी परभु कली थमा  
 सुइक्ब दुम्शा, तेम्सीन सीन शुश बारना बारन  
 लमा बाक्त। पररित २:४७ १५सोइश्शोपुकीमी  
 शुश छक लाक्चा डा गेय पशो तशा, मुरपुकीमी  
 रोइ पाइब आन कली चाक्शा, लां पित्थ  
 इप्पाइश्शा, वॉइक्बाक्मा बाक्त। मारदे हना  
 पतरुस मेको लां गाक्मनु, आ वांकुम योइश्शा  
 साब, दे मिम्शा मो पाइबाक्मा बाक्त। पररित  
 १९:११-१२ १६यरूसलेम एर ओथ सहर डा  
 रोइ पशो नु वोलम तशो मुर शुश आन कली  
 चाक्बाक्मा बाक्त। मेकोपुकी यो नेल्ल साशा  
 लाइबाक्मा बाक्त।

### सोइश्शोपुकी खदा पचा पुंडसीशो

१७सोइश्शोपुकीमी मोदंशो छक लाक्चा डा  
 गेय पशो तशा, ठेयब चदेब नु सदुकी आन थुंम  
 गेहे पामे बाक्त। पररित ४:१,६ १६मिनु सोइश्शो  
 आन कली ग्याइक्पा लाइश्शा, जेल्खानमी  
 चोक्पदमे बाक्त। १९मिनु मेको नाक्दो परमपरभु  
 यावे आ स्वर्ग डा गेय पाइब कामी लाप्चो  
 रोक्शा, मेको आन कली गरुंडदीमी बाक्त।  
 पररित १२:७ २०मिनु गरुंडशा “परमपरभु यावे  
 आ सिं लशा, मुर आन कली यसु आ नेंमी  
 बरॉइतीक लां आ पर्वम शंदीन” दे सोइक्तीमी  
 बाक्त। २१मेको लोव्र टिशा, सुनी कना परमपरभु  
 यावे आ सिं जाक्दीश्शा, ओव्रशा शंचा गोव्रम  
 बाक्त।

### कळडीमी राप्पाइक्चा पुंडसीशो

मेको लोव्र टिशा, सुनी कना परमपरभु यावे  
 आ सिं जाक्दीश्शा, ओव्रशा शंचा गोव्रमे  
 बाक्त। मिनु ठेयब चदेब, मेको नु बाक्बपुकी,  
 इसराएली आन जोक्ब तुइक्ब खाल्पापुकी  
 सुम्सीशा “सिनाक्त चोक्पाइश्शो आन कली  
 चाक्चा” दे जेल्खान सोइक्तमे बाक्त।  
 २२मिनु गेय पाइबपुकी लशा कोव्रडमेनु, मेको  
 चोक्चा पुंडसीशोपुकी मथिदमे बाक्त। मिनु  
 लेश्शा जाक्शा, देमा बाक्त। २३मेकोपुकीमी  
 “जेल्खानमी जाक्दीकानु, खाल पाइब  
 बाक्तेक्म। लाप्चो नेल्ल चोक्स डा चोक्स  
 बाक्तेक्म। मिनु आगा कोव्रशानु, इन माल्शो  
 मुरपुकी चहिं मबाक्म” देमा बाक्त। २४मिनु  
 परमपरभु यावे आ सिं डा कप्तान नु ठेयब  
 चदेबपुकीमी मेको लोव्र नेंशा “ते लमा, दोपा  
 ओदंशो दुम्म ?” दे छक लाक्शा, मुल मार  
 पचा, दे मिम्ने मचाप्मे बाक्त। २५मिनु मुर

का जाकशा “सिनाक्त गेपुकीमी जेल्खानमी चोकपाइशो मुरपुकीमी परमपरभु यावे आ खिमी मुर आन कली शंना शंन बाक्नीम” देमाक्त। २६मिनु कप्तान नु गेय पाइवपुकी परमपरभु यावे आ खिं लशा, सोइशो आन कली मारइ मपथु, चाक्म बाक्त। “मारदे हना मरिम्शो पाइतय हना, मुरपुकीमी ई कली फुल्लु आप्शा साइक्नीम” दे हिंमा बाक्त।

२७मिनु कच्छडीम चाक्शा, आन डांडती राप्पाइक्मी बाक्त। २८मिनु ठेयब चदेबमी “यसु आ नें मशंचा, मुर आन कली मतुइकपाइक्चा देतक। गेपुकीमी चहिं यरूसलेम नल्ल मेको लोत्र फरनी बाक्त। लोत्र फरशो ला ममाइ। मेको यसु कली गोपुकीमी साइशो, दे आंइ कली दोस गेनी बाक्त” दे हुइक्तीमी बाक्त। पररित ४:१८; मत्ती २७:२५ २९मिनु पतरुस नु यसु आ सोइशो नल्लेमी “गोपुकीमी मुर आन लोत्र क्येडा परमपरभु यावे आ लोत्र टिचा, दे थुं फरंताक्क। पररित ४:१९; दानीएल ३:१७-१८ ३०इं किकी पिपी आन परमपरभु यावेमी गेपुकीमी शीम कप्शा, कांटी थोकशा क्याइशो साइकपाइशो यसु कली बेक्शो र संताक्व। पररित ३:१५ ३१परमपरभु यावेमी इसराएली आन थुं आ गे लेप्पाइक्व, लां कांइब कली नु पाप र परांइब सल्लशा, आ ग्युरा गे निप्पाइक्तु। पररित २:३३ ३२मेको नल्ल आंइ मिक्नीमी ताइतक। आ देशो टीब आन कली परमपरभु यावेमी आ सांक्त गेब। मिनु परमपरभु यावे आ सांक्तीमी मेको लोत्र नल्ल थमा बाक्व” दे तुइकपाइक्व, दे तुइक्तीन” देमा बाक्त। लूका २४:४८; यूहन्ना १५:२६-२७ ३३मोदेशो लोत्र पशो नेशा, गाइशो “मेको आन कली मसाइक्थु मपरांइचा नमी” देमा बाक्त।

गमालीएल आ देशो पशो

३४मिनु मेको आन दातेमी गमालीएल माइशो फरिसी का बाक्माक्त। मेको निसाफ पतीक आ पर्वम शंब बाक्माक्त। मुर नल्लेमी मेको कली मान पाइवाक्मा बाक्त। मिनु गमालीएलमी मेकर बाक्व आन कली मोपा गाइशो तशा, सोइशो आन कली लाङगा गरुंडशा वोइक्मी बाक्त। पररित २२:३ ३५मिनु कच्छडीम बाक्व आन दातेमी राप्शा, मेको आन कली “आं लोकव इसराएलीपुकी, मेको मुर आन कली मार पचा चिकतीनी, मेको होस पा पने। मोपतीक आं लोत्र का निक्शी ननीन।

३६साइ थुदास माइशो आ पर्वम गो नल्लेमी तुइक्ताक्व। मेकोमी ठेयब सल्लसीशा, ४ सहे मुर आन कली आ नोले सोइक्व सल्लु। मिनु थुदास साइक्चा पुंडसाक्व। मिनु आ नोले सोइक्व नल्ल ब्राशा गाक्तेक्म। मिनु मेको आन लोत्रसी जाम्शा लत। ३७मेको नोले मुर आन कली हिक्तीक बर्समी गालील डा यहूदा माइशो मुर का बाक्माक्त। मेकोमी यो आ नोले सोइक्व मुर सला बाक्त। मेको यो जाम्शा लमाक्त। मिनु आ नोले सोइक्व नल्ल ब्राशा गाक्मा बाक्त। ३८मोपतीक मेको यसु माइशो आ नोले सोइक्व आन कली मारइ मपाइय्य। मो परांइशा सोइक्तय। मेको आन लोत्र मुस्मी मिम्शो लोत्र बाक्त हना, मारइ मदुम्यु जाम्शा लाइब। मत्ती १५:३३ ३९परमपरभु यावे आ पशो बाक्त हना चहिं, गेपुकीमी तेक्शा यो मतेक्सीब। मेको ला ममाइ। गेपुकी परमपरभु यावे कली मरिम्शो पाइब दुम्नीनी” दे माइक्मी बाक्त। ४०मिनु गमालीएल आ लोत्र नेशा, बिस्समा बाक्त। मिनु लाङगाम सोइशो आन कली खिं गा बरेशशा, का का पा युक्पदमे बाक्त। मिनु “मुल डा मेर यसु आ नमी शंशा मगाक्कीने” दे परांइशा सोइक्तमे बाक्त। मत्ती १०:१७ ४१मिनु सोइशोपुकी ग्यरसीशा, मेकर र लमा बाक्त। मारदे हना “यसु आ नमी श्येत जचा रिम्शो दुम्ब” देमा बाक्त। मत्ती ५:१०-१२; १पतरुस ४:१३ ४२मिनु नाक्त कित कित परमपरभु यावे आ खिमी, आम आन खिं खिमी खुम्सीशा “यसु परमपरभु यावे आ सोइशो खरीस्त बाक्व” दे शंना शंन बाक्बाक्मा बाक्त।

गेय पाइव आन कली योत्रशा

१मेना थमा सुइक्वपुकी शुश बारना बारन ६ लमा बाक्त। गरीक लोत्र नु हिब्रू लोत्र पाइवपुकीमी गन गन पाम्तेक्म। मारदे हना नाक्त कित कित योक्तीक जचा थोत्रक मेको आन वांइश बेक्शो मोश मुरपुकीमी ठीक पा मताइबाक्तेक्म। गरीक लोत्र नु हिब्रू लोत्र पाइवपुकी यहूदी बाक्तेक्म। पररित ४:३८ २मेको लोत्र नेशा सोइशोपुकीमी थमा सुइक्व नल्ल आन कली बरेशशा “आंइ लोकवपुकी, गो परमपरभु यावे आ लोत्र शंचा परांइशा, जचा फेक्चा योक्शा गाक्चा आंइ गेय ममाइ। ३मोपतीक मेको योक्चा कली मुरपुकी वोइक्चा माल्लय। दोदेशो मुर माल्लय देशो हना,

मुरपुकीमी हिक्शो, परमपरभु यावे आ सोक्तीमी बरीशो नु जोक्व तुइक्व ७ जना गेय पाइव मुर योत्रचा माल्णय। १तिमोथी ३:८-१० ४गो चहिं परमपरभु कली परार्थना पना पन शंथ गाक्चा माल्णय” देमा बाक्त। ५साइश्शो आन लोत्र नंशा नल्ल आन थुं नुशा, ७ जना मुर आन कली योत्रचा बिस्समा बाक्त। मिनु सु सु आन कली योत्रडम बाक्त देशा हना, रिम्शो थमा सुइक्व परमपरभु यावे आ सोक्तीम बरीशो स्तीफानस, फिलीप, प्रोकोरस, निकानोर, तीमान, परमीनास नु एन्टीओक डा निकोलाउस आन कली योत्रडम बाक्त। निकोलाउस चहिं अर्का रागी डा मुर बाक्शा यो यहूदी दुम्शो बाक्माक्त। परंरित ८:५ ६मिनु योत्रशो आन कली सोइश्शो आन डांडती राप्पदमे बाक्त। मिनु सोइश्शोपुकीमी योत्रशो आन तारी आन गुइ वोइश्शा, मेको आन पर्वम परमपरभु कली पुन्मे बाक्त। परंरित १:२४; परंरित १३:३; परंरित १४:२३ ७मिनु परमपरभु यावे आ लोत्र तेइ तेइ बारना बारन लमाक्त। यरूसलेममी शुश मुर यसु खरीस्त कली थमा सुइक्व दुम्शा, तम्सीन सीन बारना बारन लमा बाक्त। चढेब शुश यो थमा सुइक्व दुम्मा बाक्त। परंरित २:४७; परंरित १९:२०

### स्तीफासमी लोत्र पशो

८मिनु स्तीफानस चहिं परमपरभुमी शुश शिशो नु सक्ति गेचा पुंडसीशो बाक्माक्त। मोपतीक मुर आन कली शुश चिन्ड नु छक लाक्चा डा गेय नु चिनु कांडशा बाक्बाक्माक्त। ९मिनु लिबेरीती माइश्शो गरुस्तीक सिं नु साइरनी, अलेक्जेन्दरीया, सिलीसीया नु एसीया रे जाक्शो शंबपुकीमी स्तीफानस नु जिशो बाक्तेक्म। १०तन्न स्तीफानस परमपरभु यावे आ सोक्तीम बरीशा जोक्शो तुइश्शो ब्याक्मेनु, सुइमी ग्राने मचाप्मे बाक्त। लूका २१:१५ ११मोपा ग्राने मचाप्तीके सुइ आन मतुइक्थु, मुर आन कली पोक्शा “मकामी इं किकी पिपी मोसा नु परमपरभु यावे आ पर्वम हंथे नु गरांगरा दिशो लोत्र पशा नंतक” दे जौल पा लोत्र बरपदमे बाक्त। मत्ती २६:६०-६६ १२मोदेशो जौल लोत्र पाइव मुर, यहूदी आन जोक्व तुइक्व खाल्पा नु सास्तरी आन कली पोक्गमे बाक्त। मेको लोत्र पा बरुइवपुकीमी स्तीफानस कली ग्याइश्शा, कछुरीम राप्पदमे बाक्त। १३मिनु जौल पा सांकछी वोइश्शा, मेको आन कली

“एको मुरुमी परमपरभु यावे आ सिं नु परमपरभु यावे आ अरेशो लोत्र आ पर्वम शुक्शी पा हंथे लोत्र पाइव। येरमीया २६:९,११ १४मेको नासरथ डा येसुमी परमपरभु यावे आ सिं परंरिब। मोसामी गेशो पतीक लोत्र परांडशा, नक पतीक वोइक्व, देशो आंइ नोफामी नंतक” दे ब्याक्पदमे बाक्त। यहून्ना २:१९ १५ कछुरीम बाक्वपुकीमी स्तीफानस ग कोत्रडमेनु, आ कुल परमपरभु यावे आ स्वर्ग डा गेय पाइव आन कुल खोदेशो पा महिंथु बाक्शो तामे बाक्त। मिनु कोत्रस डा कोत्रस दुम्मा बाक्त।

### स्तीफानस आ लोत्र

१मिनु ठेयब चढेबमी “एको आन देशो लोत्र थमा देय जौल, लो देनो” देमेनु, २स्तीफानसमी “आं आफ, बाजे नु आं लोकवपुकी, गो लोत्र का निकशी पाइनुड। दोपा छे,डछेड नु सक्ति पाइश्शो परमपरभु यावेमी इं किकी पिपी अबराहाम कली तपांडस, गो मेको नेल्लेमी तुइक्नय। उत्पत्ती ११:- ५०:-; यहोसु २४:३२ ३हारान जाक्दीत्वा क्यडा डांडती अबराहाम मेसोपोटामीया रागीम बाक्शो बाक्माक्त। मेकर बाक्मेनु, परमपरभु यावेमी ‘इ रागी नु इ सिं डा मुर परांडशा लावो। ते लशा बाक्चा माल्लेव, नोले तुइक्पाइक्नन’ दे माइश्शो बाक्माक्त। ४मिनु अबराहाम कल्दी आन रागी परांडशा, हारान सहर जाक्दीश्शा बाक्माक्त। मिनु आ आफ बेक्म नोले परमपरभुमी अबराहाम कली हारान रे मुल इं बाक्शो रागीमी चाक्गा बाक्त। ५मेना परमपरभु यावेमी अबराहाम कली खोइल थक्तीक रागी या मगेशो बाक्माक्त। तन्न ‘एको रागी इ चच युइ आन कली गेनुडमी’ दे लोत्र पशो बाक्माक्त। मेना अबराहाममी तमी तौ काइ यो मथिशो बाक्माक्त। ६मिनु परमपरभु यावेमी ‘नोले इ चच युइ मुर आन रागीमी लाइनीमी। मेको रागी डा मुरपुकीमी इ मुर आन कली वाइलीम वाइल सल्शा, ४ सह बर्स सम्म श्येत गेशा वोइक्नीम। उत्पत्ती १५:१३-१४; परस्थान १२:४० ७तन्न गो मेको श्येत गेब आन कली सजाइ गेनुडमी। इ चच युइ चहिं मेको रागी परांडशा एक लेश्शा जाक्शा, आं कली ठेयब सल्शा मानेनीम’ दे परमपरभुमी अबराहाम कली नोले दुम्ब लोत्र तुइक्पदा बाक्त। ८मिनु नोले परमपरभुमी अबराहाम कली खरोइक्तीक चिनु डा कवल गवा बाक्त। मिनु अबराहाममी आ तौ इसहाक थिशो, ८ नाक्त दुम्मेनु, मेको कली

सरोइक्तीक चिनु सरोदा बाक्त। इसहाक याकूब आ आफ दुम्माक्त। मिनु याकूब आ १२ जना तौ आन आफ दुम्माक्त। मिनु मेको १२ जना तौ इं यहूदी १२ थर दुम्मा बाक्त।

१ मिनु याकूब आ तौ आन लोकब योसफ कली गेहे पा, मेको कली इजीप्त रागी डा मुर आन कली लेयडम बाक्त। तन्न परमपरभु यावेमी मेको कली कोत्रशा बाक्माक्त। १० मिनु आ श्यत रे परोइबाक्माक्त। मिनु योसफ इजीप्त रागी डा पिप फाराओ आ डांडती जाकमेनु, मेकोमी आ जाक्तीक तुइक्तीक थुं तशा, योसफ कली शुश दाक्शा बाक्माक्त। मिनु पिप फाराओम योसफ कली आ रागी डा ठेयब मुर सेला बाक्त। ११ मिनु इजीप्त नु कनान रागीमी ठेयब अन्काल दुक्तीके, मुरपुकीमी जच्चा मतामे बाक्त। इं किकी पिपीमी यो जच्चा मतामे बाक्त। १२ इजीप्तमी अन्न ग्याप्चा तांडसीब देशो नेंशा, याकूबमी आ तौ आन कली इजीप्त सोइक्तीमी बाक्त। १३ मिनु ग्याप्शा चाकमेनु, मजाक्दीत्यु, लेंशा सोइक्तीमी बाक्त। मोपा लमानु, योसफमी आ लोकब आन कली 'गो इन लोकब योसफ नड' दे तुइक्पपांडस बाक्त। मे डा मेरे फाराओमी मेकोपुकी योसफ आ मुर बाक्मा बाक्त, दे तुइक्ता बाक्त। १४ मिनु योसफमी आ आफ, आ लोकबपुकी आ सिं डा मुर नल्ल आन कली इजीप्त रागी जाक्शा बाक्कीन, दे बरथ सोइक्तीमी बाक्त। मेको नल्ल ७५ जना बाक्मा बाक्त। १५ मिनु याकूब इजीप्त जाक्दीशशा, शुश बर्स बाक्शा, मेकर उइ बेक्माक्त। नोल इं किकी पिपी याकूब आ तौ यो मेकर बेक्मा बाक्त। १६ इजीप्तमी बेक्तेकम हना यो, आन बेक्शा रो शकेम सहर लाइशशा थिम्मे बाक्त। अबराहाममी शकेम सहरम मेको थिम्तीक रू हमार आ तौपुकी रे चांदी गेशा, ग्याप्शा बाक्माक्त।

१७ मिनु परमपरभु यावेमी अबराहाम कली गेशो लोत्र जाक्दीम्माक्त। मोपतीके इजीप्त रागीमी इं मुर बारना बारन लशा, शुश दुम्मा बाक्त। परस्थान १:३:- १६ मिनु इजीप्त रागीमी अर्का पिप दुम्माक्त। मेको योसफ नु आ सिं डा मुर आन कली मतुइक्ब बाक्माक्त।

१८ मेको पिपीमी इं मुर आन कली शिशी मपथु, शुश श्यत गेवा बाक्त। आल थीब आन कली यो आन आल थुल्चा मंगथु ताइक्पदा बाक्त। २० मेना मोसा जरमसे बाक्त। मेको परमपरभु यावे आ डांडती थम दारशा आल बाक्त। मोपतीक

आम आफोमी मेको कली महिना सां सम्म आस सिंमी सरुइशशा थुल्से बाक्त। २१ महिना सां नोले आल कली परोन्से बाक्त। मिनु फाराओ आ तमीमी मेको आल कली थिश्शा लाइशशा, आ तौ सेला बाक्त। २२ मिनु पिप बाक्तीक सिंमी बाक्मेनु, इजीप्त रागी डा ठेयब मुर आन जाक्शा तुइशशा आं यो नल्ल जाक्ब तुइक्ब दुम्माक्त। मिनु मोसा आ लोत्र नु आ गेय नल्ल सक्ति पाइशशा दुम्माक्त।

२३ मिनु मोसा ४० बर्स दुम्मेनु, आ लोकब इसराएली आन कली गरुम्चा थुं पवा बाक्त। २४ मिनु काबु गरुम्थ लमेनु, इजीप्त डा मुरुमी इसराएली कली तुप्शो तशा, मोसामी इसराएली कली परोइशा, इजीप्ती कली तुप्शा सदा बाक्त। २५ मोसामी 'परमपरभुमी आं कली आं लोकब आन कली श्यत रे परोइब सेलती' आं लोकबपुकीमी एको आंइ कली श्यत रे परोइब बाक्माक्त, दे रुप्शा, आं कली बराइनीम, दे मिम्शो बाक्माक्त। आ लोकबपुकीमी चहिं मेको काइ मरुप्शा बाक्मा बाक्त। २६ मिनु आ दीसा मोसा लेंशा मेक जाक्दीम्मेनु, इसराएली निक्शी आस कली जिशो तवा बाक्त। मिनु मेको आस कली 'गे निक्शी, वोबु दुम्शा यो जिनीसी?' देमाक्त। २७ मिनु मरिम्शा पाइबमी गाइशशा मोसा कली 'गो आंस कली हुकुम नु निसाफ पाइब सुम सेले?' परस्थान २:१४ २६ सिनाक्त एकेर इजीप्ती कली साइशशा खोदंशा पा आं कली सदु, देने?' दे नप्ता बाक्त। २९ मेको लोत्र नेंशा, मोसा इजीप्त रागी रे परोक्शा, मिदयान रागीम जाक्दीम्माक्त। मेकर जाक्दीशशा बाक्मेनु, तौ निक्शी थिमाक्त। परस्थान १८:३-४

३० मिदयान जाक्दीशशा, बाक्शा ४० बर्स दुम्माक्त। मिनु काबु सीने डांडा डा गोरशो रागीमी बाक्मेनु, परमपरभु यावे आ स्वर्ग डा गेय पाइब कामी बरशो बुटा कांडदा बाक्त। ३१ मोसामी मोपा बरशो तशा छक लाक्शा, ओदंशा मार बरमे, दे आ नेक्था लशा कोत्रडा बाक्त। मिनु नेक्था जाक्दीशशा कोत्रडानु, परमपरभु आ लोत्र नेंना बाक्त। परस्थान ३:२-१० ३२ 'गो इन किकी पिपी आन परमपरभु यावे नड। गो अबराहाम, इसहाक नु याकूब आन परमपरभु यावे नड' देशो नेंशा हिंशा, खिरंखिर पा बुटा गे यो कोत्रने मचबा बाक्त। ३३ मिनु परमपरभु यावेमी 'इ थक्शा राप्शा बाक्तीके आं बाक्तीक बाक्ब। मोपतीक इ जुत्ता परुइशशा, आं लोत्र नेंना। ३४ इजीप्त रागीम बाक्ब आं मुरपुकीमी

शुश श्येत जाम्तेकम, दे तुइक्ताकड। आन श्येत ताता। मिनु आन डाकशो यो नेंता। मिनु आं मुर आन कली मांदेशो श्येत रे परांडपाइक्का दुम्ती, दे इ कली इजीप्ट सोइक्कन' देशो नेंता बाक्त। ३५ 'इ कली हुकुम पाइब नु निसाफ पाइब सुम सलें ?' दे खरचा पुंडसीशो मोसा कली परमपरभु यावमी हुकुम पाइब नु परांडब सल्शा, आ स्वर्ग डा गेय पाइब रे बुटाम तपांडसीशा इजीप्ट सोइक्ता बाक्त।

३६ मिनु शुश चिन्ड नु छक लाक्का डा गेय कांडशा, इसराएली आन कली इजीप्ट रे गरुंडशा, लल समुन्दर चाकदीम्मी बाक्त। मेकर यो शुश छक लाक्का डा गेय कांडदीमी बाक्त। मिनु लल समुन्दर शोकशा ४० बर्स सम्म गोरशो रागीमी हिरशा गाकमानु, शुश छक लाक्का डा गेय पाइबाक्काक्त। परस्थान ७:१०; परस्थान १४:२१ ३७ मेको मोसामी इसराएली आन कली 'आं खोदेशो, परमपरभु यावमी आ लोत्र पाइब इन दाते रे का योत्रशा, आ लोत्र नेंपाइक्क का सल्व' दे तुइक्पाइक्की बाक्त। ब्यवस्था १८:१५

३८ इसराएलीपुकी गोरशो रागीमी बाकमानु, आन कली लां कांडब मेको मोसा बाक्काक्त। सीने डांडामी परमपरभु आ सोइश्शा आ गेय पाइबमी इं किकी पिपी आन कली लोत्र पवानु, मेको मोसा रे पा नेंपाइक्की बाक्त। मेको लोत्र चहिं मजाम्थु गेना हना यो लीब लोत्र बाक्क। मुल सम्म गो इं कली गारशा लोत्र बाक्क, दे तुइक्तीन। परस्थान १९:३; ब्यवस्था ९:१० ३९ इं किकी पिपीमी मोसा आ लोत्र मटिथु मनंथु, मोसा कली परांडशा आन थुं इजीप्ट रागी गे हिरदमे बाक्त। ४० मिनु हारून कली 'इं कली इजीप्ट रागी रे एक चाक्क मोसा ते लाक्का? बेक्क को परोक्क को? मतुंडस। मुल लां कांडब का माल्ताक्क। मोपतीक देवता सल्त्वा गेकी। मिनु मेको इं कली लां कांडब दुम्त' दे पुन्मे बाक्त। परस्थान ३२:१ ४१ मिनु सुन के बाछ्छा आ मूर्ति सल्त्शा, मार मार क्योरशा जारदेमे बाक्त। आंम आन गुडमी सल्त्शो मूर्ति तशा ग्येरसीशा, जचा तूचा सल्त्शा डा मिन बुक्का जामे तूडेमे बाक्त। ४२ मेकोपुकीमी मो पशा तशा, परमपरभु याव गाइश्शा 'मेकोपुकी नां नु तास्त्ता कली सज पाइब दुम्त' दे परांडमी बाक्त। परमपरभु याव आ लोत्र पाइबमी गे इसराएलीपुकी, गोरशो रागीम ४० बर्स सम्म हिरशा गाकनीनु, मार मार क्योरशा जारशा, आं कली चढेनी डा? ४३ मो मपनी। गे मोलोक्क देवता आ ताम्बु कुरशा लाइक्तीनी। रिफन सोरुल आ

मूर्ति सल्त्शा लाइक्तीनी। मोपतीक इन रागी रे बेबीलोन लाइक्कननी' दे बरेक्को बाक्त। आमोस ५:२५-२७

४४ इं किकी पिपी गोरशो रागीमी हिरसमानु, परमपरभु याव आ ताम्बु यो कुरशा गाकमा बाक्त। परमपरभु याव आ ताम्बु चहिं दोपा सल्त्वा, दे परमपरभु यावमी मोसा कली कांडशा खोदेशो पा मोसामी सल्त्पाइश्शा बाक्काक्त। परस्थान २५:१ ४५ मिनु नाले इं किकी पिपी यहासु मेको आन लां कांडब दुम्शा, मेको ताम्बु कुरशा गाकमा बाक्त। मिनु कनान रागीमी जाक्दीम्मानु, मेको ताम्बु आन डांडती कुरशा गाकशो बाक्तेक्क। परमपरभु यावमी मेकर बाक्क मुर आन कली गराशा खरशा, मेको रागी आन के सल्त्शा, मेको ताम्बु मेकेन वोदमे बाक्त। मिनु पिप दाऊद आ पाला सम्म मेको ताम्बु मोदेशोन लीमाक्त। यहासु ३:१४; यहासु १६:१ ४६ पिप दाऊद परमपरभु याव आ दाक्को मुर बाक्काक्त। पिप दाऊदमी परमपरभु याव कली दाक्का 'थाक्क आ परमपरभु याव कली खिं सल्त्नुड' दे थुं पवा बाक्त। २सामुएल ७:१-१६; मज्जन संगरह १३२:३-५ ४७ तन्न आ तो सोलोमनमी परमपरभु याव आ खिं सला बाक्त। १राजा ६:- ४८ मिनु नेल्ल क्येडा ठेयब मुरुम सल्त्शो खिंमी मबाक्क। साइ नेंसी परमपरभु याव आ लोत्र पाइबमी परमपरभु यावमी ४९ खरीड आं नितीक बाक्क। रागीम आं खोइल थक्तीक बाक्क। मोपतीक आं कली दादेशो खिं सल्त्न चाप्नीनी? गो आं नाइक्का कली बाक्तीक मार सल्त्न चाप्नीनी? ५० खरीड नु रागी नेल्ल आं सल्त्शो ममाइ डा? 'दे परमपरभुमी देमाक्त' दे लोत्र पवा बाक्त। यसेया ६६:१-२

५१ "ए, गे परमपरभु याव आ लोत्र मनंथु मटीब फुल्लु खोदेशो थुं पाइश्शापुकी, गे परमपरभु याव कली मतुइक्क मुर खोदेशो पाइनीनी। इन किकी पिपीमी पशा खोदेशो पा गे यो परमपरभु याव आ सोक्त आ देशो मटिथु दूली पाइनीनी। परस्थान १२:१; लेवी २६:४; रोमी २:२८-२९ ५२ इन किकी पिपीमी मार पामे? परमपरभु आ लोत्र पाइब सु कली श्येत मगमे डा? नेल्ल आन कली श्येत गन्तेक्क। श्येत गेशा ला ममाइ। इन कली पाप रे परांडब खरीस्त जाक्क, दे लोत्र नेंपा गाक्क आन कली साइक्पाइक्का पाइक्क बाक्तेक्क। इन कली पाप रे परांडब खरीस्त जाक्त। मिनु गपुकीमी मेको कली यो साइक्पाइक्तीनी। २इतिहास ३६:१६;

मती २३:३१ ५३ परमपरभु यावे आ स्वर्ग  
 डा गेय पाइवपुकीमी मार पचा मार मपचा,  
 दे परमपरभु यावे आ अरशो लोत्र शंसीशा  
 योत्रसीशा दुम्शा यो मटिनी” दे स्तीफानसमी  
 हुइक्तीमी बाक्त। परस्थान २०:१-२१; गलाती  
 ३:१९; हिब्रू २:२ ५४ स्तीफानसमी मादं  
 हुइक्तीमीनु, नल्ल गाइश्शा, लल गोंगों जिशा,  
 खरुइ शंशा परकमा बाक्त। ५५ स्तीफानस चहिं  
 परमपरभु यावे आ सोक्तीम बरीशा, सरीड  
 गे कोत्रडा बाक्त। सरीड गे कोत्रडानु, ठेयब  
 सक्ति पाइश्शा नु छुड्छुड् पा तांडसीशा  
 परमपरभु यावे कली तवा बाक्त। परमपरभु आ  
 ग्युरा गे रागीम जर्मेशो, येसु कली यो राष्शा  
 बाक्शो तवा बाक्त। ५६ मिनू “लो कोत्रडीन,  
 गो स्वर्ग रोकसीशा, परमपरभु आ ग्युरा गे  
 रागीमी जर्मेशो कली राष्शा बाक्शो ताता” दे  
 माइक्ती बाक्त। लुका २२:६९ ५७ मो दंमनु  
 “एको आ लोत्र मनंचा” दे शुश रयेके पा, गुइ  
 पोक्शा परक्शा गराम्शा ग्याइक्तम बाक्त।  
 ५८ मिनू कोशा लाइश्शा, सहर र गरुंडशा, फुल्लु  
 करोम्चा गोत्रमे बाक्त। सांक्छीपुकीमी आन  
 वा परुइश्शा, सावल नें पाइश्शा ठिटा का आ  
 झोंडती वोदमे बाक्त। लेवी २४:१६; पररित  
 २२:२० ५९ मेको हुलमी स्तीफानस कली फुल्लु  
 करोम्स डा करोम्स पामेनु, स्तीफानसमी “परभु  
 येसु, आं सोक्त ताक्कीन” दे पुंडवा बाक्त। लुका  
 २३:४६ ६० मिनू आ पोक्च थक्शा ठेयब संदा पा  
 “परभु, एको पाप एको आन कली मरल” दंशा,  
 बेक्माक्त। लुका २३:३४

थमा सुइक्वपुकी खेदा पचा पुंडसीशा

१ स्तीफानस कली साइश्शा तशा, सावलमी

८ “एको कली साइक्चा माल्शो। मिनू  
 साइश्शा ठीक पाइतीनी” दंमाक्त। स्तीफानस  
 कली सादमे नाक्त रे यरूसलेम सहरम बाक्व  
 थमा सुइक्व नेल्ल आन कली खेदा पा  
 श्येत गेचा गोत्रमे बाक्त। मिनू श्येत गेशा  
 परोक्पदमेनु, मेकोपुकी बरशा गाक्शा, यहूदीया  
 नु सामरीया रागीमी जाक्दीश्शा बाक्मा  
 बाक्त। १२ जना येसु आ सोइश्शापुकी ला  
 यरूसलेम उइ बाक्मा बाक्त। पररित १:८;  
 पररित ११:१९ २ परमपरभु यावे कली मान पा  
 हिबपुकीमी स्तीफानस आ बेक्शो रां लाइश्शा,  
 थिमम बाक्त। स्तीफानस कली साइश्शा  
 तशा, थमा सुइक्व नेल्ल शुश डाक्मा बाक्त।  
 ३ सावलमी चहिं “मेको आन थमा सुइश्शा

क्याम्चा” दे खिं खिं हिरशा ओत्रशा, थमा  
 सुइक्व वांडश मुर, मीश मुर नेल्ल आन कली  
 ग्याइक्पाइश्शा, फरंशा लाइश्शा जेल्खानमी  
 चोक्पाइक्वाक्माक्त। पररित ९:१; पररित  
 २२:४; १ कोरिन्थी १५:९

येसु आ लोत्र बरपाइश्शा

४ परोक्शा बरशा गाक्वपुकीमी येसु आ लोत्र  
 तेइ तेइ शेंना शेंन गाक्वाक्मा बाक्त। ५ फिलीप  
 सामरीया सहरमी जाक्दीश्शा, मेकर बाक्व  
 मुर आन कली “परमपरभु यावे आ सोइश्शा  
 खरीस्त येसु बाक्व” दे शंदीमी बाक्त। पररित  
 ६:५ ६ फिलीप आ शंशा लोत्र नंशा, आ पशो  
 छुक लाक्चा डा गेय तशा, नेल्लेमी थम नोफा  
 दाइश्शा नेन्मे बाक्त। ७ छुक लाक्चा डा गेय  
 चहिं मार कांडबाक्माक्त दंशा हना, वोलम तशो  
 मुर आन कली वोल खरशा सापाइक्वाक्माक्त।  
 वोल खरानु, वोलम तशो मुर वाइ बरश्शा,  
 वोल परोक्वाक्माक्त। गुइ खोइल मदुक्व  
 मुर शुश आन कली गुइ खोइल दुक्व गाक्व  
 सल्बाक्माक्त। मर्कुस १६:१७ ८ मोपतीके  
 मेको सहरमी सापाइक्चा पुंडसीब मुर नेल्ले  
 ग्यरसीबाक्मा बाक्त।

चटक कांडब सिमोन

९ मेको सहरमी सिमोन नें पाइश्शा मुर का  
 बाक्माक्त। मेको झोंडती रे सामरीया रागी डा  
 मुर आन कली चटक कांडशा, ठेयब सुंडसीशा  
 बाक्माक्त। १० सहर डा मुर नेल्लेमी एको मुर  
 परमपरभु आ सक्ति तशो बाक्माक्त, दे ठेयब  
 सल्शा, मान पशो बाक्मा बाक्त। ११ शुश बर्स  
 सम्म सिमोनमी चटक पा छुक लाक्पाइक्तीक  
 मुर नेल्लेमी सिमोन आ दंशा नोफा दाइश्शा  
 आ पशो कोत्रशा बाक्शो बाक्मा बाक्त। १२ मिनू  
 फिलीप जाक्शा, मुर आन कली येसु खरीस्तमी इं  
 कली पाप रे परांडब, दे परमपरभु यावे आ राज्य  
 डा लोत्र नु येसु खरीस्त आ पर्वम नेंपाइक्ना  
 पाइक्न, शेंना शेंन गाक्मेनु, मीश मुर नु वांडश  
 मुर शुशमी थमा सुइश्शा, ब्वाक्कुम खरुम्शा  
 गरुंडचा पुंडसमा बाक्त। १३ शुशमी थमा सुइश्शा  
 तशा, मेको चटक पा गाक्व सिमोन यो थमा  
 सुइक्व दुम्शा, ब्वाक्कुम खरुम्शा गरुंडचा पुंडसे  
 बाक्त। मिनू फिलीप कली मपरांडथु, काथा  
 गाक्वा दुम्माक्त। फिलीपमी चिन्ड नु छुक  
 लाक्चा डा गेय कांडवानु, सिमोन यो छुक  
 लाक्वाक्माक्त।

१ॡ मलनु नलले यरूसलेममी बाकब सोडइशलपुकीमी “सलमरीयल डल मुरपुकीमी परमपरभु यलवे आ ललतुर थमल सुडकब दुढ्तकम” दंशु नंशल, पतरुस नु यूरहनुनल आस कली सलमरीयल सलडकतम बाकत। १ॡ मलनु मेकु नलकशीमी “परमपरभु यलवे आ सलकत थमल सुडकबपुकी नु लील” द परलरुथनल पथरु जलकदीस्सल बाकत। १ॢ मलरद हनल सलमरीयल डल मुर सुड आन कली परमपरभु यलवे आ सलकत मगेशु बाकत। परभु यसु आ नंमी बलककुम सरूशु गरुंडकल लल पुंडसीशु बलकत। १ॣ मलनु पतरुस नु यूरहनुनलमी आस गुड थमल सुडकब आन तारी वुडइशु, मेकुपुकी परमपरभु यलवे आ सलकत तलमे बाकत। १। मलनु सलमलनमी मेकु सोडइशु आस गुड थमल सुडकब आन तारी वुडइशु, परमपरभु यलवे आ सलकत गेशु तशु, मेकु आस कली “क्यट गनुड”। १। मलदंशु सकलत गेयी। गु गुड वुडइशु, पुनुनु, परमपरभु यलवे आ सलकत मुरपुकीम तलमेकल” द पुंडदल बाकत। १॥ मलनु पतरुसमी “इ क्यट गे नुन जलमशु लल। मलरद हनल गे परमपरभु यलवे आ गेशु सकलत क्यट थलषुल, ग्यलपुनल तलंडसीब, द मलतुकवी। १॥ गे मेकु गेय पने मकलपुनेवे। मलरद हनल इ थुं परमपरभु यलवे आ डलंडती मरलमशु बलकब। १२ गे आदंशु मरलमशु थुं पकल परुंडशु, इ थुं परमपरभु यलवे गे लेतु। मलनु परमपरभुमी इ पलप क्यलमशु गेबल कुं? द पुनल। १३ मुल इ थुं कुशुल पलपमी बरीशु मरलमशु बलकडुं बाकत, द तुडकतलकडुं” द पतरुसमी मदलनु, १ॣ सलमलनमी “इन दंशु सलदंशु मदुमल, द आं पर्वम परभु कली परलरुथनल पने, हनुर” द सड पवल बाकत।

१ॡ मलनु पतरुस नु यूरहनुनलमी परभु आ ललतुर नंपलडकन थुमशु, यरूसलेम लेस्सनल, सलमरीयल डल गलतुं ललमी शुश मुर आन कली ग्येरपलडकब ललतुर शंनल शंन लेस्सल बाकत।

### एथुीयुपीयल डल मुर कली शंशु

१॥ कलव परमपरभु यलवे आ स्वर्ग डल गेय पलडब कलमी फललीप कली “डुल बलकशु यरूसलेम रे गलकशु, गलजल लतीक ललं ललवु” द मलडइशु, मेकु ललं सलडकतल बाकत। मेकु ललं गुरलशु रलगी लतीक ललं बलकत। १ॣ परमपरभु यलवे आ स्वर्ग डल गेय पलडब आ ललतुर नंशु, फललीप डुल बलकशु, गलजल सहर लतीक ललं ललतु। मलनु मेकु ललं गलकमेनु, एथुीयुपीयल रलगी डल मुर कल युं मेकु ललं लनल लन बलकत।

मेकु एथुीयुपीयल डल पलपीम कलनुदलंक रे शुश अलकलर तशु, डेयब मुर बलकत। यरूसलेममी परमपरभु यलवे कली मलर मलर कदुने थुमशु, आ रलगी लेशु बलकत। १। मेकु बग्गीम बलकशु, परमपरभु यलवे आ ललतुर पलडब यसेयामी बरकशु पदुनल पदुन बलकत। १॥ मलनु परमपरभु यलवे आ सलकतीमी फललीप कली “मलरी लन लन पलडइशु बग्गी आ नकथल ललवु” द मलडकतीक फललीप दुरलशु, मेकु जलकदीमलकत। १॥ जलकदीशु, डेयब मुर कली परमपरभु यलवे आ ललतुर पलडब यसेयामी आ बरकशु ललतुर पदुशु नंशु “इन पदुशु ललतुर नेल्ल रुनी?” द हलल्लु पवल बाकत। १॥ मलनु डेयब मुरुमी “सुडमी मशुंथु, दुपल रुने कलनुडल डल?” दंशु, फललीप कली बग्गीम डुडकपलडइशु नलपुलडइशु, कलतलव कुंडदल बाकत। १ॢ डेयब मुरुम पदुनल पदुन बलकशु ललतुर कलहल “डडल कली क्येरपलडकथ ललडइशु सलदंब पल मेकु कली ललडकतेकम। डडल पलडल आ कुन परकलमेनु, बललेड पल बलकशु सलदंशु पल मेकु बललेड पल बाकत। १ॣ मलहलकसीशु सेल्लेकम। दलस गेशु ठीक नलसलफ मपथु, दलसी सेल्लेकम। आ सलं डल मुर सु लीबल डल? आल मथलथु सलडककल पुंडसलकव। मलपतीक आ सलं डल मुर सुड मली” द बरकशु ललतुर बलकत। यसेयल १ॣ :ॡ-ॡ १ॣ मलनु डेयब मुरुमी फललीप कली “परमपरभु यलवे आ ललतुर पलडबमी आंम आ पर्वम मलदंशु दंमे दय अरु आन पर्वम मलदंशु दंमे?” द हलल्लु पवल बाकत। १ॣ मलनु फललीपमी मेकु पदुशु ललतुर रे शंकल गलशु, परमपरभु यलवे आ बरकपलडइशु ललतुर शुश शंशु, यसु आ पर्वम नेल्ल रुपुदल बाकत। १। मलपल लसल लसल बलककु बलकतीकमी जलकदीस्सल बाकत। मलनु डेयब मुरुमी “एकर बलककु बाकत, एकु बलककुम सरूशु गरुंडकल पुंडसीनुड, दुडल?” दंमलकत। १॥ मलनु फललीपमी “ग येसु कली थमल सुडकतीनी हनल, बलककुम सरूशु गरुंडकल शलरनीनी” दंमेनु “गु येसु खरीस्त परमपरभु आ तुु बलकब, द थमल सुडकतल” दंमलकत। १। मलनु बग्गी ललकशु ललडइशु, फललीपमी डेयब मुर कली बलककुम सरूशु गरुंडदल बाकत। १॥ मलनु बलककु रे गुरुशु कुसलनु, परमपरभु यलवे आ सलकतीमी फललीप कली लदल बाकत। मलनु डेयब मुरुमी मेकु मतवल बाकत। मल हनल युं थलमपुल ग्येरसीशु, आ ललं सलडइशु गलकत। १॥ नलले फललीप अरुदुद सहरमी गुरुदीमलकत।

मिनु मेकर र गाउं गाउं सहर सहरम येसु आ लोत्र नंपाइकना पाइकन गाकशा, सिजरिया सहर जाकदीम्माक्त। परंरित २१ :८-९

### सावल दमस्कस लशा

१ सावल मुल यो थमा सुइक्व आन कली खेदा पा श्यत गशा साइक्नुडमी देना देन गाकबाकमाक्त। परंरित २२ :३-१६ ; परंरित २६ :९-१८ ; परंरित ८ :३ २ मिनु काबु यरूसलेममी बाकब ठेयब चदेब आन कली गरूशा, दमस्कस सहर डा गरूस्तीक सिं सिं डा ठेयब मुर आन कली कागज बरेकशा गेचा नड देशा पुना बाक्त। सावल आ पुंडशो लोत्र मार बाक्त देशा हना “दमस्कसमी बाकब येसु आ लां खोइक्व मीश मुर वांइश मुर सु सु थिदुमी, मेको नेल्ल आन कली ग्याइश्शा फरंशा, यरूसलेम चाक्नुडमी” दे पुंडशो बाकमाक्त। ३ मिनु मोदेशो कागज ताकशा, दमस्कस सहर लशा जाकदीत्वावानु, मार दुम्माक्त देशा हना, सरीड र छेडछेड फो गरूशा, आ एर आंथ नेल्ल कांडदा बाक्त। १ कोरिन्थी १५ :८ ४ मोपा छेडछेड तवानु, दिड गोल्माक्त। मिनु “सावल, सावल, गे मारदे आं कली खेदा पर्यी ?” देशो लोत्र नंना बाक्त। ५ मोदेशो नंशा “परभु, गे सु ननी ?” दे हिल्लो पवानु “इ खेदा पशो येसु गो नड। ६ मुल छुल बोक्शा दमस्कस सहर लावो। मिनु मेकर जाकदीश्शा, गे मार गेय पचा माल्नेव तुइक्पाइक्वा पुंडसीनेव” देशो लोत्र नंना बाक्त। ७ सावल नु काथा गाकबपुकीमी मारइ मतथु, लोत्र पशो ला नंशा, वाम ग्याम दुम्मा बाक्त। ८ मिनु सावल बोक्शा मिक्च पाकशा कोत्रडानु, मिक्च मताइब दुम्शो बाकमाक्त। मिनु आ वारचपुकीमी आ गुइ रे कीशा दमस्कसमी चाकदीत्मे बाक्त। ९ दमस्कसमी जाकदीश्शा यो नाक्त सां सम्म मिक्च मतवा बाक्त। जचा तूचा यो, प्रोना बाक्त।

### सावलमी येसु कली थमा सुइश्शो

१० दमस्कसमी हनानीया नें पाइश्शो थमा सुइक्व मुर का बाकमाक्त। परभुमी मेको मुर कली कांडतीक कांडशा “हनानीया” दे बरेत्ता बाक्त। मिनु “मार देनी, परभु ?” देमनु ११ “छुल बोक्शा ग्यत्थ माइश्शो लां लावो। मेकर जाकदीश्शा, यहूदा आ सिं लशा, टारसस डा सावल माइश्शो मुर कली मालो। मेकोमी प्रार्थना पाइब। १२ मिनु मेकोमी कांडतीकेमी

हनानीया माइश्शो मुर ओवशा, मिक्च तपाइक्वा कली आ तारी गुइ वोइश्शो तशो बाकब” देशो लोत्र नंना बाक्त। १३ मिनु हनानीयामी “आमाइ, परभु, गो शुश मुर आन शात्र रे मेको मुर आ पर्वम शुश मरिम्शो लोत्र नंना। मेकोमी यरूसलेममी बाकब थमा सुइक्व आन कली शुश श्यत गशा, खेदा पना पन बाकब देशो नंना। १४ थमा सुइक्व आन कली ग्याइश्शा फरंशा लाइक्वा कली ठेयब चदेबपुकी रे अधिकार तशो बाकमाक्त, दे तुइक्ताकड” देमाक्त। १५ परभुमी “मोदेशो तुइक्ताकवी हना यो, मुल छुल बोक्शा लावो। मारदे हना अर्को रागी डा मुर, पिपपुकी नु इसराएली आन कली आं नें तुइक्पाइक्वा, दे गो मेको कली योत्रने थुम्ता। परंरित १३ :४६ ; परंरित २६ :२ ; परंरित २७ :२४ १६ आं नेमी शुश श्यत जचा माल्नेव देशो गो मेको कली आंमान तुइक्पाइक्नुड” दे परभुमी हनानीया कली माइश्शा सोइक्ता बाक्त। २ कोरिन्थी ११ :२१-२८

१७ मिनु हनानीया लशा, यहूदा आ सिं जाकदीश्शा ओवशा, सावल तारी आ गुइ चाक्शा “आं लोक्व सावल, गे यरूसलेम र पिवेनु, लांमी इ तशो परभु येसुम सोइक्ताकयी। मिनु मिक्च ताइब दुमो, परमपरभु यावे आ सोक्तीम बरीशो दुमो” देमनु, १८ सावल आ मिक्च मारम फारशा बाकम, मेको दोक्शा, मिक्च ताइब दुम्माक्त। मिनु छुल बोक्शा, ब्याक्कुम खरूम्शा गरुंइचा पुंडिस बाक्त। १९ मिनु जशा तूशा बात तेम्सीशा, इक्का नाक्त दमस्कस डा थमा सुइक्वपुकी नु काथा बाकमाक्त।

### सावलमी येसु आ लोत्र शंशो

२० मिनु सावल गरूस्तीक सिं सिं लशा “येसु परमपरभु यावे आ तो बाकब” दे शंशा शंन यहूदी आन कली येसु आ पर्वम शुश लोत्र तुइक्पाइक्मी बाक्त। २१ मोदेशो मेको आ शंशो नंशा “आमाइ, यरूसलेममी येसु कली थमा सुइक्व आन कली का यो मवोइक्नुडमी देब मेको ममाइ डा ? इं सहर डा येसु कली थमा सुइक्व आन कली यो ग्याइश्शा लाइश्शा, ठेयब चदेब आन डांडती राप्पाइक्नुडमी, दे एक जाकशा ममाइ डा ?” दे छक लाकशा देमुमा बाक्त। परंरित ८ :१ ; परंरित २६ :१० २२ सावलमी शंशा शंन आ शंचा सक्ति बारपाइकना पाइकन “येसु परमपरभु यावे आ

सोइशशो खरीस्त बाक्व” दे दमस्कसम बाक्व यहूदी आन कली शंदीमी बाक्त। मिनु सुइमी लोत्र लेन्ने मचाप्पे बाक्त। परंरित १८:२८, २३ मिनु शुश नाक्त मोपा शंना शंन गाक्मनु, यहूदीपुकी गारशा सावल कली साइक्चा माल्मे बाक्त। २४ मिनु सावलमी “आं कली साइक्चा माल्तीमी” दे तुइक्ता बाक्त। नाक्दो नाक्त यहूदीपुकीमी सहर डा ओव्रतीक गुरूतीक लां मर मेको कली बाप्वाक्मा बाक्त। २५ मोपतीक काबु नाक्दो थमा सुइक्वपुकीमी सावल कली डोकोमी कुर पशा, डोरोमी क्युकशा, सहर डा गारो आ ची लुकच तोइक्पा प्रोक्पदम बाक्त। २६ कोरिन्थी ११:२२-२३

### सावल यरूसलेम लेशशो

२६ सावल दमस्कस रे प्रोक्शा, यरूसलेम लेशशा जाक्दीम्माक्त। मिनु थमा सुइक्व नु गारशा, काथा बाक्चा मला बाक्त। तन्न मकोपुकीमी मेको येसु आ नोले सोइक्व दुम्त, दे थमा मसुइक्थु, हिंशा मबरामे बाक्त। गलाती १:१७-१९, २७ बारनाबासमी चहिं सावल नु सोइशशो आन कली गरुम्पदा बाक्त। मिनु लांमी गाक्मनु, परभु कली तशो, परभुमी लोत्र पशो, दमस्कसमी महिंथु, येसु आ नेमी शंशा गाक्शो, मेको लोत्र नेल्ल बारनाबासमी रुप्पाइक्मी बाक्त। २८ मिनु सावल कली बरामे बाक्त। मिनु सावलमी यरूसलेम सहरमी सुइ सुइ आन कली तशा महिंथु, येसु आ नेमी शंना शंन गाक्माक्त।

२९ शंना शंन गाक्मनु, गरीक लोत्र पाइब यहूदीपुकी यो गरुमी बाक्त। मिनु हिल्लो हिकसी पमुमानु, जिचा बाक्माक्त। मोदेशो दुम्मेनु, सावल कली साइक्चा माल्मे बाक्त। ३० मिनु थमा सुइक्व लोकवपुकीमी साइक्चा माल्तेक्म, दे तुइशशा, सिजरिया सम्म चोव्रदीशा, टारसस सोइक्तमे बाक्त। गलाती १:२१

३१ मिनु यहूदीया, गालील नु सामरीया रागीमी बाक्व थमा सुइक्वपुकी खेदा पचा मपुंडसीथु, बाक्चा तामे बाक्त। थमा सुइक्वपुकीमी परभु कली मान पा हिंशा, परमपरभु याव आ सोक्त रे पा वारच पचा पुंडसीशा, आन थुं बारना बारन लमाक्त। मिनु थमा सुइक्व यो तम्सीन सीन लमा बाक्त।

### पतरुस लिडडा जाक्दीशशो

३२ पतरुस शंना शंन गाक्शा, लिडडा सहर जाक्दीम्माक्त। मिनु मेकर बाक्व परभु आ योत्रशो आन कली गरुमा बाक्त। ३३ मिनु काबु एनीयास माइशशो मुर कली तवा बाक्त। एनीयास चहिं आ गुइ खोइल मदक्व रोइ पशा, ब्राख्य रे बोक्न मचाप्पो ८ बर्स दुम्शो बाक्माक्त। ३४ मिनु पतरुसमी “एनीयास, येसु खरीस्तमी इ कली सापाइक्व। मोपतीक बोक्शा, इ ब्राख्य पोक्शा वोतो” देमेनु, एनीयास छुल बोक्माक्त। ३५ मिनु लिडडा सहरम नु शारान रागीमी बाक्व नेल्लेमी एनीयास कली मोपा साशो तशा, आन थुं परभु गे लेत्मे बाक्त।

### तबीता कली बेक्शो रे संपाइशशो

३६ योप्पा सहरमी तबीता ने पाइशशो थमा सुइक्व मीश मुर का बाक्माक्त। गरीक लोत्रमी मेको आ ने दोरकास, किशश रुम्सीब। तबीता गेना हना यो सुइ सुइ आन कली रिम्शो पाइबाक्माक्त। मथीब आन कली शुश वारच पाइबाक्माक्त। ३७ मेको तबीता रोइ पा बेक्माक्त। मिनु आ मुरपुकीमी आ बेक्शो रां चिक्शा, सिं डा तला तार डा कोठा लाइशशा वोदमे बाक्त। ३८ लिडडा नु योप्पा नेक्नक्था बाक्नीसी। मोपतीक थमा सुइक्वपुकीमी पतरुस लिडडा जाक्शो बाक्व, दे यो नंशा बाक्मा बाक्त। मिनु आन मुर निक्शी योत्रशो, पतरुस कली “आंइ बाक्तीक रीब जाक्शा, वारच पाइक्चा नकी” दे बरथ सोइक्तमे बाक्त। ३९ मिनु पतरुस मेको आस लोत्र नंशा मेको नु काथा लमाक्त। मिनु जाक्मनु, तला तारी लदमे बाक्त। तला तारी आन वोइश बेक्शो मोरइ मथीब मीश मुर खुम्सीशा डाक्ना डाक्न बाक्शो बाक्मा बाक्त। मिनु पतरुस कली “तबीतामी शुश वारच पाइक्तीकी, ओदेशो वा फेरशा गतीकी” दे तबीतामी फेरशा गेशो वापुकी कोइदमे बाक्त। ४० मिनु पतरुसमी मेकर डाक्शा बाक्व नेल्ल आन कली लाडगा सोइक्तीमी बाक्त। मिनु आ पोक्च थेक्शा, परार्थना पवा बाक्त। मिनु तबीता आ बेक्शो रां गे हिरशा कोत्रशा “ए तबीता, छुल बोक्को” देमेनु, तबीतामी आ मिक्च पाक्शा कोत्रडानु, पतरुस कली तवा बाक्त। मर्कुस ५:४१ ४१ मिनु पतरुसमी आ गुइ कीशा पोक्गा बाक्त। मिनु लाडगा सोइशशो नु परभु आ योत्रशो नेल्ल

आन कली खिं गा बरेशशा, तबीता कली बेकशो रे संपाइशशा कोंइदा बाकत। १२मोदंशो दुम्त दंशो लोत्र योप्या सहरमी बाकब नेल्लेमी नेन्मे बाकत। मिनु शुशमी परभु कली थमा सुदमे बाकत। १३मिनु पतरुस योप्या डा कुशुल नोक्ब सिमान आ खिंमी शुश नाकत बाकमाकत।

### कोरनेलीयस आ तशो

१सिजरिया सहरमी कोरनेलीयस नें पाइशशा १० इटाली पल्टन डा कप्तान का बाकमाकत। २मको कप्तान परमपरभु यावे कली मान पा हिंब मुर बाकमाकत। आ खिं डा मुर नेल्लेमी यो आ सोदंशो पा परभु कली मान पा टीबाकमा बाकत। मेको कप्तानमी मारइ मथीब आन कली शिशी पा शुश वारच पाइबाकमाकत। परमपरभु कली परार्थना पना पन बाकबाकमाकत। ३मिनु काबु ३ बजे डा परार्थना पची ना कोंइतीक का तवा बाकत। मेको कोंइतीकेमी परमपरभु यावे आ स्वर्ग डा गेय पाइब का आ बाकतीकेमी जाकशा “ए कोरनेलीयस” दंमनु, ४ कोरनेलीयसमी हिंशा, कोवस डा कोवस पा “भार दंनी, परभु” दंमनु “इ परार्थना पशो, परभु कली मान पा टिशा, इ शिशी पा वारच पशो नल्ल परमपरभु यावेमी तुइशशा बाकब। ५मुल गे योप्या सहरमी बाकशो सिमान पतरुस नें पाइशशा मुर कली बरथ सोइकतो। ६मेको सिमान पतरुस कुशुल नोक्ब सिमान आ खिंमी बाकब। मेको आ खिं चहिं समुन्दर आ नेकथा बाकब” दंशा लशो नंना बाकत। पररित १:४३ ७मोदंशो लोत्र दंशो नंशा, आ गेय पाइब निक्शी नु सिपाही का कली बरत्ता बाकत। सिपाही यो परभु कली मान पा टीब का बाकमाकत। ८मिनु मेको मुर सां आन कली मार दुम्म, दोदंशो लोत्र नंना, मेको लोत्र नेल्ल शंशा, पतरुस कली माल्शा, चाकचा, दे योप्या सहर सोइकतीमी बाकत। पररित ११:२-१७

### परमपरभुम सेल्शो कली गरांगरा मदिका

१मिनु आ दीसा नाकत मेकोपुकी लमा लमा योप्या सहर आ नेकथा जाकदीम्मानु, पतरुस परार्थना पथ खिं तारी डोंइस बाकत। १०मिनु डोइशशा बाकमेनु, शोत्रलु बेकशा जज दाकमाकत। खिं डा मुरपुकी चहिं क्यना क्यन बाकमा बाकत। मिनु पतरुसमी परभुमी कोंइशो कोंइतीक तवा बाकत। ११दोदंशो तवा बाकत दंशा हना, सरीङ रोक्कीशा ठेयब वा का हाम्सीशा क्युक्कीशो सोदंशो पा खप गे यिशो तवा बाकत।

१२मेको वामी मब्बचा डा, गरांगरा दिचा डा जन्तु बुस्स चिकब बाकमा बाकत। १३मिनु “ए पतरुस, एको आन कली साइशशा ब्यामी” दंशो नंना बाकत। १४मिनु पतरुसमी “हूतरी ओदंशो गरांगरा दिचा डा दोपा ब्वचा नमी डा, परभु? ओदंशो गरांगरा दिचा डा गो गनायो मब्बशा नड” दंमाकत। लेवी ११:-; इजीकीएल ४:१४ १५ मिनु लंशा “परमपरभु यावे आ चोवखो सेल्शो कली गरांगरा मदिका” दंशो नंना बाकत। रोमी १४:१४ १६ खेयप सां मोदंशो दुम्शा, मेको ठेयब वा सरीङ गे लशो तवा बाकत।

### पतरुस कोरनेलीयस आ खिं लशा

१७मिनु पतरुसमी छक लाकशा एको मार बाकम माइ, दे मिम्ना मिम्न बाकमाकत। पतरुस मोदंशो मिम्स डा मिम्स बाकमेनु, कोरनेलीयसमी सोइशशा मुरपुकी कुशुल नोक्ब सिमान आ खिंमी जाकदीशशा, लाप्या आ डोंइती राप्या कोवशा १५ “एको खिंमी सिमान पतरुस बाकम?” दे हिल्लो पामे बाकत। १९पतरुसमी मुल यो आ तशो मार बाकम माइ, दे मिम्न मिम्न बाकमेनु, परमपरभु यावे आ सोक्तीमी मेको कली “इ कली बरथ मुर सां जाकतेकमे। २०तोइशशा मेको आन कली गरुम्थ लावो। मिनु लचा, दे मलचा, दे थुं निक्शी मपथु, मेकोपुकी नु लावो। मारदे हना मेकोपुकी आं सोइशशा नम” दंशो नंना बाकत। २१मिनु पतरुस फरु तोइशशा “इन माल्शा मुर गो नड, आं कली मारदे माल्थीनी?” दे हिल्लो पवा बाकत। २२मिनु मेकोपुकीमी “कोरनेलीयस आ सोइशशा नकी। कोरनेलीयस कप्तान बाकब। परमपरभु कली मान पा हिंब, रिम्शो मुर बाकब। यहूदीपुकीमी यो रिम्शो मुर बाकब, दे मिम्नीम। परमपरभु आ स्वर्ग डा गेय पाइब कामी कोरनेलीयस कली थोप्या सहरमी सिमान पतरुस माइशशा कली माल्शा चाकशा आ लोत्र नंचा” देतीके इन कली बरथ जाकतक” दंमा बाकत। २३मिनु पतरुस नु खिं डा मुरपुकीमी मेको आन कली खिं गा ओइशा जचा तूचा गेशा, बास गेमे बाकत। मिनु आ दीसा पतरुस मेकोपुकी नु सिजरिया गे लमाकत। योप्या सहर डा थमा सुइक्ब लोक्ब का निक्शी यो लमा बाकत।

### कोरनेलीयस आ खिंमी

२४ आ दीसा सिजरियामी जाकदीम्मा बाकत। कोरनेलीयसमी आ मुर, आ वारच आन कली बरेशशा, पतरुस आ लां कोवशा बाकशो

बाक्मा बाक्त। २५ मिनू पतरुस कोरनेलीयस आ खिं ओव्रचवानु, कोरनेलीयसमी पतरुस आ डोंइती बाप्शा आ सोइल गुप्शा सेउ पवा बाक्त। २६ मिनू पतरुसमी कोरनेलीयस आ पिया पाक्शा “गा यो इन खांदेशो मुर ला नड” देशो राप्पदा बाक्त। पररित १४:१५; परकाश ११:१० २७ मिनू लोत्र पना पन खिं गा ओव्रसा बाक्त। खिं गामी शुश मुर सुम्सीशा देल्शो बाक्मा बाक्त। २८ मिनू पतरुसमी मेको देल्शा बाक्ब आन कली “गा ओइ यहूदी अर्का रागी डा मुरपुकी नु काथा बाक्चा, जचा, आन खिं ओव्रचा मदुम्ब, दे नेल्लेमी तुइक्नीनी। मोदंशो बाक्त हना यो, परमपरभु यावमी आं कली सुइ आन कली आइक्च ममिम्बा, दे शंताकयी। २९ मोपतीके गेपुकीमी आं कली बरतीनीनु, लचा, दे मलचा, दे थुं निक्शी मपथु, गिरिकके जाक्ती। मारदे बरतीनी?” देमाक्त। ३० मिनू कोरनेलीयसमी “गाबेर नाक्त आं खिंमी ३ बज डा परार्थना पना पन बाक्डानु, जील्माक्श देशो वा फक्सीशो मुर का फो गरूशा, आं डोंइती राप्शा ताता। ३१ मेकोमी आं नें थिशा ‘ए कोरनेलीयस, परमपरभुमी इ परार्थना पशो नेंशो बाक्ब। इ शिशी पा मथीब आन कली मार मार गेशो तशो बाक्ब। ३२ मोपतीके योप्पा सहरमी जाक्शा बाक्शो सिमान पतरुस नें पाइशशो मुर कली बरथ सोइक्ती। मेको कुशुल नोक्ब सिमान आ खिंमी बाक्शा बाक्ब। मेको खिं समुन्दर आ नेक्था बाक्ब’ देत। ३३ मोपतीके बरथ सोइक्ताक्नी। ग बिश्शा गिरिकके जाक्शा, आंइ कली रिम्शो पाइतीनी। परमपरभु गे नु बाक्ब। मिनू परमपरभु यावमी इन कली मार शंपाइक्बा, मेको लोत्र नेल्ले नेंचा कली सुम्सीशा बाक्तक” देमाक्त। ३४ मिनू पतरुसमी “परमपरभु यावमी सुइ आन कली मविल्यु, उइक्थ उइक्थ मिम्ब। ब्यवस्था १०:१७; १सामुएल १६:७; रोमी २:११ ३५ मुर आन के जात रागी मारेइ मकोवथु, आ कली मान पा हिंशा, आ लोत्र टिशा, रिम्शो पाइब आन कली दाक्शा, नेल्ल आन कली ब्राइब, दे मुल रुप्ता। यूहन्ना १०:१६ ३६ परमपरभु यावमी येषु खरीस्त आ पतीकेम आंइ इसराएल डा मुर आन कली ग्यरपाइक्ब लोत्र नेंपाइक्तु। मिनू येषु खरीस्त नेल्ल आन परभु बाक्ब। एफिसी २:१७ ३७ यूहन्नामी मुर आन कली शंशा, ब्याक्कुम खरूशा गरुंडदा नोले येषु खरीस्तामी गालील रं गोशा यहूदीया रागीम हिरशा, मुर

आन कली शंना शंन गाक्त। मती ४:१२-१७ ३८ परमपरभु यावमी मेको नासरथ डा येषु कली आ सोक्तीम पिरंशा, आ सक्ति पाइशशो सल्लु। मिनू परमपरभु याव आ सक्ति पाइशशो दुम्शा, तेइ तेइ गाक्शा मुर आन कली रिम्शो पाप्तु। वोल्लम तशा आन कली वोल खरशा सापाइक्तु। सैतानमी दिप्शा वोइशशा श्यत गेशो आन कली श्यत रं परोंइतीमी। मारदे हना परमपरभु याव मेको नु बाक्त। मती ३:१६ ३९ यहूदीया रागी यरूसलेम सहरमी येषुमी मार मार पवा, मार मार दुम्म, मेको नेल्ल गो नु आं वारचपुकीमी आंम आंइ मिक्चीम ताइतक। येषु शीमी कप्शा कांटी थोक्शा क्याइशशा साइक्चा पुंइसाक्ब। ४० साइक्चा पुंइसीशा यो आ बेक्शो आ निल्य नाक्ती परमपरभुमी बेक्शो रं संपाइशशा कांइताक्ब। १कोरिन्थी १५:४-७ ४१ हना यो मुर नेल्लेमी मताम। गोपुकीमी चहिं ताइतक। मारदे हना डोंइती रं गोपुकी सांकळी दुम्चा कली याव्रशो नकी। येषु बेक्शो रं संसीशा, गोपुकी नु बाक्शा काथा जाइतक, काथा तूतक। यूहन्ना १४:१९,२२; लुका २४:३०,४३ ४२ मिनू मोदंशो पा काथा बाक्कानु, येषुमी आंइ कली ‘मुर आन कली आं पर्वम शंदीने। मार शंचा देशो हना, परमपरभु यावमी येषु कली बरांइशा बाक्ब नु बेक्शो मुर नेल्ल आन कली निसाफ पाइब सल्लु, दे शंशा गाक्कीन’ दे माइक्तीकी। यूहन्ना ५:२२ ४३ सु सुमी येषु कली थमा सुदम, मेकोपुकी येषु आ नमी आन पाप क्याम्बा पुंइसीनीम। साइ डोंइती रं परमपरभु याव आ लोत्र पाइबपुकीमी मोदंशो देशो बाक्नीम” दे शंदीमी बाक्त। यसेया ५३:५-६; यरमीया ३१:३४

मुरपुकी परमपरभु आ सोक्तीम बरीशो

४४ पतरुसमी शंना शंन पवानु, परमपरभु यावमी आ लोत्र नेंब नेल्ल आन कली आ सोक्तीमी पिरंशा बाक्त। ४५ पतरुस नु काथा जाक्शा खरोइक्तीक चिनु खरोइशशा थमा सुइक्ब यहूदीपुकीम अर्का रागी डा मुर यो परमपरभु याव आ सोक्तीम बरीशो तशा ल्ळक लाक्मा बाक्त। ४६ मेकोपुकीमी परमपरभु याव आ सोक्तीमी पपाइशशा लोत्र पा परमपरभु याव कली ठेयब सल्लो तशा तुइक्तम बाक्त। पररित २:४ ४७ मिनू पतरुसमी “मेकोपुकी आंइ खांदेशो पा परमपरभु याव आ सोक्तीम पिरंचा पुंइसाक्म। मोपतीके एको आन कली ब्याक्कुम

खरुम्शा गरुंडचा मदुम्ब, दे सुम देने चाप्या डा ?” देमाक्त। १८ मिनु मेको आन कली यसु खरीस्त आ नेमी ब्वाक्कुम खरुम्शा गरुंडपदा बाक्त। मिनु मेको नक थमा सुइक्वपुकीमी पतरुस कली “नाक्त का निक्शी गोपुकी नु बाक्कीन” दे तकाम बाक्त।

### अर्का रागी डा मुर

१ मिनु यरुसलेममी बाक्ब सोइश्शोपुकी नु यहूदीया रागी तेइ तेइ बाक्ब थमा सुइक्ब लोकबपुकीमी “अर्का रागी डा मुरपुकीमी यो परमपरभु यावे आ लोत्र नंशा, थमा सुइक्ब दुम्मा बाक्त” देशो नेन्मे बाक्त। २ मिनु पतरुस यरुसलेम लेश्शा जाक्मेनु, खरोइक्तीक चिनु खरोइश्शो थमा सुइक्बपुकीमी पतरुस कली ३ “मारदे खरोइक्तीक चिनु मखरोइश्शोपुकी नु काथा बाक्शा जवी” दे लोत्र पोकम बाक्त। गलाती २:१२ ४ मिनु पतरुसमी मेको लोत्र पोकब आन कली सुष्शा, दोपा मोदेशो दुम्मे, मेको नेल्ल रुप्याइक्चा कली ५ “गो याप्या सहरमी बाक्ती। मिनु काबु मार दुम्त देशा हना, पुरार्थना पना पन बाक्डानु, परभुमी कांडतीक कांडताक्की। सरीड रोक्सीशा ठेयब वा का हाम्सीशा क्युकसीशा सोदेशो पा खप गे यिशा ताता। मिनु आं नेक्था जाक्शा दिक्त। पररित १०:१-४८ ६ मिनु गो गीशा कोत्रडुनु, मब्बचा डा, गरांगरा दिचा डा, जन्तु, खात नु चिक्ब तातामी। ७ मिनु “ए पतरुस, मेको साइश्शा ब्वामी” देशो नेता। ८ मिनु गामी हत्तरी, आदेशो गरांगरा दिचा डा दोपा ब्बचा नमी डा, परभु, आदेशो गरांगरा दिशा गनाया मब्बशा नड देती। ९ मिनु “परमपरभु यावेमी चोत्रखो सेल्शा कली गे गरांगरा मदित्ता” दे सरीड र देशो नेता। १० खयप सां मोदेशो दुम्शा, मेको ठेयब वा सरीड गे लेश्शा लत। ११ मोदेशो दुम चोटीन सिजरिया र आं कली बरथ सोइश्शो मुर सां आं बाक्शा सिंमी जाक्तेकम। १२ मिनु परमपरभु यावे आ सोक्तीमी मेको आन जात मार नमी ? दे ममिथु मेकोपुकी नु काथा लावो” देतीके गो मेकोपुकी नु लती। मुल एकर गो नु बाक्ब थमा सुइक्ब ६ जना लोकब गो नु लाम्तकम। गो काथा गाक्शा, कोरनेलीयस आ सिं जाक्दीश्शा ओव्रतक। १३ आ सिं ओव्रशा बाक्कानु, कोरनेलीयसमी आंड कली “परमपरभु यावे आ स्वर्ग डा गेय पाइब का आं डांडती राष्शा, मेकोमी योप्या सहरमी जाक्शा बाक्शो सिमान पतरुस कली बरथ सोइक्तो। १४ मेकोमी

जाक्शा, गे नु इ सिं डा मुर नेल्ले आन कली गेना हना यो बरांडशा बाक्तीक लोत्र शंब, दे माइक्ती” देत।

१५ मिनु गो मेकर सुम्सीशा बाक्ब आन कली खरीस्त आ लोत्र शंडुनु, साइ गोपुकी सोदेशो पा मेकोपुकी यो परमपरभु यावे आ सोक्तीम पिंचा पुंडसाक्म। पररित २:१-४ १६ परमपरभु यावे आ सोक्तीम बरीचा पुंडसीशा तशा, गो इ परभु आ देशो लोत्र ति फरुक्ता। परभुमी मार देत देशा हना थूहन्नामी मुर आन कली ब्वाक्कुमी खरुम्शा गरुंडताक्व। ग चहिं परमपरभु यावे आ सोक्तीमी खरुम्चा पुंडसीनीनी” देत। पररित १:२ १७ गोपुकीमी परभु यसु खरीस्त कली थमा सुइक्तीके परमपरभु यावे आ सोक्तीम पिंचा पुंडसाक्व। मिनु अर्का रागी डा मुरपुकीमी यो यसु खरीस्त कली थमा सुइक्तीके आ सोक्तीम पिंचा पुंडसाक्म। मोदेशो दुम्शा तशा, मार पाइनुडा ? गो परमपरभु आ पशो गेय तेक्ने चान्नाडा ?” दे रुप्याइक्मी बाक्त। १८ पतरुसम मो देशो नंशा, मेको आन पोकशो लोत्र साम्शा “मोदेशो बाक्त हना, परमपरभु यावेमी इं कली गेशो सोदेशो पा अर्का रागी डा मुर आन कली यो आन थुं लेप्या आन पाप क्याम्बाक्माक्त” दे परमपरभु यावे कली ठेयब सेल्मे बाक्त।

### अर्का रागीम येसु आ लोत्र शंशो

१९ स्तीफानस साइक्चा पुंडिस नेल्ल खदा पचा पुंडसीशा, परोक्शा गाक्शो थमा सुइक्ब का निक्शी फोनीसीया, का निक्शी साइपरस, का निक्शी एन्टीओक जाक्दीश्शो बाक्मा बाक्त। मिनु मेकोपुकीमी येसु आ लोत्र यहूदी आन कली ला शंदमे बाक्त। पररित ८:१-४ २० साइपरस नु साइरनी र एन्टीओक सहर जाक्दीश्शो थमा सुइक्ब का निक्शीमी चहिं अरु गरीस रागी डा मुर आन कली यो परभु येसु आ पर्वम शंदमे बाक्त। २१ मोदेशो शंब आन कली परभुमी सक्ति गेवा बाक्त। मिनु मेको आन लोत्र नंशा, शुश मुरुमी थमा सुइश्शा, आन थुं परभु गे हिरदमे बाक्त। पररित २:४७

२२ एन्टीओक सहरमी शुश मुर थमा सुइक्ब दुम्तेकम, दे यरुसलेममी बाक्ब थमा सुइक्बपुकीमी यो नेन्मे बाक्त। मिनु बारनाबास कली रुथ सोइक्तेमे बाक्त। पररित ४:३६ २३ बारनाबास एन्टीओकम जाक्दीश्शा, परमपरभु यावेमी शुश मुर आन कली शिशो पा आन थुं लेप्याइश्शो तशा थाम्पा ग्यरस

बाक्त। मिनु मेको आन कली “भार दुम्त हना यो, परभु कली मपरांडचा, है” दे आन थमा सुइक्तीक थुं बारपाइक्मी बाक्त। २४ बारनाबास रिम्शां मुर बाक्माक्त। परमपरभु यावे आ सोक्तीमी बरीशा, खोइल थक्शां खोंदंशा पा थमा सुइक्बाक्माक्त। आ पशां तशा, आ लोत्र नंशा, शुश मुरुमी परभु कली थमा सुइक्व दुम्मा बाक्त। परंरित ५ :१४

### खरीस्तीयन नें वोइक्चा पुंडसीशा

२५ मिनु नोले बारनाबास सावल माल्थ टारसस सहर लमाक्त। परंरित ९ :३० २६ मिनु थ्रिशा एन्टीओकम जाक्शा बाक्सा बाक्त। मिनु बर्स का सम्म थमा सुइक्वपुकी नु काथा बाक्शा, शुश मुर आन कली परभु आ लोत्र शंना शंन बाक्सा बाक्त। एन्टीओक सहरमीन येसु आ लां खोइक्व नेल्ल क्येडा डोंइती “खरीस्तीयन” दे नें वोइक्चा पुंडसमा बाक्त। मेना र मेको नें लीमाक्त। गलाती २ :११

### श्र्येत जाइब आन कली क्येट सोइश्शा

२७ मिनु काबु परमपरभु यावे आ लोत्र पाइबपुकी यरूसलेम र यिशा, एन्टीओकम जाक्मा बाक्त। परंरित १३ :१ ; परंरित १५ :३२ २८ मेको आन दातेमी अगाबस नें पाइश्शां मुर का बाक्माक्त। मिनु काबु थमा सुइक्वपुकी खुम्सीशा बाक्मानु, अगाबसमी परमपरभु यावे आ सोक्ते र पा “रागी नेल्लेमी अन्काल दुम्शा, जचा मतांडसीब” दे लोत्र पवा बाक्त। मेको लोत्र पिप कलीदीयस आ सासनम थमा दुम्माक्त। परंरित २१ :१० २९ अन्काल दुम्ब देशो तुइश्शा, एन्टीओक डा थमा सुइक्वपुकीमी “यहूदीया रागीमी बाक्व थमा सुइक्व आन कली वारच पाइक्चा माल्थ, मोपतीक क्येट पोक्थ” देमा बाक्त। ३० मिनु नेल्लेमी दो दोशां चाप्मे, मो मोशां क्येट पोक्शा, यरूसलेममी बाक्व थमा सुइक्व आन शंब खाल्पा आन कली गेचा नमी, दे बारनाबास नु सावल आस कली चोत्रथ सोइक्तेमे बाक्त। परंरित १२ :२५ ; १कोरिन्थी १६ :१-४

### पतरुस जेल्खान र परांडचा पुंडसीशा

१२ मेको बर्समी पिप हेरोदमी यरूसलेम सहरम बाक्व थमा सुइक्व का निक्शी आन कली खेदा पा ग्याइश्शा, शुश श्र्येत गेमी बाक्त। २ यहून्ना आ लोक्व याक्व कली

तरवारमी क्योरपा साइक्पदा बाक्त। मत्ती २० :२०-२३ ३ हेरोदमी “आं पशां तशा यहूदीपुकी ग्यरसीनीम” दे तुइश्शा, मोदंशां खेदा पना पन लमाक्त। मिनु पतरुस कली यो ग्याइक्पदा बाक्त। पतरुस कली ग्याइक्पदानु, बारब ओख्ती मसुप्शां शोक्ते जतीक चाड जाक्शा बाक्माक्त। ४ मोपतीक पास्सा चाड थुम्शा, मुर आन डोंइती राप्पाइक्चा, दे जेल्खानमी चोक्शा, ४, ४ जना पातो पा बाक्कीन, दे १६ जना सिपाही वोइक्पदा बाक्त। ५ पतरुस जेल्खानमी चोक्सीशा बाक्मेनु, थमा सुइक्व नेल्ल थुं का दुम्शा “पतरुस कली कोत्रडीन, परांडशा सोइक्तीन” दे परार्थना पा बाक्मा बाक्त।

६ हेरोदमी पतरुस कली मुर आन डोंइती राप्पाइक्चा देशो नाक्त आ डोंइती नाक्दो पतरुस साडलो निक्शीमी पाइश्शा, सिपाही निक्शी आस दातेम इप्पाइश्शा बाक्माक्त। लाप्चो आ डोंइती यो खाल पाइबपुकी बाक्मा बाक्त। ७ मिनु मार दुम्माक्त देशा हना, परमपरभु यावे आ स्वर्ग डा गेय पाइब का फो गरूशा, पतरुस आ डोंइती राम्माक्त। मिनु कोठा छेड्छेड तांडस बाक्त। मिनु परमपरभु यावे आ स्वर्ग डा गेय पाइबमी पतरुस कली “छुल बोक्को” दे चुशा पोक्गा बाक्त। मिनु बोक्मेनु, आ गुइमी पाइश्शां साडलो बुइश्शा खपीमी देल्माक्त। परंरित ५ :१९ ८ मिनु “किष्णुर किम्सो, इ जुत्ता मुंडसा” देमेनु, पतरुसमी किष्णुर किष्णा, जुत्ता मुंडस बाक्त। मिनु “इ किष्णुर किष्णा रक्शा, आं नोले खोइय्यी” देमाक्त। ९ मिनु पतरुस मेको आ नोनोले खोइश्शा, कोठा र गरूसा बाक्त। पतरुसमी चहिं एको नेल्ल गो कांडतीक तना तन बाक्नुड, दे मिम्ता बाक्त। थमा कोठा र गरूडा बाक्त, दे मतुइश्शां बाक्माक्त। १० मिनु कोठा र गरूशा, डोंइती बाक्व खाल पाइब कली लाक्शा, नोले बाक्व कली यो लाक्शा, फलाम के सेल्शां ठेयब लाप्चो जाक्दीस्सा बाक्त। मेकेर जाक्दीस्सानु, लाप्चो रोक्से बाक्त। मिनु गरूशा गाक्सा बाक्त। मिनु लां का लागसेनु, परमपरभु यावे आ स्वर्ग डा गेय पाइबमी पतरुस कली परांडशा गाक्माक्त। ११ मेना बरड संसीशा “परमपरभुमी पिप हेरोद नु आं कली खेदा पाइब यहूदी आन गुइ र परांडथ, आ गेय पाइब सोइश्शा परांडयी बाक्त” दे तुइक्ता बाक्त।

१२ मेको तुइश्शा मर्कस, यहून्ना नें यो वोइश्शां, आ ममा मरीयम आ खिं ग लमाक्त।

मरीयम आ सिंमी थमा सुइक्व शुश सुम्सीशा, परार्थना पना पन बाक्शा बाक्मा बाक्त। पररित १२:२५; पररित १३:५,१३; पररित १५:३७ १३मिनु पतरुस जाक्शा, लाङ्गा डा लाप्चो खरोकाल पदा बाक्त। मिनु रोदा माइश्शा गय पाइब मीश मुरुम सु जाक्म, दे कोव्रथ गुरुमाक्त। १४मिनु पतरुस आ संदा नंशा, पतरुस जाक्माक्त, दे तुइश्शा, लाप्चो मरोक्थु फरा लेश्शा, सिं गामी बाक्शा आन कली “आमाइ, लाप्चो डांडती राप्शा बाक्ब दा पतरुस कका बाक्त” दे माइक्मी बाक्त। १५मोदंशा नंशा “गे मार निप्स ग्यशा लोत्र पवी?” दे आ दंशा थमा मसुदम बाक्त। रोदामी चहिं लोत्र थोक्शा, “थमान पतरुस जाक्त” दंमेनु “मो हना पतरुस ममाइ। पतरुस कली कोव्रथ परमपरभु यावे आ स्वर्ग डा गय पाइब बाक्म माइ?” दंसा बाक्त। १६मोपा लोत्र पना पन बाक्मानु, पतरुसमी लाप्चो खरोकाल पाइक्स डा पाइक्स बाक्माक्त। मिनु नोले लाप्चो रोक्शा कोव्रडमेनु, पतरुस कली तशा “आल्लेइ” दे छ्क लाक्मा बाक्त। १७मिनु पतरुस ओव्रशा आ गुइ हिक्शा, आ शोत्र थीप थीप पा सिक्सी पा ननीन दंशा, दोपा परभुमी जेल्खान रे परांइशा सोइक्ता, मेको नल्ल तुइक्पाइक्मी बाक्त। मिनु “याक्ब नु इं थमा सुइक्व लोक्ब नल्ल आन कली एको लोत्र नंपतीन, हे” दंशा, मेकर रे गाक्माक्त।

१८जेल्खानमी चहिं मार दुम्माक्त दंशा हना, सुनी कना सिपाही नु खाल पाइबपुकीमी पतरुस कली मताम बाक्त। मिनु शुश हिंशा, मार दुम्म, ते लाक्गा, दे वाइ की बरम्मा बाक्त। पररित ५:२१-२२ १९मिनु पिप हेरोदमी पतरुस कली माल्थ सोइक्तीमी बाक्त। माल्ना माल्ल गाक्मानु, यो तेइ मथिदम बाक्त। मिनु थिन्ने मचाप्शा तशा, पिपमी खाल पाइब आन कली बरेशशा हिल्लो हिक्सी पशा यो मारेइ तुइक्ने मचाप्तीके खाल पाइब सिपाही आन कली साइक्पाइक्मी बाक्त। मिनु यहूदीया रागी रे सिजरिया सहर याक्सीशा बाक्माक्त।

पिप हेरोदमी सजाइ तशा

२०पिप हेरोद मेकर बाक्मेनु, टायर नु सीदोन सहर डा मुर आन कली तशा चुरमाक्त। मोपतीके मेकोपुकीमी मुर निक्शी का योव्रशा, ब्लास्तस नं पाइश्शा पिप आ ठेयब गय पाइब मुर नु गारशा, पिप कली गरुम्य जाक्मा बाक्त। मिनु

मेकोपुकीमी “दुशा गारशा बाक्थ, सरकार” दे सेउ पदम बाक्त। मारदे हना पिप हेरोद आ रागी रे मचाक्थु जचा मजाक्दीम्माक्त। इजीकीएल २७:१७

२१मिनु काबु पिप हेरोदमी रकारी वा फक्शा, आ ठेयब निक्तीकेमी निश्शा, मेको आन कली आ लोत्र नंपाइक्मी बाक्त। २२मिनु आ लोत्र नंशा “मुर आ लोत्र ममाइ, देवता आ लोत्र बाक्माक्त” दंशा, रेयके पा पिप कली ठेयब सल्ल बाक्त। इजीकीएल २८:२ २३पिप हेरोदमी परमपरभु यावे कली मान मपथु, आमान ठेयब सल्लसीतीके परमपरभु यावे आ स्वर्ग डा गय पाइबमी मेको कली रोइ पपदा बाक्त। मिनु मेको हेरोद लुस्यु जोल्शा बक्माक्त। दानीएल ५:२०

२४परमपरभु यावे आ लोत्र तेइ तेइ बरशा, शुश मुर थमा सुइक्व दुम्मा बाक्त। पररित ६:७ २५बारनाबास नु सावल यरुसलेममी क्येट चोत्रने थुम्शा, एन्टीओक लेस्सा बाक्त। लेस्सानु, मर्कूस कली यो लदसे बाक्त। मर्कूस कली यहून्ना नं यो वोइश्शा बाक्त। पररित ११:२९-३०; पररित १३:५

शंब आस कली सोइश्शा

१३ १एन्टीओक सहर डा थमा सुइक्व आन दातेमी परमपरभु यावे आ लोत्र पाइब नु शंब का निक्शी यो बाक्मा बाक्त। मोदंशा मुर सु सु बाक्मा बाक्त दंशा हना, बारनाबास, क्यर माइश्शा सिमियोन, साइरनी डा लुसीयस, पिप हेरोद आ गय पाइब मानाएन नु सावल बाक्मा बाक्त। पररित ११:२७; १कोरिन्थी १२:२८ २मिनु काबु थमा सुइक्वपुकी सुम्सीशा माइजा बाक्शा, परार्थना पना पन परभु कली ठेयब सल्ला सल्ल बाक्मानु, परमपरभु यावे आ सोक्तीमी “बारनाबास नु सावल आस कली आं गय पथ योव्रतासी। मोपतीके मेको आस कली आं गय पचा कली सोइक्तीन” दे तुइक्पाइक्मी बाक्त। पररित ९:१५ ३मिनु माइजा बाक्शा, परार्थना पा आसीक गेशा, परभु आ गय पथ सोइक्तेम बाक्त। पररित ६:६

४मिनु मेको निक्शी परमपरभु यावे आ सोक्तीमी योव्रशा सोइक्तीके एन्टीओक सहर रे बरुष्शा, सिलुसीया सहरमी जाक्दीस्सा बाक्त। मेकर जहाज डाइश्शा समुन्दर शोक्शा, साइपरस टापु जाक्दीस्सा बाक्त। ५मिनु सलामीस सहर जाक्दीश्शा, यहूदी आन गरुमतीक सिं लशा, परमपरभु यावे आ लोत्र

शंदसे बाक्त। एन्टीओक रे काथा गाकशा, यूहन्ना मर्कुसमी मेको आस कली वारच पस डा पस बाक्माक्त। पररित १२ :१२,२५

चटक कांडब कली हुइश्शो

६मिनु साइपरस टापु नेल्ल हिरशा, गाक्मा गाक्मा पाफोस सहरमी जाकदीम्मा बाक्त। मेकर जाकदीश्शा बाक्मानु, बार-यसु माइश्शो चटक कांडब, यहूदी मुर का गुरूम्म बाक्त। मेको “परमपरभु यावे आ लोत्र पाइब नड” देसु पा गाक्बाक्माक्त। ७मेको चटक कांडब सरगीयस-पावल ने पाइश्शो हुकुम पाइब आ खिमी बाक्बाक्माक्त। मेको हुकुम पाइब जोक्ब तुइक्ब मुर बाक्माक्त। मिनु काबु बारनाबास नु सावल आस कली बरेश्शा “परमपरभु यावे आ लोत्र गो यो नेनुड” दे माइक्सी बाक्त। ८मेको चटक कांडब बार-यसु कली गरीक लोत्रमी एलुमास यो देबाक्मा बाक्त। मिनु मेकोमी हुकुम पाइब कली बारनाबास नु सावल आस शंशो लोत्र थमा सुइक्चशो तशा “मेको आस शंशो थमा मसुतीन” दे हुकुम पाइब आ थुं हिरपाइक्चा मला बाक्त। ९सावल कली पावल यो देनीमी। मिनु पावलमी चटक कांडबमी हुकुम पाइब आ थुं हिरपाइक्चा माल्शो तुइश्शा, परमपरभु यावे आ सोक्तीम बरीशा सक्ति पाइश्शो दुम्शा, चटक कांडब कली मिक्च मयाक्थु कोत्रस डा कोत्रस पा १० “गे सेतान आ ती नवे। रिम्शो मदाक्थु, मरिम्शो ला दाक्नवे। परभुमी सल्शो रिम्शो लां कली मरिम्शो सल्त्वा थुं पवी? मरिम्शो थुं पाइश्शो बाक्ते। मोपतीक परभुमी इ कली मुल सजाइ गेव। ११गे मिक्च मताइब दुम्शा, शुश नाक्त सम्म छेड्छेड मताइनेवे” दे हुइक्ता बाक्त। मो देम चोटीन मेको चटक कांडब मिक्च मताइब दुम्शा, आ गुइ कीशा लां कांडब मुर माल्दा बाक्त। १२मिनु हुकुम पाइबमी चटक कांडब कली मिक्च मताइब दुम्शो तशा छेक लाक्माक्त। मिनु “मेको आस लोत्र परभु आ सक्ति पाइश्शो लोत्र बाक्माक्त” दे रुष्शा, परभु कली थमा सुइक्ब दुम्माक्त।

पिसीदीया डा एन्टीओकम शंशो

१३मिनु पावल नु आ वारचपुकी पाफोस सहरमी जहाज डाइश्शा समुन्दर शोकशा, पाम्फोलीया रागी डा पेरगा सहरमी जाकदीम्मा बाक्त। यहून्ना मर्कुस चहिं पावल नु बारनाबास आस कली परांइशा, यरूसलेम लेम्माक्त।

पररित १५ :३६ १४ पावल नु बारनाबास पेरगा रे गाकशा, पिसीदीया रागी डा एन्टीओक सहरमी जाकदीस्सा बाक्त। मिनु नाइक्तीक नाक्ती गरुम्तीक खिं लशा, मेकर दल्शो मुरपुकी नु निश्शा बाक्सा बाक्त। १५मिनु गरुम्तीक खिं डा ठेयब मुरपुकीमी मोसा नु परमपरभु यावे आ लोत्र पाइबमी बरेक्शो लोत्र पढेपा नेपाइक्न थुम्शा, पावल नु बारनाबास आस कली बरेश्शा “आइ लोकब निकशी, मुर आन कली शंशा, आन थुं बारपाइक्चा डा लोत्र बाक्त हना, शंदीस” दे आस कली लोत्र पचा गेम बाक्त। पररित १५ :२१ १६मिनु पावल राष्शा “इसराएली नु परमपरभु यावे कली मान पा हिबपुकी, इन नोफा दाइश्शा, नेनीन। १७इसराएली आन परमपरभु यावेमी आंइ किकी पिपी आन कली योत्रशा, इजीप्ट रागीमी बाक्मानु, शुश सोशा बोशा ठेयब जात दुम्पाइक्मी बाक्त। मिनु शुश सक्ति पाइश्शो गेय कांडशा, मेको आन कली श्यत रे परांइशा गरुंडदीमी बाक्त। परस्थान १२ :३७,४०,४१; परस्थान १४ :८ १६मिनु ४० बर्स सम्म गोरशो रागीमी लां कांडना कांडन लाइक्मीनु, मेकोपुकीमी आ लोत्र मटिम्तेक्म हना यो, फाल्शा रिम्शो पाइक्मी बाक्त। भजन संगरह १०६ :१३-३३ ११कनान रागीमी बाक्ब ७ रागी डा मुर नेल्ल आन कली साइश्शा, मेको आन रागी आंइ किकी पिपी आन कली गवा बाक्त। ब्यवस्था ७ :१; यहोसु १४ :२ २०मापा ४ सह ५० बर्स बाक्शा नोले निसाफ पाइब योत्रशा वोदा बाक्त। नोले परमपरभु यावे आ लोत्र पाइब सामुएल कली अधिकार गेवा बाक्त। न्यायाधीस २ :१६; १सामुएल ३ :२० २१सामुएल आ पालामी आंइ किकी पिपीमी “आंइ कली सासन पाइब पिप का गेचा नकी” दे पुन्मे बाक्त। मिनु परमपरभु यावेमी बेन्यामीन थर डा कीश आ ती सावल कली योत्रशा, आन पिप सेला बाक्त। मिनु सावल ४० बर्स सम्म पिप दुम्माक्त। १सामुएल ८ :५ ; १सामुएल १० :२१-१४ २२मिनु परमपरभु यावेमी सावल नु आ खिं डा मुर आन कली पिप दुम्चा रे तिल्ला, दाऊद कली पिप सेला बाक्त। दाऊद आ पर्वम परमपरभु यावेमी थ्यस्स आ ती दाऊद आं मिम्शो सोदेशो पा आं यो मिम्ब। मिनु गो नु गारब। आं दाक्शो पाइब, दे तुइक्नुड’ देशो बाक्त। १सामुएल १३ :१४ २३परमपरभु यावेमी इसराएली आन कली पाप रे परांइब का सोइक्नुड, दे लोत्र गेशो बाक्माक्त। मेको

पाप रे परांडब दाऊद आ खिं डा येसु बाक्व । यसैया ११:१ २४ येसुम शंचा क्येडा डांडती व्याक्कुम खरुशा गरुंडब यहन्नामी इसराएली आन कली 'पाप पचा परांडशा, इन थुं परमपरभु यावे ग लेतीन' दे शंशा बाक्माक्त । लूका ३:३ २४ मोपा शंदानु, मुर आन कली 'आं कली तशा, पाप रे परांडब एका बाक्म कार मे ? मंदनीन । गो मनड । तेन मुल जाक्चशा बाक्व । गो मेको आ डांडती बाप्शा, आ जुत्ता पूरुडक्चा यो मशिरनुड' दे शंशा बाक्माक्त । लूका ३:१५ ; यहन्ना १:२० ; मर्कूस १:१७ ; लूका ३:१६ ; यहन्ना १:२७

२६ आं लोकवपुकी, अब्राहाम आ खिं डा मुर बाक्तीनी हना यो, परमपरभु यावे कली मान पा हिंब अकी रागी डा मुर बाक्तीनी हना यो, गो नेल्ल इं कली परमपरभुमी पाप रे ब्रांडतीक लोत्र नंपाइक्व । २७ यरूसलेममी बाक्वपुकी नु आन ठेयब मुरपुकीमी येसु पाप रे परांडब बाक्व, दे मरुबम । नाइक्तीक नाक्त कित कित परमपरभु यावेमी बरेक्पाइश्शा लोत्र पदशा नंशा यो रुन मचबम । मोपा मारद रुने मचाप्तीक येसु कली दोस गतक्म । आन मो पशोमी साइ डा बरेक्शा लोत्र नेल्ल थमा सेल्लेक्म । यहन्ना १६:३ २६ साइक्चा पुंडसीचा डा दोस गरुंडन मचाप्तेक्म हना यो, हुकुम पाइब पिलातस कली मेको मुर साइक्चा पुंडसीब बाक्व, दे साइक्पाइक्तेक्म । मत्ती २७:२२-२३ २९ मिनु साइ डा बरेक्शा लोत्र नेल्ल थमा दुम्पाइक्तेक्म । येसु शीम क्येष्शा कांटी थोक्शा क्याइश्शा साइश्शा खपीम फरुष्शा, आ बरेक्शा रां थिम्तेक्म । मत्ती २७:५१-६० ३० तन्न परमपरभु यावेमी मेको कली बरेक्शा रे संताक्व । पररित ३:१५ ३१ मिनु गालील रे यरूसलेम सम्म येसु नु काथा गाक्व आन कली बरेक्शा रे संसीशा शुश नाक्त तपांडसाक्व । मोदंशा पा येसु कली संसीशा ताइबपुकीमी 'येसु बरेक्शा रे संचा पुंडसाक्व । मुल यो ब्रांडशा बाक्व । आंइ मिक्वीमी ताइतक' दे शंशा शंन गाक्नीम । ३२ परमपरभु यावेमी इं किकी पिपी आन कली डांडती पशा लोत्र पाप रे परांडब का सोइश्शा खाप्शा, ग्येरपाइक्तीक लोत्र इन कली शंनीकी । ३३ मेको लोत्र साइ परमपरभु यावेमी बरेक्पाइश्शा लोत्र नु गारब । मारदे हना भजन संग्रह कामी 'गे आं तौ नवे । मुलाक्ती गो इ कली थीतन' दे बरेक्शा बाक्व । भजन संग्रह २:१७ ३४ लेंशा मबेक्चा डा नु मराक्चा डा पा बरेक्शा रे संसीशा आ पर्वम परमपरभुमी

'दाऊद कली गेशो सोदंशा पा गो इ कली आसीक गेनन' दे बरेक्पाइश्शा बाक्व । यसैया ५५:३ ३४ मोपतीक दाऊदमी भजन संग्रह कामी 'परमपरभु यावे, इन योत्रशा तौ कली बरेक्शा लशा यो, राक्चा मगेनीनी' दे बरेक्शा बाक्त । भजन संग्रह १६:१० ; पररित २:२७ ३६ दाऊदमी मेको लोत्र बरेक्शा बाक्त हना यो, आंम पर्वम ममाइ । मारदे हना दाऊदमी परमपरभु यावेमी गेशो सासन पन थुम्शा बरेक्शा, आ किकी पिपी आन कली थिम्तीकमी थिम्चा पुंडसीशा राक्शा लमाक्त । ३७ येसु चहिं बरेक्शा मरा । मारदे हना परमपरभु यावेमी मेको कली बरेक्शा रे संताक्व । ३८ मोपतीक आं लोकवपुकी, आं लोत्र रुपीन । मेको येसुमी मुर आन पाप क्याम्शा गेब, दे इन कली शंनीकी । रोमी ८:३-४ ३९ येसु कली थमा सुइक्व नेल्ल आन पाप क्याम्चा पुंडसीनीम । मिनु आन पाप क्याम्चा पुंडसीशा, परमपरभु आ डांडती पाप मपथु बाक्शा तांडसीनीम । मोसामी बरेक्शा लोत्रमी इन पाप क्याम्ने मचाप्ब । मारदे हना मेको लोत्र नेल्ल टिन मचाप्तीक पापी दुम्तीनी । रोमी १०:४ ४० मोपतीक होस पांडसीन । साइ परमपरभु यावे आ लोत्र पाइबमी ४१ 'ए, गे शुक्शी पाइबपुकी, छ्क लाक्चा डा पा पुल दुम्शा लन । मारदे हना गो इन पालामीन गेय का पाइनुड । तन्न गे थमा मसुइक्नीनी । मिनु सुइमी इन कली शंताक्म हना यो गे थमा मसुइक्नीनी' दे पावलमी शंदीमी बाक्त । हबकुक १:५

४२ मिनु गरुम्तीक खिं रे गरुशा गाक्चाम्सेनु, आस लोत्र नंबपुकीमी "मुल जाक्शा नाइक्तीक नाक्ती लेंशा शंचा नकी" दे पुन्म बाक्त । ४३ मिनु गाक्सानु, यहूदी नु यहूदी धर्म मानब शुशमी मेको आस नोले खोदम बाक्त । मेको निकशीमी "परमपरभु यावेमी इन कली शिशी पा खरीस्त कली थमा सुइक्व सेल्लु । मुल डा मरे मेको थमा सुइक्तीक मप्रांनीन" दे मदस बाक्त ।

### खरचा पुंडसीशा

४४ मिनु नाइक्तीक नाक्त जाक्मेनु, सहर डा मुर नेल्ल जाक्शा, परमपरभु यावे आ लोत्र शंशा नंथ देल्मा बाक्त । ४५ मोपा शुश मुर देल्शा तशा, यहूदी आन थुं चोत्रमे बाक्त । मिनु पावलमी लोत्र शंदानु, मेकोपुकीमी आ लोत्र खरोइश्शा, जिचा पोक्मे बाक्त । ४६ मिनु पावल नु बारनावासमी यो महिंथु ठेयब थुं पा "अरु आन क्येडा डांडती इन कली परमपरभु यावे आ लोत्र नंपाइक्चा माल्शा । गेपुकीमी चहिं

मनेनीनी, नोफा मदाइक्नीनी, थमा मसुइक्नीनी । इन मोदेशो पशोमी गेना हना यो बरांडशा बाक्चा मताइनीनी । जाम्शा लाइनीकी, दे तुइक्तीने । मुल डा मरं इन कली शंचा परांडशा, अर्का रागी डा मुर आन कली शंथ गाक्नस्कु । पररित ३:२५-२६ ; मत्ती १०:५-६ ४७ आमा शंब दुम्शा, गाक्शा मनस्कु । परमपरभु यावेमी आंस कली आ लोत्र शंब सल्लु । मिनु मेकोमी 'गो इ कली नेल्ल रागी डा, नेल्ल जात डा मुर आन कली लां कांडशा, छुड-छुड दुम्शा रुप्पाइक्चा कली सोइक्ताक' दे बरक्शा बाक्ब" देसा बाक्त । यसैया ४९:६ ४८ मिनु अर्का रागी डा मुरपुकीमी "मुल गो यो पाप रे बरांडचा ताइबाक्तक" दे रुष्शा थाम्पा ग्यरसीशा, परमपरभु यावे कली ठेयब सेल्मे बाक्त । परमपरभु यावेमी डांडती रे योत्रशोपुकीमी खरीस्त कली थमा सुइश्शा, गेना हना यो बरांडशा बाक्चा ताइब दुम्मा बाक्त । रोमी ८:२९-३०

४९ मिनु खरीस्त आ पर्वम शंशो लोत्र मेको रागीमी तइ तइ बरमाक्त । ५० खरीस्त कली थमा मसुइक्ब यहूदीपुकीमी यहूदी धर्म मानेब ठेयब मीश मुर नु सहर डा सरकार डा ठेयब मुर आन कली पोक्शा, पावल नु बारनाबास आस कली मेको रागी रे गरुइदम बाक्त । ५१ मेको निक्शी चहिं आस खोइल डा फुरकु थुर थुर पा ताइश्शा, गाक्शा आइकोनीयम सहरमी जाक्दीस्सा बाक्त । पररित १६:८ ; मत्ती १०:१४ ५२ एन्टीओक सहरम बाक्ब थमा सुइक्बपुकी चहिं ग्यरसीशा, परमपरभु यावे आ सोक्तीम पिरंचा पुंडसमा बाक्त ।

### आइकोनीयम सहरमी शंशो

१ पावल नु बारनाबास आइकोनीयम सहरमी जाक्दीश्शा, यहूदी आन गरुस्तीक सिं लशा, मेकर सुम्सीशा बाक्शो आन कली खरीस्त आ लोत्र शंना शंन बाक्सा बाक्त । मिनु खरीस्त आ लोत्र नंशा, यहूदी नु ग्रीक शुशेमी थमा सुदमे बाक्त । २ मिनु थमा मसुइक्ब यहूदीपुकीमी अर्का रागी डा मुर आन कली पोक्शा "मेको आस शंशो लोत्र मनंचा" दे आन थुं हिरपा मरिम्शो पचा गोत्रम बाक्त । ३ मो दुम्शा यो पावल नु बारनाबास शुश नाक्त सम्म मेकर शंना शंन बाक्सा बाक्त । ठेयब थुं पा सुइ आन कली तशा महिथु, खरीस्त आ लोत्र शंदसन, परभुमी चिन्ड नु छक लाक्चा डा गेय पचा कली सक्ति गेशा, आस शंशो लोत्र

थमा सेला बाक्त । पररित १९:११ ; हिवरू २:४ ४ आस लोत्र नंशा, चिन्ड नु छक लाक्चा डा गेय पशा तशा, सहर डा मुरपुकी बराशा, का निक्शी थमा मसुइक्ब यहूदीपुकी नु गारमा बाक्त, का निक्शी खरीस्त आ सोइश्शा नु गारमा बाक्त । ५ मिनु अर्का रागी डा मुर, यहूदी नु आन हुकुम पाइब गारशा "शंब आस कली फुल्लु आप्शा मसाइक्ब मपरोइचा नसी" दे साइक्चा माल्म बाक्त । ६ तिमोथी ३:११ ६ मिनु पावल नु बारनाबासमी मेको आन मो पशो तुइश्शा, सहर रे परोक्शा, लाइकाओनीया रागी डा लिस्तरा नु डेखे सहर लसा बाक्त । ७ मिनु मेकर एर आंथ डा गाउं गाउं हिरना हिरन खरीस्त आ लोत्र शंना शंन गाक्सा बाक्त ।

### लिस्तरा सहरम शंशो

८ मिनु लिस्तरा सहरमी जरेमेस रे गाक्ने मचाप्ब आ खोइल मदुक्ब मुर का बाक्माक्त । ९ काबु मेको खोइल मदुक्ब मुरुमी पावल आ शंशो लोत्र थाम्पा नोफा दाइश्शा नंशा बाक्त । मिनु पावलमी मोपा नोफा दाइश्शा नंशा तशा, मेकोमी साबाक्ती, दे थमा सुदा बाक्त, दे तुइश्शा, मत्ती ९:२८ १० मेको कली मिक्च मयाक्थु कोत्रशा, ठेयब संदा पा "इ खोइल दिशा बोक्शा रपो" दे मदा बाक्त । मो मदानु, मेको छुल बोक्शा राष्शा एर आंथ गाक्माक्त । ११ मिनु मोपा सापाइश्शा तशा, छक लाक्शा, मेकर दल्शापुकीमी आन लाइकाओनीया डा लोत्र पा "इ देवता मुर खोदेशो दुम्शा यिशा, गोपुकी नु काथा बाक्सा बाक्त" देमुमा बाक्त । पररित २८:६ १२ मिनु बारनाबास कली जिउस नु पावल कली हेरमेस, दे देवता आस नं वोदमे बाक्त । मारदे हना पावल चहिं लोत्र पस जोक्बाक्माक्त ।

१३ सहर ओत्रतीक आ नेक्था जिउस देवता आ थान सेल्शो बाक्माक्त । मिनु जिउस कली चदेबमी चदेचा कली ब्यफ नु फू माला चाक्पाइक्मी बाक्त । १४ मिनु बारनाबास नु पावलमी मेकोपुकीमी गो इंस कली देवता मानेशा हुश जारशा चदेचशो बाक्नीमी, दे तुइश्शा, आस वा खाक्शा दोरशा लशा, मुर आन दातेमी जाक्दीस्सा बाक्त । १५ मिनु ठेयब संदा पा "ए गेपुकी, मार पचानी ? गो देवता मनस्कु, इन खोदेशो मुर कका नस्कु । इन कली ग्यरपाइक्ब लोत्र शंथ जाक्शो नस्कु । मूर्ति पूजा पचा परांडशा, गेना हना यो बरांडशा बाक्ब परमपरभु यावे गो इन थुं हिरदीने । मेकोमी

सरीड, रागी, समुन्दर नु मेकर मार मार बाक्मा, मेको नेल्ल सेल्लो बाक्व, दे तुइक्तीने। परंरित १०:२६ १६साइ डोंडती रे मुल सम्म परमपरभु यावमी रागी नेल्ल आन कली आन दला दाक्स पचा गेशो बाक्त। परंरित १७:३० १७ आन दला दाक्स पा बाक्तेक्म हना यो, परमपरभुमी मेको आन कली तुइक्पाइसीन सीन बाक्त। दोपा तुइक्पाइसीन सीन बाक्त देशा हना, रउ यिपा मार मार वापा इन कली जाक्दीत्वा डा पा जचा नु फेक्चा गेशा, ग्यरशा बाक्चा गेशो बाक्त” देसा बाक्त। १८ मिनु देवता मानशा हुश जारशा चढेचा ममाल्ब देसानु यो, हेरर हेररा चढेमे बाक्त।

१९ मिनु नोले एन्टीओक नु आइकोनीयम सहर रे थमा मसुइक्व यहूदीपुकी जाक्मा बाक्त। मेकोपुकीमी सहर डा मुर आन कली पोक्शा, पावल कली सोइक्चा कली फुल्लु करोम्पदमे बाक्त। मिनु बेक्त, दे आ रां लाइश्शा, सहर रे गरुंडशा ताइक्तेमे बाक्त। २कोरिन्थी ११:२५ ; २तिमोथी ३:११ २० मिनु थमा सुइक्वपुकी कोव्रथ लशा, पावल आ एर ओंथ राम्मानु, संसीशा बोक्शा सहर लेम्माक्त। मिनु आ दीसा बारनाबास नु गाक्शा, डेरबे सहर जाक्दीस्सा बाक्त।

### एन्टीओक लेशो

२१ मिनु डेरबे सहरमी शुश मुर आन कली येसु आ ग्यरपाइक्व लोव्र शंशा रुपदसनु, शुश मुस्मी थमा सुदमे बाक्त। मिनु मेकर रे लशा लेशा लिस्तरा, आइकोनीयम नु पिसीदीया डा एन्टीओकमी जाक्दीस्सा बाक्त। २२ मेको सांफा सहर डा थमा सुइक्व आन कली “मार दुम्त हना यो, थमा सुइक्चा मप्रोनीन। इन सोइल थेक्शा बाक्कीने। खरीस्त आ नेमी शुश श्येत जचा पुंडसीशा ला परमपरभु यावे आ राज्य ओव्रचा ताइनय, दे रुपीने” दे आन थुं बारपदसे बाक्त। रोमी ५:३-५ ; १थिस्सलोनिकी ३:३ २३ मिनु ते ते थमा सुइक्वपुकी गरुम्शा बाक्मा, मेक मेक शंबे खाल्पापुकी वोइक्ना वोइक्न, माइजा बाक्शा, परार्थना पना पन, परभु कली थमा सुइश्शा, थमा सुइक्व आन कली परभु आ गुइमी जिम्मा गेना गेन गाक्सा बाक्त। परंरित ६:६ २४ मिनु पिसीदीया रागी रे गाक्शा, पाम्फोलीया रागी जाक्दीस्सा बाक्त। २५ मिनु परगा सहरमी खरीस्त आ लोव्र शंशा, मेकर रे बरुष्शा अत्तलीया जाक्दीस्सा बाक्त। २६ अत्तलीया

सहरमी जहाज डोइश्शा, समुन्दर शोक्शा, एन्टीओक सहरम जाक्दीस्सा बाक्त। डोंडती एन्टीओकम बाक्सानु, परमपरभु यावमी मेको आस कली खरीस्त आ लोव्र शंथ योव्रशा बाक्माक्त। मिनु थमा सुइक्वपुकीमी मेको आस कली परभु कली जिम्मा गेशा, शंथ सोइश्शा बाक्मा बाक्त। मिनु मुल शंन थुम्शा लेशशा जाक्सा बाक्त। परंरित १३:१-२ २७ मिनु जाक्शा थमा सुइक्व आन कली सुष्शा, दोपा परमपरभु यावमी आं नु बाक्शा गेय पपाइश्शा आसीक गेवा, दोपा अर्का रागी डा मुर आन कली थमा सुइक्पा, पाप रे बरोइतीक लां कांइशा, आ मुर सला, मेको लोव्र नेल्ल तुइक्पदसे बाक्त। १कोरिन्थी १६:९ २८ मिनु शुश नाक्त सम्म थमा सुइक्वपुकी नु काथा बाक्सा बाक्त।

खरोइक्तीक चिनु आ पर्वम लोव्र

१ मिनु नोले यहूदीया रागी रे मुरपुकी १५ यिशा, एन्टीओकमी जाक्मा बाक्त। मेकोपुकीमी “साइ मोसामी देशो खरोइक्तीक चिनु खरोइक्चा माल्ब। मपाइतीनी हना, पाप रे बरोइचा मताइनीनी” दे शंबाक्मा बाक्त। गलाती ५:२ २ मिनु पावल नु बारनाबासमी मोदे शंशा नेशा, मेको आन शंशा लोव्र मबिस्सा बाक्त। मेकोपुकीमी खरोइक्तीक चिनु खरोइक्चा माल्ब देमा बाक्त। पावल नु बारनाबासमी चहिं खरोइक्चा ममाल्ब, देसा बाक्त। मिनु लोव्र निक्शी दुम्तीक थमा सुइक्व आन थुं ग्याल्माक्त। मिनु पावल, बारनाबास नु का निक्शी आन कली योव्रशा, यरूसलेममी बाक्व सोइश्शापुकी नु गरुम्तीक डा शंबे खाल्पा आन कली हिल्लो पथ सोइक्तेमे बाक्त। गलाती २:१ ३ मिनु योव्रशा सोइक्चा पुंडसीशापुकी एन्टीओक रे गाक्शा, यरूसलेम डा लां सोइश्शा डोंडती फोनीसीया, नोले सामरीया रागीमी जाक्दीम्मा बाक्त। मिनु ते ते जाक्दीम्मा, मेक मेक डा थमा सुइक्व आन कली गरुम्शा “अर्का रागी डा मुरपुकीमी यो खरीस्त कली थमा सुइश्शा, पाप रे बरोइचा ताम्तेक्म” दे तुइक्पाइक्ना पाइक्न गाक्सा बाक्त। मिनु नेबपुकी शुश ग्यरसमा बाक्त।

अर्का रागी डा मुर आन पर्वम सल्ला पशो

४ मिनु यरूसलेममी जाक्दीम्मानु, थमा सुइक्वपुकी, खरीस्त आ सोइश्शा, थमा सुइक्व आन शंबे खाल्पा नेल्लेमी मान पा

बुरामे बाक्त । मिनु परमपरभु यावेमी पपाइशशो गेय दोपा पामे, मार दुम्म, मेको लोत्र नेल्ल देमा बाक्त । ५थमा सुइक्व का निक्शी फरिसी बाक्मा बाक्त । मेकोपुकीमी बोक्शा “अर्का रागी डा मुरपुकीमी खरीस्त कली थमा सुइक्व दुम्मानु, इं यहूदी धर्म डा खरोइक्तीक चिनु खरोइक्चा माल्नीम, मोसामी अरशा नेल्ल पचा माल्नीम” देमा बाक्त । ६मिनु खरीस्त आ सोइशशापुकी नु थमा सुइक्व शंब खाल्पापुकी खुम्सीशा “मेको लोत्र निक्शीमी तेको लोत्र टिशा पचा ?” दे लोत्रसी पमुमा बाक्त ।

७मिनु शुश लोत्र पमुमानु, पतरुस बोक्शा “आं लोकवपुकी, नोफा दाइशशा नेनीने, खरीस्त आ लोत्र बरचा गोवानु, परमपरभु यावेमी अर्का रागी डा मुर आन कली शंशा, ग्यरपाइक्व लोत्र थमा सुइक्पाइक्थ, आं कली योत्रती, दे तुइशशा ननी । पररित १०:४४ ; पररित ११:१५ ८मुर नेल्ल आन थुं तुइक्व परमपरभु यावेमी यहूदी इं कली गेशो खोदेशो पा अर्का रागी डा मुर आन कली यो आन थुंमी आ सोक्त गोप्तु । ९मेकोपुकीमी यसु खरीस्त कली थमा सुइक्तीकमी माफ तशा, गा नेल्ल का दुम्शो बाक्नीकी । १०परमपरभु यावेमी मेको आन कली रिम्शो सल्लु, दे तुइशशा, इं किकी पिपीमी लाइ यो कुरन मचाप्चा डा भारी मेको आन कली कुरपाइक्चा दुम्बा डा ? परमपरभु क्येडा लाक्शा जोक्व तुइक्व दुम्चा शिरबा डा ? मत्ती २३:४ ; गलाती ५:१ ११मारदे हना परभु येसुमी इं कली शिशी पतीक पाप र बरोइचा ताइतय, दे थमा सुइक्तय । मेकोपुकीमी इं खोदेशो पा परभु आ शिशी तशा थमा सुइक्व दुम्तकम” दे पतरुसमी माइक्मी बाक्त । मिनु नेल्ल ब्यालेइ पामे बाक्त । गलाती २:१६ ; एफिसी ४:२-१०

१२मिनु बारनाबास नु पावल आस पालो लोत्र पचा गोम्से बाक्त । अर्का रागी डा मुरपुकी नु बाक्सानु, दोपा परमपरभु यावेमी चिन्ड नु छक लाक्चा डा गेय पपदा, मेको लोत्र नेल्ल तुइक्पदसे बाक्त । १३मेको लोत्र पने थुम्स नोल याक्वमी “आं लोकवपुकी, इन नोफा दाइशशा, आं लोत्र नेनीने । पररित २१:१८ ; गलाती २:९ १४परमपरभु यावेमी अर्का रागी डा मुर आन कली यो योत्रशा, आ मुर सल्लु, दे सिमानमी तुइक्पाइक्तु । नेल्ल क्येडा डाइती दोदेशो दुम्म, मार दुम्म, मेको लोत्र शंताक्व । १५अर्का रागी डा मुर आन कली योत्रशा, आ मुर सल्लु, दे साइ नसी परमपरभु यावे आ

लोत्र पाइवपुकीमी बरेक्शा आन लोत्र नु गारव । १६मेको नेल्ल दुम्शा नोल गो लेशशा जाक्नुड । मिनु साइ दाऊदमी सेल्पाइशशा बरेक्शा खिं लेशा सेल्लुड । मार मार बरेक्शा बाक्मा, मेको नेल्ल गो नक सेल्लशा वोइक्नुड । १७मारदे हना योत्रचा पुंडसीशा अर्का रागी डा मुरपुकीमी आं कली तुइशशा, आं मुर दुम्मल, दे मा पाइक्नुड । १८साइ र गो मोदेशो लोत्र तुइक्पाइक्ना पाइक्न पिती” दे बरेक्शा बाक्व । आमास ९:११-१२ १९मोपतीके परमपरभु यावे आ देशो तुइशशा, दोदेशो मिम्चा माल्नेय देशा हना, अर्का रागी डा थमा सुइक्व आन कली श्यत मगेचा । २०मेको आन कली “मूर्ति कली चदशो मजचा, तेल्लेम मपचा, हुश मचुइक्थु साइशशा श्य मब्वचा, हुश मब्वचा” दे चिठी बरेक्शा बाक्त । लेवी १९:४ ; लेवी १९:२९ ; लेवी ३:१७ २१परमपरभुमी मोसा कली बरेक्पाइशशा लोत्र चहिं तुइक्नीम । मारदे हना साइ रे नाइक्तीक नाक्त इं गरुम्तीक खिंमी नेशा तुइक्नीम” दे माइक्मी बाक्त । पररित १३:१५

अर्का रागी डा मुर आन कली चिठी

२२मिनु याक्व आ लोत्र नेशा, नेल्ल थुं का दुम्शा, आ देशो बिस्समा बाक्त । मिनु चिठी बरेक्शा, मेको चिठी चोत्रथ मुर योत्रशा, पावल नु बारनाबास, नु काथा एन्टीओक सोइक्चा, दे सल्ला पामे बाक्त । मेको योत्रशा का यहूदा नु का सिलास बाक्सा बाक्त । यहूदा आ याइनी ने बारसाबास बाक्माक्त । यहूदा नु सिलास थमा सुइक्व आन कली शंब खाल्पा बाक्सा बाक्त । २३मेको चिठीम चहिं “एन्टीओक, सिरिया नु सिलीसीया डा अर्का रागी डा येसु खरीस्त कली थमा सुइक्व आंइ लोकवपुकी, गो यरुसलेम सहरम बाक्व खरीस्त आ सोइशशा, आंइ गरुम्तीक डा शंब खाल्पा नु थमा सुइक्व लोकव नेल्लेमी इन कली ‘रिम्शो बाक्कीन’ देशा बरेक्शा सोइक्ताक्क । २४गोपुकी नु बाक्व का निक्शी इन बाक्तीकमी जाक्शा, इन थुं क्याल्तेक्म देशो लोत्र नंतक । मेको आंइ सोइशशा मबाक्नीम । २५मोपतीके गो नेल्ल थुं का दुम्शा, मुल इन थुं नाइक्पाइक्चा कली इं दाक्शा बारनाबास नु पावल नु काथा लोत्र कुरव मुर इन बाक्तीक सोइशशा बाक्नीकी । २६बारनाबास नु पावल इं परभु येसु खरीस्त आ नेमी बेक्चा यो महिंब बाक्नीसी । २७आंइ मिम्शो नु आंइ देशो नेल्ल

मेको आंइ सोइश्शा यहूदा नु सिलास निक्शीमी इन कली तुइक्पाइक्नीसी। मिनु गे लोत्र नेल्ल तुइक्नीनी। २८ इन कली रुप्पाइक्चा माल्शो लोत्र चहिं परमपरभु यावे आ सोक्तीमी आंइ कली रुप्पाइश्शा लोत्र बाक्व। मिनु मेको लोत्र इन कली शंनीकी। इन कली हेल्शो भारी कुरपा गाक्पाइश्शा खोदंशो लोत्र ममाइ। २९ मेको लोत्र मार बाक्व दंशा हना भूतिं कली चदेशो मज्जा, हुश मब्बचा, हुश मचुइक्थु साइश्शा श्य मब्बचा, तेल्लेम मपचा' एको लोत्र टीतीनी हना, गे रिम्शो दुम्नीनी। आंइ लोत्र ओशोन बाक्व" दे बरक्वशो बाक्माक्त।

३० मिनु यरूसलेम रे बरुष्शा एन्टीओक जाक्दीश्शा, थमा सुइक्व आन कली बरश्शा, मेको चिठी गेम्से बाक्त। ३१ मिनु मेकोपुकीमी चिठी प्राक्शा पदेशा, ग्येरसमा बाक्त। ३२ यहूदा नु सिलास परमपरभु यावे आ लोत्र पाइव यो बाक्सा बाक्त। मिनु मेको निक्शीमी शुश लोत्र पा लोकव आन थुं बारपदसे बाक्त। पररित ११:२७; पररित १३:१ ३३ मिनु शुश नाक्ती एन्टीओकम शंना शंन बाक्शा, यरूसलेम लेत्वी ना यहूदा ला लेम्माक्त। ३४ सिलास चहिं एक उइ बाक्नुऊ, दे बाक्माक्त। ३५ पावल नु बारनाबास एन्टीओकम बाक्शा अरु नु गारशा, परभु आ लोत्र तुइक्पाइक्ना पाइक्न शंना शंन बाक्सा बाक्त।

#### पावल नु बारनाबास ब्राशो

३६ मिनु काबु पावलमी बारनाबास कली "डॉइती ते ते परभु आ लोत्र शेंथ हिरससा, मेक मेक डा थमा सुइक्वपुकी दो पाम, मार पाम, कोव्रथ लस" देमाक्त। ३७ मिनु बारनाबासमी "यूहन्ना, आ याइनी नें मर्कूस कली यो काथा लाइश्शा लस" देमाक्त। पररित १२:१२,२५ ३८ पावलम चहिं मलाइक्चा, दे मबिस्स बाक्त। मारदे हना डॉइती काथा गाक्शा, पाम्फोलीया रागीमी बाक्मानु, गेय प्रांइशा आ का ला लेश्शो बाक्माक्त। पररित १३:१३ ३९ मिनु बारनाबास लाइक्चा, पावलमी मलाइक्चा देतीके मेको आस लोत्र मगारथु, जिशा बरासा बाक्त। मिनु बारनाबासमी मर्कूस कली लाइश्शा, जहाज डॉइश्शा साइपरस लमाक्त। ४० पावलम चहिं सिलास कली योत्रडा बाक्त। मिनु थमा सुइक्वपुकीमी परमपरभु यावेमी पावल नु सिलास आस कली रिम्शो कोव्रडल, आसीक गेवल, दे परार्थना पशा सोइक्तमे

बाक्त। ४१ मिनु मेकर रे लशा, सिरीया नु सिलीसीया रागीमी जाक्दीश्शा, थमा सुइक्व आन थुं बारपदसे बाक्त।

#### तिमोथी कली योत्रशो

१ मिनु डेरबे सहरमी जाक्दीश्शा, मेकर १६ रे लशा, लिस्तरा सहरमी जाक्दीस्सा बाक्त। मिनु लिस्तरामी तिमोथी नें पाइश्शा थमा सुइक्व का गरुम्से बाक्त। तिमोथी आ ममा खरीस्त कली थमा सुइक्व यहूदी जात डा बाक्माक्त। आ आफ चहिं गरीक बाक्माक्त। पररित १७:१४; पररित १९:२२; पररित २०:४; फिलिप्पी २:१९-२२; १थिस्सलोनिकी ३:२,६; २तिमोथी १:५ २लिस्तरा नु आइकोनीयम सहरमी बाक्व थमा सुइक्व नेल्लेमी तिमोथी रिम्शो मुर बाक्व देबाक्मा बाक्त। ३ मिनु पावलमी तिमोथी कली गेय पाइव वारच सेल्शा, काथा लाइक्चा देमाक्त। मिनु यहूदीपुकीमी तिल्शा मवोदमेक्ल, दे खरोइक्तीक चिनु खरोइक्पदा बाक्त। मारदे हना तिमोथी आ आफ गरीक बाक्व, दे नेल्लेमी तुइश्शो बाक्मा बाक्त। गलाती २:३ ४ मिनु काथा लाइश्शा, गाउं सहर हिरना हिरन गाक्शा, थमा सुइक्व आन कली गरुष्शा, यरूसलेमम बाक्व खरीस्त आ सोइश्शापुकी नु गरुम्तीक डा शंभ खात्पा आन दंशो लोत्र नेंपदमे बाक्त। पररित १५:२३-२९ ५ मोदंशो नेंपा गाक्मानु, थमा सुइक्व आन थुं बारपदमे बाक्त। मिनु नाक्त कित कित थमा सुइक्वपुकी तेम्सीशा, शुश दुम्मा बाक्त।

#### परमपरभु आ सोक्तीमी लां कांइशो

६ मिनु परमपरभु यावे आ सोक्तीमी पावल नु आ वारच आस कली एसीयामी शंचा मगेतीके फिरगीया नु गलातीया रागी लमा बाक्त। पररित १८:२३ ७ मिनु माइसीया आ नेक्था जाक्दीश्शा, मुल बिथीनीया रागी ओव्रचा, दे थुं पाम बाक्त। तन्न येसु आ सोक्तीमी लचा मगेमी बाक्त। ८ मोपतीके माइसीया लां रे पा बरुष्शा, तरोआस सहरम जाक्दीम्मा बाक्त।

#### मासीडोनीया लशो

९ मिनु तरोआस सहरमी बाक्मानु, काबु नाक्दो परभुमी पावल कली कांइतीक कांइदा बाक्त। मार कांइदा बाक्त दंशा हना, मासीडोनीया रागी डा मुर का पावल आ डॉइती राष्शा

“आंइ मासीडोनीया रागी पिशा, आंइ कली वारच पाइक्चा नकी, हजुर” दे पुंड्रशो तवा बाक्त। १० मेको कांडतीक तशा, पावल छुल बोक्शा “मासीडोनीया लय” दंत। मोपतीके गो यो सासाक्क। परभुमी मासीडोनीया डा मुर आन कली ग्येरपाइक्तीक लोत्र शंथ सोइक्ता बाक्त, दे नेल्लमी रुत्तक। ११ मिनु तरोआस सहरमी जहाज डाइश्शा तइ महिरथु, सामोथरस टापु लां पा आ दोसा नाक्ती निआपोलीस सहरमी जाक्दीत्तक। १२ मेकर जाक्दीश्शा जहाज रे तांडसाक्क। मिनु गाक्शा फिलिप्पी सहरमी जाक्दीत्तक। फिलिप्पी मासीडोनीया रागी डा ठेयब सहर का बाक्क। मेको रागी रोमी आन गुइमी बाक्माक्त। गोपुकी फिलिप्पी सहरमी इक्का नाक्ती बाक्तक।

१३ मिनु नाइक्तीक नाक्त सहर रे गरूशा, खोला आ नेक्था लाइत्तक। मारदे हना खोला आ नेक्थामी यहूदी आन परार्थना पथ बुक्तीक बाक्म कां, दे मिम्शा, मेक जाक्दीत्तक। मिनु जाक्दीक्कानु, मीश मुरपुकी सुम्सीशा बाक्शा थित्तक। १४ मिनु मेको आन कली लोत्रसी पना पन येसु आं लोत्र शंताक्क। आंइ लोत्र नंब का चहिं थिआटीरा सहर रे जाक्शो वा पसल दाइक्क लिडीया नें पाइश्शा मीश मुर का बाक्त। मेको लिडीया परमपरभु यावे कली मान पा ठेयब सेल्ब बाक्बाक्माक्त। मेकोमी पावल आ लोत्र थम नोफा दाइश्शा नंतु। मिनु परभुमी रुप्वा थुं गन्तु। १५ मिनु थमा सुइक्क दुम्शा, ब्वाक्कुम खरूम्शा गरुइचा पुंड्रसाक्क। आ खिं डा मुर नेल्ले यो थमा सुइक्क दुम्शा, ब्वाक्कुम खरूम्शा गरुइचा पुंड्रसाक्क। ब्वाक्कुम खरूम्शा गरुइचा पुंड्रसीशा नोले लिडीयामी “गोपुकीमी परभु कली थमा सुइक्क बाक्माक्त, दे मिम्ताक्योनी हना, आं खिंमी बास बाक्थ जाक्कीन। आं खिंमी मजाक्थु मदुम्ब” दे माइक्तीकी। मिनु लिडीया आ खिं लशा बाक्तक।

येसु आ नें थिशा वोल खरेशो

१६ मेकर बाक्शा गो परार्थना पथ खोला आ नेक्था लना लन पकानु, काबु वाइलीम मीश आल का लांमी गरूत्तक। मेको मीश आल वोलम गेशो सक्ति तशा, मुर आन कली नोले दुम्ब लोत्र नेल्ले तुइक्पाइक्बाक्माक्त। मोपा आ होव्रप आन कली शुश क्येट चेम्शा गेबाक्माक्त। १७ मिनु लांमी गरूम्शा, आंइ नोले सोइश्शा

“एको मुर नेल्ले क्येडा ठेयब परमपरभु यावे आ गेय पाइब नमी। पाप रे दोपा बरोइचा, दे शंशा गाक्क नमी, इन कली लां कांडब नमी” दे रयेके पना पन पित। मर्कूस १ :२४,३४ १५ नाक्त कित कित मेकोमी मोदंशा, रयेक पवानु, पावल बरीताक्क। मिनु काबु पावल नोले हिरशा, कोव्रशा वोल कली “गो येसु खरीस्त आ नें थिशा गरूशा लावा, देनुड” दे हुइश्शा खरतु। मर्कूस १६:१७ ११ मिनु वोल गरूशा, लम डा मेर नोले दुम्ब लोत्र तुइक्तीक सक्ति जाम्त। मिनु आ होव्रपपुकीमी क्येट का यो मतामे। मिनु चुरशा, पावल नु सिलास आस कली ग्याइश्शा कोशा, सहर डा दिम कामी चाक्शा, ठेयब मुर निसाफ पाइब आन डांडती राप्पाइक्तेक्म। २० मिनु “एको मुर यहूदी नसी। इं सहरमी जाक्शा, मुर आन थुं ग्याल्पाइश्शा शुश श्येत गेम्ताक्से। पररित १७:६ २१ इं रोमी एन कानुनम मगराचा डा दली शंशा, आस पतीके पपाइक्का बोल पाम्ताक्स” दे दोस गेम्तेक्म। २२ एर आंथ जाक्शा देल्थोपुकीमी यो “एको आस कली तुप्वा माल्ब” दे रयेके पाम्तेक्म। मिनु निसाफ पाइबपुकीमी पावल नु सिलास आस कली आस फेक्शो वा परुइश्शा, कोक्केम तुप्पाइक्तेक्म। २३ कोरिन्थी ११:२५ ; फिलिप्पी १:३०; १ थिस्सलोनिकी २:२

जेल्खानम चोक्चा पुंड्रसीशो

२३ मिनु तुप्शा जेल्खानमी चोक्चा दंतक्म। मिनु जेल्खान डा ठेयब मुर कली “परोक्केन मचाप्वा डा पा चोक्पाइश्शा वोतो” दे माइक्तेक्म। २४ मिनु मेकोमी मेको आस कली नेल्ले क्येडा आगा डा कोठा लाइश्शा, ठेडरो थोक्शा वोइक्पदा बाक्त।

२५ नाक्को पावल नु सिलासमी परार्थना पा कुम्सो पा परमपरभु यावे कली ठेयब सेल्से बाक्त। आस परार्थना नु कुम्सो पशो जेल्खानमी चोक्सीशो नेल्लेमी नेन्मे बाक्त। २६ मिनु परार्थना नु कुम्सो पना पन बाक्सानु, ठेयब खिरनु कुशा, जेल्खान डा जग यो हिम्पदा बाक्त। खिरनुमी हिम्दानु, लाप्चो नेल्ले रोकसमा बाक्त। जेल्खानमी चोक्सीशो आन साडलो, ठेडरो नेल्ले बरुइक्का बाक्त। २७ मो दुम्मेनु, जेल्खान डा ठेयब मुर गरीचोक पा संसीशा छुल बोक्माक्त। मिनु लाप्चो नेल्ले रोकसीशो तशा “आमाइ, चोक्शो नेल्ले परोक्शा गाक्का बाक्त। मार पडा” दे आ

तरवार गिर शोइश्शा, क्योरसीशा बेक्नुड, दे क्योरसीचा मला बाक्त। २८ मिनु पावलमी क्योरसीचशा तशा “ए मपावो, मपावो, सुइ मपरोक्क। नेल्ल बाक्तक” दे बरम्माक्त। २९ मिनु बत्ती दाशा गेयीनी दंशा, चोक्शा आन बाक्तीक पावल नु सिलास आस डांडती लशा, खिरंखिर पा बाम्माक्त। ३० मिनु मेको आस कली गरुइशा “हजुर, आं पशा पाप मार पा क्याम्सीबा?” दे हिल्लो पवा बाक्त। पररित २:३७ ३१ मिनु पावल नु सिलासमी “परभु यसु कली थमा सुतो। मिनु गे नु इ खिं डा मुर नेल्लेमी पाप क्याम्चा पुंडसीशा गेना हना यो बरांडशा बाक्चा ताइनीनी” दंसा बाक्त। ३२ मिनु मेको ठेयब मुर नु आ खिं डा मुर नेल्ल आन कली परभु आ लोत्र तुइक्पदस बाक्त। ३३ मिनु ठेयब मुर नु आ खिं डा मुर नेल्लेमी थमा सुइश्शा ब्याक्कुमी खरुम्शा गरुइचा पुंडसमा बाक्त। पावल नु सिलास आस तुप्शा गार नेल्ल चिक्तमे बाक्त। ३४ मिनु आ खिं लाइश्शा, जचा तुचा सेल्शा थुल्मे बाक्त। मिनु नेल्लेमी “परमपरभु यावे कली थमा सुइक्व दुस्तय” दे थाम्पा ग्यरसमा बाक्त।

३५ आ दीसा सुनी ठेयब मुर निसाफ पाइबपुकीमी “मेको आस कली परांडचा नसी” दे सिपाही आन कली जेल्खानमी सोइक्तमे बाक्त। ३६ मिनु जेल्खान डा ठेयब मुरुमी पावल कली “गे इस कली परांडचा नसी, दे निसाफ पाइबपुकीमी सिपाही कली सोइक्ताकमे। सुइमी इस कली दोस गेन मचाप्नीम। रिम्शा पा लस” दंमाक्त। ३७ मिनु पावलमी सिपाही आन कली “गो मोशा मलाइनस्कु। मारंदे हना सिनाक्त आंस कली मारइ मरुथु दोस का यो मगरुइथु मुर नेल्ल आन कुल तुप्तीस्कीमी। तुप्शा ला ममाइ, जेल्खानमी यो चोक्तीस्कीमी। गो रोमी यो नस्कु। मिनु मो पचा मदुम्ब। आंस कली सुइ आन मतुइक्थु खरुइश्शा परांडशा सोइक्चा मगारब। गो लसीन मलाइनस्कु। सिनाक्त आंस कली चोक्पाइक्वपुकी जाक्शा गरुइदीस्कीमील” दंशा सिपाही आन कली लेश्शा सोइक्ता बाक्त। पररित २२:२५ ३८ मिनु सिपहीपुकी लशा, पावल आ दंशा लोत्र मेको चोक्पाइक्व आन कली दंमा बाक्त। मिनु मेको निक्शी रोमी यो बाक्सा बाक्त दंशा नंशा हिंमा बाक्त। ३९ मिनु हिंशा “लो, परांडथ लचा माल्ब” दंशा जेल्खानमी जाक्मा बाक्त। मिनु पावल नु सिलास आस कली “गो इस कली

मतुइक्थु चोक्पाइश्शा, मगाइक्तीसे, आंड सहर परांडशा, रिम्शा पा लस” दे मिलो शिलो पा गरुइशा सोइक्तमे बाक्त। ४० मिनु जेल्खान रे गरुशा, लिडीया आ खिं जाक्ताक्स। मिनु पावल नु आ वारचपुकीमी थमा सुइक्व आन कली गरुम्शा, आन थुं बारपाइश्शा वोइश्शा गाक्तेकम।

### थिस्सलोनीकी सहरम शंशा

१ मिनु मेकर रे लशा, अम्फी-पोलीस १७ नु आपोल्लोनीया सहरमी हिरशा, थिस्सलोनीकी सहरमी जाक्तीम्मा बाक्त। मेकर यहूदी आन गरुम्तीक खिं का बाक्माक्त। १ थिस्सलोनीकी २:२ २ पावल हिरशा गाक्मेनु, सहर सहर डा यहूदी आन गरुम्तीक खिं खिं ओत्रशा शंबाक्माक्त। मोपा थिस्सलोनीकी सहरमी यो गरुम्तीक खिं लशा, शंचा गोवा बाक्त। ३ नाइक्तीक नाक्ती सां सम्म परमपरभु यावे आ लोत्र रे पा यहूदी आन कली “पाप रे परांडब खरीस्त शुश श्यत जशा बेक्चा माल्ब। मिनु बेक्शा रे संसीचा माल्ब, दे बरक्शा बाक्ब। मेको मोदंशा श्यत जशा बेक्शा, बेक्शा रे संसीशा खरीस्त चहिं यसु बाक्त, दे रूपीने” दे शंदीमी बाक्त। लुका २४:२६-२७, ४५-४६ ४ पावल आ लोत्र नंशा “आ दंशा थमा बाक्माक्त” दे यहूदी का निक्शी थमा सुइक्व दुम्शा, पावल नु सिलास नु गारमा बाक्त। परमपरभु यावे कली मान पाइब गरीकपुकी नु ठेयब नं चलेशा मीश मुरपुकी शुशमी यो पावल आ शंशा नंशा थमा सुदमे बाक्त। १ थिस्सलोनीकी १:१; २ थिस्सलोनीकी १:१

५ शुश मुर आन कली थमा सुइश्शा तशा, थमा मसुइक्व यहूदी आन थुं चोत्रमी बाक्त। मिनु हंथे गाक्ब गेय मपाइश्शा मुर आन कली सुप्शा, सहरमी मरिम्शा मुर आन कली पोक्पाइश्शा, ठेयब रेयके पपदमे बाक्त। मिनु पावल नु सिलास यासोन आ खिंमी बाक्सा बाक्त, दाप्शा, यासोन आ खिं लशा “मेको आस कली गरुइशा, आंड गुइमी गेचा नकी” दे रेयके पामे बाक्त। ६ तन्न पावल नु सिलास मेको खिंमी मबाक्शा बाक्सा बाक्त। मिनु मेको आस कली मथित्यु, यासोन नु थमा सुइक्व आन कली ग्याइश्शा कीशा लाइश्शा, ठेयब मुर आन डांडती चाक्तीत्मे बाक्त। मेकोपुकीमी “नेल्ल रागी डा मुर आन कली आन थुं ग्याल्पाइश्शा, दूती पपाइक्वपुकी इं सहरमी यो जाक्तेकम। पररित १६:२७ ७ मिनु

एको यासोनमी मेको आन कली बास गेशा थुल्शा वोइक्तीमी। मेकोपुकीमी इं रोमी पिप सिजर कली ममानेचा। यसु कका पिप बाक्व, दे शंन शंन गाक्नीम” दे दोस गमे बाक्व। लुका २३:२८ मेको लोत्र नंशा ठेयब मुर नु अरु नेल्ल आन थुं ग्याल्मा बाक्व। १ मिनु यासोन नु आ वारच आन कली क्यट थाप्पाइश्शा परोइशा सोइक्तमे बाक्व। १० मिनु थमा सुइक्वपुकीमी पावल, सिलास नु तिमोथी आन कली में नाक्दान छुल छाल पोक्शा, बेरोइया सहर गे सोइक्तमे बाक्व। मिनु बेरोइया सहरमी जाक्दीश्शा, यहूदी आन गरुन्तीक खिं लशा, शंंचा गोत्रमे बाक्व।

### बेरोइया सहरमी शंशा

११ बेरोइया सहर डा यहूदीपुकीमी थिस्सलोनीकी डा मुर आन पशो सोदेशो मपामे बाक्व। तन्न नोफा दाइश्शा पावल नु सिलास आस लोत्र नंशा परमपरभुमी बरेक्पाइश्शा लोत्र नु मेको आस शंशा लोत्र गारबा देय मगारबा कोत्रचा कली नाक्व कित कित जाक्मा बाक्व। यूहन्ना ५:३१, १२ मिनु शुश मुरुमी थमा सुदमे बाक्व। गरीक रागी डा नं चलेशो मीश मुर वोइश मुर यो शुश थमा सुइक्व दुम्मा बाक्व।

१३ मिनु थिस्सलोनीकी सहरमी बाक्व यहूदीपुकीमी “पावलमी बेरोइया सहरमी परमपरभु यावे आ लोत्र शंबाक्माक्व” देशो नंशा जाक्शा, मुर आन कली पोक्शा दूली पपाइश्शा, पावल कली संदा पचा गोपदमे बाक्व। १४ मिनु थमा सुइक्वपुकीमी पावल कली समुन्दर आ नेक्था गे सोइक्तमे बाक्व। सिलास नु तिमोथी चहिं मेक उइ बाक्सा बाक्व। पररित १६:१

### एथेन्स सहरमी शंशा

१५ पावल कली चोत्रदीबपुकीमी एथेन्स सहर सम्म चोत्रदीमा बाक्व। मिनु लेत्चामेनु, पावलमी मेको आन कली “सिलास नु तिमोथी आस कली आं बाक्तीके रीब पा सोइक्चा नसी” दे सोइक्तीमी बाक्व।

१६ मिनु पावल एथेन्स सहरमे मेको आस कली रिम्शा बाक्मेनु, सहरमी हिरशा गाक्माक्व। मिनु सहरमी गाक्मेनु, तेइ तेइ शुश मूर्ति सेल्शा वोइश्शा तशा, आ थुं मनुमाक्व। १७ मिनु यहूदी आन गरुन्तीक खिं लशा, यहूदी नु परमपरभु कली मान पाइब अर्का रागी डा मुर आन कली यसु आ पर्वमे लोत्रसी पना पन बाक्माक्व। नाक्व कित कित सहरमी हिरशा, लांमी सु सु आन

कली गरुम्मी, मेको नेल्ल आन कली यसु आ पर्वमे शंन शंन गाक्माक्व। १८ मोपा मुर आन कली गरुमानु, इपीक्युरीपुकी, स्तोइकीपुकी नु यो गरुम्शा लोत्र पवा बाक्व। मेकोपुकीमी पावल आ शंशा नंशा का निक्शीमी “एकीमी मार हंथ फश लोत्र पना पन गाक्बाक्व” देमा बाक्व। का निक्शीमी चहिं “फश लोत्र ममाइ। मुल सम्म इं मतुइश्शा देवता आ पर्वमे शंबाक्व” देमा बाक्व। देवता आ पर्वमे शंबाक्व, दे मारदे देमा बाक्व देशा हना, पावलमी “यसु आ ग्येरपाइक्व लोत्र नु बेक्शो र संसीशा बरोइत” दे शंबाक्माक्व। १९ कोरिन्थी ४:१२, ११ मिनु मेकोपुकी पावल कली अरीयोपागस माइश्शा आन देल्शा बाक्तीकेमी लोत्र पथ चाक्दील्मे बाक्व। २० मिनु मेकोपुकीमी “गो मारइ मतुइक्नीकी। गो आंइ कली शंदीने, रुपतीने। इन शंशा लोत्र मार में, दे रुपचा दाक्नीकी” देमा बाक्व २१ एथेन्स डा मुर नु एथेन्स सहरमी बाक्व नेल्लेमी नक नक लोत्र पचा नु नंंचा कली नाक्व कित कित हिरशा माल्शा बाक्बाक्मा बाक्व।

२२ मिनु पावल अरीयोपागसमी राष्शा “एथेन्स सहरमे बाक्वपुकी, गो इन सहरमी हिरशा गाक्डानु, तेइ तेइ मूर्ति सेल्शा वोइश्शा ताता। मोपतीके गे मूर्ति आन कली सेउ पाइबाक्तीनी, पूजा पाइबाक्तीनी, दे रुपचा। २३ इन पूजा पशो मूर्ति कोत्रना कोत्रन गाक्डानु, मूर्ति कामी ‘मतुइश्शा देवता’ दे मुशा बरेक्शा वोइश्शा ताता। मुल सम्म इन मतुइक्थु मानंशा परमपरभु आ पर्वमे गो इन कली शंथ जाक्ती। २४ सरीड रागीमी मार मार बाक्मा मेको नेल्ल परमपरभुमी सेल्थो नम। मोपतीके सरीड रागी सेल्ब परमपरभु मुरुमी सेल्थो थान मन्दीरमी मबाक्व। १ कोरिन्थी ८:२७, २५ मुरपुकीमी परमपरभु कली मारइ गेचा ममात्नीमी। आं कका रागीमी बाक्व नेल्ल आन कली बरोइतीके सोक्व नु आन माल्थो नेल्ल गेशो बाक्व। भजन संग्रह ५०:१-१२, २६ डोंइती मुर का सेल्शा, मेको मुर र पा नेल्ल रागी डा मुर सेल्तीमी। दोशा बरोइचा, ते बाक्चा, मेको नेल्ल परमपरभुमी पने थुम्शा बाक्व। ब्यवस्था ३२:८, २७ मुरपुकीमी परमपरभु यावे कली माल्शा थिश्शा, मुर आन कली सेल्शा रागीमी वोइक्तीमी। मेको मुर आन क्येडा डोन मबाक्व, इं नेक्थान बाक्शा बाक्व। यसैया ५५:६, २८ मारदे हना परमपरभु नु काथा बाक्शा बरोइनय, दे तुइक्नय। गेपुकी नु बाक्व बरेक्व

मुर कामी भो नेल्ल परमपरभु आ तमी तौ नय' दे बरकशा बाक्त। २९ गोपुकी परमपरभु यावे आ तमी तौ दुम्शा, मुर आन मिम्शा आन गुडमी सेल्शा सुन चांदी फुल्लु मार मार के मूर्ति तशा, परमपरभु मोदंशो बाक्व, दे मिम्चा मदुम्ब। उत्पत्ती १:२७; यसेया ४०:१८ ३० मुल सम्म गे मतुइक्तीनी। मिनु मतुइक्थु देवता आन कली संउ पाइबाक्तीनी। मतुइक्थु मो पशो तुइश्शा, परमपरभु यावमी इन कली दोस मगेब। मुल चहिं परमपरभुमी मुर नेल्ल आन कली 'इन थुं आं गे लेत्तीन' दे बरप्ब। परंरित १४:१६; लूका २४:४७ ३१ मारदे हना काबु नेल्ल आन कली ठोक पा निसाफ पाइब। मेको निसाफ पची नाक्त परमपरभुमी योत्रशा वोइश्शो बाक्व। निसाफ पाइब यो योत्रशा वोइश्शो बाक्व। मेको निसाफ पाइब कली 'आं योत्रशो बाक्व' दे कोइचा कली बेक्शा रे संताक्व' दे पावलमी शंदीमी बाक्त। परंरित १०:४२; मत्ती २५:३१-३३

३२ मिनु बेक्शा रे संचा पुंडसाक्व, मुर नेल्ल बेक्शा रे संचा पुंडसीनीम, दे शंशो नंशा, का निक्शीमी "एको फश लोत्र पाइक्वाक्त, है" दे रिस्समा बाक्त। का निक्शीमी चहिं "इन शंशो रिम्शा लाक्तक, लंशा नंनीकी" दे गाक्मा बाक्त। ३३ मिनु पावल मेकर रे लमाक्त। ३४ का निक्शीमी आ लोत्र थमा सुइश्शा, पावल नु गारमा बाक्त। मोदंशो आ नु गारब का डियोनीसीयस नं पाइश्शो अरीयोपागस डा मुर बाक्माक्त। का डामारीस नं पाइश्शो मीश मुर बाक्माक्त। अरु यो बाक्मा बाक्त।

### कोरिन्थ सहरम शंशो

१ मिनु नोले पावल एथेन्स रे लशा, १८ कोरिन्थ सहरमी जाक्दीम्माक्त। २ मिनु कोरिन्थ सहरम बाक्मेनु, नक इटाली रे जाक्शो अक्वीला नं पाइश्शो यहूदी नु आ मीश पिरस्कीला आस कली गरुम्सी बाक्त। अक्वीला पोन्टसमी जरमेशो बाक्माक्त। मेको निक्शी डोंइती रोम सहरमी बाक्शो बाक्सा बाक्त। तन्न कलीदीयस माइश्शो रोमी पिपमी यहूदी नेल्ल आन कली रोम सहरम बाक्वा मगेथु, गरुइशा सोइक्तीक गाक्शा, कोरिन्थ सहरम जाक्शो बाक्सा बाक्त। रोमी १६:३ ३ मिनु पावल अक्वीला नु पिरस्कीला गरुम्शा, मेको नु काथा बाक्माक्त। मारदे हना डोंइती पावल मेको आस सोदंशो पा ताम्बु सेल्ब बाक्माक्त। मिनु सांफा दुम्शा गारशा,

गेय पामे बाक्त। परंरित २०:३४; १कोरिन्थी ४:१२ ४ नाइक्तीक नाक्ती पावल यहूदी आन गरुम्तीक सिं लशा, यहूदी नु गरीक नेल्ल आन कली खरीस्त आ पर्वम रुप्पदुमी, दे शंबाक्माक्त।

५ मिनु नोले सिलास नु तिमोथी मासीडोनीया रे जाक्शा, मक जाक्सा बाक्त। मिनु पावलमी "शंचा गेय ला पाइनुड" दंशा, यहूदी आन कली "यसु मेको खरीस्त बाक्व, दे रुपीन" दे शंना शंन गाक्बाक्माक्त। परंरित १७:१४-१५; २कोरिन्थी १:१९ ६ मिनु यहूदीपुकीमी आ शंशो थमा मसुइक्थु शुक्शो पामेनु, पावलमी आ फेक्शो वा डा फुरकु थुर थुर पा मेको आन कली "गे बेक्शा जाम्शा लाइतीनी हना, आं कली मारदे दंचा मताइनीनी। मुल डा मेर यहूदी इन कली शंचा परोइशा, अको रागी डा मुर आन कली शंथ गाक्नुड" दे मेको आन कली परोइशा गाक्माक्त। परंरित १३:५१; नेहेम्याह ५:१५; परंरित २०:२६

७ मिनु परमपरभु यावे कली मान पाइब तीतीयस-युस्तस नं पाइश्शो मुर आ सिं लशा, मेकर शंचा गोवा बाक्त। मेको आ सिं गरुम्तीक सिं आ नेक्थान बाक्माक्त। ८ गरुम्तीक सिं डा किरस्पस माइश्शो ठेयब मुर नु आ सिं डा मुर नेल्ल परभु कली थमा सुइक्व दुम्मा बाक्त। कोरिन्थी शुशमी यो पावल आ शंशो नंशा, थमा सुइश्शा ब्वाक्कुम खरुम्शा गरुइचा पुंडसमा बाक्त। १कोरिन्थी १:१४

९ मिनु काबु नाक्दो परभुमी पावल कली कोइतीक कोइदानु "सुइ कली तशा महिनो। शंस डा शंस बाक्को। यरमीया १:८; १कोरिन्थी २:३ १० मारदे हना गे नु काथा बाक्शा, इ कली कोत्रनन। मिनु सुइमी इ कली मरिम्शा पने मचाप्नीम। मेको सहरमी बाक्व शुश मुर आन कली योत्रने थुम्ता" दंशो नंशा बाक्त। यहन्ना १०:१६ ११ मिनु पावल बर्स का ६ महिना सम्म कोरिन्थ सहरमी परमपरभु यावे आ लोत्र शंना शंन बाक्माक्त।

### हुकुम पाइब आ डोंइती रुप्पाइश्शा

१२ आकाया रागीमी गाल्लीयो माइश्शो हुकुम पाइब बाक्मेनु, यहूदीपुकी सुम्सीशा, पावल कली ग्याइश्शा, हुकुम पाइब आ डोंइती चाक्दील्म बाक्त। १३ मिनु मेकोपुकीमी "एको मुरुम 'परमपरभु यावे आ अरेशो लोत्र मगारचा डा पा परमपरभु कली ठेयब सेल्वा माल्व' दे मुर आन कली शंब" दे दोस गेमे बाक्त।

१४ मिनु पावलमी एको गेशो दोस आ पर्वम लोत्र लेत्चा चिक्शो, गाल्लीयोमी लोत्र पचा मगेशु, दोस गेब यहूदी आन कली “एको मुर मरिम्शो पशा, सुइ पा मुर आन कली साइशो हना, इन लोत्र नंशा गो निसाफ पड वा। परंरित २५:१८-२० १५ तन्न लोत्र, नं नु इन परमपरभु यावे आ अंरेशो लोत्र आ पर्वम बाक्त हना, गो मेको निसाफ पचा मदाक्नुड। गे आमा गारीन” दे हुइशशा सोइक्तीमी बाक्त। यहून्ना १८:३१ १६ मिनु मेको आन कली सोइक्ता बाक्त। १७ यहूदीपुकीमी गरुम्तीक सिं डा ठयब मुर सोस्थनस कली ग्याइशशा, हुकुम पाइब आ डांडती तुप्म बाक्त। मोपा तुम्मुमानु यो, गाल्लीयोमी मारइ मपवा बाक्त।

थमा सुइक्व आन थुं बारपाइशशा

१८ मोदंशो दुम्शा नोले पावल शुश नाक्ती सम्म कोरिन्थ सहरम बाक्माक्त। मिनु अक्वीला नु नोले थमा सुइक्व लोकव आन कली “लो, मुल लची जाक्ती” दंशा, जहाज डाइशशा, सिरीया गे लमाक्त। अक्वीला नु पिरस्कीला यो पावल नु सिरीया गे लसा बाक्त। केन्करया सहरमी जाक्दीशशा, पावलमी आ चां परंरिता बाक्त। मारदे हना कसम जशो बाक्माक्त। परंरित २१:२४-२६ १९ मिनु एफिसस सहरमी जाक्दीशशा, पिरस्कीला नु अक्वीला आस कली “लो, गे एक बाक्कीस” दे परांइशा वाइक्सी बाक्त। मिनु पावल चहिं गरुम्तीक सिं लशा, यहूदीपुकी नु लोत्रसी पचा गोवा बाक्त। २० मिनु यहूदीपुकीमी “इच्का नाक्त बाक्शा शंदीकी” देमानु “गो बाक्न मचापुड। २१ परमपरभु यावेमी लेशशा सोइक्ताकयी हना, लेशशा जाक्शा शंनन्नी” दे एफिसस रे लशा जहाज डांडस बाक्त। याकूब ४:१५ २२ मिनु सिजरियामी जाक्दीशशा, यरुसलेम ग्येत्य लशा, थमा सुइक्व आन कली गरुम्शा, एन्टीओकमी जाक्दीम्माक्त। परंरित २१:१५ २३ मिनु इच्का नाक्त एन्टीओकमी बाक्शा, मेकर रे लशा, गलातीया नु फिरगीया रागीमी जाक्दीशशा, तेइ तेइ हिरशा, थमा सुइक्व आन कली गरुम्शा, आन थुं बारपाइक्तीक लोत्र पना पन गाक्माक्त।

आपोल्लोसमी एफिससम शंशो

२४ मिनु एफिसस सहरमी मार दुम्माक्त दंशा हना, अलेकजेन्दरीया रागीमी जरमेशो आपोल्लोस माइशशा यहूदी मुर का

जाक्माक्त। मेको शुश पदेशा, परमपरभु यावे आ लोत्र रुष्शा, अरु आन कली यो रुष्पाइक्ने चाप्व बाक्माक्त। १ कोरिन्थी ३:५-६ २५ परभु यसु आ पर्वम शंसीशा जोक्शो बाक्माक्त। सक्ति पाइशशा लोत्र पने चाप्व बाक्माक्त। मिनु यसु आ लोत्र दोदंशो बाक्म, मोदंशोन शंबाक्माक्त। ब्वाक्कुम खरुम्शा गरुंइचा आ पर्वम चहिं यहून्नामी दोदंशो पशा बाक्म, मेको ला तुइशशा बाक्माक्त। परंरित १९:३

२६ मिनु मेको एफिससमी जाक्दीम रे यहूदी आन गरुम्तीक सिंमी शंशा गोवा बाक्त। सुइ कली तशा महिंथु, यसु आ पर्वम शंदा बाक्त। मिनु पिरस्कीला नु अक्वीलामी आपोल्लोस आ शंशो नंशा, आस सिं लाइशशा, परमपरभु यावे आ पर्वम शुश लोत्र तेम्शा रूपदसे बाक्त।

२७ मिनु काबु आपोल्लोसमी “आकाया रागीमी हिरशा, शंथ लाइनुड” देमनु, थमा सुइक्व लोकवपुकीमी “दुम्ब” देमा बाक्त। मिनु आकाया रागीमी बाक्व थमा सुइक्व आन कली चिठी बरक्शा “आपोल्लोस इन बाक्तीक जाक्मनु, मान पा बरने, आ लोत्र ननीने” दे बरक्शा सोइक्तेम बाक्त। मिनु मेकर जाक्दीशशा, थमा सुइक्व आन कली गरुम्शा, आन थुं बारपाइक्मी बाक्त। २८ थमा मसुइक्व यहूदी नु लोत्र पवानु, परमपरभु यावे आ लोत्र रे पां शंशा, यसु मेको खरीस्त बाक्व, दे लोत्र शंदा बाक्त। मिनु यहूदीपुकीमी मारइ दंने मचापुम बाक्त। परंरित ९:२२; परंरित १७:३

परमपरभु आ सोक्त आ पर्वम शंशो

१ आपोल्लोस मोपा शंना शंन गाक्शा, १९ कोरिन्थ सहरमी जाक्दीम्माक्त। पावल चहिं एफिससमी जाक्दीम्माक्त। मिनु परभु आ लां सोइक्व आन कली गरुमा बाक्त। २ मिनु पावलमी मेको आन कली “गोपुकीमी थमा सुइक्व दुम्नीनु, परमपरभु यावे आ सोक्तीम पिरंचा पुंडसीनी?” दे हिल्लो पवानु “ममाइ, गो परमपरभु यावे आ सोक्त मतुइक्नीकी। मेको आ पर्वम मनंशो यो बाक्नीक” देमा बाक्त। परंरित २:३८ ३ मिनु पावलमी “मो हना सु आ नंमी ब्वाक्कुम खरुम्शा गरुंइचा पुंडसीनी?” दे हिल्लो पवानु “यहून्नामी देशो टिशा, ब्वाक्कुमी खरुम्शा गरुंइचा पुंडसाक्क” देमा बाक्त। ४ मिनु पावलमी “यहून्नामी मुर आन कली ‘पाप पचा परांइशा इन थुं परमपरभु यावे गे लेतीने। मिनु आं नोले जाक्व कली थमा सुतीने” दे ब्वाक्कुम खरुम्शा

गरुडदीमी बाक्त। यहून्ना आ नोले जाकशो चहिं येसु बाक्व” दे शंदीमी बाक्त। मती ३ :११ ५ पावल आ लोत्र नंशा, मेकोपुकीमी “लो दुम्ब” दे यसु आ नंमी ब्वाक्कुमी खरुशा गरुडचा पुंडसमा बाक्त। ६मिनु पावलमी आ गुड आन पिया तारी वोद्वानु, परमपरभु यावे आ सोक्तीम बरीमा बाक्त। मिनु आन मतुइइशो लोत्र पा परभु कली ठेयब सल्म बाक्त। मिनु परमपरभु यावे आ सोक्तीम गेशो लोत्र पामे बाक्त। पररित ८ :१७ ; पररित १० :४४,४६ ७मोदंशो दुम्शोपुकी १२ जना खोइ बाक्मा बाक्त।

### पावल एफिससम बाक्शो

८मिनु पावल महिना सां सम्म यहूदी गरुस्तीक खिंमी परमपरभु यावे आ राज्य डा लोत्र शंना शंन बाक्माक्त। सुइ तशा महिंथु, ठेयब थुं पा “थमा सुइइशा परमपरभु यावे आ राज्य आत्रडीन” दे शंना शंन बाक्माक्त। ९मिनु आ लोत्र नंबपुकीमी थमा मसुइक्थु, नक लां आ पर्वम गरुस्तीक खिंमी शुक्शी लोत्र पतीके मेको मंकर शंचा परोना बाक्त। मिनु शंसीचा दाक्व आन कली चहिं काथा लाइइशा, टिरान्नस आ इस्कुलमी नंचा दाक्व आन कली सुप्शा, नाक्त कित कित शंना शंन बाक्माक्त। १०मिनु बर्स निक्शी सम्म मोपा शंना शंन बाक्माक्त। मोपतीके एसीया डा यहूदी नु गरीक नल्लेमी परमपरभु यावे आ लोत्र नंचा तामे बाक्त।

### पावलमी छ्क लाक्चा डा गेय पशो

११मिनु परमपरभु यावेमी शुश छ्क लाक्चा डा गेय पावल आ गुड रे पा कांडदा बाक्त। पररित १४ :३ ; २कोरिन्थी १२ :१२ १२मुरपुकीमी आन फक्शो वा, रूमाल लाइइशा, पावल कली थीबाक्मा बाक्त। मिनु लेइशा चाक्शा रोइ पाइब आन कली थीपदमेनु, साबाक्मा बाक्त। वोलमी तशो आन वोल गरुशा परोक्वाक्मा बाक्त। पररित ५ :१५ १३मिनु वोल आन कली खरशा गाक्व यहूदी का निक्शीमी पावल आ तस खोइइशा, परभु यसु आ नं थिशा, वोल गरुडशा खरचा गोत्रमे बाक्त। मेकोपुकीमी “पावलमी शंशो येसु आ नंमी गरुडो” दे वोल आन कली खरचा बोल पाइबाक्मा बाक्त। लुका १ :४९ १४ यहूदी डा ठेयब चढेब स्केवा माइइशो मुर आ ७ जना तौपुकीमी मोदंशो पाइबाक्मा बाक्त। १५ मिनु काबु वोलमी मेको आन कली “थिसु कली तुइक्नुड। पावल कली यो तुइक्नुड, गेपुकी चहिं

सु ननी ?” देमाक्त। १६ मिनु वोलम थिशा मुरुमी परक्शा, गराम्शा, ग्याइइशा खोल्शा तुप्स डा तुप्स पा हुश चुइइशा, मेको आन वा खाक्शा, शिशरा सल्मी बाक्त। मिनु नल्ल परोक्मा बाक्त। १७मेको लोत्र तेइ तेइ बरशा, एफिससमी बाक्व यहूदी नु गरीक नल्लेमी नन्म बाक्त। मिनु “थिसु आ नंमी हेथ मब्वाक्चा बाक्माक्त” दे रुशा हिंशा, परभु यसु आ नं कली मान पा ठेयब सल्म बाक्त। १८ मिनु येसु कली थमा सुइक्चा क्येडा डांडती आन मन्तर तन्तर पशो आ पर्वम “मुल डा मरे मपाइनीकी” दे थमा सुइक्व नल्ल आन कली नंपदमे बाक्त। १९ मिनु शुश मन्तर तन्तर पाइब आन मन्तर तन्तर डा किताब चाक्शा, मेको मुर आन डांडती चोत्रमे बाक्त। मेको किताब कली ५० हजार चांदी के दराकमे थाप्शो बाक्माक्त। दराकमे का देनार यो देशो बाक्त। मेको नाक्त का डा गाल्व चांदी के क्येट बाक्व।

### परमपरभु आ लोत्र बारशा लशो

२० मिनु परमपरभु यावे आ लोत्र तेइ तेइ बरशा सक्ति पाइइशो दुम्शा बारना बारन लमाक्त। पररित १२ :२४ २१मेको नोले पावलमी “गो मासीडानीया नु आकाया लां पा यरुसलेममी जाक्दीत्नुड। मंकर काबु निक्वु बाक्शा, रोम सहर मजाक्दीत्थु मपरॉइनुड” दे थुं पवा बाक्त। पररित २३ :११ २२मोदंशो थुं पशा, तिमोथी नु इरास्तस आस कली मासीडानीया सोइक्तीम्सी बाक्त। आं चहिं एसीया उइ बाक्माक्त। २तिमोथी ४ :२०

### मूर्ति सेल्बपुकी गाइइशो

२३ एफिससमी बाक्मेनु, मार दुम्माक्त देशो हना, परभु आ नक लां खोइक्चा आ पर्वम राम्शी पोक्चा गोत्रमे बाक्त। २कोरिन्थी १ :८-९ २४ मारदे हना देमेतरीयस माइइशो सुन चांदी चेम्ब मुर कामो सुन के आरतेमीस देवी आ मूर्ति सेल्शा लेयशा, शुश क्येट चेम्बाक्माक्त। मूर्ति चेम्ब शुश बाक्मा बाक्त। मेकोमी शुश मुर आन कली गेय गेशो बाक्माक्त। आरतमीस लतीन लोत्रमी दिआना बाक्व। २५ मिनु काबु मेको आन कली बरेशशा, सुप्शा “आं वारचपुकी, आं लोत्र का निक्शी ननीन। मूर्ति चेम्शा लेयशा क्येट चेम्शो नय, दे गो नल्लेमी तुइक्नय। २६ मुल चहिं एको पावल नं पाइइशो मुरुमी एसीया नल्ल हिरन थुम्शा, इं एफिससमी जाक्शा,

मुर नेल्ल आन कली 'मुर आन गुइ रे सेल्शा मूर्ति देवी ममाइ' देशा शुश मुर आन थुमी मूर्ति पूजा पचा परांडपाइक्तीमी। मेको इं मिक्चीम ताइतय। २७ मोदेशो दुम्शा, इं गेय ला जाम्शो ममाइ, इं मानशो आरतेमीस ठेयब देवी आ मन्दीर आ नं यो जाम्शा लचा चिक्ताक्व। मुरपुकीमी मेको कली सउ पचा परांडचाम्तेक्म। साइ एसीयामी बाक्ब नेल्लेमी ठेयब सेल्शा, मान पना पन बाक्शो नमी, मुल मारइ मान मलीब" दे आन थुं सुरपाइक्मी बाक्त। २८ मिनु मेकोपुकीमी "इं एफिसस डा आरतेमीस देवी नेल्ल क्येडा ठेयब देवी बाक्ब" दे शुश रयक पचा गोत्रमे बाक्त। २९ मिनु मोदेशो पा सहर नेल्ल ठेयब रयक दुम्माक्त। मुरपुकी दोरशा जाक्शा, सहर डा दिममी सुम्समा बाक्त। मासीडोनीया रे जाक्शो पावल नु काथा गाक्ब गायस नु अरीस्तारकस आस कली ग्याइश्शा, मेको दिममी चाक्मे बाक्त। पररित २०:४ ३० मिनु पावलमी मोदेशो दुम्शो तशा, गो यो देल्लिकमी लाइनुड देमेनु, थमा सुइक्बपुकीमी लचा मगेमे बाक्त। ३१ एसीया रागी डा सरकार आ गेय पाइब डाइती डा आ वारचपुकीमी यो "मेक लचा महुम्ब, है" दे लोत्र नंपाइक्थ मुर सोइक्तमे बाक्त। ३२ दिममी देल्शापुकीमी कामी लोत्र का, अर्कामी अर्का लोत्र पा रयके ला पामे बाक्त। तन्न मारदे देल्शा, मारदे रयके पशो, मेको लोत्र हुलपुकीमी मारइ मतुइक्तमे बाक्त। ३३ मिनु यहूदीपुकीमी पाक्शो अलकजन्डर कली हुल आन डाइती राप्पाइश्शा "ला, लोत्र पावा" दे मदमनु, मेकोमी आ गुइ हिम्शा "सिक्सी पा आ लोत्र नेनीन, नेल्ल रुप्पाइक्नन्नी" देमाक्त। ३४ तन्न आ लोत्र पशो रे "एको यहूदी कका बाक्माक्त" दे तुइश्शा "इं एफिसस डा आरतेमीस देवी नेल्ल क्येडा ठेयब देवी बाक्ब, जाइ आरतेमीस, जाइ आरतेमीस" दे घन्टा निक्शी सम्म रयके पस डा पस गरीमे बाक्त।

३५ मिनु नोले सहर डा ठेयब मुरुमी मेको आन कली रयके पचा नाइक्पाइक्मी बाक्त। मिनु "इं एफिसपुकी, आ लोत्र नेनीन। इं एफिसस सहरमी बाक्ब आरतेमीस देवी आ मन्दीर, आ नं यो नेल्ल क्येडा ठेयब बाक्ब, दे मुर नेल्लेमी ममिम्नीमी डा? सरीड रे दोक्शा मूर्ति कली मान पा ठेयब मसेल्नीमी डा? ३६ रागी रागीम बाक्ब मुर नेल्लेमी मानेशा ठेयब सेल्नीमी। मिनु गपुकीमी मार रयक

पनी? मोदेशो रयके पचा महुम्ब। ३७ गेपुकीमी ग्याइश्शा चाक्शो मुर निक्शीमी आरतेमीस देवी आ मन्दीर आ नं मक्याम्देस, देवी कली शुक्शी लोत्र यो मपाम्स, मारइ मरिम्शो मपाम्स। ३८ देमत्त्रीयस नु आ वारचपुकीमी सुइ कली मुददा पचा थुं पाम्तेक्म हना, निसाफ पाइब आ डाइती लशा, उजुर पचा माल्शा। निसाफ पाइब आ डाइती चाक्शा, दोस गरुइचा माल्शा। ३९ निसाफ पाइबमी गारपाइक्ने मचापु हना, गो सहर डा ठेयब जोक्ब तुइक्ब नेल्ल बुक्शा, लोत्र पा गनीकी। ४० तन्न मुलाक्ती खोदेशो रयके पचा महुम्ब। मोदेशो पाइतय हना, गो नेल्ल मरिम्शो पा दोसी दुम्नय, दे रुपीन। मारदे हना एको रयके मारदे दुम्म, मेको देन मचापनय" दे माइक्मी बाक्त। ४१ मो देन थुम्शा, मुर आन कली आन सिं सिं सोइक्तीमी बाक्त।

मासीडोनीया नु गरीसमी शंशो

२० १ मिनु मेको रयके नाइक्तमे नोले पावलमी थमा सुइक्ब आन कली बरेश्शा खुप्शा "थमा सुइक्चा मपरांडथु, इन थुं बारपा बाक्कीन" देशा आन कली मेक उइ परांडशा मासीडोनीया लमाक्त। २ कोरिन्थी २:१३ २ मासीडोनीयामी हिरना हिरन थमा सुइक्ब आन कली गरुम्शा शंशा, आन थुं बारपाइक्ना पाइक्न गाक्शा, गरीस रागी जाक्दीम्माक्त। ३ मिनु गरीस रागीमी महिना सां सम्म बाक्शा "मुल जहाज डाइश्शा, सिरीया गे लाइनुड" दे लचावानु "यहूदीपुकीमी आ कली ग्याइक्चा कली ला बाप्शा बाक्नीम" दे तुइश्शा, जहाज डाइश्शा मलयु, गाक्शा मासीडोनीया लमाक्त। ४ पावल नु काथा गाक्ब सु सु बाक्मा बाक्त देशा हना, बरोइया डा पुरास आ तौ सोपाटर, थिस्सलोनीकी सहर डा अरीस्तारकस नु सकुन्दस, डेरब डा गायस, तिमोथी, एसीया डा तिखीकस नु तरोफीमस बाक्मा बाक्त। पररित १७:१०; पररित १९:२०; पररित १६:३; एफिसी ६:३१; पररित २१:२९ ५ मेकोपुकी गो आइ क्येडा डाइती लशा, तरोआस सहरमी रिम्शा बाक्मा बाक्त। ६ बोरब ओस्ती मसुप्शो शोप्ने जची नाक्त लाक्शा, फिलिप्पी सहर रे जहाज डाइश्शा, ५ नाक्त नोले तरोआस सहरमी जाक्दीत्तक। मेकेर आइ वारच आन कली गरुम्शा, ७ नाक्त मेक उइ बाक्तक।

### त्रोआसमी बाक्शो

७ आइतबार नाक्त परभु भोज जथ सुम्साक्क। मिनु पावलमी दीसा लचा माल्व दंशा, नाक्दो उइक्थ दुम सम्म शुश लोत्र पाप्तु। मत्ती २८:१; पररित २:४२,४६ ८ आंइ बाक्शो तला तारी डा कोठा शुश बत्ती दाशा बाक्त। ९ मेकर युतीकस नें पाइश्शो ठिटा मुर का झलमी निश्शो बाक्त। मिनु पावलमी शेंना शंन शुश लाइश्शो लोत्र पवानु, युतीकस मुकु जिशा निन्दरा पाप्तु। मिनु तला सां तार रें बाक्त। मिनु मुरपुकी कोत्रथ लमानु, बेकन थुम्शो थित्कम। १० मिनु पावल यो यिशा बाप्शा आ रां मुप्शा, एर आंथ बाक्व आन कली “मबेक्शो बाक्त। मोपतीके महिनीन” दे माइक्तीमी। ११ राजा १७:२१ ११ मिनु लेश्शा कुशा, परभु भोज जने थुम्शा नां दाप्ची सम्म शंना शंन बाक्त। मिनु गो आंइ लची जाक्मेनु, १२ मेको ठिटा कली सस तशा, नेल्ल आंइ थुं नाइश्शा ग्यरसाक्क।

### मिलेटस जाक्दीश्शो

१३ मिनु पावलमी “गे जहाज डोइश्शा, अस्सोस सहर लने। गो चहिं गाक्शा इन कली गरुम्नन्नी” दंशा आंइ कली जहाजमी डोइक्पाइश्शा सोइक्ताक्की। मिनु अस्सोसमी जाक्दीत्तक। १४ मिनु अस्सोस सहरमी गरुम्शा, पावल यो जहाजमी डोइश्शा गो नेल्ल मितीलेनमी सहर जाक्दीत्तक। १५ आ दीसा नाक्त खिओस हांबु जाक्दीत्तक। आ नित्थ नाक्त सामोसमी जाक्दीत्तक। मिनु आ सांबु नाक्त मिलेटस जाक्दीत्तक। १६ पावलमी “पन्तीकोस चाड मानचा कली यरुसलेम जाक्दीत्तचा माल्व। मोपतीके लांमी मर्याल्वा, एसीयामी मनाइक्चा। एफिससमी यो मनाइक्चा” देतीके मनाइक्थु गाक्तक। पररित १८:२१

### एफिसी आन कली लोत्र पशो

१७ मिलेटसमी जाक्दीश्शा, पावलमी एफिससमी बाक्व थमा सुइक्व आन शंब खाल्पा आन कली “मिलेटसमी गरुम्थ जाक्कीन” दे बरथ सोइक्ताक्क। १८ मिनु मेकोपुकी जाक्मानु, पावलमी मेको आन कली “नेल्ल क्येडा डोइती इन एसीया रागी जाक्डा रें मुल सम्म गेपुकी नु बाक्शा, गो मार शंदन्नी दोपा लां कांइदन्नी, दोपा गेपुकी नु बाक्डा,

मेको नेल्ल तुइक्नीनी। पररित १८:१९; पररित १९:१० १९ गो परभु आ वाइल दुम्शा, ठेयब मलेत्थु परभु आ गेय पना पन गाक्ती। मोपा गाक्डानु, यहूदीपुकीमी खेदा पा शुश श्येत गशा, आं थुं खाइक्पा डाक्पाइक्तीमी। २० मो पाम्तेक्म हना यो, गो इन खिं खिं हिरशा, इन कली गरुम्शा, का का पा शंशा, इन कली रिम्शो दुम्ल, दे तुइक्पाइक्तन्नी। खिं खिं हिरशा ला ममाइ। गाउं सहरमी यो हिरशा, मुर आन बुक्तीकमी जाक्दीश्शा, शंना शंन गाक्ती। २१ मोदंशो शंशा गाक्शा यहूदी, गरीक नु नेल्ल रागी डा मुर आन कली “पाप पचा प्रांइशा, परमपरभु यावे गे लेश्शा, इं परभु येसु खरीस्त कली थमा सुइक्व” दे शंना शंन गाक्ती। २२ मिनु मुल परमपरभु यावे आ सोक्तीमी दंशो टिशा, यरुसलेम गे डा लां सोइश्शा गाक्शो बाक्नुड। यरुसलेममी जाक्दीश्शा, आं कली मार दुम्बा, दे मतुइक्नुड। पररित १९:२१ २३ लोत्र का ला तुइक्नुड। मारदे हना सहर गाउं तेइ तेइ हिरशा गाक्डानु, परमपरभु यावे आ सोक्त रें पा लोत्र पाइवमी यरुसलेम जाक्दीश्शा, शुश श्येत जाइनेवे। जेल्खानमी चोक्चा पुंइसीनेवे” दे नेंपाइक्तीमी। पररित १:१६; पररित २१:४,११ २४ गो साइक्चा पुंइसाक्क हना यो, एको आं गिम मारइ ममिम्नुड। परभु येसुमी आं कली पपाइश्शा लोत्र “परमपरभु यावमी मुर आन कली शिशी पाइव” आ ग्यरपाइक्व लोत्र कली तुइक्पाइक्नुड। पररित २१:१३; २१:१७ २५ गो इन कली परमपरभु यावे आ राज्य डा लोत्र नेल्ल तुइक्पाइक्न थुम्तन्नी। मुल डा मरें मगरुम्नय, दे तुइक्नुड। २६ बेक्शा जाम्शा लाइतीनी हना यो, आं के मारइ दोस मदुम्ब, इन कली थमा पा देनुड। इजीकीएल ३:१७-१९; पररित १८:६ २७ मारदे हना परमपरभु यावमी शंपाइश्शा लोत्र का यो मखरुइक्थु नेल्ल शंताक्न्नी। २८ गो आंम कली कोत्रडीने। परमपरभु यावे आ सोक्तीमी इन कली थमा सुइक्व आन कली कोत्रब सेल्लु। गे परमपरभु यावे आ मुर आन कली मुर आन कली कोत्रब रिम्शो गोठला दुमीन। मारदे हना मेकोपुकी आ ती आ हुशम ग्याप्शो बाक्नीमी। २९ गो इन कली प्रांइशा वोइश्शा, गाक्डा नोले फरमी बी क्यारश आन कली खेदा पशो सोदंशो पा खेदा पचा पुंइसीनीनी। मत्ती ७:१५ ३० गेपुकी नु काथा गाक्व थमा सुइक्वपुकी यो मोदंशो खेदा

पाइब फर सोदंशो दुम्नीम। मेकोपुकीमी दूली लोत्र शंशा, थमा सुइक्व आन थुं ग्यत्थ लुक्च क्याल्पाइश्शा, आन नोले खोइक्व सल्लनीम, दे तुइक्नुड। १५हन्ना २:१८-१९ ३१मोपतीक हास पांडसीन। बर्स सां सम्म श्यत पा डाक्थरी दुम्शा, गोमी इन कली शंशा, वारच पशो काइ मपरंदीन। ३२मुल गो इन कली परमपरभु यावे आ गुइमी जिम्मा गनुड। परभुमी इन कली शिशी पा आ लोत्र नेल्ल रुप्चा गेशा, इन थुं बारना बारन लपाइश्शा, आ मुर नेल्ल आन कली गेतीक आसीक गेब, दे तुइक्नुड। ३३गोपुकी नु बाकडानु, इन बाक्शो सुन चांदी वा नेल्ल तशा मवाल्ड। मारइ मताक्गु। ३४गो आंम आं गुइमी गेय पना पन जाता। गो नु काथा गाक्व आन कली यो गोन थुल्लामी। पररित १८:३; १कोरिन्थी ४:१२; १थिस्सलोनिकी २:९ ३१गो मार पाता हना यो, मचाप्च आन कली वारच पाइक्वा नमी, दे गेय पा कोइताक्न। परभु येसु आ शंशा लोत्रमी 'ताक्चा क्येडा गेचा रिम्शो बाक्व'" देत। ३६मेको लोत्र पने थुम्शा, आ पोक्च थक्शा मेकोपुकी नु परार्थना पाप्नु। पररित २१:५ ३७पावलमी "मुल डा मेरे मगरुन्नय" देशो लोत्रमी नेल्ल डाक्तेक्म। ३८मिनु पावल कली "लंशा मतांडसीब" दे मुष्शा पुक्पु पशा, जहाज सम्म चोवतेक्म।

### टायर सहरमी जाक्दीश्शा

२१ १मिनु गो पावल नु गाक्व नेल्ले जहाजमी डाइश्शा, मिलेटस र लशा, कोस टापुमी जाक्दीत्तक। आ दीसा नाक्ती रोदोस लाक्शा, पतारा सहर जाक्दीत्तक। २पतारामी जहाज र तोइश्शा, फोनीसीया लाइब जहाज डाइश्शा लाइतक। ३साइपरस टापु तांडसीतीक जाक्दीश्शा, साइपरस गे मलथु, आइदी र पा गरीशा लशा, सिरिया रागी डा टायर सहरमी जाक्दीश्शा तांडसाक्क। मारदे हना मेको जहाजमी कुरशो भारी शोल्वा माल्शो बाक्त। ४मिनु सहर लशा, थमा सुइक्व आन बाक्तीके माल्शा, ७ नाक्त सम्म मेकोपुकी नु बाक्तक। मिनु थमा सुइक्वपुकीमी परमपरभु यावे आ सोक्त र पा लोत्र पा पावल कली "यरुसलेम मलावो" दे माइक्तेक्म। पररित २०:२३ ५साता का नोले "गो आंड लां खोइक्नीकी" देंकानु, मीश मुर वॉइश मुर, आल बरेप्च नेल्लेमी चोवत्र सहर लाक्शा समुन्दर आ नेक्था सम्म चाक्तेक्म। मिनु पोक्च थक्शा परार्थना पशा

बराशा, पररित २०:३६ ६गोपुकी जहाज डांडसाक्क, मेकोपुकी चहिं आन सिं सिं लेश्शा लाम्तेक्म।

### पावल सिजरियाम बाक्शो

७मिनु टायर र लशा, तोलेमाइस जाक्दीश्शा तांडसाक्क। मिनु थमा सुइक्व आन कली गरुम्थ लशा, काबु काथा बाक्तक। ८मिनु आ दीसा नाक्ती सिजरिया जाक्दीश्शा तांडसाक्क। मिनु ग्यरपाइक्व लोत्र शंब फिलीप आ सिं लशा बाक्तक। योत्रशो गेय पाइब ७ जना डा फिलीप का बाक्शो बाक्त। पररित ६:५; पररित ८:४० ९फिलीप के ४ जना ग्युंवे मपशो तमी बाक्तेक्म। मेकोपुकी परमपरभु यावे आ लोत्र पाइब बाक्तेक्म।

१०मोपा फिलीप आ सिंमी बाक्कानु, काबु अगाबस माइश्शा परमपरभु यावे आ लोत्र पाइब मुर का यहूदीया रागी र यिशा, आंड बाक्तीकेमी जाक्त। पररित ११:२८ ११मिनु गोपुकी नु बाक्शा, पावल आ किष्पुम आंम गुइ खोइल फरंसीशा, "परमपरभु यावे आ सोक्तीमी 'एको किष्पुम किष्पु मुर कली यरुसलेमम जाक्दीश्शा बाक्मनु, यहूदीपुकीमी एको आं पा फरंनीमी। मिनु अर्का रागी डा मुर आन गुइमी जिम्मा गेनीमी'" दे नोले दुम्ब लोत्र पाप्नु। पररित २०:२३ १२अगाबस आ मोदंशो लोत्र नंशा, गो नेल्लेमी पावल कली "यरुसलेम मलावो, लचा मदुम्ब" दे माइक्तक। मत्ती १६:२२ १३पावलमी चहिं "मारदे डाक्शा बरंशा, आं थुं खाइक्पाइक्नीनी? मलथु मपरॉइनुड। यरुसलेम जाक्दीश्शा, परभु येसु आ नमी फरंसीचा ला ममाइ, बेक्चा माल्ती हना यो, बेक्नुड" देत। पररित २०:२४ १४मिनु मलथु मपरॉइबाक्माक्त, दे रुष्शा, गोपुकीमी "लो, मो हना परभु आ दाक्शो दुम्ल" देतक। लूका २२:४२

### पावल यरुसलेमम जाक्दीश्शा

१५ मिनु नोले यरुसलेम लाइतक। १६सिजरिया डा थमा सुइक्वपुकी यो गो नु गाक्तेक्म। यरुसलेममी जाक्दीश्शा, मेको गो नु गाक्वपुकीमी मनासोन आ सिंमी बास बाक्चा, दे चाक्दीत्तेक्म। मनासोन चहिं साइपरस टापु डा बाक्माक्त। साइ डांडती र खरीस्त कली थमा सुइक्व बाक्माक्त। १७यरुसलेममी जाक्दीक्कानु, मेकर बाक्व थमा सुइक्वपुकीमी आंड कली तशा ग्यरशा बराइतीकी।

१८ जाकदीशशा आ दीसा पावलमी आंड कली याकूब आ खिं लाइशशा, थमा सुइक्व आन कली शंब खाल्पा नु गरुम्पाइक्तु। पररित १५ :१३ १९ मिनु गरुम्शा सज पमुशा, पावलमी अर्का रागी डा मुर आन कली खरीस्त आ पर्वम शंना शंन गाक्मनु, परमपरभु यावमी दोपा ठेयब गेय पपाइशशा बाक्म, मेको लोत्र नेल्ल का का पा रूप्पाइक्तीमी। २० आ लोत्र नंशा, परमपरभु याव कली ठेयब सल्लक्म। मिनु मेकोपुकीमी पावल कली “आइ लोक्व, इ देशो नेल्ल रिम्शो बाक्व। तन्न गो इ कली लोत्र का निकशी देनीकी। इं यहूदीपुकी हजार हजार जना खरीस्त कली थमा सुइक्व दुम्तक्म, दे तुइक्नेव। मेकोपुकीमी थमा सुइशशा यो इं यहूदी अरेशो लोत्र काइ मप्रांडथु पचा माल्ब देनीमी। पररित १५ :१ २१ मेकोपुकीमी “पावलमी अर्का रागी डा मुर नु बाक्व यहूदी आन कली मोसामी अरेशो लोत्र पचा परोनीन, इन आल आन कली खरोइक्तीक चिनु मखरोतीन” दे शंना शंन गाक्व, देशो नंशा बाक्नीमी। पररित १६ :३ २२ पावल यरूसलेम जाक्माक्त, दे तुइक्नीम। २३ आंड देशो पावो। मिनु मेको लोत्र जाम्ब। गो नु बाक्व ४ जना मुर कसम पशो बाक्तक्म। पररित १८ :१८ २४ मोपतीके मेकोपुकी नु गारशा आन कसम जशो खाप्चा कली लावो। मिनु चोत्रखो दुम्शा, नेल्लेमी इन चां परक्सीन। चां परक्शो डा चहिं गो क्यट थाप्तीन। मो पाइतीनी हना, सुइमी मारइ दोस गेन मचान्नीमी। इं यहूदी अरेशो नेल्ल पशो बाक्व, दे नेल्लेमी तुइक्नीमी। २५ अर्का रागी डा खरीस्त कली थमा सुइक्व कली चहिं दोदंशो शंका, दे डांडती कना बरक्शा साइक्न थुम्तक। मेको आन कली भूर्ति कली चढशो मज्जा, हुश मब्बचा, हुश मचुइक्थु साइशशा श्ये मब्बचा, तेल्लेम मपचा” दे नंपाइक्ने थुम्तक” दे माइक्तक्म। पररित १५ :२१, २९ २६ मिनु पावलमी मेको आन लोत्र नंशा, आ दीसा मेको ४ जना नु काथा लशा चोत्रखेचा पुंडसीशा, परमपरभु याव आ खिं ओत्रशा, चोत्रखेतीक नाक्त गेना नुप्चा नु नोले चढेचा, दे चढेब आन कली तुइक्पदमे बाक्त। गन्ती ६ :१३-२१ :१ कोरिन्थी ९ :२०

### पावल कली ग्याइशशा

२७ मेको चोत्रखेतीक ७ नाक्त दुम्चा चिक्तानु, यहूदीपुकी एसीया रे जाक्शा पावल कली ग्याइक्तमे बाक्त। मेकोपुकीमी पावल कली

परमपरभु याव आ खिंमी बाक्शो तशो बाक्मा बाक्त। २८ मिनु पावल कली ग्याइशशा, मेकेर बाक्व मुर आन कली “इं इसराएली, नेल्ल कोत्रथ पिन, है। गो आंड ग्याइशशा मुर तेइ तेइ हिरशा, नेल्ल मुर आन कली इं यहूदी आ पर्वम मरिम्शो लोत्र पशो बाक्त। इं अरेशो मपचा, दे दूली शंबाक्त। परमपरभु याव आ खिं आ पर्वम शुक्शो लोत्र पाइक्वाक्त। मोशो ला ममाइ, अर्का रागी डा गरीक आन कली परमपरभु याव आ खिंमी लाइशशा आंडशा, गरांगरा दिशो सल्लशो आंड मिक्चीमी ताइतक” दे शुश रेयक पा दोस गेमे बाक्त। पररित ६ :१३ ; इजीकीएल ४४ :७ २९ परमपरभु याव आ खिं गरांगरा दिशो सल्लशो बाक्माक्त, दे मारदे देमा देशा हना, एफिसस सहर डा तरोफीमस कली सहरमी पावल नु काथा गाक्शो तशा, परमपरभु याव आ खिं लाइशशा, आंडने थुमा बाक्त, दे मिम्शो बाक्मा बाक्त। पररित २० :४ ; २तिमोथी ४ :२०

३० पावल कली दोस गेशो लोत्र सहर नेल्ल बरीमाक्त। मिनु सहर डा मुरपुकी दोरशा जाक्शा, शुश रेयक पामे बाक्त। पावल कली ग्याइशशा कीशा परमपरभु याव आ खिं रे गरुंडशा लदमे बाक्त। मिनु परमपरभु याव आ खिं डा खाल पाइबपुकीमी ठेयब लाप्चो नेल्ल गरु गरा चोक्वामे बाक्त। ३१ मिनु मेको रेयक पाइबपुकीमी पावल कली साइक्चा चिक्तमनु, यरूसलेममे बाक्व रोमी लडाइ पाइब आन ठेयब मुरुमी “सहरम क्योरमुशा साइक्मुचा चिक्ताक्म” देशो नंशा, ३२ आ सिपाही आन कली लाइशशा दोरशा जाक्दीम्माक्त। मिनु मेकोपुकी जाक्शो तशा, पावल कली तुप्चा परोन्म बाक्त। ३३ मिनु लडाइ पाइब आन ठेयब मुरुम पावल कली ग्याइक्पाइशशा, साडलो निकशी लिक्तीन देशा लिक्पाइशशा आ डांडती राप्पदा बाक्त। मिनु “एको मुर ते डा बाक्मे ? मार पवा ?” दे मुर आन कली हिल्लो पचा गोवा बाक्त। पररित २० :२३ ३४ मिनु नेल्लेमी रेयके पामेनु, लडाइ पाइब आन ठेयब मुरुमी मारइ रुप्ने मचबा बाक्त। मोपतीके सिपाही आन बाक्तीकमे लाइक्चा माल्ब, दे लदमे बाक्त। ३५ मिनु सिपाही आन बाक्तीक जाक्दीशशा, पावल कली कुरशा, तला तारी लदमे बाक्त। ३६ मारदे हना मुरपुकीमी “मेको कली मसाइक्थु मप्रांडनीकी” दे रेयके पा कोक्के शशा, मेको आन नोले खोइशशा लमा बाक्त। पररित २२ :२२ ; लूका २३ :१८

३७ मिनु तला तारी कुरशा आंइदमेनु, पावलमी लडाइ पाइब आन ठेयब मुर कली गरीक लोत्र रे पा “हनुर, गो लोत्र का निकशी पचा ताइनडा कां ?” देमनु, मेको छक लाकशा “ओहो, गरीक लोत्र यो ब्वाक्स जोकबाक्त। ३८ इजीप्त रागी डा ४ हजार सुइ आन कली गोरशा रागीमी लां कांइब मुर दा मनव” देमाक्त। ३९ मिनु पावलमी “गो इजीप्ती मनड। सिलीसीया डा टारसस सहरमी जरमेशो यहूदी का नड। टारसस सहर तेइ तेइ नेल्लेमी आं नें तुइक्नीमी। गे यो तुइक्नीनी माइ। मेको मुर आन कली लोत्र का निकशी पचा गयीनी” देमाक्त। ४० मिनु लडाइ पाइब आन ठेयब मुरुमी “लो, लोत्र पचा गनन” देमाक्त। मिनु पावल गरुशा तला तारी डा लाडगाम राप्शा “लो, सिकसी पा आं लोत्र नेनीने” दे गुइ हिकता बाक्त। मिनु पावलमी हिब्रू लोत्र पा, मुर नेल्ले सिकसी पाम बाक्त।

### पावलमी सांकछी गेशो

२२ १ मिनु पावलमी हिब्रू लोत्र पा “आं आफ नु लोकबपुकी, लोत्र का निकशी नेनीने” देमनु, मेकोपुकी थम सिकसी पा नोफा दाइशा बाक्मा बाक्त। २ मारदे हना पावलमी हिब्रू लोत्र पवानु, मेकोपुकी क्यडा सिकसी पाम बाक्त। पररित २१:४० ३ मिनु मेकोमी “गो सिलीसीया डा टारसस सहरमी जरमेशो यहूदी नड। आल रे इं यरूसलेममी बाकशा नड। आं कली शंब गमालीएल बाकब। मेको ठेयब शंबमी आं कली इं किकी पिपी आन अरेशो लोत्र नेल्ले शेताकयी। मिनु गो मेको नेल्ले पना पन बाक्ती। इन पशो खोदंशो पा गो यो थुं का पा परमपरभु यावे कली मान पा बोल पाता। पररित ९:१-२९; पररित २६:९-२०; पररित ५:५४ ४ मोपा बाकडानु, खरीस्त आ लां खोइक्व आन कली साइक्चा सम्म डा श्येत गेतामी। मीश मुर वांइश मुर आन कली खेदा पा ग्याइक्पाइइशा, जेल्खानमी चोकपाइक्तामी। पररित ८:३ ५ एको आं देशो थमा बाकब, दे ठेयब चदेव नु जोक्व तुइक्व खाल्पा नेल्लेम तुइक्नीमी। मेकोपुकीमी दमस्कसमी बाकब यहूदी गरुस्तीक सिं डा ठेयब मुर आन कली चिठी बरक्शा, खरीस्त कली थमा सुइक्व आन कली ग्याइइशा यरूसलेम चाक्चा, दे अधिकार गेतीमी। मिनु थमा सुइक्व आन कली ग्याइक्व दमस्कस लती।

६ दमस्कस सहर जाक्दीत्वाडानु, १२ बजे खोइ दुम्शो बाक्त। मिनु मार दुम्त देशा हना, सरीड

रे जेव हाक्सीशा यिशा, एर आंथ नेल्ले थम छेइछेइ दुम्त। ७ मिनु गो दिड गोल्ली। मिनु ‘सावल, सावल मारदे आं कली खेदा पा श्येत गयी ?’ देशो नंता। ८ मिनु गो ‘परभु सु ननी ?’ दे हिल्लो पडानु ‘गेमी खेदा पशो नासरथ डा यसु नड’ देशो नंता। ९ गो नु काथा गाक्बपुकीमी छेइछेइ दुम्शो ताम्तक्म। लोत्र पशो चहिं मारइ मननम। १० मिनु गो ‘परभु, मुल गो मार पाइनुडा ?’ देडानु, परभुमी ‘मुल छुल बोक्शा दमस्कस लावो। मेकर जाक्दीनेनु, मार पचा माल्लेव, मेको नेल्ले तुइक्पाइक्चा पुंइसीनेव’ देशो नंता। ११ मेको छेइछेइम पतीके गो मिक्च मताइब दुम्ती। मिनु गो नु काथा गाक्ब वाक्चपुकीमी आं गुइ ग्याइइशा कीशा, दमस्कस सहरमी चाक्दीतीमी।

१२ दमस्कसमी हनानीया नें पाइइशो मुर का बाक्माक्त। परमपरभु यावे आ अरेशो नेल्ले टिशा, रिम्शो पाइब बाक्माक्त। मेकर बाक्ब यहूदी नेल्लेमी मेको आ पर्वम रिम्शो पाइब बाक्ब’ देमा बाक्त। १३ मेको मुर आं कली गरुस्थ जाक्त। मिनु आं डांइती राप्शा ‘आं लोकब सावल, मिक्च ताइब दुमो’ देमनु, गो मिक्च ताइब दुम्शा, आं डांइती राप्शा ताता। १४ मिनु हनानीयामी ‘इं किकी पिपीमी आन परमपरभु यावमी इ कली योत्रशा, आ दाक्शा पचा, दे तुइक्पाइक्त। मेको ठीक पाइब कली तशा, आ लोत्र नंतीवी। १५ दोदंशो पा गरुमी, मार लोत्र नंती, मेको नेल्ले शुश मुर आन कली तुइक्पाइक्नेव। १६ मुल कोत्रशा मबाक्को, छुल बोक्शा परार्थना पा, हे परभु यसु, आं पशो पाप क्याम्शा गयीनी, दे पुंइशा, ब्वाक्कुमी खरुम्शा गरुंइने पुंइसो’ दे माइक्ती।

१७ मिनु नोले यरूसलेम लेत्ती। मिनु काबु परमपरभु यावे आ खिमी परार्थना पा बाक्डानु, परभुमी कांइतीक कांइदीनु, १८ गो परभु कली ताता। मिनु परभुमी ‘यरूसलेम थु परोनो। मारदे हना एकर बाक्बपुकीमी गेमी आं पर्वम शंशो लोत्र मनंतीम’ देत। १९ मिनु गो ‘परभु, गो थमा सुइक्व आन कली जेल्खानमी चोकपाइक्तामी। गरुस्तीक सिं सिं हिरशा, थमा सुइक्व आन कली माल्शा तुप्पाइक्तामी, दे तुइक्नीमी। २० इन पर्वम लोत्र पाइब स्तीफानस कली फुल्लु करोम्शा सदमेनु, रिम्शो पाइतीनी, दे माइक्तामी। साइक्व आन परुइइशा वोइइशो वा खाल पा बाक्शा नड। मेको लोत्र नेल्लेम तुइइशो बाक्नीम’ देडानु, पररित ७:५८;

पररित ८:१ २१ परभुमी भेकेर रे लावो। मारदे हना डोन डोन बाक्व अर्को रागी डा मुर आन कली आं पर्वम शंथ सोइक्वनन' देते" दे पावलमी देमाक्त। पररित १३:२ २२ डोन डोन बाक्व अर्को रागी डा मुर आन कली खरीस्त आ पर्वम शंथ सोइश्शो नड देम चाटीन आ लोत्र थुम्चा मगथु "एको कली मसाइक्थु मपरोइय। आं देशेक मुर कली बरोइचा गचा मडुम्ब" दे शुश रेयके पामे बाक्त। पररित २१:३६ २३ मिनु आन जोब बाक्शा, आन फेक्शा वा बेरपा फुरक फरशा, राम्शी पोक्शा, मरिम्शो पामे बाक्त। २४ मिनु लडाइ पाइब आन ठेयब मुरुमी मेकोपुकीमी मोदेशो मरिम्शो पशो तशा, पावल कली आगा ओइपदा बाक्त। मिनु मुरपुकीमी एको मुर कली तशा, मारदे आन जोब बाक्मा, एकोमी मार मरिम्शो पवा, दे तुइक्वा कली कोरामी युक्शा, हिल्लो पन, दे आ सिपाही आन गुइमी गेमी बाक्त। २५ मिनु सिपाहीपुकीमी पावल कली फेरशा कोरामी युक्चा चिक्तमेनु, पावलमी मेकेर आ नेक्था राप्शा बाक्व कप्तान कली "इं रोमी ऐन कानुनमी रोमी नागरिक आन कली मारइ दोस मगरुंइथु, गे कोरामी युक्चा ताइनीनी?" देमाक्त। पररित १६:३७; पररित २३:२७ २६ मिनु कप्तानमी मुल मार पचा, दे सिपाही आन ठेयब मुर कली हिल्लो पथ लमाक्त। मिनु "कोरामी युक्चा पुंइसीचा डा मुर ममाइ बाक्त। आं यो रोमी नागरिक बाक्त" दे तुइक्पदा बाक्त। २७ मिनु लडाइ पाइब आन ठेयब मुर पिशा "गे थमान रोमी नागरिक नव? लो देनो" देमेनु "नड, हजुर" देमाक्त। २८ मिनु लडाइ पाइब आन ठेयब मुर "गो शुश क्येट थाप्शा, रोमी नागरिक दुम्शो नड" देमेनु, पावलमी "गो दा जरमेशो रन रोमी नड, हजुर" देमाक्त। २९ मेको लोत्र नंशा, कोरामी युक्शा हिल्लो पचा चिक्वपुकीमी "हत्त, मो पचा मडुम्बो बाक्माक्त" देमा बाक्त। मेको मुर रोमी नागरिक बाक्माक्त, दे तुइक्तमे डा मेरे लडाइ पाइब आन ठेयब मुर यो हिंमाक्त। मारदे हना रोमी नागरिक आन कली फेरपाइक्वा लायो मडुम्बाक्माक्त। ३० मिनु मेको लडाइ पाइब आन ठेयब मुर "मेको मुर आ दोस मार बाक्म?" दे रुप्चा माला बाक्त। मोपतीके आ दीसा नाक्ती ठेयब चदेब नु कछ्डी बाक्व मुर आन कली सुप्पाइश्शा, पावल कली आ गुइ डा साडलो परुइश्शा लाइश्शा, सुम्सीशो मुर आन डांइती राप्पदा बाक्त।

पावल कली कछ्डी राप्पाइश्शो

१ मिनु पावल मेको आन डांइती राप्शा, २३ आन कली मिक्च मयाक्थु कोत्रशा, "आं लोकवपुकी, गो साइ र मुल सम्म आं तुइश्शो जोक्शा रिम्शो ला पाता। एको लोत्र थमा बाक्व, दे परमपरभुमी तुइक्व" देमेनु, पररित २४:१६ २ हनानीया माइश्शा ठेयब चदेबमी पावल आ नेक्था बाक्व आन कली "मेरे आ शोत्र रोप्तीन" देमाक्त। ३ मिनु पावलमी "परमपरभु यावमी इ कली कका इ शोत्र रोप्तेकल। बरेक्वशा गारोमी, बुलु बरुइश्शा, बुबु पा तांइसीशो सोदेशो नव। अरशो लोत्रमी मोदेशो पा बरेक्वशा बाक्म, मोदेशो पा आं कली निसाफ पचा माल्शो नव। गे अरशो लोत्र क्येडा दूली पा आं कली तुप्चा माल्ब, देते" देमाक्त। मत्ती २३:२७ ४ मिनु एर ओंथ बाक्वपुकीमी पावल कली "परमपरभु यावमी योत्रशा वोइश्शो ठेयब चदेब कली मोदेशो लोत्र पचा दुम्बा?" देमा बाक्त। ५ पावलमी "मेको मोदेशो ठेयब चदेब, दे मतुइक्तु, आं लोकवपुकी। तुइश्शो नड हना, मोदेशो लोत्र मदेड वा। मारदे हना परमपरभु यावे आ बरेक्पाइश्शो लोत्रमी 'इन कली अधिकार पचा, दे वोइश्शा आन कली मरिम्शो लोत्र मपचा' दे बरेक्वशा बाक्व" देमाक्त। परस्थान २२:२८

६ मिनु पावलमी कछ्डीम बाक्वपुकी का निक्शो सदुकी, का निक्शो फरिसी बाक्नीम, दे तुइश्शा, ठेयब संदा पा "आं लोकवपुकी, गो फरिसी नड। गो फरिसी आ तो नड। बेक्शा र संसीशा बरोइचा तांइसीब, दे थमा सुइश्शा लोत्रमी आं कली दोस गशा, मुददा कोप्ताक्यीमी" देमाक्त। पररित २२:३; पररित २६:५; गलाती १:१४ ७ मो देमेनु, फरिसी नु सदुकी बराशा, जिचा गोत्रमे बाक्त। ८ मारदे हना सदुकीपुकीमी बेक्शा र मसंसीनीम, स्वर्ग डा गेय पाइबपुकी मबाक्नीम नु परमपरभु यावे आ सोक्त मबाक्व देनीम। तन्न फरिसीपुकीमी चहिं मेको नेल्ल बाक्व देनीम। मत्ती २२:२३ ९ मोपतीके आन जिचा बारना बारन लशा, शुश रेयके पामे बाक्त। मिनु फरिसी डा शंब का निक्शीमी बाक्शा "एको मुर के मारइ दोस मबाक्व, दे मिम्नीको। मुर आ मिक्चीम मतांइसीब का नु लोत्र पवा को? परमपरभु यावे आ स्वर्ग डा गेय पाइब नु लोत्र पवा को? मोदेशो यो दुम्ने चाप्" देमा बाक्त। पररित २५:२५ १० मिनु आन जिचा बारना बारन लशा,

तुम्मुचा गोत्रमे बाक्त । मिनु लडाइ पाइब आन ठेयब मुर “पावल कली साइक्नीमी कोर में” दे हिंशा, सिपाही आन कली बरेशशा, पावल कली गरुंडशा, सिपाही आन बाक्तीक लेशशा चाक्पदा बाक्त । ११मिनु मेको नाकदो परभुमी पावल आ नेक्था जाक्शा “दापा यरूसलेममी आं पर्वम शंदीमी, मोपा रोम सहरमी यो आं पर्वम शंशा सांक्छी दुम्नवे । मोपतीक महिंथु, ठेयब थुं पा बाक्को” देमाक्त । पररित १:२६ ; पररित २७:११-१२ ; पररित २७:२३-२४

### पावल कली साइक्चा माल्शा

१२मिनु आ दीसा सुनी यहूदीपुकीमी “पावल कली साइक्शा मतया सम्म मारेइ मजय, मतूय” दे कसम जशा, पावल कली साइक्चा सल्ला पामे बाक्त । १३मोदेशो पा कसम जाइब ४० जना क्येडा शुश बाक्मा बाक्त । १४मेकोपुकीमी ठेयब चढेब नु यहूदी आन जोक्ब तुइक्ब खाल्पा आन कली गरुम्य लशा “पावल कली साइक्शा मतका सम्म गो मारेइ मजाइनीकी मतूनीकी, दे कसम जाइतक । १५मोपतीके गे ठेयब मुर नेल्लेमी गारशा, लडाइ पाइब आन ठेयब मुर कली “पावल कली मारेइ मारेइ हिल्लो पाइनीकी । मिनु एकेर सोइक्तीने” दे मतीने । मिनु एर लां रे गरुंडशा पिदमेनु, लां उइ साइक्नीकी” देमा बाक्त ।

१६मेको लोत्र पावल आ भानीजमी नंना बाक्त । मिनु सिपाही बाक्तीके लशा, पावल कली माल्शा गरुम्यशा तुइक्पदा बाक्त । १७मिनु पावलमी कप्तान का बरेशशा “एको ठिटा कली लडाइ पाइब आन ठेयब मुर नु गरुम्पतीने । मारदे हना लोत्र का निक्शी तुइक्पाइक्चा माल्ताक्व” देमाक्त । १८मिनु कप्तानमी ठिटा कली लडाइ पाइब आन ठेयब मुर आ बाक्तीके चाक्दीशशा “हजुर, चाक्सीशा पावलमी आं कली बरेशशा, एको ठिटा कली इन बाक्तीके चाक्दीत्वा । मारदे हना इन कली लोत्र का निक्शी तुइक्पाइक्चा माल्ताक्व देशा, हजुर, इन बाक्तीके चोत्रथ सोइक्ताक्यी” देमाक्त । १९मिनु लडाइ पाइब आन ठेयब मुरुमी पावल आ भानीज कली गुइमी ग्याइशशा, सुइ मबाक्तीके कोठामी लाइशशा “मार देंचा दाक्नेवे, लो देनो” दे हिल्लो पवानु, २०पावल आ भानीजमी “हजुर, यहूदीपुकीमी गारशा, पावल कली गरुंडशा, आंइ बाक्तीके सोइक्तीने । लोत्र का निक्शी हिल्लो पचा माल्ताक्व देसु पा इन कली पुंडनीम । २१मेको आन लोत्र मनंचा । मारदे हना ४० जना क्येडा

शुश मुरुमी पावल कली साइक्चा, दे लांम बाप्शा बाक्नीम । मेकोपुकीमी “पावल कली साइक्शा मतका सम्म मारेइ मजाइनीकी, मतूनीकी” दे कसम जने थुम्तकम । मिनु हजुरमी पावल कली गना सोइक्चा, तको लां रे सोइक्चा, दे योत्रकी पा बाक्शा बाक्नीम” देमाक्त । २२मिनु लडाइ पाइब आन ठेयब मुर “एको लोत्र सुइ कली मशंदो” देशा सोइक्ता बाक्त ।

### पावल कली सिजरिया सोइक्शा

२३मिनु लडाइ पाइब आन ठेयब मुरुमी कप्तान निक्शी आस कली बरेशशा “एको चाक्सीशा पावल कली सिजरिया सहर चोत्रदीचा माल्ताक्व । मोपतीके गे निक्शीमी आपो नाकदो ९ बजे सहे निक्शी सिपाही, ७० जना शारा डोइक्ब नु सहे निक्शी भाला शेयब आन कली साशा वोतीसे । २४पावल कली यो शारा का साशा वोतीसे । लांमी पावल कली सुइमी मारेइ पाइक्ने मचाप्मेक्व, दे रिम्शा पा हुकुम पाइब फेलीक्स आ डांडती चाक्दीतीसे” दे माइक्सी बाक्त । २५मिनु हुकुम पाइब कली चिठी बरक्ता बाक्त । २६मेको चिठीमी “हुकुम पाइब फेलीक्स हजुर, गो क्लौदीयस लिसीयस आं के नमरस्ते । हजुर, आं के लोत्र का निक्शी नेनीने । २७एको मुर कली यहूदीपुकीमी ग्याइशशा, हेरर हेररा साइक्तकम । साइक्चाम्तकम देशो नंशा, गो सिपाही आन कली लाइशशा, आन गुइ रे पुरांइता । रोमी नागरिक बाक्माक्त, दे यो तुइक्ताकड । पररित २१:३३ ; पररित २२:२५ २६एको के मार दोस बाक्म ? दे हिल्लो पथ यहूदी आन कछ्छुडमी लाइक्पाइक्ता । पररित २२:३० २९हिल्लो हिक्सी पामेनु, यहूदी आन अरतीक लोत्र आ पर्वम दोस गेम बाक्त । जिल्लानमी चाक्चा, साइक्चा पुंडसीचा डा गेय मारेइ मपशा बाक्त, दे रुप्ता । ३०मिनु यहूदीपुकीमी मेको कली साइक्चा, दे गारशा बाक्नीम” देशो नंशा, हजुर, इन बाक्तीके सोइक्ताकड । एको कली दास गेब आन कली ‘सिजरिया डा हुकुम पाइब आ बाक्तीके लने’ दे माइक्नुडमी” दे बरक्ता बाक्त ।

३१मिनु लडाइ पाइब आन ठेयब मुरुमी दोदेशो देमे, मोदेशो पा कप्तान नु सिपाहीपुकीमी पावल कली लाइशशा गाक्मा बाक्त । मिनु नाकदो रे गाक्शा, एन्तीपातरीसमी जाक्दीम्मा बाक्त । ३२मिनु आ दीसा सोइलीमी गाक्वपुकी यरूसलेम लेम्मा बाक्त । शारा डोइक्बपुकीमी पावल कली

सिजरिया चाकदीत्मे बाक्त । ३३ मिनु चाकदीश्शा, पावल नु चिठी मेको हुकुम पाइब कली जिम्मा गेम बाक्त । ३४ मिनु मकोमी चिठी पढेशा, पावल कली “इ खिं ते में ? तको रागी डा नव ?” दे हिल्लो पवानु “सिलीसीया रागी डा नड, हजुर” देमाक्त । पररित २२ :३ ३५ मिनु हुकुम पाइबमी “लो मो हना इ कली दोस गेबपुकी जाकमल । मिनु इ मुददा कोवनुड” देशा हरोद आ दरवारमी लाइश्शा, खाल पाइब आन दातेमी वोइकपदा बाक्त ।

हुकुम पाइब आ डांडती राप्पाइश्शा

२४ १ मिनु ५ नाक्त नोले ठेयब चढेब हनानीया, यहूदी आन जोकब तुइकब खाल्पा का निक्शी नु तेरतुल्लस नं पाइश्शा निसाफ पाइब का सिजरियामी जाकमा बाक्त । मिनु हुकुम पाइब आ डांडती पावल कली दोस गेम बाक्त । २ मिनु कछ्डी बाकमा नाक्ती पावल कली हुकुम पाइब आ डांडती राप्पदमेनु, तेरतुल्लस निसाफ पाइबमी दोस गेशा “भाननीय फेलीक्स सरकार, हजुर, इन रिम्शो पा हुकुम पशामी गो यहूदी नल्ल थुं नाइश्शा बाक्चा ताइतक । आंइ रागी रिम्शो सेल्वा कली नक लां कांडताक्नी । मिनु नल्ल आंइ कली थम रिम्शो दुम्त । ३ इन पशो मारेइ मारेइ रिम्शो बाक्ब, दे गो नल्लेमी तुइक्नीकी । ४ हजुर, कली शुश मक्योल्वा, दे मिम्नुड । तन्न लोत्र का चहिं पचा गर्यानी । ५ मेको इन डांडती राप्पा वोइश्शा मुर कली गो रिम्शो पा तुइक्नीकी । मेको मुर थम हिंचा डा रोइ सोदंशा बाक्ब । रागी रागी हिरशा गाकमेनु, यहूदी आन कली पोक्शा मरिम्शो पपाइक्बाक्त । एको नासरथ डा दूली थमा सुइक्ब आन ठेयब मुर बाक्ब । पररित १७ :६ ६ मोशो ला ममाइ, काबु परमपरभु यावे आ खिं गरांगरा पचशो बाक्त । मिनु गोपुकीमी ग्याइश्शा, मो पचा मगेक । गो आंइ धर्म डा अरेतीक लोत्र कोत्रशा, सजाइ पाइक्चा देशो नकी । पररित २१ :२६-२९ ७ तन्न लिसीयस लडाइ पाइब आन ठेयब मुरूम लोत्र पचा मगेथु, आ सिपाहीपुकी चाकशा, आंइ कली हिंम हिंम पा आंइ गुइ रे रोइश्शा लाइक्तु । ८ मकोमी आंइ कली ‘मेको मुर आ दोस मार बाक्मे, मेको लोत्र हुकुम पाइब फेलीक्स कली मतीन’ दे हजुर, इन बाक्तीके सोइक्ताक्नी । मुल एको मुर कली गे आंमान हिल्लो पना पन आ दोस नल्ल गरुंडने चाप्नीनी । मिनु आंइ गेशो दोस थमा बाक्माक्त, दे तुइक्नीनी” देमाक्त ।

९ मेकेर बाक्ब यहूदीपुकीमी यो “एको लोत्र थमा बाक्ब” दे निसाफ पाइब आ देशो लोत्र थोक्शा देमा बाक्त ।

१० मिनु हुकुम पाइबमी पावल कली लोत्र पचा गेवा बाक्त । मिनु पावलमी “हुकुम पाइब, हजुर, एको रागीम शुश बर्स डांडती र निसाफ पाइब बाक्नीनी, दे तुइश्शा, गो ग्यरसीशा ठेयब थुं पा आन गेशो दोस नंशा लोत्र लेत्नुड । मार लोत्र बाक्मे, मेको लोत्र नल्ल देनुड । ११ परमपरभु कली मान पथ, गो एसीया रे यरूसलेममी जाक्शो १२ नाक्त लाइ यो लाक्शा मबाक्ब । आं देशो थमा मदाप्तीनी हना, सु कली हिल्लो पाइतीनी हना यो, नल्लेमी देनीम । पररित २१ :१७ १२ गो यरूसलेममी बाक्डानु, परमपरभु यावे आ खिंमी, गरुम्तीक खिंमी, सहर तेइ तेइ हिरशा, सुइ कली जिचा पोक्चा डा लोत्र मपड । मुर आन कली पोक्शा मरिम्शो यो मपपदुमी । सुइमी मोदेशो मरिम्शो पशो ताइतक देन मचाप्नीम । १३ आं कली शुश अरु दोस यो गतीमी । तन्न थमा पा गरुंडशा कांइने मचबम । १४ लोत्र का चहिं हजुर, इन कली रप्पाइकनन्नी, गो येसु खरीस्त आ लां सोइश्शा गाक्नुड । मेकोपुकीमी मेको लां दूली बाक्ब, दे मिम्शो बाक्नीम । खरीस्त आ लां सोइश्शा, साइ आं किकी पिपी आन परमपरभु यावे कली ठेयब सेल्लुड । गो मोसा आ अरेशो लोत्र नु परमपरभु यावे आ लोत्र पाइबपुकीमी बरक्शो लोत्र नल्ल थमा सुइक्नुड । १५ गो नु अर्का यो ठीक पाइब नु ठीक मपाइब बक्शो रे संसीचा पुइसीनीम, दे थमा सुइक्नीकी । दानीएल १२ :२ ; यहून्ना ५ :२६-२९ १६ मोपतीक गो परमपरभु यावे नु मुर आन डांडती रिम्शो पाइनुड, दे आं थुं फरेशा बाक्नुड । पररित २३ :१

१७ मिनु मुल मार देनुड देशा हना, गो शुश बर्स मुर आन रागीमी हिरथ लशा, सावेर गाबर यरूसलेम लेश्शा जाक्ती । आंम आंइ यहूदी मारेइ मथीब आन कली मार मार गेथ नु परमपरभु यावे कली मार मार चढेथ लेश्शा जाक्ती । रोमी १५ :२५-२६ ; गलाती २ :१० १६ गो चोत्रखो दुम्शा, परमपरभु कली मार मार चढेडानु, मेकोपुकीमी परमपरभु यावे आ खिंमी ततीमी । मेना गो आं का ला बाक्शो नड । मुर आन कली पोक्शा, मरिम्शो यो मपड । मोदेशो एकोपुकीमी यो मतशो बाक्नीम । पररित २१ :२७ १९ एसीया रे जाक्शो यहूदीपुकी यो परमपरभु यावे आ खिंमी बाक्तक्मे । मेकोपुकीमी आं कली दोस

गेचा गोम्तेकम। गो दोस गेचा पुंडसीब मुर नड हना, मेकोपुकी एकर जाकशा, हजुर इन डांडती देचा माल्शा नमी। २० साबेर यरूसलेममी कळ्डी पामेनु, मुल इन डांडती जाकशापुकी यो बाकशो नम। आं कली मार दोस गरुंडेम, मेको लोत्र हजुर, इन कली तुडकपाइक्चा माल्शा नमी। २१ आं देशो लोत्र का आ पर्वम दोस गतीमी, दे तुडकनुड। मेको आं देशो लोत्र मार बाकब देशा हना 'मुर बेकशो र संसीनीम' दे थमा सुडकनुड। मेको आ पर्वम आं कली मुददा कोप्ताकयीमी। मिनु इन डांडती राप्पाइय्योनी, दे माइक्तामी। मिनु मुल इन डांडती राप्पाइक्तीमी" दे पावलमी देमाक्त। पररित २३:६

२२ मिनु फेलीक्स, हुकुम पाइबमी, खरीस्त आ लां सोइक्चा आ पर्वम शुश लोत्र तुडइशा बाक्माक्त। मोपतीके "लिसीयस, लडाइ पाइब आन ठेयब मुर, जाकशा नोले ला इन लोत्र नंशा, निसाफ कोत्रशा खरोइशा गेनन्नी" दे बैठक पोक्शा सोइक्तीमी बाक्त। पररित २३:२६ २३ पावल कली कप्तान आ गुडमी जिम्मा गेशा "सिपाहीपुकीमी कोत्रशा, एर आंथ गाक्चा गेचा। आ वारच जाक्तेकम हना, गरुम्चा गेचा" दे वोइक्पदा बाक्त। पररित २७:३

### पावल सांकळी दुम्शा

२४ इक्का नाक्त नोले हुकुम पाइब फेलीक्स नु आ मीश दरुसील्ला जाक्सा बाक्त। आ मीश यहूदी तमी बाक्माक्त। मिनु पावल कली चाक्पाइइशा, खरीस्त कली थमा सुइक्चा आ पर्वम लोत्र पपदस बाक्त। २५ मिनु पावलमी "ठीक पशो नु ठीक मपशो मार बाक्बा, इं थुं नु रां कली दोपा अरचा नु परमपरभुमी मुर नल्ल आन कली निसाफ पाइब" दे शंदानु, फेलीक्स हिंशा "लो मोक्ल, मुलाक्ती आशा ला लोत्र पय। इ लोत्र दीसा नित्थ लंशा नंनुड" दे सोइक्ता बाक्त। २६ फेलीक्समी "पावलमी क्येट सुइक्बा कों" दे यो आस पशो बाक्माक्त। मिनु लंशा बरेप्राक्माक्त। २७ मोपा बरेत्ता बरेत्ता बर्स निक्शी योल्माक्त। मिनु फेलीक्स अर्का रागीमी याक्से बाक्त। आ पा डा हुकुम पाइब पारसीयस फेस्तस जाक्माक्त। फेलीक्समी यहूदी आन कली ग्येरपाइक्चा, दे पावल आ मुददा मखरोइक्थु, चोक्स डा चोक्स वोइइशा गाक्माक्त।

### फेस्तस आ डांडती राप्पाइइशा

२५ फेस्तस हुकुम पाइब दुम्शा, आ सांबु नाक्ती सिजरिया र गाक्शा, यरूसलेम ग्येत्थ लमाक्त। २ मिनु यरूसलेममी बाक्मनु, ठेयब चदबपुकी यहूदी आन ठेयब मुरपुकीमी गरुम्थ जाकशा, फेस्तस कली पावल आ पर्वम लोत्र पाम बाक्त। ३ मार देमा बाक्त देशा हना "पावल कली यरूसलेम लेइशा सोइइशा, आ मुददा कोत्रचा माल्ताक्व" दे शुश लोत्र पा पुन्म बाक्त। मारदे हना, लोमी बाप्शा, साइक्चा, दे लोत्र पशो बाक्मा बाक्त। पररित २३:१५ ४ मिनु हुकुम पाइब फेस्तसमी मेको आन लोत्र नंशा, आन पुंडशा मगथु "पावल कली सिजरियामी चोक्स डा चोक्स वोइइशा पितो। मुल शुश नाक्त मबाक्थु, मेरेन लेइशा लाइनुड। ५ मापतीके अधिकार तशो इन मुर का निक्शी योत्रशा, गो नु सोइक्तीन। मिनु सिजरियामी जाक्दीइशा, मुददा कोत्रनुड। मेको मुरुमी मरिम्शो पशो बाक्त हना, दोस गरुंडेन चाम्सीब" दे माइक्मी बाक्त। ६ मिनु ८, १० नाक्त बाक्शा, सिजरिया लेइशा यिमाक्त। मिनु आ दीसा नाक्ती कळ्डी वोइइशा, पावल कली चाक्पाइइशा, आ डांडती राप्पदा बाक्त। ७ मिनु आ डांडती राप्पदानु, यरूसलेम र जाकशा यहूदीपुकीमी शुश दोस गेम बाक्त। तन्न लोत्र का यो थमा बाक्ब, दे कोइनेन मचाप्म बाक्त। ८ मिनु पावलमी "आंइ यहूदी आन अरशा लोत्र का यो दूली मपड। परमपरभु याव सिं गरांगरा मपड। रोमी पिप सिजर कली यो मरिम्शो मंदेड" देमाक्त। ९ फेस्तसमी यहूदी आन कली ग्येरपाइक्चा दाक्ता बाक्त। मापतीके पावल कली "गे यरूसलेम लचा दाक्नेव? इ मुददा मेरेन कोत्रशा गेनन, दुम्बा?" दे हिल्लो पवा बाक्त। १० मिनु पावलमी "मदुम्ब हजुर, मारदे हना सिजर आ निसाफ पाइबपुकीमी कका आं मुददा कोत्रचा माल्नीम। यहूदी आन कली मरिम्शो मारदे मपड, दे हजुर, गे यो तुडक्नीनी। ११ गो दूली पाइब दुम्शा, साइक्चा पुंडसीचा डा बाक्ती हना, सजाइ जाइनुड। बेक्चा यो महिनुड। आं कली दोस गेबपुकीमी दोस गरुंडेन मचाप्तेकम हना, आन गुडमी दोपा गेचा पुंडसीनुड? सिजर पिपी कली आं मुददा कोत्रचा गेने, देनुड" दे मदा बाक्त। पररित २३:११; पररित २८:१९ १२ मिनु फेस्तसमी आ मुरपुकी नु पावल आ मुददा मार पचा, दो पचा, दे लोत्रसी पने थुम्शा, पावल कली

“गे सिजर पिप कली इ मुददा कोवचा गेचा दंते ।  
मोपतीके सिजर पिप आ बाक्तीके सोइक्कनन” दे  
माइश्शा, कळ्डी पोक्शा सोइक्तीमी बाक्त ।

अग्रोप्या नु फेस्तस लोत्र पशो

१३मिनु इच्का नाक्त नोले पिप अग्रोप्या  
नु बेरनीस हुकुम पाइब फेस्तस कली गरुम्थ  
सिजरिया जाक्सा बाक्त । १४मिनु शुश नाक्त  
बाक्सानु, फेस्तसमी पिप कली पावल आ पर्वम  
“एक फलीक्समी मुददा मखरोइक्थु चोक्शा  
वोइश्शो मुर का बाक्ब । परंरित २४ :२७ १४ मिनु  
यरूसलेम लडानु, ठेयब चदेब नु यहूदी आन  
शंब खाल्पापुकीमी एको मुर आ पर्वम नेल्ल  
तुइक्पाइक्तीमी । शुश दोस गम्तेक्म । मिनु मेको  
कली सजाइ गेचा, दे पुंडतेक्म । १६गो मेको  
आन कली ‘कळ्डी वोइश्शा, दोस गेबपुकी  
नु दोस गेचा पुंडसीब कली मगरुम्पाइक्थु,  
दोस मगरुंडथु, सजाइ गेचा आंइ रोमी एन  
कानुनम मगराब । दोस गेचा पुंडसीबमी एको आन  
देशो थमा बाक्ब, दे मदंम सम्म सजाइ गेचा  
मदुम’ दे माइक्तामी । परंरित २२ :२५ १७ मिनु  
दोस गेबपुकी एक जाक्सा आ दीसा नाक्त  
कळ्डी वोइश्शा गरुम्पदुमीनु, १६ एको मुरुमी  
मुर साइश्शो बाक्म कां, दे मिम्शो नड । तन्न  
दोस गेमेनु, दोस मारइ मबा । १९ आन जिमुशो  
दा आन धर्म आ पर्वम कका बाक्माक्त । लोत्र  
का दोषा परमपरभु कली मान पचा आ पर्वम,  
लोत्र का येसु माइश्शो मुर आ पर्वम बाक्माक्त ।  
यहूदीपुकीमी मेको मुर बक्त देबाक्तेक्म । तन्न  
पावलमी चहिं बेक्शा र संसीशा बरोइशो बाक्ब  
देबाक्त । २०मिनु गो मार पड, दो पड दुम्ती ।  
मोपतीके गो पावल कली ‘यरूसलेम लशा, मेरंन  
इ मुददा कोवचा दुम्बा?’ दे हिल्लो पाता ।  
२१मा देडानु, पावलमी ‘अगस्टस कली आं मुददा  
कोवचा गेन । सिजर आ बाक्तीकेमी मसोइक्तीनी  
सम्म चोक्शा वोइय्यीनी’ दे पुंडतु । मिनु गो  
रिम्शो पा वोइक्पाइक्ता । मिनु गेना सोइक्तु,  
दे लां कोवना कोत्रन बाक्ती” देमाक्त । २२मिनु  
अग्रोप्यामी फेस्तस कली “गो मेको मुर आ  
लोत्र नंचा दाक्नुड” देमेनु “सरकार, दोसान इन  
डांइती राप्पाइक्नुड” देमाक्त । लूका २२ :५

अग्रोप्या आ डांइती राप्पाइश्शो

२३मिनु आ दीसा अग्रोप्या नु बेरनीस नु  
सहर डा सरकार आ ठेयब मुरपुकीमी सरकारी  
वा फेक्शा जाक्शा, दरवारमी दल्मा बाक्त ।

मिनु फेस्तसमी पावल कली चाक्पाइश्शा, नेल्ल  
आन डांइती राप्पदा बाक्त । २४ मिनु फेस्तसमी  
“सरकार अग्रोप्या, एकर देल्शो हजुरपुकी,  
आं लोत्र का निक्शी नेनीन । एको इन डांइती  
राप्पाइश्शो मुर कोवर्डीन । यहूदी नेल्लेमी एको  
कली मरिम्शो मुर, दे दोस गेनीमी । यरूसलेम  
नु एकर कळ्डी वोदमनु ‘मेको कली साइक्चा  
माल्ब’ देन देन रयके पाम्तेक्म । परंरित २२ :२२  
२५ गो चहिं मो देशो साइक्चा पुंडसीब मुर मतड ।  
मिनु एकोमी यो रोमी पिप सिजर अगस्टस कली  
आं मुददा कोवचा गेन, दे पुंडतु । मिनु सिजर  
आ बाक्तीके सोइक्तु देती । २६तन्न सिजर कली  
एको मुर आ पर्वम मार लोत्र बेक्का डा ? आ दोस  
गरुंडन मचबु । मोपतीके मुलाक्ती अग्रोप्या  
सरकार नु हजुर नेल्ल इन डांइती राप्पाइक्ता ।  
गो नेल्लेमी हिल्लो हिक्सी पा दोस गरुंडताक्थ  
हना, सिजर पिप कली बेक्का सोइक्केन चानुड ।  
२७मारदे हना आं पा ग्याइश्शा फरंशो मुर  
कली दोस का यो मगरुंडथु, सिजर पिप बाक्तीके  
सोइक्ताकड हना, मुने दोक्सीब, दे मिम्ताकड”  
देमाक्त ।

पावलमी सांकळी गेशो

२६ १मिनु पिप अग्रोप्यामी पावल कली “इ  
लोत्र मार बाक्म, मेको देनो” दे लोत्र पचा  
गेवा बाक्त । मिनु पावलमी गुइ का पोक्शा,  
२ “अग्रोप्या सरकार, यहूदीपुकीमी शुश दोस  
गेतीमी । मिनु मेको दोस आ पर्वम हजुर नु लोत्र  
पचा तडानु, गो ग्यरसाक्थी । ३मारदे हना यहूदी  
आन पतीके नु गारचा डा मगराचा डा लोत्र नेल्ल  
हजुरमी, रिम्शो पा तुइश्शो बाक्नीनी । लोत्र  
शुश बाक्ब । मोपतीके मबरीथु, हजुरमी, नेशा  
गेचा नड । ४गो आल र यरूसलेममी बाक्शा,  
यहूदी नेल्लेमी आं कली तुइश्शो बाक्नीमी ।  
५ मेकोपुकी गो शुश धर्म पाइब फरिसी का बाक्ती,  
दे डांइती र तुइक्नीमी । मेकोपुकीमी गो फरिसी  
का बाक्ती, दे सांकळी दुम्ने चान्नीम । परंरित  
२३ :६ ; फिलिप्पी ३ :५ ६ परमपरभु यावेमी आंइ  
किकी पिपी आन कली लोत्र गेशो बाक्माक्त ।  
मिनु मेको लोत्र आ पर्वम दोस ताइब दुम्ती ।  
परंरित २५ :२० ७ मिनु मेको लोत्र नेल्ल साप्ब,  
दे आंइ १२ थर डा यहूदी नेल्लेमी थमा सुइश्शा,  
परमपरभु यावे कली नाक्को नाक्त ठेयब सल्शा  
बाक्नीकी । मेको आन थमा सुइश्शो सोदेशो पा  
गो यो थमा सुइक्ब का नड । मेको थमा सुइश्शो  
आ पर्वम आं कली दोस गेतीमी, अग्रोप्या

सरकार। पररित २४ :१५ ८ परमपरभु यावेमी बेक्शा लशा आन कली संपाइशशा गेना हना यो ब्रांडशा बाक्का गेब देशो लोत्र थमा सुइक्तीक लोत्र ममाइ डा ? हजुरपुकी, एको लोत्र मारदे थमा सुइक्न मचाप्नीनी ? पररित २३ :८

१ साइ गो दोपा यो मको नासरथ डा येसु आ नें क्याम्चा, दे मिम्शा नड। पररित १ :१-२९ ; पररित २२ :३-२१ १० यरूसलेममी मको आ नें क्याम्तीक गेय पा गाक्ती। ठेयब चढेबपुकी रे अधिकार तशा, थमा सुइक्ब शुश आन कली जेल्खानमी चोक्पाइक्तामी। मोशा ला ममाइ, थमा सुइक्ब आन कली सदमेनु, गोमी रिम्शा पाइतीनी? देती। ११ थमा सुइक्ब आन कली आंइ ग्स्तीक सिं सिंमी कीशा चाक्शा तुप्शा, येसु आ नें मरिम्शा सेल्पाइशशा, मुल डा मर मको लो मखोइक्नीकी देपाइक्तामी। नेल्ल आन कली साइक्पाइक्नुडमी, दे जांब बोक्शा गाक्ती। यरूसलेममी ला ममाइ, डोन डोन रागी लशा, खदा पा श्येत गेतामी।

१२ मोपा श्येत गेना गेन गाक्कानु, काबु ठेयब चढेब आन अधिकार तशा, वारच नु गारशा, दमस्कस सहर गे लाइतक। १३ अगरीप्पा सरकार हजुर, मुल नोफा दाइशशा नेनीन। नाक्ती उइक्थ दुम्मनु गाक्कानु, मार दुम्त देशा हना, नां पशो क्यडा छेड्छेड् सरीड रे यिशा, आंइ एर आंथ कांइताक्व। १४ मोदंशो छेड्छेड् दुम्शो तशा, गो नल्ल दिड दाड गोल्लक। मिनु हिब्रू लोत्र पा आं नें थिशा 'सावल, सावल आं कली मारदे खदा पा श्येत गयी? गे आंमा श्येत जाइनेवे' दे लोत्र पशो नंता। १५ मिनु गोमी 'परभु, सु ननी' दे हिल्लो पडानु 'इ खदा पशो येसु नड। १६ मुल छुल बोक्का। इ कली योत्रशा आं लोत्र नंपाइक्ब सेल्लन। मुलाक्त इ कली तपांइसाक्यी। मुल डा मर इ कली तपांइसीन सीन बाक्नुड। मिनु मुलाक्ती तशो नंशो खोदंशो पा नोले यो नंनेव, ताइनेवे। मको लोत्र नेल्ल नंपाइक्ब सेल्लन। १७ आं लोत्र शंथ सोइक्नन। आं लोत्र नंपा गाक्केनु, यहूदी नु अर्का रागी डा मुर आन गुइ रे परांइनुड। १८ मारदे हना मकोपुकी मिक्च ताइब दुम्मल। छिड्छिड्मी बाक्शापुकी छेड्छेड्मी बाक्का तामेक्ल। सैतान आ अधिकारमी बाक्शापुकी परमपरभु यावे आ अधिकारमी बाक्ब दुम्मल। मको आन पाप क्याम्चा पुंडसीशा, आं कली थमा सुइशशोमी आं मुरपुकी नु काथा दुम्शा, आं मुर दुम्मल' देशो नंता। पररित २० :३२

१९ अगरीप्पा सरकार, परमपरभुमी कांइशो कांइतीक तशा, आ लोत्र नंशा, मको लोत्र टीब दुम्ती। गलाती १ :१६ २० दमस्कसमी जाक्दीशशा, लोत्र शंचा गोत्रता। मिनु यरूसलेममी, यहूदीया रागी हिरशा गाक्ती। अर्का रागी डा मुर आन रागी रागी हिरशा गाक्ती। मोपा गाक्कानु, मुर आन कली 'पाप पचा परांइशा, इन थुं परमपरभु यावे गे हिरदीन। मिनु परमपरभु कली शिरशा गेय पा इन थुं थमा पा हिरशा बाक्त, दे कांइदीन' दे शंन शंन गाक्ती। २१ मोदंशो शंशो आ पर्वम यहूदीपुकीमी परमपरभु यावे आ सिंमी ग्याइशशा दोस गेशा, साइक्चा पुंडसीब, दे साइक्चा माल्तीमी। पररित २१ :३०-३१ २२ खदा पा शुश श्येत गयीमीनु, परमपरभु यावेमी श्येत फाल्तीक सक्ति गती। मोपतीके गो ठेयब थुं पा इन डांइती राप्शा, ठेयब मुर आइक्च मुर नेल्ल इन कली आं लोत्र मोसा नु परमपरभु यावे आ लोत्र पाइब आन लोत्र नु गारब, दे रुपीन। लुका २४ :४४-४७ २३ मकोपुकीमी 'खरीस्तम श्येत जचा माल्व' दे बरेक्शो बाक्शो बाक्तेक्म। मिनु बेक्शो रे संसीशा ब्रांडशा बाक्ब। बेक्शो रे संचा पुंडसीबपुकीमी नेल्ल आन क्यडा डांइती मको येसु खरीस्त बेक्शो रे संसाक्व। मिनु मोपा यहूदी नु अर्का रागी डा मुर नेल्ल आन कली छेड्छेड् दुम्शो खोदंशो पा आन लां कांइब दुम्त' दे पावलमी सांक्छी गेशा शंदीमी बाक्त। १ कोरिन्थी १५ :२० २४ मोपा लोत्र पना पन लदानु, हुकुम पाइब फेस्तसमी आ लोत्र खरीइशशा "पावल, गे बोला, शुश शंसीशा जोक्ब तुइक्ब दुम्शा, निप्स ग्यशा कका दुम बाक्त" दे ठेयब खदा पा दंमेनु, २५ पावलमी "माननीय फेस्तस हजुर, गो बोला मनड। गो थमा पा आं तुइशशा रिम्शा लोत्र पाता। २६ अगरीप्पा सरकारमी आं देशो लोत्र नेल्ल रुष्शा बाक्ब, दे तुइक्ताक्ड। मोपतीके आं गराकी लोक्शा लोत्र पाता। सरकारमी खरीस्त आ पर्वम बरशो शुश लोत्र नंशा रुष्शा बाक्माक्त। खरीस्त आ पर्वम दुम्शा चहिं का निक्शीमी ला तुइशशा मनमी। शुशमी तुइशशा बाक्नीमी। यहून्ना १८ :२० २७ अगरीप्पा सरकार, परमपरभु यावे आ लोत्र पाइब आन लोत्र थमा सुइक्नुड मदेतीनी हना यो, इन थुंमी थमा सुइक्नीनी, दे तुइक्ताक्ड" देमाक्त। २८ मिनु पिप अगरीप्पामी "लोत्र का निक्शीमी गो खरीस्त कली थमा सुइक्ब दुम्ती" दंमेनु, २९ पावलमी "लोत्र का निक्शी

पशा हना यो, शुश पशा हना यो, दोपा यो आं सोदेशो दुमीन, द मिन्नुड। सरकार ला ममाइ, एकर सुम्सीशा बाक्ब नेल्ल आं सोदेशो दुम्मल। तन्न ग्याइश्शा साङ्गलोम पाइश्शा जेल्खानमी चोकचा च्हिं मपुंडिसमल, दे पुंडिनुड” देमाक्त। ३०मी देमनु, पिप छुल बाक्शा गाक्माक्त। मिनु हुकुम पाइब, बेरनीस नु मेकर बाक्ब नेल्ल छुल छाल बाक्शा गाक्मा बाक्त। ३१मिनु गाक्मानु “एको मुर रिम्शो बाक्माक्त, जेल्खानमी चोकचा डा, साइक्चा पुंडीसीचा डा मबा” देमुशा गाक्मा बाक्त। ३२मिनु पिप अगरीप्यामी हुकुम पाइब फेस्तस कली “एको मुरुमी सिजर कली आं मुदवा कोवचा गेन, दे मपुंडिशो हना, परांइशा सोइक्ने चाप्स वा” देमाक्त। पररित २५ :३१

पावल कली रोम सोइश्शा

२७ १मिनु पावल कली सिजर बाक्तीक इटाली सोइक्की जाक्माक्त। मिनु पावल नु अरु चोकचा पुंडीसीशो का निक्शी आन कली अगस्टस पल्टन डा युलीयस नें पाइश्शा कप्तान आ गुइमी जिम्मा गमे बाक्त। मिनु गो पावल आ वारच का निक्शी यो सासाक्क। पररित २५ :३२ २सिजरिया र लशा, अदरामीतीयम जाक्दीश्शा, एसीया लाइब जहाज डाइश्शा लाइतक। मासीडानीया डा थिस्सलोनीकी र जाक्शो अरीस्तारकस पावल आ वारच का यो गोपुकी नु लत। पररित २० :४ ३मेकर र लशा, आ दीसा नाक्त सीदान जाक्दीत्तक। मेकर जाक्दीक्कानु, कप्तान युलीयसमी पावल कली रिम्शो पा आ वारच आन कली गरुम्य लचा गेपु। मिनु मेकोपुकीमी पावल कली रिम्शो पाम्तेक्म। पररित २४ :२३ ; पररित २८ :३६ ४मिनु लेश्शा जाक्शा, जहाज डाइश्शा, लाइतक। मिनु साइपरस आ नेक्नेक्था जाक्दीत्तक। मारेदे हना फश गिवारमी आइदी लां लचा मगेव। ५मिनु सिलीसीया नु पाम्फीलीया रागी आस दी डा लां पा लिसीया रागी डा मिरा सहरमी जाक्दीश्शा तांडिसाक्क। ६मिनु कप्तानमी अलेक्जेन्दरीया र जाक्शो इटाली लाइब जहाज थिश्शा, नेल्ल आंइ कली मेकोमी डाइक्पाइक्तीकी। ७मिनु लकानु, शुश फश गिवार पा तेक्तीक श्येत पा आंखां आंखां लशा, कनीदोस रागी आ नेक्था जाक्दीत्तक। फश गिवार मलीथु, आइक्था र पा साल्मोने नु करट टापु आस नेक्नेक्था लां र पा लाइतक।

८मिनु श्येत पा करट टापु डा जहाज नाइक्तीक जाक्दीत्तक। मेको जहाज नाइक्तीक दारशो जहाज नाइक्तीक नें वोइश्शा बाक्त। मेको लासया सहर आ नेक्था सेल्शो बाक्त।

९फश गिवारमी तेक्तीक करटमी जाक्दीत्त्वा यो शुश नाक्त लाक्शा, माइजा बाक्तीक लाइ यो लाक्तु। में डा मेर जहाज चलचा हिंचा पाइब। २कोरिन्थी ११ :२५-२६ ; लवी १६ :२९ १०मोपतीक पावलमी जहाज चलेब आन कली “हजुरपुकी, एक डा लाक्शा लाइतय हना, फश गिवारमी योल्ब। जहाज नु जहाजमी कुर पशो थोत्रक नेल्ल जाम्ब, गोपुकी यो बरांइचा मताइनय दे तुइश्शा बाक्नुड। मोपतीक मलचा” देत। ११कप्तानमी च्हिं पावल आ देशो लोत्र थमा मसुइक्थु, जहाज आ होत्रप नु चलेब आन लोत्र नंतु। १२मेकोपुकीमी “हिउंदमी एकर बाक्चा मदुम्ब” देतेक्म। मो देमानु, अरुमी यो “मो हना फोनीकस गे लचा” देतेक्म। फोनीकसमी जाक्दीन्ने चापनय। मिनु मेकेरन हिउंद लाक्चा रिम्शो दुम्ब देतीक लाइतक। फोनीकस च्हिं करट टापु डा नेल्ल क्येडा पच्छिममी बाक्ब।

१३मिनु लना लन बाक्कानु, दक्खिन र इचीची फश पवानु, मुल रिम्शो चलसीब देश, जहाज तिक्तीक क्युक्शा वोइश्शा, करट आ नेक्था लां लाइतक। १४मिनु में चाटीन टापु र फश गिवार यिशा सुम्तु। मोदेशो फश गिवार कली उत्तर पूर्व डा फश, दे नें वोइश्शा बाक्ब। १५मोपा सुम्कीनु, जहाज लतीक लां लाइक्ने मचबम। मोपतीक फश गिवारमी तेइ योल्दल, दे चलेचा परांइतेक्म। १६मिनु कौदा माइश्शा टापु आ ता जाक्दीश्शा, टापुमी फश गिवार इचीची फारताक्व। मिनु शुश श्येत पा इम्ची डांगा ब्याक्कुम तोक्शा, मेको डांगा र गेय पा जहाज कली ठेयब ठेयब डारीम फरंशा बोल्यो सेल्तेक्म। १७मिनु सिरतीस माइश्शा बाल्वा बाक्तीकेमी जहाज मओत्रदील, दे जहाज कीब वा फरुष्शा, आंखां आंखां पा जहाज लचा गेम्तेक्म। १८फश गिवार काइ यो मनाइक्थु पना पन बाक्त। मिनु आ दीसा जहाज सोपी दुम्ल, दे जहाजमी कुर पशो भारी शोल्शा ताइक्ताक्म। १९मिनु आ नित्य नाक्ती जहाज कली माल्शो थोत्रक यो ताइक्ताक्म। मिनु शुश नाक्ती सम्म फश गिवार पना पन नां तास्त्ला सोरुल मारेइ मतांइसे। २०मिनु गोपुकीम बरांइचा मतांइसीबाक्त, बेक्सीबाक्त देतक।

२१ गो शुश नाक्ती सम्म मारइ मजथु बाक्तक। मिनु पावलमी जहाज चलेब आन झंडती राप्शा “हजुरपुकी, साबर आं देशो तोत्र टिचा माल्शो ननी। गोमी करट मलचा देती। गोपुकीमी आं देशो टिशो ननी हना, जहाजमी कुर पशो नु जहाज डा थोत्रक मारइ ताइक्चा ममाल्द वा। गो यो ओदंशो श्यत मजय वा। २२ मुल मोदंशो दुम्त हना यो, इन थुं बारपा बाक्कीन। मारद हना सुइ यो मबेकनय। जहाज ला जाम्शा लाइब, दे तुइक्ताकड। २३ दोपा तुइक्ताकड देशा हना, गो परमपरभु यावे कली ठेयब सल्लुङ, मेको आ मुर नड। परमपरभु यावेमी आ स्वर्ग डा गेय पाइब का कली सोइश्शा, सिनाक्दो आं झंडती राप्शो ताता। २४ मेकोमी “पावल, महिनो। गे सिजर पिप आ झंडती राप्शा माल्लेवे। ब्वाक्कुम गरुम्शा मबेकनेवे। परमपरभु यावेमी गे नु बाक्ब नेल्ल यो मबेकथु, इन कली गेपु” दे माइक्ती। पररित २३ :११ २४ मोपतीके इन थुं बार पा बाक्कीन, हजुरपुकी। परमपरभुमी आ देशो का यो मपरांडथु, नेल्ल साप्ब, दे थमा सुइक्नुड। पररित २८ :१ २६ मुल जहाज टापु जाक्दीश्शा, खरा दिक्ब, दे तुइक्नुड” दे माइक्तीमी।

२७ मिनु १४ नाक्त मोपा योल्स डा योल्स पा अदरीया समुन्दर लाक्शा, काबु नाक्दो जहाज चलेबपुकीमी तेक कका डा रागी तांडसीशो सोदंशो ताम्तेक्म। २८ मिनु ब्वाक्कु पुक्तीक खरुम्शा पुक्गमेनु, २० ओरग्या बाक्त। मिनु इच्ची नोल बारशा लशा लेशा पुक्गमेनु, १५ ओरग्या बाक्त। ओरग्या का १,८५ मिटर बाक्ब। २९ मिनु संरथ फुल्लुम थोक्सीशा, जहाज बिगर्सोब देशा जहाज तिकतीक ४ ओटा तोक्शा, जहाज कली तिकशा नाइक्पाइक्तेक्म। मिनु गेना नां सोत्रबा, दे रिम्शा बाक्तक। ३० नां मसोत्रथु जहाजम गेय पाइबपुकीमी जहाज तिकतीक तोक्सु पा आइक्च डांगा तोक्शा, जहाज परांडशा प्रोक्चा माल्मे बाक्त। ३१ मिनु पावलमी मेको आन मो पचशो तुइश्शा, कप्तान कली “मेकोपुकी प्रोक्शा गाक्तेक्म हना, गो नेल्ल गरुम्शा बेकनय” दे माइक्तु। ३२ मिनु सिपाहीपुकीमी डांगा डा डोरी खरोइश्शा तोक्शा, मेको आन कली प्रोक्चा मगेम।

३३ मिनु नां सोत्रमेनु पावलमी नेल्ल आन कली “मजशो, मइश्शो मुलाक्त १४ नाक्त दुम्त। ३४ मोपतीके मुल इच्ची सोइ जय। मिनु बोल ताइनय। महिनीन। मारदे हना सुइ के चां का यो महम्ब” दे नेल्ल आंइ थुं बारपाइक्तु। मत्ती

१० :३० ३२ मिनु शोप्ने आ गुइमी शेशा, परभु कली “गे रिम्शा पाइब बाक्नीनी” देशा, जिक्शा नेल्ल आंइ कली योक्तु। ३६ मिनु नेल्ल आंइ थुं बारशा जाइतक। ३७ मेको जहाजमी २७६ जना मुर बाक्शो नकी। ३८ मिनु रूथरी जशा, जहाजमी कुर पशो चेरब ताइक्ताक्म।

३९ मिनु नां सोत्रमेनु, मेको झंडती तांडसीशो रागी मार रागी बाक्म, दे मतुइक्तेक्। बाल्वा ला तांडसाक्व। ४० मेको बाल्वा बाक्तीक चाक्दीश्शा, जहाज तिकतीक खरोइश्शा, ब्वाक्कुमी परांडतेक्म। मिनु चलतीक आ डोरी प्रोक्शा, वा क्युकशा वोइश्शा, फशेमी जहाज कली गाक्पा बाल्वा गे लाइक्तेक्म। ४१ मो पामेनु, जहाज बाल्वामी ओत्रदीश्शा, आ शोत्र गरुक्साक्व। आ मीतु चहिं ब्वाक्कुम आप्शा जिक्तेक्। ४२ एको चाक्सीशा लाइश्शोपुकी प्रोक्नीमी कोर में, दे हिंशा, सिपाहीपुकीमी मेको आन कली प्रोक्चा मगेथु साइक्चा, दे मिम्शो बाक्मा बाक्त। ४३ कप्तानमी चहिं “पावल कली मसाइक्थु बरांडचा गेचा” दे आ थुं फरंशो बाक्माक्तेक्। मोपतीक सुइ कली साइक्चा मगेव। दोम्ली ग्यारस जोक्ब आन कली दोम्ती ग्यारशा रागीमी गरुडीन, दे सोइक्ताक्मी। ४४ दोम्ली ग्यारस मजोक्बपुकीमी चहिं जहाज डा शी फलेक ग्याइश्शा डाइश्शा रागीमी गरुमल देत। मोपा सुइ मगरुम्थु नेल्ल बरांडशा रागीमी गरुत्तक। पररित २७ :२२-२५

### माल्टाम बाक्शा

२८ १ मेको रागीमी गरुकानु, माल्टा ने पाइश्शा टापु बाक्माक्तेक्, दे तुइक्ताक्क। २ मेको टापुमी बाक्बपुकीमी आंइ कली तशा, शिशो पा शुश रिम्शो पा वारच पाम्तेक्म। मेकेर थम ग्यू पा रउ यित। मोपतीके मेकोपुकीमी मी मुइश्शा थेरपाइक्तीकी। २ कोरिन्थी ११ :२७ ३ मी थेरना थेरन बाक्कानु, पावलमी एर ओथ डा शी खुप्शा चाक्शा चोवानु, मीम होशा गरुशो बुस्स कामी आ गुइमी गिल्शा कोक्तु। ४ टापुमी बाक्बपुकीमी पावल आ गुइ बुस्सुम गिल्शा तशा “एको मुर मुर साइक्ब बाक्माक्तेक्। समुन्दरमी फश गिवार पा गरुम्शा हेररा बेक्शा यो बरांडशा, रागीमी गरुशा यो बुस्सुमी कोक्शा बेक्ब दुम्त” दे मुस्तेक्म। ५ पावलमी आ गुइ थुर थुर पा बुस्स कली मीम हुम्ताक्व। मिनु आ कली मारइ मदुम। मर्कूस १६ :१८ ६ मुरपुकीमी पावल कली कोत्रस डा कोत्रस पाम्तेक्म। मारदे

हना बुस्सुमी कोकशो मुर इच्ची होम्शा बक्व, दे मिम्शा बाक्मा बाक्म। मिनु कोत्रस डा कोत्रस बाक्मानु, मारइ मदुम। मोपतीके आन थुं हिरशा “मुर साइक्व मुर ममाइ, देवता कका बाक्माक्त, है” देमुम्तक्म। परंरित १४ :११

### ठेयब मुर आ आफ सापाइश्शो

७मेको टापु डा ठेयब मुर आ नें पुब्नीयस बाक्माक्त। आंइ जाक्दीत्तीके आ नेक्था पुब्नीयस आ रू, सिं बाक्त। मिनु पुब्नीयसमी आंइ कली गरुम्शा, आ सिं लाइश्शा, नाक्त सां सम्म बास जचा तूचा गेशा रिम्शा पाइक्तीकी। ८पुब्नीयस आ सिंमी बास बाक्कानु, आ आफ स्थुर पा जरो पा रोइ पशो बाक्त। मिनु पावलमी रोइ पाइब कली गरुम्थ लशा, आ गुइ मेको तारी वोइश्शा, परार्थना पा सापाइक्तु। ९मोपा सापाइश्शो तशा, टापु डा रोइ पशो मुरपुकी जाक्शा, आन रोइ सापाइसाक्म। १०मिनु टापु डा मुर नेल्लेमी ग्येरसीशा, आंइ कली मार मार चाक्शा गेम्तेक्म। गाक्चकानु लांमी जचा कली लाम्जी कुम्ज सेल्शा कुरपा सोइक्ताक्म।

### रोम जाक्दीश्शो

११मेको टापुमी महिना सां सम्म बाक्तक। अलेकजन्दरीया र जाक्शो कस्तोर नु पोल्तुक्स माइश्शो जौलि आस नें पाइश्शो जहाज माल्टामी हिउंदमी बाक्बाक्माक्त। मिनु हिउंद लाक्शा, मेको जहाज डाइश्शा गे लाइतक। १२मिनु सिराकुसमी जाक्दीश्शा, नाक्त सां सम्म बाक्तक। १३मेकर र लशा इच्ची हेरशा, रंगीयम जाक्दीत्तक। मिनु आ दीसा दक्खिन र फश पशोमी नाक्त निक्शीमी पुटओलीमी जाक्दीत्तक। १४मेकर जाक्दीश्शा, जहाज र तोइश्शा, सहर लाइतक। मिनु थमा सुइक्व लोकब आन कली गरुम्कानु, मेकोपुकीमी “बाक्कीन, बाक्कीन” देतीके ७ नाक्त सम्म बाक्तक। मिनु रोम सहर गे लाइतक। १५ रोम सहरमी बाक्व थमा सुइक्व लोकब ते गुम्थ जाक्चाम्तेक्म देशो नेंशा, सां-पाटी नु अर्पीयस बजारमी गरुम्थ जाक्तेक्म। पावलमी मेको थमा सुइक्व आन कली तशा, आ थुं बारशा, परमपरभु यावे कली “गे रिम्शा पाइब बाक्नीनी” दे ठेयब सेल्लु। १६मिनु रोम सहरमी जाक्दीत्तक। जाक्दीश्शो र पावल ते ते बाक्चा दाक्ता, मेक मेक बाक्चा गेम्तेक्म। आ कली कोत्रब सिपाही का वोइक्तेक्म। परंरित २७ :३

### रोममी यहूदी आन कली गरुम्शो

१७ रोम सहरम जाक्दीश्शो आ सांबु नाक्ती पावलमी रोममी बाक्व यहूदी आन ठेयब मुर बरेशशा सुप्ताक्मी। मिनु मेको आन कली “आं लोकबपुकी, आं लोत्र का निक्शी ननीन। इं यहूदी नु इं किकी पिपी आन पतीक पना पन बाक्ती हना या, यरूसलेममी बाक्व लोकबपुकीमी आं कली दोस गेशा ग्याइश्शा, रोमी सरकार आन गुइमी गेतीमी। परंरित २३ :१ १५मिनु रोमी निसाफ पाइबपुकीमी हिल्लो हिकसी पशा डा मिन, आं कली परांइचा देतेक्म। मारदे हना साइक्चा डा सजाइ गेचा पुंडसीब मारइ दोस गरुंइन मचबेम। १९ यहूदी लोकबपुकीमी परांइचा मदुम्ब देना देन बाक्मानु, गोमी सिजर कली आं मुददा कोत्रचा गेने, दे पुइता। पिप आ डांडी इं यहूदी सुइ आन कली मारइ दोस मगेनुडमी। परंरित २५ :११ २०इन कली एको लोत्र नेल्ल रुपपाइक्थ बरेशशा सुप्ताक्नी। आं दोस चहिं मार बाक्व देशा हना, इं इसराएलीपुकीमी परमपरभु यावेमी पाप र परांइब खरीस्त कली रागीमी सोइश्शा देशो लोत्र थमा सुइश्शो आ पर्वम साङलो पाइक्चा पुंडसाक्ड” दे माइक्तीमी। परंरित २६ :६-७ २१मिनु मेकोपुकीमी पावल आ लोत्र नेंशा “इ पर्वम यहूदीयां र लोत्र, चिठी का यो मजा। मेक र एक जाक्शो लोकब सुइमी इ पर्वम मरिम्शो लोत्र पा दोस मगेम। २२गोपुकीमी एको नक थमा सुइक्तीके आ पर्वम चहिं लोत्र नंतक। मेको लोत्र तक तक बरामे, मेक मेक जिचा पोक्म बाक्त, दे तुइश्शो नकी। मोदेशो दुम्त हना यो, गो इ मिम्शो तुइक्चा दाक्नीकी, लेशा गरुम्चा” दे लोत्रसी थुम्शा गाक्तेक्म। परंरित २४ :१४ ; लूका २ :३४

### यहूदीपुकीम खरीस्त आ लोत्र नेंशा

२३मिनु गरुम्ची नाक्ती पावल आ बाक्तीकेमी शुश मुर सुम्साक्म। मिनु सुनी र नाक्दो सम्म पावलमी मेको आन कली एको लोत्र नेल्ल रुपपाइक्तीमी। मोसा आ अरेशो नु परमपरभु यावे आ लोत्र पाइब आन बरेशो लोत्र र शंशा, परमपरभु यावे आ सोइश्शो खरीस्त चहिं येसु बाक्व देशा, परमपरभु यावे आ राज्य डा लोत्र शंताक्व। २४ आ लोत्र नेंबपुकी का निक्शीमी आ देशो थमा बाक्त, दे थमा सुइक्तेक्म। का निक्शीमी चहिं थमा मसुदेम। २५ थमा सुइक्व नु थमा मसुइक्व दुम्शा बरातेक्म। मिनु

गाक्चामेनु, पावलमी थमा मसुइक्व आन कली  
 “परमपरभु यावे आ सोक्तीम परमपरभु यावे आ  
 लोव्र पाइब यसैया इन किकी पिपी आन पर्वम  
 ठीक लोव्र पशो बाक्त। २६ मेकोमी मेको मुर  
 आन कली गरुम्थ लावो। मेको आन कली “नेंचा  
 दा नेनीन। तन्न गे यो मरुनीनी। कोव्रचा दा  
 कोव्रनीन। तन्न मताइनीनी। २७ मेको मुर आन थुं  
 गयाश्शो बाक्नीम। आन नोफा थाइशो बाक्नीम।  
 आन मिक्च किरप्शो बाक्नीम। मोदेशो मपशो  
 नम हना, आन मिक्चीमी ताम वा, आन नोफाम  
 नेनम वा, थुमी रुबम वा, आं गे लेम वा, गो  
 सापदुमी वा” दे बरक्शो बाक्त। यसैया ६ :९-  
 १० २८ परमपरभु यावेमी अर्को रागी डा मुर  
 आन, कली आ लोव्र नेपाइक्व। मेकोपुकीमी  
 नोफा दाइश्शा नेशा टीनीम, दे तुइक्तीन” दे

माइक्तीमी। २९ पावलमी मेको आन कली मोदेशो  
 लोव्र पवानु, यहूदी लाम्तेकम। का निक्शीमी “आ  
 लोव्र थमा बाक्ब” दंतेकम, का निक्शीमी “थमा  
 ममाइ” दंतेकम। मिनु हेरर हेररा जिशा बाक्तेकम।  
 पररित १३ :४६

### पावलमी सांकळ्ठी गेचा तशो

३० मिनु पावल बर्स निक्शी सम्म मुर आ खिंमी  
 क्येट थाप्शा बाक्मेनु, शुश मुर पावल कली  
 गरुम्थ जाक्मा बाक्त। मेको गरुम्थ जाक्ब आन  
 कली “निस्सीन, बाक्कीन, लोव्रसी पय” दे शुश  
 लोव्र शंबाक्माक्त। ३१ शंचा मदुम्ब, दे सुइमी  
 मदंबाक्मा बाक्त। मिनु ठेयब थुं पा परमपरभु  
 यावे आ राज्य नु परभु येसु खरीस्त आ पर्वम  
 शंना शंन बाक्माक्त। एफिसी ६ :२०

## रोमी

बरेकब मुरः एको चिठी पावलम रोम सहर डा थमा सुइक्व आन कली बरेकशो बाक्व ।

गना बरेकशो : पावलम रोम सहर डा थमा सुइक्व आन कली गरुम्चा दाक्शो बाक्व । कारिन्थ सहरम बाक्शा, एको चिठी बरेकशो बाक्व । मेको यरूसलेमम ग्याइक्चा पुंडसीशो ५८ ए. डी.म पेन्तीकोस क्यडा डांडती दुम्शो बाक्व ।

मार बरेकशो :

१. डांडती डा लोत्र रोमी १ :१-१७

२. मुर नेल्लेम मरिम्शो पशो बाक्तेकम । रोमी १ :१८ - रोमी ३ :२०

३. येसु खरीस्तमी थमा सुइक्व आन कली परमपरभु आ डांडती ठीक सेल्व । रोमी ३ :२१ - रोमी ५ :२१

४. थमा सुइक्तीकेम गराशो । रोमी ६ :- ८ :-

५. यहूदी नु रागी रागी डा मुर । रोमी ९ :- ११ :-

६. ठीक पाइब थमा सुइक्व । रोमी १२ :१ - १५ :१३

७. नाले डा लोत्र । रोमी १५ :१४ - १६ :२७

### डांडती डा लोत्र

१ गो खरीस्त येसु आ वाइल पावल नड । १ आ सोइश्शो दुम्शा, परमपरभु यावमी आ ग्यरपाइक्व लोत्र तुइक्पाइक्चा कली योत्रचा पुंडसाक्यी । पररित १ :१५ ; पररित १३ :२ ; गलाती १ :१५ २ मेको लोत्र साइ नेसी र परमपरभु यावे आ लोत्र पाइबपुकीमी बरेकशो बाक्मा बाक्व । रोमी १६ :२५-२६ ; लूका १ :७० ; तीतस १ :२ ३ येसु खरीस्त पिप दाऊद आ थरमी मुर दुम्शा, जरमेशो बाक्माक्व । रोमी ९ :५ ; २ सामुएल ७ :१२ ; मत्ती २२ :४२ ४ तन्न मुर ला ममाइ । परमपरभु यावे आ तौ यो बाक्व । “आं तौ बाक्व” दे तुइक्पाइक्चा कली परमपरभु यावेमी आ सोक्व आ सक्वितम येसु खरीस्त कली बेकशो रे संताक्व । मत्ती २८ :१८ ; पररित १३ :३३ ५ मिनु येसु खरीस्तमी नेल्ल अर्का रागी डा मुर आन कली आ लोत्र तुइक्पाइक्चा कली शिशी पा योत्रती । मुरपुकीमी येसु खरीस्त आ लोत्र टीमक्कल देशा, शंथ सोइक्ताक्यी । रोमी १५ :१८ ; पररित २६ :१६-१८ ; गलाती २,७,९

६ इन कली यो येसु खरीस्तमी “आं मुर दुम्मल” दे योत्रतु ।

७ गो योत्रचा पुंडसीशा, परमपरभु यावे आ दाक्शो रोम सहरम बाक्वपुकी इन कली एको लोत्र बरेक्ताकड । ई आफ परमपरभु यावे नु परभु येसु खरीस्तम इन कली शिशी पा इन थुं नाइश्शा बाक्चा गम्सक्कल । १ कारिन्थी १ :२ ; २ कारिन्थी १ :१-२ ; एफिसी १ :१ ; गन्ती ६ :२४-२६

### रोमी आन कली गरुम्चा दाक्शो

८ गेपुकीमी येसु खरीस्त कली थमा सुइश्शो नेल्लेमो तुइक्नीम । मिनु गो आं परमपरभु यावे कली “रोम सहरम बाक्व आन कली रिम्शो पाइतीनी” दे टेयब सेल्लुड । रोमी १६ :१९ ९ मिनु गो परमपरभु यावे आ सांकळी बाक्व । गो गेय पना पान नु आ तौ आ ग्यरपाइक्व लोत्र शंना शंन बाक्नड । गो इन परबम परमपरभु यावे कली पुंडना पुंडन बाक्नुड, मेको थमा बाक्व । एफिसी १ :१६ १० मिनु परमपरभु यावे आ दाक्तीकेमी “गो रोम सहरम बाक्व थमा सुइक्व आन कली रीब पा गरुम्पाइग्यीनी” दे यो पुंडना पुंडन बाक्नुड । रोमी १५ :२३,३२ ; पररित १९ :२१ ११ मारदे हना इन थमा सुइक्तीक थुं बारपा बोल्यो सेलु, दे इन कली गरुम गरुम दाक्ती । रोमी १५ :२९ १२ मिनु मोपा आं थमा सुइश्शोमी इन कली नु इन थमा सुइश्शोमी आं कली नेल्ल ई थुं बारपदल, दे मिम्ताकड । २ पतरुस १ :१ १३ आं लोकबपुकी, गो शुश खेयप “रोम सहर पिड” देती, तन्न मुल सम्म पिने मचबु । अर्का रागी डा मुर आन कली येसु खरीस्त आ लोत्र शंना शंन गाक्ती । मेको लोत्र शंडुनु, शुशम थमा सुइक्तेकम । गेपुकी नु यो बाक्शा, येसु खरीस्त आ लोत्र पचा दाक्नुड । मो पडानु, का निक्शी थमा मसुइक्वमी यो थमा सुदमेक्कल, थमा सुइक्व आन थुं बारल, दे मिम्नुड । १४ मारदे हना गरीक नु अर्का रागी डा, जोक्व नु मजोक्व, पदेशो मपदेशो, नेल्ल आन कली येसु खरीस्त आ लोत्र शंचान माल्लुड । १५ मोपतीके रोमम बाक्व इन कली यो ग्यरपाइक्व लोत्र शंचा माल्ली ।

### ग्यरपाइक्तीक लोत्र आ सक्वित

१६ ग्यरपाइक्तीक लोत्र शंना शंन गाक्डानु, मुने मपथु, शंनुड । मारदे हना मेको लोत्रमी परमपरभु यावे पाप रे परांडतीक सक्वित बाक्व । मेको लोत्र डांडती यहूदी आन कली तुइक्पाइश्शो बाक्माक्व । नाले गरीक आन

कली यो तुइक्पाइश्शो बाक्माक्त। भजन संगरह ११९:४६; रतिमोथी १:८; १कोरिन्थी १:१८,२४ १७ परमपरभु यावेमी मुर आन कली दोपा ठीक दुम्पाइक्वा, मको आ लोत्र रे पा तुंडसीब। मिनु “ठीक पाइब आं कली थमा सुइश्शा ब्रांडब” दे बरक्शा बाक्ब। हबकुक् २:४; रोमी ३:२१-२२; गलाती ३:११

### मुर आन मरिम्शो पतीक

१८. मुरपुकीमी “थमा माइश्शो सु बाक्म?” दे तुइक्वा मदाक्थु, मरिम्शो थुं पाइश्शो दुम्शा, मरिम्शो गेय पाम्तक्म। मुर आन कली मोदंशो पशो तशा, परमपरभु यावेम आ गाइश्शो कांडताक्व। १९. मारदे हना परमपरभु यावे आ पर्वम मार तुइक्ने चान्नीमी, मको परमपरभु यावेमी कांडशा बाक्त। पररित १४:१५-१७; पररित १७:२४-२८ २० मिनु रागी सल्वा रे मतांडसीशो नु गेना हना यो सक्ति पाइश्शो परमपरभु यावे आ सरीड नु रागीमी सल्शो मार मार रे तुंडसीब। मोपतीके मेकोपुकीम मतुइक्तक देशा, माफ पुंडने मचान्नीम। भजन संगरह १९:२; हिवरू ११:३ २१ परमपरभु यावे नेल्ल क्येडा ठेयब बाक्ब, दे तुइश्शा यो ठेयब मसलेम। परमपरभु यावे कली “गे रिम्शो पाइतीनी” दे यो मंदेम। तन्न आन मिम्तीकेमी दूली पना पन बाक्तेक्म। मिनु आन मरुख थुं क्येडा मरुख दुम्त। एफिसी ४:१८ २२ मजाक्थु यो ठेयब लेश्शा बारशा “गो शुश जोक्ब ठेयब नकी” देतक्म। मोपा मूर्ख दुम्तक्म। १कोरिन्थी १:२० २३ मेकोपुकीम गेना हना यो बाक्ब परमपरभु यावे आ छेडछेड कली बक्शा लाइब मुर, चिक्ब, जन्तु नु गरशा गाक्ब जन्तु आन मूर्ति नु फाइक्तेक्म। परस्थान २०:४; व्यवस्था ४:१५-१९; भजन संगरह १०६; येरमीया २:११ २४ मिनु परमपरभु यावेमी मो पशो तशा, मको आन कली परांडतु। मिनु आन थुंमी मरिम्शो मिम्शा, गरांगरा दिचा डा गेय पशा बिगरेपमुम्तेक्म। पररित १४:१६ २५ मेकोपुकीमी परमपरभु यावे आ थमा लोत्र कली जाल सेल्लेक्म। नेल्ल सेल्ल परमपरभु यावे क्येडा आ सेल्लो मुर आन कली ठेयब सेल्लेक्म। गोपुकीमी मारइ मारइ सेल्ल परमपरभु यावे कली गेना हना यो ठेयब सेल्ल, आमन। २६. मोपतीके परमपरभु यावेमी मको आन कली आन मिम्शो गरांगरा दिचा डा गेय पपाइक्वा कली परांडतु। मको आन मोशमी यो मगराचा डा गरांगरा दिचा डा गेय

पाम्तेक्म। २७. मेकोपुकी वॉइश मुर नु मोश मुर व्वांडसीचा परांडशा, वॉइश मुर नु वॉइश मुर व्वांडसाक्म। मोदंशो मरिम्शो गेय पतीक आन सजाइ ताम्तेक्म। लेवी १८:२२; लेवी २०:१३; १कोरिन्थी ६:९ २८ आन थुंमी “परमपरभु यावे कली तुइक्वा ममाल्ब” दे मिम्ताक्म। मोपतीके परमपरभु यावेमी मको आन कली आन मरिम्शो मिम्शो पचा गशा, परांडतु। २९. मिनु आन थुं पापम बरीशो दुम्तेक्म। मिनु मार पाम्तेक्म देशा हना, मारइ मारइ मरिम्शो ला पमुम्तेक्म, शिम दुम्तेक्म, थुं चोमुम्तेक्म, रुश पमुम्तेक्म, मुर साइक्तेक्म, जिम्तेक्म, जाल पाम्तेक्म, खरुइश्शा मुर आन लोत्र पाम्तेक्म। ३०. मुर आन कली शुक्शी पाम्तेक्म, परमपरभु यावे कली काइ मदाक्थु, आइक्च सेल्लेक्म, शुश तुम्मुम्तेक्म, ठेयब लेक्तेक्म, बोरतेक्म। मारइ मारइ मरिम्शो पचा ला मिम्ताक्म, आम आफ कली मटीमे, ३१. बी ब्यफ सोदंशो दुम्तेक्म, दंशो लोत्र मखबेम, अरु आन कली वारच मपाम, सुइ आन कली मदाक्तेम, शिशो यो मपाम। ३२. परमपरभु यावे आ निसाफ पतीक लोत्र तुइश्शा यो मोदंशो मरिम्शो पना पन गाक्तेक्म। अरु आन कली आन सोदंशो मरिम्शो पशो तशा “रिम्शो दुम्त” दे ग्येरसाक्म।

### दोस गेब दोसी बाक्नीम

१. गे अरु आन कली दोस गेचा दाक्बपुकी, २. नेनीन, सु बाक्तीनी हना यो, दोस गेचा मदुम्ब, दे तुइक्तीन। दोस गतीनी हना, दोसी दुम्नीनी, मारदे हना दोस गेबपुकी दोस ताइब आन पशो गेय सोदंशान पशो बाक्नीम, दे रूपीन। मत्ती ७:२; यूहन्ना ८:१७; याकूब ४:१२ २ परमपरभु यावेमी मरिम्शो गेय पाइब आन कली ठीक निसाफ पशा, सजाइ गेब, दे तुइक्नय। ३. गे अरु आन कली दोस गेशा, गे चहिं खाल का डा पाइतीनी हना “गो परमपरभु यावे आ सजाइ रे ब्रांडचा ताइनीकी” दे मिम्नीनी? ४. मिनु गे परमपरभु यावेमी मुर आन कली दाक्तीके, फाल्तीके नु आ गे लेत्नीनी को, दे रिम्तीके कली आइक्च मिम्नीनी? परमपरभु यावेमी “आन थुं आं गे लेत्नीनी को” दे रिम्शो मतुइक्नीनी? ५. परतरुस ३:९,१५ ५ इन थुं परमपरभु यावे गे मलेत्तीके परमपरभु यावे आ गाइश्शा तेम्नीनी। मिनु आ ठीक निसाफ पची नाक्त शुश सजाइ ताइनीनी। ६. परमपरभु यावेमी मुर आन पशो कोत्रशा, दोदंशो पाम मोदंशो पाइब। येरमीया ३२:१९; मत्ती १६:२७;

२कोरिन्थी ५ :१० ७ सुमी परमपरभु यावे आ राज्य माल्शा, रिम्शा गय पना पन बाक्नीमी नु गेना हना यो बरोइचा माल्नीमी, मेको गेना हना यो परमपरभु यावे नु बाक्चा ताइनीम। ८ तन्न आम कली ला मिम्बपुकी, थमा लोत्र मटीबपुकी, जोल लोत्र थमा सुइक्वपुकी परमपरभु यावे आ गाइश्शा चुरशो ताइनीम। ९ थिस्सलोनिकी १ :८ १ मरिम्शा पाइबपुकी हिंशा बाक्शा, शुश श्यत जाइनीम। नेल्ल आन क्येडा डांडती यहूदी सजाइ ताइनीम। मिनु गरीक यो सजाइ ताइनीम। १० रिम्शा पाइबपुकी परमपरभु यावे आ राज्य जाक्शा, मान तशा, आन थुं नाइश्शा बाक्चा ताइनीम। डांडती यहूदी आन कली मोदंशो दुम्ब। मिनु गरीक आन कली यो मोदंशो दुम्ब। ११ मारदे हना परमपरभु यावेमी मुर आन कली आइक्च जात, ठेयब जात मतिन्थु ठीक निसाफ पाइब। २इतिहास १९ :७ ; प्रेरित १० :३४ ; कलस्सी ३ :२५ ; १पतरुस १ :१७ १२ परमपरभु यावे आ अरेशो लोत्र मतुइक्थु, पाप पाइबपुकी मेको आन मतुइश्शोमीन जाम्शा लाइनीम। परमपरभु यावे आ अरेशो लोत्र तुइश्शा यो पाप पाइबपुकी मेको लोत्रमीन निसाफ पचा पुंडसीनीम। १३ परमपरभु यावे आ अरेशो लोत्र नंशा ला मुर ठीक मदुम्नीम। आ देशो पशा ला ठीक दुम्नीम। व्यवस्था ६ :२५ ; मत्ती ७ :२१ ; याकूब १ :२२ १४ मोपतीक अर्का रागी डा मुरपुकीमी परमपरभु यावे आ अरेशो लोत्र मतुइक्ताकम हना यो, मार पचा दुम्बा, मार पचा मदुम्बा, दे तुइश्शा, गय पाइनीमी, मेको आन आगामी अरेशो लोत्र बाक्ब। प्रेरित १० :३५ १५ मेको मुर आन थुंमी अरेशो लोत्र बरक्सीशो बाक्ब, दे कांडनीम। मेको आन थुंमी आन पशो आ पर्वम रिम्शा बाक्ब देय मरिम्शा बाक्बा सांकच्छी गेब। रामी १ :३२ १६ मिनु परमपरभु यावे आ निसाफ पची नाक्त मुर आन खरुइश्शा पशो कली निसाफ पाइब। आ शंशो ग्यरपाइक्तीक लोत्र परमपरभु यावेमी येसु खरीस्त आ पतीकेमी निसाफ पाइब। लूका ८ :१७

यहूदीम यो पाप पशो

१७ मिनु गे “गो यहूदी ठेयब जात नकी। परमपरभु यावे आ अरेशो ताइतक, आ योत्रशो मुर नकी” दे मिम्नीनी। १८ परमपरभु यावे आ दाक्शो तुइक्नीनी, मार पचा दुम्बा, मार पचा मदुम्बा तुइक्नीनी। मारदे हना गे अरेशो लोत्र शंसीशो बाक्नीनी, १९ इन थुंमी “गो जोक्ब नड,

गो मिक्च मताइब आन कली लां कांडब नड। छिडछिडम बाक्ब आन कली बती दाब नड। मत्ती १५ :१४ २० हेंथे गाक्ब आन कली रिम्शा लां कांडब नड। मशंसीशो आन कली शंब नड, गो अरेशो लोत्र जोक्ब तुइक्ब बाक्नुड” दे मिम्नीनी। २१ तन्न अर्का आन कली शंशा, आम कली मशंसीनीनी। सुइ मपचा दे शंनीनी। तन्न ग सुइ पाइनीनी। मज्जन संग्रह ५० :१६-२१ ; मत्ती २३ :२,४ २२ मुर आन मीश मलाइक्चा, दे शंनीनी, तन्न लाइक्नीनी। मूर्ति कली तशा, गरांगरा दीनीनी, तन्न मन्दीर र मूर्ति सुइ पा लाइक्नीनी। २३ परमपरभु यावे आ अरेशो लोत्र रिम्शा बाक्ब देनीनी, तन्न इन मटितीकेमी परमपरभु यावे कली आइक्च सेल्लनीनी। २४ इन मोदंशो पशो आ पर्वम “अर्का रागी डा मुरपुकीमी परमपरभु यावे आ नें आ पर्वम शुक्शो पाइनीम” दे बरक्शो बाक्ब। यसैया ५२ :५

२५ गे खरोइक्तीक चिनु खरोइश्शा, परमपरभु यावे आ आ अरेशो लोत्र टीतीनी हना, रिम्शा दुम्ब। तन्न खरोइक्तीक चिनु खरोइश्शा आ अरेशो मटीतीनी हना, गे खरोइक्तीक चिनु मखरोइश्शा खोदंशो दुम्नीनी। २६ खरोइक्तीक चिनु मखरोइश्शा, तन्न परमपरभु यावे आ ठीक पतीक नेल्ल पाइब हना, मेको खरोइक्तीक चिनु खरोइश्शा खोदंशो बाक्ब। गलाती ५ :६ २७ मेको अर्का रागी डा खरोइक्तीक चिनु मखरोइश्शा मुरपुकीमी यहूदी आन क्येडा आमा आन थुं र ठीक पाइनीम। मिनु निसाफ दुम्नी ना परमपरभु यावे कली मटीब यहूदी आन कली दोस गेनीम। २८ रामी खरोइक्तीक चिनु ला बाक्शा, परमपरभु यावेमी योत्रशो यहूदी मदुम्नीम। येरमीया ४ :४ २९ मार पा यहूदी दुम्नीम देशा हना, मार पचा दुम्बा, मार पचा मदुम्बा, मेको तुइश्शा, परमपरभु यावे आ सोक्तीम थुंम खरोइक्तीक चिनु खरोइश्शा ला परमपरभु यावे आ मुर दुम्नीम। मेको आन कली मुरपुकीमी ठेयब मसेल्लनीम। तन्न परमपरभु यावेमी नेल्ल तुइश्शा “रिम्शा पाइतीनी” देब। व्यवस्था ३० :६ ; फिलिप्पी ३ :३ ; कलस्सी २ :११

परमपरभु आ निसाफ

३ १ मोदंशो बाक्त हना, यहूदीपुकीमी अरु आन क्येडा मार ताइनीमी? खरोइक्तीक चिनु खरोइश्शा मार दुम्बाकडा? २ अरु आन क्येडा शुश तशो बाक्तेकम। डांडती परमपरभु यावेमी मेको आन कली आ लोत्र तुइक्पाइक्चा कली

योव्रतु। रामी १ :४ ; व्यवस्था ४ :७-८ ; भजन संग्रह १४७ :१९-२० ३का निरक्षीमी परमपरभु यावे आ अरेशो लोत्र मटीमे। मो पांमत्कम हना यो, परमपरभु यावे आ लोत्र जोल मदुम्ब। रामी १ :६ ; रामी ११ :२९ ; रतिमोथी २ :३३ ४ मुर आन देशो लोत्र मजाकदीप्व। परमपरभु यावे आ देशो चहिं गना हना यो थमा दुम्ब। “इन लोत्र ठीक बाकब। इन मुर आन कली निसाफ पतीक यो ठीक बाकब” दे बरकशो बाकब। भजन संग्रह ५१ :६ ; भजन संग्रह ११६ :११ ५ गो इ मरिम्शो पशो परमपरभु यावे कली रिम्शो देशो कांडताक्य हना, गो मार देनय डा ? परमपरभु यावेमी मो देब आन कली सजाइ गेशो मरिम्शो बाकबा डा ? शुश मुरपुकीमी मोदंशो मिम्नीम। ६ तन्न परमपरभु यावेमी मेको आन कली सजाइ गेशो मरिम्शो ममाइ। परमपरभु यावेमी निसाफ मपशो हना, मुर आन कली दोपा दोस गेशो, सजाइ पाइबा ? ७ आं मरिम्शो पशोमी परमपरभु यावे आ रिम्शो पतीके तपाइश्शा, परमपरभु यावे कली ठेयब सल्ला हना, मारदे पापी सुइक्का पुंडसीनुडा ? ८ मुरपुकीमी आं लोत्र नंशा “पापमी परमपरभु यावे कली ठेयब सल्ल, दे शंब” दे आं देशो लोत्र कली दूली सल्लेक्कम। गो दूली मशंदुमी। मारदे हना पाप पशोमी परमपरभु यावे कली ठेयब मसल्ल। मोदंब आन कली परमपरभु यावेमी सजाइ गोत्तु हना, ठीक दुम्ब। रामी ६ :३

### मुर नेल्लेमी मरिम्शो पशो

१ मिनु मार देंचा देशो हना, अर्को जात क्येडा गो यहूदी रिम्शो मुर नया ? मनय। मारदे हना गो यहूदीपुकी यो अर्को जात डा मुर खोदेशो पा पापी बाकनय। रामी १ :१८ ; रामी २ :२४ १० मिनु “रिम्शो पाइब सुइ मबाकनीम। रिम्शो पाइब का यो मबाकब। अय्युब ४ :१७ ११ परमपरभु यावे कली तुइक्क सुइ मबाकनीम। मेको कली ममाल्ल यो मबाकनीम। १२ नेल्लेमी रिम्शो लां परोडशा हेंथे गाकनीम। रिम्शो पाइब का यो मबाकनीम” दे बरकशो बाकब। भजन संग्रह १४ :१-३ १३ “गरांगरा दिचा डा लोत्र ला पाइनीम। जोल पाइनीम। शुक्शी पा थुं खाइक्का डा लोत्र पाइनीम। भजन संग्रह ५ :१० ; भजन संग्रह १४० :४ १४ मेको आन शोत्र सराप नु कशा लोत्रमी बरीशो बाकब।” भजन संग्रह १० :७ १५ “मेकोपुकीमी मारइ ममिम्थु मुर साइक्कीम। १६ ते ते गाकमा, मेक मेक मारइ महंथु खतम

पाइनीम। १७ दुशा गारशा बाकचा नु वारच पचा मतुइक्कीम।” यसैया ५९ :७-८ ; लुका १ :७९ १८ “परमपरभु यावे कली मान पा महिनीम” दे बरकशो बाकब। भजन संग्रह ३६ :२ १९ अरेशो लोत्र अरेशो टीब आन कली बरकशो बाकब। मेको लोत्र मटिम्तक्क हना, सिक्सी पचा माल्लीम। यहूदी नु रागी डा मुर नेल्ल पापी दुम्तक्कम। मोपतीक परमपरभु यावेमी मुर नेल्ल आन कली निसाफ पाइब। रामी २ :१२ ; गलाती ३ :२२ २० मिनु अरेशो लोत्र पशा, सुइ ठीक मदुम्नीम। मारदे हना आ अरेशो लोत्र तुइश्शा, गो मरिम्शो पाइब बाकनय, दे तुइक्कनय। भजन संग्रह १४३ :२ ; गलाती २ :१६ ; रामी ७ :७

### दोपा ठीक सल्ला

२१ तन्न मुल रे अरेशो लोत्र मबाकथुन, परमपरभु यावे रे मुर आन कली ठीक पतीक जाकशो बाकब। परमपरभु यावेम बरकपाइश्शो लोत्र नु आ लोत्र पाइब आन देशो गारब। रामी १ :१७ ; पररित १० :४३ २२ परमपरभु यावे आ ठीक पतीक येसु खरीस्त कली थमा सुइक्क नेल्ल आन कली बाकब। यहूदी बाक्तेक्क हना यो, अर्को रागी डा मुर बाक्तेक्क हना यो, नेल्ल कान बाक्नीम। फिलिप्पी ३ :९ २३ मारदे हना नेल्लेमी पाप पांमत्कम। मोपतीक परमपरभु यावे आ छेड्छेडम जाकदीन्न मचाप्नीम। उत्पत्ती ८ :२१ २४ सु सुमी चहिं खरीस्त येसु कली थमा सुदमे, मेको आन कली परमपरभु यावेमी आन थुं ठीक दुम्पाइक्क। रामी ५ :१ ; २कोरिन्थी ५ :१९ ; एफिर्सी २ :८ २५ डांडती परमपरभु यावेमी रिम्शा, पापी आन कली सजाइ मगेवा बाकत। नोले मेको आन जचा डा सजाइ येसु खरीस्त कली जपाइश्शा बेक्का गेशा, मेको आन पाप क्याम्ताक्क। २६ मोपा परमपरभु यावेमी “ठीक निसाफ पाइनुड” दे कांडताक्क। मिनु येसु कली थमा सुइक्क आन कली “इन पाप ग्याम्शा, ठीक दुम्तीनी” देब। लेवी १६ :१५-१६ ; हिब्रू ४ :१६

२७ नेल्ल परमपरभु यावेमी पशो बाकब। सुइमी ठेयब सल्लेशा “गो गेय नेल्ल रिम्शो पा ठीक दुम्ती” देन मचाप्नीम। ठीक दुम्तीके मुर आन गेय रे मपीब। तन्न थमा सुइक्तीके रे पीब। १कोरिन्थी १ :२९,३१ २८ गोपुकीम “परमपरभु यावे आ अरेशो लोत्र डा गेयम मुर आन कली ठीक मसल्ल” दे शंनीकी। थमा सुइश्शामी ला मुर आन कली ठीक सल्ल। गलाती २ :१६

२९ परमपरभु यावे यहूदी आन परमपरभु यावे ला बाक्वा डा ? नेल्ल अर्को रागी डा मुर आन परमपरभु यावे बाक्व। रामी १०:१२ ३० मारदे हना परमपरभु यावे का ला बाक्व। मिनु मकोमी खरोइक्तीक चिनु खरोइश्शो नु मखरोइश्शो आन थमा सुइक्तीक कोत्रशा, मुर आन कली ठीक दुम्पाइक्व। रामी ४:११-१२ ३१ मा दंतय हना, परमपरभु यावे आ अरेशो लोत्र क्याम्नीकी ? ममाइ, यसु खरीस्त कली थमा सुइश्शामी परमपरभु यावे आ अरेशो लोत्र दीतय, दे रुव्य। मत्ती ५:१७

### अबराहाम मिग्शा शंशो

४ १ इं किकी अबराहाममी रिती थिती धर्म पशो तशा, परमपरभु यावेमी ठीक दुम्पदा डा ? ममाइ। २ गेय पशा, ठीक दुम्शो हना, मुर आन कली “गो रिग्शो पाइब नड” देन चाप्व वा। तन्न परमपरभु यावे कली चहिं मो देन मचवा बाक्त। ३ मार बरक्शो बाक्व देशा हना “अबराहाममी परमपरभु यावे कली थमा सुइक्तु। मिनु परमपरभु यावेमी ठीक दुम्पाइक्तु” दे बरक्शो बाक्व। उत्पत्ती १५:६; गलाती ३:६

४ गेय पाइबपुकीमी गेय पशा डा गाल्व ताइनीम। तन्न शिशो पा गेशो ममाइ। रामी ११:६ ५ तन्न सुमी गेय मपाइब, डाइती मटीब मुर आन कली ठीक पाइब कली थमा सुइक्वा, मको आ थमा सुइक्तीक ठीक बाक्व। रामी ३:२६ ६ इं किकी दाऊदमी “मुस्मी गेय मपथु, ठीक दुम्शा, मको ग्यरसीशो मुर बाक्नीम, दे परमपरभु यावे आ देशो बाक्व” देशो बाक्त। ७ परमपरभु यावे आ अरेशो मटितीक नु आन पाप क्याम्चा पुंइसीशो मुर ग्यरसीशो मुर बाक्नीम। ८ परमपरभु यावे आ अरेशो मटितीक नु आन पाप क्याम्चा पुंइसीशो मुर कली दोस मगब। मको ग्यरसीशो मुर बाक्व। भजन संगरह ३२:१-२

९ मिनु मुल मार देचा ? ग्यरसीशो मुर खरोइक्तीक चिनु खरोइश्शो बाक्नीम देय मबाक्नीमी ? मारदे हना अबराहाममी थमा सुइक्तु। मिनु परमपरभु यावेमी मको कली ठीक दुम्पाइक्तु। १० खरोइक्तीक चिनु खरोइक्वा क्यडा डाइती अबराहाममी परमपरभु यावे कली थमा सुइक्तु। मिनु परमपरभु यावेमी आ कली थमा सुइश्शामी अबराहाम कली ठीक दुम्पाइक्तु। ११ आ थमा सुइश्शामी ठीक दुम्पाइक्वा कली खरोइक्तीक चिनु छाप खोदंशो पा ताप्टु। मारदे हना मको डाइतीन

थमा सुइक्व बाक्त। मोपतीके मको खरोइक्तीक चिनु मखरोइश्शो थमा सुइक्व, ठीक दुम्शो नेल्ल आन आफ दुम्त। उत्पत्ती १७:१०-११ १२ अबराहामम खरोइक्तीक चिनु खरोइक्व आन आफ ला ममाइ, खरोइक्तीक चिनु मखरोइक्थु थमा सुइक्व आन लां गाक्व आन आफ यो दुम्त। मत्ती ३:९

१३ परमपरभु यावेमी अबराहाम कली अरेशो लोत्र टितीक लोत्र मगेशो बाक्त। तन्न थमा सुइश्शो तशा “इ चच युइ शुश दुम्शा, रागी नेल्ल बरीनीम” दे लोत्र गेशो बाक्त। उत्पत्ती २२:१७-१८ १४ अरेशो लोत्र टीब ला परमपरभु यावे आ मुर दुम्नीम हना, थमा सुइक्तीक नु थोक्शो लोत्र जाग्शा लाइब। १५ मारदे हना परमपरभु यावे आ अरेशो लोत्रमी आ गाइक्तीक पोक्व। मको लोत्र मबाक्शो हना, पाप मतुइस वा। रामी ३:२०; रामी ५:१३; रामी ७:८,१० १६ थमा सुइक्तेकम हना, शिशो ताइनीम। अरेशो टीबपुकीम यो शिशो ताइनीम। सु सुमी अबराहामम खोदंशो पा, परमपरभु यावे कली थमा सुक्म, मको आ थोक्शो लोत्र डा मुर नु अबराहाम आ आल दुम्नीम। १७ अबराहाम आ पर्वम “गो इ कली शुश रागी डा मुर आन किकी सेल्लन” दे बरक्शो बाक्व। अबराहाममी “परमपरभु यावे बक्शो र संब नु मारइ मबाक्शो कली बाक्शो खोदंशो पा बरक्शा सेल्व” दे थमा सुइश्शो बाक्व। उत्पत्ती १७:५; २कोरिन्थी १:९; हिब्रू ११:१९ १८ “शुश रागी डा मुर आन किकी सेल्लन” दे परमपरभु यावे आ गेशो लोत्र थमा सुइश्शो, आस पचा डा मबाक्माक्त हना यो, आस पा बाक्माक्त। उत्पत्ती १५:५ १९ मको सह का बर्स दुम्शा, आल मथिथु, आ रां बक्शो खोदंशो दुम्शा, आ मीश सारा शुश बर्स दुम्शो बाक्व, दे तुइश्शो यो थमा सुइक्ना सुइक्न बाक्माक्त। उत्पत्ती १७:१७ २० दाल्तीर मपथु, आ थमा सुइक्चा बारना बारन लशा, परमपरभु यावे कली ठेयब सेला बाक्त। २१ परमपरभु यावेमी आ गेशो लोत्र दोपा यो सापने चाप्व, दे थमा पा तुइश्शो बाक्माक्त। हिब्रू ११:११ २२ मोपा थमा सुइश्शामी परमपरभु यावेमी अबराहाम कली ठीक दुम्पाइक्तु। उत्पत्ती १५:६ २३ मको कली ठीक दुम्पाइक्तु, दे बरक्शो लोत्र अबराहाम कली ला बरक्शो ममाइ। २४ गो नेल्ल इं कली यो बरक्शो बाक्व। मारदे हना सु सुमी इं परभु यसु कली बक्शो र संपाइक्व परमपरभु यावे कली थमा सुइक्नीमी, मको आन

कली ठीक दुम्पाइक्व। २५ येसु खरीस्त इं पाप क्याम्चा कली साइक्वा पुंडसाक्व। मिनु इं कली ठीक दुम्पाइक्वा कलीन बेक्शो रे संचा पुंडसाक्व। रामी ८:३२-३४; यसेया ५३:४-६

परमपरभु आ गाइश्शो रे ब्रांडशो

५ मिनु गो थमा सुइश्शामीन ठीक दुम्पाइक्वा पुंडसीशा, इं परभु येसु खरीस्त रे पा परमपरभु यावे नु दुशा बाक्तीक दुम्शो बाक्त। रामी ३:२४,२८; यसेया ५३:५ २ येसु खरीस्त आ पतीक गो परमपरभु यावे आ शिशी ताइतय। मिनु परमपरभु यावे नु बाक्चा ताइनीकी, दे आस पशा, ग्येरशा बाक्तय। यूहन्ना १४:६; एफिसी ३:१२ ३मको ला ममाइ। श्येत जयानु, ग्येरनय। मारदे हना श्येत जशोमी फाल्तीक सक्ति बारपाइक्व। याक्व १:२-३ ४ मिनु श्येत फाल्त्वपुकी रिम्शो थुं पाइश्शो दुम्नीम। रिम्शो थुं पाइश्शोपुकी आस पाइव दुम्नीम, दे तुइक्ताक्य। याक्व १:१२ ५ मिनु मोदंशो आस पतीकम मुर आन कली बोल्यो सेल्ब। मारदे हना परमपरभु यावे आ सोक्त आ पतीकमी परमपरभु यावे आ दाक्तीक इं थुंम मोइश्शो बाक्त। भजन संगरह २२:६; भजन संगरह २५:३,२०; हिब्रू ६:१८-१९

६ डांडती मचाप्त्र बाक्यानु, खरीस्त परमपरभु यावे कली मटीब आन पर्वम बेक्त। ७ ठीक पाइव आन बेक्चा आ पा डा सुइ बेक्चा को? रिम्शो पाइव आ पा डा सुइ बेक्चन चाप्त्रा को? ८ तन्न परमपरभु यावमी इं कली शुश दाक्शा, गो पापी, इं बेक्चा आ पा डा खरीस्त कली बेक्चा गोपु। यूहन्ना ३:१६; १ यूहन्ना ४:१० १ मोपतीक खरीस्त आ हुशमी इं पाप क्याम्शा, ठीक सेल्वा पुंडसाक्व। मोशो ला ममाइ। गोपुकी येसु खरीस्त आ पतीकमी परमपरभु यावे आ गाइश्शो रे ब्रांडचा ताइनय, दे तुइक्ताक्य। रामी १:१८; रामी २:५,८ १० डांडती गोपुकी परमपरभु यावे आ जोरी सतरु दुम्शा बाक्यानु, आ तो आ बेक्शोमीन परमपरभु यावमी इं कली आ दाक्शो मुर सेल्तु। आ दाक्शो मुर दुम्शा, येसु आ ब्रांडशोमीन सजाइ जचा रे मबरांडया डा? ब्रांडतय। २ कोरिन्थी ५:१८; रामी ८:७; कलस्सी १:२१ ११ मको ला ममाइ, इं परभु येसु खरीस्तम इं पशो पाप रे ब्रांडतीक आ पर्वम परमपरभु यावे आ मुर दुम्शा ग्येरनय।

आदम नु येसु खरीस्त

१२ मिनु डांडती मुर कामी परमपरभु यावे आ देशो लोत्र मटितीक मुर बेक्व दुम्मा बाक्त। मिनु मको आ तमी तो चच युइ नल्ले यो बेक्व दुम्मा बाक्त। मारदे हना मकोपुकीमी यो पाप पाम बाक्त। उत्पत्ती ३:१९; रामी ६:२३; उत्पत्ती २:१७ १३ मना परमपरभु यावे आ अरेशो लोत्र मबर्कपाइश्शो बाक्माक्त। मोपतीक पाप मगरूशो बाक्माक्त। अरेशो लोत्र मबाक्थु, मुर दोस मताइव दुम्शो बाक्तेक्म। रामी ४:१५ १४ तन्न आदम आ पाला रे मोसा आ पाला सम्म मुरपुकी बेक्ना बेक्न लमा बाक्त। आदम सोदंशो मरिम्शो मपाम बाक्त हना यो, बेक्मा बाक्त। आदम चहिं नोले डा पाला कली कांडतीक दुम्शो बाक्त। १५ आदम आ मटिश्शो परमपरभु यावे आ शिशी पशो सोदंशो ममाइ। मुर का आ मटितीकम मुर नल्ले कली बेक्व सेल्तीमी। मको क्येडा परमपरभु यावे नु मुर का दुम्शो येसु खरीस्त आस गेशो शिशी ठेयव बाक्व। १६ येसु खरीस्त आ गेशो आदम आ पशो सोदंशो ममाइ। मारदे हना आदम आ पशोमी मुर नल्ले खतम दुम्तेक्म। येसु खरीस्त आ गेशो शिशीमी पाप पशो शुश मुर आन कली ठीक दुम्पाइक्व। १७ दोपा आदम आ पशोमी बेक्तीकम मुर आन कली हुकुम पवा, मोपा मको आन क्येडा येसु खरीस्त आ गेशो शिशी नु आ ठीक सेल्तीकमी मुर आन कली ब्रांडचा गेशो हुकुम पाइव।

मको पपाइक्व नल्ले येसु खरीस्त बाक्व। १८ दोपा मुर कामी पाप पतीक मुर नल्ले जाम्शा लाइव दुम्मा, मोपा मुर का आ ठीक पतीकम मुर नल्ले आन पाप क्याम्शा, ठीक सेल्वा पुंडसीशा, ब्रांडचा ताइनीम। १ कोरिन्थी १५:२१-२२ ११ परमपरभु यावे आ देशो मटीब मुर का आ पतीक दोपा पापी शुश दुम्मा, मोपा परमपरभु यावे आ देशो टीब कामी चहिं शुश मुर आन पाप क्याम्शा, ठीक सेल्तीमी। रामी ३:२६; यसेया ५३:११ २० परमपरभु यावमी आ अरेशो लोत्र बर्कपवा रे पाप तुइक्ना तुइक्न लाप्तेक्म। मिनु पाप ठेयव दुम्मेनु, परमपरभु यावे आ शिशी मको क्येडा ठेयव दुम्त। रामी ७:८,१३; गलाती ३:१९ २१ दोपा पापमी मुर आन कली बेक्पाइक्व सेल्ती, मोपा येसु खरीस्त आ शिशी नु ठीक पतीकमी मुर आन कली परमपरभु यावे नु गना हना ब्रांडशा बाक्व सेल्ब। मको नल्ले इं परभु येसु खरीस्तम पशो बाक्व। रामी ६:२३

पापम बेकशा, खरीस्तम संसीशो

१मिनु मो हना, मार देचा ? परमपरभु यावेमी  
**६** गो इं कली शुश शिशो पवल, दे गोपुकीमी  
 पाप पस डा पस बाक्चा डा ? रामी ३ :५-८ २मो  
 पचा मडुम्ब। बेकशो मुरपुकीम खांखा दोपा पाप  
 पस डा पस बाक्न चाप्नीमी डा ? गो इं क  
 पाप पतीक थुं बेक्त। ३खरीस्त येसु कली थमा  
 सुइश्शा, आ नं नु आ बेक्तीकमी व्याक्कुम  
 खरुम्शा, गूरुइपांडिसाक्य, दे गो मतुइकनीनी ?  
 गलाती ३ :२७ ४मिनु व्याक्कुम गरुम्यानु,  
 गो येसु बेकशा थिम्शो खोदंशो दुस्तय। मिनु  
 परमपरभु यावे आ सक्रितीमी खरीस्त कली बेकशो  
 रे संपाइश्शा खोदंशो पा गो यो संसीशा, नक  
 लांम गाक्तय। कलस्सी २ :१२ ; १पतरुस ३ :२१  
 ५गो दोपा मेको आ बेकशो नु कान दुम्या, मोपा  
 आ संसीशो नु यो कान दुस्तय। ६येसु खरीस्त  
 कली शीम कपशा कांटी थोक्शा साइक्तीके इं  
 पापम बरीशो थुं आ सक्रि जांम्त। मोपतीक मुल  
 गो पाप आ वाइल मबाक्नय। गो मेको लोत्र  
 तुइक्चा माल्णय। गलाती ५ :२४ ७बेकशो मुर  
 पाप रे बरांडशो बाक्नीम। ८गो येसु खरीस्त  
 नु बेक्तय हना, मेको नुन बरांडनय, दे थमा  
 सुइक्नय। ९मारदे हना येसु यो बेकशो रे संसीशा,  
 मुल गेनायो मबेक्चा डा पा बरांडत। मुल मेको  
 गेनायो मबेक्च। १०पाप क्याम्चा कली काले  
 बेक्त। नोले संसीशा, मुल परमपरभु यावे नु  
 बरांडशो बाक्च। हिवरू ९ :२६-२८ ११मोपतीक  
 गोपुकीमी यो आंम कली पाप आ पर्वम बेकशो  
 नु खरीस्त येसु आ पतीकमी परमपरभु यावे  
 कली बरांडनय, दे मिम्तीन। २कोरिन्थी ५ :१५ ;  
 १पतरुस २ :२४

१२इन बेकशा लाइब रां कली पापम हुकुम  
 पचा मगेने। उत्पती ४ :७ १३इन गुइ खोइली,  
 मिक्च, शोत्र, रां नेल्ल कली मरिम्शो मपपतीन।  
 तन्न बेकशो रे संसीशो मुर खोदंशो पा, परमपरभु  
 यावे कली जिम्मा गेसीशा, आ रिम्शो गेय  
 पने। रामी १२ :१ १४पापमी इन कली मारइ  
 पपाइक्ने मचाप्न, मारदे हना परमपरभु यावे आ  
 अरशो लोत्रमी इन कली दोसी मसल्यु, परमपरभु  
 यावेमी शिशो पाइक्चा पुंडिसाक्नी। रामी ७ :४-  
 ६ ; १यूहन्ना ३ :६ ; रामी ५ :१७,२१ १५परमपरभु  
 यावे आ अरशो लोत्रमी इं कली दोसी मसल्यु,  
 परमपरभु यावे आ शिशो ताइतय हना, पाप पचा  
 दुम्ब, दे मिम्चा डा ? मोदंशो मिम्चा मडुम्ब।  
 १६तेको होत्रप आ वाइली दुम्या, मेको होत्रप

कली टिचा माल्णय, दे मतुइकनीनी ? “पाप पना  
 पन बाक्च” देतीनी हना, पाप आ वाइली दुम्शा,  
 बेक्नीनी। “परमपरभु यावे आ दंशो टिय” देतीनी  
 हना, परमपरभु यावे आ वाइली दुम्शा, ठीक  
 पाइब दुम्नीनी। यूहन्ना ८ :३४ १७इन पर्वम  
 परमपरभु यावे कली “मेको आन कली रिम्शो  
 पाइतीनी” दे ठेयब सल्लुड। मारदे हना डांइती  
 गोपुकी पाप आ वाइल बाक्तीनी। मुल चहिं इन  
 थुं र पा परमपरभु यावे आ शंशो दाक्शा टीतीनी।  
 १८गोपुकी पाप रे बरांडशा, ठीक पतीक आ वाइल  
 दुम्तीनी। यूहन्ना ८:३२ १९इन कली रुप्पाइक्चा  
 कली चिनु लंशा शंनन्नी। दोपा गोपुकीमी इन  
 गुइ खोइल, मिक्च, शोत्र, रां नेल्लेमी ग्रांगरा  
 दिशो गेय पशा, अरशो लोत्र मटिनी, मोपा मुल  
 इन थुं, रां नेल्ल ठीक पतीक आ वाइल दुम्चा  
 कली परमपरभु यावे आ गेय पाइब मुर दुमीन।  
 २०डांइती पाप आ वाइली बाक्नीनु, ठीक पतीक  
 रे डोन बाक्तीनी। २१इन पशो मिम्शा, मुल यो  
 मुने पाइनीनी। मारदे हना इन मरिम्शो पशो  
 बेक्पाइक्च बाक्त, दे तुइक्ताक्नी। रामी ८ :६,१३  
 २२मुल गोपुकी मरिम्शो पचा रे परांडचा पुंडिसीशा,  
 गो परमपरभु यावे आ वाइल दुम्तीनी। मुल  
 इन रिम्शो पतीके रे गो परमपरभु यावे आ मुर  
 दुम्शा, गेना हना यो मेको नु बरांडशा बाक्चा  
 ताइनीनी। २३मरिम्शो पशो आ गाल्व बेक्चा  
 बाक्च। परमपरभु यावे आ गेशो शिशो चहिं इं  
 परभु येसु खरीस्त रे पा गेना हना यो बरांडशा  
 बाक्चा बाक्च। रामी ५ :१२ ; उत्पती २ :१७ ;  
 याकूब १ :१५

अरशो लोत्र परांडशो

१ आं लोकबपुकी, मुल गो अरशो लोत्र तुइक्च  
**७** इन कली शंचा दाक्ती। मबेक्या सम्म ला  
 अरशो लोत्र कली टिचा माल्णय। २ग्युंब पशो  
 मीश मुर आ वांडश मबेक्म सम्म कानुनमी आस  
 नाता लीब। आ वांडश बेक्त हना, आस नाता  
 मलीब। १कोरिन्थी ७ :३९ ३आ वांडश मबेक्थु,  
 अर्का वांडश खोइश्शा लत हना, मेकोम आस  
 नाता खरोइक्च। तन्न आ वांडश बेकशा नोले  
 अर्का वांडश खोइक्तु हना, मेको मीश अरशो  
 लोत्र रे मारइ दोस गचा मपुंडिसीब, मारदे हना  
 मेको आ वांडश बेक्न थुम्शो बाक्च। ४आं  
 लोकबपुकी, येसु खरीस्त बेकशोमी परमपरभु  
 यावे आ अरशो लोत्र टिने मचाम्सीब देतीक थुं  
 बेक्त, दे रुपीन। मुल बेकशो रे संचा पुंडिसीशो  
 खरीस्त नु काथा दुम्शा, इन पशो रे पा परमपरभु

यावे कली गेय पाइनय। ५ गो येसु खरीस्त रे डोन बाक्यान, परमपरभु यावे आ अरशां लोत्र रे पा पाप तुइइशा यो पाप आ गरांगरा दिशोमी बरीशा शुश मरिम्शो पाइतय। मेको आ गाल्व बेक्तीक बाकब। रामी ६ :२१ ६तन्न मुल गो अरशां लोत्र रे बरांडशा बाकनय। मारदे हना गो मरिम्शो पतीक आ ग्याइइशां रे बेक्तय। मुल गो येसु खरीस्त आ सोक्त रे पा नक गेय पाइनय। अरशां बरेकशां लोत्र प्रांडने थुम्तय। रामी ८ :१-२ ; रामी ६ :२-४

### अरशां लोत्र नु पाप

७मिनु मुल मार देय देशा हना, परमपरभु यावे आ अरशां लोत्रमी पाप बाकबा? मा देशो ममिम्चा। परमपरभु यावे आ अरशां लोत्र मपदेडा सम्म गो पाप मतुइक्तु। परमपरभु यावे आ अरशां लोत्रमी “मुर आन मार मार तशा मवलो” दे मबरकशां हना, वाल्वा आ पर्वम गो मारदे मतुइक्तु वा। परस्थान २० :१७ ८मिनु पापम बरीशां आं थुंमी शुश वाल्वाइक्ती। परमपरभु यावे आ अरशां लोत्र मबाकशां हना, पाप मगरू वा, मेको बेक्त। रामी ५ :१३ ; १कोरिन्थी १५ :५६ ९अरशां लोत्र मपदेशो नड हना यो, पाप मतुइक्तु वा। तन्न मेको लोत्र तुइक्तु रे आं थुंमी पाप बोक्त। मिनु बेक्ती। १०परमपरभु यावे आ अरशां लोत्र बरांडचा कली बाक्त हना यो, मेको लोत्रमीन बेकब सल्लो। लेवी १८ :५ ; याकूब १ :१५ ११मारदे हना मेको अरशां लोत्र टिन मचाप्तीक पापम खरुम्शा साइक्ती। हिब्रू ३ :१३ १२मिनु परमपरभु यावे आ अरशां लोत्र ठीक नु रिम्शो बाकब। १तिमोथी १ :८ १३मिनु मार? ठीक नु रिम्शो लोत्रमी आं कली साइय्यो डा? ममाइ। पापम कका साइक्ती। परमपरभु यावे आ देशो लोत्र रे पाप शुश मरिम्शो बाकब, दे तुंडसीब। रामी ५ :२० १४गोपुकीमी परमपरभु यावे आ अरशां लोत्र सोक्त पाइइशां बाकब, दे तुइकनय। गो चहिं राम बाकशा पाप आ वाइल बाक्ती। यूहन्ना ३ :६ १५गो आं पशां आंमा मरुणुड। मारदे हना आं दाकशां मपाइनुड, आं काइ मदाकशां पाइनुड। १६तन्न आं मदाकशां पाता हना यो, परमपरभु यावे आ अरशां लोत्र रिम्शो सुइक्नुड। १७आं मदाकशां पशां चहिं गो आं पशां ममाइ। आ आगाम बाकशां पापम पपाइक्ती। १८रिम्शो पतीक गो नु मबा, दे रुप्ता। रिम्शो पपदाक्ती हना यो, रिम्शो पने मचबु। उत्पती ६ :५ ; उत्पती ८ :२१ १९मारदे हना

रिम्शो गेय पड देती, तन्न पने मचबु। मरिम्शो मपड देडानु यो मरिम्शो न पाता। २०आं मदाकशां पाता हना, गो आं पशां ममाइ। गो आ आगाम बाकशां पापमी मोदंशां पपाइक्ती। २१तन्न आ थुंमी गो रिम्शो पचा दाक्ती हना यो, मरिम्शो ला दुम्त। २२गो आं थुंमी परमपरभु यावे आ अरशां लोत्र दाकशां ग्यरसीनुड। २३तन्न आं राम अर्को अरतीक का बाकब। मेको आं थुं डा दाकशां अरतीक नु जीब। मिनु आं राम बाकशां अरतीकमी आं कली ग्याइइशां, पाप पपाइकब। गलाती ५ :१७ २४मोपतीक थुं साइइशां “मार मुर नडा? एको बेकशां लाइब पाप पाइब रां रे सुम प्रांडबा?” दे दाकशां बाकनुड। २५गो परमपरभु यावे कली इं परभु येसु खरीस्तम आ पतीक “गो रिम्शो पाइब बाकनीनी” दे ठेयब सेल्लुड। परमपरभु यावे आ सोक्तीम बरीशां थुं आ देशो टीनुड। येसु खरीस्त नु मबेकशां आं थुं नु रां चहिं पाप आ वाइली बाकब, दे तुइक्ताकड। १कोरिन्थी १५ :५७

### परमपरभु आ सोक्त रे बरांडशां

१येसु खरीस्तमी बाकब आन कली सजाइ ८ मबाकब। रामी ३३ :३४ २मारदे हना येसु खरीस्त आ बरांडचा गेब सोक्त आ अरशां लोत्रमी इन कली पाप पचा नु बेक्चा आ अरशां लोत्र रे परांडतु। ३परमपरभु यावेमी अरशां लोत्र टिन मचाप्तीम, दे तुइइशां, आ ती कली पापी बुद पा रागीम साइक्ताकव। मोपा मेको कली मुर आन पाप आ पर्वम सजाइ गेपु। पररित १८ :३८ ; पररित १५ :१० ; हिब्रू २ :१७ ४मिनु परमपरभु यावे आ ठीक पतीक लोत्र काप्चा कली खरीस्त सजाइ जपाइइशां, बेक्चा गेपु। मोपा येसु आ पशांमी गो निसाफ ताइतय। परमपरभु यावे आ सोक्त रे पा बरांडशां बाकनय। गो रागी डा मुर सोदंशां मबाकनय। गलाती ५ :१६,२५

५सु सुमी रागी डा मुर आन थुं डा लोत्र ला मिन्नीमी, मेकोपुकीमी मुरुम पशां सोदंशां पाइनीम। सु सुमी परमपरभु यावे आ सोक्तीम गेशो थुं डा लोत्र मिन्नीमी, मेकोपुकीमी चहिं परमपरभु यावे आ सोक्त आ दाकशां पाइनीम। ६मारदे हना मुर आ थुंमी मिम्शो पाइबपुकी जाम्शा लाइनीम। परमपरभु यावे आ सोक्तीम गेशो थुंमी मिम्शा पाइबपुकी परमपरभु यावे नु बरांडशां थुं नाइइशां बाकचा ताइनीम। रामी ६ :२१ ; गलाती ६ :८ ७मुर आ थुंमी परमपरभु यावे कली मदाकब आ जारी सतरु दुम्शा, आ

देशो मटीब । मारदे हना परमपरभु यावे आ अरेशो लोत्र थमा पा टिने मचाप्व । याकूब ४ : ४ ८ रागी डा मुर आन थुमी मिम्बपुकीमी परमपरभु यावे कली ग्येरपाइक्ने मचाप्वीम ।

११ इन थुमी परमपरभु यावे आ सोक्त थमा पा बाक्त हना, मुर आ थुमी मिम्बो परांइशा, परमपरभु यावे आ सोक्त र पा मिम्ब दुम्नीनी । खरीस्त आ सोक्त मुर आन थुमी मबाक्त हना, मेको मुर येसु खरीस्त आ मुर मनम । १० गे चहिं येसु खरीस्त आ मुर दुम्तीनी । बेक्चा दा बेक्नीनी । पाप पशामी मुर बेक्च दुम्तेकम । तन्न खरीस्त आ ठीक पतीकमी बरांइनीनी । गलाती २ : २० ११ परमपरभु यावे आ सोक्तीमी दोपा खरीस्त येसु कली बेक्शो र संदा, मोपान इं कली यो संशा बरांइचा गेब । मारदे हना मुल मेको सोक्त इं आगाम बाक्शा, इं कली बरांइचा गेब ।

१२ आं लोकबपुकी “परमपरभु यावे आ सोक्त इन आगामी बाक्ब” दे तुइक्ताकनी हना, मुर आन थुमी मिम्बो पचा ममाल्नीनी । रोमी ६ : ७, १८, १३ मो पाइतीनी हना, जाम्शा लाइनीनी । तन्न गे परमपरभु यावे आ सोक्त र पा इन रां डा दला दाक्स पतीक कली साइक्तीनी हना, बरांइनीनी । रोमी ७ : २४ ; गलाती ६ : ८ ; एफिसी ४ : २२-२४ १४ सु परमपरभु यावे आ सोक्तीम सुल्चा पुंडसीशो बाक्म, मेको परमपरभु यावे आ तमी ती बाक्नीम । १५ मारदे हना गेपुकी परमपरभु यावे कली हिंब थुं ताक्शा, वाइल मबाक्नीनी । गोपुकी आ तमी ती दुम्तीक मेको कली “आब्बा, आं दाक्शा आफ” दे बरत्नय । गलाती ४ : ५-६ ; रतिमाथी १ : ७ १६ गोपुकीमी “आफ” देयानु, इं थुमी बाक्शा परमपरभु यावे आ सोक्तीमी इं थुं कली “परमपरभु यावे आ तमी ती ननी” दे सांकळी गेब । २कोरिन्थी १ : २२ १७ परमपरभु यावे आ तमी ती दुम्शा, येसु खरीस्त नु काथा बाक्शा, अडस ताइब दुम्तय । मेको अडस तचा डांइती येसु खरीस्त आ नेंमी श्येत जाइनय । नोले आ राज्य तांइसेनु, येसु खरीस्त नु काथा बाक्शा अडस ताइनय । गलाती ४ : १७ ; परकाश २१ : ७

आस पा बाक्शा

१८ मुल येसु खरीस्त आ नेंमी श्येत जाइतय । तन्न नोले परमपरभु यावे आ बाक्तीक डा छेडछेडमी बाक्शा, मेको श्येत थम आइक्च मिम्नीनी । २कोरिन्थी ४ : १७ १९ परमपरभु यावे आ सल्शो नेल्लेमी “परमपरभु यावे आ तमी ती दोदेशो बाक्नीमी” दे कोत्रचा दाक्नीम । कलस्सी

३ : ४ ; १ग्रहन्ना ३ : २ २० डांइती र सल्शो नेल्ल बेक्शा राक्ब दुम्शा बाक्मा बाक्त । तन्न परमपरभु यावेमी “काबु नाक्त परांइनन्नी” दे आस गेशो बाक्माक्त । उपदेसक १ : ४ २१ नोले परमपरभु यावेमी आ तमी ती आन कली बेक्शा राक्चा र परांइशो खोदेशो पा आ सल्शो नेल्ल आन कली यो आ छेडछेडमी परानानु, शुश रिम्बो दुम्ब । २पतरस ३ : १३ २२ मुल सम्म आ सल्शो मारइ मारइमी हिंमा क्यम्स पा परमपरभु यावे कली “इन देशो रोब दुम्ल” दे पुंइना पुंइन बाक्नीम । २३ मेको सल्शोमी ला ममाइ । गो नेल्ल क्यंडा डांइती परमपरभु यावे आ सोक्त ताइबपुकीमी यो हिंमा क्यम्स पा “आंइ रां बेक्चा र परांनीन” दे पुंइना पुंइन आस पा बाक्नय । २कोरिन्थी ५ : २ २४ मेको थमा मदुम सम्म आस पा बाक्नय । थमा दुम्शा नोले आस पा बाक्चा ममाल्लनय । सुमी आ तने थुम्शो कली आस पाइबा डा ? २कोरिन्थी ५ : ७ २५ तन्न गो इं मतशो मदुम सम्म “गेना दुम्बा ?” दे लां कोत्रशा फाल्शा रिम्ब मुर बाक्नय । गलाती ५ : ५ २६ गोपुकीमी परमपरभु यावे कली आस पा बाक्यानु, परमपरभु यावे आ सोक्तीमी इं मतुइश्शो तुइक्ब । मिनु गो मार पुंइचा, दे मतुइक्ताक हना यो, इं पर्वम हिंमा क्यम्स पा पुंइब । २७ मारदे हना परमपरभु यावे आ सोक्तीम इं थुं डा लोत्र नेल्ल तुइक्ब, परमपरभु यावेमी मार दाक्बा, मेको यो तुइश्शा, थाम सुइक्ब आन पर्वम पुंइब ।

गो परमपरभु आ दाक्शा बाक्नय

२८ गो परमपरभु यावे आ योत्रशा, मेको कली दाक्बपुकीमी दोदेशो श्येत जाम्तेकम हना यो, दोदेशो ग्येरसाक्म हना यो, मार दुम्त हना यो, इं कली रिम्बो दुम्ब, दे तुइश्शो बाक्नय । एफिसी १ : ११ २९ मारदे हना आ डांइती तुइश्शो मुर कली “आं ती खोदेशो दुम्मल” दे योत्रतु । आ ती मेको योत्रशा लोकब आन क्यंडा डांइती जरमेशो बाक्ब । कलस्सी १ : १८ ; हिब्रू १ : ६ ३० आ ती खोदेशो दुम्मल, दे योत्रचा पुंइसीब आन कली बरत्ताक्ब । मिनु बरश्शो आन कली ठीक सेल्लु । मिनु ठीक दुम्शा आन कली बेक्चा र परांइशा, आ नु काथा बाक्चा गेब । १थिस्सलोनीकी २ : १३, १४ ; रोमी ३ : २६

३१ मुल मार देनुड देशो हना, परमपरभु यावे गोपुकी नु बाक्त हना, सुइमी इं कली मारइ पने चाप्वीमी डा ? सुइमी मारइ पने मचाप्वीम ।

भजन संग्रह ११८:६ ३२ परमपरभु यावेमी इं कली दाकशा, आ दाकशा तौ कली इं पाप क्याम्चा कली बेक्चा गेपु। मोपा आ दाकशा तौ लाइ गेवानु, इं कली मार मार माल्या, मेको मगेबा डा? गेब। ३३ परमपरभु यावे आ योत्रशो आन कली सुमी दोस गने चाप्या डा? सुइमी मचापनीम। मारदे हना परमपरभु यावेमी मेको आन कली ठीक दुम्पाइवतु। यसैया ५०:८ ३४ सुमी मेको आन कली सजाइ गने चाप्या डा? सुइमी मचापनीम। मारदे हना मेको आन बेक्चा डा बेक्शा, बेक्शा रे संसीशा, परमपरभु यावे आ ग्युरा गे बाक्चा तशो खरीस्त येसुमी मेको आन पर्वम मपुंडवा डा? पुंडव। १यूहन्ना २:१; हिब्रू ७:२५ ३५ खरीस्तमी इं कली शुश दाक्व। मिनु सुमी इं कली खरीस्त आ दाक्तीके रे फराने चाप्या डा? सुइमी मचापनीम। श्येतमी, हिंतीकेमी, खेदा पतीकेमी, जचा मततीकेमी, फेक्चा मततीकेमी, मुर साइक्तीकेमी नु लडाइमी काइ फराने मचापनीम। भजन संग्रह ७३:२३-२६ ३६ श्येत जचा आ पर्वम “इन ने आ पर्वम साइक्चा पुंडसीन सीन बाक्नीकी। क्योरचा चिकशा मेडा सोदंशो दुम्तक” दे बरक्शा बाक्व। भजन संग्रह ४४:२२; २कोरिन्थी ४:११ ३७ मो दुम्त हना यो, मारइ पने मचापनीम, मारदे हना येसु खरीस्तमी इं कली दाक्शा, गेनायो मपुंडव। मोपतीके सिक्सी पा गेनय। १यूहन्ना ५:४ ३८ “बेक्चामी, ब्रांडचामी, परमपरभु यावे आ स्वर्ग डा गेय पाइवपुकीमी, अधिकार पाइवपुकीमी, मुल दुम्तीकेमी, नाल दुम्तीकेमी, एफिसी ६:१२ ३९ इर डामी, उइ डामी नु रागीम बाक्शा मारइ मारइमी इं कली इं परभु खरीस्त येसुम बाक्शा परमपरभु यावे आ दाक्शा रे फराने मचापनीम” दे यो तुइक्ताकड।

यहूदीपुकीमी थमा मसुइइशो

१ खरीस्त आ ने बरशा, जोल मपथु, एको लोत्र पाइनुड। परमपरभु यावे आ सोक्तमी आं थुमी थमा लोत्र बाक्व, दे सांकछी गेब। २ गो इं यहूदी लोकब आन कली तशा, आं थुं शुश साइक्ती। मेको आन कली दो पड, मार पड देशा आं थुं सुरसाकयी। ३ आं लोकब, आ खिं डा मुर आन पा डा गो सराप रशा, खरीस्त रे तिल्त्वा पुंडसीचा यो बिस्सीड वा। परस्थान ३२:३२ ४ मेकोपुकी इसराएली नम। मेको परमपरभु यावे आ तमी तौ बाक्नीम। आ छेडछेडम बाक्चा

कली योत्रशो मुर नम, मेको आन कली कबल पशो बाक्त, आ अरेशो लोत्र तुइक्पाइइशो बाक्त, परमपरभु यावे कली दोपा मान पचा, दे तुइक्पाइइशो बाक्त। परमपरभु यावेमी मेको आन कली थोक्शा लोत्र पशो बाक्त। परस्थान ४:२२; ब्यवस्था ७:६; परस्थान ४०:३४; उत्पत्ती १७:७; परस्थान २०:- ५ नेल्लेम तुइइशो किकी पिपी एको जात डा बाक्मा बाक्त। मिनु मेको आन दात रे मेको नल्ल आन क्येडा ठेयव दुम्शा खरीस्त जरमेस बाक्त। गोपुकीम परमपरभु यावे कली गेना हना यो मान पय, आमन। रामी १:३; मत्ती १:-; लूका ३:२३-३४

सु सु थमा इसराएली बाक्नीम

६ परमपरभु यावे आ लोत्र मडुम्यु मलीब। मारदे हना इसराएल रागी डा मुर नेल्ल इसराएली मडुम्नीम। गन्ती २३:१९; रामी २:२८ ७ अबराहाम आ चच युइ शुश बाक्तेकम हना यो, मेको नल्ल परमपरभु यावे आ मुर मबाक्मा बाक्त। मेकोमी “इसहाक रे पा इ चच युइ लील” दे गेशो लोत्र खाप्या, इसहाक कली ला योत्रडा बाक्त। उत्पत्ती २१:१२ ८ मोपा अबराहाम आ खिम जरमेशा लायो, परमपरभु यावे आ तमी तौ, दे बरत्वा मपुंडसम। तन्न परमपरभु यावे आ लोत्र गेशोमी जरमेशोपुकीन अबराहाम आ थमा चच युइ बाक्नीम। गलाती ४:२३ ९ परमपरभु यावे आ गेशो लोत्र चहिं “बसे का नाल लेइशा जाक्नुडानु, सारामी तौ थीव” देशो बाक्व। उत्पत्ती १८:१० १० सारा कली ला लोत्र गेशो ममाइ। इं किकी इसहाक रे पा आ मीश रेबकामी कोत्रज कुरशा, जौल आल थिवानु, ११ मेको आल निम्फामी रिम्शो मरिम्शो मारइ मतुइक्थु, आस जरमेचा डांडती परमपरभु यावेमी का कली योत्रडा बाक्त। आल आ पशो तशा, योत्रशो ममाइ। परमपरभु यावे आ दाक्शा पा बरइशो बाक्त। १२ मेको आल आस गेय आ पर्वम ममाइ, परमपरभु यावे आ दाक्शा पा आस ममा कली “आ दाग्युमी आ लोकब आ गेय पाइव” दे तुइक्पदा बाक्त। उत्पत्ती २५:२३ १३ मेको आल आस पर्वम “याक्व कली दाक्ताकड। एसाव कली काइ मदावतु” दे बरक्शा बाक्व। मलाकी १:२-३

परमपरभुम आ दाक्शा कली योत्रव

१४ मोदंशो बाक्त हना, गो मार देचा? परमपरभु यावेमी ठीक गेय मपवा डा? ममाइ। १५ परमपरभु

यावेमी मोसा कली “सु कली शिशी पचा दाकडा, मेको कली शिशी पाइनुड। सु कली आ श्यत रे परांडचा दाकडा, मेको कली आ श्यत रे परांडनुड” देशो बाक्त। परस्थान ३३:१९ १६मारइ मारइ पशामी परमपरभु यावे आ शिशी पाइक्चा मपुंडसीब। परमपरभु यावेमी शिशी पचा दाक्ताक्व हना, शिशी पाइब। एफिसी २:२८ १७ परमपरभु यावेमी फाराओ कली “नेल्ल रागी डा मुरपुकीमी आं सकित तथा, आं नें तुइक्तामेक्त्, दे इ कली वोइक्ता” देशो बाक्त। परस्थान १:१६ १८ मोपतीक परमपरभु यावेमी सु कली शिशी पचा दाक्ता, मेको कली शिशी पाइब। सु कली आ लोत्र मटिपाइक्चा दाक्ता, मेको कली मटिपाइक्ब। परस्थान ४:२१; १पतरुस २:२८ १९ परमपरभु यावेमी मो पात्तु हना, मार, मुर आन कली दोस गेचा दुम्बा डा? आ पशा सुमी तेक्ने चाप्नीमी डा? देनी माइ। २० गे मुर दुम्शा परमपरभु यावे कली दोस गेचा दुम्बा डा? सेल्वा पुंडसीबमी सेल्ब कली “मारदे ओपा सेल्यी” देबा डा? यसेया ४५:१ २१ खप के ग्यांब सेल्बामी आ दाक्शो पा खप कांडचीक के गर, नाक्चुक तोक्तीके सेल्ने मचाप्बा डा? यरमीया १८:४-६

२२ परमपरभु यावेमी आ गाइशो कांडताक्व हना, मरिम्शो पाइब आन कली शुश फाल्शो बाक्त हना यो, नोले ला खतम दुम्पाइक्ब। रोमी २:४; हितोपदेस १६:४ २३ मकोमी आ ठेयब गेय कांडचा कली का निक्शी आन कली शिशी पशा, गेना हना यो काथा बाक्शा, आ छेड्छेड्छेड कांडचा कली याव्रतीमी। एफिसी १:३-१२ २४ ई यहूदी कली ला बरेशो याव्रशो ममाइ। अर्को रागी डा मुर आन कली यो बरेशा, आ मुर सेल्शा, आ नु बाक्चा ताइब सेल्तीमी। २५ होसेमी “साइ आं कली मतुइक्ब आन कली आं मुर सुइक्नुडमी। डांडती मदाक्शो कली मुल आं दाक्शो, दे बरेत्नुड। २६ डांडती मेको रागीमी परमपरभु यावे आ मुर मबाक्म। नोले चहिं बरांडशा बाक्ब परमपरभु यावे आ तमी तौ बरेत्वा पुंडसीनीम” दे बरेक्शो बाक्त। होसे २:२५; होसे २:१

२७ यसेयामी इसराएली आन पर्वम “इसराएल डा मुरपुकी समुन्दर डा बाल्वा सोदंशो पा शुश दुम्तेक्म हना यो, मेको आन लीशो का निक्शी ला बरांडचा ताइनीम। रोमी ११:५ २८ मारदे हना परभुमी आ देशो खाप्शा रीब पा पाइब” दे बरेक्शो बाक्ब। यसेया १०:२२-२३ २९ मिनु

डांडती यसेयामी “मुर नेल्ल आन परमपरभु यावेमी आ तमी तौ सेल्वा कली का निक्शी मयाव्रशो हना, सोदोम नु गोमोररा सहर डा मुर खादंशो दुम्शा, नेल्ल बेक्शा नुब्य वा” देशो बाक्त। यसेया १:९

### थमा ठीक पतीक

३० मिनु मुल गो मार देचा डा? अर्को रागी डा मुरपुकीमी ठीक दुम्चा ममाल्थु, ठीक दुम्तेक्म। तन्न आन ठीक दुम्तीक मेको आन परमपरभु यावे कली थमा सुइक्तीक रे जाक्त। रोमी १०:२० ३१ तन्न इसराएलीपुकीमी चहिं ठीक दुम्चा कली परमपरभु यावे आ अरेशो लोत्र टिचा माल्तेक्म हना यो, ठीक दुम्ने मचबेम। रोमी १०:२-३ ३२ मारदे ठीक दुम्ने मचबेम देशा हना, थमा सुइश्शोमी ठीक दुम्चा ममालेम, रिती थिती डा गेय रे ठीक दुम्चा माल्तेक्म। मोपतीक दाइल पाइब फुल्लुमी राम्साक्म। मत्ती २१:४१,४४; १पतरुस २:२८ ३३ मिनु “गो सियोनम फुल्लु का वोइक्नुड। मेको फुल्लुमी मुर आन कली दाइल पपाइक्ब। मिनु शुश मुर मेको फुल्लुम थोक्सीशा राम्सीनीम। सुमी मेको कली थमा सुइक्बा, मेको खतम मदुम्ब” दे बरेक्शो बाक्ब। यसेया ८:१४; यसेया २८:१६

१ आं लोक्बपुकी, गो थमा मसुइक्ब १० इसराएली आन पर्वम परमपरभु यावे कली “थमा सुइक्पतीन” दे पुंडना पुंडन बाक्नुड। २ परमपरभु यावे कली तुइक्चा माल्नीम, दे तुइक्नुड। तन्न मेको आन के रुप्तीक थुं मबा। ३ परमपरभु यावे आ डांडती दोपा ठीक दुम्चा, मेको मरुबेम। मिनु आंमा गेय पतीकमी ठीक दुम्चा माल्तेक्म। मोपा परमपरभु यावे कली थमा सुइक्तीक रे ठीक दुम्तीक मपामे। रोमी १:१७

### थमा सुइक्तीक रे ठीक दुम्तीक

४ येसु खरीस्तमी परमपरभु यावे आ अरेशो लोत्र खान्ने थुम्तु। मिनु येसु खरीस्त कली थमा सुइक्बपुकी ठीक दुम्शो बाक्नीम। मत्ती ५:१७; हिब्रू ८:१३; यहून्ना ३:३८; गलाती ३:२४-२५ ५ मिनु मासामी परमपरभु यावे आ अरेशो लोत्र पतीक रे ठीक दुम्तीक बरेक्शो बाक्ब। “परमपरभु यावे आ अरेशो लोत्र टीबपुकी मेको लोत्र टितीकेन बरांडनीम” दे बरेक्शो बाक्त देनीम। लेवी १८:५ ६ थमा सुइश्शा, ठीक दुम्शोपुकीमी चहिं मार देनीम देशा हना, स्वर्ग

सु लाइबा डा ? सुइ मलाइनीम मारदे हना येसु खरीस्त कली बरथ लचा ममाल्ब। व्यवस्था ३०:११-१४ ७ बेक्शो मुर आन बाक्तीके सु लाइबा डा ? सुइ मलाइनीम। मारदे हना येसु खरीस्त कली कुइक्थ लचा ममाल्ब। ढतन्न मार देशो बाक्त्त हना “मेको लोत्र इ नक्था, इ थुं नु इ शोत्रमी बाक्व” देशो बाक्त्त। मेको थमा सुइक्तीक लोत्र कली शेंनीकी। १ मिनु गपुकीमी “येसु परभु बाक्व” देशो इन थुंमी “परमपरभु यावेमी मेको कली बेक्शो र संताक्व” दे थमा सुइक्तीनी हना, गे बरोइचा ताइनीनी। मत्ती १०:३२; २कोरिन्थी ४:५ १० मुरुमी मेको थमा सुइश्शा, ठीक दुम्नीम। मिनु सु सुमी “येसु आं परभु बाक्व” दे मुर आन डाइती देबा, मेको बरोइचा ताइनीम, दे तुइक्नय। ११ मिनु परमपरभु यावे आ लोत्रमी “सु सुमी मेको कली थमा सुइक्तीमी, मेको मुन मदोक्तीम” दे बेक्शो बाक्व। यसैया २८:१६

यहूदीमी “मतुइक्त्तक” देने मचाप्नीम

१२ परमपरभु यावेम नेल्ल आन कली कोत्रब। यहूदी नु अर्का रागी डा मुर नेल्ल आन कली कोइचीक मिम्ब। मेको आन कली परभु का बाक्व। मेको कली परभु देब आन कली आसीक गेशा, रिम्शो पाइब। पररित १०:३४-३५; पररित १५:९ १३ सु सुमी परभु आ नें थिशा “परोइयीनी” दे पुंइबा, मेको कली परोइब दे बेक्शो बाक्व। योएल ३:५

१४ मेको कली थमा मसुइक्वपुकीमी “परोइयीनी” दे पुंइने चाप्नीमी डा ? आ पर्वम मनंशा कली थमा सुइक्ने चाप्नीमी डा ? सुइ शेंब मबाक्त्त हना, मेको लोत्र नेंने चाप्नीमी डा ? १५ शेंथ सोइश्शा मनम हना, शेंथ लाइनीमी डा ? शेंथ सोइक्चा पुंइसीब आन पर्वम आदेशो बेक्शो बाक्व “ग्येरपाइक्व नु रिम्शो लोत्र शेंथ गाक्व आन सोइल गिश रिम्शो बाक्व” दे बेक्शो बाक्व। यसैया ५२:७ १६ मेको आन लोत्र नेंशा कोइमी थमा मसुदेम। मेको आन पर्वम यसैयामी “हे परभु, आंइ शेंशो लोत्र सुम थमा सुदा डा ?” दे बेक्शो बाक्त्त। यसैया ५३:१; यहून्ना १७:२० १७ डांइती खरीस्त आ लोत्र नेंशा तुइक्पाइक्चा माल्नीम। मेको लोत्र नेंशा ला थमा सुइक्ने चाप्नीम।

१८ मार, येसु खरीस्त आ लोत्र यहूदीपुकीम मनंन्मे डा ? नंतक्म। “एको लोत्र तेइ तेइ रागी नल्लेमी बरशा बाक्त्त” दे बेक्शो बाक्व।

भजन संगरह ११:४ ११ मोपा यो इसराएलीमी एको लोत्र मरुप्म डा ? मोसामी यहूदी आन पर्वम आदेशो बेक्शो बाक्त्त “अर्का रागी डा मुरपुकीमी आं कली थमा सुइक्चा गनुडमी। मिनु गपुकीमी अरु आन कली आं ग पिशा तशा, रुश पा थमा सुइक्तीनी, दे परमपरभु यावेम देत” दे बेक्शो बाक्त्त। व्यवस्था ३२:२१ २० मिनु यसैयामी एको लोत्र तम्शा “परमपरभु यावेमी आं कली ममाल्ब मुरपुकीमी आं कली थितीमी। आं कली ममिम्ब आन कली आं पर्वम तुइक्पाइक्तामी” दे बेक्शो बाक्त्त देत। यसैया ६५:१ २१ इसराएल डा मुर आन कली चहिं परमपरभु यावेमी “गो नेल्ल नाक्त्त मटीब नु जोप पाइब आन कली रिम्शो दुम्मल, दे आं गुइ दिस डा दिस बाक्नुड। तन्न मेकोपुकीमी आं देशो मटीम। आं कली मरिम्शो ला सुइक्तीमी” दे बेक्शो बाक्त्त। यसैया ६५:२

लीशो इसराएलीपुकी

१ मिनु मो दुम्मेनु, परमपरभु यावेमी यहूदी नेल्ल आन कली परोइमी डा ? मपरोइमी। गा यो अबराहाम आ चच युइ बन्यामीन थर डा इसराएली का नड। भजन संगरह ९४:१४; यरमीया ३१:३७; फिलिप्पी ३:५ २ डांइती र परमपरभु यावेमी आ योत्रशा मुर आन कली मपरोइमी। एलीयामी इसराएली आन पशो आ पर्वम परमपरभु यावे कली देशो लोत्र मिम्तीन। ३ एलीयामी परमपरभु यावे कली “परमपरभु यावे, इन लोत्र पाइब आन कली साइक्त्तक्म। इन कली चद्देतीक नेल्ल परश्शा गेम्तक्म। इन नोले खोइक्व गा का ला लीती। आं कली यो साइक्चा कली माल्शा गाक्तीम” दे बेक्शो बाक्त्त। १ राजा १९:१० ४ परमपरभु यावेमी एलीया कली मार लोत्र लेत्ता बाक्त्त देशो हना “आं नोले खोइक्व, ७ हजार मुर योत्रतामी। मेकोपुकीमी बाल देवता आ डांइती आन पोक्च मथेक्तीम” दे लोत्र लेश्शा ममाइ डा ? १ राजा १९:१८

५ मुल यो परमपरभु यावेमी शिशी पा योत्रशा का निक्शी लीशो बाक्तीम। रामो ९:३७ ६ मेको आन पशोमी ममाइ, परमपरभु यावेमी मोशा शिशी पा आ मुर सल्लतीमी। आन गेय आ पर्वम पशो हना, शिशी मली वा। ७ मिनु मार देचा डा ? इसराएलम माल्शा यो आ माल्शा मथित्थु, परमपरभु यावे आ योत्रशा का निक्शी ला ठीक दुम्तक्म। अरु नेल्ल परमपरभु यावे आ लोत्र मटीब दुम्तक्म। रामो ९:३१ ८ मेको आन पर्वम

यसैयामी “परमपरभु यावमी मेको आन कली मरुष्व थुं गेपु। मेकोपुकी मिक्च मताइब नु नोफा मनंब दुम्शा बाक्शो बाक्नीम। मुल सम्म मोदंशो दुम्शा बाक्नीम” दे बरक्शो बाक्त। यसैया २९:१०; ब्यवस्था २९:४ १दाऊदमी “मेको आन भोज आन कली ग्याइली खोदंशो दुम्त। मेको आन कली बक्तीक नु क्यक्क लेत्तीक दुम्त। १०मेको मिक्च मताइब दुम्मल। मिनु वाइलीम वाइल खोदंशो दुम्शा, श्येत जामक्त” दे बरक्शो बाक्त। भजन संगरह ६९:२१-२३

### अर्का रागी डा मुर

११मिनु मुल मार देनुडा? मेकोपुकी गेनायो मबोक्चा डा पा रामसमा डा? ममाइ। इसराएली आन मरिम्शो पतीके अर्का रागी डा मुरपुकीम शिशी तशो बाक्नीम। मेकोपुकीम रुश पामक्त, दे मोदंशो दुम्शा बाक्ब। पररित १३:४६; रामी १०:१९ १२तन्न इसराएली आन रामसीतीके रागी नेल्ल आन कली रिम्शो नु अर्का रागी डा मुर आन कली शांप दुम्त हना, मेको नेल्लेम थमा सुदम हना, चिनु गिश रिम्शो दुम वा। १३मिनु गो अर्का रागी डा मुर, इन कली “गो अर्का रागी डा मुर आन कली लोत्र शंथ सोइक्चा पुंडसाक्यी। एको शंतीक गय शुश रिम्शो लाक्ती। १४मारदे हना अर्का रागी डा मुर आन कली थमा सुइश्शो तशा, आं जात डा मुर का निक्शीमी यो रुश पा थमा सुइक्नीमी कां, दे आस पा बाक्ती।” १५कोरिन्थी ९:२०-२२; १तिमोथी ४:१६ १५ परमपरभु यावमी मुल इसराएली आन कली मेकोवथु, अर्का रागी डा मुर आन कली शिशी पा बरशा, नाले यहूदी आन कली यो बरवानु, शुश रिम्शो मदुम्बा डा? एको दा बक्शो र संसीशो खोदंशो ठेयब दुम्ब। १६निशो फस र डाइती डा शोब्त परमपरभु यावे के दुम्त हना, नेल्ल निशो फस रिम्शो दुम्ब। शाक्श रिम्शो बाक्त हना, राशी नेल्ल यो रिम्शो दुम्नीम। गन्ती १५:२०

१७रिम्शो तेल रवा खोदंशो इसराएल र राशी का निक्शी क्योरशा गरुइशो बाक्तेक्म हना, गे रागी रागी डा मुर ब्याकी डा तेल रवा खोदंशो पा, मेको खामी इन राशी क्येन्वा पुंडसाक्नी हना, गे मेको रवा आ शाक्श र ताइनीनी। मेको मपरंदीन। एफिसी २:११-१४ १५मो हना यो क्योरशा ताइश्शो राशी, दे मेको आन कली “गो इन क्येडा ठेयब दुम्तक” दे ठेयब

लेश्शो लोत्र मपेन। मारदे हना गेपुकी यो राशीन ननी। राशीमी शाक्श कली मतिक्ब। शाक्शम राशी कली तिक्ब, दे तुइक्तीने। यूहन्ना ४:२२ ११गेपुकीमी “मेको क्योरशा ताइश्शो राशी आ पा डा गो दुम्तय” देतीनी। २०इन दंशो ठीक बाक्ब। मेकोपुकीमी थमा मसुदम। मिनु परमपरभु यावमी मेको आन कली क्योरशा ताइक्ताक्ब। इन थमा सुइश्शो तशा इन कली चहिं रिम्शो फल रवाम केषो खोदंशो पा आ मुर सेल्लु। काइ ठेयब मलेत्थु, परमपरभु यावे कली मान पा हिंशा बाक्कीन। १५कोरिन्थी १०:१२ ११परमपरभु यावमी डाइती डा राशी आन कली क्योरशा ताइक्ताक्ब हना, मार, गे नाले केषो राशी इन कली मताइक्बा डा? २२परमपरभु यावमी दोदंशो शिशी पाइबा, दोदंशो सजाइ गेबा, दे रुपीन। साइ डाइती र डा आ लोत्र थमा मसुइक्थु मटीब आन कली खोइश्शो ताइक्ताक्ब। आ लोत्र मटिथु, थमा सुइक्चा परांइतीनी हना, इन कली यो खोइश्शो ताइक्ब, दे तुइक्तीन। गे परमपरभु यावे कली दाक्शा, थमा सुइक्चा मपरांइतीनी हना ला, इन कली यो दाक्चा मपरांइब। यूहन्ना १५:२-४; हिब्रू ३:१४ २३मेको क्योरशा ताइश्शो राशी खोदंशो दुम्शा यहूदीपुकीमी आन थुं परमपरभु यावे गे लेश्शा, थमा सुइक्तेक्म हना, रिम्शो फल रवाम लंशा केषो खोदंशो पा आ मुर सेल्ले चाप्व। २४डाइती क्योरशा ताइश्शो राशी बाइक्चा कली श्येत मदुम्ब। तन्न अर्का ब्याकी डा तेल रवा आ राशी माल्शा चाक्शा, कप्या कली शुश श्येत बाक्ब। परमपरभु यावमी इन कली कप्याक्ब। मिनु इन कली कप्या क्येडा यहूदी आन कली कप्या श्येत मबाक्ब।

### यहूदीपुकी यो बरांइनीम

२५आं लोकबपुकी, आं शंशो खरुइश्शो लोत्र रिम्शो पा रुत्तीनी हना, गे ठेयब मलेत्तीनी। योत्रसीचा पुंडसीशो अर्का रागी डा मुर आन कली आ मुर सेल्ले मथुमा सम्म परमपरभु यावमी इसराएली आन कली येसु खरीस्त आ पर्वम मरुष्व सेल्लतीमी। यूहन्ना १०:१६ २६योत्रसीचा पुंडसीशो अर्का रागी डा मुरपुकीमी थमा सुदम डा मेर इसराएली नेल्लेमी रुष्शा, थमा सुइश्शो, बरांइचा ताइनीम। “सियोनमी पाप र परांइब का गरुब। मेकोमी याक्ब कली आ मरिम्शो पतीके र परांइब। मत्ती २९:३९; भजन संगरह १४:७ २७मेको आन पाप क्याम्नुड। मिनु

मेको आन कली गेशा कबल खान्नुड" दे बरकशो बाकब। यसेया ५९ :२०, यरमीया ३१ :३३

२८ मुल सम्म इसराएलीपुकीमी खरीस्त परमपरभु यावे आ सोइशशो पाप रे परांडब बाकब, दे थमा मसुइक्तीम। मोपतीक परमपरभु यावे आ जारी सतरु दुम्तकम। आन थमा मसुइशशामी इन कली चहिं रिम्शो दुम्त। परमपरभु यावेमी आन किर्की पिपी आन पर्वम मेको आन कली यात्रशा, दाकब। २९ परमपरभु यावेमी गेशो नु आ यात्रतीक गेनाया मजाम्ब। गन्ती २९ :१३ ३० गेपुकीमी यो परमपरभु यावे आ लोत्र मटिनी। यहूदीपुकीम मटितीक परमपरभु यावेमी इन कली शिशी पा थमा सुइक्चा गेन्तु। मिनु मुल गे परमपरभु यावे आ शिशी ताइब दुम्तीनी। ३१ यहूदीपुकीमी मुल सम्म परमपरभु यावे आ लोत्र मटीम। नोल परमपरभु यावेमी मेको आन कली यो शिशी पाइब। ३२ मारदे हना परमपरभु यावेमी इसराएली नु अर्का रागी डा मुर नेल्ल आन कली आ लोत्र मटिशो तशा, खाल का डा पा वोइक्तीमी। मिनु नोल नेल्ल आन कली शिशी पाइब। गलाती ३ :२२ ; १तिमोथी २ :४

परमपरभु कली ठेयब सेल्य

३३ परमपरभु यावेमी नेल्ल तुइक्ब। परमपरभु यावे सक्ति पाइशशो नेल्ल क्येडा ठेयब बाकब। मुरपुकीमी परमपरभु यावे आ निसाफ पशा, मुर आन कली पाइशशो, सुइमी रुम्न मचान्नीम। यसेया ४५ :१५ ; यसेया ५५ :८-९ ३४ मिनु "सुमी परभु आ थुं तुइक्न चान्नीमी डा ? सुमी मेको कली अर्ती गन चान्नीमी डा ?" दे बरकशो बाकब। १कोरिन्थी २ :१६ ; यरमीया २३ :१८ ; यसेया ४० :१३ ३५ "सुमी परमपरभु यावे कली मार मार गेशा, परमपरभु यावेमी मार मार गेचा माल्ब, देन चान्ना डा ?" दे बरकशो बाकब। अय्युब ४१ :३ ३६ परमपरभु यावेमी मार बाक्त हना यो, आमान सेल्लु। मिनु मारइ मारइ आइक्के नम। मिनु आ गाशो गेय आमान थुम्ब, दे तुइक्तय। मोपतीके "परमपरभु यावे नेल्ल क्येडा ठेयब बाकब" दे ठेयब सेल्लतीक गेना हना यो लील। आमन।

परमपरभु आ दाकशो पने

१ आं लोक्बपुकी, इन कली मुल यो शुश शंका दाक्ताकड। परमपरभु यावेमी इन कली शिशी पा आ मुर सेल्लु। मोपतीके आ मुर

दुम्शा, इन रां, थुं, गिम नेल्ल, सेसीन परमपरभु यावे आ दाकशो चढेतीक सोदंशो पा जिम्मा गंसीन। मेको इन परमपरभु यावे कली रिम्शो पशा गेय बाकब। रामी ६ :१३ २ परमपरभु यावे कली मटीब आन पशा खोदंशो मपने। तन्न परमपरभु यावे कली इन थुं कली फाइक्चा गन। मो पाइतीनी हना, परमपरभु यावे आ मिम्शो मार में, रिम्शो मार में, आ दाकशो मार में नु नेल्लम ठीक दुम्शो तुइक्नीनी। एफिसी ४ :२३ ; एफिसी ५ :१०,१७

३ परमपरभु यावेमी आं कली शिशी गेशा, शंब सेल्लती। इन दातेमी सुइ आंम कली ठेयब मसेल्लसीन। परमपरभु यावेमी इन कली दोदंशो थमा सुइक्तीक गवा, मेको मिम्शा बरम्शो दुम्शा बाक्कीन। मत्ती २० :२६ ; १कोरिन्थी ४ :६ ; १कोरिन्थी ४ रां कामी गुइ, खोइल, मिक्च, नोफा, शोत्र बाक्कीमी। मेको नेल्ल आन के आन आन गेय बाकब। १कोरिन्थी १२ :१२ ५ मोपा गोपुकी नेल्ल खरीस्तम रां का बाकनय। गेय का का गेचा पुंडसाक्य। १कोरिन्थी १२ :२७ ; एफिसी ४ :४,२५

६ गोपुकीमी परमपरभु यावे आ शिशी पा गेशो गेय का का पय। परमपरभु यावेमी इ कली आ लोत्र तुइक्पाइशशा नंपाइक्ब यात्रतु हना, थमा सुइशशा मेको लोत्र नंपतो। १कोरिन्थी ४ :७ ; १कोरिन्थी १२ :४ ; १पतरुस ४ :१० ७ मुर आन कली वारच पचा कली यात्रन पुंडसाक्ब हना, वारच पावो। शंब सेल्लवा पुंडसाक्ब हना, शंब दुमो। १पतरुस ४ :११ ८ अर्ती गब यात्रन पुंडसाक्ब हना, अर्ती गेचा मबरीदो। मुर आन कली मार गन्तीवी हना यो, ठेयब सेल्लसीचा कली मगेवो। थमा सुइक्ब आन लां कांडब दुम्ते हना, होस पा गेय पावो। शिशी पवीनु, ग्येरशा पावो। मत्ती ६ :३ ; २कोरिन्थी ८ :२ ; २कोरिन्थी ९ :७

दाक्चा आ पर्वम

९ थमा पा दाकमुशा बाक्कीन। मरिम्शो गेय रे डोन बाक्कीन। रिम्शो पने। १तिमोथी १ :५ ; आमोस ५ :१५ १० लोक्बपुकीमी दाकमुशा खोदंशो पा दाकमुशा बाक्कीन। आंम कली मान पचा मपुंडसीथु, अरु आन कली मान पने। यहन्ना १३ :४-१५ ; फिलिप्पी २ :३ ११ पचा माल्शो गेय अल्लसी मपथु पने। परमपरभु यावे आ सोक्तीम इन थुंम मी बरशो खोदंशो आ परभु कली गेय पने। परकाश ३ :१५ ; पररित १८ :२५ ; कलस्सी ३ :२३ १२ आस पा ग्येरसीशा बाक्कीन।

श्येत जनीनु, फाल्शा बाक्कीन। परार्थना पना पन बाक्कीन। लुका १८:१-८; कलस्सी ४:२; श्थिस्सलोनिकी ५:१७ १३थमा सुइक्व आन कली आन माल्शा गेशा, वारच पने। इन खिमी जाक्व आन कली बास गेशा थुलीन। ३यूहन्ना ५-८; हिब्रू १३:२

१४ सराप चीले मपने। इन कली सराप चीले पाइब आन कली आसीक गेने। मत्ती ५:४४; प्रेरित ७:२९; १कोरिन्थी ४:१२ १५ ग्येरसीशापुकी नु ग्येरसीन, डाक्शोपुकी नु डाक्कीन। भजन संग्रह ३५:१३-१४; २कोरिन्थी ११:२९ १६थुं का डा दुग्शा, दुशा गारशा बाक्कीन। जोक्व तुइक्व नऊ, दे टयब मलेतीन। आंम महिक्सीशा सुंडसीन। जोक्व तुइक्व ममिस्सीन। रामो १५:५; फिलिप्पी २:२; यसैया ५:२१ १७ इन कली मरिग्शा पाइब आन कली मरिग्शा मपने। मुर आन कली मार रिग्शा बाक्वा, मेको मिस्तीन। हितोपदेस २०:२२; श्थिस्सलोनिकी ५:१५; २कोरिन्थी ८:२१ १८चाप्पी सम्म मुर आन कली जिचा मतोन। मुर नेल्ल नु दुशा गारशा बाक्कीन। मर्कुस ९:५०; हिब्रू १२:१४

१९ आं दाक्शो लोक्वपुकी, इन कली श्येत गेब आन कली आंमा क्येक्क मलेतीन। परमपरभु यावेमी गाइग्शा, मेको आन कली मारइ पवल, दे सिक्सी पा बाक्कीन। मारदे हना “क्येक्क लेत्तीक गेय आं केन बाक्व। मिनु गोन पाइनुड, दे परमपरभु यावेमी देब” दे बरक्शो बाक्व। ब्यवस्था ३२:३५; लेवी १९:१८; मत्ती ५:३८-४४ २० क्येक्क मलेत्वा ला ममाइ। “इ जोरी सतर शोत्रलु बेक्तेक्म हना, जचा गेवो। तूत दाक्तेक्म हना, तूचा गेवो। मो पाप्तीवी हना, मेको आन पियामी मी मोइग्शा सोदंशो पा, मुन तोक्नेवे” दे बरक्शो बाक्व। हितोपदेस २५:२१-२२ २१ मरिग्शामी रिग्शा कली लाक्वा मगेव। रिग्शामी मरिग्शा कली ग्रापतो।

सरकार आ पर्वम शंशो

१३ गो नेल्लेमी सरकार आ हुकुम टिचा माल्लय। मारदे हना रामो डा नेल्ल सासन पाइब आन कली परमपरभु यावेमी योत्रशा, अधिकार गेशा वोइग्शा बाक्नीम। तीतस ३:१; हितोपदेस ८:१५; यूहन्ना १९:११ २ सरकार आ हुकुम मटिथु, गेय पाप्तेक्म हना, सरकार कली मटिशो ला ममाइ, परमपरभु यावे कली यो मटिशो सोदंशो दुम्ब। मिनु सजाइ

गेचा पुंडसीनीम। ३ रिग्शा पाइबपुकी सरकार आ हुकुम तशा महिनीम “रिग्शा पाइतीनी” दंनीम। मरिग्शा पाइबपुकी चहिं हिंनीम। १पतरुस २:१३-१४ ४ मुर आन कली रिग्शा पपाइक्वा कली परमपरभु यावेमी सरकार वोइक्त्तु। गो मरिग्शा पाइतीनी हना, सरकार क्येडा हिंनीन। मारदे हना सरकारमी सजाइ गेचा कली परमपरभु यावे रे अधिकार तशा बाक्व। मिनु मरिग्शा पाइब आन कली सजाइ गेब। २इतिहास १९:६-७ ५ “सरकारमी सजाइ गेब” दे मिन्वा ला ममाइ। रिग्शा पय, दे इं थुं फेरशा बाक्व। ६ मोपतीक परमपरभु यावेमी सरकार कली योत्रशा, गेय पपाइक्त्तु, दे तुइग्शा, गेपुकीमी तिरो थाप्तीनी। ७ तिरो, मन्सार थाप्तीन। हिक्वा पुंडसीशा कली हिक्कीन, मान पचा पुंडसीशा कली मान पने। मत्ती २७:२१

दाक्तीकम अरेशो लोत्र खाप्शो

८ मारइ मारइम दाक्मुशा बाक्कीन। दाक्ताक्नी हना, परमपरभु यावे आ अरेशो लोत्र खाप्तीनी। गलाती ५:१४; श्तिमोथी १:५ ९ मेको लोत्रमी मार बरक्शो बाक्व देशा हना “मीश वोइश आस नाता मखरोइक्वा, मुर मसाइक्वा, सुइ मपचा, मवाल्वा” अरु मपचा डा गेय यो बाक्नीम। मिनु मार पा मेको लोत्र खाप्सीब देशा हना, आंम कली दाक्शो सोदंशो पा आंम नेक्था डा आन कली दाक्शा, खाप्सीब। परस्थान २०:१३-१७; लेवी १९:१८ १० मोपा दाक्ताक्नी हना, मुर आन कली मरिग्शा मपाइनीनी। दाक्शामीन परमपरभु यावे आ अरेशो लोत्र खाप्शो बाक्व। १कोरिन्थी १३:४; मत्ती २२:४०

छेड्छेड्म बाक्व मुर दुम्य

११ आं देशो टिशा रिग्शा पने। संसीशा बोक्शो सोदंशो दुम्य। मारदे हना साइ थमा सुइक्व दुग्शा नाक्त्त क्येडा मुल परमपरभु यावे नु बाक्ची नाक्ती इ नेक्था जाक्त्त, दे तुइक्त्तय। श्थिस्सलोनिकी ५:६-८; एफिसी ५:१४ १२ नाक्दो लाक्शा नां सोक्शा, छेड्छेड्म बाक्शो सोदंशो दुग्शा, होस पा बाक्कीन। छिड्छिड् डा गेय ताइग्शा, छेड्छेड् डा या पिम्सीन। १यूहन्ना २:८; एफिसी ५:११ १३ नाक्ती छेड्छेड् दुग्शा सोदंशो पा रिग्शा गेय पय। छिड्छिड् डा गेय मार बाक्नीम देशा हना, शुश जचा ब्वा, दुक्शा हेथ गाक्वा,

तेल्लेम पा, गरांगरा दिचा डा गेय पचा, जिचा खेचा नु रुश पचा बाक्नीम। लुका २१:३४ ; एफिसी ५ :१८ १८नक वा फक्शो खोंदंशो पा परभु येसु खरीस्त नु रां का दुम्शा, इन रां कली मरिम्शो पचा मगन। गलाती ३ :२७ ; १कोरिन्थी ९ :२७ ; कलस्सी २ :२३

दाल्गीर मपथु गेय पचा

१४ १मिनु का निक्शी आन थमा सुइक्तीक बोल्यो मदुम्शो बाक्त हना यो, इन गुरुस्तीकमी जाक्चा गन। तन्न मेको नु आन मिम्तीक आ पर्वम लोत्र मपन। रामी १५ :१ ; १कोरिन्थी ८ :९ २मुर कामी नेल्ल जचा दुम्बा, दे मिम्बा, आ थमा सुइक्तीकम बोल्यो मदुम्शो मुरुम चहिं गिग साइ ला व्वाइब। उत्पत्ती १ :२९ ; उत्पत्ती ९ :३ ३मिनु श्ये व्वाइबमी श्ये मव्वाइब आन कली आइक्च मसेलीन। मिनु श्ये मव्वाइबमी श्ये व्वाइब आन कली यो दोस मगन। मारदे हना जचा व्वाचामी मारदे मपाइब। परमपरभु यावेमी मुर आन कली कांडचीक पा दाक्शा, आ मुर सल्लामी। कलस्सी २ :१६ ४मुर आन गेय पाइब कली निसाफ पाइब गे सु बाक्न ? आ होत्रपमी ला मेको कली निसाफ पाइब। मेको ठीक दुम्न चाख, मारदे हना परमपरभु यावेमी मेको कली ठीक सल्ल चाख। मती ७ :१ ; याकूब ४ :११-१२

५ का निक्शी मुरुमी नेल्ल नाक्त कांडचीक मिम्नीम। का निक्शीम चहिं नाक्त का कली ठेयब मिम्नीम। तन्न मार रिम्शो बाक्बा, मेको आंमा तुइक्चा माल्नीम। गलाती ४ :१० ६थमा सुइक्बपुकीमी नाक्त का कली ठेयब मिम्तमनु, परमपरभु यावे कली मिम्शा ठेयब मिम्नीम। श्ये व्वामनु, परमपरभु यावे कली मिम्शा व्वाइनीम। श्ये मव्वाइबपुकीमी यो परमपरभु यावे कली “गे रिम्शो पाइब बाक्नीनी” दे मिम्शा मव्वाइनीम। ७गो नेल्ल आंम कली मबरांडनय, आंम कली मबेक्नय। ८बरांडतय हना यो, परमपरभु यावे आ नें ठेयब सल्ल्वा कली बरांडय। बेक्तय हना यो, परमपरभु यावे आ नें ठेयब सल्ल्वा कली बेक्नय। बरांडतय हना यो, बेक्तय हना यो, परमपरभु यावे आ मुर नय। २कोरिन्थी ५ :१५ ; गलाती २ :२० १मारदे हना खरीस्त बेक्शा, बेक्शा रे संसीशा, नेल्ल आन कली कोत्रब दुम्त। बेक्शा, बरांडशो मुर नेल्ल आन परभु बाक्ब। १०मिनु मार, इं लोकब आन कली नाक्चा दुम्बा डा ? आइक्च सल्ल्वा दुम्बा डा ? काबु

नाक्ती परमपरभु यावेमी नेल्ल इं कली आ ठेयब निक्तीक आ डांडती सुष्शा, का का पा निसाफ पाइब। मती २५ :३१-३२ ; परेरित १७ :३१ ; २कोरिन्थी ५ :१० ११मारदे हना “परभुमी गो बरांडशा बाक्शो खोंदंशो पा, मुर नेल्लेमी आं डांडती आन पोक्च थक्नीम। मिनु नेल्लेमी परमपरभु यावे कली ठेयब सल्लामी” दे बरक्शा बाक्ब। यसेया ४५ :२३ ; फिलिप्पी २ :१०-११ १२गो नेल्लेमी परमपरभु यावे आ डांडती मार पशो बाक्या, मेको का का पा शोत्रचा माल्नय। १३मोपतीक आंम आंमा मनाक्मय। थमा सुइक्ब लोकब आन थुं साइक्पाइक्चा डा गेय मपमय। १कोरिन्थी १० :३३ १४गो परभु येसु आ मुर दुम्शा, मारदे मारदे जचा थोत्रक रिम्शो बाक्ब, दे शंसाक्ड। तन्न सुमी गरांगरा दिशा मिम्बा, मेको कली गरांगरा दिशोन दुम्ब। मती १५ :११ ; परेरित १० :१५ ; तीतस १ :१५ १५गो मार मार जशा व्वाशा, इ लोकब आ थुं साइक्पाइक्नेवे हना, इ मदाक्तीक कांडनेवे। इ जचा थोत्रकम पतीक इ खरीस्त बेक्शा लोकब कली खतम मसेलो। १कोरिन्थी ८ :११-१३ १६मोपतीक गे मार दाक्नीनी, मेको कली मुरुम गरांगरा दिचा मगन। १७ परमपरभु यावे आ राज्य जचा तूचा आ पर्वम ममाइ। परमपरभु यावे आ सोक्त रे पा थमा सुइक्बपुकीमी रिम्शो गेय पशा, दुशा ग्यरशा बाक्चा आ पर्वम बाक्ब। १कोरिन्थी ८ :८ ; हिब्रू १३ :९ १८गो मोपा खरीस्त आ गेय पाइतीनी हना, परमपरभु यावे आ दाक्शो नु मुर आन डांडती मान ततीक दुम्ब। १९मोपतीक दुशा गारशा नु थमा सुइक्तीक थुं बारपाइक्मुशा बाक्नय। रामी १२ :१८ ; रामी १५ :२ २०गो जचा थोत्रक आ पर्वम परमपरभु यावे आ गेय मक्याम्दीन। मारदे मारदे जचा ठीक बाक्ब। तन्न होस पने। मारदे हना इन जचा व्वाचामी इन लोकब आन थुं साइक्पाइक्तीनी हना, मरिम्शो दुम्ब। २१मोपतीक श्ये मव्बथु, अङ्गुर शांबु मतूथु, इन लोकब आन कली थुं मसाइक्पाइक्थु, बाक्चा रिम्शो दुम्ब। रामी १४ :२ ; १कोरिन्थी १० :२५-२७ २२इ थमा सुइक्तीक परमपरभु यावे आ डांडती बाक्ब। इन जचा थोत्रक आ पर्वम दाल्गीर मपाइतीनी हना, गे ग्यरसीशो मुर दुम्नीनी। २३दाल्गीर पा जाइब चहिं दोस ताइब दुम्ब। मारदे हना आ थमा सुइक्तीक रे मपाइब। मोपा थमा मसुइक्तीक रे पशो गेय नेल्ल पाप बाक्ब।

१५ १गो थमा सुइक्वामी बोल्यो दुम्शापुकीमी, आंम कली ठेयब मसल्यु, बोल्यो मदुम्शा थमा सुइक्व आन कली वारच पय। रामो १४:१ २ई दातेम नेल्लेमी अरु आन कली रिम्शा पा आन थमा सुइक्तीक थुं बारपाइक्व दुम्चा माल्लय। १कोरिन्थी ९:१९; १कोरिन्थी १०:२४,३३ ३खरीस्तमी यो आंमा दाक्शा मपव “इन कली पशा शुक्शी, आं तार मांडसाक्व” दे बरक्शा बाक्व। भजन संग्रह ६९:९ ४डांडती बरक्शा नेल्ल इ कली शंचा कली बरक्शा बाक्व। मेको लोत्र पदशा, फाल्शा इं थुं बारपा, आस पा बाक्व। १कोरिन्थी १०:११ ५फाल्तीक सक्ति गेव नु थुं बारपाइक्व परमपरभु यावेमी इन कली थुं का दुम्शा, दुशा गारशा बाक्वा गेवल। दुशा गारशा बाक्तीनी हना, खरीस्त येसु आ गेय पाइब दुम्नीनी। फिलिप्पी २:२ ६मिनु गे थुं का नु लोत्र का पा इं परभु येसु खरीस्त आ आफ परमपरभु यावे कली ठेयब सेल्लु दुम्नीनी।

७दोपा येसु खरीस्तमी इन कली दाक्शा बरवा। मोपान गपुकी यो दाक्मुशा बरमुने। मो पनीनु, परमपरभु यावे कली ठेयब सेल्लनीनी। ८इं किर्की पिपी आन कली गेशो लोत्र खाप्वा कली खरीस्त यहूदी आन कली पाप रे परांडब दुम्त। मोपा परमपरभु यावे आ देशो थमा बाक्व, दे कांडचा कली मोदंशो दुम्त। मत्ती १५:२४; प्ररित ३:२५ ९अर्का रागी डा मुरपुकीमी परमपरभु यावे आ शिशी आ पर्वम मेको कली ठेयब सेल्लेक्व। मोपतीक “अर्का रागी डा मुर आन दातेमी इन नें तुइक्पा कुम्सा पाइनुड” दे बरक्शा बाक्व। भजन संग्रह १८:४९ १०मिनु लेशा “अर्का रागी डा मुर आं योत्रशा मुरपुकी नु थुं का दुम्शा, ग्यरसीन” दे बरक्शा बाक्व। व्यवस्था ३२:४३ ११चिनु “ए, अर्का रागी डा मुर नेल्लेमी परमपरभु यावे कली ठेयब सेलीन, जात नेल्लेमी मेको कली मान पचा माल्लीम” दे बरक्शा बाक्व। भजन संग्रह ११७:१ १२यसेयामी “येस्से आ बडस रे का गरुशा, ठेयब दुम्शा, अर्का रागी डा मुर आन कली सासन पाइब। मिनु मेको कली सासन पशा तशा, नेल्लेमी इं कली श्यत रे परांडब” दे ग्यरशा, आस पा बाक्तीम” दे बरक्शा बाक्व। यसेया ११:१०; परकाश ५:५ १३आस गेव परमपरभु यावे आ सोक्तीमी इन कली शुश ग्यरपा, थुं नाइक्वा बाक्वा गेवल। मोपा इन थमा सुइक्तीकेमी ठेयब आस पा बाक्कीन।

### पावल आ गेय

१४ आं लोक्वपुकी, गे इन दातेमी दाक्मुशा, रिम्शा पा जोक्व तुइक्व दुम्शा नु शंमुने चाप्व दुम्शा बाक्तीनी, दे तुइक्ताक्ड। १५ परमपरभु यावेमी आं कली शिशी पा शंब सेल्लती। मोपतीक गो एको चिठीमी इक्का ठेयब लोत्र पा बरक्ताक्ड। रामो १:५; रामो १२:३ १६गो रागी रागी डा मुर आन कली खरीस्त येसु आ गेय पाइब दुम्ती। गो चद्वेब खोदंशो पा परमपरभु यावे आ गेय पाइनुड। परमपरभु यावे आ सोक्त आ पतीकेमी रागी डा मुर नेल्ल आ दाक्शा चद्वेतीक खोदंशो दुम्मल। रामो ११:३३ १७मेको शंतीक गेय पचा कली खरीस्त येसुमी बोल नु सक्ति गेती। मिनु परमपरभु यावे आ डांडती “गो ठेयब गेय पाता” देती। १८खरीस्तमी पपाइशो गेय आ पर्वम ला लोत्र पाइनुड। गो आंमा गेय पा अर्का रागी डा मुर टीब दुम्मल, दे मेको आन कली शंतीक गेय यो पना पन बाक्ती। २कोरिन्थी ३:५; रामो १:५ १९ परमपरभु यावे आ सोक्तीम गेशो सक्तिमी चिन्ड नु छक लाक्वा डा गेय कांडताक्डमी। यरुसलेम सहर रे लशा, इल्लरीकुम रागी सम्म जाक्दीशशा, सहर सहर, गाउं गाउंमी खरीस्त आ ग्यरपाइक्व लोत्र नेल्ल शंना शंन गाक्ती। मर्कुस १६:१७; २कोरिन्थी १२:१२ २०डांडतीन खरीस्त आ लोत्र नंन थुम्शा आन बाक्तीकम, मलड। मुल सम्म खरीस्त आ नं मनंशो आन कली शंनुडमी दंशा, शंना शंन गाक्ती। २कोरिन्थी १०:१५-१६ २१मिनु “आं लोत्र तुइक्वाइक्वा मण्डुसीशापुकीमी तुइक्वा ताइनीम। मिनु मनंशापुकीमी रुप्नीम” दे बरक्शा बाक्व। यसेया ५२:१५

### रोम लचा चिक्शा

२२गो मोदंशो शंना शंन गाक्डानु रोममी बाक्व थमा सुइक्व आन कली गरुस्थ लाइनुड, दे डांडती रे देती, तन्न मुल सम्म इन कली गरुम्चा मतड। रामो १:३३ २३शुश बर्से रे इन कली गरुम्तीक थुं पा बाक्ती। मुल एकर डा गेय थुम्शा, २४गो दीसा निल्यी एकर रे गाक्शा, स्पेन रागी लाइनुड। मिनु इन बाक्तीक यो ओत्रशा गरुम्नन्नी। गरुम्यानु, ग्यरसीशा, आं थुं नाइक्वा तडल देती। मिनु नोले आं कली स्पेन सम्म चोत्रदीनीनी कां, दे आस यो पाता।

२५ स्पेन लचा डांडती थमा सुइक्व आन कली वारच पथ यरुसलेम लाइनुड। प्ररित १८:२१;

पररित १९:२१; पररित २०:२२; पररित २४:१७  
२६ मासीडोनीया नु आकाया रागीमी बाक्व  
थमा सुइक्वपुकीमी “यरूसलेमम बाक्व थमा  
सुइक्वपुकीमी जचा मताम” देशो नंशा, क्यंट  
पाक्शा गतीमी। मोपतीक मेको आन कली क्यंट  
चोव्रथ लाइनुड। १कोरिन्थी १६:१; २कोरिन्थी  
८:१-४ २७ मारद हना डोंडती यरूसलेमम  
बाक्व थमा सुइक्वपुकीमी मेको आन कली यसु  
खरीस्त आ लोव्र शेशो बाक्त्वम। मोपतीक मुल  
मेको आन कली श्यत दुम्तीक, क्यंट पाक्शा,  
चोव्रथ सोइक्ताक्यीमी। १कोरिन्थी ९:११;  
गलाती ६:६ २८ मेको आन कली सोइक्शा क्यंट  
चोव्रशा, स्पेन लाइनुड। लडानु, इन बाक्तीक  
यो ओव्रनुड। २९ इन बाक्तीक जाकडानु, खरीस्त  
आ आसीकम जाकनुड, दे तुइक्ताकड।

३० आं लोकवपुकी, इं परमु येसु खरीस्तमी  
इं कली थुं का सेल्लु। परमपरमु यावे आ  
सोक्तीमी दाक्मुपाइक्तु। मिनु थमा पा वोबु  
दुम्तय। मोपतीक आं पर्वम परमपरमु याव  
कली पुंडना पुंडन बाक्कीन। २कोरिन्थी १:११;  
२थिस्सलोनिकी ३:१ ३३ मार पुनीन देनुड देशा  
हना “पावल कली यहूदीया रागीम बाक्व  
थमा मसुइक्व आन गुइ रे परोनीन। मिनु  
यरूसलेम जाकदीक्शा, मेकर बाक्व थमा  
सुइक्व आन कली वारच पचा गेन। ३२ परमपरमु  
यावे आ दाक्शा पा ग्यरसीशा यरूसलेम र  
पिशा, आंइ कली गरुम्पतीन। इन नंमी थुं  
का दुम्शा, ग्यरपाइक्मुशा बाक्चा तकल” दे  
पुनीन। १थिस्सलोनिकी २:१५ ३३ नेल्ल इं थुं  
नाइक्पाइक्व परमपरमु यावे गपुकी नु बाक्त।  
आमिन।

रिम्शा बाक्कीन, दे माइक्शा

१कन्करया डा थमा सुइक्व आन गरुम्तीक  
**१६** खिंमी गेय पाइब फिबी दिदी आ पर्वम  
वरक्शा बाक्नुड। २ फिबी दिदीमी थमा सुइक्व  
शुश आन कली वारच पाप्तु। आं कली यो शुश  
वारच पाइक्ती। मोपतीके फिबी दिदी कली परमु  
आ नंमी मान पतीने। मार मार माल्दा, मेको गेशा  
वारच पतीने।

३ अक्वीला नु पिरस्कीला साइ गो नु गारशा,  
खरीस्त येसु आ गेय पाप्ताक्स। मेको आस  
कली “रिम्शा बाक्कीस” देनीन। पररित १८:२;  
पररित १८:२६ ४ मिनु थमा मसुइक्वपुकीमी  
आं कली खेदा पामेनु, आं कली परांइचा, दे  
वारच पय्यीसीनु, हेरा साइक्चा पुंडसाक्स।

मेको निक्शीमी आं कली परांइशा आ पर्वम  
परमपरमु यावे कली “गे रिम्शा पाइब बाक्कीनी”  
देनुड। गो ला ममाइ, नेल्ल रागी रागी डा  
थमा सुइक्वपुकीमी यो मेको निक्शी आस पशो  
मिम्शा, परमपरमु यावे कली “गे रिम्शा पाइब  
बाक्कीनी” देनीन। मोपतीक मेको आस कली  
“रिम्शा बाक्कीस” दे मतीन। ५ आस खिंमी देल्ल  
थमा सुइक्व नेल्ल आन कली यो “रिम्शा  
बाक्कीन” दे माइक्चा। आं दाक्शा एपेनतस कली  
“रिम्शा बाक्की” दे माइक्चा। एपेनतस एसीया  
रागी डा नेल्ल क्येडा डोंडती खरीस्त कली  
थमा सुइक्व बाक्व। ६ इन कली शुश वारच पाइब  
मरीयम कली यो “रिम्शा बाक्की” दे माइक्चा।  
७ इं यहूदी जात डा अन्डरोनीकस नु युनीयस  
साइ येसु आ नंमी गो नु जेल्खानम बाक्शा  
नसी। आं क्येडा डोंडती मेको निक्शीमी खरीस्त  
कली थमा सुइक्ताक्स। खरीस्त आ सोइक्शा  
आन दातेमी शुश जोक्व दुम्ताक्स। मेको आस  
कली “रिम्शा बाक्कीस” दे माइक्चा। ८ परमु आ  
नंम आं दाक्शा अमपतीआतस कली “रिम्शा  
बाक्की” दे माइक्चा। ९ गोपुकी नु खरीस्त आ  
गेय पा उरवानस कली “रिम्शा बाक्की” दे  
माइक्चा। आं दाक्शा स्ताकीस कली “रिम्शा  
बाक्की” दे माइक्चा। १० खरीस्त कली रिम्शा पा  
थमा सुइक्व अपेलेस कली “रिम्शा बाक्की” दे  
माइक्चा। अरीस्तोबलस आ खिं डा मुर नेल्ल  
आन कली यो “रिम्शा बाक्कीन” दे माइक्चा।  
११ इं यहूदी जात डा हेरोदीयन कली “रिम्शा  
बाक्की” दे माइक्चा। नारसीसस आ खिं डा  
परमु कली थमा सुइक्व नेल्ल आन कली यो  
“रिम्शा बाक्कीन” दे माइक्चा। १२ परमु आ गेय  
पाइब तिरफेना नु तिरफोसा दिदी आस कली यो  
“रिम्शा बाक्कीस” दे माइक्चा। परमु आ शुश  
गेय पाइब आं दाक्शा परसीस दिदी कली यो  
“रिम्शा बाक्की” दे माइक्चा। १३ परमुम योव्रशा  
थमा सुइक्व रुफुस कली “रिम्शा बाक्की” दे  
माइक्चा। साइ रुफुस आ ममामी आं कली आ  
तौ सोदेशो पती। मेको कली यो “रिम्शा बाक्की”  
दे माइक्चा। मर्कूस १५:२१ १४ असीनकरीतस,  
फलेगन, हेरमेस, पतरोबास, हेरमेस नु मेकोपुकी  
नु बाक्व थमा सुइक्व लोकव नेल्ल आन कली यो  
“रिम्शा बाक्कीन” दे माइक्चा। १५ फिलोलोगस,  
युलीया, नेरीयस, नेरीयस आ दिदी, ओलीम्पास  
नु मेको नेल्ल आन खिंम बाक्व थमा सुइक्व  
आन कली यो “रिम्शा बाक्कीन” दे मतीन। १६ येसु  
आ नंमी मुम्मुशा, आसीक गेमुने। एक डा थमा

सुइक्व नेल्लेमी इन कली “रिम्शो बाक्कीन”  
देंतक्म। १कोरिन्थी १६ :२०

दूली शेंब आन लोव्र मनेंचा

१७ आं लोकबपुकी, एको नेल्ल क्येडा नोले  
डा लोव्र पशा, अर्ती गनन्नी। कोइ मुरुमी  
खरीस्त आ लोव्र नेंशा, दूली मिम्ताक्म। मको  
मुरपुकीमी मुल सम्म दुशा गारशा बाक्शो थमा  
सुइक्व लोकब इन कली फराचा माल्नीम।  
मको आन क्येडा होस पा बाक्कीन। मत्ती  
७ :१५ ; २थिस्सलोनिकी ३ :६ ; तीतस ३ :१०  
१८ मकोपुकीमी येसु खरीस्त आ गेय मपाइनीम।  
आन कोव्रज पिरेंचा ला मिम्शा, गेय पाइनीम।  
मिलो शिलो लोव्र पा रिम्शो लोव्र नेंब आन थुं  
क्याल्लनीम। मोदेंशो मुर आन क्येडा होस पा  
बाक्कीन। फिलिप्पी ३ :१९ ; कलस्सी २ :४ १९ गे  
शेंतीक लोव्र नेंशा, टीब मुर ननी, दे नेल्लेमी  
तुइक्ताक्मे। एको नेंशा, गो ग्येरसाक्यी। तन्न  
रिम्शो गेय मरिम्शो गेय, थमा शेंतीक दूली  
शेंतीक, थमा नु जोल तुइक्व दुमीन, देंनुड।  
मोपतीक बरेक्शा, शुश शेंताक्नी। रामी १ :८ ;  
१कोरिन्थी १४ :२० २० थुं नाइक्वा गेब परमपरभु  
यावेमी रीब पा सैतान कली इन खोइल आगाम  
वोइक्व। इं परभु येसु खरीस्तमी इन कली शिशी  
पवल।

“रिम्शो बाक्कीन” देंशो

२१ गो नु गेय पाइब तिमाथीमी इन कली  
“रिम्शो बाक्कीन” देंत। यहूदी जात डा लुसीयस,  
यासोन, सोसीपाटर सांफामी यो इन कली “रिम्शो  
बाक्कीन” देंतक्म। पररित १६ :१-३ ; पररित

१९ :२२ ; फिलिप्पी २ :१९-२२ ; पररित १७ :६ ;  
पररित २० :४ २२ पावलमी अरेंशा बरेक्पाइश्शो  
एको चिठी बरेक्व गो तेरतीयस नड। मिनु परभु  
आ नेंमी गो यो इन कली “रिम्शो बाक्कीन” दे  
बरेक्ताक्ड।

२३ गोम चिठी बरेक्पदुनु, गायस आं खिंमी  
बाक्ताक। मिनु गायस नु आ खिंमी दल्ब थमा  
सुइक्वपुकीमी यो इन कली “रिम्शो बाक्कीन”  
दे माइक्वा देंतक्म। इरास्तस माइश्शो सरकार  
आ गेय पाइबमी यो इन कली “रिम्शो बाक्कीन”  
देंत। थमा सुइक्व इं लोकब क्वारटसमी यो इन  
कली “रिम्शो बाक्कीन” देंत। १कोरिन्थी १ :१४  
२४ इं परभु येसु खरीस्त आ शिशी गेपुकी नेल्ल  
नु बाक्ल। आमन।

नोले डा लोव्र

२५ परमपरभु यावेमी इन कली आ  
ग्येरपाइक्तीक लोव्र नु येसु खरीस्त आ  
पर्वम शेंतीक नेंशा, बोल्यो पा थमा सुइक्व  
सेल्ले चाप्ब, दे तुइक्ताक्ड। मोपा साइ डा  
खरुइश्शो लोव्र नेल्ल तुइक्पाइश्शो बाक्ब।  
१कोरिन्थी २ :७ ; एफिसी १ :९ ; एफिसी ३ :४-९  
२६ परमपरभु यावे आ लोव्र पाइबपुकीम मको  
खरुइश्शो लोव्र बरेक्शो बाक्तेक्म। मको  
गेना हना यो बाक्ब परमपरभु यावे आ दाक्शो  
बाक्ब। मको लोव्र रागी रागी डा मुर आन कली  
तुइक्पाइश्शा थमा सुइक्व सेल्ले कली बाक्त।  
२७ आ का ला बाक्शो मारइ मारइ तुइक्व  
परमपरभु यावे कली येसु खरीस्त रे पा गना  
हना यो नेल्ल सक्ति नु ठयब दुम्तीक बाक्त।  
आमन। रामी १ :५

## १ कोरिन्थी

बरेक्व मुरः एको चिठी बरेक्व पावल बाक्व। मेकोमी आ नं नल्ल क्यडा डांइती बरेक्वशो बाक्व। पावलमी कोरिन्थ सहर कली थमा सुइक्व आन गरुम्तीक सल्लु। मिनु पावल कली आफ, दे नं वोइक्तेक्म। १कोरिन्थी १:१; १कोरिन्थी ३:१०; १कोरिन्थी ४:१५

गना बरेक्वशोः पावल, बर्स निकशी महिना सां एफिसस सहरम बाक्वशा, मेकर र कोरिन्थ सहर डा थमा सुइक्व आन कली चिठी बरेक्वशो बाक्व। मेको ५७ ए. डी. डा डांइती डा महिनाम बरेक्वशो बाक्व।

मार बरेक्वशोः पावलमी मेको थमा सुइक्व आन गरुम्तीक सिं ५२ ए. डी. मेर आमान सेल्शा, बर्स निकशी मेकर शेशो बाक्व। मिनु मेको थमा सुइक्व आन दातेम मार मार मरिम्शो दुम्मे, मेको ख्लोए आ सिं डा मुरुम पावल कली शंथ जाक्वशो बाक्तेक्म।

१. थमा सुइक्व आन गरुम्तीकमी मीश मुर दोदंशो दुम्चा माल्नीमी।

२. मेकोपुकी हुल हुल दुम्शो बाक्तेक्म १कोरिन्थी १:१-१६

३. मुर आन हंथे पा मरिम्शो पशो १कोरिन्थी ५ :- १० :-

४. गरुम्तीक डा मुरुम तुइक्वा माल्शो लोव्रः मीश मुर आन पर्वम परभु भाज आ पर्वम परमपरभु यावे आ सोक्तीम मार गेय पाइव परमपरभु यावे आ सोक्त आ नेल्ल क्येडा ठयव गेय

परमपरभु यावे आ सोक्त आ लोव्र पचा आ पर्वम

मुर बेक्वशा, संचा आ पर्वम १कोरिन्थी ११ :- १५ :-

### डांइती डा लोव्र

१ परमपरभु यावे आ दाक्वशो पा खरीस्त येसु आ सोइक्वशा बरेक्वा पुंडसीशो, गो पावल नड। इं लोकव सोस्थेनस नु गोमी कोरिन्थ सहरम बाक्व परमपरभु यावे आ मुर दुम्शा देल्व इन कली एको चिठी बरेक्वशा सोइक्ताक्कु। २ गो कोरिन्थ सहर डा खरीस्त येसुमी योव्रचा पुंडसाक्नी। मोपतीके योव्रशोपुकी दे बरेक्वा पुंडसीनीनी। गपुकी ला ममाइ, ते ते इं परभु

येसु खरीस्त आ नंमी सुम्सीनीमी, मेक मेक डा मुरपुकी यो इन खोदंशो पा योव्रशा, योव्रशोपुकी दे बरेक्वा पुंडसीनीमी। येसु खरीस्त आइ परभु, इं परभु, थमा सुइक्व नेल्ल आन परभु बाक्व। मिनु आ नंमी गो नेल्ल का दुम्तय। १कोरिन्थी ६:११; पररित १:१६; पररित १८:१-१७ ३इं आफ परमपरभु यावे नु परभु येसु खरीस्तमी इन कली शिशो पा इन थुं नाइक्वशा बाक्वा गम्सकल।

### परार्थना पशो

४ गो इन पर्वम परमपरभु यावे कली “गे रिम्शो पाइव ननी” दे ठयव सेल्लुड, मारदे हना इन कली शिशो पा येसु खरीस्तमी तुइक्वाइक्कु। ५ मिनु तुइक्तीक नु रुप्तीक थुं शुश गेशा, अरु आन कली शंथ नु रुप्याइक्व सेल्लु। ६ मिनु इन पतीके मुरपुकीमी खरीस्त आ सक्ति ताइनीमी। तीतस २:१३; २पतरुस ३:१३-१४ ७ गेपुकी परमपरभु यावे आ सोक्तीमी पपाइक्वशा गेय नेल्ल पचा ताइतीनी। मारइ मारइम गाप्शा बाक्नीनी। इं परभु येसु खरीस्तमी तपाइसकल, दे रिम्शा बाक्नीनी। ८ इं परभु येसु खरीस्त जाक्म नाक्ती आ डांइती ठीक दुम्शा, इन कली सक्ति पाइक्वशा गेय पना पन थिप्व, दे तुइक्ताक्क। मारदे हना इन कली नेल्ल क्येडा नोले सम्म थमा सुइक्वा मपरोइथु रिम्शा बाक्तीक सक्ति गव। फिलिप्पी १:६; १थिस्सलोनिकी ३:१३ ९ परमपरभु यावेमी इन कली आ ती इं परभु येसु खरीस्त नु गेना हना यो काथा बाक्वा कली योव्रतु। मिनु आ दंशो लोव्र नेल्ल साप्व। १थिस्सलोनिकी ५:२४

### थुं का दुम्शा बाक्कीन

१० आं लोकवपुकी, इं परभु येसु खरीस्त आ नंमी, इन कली अर्ती गनन्नी। लोव्र का, शोव्र का नु थुं का दुम्शा बाक्वा मपरोनीन। १कोरिन्थी ११:१८; रोमी १५:५; फिलिप्पी २:२ ११ “कोरिन्थीपुकी जिशा बाक्नीमी” दे इन पर्वम ख्लोए आ सिं डा मुरपुकीमी तुइक्वाइक्तीमी। १२ इन जिशो मार बाक्व दंशा हना, का निकशीमी “पावल आ नोले खोइक्व नकी” का निकशीमी “आपोल्लोस आ नोले खोइक्व नकी” का निकशीमी “कफास आ नोले खोइक्व नकी” नु का निकशीमी “खरीस्त आ नोले खोइक्व नकी” दंतीनी। १कोरिन्थी ३:४; पररित १८:२४-२७; यूहन्ना १:४२ १३ मार खरीस्त दंशो शुश बाक्नीमी डा? पावलमी इन पाप क्याम्चा कली शीमी क्पशा कांटी

थोक्शा क्याइश्शा साइक्चा पुंडसे डा ? पावल आ नेमी ब्वाक्कुम खरुम्शा गरुंडचा पुंडसीनी डा ? १४ गो परमपरभु कली "गे रिम्शो पाइब ननी" देनुड। मारदे हना गो किरस्पस नु गायस डा लाक्शा सुइ कली ब्वाक्कुम खरुम्शा मगरुंडदुमी। पररित १८:८; रोमी १६:२३ १५ मुर आन कली ब्वाक्कुम खरुम्शा गरुंडतीक गेय पशा नड हना, मकोपुकीमी "पावल आ नेमी ब्वाक्कुम खरुम्शा गरुंडचा पुंडसाक्क" देम वा। १६ स्तीफानस आ खिं डा मुर आन कली ब्वाक्कुम खरुम्शा गरुंडताक्कमी। मेको डा लाक्शा, सुइ आन कली ब्वाक्कुम खरुम्शा गरुंडदुमी कां मगरुंडदुमी, मारइ मतुइक्नुड। १ कोरिन्थी १६:१५ १७ खरीस्तमी मुर आन कली ब्वाक्कुम खरुम्शा गरुंडतीक गेय पथ मसोइक्ती। आ लोत्र नंपाइक्चा कली सोइक्ताक्यी। लोत्रमी फू चुइश्शा सोदंशो पा ममाइ। गो फू चुइश्शा लोत्र पाता हना, खरीस्त बक्शो सक्ति क्याम्सीशा लाइब।

रागी डा जोक्ब तुइक्ब आन पर्वम

१८ "खरीस्त पाप क्याम्चा कली साइक्चा पुंडसाक्क" देशो लोत्र नंशा, नरक लाइबपुकीमी "मूर्ख लोत्र बाक्ब" देनीम। गो पाप रे बरोइशापुकीमी चहिं "एको लोत्रम परमपरभु यावे आ सक्ति बाक्ब" दे तुइक्नय। २ कोरिन्थी ४:३; रोमी १:१६ ११ मिनु "जोक्ब आन कली आन जोक्शो क्याम्शा, तुइक्ब आन कली आन तुइश्शा साम्शा गनुडमी" दे बरक्शो बाक्ब। यसेया २९:१४ २० जोक्ब तुइक्ब सु सु नमी ? पदेस जोक्ब सु सु नमी ? सिनाक्त मुलाक्त शुश लोत्र पा ग्राब सु नमी ? लो, मिम्तीन। एको रागी डा जोक्ब तुइक्ब लोत्र कली परमपरभु यावेमी फश लोत्र मसला डा ? मती ११:२५; रोमी १:२२ २१ परमपरभु यावेमी मुर आन जोक्तीक तुइक्तीक रे आंम कली मतुइक्पांडसे। परमपरभु यावेम आ दाक्शो पा, आंड मूर्ख लोत्र नंपाइक्ब। मिनु मेको लोत्रम थमा सुइक्ब आन कली पाप रे बरोइचा गेब। २२ यहूदीपुकी चिन्ड नु छक लाक्चा डा गेय कोत्रकोत्र दाक्नीम। गरीकपुकीमी मुर आन जोक्तीक तुइक्तीक लोत्र माल्शा, नंथ गाक्नीम। मती १२:३८; यूहन्ना ४:४८; पररित १७:१८-२१ २३ मेको आन दाक्शो, आन माल्शा गाक्शो नेल्ल तुइश्शा यो गोमी चहिं "खरीस्त पाप क्याम्चा कली साइक्चा पुंडसाक्क" दे आन कली नंपाइक्नीकी।

मोदेशो नंपाइक्कानु, खरीस्त लांमी वोइश्शो फुल्लु सोदंशो दुम्शा, यहूदी आन कली दाइल पाइक्ब। मिनु राम्सीनीम। अर्का रागी डा मुरपुकीमी "मूर्ख लोत्र बाक्माक्त" दे काइ नंचा मदाक्नीम। पररित १७:३२; गलाती ५:११; १ कोरिन्थी २:१४ २४ परमपरभु यावेमी योत्रशा यहूदी नु गरीकपुकीमी चहिं मार देनीम देशो हना "परमपरभु याव आ सक्ति नु जोक्तीक तुइक्तीक नेल्ल खरीस्त नु थिंसीब" देनीम। कलस्सी २:३ २५ परमपरभु यावे आ मूर्ख लोत्र मुर आन जोक्तीक तुइक्तीक क्यडा ठेयब जोक्तीक तुइक्तीक लोत्र बाक्ब। परमपरभु यावे आ आइक्च सक्ति यो मुर आन ठेयब सक्ति क्यडा ठेयब बाक्ब।

२६ आं लोक्बपुकी, परमपरभु यावेमी इन कली मारदे योत्रडा ? इन पदेशो तशा देय, इन जोक्शो तुइश्शा तशा ? गे शुश सक्ति पाइश्शा यो मननी। ठेयब खिं डा मुर यो मबाक्नी। लो, मेको मिम्तीन। यूहन्ना ७:४८; याक्ब २:१-५ २७ तन्न परमपरभु यावेमी जोक्ब तुइक्ब आन कली मुने तोक्चा कली मजोक्ब मतुइक्ब मूर्ख आन कली योत्रतीमी। परमपरभु यावेमी अधिकार सक्ति पाइश्शा आन कली मुने तोक्चा कली अधिकार सक्ति मपाइश्शा आन कली योत्रतीमी। २८ परमपरभु यावेमी रागी डा महिक्सीशो आइक्च आन कली योत्रतु। मारदे हना हिक्सीशो नु ठेयब आन कली मुने तोक्चा कली मा पात्तु। २९ मोपतीक सुइ मुर परमपरभु यावे आ डांडती ठेयब दुम्न मचाप्नीम। रोमी ३:२७; एफिसी २:९ ३० मेकोमी यसु खरीस्त आ नेमी इन कली बरोइचा गेब। मेको इन जोक्तीक तुइक्तीक, इन ठीक पतीक, परमपरभु यावे आ मुर दुम्तीक नु पाप रे प्रोइतीक बाक्ब। येरमीया २३:५-६; २ कोरिन्थी ५:२१; यूहन्ना १७:३९; मती २०:२८ ३१ मोपतीक "परभु आ पतीक इं नें बोरपाइय्य" दे साइ नेसी देशो लोत्र मिम्शा, परमपरभु कली ठेयब सल्ल्य। येरमीया १:२२-२३; २ कोरिन्थी १०:१७

येसु खरीस्त आ पर्वम शंशो

१ आं लोक्बपुकी, गो गेपुकी नु बाक्कानु, २ परमपरभु यावे आ लोत्र नंपदुनु, मुर आन जोक्तीक तुइक्तीक रे नु फू चुइश्शा लोत्र पा मशंदन्नी। २ मारदे हना येसु खरीस्त कली शीम केशा कांटी थोक्शा क्याइश्शा साइक्चा पुंडसीशो लोत्र डा लाक्शा अरु मशंनुडमी, दे आं

थुं फरेशा जाक्शो नड। गलाती ६:१४ ३मिनु इन कली शंदन्नीनु, आं रांमी बल मबाक्थु, हिंन हिंन, खिरंखिर पा शंताकन्नी। गलाती ४:१३; पररित १८:९; २कोरिन्थी १०:३ ४मुर आन कली जोक्तीक तुइक्तीक कांइशा, ठेयब लोत्र मपड। तन्न परमपरभु यावे आ सोक्तीम कांइशो सक्ति रे पा शंताकन्नी। मत्ती १०:२० ५तन्न इन थमा सुइक्तीक मुर आन जोक्तीक तुइक्तीकम मबाक्थु, परमपरभु यावे आ सक्तिम बाक्ल। १थिस्सलानिकी १:५

परमपरभु आ जोक्तीक तुइक्तीक

६मो हना यो गो जोक्तीक तुइक्तीक लोत्र रुख आन कली लोत्र पाइनीकी। तन्न रागी डा नु सासन पाइब आन जोक्तीक तुइक्तीक डा लोत्र चहिं ममाइ। मारदे हना मेको बेक्शा लाइनीम। ७तन्न गो दोदंशो जोक्तीक तुइक्तीक डा लोत्र शंनीकी देशा हना, परमपरभु यावे आ जोक्तीक तुइक्तीक डा लोत्र शंनीकी। मेको लोत्र डांइती खरुइइशा वोइइशा बाक्ल। मुल इन कली रिम्शो दुम्मल, दे शंनीकी। मत्ती ११:२५; कलस्सी १:२६ ८मेको लोत्र रागी डा ठेयब मुरपुकीमी मरुवम। रुप्तेक्म हना, सक्ति पाइइशा परभु कली शीम केष्शा कांटी थोक्शा क्याइइशा मसदम वा। ९मिनु “मिक्वीम मतशो, नोफाम मनंशो, मुर आन थुमी ममिम्शो लोत्र परमपरभु यावमी आ कली दाक्ब आन कली तुइक्पाइइशा, रुप्चा गम्तीमी” दे बक्शा बाक्ब। यसेया ६४:४ १०मेको लोत्र परमपरभु यावमी आ सोक्त रे पा इं कली तुइक्पाइइशा रुप्पाइक्तु। मारदे हना परमपरभु यावे आ सोक्तीम नेल्ल तुइक्ब। खरुइइशा लोत्र यो माल्शा गरुइब। परमपरभु यावे आ सोक्तीम परमपरभु यावे आ थुं डा लोत्र यो नेल्ल तुइक्ब। ११मुर आन थुमी मार बाक्बा, सुमी तुइक्नीमी डा? आंम आन थुं डा लोत्र आंमा ला तुइक्नीम। परमपरभु यावे आ सोक्त डा लाक्शा सुइमी परमपरभु यावे आ थुं डा लोत्र मतुइक्नीम, आ सोक्तीम ला तुइक्ब। १२गोपुकीम रागी डा सोक्त मतशो बाक्नय, परमपरभु यावे आ सोक्त कली ताइतय। मोपतीक गो परमपरभु यावे आ गेशो नेल्ल रुन्नय। यूहन्ना १४:१६-१७ १३मोपतीक गो शंदकानु, मुर आन जोक्तीक तुइक्तीक लोत्रम मशंनीकी। परमपरभु यावे आ सोक्तीम गेशो लोत्र पा शंनीकी। मिनु परमपरभु यावे आ सोक्तीम बरीशो मुर आन कली शंशा

रुप्पाइक्नीकी। १४परमपरभु यावे कली थमा मसुइक्ब मुरुम परमपरभु यावे आ सोक्त डा गेय मताइनीम। मेको नेल्ल मेको आन कली मूर्ख गेय खोदंशो पा रुप्ने मचाप्नीम। मारदे हना मेको सोक्त डा लोत्र बाक्ब। यूहन्ना ८:४७; १कोरिन्थी १:२३ १५परमपरभु यावे आ सोक्त पाइइशा मुरपुकीमी मारइ मारइ नाक्न नु रुप्ने चाप्नीम। तन्न मेको आन कली नाक्ब सुइ मबाक्नीम। १६मार बरेक्शा बाक्ब दंशा हना “सुमी परभु आ थुं नाक्न नु रुप्ने चाप्बा डा? सुमी परभु कली शंन चाप्बा डा?” दे बरेक्शा बाक्ल। तन्न गोपुकी नु खरीस्त आ थुं बाक्ब। यसेया ४०:३३

आलम खोदंशो पाइतीनी, दे हुइइशा

१आं लोकबपुकी, इन कली शंदुनु, परमपरभु ३ यावे आ सोक्तीम बरीशो मुर खोदंशो पा शंन मचबु। मारदे हना रागी डा मुर खोदंशो पा, खरीस्त कली थमा सुइक्तीकमी आल खोदंशो बाक्नीनी। यूहन्ना १६:१२ २गो इन कली खमे मगेथु, दूध तुंइताकन्नी। मिनु मुल सम्म यो दूध तुंइना तुंइन वोइक्तन्नी। १पतरुस २:२ ३गे मुल सम्म रागी डा मुर खोदंशो बाक्नीनी। गे जीनीनी, रुश पाइनीनी। मिनु रागी डा मुर खोदंशो मदुम्नी डा? १कोरिन्थी १:१०-११; १कोरिन्थी ११:१८ ४का निक्शीमी “गो पावल आ नोले खोइक्ब नकी” का निक्शीमी चहिं “गो आपोल्लोस आ नोले खोइक्ब नकी” दे जिना जिन बाक्तीनी। मोपतीक रागी डा मुर खोदंशो मदुम्नी डा? १कोरिन्थी १:१२

गे परमपरभु आ खिं बाक्नीनी

५आपोल्लोस माइइशा सु मं? गो पावल माइइशा सु नडा? परभुमी आंस कली आ लोत्र शंथ योत्रशा नस्कु। गोपुकीमी आंस लोत्र नंशा थमा सुइक्तीनी। ६गो खरुम्ता आपोल्लोसमी ब्वाक्कु लुक्ताक्ब। मिनु परमपरभु यावमी कोल्पाइक्तु। पररित १८:२४-२८ ७मोपतीक खरुम्ब ठेयब ममाइ, ब्वाक्कु लुक्ब यो ठेयब ममाइ। कोल्पाइक्ब, बारपाइक्ब परमपरभु यावे ठेयब बाक्ब। ८खरुम्ब नु ब्वाक्कु लुक्ब कांइचीक बाक्नीस। मिनु आंइ कली पपाइइशा गेय दोदंशो पा पका, मोदंशो पा गाल्व ताइनीकी। १कोरिन्थी ४:५ ९गे परमपरभु यावे आ रू नु आ खिं ननी। गोपुकी चहिं मेको रूमी गेय पाइब नु मेको खिं सल्व नकी। मत्ती

१३:२-९; एफिसी २:२० १० परमपरभु यावेमी आं कली रिम्शा दारशा सिं सेल्ब सल्लती। मिनु आ देशो टिशा, सिं डा जग दोशा, बाल्या पा वोइक्ता। मेको जग तारी अरुमी परोव्रना परोव्रन लाइक्नीम। मेको परोव्रबपुकीमी दोपा रिम्शा दुम्बा, मेको मिम्शा गेय पामक्त। ११थमा जग येसु खरीस्त ला बाक्व। आ क्येडा लाक्शा अरु मारइ जग मबाक्व। मिनु सुइमी अरु जग वोइक्न मचाप्नीम। १पतरुस २:४-६ १२मेको जग तारी मार मार के सिं सेल्नीम देशा हना, सुन, चांदी, हीरा मोती, शी, खिंवा नु नल के सिं सेल्नीम। मुल मार के सेल्शा बाक्वा मतांइसीव। १३खरीस्तम निसाफ पची नाक्त मार के सेल्तेक्म हना यो, मीम हुम्शा कोव्रब। मारदे हना मेना खरीस्तमी आ लोव्र शंब आन गेय दोदेशो बाक्मे, मीम हुम्शा नाक्व। १४कोरिन्थी ४:५ १४मेको जग तारी सेल्शा सिं लीत हना, सेल्बमी इनाम ताइव। १५गेय मीम गरोइश्शा, पुतु दुम्शा लत हना, मेको मुर गेना हना यो बरांइचा ताइव। तन्न इनाम मतथु, मारइ मपाइश्शा दुम्शा बाक्वा माल्ब। १६ग परमपरभु यावे आ सिं ननी, दे मतुइक्नीनी? मिनु परमपरभु यावे आ सोक्त इन आगाम बाक्व, दे मतुइक्नीनी? १कोरिन्थी ६:१९; २कोरिन्थी ६:१६ १७मिनु सुमी परमपरभु यावे आ सिं गरांगरा दिशा सेल्बा, परमपरभु यावेमी मेको कली यो गरांगरा दिशा सेल्ब। मारदे हना परमपरभु यावे आ सिं परमपरभु यावे क ला बाक्व। मिनु मेको ग बाक्नीनी।

### सुइ ठेयब मसुंइसमल

१८सुइमी आंम कली जोल मपांइसेक्त। इन दातेमी सुइमी आंम कली जोक्व तुइक्व मिम्साक्व हना, मेको मूर्स दुम्त। मोपा ला जोक्व तुइक्व दुम्न चाप्ब। परकाश ३:१७-१८ १९एको रागी डा जोक्तीक तुइक्तीक परमपरभु यावे आ डांइती मूर्स लोव्र बाक्व। मार बरेक्शा बाक्व देशा हना “जोक्व तुइक्वपुकी आंम आन जोक्तीक तुइक्तीक गेयमी आंम कली ग्याइक्पांइसीनीम” दे बरेक्शा बाक्व। अय्युब ५:१३ २०लेशा “परभुमी एको रागी डा जोक्व तुइक्व आन मिम्शा जाम्शा लाइव, दे तुइक्व” दे यो बरेक्शा बाक्व। भजन संगरह ९४:११ २१मोपतीके सुइमी मुर आन नें आ पर्वम ठेयब मलेम्मल। मारदे हना नेल्ल इन के बाक्नीम। २२इन कली शंब, गो पावल, आपोल्लोस,

केफास नु रागी, बरांइचा नु बेक्चा, मुल मार दुम्शा बाक्वा नु नोले मार दुम्बा, नेल्ल इन के बाक्नीम। २३तन्न गे खरीस्त आ मुर बाक्नीनी। मिनु खरीस्त परमपरभु यावे आ तौ बाक्व। १कोरिन्थी ११:३

### मुर आन कली मनाक्वा

४ मिनु मुरपुकीमी गो शंब, आंइ पर्वम मार मिम्बा माल्नीम देशा हना, गो खरीस्त आ गेय पाइब नु परमपरभु यावे आ खरुइश्शा लोव्र तुइक्पाइक्चा कली शंब नकी। तीतस १:७ २मोदेशा पा शंबपुकी थमा सुइक्चा माल्शा मुर दुम्बा माल्नीम। लूका १२:४२ ३गे नु अरु निसाफ पतीकम आं कली नाक्तीनीनु, मेको नाक्शा मारइ खोदेशो ममिम्नुड। गो आंमा यो मनाक्सीनुड। ४गो मारइ मरिम्शा मपड, दे मिम्नुड। तन्न मतुइक्थु, पडा कां? आं कली निसाफ पाइब परभु बाक्व। ५मोपतीके परभु आ निसाफ पतीक नाक्त मजाक्म सम्म मुर आन कली मनाक्तीन। आ निसाफ नाक्ती जाक्मनु, खरुइश्शा वोइश्शा लोव्र नेल्ल तुइक्पाइक्व। छिडछिडम खरुइश्शा थुं डा थोव्रक नेल्ल छेडछेडम तांइसीनीम। मिनु परमपरभु यावेमी मुर आन कली “गे रिम्शा पाइतीनी” देब। १कोरिन्थी ३:८

### मुर आन नें बरशा ठेयब मलेत्वा

६आं लोक्वपुकी, ग परमपरभु यावे आ लोव्र रिम्शा पा टिन चाप्नीनी, दे गो मेको नेल्ल पाइतक। गे “गो पावल आ शंशा शंसीव नड” अरुमी “गो आपोल्लोस आ शंशा शंसीव नड” दे ठेयब लेश्शा, इन नें मबोरपतीन। रोमी १२:३ ७सुमी इन कली ठेयब सेल्नी? इन पशामी ठेयब दुम्नी डा? परमपरभु यावे आ शिशी पशामी कका ठेयब दुम्शा ननी। मिनु परमपरभु यावे आ गेशामी ठेयब लेत्वा दुम्बा डा?

८मुल गे इन माल्शा नेल्ल ताइतीनी। शुश क्येट थीब दुम्तीनी। शंब, आंइ कली हिल्लो मपथु, मुर आन कली हुकुम पाइतीनी। गे रिम्शा हुकुम पाइतीनी हना, गो यो गे नु गेय पाइब दुम्शा, रिम्शा दुम वा। परकाश ३:१७; परकाश ३:२१ ९परमपरभु यावेमी आ साइश्शा, आंइ कली मुर नेल्ल आन क्येडा आइक्व सेल्शा साइक्चा पुंइसीचा कली वोइक्तु, दे मिम्नुड। मारदे हना रागी रागी डा मुर नेल्ल नु परमपरभु यावे आ स्वर्ग डा गेय पाइबम आंइ कली कोव्रना

कोव्रन बाक्नीमी। रोमी ८:३६; हिब्रू १०:३३  
१० गो खरीस्त आ पर्वम मूर्ख दुस्तक। तन्न गे  
खरीस्त आ पतीकमी जोक्व तुइक्व बाक्नीनी।  
गोपुकी मचाप्त्र दुस्तक। गोपुकी चहिं बाल्यो  
बाक्नीनी। मुरपुकीमी इन कली मान पा ठेयब  
संल्नीम। आइ कली चहिं महिकनीम। १कोरिन्थी  
३:१८ ११ मुल यो जचा त्चा मतथु, मरिम्शो  
फेक्सीशा, श्यत जशा, आइ बाक्तीक खिं यो  
मबाक्व। २कोरिन्थी ११:२३-२७ १२ गो आंम  
गुइमी श्यत पा गेय पा बाक्तक। मुरपुकीमी  
आइ कली शुक्शी लोत्र पामनु, मेको आन कली  
आसीक गतक। गिश खेदा पांम्तेक्म हना यो,  
फात्शा बाक्तक। १कोरिन्थी ९:१५; पररित  
१८:३; मती ५:४४; रोमी १२:१४ १३ जिचा  
पोक्शा, गाइश्शा मरिम्शो पामनु, गो मेको  
आन कली रिम्शो लोत्र पा, गारपाइक्नीकी।  
गोपुकी रागी डागरांग्रा दिचा डा थोत्रक खोदंशो  
दुश्शा, नेल्ल क्येडा आइक्व महिकसीशो मुर  
दुस्तक।

#### थमा सुइक्व आन आफ मिम्सीशो

१४ गो इन कली मुने तोक्चा कली एको  
मबरक्तु। गे आं दाक्शो तमी तो इन कली रिम्शो  
अरचा कली एको बरेक्ताक्ड। १५ खरीस्त आ  
पर्वम अती गव शंब मुर शुश बाक्मा माइ। तन्न  
इन आफ खोदंशो मुर शुश मबाक्नीम। मारद  
हना गो इन कली यसु खरीस्त आ ग्यरपाइक्व  
लोत्र शंशा, इन आफ दुम्ती। १कोरिन्थी ९:२;  
गलाती ४:१९ १६ मोपतीक गो इन कली अती का  
गेनन्नी। आं पशो खोदंशो पन। १कोरिन्थी ११:१  
१७ मोपतीक गो परभु आ पशामी, आ रिम्शो नु  
दाक्शो तो तिमाथी इन बाक्तीक सोइक्ताक्ड।  
मेकोमी गो ते ते मार मार लोत्र शंदु, गो दोपा  
यसु खरीस्त आ लां खोदु, मेको नेल्ल इन कली  
शंदल। पररित १६:१-३ १८ मिनु इन दाते डा  
का निक्शीमी “पावल मजाक्व” दे ठेयब लेशशो  
लोत्र पांम्तेक्म, दे लोत्र पशो नंता। १९ तन्न  
परभुम इन कली गरुम्चा गेती हना, गो रीब पा  
जाक्नुड। मेको ठेयब लेशशो मजाक्व देब आन  
लोत्र ममाइ, मेको आन सक्ति बाक्म कां मबाक्म  
दे ला कोव्रनुड। २० मारदे हना परमपरभु यावे आ  
राज्य फू चुइश्शो ठेयब लोत्र रे पा मतांडसीब।  
सक्ति पाइश्शो गेय रे पा तांडसीब। १कोरिन्थी  
२:४ २१ गो मार पांडसीचा दाक्नीनी? कोक्कम  
हिंच कांडंशो खोदंशो पा शंदन्नी देय आं दाक्शो  
आल आन कली लेम्शो खोदंशो बरोव्रशो लोत्र पा

शंदन्नी? आमा मिम्शा देनीन। २कोरिन्थी १०:२

#### मरिम्शो आन कली तिल्ला माल्शो

१ गे नु बाक्व कामी हंथे पापु दंशो लोत्र  
५ नंता। मोदंशो पात्क अर्का रागी डा मुर आन  
दातेमी यो मबाक्व। मुर कामी आ आफ आ मीश  
वाइसाक्व, दंशो लोत्र नंता। लेवी १८:८ २ मिनु  
मुल सम्म ठेयब लेशशा बाक्नीनी? मोदंशो पाइब कली  
तिल्ला माल्नीनी। १कोरिन्थी ४:६-८

३ इन दातेम मबाक्ती हना यो, आं थुं गोपुकी  
नु काथा बाक्शो खोदंशो पा, मेको मुर कली यसु  
खरीस्त आ नंमी निसाफ पने थुम्ता। कलस्सी  
२:५ ४ गे नेल्ल परभु यसु आ नंम गरुम्शो  
बाक्तीनी हना, आं थुं गे नु बाक्त हना, इं परभु यसु  
खरीस्त आ सक्तिम मती १६:१९; मती १८:१८;  
२कोरिन्थी १३:३० ५ मेको मुर कली सैतान आ  
गुइम गेचा माल्नीनी। मेको आ रां खतम दुस्त  
हना यो, परभु आ निसाफ नाक्तीमी ब्रांडचा  
तवल। १तिमाथी १:२०

६ इन ठेयब लेशशा रिम्शो ममाइ। इम्चीली  
डल्ला का बोरपाइक्व ओस्तीमी फस नेल्ल  
डाम्शा, बोरब दे मतुइक्नीनी? गलाती ५:९  
७ मेको माइत बोरपाइक्व ओस्ती ताइक्तीनी। गे  
मारइ मसुष्शो फस खोदंशो दुम्शा, नक दुम्शो  
बाक्नीनी। मारद हना आइ पास्सा चाड डा  
क्योरशो पाठा खरीस्त बाक्व। परस्थान १२:३-  
२०; परस्थान १३:७; यसैया ५३:७; १पतरुस  
१:१९ ८ मोपतीक माइत बोरब ओस्ती मसुष्शो  
फस खोदंशो दुम्शा, मरिम्शो थुं पाइश्शो गेय  
पचा प्रांडशा, नक मुर दुम्शा, पास्सा मानेय।

९ इन कली डांडती बरक्शो चिटीमी “पात्के  
पाइब नु काथा बाक्चा मडुम्ब” दे बरक्ताक्न्नी।  
१० आं दंशो मार बाक्त दंशा हना, रागी डा  
पात्के नु तेल्लेम पाइब, शिम पाइब, खुइ पा  
रोइश्शा गाक्व, मूर्ति कली पूजा पाइब नु काथा  
बाक्चा मडुम्ब, दे मशंदन्नी। मोदंशोपुकी नु  
काथा बाक्चा मडुम्ब हना दा, रागीमी ते बाक्चा  
डा? ११ तन्न थमा सुइश्शा परभु आ मुर दुम्ती  
देब लोक्वम पात्के पा तेल्लेम पा, शिम दुम्शा,  
मूर्ति पूजा पा, शुक्शी पा गाक्व नु शांबु राक्सीमी  
दुक्शा, खुइ पा गाक्व दुम्तेक्म हना, मेकोपुकी नु  
काथा बाक्चा जचा यो मडुम्ब। २थिस्सलोनिकी  
३:६ १२ परभु आ मुर मडुम्शो आन कली मार  
निसाफ पाइनुडा डा? परभु आ मुर दुम्शो इन

दाते डा आन कली चहिं गेपुकीमीन नाकशा, सजाइ गेचा ममाल्नीनी डा ? १३ परमपरभु यावेमी रागी डा मुर आन कली निसाफ पाइब। गेपुकी नु बाकशो पात्के पाइब कली गरुंडशा सोइक्तीने। व्यवस्था ११:६; मत्ती १८:१७

### निसाफ पचा आ पर्वम

१ इन दाते डा का निकशी जिम्तेकम। मिनु ६ मारदे निसाफ पाइब आन डाइती लाइइशा मुददा कोपशा, थमा मसुइक्व निसाफ पाइब आन गुइमी गेनीनी ? आंमा इन दातेम गारपाइक्वा माल्शो ननी। २ थमा सुइक्वपुकीमी नेल्ल रागी डा मुर आन कली निसाफ पाइनीम देशो लोत्र मतुइक्नीनी डा ? गे रागी डा मुर आन कली निसाफ पाइतीनी हना, इन दाते डा आइक्व लोत्र गारपाइक्वे मचाप्नीनी डा ? मत्ती १९:२८ ३ गेपुकीमी परमपरभु यावे आ स्वर्ग डा गेय पाइब आन कली लाइ यो निसाफ पाइनीकी देशो लोत्र यो परंदीनी ? आंइ नाक्त् कित कित डा पतीक मार बाक्वा डा ? ४ इन दातेमी मोदेशो जीब खेब बाक्त् हना, मारदे थमा मसुइक्व, महिकसीशो मुर आन गुइमी निसाफ पचा कली गेनीनी। ५ मोदेशो पशोमी गे मुने दोक्तीनी। इन दातेमी मोदेशो मुर कली निसाफ पाइब जोक्व तुइक्व लोक्व का मबाक्वा डा ? ६ तन्न लोक्वमी लोक्व कली मुददा कोपशा, थमा मसुइक्व आन डाइती चाक्दीइशो तशा, गो थम मरिम्शो लाक्ती। ७ इन जिशो ठीक मलाक्नुडा। इन के मार लाइक्तेकम हना यो, मार पाक्तेकम हना यो, मुददा मकोप्यु, फाल्शा बाक्ने मचाप्नीनी ? मत्ती ५:३८-४८; १ थिस्सलोनिकी ५:१५; १ पतरूस ३:९ ८ तन्न गे आंमा इन लोक्व आन कली मरिम्शो पाइनीनी, रोइक्नीनी।

९ ठीक मपाइबपुकी परमपरभु यावे आ राज्य ओत्रचा मताइनीम दे मतुइक्नीनी ? दूली ममिस्तीने। मरिम्शो पाइबपुकीमी मोदेशो पाइनीम देशा हना, पात्के, तेल्लेम पाइनीमी, मूर्ति कली पूजा पाइनीमी, मुर आन मीश लाइक्नीमी, वांइश मुर वांइश मुर ब्यांइसीनीमी, १ तिमोथी १:९-११; गलाती ५:१९-२१ १० सुइ पाइनीमी, शिम पाइनीमी, शांबु राकसीमी दुक्शा गाक्नीमी, शुक्शी लोत्र पा गाक्नीमी, मुर आन के बाकशो थोत्रक रोइइशा, श्यत गनीमी। मोदेशो पाइबपुकी परमपरभु यावे आ राज्यम ओत्रचा मताइनीम।

११ इन दातेमी का निकशी मोदेशो बाक्मा बाक्त्। तन्न मुल गे चिकशो सोदेशो पा, परमपरभु यावे आ मुर दुम्शा, परभु येसु खरीस्त आ नमी नु इं परमपरभु यावे आ सोक्तीम पतीके ठीक मुर सल्वा पुंडसाक्नी। तीतस ३:३-७; १ कारिन्धी १:२; रोमी ३:२६

### थमा सुइक्व आन रां

१२ गो मार गेय पचा दाक्त्, मेको पने चाप्नुडा। तन्न गेय का निकशी आं कली रिम्शो मदुम्ब। गो मारइ पने चाप्ता हना यो, मरिम्शो पतीक आ वाइल मदुम्नुडा। १ कारिन्धी १०:२३ १३ जचा थोत्रक कोत्रज कली बाक्व, कोत्रज जचा थोत्रक कली बाक्व। मिनु परमपरभु यावेमी निम्फा आस कली जाम्शा लाइब सल्शो बाक्व। मुर आ रां गरांगरा दिशो तेल्लेम पचा कली मसल्शो बाक्व। तन्न रां परभु कली सल्शो बाक्व। मिनु परभु यो रां कली सल्शो बाक्व। १ थिस्सलोनिकी ४:३-५ १४ परमपरभु यावेमी परभु कली बेक्शो र संताक्व। मिनु आ सक्त्तम इं कली यो संब। १ कारिन्धी १५:२०; २ कारिन्धी ४:१४ १५ इन रां खरीस्त आ रां बाक्व दे मतुइक्नीनी ? मिनु खरीस्त आ रां लाइइशा, तेल्लेम आ रां सल्वा डा ? मोदेशो मपने। १६ तेल्लेम नु ब्यांइसीशोनु, रां कांइचीक दुम्सीब दे मतुइक्नीनी ? मार बरक्शो बाक्त् देशा हना “मेको निकशी रां का दुम्नीस” दे बरक्शो बाक्व। उत्पत्ती २:२४ १७ तन्न परभु आ मुर दुम्शानु, परभु आ सोक्त् नु इं सोक्त् का दुम्नीस। यूहन्ना १७:२१-२२ १८ गरांगरा दिशो तेल्लेम पतीक र डोन बाक्कीन। मारदे हना मारइ मारइ पाप पनीनु, रां आगामी मपाइनीनी। तेल्लेम पनीनु चहिं आंम रां कली पाप पाइनीनी। १९ इन रां परमपरभु यावे आ सोक्त् आ खिं बाक्व दे मतुइक्नीनी ? परमपरभु यावेमी आ सोक्त् इन रांमी वोइक्त्। मिनु इन रां इन के ममाइ। १ कारिन्धी ३:१६ २० गे ग्यापशो मुर बाक्नीनी। मोपतीके इन रांमी परमपरभु यावे कली ठेयब सेलीने। १ कारिन्धी ७:२३; १ पतरूस १:१८-१९; फिलिप्पी १:२८

### ग्युंब आ पर्वम लोत्र

१ साइ आं कली इन बरक्शा चिठीमी ७ गेपुकीमी “ग्युंब पचा नु मपचा, तेको रिम्शो बाक्वा ?” दे हिल्लो पशो बाक्तीनी। मिनु मुल मार देनुडा देशा हना, वांइश मुरुमी मीश मुर कली मथिथु बाक्वा रिम्शो दुम्ब। २ मो हना यो

हेंथे मगाकमल देशा, ग्युंबे पा वांइश मुर मीश का नु मीश मुर वांइश का नु बाकचा रिम्शो दुम्ब। ३ग्युंबे पशा, वांइश मीश दाकमुशा टिमुशा बाक्सल। ४मीश मुर आ रां आ वांइश आ अधिकारम बाकब। आ वांइश आ रां आ मीश आ अधिकारम बाकब। ५वांइश मीश गारशा, नाक्त का निकशी काथा मइथ्यु, प्रार्थना पना पन बाक्स, दे लोवरी गारपाइशा बाकचा यो रिम्शो दुम्ब। मेको डा लाकशा चहिं ब्राशा बास मबाककीन। मारदे हना सैतानमी शुश नाक्त सम्म ब्राशा बाकने मचाप्नीम दे तुइशा, इन कली तेल्लेम पपाइकने चाब। ६एको आं पशो लोव बिच्चान माल्नीनी दे मदनुड। तन्न आं देशो लोव बिस्साकनी हना, इन कली रिम्शो दुम्ब। ७मुर नेल्ले आं खोदेशो दुम्मल दे मिम्नुड। मो हना यो परमपरमु यावेमी आ दाकशो पा का निकशी आन कली ग्युंबे पशा बाकचा, का निकशी आन कली चहिं ग्युंबे मपथु बाकचा गेशो बाक्त। मती १९ :३२

कान बाकशो आन पर्वम लोव

८मुल सम्म ग्युंबे मपथु बाकब, आन वांइश बकशो मीश मुर नु आन मीश बकशो वांइश मुर आन कली “आं खोदेशो पा कान बाक्तकम हना, मेको इन कली रिम्शो दुम्ब” दनुड। ९सु सु चहिं आन का ला बाकने मचाप्नीमी, मेकोपुकी ग्युंबे पांइसमल। मारदे हना वांइश नु मीश माल्शा, हेंथे गाकचा क्येडा ग्युंबे पचा रिम्शो दुम्ब। १तिमोथी ५ :१४

ग्युंबे पशो आन कली शंशो

१०मेको आं लोव ममाइ, ग्युंबे पशो आन कली, परमु आ देशो लोव मिम्पाइकनुडमी। मीश मुरुमी आ वांइश परांइचा मदुम्ब। मती ५ :३२ ११परांइशा गाक्त हना, अको वांइश खोइकचा मदुम्ब। आ वांइश नु बाकचा दाकब हना, आ वांइश नुन दुशा बाक्सल। वांइश मुरुमी आ मीश कली मपरोनल। मती ५ :३२

१२एको लोव डा लाकशा, परमु आ लोव ममाइ, आं मिम्शो लोव मार दनुड देशा हना, थमा सुइकब लोकब आ मीश थमा मसुइकब बाक्त हना, तन्न आ वांइश नु बाकचा दाकब हना, आ वांइशमी मेको कली मपरोनल। १३थमा सुइकब मीश मुर आ वांइश थमा मसुइकब बाक्त हना, तन्न आ मीश नु बाकचा दाकब हना,

आ मीशमी यो मेको कली मपरोनल। १४मारदे हना थमा मसुइकब वांइश आ मीश आ थमा सुइकतीकमी आसीक ताइब। मिनु थमा मसुइकब मीश मुर आ वांइश आ थमा सुइकतीकमी आसीक ताइब। मोदेशो मदुम्त हना, आन आल परमु क मदुम्नीम। तन्न मोदेशो दुम्त हना, मेको आल परमपरमु यावे क दुम्नीम। रोमी ११ :१६ १२थमा मसुइकब वांइश मुर नु मीश मुरुमी थमा सुइकब आन वांइश मीश आन कली परांइशा ब्राशा बाकचा दाकताकम हना, लचा गमेकल। काथा बाकचान माल्ब देशो मबाकब। परमपरमु यावेमी आ मुर आन कली दुशा बाकशो तचा दाकब। रोमी १४ :१९ १६थमा सुइकब मीश मुर, गे इ वांइश कली “थमा सुइकब सेल्ले चान्नुड” दे दोपा तुइकनेवे ? थमा सुइकब वांइश मुर, गे इ मीश कली “थमा सुइकब सेल्ले चान्नुड” दे दोपा तुइकनेवे ? १पतरुस ३ :१

दोपा योवशा, मोपा बाककीन

१७परमुमी इन कली दोपा योवशा वोदा मोपान बाककीन। परमपरमु यावेमी इन कली दोपा बरत्ता मोपा बाककीन। मेको आं शंतीक नेल्ल गरुम्तीक खिं आन कली बाकब। १८गे बरत्ता पुंइसीचा क्येडा डांइती खरोइकतीक चिनु खरोइकचा पुंइसीशो बाकतीनी हना, मखरांइसीशो दुम्चा बल मपने। मखरांइसीशो बाकतीनी हना, खरांइसीचा बल मपने। १९मारदे हना खरोइकतीक चिनु खरोइशा नु मखरोइशा आन पर्वम मारइ ममिम्सीब। तन्न परमपरमु यावे आ अरशो टिचा, ठेयब बाकब। गलाती ५ :६ ; गलाती ६ :१५ २०मुर नेल्ल इन कली दोदेशो पा बरत्ता, मोदेशान बाककीन। २१मेना वाइलीम वाइल बाकतीनी हना, वस्ता मपने। परांइचा पुंइसाकनी हना, ग्येरशा लेन। फिलेमान १६ ; एफिसी ६ :६ २२मारदे हना परमुमी बरत्ती ना वाइलीम वाइल बाकतीनी, परमु आ डांइती परांइचा पुंइसीशो मुर दुम्तीनी। बरत्ती ना परांइचा पुंइसीशो मुर बाकतीनी हना, मुल खरीस्त आ वाइलीम वाइल दुम्तीनी। २३गे थाप्शा, परांइचा पुंइसीशो बाकनीनी। मुल मुर आन वाइलीम वाइल मदुमीन। १कोरिन्थी ६ :२० २४आं लोकबपुकी, परमपरमु यावेमी इन कली दोपा योवशा बरशा वोदा, मोपान परमपरमु यावे नु बाककीन।

ग्युंबे मपथु बाक्वो आन पर्वम

२५ ग्युंबे मपथु बाक्व आन पर्वम परमुमी आं कली मारइ मअरव। तन्न गो परमु आ शिशो पतीकमी थमा सुइक्व मुर दुम्ती, गो आं मिम्शो देनुड। २६ श्येत जचाइतय। मोपतीक मुल दोदंशो बाक्व्या, मोदंशान बाक्तय हना, रिम्शो दुम्ब, दे मिम्नुड। १कोरिन्थी १०:११ २७ मीश बाक्वो मुरुमी मेको कली परांइशा बाक्चा ममालीन। मीश मपाइश्शो बाक्तीनी हना, ग्युंबे पचा ममालीन। २८ तन्न ग्युंबे पनीनु, मरिम्शो मपाइनीनी। मीश आलम ग्युंबे पापु हना, मेकोमी मारइ यो मरिम्शो मपाइब। तन्न ग्युंबे पशोपुकीमी श्येत जाइनीम। मोपतीक मेकोपुकीम रागी डा श्येत मजामेकल, दे अर्ती गेतन्ती। २९ आं लोक्वपुकी, परमु जाक्चा चिक्वो बाक्व। मुल रे मीश बाक्वो मुर, मीश मबाक्वो सोदंशो पा बाक्कीन। रोमी १३:११; लूका १४:२६ ३० रोंका पाइबपुकी रोंका मपाइब सोदंशो पा बाक्कीन। मिनु ग्येरशा बाक्वपुकी मग्येरसीशो सोदंशो पा बाक्कीन। मारइ मारइ ग्याप्शा वोइक्वपुकीमी मारइ मवोइश्शो सोदंशो मिम्तमेकल। ३१ मुरपुकीम रागी डा गेय पाइनीम हना यो, रागी डा गेय मपशो सोदंशो पा बाक्मल। मारदे हना रागी जाम्शा लचा चिक्वो बाक्व। १यूहन्ना २:१५-१७

३२ गे सुर्ता मपथु, थुं नाइश्शा बाक्वो तचा दाक्नुड। ग्युंबे मपशो वोइश मुरपुकीमी दोपा परमु आ दाक्वो पचा, दे मिम्नीम। ३३ तन्न ग्युंबे पशो वोइश मुरपुकीमी चहिं दोपा मीश कली ग्येरपाइक्चा? दे मिम्शा बाक्नीम। लूका १४:२० ३४ मोपा गे निक्शी मिम्शो बाक्नीनी। ग्युंबे मपशो मीश मुर नु मीश आलपुकीमी परमु आ दाक्वो पा थुं नु रां नेल्ले परमु कली जिम्मा गेचा कली मिम्नीम। तन्न ग्युंबे पशो मीश मुरपुकीम चहिं रागी डा गेय पा, दोपा आंम वोइश कली ग्येरपाइक्चा, दे मिम्शा बाक्नीम। ३५ इन कली रिम्शो दुम्त, दे मोदंशो पाता। तन्न श्येत गेचा कली ममाइ। इन गरुस्तीकमी नेल्ल रिम्शो दुम्त नु इन थुं नेल्लेमी परमु कली सोइश्शा, रिम्शो बाक्ने चापीन, दे मोदंशो लोत्र पाता।

३६ सुइ मुरुमी ग्युंबे पचा कली मीश आल पुंइने थुम्शा, मेको मीश आल कली परांइचा मरिम्शो बाक्व, दे मिम्ब नु मेको कली दाक्व हना, ग्युंबे पवल। मेको पाप मबाक्व। ३७ तन्न सुमी ग्युंबे मपाइनुड दंशा, आ रां कली चलव नु आ मीश

आल कली मो वोइक्नुड, दे आ थुंम मिम्ब हना, मेको रिम्शो दुम्ब। ३८ मोपतीक सुमी आ मीश आल कली ग्युंबे पाइबा, मेकोमी रिम्शो पाइब। सुमी मपाइबा, मेकोमी मेको क्येडा रिम्शो पाइब।

वोइश बेक्वो मीश मुर आन पर्वम

३९ आन वोइश बाक्ना बाक्न मीश मुरुमी अर्की वोइश मुर नु ग्युंबे पचा मताइनीम। आन वोइश बेक्म नोत्त आन दाक्वो मुर कली ग्युंबे पने चान्नीम। तन्न परमु कली थमा सुइक्व दुम्चा माल्नीम। रोमी ७:२ ४० गो परमपरमु याव आ सोक्तीम बरीशो मुर नड। गो मार मिम्नुड दंशा हना, लेंशा ग्युंबे पचा क्येडा ग्युंबे मपथु बाक्चा रिम्शो दुम्ब। मिनु ग्येरशा बाक्चा तांइसीब दे मिम्नुड।

मूर्ति कली चदंशो श्ये

१ मूर्ति कली चदंशो श्ये ब्वचा आ पर्वम ८ गो नेल्लेमी तुइक्नय। गो शुश तुइक्व नकी, दे तुइश्शोमी मुर आन कली बारशा ठेयब लेप्पाइक्व। दाक्मुशा बाक्शोमी चहिं नेल्ल आन कली रिम्शो दुम्ब, नेल्ल आन थुं बारपाइक्व। पररित १५:२९ २ मारइ मारइ जोक्व तुइक्व नड देबमी आ माल्शो मतुइश्शो बाक्व। गलाती ६:३ ३ तन्न सु सुमी परमपरमु याव कली दाक्नीमी, मेको आन कली परमपरमु यावमी तुइश्शो बाक्व। १कोरिन्थी १३:१२

४ मूर्ति कली चदंशो श्ये ब्वचा आ पर्वम मार देनुड दंशा हना, मूर्तिपुकी सोक्त पाइश्शो मनम। मेकोपुकी नु मारइ मबाक्व। परमपरमु याव डा लाक्शा सुइ मबाक्व दे तुइक्ताक्व। ब्यवस्था ६:४ ५ सरीड नु रागीमी शुश देवी देवता नु परमु माइश्शो बाक्नीम हना यो, १कोरिन्थी १९:२०; भजन संगरह १३६:२-३; रोमी ८:३८-३९ ६ इं कली परमपरमु याव का ला बाक्व। मेको मारइ मारइ सेल्व इं आफ बाक्व। मिनु गोपुकी यो मेको आ सेल्लो बाक्नय। मिनु इं परमु का ला बाक्व, मेको परमु येसु खरीस्त बाक्व। मेको आ पतीकम मारइ मारइ दुम्शा, गो बरांइचा ताइनीकी। १कोरिन्थी १२:५-६; परस्थान २०:३; मलाकी २:१०; एफिसी ४:५-६; यूहन्ना १:३; कलस्सी १:१६

७ गोपुकी नु बाक्व का निक्शीमी इं मिम्शो लोत्र मरुबेम। मेकोपुकीमी “देवी देवता बाक्नीम” दे डांइती रे डा आन मिम्शो परांइने मचबेम।

मिनु मुल मूर्ति कली चढ़ेशो श्ये व्वामेनु  
 “पाप राइसीबा, कोर में?” दे मिम्शा, आन थुं  
 क्याल्नीम। १कोरिन्थी १०:२८ ८ जचा थोत्रक  
 जशा व्जशा, परमपरभु यावे आ डांडती मारइ  
 मपाइव। जशामी ठयव मदुम्सीव, मज्जशामी  
 आइक्च यो मदुम्सीव, दे तुइक्नय। रोमी  
 १४:१७ १ मोदंशो तुइक्ताकनी हना यो, होस  
 पांडसीन। मारद हना का निकशोमी इन कली  
 तशा, आन थुं क्याल्नेकम। गलाती ५:१३ १० मारद  
 हना सुइमी इ कली, जोक्व तुइक्व दुम्शा,  
 मन्द्रीम बाक्शा, मूर्ति कली चढ़ेशो श्ये व्जशा  
 ताप्तु हना, मेको मज्जोक्व मुरुमी मूर्ति कली  
 चढ़ेशो श्ये मब्वाइवा डा? ११ मिनु इन जोक्तीक  
 तुइक्तीकमी इन मज्जोक्व लोक्व आन कली पाप  
 मपाइक्नीनी। मेको आ पर्वम खरीस्त साइक्चा  
 पुंडसाक्व। रोमी १४:१५ १२गे इन लोक्व आन थुं  
 क्याल्पाइक्तीनी हना, गे खरीस्त कली मरिम्शा  
 पशो बाक्नीनी। १३ मोपतीके मार देनुड देशा हना,  
 आं कली श्ये व्जशा तशा, आं लोक्वपुकीमी आन  
 थुं क्याल्नीम दे तुइक्ताकड। मिनु मेको आन थुं  
 मक्याल्मेकल देशा, मुल डा मेर गो गेनायो श्ये  
 मब्वाइनुड दे आं थुं फरंशा, श्ये व्जचा परांडता।  
 रोमी १४:२१

शंबम आन माल्लो गेचा पुंडसीनीम

१ गो आं दाक्शा, आं मिम्शा पने मचाप्नुडा  
 डा? गो खरीस्त आ सोइश्शो मनडा डा?  
 आं मिक्चीमी इ परभु यसु खरीस्त कली मतशो  
 नडा डा? गो परभु आ गय पडा रे गपुकी यो  
 परभु आ मुर मदुम्नी डा? १कोरिन्थी १५:८;  
 पररित १:३-५, १५ २ शुश मुरुमी आं पर्वम “आं  
 कली खरीस्त आ लोत्र शंथ सोइश्शो ममाइ” दे  
 मिम्ताक्म हना यो, इन कली शंथ सोइश्शो नड।  
 मारद हना परभु आ मुर दुम्तीनी। गे आं सोइश्शो  
 दुम्तीक आ छाप बाक्नीनी। १कोरिन्थी ४:१५;  
 २कोरिन्थी ३:२-३ ३ आं शंशा आ पर्वम हिल्लो  
 पाइव आन कली कोरिन्थीपुकी दोपा थमा सुइक्व  
 दुम्मा? लो, मिम्तीन, दे माइक्नुडमी। ४ मिनु  
 आंइ कली माल्लो जचा त्चा थोत्रक “गेन” दे  
 पुंडने मचाप्नीनी डा? लूका १०:८ ५ केफास,  
 परभु आ लोक्व नु सोइश्शो नेल्लेमी शंना शंन  
 गाक्मानु, आन मीश काथा लाइश्शा गाक्तेक्म।  
 मिनु गोपुकी मेको आन बुद पा आंइ मीश  
 लाइश्शा गाक्चा मताइनीकी डा? ६ शंबपुकीम  
 शंशा जाइनीम। बारनाबास नु गो चहिं शंशा  
 गाक्स्कुनु, जचा मतथु, गय पचा माल्लस्कु डा?

पररित ४:३६; २थिस्सलोनीकी ३:१७-१ ७ लडाइ  
 पाइव आन सिं डा जशा बाक्नीमी डा? अडगुर  
 रूथीवपुकीमी श्येत पा खरुम्शा, अडगुर मीमेनु,  
 व्जचा मताइनीमी डा? गाठलापुकीमी चिम्शा  
 बी कली योत्रशा कोत्रशा, घांस लाग्शा, श्येत  
 पा गय पशा, दूध चिम्शा त्चा मताइनीमी डा?  
 ८ आं दंशो लोत्र मुरुम दंशो लोत्र ला बाक्वा डा?  
 परमपरभु यावे आ अरंशो लोत्र नु मगारवा डा?  
 ९ मोसामी “व्यफ कली दांइ पपाइश्शोनु, फुडला  
 मपाइक्चा” दे बरक्शो बाक्त। परमपरभु यावेमी  
 व्यफ आन पर्वम ला मोदंशो पचा दे बरक्पदा  
 डा? व्यवस्था २५:४; १तिमोथी ५:१८ १० इं  
 पर्वम यो बरक्शो बाक्त दे रुपीन। अर्का लोत्र  
 का निकशी बरक्शो बाक्व “व्यफ वाक्वपुकीमी  
 बाली नाली मीमेनु, इच्का अन्न ताइनुड दे  
 वाक्नीमी। चेरव तुप्बमी यो, इच्का चेरव  
 ताइनुड, दे तुप्ब” दे बरक्शो बाक्व। ११ गोपुकीमी  
 इन कली परमपरभु यावे आ लोत्र शंदकानु,  
 इन जचा त्चा थोत्रक तचा, ठीक मदुम्बा डा?  
 रोमी १५:२७ १२ अरु शंबपुकीमी मेको ताम्तेक्म  
 हना, मार, गो मेको आन क्येडा मताइनीकी  
 डा? मो हना यो गो मोदंशो लोत्र मपाइनीकी।  
 खरीस्त आ ग्यरपाइक्व लोत्र शंशोनु, श्येत  
 मदुम्ल, दे मोदंशो लोत्र मपाइनीकी। पररित  
 २०:३३-३५ २कोरिन्थी ११:९ १३ परमपरभु यावे  
 आ सिंमी गय पाइवपुकीमी मेक रे जाइनीम।  
 चढ़तीकम गय पाइवपुकीमी मेक रे ब्वाइनीम,  
 दे मतुइक्नीनी? गन्ती १८:१८-१९, ३१; व्यवस्था  
 १८:१-३ १४ परभुमी “आं ग्यरपाइक्व लोत्र  
 शंबपुकी शंशा गाक्मानु, मेकोपुकी मार मार  
 माल्मा, मेको आं ग्यरपाइक्व लोत्र शंतीक  
 रे तचा माल्नीम” देशो बाक्त। लूका १०:१७;  
 गलाती ६:६

१५ मिनु मोदंशो बाक्त हना यो, गो मारइ मपुनु,  
 मारइ मताक्गु। आं कली गेचा माल्नीनी दे यो  
 मदंनुड। थमा सुइक्व आन शोप मलाइक्चा, दे  
 बोरनुड। अरु आन थोत्रक तचा क्येडा बेक्चान  
 रिम्शा, दे मिम्नुड। पररित १८:३ १६ गो शंशा  
 गाक्ती, आं ठयव लेत्वा डा मारइ मबाक्व।  
 मारद हना लोत्र शंथ सोइश्शो नड, दे तुइश्शा,  
 गो परभु आ ग्यरपाइक्व लोत्र मशंथु बाक्ती  
 हना, आं कली काइ मरिम्शा दुम्ब। यरमीया  
 २०:९ १७ आं दाक्शा पा शंथ गाक्शा नड  
 हना, गाल्व ताक्गु वा। तन्न आं दाक्शा पा  
 शंशा गाक्शा मनड। “शंथ गाक्को” दे माइक्चा  
 पुंडसीतीक शंशा गाक्ती। १कोरिन्थी ४:१ १८ मिनु

आं शंशा गाकशो डा मार ताक्यु डा ? गो परभु आ ग्यरपाइक्व लोत्र मारइ मताक्यु शंनुड। ग्यरपाइक्व लोत्र शंब आन तचा डा, ताक्चा मदाक्नुड।

नेब मुर नु गारशा शंशो

१९ गो आं दाकशो पने चाप्नुड, मो हना यो शुश मुरुमी खरीस्त आ लोत्र रुष्शा, आ मुर दुम्मल, दे आन वाइल खोदंशो दुम्शा, शंना शंन गाक्ती। मती २०:२७; रोमी १५:२ २० गो यहूदी आन कली शंनुनु, खरीस्त आ लोत्र रुष्पाइश्शा, आ मुर दुम्मल, दे गो यहूदी दुम्ती। गो परमपरभु यावे आ डांइती डा पतीके पाइब आन कली शंना शंन, मेको खरीस्त आ मुर दुम्मल, दे गो परमपरभु यावे आ डांइती डा पतीके पाइब खोदंशो दुम्ती। तन्न गो मेको डांइती डा पतीके पाइब मनड। १ कोरिन्थी १०:३३; पररित १६:३; पररित २१:२०-२६ २१ गो परमपरभु यावे आ अरशो लोत्र मतुइक्व आन कली शंनुनु, खरीस्त आ लोत्र रुष्पाइश्शा, आ मुर दुम्मल, दे गो परमपरभु यावे आ अरशो मपाइब खोदंशो दुम्ती। गो परमपरभु यावे आ अरशो मपाइब दुम्शा यो, मेको आ डांइती खरीस्त आ अरशो पाइब दुम्ती। गलाती २:३ २२ गो बोल मपाइश्शो मुर आन कली शंशा, खरीस्त आ लोत्र रुष्पाइश्शा, आ मुर दुम्मल, दे गो बोल मपाइश्शो खोदंशो दुम्ती। का निकशी खरीस्त आ लोत्र रुष्शा, आ मुर दुम्मल, दे गो मेको नेल्ल आन खोदंशो दुम्ती। रोमी ११:१४ २३ परभु आ ग्यरपाइक्व लोत्र रागीम बरचा आ पर्वम मेको गेय पाइनुड। मिनु शुश मुरपुकीमी एको लोत्र रुष्शो तशा, आसीक तशा ग्यरसाक्पी।

इनाम तांडसीब, दे मिम्शा गेय पशो

२४ इनाम तांडसीब, दे दोरबपुकी “डांइती जाकदीत्नुड” दे मिम्शा दोरनीम। दोरमानु, नेल्ल क्येडा डांइती जाकदीप्चम ला इनाम ताइब दे मतुइक्वनीनी ? मोपतीके गो यो इनाम तकल दे मिम्शा दोरीने। रतिमोथी ४:७; फिलिप्पी ३:१४ २५ मोपा दोरबपुकीमी दोरने चबुल, दे हेंथ मजाइनीम मत्नीम। आन रां नेल्ल चलेस जाक्नीम। मोदंशो पाइबपुकीमी जाम्शा लाइब इनाम ला ताइनीम। गोपुकीमी चहिं गेनायो जाम्शा मलाइब इनाम ताइनय, दे तुइश्शा, मेको आन क्येडा रिम्शो पचा ममाल्नया डा ? रतिमोथी २:४-५; १पतरुस ५:४ २६ गो ते

जाकदीत्वा माल्वा, मेको मतुइक्व हेंथ पा मदोरनुड। गो हेंथ पा फशीम मुडकी मआप्नुड। २७ तन्न आं रां कली हेंथ पचा मगेथु, गेय पाइब वाइल खोदंशो सत्नुड। मारदे हना अरु आन कली मोदंशो शंताकडमी। मिनु गो आंम आं दंशो मपाता हना, आं कली सुइमी महिकनीम। रोमी १३:१४

इसराएली आन पशो मिम्तीन

१ आं लोक्वपुकी, गो आंइ इसराएली १० किकी पिपी आन पशो आ पर्वम लोत्र का निकशी शंनन्नी। आंइ किकी पिपी नेल्ल गोस्स आगाम बाकशा, समुन्दर शोक्सीशा तमा बाक्त। परस्थान १३:२१; परस्थान १४:२२ २ मिनु नेल्ल गोस्स आगा गाकशा, समुन्दर शोक्शा, मोसा आ नेम ब्वाक्कुम खरुष्शा गरुडचा पुंडसाकमा बाक्त। ३ नेल्लमी परमपरभु यावेम गेशो जचा थोत्रक जाम बाक्त। परस्थान १६:४,३५; ब्यवस्था ८:३ ४ नेल्लमी परमपरभु यावेम गेशो सोक्त डा ब्वाक्कु तूडमे बाक्त। मिनु मेको आन नोले खोइक्वम सरथ फुल्लु रे ब्वाक्कु तूडमे बाक्त। मिनु मेको सरथ फुल्लु खरीस्त बाक्माक्त। परस्थान १७:६ ५ मो हना यो मेको का निकशी आन कली तशा, परमपरभु यावे गाइक्ता बाक्त। मिनु गोरशो रागीमी परोना बाक्त। गन्ती १४:२२-३२ ६ मोदंशो मरिम्शा थुं पाइश्शो मुर मदुमीन, होस पा बाक्कीन। ७ मेको आन दाते डा मूर्ति पूजा पाइब खोदंशो मदुमीन। मार बरकशो बाक्ब दंशा हना “मुरपुकी जचा तूचा कली निस्साक्म। मिनु सिल्ल पचा कली बाक्तेक्म” दे बरकशो बाक्ब। मेको आन पशो खोदंशो मपने। परस्थान ३२:६ ८ गोपुकीम तल्लेम पचा मदुम्ब। मेको आन दाते डा का निकशीमी गरांगरा दिचा डा गेय पामे बाक्त। मिनु नाक्त कामीन २३ हजार मुर साइक्चा पुंडसाकमा बाक्त। गन्ती २५:१९ ९ गोपुकीम परभु कली नाक्चा मदुम्ब। मेको आन दाते डा का निकशीमी मो पास्तक्म। मिनु बुस्स रे पा साइक्चा पुंडसमा बाक्त। गन्ती २१:४-६

१० गोपुकीम गन गन पचा मदुम्ब। मेको आन दाते डा का निकशीम मोदंशो पामे बाक्त। मिनु खतम पाइबमी मेको आन कली खतम पोक्का बाक्त। गन्ती १४:२,३५-३६; हिब्रू ३:११,१७ ११ मेको आन मोदंशो दुम्शा तुइश्शा, गोपुकीमी रुब्यल, दे एको लोत्र नेल्ल बरकशो बाक्त।

एको रागी नेल्ल जाम्शा लचा चिकशो बाक्त ।  
१पतरुस ४ :७ १२ “गो ठीक बाक्नुड” देब हास पा  
बाक्मल । मारदे हना पाप पने चानीम । १३ मुल  
सम्म गे फाल्ने मचाप्चा डा पा थुं नाक्चा  
मपुंडसीनी । परमपरभु यावे थमा सुइक्चा माल्शो  
बाक्ब । इन फाल्ने चाप्तीक सक्ति कोत्रशा,  
इन फाल्ने मचाप्चा डा पा थुं थाम्चा मगब ।  
तन्न गप्टु हना यो, इन फाल्ने चाप्तीक सक्ति  
बारपाइक्ब दे तुइक्तीन । भजन संगरह ६८ : २० ;  
२पतरुस २ : ९

मूर्ति पूजा नु परभु भोज मगारब

१४ आं दाक्शो लोकबपुकी, मूर्ति पूजा पचा  
परोनीन । १५ हन्ना ५ : २१ १५ गो लोत्र रुब  
मुर आन कली लोत्र पाइनुड । मोपतीके आं  
देशो ठीक बाक्बा कां, ठीक मबाक्बा, मिम्ने  
चाप्तीनी । १६ गो कचौरा कली आसीक गेनीकी ।  
मेको आसीक डा कचौरा रे त्यानु, खरीस्त  
आ हुश मिम्शा, आ मुर दुम्शा, मेको नु  
काथा बाक्शो दुम्नय । गोपुकीमी शोब्ले जिक्शा  
योक्शा जयानु, खरीस्त आ रां मिम्शा, आ मुर  
दुम्शा, काथा बाक्शो दुम्नय । १कोरिन्थी ११ : २३-  
२६ ; मत्ती २६ : २७ ; पररित २ : ४२ १७ गो शुश  
बाक्यानु, रां का खोदेशो दुम्शा बाक्य । मोपतीके  
शोब्ले का बाक्ब । मिनु गो नेल्लेम मेको शोब्ले  
का रे जाइनय । १कोरिन्थी १२ : २७ ; रोमी १२ : ५  
१८ आंइ इसराएल डा चढेबपुकीमी चढेशो गय  
मिम्तीन । चढेबपुकीमी मारइ मारइ क्यारशा,  
मेको चढेशो जाइनीम ब्वाइनीम । मो पामनु,  
चढेतीके नु काथा बाक्शो खोदेशो दुम्नीम ।  
लेवी ७ : ६ १९ मिनु आं देशो लोत्र मार रुम्सीब  
देशा हना, मूर्ति कली चढेशो ठेयब बाक्बा कां ?  
मूर्तिपुकी ठेयबनमी कां ? १कोरिन्थी ८ : ६ २० अर्का  
रागी डा मुर आन चढेशो परमपरभु यावे कली  
ममाइ, वोल आन कली चढेनीम । मोपा मेकोपुकी  
वोल नु काथा बाक्ब दुम्नीम । मिनु गो इन कली  
वोल नु काथा बाक्शो तचा मदाक्नुड । २१ गे परभु  
आ कचौरा रे तृतीनी हना, वोल आन कली चढेशो  
रे तूने मचानीनी । गे परभु आ भोज नु वोल  
आन कली चढेशो जने मचानीनी । मत्ती ६ : २४ ;  
२कोरिन्थी ६ : १५-१६ २२ गोपुकीम परभु कली रुश  
पपाइक्चा दुम्बा डा ? गो परभु क्यडा ठेयब नया  
डा ?

गेय नेल्लेम परमपरभु कली मान पने

२३ मारइ मारइ ठीक बाक्ब । तन्न गेय का  
निक्शी चहिं इन कली रिम्शो मदुम्ब । मारइ  
मारइ ठीक बाक्तेकम हना यो, का निक्शीम  
इन थमा सुइक्तीक मबारपाइक्नीम । १कोरिन्थी  
६ : १२ २४ हास पांडसीन, आंम इन कली ला  
मिम्चा परोइशा, अरु आन कली यो रिम्शो  
दुम्ल दे मिम्शा गेय पने । रोमी १५ : २ ; फिलिप्पी  
२ : ४ २५ श्ये ब्वाचा आ पर्वम “श्ये ग्याप्य  
लनीनु चढेशो श्ये कां” दे हिल्लो मपने । मारइ  
ममिम्थु ग्यापीन” दे शंनन्नी । रोमी १४ : २-  
१०, २२ २६ रागी नु रागीमी मार मार बाक्मा,  
मेको नेल्ल परभु के बाक्ब दे रुपीन । भजन  
संगरह २४ : १ २७ मिनु खरीस्त कली थमा  
मसुइक्बपुकीमी इन कली खेम जथ बरेम्मानु, गे  
लचा थुं पा लाइतीनी हना, मारइ हिल्लो मपथु,  
ममिम्थु ग्येरसीशा जने ब्वने । २८ गे नु काथा  
बाक्शा जाइबपुकीमी “एको चढेशो बाक्ब” दे  
तुइक्पाइक्तेकम हना, मेको मुर आ पर्वम नु थुं  
ग्येरसीशा दुम्चा आ पर्वम मेको मजने मब्वन ।  
१कोरिन्थी ८ : ७ २९ थमा सुइक्बपुकीमी चढेशो  
मजाइनीम मब्वाइनीम, दे तुइक्नीम । मिनु इन  
कली जशो ब्वशो तशा, मेको आन थुं क्याल्लीम ।  
आं जचा ब्वचा आ पर्वम आं अधिकार बाक्ब ।  
मारदे अरुम शेंचा माल्लीमी ? ३० गो परभु कली  
“गे रिम्शा पाइब बाक्नीनी” देशा, मारइ मारइ  
जाइनुड ब्वाइनुड । तन्न आं जशो ब्वशो सुइमी  
मरिम्शा मलाकमल, दे यो मिम्नुड । १तिमाथी  
४ : ४

३१ मोपतीके मार जाइतीनी ब्वाइतीनी हना यो,  
तृतीनी हना यो, मार पाइतीनी हना यो परमपरभु  
यावे कली ठेयब सेल्ला कली पने । कलस्सी  
३ : १७ ३२ यहुदी नु गरीक आन कुल, परमपरभु  
यावे कली थमा सुइक्ब आन कुल, मुर नेल्ल आन  
कुल, गेना हना यो रिम्शो गेय पने । रोमी १४ : १३  
३३ गो मोदेशो पा नेल्ल आन कली ग्येरपाइक्चा  
डा गेय पचा दाक्नुड । आंम आं कली ममिम्सीथु,  
मेको आन कली रिम्शो दुम्ल, दे मिम्शा, गेय  
पाइनुड । “शुशमी खरीस्त कली थमा सुइक्शा,  
आ मुर दुम्मल” दे मिम्शा बाक्ती । १कोरिन्थी  
९ : २०-२२

पिया सुम्सीचा आ पर्वम शंशो

१ गो दोपा खरीस्त आ पशो खोदेशो पडा,  
११ मोपा गे यो आं पशो खोदेशो पाइब दुमीन ।

२ इन कली शंशो लोत्र का यो मपरंथु, टिशा बाक्तीनी दे तुइक्ताकड। मिनु गे आ शंशो नेल्ल पाइतीनी। ३ वांइश मुर नेल्ल आन पिया खरीस्त बाक्ब, मेको रुपीन। मीश मुर आन पिया मेको आन वांइश बाक्ब। खरीस्त आ पिया परमपरभु यावे बाक्ब दे रुपीन। उत्पत्ती ३:१६; एफिसी ५:२३; १कोरिन्थी ३:२३

४ सुम्सीशा, परार्थना पनीनु, परमपरभु यावेमी तुइक्पाइशो लोत्र पनीनु, वांइश मुरपुकीमी पियामी मारइ मसुम्सीचा। सुम्साकनी हना, खरीस्त कली आइक्च सल्थो खोदंशो दुम्ब। ५ मीश मुरपुकी चहिं आन पिया सुम्सीचा माल्नीम। मसुम्सीशा बाक्तेकम हना, आन वांइश आन कली आइक्च सल्थो खोदंशो दुम्ब। मसुम्सीथु बाक्ब आन कली चां परेक्शो खोदंशो मिम्सीब। ६ पिया मसुम्नुड देबम चहिं आन चां परेक्समल। चां परेक्शो आन कली मुरपुकीम मरिम्शो मिम्नीम, दे गो नेल्लेमी तुइक्नय। मोपतीके मीश मुरपुकीमी आन पिया सुम्समल। ७ वांइश मुरम पिया सुम्चा मद्दुम्ब। मारदे हना मेको परमपरभु यावे खोदंशो पा सल्सीशो नु आ दारस पाइशो बाक्नीम। मीश मुरपुकी चहिं आन वांइश आन दारस पाइशो बाक्नीम। मोपतीके सुम्सीचा माल्नीम। ८ वांइश मुर मीश मुर आ रां र सल्थो मबाक्ब। तन्न मीश मुर वांइश मुर आ रां र सल्थो बाक्ब। उत्पत्ती २:२१:३ १ वांइश मुर मीश मुर कली वारच पचा कली सल्थो ममाइ। तन्न मीश मुर आ वांइश कली वारच पचा कली सल्थो बाक्ब। उत्पत्ती २:१८ १० मीश मुरमी आन पिया सुम्सीचा माल्नीम। मारदे हना परमपरभु यावे आ स्वर्ग डा गेय पाइबपुकीमी कोत्रशो बाक्नीम। ११ मोदंशो दुम्त हना या, परभुमी “वांइश मुर कली मीश मुर माल्ब। मीश मुर कली वांइश मुर माल्ब। मबाक्थु मद्दुम्ब दे सल्थो बाक्त” देत। १२ मीश मुर वांइश मुर आ रां र सल्थो बाक्त हना या, मुल वांइश मुर मीश मुर र थिशो बाक्नीम। मेको मोदंशो परमपरभु यावे आ पशो बाक्ब। १३ लो आंमा मिम्तीन मीश मुरपुकीमी आन पिया मसुम्थु परमपरभु यावे कली परार्थना पचा दुम्बा? १४ वांइश मुरपुकीमी लाइशो चां थुल्वा मुने दुम्ब, दे आंमा मतुइक्नीनी? १५ तन्न मीश मुरपुकीमी लाइशो चां थुल्थो चहिं आन मान ततीक बाक्ब। आन रां सुम्चा कली लाइशो चां गेशो बाक्ब। साइ डांडीते र डा मोदंशो लोत्र बाक्ब दे मतुइक्नीनी डा? १६ गे

नु बाक्ब आं शंशो आ पर्वम जिचा पोक्ब आन कली मार देनुड देशा हना, तेइ तेइ शंथ गाक्कानु, मोदंशो शंनीकी। परमपरभु यावे आ गरुम्तीक खिंमी यो मोदंशो शंनीकी।

परभु भोज आ पर्वम शंशो

१७ मुल इन कली शंशो लोत्रम गे रिम्शो दुम्नीनी देन मचानुड। मारदे हना गरुम्नीनु, इन कली रिम्शो ममाइ, मरिम्शो दुम्ब। १८ सुम्सीशा बाक्नीनु, थुं का दुम्शा मबाक्नीनी। एर आंथ बराशा बाक्नीनी दंशो नेता। एको लोत्र नंशा, इक्का थमा सुइक्ता। १कोरिन्थी १:१२; १कोरिन्थी ३:३ १९ एर आंथ बराशा बाक्चा चहिं दुम्चा माल्ब। मारदे हना लोत्र रुब नु मरुबपुकी दिल्नीम। मत्ती १८:७; १यूहन्ना २:१९ २० गे सुम्सीशा बाक्नीनु। मार मार जाइनीनी, मेको परभु भोज ममाइ। २१ मारदे हना आंम आंमा चाक्शो जचा थोत्रक जाइनीनी। मिनु मोपान का निकशी जचा मतथु, शोत्रलु बक्शो बाक्नीनी, का निकशी दुक्शा बाक्नीनी। यहूदा १२ २२ मार, मोदंशो पा जचा तूचा कली इन खिं मबाक्बा डा? मार, गे परमपरभु यावे आ गरुम्तीक खिं कली आइक्च मिम्नीनी? जचा तूचा मताइब आन कली मुने तोक्नीनी? मिनु मुल इन कली मार देनुड? रिम्शो पाइतीनी देनुडा डा? गो मदेनुड। याक्ब २:५-६

२३ मारदे हना परभुमी आं कली मार शंदा, मेको इन कली शंताकड। मेको ग्याइक्चा पुंइसीशा नाकदो परभु येसुम शोब्ले शशा, मत्ती २६:२६-२८; मर्कुस १४:२२-२४; लूका २२:१९-२० २४ “परमपरभु गे रिम्शो पाइब बाक्नीनी” दे मेको शोब्ले जिक्शा “एको आ रां बाक्ब। एको इन कली बाक्ब। एको ओदंशो आं कली मिम्चा कली पने” देत। २५ मिनु मोपान जने थुम्शा, कचौरा शशा “एको कचौरा आं हुश डा नक कबल बाक्ब। गे गेना एको तूनीनी, मेना आं कली मिम्शा तूडीन” देत। २६ गे गेना एको शोब्ले जाइनीनी नु कचौरा र तूनीनी, मेना परभु लेशशा मजाकम सम्म मेको आ बक्शो आ पर्वम शंनीनी। मत्ती २६:२९

२७ सु सुमी हंथे पा परभु भोज डा शोब्ले र जाइबा नु कचौरा र तूबा, मेकोमी पाप पा परभु आ रां नु आ हुश कली मरिम्शो सल्ब। १कोरिन्थी १२:२१-२२ २५ तन्न गे नेल्लेमी आंम कली नाक्तीन। मिनु ला मेको शोब्ले जन नु कचौरा र तूडीन। मत्ती २६:२२ २९ मारदे हना सु सुमी

जशा त्शा, परभु आ रां बाक्ब, दे ममिन्नीमी, मको सजाइ गचा पुंडसीनीम। १कारिन्धी १०:१६-१७ ३०मोपतीक इन दातेमी शुश मचाप्व दुम्शो बाक्नीनी। शुश रोइ पशो बाक्नीनी। का निकशी बक्शा यो लाम्तकम। ३१तन्न गोपुकीमी आंम कली ठीक पा नाक्शा, परभु भोज जाइतय हना, सजाइ गचा मपुंडसीनय। ३२तन्न परभुमी आंइ कली नाक्शा सजाइ गब। मको शंचा कली बाक्ब। मोपा रागी डा मुर नु काथा बाक्शा, जाम्शा मलाइनीकी। हितोपदेस ३:११-१२

३३मोपतीक आं लोकबपुकी, गो जचा कली खुम्सीनीनु, नेल्ल जाकने थुम्म नोले ला जने। ३४शोत्रलु फाल्ले मचाप्वपुकीमी आन खिम जशा जाकमल। मो मपाइतीनी हना, परभु भोज मरिम्शो सेल्शा नु दोसी दुम्नीनी। अरु थोत्रक आन पर्वम गो इन कली नोले जाक्ची ना शंनुड।

परमपरभु आ सोक्त आ पर्वम शंशो

१२ आं लोकबपुकी, इन कली परमपरभु यावे आ सोक्तीम पपाइश्शो गय मजोक्थु बाक्शा तशा, आं थुं मनुड। मोपतीक एको गय आ पर्वम शंनन्नी। २खरीस्त कली थमा सुइक्चा क्येडा डांइती गे मूर्ति पूजा पाइब बाक्तीनी। मिनु मको मारइ पने मचाप्व मूर्ति गे इन थुं हिरशो बाक्तीनी। अय्युब २:१८-१९ ३मिनु परमपरभु यावे आ सोक्तीम पपाइश्शो लोत्र पा “यसु सराप र्ल” दंन मचाम्सीब। परमपरभु यावे आ सोक्तीम पतीक ला “यसु ई परभु बाक्ब” दंन चाम्सीब, दे रुप्पाइक्नन्नी। मर्कुस ९:३९; १यूहन्ना ४:२-३

४परमपरभु यावे आ सोक्त का बाक्ब। आ पपाइश्शो गय चहिं शुश बाक्नीम। एफिसी ४:४-६,११; रोमी १२:६ ५आ पपाइश्शो गय शुश बाक्शा यो, परभु चहिं का बाक्ब। १कारिन्धी १२:२८ ६मेकर शुश गेयपुकी बाक्नीमी। मिनु परमपरभु यावेमी मुर नेल्ल आन कली का का पा मको गेय पतीक थुं गेब। ७परमपरभु यावे आ सोक्तीमी पपाइश्शो गेय नेल्ल आन कली रिम्शो दुम्ल, दे पपाइश्शो बाक्ब। १कारिन्धी १४:२६ ८परमपरभु यावे आ सोक्तीमी का कली जोक्तीक तुइक्तीक लोत्र पपाइक्ब। अर्का कली मकोन सोक्तीमी शंतीक सक्ति गेब। ९का कली आ सोक्तीम पतीक थमा सुइक्तीक सक्ति गेब। अर्का कली सापाइक्तीक सक्ति गेब। १०का कली छक लाक्चा डा गेय पतीक सक्ति गेब। का कली परमपरभु यावे आ लोत्र पतीक सक्ति गेब। का कली परमपरभु यावे आ सोक्त देय वोल आन

सोक्त बाक्बा, दे तुइक्तीक सक्ति गेब। का कली परमपरभु यावे आ सोक्त आ लोत्र पतीक सक्ति गेब। का कली मको लोत्र आ अर्थ शंतीक सक्ति गेब। १कारिन्धी १४:२; पररित २:४ ११मोदंशो सक्ति पाइश्शो गय नेल्ले परमपरभु यावे आ सोक्तीमी पपाइश्शो बाक्ब। मिनु परमपरभु यावे आ सोक्तीमी आ दाक्स पा सु सु आन कली गचा दाक्बा, मको आन कली गेब। रोमी १२:३; एफिसी ४:१७

मुर आ रां

१२दोपा मुर आ रांम गुइ, खोइली, नोफा, मिक्च नु अरु मार बाक्तेकम हना यो, रां का दुम्ब, मोपान खरीस्त आ मुर शुश बाक्तेकम हना यो, रां का खोदंशो बाक्नीम, दे मिम्सीब। १३परमपरभु यावे आ सोक्तीम पतीक यहूदी, ग्रीक, वाइलीम वाइल, होत्रप नु गो नेल्ल परमपरभु यावे आ सोक्त डा दुम्तय। गलाती ३:२८

१४मारदे हना रां काइचीक बाक्त हना यो, मेकर शुश अरु मार मार बाक्नीम। १५खोइलीमी “गो गुइ मनड। मोपतीक गो रां डा मनड” दंत हना, मार, मको रां डा मदुम्बा डा? १६नोफामी “गो मिक्ची मनड। मोपतीके गो रां डा मनड” दंत हना, मार मको रां डा मदुम्बा डा? १७मिनु रांमी मिक्च ला बाक्त हना, दोपा नंचा डा? रांमी नोफा ला बाक्त हना, दोपा नाम्चा डा? १८तन्न परमपरभु यावेमी आ दाक्स पा नतीक, नाम्तीक, ततीक नु मारइ मारइ पतीक गारपाइश्शा वोइक्तु। १९मिक्च ला बाक्त हना, दोपा रां दुम्बा डा? २०मको मारइ मारइ शुश बाक्तेकम हना यो, रां चहिं काइचीक बाक्ब। २१मिक्चीमी गुइ कली “इ कली ममाल्लुड” दंन मचाप्व। पियामी खोइली कली “इ कली ममाल्लुड” दंन मचाप्व। २२रां डा आइक्च मिम्सीशोपुकी मबाक्थु मदुम्शो बाक्नीम। मको रां कली शुश माल्शो बाक्नीम। २३रां डा महिक्सीशो आन कली गो मान पाइक्नय, मदारशो मिम्सीशो आन कली दारपाइक्नय। २४रां दारशो आन कली दारपाइक्चा ममाल्लय। आइक्च मिम्शो आन कली चहिं परमपरभु यावेमी नेल्ल क्येडा मान पपाइश्शो बाक्ब। २५मोपा रां का दुम्शोपुकी मबरामल, काइचीक दुम्शा बाक्मल नु काम अर्का कली कोत्रमुमल। २६मोदंशो पा काइचीक दुम्शोपुकी, काम श्येत जाप्तु हना, नेल्ल श्येत जाइनीम। काम मान ताप्तु हना, नेल्ल गारशा ग्यरसीनीम।

गे खरीस्त आ रां बाकनीनी

२७गे खरीस्त आ रां बाकनीनी। मिनु का का पा मिक्ची, नोफा, शोत्र, गुड, सोइली नु मार मार बाकनीनी। रोमी १२:५ २५ परमपरभु यावेमी थमा सुइक्व आन गरुम्तीकमी डांडती खरीस्त आ सोइश्शोपुकी, मेको आन नोले आ लोत्र पाइबपुकी, मेको आन नोले शंबपुकी, मेको आन नोले छुक लाक्चा डा गेय पाइबपुकी, मेको आन नोले सापाइक्वपुकी, मेको आन नोले वारच पाइबपुकी, मेको आन नोले कोत्रबपुकी नु मेको आन नोले सोक्त आ लोत्र पाइबपुकी वाइक्तीमी। एफिसी ४:११-१२ २९ मार, मेको नेल्ल खरीस्त आ सोइश्शोपुकी नमी? मार, मेको नेल्ल परमपरभु यावे आन लोत्र पाइब बाकनीमी? मार, मेको नेल्ल शंब बाकनीमी? मार, मेको नेल्ल छुक लाक्चा डा गेय पाइब बाकनीमी? ३० मार, मेको नेल्ल सापाइक्व बाकनीमी? मार मेको नेल्लेम परमपरभु यावे आ सोक्त आ लोत्र पाइनीमी? मार, मेको नेल्लेम लोत्र आ अर्थ शंनीमी? ३१ गो मार देनुड दंशा हना, परमपरभु यावे आ सोक्तीमी पपाइश्शो गेय पनीनु, नेल्ल क्यंडा ठेयब गेय पने। मिनु गो इन कली नेल्ल क्यंडा रिम्शो लां कांडनन्नी। १कोरिन्थी १४:१,१२

दाक्व मुर दुम्चा आ पर्वम शंशो

१ गो मुर आन लोत्र पाता हना नु परमपरभु यावे आ स्वर्ग डा गेय पाइब आन लोत्र या पाता हना, तन्न मुर आन कली मदाक्ताक्ड हना, गो हंथ पा ताप्शो किडगो नु रयंक पाइब बुक्केल खादेशो दुम्नुड। २ गो नु परमपरभु यावे आ लोत्र पतीक सक्ति, खरुइश्शो लोत्र नेल्ल रुपतीक सक्ति, नेल्ल जोक्तीक तुइक्तीक सक्ति नु डांडा याक्पाइक्तीक थमा सुइक्तीक बाक्त हना, तन्न गो नु दाक्तीक मबाक्त हना, गो मारेइ मनड। मती ७:२२; मती १७:२० ३ आं के बाक्शो थोत्रक नेल्ल योक्शा गेशा, आंम आं रां गुराइश्शा बेक्चा कली गेता हना यो, दाक्व मुर चहिं मदुम्ती हना, मार रिम्शो दुम्नुडा डा? गो शोर गाक्शो मदुम्नुडा डा? मती ६:२

४ दाक्तीकमी श्येत फाल्ले नु शिशी पने चाप्ब। दाक्तीकमी गेहे मपाइब मबोरब। ५ दाक्तीकमी ठेयब मलेप्ब नु मुने दोक्चा डा लोत्र मपाइब। दाक्तीकमी आं के ला ठीक मदंब। दाक्तीकमी रीब पा मचुरब, ईस्

मकुरब। फिलिप्पी २:४ ६ मरिम्शो पशो तशा मग्यरसीब। ठीक पशो तशा ग्यरसीब। रोमी १२:९ ७ दाक्तीकमी मारेइ मारेइ सुम्ब, मारेइ मारेइ थमा सुइक्व, मारेइ मारेइ आस पाइब नु नेल्ल फाल्ले चाप्ब। हितोपदस १०:११; मती १८:२१-२२; रोमी १५:१

८ दाक्तीक गेनायो मक्याम्सीब। परमपरभु यावे आ लोत्र पतीक जाम्शा लाइब। परमपरभु यावे आ सोक्त आ लोत्र यो नुप्ब। तुइक्तीक सक्ति नुप्शा लाइब।

९ मारेदे हना आइ जोक्तीक तुइक्तीक आइक्व बाक्ब। आइ परमपरभु यावे आ लोत्र पतीक यो नेल्ल रुप्चा डा मबाक्ब। १० नोले चहिं गोपुकीमी नेल्ले तुइश्शा रुपन्य। मिनु मरुप्शो नु मतुइश्शो मारेइ मतीब। ११ गो आल बाक्डानु, आलम ब्वाक्स पा ब्वाक्ती। आलम मिम्स पा मिम्ताक्ड। आलम पस पा पाता। मिनु कोल्शा ठेयब दुम्शा, आलम सोदेशो मपड। १२ मुल गोपुकीमी बराबरा पा ताइतय। मेना रिम्शो पा ताइनय। मुल गो इक्का ला रुपनुड। मेना नेल्ल रिम्शो पा रुपनुड। परमपरभु यावमी आं कली तुइश्शो बुद पा, गो मेना नेल्ल तुइक्नुड। गन्ती १२:५; २कोरिन्थी ५:७; १कोरिन्थी ८:३ १३ थमा सुइक्चा, परमपरभु यावमी आ देशो नेल्ल खाप्ब, दे आस पा बाक्चा नु दाक्तीक सांफा बाक्नीम। मेको सांफामी दाक्तीक चहिं नेल्ल क्यंडा ठेयब बाक्ब। १थिस्सलोनिकी १:३; १थूहन्ना ४:१६

मतुइश्शो नु रुप्शो लोत्र पचा

१ दाक्तीक पाइश्शो मुर दुमीने। परमपरभु यावे आ सोक्तीम पपाइश्शो गेय शुश मालीन। परमपरभु यावे आ लोत्र पतीक शुश मालीन। २ परमपरभु यावे आ सोक्त आ लोत्र पाइबमी मुर कली लोत्र मपाइब। तन्न परमपरभु यावे कली लोत्र पाइब। सुइमी मेको आ लोत्र मरुप्नीम। मेकोमी परमपरभु यावे आ सोक्त आ पतीकमी खरुइश्शो लोत्र पाइब। पररित २:४; पररित १०:४६ ३ परमपरभु यावे आ लोत्र पामेनु, मुर आन थुं बारपाइक्ब। रिम्शो गेय पपाइक्ब, नु थुं खाइश्शो आन कली सापाइक्ब। ४ परमपरभु यावे आ सोक्त आ लोत्र पाइबमी आंम थुं कली ला बारपाइक्ब। तन्न परमपरभु यावे आ लोत्र पाइबमी गरुम्तीक सिं डा मुर आन थमा सुइक्तीके बारपाइक्ब। ५ गो नेल्लेम परमपरभु यावे आ सोक्त आ लोत्र पशो दाक्नुड।

तन्न मेको क्येडा परमपरभु यावे आ लोत्र पशो तचा दाक्नुड। परमपरभु यावे आ सोक्त आ लोत्र पाइब क्येडा, परमपरभु यावे आ लोत्र पाइब ठेयब बाक्व। तन्न सोक्त आ लोत्र आ अर्थ शंब बाक्त हना, गरुम्तीक खिं डा मुर आन कली रिम्शो दुम्ब। १कोरिन्थी १२:१०

६ आं लोकबपुकी, गो परमपरभु यावे आ सोक्त आ लोत्र पा, इन गरुम्तीकमी जाक्ती हना, इन कली मरुन्वा डा बाक्त। गो इन कली नोले दुम्तीक लोत्र, जोक्तीक तुइक्तीक लोत्र, परमपरभु यावे आ लोत्र नु आ शंतीक लोत्र पाता हना चहिं इन कली रिम्शो दुम्ब। १कोरिन्थी १२:५ ७ ताप्तीक मुराली, तार पाइश्शो ठेयब ताप्तीक ताम्नेनु, हेथ पा ताप्तेकम हना, मार ताप्शो बाक्वा, दोपा तुइक्तीमी? ८ लडाइ पची ना तुराही ताप्तीमी मरुन्वा डा पा ताप्तु हना, लडाइ पाइब लाइनीमी डा? ९ मिनु गेपुकीमी सोक्त आ लोत्र पनीनु, इन दंशो लोत्र सुमी रुनीमी डा? इन मोदंशो पशो लोत्र नेल्ल फशेम योल्शो खोदंशो दुम्ब। १० रागीमी लोत्र शुश बाक्तीमी। मेको लोत्र नेल्ल रुन्वा डा बाक्तीमी। ११ तन्न गो मेको लोत्र रुने मचाप्ता हना, गो अर्का रागी डा मुर दुम्नुड। मिनु मेको लोत्र पाइब आं कली यो अर्का रागी डा मुर दुम्ब। १२ गे इन दातेमी मोदंशो बाक्व। परमपरभु यावे आ सोक्तीम पपाइश्शो गेय पचा दाक्ताक्नी हना, गे इन गरुम्तीक खिं डा मुर आन थमा सुइक्तीक बाल्यो दुम्बा कली गेय पन।

१३ मोपतीक सुमी परमपरभु यावे आ सोक्त आ लोत्र पाइबा, मेकोमी आ अर्थ शंचा कली पुनल। १कोरिन्थी १२:१० १४ गो सोक्त आ लोत्र पा प्रार्थना पडानु, आं थुंमी मारुइ मरुन्नुड। १५ गो मुल मार पाइनुड दंशा हना, गो सोक्त आ लोत्रमी प्रार्थना पडानु, आ थुंमी यो प्रार्थना पाइनुड। परमपरभु यावे आ सोक्तीम कुम्सो पडानु, आं थुंमी यो कुम्सो पाइनुड। एफिसी ५:१९ १६ मिनु गेपुकी सुम्सीशा बाक्नीनु, सोक्त आ लोत्रम आसीक गशा, परमपरभु यावे कली “गे रिम्शो पाइब बाक्तीनी” दंतीनी हना, दोपा मरुन्व मुरुमी “आमेन” दंने चाप्वा डा? १७ इन लोत्र रिम्शो बाक्त हना यो, अर्का मुर आ थुं मबारपाइश्शो बाक्त। १८ गो परमपरभु यावे कली “गे रिम्शो पाइब बाक्तीनी” दंनुड। मारदे हना गो सोक्त आ लोत्र नेल्ल इन क्येडा शुश पाइनुड। १९ तन्न थमा सुइक्व आन गरुम्तीकमी बाक्शा, मुर आन कली शंचा नु रुन्पाइक्वा कली गो १० हजार

सोक्त आ पशो लोत्र क्येडा रुन्वा डा ५ ओटा लोत्र पचा रिम्शो लाक्ती।

२० आं लोकबपुकी, आलमी मिम्शो खोदंशो पा ममिम्तीन। मरिम्शो गेय पचा कली मजोक्व आल खोदंशो दुम्शा बाक्कीन। तन्न इन मिम्तीकमी निप्स पाइश्शो मुरुम मिम्शो खोदंशो पा मिम्तीन। एफिसी ४:१४; यसैया २८:११-१२ २१ मिनु परमपरभु यावेमी आ अंरशा बरक्पाइश्शो लोत्रमी “गो डोन रागी डा मुर आन मतुइश्शो लोत्र पतीकमी नु रागी डा मुर आन लोत्रमी मेको नु लोत्र पाइक्नुड। मो हना यो मेकोपुकीम आं लोत्र मंन्नीम” दे परमुमी दंत, दे बरक्शा बाक्व। यसैया २८:११,१२ २२ परमपरभु यावे आ सोक्त आ लोत्र पतीक थमा सुइक्व आन कली ममाइ, थमा मसुइक्व आन कली चिन्ड दुम्ब। परमपरभु यावे आ लोत्र चहिं थमा मसुइक्व आन कली ममाइ, थमा सुइक्व आन कली बाक्व। २३ मिनु थमा सुइक्व नेल्ल सुम्सीशा बाक्मानु, मुर नेल्लेमी परमपरभु यावे आ सोक्तीमी पपाइश्शो मतुइश्शो लोत्र पना पन बाक्तेकम हना, अरु मुर, थमा मसुइक्व ओत्रशा, इन मोदंशो लोत्र पशो नंशा “गशा बाक्तेकम” दे मंन्नीमी डा? २४ तन्न गे नेल्ल परमपरभु यावे आ लोत्र पना पन बाक्तीनु, थमा मसुइक्व, अरु मुर ओत्रशा, इन मोदंशो नंशा, आ थुंमी मिम्शा, आ मरिम्शो पशो नेल्ल फरुक्व। २५ आ थुं डा खरुइश्शो नेल्ल तुइश्शो, बाप्शा “परमपरभु यावे ठेयब बाक्व” दंशा, परमपरभु यावे थमा पा, इन दातेमी बाक्व, दे तुइक्व। यूहन्ना १६:८

२६ आं लोकबपुकी, मुल मार दंनुड दंशा हना, गे सुम्सीशा बाक्नीनु, नेल्ल इन क गेय का का बाक्व। कामी परमपरभु यावे कली कुम्सो पाइब, कामी लोत्र शंबा, कामी नोले दुम्तीक लोत्र पाइब, कामी परमपरभु यावे आ सोक्त आ लोत्र पाइब नु अर्कामी मेको लोत्र आ अर्थ शंब। मेको गेय नेल्ल थुं बारपाइक्वा कली दुम्ब। १कोरिन्थी १२:५-१०; एफिसी ४:१२ २७ परमपरभु यावे आ सोक्त आ लोत्र पामेनु, निक्शीमी कि सांमी पामेक्ल। मिनु का का पा पचा माल्नीम। मिनु मुर कामी आ अर्थ शंचा माल्ब। २८ तन्न मेको लोत्र आ अर्थ शंब मबाक्त हना, सिक्सी पा बाक्वा माल्नीम। सोक्त आ लोत्र पाइबमी आंम थुं बारपाइक्वा कली, परमपरभु यावे कली लोत्र पवल। २९ परमपरभु यावे आ लोत्र पामेनु, निक्शीमी कि सांमी पामेक्ल। मिनु नंबपुकीमी

“मेको लोत्र परमपरभु यावे आ लोत्र नु गारबा देय मगारबा?” दे नाकचा माल्नीमी। पररित १७:११; १थिस्सलोनीकी ५:२१ ३०तन्न मेकर बाकब कामी परमपरभु यावे आ नोले दुम्ब लोत्र तुइक्ताकव हना, डांइती डा लोत्र पाइब सिक्सी पा बाकल। ३१गे नल्लेमी का का पा परमपरभु यावे आ लोत्र पने चान्नीनी। मा पाइतीनी हना नल्लेमी शंसीने चान्नीनी। गे नल्ल इन थुं बारब। ३२परमपरभु यावे आ लोत्र पाइब आन सोक्त मेको आन गुइम बाकब। ३३मारदे हना परमपरभु यावे खल बल डा परमपरभु मबाकब। मेको थुं नाइश्शा बाक्तीक परमपरभु बाकब।

### थमा सुइक्व आन गुरुतीकमी

३४मीश मुरपुकी लोत्रसी मपथु, सिक्सी पा बाकमल। मेकोपुकी व्वाक्चा मताइनीम। मारदे हना अरेशो लोत्रमी मोदेशो बरेक्शो बाकब। मिनु मेको लोत्र मेकोपुकीम टिचा माल्नीम। १तिमाथी २:११-१२; उत्पत्ती ३:१६ ३५लोत्र मरुक्तेम हना, आन खिं लमा नोले आन वांइश आन कली हिल्लो पामकल। थमा सुइक्व आन गुरुतीकमी चहिं लोत्र मपामेकल, मारदे हना मुने दुम्ब। ३६मार, परमपरभु यावे आ लोत्र इन रे पा जाकम डा देय इन कली ला जाकम? ३७इन दातेमी परमपरभु यावे आ लोत्र पाइब नु आ सोक्तीम बरीशो मिम्ब मुरुमी आं बरेक्शो लोत्र परभु आ देशो लोत्र बाकब दे तुइक्तेमकल १यूहन्ना ४:६ ३५तन्न सुइमी “पावल आ शंशो परभु आ लोत्र मबाकब” देत हना, मेको आ लोत्र यो थमा मसुतीन। ३९मोपतीक आं लोकबपुकी, परमपरभु यावे आ लोत्र पचा कली शुश बोल पने। मिनु परमपरभु यावे आ सोक्त आ लोत्र पाइब आन कली मतेक्कीन। ४०सुम्सीशा बाक्नीनु, खल बल मपथु, नल्ल रिम्शा दुम्चा माल्ब। १कोरिन्थी १४:३३; कलस्सी २:५

### येसु बेक्शो रे संसीशा

१आं लोकबपुकी, इन कली डांइती येसु १५ खरीस्त आ पर्वम शंशो ग्येरपाइक्तीक लोत्र मिम्पाइक्नुड। गेपुकीमी एको लोत्र नंशा थमा सुइक्तीनी। मिनु मुल यो थमा सुइक्ना सुइक्न बाक्तीनी। २एका लोत्र दोपा शंदन्नी, मापा थमा सुइक्ना सुइक्न बोल्यो दुम्तीनी हना, परमपरभु यावे नु बाक्चा ताइनीनी। ३मारदे हना आं खरीस्त रे तशो ठेयब लोत्र इन कली शंताक्न्नी। दोदेशो लोत्र बाकब देशा हना,

परमपरभु यावे आ लोत्रमी बरेक्शो सोदेशो पा खरीस्त इं पाप आ पर्वम साइक्चा पुंडसाकव। यसैया ५३:१२ ४मेको थिम्चा पुंडसाकव। मिनु परमपरभु यावे आ लोत्रम बरेक्शो सोदेशो पा आ नित्थ नाक्ती संचा पुंडसाकव। होस ६:२; लूका २४:२७,४४,४६ ५मिनु संसीशा, डांइती केफास कली तपांडसाकव। मिनु नोले १२ जना शंसीब आन कली तपांडसाकव। लूका २४:३४; यूहन्ना २०:२६ ६नोले कालेमी ५ सहे क्येडा शुश थमा सुइक्व आन कली तपांडसाकव। का निक्शी मुल बेक्शा लाम्तेकम। शुश चहिं मुल यो बाक्नीम। ७नोले याकूब कली तपांडसाकव। मिनु आ सोइश्शा शंसीब नल्ल आन कली यो तपांडसाकव। लूका २४:५० ५मिनु नल्ल क्येडा नोले गो महिना मजाकदीत्थु जरमेशो आल सोदेशो आं कली तपांडसाकव। १कोरिन्थी ९:१; पररित ९:३-६ १मारदे हना गो सोइश्शा आन दातेमी नल्ल क्येडा आइक्व बाक्नुड। आं कली सोइश्शा देचा मशिरचा डा बाक्नुड। मारदे हना गो परमपरभु यावे कली थमा सुइक्व आन कली खेदा पाता। एफिसी ३:८; पररित ८:३ १०तन्न परमपरभु यावेमी शिशो पा आ सोइश्शा नु आ लोत्र शंब सेलती। आ शिशो पशो यो मो मबाकब। मिनु गो नल्ल आन क्येडा शुश गेय पाता। मेको नल्ल आं पशो ममाइ, तन्न परमपरभु यावे आ पपाइश्शा बाकब। २कोरिन्थी ११:५,२३ ११मोपतीक गोम शंताक्न्नी हना यो, मेकोपुकीम शंताकम हना यो, गेपुकीमी थमा सुइक्तीनी।

### येसु बेक्शो रे मसंस दे लोत्र बरशा

१२मिनु खरीस्त बेक्शो रे संसाकव, दे शंशो बाकत। तन्न इन दाते डा का निक्शीमी “बेक्शो मुर बेक्शो रे मसंसीनीम” देशा दोपा देने चान्नीमी? १३बेक्शो रे संचा मपुंडसीनीम हना, खरीस्त यो बेक्शो रे मसंसीशा बाकब। १४खरीस्त बेक्शो रे मसंसीशा बाकत हना, आंइ शंशो फश लोत्र सोदेशो दुम्त। इन थमा सुइश्शा यो मोशीन दुम्त। १५गो आंइ परमपरभु यावे आ पर्वम शंशो यो जोल दुम्बाकत। मारदे हना गोमी परमपरभु यावेमी खरीस्त कली बेक्शो रे संताकव दे शंशो बाकतक। तन्न मेकोम मपव। “बेक्शो रे मसंसीनीम” देशो लोत्र थमा बाकत हना, आंइ शंशो जोल दुम्ब। पररित १:२२ १६मारदे हना मुर बेक्शो रे मसंसीनीम हना, खरीस्त यो बेक्शो रे मसंस। १७मिनु

खरीस्त बेक्शो रे मसंसाक्व हना, इन थमा सुइशशो मोशीन दुम्त। इन पाप यो मक्याम्सीथु लीशो बाक्व। १८ खरीस्त कली थमा सुइशशा बेक्शोपुकी यो जाम्शा लाम्तकम। १९ एको रागीम बरांडचा कली ला खरीस्त कली थमा सुइशशा बाक्तक हना, गो मुर नेल्ल आन क्यंडा शिशो पाइक्चा पुंडसीब नकी।

यसु रे नेल्ल बरांडब दुम्नीम

२० तन्न खरीस्त बेक्शो रे संसीशो बाक्व। बेक्शो आन दातेमी नेल्ल क्यंडा डांडती संसीब खरीस्त बाक्त। १ कोरिन्थी ६ : १४ ; कलस्सी १ : १८ २१ दोपा मुर कामी नेल्ल मुर आन कली बेक्शा लाइब सेला, मोपा मुर कामीन मुर नेल्ल आन कली बेक्शो रे संचा पुंडसीब सल्लु। उत्पती ३ : १७-१९ ; रोमी ५ : १८ २२ दोपा आदम रे नेल्ल बेक्व दुम्मा, मोपा खरीस्त रे पा नेल्ल बरांडब दुम्तकम। २३ मिनु नेल्ल का का पा संसीनीम। डांडती खरीस्त संसाक्व। मिनु नोले आ जाक्वी ना मेको कली थमा सुइक्वपुकी संसीनीम। १ थिस्सलोनिकी ४ : १६-१७ २४ मिनु नोले रागी नुप्ची ना जाक्व। मिनु मेकोमी नेल्ल सासन, नेल्ल अधिकार नु नेल्ल सक्ति सतम सेल्शा, आ आफ परमपरभु यावे कली आ राज्य गेब। रोमी ८ : ३८ २५ मारद हना खरीस्तमी आ जोरी सतरु आन कली आ खोइलीम मदिम्दा सम्म सासन पचा माल्ब। भजन संगरह ११० : १ ; मती २२ : ४४ २६ नेल्ल क्यंडा नोले साइक्तीक चहिं जोरी सतरु बेक्तीक बाक्व। २७ मारद हना परमपरभु यावेमी रागी डा सक्ति नेल्ल कली आ खोइलीम दिम्शा वोइक्तु। रागी डा सक्ति नेल्ल आ खोइलीम दिम्शा वोइक्तु, आ चहिं दिम्सीशा मबा, दे रुम्सीब। भजन संगरह ८ : ६ २८ मिनु सक्ति नेल्ल परमपरभु यावे आ गुइम बाक्त हना, तौ यो आ गुइम बाक्व। मारद हना परमपरभु यावे नेल्ल आन कली का ला परमपरभु यावे बाक्व।

२९ बेक्शो रे मसंसीब देशो लोत्र थमा बाक्त हना, बेक्शो मुर आन पा डा अरु थमा सुइक्व मुर ब्वाक्कुम खरुम्शा गरुंडपाइसीचा, मार मिम्नीमी ? बेक्शो मुर थमा पा मसंसीनीम हना, मारद अरु मेको आन पा डा ब्वाक्कुम खरुम्शा गरुंडचा पुंडसीनीमी ? ३० मारदे गो शुश श्येत फाल्शा, एको लोत्र शंना शंन गाक्नुडा ? रोमी ८ : ३६ ; गलाती ५ : ११ ३१ आं लोक्वपुकी, यसु खरीस्त, इं परभु आ मुर दुम्तीनी। मिनु इन कली तशा, आं नं बोरपाइक्नुडा। तन्न शंना शंन

गाक्शा, नाक्त कित कित बेक्चा डा खोदेशो दुम्नुडा। २ कोरिन्थी ४ : १० ३२ एफिसस सहरम शंना शंन बाक्डानु, मेकर डा मुरपुकीमी जोइ वां खोदेशो पा खदा पतीमी। मुर बेक्शो रे मसंसीनीम हना, जय तूय मारद हना दीसा बेक्नय। यसेया २२ : १३ ३३ सुइमी जाल थमा मसुतीन। मारद हना मरिम्शो मुर नु बाक्वम, मुर कली मरिम्शो सल्ल। ३४ दूली मिम्चा परानीन। लेंशा पाप मपन। इन दाते डा का निक्शीमी परमपरभु यावे आ पर्वम मारद मतुइक्व बाक्नीम। मेको इन कली मुने दोक्चा डा बाक्व। १ थिस्सलोनिकी ५ : ८

बेक्शो रे संसीशो आन रां

३५ मिनु मुर कामी “मुर बेक्शो रे दोपा संसीनीमी ? आन रां दोदेशो बाक्वा डा ?” दे हिल्लो पाइनीम। ३६ गो मूर्सपुकी, वांचेर शोक्नीनु, वांचेर मबेक्थु, कोच्चा मदाप्ब। यूहन्ना १२ : २४ ३७ मिनु इन शोक्शो, वाशो खोदेशो मबाक्व। मेको गडा ला बाक्व। मेको चेरब बाक्त हना यो अरु वांचेर बाक्त हना यो मोदेशो बाक्व। ३८ तन्न परमपरभु यावेमी नेल्ल आन कली आ योत्रशो रां गेब। मिनु वांचरमी आंम आंम कोच्चा दाप्शो खोदेशो बाक्व। ३९ मारद हना बरांडशो नेल्ल खाल का डा मबाक्नीम। मुर खाल का डा बाक्नीम, जन्तु अर्का खाल डा बाक्नीम, बस्तु भाव अर्का खाल डा बाक्नीम, चिक्व अर्का खाल डा बाक्नीम नु डाइ अर्का खाल डा बाक्नीम। ४० मिनु स्वर्ग डा रां बाक्नीम नु रागी डा रां बाक्नीम। स्वर्ग डा रां आन दारस का बाक्व नु रागी डा रां आन दारस अर्का बाक्व। ४१ नां आ छेड्छेड् का बाक्व नु तास्ता आ छेड्छेड् अर्का बाक्व। मिनु सोरुल आन छेड्छेड् लेंशा अर्का बाक्व। सोरुल का आइक्च नु अर्का टयब छेड्छेड् पाइशशो बाक्व।

४२ मोदेशो मुर आन बेक्शो रे संसीचा यो बाक्व। शोक्शो रां, वांचेर खोदेशो पा, जाम्शा लाइब। संसीशो रां चहिं गेना हना यो लीब रां बाक्व। ४३ शोक्शो रां मरिम्शो बाक्व। संसीशो रां चहिं थम दारशो बाक्व। शोक्शो रां मारद पने मचाप्ब दुम्शो बाक्व। संसीशो रां चहिं सक्ति पाइशशो बाक्व। फिलिप्पी ३ : २१ ; कलस्सी ३ : ४ ४४ बेक्चा माल्शो रां शोक्शो बाक्व, परमपरभु यावे आ सोक्तीम गेशो रां संसीशो रां बाक्व। बेक्चा माल्शो रां बाक्त हना, परमपरभु

यावे आ सोक्तीम गेशो रां यो बाक्ब। ४५ मार बरेक्शो बाक्ब देशा हना “नेल्ल क्येडा डॉइती डा मुर, आदम, बरांडेब दुम्माक्त” दे बरेक्शो बाक्ब। नेल्ल क्येडा नोले डा आदम चहिं बरांडेतीक सोक्त गेब दुम्त। उत्पत्ती २ : ७ ; २कोरिन्थी ३ : १७ ४६ तन्न परमपरभु यावे आ सोक्तीम गेशो रां डॉइती डा ममाइ। डॉइती बेक्चा माल्शा रां बाक्ब। नोले ला सोक्तीम गेशो रां बाक्ब। ४७ डॉइती डा मुर रागी डा खप के सल्शा बाक्त। नोले डा मुर स्वर्ग रे बाक्ब। ४८ डॉइती डा मुर खप के सल्शा सोदंशो पा, खप के सल्शा बाक्तम्। डॉइती स्वर्ग रे जाक्शो मुर सोदंशो पा, स्वर्ग डा मुर बाक्नीम। ४९ दोपा गो खप के सल्शा मुर सोदंशो बाक्नया, मोपा गो स्वर्ग डा मुर सोदंशो यो दुम्नय। उत्पत्ती ५ : ३

### फाइक्चा पुंडसीनय दे शंशो

५० आं लोकबपुकी, मुल हुश नु रुश पाइइशो मुर परमपरभु यावे आ राज्य ओत्रने मचाप्नीम। बेक्शा जाम्शा लाइब रां, गेना हना यो लीब रां दुम्न मचाप्न। ५१ मुल इन कली खरुइइशो लोत्र का शंनन्नी। गो का निक्शी बेक्शा लाइनय, का निक्शी बरांडशा बाक्नय। गो बेक्शा लशो नु बरांडशा बाक्शो नेल्ल फाइक्चा पुंडसीनय। १थिस्सलोनिकी ४ : १५-१७ ५२ मेको छिन काम दुम्ब। याम काम दुम्ब। नोले डा नाक्त डा तुराही ताप्नी ना मेको दुम्ब। मारदे हना मेको तुराही नंसीब। बेक्शो मुर, मबेक्चा डा पा संसीनीम। मिनु गो फाइक्चा पुंडसीनय। मत्ती २४ : ३१ ५३ मारदे हना मेको जाम्शा लाइब रां, मजाम्चा डा रां दुम्चा माल्ब। मेको बेक्शा लाइब रां, मबेक्चा डा रां दुम्चा माल्ब। २कोरिन्थी ५ : ४ ५४ मिनु जाम्शा लाइब रां, गेना हना यो लीब रां दुम्चा माल्ब। बेक्ब रां, गेनायो मबेक्चा डा रां दुम्चा माल्ब। मेना मेको बरेक्शो लोत्र थमा दुम्ब “बरांडेतीक सक्तिमी बेक्चा कली गरात। ५५ ए बेक्चा, इ गरातीक ते लमे ? ए बेक्चा, इ हिंपाइक्तीक ते लमे ?” दे बरेक्शो बाक्ब। यसैया २५ : ८; होसे १३ : १४ ५६ पाप पशोमी बेक्चा कली हिंपाइक्ब। परमपरभु यावे आ अरेशो लोत्र तुइक्बमी पाप पशो यो तुइक्ब। मेको आ अरेशो आ सक्ति बाक्ब। रोमी ७ : ८ ; रोमी ११ : ३३ ५७ तन्न गो परमपरभु यावे कली “गे रिम्शो पाइब बाक्नीनी” देंनय। मारदे हना मेकोमी ई परभु येसु खरीस्त आ पशोमी गराचा गेप्नु।

५८ मोपतीके आं दाक्शो लोकबपुकी, इन सोइली थेक्शा, दल्गीर मपभु, परभु आ गेय पना पन बाक्कीन। परभु आ नंमी पशो गेय गेनायो मोशीन मलाइब, दे तुइक्तीन।

### क्येट पोक्चा आ पर्वम लोत्र

१क्येट पोक्चा आ पर्वम गलातीया रागी डा थमा सुइक्ब आन कली शंशो इन कली यो शंनन्नी। २कोरिन्थी ८ : ९ ; गलाती २ : १० २हप्ता डा डॉइती नाक्ती ग नेल्लमी आंम के बाक्शो रे हंशा, गो ओशो गेने चाप्नुड, दे वोतीने। मो पाइतीनी हना, गो जाक्डानु, क्येट मबा दे खिं खिं हिरशा पुइशा गाक्चा ममाल्नीनी। परेरित २० : ७ ३मिनु आं जाक्ची ना मेको क्येट चोत्रदीचा कली सु सु कली सोइक्चा दाक्नीनी, मेको आन कली योत्रशा वोतीने। मिनु गो चिठी बरेक्शा, मेको क्येट नु चिठी इन योत्रशा मुर कली यरुसलेम चोत्रथ सोइक्नुड। ४ गो यो लचा माल्ताक्यी हना, मेको गो नु लाइनीमी।

### पावल आ बाक्चा नु गाक्चा आ पर्वम

५ गो मासीडोनीया रागी लाक्शा, इन कली गरुम्थ जाक्नुड। परेरित १९ : २१ ६मिनु महिना का निक्शी हिउंद मलाक्गा सम्म गे नु बाक्नुडा कां ? मिनु ते ते लाइनुडा, आं कली वारच पाइनीनी कां, दे मिम्शा बाक्ती। ७ मुल गरुम्थ जाक्ती हना, काबु निक्बु ला बाक्चा ताइनुड। तन्न परभुमी गुपुकी नु शुश बाक्चा गेयील दे आस पा बाक्ती। परेरित २० : २ ८ पन्तीकोस नाक्त सम्म गो एफिसस सहरमी बाक्नुड। परेरित १९ : ११-१० ९ मारदे हना शुश मुर आन कली खरीस्त आ पर्वम शंचा नु नंपाइक्चा ताइनुडमी। आं शंशो लोत्र मदाक्बपुकी यो शुश बाक्नीम। २कोरिन्थी २ : १२ ; कलस्सी ४ : ३

१० तिमोथीमी एको चिठी कुरशा जाक्मनु, मेको कली रिम्शो पतीने। आ लोत्र नेनीने। मारदे हना गो नु बाक्शा, आं यो परभु आ गेय पना पन बाक्ब। १कोरिन्थी ४ : १७ ; फिलिप्पी २ : १९-२२ ११ सुइमी महिक्शो मुर सोदंशो मपने। मान पा रिम्शो पा लेक्शा आं बाक्तीक सोइक्तीने। मारदे हना गो मेको नु लोकब आन कली रिम्शा बाक्नुड।

१२ डॉइती इं लोकब आपाल्लोस कली लोकबपुकी नु गारशा “कोरिन्थी आन कली गरुम्थ लावो” दे शुश लोत्र पाता। आ चहिं “मुल

लचा थुं मपड्ड” दे लने मबिस्से। आ गेय गारत हना, इन कली गरुम्थ पीब। १कोरिन्थी १ :३२

नोले डा लोत्र

१३होस पा बाक्कीने। पोक्च थक्शा थमा सुइश्शा बाक्कीन। ठयब थुं पा बाक्कीन। सक्ति पाइश्शा गेय पना पन बाक्कीन। एफिसी ६:१० १४मार पाइतीनी हना यो, दाक्मुशा पन। १५आं लोक्वपुकी, आकाया रागीम नेल्ल न्येडा डाइती थमा सुइक्वपुकी स्तीफानस नु आ सिं डा मुर बाक्त्वम दे तुइक्नीनी। मेकोपुकीमी थमा सुइक्व आन कली वारच पा रिम्शा गेय पा शंना शंन गाक्नीम। १कोरिन्थी १:१६ १६मेको आन पशो खोदंशो पा शंना शंन गाक्व नेल्ल आन कली मान पा आन लोत्र नंशा टिने। १७स्तीफानस, फोरटुनात्स नु अकाइकस एक जाक्मानु, गो ग्येरसावयी। मेको आन कली गरुम्शा, इन कली गरुम्शो खोदंशो पा, आं थुं नाइक्ताक्ड। १८मारदे हना मेकोपुकीमी

ग्येरपाइक्तीमी, आं थुं बारपाइक्तीमी। गे नु बाक्मानु, इन कली यो ग्येरपाइश्शा, इन थुं बारपदम बाक्व दे तुइक्ताक्ड। मोदंशो मुर आन कली मान पर्तीने। १थिस्सलोनिकी ५ :१२ ; फिलिप्पी २ :२९

१९एसीयाम बाक्व थमा सुइक्वपुकीमी इन कली “रिम्शा बाक्कीन” देतक्म। अक्वीला, पिरस्कीला नु आस खिमी गरुम्ब थमा सुइक्वपुकीमी परभु आ नेमी “रिम्शा बाक्कीन” देतक्म। पररित १८ :२ ; रोमी १६ :३,६ २०लोक्व नेल्लेमी इन कली “रिम्शा बाक्कीन” देतक्म। परभु आ नेमी मुम्मुशा आसीक गेमुने।

२१गो पावलमी “रिम्शा बाक्कीन” दे आंम गुइमी बरक्ताक्ड। गलाती ६ :११ ; कलस्सी ४ :१८ ; २थिस्सलोनिकी ३ :१७ २२परभु कली मदाक्वपुकी सराप रमल। इं परभु जाक्कीन। परकाश २२ :२० २३परभु येसुमी इन कली शिशी पा कोत्रडल। २४खरीस्त येसु आ नेमी गो नेल्ल इन कली दाक्शा बाक्नुड। आमेन।

## २ कोरिन्थी

बरेक्ब मुर: एको चिठी बरेक्ब आ नें चिठी आ डांडती "पावल नड" दंत।

गना बरेक्शो: पावल मासीडोनीया रागीम बाक्शा, ५७ ए. डी. नोले डा महिना मर बरेक्शो बाक्त।

मार बरेक्शो:

१. पावल थमा सुइक्ब आन दातेमी रिम्शो दुम्त, दे शुश ग्यरसीशा लोत्र। २कोरिन्थी १:१२-२:४

२. थमा सुइक्बपुकी हाइशो दुम्चा माल्नीम। २कोरिन्थी ८:१-९:१५

३. पावल नु यहूदी आन पतीके। २कोरिन्थी १०:१-१२:१८

### डांडती डा लोत्र

१ परमपरभु यावे आ दाक्शो पा खरीस्त येसु आ सोइशो गो पावल नड। इं लोक्ब तिमोथी नु गोमी कोरिन्थि सहर डा परमपरभु यावे कली थमा सुइशो गरुम्ब इन कली नु आकाया रागीम बाक्ब थमा सुइक्ब नेल्ल आन कली एको चिठी बरेक्शा सोइक्ताक्कु। १कोरिन्थी १:१ २ इं आफ परमपरभु यावे नु परभु येसु खरीस्तमी इन कली शिशो पा इन थुं नाइशो बाक्चा गम्सकल।

### परमपरभु कली ठेयब सेल्शो

३ इं परभु येसु खरीस्त आ आफ परमपरभु यावे कली "गे रिम्शो पाइब ननी" देशा ठेयब सेल्नीकी। मारदे हना मेको शिशो पाइब आफ, थुं नाइक्पाइक्ब नु थुं बारपाइक्ब परमपरभु यावे बाक्ब, दे तुइक्नीकी। रोमी १५:५ ४ गो शुश श्येत जकानु, परमपरभु यावेमी आइ थुं नाइक्पाइशो बारपाइक्ब। मिनु आइ थुं नाइसीशा, गोपुकीमी यो श्येत जाइब आन कली आन थुं नाइक्पाइशो, बारपाइक्बे चाप्नीकी। ५ खरीस्त आ नेमी गिश श्येत जाइनीकी, मिश खरीस्त आ नेमी थुं नाइक्पाइक्चा पुंडसीनीकी। मजन संगरह ३४:२०; रोमी ८:१७; मजन संगरह ९४:१९ ६ आइ श्येत जशामी इन थुं नाइक्पाइक्ब। मिनु रिम्शा दुम्ब। गो आइ थुं नाइक्पाइक्चा पुंडसीशामी गे इन थुं नाइक्पाइक्चा पुंडसाक्नी। गे आइ सोदंशा दुम्शा, श्येत फाल्शा बाक्तीनी हना, गे आइ सोदंशा पा थुं नाइक्पाइक्चा पुंडसीनीनी। २कोरिन्थी ४:८-११,१५ ७ आइ जशो श्येत

गे यो जाइनीनी। मिनु आइ सोदंशा पा थुं नाइक्पाइक्चा पुंडसीनीनी। आइ सोदंशा पा, थुं नाइक्पाइक्चा पुंडसीनीनी, दे तुइशो, आस पचा मपरांडथु बाक्नीकी।

८ आइ दाक्शो लोक्बपुकी, एसीया रागीमी बाक्कानु, शुश श्येत जाइतक। श्येत जचा आ पर्वम लोत्र मखरुइक्थु, तुइक्पाइक्बननी। आइ जशो श्येत मार बाक्ब देशा हना, बेक्चा डा सम्म दुम्शो नकी। पररित १९:२३-४०; १कोरिन्थी १५:३२ ९ साइक्चा पुंडसीशो सोदंशा दुम्तक। मो दुम्तक हना यो "परमपरभु यावेम बेक्शो मुर आन कली संब। मोपतीके मेको कली थमा सुइय्य। मेको क्येडा लाक्शा सुइमी इं कली परांइने मचाप्नीम" दे मिम्शा बाक्तक। १० मिनु परमपरभु यावेमी मोदंशा बेक्चा डा दुम्शो र परांइतीकी। मिनु मुल नोले यो आइ कली श्येत र परांइब, दे तुइक्नीकी। ११ मोपतीके परमपरभु कली "श्येत र परांइयीकी" दे पुंडना पुंडन बाक्नीकी। मिनु गपुकीमी यो "पावल नु आ वारच आन कली श्येत र परांइनी" दे पुनीने। नोले आइ कली श्येत र परांइशो तशा, शुश मुरुमी "गे रिम्शो पाइब ननी, आइ पुंडशो गतीकी, रिम्शो पाइतीनी" दे परमपरभु कली ठेयब सेल्नीम, दे तुइक्नीकी। फिलिप्पी १:१९

### रिम्शो पाइतक, दे लोत्र थोक्शो

१२ गो आइ नें बारपा बाक्नीकी। मारदे हना परमपरभु यावेमी सक्ति गतीकी। मिनु मेको आन मुर दुम्शा, मुर नेल्ल आन कुल, इन कुल यो रिम्शो थुं र पा गय कोइताक्क। आम आइ रागी डा जाक्तीक तुइक्तीक र ममाइ। तन्न परमपरभु यावे आ शिशोम पतीके बाक्ब। २कोरिन्थी २:१७; हिब्रू १३:१८; १कोरिन्थी १:१७ १३ मिनु गो इन कली नेल्ल रुप्चा डा नु पदेचा डा लोत्र बरेक्नीकी। मुल गे नेल्ल रुप्तीनी, दे गो आस पाइनुड। १४ गो दोपा आइ पर्वम इन नें बारपाइक्बे चाप्नीनी, मोपान इं परभु येसु आ नाक्ती जाक्मेनु, गोपुकीमी इन कली तशा, आइ नें बारपाइक्बे चाप्नीकी। २कोरिन्थी ५:१२; फिलिप्पी २:१६

१५ मारदे हना गो मेको नेल्ल तुइक्ताक्क। गे शुश ग्यरसीशा बाक्कीन, दे डांडती इन बाक्तीक जाक्चा मिम्ताक्क। १६ गो मासीडोनीया लडानु, इन कली गरुम्नुड। मिनु मासीडोनीया र लेडडानु, इन बाक्तीके जाक्नुड। मिनु गपुकीमी आं कली यहूदीया रागी सम्म चाक्नीनी, दे आस

पाता। १कोरिन्थी १६:५-६ १७मोदेशो आस पा, मरिम्शो पडा डा? मार, मोदेशो मिम्शा, रागी डा मुर खोदेशो पडा डा? मार मेको आन खोदेशो काइले ना दुम्बा, काइले ना मदुम्बा देन डा? १८ परमपरभु यावेमी आ देशो खात्र, दे नेल्लेम तुइक्कीम। गोपुकीमी इन कली देशो लोत्र थमान बाक्व। दुम्बा कां, मदुम्बा कां, मार तुइक्का देशो लोत्र दुम्सीन मदुम्बा। १९ सिल्वानस, तिमोथी नु गो सांफामी इन कली परमपरभु यावेमी आ तो यसु खरीस्त आ लोत्र नंपाइक्कत। मेको लोत्र थमा दुम्बा कां मदुम्बा, मार तुइक्का देशो लोत्र ममाइ। यसु खरीस्त थमा बाक्व। पररित १८:५ २० परमपरभु यावे आ गेशो लोत्र नेल्ल यसु खरीस्तमी साप्तु। मोपतीक गो मेको आ नेमी आमन देनीकी। मिनु परमपरभु यावे कली “ठेयब बाक्नीनी” दे ठेयब सेल्लीकी। प्रकाश ३:१४ २१ परमपरभु यावेमी आंइ कली नु इन कली खरीस्तमी काथा वोइश्शा, आ मुर दुम्पाइक्कु, आ गेय पाइब सेल्लु। १यूहन्ना २:२७ २२ मेकोमी इं कली छाप थोक्ताक्व। मिनु आ सोक्त इं थुमी वोइक्कु। मेको सोक्त बैना खोदेशो पा गेप्तु। एफिसी १:१३; २कोरिन्थी ५:५; रोमी ८:१६

२३ परमपरभु यावे कली सांक्छी वोइश्शा, इन कली थमा पा देनुड, गो इन कली हुइक्का कली कोरिन्थ मजाक्क। २४ गो इन थमा सुइक्कीक कली हुकुम मपाइनीकी। इन ग्यरसीचा डा पा, गे नु गेय पाइनीकी। मारदे हना इन थमा सुइक्कीक बाल्यो बाक्व। २कोरिन्थी ४:५; १पतरुस ५:३

१गो इन कली लेशा श्यत गेचा कली २ कोरिन्थ मपीनुड, दे मिम्ताक्क। २मारदे हना गो इन कली श्यत गेता हना, आं श्यत गेशो मुर आन क्यडा लाक्शा, सुमी आं कली ग्यरपाइक्कन चात्रा डा? ३गो डांइती मार मिम्शा बरक्ताक्क देशा हना, गो जाक्कडानु, सु मुरपुकीमी आं कली ग्यरपाइक्का माल्नीमी, मेको रे पा आं थुं मसाइक्क, दे बरक्ताक्क। मारदे हना गो ग्यरसीडानु, गे नेल्ल ग्यरसीनीनी, दे थमा सुइक्कुड। ४ एको चिठी बरक्तनु, आं थुं साइश्शा “दोपा अर्ती गेडमी? हुइश्शा रिम्शा दुम्नीमी कां? दोपा रिम्शा दुम्नीमी?” दे इन कली शुश मिम्शा, डाक्थरी दुम्ती। इन थुं साइक्पाइक्का कली ममाइ, इन कली दाक्तीक मोदेशो दुम्त, दे मिम्तीन।

माफ पुंडब आन कली माफ गेचा

५ इन वारच कामी इन थुं साइक्पदा बाक्त, दे रुप्ता। आं थुं साइक्पाइश्शा क्येडा नेल्ल इन थुं साइक्पाइक्कु। ६ मेको कली गे नेल्ल इन मिम्शा गेशो सजाइ ठीक बाक्व। ७ मुल डा मेरे माफ गेन। आ थुं नाइक्पाइश्शा बारपतीन। मोदेशो मपाइतीनी हना, आ मरिम्शो पशा मिम्शा, आ काइचीक बाक्शा, बेक्शा खोदेशो दुम्बा। ८ मोपतीक मेको कली बरशा, दाक्तीन, दे इन कली पुंडनुड। ९ गे टीनीनी देय मटीनीनी, दे गो इन कली डांइती डा चिठी सोइश्शा नड। १० गेपुकीमी सु सु आन कली माफ गेनी, गो यो मेको आन कली माफ गेता। माफ गेडानु, इन पर्वम खरीस्त आ डांइती गेता। यूहन्ना २०:२३ ११ सैतानमी इं कली खतम सेल्ल्वा मतवल। मारदे हना मेको आ मिम्शो गो नेल्ल तुइक्कनय। लूका २२:३१; १पतरुस ५:८

खरीस्त आ लोत्रमी ग्राना ग्रान लेशो

१२ गो तरोआस सहरमी खरीस्त आ ग्यरपाइक्कीक लोत्र शंथ जाक्कडानु, परभुमी आं कली नक लाप्चो का रोक्शा गेती। पररित १४:२७; १कोरिन्थी १६:९ १३ तन्न आं दाक्शा लोक्व तीतस कली मगरुम्थु, आं थुं मनाइक्स। मोपतीक मेको आन कली परांइशा, मासीडोनीया लती। २कोरिन्थी ७:६; पररित २०:१

१४ तन्न परमपरभु यावे कली “गे रिम्शा पाइब बाक्नीनी” दे ठेयब सेल्लीकी। मारदे हना खरीस्त आ नेमी ग्राना ग्रान लाइनीकी। मोपा शंन शंन हिरशा गाक्कानु, बरोत्रशो रिना पाइश्शा खोदेशो पा नेल्लमी खरीस्त कली तुइक्नीमी। १५ मारदे हना गो पापर बरोइशा बाक्व नु जाम्शा लाइब आन दातेमी गो परमपरभु यावे आ डांइती खरीस्त आ बरोत्रशो नाम्सीशो बाक्नीकी। १कोरिन्थी १:१८ १६ गो जाम्शा लाइब आन कली बेक्का डा रिना नु पापर बरोइशा बाक्व आन कली बरोइचा डा रिना बाक्नीकी। मोदेशो लोत्र शंन कली सुम जिम्मा बरने चान्नीमी? लूका २:३४; २कोरिन्थी ३:५ १७ तन्न गो परमपरभु यावे आ लोत्र ग्यात्र लेयब खोदेशो पा मलयनीकी। गो ठीक पाइब मुर बाक्नीकी। गो परमपरभु यावे आ सोइश्शा, परमपरभु यावे आ डांइती खरीस्त आ नेमी शंनीकी। २कोरिन्थी १:१२; २कोरिन्थी ४:२; १पतरुस ४:११

नक कबल डा गेय

१गो मकोपुकीमी लोत्र पशो सोदंब पा ठेयब  
३ सल्लसीनीकी डा? मकोपुकीमी सिफारीस  
कागज गरुइनीमी। मिनु गोपुकी यो मोदंशो  
कागज कुरशा, शंना शंन गाक्चा माल्नीकी  
डा? रकोरिन्थी ५ :१२ २मोदंशो आंइ कागज  
चहिं गपुकी दुम्तीनी। गे आंइ थुमी बरक्शो  
बाक्नीमी। मिनु मुर नेल्लेमी इन पर्वम तुइक्न  
चाप्नीम। १कोरिन्थी ९ :२ ३गे स्वरीस्तमी  
बरक्शो चिठी दुम्तीनी। कागज मसीमी बरक्शो  
ममाइ। फुल्लु मुशा बरक्शो यो ममाइ।  
बरांइचा गेब परमपरभु यावे आ सोक्तीमी इन  
थुमी बरक्शो बाक्व। परस्थान २४ :१२

४स्वरीस्त आ नेमी परमपरभु यावे कली थमा  
सुइक्नीकी। ५गो शंदकानु, आंम जोक्तीक  
तुइक्तीक मकांइनीकी। आंइ लोत्र शंतीक  
परमपरभु यावेमी पपाइशो बाक्व, दे  
तुइक्नीकी। रकोरिन्थी २ :१६ ६मेकोमी आंइ  
कली जोक्व तुइक्व सेल्शा, आ नक कबल डा  
लोत्र शंथ सोइक्ताक्की। बरक्शा ममाइ, तन्न  
आ सोक्तीमी गेप्नु। बरक्शोमी साइक्व, तन्न  
आ सोक्तीमी बरांइचा गेब। येरमीया ३१ :३१ ;  
१कोरिन्थी ११ :२५ ; रोमी ७ :६ ; यूहन्ना ६ :६३

नक कबल ठेयब बाक्व

७बक्तीक चाक्व कबल फुल्लुमुमी मुशा,  
बरक्शा बाक्माक्त। मेको आ छेडछेड थम  
ठेयब बाक्त। मेकोम पतीके इसराएलीपुकीम  
मोसा आ कुल कोवन मचावेम। तन्न नीले  
मेको छेडछेड ग्युम्ना ग्युम्न लत। परस्थान  
३४ :२९-३५ ८परमपरभु यावे आ सोक्त आ  
कबल मेको क्येडा छेडछेड मदुम्बा डा?  
गलाती ३ :२,५ ९मारदे हना बक्तीक कबल  
छेडछेड बाक्त हना, ठीक पतीक आ कबल  
मेको क्येडा शुश छेडछेड दुम्बा माल्व। रोमी  
१ :१७ ; रोमी ३ :२१ १०मेको डांइती छेडछेड  
पाइशो बाक्त। मुल आ छेडछेड नेल्ल  
जाम्शा लत। मारदे हना मुल मेको क्येडा  
शुश छेडछेड पाइशो जाक्त। ११डांइती डा  
जाम्शा लाइब कबल छेडछेड पाइशो बाक्व।  
मुल लीशो कबल आ छेडछेड गिश ठेयब बाक्म  
माइ?

१२मोदंशो आस पतीके गो काइ महिं दुम्शो  
बाक्नीकी। १३साइ मोसामी पशो सोदंशो  
मपाइनीकी। मोसामी इसराएलीपुकीमी आ कुल

डा छेडछेड ग्युम्ना ग्युम्न लशो मतामेक्ल,  
दे आ कुल वामी गिल्स बाक्त। १४मोसामी  
इसराएली आन कली परमपरभु यावे आ  
दंशो लोत्र शंदीमी बाक्त। मेकोपुकी चहिं  
मारइ मरुष्व दुम्मा बाक्त। मुल यो मरुष्व  
बाक्नीम। साइ डा लोत्र नेपदमनु, मेको आन  
थुं वाम गिल्शो सोदंब दुम्शा, लोत्र मरुष्नीम।  
स्वरीस्तमी ला मेको आन थुमी गिल्शो वा  
प्राक्शा रुष्व सेल्ले चाप्व। पररित २८ :२७ ;  
रोमी ११ :२५ १५मुल यो मोसाम बरक्शो लोत्र  
नेन्मनु, आन थुं गिल्सीशो बाक्व। १६तन्न सुमी  
आ थुं परभु गे हिरवा, मेको आ थुमी गिल्शो  
वा हुक्सीशा, रुष्व दुम्बा। रोमी ११ :२३,२६ ;  
परस्थान ३४ :३४ १७मारदे हना परभु सोक्त  
बाक्व। परभु आ सोक्ती ते बाक्वा, मेकर पाप  
आ सजाइ रे बरांइतीके बाक्व। १८गो नेल्ल  
इं थुं गिल्शो वा हुक्शा, परभु आ छेडछेड  
कांइशा, परभु आ छेडछेड पाइशो सोदंशो  
दुम्शा फाइक्वा पुंडसाक्व। मेको फाइक्तीक  
बारना बारन लशा, इं कली छेडछेड का रे  
अर्का छेडछेडम फाइक्व। मेको नेल्ल परभु रे  
जाक्व। मेको सोक्त बाक्व। रकोरिन्थी ४ :६

स्वरीस्त आ वाइल दुम्शा, शंशा गाक्शो

४ १गोपुकी नु परमपरभु यावे आ शिशी  
बाक्तीक मेको शंब दुम्तक। मोपतीक  
गनाया आइक्व थुं पाइशो मदुम्नीकी।  
रकोरिन्थी ३ :६ ; १कोरिन्थी ७ :२५ २गोपुकीमी  
मुन दोक्तीक सरुइशो पतीक गेय परांइशो  
बाक्नीक। मरिश्शो पा परमपरभु यावे आ लोत्र  
फाइक्वा रे डांन बाक्नीकी। तन्न परमपरभु  
यावे आ लोत्र तुइक्पाइक्तीकेमी मुर नेल्ल नु  
परमपरभु यावे आ डांइती बरचा डा बाक्नीकी।  
रकोरिन्थी २ :१७ ; १थिस्सलोनिकी २ :५ ३आंइ  
शंशो ग्येरपाइक्तीक लोत्र वाम गिल्सीशो  
बाक्त हना यो, जाम्शा लाइब मूर कली ला  
मोपा गिल्सीशो बाक्व। १कोरिन्थी १ :१८  
४मेको आन थुं दोपा मोदंशो दुम्त दंशा हना,  
रागी कली हुकुम पाइब सैतानमी मेको आन  
कली मिक्च मताइब सोदंशो पा मरुष्व सेल्शो  
बाक्त। मोपा स्वरीस्त आ ग्येरपाइक्व लोत्र आ  
छेडछेड तने मचाप्नीम। स्वरीस्त परमपरभु  
यावे आ कांइतीके बाक्व। हिब्रू १ :३ ५गो आंम  
पर्वम मशंनीकी। तन्न येसु स्वरीस्त परभु बाक्व,  
दे शंनीकी। मिनु येसु आ पतीक गो इन गेय  
पाइब दुम्तक। ६परमपरभु यावेमी “छिडछिड

जाम्शा, छेड़छेड़ दुम्त” देमाक्त। मेकोमी आंइ थुमी छेड़छेड़ बरपाइशो बाक्त। गो परमपरभु यावे आ छेड़छेड़ खरीस्त रे पा रुनीकी। उत्पत्ती १:३; २कोरिन्थी ३:१६

### खप के गरम शोप कुरशो

७मेको ठेयब सक्ति परमपरभु यावे के बाक्व, दे कोइचा कली मेको छेड़छेड़ खप के गर गो आंइ रां आगाम बाक्व। १कोरिन्थी ४:११-१३; २कोरिन्थी ११:२३-२७ ८गो शुश श्यत जाइतक हना यो, सतम मदुम्क। मारइ पने मचाप्य दुम्तक हना यो, आइक्व थुं पाइशो मदुम्क। ९गो सदा पचा पुंइसाक्क हना यो, आंइ कली कोव्रब बाक्व। खोल्चा पुंइसाक्क हना यो, मनुप्य। १०येसु आ लोव्र शंना शंन गाक्कानु, येसु बेक्चा डा श्यत जशो खोदंशो पा, गो यो बेक्चा डा श्यत जाइनीकी। तन्न येसु बेक्चो रे संचा पुंइसीशो खोदंशो पा, सक्ति पाइशो दुम्नीकी। १कोरिन्थी १५:३१; गलाती ६:१७ ११बरांइतक हना यो, येसु आ पर्वम बेक्चा डा बाक्नीकी। मोपा आंइ बेक्चा डा रांमी येसु आ बरांइतीक सक्ति बाक्व। रांमी ८:३६; फिलिप्पी ३:२१ १२आंइ रांमी बेक्चा डा श्यत जशा, इन कली खरीस्त आ लोव्र शंताक्क। आंइ गेय रे पा गे बरांइचा ताइतीनी।

१३साइ डा लोव्र बेक्व कामी “गो थमा सुइक्नुड। मोपतीक आं थमा सुइशो नंपाइक्नुडमी” दे बेक्चो बाक्व। मोदंशो बेक्व थमा सुइक्तीक सोक्त का दुम्शा, गो यो थमा सुइक्नीकी। मिनु आंइ थमा सुइशो मुर आन कली नंपाइक्नीकी। भजन संगरह ११६:१० १४मार लोव्र थमा सुइशो, नंपाइक्नीकी देशा हना “परभु येसु कली बेक्चो रे संबमी आंइ कली यो येसु नु संब” दे लोव्र बाक्व। मिनु मेकोमी गे, गो नेल्ल इं कली आ डांइती बाक्चा गेब। १कोरिन्थी ६:१४ १५मारदे हना मेको नेल्ल इन पर्वम बाक्व। परमपरभु यावे आ शिशो शुश मुरुम नंतैकम हना, मेको क्येडा शुश मुरुम मेको कली ठेयब सेल्नीम। २कोरिन्थी १:६:११

१६ठेयब थुं पा शंना शंन गाक्नीकी। आंइ रां बेक्चो तोइसाक्क हना यो, आंइ थुं चहिं बारना बारन लशो बाक्व। एफिसी ३:१६ १७मारदे हना मुल जशो श्यत इक्का ला बाक्व। नोले मेकोमी इं कली मरुप्चा डा ठेयब छेड़छेड़मी बाक्चा गेब। रोमी ८:१७-१८; १पतरुस १:६ १८मारदे हना गो मिक्चीमी तशो थोव्रक ममाइ। तन्न

मिक्चीम मतशो थोव्रक ला कोव्रनीकी। तशो थोव्रक जाम्शा लाइनीम। मतशो थोव्रक चहिं मजाम्थु, गेना हना यो लीनीम। हिब्रू ११:१

### परभु नु काथा बाक्चा दाक्शो

१इं रां, रागी डा ताम्बु खोदंशो बाक्व। मेको जाम्शा लाइब बाक्त। मेको जाम्शा लत हना यो, परमपरभु यावेमी इं कली नक बाक्तीक गेब। मेको सिं गुइम सेल्शो मबाक्व। मेको गेना हना यो लीब स्वर्ग डा सिं बाक्व। २पतरुस १:१४ २गो एकर बाक्शा, रांको पाइनीकी, आंइ स्वर्ग डा सिंम बाक्चा दाक्नीकी। ३मेको नक बाक्तीक ओव्रचा चहिं माइत वा परइशशा, नक वा फेक्शो खोदंशो बाक्व। मोपा शिशरा मदुम्नीकी। ४मुल सम्म रागी डा रांम बाक्नीकी, सुर्ता पना पन बाक्नीकी। शिशरा दुम्चा कली ममाइ। तन्न नक फेक्शो खोदंशो पा, आंइ जाम्शा लाइब रां गेना हना यो बरांइशा बाक्व स्वर्ग डा रां दुम्त। १कोरिन्थी १५:५१-५३ ५मोदंशो दुम्चा कली परमपरभु यावेमी आंइ कली ठीक पा वाइशो बाक्त। मेकोमी आंइ कली आ सोक्त बैना खोदंशो पा गेपु। २कोरिन्थी १:२२; रोमी ८:१६,२३; एफिसी १:१३-१४ ६मोदंशो दुम्मनु, ठेयब थुं पाइशो दुम्शा बाक्नय। रांमी बाक्यानु, परभु रे डोन बाक्नीकी। हिब्रू ११:१३ ७मारदे हना गो थमा सुइक्तीकमी गाक्नीकी। ततीकमी मगाक्नीकी। ८गो ठेयब थुं पाइशो बाक्नीकी। गो रां रे डोन दुम्शा, परभु नु बाक्चा दाक्नीकी। फिलिप्पी १:२३ ९मोपतीक गो रांम बाक्शा हना यो, मबाक्शा हना यो, परभु कली ग्येरपाइक्चा दाक्नीकी। १०मारदे हना गो नेल्ल खरीस्त आ डांइती निसाफ पची ना जाक्चा माल्नीकी। रांम बाक्यानु, इं रांम पशो रिम्शो नु मरिम्शो नेल्ल ताइनीकी। पररित १७:३१; रोमी २:१६; रोमी १४:१०; यूहन्ना ५:२९; एफिसी ६:८

### पाप रे परांइब कली ग्येरपाइय्य

११गोपुकी परभु कली मान पा हिंशा तुइक्तीक गो मुर आन कली शंनीकी। परमपरभु यावेमी आंइ पशो नेल्ल तुइक्व। मिनु गे यो तुइक्नीकी, दे आस पाइनीकी। १२गो आंइ कली इन डांइती ठेयब मसेल्सीनीकी। तन्न आंइ पर्वम बोरशा, आंम आन कली ठेयब सेल्सीबपुकीमी शोव्रमी ला गेय पाइनीम। थुमी मारइ ममिम्नीम। मोदंशो मुर आन कली लोव्र लेत्चा कली आंइ दंशो

लोत्र तुइक्व दुमीन। २कोरिन्थी ३:१; २कोरिन्थी १०:१२ १३गो मरुप्चा डा बाक्तक हना, गो परमपरभु यावे कली ठेयब सेल्चा कली मोदंशो दुम्तक। गो रुप्चा डा बाक्तक हना, मेको इन कली दुम्ब। १४मारदे हना खरीस्तमी ई कली दाक्व, दे शुश मिन्नीकी। मेको नेल्ल मुर आन पर्वम बेक्त, दे तुइश्शा, गो नेल्ल बेक्चा डा मुर बाकनय, दे तुइक्नीकी। १५मिनु मेको नेल्ल आन पर्वम बेक्त। मिनु बरोइशोपुकी मुल रे आंम पर्वम मबरोइमल। तन्न यसु कली बरोइमल। मारदे हना मेको आन पर्वम साइश्शा, संसीचा पुंडसाक्व। रोमी १४:७-८

१६गो मुल रे मुर नेल्ल आन कली रागी डा मुर सोदंशो पा मकोवनीकी। खेयप का गो खरीस्त कली मुर सोदंशो पा कोव्रतक। मुल मोदंशो ममिन्नीकी। १७सुइ खरीस्त आगाम बाक्त हना, मेको नक सेल्सीशो मुर का दुम्ब। डॉइती डा नेल्ल जाम्शा लत। नेल्ल नक दुम्ने नुप्त। रोमी ८:१०; गलाती २:२०; गलाती ६:१५; परकाश २१:५ १६मेको नेल्ल परमपरभु यावेम पशो बाक्व। परमपरभु यावेमी आंड कली खरीस्त रे पा आं नु गारपाइक्वतु। मिनु आंड कली मेको गारपाइक्तीक गेय पपाइक्वतु। रोमी ५:१० ११परमपरभु यावेमी खरीस्त रे पा मुर आन कली आ नु गारपाइक्वतु। मेको आन मरिम्शो पशो नेल्ल परंशा, गारपाइक्तीक गेय आंड कली गप्तु। रोमी ३:२४-२५; कलस्सी १:१९-२० २०मिनु गो खरीस्त आ पर्वम मुर आन कली गेय पाइब बाक्नीकी। परमपरभु यावेमी आंड पतीकमी मुर आन कली बरंष्व। गोपुकी खरीस्त आ पर्वम मुर नेल्ल आन कली “परमपरभु यावे नु गारब दुमीन” दे शंनीकी। लूका १०:१६ २१परमपरभु यावेमी काइ पाप मतुइश्शो खरीस्त कली पापी सल्लु। मिनु गो खरीस्त आगाम बाक्शा, परमपरभु यावे आ डॉइती ठीक दुम्नीकी। यूहन्ना ८:४६; यसैया ५३:४-६; गलाती ३:१२; रोमी १:१७; १कोरिन्थी १:३०

पावल आ पशो गेय

१गो परमपरभु यावे नु गेय पतीक इन कली “परमपरभु यावे आ शिशी तशा, मपरंदीन” देनीकी। २कोरिन्थी १:२४ २मारदे हना मेकोमी “शिशी पची ना इ पुंडशा नेता। गो पाप रे परांडतीक नाक्तीमी इ कली वारच पाता” दे बरंक्शो बाक्व। नेनीन, मुल शिशी पची ना बाक्व। नेनीन मुल पाप रे परांडतीक

नाक्त बाक्व। यसैया ४९:८; लूका ४:१९,२१ ३परभुमी पपाइश्शो गेयम मारइ दली मपाइनीकी। सुइ आन थुं मक्याल्लीकी। ४तन्न परमपरभु यावे आ गेय पाइब दुम्शा, आंड गेय नेल्ल रिम्शो पाइनीकी। गो शुश फाल्लीकी, खंदा पतीकमी, श्यत जतीकमी, हिंतीकमी, ५तुप्चा पुंडसीनीकी, चोक्चा पुंडसीनीकी, आं पर्वम हुल बाक्चा पुंडसीनीकी। बेक्चा डा गेय पा दशा, इप्चा मतथु बाक्नीकी। माइजा बाक्नीकी, २कोरिन्थी ११:२३-२७; १कोरिन्थी ४:११-१३ ६रिम्शो थुं कांडनीकी, जोक्शा तुइश्शा गेय कांडनीकी, मचबु देब मदुम्नीकी, शिशी कांडनीकी, परमपरभु यावे आ सोक्तीम दंशो टीनीकी, मुर आन कली दाक्नीकी। १तिमोथी ४:१२; २कोरिन्थी ४:२; १कोरिन्थी २:४; एफिसी ६:१४-१७ ७थमा लोत्र पाइनीकी, परमपरभु यावे आ सकितमी गेय कांडनीकी, ग्युरा नु पेरा निम्फा रे ठीक पतीके पाइश्शो बाक्नीकी। ८आंड ने चुइक्ताक्म हना यो, क्याम्ताक्म हना यो, आंड कली मान पाम्तेक्म हना यो, गरांगरा दिम्तेक्म हना यो, मेको आन पशो मारइ मसुइक्नीकी। मुरपुकीमी आंड पर्वम “जोल पा शंशा, मुर आन थुं क्याल्शा हेंथे शंनीम” देतेक्म हना यो, गो थमा लोत्र शंनीकी। ९आंड कली मतुइक्नीमी, तन्न तुइश्शो बाक्नीमी। बेक्चा चिक्शा, तन्न मबक्शा बाक्नीकी। सजाइ तशा, तन्न साइक्चा मपुंसीशो बाक्नीकी। २कोरिन्थी ४:१०-११; मज्जन संगरह ११८:८; प्रेरित १४:१९ १०सुता पशो, तन्न गना हना यो ग्यरसीशो बाक्नीकी। परुडग दुम्शा, तन्न शुश आन कली शोप सेल्नीकी। मारइ मथीब दुम्शा, तन्न मारइ मारइमी गाप्शो बाक्नीकी। फिलिप्पी ४:१२-१३

परभु आ मुर दुम्शा कांडनीन

११गो कोरिन्थी इन कली शंचा, शुश दाक्नीकी। १२गोपुकीमी इन कली दाक्चा मतक्नीकी। तन्न इन आंम थुंम आंड कली दाक्चा तेक्व। १३मेको आ पा डा, गो आल आन कली लोत्र पशो सोदंशो पा, इन कली लोत्र पाइनुड। इन थुं आंड गे हिरदीन। १कोरिन्थी ४:१४

१४नेनीन, थमा मसुइक्व आन कली इन थुं मगेने। मारदे हना ठीक पतीके नु परमपरभु यावे कली मटितीके दोपा गारनीस? छेड्छेड् नु छिड्छिड् दोपा गारनीसी? एफिसी ५:११

१५ खरीस्त नु सैतान बेलीआर दोपा उइक्थ उइक्थ दुम्न मचानीसी। थमा सुइक्व नु मसुइक्व मारम गारनीसी डा ? १६ परमपरभु याव आ खिं नु मूर्ति दोपा गारनीसी डा ? मारद हना गो गना हना यो बरांडशा बाक्व परमपरभु याव आ खिं बाक्नीकी। मिनु परमपरभु यावमी “आं मुर आगाम बाक्नुड। मेको आन दातम गाक्नुड। मेको आन परमपरभु याव दुम्नुड। मिनु मेकोपुकी आं मुर दुम्नीम” दंशा बाक्त। लेवी २६:११-१२; इजीकीएल ३७:२७; १कोरिन्थी ३:१६ १७ मोपतीक परभुमी “मेको आन दाते र गुरुशा, पिने। मेको आन दाते र बराडीने। गुरां गरा दिशो मारद मथिने। मिनु गो इन कली बराइनुड। परकाश १६:४ १६ मिनु गो इन आफ दुम्नुड। मिनु गेपुकी आं तमी तो दुम्नीनी” दे नेल्ल सक्ति पाइश्शो परमपरभु यावमी देत, दे बरक्शो बाक्व। यसैया ५२:११; इजीकीएल २०:४१; २सामुएल ७:१४; यसैया ४३:६; होसे २:१

### पावल ग्येरसीशा

१ आं दाक्शोपुकी, गो नेल्लमी परमपरभु यावे ७ आ गेशो लोत्र तुइश्शो बाक्नय। मोपतीके इं रां थुं नेल्ल मरिम्शो पतीके रे डोन बाक्नय। मिनु इं परमपरभु याव कली ला मान पा हिंशा ठेयब सेल्लय।

२ इन थुं आंइ गे हिरदीन। मारद हना गो सुइ इन कली मरिम्शो मपक। सुइ आन कली मरिम्शो मसल्क। सुइ रे पा मारद यो मताक्क। २कोरिन्थी १२:१७; पररित २०:३२ ३मेको इन कली दोस गचा कली मदेक। मारद हना डांइती दंशा आं लोत्र लंशा देनुड, इन कली दाक्नीकी। बेक्चा माल्त्तय हना यो, काथा बेक्च। बरांडचा ताइतय हना यो, काथा बरांडय। २कोरिन्थी ६:११-१३; रोमी ६:८ ४ मिनु इन कली तशा, ग्येरसीशा, आं थुं बोरनुड। आं थुं नाइक्सीशा बारना बारन लत। श्येत जाता हना यो, इन कली तशा गो ग्येरस डा ग्येरस बाक्ती।

### कोरिन्थी आन कली मिम्शा ग्येरशो

५ गो मासीडानीया रागीम शंन शंन गाक्कानु, शुश श्येत जाइतक। मुरपुकीमी गडड मडड पा खेदा पा श्येत गेतीकी। मिनु शुश हिंचा माल्त्तक। पररित २०:१-२; २कोरिन्थी ४:८ ६तन्न परमपरभु यावमी आइक्च थुं पाइश्शो आन कली आन थुं बारपाइक्व। मिनु तीतस

जाक्शा आंइ थुं बारपाइक्तु। मिनु आंइ थुं बारत। २कोरिन्थी २:१३ ७ तीतस कली तशा ला ममाइ, तीतस आ लोत्र नंशा, ठेयब थुं पाइश्शो दुम्तक। तीतसमी आंइ कली “कोरिन्थीपुकीमी थम रिम्शो पाइक्तीमी। आं कली शुश मान पशा कांइताय्यीमी। आं थुं बारपाइक्तीमी” देत। आ दंशा नंशा गो थाम्पा ग्येरसाक्यी।

८ डांइती डा चिठीमी इन थुं खाइक्पाइक्तन्नी, दे तुइक्ताक्ड। मो हना यो मुल आं थुं मसाइक्व। मारद हना मेको इन थुं खाइश्शो शुश नाक्त मली, दे यो तुइक्ताक्ड। २कोरिन्थी २:४ १ इन थुं खाइश्शो तुइश्शा, गो मग्येरसीड। आं बरक्शो टिशा, इन थुं लेत्ताक्नी। गेपुकीम “परमपरभु यावमी इं कली लां कांइचा नु रिम्शो सल्ला कली थुं खाइक्पाइक्की बाक्त” दे रुप्तीनी। मोपतीके गो इन थुं लेश्शो तशा ग्येरसाक्यी। १० परमपरभु यावमी थुं खाइक्पाइश्शो आन कली रिम्शो दुम्मल, दे मो पशा बाक्व। रागी डा थुं खाइक्पाइक्कुशामी चहिं थुं साइक्व। मत्ती २६:७५; लुका १५:१७-२४; मत्ती २७:३-५ ११ परमपरभु यावमी इन थुं खाइक्पाइश्शोमी मार दुम्मे, दे तुइक्तीने। गे रिम्शो दुम्चा कली शुश गेय पाइतीनी। गे सल्ला पा, जिशा, हिंशा, रिम्शो दुम्चा कली शुश बोल पा दोस मताइब दुम्चा कली गे मेको मुर कली सजाइ गेतीनी। मोपा गे दोस मताइब बाक्नीनी, दे कांइताक्नी। १२ मुल देंचा लीशा लोत्र ननीने, इन कली डांइती बरक्शो चिठी मारद बरक्ताक्ड दंशा हना, गेपुकी नु बाक्व मरिम्शो पाइब नु मरिम्शो पचा पुंडसीब आस कली गारपाइक्चा लोत्र ला ममाइ। परमपरभु यावमी पावल कली अधिकार गेशो बाक्व। मोपतीके आ दंशा टिचा माल्त्त, दे रुष्शा, गेय कांइदीने, दे बरक्ताक्ड। १३ मोपतीके गो इन कली आं दंशा टिशा तशा, ग्येरसाक्क। मिनु आंइ थुं नाइक्ताक्क। गेपुकीमी तीतस कली आ थुं नाइक्पाइक्तीनी। आ थुं नाइश्शो तशा शुश ग्येरसाक्क। १४ मोदंशा पा तीतस कली यो “कोरिन्थीपुकीमी आं लोत्र टीनीमी, रिम्शो पाइनीम” दे थमा लोत्र पशो नड। मुल तीतसमी इन कली आं लोत्र टिशा तशा, थमा बाक्माक्त, दे तुइक्ताक्व। मोपा आं कली मुने मतोकनी। मोपतीके आं नें बोरपा बाक्ती। १५ तीतसमी इन टिशा तशा, ग्येरसाक्व। गे हिंशा, खिरखिर पा मेको कली बराइतीनी। मिनु इन कली

शुश दाक्ताक्व। १६गो इन रिम्शो पशो तशा ग्यरसाक्यी। मिनु इन कली थमा सुइक्ता।

### क्येट पोक्शो

१आं लोकवपुकी, परमपरभु यावेमी  
**८** मासीडानीया रागीमी बाक्व थमा सुइक्व  
 आन कली शिशी पशो आ पर्वम इन कली  
 शंनीकी। रामी १५ :२६ २मकोपुकी शुश श्यत  
 जाम्तकम हना यो, ग्यरसीशा बाक्नीम।  
 परुडग बाक्तकम हना यो, अरु आन कली  
 योक्शा गेम्तकम। ३सुइमी गेन की गेन मदेथु,  
 आमा आन दाक्शो पा आन चाप्शो क्येडा  
 यो शुश गेम्तकम। आन चाप्शो क्येडा शुश  
 गेशो आं मिक्चीमीन ताता। ४मकोपुकीमी आं  
 कली “गो यो थमा सुइक्व आन कली क्येट  
 पोक्चा दाक्नीकी” दे पुइतेकम। पररित ११ :२९  
 ५मको आन मोदेशो चहिं क्येट गेचा लोत्र ला  
 ममाइ। डोंइती मेकोपुकीमी आन थुं परभु कली  
 गेम्तकम। मिनु परमपरभु यावे आ दाक्शो पा,  
 गोपुकी नु गारशा बाक्तकम।

६डोंइती तीतसमी इन कली क्येट  
 पोक्पाइक्तु। मुल गो तीतस कली “इन क्येट  
 पोक्तीके, रिम्शो गेय, थुमीन” दे अरतक। ७गे  
 मार पाइतीनी हना यो, शुश पाइतीनी। इन  
 थमा सुइक्चा, इन लोत्र पस जोक्चा, इन  
 तुइक्चा, इन रिम्शो गेय पतीक नु इन आंइ कली  
 दाक्तीकमी शुश गेय पाइनीनी। मुल गे मेको  
 दाक्तीक गेयमी यो रिम्शो गेय कांइताक्नी।  
 १कोरिन्थी १ :५ ; १कोरिन्थी १६ :१-२ ८इन कली  
 अधिकार तशा लोत्र मपाइनुड। थमा पा दाक्चा  
 दोपा तांइसीब देशा हना, सुइमी गेन की गेन  
 माइक्चा मपुइसीथु, आम थुमी मिम्शा गेशो र  
 तांइसीब। शुशमी मोपा गेम्तकम। मिनु गेपुकीमी  
 यो दाक्तीक गेय कांइदीन। ९मारद हना गे इं  
 परभु येसु खरीस्त आ शिशी तुइक्नीनी। मेको  
 शांप पाइशो बाक्त हना यो इन पर्वम परुडग  
 दुम्त। मेको परुडग दुम्तीकम गे शांप पाइशो  
 दुमीन, दे मो पाप्तु। मती ८ :२० ; फिलिप्पी  
 २ :७ १०मिनु गो इन कली मार देनुड देशा हना  
 “बर्स का डोंइती इन गोशो गेय थुम्चा मालीन”  
 देनुड। ११इन गेचा दाक्शो नु इन गेने चाप्चा  
 डा क्येट पोक्शा गारीन। १२आंम के बाक्शो ला  
 गेने जाप्च, आंम के मबाक्शो गेने मजाप्च।  
 इन चाप्चा डा पा गेने। हितोपदेस ३ :२७-२८ ;  
 मर्कुस १२ :४३ १३इन कली मजाक्दीत्वा डा  
 पा वोइशशा, अरु आन कली आन माल्शो

क्येडा शुश गेन मदेनुड। इन कली गप्न,  
 मेको आन कली यो गप्न देनुड। १४मुल इन के  
 शुश बाक्मनु, मथीब आन कली वारच पतीने।  
 मिनु नोले मेको आन के शुश दुम्मनु, इन कली  
 यो वारच पाइनीम। मोपा वारच पा गेमुशामी  
 नेल्ल इं के बाक्शो उइक्थ उइक्थ दुम्त, दे  
 मिम्ताकड। १५मार बरक्शो बाक्त देशा हना “सु  
 सुमी शुश सुप्तम, मेको आन के महं। सु सुमी  
 चहिं इक्का ला सुप्तम, मेको आन कली यो  
 जाक्दीत्त” दे बरक्शो बाक्व। परस्थान १६ :१८

१६गो परमपरभु यावे कली “गे रिम्शो पाइब  
 बाक्नीनी” दे ठेयब सेल्लुड। मारद हना तीतसमी  
 कोरिन्थी इन कली शुश मिम्ताक्व। १७गोपुकीमी  
 तीतस कली “कोरिन्थी आन कली गरुम्थ लावो  
 की लावो” दे सोइक्ताक्क। आंइ देशो लोत्र टिशा,  
 लशो ला ममाइ। आं यो गरुमगरुम दाक्शा  
 ग्यरसीशा पित, दे तुइक्नुड। २कोरिन्थी ८ :६ ;  
 २कोरिन्थी ७ :७,१५ १६तीतस नु गाक्व वारच  
 का यो सोइक्ताक्क। थमा सुइक्व नेल्लेमी  
 मेको कली तुइशो बाक्नीमी। मारद हना मेको  
 येसु खरीस्त आ ग्यरपाइक्व लोत्र रिम्शो पा  
 शंब, दे नें चलेशो बाक्व। २कोरिन्थी १२ :१८  
 १९आ नें चलेशो ला ममाइ। थमा सुइक्वपुकी  
 गारशा मेको कली गो नु क्येट पोक्शा गाक्चा  
 कली योव्रतेकम। मेको गोपुकी नु शिशी पतीक  
 गेय पाइब। गो मेको वारच पतीक परभु कली  
 ठेयब सेल्लुवा कली पाइनीकी। गलाती २ :१०  
 २०मोपा सांक्छी वोइक्कानु, मेको क्येट आ पर्वम  
 मरिम्शो लोत्र पने मचाप्नीम। २१गो परभु आ  
 डोंइती रिम्शो पशो ला ममाइ। मुर नेल्ल आन  
 डोंइती यो रिम्शो पशा कांइनीकी। २२मोपतीक  
 मेको निक्शी नु आंइ लोकव का यो सोइक्नीकी।  
 डोंइती खेयप निक्शी सां सोइक्कानु, मेको  
 लोकवमी रिम्शो गेय पा कांइताक्व। मोपतीक  
 मुल यो रिम्शो पाइब, दे तुइक्ताक्क। मेकोमी इन  
 कली यो रिम्शो मिम्ब। २३तीतस गो नु गारशा  
 इन कली गेय पाइब बाक्व। अर्को लोकव निक्शी  
 थमा सुइक्व आन सोइशो बाक्नीस। मेको  
 खरीस्त आ नें ठेयब सेल्लुव बाक्नीस। २कोरिन्थी  
 ७ :३३ ; २कोरिन्थी १२ :१८ २४मोपतीक मेको सां  
 इन बाक्तीक जाक्मानु, मेको आन कली दाक्शा,  
 वारच पतीने। मेको आन कली मार माल्दा,  
 मेको गेने, आन लोत्र नेनीने। आं देशो पाइतीनी  
 हना, गोमी इन पर्वम पशो लोत्र थमा दुम्ब।  
 मिनु गो ग्यरसीनुड। थमा सुइक्व नेल्लेमी

यो “कोरिन्थीपुकीमी रिम्शो पामे बाक्त” दे तुइक्नीम। २कोरिन्थी ७:३४

दोपा शोक्वमे, मोपा खुप्नीम

१मेको क्येट पोक्चा आ पर्वम इन कली लेंशा शंका ममाल्लुङ। २साइ थोच क्येट पोक्चा माल्व दंशा नंशा “पोक्नीकी की पोक्नीकी” दे प्रकतीनी। मिनु इन कली मोपा प्रकशा तशा, मासीडोनीयाम बाक्व आन कली “आकाया डा मुरपुकीम ग्यरसीशा क्येट पोक्नीम” दे लोत्र नंपाइक्तामी। मिनु शुशमी “गो यो पोक्नीकी” देतम्। २कोरिन्थी ८:१९ ३साइ थोच डा बोरशा लोत्र जोल मदुम्त। मिनु गे ठीक बाक्शा, लोक्व सां आन कली क्येट पोक्शा वोतीन, दे इन बाक्तीक सोइक्ताक्क। ४मारदे हना गो इन बाक्तीक जाकडानु, मासीडोनीया डा मुर आन डॉइती गे क्येट मपोक्थु बाक्शा मुने मदोक्कीन, दे मेको सां आन कली इन बाक्तीक सोइक्ताक्क। ५मोपतीक मेको सां आन कली आं क्येडा डॉइती लने, दे सोइक्ताक्कमी। मिनु गो जाक्ची ना “मुल क्येट पोक्कीन” दंशा, गरीचा ममाल्लुङ। सुइमी आन थुं मसाइक्थु ग्यरशा, आंम आ दाक्स पा, चाप्स पा गेने चाप्सक्ल, दे लोक्व सां आन कली आं क्येडा डॉइती सोइक्ताक्कमी।

६आंम आन दाक्स पा, चाप्स पा, गेचा चहिं दोदंशा रुम्सीब दंशा हना, वांचेर शोक्वामनु, इक्का ला शोक्वमी, इक्का ला खुप्चा ताइब। तन्न शुश शोक्वमी शुश खुप्चा ताइब। हितापदेस ११:२४-२५; हितापदेस १९:३७ ७क्येट पोक्चु को मपोक्चु, दे थुं निकशी मपथु, सुइमी “गेव की गेव” माइक्चा मपुंडसीथु, आंम थुंमी मिम्शा, ग्यरसीशा गेचा माल्व। ग्यरसीशा गेब कली परमपरभु यावेमी दाक्व। रोमी १२:८ ८परमपरभु यावेमी इन कली माल्शो क्येडा शुश गेने चाप्च। मिनु मारइ मारइम गाप्शा, मारइ वारच पचा डा गेय बाक्त हना यो, गे पने चाप्नीनी। ९मार बरेक्शो बाक्त, दंशा हना “मेकोमी वांचेर ब्यारब, परुडग आन कली गेब। मेको आ ठीक पशो गेना हना यो लीब” दे बरेक्शो बाक्व। भज्जन संगरह ११२:९ १०शोक्व कली वांचेर गेब। जचा दाक्व कली जचा थोत्रक गेबमी इन के बाक्शो यो बारपाइक्व। मोपा इन ठीक पतीके डा फल बारना बारन लाइब। इजीकीएल १०:१२ ११मिनु गे शुश थीब दुम्शा, हाइश्शा गेशो तशा, गो परमपरभु यावे कली “गे रिम्शो पाइब बाक्नीनी”

दे ठेयब सेल्नीकी। १२मोदंशो हाइश्शा गेशोमी श्यत जशो थमा सुइक्व आन कली रिम्शो दुम्ब। मोशो ला ममाइ, शुशमी परमपरभु यावे कली ठेयब सेल्नीम १३एको क्येट पोक्तीक गेय पशा इन टितीक नाक्सीशो बाक्व। मिनु गे परमपरभु यावे कली ठेयब सत्त्वा बाक्नीनी। मिनु इन हाइश्शा मेको आन कली नु अरु आन कली गेशोमी गे खरीस्त आ ग्यरपाइक्व लोत्र तुइक्व बाक्नीनी, दे कांडनीनी। १४परमपरभु यावे आ शिशो गे नु बाक्तीक मेकोपुकीम इन कली परार्थना पाइनीमी। १५परमपरभु यावेमी इन कली देने मचाप्चा डा ठेयब कोसली गेत्तु। मेको आ पर्वम मेको कली “गे रिम्शो पाइब बाक्नीनी” देचा मप्रांडनीक।

पावल आ गेय

१गो, खरीस्त आ बरेम्शो नु रिम्शो पतीकेमी, इन कली शंका शंन बाक्नुङ। गो इन नेक्था बाक्शा, बरेम्शो लोत्र पाइनुङ। तन्न गो डोन बाक्ती हना, हुइश्शा लोत्र पाइनुङ। २गो इन बाक्तीक जाकडानु, चिठीम बरेक्शो लोत्र सोदंशो पा हुइश्शा लोत्र पचा ममाल्लुल, दे मिम्शा बरेक्ताक्क। आंइ पर्वमी “रागी डा मुर सोदंशो पा शंनीम” देब आन कली हुइश्शा सोदंशो पा इन कली हुइक्चा मदोक्नुङ। २कोरिन्थी १३:१-२; १कोरिन्थी ४:२१ ३मारदे हना गो रागीम बाक्तक हना यो, रागी डा मुर सोदंशो पा मजीनीकी। ४आंइ लडाइ पतीक या रागी डा सोदंशो मबाक्नीम। तन्न मेको परमपरभु यावे आ सक्ति पाइश्शा बाक्नीम। मेकोमी मारइ मारइ सतम सत्त्वे चाप्नीम। एफिसी ६:१३-१७ ५परमपरभु यावे कली थमा सुइक्व आन कली तेक्वमी पशो लोत्र, ठेयब लेशशा थमा मसुइक्तीक लोत्र सतम सत्त्वेक। मिनु खरीस्त आ लोत्र टीब दुम्पाइक्चा कली मटीब मिम्तीक नेल्ल ग्याइश्शा लाइक्व सोदंशो बाक्नीकी। ६मिनु इन खरीस्त कली टिशो रिम्शो दुम्त हना, सु सुमी मटीम, गो मेको आन कली सजाइ गेनीकी।

७मिनु इन डॉइती दोपा बाक्नीकी, मेको कोत्रडीन। सु सुमी “गो खरीस्त आ मुर दुम्ती” दे आन नें बारपदम, मेकोपुकीमी आंइ कली यो खरीस्त आ मुर बाक्नीम, दे रुम्मेक्ल। ८गो आंइ अधिकार आ पर्वम बोरती हना यो, मुने मदोक्नुङ। मारदे हना मेको इन कली सतम सत्त्वे कली ममाइ। तन्न इन कली रिम्शो

सेल्वा कली परभुम गती। २कोरिन्थी १३:१०; १कोरिन्थी ५:४-५ ९आं बरक्शो चिठी इन कली हिंपाइक्का कली ममाइ, दे मिम्नीन। १०मारदे हना मेकोपुकीमी “मेको आ बरक्शो चिठी ठेयब नु बाल्या लोत्रम बरीशो बाक्नीम। तन्न आमन जाक्त हना, मारइ पन मचाप्त्र नु व्याक्स मजोक्व बाक्व” देनीम। ११मोदंशो मुरपुकीमी मार रुप्वा माल्नीम दंशा हना “गो मबाक्ची ना हुइश्शा शंशा बरक्शो लोत्र, आंइ बाक्ची ना मपाइनीकी” दे रुम्कत। २कोरिन्थी १३:२,१०

ठेयब मनकी, दे रुप्वाइश्शा

१२आमान ठेयब सेल्सीबपुकी नु मगारनीकी। आन पशो सोदंशो यो मपाइनीकी। मेकोपुकीमी ठेयब सेल्सीशा, आम आन जोक्तीक तुइक्तीक कांडमुइनीम। मोदंशो पशोमी “मारइ मरुप्व बाक्नीम” दे तुइसीब। २कोरिन्थी ३:१; २कोरिन्थी ५:१२ १३गो आंइ नें बोरपाइक्नीकी। मारदे हना परमपरभु यावेमी आंइ कली अधिकार गेशा, इन कली शंब सल्लु। आ गेशो अधिकार डा लाक्शा चहिं जोक्व तुइक्व नकी, दे बोरशा मगाक्नीकी। रोमी १५:२०; रोमी १२:३ १४ आंइ नें बोरपाइक्नीकी। मारदे हना आंइ क्येडा डांइती इन बाक्तीक खरीस्त आ ग्यरपाइक्तीक लोत्र नेंपाइक्थ सुइम मजाक्म, दे तुइक्ताक्क। १५अरु मुरपुकीमी इन कली शंशो आ पर्वम गो मबारनीकी। तन्न इन थमा सुइक्तीक बारना बारन लमनु, आंइ शंतीक यो मेको नु बारना बारन लाइब। १६मिनु इन बाक्तीक क्येडा लाक्शा, एर आंथ खरीस्त आ ग्यरपाइक्तीक लोत्र शंन चाप्नीकी। मुर आन शंन थुम्शो गरुम्तीक आ पर्वम आंइ नें मबारपाइक्नीकी। १७सु बोरनीमी, मेको परभु आ पर्वम नें बोरपदमेक्त। येरमीया ९:२३-२४; १कोरिन्थी १:३१ १८सुमी आम कली शंब सेल्वा, मेको कली मबराइनीम। तन्न परभुमी शंब सेल्शो कली ब्राइनीम। १कोरिन्थी ४:५

दूली शंब आन पर्वम लोत्र

११गो इक्का निप्स गराइश्शा लोत्र पाइनुड, गे आं लोत्र फाल्शा नंशा गेयीनी। २इन कली मिम्शा, गो परमपरभु यावेमी रुश पशो सोदंशो दुम्ती। मारदे हना रिम्शो ग्युम्ली ग्युंबे पा गेशो सोदंशो पा, इन कली खरीस्त कली गेतन्नी। एफिसी ५:२६-२७ ३बुम्सुमी हव्वा कली मिलो शिलो पा जोल पा आ थुं हिरपा,

परमपरभु यावे कली मटीब सेल्शो सोदंशो पा, दूली शंबपुकीमी इन थुं क्याल्शा, खरीस्त कली दाक्का रे हंथे लां सोइक्पाइक्नीम। उत्पत्ती ३:४,१३ ४मारदे हना मुर का जाक्शा, मेकोमी इन कली अर्का येसु आ पर्वम शंब आंइ शंशो सोदंशो ममाइ, इन डांइती ताक्शा ममाइ, अर्का सोक्त ताक्पाइक्व। अर्का ग्यरपाइक्तीक लोत्र नेंपाइक्व। मिनु गे रोब पा बिन्नीनी। गलाती १:८-९ ५गो मेको शुश जोक्व तुइक्व देसु पशो सोइश्शा आन क्येडा आइक्व मनड। २कोरिन्थी १२:११ ६व्याक्स मजोक्व बाक्ती हना यो, शुश जोक्व बाक्नुड। गो आंइ पतीकमी कांडताक्क। १कोरिन्थी २:१,२,१३; एफिसी ३:४

७गो बरक्शो दुम्शा, इन कली ठेयब सेल्वा कली परमपरभु यावे आ ग्यरपाइक्तीक लोत्र क्येट मताक्थु शंताक्ड। मार, मेको पाप मिम्नीनी? २कोरिन्थी १२:१३; मत्ती १०:८; १कोरिन्थी ९:१२-१८ ८अर्का रागीम बाक्व थमा सुइक्व आन गरुम्तीक डा आन क्येट रोइश्शा सोदंशो पा ताक्शा, इन कली शंताक्नी। फिलिप्पी ४:१०,१५ १गेपुकी नु बाक्शा शंदन्नीनु, मासीडोनीया रागी रे जाक्शा थमा सुइक्व लाक्वपुकीमी आं कली माल्शो थोत्रक गेशा, वारच पाइक्तीमी। मोपा आन पशोमी गेपुकीमी मोशा शंसीचा ताइतीनी। मुल यो मारइ ताक्का ममाल्डल, दे मिम्ताक्ड। १०खरीस्त थमा बाक्व, दंशा लोत्र लीशा सोदंशो पा “कोरिन्थी आन कली आन क्येट मताक्थु, मोशा शंताक्व” दंशो लोत्र आकाया रागीम बरशा लील, दे मिम्शा, मारइ मताक्गु। ११मो पडानु, इन कली मदाक्व दुम्नुडा डा? गोमी इन कली दाक्शो मदाक्शो परमपरभु यावेमी तुइक्व।

१२मुल सम्म दोपा बाक्डा, मुल यो मोपान बाक्नुड। मारदे हना दूली लोत्र शंबपुकीमी “पावल नु आ वारचपुकीमी पशो सोदंशो पा गो यो पाइनीकी” दे नें बोरपा गाक्नीम। मेको आन जोल गरुइचा कली गो मारइ मताक्थु शंनीकी। १३मेकोपुकी परमपरभु यावे आ सोइश्शा मनम। खरुइश्शा जोल पा गेय पाइनीम। खरीस्त आ सोइश्शा दुम्सु पा शंथ गाक्नीम। २कोरिन्थी २:१७ १४मोपा गाक्तेक्म हना यो, मेको आन मोदंशो पशो ल्ळक लाक्का डा ममाइ। मारदे हना सैतान यो परमपरभु यावे आ स्वर्ग डा गेय पाइब सोदंब दुम्सु पा गेय पा गाक्व। १५मेकोपुकी रिम्शो गेय पाइब सोदंशो दुम्सु पा गाक्नीम।

मेको आन जोल नोले गरुब। मिनु आन गेय यो मलीब।

पावल श्येत जशो

१६ गो इन कली लेंशा देनुड; मार देती हना यो, आं लोत्र नंचा मपरोनीन। गो निप्स गराइशो लोत्र पाइब खोदेशो पा, आं नें बोरपाइशो लोत्र पना पन बाक्ती हना यो, आं लोत्र ननीन। २कोरिन्थी १२:६ १७ मुल इन कली देशो लोत्र परमुम गेशो अधिकार डा लोत्र ममाइ। आं नें बोरपाइक्तीक लोत्र पा, गो निप्स गराइशो लोत्र पड देती। १८ मारदे हना शुश मुर रागी डा लोत्रमी ठेयब लेत्नीम। मोपतीक गो यो बोरनुड। १९ गे ग्येरसीशा निप्स गराइशो आन लोत्र फाल्नीनी। मिनु आंम कली जोक्व तुइक्व मिन्नीनी। १कोरिन्थी ४:१० २० सुइ मुरुमी इन कली वाइलीम वाइल सेल्लेक्म हना, रोइक्ताक्म हना, जोल पाम्तेक्म हना, बोरशा कांडताक्म हना नु इन चोचो राप्तेक्म हना यो फाल्शा बाक्वाक्तीनी। २१ गो मुने पा देनुड, मेको आन पशो खोदेशो पने मचाप्क। सुइ मुर मारइ आ पर्वम ठेयब लेशशा बोरतेक्म हना, गो यो मेको आ पर्वम ठेयब लेशशा बोरनुड। गो मूर्ख खोदेशो पा ब्वाक्नुड। २२ मार, मेको हिबरू नमी? गो हिबरू नड। मार, मेको इसराएली नमी? गो इसराएली नड। मार, मेको अबराहाम आ चच युइ नमी? गो यो अबराहाम आ चच युइ नड। फिलिप्पी ३:५ २३ मार, मेको खरीस्त आ गेय पाइब नमी? गो यो खरीस्त आ गेय पाइब नड। गो मेको आन क्यंडा रिम्शो गेय पाइब नड। गो गेशो मुरुम खोदेशो लोत्र पाइनुड। गो मेको आन क्यंडा शुश गेय पाता। मेको आन क्यंडा शुश चोक्चा पुंडसाकयी। मेको आन क्यंडा तुप्चा पुंडसाकयी। हेर हेरा साइक्वा पुंडसाकयी। १कोरिन्थी १५:१०; २कोरिन्थी ६:४-५ २४ यहूदीपुकीमी आं कली ५ खेयप ३९ कोरी आप्तीनी। ब्यवस्था २५:३ २५ खेयप सां कोक्केमी तुप्तीमी। काले फुल्लु आप्तीमी। खेयप सां आं डोइशो जहाज समुन्दरम गरुशशा हेरा बेक्ती। मो दुम्मेनु, काब नाक्वो नाक्ती समुन्दरम बाक्ती। पररित १६:२२; पररित १४:३९ २६ रागी रागी हिरशा गाकडानु, खोला शोक्सीडानु, हेर हेरा योल्ताकयी। लांम बाप्शा बाक्व सुइपुकीमी हेर हेरा साइक्तीमी। आंम यहूदीपुकीमी यो शुश श्येत गतीमी। अर्का रागी डा मुरपुकीमी यो हेर हेरा साइक्तीमी।

सहर, गोरशो रागी, समुन्दर ते ते हिरशा गाकडा, मेक मेक हिंना हिंन गाक्वा माल्ताकयी। आं लोक्व दुम्सु पा, थमा सुइक्व नकी देब नु गाकडानु, मेकोपुकीमी यो शुश श्येत गतीमी। २७ येसु आ लोत्र शंन शंन गाकडानु, शुश गेय पा, शुश श्येत जशा, शुश नाक्वो इप्चा यो मतड। जच्चा तूच्चा यो मतड। ग्यूमी फक्वा यो मतड। २कोरिन्थी ६:५ २८ मोदेशो श्येत आं रांमी जशा ला ममाइ। आं थुं यो मनाइक्स। मारदे हना थमा सुइक्व आन कली दोपा मार पा रिम्शो सलुमी, दे मिम्स डा मिम्स बाक्ती। पररित २०:१८-२१,३१ २९ मुरुमी “मचाप्नीकी” देनीम। गो चहिं गेना हना यो चान्नुडा डा? मुरुम पाप पाम्तेक्म हना, गो शुश सुता पाइनुड। ३० गो आं नें बोरपा लोत्र पचा माल्नुड हना, आं मचाप्शो आ पर्वम आं नें बोरपाइक्नुड। २कोरिन्थी १२:५ ३१ गेना हना यो ठेयब सेल्लेक्वा पुंडसीब परमु येसु आ आफ परमपरमु यावेमी गो जोल मपाइनुड, दे तुइक्व। ३२ साइ दमस्कस सहरमी बाक्डानु, पिप अरतस आ हुकुम पाइबमी आं कली ग्याइक्वा, दे सहर आ एर आंथ आ सिपाहीपुकी वोइक्मी बाक्त। ३३ तन्न थमा सुइक्वपुकीमी आं कली डोकोम कुरपा गारो डा झल र आंसां पा तोक्शा परोक्पाइक्तीमी। मोपा जोरी सतरु आन गुइ र बरोइती। पररित ९:२४-२५

मचाप्ब सक्ति पाइशशा दुम्शो

१२ नें बोरपाइक्तीक लोत्र शोर गाक्शो बाक्त हना यो, गो आं नें बोरपा लोत्र पचा मपरोइनुड। मारदे हना परमुमी छेड्छेड् पा तपांइसीशा तुइक्पाइक्ती, दे मुल सम्म इन मतुइशो लोत्र तुइक्पाइक्नन्नी। २ गो खरीस्त आ मुर का कली तुइक्नुड। १४ बर्स डांडती मेको स्वर्गम लाइक्वा पुंडसाक्वा। रांम बाक्म, कां मबाक्म, गो मतुइक्नुड। परमपरमु यावेमी ला तुइक्व। ३ मिनु गो मेको मुर परमपरमु यावे आ बाक्तीके लाइक्वा पुंडसाक्व, दे तुइक्नुड। रांम बाक्म, कां मबाक्म, गो मतुइक्नुड। परमपरमु यावेमी ला तुइक्व। ४ मिनु मेको मुरुमी खरुइशो लोत्र नंतु। मेको लोत्र मुरुम देचा मदुम्ब। ५ मेको मुर आ पर्वम आं नें बोरपाइक्नुड। आं पर्वम चहिं आं नें मबोरपाइक्नुड। तन्न गो आं मचाप्शो आ पर्वम आं नें बोरपाइक्नुड। २कोरिन्थी ११:३० ६ मारइ पने मचाप्ब दुम्तीक आं नें बोरपाइक्नुड देशामी निप्स गराइशो लोत्र पाइब मदुम्नुड।

मारदे हना गो थमा लोत्र पाइनुड। मारदे हना मुरपुकीमी आं कली तशा, आं लोत्र नंशा आं पर्वम मार मिम्चा माल्वा, दे आंमा तुइक्तेमक्ल, दे मिम्शा बाक्नुड। २कोरिन्थी १०:८ ७गो शुश कांडतीक तशा, मको आ पर्वम ठेयब लेशशा, नं मबोरपदुल, दे सेतान आ चू आं रांम गती। मको आं कली श्येत गेचा कली नु आं ठेयब लेक्तीक तेक्चा कली बाक्ब। ८खेयप सां गो परमु कली “मोदेशो चू र परांडयीनी” दे पुंडता। ९तन्न मेकोमी आं कली “आं शिशो इ कली गारब। मारदे हना मचाप्व मुर आगाम आं सक्ति नेल्ल क्यडा ठीक बाक्ब” देत। मोपा तुइक्ते र खरीस्त आ सक्ति गो नु बाक्शो तांडसेक्ल, दे गो मारइ पने मचाप्व दुम्शोमी, थाम्पा ग्येरसीशा आं नं बोरपाइक्नुड। १०मोपतीके खरीस्त आ सक्ति तांडसेक्ल, दे मारइ पने मचाप्व दुम्ती हना यो, शुक्शी लोत्र पाइक्चा पुंडसाक्यो हना यो, जेचा फेक्चा मारइम मजावदीती हना यो, खदा पचा पुंडसाक्यो हना यो नु दोदंब श्येत गेचा पुंडसाक्यो हना यो, आं थुं नाइशशा हेम्म पा बाक्नुड। मारदे हना गो मारइ पने मचाप्व दुम्डानु, सक्ति पाइशशा बाक्नुड, दे रुप्ता। फिलिप्पी ४:१३

थमा सुइक्ब आन कली शंशो

११गो निप्स गराइशशा लोत्र पाइब खोदंशो दुम्ती, दे तुइक्ताकड। गेपुकीमी मोदंशो पाइब सल्वीनी। मारदे हना गेपुकीमी आं कली ठेयब सल्व्वा माल्थो, दे तुइक्चा माल्थो ननी। गो मेको शुश जोक्ब तुइक्ब देसु पशो सोइशशा आन क्यडा आइक्च मनड। मो हना यो गो आइक्च दुम्ती। २कोरिन्थी ११:२ १२खरीस्त आ सोइशशांन बाक्माक्त, दे कांडचा कली गेपुकी नु बाक्डानु, चिन्ड नु च्छक लाक्चा डा गेय कोत्रचा ताइतीनी। रोमी १५:३९; हिब्रू २:४ १३तेइ तेइ येसु आ नंमी खुम्सीशा बाक्ब आन कली मारइ मारइ शंशा, मारइ मारइ पशा कांडशो खोदंशो पा इन कली यो पशा कांडताक्नी। मिनु मार लीम डा? लोत्र का चहिं मार लीत देशा हना, गेपुकी नु गो मारइ मताक्नु। आं मताक्शोमी माफ गयीनी। २कोरिन्थी ११:७-९ १४मुल इन कली गुरुथ पिडानु, खेयप सां दुम्ब। गो इन कली श्येत मगेनुड। इन बाक्शो मारइ मताक्नुड। तन्न इन कली माल्नुड। मारदे हना आलपुकीम आंम आफ कली शांप मउप्नीम। तन्न आम आफोमी आन आल आ पर्वम शांप उप्नीमी।

१५गो दोपा इन कली वारच पा रिम्शा थुं सल्व्वा कली ग्येरसीशा, आं थुं गेनन्नी, मोपा इन कली दाक्चा डा गेय पाता। मिनु गो चहिं इक्का ला दाक्चा पुंडसीनुडा डा? फिलिप्पी २:१७ १६इन मुर का निकशोमी मार दंतेक्म देशा हना “मारइ मताक्नुड देशा, जोल पा शुश ताक्बाक्ते” दंतेक्म। १७मार, आं सोइशशा आन गुइ र गो मारइ ताक्नु डा? मार ताक्शा, इन कली श्येत गेम् डा? १८गो तीतस कली कोरिन्थी आन कली गुरुथ लावो, दे सोइक्ताकड। तीतस नु लोकब का यो सोइक्ताकड। मिनु तीतसमी गेपुकी नु मारइ ताक्ना डा? आंस सोक्ते का पा गेय मपस्कु डा? २कोरिन्थी ८:६,१६-१८

१९“पावल नु आ वारचपुकीमी ब्रांडचा कली लोत्र पाइबाक्तेक्म” देशो मिम्ताक्नी हना, गे दूली मिम्ताक्नी। आंइ दाक्शो लोकबपुकी, गो इन कली शंशा लोत्र पकानु, परमपरमु यावे आ डांडती जिम्मा बरशा खरीस्त आ अधिकार तशा, इन कली रिम्शा दुम्त, दे मिम्शा शंताक्क। २०मुल गुरुम्यानु, मार दुम्बा, दो दुम्ब, दे थुं ग्येथ लक्च पा बाक्नुड। मारदे हना गुरुम्यानु, आं दाक्शो खोदंशो मपाइनीनी को, गो यो इन दाक्शो खोदंशो मपाइनुडा को? मिनु मगारथु, जिचा बोक्शा, गेहे पमुशा, गाइशशा, आंम कली ठेयब सल्व्मुशा, शुक्शी पमुशा, मुर आन पर्वम मरिम्शो लोत्र पा नोफा मुइक्मुशा, ठेयब लेशशा, खडड मडड दुम्न्या को? २कोरिन्थी १०:२ २१गो लेशशा जाक्डानु, परमपरमु यावमी आं कली आइक्च सल्व्वा को, दे हिनुड। मिनु डांडती पाप पाइब नु परमपरमु यावे ग मलेप्व आन पर्वम सुता पचा माल्नुडा को? डांडती मेकोपुकीमी ग्रांगरा दिचा डा, तल्लेम नु हंथ गेय पास्तेक्म। २कोरिन्थी १३:२

हिंच कांडशो

१मुल गो इन कली गुरुथ पिडानु, सां १३ खेयप दुम्नुड। निसाफ पामेनु, सांक्छी निकशी सां वोइशशा, मेको आन लोत्रमी दोस गरुंडशा, सजाइ गेचा माल्व। व्यवस्था १९:३५; मती १८:१६ २मोपतीके सजाइ गेचा पुंडसीब आन कली सजाइ मगेथु, मपरांडनुड। मारदे हना एको क्यडा डांडती जाक्डानु, मो मपचा, दे शंशो नन्नी। ३गेपुकीमी “पावल खरीस्त आ सक्ति तशा, अधिकार पाइशशा बाक्माक्ते” दे इन मिक्चीमी तचा माल्वाक्तीनी, दे तुइक्ताकड। खरीस्त इन दातेमी मचाप्व ममाइ, शुश सक्ति

पाइश्शो बाक्व, दे कांडताक्व। ४ मारदे हना मेको मचाप्त्र दुम्शा, शीम केष्शा कांटी थोक्शा क्याइश्शा साइक्चा पुंडसाक्व। तन्न परमपरभु यावे आ सक्तिमी बेक्शा रे संचा पुंडसाक्व। मोदंशो पा गो यो मेको नु मारइ पने मचाप्त्र दुम्नीकी। तन्न गपुकी नु बाक्कानु, बेक्शा रे संचा पुंडसीशा, परमपरभु यावे आ सक्ति तशो सक्ति पाइश्शा गेय कांडनीकी।

५ इन थमा सुइक्तीक ठीक बाक्बा देय मबाक्व आमा नाक्शा कोवर्ड्डीने। आमा नाक्तीन। येसु खरीस्त इन आगाम बाक्व, दे मपरंदीन। मबाक्त हना इन गेय शोर गाक्शा दुम्ब। ६ गो आंइ शंशोमी इन कली रिम्शो पाइतक, दे तुइक्नीकी। मिनु गे यो मोदंशो मिम्नीनी, दे आस पाइनीकी। ७ गो मारइ मरिम्शो मपन, दे गो परमपरभु यावे कली पुंडनीकी। गो गराशो मुर खोदंशो दुम्चा ममाइ, तन्न ठीक पाइब दुम्मीन। गो ठीक मपाइब खोदंशो दुम्तक हना यो, गे रिम्शो पाइब दुम्नीकी। ८ गोपुकीमी थमा लोव्र थमा पाइनीकी। दूली नु जोल लोव्र कली थमा देने मचाप्नीकी। ९ गो मारइ पने मचाप्त्र दुम्शा बाक्तक। तन्न

इन कली बोल्यो दुम्शो तशा ग्येनीकी। गो परमपरभु यावे कली “कोरिन्थीपुकी रिम्शो दुम्मल” दे पुंडना पुंडन बाक्नीकी। १० गो इन नेक्था मबाक्कानु, एको चिठी बरंक्नुड। मिनु आं जाक्ची ना गो इन कली हुइश्शा, परभुमी आं कली गेशो अधिकार कांडचा ममाल्ड्ल। मेको अधिकार सल्वा कली गेशो बाक्त, परत्वा कली ममाइ। २कोरिन्थी १० :११ ; २कोरिन्थी १० :८

### नोले डा लोव्र

११ आं लोक्वपुकी, मुल रिम्शो बाक्कीन। रिम्शो पने। आं लोव्र नेशा टीब दुमीन। इन दातेमी गारमुने। थुं नाइश्शा बाक्कीन। दाक्तीक नु थुं नाइक्तीक गेब परमपरभु यावे गेपुकी नु बाक्त। फिलिप्पी ४ :४ ; रोमी १५ :३३ १२ परभु आ नेमी मुम्मुशा, आसीक गेमुने। १३ गो नु बाक्व थमा सुइक्व नेल्लेमी इन कली “रिम्शो बाक्कीन” देतेक्म। १४ इं परभु येसु खरीस्त आ शिशी, परमपरभु यावे आ दाक्तीके नु परमपरभु यावे आ सोक्त गना हना यो गेपुकी नु लील।

## गलाती

बरेकब मुरः एको चिठी पावलम गलातीया रागीम बाकब यहूदी आन कली बरेकशा बाक्त ।

गना बरेकशाः एको चिठी बरेकचा क्यडा डांइती पावलामी निक्शी ख्यप गलाती आन कली शंचा कली मेकर बाकशा बाक्त । पररित १६ :६ ; पररित १८ :२३ मेको निक्शी ख्यप लशा, लेशा लची ना बरेकशा बाक्त । मेको ५५ ए. डी. बाक्त ।

मार बरेकशाः गलातीपुकीमी पावल आ शंशो मुल रे “येसु खरीस्त आ पतीक रे ला परमपरभु यावे आ मुर दुम्ने चाप्नीम” दे शंशा, दे मगारब मिम्तमे बाक्त । मेकोपुकी लेशा “यहूदी आन माइत पतीके पचा माल्ब” दे दूली शंब आन लोत्र नंचा गोम्तेकम । “येसु ला पाप रे परांडब बाकब” देशो एको चिठी डा ठेयब लोत्र बाकब ।

### डांइती डा लोत्र

१ गो सोइश्शा बरेत्वा पुंडसीशा पावल नड ।  
 १ आं शंतीक लोत्र मुर आन लोत्र ममाइ । मुरपुकीम सोइश्शा यो मनड । येसु खरीस्त कली बरेकशा रे संब इं आफ परमपरभु यावे नु येसु खरीस्त आस सोइश्शा नड । गलाती १ :११-१२ २ गो नु काथा बाकब थमा सुइकब लोकबपुकीमी गलातीया रागीम बाकब येसु खरीस्त आ नंमी देल्ब इन कली एको चिठी सोइक्ताकक । ३ इं आफ परमपरभु यावे नु परभु येसु खरीस्तम इन कली शिशो पा इन थुं नाइश्शा बाकचा गम्सकत । ४ परभु येसु खरीस्तमी इं पाप क्याम्चा नु रागीम गरूशा मरिम्शा पतीक रे परांडचा कली आ गिम गेन्तु । आ मोदेशो पशा चहिं इं आफ परमपरभु यावे आ दाकशा बाक्त । गलाती २ :२० ; १तिमाथो २ :६ ; तीतस २ :१४ ; १यूहन्ना ५ :१९ ५ इं आफ परमपरभु यावे कली ठेयब सेल्वा गेनायो मप्रांडय । आमन ।

### येसु खरीस्त आ लोत्र का ला बाकब

६ इन कली तशा, गो लुक लाक्ती । मारदे हना इन कली येसु खरीस्त रे पा शिशो पा आ गे बरेकब कली परांडशा, अर्का आन ग्येरपाइकब लोत्र नंतीनी । ७ थमा लोत्र चहिं का ला बाकब, दे रुपीन । खरीस्त आ ग्येरपाइकब लोत्र दूली पा शंबपुकी जाकशा, आन दूली शंशामी इन थुं क्याल्पाइक्तेकम । पररित १५ :१,२४ ८ मिनु

गोपुकी डांइती आंइ शंशा ग्येरपाइकब लोत्र क्यडा अर्का ग्येरपाइकब लोत्र शंताकक हना, गोपुकी सराप रकल । परमपरभु यावे आ स्वर्ग डा गय पाइबमी मोपा अर्का ग्येरपाइकब लोत्र शंताकब हना मेको यो सराप रल । ९ गो इन कली “सु सुमी अर्का ग्येरपाइकब लोत्र शंतीमी, मेको सराप रमल” दे लेशा देनुड । १तिमाथो ६ :३ १० मार, गो मुर आन थुं नुपाइकचा माल्नुडा डा ? गो परमपरभु यावे आ थुं कका नुपाइकचा माल्नुड । गो मुर आन थुं नुपाइक्तीक लोत्र पाता हना, खरीस्त आ गय पाइब माइकचा मपुंडसीनुड । १थिस्सलोनिकी २ :४-६

### पावलम आंम पबंम लोत्र पशा

११ आं लोकबपुकी, गोमी इन कली शंशो ग्येरपाइक्तीक लोत्र मुर आन लोत्र मबाकब । १२ गो मेको मुरुमी शंशा नंपाइश्शा मनड । येसु खरीस्तमी तपांडसीशा, शंताक्यी । पररित ९ :१-१५ १३ साइ गो दोपा यहूदी धर्म बरडा, मेको नंशा तुइश्शा बाकनीनी । मना गो येसु खरीस्त आ नंमी देल्ब आन कली खदा पपाइश्शा ग्याइकपाइश्शा चोकपाइश्शा, श्येत गेतामी । मेको आन कली साम्चा, दे शुश गेय पाता । १४ आं पालामी नेल्ब आन क्यडा शुश धर्म पा आंइ यहूदी आन रिती थिती पाता । अरु आन कली यो आंइ किर्की पिपीम पशा रिती थिती पपाइक्नुडमी, दे आं थुं फरंशा बाकशा नड । पररित २३ :६ ; पररित २६ :५ १५ परमपरभु यावेमी चहिं काबु आं मोदेशो पचा तेक्ती । मारदे हना आ दाकशा पा आं जरमंचा डांइती रे योत्रशा, आ लोत्र शंब सेल्बे थुम्शा बाकमाक्त । येरमीया १ :५ ; रोमी १ :१ १६ मोपतीक आ ती येसु खरीस्त कली तपाइक्ती । मिनु शुश अर्का रागी डा मुर आन कली आ ती आ पबंम शंथ सोइक्ताक्यी । मेको शंचा आ पबंम गो सुइ नु लोत्रसी मपड । अर्का मुर आन अर्ती यो मनंनु । मत्ती १६ :१७ ; गलाती २ :७ १७ गो यरूस्सलेमम बाकब आं डांइती बरेत्वा पुंडसीशा शंथ सोइश्शा आन कली गरूम्य यो मलड । अराब रागी लशा हिरशा, दमस्कस सहर जाकदीश्शा बाक्ती । १८ मिनु बर्स सां नोले केफास गरूम्य यरूस्सलेम लती । मिनु केफास नु १५ नाक्ती सम्म बाक्ती । यूहन्ना १ :४२ ; पररित ९ :२६-२७ १९ मना खरीस्त आ सोइश्शा सुइ आन कली मगरुमुमी । परभु आ लोकब याकब चहिं गरुम्ता । मत्ती १३ :५५ २० गोम इन कली बरेकशा लोत्र थमान

बाक्व, दंनुड। जोल ममाइ, दे परमपरभु यावेमी तुइक्व। ११ नोले यरुसलेम रे गाक्शा, सिरीया नु सिलीसीया रागी हिरथ लती। पररित ९:३० २२ यहुदीया रागीम बाक्व खरीस्त कली थमा सुइक्व आन गरुस्तीकमी आं कली गेनायो मतशा बाक्मा बाक्त। २३ मेकोपुकीमी आं पर्वमी “साइ ई कली खेदा पा एको लोत्र साम्वा देबमी मुल एको लोत्रन शंशा शंन बरपाइक्वबाक्त” दे नंशा बाक्तेक्म ने। २४ मेको नंशा परमपरभु यावे कली ठेयब सल्लेक्म ने।

### साइश्शोपुकीमी बरशा

१ यरुसलेममी केफास नु याकूब गरुम्शा, २ १४ बर्स नोले लंशा, यरुसलेम लती। गो नु बारनाबास यो लत। तीतस कली यो लाइक्तस्कु। पररित १५:१-२९; पररित ४:३६ २ येसु खरीस्तमी यरुसलेमम बाक्व साइश्शोपुकी नु लोत्रसी पथ लावो, दे तुइक्पाइक्तीके लशा नड। मिनु जाक्दीश्शा, साइश्शोपुकी नु अरु आन कली लां कांडब दुम्शा आन कली सुप्शा, अर्का रागी डा मुर आन कली मार मार शंदुमी, मेको नंपाइक्तामी। मारदे हना मेकोपुकीमी गोम शंशा तुइक्का माल्नीम। मतुइक्ताक्म हना, आं मिम्शा नु आन मिम्शा मगारब। मिनु आं दंशा मनंनीम, दे मिम्शा नड। मिनु मेको नंपदुमीनु, आं दंशा ठीक लाक्तेक्म। ३ मारदे हना गो नु लशा गरीक डा तीतस कली खरोइक्तीक चिनु खरोइक्पाइसो मदेथु, बराम्तेक्म। पररित १६:३; १ कोरिन्थी ९:२१ ४ तन्न मेकर सुम्सीशा बाक्व आन मतुइक्थु थमा सुइक्व दुम्बु पा, दूली शंब ब्वाइसाक्म। मोपा गोपुकी नु ब्वाइसीशा, आंइ थुं कोत्रशा बाक्तेक्म। गोपुकी खरीस्त येसुमी यहुदी आन रिती थिती पचा परांडशा बाक्तेक्म। तन्न मेकोपुकीमी यहुदी आन रिती थितीम लेप्पाइक्का बोल पाम्तेक्म। ५ येसु खरीस्त आ लोत्र थमा बाक्व दंशा, मेको दूली शंब आन लोत्र नंशा, छिन का यो गु बरश्शा मबाक्क। मिनु मोदंशा पशामी इन कली शंशा ग्येरपाइक्व लोत्र थमा बाक्व, दे कांडताक्क। गलाती ३:१

६ परमपरभु यावेमी मुर आन कली ठेयब आइक्व मसल्लेक्म। मुर आन थुं नल्ले तुइक्व। मुल लां कांडब दुम्शा आन कली मान पाइनुडमी। मेको लां कांडबपुकीमी अर्का लोत्र शंशा कली मतम्देम। ७ मेकोपुकीमी आं कली परमपरभु यावेमी अर्का रागी डा मुर आन कली

शंथ सोइक्ताक्व, पतरुस कली चहिं यहुदी आन कली शंथ सोइक्ताक्व, दे रुत्तेक्म। एफिसी ३:१२ ८ पतरुस कली यहुदी आन कली शंथ सोइक्व नु आं कली अर्का रागी डा मुर आन कली शंथ सोइक्व कानाइ बाक्व, दे रुत्तेक्म। ९ गो थमा पा एको शंतीक गेय कली योत्रशा नड, दे रुप्शा, याकूब, केफास नु यूहन्ना सांफामी बारनाबास नु आं कली “गो ई यहुदी आन कली शंतीकी। ग निक्शी चहिं अर्का रागी डा मुर आन कली शंथ लस” दंशा, ग्युरा गुइमी ग्याइश्शा, लोत्रसी गारपाइक्तेक्म। यूहन्ना १:४२ १० मिनु दोपा शंचा, मार शंचा, दे मारदे मदेम। मथीब आन कली शिशी पाइक्का ला देतेक्म। मेको आन लोत्र टिशा, शुश आन कली शिशी पाइक्तामी। पररित ११:२९-३०; २ कोरिन्थी ८:९

### केफास कली हुइश्शो

११ काबु केफास एन्टीओकमी जाक्त। मिनु गरुम्कुनु हुइक्ताक्क। मारदे हना आ पशा तशा आं थुं मनुड। १२ डांडती मेकोमी अर्का रागी डा थमा सुइक्व नु काथा जशा, नोले याकूबमी साइश्शा वारच का निक्शी जाक्मा रे यहुदीपुकी नु ला जचा गोपु। मारदे हना यहुदी जात डा थमा सुइक्वपुकीमी आ कली मोदंशा पा जशा तशा, मरिम्शा सुइक्नीम, आ लोत्र यो मनंनीम, दे हिंशा मो पापु। पररित ११:२-३ १३ मोदंशा पाइब आ ला ममाइ। यहुदी थमा सुइक्व नल्लेमी दिल्शा, जसु पा काइताक्म। बारनाबासमी यो आन पशा मोदंशा पचा गोपु। १४ मिनु मेको आन मोदंशा पशा चहिं खरीस्त आ लोत्र नु मगारब देती। मोपतीक मेको आन कली सुप्शा, केफास कली “गो यहुदी नव। तन्न इं यहुदी बुद पा आन पतीक पचा परांडशा, अर्का रागी डा मुर मोदंशा दुम्ते। मोपतीक अर्का रागी डा मुर आन कली इं यहुदी रिती थिती पपाइक्का दुम्बा? १५ गोपुकी यहुदी नय। अर्का रागी डा मुरपुकीमी परमपरभु यावे कली मतुइक्नीमी। आ अरेशो लोत्र मतुइक्थु, मटीनीम। गो मोदंशा मनय। १६ इं यहुदी रिती थिती पतीके ठीक मडुम्नय। खरीस्त येसु कली थमा सुइक्तीके ठीक दुम्नय, दे रुत्तय। मोपतीक इं यहुदी रिती थिती पचा परांडशा, खरीस्त येसु कली थमा सुइक्तय। गो लंशा दंनुड, रिती थिती पतीके सुइ ठीक मडुम्नीम। परमपरभु यावेमी मुर आन कली येसु खरीस्त कली थमा सुइश्शा तशा, ठीक दुम्पाइक्व। रामी

३:२०,२८ ; एफिसी २:८ १७ गो यहूदी बाक्तय हना यो, येसु खरीस्त कली थमा सुइक्तीक ठीक दुम्तय। मोपान अर्का रागी डा मुर खोंदेंशो दुम्तय। मिनु येसु खरीस्तमी मुर आन कली पापी सल्शा, पाप बारपाइक्व, दे मिम्चा डा ? मोदेंशो ममिम्चा। १८ गो रिती थिती पचा परांडता। मुल लेंशा रिती थिती पशा, ठीक दुम्चा माल्ता हना, गो थमान परमपरभु यावे आ लोत्र मटीब दुम्नुड, दे रुता। १९ गो यहूदी आन पतीक आन पर्वम बरक्शो मुर दुम्ती। खरीस्त नु काथा शीम कांटी थोक्शा, क्याइश्शा साइक्चा पुंडसाक्वी। मुल गो परमपरभु यावे आ दाक्शो पा ब्रांडनुड। २० तन्न गो मब्रांडनुड। खरीस्त आं आगामी ब्रांडब। तन्न आं मुल ब्रांडतीक गो परमपरभु यावे आ तौ कली थमा सुइश्शा ब्रांडनुड। मेकोमी आं कली शुश दाक्शा, आं पशो पाप आ पर्वम साइक्चा पुंडसाक्व। यूहन्ना १७:२३ ; पररित १:४ २१ परमपरभु यावमी मा गेशो शिशी खर मसोइक्नुड। यहूदी आन पतीक पाप र ब्रांडसीब हना, खरीस्त साइक्चा पुंडसीशा बरक्शा शोर गाक्शो मदुम्बा डा ?” दे केफास नु मेकर देल्शा बाक्व आन कली माइक्तामी।

### थमा सुइश्शोमी ठीक दुम्सीब

१९ गलातीपुकी, मे मरुख मुर दुम्नी बाक्त। ३ सुमी मोपा इन थुं हिरदा ? येसु खरीस्त कली शीम कप्शा कांटी थोक्शा क्याइश्शा साइक्तेक्म, दे इन मिक्चीमी तशो खांदेब पा नंपाइक्तान्नी। मुल मेको लोत्र परेदीनी ? २ मुल लोत्र का निक्शी हिल्लो पाइक्नन्नी। परमपरभु यावे आ सोक्त दोपा तनी ? यहूदी आन पतीक पशोमी तनी देय खरीस्त आ लोत्र थमा सुइश्शोमी तनी ? लो देनीन। ३ मारेइ मरुख मुर दुम्नी ? परमपरभु यावे आ सोक्तीम पिरंशो थुं गेचा पुंडसीशा, परभु आ लां खोइक्चा गोइतीनी। मिनु मुल मुर आ थुमी मिम्शो पशा, जाक्दीय्य, दे मिम्तीनी ? ४ परभु आ लां खोइश्शा गाक्नीनु, मारेइ मारेइ ताइतीनी। मुल मेको लां परांडतीनी हना, मेको नेल्ल मसाम्नीनी डा ? ५ परमपरभु यावमी इन कली आ सोक्त गेशा, छक लाक्चा डा गय कांडताक्व। यहूदी आन पतीक पशो तशा, मोदेंशो छक लाक्चा डा गय कांडता डा ? खरीस्त कली थमा सुइश्शो तशा, कका छक लाक्चा डा गय कांडताक्व।

६ अबराहाम आ पर्वम “अबराहाममी परमपरभु यावे कली थमा सुइक्तु। मिनु परमपरभु यावमी

ठीक दुम्पाइक्तु” दे बरक्शो बाक्व। उत्पत्ती १५:६ ; रोमी ४:३ ७ थमा सुइक्तीके ठीक दुम्शो मुरपुकी अबराहाम आ आल नम, दे रुपीन। ८ अर्का रागी डा मुरपुकी थमा सुइक्तीकेमी ठीक दुम्पाइक्चा पुंडसीनीम, दे परमपरभु यावे आ लोत्रम बरक्शो बाक्व। मारदे हना अबराहाम कली “इ लां र पा नेल्ल रागी डा मुरपुकीमी आसीक ताइनीम” दे बरक्शो बाक्व। उत्पत्ती १२:३ १ मोपतीक सु सुमी अबराहाममी थमा सुइश्शो खोंदेंशो पा थमा सुदम, मेकोपुकी अबराहाम आ आसीक यो ताइनीम। रोमी ४:१६ १० सु सुमी चहिं यहूदी आन पतीक पा, ठीक दुम्चा माल्म, मेकोपुकी सराप राइनीम। मिनु “परमपरभु यावमी अरेशो लोत्र नेल्ल टिचा माल्ब। सु सुमी लोत्र नेल्ल टिशा पशा, का चहिं मटीम, मेकोपुकी सराप राइनीम” दे बरक्शो बाक्व। ब्यवस्था २७:२६ ११ सुइमी यहूदी आन पतीक पशा परमपरभु यावे आ डांडती ठीक मदुम्नीन, दे तुंडसीब। “थमा सुइश्शो र पा ठीक दुम्पाइक्चा पुंडसीब चहिं गना हना यो ठीक बाक्नीम” दे बरक्शो बाक्व। हबकुक २:४ ; रोमी १:१७ ; हिब्रू १०:३८ १२ परमपरभु यावे आ अरेशो लोत्र येसु खरीस्त कली थमा सुइक्तीक र मबाक्व। “सुइम परमपरभु यावे आ अरेशो पशो हना, मेको र पा ब्रांड वा” दे बरक्शो बाक्व। लेवी १८:५ १३ खरीस्तमी सुइमी मेको लोत्र टिने मचान्नीम, दे तुइश्शा, इं पा डा सराप रशा, मेको सराप र परांडतु। मिनु “शीम क्याइश्शा साइक्चा पुंडसीबपुकी सराप रशा बाक्नीम” दे बरक्शो बाक्व। ब्यवस्था २१:२३ ; २कोरिन्थी ५:२१ १९ खरीस्त येसु सराप रमनु, अर्का रागी डा मुरपुकी यो अबराहाम आ तशो आसीक ताइनीम। मिनु यहूदी आन पशो पतीक र ममाइ। खरीस्त येसु कली थमा सुइश्शो र पा गोपुकीमी परमपरभु यावमी गनुड देशो आ सोक्त ताइतय, दे रुब्य।

### परमपरभु आ गेशो नु अरेशो लोत्र

१५ आं लोकबपुकी, कथा सेल्शा रुप्याइक्नन्नी, कागज बरक्शा, बरप्चो दिम्ने थुम्शो डा मेर मेको बरक्शो लोत्र लोब। सुइमी मारेइ लोत्र क्याम्ने तेम्ने मचान्नीम। १६ परमपरभु यावमी अबराहाम नु अबराहाम आ युइ का कली “इ लां र पा रागी नेल्ल डा मुरपुकी आसीक राइनीम” दे आ लोत्र गेशो बाक्त। शुश आन कली ममाइ “इ युइ का कली” दे बरक्शो बाक्व। मेको लोत्र खाप्ब चहिं खरीस्त बाक्व। उत्पत्ती २२:१८

१७ आं देशो रूपीन। परमपरभु यावमी अबराहाम कली गेशो लोत्र कागज बरेकशा, बरेचो दिण्शो सोदंशो बाक्व। मेको लोत्र गेशा, ४ सहं ३० बर्स नोले आ अरेशो लोत्र तुइकपाइशो बाक्त। मेको अरेशो लोत्रमी डांडती गेशा लोत्र खरोइकने मचाप्व। परस्थान १२ :४० १५ अरेशो लोत्र पतीक हक ताइब दुम हना, परमपरभु याव आ गेशो लोत्र खरोत वा। परमपरभु यावमी “हक ताइनव” दे अबराहाम कली आ लोत्र गेशो बाक्त। १९ अरेशो लोत्र शोर गाकशो मदुम्बा डा ? नेनीन, परमपरभु यावमी अबराहाम कली गेशो लोत्र साप्व, दे तुइकनय। मेको युइ मजरमथु, परमपरभु याव आ अरेशो लोत्र रे पा पाप माइशो मार में, दे तुइसीशो बाक्त। मेको लोत्र परमपरभु याव आ स्वर्ग डा गेय पाइबमी गारपाइक्व का आ गुइमी गेशा, मुर आन कली तुइकपदा बाक्त। रोमी ५ :२० ; पररित ७ :३८, ५३ ; हिब्रू २ :२ ; व्यवस्था ५ :५ २० गारपाइक्तीक गेय पचा कली मुर का मदुम्ब। तन्न परमपरभु याव आ का ला बाकशा लोत्र गेशो बाक्त।

२१ अरेशो लोत्र नु परमपरभु यावमी गेशो लोत्र मगारचा डा लोत्र नसी डा ? ममाइ। बरोइचा गेचा कली अरेशो लोत्र का गेशो हना, थमा पा ठीक पतीक अरेशो लोत्र रे पा दुम वा। रोमी ८ :२-४ २२ तन्न परमपरभु यावमी बरेकपाइशो लोत्रमी “मुर नेल्ल पाप आ वाइलीम वाइल दुमशा बाक्नीम” दे बरेकशा बाक्व। सु सुमी येसु खरीस्त कली थमा सुदम, मेको आन थमा सुइशामीन “पाप रे बरोइचा ताइनीम” दे गेशो लोत्र साप्वो ताम्तेकम। रोमी ३ :१-२० ; रोमी ११ :३२

२३ थमा सुइक्तीक जाकचा क्येडा डांडती अरेशो लोत्र पना पन बाक्तक। मोपा थमा सुइक्तीक मजाकम सम्म चोक्सीशो सोदंशो बाक्तक। गलाती ४ :३ २४ मोपतीक मेको अरेशो लोत्रम आंइ कली हिंच कांइशा, खरीस्त आ लां गाकपाइक्व दुस्त। मोदंशो बाक्त हना, थमा सुइक्तीक रे ठीक दुमनय। २५ तन्न थमा सुइक्तीक जाकचा नोले हिंच कांइब ममालनय। रोमी १० :४ २६ खरीस्त येसु कली थमा सुइशशा, गे नेल्ल परमपरभु याव आ तमी तौ दुमतीनी। युहन्ना १ :१२ ; रोमी ८ :१७ २७ गे खरीस्त आ नेमी ब्वाक्कुम खरुम्शा गरुंडपांडसीशोपुकी येसु खरीस्त फकशो सोदंशो पा, खरीस्त नु रां का दुमतीनी। रोमी ६ :३ ; रोमी १३ :१४ २८ मोपा रां का दुमशा आन कली यहूदी नु गरीक, वाइल नु

होत्रप, मीश मुर नु वांइश मुर मतिल्लीब। मेको खरीस्त येसुम नेल्ल खाल का डा बाक्नीम। रोमी १० :१२ ; १कोरिन्थी १२ :१३ २९ खरीस्त नु रां का दुमशा, अबराहाम आ चच युइ दुमतीनी। परमपरभु यावमी अबराहाम कली गेशो लोत्र गाप्वो, हक ताइब दुमतीनी।

### हक ताइब दुमत्य

१ मोरइ मतुइक्व आल हक ताइब दुस्त हना  
 ४ यो, मेको खिं डा तौ बाक्त हना यो, गेय पाइब वाइल सोदंशो मिम्सीब। २ मेको मकोल्म सम्म टेयब मुर आन गुइमी बाक्व। आ आफोमी “मुल आ हक गेचा” मंदम सम्म आ तचा डा हक मताइब। ३ गोपुकी मेको खिं डा आल सोदंशो बाक्तय। कोल्शा इं हक मतशो सम्म गो एको रागी डा सक्ति आन वाइल दुमशा बाक्तय। गलाती ५ :१ ; कलस्सी २ :२० ४ मिनु नोले परमपरभु यावमी वोइशो नाक्त आ तौ कली सोइक्ताक्व। मेको आ तौ मीश मुर रे परमपरभु याव आ अरेशो लोत्रमी जरमसाक्व। मर्कुस १ :१५ ; एफिसी १ :१० ५ मेकोमी मुर दुमशा, यहूदी आन पतीक पाइब आन कली परांइशा, परमपरभु याव आ तमी तौ सेल्लतीमी। ६ गो आ तमी तौ दुमशापुकी परमपरभु यावमी आ तौ आ सोक्त गेचा पुंडसाक्य। मेको सोक्तीमी “आब्बा, आं दाकशो आफ” देब। रोमी ८ :१५ ७ मोपतीक गो वाइलीम वाइल दुमचा परांइशा, परमपरभु याव आ तमी तौ दुमशा, हक ताइब दुमत्य। रोमी ८ :१६-१७

### तमी तौ दुमशापुकी

८ डांडती गे परमपरभु याव कली मतुइक्व, देवी देवता आन कली सउ पा, मेको आन वाइलीम वाइल दुमतीनी। ९ मुल चहिं परमपरभु याव कली तुइक्ताक्नी। मिनु परमपरभु यावमी यो इन कली तुइक्ताक्व। मिनु मुल लंशा डांडती पशो सोदंशो पचा दाक्नीनी ? १० गोपुकीमी बार, औंसी, पूर्न नु रीतु मानेनीनी। शुश मादंशो रिती थिती पाइनीनी देशो नेता। रोमी १४ :५ ; कलस्सी २ :१६, २०, २१ ११ गो श्रुश श्येत पा येसु खरीस्त आ लोत्र शंताक्नी। इन कली शंशा श्येत ला जडा कां, दे मिस्ताकड। २ युहन्ना ८

१२ आं लोकपुकी, गो रिती थिती पचा परांइशा, येसु खरीस्त कली थमा सुइक्ता। आं सोदंशो पा थमा सुइक्चा मपरांइथु बाक्नीन, दे इन कली देंनुड। साइ गेपुकी नु बाक्डानु,

गारशा बाक्तय। गेपुकीमी आं कली वारच पशो मिम्शा, मुल यो मपरंनुङ्। १३ मना गो रोइ पा, मचाप्यु यो येषु खरीस्त आ ग्यरपाइक्व लोत्र शंताक्नी। १४ कोरिन्थी २:३; पररित १६:६ १४ आं कली मोदंशो रोइ पशो तशा गरांगरा मदित्तीनी। मरिम्शा लोत्र यो मपाइय्यीनी। श्यत पा वारच पाइतीनी। परमपरभु यावे आ स्वर्ग डा गेय पाइक्व कली बरशा खोदंशो पा मान पाइतीनी। खरीस्त येषु कली बरशा खोदंशो पा बरतीनी। १५ मना ग्यरसीशा बाक्तीनी। मुत्त इन ग्यरसीशा ते लाक्पा? मना इन मिक्च फश्शा, आं मिक्चीम केप्वा डा दुम्तीनी। आं बेक्चा डा गेपुकी बेक्चा ठीक दुम्तीनी। १६ मुल इन कली हुइश्शा, थमा लोत्र शंदन्नीनु, आं कली मरिम्शा सुइक्तीनी? १७ नेनीन, दूली शंबपुकीमी इन कली मिलो शिलो पा, येषु आ लां खोइक्चा परांडपाइक्चा माल्नीम। मेकोपुकीमी इन कली मान पसु पा, आंम आन कली मान पपांडसीनीम। गलाती १:३७ १५ शंब आन लोत्र नंचा रिम्शा बाक्व। गेपुकी नु बाक्ती हना यो, मबाक्ती हना यो, शंब आन लोत्र नंचा मपरांनीन। तन्न शंशो लोत्र थमा बाक्म कां दूली बाक्म, मेको रुप्वा माल्नीनी। १९ आं दाक्शो आलपुकी, मीश मुर्मी आल थिचामेनु, श्यत जाइनीमी। शुश खोइक्व। आल थिचशा मीश मुर्मी श्यत जशा खोइश्शा खोदंशो पा, गो इन कली मिम्शा, श्यत जाइनुङ्। इन थुमी खरीस्त बारल, द मिम्शा, मोदंशो पा आं थुं खोइक्ती। १४ कोरिन्थी ४:१५ २० गेपुकी नु काथा बाक्शा लोत्र पचा तङ् हना, गिश रिम्शा दुम वा। गो इन कली तशा मार पचा दो पचा दुम्शा बाक्नुङ्।

### अबराहाम आ तौ निक्शी

२१ गे रिती थिती पचा दाक्वपुकी, अरेशो लोत्रमी मार बरक्शो बाक्वा, मेको तुइक्तीनी? २२ मार बरक्शो बाक्व दंशा हना, अबराहाम आ तौ निक्शी बाक्ताक्स। का वाइलीम आ तौ बाक्त, का ग्युंबे पशो मीश आ तौ बाक्त, दे बरक्शो बाक्व। उत्पत्ती १६:१५; उत्पत्ती २१:२ २३ वाइलीम आ तौ मुर आ दाक्शो पतीकेम जरमेशा बरांडशो बाक्त। ग्युंबे पशो मीश आ तौ च्हि परमपरभु यावेमी अबराहाम कली गेशो लोत्र गाप्शा, जरमेशा बरांडशो बाक्त। रोमी १:७-९ २४ अबराहाम आ ग्युंबे पशो मीश नु आ वाइलीम मीशमी कवल पशा लां निक्शी कांडनीसी। लां का सीने डा लां

बाक्व। मेकोपुकी वाइलीम वाइल बाक्तेक्म। मारदे हना हागार माइश्शा वाइलीम आ चच युइ बाक्तेक्म। गलाती ५:१; रोमी ८:१५ २५ हागार दंशो मार रुम्सीब दंशा हना, अराब रागी डा सीने डांडा रुम्सीब। सिनाक्त मुलाक्त यरूसलेममी बाक्वपुकीमी हागार आ लां खोइश्शा, रिती थिती पा वाइलीम वाइल दुम्शा बाक्नीम। २६ इर डा यरूसलेम च्हि परांडसीशा बाक्व। मेको यरूसलेम कली ई ममा मिम्नय। हिब्रू १२:२२; प्रकाश २१:२ २७ मारदे हना “ए गनायो आल मथीब मीश मुर, कुम्सो पा ग्यरसो। गे आल मथिशो मुर बाक्ते हना यो, इ कली ममा दंब शुश दुम्नीम। ग्युंबे पा आल थिशो नेल्ल आन क्यडा गे मान पाइक्चा पुंडसीनव” दे बरक्शो बाक्व। यसेया ५४:१ २५ आं लोकवपुकी, इसहाक जरमेशो खोदंशो पा गे परमपरभु यावे आ गेशो लोत्र गाप्शा, आ तमी तौ दुम्तीनी। २९ मुर रे जरमेशोमी मेको सोक्तर रे जरमेशो कली मदाक्थु हेला पा खेदा पाइब। मेको मोदंशो मुल यो बाक्व। ३० मिनु मार बरक्शो बाक्त दंशा हना “वाइलीम आ तौ कली गरुंडशा खरचा। मारदे हना वाइलीम आ तौ ग्युंबे पशो आ तौ नु हक मताइब” दे बरक्शो बाक्व। उत्पत्ती २१:१० ३१ आं लोकवपुकी, वाइलीम आ चच युइ मनय। ग्युंबे पशो मीश आ चच युइ नय, दे रुब्ब।

### परमपरभु आ सोक्तीमी बरांडशो

१ खरीस्तमी रिती थिती पतीक लां खोइक्चा  
५ परांडपा, थमा सुइक्तीक लां कांडशा, ई थुं हिरताक्व। मोपतीक जवा लाप्शो खोदंशो पा लंशा रिती थिती पा वाइलीम वाइल मदुमीन। गलाती ४:५; पररित १५:१० २१ गो पावलमी “खरोइक्तीक चिनु रिती थिती पाइतीनी हना, खरीस्त इन पा डा बेक्शो, शोर गाक्शो मदुम्बा डा? शोर गाक्शो दुम्ब” दंनुङ्। ३ लोत्र थोक्शा का का पा शंनन्नी, खरोइक्तीक चिनु खरांडसीबपुकीमी अरेशो लोत्र नु रिती थितीम बाक्शो नेल्ल पचा माल्नीम। का यो परांडचा मदुम्ब। ४ सु सुमी रिती थिती पशोमी ठीक दुम्चा माल्मे, मेकोपुकीमी खरीस्त आ पशो साम्शा, मेको रे डोन दुम्शा आ शिशी मताइनीम। ५ गोपुकी “खरीस्त आ पतीक ठीक दुम्तय” दंशा, परमपरभु यावे आ सोक्तीमी तुइक्पाइक्चा पुंडसाक्व। ६ खरीस्त येषु नु थुं का दुम्शा, खरोइक्तीक चिनु खरोइश्शा, मखरोइश्शा आन कली मतित्थु, थमा सुइक्तीकेमी दुशा गारशा

दाकमुशा बाकशाम सक्ति बाकब। गलाती ६ :१५ ; रोमी २ :२६ ; १कोरिन्थी ७ :१९ ७ डांडती गेरिम्शो पाइतीनी। तन्न सुम इन कली थमा लोत्र मनंथु, दूली शंब आन लोत्र नंचा, दे इन थुं हिरदा ? ८ इन कली आ तमी ती सत्वमी मोदंशो मपाइब। १ बोरपाइक्व ओरुती इच्का खोइ सुष्ामी शोब्त नल्ल बोरपाइक्व, दे रुपान। १कोरिन्थी ५ :६ १० गे आं शंशो लोत्र थमा सुइक्वा मप्राइनीनी, दे परभु रे तुइक्ताकड। सु सुमी इन कली दूली लोत्र शंशा, इन थुं क्याल्पाइक्व हिरदम, मेको आन कली परमपरभु यावेमी सजाइ गब, दे यो तुइक्ताकड। गलाती १ :७ ११ आं लोकवपुकी, नेनीन, गो खरोइक्तीक चिनु खरोइक्का माल्व, दे शंथ गाकशो नड हना, खेदा पा श्येत गेचा मपुंडसीड वा। गोमी येसु खरीस्त इं पा डा बेक्त, दे थमा सुतीन, दे शंना शंन गाकशो नड। मेको शंतीक आ पर्वम आन थुं मनुथु श्येत गेतीमी। १कोरिन्थी १५ :३० ; गलाती ६ :१२ ; १कोरिन्थी १ :२३ १२ इन थुं क्याल्पाइक्वपुकीमी आंम आन रांमी चिनु खरोदमेनु, खसी पशो दुम्मल, दंनुड।

परमपरभु आ सोक्त नु मुर आ थुं

१३ आं लोकवपुकी, परभुमी रिती थिती पचा परांइपाइक्तीकी, दे गेनायो मपरंदीने। मोपा बरांइशा यो इन दला दाक्स मपने। तन्न दाकमुशा, वारच पमुशा बाक्कीन। १पतरुस २ :१६ ; २पतरुस २ :१९ १४ “आंम इ कली दाकशो खोदंशो पा, इ नेक्था बाकब आन कली यो दाक्ता” देशो लोत्रमी परमपरभु यावे आ अरेशो लोत्र नल्ल बाकब। लेवी १९ :१८ १५ गेपुकी कुचुम जिशा कराइक्मुशो खोदंशो पा जीतीनी हना, खतम दुम्नीकी, दे तुइक्तीन। याकूब ४ :२

१६ लोत्र थोक्शा, का निक्शो नु तम्शा शंनन्नी, परमपरभु यावे आ सोक्त रे पा बरांइशा गेय पने। मो पाइतीनी हना ला, इन दला दाक्स मपाइनीनी, इन थुंमी मिम्शा मरिम्शो मपाइनीनी। १७ मुर आ थुंमी मिम्शो पचा नु परमपरभु यावे आ सोक्तीम बरीशो थुं आ मिम्शो पचा मगारब। रिम्शो पय दंतीनी हना यो, रिम्शो पने मचापनीनी। रोमी ७ :१५, २३ १८ परमपरभु यावे आ सोक्तीमी चहिं इन कली गेय पपाइक्तु हना, रिम्शो पाइनीनी, अरेशो लोत्र मटीब यो महुम्नीनी।

१९ आन दला दाक्स पा मुर आ थुंमी मिम्शो पाइबपुकीमी दोदंशो गेय पाइनीम दंशा हना, तल्लेम पाइनीमी, गरांगरा दिचा डा गेय

पाइनीमी, हंथ गाकनीमी, १कोरिन्थी ६ :९-१० २० मूर्ति पूजा पाइनीमी, मन्तर तन्तर पाइनीमी, जिचा पाकनीमी, थुं खाइक्पाइक्नीमी, रुश पाइनीमी, शुश चुरनीमी, आंम कली ला मिम्नीमी, गाइक्शा बाक्नीमी, दुशा गारशा बाकब आन कली फरानीमी, २१ गेह पाइनीमी, तूशा दुक्शा हंथ पाइनीमी, शुश जाइनीमी। मारइ मारइ मरिम्शो पशा गाकनीम। साइ गोमी मोदंशो गेय पाइबपुकी परमपरभु यावे आ राज्य ओत्रचा मताइनीम, दे शंताकन्नी। मुल लेंशा मिम्पाइक्तन्नी। एफिसी ५ :५ ; परकाश २२ :१५ २२ परमपरभु यावे आ सोक्तीमी बरीशो थुं पाइक्शोपुकीमी परमपरभु यावे आ सोक्त रे पा दोदंशो पाइनीम दंशा हना, दाकमुइनीमी, ग्यरनीमी, थुं नाइक्नीमी, शुश फाल्नीमी, रिम्शो पाइनीमी, शिशो पाइनीमी, कबल खान्नीमी, २३ बरम्शो दुम्नीमी नु आंम कली चलेस जोक्नीमी। मोदंशो पाइब मुर कली परमपरभु यावे आ अरेशो लोत्रमी मारइ मपाइब। १तिमोथी १ :९

२४ सु खरीस्त येसु आ मुर दुम्शो बाक्नीमी, मेकोपुकीमी आंम रां डा दला दाक्स येसु खरीस्त खोदंशो पा शीम क्याइक्ने थुम्शो बाक्नीमी। रोमी ६ :६ २५ गो परमपरभु यावे आ सोक्तीमी बरांइतय हना, इं गेय यो परमपरभु यावे आ सोक्तीमीन पय। रोमी ८ :४ २६ मोपतीक ठेयब मसल्सीय, मगाइक्मुय अरु आन कली रिम्शो दुम्शो तशा गेह मपय। फिलिप्पी २ :३

दाकमुशा, रिम्शो गेय पा बाक्य

१ आं लोकवपुकी, सुमी आ थुंमी मिम्शा, दला ६ दाक्स पा परभु आ देशो मटिथु मरिम्शो दुम्म, गे मेको कली परमपरभु यावे आ सोक्तीमी बरीशो थुं पाइक्शोपुकीमी, ठेयब मलेत्थु, रिम्शो लोत्र पा, आ थुं परमपरभु यावे गे लेप्पतीन। मो पनीनु, थुं थाम्वा मपुंडसेक्ल, दे होस पा बाक्कीन। मती १८ :१५ ; याकूब ५ :१९ २ कामी अर्का कली वारच पने। मोपा गे खरीस्त आ अरेशो लोत्र खान्नीनी। २कोरिन्थी ११ :२९ ३ सुइ ठेयब मसुंडसेक्ल। मजोक्थु यो जोक्व तुइक्व नड, दे ठेयब लेप्पमी आंम कली जोल पांडसीब। ४ परमपरभु यावे आ सोक्तीम गेय पडा कां, आंम दला दाक्स पडा कां, दे का का पा मिम्शा तुइक्तीन। मिनु ला गे “गो रिम्शो पाता” दंने चापनीनी। २कोरिन्थी १३ :५ ५ मारद हना

नेल्लेमी आंम गेय आंमा पचा माल्व। रोमी १४:१२

६ खरीस्त आ लोत्र शंचा पुंडसीबमी शंब कली आ नु बाक्शा रिम्शो थोक्शा योक्शा गेवल। १ कोरिन्थी ९:१४ ७ परमपरभु यावे कली कांडसु पा जाल पचा मदुम्ब। परमपरभु यावमी नेल्ल तुइश्शा बाक्व। मोपतीक दूली ममिस्तीन। मुरपुकीमी मार शोक्गाम, मेको रुपनीम। यरमीया २१:१४ ८ आंम आन थुं डा मिम्शो गेय पास्तेकम हना, मेको आन गेय मलीथु जाम्शा लाइब। मिनु आ यो जाम्शा लाइनीम। परमपरभु यावे आ सोक्तीम गेय पास्तेकम हना, परमपरभु यावे आ सोक्त रे पा गेना हना यो बरोइशा बाक्चा ताइनीम। रोमी ८:१३ ९ रिम्शो गेय पचा मदने। मोपा ला गो रुपवी ना रुपने चानीकी। रथिस्सलोनिकी ३:१३ १० सुइ कली रिम्शो पचा ताइतय हना, रिम्शो पय। नेल्ल क्येडा डांडती थमा सुइक्व लोकव आन कली वारच पय। २ पत्तुरुस १:७

नोले डा लोत्र

११ ठेयब ठेयब अच्छेर बरेक्शो तशा, पावल आ बरेक्शो बाक्त, दे तुइक्नीनी। १२ दूली शंबपुकीमी खरोइक्तीक चिनु खरोइक्चा माल्व देशा, इन कली यहूदी रिती थिती पपाइक्चा माल्वनीम। “खरीस्त शीम केष्या कांटी थोक्शा साइक्चा पुंडसाक्व” दे शंतीक लोत्र आ पबंम खंदा पचा पुंडसीब, दे तुइक्नीम। मोपतीक खंदा पचा मपुंडसक्ल, दे दूली लोत्र शंनीम।

गलाती ५:११ १३ आंड यहूदी रिती थिती नेल्ल मपाइनीमी, खरोइक्तीक चिनु ला खरोइक्नीम। मिनु इन कली खरोइक्तीक चिनु खरोइश्शा तचा दाक्नीम। मोदंशो पशो तशा “आंड शंशो पामे बाक्त” दे आन नं बोरपाइश्शा गाक्चा ताइनीम। १४ नं बोरपाइक्चा दा गो यो आं नं बोरपाइश्शा गाक्ती। तन्न मुर आन पशो तशा ममाइ। इं परभु येसु खरीस्त ई पा डा शीम केष्या कांटी थोक्शा साइक्चा पुंडसीशा, इं पाप क्याम्ताक्व, दे खरीस्त आ पशो मिम्शा, आं नं बोरपाइश्शा गाक्ती। खरीस्त आ गेय डा लाक्शा मोरइ ठेयब ममिम्नुडा। रागी डा मिम्तीक पतीक नेल्ल बेक्शा खोदंशो मिम्ताक्व। रागीमी यो आं कली बेक्शा खोदंशो मिम्ताक्व। १ कोरिन्थी १:३१; १ कोरिन्थी २:२ १५ खरोइक्तीक चिनु खरोइक्चा, मखरोइक्चा मेको ममिम्तीने। खरीस्त येसु नु थुं का दुम्शा, नक मुर दुम्चा चहिं नेल्ल क्येडा ठेयब बाक्व, दे रुपीन। गलाती ५:६; १ कोरिन्थी ७:१९; २ कोरिन्थी ५:१७ १६ ग सु सु आं दंशो लोत्र टिशा पाइनीनी, मेको थुं नाइश्शा नु शिशी तशा बाक्चा ताइनीम। मेको ला ममाइ, परमपरभु यावे कली थमा सुइक्व, इसराएली, दे नं वोइक्चा पुंडसीनीम। भजन संगरह १२५:५

१७ मुल डा मेरे सुइमी श्यत मगेयीमील। येसु आ नंमी श्यत जशा, तुप्चा, युक्चा पुंडसीशा चिनु आं रांमी शुश बाक्व। २ कोरिन्थी ४:१०

१८ आं लोकवपुकी, इं परभु येसु खरीस्तमी इन कली शिशी पा, आ सोक्त इन थुंमी लीपदल। आमन।

## एफिसी

बरेक्ब मुरः एको चिठी पावलमी बरेक्शा बाक्ब ।  
 गेना बरेक्शा : एको चिठी नु कलस्सी आन  
 कली चिठी कालमी बरेक्शा बाक्ब । मारदे हना  
 तिसीकसम एको चिठी निक्शी चाक्शा बाक्त ।  
 एको चिठी रोम सहर र ६२ ए. डी. नुप्ची ना कि  
 ६३ ए. डी. गोची ना बरेक्शा बाक्त ।

मारदे बरेक्शा : तेइ तेइ थमा सुइक्बपुकी  
 श्येत जशा, आन योत्रचा पुइसीतीक नु येसु नु  
 बाक्शा परमपरभु यावे आ डांडती ठीक दुम्तीक  
 तुइइशा मिम्वा माल्नीम । एको चिठीम थमा  
 सुइक्ब आन गरुम्तीकम मार पचा नु मार मपचा,  
 दे शंशा बाक्ब । एको का निक्शी गरुम्तीक कली  
 बरेक्शा चिठी बाक्त हना यो, अरु क्येडा डांडती  
 एफिसी डा गरुम्तीक डा थमा सुइक्ब कली  
 पढेचा कली चाक्शा बाक्त ।

### डांडती डा लोत्र

१ गो पावल नड । खरीस्त येसुम आं कली  
 १ सोइक्ताक्यी । मेको परमपरभु यावे आ  
 दाक्शा बाक्त । मिनु गो एको चिठी एफिसस  
 सहरम बाक्ब येसु खरीस्त कली थमा सुइक्ब,  
 परमपरभु यावे आ मुर इन कली बरेक्ताकन्नी ।  
 २ इं आफ परमपरभु यावे नु इं परभु येसु  
 खरीस्तमी इन कली शिशो पा थुं नाइइशा  
 बाक्चा गम्संकल ।

### परमपरभु कली ठेयब सेल्शा

३ इं परभु येसु खरीस्त आ आफ परमपरभु  
 यावे कली “गे ठेयब बाक्नीनी” देय । मारदे हना  
 मेकोमी स्वर्गम आ सोक्तीम पतीक इं कली  
 आसीक गोप्तु । मेको नेल्ल खरीस्तम बाक्ब ।  
 ४ मोपतीक रागी सेल्वा क्येडा डांडती परमपरभु  
 यावेमी इं कली योत्रतु । मार कली योत्रतु देशा  
 हना, गोपुकी परमपरभु यावे आ मुर दुम्शा,  
 दोस मताइब नु दाक्ब दुम्यल, दे योत्रतु । रोमी  
 ८ :२६-३० ; एफिसी ५ :२७ ५ मिनु परमपरभु  
 यावेमी इं कली दाक्शा “येसु खरीस्त कली  
 थमा सुइक्ब दुम्नीम” दे आंम आ तमी तो  
 सेल्लु । मेकोन परमपरभु यावे आ दाक्शा बाक्त ।  
 ६ मिनु मेकोमी इं कली आ दाक्शा तो आ पतीक  
 र मुरुमी मिम्ने मचाप्चा डा शिशोम ठेयब  
 सेल्वा कली आ तमी तो सेल्लु । मती ३ :१७  
 ७ मोपा गोपुकी येसु खरीस्त आ हुशम पतीक

माफ तशा बरोइशा बाक्नय । इं हेथ पशो आ  
 पर्वम माफ ताइनय । दोपा माफ तशा बरोइशा  
 बाक्नय देशा हना, मुरुमी मिम्ने मचाप्चा डा  
 आ शिशो र पा माफ ताइनय । कलस्सी १ :१४ ;  
 एफिसी २ :७ ; एफिसी ३ :८,१६ ५ मिनु मेको  
 आ जोक्तीक तुइक्तीक नेल्लमी आ शिशो इं  
 तारी मोइइशा बाक्त । एफिसी ३ :३-६,९ ; रोमी  
 १६ :२५ ; कलस्सी १ :२६-२७ १ परमपरभु यावेमी  
 इं कली डांडती खरीस्त र आ थुमी खरुइइशा  
 वोइइशा लोत्र तुइक्पाइक्चा दाक्ताक्ब । १० मिनु  
 मेको नेल्ल ठीक दुम्मेनु, परमपरभु यावेमी  
 खरीस्त कली रागीमी सोइक्ताक्ब । मोपा रागी  
 नु स्वर्गमी बाक्ब, इसराएली नु अर्का रागी डा  
 मुर नेल्ल आन कली खरीस्तमी का सेल्लु ।  
 गलाती ४ :४

११ परमपरभु यावेमी खरीस्त र पा आ आल  
 सेल्शा, इं कली योत्रतु । मारदे हना डांडती र  
 योत्रनुडमी, दे मिम्शो बाक्माक्त । मेकोन पाप्तु ।  
 कलस्सी १ :१२ १२ गोपुकी डांडती “खरीस्तमी  
 आंइ कली मरिम्शो र परांइब” दे आस पाइतक ।  
 मोपतीक परमपरभु यावेमी आंइ कली “आ सक्ति  
 ठेयब बाक्ब” दे बरोइचा गेचा कली योत्रतीकी ।

१३ मिनु गोपुकीमी यो “येसु खरीस्तमी पाप र  
 परांइब” देशो थमा ग्येरपाइक्ब लोत्र नंतीनी ।  
 खरीस्त कली थमा सुइक्तीनी । मिनु परमपरभु  
 यावेमी डांडती देशो खांदशो पा आ सोक्तीमी  
 छाप थोक्सीशा बाक्तीनी । एफिसी ४ :३० १४ आ  
 सोक्त चहिं गोपुकी परमपरभु यावे नु बाक्ची  
 मजाक्म सम्म कली परमपरभु यावे आ तमी तो  
 दुम्न थुम्शो नय, दे कोइतीक बाक्ब । मोपतीक  
 “परमपरभु यावे आ सक्ति ठेयब बाक्ब” देनय ।

### पावलम पशो परार्थना

१५ गोपुकी परभु येसु कली थमा सुइक्तीनी ।  
 अरु थमा सुइक्ब आन कली दाक्ताकनी, दे गो  
 इन पर्वम लोत्र नंता । १६ मोपतीक गो इन कली  
 मिम्शा, परमपरभु यावे कली “गे एफिसस डा  
 मुर आन कली रिम्शो पाइतीनी” दे ठेयब सेल्शा,  
 लोत्र पना पन बाक्नुड । कलस्सी १ :४,९ १७ मार  
 लोत्र पना पन बाक्नुड देशा हना “परमपरभु  
 यावे, आंइ परभु येसु खरीस्त आ आफ ननी । गे  
 नेल्ल छेडछेड डा आफ बाक्नीनी । गे एफिसस  
 डा थमा सुइक्ब आन कली येसु खरीस्त कली  
 तुइक्तीकेमी रिम्शो गेय पस जोक्तीक नु नोले  
 मार दुम्बा तुइक्तीक सोक्त गेने । १८ गे मेको आन  
 कली मार कली बरेक्शा बाक्नीनी, थमा सुइक्ब

आन ततीक मार बाक्वा, इन छेडछेड गिश ठेयब बाक्वा, मेको नेल्ल रुतीक थुं गेने। ११ मिनू गो थमा सुइक्व आंड कली इन ठेयब सक्तिम मार पाइनीनी नु इन गेशो बोल गिश ठेयब बाक्म, मेको रुतीक थुं यो गेने। २० मेको सक्तिमी खरीस्त कली बेक्शा र संशा, स्वर्ग डा इन बाक्तीकमी इन ग्युरा गे निप्पाइक्तीनी। भजन संग्रह ११०:१ २१ मिनू हुकुम पाइब, अधिकार पाइश्शा, सक्ति पाइश्शा ठेयब दुम्शा नेल्लेमी खरीस्त कली परभु देचा माल्नीमी। मेको नेल्ल आन क्येडा ठेयब नें बाक्व। मुल ला ममाइ, नोले यो मोदेशोन बाक्व। रोमी ८:३८-३९; फिलिप्पी २:९; कलस्सी २:१० २२ मिनू गेमी मोरेइ मोरेइ आन कली येसु खरीस्त आ खोइलीमी दिम्पाइक्तीनी। थमा सुइक्वपुकी रां का खोदेशो सेल्शा, येसु खरीस्त कली मेको रां आ पिया सेल्तीनी। भजन संग्रह ८:७; मत्ती २८:१८; एफिसी ४:१५ २३ मोपा थमा सुइक्वपुकी येसु खरीस्त आ रां दुम्तेक्म। मिनू मेको रां आ पिया येसु खरीस्त आंमान दुम्शा, मोरेइ मोरेइ खाप्शा बाक्त” दे लोत्र पाइनुड। एफिसी ३:३०; १कोरिन्थी १२:२७; कलस्सी १:१९

### बेक्शा रे बरोइशो

१ गोपुकी डांडती बेक्शा मुर खोदेशो **२** बाक्तीनी। दोपा मोदेशो बाक्तीनी देशा हना, मरिम्शा पशा, परमपरभु यावे कली मटिथु, हंथे गाक्शा बाक्तीनी। लूका १५:२४,३२; कलस्सी २:१३ २ मिनू रागी डा मुर आन लां खोइक्तीनी। मोपा फ्रेशम हुकुम पाइब, सेतान आ देशो टीब बाक्तीनी। मेको आ सोक्ती परमपरभु परमपरभु यावे कली मटीब आन आगाम बाक्व। तीतस ३:३; एफिसी ६:१२; यूहन्ना १२:३१ ३ मिनू डांडती गो नेल्ल मोदेशो रागी डा मुर बाक्तय। गोपुकी यो मार दाक्ता, मेकोन पाइतय। इं रां नु थुंमी मार दाक्ता, मेकोन पाइतय। मोपतीके गोपुकी यो अरु मुर खोदेशो पा गाइक्व आ आल दुम्तय। १पतरूस ४:३; कलस्सी ३:६ ४ तन्न परमपरभु यावे शुश शिशी पाइब दुम्तीके इं कली तशा, शिशी पा दाक्ताक्व। ५ मना गोपुकी मटिथु बेक्शा बाक्तय हना यो, मेकोमी इं कली खरीस्त नु कालेम संताक्व। मोपा आ शिशी रे गोपुकी बरोइशो बाक्तय। ६ मिनू परमपरभु यावेमी इं कली खरीस्त येसु नु संशा, मेको नु स्वर्गमी काथा बाक्पाइश्शा, फिलिप्पी ३:२० ७ मुरुमी मिग्ने मचाप्वा डा ठेयब शिशी आंम

आ दाक्तीकमी खरीस्त येसु रे नोले डा मुर आन कली कांडचा कली पाप्तु। एफिसी १:७

८ मिनू गोपुकी परमपरभु यावे आ शिशी तशा, थमा सुइक्तीके पाप रे बरोइतीनी। मेको इन पतीके ममाइ, परमपरभु यावेमी मोशा गेशो बाक्व। रोमी ३:२३-२४; गलाती २:१६ ९ मेको मुरुम पशा ममाइ, मोपतीके सुइ ठेयब लेन्न मचाप्नीम। रोमी ३:२८; १कोरिन्थी १:२९ १० गोपुकी परमपरभु यावे रे खरीस्त येसु आ पतीकमी सेल्शा बाक्नय। परमपरभु यावेमी इं कली रिम्शा गेय वोइश्शा बाक्त। मेको पचा माल्नय। तीतस २:१४

### खरीस्तमी नेल्ल का बाक्नीम

११ डांडती गोपुकी परमपरभु यावे आ देशो लोत्र मतुइक्व बाक्तीनी। मुर आन गुइ रे खरोइक्तीके चिनु खरोइश्शा, इसराएलीपुकीमी इन कली “खरोइक्तीके चिनु मखरोइश्शा मुर नम” देतक्म। मेको मपरदीन। एफिसी ५:२ १२ मेना गोपुकी खरीस्त रे डोन बाक्तीनी। इसराएल डा मुरपुकी रे यो डोन बाक्तीनी। मोपा परमपरभु यावेमी पशा कबल मतुइक्थु, आस मपाइश्शा नु परमपरभु यावे कली मतुइक्व मुर बाक्तीनी। रोमी ९:४; १थिस्सलोनिकी ४:१३ १३ मुल चहिं गे खरीस्त येसु रे डोन बाक्वपुकी खरीस्त आ हुशम पतीके मेको आ नेक्था दुम्तीनी।

१४ मेको इं कली दुशा बाक्वा गेब बाक्व। मेकोमी इसराएली नु अर्का रागी डा थमा सुइक्व आन कली का सेल्लु। मिनू मेको आन दातमी बाक्शा दुचा मगेब गारो परश्शा, जितीके खतीके नेल्ल साम्तु। यसेया ९:५; गलाती ३:२८ १५ दोपा साम्तु देशा हना, यहूदी आन कली अरशा, शंशा, फुल्लुम मुशा बरक्शा लोत्र डा गेय नेल्ल आ रां साइक्वा गेशा साम्तु। मिनू मेकोमी जात निक्शी के जात का सेल्शा, नक मुर सेल्लु। मोपा दुशा बाक्वा गोप्तु। कलस्सी २:१४

१६ येसु खरीस्तमी इं कली परमपरभु यावे नु गारपाइक्वा कली शीम कांटी थोक्वा पुंडसीशा बेक्त। मोपा इसराएली नु अर्का रागी डा जिचा खेचा साम्शा, निम्फा आस कली परमपरभु यावे नु गारपाइक्तु। १७ मिनू येसु खरीस्त रागीमी जाक्शा, डोन बाक्व इन कली नु परमपरभु यावे आ नेक्था बाक्व आन कली परमपरभु यावे नु दोपा दुशा बाक्वा, मेको शंताक्व। यसेया

५७:१९ १८मोपा गोपुकी परमपरभु यावे आ सोक्तीम पतीके नेल्ल येसु खरीस्त रे पा इं आफ परमपरभु यावे आ नेक्था जाकदील्लय। एफिसी ३:१२ १९मोपतीक गोपुकी मुल रे डोन बाक्व अर्का रागी डा मुर मननी। परमपरभु यावे आ राज्य डा, अरु थमा सुइक्वपुकी नु आ खिं डा मुर बाक्नीनी। एफिसी ३:६; हिब्रू १२:२२-२३ २०मिनु खरीस्त आ सोइश्शा नु साइ डा परमपरभु यावे आ लोत्र पाइवपुकी जग खोदंशो दुम्तकम। गोपुकी चहिं मेको तारी सेल्शा खिं खोदंशो ननी। खरीस्त येसु मेको खिं डा डोइती वोइश्शा जग फुल्लु खोदंशो बाक्व। मत्ती १६:१८; यसैया २८:१६; १पतरुस २:४-६ मत्ती १६:१८ २१मेको तारी फुल्लु नेल्ल परोत्रसीशा, परमपरभु यावे आ खिं दुम्चा कली बारना बारन लाइव। २२मिनु गोपुकी यो परमपरभु यावे आ सोक्तीम पतीके परमपरभु यावे आ खिं बाक्नीनी।

पावलम अरु आन कली पशो गेय

३ १मिनु गो पावल अर्का रागी डा मुर इन कली खरीस्त येसु आ लोत्र शंतीक साडलोम पाइक्साक्यो। फिलिप्पी १:७,१३ २परमपरभु यावेमी “अर्का मुर आन कली आं शिशी आ पर्वम शंदो” दे आं कली गेय पाइव सेल्लती। गोपुकीम एको लोत्र नंशो बाक्नी माइ, दे मिन्नुड। गलाती २:७ ३दोपा परमपरभु यावेमी आ खरुइश्शा लोत्र आं कली तुइक्पदा, मोपा डोइतीन इन कली इचइच्का बरकन थुम्शो बाक्ती। एफिसी १:९-१०; गलाती १:१२ ४मिनु गोपुकीमी मेको पढेनीनु, खरीस्त आ पर्वम खरुइश्शा लोत्र डा गेय दोपा पवा, दे आं तुइश्शा लोत्र रुने चाप्नीनी। ५मुल परमपरभु यावे आ सोक्तीमी येसु खरीस्त आ सोइश्शा नु परमपरभु यावे आ लोत्र पाइव आन कली परमपरभु यावे आ खरुइश्शा मार बाक्वा, दे शंताकडमी। डोइती डा मुरपुकीमी चहिं मतुइश्शा बाक्तेकम। कलस्सी १:२६ ६मिनु मेको खरुइश्शा लोत्र मार बाक्व देशा हना, अर्का रागी डा मुरपुकी यो इसराएली नु खाल का डा दुम्शा, अडस ताइव बाक्नीम। मेको नेल्ल रां का नम। ग्येरपाइक्व लोत्रमी मार देब देशा हना, खरीस्त येसु कली थमा सुइश्शा, मेकोपुकी यो परमपरभु यावे आ कवल ताइव बाक्नीम। एफिसी ३:१३,१८-१९; पररित १५:७-९

७मोपा अर्का रागी डा मुर आन कली ग्येरपाइक्व लोत्र शंचा, दे शंब सेल्लती। परमपरभु यावे आ सक्तिम पतीक आ शिशी

मोशा गेपु। ८गो परमपरभु यावे आ मुर नेल्ल आन क्येडा आइक्व बाक्नुड। मिनु परमपरभु यावेमी आ शिशी रे आं कली “अर्का रागी डा मुर आन कली खरीस्त आ शिशी गिश ठेयब बाक्वा तुइक्पाइक्मी” दे शंब सेल्लती। १कोरिन्थी १५:९-१०; गलाती १:१६; एफिसी १:७ ९मिनु मारइ मारइ सल्ल परमपरभु यावेमी रागी सल्लशो रे खरुइश्शा वोइश्शा नेल्ल आन कली तपाइक्वा, दे कोइव सेल्लती। एफिसी १:९-१०; रोमी १६:२५-२६; कलस्सी १:१६ १०मारदे आं कली मोदंशो सेल्लती देशा हना, येसु खरीस्त कली थमा सुइक्वपुकीमी परमपरभु यावे आ मिम्शो मार बाक्वा, मेको स्वर्गम बाक्व हुकुम नु अधिकार पाइव आन कली तुइक्पदमक्क, दे आं कली कोइव सेल्लती। १पतरुस १:१२ ११मेको परमपरभु यावे आ गेना हना यो मिम्शो लोत्र बाक्त। मेको मुल इं परभु खरीस्त येसु रे खाप्शो बाक्त। १२मोपा येसु खरीस्त कली थमा सुइक्तीकेमी गोपुकी महिंथु, इं कली दाक्व, दे तुइश्शा, परमपरभु यावे आ नेक्था जाकदील्लय। रोमी ५:२ १३इन पर्वम गो श्येत जशो बाक्नुड। मेको इन कली रिम्शो दुम्ब। मोपतीक आं कली श्येत जशो तशा महिनीन। कलस्सी १:२४

१४मोदंशो पा गो इं आफ परमपरभु यावे आ डोइती बाप्शा, पोक्व थक्शा, इन कली मिम्शा पुंइशा बाक्नुड। १५परमपरभु यावे सरीड नु रागीम बाक्व नेल्ल आन आफ बाक्व। १६मिनु गोमी परमपरभु यावे कली “इन शुश छेड्छेड नु सक्तिम, एफिसस डा थमा सुइक्व आन थुं बाल्यो सेलीन। मिनु इन सोक्त आन थुंमी बाक्मेनु, महिब दुम्नीम। एफिसी १:७; एफिसी ६:१०; २कोरिन्थी ४:१६ १७मोपा थमा सुइक्तीक खरीस्त मेको आन थुंमी बाक्व। मिनु “येसु खरीस्तमी आं कली दाक्व” दे शाक्श गरुक्शा रवा खोदंशो पा इन दाक्तीकेमी खरुक्शा मुरपुकी सेलीन। यूहन्ना १४:२३; कलस्सी २:७ १८मो दुम्मेनु, मेकोपुकी नु नेल्ल थमा सुइक्वपुकीमी येसु खरीस्त आ मुर आन कली दाक्तीके गिश बरम्शो, गिश दुइश्शा, गिश लाइश्शा नु गिश तुक्व लशो बाक्म, मेको नेल्ल रुपतीक थुं गेने। १९खरीस्त आ दाक्तीके गिश ठेयब बाक्वा, मेको रुने मचाप्वा डा बाक्त हना यो, मेको आन कली रुपतीन। मिनु परमपरभु यावे, गो दोपा मारइ मारइमी गाप्शा बाक्नीनी, मोपा मेको आन कली यो इन सक्तिमी पिरंदीन। कलस्सी २:२-३

२० गे नल्ल आन क्येडा ठयब सक्ति पाइशशो बाक्नीनी। मोपतीके इन सक्ति रे आंड पुंडशो नु मिम्शो क्येडा यो शुश गेने चाप्नीनी। ११ मिनु थमा सुइक्व आंड दातमी येसु खरीस्त आ नंमी नल्ल पाला डा मुरपुकीमी इन कली गेना हना यो ठयब सल्लनीकी, आमन” दे इन पर्वम पुंडनुड।

### खरीस्तमी पपाइशशो गेय

४ १ गो परभु आ पर्वम ग्याइक्वा पुंडसीब, इन कली अरनुड। गेपुकी परमपरभु यावे आ बरेशशो दुम्शो बाक्नीनी। मोपतीके परमपरभु यावे कली शिरशो गेय पने। २ गेपुकी बरेशशो दुम्शा, सुइ नु मचुरथु, रिम्शो पा बाक्नीन। मुर आन कली फाल्शा, मेकोपुकी नु रिम्शो पा दाक्मुने। कलस्सी ३:१२-१३ ३ मिनु दोपा परमपरभु यावे आ सोक्तीमी थुं का सेल्वा, मोपा थुं का दुम्शा दुशा बाक्नीन। कलस्सी ३:१५; फिलिप्पी २:२ ४ दोपा रां नु सोक्त का बाक्नीसी, मोपा थुं का दुमीन। गे नल्ल इन आस कान बाक्व। मोपा बरेत्वा पुंडसाक्नी। रोमी १२:५ ५ मोपा परभु का, थमा सुइक्तीक का नु ब्याक्कुमी खरुम्शा गरुंडचा यो का ला बाक्व। १ कोरिन्थी ८:६ ६ मिनु नल्ल इं आफ परमपरभु यावे यो का ला बाक्व। मेको नल्ल आन क्येडा ठयब बाक्व। नल्ल पतीकमी नु नल्ल आन आगाम बाक्व। १ कोरिन्थी १२:६

७ इं कली नल्ल शिशी गेशो बाक्व। मेको खरीस्तमी “आं गेय पचा कली गिश माल्वा” दे मो गेशो बाक्व। रोमी १२:३-६; १ कोरिन्थी १२:१ ८ मिनु मार बरेशशो बाक्व देशा हना “मेको इर परमपरभु यावे आ बाक्तीक लमेनु, चोक्सीशो शुश आन कली लाइक्वतु। मिनु मुर आन कली गेय पतीक सक्ति गेपु” दे बरेशशो बाक्व। भजन संगरह ६८:१९; कलस्सी २:१५ ९ मिनु इर लचा देशा, मार रुम्सीब देशा हना, मेको डांडती रागी आगा तांडसीशो बाक्व, दे रुम्सीब। यूहन्ना ३:१३ १० मिनु मेको रागी आगा तांडसीब खरीड क्येडा ता लाइब यो बाक्व। मोपा मेकोमी मारइ मारइ खापु।

११ मिनु येसु खरीस्तम मुर आन कली गेशो गेय मार बाक्व देशा हना, का निक्शी आ सोइशशो दुम्नीम, का निक्शी परमपरभु यावे आ लोत्र पाइब दुम्नीम, का निक्शी ग्यरपाइक्व लोत्र नंपाइक्व दुम्नीम, का निक्शी थमा सुइक्व आन कली कोत्रब नु शंब दुम्नीम। १ कोरिन्थी १२:२८; प्ररित २१:८ १२ मेको गेय मार कली बाक्व देशा

हना, परमपरभु यावे आ मुर आन थमा सुइक्तीक बारपाइक्वा कली बाक्व। थमा सुइक्व आन गरुम्तीक, खरीस्त आ रां दुम्शा, मेकर डा मुर बाल्यो सेल्वा कली गेशो गेय बाक्व। १ कोरिन्थी १४:२६; १ पत्रुस २:५ १३ मोपा गो नल्ल थमा सुइशशा, का दुम्तीक परमपरभु यावे आ ती कली तुइक्व दुम्नय। मिनु मोदंशो पा गोपुकी आइक्व आल ममाइ, कोल्शा चोक्शो मुर दुम्शा, खरीस्त दोदंशो बाक्म, मोदंशो दुम्नय। १४ गोपुकीम आल खोदंशो पा मुर आन शेशो हंथे लोत्र थमा सुइक्वा मदुम्नय। दूली शंबपुकीमी निप्स खाप्शा, मुर आन कली जोल पा फश लोत्र शेशा, दूली लां खोइक्वाइक्नीम। १ कोरिन्थी १४:२०; हिब्रू १३:९; याक्व १:६ १४ गोपुकी चहिं मुर आन कली दाक्शा, थमा शंतीक लोत्र शेशा, मारइ मारइमी इं पिया खरीस्त खोदंशो दुम्नय। एफिसी १:२२; एफिसी ५:२३; कलस्सी १:१८ १६ मोपा येसु खरीस्त पिया दुम्तीक रां नल्ल का खोदंशो पा गारपाइक्व। थमा सुइक्वपुकीमी ठीक गेय पात्तेक्म हना, मेको रां बारना बारन लशा, थमा सुइक्वपुकी दाक्मुइनीम। कलस्सी २:१९

### माइत नु नक मुर

१० परमपरभु यावे कली मतुइक्व मुरपुकी जाम्शा लाइब गेय ला मिम्शा पाइनीम। मिनु गेपुकी मुत्त रे मेको आन खोदंशो मपने, दे परभु आ नंमी इन कली रिम्शो पा अरनुड। रोमी १:२१-२४ १६ मेको आन थुं फुल्लु खोदंशो पा खकटा दुम्तीक परमपरभु यावे कली मतुइक्व बाक्तेक्म। मोपतीके मेकोपुकी छिड्छिड्डीमी बाक्शो खोदंशो पा परमपरभु यावे कली रुन्ने मचाप्नीम। मिनु मोपा परमपरभु यावे रे डांन बाक्नीम। एफिसी २:१२ ११ मेकोपुकी रिम्शो मुर दुम्शा बाक्वा ताइशशा, आन दला दाक्स पा, गरांगरा दिचा डा गेय नल्ल शुश दाक्नीम। २० गोपुकी चहिं खरीस्त कली तुइशशा, मोदंशो मशंसीनी। २१ थमा पा येसु खरीस्त आ पर्वम लोत्र नंतीनी। मिनु येसु आ थमा लोत्र तुइशशो बाक्तीनी। २२ मोपतीके इन डांडती डा गरांगरा दिचा डा दला दाक्स पाइब माइत थुं डा मुर दुम्शा बाक्वा ताइक्तीने। मारदे हना मेकोम इन कली खतम सेल्ब। कलस्सी ३:९-१०; रोमी ८:१३; गलाती ६:८ २३ मिनु इन थुंमी बाक्शो माइत सोक्त नक सेल्वा गेने। रोमी १२:२ २४ परमपरभु यावे आ थुं खोदंशो पा थमा पा

ठीक पतीकेमी परमपरभु यावे आ मुर दुम्शा बाक्कीन। उत्पत्ती १:२६-२७

नक मुरुमी पचा माल्शो गेय

२५ मारदे हना गो नेल्ल रां का नय, मुर आन कली जाल पचा ताइक्तीन। थमा लोत्र ला पने। जकरिया ८:१६ २६ गाइक्ताकनी हना, पाप मपने। मिनु नां रिक्चा क्यडा डोंइती इन गाइक्चा थुमीन। भजन संगरह ४:४; याकूब १:१९-२० २७ मोपा सैतान कली गेय पचा मगने। २८ सुइ पाइबमी लेंशा सुइ मपथु, ठीक गेय पचा माल्व। मिनु मेकोमी रिम्शो गेय पवानु, श्येत जाइब आन कली यो वारच पने चाप्व। परस्थान २०:१५; १थिस्सलोनिकी ४:११ २९ गेपुकी नना ओल लोत्र काइ मपने। मुर आन कली रिम्शो दुम्ब नु गारचा डा लोत्र ला पने। मुरपुकीमी इन रिम्शो लोत्र नेन्मेनु, परमपरभु यावे आ शिशी रुपेक्ल। एफिसी ५:४; कलस्सी ४:६ ३० परमपरभु यावे आ सोक्त कली थुं मसाइक्पतीन। मारदे हना गेपुकी परमपरभु यावे आ बाक्तीक मजाक्दीन्नी सम्म परमपरभु यावे आ सोक्तीमी छाप थोक्सीशो बाक्कीनी। यसैया ६३:१०; एफिसी १:१३-१४ ३१ मिनु ईस् कुरचा, चुरचा, गाइक्चा, गरीचा, मरिम्शो लोत्र पचा नु मरिम्शो पचा नेल्ल ताइक्तीन। कलस्सी ३:८ ३२ मिनु रिम्शो पा कोत्रमुने। दोपा परमपरभु यावेमी खरीस्त मिम्शा, इन कली माफ गवा, मोपा गेपुकी यो माफ गमुने। मत्ती ६:१४; मत्ती १८:२२-३५; कलस्सी ३:१३

छेडछेडम बरांइशो मुर

१ गेपुकी परमपरभु यावे आ दाक्शो तमी तौ दुम्तीक मेकोमी दोदंशो पवा, मोदंशो पने। लूका ६:३६ २ मिनु यसु खरीस्तमी इं कली दाक्शो खोदंशो पा दाक्मुने। मेकोमी दोपा दाक्ताक्व दंशा हना, आंम कली ममिम्थु, बरोत्रशो रिना पाइश्शो धूप नु क्योरशा चढेशो खोदंशो पा, इं पाप क्याम्चा कली बेक्शा, परमपरभु यावे कली जिम्मा गंसाक्व। ३ मोपतीके गेपुकी परमपरभु यावे आ मुर दुम्शा, इन दातेमी तेल्लेम पचा, गरांगरा दिचा डा गेय पचा नु शिम पचा आ पर्वम लोत्र सम्म यो मपने। मेको परमपरभु यावे आ मुर आन कली रिम्शो दुम्ब। कलस्सी ३:५ ४ गेपुकी मुने दोक्चा डा हेथ लोत्र नु मूर्ख लोत्र पचा इन कली मगारब। मेको आ पा डा परमपरभु यावे कली

“गे आंइ कली रिम्शो पाइतीनी” दंचा माल्तीनी। एफिसी ४:२९ ५ तेल्लेम पाइब, गरांगरा दिचा डा गेय पाइब नु शिम पाइबपुकी खरीस्त नु परमपरभु यावे आ राज्यमी ओत्रचा मताइनीम, द रिम्शो पा तुइक्चा माल्तीनी। मेको नेल्ल मूर्ति पूजा पचा खोदंशो बाक्व। १ कोरिन्थी ६:९-१०; परकाश २१:८; परकाश २२:१५ ६ सुइ मुरुमी इन कली फश लोत्र पा, हेथ ला खोइक्पाइक्चा मगेने। मारदे हना परमपरभु यावे आ कली मटोब आन कली तशा गाइक्व। कलस्सी ३:६

७ मिनु गेपुकी मोदंशो मुर नु वारचु मदुमीन। ८ गेपुकी यो खोदंती छिडछिड डा गेय पाइब बाक्तीनी। मुल चहिं परभु कली थमा सुइश्शा, छेडछेड डा गेय पाइब दुम्तीनी। मोपतीके गेपुकी छेडछेड डा तमी तौ खोदंशो दुम्शा बाक्कीन। एफिसी २:१; १ पतरुस २:९; मत्ती ५:१४; यूहन्ना १२:३६; १थिस्सलोनिकी ५:५ ९ छेडछेड डा फल दोदंशो बाक्व दंशा हना, नेल्ल शिशी पतीकेमी, ठीक पतीकेमी नु थमा पतीकेमी बाक्व। गलाती ५:२२; फिलिप्पी १:११ १० मिनु गेपुकीमी परभु आ दाक्शो मार बाक्वा, मेको तुइक्चा माल्तीनी। रोमी १२:२; फिलिप्पी १:१०

११ छिडछिड डा गेयमी काइ फल मथिंसीब। मोदंशो गेय पाइबपुकी नु मबाक्कीन। मेको गेय यो मपने। तन्न मेको गेय मरिम्शो बाक्व, द कांइदीन। १२ मिनु मेको आन खरुइश्शा पशा आ पर्वम लोत्र पचा यो मुने बाक्व। रोमी १:२४ १३ तन्न मेको खरुइश्शा पशा गेय छेडछेडमी तांइसीब। १४ मोपतीके “ए निन्दरा पाइब, बाक्को। मिनु बेक्शो र संसीशा बाक्को। मो पवीनु, खरीस्तमी इ कली आ छेडछेड गेब” दंशा बाक्व। यूहन्ना ३:२०-२१; रोमी १३:११; यसैया ६०:१; यूहन्ना ८:१२ १५ मोपतीके हास पा बाक्कीन। मतुइक्व ममाइ, तुइक्व मुर दुम्शा बाक्कीन। मत्ती १०:१६; कलस्सी ४:५ १६ मुरपुकीमी मरिम्शो गेय पना पन बाक्तेक्म हना यो, गेपुकीमी नेल्ल नाक्त रिम्शो गेय पने। १७ मोपतीके गेपुकी मूर्ख मदुमीन, परभु आ दाक्शो मार बाक्म मेको रुपीन। १८ राक्सी शांबुमी मदुक्कीन। मारदे हना दुक्व मुरपुकी ग्यथ मलाइनीम। तन्न गेपुकी परमपरभु यावे आ सोक्तीम बरीशो दुमीन। लूका २१:२४ १९ परमपरभु यावे आ लोत्र डा कुम्सो, परमपरभु यावे कली ठेयब सेल्ब कुम्सो नु परमपरभु यावे आ सोक्तीम इन कली शंशा कुम्सो पने। मोपा

इन थुं बार पमुशा, परभु कली कुम्सो पना पन बाकनीन। भजन संगरह ३३ :२-३ ; कलस्सी ३ :१६ २० मिनु गेपुकीमी मार दुम्त हना यो, गना हना यो इं आफ परमपरभु यावे कली “गे रिम्शो पाइतीनी” दे परभु येसु खरीस्त आ नमी दंचा माल्नीनी। थिस्सलोनिकी ५ :१८

थमा सुइक्व आन कली लोत्र

१ गेपुकी खरीस्त कली मान पा हिंशा बिम्मुन। १पतरुस ५ :५ २२गे मीश मुरपुकी, परभु कली टिशा खोदंशो पा आंम वोंइश कली यो टिन। उत्पत्ती ३ :१६ ; तिमोथी २ :११-१२ ; तीतस २ :५ २३मारदे हना वोंइश मुर मीश मुर आन पिया बाकनीम। मिनु खरीस्त थमा सुइक्व आन पिया बाकब। थमा सुइक्वपुकी खरीस्त आ रां बाकनीम। मिनु येसु खरीस्त थमा सुइक्व आन कली पाप रे परोंइब बाकब। १कोरिन्थी ११ :३ ; एफिसी १ :२२-२३ २४दोपा थमा सुइक्वपुकीमी खरीस्त कली टीनीमी, मोपा मीश मुरपुकीमी आंम वोंइश आ दंशो नल्ल टिचा माल्नीमी।

२५गे वोंइश मुरपुकी, आंम मीश कली दाकतीन। दोपा खरीस्तमी थमा सुइक्व आन कली दाक्शा, मेको आन कली पाप रे परोंइचा, दे आंम रां जिम्मा गेवा, मोपा वोंइश मुरुमी आंम मीश कली दाक्चा माल्नीमी। २६मारदे खरीस्तमी मो पापु दंशा हना, थमा सुइक्वपुकी परमपरभु यावे आ डोंइती शिरशो मुर दुम्तल, दे मो पापु। डोंइती खरीस्तमी मेको आन कली लोत्र र पा चिक्शो खोदंशो पापु। तीतस ३ :५ ; हिब्रू १० :२२ २७मोदंशो पा थमा सुइक्शा, छेडछेड पाइक्शा मुरपुकी आंम कली वोंइक्शा बाकत। मेकोपुकी मारइ मलुम्सीशो, मरोम्सीशो, थम दारशो नु परमपरभु यावे आ मुर दुम्शा, दोस मताइब मुरपुकी बाकनीमी। २कोरिन्थी ११ :२ ; कलस्सी १ :२२ २८मेको खोदंशो पा वोंइश मुरपुकीमी आंम मीश कली “आंम रां बाकब” दे मेको कली दाक्चा माल्नीमी। सु आंम मीश कली दाक्चा, मेकोमी आंम कली यो दाक्ब। २९सुइमी आंम रां कली खेदा मपाइनीम, थुल्शा रिम्शो पाइनीम। खरीस्तमी यो थमा सुइक्व आन कली मोदंशो पाइब। एफिसी १ :२३ ३०मिनु गोपुकी आ रां डा गुइ खोइल बाकनय। ३१मा दुम्तीक वोंइश मुरुमी आ आम आफ आस कली परोंइब। मिनु आ मीश नु काथा बाकब। मेको निक्शी

रां का दुम्नीसी। उत्पत्ती २ :२४ ३२मेको आ खरुइक्शा अर्थ ठेयब बाकब। मिनु मार बाकब दंशा हना, गो खरीस्त नु थमा सुइक्व आन परबम लोत्र पाइनुड। ३३मार दुम्त हना यो, गे नल्लेमी आंम मीश कली आंम कली दाक्शा खोदंशो पा दाकतीन। मीश मुरपुकीमी चहिं आंम वोंइश कली मान पा हिक्चा माल्नीमी।

१ गे आलपुकी, परभु कली मिम्शा, इन आम आफ आन दंशो टिन। मारदे हना मेको इन कली रिम्शो बाकब। मर्कुस ७ :१-१३ २मिनु गे इन आम आफ कली मान पने। मेको डोंइती डा आसीक पाइक्शा अरतीक लोत्र बाकब। परस्थान २० :१२ ३मेको आसीक मार बाकब दंशा हना “गे मो पाइतीनी हना, इन कली रिम्शो दुम्ब। मिनु गे शुश बर्स वोंइचा ताइनीनी” दे बरक्शो बाकब। ब्यवस्था ५ :१६

४गे आफपुकी, इन आल आन कली मगाइक्पतीन। तन्न मेको आन कली रिम्शो थुल्शा कोल्पतीन। मिनु मेको आन कली शंशा, परभु सु बाक्चा मेको तुइक्पतीन। ब्यवस्था ६ :२०-२५

५गे वाइलीम वाइलपुकी, इन रागी डा होत्रप कली टिने। दोपा टिचा माल्नीनी दंशा हना, गेपुकी खरीस्त कली टिशा खोदंशो पा, मेको आन क्येडा हिंशा खिरखिर पा, थुं का पा रिम्शो गेय पने। तिमोथी ६ :१२ ; तीतस २ :९-१० ; १पतरुस २ :१८ ६होत्रपमी इन कली गेय पशो कोव्रतेक्म हना यो, मेकोव्रतेक्म हना यो, ठीक पा गेय पने। गेपुकीमी मुर कली ग्यरपाइक्चा ममाइ, खरीस्त आ वाइलीम वाइल दुम्शा, इन थुं नल्लेमी परमपरभु यावे आ दाक्शा पने। ७मो पनीनु, गेपुकीमी मुर आन कली ममाइ, परभु कली रिम्शो थुंमी गेय पाइनीनी। ८मिनु मुरुमी दोपा रिम्शो पाइबा, मेको खोदंशो पा परभुर ताइब, दे तुइक्चा माल्नीनी। परभुमी वाइलीम वाइल नु ठेयब मुर आन कली खाल का डा पा कोत्रब। २कोरिन्थी ५ :१०

९गे होत्रपपुकी, इन वाइलीम वाइल आन कली परभुम पशो खोदंशो पा पने। हिंच कोइचा परोनीन। मारदे हना मेको आन के नु इन के परभु स्वर्गमी बाकब। मिनु परभुमी मुर नल्ल आन कली उइक्थ मिम्ब।

परमपरभु आ गेशो या

१०मिनु आं नोले डा लोत्र, परभु कली तुइक्शा सक्ति पाइक्शा मुर दुमीन। मोपा परभु आ

सक्तिमी बोल्यो दुम्शा बाक्कीन। एफिसी ३:१६; १कोरिन्थी १६:१३; २तिमोथी २:१; १यूहन्ना २:१४ ११मिनु परमपरभु यावे आ गेशो या नेल्ल लतीन। सैतानमी आ मरिम्शो थुमी इन कली खतम सत्त्वा माल्तु हना, गेपुकी परमपरभु यावे आ गेशो यामी गरानीनी। १२गोपुकी मुर नु लडाइ मपाइनय। हुकुम पाइबपुकी, अधिकार पाइबपुकी नु रागी कली मुल छिड्छिड्डीमी गेय पाइब वोल नु लडाइ पाइनय। मेको स्वर्गम बाक्व सैतान आ गेय पाइबपुकी बाक्नीम। एफिसी २:२; लूका २२:३१ १३मोपतीके परमपरभु यावे आ गेशो या नेल्ल लतीन। मेकोमी ला मरिम्शो नाक्त गराशा राप्ने चाप्नीनी।

१४गेपुकी थमा शंतीकेमी किप्शुर किप्शो खोदंशो पा राप्शा बाक्कीन। मिनु ठीक दुम्तीकेमी पीतल के मोटो फेक्शो खोदंशो पा बाक्कीन। लूका १२:३५; १पतरुस १:१३; १थिस्सलोनिकी ५:८ १५परमपरभु यावे नु दुपाइक्व ग्यरपाइक्व लोत्र पा, जुत्ता मुइश्शा खोदंशो पा बाक्कीन। १६मिनु नेल्ल क्येडा ठेयब या येसु खरीस्त कली थमा सुइक्तीके तेक्तीके खोदंशो पा इन डांडती वातीन। सैतानमी आप्शो बरशो बरा कली मेकोमी तेक्ने चाप्नीनी। १पतरुस ५:९; १यूहन्ना ५:४ १७मिनु येसु खरीस्तम इन कली पाप रे परांडशो तुइक्तीके पीतल के ताक्की खोदंशो पा गुम्सीन। मिनु परमपरभु यावे आ लोत्र लतीन। मेको चहिं परमपरभु यावे आ सोक्त डा तरवार बाक्व। १थिस्सलोनिकी ५:८; हिब्रू ४:१२

१८मिनु गेपुकीमी गेना हना यो परमपरभु यावे आ सोक्तीमी पतीके परमपरभु यावे नु लोत्र पशा पुनीन। पुंडचा मदथु, परमपरभु यावे आ मुर नेल्ल आन पर्वम पुनीन। १९आं पर्वम यो पुनीन। आं कली मिम्शा, मार पुनीन देशा हना, यसु खरीस्त आ पर्वम डांडती खरुइश्शा ग्यरपाइक्व लोत्र मुल गो महिंथु, शंने चबुल, दे पुनीन। कलस्सी ४:३; २थिस्सलोनिकी ३:१; पररित ४:२९ २०गो मेको लोत्र शंंचा कली साङ्लोम फरंशा सोइश्शा मुर दुम्ती। गेपुकीमी आं पर्वम “महिंथु शंदल” दे परमपरभु यावे कली पुनीन। मोपा महिंथु, लोत्र पचा परमपरभु यावे आ दाक्शो बाक्व। २कोरिन्थी ५:२०; पररित २८:३१

नोले डा लोत्र

२१मिनु गो दोपा बाक्का, मार पडा मेको नेल्ल परभु आ रिम्शो गेय पाइब, इं दाक्शो थमा सुइक्व लोक्व तिसीकसमी इन कली देव। पररित २०:४; कलस्सी ४:१७-८; २तिमोथी ४:१२; तीतस ३:१२ २२गेपुकी दोपा बाक्का तुइक्पाइक्वा नु इन थुं बारपाइक्वा कली इन बाक्तीके सोइक्ताक्ड।

२३मिनु इं आफ परमपरभु यावे नु परभु येसु खरीस्तमी इन कली थुं नाइश्शा बाक्का गम्सक्ल। २४सु सुमी इं परभु येसु खरीस्त कली गेना हना यो दाक्नीमी, मेको नेल्लेमी शिशी तामक्ल।

## फिलिप्पी

बरेकब मुर: पावलमी एको चिठी बरेकशा बाकब ।

गेना बरेकशा: एको चिठी ६३ ए. डी. नुप्ची ना कि ६४ ए. डी. गोची ना बरेकशा मिन्नीम । एको चिठी बरेकची ना पावलमी "जेल्लान र परांडचा पुंडसीनुड" दे आस पाप्नु ।

मार बरेकशा: पावलमी जेल्लानम यो ग्येरपाइकब लोत्र शंब । थमा सुइकबपुकीमी श्येत जाम्तेकम हना यो, येसु खरीस्त कली मपरांडचा । थमा सुइकबपुकीमी दूती शंब आन पर्वम होस पचा माल्नीम । परभु आ पशा मिम्शा, ग्येरसीचा माल्नीम । पावलमी फिलिप्पी आन गुड र क्येट ताप्नु । मेको आ पर्वम "रिम्शा पाइब बाकनीनी" दे बरेकशा बाकब ।

### डॉइती डा लोत्र

१ पावल नु तिमोथी, गो निकशी खरीस्त येसु आ वाइल नस्कू । फिलिप्पी सहरम बाकशा खरीस्त येसु कली थमा सुइकब नेल्ल इन कली, थमा सुइकब आन कली कावब नु गरुम्तीके डा गेय पाइब इन कली चिठी बरेकताकड । पररित १६:३

२ इं आफ परमपरभु यावे नु परभु येसु खरीस्तमी इन कली शिशी पा थुं नाइकचा गम्सकल ।

### पावल आ परार्थना

३ गो इन कली मिम्शा, आ परमपरभु यावे कली "गो रिम्शा पाइतीनी" देनुड । रोमी १:८ ; १कोरिन्थी १:४ ४ गो परमपरभु यावे नु लोत्र पडानु, गेना हना यो नेल्ल इन कली मिम्शा, ग्येरशा पाइनुड । ५ डॉइती र मुल सम्म ग्येरपाइकब लोत्र पचा कली आ कली वारच पाइतीनी । ६ इन आगामी रिम्शा गेय गोइबमी येसु खरीस्त आ जाकची ना सम्म थुम्ब, दे तुइकनुड । फिलिप्पी २:१३ ; १कोरिन्थी १:८ ७ नेल्ल इन पर्वम मोदेशो मिम्चा ठीक बाकब । मारदे हना गो इन कली शुश दाकनुड । आ जेल्लानमी चोक्चा पुंडसीशा, निसाफ पची ना नु ग्येरपाइकब लोत्र शंची ना गो इन कली मिम्नुड । गो नेल्ल खाल का डा शिशी ताइब बाकनय । ८ खरीस्त येसुमी आ कली दाकपाइकतीक थुं गेतीक गो इन कली गरुम्चा शुश दाकताकड, परमपरभु यावमी मेको तुइकब ।

९ आं परार्थना मार बाकब देशा हना, इन दाकचा शुश बारशा, रिम्शा नु मरिम्शा मार बाकबा से रुन्ने चानील, दे पुंडशा, परमपरभु यावे नु लोत्र पचा बाकब । फिलिमान ६ १० मोपा गे नेल्ल क्यडा रिम्शा मार में, दे तुइशा, खरीस्त आ नाकती पाप मपाइब नु दोस मताइब दुम्नीनी । रोमी १२:२ ; एफिसी ५:१० ; १थिस्सलोनिकी ५:२३ ११ गपुकी येसु खरीस्तमी पपाइशा ठीक पतीकमी बरीशा बाकतीनी हना, परमपरभु यावे सक्ति पाइशा नु ठेयब बाकब, दे तुइसीब । एफिसी ५:१

### पावलमी पशा लोत्र

१२ आं लोकबपुकी, आं कली दुम्शा श्येतमी ग्येरपाइकब लोत्र बरपाइकतु । १ तिमोथी २:१ १३ हूकुम पाइब आ सिं डा मुर नु अरु नेल्लेमी गो खरीस्त कली थमा सुइशा आ पर्वम जेल्लानम बाकती, दे तुइकताकम । फिलिप्पी ४:२२ १४ मिनु परभु कली थमा सुइकब लोकब शुशमी आं कली जेल्लानमी बाकशा तशा, परभु कली थमा सुइकतीक बारपा महिंथु, परमपरभु यावे आ लोत्र पाइनीम ।

१५ का निकशीमी गेहे पशा, नेल्ल क्येडा ठेयब नड, दे खरीस्त आ पर्वम शंनीम । का निकशीमी चहिं रिम्शा थुं पा शंनीम । १६ मोपा शंबपुकीमी आं कली दाकशा, गो परमपरभु यावे आ ग्येरपाइकब लोत्र पतीक एकर बाकनुड, दे तुइकनीम । १७ गेहे पा खरीस्त आ लोत्र शंबपुकीम चहिं "गो नेल्ल क्येडा ठेयब नड" दे रिम्शा थुं मपथु, आं कली जेल्लानम श्येत तम्चा मिम्नीम । १८ मिनु मार ? ठेयब लेशा हना यो, थमा पा हना यो, खरीस्त आ पर्वम लोत्र पाम्तेकम हना, गो शुश ग्येरसीनुड । फिलिप्पी २:१७-१८

१९ इन परमपरभु यावे कली पुंडतीक नु येसु खरीस्त आ सोकतीम आं कली वारच पतीक गो एको श्येत र बरांडनुड, दे तुइकनुड । २ कोरिन्थी १:११ २० गो काइ मुने मदाकनुड, दे तुइशा, आस पाइनुड । मिनु काइ महिंथु दुम्शा, बरांडती हना यो, साइकतीमी हना यो, मुरपुकीमी गेना हना यो खरीस्त कली ठेयब सेल्मेकल, देनुड । २१ मारदे हना बरांडडानु, खरीस्त कली बरांडनुड, साइकतीमी हना यो, गरानुड । गलाती २:२० २२ गो बरांडती हना, खरीस्त आ गेय पाइनुड । तन्न तेको गेय योवनुडा मेको मतुइकनुड । २३ गो निम्फा आस दातमी बाकनुड । मेकर र लशा, खरीस्त नु बाकचा आं दाकशा बाकब । मारदे

हना मेको शुश रिम्शो बाक्व । २कोरिन्थी ५ :८  
२४ गो बरांडती हना, इन कली शुश रिम्शो दुम्ब ।  
२५ मोदंब दुम्ब, दे तुइश्शा, इन थमा सुइक्चा नु  
ग्यरपाइक्तीक बारल, दे गो गेपुकी नु बाक्नुड,  
दे तुइक्नुड । फिलिप्पी २ :२४ २६ मारदे हना  
गो इन कली लेंशा गरुम्थ जाक्नुड, गेपुकीमी  
आं जाक्शो आ पर्वम खरीस्त येसु कली ठेयब  
सल्नीनी ।

थमा सुइक्व श्येत जाइनीम

२७ गो इन नाक्त कित कित डा पतीकमी  
खरीस्त आ ग्यरपाइक्व लोत्र कली शिरशो  
दुम्शा बाक्कीन । गो गेपुकी नु बाक्ती हना यो,  
मबाक्ती हना यो, इन सोक्त का दुम्शा, इन थुं  
का दुम्शा, ग्यरपाइक्व लोत्र डा थमा सुइक्तीक  
गेय पा वारच पमुने । २८ इन कली श्येत गेब  
आन कली तशा काइ महिनीन । मेकोन मेको  
आन कली बरुतीक चिनु बाक्व । इन कली चहिं  
बरांडतीक चिनु दुम्ब । मेको परमपरभु यावे रे  
दुम्ब । २थिस्सलोनिकी १ :५ २९ खरीस्त कली  
थमा सुइक्चा ला इन कली गेशो ममाइ, तन्न  
मेको आ पर्वम श्येत जचा यो गेशो बाक्व ।  
३० मुल आं श्येत जशो खोंदंशो पा, गेपुकी यो  
श्येत जाइनीनी । पररित १६ :२२

खरीस्त खोंदंशो दुमीन

१ खरीस्त आ पर्वम इन दातमी थुं  
२ बारपाइक्तीक, दाक्शा वारच पाइब, दे  
थुं नाइक्तीक, थमा सुइश्शा थुं का दुम्तीक,  
दाक्मुतीक नु शिशी पतीक बाक्तकम हना,  
२गेपुकी खाल का डा दुम्शा, उइक्थ उइक्थ  
पा दाक्मुशा, नेल्ल गारशा थुं का दुम्शा, आं  
कली शुश ग्यरपाइक्नीनी । ३गेपुकी ठेयब  
लेश्शा “गो ठेयब नड” दे मिम्शा, काइ गेय  
मपने । बरम्शो थुंमी “मेको मुर आं क्येडा  
ठेयब बाक्व” दे मिम्तीन । गलाती ५ :२६ ; रोमी  
१२ :१० ४ गेपुकी का का पा नेल्लेमी आंम  
दाक्शो ला ममिम्थु, अरु मुर आन दाक्शो “मार  
बाक्मे” मेको यो मिम्तीन । १कोरिन्थी १० :२४ ;  
१कोरिन्थी १३ :५ ५ खरीस्त येसु नु बाक्शो थुं  
इन दातमी कांडीन । ६ खरीस्त येसु परमपरभु  
यावे नु उइक्थ दुम्शो बाक्त हना यो “परमपरभु  
यावे नु उइक्थ दुम्ती” दे ममिम्थु, यूहन्ना  
१ :१२ ; यूहन्ना १७ :५ ७ मेको नेल्ल परांडशा,  
वाइल खोंदंशो दुम्शा, मुर दुम्शा जरमसाक्व ।  
यसेया ५३ :३ ; मत्ती २० :२८ ; २कोरिन्थी ८ :९ ;

हिबरू २ :१४,१७ ८ मिनु मुर दुम्शा, साइक्चा  
पुंडसीचा सम्म परमपरभु यावे कली टिशा, शीम  
क्याइश्शा साइक्चा पुंडसीशा, आ बरम्शो  
थुं कांडताक्व । लुका १४ :११ ; हिबरू १२ :२ ;  
हिबरू ५ :८ ९ मोपतीक परमपरभु यावेमी मेको  
कली नेल्ल क्येडा ठेयब सल्शा, आ नं यो  
अरु आन क्येडा ठेयब सल्लु । पररित २ :३३ ;  
एफिसी १ :२१ ; हिबरू १ :३-४ १० येसु आ नं नंशा,  
स्वर्गम बाक्व, रागीम नु रागी आगाम बाक्व  
नेल्लेमी बाप्शा, पोक्व थेक्चा माल्नीम ।  
यसेया ४५ :२३ ; यूहन्ना ५ :२३ ; परकाश  
५ :१२-१३ ११ मिनु नेल्लमी “येसु खरीस्त परभु  
बाक्व” दे परमपरभु यावे, इन आफ कली ठेयब  
सल्वा माल्नीम । परकाश ५ :३३

परमपरभु यावे आ आलपुकी

१२ आं दाक्शो लोकबपुकी, गेपुकीमी नेल्ल  
नाक्त आं दंशो टीतीनी । गो बाक्डानु ला ममाइ,  
गो मबाक्डानु यो मेको क्येडा शुश रिम्शो पने ।  
गेपुकी हिंशा खिरंखिर पा इन पाप रे बरांडतीक  
गेय पने । १पतरुस १ :१७ १३ मारदे हना परमपरभु  
यावेमी इन थुंमी गेय पाइब । मार गेय पाइब दंशा  
हना, आ दाक्शो पचा, दे इन कली दाक्व थुं गेशा,  
गेय पपाइक्व । फिलिप्पी १ :६

१४ गेपुकीमी सुंइच मपथु, दाल्गीर मपथु, गेय  
पने । १५ मोपा दोस गचा मपुंडसीब, परमपरभु यावे  
आ रिम्शो आल दुम्नीनी । मरिम्शो नु दूली पाइब  
मुर आन दातमी स्वर्ग डा छुड्छुड् खोंदंशो  
दुम्नीनी । फिलिप्पी १ :१० ; मत्ती ५ :१४ ; एफिसी  
५ :८-९ १६ मोपा बरांडचा गेब लोत्र मपरांडब  
दुम्नीनी । मिनु खरीस्त आ जाक्ची ना गो मो  
मगाक्ड, मो गेय यो मपड, दे ग्यरशा बाक्चा  
तडल । २कोरिन्थी १ :१४ ; १थिस्सलोनिकी २ :१९  
१७ गो इन थमा सुइक्चा आ पर्वम गेय पा,  
साइक्चा पुंडसाक्यो हना यो, ग्यरसीनुड । गे  
नेल्ल नु ग्यरशा बाक्नुड । २तिमोथी ४ :६  
१८ मोपा गेपुकी यो ग्यरसीन । मिनु गो नेल्ल  
ग्यरसय । फिलिप्पी ४ :४

तिमोथी नु इपाफरोडीटस

१९ परभु येसुमी तिमोथी कली इन कली गरुम्थ  
साइक्चा गप्तु हना, बरा साइक्नुड । इन पर्वम  
लोत्र नंशा, गो यो ग्यरसीनुड । २० मारदे हना मेको  
खोंदंशो अरु मबाक्नीम । “गेपुकी दोपा बाक्नी  
माइ” दे थमा पा शुश मिम्शा, सुर्ता पाप्तु ।  
१कोरिन्थी १६ :१० २१ नेल्लेमी आंम आंम दाक्शो

ला मिम्शा, पना पन बाक्नीमी। येसु खरीस्त आ दाक्शा मिम्शो चहिं मपाइनीम। रतिमोथी ४:१०,१६ २२ गपुकीमी तिमोथी कली तुइक्नीनी। दोपा तीमी आ आफ नु गेय पाइबा, मोपा मेको गो नु परमपरभु यावे आ ग्येरपाइक्व लोत्र शंथ गाक्त। २३ मोपतीक आं कली मार मार दुम्बा, मेको तुइक्तु नोले गो मेको कली इन बाक्तीक ब्रा सोइक्नुड, दे आस पाता। २४ परभुमी आं कली एकर र पराइब, दे थमा सुइक्नुड। मिनु गो यो इच्का नाक्त नोले जाक्नुड। फिलिप्पी १:२५

२५ इन सोइश्शो आं कली वारच पाइब आं लोक्व इपाफरोडीटस कली लेशशा सोइक्नुड। मेकोमी गो नु गेय पाप्तु। गो नु काथा गाक्शा, परमपरभु यावे आ लोत्र शंताक्व। फिलिप्पी ४:१८ २६ मेकोमी नेल्ल इन कली शुश मिम्ताक्व। मारदे हना गपुकीमी “मेको रोइ पाप्तु” देशो नंतीनी ने। मोपतीक शुश सुर्ता पाप्तु। २७ इपाफरोडीटस थमा पा बेक्चा डा रोइ पाप्तु। तन्न परमपरभु यावेमी मेको कली शिशी पाइक्तु। मेको कली ला ममाइ, आं कली यो शिशी पाइक्ती। मोपतीक गो शुश श्येत मज्जड। २८ मेको कली इन बाक्तीक सोइक्वा दाक्नुड। गपुकी मेको कली लेशशा जाक्शो तशा, ग्येरनीनी। मो दुम्मेनु, आं हेल्शो थुं यो सोपी दुम्ब। २९ गपुकीमी परभु आ नंमी मेको कली रिम्शा पन, ग्येरसीन। मोदंशो मुर कली ठेयब संलीन। १ कोरिन्थी १६:१६ ३० मेकोमी खरीस्त आ गेय पशा, आम कली ममिम्थु, इन पा डा आं कली वारच पथ जाक्मेनु, रोइ पा हरा बक्त।

पावलम आ पर्वम पशो लोत्र

१ आं दाक्शो लोक्वपुकी आं नोले डा लोत्र मार ३ बाक्व देशा हना, परभु नु बाक्शा ग्येरसीन। मोदंशो लोत्र गो इन कली बरक्ना बरक्न बाक्ती हना यो, श्येत ममिम्नुड। मेको इन कली बोल्यो दुम्चा कली बाक्व। फिलिप्पी २:१८ ; फिलिप्पी ४:४

२ कुचुम सोदंशो मुर आन क्येडा होस पा बाक्कीन। मरिम्शा गेय पाइब आन कली तशा, होस पा बाक्कीन। खरोइक्तीक चिनु खरोइक्वा माल्ब देब, आन क्येडा यो होस पा बाक्कीन। परकाश २२:१५ ; गलाती ५:१२ ३ मारदे हना गोपुकी थमा खरोइक्तीक चिनु डा मुर बाक्नय। गोपुकीमी परमपरभु यावे आ सोक्त आ पतीकेमी सुम्की पा बाप्शा, परमपरभु यावे कली गेय

पशा, खरीस्त येसु आ पतीकेमी ग्येरसय। मुर आ पतीकेमी थमा मसुइय्य। रोमी २:२९ ४ गो मुर आन पतीक कली थमा सुइक्ने चाप्नुड। मुरपुकीमी आन पतीकेमी थमा सुइक्ने चाप्नीमी, दे मिम्नीमी। मोदंब दुम्त हना, गो यो मेको आन क्येडा शुश चाप्नुड। २ कोरिन्थी ११:१८,२२ ५ गो ८ नाक्त डा आल बाक्डानु, खरोइक्तीक चिनु ताता। गो इसराएली नड। गो बन्यामीन आ थर डा मुर नड। हिबरू मुर र जर्मेशो, हिबरू नड। परमपरभु यावे आ अरेशो पशा, फरिसी दुम्ती। रतिमोथी १:३ ; पररित २६:५ ६ गो थमा सुइक्व आन कली खंदा पाता। परमपरभु यावे आ अरेशो लोत्र टिशा, ठीक पाता, दे मिम्शा, दोस मताइब दुम्ती, देती। पररित ८:३ ७ तन्न गो खरीस्त कली तुइश्शा, आम कली ठेयब सेल्सीतीक नेल्ल ग्येरशा पराइता। मत्ती १३:४४-४६ ८ थमा पा, गो आं डांइती डा पशो जाम्शा लाइब बाक्व, दे तुइक्ताक्ड। मारदे हना आं परभु येसु खरीस्त कली तुइक्वा नेल्ल क्येडा ठेयब बाक्व। मोपतीक मेको आ पर्वम आं पशो नेल्ल ताइश्शा, गरांगरा दिचा डा बाक्व, दे तुइक्ताक्ड। मारदे हना गो खरीस्त नु बाक्व मुर दुम्ती। १ मोपा आ मुर दुम्शा, परमपरभु यावे आ अरेशो लोत्र डा आम ठीक पतीक मबाक्थु, खरीस्त कली थमा सुइक्तीकेमी ठीक दुम्तीक बाक्व। मेको ठीक दुम्तीक परमपरभु यावेमी गेशो थमा सुइक्तीक र ला बाक्व। रोमी ३:२२ १० आं दाक्शा मार बाक्त देशा हना, गो येसु खरीस्त कली तुइक्ने चबुल। आ संतीक सक्ति गो नु बाक्त। दोपा श्येत जशा, साइक्वा पुइसीशो बाक्म, मोपा गो यो मोदंशो दुम्डल। रोमी ६:३-५ ; रोमी ८:१७ ; गलाती ६:१७ ११ दुम्ने चाप् हना, गो यो बेक्शो र संसीन चबुल, देती।

पावल आ माल्शो गेय

१२ मुल सम्म गो मेको नेल्ल मतड। मिनु ठीक मदुम्ड। तन्न मेको आं के दुम्ल, दे शुश गेय पाइनुड। मारदे हना खरीस्त येसुम आं कली आ मुर सल्लती। कलस्सी १:२९ ; १ तिमोथी ६:१२ ; पररित ९:३-६ १३ आं लोक्वपुकी, मुल सम्म गो नेल्ल मतड। तन्न गो मुल मार पाइनुड देशा हना, आं डांइती पशो नेल्ल परंशा, मुल पचा माल्शो मार बाक्म, मेकोन शुश पाइनुड। लुका ९:६२ १४ परमपरभु यावेमी खरीस्त येसु आ नंमी

आ बाक्तीके रे इनाम गेचा कली मार देम, मेकोन शुश पाइनुड। १कोरिन्थी ९ :२४

१५ इं दातमी सु सु रुन्ने चाण्व बाक्नी, मेकोमी आं खोदंशो पा मिम्तीन। गेपुकीमी आं खोदंशो पा ममिम्ताक्नी हना, परमपरभु यावमी इन कली तुडक्पदल। १६ गोपुकीम मार रुब्या, मेकोन पय।

### स्वर्ग डा मुर

१७ आं दाक्शो लोकवपुकी, गेपुकी आं खोदंशो दुमीन। आइं खोदंशो पा गेय पाइब आन कली कोव्रशा, मेको आन खोदंशो पन। १कोरिन्थी ११:१ १६ गो इन कली का निक्शी मुर आन पर्वम लोत्र पाता। मुल आं थुं साइशशा, डाक्शा लोत्र पाइनुड। मारदे हना मेकोपुकी खरीस्त आ जोरी सतर दुम्शा, आ बेक्शो आ पर्वम मारइ ममिम्नीम। १कोरिन्थी १:२३; गलाती ६:१२ १९ नोले मेकोपुकी जाम्शा लाइनीम। आन कोव्रज कली परमपरभु याव क्येडा ठेयब बाक्ब, दे मुने पचा डा गेयमी आंम कली ठेयब सेल्सीशा, आन थुंमी रागी डा माल्शो ला मिम्नीम। रोमी १६:१८ २० तन्न इं बाक्तीक स्वर्गम बाक्ब। मारदे हना गो स्वर्ग डा मुर नय। मेकर रे इं पाप रे परांडब परभु येसु खरीस्त जाक्ब, दे रिम्नय। एफिसी २:६; कलस्सी ३:१; हिब्रू १२:२२; तीतस २:१३ २१ मेकोमी इं बेक्चशो रां आ सक्ति पाइशशो रां खोदंशो सल्ब। मेको आ सक्तिमी नेल्ल आन कली आ डांडती सुम्की पा बाप्याइक्ब। १कोरिन्थी १५:४९; २कोरिन्थी ५:१; १यूहन्ना २:३

### थुं का डा दुमीन

४ १ मोपतीक आं दाक्शो लोकवपुकी, परभु कली थमा सुइशशा, सोइल थक्शा बाक्कीन। गो इन कली दाक्शा शुश मिम्नुड। गेपुकीम आं कली ग्येरपाइशशा, आं गरातीक सिरपच खोदंशो दुम्तीनी। २कोरिन्थी १:१४; १थिस्सलोनिकी २:१९-२०

२इयोदीया नु सुन्तुके “परभु कली थमा सुइशशा थुं का दुमीस” देती। ३मिनु गो नु गेय पाइब वारच, इ कली “मेको मीश मुर निक्शी आस कली वारच पावो” देती। मारदे हना मेको निक्शीमी गो नु काथ काथा ग्येरपाइक्ब लोत्र शंतीक गेय पाम्ताक्स। क्लेमेन्त नु अर्का वारच आन कली यो वारच पाम्ताक्स। मेको नेल्ल आन नं बरांडतीक किताबमी बरक्शो बाक्ब। लुका १०:२०

### परमपरभुमी गेशो थुं नाइक्तीक

४ परभु नु बाक्शा गेना हना यो ग्येरसीन। गो लेशा “ग्येरसीन” देनुड। फिलिप्पी ३:१; २कोरिन्थी १३:११; १थिस्सलोनिकी ५:१६ ५ इन रिम्शो पतीक मुर नेल्ल आन कली कांडीन। परभु जाक्चशो बाक्ब। तीतस ३:२ ६ सुतां मपन। परमपरभु याव नु लोत्र पा, इन माल्शो पुंडशा “गो रिम्शा पाइब बाक्नीनी” दे परमपरभु याव कली देनीन। मत्ती ६:२५-३४; १पतरूस ५:७ ७ परमपरभु याव आ गेशो थुं नाइक्तीक रुन्ने मचाण्वा डा ठेयब बाक्ब। मेको थुं नाइक्तीक इन थुं नु इन मिम्शो खरीस्त येसु नु बाक्ब। यूहन्ना १४:२७; कलस्सी ३:१५

५ आं लोकवपुकी, आं नेल्ल क्येडा नोले डा लोत्र मार बाक्ब देशा हना, तेको थमा बाक्बा, तेको शिरशा बाक्बा, तेको ठीक बाक्बा, तेको गरांगरा मदिशा बाक्बा, तेको दाक्चा डा बाक्बा, तेको रिम्शो लोत्र बाक्बा, तेको नेल्ल क्येडा रिम्शो नु दास गेचा मपुंडसीब बाक्बा, तेको “रिम्शो पाइब” दे माइक्चा पुंडसीब बाक्बा, मेको आ पर्वम मिम्तीन। ९ गो इन कली मार शंदु, गे मार रुन्नी, मार नंनी, आं कली मार पशो तनी, मेकोन पन। मो पाइतीनी हना, इन थुं नाइक्चा गेब परमपरभु याव गेपुकी नु बाक्ब।

### गेचा नु ताक्चा आ पर्वम

१० गो परभु नु बाक्शा शुश ग्येरसीनुड। मारदे हना शुश नाक्त नोले ग आं कली लेशा मिम्ताक्नी। गेपुकीमी आं कली नेल्ल नाक्त थमा पा मिम्शा बाक्तीनी। तन्न डांडती मारइ सोइक्ने मचाण्वा बाक्तीनी। मुल चहिं सोइक्ताक्यीनी। ११ गो श्यत जचा आ पर्वम लोत्र मपाइनुड। मार दुम्त हना यो, ग्येरसीशा बाक्चा, दे शंसीशो नड। १तिमोथी ६:६ १२ परुडग दुम्चा नु शांप पाइशशा दुम्चा, दोपा बाक्म, गो मेको निम्फा तुडक्नुड। गो गेना हना यो रुशा बाक्चा नु शोत्रलु बेक्शा बाक्चा, निम्फा शंसाक्यी। मोपा शुश बाक्त हना यो, काइ मबाक्त हना यो आं कली ठीक दुम्ब। २कोरिन्थी ६:१० १३ आं कली सक्ति गेब आ नंमी गो नेल्ल पन चाण्नुड। २कोरिन्थी १२:१०

१४ दोदंब दुम्त हना यो, गेपुकीम आं कली वारच पशा रिम्शो पाइतीनी। १५ ग्येरपाइक्ब लोत्र शंचा डांडती मासीडोनीया रागी परांडशा लडा नोले, सुइमी आं कली वारच मपाम,

गे फिलिप्पीपुकीम ला पाइतीनी। गेपुकीम आं शंशो ताइतीनी, मिनु इन वारच पशो गो ताता। २कोरिन्थी ११:९ १६थिस्सलोनिकी सहरमी बाक्डानु यो, गे निक्शो खंयप वारच पा क्येट सोइक्ताकर्यानी। १७इन गेशो क्येट ममिम्नुड, तन्न परमपरभु यावेमी इन मो पशो तशा, इन कली रिम्शो पाइव। गो मोदंशो तचा दाक्नुड। १८गो मार मार माल्डा, आं माल्शो क्यडा शुश ताता। इपाफरोडीटसमी इन सोइश्शो क्येट गेती। मेको बरोव्रशो रिना पाइश्शो परमपरभु यावे कली चदंशो खोदंशो बाक्व। परमपरभु यावे इन मो पशो तशा ग्येरसाक्व। फिलिप्पी २:२५ १९मिनु आं परमपरभु यावेमी इन माल्शो नेल्ल

आ स्वर्ग डा बाक्तीक येसु खरीस्त आ पतीक रे शुश गेव। २०इं आफ परमपरभु यावे कली गेना हना यो ठेयब सल्य। आमन।

नोले डा लोव

२१खरीस्त येसुमी बाक्शो थमा सुइक्व नेल्ल आन कली “रिम्शो बाक्कीन” मतीन। गो नु बाक्व लोक्वपुकीमी “रिम्शो बाक्कीन” देतक्म। २२सिजर आ सिं डा नु अरु थमा सुइक्व नेल्लेमी यो इन कली “रिम्शो बाक्कीन” देतक्म। फिलिप्पी १:१३ २३परभु येसु खरीस्त आ शिशी गेपुकी नु बाक्ल।

## कलस्सी

बरेकब मुर: एको चिठी पावलमी बरेकशा बाकब ।  
गेना बरेकशा: पावल रोम सहरम ग्याइकचा  
पुंडसीशा ६२ ए. डी. थुम्ची ना कि ६३ ए. डी.  
गाची ना बरेकशा बाकब ।

मारदे बरेकशा:

१. येसु खरीस्त परभु बाकब । कलस्सी १:१३-२९

२. थमा सुइकब आन गरुम्तीक खिं दोदेशो  
दुम्चा माल्ब । कलस्सी २:१-२३

३. थमा सुइकब दोपा बाकचा माल्नीमी नु नोले  
डा लोत्र । कलस्सी ३:१-४, ६ नु ४:१८ सम्म

### डांइती डा लोत्र

१गो परमपरभु यावे आ दाकशा पा, खरीस्त  
१ येसु आ सोइशो पावल नड्ड । इं लोकब  
तिमोथी गो नु बाकब ।

२गो कलस्स सहर डा परमपरभु यावे कली  
थमा सुइकब नु खरीस्तमी बाकशा लोकब इन  
कली चिठी बरेकताकड्ड । इं आफ परमपरभु यावेमी  
इन कली शिशी पा थुं नाइकचा गेवल ।

### कलस्सी आन पर्वम प्रार्थना

३गो निक्शीमी इन पर्वम प्रार्थना पस्कुनु,  
इं परभु येसु खरीस्त आ आफ परमपरभु यावे  
कली “गे रिम्शा पाइतीनी” दनस्कु । ४ मारदे  
हना गेपुकी खरीस्त येसु कली थमा सुइकतीनी ।  
मिनु थमा सुइकब नेल्ल आन कली दाकनीनी,  
देशो नंतस्कु । ५ स्वर्गमी इन कली रिम्शा दुम्ब,  
दे तुइकताकनी । गेपुकीमी डांइती रे थमा लोत्र  
पशा नंतीनी । मेकोन ग्येरपाइकब लोत्र बाकब ।  
१पतरुस ३:३-४ ६ इन सहर नु नेल्ल अरु सहर डा  
मुरपुकीमी यो मेको ग्येरपाइकब लोत्र नंतकम ।  
इन दातेमी दोदेशो पा बारशा लम, मोदेशो पा  
रागी नेल्लेमी बारना बारन लत । गेपुकीमी मेको  
लोत्र नंशा, परमपरभु यावे आ शिशी थमा पा  
रुनी नाक्त रेन मेको लोत्र बारना बारन लत ।

७ इपाफरास आंस दाकशा लोकब, गो निक्शी  
नु गेय पाइब । मेको रिम्शा पा खरीस्त आ लोत्र  
इन कली शंब दुम्त । कलस्सी ४:१२ ; फिलेमान  
२३ ८ मेकोमी आंस कली गे परमपरभु यावे आ  
सोक्तीम पतीक मुर आन कली दाकनीनी, दे इन  
पर्वम तुइकपाइकतस्की ।

१ मिनु मेको लोत्र नंस्कु रे इन कली मिम्शा,  
परार्थना पना पन बाकतस्कु । मार परार्थना  
पाइतस्कु देशा हना “कलस्सीपुकीमी इन दाकशा  
मार बाकबा, मेको तुइकतमेकल । परमपरभु यावे,  
इन सोक्त डा तुइकतीक नु रुपतीक शुश  
तामेकल । एफिसी १:१५-१७ १० इन डांइती  
शिशा मुर दुम्मल । आन पशा नेल्लेमी इन  
कली ग्येरपदमेकल । रिम्शा पामनु, इन कली  
तुइकतीक आन थुंमी बारना बारन लत । एफिसी  
४:१ ; फिलिप्पी १:२७ ११ इन छेडछेड डा सक्ति  
सोदेशो पा मेको आन कली सक्ति पाइशो,  
बोल्थो सेलीन । मिनु सक्ति पाइशो बोल्थो  
दुम्शा, मारइ मारइ फाल्ने चाप्नीम” दे प्रार्थना  
पाइतस्कु । १२ इं आफ, परमपरभु यावे कली “गे  
रिम्शा पाइब बाकनीनी” देनीन । मारदे हना इन  
कली थमा सुइकब आन छेडछेडमी बाकचा  
गेपु । एफिसी १:११ ; १पतरुस १:४ १३ मेकोमी  
इं कली छिडछिड डा राज्य डा अधिकार रे  
गरुइशा, आ दाकशा ती आ राज्यमी ओइताकव ।  
कलस्सी २:१५ १४ मेकोमी इं कली मरिम्शा रे  
प्रांइशा, इं पाप क्याम्ताकव । एफिसी १:७

### येसु डांइती डा बाकब

१५ सुइमी तने मचाप्शो परमपरभु यावे सोदेशो  
येसु खरीस्त रागी सल्ला डांइती रेन बाकत ।  
हिब्रू १:३ ; परकाश ३:१४ १६ सरीड नु रागीमी  
बाकब, तांइसीब नु मतांइसीब नेल्ल, पिपपुकी,  
मान पचा पुंडसीबपुकी, हुकुम पाइबपुकी,  
अधिकार पाइब नेल्ल नु मार मार सल्ला  
बाकमा, मेको नेल्ल येसु खरीस्तमी आंम कली  
सल्लु । यूहन्ना १:३,१० ; हिब्रू १:२ १७ मोपा  
मेको नेल्ल आन क्येडा डांइती डा बाकब ।  
मिनु नेल्ल आन कली बाकचा गेब यो बाकब ।  
१८ थमा सुइकबपुकी रां का बाकतकम हना, येसु  
खरीस्त मेको रां आ पिया बाकब । मेको नेल्ल  
आन क्येडा डांइती डा दुम्शा, डांइती बेकशा  
रे संसीब यो बाकब । मोपा नेल्ल आन क्येडा  
ठेयब बाकब । एफिसी १:२२ ; प्रेरित २६:२३ ;  
१कोरिन्थी १५:२० ; परकाश १:५

१९ मिनु परमपरभु यावेमी “आं सक्ति नेल्ल  
मेको आगामी बाकशा दाकनुड” दे ग्येरसाकव ।  
२कोरिन्थी ५:१० ; कलस्सी २:९ ; यूहन्ना १:१६ ;  
एफिसी १:२३ २० परमपरभु यावेमी येसु खरीस्त  
रेन मारइ मारइ आन कली आ नु गारपाइकतु ।  
सरीड नु रागीम बाकशा नेल्ल आन कली, शीम

केशा कांटी थोक्शा साइक्चा पुंडसीशा, आ  
हुशमी आ नु गारपाइक्त्तु। १५५हन्ना २ :२

परमपरभु आ नेक्था दुम्पाइश्शो

२१ डांडती गेपुकी परमपरभु यावे क्येडा डोन  
दुम्शा, इन थुमी मको कली ममिम्थु, मरिम्शो  
पना पन बाक्तीनी। एफिसी २ :१२-१३ ; एफिसी  
४ :१८ ; रोमी ५ :१० २२ मुल येसु खरीस्तमी आ रां  
साइक्चा गेशा, इन कली परमपरभु यावे आ मुर  
दुम्पाइक्त्तु। मोपा इन कली दोस मताइब, काइ  
हंथे मपाइब, परमपरभु यावे आ मुर सल्शा, आ  
डांडती राप्पाइक्त्तु। एफिसी ५ :२७ २३ गेपुकीमी  
थमा सुइक्ना सुइक्न बाक्शा, नोले मशांडसीथु  
खोइल थक्शा, इन नेशो ग्यरपाइक्ब लोत्र  
मप्रांडथु बाक्तीनी हना, मोदंशोन लीनीनी। मुल  
मेको ग्यरपाइक्ब लोत्र नेल्ल मुर आन कली  
नेपाइश्शो बाक्त्त। गो पावल, मेको लोत्र शंब  
दुम्ती।

पावल आ श्येत नु गेय

२४ मुल गो इन पर्वम श्येत जाता हना यो,  
ग्यरसाक्यी। मारदे हना आं रांमी खरीस्त  
आ लीशो श्येत थुम्पाइक्नुड। खरीस्त आ  
लीशो श्येत थमा सुइक्ब आन पर्वम बाक्ब।  
मेकोपुकी खरीस्त आ रां बाक्नीम। एफिसी  
३ :१३ ; २तिमाथी २ :१० २५ परमपरभु यावे आ  
पतीकमी मेको आन कली शंब दुम्ती। परमपरभु  
यावेमी आ लोत्र नेल्ल मेको आन कली शंतीक  
गेय गती। मोपा आ लोत्र खाप्चा कली शंब  
सल्लती। २६ साइ डांडती २ परमपरभु यावे आ  
मिम्शो खरुइश्शो बाक्त्त। मुल चहिं मेको आ  
मुर आन कली कांडशो बाक्त्त। रोमी १६ :२५ ;  
एफिसी ३ :३-६ २७ परमपरभु यावेमी मेको आन  
कली “आं डांडती खरुइश्शो लोत्र अर्का रागी डा  
मुर आन कली गिश रिम्शो, गिश ठेयब बाक्ब”  
दे तुइक्पाइक्त्तु। मेको खरुइश्शो लोत्र मार  
बाक्ब देशा हना, खरीस्त इन आगामी बाक्ब।  
मिनु इन कली परमपरभु यावे आ छेड्छेड्म  
बाक्चा गेब आस यो खरीस्तम बाक्ब। १तिमाथी  
१ :१ २८ गोपुकीमी येसु खरीस्त सु बाक्बा, मार  
पाइबा, दे शंनीकी। मुर नेल्ल आन कली “होस  
पा बाक्कीन” दे यो शंनीकी। मोपा गोपुकीमी  
मुर आन कली का का पा खरीस्त कली थमा  
पा तुइक्ब सल्शा, परमपरभु यावे आ डांडती  
राप्पाइक्चा दाक्नीकी। २९ मोपतीके गो बोल पा

शुश गेय पाइनुड। येसु खरीस्तमी आं कली  
मोदंशो पा आ सक्त्तमी गेय पपाइक्ब।

दूली शंब क्येडा होस पने

१ गो इन पर्वम, लाओडीसीया सहर डा थमा  
२ सुइक्ब आन पर्वम नु का निक्शी अरु आं कली  
गनाया मताइब मुर आन पर्वम गिश श्येत जडा,  
मेको नेल्ल इन कली तुइक्पाइक्चा दाक्नुड।  
२ मेकोपुकी दाक्मुशा आन थुं बारपदमेकत। थमा  
पा रुप्तीक गिश ठेयब बाक्बा, परमपरभु यावेमी  
खरीस्त आ पर्वम खरुइश्शो लोत्र मार बाक्बा,  
मेको नेल्ल रुप्मेकत। ३ रुप्तीक तुइक्तीके नेल्ल  
खरीस्त आगाम खरुइश्शो बाक्नीम। १ कोरिन्थी  
१ :२४,३० ४ मारदे इन कली मो देती देशा हना,  
जोल पा शंब जाक्शा, शुश मिलो शिलो लोत्र  
पशा, दूली शंन मचाप्मेकत, दे मो देती। रोमी  
१६ :१८ ५ गो इन नेक्था मबाक्ती हना यो, आं  
थुमी गेपुकी नु बाक्नुड। इन रिम्शो पशा नु  
खरीस्त कली बोल्यो पा थमा सुइश्शो तशा  
ग्यरसाक्यी। १ कोरिन्थी १४ :४०

नेल्ल खरीस्तम बाक्ब

६ गेपुकी दोपा डांडती परभु खरीस्त येसु  
कली आवचा गेनी, मोपा मेको नु बाक्कीन।  
७ खप आगामी शाक्श थोक्शो रवा खोदंशो पा,  
खरीस्त आगा डा बोल्यो मुर दुम्शा बाक्कीन।  
दोपा शंसीनी, मोपा बोल्यो पा थमा सुइश्शो,  
परमपरभु यावे कली “गे रिम्शो पाइतीनी” दे शुश  
देना देन बाक्कीन। एफिसी ३ :१७

८ मिनु गेपुकी दूली लोत्र शंब आन नोले  
मखोतीन। मेकोपुकीमी इन कली मुर आन  
मिम्तीके नु फश लोत्र पशा, मुर आन रिती  
थिती ला शंनीमी। मेको रागी रागी डा मुर  
आन थुं डा बाक्ब, खरीस्त के ममाइ। ९ मारदे  
हना परमपरभु यावे आ सक्त्त नेल्ल खरीस्तम  
बाक्ब। यूहन्ना १ :१४-१६ १० गेपुकी मेको नु  
बाक्शा, आ बरोडतीके सक्त्तम बरीशो मुर  
दुम्तीनी। मेको नेल्ल हुकुम पाइब नु नेल्ल  
अधिकार पाइब आन पिया बाक्ब। एफिसी  
१ :२१ ११ मेको आ पशांमी खरोइक्तीक चिनु  
पाइश्शो खोदंशो दुम्तीनी। मेको खरोइक्तीक  
चिनु मुरुमी खरोइश्शो ममाइ, गेपुकी खरीस्त  
कली थमा सुइश्शो, इन मरिम्शो पशा ताइश्शो  
इन खरोइक्तीक चिनु दुम्त। रोमी २ :२९ ; रोमी  
६ :५ ; १ पतरुस ३ :२१ १२ मिनु गेपुकी ब्वाक्कुम  
खरुम्शा गृंइचा पुंडसीनीनु, मेको नु बक्शा

थिम्शा दुम्तीनी। परमपरभु यावे आ पतीक कली थमा सुइक्तीक मेको नु बेक्शो र संशो यो बाक्नीनी। रोमी ६ :४ ; कलस्सी ३ :१ १३ डांडती गोपुकी मरिम्शा पाइब दुम्शा, खरोइक्तीक चिनु इन रांमी मखरोइक्थु, बेक्शो मुर खोंदंशो बाक्तीनी। परमपरभु यावमी ई मरिम्शा पतीक नेल्ल क्याम्शा, ई कली यसु खरीस्त नु बरांडपाइक्तु। एफिसी २ :१,५ १४ नेल्ल गेचा चिक्शा दोस नु सजाइ बेक्शा कागज लाइश्शा, कांटी थोक्शा साइक्तीक शीम वोइक्तु। एफिसी २ :१५ १४ मेकोमी हुकुम पाइब नु अधिकार पाइब आन कली आन या रोइश्शा फरुस्तीमी। मोदंशो पा गराशा, नेल्ल आन कली कांडताक्व। परमपरभु यावे यसु खरीस्त आ पशो तशा शुश ग्यरसाक्व। कलस्सी १ :१३ ; एफिसी ४ :८ १६ मोदंशो दुम्शा इन कली मार मार जचा तूचा दुम्बा, मार मार जचा तूचा मदुम्बा, मार मार चाड मानेचा, तेको औसी ठेयब सेल्वा, तेक तेको नाइक्तीक नाक्ती ठेयब सेल्वा देब मुर आन लोत्र मनेनीन। रोमी १४ :१-१२ १७ मेको दुम्बा चिक्शा आ वांकु ला बाक्नीम। थमा सुइक्तीक रां चहिं खरीस्त के बाक्व। हिबेरू ८ :५ ; हिबेरू १० :१ १६ सुइमी इन कली “मतुइक्व मुर ननी” देचा मगन। मेकोपुकीमी आंम मिम्शा पशो बाक्नीम, स्वर्ग डा गेय पाइब आन कली सेउ पचा माल्नीनी, दे शंनीमी। “गो डोमु खोंदंशो पा ततीक तुइक्ताक्व” देनीमी। मेको मुरपुकी मो ठेयब लेश्शा बाक्शा, आन मिम्शा ला शंनीम। ११ मेकोपुकी पिया नु मबाक्शो बाक्नीम। मेको पियामी रां कली थुल्ना थुल्न बाक्मेनु, नाडी नु रुशम बोइक्पाइश्शा, परमपरभु यावमी मेको रां कली कोल्पाइक्व। एफिसी ४ :१५-१६

२० गोपुकी खरीस्त नु बेक्तीनी हना, रागी डा थोत्रक नेल्ल इन कली आइक्व बाक्व। मिनु मारदे गोपुकी रागी डा मुर खोंदंशो पा पाइनीनी ? मारदे गोपुकी रिती थिती पचा टीनीनी ? गलाती ४ :९-१० २१ मेकोपुकीमी “मेको थिचा मदुम्ब, थाम्बा मदुम्ब, पचा मदुम्ब” देनीम। २२ मेको शंबपुकीमी गेय पना पन जाम्ब थोत्रक आन पर्वम लोत्र पाइनीम। मेको लोत्र मुर आन मिम्शा लोत्र ला ममाइ डा ? मत्ती १५ :९ २३ मिनु मेको रिती थिती पचा, शुश धर्म पचा नु मुर आन माल्शो मपथु, थमा पा जोक्व तुइक्व नु बेरम्शो दुम्सु पाइनीम। तन्न मोदंशो पतीकेमी मुर आ मरिम्शा पतीक तेक्ने मचाप्ब। श्रुतिमोथी ४ :३ ; रोमी १३ :१४

माइत नु नक मुर

३ १ गोपुकी खरीस्त नु संसीशो बाक्तीनी हना, स्वर्गमी बाक्व दोपा बाक्मा, मेको मालीन। मकर खरीस्त परमपरभु यावे आ ग्युरा गे निश्शो बाक्व। कलस्सी २ :१२ २ इन थुंमी स्वर्गम बाक्व कली मिम्तीन। रागी डा थोत्रक ममिम्तीन। मत्ती ६ :३३ ३ मारदे हना गे बेक्तीनी। इन थुं खरीस्त नु परमपरभु यावमी खरुइश्शा वोइश्शो बाक्व। रोमी ६ :२ ४ ई कली बरांडेचा गेब खरीस्त गरुत हना, गे यो मेको नु परमपरभु यावे आ छेड्छेड् डा बाक्तीकेमी गरुनीनी। १ कोरिन्थी १५ :४३ ५ मोपतीक इन आगामी बाक्शो माइत रागी डा थुं कली सतीन। रागी डा मुर आन थुंमी मार बाक्व देशा हना, हेथ पचा, मार मार गरांगरा दिचा डा गेय पचा, आंम दला दाक्स पचा, मरिम्शा मिम्तीके नु शिम दुम्तीके बाक्व। शिम दुम्तीके चहिं मूर्ति पूजा पचा खोंदंशो बाक्व। एफिसी ५ :३ ६ परमपरभु यावे मोदंशो पाइब मटीब मुर आन पर्वम शुश गाइक्व। एफिसी ५ :६ ७ गोपुकी यो डांडती मोदंशो पना पन बाक्तीनी। ८ मुल चहिं मेको नेल्ल ताइक्तीन। गाइक्वा, चुरचा, मरिम्शा पचा, अरु आन पर्वम मरिम्शा लोत्र पचा, आल आल लोत्र पचा ताइक्तीन। एफिसी ४ :२९,३१ १ गोपुकी जोल मपमुने। मारदे हना, गे डांडती डा पतीक नेल्ल ताइक्ताक्नी। एफिसी ४ :२२-२५ १० रिम्शा पाइब नक मुर दुमीन। परमपरभु यावमी इन थुं आ थुं खोंदंशो पा नक सेल्ना सेल्न बाक्व। मारदे मो पाइब देशा हना, आंम कली नेल्ल तुइक्पाइक्वा कली मोदंशो पाइब। एफिसी ४ :२४ ; उत्पत्ती १ :२६-२७ ११ मुल रे गरीक नु यहूदी खरोइक्तीक चिनु खरोइक्पाइसीशो नु मखरोइक्पाइसीशो मुरपुकी उइक्थ उइक्थ दुम्तेक्म। रागी रागी डा मरुप्चा डा लोत्र पाइबपुकी, ब्याकी मुरपुकी, वाइलीम वाइलपुकी नु ठेयब मुर उइक्थ उइक्थ दुम्तेक्म। खरीस्त नेल्ल क्येडा ठेयब बाक्व। मिनु नेल्ल आन आगामी बाक्व। गलाती ३ :२८ १२ गोपुकी परमपरभु यावे आ थोत्रशो, आंम आ दाक्शो मुर दुम्तीनी। मोपतीके शिशी पचा, रिम्शा पमुचा, बेरम्शा थुं पाइश्शो, ठेयब मलेत्थु टीब नु फाल्ब मुर दुमीने। १३ का निक्शीमी दोस गेचा पुंडिसाक्म हना, फाल्मुशा, माफ गेमुशा बाक्कीन। परभुमी दोपा इन कली माफ गेवा, मोपा माफ गेमुने। एफिसी ४ :२ ; मत्ती ६ :१४ ; एफिसी ४ :३२ १४ मेको नेल्ल पा

इन नेल्ल क्येडा ठेयब गेय दाक्मुचा बाक्ब । मारदे हना मेकोम नेल्ल इन कली थुं का डा सेल्ब । रोमी १३ :८,१० १५ खरीस्त आ थुं इन थुंम नाइश्शा हुकुम पचा गेने । गेपुकी रां का डा दुम्चा कली यावरीशी बाक्नीनी । गेपुकीमी परभु कली “गे रिम्शो पाइब बाक्नीनी” दे शुश देनीन । फिलिप्पी ४ :७ ; १कोरिन्थी १२ :१३,२७ ; एफिसी ४ :३-४ १६ खरीस्त आ लोत्र खात बरक्शा वातीन । गेपुकीमी शुश तुइश्शा, शंमुशा थुं बारपमुने । परमपरभु यावे आ लोत्र डा कुम्सा, परमपरभु यावे कली “गे ठेयब बाक्नीनी” दे पशो कुम्सा नु परमपरभु यावे आ सोक्तीमी इन कली शंशो कुम्सामी “गे रिम्शो पाइब बाक्नीनी” दे इन थुंमी परमपरभु यावे कली कुम्सा पने । एफिसी ५ :१९ १७ मार मार लोत्रपुकी, गेयपुकी, मारइ मारइ पनीनु, नेल्ल परभु येसु आ नेमी पने । इं आफ परमपरभु यावे कली “गे रिम्शो पाइतीनी” दे येसु आ नेमी देनीन । १कोरिन्थी १० :३१

#### थमा सुइक्ब दोपा बाक्चा

१८ गे मीश मुरपुकी, आम वोंइश आ देशो लोत्र टिने । मो पाइतीनी हना, परभु नु गारशो मुर दुम्नीनी । १पतरुस ३ :७

१९ गे वोंइश मुरपुकी, आम मीश कली दाक्शा, काइ श्यत मगेने ।

२० गे आलपुकी, इन आम आफ कली नेल्लेम टिने । मो पाइतीनी हना, परभु ग्यरब ।

२१ गे आल आन आफपुकी यो, इन आल आन कली रिम्शो पने । काइ श्यत मगेने । श्यत गतीनी हना, आन थुं जिक्ब ।

२२ वाइलीम वाइलपुकी, इन ठेयब मुरुमी मार मार देनीमी, मेको नेल्ल टिचा माल्नीनी । इन ठेयब मुरुमी कोत्रतेकम हना यो, मेकोत्रतेकम हना यो, थुं का पशा, परभु कली मान पा हिनीन । २३ इन गेय मार बाक्त हना यो, इन थुं नेल्लेमी मुर आन कली ममाइ, परभु कली गेय पने । २४ गे परभु आ गुइ रे इनाम ताइब बाक्नीनी, दे तुइक्नीनी । मेकोन मिम्ना मिम्न गेय पने । गेपुकी परभु खरीस्त कली गेय पाइब बाक्नीनी । २५ मरिम्शो पाइबपुकीम मरिम्शो पतीके कुल मेकोत्रथु निसाफ पचा पुंइसीनीम । रोमी २ :११

४ १ गे ठेयब मुरपुकी, इन के यो ठेयब होत्रप का स्वर्गम बाक्ब, दे तुइश्शा, इन वाइलीम वाइल आन कली ठीक पा आन माल्शो थोत्रक गेने । लेवी २५ :४३,५३

#### परार्थना पचा मप्रांइचा

२ गेपुकीमी परार्थना पचा मप्रांइथु, पना पन बाक्कीन । परमपरभु यावे कली “गे रिम्शो पाइब बाक्नीनी” देचा मप्रांदीन । रोमी १२ :१२ ; १थिस्सलोनिकी ५ :१७ ३ गेपुकीमी आंइ कली यो मिम्शा परार्थना पने । परमपरभु यावेमी आंइ कली खरीस्त आ खरुइश्शा लोत्र शुश मुर आन डांइती शेंन चाभेक्त्, दे पुनीन । मेको लोत्र शंतीके गो ग्याइक्चा पुंइसाक्की । रोमी १५ :३० ; एफिसी ६ :१९ ; २थिस्सलोनिकी ३ :१ ; १कोरिन्थी १६ :९ ; कलस्सी १ :२६-२७ ४ रिम्शो रुन्चा डा लोत्र पने चाभेक्त्, दे यो पुनीन ।

५ गेपुकी थमा मसुइक्ब आन डांइती रिम्शो जोक्शा तुइश्शा गेय पने । लोत्र पचा तनीनु, रिम्शो पा लोत्र पने । एफिसी ५ :१५-१६ ; १थिस्सलोनिकी ४ :१२ ६ इन पशो लोत्र हिक्सी डाम्शो खोंदेशो दुम्त् । इन कली हिल्लो पाइब नेल्ल आन कली दोपा लोत्र लेत्वा, दे तुइक्चा माल्नीनी । मर्कूस ९ :५० ; एफिसी ४ :२९

#### नोले डा लोत्र

७ आं पर्वमी मार मार दुम्मे, मेको नेल्ल तिसीकसमी इन कली देब । मेको इं दाक्शा लोकब बाक्ब । दीगो पा गेय पाइब नु आं खोंदेशो परभु आ वाइल बाक्ब । ८ गेपुकी दोपा बाक्नीकी, दे इन कली शोत्रचा नु इन थुं बारपाइक्चा कली मेको कली इन बाक्तीके साइक्ताक्ड । एफिसी ६ :२१-२२ ९ इं दाक्शा नु रिम्शो पाइब लोकब, आनसीमस मेको नु जाक्ब । मेको इन मुरुन बाक्ब । एक मार मार दुम्मे, मेको निक्शीमी इन कली देनीसी । फिलेमान १०

१० गो नु ग्याइक्चा पुंइसीब वारच अरीस्तारकसमी इन कली “रिम्शो बाक्कीन” दे आं कली बरक्पाइक्ती । बारनावास आ लोकब मर्कूसमी यो इन कली “रिम्शो बाक्कीन” देत । मेको जाक्मेनु, रिम्शो पा बाक्चा गेने । मेको आ पर्वम इन कली डांइती तुइक्पाइक्त्तनी । परेरित १९ :२९ ; परेरित २७ :२ ; परेरित १२ :१२,२५ ११ येसु माइश्शा याइनी नें पाइश्शा युस्तसमी यो इन कली “रिम्शो बाक्कीन” देत । परमपरभु यावे आ राज्य डा गेय पाइब आं वारचपुकी मेको सां ला खरोइक्तीक चिनु पाइश्शा यहूदी बाक्नीम । मेकोपुकीमी आं कली वारच पाइश्शा, आं थुं नाइक्चा गतीमी । १२ खरीस्त येसु आ गेय पाइब इन मुर इपाफरासमी इन कली

“रिम्शो बाक्कीन” दंत। मेकोमी इन कली मिम्शा, परमपरभु यावे कली “कलस्सी आन कली रुप्तीक थुं गेशा, इन दाक्शो नेल्ल तुइक्तमेक्ल” दे पुंइना पुंइन बाक्ब। कलस्सी १:७; फिलेमान २३ १३ इन कली, लाओडीसीया नु हिरापालीस डा थमा सुइक्ब आन कली शुश गेय पाप्तु, दे गो इन कली तुइक्पाइक्ता। प्रकाश ११:१; प्रकाश ३:१४ १४ ईं दाक्शो डाक्टर लूका नु डेमासमी यो इन कली “रिम्शो बाक्कीन” दंताक्स। १५ लाओडीसीया सहर डा लोक्ब आन कली नु नुम्फा माइश्शो आ खिमी गरुम्ब थमा सुइक्ब आन कली यो गोमी “रिम्शो बाक्कीन” दंत ने, दे मतीन। १६ मिनु

एको चिठी इन गरुम्तीकमी पढेने थुम्शा, लाओडीसीया सहर डा थमा सुइक्ब आन गरुम्तीकमी यो पढेचा गेने। लाओडीसीया डा थमा सुइक्ब आन कली बरक्शो चिठी गेपुकीमी पढेने। १७ गेपुकीमी अरकीप्स कली “परभुमी इ कली गेशा शंतीक गेय नेल्ल रिम्शो पावा” दे मतीन। फिलेमान २

१८ गो पावलमी इन कली “रिम्शो बाक्कीन” दे आमा बरक्ताक्ड। गो ग्याइक्चा पुंइसीशो बाक्नुड, दे मपरंदीन। परमपरभु यावे आ शिशी गे नु लील। १९ कोरिन्थी १६:२१; गलाती ६:११; २थिस्सलोनिकी ३:१७

## १ थिस्सलोनिकी

बरेक्ब मुर: एको चिठी पावल थिस्सलोनिकी आन कली आ डांडती बरेक्शा चिठी बाक्ब ।

गेना बरेक्शा : पावल निक्शी खेयप रागी रागी लशा, कोरिन्थ सहरम बाक्शा, एको चिठी ५३ ए. डी. मको बरस डा डांडती डा महिनाम बरेक्शा बाक्ब ।

मार बरेक्शा :

१. पावलमी श्येत जाइब नक थमा सुइक्ब आन थुं बारपाइक्त्तु ।

२. पावलमी थमा सुइक्ब आन कली परभु कली शिरशाो गेय पचा आ पर्वम अरेब ।

३. पावलमी येसु खरीस्त दोपा लेशशा जाक्बा, मेको शंब । मारदे हना दूली शंब गरुस्तीकम जाक्शा, मुर आन थुं कयाल्तकम ।

डांडती डा लोत्र

१गो पावल नडा. सिल्वानस नु तिमोथी १ यो गो नु बाक्नीस । गो इं आफ परमपरभु यावे नु इं परभु येसु खरीस्त कली थमा सुइक्ब थिस्सलोनिकी सहर डा इन कली चिठी बरेक्ताक्ड । येसु खरीस्तमी इन कली शिशो पा इन थुं नाइक्चा गवल । पररित १५ :४० ; पररित १६ :१-३,१९ ; पररित १७ :१-९ ; २थिस्सलोनिकी १:१

थिस्सलोनिकी डा थमा सुइक्ब

२गोपुकी परार्थना पकानु, परमपरभु यावे कली “गे थिस्सलोनिकी सहर डा थमा सुइक्ब नेल्ल आन रिम्शा पाइतीनी” दे गेना हना यो देनीकी । ३गोपुकी इं आफ परमपरभु यावे आ डांडती इन थमा सुइक्तीक डा गेय, दाक्चा डा गेय नु इं परभु येसु खरीस्त कली आस पतीक मिम्ना मिम्न बाक्नीकी । १कोरिन्थी १३:१३ ४ आंड थमा सुइक्ब लोकवपुकी, परमपरभु यावेमी इन कली दाक्शा योवत्तु, दे तुइक्नीकी । ५ मारदे हना इन कली शंशा ग्येरपाइक्ब लोत्र पचा ला मशंदक, सक्ति यो ताइतीनी । परमपरभु यावे आ सोक्तीमी आंड कली शुश तुइक्तीक थुं गेशा पिरंताक्ब । गोपुकी दोदंशा मुर बाक्नीकी, दे गोपुकी नु बाक्शा कांडताक्क । मिनु गे तुइक्ताक्नी । १कोरिन्थी २:५ ६ गोपुकी आंड सोदंशा नु परभु सोदंशा पाइब दुम्तीनी । मारदे हना गोपुकी शुश श्येत जशा, परमपरभु यावे

आ लोत्र नंतीनी । मिनु परमपरभु यावे आ सोक्तीमी इन थुं ग्येरपाइक्त्तु । २थिस्सलोनिकी ३:७ ७ गोपा गोपुकी मासीडानीया नु आकाया रागी डा थमा सुइक्ब आन कली रिम्शा कांडतीक दुम्तीनी । ८ डांडती गोपुकी परभु आ लोत्र मासीडानीया नु आकाया रागी डा मुर आन कली शंताक्नी । मको आन कली ला ममाइ, नेल्ल अर्का रागी डा मुरपुकीमी यो इन परमपरभु यावे थमा सुइक्तीक तुइक्ताक्म । मोपतीक गो मंकर शंचा ममाल्नीकी । रामी १:८ ९ मेकोपुकीमी इं पर्वम लोत्र पाम्तेक्म । मार लोत्र पाम्तेक्म दंशा हना, थिस्सलोनिकी सहर डा मुरपुकीमी आंड कली मिश रिम्शा ब्राम्तेक्म । मिनु गोपुकी इन मूर्ति कली परांडशा, परमपरभु यावे कली थमा सुइक्ब दुम्शा, ब्रांडशा बाक्ब, थमा परमपरभु यावे आ गेय पाइब दुम्तीनी । पररित १४:१५ ; १कोरिन्थी १२:२ १० मिनु बेक्शा रे संशा परमपरभु यावे आ तो लेशा सरीडर यीब, दे रिम्शा बाक्तीनी । येसुमी इं कली परमपरभु यावे आ गाइक्चा रे परांडब । तीतस २:१३

पावल आ गेय

१ आंड लोकवपुकी, इन कली गरुच्चा मोशा २ मदुम्शा बाक्त, दे तुइक्नीनी । २गोपुकी डांडती फिलिप्पी सहरमी श्येत जशा, मुरपुकीमी आंड कली शुक्शी पाम्तेक्म, दे तुइक्नीनी । शुश शुक्शी पाम्तेक्म हना यो, परमपरभु यावेमी आंड कली वारच पाइब, दे थमा सुइश्शा, परमपरभु यावे आ ग्येरपाइक्ब लोत्र इन कली शंताक्क । पररित १६:२०-२४ ; पररित १७:१-५ ३ गोपुकीमी इन कली मुरम पशा जाल रे मशंदक । ठेयब दुम्कल, दे ममिम्तक । २कोरिन्थी ४:२ ; २कोरिन्थी ११:७ ; यूहन्ना ५:४४ ४ परमपरभु यावेमी आंड कली ग्येरपाइक्ब लोत्र शंचा, दे शंब सल्लतीकी । मोपतीक गोपुकी मुर आन दाक्शा लोत्र मशंथु, परमपरभु यावे आ दाक्शा लोत्र शंशा गाक्तक । मकोमी आंड थुं कली नाक्शा कोव्रब । गलाती १:१० ५ गो इन कली मितो शिलो मपक, दे तुइक्नीनी । इन क्येट ताइनीकी कां, दे मिम्शा मशंदक, मेको परमपरभु यावेमी तुइक्ब । मत्ती १२:४० ; पररित २०:३३ ६ गो नु अरु मुरपुकीमी आंड कली ठेयब सलीन, दे मशंदक । ७ गोपुकी खरीस्त आ सोइश्शा दुम्शा, इन गुइ रे मार मार ताक्चा ठीक दुम वा । तन्न गो आल कली दूध तुंडब ममा सोदंशा पा, इन कली कोव्रतक । ८ गोपुकीमी इन कली शुश दाक्शा, परमपरभु

यावे आ ग्येरपाइक्व लोत्र शेंचा ला ममाइ, तन्न शेंचा आ पर्वम बैक्चा माल्तक हना यो, बैक्नीकी। २कोरिन्थी १२ :१५

१ आंइ लोकवपुकी, गे नु बाक्शा, शुश गेय पाइतक, दे तुइक्नीनी। गोपुकीमी परमपरभु यावे आ ग्येरपाइक्व लोत्र शेंदकानु, इन कली श्येत मगेचा, दे नाक्दो नाक्त गेय पाइतक। पररित १८ :३ ; पररित २० :३३-३४ ; १कोरिन्थी ४ :१२ ; २थिस्सलोनिकी ३ :८ १०गो ठीक, रिम्शा नु परमपरभु यावे आ गेय ला पाइतक। परमपरभु यावेमी मेको तुइक्व। मिनु गे थमा सुइक्वमी यो तुइक्नीनी।

११ मिनु गोपुकीमी आल आन कली रिम्शा अरेक् आफ सोदंशा पा इन कली अरेतक। इन थुं बारपाइश्शा १२ “परमपरभु यावे आ मुर दुम्शा, मेको आ डोंइती शिरशा दुम्शा बाक्कीन” दे इन कली पन कि पन, दे शेंशा शुश अरेतक। परमपरभु यावेमी इन कली आंम राज्य नु आ छेड्छेड्डीमी बाक्चा गेचा कली बरेक्व। एफिसी ४ :१-२ ; फिलिप्पी १ :२७

### थिस्सलोनिकी आन श्येत

१३ गोपुकीमी आंइ शेंशा परमपरभु यावे आ लोत्र नेंशा, मुर आ लोत्र ममाइ, थमा पा परमपरभु यावे आ लोत्र बाक्व, दे तुइक्ताकनी। थमा सुइश्शा मेको लोत्रमी इन थुंमी गेय पना पन बाक्व। मो दुम्मनु, गोपुकीमी परमपरभु यावे कली “गे थिस्सलोनिकी डा मुर आन कली रिम्शा पाइतीनी” देना देन बाक्नीकी। गलाती १ :११-१२ १४ आंइ लोकवपुकी, गे यहूदीया डा परमपरभु यावे आ गरुम्तीक डा खरीस्त येसुमी बाक्व थमा सुइक्व सोदंशा दुम्तीनी। मारदे हना यहूदीया डा मुरपुकीमी आंम रागी डा थमा सुइक्व आन कली श्येत गेशो सोदंशा पा, इन रागी डा मुरपुकीमी यो इन कली श्येत गेम्तेक्म। पररित ८ :१ ; पररित १७ :५-६

१५ यहूदीया डा मुरपुकीमी परभु येसु कली नु परमपरभु यावे आ लोत्र पाइव आन कली साइश्शा, आंइ कली खरेतेक्म। मेकोपुकीमी मोपा परमपरभु यावे कली मग्येरपदेम, मुर नेल्ल आन कली श्येत गेम्तेक्म। पररित २ :२३ ; मती २३ :३७ ; पररित ७ :५२ १६ दोपा श्येत गेम्तेक्म देंशा हना, रागी रागी डा मुर आन कली पाप रे बरोइचा ताइनीम, दे आंइ कली लोत्र पचा मगेम। मोदंशा पा यहूदीम आन पाप गेना हना यो तेम्ना तेम्न बाक्नीम। मोपतीक परमपरभु

यावेमी मेको आन कली चुरशा सजाइ गेव। मती २१ :३२-३३

१७ आंइ लोकवपुकी, गोपुकी नु मबाक्थु, गोपुकी रोइक्व सोदंशा दुम्तक। इन बाक्तीकमी जाक्चा मतथु, इन कली शुश मिम्शा गरुम गरुम दाक्तक। १८ गो इन कली गरुम गरुम दाक्वमी गो पावल चहिं शुश पिचा दाक्वशा बाक्ती। तन्न सेतानमी आंइ कली गरुम्थ पिचा मगेव। १९ इ परभु येसु आ यिची ना गे आंइ आस पतीक, ग्येरतीक नु सिरपेच सोदंशा बाक्नीनी। फिलिप्पी २ :१६ ; फिलिप्पी ४ :१ २० इन कली तशा, ग्येरशा आंइ नं बारपाइक्नीकी।

### तिमोथी लशा लेशशा

३ १ मोपतीक गो इन कली श्येत जशो तशा, फाल्ने मचाक्क। गो निक्शी एथेन्स सहरम बाक्स्कु, दे सल्ला पाइतक। पररित १७ :१४-१६ २ गो निक्शीमी आंस लोकव, गो नु परमपरभु यावे आ गेय पाइव, खरीस्त आ ग्येरपाइक्व लोत्र शेंब, तिमोथी कली इन थमा सुइक्तीक बारपाइक्चा नु इन कली अरेचा कली साइक्ताक्स्कु। पररित १६ :१-३ ३ सुइमी श्येत जशा थमा सुइक्चा मपरोन्मेक्ल। मारदे हना गोपुकीमी श्येत जचा माल्लय, दे तुइक्नीनी। पररित १४ :२२ ; एफिसी ३ :१३ ; हिबेरू १० :३९ ; २ तिमोथी ३ :१२ ४ डोंइती २ गो नु बाक्नीनु “श्येत जचा माल्लय” दे शेंताक्क। मुल आंइ शेंशा दुम्त। मेको यो तुइक्नीनी। ५ गो इन कली श्येत जशो तशा फाल्ने मचबु। मोपतीक तिमोथी कली इन थमा सुइक्तीक दोपा बाक्म, दे तुइक्चा कली कोत्रथ साइक्ताक्क। मुर आन कली पाप पपाइक्वमी इन कली बिगरेवा को, आंइ पशो गेय यो मोशा लम को, दे गो हिंती। फिलिप्पी २ :१६

६ मिनु तिमोथी इन कली गरुम्थ पिशा, लेशशा जाक्त। मेकोमी इन थमा सुइक्तीक नु इन दाक्तीक रिम्शा बाक्व। गोपुकी आंइ कली गेना हना यो शुश मिम्नीनी, गोपुकी सोदंशा पा आंइ कली गरुम्चा दाक्नीनी, दे तिमोथीमी आंस कली देत। पररित १८ :५ ७ आंइ लोकवपुकी, गोपुकी शुश श्येत जाइतक हना यो, इन थमा सुइक्तीक आ पर्वम लोत्र नेंशा ग्येरसाक्क। ८ मारदे हना गे परभु कली मपरोइव बाक्नीनी, दे तुइश्शा, गोपुकी डोंइती रोइ पशा, मुल चहिं साशा बरोइशा मुर सोदंशा बाक्नीकी। ९ गो परमपरभु यावे आ डोंइती “गे थिस्सलोनिकी सहर डा

थमा सुइक्व आन कली रिम्शो पाइतीनी” दे शुश ग्येरशा, परमपरभु यावे कली ठयब सल्लनीकी ।

१०मिनु नाक्दो नाक्त गोपुकी परमपरभु यावे कली “थिस्सलोनिकी सहर डा थमा सुइक्व आन कली गरुम्थ सोइक्तीन। मुल सम्म मशंथु लीशा लोत्र शंथ सोइक्तीन” दे पुंडना पुंडन बाक्नीकी। ११इं आफ परमपरभु यावे नु इं परभु येसुमी आंइ कली गोपुकी नु गरुम्चा गम्सकत। १२गोपुकीमी इन कली शुश दाक्शो खोंदंशो पा परभुमी इन दाक्चा शुश बारपाइइशा, दाक्मुचा नु अरु आन कली यो दाक्व दुमीन। १३मापा परभु येसु आ मुर नु जाक्ची ना इन थमा सुइक्तीक थुं बारपाइइशा, दोस गेचा मपुंडसीब, इं आफ परमपरभु यावे आ डांइती रिम्शो सलल। १कोरिन्थी १:२८; फिलिप्पी १:१०

### परमपरभु कली ग्येरपतीन

४ १मिनु आंइ नोले डा लोत्र, आं लोक्वपुकी, परभु येसु आ नेंमी इन कली शुश शेंतीक नु अरेंतीक लोत्र पाइनीकी। गोपुकी आंइ कली दापा बाक्शो तनी, मापा बाक्शा, परमपरभु यावे कली ग्येरपतीन। गोपुकी मेको क्येडा यो शुश रिम्शो पने। २गोपुकीमी परभु येसु आ नेंमी इन कली मार अरेंतीक लोत्र गका, मेको गे तुइक्नीनी। ३परमपरभु यावे आ दाक्शो मार बाक्व दंशा हना, मरिम्शो मपचा नु गरांगरा दिशा गेय रं डोन बाक्चा बाक्व। ४गे नेल्ल आंम मीश नु बाक्शा, हंथ मगाक्थु, मान तचा कली शिरशा दुम्शा बाक्कीन। ५अर्का रागी डा परमपरभु यावे कली मतुइक्व मुरपुकीमी खोंदंशो पा गरांगरा दिचा डा गेयमी मबाक्कीन। ६सुइ वांइश मुरुम आ लोक्व कली मोदंशो पा श्येत मगेवल। मारदे हना परभुमी मोदंशो पाइब आन कली क्येक्क लेख, दे डांइती र इन कली शंताक्क। लेवी १९:३१ ७ परमपरभु यावेमी इं कली गरांगरा दिचा डा गेय पचा कली मयोत्रड। पाप रं डोन बाक्चा कली योत्रतु। ८मोपतीक सुमी मेको लोत्र मटीबा, मेकोमी मुर आ लोत्र मटीब ममाइ, परमपरभु यावे कली मटीब बाक्व। परमपरभु यावेमी इन कली आ सोक्त गेब। लुका १०:१६

९थमा सुइक्व लोक्व आन दाक्मुतीक आ पर्वम सुइ मुरुमी इन कली बरेक्चा ममाल्ब। मारदे हना परमपरभु यावेमी इन कली दाक्मुचा माल्नीनी, दे आंमान शंशो बाक्त। यूहन्ना १३:३४; लेवी १९:१८ १०मिनु गोपुकी थमा पा मासीडोनीया रागी डा लोक्व नेल्ल आन कली

दाक्नीनी। गोपुकीमी मेको क्येडा यो दाक्तीन, दे इन कली अरेंतीकी। ११गोपुकी दुशा बाक्कीन। आंम खिं डा गेय ला मिम्तीन। आंमान गेय पना पन बाक्कीन। मेको इन कली अरेंतीक लोत्र पाइतक। १थिस्सलोनिकी २:९; एफिसी ४:२८; २थिस्सलोनिकी ३:८,१२ ११मा पाइतीनी हना, अरु मुरपुकीमी इन कली ठयब सल्लनीम। मिनु सुइ के मारइ ममाल्नीनी। कलस्सी ४:५

### येसु यिचा आ पर्वम

१३ आंइ लोक्वपुकी, बेक्शो मुर आ पर्वम रागी रागी डा मुरपुकीमी हिशेक शुश पाइनीम। मारदे हना मेको आन के आस मबाक्व। गोपुकी चहिं मतुइक्व खोंदंशो पा, बेक्शो इन वारच आन पर्वम थुं खाइक्पाइइशा मबाक्कीन। १कोरिन्थी १५:२०; एफिसी २:१२ १४ गोपुकी येसु बेक्शा संसाक्व, दे थमा सुइक्तय हना, परमपरभु यावेमी येसु आ पतीकमी बेक्शो मुर आन कली संशा चाक्व। रोमी १४:९; १कोरिन्थी १५:३,९,१२ १५ मिनु गोपुकीमी इन कली परभु आ लोत्र र “परभु आ यिचा सम्म बाक्वपुकी बेक्शो वारच आन क्येडा डांइती परभु कली गरुम्चा मताइनय” दे तुइक्पाइक्नीकी। मत्ती १६:२८; मत्ती २४:३०-३१; १कोरिन्थी १५:५१-५२; यूहन्ना १७:२४ १६ मारदे हना परभुमी आ मुर आन कली “कुन” दे बरेंतानु, नेल्ल क्येडा ठयब परमपरभु यावे आ स्वर्ग डा गेय पाइबमी यो बरेंख। परमपरभु यावे आ तुराही तांशो नेंनीम। मेना परभु सरीड र यीब। ख्रीस्त कली थमा सुइइशा बेक्शो मुरपुकी डांइती संसीनीम। १७ नोले बरांइशा लीशा गोपुकी मेको नु गोस्सुमी क्युक्सीशा, मेकोपुकी नु लाइनय। मेकोपुकी नु सरीडमी देल्शा बाक्शा, परभु कली गरुम्नय। मोदंशो पा गोपुकी गेना हना यो परभु नु काथा बाक्चा ताइनय। यूहन्ना १२:२६ १८ मोपतीक मेको लोत्र पा थुं बारपाइक्मुन।

### परभु आ नाक्त

१ आंइ लोक्वपुकी “गिश बर्स लीबा, ५ गेना सम्म रिम्चा” दे इन कली बरेक्चा ममाल्नीकी। मत्ती २४:३६ २ मारदे हना गोपुकी परभु आ नाक्त सुइ खोंदंशो पा जाक्व, दे तुइक्नीनी। मत्ती २४:४२-४४; २पत्रुस ३:१०; परकाश ३:३; परकाश १६:१५ ३मेना मुरुमी “दुशा बाक्नय, मारइ मदुम्ब” दैतेकम हना यो, आल कुरशा मीश मुर आल यिचा रोइ गेना

पाइबा मतुइक्व। मोदेशो खोदेशो पा मुरपुकी मबरांडचा डा पा श्यत जाइनीम। येरमीया ६:१४; मती २४:३९ ४गे लोकबपुकी चहिं छिडछिडम मबाक्नीनी। मेको नाक्त सुइ जावशा खोदेशो पा इन कली महिंपाइक्व। ५मारदे हना ग नेल्ल छेडछेड नु नाक्त डा मुर बाक्नीनी। गोपुकी नाक्दो नु छिडछिड डा मुर मनय। रोमी १३:१२; एफिसी ५:९ ६मोपतीक अरु खोदेशो पा गो मइप्य, सासीशा “परभु यीब” दे मिम्ना मिम्न बाक्य। १पतरुस ५:८ ७इक्वपुकी नाक्दो इनीम, दुक्वपुकी नाक्दो दुक्शा बाक्नीम। ८तन्न गोपुकी नाक्त डा मुर दुक्शा “परभु यीब” दे मिम्ना मिम्न बाक्शा, परमपरभु यावे आ या डा पीतल के मोटो खोदेशो पा, थमा सुइक्तीके नु दाक्तीके फेक्शा बाक्य। पीतल के ताकी गुप्शो खोदेशो पा पाप रे परांडशो बाक्नुड; दे तुइक्शा आस पय। एफिसी ६:१४-१७ ९मारदे हना परमपरभु यावे इं पर्वम मगाइक्व। परभु येसु खरीस्त आ पतीके पाप रे बरांडब सेल्लु। १०मेको इं पर्वम साइक्वा पुंडसाक्व। मो दुम्तीके गोपुकी इप्तय हना यो, मइप्तय हना यो, मेको नु बरांडचा ताइनय। रोमी १४:८-९ ११मोपतीके अरपमुशा, इन थुं बारपमुने। गोपुकी मोदेशो पना पन यो बाक्तीनी। हिब्रू ३:१३

### नोले डा लोत्र

१२आंड लोकबपुकी, इन कली शंब नु लां काइशा, अरब आन कली रिम्शो पन, दे माइक्नीकी। १कोरिन्थी १६:१८ १३मेकोपुकी नु शुश दाक्मुशा बाक्कीन। मारदे हना परभु आ गेय पाइब बाक्नीमी।

१४आंड लोकबपुकी, गेय मपाइब आन कली अरपने। हिब मुर आन थुं बारपतीन। मचाप्व

आन कली वारच पने। नेल्ल आन कली फाल्शा बाक्कीन। २थिस्सलोनिकी ३:१५ १५मुरुमी इन कली मरिम्शो पाम्तेक्म हना, गेपुकी मेको आन कली मरिम्शो मपने। रिम्शो पमुचा माल्नीनी। अरु आन कली यो रिम्शो पन। हितापदेस २०:२२; रोमी १२:१७,२१; १पतरुस ३:९ १६मिनु गेना हना यो ग्यरसीन। फिलिपी ४:४ १७पराथेना पना पन बाक्कीन। लूका १८:१-८; रोमी १२:१२; एफिसी ६:१८; कलस्सी ४:२ १८मार दुम्त हना यो, परमपरभु यावे कली “गे रिम्शो पाइब बाक्नीनी” देनीन। मारदे हना मेको परमपरभु यावे आ दाक्शा बाक्व। खरीस्त येसु आ नोल खोइक्व मेको गेना हना यो देचा माल्नीम। एफिसी ५:२०

१९परमपरभु यावे आ सोक्त कली मकाप्तीन। १कोरिन्थी १४:१,२९ २०परमपरभु यावेमी तुइक्पाइक्शा लोत्र पचा गेन। २१तन्न परमपरभु यावे आ लोत्र नु गारबा देय मगारबा, दे नाक्शा कोत्रडीन। गारत हना, मपरंदीने। २२नेल्ल गरांगरा दिचा डा गेय क्येडा डोन बाक्कीन।

२३थुं नाइक्पाइक्व परमपरभु यावेमी इन कली थम रिम्शो सेल्लल। इन सोक्त, थुं नु रां इं परभु येसु खरीस्त मथिम सम्म रिम्शो नु दोस मताइब दुक्शा बाक्मल। २४इन कली बरेप्व इन कली देशो पाइब बाक्व। मेकोमी थमा पाइब। १कोरिन्थी १:९; २थिस्सलोनिकी ३:३ २५आंड लोकबपुकी, आंड पर्वम परमपरभु यावे कली पुनीन। २६लोक्व नेल्ल आन कली परभु आ नेमी मुम्मुशा आसीक गेन। २७परभु आ नेमी एको चिठी लोकब नेल्ल आन कली पढशा नंपतीन। २८इं परभु येसु खरीस्त आ शिशी गेपुकी नु लील।

## २ थिस्सलोनिकी

बरेकब मुरः एको चिठी पावल थिस्सलोनिकी आन कली आ नोले बरेकशो चिठी बाकब ।

गेना बरेकशो : थिस्सलोनिकी डा थमा सुइक्व आन कली डाइती बरेकशो चिठीम बरेकशो खोदेशो बाक्तेकम । पावल सिल्वानस नु तिमोथी बाकशो कोरिन्थ सहरम बाकशो बाक्ते । मोपतीक एको चिठी ५३ ए. डी. डा बसे डा नोले डा महिनाम बरेकशो बाकब, दे मिन्मीम ।

मार बरेकशो : डाइती डा चिठीम नोले थिस्सलोनिकी डा थमा सुइक्वम रिम्शो पाक्तेकम हना यो, का निक्शी चहिं हंथ पाक्तेकम । मुल पावलमी गरुक्तीक डा शंब कली थमा सुइक्व आन कली गेय रिम्शो पचा कली ठीक सेल्वा माल्ब, दे बरेकशो बाकब ।

### डाइती डा लोत्र

१ गो पावल नड। सिल्वानस नु तिमोथी १ यो गो नु बाक्तीस । गो इं आफ परमपरभु यावे नु परभु येसु खरीस्त कली थमा सुइक्व थिस्सलोनिकी सहर डा इन कली चिठी बरेक्ताकड । १ थिस्सलोनिकी १:१ २ इं आफ, परमपरभु यावे नु परभु येसु खरीस्तमी इन कली शिशी पा, इन थुं नाइश्शा बाक्चा गम्सेक्ल ।

### श्येतम खोइल थेक्शा बाकशो

३ आइ लोक्वपुकी, इन कली मिम्शा, परमपरभु यावे कली “ग रिम्शो पाइब बाक्तीनी” देचा ठीक बाकब । मारदे हना इन थमा सुइक्तीक हु बारशा, इन दाक्मुतीक यो बारना बारन लाइब । १ थिस्सलोनिकी १:२-३ ४ मोदेशो दुम्शा, गेपुकी खदा पचा पुंइसीशा, श्येत फाल्शामी खोइल थेक्शा थमा सुइक्व बाक्तीनी, दे गोपुकीमी परमपरभु यावे कली थमा सुइक्व आन गरुक्तीकमी इन पर्वम ग्येरशो लोत्र पाइनीकी । २ कोरिन्थी ७:४ ५ गेपुकी परमपरभु यावे आ राज्यम शिरशो मुर दुम्तीनी । मिनु मेको राज्य आ पर्वम श्येत जाइनीनी । परमपरभु यावेमी इन कली श्येत जचा गेप्नु हना यो, ठीक निसाफ पाइब बाकब । फिलिप्पी १:२८

### निसाफ पची नाक्ते

६ परमपरभु यावेमी थमा पा इन कली श्येत गेब आन कली क्येक्क लेप्ब । रोमी १२:१९ ;

परकाश १८:६-७ ७ गे श्येत जाइब इन कली नु आइ कली इं थुं नाइक्चा गेब । गेना थुं नाइक्चा गेब देशा हना, परभु येसु नु आ सक्ति पाइश्शो स्वर्ग डा गेय पाइबपुकी सरीडर गरुक्ती ना इं थुं नाइक्चा गेब । मत्ती १६:२७ ; मत्ती २५:३१-४६ ; १ थिस्सलोनिकी ४:१६ ५ मेको नु हुस्स पा बरशा मी सरीडर यीब । परभुमी परमपरभु यावे कली मतुइक्व नु आ ग्येरपाइक्व लोत्र मटीब आन कली क्येक्क लेप्ब । रोमी २:८ १ मेको मुरपुकी गेना हना यो साम्सीशो दुम्शा, परभु आ कुल मताइनीम । आ सक्ति डा छुडछुड यो मताइनीम । १० थमा सुइक्वपुकी चहिं आ जाक्ची नाक्ते आ नं ठेयब सेल्शा, थमा सुइक्व नेल्तेमी आ छुडछुड तशा छुक लाक्तीम । मारदे हना गेपुकी आइ शंशो लोत्र थमा सुइक्तीनी ।

११ मोपतीके गो इन पर्वम परार्थना पना पन बाक्तीकी । परमपरभु यावेमी इन कली बरेक्शा, आ बरेक्शा शिरशो सल्ल, दे गोपुकीमी गेना हना यो, पुंइना पुंइन बाक्तीकी । इन रिम्शो पतीके नु इन थमा सुइश्शो डा गेय आ सक्तिमी पपदल । १२ मो दुम्शा, इं परभु येसु आ नं इन पर्वम ठेयब सेल्तीम । गेपुकी आ मुर दुम्शा, मान ताइनीनी । मेको इं परमपरभु यावे नु परभु येसु खरीस्त आस शिशी डा गेय बाकब ।

### येसु खरीस्त यिचा आ पर्वम

१ आइ लोक्वपुकी, इं परभु येसु खरीस्त २ यिशा, गोपुकी नु गरुक्चा आ पर्वमी १ थिस्सलोनिकी ४:१३-१७ २ इन थुं मक्कन । सोक्तीमी कौइताक्व देसु पाइनीम । आइ बरेकशो चिठी जाक्ते, देसु पाइबमी “परभु आ नाक्ते जाक्शा नुप्ते” दे लोत्र पाक्तेकम हना यो, थमा मसुतीन । २ पतरस ३:१५-१६ ३ इन कली दूली शंतीक शंब आन कली थमा मसुतीन । मारदे हना परभु येसु खरीस्त आ नाक्ते जाक्चा क्येडा डाइती परमपरभु यावे कली मटिथु नेल्ल क्येडा मरिम्शो पाइब का गरुब । मेको कली जाम्शा लाइब आ ती यो देनीम । १ तिमोथी ४:१ ; १ यूहन्ना २:१८ ४ मेकोमी “मानेचा डा मारइ मबा” देब । परमपरभु यावे नु मानेचा डा थोत्रक आन क्येडा आंम कली ठेयब सेल्शा, परमपरभु यावे आ सिंमी निश्शा “गो का ला परमपरभु यावे नड” देब । दानीएल ११:३६ ; मत्ती २४:१५ ५ गेपुकी नु बाक्डानु, इन कली मोदेशो लोत्र पाता । गेपुकी आं शंशो ममिन्नीनी ? ६ मेको नेल्ल क्येडा मरिम्शो पाइब कली



नोले डा लोत्र

१६ थुं नाइक्चा गेब परभुमी दोदंशो बाक्तीनी  
हना यो, इन कली गेना हना यो थुं नाइक्चा  
गेवल। परभु गेपुकी नेत्तल नु बाक्ल। य्हन्ना  
१४:२७ १७गो पावलमी एको चिठी आंमान

बरेक्ताकड। तेको चिठी बरेक्ताकड हना यो,  
ओदंब बरेक्नुड, दे तुइक्नीनी। १कोरिन्थी  
१६:२१; गलाती ६:११; कलस्सी ४:१८ १८ इं  
परभु यसु खरीस्त आ शिशी गेपुकी नेत्तल नु  
लील।

## १ तिमोथी

बरेकब मुरः एको चिठी पावलमी तिमोथी कली डोंडती बरेकशा बाक्त।

गना बरेकशाः तिमोथीम पावल नु गेय पवा बाक्त। मेकोमी थिस्सलानिकी सहर डा थमा सुइकब आन कली शंशा बाक्त। पावलमी मेको कली अर्का सहरम यो शंथ सोइकता बाक्त। पावलमी एको चिठी गना बरेकशा बाक्म, मेको बर्स मदेशो बाक्त।

मारदे बरेकशाः शंतीक लोत्र तिमोथी १:१-२

१. ठीक शंतीक मार बाक्ब तिमोथी १:३-२०

२. गुरुमतीक सिं डा मुर दोपा बाक्चा माल्नीम तिमोथी २:१ - तिमोथी ३:१६

३. रिम्शो थमा सुइकतीक मार बाक्ब तिमोथी ४:१-११

४. मुर आन कली मार शेंचा माल्ब तिमोथी ४:१२ - ६:२

५. धर्मपतीक शोर गाकशा बाक्ब तिमोथी ६:३-२१ नेल्ल जम्मा पा गे येसु खरीस्त आ पर्वम ला शंदो। आंम पतीके होस पावो।

### डोंडती डा लोत्र

१ खरीस्त आ सोइइशा गो पावल नड। इ कली पाप रं परांडब परमपरभु यावेमी “खरीस्त येसु आ सोइइशा दुमो” दे माइकती। इ कली बरोइचा गेनुड, दे कबल पाइब खरीस्त येसुमी यो मान माइकती। कलस्सी १:२७

२गे थमा सुइकब, आं दाकशा तौ सोदेशो तिमोथी, इ कली चिठी बरेकशाकड। इ आफ परमपरभु यावे नु परभु येसु खरीस्त आस दाक्चा गे नु बाक्त। आस शिशीमी इ कली थुं नाइइशा बाक्चा गेम्सकल। पररित १६:१-२; तीतस १:४

### दूली शंब आन पर्वम बरेकशा

३गो मासीडोनीया रागी लडानु, गे एफिसस सहरम बाक्को। मेकेर मुर का निक्शीमी दूली लोत्र शंनीम। मोदेशो मशंदीन, दे अरेवो। पररित २०:३ ४ मेकोपुकीमी मुरुमी सेल्शो लाइइशा कथा नु किकी पिपी आन पर्वम शंना शंन बाक्नीम। मोदेशो शंतीके काम मलाप्चा डा बाक्शा, परमपरभु यावे आ शंशो थमा सुइकतीक मबारपाइकब। १ तिमोथी ४:७ ५ इ शंतीक चहिं रिम्शो थुं, रिम्शो थुं डा मिम्तीक नु रिम्शो थमा सुइकतीक रे जाकशा शुश दाक्मुचा आ पर्वम

बाक्ब। मत्ती २२:३७-४०; रोमी १३:१०; गलाती ५:६ ६का निक्शीमी मेको शंतीक परांडशा, शोर गाकशा लोत्र पाइनीम। १ तिमोथी ६:४,२० ७ मेकोपुकीमी परमपरभु यावे आ अरंशो लोत्र शंब दुम्चा दाक्नीम, तन्न आंम देशो लोत्र नु आंम शंशो आंमान मरुख बाक्नीम।

८ परमपरभु यावे आ अरंशो लोत्र ठीक पाइब आन कली रिम्शा दुम्ब, दे गो तुइकनय। रोमी ७:१२ ९ ठीक पाइब आन कली मबरेकशा बाक्ब, दे यो तुइकनय। तन्न परमपरभु यावे आ अरंशो लोत्र मपाइब, मटीब, परमपरभु कली ममिम्ब नु मरिम्शो पाइब आन कली बरेकशा बाक्ब। परमपरभु यावे रे डोन बाक्ब, रागी कली ला मिम्ब, आम आफ कली साइकब, आंम ममा कली साइकब नु मुर आन कली साइकब आन कली बरेकशा बाक्ब। १ कोरिन्थी ६:१-११ १० तेल्लेम पाइब, गरांगरा दिचा डा गेय पाइब, मुर आन कली सुइ पा लेयब, जोल पाइब, जोल पा कसम जाइब नु आन गेय परमपरभु यावे आ शंशो नु मगारब मुर आन कली बरेकशा बाक्ब। ११ मेको थमा शंतीक नु नेल्ल आसीक पाइइशा परमपरभु यावे आ ग्यरपाइकब लोत्र शंब सेल्लती।

### परमपरभु आ दाक्तीक ठेयब बाक्ब

१२ एको लोत्र शेंचा कली बोल गेब इ परभु खरीस्त येसु कली “गे रिम्शो पाइब बाक्नीनी” देनुड। मारदे हना खरीस्त येसुमी आं पर्वम “थमा सुइकचा डा मुर बाक्ब” दे आ गेय पाइब सेल्लती। पररित ९:१५; १ कोरिन्थी १५:१-१०; गलाती १:१३-१६ १३ डोंडती गो मेको कली शुक्शी पाइब, श्यत गब नु शुश मरिम्शो पाइब बाक्ती। तन्न मतुइकब नु थमा मसुइकब बाक्तीक परमपरभु यावे आ शिशी ताता। १४ इ परभुमी आ दाक्शा थमा सुइकतीक नु दाक्तीक थुं बरीशा, क्युप्चा डा पा गेती। मेको निम्फा खरीस्त येसु नु बाक्नीस। १५ मरिम्शो पाइब आन कली नरक रे परांडचा, दे खरीस्त येसु रागीम जाक्त। एको लोत्र थमा बाक्ब नु थमा सुइकचा माल्शो बाक्ब। गो नेल्ल क्येडा मरिम्शो पाइब नड। लुका ११:१० १६ गो परमपरभु यावे आ शिशी मारदे ताता देशो हना, गो नेल्ल क्येडा मरिम्शो पाइब दुम्ती हना यो, येसु खरीस्त आ फाल्तीक सक्ति कांडचा, दे शिशी ताता। मेको कांडतीक नोले थमा सुइकब नु गेना हना यो, परमपरभु यावे नु बाक्चा ताइब आन कली बाक्ब। १७ गेना हना यो मबक्थु बाक्ब पिप कली सुइमी तने मचाप्नीम।

मेको कांडचीक परमपरभु, परमपरभु यावे बाक्व । गेना हना यो मान ताक्चा नु छेडछेड मेको केन बाक्व । आमन ।

१८ आं तौ तिमाथी, परमपरभु यावेमी इ पर्वम पशो लोत्र तुइक्पाइक्ती । मेको लोत्र इ कली मिम्पाइक्नुड । मेको लोत्र मिम्शा गरान चानेव । १ तिमाथी ४ :१४ ; १ तिमाथी ६ :१२ ; यहूदा ३ ११ थमा सुइक्तीक नु इ थुं डा रिम्शो मिम्तीक टिशा बाक्को । आन थुं डा रिम्शो मिम्तीक कली मटीब का निक्शीमी थमा सुइक्चा प्रांइतेक्म । १ तिमाथी ३ :९ ; १ तिमाथी ६ :१० २० मेको आन दातेमी हीमनयस नु अलेक्जन्डर बाक्नीसी । परमपरभु यावे आ पर्वम मरिम्शो लोत्र मपचा, दे शंचा कली, गो मेको आस कली सैतान आ गुइमी जिम्मा गेतासी । २ तिमाथी २ :१७ ; १ कोरिन्थी ५ :५

### थमा सुइक्व आन पुंडशो

१ आं के नेल्ल क्येडा ठेयब अरेशो लोत्र मार  
२ बाक्व देशा हना, परमपरभु यावे नु बाक्शा, मेको नु लोत्र पचा नु नेल्ल मुर आन पर्वम पुंडना पुंडन बाक्चा माल्लय । मेको आन पर्वम “गे मेको आन कली रिम्शो पाइतीनी” दे परमपरभु यावे कली ठेयब सल्ला माल्लय । २ पिप नु सरकार डा ठेयब अधिकार पाइश्शो मुर आन पर्वम यो मोदंशो पुंडतीक लोत्र पचा माल्लय । मो पा गो रिम्शो, थुं नाइश्शा, इं गयमी परमपरभु यावे कली मिम्चा, दाक्चा नु नेल्ल गयमी ठीक दुम्शा बाक्व । ३ मोदंशो मरिम्शो गय प्रांइब परमपरभु यावे आ डांइती रिम्शो नु दाक्चा डा बाक्व । ४ परमपरभु यावेमी नेल्ल मुर आन कली मरिम्शो गय २ प्रांइश्शा, थमा लोत्र तुइक्पाइक्चा दाक्व । इजीकीएल १८ :२३ ; रोमी ११ :३२ ; २ पतरुस ३ :९ ५ परमपरभु यावे का ला बाक्व । मेको नु मुर आन कली मारपाइक्चा कली येसु ख्रीस्त रागीम जाक्शा, मुर दुम्शो यो का ला बाक्व । हिब्रू ९ :१५ ६ मेकोमी मुर नेल्ल आन कली पाप २ प्रांइचा, दे आम कली जिम्मा गेपु । एको लोत्र मेना २ शंचा गोम्तेक्म । गलाती १ :४ ; गलाती २ :२० ; तीतस २ :१४ ७ मोपतीक परमपरभु यावेमी एको लोत्र शंब नु ख्रीस्त आ सोइश्शा सल्ला । गो जोल मपथु, थमा लोत्र पाइनुड । इसराएली आन कली ममाइ, तन्न रागी रागी डा मुर आन कली थमा सुइक्तीक आ पर्वम शंब नु थमा लोत्र शंब सल्ला । २ तिमाथी १ :११ ; गलाती २ :७-८

### थमा सुइक्व आन कली शंशो

८ तेइ तेइ डा वांइश मुरपुकीमी परार्थना पचा माल्लीम । परमपरभु यावे कली थुं नेल्लेम थमा सुइक्व गे गुइ पोक्शा, मगाइक्व नु मजीब दुम्शा, परमपरभु यावे नु लोत्र पशो तचा दाक्नुड । ९ मीश मुरपुकी यो ठीक पा फक्शा, गय पचा डांइती मिम्शा, रिम्शो बाक्चा माल्लीम । मोपा चांमी मार मार वोइश्शा लामा प्रांइशा, सुन मोती नु शुश क्येट लाइब वामी मग्याम्समल । १ पतरुस ३ :३-५ १० परमपरभु यावे कली मिम्ब मीश मुर रिम्शो पतीकमी “गो परमपरभु यावे कली दाक्व नड” दे कांडनीम । १ तिमाथी ५ :१० ११ मीश मुरपुकीमी टीब दुम्शा, रिम्शो पा नंशा शंसमल । एफिसी ५ :२२ १२ वांइश मुर आन कली शंतीक अधिकार मीश मुर आन कली मगेनुडमी । मेकोपुकी सिक्सी पा बाक्मल । १ कोरिन्थी १४ :३४ ; उत्पती ३ :१६ १३ डांइती आदम, नोल हव्या सेल्लो बाक्त । १४ आदम डांइती हंथे मगाक्शो बाक्त । मीश मुर चहिं मिक्च सिल्ला पुंडसीशा, परमपरभु यावे कली मटीब दुम्शो बाक्त । उत्पती ३ :६ १५ मो हना यो मीश मुरपुकी रागीम आल जर्मसे डा मेरे बरांइचा ताइनीम । तन्न मेकोपुकी थमा सुइक्व दुम्शा, दाक्मुशा, परमपरभु यावे आ मुर दुम्शा नु ठेयब मलेत्थु बाक्चा माल्लीम । १ तिमाथी ५ :१४ ; तीतस २ :४-५

### थमा सुइक्व आन कली कोत्रब शंशो

१ सुमी थमा सुइक्व आन कली कोत्रब दुम्चा  
२ दाक्वा, मेको ठेयब नु रिम्शो गय माल्ल बाक्व । एको लोत्र थमा बाक्व । प्ररित २० :२८ ; तीतस १ :५-९ २ थमा सुइक्व आन कली कोत्रब काइ दोस गेचा मपुंडसीशा बाक्चा माल्ल । मीश का के ला वांइश बाक्चा माल्ल । गय पचा डांइती मिम्ब, आ गय नेल्ल कली रिम्शो पाइब, मुर आन कली बास गेब नु रिम्शो शंब बाक्चा माल्ल । ३ राकसी शांबु तूशा दुक्व नु तुष्व मुर थमा सुइक्व आन कली कोत्रब दुम्न मचाप्व । थमा सुइक्व आन कली कोत्रब रिम्शो थुं पाइश्शा बाक्चा माल्ल । जिचा पोक्व नु क्येट शुश दाक्वमी एको गय पने मचाप्व ।

४ आमं सिं डा मुर आन कली रिम्शो कोत्रब बाक्चा माल्ल । आमं आलपुकी टीब नु मुर नु रिम्शो पाइब बाक्चा माल्लीम । ५ मारदे हना आमं सिं डा मुर आन कली रिम्शो कोत्रब मचाप्व

बाकत हना, दोपा परमपरभु यावे आ खिं डा मुर आन कली कोव्रने चाप्रा डा? ६थमा सुइक्वा नक गोशो मुर थमा सुइक्व आन कली कोव्रब दुम्न मचाप्रा। मारदे हना मेको बोरशा ठेयब लेशशा दुम्ब। मिनु सेतानमी मेको कली रशशा, खतम सल्ल। ७थमा मसुइक्वपुकीमी यो थमा सुइक्व आन कली कोव्रब आ पबेम रिम्शा लोत्र पचा माल्नीम। मोदंशो मदुम्त हना, दोस गेचा पुंडसीब। मिनु सेतान आ ग्याइलीम रप्रा।

गरुम्तीकम गेय पाइब आन कली शंशो

८थमा सुइक्व आन गरुम्तीक खिं डा गेय पाइबपुकी यो रिम्शो मुर बाकचा माल्नीम। लोत्र क्याल्ल, शुश राकसी शांबु तूब नु क्येट ला मिम्बमी मोदंशो गेय पन मचाप्रा। पररित ६:३; फिलिप्पी १:१ १मेकोपुकीमी रिम्शो थुमी थमा सुइशशा, मेकर डा खरुइशशा लोत्र मिम्ने चाप्रा दुम्चा माल्नीम। १तिमाथी १:२९, १०डांडती गे मेको आन थुं कोव्रचा माल्नेवे। मिनु शुश रिम्शो पाइब बाकब, दे तुइशशा ला थमा सुइक्व आन गरुम्तीके खिंमी गेय पचा कली वाइकने चान्नेवे।

११आ मीश यो रिम्शो बाकशा, डुलेथ मगाक्थु, गेय पचा डांडती मिम्ब बाकचा माल्ब। मेको आ गेय नल्ले रिम्शो पा पचा माल्ब। तीतस २:३ १२थमा सुइक्व आन गरुम्तीके खिंमी गेय पाइब मीश का आ वांइश दुम्चा माल्ब। मेकोमी आ आल नु आम खिं डा मुर नल्ले आन कली रिम्शो पा कोव्रब दुम्चा माल्ब। १३मोदंशो पाइबमी थमा सुइक्व आन गरुम्तीकेमी आम कली रिम्शो नं सल्लनीमी। खरीस्त येसु कली आम थमा सुइक्तीके शुश बारपाइकनीमी।

थमा सुइक्तीके आ खरुइशशा लोत्र

१४गो इ कली रीब पा गरुम्नुड, दे आस पाइनुड। मिनु इ कली ओदंशो अरतीक लोत्र मारदे बरेक्ताकड देशा हना, १५गो नोले दुम्ती हना, परमपरभु यावे आ खिं डा मुरपुकी दोपा बाकचा माल्नीमी, मेको तुइक्वमेकल। मेकोपुकी ब्रांडचा गेब परमपरभु यावे आ गरुम्तीक खिं डा मुर बाकनीम। मेको थमा लोत्र डा थाम नु बोल्यो हिरशा गारो खोदंशो बाकनीम। एफिसी २:१९-२२ १६इ परमपरभु यावे कली थमा सुइक्तीके थम खरुइशशा बाकब। मेको मार बाकब देशा हना “मेको मुर दुम्शा, रागीमी जरमेसाकव। परमपरभु यावे आ सोक्तीमी परमपरभु यावे आ तौ बाकब”

दे सांकळी गेप्टु। परमपरभु यावे आ स्वर्ग डा गेय पाइबपुकीमी मेको कली ताम्तेकम। आ नं मार बाकबा, दे रागी रागी डा मुर आन कली शंताकम। रागी रागी डा मुरपुकीमी मेको कली थमा सुइक्तेकम। मिनु मेको परमपरभु यावे आ छुडळ्ळुडमी लाइक्वा पुंडसाकव” देशा बाकब। यूहन्ना १:१४; रोमी १:४; पररित २८:२८; मकूस १६:१९; एफिसी १:२०-२१

दूली शंब आन शंतीक

१परमपरभु यावे आ सोक्तीमी “नोले डा नाक्तीमी का निक्शी थमा सुइक्वपुकीमी थमा सुइक्वा परांडनीम। मेको मुरपुकीमी हंथे लां काइब नु जोल पाइब बोल आन शंशो नंनीम” देत। मत्ती २४:२४; २थिस्सलोनिकी २:३; रतिमाथी ३:१; २पतरुस ३:३; १यूहन्ना २:१८; यहूदा १८ २मेको मुर आन थुं डा मिम्तीके खतम दुम्ब। मिनु जोल शंनीम। ३मेकोमी “ग्युबे पचा मदुम्ब, का निक्शी थोत्रक जचा मदुम्ब” दे शंनीमी। परमपरभु यावेमी थमा सुइक्व आन कली सल्लशा गेशो मेको जचा थोत्रक “गे रिम्शो पाइब बाकनीमी” दे जचा ब्वचा दुम्ब। उत्पत्ती १:३; १कोरिन्थी १०:३०-३१; कलस्सी २:२३ ४तन्न परमपरभु यावे आ सल्लशो नल्ल रिम्शो बाकब। मुरुमी परमपरभु यावे कली “गे रिम्शो पाइतीनी” दे नल्ल जचा ब्वचा दुम्ब। उत्पत्ती १:३१; मत्ती १५:११; पररित १०:१५ ५मारदे हना परमपरभु यावे आ लोत्र नु परार्थनामी मेको नल्ल परमपरभु यावे आ गेशान बाकब, दे तुइसीब।

तिमाथी आ गेय

६गे एको लोत्र थमा सुइक्व लोकब आन कली शंताकवी हना, खरीस्त येसु आ रिम्शो गेय पाइब दुम्नेवे। गे थमा सुइक्तीक डा लोत्र नु रिम्शो शंतीके तुइकना तुइकन आ नोले खोइकनेवे। रतिमाथी २:१५ ७तन्न मुरुमी सल्लशो नु मरिम्शो कथापुकी मनेनो। परमपरभु यावे कली मिम्शा दाक्शा बाकको। १तिमाथी ६:२०; रतिमाथी २:१६,२३; रतिमाथी ४:४; तीतस १:१४; तीतस ३:९ ८रां कली रिम्शो पतीके इक्का ला रिम्शो बाकब। परमपरभु यावे कली मिम्शा दाक्तीके नल्ल क्येडा रिम्शो बाकब। मारदे हना मुल कली रिम्शो बाकब नु गेना हना यो परमपरभु यावे नु बाकचा कली नोले यो रिम्शो बाकब। १तिमाथी ६:६ ९एको देशो लोत्र थमा बाकब नु नल्ल थमा सुइक्वा माल्शो

बाक्व। १० एको लोत्र शंशा श्येत जशा, शंतीक गेय पाइनय। मारदे हना बरांडचा गेब परमपरभु यावे कली आस पाइनय। मेको नेल्ल मुर आन कली परांडब बाक्व। मोपा थमा सुइक्वपुकी पाप र बरांडचा ताइनीम।

११ एको लोत्र अरशा शंदो। १२ गे ठिटा बाक्ते हना यो, लोत्र पतीकमी, मुर नु गेय पतीकमी, दाक्तीकमी, थमा सुइक्तीकमी नु गरांगरा मदिशोमी थमा सुइक्व नेल्ल आन कली कांडतीक दुमो। मिनु तोक्शो लोत्र पचा मगेमी। तीतस २:१५; २ तिमाथी २:२२ १३ गो मजाकडा सम्म मुर आन कली परमपरभु यावे आ लोत्र पढशा, नंपाइकना पाइकन नु शंशा शंन बाक्को। १४ थमा सुइक्व आन शंब खाल्पापुकीमी इ पिया तारी गुइ वोइश्शा, परमपरभु यावेमी तुइक्पाइश्शो लोत्र पशा, इ कली गेय पतीके सक्ति गेशो बाक्त। मेको गेय रिम्शो पा पावो। १ तिमाथी १:१८; १ तिमाथी ५:२२; पररित ६:६; पररित ८:१७; २ तिमाथी १:६ १५ मोपा बाक्को। मेको इ पशा तशा, नेल्लेमी इ थमा सुइक्तीक बारशो तामेक्ल। १६ आंम कली नु इ शंतीक कली रिम्शो पा हास पावो। मोदंशो पा, गे आंम इ कली नु इ लोत्र नंब आन कली श्येत र परांडनेव। रोमी ११:१४

मुर नेल्ल आन कली रिम्शो पावो

१ शंब खाल्पा आन कली महइक्को, तन्न आंम आफ कली खोदंशो पा लोत्र पावो। ठिटा वांइश मुर आन कली लोक्व खोदंशो मिम्तो। लेवी ११:३२; तीतस २:२ २ मीश मुर आन कली इम्मा खोदंशो मिम्तो। ठिटी आन कली समी खोदंशो मिम्तो। मोपा नेल्ल रिम्शो पावो।

वांइश बेक्शो मीश मुर आन पर्वम

३ आन वांइश बेक्शो रिम्शो पाइब मीश मुर आन कली ठेयब सेलो। ४ आन वांइश बेक्शो मीश मुर आ तमी तौ, चच युइ बाक्तेक्म हना, मेकोपुकोम आंम सिं डा मुर आन कली रिम्शो गेय पा कांडचा माल्नीम। आम आफ आस कली रिम्शो पचा माल्नीम। मेको परमपरभु यावे आ डांडती शुश रिम्शो बाक्व। ५ आ वांइश बेक्शो मीश मुर रिम्शो बाक्त हना, परमपरभु यावे कली ला मिम्ब। मेकोमी नाक्दो नाक्त परार्थना पा पुंडना पुंडन बाक्व। लुका २:३७ ६ आ दला दाक्स पाइब चहिं सस बाक्त हना यो, बेक्शो खोदंशो दुम्ब। ७ एको लोत्र शंदीमी। मेकोपुकी दोस गेचा

मपुंडसीब दुम्मल। ८ सुमी आ सिं डा मुर आन कली मकोत्रबा, मेको आ थमा सुइक्तीके जाग्शा लशा, थमा मसुइक्व आन क्येडा यो मरिम्शो दुम्ब। मत्ती १५:५-६

९ वांइश बेक्शो मीश मुर ६० बर्स दुम्ने थुम्शा ला, वारच पचा कली आ नें बरक्सीब। मेको वांइश का आ मीश ला दुम्चा माल्ब। १० आ तमी तौ रिम्शो पा कोल्पाइश्शा, मुर आन कली बास बाक्चा गेशा, थमा सुइक्व आन खोइती चिक्शा, श्येत जाइब आन कली वारच पशा, नेल्लेमी रिम्शो पना पन बाक्व, दे मुरपुकीमी तुइश्शो मीश मुर आ नें ला बरक्सीब। हिबेरू १३:२; यूहन्ना १३:१४ ११ वांइश बेक्शो ठिटी मीश मुर आन कली वारच पचा कली आन नें मबोरक्चा। मारदे हना आन दला दाक्स पा खरीस्त कली परंताक्म हना, ग्युबे पचा ला मिम्नीम। १२ मिनु आन डांडती देशो परांडशा, दोस ताइब दुम्नीम। १३ मेकोपुकी मुर आन सिं सिं हिरथ लाइनीम। अल्सी ला ममाइ, मदंचा डा लोत्र यो शुश पाइनीम। १४ मोपतीक वांइश बेक्शो ठिटी मीश मुरपुकीमी ग्युबे पा, आल थिशा, आन सिं डा गेय पामेक्ल। मो पाम्तेक्म हना, मरिम्शो पा गाक्चा मताइनीम। अरुमी यो थमा सुइक्व आन पर्वम मरिम्शो लोत्र पचा मताइनीम। १ तिमाथी २:१५; १ कोरिन्थी ७:९ १५ का निक्शीमी सैतान कली खोइक्चा गोम्तेक्म। १६ थमा सुइक्व आन सिंमी वांइश बेक्शो मीश मुरपुकी बाक्तेक्म हना, मेको आन कली वारच पामेक्ल। मिनु गरुम्तीके कली श्येत मदुम्थु, वांइश बेक्शा, का ला लीशा मीश मुर आन कली वारच पचा ताइब। पररित ६:१

गरुम्तीके डा गेय पाइब

१७ गरुम्तीके सिंमी श्येत पा लोत्र पाइब नु शंब खाल्पा आन कली निक्शी खेयप मान पा क्येट गेचा माल्नीम। पररित १४:२३; रोमी १२:८ १५ परमपरभु यावे आ लोत्रमी “ब्यफ कली वांइ पपाइश्शानु, फुडला मपाइक्चा” मिनु “गेय पाइब आन गाल्ब ताइब बाक्नीम” दे बरक्शो बाक्व। ब्यवस्था २५:४; १ कोरिन्थी ९:९; लुका १०:७ ११ मुर कामी गरुम्तीके डा शंब खाल्पा कली दोस गेपु हना, सांक्छी निक्शी सां मबाक्थु, थमा मसुतो। ब्यवस्था १९:१५; मत्ती १८:१६ २० मुरिम्शो पना पन बाक्म, मेको कली थमा सुइक्व आन डांडती हुइक्को। मिनु मेको नंब नेल्लेमी मरिम्शो पचा हिंनीम। गलाती २:१४; मत्ती १८:१५-१७ २१ परमपरभु यावे, खरीस्त येसु

नु योत्रशो परमपरभु यावे आ स्वर्ग डा गेय पाइब आन डांडती "मुर आन कुल मकोत्रथु, आं दंशो नेल्ल पावो" दे इ कली अरनुड। मुर आन कुल कोत्रशा, मारंड मपावो। २२ मुर आन कली बरो थिशा, आन तार गुड वोडशशा, प्रार्थना मपावो। मुर आन मरिम्शो पतीकमी मगरो। मरिम्शो र डान बाकको। १ तिमोथी ४:१४

२३ डांडती डा खोदंशो पा ब्याक्कु ला मत्तुडो। इ कोत्रज रोड पतीक इच्का अडगुर शांबु ब्याडशशा तूडो।

२४ मुर का निकशी आन मरिम्शो पशो तुंडसीब। सजाइ ताइनीम, दे यो तुंडसीब। का निकशी आन मरिम्शो पशो चहिं नोले ला तुंडसीब। २५ मोपा मुर का निकशी आन रिम्शो पशो मतुंडसाक्व हना यो, खरुडशशा लीन मचाप्नीम।

वाइलीम वाइल आन पर्वम शंशो

१ वाइलीम वाइल नेल्लेमी आन होत्रप ६ मान ताक्चा शिरशो बाक्नीम, दे मिम्चा माल्नीम। मोपा मुरपुकीमी परमपरभु यावे आ नं नु आ शंतीक आइक्व मसेल्नीम। एफिसी ६:५; तीतस २:९-१० २ सु सु आन होत्रप थमा सुइक्व बाक्मा, मेको आन पर्वम "थमा सुइक्व लोकब दुम्शा, मान गेचा ममाल्नुड" दे ममिम्तमेक्ल। मेकोपुकीमी डांडती क्येडा रिम्शो पचा माल्नीमी, दे मतो। मारंद हना मेको आन गेय गेब थमा सुइक्व नु दाक्शो मुर दुम्त। मादंशो पचा शुश शंदो। फिलमोन १६

तिमोथी नु थमा सुइक्व आन कली अरेशो

३ सुमी अरु शंतीक शंबा, मेकोमी इ परभु येसु खरीस्त आ थमा लोत्र नु आ शंतीक नु मगारचा डा शंब। मेको आं दंशो थमा लोत्र चहिं परमपरभु यावे कली मिम्ब नु दाक्व थुं र बाक्व। रतिमोथी १:३३ ४ मेको अरु लोत्र शंब ठेयब लेशशो मारंड मजोक्व बाक्नीम। आन लोत्र ला आ तार पशा, जिचा पोक्चा माल्नीम। मेकोपुकीमी गेहे पाइब, जीब, मरिम्शो लोत्र पाइब नु मरिम्शो मिम्ब सेल्नीम। रतिमोथी २:१४; तीतस ३:१०-११ ५ मेकोपुकीमी मुर आन दातेमी जिचा पोक्नीम। आन थुं गशा खोदंशो दुम्शा, थमा लोत्र रुने मचाप्नीम। परमपरभु यावे कली मिम्चा, दाक्चा क्येट चेम्तीके बाक्व, दे मिम्नीम। ६ परमपरभु यावे कली बोल्यो थमा सुइक्वा चहिं थुं नाइक्तीक बाक्व। १ तिमोथी ४:८;

मत्ती ६:२५-३४; फिलिप्पी ४:११-१२; हिब्रू १३:५ ७ मारंद हना गोपुकीम जरमशानु, मारंड पने मचाक्नय। बक्शानु यो मारंड मलाइक्नय। अय्युब १:२१; भजन संगरह ४९:१८; उपदेसक ५:१४ ८ ज्जचा फक्चा गाप्त हना, ग्यरसय। हितापदेस ३०:८ ९ तन्न सु सु शुश क्येट थीब दुम्चा दाक्नीमी, मेको आन थुं थाम्चा पुंडसीशा, ग्याइलीम रशशा खोदंशो पा, निप्स मपाइशो नु श्यत जाइब दुम्नीम। आम कली खतम सेल्सीशो बाक्नीम। हितापदेस २८:२२; मत्ती १३:२२ १० क्येट कली दाक्व मरिम्शो आन क्येडा यो मरिम्शो बाक्व। मोपा क्येट दाक्व का निकशीमी थमा सुइक्तीके प्रोडशा, आम थुं कली तूशो खोदंशो पा शुश खाइक्पाइक्तक्म। एफिसी ५:५; १ तिमोथी १:१९

११ मोपतीके गे परमपरभु यावे आ मुर दुम्शा, मेको नेल्ल रे डान बाक्को। ठीक पतीके, परमपरभु यावे कली मिम्शा दाक्चा, थमा सुइक्चा, मुर आन कली दाक्चा, थमा सुइक्चा मपरोडचा नु बरेशो दुम्चा ला मिम्तो। रतिमोथी ३:१७; रतिमोथी २:२२ १२ थमा सुइशशा गराडो। "गेना हना यो परमपरभु यावे नु बाक्व दुम्ती" दे मिम्तो। गे शुश मुर आन डांडती इ थमा सुइशशा आ पर्वम रिम्शो लोत्र पाप्तीवी। मेना गे गेना हना यो बरोडशा बाक्चा ताइब, दे बरत्वा पुंडसीशो बाक्ते। १ तिमोथी १:१८; १ कारिन्थी ९:२५-२६; रतिमोथी ४:१७; १ तिमोथी ४:१४; हिब्रू ३:१ १३ नेल्ल आन कली बरोडचा गेब परमपरभु यावे नु खरीस्त येसु पन्तीयस पिलातस कली रिम्शो सांकच्छी गेब बाक्ते। गो इ कली परमपरभु यावे नु खरीस्त येसु आस डांडती अरनुड। यूहन्ना १८:३६-३७; परकाश १:५ १४ मार अरनुड दंशा हना, ई परभु येसु खरीस्त मजाक्म सम्म गे मेको आ शंशो लोत्र मसाल्थु शंदीमी। मिनु सुइमी दोस गेचा मतामेक्ल। १५ येसु खरीस्त जाक्मेनु, नेल्ल आसीक तशा, नेल्ल सक्ति पाइशशा पिप आन पिप नु परभु आन परभु दुम्शा जाक्ते। ब्यवस्था १०:१७; परकाश १७:१४ १६ मेको ला गेनायो मबक्व। सुइ आन कोत्रने मचाप्चा डा पा छेड्छेडमी बाक्व। सुइमी मेको कली गेनायो मताम। तने यो मचाप्नीमी। मेको मान तशा नेल्ल क्येडा सक्ति पाइशशा बाक्व। आमन। परस्थान ३३:२०; यूहन्ना १:१८

### शुश थीब आन कली अरेशो

१७ गे मुल शुश क्येट थीब आन कली “ठियब लेशो मदुमीन। जाम्शा लाइब शॉप कली आस मपथु, परमपरभु यावे कली आस पन। मारदे हना परमपरभु यावेमी इ कली शुश तेम्शा गेब। आ गेशो तशा ग्यरसीन” दे माइकमी। मजन संगरह ६२ :११ ; लूका १२ :१५-२१ १८ मेकोपुकीमी रिम्शो गेय पतीकमी गेनायो मनुष्य शॉप पाइशो दुम्मल। हाइशो दुम्शा, मुर आन कली गेब दुम्चा माल्नीम। १९ मो पाम्तेकम हना, नोले रिम्शो दुम्नीम। बोल्यो जग खोदशो पा, गेना हना यो बरोइशा बाकचा ताइब दुम्नीम। मेको

ला थमा बरोइचा बाकब। मती ६ :२० ; लूका १६ :९

### नोले डा लोत्र

२० तिमोथी, इ कली शंशो लोत्र रिम्शो पा पावो। जाम्शा लाइब लोत्र नु जिचा पोक्तीक लोत्र, तुइकब थुं रे पीब देसु पाइनीम। मेको रे डोन बाकको। २ तिमोथी १ :१२-१४ ; १ तिमोथी ४ :७ २१ मारदे हना का निक्शीमी मोदशो लोत्र मिम्शा पशा, आन थमा सुइक्तीक जाम्शा लेत। परमपरभु यावे आ शिशो ग नु लील। १ तिमोथी १ :६ ; २ तिमोथी २ :१८

## २ तिमोथी

बरेकब मुरः एको चिठी पावलमी तिमोथी कली नोलं बरेकशा बाकब ।

गेना बरेकशाः पावलमी रोम सहरम लेंशा चौकचा पुंडसीतीकमी बरेकशा बाकब ।

मारदे बरेकशाः पावलमी आंम पर्वम शुश बरेकब । मेकोमी तिमोथी आ थमा सुइक्तीक कली बारपाइश्शा नु गरुस्तीक डा मुर यो रिम्शा सत्त्वा दाकब । “दूली शंब आन पर्वम होस पा बाककीन” दे यो लोत्र पाइब । मेको चिठी गरुस्तीक कली शंतीक बाकब ।

### डांडती डा लोत्र

१ गो परमपरभु यावे आ दाकशो खरीस्त येसु आ सोइश्शा पावल नड । डांडती परमपरभु यावेमी “खरीस्त येसुमी गेना हना यो बरोइशा बाक्तीक बाकब” दे आ लोत्र खाप्शो बाकत । २ एको चिठी आं दाकशो तो तिमोथी, इ कली बरेक्ताकड । इं आफ परमपरभु यावे नु इं परभु येसु खरीस्त आस दाकचा गे नु लील । मेको आस शिशीमी इ कली थुं नाइश्शा बाकचा गेम्सेकल ।

### ग्येरपाइक्ब लोत्र आ पर्वम बरेकशा

३ गो परमपरभु यावे कली “गे रिम्शा पाइब बाकनीनी” दे गेय पाइनुड । आं के किकी पिपी यो मोदंशो पशा बाक्तेकम । आं परार्थनामी इ कली गेना हना यो मिम्नुड । फिलिप्पी ३ : ५ ; पररित २३ : १ ; पररित २४ : १६ । ४ गो इ डाकशो मिम्शा, नाकदा नाक्ती इ कली गरुम्चा दे मिम्नुड । मेकोमी आं कली ग्येरपाइक्ब । रतिमोथी ४ : ९ । ५ इ रिम्शा थमा सुइक्तीक मिम्नुड । मोदंशो थमा सुइक्तीक डांडती इ बगे लोइसमी, नोल इम्मा युनीसमी बाकशो बाकत । मुल थमा पा इ आगाम बाकब । गो मेको तुइवनुड । पररित १६ : १-३ । ६ मोपतीके गो इ कली आं गुइ इ तारी वोदुनु, परमपरभु यावेमी इ कली मार मार गेवा, मेको लेंशा मी खोदंशो पा बरपतो, दे फरुक्पाइक्नन । श्रुतिमोथी ४ : १४ । ७ मारदे हना परमपरभु यावेमी इं कली हिंब थुं मगव । तन्न सक्ति पाइश्शा, दाकपाइक्ब नु गेय पचा डांडती मिम्पाइक्ब थुं गेपु । रोमी ८ : १५ । ८ इं परभु आ पर्वम लोत्र पचा मुने मपावो । गो परभु आ पर्वम जेल्खानम बाकशो आं पर्वम यो मुने मपावो । तन्न ग्येरपाइक्ब लोत्र आ पर्वम परमपरभु यावे

आ सक्तिमी श्येत फलो । रोमी १ : १६ ; पतरुस ४ : १६ । ९ परमपरभु यावेमी सैतान र परांडशा “आं मुर नम” दे बरेक्ताकब । इं रिम्शा पतीके कोत्रशा ममाइ, आ माल्शा नु शुश डांडती र खरीस्त येसुमी इं कली गेशो दाक्तीक आ पर्वम बरेक्ताकब । तीतस ३ : ५ । १० मुल इं कली पाप र परांडब येसु खरीस्त कली रागीम सोइश्शा, मुर नेल्ल आन कली तपाइक्तु । खरीस्त येसुमी बेक्तीक कली गराशा, बरोइतीक नु गेना हना या बरोइशा बाकशा, परमपरभु यावे आ ग्येरपाइक्ब लोत्र आ पतीकेमी छुड्छुडमी वोइश्शा खोदंशो पा तुइक्पाइक्तु । श्कोरिन्थी १५ : ५५-५७ ; हिब्रू २ : १४ । ११ मेको ग्येरपाइक्ब लोत्र तुइक्पाइक्चा, दे गो लोत्र पाइब, खरीस्त आ सोइश्शा नु शंब दुम्ती । श्रुतिमोथी २ : ७ । १२ मोपतीके गो यो श्येत जाइनुड । तन्न गो मुने मपाइनुड, मारदे हना सु कली थमा सुइक्नुडा मेको तुइक्नुड । मेकोमी आं कली मबेकडा सम्म कोत्रन चाप्ब, दे यो तुइक्नुड । १३ थमा लोत्र कली खोतो । मेको खरीस्त येसुमी बाकशो थमा सुइक्तीके नु दाक्तीक बाकब । ग आं लोत्र र तुइक्नेव । १४ इं आगामी बाकशो परमपरभु यावे आ सोक्तीमी इ कली तुइक्पाइश्शा थमा शंतीके कली खोतो ।

१५ नेल्ल एसीया डा मुरपुकीमी आं कली परांडतीमी दे तुइक्नेव । मेको आन दातमी फोगेल्स नु हेरमागेनस बाकनीसी । रतिमोथी ४ : १६ । १६ परभुमी आनेसीफरस आ खिं डा मुर आन कली शिशी पवल । मारदे हना साड्लाम पाइश्शा बाकडानु, आनेसीफरस आं पर्वम मुने मपथु, आं कली शुश रिम्शा पापु । रतिमोथी ४ : १९ । १७ मेकोमी रोम सहर जाकदीश्शा, आं कली शुश माल्शा थिती । १८ परभुमी मेको कली आ निसाफ पतीक नाक्तीमी शिशी पवल । मेकोमी एफिसस सहरमी शुश गेय पापु, दे यो तुइक्नेव ।

### श्येत फाल्त्वा माल्नीम

१ आं तो, गे खरीस्त येसुमी बाकशो शिशी  
२ मिम्शा, बोल्यो दुम्शा बाकको । एफिसी ६ : १० । २ गो शुश मुर आन डांडती इ कली नंपाइश्शा लोत्र रिम्शा थमा सुइक्ब आन कली शंदीमी । मेकोपुकीमी यो अरु आन कली शंने चाप्नीम । ३ खरीस्त येसु आ रिम्शा सिपाही खोदंशो दुम्शा, श्येत फलो । रतिमोथी १ : ८ ; रतिमोथी ४ : ५ । ४ लडाइ पाइब सिपाहीपुकीमी खिं डा गेय मपाइनीम । मारदे हना आन ठेयब मुरपुकीम दंशो ला पाइनीमी । ५ दोरतीक दोरबमी

हंथे पा दोरत हना, गराने मचाप्व। २तिमोथी ४:८; १कोरिन्थी ९:२४-२७ ६सुमी रूम शुश गेय पाइबा, मेको आ बाली नाली आ डॉइती डा जाइब दुम्चा माल्ब। ७ आं दंशो नेल्ल मिम्तो। मारदे हना परभुमी नेल्ल कली रुप्तीक थुं गेब।

८ येसु खरीस्त कली मिम्तो। मेको दाऊद आ सिं रे जाकशा, बेकशा रे संसाकव। आं शंशो ग्येरपाइक्व लाव्र मेकोन बाक्व। १कोरिन्थी १५:४,२०; रोमी १:३ ९मेको ग्येरपाइक्व लाव्र शंतीक, गो मरिम्शो पाइब खोंदंशो पा साङ्गलोम पाइक्वा पुंइसीशा श्येत जाइनुड। तन्न परमपरभु यावे आ लाव्र दा मपांडसीशो बाक्व। फिलिप्पी १:१२-१४ १०मोपतीक गो योव्रशो मुर आन कली मिम्शा, श्येत नेल्ल फाल्नुड। मोपा मेकोपुकीमी खरीस्त येसुमी पाप रे परांडशो दुम्शा, गेना हना यो परमपरभु यावे आ छेङ्छेङ्गमी बरांडशा बाक्वा तामेकल। कलस्सी १:२४ ११मुरुमी मेको लाव्र कली थमा सुइक्व चाप्नीम “गोपुकी मेको नु बेक्तय हना यो, मेको नु बरांडनय। २कोरिन्थी ४:११ १२गोपुकीमी श्येत फाल्तय हना, मेको नु हुकुम पाइनय। गोपुकीमी मेको कली मतुइक्नुड” दंतय हना, मेकोमी यो “मतुइक्नुड” दंब। मती १०:३३ १३गोपुकीमी थमा सुइक्वा परांडतय हना यो, मेकोमी मपरांडब। मारदे हना गो परमपरभु यावे आ ती मनड” दंने मचाप्व” दंत। गन्ती २३:१९; भजन संगरह ८९:३१-३४; रोमी ३:३-४; तीतस १:२

### मजिचा दे शंशो

१४ एको लाव्र मेको आन कली फरुकपाइक्मी। परमपरभु यावे आ डॉइती मेको आन कली “लाव्र आ पर्वम मजिने” दे माइक्मी। मारदे हना मेको मरिम्शा दुम्ब, नंबपुकी यो वाम ग्याम दुम्नीम। १तिमोथी ६:४; तीतस ३:९ १५ग परमपरभु यावे आ डॉइती रिम्शो गेय पाइब दुम्चा कली बल पावो। थमा शंतीके रिम्शो पा शंचा कली काइ मुने पचा ममाल्लेव। १तिमोथी ४:६; तीतस २:१७-८ १६जाम्शा लाइब लाव्र पाइब रे डोन बाक्को। मारदे हना मेकोपुकीमी मुर आन कली परमपरभु यावे रे डोन दुम्पाइक्नीम। १तिमोथी ४:७ १७मेको आन लाव्र राकशा गार खोंदंशो बाक्व। हीमेनेयस नु फिलेतस मेको आन दातेमी बाक्नीस। १तिमोथी १:२० १८मेको निक्शीमी थमा शंतीक परांडशा, मुर आन संचा नुप्शो बाक्व दे शंनीस। मोपा का निक्शी आन थमा

सुइक्तीके बेक्पाइक्ताक्स। १९तन्न परमपरभु यावे आ थमा शंतीके मबरत्वा डा जग खोंदंशो बाक्व। परभुमी आ मुर आन कली तुइक्व। मिनु परभु कली तुइक्व मुरपुकी मरिम्शो पचा रे डोन बाक्वा माल्नीम। मेको थोव्रशो छाप खोंदंशो बाक्व। गन्ती १६:५; मती ७:२२-२३; यूहन्ना १०:१४,२७

२० ठेयब सिंमी सुन नु चांदी के बोसपुकी ला ममाइ, तन्न शी नु खप के यो बाक्नीम। का निक्शी रिम्शो गेय कली बाक्नीम, का निक्शी मरिम्शो गेय कली बाक्नीम। २१सु आ मरिम्शो पशो शोव्रशा माफ ताइबा, मेको रिम्शो गेय डा बोस खोंदंशो दुम्ब। आ होव्रप कली जिम्मा गंसीशो नु मेको रिम्शो गेय पचा कली रिम्शो बाक्व।

२२ ठिटी ठिटा आन दला दाक्स रे डोन बाक्को। रिम्शो थुंमी परभु कली लाव्र पाइबपुकी नु गारशा, ठीक पचा, थमा सुइक्वा, दाक्वा नु थुं नाइक्वा ला मिम्तो। १तिमोथी ४:१२; १तिमोथी ६:११; हिवरु १२:१४ २३हिकसी मडाम्शा लाव्र पाइब नु काम मलाप्व डा लाव्र पा जितीके रे डोन बाक्को। मेको जिचा पोक्व ला बाक्नीम दे तुइक्नेवे। १तिमोथी ४:७ २४परभु आ गेय पाइबमी जिचा मदुम्ब। नेल्ल आन कली रिम्शो पाइब दुम्चा माल्ब। रुप्याइशशा शंबमी मुर आन मरिम्शो पतीक फाल्वा माल्ब। तीतस १:१७-९ २५जिचा पोक्व आन कली रिम्शो लाव्रमी ठीक सल्ला माल्ब। परमपरभु यावेमी मेको आन कली आ ग लेप्याइशशा, थमा शंतीक तुइक्पाइक्व कां? २६सैतानमी मेको आन कली ग्याइशशा, आ दाक्शो पपदानु, मेको रे परोकमल।

### नोले डा नाक्व दोदंशो बाक्नीम

१ नोले डा नाक्व हिंचा डा श्येत दुम्ब। २ गे मेको तुइक्वा माल्लेव। १तिमोथी ४:१ ३मारदे हना मुरपुकीमी आंम कली ला दाक्नीम। क्येट कली शुश दाक्नीम। ठेयब लेशशा, अरु नेल्ल आन कली दिप्नीम। मरिम्शो लाव्र पाइनीम। आम आफ कली मटिथु “गे रिम्शो पाइतीनी” गेनायो मदंधु, पापम गरुम्शा बाक्नीम। ३आंम सिं डा मुर आन कली मदाक्नीम। ईख कुरनीम, मरिम्शो लाव्र पाइनीम। आंम रां नु शोव्र चलेस मजोक्नीम। जिचा पोक्नीम। रिम्शो मारइ मदाक्नीम। ४मुर आन कली श्येतम खरुम्नीम। चुइशशा गेय

पाइनीम। “गो जोक्नुड” दे बोरशा, मुर आन लोत्र मननीम। आंम दला दाक्स ला पाइनीम। परमपरभु यावे कली मदाकनीम। १मोदेशो मुरुमी परमपरभु यावे कली मिम्शा दाक्चा देसु पाइनीम। तन्न आन आगामी सक्ति मबाक्तीक कोइनीम। मेकोपुकी नु डान बाक्को। मत्ती ७:१५-२१; तीतस १:१६ ६मेको आन दातेमी का निकशीमी आन दला दाक्स पा पापम गरुशो नु आंम कली चलेस मजोक्व मीश मुर आन खिं ओत्रशा, लोत्र नंपाइकनीम। ७मेको मीश मुरपुकीमी सु आन लोत्र नंतेक्म हना यो, थमा शंतीक गेनायो रुम्न मचान्नीम। ८दोपा यन्नस नु याम्बरस माइशो मुर निकशीमी मोसा कली “इ गेय ठीक मबाक्व” देसा, मोपा मेको मुरपुकीमी यो थमा शंतीक कली “ठीक मबाक्व” देनीम। आन थुं मूर्स गेयम बरीशो दुम्शा, थमा सुइक्तीक परांइशो बाक्नीम। परस्थान ७:११,२२ १तन्न मोदेशो दूली शंबपुकीमी शुश गेय पचा मताइनीम। मारदे हना यन्नस नु यम्बरस आस कली खोदेशो पा, मुरपुकीमी “गशो बाक्नीम” दे तुइक्नीम।

#### पावल आ श्यत

१०मिनु गे आं शंतीक, आं गेय पतीके “मार पाइनुड” दे आं मिम्तीक, आं थमा सुइक्तीक, आं फाल्तीक, आं दाक्तीक नु थमा सुइक्तीक मपरांइशो ताप्तीवी। ११आं कली खदा पशो, आं श्यत जशा यो ताप्तीवी। एन्टीओक, आइकोनीयम नु लिस्तरा सहरमी गो दोदेशो श्यत जडा, दोपा खदा पशो नल्ल फलु, मेको नल्ल ताप्तीवी। तन्न परभुमी मेको नल्ल र परांइती। पररित १३:१३-१४:२२; भजन संगरह ३४:२०

१२सु सु खरीस्त येसुमी परमपरभु यावे कली मिम्शा, दाक्शा बरांइनीमी, मेकोपुकी खदा पचा पुंडसीनीम। मत्ती १६:२४; पररित १४:२२; श्थिस्सलोनिकी ३:३ ३३मरिम्शो नु गरांगरा दिचा डा मुरपुकीमी “मुर आन मिक्च सिल्लीक” दे मिम्तमेनु, डोंइती डा क्येडा मरिम्शो दुम्शा, आंमान आन मिक्च सिल्ला पुंडसीनीम। १तिमोथी ४:१

#### परमपरभु यावे आ लोत्र

१४ मिनु गे मार शंस, मेको “ठीक बाक्व” दे थमा सुइशशा, पना पन बाक्को। मारदे हना गे सु नु शंस मेको तुइक्नेवे। ११गे आल र ना परमपरभु

यावे आ लोत्र तुइशशा बाक्नेवे। मेको लोत्रमी खरीस्त येसु कली थमा सुइशशा “दोपा पाप र परांइचा” दे इ कली शंन चाख। यूहन्ना ५:३९ १६परमपरभु यावमी मेको लोत्र नल्ल गेशो बाक्त। मेको शंचा कली, हुइक्चा कली, रिम्शो सल्ला कली नु थमा सुइक्तीक ठीक सल्ला कली बाक्व। २पतरुस १:१९-२१ १७परमपरभु यावमी आ मुरपुकीमी नल्ल गेय रिम्शो पामेक्ल दे एको लोत्र तुइक्पाइशशा बाक्त। १तिमोथी ६:११

#### बेक्चा सम्म थमा सुइक्चा मपरांइचा

१गो इ कली खरीस्त येसु नु परमपरभु यावे आस डोंइती मार देनुड दंशा हना, येसु खरीस्त आ राज्य जाची ना बेक्शो नु बरांइशो मुर आन कली निसाफ पाइव बाक्व। मेको आ जाक्चा नु राज्य पचा मिम्शा १पतरुस ४:२ २“परमपरभु यावे आ लोत्र पावो। नंचा दाक्ताक्म हना यो, मदाक्ताक्म हना यो, शेंदीमी। मरिम्शो पाइव आन कली लोत्र पावो। मुर आन कली ‘ठीक पचा’ दे शेंदो। आन थुं बारपता। नल्ल आन कली फाल्ला, रिम्शो शेंदो। पररित २०:२०,३१ ३मारदे हना इक्का नोले थमा शंतीक नंचा काइ मदाक्नीम। आंम दला दाक्स पा अर्का लोत्र कली नोफा दाइशशा, आंम कली शंबपुकी तेल्लीम। १तिमोथी ४:- ४मेना थमा शंतीक परांइशा, मुर आन सल्ला कथा नेंनीम। १तिमोथी ४:१७; २थिस्सलोनिकी २:११ ५गे चहिं मार पाप्तीवी हना यो, मिम्ना मिम्न गेय पावो, श्यत फलो, ग्यरपाइक्व लोत्र शेंदो। इ कली गेशो गेय नल्ल पावो” दे माइक्नन। २तिमोथी २:३

६मारदे हना गो चदशो खोदेशो दुम्शा, आं लची ना जाक्त। फिलिप्पी २:१७ ७गो थमा सुइशशा गराती। दाम पशो खोदेशो पा गराती। थमा सुइक्चा मपरांइथु बाक्ती। १कोरिन्थी ९:२५; १तिमोथी ६:१२; पररित २०:२४; फिलिप्पी ३:१४ ८मुल र ठीक पतीके डा सिरपेच गुप्चा दे आं कली वोइशशा बाक्त। परभु ठीक निसाफ पाइव बाक्व। मेकोमी आं कली आ नाक्तीम सिरपेच गेव। आं कली ला ममाइ, सु सुमी आ जाक्शो दाक्नीमी, मेको आन कली यो गेव। २तिमोथी २:५; १पतरुस ५:४; याकूब १:१२; परकाश २:१०; मत्ती २५:२१

#### पावल नु आ नु गेय पाइवपुकी

१आं कली रीव पा गरुथ जाक्को। २तिमोथी १:४ १०मारदे हना डेमासमी रागी डा गेय दाक्शा,

आं कली परांडती। मिनु थिस्सलोनिकी सहर लत। करेसेन्स गलातीया नु तीतस डाल्मातीया रागी लाम्ताक्स। कलस्सी ४ :७,१०,१४ ११ लुका ला गो नु बाक्व। मर्कुस कली गे पिशशा पिवा। मारदे हना मेको आं कली वारच पाइब बाक्व। पररित १५ :३७ ; कलस्सी ४ :१० १२ तिखीकस कली एफिसस सहरम सोइक्ताकड। एफिसी ६ :२१ १३ तरोआस सहरमी कारपस आ खिमी फक्तीक वा का परांडता। मेको चाक्को। किताब नु कागजपुकी यो चाक्मी।

१४ अलेक्जन्डर तांबा तुप्तीलमी शुश श्येत गेती। परमुमी मेको आ गेय तशा, सजाइ गेब। १ तिमोथी १ :२० १५ गे यो मेको नु होस पा बाक्को। इं शंतीक आ पर्वम शुश जिचा पोक्तु।

१६ डांडती डा आं मुददाम सुइमी आं कली वारच मपाम। नेल्लेमी परांडतीमी। परमपरभु यावेमी मेको आन कली सजाइ मगेवल। २ तिमोथी १ :१५ १७ तन्न परभु गो नु बाक्शा, अर्को रागी डा मुर आन कली परमपरभु यावे आ लोत्र नेल्ल शंचा

सक्ति गेती। मोपा आं कली गुप्स रे परांडती। पररित २३ :११ ; पररित २७ :२३ १५ परमुमी आं कली आ स्वर्ग डा राज्य लचा, दे नेल्ल श्येत रे परांडब। मेको कली गेना हना यो मान पय। आमन।

### नोले डा लोत्र

१९ पिरस्कीला, अक्वीला नु ओनसीफरस आ खिं डा मुर नेल्ल आन कली “रिम्शो बाक्कीन” देनो। पररित १५ :२ ; २ तिमोथी १ :१६ २० इरास्तस कोरिन्थ सहरम बाक्व। तरोफोमस रोइ पवानु, गो मिलेटस सहरमी लाइशशा वोइक्ता। पररित १९ :२२ ; पररित २० :४ २१ हिउंद क्येडा डांडती आं कली गुरुथ रीब पा जाक्को। युबुलसमी इ कली “रिम्शो बाक्को” देशो बाक्व। पुडेन्स, लिनस, क्लौदीया नु थमा सुइक्व लोकब नेल्लेमी यो मो देतेक्म। २२ परभु गे नु बाक्ल। आ शिशी गे नु लील।

## तीतस

बरेकब मुरः एको चिठी पावलमी आ नु गेय पाइब तीतस कली बरेकशा बाक्त ।

गेना बरेकशाः पावल रोम सहर डा जेल्सान रे प्रांडेचा पुंडिस नाले करेट टापु लमाक्त । मकर मुर आन कली शंचा कली तीतस कली वोइशशा बाक्त । एको चिठी ६५ ए. डी.मी तीतस कली बरेकशा बाक्त ।

मारदे बरेकशाः

१. थमा सुइक्व आन शंब दोदेशो दुम्चा माल्नीमी ।

२. थमा सुइक्व आन कली शंतीके रिम्शो दुम्चा माल्नीमी ।

हुकुम पाइब आन कली टिचा माल्नीमी ।

दूली शंब आन पर्वम होस पचा माल्नीमी ।

### डॉइती डा लोत्र

१ गो परमपरभु यावे आ वाइल नु येसु खरीस्त आ सोइशशा, थमा सुइक्व पावल नड । परमपरभु यावे आ योत्रशो मुर आन कली थमा सुइक्वा आ पर्वम शंतीक नु मेको तुइशशा रे रिम्शो गेय पचा माल्ब, दे शंब दुम्ती । २ मोदेशो दुम्मेनु, गो नेल्ल गेना हना यो परमपरभु यावे नु बाक्शा बरांडेनय, दे आस पाइनय । रतिमोथी २:३३ ३ आ दाक्शा ना मुर आन कली आ लोत्र तुइक्पाइक्तु । दोपा तुइक्पाइक्तु देशा हना, इं मरिम्शो गेय रे प्रांडेब परमपरभु यावेम “आं लोत्र शंदोमी” दंत । एफिसी १:१-१० ४ तीतस, एको चिठी इ कली बरेक्ताक्ड । गो निक्शो इस के थमा सुइक्तीक का दुम्शा, गे आं तौ खोदेशो दुम्ते । इं आफ परमपरभु यावे नु इं पापर प्रांडेब येसु खरीस्तमी इ कली शिशी नु थुं नाइक्वा गेम्सकल । श्रुतिमोथी १:२

### थमा सुइक्व आन कली कोत्रब

२ गो इ कली करेट टापुमी मारदे वोइक्तेन देशा हना “गे थमा सुइक्व आन दातेमी ठीक महुम्शो गेय ठीक पपती । मिनु सहर सहर डा गरुम्तीकमी शंब खाल्पापुकी वातो” दे इ कली अरतन । पररित १४:२३ ६ मिनु गरुम्तीक सिं डा शंब खाल्पापुकी सु सु दुम्ने चान्नीमी देशा हना, काइ दोस गेचा मपुंडसीब नु मीश का ला पाइशशा वोइश मुर बाक्चा माल्ब । मेको आ तमी तौ थमा सुइक्व बाक्चा माल्नीमी । हेंथे गाक्व नु मटीब

आल आन आफ गरुम्तीक सिं डा शंब खाल्पा दुम्ने मचान्नीमी । श्रुतिमोथी ३:१-७ ७ मोदेशो थमा सुइक्व आन कली कोत्रब परमपरभु यावे आ सिं डा गेय पाइब दुम्शा, दोस गेचा मपुंडसीब बाक्चा माल्ब । मिनु ठेयब लेशशा, शुश गाइक्व, राकसी शांबु तूशा दुक्व, चुरशा गुइ प्रांडेब नु शिम मुरुम मेको गेय पने मचान्नीमी । श्रुतिमोथी ४:१; रतिमोथी २:२४ ५ थमा सुइक्व आन कली कोत्रब चहिं बास गेब, रिम्शो गेय दाक्व, रिम्शो नु मरिम्शो तुइक्व, ठीक गेय पाइब, थमा पा परमपरभु आ गेय पाइब नु आंम रां चलस जोक्व मुर बाक्चा माल्नीमी । १ मोदेशो पाइब मुर परमपरभु यावे आ लोत्र डा शंतीक तुइशशा पचा माल्नीमी । मोपा मेकोपुकीमी थमा सुइक्व आन कली रिम्शो शंशा, अरने चान्नीमी । मिनु परमपरभु यावे आ लोत्र दूली शंब आन कली यो रिम्शो सल्ले चान्नीमी ।

### दूली शंब आन पर्वम

१० परमपरभु यावे आ शंशा लोत्र मटीबपुकी शुश बाक्नीमी । शोर गाक्वशो लोत्र पाइब नु हेंथे लां शंब बाक्नीमी । मेको शुश खरोइक्तीक चिनु पाइशशा इसराएली बाक्नीमी । ११ मोदेशो मुर आन कली ब्वालेइ पपाइक्वा माल्नीमी । मारदे हना सिं सिं डा मुर नेल्ल आन कली जिपाइक्नीमी । मिनु क्येट चम्चा कली शंनीमी । १२ करेट टापु डा शुश जोक्व मुरुमी आंम मुर आन पर्वम मार लोत्र पचा बाक्त देशा हना, मेकोमी “करेट डा मुरपुकी गेना हना यो जाल पाइब, मरिम्शो पाइब जन्तु, शुश जाइब ब्वाइब नु अल्सी अल्स बाक्नीमी” दे लोत्र पचा बाक्त । १३ मेको आ देशो थमा बाक्व । मोपतीक गे मेको आन कली शुश अरवा । मोपा ला आन थमा सुइक्तीक ठीक दुम्ने चान्ब । रतिमोथी ४:२ १४ मिनु थमा सुइक्वपुकीमी यहूदी आन कथा नु मुरुम सल्ल्यो अरेशो लोत्र नेंचा महुम्ब । मेको थमा लां प्रांडेब बाक्नीमी । श्रुतिमोथी ४:१७; रतिमोथी ४:४ १२ रिम्शो मुर आन कली मारदे मारदे रिम्शो बाक्व । गरांगरा दिचा डा मुर नु थमा मसुइक्व आन कली चहिं मारदे मारदे रिम्शो मबाक्व । मेको आन थुं नु मिम्तीके मरिम्शो बाक्व । मत्ती १५:११; रामी १४:२० १६ मिनु मेकोपुकीमी “गे परमपरभु यावे कली तुइक्नुड” देसु पाइनीमी । तन्न आन पतीकमी मतुइक्व बाक्नीमी, दे तुंडसीब । मोपा मेकोपुकी गरांगरा

दिचा डा मुर बाकनीम। मिनु मटीब दुम्शा, रिम्शो गेय या पने मचाप्नीम। रतिमोथी ३ :५

गरुस्तीकेमी दोपा बाकचा

१गे चहिं यसु खरीस्त आ ठीक लोत्र रिम्शो २ पा मुर आन कली शंदीमी। रतिमोथी १ :१३ २गे खाल्पा आन कली मार शंचा माल्नेव दंशा हना, रिम्शो मिम्ने चाप्व, मान पाइक्चा शिरशो मुर, गेय पचा क्येडा डांडती मिम्ब, आन थमा सुइक्चा, आन दाक्चा नु आन फाल्त्वा डा सकित ठीक दुम्शा बाकचा माल्नीम, दे शंचा माल्नेव। १तिमोथी ५ :१

३मिनु खाल्पी आन कली मार शंचा माल्नेव दंशा हना, खाल्पीपुकी रिम्शो थमा सुइक्ब दुम्चा माल्नीम। हेंथ लोत्र पचा मदुम्ब। शुश शांबु तूचा मदुम्ब। खाल्पीपुकी रिम्शो गेय शंब दुम्चा माल्नीमी। ४मोदंशा पा खाल्पीपुकीमी आन क्येडा आल मीश मुर आन कली आन वॉइश नु आन आल आन कली दाक्चा माल्ब, दे शंचा माल्नीम। ५गेय पचा क्येडा डांडती मिम्चा, आंम वॉइश नु ला बाकचा, सिं डा गेय रिम्शो पचा, मुर नु रिम्शो दुम्चा, आंम वॉइश कली टिचा, दे शंचा माल्नीम। मोदंशा पाम्तेक्म हना, मुरपुकीमी परमपरभु यावे आ लोत्र आ पर्वम मरिम्शो लोत्र मपाइनीमी। एफिसी ५ :२२

६मोदंशा पा गे इ क्येडा आल वॉइश मुर आन कली “गेय पचा क्येडा डांडती मिम्चा माल्ब” दे शंचा माल्नेव।

७मिनु नेल्ल क्येडा ठेयब मार बाक्ब दंशा हना, गे रिम्शो गेय पशा, थमा सुइक्बपुकी दोदंशा मुर बाकनीमी, दे कांडचा माल्नेव। मिनु मुर आन कली शंदीनु, हेंथ लोत्र मपथु, रिम्शो शंतीक शंचा माल्नेव। रतिमोथी २ :१५ ; १पतरुस २ :१५ ; १तिमोथी ४ :१२ ; १पतरुस ५ :२ ८गे रिम्शो लोत्र शंताक्वी हना, सुइमी इ कली दोस गेने मचाप्नीम। मिनु इ कली मदाक्बमी यो इ पर्वम मोरेइ मरिम्शो लोत्र पचा मताइनीम। मिनु आन मुने दोक्नीम।

९मिनु वाइलीम वाइल आन कली मार शंचा माल्नेव दंशा हना, आंम ठेयब मुर आन लोत्र टिचा माल्नीम। आन गेय रिम्शो पा आन ठेयब मुर आन कली ग्येरपाइक्चा माल्नीम। आन ठेयब मुरुमी लोत्र पामेनु, मेकोपुकीम जोप पचा मदुम्नीमी। एफिसी ६ :५-६१ ; तिमोथी ६ :१-२ ; १पतरुस २ :१८ १०सुइ पचा मदुम्ब, नेल्ल गेयमी थम रिम्शो पाइब दुम्चा माल्नीम। मोदंशा

रिम्शो गेय पा इ कली पाप रे परॉइब परमपरभु यावे आ शंतीक रिम्शो लोत्र बाक्ब, दे कांडनीमी। मेको शंचा माल्नेव।

परमपरभु यावे आ शिशी

११परमपरभु यावे आ शिशी मुर नेल्ल आन कली पाप रे परॉइचा कली तपांडसाक्व। तीतस ३ :४ १२मोदंशा शिशीमी इ कली परमपरभु यावे कली मगारचा डा गेय नु रागी रागी डा मुर आन पतीक आ पर्वम मोदंशा मपचा, दे शंब। मिनु मुल गेय पचा क्येडा डांडती मिम्चा, ठीक गेय पचा नु रागीम बाक्शा, परमपरभु यावे कली मान पा हिंचा, दे शंब। १३मोदंशा दुम्शा, मान ताइब परमपरभु यावे नु इ कली पाप रे परॉइब येसु खरीस्त आ छेडछेड गरुब, दे गो आस पशा रिम्नय। १कोरिन्थी १ :७ ; फिलिप्पी ३ :२० ; १थिस्सलोनिकी १ :१० १४येसु खरीस्तम आंम कली काइ ममिम्थु, साइक्चा पुंडसाक्व। मारदे साइक्चा पुंडसाक्व दंशा हना, इ कली मटितीक रे परॉइचा कली साइक्चा पुंडसाक्व। मिनु इ कली परमपरभु यावे आ योत्रशो मुर सल्ला नु इ कली शुश रिम्शो गेय पपाइक्चा कली आंम कली साइक्चा, दे जिम्मा गेसाक्व। गलाती १ :४ ; १तिमोथी २ :६ ; परस्थान १९ :५ ; एफिसी २ :१० १५ मेको लोत्र शंदीमी। मिनु गे अधिकार पाइइशो दुम्शा, मुर आन कली अरवो। मिनु मुरपुकीमी “एको टिटामी आंइ कली शंने मचाप्व” दंचा मपुंडसो। १तिमोथी ४ :१२

रागीम दोपा बाकचा माल्नीमी

१मिनु गेमी हुकुम पाइब नु सरकार डा ३ अधिकार पाइइशो मुर आन कली टिचा, दे थमा सुइक्ब आन कली मिम्पतो। थमा सुइक्बपुकी टीब मुर दुम्चा माल्नीम। मिनु मार मार रिम्शो गेय बाक्म, मेको पचा माल्नीम। रोमी १३ :१ ; १पतरुस २ :१३ २मिनु सुइ आन पर्वम काइ शुकशी मपचा, जिचा मपोक्चा, मुर आन कली रिम्शो पा फाल्त्वा, ठेयब मलेत्थु, मुर आन कली वारच पचा माल्नीम। फिलिप्पी ४ :५ ३डांडती गो मरुप्व बाक्तय। परमपरभु यावे कली मटीब बाक्तय, हेंथ गाक्ब, मार मार दाक्तय, मेको दला दाक्स पाइब बाक्तय। गरांगरा दिचा डा गेय पाइब बाक्तय। गो मरिम्शो पा गेहे पाइतय। मिनु गोपुकी काइ मदाक्मुय। १कोरिन्थी ६ :११ ; एफिसी २ :२ ; एफिसी ५ :८ ; १पतरुस ४ :३

४तन्न पाप रे परांडव परमपरभु यावे आ रिम्शो पतीक, आ दाक्तीक नु शिशी जाक्त। तीतस २:११ ५मेकोमी इं कली मरिम्शो गेय रे परांडतु। इं पशो ठीक गेय तथा मपरान, तन्न आ शिशीमी इं कली परांडतु। दोपा पाप रे परांडतु दंशा हना, इं कली मरिम्शो गेय रे चिक्शो खादंशो पा, आ साक्त आ पशामी नक मुर सल्लु। योएल ३:१; २तिमोथी १:९; यूहन्ना ३:५; एफिसी ५:२६ ६मिनु परमपरभु यावमी आ साक्त इं तारी मोइक्तु। दोपा मोइक्तु दंशा हना, इं पाप रे परांडव येसु खरीस्त आ पतीकमी मोइक्तु। ७मोदंशो पा, परमपरभु यावे आ शिशी आ पतीकम इं कली ठीक सल्लु। मिनु परमपरभु यावे नु बाक्चा शिरशो दुस्तय। परमपरभु यावे नु गेना हना यो बाक्चा कली आस पा बाक्तय। रोमी ३:२६ ८एको लोत्र थमा बाक्ब। मिनु एको लोत्र शुश शंदो। मोदंशो पा शंताक्वी हना, परमपरभु यावे कली थमा सुइक्ब दुम्शो मुरपुकी रिम्शो गेय पचा कली होस पा बाक्नीम। आं दंशो शंतीक मुर आन कली रिम्शो नु गारचा डा बाक्ब।

१मिनु गे मूर्ख खादंशो पा हिल्लो पतीक, यहूदी आन बडसावली डा शंतीक नु अरतीक लोत्र रे सल्लो पतीक आ पर्वम गाइक्पाइक्ब नु जिचा पोक्ब रे डोन बाक्को। मारदे हना मेको शोर गाक्शो नु जाग्शा लाइव बाक्नीम। १तिमोथी १:४; १तिमोथी ४:७; २तिमोथी २:१४

१०गे मोदंशो दूली शंब आन कली खेयप निक्शी सम्म लोत्र पावो। मेकोम मटिप्टु हना, मेको रे डोन बाक्को। २यूहन्ना १०; मत्ती १८:१५-१७ ११मोदंशो मुर नेल्ल दूली नु मरिम्शो पाइव दुम्शा, आन मरिम्शो पतीकमी आंम कली खतम सल्लव बाक्नीम, दे तुइक्नेव। १तिमोथी ६:४-५

नोले डा लोत्र

१२गो अरतीमास हना यो, तिस्कीस हना यो इ कली गरूम्चा कली सोइक्ताक्ड हना, गे आं कली गरूम्चा कली निकोपोलीस सहर पिवो। मारदे हना गो हिउंदमी मेकर बाक्चा कली मिस्ताक्ड। एफिसी ६:२१ १३मिनु गे चीनास माइश्शो वोकोल नु आपोल्लोस आस कली रीब पा सोइक्तीम्सी। मेको निक्शीम मार मार माल्लीसी, मेको आस कली गेम्सी। परेरित १८:२४; १कोरिन्थी ३:५-६ १४मिनु इं मुरपुकीमी यो रिम्शो गेय पचा कली शंसीचा माल्लीमी। मोपा शुश श्येत जाइव आन कली वारच पशा, फल सिप्व रवा खादंशो दुम्नीम। तीतस २:१४; मत्ती ७:१९

१५गो नु बाक्बपुकी नेल्लमी इ कली “रिम्शो बाक्को” दे बरेक्पाइक्तीमी। आंइ कली दाक्ब थमा सुइक्ब नेल्ल आन कली “रिम्शो बाक्कीन” ने माइक्मी। परमपरभु यावे आ शिशी गे नेल्ल नु लील।

## फिलेमोन

## इम्चीली लोत्र देशो

बरकब मुरः एको चिठी पावलमी फिलेमोन कली बरकशा बाकब ।

गना बरकशा : पावल रोम सहर डा जेल्खानम बाकशा ६२ ए. डी. नुप्ची ना कि ६३ ए. डी. गोची ना बरकशा बाकब ।

मारदे बरकशा : एको चिठीमी ठेयब शंतीक मबाकब । फिलेमोन आ वाइल ओनसीमस परोकशा बाकत । मेकामी पावल कली रोम सहरम गरुम्शा, थमा सुइकब दुम्शा, मुल आ होत्रप आ सिं लेत्वा चिकशा बाकत । एफिसी नु कलस्सी कली चिठी कुरबपुकीम एको चिठी या चाकशा बाक्तेकम । फिलेमोन आ सिं यो कलस्से सहरम बाकत ।

### डॉइती डा लोत्र

१ खरीस्त येसु आ नेंमी जेल्खानम चोक्चा पुंडसीशा पावल नु इं लोक्ब तिमीथी गो निकशीमी एको चिठी बरक्ताकस्कु । एको चिठी सु सु इन कली बरक्ताकस्कु देशा हना, गो नु गारशा गय पाइब इं दाकशा फिलेमोन, एफिसी ३ : १ २ इं समी आप्नीया, पल्टन कामी बाकशा गाकशा खोंदेशो दुम्शा अरकीप्स नु फिलेमोन आ सिंमी देल्ब थमा सुइकब नेल्ल इन कली बरक्ताकस्कु । कलस्सी ४ : १७ ३ इं आफ, परमपरभु यावे नु परभु येसु खरीस्तमी इन कली शिशो पा इन थुं नाइश्शा बाक्चा गम्सकत ।

### परार्थना पशो

४ आं दाकशा लोक्ब फिलेमोन, गो इ पर्वम परार्थना पडानु “फिलेमोन कली रिम्शो पपाइक्तीनी” दे परमपरभु यावे कली ठेयब सेल्लुङ् । ५ मारदे हना गे थमा सुइकब नेल्ल आन कली शुश दाकशा नु इ येसु खरीस्त कली थमा सुइश्शो आ पर्वम नेंता । ६ इ थमा सुइश्शामी रिम्शो गेय शुश पाइनेवे । मिनु दोपा रिम्शो गेय पवी, मोपान परमपरभु यावेमी खरीस्त कली तुइक्तीके बारना बारन लपदल, दे परार्थना पाइनुङ् । फिलिप्पी १ : १ ७ आं लोक्ब, इ पशामी थमा सुइकब शुश आन थुं नाइक्चा ताम्तेकम । शुश आन थुं बारना बारन लत । इ कली मोदंशा रिम्शो पशो तशा, गो यो आं थुं नाइश्शा ग्येरसाकयी । २ कोरिन्थी ७ : ४

५ गो खरीस्त आ नें आ पर्वम इ कली मारेइ अरतीक अधिकार तशो नङ् । १ तन्न गे मुर आन कली दाकशा शिशो पाइनेवे, आं देशो यो टीनेवे, दे तुइश्शा, अधिकार कोंइचा ममाल्दी । गो खरीस्त येसु आ पर्वम जेल्खानम चोक्चा पुंडसीशा खाल्पा पावलमी इ कली इम्चीली लोत्र का माइकनन । १० जेल्खानम बाकडानु, ओनसीमस कली गरुम्ता । मेकामी थमा सुदा र आं दाकशा तो दुम्त । गो थमा पोबु दुम्तस्कु । कलस्सी ४ : १ ; १ कोरिन्थी ४ : १५ ; गलाती ४ : १९ ११ साइ इ सिंमी बाकमेनु, आ गेय रिम्शो मपथु, शोर गाकशा बाक्माकत । मुल आं कली शुश वारच पाइक्ती । मुल डा मरे इ थुं नुपाइक्चा डा गेय पाइब, दे तुइश्शा, इ सिं लेश्शा सोइक्ताकङ् । १२ मेको कली सोइश्शा ला ममाइ, पावलन जाकशा मिम्तो । १३ खरीस्त आ लोत्र शंशो आ पर्वम जेल्खानम चोक्सीशा बाकडानु, ओनसीमस इ पा डा आं वारच सेल्वा थुं पाता । फिलिप्पी २ : ३० १४ गेमी गेय पपाइश्शा वोतो, दे मदेन सम्म मवोदु देशा, सोइक्ताकङ् । वारच पाइय्यीनी मदेथु, वारच पाइतीनी हना, गो ग्येरसीनुङ् । २ कोरिन्थी ९ : १७

१५ ओनसीमस इ सिं रे परोकशा, नाकत का निकशी गाकशा रिम्शान दुम्त । मारदे हना येसु खरीस्त आ लोत्र रुष्शा, गना हना यो इ सिंम बाक्ब दुम्त । १६ मुल डा मरे मेको कली वाइल ममिम्थु, आंम कयी का डा लोक्ब मिम्तो । परभु आ नेंमी यो लोक्ब मिम्तो । मिनु मोदंशा लोक्ब दुम्शानु, गनायो मबरासीब । १ तिमीथी ६ : २ १७ मोपतीक वारच मिम्ताकयी हना, आं कली बरशा खोंदेशो पा ओनसीमस कली बरावो । १८ साइ इ कली मरिम्शो पशो बाकत हना यो, इ कली मेकामी मारेइ थाप्चा माल्शो बाकत हना यो, मेको नेल्ल गो गारपाइक्नुङ् । १९ एको लोत्र गो पावलमी आंम आं गुडमी बरक्ताकङ् । लोत्र थोक्शा, मार थाप्चा माल्शो बाक्म, मेको नेल्ल थाप्नुङ् । तन्न गोमी साइ इ कली वारच पशो यो मिम्चा माल्नेवे, दे इन कली देनुङ् । २० आं दाकशा लोक्ब, परभु आ नेंमी गो निकशी वोबु दुम्शा बाक्स । खरीस्त आ दाकशा पा आं थुं बारपा ग्येरपाइय्यी । २१ गे आं लोत्र नेंशा टिशा, आं देशो क्येडा यो शुश रिम्शो पाइनेवे, दे तुइश्शा, एको लोत्र बरक्ताकन ।

नोले डा लोत्र

२२इ खिमी इप्तीक बाक्तीक बास फिवशा वीतो, मारदे हना गेपुकीमी “पावल जेल्खान र गुरूचा तवल” दे प्रार्थना पाइनीनी, दे तुइश्शा, गुरूचा ताइनुड, दे आस पा बाक्ती। फिलिप्पी १:२५ ; फिलिप्पी २:२४

२३खरीस्त येसु आ नमी जेल्खानमी काथा बाक्ब इपाफरासमी इन कली “रिम्शो बाक्कीन” दंत। कलस्सी १:७ ; कलस्सी ४:१०-१४ २४गो नु काथा गाक्ब येसु आ लोत्र शंब मर्कूस, अरीस्तारकस, डेमास नु तूकामी यो इन कली “रिम्शो बाक्कीन” दंतकम।

२५ प्रभु येसु खरीस्त आ शिशी इन थुमी लील।

## हिब्रू

बरेकब मुरः एको किताब पावलम बरेकशो बाकब, दे शुश मुरुम मिन्नीम। तन्न का निकशीमी लुका, का निकशीम बारनाबास, का निकशीम आपाल्लास आ बरेकशो बाकब, देनीम। साइ डा जोकब तुइकबमी “हिब्रू किताब सुमी बरेकशो बाकबा, परमपरभु यावेम ला तुइकब” दे बरेकताकम।

गेना बरेकशोः एको किताबमी यरूसलेम सहर खतम दुश्शो आ पर्वम मारेइ मबरेकशो बाकत। मारेदे हना तिमोथी आ पर्वम लोत्र बरेकशो बाकब। मिनु तिमोथी ८१ ए. डी. रोमी सिजर दोमीतीयन आ सासनमी थमा सुइकचा आ पर्वम साइकचा पुंडसीशो बाकत। मोपतीके ६३ नु ७० ए. डी. रोम रे बरेकशो बाकब, देनीम।

मार बरेकशोः

१. एको किताब डा शंतीक लोत्रः परमपरभु यावे आ लोत्र पाइब क्येडा यसु खरीस्त ठेयब बाकब। परमपरभु यावे आ स्वर्ग डा गेय पाइब क्येडा यसु खरीस्त ठेयब बाकब।

मोसा क्येडा यसु खरीस्त ठेयब बाकब।

हारून क्येडा यसु खरीस्त ठेयब बाकब।

मल्कीसंदक नक खाल डा चदेब बाकब।

२. एको किताब डा पतीक लोत्रः

मुर नल्ल नु दुशा बाकचा।

थमा सुइकब लोत्र आन कली दाकचा मप्रोनीन।

डांइती डा लोत्र

१ साइ नेसी परमपरभु यावेमी आ लोत्र पाइब आन कली मार मार पपाइश्शा नु कांडशा, इं किकी पिपी नु लोत्र पाइबाकमाकत। २ नोले डा नाकती आ तो रे पा इं कली लोत्र पाप्तु। आ तो कली नल्ल अधिकार गेशो बाकत। सरीड नु रागी नल्ल आ तो रे पा सेला बाकत। भजन संगरह २ : ८ ; यूहन्ना १ : ३ ; कलस्सी १ : १६ ३ आ तो आ आफ आ सक्ति नु छेडछेड बाकब। मिनु आ सक्ति डा लोत्र पतीकमी नल्ल आन कली कोत्रना कोत्रन बाकब। मेकोमी पाप क्याम्तीक गेय पने थुम्शा, नल्ल क्येडा ठेयब मान ताइब आ ग्युरा गे निश्शो बाकब।

स्वर्ग डा गेय पाइब नु येसु

४ परमपरभु यावे आ स्वर्ग डा गेय पाइब आन क्येडा आ तो ठेयब बाकब। मिनु मेको आन क्येडा ठेयब नं तशो बाकब। १ पतरुस ३ : २२ ; फिलिप्पी २ : ९ ५ परमपरभु यावेमी आ स्वर्ग डा गेय पाइब सु कली चहिं “गो इ कली थितन। मोपतीक गे आं तो नव” देम डा ? मिनु “गो मेको आ आफ दुम्नुड, मेको चहिं आं तो दुम्ब” देम डा ? भजन संगरह २ : ७ ; २ सामुएल ७ : १४ ६ आ डांइती जरमेशो तो कली रागीम सोइकतानु “आं स्वर्ग डा गेय पाइब नेल्लेमी मेको कली मान पा ठेयब सल्मेकल” देत। भजन संगरह १७ : ७ ; रोमी ८ : २९ ७ परमपरभु यावेमी आ स्वर्ग डा गेय पाइब आन पर्वम “आं स्वर्ग डा गेय पाइब आन कली फश नु बरशो मी सेल्लुड” देत। भजन संगरह १०४ : ४ ८ तन्न आ तो आ पर्वम “इन राज्य पचा गेना हना यो लीब। इन राज्य डा राज दन्द ठीक निसाफ पतीके राज दन्द बाकब। ९ ठीक गेय पतीके दाकनीनी। मरिम्शो पतीके मदाकनीनी। मोपतीके परमपरभु, इन परमपरभु यावेमी इन पियामी तेल खरेकशा ग्येरपाइकतु। इन वारच आन क्येडा इन कली ठेयब सल्लु” देत। भजन संगरह ४५ : ६-७ १० अरु लोत्रमी यो “परभु, गे नल्ल क्येडा डांइती रागी डा जग वोइकतीनी। मिनु सरीड इन गुइ डा गेय बाकब। ११ मो हना यो मेको नल्ल मलीनीम। गे चहिं गेना हना यो बाकनीनी। सल्लोपुकी माइत वा सोदंशो पा जेकशा लाइनीम। १२ फक्तीक वा मुकशा सोदंशो पा, मेको आन कली मुकनीनी। वा फाइश्शो सोदंशो पा, मेकोपुकी फांडसीनीम। गे चहिं गेनायो मफांडसीथु गेना हना यो बाकनीनी” देत। भजन संगरह १०२ : २५-२७ १३ परमपरभु यावेमी आ स्वर्ग डा गेय पाइब सु कली “इ जोरी सतरु आन कली इ खोइल आगामी मवोडुमी सम्म आं ग्युरा गे बाकको, देम डा ? भजन संगरह ११० : १ १४ मेको गेय पाइब सोकत मनमी डा ? मिनु आन पाप क्याम्चा पुंडसीब आन कली वारच पथ सोइश्शो मनमी डा ?” देत। भजन संगरह ३४ : ८ ; भजन संगरह ९१ : ११-१२

नेंशो लोत्र थुंम वोइकचा माल्ब

१ इं नेंशो लोत्र थुंमी वोइकचा माल्ब। थुंमी २ मवोइकतय हना, मेको लोत्र सामन्य। २ परमपरभु यावे आ स्वर्ग डा गेय पाइबपुकीम तुइकपाइश्शो लोत्र थमा दुम्त। मिनु सु सुमी



दुम्त। ६ खरीस्तम चहिं परमपरभु यावे आ खिमी आ तौ दुम्शा, रिम्शो गेय पाप्नु। मिनु गो मेको कली आस पा थमा सुइक्चा मपरांइतय हना, गो आ खिं बाकनय। एफिसी २ :१९; १पतरुस २ :५

### परमपरभु कली टीब दुमीन

७ परमपरभु यावे आ सोक्तीमी मार देत देशो हना “मुलाक्ती आं लोत्र नंतीनी हना, हिब्रू ४ :७ ८ साइ नसी इन किकी पिपी गोरशा रागीम गाकशा, नाक्चा पुंडसमानु, पशो खोदेशो इन थुं खकटा पा मटीब मदुमीन। परस्थान १७ :७ ; गन्ती २० :२-५ १ इन किकी पिपीम ४० बर्स सम्म आं ठेयब गेय तशा यो, आं थुं थाम्ना थाम्न बाक्तेकम। १० मोपतीके मेको आन कली तशा, आं थुं जिक्त। मिनु गो मेकोपुकी गेना हना यो हंथे गाक्नीम। आं लां मतुइक्नीम” देती। ११ मिनु गो चुरशा मेकोपुकी गेनायो आं राज्य ओवशा थुं नाइक्चा मताइनीम” दे कसम जशा देती” देत। भजन संगरह ९५ :७-११; हिब्रू ४ :३ ; गन्ती १४ :२१-२३ १२ आं लोकवपुकी, होस पांडसीने। मारदे हना मरिम्शो नु थमा मसुइक्तीके थुंमी गेना हना यो बरांइशा बाक्व परमपरभु यावे र सुइ इन कली फराशा मलदल। १३ पापम ई थुं क्याल्शा मटीब मदुम्यल, दे मुलाक्त रन नाक्त कित कित अर्ती गेमुने। १४ थिस्सलोनिकी ५ :११ १४ ईं डोंइती नाक्त डा थमा सुइक्तीके नोले सम्म मपरांइतय हना, गो खरीस्त नु थुं का डा दुम्शा बाकनय। हिब्रू ६ :११ १५ डोंइती “मुलाक्ती आं लोत्र नंतीनी हना, ई किकी पिपीम मटिशो खोदेशो पा इन थुं खकटा पा मटीब मदुमीन” देशो बाक्व। १६ नेशा यो मटीब सु नमी? मोसाम इजीप्त रं गरुइशा पिशोपुकी मनमी डा? १७ सु सुमी ४० बर्स सम्म परमपरभु यावे आ थुं जिक्तम? मेको पाप पाइबपुकी मनमी डा? मेको गोरशा रागीमी बरेशो बाक्तेकम। गन्ती १४ :२९; १कोरिन्थी १० :१० १५ परमपरभु यावेमी आ लोत्र मटीब आन पर्वम “मेकोपुकी गेनायो आं राज्य ओवशा थुं नाइक्चा मताइनीम” दे कसम जशो मबाक्वा डा? १६ मोपतीके परमपरभु यावे आ लोत्र कली थमा मसुइक्तीकेन आ राज्य ओवशा नाइक्चा मतामे बाक्त, दे रुन्नय।

परमपरभु आ मुर थुं नाइक्चा ताइनीम

४ मोपतीके होस पांडसय, थुं नाइक्चा ताइनीनी देशो लोत्र मुल यो लीशो

बाक्तीके, होस पा बाक्य। मारदे हना सु सुमी आ लोत्र मटीम, मेको ओवचा मताइनीम। २ थमा पा, ई कली यो मेको आन कली खोदेशो पा परमपरभु यावे आ लोत्र नंपाइशो बाक्त। तन्न ई किकी पिपी आन कली नंपाइशो लोत्र शार गाकशो दुम्त। मारदे हना नंबपुकीमी थमा मसुइक्थु मटिशो बाक्तेकम। ३ गो थमा सुइक्वपुकी चहिं थुं नाइक्चा ताइनय। परमपरभु यावेमी “गो चुरशा, मेको आन कली गेनायो थुं नाइक्चा मगेनुडमी, दे कसम जाता” देशो बाक्त हना यो, आ राज्यमी नाइशशा बाक्तीके वोइक्ने थुम्शो बाक्त। हिब्रू ३ :११ ४ परमपरभु यावेमी रागी मारइ मारइ संल्शा, ७ नाक्त आ पर्वम “परमपरभु यावेमी नेल्ल संल्ले थुम्शा, ७ नाक्तीमी नाइक्स बाक्त” दे बरेशो बाक्व। उत्पत्ती २ :२ ५ मिनु लेशा लोत्र का चहिं “मेको आन कली गेनायो आं राज्य ओवशा, नाइक्चा मगेनुडमी” दे बरेशो बाक्व।

६ मा हना यो का निक्शी ओवचा ताइनीम। तन्न आ लोत्र डोंइती डा नंबपुकीमी मटिथु, ओवचा मतामे बाक्त। ७ मोपतीके अर्का नाक्त का वोइक्व। नाप्स देशो लोत्र “मुलाक्ती आ लोत्र नंतीनी हना, इन थुं खकटा पा मटीब मदुमीन” दे शुश बर्स नोले दाऊद कली बरेशोपाइशो बाक्माक्त। हिब्रू ३ :७ ८ यहासुमी मेको आन कली नाइक्तीकेम चाक्दीन्न चाप्शा हना, मेकोमी मो देंचा ममाल वा। व्यवस्था ३१ :७ ; यहासु २२ :४ ९ मोपतीके परमपरभु यावे आ मुर आन कली नाइक्तीके नाक्त का बाक्व, दे तुइक्नय। १० मिनु सुमी परमपरभु यावे आ नाइक्तीके ताइबा, मेको परमपरभु यावे खोदेशो पा आ गेय रं नाइक्चा ताइब। परकाश १४ :१३

११ मोपतीके सुइमी परमपरभु यावे आ लोत्र मटिथु जाम्शा मलमल। गो नेल्ले नाइक्चा ततीकेमी ओवचा माल्य। हिब्रू ३ :१६-१९ १२ मारदे हना परमपरभु यावे आ लोत्र बरांइतीके सक्ति पाइशशा, गेय पाइब नु निम्फा पटटी हेशो तरवार क्येडा हेशो बाक्व। मेकोमी श्ये नु रुश, सोक्त नु थुं तिल्व। मिनु मिम्तीके नु थुं डा लोत्र नेल्ले नाक्ने चाप्व। परकाश २ :१२ ; यरमीया २३ :२९ १३ मेको आ डोंइती सुइमी मारइ खरुइक्ने मचाप्नीम। नेल्लेमी पशो नु मिम्शो मेको आ डोंइती तांइसीब।

खरीस्त नेल्ल क्येडा ठेयब चढेब दुम्शो

लोत्र रुब दुमीन

१४ तन्न गो ई के ठेयब चढेब का बाक्ब। मेको स्वर्ग लाक्शा लाइब, परमपरभु यावे आ ती, येसु बाक्ब। ई थमा सुइक्तीक बाल्यो सल्शा, गनायो मपरांडिय। हिबरू ३:१; हिबरू ९:११,१२; हिबरू १०:२३ १५ मारदे हना ई नेल्ल क्येडा ठेयब चढेबमी ई चाप्टीक नु मचाप्टीक दोदंशो बाक्बा, नेल्ल तुइक्ब। गोपुकी ई थुं थाम्चा पुंडसीशो खोदंशो पा, आ यो थुं थाम्चा पुंडसाक्ब। तन्न थुं थाम्चा पुंडसाक्ब हना यो, पाप मपव। हिबरू २:१८; यूहन्ना ८:४६ १६ मोपतीक ई कली मार मार माल्यानु, वाक्च पपांडसीशा, माफ नु शिशी तचा कली परमपरभु यावे आ डांडती महिंथु, थुं बारपा जाक्दीय्य। रोमी ३:२५; रोमी ५:२

खरीस्त नु मेल्लीसेदेक

१ ठेयब चढेबपुकी मुर आन दाते रे योत्रचा पुंडसीशो बाक्नीम। परमपरभु यावे नु मुर आन कली गारपाइक्चा, दे मेकोपुकीमी मुर आन पाप क्याम्चा कली परमपरभु यावे कली भेटी नु मार मार चढेनीम। २ मेकोमी मतुइक्ब नु मरिम्शो लां गाक्ब आन कली शिशी पने चाप्व। मारदे हना मेको आमन यो मोदंशो बाक्ब। ३ मोपतीक मुर आन पर्वम चढेशो खोदंशो पा आंमा आन मरिम्शो पशो क्याम्चा कली आं यो चढेचा माल्लीम। लेवी ९:७ ४ मोदंशो चढेब आमन दुम्ने मचाप्टीम। हारून योत्रचा पुंडसीशो खोदंशो पा परमपरभु यावमी मेको आन कली योत्रब। प्रस्थान २८:१ ५ मोदंशो पा खरीस्त आमन ठेयब चढेब सल्सीशा ममाइ “मुलाक्ती गो इ कली थीतन, गे आं तो नवे” देबमी योत्रतु। मजन संगरह २:७ ६ मिनु लेंशा “गे गेना हना यो मेल्लीसेदेक आ खाल डा चढेब दुम्ते” देत। मजन संगरह ११०:४; हिबरू ६:२०

७ येसु मुर दुम्शा, रागीम बाक्मेनु, परेक्कु तोक्शा गांगां पा डाक्शा आ कली बेक्शो रे संब कली पुना बाक्त। परमपरभु यावे कली मान पा हिंशा, मुर आन पर्वम पुना बाक्त। मिनु आ पुंडशो तवा बाक्त। मती २६:३९-४६ ८ तो दुम्शा यो श्यत जतीक रे पा टिचा शंसे बाक्त। फिलिप्पी २:८ १ मेको पाको दुम नोले आ कली टीब आन कली गेना हना यो श्यत रे परांडशा बाक्चा गेब दुम्माक्त। १० मिनु परमपरभु यावमी मेको कली मेल्लीसेदेक आ खाल डा ठेयब चढेब वोइशशो बाक्त। हिबरू ७:-

११ ठेयब चढेब सल्शा वोइक्चा पुंडसीशो आ पर्वम मुल यो इन कली शुश शंचा लीशो बाक्ब। इन नोफा थोइशो बाक्ब। मोपतीक मेको आ अर्थ दोपा रुप्याइक्चा ननी? १२ मुल गपुकी अरु आन कली शंब दुम्चा माल्यो ननी। तन्न इन कली कका परमपरभु यावे आ डांडती डा लोत्र लेंशा शंचा माल्लाक्नी। मुल खमे जाइब खोदंशो दुम्चा माल्यो ननी। तन्न दूध तूब आल खोदंशो बाक्नीनी। १ कारिन्थी ३:१-३; १ पतरुस २:२ १३ दूध तूब आल खोदंशो दुम्शा, बाक्बपुकीम परमपरभु यावे आ ठीक लोत्र शुश रुने मचाप्टीम। एफिसी ४:१४ १४ पाको दुम्शो आन कली चहिं खमे गंसीब। मेकोपुकीमी परमपरभु यावे आ गेय पना पन मार रिम्शो बाक्मे, मार मरिम्शो मेको तुइक्नीम।

डांडती शंशो लोत्र लेंशा मशंचा

१ मोपतीक खरीस्त आ पर्वम शंचा माल्यो लोत्र लेंशा मशंचा। मे क्येडा लाक्शा पाको दुम्प्य। डांडती शंचा माल्यो लोत्र चहिं मार बाक्ब दंशा हना, मरिम्शो गेय पचा परांडशा, आन थुं परमपरभु यावे गे लेत्चा, परमपरभु यावे कली थमा सुइक्चा, ब्याक्कुम खरुम्शा गरुंडपांडसीचा, २ मार मार चिक्चा शंतीक, मुर आन तारी गुइ वोइक्चा, बेक्शो रे संसीशा बरोइचा नु गेना हना यो निसाफ पचा आ पर्वम लोत्र बाक्ब। ३ परमपरभु यावमी आंइ कली मोदंशो शंचा गप्टु हना, गो शंनीकी। ४ मारदे हना डांडती शंतीक लोत्र रुष्शा, परमपरभु यावे आ छुड्छुड तशा, आ सक्ति तशा, परमपरभु यावे आ साक्तीम बरोशा, ५ परमपरभु यावे आ लोत्र डा शिशी रुष्शा नु मेको जाक्चशो आ राज्य डा सक्ति आन कली लेंशा शंचा शोर गाक्शो बाक्ब। मारदे हना सुम मेको नेल्ल तशा यो, हिबरू १०:२६-२९; २ पतरुस २:२० ६ मुल मेको नेल्ल ताइक्ताक्म हना, मेको आन कली डांडती खोदंशो पा लेंशा नक पा वोइक्ने मचाम्सीब। मारदे हना आन पशामी परमपरभु यावे आ ती कली लेंशा शीम केष्शा कांटी थोक्शा क्याइशशा मुने तोक्नीम। ७ माल्यो रेउ यिमनु, खरुम्ब आ माल्यो बाली नाली ताप्टु हना, परमपरभु यावमी मेको रू कली आसीक गेब। ८ माल्यो रेउ यिशा यो चू नु सुवा ला वात हना, मेको

रू शोर गाक्शा, सराप राइब। मिनु मी सुइश्शा कुरोइक्चा पुंडसीब।

परमपरभुमी आ लोत्र खात्र

१ आइ दाक्शा लोकबपुकी, गोपुकीमी ओदेशो लोत्र पाइतक हना यो, इन कली तशा, गे पाप र ब्रांडचा तशा ननी, दे थमा सुइक्नीकी। १० मारदे हना परमपरभु यावे आ नेमी अरु थमा सुइक्ब आन कली वारच पा रिम्शा पाइतीनी। मुल यो रिम्शा पाइतीनी। मिनु मकोमी इन रिम्शा पशा गेनायो मपरंब। हिब्रू १०:३२-३४ ११ गे नेल्लेमी नेल्ल क्येडा नोल सम्म “परमपरभु यावे आ देशो नेल्ल जाक्दीप्ब” दे थमा सुइक्चा मपरांडतीक सक्ति तने, दे मिम्नीकी। हिब्रू ३:१४; फिलिप्पी १:६ १२ मचाप्नुड देब मदुमीने। “आ देशो जाक्दीप्ब” दे आ थोकशा पशा लोत्र थमा सुइक्ब खोदेशो पने। मेकोपुकीमी फाल्शा, थमा सुइश्शा, परमपरभु यावे आ देशो जाक्दीश्शा ताइनीम।

१३ परमपरभु यावेमी अबराहाम कली लोत्र गेवानु, आ क्येडा ठेयब सुइ मबाक्तीके आंम आ ने थिशा कसम जशा १४ “इ कली थमा पा आसीक गेनन। इ खिं डा मुर सोशा बोशा, शुश दुम्शा नेल्ल रागीम बरीपाइक्नुडमी” देशो बाक्त। उत्पत्ती २२:१६-१७ ११ मिनु अबराहाममी शुश बर्स सम्म रिम्शा बाक्शा, परमपरभु यावे आ देशो नेल्ल लोत्र गाप्शा ताप्तु। १६ मुरपुकीमी यो कसम जामेनु, आन क्येडा ठेयब आ ने थिशा कसम जाइनीम। कसम जशामी आन लोत्र थमान सेल्लनीम। परस्थान २२:१० १७ मोपतीक परमपरभु यावेमी “आं गेशो लोत्र गेनायो मफाइक्नुड” दे आ गेशो लोत्र ताइब आन कली रुप्याइक्चा, दे कसम जशा, आ लोत्र थोक्ता बाक्त। १८ मिनु परमपरभु यावेमी गेनायो जोल मपाइब, आ गेशो लोत्र नु आ कसम जशा, एको निक्शी गेनायो मफांडसीनीस दे तुइश्शा, गो सजाइ तचा र परोइचा पुंडसीबपुकी इं डांडती वोइश्शा आस तचा कली इं थुं बारपाइक्चा ताइनय। १९ मेको आस चहिं इं थुं ग्येत्य लुक्च पचा मगेब ग्याइक्तीके खोदेशो बाक्ब। मेको आस नेल्ल क्येडा आगा डा चोत्रखो कोठा डा फारतीक वा आगा बाक्ब। लेवी १६:२,१२ २० यसु मेल्लीसेदेक आ खाल डा ठेयब चढेब नु इं कली लां कांडब दुम्शा, नेल्ल क्येडा डांडती मेकर ओत्रदीश्शा बाक्ब। हिब्रू ५:६

खरीस्त मेल्लीसेदेक आ खाल डा बाक्ब

१ मेको मेल्लीसेदेक सालेम डा पिप नु नेल्ल क्येडा ठेयब परमपरभु यावे आ चढेब बाक्माक्त। अबराहाममी आ जोरी सतरु दुम्शा पिप आन कली गराशा साइश्शा डा मिन लेम्मनु, मेको मेल्लीसेदेकमी अबराहाम कली गरुम्य लशा, आसीक गेवा बाक्त। उत्पत्ती १४:१८-२० २ मिनु अबराहाममी मेको कली आ गराशा चाक्शो थोत्रक १० भागमी भाग का गेवा बाक्त। मेको आ ने मार रुम्सीब देशो हना, ठीक निसाफ पाइब पिप नु सालेम डा पिप, दे रुम्सीब। सालेम देशो चहिं थुं नाइश्शा बाक्तीके बाक्ब। ३ मेको आ आम आफ नु आ किकी पिपी मबाक्नीम। गेना जरेमेस, गेना बेक्म, दे मतुंडसीब। तन्न परमपरभु यावे आ ती खोदेशो बाक्शा, गेना हना यो परमपरभु यावे कली चढेब दुम्शा बाक्ब। यूहन्ना ७:२७

४ मेको गिश ठेयब बाक्ब, दे मिम्तीन। मारदे हना इं ठेयब किकी अबराहाममी आ गराशा चाक्शो रिम्शा थोत्रक १० भागमी भाग का मान पा गेचा पुंडस बाक्त। ५ लेवी आ खिं डा मुर चढेब दुम्शा, इसराएली आन लोकब र पा १० भागमी भाग का का पोक्बाक्तकम। मेको आन पतीके बाक्ब। लेवी आ खिं डा नु इसराएली नेल्ल अबराहाम आ खिं डा मुर नम। गन्ती १८:२१ ६ मेल्लीसेदेक लेवी नु इसराएली जात डा मबाक्त हना यो, अबराहाम र पा १० भागमी भाग का गेचा पुंडस बाक्त। मिनु परमपरभु यावे आ गेशो लोत्र ताइब अबराहाम कली आसीक गेवा बाक्त। ७ ठेयबमी आइक्च कली आसीक गेब, दे नेल्लेमी तुइक्नय। ८ मेको बेक्शा लाइब लेवी आ थर डा चढेबपुकीमी १० भाग डा भाग का ताइब दुम्शा बाक्नीम। तन्न गेना हना यो ब्रांडशो बाक्ब देचा पुंडसीबमी यो १० भाग डा भाग का तवा बाक्त। ९ अबराहाम आ पतीकेमी लेवीपुकी १० भागमी भाग का ताइब दुम्शा बाक्नीम हना यो, डांडती गेब यो दुम्शा बाक्मा बाक्त। १० मारदे हना मेल्लीसेदेकमी अबराहाम कली गरुमानु, लेवीपुकी अबराहाम आ रांमी बाक्शो बाक्मा बाक्त। मिनु अबराहाम र पा १० भागमी भाग का गेब दुम्मा बाक्त, दे तुइक्नय।

मेल्लीसेदेक आ खाल डा चढेब

११ लेवी आ खाल डा चढेबपुकीमी परमपरभु यावे आ अरेशो लोत्र यो ताम्तेकम। मेको आन

पशामी मुर आन कली पाको सेल्ले चाप्लो नम हना, हारून आ खाल डा ममाइ मेल्लीसेदेक आ खाल डा चदेब का वोइक्चा ममाल वा । १२ चदेब आन खाल फांडसाक्व हना, मेको अरशो लोत्र यो फांडसीब । १३ सु आ पर्वम मेको लोत्र बरक्शो बाक्म, मेको गेनायो चदेतीक गेय मपाइब थर डा बाक्माक्त । १४ ई परभु यहूदा थर डा बाक्माक्त, दे गो नल्लेमी तुइक्नय । यहूदा थर डा मुरपुकीम गेनायो चदेतीक गेय मपशो बाक्मा बाक्त । ई किकी पिपी मोसामी यहूदा थर डा मुर चदेब बाक्नीम, दे गेनायो मदेमाक्त । उत्पती ४९ : १० ; मत्ती १ : १-३ १४ चदेब आन खाल फांडस बाक्त, दे थमा पा तुइक्नय । मारदे हना मेल्लीसेदेक खोदंशो पा मेको चदेब सेल्ला पुंडसाक्व । १६ मेको आ किकी पिपी आन थर र चदेब मदुम्शो बाक्ब । तन्न गेनायो जाम्शा मलाइब सक्ति र पा चदेब दुम्शो बाक्ब । १७ मारदे हना मेको आ पर्वम “मेल्लीसेदेक आ खाल डा गेना हना यो चदेब दुम्ते” दंशो बाक्ब । भजन संगरह ११० : ४ ; हिबरू ५ : ६ १६ डांडती अरशो लोत्रमी पाप क्याम्ने मचाप्व । मिनु सुइ आन कली पाको सेल्ले मचाप्व । मोपतीक ताइक्चा माल्ताक्व । १९ मिनु मेको आ पा डा नल्ले क्येडा रिम्शो नक आस वोइश्शो बाक्त । मेको आस र पा परमपरभु यावे आ नेक्था जाक्दीन्ने चाप्लय । २० परमपरभु यावेमी मेको आस गेवानु, कसम जशा गेशो बाक्त । डांडती चदेबपुकी कसम मजथु चदेब दुम्शो बाक्मा बाक्त । २१ तन्न मेकोमी कसम जशा “परमपरभुमी कसम जशा बाक्ब । मिनु आ थुं मफाइक्ब । गे गेना हना यो चदेब दुम्ते” दे माइक्चा पुंडसीशो बाक्त । भजन संगरह ११० : ४ २२ मो माइक्चा पुंडसीतीक येसु डांडती पशो कबल क्येडा, नोल पशो रिम्शो कबल डा लोत्र साप्व दुम्शो बाक्त । हिबरू ८ : ६ ; हिबरू १२ : २४

२३ डांडती डा चदेबपुकी गेना हना यो बरोइशा बाक्ने मचाप्वतीक, शुश चदेबपुकी दुम्चा माल्मा बाक्त । गिश बेक्मा, मिश योत्रशा वोइक्चा माल्मा बाक्त । २४ येसु चहिं गेना हना यो बरोइशा बाक्तीक गेना हना यो चदेब दुम्शा बाक्शो बाक्ब । २५ मोदुम्तीक येसु र पा परमपरभु यावे आ डांडती जाक्दीश्शो आन कली येसुमी गेना हना यो वारच पने चाप्व । मारदे हना मेको आन पर्वम गेना हना यो परमपरभु यावे आ डांडती बाक्शा पुंडशो बाक्ब । रोमी ८ : ३४ ; १५ हन्ना २ : १

२६ ई ठेयब चदेब दोदंशो माल्शो बाक्त दंशा हना, पाप र जोन बाक्शो, दोस मताइब, रिम्शो थुं पाइश्शो, पापी र दिल्ला बाक्शो, स्वर्गमी नल्ले क्येडा ठेयब सेल्ला पुंडसीशो माल्शो बाक्त । २७ अरु चदेबपुकीमी नाक्त कित कित डांडती आन पशो पाप, नाले मुर आन पशो पाप क्याम्चा कली चदेबशो खोदंशो पा ओ पचा ममाल्द । कालेमीन आ रां चदेबशा, मुर नल्ले आन पाप क्याम्ने थुम्तु । लेवी ९ : १७ ; लेवी १६ : ६, १५ २६ परमपरभु यावे आ अरशो लोत्रमी पाको मदुम्शो मुर आन कली योत्रशा चदेब सेल्लाक्व । परमपरभु यावे आ अरशो लोत्र तुइश्शो शुश बर्स नाले कसम जशा लोत्रमी गेना हना यो पाको बाक्शो आ ती कली ठेयब चदेब सेल्ला वोइश्शो बाक्त ।

नक कबल डा चदेब

१ मुल सम्म पशो लोत्रमी नल्ले क्येडा तुइक्चा माल्शो लोत्र मार बाक्ब दंशा हना, ई के ठेयब चदेब स्वर्गम बाक्ब । मेको नल्ले क्येडा ठेयब मान पाइक्चा पुंडसीब आ ठेयब नित्तीके आ ग्युरा गे बाक्शो बाक्ब । हिबरू ४ : १४ २ मुरपुकीमी सेल्लो ममाइ, परमपरभु यावेमी सेल्लो थमा डा ताम्बुमी गेय पाइब दुम्शो बाक्ब । ३ ठेयब चदेब नल्ले भेटी नु चोशा चदेचा कली योत्रचा पुंडसीशो बाक्नीम । मोपतीक मेको ठेयब चदेबमी यो मारइ थोत्रक चदेचा माल्ब । ४ रागीम बाक्शो हना, ठेयब चदेब दुम्ने मचाप्व वा । मारदे हना परमपरभु यावे आ अरशो लोत्रमी बरक्शो खोदंशो पा चदेब शुश बाक्नीम । ५ मेकोपुकीमी स्वर्ग डा ताम्बु आ वाकुमी गेय पाइनीम । मोसामी ताम्बु सेल्ला गोवानु “डांडामी बाक्डेनु, इ कली कांडशो खोदंशो सेतो” दे परमपरभु यावे र माइक्चा पुंडस बाक्त । परस्थान २५ : ४० ; कलस्सी २ : १७ ६ मेको चदेबपुकीमी पशो गेय क्येडा खरीस्त आ पशो गेय रिम्शो कबल डा बाक्ब । मारदे हना डांडती पशो कबल क्येडा नाले पशो रिम्शो कबल डा लोत्र साप्व दुम्शो बाक्त । मेको नाले पशो कबल डांडती गेशो लोत्र क्येडा रिम्शो लोत्रमी फरंशो बाक्ब । हिबरू ७ : २२ ७ डांडती पशो कबल डा लोत्रमी पाको सेल्ला हना, नक कबल पचा ममाल वा । ८ परमपरभुम आ थुं मनुथु, इसराएली आन कली “नेनीने, परभुमी काबु इसराएल आ सिं नु यहूदा आ सिं डा मुरपुकी नु नक कबल का पाइनुड । हिबरू १० : १६-१७ ९ मेको

आन किकी पिपी आन कली पशो कबल सोदंशो ममाइ। मेको किकी पिपी आन कली गुइमी ग्याइश्शा, इजीप्त रागी रं गरुइशा लां कांडिदु नु कबल पा नाता सल्लामी। तन्न मेकोपुकीमी नाता खरोइक्तकम। मोपतीक गो यो मेको आन कली परांइशा ममिम्तुमी” दे परमपरभुमी दंब। परस्थान १९ :५-६ १०मेको कबल मार बाक्व देशा हना, गो आं अरेशो लोत्र मेको आन मिम्तीकम वोइश्शा, आन थुंम बरकुनुड। मिनु गो मेको आन परमपरभु यावे दुम्नुड। मिनु मेकोपुकी आं मुर दुम्नीम। ११सुइमी आ लोक्व नु आ वारच कली “परमपरभु यावे कली तुइक्तीन” दे शंमुचा ममाल्नीम। मारदे हना आल र खूशो सम्म डा नेल्लेमी आं कली तुइक्नीम। १२मेको आन कली शिशी पा, आन पशो पाप नेल्ल क्याम्शा गेनुडमी। मेको आन मरिम्शो पशो गेनायो ममिम्नुड” देमाक्त। येरमीया ३१ :३१-३४ ३३नक कबल आ पर्वम लोत्र पा डांडीती डा कबल कली माइत सल्लु। मुल डा मेर ममाल्शो नु माइत दुम्शो नेल्ल जाम्शा लचशो बाक्व। रोमी १० :४

### खरीस्त खेयप का चढ़ेशो

१ डांडीती डा कबलमी ठेयब सल्ला कली अरेशो लोत्र नु रागीम परमपरभु यावे आ बाक्तीक बाक्शो बाक्माक्त। परस्थान २५ :३१ ; परस्थान २५ :२३ ; परस्थान २५ :३० २मिनु ताम्बु का सल्ला बाक्माक्त। आगामी कोठा निकशो पाइश्शा बाक्माक्त। डांडीती डा कोठाम बती दातीक दियारी का, टबल का नु परमपरभु यावे आ डांडीती वोइश्शा कांडीतीक शोब्ल बाक्माक्त। मेको आ नाले चोत्रखो कोठा, दे नं वोइश्शा बाक्माक्त। ३फारतीक वा आ आगा नेल्ल क्यडा चोत्रखो कोठा बाक्शो बाक्माक्त। ४थम चोत्रखो कोठामी सुन के सल्ला धूप चोतीक नु परमपरभु यावे आ कबल पशो सुनमी गिल्लो सन्दोस बाक्माक्त। मेको कबल पशो सन्दोसमी मार वोइश्शा बाक्माक्त देशा हना, मन्ना कुर पशो सुन के बोस, हारुन आ कोच्चा दाप्शो कोक्क नु परमपरभु यावेमी फुल्लुमी मुशा बरक्शा वोइश्शा अरेशो लोत्र मेको आगाम बाक्माक्त। परस्थान १६ :३३ ; परस्थान २५ :१०-२२ ; गन्ती १७ :२३-२५ ५सन्दोस आ तारी करूब निकशी वोइश्शा बाक्तकम। मेको निकशीमी “परमपरभु यावे एकर बाक्व” दे आ शिशी पतीक कली वांकु

गेशा वोइक्तकम। मेको नेल्ल आन पर्वम मुल का का पा शंने मचाप्नुड। ६मोदंशो ताम्बुमी चढ़ेबपुकीमी नाक्त किंत किंत ओत्रशा, परमपरभु यावे कली आन पचा माल्शो गेय पाम्तकम। गन्ती १८ :३-४ ७थम चोत्रखो कोठामी चहिं बर्समी खेयप का नेल्ल क्यडा ठेयब चढ़ेबमी हुश लाइश्शा चढ़ेथ ओत्रबाक्माक्त। आ पशो नु अरु आन पशो पाप क्याम्चा कली मेको हुश चढ़ेबाक्माक्त। परस्थान ३० :३० ; लेवी १६ :२१४, १५ ८डांडीती डा कोठा बाक्मेनु, मुरपुकी थम चोत्रखो कोठामी ओत्रचा मताइनीम, दे परमपरभु यावे आ सोक्तीम रूप्पाइक्व। हिबरू १० :२० ९मेको मुल कली कांडीतीक का बाक्व। मेकोमी मार कांडेब देशा हना, भटी नु चोशा चढ़ेशोमी मुर आन कली पाको सल्ले मचाप्नु। हिबरू ७ :१९ ; हिबरू १० :१-२ १०मेको पतीके जचा थोत्रक, तूचा थोत्रक, चिकचा नु चढ़ेचा आ पर्वम बाक्नीम। मेको नेल्ल मुर आन मिम्शो शोर गाक्शो गेय बाक्नीम। नक लोत्र मजाकम सम्म मेको माइत लोत्र टिशा पामेक्त, दे वोइश्शा बाक्माक्त। लेवी ११ :-; गन्ती १९ :-

### खरीस्तमी स्वर्ग डा ताम्बुमी गेय पशो

११रागी डा ममाइ, मुर आन गुइमी सल्ला क्यडा ठेयब नु रिम्शा स्वर्ग डा ताम्बुमी खरीस्त ठेयब चढ़ेब दुम्शा, गेय पाइब। १२बाच्चा, बोका आन हुश चढ़ेशो ममाइ। कालेमीन स्वर्ग डा थम चोत्रखो कोठाम ओत्रदीश्शा, आ हुश चढ़ेप्नु। मो पशोमी पाप रं परांइतीक गेय गेना हना यो कली पन थुम्तु, मारइ पचा मली। १३बोका, ब्यफ आन हुश चढ़ेशा, आन श्य चोशो डा पुलु फरशा, मुर आन रां चोत्रखो सल्ले चाप्नु हना, गन्ती १९ :२, ९, १७ १४खरीस्त आ हुशमी मेको क्यडा ई पशो जाम्शा लतीक गेय र चोत्रखो सल्ले चाप्नु। गोपुकी बरोइशा बाक्व परमपरभु यावे आ गेय पचा कली खरीस्त गेना हना यो बाक्शो सोक्तीम पतीके मारइ मरिम्शो मपथु, परमपरभु यावे आ डांडीती आंम कली चढ़ेवा बाक्त। १पतरूस १ :१८-१९ ; १यहन्ना १ :७ ; परकाश १ :५ ; हिबरू १ :३ १५मोपतीक मेको नक कबल डा गारपाइक्व बाक्व। मोपा बरेशोपुकी आन गेना हना यो लीब शोप तामेक्त। मारदे हना खरीस्त बेक्त। मिनु मेको आन डांडीती डा कबलम पशो पाप यो क्याम्साक्व। हिबरू १२ :२४ ; १तिमोथी २ :५

हुश जारशोमी कबल खाप्शो

१६मिनु “गो बैकडा नोले गेनुड” दे कागज बरेकबमी आ पशो कबल बेकम नोले ला खाप्ब। १७बरेकपाइकब मबेकम सम्म आ बरेकपाइशो खाने मचाप्ब। बेकम नोले ला खाप्ब। १८डांइती पशो कबल यो हुश जारशोमी गाप्शो बाकमाक्त। १९मोसामी मुर आन कली परमपरभु यावे आ शंशो अरशो लोत्र नेंपाइकने थुम्शा, बाछा नु बोका आन हुश नु ब्याक्कु क्याल्शा, हिसाप क सल्त्थो बराक्सु कली लल ऊनमी फरंशा, परमपरभु यावे आ अरशो लोत्र डा किताब नु मुर नल्ल आन कली बरुइक्तीमी बाक्त। गन्ती १९:६ २०मिनु मेकोमी “परमपरभु यावेमी इन कली पशो कबल एको हुशमी खाप्तु” दे तुइकपाइकमी बाक्त। परस्थान २४:८ २१मिनु मोपा थुम्शा, मुर आन कली सोदंशो पा ताम्बु नु ताम्बुमी वोइशो बोसपुकीमी यो बरुइक्ता बाक्त। लेवी ८:१५ २२थमा पा परमपरभु यावे आ अरशो लोत्र बरेकशो सोदंशो पा मारइ मारइ चोत्रसो सल्त्वा कली हुश बरुइक्का माल्दा बाक्त। हुश मजारथु, पाप मक्याम्सीब, दे रुन्नय। लेवी १७:११

खरीस्तमी आ हुश चदेशो

२३रागी डा मोदंशो थोत्रक कली चोत्रसो सल्त्वा कली मोदंशो माल्ताकब हना, स्वर्गम बाकशो कली चोत्रसो सल्त्वा कली मेको क्येडा रिम्शा चदेशा माल्ताकब। २४मारदे हना खरीस्त मुरपुकीम सल्त्थो ताम्बुमी मओत्र। मेको स्वर्गम बाकब ताम्बु आ सोदंशो ला बाक्त। तन्न मेको स्वर्गम ओत्रत। मुल मेकोम परमपरभु यावे आ डांइती आंइ पर्वम पुंइब। हिब्रू ७:२५; १यूहन्ना २:१ २५ खरीस्तमी आंम कली शुश खेयप चदेशा ममाल्द। नल्ल क्येडा ठेयब चदेशा चहिं बर्स बर्सम आंम हुश ममाइ, मार मार आन हुश कुरशा मेको नल्ल क्येडा चोत्रसो कोठा ओत्रचा माल्दा बाक्त। २६खरीस्त मोदंशो बाकशो हना, रागी सल्त्वा रे मुल सम्म शुश खेयप श्यत जचा माल्द वा। तन्न मेकोमी रागी नुप्ची ना खेयप का पाप क्याम्चा कली आंम कली चदेशा बाक्त। १कोरिन्थी १०:३१; गलाती ४:४; हिब्रू १:३ २७दोपा मुर खेयप का बेकचा माल्तीमी नु मेको बेकशा, निसाफ पचा पुंइसीनीम। उत्पती ३:१९ २८मोपा खरीस्त शुश मुर आन पाप क्याम्चा कली खेयप का आ हुश चदेशा। मिनु

लेंशा जाकब। पाप क्याम्च चहिं मजाकब। तन्न मेको कली थमा सुइशशा रिम्शा बाकब आन कली श्यत रे परांइचा कली जाकब। हिब्रू १०:११,१२,१४

१० लोत्र जाकचशा रिम्शा लोत्र आ वांकु ला बाकब। मेको डांइती डा लोत्र थमा पा पाप क्याम्तीक मबा। मिनु मेको लोत्र टिशा बर्स बर्समी चदेशाकम हना यो, परमपरभु यावे आ नेकथा जाकब मुर आन कली पाको सल्ने मचाप्ब। हिब्रू ८:५ २मिनु परमपरभु यावे कली मान पाइबपुकी खेयप का पाको दुम्तकम हना, चदेशमी मारदे लेंशा चदेशा माल्दा डा। मुर पाको दुम्तकम हना, लेंशा चदेशा माल्दा डा? ३तन्न मेको चदेशोमी बर्स बर्समी पाप मिम्पाइकब, गेनायो मपरसीब। लेवी १६:३४ ४मारदे हना ब्यफ नु बोका आन हुशम पाप क्याम्ने मजाप्ब, दे तुइकतय।

५मोपतीक खरीस्त रागीम जाकमेनु, मेकोमी “गे चदेशीक नु भटी ममाल्ती। तन्न गे आं कली मुर आ रां का सल्तीनी। ६गे चोशा चदेशीक नु पाप आ पर्वम चदेशीक मदाक्तीनी। ७मिनु ‘परमपरभु यावे, गो इन दाकशो पथ रागीम जाक्ती। आं पर्वम डांइती बरेकशो लोत्र खाप्ता’ दे बरेकशो बाकब” देत। भजन संगरह ४०:१७-१८ ८मिनु मेकोमी “गे मार मार चदेशो, भटी नु चोशा चदेशीक नु पाप आ पर्वम चदेशो मदाक्तीनी। तन्न मेको आ अरशो लोत्र टिशा चदेशो ला बाक्नीम” देत। ९मेकोमी तम्शा “रागीमी इन दाकशो गेय पाइनुड, देशा, साइ रे डा आन पशो परांइपाइशशा, नक लां कांइताकब। १०मिनु गोपुकी येसु खरीस्त आ रां चदेशोमी गेना हना यो परमपरभु यावे आ मुर दुम्तय” दे रुब्ब। यूहन्ना १७:१९

११नाक्त कित कित चदेशपुकीमी ताम्बुमी गेय पा चदेशा चदेशा बाक्तेकम हना यो पाप मक्याम्सीब। परस्थान २९:३८ १२तन्न खरीस्तमी चहिं आ रां चदेशोमी पाप क्याम्तीक गेय पने थुम्तु। मिनु गेना हना यो परमपरभु यावे आ ग्युरा गे निशशा बाकब। १३आ जोरी सतरु आन कली खोइल आगाम मवोदा सम्म रिम्शा बाकशो बाकब। भजन संगरह ११०:१ १४खेयप का आ रां चदेशोमी गेना हना यो परमपरभु यावे नु काथा बाक्का ताइब आन कली पाको सल्तीमी। १५परमपरभु यावे आ सोक्तीमी इ कली “एको लोत्र थमा बाकब” दे साइ डा लोत्र

मिम्पाइश्शा यो तुइक्पाइक्व। १६ मेकोमी “नोले मेकोपुकी नु नक कबल का सेल्लुङ। आं लोत्र मेको आन कली आन कोत्रजम वोइक्पाइश्शा, आन थुमी बरेक्शा गेनायो मपरंब सेल्लुङमी। हिबरू ८ :१० १७ गो मेको आन पशो पाप परंशा गेनायो ममिम्नुङ” दंशो बाक्व। यरमीया ३१ :३३-३४ १८ मोपतीक पाप क्याम्स नोले गेनायो चदेचा ममाल्ब, दे तुइक्नय। हिबरू ८ :१२

ठेयब थुं पशा आस पा बाक्व

१९ आं दाक्शो लोक्वपुकी, येषु आ हुशमी परमपरभु यावे आ डांइती जाक्दीत्वा ताइनय, दे तुइक्नय। मत्ती २७ :५१; रोमी ५ :२ २० मारदे हना आ रां चदेशा, फारशो वा साक्शा, नक ब्रांइतीक लां सेल्लु। हिबरू ९ :८ २१ मिनु परमपरभु यावे आ सिं डा ठेयब चदेब दुम्त। २२ मोपतीके रिम्शो थुं पा, रिम्शो थमा सुइक्व दुम्शा, पाप नेल्ल क्याम्चा पुंडसीशो तुइश्शा नु इं रां रिम्शो व्याक्कुम चिकशा ग्यरशा परमपरभु यावे आ नेक्था जाक्दीय्य। हिबरू ४ :१६; एफिसी ५ :२६; १पत्रुस ३ :२१ २३ ठेयब थुं पशा आस पा बाक्व। मारदे हना लोत्र गेबमी मेको लोत्र दोपा यो खाप्ब, दे तुइक्नय। हिबरू ४ :१४ २४ दाक्मुशा, रिम्शो गेय पा वारच पमुशा अरपमुने। २५ थमा सुइक्व आन गरुम्तीक लशा, लोत्र नंचा मपरोनीन। का निकशी लचा मदाक्व दुम्शा बाक्तेक्म। मोपतीके “लचा माल्ब” दंचा मपरोनीन। येषु खरीस्त लेंशा जाक्चशो बाक्व, दे मपरंथु बाक्कीन। हिबरू ३ :१३; रोमी १३ :११-१२

नोले शांडसीशो मदुम्प

२६ मिनु मुल मार दंनुङ देशा हना, खरीस्तम सेल्लो नक लां तुइश्शा यो मेको लां मखोइक्नुङ दंतय हना, मोदेशो चहिं नेल्ल क्येडा ठेयब पाप बाक्व। मेको पाप चहिं मारइ चदेशोमी मक्याम्सीथु लीशा बाक्व। हिबरू ६ :४-८; गन्ती १५ :३० २७ नक लां मखोइक्व आन कली मारइ आस मलीब। परमपरभु यावे कली मटीबपुकी मीम खतम सेल्ला पुंडसीनीम। नक लां मखोइक्वपुकी यो मोपा खतम दुम्नीम। २८ साइ परमपरभु यावे आ अरंशो लोत्र मटीब आन कली सांकछी निकशी सां आन लोत्र नंशा, दोस गेशा, काइ शिशी मपथु साइक्वाकमा बाक्व। ब्यवस्था १७ :६ २९ मिनु परमपरभु यावे आ तौ कली

खोइलीम दिम्ब, शुश सजाइ गेशा साइक्वा पुंडसाक्म, दे तुइक्नय। डांइती आंम कली पाको सेल्लो नक कबल डा हुश आ पर्वम शुक्शी पा “हुश नेल्ल कांडचीक बाक्व, मार अर्का लोत्र बाक्वा डा ?” दंनीम। परमपरभु यावे आ सोक्ती आ पर्वम यो शुक्शी पाइनीम। मोदेशो पाइवपुकी शुश सजाइ गेचा मपुंडसीनीमी डा ? हिबरू २ :३; हिबरू १२ :२५ ३० मोदेशो पाइव आन कली सजाइ गेब कली तुइश्शो बाक्नय। आं चहिं लोत्र कामी “क्येक्क लेतीक गेय आं के बाक्व। मिनु गो पाइनुङ” देब। मिनु लेंशा “परमपरभुमी आ मुर आन कली निसाफ पाइब” देब। ब्यवस्था ३२ :३५-३६ ३१ मोपतीके ब्रांइशा बाक्व परमपरभु यावे आ गुइ रे पा सजाइ गेचा पुंडसीचा चहिं नेल्ल क्येडा हिंचा डा बाक्व, दे तुइक्नय। हिबरू १२ :२९

३२ साइ इन थुमी छेड्छेड् दुम्शा, थमा सुइक्व दुम्नीनु, मार दुम्मे, मेको मुल यो मिम्तीन। मार दुम्त देशा हना, शुश श्येत जाइतीनी हना यो, फाल्शा बाक्तीनी। हिबरू ६ :४ ३३ इन कली मुर आन कुल शुक्शी पा श्येत गेमेनु, फाल्तीनी। अरु आन कली श्येत जशो तनीनु, मेकोपुकी नु थुं का दुम्शा, मेको आन श्येत यो फाल्तीनी। १कोरिन्थी ४ :९ ३४ जेल्खानम चोक्शा वोइश्शो आन कली शिशी पा गरुम्थ लाइतीनी। मिनु गे यो श्येत जाइतीनी। इन बाक्शो शांप रोइश्शा लदमनु, गमी “इं के गेनायो मजाम्ब शांप बाक्व” दे तुइश्शा, लाइक्वा गेशा ग्यरसीशा बाक्तीनी। मत्ती ६ :२०; मत्ती १९ :२१,२६ ३५ मोपतीक मुल यो आस पचा मपरोनीन, इनाम ताइनय, दे तुइश्शा, इन थुं बारपतीन। ३६ गे फाल्तीक सक्ति माल्तीनी। परमपरभु यावे आ दाक्शो गेय पना पन बाक्कीन। मिनु आ गेनुङ देशो थोत्रक ताइनीनी। लूका २१ :१९; याकूब ५ :७ ३७ मार बरेक्शो बाक्व देशा हना, लोत्र कामी “गो जाक्नुङ” देबमी मजाक्थु मप्रांइब, देश पा यो मबाक्व। ३८ आं ठीक पाइव मुरपुकीमी आं कली थमा सुइश्शा, ब्रांइशा बाक्नीम। नोले शांडसाक्म हना, मेको आन कली तशा मग्यरनुङ” दे बरेक्शो बाक्व। हबकुक् २ :३-४; रोमी १ :१७ ३९ तन्न नोले शांडसीशा खतम दुम्चा पुंडसीब मदुम्नय। गेना हना यो परमपरभु यावे नु बाक्चा ताइनय, दे थमा सुइश्शा बाक्नय। १थिस्सलोनिकी ३ :३

माइत कबल डा थमा सुइक्तीक

११ थमा सुइक्चा चहिं मार बाक्व दंशा हना, आस पशा थमा दुम्शा तांडसीब नु इं मिक्चीम मतशा थोत्रकी बाक्नीम, दे मिम्चा बाक्व। मिनु बाक्नीमी यो। मको मोदंशो मिम्चा कली थमा सुइक्चा दंसीब। २कोरिन्थी ५ :७ २मोपा थमा सुइश्शामी इं किकी पिपीपुकी ठीक दुम्मा बाक्त। ३गोपुकीमी यो मोपा इं थमा सुइश्शामी सरीड रागी नेल्ल दुम्मेनु, मिक्चीम तशा थोत्रकी के सेल्शो मनम, तन्न परमपरभु यावेमी “दुमीन” दंशो लोत्रमी दुम्शा बाक्नीम, दे तुइक्नय। उत्पत्ती १ :१-२,४

किकी पिपीपुकीमी थमा सुइश्शो

४काइन नु हाबील निम्फामी परमपरभु यावे कली भेटी चदम्सेनु, काइन क्येडा हाबील आ चदंशो रिम्शो बाक्माक्त। मारदे हना हाबीलमी परमपरभु यावे कली थमा सुइक्बाक्माक्त। मिनु हाबील आ चदंशो ताक्शा, परमपरभु यावेमी “हाबीलमी थमा सुइक्ती। मोपतीक ठीक दुम्पाइक्ता” दे कांडिताक्व। हाबील बेक्शा लशा, मिश बर्स दुम्शा यो आ थमा सुइश्शो आ पर्वम चहिं मुल सम्म लोत्र पना पन बाक्नय। उत्पत्ती ४ :३-४ ५हानोकमी परमपरभु यावे कली थमा सुइक्बाक्माक्त। मोपतीक आ मबक्थु संसीन, परमपरभु यावे नु लशा बाक्चा तवा बाक्त। हानोक रागीम बाक्मेनु, परमपरभु यावे आ दंशा टिशा, आ थुं नुपाइश्शो बाक्माक्त, दे तुइक्नय। हिंवरू लोत्रमी हानोक कली एनोक बाक्व। उत्पत्ती ५ :२४ ६थमा मसुइक्थु मको आ थुं नुपाइक्न मजाप्व। परमपरभु यावे आ नेक्था जाक्दीन्ने यो मजाप्व। मको बाक्व, दे थमा सुइक्चा माल्व। मिनु मको बाक्व, दे थमा सुइक्वपुकीम मको कली माल्लीम। मिनु आ कली माल्व आन कली तपांडसीब। ७नोआह यो थमा सुइक्व बाक्माक्त। यावेमी मको कली “नोले ओदंशो दुम्ब” मदानु, मको लोत्र थमा सुइश्शा टिशा, ठयव डोंगा सल्शा, आ सिं डा मुर आन कली आंइशा, बेक्चा मगथु परांडमी बाक्त। नोआहमी मो पशा तशा यो अरुमी थमा मसुदम बाक्त। मिनु आन थमा मसुइक्तीके दोसी दुम्शा, नेल्ल बेक्चा माल्सा बाक्त। नोआह चहिं थमा सुइश्शामी बरांडचा तांडसीब, दे कांडब दुम्माक्त। उत्पत्ती ६ :८-९,१३-२२

८अबराहाममी यो परमपरभु यावे आ लोत्र थमा सुइक्बाक्माक्त। यावेमी “इ कली नोले गेनुड दंशो रागी कांडिनन। मोपतीक एंकर रे लावो” दंमेनु, अबराहाममी परमपरभु यावे आ दंशो टिशा, त लचा मतुइक्थु, यो मलत्त्वा डा पा मको रागी परांडशा गाक्माक्त। उत्पत्ती १२ :- २१ :- १मिनु थमा सुइश्शा कांडिशो रागीम जाक्दीश्शा, परमपरभु यावे आ गेशो लोत्र ताइब आ ती इसहाक, आ चच याक्व नु काथा बाक्शा, अर्का रागी डा मुर खोदंशो पा सिं मसेल्थु ताम्बु कीशा बाक्माक्त। १०सरीड नु रागी कली सल्ब परमपरभु यावेमी दुशा ग्येरशा बाक्तीक सहर यो सल्ब बाक्व। अबराहाममी मको सहर कली रिम्शो बाक्माक्त।

११थमा सुइश्शामी अबराहाम आ मीश सारा आल मथीब थारी बाक्शा यो, आल थीब दुम्माक्त। मारदे हना लोत्र गेब परमपरभु यावेमी आ लोत्र दोपा यो खाप्व, दे थमा सुइश्शो बाक्माक्त। १२मेना अबराहाम आल मथीब खात्पा बाक्माक्त हना यो, नोले आ सिं डा मुर सोरुल खोदंशो पा शुश दुम्शा, हिंक्न मचाप्व डा दुम्मा बाक्त।

१३अबराहाम नु आ सिं डा मुरपुकीमी परमपरभु यावेमी गेशो लोत्र थमा सुइश्शा बेक्मा बाक्त। मको लोत्र गाप्लो मतथु, डान रे तशा मजाक्दीत्थु, बेक्मा बाक्त। मकोपुकीमी “इं रागी मजाक्दीत्थु, अर्का आन रागीम बाक्तय” दंशो बाक्मा बाक्त। उत्पत्ती २३ :४ ; उत्पत्ती ४७ :९ ; १इतिहास २९ :१५ १४मो दंमानु “आंइ रागी माल्सा गाक्तक” दे तुइक्पाइक्नीम। १५मकोपुकीमी आन गरूशा लशो रागी मिम्ताकम हना, लेश्शा लम वा। १६तन्न गरूशा लशो रागी क्येडा रिम्शो बाक्तीक परमपरभु यावेम गेब, दे तुइश्शा, परमपरभु यावे ग लमा बाक्त। मिनु परमपरभु यावे मको आन परमपरभु यावे दुम्चा मुन मपाइब। मको आन कली बाक्तीक सहर का सल्शा वोइश्शो बाक्व।

१७अबराहाममी आ थुं थाम्चा पुंडसीशा थमा सुइश्शा, आ ती इसहाक कली चदवा बाक्त। इसहाक अबराहाम आ कांडचीक ती बाक्माक्त। मको रे पा परमपरभु यावे आ गेशो लोत्र थमा दुम्चा माल्शो बाक्माक्त। उत्पत्ती २२ :१-१९ ; याक्व २ :२१ १८मारदे हना परमपरभु यावेमी अबराहाम कली “इसहाक रे पा इ चच युइ रागीम लीनीम” दे लोत्र गेशो बाक्माक्त। उत्पत्ती

२१:१२ १९ अबराहाममी “आं तौ बेक्त हना यो, परमपरभु यावेमी बेक्शो रे संने चाप्व” दे मिम्ता बाक्त। परमपरभुमी अबराहाम आ मिम्शो तुइश्शा, आ तौ कली मसाइक्पाइक्थु लेत्ता बाक्त।

२० इसहाकमी परमपरभु यावे आ देशो नोले दुम्ब लोत्र थमा सुइश्शा, आ तौ याकूब नु एसाव आस कली आसीक गम्सी बाक्त। उत्पत्ती २७:१-४०; उत्पत्ती ४८:- ५०:- २१ याकूबमी थमा सुइश्शा, आ बेक्ची ना कोक्कीमी आ पिया तिक्शा, परमपरभु यावे कली ठेयब सल्त्शा, योसफ आ तौ आस कली आसीक गम्सी बाक्त। उत्पत्ती ४७:३१ २२ मिनु नोले योसफमी यो आ बेक्ची जाक्त, दे तुइश्शा डा मिन “इसराएलीपुकी इजीप्ट रे गरुशा गाक्नीम” दे परमपरभु यावे आ देशो लोत्र मिम्शा, आ मुर आन कली “गे लेन्नीनु, आं रुश यो लाइश्शा लने” दे माइक्की बाक्त। मारदे हना आ यो “परमपरभु यावे आ देशो जाक्दीप्व” दे थमा सुइश्शा बाक्माक्त।

२३ मोसा जर्मसनु, आम आफोमी थमा सुइश्शा “परमपरभु यावेमी एको आल कली ब्रांडपाइक्ने चाप्व। मोपतीके एको इश दारशो आल कली मसाइक्चा” देशा, पिप आ हुकुम मटिथु महिंथु, आस तौ मोसा कली महिना सां सम्म खरुइश्शा वोदस बाक्त। परस्थान २:१२,१४ २४ मिनु मोसा मोपा कोल्शा ठेयब दुम्शा, परमपरभु यावे कली थमा सुइश्शा, मार पवा बाक्त देशा हना “मुल डा मरं फाराओ आ तमी आ तौ मदुम्नुड, आं मुर नु लाइनुड” दे लमाक्त। २५ पापीपुकी नु काथा बाक्शा, सुख जचा क्येडा परमपरभु यावे आ मुर नु बाक्शा, श्येत जशा बाक्चा योत्रतु। २६ मारदे हना इजीप्ट डा शांप नु मान तशा यो मारइ मसुइक्थु “खरीस्तमी श्येत जशा सोदेशो पा श्येत जचा थमा डा शांप नु मान बाक्व, दे मिम्ताक्व। मिनु नोले इनाम यो तांडसीब” दे तुइश्शा थमा सुइश्शा बाक्माक्त। २७ “मतांडसीब परमपरभु यावे कली मिक्कीम तशो सोदंब पा आं नेक्थान ताइनुड” दे थमा सुइश्शा, पिपी गाइश्शा तशा यो महिंथु, इसराएली आन कली इजीप्ट रे गरुइश्शा लाइक्की बाक्त। २८ इजीप्ट रे गरुइचा डांइती पास्सा चाड डा भोज जपाइक्की बाक्त। मारदे हना “तौको खिं डा लाप्वो आ पियामी हुश बरुइश्शा बाक्म, मेकेर परमपरभु यावे आ स्वर्ग डा गेय पाइबमी जेठा तौ कली मसाइक्व” दे

परमपरभु यावे आ लोत्र थमा सुइश्शा, हुश बरुइक्पाइक्की बाक्त। २९ मिनु थमा सुइश्शामी लल समुन्दरम सोत्रशो लां दुम्माक्त। मिनु खोइल का यो मज्जित्थु शोकसमा बाक्त। मेको आन नोले खोइश्शा खदा पाइब इजीप्ट डा मुरपुकी चहिं समुन्दरमी गरुशा बेक्मा बाक्त।

३० परमपरभु यावे आ देशो लोत्र थमा सुइश्शा, यरीको सहर ७ नाक्त सम्म हिरसमा बाक्त। मिनु ७ नाक्त गारो नेल्ल बरम्मा बाक्त। यहोसु २:-; ६:१-२५ ३१ डांइती राहाब तेल्लेममी मोसाम सोइश्शा क्यारी पाइब आन कली जतीक बाक्तीक गेशा मान पशो बाक्माक्त। मिनु आन देशो लोत्र थमा सुइक्तीक मटीब नेल्ल नु मबेक्थु, ब्रांडचा तवा बाक्त। याकूब २:२५

३२ मं डा लाक्शा मार देनुडा? मारदे हना मोदेशो थमा सुइक्व शुश बाक्नीम। गिदोन, बाराक, साम्सन, येफता, दाऊद, सामुएल नु परमपरभु यावे आ लोत्र पाइब नेल्ल आन पशो मिम्पाइक्तन्नी हना, आं लोत्र गेनायो मनुप्व। न्यायाधीस ६:११- ८:३२; न्यायाधीस ४:४-२४; न्यायाधीस १३:१-१६,३१; न्यायाधीस ११:१-१२,७; १सामुएल १७:-; दानीएल ६:- ३२ मोदेशो थमा सुइक्वपुकीमी मार पाम बाक्त देशा हना, कोइमी लडाइ पा गराशा, रागी आंम के सल्म बाक्त। कोइमी श्येत जाइब आन कली वारच पाम बाक्त। कोइमी डांइती देशो लोत्र थमा दुम्शो ताम बाक्त। गुप्स आन शोत्र रे यो ब्रांडमा बाक्त। ३४ मीम हुम्चा पुंडसीशा यो मबेक्मा बाक्त। तरवारमी क्यारचामनु यो ब्रांडमा बाक्त। मारइ पने मचाप्व बाक्मा बाक्त हना यो, पने चाप्व दुम्मा बाक्त। लडाइ पामेनु यो ठेयब थुं पाइश्शा दुम्शा, आन जोरी सतरु आन कली फरुशा खरम बाक्त। ३५ मीश मुरपुकीमी आन तौ बेक्शा लशा, बेक्शो रे संसीशा ताम बाक्त। मिनु मेको आलपुकी एको रागीम ब्रांडमा बाक्त। कोइमी “बेक्शा नोले बेक्शो रे संसीशा गेनायो मबेक्सीब, ग्येरशा बाक्चा तांडसीब” दे थमा सुइश्शा, श्येत जशा यो फाल्शा बाक्मा बाक्त। शुश श्येत जशा तुप्वा पुंडसमा बाक्त हना यो “थमा सुइक्चा परांडनीकी” दे मदेमा बाक्त। “थमा सुइक्चा परांडनीकी” देशो नम हना, परांडशा सोइक्तेम वा। “थमा सुइक्चा मपरांडनीकी” देशोमी श्येत जना जन साइक्चा पुंडसमा बाक्त। १राजा १७:१७-२४; २राजा ४:८-३७; ३६ का निकशी शुक्शी लोत्र पा

कोराम युक्शा, गुड सोइली साइलोम पाइश्शा, जेल्खानम चोक्शा वोइक्चा पुंडसमा बाक्त। १राजा २२:२७; येरमीया २०:१-३; येरमीया ३७:११-१६ ३७ फुल्लु आष्शा साइक्चा पुंडसमा बाक्त, आरामी रिक्शा साइक्चा पुंडसमा बाक्त, तरवारम क्यारशा साइक्चा पुंडसमा बाक्त। २इतिहास २४:२१ ३५तेइ बाक्चा मतथु, जचा फेक्चा मतथु, भंडा नु क्यारश आन कुशुल फेक्शा, एर आथ हिरना हिरन गोरशा रागी रांगुमी प्राक्शा, पुक्सीमी खरुइक्ना खरुइक्न बाक्मा बाक्त। मोपा श्यत जाइव आन कली एको रागीमी बाक्शा बराइंचा मगरव। मारदे हना रिम्शो मुर बाक्नीम। एको रागी चहिं मरिम्शो बाक्व। ३१.मको नेल्ले थमा सुइश्शा, परमपरभु यावे आ डाइती ठीक दुम्मा बाक्त। परमपरभु यावे आ गेशो लोत्र चहिं गाष्शो मताम बाक्त। हिंवरू ११:४-५ १०मारदे हना परमपरभु यावेमी इं पर्वम शुश रिम्शो मिम्शो बाक्मा बाक्त। मिनु मेकोपुकी यो गोपुकी नु रिम्शो दुम्मल। मेको नक लां र पा पाको मसल। मेको आन कली नु इं कली काथा वोइश्शा बाक्व, दे रुब्य।

येसु कली थमा सुइश्शो

१२ १साइ थमा सुइक्वपुकी शुश बाक्मा बाक्त। मेकोपुकीमी इं कली कोत्रना कोत्रन बाक्नीम। मोपतीक दोरव मुर खोदंशो पा, इं कली तेक्व नु खाल्ले चाप्पुकी तिल्शा, पापमी इं खोइली फरंचा मगथु, दारय। १कोरिन्थी ९:२४ २थमा सुइक्तीक लां कांइशा, पाको सेल्व येसु कली मिम्तय। मेकोमी शीम केष्शा कांटी थोक्शा क्याइश्शा साइक्चा पुंडसीचा आ पर्वम, मुने आ पर्वम मारदे ममिम्ता बाक्त। नोले मान पा ग्येरसीशा बाक्चा ताइनुड, दे मिम्ता बाक्त। मिनु मुल परमपरभु यावे आ ग्युरा गे निश्शो बाक्व। हिंवरू ५:८-९; फिलिप्पी २:८-१० ३येसु रागीम बाक्मेनु, पापीपुकीमी शुक्शी पा खेदा पा शुश मरिम्शो पास्तेक्म हना यो, मेको नेल्ले फाल्लु। मेको आ श्यत फाल्लो मिम्तीने। मेको मिम्ताक्नी हना, इन थुं बारनीनी। लांमी गाक्शा दशो खोदंशो मडुम्नीनी। मती २६:६७; लुका २:३४ ४पाप नु लडाइ पा मुल सम्म हुश जुइक्थरी मडुम्नी।

परमपरभुमी इं कली कोत्रन

५तमी तौ आन कली अर्ती गेशो खोदंशो पा इन कली डाइती गेशो अर्ती परंदीनी माइ, दे मिम्पाइक्नन्नी। आदं बरक्शा बाक्व “आं तौ, परमपरभुमी इ कली शंदानु, शंसा। इ कली श्यत जपदानु “फाल्ले मचबु” मदनो। मेको कली सोपी ममिम्ता। ६परमपरभुमी सु कली दाक्वा, मेको कली सजाइ गेव। सु कली आ तौ मिम्बा, मेको कली तुप्ब” दे बरक्शा बाक्व। हितोपदेस ३:११-१२; परकाश ३:१९ ७श्यत गचा पुंडसीनीनु, परमपरभु यावेमी शंताक्की, दे मिम्तीने। आफोमी आल कली पशो खोदंशो पा, परमपरभु यावेमी इन कली पाइव। आफोमी शंचा मपुंडसीब तौ बाक्वा डा? ८आल नेल्ले शंचा पुंडसीनीम। परमपरभु यावेमी इन कली मशंताक्व हना, आ तमी तौ मननी। आफ मपाइश्शो बाक्नीनी। ९. एको रागी डा इं आफोमी इं कली तुप्तेक्म हना यो, मेको आन कली मान पा आन लोत्र टीतय। मिनु गेना हना यो आ नु काथा बाक्चा कली स्वर्ग डा आफ आ दंशो टिचा ममाल्नया डा? १० इं आफपुकीमी इं कली आन मिम्स पा नाक्ती का निक्शी सम्म शंताक्म। स्वर्ग डा आफोमी चहिं इं कली रिम्शो थुं पाइश्शो सेल्व दाक्व। पाप र डोन बाक्शा आ खोदंशो दुम्शो तचा दाक्व। मोपतीक इं कली शंब। ११. मोदंशो पा शंचा पुंडसीयानु, मग्येरनय। श्यत जाइनय। श्यत फाल्ले चाप्पुकी ठीक दुम्नीम, आन थुं नाइक्चा ताइनीम, दे रुब्य। २कोरिन्थी ४:१७-१८

१२. मोपतीक श्यत जाइतीनी हना यो, लांमी गाक्शा दशो खोदंशो मडुमीन, इन गुड खोइल सेस दुम्शा गाक्कीन। १३. लां बरम्शो सेल्लशा, रिम्शो पा थक्शा गाक्कीन। सुइ दशा, खोइली खाइश्शा, आन पोक्च मबुइक्ल। रिम्शो पा गाक्शा, आन दशो सामल। हितोपदेस ४:२६-२७ १४. मुर नेल्ले नु दुशा गारशा बाक्कीने। पाप र डोन बाक्शा, रिम्शो थुं पशा गेय पा कांइदीने। मो पाइतीनी हना, परभु नु काथा बाक्चा ताइनीनी। रोमी १२:१८; रतिमाथी २:२२ १५ अर्ती गेमुशा वारच पमुशा बाक्कीने। सुइ परमपरभु यावे आ शिशी मताइव मडुम्न। सुइमी थुं चाशा दुशा बाक्व आन कली फराशा, मुर आन कली मरिम्शो मसेलल। ब्यवस्था २९:१७ १६ सुइ एसाव खोदंशो मरिम्शो मडुम्न। एसावमी काले आ कोत्रज पिरंचा कली डाइती जरमेशो तीमी तचा डा

शांप नु आसीक आ लोकब कली परोना बाक्त । उत्पत्ती २५ :३३-३४ १७ नोले आस आफोमी अडस योकगानु, एसावमी डांडती जरमेशो तौ आ तचा डा अडस गयीनी, दे डाकना डाकन पुंडशा यो आ आफ आ थुं लेप्पाइकन मचबा बाक्त । मिनु परमपरभु याव आ डांडती आ नं मलीमाक्त, दे नेल्लमी तुइकनीनी । उत्पत्ती २७ :३०-४०

### रिम्शो राज्य ओवचा ताइनय

१६ साइ इं किकी पिपीपुकीमी परमपरभु याव कली गरुम्शो खोदंशो पा मगरुम्नीनी । मेकोपुकीमी गुइमी थिचा डा डांडामी मी बरशा तामे बाक्त । मिनु छिडछिड दुम्शा क्येर गोस्स बोक्शा, फश गिवार पा बुंबु पवा बाक्त । गे मेक सम्म मजाक्शो बाकनीनी । प्रस्थान १९ :१२, १६, १८ ; व्यवस्था ४ :११ ११ मिनु तुराही ताप्शो ठेयब रेयके खोदंब पा परमपरभु याव आ लोत्र नेन्मे बाक्त । मेको लोत्र नंन मचाप्यु “मुल डा मेर ओं दंब लोत्र मपचा” दे थम हिंशा पुन्मे बाक्त । प्रस्थान २० :१९ २० मेकोपुकीमी नंन मचाप्शो लोत्र “एको डांडा थीब वस्तु जन्तु बाक्त हना यो, मेको कली फुल्लु आप्शा साइक्चा माल्व” देशो लोत्र बाक्माक्त । प्रस्थान १९ :१३ २१ मोदंशो हिंचा डा दुम्शो तशा, मोसामी “हिंशा खिरंखिर पाता” देमाक्त । व्यवस्था ९ :१९ २२ तन्न गे सियोन डांडाम ब्रांडशा बाक्व परमपरभु यावमी स्वर्गम सेल्थो यरूसलेम सहर जाक्दीशशा बाक्चा ताइनीनी । मेकर परमपरभु याव आ स्वर्ग डा गेय पाइब बाक्नीम । गलाती ४ :२६ ; एफिसी २ :६ ; फिलिप्पी ३ :२० ; प्रकाश २१ :२ ; प्रकाश ५ :११ २३ आन नं स्वर्गम बरक्चा पुंडसीशा, इन क्येडा डांडती जाक्दीशशा, पाप र ब्रांडशा ग्येरशा बाक्चा ताइबपुकी बाक्नीम । परमपरभु यावमी मुर नेल्ल आन कली निसाफ पाइब आ नेक्था बाक्नीम । लूका १० :२० २४ नक कबल खाप्य येसु बाक्व । मिनु येसु आ जारशो हुश यो बाक्व । मेको हुश हाबील आ हुश खोदंशो ममाइ । हाबील आ हुशमी “ओं कली साइक्व सजाइ गेचा पुंडसमल” दंब । येसु आ हुशम चहिं “मेको आन पाप नेल्ल क्याम्शा, सजाइ जचा र परांडतामी” दंब । हिबरू ९ :१५ ; उत्पत्ती ४ :१०

२५ होस पांडसीनी । इन कली लोत्र पाइब कली इन ची मकांडीने । इं किकी पिपीपुकीमी मुर आ देशो मटीमे बाक्त । मिनु सजाइ गेचा पुंडसमा

बाक्त । गोपुकी स्वर्ग र लोत्र पाइब कली इं ची कांडताक्य हना, सजाइ मतथु ब्रांडनया डा ? हिबरू २ :२ ; हिबरू १० :२८-२९ २६ परमपरभु यावमी लोत्र पवानु, खिरनु कुशो खोदंब पा रागी नेल्ले हिम्स बाक्त । मुल इं कली मार लोत्र पाइब दंशा हना “मुल यो लंशा काले रागी ला ममाइ, सरीड यो हिम्नुड” दंब । हग्गे २ :६ २७ “मुल यो लंशा काले हिम्नुड” दंशो लोत्र र मार रुम्सीब दंशा हना, हिम्सीबपुकी सेल्त्वा पुंडसीशा बाक्नीम । मिनु फाइक्चा पुंडसीनीम । महिम्सीबपुकी चहिं लीनीम, दे रुम्सीब । २६ मोपतीके गेनायो महिम्सीब राज्य ओवचा ताइनय, दे तुइशशा, परमपरभु याव कली मान पा ठेयब सेल्त्वा सेल्त्वा “गे रिम्शो पाइब बाक्नीनी” दंशा, ग्येरशा आ दाक्शो गेय पना पन बाक्य । २९ इं परमपरभु याव नेल्ल खतम सेल्त्वा मी खोदंशो बाक्व । हिबरू १० :३१ ; व्यवस्था ४ :२४

### रिम्शो गेय कांडीने

१३ १ लोकब खोदंशो पा दाक्मुशा गारशा बाक्नीन । यूहन्ना १३ :३४ ; २पतरुस १ :७ २ इन खिम जाक्व सुइ आन कली जचा बाक्चा गेचा मपरोनीन । मोपा गेशोमी का निक्शीमी आन मतुइक्थु परमपरभु याव आ स्वर्ग डा गेय पाइब आन कली मान पचा ताम्तकम । रोमी १२ :१३ ; १पतरुस ४ :९ ; ३यूहन्ना ५ :८ ; उत्पत्ती १८ :२-३ ; उत्पत्ती १९ :२-३ ३ जेल्त्वांनम चोक्चा पुंडसीशा आन कली काथा बाक्शा मिम्शा वारच पन । श्येत गेचा पुंडसीब आन कली तशा, आम श्येत जशा खोदंशो मिम्तीन । मत्ती २५ :३६

४ गे नेल्लमी “भयुंबे पशा रिम्शो बाक्व” दे मिम्तीन । मुर आ मीश नु मुरु आ वांडश मइम्मल । मीश वांडश आस नाता खरोइक्व नु तेल्लेम आन कली परमपरभु यावमी निसाफ पाइब । ५ क्येट चेम्चा गे इन थुं महिरदीन । गेपुकी नु मार मार बाक्मा, मेको मोशोमीन इन थुं नाइशशा बाक्नीन । मारदे हना मेकोमी “गे नु बाक्नुड, मिनु गेनायो मपरोडनन” दंब । यहोसु १ :५ ; १तिमाथी ६ :६ ६ परभु आ देशो तुइशशा “परभुमी ओं कली कोवशा, वारच पाइब । मुरपुकीमी मार पने चाप्नीमी डा ? मारइ पने मचाप्नीम । मोपतीके महिथु बाक्ती” दे ठेयब थुं पा बाक्य । भजन संग्रह ११८ :६

इन थुं दूती शंब गो महिरदीने

७ इन कली परमपरभु यावे आ लोत्र शंब आन पशा मिम्तीने। मकोपुकी बक्ची सम्म थमा सुइक्चा मपरानेन। मको आन पशा खोदंशो पन। ८ साइ डांडती, मुल नु गेना हना यो यसु खरीस्त मफांडसीथु बाक्ब, दे तुइक्तीने। यसैया ४१:४; १कोरिन्थी ३:११; परकाश १:१७-१८; परकाश २२:३३ १. मुल सम्म मनंशो नु दूती शंब लोत्रमी इन थुं कयाल्वा मगेने। परमपरभु यावे आ शिशीमी रिम्शो थुं पाइश्शो दुम्तय, दे गेनायो मपरंदीने। चोत्रखो जशामी ठीक थुं मसेल्ब, दे रूपीने। एफिसी ४:१४; २कोरिन्थी १:२१; रोमी १४:१७; १तिमोथी ४:८. १० गुइमी सल्शो ताम्बुम गेय पाइबपुकीमी यसु आ भोज जचा मताइनीम। ११ साइ ठेयब चढेबमी पाप कयाम्चा कली बस्तु भाव क्योरशा, थम चोत्रखो कोठाम ओत्रशा हुश चढेम्तेक्म। श्ये चहिं गरुंडशा, मुर मबाक्तीकम लाइश्शा चोम्तेक्म। मिनु सुइमी मको श्ये ब्बचा मताम। लेवी १६:२७ १२ मोपतीके मुर आन पाप कयाम्चा कली यसु कली सहर र गरुंडशा, श्येत जपाइक्तेक्म। यसुमी मुर आम के सल्चा कली आ हुश चढेन्तु। मती २१:३९; यहन्ना १९:१७ १३ आ मुर दुम्शा, मको मर गरुशा, आ नु काथा बाक्शा, आ बुदी शुक्शी पाइक्चा पुंडसाक्य। हिबरू ११:२६; हिबरू १२:२ १४ एको रागीमी गेना हना यो बाक्चा मताइनय। जाक्चशो सहर कली रिम्शा बाक्नीकी। हिबरू ११:१०; हिबरू १२:२२ १५ यसु र पा परमपरभु यावे कली मान पा ठेयब सल्ना सल्न बाक्य। मको यो ई शोत्र डा भेटी बाक्ब। भजन संगरह ५०: १४,२३; होस १४:३ १६ अरु आन कली रिम्शा पन। मथीब मचाप्ब आन कली मार माल्दा, मको गेचा मपरंदीने। मिनु परमपरभु यावेमी इन कली मोदंब रिम्शो पशा तशा ग्येरब। १७ इन कली शंब आन लोत्र नंशा टिने। मकोपुकीमी “परमपरभु

यावे आ डांडती जिम्मा बराइनुड” दे तुइश्शा इन कली शंनीमी, कोवनीम। शंब आन लोत्र टीतीनी हना, मकोपुकीमी ग्येरशा शंनीम। इन कली मटिशो तशा चहिं, आन थुं हेल्शो दुम्शा, शंचा बरीनीम, मिनु इन कली यो मरिम्शो दुम्ब। १थिस्सलोनिकी ५:१२; इजीकीएल ३:१७-१९

आंड कली परार्थना पने

१८ आंड पर्वम परमपरभु यावे कली पुंडना पुंडन बाक्कीने। मारइ दोस ताइब मदुम्क, दे आंड थुं नाइश्शो बाक्नीकी। मारइ पाइतक हना यो, रिम्शो पय, दे थुं फरंशा बाक्तक। रोमी १५:३०; २कोरिन्थी १:११-१२ १९ “गरुम्चा तयल” दे परमपरभु यावे कली पुंडचा मपरानीन।

आसीक गेशो

२० नेल्ल क्येडा ठेयब भेडा गोठला, ई परभु यसुमी आ हुशेम गेना हना यो लीब कबल खाप्तु। दुशा बाक्चा गेब परमपरभु यावेमी मको कली बक्शा र संताक्ब। यहन्ना १०:११; १पतरुस २:२५ २१ परमपरभु यावेमी यसु खरीस्त र पा इन थुं रिम्शो सेलल, आ दाक्शा गेय पपदल, आ कली ग्येरपाइक्ब सेलल। यसु खरीस्त कली गेना हना यो ठेयब सल्य। आमन। आमन आ अर्थ “गो यो मकोन मिम्नुड” बाक्ब।

नोले डा लोत्र

२२ आं दाक्शा लोक्बपुकी, इन कली आं बरक्शा थुं बारपाइक्तीक लोत्र शुश मबरक्तु। रिम्शो पा रुप्चा माल्नीनी। २३ नेनीन, ई लोक्ब तिमोथी कली जल्खान र परोइतेक्म। आं गाक्चा क्येडा डांडती एक जाक्त हना, इन कली गरुम्थ पीनस्कु। २४ शंब नु थमा सुइक्ब नेल्ल इन कली “रिम्शो बाक्कीन” देती। इटाली डा थमा सुइक्ब लोक्बपुकीमी यो इन कली “रिम्शो बाक्कीन” देतेक्म। २५ परभु आ शिशी गेपुकी नु लील।

## याकूब

बरेकब मुरः एको चिठी बरेकब याकूब बाकब । मको यसु आ लोकब बाकत । गलाती १ :१९ मको यरूसलेम डा थमा सुइकब आन शंब दुम्त । गलाती २ :१ ; पररित १५ :१३-२१ मको ६२ ए. डी.म फुल्लुन आप्शा साइकचा पुंडसाकब ।

गना बरेकशो : एको किताब ४४ ए. डी. र ५० ए. डी. दातेमी बरेकशो बाकत ।

मारदे बरेकशो : यसु खरीस्त कली थमा सुइकतीक मुर आन पशो गयमी तांडसीब, दे रुप्पाइकचा कली बरेकशो बाकब । थमा सुइकब आन पतीके मार बाकब, दे शंतीके बाकब ।

## डांडती डा लोत्र

१ गो, याकूब, परमपरभु यावे नु परभु यसु १ खरीस्त आस दाइल नड । गो बरशा बाकशा १२ थर डा यहूदी इन कली नमो पाइनुड । गेरिम्शो बाककीन ।

## थमा सुइकतीके दोपा ठीक दुम्बा

२ आं लोकबपुकी, इन थमा सुइकतीके ठीक बाकम कां, मबाकम, दे थुं थाम्चा पुंडसाकनी हना, गयरसीने । रोमी ५ :३-५ ; १पतरुस ४ :१३ ३ मारदे हना इन थमा सुइकचा ठीक बाकत हना, गेपुकी खोइली थकशा शुश फाल्ब दुम्नीनी । ४ यसु खरीस्त कली थमा सुइकशा, खोइली थकशा बाकशामी परमपरभु यावे आ डांडती इन कली ठीक सेल्ब । मोपा परमपरभु यावे नु बाकचा कली थम रिम्शो नु ठीक दुम्शा, अरु मारदे ममाल्नीनी ।

५ तुइकब थुं माल्तीनी हना, गेपुकीमी परमपरभु यावे कली “गो तुइकब थुं माल्नुड” दे पुनीन । परमपरभु यावेमी मगाइकथु, शुश तुइकब थुं गेब । याकूब ३ :१५ ; हितोपदेस २ :३-६ ६ परमपरभु कली पुंडनीनु “आं पुंडशो गेब” दे थमा सुइकशा पुनीन । “तुइकब थुं गेबा कां, मगेबा” दे थमा मसुइकब मुर खोदंशो पा मपुनीन । मोदंशो मुर फशम नपशा समुन्दर डा ब्याककु खोदंशो बाकब । मर्कूस ११ :२४ ; १तिमोथी २ :५ ७ मोदंशो मुरुम मारदे मताइब । ८ थुं निकशी पाइकशा मुर आ थुं कामी परमपरभु यावे आ लां खोइकब, थुं कामी मुर आन लां खोइकब ।

## परुडग नु क्येट थीब मुर

१ मिनु इन दातेमी सुइ परुडग थमा सुइकब लोकब बाकत हना, मकोमी “परमपरभु यावेमी आं कली ठेयब मुर सल्लती” दे गयरसकल । याकूब २ :५ १० मकर थमा सुइकब क्येट थीब मुर बाकत हना, मकोमी “गो परमपरभु यावे आ डांडती पुंडब दुम्शा, आं पुंडशो गेब” दे गयरसकल । क्येट थीब मुर बोइकशा फू बेकशा खोदंशो पा सोल बेकनीम । १तिमोथी ६ :१७ ; १पतरुस १ :२४ ११ नां दाप्या डा मिन शुश हृत्तानु, घांस नेल्ल सोल सुल बेकनीम । मिनु आन फू सफा नेल्ल हेम्नीम । मोपा आ दास जाम्ब । मको खोदंशो पा क्येट थीब मुर यो आ गेय पस डा पस बेकनीम । यसैया ४० :६-७

## बरोइतीक सिरपेच

१२ सु इन दातेमी आ थमा सुइकतीके ठीक बाकम कां, मबाकम देय थुं थाम्चा पुंडसीशा फाल्ब चाप्या, मको मुर गयरसकल । मको थुं थाम्तीके ठीक दुम्त हना, मको मुरुमी बरोइतीके सिरपेच ताइब । परमपरभु यावेमी “सुम आं कली दाकबा, मकोमी बरोइतीके सिरपेच ताइब” दे लोत्र पशो बाकब । २तिमोथी ४ :५ १३ पाप पचा चिकशा मुरुमी “परमपरभु यावेमी आं कली पाप पपाइकचा चिकताकब” दे गनायो देंचा मदुम्ब । मारदे हना सुइमी परमपरभु यावे कली थुं नाकशा, पाप पपाइकन मचाप्य । आं यो सुइ कली पाप मपपाइकब । १४ मुरपुकीमी दोपा पाप पाइनीम देशा हना, आंम दला दाकस पा पाप पाइनीम । उत्पत्ती ३ :६ ; रोमी ७ :७-८ १५ मोपा दला दाकस पामेनु, पाप गरुब । मको पाप बारन थुमानु, मको मुर नरकम लाइनीम । मको पाप पतीके बाकब । रोमी ७ :१० १६ आं दाकशा थमा सुइकब लोकबपुकी, दूली लां मखोतीन ।

१७ हाइकशा नु रिम्शो ठीक मिम्तीके थुं नेल्ल परमपरभु यावे र जाकब । मिनु परमपरभु यावे छेड्छेड् कली सेल्ब बाकब । मोपतीके परमपरभु यावे छेड्छेड्कमी बाकब । छिड्छिड् डा गेय काइ मपाइब । आ थुं यो मफांडसीब । मती ७ :११ ; १यूहन्ना १ :५ १८ परमपरभु यावेमी इं कली आ थमा लोत्र पतीकेमी नक जरमेशो मुर सेल्लु । मोदंशो पा डांडती सिक्शा फल खोदंशो पा आ मुर दुम्तय । यूहन्ना १ :१३ ; १पतरुस १ :१ :२३

परमपरमु आ लोत्र नंशा पचा

१९ आं दाक्वशा लोक्वपुकी, मार तुइक्वा माल्नीनी दंशा हना, गपुकी नंस डा नंस बाक्कीन। शुश मब्याक्कीन। शुश मचुरीन। हितोपदस २९ :२० ; उपदसक ५ :१-२ ; उपदसक ७ :९ २० चुरब मुस्मी परमपरमु आ ठीक पतीक मपाइब। ११ मोपतीक गुरांगरा दिचा डा गेय नु काइ मरिम्शा पतीक नल्ल प्रोनीन। गे ठेयब मलत्थु, इन थुमी वोइशो परमपरमु यावे आ अरेशो लोत्र टिने। मोपा गपुकी परमपरमु यावे आ अरेशो लोत्र टिनीनु, मेको लोत्रमी इन कली नरकरे परांइने चाप्व। १पतरूस २ :१

२२ गपुकी परमपरमु यावे आ लोत्र नेनीन। नंचा ला ममाइ, मार मार दंशो बाक्मे, मेको यो पचा माल्नीनी। गपुकीमी मेको लोत्र नंशा मपाइतीनी हना, जोल पांडसीनीनी। मत्ती ७ :२१ ; रोमी २ :१३ २३ सु परमपरमु यावेमी दंशो लोत्र नंशा मपाइबा, मेको एना कोत्रब मुर सोदंशो बाक्ब। २४ मेको मुस्मी एना कोत्रशा, आ कुल दोदंशो तांडिस, मेको यु परंब। २५ सुमी इन कली परांइने चाप्व परमपरमु यावे आ ठीक पतीके अरेशो लोत्र नेनीमी, नंचा ला ममाइ पना पन यो बाक्नीमी, मेको मुर आन पतीकेमी आसीक ताइनीम। याकूब २ :१२ ; रोमी ८ :२ ; यूहन्ना १३ :१७

२६ सुमी “गो थमा सुइक्व नड” दे मिम्बा, तन्न हंथे ब्याक्वा, मेको मुर जोल पाइब बाक्ब। मिनु आ थमा सुइक्तीके मोशा दुम्ब। १पतरूस ३ :१० २७ मखाल्थु ठीक पा थमा सुइक्तीके दोदंशो बाक्ब दंशा हना, रोम रोइक्व नु वोइशे बक्वशा मीश मुर श्येत जामेनु, वारच पचा नु थमा मसुइक्व पाप पाइब आन सोदंशो पाप काइ मपचा, मेको इं आफ, परमपरमु यावे आ डांडती ठीक पा थमा सुइक्तीके बाक्ब।

गरुम्तीकेमी कुल मकोत्रमुने

१ आं लोक्वपुकी, इं परमु येसु खरीस्त कली २ थमा सुइक्नीनी। मेको छेड्छेड् डा परमु बाक्ब। मोपतीके गपुकी यो मुर आन कुल मकोत्रडीन। २थम दारशो वा फेक्वशा नु सुन के आँठी पांडशो मुर का नु जेक्वशा वा फेक्वशा परुडग मुर का इन गरुम्तीके सिंमी जाक्ताक्स हना, ३मेको दारशो वा फेक्वशा कली कोत्रशा “हनुर, मेकर निस्तीने” दे लोत्र पशा, परुडग कली चहिं “ह्यु उइ राप्शा बाक्को। आं सोइल आ नेक्था निस्सा” दे माइक्तीनी हना, ४गे इन दातेमी

आइक्व नु ठेयब तिल्लीनी। मोदंशो पनीनु, मरिम्शा निसाफ मपनी डा ? ५ आं लोक्वपुकी, नेनीन, परमपरमु यावेमी रागी डा परुडग आन कली शुश थमा सुदमेक्व, दे मयोत्रडा डा ? मिनु परमपरमु यावे कली दाक्व नल्ल आ राज्य ओत्रचा ताइनीम मदेम डा ? १कोरिन्थी १ :२६ ; १कोरिन्थी ११ :२२ ; लुका १२ :२१ ६गे चहिं परुडग आन कली दिप्नीनी। मेको शुश क्येट थोब मुरपुकी इन कली श्येत गेव मुर मनमी डा ? मेकोपुकीमी इन कली अडडाम मचाक्कीनीमी डा ? ७ येसु खरीस्त आ नें आ पर्वम शुक्शी लोत्र मपाइनीमी डा ? १पतरूस ४ :१४

दाक्मुने

५ परमपरमु यावे आ राज्य डा अरेशो लोत्रम मार बरक्वशा बाक्ब दंशा हना “अरु आन कली आंम इन कली दाक्वशा सोदंशो पा दाक्तीन” दे बरक्वशा बाक्ब। मो पाइतीनी हना, गपुकी रिम्शा पाइनीनी। लेवी १९ :१८ १तन्न गपुकीमी थमा सुइक्व का कली ठेयब सल्शा, अरु आन कली आइक्व सल्लतीनी हना, गे पाप पाइनीनी। मिनु परमपरमु यावे आ अरेशो लोत्र मटीब दुम्नीनी। ब्यवस्था १ :१७ १० मुर कामी परमपरमु यावे आ अरेशो लोत्र नल्ल पशा, का चहिं मपात्तु हना, लोत्र नल्ल मटीब सोदंशो दुम्ब। मत्ती ५ :१९ ११ परमपरमु यावेमी “मीश वोइश आस नाता मखरोइक्वा” दे बरक्वशा बाक्ब। मिनु “मुर मसाइक्वा” दे यो बरक्वशा बाक्ब। तल्लम मपथु, तन्न मुर आन कली साइक्तीनी हना, गपुकी परमपरमु यावे आ अरेशो लोत्र मटीब पापी दुम्नीनी। परस्थान २० :१३-१४ १२ परमपरमु यावेमी इन कली पाप रे बरोइतीक लां काइशा, निसाफ पाइब। मेको मिम्शा, गेय पने। १३ शिशो मपाइबपुकीमी निसाफ पची नाक्व शिशो मताइनीम। निसाफ क्येडा शिशो ठेयब बाक्ब। मत्ती ५ :७ ; मत्ती १८ :३०,३४ ; मत्ती २५ :४०,४६

थमा सुइक्वा नु टिचा

रोमी ३ :२१-३१ ; मत्ती ७ :२१

१४ आं लोक्वपुकी, मुर कामी “गो थमा सुइक्नुड” दे परमपरमु यावे आ अरेशो लोत्र नु गारब गेय मपात्तु हना, आ थमा सुइक्वशामी मेको कली पाप रे परांइने चाप्व डा ? मत्ती ७ :२१ ११ मिनु लोक्व का के जचा फेक्वा मबाक्व हना, १६ मेको कली “थुं नाइशशा

बाक्को। परमपरभुमी इ कली फेक्तीक गेवल। जचा गेवल” दंशा, गे मेको कली आ माल्शो मारइ मगेतीनी हना, इन थमा सुइक्तीक शोर गाक्शो बाक्ब। १५हृन्ना ३:१८ १७इन थमा सुइक्तीकमी गेय मपाप्तु हना, मेको थमा सुइक्तीक बक्शो बाक्ब।

१८मुर का निक्शीमी “गे थमा सुइक्ब दुम्तीनी। गा चहिं परमपरभु यावे आ गेय पाइब दुम्तक। मोपतीक इन थमा सुइश्शा कौइदीन। इन गेय कौइचा ममाल्नीनी। गो यो आंइ पशो गेय रे आंइ थमा सुइक्तीक कौइनीकी” दंने चान्नीम। गलाती ५ :६ ११गेपुकी परमपरभु यावे का ला बाक्ब, दे थमा सुइक्तीनी। मोपा रिम्शो पाइनीनी। वोलपुकीमी यो मेको थमा सुइश्शा हिंशा खिरंखिर पाइनीम। २०गे दूली पाइबपुकी, गेय मपथु थमा सुइक्तीके शोर गाक्शो बाक्ब, मेको तुइक्तीन।

थमा सुइक्चा मार बाक्बा ?

२१मिनु इं किकी अबराहाममी आ तो इसहाक परमपरभु यावे कली चढेचा, दे परमपरभु यावे आ डांइती ठीक गेय पाइब दुम्माक्त। उत्पत्ती २२:१-१९ ; हिब्रू ११:१७ ; रोमी ४ :२-३ २२आ थमा सुइक्तीक नु आ गेय काथ काथा पवा बाक्त। मोपा आ थमा सुइक्तीक आ गेयमी ठीक दुम्शो बाक्माक्त। २३मिनु अबराहाम आ पर्वम बरक्शो लोत्र ठीक दुम्माक्त। मार बरक्शो बाक्त दंशा हना “अबराहाममी परमपरभु यावे कली थमा सुदा बाक्त। मेको थमा सुइश्शामी अबराहाम कली ठीक सेला बाक्त” दे बरक्शो बाक्त। मिनु मुरपुकीमी अबराहाम कली “परमपरभु यावे आ वारच” दे याइनी नें वोदमे बाक्त। उत्पत्ती १५ :६ ; यसैया ४१ :८ २४मुरुमी थमा सुइक्चा ला ममाइ, आन गेयमी यो ठीक दुम्नीम, दे गेपुकी रुन्ने मचान्नीनी डा ?

२५अबराहाम खोदंशो पा राहाब माइश्शो तेल्लेम मीश मुरुमी यो थमा सुइक्ब दुम्शा, आ पशो गेयमी ठीक दुम्माक्त। दोदंब गेय पवा बाक्त दंशा हना, इसराएल डा मुर निक्शी आस कली अरु लां कौइशा, सोइक्ता बाक्त। हिब्रू ११ :३१ ; यहोसु २ :- २६मिनु दोपा सोक्त मपाइश्शा मुर बक्शो बाक्बा, मोपा थमा सुइक्बमी थमा सुइश्शा गेय मपाप्तु हना, आ थमा सुइक्तीके बक्शो बाक्ब।

मुर आ शोत्रमी दोपा पाप पाइबा

१आं लोकबपुकी, शुश शंब मुर मदुमीन। ३मारदे हना परमपरभुमी मेको शंसीब आन क्येडा शंब आन कली शुश कोत्रशा, आन लोत्र नंशा, निसाफ पाइब। २गो नल्लेमी शुश गल्लती पाइनय। सुमी लोत्र पवानु, काइ गल्लती मपाइबा, मेकोमी रॉम मपचा डा गेय यो मपाइब। मेको मुर थम रिम्शो बाक्ब।

३गोपुकीमी शारा बिप्याइक्चा कली लगम पाइक्नय। मोपा मेको शारा आ रॉं नल्ले चलेने चान्नय। ४जहाज यो मिम्तीन। दोदंशो ठेयब बाक्त हना यो, दोदंशो ठेयब फशमी मेको कली गाक्पाइश्शो बाक्त हना यो, चलेबमी मेको कली इम्चीली थोत्रकमी चलेशो बाक्ब। मिनु ते लाइक्चा दाक्ता, मेकर लाइक्ने चाप्ब। ५मेको इम्चीली चलेतीके खोदंशो मुर आ लें बाक्ब। मुर आ लेंमी ठेयब लोत्र पाइब। मेको लें आइक्च बाक्त हना यो, ठेयब मरिम्शो पने चाप्ब। इम्चीली मीम ठेयब व्याकी करोइक्ने चाप्ब।

६मुर आ लें मी खोदंशो बाक्ब। मेकोमी रॉं नल्ले मरिम्शो सेल्ब। मेकोमी मरिम्शो लोत्र पशा, रॉं कली पापी सेल्ब। रागी नल्ले कली करोइक्ब। आंमा यो नरकमी गरोइक्ब। हितोपदस १६:२७ ; मत्ती १२:३६-३७ ; मत्ती १५:११-१८ ७मुरपुकीमी बस्तु भाव, जन्तु, चिक्बी नल्ले आन कली शंन चान्नीम। मिनु मेको आन कली शंताक्म हना यो, ८आंम आन लें कली शंन मचान्नीम। मुरुमी आन लेंमी मरिम्शो पाइनीम। दोपा ओश्यर जशा, मुर बक्नीमी, मोपान लें यो मुर कली साइक्ने चाप्बा डा ओश्यरमी बरीशा बाक्ब। ९गोपुकीमी परभु नु आ आफ कली “गे ठेयब नसी” दे लोत्र पाइनय। मिनु परमपरभु यावेमी आ खोदंशो सेल्शो मुर आन कली सराप पाइनय। भजन संगरह १४१:३ ; उत्पत्ती १:२६-२७ १०मोपा शोत्र कामी आसीक लोत्र नु सराप लोत्र पाइनीम। आं लोकबपुकी, मो पचा मदुम्ब। एफिसी ४ :२९ ११व्याक्कु बुक्तीक का रे कशो नु बरोत्रशो व्याक्कु कालेमी यीबा डा ? १२आं लोकबपुकी, फोत्रशी खामी तेल खा आ फल मसिप्ब। अडगुर खामी फोत्रशी मसिप्ब। मेको खोदंशो पा हिक्सी डांशो व्याक्कु रे बरोत्रशो व्याक्कु गुरुने मचाप्ब।

इन गेय तेको लां रे जाकवा ?

१३मिनु इन दातेमी सु निप्स पाइश्शो नु रुत्तीक थुं पाइश्शो मुर बाक्मा, मेकोमी आ गेय रे पा आ बरंम्टीके रुत्तीक थुं रे जाकव, द कांडदल। १४ ग अरु मुर आन थोव्रक वाल्तीक नु आंम कली ला मिम्तीक थुं बाक्त हना, ठेयब लेशशा, थमा शंतीके कली जाल मसलीन माइ ? मबाक्कीन। १५ आदेशो मिम्तीक परमपरभु आ गेशो रुत्तीक थुं मबाक्व। तन्न मुर आन थुं रे नु सैतान रे जाकव। याकूब १:१५ १६ मुरुमी मुर आन के थोव्रक वाल्वा नु आंम कली ठेयब सल्वा ला मिम्ताक्व हना, मेको मुरुमी मरिम्शो गेय नु अरु पाप यो पना पन बाक्व। १७ परमपरभुमी गेशो निप्स पाइश्शो थुंमी मुर कली गरांगरा दिचा डा गेय मपपाइक्व। सुइ नु मजिपाइक्व। बरंमशो सल्ब। गाइश्शो फाल्पाइक्व। शुश शिशी पपाइक्व। रिम्शो गेय पपाइक्व। कुल कोव्रशा, गेय मपपाइक्व। जाल मपपाइक्व। १८ थुं नाइश्शा बाक्व मुरपुकी ठीक गेय पशा, मुरपुकी नु दुशा गारशा बाक्नीमी। मेको परमपरभु यावे आ गेशो ठीक पतीकेमी बाक्व। फिलिप्पी १:११; मत्ती ५:९

मुर आन दला दाक्स

४ १इन दातेमी जिचा खेचा ते रे जाकवा ? गे इन दला दाक्स आ पर्वम जीनीनी, ममाइ ? २गपुकी मारइ मारइ माल्नीनी, तन्न मताइनीनी। मोपतीक मुर आन थुं जिक्शा, साइक्नीनी। मिनु अरु आन के मार मार तशा वाल्नीनी, तन्न मताइनीनी। मोपतीक जीनीनी। गेपुकी परमपरभु यावे कली मपुंडनीनी। मोपतीक मताइनीनी। गलाती ५:१५ ३गपुकीमी पुंडतीनी हना यो, मारइ मताइनीनी। मारइ हना आंम दला दाक्स पचा कली ला पुंडनीनी। मोपतीक इन पुंडशो मताइनीनी। ४गे परमपरभु यावे आ लां परोइशा हंथे गाक्वपुकी, गे थमा मसुइक्व आन वारच बाक्तीनी हना, परमपरभु यावे आ जोरी सतर दुम्नीनी। सु थमा मसुइक्व आन वारच दुम्चा माल्वा, मेको परमपरभु यावे नु जोरी सतर दुम्ब। लूका ६:२६; रोमी ८:७; १यूहन्ना २:१५

५ परमपरभु यावेमी बरेक्पाइश्शो लोव्रमी “परमपरभु यावेमी आ सोक्त इं रांमी वोइक्तु। तन्न मुरुमी दला दाक्स पशा तशा, मेकोमी शुश रुश पाइब” दे यो बरेक्पाइश्शो बाक्व। ६तन्न

परमपरभु यावेमी मेको क्येडा शुश शिशी पाइब। मिनु “गो ठेयब लेशशा मुर आन कली शिशी मपाइनुड। बरंमशो, ठेयब मलेशशा मुर आन कली ला शिशी पाइनुड” दे बरेक्पाइश्शो बाक्व। अय्युब २२:२९; हितोपदेस ३:३४; मत्ती २३:१२; १पतरुस ५:५

७ गपुकी परमपरभु यावेमी देशो लोव्र टिन। सैतान रे डोन बाक्कीन। मो पाइतीनी हना, सैतानमी इन कली परोइब। मत्ती २३:१२; १पतरुस ५:८-९ ८ परमपरभु यावे आ नेक्था लने। मो पाइतीनी हना, मेको इन नेक्था जाक्व। गे पापीपुकी “आइ पाप क्याम्दीन” देशा, माफ पुनीन। थुं निक्शी पाइश्शो मुरपुकी, इन थुं परमपरभु यावे गे लेशशा, थुं का दुमीन। जकरिया १:३; यसैया १:१६ १ मिनु सुर्ता पने। रोंका पा डाक्कीने। इन रिक्वा आ पा डा रोंका पने। इन ग्येरा आ पा डा सुर्ता पने। १० परभु येसु आ डाइती आइक्व दुम्शा, बरंमशो दुमीन। मिनु परमपरभु यावेमी इन कली ठेयब सल्ब।

परमपरभु निसाफ पाइब बाक्व

११ आं लोक्वपुकी, शुक्शी लोव्र मपमुने। सुम लोक्व आ पर्वम शुक्शी लोव्र पाइबा, दोस गेबा, मेकोमी परमपरभु यावे आ अरेशो लोव्र मटीब। मेकोमी परमपरभु यावे आ अरेशो लोव्र क्येडा “गो जोक्व तुइक्व नड” दे मिम्शा, निसाफ पाइब खोदेशो दुम्ब। “परमपरभु यावे आ अरेशो लोव्र रिम्शो देय मरिम्शो” दे लोव्र पाइब या दुम्ब। मोपा गे परमपरभु यावे आ अरेशो लोव्र मपाइब दुम्शा, निसाफ पाइब दुम्तीनी। १२ परमपरभु यावे अरेशो लोव्र गेब नु निसाफ पाइब बाक्व। परमपरभु यावेमी ला पाप रे परोइने नु नरकम सोइक्न चाख्। इन नेक्था बाक्व आन कली मोपा नाक्व, सु ननी डा ? मत्ती ७:१; रोमी १४:४ १३ गपुकीमी मार लोव्र पाइनीनी देशा हना “दीसा नित्थी सहरम लशा, बरं का सम्म बाक्य। मिनु शुश क्येट च्म्य” दे मिम्शा लोव्र पाइनीनी। हितोपदेस २७:१ १४ दीसा नित्थी मार दुम्बा, बरोइनीनी कों, बेक्नीनी कों मारइ मतुइक्नीनी। इन गिंम मार में ? मेको गोस्स खोदेशो बाक्व, इक्का का ला लीशा, जाम्ब। लूका १२:२० १५ गे मार देचा माल्शो ननी देशा हना “गोपुकी बरोइतय हना, परभुम आंइ मिम्शो दाक्ताक्व हना, गो आंइ मिम्शो गेय पाइनय” दे लोव्र पचा माल्नीनी। पररित १८:२१; १कोरिन्थी ४:१९ १६ गपुकी चहिं ठेयब लेशशा, आंम थुं

डा लोत्र पाइतीनी। मोदंशो ठेयब लेशशा बाकचा मरिम्शो दुम्ब। १७ सु रिम्शो गेय पस जोकबा तुइक्बा, तन्न मपाइबा, मको कली मरिम्शो दुम्ब। लूका १२ :४७

क्येट थीब आन कली हुइश्शो

१नेनीन, गे क्येट शुश थीब मुरपुकी, डाकर्कीन। रोंका पन। मारदे हना गे नाल श्येत जाइब दुम्नीनी। लूका ६ :२४-२५ २इन बाकशो शोंप नेल्ल राकशो दुम्तकम। इन वासी नेल्ल तुम्बुम नेक्तकम। मत्ती ६ :१९ ३इन सुन चांदी नेल्ल खिया जोशो बाकब। मको खियामी इन कली “मरिम्शो मुर” दे कांडब। सुन चांदी कली खिया जोशो खोंदंशो पा इन रों कली मीम दाकब। गे क्येट शुश हंताकनी। ४इन रूम गेय पाइब आन गाल्त्व मुल सम्म जोल पा मगेनी। मको खेत्ला आन कली मगेशो गाल्त्वम आ मुर नेल्ल आन परमपरभु यावे नु लोत्र पाप्तु। मिनु मकोमी मको खेत्ला आन पुंडशो लोत्र नन थुम्तु। व्यवस्था २४ :१४-१५ ५गेपुकी रागीमी दुक्चा, जचा, ब्चामी शुश शोंप पाइश्शो दुम्शा, ग्येरशा बाक्तीनी। मिनु क्योरची नाक्त कली थुल्शा दोम्पाइश्शो खोंदंशो पा गेपुकी निसाफ पची नाक्ती ठेयब सजाइ ताइब दुम्नीनी। लूका १६ :१९-२५ ६गेपुकीमी रिम्शो गेय पाइब मुर आन कली दोस गेशा साइक्तीनी। मकोपुकीम ब्वालेइ पा, मारइ लोत्र मलेत्तम। याकूब २ :६

परभु जाकचा चिक्शो बाकब

७मिनु आं दाकशो लोकबपुकी, नेनीन, रूमी गेय पाइब मुरुमी मको आ खरुम्शो बाली नाली मीब, दे आ थुं नाइश्शा, हिउद नु बर्सा रिम्शो खोंदंशो पा परभु आ जाकचा रिम्दीन। लूका २१ :१९ ; हिब्रू १० :३६ ८थुं नाइश्शा बाक्कीन। मारदे हना परभु जाकचा चिक्शो बाकब। मोपतीके परभु कली टिचा मपरांडथु बाक्कीन। ९आं दाकशो लोकबपुकी, गेपुकीमी अरु थमा सुइक्ब आन पर्वम गन गन मपने। मो पाइतीनी हना, निसाफ पचा पुंडसीनी। नेनीन इन निसाफ पाइब जाकचान चिक्शो बाकब।

१०आं दाकशो लोकबपुकी, साइ डा परमपरभु यावे आ लोत्र पाइबपुकीमी परमपरभु यावेमी दंशो लोत्र पशा, शुश श्येत जशा यो फाल्शा, परमपरभु यावे कली मपरांडथु बाकशो बाक्तेकम। मिनु मको आन खोंदंशो पा बाक्कीन। मत्ती ५ :१२

११नेनीन, मको परमपरभु यावे कली मपरांडथु आन पर्वम “ग्येरशो मुर दुम्तकम” दे लोत्र पाइनीकी। अय्युब माइश्शो मुर का श्येत जशा यो, परमपरभु यावे कली काइ मपरांडथु, बाकशो बाक्त। गेपुकी मको आ कथा नंतीनी। परमपरभु यावेमी मारदे अय्युब कली मको शुश श्येत जचा गेवा, तुइक्ताकनी। परमपरभु यावेमी गिश लेम्शा शिशी पाइबा, मको ताइतीनी। ई कली आ लेम्शो नु आ शिशी कांडताकव। अय्युब १ :२१ ; अय्युब ४२ :१०-१६

कसम जचा आ पर्वम लोत्र

१२आं लोकबपुकी, आं नेल्ल क्येडा ठेयब अरतीक लोत्र मार बाकब दंशा हना, कसम मजने। सरीङ कोत्रशा, खप थिशा, चुक्ब थिशा कसम मजने। इन दंशो लोत्र दुम्ब हना “दुम्ब” मदुम्ब हना “मदुम्ब” देनीन। गे जोल पाइतीनी हना, गे निसाफ पचा पुंडसीनी। मत्ती ५ :३४-३७

रोइ पाइब आन कली लोत्र

१३इन दातेमी सु सु श्येत जामे, मकोमी परमपरभु यावे नु लोत्र पामक्ल। सु सु ग्येरशो बाकमा, मकोपुकीमी “परमपरभु यावे नेल्ल क्येडा ठेयब बाकब” दे कुम्सो पामक्ल। मजन संगरह ५० :१५ ; कलस्सी ३ :१६ १४इन दातेमी सु रोइ पाइबा, मकोमी गुरुम्तीके डा शंब खाल्पा आन कली बरत्त्वा माल्ब। मकोपुकीमी रोइ पाइब आन तारी गुइ वोइश्शा, परभु आ नंमी तेल खरक्शा, परमपरभु यावे कली पुंडचा माल्मीम। मर्कूस ६ :३३ १५मोदंशो थमा सुइश्शा पुंडशामी मको रोइ पाइब मुर साब। मको रोइ पाइबमी पाप पशो बाक्त हना, मको यो क्याम्सीब। मर्कूस १६ :१८ १६मोपतीके रोइ सापाइक्चा कली इन पशो पाप शोत्रमुशा, परभु नु लोत्र पमुने। ठीक थमा सुइक्ब आन पुंडशो लोत्रमी ठेयब गेय पाइब। पररित १२ :५ १७एलीया इं खोंदंशो मुर का बाकमाक्त। मकोमी परमपरभु यावे कली “रउ यिचा मगेने” दे शुश पुना बाक्त। मिनु बर्से सां ६ महिना सम्म रागीम काइ रउ मथिमाक्त। ११राजा १७ :१ ; लूका ४ :२५ १६नोले मकोमी “रउ यिपतीन” दे पुना बाक्त। मिनु नोले रउ यिशा, बाली नाली वामा बाक्त। ११राजा १८ :४१-४५

नोले डा लोत्र

१९आं दाकशो लोकबपुकी, इन दाते डा मुर का थमा लां रं डान लत हना, अर्का थमा सुइक्बमी

मेको कली आ पशो पाप रुप्याइशशा, परमपरभु  
 यावे आ लां गे लेप्पाइक्तु हना, गलाती ६:१  
 २०मेको मुरुमी मेको मटीब मुर कली बेक्चा रं  
 परांइब। मित्तु मेको के शुश पाप बाक्त हना यो,

क्याम्सीब, दे मेकोमी तुइक्चा माल्ब। भजन  
 संग्रह ५१:१५ ; हितोपदेश १०:१२ ; १पत्रुस ४:५

## १ पतरुस

बरेकब मुरः एको चिठी येसु आ शंसीब पतरुसमी इसराएली मदुम्शा मुर आन कली बरेकशा बाक्त । गेना बरेकशाः एको चिठी ६४ ए. डी. नोले बरेकशा बाक्त । मना रोम सहर डा मुरपुकीमी थमा सुइक्व आन कली शुश खदा पा, साइक्वा गोव्रमे बाक्त । रोम सहर कली यो बेबीलोन यो देनीम । १पतरुस ५ :१३

मार बरेकशाः पतरुसमी थमा सुइक्व आन कली “बाल्या दुर्मीन । थमा सुइक्वपुकीमी श्येत जचा माल्नीम” दे बरेकशा बाक्त ।

### डांइती डा लोत्र

१ गो येसु खरीस्त आ सोइश्शो पतरुस नड । १ एको चिठी पोन्टस, गलातीया, कापाडोसीया, एसीया नु बिथनीया रागीम बरशा बाकशा इसराएल रागी डा थमा सुइक्व, इन कली बरेक्ताक्नी । हिवरू १३ :१४ २ इं आफ परमपरभु यावेमी इन कली योव्रशा, आ मुर दुम्नीम देत । मिनु आ सोक्तीमी इन कली येसु खरीस्त कली टीब सल्लु । आ हुशमी चोव्रखो सल्लु । परमपरभु यावे आ गशो शिशो नु थुं नाइक्तीक डांइती क्यडा मुल गे नु शुश बाक्त । रोमी ८ :२९

### बरोइचा आ पर्वम शंशो

३ इं परभु येसु खरीस्त आ आफ नेल्ल आसीक पाइश्शो बाक्व, दे गो मान पय । मेको आ शुश शिशो पतीक नु येसु खरीस्त बरेकशा र संसीशामी इं कली बरोइशा बाक्तीक आस गेशा, नक जरमेशो मुर सल्लु । कलस्सी १ :५ ४ मिनु इं कली स्वर्गमी जाम्शा मलाइब, काइ मबिगरब नु गेना हना यो लीब शांप वोइश्शो बाक्व । कलस्सी १ :१२ ५ परमपरभु यावे आ सक्तिमी इं कली कोव्रब । गो पाप र बरोइशो मुर बाकनय, दे थमा सुइक्वनय । मेको नेल्ल नोले डा नाक्तीमी कांइब । यूहन्ना १० :२८ ६ गे मेको तुइश्शा, ग्यरनीनी । मुल इक्का नाक्त सम्म थुं थाम्चा कली मार मार श्येत जाइनीनी । १पतरुस ५ :१० ; २कोरिन्थी ४ :१७ ७ मारदे श्येत जाइनीनी देशा हना, इन थमा सुइश्शो थमा कां, जोल कां, दे नाक्चा कली श्येत जाइनीनी । मोपा श्येत जाइतीनी हना, इन थमा सुइक्तीके मीम याप्पाइश्शो सुन क्यडा शुश क्यट लाइब दुम्ब । मिनु येसु खरीस्त आ यिची

ना ठेयब सेल्लीक, छेड्छेड् नु मान पतीक दुम्ब । हितोपदेस १७ :३, यसेया ४८ :१० ६ गे मेको कली मताइतीनी हना यो, दाक्नीनी । मेको कली मुल सम्म मतथु यो, थमा सुइक्तीनी । गे गिश ग्यरना ग्यरन बाकशा बाक्नीनी, देने मचाप्नीनी । यूहन्ना २० :२९ ; २कोरिन्थी ५ :७ १ इन थमा सुइक्तीकेमी पाप र बरोइचा ताइनीनी ।

१० साइ डांइती परमपरभु यावे आ लोत्र पाइबपुकीमी गे शिशो ताइब दुम्नीनी, दे लोत्र पशा बाक्तेकम । मिनु पाप र बरोइतीक तुइक्चा कली शुश माल्शा बाक्तेकम । लूका १० :२४ ११ मेकोपुकीमी आन आगामी बाकशा खरीस्त आ सोक्त कली “पाप र परोइब सु बाक्मे, गेना जाक्वा ?” दे हिल्लो पाम बाक्त । मोदेशो पा माल्ला माल्ल खरीस्त आ श्येत जचा नु छेड्छेड्म लचा आ पर्वमी नोले दुम्ब लोत्र पाम बाक्त । भजन संगरह २२ :-, यसेया ५२ :१३-५३ :१२ १२ मेकोपुकीमी आन पाला डा मुर आन कली ला लोत्र मपाम । नोले डा मुर, इन कली यो लोत्र पा शंदम बाक्त । इन कली दोपा शंदमे बाक्त देशा हना, परमपरभु यावेमी आ सोक्त स्वर्ग र सोइश्शो बाक्त । मेको आ पतीकेमी शंबपुकीमी इन कली ग्यरपाइक्व लोत्र शंताकम । परमपरभु यावे आ स्वर्ग डा गय पाइबपुकीम यो मेको तचा तुइक्चा दाक्नीम । एफिसी ३ :१०

### परमपरभु आ मुर दिम्शो

१३ मोपतीक इन थुं फरेदीन । गेय पचा डांइती मिम्तीन । येसु खरीस्त जाक्मेनु, इन कली शिशो पाइब, दे आस पा बाक्कीन । लूका १२ :३५-३६ १४ मुल टीब आल सोदेशो पा इन डांइती मतुइक्थु पशा मरिम्शो पचा क्यडा डोन बाक्कीन । रोमी १२ :२ १४ इन कली बरेक्व, येसु खरीस्त दोदेशो बाक्मे, गे यो मोदेशो दुम्शा बाक्कीन । १६ परमपरभु यावे आ बरेक्पाइश्शो लोत्रमी “गेपुकी आं कली ला ठेयब सेल्लिन । मारदे हना गो का ला इन परमपरभु नड” दे बरेकशा बाक्व । लेवी १९ :२

१७ गेपुकीमी परमपरभु यावे कली “इं आफ” दे पुंइना पुंइन बाक्नीनी । मेकोमी मुर आन कुल मेकोव्रथु, आन पशा कोव्रशा, निसाफ पाइब । मोपतीक गे रागीमी बाक्नीनु, पाप पचा हिनीन । रोमी २ :११ ; फिलिप्पी २ :१२ १५ इन किकी पिपी र “गो नरक लाइब बाक्नीकी” दे तुइक्नीनी । मुल गे नरक लतीक लो र परोइचा पुंइसीशो बाक्तीनी ।

दोपा परांडचा पुंडसीशो बाक्तीनी देशा हना, जाम्शा लाइब सुन नु चांदी थाप्शा ममाइ, १कोरिन्थी ६ :२० ; १कोरिन्थी ७ :२३ ; १पतरुस ४ :३ १९ येसु खरीस्तमी मारंड मडुम्शा पाठा बुद पा आंम हुश शाइक्पाइश्शा इन कली नरक र परांडतु। हिब्रू १ :१४ ; यसेया ५३ :७ ; यूहन्ना १ :२९

२० परमपरभु यावेमी रागी सेल्ला क्येडा डांडती "येसु खरीस्त पाप र परांडब दुम्ब" दे मिम्शा बाक्माक्त। मेको रागी नुप्ची ना इन पर्वम तुइक्पाइश्शा बाक्त। रोमी १६ :२५-२६ २१गे येसु खरीस्त आ पतीके परमपरभु यावे कली थमा सुइक्नीनी। मेकोमी येसु खरीस्त कली बेक्शो र संपाइश्शा, छेड्छेड्म वोइक्तु। मोपतीके गे "परमपरभु यावेमी इं कली कोत्रब" दे थमा सुइश्शा आस पने। २२दोपा येसु खरीस्त आ देशो टिशा, थमा गेय पा पाप र डोन बाक्नी, मोपा गे लोकब आन कली यो थमा पा दाक्नीनी। गे थमा सुइक्बपुकी इन थुं नेल्लेमी थमा पा दाक्मुने। २३गे नक जरमेशो सोदंशो बाक्नीनी। जाम्शा लाइब ममाइ। गेनायो मजाम्ब दुम्तीनी। मेकोन बरांडचा गेब नु गेना हना यो लीब परमपरभु यावे आ लोत्र बाक्ब। यूहन्ना १ :१३ ; याकूब १ :१-१८ २४ परमपरभु यावे आ देशो लोत्र मार बाक्त देशा हना, रागी डा मुर नेल्ल घांस सोदंशो बाक्नीम। मेको आन दास बाइश्शा फू सोदंशो बाक्ब। आ घांस सोत्रब, मिनु फू यो हम्ब। याकूब १ :१०-११ २५ तन्न परमपरभु यावे आ देशो लोत्र गेना हना यो लीब। मेको आ ग्येरपाइक्ब लोत्र बाक्ब। मिनु शंबपुकीमी मेको इन कली शंताक्म। यसेया ४० :६-८

परमपरभु आ योत्रशो मुर

१ मोपतीके गे नेल्ल मरिम्शो पचा, मुर आन २ कली मरिम्शो लोत्र पतीके नु गाइक्तीके ताइक्तीन। मिनु जोल पतीके, गेह पतीके नु मुर आन लोत्र कुरशा गाक्चा नेल्ल ताइक्तीन। याकूब १ :२ २नक थिशो आलम दूध तूचा माल्शो सोदंशो पा, गे यो परमपरभु यावे आ लोत्र तुइक्चा मालीन। गे मोदंशो पाइतीनी हना, इन पाप र बरांडशो थुं बारना बारन लाइब। हिब्रू ५ :१२-१३ ; मत्ती १८ :३ ३मारदे हना गेमी परमपरभु रिम्शो पाइब बाक्ब, दे तुइक्नीनी। मजन संगरह ३४ :१०

४ येसु खरीस्त बरांडचा गेब फुल्लु बाक्ब। मेको आ नेक्था लने। मुरपुकीमी मेको कली ममाल्शो फुल्लु सोदंशो पा ताइक्ताक्म। तन्न परमपरभु यावेमी "मेको कली योत्रशो नु नेल्ल क्येडा दाक्शो बाक्ब" दे मिम्ब। मजन संगरह ११८ :२२ ; यसेया ८ :१४-१५ ; मत्ती २१ :४२ ५ मिनु गे यो बरांडचा गेब फुल्लु सोदंशो बाक्नीनी। मोपतीके परमपरभु यावे आ सोक्तीम सेल्ला सिं डा फुल्लु दुमीन। परमपरभु यावे आ डांडती राख मुर दुमीन। आ सोक्त डा चढ्देतीक गेय पा बाक्कीन। येसु खरीस्त आ पतीके परमपरभु यावेमी इन पशा ताक्ब। एफिसी २ :२१-२२ ; हिब्रू ३ :६ ; रोमी १२ :१ ६मारदे हना परमपरभु यावे आ लोत्रमी मार बेक्शो बाक्ब देशा हना "नेनीन, गो सियोन डांडामी फुल्लु का वोइक्नुड। मेको सुर डा फुल्लु दुम्शा, योत्रसीशा नु दाक्सीशा बाक्ब। सु सुमी मेको कली थमा सुदमे, मेको मुर मुन दाक्चा ममाल्नीम" दे बेक्शो बाक्ब। यसेया २८ :१६ ७ मोपतीके थमा सुइक्बपुकीमी मेको कली दाक्नीम। तन्न थमा मसुइक्ब सिं सेल्लपुकीमी मेको फुल्लु कली ताइश्शा बाक्तेक्म। तन्न मेको सुर डा फुल्लु दुम्त। ८ मिनु लेंशा "मेको फुल्लुमी मुर आन कली दाइल पपाइक्ब। मेको ठेयब फुल्लुमी मुर आन कली थिप्पाइक्ब" दे बेक्शो बाक्ब। मुरपुकीमी परमपरभु यावे आ लोत्र मटितीके दाइल पाइसीनीम, दे डांडती मेको आ पर्वम देशो बाक्ब। मजन संगरह ११८ :२२ ; यसेया ८ :१४ ; रोमी ९ :३३ ; लूका २ :३४

९ तन्न गे परमपरभु यावे आ योत्रशो मुर दुम्तीके, आ राज्य डा चढ्देब परमपरभु यावे आ रागी डा मुर दुम्तीनी। मारदे मोदंशो दुम्तीनी देशा हना, परमपरभु यावेमी इन कली रिम्शो पशा, छिड्छिड् र गरुडशा, आंम आ छुक लाक्चा डा छेड्छेड्मी वोइश्शा बाक्त। मिनु अरु नेल्ल आन कली शंचा, दे मोदंशो दुम्तीनी। परस्थान १९ :६ ; यसेया ४३ :२१ ; परकाश १ :६ ; ब्यवस्था ४ :२० ; ब्यवस्था ७ :६ ; एफिसी ५ :८ १० डांडती गे परमपरभु यावे आ मुर मबाक्नी। मुल परमपरभु यावे आ मुर दुम्तीनी। डांडती गे परमपरभु यावे आ शिशो मतशो बाक्तीनी। तन्न मुल परमपरभु यावे आ शिशो ताइब दुम्तीनी। हांस २ :२५ ; रोमी ९ :२४-२६

थमा सुइक्व दोपा बाक्चा माल्नीमी

११ आं दाक्शो लोक्वपुकी, गो इन कली इन थुं बारपाइक्तीक लोत्र पाइनुड। गो रागीम बाक्यानु, रागी डा पीना खोदंशो बाकनय। मोपतीक इन दला दाक्स पा रागी डा मुर खोदंशो मपन। गरांगरा दिचा डा गेय र डोन बाक्कीन। मारद हना मोदंशो गेय इन थमा सुइक्तीक थुं नु जीब। भजन संगरह ३१:१३ १२ थमा मसुइक्व आन दातमी रिम्शा पन। मेकोपुकीमी इन पर्वम “मरिम्शा पाइब बाक्नीम” द मरिम्शा लोत्र पाम्तक्म हना यो, इन रिम्शा पतीक तशा, परमपरभु यावे नु गरुम्ची ना मेकोपुकीमी परमपरभु यावे कली ठयब सल्मेकल। मती ५ :१६

१३ परभु आ पर्वम सरकारमी अधिकार गेशो मुर आन कली टिन। पिप नेल्ल क्येडा ठेयब बाक्व। मोपतीक टिचा माल्नीनी। रोमी १३ :१-७ ; तीतस ३ :१ १४ मिनु आ वोइश्शो ठेयब मुर आन कली यो टिचा माल्नीनी। मेकोपुकी मरिम्शा पाइब आन कली सजाइ गेचा नु रिम्शा पाइब आन कली “गे रिम्शा पाइतीनी” दंचा कली वोइश्शो बाक्नीम। १५ परमपरभु यावे आ दाक्शो मार बाक्व दंशा हना, इन रिम्शा पतीकेमी मतुइक्व नु निप्स मपाइश्शो आन कली सिक्सी पपतीन। १ पतरुस ३ :१६ ; तीतस २ :८ १६ पाप रं परांइचा पुंडसीशो मुर दुम्शा बाक्कीन। “पाप रं बरांइचा ताइनुड” द मिम्शा मरिम्शा मपन। परमपरभु यावे आ वाइलीम वाइल दुम्शा बाक्कीन। गलाती ५ :१३ ; २ पतरुस २ :११ १७ मुर नेल्ल आन कली मान पन। थमा सुइक्व आन कली दाक्तीन। परमपरभु यावे कली मान पा हिनीन, पिप कली मान पन। रोमी १२ :१० ; हितोपदस २४ :२१

येसु आ श्येत जशा कांडतीक

१८ गे सिं डा गेय पाइबपुकी, इन होत्रप क्येडा हिंशा टिन। रिम्शा पाइब होत्रप कली ला ममाइ, मरिम्शा होत्रप कली यो टिचा माल्नीनी। एफिसी ६ :५ ; तीतस २ :१ ११ इन होत्रपमी इन कली बिक्चीम श्येत गेम्तेक्म हना यो, गे परमपरभु यावे कली मिम्शा, श्येत फाल्शा बाक्कीन। मेको परमपरभु यावे आ दाक्शो बाक्व। २० गे मरिम्शा पशा, तुप्चा पुंडसीनीनु, मेको फाल्शा बाक्तीनी हना, मार रिम्शा पनी डा ? रिम्शा पशा यो, श्येत गेचा पुंडसीशा, फाल्शा बाक्तीनी हना, परमपरभु यावे

आ दाक्शो पाइनीनी। १ पतरुस ३ :१४ ; मती ५ :१० २१ मोदंशो पचा, दे योत्रशो ननी। खरीस्त यो इन पर्वम श्येत जशा, इन कली कांडतीक दुम्त। मोपतीक गे आ खोदंशो पचा माल्नीनी। १ पतरुस ३ :१८ ; मती १६ :२४ २२ मेकोमी काइ पाप मपवो। जाल यो मपवो। यूहन्ना ८ :४६ ; यसैया ५२ :१ २३ मुरपुकीमी मेको कली शुक्शी लोत्र पाम्तक्म हना यो, मेको आन कली लोत्र मलेत्त। मिनु श्येत जशा यो, मुर आन कली हिंच मेकोइद। तन्न ठीक पा निसाफ पाइब कली जिम्मा गंसाक्व। २४ मेको इ पाप क्याम्चा कली शीमी क्येप्ला कांटी थोक्शा साइक्चा पुंडसाक्व। इ पाप पतीक थुं साइक्चा नु इं ठीक पतीक थुं परांइचा, दे साइक्चा पुंडसाक्व। मोपा मेको आ कांटी थोक्शो गारपुकीमी गे साशा ठीक दुम्तीनी। १ यूहन्ना ३ :५ ; गलाती ३ :१३ ; रोमी ६ :८,११ २५ डांडती गे हंथे गाक्व भडा खोदंशो बाक्तीनी। तन्न मुल इन गोठला नु इन थुं कोत्रब आ नेक्था लेशशा जाक्तीनी। यसैया ५३ :६ ; यूहन्ना १० :३२

मीश वॉइश कली अरतीक लोत्र

१ गे मीश मुरपुकी, आम वॉइश आ दंशो टिन। ३ का निक्शी वॉइश मुरपुकी परमपरभु यावे आ लोत्र मटीब बाक्तेक्म हना यो, आ मीश आ रिम्शा पशा तशा, लोत्र मपथु यो, थमा सुइक्व दुम्नीम। एफिसी ५ :२२ ; १ कोरिन्थी ७ :१६ २ इन मान पशा नु इन पाप रं डोन बाक्शो तशा, मोदंशो पाइनीम। ३ रिम्शा पतीक मार बाक्व दंशा हना, जाम्शा लाइब नोस पचा, चांमी मार मार चुंडसीचा, सुन पांइचा नु शुश क्येट लाइब वा फेक्चा ममाइ, यसैया ३ :१८-२३ ; १ तिमोथी २ :१ ४ मुर आन थुंमी खरुइश्शो जाम्शा मलाइब पांडतीक बाक्व। मेको मार बाक्व दंशा हना, बरम्शा नु सिक्सी पा बाक्तीक थुं बाक्व। मेको परमपरभु यावे आ डांडती शुश रिम्शा बाक्व। ५ साइ डांडती पाप रं डोन बाक्शो मीश मुरपुकीम परमपरभु यावे कली आस पा आम वॉइश कली टिशो बाक्तेक्म। ६ सारामी अबराहाम कली मान पा टिशो बाक्त। मिनु मुल गे यो ठीक गेय पशा, श्येत जचा महिंथु, मेको आ तमी खोदंशो दुम्तीनी। उत्पती १८ :३२

७ गे वॉइश मुरपुकी, आम मीश नु रिम्शा पा बाक्कीन। मीश मुरपुकी वॉइश मुर खोदंशो पा बोल्यो मबाक्नीम, दे तुइक्नीनी। मेको मिम्शा, इन मीश कली मान पन। मारद हना गे निम्फा

परमपरभु यावे आ शिशी ताइब बाकनीसी। मो पाइतीनी हना, इन पुंडशो लोत्र परमपरभु यावे आ डांडती मतकसीब। १कारिन्थी ७ :५ ; एफिसी ५ :२५

### थमा सुइक्व आन कली अरेशो

८ मिनु नोले गे नेल्ल थुं का डा दुम्शा, मुर आन कली दाक्शा, इन लोक्व नु दाकमुन। बरम्शो थुं पाइशशा मुर दुमीन। १ इन कली मरिम्शो पाइब आन कली मरिम्शो मपने। इन कली शुक्शी लोत्र पाइब आन कली शुक्शी लोत्र मपने, आसीक गेने। मारदे हना गे आसीक ताइब दुम्चा कली योत्रशो बाकनीनी। १ थिस्सलोनिकी ५ :१५ १० मिनु परमपरभु यावे आ लोत्रमी “सु सु बरांडचा नु रिम्शो बाकचा दाकनीमी, मेकोमी शुक्शी लोत्र मपने। सुइ आन कली जोल मपने। मुर नु दुशा बाकनीन। याकूब १ :२६ ११ मरिम्शो पचा परांडशा, ठीक गेय ला पने। १२ मारदे हना परमपरभु यावेमी ठीक पाइब आन कली कोत्रब। आन पुंडशो लोत्र नेंचा कली आ नोफा दाइक्व। तन्न मरिम्शो पाइब आन कली मकोत्रब, आन पुंडशो लोत्र यो मनंब” दे बरक्शो बाक्व। मजन संग्रह ३४ :१३-१७

येसु खरीस्त नेल्ल आन क्येडा ठेयब बाक्व

१३ गे ठीक गेय ला पाइतीनी हना, सुम इन कली श्यत गेबा डा ? १४ ठीक पशा यो मोशा श्यत जाइतीनी हना, आसीक ताइब दुम्नीनी। इन कली श्यत गेब कली महिनीन। इन थुंमी ग्येत्थ लुक्व मदुमीन। १ पतरुस २ :२० ; मत्ती ५ :१० १५ तन्न इन थुंमी “खरीस्त ला परभु बाक्व” दे मेको कली ठेयब सलीन। गे गेना हना यो “इन थमा सुइक्तीके मार मं” दे हिल्लो पाइब आन कली लोत्र लेत्चा ठीक दुम्शा बाकनीन। बरम्शो थुंमी रिम्शो लोत्र पा लोत्र लेतीनी। १ पतरुस २ :२१-१४ १६ इन थुं डा मिम्तीक कली पाप रे डान वोतीन। इन कली शुक्शी पाइबपुकी खरीस्त आ नेंमी रिम्शो पशा तशा, मुने दोकमल। १ पतरुस ४ :६ १० मरिम्शो पशा श्यत जचा क्येडा ठीक पशा, श्यत जचा परमपरभु यावे आ दाक्शो बाक्व। १५ मारदे हना खरीस्त यो मुर नेल्ल आन पाप क्याम्चा कली साइक्चा पुंडसाक्व। ठीक पाइबमी ठीक मपाइब आन श्यत जाप्तु। मो पशा इं कली परमपरभु यावे आ बाक्तीक चाक्दीब। मोपतीके साइक्चा

पुंडसीशा यो, सेंचा पुंडसाक्व। ११ नोले मेको आ सोक्त लशा, जेल्लानमी बाक्शो सोक्त आन कली लोत्र पाप्तु। २० मेको सु बाक्तीकम देशा हना, साइ डांडती नोआहमी ठेयब डांगा सलानु, परमपरभु यावेमी रिम्ना रिम्न बाक्शो बाक्त। तन्न परमपरभु यावे कली काइ मटीब, नोआह आ पाला डा बक्शो मुर बाक्तीकम। ८ जेना मुर चहिं नोआह आ सल्ला डांगामी बाक्शा, ब्याक्कुरे बरांडचा ताम्तीकम। उत्पत्ती ७ :१७ ; २ पतरुस २ :५ २१ ब्याक्कुमी खरुम्शा गरुइतीक मेको नु गारचा डा बाक्व। मेकोमी इन कली मुल परांडब। इन रां चिकचा ममाइ, तन्न इन थुं डा मिम्तीक रिम्शो दुम्त, दे परमपरभु यावे कली पुंडतीके बाक्व। मेको नेल्ल येसु खरीस्त आ सेंसीशो रे जाक्व। एफिसी ५ :२६ ; हिब्रू १० :२२ २२ मेको स्वर्ग लशा, परमपरभु यावे आ ग्युरा गे बाक्व। परमपरभु यावे आ स्वर्ग डा गेय पाइबपुकी, अधिकार तशोपुकी नु सक्ति पाइशशा नेल्लमी मेको आ देशो टीनीम। एफिसी १ :२०-२१

### थमा सुइक्व श्यत जचा माल्नीम

१ दोपा खरीस्त रागीम बाक्शा, श्यत जवा, ४ मोपा गो नेल्ल श्यत जचा माल्लय, दे मिम्तीन। सु सु रागीमी श्यत जाइनीमी, मेको मरिम्शो पतीक कली परांडने थुम्शो बाकनीम। २ मिनु गे रागीमी बाकनी सम्म इन दला दाक्स मपथु, परमपरभु यावे आ दाक्शो पने। ३ डांडती परमपरभु यावे कली मतुइक्थु मारइ मारइ पाइतीनी, मुल मेको गाप्त। थमा मसुइक्वपुकीमी मार पाइनीम देशा हना, महिब दुम्शा आन दला दाक्स पाइनीम। दुक्शा बाकनीम, शुश जशा तूशा बाकनीम नु गरांगरा दिचा डा मूर्ति पूजा पाइनीम। एफिसी २ :२-३ ; तीतस ३ :३ ४ गे चहिं मुल मेको आन पशा सोदंशा मपाइनीनी। मोपतीके मेकोपुकी छक लाकनीम। मिनु इन पर्वम शुक्शी पाइनीम। ५ तन्न मेकोपुकीमी बक्शो नु बरांडशो मुर आन कली निसाफ पाइब आ डांडती मेको आ पर्वम लोत्र पचा माल्नीम। २ तिमोथी ४ :१ ६ मोपतीके बक्शो मुर आन कली यो परमपरभु यावे आ ग्येरपाइक्व लोत्र शंशो बाक्त। परमपरभु यावे सोदंशा पा सोक्तीम बरांडचा तामकल, दे रागीमी बाक्मानु, निसाफ पचा पुंडसाक्म। १ पतरुस ३ :१९

परमपरभु आ पपाइश्शो गेय

७ रागी नु रागीमी बाक्शो मारेइ मारेइ नुप्चा चिकशो बाक्त्वम। मोपतीक इन गेय पचा डांडती मिम्शा नु आंम रां कली अरशा प्रार्थना पने। १कोरिन्थी १०:३१; १यूहन्ना २:१८ ८नेल्ल क्यडा ठेयब मार बाक्व देशा हना, शुश दाक्मुचा बाक्व। मारदे हना दाक्मुतीकमी शुश पाप यो ग्याम्ब। हितोपदेस १०:३२; याकूब ५:२० १मगाइक्यु बास गमुने। १० परमपरभु यावेमी इन कली गेय का का पपाइश्शो बाक्व। मोदेशो पा वारच पमुने। परमपरभु यावेमी गेशो गेय रिम्शो पने। ११ सुमी लोत्र पाइबा, मेकोमी परमपरभु यावे आ खरुइश्शो लोत्र पवल। सुमी गेय पाइबा, मेकोमी परमपरभु यावे आ गेशो सक्तिमी पवल। मोपा नेल्लेमी यसु खरीस्त आ नेमी परमपरभु यावे कली ठेयब सल्मेकल। मेको छेड्छेड्मी बाक्शा, गेना हना यो सक्ति पाइश्शो बाक्व। आमेन। रोमी १२:७

थमा सुइक्व आन श्येत

१२मिनु आं दाक्शो लोकवपुकी, इन कली थुं थाम्चा डा श्येत शुश दुम्त हना, महिनीन। मेको मारेइ ममाइ। इन थमा सुइक्तीक नाक्चा कली बाक्व। १पतरुस १:६-७ १३गे खरीस्त आ श्येत जशो खोदेशो पा श्येत जाइतीनी हना, ग्यरसीने। मारदे हना आ छेड्छेड् पा जाक्ची ना शुश ग्यरनीनी। पररित ५:४१; याकूब १:२; रोमी ८:७ १४ खरीस्त आ नेमी श्येत जाइतीनी हना, आसीक ताइब दुम्नीनी। मारदे हना छेड्छेड् डा परमपरभु यावे आ सोक्त गे नु बाक्व। मत्ती ५:११; एफिसी १:३३ १५ गेपुकी मुर कली साइक्व, सुइ पाइब, ग्रांगरा दिचा डा गेय पाइब नु अरु आन कली ग्येत्य लुकच सल्शा, सजाइ तपाइक्व खोदेशो मदुमीन। १६ तन्न गे थमा सुइक्व दुम्शा, श्येत जाइतीनी हना, मुने मपने। यसु खरीस्त आ नेमी परमपरभु यावे कली ठेयब सेलीन। फिलिप्पी १:२० १७ निसाफ पची ना दुम्चशो बाक्व। परमपरभु यावे आ खिं डा मुर डांडती निसाफ पचा पुंडसीनीम। मिनु गो डांडती डा बाक्त्य हना, ग्यरपाइक्व लोत्र थमा मसुइक्व आन कली दोदेब दुम्बा? येरमीया २५:२९; इजीकीएल ९:६ १५ मिनु ठीक पाइब मुरपुकी हेरा बरांडचा मताइब दुम्तेक्म हना, थमा मसुइक्व नु मरिम्शो पाइबपुकी दादेशो दुम्नीमी? हितोपदेस ११:३१ ११ मोपतीक

परमपरभु यावेमी सु कली श्येत जचा गेबा, मेकोपुकीमी ठीक गेय पशा, आंम थुं परमपरभु यावे कली जिम्मा गेमेकल। परमपरभु यावेमी आ मुर आन कली गेनायो मपरांडब। भजन संगरह ३१:६

खाल्पा नु ठिटा आन कली अरेशो

१ गो इन खोदेशो खाल्पा नड। गो थमा सुइक्व आन दातेमी बाक्शो शंब खाल्पा इन कली अर्ती गेनुड। गो खरीस्त आ श्येत जशो तशो नड। मुल गो जाक्चशो छेड्छेड् डा मुर यो दुम्ती। २यूहन्ना ३; मत्ती २६:३७,६९; रोमी ८:१७ २ इन कली मार अर्ती गेनुड देशा हना, गे परमपरभु यावे आ योत्रशो मुर आन गोठला खोदेशो दुम्शा, मेको आन कली रिम्शो पा कोत्रडीन। इन थुंमी “आं मदाक्शो गेय बाक्व” दे मिम्शा ममाइ, तन्न “गो मेको गेय दाक्नुड” दे ग्यरशा पने। “क्यट चेम्नुड” दे मिम्शा ममाइ, तन्न रिम्शो शंतीक गेय शुश पने। यूहन्ना २१:१६; पररित २०:२८; १तिमाथी ३:२-७ ३ “गो परमपरभु यावे आ योत्रशा मुर आन कली हुकुम पाइब दुम्ती” दे ममाइ, तन्न मेको दोदेब दुम्चा माल्लीमी, इन पशो गेयमी कोइदीन। इजीकीएल ३४:२-४; २कोरिन्थी १:२४; तीतस २:७ ४ नेल्ल क्यडा ठेयब गोठला जाक्मेनु, गे गेना हना यो लोब परमपरभु यावे आ छेड्छेड् डा सिरपेच ताइनीनी। हिबेरू १३:२०; १कोरिन्थी ९:२५; २तिमाथी ४:८ ५ मिनु गे ठिटापुकी, शंब खाल्पा आन देशो लोत्र टिन। गे नेल्ल बरम्शो थुं पाइश्शो दुम्शा, गेय पमुने। मारदे हना परमपरभु यावेमी ठेयब लेश्शो मुर आन कली मेकोत्रब, बरम्शो थुं पाइश्शो मुर आन कली ला शिशी पाइब। एफिसी ५:२१; अय्युब २२:२९; हितोपदेस ३:३४; मत्ती २३:३२; याकूब ४:६

६ मोपतीक गेपुकीमी “नेल्ल सक्ति परमपरभु यावे केन बाक्व” दे आ देशो लोत्र बरम्शो थुंमी ठीक पा टिन। मो पाइतीनी हना, परमपरभु यावेमी आ मिम्ची ना इन कली ठेयब सल्ब। याकूब ४:६ ७ गेपुकीमी “मार जाइनीकी? मार त्नीकी? मार फक्नीकी? मार दुम्नीकी?” दे हिंशा, सुर्ता पचा ममाल्लीनी। मारदे हना परमपरभु यावेमी इन कली कोत्रब। भजन संगरह ५५:२१; मत्ती ६:२५; फिलिप्पी ४:६ ८ गेय पचा डांडती मिम्तीन। होस पा बाक्कीन। मारदे हना इन कली मदाक्व सेतानमी शात्रलु बक्शो

गुप्स खोदेशो पा “सु कली ब्याइनुडा” दे माल्ना माल्ना गाक्व। १थिस्सलोनिकी ५:६; लूका २२:३१; २कोरिन्थी २:११ १गोपुकीमी थमा सुइश्शा “गो सैतान कली तुइक्नुड” दे मको कली काइ मटिन। रागी नेल्ल डा थमा सुइक्व लाक्वपुकीम मोदेशो श्येत जाइनीम दे तुइक्नीनी।

### पतरुस आ गेशो आसीक

१०मिनु का निक्शी नाक्त श्येत जनी नोले नेल्ल शिशो पाइव परमपरभु यावेमी “गेना हना यो छुड्छुड्छमी बाक्वा गेनुडमी” दे खरीस्त आ नेमी इन कली बरेश्शो बाक्व। मकोमी इन कली आ राज्यम गारचा डा सक्ति पाइश्शो नु ठीक सेल्व। १पतरुस १:६ ११मको गेना हना यो नेल्ल क्येडा ठेयव बाक्व। आमेन।

### नोले डा लोत्र

१२गो सिल्वानस थमा सुइक्व लोक्व बाक्व, दे मिम्शा, आं बरेक्शो आइक्व चिठी मको नु सोइक्ताक्ड। गो इन कली परमपरभु यावे आ थमा शिशो मार बाक्म, मको शंताक्नी। मिनु गो मको तुइश्शा, थमा सुइक्वा मप्रांइथु बाक्कीन। पररित १५:२२ १३इन खोदेशो बेबीलोनम बाक्शो योत्रशोपुकीमी यो इन कली “रिम्शो बाक्कीन” दे आं कली बरेक्पाइक्तीमी। मिनु आं ती मकूसमी यो मो देत। रतिमोथी ४:११ १४ग दाक्मुशा, परभु आ नेमी मुम्मुने। परमपरभु यावेमी खरीस्तम बाक्शो नेल्ल इन कली थु नाइक्वा गोवत।

## २ पतरुस

बरेकब मुरः पतरुसमी एको चिठी थमा सुइक्व आन कली नोले बरेकशा बाक्त ।

गना बरेकशाः एको चिठी डांइती डा क्येडा इक्का नोले ६४-६५ ए. डी.मी मर बरेकशा बाक्त ।

मार बरेकशाः पतरुसमी थमा सुइक्व आन कली परमपरभु यावे आ लोत्र पाइब आन बरेकशा लोत्र तुइइशा नु होस पा बाक्कीन, दे अरशा बाक्त । मारदे हना मेको आन दाते र दूली शंब बोक्तेकम । मेको दूली शंबपुकी दोदंशा बाक्नीमदंशा हना,

१. परभु येसु खरीस्त परमपरभु यावे आ तौ मबाक्व ।

२. क्येट शुश दाक्व बाक्नीम ।

३. मरिम्शा पचा मुने मपाइनीम ।

४. नक नु बोल्यो मदुम्शो थमा सुइक्व आन कली हंथे लो कोइनीम ।

### डांइती डा लोत्र

१गो येसु खरीस्त आ वाइल नु आ सोइइशा, **१** सिमोन पतरुस नड्ड । इं परमपरभु यावे नु पाप र परांइब येसु खरीस्त र पा ठीक दुस्तय, दे थमा सुइइशा, थुं का दुस्तय । मोपतीक इन कली एको चिठी बरेक्ताकड्ड । २ परमपरभु यावे नु परभु येसु कली तुइक्तीकमी शिशो नु इन थुं नाइक्तीक बारना बारन लल ।

### थमा सुइक्वा नु गेय गारचा माल्व

३ परमपरभु यावे आ सक्तिमी बरांइचा नु परमपरभु यावे आ डांइती बाक्का कली मार मार माल्या, मेको नेल्ल इं कली मो गेप्टु । दोपा गेप्टु दंशा हना, मेको कली तुइक्तीक गेप्टु । आ छेड्छेड्डीमी बाक्का नु आ पतीक नेल्ल पचा कली योत्रतु । १ पतरुस २ : ४ ४ मोपा आ नेल्ल क्येडा ठेयब थोक्शा पशो लोत्र गेप्टु । मेको तुइइशा, गेपुकी रागी डा मुर आन दला दाक्स पतीक र बरांइशा, पराक्न चान्नीनी । मोपा गेपुकी परमपरभु यावे आ पशो सोदंशा पाइब दुम्नीनी । ५ मोपतीक गे इन थमा सुइक्तीक नु इन पशो गेय गारचा माल्व । इन पशो गेय नु “परमपरभु यावे आ दाक्शा मार बाक्म ?” दे तुइक्वा माल्नीनी । गलाती ५ : ६, २२ ६ इन तुइक्तीकमी आंमा अरसीचा माल्नीनी । आंमा कली अरसीतीक, पपाइक्तीक नु थमा सुइक्तीक

मपरांइनुड, दे सोइली थक्शा बाक्का माल्नीनी । इन सोइली थक्शा बाक्तीकमी परमपरभु यावे सोदंशा पा गेय पने । ७ परमपरभु यावे सोदंशा पा गेय पशा, थमा सुइक्व आन कली आंम इन लोक्व सोदंशा पचा माल्नीनी । लोक्व सोदंशा पा दाक्का माल्नीनी । गलाती ६ : १० ८ गेपुकी मोदंशा शुश पाइतीनी हना, इं परभु येसु खरीस्त कली तुइक्तीकमी रिम्शा पा शुश फल सिइशा सोदंशा दुम्ब । ९ सुम मोदंशा मपाइबा, मेको ब्रा ब्रा पा ताइब बाक्व । मेको मुर आ डांइती पशो पाप क्याम्शो बाक्व, दे परंशा बाक्व । १० यहुन्ना २ : ९, ११ १० मोपतीक आं लोक्वपुकी, गेपुकीमी “गो बरेशा नु योत्रशो मुर बाक्नीकी” दे गना हना यो मिम्चा माल्नीनी । मो पाइतीनी हना, गे गनायो नोले मशांइसीनीनी । ११ मिनु नोले पाप र परांइब इं परभु येसु खरीस्तमी इन कली आ गेना हना यो लीब राज्यमी रिम्शा पा ओत्रचा गेब ।

१२ मोपतीक गो इन कली नेल्ल नाक्ती मोदंशा मिम्पाइक्नुड । गेपुकी मेको तुइइशा नु थमा शंतीक पाइब दुम्तीनी हना यो, गो इन कली मिम्पाइक्नुड । १३ गो बरांइडा सम्म इन कली मिम्पाइक्वा रिम्शो बाक्व, दे मिम्नुड । २ कोरिन्थी ५ : १ १४ इं परभु येसु खरीस्तमी “गे शुश नाक्त मलीनेवे” दे कोइताक्यी । यहुन्ना २१ : १८-१९ १५ मिनु आं लचा नोले गे नेल्ल नाक्ती आं शंशो मिम्ने चान्नीनी, दे शुश गेय पना पन बाक्नुड ।

### छिड्छिड्डीम बरशा बत्ती

१६ गोपुकीमी इन कली इं परभु येसु खरीस्त आ सक्ति नु आ रागीम जाक्शा आ पर्वम मुर आन सल्लशा कथा मशंदक । तन्न गोपुकीमी “येसु खरीस्त नेल्ल क्येडा ठेयब बाक्व” दे आंम आंइ मिक्चीम ताइतक । १७ इं आफ परमपरभु यावेमी मेको कली मान पशा, आ छेड्छेड्डी तपाइइशा “मेको आं दाक्शा तौ बाक्व । मेको कली तशा, गो ग्येरसाक्यी” दंशा संदा छेड्छेड्डी र गस्त । मती १७ : ५ १८ गोपुकीमी मेको संदा सरीड र नंतक । मारदे हना गोपुकी मेको नु परमपरभु यावे आ डांडाम बाक्शा नकी । १९ मिनु गोपुकीमी साइ डा परमपरभु यावे आ लोत्र पाइब आन पशो लोत्र मुल रिम्शो पा रुतक । गे यो परमपरभु यावे आ साइ डा लोत्र पाइब आन बरेकशा लोत्र रुन्वा नु तुइक्वा कली छिड्छिड्डीमी बरशा बत्ती सोदंशा पा होस पा बाक्कीन । मिनु नोले इन थुंमी सुक्कुर सोरुल सोदंशा पा छेड्छेड्डी दुम्नीनु, आन

बरेकशा नेल्ल रुप्नीनी। भजन संगरह ११९:१०५  
२० गेपुकी डांडती मार रुप्चा माल्नीनी दंशा हना,  
परमपरभु यावे आ साइ डा लोत्र पाइब आन  
बरेकशा लोत्र मुर आन मिम्शा लोत्र ममाइ,  
२१ मुर आन थुं र मपीब। तन्न परमपरभु यावे आ  
सोक्तीम आ मुर आन कली सुम्शा, परमपरभु  
यावे आ लोत्र बरेकपाइशा बाक्व, दे रुप्चा  
माल्नीनी। ११ तिमोथी ३:१६-१७

दूली शंबपुकी

यहूदा ३-१९

१ साइ डांडती परमपरभु यावे आ लोत्र  
२ जोल पा दूली शंबपुकी बाक्मा बाक्त।  
मुल मोदंशो जोल पा शंबपुकी इन गरुस्तीक  
खिमी यो जाक्नीमी। मेकोपुकीमी खरुइशामी  
खतम सेल्ब शंतीक शंनीमी। परभुमी मेको आन  
कली ग्याप्शा यो, मेकोपुकी “गो मेको कली  
मतुइक्नुड” दे जाम्शा लाइब बाक्नीम। मत्ती  
२४:११; ११ तिमोथी ४:१ २ शुशमी आन शंशा  
नंशा, हेंथ पा दला दाक्स यो पाइनीम। मुरपुकीमी  
मेको आन कली तशा थमा लां कली शुक्शी लोत्र  
पाइनीम। ३ मेको आन शीम पतीकेमी इन कली  
दूली लोत्र पा, इन क्येट योल्नीम। मेकोपुकी  
डांडती र नरक लचा चिक्शा बाक्नीम।

४ का निक्शी परमपरभु यावे आ स्वर्ग डा  
गेय पाइबपुकी यो पाप पतीके शिशी मताम।  
परमपरभु यावेमी मेको आन कली नरकमी  
ताइशा, नेल्ल क्यंडा मरिम्शा बाक्तीकेमी  
साइक्ताक्मी। मिनु निसाफ पची नाक्त सम्म  
छिडछिडमी चोक्शा वोइक्तीमी। ५ मिनु  
परमपरभु यावेमी साइ डा मुर आन कली  
शिशी मपथु, नोआह ला ठीक पाइब बाक्तीक  
मेको नु अरु ७ जना आन कली ला श्यत र  
प्रांइतीमी। मेना परमपरभु यावेमी रागी नेल्ल  
व्याक्कुमी बरीपाइशा, आ कली मटीब आन  
कली साइशा बाक्त। उत्पत्ती ८:१८; १ पतरूस  
३:२०; २ पतरूस ३:६ ६ परमपरभु यावेमी  
सोदोम नु गोमोररा माइशा सहर निक्शी  
कली मीम करोइशा, पुतु सेल्शा बाक्त।  
मेको मटीब आन कली कांडतीक चिनु बाक्त।  
उत्पत्ती १९:२४-२५ ७ परमपरभु यावेमी ठीक  
पाइब लोत माइशा मुर कली श्यत र प्रांइशा  
बाक्त। लोतमी पाप पाइब आन कली तशा,  
आ थुं शुश मनुशा बाक्त। ८ मारदे हना मेको  
ठीक पाइबमी नाक्त कित कित आन गरांगरा  
दिचा डा गेय तशा नु नंशा, आ ठीक मिम्तीक

थुं शुश साइशा बाक्त। ९ परमपरभु यावेमी  
चहिं आंम कली टीब मुर आन कली “दोपा थुं  
थाम्चा डा श्यत र गरुइनुडा” दे तुइक्व।  
मिनु ठीक मपाइब आन कली सजाइ गेचा कली  
निसाफ पची नाक्त सम्म वोइक्व। १० कोरिन्थी  
१०:१३ १० मिनु सु सु आन दला दाक्स नु गरांगरा  
दिचा डा गेय पाइनीमी नु अधिकार गशा आन  
कली मटीनीमी, मेकोपुकीमी नेल्ल क्यंडा शुश  
सजाइ ताइनीम। मोदंशो जोल पा शंब काइ  
महिंब दुम्शा, ठेयब लेशा, थमा सुइक्व आन  
कली शुक्शी पचा महिनीम। ११ तन्न परमपरभु  
यावे आ स्वर्ग डा गेय पाइबपुकी मेको आन  
क्यंडा ठेयब नु सक्ति पाइशा बाक्तेकम  
हना यो, मेको जोल पा शंब आन कली परभु  
आ डांडती दोस मगेनीम। १२ मेको दूली शंब  
ममिम्ब ग्याइक्चा नु साइक्चा पुंडसीचा कली  
जरमेशो बस्तु भाव सोदंशो पा, आन तुइशा  
ला पाइनीम। मेकोपुकीम काइ मरुनीम। तन्न  
शुक्शी पाइनीम। मिनु बस्तु भाव सोदंशो पा  
खतम दुम्नीम। १३ आन मरिम्शा पशा आ पर्वम  
मरिम्शा पाइक्चा पुंडसीनीम। नाक्तीम आन  
दला दाक्स पशा ग्यरशा बाक्नीमी। गेपुकी नु  
भोज जशा, मुने दोक्चा डा पा इन गरुस्तीक  
खिं मरिम्शा लुम्सीशा सेल्ब बाक्नीम।  
१४ मेकोपुकीमी मुर आन मीश तशा वाल्नीम।  
पाप पचा गेनायो “मोक्ल” मदेनीम। सक्ति  
मपाइशा थमा सुइक्व आन कली लेम्शा,  
आंम दूली लां सोइक्पाइक्नीमी। मेकोपुकी शीम  
बाक्नीम। मिनु सराप रशा मुर बाक्नीम। १५ ठीक  
लां प्रांइशा, हेंथ गाक्शा, बेओर आ तो बालाम  
माइशा मुर सोदंशो दुम्तेकम। बालाममी मार  
पशा बाक्त दंशा हना, मरिम्शा गेय पतीक  
र ताक्शा क्येट शुश दाक्शा बाक्त। गन्ती  
२२:१७-३५ १६ मेकोमी मरिम्शा मिम्शा पचा  
चिक्तानु, हुइक्चा पुंडसे बाक्त। दोपा हुइक्चा  
पुंडसे बाक्त दंशा हना, मव्वाक्व गधामी मुर आ  
संदामी लोत्र पवा बाक्त। मिनु परमपरभु यावे  
आ लोत्र पाइब कली मेको आ मरिम्शा गेय र  
तेक्गा बाक्त। १७ मेको दूली शंबपुकी व्याक्कु  
मयीब धारा नु फशम बरपाइशा गोस्स सोदंशो  
बाक्नीम। मेको नेल्ल क्यंडा छिडछिड डा  
बाक्तीकेमी वोइक्चा पुंडसीनीम। १८ मेकोपुकीमी  
हेंथ लोत्र पा पाप र प्रांइचा पुंडसीशा नक  
थमा सुइक्व दुम्शा मुर आन कली आन हेंथ  
पतीके गरांगरा दिचा डा गेय पपाइक्नीम।  
१९ मेकोपुकीमी “गे पाप र प्रांइशा मुर बाक्नीनी”

दे लोत्र पाइनीम। तन्न गरांगरा दिचा डा गेय आन वाइल बावनीम। मार मारमी मुर आन कली गराबा, मेको आन वाइल दुम्नीम। गलाती ५ :३३ ; १पतरुस २ :१६ २० मुरपुकी इं परभु येसु खरीस्त कली तुइक्तीकमी रागी रागी डा मुर आन पाप रे बरोइशो बाक्तेकम हना, मेको लेंशा पापमी मुर कली गरात हना, मेको पाप आ वाइल दुम्नीम। मेको आन कली डाइती डा दुम्तीक क्यडा नोले शुश मरिम्शो दुम वा। मत्ती १२ :४५ २१ मुरपुकीमी ठीक लां गाक्चा तुइश्शा यो, मेको डाइती रे पाप रे डोन बाक्चा, दे परमपरभु यावे आ अरेशो लोत्र परांइशा, पापम लेक्तेकम हना, मेको तुइक्चा क्यडा गेनायो मतुइश्शा हना रिम्शो दुम वा। लूका १२ :४७-४८ २२ मिनु मुर आन देतीक लोत्र “कुचुममी आ मेशो लेंशा जाइब।” मिनु “पोत्र कली गिश चिक्शा हना यो, लेंशा गरांगरामी गरुम्दीब” देशो लोत्र थमा बाक्ब। हितोपदेस २६ :११

येसु आ जाक्ची नाक्त

३ १ आं दाक्शो लोकबपुकी, गो इन कली चिठी निक्शी बरक्ताकडा। गो एको चिठी निक्शीमी इन थुंमी मिम्पाइश्शा फरुक्पाइक्ता। २पतरुस १ :३३ २ इन कली मार फरुक्पाइक्चा दाक्ताकडा देशा हना, परमपरभु यावे आ साइ डा लोत्र पाइब आन बरक्शो लोत्र फरुक्पाइक्चा दाक्ताकडा। पाप रे परांइब परभु आ अरेशो लोत्र इन कली मिम्पाइक्चा दाक्ताकडा। इन शंबपुकीमी इन कली शंताकम। ३ नोले डा नाक्त शुक्शी पाइबपुकी जाक्नीमी, दे तुइक्चा माल्नीनी। मेकोपुकीमी शुक्शी पा, आम दला दाक्स पाइनीम। १तिमोथी ४ :१ ; यहूदा १८ ४ मेकोपुकीमी “लेंशा जाक्नुड देब, ते जाक्म ? इं किको पिपी बरक्शो बाक्तेकम। रागी सल्ला रे ओदेशो बाक्त” देनीमी। यसैया ५ :१९ ; इजीकीएल १२ :२२ ; मत्ती २४ :२८ ५ मेको शुक्शी पाइबपुकीमी “डाइती परमपरभु यावेमी लोत्र पशा, सरीड कली मसेल। रागी नु ब्वाक्कु यो मफरादीम्सी” दे शंनीम। मत्ती २४ :३८ ; उत्पती १ :२,६,९ ; भजन संगरह २४ :२ ६ मेना रागी नु मुर नेल्ल आन कली ब्वाक्कुमी खरुम्शा सदा बाक्त। २पतरुस २ :५ ; उत्पती ७ :२१ ७ मुल सम्म बाक्ब सरीड नु रागी कली “बाक्ल” दे परमपरभु यावेमी खाल का डा लोत्र पशा, वोदा बाक्त। परमपरभु यावेमी रागी नु मटीब मुर

नेल्ल आन कली मीम करोइक्चा, दे निसाफ पची नाक्त सम्म कली वोइश्शो बाक्त।

८ मिनु आं दाक्शो लोकबपुकी, परभु कली नाक्त का हजार का बर्स खोदेशो बाक्ब। मिनु हजार का बर्स नाक्त का खोदेशो बाक्ब। भजन संगरह १० :४ १ परभुम आ देशो लोत्र ठीक पा पाइब। तन्न का निक्शी मुरपुकीमी “परभुम आ देशो मपाइब। नोले ला जाक्ब” देनीम। तन्न परभुमी “सुइ जाम्शा मलमल। आं गे लेम्मल” दे रिम्ब। हबक्कु २ :३ ; १तिमोथी २ :४ १० परभु जाक्मनु, सुइ जाक्शो खोदेशो पा जाक्ब। मेना सरीड ठेयब रेयक पा जाम्ब। मारइ मारइ गरोइश्शा नुप्नीम। रागी नु रागीम बाक्शो मारइ मारइ मीम खतम दुम्नीम। १थिस्सलोनिकी ५ :२-३ ; मत्ती २४ :२९ ; प्रकाश २० :११ ; यसैया २४ :१९

११ मोदेशो दुम्मेनु, नेल्ल मीम गरोइश्शा, मारइ मलीब। मोपतीके गपुकी परमपरभु यावे कली थमा सुइश्शा, आ देशो लोत्र टिशा, पाप रे डोन बाक्शा, परमपरभु आ नेक्शा बाक्चा माल्नीनी। १२ गपुकी परमपरभु यावे आ नाक्त जाक्ब, दे रिम्शा नु गेना दुम्बा, दे मिम्स डा मिम्स बाक्चा माल्नीनी। मारदे हना मेना सरीड नेल्ल मीम गरोइश्शा नुप्ब। मार मार बाक्म, मेको नेल्ल मीम गरोइश्शा नुप्नीम। १३ तन्न आ डाइती देशो “नक सरीड नु नक रागी सल्लुड। मेकर नेल्ल रिम्शो नु ठीक ला पाइनीम” देशो लोत्र रिम्नय। यसैया ६५ :१७ ; प्रकाश २१ :१ ; प्रकाश २१ :२७

१४ आं दाक्शो लोकबपुकी, मोदेशो रिम्शा, गल्ली मपाइब नु दोस मताइब दुम्चा कली शुश गेय पने। परमपरभु यावेमी इन कली मोदेशो पशो नु थुं नाइश्शा बाक्शो गरुम्चा दाक्ब। १कोरिन्थी १ :७-८ १५ परभु आ रिम्ना रिम्न बाक्तीक मुर आन कली पाप रे परांइचा बाक्ब, दे मिम्तीन। इं दाक्शो लोकब पावलमी आं खोदेशो पा, इन कली आ तशो तुइक्तीकमी चिठी बरक्ताकव। रोमी २ :४ १६ मेको आ पर्वम आ चिठी नेल्लेमी लोत्र पाइब। पावल आ बरक्शो लोत्र का निक्शी रुप्चा कली श्यत बाक्ब। मजोक्ब नु थमा मसुइक्ब मुरपुकीमी मेको दूती शंनीम। परमपरभु यावे आ बरक्पाइश्शा अरु लोत्र यो दूती शंनीम। मोपा आंमा जाम्शा लाइब दुम्नीम।

नोले डा लोत्र

१७ मोपतीके आं दाक्शो लोकवपुकी, गे मेको  
डोइती रे तुइश्शा, होस पा बाक्कीन। मोपा  
मबाक्तीनी हना, गपुकी दूली शंब आन दूली

शंतीके खोइश्शा, इन थमा सुइक्तीके साम्नीनी।  
१८ तन्न इं परमु, इं कली पाप रे परांडब येसु  
खरीस्त आ शिशी नु मेको कली तुइक्तीकम  
बारना बारन लल। मेको कली मुल नु गना हना  
यो ठयब सत्य। आमन।

## १ यूहन्ना

बरेक्ब मुरः एको चिठी येसु आ शेंसीब, यूहन्नाम डांडती बरेक्शो बाक्ब। चिठी बरेक्ची ना मेको खाल्पा दुम्शो बाक्त।

गेना बरेक्शोः एको चिठी गेना बरेक्शो बाक्मे, ठीक पा मतुइक्नीम। दूली शंबपुकी १०० ए. डी. क्येडा डांडती जाक्शो बाक्तकम। मेको आन पर्वम लोत्र बरेक्शो बाक्ब। मोपतीके मेना बरेक्शो बाक्ब, दे मिम्सीब।

मार बरेक्शोः

१. ठीक पा थमा सुइश्शो कांडतीके यूहन्ना १:२-२:२७

२. परमपरभु यावे आ मुर दुम्शो दोपा तुइसीबा यूहन्ना २:२८-४:२१

थमा सुइक्ब आन कली ठेयब शेंतीके

१नेल्ल क्येडा डांडती रे बाक्शो, सु बाक्त १ देशा हना, बरांडचा गेब लोत्र माइश्शो बाक्त। गोपुकीमी मेको आ लोत्र नंतक। आंड मिक्चीमी ताइतक। आंड मिक्चीमी कोव्रतक। आंड गुइमी थीतक। यूहन्ना १:१; यूहन्ना १:१४; यूहन्ना १:४ २मेको बरांडचा गेब लोत्र माइश्शो रागीमी तपांडसीचा पुंडसाक्ब। मिनु गो मेको कली ताइतक। मोपतीके गोपुकीमी मेको आ लोत्र शेंनीकी। मिनु इन कली यो गेना हना यो, इं आफ नु बाक्चा आ पर्वम शेंनीकी। मेको गेना हना यो बरांडशा बाक्तीक माइश्शो डांडती आ आफ परमपरभु यावे नु बाक्त। मिनु परमपरभुमी मेको आंड कली कांडताक्ब। ३मिनु आंड तशा नु नेशो इन कली शेंनीकी। मारदे हना गो नेल्ल थुं का डा दुम्यत्त। मिनु गो नेल्ल इं आफ परमपरभु यावे नु आ तौ येसु खरीस्त नु थुं का डा बाक्नय। ४गो नेल्ल इं थुं ग्येरसीशा बाक्च, दे एको चिठी बरेक्शा, इन कली सोइक्ताक्क। १यूहन्ना ५:१३; यूहन्ना १५:११; यूहन्ना १६:२४

परमपरभु छेड्छेड् बाक्ब

५मेकोमी आंड कली नंपाइश्शो लोत्र इन कली शेंनीकी। मार लोत्र शेंनीकी देशा हना, परमपरभु यावे छेड्छेड् बाक्ब। मिनु मेको नु छिड्छिड् काइ मबाक्ब। याक्ब १:१७ ६गोपुकीमी छिड्छिड्म गाक्शा यो “परमपरभु यावे नु थुं का डा बाक्नय” दंतय हना, जोल्फ दुम्यत्त। थमा गेय मपाइनय।

१यूहन्ना २:४ ७मेको छेड्छेड्मी बाक्शो खांदशा पा, गो छेड्छेड्मी गाक्तय हना, अर्का थमा सुइक्बपुकी नु थुं का डा दुम्यत्त। मिनु आ तौ येसु आ हुशमी इं मरिम्शो पशो नेल्ल क्याम्ब। हिबरू ९:१४; परकाश १:५ ८गोपुकीमी “मरिम्शो काइ मपक” दंतय हना, इं आंमा मिक्ब सिल्शो बाक्नय। इं थुं आगामी थमा मबाक्ब। ९गोपुकीमी “मरिम्शो पाइतक” दंतय हना, इं मरिम्शा पतीके क्याम्शा, इं कली शेक्ब। मारदे हना मेको आ देशो पाइब नु ठीक पाइब बाक्ब। भजन संगरह ३२:३-५; हितापदेस २८:१३ १०गोपुकीमी “मरिम्शो काइ मपक” दंतय हना, मेको कली जोल्फ सल्लय। मिनु आ देशो लोत्र इं थुंमी मलीब। रोमी ३:१०-१८

पाप रे परांडब येसु खरीस्त बाक्ब

१मिनु आं आलपुकी, इन कली मारदे २ बरेक्ताक्क देशा हना, गो इन कली “मरिम्शो मपन” देचा कली बरेक्ताक्क। मिनु थमा सुइक्ब कामी पाप पाप्नु हना, मेको आ पर्वम आ आफ कली पुंडब का बाक्ब। मेको पुंडब सु बाक्ब देशा हना, मेको नेल्ल ठीक पाइब येसु खरीस्त बाक्ब। २दोपा नेल्ल ठीक पाप्नु देशा हना, मरिम्शो पाइब आन बेक्तीकीमी साइक्चा पुंडसाक्ब। इं पाप कली ला ममाइ, तन्न रागी नेल्ल डा मुर आन पाप क्याम्चा कली यो साइक्चा पुंडसाक्ब। १यूहन्ना ४:१०; कलस्सी १:२०; यूहन्ना ११:५१-५२ ३मिनु गोपुकी येसु खरीस्त आ मुर दुम्शो, दोपा तुइक्नय देशा हना, परमपरभु यावे आ अरेशो लोत्र पना पन बाक्तीक येसु खरीस्त कली थमा पा तुइक्नय। ४मिनु सुमी “गो येसु खरीस्त आ मुर दुम्शा, मेको तुइक्नुड” देबा, तन्न आ अरेशो लोत्र मटीबा, मेको जोल्फ बाक्ब। मोदंशो मुर आगामी परमपरभु आ थमा पतीके मबाक्ब। ५सु चहिं आ देशो लोत्र पना पन बाक्बा, मेको मुरुमी परमपरभु यावे कली थमा पा दाक्ब। मोदंशो दुम्शो मुरुमी “गो येसु खरीस्त आ मुर दुम्ती” दे तुइक्ब। यूहन्ना १४:२१-२३ ६मिनु सुमी “गो येसु खरीस्त नु बाक्नुड” देबा, मेको येसु खरीस्त खांदशा दुम्चा माल्ब। यूहन्ना १३:१५; १पत्रुस २:२१-२३

थमा सुइक्ब आन दाक्मुशो

७आं दाक्शो थमा सुइक्ब लोकबपुकी, गो इन कली नक अरेशो लोत्र मबरेक्तु। एको

अरशो लोत्र माइत बाक्व। गेपुकी मेको डांडती रे पाइनीनी। मिनु गे मेको माइत अरशो लोत्र नंशो बाक्तीनी। यूहन्ना ११:३४; २यूहन्ना :५ मिनु मेको बरक्शा यो गो इन कली नक अरशो लोत्र बरक्नुड। मारदे हना मेको नक अरशो लोत्र येसु खरीस्तमी खाप्तु। मिनु गेपुकी यो पाइनीनी। गो मेको मारदे बरक्ताकड दंशा हना, मुल छिडछिड जाम्ना जाम्न लाइब। मिनु थमा छेडछेड बारना बारन बाक्व। यूहन्ना ८:१२; रोमी १३:१२ १ मिनु सुमी “गो परमपरभु यावे आ छेडछेडमी बाक्नुड” देबा, तन्न आ लोक्व आन कली मदाक्वा, मेको छेडछेडमी ममाइ, छिडछिडमी बाक्व। १यूहन्ना ४:२० १०सु चहिं आ थमा सुइक्व लोक्व आन कली दाक्वा, मेको छेडछेडमी गाक्ना गाक्न बाक्व। मोदंशो दुम्शो मुरुमी मरिम्शो गेय मपाइब। ११सु चहिं आ लोक्व आन कली मदाक्वा, मेको मुर छिडछिडमी गाक्व। मिनु ते लाइबा मतुइक्व। छिडछिडमी मेको कली मिक्व मताइब सल्ब।

### रागी नु रागी डा थोत्रक

१२आं दाक्शो तमी तौपुकी, गो इन कली मारदे बरक्ना बरक्न बाक्ती दंशा हना, इन पशो मरिम्शो नल्ल येसु खरीस्त आ नमी क्याम्सीशो बाक्त। मोपतीक गो इन कली बरक्ना बरक्न बाक्ती। १३आम आफपुकी, गो इन कली मारदे बरक्ना बरक्न बाक्ती दंशा हना, गे मेको डांडती रे बाक्व कली तुइक्नीनी। मोपतीक गो इन कली बरक्ना बरक्न बाक्ती। ठेयब वोइश आलपुकी, गो इन कली मारदे बरक्ना बरक्न बाक्ती दंशा हना, गे सेतान कली गरातीनी। मोपतीक गो इन कली बरक्ना बरक्न बाक्ती। मिनु आं तमी तौपुकी, गो इन कली मारदे बरक्ताकड दंशा हना, गे इं आफ परमपरभु यावे कली तुइक्नीनी। मोपतीक गो इन कली बरक्ताकड। यूहन्ना १:१ १४ मिनु आं आलपुकी, गो इन कली मारदे बरक्ताकड दंशा हना, गे इं आफ कली तुइक्नीनी। गो आम आफ इन कली मारदे बरक्ताकड दंशा हना, गे डांडती रे बाक्व कली तुइक्व बाक्नीनी। गो ठेयब वोइश आल इन कली मारदे बरक्ताकड दंशा हना, गेपुकी बोल्यो दुम्तीनी। गे परमपरभु यावे आ लोत्र इन थुमी वोइशशा, सेतान कली गरातीनी। मोपतीक गो इन कली बरक्ताकड। एफिसी ६:१०; १५ गेपुकी रागी नु रागी डा थोत्रक कली मदाक्तीन। सु चहिं रागी कली दाक्वा, मेको आ थुमी इं आफ,

परमपरभु यावे आ दाक्शो मबाक्व। याक्व ४:४ १६ मिनु रागीमी मार बाक्व दंशा हना, मेको मुर आन रागी मार मार पचा दाक्नीमी, मेकोन पाइनीमी। मेको आन मिक्नीमी मार मार कोत्रचा दाक्नीमी, मेकोन कोत्रथ लाइनीम। आन शुश शांप आ पर्वम ठेयब लेतीक इं आफ परमपरभु यावे रे ममाइ, रागी डा मुर आन पतीक बाक्व। १७ मिनु रागी नु रागी डा मुर आन दाक्शो नल्ल जाम्ब। सु चहिं परमपरभु यावे आ दंशो पाइबा, मेको मुर गना हना यो बरांइशा बाक्व।

### दूली शंब जाक्तेक्म

१५आं तमी तौपुकी, रागी जाम्बशो बाक्व। दोपा तुइक्ताक्य दंशा हना, खरीस्त आ पर्वम दूली शंब का जाक्व, दे डांडती रे तुइइशो ननी। खरीस्त आ पर्वम दूली शंब शुश जाक्तेक्म। मोपतीक रागी जाम्बशो बाक्त, दे तुइक्ताक्य। १पतरुस ४:१७; मती २४:२४; २थिस्सलोनिकी २:३-४ ११ मेको दूली शंबपुकी इं दाते रे गरुतेक्म। मेकोपुकी चहिं इं सोदंशो पा येसु खरीस्त कली थमा सुइक्व मनम। इं सोदंशो पा येसु खरीस्त कली थमा सुइक्व नम हना, गोपुकी नु काथा बाक्म वा। तन्न इं दाते रे गरुशा लाम्तेक्म। मिनु इं सोदंशो पा येसु खरीस्त कली थमा सुइक्व मनम, दे तुंइसीब। पररित २०:३०; १कोरिन्थी ११:१९ २० येसु खरीस्तमी इन कली परमपरभु यावे आ सोक्त गप्तु। मोपतीक नल्ल तुइक्नीनी। २१ इन कली एको लोत्र मारदे बरक्ताकड दंशा हना “गे मतुइक्व ननी” दे ममिन्नुड। थमा लोत्र तुइक्नीनी। मिनु मेको इन तुइइशो थमा लोत्र क्यडा जोक्व सल्वा, दे बरक्ताकड। थमा शंतीकमी येसु खरीस्त आ पर्वम जोल मबाक्व। २२ दूली शंबमी मार शंब दंशा हना “येसु खरीस्त परमपरभु यावे आ सोइइशो ममाइ। परमपरभु यावे नु आ तौ पोबु मनसी” दे शंब। मेको खरीस्त आ पर्वम दूली लोत्र शंब बाक्व। २३ सु सुमी “येसु खरीस्त परमपरभु यावे आ तौ ममाइ” दे शंनीमी, मेको इं आफ परमपरभु यावे नु थुं का डा मबाक्नीम। सु सुमी चहिं “येसु खरीस्त परमपरभु यावे आ तौ बाक्व” दे शंनीमी, मेको इं आफ, परमपरभु यावे नु थुं का डा बाक्नीम। यूहन्ना ५:२३; १यूहन्ना ४:१५ २४ मिनु इन डांडती रे नंशो शंतीक मिम्शा बाक्तीन। इन डांडती रे नंशो शंतीक मिम्शा बाक्तीनी हना, गेपुकी इं आफ, परमपरभु यावे नु आ तौ नु थुं का डा दुम्शा बाक्नीनी। २५ परमपरभु

यावेमी “गो इन कली गेना हना यो बरोइशा बाक्वा गेनुड” देशो बाक्व ।

२६ मुर का निक्शीमी इन कली दूली शंनीमी । मोपतीक गो इन कली एको लोत्र बरक्ताकड । २७ येसु खरीस्तमी इन कली परमपरभु यावे आ सोक्त गप्तु । मिनु मेको गोपुकी नु बाक्व । मेको परमपरभु यावे आ सोक्त गोपुकी नु बाक्वमनु, अर्को शंब ममाल्नीनी । परमपरभु यावे आ सोक्तमी इन कली नेल्ल शंना शंन बाक्व । मेको आ शंशा थमा बाक्तीक जाल मदुम्ब । मेकोमी डांडती इन कली शंशा टिशा, मेको नु थुं का डा दुम्शा, बाक्कीन । यूहन्ना १६ :१३ ; २कोरिन्थी १ :२१-२२ ; येरमीया ३१ :३४

२८ आं तमी तौपुकी, येसु खरीस्त नु थुं का डा दुम्शा बाक्कीन । मेको यिमेनु, गोपुकी महिब दुम्ने चाय्यल । मेको आ डांडती मुने मदेक्यल । २९ “येसु खरीस्त नेल्ल ठीक पाइब बाक्व” दे तुइक्ताकनी हना, सु सुम ठीक पाइनीमी, मेको नेल्ल परमपरभु आ आलपुकी नमी, दे तुइक्नीनी । १ यूहन्ना ३ :१७-१७

परमपरभु आ आल दुम्शो

३ १ इं आफोमी इं कली शुश दाक्शा “परमपरभु यावे आ तमी तौ” दे नें वोइशो बाक्त । मिनु गोपुकी आ तमी तौ दुम्तय । मोपतीक रागी डा मुरपुकीमी इं कली मतुइक्नीम । मारदे मतुइक्नीम देशा हना, मेकोपुकीमी येसु खरीस्त कली यो मतुइक्नीम । यूहन्ना १ :१२ ; यूहन्ना १६ :३ २ आं दाक्शा लोकवपुकी, मुल गोपुकी परमपरभु यावे आ आल दुम्तय । नोले गो दोदेशो दुम्नया, मारदे मतुइक्नय । मिनु येसु खरीस्त गरुमेनु, गोपुकी मेको खोदेशो दुम्नय । दोपा मेको खोदेशो दुम्नय देशा हना, गोपुकी मेको कली दोदेशो बाक्म, दे तशा, मेको खोदेशो दुम्नय । रोमी ८ :१७ ; फिलिप्पी ३ :२१ ; कलस्सी ३ :४ ३ मिनु सु मेको आ मगरुम सम्म रिम्शा बाक्वा, मेको येसु खरीस्त पाप र डोन बाक्शो खोदेशो पा, मेको यो पाप र डोन बाक्व ।

४ मिनु सुम मरिम्शो पाइबा, मेकोमी परमपरभु यावे आ अरशो लोत्र मटीब । मरिम्शो मार बाक्व देशा हना, परमपरभु यावे आ अरशो लोत्र मटिचा मरिम्शो बाक्व । ५ मरिम्शो क्याम्बा कली येसु खरीस्त जाक्त, दे तुइक्नीनी । मिनु मेकोमी काइ मरिम्शो मपवा । यसैया ५३ :४-६ ; यूहन्ना १ :२९ ; १ पतरुस २ :२४ ; यसैया ५३ :९ ; यूहन्ना ८ :४६ ६ सु चहिं मेको नु थुं का डा दुम्शा बाक्वा,

मेकोमी मरिम्शो मपाइब । सुम चहिं मरिम्शो पना पन बाक्वा, मेको येसु खरीस्त नु थुं का डा मदुम्बु, मेको कली मतुइक्व । रोमी ६ :११,१४

७ आं आइक्व आलपुकी, दूली लोत्र शंब आन लोत्र मननीन । सुम ठीक गय पाइबा, मेको मुर यो येसु खरीस्त खोदेशो पा ठीक पाइब बाक्व । १ यूहन्ना २ :२९ ८ सु चहिं मरिम्शो पना पन बाक्वा, मेको मुर सैतान र जाक्शो बाक्व । मारदे हना सैतान डांडती र मरिम्शो पना पन बाक्शो बाक्व । मोपतीक परमपरभु यावे आ तौ सैतान आ गय थुम्बा कली रागीमी जाक्त । यूहन्ना ८ :४४ ९ परमपरभु यावे आ आलपुकीमी पाप मपाइनीम । मारदे पाप मपाइनीम देशा हना, परमपरभु आ थुं मेको आन थुंमी बाक्व । मोपतीक परमपरभु आ आलपुकीम पाप मपाइनीम । १ यूहन्ना ५ :१८ १० मिनु तेको मुर परमपरभु यावे आ आल बाक्नीमी नु तेको मुर सैतान आ आल बाक्नीमी, दे तुंडसीब । दोपा तुंडसीब देशा हना, सु सु ठीक गय मपाइनीमी नु आ लोकव आन कली मदाक्नीमी, मेको परमपरभु यावे आ आल मनमी । मेको सैतान आ आल बाक्नीम । यूहन्ना ५ :१८ ११ मिनु इन डांडती र नंशो लोत्र मार बाक्त देशा हना, गोपुकी दाक्मुचा माल्लय । यूहन्ना १३ :३४ १२ काइन खोदेशो दुम्बा मदुम्ब । काइनमी सैतान आ मुर दुम्शा, आ लोकव कली सदा बाक्त । काइनमी आ लोकव कली मारदे सदा बाक्त देशा हना, आ थुं डा गय मरिम्शो बाक्माक्त । आ लोकव आ गय चहिं परमपरभु यावे आ डांडती ठीक बाक्माक्त । उत्पत्ती ४ :८

१३ आं लोकवपुकी, रागी डा मुरपुकीमी इन कली मदाक्थु श्यत गेमेनु, छक मलाक्कीन । मत्ती ५ :११ ; यूहन्ना १५ :१८-१९ १४ गोपुकी बेक्तीक राज्य र पा, बरोइतीक राज्यमी बाक्नय । दोपा तुइक्नय देशा हना, थमा सुइक्व लोकव आन कली दाक्नय । सुम चहिं मदाक्वा, मेको बेक्तीक राज्यमी बाक्व । यूहन्ना ५ :२४ १५ सुम थमा सुइक्व लोकव आन कली मदाक्वा, मेको मुर साइक्व बाक्व । मिनु सुम थमा सुइक्व लोकव आन कली साइक्वा, मेको गेना हना यो बरोइशा बाक्वा मताइब, दे तुइक्नीनी । मत्ती ५ :२१-२२ १६ मिनु लोकव आन कली दाक्वा, दोपा तुंडसीब देशा हना, येसु खरीस्त इं कली दाक्शा, साइक्वा पुंडसाक्व । मिनु गोपुकीमी यो लोकव आन कली दाक्वा माल्लय । थमा सुइक्व लोकव आन कली मबेक्या सम्म वारच

पचा माल्णय। यूहन्ना १५ :३३ १७ सुमी शुश शांप थिशा यो, लोकब आन कली श्यत जशो तशा “गो मारइ मगेनुड” दे मिम्बा, मेको मुर आ थुं रे परमपरभु यावे आ गेशो दाक्तीक सक्ति यो जाम्शा लाइब। ब्यवस्था १५ :७ ; १यूहन्ना ४ :२० १८ आं आइक्व आलपुकी, गोपुकी दाक्मुय। मिनु “इ कली दाक्नुड” दे लोत्र पशा ममाइ, तन्न पतीकेमी दाक्मुचा माल्णय। याकूब २ :१५-१६

११ गोपुकी थमा पा दाक्शा, गेय पाइतय हना, इं थुमी “थमा लां सोइक्व नय” दे थमा पा तुइकनय। २० मिनु इं थुमी इं कली दोस गेप्टु हना, इं थुं क्येडा परमपरभु यावे ठेयब बाक्व। मिनु मेकोमी नेल्ल तुइक्व। लुका १५ :२०-२२ २१ आं दाक्शो लोकबपुकी, इं थुमी इं कली दोस मगेप्टु हना, गोपुकी महिंथु, परमपरभु यावे आ डांइती जाक्दील्णय। २२ मिनु गो महिंथु पुंइतय हना, इं पुंइशो गेब। मारदे हना गोपुकी आ अरशो लोत्र पशा, आ दाक्शो पाइनय। मर्कूस ११ :२४ २३ मिनु आ अरशो लोत्र मार बाक्व दंशा हना, परमपरभु यावे आ सोइइशो येसु खरीस्त कली थमा सुइक्वा नु इं दातेमी दाक्मुचा इं कली अरशो लोत्र बाक्व। यूहन्ना ६ :२९ ; यूहन्ना १५ :१७ २४ सुमी आ अरशो लोत्र पाइबा, येसु नु थुं का डा बाक्व। मिनु येसु यो मेको मुर नु थुं का डा बाक्व। परमपरभु यावे नु गोपुकी थुं का डा दुम्तय, दे दोपा तुइकनय दंशा हना, मेकोमी गेशो साक्तीमी शंशो र तुइकनय। १यूहन्ना ४ :१३ ; रोमी ८ :९

थमा नु जोल दोपा तुंइसीबा ?

४ १ आं दाक्शो लोकबपुकी, शंबपुकीमी शंदमनु, गोपुकीमी परमपरभु यावे र पा शंनीमी देय मशंनीमी मेको रुपीन। मारदे हना रागीमी शुश दूली पा, परमपरभु यावे आ लोत्र पाइब बाक्नीम। मत्ती ७ :१५ २ परमपरभु यावे आ सोक्त आ शंतीके दोपा तुंइसीब दंशा हना, सुमी “येसु खरीस्त परमपरभु यावे आ साइक्तीके रागीम जाक्त” देबा, मेको मुर परमपरभु यावे नु थुं का डा बाक्व। ३ सुम चहिं “येसु परमपरभु यावे आ सोइइशो ममाइ” दे शंबा, मेको परमपरभु यावे नु थुं का डा मबाक्व। मेको येसु आ पर्वम दूली शंब बाक्व। येसु आ पर्वम दूली शंथ जाक्व, दे नंतीनी। मिनु मेको मुल रागीमी बाक्व।

४ आं आइक्व आलपुकी, गोपुकी परमपरभु यावे नु थुं का डा दुम्शा, मेको रागीमी बाक्व दूली शंब आन कली गरातीनी। मारदे हना रागी डा मुर आन थुमी बाक्व दूली शंब सोक्त क्येडा इन थुमी बाक्व परमपरभु यावे आ सोक्त ठेयब बाक्व। ५ मेको येसु खरीस्त आ पर्वम दूली शंबपुकी रागी डा मुर बाक्नीम। मोपतीक आन शंतीक परमपरभु यावे क ममाइ, रागी डा बाक्व। मिनु रागी डा मुरपुकी मेको आन शंशो दाक्नीमी। यूहन्ना १५ :१९ ६ गोपुकी चहिं परमपरभु यावे नु थुं का डा बाक्नय। सुमी परमपरभु यावे कली तुइक्वा, मेकोमी आंइ शंशो टीब। सु चहिं परमपरभु यावे नु थुं का डा मबाक्वा, मेकोम आंइ शंशो मटीब। मोपा थमा बाक्वा देय दूली शंतीक बाक्वा, दे तुइकने चान्णय। यूहन्ना ८ :४७ ; १कोरिन्थी १४ :३७

परमपरभुमी दाक्मुपाइक्व

७ आं दाक्शो लोकबपुकी, दाक्मुय। मारदे हना परमपरभु यावेमी थमा सुइक्व आन कली दाक्मुपाइक्व। सुमी दाक्वा, मेको परमपरभु यावे आ आल दुम्शा, परमपरभु यावे कली तुइक्व। ८ सुम चहिं मदाक्वा, मेकोमी परमपरभु यावे कली मतुइक्व। मारदे हना परमपरभु यावे दाक्व बाक्व। ९ परमपरभु यावेमी दोपा आ दाक्वा कांइताक्व दंशा हना, आ का ला तो रागीमी सोइक्ताक्व। मिनु आ तो साइक्वा पुंइसीतीक इं कली गेना हना यो बरांइशा बाक्वा गेप्टु। यूहन्ना ३ :१६ १० मिनु परमपरभु यावे आ दाक्वा मार बाक्व दंशा हना, गोपुकी डांइती परमपरभु यावे कली काइ मदाक्ताक्व हना यो, परमपरभु यावेमी इं कली दाक्ताक्व। गिश दाक्ताक्व दंशा हना, आंम तो कली साइक्वा पुंइसीब पपाइक्वा कली रागीमी सोइक्ताक्व। इं कली मरिम्शो गेय नु सैतान आ राज्य र परांइचा, दे साइक्वा पुंइसीचा कली रागीमी सोइक्ताक्व।

११ आं दाक्शो लोकबपुकी, परमपरभु यावेमी इं कली दोपा दाक्ता, मोपा गोपुकी या दाक्मुचा माल्णय। १२ मुरपुकीम परमपरभु यावे कली गेनायो मताम। तन्न गोपुकी दाक्मुयानु, परमपरभु यावे इं नु थुं का दुम्त। मिनु परमपरभु यावे आ दाक्तीक इं थुमी लीब। यूहन्ना १ :१८ १३ परमपरभु यावेमी इं कली आ सोक्त गेप्टु। मोपतीके गो परमपरभु यावे नु थुं का डा दुम्नय नु मेको गो नु थुं का डा दुम्शो तुइकनय। १४ मिनु गोपुकी परमपरभु यावेमी

आ तौ रागीमी सोइश्शो ताइतक। गोपुकीमी “इं आफ, परमपरभुमी आ तौ कली मुर आन कली पाप र परांडचा, दे रागीमी सोइक्ताक्व” दे शंना शंन बाक्नीकी। यूहन्ना ३:१७ १५ सुमी “येसु परमपरभु यावे आ तौ बाक्व” देबा, मेको परमपरभु यावे नु थुं का डा बाक्व। मिनु परमपरभु यावे यो मेको नु थुं का डा बाक्व। १५ यूहन्ना ५:५ १६ मोपतीक गोपुकी “परमपरभु यावेमी इं कली दाक्व” दे तुइश्शा थमा सुइक्नय। परमपरभु यावेमी मुर आन कली दाक्व। सुमी दाक्ना दाक्न बाक्वा, मेको परमपरभु यावे नु थुं का डा बाक्व। परमपरभु यावे यो मेको नु थुं का डा बाक्व।

१७ दोपा मुर आन कली दाक्वा रिम्शो दुम्त देशा हना, गोपुकी परमपरभु यावे आ निसाफ पची नाक्त महिनय। मारदे हना गोपुकी परमपरभु यावे नु थुं का डा दुम्शा, रागीमी बाक्नय। १५ यूहन्ना २:२८ १६ मिनु दाक्ना दाक्न बाक्तय हना, महिनय। मारदे हना मुरपुकी सजाइ तशा हिनीम। मिनु सु हिंवा, मेको आ दाक्शो शुश बाक्व। १९ गोपुकी चहिं परमपरभु यावे कली मारदे दाक्नय देशा हना, मेकोमी डांडती इं कली शुश दाक्ताक्व। २० सुमी चहिं “गो परमपरभु यावे कली दाक्नुड” देबा, मिनु थमा सुइक्व लोकव आन कली काइ मदाक्वा, मेको मुर आ देशो लोत्र यो जाल बाक्व। मारदे हना सुमी आ नु बाक्शो लोक्व आन कली मदाक्वा, मेकोमी मुर आन मतशो परमपरभु यावे कली दोपा दाक्न चाप्वा डा ? मचाप्व। १५ यूहन्ना ३:१७ २१ मिनु परमपरभु यावेमी इं कली अरशो लोत्र मार बाक्त देशा हना “सुमी परमपरभु यावे कली दाक्वा, मेकोमी थमा सुइक्व आन कली यो दाक्वा माल्व” दे शंशो बाक्त। मर्कूस १२:२९-३१

थमा सुइक्व सक्ति पाइश्शो बाक्नीम

५ १ मिनु सुमी “येसु परमपरभु यावे आ सोइश्शो खरीस्त बाक्व” दे थमा सुइक्वा, मेको मुर परमपरभु यावे आ आल बाक्व। मिनु सुमी आफ कली दाक्वा, मेकोमी आ आल कली या दाक्व। २ गोपुकी थमा पा परमपरभु यावे आ आल आन कली दाक्नय, दे दोपा तुइक्नय देशा हना, परमपरभु यावे कली दाक्नय। मिनु आ अरशो लोत्र टीनय। ३ गोपुकीमी “परमपरभु यावे कली दाक्नय” देतय हना, आ अरशो लोत्र टिशा पाइनय। आ देशो लोत्र टिशा पचा श्येत ममाइ। यूहन्ना १४:१५, २३, २४ ; मत्ती ११:३० ४ मिनु

परमपरभु यावे आ आलपुकीमी रागी डा मुर आन दाक्शो गय कली गरानीम। दोपा गरानीम देशा हना, येसु खरीस्त कली थमा सुइक्वा मपरांडथु गरानीम। यूहन्ना १६:३३ ; १ कोरिन्थी १५:५७ ५ सु सुमी गरानीम देशा हना “येसु परमपरभु यावे आ तौ बाक्व” दे थमा सुइक्वमी गरानीम। १५ यूहन्ना ४:४

परमपरभु आ तौ आ सांकछी

६ मिनु येसु खरीस्त ब्वाक्कु नु हुश रे जाक्त। ब्वाक्कु रे ला ममाइ, तन्न ब्वाक्कु नु हुश रे जाक्त। १५ यूहन्ना ४:२ ; मर्कूस १:९ ; यूहन्ना १९:३४-३५ ७ परमपरभु यावे आ सांक्त मेको आ सांकछी बाक्व। मारदे हना परमपरभु यावे आ सांक्तीम थमा लोत्र ला पाइव। यूहन्ना १:३३ ८ मोपा सांकछी सां बाक्नीम। का परमपरभु यावे आ सांक्त बाक्व, का ब्वाक्कु रे जरमेतीके बाक्व नु का मुर आन मरिम्शो पतीके आ पर्वम येसु साइक्वा पुंडसीशो डा हुश बाक्व। मिनु मेको सांफा गरानीमी। ९ गोपुकी मुर आन सांकछी नंशा थमा सुइक्नय। परमपरभु यावे आ सांकछी मुर आन सांकछी क्येडा ठेयव बाक्व। मिनु परमपरभु यावेमी आ तौ येसु खरीस्त आ पर्वम मेको सांकछी गेप्नु।

१० सु परमपरभु यावे आ तौ कली थमा सुइक्वा, मेको मुर आ थुंमी सांकछी लीव। सु चहिं परमपरभु यावे कली थमा मसुइक्वा, मेकोमी “परमपरभु यावे जोल्फ बाक्व” देब। मारदे हना “आं तौ बाक्व” दे परमपरभु यावेमी देशो थमा मसुइक्व। यूहन्ना ३:३२-३४ ; रोमी ८:५६ ११ मिनु मेको आ सांकछी मार बाक्व देशा हना, परमपरभु यावेमी इं कली गेना हना यो बरांडशा बाक्तीक गेप्नु। मोदेशो बरांडशा बाक्तीक आ तौमी पतीके बाक्व। १२ सु मेको आ तौ नु बाक्वा, मेको गेना हना यो बरांडशा बाक्वा ताइव। सु चहिं परमपरभु यावे आ तौ नु मबाक्वा, मेको गेना हना यो बरांडशा बाक्वा मताइव। १३ मिनु गेपुकी परमपरभु यावे आ तौ आ नें कली थमा सुइक्नीनी। मोपतीके गेना हना यो बरांडशा बाक्वा ताइव बाक्नीनी, दे गो इन कली तुइक्पाइक्वा कली बरेक्ताक्व। यूहन्ना २०:३१

परमपरभु कली पुंडतीक लोत्र

१४ मिनु मेको कली थमा सुइश्शोमी इं पुंडशो आ दाक्शो बाक्त हना, मार पुंडतय हना यो, इं कली नंशा गेव। यूहन्ना १४:१३ १५ गोपुकीमी

इं मार मार पुंड्रशो नंब, दे तुइक्ताक्य हना, इं पुंड्रशो यो गेब, दे तुइक्नय। १६मिनु सुमी आ लोकब मबेक्चा डा सजाइ तचा डा पा मरिम्शो पशो ताइबा, मिनु आ लोकब आ पर्वम पुंड्रबा, मको मुर आ पुंड्रशो परमपरभु यावमी गेब। मको थमा सुइक्ब लोकब गेना हना यो बरोइशा बाक्चा ताइब। तन्न बेक्चा डा मरिम्शो पतीक यो बाक्बा, मोदेशो मरिम्शा पाइब कली पुंड्रचा ममाल्ब, दे इन कली देनुड। मर्कूस ३:२८-३० १७ परमपरभु यावे कली मगारचा डा गय नेल्ल मरिम्शो बाक्नीम। तन्न कोइ मरिम्शो पतीक क्याम्चा डा बाक्नीम।

येसु खरीस्त नु बाक्बपुकी

१६मिनु “सु परमपरभु यावे रे जरमेशो बाक्मे, मको मुरुम मरिम्शो मपाइब। मारदे हना परमपरभु यावे रे जरमेशो आन कली येसु

खरीस्तमी कोव्रब। मिनु सैतानमी मको आन कली मथीब” दे तुइक्नय। १७मिनु ३:१ ; यूहन्ना १७:१५ १९मिनु गोपुकीमी “गोपुकी परमपरभु यावे आ मुर नय” तन्न सैतानमी नेल्ल रागी डा मुर आन कली हुकुम पाइब, दे तुइक्नय। गलाती १:४ २०मिनु परमपरभु यावे आ तीमी इं कली रुपतीक थुं गेपु, दे तुइक्नय। मको रुपतीक थुंमी थमा पतीक कली तुइक्नय। गोपुकी मको थमा पाइब नु थुं का डा बाक्नय। मोपा आ ती येसु खरीस्त नु यो थुं का डा बाक्नय। मको थमा परमपरभु यावे नु गेना हना यो बरोइशा बाक्तीक बाक्ब। यूहन्ना १७:३

नोले डा लोत्र

२१मोपतीक “आं आइक्च आलपुकी, मूर्ति रे डोन बाक्कीन” दे इन कली बरेक्शा अरेतन्नी। १कोरिन्थी १०:१४

## २ यूहन्ना

बरेकब मुर: यूहन्नामी आंम कली खाल्पा देशा, एको चिठी थमा सुइक्व आन कली नोले बरेकशो बाक्व ।

गेना बरेकशो : डांडती डा चिठी खांदेशो पा १०० ए. डी. नुप्चा क्यडा डांडती मीश मुर, दे खरुइशो नो वोइशो, थमा सुइक्व आन गुरुंतीक कली बरेकशो चिठी बाक्व ।

मार बरेकशो : परमपरभु यावे कली दाक्तीक कांडतीक आ देशो टिचा बाक्व । दूली शंब आन पर्वम यो लोत्र बाक्व ।

### डांडती डा लोत्र

१ गो येसु खरीस्त कली थमा सुइक्व आन शंब १ खाल्पामी आ योत्रशो मीश मुर नु आ आल इन कली चिठी बरेक्ताकनी । गो इन कली थमा पा दाक्ननी । गो ला ममाइ, सु सुम परमपरभु यावे आ पर्वम थमा शंतीक तुइक्वतमे, मेकोपुकीमी यो इन कली दाक्नीमी । ३ यूहन्ना : १ २ मारदे हना परमपरभु यावे आ थमा शंतीक इं थुंम बाक्व, मेको गेना हना यो लीब ।

३ मिनु इं आफ, परमपरभु यावे नु आ तौ येसु खरीस्तमी इं कली शिशी नु थुं नाइशो बाक्वा गेम्सक्ल । परमपरभु यावे आ थमा शंतीक नु आ गशा दाक्मुचा यो गोपुकी नु बाक्ल ।

### थमा लां खोइक्वा नु दाक्वा

४ गो इन आल आन दाते डा का निकशी थमा लां खोइक्व तशा, शुश ग्यरसीनुड । मारदे हना इं आफोमी इं कली मोदेशो अरशो लोत्र गेशो बाक्व । ५ मिनु गोमी “गोपुकी दाक्मुय” दे मीश मुर इन कली देशो नक अरशो लोत्र मबरक्नुड । तन्न साइ डांडती रे दाक्मुचा, दे अरशो लोत्र

बाक्शो बाक्व । १ यूहन्ना २ : ७ ६ मिनु आ अरेशो लोत्र पचा दाक्वा बाक्व । मेको इन डांडती रे नेशो अरेशो लोत्र बाक्व । मेको अरेशो पने ।

### दूली शंब आन पर्वम शेशो

७ मिनु मुल रागीमी शुश मुर आन कली मरिम्शो लां कांडब जोल्फपुकी जाक्वतकम । मेको मुरपुकीमी “येसु खरीस्त मुर दुम्शा रागीमी मजरमेस” दे शनीम । मेको मोदेशो शंब चहिं जोल्फ नु नेल्ल क्यडा मरिम्शो पाइब बाक्नीम । १ यूहन्ना २ : १८ ; १ यूहन्ना ४ : १-३ ८ गेपुकी मार कली गेय पनी, मेको मुल यो पना पन बाक्कीन । मो पाइतीनी हना, ठयब इनाम ताइनीनी । गलाती ४ : ११ १ सुम चहिं खरीस्त आ थमा शंतीक लोत्र परांडबा, मेको परमपरभु यावे नु थुं का मबाक्व । सुम चहिं खरीस्त आ थमा शंतीक लोत्र मपरांडबा, मेको आफ नु तौ निम्फा नु थुं का डा बाक्व । १ यूहन्ना २ : २३

१० सुइ मुर इन बाक्तीक जाक्शा, थमा शंतीक लोत्र मपापु हना, मेको कली खिं ओत्रचा मगेने । मिनु मेको कली “रिम्शो बाक्को” दे यो मदेनीन । २ थिस्सलोनिकी ३ : ६ ११ मारदे हना सुमी मेको मोदेशो मुर कली “रिम्शो बाक्कीन” देबा, मेकोमी मेको आ दूली शंतीक नु आ मरिम्शो गेय यो पाइब ।

### नोले डा लोत्र

१२ मिनु गोमी इन कली शुश बरेक्वा माल्ती हना यो, कागज नु मसीम मबरक्नुड, इन कलीन गरुंथ जाक्नुड । मिनु कोत्रमुशा लोत्र पाइनय, दे आस पाइनुड । मोपा गरुंमत्य हना, शुश ग्यरनय । ३ यूहन्ना : १३ १३ इन योत्रशो समी आ तमी तौपुकीमी यो इन कली “रिम्शो बाक्कीन” दे बरेक्पाइक्तीमी ।

### ३ यूहन्ना

बरेक्ब मुरः यूहन्ना आ नेल्ल क्येडा नोले बरेक्शा चिठी बाक्ब ।

गना बरेक्शाः एको चिठी १०० ए. डी. क्येडा डाइती बरेक्शा बाक्ब ।

मार बरेक्शाः थमा शेशो कोइतीक नु दाक्चा मप्राइतीक आ पर्वम बरेक्शा लोत्र बाक्ब ।

#### डाइती डा लोत्र

१ गो येसु खरीस्त कली थमा सुइक्ब आन शंब १ साल्पामी, आं थमा पा दाक्शा गायस इ कली एको चिठी बरेक्ताक्ड । २ यूहन्ना : १ २ आं दाक्शा लोक्ब, इ जचा बाक्चा नेल्ल रिम्शो बाक्ब । इ थमा सुइक्तीक रिम्शो बाक्ब, दे गो तुइक्नुड । ३ मिनु इ बाक्तीक रे जाक्ब थमा सुइक्बपुकीमी “गायस रिम्शो पा येसु खरीस्त आ पर्वम थमा लां खोइक्ब” दे शंताक्यीमी । मेको नंनुनु, गो शुश ग्येरसाक्यी । २ यूहन्ना : ४ ४ आं आलपुकी येसु खरीस्त आ पर्वम थमा लां खोइक्नीम देशो नंनुनु, आं कली नेल्ल क्येडा ग्येरपाइक्ब ।

#### गायसमी जाक्चा गेशो

५ आं दाक्शा लोक्ब, गे येसु खरीस्त कली थमा सुइक्ब आन कली वारच पाइतीनी, मोपा रिम्शो गय पाइतीनी । मोदेशो गय अर्का सहर डा येसु खरीस्त कली थमा सुइक्ब आन कली पाइतीनी, मेको थम रिम्शो बाक्ब । ६ इ खिंमी जाक्शा बाक्शा, थमा सुइक्बपुकीमी “गायसमी थमा सुइक्ब आन कली शुश दाक्शा, खिंमी बाक्चा गपु” दे आइ गरुम्तीकमी नंपाइक्तेक्म । मिनु गे मोपा येसु खरीस्त कली थमा सुइक्ब आन कली खिंमी बाक्चा गेचा ला ममाइ, तन्न आन लची ना मेकोपुकीमी मार मार माल्नीमी, मेको नेल्ल परमपरभु यावेमी खोदेशो पा गेशा सोइक्ताकनी हना, ग रिम्शो दुम्नीनी । तीतस ३ : १३ ७ मारदे हना मेकोपुकी येसु खरीस्त आ पर्वम शंथ लाइनीम । मिनु थमा मसुइक्बपुकी रे मारइ मलाइक्नीम । १ कोरिन्थी ९ : १२ ८ मिनु

गोपुकीमी मोदेशो मुर आन कली रिम्शो पा वारच पचा माल्लय । मो पयानु, गोपुकी मेकोपुकी नु गारशा, गय पना पन बाक्नय । हिबेरू १३ : २

#### ठेयब लेश्शो शंब आ पर्वम

१ गो इन गरुम्तीक डा थमा सुइक्ब आन कली बरेक्ताक्डमी । तन्न डियोतरीफसमी आंम कली ठेयब सल्शा, गोपुकी आइ कली मदाक्ब । १० मिनु गो मेकर जाक्शा, मेको आ पशो गय आ पर्वम लोत्र पाइनुड । मेकोम मार पाइब देशा हना, आं कली श्यत गेचा, दे आं पर्वम काइ मरिम्शो लोत्र पना पन गाक्ब । मिनु मेको ला ममाइ, आं सोइश्शो लोक्ब आन कली जाक्चा मगेव । सु चहिं मेको आन कली जाक्चा गेचा दाक्बा, डियोतरीफसमी मेको कली “जाक्चा गेचा मदुम्ब” देब । मिनु मेकोपुकी आ देशो मटिम्तेक्म हना, मेको आन कली थमा सुइक्ब आन गरुम्तीक रे तिल्व ।

११ आं दाक्शा थमा सुइक्ब लोक्ब, मरिम्शो मुर आन तस मखोतो । तन्न रिम्शो मुर आन तस खोतो । सु रिम्शो गय पाइबा, मेको परमपरभु यावे आ मुर बाक्ब । सु चहिं मरिम्शो पाइबा, मेको परमपरभु यावे कली मतुइक्ब बाक्ब ।

१२ मिनु थमा सुइक्ब नेल्लेमी “दमेतरीयस रिम्शो थमा सुइक्ब बाक्ब” दे तुइश्शा देनीम । मिनु मेको आ थमा लां खोइक्तीकमी, येसु खरीस्त नु थुं का बाक्ब, दे काइब । गा या मेको आ पर्वम “दमेतरीयस रिम्शो मुर बाक्ब” दे सांकछी गेनुड । गो जोल मपाइनुड, दे तुइक्नेवे ।

#### नोले डा लोत्र

१३ गो इ कली शुश बरेक्चा माल्ती हना यो, गो मसी नु कलममी मबरेक्नुड । २ यूहन्ना : १२ १४ तन्न इ कली गरुम्थ जाक्चा कली आस पाइनुड । मिनु गरुम्शा कोत्रमुशा लोत्र पाइनस । १५ इ थुं नाइश्शा बाक्ब । आं वारचपुकीमी यो “गे रिम्शो बाक्कीन” दे आं कली बरेक्पाइक्तीमी । गे अरु थमा सुइक्ब वारच आन कली यो “रिम्शो बाक्कीन” दे का का पा आन नं थिशा, माइक्मी ।

## यहूदा

बरकब मुरः एको चिठी याकूब आ लोकब यहूदास बरकशा बाकब। आंम कली “येसु आ वाइल” देब। डांडती थमा मसुइकब बाकशा, नोले थमा सुइकब दुम्त। प्रेरित १:१४

गेना बरकशा : एको चिठी ६६ ए. डी. नु ६५ ए. डी. दातमी बरकशा बाकब। थमा सुइकबपुकीमी येसु आ सोइशशा मुर आन कली आंमन तशो बाक्तेकम।

मारदे बरकशा : एको चिठी रिम्शो थमा सुइकवा आ पर्वम बरकशा बाकब।

१. डांडती डा लोत्र यहूदा १:१-२

२. दूली शंब आन पर्वम लोत्र यहूदा १:३-१३

३. दूली शंब सजाइ ताइनीम यहूदा १:१४-२६

४. थमा सुइकतीके बोल्यो दुम्चा माल्ब नु नोले डा लोत्र यहूदा १:१७-२५

### डांडती डा लोत्र

१ गो याकूब आ लोकब यहूदा नड। गो येसु खरीस्त आ वाइल दुम्ती। परमपरभु यावे, ई आफ आ दाकशा नु येसु खरीस्त कली योत्रशा वोइशशा मुर, इन कली बरकताकड। मती १३:५५ २ परमपरभु यावे आ दाकतीक, थुं नाइकतीक नु दाकमुतीके गेपुकी नु शुश बाकल।

दूली शंब आन पर्वम शंशो

२ पतरुस २ :-

३ आं दाकशा लोकबपुकी, गो इन कली ई पाप रे परांडतीक आ पर्वम बरकचा दाकती। थमा सुइकतीके आ पर्वम दोपा गेय पचा, दे इन कली शंचा दाकताकड। मेको थमा सुइकतीके पाप रे डान बाकब आन कली डांडती रे शंन थुम्शो बाकत। १ तिमोथी १:१५ ४ तन्न का निक्शी निसाफ पाइकचा पुंडसीबपुकीमी “थमा सुइकब बाकनीक” देसु पा, थमा सुइकब आन गरुम्तीकेमी बाकनीम। मेकोपुकीमी परमपरभु यावे कली मटिथु “परमपरभु यावेमी शिशी पाइब” दे मिम्शा, आंम दला दाक्स पना पन बाकनीम। मिनु इं होत्रप, परभु येसु खरीस्त आ पर्वम “परमपरभु यावे आ ती ममाइ” देनीम। ५ गेपुकी डांडती रे “दोपा ठीक पा थमा सुइकचा” दे नल्ल शंसीशो बाकतीनी हना यो, गो इन कली लंशा मेको शंशो लोत्र मिम्पाइकचा दाकनुड। मार मिम्पाइकचा दाकनुड देशा हना,

परमपरभु यावेमी आ मुर आन कली इजीप्त रागी रे परांडपाइशशा, तन्न नोले मेको थमा मसुइकब आन कली सदा बाकत। गन्ती १४:३५ ; १ कोरिन्थी १०:५ ६ परमपरभु यावे आ स्वर्ग डा गेय पाइब का निक्शीमी परमपरभु यावे कली मटिथु आन बाकतीके परांडतेकम। परमपरभु यावेमी मेको आन कली ठेयब निसाफ पची नाकत सम्म गेना हना यो मपरांडचा डा पा साडलोमी पाइशशा, नल्ल क्यडा मरिम्शो बाकतीके छिडछिडमी वोइशशा बाकब। उत्पत्ती ६:२-४ ७ सोदोम, गोमोररा नु आस एर ओथ बाकशा सहर डा मुरपुकीमी आन सोदंशो पा गरांगरा दिचा डा नु मपचा डा दूली गेय पशो बाक्तेकम। परमपरभुमी मेको आन कली कांडतीके दुम्पाइकचा कली गेना हना यो बरशो मीमी सजाइ गेशो बाकत। उत्पत्ती १९:१,४-११ ५ सोदंशो तुइशशा यो मेको थमा सुइकनीकी देसु पाइबपुकीमी आंम मिम्तीके पशा, आंम रां कली गरांगरा दिचा डा सेल्लेकम। मिनु अधिकार पाइब आन कली मटिथु, स्वर्गम बाकब आन पर्वम शुक्शी पाइनीम। १ परमपरभु यावे आ नल्ल क्यडा ठेयब स्वर्ग डा गेय पाइब मिकाएलमी चहिं सैतान कली मोसा आ बेकशा रां आ पर्वम लोत्र पशा “परमपरभुमी इ कली हुइकब” दे आंमा शुक्शी पा निसाफ पचा हिंमाकत। दानीएल १२:१ ; जकरिया ३:२ १० मेको मुरपुकी चहिं आन मतुइशशा नल्ल आन पर्वम शुक्शी पाइनीम। मिनु मिम्तीके मपाइशशा बस्तु भाव आन तुइशशांमी सोदंशो पाइनीम। मिनु मेको पशा, सतम सेल्लवा पुंडसीनीम। ११ मेको आन पर्वम आबी। काइन सोदंशो दुम्शो बाक्तेकम। बालाम बुदी परमपरभु यावे कली मटिथु, क्यट आ पर्वम दूली गेय पाइनीम। मिनु कोराह माइशशा मुर सोदंशो पा जाम्शा लाइनीम। उत्पत्ती ४:५ ; गन्ती ३१:१६ ; गन्ती १६ :- १२ मेकोपुकी इन गरुम्मुशो भोजमी जाकशा, दाइल पपाइकब फुल्लु सोदंशो पा बाकनीमी। आंम दातेम ग्येरपमुइनीम, तन्न महिंथु आंम कोत्रज ला पिरनीम। मेको रेउ मपाइशशा फशेम बरशो गोस्स सोदंशो बाकनीम। फल सिल्वी ना फल मसिप्व रवा सोदंशो बाकनीम। शाकश दुल्लशो रवा सोदंशो पा, निक्शी सेयप बेकशा बाकनीम। १ कोरिन्थी ११:२१ १३ मेको समुन्दर डा ठेयब हिंचा डा छ्छाल सोदंशो बाकनीम। आंम मुने डा बोग्यो गरुंडनीम। दाकशा सोरुल सोदंशो बाकनीम। मेको आन कली नल्ल क्यडा

मरिश्शो छिड्छिड् डा बाक्तीके वोइश्शो बाक्ब। यसैया ५७ :२०

१४ मिनु आदम रे ७ पाला नोले डा हनोक माइश्शो मुर का बाक्त। मेकोमी मोदंशो मुर आ पर्वम परमपरभु यावेमी तुइक्पाइश्शो लोत्र पवा बाक्त। मेकोमी “ननीन, परभु नु आ योत्रशो हजार हजार जाक्तेक्म। हनोक कली हिब्रू लोत्रमी एनोक देनीम। उत्पत्ती ५ :२१ १५ परमपरभु यावे कली मटीब नल्ल आन कली आन थमा मसुइक्तीकमी पशो मटितीके तपाइक्नीम। परमपरभु यावे रे डान बाक्ब पापीपुकीम परमपरभु यावे कली मार मार मरिश्शो लोत्र पाम, मेको आन कली निसाफ पशा, सजाइ गेचा, दे जाक्तेक्म” दे लोत्र पवा बाक्त। १६ मेकोपुकी गन गन पाइब बाक्नीम। मेकोपुकीमी “गा श्येत जना जन बाक्नुड” दे गेनायो मग्येरथु, आन दला दाक्स पना पन बाक्नीम। ठेयब लोत्र पा, ठेयब लेश्शो मुर बाक्नीम। मेकोपुकीमी आंम कली ठेयब सल्सीचा कली मुर आन कुल कोत्रनीम।

बोल्यो थमा सुइक्ब दुमीन

१७ आं दाक्शो लोकबपुकी, इं परभु येसु खरीस्त आ सोइश्शोपुकीमी डंडती देशो लोत्र ति फरुक्शा मिन्चा माल्नीनी। १८ मेकोपुकीमी इन कली “मेको नोले डा नाक्त शुक्शी लोत्र पाइनीम। परमपरभु यावे कली मटिथु, आंम दला दाक्स पाइनीम” देतेक्म। १९ तिमोथी ४ :१ ; २पत्तुस ३ :३ १९ मेकोपुकीम मुर आन कली ब्रापाइक्नीम। परमपरभु यावे कली ममिम्थु, परमपरभु यावे आ सोक्त मपाइश्शो बाक्नीम। १कोरिन्थी २ :१४

परमपरभु कली ठेयब सेल्चा

२० आं दाक्शो लोकबपुकी, इन रिश्शो थमा सुइक्तीके बारपतीन। परमपरभु यावे आ सोक्तीमी परार्थना पन। कलस्सी २ :७ ; १थिस्सलोनिकी ५ :११ २१ परमपरभु यावेम इन कली दाक्ब, दे मिन्चा मिन्च बाक्कीन। इं परभु येसु खरीस्तमी इन कली दाक्शा, शिशी पशा, इन कली गेना हना यो परमपरभु यावे नु बाक्चा गेब, दे रिश्शा बाक्कीन। २२ का निक्शी थमा सुइक्ने मचाप्शो मुर आन कली ठीक पा थमा सुइक्तीके शंदीन। २३ का निक्शी कली मी रे फो फु गरुंडशो खोदंशो पा प्रोनीन। का निक्शी कली शिशी पन, तन्न आन गरांगुरा दिचा डा पाप क्येडा हिंशा, आन लुम्सीशो वासी यो मथिने। याक्ब ५ :१ ; प्रकाश ३ :४

नोले डा लोत्र

२४ येसु खरीस्तमी इन कली पाप मपाइब सेल्ने चाप्ब। इन कली दोस मताइब सेल्शा, ग्येरसीशा, परमपरभु यावे आ छेड्छेड् आ डंडती राप्पाइक्ने चाप्ब। १थिस्सलोनिकी ५ :२३ २५ परमपरभु यावे का ला बाक्ब। मेकोमी इं परभु येसु खरीस्त आ पतीकमी इं कली पाप रे परांइतु। नल्ल छेड्छेड् पाइश्शो, नल्ल क्येडा ठेयब दुम्तीक, नल्ल सक्ति नु नल्ल अधिकार मेको केन बाक्ब। मेको डंडती बाक्त। मुल यो बाक्ब। मिनु गेना हना यो बाक्ब। आमन।

## परकाश

बरकब मुर: एको किताब येसु आ शंसीब यूहन्ना आ बरकशा बाकब। थमा सुइक्ब आन गरुम्तीक डा इतिहासम मादंशा बरकशा बाकत।

गना बरकशा: इरनेयुस, थमा सुइक्ब आन इतिहास बरकबमी “परकाश सासन पाइब दोमीतीयन आ सासन पशा नुप्ची ना बरकशा बाकब” दंब। मेको १४-१५ ए. डी. मर बाकत।

मार बरकशा:

१. परमु येसु खरीस्त नु मेको कली थमा सुइक्ब आन गरुम्तीक। परकाश १ :- ३ :-

२. परमु येसु खरीस्त नु रागी रागी डा मुर परकाश ४ :- ११ : १४

३. सैतान नु थमा सुइक्ब आन जोरी सतरु परकाश ११ : १५ :- १४ : २०

४. थमा सुइक्ब आन जोरी सतरु बरुशा परकाश १५ : १ :- ११ : २१

५. येसु खरीस्त नु आ राज्य परकाश २० : १ :- २२ : २१

## डांइती डा लोत्र

१ परमपरमु यावेमी येसु खरीस्त कली “मार दुम्चा चिकता, आ रागी डा वाइलीम वाइलपुकीमी तुइक्तामेकल” दे कांइताकब। मिनु येसु खरीस्तमी आ स्वर्ग डा गय पाइब कली आ वाइल यूहन्ना आ बाक्तीक सोइक्ताकब। मारदे सोइक्ताकब देशा हना, मेको दुम्चशा लोत्र शंथ सोइक्ताकब। २ मिनु गो, यूहन्नामी, परमपरमु यावे आ लोत्र नेता, येसु खरीस्त आ पशा ताता। मिनु मेको नेल्ल आन सांकछी दुम्ती। ३ मिनु सु सुमी परमपरमु यावेमी तुइक्पाइशो एको किताब डा लोत्र पढनीमी, ननीमी नु टीनीमी, मेको आसीक रशा नु ग्येरसीशा मुर दुम्नीम। मारदे हना मेको लोत्र दुम्चशा बाकत। १ यूहन्ना १ : १-२ ; यूहन्ना २१ : २४ ; परकाश २२ : १०

## एसीया डा गरुम्तीक कली चिठी

४ गो यूहन्नामी एसीया डा येसु खरीस्त कली थमा सुइक्ब ७ ओटा सहर डा थमा सुइक्ब आन गरुम्तीक डा शंथ आन कली चिठी बरक्ताकड। मिनु मुल बाकब, डांइती बाकशा, नोले यो जाकबमी नु परमपरमु यावे आ ठेयब नितीक आ डांइती बाकब ७ ओटा ठाउं डा परमपरमु यावे आ सोक्तीमी इन कली “शिशो तशा नु थुं नाइशशा

बाकचा तामेकल” देताकस। परस्थान ३ : १४-१५ ; परकाश ३ : १ ; परकाश ५ : ६ ५ मिनु येसु खरीस्तमी यो मो दंत। मिनु मेको सु बाकब देशा हना, परमपरमु यावे आ देशो थमा पाइब सांकछी नु नेल्ल क्येडा डांइती बक्शा र संसीशा नु रागी डा पिप आन कली सासन पाइब बाकब। येसु खरीस्तमी ई कली दाक्शा, आ हुशमी ई पाप र प्रांडतु। परकाश ३ : १४ ; यूहन्ना १८ : ३७ ; श्तिमोथी ६ : १३ ६ ई कली परमपरमु यावे, आ आफ आ राज्य डा मुर सत्शा, परमपरमु यावे आ डांइती राख सल्लु। मोपतीक आ छेड्छेड नु सक्ति गना हना यो बाकत, आमिन। परकाश ५ : १० ; परस्थान १९ : ६ ; १पतरुस २ : ५, ९ ७ मिनु येसु खरीस्त लेशशा, दोपा यीबा देशा हना, सरीड र गोस्सुमी गिल्सीशा यीब। मिनु मुर नेल्लेमी मेको कली यिन यिन पशा ताइनीम। मेको कली साइक्पाइक्बपुकीमी यो ताइनीम। मिनु थर थर डा मुस्पुकीम मेको कली तशा, रोंका पा डाक्नीम। एको थमा लोत्र बाकब। आमिन। मत्ती २४ : ३० ; जकरिया १२ : १० ; यूहन्ना १९ : ३७

५ परमपरमु यावे मुल बाकब, डांइती यो बाकशा बाकत। मिनु नोले यो जाकब। नेल्ल सक्ति पाइशशा परमपरमु यावेमी “गो आल्फा नु ओमगा नड” दंत। आल्फा नु ओमगा माइशशा गरीक लोत्रमी डांइती नु नोले डा अच्छर बाक्नीस। परकाश २१ : ६ ; यसैया ४१ : ४ ; परकाश ४ : ८

## येसुमी यूहन्ना कली पपाइशशा गेय

१ मिनु गो इन लोकब यूहन्ना, येसु खरीस्त कली थमा सुइक्ब नड। गो इन बुदी श्यत जशा परमपरमु यावे आ राज्य डा मुर यो नड। मोपतीक श्यत जशा, इन सोदंशा पा येसु खरीस्त कली रिम्शा बाक्नुड। गो येसु आ सांकछी दुम्ती। मिनु परमपरमु यावे आ लोत्र शंताकड। मोपतीके मुरुमी आ कली पात्मास माइशशा टापुमी लाइशशा प्रांडतीमी। १० मिनु गो परमपरमु यावे आ नाक्त परमपरमु यावे आ सोक्तीम बाक्ती। मिनु आं नोले तुराही ताप्शा सोदंशा ठेयब संदा नेता। ११ मेको संदामी आं कली “मार मार ताइनेव, मेको नेल्ल कागजम बरक्तो। मिनु बरकशा डा मिन, एसीया डा ७ ओटा सहर डा येसु खरीस्त कली थमा सुइक्ब आन गरुम्तीक डा मुर आन कली सोइक्तो। मेको ७ ओटा सहर चहिं एफिसस, स्मिरना

परगामोम, थिआटीरा, सारडीस, फिलाडेलफीया नु लाओडीसीया नम” दैत। १२मिनु गो नु लोत्र पाइब कली कोवडु, दे बिर लेत्ती। लेशशा कोवडुनु, ७ ओटा सुन के दियारीम बत्ती बरशो ताता। १३मको ७ ओटा दियारी आन दातेमी मुर का बाक्शो खोदंशो ताता। मको मुर दोदंशो तांडसाक्व दंशा हना, खोइली सम्म लाइशशा वा फक्शो नु सुन के किप्तीके कुचुमी किप्शो बाक्त। परकाश २:१; दानीएल ७:१३ १४मको आ पिया नु आ चां बुश ऊन नु फुं खोदंशो बुश तांडसाक्व। आ मिक्व हरुर पा बरशो मी खोदंशो तांडसाक्व। परकाश २:१८; परकाश १९:१२ १५ आ खोइली याप्पाइशशा टल्केशो कांसा खोदंशो तांडसाक्व। मिनु आ संदा टेयव खोला आन रयक खोदंशो नंसाक्व। १६मिनु मको आ ग्युरा गुइमी ७ ओटा सोरुल शेशो बाक्त। मिनु निम्फा गे क्योरतीक पाइशशा हेशशा तरवार का आ शोत्र रे गरुत। मिनु आ कुल नाक्त डा नां खोदंशो पा कोवने मचाप्चा डा तांडसाक्व।

१७मिनु गोमी मको मोदंशो तडानु, बेक्शो मुर खोदंब पा मको आ खोइलीम गोल्ती। मिनु मकोमी चहिं आ ग्युरा गुइ आं तारी वोइशशा “महिना, गो नेल्ल क्येडा खोइती नु नेल्ल क्येडा नोले डा नड। दानीएल ८:१८ १८ बरोइशा बाक्व नड। गो बेक्शा यो, लेशा मबक्चा डा पा बरोइती। मिनु नरक नु बेक्शा लशो मुर आन बाक्तीक डा रोक्तीक सांचो गो नु बाक्व। १९गे मार मार तवी, मको बरक्तो। गे मार बरक्चा माल्नेव दंशा हना, मुल मार बाक्वा, नोले मार दुम्बा, मको नेल्ल बरक्तो।

२०मिनु आं ग्युरा गुइमी बाक्शो ७ ओटा सोरुल नु ७ ओटा खपीम बाक्शो सुन के दियारी आ खरुइशशा अर्थ मार बाक्व दंशा हना, मको आं गुइमी तशा ७ ओटा सोरुलपुकी मको एसीया डा ७ ओटा सहर डा थमा सुइक्व आन गरुस्तीक डा शंब नम। मको ७ ओटा दियारी चहिं मको एसीया डा ७ ओटा सहर डा थमा सुइक्व आन गरुस्तीक डा मुर नम” दे माइक्ती।

### एफिसस कली चिठी

१मिनु येसु खरीस्तमी आं कली एफिसस सहर डा थमा सुइक्व आन शंब कली बरक्पाइक्ती। एको आ ग्युरा गुइमी ७ ओटा सोरुल नु ७ ओटा सुन के दियारी आन दातेमी हिरब आ लोत्र बाक्व। परेरित १८:१९ २मकोमी “गो इन पशो गेय, इन फाल्शो श्यत नेल्ल

तुइक्नुड। मिनु गे मरिम्शो मुर आन कली फाल्ने मचाप्नीनी। मिनु गे सोइशशा, आं लोत्र शंब दुम्सु पाइब मुर आन कली नाक्शा, जोल्फ बाक्नीम, दे तुइक्नीनी। १५हन्ना ४:१ ३गे फाल्शा, आं कली थमा सुइक्तीनी। मोपा थमा सुइक्चा मदथु, आं पर्वम श्यत फाल्नीनी, दे गो तुइक्नुड। १तिमोथी ५:१२ ६तन्न गो इन कली लोत्र का पचा माल्नुड। मार लोत्र पचा माल्नुड दंशा हना, खोइती गे आं कली थमा पा दाक्ताक्नी। मुल चहिं खोइती डा खोदंशो पा दाक्चा परांइतीनी। ५इन खोइती डा आं कली दाक्शा मिम्तीनी। इन थुं आं गे लेत्तीने। मिनु इन खोइती डा पशो गेय पने। गे मको दाक्चा डा गेय मपाइतीनी हना, गो इन बाक्तीक जाक्शा, इन दियारी आ बाक्तीके र तिल्लुड। ६तन्न इन गेय का रिम्शो बाक्व। गेपुकी निकोलाइटन आन शंतीके डा गेय गरांगरा दीनीनी। गो यो गरांगरा दीनुड। मज्जन संगरह १३९:२१ ७ परमपरमु यावे आ सोक्तीमी थमा सुइक्व मुर आन कली शंशो लोत्र सु सुमी नने चाप्नीमी, मकोमी नेन्मेक्ल। सु सुमी सैतान कली गरांनीमी, मको आन कली परमपरमु यावे आ रूमी बाक्व बरोइतीक रवा आ फल ब्बचा गेनुड” दे बरक्पाइक्ती। परकाश २२:२; उत्पत्ती २:९

### स्मिरना कली चिठी

८मिनु येसु खरीस्तमी आं कली स्मिरना सहर डा थमा सुइक्व आन शंब कली बरक्पाइक्ती। मकोमी “गो नेल्ल क्येडा खोइती नु नेल्ल क्येडा नोले नड। गो बेक्शा यो बरोइती” दैत। परकाश १:११; परकाश १:१८ ९मकोमी “गो इन श्यत जशो तुइक्नुड। गे थमा पा पूरुडग बाक्नीनी, दे गो तुइक्नुड। तन्न गे इन थुंम शांप पाइशशा बाक्नीनी, दे यो तुइक्नुड। मरिम्शो लोत्र पाइब सु सु नमी दंशा हना “यहूदी नकी” दंसु पाइबपुकी सैतानमी शंशो मुर नम। याक्व २:५; परकाश ३:२ १०मिनु मुल इन कली श्यत दुम्चाप्नु। तन्न महिनीने। ननीन, मुल दियाबलस सैतानमी गे का निक्शी इन कली थुं थाम्चा कली जेल्खानम चोक्पाइक्व। गे १० नाक्त सम्म ला श्यत जाइनीनी। साइक्चाम्तक्म हना यो, फाल्शा थमा सुइक्चा मपरोनीन। मो पाइतीनी हना, गो इन कली गेना हना यो बरोइशा बाक्तीक सिरपेच गेनुड। मती १०:१९,२८; परकाश ३:११; २तिमोथी ४:८ ११ परमपरमु यावे आ सोक्तीमी थमा सुइक्व मुर आन कली शंशो लोत्र सु

सुमी नंने चान्नीमी, मेकोमी नेन्मेक्ल। सु सुमी सैतान कली गरानीमी, मेको निक्शी खेयप बेक्चा ममाल्नीम। मिनु परमपरभु यावेमी गेशो सजाइ यो मताइनीम” दे बरेक्पाइक्ती। परकाश २०:१४

### पेरगामोम कली चिठी

१२मिनु येसु खरीस्तमी आं कली पेरगामोम सहर डा थमा सुइक्व आन शंब कली बरेक्पाइक्ती। आ शोत्र र निम्फा गे क्योरतीक पाइश्शो हेश्शो तरवार पाइश्शोमी १३ “इन बाक्तीक सहरम सैतान आ निक्तीक बाक्व, दे गो तुइक्नुड। गेपुकीमी गो येसु खरीस्त आ मुर नकी” दे आं कली थमा सुइक्चा मप्रांडनी। मिनु इन सहरम सैतान आ निक्तीक बाक्मनु, अन्टीपास माइश्शो आं कली मप्रांडथु, थमा सुइक्व नु आं लोत्र शंब बाक्त। मिनु मुरुमी मेको कली सैतान आ बाक्तीकमी बाक्शा, साइक्तेक्म हना यो, गे आं कली थमा सुइक्चा मप्रांडनी। १४ तन्न गो इन कली लोत्र का पचा माल्नुड। मार लोत्र पचा माल्नुड देशो हना, गे का निक्शीमी मरिम्शो गेय पाइतीनी। इन गरुम्तीक डा का निक्शीमी बालाम माइश्शो मुर आ शंशो थमा सुइक्नीमी। बालाममी मार शंताक्व देशो हना, डांडीती बालाक माइश्शो पिप कली इसराएल जात डा वांइश मुर आन कली खतम सल्लु। दोपा खतम सल्लु देशो हना, चदशो थोत्रक ब्वपाइक्तु। मिनु तेल्लेम पपाइक्तु। गन्ती ३१:१६; २पतरुस २:१५; यहूदा १:१ १५ मिनु गे इन गरुम्तीकमी निकोलाइटन आन शंशो लोत्र का निक्शीमी थमा सुइक्नीमी। १६ मोपतीक इन थुं गो आं गे लेत्तीन। मलेत्ताकनी हना, गो इन गरुम्तीकमी रीब पा जाक्नुड। मिनु आं शोत्र डा तरवारमी मेको नु लडाइ पाइक्नुड। १७ परमपरभु यावे आ सोक्तीमी थमा सुइक्व मुर आन कली शंशो लोत्र सु सुमी नंने चान्नीमी, मेकोमी नेन्मेक्ल। मिनु सु सुमी सैतान कली गरानीमी, मेको आन कली खरुइश्शा वोइश्शो मन्ना शोब्ले गेनुड। मिनु गोमी मेको गराब आन कली बुश हीरा का का गेनुड। मेको बुश हीरा तार हीरा ताइब आन नक नं बरेक्शा बाक्व। मेको नं हीरा ताइबमी ला तुइक्नीम। अर्का मुरुमी चहिं मतुइक्नीम” दे बरेक्पाइक्ती। भजन संगरह ७८:२४; यसैया ६२:२

### थिआटीरा कली चिठी

१८ मिनु परमपरभु यावे आ तौमी आं कली थिआटीरा सहर डा थमा सुइक्व आन शंब कली बरेक्पाइक्ती। एको आ मिक्च हरुर पा बरशा मी खोदंशो तांडसीशा नु आ खोइली याप्पाइश्शो टल्कशो कांसा खोदंशो तांडसीशा आ लोत्र बाक्व। पररित १६:१४; परकाश १:१४-१५ १९ मेकोमी “गो इन पशा गेय तुइक्नुड। इन आं कली दाक्शो, इन थमा सुइश्शो, इन थमा सुइक्व आन कली पशा गेय नु इन श्येत फाल्शो तुइक्नुड। गे डांडीती क्येडा शुश गेय पाइनीनी। २० तन्न इन कली लोत्र का पचा माल्नुड। मार लोत्र पचा माल्नुड देशो हना, गे इजेबेल माइश्शो मीश मुर कली इन गरुम्तीकमी बाक्चा गेतीनी। इजेबेलमी गो परमपरभु यावेमी तुइक्पाइश्शो लोत्र पाइब नड” देखु पा, आं गेय पाइब आन कली मरिम्शो पचा शंताक्मी। मार मरिम्शो पचा शंताक्मी देशो हना, तेल्लेम पचा नु मूर्ति कली चदशो थोत्रक जचा ब्वचा दुम्ब, दे शंताक्मी। २१ राजा ९:२२ २१ गोमी मेको कली ‘इ थुं आं गे लेत्तो। इ तेल्लेम पचा ताइक्तो” दे रिम्ताक्ड। मेकोमी आ थुं गो आं गे लेत्त्वा नु आ तेल्लेम पचा ताइक्ने मबीस। २२ मिनु गो मेको कली रोइ पपाइक्नुड। मिनु मेको नु तेल्लेम पाइब आन तेल्लेम पचा प्रांडशा, गो आं गे लेत्ने मबिस्साक्म हना, मेको आन कली यो ठेयब श्येत गेनुडमी। २३ आ आल आन कली मुर साइक्व रोइम साइक्नुडमी। मेको आन श्येत जशा, बेक्शो तशा ‘गाम पाप्तु’ दे थमा सुइक्व नेल्लमी तुइक्नीमी। मिनु थमा सुइक्व आन गरुम्तीक डा मुर नेल्लमी ‘येसु खरीस्तमी मुर आन थुं नु आन पशा तुइक्व। मिनु नोले दोपा पाम, मोपा गेब’ दे तुइक्नीम। भजन संगरह ७७:१०; येरमीया १७:१० २४ तन्न थिआटीरा डा थमा सुइक्व आन गरुम्तीकमी इजेबेल आ शंशो मपाइबपुकी यो बाक्नीम। मेकोपुकीमी इजेबेल आ शंसीब बुदी सैतान आ ठेयब गेय यो मतुइक्नीम। मिनु आं कली रिम्शो पा थमा सुइक्व आन कली अर्का श्येत मगेनुड। २५ गे इन तुइश्शो गो मजाकडा सम्म पना पन बाक्कीन। परकाश ३:११ २६ सु सुमी सैतान कली गरानीमी, मेकोमी बेक्ची ना सम्म आं गेय पाइनीमी, गो मेको आन कली रागी रागी डा मुर आन कली सासन पतीके सक्ति गेनुड। २७ मिनु मेकोपुकीमी खप के ग्यांब आन कली फलाम के

कोकमेमी चोंडटा चोंडटा पशो बुद पा रागी डा मुर आन कली सासन पाइनीम। गो यो मोदंशो सक्ति आं आफर तशो नड्ड। मजन संग्रह २ : ८-९, २८ मिनू गोमी मेको सैतान कली गराब आन कली सुनी डा सुक्कुर सोरुल गनुड्ड। २९ परमपरभु यावे आ सोक्तीमी थमा सुइक्व मुर आन कली शंशो लोत्र सु सुमी नंन चान्नीमी, मेकोमी नन्मेक्ल” दे बरक्पाइक्ती।

### सारडीस कली चिठी

३ १मिनू येसु खरीस्तमी आं कली सारडीस सहर डा थमा सुइक्व आन शंब कली बरक्पाइक्ती। एको ७ ओटा ठांउ डा परमपरभु यावे आ सोक्त नु ७ ओटा सोरुल नु बाक्व आ लोत्र बाक्व। मेकोमी “गो इन पशो गेय तुइक्नुड्ड। गेपुकीमी चहिं गो खरीस्त कली थमा सुइक्शा, बरोइशा बाक्नीकी” देनीनी। तन्न इन थमा सुइक्तीके बेक्शो खोंदेब पा इण्शो बाक्व। परकाश १:४ २मोपतीके संशा बाक्कीन। इन बेक्चा चिक्शो थमा सुइक्तीके बारपतीन। गोमी इन गेय ताता। मेको इन गेय आं परमपरभु यावे कली मगारनीम। लूका २२:३२ ३मिनू इन तशो नु इन नंशो मिस्तीन। मेको कली मपरंथु, इन थुं गो आं गे लेत्तीन। गे मो मपाइतीनी हना, गो सुइ खोंदंशो पा इन बाक्तीकेमी जाक्नुड्ड। मिनू गो गेना जाक्नुडा, गे मतुइक्नीनी। ४थिस्सलोनिकी ५:२ ४मिनू सारडीस सहर डा थमा सुइक्व आन गरुस्तीकेमी का निक्शो रिम्शा पा थमा सुइक्व यो बाक्नीम। मेकोपुकीमी पाप मपाम, मोपा आन वा मतुम्सीशो बाक्व। मारदे हना मेको आन नाक्त कित डा गेय परमपरभु यावे कली गारब। मोपतीके मेकोपुकी गो नु बुश वा फेक्शा, हिरचा शिरनीम। यहूदा :२३ ५सु सुमी सैतान कली गरानीमी, मेको आन कली मोपा बुश वा फेक्चा गेनुड्ड। मिनू मेको आन नं परमपरभु यावे नु बरांइचा ताइब आन नं बरक्शो किताब रे मक्यानुड्ड। गोमी आं आफ्र नु आ स्वर्ग डा गेय पाइब आन डोंइती मेको आं मुर नम” देनुड्ड। परकाश ७:१३; लूका १०:२०; मत्ती १०:३२ ६परमपरभु यावे आ सोक्तीमी थमा सुइक्व आन कली शंशो लोत्र सु सुम नंन चान्नीमी, मेकोमी नन्मेक्ल” दे बरक्पाइक्ती।

### फिलाडेलफीया कली चिठी

७मिनू येसु खरीस्तमी आं कली फिलाडेलफीया सहर डा थमा सुइक्व आन

शंब कली बरक्पाइक्ती। मेको परमपरभु यावे आ तौ, थमा पा पाप रे परांइब, दाऊद आ राज्य डा सांचो थीबमी लाप्चो रोक्शा डा मेरे सुइमी चोक्न मचान्नीम। मिनू चोक्शा डा मेरे सुइमी रोक्न मचान्नीमी। यसैया २२:२२ ८मेकोमी “गो इन पशो गेय तुइक्नुड्ड। गे इन सक्ति आइक्व बाक्त हना यो, आं दंशो टीतीनी। मिनू गेपुकीमी थसु खरीस्त कली मतुइक्नुड्ड” दे गनायो मदेनी। मोपतीके गो इन कली लाप्चो रोक्शा वोइक्ता। मेको सुइमी चोक्न मचान्नीम। ९मिनू इन गरुस्तीकेमी का निक्शीमी “यहूदा नको” दे जोल पाइनीम। मेकोपुकी चहिं सैतान आ शंशो मुर बाक्नीम। नेनीन, गो मेको आन कली इन खोइलीमी बाप्शा सेउ पपाइक्नुड्ड। गोमी इन कली दाक्नुड्ड, दे मेको आन कली तुइक्पाइक्नुड्ड। परकाश २:९; यसैया ४९:२३; यसैया ६०:१४ १०मिनू गे शुश श्यत फाल्शा, आं दंशो लोत्र मपरांइनी। मोपतीके रागी नेल्ल डा मुर आन थुं थाम्चा कली जाक्शो श्यत रे परांइनन्नी। परकाश १४:१२; मत्ती ६:१३ ११मिनू गो फरा लेक्शा योनुड्ड। थमा सुइक्चा मपरांइनी। मोपा बाक्तीनी हना, सुइमी इन सिरपच रोइक्ने मचान्नीम। परकाश २:१० १२सु सुमी सैतान कली गरानीमी, गोमी मेको आन कली आं परमपरभु यावे आ खिं डा थाम खोंदंशो बाल्यो सल्लुड्ड। मिनू मेको गेना हना यो परमपरभु यावे आ खिंमी बाक्नीम। मिनू मेको मुर आन तारी आं परमपरभु यावे आ नं, आं परमपरभु यावे आ सहर आ नं नु आं नक नं बरक्नुड्ड। आं परमपरभु यावे आ सहर चहिं नक यरुसलेम माइक्शा बाक्व। मेको नक यरुसलेम आं परमपरभु यावे आ बाक्तीके स्वर्ग रे योब। परकाश १४:१; परकाश २१:२ १३परमपरभु यावे आ सोक्तीमी थमा सुइक्व आन कली शंशो लोत्र सु सुमी नंन चान्नीमी, मेकोमी नन्मेक्ल” दे बरक्पाइक्ती।

### लाओडीसीया कली चिठी

१४मिनू येसु खरीस्तमी आं कली लाओडीसीया सहर डा थमा सुइक्व आन शंब कली बरक्पाइक्ती। एको आमन माइक्शा, दीगो पाइब परमपरभु यावे आ सांक्छी नु रागी नु मारइ मारइ सेल्ल आ लोत्र बाक्व। कलस्सी २:१; कलस्सी ४:१३; २कोरिन्थी १:२०; परकाश १:५; कलस्सी १:१५ १५मेकोमी “गो इन पशो गेय तुइक्नुड्ड। इन थमा सुइक्चा

सिक्स यो ममाइ, होश यो ममाइ, कि सिक्स कि होश दुम्शो हना, रिम्शो दुम वा। १६तन्न इन थमा सुइक्तीके गाम्चा चिकशो बाक्व। मोपतीके गो इन कली तेशा ताइक्नुड। १७मिनु गुपुकीमी 'आइ के शुश शॉप बाक्व। गो शॉप पाइश्शा नकी। गो मारइ ममाल्नीकी' दंनीनी। तन्न गो इन कली श्यत जाइब नु परुडग, मिक्च मताइब नु हेरा शिशूरा गाक्शा पुंडब सोदंशो दुम्शो ताता। १कोरिन्थी ३:१८; १कोरिन्थी ४:८; १८मोपतीके गो इन कली लोत्र का पाइक्नुड, मार लोत्र पाइक्नुड दंशा हना, गे शॉप पाइश्शा दुम्चा कली आं सुन ग्यापीन। मेको सुन याप्पाइश्शा बाक्व। मेको ग्याप्तीनी हना, गे शॉप पाइश्शा दुम्नीनी। मिनु फक्चा कली बुश वा ग्यापीन। मेको ग्याप्तीनी हना, मुने मदोक्नीनी। मिनु इन मिक्च, सापाइक्चा कली मिक्चीम खरेक्तीके ग्यापीन। ग्याप्शा खरेक्साक्नी हना, गे ताइनीनी। ११गो आं दाक्शो मुर आन कली आन मरिम्शो पतीके कांडक्नुड। नोले गो मेको आन कली श्यत गेशा, आल सोदंशो पा शंनुड। इन थुं गो आं गे लेत्तीन। इन थमा सुइक्तीके बारपतीन। हितोपदेस ३:१२; १कोरिन्थी ११:३२; हिब्रू १२:६ २०नेनीन, गो लाडगाम जाक्शा 'बाक्नी?' दे बरत्तुड। सु सुमी आं संदा नंशा 'ओवडीन' दंनीमी, गो मेको नु बाक्थ ओव्रनुड। मिनु मेको नु काथा बाक्शा, खम जाइक्नुड। यूहन्ना १४:२३ ११सु सुमी सैतान कली गरानीमी, मेको आन कली आं ठेयब नितीकेमी निप्पाइक्नुड। गो डांडती ग्राती। मोपा गो आं आफ आ ठेयब नितीकेमी आफ नु निस्साक्थी। मत्ती ११:२८ २२परमपरभु यावे आ सोक्तीमी थमा सुइक्व आन कली शंशो लोत्र सु सुमी नंन चान्नीमी, मेकोमी नन्मेक्ल" दे बरक्पाइक्ती।

परमपरभु कली पशो कुम्सो

४ १मिनु नोले सरीड गे कोवता। मिनु मेकेर लाप्चा का रोक्शा वोइश्शा ताता। मिनु डांडती आं नंशो तुराही ताप्शो सोदंशो ठेयब संदा लंशा नंता। मेको संदामी "एक कुवो। नोले मार दुम्बा, गो इ कली कांडनन" दे माइक्ती। परकाश १:१० २मिनु गो परमपरभु यावे आ सोक्तीमी बरीती। स्वर्गमी ठेयब नितीके वोइश्शा ताता। मेको ठेयब नितीकेमी का निश्शा ताता। मजन संग्रह ४७:१; यसैया ६:१; इजीकीएल १:२६-२८ ३मेको ठेयब

नितीके बुश नु लल टल्केशो हीरा सोदंशो तांडसाक्व। मेको ठेयब नितीके आ एर आंथ वाक्श दाप्शो ताता। मेको वाक्श गिग हीरा सोदंशो तांडसाक्व। ४मिनु ठेयब नितीके आ एर आंथ २४ ओटा आइक्च नितीकेपुकी बाक्तेक्म। मेको नितीकेपुकीमी बुश वा फक्शा नु आन पियामी सुन के सिरपच गुप्शो २४ जना शंब खाल्पामी निश्शा बाक्तेक्म। परस्थान ११:१६; परकाश १:४ १मिनु मेको नितीके रे चित्ता दाप्शो तांडसाक्व। मिनु बुंबु पशो रेयके नु संदापुकी नंसाक्व। मिनु ठेयब नितीके आ डांडती ७ ओटा बरशो तोव्रशी बाक्तेक्म। मेको ७ ओटा तोव्रशी चहिं परमपरभु यावे आ ७ ठाउंम बाक्शो सोक्त बाक्तेक्म। परस्थान ११:१६ ६मिनु नितीके आ डांडती समुन्दर सोदंशो दिम का बाक्त। मेको दिम सिसा सोदंब टल्केशो तांडसाक्व। मिनु मेको ठेयब नितीके आ एर आंथ आन रां नेल्ल शुश मिक्च पाइश्शा ४ ओटा सस जन्तु बाक्तेक्म। इजीकीएल १:२,१०,२२ ७मेको सस जन्तुपुकी दोदंब तांडसाक्म दंशा हना, डांडती डा जन्तु गुप्स सोदंशो तांडसाक्व, अर्का सस जन्तु बोहोर सोदंशो तांडसाक्व। नोले डा सस जन्तु आ कुल मुर के सोदंशो तांडसाक्व। मिनु नेल्ल क्यडा नोले डा सस जन्तु बरशो ककाकुली सोदंशो तांडसाक्व। इजीकीएल १०:१४ ८मिनु मेको सस जन्तु ६, ६ ओटा फरां पाइश्शा बाक्तेक्म। मेको आन फरां नेल्ल नु आन रां नेल्लेमी मिक्च पाइश्शा बाक्तेक्म। मिनु मेकोपुकी नाक्दो नाक्त परमपरभु यावे कली कुम्सो पना पन बाक्बाक्तेक्म। मार कुम्सो पाइबाक्तेक्म दंशा हना, "परमपरभु यावे, गे का ला परमपरभु ननी। गे नेल्ल सक्ति पाइश्शा बाक्नीनी। गे डांडती बाक्शो बाक्तीनी। मुल यो बाक्नीनी। मिनु नोले यो जाक्नीनी" दे कुम्सो पना पन बाक्बाक्तेक्म। यसैया ६:२-३; परस्थान ३:१४ ९मोपा मेको ४ ओटा सस जन्तुमे गेना हना यो बरांडशा बाक्व ठेयब नितीकेमी निप्च कली "गे छेड्छेड्छेड्, मान ताइब नु रिम्शो पाइब बाक्नीनी" देमानु, १०मेको २४ जना शंब खाल्पामी मेको ठेयब नितीकेमी निप्च आ डांडती आन पाक्च थक्शा सेउ पाम्तेक्म। मिनु गेना हना यो बरांडशा बाक्व कली मान पाम्तेक्म। मिनु मेकोपुकीमी आन सिरपेच पुइश्शा, मेको ठेयब नितीकेमी निप्च आ डांडती वोइश्शा ११ "गे परभु, आइ परमपरभु यावे ननी। गे सक्ति पाइश्शा, छेड्छेड्छेड्म

बाकशा, मान ताइब बाकनीनी। मारदे हना गे मारइ मारइ सेल्लनीनी, मोपा इन दाकशा सेल्लो मुल सम्म बाकब” दे कुम्सो पना पन बाक्तेकम।

### छाप थोकशो कागज

१ मिनु गो मको ठेयब नितीकमी निष्व आ ग्युरा गुइमी ओल्लो कागज का शंशो ताता। मको कागजम निष्फा ग बरकशा बाक्त। मिनु मको कागज ७ ओटा छाप थोकशा, प्राकन मन्नाप्ना डा सेल्लो बाक्त। परकाश ४:३; इजीकीएल २:१-१० २ मिनु गो सक्ति पाइशो परमपरभु यावे आ स्वर्ग डा गेय पाइब का ताता। मकोमी ठेयब संदामी “सुमी मको ७ ओटा छाप परइशशा, कागज प्राकन चाप्ना?” दे हिल्लो पाप्नु। ३ मिनु स्वर्गमी, रागीमी नु रागी आगाम बाकबपुकीमी सुइमी मको कागज प्राकन मचबेम, कोव्रन यो मचबेम। ४ मोपतीके गो शुश डाकती। मारदे हना सुइमी मको कागज प्राकन मचबेम, कोव्रन यो मचबेम। ५ मिनु मको शंब खाल्पा कामी आं कली “मडाकको। मको गुप्स, यहूदा आ थर डा पिप दाऊद आ सिं डा बाकब। मकोमी सेतान कली गरात। मोपा मको कागज डा ७ ओटा छाप परइशशा प्राकन चाप्न” देत। उत्पत्ती ४९:१-१०; यसेया ११:१

### पाठा कली नक कुम्सो पशो

६ मिनु गोमी ठेयब नितीक, ४ ओटा सेस जन्तु नु शंब खाल्पा आन दातेमी क्योरशो पाठा खोदेशो पा दोक राप्शो ताता। मको पाठा के ७ ओटा गरोव्र नु ७ ओटा मिक्च बाक्त। मको मिक्च चहिं परमपरभु यावमी रागी रागीमी सोइशशो परमपरभु यावे आ ७ ओटा सोक्त बाक्तेकम। यसेया ५३:७; यूहन्ना १:२९ ७ मिनु मको पाठामी मको ठेयब नितीकम निष्व आ ग्युरा गुइ रे मको कागज ताक्तु। ८ मोपा ताक्यानु, सेस जन्तु नु शंब खाल्पापुकी पाठा आ डांइती पोक्च थकशा बाक्तेकम। मकोपुकीमी ठेयब ताप्तीके नु सुन के थनौरो कुरशा बाक्तेकम। मिनु सुन के थनौरो चहिं धूपमी बरीशो बाक्तेकम। मको धूपमी बरीशो थनौरो चहिं थमा सुइक्ब मुर आन मान पशो नु पुंइशो लोव्र बाक्तेकम। १ मिनु मकोपुकीमी पाठा कली नक कुम्सो का पाप्तेकम। मार नक कुम्सो पाप्तेकम देशा हना “मको कागज ताकने नु प्राकन चाप्न, गे का ला ननी। मारदे हना गे मुर आन कली परमपरभु यावे आ नक्था

बाकपाइक्चा कली ग्याप्तीनी। दोपा ग्याप्तीनी देशा हना, साइक्चा पुंइसीशा, इन हुश शाइशशा ग्याप्तीनी। मिनु गे मार मुर ग्याप्तीनी देशा हना, नेल्ल थर रे, नेल्ले लोव्र रे, नेल्ल जात रे नु नेल्ल रागी रे मुरपुकी ग्याप्तीनी। भजन संग्रह ३३:३ १० मिनु गे मको आन कली परमपरभु यावे आ राज्य डा पिप नु आ डांइती राप्च सल्लनीनी। मिनु रागी नेल्ल कली सासन पाइब यो सल्लनीनी” दे कुम्सो पाप्तेकम। परकाश १:६; परस्थान १९:६

### पाठा कली मान पशो

११ मिनु मको ठेयब नितीके गे कोव्रना कोव्रन बाकडानु, सेस जन्तु नु शंब खाल्पा आन एर आंथ शुश परमपरभु यावे आ स्वर्ग डा गेय पाइब आन संदा नेता। मिनु मकोपुकी गिश बाक्तेकम देशा हना, हजार हजार, लाख लाख बाक्तेकम। हिब्रू १२:२२ १२ मिनु मकोपुकीमी “मको साइक्चा पुंइसीशा पाठा का ला सक्ति पाइशशा, शांप पाइशशा, जोक्तीके तुइक्तीके, बोल, मान, छेड्छेड नु रिप्शो पाइब बाकनीनी देचा शिरशो बाकब” दे ठेयब संदामी देतेकम। १इतिहास २९:११; फिलिप्पी २:१-१०

### शुश मुरुम मान पशो

१३ मिनु स्वर्गमी बाकब, रागी नु रागी आगाम बाकब, समुन्दर तारी नु आगाम बाकब नेल्लमी “गना हना यो ठेयब नितीकमी निष्व नु पाठा कली गे रिप्शो पाइब बाकनीनी, मान, छेड्छेड ताइब नु सासन पाइब बाकनीनी” देशा नेता। १४ मिनु मको ४ ओटा सेस जन्तुमी “आमन” देतेकम। मिनु मको खाल्पापुकीमी बाप्शा सेड पाप्तेकम।

### पाठामी छाप पराकशा

१ मिनु मको पाठामी मको कागज रे ७ ओटा छाप रे का पराकशा ताता। मिनु सेस जन्तु कामी बुबु पशो खोदेशो पा “पिवो” दे बरशशा नेता। २ मिनु गो बुश शारा का ताता। मको शारा डोइक्बमी लिबरा कुरशा बाक्त। मको कली सिरपेच गेशो बाक्त। मिनु मको ग्राना ग्रान गाक्त। जकरिया ६:१-८

३ मिनु पाठामी मको लीशो ६ ओटा छाप रे का पराक्यानु, अर्को सेस जन्तुमी “पिवो” दे बरशशा नेता। ४ मिनु गो अर्को शारा का ताता। मको शारा चहिं शुश लेल बाक्त। मिनु शारा डोइक्ब कली

रागी डा मुर आन दुशा बाक्तीक नेल्ल रोडक्वा कली नु मुर क्योरमुपाइक्वा कली ठेयब चुक्व गेशो बाक्त।

५मिनु पाठामी मेको लीशो ५ ओटा छाप रे का पराकगानु, अर्का सेस जन्तुमी “पिवो” दे बरेशो नेंता। मिनु गो क्येर शारा का ताता। मेको शारा डोइक्वमी तुला का ग्याइशो बाक्त। ६मिनु गो मेको ४ ओटा सेस जन्तु आन दातेमी संदा कामी “काबु डा गेय कली माना निक्शी चेरब फस गाल्व माल्ताक्व। मिनु काबु डा गेय कली माना सां क्योत्रज फस गाल्व माल्ताक्व। तेल नु अङ्गुर शांबु कली चहिं मारइ मपचा” दंशो नेंता।

७मिनु पाठामी ४ ओटा लीशो छाप रे का पराकगानु, नोले डा सेस जन्तुमी “पिवो” दंशो नेंता। ८मिनु गो हौ शारा का ताता। मिनु मेको शारा डोइक्व आ नें चहिं साइक्पाइक्व नु बेक्पाइक्व बाक्त। मिनु रागी डा बेक्शो मुरपुकीमी मेको आ नोले सोइक्तेक्म। मिनु मेको कली रागी डा ४ भाग डा भाग का मुर आन कली साइक्पाइक्वा, दे अधिकार गेशो बाक्त। दोपा साइक्पाइक्वा गेशो बाक्त दंशा हना, कोइ आन कली तरवारम साइक्पाइक्वा, कोइ आन कली अन्कालम बेक्पाइक्वा, कोइ आन कली मुर साइक्व रोइ पा बेक्पाइक्वा नु कोइ आन कली जन्तुमी साइक्पाइक्वा, दे अधिकार गेशो बाक्त। इजीकीएल १४:२१

९मिनु पाठामी मेको लीशो छाप सां रे का पराकगानु, गो चढतीक आगाम शुश मुर आन कली ताता। मेकोपुकी परमपरभु यावे आ लोत्र टिचा कली नु अर्का आन कली येसु ख्रीस्त परमपरभु यावे आ ती बाक्व, दे शंचा आ पूर्वम साइक्वा पुंडसीशो मुर बाक्तेक्म। १०मिनु मेकोपुकीमी ठेयब संदामी “परमपरभु, गे का ला परमपरभु नु थमा पा नेल्ल आन कली सासन पाइब बाक्नीनी। गेना आंइ कली साइक्व आन कली निसाफ पाइनीनी? गेना रागीम बाक्व आन कली क्येक्क लेत्नीनी?” दंतेक्म। ११मिनु परमपरभु यावे आ स्वर्ग डा गेय पाइबमी मेको आन कली बुश वा का का फेक्वा कली गेप्तु। मिनु मेकोमी मेको आन कली “इच्का रिम्दीन, अर्का इन सोदंशो पा येसु आ गेय पाइब नु अर्का थमा सुइक्व लोकब इन बुदी साइक्वा पुंडसीमा सम्म रिम्दीन” दंत।

१२मिनु पाठामी मेको लीशो छाप निक्शी रे का पराकगानु, ठेयब खिरनु कुत। मिनु नां

कुंखी सोदंशो क्येर दुम्त। तास्ता चहिं हुश सोदंशो लल दुम्त। यसैया २४:२१-२३; योएल ३:३-४; मती २४:२९ १३मिनु ठेयब फशमी फोत्रशी आ ममीशो गडा तोक्शो सोदंब पा सरीड डा सोरुलपुकी रागीमी दोक्तेक्म। १४मिनु सरीड ओल्थो कागज सोदंशो पा लाक्तु। डोडा, टापु नेल्ल याक्साक्म। यसैया ३४:४ १५मना रागी डा पिपपुकी नु ठेयब मुरपुकी, फौज डा कप्तानपुकी, शांप पाइशो नु बाल्या मुरपुकी, वाइलीम वाइल नु मुर नेल्ल पहाड डा सरथ फुल्लु नु पुक्सीमी खरुंडिसाक्म। यसैया २:१०,१९ १६मिनु पहाड नु सरथ फुल्लु कली “गो आंइ कली सुम्की। मेको ठेयब नितीकमी निष्व नु पाठा आस गाइक्वा रे आंइ कली खरुइक्तीकी। लूका २३:३० १७मारदे हना मेको आस गाइक्वी नाक्त जाक्त। सुइ मेको आस डोइती रान्ने मचाप्नीम” दे ठेयब संदामी गरीतेक्म। आमोस ५:१८; रोमी २:५; मलाकी ३:२

इसराएली छाप थोक्सीशो

१मिनु नोले गो ४ जना परमपरभु यावे आ ७ स्वर्ग डा गेय पाइबपुकी रागी डा ४ कुनामी राप्शो तातामी। मेकोपुकी रवा आ सफा काइ यो महिम्पाइक्वा, रागी नु समुन्दरमी फश मपपाइक्वा कली राप्शो बाक्तेक्म। दानीएल ७:२ २मिनु अर्का परमपरभु यावे आ स्वर्ग डा गेय पाइब का नां दाप्तीक रे कुशो ताता। मिनु गेना हना यो बरंडब परमपरभु यावे आ छाप मेको नु बाक्शो बाक्त। मेकोमी रागी नु समुन्दर बिगरेचा कली अधिकार तशो ४ जना परमपरभु यावे आ स्वर्ग डा गेय पाइब आन कली ठेयब संदामी ३ “गोपुकीमी आंइ परमपरभु यावे आ वाइलीम वाइल आन कुप्कीमी छाप मथोक्शो सम्म रागी, समुन्दर नु रवा आन कली मबिगरन” दंत। परकाश ९:४; इजीकीएल ९:४,६ ४मिनु गिश मुरपुकी छाप थोक्वा पुंडसीशो बाक्तेक्म दंशा हना, इसराएली आन १२ थर डा लाख का ४४ हजार मुर छाप थोक्वा पुंडसीशो बाक्तेक्म। मिनु इसराएली आन थर डा तंको तंको बाक्तेक्म दंशा हना, परकाश १४:१,३ ५यहूदा आ थर रे १२ हजार, रूबेन आ थर रे १२ हजार, गाद आ थर रे १२ हजार, ६ आशर आ थर रे १२ हजार, नाप्ताली आ थर रे १२ हजार, मनस्से आ थर रे १२ हजार,

७ सिमियोन आ थर र १२ हजार,  
लेवी आ थर र १२ हजार,  
इस्साकार आ थर र १२ हजार,  
८ जवृत्तन आ थर र १२ हजार,  
योसफ आ थर र १२ हजार नु  
बन्यामीन आ थर र १२ हजार मुरपुकी छाप  
थोक्चा पुंडसीशो बाक्तेकम ।

### अर्को रागी डा मुर

१ मिनू नोले हिकने मचाप्चा डा पा रागी रागी  
नेल्ल डा, जात नेल्ल डा, थर नेल्ल डा मुर  
नेल्ल नु लोत्र नेल्ल डा मुर ठेयब नितीकमी  
निष्व नु पाठा आस डांडती राप्शो तातामी ।  
मकोपुकीम बुश वा फेक्शो बाक्तेकम । मिनू आन  
गुइमी खजूर खा आ राशी शेशो तातामी । १० मिनू  
मकोपुकीमी परमपरभु यावे नु पाठा आस कली  
“मको ठेयब नितीकमी निष्व आंइ परमपरभु  
यावे नु पाठामी ला पाप रे परांडने चानीस”  
दे ठेयब संदामी गरीतेकम । ११ मिनू परमपरभु  
यावे आ स्वर्ग डा गेय पाइब नेल्ल, ठेयब  
नितीक, शंब खाल्पा नु मको ४ ओटा सस जन्तु  
आन एर आंथ बाक्तेकम । मिनू मको नेल्लेमी  
ठेयब नितीकमी निशशो परमपरभु यावे आ  
डांडती सुम्की पा बाप्शा, परमपरभु यावे कली  
मान पाम्तेकम । १२ मकोपुकीमी “आमन । नेल्ल  
आसीक गेचा नु छेडछेड, जोक्ब तुइक्ब थुं,  
रिम्शो पाइब, मान सक्ति नु सासन पतीके नेल्ल  
गेना हना यो आंइ परमपरभु यावे केन बाक्ल ।  
आमन” दे नेल्लेमी दंतेकम ।

१३ मिनू मको शंब खाल्पा कामी आं कली  
“मको बुश वा फेक्शो मुरपुकी सु नमी? ते रे  
जाक्मा?” दे हिल्लो पती । १४ मिनू गोमी “हजुर,  
गो मतुइक्नुड, गे तुइक्नीनी” दंती । मिनू मको  
खाल्पामी “मकोपुकी ठेयब श्येते रे जाक्तेकम ।  
मिनू मको आन मरिम्शो पतीके लुम्सीशो वा  
पाठा आ हुशमी मुरतीके बुश दुम्त । मत्ती  
२४ :२१ ; परकाश १२ :११

१५ मो दुम्तीके मकोपुकी परमपरभु यावे  
आ ठेयब नितीक आ डांडती बाक्नीम । मिनू  
नाक्दो नाक्त परमपरभु यावे आ खिमी  
परमपरभु यावे कली गेय पाइनीम । मिनू ठेयब  
नितीकमी निष्वमी मकोपुकी नु बाक्शा, मको  
आन कली कोत्रब । १६ मुल मकोपुकी लेशा शोत्रलु  
मबक्नीम । त्तु मदाक्नीम । नां नु अर्को रापमी  
मको आन कली गेनायो मनाष्व । यसैया ४९ :१०

१७ मारदे हना मको ठेयब नितीक आ दातेमी  
बाक्शो पाठामी मको आन कली कोत्रशा, गोठला  
पाइब । मिनू मकोमी मको आन कली बरांडचा गेब  
ब्याक्कु बुक्तीके कोइब । मोपा परमपरभु यावेमी  
मको आन परक्कु फिक्ब” दंत । मजन संगरह  
२३ :२ ; परकाश २१ :४ ; यसैया २५ :८

### पाठामी नोले डा छाप पराक्शो

१ मिनू पाठामी ७ ओटा छाप रे नेल्ल क्येडा  
नोले डा छाप पराक्गानु, आधा घन्टा सम्म  
स्वर्गमी सिक्सी पा काइ रयके मपाम । हबकुक्  
२ :२० २ मिनू नोले गो ७ जना परमपरभु यावे  
आ स्वर्ग डा गेय पाइबपुकी परमपरभु यावे आ  
डांडती राप्शो तातामी । मिनू मकोपुकीमी तुराही  
का का ताक्तेकम । मत्ती २४ :३१

३ मिनू अर्को परमपरभु यावे आ गेय पाइब का  
जाक्शा, चढेतीक आ नक्था राप्त । मकोमी सुन  
के थनीरो कुरशो ताता । मिनू मकोमी शुश धूप  
ताक्तु । मार पचा कली ताक्तु देशा हना, थमा  
सुइक्ब आन परमपरभु यावे कली मान पशो नु  
पुंडशो लोत्र सुन के चढेतीकमी ब्याइक्चा कली  
ताक्तु । ४ मिनू परमपरभु यावे कली मान पा  
पुंडशो लोत्र नु मको धूप आ कुन परमपरभु यावे  
आ स्वर्ग डा गेय पाइब आ गुइ डा थनीरो रे  
परमपरभु यावे आ डांडती लत । ५ मिनू नोले मको  
परमपरभु यावे आ स्वर्ग डा गेय पाइबमी धूप  
चढेतीके डा मी लाइशशा, मको थनीरोमी कुर  
पाप्तु । मिनू रागीमी ताइक्ताक्व । मिनू रागीमी  
बुंबु पाप्तु, शुश रयके पाप्तु । चिला पा खिरनु  
कुत । इजीकीएल १० :२

### डांडती डा ४ ओटा तुराही

६ मिनू मको ७ ओटा तुराही शेयब परमपरभु  
यावे आ स्वर्ग डा गेय पाइबपुकीमी तुराही  
ताप्चा चिक्ताकम । ७ मिनू डांडती डा तुराही  
शेयब परमपरभु यावे आ स्वर्ग डा गेय पाइबमी  
ताप्तु । मोपा तबानु, सरीड रे रागी तारी हुश  
ब्यांडसीशो मुप्स नु मी यित । मिनू रागी के भाग  
सां डा भाग का, खा आन भाग सां डा भाग का नु  
घांस नेल्ल दुष्शा नेक्तु । परस्थान ९ :२३-२६

८ मिनू लीशो ६ जना परमपरभु यावे आ  
स्वर्ग डा गेय पाइब कामी तुराही ताप्तु । मोपा  
तबानु, ठेयब मी बरशा डांडा खोदंशो समुन्दरमी  
ताइशशा ताता । परस्थान ७ :२०-२१ ९ मिनू  
समुन्दर के भाग सां डा भाग का हुश दुम्त । मेकेर  
बाक्ब जन्तु नु डांडपुकी भाग सां डा भाग का



नु गन्धक गरूत । १६ मिनु मेको मी, कुन नु गन्धक र मुरपुकी भाग सां डा भाग का बेक्तकम् । ११ मिनु मेको शारा आन मीतु चहिं बुस्स आ पिया सोदंशो तांइसाकम् । मोपतीक मेको शारा आन बोल शोत्र नु मीतुमी बाक्त । मिनु शोत्र नु मीतुमी मुर आन कली श्यत गम्तेकम् ।

२० मिनु मबक्थु लीशो मुरपुकीमी मेको आन मरिम्शो पचा मप्रोनेम । मार मरिम्शो पाम्तेकम् देशा हना, बोल नु देवी देवता आन कली सुम्की पा संउ पाम्तेकम् । मताइब, मनेब, मगाक्ब सुन, चांदी, कांसा, फुल्लु नु शी क संल्थो मूर्ति आन कली सुम्की पा संउ पाम्तेकम् । परकाश १६ : ९ २१ मिनु मेकोपुकीमी मुर साइक्चा, टुना मुना पचा, चिन्ता बाक्चा, तल्लेम पचा नु खुइ पचा मप्रोनेम । मिनु आन थुं यो परमपरभु यावे गे मलेत्तेम ।

यूहन्नाम इम्चीली किताब जशो

१ मिनु नोले गोमी सक्ति पाइइशो परमपरभु यावे आ स्वर्ग डा गेय पाइब का गोस्सुमी गिल्सीशा, रागीमी यिशो ताता । मेको आ पियामी वाक्श दाप्शा बाक्त । मिनु मेको आ कुल नां सोदंशो नु आ सोइली हुरुर पा बरशो मी क थाम सोदंशो तांइसाक्व । २ आ गुइमी इम्चीली पराक्शो किताब शशो बाक्त । मेको आ ग्युरा सोइली समुन्दर तार नु आ परा सोइली चहिं रागी तार थक्शा राप्त । ३ मेकोमी गुप्स सोदंशो पा ठेयब संदामी गरीत । मोपा गरीमनु, ७ ओटा बुंबुमी रयक पाम्तेकम् । भजन संगरह २९ : ३-९ ४ मेको ७ ओटा बुंबु आ लोत्र बरेक्चाडानु, सरीड र संदा कामी “मेको ७ ओटा बुंबु आन लोत्र मबरेक्तो, मुर आन कली मशंदो” देशो नेता । दानीएल १२ : ४, ९

५ मिनु डांडती तशो परमपरभु यावे आ स्वर्ग डा गेय पाइब ठेयब समुन्दर नु रागीम सोइली थेक्बमी कसम जचा कली आ ग्युरा गुइ सरीड गे पोक्तु । ६ मिनु मेकोमी दोपा कसम जाप्तु देशा हना, गेना हना यो बरोइशा बाक्ब, सरीड नु सरीडम बाक्ब नेल्ल सल्ब, रागी नु रागीम बाक्ब नेल्ल सल्ब, समुन्दर नु समुन्दरम बाक्ब नेल्ल सल्ब, परमपरभु यावे आ नंमी “मुल देश मपचा” दे कसम जाप्तु । दानीएल १२ : ७ ७ मिनु मेको आ कसम जशो लोत्र मार बाक्त देशा हना “नेल्ल क्येडा नोले डा परमपरभु यावे आ स्वर्ग डा गेय पाइबमी तुराही तबानु, परमपरभु यावेमी आ लोत्र पाइब आन कली मुल रिम्ची ना नुप्त”

दे डांडती र मशेशो परमपरभु यावे आ खरुइइशो लोत्र मुल दुम्चाप्तु” दे कसम जाप्तु । परकाश ११ : १५ ; पररित ३ : २९

८ मिनु मेको आं नंशो स्वर्ग डा संदामी आं कली लंशा “लावो, मेको रागी नु समुन्दर तार राप्शा परमपरभु यावे आ स्वर्ग डा गेय पाइब आ गुइमी बाक्शो किताब ताक्को” देशो नेता । ९ मिनु गो मेको परमपरभु यावे आ स्वर्ग डा गेय पाइब आ नेक्था लती । मिनु गोमी मेको कली “मेको इम्चीली किताब गयीनी” देती । मेकोमी “ताक्को । मिनु जावो । इ शोत्रमी खुदो सोदंशो पा बरोत्रब । मिनु इ कोत्रजमी चहिं काइब” दे माइक्ती । इजीकीएल ३ : १-३ १० मिनु गो मेको इम्चीली किताब परमपरभु यावे आ स्वर्ग डा गेय पाइब आ गुइ र ताक्शा डा मिन जाता । आं शोत्रमी खुदो सोदंशो जिज दुम्त । दाक्गुनु चहिं आं कोत्रज कत । ११ मिनु लोत्र पाइब कामी आं कली “गे लंशा शुश मुरपुकी, शुश रागी, शुश लोत्र डा मुर नु शुश पिप आन डांडती परमपरभु यावे आ लोत्र नंपाइक्चा माल्लेवे” देशो नेता । येरमीया १ : ९-१०

यूहन्नाम पुक्तीक ताक्शो

१ मिनु परमपरभु यावे आ स्वर्ग डा गेय पाइब कामी पुक्तीक का गेती । मेकोमी आं कली “लो, बाक्को । परमपरभु यावे आ खिं नु चढतीक पुक्को । परमपरभु यावे आ खिं आगाम संउ पाइब आन कली हिक्को । इजीकीएल ४० : ३ ; जकरिया ३ : ५-६ ; इजीकीएल ४२ : २० २ मिनु परमपरभु यावे आ खिं डा लाडगा रागी रागी डा मुर आन कली गेशो बाक्त । मेको मपुक्को । मेकोपुकीमी परमपरभु यावे आ योत्रशो सहर ४२ महिना सम्म सोइलीमी दिप्शा ताइइशा बिगरेनीम” देत । लूका २१ : २४

परमपरभु आ सांकछी निक्शी

३ मिनु नोले गो परमपरभु यावेमी आ सांकछी निक्शी आस कली मार लोत्र पशो नेता देशा हना “गे आं लोत्र पाइब दुम्नीसी । गो इस कली आं लोत्र पचा कली सक्ति गेनुड । गे निक्शीमी अरन्डी फक्शा, हजार का सह निक्शी ६० नाक्त सम्म आं लोत्र पाइनीसी” दे परमपरभु यावेमी आ सांकछी निक्शी आस कली लोत्र पशो नेता । परकाश १२ : ६

४ मिनु मेको सांकछी तेल खा निक्शी नु दियारी निक्शी सोदंशो दुम्शा, रागी डा परभु

आ डोंडती बाक्नीस। जकरिया ४ :३,११-१४  
 ५ सु सुमी मेको निक्शी आस कली बिगरेचा  
 माल्नीमी, मेको साइक्चा पुंडसीनीम। दोपा  
 साइक्चा पुंडसीनीम देशा हना, मेको आस शोत्र  
 रे मी गरुशा, मेको साइक्चा पुंडसीनीम। ६ मेको  
 निक्शीमी परमपरभु यावे आ लोत्र पाम्सनु, रउ  
 मयिपाइक्ने चान्नीस। मेकोमी ब्वाक्कु के हुश  
 सल्ल चान्नीस। मिनु रागी कली मार श्यत  
 गेचा दाक्तेस, मेकोन पने चान्नीस। मिश खयप  
 मो पचा दाक्तेस, मिश खयप यो पने चान्नीस।  
 १ राजा १७ :१ ; परस्थान ७ :११-२० ७ मिनु मेको  
 निक्शीमी परमपरभु यावे आ लोत्र थुम्स नोले,  
 मेको पुं मपाइशशा दोडोङ्गा रे ठेयब जन्तु कुशा,  
 मेको निक्शी नु राग्शी पा गरात। गराशा डा  
 मिन मेको आस कली साइक्कु। परकाश १३ :३ ;  
 परकाश १३ :७ ८ मेको आस बेक्शो रां चहिं ठेयब  
 सहर डा लांमी लीताक्स। मेको ठेयब सहर आ  
 खरुइशशा नें चहिं सोदोम नु इजीप्त माइशशा  
 बाक्त। मेको ठेयब सहरमी मुरपुकीमी मेको  
 आस परभु कली शीम कांटी थोक्शा साइशशा  
 बाक्तेक्म। १ मिनु थर नेल्ल डा, जात नेल्ल  
 डा, आंम आंम लोत्र पाइब नु रागी रागी डा मुर  
 नेल्लमी मेको आस बेक्शो रां नाक्त सां नु आधा  
 मेकर बाक्त। मुरपुकीमी मेको आस कली तुरसुमी  
 वोइक्चा मगमे। १० मारदे हना मेको परमपरभु  
 यावे आ लोत्र पाइब निक्शीमी रागीम बाक्ब आन  
 कली शुश श्यत गतीके, रागीम बाक्बपुकीमी  
 मेको आस कली साइशशा तशा, शुश ग्यरशा,  
 मार मार गेमुस्तेक्म।

११ मिनु नाक्त सां नु आधा नोले परमपरभु यावे  
 आ बरोइचा गेब सोक्ते मेको आस बेक्शो रांमी  
 ओव्रत। मिनु मेको निक्शी छुल छाल बाक्शा  
 राप्ताक्स। मिनु रागी रागी डा मुरपुकीमी मेको  
 आस कली तशा थाम्पा हिंतेक्म। १२ मिनु सरीड रे  
 ठेयब सेंदामी मेको निक्शी आस कली “एक कुस”  
 देशो नेंताक्स। मिनु गोस्सुमी गिल्लीशा, इर  
 सरीड लास्ताक्स। मेको आस जोरी सतरुपुकीमी  
 मेको आस कली सरीड गे लशा ताम्तेक्म। १३ मिनु  
 मेको निक्शी लसानु, ठेयब खिरनु कुत। मेको  
 सहर डा १० भाग डा भाग का बरत्त। मिनु ७  
 हजार मुर मेको खिरनुमी बेक्तेक्म। मेको लीशा  
 मुरपुकी चहिं क्युल क्युल पा हिंशा, स्वर्ग डा  
 परमपरभु यावे कली मान पाम्तेक्म। १४ हिंचा डा  
 श्यत निक्शी नुप्शा, नोले डा हिंचा डा श्यत  
 जाक्चापु। परकाश ९ :१२

नेल्ल क्येडा नोले डा तुराही

१५ मिनु मेको नोले डा परमपरभु यावे आ  
 स्वर्ग डा गेय पाइबमी आ तुराही तापु। मिनु  
 स्वर्गमी ठेयब सेंदापुकी नेंता। मेकोपुकीमी “आइ  
 परमपरभु नु आ खरीस्तमी रागी नेल्ल कली  
 सासन पाइब दुम्ताक्स। मिनु गेना हना यो सासन  
 पना पने बाक्नीसी” देशो नेंता। १६ मिनु परमपरभु  
 यावे आ डोंडती मेको २४ जना शंभे खाल्पा आन  
 निक्तीकमी निश्शा, परमपरभु यावे आ डोंडती  
 सुम्की पा बाप्शा मान पाम्तेक्म। परकाश  
 ४ :४,१० १७ मिनु मेकोपुकीमी “परमपरभु यावे,  
 गे नेल्ल सक्ति पाइशशा परमपरभु बाक्नीनी।  
 गे मुल बाक्नीनी, डोंडती यो बाक्तीनी। इन  
 ठेयब सक्तिमी सासन पचा गोइतीनी। १८ मिनु  
 रागी रागी डा मुरपुकी गाइक्ताक्म। मिनु मेको  
 आन परबम गाइक्ताक्नी। बेक्शो मुर आन कली  
 निसाफ पची ना दुम्त। मिनु इन लोत्र पाइब,  
 इन नोले खोइक्ब, इन नें कली मान पा हिंब,  
 आइक्च नु ठेयब मुर नेल्ल आन कली इनाम  
 गेची ना दुम्त। मिनु गे रागी कली बिगरेब  
 मुर आन कली बिगरेथ जाक्तीनी” दे परमपरभु  
 यावे कली देतेक्म। भजन संगरह २ :३ १९ मिनु  
 परमपरभु यावे आ स्वर्ग डा खिं रोक्साक्व। मिनु  
 मेको कबल पशा सन्दोस परमपरभु यावे आ खिंम  
 तांइसाक्व। मिनु चिला पापु। शुश रेयके नु बुंबु  
 पशा नेंसाक्व। खिरनु यो कुत। मिनु ठेयब मुप्स  
 यित। परकाश १५ :५

आल थिचा चिक्शा मीश मुर

१ मिनु गो सरीडमी ठेयब चिन्ड का ताता।  
 १२ मेको चिन्ड दोदेब बाक्त देशा हना, मीश  
 मुर का नां फेक्सीशा, तास्ला तारी राप्शा  
 बाक्त। मेको आ पियामी १२ ओटा सोरुल के  
 सिरपेच गुप्शा बाक्त। २ मिनु मेकोमी कोत्रज  
 कुरशा बाक्त। मोपतीके सुल्करी रोइम श्यत  
 जशा, आल थिचा कली गरीशा बाक्त।

३ मिनु गो सरीडमी अर्का चिन्ड का ताता। मेको  
 चिन्ड दोदेब बाक्त देशा हना, ठेयब लल बुस्स  
 का बाक्त। मेको बुस्स के ७ ओटा पिया नु १०  
 ओटा गरोत्र बाक्तेक्म। आ ७ ओटा पियामी ७  
 ओटा मुकुट गुप्शा बाक्त। ४ मेको आ मीलुमी  
 सरीड डा सोरुल भाग सां डा भाग का कीशा,  
 रागीमी तोक्तीमी। मिनु मेको ठेयब बुस्स मेको  
 आल थिचशा मीश मुर आ डोंडती राप्शा, आ  
 आल ब्बचा कली रिम्शा बाक्त। दानीएल ८ :१०

५ मिनू मेको मीश मुरुमी वॉइश आल का थित। मेको वॉइश आल नाले रागी डा मुर आन कली फलाम के कोक्केमी सासन पाइब दुम्ब। मिनू परमपरभु यावे आ स्वर्ग डा गेय पाइबपुकीमी मेको वॉइश आल कली परमपरभु यावे आ ठेयब नितीकम लाइशशा वॉइक्तेकम। भजन संगरह २:९ ६मिनू मेको मीश मुर आल थिशा नाले गोरशा रागीमी प्रोक्त। मेकर परमपरभु यावेमी बाक्तीक ठीक पशा बाक्त। मिनू मेको कली हजार का सहं निक्शी ६० नाक्त थुल्लेकम। परकाश ११:३

७ मिनू नाले स्वर्गमी परमपरभु यावे आ ठेयब स्वर्ग डा गेय पाइब मिकाएल माइशशा नु आ गेय पाइबपुकी गोरशा, ठेयब बुस्स नु आ गेय पाइबपुकी नु लडाइ पथ लाम्तेकम। ८ मिनू ठेयब बुस्स आ गेय पाइबपुकी लडाइ पा बरुल्लेकम। मिनू नाले मेको ठेयब बुस्स नु आ गेय पाइबपुकीमी स्वर्गमी बाक्तीक मथिदम। उत्पत्ती ३:१

९ मिनू मेको ठेयब बुस्स आ नें मार बाक्त देशा हना, माइत बुस्स, दियाबलस, सैतान बाक्त। मिनू मेको रागी रागी नेल्ल डा मुर आन कली पाप पपाइक्चा कली रागीमी तोक्चा पुंडसीशा बाक्त। मिनू मेको आ गेय पाइबपुकी या रागीमी तोक्चा पुंडसीशा बाक्तेकम। परकाश २०:२; उत्पत्ती ३:१; लूका १०:१८ १० मिनू गो सरीडमी ठेयब संदा का नेंता। मिनू मेको संदामी “मुल थमा सुइक्ब आन कली आन पाप र ब्रांडतीके जाक्न थुम्तु। आंइ परमपरभु यावे आ सक्त्त तांडसाक्व नु आ खरीस्त आ अधिकार जाक्त्त। मारदे हना थमा सुइक्ब आन कली दोस गेब रागीमी तोक्चा पुंडसाक्व। मेकोमी नाक्दो नाक्त्त इं परमपरभु यावे आ डांइती आंइ तोक्ब आन कली दोस गेशो बाक्त। परकाश ११:१५ ११ मिनू थमा सुइक्बपुकीमी सैतान कली ग्राशा बाक्तेकम। दोपा सैतान कली ग्राशा बाक्तेकम देशा हना, पाठा आ हुश चद्देशोमी नु आन सांक्छी आन पतीके सैतान कली ग्राशा बाक्तेकम। मेकोपुकीमी आंम कली ममिम्थु, येसु खरीस्त आ पर्वम साइक्चा पुंडसीचा यो महिम। परकाश ७:१४; परकाश ६:९ १२ मोपतीके स्वर्ग नु स्वर्गमी बाक्ब नेल्ल ग्यरसीन। तन्न रागी नु समुन्दरम श्येत दुम्चापु। मारदे हना सैतान थाम्पा गाइशशा, रागी नु समुन्दरम थित। मारदे गाइक्ताक्व देशा हना, मुल आ गेय पचा शुश नाक्त्त मली, दे तुइक्ताक्व” देशो नेंता। १३ मिनू

मेको ठेयब बुस्सुम आंम कली रागीमी तोक्शो तशा, मेको वॉइश आल थीब मीश मुर कली “साइक्नुड” दे संदा पापु। १४ मिनू मेको मीश मुरुमी ठेयब ककाकुली आ फरां निक्शी ताक्त्त। मारदे ताक्त्त देशा हना, मेको ठेयब बुस्स र ब्रांडशा, गोरशा रागीमी बरशा, प्रोक्चा कली ताक्त्त। मेको गोरशा रागीमी परमपरभु यावेमी आ दाक्ची ना सम्म मेकर थुल्लो बाक्त। १५ मिनू मेको ठेयब बुस्सुमी “मेको मीश मुर कली योल्दल” दे आ शोत्र र खोला खोदंशो पा शुश ब्वाक्कु गरुंडताक्व। १६ रागीमी चहिं मेको मीश मुर कली वारच पापु। दोपा वारच पापु देशा हना, रागी आ शोत्र पाक्शा, मेको ठेयब बुस्स आ शोत्र र गरुशो खोला कली दाक्त्त। १७ मिनू मेको ठेयब बुस्सुमी मीश मुर प्रोक्शो तशा, गाइशशा, मेको मीश मुर आ चच युइ नु राम्शी पथ लत। आ चच युइ चहिं सु नम देशा हना, परमपरभु यावे आ शंशो लोत्र टीब नु येसु कली थमा सुइशशा, आ लोत्र पाइब नम। १८ मिनू मेको ठेयब बुस्स समुन्दर आ नेक्था राप्शा, रिम्शा बाक्त।

समुन्दर र गरुशो जन्तु

१३ १ मिनू गो समुन्दर र ७ ओटा पिया नु १० ओटा गरोत्र पाइशशा जन्तु का गरुशो ताता। मेको आ १० ओटा गरोत्रमी १० ओटा मुकुट गुप्शा बाक्तेकम। आ पियापुकीमी चहिं परमपरभु कली शुक्शी पाइब नें बरक्शो बाक्तेकम। दानीएल ७:३-७ २ मिनू आं तशो जन्तु जोइ खोदंशो बाक्त। आ खोइल चहिं वां क खोदंशो बाक्त। आ शोत्र गुप्स आ शोत्र खोदंशो बाक्त। मिनू मेको ठेयब बुस्सुमी आ सक्त्त आ नितीक नु आ ठेयब अधिकार मेको जन्तु कली गेपु।

३ मिनू मेको जन्तु आ ७ ओटा पिया डा का साइक्चा डा पा क्योशो खोदंशो ताता। तन्न आ ठेयब गार साशो बाक्त। मिनू रागी रागी डा मुर नेल्ल मेको जन्तु तशा, छक लाक्शा, आ नाले खोइक्तेकम। ४ ठेयब बुस्सुमी मेको जन्तु कली आ अधिकार गेतीके मुर नेल्लेमी ठेयब बुस्स कली सुम्की पा सेउ पाम्तेकम। मिनू मेको जन्तु कली या सुम्की पा “एको जन्तु खोदंशो ठेयब सु बाक्म? सु एको नु जिशा ग्राने चाप्या?” दे सेउ पाम्तेकम।

५ मिनू मेको जन्तु कली ठेयब लेशशा, ब्वाक्चा नु परमपरभु आ पर्वम मरिम्शो लोत्र पचा कली शोत्र गेशो बाक्त। मेको कली ४२

महिना सम्म सासन पचा कली अधिकार गेशो बाक्त। परकाश ११:२ ६मेकोमी परमपरभु यावे कली मरिम्शो लोत्र पाप्तु। मिनु मेकोमी आ नें आ पर्वम, आ बाक्तीक आ पर्वम नु आ बाक्तीकेमी बाक्व आन पर्वम यो मरिम्शो लोत्र पाप्तु। ७मेकोमी परमपरभु यावे आ योत्रशो मुरपुकी नु लडाइ पशा, गराचा कली अधिकार तशा बाक्त। मिनु मेको कली जात नेल्ल, मुर नेल्ल, आम आम लोत्र पाइब नु रागी रागी डा मुर नेल्ल आन कली सासन पतीक अधिकार यो गेशो बाक्त। परकाश ११:७; दानीएल ७:२१ ८मिनु सु सु आन नें वयोपशो पाठा आ बरांडतीक किताबमी मबरकशो बाक्म, मेकोपुकीमी मेको जन्तु कली खुम्की पा सउ पाइनीम। मेको किताब रागी सल्वा क्येडा डांडती रे बाक्त। ९सु सुमी परमपरभु यावे आ लोत्र नेंशा, रुने चाप्नीमी, मेकोमी नन्मेक्ल। १०सु जेल्खानमी लचा योत्रसीशो बाक्म, मेको जेल्खानमी लचा माल्ब। तन्न सुमी तरवारमी साइक्वा, मेको तरवारमी साइक्वा पुंडसीब। मिनु परमपरभु यावे आ योत्रशो मुरपुकीमी श्यत फाल्शो “परमपरभु यावेमी तुइक्व” दे थमा सुइश्शा बाक्चा माल्नीम। उत्पती १:६; मती २६:५२; परकाश १४:१२

### खप रे गरूशो जन्तु

११मिनु गो खप रे अर्का जन्तु का गरूशो ताता। मेको के पाठा के खोदंशो गरोत्र निक्शी बाक्त। मिनु मेकोमी ठेयब बुस्स खोदंशो पा लोत्र पाइबाक्त। १२डांडती डा जन्तु नु बाक्शा, मेको डांडती डा जन्तु आ अधिकार या पाइक्बाक्त। मिनु मेकोमी रागी डा मुर नेल्ल आन कली डांडती डा जन्तु कली सउ पपाइक्बाक्त। मेको डांडती डा जन्तु चहिं तेको बाक्त देशा हना, आ बेक्चा डा गार साशो जन्तु बाक्त। १३मिनु मेको नोले डा जन्तुमी ठेयब छुक लाक्चा डा गेय पाप्तु। मार छुक लाक्चा डा गेय पाप्तु देशा हना, मेकोमी मुर आन डांडती सरीड रे मी यिपाइक्तु। मती २४:२४; २थिस्सलोनिकी २:९ १४मेकोमी डांडती डा जन्तु नु बाक्शा, आ पशो छुक लाक्चा डा गेयमी मुर आन कली “परमपरभु आ सक्ति पाइश्शा नड” दे जोल पा छुक लाक्चा डा गेय पशा, मुर आन कली पाप पपाइक्तु। मार पाप पपाइक्तु देशा हना, मेकोमी रागी डा मुर आन कली “गार पाइश्शा

जन्तु आ मूर्ति सल्वा” दे शंताक्मी। १५मिनु मेकोमी जन्तु आ मूर्ति कली बरांडचा सोक्त गेचा अधिकार यो तशा बाक्त। मिनु मेकोमी सोक्त गवानु, मेको बरांडतीक सोक्त पाइश्शा मूर्ति लोत्र पचा गोप्तु। मिनु मेको जन्तुमी मूर्ति आ डांडती खुम्की पा सउ मपाइब मुर आन कली साइक्पाइक्तु। १६मिनु मेको जन्तुम मार अर्का गेय पाप्तु देशा हना, मेकोमी ठेयब नु आइक्च, शांप पाइश्शा नु परुडग, वाइलीम वाइल नु मुर नेल्ल आन कली कि ग्युरा गुइमी कि कुप्फीमी चिन्ड वोइक्पाइक्तु। परकाश १९:२० १७मिनु सु सु चिन्ड मपाइश्शा बाक्मा, मेकोपुकीमी मारड ग्याप्न नु लेयन मचबेम। मिनु मेको चिन्ड कि जन्तु आ नें कि आ हिक्तीक चिन्ड बाक्त। १८मेको जन्तु आ नें आ हिक्तीक चिन्ड आ अर्थ मार बाक्म, दे तुइक्वा कली जोक्व तुइक्व थुं माल्ब। जोक्व मुरुमी जन्तु आ हिक्तीक चिन्ड तुइक्व, मारदे हना मेको मुर आ हिक्तीक नु गारब। मेको हिक्तीक चहिं ६ सहे ६६ बाक्ब। परकाश १५:२

### लाख का ४४ हजार मुर

१४ मिनु नोले गो मेको पाठा सियोन डांडामी राप्शो ताता। मिनु लाख का ४४ हजार मुर पाठा नु बाक्तेक्म। मेको आन कुप्फीमी यसु नु आ आफ आ नें बरक्सीशो बाक्त। परकाश ७:४; परकाश ३:१२ २मिनु गो स्वर्ग रे सेंदा का नेंता। मेको सेंदा दोदंशो बाक्त देशा हना, शुश ब्याक्कु आ रयके नु ठेयब बुंबु पशो रयके खोदंशो नेंता। तन्न शुश मुरपुकीमी ठेयब तार पाइश्शा ताप्तीके ताप्शो रयके बाक्त। परकाश १:१५

३मिनु मेको ठेयब ताप्तीक ताप्बपुकीमी ठेयब निक्तीक आ डांडती, मेको ४ ओटा सेंस जन्तु नु शंब खाल्पा आन डांडती नक कुम्सो का पाप्तेक्म। मेको कुम्सो सुइमी शंसीन मचबेम। तन्न मेको लाख का ४४ हजार मुरुम ला मेको कुम्सो शंसीन चाप्तेक्म। ४मिनु मेको मुरपुकी रागी डा पाप रे डोन बाक्शो बाक्तेक्म। मिनु मेकोपुकी पाठा तेक तेक लेम, मेक मेक लाइबाक्तेक्म। मेकोपुकी रागी डा मुर आन दाते रे गरुंडशा, परमपरभु यावे नु पाठा आस डांडती डा योत्रसीशो मुर बाक्तेक्म। १कोरिन्थी ७:१,८ ५मिनु मेकोपुकीम काइ जोल मपशो बाक्तेक्म। मारदे हना पाप मपाइबपुकी बाक्तेक्म।

स्वर्ग डा गेय पाइब सां आन लोत्र

६मिनु स्वर्ग आ दातेमी गो परमपरभु यावे आ स्वर्ग डा गेय पाइब का बरशा ताता। मेको रागीमी लीशा मुर आन कली गना हना या पाप र परांइब जाकत, द ग्यरपाइक्व लोत्र शंथ यित। मेको नेल्ल रागी डा, नेल्ल जात डा, नेल्ल लोत्र पाइब नु शुश मुर आन कली शंथ यित। ७मिनु मेकोमी ठेयब संदामी “परमपरभु यावेमी सरीङ, रागी, समुन्दर नु ब्वाक्कु बुक्तीक नेल्ल सेल्लु। मोपतीक इन पाक्व थक्शा, परमपरभु यावे कली मान पा हिनीन। मेको कली ठेयब सेलीन। मिनु भे नेल्ल सेल्ल ननी” दंशा मान पने। मारदे हना मेको आ निसाफ पची ना दुम्त” दंत।

८मिनु परमपरभु यावे आ स्वर्ग डा गेय पाइब अर्का कामी मेको डांइती डा आ नोले खोइश्शा, मेकोमी “बबीलोन माइश्शा ठेयब सहर खतम दुम्त। मारदे हना मेकोमी डांइती नेल्ल रागी डा मुर आन कली पाप पपाइक्तु। रागी डा मुरपुकी बबीलोन आ पर्वम परमपरभु यावे आ गाइश्शा ताम्तेक्म” दंत। परकाश १८ :-; यसैया २१ :९ ; यरमीया २५ :१५-१६ ; यरमीया ५१ :७

९मिनु सां आन दाते डा परमपरभु यावे आ स्वर्ग डा गेय पाइबमी अर्का निक्शी आस नोले खोइश्शा, ठेयब संदामी “सु सुमी मेको जन्तु नु आ मूर्ति कली सेउ पाइनीमी, मेको आन कुप्फीमी कि ग्युरा गुइमी चिन्ड वोइक्पाइक्नीमी, परकाश १३ :१२-१७ १०मेको आन कली तशा, परमपरभु यावे शुश गाइक्व। मिनु मेको मुरपुकीमी आ गाइश्शा तचा माल्नीम। दोपा परमपरभु आ गाइश्शा तचा माल्नीम दंशा हना, पाप र डोन बाक्व परमपरभु यावे आ स्वर्ग डा गेय पाइब नु पाठा आस डांइती मेको मुरपुकी हुरुर पा बरशा मी नु गन्धकम श्येत जचा माल्नीम। भजन संगरह ७५ :७ ११मेको मी आ कुन गेनायो मकाप्ब। मेको जन्तु नु जन्तु आ मूर्ति कली सेउ पाइबपुकी नु जन्तु आ नें आ चिन्ड वोइक्पाइक्वपुकी नाक्दो नाक्ती श्येत जना जन बाक्नीम” दंत।

१२मना रागीमी परमपरभु यावे आ योत्रशा थमा सुइक्वपुकीमी श्येत फाल्वा माल्नीम। मारदे हना मेकोपुकीमी परमपरभु यावे आ अरेशो लोत्र पाइनीम। मिनु येसु कली थमा सुइक्नीम। परकाश १३ :१० १३मिनु गो स्वर्ग र संदा का नेता। मेकोमी “मुल र सु सु परभु कली थमा सुइश्शा बक्नीमी, मेकोपुकी ग्यरसमल। मेको लोत्र

बरक्तो” दंता। मिनु परमपरभु यावे आ सोक्तीमी “थमा, मेको मुरपुकी ग्यरसीशा बाक्नीम। मारदे हना मेकोपुकीमी रागीमी परमपरभु यावे आ गेय पशा नाइक्नीम। मिनु परमपरभु यावेमी आन गेय तुइश्शा, आन तचा डा गेब” दंत। फिलिप्पी १ :२३ ; यसैया ५७ :२ ; हिब्रू ४ :३० ; श्रुतिमार्थी ५ :२४-२५

थमा मसुइक्व आन कली निसाफ

१४मिनु नोले गो बुश गोस्स का ताता। मिनु मेको गोस्स तारी मुर का निश्शा खोदंशो ताता। मेको आ पियामी सुन के सिरपच गुप्शा डा मिन आ गुइमी हश्शा गुये का ग्याइश्शा ताता। दानीएल ७ :१३ ; मर्कूस १३ :२६ १५ मिनु गो अर्का परमपरभु यावे आ स्वर्ग डा गेय पाइब कली परमपरभु यावे आ सिं र गरूशा ताता। मिनु मेकोमी गोस्स तार बाक्व कली ठेयब संदामी “रागी डा बाली मीशा बाक्त। मुल रिक्ची ना दुम्त। मिनु मुल रिक्चा गोवा” दंत। योएल ४ :१३ ; मती १३ :३९ १६मिनु गोस्सुमी निप्बमी गुये शशा, रागी कली मीशा बाली खोदंशो पा रिक्तु।

१७मिनु गो अर्का परमपरभु यावे आ स्वर्ग डा गेय पाइब कली परमपरभु यावे आ सिं र गरूशा ताता। मेको नु यो हश्शा गुये का बाक्त। १८मिनु नोले अर्का परमपरभु यावे आ स्वर्ग डा गेय पाइब का धूप चढतीक र गरूशा ताता। मेकोमी मी कली अधिकार पाइबाक्त। मेकोमी ठेयब संदामी हश्शा गुये शयब कली “रागी अडगुर रू खोदंशो पा मीशा बाक्त। मोपतीक गुयेमी फल सेक्चा गोवा” दंशा नेता। १९मिनु परमपरभु यावे आ स्वर्ग डा गेय पाइबमी आ गुयेमी रागी कली फल सेक्शा खोदंशो पा सेक्तु। सेक्शा सुप्शा, परमपरभु यावे आ ठेयब फल कोलमी वोइक्तु। मेको कोल चिहिं मार बाक्त दंशा हना, परमपरभु यावे आ गाइक्चा बाक्त। २०मिनु खराक्तीक सहर र डोन बाक्त। खराक्मेनु, मेको कोल र रस खोदंशो पा हुश शांइसाक्व। मिनु मेको हुश १६ हजार स्तादीयोन डोन दोक राप्शो शारा आ शोत्र सम्म लत। स्तादीयोन का १८५ मिटर बाक्व। यसैया ६३ :३

लाख का ४४ हजार मुर

१५मिनु गो स्वर्गमी अर्का ठेयब नु छक लाक्चा डा चिन्ड ताता। मेको चिन्ड दादंशो बाक्त दंशा हना, ७ जना परमपरभु यावे



गेपु। मिनु मेको मुर आन थुं परमपरभु यावे गो मलेत्तम। परमपरभु यावे कली मान यो मपाम।

१० मिनु लंशा अर्का परमपरभु यावे आ स्वर्ग डा गेय पाइबमी मेको आ कुरशा डफ्का ठेयब जन्तु आ नितीकमी मोइवतु। मिनु मेकोमी मोदानु, मेको ठेयब जन्तु आ राज्यमी छिड्छिड् दुम्त। मिनु मुरपुकीम शुश श्यत जाम्तेक्म। ११ मोपतीक स्वर्ग डा परमपरभु कली सराप पाम्तेक्म। मारदे हना मेकोमी ठेयब मरिम्शो गार दुम्पाइश्शा, श्यत गेपु। तन्न आन मरिम्शो पचा मपरोनम।

१२ मिनु लंशा अर्का परमपरभु यावे आ स्वर्ग डा गेय पाइबमी आ कुरशा डफ्का युफेरटीस माइश्शा ठेयब खोलामी मोइवतु। मिनु मेकोमी मोदानु, खोला डा ब्वाक्कु सोव्रत। मारदे सोव्रत दंशा हना, नां दाप्तीके रे पीब पिप आन लां ठीक पचा कली सोव्रत। यसैया ११:१५-१६ १३ मिनु गो ठेयब बुस्स, ठेयब जन्तु नु जोल पा परमपरभु यावे आ लोत्र पाइब आन शोत्र रे करुक्करु खोदंशो वोल सां गरुशो तातामी। परकाश १२:३ १४ मेकोपुकी छक लाक्चा डा चिन्ड कोइब सैतान आ गेय पाइब वोल बाक्तेक्म। मिनु मेकोपुकीमी परमपरभु यावे, नेल्ल सक्ति पाइश्शा परमपरभु आ ठेयब नाक्तीमी नु लडाइ पचा कली रागी रागी डा पिप आन कली बरथ लाम्तेक्म। मो दुम्मेनु, यसुमी मुर आन कली १५ “नेनीन, गो सुइ खोदंब पा जाक्नुड। सु थमा सुइश्शा मइथु संशा, ठीक दुम्शा बाक्म, मेको ग्यरसक्त। तन्न सु पाप पाइबा, मेको शिशरा गाक्ब मुर खोदंब पा मुने दोक्ब” दे यसुमी माइक्तीमी। श्थिस्सलानिकी ५:२ १६ मिनु मेको वोल सांमी रागी रागी डा पिप बरथ लशा, जाक्शा, हिब्रू लोत्रमी आरमागडोन माइश्शा रागीमी सुम्साक्म।

१७ मिनु नोले डा परमपरभु यावे आ स्वर्ग डा गेय पाइबमी आ कुरशा डफ्का फशमी मोइवतु। मिनु मेकोमी मोदानु, परमपरभु यावे आ खि रे नु आ नितीक रे ठेयब संवा कामी “मुल नुप्त” दंशो नंता। १८ मिनु चिला, ठेयब रयके, बुंबु पशा, ठेयब खिरनु कुत। मुरपुकी रागीमी बाक्मानु, मोमो ठेयब खिरनु गनाया मकुशो बाक्माक्त। १९ मिनु मेको ठेयब सहर सां दुम्त। रागी रागी डा सहरपुकी बरतेक्म। मिनु परमपरभु यावमी बेबीलोन ठेयब सहर कली फरुक्तु। मारदे फरुक्तु दंशा हना, मेको मुर आन पाप तशा “गो सजाइ गनुडमी” दे गाइश्शा फरुक्तु। परकाश १४:८-१० २० मना टापु नेल्ल

ब्वाक्कुमी सुम्साक्म, डांडापुकी बरेशशा, दिम दुम्तेक्म। परकाश ६:१४ २१ मिनु मुर आन बाक्तीकमी शुश मुप्स यित। मेको मुप्स टलेन्ट का सम्म हेल्शो बाक्तेक्म। मिनु मेको मुप्स मुर तार दोक्मेनु, मुरपुकी मेको मुप्स तशा, परमपरभु यावे कली सराप पाम्तेक्म। मारदे हना मेको मुप्सीम रागीमी बाक्ब मुर आन कली शुश हिचा डा श्यत गेपु। टलेन्ट ३३ किलो कोदंशो बाक्ब। प्रस्थान १:२३

ठेयब तेल्लेम कली सजाइ

१ नोले गो परमपरभु यावे आ स्वर्ग डा गेय पाइब का ताता। मेको सु बाक्त दंशा हना, मेको डांडती डा ७ जना श्यतमी बरीशा डफ्का कुरबपुकी डा का बाक्त। मिनु मेकोमी “एक पिवो, गो इ कली ब्वाक्कु तार बाक्ब ठेयब तेल्लेम कली गेशो सजाइ कोइनन। परकाश १५:१ २ रागी रागी डा पिपपुकीमी मेको नु तेल्लेम पाम्तेक्म। मिनु मेको आन तेल्लेम पशो तशा, रागी रागी डा मुरपुकीमी यो मोदंशो पाम्तेक्म” दे आं कली दंत।

३ मिनु मेकोमी आं कली परमपरभु यावे आ सोक्तीमी बाक्शा, मुर मबाक्तीकमी लाइक्ती। मिनु गो मीश मुर का लल जन्तु तारी निश्शो ताता। मेको जन्तु दोदंशो तांडसाक्व दंशा हना, आ रां नेल्ल परमपरभु यावे कली मरिम्शो लोत्र बरक्शा वोइश्शा बाक्त। मेको ७ ओटा पिया नु १० ओटा गरोत्र पाइश्शा बाक्त। ४ मिनु मेको मीश मुर दोदंशो तांडसाक्व दंशा हना, पिप आन फक्शा खोदंशो वा नु लल वा फक्शा बाक्त। सुन, हीरा नु मोती पांडशो बाक्त। मेकोमी सुन क कचीरा कुरशा बाक्त। मेको कचीरा आ तेल्लेम पतीक, गरांगरा दिचा डा नु मरिम्शो गेयमी बरीशा बाक्त। यरमीया ५१:७ ५ मिनु मेको आ कुप्कीमी सरुइश्शा लोत्रमी आ नं बरक्शा बाक्त। मार बरक्शा बाक्त दंशा हना “बेबीलोन ठेयब सहर, तेल्लेमपुकी नु नेल्ल रागी रागी डा गरांगरा दिचा डा आन ममा” दे बरक्शा बाक्त। ६ मिनु गो मेको मीश मुर कली परमपरभु यावे आ योत्रशो मुर नु यसु आ सांकछी आन हुशमी दुक्शो ताता। मेको कली तडानु, गो शुश छक लाक्ती। परकाश १८:२४ ७ परमपरभु यावे आ स्वर्ग डा गेय पाइबमी चहिं आं कली “गे मारदे छक लाक्ड? मेको मीश मुर नु मेको आ डोइश्शा ७ ओटा पिया नु १० ओटा गरोत्र पाइश्शा जन्तु आस सरुइश्शा लोत्र गो इ कली शंनुड। ८ इ तशो जन्तु डांडती बाक्त, मुल चहिं

मबा। तन्न नोले पुं मपाइश्शो दोडोडुगा र कुशा खतम दुम्ब। रागी सल्ला रे डा बरोइतीक किताबमी आन नं मबरक्शो मुरपुकी चहिं मेको जन्तु तशा छक लाक्नीम। मारदे हना मेको जन्तु डोइती बाक्त, मुल मबा, नोले जाक्ब।

१ रुप्व मुर आन कली एको तुइक्तीक लोत्र बाक्ब। मेको ७ ओटा पिया ७ ओटा डोडा नम। मेको मीश मुर मेको डोडा तार निप्ब। परकाश १३:१८ १०मिनु मेको ७ ओटा डोडापुकी ७ ओटा पिप यो नम। मेको रे ५ ओटा बेक्शा लाक्तेक्म। मिनु कामी सासन पना पन बाक्ब। अर्का लीशो का चहिं मुल सम्म मजाक्शो बाक्त। मिनु नोले जाक्शा डा मिन, छिन का ला सासन पाइब। ११मिनु मेको डोइती बाक्शो नु मुल मबाक्शो जन्तु चहिं मेको अर्का ७ ओटा पिप आन नोले जाक्शो बाक्ब। मिनु नोले जाक्शो यो, मेको ७ ओटा रे जाक्ब। मिनु मेको नरक लाइब।

१२मिनु मेको इ तशो १० ओटा गरोत्र चहिं मुल सम्म सासन पचा मतशो १० जना पिप नम। मिनु मेको आन कली नु ठेयब जन्तु कली घन्टा का पिप आन अधिकार गेशो बाक्ब। परकाश १३:१ १३मेको १० जना पिप थुं का दुम्शा, आन सक्ति नु अधिकार ठेयब जन्तु कली गनीम। १४ मोदंशो दुम्मेनु, मेकोपुकी पाठा नु लडाइ पाइनीम। मिनु लडाइमी पाठा गराब। मारदे पाठा गराब देशा हना, मेको पाठा परभु आन परभु नु पिप आन पिप बाक्ब। मिनु मेको नु बाक्शापुकी आ बरश्शो नु योत्रशा मुरपुकी बाक्नीमी। मेको नु बाक्बपुकी आ बरश्शो नु योत्रशा दीगो पाइब यो बाक्नीमी” दे आं कली दंत। परकाश १९:१६; परकाश १९:१४

१५मिनु मेको परमपरभु यावे आ स्वर्ग डा गेय पाइबमी लेशा “तिल्लेम आ नेक्था डा शुश व्याक्कु, मार बाक्ब देशा हना, मेको मुरपुकी नम। मिनु मेको शुश मुर आन हुल, रागी रागी डा मुर नु शुश लोत्र बाक्ब मुर बाक्नीम। यसैया ८:७; यरमीया ४७:२

१६मेको इ तशो १० ओटा गरोत्र नु मेको ठेयब जन्तु मेको तिल्लेम आ जोरी सतरु दुम्नीम। मेको कली श्येत गेशा, आ फेक्शो वा परुइक्नीम। मिनु आ श्ये व्याइनीम। मिनु आ लीशो नेल्ले मीम चोइनीम। १७मारदे मोदंशो पाइनीम देशा हना, परमपरभु यावेमी आ देशो थमा दुम्पाइक्चा कली मेको आन थुं का दुम्पाइक्तीमी। मिनु मोपा मेको १० जना पिपमी राज्य नु सक्ति ठेयब जन्तु कली गनीम।

परमपरभु यावे आ लोत्र साप्चा कली मोदंशो दुम्ब। १८मिनु इ तशो मीश मुर चहिं ठेयब सहर बाक्ब। मेको रागी रागी डा पिप आन कली सासन पाइब बाक्ब” दे शंताकयी। परकाश १८:१०

बेबीलोन सहर नुप्त

१८मिनु नोले गो शुश अधिकार पाइश्शो १८ परमपरभु यावे आ स्वर्ग डा गेय पाइब का सरीङ रे यिशो ताता। मेको आ टल्केशोमी रागी नेल्ले छेङ्छेङ् दुम्ब। इजीकीएल ४३:२ २मिनु मेकोमी ठेयब संदामी “मेको ठेयब बेबीलोन सहर बरश्शो नुप्त। मेको बरश्शो सहर वोल आन बाक्तीक जेल्खान दुम्ब। मेको गरांगरा दिचा डा चिक्ब आन जेल्खान दुम्ब। परकाश १४:८; यरमीया १५:३९ ३मारदे मेको सहर मोदंशो दुम्ब देशा हना, रागी रागी डा मुर नेल्लेमी आ गरांगरा दिचा डा गेय शंसीशा मोदंशो पास्तेक्म। मिनु रागी रागी डा पिपपुकीमी यो मोदंशो पास्तेक्म। मिनु रागी रागी डा ग्याप्ब लेयबपुकी मेको सहर डा शुश थोत्रक रे शांप पाइश्शो दुम्तेक्म” दंत। यसैया ५१:७; नाहुम ३:४ ४मिनु नोले स्वर्ग रे अर्का संदा का नंता। मेको संदामी “आं मुरपुकी, मेको सहर रे गरुशा पिन। मेकर रे मगरुतीनी हना, गे मेकोपुकी खोदंशो मरिम्शो पाइनीनी। मोपा मरिम्शो पाइतीनी हना, मेको खोदंशो पा सजाइ ताइनीनी। यसैया ४८:२०; यरमीया ५०:८; यरमीया ५१:६,४५; २कोरिन्थी ६:१७ ५मेको आन मरिम्शो पशो देल्शा, सरीङ सम्म जाक्शो बाक्त। मिनु परमपरभुमी मेको आन मरिम्शो पशो मिम्शो बाक्त। उत्पत्ती १८:२०-२१; यरमीया ५१:९ ६मिनु गे इन कली गेशो श्येत मेको कली लेतीन। श्येत का ला ममाइ, निक्शी खेयप श्येत गेने। इन कली गेशो श्येत निक्शी खेयप गेचा ठीक दुम्ब। भजन संगरह १३७:८; यरमीया ५०:१५,२९; २थिस्सलोनिकी १:६ ७मिनु आंम कली गिश ठेयब सेला, मिश श्येत गेशा, सुर्ता नु रोंका पपतीन। मिनु मेकोमी आ थुंमी चहिं गो पिपीम नड। गो वांइश बेक्शो मीश मुर मनड। मोपतीक गो सुर्ता गेनायो मपाइनुड’ देब। यसैया ४७:७-९ ८मोपा मोमो ठेयब लश्शो लोत्र पतीक, काबु मेको कली श्येत दुम्ब। मेको कली मार श्येत दुम्ब देशा हना, मेको सहरमी मुर साइक्ब रोइ जाक्ब, मिनु रोंका पाइनीम, अन्काल यो दुम्ब। मिनु मेको सहर मीम दुप्शा पुतु दुम्ब। मेको श्येत नेल्ले मारदे

दुम्ब दंशा हना, मेको आन कली निसाफ पाइब परमपरभु याव सक्ति पाइश्शो बाक्व” दंशो नंता।

मुरपुकी बेबीलोन तशा डाक्शो

१ मिनुरागी रागी डा पिपपुकी मेको नु तेल्लेम पास्तैकम। मेको आ शांप यो दाक्शो बाक्तेकम। मोपतीक मेकोपुकी गरोइश्शो सहर कली तशा, रांका पा डाक्नीम। १० मिनुरागी मेको आ श्येत तशा हिंशा, डोन रं कोत्रबपुकीमी “आबी, आबी, मेको ठेयब बेबीलोन माइश्शो सहर गिश दारशो सेल्शो बाक्ते। मुल चहिं घन्टा कामी इ निसाफ दुम्त” दंनीम। यरमीया ५१:८ ११ मिनुरागी रागी डा ग्याप्ब लेयबपुकी मेको सहर तशा, डाक्शा रांका पाइनीम। मारदे डाक्शा रांका पाइनीम दंशा हना, मेको आन लेयचा डा थोत्रक सुइमी मग्याप्नीम। १२ आन लेयचा डा थोत्रक मार बाक्ते दंशा हना, सुन, चांदी, हीरा, मोती, शुश क्येट लाइब सुती वा, प्याजी रड डा वा, रसम वा, लल वा, बरोत्रशो रिना पाइश्शो शी, हात्ती आन खरुइ शुश क्येट लाइब शी, कांसा, फलाम नु दारशो फुल्लु रं सेल्शो थोत्रकपुकी बाक्तेकम। १३ मिनुरागी सिन्कोली, चां खरेक्तीक तेल, मस्त्ना, बरोत्रशो रिना पाइब तेल, धूप, अङ्गुर शांबु, जचा तेल, थम रिम्शो फस, चेरब, बी व्यफ, भेडा, शारा, बग्गी नु वाइलीम वाइल मेको मुर आन लेयतीक थोत्रकपुकी बाक्तेकम। १४ मिनुरागी ग्याप्ब लेयबपुकीमी मेको सहर कली “इन दाक्शा बरोत्रशो फल फुल जास्तैकम। इन ग्याप्सीचा, इन शांप पाइश्शो दुम्चा नेल्ल गेनायो मथित्वा डा पा जाम्शा लाम्तैकम” दंतैकम। १५ मिनुरागी मेको सहर रं शांप पाइश्शो ग्याप्ब लेयबपुकी सहर रं डोन बाक्शा, मेको सहर कली गेशो सजाइ तशा हितैकम। मिनुरागी मेकोपुकीमी डाक्शा रांका पशा,

१६ “आबी आबी, मेको ठेयब सहर, मेको सहर डा मुरपुकी शुश क्येट लाइब सुती वा, प्याजी नु लल रड डा वा फक्शो बाक्तेकम। मिनुरागी मेकोपुकीम शुश सुन, हीरा नु मोती पांइशो बाक्तेकम। परकाश १७:४ १७ तन्न मुल घन्टा कामी मेको सहर डा शांपपुकी सतम दुम्तेकम” दंतैकम। मिनुरागी डांगी चलेबपुकी, डांगीमी गेय पाइबपुकी नु डांगीमी डोइश्शो ग्याप्ब लेयब मुर नेल्ल सहर रं डोन राप्शा, इजीकीएल २७:२७-३६ १८ सहर दुप्शो कुन तशा “मेरे सहर सोदंब ठेयब अर्का मबा” दे गरीतेकम। १९ मिनुरागी मेकोपुकी सुती

पशा, रांका पा डाक्तेकम। मेकोपुकीमी “आबी आबी, मेरे ठेयब सहर। मेरे सहर डा डांगी आन होत्रपपुकी मेरे सहरमी मार मार लेयशा, शांप पाइश्शो दुप्शो बाक्तेकम। तन्न घन्टा कामी मेरे सहर जाम्शा लत। २० मिनुरागी स्वर्गमी बाक्ब नेल्ले ग्यरसीन। परमपरभु याव आ योत्रशोपुकी, खरीस्त आ सोइश्शोपुकी नु परमपरभु याव आ लोत्र पाइबपुकी ग्यरसीन। मारदे हना, परमपरभु यावमी इन कली गेशो श्येत आ परबे मेको कली सजाइ गेप्तु” दंशो नंता। यरमीया ५१:४८

बेबीलोन सहर मथिसीब

२१ मिनुरागी बोल्शो परमपरभु याव आ स्वर्ग डा गेय पाइबमी ठेयब यात सोदंशो फुल्लु का क्युकु। मिनुरागी मेको फुल्लु कली समुन्दरमी ताइक्ताक्व। मेको परमपरभु याव आ स्वर्ग डा गेय पाइबमी “मेको फुल्लु सोदंशो पा ठेयब बेबीलोन सहर ताइक्ता पुइसीब। मोपतीक मेको सहर गेनायो मथिसीब। यरमीया ५१:६३-६४ २२ मिनुरागी मेको ठेयब सहर दोपा नुप्ब दंशा हना, ठेयब ताप्तीक ताप्शा, कुम्सो पशा मुराली ताप्शा नु तुराही ताप्शा मेकर लेंशा मनंसीब। मिनुरागी मार मार सेल्ब सीप पाइश्शो मुरपुकी मेकर लेंशा मथिसीब। यात हिल्लो आ रयक मेकर का यो लेंशा मनंसीब। यसैया २४:८; इजीकीएल २६:१३ २३ मेकर बत्ती दाशो हाम्सो का यो लेंशा मतांइसीब। मेकर ग्युम्ले नु ग्युम्ली आस संदा लेंशा मनंसीब। मारदे मोदंशो दुम्ब दंशा हना, रागी डा ठेयब मुर ग्याप्ब लेयबपुकी बाक्तेकम। मेकोपुकीमी मेको आन टुना मुनामी रागी नेल्ल डा मुर आन कली दूली लां खोइक्पाइक्तेकम। यरमीया २५:१०; यसैया २३:८ २४ मिनुरागी मेको सहर डा मुरपुकीमी परमपरभु याव आ लोत्र पाइबपुकी नु परमपरभु याव आ योत्रशो मुर आन कली साइश्शो बाक्तेकम। नेल्ल रागी डा सु सु मुर साइश्शो बाक्ता, मेको सहरमी साइश्शो बाक्तेकमे” दे परमपरभु याव आ स्वर्ग डा गेय पाइबमी दंतैकम। परकाश ६:१०; परकाश १७:६

पाठा आ ग्युब

१ मिनुरागी नोले गो स्वर्गमी शुश मुरपुकीम १९ कुम्सा पशा ठेयब रयक सोदंशो नंता। मिनुरागी मेकोपुकीमी “हाल्लेलया, आंइ परमपरभु ला मुर आन कली पाप रं परांइब बाक्ब। छेड्छेड् नु सक्ति नेल्ल आंइ परमपरभु याव केन बाक्ब। २ मारदे हना परमपरभु याव आ पशा निसाफ थमा

नु ठीक बाक्व। मिनु परमपरभु यावेमी रागी नल्ल डा मुर आन कली खतम सेल्व तेल्लेम कली ठीक पा सजाइ गेप्तु। मेको तेल्लेममी शुश परमपरभु यावे आ वाइलीम वाइल आन कली साइक्तीक, मुल मेको कली क्यक्क लेताक्व” दे गरीशा नंता। परकाश ६:३०; व्यवस्था ३२:४३ ३मिनु मेको स्वर्गमी बाक्वपुकीमी लेशा “हाल्लेलया, मेको सहर दुष्शा आ कुन गेनायो मनुथु कुइब” दंतक्म।

४मिनु मेको २४ जना शंब खाल्पा नु ४ ओटा सस जन्तुपुकीमी आ ठेयब नितीकमी निश्शा परमपरभु यावे कली सुम्की पा बाप्शा सेउ पाम्तेक्म। मिनु मेकोपुकीमी “आमन, हाल्लेलया” दंतक्म। परकाश ४:४; परकाश ५:३१; परकाश ४:६; भजन संगरह १०६:४८ ५मिनु परमपरभु यावे आ नितीक र संदा का गुरूशा नंता। मेको संदामी “परमपरभु यावे आ वाइलीम वाइल, परमपरभु यावे कली मान पा हिंब आइक्व नु ठेयब मुर नेल्लेमी “आंइ परमपरभु यावे नेल्ल क्यडा ठेयब बाक्व” देनीन” दंशा नंता।

६मिनु नोले गो शुश मुर आन संदा ठेयब सोला आ रयक नु ठेयब बुंबु आ रयक सोदंशो पा नंता। मिनु मेको संदामी “हाल्लेलया, परभु, नेल्ल सक्ति पाइश्शा आंइ परमपरभु यावे नेल्ल सासन पाइब बाक्व। ७गो नेल्ल ग्येरसय। गो नेल्लेमी ‘इन सक्ति नेल्ल क्यडा ठेयब बाक्व’ दंय। गो नेल्लेमी परमपरभु यावे कली मान पय। मारदे हना पाठा आ ग्युंब दुम्चशा बाक्व। मिनु आ ग्युम्लीम आंम कली ग्याम्सीशा, ठीक दुम्शा बाक्व। परकाश २१:९ ८मेको ग्युम्ली कली सुती के रिम्शा बुश टल्केशो वा फक्का कली गेशो बाक्व” दंशा नंता। मिनु मेको सुती के रिम्शा वा मार बाक्व दंशा हना, परमपरभु यावे आ योत्रशा आन ठीक पतीक बाक्व। यसैया ६१:१० ९मेको परमपरभु यावे आ स्वर्ग डा गेय पाइबमी आं कली “एको लोत्र बरेक्तो। पाठा आ ग्युंब जचा कली बरेत्वा पुंडसीबपुकी ग्येरसीशा मुरपुकी बाक्नीम” दे माइक्ती। मिनु मेकोमी लेशा आं कली “मेको थमा पा परमपरभु आ लोत्र बाक्व” दे माइक्ती। लूका १४:३५ १०मिनु नोले गो मेको परमपरभु यावे आ स्वर्ग डा गेय पाइब कली सेउ पचा कली आ खोइलीमी बाप्ती। मेकोमी चहिं आं कली “मपावो। गो गे नु इ लोकवपुकी खोदंशो यसु आ लोत्र पाइब, परमपरभु यावे आ वाइल

नडा। परमपरभु यावे कली मान पावो। मारदे हना यसु आ लोत्र पाइबपुकीम परमपरभु यावेमी तुइक्पाइश्शा लोत्र ला पाइनीम” दे माइक्ती। परकाश २२:८-९

### बुश शारा डोइक्व

११मिनु नोले गो स्वर्ग रोक्सीशा, बुश शारा का ताता। मेको शारा तार डोइक्व का बाक्व। मेको शारा डोइक्व सु बाक्व दंशा हना, दीगो नु थमा पाइब माइश्शा बाक्व। मेको घूस मताक्थु ठीक पा निसाफ पाइब बाक्व। लडाइ पाइब यो बाक्व। मती २४:३०; परकाश ३:३४; यसैया ११:४-५

१२मिनु मेको दोदंब तांइसाक्व दंशा हना, मेको आ मिक्च हुरुर पा बरशा मी खोदंशो तांइसाक्व। आ पियामी शुश मुकुटपुकी बाक्तेक्म। मिनु मेको तारी नं का बरेक्शा बाक्व। मेको नं सुइमी मतुइक्नीम। मेकोम ला तुइक्व। परकाश १:३४; परकाश ३:१२ १३मिनु मेकोमी हुशमी खरुम्शो वा फक्को बाक्व। आ नं परमपरभु यावे आ लोत्र माइश्शा बाक्व। यसैया ६३:१-३; यहून्ना १:१ १४मिनु स्वर्ग डा फौजपुकी बुश शारा डोइश्शा, मेको आ नोले खोइश्शा बाक्तेक्म। मेको शारा डोइक्वपुकी रिम्शा बुश सुती के वा फक्को बाक्तेक्म। परकाश १७:३४ १५मिनु मेको डोइती डा बुश शारा डोइक्व आ शोत्र र रागी रागी डा मुर आन कली साइक्का कली हेश्शा तरवार का गुरूत। मिनु मेकोमी फलाम के कोक्कमी मेको आन कली सासन पाइब, नेल्ल सक्ति पाइश्शा परमपरभु यावे आ गाइक्का डा कोल खोइलीमी दिम्ब। भजन संगरह २:९; परकाश १४:१९-२० १६मिनु मेको डोइती डा शारा डोइक्व आ वा नु आ फिलामी नं का बरेक्शा बाक्व। मार नं बरेक्शा बाक्व दंशा हना, पिप आन पिप नु परभु आन परभु, दे बरेक्शा बाक्व। परकाश १:५; १तिमोथी ६:१५

### ठेयब जन्तु नु जोल पाइब

१७मिनु नोले गो परमपरभु यावे आ स्वर्ग डा गेय पाइब का नांमी राप्शा ताता। मेकोमी शुश ग्येत्य सरीडमी बरब चिक्व आन कली ठेयब संदामी “परमपरभु यावे आ गेशो ब्बचा कली सुम्सीशा यिने। इजीकीएल ३९:४,१७-२० १८मार ब्बचा कली यिने दंशा हना, पिपी, कप्तान, बोल्यो मुर, शारा, शारा डोइक्व, वाइलीम वाइल, आइक्व नु ठेयब मुर नेल्ल आन श्ये ब्बचा कली यिने” दे गरीशा माइक्तीमी।

१९ मिनू गो ठेयब जन्तु नु रागी डा पिप आन फौजपुकी मेको डांडती डा बुश शारा डाइक्व नु आ फौजपुकी नु लडाइ पचा कली सुम्सीशो ताता। परकाश १६:१४,१६ २० मोपा मेकोपुकी लडाइ पामनु, मेको ठेयब जन्तु नु जोल पा परमपरभु यावे आ लोत्र पसु पाइब आस कली गयाइक्ताक्म। परमपरभु यावे आ लोत्र पसु पाइब चहिं ठेयब जन्तु नु बाक्शा, छुक लाक्का डा गेय पाइब बाक्ता। मोपा मेको ठेयब जन्तु नु आ मूर्ति कली पूजा पाइब नु आ चिन्ड वोइक्व आन कली मरिम्शो लां शंशा सोइक्पदा बाक्ता। मिनू मेको निक्शी सेसीन गन्धक नु ठेयब मी बरतीकमी हुम्चा पुंडसाक्स। परकाश १३:११-१७; २थिस्सलोनिकी २:८ २१ मिनू लीशो मेको आस फौजपुकी चहिं मेको बुश शारा डाइक्व आ शोत्र रे गरूशो तरवारमी साइक्का पुंडसाक्म। मिनू चिक्वपुकी मेको नेल्ल आन श्य व्यशा स्तक्म।

### सैतान कली पाइइशो

१ मिनू नोले गो परमपरभु यावे आ स्वर्ग डा २० गेय पाइब स्वर्ग रे पुं मपाइइशो दोडोङगा डा सांचो नु ठेयब साङलो शशा, यिशो ताता। परकाश ९:१ २ मिनू मेकोमी ठेयब बुस्स कली गयाइइशा पाइक्ताक्व। मेको ठेयब बुस्स आ नें मार बाक्ता दंशा हना, साइ डांडती डा बुस्स, दियाबलस नु सैतान मेको आ नें बाक्ता। मिनू मेको परमपरभु यावे आ स्वर्ग डा गेय पाइबमी मेको कली हजार का बर्स सम्म पाइक्ताक्व। दियाबलस आ दंशो “मुर आन कली खाल्ब” बाक्व। परकाश १२:९ ३ मिनू रागी रागी डा मुर आन कली मरिम्शो लां मेकोइदल, दे मेको कली पुं मपाइइशो दोडोङगामी तोक्तु। मिनू परमपरभु यावे आ स्वर्ग डा गेय पाइबमी मेको एफिसस दोडोङगा चोक्शा, सांचो पाइइशा, छाप थोक्ताक्व। मोपा मेको ठेयब बुस्स कली हजार का बर्स सम्म चोक्तु। मिनू हजार का बर्स नोले मेको छिन का कली प्रोइचा पुंडसीब।

### हजार का बर्स डा सासन

४ मिनू नोले गो नितीकपुकी ताता। मेको नितीकपुकीमी मुर निइशो बाक्तेक्म। परमपरभु यावेमी मेको आन कली निसाफ पचा गेप्टु। मिनू नोले गो येसु कली थमा सुइइशा, आ लोत्र नु परमपरभु यावे आ लोत्र पतीके आन पिया खरोइक्का पुंडसीब आन कली तातामी।

मेकोपुकीमी ठेयब जन्तु नु मेको आ मूर्ति कली पूजा मपामे बाक्ता। मिनू मेको ठेयब जन्तु आ छाप आन कुर्फीम नु आन गुइमी यो वोइक्का मबिस्समा बाक्ता। मिनू मेको लंशा बरोइशा, खरीस्त नु हजार का बर्स सम्म सासन पाम्तक्म। परकाश ३:२१; मत्ती १९:२८; १कोरिन्थी ६:२ ५ मिनू अर्को लीशा मुरपुकी चहिं हजार का बर्स नोले ला संसीनीम। मेको डांडती डा संसीतीक बाक्व। १थिस्सलोनिकी ४:१६ ६ मिनू सु सु डांडती बक्शा रे संसीनीमी, मेको ग्यरशा नु परमपरभु यावे आ योत्रशो मुरपुकी बाक्नीम। मेको लंशा मबक्नीम। मेकोपुकीमी लंशा बक्का मताइनीम। परमपरभु यावे नु खरीस्त आस डांडती बाक्नीमी। मिनू हजार का बर्स सम्म खरीस्त नु सासन पाइनीम।

### नेल्ल क्येडा नोले डा लडाइ

७ मिनू मेको हजार का बर्स नोले सैतान पुं मपाइइशा दोडोङगा रे प्रोइचा पुंडसाक्व। ८ मोपा गरूशा, रागी नेल्ल डा मुर आन कली परमपरभु यावे कली मटिथु, हंथे गाक्पाइक्व। हंथे गाक्वपुकी चहिं गोग नु मागोग माइइशो डा मुरपुकी देनीम। मिनू सैतानमी हिक्ने मचाप्चा डा मुर आन कली लडाइ पचा कली सुप्ताक्व। इजीकीएल ३८:२ १ मिनू सैतान आ फौजपुकी रागी नेल्ल साप्शा, लडाइ पथ जाक्तेक्म। मेकोपुकीमी येसु खरीस्त कली थमा सुइक्व, परमपरभु यावे आ योत्रशो आन बाक्तीक नु परमपरभु यावे आ दाक्शा सहर कली पुम्ताक्म। तन्न स्वर्ग रे मी दाक्शा, मेको पुम्ब नेल्ल आन कली नेक्तीमी।

१० मिनू मुर आन कली मरिम्शो लां शंभ दियाबलस गन्धक रे हुरुर पा बरशो मी बरतीकमी हुम्चा पुंडसाक्व। मेकर ठेयब जन्तु नु जोल पा परमपरभु यावे आ लोत्र पसु पाइब यो बाक्ताक्स। मिनू मेकर बाक्वपुकी नाक्वो नाक्ती गेना हना यो श्यत गेचा पुंडसीनीम। परकाश १९:२०

### ठेयब बुश नितीक

११ मिनू नोले गो ठेयब बुश नितीक का नु मेकर निष्ब कली ताता। रागी नु स्वर्ग मेको कली तशा परोक्ताक्स। मिनू मेको आस कली बाक्तीक मबा। मत्ती २५:३१-४६; २पतरुस ३:७,१०,१२ १२ गो ठेयब बुश नितीक आ डांडती ठेयब नु आइक्व बक्शा मुरपुकी राप्शो तातामी।

किताबपुकी पराक्शो बाक्तेक्म। मिनु गो अर्का किताब का यो पराक्शो ताता। मेको बरोइतीक किताब बाक्त। मिनु मेको ठेयब बुश नितीक आ डांडती राष्ठा बेक्शो मुर आन निसाफ पचा पुंडसीनीम। दोपा निसाफ पचा पुंडसीनीम देशा हना, मेकोपुकीमी रागीमी बाक्मानु, मार मार पाम, मेको किताबमी बरक्शो पदशा, निसाफ पचा पुंडसीनीम। यूहन्ना ५ :२८-२९; दानीएल ७ :१०

१३मेको ठेयब बुश नितीक आ डांडती राष्ठा बेक्शो मुरपुकी ते र जाक्तेक्म देशा हना, समुन्दरमी बेक्शो मुरपुकी समुन्दर र जाक्तेक्म। बेक्पाइक्व आ बेक्पाइक्वो नु बेक्शो आन बाक्तीक र जाक्तेक्म। मिनु मेको नेल्ल रागीमी बाक्मानु, मार मार पाम, मेको निसाफ पचा पुंडसाक्म। १४ बेक्पाइक्व नु बेक्शो आन बाक्तीक हुरुर पा बरशो मी बरतीकमी हुम्चा पुंडसाक्स। मेको हुरुर पा बरशो मीमी हुम्सीशो मार बाक्त देशा हना, मेको निक्शो खयप बेक्चा डा मेको नोले डा बेक्चा बाक्त। १कोरिन्थी १५ :२६,५५ १५ सु सु आन नें बरोइतीक किताबमी मबरक्शो बाक्म, मेको हुरुर पा बरशो मीमी हुम्चा पुंडसाक्म।

#### नक यरूसलेम

१ नोले गो नक सरीड नु नक रागी ताता। २१ डांडती डा सरीड, डांडती डा रागी नु समुन्दर जाम्तेक्म। यसैया ६५ :१७; २पतरुस ३ :१३ २ परमपरभु यावे आ सहर नक यरूसलेम माइश्शो परमपरभु यावे आ बाक्तीक र यिना यिन पाइश्शो ताता। मेको सहर ग्युम्ले कली गरुम्चशो ग्युम्ली सोदंशो दुम्शा, ग्योम्सीशा यिशो बाक्त। गलाती ४ :२६; हिब्रू १२ :२२; परकाश १९ :७-८ ३ मिनु गो ठेयब नितीक र ठेयब संदा का गरुशो नंता। मेकोमी “कोत्रडीन, परमपरभु यावे आ बाक्तीकमी मुरपुकी यो बाक्नीम। परमपरभु यावे मुरपुकी नु बाक्व। मेकोपुकी परमपरभु यावे आ मुर बाक्नीम। मिनु परमपरभु यावे आ मुरपुकी नु बाक्व। परस्थान २९ :४३५; येरमीया ७ :२३ ४ परमपरभु यावेमी मेको मुर आन कली लेम्शा, आन परक्कु फिक्व। मुल र मुरपुकी मबेक्नीम। मोपतीक रोका मपाइनीमी, मडाक्नीमी, श्येत यो मजाइनीम। मारदे हना डांडती मार मार बाक्मा, मेको नेल्ल नुप्तेक्म” दे ठेयब संदामी देशो नंता। परकाश ७ :१७; यसैया २५ :८; यसैया ३५ :१०; यसैया ६५ :३९

५ मेको ठेयब नितीकमी निप्बमी “नेनीन, गो नेल्ल नक सल्लुडमी” देत। मिनु नोले मेकोमी आं कली “मेको लोत्र ठीक नु थमा बाक्व। मोपतीक बरक्तो” देत। ६ मिनु मेकोमी लेशा आं कली “गो आल्फा नु ओमंगा नड। नेल्ल क्यडा डांडती नु नेल्ल क्यडा नोले डा गो नड। सु सुमी तूत दाक्नीमी, मेको आन कली बरोइचा गेब ब्याक्कु बुक्तीक र मोशा तूचा गेनुड। परकाश १ :८; परकाश २२ :१३ ७ सु सुमी सेतान कली गरानीमी, मेकोम आं देशो नेल्ल ताइनीम। मिनु गो मेको गराब आन परमपरभु यावे दुम्नुड। मेकोपुकी चहिं आं तमी तौ दुम्नीम। ८ तन्न मुर तशा हिंबपुकी, परमपरभु यावे कली थमा मसुइक्वपुकी, पापमी गरुम्शापुकी, मुर आन कली साइक्वपुकी, तेल्लेम पाइबपुकी, टुना मुना पाइबपुकी, देवी देवता आन कली पूजा पाइबपुकी, नु जोल पाइबपुकी नेल्ल गन्धक र हुरुर पा बरशो मीमी हुम्चा पुंडसीनीम। मिनु मेको नोले डा बेक्तीक बाक्व” दे माइक्ती।

१ मिनु नोले गो परमपरभु यावे आ स्वर्ग डा गेय पाइब का जाक्शो ताता। मेको सु बाक्त देशा हना, डांडती डा ७ जना श्येतमी बरीशो डप्का कुरबपुकी डा का बाक्त। मेकोमी आं कली “एक पिवा, गो इ कली ग्युम्ली कांडनुड। मेको ग्युम्ली पाठा आ मीश बाक्व” दे माइक्ती। १० मेकोमी आं कली परमपरभु यावे आ सोक्तीमी बाक्शा, ठेयब डांडा तार लाइक्ती। मिनु मेकर आं कली परमपरभु यावे आ बाक्तीक र यिना यिन पाइश्शो परमपरभु यावे आ यात्रशो यरूसलेम माइश्शो सहर कोइताक्यी।

११ मिनु मेको सहर दोदंशो तांडसाक्व देशा हना, परमपरभु यावे आ छेडछेड नु सक्ति पाइश्शो बाक्त। मिनु परमपरभु यावे आ छेडछेड नेल्ल क्यडा रिम्शो टल्केशो बुश यास्पर माइश्शो हीरा सोदंशो तांडसाक्व।

१२ मिनु मेको सहर दोपा सेल्लो बाक्त देशा हना, मेको सहर आ एर आंथ ठेयब गारो परोत्रशो बाक्त। मिनु मेको गारामी १२ ओटा ठेयब लाप्चोपुकी बाक्तेक्म। मिनु १२ जना परमपरभु यावे आ स्वर्ग डा गेय पाइबपुकी मेको लाप्चो का कामी बाक्शो बाक्तेक्म। इसराएल आ १२ जना तौ आन नें नु थर मेको लाप्चो का कामी बरक्शो बाक्तेक्म। १३ मिनु मेको लाप्चोपुकी ते ते बाक्तेक्म देशा हना, पूर्वम लाप्चो सां बाक्तेक्म। उत्तरम लाप्चो सां बाक्तेक्म। दक्खिनम लाप्चो सां बाक्तेक्म। पच्छिमम लाप्चो सां बाक्तेक्म।

१४ मिनू मेको सहर डा गारामी १२ ओटा जग बाक्तेकम। मेको जगमी पाठा आ सोइश्शो १२ जना आन नें बरेकशो बाक्तेकम।

१५ मिनू गो नु लोत्र पाइबमी मेको सहर, लाप्चो नु गारो पुक्चा कली सुन के पुक्तीके का कुरशो बाक्त। १६ मिनू मेकोमी मेको सहर कली पुक्तु। मेको सहर ४ पाट चरै सुर बराबर दुइश्शो १२ हजार स्तादीयोन बाक्त। आ ग्येत्थ ग यो मोशान दुइश्शो बाक्त। स्तादीयोन का १८५ मिटर बाक्ब।

१७ मिनू मेकोमी सहर आ गारो पुक्गानु, सहे का ४४ कुबीत बरेम्शो बाक्त। मेको परमपरभु यावे आ स्वर्ग डा गेय पाइब आ पुक्तीके मुर आन पुक्तीके सोदंशो बाक्त। कुबीत का गज का सोदंशो, ०.५ मिटर बाक्ब। १८ मेको गारो बुश टल्केशो हीरा के सेल्थो बाक्त। मेको सहर चहिं सिसा सोदंशो मारइ मब्वाइश्शो सुन के बाक्त। १९ मिनू गारो आ जग नेल्ल खाल डा हीरापुकीम ग्योम्शो बाक्तेकम।

डॉइती डा जग सरीड सोदंशो नीलो यस्पेर माइश्शो हीरामी ग्योम्शो बाक्त। मेको आ नोले डा जग साफीर माइश्शो हीरामी ग्योम्शो बाक्त। मेको आ नोले डा जग बुश कल्केदोन माइश्शो हीरामी ग्योम्शो बाक्त। मेको आ नोले डा जग गिगी स्मारगद माइश्शो हीरामी ग्योम्शो बाक्त। २० मेको आ नोले डा जग सुन्तला रड डा सारदोनीक्स माइश्शो हीरामी ग्योम्शो बाक्त। मेको आ नोले डा जग लल सारदीस माइश्शो हीरामी ग्योम्शो बाक्त। मेको आ नोले डा जग हौ नु गिगी ब्वाइश्शो करीसोलीथ माइश्शो हीरामी ग्योम्शो बाक्त। मेको आ नोले डा जग सुन रड डा बेरील माइश्शो हीरामी ग्योम्शो बाक्त। मेको आ नोले डा जग शुश हौ तोपास माइश्शो हीरामी ग्योम्शो बाक्त। मेको आ नोले डा जग गिगी करीसोप्रास माइश्शो हीरामी ग्योम्शो बाक्त। मेको आ नोले डा जग लल नु नीलो ब्वाइश्शो हीयाचीन्त माइश्शो हीरामी ग्योम्शो बाक्त। मिनू नेल्ल वयेडा नोले डा जग प्याजी रड डा आमथीस्त माइश्शो हीरामी ग्योम्शो बाक्त।

२१ मिनू मेको १२ ओटा लाप्चो चहिं १२ ओटा मोती के सल्थो बाक्तेकम। लाप्चो का मोती काम सल्थो बाक्त। मिनू मेको सहर डा लांपुकी सिसा सोदंशो मारइ मब्वाइश्शो सुन के बाक्तेकम।

२२ मिनू गो मेको सहरमी परमपरभु यावे आ खिं मतड। मारदे हना परमपरभु यावे, नेल्ल

सक्ति पाइश्शो परमपरभु नु पाठा आंमान मेकेर बाक्नीस। २३ मिनू मेको सहरमी नां नु तास्ता दाप्चा ममाल्ब। मारदे हना परमपरभु यावे आ छेडछेड नेल्ल सहरमी दाप्ब। पाठा मुर आन कली छेडछेड गब बत्ती बाक्ब। यसेया ६० :३,५,११,१९,२० २४ मिनू रागी रागी डा मुरपुकी मेको सहर डा छेडछेडमी बाक्नीम। मिनू रागी रागी डा पिप आन शॉप नु दारस मेकेर चाक्नीम। २५ मेको सहर डा लाप्चोपुकी गना हना यो रोकशो बाक्नीम। मारदे हना मेकेर गनायो नाक्दो मदुम्ब। जकरिया १४ :७ २६ मिनू रागी रागी डा मुरपुकीमी आन शॉप नु दारस मेको सहरमी चाक्नीमी। २७ मिनू जाम्शा लाइबपुकी, ग्रांगुरा दिचा डा गेय पाइबपुकी नु जोल पाइबपुकी चहिं मेको सहरमी ओत्रचा मताइनीम। पाठा आ ब्रांडतीक किताबमी नें बरेकशोपुकी ला ओत्रचा ताइनीम।

ब्रांडचा गेब खोला

२२ १ मिनू परमपरभु यावे आ स्वर्ग डा गेय पाइबमी ब्रांडचा गेब खोला कांडताक्यो। मेको खोला टल्केशो सिसा सोदंशो तांडसाक्ब। मिनू मेको खोला परमपरभु यावे नु पाठा आस ठेयब नितीके रे गुरूशा, इजीकीएल ४७ :१-१२ ; जकरिया १४ :८ ; उत्पती २ :९-१० २ सहर डा लां आ दाते र पा शाइश्शो बाक्त। मेको खोला आंथ हांबु नु आइक्वी हांबुमी ब्रांडचा गेब रवा बाक्शो बाक्तेकम। मेको ब्रांडचा गेब रवापुकीमी १२ किमीम डा फल सिप्चाक्तेकम। महिनामी खेयप का सिबाक्तेकम। मेको ब्रांडचा गेब रवा आ सफा रागी रागी डा मुर आन कली सापाइक्चा कली बाक्तेकम। ३ मिनू मेको सहरमी सराप रशो काइ मबाक्नीम। मारदे हना परमपरभु यावे नु पाठा आस ठेयब नितीके मेकेर बाक्ब। मिनू परमपरभु यावे आ वाइलपुकीमी परमपरभु यावे कली गेय पाइनीम। यहोसु ७ :११-१३ ४ मेकोपुकीमी परमपरभु यावे आ कुल ताइनीम। मेको आन कुप्फीमी परमपरभु यावे आ नें बरेकशो बाक्ब। परकाश ३ :१२ ५ मेको सहरमी गेनायो नाक्दो मदुम्ब। मिनू मेको सहरमी बाक्ब आन कली बत्ती नु नां आ छेडछेड यो ममाल्नीम। मारदे हना परमपरभु, परमपरभु यावे मेको आन छेडछेड बाक्ब। मिनू मेकोपुकीमी गेना हना यो सासन पाइनीम।

### एको किताब आ पर्वम

६मिनु मेकोमी आं कली “एको लोत्र नेल्ल थमा बाक्व। मोपतीक थमा सुइक्ने चाप्नीम। परमपरभु यावे आ लोत्र पाइब आन सोक्त डा परभु बाक्व। मोपतीक आ वाइलीम वाइल आन कली आ स्वर्ग डा गेय पाइब का सोइक्ताक्व। मारदे सोइक्ताक्व देशा हना, दुम्चशो लोत्र शंथ सोइक्ताक्व। आमिन। परकाश १:१ ७ मिनु नंनीन, गो फरा लेशशा जाक्नुड” दे माइक्ती। सु सुमी एको किताबमी बरक्शो लोत्र नेशा पाइनीमी, मेको ग्यरसीशो मुर बाक्नीम।

८गो यूहन्ना नड। एको लोत्र नंता नु मार दुम्चशो बाक्म, मेको नेल्ल ताता। मिनु आं कली कोइब परमपरभु यावे आ स्वर्ग डा गेय पाइब कली सेउ पचा कली आ सोइलीमी बाप्ती। ९मेकोमी चहिं आं कली “मपावो, गो परमपरभु यावे आ लोत्र पाइब इ लोक्वपुकी नु एको किताबमी बरक्शो लोत्र पाइबपुकी सोदंशा परमपरभु यावे आ वाइल नड। परमपरभु यावे आ डांइती बाप्शा मान पावो” दे माइक्ती। १०मिनु मेकोमी आं कली “एको किताबमी बरक्शो लोत्र दुम्चापु। मोपतीके खरुइशशा मवोतो, पदशा नंपाइक्मी। परकाश १०:४ ; परकाश १:३ ११सु सुमी पाप पाइनीमी, मेको पामेक्ल। सु सु ग्रांगरा दिचा डा बाक्मा, मेको मोदंन बाक्मल। सु सु चहिं ठीक पाइब बाक्नीमी, मेको ठीक पा बाक्मल। सु सु परभु आ मुर बाक्मा, मेको मोदंशान बाक्मल” दे परमपरभु यावे आ स्वर्ग डा गेय पाइबमी दंत। दानीएल १२:१०

१२मिनु नोले येसुमी “नना, गो फरा लेशशा जाक्नुड। मिनु जाक्शा, मुर नेल्ल आन कली आन पशो सोदंशा पा गेनुड। मेको आन गेय दोपा पाम, मोपा गेनुड। १३गो आल्फा नु आमगा नड। नेल्ल क्येडा डांइती डा नु नेल्ल क्येडा नोले डा नड। गोइब नु थुम्ब यो गो नड। परकाश १:८ ; हिब्रू १३:८ १४ग्यरसीशो मुर सु सु बाक्नीम देशा हना, सु सुमी आन वा मुरम, मेको आन कली ब्रांइचा गेब रवा आ फल ब्यचा गेनुड। मिनु मेको मुरपुकी मेको सहर डा लाप्नो

रे ओत्रचा ताइनीम। परकाश ७:१४ ११सु सुमी चहिं टुना मुना पाइनीमी, तेल्लेम पाइनीमी, मुर साइक्नीमी, मूर्ति नु फुल्लु कली सेउ पाइनीमी। जोल पना पन बाक्नीमी। मेको कुचुम सोदंशा पा सहर रे लाङगा बाक्नीमी” दंत। परकाश २१:८,२७ ; १कोरिन्थी ६:१-१०

१६मिनु येसुमी “गो येसु नड। गो दाऊद पिपी क्येडा डांइती बाक्ती। मिनु आ चच युइ यो नड। गो टल्केशो सुक्कुर सोरुल यो नड। गो परमपरभु यावे आ स्वर्ग डा गेय पाइब कली थमा सुइक्व आन गरुम्तीकमी शंथ सोइक्ताक्व” दंत। यसैया ११:१० ; लूका १:७८

१७मिनु परमपरभु यावे आ सोक्त नु ग्युम्लीमी मुर आन कली “पिन” दंनीस। मिनु सु सुमी मेको लोत्र नंनीमी, मेकोमी यो “पिन” देमल। सु सु तूत दाक्नी, पिन। मिनु ब्रांइचा गेब ब्याक्कु माशा तूडीन। यसैया ५५:१ ; यूहन्ना ७:३७

### नोले डा लोत्र

१८सु सुमी एको किताबमी बरक्शो परमपरभु यावेम तुइक्पाइशो लोत्र नंनीमी, मेको आन कली गो लोत्र का पाइनुड, मार लोत्र पाइनुड देशा हना, सु सुमी एको लोत्रमी अर्का लोत्र तेम्नीमी, मेको सजाइ ताइनीमी। मार सजाइ ताइनीमी देशा हना, परमपरभु यावेमी एको किताबमी बरक्शो श्यत मोदंशो मुर आन कली गेब। ब्यवस्था ४:२ ११सु सुमी परमपरभु यावेमी तुइक्पाइशो एको किताबमी बरक्शो लोत्र खराइक्नीमी, मेको यो सजाइ ताइनीम। मार सजाइ ताइनीम देशा हना, परमपरभु यावेमी मोदंशो मुर आन कली ब्रांइचा गेब रवा आ फल ब्यचा मगेब। मिनु मेको मुरपुकी परमपरभु यावे आ योत्रशो यरूसलेम सहरम ओत्रचा यो मताइनीम।

२०मिनु एको लोत्र पाइबमी “आमेन, गो फरा लेशशा योनुड” दंत। मिनु थमा सुइक्वपुकीमी “आमेन, परभु येसु जाक्कीन” दंतक्म। १कोरिन्थी १६:२२ २१परभु येसु आ शिशो नेल्ल नु बाक्ल।